





John Adams  
Library.



IN THE CUSTODY OF THE  
BOSTON PUBLIC LIBRARY.



SHELF N°

★ ADAMS


★ 101.1

V.4









Digitized by the Internet Archive  
in 2011



**CVIACII**  
**OPERA POSTVMA.**



CIVIL

OPERA POSTUMA



# IACOBI CVIACII


IC. PRÆSTANTISSIMI  
OPERVM POSTVMORVM  
QVÆ DE IVRE RELIQVIT,  
TOMVS PRIMVS.  
SIVE  
PAPINIANVS

QVO CONTINENTVR AD VNIVERSA PAPINIANI OPERA;  
quæ in Pandectis supersunt,

RECITATIONES ACVTISSIMÆ ET VTILISSIMÆ.

A mendis quibus antea scatebant pene innumeris ope MSS. Codicum repurgatæ.

*Opera & studio* CAROLI ANNIBALIS FABROTI IC.



LVTETIÆ PARISIORVM,  
Impensis Societatis Typographicæ Librorum Officij Eccle-  
siastici, iussu Regis constitutæ.

M. DC. LVIII.  
CVM PRIVILEGIO REGIS.



ADAMS 101.1  
4

HIC TOMVS DIVISVS EST  
IN DVAS PARTES.

*In priore parte continentur*  
QVÆSTIONES PAPINIANI.

*In altera*  
RESPONSA, DEFINITIONES,  
Et cetera eiusdem Papiniani opera.




# INDEX

## LEGVM ET PARAGRAPHORVM

### IN QVÆST. PAPINIANI EXPLICATORVM.

#### LIB. I.

 **EX 5.** de offic. Proconsul.  
4. d  
**L. 1.** de offic. eius cui mand.  
est iurisdictio. 8. d  
**L. 33.** de recept. arbitr. & l. 74. de  
regul. iur. 18. a

#### LIB. II.

**L. ult.** si qu. cant. iud. hist. caus.  
fact. non obtemp. ibid. e  
**L. 38.** de pactis. ibid. d  
**L. ult.** de transact. 23. c  
**L. 8.** de postul. & l. 5. de Decurion.  
& eorum fil. 24. d  
**L. ult.** de his qui not. infam. 28. e  
**§. ult.** eiusd. leg. 32. b  
**L. ult.** de quibus rebus ad eund. iud.  
eatur. ibid. c  
**L. Imperat. II.** ad municip. & l. 13.  
ibid. 36. c. d  
**L. 54.** de condict. indeb. 41. a  
**L. 7.** de prescript. verb. 43. c  
**L. 1.** de usur. 44. e  
**L. Tutor, 35.** de admin. & peric.  
tut. 52. b  
**L. statuliberorum 33.** de statulib.  
53. a  
**L. fratres 33.** de pæn. 55.  
**L. 6.** de vacat. & excus. muner. 56. b  
**L. 115.** de verb. obligat. 57. a. b

#### LIB. III.

**L. 8.** de statu hominis. 65. e  
**L. pen.** de negot. gest. 67. c  
**L. si filius 30.** de minor. ibid. e  
**L. denique si emptor 19.** ex quibus  
causis maiores 25. annis. 69. b  
**L. cum furiosus 39.** de iud. & ubi  
quisque. 72. c  
**L. 49.** de pet. hered. 75. a  
**L. 49.** ad Senatusc. Trebell. 77. b  
**L. cum militi 16.** de compensat. 78. c  
**L. 36.** de administ. tutor. 81. a  
**L. 1.** de probat. 82. b  
**L. 12.** de vulg. & pupill. 84. a  
**L. 8.** de collation. 92. d  
**L. 18.** de operis novi nuntiat. 96. a  
**L. 42.** de usucap. 97. d  
Post. Tom. I.

**LL. in quib. citatur Papin. ex hoc**  
lib. tertio 2. 99. c

**Princip. l. 7.** qui satisf. cog. 100. b  
**§. Papinianus l. 21.** de recept. arbit.  
ibid. e. 101. a  
**§. si ades l. 6.** si seru. vind. 101. d  
**L. 28.** mandati. 102. c

#### LIB. IV.

**L. 40.** de iudic. 103. b  
**L. 51.** de legat. I. 104. e  
**L. 116.** de verb. obligationibus. 105. c

#### LIB. V.

**L. 59.** de pactis. 107. c  
**L. 14.** de inoffic. testam. 111. a. b  
**L. 8.** de pretor. stipulation. 113. c  
**L. 37.** ad leg. Iul. de adult. & l. 8.  
de inoffic. testam. & l. 4. de his  
quæ ut indigni. 117. d

#### LIB. VI.

**L. 50.** de petitione hereditatis. 121. b  
**L. ult.** si pars heredit. petatur. 124. b  
**L. si nautis 62.** de rei vind. 128. c  
**L. si urbana, 55.** de condict. inde-  
biti. 131. b  
**L. vulgo 2.** de usuris. 134. b  
**L. 14.** de publ. in rem act. 137. d. e  
**L. 47.** de manumiss. testam. 139. b  
**L. 8.** ut in post legat. 141. a

#### LIB. VII.

**L. 5.** de usufructu. 141. c. d  
**L. 7.** ad leg. Falcid. 143. b  
**L. 4.** de seruitut. ibid. e  
**L. 36.** de seruit. urb. præd. 147. a  
**L. 34.** de seru. rust. præd. 148. d  
**§. ult.** eiusd. leg. 150. c  
**L. pen. com. præd.** 151. d  
**L. 13.** alienationes, & l. 31. si ser-  
uus fam. erisc. 152. c  
**L. Sabinus 28.** comm. diuidundo.  
156. b  
**L. ex mille 64.** de enict. 159. c  
**§. quod si 1.** 162. c  
**§. quesitum 2.** 163. a  
**§. pen. & ult.** ibid. c

#### LIB. VIII.

**L. 19.** de interrog. in iur. fac. 164. b

**L. 43.** de Religios. & sump. fun.  
167. a

**L. 66.** de condict. indeb. 169. d  
**L. 56.** de condict. indeb. 171. c  
**L. 9. & 25.** de const. pec. 172. d. e  
**L. 1.** de prescript. verbis. 176. c.  
177. a

**§. Papin. l. 17.** eod. tit. 179. c  
**L. 78.** rem inspiciendam de furt.  
180. d

**L. 1.** qui potior in pign. hab. 181. b  
**L. 65.** rem hereditariam de enict.  
185. c

**L. 85.** de iure dot. & l. 94. de sol.  
187. a. b

**§. Flavius, l. 94.** de solut. 189. c.  
190. a

**L. quesitum,** de sepul. viol. 193. e  
**L. 1. tit. 63.** de temp. & repar. ap-  
pel. seu cons. li. 7. cod. 195

#### LIB. IX.

**L. 66.** de procuratorib. 196.  
**L. eo tempore 50.** de pecul. 200. a  
**§. si creditor.** 203. a  
**§. etiam** 205. c. 206. a  
**§. ultim.** 207. a  
**L. 7.** ad Velleian. 209. c  
**L. 53.** qui fidei, mandati. 211. d. e  
**L. 8.** quod priuilegium, depositi.  
212. d

**L. 24.** Lucius, eod. tit. 215. a  
**L. 81.** si soc. pro fil. pro socio. 221. c  
**L. cum filiofam. 11.** de leg. I. 224.  
b. c

**L. si debitori 47.** de fideiussor. 230. c  
**L. si debitor 79.** de furtis. 236. a  
**L. 4. §. soli,** quod cum eo qui in  
alien. & c. 238. d

**L. 3. §. ult.** de peculio. 240. d  
**L. si pro parte, §. 1.** de in rem verso.  
242. d

**L. 8.** quamuis pignoris, §. 1. ad  
Velleianum. 244. b

#### LIB. X.

**L. 17.** de cond. furtina. 245. e  
**L. arboribus 58.** de contr. empt.  
249. a. b

**L. pacta conuēta 72.** eod. tit. 253. c. d  
ā iii



# INDEX LEGVM,

§. ult. l. pacta conuenta. 260. e  
L. 5. de seru. export. 264. e. 265. a  
L. 7. eod. ibid. c  
L. 68. dotis promissio, de iur. dot.  
268. b  
L. si vir uxori 52. de donat. int.  
vir. & uxorem. 271. a  
L. si socius 48. de manum. testam.  
273. e  
L. si Titius 48. de fideiuss. 274. c  
L. penult. de public. in rem actiōne.  
277. c  
§. penult. l. 5. de iur. dot. ibid. d

## LIB. XI.

L. in omnibus 41. de iudiciis.  
278. a  
L. ult. de cond. sine causa. 284. a. b  
L. 39. sol. matrim. 286. c  
L. 61. soluto matr. 290. e  
§. Papin. l. 7. solut. matrim.  
292. a. b  
L. 5. rerum amot. 301. c  
L. ult. rerum amotarum. 309. a  
L. 5. de confirm. tutore. ibid. c  
L. 13. de tut. & curat. datis. 312. c  
L. 37. de administr. tutor. 316. c  
L. 24. de excusat. tut. 319. a  
L. ult. si quis à parente manumif-  
sus. 320. d  
L. 50. ad Trebell. 321. c

## LIB. XII.

L. 63. de rei vindic. 303. b  
L. 14. de tut. & curat. dat. 326. d  
L. 38. de adm. tut. 327. b  
L. ult. rem pupil. saluam fore.  
329. c  
L. 10. de susp. tut. 331. e  
L. 23. de liberis & postumis. 332.  
d. e  
L. 75. de hered. instit. 334. a. b  
L. 41. de bon. libert. ibid. d  
L. 117. de verb. oblig. 337. e  
L. 80. de furt. 339. c  
§. si ad exhib. 342. c  
§. cum raptor. ibid. e  
§. penult. 346. a  
§. ult. l. 80. de furt. 348. d

## LIB. XIII.

L. 19. ex quibus caus. mai. 350. b  
L. ult. de condit. inst. 347. d. e  
L. 14. de bonor. poss. 354. d  
L. 21. de leg. prest. 356. d  
L. 11. de Carbon. edicto. 358. c  
L. 11. de bon. poss. sec. tab. 359. d  
§. ult. eod. 361. b. c  
L. 42. de bon. libert. 363. c  
§. Castrensiū. 366. b  
§. cum filius liberti. 368. c

§. ult. eod. 370. a  
§. sed an id leg. i. de collat. bo-  
nor. 370. d. e

## LIB. XIV.

L. 15. de inoffic. testam. 371. d  
§. i. heredi. 375. a  
§. filius. 378. a  
L. 3. qui test. fac. poss. 380. a  
L. 8. ad l. Falcid. 381. e  
L. 34. de testam. milit. 382. d  
§. militia missus. 384. d  
L. 12. de Carbon. edicto. 385. c  
L. 43. de bon. libert. 387. d  
L. 12. de castr. pecul. 388. c  
§. si libertus l. i. si quid in patr.  
fraud. 389. a  
Ad princip. l. 3. eod. tit. ibid. e

## LIB. XV.

L. 10. de iure codicill. 391. c  
L. 76. de hered. instit. 392. a  
L. 46. de leg. 2. 393. c  
L. 3. de reg. Catonian. 394. e  
L. 11. de his quæ ut indign. 400.  
c. d  
L. 24. ad Senatusc. Trebell. 403. c  
L. i. de bon. poss. furios. infant. &c.  
406. b. c

## LIB. XVI.

L. 15. de cond. institut. 411. b  
L. 84. de adquir. heredit. 412. d. e  
L. 26. si quis omiff. caus. testamen-  
ti. 417. a  
L. peculium 65. de leg. 2. 419. d  
L. 5. de seru. leg. 422. a  
L. 12. de his quæ ut indign. 425. a  
L. 70. de condit. & demonst. 430. b  
L. 4. ad l. Falcid. 432. c  
L. Diuus Adrianus, l. 13. de castr.  
peculio. 433. b

## LIB. XVII.

L. 33. de usufr. 434. b  
§. usufructum. 435. b  
L. 2. quib. mod. usufr. amit. 438.  
a. b  
§. si non mors. 441. d  
§. hæc autem repetitio l. 3. quib.  
mod. usufr. amit. 445. d  
§. idem, eod. 446. e  
L. 8. de usufr. ear. rer. quæ usu  
consum. 448. a. b  
L. 77. de hered. inst. 451. a  
L. Menius, 66. de leg. 2. 452. b  
§. i. 2. 3. 4. eod. 454. d. e  
§. in fundo, eod. 460. a  
L. si imaginem, de auro & arg. le-  
gato. 461. d  
§. eum qui ab uno. 462. c

§. fundo pen. hoc tit. 467. a  
§. ult. eod. ibid. e  
L. 2. de usufr. leg. 467. a  
L. 71. de condit. & demonst. 469. c  
§. Titio genero. 473. b. c  
L. 51. ad Senatusc. Treb. 480. d. e  
§. pen. l. 3. de adim. leg. 481. a

## LIB. XVIII.

L. 87. de leg. i. & l. 90. eod. & l.  
penult. de his quæ ut indign. ibid.  
d. e  
L. 7. de dot. pred. 487. c  
L. cum tale, 72. de condit. & de-  
monst. 494. a  
§. i. 497. a  
§. quid ergo. 500. c  
§. si arbitratu & §. seq. 504. b  
§. 3. & seqq. 505. e. 506. a  
L. 25. quand. dies leg. ced. 506.  
§. heres. 512. e. 513. a  
Ad princ. l. 10. de usu & habitat.  
514. e

## LIB. XIX.

L. 7. de iur. & fact. ign. 516. a  
L. 35. de milit. testam. 523. d  
L. 11. 12. & 13. de iure codic.  
526. c  
§. tractari, eiusd. l. 13. 528. d. e  
L. unum ex familia 67. de leg. 2.  
529. a. b  
§. si Falcidia. 533. c  
§. 3. sed si. 535. e  
§. 5. sed etsi fundum. 539. e. 540. a  
§. 7. rogo. 543. b  
§. si rem tuam, & seq. 547. a. b  
§. ult. 550. b. c  
L. petr. 69. de leg. 2. 540. a. b  
§. i. pradium. 554. e  
§. 3. mater. 556. c  
§. fratre. 558. b  
L. 22. de lib. leg. 561. d  
L. 73. de cond. & demonst. 562. d. e  
L. 9. ad leg. Falcid. 564. a  
L. 52. ad Senatusc. Trebell. 566. e  
§. seruus. 567. c  
L. Titius 54. ad SC. Trebell. 569. d  
L. etiamsi 9. ut in possess. legat.  
575. a  
§. i. l. 14. de leg. i. 578. d

## LIB. XX.

L. cum in rem 64. de rei vind. &  
§. ult. l. 3. de usur. 578. b. c  
L. 11. §. ult. & l. 12. ff. de pignor.  
explicata. 580. a  
L. si superatus 3. de pign. 582. d. e  
L. 3. de usur. 584. e  
§. nonnunquam. 590. d. e  
L. Procula 26. de probat. 595. b. c



# ET PARAGRAPHORVM.

*L. dolus 3. quando ex fact. tut.*  
597. d. e

*L. 70. de leg. 1.* 600. a. b  
*§. si centum.* 602. c. d  
*§. penult.* 606. b  
*§. ult.* 607. b

*L. 72. eod.* ibid. d  
*L. quod supra 10. ad l. Falcid.*  
608. c

*L. acceptis 93. ad l. Falcid.* 609. c

*L. sed cum 12. ad Trebell.* 611. d

*L. non est 53. ad Senatuscons. Trebell.* 615. c

*L. 55. ad Senatuscons. Trebell.* 616. c. d

*L. si bona 40. de operis libert.*  
619. c

*§. Imperator Titus Ant. leg.*  
620. b

*§. qui fideicommiss.* ibid. c

*§. cui Titiana.* 623. c

*§. ult.* 624. c

## LIB. XXI.

*L. 34. de statuliberis.* 626. b  
*§. Imperator.* 628. d

## LIB. XXII.

*L. si legatario 22. de fideicomm. libert.*  
630. b  
*§. penult. & ult.* 631. b

*L. 4. si ingenuus esse dicatur.* 632. c

*L. heres 43. de usurp. & usucap.*  
634. c

## LIB. XXIII.

*L. 73. de legat. 2.* 635. c  
*L. peregre 44. de adquir. & amitt. possess.* 638. c

*§. quasitum.* 641. b  
*§. quibus explicatis & l. 45. eod.* 644. a. b

*L. quamvis ff. eod.* 646. b

*L. 44. de usurp. & usucap.* 647. c  
*§. 1.* 650. a

*§. etsi possess. & l. 3. & pen. ff. pro legato.* ibid. c

*§. nondum adita.* 653. a

*§. filiusfam.* 655. c

*§. non mutat.* 656. d

*§. eum qui.* 657. c

*§. ult.* 658. b

## LIB. XXIV.

*L. si uxor ff. de indic.* 662. b

*L. 76. de regul. iuris.* 663. c

## LIB. XXV.

*L. cum tutor, de tutel. & rat. distrah.* 664. b

*L. 2. de separat. bonor.* 665. a

## LIB. XXVI.

*L. creditor 1. de distractione pignor.*  
665. e

*L. si rem 47. de adquir. poss.* 669. b

*L. 18. quæ in fraud. credit.* 671. b

*L. cum fundum 18. de vi & vi armat.* 671. c. 672. a

*§. eum qui.* 672. d. e

## LIB. XXVII.

*L. eum qui 43. de indic.* 675. c

*L. cum seruus 54. mandati.* 676. d

*§. si liber.* 679. b

*L. 6. de seru. export.* 680. c

*L. 8. de seru. export.* 681. d

*L. 8. de præscr. verb.* 684. b

*L. 4. de usur.* 686. b

*L. 74. de leg. 2.* 690. c

*L. 3. de separat.* 692. b. c

*§. quid ergo.* 694. a

*§. sed in quolibet.* ibid.

*L. 28. de except. rei ind.* 695. c

*L. 27. de oblig. & act.* 696. b

*L. 118. de verb. oblig.* 697. a

*§. decem, pen.* 698. c

*§. ult.* 699. c

*L. eandem rem 9. de duobus reis.*  
700. b

*§. sed si quis.* 701. a. b

*L. si seruus 18. de stipul. seru.* 703. c. 704. a

*L. 4. de cast. pecul.* ibid. a. b

*§. Si seruus, l. 18. de stip. seru.*  
708. c

*§. seruus 2. eod.* 708. c

*§. ult.* 710. a

*L. si testamento 49. de fideiuss.*  
713. b

*§. 1.* ibid. c. & 714. a

*§. ult.* 716. b

## LIB. XXVIII.

*L. 3. de condict. indeb.* 718. c

*L. 66. de eniptionibus.* 720. c. 721. a

*§. 1.* 722. b

*§. pen. & ult.* 723. a

*L. 5. de usuris.* 725. d

*L. 40. sol. matrim.* 726. c

*L. 8. de tutel. & rat. dist.* 727. b

*L. 2. ut leg. seru. caus. cau.* ibid. e

*L. 5. eod.* 731. c

*§. 1. Imperator.* 733. c

*§. si dies.* 735. b

*§. cum querebatur.* 738. d

*L. 4. ut in poss. leg.* 739. c

*L. 95. de solut.* 740. b

*§. aditio hereditatis.* 743. b

*§. quod vulgo.* 746. b

*§. naturalis.* 748. d

*§. quasitum.* 751. c

*§. usufructum mihi.* 753. c

*§. si creditor.* 755. c

*§. dolo fecisti.* 758. d

*§. si mandatu.* 759. c. d

*L. 1. rem ratam hab.* 761. a

*L. 77. de reg. iur. ibid. & seqq.*

## LIB. XXIX.

*L. 6. de usur.* 769. c

*L. 40. de vulg. & pupill. substitut.* 772. d

*L. 11. ad leg. Falcid.* 776. c

*§. si seruus.* 777. b. c

*§. 4. si seruus.* 778. c

*§. 2. Imperator, & §. 3. cum quidam.* 779. c

*§. 5. quod vulgo.* 782. c

*§. si filio.* 789. c

*§. 7. quasitum.* 792. d. e

*§. ult.* 80. c

*L. 7. si tabule testamenti nullæ extabunt, unde liberi.* 801. d

*§. ult.* 804. d

*L. pen. si pater, de suis & leg. hered.* 805. a

*L. pater instituto 10. & 11. ff. de capt. & postl. reuers.* 806. a. b

*L. 27. de donat.* 809. b

*L. 40. de mortis causa donat.* 811. c

## LIB. XXX.

*L. si metus 85. D. de adquir. hered.*  
812. b

*L. 19. de manumiss.* ibid. e

*L. 12. ad l. Falcid.* 813. c

## LIB. XXXI.

*L. 9. de statu hom.* 815. b

*L. 52. de adoptionibus.* 816. d

*L. quod si filius 11. de capt. & postl. reuers. Vide lib. 29. ad l. 10. eod.*

*L. 78. de regul. iur.* 817. b

*L. 18. de seruitut.* 818. c

## LIB. XXXII.

*L. dote 61. de rit. nupt.* 819. b

*L. 14. de his quæ ut indign.*  
820. c

*L. mulieri 74. de cond. & demonst.*  
821. d

*L. fraudis, de reg. iur.* 823. c

## LIB. XXXIII.

*Lex 14. de his quæ ut indig.*  
824. c

*L. 80. de reg. iur.* 825. c

## LIB. XXXIV.

*L. 75. de cond. & demonst.* 828. b



# INDEX LEGVM ET PARAGRAPH.

LIB. XXXV.		LIB. XXXVII.	
L. pater 15. de castr. pecul. 829. d.e	L. 38. ad l. Iuliam, de adult. ibid. d.e	L. 19. de dolo.	845. d
	§§. 1. 2. 3. 4. 5. 6. & 7. 838. b	L. 54. ad l. Aquil.	847. d.e
LIB. XXXVI.	§. Imperator Marcus. 840. c	L. 41. solut. matrim.	849. d
	§. penult. 842. c	L. si tacitum 13. ad Falcid.	850. e
L. in omni 13. de adopt. 831. c	L. ult. ad l. Iul. de pecul. 844. e	L. 120. de verb. oblig.	851. e
L. 119. de verb. oblig. 835. b	L. 7. de vacat. & excus. muner. 845. e	L. 50. de fideiuss.	853. a

FINIS INDICIS LEGVM, &c.



IACOBI





IACOBI CUIACII I. C.  
COMMENTARIA ACCURATISSIMA IN LIBROS QUÆSTIONVM  
SVMMI INTER VETERES IURISCONSULTI  
Æmilij Papiniani.

OPVS POSTVVMVM.



**P**OST Africanum, si, quod insti-  
tuo, dederit Deus, ut possim ex-  
plicare Papinian. eadem qua soleo  
arte diligentiaque, dederit, quod  
nulli antea unquam dederit, mihi  
finiendorum laborum tempus, mis-  
sionemque maturam. Verum non  
possum tantam rem prestare, nec  
vos in eandem rem incumbentes, quidquam profice-  
re, sine diuino numine: Id inuocandum est nobis ini-  
tio: inuocandum quotidie dum procedit opus. Petita  
igitur hodie venia & quotquot sequentur diebus: Te  
precamur Deus opt. maxime, per IESVM CHRIS-  
TVM, ut in hoc labore, nec non in cæteris actioni-  
bus omnibus, nobis ad sis volens, ac propitius regas  
nos tuo sancto Spiritu, ut & viui placeamus quibus  
prodesse volumus secundum eius voluntatem: & mor-  
tui, si id optare fas est, iisdem non inutiles simus. Id  
ita Deus faxit.

Æmilij Papinianus, qui & Papianus dicitur con-  
tractiori nomine, maxime à Græcis, ut *Nov. 1. & 118.*  
præceptor fuit Africanus, si Lampridius credimus: à  
discipulo igitur ascendimus ad præceptorem, cui etiam  
eodem auctore discipuli fuere Vlpianus, Paulus, Pom-  
ponius, Alphenus, Florentinus, Marcianus, Calli-  
stratus, Hermogenes, Venuleius, Triphoninus, Mæ-  
tianus, Celsus, Proculus, Modestinus. Verum con-  
stat longè ante Papinianum & Alphenum fuisse & Cel-  
sum & Proculum, ut non potuerint Papiniani esse dis-  
cipuli. Non est igitur per omnia Lampridio creden-  
dum: sed nec quod de Africano: nam Iuliani potius  
discipulus fuit, ut notat Accurs. in *l. 16. de pecul. leg.*  
& *l. heres, 21. §. seruo, ff. de fideiuss.* Iulianum autem  
Papiniano esse antiquiorem nemo ambigit. Dubito  
etiam, an verum sit, quod Lampridius in Papiniani  
discipulorum numero Modestinum ponit: nam Mo-  
destinus ipse Cerbidium Scauolam, & Domitium Vl-  
pianum, & Iulium Paulum laudat quasi Coryphæos  
iurisperorum, *l. 13. §. aliud etiam, vers. sed etsi, de*  
*excusat. tutor.* & ipse Vlpianus eum sibi vindicat, &  
studiosum suum vocat in *l. si quis uxori, §. si quis as-  
inum, de furt.* hoc est, *μαθητήν*, ut Basilica interpretantur,  
quasi dicas discipulum, quod alij de nullo audent asse-  
rere: & vero nimia licentia est: nam si verum amamus,  
sumus alij aliis discipuli, & magistri simul omnes Sed  
studiosi appellatio qua utitur Vlpian. est sane mode-  
Quest. Papin.

stior, quam discipuli. Porro eiusdem Scauolæ disci-  
pulum Papinianum fuisse Ælius Spartianus scribit:  
Paulus etiam & Triphoninus Scauolæ potius quam Pa-  
piniani discipuli esse videntur: nam & Paulus sapè  
Scauolam suam dixit, velut hoc modo; *hæc Scauola*  
*nostro placuerunt, l. si vnus 27. §. quod & in specie, de pact,*  
*& aliis modis, ut l. 6. §. ult. de reb. auct. iud. possid. l. 19.*  
*§. 1. de negot. gest. l. 53. de excus. tut. l. qui plures liberos,*  
*§. ult. de vulg. subst. l. 19. de honor. poss. sec. tab. l. 24. §.*  
*Scauola noster, de minor. l. si is, qui Stichum, §. quod di-*  
*citur, de iur. dot. & sic Triphoninus, eundem Scauo-*  
*lam suam dixit in l. rescriptum, §. 1. de distract. pign. &*  
*in l. de hereditate in princ. de castr. pecul.* Fuere igitur  
Papinianus, Paulus, Triphoninus condiscipuli po-  
tius, quam Paulus & Triphoninus Papiniani discipuli.  
Fuit autem ille Cerbidius Scauola prudentissimus Iu-  
risconsult. ut Impp. testantur in *l. 3. C. Theod. de te-*  
*stam. & meo iudicio prudentissimi Iureconsulti sunt*  
*Papinianus & Scauola.* Et huius Scauolæ magnum in-  
genium laudat Claudius Saturninus in *l. à testatore, 109.*  
*de condit. & demonst.* non deridet, ut stulti quidam  
arbitrantur. nec mirum igitur, si ab hoc Scauola sunt  
profecti tam præclari Iurisconsulti. Vlpianum quo-  
que Papiniano æqualem fuisse potius, quam discipu-  
lum facile crediderim: nam & ei fuit adessor vna cum  
Paulo in præfectura prætoriana, quam administrabat  
Papinianus sub Severo Imperatore, ut auctor est Lam-  
pridius, & ipse Paulus in *l. lecta, 40. si cert. pet. & cum*  
*Vlpianus utitur auctoritate Papiniani, coarquat se ei*  
*quodammodo, ut cum ait in l. 24. famul. excisc. & ego*  
*Papiniano consentio. & l. ex facto, §. unde, de hered. in-*  
*stit. ait; cuius (Papiniani) sententiam ipse quoque pro-*  
*bani.* Utuntur vero Papiniani auctoritate hi tantum,  
Vlpianus, Marcianus, Paulus: Papinianus vero nul-  
lius unquam auctoritate utitur: & fuere ij omnes in  
consilio Imperatorum Seueri & Antonini vna cum  
Mecio I. C. & Triphonino, & aliis quibusdam, quod li-  
cet colligere ex *l. ult. de iure fisc. l. cum in fundo, §.*  
*ult. de iure dot.* ubi Triphoninus, dixi, inquit, in au-  
ditorio, hoc est, in consilio Impp. Seueri & Antonini.  
Fuere igitur æquales, fateor tamen excelluisse Papi-  
nianum, ac semper tulisse primas, nec vllum unquam  
Iureconsultum fuisse, in quem homines tot laudes,  
totque ornamenta conicerent: & Imperatores ipsi  
modo magnum vocant, ut *Novell. 4. modo σφωτάρι,*  
ut *Novell. 118. consultissimum, l. 3. C. de adq. poss.*  
A



disertissimum, l. 9. C. de instit. & substit. excelsi ingenij virum, l. 6. C. eod. & in §. sed quia Instit. de fideicommiss. heredit. summi ingenij, l. pen. C. de sent. & interloct. l. 1. C. de vet. iur. enucl. excellentis ingenij, l. 1. C. Theodos. de resp. prud. acutissimi ingenij virum, & merito ante alios Iurisconsultos excellentem, l. cum acutissimi, C. de fideicommiss. Et Iustinianus in oratione scripta Antecessoribus iuris, §. tertij anni, vocat acutissimum maximum Papinianum, sublimissimum præfectorium: quia posteaquam aliquantum temporis Papinianus Seuero Imperatori ad libellos paruit, l. 12. de dist. pign. insuper factus fuit præfectus prætorio, vt constat ex d. l. lecta, & ex Dione, Zonara & Spartiano, qua dignitate nulla erat maior in aula principum, vt recte eam Ammianus Marcellinus apicem omnium honorum appellavit. Eundem Papinianum Iustinianus splendidissimum vocat in l. 1. C. de vet. iur. enucl. & itidem Lampridius in Alexandro, & quod superat omnem laudem, Spartianus in Seuero, asylum iuris & legalis doctrinæ thesaurum: eadem forma, qua Valentinianus in Nou. de homicidio casu aut vol. facto, quaestorem sacri palatii (is est quem hodie Cancellarium dicimus) thesaurum famæ publicæ, & armarium legum; & Plato in Theæteto, arcam disertis sermonis, & Theodorum Balsamonem quidam splendidissimam lucernam iuris, quem honorem quidam etiam Bartolo ponunt. Quæ maior laus tribui potest Iurisconsulto, quam si dixeris eum esse iuris & legum armarium? & qui honor maior excogitari potest, quam qui Papiniano deferatur ex Constitutionibus principum, Theodosij & Valentiniani in l. 1. C. Theod. de resp. prud. vt si qua in re sint diuersæ iuris peritorum sententiæ, & hæc sint pares vel æquales, ea pars vincat, in qua Papinianus fuerit, qui, vt singulos vincit, ita à duobus vincitur, hoc est, non cedit nisi duobus. Quinimò ex eadem constitutione notæ Pauli atque Vlpiani in Papiniani corpus factæ penitus infirmantur. Quod & iamdudum à Constantino constitutum fuisse aiunt, vt probatur l. ult. C. de sent. pass. in qua Constantinus ita scribit; *remotis Vlpiani & Pauli notis, Papiniani placet valere sententiam*: quod tamen postea non probauit Iustinianus, l. 1. C. de vet. iur. enucl. & suæ auctoritati restituit notas Vlpiani & Pauli, & Marciani, sicubi meliori ratione niterentur, ex quibus etiam pleræque reperiuntur in Digestis. Pertinet etiam valdè ad honorem Papiniani, quòd cum olim tertio anno auditores iuris Papinianistæ dicerentur, (quòd scilicet primò anno τὸς ἀρχαίους, & Institutionibus darent operam: secundò edictis prætorum: tertio libris Papiniani) erat in more, vt in ingressu tertij anni auditores festum diem Papiniano hilares celebrarent. Id voluit Iustinianus etiam hodie fieri in epistola ad Antecessores iuris, hoc est, vult eos tertio anno de Vlpiani nomine Papinianistas appellari, & Papiniani festum diem agere, vt per hoc viri sublimissimi præfectorii Papiniani in æternum maneat memoria. Nec omitam, quòd Diuus Hieronymus tanti facit Papinianum ex communi, vt arbitror, existimatione, vt sub eius appellatione totum ius velit intelligi, & comparet eum cum Diuo Paulo, quando diuinum ius cum humano confert in epitaphio Fabiolæ: *Alia, inquit, sunt Caesaris leges, alia Christi: aliud Paulus noster, aliud Papinianus præcipit*. Quis est maior honos? nemo vnquam Papiniano æquari potest, nisi per deridiculum: nemo vnquam. Vnus Papinianus erit, vt Homerus vnus Poëtarum princeps, sic vnus princeps Iureconsultorum Papinianus, Bibliotheca ἐμψυχος, vt Eunapius de quodam Philosopho. Hic vnus præceptor Iureconsultorum, quotquot fuere ab eo vel eius temporibus, & muto quòd dixeram initio, Paulus & Vlpia. Triphonius, quòd non diffiterentur ipsi, Papinianistæ dici possunt, nullus Papinianus: in hoc vno est asylum iuris, ad quod confugiant consilij inopes, ius ἐμψυχος,

A vt Aristoteles ait. Si ius piùmque Christianis esset, illius aram opima imbueret hostia, sed religio vetat: nec tamen efficit, vt non debitos ei honores iuris studiosi deferant. Equidem pro mea parte in hoc ero deinceps, vt eius acutissima scripta euoluam, enarrem, & proferam in medium, quanta potero diligentia, nec desinam quousque perduxero ad extremum, nisi vita defecerit. Scripsit Papinianus 37. libros diuersarum quaestionum, & diuersorum responso- rum libros 19. Quaestiones tractatus sunt vberiores, & vbi simpliciter Vlpianus, vel Paulus, vel Marcianus, (qui soli, vt diximus, Papiniani auctoritate vtuntur) ita scribunt, *Papinianus tractat*, intellige in libris quaestionum, qui ita exprimuntur, l. 6. §. si ades, si seruit. vindic. Responso sunt ad consultationes breuia rescripta. Scripsit etiam definitionum libros duos, quibus tradidit nobis de iure regulas veterum. Solemus enim regulas etiam definitiones appellare: & quod est scriptum à Iauoleno in l. 202. de regul. iur. *omnis definitio est periculosa, est regula*: quia nulla regula iuris est perpetua, nulla, quæ non perdat officium suum aliquando. Sed libris etiam definitionum quasdam inferuit finitiones verborum iuris veteris. Ac præterea libros duos speciales scripsit de adulteriis, & Græca lingua librum singularem ἀσυννομικόν, qui est de officio Ædilium plebis. Hæc sunt, quæ de Papiniano habemus. Nos incipiemus à quaestionibus, & prima quaestio erit de eo cui mandata est iurisdictio, siue de mandata iuris- dictione, quæ est in l. 5. de offic. procons. & l. 1. de offic. eius, cui mand. est iurisdictio.



# IACOBI CUIACII

## IURISCONSULTI

### COMMENTARIUS

in Lib. I. Quaestionum  
Æmilij Papiniani.

Ad l. 5. De offic. Procons.

*Aliquando mandare iurisdictionem Proconsul potest, et si nondum in prouinciam peruenerit. quid enim si necessariam moram in itinere patitur, maturissime autem legatus in prouinciam venturus sit?*



R I M A quaestio Papiniani est de mandata iurisdictione, & de his quæ mandata iurisdictione transeunt in eum cui mandatur, de quibus tractatur vberius in l. 1. de offic. eius cui mandat. Quaestiones, vt iam dixi, sunt tractatus vberiores, quos Græci διεξοδικὰς λόγους, vocant. Mandare autem iurisdictionem est vice sua alium constituere, qui ea exercent, quæ sibi iure magistratus competunt. Recte, *vice sua*, nam vt est scriptum in l. solet, de iurisd. omn. ind. is, cui mandata est iurisdictione, fungitur vice eius, qui mandauit, non sua, & in l. 3. de offic. eius cui mand. est iurisd. etiam si prætor alij prætori, puta vrbani peregrino iurisdictionem mandauerit, atque ita etiam si prætor sit is, cui mandata est ab alio prætore iurisdictione, tamen alienam iurisdictionem exequitur, non pro suo imperio sed pro imperio eius, cuius mandatu ius dicit. Iurisdictione exercetur pro imperio: iurisdictione omnis nexa est imperio, sine imperio certe nulla aut elusoria. & ita procuratores, quibus lites aut negotia nostra mandamus, vicem nostram subeunt, l. minor, §. 1. de procur. M. Tullius in orat. pro S. Amerino: *Quibus in rebus ipsi interesse non possumus, inquit, in his procuratores vicariam fidem & operam in-*



interponunt, & iuris nostri vicarij sunt. At obiciet quis: Potest quis vice magistratus fungi etiam sine mandato ipsius magistratus, ut is, de quo agitur in tit. C. de off. eius, qui vicem. alicui. lib. 1. Neque enim idem est ille titulus cum tit. Digestor. de offic. eius, cui mandat. est iurisdic. non est, inquam, uterque titulus de eodem. Alius is, cui mandata est iurisdic. Alius is, qui vicem iudicis obtinere dicitur, isque est, qui proponitur in l. 1. de iur. & cur. datis ab his. qui moderamen alicuius provinciae obtinet, praeside puta defuncto, vel quia ei ad tempus, quoad praeses aliquis vel proconsul mitteretur, regenda commissa sit provincia. & ita nonnunquam procurator Caesaris fungitur vice praedis, l. 3. C. ubi cau. fisci. l. 4. C. ad l. Fab. de plag. l. 2. C. de pœn. Resp. Is de quo illis legibus agitur, constituitur à principe, non à magistratu, cuius vicem gerit, & praeterea iurisdictionem habet propriam. Ille autem de quo agimus, à magistratu constituitur, cuius vicem subit, nec iurisdictionem habet propriam, sed alienam, ut ait l. 3. de offic. eius, cui mand. est iurisdic. & consequenter non suo nomine ius reddit, sed alieno, hoc est, non se dicit pronuntiare, sed L. Titium praetorem, aut praesidem, qui mandavit iurisdictionem: sicut ante Nouellam 126. quæ id prohibuit, praefectus praetorio, qui vice sacra iudicabat, ita pronuntiabat: *Nostri pietas, vel nostra serenitas decernit*, ac si princeps ipse decerneret.

Porro, cui à magistratu mandatur iurisdic. is in hoc constituitur à magistratu, ut ea exerceat, quæ sibi iure magistratus competunt. Solis igitur magistratibus huiusmodi mandata permittuntur, nec per ea in mandatarium iurisdic. transfertur, sed exercitio sola iurisdictionis. Quapropter is, cui mandata est iurisdic. eam rursus alij mandare non potest, quia non est magistratus, l. 5. & 6. de iurisd. l. ult. de offic. eius, cui mand. est iurisdic. Sic procurator, cui lis agenda mandata est, non potest rursus eam alij mandare, & alium procuratorem facere, quia dominus litis non est; solus dominus litis ad litem procuratorem facit, l. si procuratorem, §. si quis mandauerit, mand. Idque re integra & ante litem contestatam. At lite contestata, quia, qui procurator erat, litis fit dominus, cuius solius est procuratorem facere, alium procuratorem facere potest, l. 4. §. ult. de appellat. l. procur. §. 1. de dol. except. Quo argumento fortiter defendi potest, eum, cui mandata est iurisdic. postquam res geri cœperit, & iurisdic. exerceri, posse alij ad eam rem iurisdictionem mandare, quasi suam quodammodo effectam, quasi non iam alienam sed suam, quod notandum. Et similiter mortuo eo, qui iurisdictionem mandavit, si res sit integra, hoc est, si res nondum geri cœperit, vel iurisdic. exerceri ab eo, cui mandata est, mandatum est extinctum, l. 6. de iurisd. omn. ind. Omne enim mandatum extinguitur morte mandantis, vel mandatarij re integra, l. mandatum, C. mandati, hoc est, si rem agere procurator nondum cœperit, §. recte, Instit. mand. Nec illud omittendum, magistratum vel omnem suam iurisdictionem mandare generalem; ut ait l. pen. de offic. eius, cui mand. est iurisd. universa, l. prator, de iurisd. omnium iud. siue totum officium iurisdicundi, l. 1. §. damus, de suspect. tut. vel specialem, hoc est, vnam tantum partem iurisdictionis, veluti, ut illum mittat in possessionem rei seruandæ causa, ut det bonor. possessionem secundum tabulas: vel extra ordinem cognoscat inter illos, ut exequatur sententiam illam iudicis à se dati. Nec dubium, quin executio sententiæ dictæ à iudice dato possit à magistratu, qui eum iudicem dedit, alij mandari: quare tamen dubitauit Accursius in l. à dino Pio, de re iud. Non dubium quin possit, cum possit pars iurisdictionis mandari, l. solet, l. prator, de iurisd. omn. iud. & executio sententiæ iudicis dati, pars est iurisdictionis, & quidem summa siue extrema, l. si quis, §. 1. si Quæst. Papin.

A quis ius dic. non obtemp. Ita vero procuratores alij sunt, qui generale mandatum habent, vniuersorum seu totorum bonorum, omnium rerum: Alij, qui speciale mandatum habent, hoc est, ad vnam rem tantum dati sunt. Et sicut legitimi procuratores sunt, ut loquitur Tullius pro Cæcin. qui omnium rerum procuratores sunt (dubitatum enim fuit, an esset procurator, qui ad vnam rem datus esset, ut constat ex l. 1. de procurat. & licet hodie pro procuratore habeatur, tamen legitimum eum non esse dicimus. Legitimus enim est is, qui procurator est omnium rerum, & pœne dominus.) Et sane eodem modo proprie mandata iurisdic. dicitur ei tantum, cui omnis mandata est, ut per omnia vicem subeat magistratus. Ideoque his verbis: *De officio eius, cui mandata est iurisdic.*, significatur omnis mandat à iurisdic. Sed placet, etiam recte ex iusta causa ad vnam rem mandari iurisdictionem, & exemplum est elegans in l. prator, de iurisdic. Si qua in causa quis aduocatus fuerit vnius partis, antequam fieret Prator, de eâ causa post Praturam ius non dicet, sed mandabit iurisdictionem ad eam causam tantum: non potest quis ius dicere in ea causa, in qua aduocatus fuit: nam nec adesse potest in consilio ius dicentis, l. ult. C. de assess. nec testimonium dicere in ea re, l. ult. de testib. Et hodie Iurisconsultus, qui consilium dedit vni ex litigatoribus, postea de ea re ius non dicet non abs re. Sed est tamen exemplum in Nouella 158. singulare admodum quo idem iudex est in eadem causa, de qua ante consultus fuerat, & scripserat: sed melius, ut puto, fecerit, si abstinerit, & nescio an se illa Nouella, quam posuimus, defendere possit, ne repellatur forte si quis illa vteretur. In lege autem prator est exemplum, quo iusta est causa mandandæ iurisdictionis ad speciem vnam tantum: velut ad litem, in qua aduocatus Prator fuit ante Praturam. Etiam illud sciendum, nihil referre, magistratus mandet iurisdictionem priuato, an magistratui, l. 3. l. ult. de eo cui mand. est iurisdic. Liuius lib. 24. M. Aemilius Prator cuius peregrina fers erat, iurisdictione M. Attilio collega Pratori urbano mandata, hoc est, iurisdictionem mandat Prator Pratori. Quod non notamus abs re. Mandatum enim iurisdictionis cum quolibet alio mandato comparauimus: at hoc casu comparatio non est similis: nam mandari quidem iurisdic. magistratui à magistratu potest, sed aliis, causis magistratus procurator seu mandatarius fieri non potest, quia iudicium non patitur inuitus, quamdiu est in magistratu, l. neque femina, de procurat. Ex his intelligimus quantum distet is, cui mandata est iurisdic. ab eo, qui iudex datur vtrumque tamen interpretes pro vno accipiunt, & eundem faciunt eum, cui mandata est iurisdic. & eum, qui iudex datur, sed sunt quatuor differentiae. Primum mandatur omnis iurisdic. legitime: iudex datur tantum ad litem vnam, non ad lites omnes, & ea de re iudex specialis, datus, delegatus & pedaneus dicitur, l. ult. de offic. Prat. l. §. de offic. Presid. l. ult. C. de indic. Is cui mandata est iurisdic. etiam iudicem dare potest ad litem aliquam: mandare iurisdictionem nequit: sed dare potest iudicem: iudicis enim dandi licentia, pars est iurisdictionis, l. imperium, de iurisd. omn. iudic. Iudex datus alium iudicem dare non potest: Et hoc est quod dicitur, delegatus iudex subdelegare non potest, l. à iudice, C. de indic. Item is, cui mandata est iurisdic. iurisdictionem habet, l. 4. §. ult. hoc tit. non suo quidem iure, cum non sit magistratus, sed alieno beneficio, id est, mandatu mandantis, l. 5. de iurisdic. Iudex datus, nullomodo iurisdictionem habet, sed tantum cognitionem causæ & pronuntiationem: quare nec habet executionem sententiæ suæ, quia pars est iurisdictionis: sed qui dedit iudicem, exsequitur sententiam, l. à dino Pio, de re iudic. Item mandatum iurisdictionis finitur morte mandantis re integra; iudicis datiq. non finitur morte dantis, sed durat



in tempus successoris. *l. venditor, §. ult. de iudic.* & ratio mox intelligitur. Alia & postrema differentia hæc est, iudice dato appellatur is, qui dedit, *l. 1. in princ. & l. 3. qui & a quo appell.* at ab eo cui mandata est iurisdic-  
 ctio, is qui mandauit non appellatur, quia ipse senten-  
 tiam dixisse videtur, quam dixit vicarius iurisdictionis  
 sue. Non potest autem idem ab eodem appellari, sed is  
 appellatur, qui prouocaretur ab eo, qui mandauit, qui  
 maior est mandante, *l. 1. §. ult. quis & a quo appell.* præ-  
 terquam a legato Proconsulis. Proconsul mandat legato  
 iurisdictionem suam, & a legato tamen appellatur Pro-  
 consul, *l. 2. eod. tit.* quia paulo amplius est legatus Pro-  
 consulis, quam is, cui præses aut prætor mandauit iurif-  
 dictionem suam: nam legatum Proconsul ipse non eli-  
 git, ut eligit Præses, cui mandat iurisdictionem suam,  
 sed legatus datur à Principe, vel republ. ut & soli non  
 alij mandat iurisdictionem suam: ideoque suo quodam-  
 modo iure iurisdictionem habet, quam in eum inuitus  
 Proconsul confert, posteaquam scilicet mandata est, alio-  
 quin legatus Proconsulis, antequam mandata ei sit iur-  
 isdictio, nihil habet proprium, *l. legatus, hoc tit.* Ergo  
 posteaquam mandata est, habet iurisdictionem proprio  
 iure, & non tam vice Proconsulis, quam sua fungi vide-  
 tur. Et ita etiam iudex datus non dicitur cognoscere, vel  
 indicare vice dantis, sed sua: nec enim datio iudicis est  
 similis mandato, & coactus etiam magistratus neces-  
 sitate officij dat iudicem. Denique alius est legatus à Pro-  
 consule, alius iudex datus ab eo, qui dedit. Et ideo non  
 videtur idem ab eodem appellari, si à legato appellatur  
 Proconsul, vel à dato iudice, is, qui dedit: verum is,  
 qui mandauit iurisdictionem, & is, cui mandata est,  
 idem videtur esse: fungitur enim mandatarius vice man-  
 datoris: & ideo ab vno non appellatur alter. His adhuc  
 addamus vnum. Proconsul legato sibi adiuncto mandat  
 iurisdictionem, posteaquam est ingressus provinciam,  
 non antea, quia ei nondum competit, *l. 4. §. ult. hoc tit.*  
 & inde potest apponi exemplum ad regulam iuris, *Nemo  
 plus iuris in alium transferre potest, quam ipse habeat.* sed  
 hoc dicitur tantum de iurisdictione contentiosa, non de  
 voluntaria. Duplex est iurisdic-  
 ctio, contentiosa & vo-  
 luntaria, *l. 2. hoc tit.* hæc exercetur inter volentes, ut si  
 quis quem velit emancipare, aut manumittere apud  
 magistratum: nam neque emancipat, neque emancipa-  
 tur inuitus: & plerumque etiam neque manumittit, ne-  
 que manumittitur inuitus; sed placet etiam inuitum  
 posse manumitti, ut si quis adeo degener sit, ut manu-  
 mitti nolit, *l. ult. §. in vero, C. de test. man.* plerum-  
 que hæc sunt inter volentes, & inter eos iurisdictionem  
 suam magistratus interponit. Contentiosa iurisdic-  
 ctio est, quæ in inuitos, vel saltem in inuitam alteram partem  
 exercetur: & ita dicitur iudicium reddi in inuitum,  
*l. inur, §. 1. §. §. Strickum, de verb. obligat.* & inde nomen  
 actionis, quod agat & propellat inuitos in iudicium. Vo-  
 luntaria iurisdic-  
 ctio de plano exercetur, hoc est, in ipso  
 itinere, vel transitu: contentiosa pro tribunali; illa quo-  
 libet tempore, hæc certis diebus, sessionum diebus, fa-  
 ctis diebus. Proconsul voluntariam iurisdictionem ha-  
 bet etiam, antequam provinciam sit ingressus: nam in  
 itinere possunt manumitti serui apud eum, filij emanci-  
 pari vel adoptari, sed eam nullo tempore potest manda-  
 re, *l. 1. de off. eius cui mand. est iurisdic-  
 ctio.* Voluntaria  
 scilicet intelligenda est, quia lege nominatim magistra-  
 tui datur, & quæ lege nominatim dantur, non possunt  
 mandari, *l. 1. de off. eius cui mand.* Huius iurisdic-  
 ctio-  
 nis voluntariæ sunt adoptio, emancipatio, legis actio-  
 nes, id est, actus solennes, quos peragit ipse met magi-  
 stratus, nec potest eos alteri mandare. & quod ait regu-  
 la iuris: *nemo alieno nomine lege agere potest,* non tantum  
 pertinet ad eos, quorum res est, puta, ut non possint  
 emancipare per procuratorem, vel etiam ut non pos-  
 sint adoptare, non possint adire hereditatem, tutorem  
 dare per procuratorem, sed & ad magistratus ipsos, ut

A non possint per alium lege agere, vel legis actiones exe-  
 qui: nam tam lege agere dicitur magistratus, quam qui  
 lege agit apud eum: nam & partes, & actor & magi-  
 stratus lege agere dicuntur. Legatus proconsulis non  
 habet voluntariam iurisdictionem, quia mandato iurif-  
 dictionis non continetur voluntaria, *l. 2. hoc tit. & ut  
 libr. 1. obs. cap. 1. admonui,* adicienda est negatio in  
*l. apud proconsulem, 17. de manu. vind.* quam & habent  
 quidam libri. Iurisdictionem contentiosam Proconsul  
 non habet antequam provinciam sit ingressus, & non-  
 nisi provinciam ingressus mandare potest, ingressus,  
 potest, & vero debet, si ipse iurisdictioni vacare non  
 potest. & vero cum hoc esset certissimum; Papinianus  
 inuenit vnum casum, quo potest recte mandari iurifdi-  
 ctio, etiam antequam Proconsul ingressus sit provin-  
 ciam. Nemo est Iuriconsultorum qui tot adinuenerit  
 casus singulares. Introduxit nouas plerasque sententias,  
*l. ult. de iure iis. l. cum acutus, C. de fideic.* Introdu-  
 xit sententiam illam, quam etiam hodie seruat vniuersus  
 orbis, ut pure rogatus restituere hereditatem fideicom-  
 missariam, sub hac conditione intelligatur rogatus si  
 sine liberis decesserit, *l. cum auius, de condit. & dem.*  
 Ita in hoc proposito docet, aliquid mandari posse à  
 Proconsule antequam ingressus sit provinciam, idque  
 vtilitate exigente. Finge, inquit, Proconsulem ne-  
 cessariam moram pati in itinere propter morbum, &  
 legatum maturissime peruenturum in provinciam: ra-  
 tum erit mandatum iurisdictionis, sed valebit tantum  
 ex eo tempore, quo legatus in provinciam peruenerit.  
 C Casum intelleximus singularem, quo Proconsul man-  
 dat iurisdictionem, quam non habet, contra quem est  
 vulgatis regula, *nemo plus iuris, &c.* sed vtilitas sua-  
 det, ut mandare possit iurisdictionem, & hanc defini-  
 tionem insedit vtilitas: quæ suadet, ut quam non ha-  
 bet, si dum proficiscitur in provinciam necessariam  
 moram patiatur in itinere, eam tum mandare possit le-  
 gato maturissime peruenturo in provinciam. quo gene-  
 re quodammodo in provinciam peruenuisse fingitur, qui  
 necessariam moram patitur in itinere.

#### Ad l. 1. De off. eius cui mand. est iurisdic- ctio.

Quæcumque specialiter lege vel senatusconsulto, vel consti-  
 tutione Principum tribuuntur, mandata iurisdictione non  
 transferuntur: quæ vero iure magistratus competunt, man-  
 dari possunt. & ideo videntur errare magistratus, qui cum  
 publicis iudicijs habeant exercitum lege vel Senatusconsulto  
 delegatam (veluti lege Julia de adulteriis, & si quæ sunt si-  
 milis) iurisdictionem suam mandant. Huius rei fortissi-  
 mum argumentum, quod leg. Julia de re nominatim caue-  
 tur, ut is cui obtigerit exercitio, posteaquam proficiscatur,  
 mandare non aliter itaque mandare poterit, quam si abesse  
 cæperit: cum alius iurisdic-  
 ctio etiam à presente mandetur.  
 Et si à familia dominus occisus esse dicitur, cognitionem  
 prætor quam ex Senatusconsulto habet, mandare non pote-  
 rit. §. 1. Qui mandatum iurisdictionem suscepit, proprium  
 nihil habet: sed & eius, qui mandauit iurisdictione tri-  
 tur. Terius est enim more maiorum iurisdictionem quidem  
 transferri: sed merum imperium, quod lege datur, non  
 posse transferri: quare nemo dicit, animaduersionem legatum  
 proconsulis habere mandata iurisdictione. Paulus notat:  
 & imperium quod iurisdictioni comaret mandata iurifdi-  
 ctio-  
 ne transferre certius est.

M Andata iurisdictione ea transferuntur in eum, cui  
 mandata est, quæ iure magistratus competunt.  
 mandantur igitur à solis magistratibus, & non omnia,  
 quæ eis commissa sunt, sed ea tantum, quæ iure magi-  
 stratus competunt, id est, eo ipso quod sint magistratus,  
 tacito intellectu. Hodie magistratus à Principe crean-  
 tur, *l. 1. C. ad leg. Jul. de amb.* olim à populo, ut mori-  
 bus nostris magistratus municipales. Et creatis non-



fertur iurisdictio nominatim, vel specialiter, non deferuntur partes singulæ iurisditionis nominatim, sed competunt more maiorum, tacito intellectu competunt postquam creati sunt magistratus, competunt suo iure: si enim deferrentur nominatim, non possent mandari. Diuisio autem hic est elegans: quæ magistratui competunt, aut iure magistratus competunt, hoc est, tacito iure, siue more maiorum, & hæc mandari possunt; aut ei sunt concessa lege aliqua specialiter, aut S.C. aut constitutione Principis, quæ aliquando conceduntur etiam priuatis, non magistratibus tantum. & quæ non conceduntur quibuscumque magistratibus, hæc neque sunt iurisditionis, neque imperij eius, quod iurisditioni coheret, hoc est, iure magistratus non competunt: & ideo mandata iurisditione non transferuntur. Hæc igitur sunt legis, non iurisditionis, nec ea habet quicquam mandato alieno, sed à lege sola nominatim. Priuatus, si lex velit, hæc etiam habet quandoque: hæc non habet quilibet magistratus, verum quæ iure magistratus competunt, ea quilibet magistratus habet, & nemo priuatus vnquam. Declaremus per exempla, quæ sint ea, quæ conceduntur lege, vel Senatusconsulto, vel constitutione Principis. Primum exemplum sit de legis actionibus, id est, de actibus solemnibus & legitimis. Legis actiones dantur magistratibus specialiter, vt constitutione Augusti præfecto Ægypti, qui & Præfectus Augustalis dicitur, datur specialiter, vt apud eum serui manumitti possint solemnibus ordine, l. apud Præfectum, de manu. vind. & ideo si is mandauerit iurisditionem suam, non & hoc simul mandauerit: denique mandata iurisditione hoc non transit vt manumissiones fieri possint, vt apud eum, cui mandata est iurisdictio, serui manumitti possint: legis enim actiones, quia lege mandantur specialiter, mandari non possunt. Eadem est ratio Proconsulis, vt l. 1. & 2. de off. proc. apud quem omnes legis actiones peragere possumus, apud eius legatum non item, quamuis ei mandata sit iurisdictio, quia legis actio data est soli Proconsuli, quam alij delegare & demandare nequit. Eadem est ratio præsidis, siue Iuridici Alexandriæ, cui l. 1. præcedentis tit. ait datam esse legis actionem, id est lege datum ei esse vt apud eum solennes actus quilibet exequi possit: si datum ei est à lege, ergo non potest alteri mandare, & mandata iurisditione, hoc non intelligitur mandare, contentiosam non voluntariam, quæ magis sollemnis est, mandasse intelligitur. Secundum exemplum sumitur ex l. tuto §. 1. de tut. Tutoris datio non est imperij, neque iurisditionis, id est non competit iure magistratus, imo nec vllius imperij est. Nam priuatus tutorem dat, veluti, pater liberis, quos in potestate habet, quamuis non sit magistratus, quia l. 12. tab. id ei nominatim concessit: Paterfamil. vti super pecunia tutelæ rei sue legasset, ita ius esto. Legatus proconsulis, quamuis magistratus non sit, sed vice magistratus fungatur, dare potest tutorem, non ex mandato, sed specialiter ex oratione D. Marci, l. 1. de tut. & cur. dat. Sic priuatus tutorem dat, si hoc ei lex concesserit: & contra magistratus tutorem dare non potest, nisi ei lex hoc nominatim concesserit, veluti lex Attilia Prætori urbano. l. Iul. & Titia Præsidibus. Prouinciarum, vt est in tit. de Att. tut. Inst. & constitutio D. Marci iuridico Alexand. l. 2. tit. præced. Tutoris datio legis est, non iurisditionis: nec recte colligis: tutorem dare potest, ergo magistratus est: vel, tutorem dare non potest: Ergo non est magistratus: & secundum hæc tutoris datio mandari non potest, l. 8. in princip. de tut. & cur. dat. Exemplum aliud sumi potest ex oratione D. Marci, siue ex Senatusconsulto, quod sequebatur semper orationem principis (vt quod dicis fieri oratione, possis dicere Senatusconsulto) scilicet de transactione alimentorum: vt is, cui relicta sunt alimenta, vel in annos, vel in menses minutatim, non possit de alimentis cum herede transigere: ne faciat contra prouidentiam

Quæst. Papin.

A testatoris, quam contemnere non debet, si conueniat, vt præsentem & modicam pecuniam sit contentus, & vna solutione accipiat legatum, l. cum hi, in princip. de trans. Hæc transactio de alimentis non valet, nisi facta sit interposito decreto Prætoris vel Præsidis, hoc est, causa ab iis cognita, quibus hæc cognitio datur nominatim ex oratione D. Marci, Prætori in vrbe, Præsidi in prouinciis: ergo ab his non potest mandari alteri, nec translata intelligitur in eum, cui mandata est iurisdictio, d. l. cum hi, §. sed nec, de transact. Et similiter lege datur Proconsuli, vt iudicem dare possit. Prætor urbanus magistratus iudicem dat more maiorum, suo iure, & consequenter is, cui mandauit iurisditionem suam, etiam iudicem dare potest, l. cum Prætor, de iudic. sed cui Proconsul mandauit iurisditionem suam, id est legatus Proconsulis iudicem dare non potest, nisi hoc ei specialiter lege mandatum sit: nam ita lege constitutum est, vt quod Proconsuli licet lege, non liceat legato sine lege, hoc est, non liceat ex solo iurisditionis mandato. Et similiter, cognitio de remouendis suspectis tutoribus, quæ lege 12. tabul. nominatim tribuitur Prætori & Proconsuli, non competet etiam legato Proconsulis ex mandato iurisditionis, nisi ei datum esset constitutione Antonini & Seueri. necesse id fuit lege dari, quia non sufficebat mandatum iurisditionis, & id propter utilitatem pupillorum receptum est, l. 4. de off. eius cui mand. l. 1. §. damus, de susp. tut. Exempla duo sunt in l. 2. h. t. sunt duæ sententiæ, vulgo accipiunt vnam esse. Præses vel Proconsul consilium præbet minori 20. annis manumittere volenti ex l. Ælia Sentia. Cur præbet seu cogit consilium: vt scilicet probet causam manumissionis: alioqui inutilis est manumissio serui, si dominus sit minor 20. annis, nisi causa fuerit probata apud consilium Præsidis vel Consulis. Ex eadem etiam lege Præses vel Consul consilium præbet etiam maiori 25. annis minorem 30. annis manumittere volenti: quod constat ex fragmentis Vlpiani tit. 1. & ἐν μαθησὶν qua utitur l. vn. de off. cons. vt in l. contumacia, de re iurisdic. Cum igitur Præses vel Consul ex l. Ælia Sentia nominatim consilium præbeat manumittere volentibus: ergo is, cui mandata est iurisdictio, non potest manumittenti consilium præbere, & hoc est l. exemplum. Dixi, apud eum, cui mandata est iurisdictio, seruum manumitti non posse, dico aliud, cum dico nec consilium posse præbere volentibus manumittere. Diuersa hæc sunt, apud aliquem manumittere, & consilium manumittere volenti præbere, atque adeo diuersa, vt nonnunquam is, apud quem possum manumittere, non possit etiam consilium præbere manumittenti, & contra: vt ecce, magistratus qui legis actionem habet, apud se potest manumittere seruum suum, consilium sibi ipse præbere & causam manumissionis probare non potest, non potest esse cognitor in re sua, & sibi ipsi consilium præbere. Contra apud collegam non potest manumittere, collega tamen ei manumittere volenti consilium præbere potest, quæ eliciantur omnia ex l. 5. l. apud filium §. 1. l. si rogatus, §. ult. de manu. vind. l. 1. de off. cons. l. 2. de off. Præs. l. apud eum, de manu. l. 4. de adopt. Posterius exemplum l. 2. hoc est: Prædia minorum non possunt alienari sine decreto Prætoris vel Præsidis, id est sine causæ cognitione Prætoris vel Præs. Idque est ex oratione Seueri, qui nominatim huius rei cognitionem commisit Prætori vel Præsidi. Ergo mandari non potest. Hæc etiam l. 1. sup. peditat tria exempla. Primum (quod facio primum, sed est secundum) est de Senatusconsulto Syllaniano. Prospexit illud Senatusconsultum saluti dominorum, qui habent amplam familiam, plures seruos, & quotquot sunt serui, tot hostes ex veteri proverbio quod extat apud Theophilum. Cum igitur occisus est dominus aliquis in suis ædibus sub tecto eodem, quo erant serui: si ab his præsumatur occisus, ex Senatusconsulto Syllaniano inquit nominatim Præses vel Prætor, nec ante

A ii



aperiuntur tabulæ testamenti occisi domini quā hac de re quaesierit Prætor vel Præses. Igitur non demandatur hæc cognitio. Alterum exemplū est de exercitio iudicii publici quæ mādatur magistratib. sed potest mandari etiam priuato. Et generaliter quæ magistratus habet à lege specialiter, potest & priuatus habere. & ideo in l. 1. §. 1. ff. ad le. Corn. de scar. Magistratus, inquit, iudexue quæstionis, qui scilicet exercet publicum iudicium. ex quo intelligitur, cognoscere de eo crimine non magistratum tantum, sed quemlibet iudicem, cui sorte obuenerit hæc cognitio. Iudex quæstionis non est magistratus, sicut nec iudex datus. Cice. pro Cluent. Iunius, inquit, iudex quæstionis de eo crimine quærebat. & sequitur: & Q. Voconius ut quæreretur de veneno cum his iudicib. qui ei obuenerant sorte: nam non quærebat de crimine solus magistratus, solusue iudex quæstionis, cui ea fors obuenerat, sed adiungebantur etiam alij iudices sorte delecti: ille tamen præerat iudicio, ille erat quæstor summus. Et didicimus in l. Corn. de sic. quod nondum est proditum, ita esse scriptum omnino, ut is Prætor iudexue quæstionis, cui sorte obuenerit quæstio de scariis, eius, quod in vrbe Roma propius mille passus factum erit, uti quærat cum iudicibus, qui ei sorte obuenerint de capite eius, qui cum telo ambulauerit. Ita legibus publicorum iudiciorum, puta, lege Julia de adult. lege Julia de vi, l. Julia de scariis, & similiter aliis nominatim datur eius iudicii publici exercitio certo magistratui, vel ei, cui fors obuenerit, etiam priuato, & hanc publici iudicii exercitio noli dicere esse merum imperium: aliud enim est, quam sit exercitio publici iudicii. Verum cum tribuatur quæstio iudicii cuiuslibet lege specialiter, & delegetur, ut hic Papinianus ait proprie: id enim proprie delegari dicitur, quod iure proprio mihi non competit: quod mihi delegat lex, non possum rursus alij delegare, quod Papinianus fortissimo argumento à contrario sensu probat, Græci ἐξ ἀντιδιαστολῆς vocant. Lege Julia de vi, inquit, nominatim cauetur, ut magistratus, qui de ea re quærit, si peregre proficiscatur, possit mandare alteri exercitio nem. hoc tantum l. Julia de vi cauetur, non aliis legibus publicorum iudiciorum. Inde apparet igitur cæterarum rerum quæstionem non posse mandari ab absente, à præsentem hanc quidem mandari posse. Hoc genere argumenti sæpe vtuntur auctores nostri. Simile argumentum est in l. ex eo, de testib. & l. qui testamento, §. mulier, qui test. fac. Mulier non potest esse testis in testamento: An potest esse in iudicio? sic videtur, & probatur argumento à contrario sensu: eodem argumento vtitur l. 3. C. ex quib. caus. inf. irrog. Aliquis decurio ordine decurionum prohibitus est ad biennium, interim infamium numero habetur: sed ex sententia iudicis, qui curia interdixit, apparet eum post biennium restitui famæ. Sic Marc. Tull. pro Balbo: Si exceptio facit ne liceat, ibi necesse est licere ubi non est exceptum. Sic igitur dicamus. Si exceptio legis Iulæ de vi facit ut liceat absenti demandare quæstionem iudicii publici, ibi necesse est non licere ubi non est exceptum. Intelleximus ex Pap. quæstiones vel cognitiones lege vel Senatusconsulto nominatim datas magistratui iudiciue, non posse ab eo alij mandari. Et singularia hæc, quæ nusquam alibi in iure reperiuntur, cognitionem datam Prætori ex Senatusconsulto Syllaniano, cum occisus dominus à familia esse dicitur, non posse alij mandari: Quæstionem publici iudicii datam, vel ex l. Corn. de scar. vel ex aliis legibus magistratui vel iudici, cui obuenerit sorte, eam etiam mandari non posse. Item, quod etiam alibi non reperitur, excipiendum esse eum, cui obtigit quæstio legis Iulæ de vi: huic enim eadem lege permittitur, si abesse cœperit, eam quæstionem alij mandare posse. Subiicit deinde Papinianus: Qui mandatam iurisdictionem suscepit. Placet valde verbum, suscepit. est enim proprium mandati: frustra mihi mandas, nisi suscipiam mandatum, & inde voluntatis esse dicitur suscipere mandatum, necessitatis consum-

mare seu explere, l. in commodato 17. §. sicut, Commod. l. si mandauero 22. §. ult. & l. si quis alicui §. qui suscipit, mand. Congruit autem quod hic Papinianus ait, propriū, &c. cum l. 3. hoc tit. & l. 5. l. solet, de iurisd. eum cui mandata est iurisdicção, non pro suo imperio agere, etiam si sit magistratus, hoc est, mandatam iurisdictionem exercere, sed pro eius imperio, qui mandauit, & fungi eius vice, qui mandauit, non proprio iure, sed alieno beneficio. Alienam denique iurisdictionem exsequitur, non propriam. Excipitur semper legatus Proconsulis: mandata enim iurisdictione proprium aliquid habet, l. legati, de off. Proc. eum enim Proconsul non optat, non eligit, sed ei datur à Principe, vel Repub. Excepto igitur legato Proconsulis, is cui est mandata iurisdicção, nihil proprium habere dicitur, & non tam ipse ius dicere videtur, quam qui mandauit. Ac præterea non potest appellari is qui mandauit, ne idem ab eodem appelletur. Duplex vero est iurisdicção: vna, quæ lege nominatim datur, quæ mandari non potest: altera dicitur notio, quæ more maiorum iure magistratus competit. notio est genus: species duæ, iurisdicção & cognitio, veluti iudicis dati quæ caret iurisdictione, l. notiois, de verb. signif. l. ait Prætor, de re iud. & ita etiam officium ius dicentis si dixeris, multo plura comprehendes quam si dixeris iurisdictionem: nam ut est in l. 1. de iurisd. officium ius dicentis comprehendit non tantum iurisdictionem, quæ iure magistratus competit, sed & eam, quæ lege nominatim defertur & delegatur, & ius quodlibet specialiter legibus concessum, veluti ius dandi tutoris, quod neque est imperij, neque iurisdictionis: continetur tamen officio ius dicentis, si ei dandi tutoris ius sit concessum lege nominatim. Et Papinianus in hoc §. loquitur de iurisdictione ea, quæ iure magistratus competit, dum ait, Eam transferri more maiorum, & ita in l. more maiorum, de iurisd. quod habet magistratus more maiorum, id habet suo & proprio iure, etiam si lege datum non sit nominatim, quod etiam significatur verbo, solet, l. solet, de iurisd. dummodo non sit ei denegatum, l. magistratus, ad municip. & ita magistratus vrbani more maiorum iudices dant, l. cum prætor, de iud. & multam dicunt, ut Gell. scribit cap. 1. libr. 11. Ergo ait Papinianus, verius esse, mandatam iurisdictionem transferri more maiorum, hoc est, recte mandari ab eo, qui habet proprio iure magistratus, quem gerit. Verum Paulus ad hanc Papiniani sententiam adiecit notam, quasi satis non sit quod scripsit Papinianus, more maiorum iurisdictionem transferri, sed etiam addere debuerit, imperium quod iurisdictioni cohæret, transferri. mandata iurisdictione transire etiam imperium mixtum, id est, quod immixtum est iurisdictioni, & sine quo iurisdicção nulla est. Mixtum imperium est potestas, quæ iure magistratus competit, seu quæ iurisdictioni immixta & implicita est. Verum, ut subiicit Papinianus, imperium merum non transit, hoc est, animaduersio, vel grauior coercitio reorum, quia hoc imperium non competit iure magistratus, sed lege nominatim datur: & quæ lege dantur, constat non contineri mandata iurisdictione: separata enim sunt à iurisdictione, & mera, hoc est, non permixta iurisdictioni. Quod initio merum imperium vocat, postea animaduersionem vocat Papinianus. Est ergo imperium merum animaduersio, hoc est, ius gladij, aut quæ alia coercitio criminum grauior. nulla est iurisdicção simplex; nulla nuda aut separata ab imperio, quæ modo iure magistratus competat: & siue meam iurisdictionem exerceo, eam exerceo pro meo imperio, siue alienam, eam exerceo pro imperio alieno, ut est in l. 3. hoc tit. Eam ob rem illud imperium quod cohæret iurisdictioni dicitur mixtum imperium, quia scilicet iurisdictioni immixtum & implicitum est. Et ita definitur mixtum imperium ab Vlpiano in l. imperium, de iurisd. cui iurisdicção inest, ac si diceres quod heie Paul. quod iurisdictioni cohæret, vel ut Græci, quod cum



iurisdictione coadunatum est. Et quemadmodum refert Accursius ad *d. l. imperium*, recte veteres interpretes senserunt Pileus & Guillelmus, idem esse mixtum imperium & iurisdictionem, nec vnum vnquam est sine altero, quidquid est imperij mixti, id etiam est iurisdictionis, & contra: quidquid est iurisdictionis, id etiam est mixti imperij. Mixtio hæc rem vnam efficit, hoc est, magistratum vnum. Et hoc est, quod ait *l. 2. de iurisd.* cui data est iurisdic-tio, videri & ea data sine quibus ea explicari non potest, hoc est mixtum imperium. Hoc est quod ait *lex ult. hoc tit.* mandata iurisd. etiam mixtum imperium transire, quia iurisdic-tio sine modica coercitione nulla est, quod ideo dicit, quia cum mixtum imperium plura contineat, continet in primis modicam coercitionem per verbera, aut vincula, & ita *l. 8. §. si in locum, de relig.* Lex ait. *Eum qui mortuum intulit in locum publicis vsibus destinatum, à Pratore plecti modica coercitione.* Ius virgarum dixit Tacitus *libr. 1.* dum scribit, tempore Tiberij datum ius virgarum Pratori in histriones, quod tamen obtinere non potuit propter constitutionem Augusti: sed sunt etiam alia genera coercitionum modicarum, quæ insunt iurisdictioni. Est pignoris capio, qua plectuntur & coercentur contumaces capitis pignoribus. Et mulctæ dictio quæ à Gallis dicitur *amande*, est missio in bonorum possessionem, *l. 9. §. ult. ad leg. Iul. pecul. l. 1. §. cogenda, de vent. insp. §. penul. Instir. de satisd. tut.* Coercentur etiam contumaces pœnali iudicio seu actione in factum, de qua est tit. *Si quis ius dic. non obtemp.* Sine modicis hisce coercitionibus, quæ vocat etiam remedia, iurisdic-tio quid est? Sed continet etiam alia mixtum imperium, veluti bonorum possessionem, vt det scilicet magistratui bonorum possessionem, vnde liberi, vnde cognati, &c. Continet etiam iudicis dationem, *d. l. imperium*, continet in integrum restitutionem, *l. ea qua §. 1. ad municip.* & decretum siue iussum interponendæ stipulationis, *l. 4. de iurisd.* Et iurisdic-tio igitur continet etiam eadem, si hæc contineat mixtum imperium: nihil enim possis tribuere mixto imperio, quod non & iurisdictioni, & contra. denique nulla est simplex iurisdic-tio. Neque vero recte quis vtetur exemplo magistratus municipalis, vt probet, simplicem esse aliquam iurisdictionem, quasi magistratus municipalis iurisdictionem habeat sine imperio ex *l. ea qua, ad municip.* Huic enim respondendum: municipalis magistratus non habet omnia quæ sunt mixti imperij: sunt enim ei quædam denegata nominatim: alioqui magistratus, cui nihil denegatur nominatim, omnia habet, *arg. l. magistratus, ad municip.* sed ei denegantur quædam, ea scilicet quæ sunt magis imperij, quam iurisdictionis, in quibus vis imperij elucet: qua de causa non restituit in integrum, non mittit in possessionem, non iubet possidere ex vlla causa: non tanti est iurisdic-tio magistratus municipalis, vt possit sibi ea arrogare, nec tantum valet imperio, *d. l. ea qua.* & ad eandem magistratus pertinet *l. 4. de iurisd.* quæ ait, iubere caueri Prætoria stipulatione, veluti legatorum stipulatione, & in possessionem mittere, si non caueatur, magis esse imperij, quam iurisdictionis. cur hoc ait? vt scilicet intelligatur magistratum municipalem hæc non habere, sed vrbane tantum, aut prouincialem. Quapropter non decernet stipulationem damni infecti, & ex ea causa mittet in possessionem, nisi nominatim id edicto Prætor vel Præses ei delegasset, quod delegauit, quia hæc res celeritatem desiderat, cum timeatur labes ædium, & periculosa est dilatio: ideoque vtile fuit magistratui permittere ex hac causa interponere primum decretum, *h. e.* iubere caueri, atque etiam secundum, quo mittat in possessionem, *l. 1. & 4. de dam. inf.* Sed tertium, iubere possidere, nec ex hac causa permittitur ei, sed illud suæ iurisdictioni reseruat Prætor, *d. l. 4. §. si fortei.* Non potest etiam magistratus municipalis iurisdictionem suam tueri pœnali iudicio,

A quod proponitur in tit. *si quis ius dic. non obtemp.* Fateor, hæc ei denegantur: sed an ideo est expers mixti imperij? minime. nam pignoris habet capionem, & modicam coercitionem, ex *l. 3. §. 1. de reb. eorum qui sub. tut. l. quemadmodum, §. magistratus, ad l. Aquil. iuncta l. 12. de iurisd. l. 17. si priuatus, qui & à quibus manum. l. 15. §. adicitur, de iniur.* Habent etiam, vt arbitror mulctæ dictionem, quia publicum iudicium exercent, & quicumque publicum iudicium exercet, mulctæ dictionem habet, *l. 2. §. ult. de iud.* Et cum defensoribus ciuitatum interdicitur mulctæ dictione, *l. 5. C. de defen. ciu.* argumento est, non etiam similiter magistratibus municipalibus esse prohibitum mulctam dicere, qui longe superiores sunt defensoribus. Ergo iurisdic-tio municipalis non vacat imperio. Porro quæ ante retuli, mixti esse imperij, ex eo apparet, quod possunt mandari, ex *l. pen. §. ult. hoc tit. l. ult. C. ubi & apud quem cau. restit.* Mandare potest magistratus alteri vt mittat in possessionem, vt det bonor. poss. restitutionem in integrum, modicam coercitionem, *l. ult. hoc tit.* Quin etiam hæc omnia tacite mandat, qui iurisdictionem mandat: sunt igitur hæc omnia imperij mixti, hoc est, innata ingenitaque magistratui. Alterum est imperium, quod dicitur merum, non mixtum, quod lege datur specialiter, nec est immixtum magistratui & iurisdictioni, sed abstractum à iurisdictione. Mixtum imperium habent soli magistratus: merum habent etiam priuati: Nam Cneius Pompeius priuatus contra Sertorium priuatum missus est cum iure ferri, vt Tull. scribit *11. Philipp.* Idem Pompeius ad aliud bellum maximum priuatus, vt idem ait pro lege Manil. proconsule missus est, hoc est, cum imperio consulari, & idem significat *l. aliud, de verb. sign.* quæ constituit hanc, inter ceteras, differentiam inter pœnam & mulctam: mulctam dicere solos magistratus, quod est mixti imperij, pœnam irrogare etiam eos, qui non sunt magistratus, sed priuati, si huius criminis executio eis data sit. Vnde possis conficere definitionem meri imperij, vt sit potestas irrogandæ pœnæ legitimæ, hoc est, pœnæ constitutæ legibus publicorum iudiciorum: vel sic. Merum imperium est animaduersio & coercitio omnis criminum grauior, legibus publicorum iudiciorum nominatim concessa. Potes & sic definire ex *l. unic. de off. præf. prætor.* Merum imperium est licentia emendandæ disciplinæ publicæ: hæc licentia datur etiam priuato, vt dixi. Addamus; & non datur cuilibet magistratui: nullus magistratus non habet mixtum imperium: aliquis non habet merum: non quilibet præf. habet merum, *l. 4. C. de loc.* Prætor vrbane non habet merum imperium: sed si quid exigit grauiorem animaduersionem, id remittit ad præfectum vrbi, *l. 1. §. soleht, de off. præf. vrb. l. 1. & 2. de suspect. tut.* Ac præterea excepto præfecto prætorio, qui solus habet plenissimum imperium merum; nullus magistratus habet plenissimum imperium merum, id est, omnes partes imperij meri. Consul habet ius gladij: ius relegandi non habet, *l. 14. infra de interd. & releg.* Præfectus vigilum ius atrociter verberandi habet, ius gladij non habet, quia illud datum est, hoc non est datum, *l. 3. §. 1. l. 4. de off. præf. vig.* Item præses prouinciæ ex Constitutione Augusti habet ius gladij, ius damnandi in metallum, ius relegandi, *l. illicitas, §. qui vniuersas, de offic. præf. l. re-legatorum, §. 1. de interd. & releg.* non habet ius deportandi, quia non datum est ei: nec ius confiscandi bonareorum, *l. inter pœnas, §. ult. de interd. & releg. l. vn. C. de fin. iussu princ. cert. ind. lic. conf.* Nec in causis imperij licet argumentari à minori ad maius, quia partes imperij nemo sibi adsumit omnes, nisi acceperit omnes. Et si maiorem partem accepit, non propterea potest sibi adsumere minorem, nec si minorem non acceperit, non ideo non recte acceperit maiorem. Quinimo, quod mirum est, præfidi, cui datum est ius gladij, non licet vitam adimere aliter, quam gladio, non potest secuti



( Nec habeat lectores, & secures sex, & propterea *εγγατελεις* dicatur ) non laqueo, fustibus, *l. aut damnum*, §. 1. *de pœn.* Non potest vitam adimere veneno: veluti propinato succo cicuta, vt olim Athenienses: & placet quod Abdias §. hist. eccl. scribit, præsidem quosdam male necasse veneno. Quin etiam hac eadem ratione ante Constitutionem Duorum Fratrum, de qua in *l. aut damnum*, non potuit Præses reo liberum arbitrium mortis dare, hoc est, electionem fati: ex Constitutione DD. Fratrum habet hoc ius dandi liberum arbitrium mortis, quod habuit solus princeps olim: vt constat ex Suetonio in vita Domitiani, & Tac. lib. 11. Annal. Et ita Nero Seneca dedit mortis arbitrium: balneum enim ingressus, aperta vena vtraque seipsum necauit. Et inde veteres quidam dixerunt, prælagio quoddam Senecam dictum, quasi se necantem. Ex his intelligitur: Non licere cuiquam vltra aut contra, quam ei sit præscriptum: nec esse argumentandum à pari vel minori. Denique restrictè accipiuntur, quæ ex mero imperio permittuntur. Sunt igitur legis, non iurisdictionis, non arbitrij magistratus. & ideo mirum non est si dicat Papin. non posse imperium merum mandari. quod confirmatur *l. si quid erit, l. solent, de off. procon.* Legatus Proconsulis, an, si quid exigat grauiorem animaduersionem, potest fungi imperio proconsulis? Minime: sed debet id remittere ad Proconsulem, quia non habet ius animaduertiendi, hoc est, gladio puniendi, non atrociter verberandi. Verum vt ostendit *l. solent*, Proconsul more maiorum legato mandare potest etiam cognitionem custodiarum, hoc est, reorum, qui custodiuntur in carcere. Sed respondeo, illud genus mandati esse extraordinarium, & quasi illegitimum: Nam quod est extraordinarium, id quodammodo est illegitimum. & breuiter declarat, eo mandato contineri, non vt apud eum accusentur rei, non, vt ipse reos absoluat, aut damnet, sed audiat tantum custodias. & nescio, cur Seruius 6. Æneid. ait: Custodia est quæ custodit, non quæ custoditur. vsurpatum est autem, &c. Sed Vlpianus ait: mandato contineri, vt audiat custodias, & postea remittat ad proconsulem: quia nemo, inquit, gladij potestatem, sibi datam vel cuius alterius coercitionis ad alium transferre potest, id est, merum imperium mandare potest: mandabit quidem reorum auditionem, & hoc ipsum tamen extra ordinem, non rite & ordine. Ex his intelligitis legem imperium indigere tantum aliquantula explicatione, quod præstabimus perendie. Non displicebit hodie & opinor enarratio d. legis imperium. Iurisconsulti duo Papinianus, & Paulus in *l. 1. de off. eius, cui mand. est iurisd.* duplex imperium merum faciunt. merum, quod lege datur, quod & mandari non potest. & mixtum, quod iurisdictioni coheret, nec ab ea vnquam diuellitur, sed simul transit cum ea in legatum Proconsulis, vel quem alium, cui iurisdictionis mandata est: ita quoque Vlpian. in *l. imperium*, diuidit imperium in merum & mixtum: ratio nominum iam supra à nobis est exposita. Merum definit à maiori parte sui, ius gladij, hoc est, ius vitæ adimendæ, quod & in ea *l. hæc verba* demonstrant, ad animaduertendum facinorosos homines. Sic Florentiæ scriptum eleganti forma loquendi, vt Varro dixit: *Repudiandum omnes artes*, per genrundij modum: *Emendandum veteranos ex campestribus locis: faciendum præfectos atrociores, iniiciendum franos.* Ergo non legamus, ad animaduertendum in facinorosos homines: sed animaduertendum facinorosos homines, reiecta præpositione in, quod est elegantius, quam si dicas, animaduertendos facinorosos. Hæc verba satis demonstrant, quid sit ius gladij: ita animaduertere, est gladio punire, *l. perspicendum*, §. ult. & seq. *de pœn.* Capitis pœna est, inquit, bestiis obiiici, vel alias similes pœnas pati, vel animaduerti. Animaduersion igitur est species capitalis pœnæ, animaduerti, gladio plecti, quod Græcis est *ἐπισπολιω πορεύειν*. Et in *l. seq.* Seruos pœnæ fieri eos, in quos animaduerti iube-

tur, vel qui bestiis obiiiciuntur. Locus hic etiam demonstrat, animaduersionem esse speciem capitalis pœnæ, eamque propriam gladij. Inde ( quod nescio, an adhuc quisquam explicarit, ) intelligere possumus, cur occiso Papin. nostro iussu Antonini Caracallæ, & percusso securi, percussori dixerit Antoninus, *Gladio te meum iussu exsequi oportuit*: quod Spartia. scribit in Antonino & Dio, siue Xiphilinus: non video rationem cur id dixerit, nisi quod animaduerti iussisset. Qui iubet in aliquem animaduerti, gladio puniri iubet. Fuit hic Antoninus parricida: occidit enim fratrem suum in sinu matris: occisus est etiam eius iussu Papinianus, quod faueret partibus Getæ fratris longe melioris: hæc vera causa, quidquid referant Spartianus, Lampridius, & alij, quod noluerit excusare parricidium, dicens: *non tam facile excusari, quam fieri parricidium.* quod forsitan verum est: nam non tam fuit scientia excellens, quin & probitate morum excelleret. Vel, vt alij narrant, occisus fuit, quod post occisum fratrem Getam noluerit dictare orationem, qua æcufaretur Geta, tanquam iure occisus, cum diceret, *alterum parricidium esse, accusare innocentem occisum.* Si hæc sunt vera, plane scientiæ mores respondebant. Verum quod ferunt dixisse Imperatorem: *Gladio te meum iussu exequi oportuit*, non habet aliam rationem, quam quod in eum animaduerti iussisset. Ad rem redeo. Merum imperium, si vis definire à maiori parte sui, est ius gladij, ius ferri, vt Lucanus dixit lib. 5. sicuti in libris nostris damnare ad ferrum, est damnare ad gladium, in *l. eius qui §. ult. D. de testam.* & placet, quod Statius ait lib. 1. *ferrum mulcere toga*, & lib. 5. *imperium mulcere toga.* Plane ferri nomine significatur merum imperium. Comprehendit etiam ius gladij, ius belli gerendi, & administrandi, licet id non sit scriptum in *l. imperium*. Cui possis addere, merum imperium esse ius gladij ad persequendum, & belligerandum hostes. Et adiciit Vlpian. simpliciter, imperium illud potestatem appellari. modo potestatis verbum generaliter, modo specialiter accipitur, generaliter passim. Nam quilibet magistratus potestas est. Mixtum imperium etiam potestas est, quæ iure magistratus competit: sed per eminentiam potestas est, summa & mera, id est, imperium merum vt Zonaras loquitur in Basil. Porphy. Præter nostros auctores nescio alium auctorem, qui dicat merum imperium præter Zonaram: nam *ἀνεξουσίαν* vocat dictaturam, quæ habuit summam potestatem. Definit ergo imperium heic à posteriore sui parte. Sed continet etiam alia, vt ius atrociter verberandi, damnandi in metallum, deportandi, confiscandi vniuersa bona reorum, & generaliter omnem coercitionem grauiorem, *l. solent, l. si quid erat, de off. proc.* Modica coercitio, est mixti imperij, grauior coercitio meri, nec permixta cuiquam, nisi sit concessa nominatim. Nec idem est, ne quis fallatur, publici iudicij exercitio, & imperium merum, quam exercitationem dixit Papin. non posse mandari: vtrumque non potest mandari. Nectamen dixeris vtrumque idem esse: alioquin frustra vtrumque repeteret in *d. l. 1.* Sed in ea *l. tria* ponit exempla eorum, quæ lege dantur, quæque mandari non possunt: quæstionem siue exercitationem aut executionem publici iudicij lege datam nominatim: cognitionem datam ex Senatusconsulto Syllan. & merum imperium lege datum. Et illa duo esse diuersa ita demonstrat. Legatus proconsulis ex mandato extraordinario Proconsulis publici iudicij exercitationem habet: habet enim cognitionem custodiarum, hoc est, reorum, qui custodiuntur, quod quid aliud est, quam quæstio publici iudicij, quo rei postulati sunt? Ergo ex mandato Proconsulis extraordinario legatus habet cognitionem publici iudicij, ex *l. solent, de off. proc.* Merum tamen imperium non habet, quia neque apud eum inchoari accusatio potest, neque terminari: sed quæ in medio versantur, ea sola ex mandato Proconsulis quærgre, &



& dignoscere potest. Reus non potest apud eum accusari, nec ab eo damnari, vel absolui. Extrema non habet, quæ sunt meri imperij: cognitionem intermediam habet, sed ubi cognouerit, remittit reum ad Proconsulem, *d. l. solent*. Proconsul igitur solet legato mandare quæstionem publici iudicij. Sed, ut ait idem Vlpian, mandatum est extraordinarium, hoc est illegitimum, quia cognitio publici iudicij est ei mandata à lege. Ergo dum eam mandat Proconsul, aberrat à iure, & facit illegitime. & hoc est, quod ait in ea *l. i. Papin. errare magistratus, &c.* Et ita coniungenda est *d. l. i. cum l. solent*. Vna extraordinarium mandatum dicit: altera, *errare magistratus*. Et utraque igitur *l.* coniuncta, diu quæsitum conuenientissimum exemplum apponetur ad *l. quod non ratione, supr. de legib.* non ratione inualuit hoc ut Proconsul mandaret legato quæstionem publici iudicij, siue cognitionem custodiarum, sed primum errore: deinde soliti sunt ita mandare. An ergo dicam & cæteras cognitiones, quæ ei lege dantur, posse Proconsulem mandare legato, veluti cognitionem de transactione alimentorum, cognitionem de domino à familia occiso, cognitionem de prædiis minorum distrahendis? Minime, est tamen argumentum idoneum. Si potest Proconsul mandare legato cognitionem criminum, cur non & cognitionem ciuilis rei mandare poterit? Sed respondendum, quamuis & hac *l. i. & l. solent*, detur specialiter cognitio criminum: nos tamen errorem nunquam producimus in consequentiam, *d. l. quod non ratione*. Ut vero intelligamus, quid distet merum imperium à cognitione custodiarum, vel quæstione publici iudicij, obseruandum est quod ait *l. aliud, de verb. sign.* eum pœnam irrogare posse, cui huius criminis executio data est. Is enim, cui cognitio siue quæstio & inquisitio sola data est, non potest pœnam irrogare: propterea in *l. i. C. ubi caus. fisci*. cui licebit pœnam irrogare, hoc est, qui habuerit merum imperium, quod lege datur; & licere dicitur, quod per legem licet, ut indicat oratio pro Balbo. Eadem *l. imperium*, ita definit mixtum imperium, cui etiam inest iurisdictio, hoc est, quod implicitum est magistratui, siue iurisditioni, quod semper cum iurisditione cohæret, quod iure magistratus competit. Et exempli tantum gratia in *l. imperium*, ait, mixtum imperium consistere in danda bonorum possessione, ex testamento scilicet, vel ab intestato, & dando iudice. Quod inquit, in danda bonorum possessione consistit. Hoc est prius exemplum. Posterius exemplum: *iurisdictio est etiam iudicis dandi licentia*. Placet admodum illa vox, *etiam*, quod idem est, ac si diceret, non tantum mixtum imperium, siue iurisdictio consistit in danda bon. poss. sed etiam in dando iudice: recte dices, iurisditionem esse licentiam dandæ bon. possessionis, & recte adicies, esse quoque licentiam dandi iudicis. Et idem omnino dices de imperio mixto, quia ita mixtum est vnum alteri, ut nunquam secernatur. Et hoc in iudicis datione, de qua magis ambigitur, planum facit *l. cum prator, de iudic.* quæ ait magistratum urbanum, iudices dare posse propter vim imperij. Ergo iudicis datio est imperij: aut meri igitur, aut mixti: at certe non meri est: ergo mixti. Fateor in quibusdam magis elucere imperium, ut in modica coërcitione, in aliis apparere quasi nudam iurisditionem, ut in interlocutoria aliqua sententia magistratus: & tamen dum interloquitur, aliquid etiam pro imperio agere dicitur, *l. quod iussit, de re iudic.* Videntur etiam esse magis imperij mixti, quæ denegantur magistratibus municipalibus: alia quædam videntur quasi iurisditionis nudæ: sed nunquam mixtum imperium à iurisditione separatur. Hodie nullum est imperium merum, quia iurisditioni cohæret ius gladij, & grauior coërcitio omnis, hoc est, iure magistratus competit. Et hoc ipso, quod quis creatus est magistratus, ius gladij habet, etiamsi ei non sit datum lege nominatim. Merum quod fuit olim, hodie est mixtum imperium, Quæst. Papin.

A quia competit tacito iure & sequitur vltro magistratum, nec est necesse nominatim delegari: si igitur mixtum est hodie imperium: ergo mandari potest.

Ad l. 33. de rec. arb.

Arbiter ita sumptus ex compromisso, ut & diem proferre possit, hoc quidem facere potest: referre autem contradicentibus litigatoribus non potest. *l. 74. de regul. iur.* Non debet alteri per alterum iniqua condicio inferri.

Sciendum est, iudicem dari à magistratu plerumque; ut iudicet intra certum tempus, quo finito iam non potest iudicare, nisi partes ei prorogauerint tempus, quod magistratus præstituerat, *l. 2. §. si & index, l. si index, de iudic.* Exemplo iudicis dati arbiter compromissarius plerumque eligitur ab ipsis partibus, ut iudicet intra certum tempus, non etiam datur à magistratu. sed nonnunquam additur clausula, ut possit proferre diem compromissi, producere, prorogare, prædere diem, ut ex Lucilio notant Nonius & Donatus: *Possis ne elabi, an porro prodenda dies sit*, hoc est, proroganda, prolatanda: & in Andria: *At qui saltem nuptiis prodat diem*, id est, differat, præroget nuptias. Et hoc pertinet ad *l. Labeo, §. 1. hoc tit.* & ad id quod ait initio huius leg. quod etiam ostendit *l. 32. §. dies*, quærebatur, an possit etiam referre diem? Et ait, eum non posse sine consensu vtriusque partis. Referre diem, est anteferre, anteuertere diem iubendo, ut partes adsint in illum diem, ut Festus ait, *referre diem prædictam*, hoc est, præferre; nobis est, *anticipare*. Verum si retulerit diem, & vnus abfuerit, an committetur pœna? Minime: quia nondum exierat dies compromissi, non potest retrocessum ire, repetere diem, aut ipsum producere diem, ut Græce *ἀναρροῦσθαι*, id est, proferre diem. quod si consentiat vnus, ut referat diem & properet ad sententiam, consensus vnus alteri non nocebit. Et hoc est, quod ait *l. 74. de regul. iur.* his verbis: *non debet alteri per alterum iniqua condicio inferri.* & rectissime huic coniungetur, & est eiusdem Papin. Accipienda est hæc regula de confortibus, qui habent communem rem, aut litem: potest aptari ad coheredes, *l. si petitor, de iudic.* ad fratres: nam factum fratris nocere non potest, quia coheredes sunt, aut confortes, *l. 2. si quis aliqu. test.* Sed proprius aptabitur ad propositam speciem, scilicet si duo sint litigatores, qui adierint arbitrum, non potest alteri per alterum iniqua condicio inferri, puta vnus consentiendo, ut arbiter diem referat, efficere, ut alter in compromissi pœnam incidat. Et ita videtur aptanda cum *l. 33. de recep. arb.*



# IACOBI CUIACII IURISCONSULTI COMMENTARIUS in Lib. II. Quæstionum Æmilij Papiniani.

Ad l. vlt. si qu. caut. iud. hist. caus. fact. non obtemp.



Ecce l. est de stipulatione iudicio sisti, quæ quidem se stipulanti obligat semper non tantum, qui suo nomine conuenitur, sed & qui alieno: quum enim vocaris in iudicium, aut statim sequi debes partem, aut cauere iudicio sisti ad condictum diem, vel ad diem, quo stipulator agere vollet. Elegantissima est hæc legis species: Finge: Tutor



nomine pupilli in iudicium vocatus, promisit iudicio sisti in diem certum, vel ad diem, quo stipulator agere vellet (his cautionibus hodie non utimur in Gallia nec cautione de rato, nec de iudicato soluendo: nullæ interponuntur iudicij exercendi causa stipulationes) is vero tutor non obtemperauit stipulationi, quia ad diem iudicio non adfuit. Commilla est igitur stipulatio ipso iure. Priusquam reliqua huius facti persequamur, sciendum est, tutorem, qui conuenitur pro pupillo, cauere quidem iudicio sisti, sed non iudicatum solui, in *l. 1. §. sufficit, de admin. tut. & l. ult. §. defens. C. cod. tit.* Et hæc est vna differentia non vnica inter tutorem, & procuratorem siue defensorem litis alienæ. Et quæ de tutore dicemus, ea de curatore intelligenda sunt: nam defensor litis alienæ non est idoneus, nisi caueat iudicatum solui: tutor vero licet defendat pupillum, non promittit iudicatum solui. & ratio differentia hæc est, quia defensor litis alienæ volens suscipit mandatum agenda litis: nemo enim inuitus suscipit mandatum, sicut nemo inuitus contrahit, vel etiam sine mandato immiscet se liti alienæ vltro, irrogatus tutor vero tutelam suscipit etiam inuitus, quia tutela manus ciuile est, & omne munus ciuile inuito iniungitur: non est æquum onerari cautione iudicati soluendi eum, qui ad litem alienam etiam inuitus accedit: potest tamen tutor obligare pignori vel hypothecæ prædia pupillaria, etiam sine decreto prætoris vel præsidis contra orationem D. Seueri, videlicet iudicati soluendi nomine, quum ipse pupillus litem suam defendit tutore auctore, qui casus est singularis, quo hypotheca contrahitur prædiorum pupillarium sine decreto, quia pupillus, qui in iudicium vocatur, cauere debet, & frustra desideratur decretum, vbi soluere necesse est. Et hoc est, quod in *d. §. defensionem, in fine*, dicitur, tutorem posse subsignare, hoc est, pignori obligare res pupilli etiam immobiles, hoc est, prædia, pro cautela litis, siue pro cautione iud. solui, non vt Accurs. pro cautione iudicio sisti, *l. si seruus, iud. solui, l. si eum, de fideiuss. l. 5. §. in possessionem, vt in posses. legat.* Cautio iud. solui, est cautio rei vel litis: nam est de soluenda re, aut æstimatione rei: est igitur cautio realis. Cautio iudicio sisti est personalis, in *Novell. 53. cap. 3. §. 2.* cautio de persona, non de re. Igitur cautela litis, est cautio iudicatum solui, non cautio iudicio sisti. Tutor igitur, cum non paruit stipulationi, stipulatio commissa est, vt præstetur id quod interest, vel pœna stipulatione comprehensa. Verum antequam ageretur ex ea stipulatione, interim vt Papinianus ait, vel inter moras, vt loquitur Marcellus in *l. tutor 28. de administ. tut.* Inter moras, inquam, id est, antequam ageretur ex stipulatu, pupillus adoleuit, vel mortuus est: atque ita finita est tutela, quæ finitur adoleſcentia, vel morte; vel pupillus se abstinuit hereditate, cuius nomine conueniebatur: Finge enim conuentum fuisse eum, aut tutorem pro eo ex contractu patris, cui heres extiterat, vt ait *l. 2. de administ. & peric. tutor.* & commissa iam stipulatione iudicio sisti aduersus tutorem, qui eam interposuerat, quæ ad eam responderat, pupillum abstinuiffe hereditate. Quæritur an actio ex stipulatu, quæ commissa est, danda sit in tutorem? Et ait prudentissime Papin. denegandam esse actionem, quia finita est interim causa stipulationis cum pupillus abstinuerit se bonis paternis, vel etiam quia finita est tutela. Et ita proponitur in *l. tutor.* Verum Papinian. vt hoc magis probet, utitur optima similitudine: si postquam tutor in iudicium vocatus nomine pupilli & condemnatus sit, adoleuerit interim pupillus, vel mortuus sit, vel abstinuerit se hereditate patris, ex qua lis descendebat, beneficio prætoris: si hæc contigerint post condemnationem tutoris, actio iudicati in tutorem non dabitur. Sed primo casu, id est, si adoleuerit pupillus, in pupillum dabitur. Secundo casu, id est, si mortuus fuerit pupillus, dabitur in heredem pupilli. Tertio casu, si se abstinuerit, in nullum dabitur, *l. 2. de admini-*

*strat. tut. l. 1. C. quando ex fact. tut.* Pari ergo ratione non dabitur etiam in tutorem actio ex stipulatu, si posteaquam commissa est stipulatio iudicatum solui, hæc contigerint, quia nihil interest stipulatio interponatur sine causa, an postea finiatur causa, *l. ult. iud. sol.* An ergo si hæc non contigissent, daretur actio iudicati in tut. sic sane, si se liti obtulisset, si cum ipso pupillum exhibere posset, cuius res erat, ipse maluerit iudicium accipere pro pupillo, quam ei auctor esse iudicium accipiendi. Nam in eius arbitrio est, vt nomine pupilli iudicium accipiat, aut pupillum exhibeat. Quod si iudicium accipiat pro pupillo, videtur se liti offerre: & ideo merito est in eum actio iudicati. Aliud dicendum est, si pro pupillo absente vel infante iudicium acceperit, id est, minore annorum septem cum is non posset ei esse auctor ad iudicium accipiendum: nam impuberes in ius vocare permissum non est, *l. neque impuberes 22. de in ius voc.* Quia igitur coactus ipse iudicium suscepit, actio iudicati in eum non dabitur, sed in pupillum, *l. 2. de admin. tut.* Idemque erit in procuratore cuiuslibet: nam si procurator pro domino conuentus sit & condemnatus, actio iudicati dabitur in dominum, vel si vicerit procurator, dabitur domino: nam vincit & vincitur domino procurator. Actio ergo iudicati non dabitur in procuratorem, nisi se liti obtulerit non rogatus, id est, nisi sit procurator aut gestor voluntarius *l. 4. de re iudic.* Et in hac re nulla est differentia inter tutor, & procuratorem, sed alia est, quæ pertinet ad quæstionem istam: Tutor si extra ius cauerit se soluturum nomine pupilli, quod pupillus debuit, finita tutela recte recusat actionem, hoc est, non cogitur iudicium accipere ex ea causa, *l. 5. §. ult. quando ex fact. tut.* Procurator autem, qui, dum gerit negotia domini, pro domino promisit aliquid, finito mandato non recte recusat actionem. Id de tutore scripsit Papinianus in *d. l. 5.* Idem scripsit de proc. in *l. procurator, 67. de procurator.* Finge: Procuratori mandasti, vt venderet rem tuam: vendidit, & cauit de euictione tuo nomine, ac postea desit esse procurator tuus renocato mandato, aut quasi expleto mandato, cum non erat procurator omnium rerum: an procurator tenetur emptori euictionis nomine finito mandato? Sic sane: quia finito mandato non finitur obligatio, qua se obstrinxit pro domino. & ratio hæc est, quia volens accessit ad negotium alienum, & cauit vltro de euictione. Sed si quid vendat tutor, finita tutela non tenetur, etiam si cauerit de euictione, quia inuitus accedit ad tutelam & cauet si quid coactus necessitate officij, quod sustinet vendat.

#### Ad l. 38. de Pactis.

*Ius publicum priuatorum pactis mutari non potest.*

IN hac lege ex Papiniano proponitur hæc regula iuris, qua nulla est, quæ tot exempla habeat. Sed non vtar vulgaribus, aut iis quæ iam à me antea sunt prodita. Ius publicum priuatorum pactis mutari non posse. nullus est Iurisconsultus qui tot iuris regulas nobis confecerit, quod longior progressus Papiniani ostendit. id est argumentum summæ peritiæ Papiniani. Periti est habere in promptu regulas & definitiones tum rerum, tum etiam nominum. Ac memini Theologos inter ceteros non aliam ob rem facere plurimi Damascenum, quam quod eius scripta sint plenissima definitionum. Possem statim ex eodem Papiniano apponere exemplum ex *l. ult. de suis & legit.* sed est tritum. Priusquam alia proponam sciendum est, ius publicum in iure accipi dupliciter. Publicum dicitur primò, quod consistit in sacris, sacerdotibus, religione, magistratibus, *l. 1. de instit. & iure.* Secundo ius fiscale dicitur ius publicum, quod tamen est priuatum Principis. Tertio ius publicum dicitur ius commune omnium, id est, ius ciuile, leges, plebiscita, Senatusconsulta, edicta præto-



rum, mores populi Romani, qui respiciunt omnium utilitatem, non etiam commodum privati hominis. & ita sapissime ius publicum accipitur pro legibus, puta pro lege Falcidia, &c. Hoc ius publicum priuata conuentione conuelli & commutari non potest. Utamur nouis exemplis. Iusiurandum calumniae introduxit Iustinian. voluit enim de calumnia iurare litigatores in ingressu litis: & pari religione exegit etiam iusiurandum à iudicibus, atque etiam ab aduocatis, respiciens ad publicam utilitatem, ne quis temere litigaret. An potest iusiurandum calumniae remitti ex consensu partium? Minime, quia ius publicum priuatorum pactis mutari nequit, l. 2. §. *sed quia*, C. de iureiur. propt. cal. Plus potest ius publicum, quam priuata conuentio: priuata conuentio eludere leges, aut constitutiones non potest. Item, ut constat ex sententiis Pauli, functio dotis pacto mutari non potest, hoc est, præstatio & redditio dotis: dos reddenda est ex 12. tab. annua, bima, trima die, hoc est, tribus pensionibus, si consistat in pecunia numerata, auctore Vlpian. in Fragm. tit. 6. an valebit pactum & conuentum, si placuerit, ut præstaretur quadrima die? minime, l. 16. de pact. dor. Legibus etiam prodita est actio ob mores, actio de moribus, vel retentio ex dote propter mores eius, qui diuortio causam dedit; quæ à Rhetoribus dicitur actio malæ tractationis, quæ quia publici iudicij est, pacto non tollitur. Est etiam actio ob res donatas coniugi, vel retentio, quæ non valet, nisi perseueret donator in eadem voluntate usque ad mortem. An si conuenerit initio matrimonij, ut si quid donetur, non repeti possit, vel ne de moribus agatur, aut plus aut minus exigatur, an hoc pacto obstringi possunt? Minime: nam iuri publico derogat, l. 5. de pact. dotal. Similiter ex lege 12. tabul. actiones hereditariæ diuiduntur ipso iure, ut singuli heredes non teneantur in solidum, sed pro partibus hereditariis: hoc ius non potest pactis immutari, l. 2. §. *ult. famil. erisc.* Vtar alio exemplo ex Nouell. 22. cap. 32. & 33. Finge: datus est ususfructus, vel data proprietas bonorum, aut nuda, aut plena in dotem, vel donationem propter nuptias, vnus ex maritis soluto matrimonio lucratur dotem, vel donationem propter nuptias, an tale lucrum amittet, si transeat ad secundas nuptias? minime. An si initio conuenerit ut amitteret hoc lucrum si forte transfret ad secundas nuptias, an transeundo ad secunda vota amittit? nec hoc etiam casu amittet. Et vitur etiam Iustinianus hac regula, non posse iuri publico derogari priuata conuentione, d. Nouell. 22. Exceptio est vna; nisi lex specialis id permiserit, nisi pactio sit legitima, ut possit iuri publico derogari priuata conuentione. Exemplum est in l. *ult. §. ult. C. de tempor. appellat.* an initio litis pacisci licet, ut qui superatus sit, non appellet: aut fatalia tempora quæ dicuntur *uicini iudicij*, non obseruet? sane pactio non valebat. Sed hodie valet ex constitutione Iustiniani, d. §. *ult.* Hæc igitur regula patet latissime, & habet exempla innumera: nam nec voluntate testatoris mutatur ius publicum. An potest mutari l. Falcidia aut prohiberi? minime: Sed hodie potest ex Nouell. 1. & constitutione Iustiniani. Non potest testator facere ne leges in suo testamento locum habeant, l. 55. de legat. 1. Est hoc addendum huius leg. sensum hunc esse: Ius priuatorum facile mutatur priuatorum conuentione: ut puta quæ sita tibi actione, ius tibi quæsitum facile condonaueris ubi quæseris. Pacto non potes etiam efficere, ne nascatur actio, sed nata poteris non uti, aut eam remittere pacto, si volueris, quod hoc non pertineat ad ius publicum, sed ad priuatum. non possunt autem priuatorum pactioes efficere, ne leges, edicta, constitutiones vim habeant in suis contractibus, vel aliis negotiis, quæ ad eos spectant, quamquam, si quid eis quæsitum fuerit, de eo utiliter paciscantur, idque remittant, aut habeant pro derelicto aut nullo: ut heres post mortem testatoris, quo maxime tempore locus legi Falcidia

Quæst. Papin.

est, solida legata præstare potest non utendo Falcidia, l. 46. ad leg. Falcid. l. *ult. C. eod.* Quo genere videtur heres plenum obsequium plenamque fidem exhibere defuncto in l. *qui totam*, ad S. C. Trebell. Plinius lib. 2. epist. 16. & lib. 4. epist. 10. Nam lex Falcidia contra voluntatem defuncti patrisf. semper inducta creditur: nam sane solidum defunctus præstari vult, l. 86. ad l. Falcid. & Nouell. 1. Verum testatore viuo inutiliter paciscitur heres de non deducenda Falcidia, si contigerit mori testatorem: ea pactio non efficit, ne locus sit Falcidia, l. 15. §. 1. ad leg. Falcid. Et sic legatum, aut hereditas postquam delata est, recte repudiatur, sed antequam deferatur, si repudietur, vel si de ea paciscatur heres, vel legatarius cum herede legitimo, vel scripto, inutilis pactio est, inutilis repudiatio, quæ non potest impedire delationem, quæ sit ipso iure. Obuiam non potest ire legibus. Dixi hanc regulam esse frequentissimam, imo nulla frequentior, addidique noua exempla quinque. Adiciam quod ex Græcis didici, & ad plenioram regulæ explanationem valde facit, hanc regulam aptari posse ad legem præcedentem; ad quam ipsi coaptant ut plurimum est series quædam etiam in ipsa digestionem & ordine legum, & nectitur quodammodo vna ex alia: præcedentia & sequentia legenda, ut aliquid deprehendatur, quod ad legem faciat, cuidamus operam; & qui volunt legere legem aliquam, debent prius spectare, quid sit in præcedenti, quid in sequenti. ita verum percipient legum sensum sapissime. In lege præcedenti hoc ostenditur, Curatorem reip. non posse remittere pecuniam debitam reip. habita pactione cum debitore publico, & si remiserit, nihilominus esse integram eius pecuniæ petitionem. Ad eam legem addes rectissime eam rationem, quia ius publicum pactis priuatorum mutari non potest. Ac sane videtur etiam Papin. hac regula esse usus in hac specie. Ius publicum, hoc est, ius Reip. ciuitatis, municipij, mutari non potest à priuatis: ita enim in l. 42. hoc tit. dicitur, ius etiam fiscale priuatorum pactis conuelli non posse. Sed patet etiam regula latius, alioquin non esset regula, hoc est, non tantum continet ius reip. aut fiscale, sed etiam ius commune, leges, plebiscita, edicta, & mores. Verum ad hanc regulam addidi vnâ exceptionem, nisi scilicet priuata conuentio, quæ derogat iuri publico, lege aliqua, aut constitutione nitatur ac confirmetur, l. *ult. C. de temp. & repar. appell.* quia scilicet re ipsa hæc pactio non derogat iuri publico cum probetur iure publico, & sit legitima conuentio. Addam hodie similiter exceptiones duas. Vnam ex l. 1. §. *inde quaritur, de ope. noui nunt.* Finge: Si vicinus meus faciat nouum opus, quod arbitror iuri meo officere posse, possum eum impedire, ne ædificet, nuntiatione noui operis instituta, etiam non adito prætoris: (quamquam iure Gallico oporteat adire magistratum) post eam nuntiationem litigatores se committunt prætoris iurisdictioni, ut animaduertat, remittenda sit nuntiatio, nec ne. Et qui ædificat antequam prætor remittat nuntiationem, facit contra edictum prætoris de noui operis nuntiatione, & tenetur interdicto restitutorio ut diruat, quod ædificauit, cuius formula hæc est: *Quod aduersus edictum prætoris fecit.* Inde quaritur, an sine iussu prætoris pacto remitti possit nuntiatio? & videbatur non posse, quia in ea re versatur prætoris imperium, eaque res pendet ex iurisdictione prætoris, d. l. 1. §. *inde quaritur*, l. 7. §. *si paciscar*, hoc tit. quia neglecto imperio prætoris, hoc est, non adito prætoris, & admissa huiusmodi pactione quæ remittit nuntiationem, videtur priuata pactio præponi imperio prætoris: edicto prætoris. ergo non admittenda, nec seruanda. Sed magis placet seruandam esse eam pactionem, & valere non minus remissam nuntiationem à denuntiante, quam si fieret à prætoris, quia scilicet vterque idem agit & spectat, ut finiantur lites inter vicinos: idem agit hæc pactio, quod agit & prætor: atque ita re ipsa nihil derogat iuri pu-

B ij



blico: idem enim agit quod edictum pratoris. Alia exceptio erit ex l. 31. hoc tit. Ait lex: pacisci licet contra edictum Adilium curulium omnimodo. quid est omnimodo? siue initio venditionis conuenerit aliquid contra adilitium edictum, siue post, rata est conuentio, & infirmat Adilitium edictum. Finge conuenisse inter contrahentes, ne ageretur actio redhibitoria ob morbum vel vitium rei venditæ, quod est contra adilitium edictum. Si ita conuenerit post venditionem, sane rata est conuentio, quia quæ sita actio emptori, ab eo ultro remittitur: & nemo inuitus cogitur uti iure suo. Sed si initio venditionis ita conuenerit, an valebit ea conuentio? Et ait valere. Pacisci contra adilitium edictum, est iuri publico derogare. Et licet regula enuntietur duobus modis: contra leges, vel S.C. aut constitutiones, pacta conuenta non valent, non seruantur à pratore. Vel, ius publicum non potest mutari pacto priuatorum; & ita duæ videntur esse regulæ; tamen vnatum est, hoc sensu: pacta contra formam iuris publici, contra leges, plebiscita, Senatusconsulta, mores, edicta pratorum, constitutiones non valent. Sed addamus etiam pacta facta à priuatis, aut inter priuatos contra ius fiscale non valere. Item, pacta inter priuatos facta contra ius reipubl. non valere: & hoc ad ecclesiam trahi posse, quia in iure sæpe comparatur reipublicæ. Ideo autem pacisci contra edictum adilitium licet quia ea est mens adilium, ut ob eum tantum morbum, aut vitium sit actio redhibitoria, quod ingerendo negotio venditionis exceptum non sit: quod si generaliter omnes excepti sint, cur non erit rata conuentio? Et in summa, in his exceptionibus videtur quidem pactio priuata derogare iuri publico prima fronte, sed re ipsa non derogat, quia id sit ex mente, aut permissu legis vel edicti, vel constitutionis. Hæc sunt, quæ maxime notanda erant ad hanc regulam.

#### Ad l. ult. de transact.

*Venditor hereditatis, emptori mandatis actionibus, cum debitore hereditario, qui ignorabat venditam esse hereditatem, transgessit. si emptor hereditatis hoc debitum ab eo exigere velit, exceptio transacti negotij debitori propter ignorantiam suam accommodanda est. Idem respondendum est in eo, qui fideicommissam recepit hereditatem, si heres cum ignorante debitore transgessit.*

**S**pecies hæc est: Heres vendidit hereditatem omnem, hoc est, ius vniuersum, & mandauit emptori, hoc est, cessit actiones hereditarias: (in iure idem est mandare, cedere, exhibere. Erat necesse cedere actiones hereditarias emptori ante constitutionem D. Pij. Hodie etiam sine cessione in emptorē actiones transeunt, l. 16. de pact.) Is heres post venditam hereditatem certa pecunia transgessit cum debitore hereditario, ignorante venditam esse hereditatem: an erit emptori hereditatis actio utilis ex cessione in debitorem hereditarium? Sic sane: sed repelletur exceptione transacti negotij, vel transactionis, quamuis non transegerit cum emptore, sed cum venditore: qua ratione fit, ut ei, qui non transgessit, noceat transactio facta cum alio: & ob id hæc exceptio non est directa, sed utilis: quod heic significat Papinianus in hac l. dum ait, *est accommodanda*, id est, inflectenda: nam in iure passim actiones & exceptiones dicuntur accommodari, hoc est, inflecti & transferri in causam, in quam proprie non conueniebant, ideo à Græcis vocantur *παραπαισσι*, quasi obliquæ actiones, vel exceptiones: sane hæc exceptio datur ex utilitate, ne iusta ignorantia noceat debitori hereditario. qua ratione fit, ut debitor liberetur, qui soluit procuratori finita procuratione, si ignoret finitam esse, §. *Item si*, de mandato, l. eius, D. de rebus cred. Et patet idem iuris esse in solutione quod in transactione: nam si debitor hereditatis ignorans venditam fuisse hereditatem, venditori hereditatis soluerit,

**A** sane ipso iure debitor liberabitur, nec poterit cum eo experiri emptor hereditatis. Solutio ipso iure liberat, transactio per exceptionem: nam genus pactionis est, & pactio nisi sit legitima, non liberat quenquam ipso iure, sicut nec obligat. Vtitur Papin. similitudine fideicommissarii Trebelliani, non abs re: nam & fideicommissarius Trebellianus, & emptor hereditatis, vterque vicem heredis obtinet, & effectu quodammodo heres est, l. 2. §. *pen. de hered. vel act. vend. l. 5. quod cum eo qui*. & in vtrumque transeunt actiones utiles etiam sine cessione: ex constitutione D. Pij in emptorem hereditatis: in fideicommissarium vero ex Senatusconsulto Trebell. Nunc finge: post restitutam hereditatem heres transgessit cum debitore hereditario accepta certa pecunia, cum scilicet debitor ignoraret causam fideicommissi, aut restitutam hereditatem: si cum eo agat fideicommissarius utili actione, repelletur eadem equitate, exceptione transacti negotij cum herede. Sed laudo, quod dixit Accursius, emptori hereditatis vel fideicommissario teneri heredem vel venditorem, qui restituit, quia non præstitit integram hereditatem, non præstitit nomen illud, quod ipse extinxit facta transactione: nihil igitur damni facit emptor hereditatis, aut fideicommissarius Trebellianus, sed nihil etiam debitor, qui transgessit ignorans. Rectissime autem ponit Papinianus, eum transgessisse ignorantem: nam si sciens transgessit, proculdubio tenebitur: nam imputari ei potest, cur soluerit ei, cui non debuit: nam post venditionem hereditatis vel restitutionem, heres quidem remanet venditor hereditatis, ac etiam is, qui restituit, sed nomine, sed non re; actiones habent directas, sed sine re: nam si nomen est sine re, & actiones igitur. Sciens igitur debitor venditam aut restitutam esse hereditatem, de se queri debet. Recte etiam Papinianus ponit, heredem transgessisse post venditam hereditatem, vel restitutam: nam quod gessit heres ante venditionem aut restitutionem hereditatis: id ratum habendum est semper, neque distinguitur hoc casu inter scientem & ignorantem, l. *ante restitutam*, l. 104. de solut. quam adducit Accursius.

#### Ad l. 8. De postul. & l. 5. de decurion. & eor. fil.

*Imperator Titus Antoninus rescripsit, eum, cui aduocatio dñibus in quinquennium interdictum esset, post quinquennium pro omnibus postulare non prohiberi: Dians quoque Adrianus rescripserat; de exilio reuersum postulare posse, nec adhibetur distinctio, quo crimine silentium vel exilium sit irrogatum, ne scilicet poena tempore determinata contra sententia fidem ulterius porrigatur. Ad tempus ordine motos ex crimine quod ignominiam importat in perpetuum monei placuit: ad tempus autem exsulare inssos, ex crimine leniore, velut transacto negotio, non esse inter infames habendos.*

**I**N hac l. Papinianus duo proponit rescripta, nec tamen quid de iis arbitretur, exponit, nec inualuerint ea vnquam an secus: nec enim semper omnia rescripta vim suam habuerunt: & quod experimur etiam hodie, idem fuit olim: non omnibus constitutionibus fuit sua vis. Refert igitur Papin. sententiam rescriptorum, nihil præterea: primum rescriptum est Titi, is est Antoninus Pius, non Caracalla occisor Papiniani, ex quo rescripto aduocatus, cui silentium indicitur ad quinquennium, id est, ne pro aliis postulet, post quinquennium postulare potest. Subiicit ex rescripto Adriani, etiam aduocatum relegatum ad tempus (nam exilium hic accipitur pro relegatione: deportatio enim nunquam irrogatur ad tempus) post tempus impletum postulare posse pro aliis. Hoc autē addit de suo Papin. ea rescripta esse generalia, nos igitur non debere illa distinguere: nam vox illa scholæ est vera; *Vbi non distinguit lex, non debemus distinguere*. Non exprimit rescriptum, an damnatus sit aduocatus famosa ex causa, an vero ex alia.



Itaque quacunque ex causa, quocunque ex crimine, siue famoso, siue non, ad tempus quis relegatus sit, vel interdictus sit officio aduocationis ad tempus, post tempus pristino officio fungi potest, quia rescripta non distinguunt, id est sunt generalia: nobis non licet addere distinctionem, quia ratio rescriptorum est generalis: nec sunt hac ratione casus alij ab aliis separandi: & in summa non est adhibenda vlla distinctio; & ratio est, ne pœna tempore definita porrigatur vltra sententiæ finem, vt in l. 3. de decur. ne exaggeretur, inquit, sententia, quæ certum modum habet. Ergo pœna non est exaggeranda aut amplianda, sed minuenda potius & mollienda. Et hoc est, quod in hac l. à Papin. proponitur, in qua sunt duo in eandem rem consentientia rescripta: vnum Adriani, quod fuit prius: alterum Antonini Pij, quod fuit posterius. Rescriptum autem minus est quam edictum, quanquam hodie parem vim habeant. Rescriptum mittebatur ad vnum consultorum. edictum est lex missa ad populum, ad prouinciam, ad S. P. Q. R. Post hæc rescripta subsecutum est edictum Caracallæ, quo generaliter sublata omni distinctione cauit, eum qui ordine decurionum motus est ad tempus pœnæ causa, vel eum, cui aduocationibus interdictum est, vel alio quolibet officio, puta tabellionis, aut pragmatice officio, post tempus posse fungi honore & officio pristino. Et edicto cauetur nominatim, non esse distinguendum, quæ ex causa ad tempus sit motus officio, vel quolibet ordine, an ex causa famosa, puta falsi, vel furti: nam post tempus pristinum honorem & dignitatem & officium recuperabit. Idem etiam erit, si leuiore pœna affectus sit, dum ordine motus est, seu quo alio officio ad tempus, quam legibus statuta esset: si extra ordinem (vt apertius dicam) sit ei inflicta pœna lenior, quam statuta esset legibus: nam non ideo minus post tempus statutum pœnæ restituetur officio: atque ita experietur duplicem humanitatem. Nam & patietur clementiorem sententiam seu pœnam, & post tempus pœnæ etiam recipiet honorem & officium pristinum. Et hoc edictum ita exponitur ab Vlpiano in l. 3. de decur. & extat etiam eiusdem edicti pars in l. 1. de iis qui in exilium dati, vel ordine moti. vbi ait, posthac, id est, in posterum, quasi ante id non obtinuerit Romæ. Vnum notandum quod proponitur in l. 2. eod. tit. 59. & l. 15. ad municip. ad tempus ordine motum post tempus redire in ordinem indistincte, vt vult edictum. quacunque ex causa damnatus sit: & esse decurionem igitur vt fuit ante: sed non admittitur ad honores statim, qui solent deferri decurionibus, nisi tanto tempore in eo ordine fuerit post completum tempus pœnæ, quanto ea dignitate caruit, aut eo ordine abstinuit: post deferentur ei honores non minus quam cæteris gradatim & sigillatim, vt solebat fieri. Habemus igitur duo rescripta & edictum vnum, quæ consentiunt in idem. Sed habemus præterea etiam rescriptum Seueri & Antonini ex l. 3. C. ex quib. caus. inf. irrog. quo ponitur decurio ex causa famosa ordine motus ad tempus, & mitiore sententia iudicis, quod forsitan is debuerit moueri ordine in perpetuum secundum leges, sit autem motus ad biennium, & sic expertus est mitiorem sententiam ex causa famosa, tamen post biennium non habetur infamium numero, & redit in ordinem decurionum. Hæc igitur quatuor constitutiones mirum in modum inter se consentiunt. Sed repugnant nonnullæ leges, quas nunc exponemus. Ac primum l. 5. de decur. quæ tamen est Papiniani ex eodem libro, atque ita huic l. coniungenda; imo vero prius explicanda fuisset, quam hæc. Exponamus igitur eam quæ distinguit, quæ ex causa damnatus quis sit, & conferamus etiam singulas leges, quæ superioribus constitutionibus aduersari videntur, hoc est, quæ distinguunt, quæ ex causa damnatus sit quis, cum constitutiones nullam distinctionem admittant. Vtatur bipartita distinctione: aut damnatur quis ex causa

Quæst. Papin.

famosa, aut non famosa. Si ex causa non famosa, non turpi, relegatur quis, vel mittatur in exilium ad tempus, quanquam hoc vix fieri possit, vt relegatur quis ex causa non famosa, sed tamen fieri potest: Si ex causa non famosa ordine moueatur ad tempus, sane post tempus redit in ordinem: non enim est infamis: nec est quod impediatur: & ita interpretanda est l. falsi pœna, §. 1. ad l. Corn. de falsis. Aduocatus quidam ordine decurionum motus est ad tempus, ( poterat quis esse aduocatus & decurio, l. 56. & 57. C. de decur. lib. 10. & perperam quibusdam curiis excluduntur hodie aduocati à consilio municipiorum, des conseils de la ville ) ordine, inquam, motus est ad tempus, quod falsum instrumentum apud Præsidem recitasset, quodque etiam falsa allegatione vsus esset, non quod exarasset ipse, sed quod recitasset tantum, an tenetur lege Cornelia de falsis? Minime. Iudicio publico legis Corneliæ de falsis, quod est famosum, tenetur is, qui falsum fecit, non qui recitauit, sed tamen & recitator plectendus est, verum non fit infamis: atque ita aduocatus, qui falsum tantum recitauerat, ex causa igitur non famosa, ad tempus ordine motus, post tempus recipit pristinam dignitatem. Idem erit in plebeio qui non est decurio; & hæc sunt certissima: si aduocatus, qui non est decurialis, sit relegatus ad tempus, post tempus poterit decurio creari, nec accipietur curia & honoribus ciuitatis. Quid vero si damnatur quis ex causa famosa? Sic distinguendum rursus: vel damnatur pœna extraordinaria, vel legitima. Et hic in primis sciendum, pœnas olim fuisse legitimas, nec potuisse irrogari à magistratu: pœnæ irrogatio est legis, non iurisdictionis. Erant igitur pœnæ criminum certæ & legibus definitæ: nec à magistratu, cui data erat pœnæ irrogatio, hoc est, merum imperium, poterat alia pœna irrogari, quam quæ erat legibus definita; ac propterea dicitur ab ea pœna non posse appellari: nam appellaretur à lege. Nec enim tam magistratus irrogat pœnam, quam lex. l. 1. 1. aliud, de ver. signif. Verum non tantum pœna hæc fuit olim legitima, sed etiam ordo exercendorum publicorum iudiciorum, fuit legitimus, seu solemnitas eius legitima fuit, ac ordinaria, quam Gallice vocamus la procedure. Deinde ordo cœpit esse extraordinarius, cœpit contemni ordo solemnis legum, manente adhuc pœna legitima, l. 8. de publ. ind. postea etiam cœpit non obseruari pœna legitima, & subrogatæ sunt extraordinariæ ex constitutionibus, l. 7. §. ult. ad l. Iul. repet. l. ult. §. 1. ad leg. Fab. de plag. l. 13. de pœn. l. 2. de præuar. Quod vsque aded verum est, vt fur non manifestus, qui ex legibus damnabatur in duplum, hodie damnetur in quadruplum extra ordinem: quia omnes pœnæ sunt extraordinariæ, l. quid ergo, §. pœna, de his qui not. inf. Et hodie cur non vtimur actione furtiua in duplum aut quadruplum? Quia non sunt in vsu pœnæ legitimæ: omnes sunt extraordinariæ positæ in arbitrio iudicis, eaque ratione recte appellatur à pœna: & sic est falsum hodie quod ait Vlpian. in d. l. aliud 131. Redeamus ergo ad distinctionem: aut irrogatur pœna legitima, aut extraordinaria. Si irrogatur extraordinaria, quæ sit grauior quam legitima, vt si is, qui ex causa famosa debuit ad tempus ordine moueri secundum leges, extra ordinem ad tempus sit relegatus, quæ pœna est durior, post tempus non habebitur inter infames, quia durior pœna vel sententia transactum cum eo videtur de infamia, vt scilicet non sit infamis, qui durior pœnam passus est, vt releuetur infamia, vtque conseruetur eius æstimatio, qui durior patitur pœnam, quam lex permittit. Et ita in actione furti quæ est famosa, & cuius pœna est tantum dupli, vel quadrupli, si ex causa furti conuentus non condemnetur in duplum vel quadruplum, sed relegatur ad tempus, vel damnetur in opus publicum ad tempus, an post tempus erit infamis quasi damnatus pœna legitima? Minime: quia seueritas pœnæ videtur transgisse de infamia, nec pœna est pro-

B üj



ducenda, sed minuenda quoad eius fieri potest. Seuerior-  
rem pœnam patitur, an æquum est ei adijci infamiam?  
Minime vero. Et hoc est, quod ait in secunda parte:  
*Ad tempus exulare iussos ex crimine leuiori*, (quod scili-  
cet non meretur pœnam illam, sed leuiorem) *velut*  
*transacto negotio non esse inter infames habendos*. Idem-  
que ostendit *l. 4. ex quib. caus. inf.* cuius species adno-  
randa est, quia difficilis. Finge: Quidam, qui secundum  
leges in annum tantum debuit relegari, relegatus est in  
quinquennium ex causa famosa. Et inquit, non excessit  
sententiam, quod est obscurum, hoc est, pœna sua fun-  
ctus est, non fuit refuga pœnæ, sed permansit in exilio  
per quinquennium; alioqui duplicaretur exilij tempus:  
nam contumacia refugæ duplicat pœnam, *l. 4. aut dam-  
num, §. quisquis, de pœn.* an hic post quinquennium ha-  
bebitur infamis? Minime, quia seueritas pœnæ cum eo  
videtur transgisse de infamia: non subiicitur ergo du-  
plici seueritati. Idem dicitur in *l. in seruorum §. vlt. de*  
*pœn. l. 4. §. ad tempus, de re milit. l. 13. §. pœna, de his qui*  
*not. inf. l. ordine, ad municip.* Hæc omnia adhuc consen-  
tiunt cum constitutionibus: nam post tempus pœnæ non  
habetur infamis, qui damnatus est grauiori pœna. Ve-  
rùm vt sumamus alteram partem distinctionis: si ex causa  
famosa irrogata sit pœna legitima, veluti decurio ordi-  
ne motus sit ad tempus pœna legitima, vel etiam pœna  
extraordinaria, quæ sit leuior quam legitima, hoc casu  
post tempus manet infamis, & in perpetuum remouetur  
ordine ob infamiam. Et hoc proponit prior pars *l. 5. &*  
*idem omnino est, si decurio sit relegatus ad tempus: nam*  
*vt ait l. 3. in princ. hoc est. boni debet consulere humanitatis*  
*sententia, (il se doit contenter de cela) quod sit leuiori pœ-*  
*na affectus, nec desiderare, vt post tempus redeat in ordi-*  
*nem.* Post tempus igitur non recipiet pristinum hono-  
rem, sed habetur infamis. Omnis infamia proprie est  
perpetua, nisi Princeps restituat famæ, qui solus potest  
abolere infamiam. Et quod dictum est ante, post tem-  
pus non haberi infamium numero eum, qui grauiori  
pœna affectus est, quam sit pœna legitima, ita accipien-  
dum est, vt nec retro intelligatur fuisse infamis: quamuis  
subierit pœnam quandam infamiæ. Sunt hic effectus infam-  
iæ, vt infamis non possit accusare, *l. 8. de accus. vt*  
*non possit esse iudex, l. 12. de iud. vt non possit assidere iu-*  
*dici, l. 2. de off. assess. vt seuerius puniatur quam is, qui*  
*est integræ famæ, si quid deliquerit, quod est magni*  
*momenti, l. 28. §. pen. de pœn.* Et vt eleganter ait M.  
Tullius pro Cluentio: *vt in perpetuum omni honore &*  
*dignitate priuetur*, vel vt Tertullianus de spectaculis, *Ar-*  
*cetur curia, rostris, Senatu, equite, & ceteris omnibus simul*  
*honoribus ac ornamentis*, quod congruit cum *l. 2. C. de di-*  
*gnit. & l. 8. C. de decurion.* Ergo si quis secundum le-  
gem, vel etiam extra ordinem mitiore sententia quam  
lex esset, ad tempus sit ordine motus, vel relegatus, post  
tempus erit perpetuo infamis. Idem erit, si ad tempus  
damnatus sit in opus publicum, quæ est species *l. 6. C.*  
*ex quibus caus. inf.* in qua breuiter hoc ait. In opus pu-  
blicum damnatum ad tempus capite non minui, sed ta-  
men post tempus infamium numero censeri, quando sci-  
licet extra ordinem passus est mitiorem sententiam, vel  
etiam ex ordine pœnam legitimam ex causa famosa.  
Idem ostendit *l. 4. §. ad tempus, de re milit.* Igitur *l. 6.*  
*& d. §. ad tempus, & l. 3. in princip. de decur.* & prior  
pars huius, quæ omnes leges voluit post tēpus pœnæ mane-  
re infamiam, pugnant cum constitutione Adriani. Prior  
pars *l.* quamuis sit eiusdem Papiniani pugnat cum *l. 3.*  
*de postul.* Et in quærenda ratione componendi dissidij  
frustra fueris diligens: nulla enim est. Et hoc tantum  
respondemus, separandas esse constitutiones à iure, quæ  
separatio in plerisque iuris locis plurimum conducit.  
Iuris nomine intelliguntur leges veteres populi Rom. &  
auctoritates Iurisperitorum: ita nonnunquam scribitur  
aliquid esse cautum, non tantum iure, sed etiam con-  
stitutionibus, *l. 33. de condit. & demonst. l. 4. §. contra, de*

*A deli except. l. 1. §. propter, nihil innox. app. int. l. 2. de*  
*offic. assess. l. 2. C. de diuers. rescript. l. 1. tit. 23. l. 5. quo-*  
*rum appellat.* Et plane separat ius à constitutionibus Ma-  
crinus Imp. iuris peritissimus & amantissimus, quem  
Capitolinus scribit, iussisse aboleri omnia Principum res-  
cripta, vt ex iure ageretur, non ex rescriptis. Sane non  
abs re. Nam rescripta & constitutiones ius omne popu-  
li Romani exturbauerunt, quo cum comparata cæte-  
ra iura, incondita videbantur. Magna est quæstio, an  
liberis damnatorum patronorum conseruetur veluti ius  
patronatus, quod habuit, qui damnatus est capitali  
iudicio? Minime, si sequamur *l. 3. de releg. & inter.*  
quæ de iure patronatus loquitur. Contra *l. 4. de iure*  
*patron.* ait, liberis damnatorum ius patronatus conser-  
uari, & profert constitutiones, quæ benignissime, vt ait,  
eisdem conseruarunt ius patronatus: quod ius nolebat.  
Est etiam magna quæstio de maiore parte creditorum,  
quæ paciscitur cum debitore interueniente Prætorē so-  
lemniter, dum scilicet timent, ne labatur facultatibus, ne  
foro cedat. Solent conuenire in vnum omnes credito-  
res, vel maior pars, & adhibito solemniter Prætorē pa-  
cisci cum debitore in partem aliquam debiti, ne totum  
amittant. Finge igitur ita rem actam apud Prætorē à  
maiore parte creditorum, an hoc nocet absentibus cre-  
ditoribus? Sed an & noceat quoad priuilegium, an aufert  
priuilegium absentibus? negat auferre. Sic sane pro-  
pter decretum Prætoris nocet quo ad actionem persona-  
lem, *l. 58. si precedente §. Lucius, mand.* quod est iure. Sed  
*l. rescript. 10. in princ. de pact.* vult, etiam priuilegium  
auferrī, vel minui absentibus creditoribus ex eadem le-  
ge, quæ loquitur de rescripto quod id introductum est  
contra ius. Et ita in quæstione proposita discernendum  
ius à constitutionibus: & concludendum omnino ita ex  
edicto Caracallæ, eum, qui ordine motus est, vel aduo-  
cationibus, vel quolibet alio officio ad tempus, post  
tempus non haberi infamium numero, indistincte qua-  
cunque ex causa, & quacunque pœna affectus sit. An  
idem dicemus de relegato ex causa famosa, vt cum esset  
affectus pœna legitima, vel etiam extraordinaria, & cle-  
mentiore quam esset legitima? minime: quia edictum  
Caracallæ, quod est posterius, non loquitur de relegato  
ad tempus, sed de eo, qui ordine motus ad tempus pœ-  
næ causa. Rescripserat quidem Adrianus, relegatum ad  
tempus, post tempus non esse infamium numero, eum-  
que postulare posse, in *l. 8. de postul.* Sed non obtinuit  
rescriptum illud, nec Antonini. Et necesse fuit postea  
proponi ab Antonino Caracalla edictum generale, quod  
non comprehendit relegatum, sed ait *posthac*, quasi ve-  
lit, hanc rem dirimi ex edicto suo, non ex prioribus res-  
criptis. Ergo hodie in relegato ad tempus ius sequemur,  
vt proponitur in *l. 3. de decur.* in qua etiam hoc edictum  
Antonini refertur, & ait, sub illo edicto non contineri  
relegatum ad tempus. Igitur post tempus manebit infam-  
is, scilicet si reformatio ad tempus fuit pœna legitima,  
vel etiam si fuit extraordinaria sed mitior, quam esset  
legitima.

E Ad *l. vlt. De his, qui not. inf.*

*Ex hereditate quoque filium, luctum habere patris memo-*  
*ria placuit: Idemque & in matre iuris est, cuius hereditas ad*  
*filium non pertinet. §. 1. Si quis in bello ceciderit, etsi corpus*  
*eius non compareat, lugebitur.*

Certum est, heredem etiam extraneum lugere de-  
functum debere, à quo hereditas ad eum peruenit:  
nam & familia eius funesta est, quoad iusta fecerit de-  
functo, *l. si ex re §. vlt. de stip. seru.* Quod quidem des-  
cendit ex iure Pontificio veterum. Hoc autem argumen-  
to eo loco ostendit Gaius, seruum hereditarium recte  
stipulari heredi futuro: nam iacente hereditate & non-  
dum adita, videbatur inutiliter stipulari, quia heres eo



tempore extraneus est: sed tamen placet valere stipulationem, quia qui postea heres est, retro videtur successisse defuncto à morte eius, *l. heres quandoque § 4. de adquir. hered.* tempus aditionis cum tempore mortis coniungitur, & aditio retrahitur ad tempus mortis. Idque, inquit ex eo apparet, quod familia heredis intelligitur fuisse funesta à tempore mortis, licet aliquo post tempore heres adiuerit hereditatem: si funesta sit familia heredis, purganda igitur erit & expianda, quod non fit sine luctu. Nec tamen heres, qui iusta facit defuncto, ideo & continuo videtur se pro herede gessisse. Gestio pro herede magis est animi quam facti. Si iusta fecerit defuncto, si funus duxerit, si sepeliverit defunctum animo heredis, videtur se pro herede gessisse: si pietatis causa, secus est: nam ut pro herede gessisse dicatur, hoc in animo esse debet, ut velit esse heres, *l. pro herede, §. 1. de adq. hered.* & ita alienorum negotiorum gestio, magis est animi quam facti. Si quid gessisti pro alio, animo procuratoris, est ultro citroque negot. gestorum actio: Si pietatis causa, nulla actio est, *l. ex duobus, 27. §. ult. l. Nescimus 34. de neg. gest.* At si heres velit esse heres, & adeat hereditatem, vel quo alio modo eam adquirat: sunt enim plures modi acquirendæ hereditatis, sane habebitur inter ingratos, impios, infames, nisi funus faciat defuncto, nisi iusta funerum defuncto persolvat, supremum officium, exequias, inferias, solemnia mortis, ut loquitur *l. Menia, 44. de man. test.* nisi colat & celebret memoriam defuncti, à quo hereditatem accepit. Hic est luctus, quem ab herede desideramus, ut colat memoriam defuncti: hic est luctus temporarius, aut paucorum dierum, non annuus; alioqui est infamis, nisi in luctu sit paucorum dierum, si non iure, re ipsa saltem & opinione hominum, *l. §. C. de relig.* Si non infamis, notatus saltem est: nam & infames à notatis separantur, *l. 2. C. de dignit. lib. 12.* ut exhereditatio est nota, non infamia, *l. multi, de lib. & post.* Ac præterea heres, qui non luget defunctum, quique defuncto iusta non facit, iure Pontificio veteri contrahit porcæ præcidaneam, ut scribunt Cicero, Varro, Festus, Gellius, & Victorinus, hoc est, hac pœna plectitur, ut quotannis Telluri & Cereræ immolet porcæ ante fruges novas, quæ dicitur præcidanea, quod mactetur antequam heres possit capere fruges novas, & arua metere: annua religione obstringitur in perpetuum, qui ea fungi semel potuit, nec functus est. Porcæ præcidanea facit quotannis, quod semel facere potuit Porcæ præsentanea, hoc est, in præsentia, & quasi in conspectu mortui. Nam porcæ præcidaneam opponi præsentaneæ eleganter scribit Marius Victorinus in libel. de orthograph. Denique memoriam defuncti heres celebrat quotannis, qui cogeretur semel, nisi aliud testator cauisset, ut in *l. 18. §. ult. de alim. leg. l. legatum, de usufr. leg.* & elegans est in hanc rem ratio d. l. legatum, quæ ponit, legatam fuisse ciuitati pecuniam certam, ut ex eius usuris siue redditu, quotannis spectacula celebrarentur, memoriæ defuncti causa. Id vero spectaculum in ea ciuitate nemini edere licebat: erat illicitum more ciuitatis. Quid fiet? an ea pecunia cedet lucro heredis? Minime, sed adhibito aduocatoque herede & primoribus ciuitatis dispiciendum erit, in quam aliam rem pecuniam conuerti oporteat, ut memoria defuncti celebretur alio & licito genere: qua lege recte memini alias Philippum Melanchthonem uti, & eam accommodare ad mores suæ patriæ, cum illa certum genus celebrandæ memoriæ defunctorum abrogasset, ut eo uti non liceret, licet id præcepisset defunctus, qui propterea ex hac l. arbitratur eam pecuniam non debere cedere lucro heredum, sed in aliam iustam causam conuertendam, veluti in institutionem iuuenum, aut aliam quamuis similem, ut alio genere conseruetur memoria defuncti. Ut autem luctus mortui Latine variis nominibus effertur, *funus, iusta, supremum officium, vel supremæ exequiæ, inferiæ, solemnia mortis,*

A sic & varie Græci ἔμψα, νομίζουσα, ἐκταφιασµα, κνίσις, & κνίσις, & ut dicunt νομίζουσα πένθη, ita Latini iusta ferre, non solum iusta facere, ut in *l. 2. de in ius voc. d. i. pro herede. Virgil.*

— ingratis suprema ferebat.

Et alio loco,

Absente ferat inferias decoretque sepulcro,

Ouidius, — — — exequias ferre, &c. & alio loco:

Hinc quia iusta ferant, dixere feralia luctum.

Et Statius 12.

----- Et miserabile surgit,

Certamen, qui iusta ferant, qui funera ducant.

Et idem lib. 6. (qui locus adhuc est corruptus.)

----- Quid inania fertis

Iusta

B Vulgo legitur, busta.

Luctus ergo, ut ad rem redeamus, quem ab herede desideramus, consistit in exequiis, in funere faciendo, iustis faciendis, celebranda memoria defuncti, etiam in amictu atro, dum is supra terram est: solebat esse supra terram dies nouem: tot diebus constabant iusta & inferiæ mortuorum, quæ dicebantur κνίσις, id est, feriæ mortuorum, aut memoriæ. Idque constat ex Nou. 115. & 133. Atque ob eam rem intra dies nouem nihil peti poterat ab herede, nec à quoquam qui lugeret defunctum, *l. 2. & 3. de in ius voc. l. 36. de iud.* Ita Donatus in Phormione, *In funere nonum diem esse solemnem*, & D. Augustinus in Genes. *Luctum celebrari nouem dies*, & Latine appellari nouendialia, quem tamen morem non vult obseruari à Christianis. Probat quædam Iustinianus, quæ Theologi non probant, veluti festum Papiniani nostri, & illa nouendialia, dict. Nou. 115. & Nou. 133. quæ Græci veteres recte interpretantur ἑννέα καὶ ἑκατὸν ἡμέραι, Pergamus. Lugeret debet defunctus non tantum ab heredibus, sed & à liberis, *l. 11. in princ. & l. parentes, 23. h. tit.* & à liberis defunctus per annum: Tit. Liuius lib. 2. *Brutum*, inquit, *matrona annum, ut parentem luxerunt, quod tam acer ultor violata pudicitia fuisset.* Et parentes igitur sunt lugendi annum, sed non necessario annum integrum, ut inferius demonstrabitur, & lugendi sunt à liberis, etiam si sint exhereditati à patre, vel præteriti à matre, qui pro exhereditatis habentur, *§. ult. Inst. de exher. lib.* Pater non exhereditat, nisi nominatim: mater etiam silentio exhereditat, puta extraneo herede scripto & filio omisso. Et hoc est, quod ait Papin. in priori parte huius legis. Cur liberi, qui parentibus heredes non extiterunt lugent illos? quia per exheredationem vel præteritionem non desinunt esse liberi, licet amittant iura liberorum, *l. 9 §. si filium, de lib. & post. l. filium, §. videamus, de bon. poss. contr. tab. l. 1. §. post suos, de suis & legit.* Retinent tamen quædam filij exhereditati, velut ius sepulcri hereditarij, quamuis ius heredum & filiorum amiserint, *l. 6. §. 1. de relig. & sumpt. retinent dotem sibi datam à parentibus, vel liberis suis, vel datam parenti eorum causa & nomine: l. dotem, de coll. bon. l. 1. §. Celsus, l. 13. de dote præleg. l. vn. §. videamus, C. de rei ux. act. retinent adsignationem libertorum, si quos eis viuus pater adsignauerit, quamuis eos postea exheredauerit: nam exheredatione sola non desinunt esse liberi, quo solo nomine admittuntur ad ius patronatus, *l. 1. §. sed etsi, de adsig. lib. retinent lucra nuptialia, Nouell. 22. l. hac edictali, l. 1. §. ult. C. de sec. nupt. retinent casum militiæ, quod est lucrum quoddam Nou. 35. & 53. cap. 5.* Exhereditatio igitur non omnia prorsus adimit, & licet adimeret omnia, tamen quia liberi sunt, parenti luctum debent, quem si non præstent, non carent nota, vel infamia. Non est hic luctus annuus, sed nouem dierum & tractatu facillimus, qui consistit in eis, quæ ante dicta sunt. Addendum est iis ex *l. 23. h. t.* lugeri etiam à parentibus liberos debere. Parentes igitur, & liberi lugentur, imo generaliter cognati lugentur omnes & agnati. Sed animaduertendum, quem modum iis præscribit d. l. parentes.*



*Lugendi*, inquit, *sunt agnati, & cognati secundum pietatis rationem*. Pietas exigit luctum ab omni cognatione & agnatione. Et adiecit: *& animi sui patientiam, prout quisque voluerit*. Ex quibus verbis existimant vulgo hunc luctum esse voluntatis, non necessitatis, quod non est admittendum. Nam lex ait, *lugendi sunt*: neque vero vlla est lex, nisi coniuncta sit necessitati. At quod ait, *secundum animi sui patientiam prout quisque voluerit*. hoc significat, prout quisque hunc dolorem, ferre poterit, pro captu & voluntate cuiusque: ita tamen ut lugeat aliquo modo: & Græci recte interpretantur, *καὶ τὴν κατὰ τὴν αἰσθησὶν τῆς ψυχῆς*, secundum quod quisque animo ferre valet, secundum animi constantiam, qui mos etiam fuit maiorum nostrorum honestissimus. Alias sane, qui non lugent parentes, liberos, agnatos, cognatos, non carent nota vel infamia, hoc est, qui dum mortui sunt supra terram, ut veteres loquebantur, iusta eis non perfoluunt, qui non funus sequuntur amicti atra veste: nam & hic mos fuit Paganorum, sicut & Christianorum nunc est, ut omnis adgnatio & cognatio atrata funus sequeretur. Ergo non carent nota vel infamia qui non lugent parentes, liberos, adgnatos, vel cognatos, quique lachrymulam debitam non spargant: nam & lugeo fortasse trahitur à λυγέω, quod est singultio, nam de lugente Cupidine Ouid.

*Oraque singultu concutiente sonant.*

& Arist. *λύζειν ὀδυρῶν*. Ex his intelligitur qualis luctus exigatur à cognatione & agnatione, maxime ut sequantur funus amicti atra veste. Nemo est, qui id melius expresserit quam Varro apud Non. *Propinqua*, inquit, *adolescentula, amictæ etiam anthracinis vestibus, proxima amiculo nigello & capillo demisso funus sequuntur*. Et alio loco: *ut dum supra terram esset riciniis lugerent*. Ricinia sunt vestes funebres atræ. & alio loco: *in luctibus vestitum delictiorem ponunt, ricinia sumunt*, quæ vestis erat pulla, & anthracina, habitus lugentium: & ita dicimus lugendos esse parentes, liberos, cognatos, & agnatos, alioquin notari eos; non eos dicimus esse elugendos. Et ideo subiicit idem Vlp. in d. l. *parentes*, cum qui non eluxit non notari infamia. Denique vult eum, qui non luxit, notari, non eum, qui non eluxit. & hoc est etiam quod ait in hac quoque lege: *Exheredatum filium habere luctum patris memoria*, id est, dum celebratur memoria patris, dum iusta perfoluuntur patri ab agnatione & cognatione omni. Differentia est inter *lugere*, & *elugere*. Plus elugere est, quam lugere, ut plus est euincere, quam vincere: nam euincere est rem auferre post victoriam, l. *euicta*, 16. §. 1. l. *non tamen*, de *euict.* l. 6. de *seruis export.* Plus est exigere quam agere: nam exigere est extorquere & exprimere pecuniam, postquam egisti. Elugere est consummare luctum annum. Agricola vetus Grammaticus, *Eluxit, qui luctum deposuit*. & Liuius 34. *Quid aliud in luctu quam purpuram ponunt atque aurum deponunt? quid cum eluxerunt sumunt?* Et ita diximus, non esse elugendos parentes, liberos, agnatos, cognatos anno integro, ut vxor virum solet, sed lugendos tantum, & persequendum esse ab eis funus defuncti, eo quo diximus habitu, eaque religione. Et ita in l. 1. h. tit. semper existimaui loco illo quo dicitur, infamem esse eum, qui filiamfam. mortuo genero intra id tempus, quo virum elugere moris est, antequam eum elugeret, in matrimonium collocauerit: nam ante annum non recte nubit alteri mulier: & si nupserit, plectitur; legendum: *lugere* pro *elugere*, ut postea subiiciatur, *antequam virum elugeret*, id est, ante peractum annum luctus. & secundum hoc explicanda est l. 15. C. *ex quib. caus. inf. irrog.* quæ vulgo perperam accipitur, & posset multis imponere, ut mulieri lugenti virum remittatur vestis atra, tristior habitus & insignia doloris, quod nunquam fuit obseruatum generaliter: neque ea est sententia legis, ut Senatusconsulto sit remissus mulieribus tristior habitus.

A Et Paulus recte vlt. tit. 1. sentent. *Is qui luget, abstinere debet à conuiujs, ornamentis, & alba veste*: & hæc est sententia illius legis: si quando Senatusconsulto ex aliqua causa remittatur & minuatur luctus, ut accidit post Cannensem cladem, in qua ceciderunt tot ciues Romani, ut omnes mulieres cernerentur atratæ: quæ cum tamdiu non possent agere sacra Cereris, ut ea possent agere, ex Senatusconsulto factum est, ne luctus mulieris extenderetur ultra 30. diem: ut Val. Max. & Liuius scribunt. Item cum ob laticiam publicam minuitur luctus mulierum, ut non lugeant ultra mensem, hoc declarat tantum lex, ut deponant atram vestem, & sumant ornamenta, non etiam, ut nubant intra annum, quo his elugere maritum moris est: nec enim ideo remittitur luctus mulieribus, ut matrimonium contrahere eis permittatur. Quid enim si eas prægnantes defuncti reliquerunt, nouæ nuptiæ turbarent sanguinem, redderent partionem incertam, & incertum parentem. ergo non est generale Senatusconsultum illud, sed si quando cauetur SC. ne lugeant ultra 30. dies, deponent tantum habitum tristitiæ, non etiam nubent.

Ad §. vltim.

Q Vod sequitur in hac l. nostra, non est tam planum quam videtur. *Si quis in bello ceciderit, etsi corpus eius non compareat, lugebitur?* Sic sane. nec deerat causa dubitandi: nam is, cuius corpus non comparet, non lugetur, non funus ducitur, non ei ferunt iusta. Et ita inuenio Pub. Mucium Scæu. decreuisse apud Cic. 2. de LL. *Cum quis in navi mortuus esset, & in mare proiec-tus, quod scilicet os eius supra terram non esset, quod non compareret, ut familia heredis esset pura, non esset funesta, nec teneretur vlla religione ob iusta funerum, quoniam luctus habetur tantum ei, cuius corpus comparet, id est, cuius os supra terram est: eius vero cuius corpus non comparet, familia pura est, & extra porcama heres est, ut ait M. Tull. id est, non lugendus est ab herede, cuius corpus proiec-tum esset in mare, non est ei funus ducendum, non ei iusta facienda, neque punitur heres porca præcidanea, quod iusta non fecerit defuncto, cum non deberet facere. Sed aliud statuen-dum in eo, qui in bello ceciderit, cum dimicaret pro repub. Eius os, etsi supra terram non sit, aut non compareat, recte Papin. ait, lugeri debere singulari iure, hoc est, funus ei esse ducendum, quasi corpus præsens esset: Hic luctus est nouem dierum, non annuus. Ita etiam ut idem libro eodem refert, cum in 12. tabulis esset scriptum: *Mortuo homini ossa ne legito, quo post funus facias, extra quam si militia aut peregre mortuus sit. recte excipit bellicam mortem. sententia legis 12. tab. hæc est: Hominis mortui & cremati, ut solebant, ossa non esse legenda, ut asseruentur, ac postea denuo ei funus ducatur, sed sepeliendum esse statim atque corpus crematum est, nec legenda ossa, ut iteretur funus, & augeatur luctus. Voluit lex minuere luctum: sed excipit eadem lex bellicam mortem, ut scilicet si quis bello ceciderit, & forte à commilitonibus vltus sit, possint ossa ab herede, vel à filio legi, aut agnato, ut filius ipse iusta faciat ipsi, qui non fecit ante. Hæc erant adnotanda ad hunc §.**

Ad l. vlt. de quib. reb. ad eund. iud. eatur.

*Cum ex pluribus tutoribus vnus, quod ceteri non sint idonei, conuenitur, postulante eo, omnes ad eundem indicem mittuntur. Et hoc rescriptis principum continetur.*

Hæc lex brevis est & facilis videtur; nec est tamen. Quam ex pluribus tutoribus vnus conuenitur in solidum, quod ceteri dicantur soluendo non esse; contrais, qui conuenitur dicit, ceteros esse soluendo, & actiones



actiones diuidi oportere : atque ita postulat collegas suos vocari in iudicium, & excuti facultates ipsorum, vt prout quisque facere potuerit, pupillo condemnatur & ita ei soluat, vtque ipse non exsoluat solidum. Hanc postulationem sane Papinianus laudat & probat : & ait omnes esse mittendos ad eundem iudicem, non alium iudicem dandum esse excutiendis cæteris vni rei vnum esse addicendum, & vnum sufficere. Plures tutores vnius personæ vice fungi, sicut & plures magistratus municipales vnius personæ vicem sustinent, l. 25. ad municip. Et hoc ait Papinian. contineri rescriptis principum Seueri & Antonini : & congruit etiam cum eo omnino l. 5. C. Arbitr. & c. quæ statuit vt omnes tutores ad eundem iudicem mittantur. Quia vero Papin. ait, vnum conueniri in solidum, si cæteri contutores soluendo non sint, explicandum est pro qua parte quisque tutor conueniendus sit. Et quod de tutoribus hic dicitur, idem de curatoribus existimemus, & in quibusdam etiam idem de magistratibus municipalibus, de iis, qui honorem publicum gesserunt simul, vel quodcunque aliud munus publicum præter tutelam, & curationem gesserunt : quæ omnia videtur hoc libro pertractasse Papinianus. Nam pro qua parte magistratus quis municipalis conueniatur, quoque ordine, eodem libro explicat Papin. l. 11. & 13. ad municip. quas nos huic collungemus. Porro res hæc est implicita multis distinctionibus. & proprie sunt duo loci in iure, quibus tractatur plenius, l. 1. §. nunc tractemus, de tute. & rat. distrab. & tit. C. de diui. tut. & pro qua parte quisque tutor. conuen. quæstio est dignissima cognitu. Ac primum quidem ita distinguimus. Aut diuisa est tutela inter tutores, aut indiuisa. Rursus, si est indiuisa; aut omnes communiter tutelam gesserunt, aut nullus, aut quidam. Si omnes communiter tutelam gesserunt, singuli proculdubio tenentur in solidum : & pupillus vel adolescens potest eligere vnum ex tutoribus, cum quo experiatur in solidum, sed si omnes tutores soluendo fuerint tempore litis contestatæ, ( vt Iulianus antecessor Constantinopolitanus scribit in collectione quadam, quam fecit de hac quæstione ) & congregiatur pupillus cum vno tantum, opposita exceptione vel postulante eo, qui solus conuenitur, diuiditur actio tutelæ inter omnes pro portionibus virilibus, hoc est, pro ratâ eius, quod quisque gessit, quodque facere potest, d. l. 1. §. nunc tractemus, Non dico; pro portionibus aequalibus : possent viriles partes esse inæquales, §. ult. de inoffic. testament. Sed dico pro portionibus virilibus, id est, pro vt quisque tutelam gesserit, & soluendo fuerit : pro rata igitur, seu vt Græci dicunt ἀναλόγως. Portio igitur virilis, est portio rata, non æqualis. Diuiditur autem actio inter tutores exemplo fideiussorum, vt ait d. §. nunc tractemus, & mandatorum : quia ex epistola D. Adriani si omnes soluendo fuerint litis contestatæ tempore, diuident inter se actionem pro portionibus virilibus : notum est cuius beneficii diuisionis, siue epistolæ Diui Adriani, quæ datur etiam hodie iis, qui constituunt se soluturos pro alio, non tantum fideiussoribus, l. ult. C. de constit. pec. Atque etiam datur duobus reis debendi principalibus, Nouell. 99. Datur quoque hoc beneficium diuisionis omnibus omnimodo accessionibus : æquitatem enim diuisionis diuersa species actionis excludere nullo modo debet, vt ait d. l. ult. de constit. pec. & idem confirmat Papin. noster in l. 7. de fideiuss. & nominat. Quod si pupillus non eligat vnum, cum quo experiatur in solidum, sed agat cum omnibus, qui tutelam administrarunt : si condemnet omnes, periculum sententiæ inter eos diuiditur, hoc est, executio iudicati fit in eorum bona pro portionibus virilibus, l. 2. C. si plures vn. sentent. Et hæc quidem, si omnes soluendo fuerint litis contestatæ tempore. Quod si quidam soluendo non fuerint, onerantur cæteri omnes tutores, qui soluendo sunt, idonei & locupletes. Et ita recte in hac lege ponitur, vnum conueniri in solidum, Quæst. Papin.

A & sustinere onus omnium tutorum, quod cæteri soluendo non essent & soluendo impares. Quo tamen casu necesse habet pupillus, & qui solus conuenitur, pro se, & collegis suis, cedere actiones suas pro parte cæterorum aduersus cæteros, & eum facere procuratorem in rem suam, vt ait Papinianus in l. 42. de administrat. tutor. quod congruit cum l. 6. C. arbitr. tutel. l. 2. C. de diuid. tutel. vel etiam, si pupillus ei, cum quo agit in solidum non cedat actiones directas aduersus cæteros, qui forsitan fuerint postea soluendo, dabuntur ei vtilis ex constitutionibus, d. §. nunc tract. Sed hoc ita procedit, si vnus ex tutoribus propter inopiam cæterorum conueniatur, & condemnatur, & soluat solidum ex communi negligentia, & culpa omnium, quod scilicet neglexerint negotia pupilli, vel quod aliquid deperierit pupillo : vel etiam conueniatur ex culpa, & negligentia propria eorum, qui soluendo non sunt : hoc casu, vel ceduntur ei actiones directæ, vel dantur vtilis sine cessione ex constitutionibus, d. §. nunc tractemus. Sed si conueniatur ex dolo communi, quod omnes fraudem fecerint pupillo, neque ceduntur ei actiones directæ, neque dantur vtilis, etsi solidum soluerit, l. 1. §. plane, de tut. & rat. quia proprii delicti pœnam subiit, non omnium : quæ res indignum eum facit, vt aliquid consequatur à consociis, siue participibus doli : nulla enim est societas maleficiorum, vel communicatio iusta damni ex maleficio est : dolus est maleficium. Is, qui prior ex dolo illo conuenitur, proprii delicti pœnam subit, nec quicquam potest eo nomine à collegis desiderare, quod solidum soluerit : & ita dicitur in l. 38. si plures, de administrat. tut. dum propria cuiusque tutoris contumacia punitur, contumacia est nolle gerere tutelam, qui condemnatus est ex ea causa, qua fronte, inquit, desiderabit cedi sibi actiones aduersus cæteros : non potest sane, nisi perfricta. Contumacia, est dolus, ignauia, desidia : negligentia, est culpa leuis. Magna negligentia est lata culpa, & fere idem quod dolus. Ad hæc sciendum est, idoneos tutores non statim conueniri in solidum propter non idoneos : Nam seruandus est hac in re ordo aliquis. antequam veniatur ad contutores cæteros, prius excutiendi sunt ij, qui dicuntur non idonei vel heredes eorum : deinde fideiussores eorum, ac post magistratus municipales, qui eos tutores dederunt iussu præsidis, ( nam lex dedit magistratibus municipalibus ius dandi tutores ) cautione non exacta, quo nomine tenentur pupillo actione in factum, quæ proponitur tit. de magistrat. conuen. Et his non satisfaciuntibus pupillo, tum demum itur ad contutores idoneos, qui inter se diuidunt omnes actiones, prout quisque soluendo erit, & feret onus cæterorum. Vnustantum excipitur casus, quo tutor, qui idoneus est, statim conuenitur in solidum, si alter non sit idoneus, non seruato illo ordine, non excusso magistratu municipali, scilicet, si ob hoc conueniatur, quod per dolum aut culpam contutorem suspectum non fecerit, vel quod tardius fecerit, illo fortasse iam lapsa facultatibus, vel quod suspectum fecerit lusorie, vel dicis causa; vel, quod à contutore siue collega cautionem non exegerit, cum sciret magistratum municipale non exegisse cautionem. His enim casibus conuenitur statim in solidum inexcusso atque dimisso magistratu municipali. Et hoc proponitur in d. l. 1. §. vsque adeo. Sed animaduertendum maxime, qua ratione legendus sit ille §. nam mutatur scriptura illius §. duob. locis, sed non est difficile, quid de ea re statuendum sit, definire. Vno loco ita legitur Florentiæ ( quam scripturam etiam Iulianus Antecessor sequitur ) vsque adeo ad contutores non venit, si sint soluendo contutores, vt prius veniatur ad magistratus, qui eos dederunt, vel ad fideiussores. Quæ scriptura non potest stare, & vulgo rectius addita negatiua, vsque adeo ad contutores non venit, si non sint soluendo, &c. Ita legitur in Basil. Sententia illius §. hæc est : Inopia contutitoris diuitem contutorem non



onerat statim, antequam excussi sint fideiussores contutorum, & magistratus, qui eum dedit cautione non exalta. Deinde ita argumentatur aduersus hanc sententiam: *Sunt multa rescripta, quibus cauetur, ut quamdiu vel unus contutorum est idoneus, non eatur ad magistratum municipalem.* Prius ergo volunt rescripta vel vnum tutorem idoneum conueniri, quam magistratum municipalem. Sed belle ita respondet hæc ita obtinere: *Si contutor ob hoc conueniatur, quod contutorem suspectum facere, vel ab eo cautionem exigere noluerit.* Floren. perperam: *Si non contutor, delenda est negatio, ut Hugolinus voluit, ut si ob hoc tutor conueniatur, quod non remouerit contutorem, vel ab eo satis non exegerit, hoc casu possit prius conueniri, quam magistratus municipalis, qui alium contutorem dedit, & non idoneum.* Et hoc quidem locum habet, si omnes contutores gesserunt tutelam. Quid si nullus gesserit? Idem dicendum, quod cum omnes gesserunt: quod confirmat l. 38. de administ. tut. At quid dicemus, si quidam gesserunt, quidam non, ut fit, cum plures sunt tutores, quod facilius geruntur negotia per vnum, vel per paucos: nam & pupilli interest ne in plures distringatur: ceteri tutores sunt honorarij inspectores, Gallicè dicimus *Controlleurs*. Et hoc etiam casu, cum plures scilicet tutores sunt, prætor decernit, qui gerant, vel non gerant, vel etiam tutores inter se de ea re conueniunt, & exigunt cautionem rem pupilli saluam fore ab iis, qui gerunt. Quod docet Iustinian. in §. i. *Inst. de satisf. tutor.* Finge igitur, quosdā nongessisse tutelam, quosdam gessisse: sane hoc casu actione tutelæ prius conueniuntur hi qui gesserunt, eorumque heredes, l. 2. C. de her. tutor. l. 3. C. de diuid. tutel. & l. 6. C. arbitr. tutel. Quod si forte hi, qui gesserunt tutelam, non sunt soluendo, tunc conueniuntur vtili actione tutelæ ceteri tutores, qui non gesserunt tutelam, quia suo periculo cessauerunt: debent enim confestim suo officio fungi. Et ideo in l. 55. de administratione tut. is, qui non gessit, & permisit administrationem alij accepta cautione, conuenitur, quia, ut proponitur initio, is, qui gessit, non est soluendo, sed prius excutiendus est is qui gessit, qui si soluendo fuerit, liberatus est, qui non gessit. Et satis est, eum soluendo fuisse, qui gessit, tempore finitæ administrationis, vel fideiussorem eius, vel magistratum municipalem, qui eum dedit ut liberetur is, qui non gessit: nam si post finitam administrationem is, qui gessit, factus sit non soluendo, hæc res damno cedit pupilli, non contutorum, l. 1. C. de diuid. tut. Verum hic ordo, quem seruari diximus inter eum, qui gessit, & eum, qui non gessit, non seruatur, si quid periit pupillo ex dolo communi, vel lata culpa, quæ proxima semper dolo est: eo enim nomine eligit pupillus, quem volet, vel eum, qui gessit, vel eum, qui non gessit: secus erit, si quid perierit culpa leui, aut leuissima: tunc enim prius excutiendus, qui gessit, ut vult Iulianus Antecessor, libenter sequimur quem propter antiquitatem: sic enim ait: Dico non administrasse tutelam eum, qui rem, qua de agitur, non administravit: nam quantum ad eam, non miscuit se administrationi. Possunt in vna re non administrare, & administrare in ceteris. Et hæc omnia pertinent ad tutelam indiuisam. Quod sequitur de tutela diuisa, est facillimum, sed distinguendum hoc modo: Aut diuisa est tutela à testatore, aut à Præatore, vel iudice, aut à tutoribus ipsis inter se, vno scilicet suscipiente res vrbanas gerendas, altero prouinciales: vno vrbica negotia, altero peregrina administrante. Si à testatore, vel à Præatore, seu iudice diuisa sit tutela, vnusquisque tenetur prout gessit, hoc est, pro parte suæ administrationis tantum; exceptis casibus sequentibus, quibus singuli tutores conueniantur in solidum, scilicet, si contutorem suspectum non fecerint: nam etsi pars tutelæ tantum ei commissæ sit, officio tamen eius incumbit, ut obseruet semper quid agat alter pro altera parte, & non potest non suspectum eum facere cimpune: tenetur igitur in soli-

Adum, si non suspectum eum fecerit, cum male versaretur in rebus pupilli, vel si tardius fecerit, iam euerfis facultatibus contutoris: vel si per collusionem eum suspectum fecerit, tenetur in solidum, l. 2. de diuid. tut. & l. si duo, de administ. & peric. tut. perinde atque si ipse administrasset. Quod si tutores ipsi inter se diuiserunt tutelam, perinde erit, ac si non diuisissent. Sequemur igitur, quod constitutum est ante de indiuisa tutela. Diuisio tutorum non mutat ius publicum, non diuidit periculum tutorum, quod dicitur indiuiduum vel commune, vel mutuuum. Denique hæc diuisio priuata non abscondit officium tutelæ, quod est indiuiduum. Hæc omnia, & hæc distinctiones seruanda in pluribus curatoribus: Videamus, an etiam hæc seruentur in pluribus magistratibus, quibus resp. gerenda commissæ est. Et hæc est quæstio, quam hoc eodem libro tractat Papin. noster in l. Imperator. & seqq. ad municip. quarum legum explicationem immutato Digestorum ordine, cogimur huic recitationi subiicere, quo scilicet res omnis ordine à nobis explicetur.

#### Ad l. Imperator 11. & l. 13. ad municipalem.

Imperator Titus Antoninus Lentulo Verore rescripsit, magistratum officium indiuiduum, ac periculum esse commune: Quod sic intelligi oportet, ut ita demum collega periculum adscribatur, si neque ab ipso, qui gessit, neque ab iis, qui pro eo interuenerunt, res seruari possit, & soluendo non fuit honore deposito: alioquin, si persona vel cautio sit idonea, vel soluendo fuit, quo tempore conueniri potuit, vnusquisque in id, quod administravit, tenebitur. Quod si forte is, qui periculo suo nominauit magistratum, soluendo sit, utrum in eum prius actio reddi, quam in fideiussorem debeat? an vero non alias quam si res à collega seruari non potuerit? Sed placuit fideiussoris exemplo priorem conueniendum, qui nominauit; quoniam collega quidem, negligentia, ac pænâ causa; qui vero nominauit fidei ratione conuenitur.

#### Lex 13. ibid.

Quid ergo, si alter ex magistratibus toto anno abfuerit, aut forte præsens per contumaciam, siue ignauiam, vel agram valetudinem reipublica negotia non gesserit; & omnia collega solus administrauerit: nectamen tota res ab eo seruari possit? Talis ordo dabitur: ut in primis, qui reipublica negotia gessit, & qui pro eo cauerunt, in solidum conueniantur: mox peractis omnibus periculum agnoscat, qui non idoneum nominauit: postremo alter ex magistratibus, qui Reipublica negotiis se non immiscuit: nec iuste, qui nominauit, vniuersi periculum recusauit, cum scire deberet eum, qui nominaretur indiuiduum officium, & commune periculum suscepturum. nam & cum duo gesserunt, & ab altero seruari, quod debetur, non potest, qui collegam nominauit, in vniuerso conuenitur.

Quod de pluribus tutoribus diximus, quodque de his tractauimus, pro qua scilicet parte quisque eorum, quoue ordine conueniatur: idem de magistratibus municipalibus, siue duumuiris tractabimus in interpretatione l. Imperator, & l. quid ergo, 13. ad munie. quæ omnes leges sunt eiusdem Papiniani ex eodem libro, & tractant de magistratibus municipalibus siue duumuiris, qui erat annuus magistratus, ut indicat idem Papin. in d. l. quid ergo, his verbis. *Quid ergo si alter ex magistratibus toto anno abfuerit. toto anno, magistratus scilicet. & hoc confirmatur l. 18. C. de decurion.* Verum honoræ eorum magistratuum complura onera erant permixta, & illud in primis, ne ante accederent ad administrationem reip. quam satisfecissent, remp. saluam fore, datis fideiussoribus: satisfactio onus est: neque enim faciles inuentu sunt fideiussores. Magistratus municipalis



est administrator reip. cum dignitatis gradu, siue cum sumptu, siue sine erogatione contingens, l. 14. *demoner.* non igitur honos tantum, sed & onus, quia administratio non est adeunda sine satisfactione. Qua de causa plerique inuiti suscipiunt magistratus municipales, vel refugiunt, & qui refugiunt, hi iam non anno, sed biennio eo ordine fungi coguntur, d. l. 18. Et hoc valde congruit cum refugis poenarum: nam sicuti damnatis ad metallum, si intra id tempus poenæ fugerint, id tempus duplicatur, l. 4. & l. 8. §. *quisquis*, de poen. Ita refugis honorum municipalium, id est, qui latitant, ac effugiunt, aut etiam subterfugiant honorem municipale, duplicatur tempus gerendi magistratus municipalis, & hoc tempus biennale est, non annale. De illis Papinianus loquitur initio l. 11. & ex rescripto D. Pij hoc primum ponit, magistratuum municipalium officium esse indiuiduum, & commune periculum administrationis: quod de pluribus tutoribus dici solet, l. 55. de administrat. tut. Et secundum hoc ut plures tutores vnius personæ vice funguntur, id est, pupilli, cum vnam tutelam gerant, vel etiam plurium pupillorum, qui pro vno habentur. Sic magistratus municipales, ut est in l. 25. h. tit. vnius personæ vice funguntur, hoc est, ciuitatis vel municipij vice funguntur, ut Marc. Tull. ait: *Ambo ij magistratus vnius personam sustinent*: ea de causa, quod gerit vnus, quodue administrat, eo alligatur alter, ac si ipse administrasset: neque enim duæ personæ intelliguntur duumiri, sed vna: sicut & Respublica, quam administrant, vna est. Sed videamus quo quisque ordine hic magistratus municipalis conueniatur post finitam administrationem & honorem illum depositum: quæ est quæstio harum ll. Finge igitur, vnum ex magistratibus non gessisse rem, de qua agitur, alterum vero gessisse: puta vnum non attigisse eam pecuniam Reipub. quam alter fœnori occupauit, & debitorem illum non esse soluendo: qua ratione sua res publico seruabitur? quis primum conuenietur? an is, qui eam rem gessit, an alter? an erit electio reipub. quem conueniat? Quod videtur, secundum id, quod posuimus initio, quia officium magistratus municipalis est indiuiduum ac officium commune & mutuum. idem etiam dicitur de pluribus tutoribus: neque tamen est per omnia verum: nam placet in tutoribus primum conueniri eum, qui gessit eam rem, qua de agitur, quam eum, qui non gessit, l. ult. C. de diuid. tut. l. 1. C. si tutor reip. causa, l. 6. C. arb. tut. l. 2. C. de hered. tut. Ita magistratus, qui pecuniam reipublicæ collocauit non idoneis nominibus, prius conueniri debet actione personali, deinde hypothecaria, vel ipse, vel heres eius, vel possessor quarumcunque rerum, quæ ad ipsum pertinent. actione hypothecaria conuenitur, quicumque rem eius possidet, scilicet si reip. cauerit, non tantum fideiussoribus datis, sed & hypothecis: post conuenietur fideiussor eius, qui fœnus contraxit: tum ad extremum si ab iis res seruari non potuerit, conuenietur eius collega. Hic est ordo introductus constitutionibus. Sed si is, qui administravit, neque nunc sit soluendo, neque tempore finiti magistratus, quo tempore conueniri poterat, nec fideiussor eius, sane is ordo non obseruatur: frustra enim obseruaretur. Igitur statim conueniri & exigi potest is, qui non administravit, pro eo, qui administravit, ex facto scilicet ac gestu eius, cessistamen actionibus in collegam, qui rem administravit, vel etiam sine cessione datis vtilibus actionibus, sicut in tutoribus constitutum est, l. 1. §. *nunc tractemus*, de tut. & rat. dist. l. 2. C. de cont. ind. tut. Et ita de magistratibus municipalibus est proditum, l. 2. §. *ius reip.* de adm. rer. vbi eleganter ait, magistratui qui pro collega dependit seu soluit, qui quidem collega rem administrauerat, de qua agitur, decerni actionem in collegam, & competere eam ex æquitate. Quibus verbis demonstrat, dari vtilem in collegam actionem: nam omnis actio utilis decernitur, hoc

Quæst. Papin.

A est, datur causa cognita. Omnis actio utilis est decretalis, directa non est decretalis, sed edictalis: & præterea utilis actio ex æquitate competit: atque ita dum vult Vlpian. demonstrare vtilem actionem eleganter ait in d. l. 2. eam actionem quæ decernitur in collegam, competere ex æquitate: quæ verba continent definitionem actionis utilis, directa vero ipso iure competit, & datur sine decreto, siue causæ cognitione. Notandum est, aliud esse competere actionem, aliud dari vel decerni. Quæ actio competit, non statim etiam datur, l. 9. §. ult. l. 10. de tut. & rat. distr. l. debitor §. ult. ad Velleian. Competere est nasci actionem. Non ut nata est tibi actio, & statim semper ea potes agere; & quod competit, hoc proficit tantum ad transmissionem, ut scil. possit transmitti ad heredem, si moriatur is, cui competere cœpit: nam si moriatur antequam competere cœpit: nihil transmittit eò nomine. Ergo secundum eam, quæ diximus, prius conueniendus est & excutiendus fideiussor eius magistratus, qui administravit prius magistratus ipse, deinde fideiussor: & si ab his res seruari non possit, veniendum est ad collegam, qui eam rem non administravit: sed si ab illis res seruari possit, absolutus est collega, qui non administravit, nec ad eum veniendum est, etsi dicatur indiuiduum esse officium magistratus: non est reipublicæ electioni locus, cum is qui gessit rem, de qua agitur, est idoneus, vel eius fideiussor. Et hoc est, quod ait in priore parte huius legis. Alia hinc descendit quæstio, an sicut in fideiussorem magistratus, qui gessit, prius redditur actio, quam in collegam, qui non gessit: an sic etiam in nominatorem mag. qui rem gessit, reddenda prius actio sit, quam in collegam, qui eam rem non gessit? Ut autem hoc intelligamus, hoc sciendum est, solere eos, qui vocantur ad honorem publicum nominare potiores suo periculo, si ipsi nolint eum honorem suscipere. Solent etiam ij, qui à magistratu abeunt, successorem nominare suo periculo, & nominationem nonnunquam sequitur respub. ita ut ipsa respub. non videatur creare magistratum municipale, sed is, qui nominauit successorem: qua de causa & nominatio passim in iure creatio dicitur, & nominator, creator, l. 59. C. de decur. l. 1. C. de peric. nomin. lib. 11. l. 2. §. *si eo tempore*, de adm. rer. Quo loco ante Pand. Florent. male legebatur *procurator pro creator*: & similiter etiam emendemus alium locum in l. ult. C. de hered. decur. vbi legitur *creditor defunctorum*, pro creator. Et ita in Basilicis sæpe dicuntur *χειροτονται*, qui aliquem nominarunt ad honorem. Iam igitur intelligimus quis sit nominator vel creator magistratuum. Quæstio igitur est, an in nominatorem eius, qui rem gessit, prius detur actio, quam in collegam, qui non gessit: nam ex Iuliano antecessore didicimus, non administrasse etiam dici, qui eam rem, de qua agitur, non attigit. quod confirmat l. 5. de mag. conu. Et Papin. definit hoc loco, etiam prius conueniendum nominatorem, quasi fideiussorem, quam collegam. Nominator est quasi fideiussor. Sunt quidam, qui legibus 12. tab. *subuades* nominantur, ij scilicet, qui vadum vel fideiussorum vicem sustinent, puta nominatores, creatores, affirmatores: qui non fideiusserunt quidem, sed perinde tenentur atque si fideiussissent. Vtitur Papin. elegantissima ratione: *quia*, inquit, *maior est ratio agendi cum nominatore, quam cum collega*. Id vero ita demonstrat. In nominatorem agitur, quod idoneum magistratum esse affirmauerit, quasi ex contractu & fidei suæ ratione, quam reipub. adstrinxit, dum affirmat idoneum esse hominem qui sibi in magistratu succederet: in collegam autem agitur negligentia ratione quod eam rem non gesserit, quam gessit alter, cum esset communis administratio, & indiuisum officium, non quasi ex contractu, sed quasi ex delicto: nam negligentia delictum est: ut Græcis *ἀμαρτία* non tantum est delictum, ut dolus malus, sed etiam negligentia,

C ij



stultitia, et statum quodlibet, l. 51. de adil. ed. Ibi delictum pro stultitia accipitur, quia seruus sciens vitiosum mancipium emit, vt recte ibi notat Accursus. Denique, qui in nominatorem agit, rem persequitur: qui in collegam, poenam negligentiae suae, & culpae, & ita in l. ult. C. quo quisque ordin. con. dicitur, collegam post nominatorem conueniri ob culpae nexum, id est, negligentiae nomine. Et similiter de tutoribus in l. 6. C. arbit. tutel. si vnus tutor gessit, eum prius conueniri qui gessit, deinde contutorem ob culpae rationem. Et hoc est, quod ait in posteriore parte huius l. Concludamus igitur, non tantum fideiussorem, sed & nominatorem, siue creatorem eius magistratus, qui rem gessit, de qua agitur, prius esse conueniendum, quam collegam, qui eam rem non gessit. Huic definitioni obstat primum l. 4. C. de magistr. conu. quae ait, prius esse conueniendum contutorem siue collegam, quam nominatorem, scilicet, si indiuisa tutela fuerit, id est, non diuisa: & similiter, l. 2. C. quo quisque ordin. quae constituit vt si duobus sit iniunctum munus publicum pro indiuiso, veluti, vt exigerent reliqua pecuniarum publicarum, vel vt curam agerent Calendarij, etiamsi eam functionem inter se diuiserunt, prius conueniendum esse collegam, quam nominatorem: quod pugnare videtur cum hac lege, nisi, quod est verum, separentur magistratus municipales ab iis, quibus munus publicum iniunctum est pro indiuiso, nisi separemus honores à muneribus. Nam vt demonstrat, l. 3. & 4. C. quo quisque ordin. hoc tantum in magistratibus est constitutum, quibus pro indiuiso commissa est administratio reipubl. vt prius excutatur & conueniatur is, qui nominauit magistratum, quam collega, qui eam rem non artigit: qui ordo, vt dixi, non seruatur in iis, quibus commissa est tutela, vel quodlibet aliud munus publicum. Ratio differentiae hae est, quia magistratus non sunt proprie correi, hoc est, non sunt proprie eiusdem debiti rei, singuli in solidum, vel non sunt omnimodo rei eiusdem debiti, vt ait l. 45. de administrat. tutor. Nam in singulos non est actio in solidum finito magistratu: si ambo soluendo sint depositi honoris vel magistratus tempore, sed diuidenda est actio. Et est tamen actio in solidum in singulos tutores, si duo pluresue tutelam susceperint, vel aliud munus publicum: est actio in singulos in solidum ipso iure; licet opposita exceptione possit actio diuidi, si omnes soluendo sint: sed in magistratus non est ipso iure actio in solidum, & electio locum non habet in magistratibus, sed vnusquisque conueniendus est, prout quisque administrauit: in ceteris, qui munus publicum suscipiunt, electio locum habet, & qui electus fuerit, potest conueniri in solidum, atque etiam condemnari, si omittat exceptionem: si non alleget beneficium diuisionis: ceteri igitur sunt duo rei eiusdem debiti: atque ita prius conuenitur correat, id est, collega quasi principalis: deinde fideiussor, quia fideiussor propius accedit ad reum, & similior reo quam nominator. Contra est in magistratu: nam prius conuenitur fideiussor, deinde nominator, postea collega, quia is non est omnimodo correat. Ad hanc subiicitur ex eod. Pap. ex alio tamen libro: *Et ei contra nominati collegam actionem utilem dari non oportet.* qui locus est deprauatus: nam consideret quisque apud se, quid hae verba sibi velint. Dixit ante teneri eum qui nominauit, fidei suae ratione, quod periculo suo successorem nominauit, teneri, inquam, ex fide sua & quasi ex contractu suo, & conueniri prius, quam collegam, exemplo fideiussorum: denique comparauit supra nominatorem cum fideiussore. Nunc videamus quomodo aptetur id, quod est in l. 12. Primum quanam sit actio utilis, quae denegatur huic nominatori, & datur aliis: non inuenies quibus detur, quam huic nominatori. Deinde, vt nihil mutemus nec detrahamus, quid sibi volunt hae verba? *Eum qui nominauit, si conuentus vice nominati solidum praestiterit, non habere utilem actionem aduersus collegam nominati.*

**A** Quis hoc nescit, cum non pro collega nominati soluerit, sed pro nominato? Si diceret Papin. nominatori, qui pro nominato solidum exsoluit contra nominatum non dari utilem actionem, esset elegans sententia. Et vero hoc scripsit Papin. & verbum *nominati* est interpretis cuiusdam, & est circumscribendum omnino, quod satis demonstrat Accursus. dum ibi ait, *nominator vnus cum prius conuenitur, quam collega, non agat contra alium collegam, scilicet nominati.* Illud verbum *scilicet* ostendit verbum illud *nominati* esse interpretis cuiusdam, & interpretis quidem mali. Non dicit Papin. *Et ei contra nominatum actionem dari non oportet*: sed, *Et ei contra collegam actionem utilem dari non oportet.* vulgo ita legitur: *Et ei qui nominauerit, &c.* quae verba, *qui nominauerit*, sunt etiam interpretis: vel aliter, *ei*, id est, *nominanti contra collegam, &c.* quod deprauatum est in *nominati*. Hae omnia inuenta sunt ab interprete, & omnino ita legendum est: *Et ei contra collegam actionem utilem dari non oportet.* & hae est sententia: Tutori, qui solidum soluit, datur actio utilis aduersus contutorem, etiam sine cessio-  
**B** ne (hoc est certissimum) quia soluit pro eo, & nomine eius: sic etiam magistratui, qui solidum soluit, cum essent duo magistratus, datur actio utilis aduersus collegam, pro quo soluit. Equum enim est, vt utili actione te recipiam, quod pro te solui, si forte non cesserit mihi actionem is, cui solui pro te. An etiam dicemus fideiussori, qui solidum soluit, superesse actionem utilem aduersus confideiussorem? minime, nisi cessa sit: utilis non dabitur, quia suo nomine solidum soluit, id est, propter suam obligationem: nam duo fideiussores sunt duo rei debendi, hoc est, omnimodo singuli in solidum tenentur, & si vnus solidum soluat, pro se solidum soluit, non nomine confideiussoris: atque ideo non habet utilem actionem aduersus confideiussorem vt vel pro parte recipiat ac repetat ab eo quod soluit: idque recte, quia vt soluit, ita erat obligatus, nempe in solidum, l. fideiussor 39. de fideiuss. & l. cum alter 11. C. eod. tit. Ergo fideiussor aduersus confideiussorem non habet utilem actionem. Ac similiter nominator, quem Papin. dixit similem esse fideiussori, idque probauit vno exemplo in l. 11. & alio in l. 12. nominator, inquam, magistratus qui solidum soluit, aduersus collegam suum, quae nominauerat eundem magistratum, non habet utilem actionem, quia etiam duo nominatores, omnimodo sunt duo correi debendi. & breuiter probatur nominatorem similem esse ei, qui pro magistratu saluam esse rempublicam sua fide iubet. Ergo nominatorem municipalis magistratus, qui pro collega soluit, non habere actionem utilem aduersus collegam; sicut nec fideiussor habet aduersus confideiussorem. Et vt breuiter dicam: comparatur nominator fideiussori duplici ratione. Sicut fideiussor prius conuenitur, quam collega, ita nominator, l. 11. & sicut fideiussor, qui solidum soluit, non habet utilem actionem aduersus confideiussorem, ita nominator magistratus qui pro nominato solidum soluit, non habet actionem utilem aduersus collegam suum, qui eundem etiam magistratum nominauit. In l. 13. videtur idem dici quod in l. 11. Sed hae est differentia, quod vterque magistratus in l. 11. aliquid gessit, sed separatum. In l. 13. vnus omnia gessit, quia toto anno alter absuit, vel aegrotauit, vt nihil potuerit gerere, aut quia contumaciter, vel ignauiter nihil voluit gerere; & res seruari non potest ab eo, qui gessit omnia; quid fiet? sequemur eundem ordinem, quem supra diximus, & agemus prius cum eo, qui gessit, deinde cum fideiussore eius: post excussis omnium facultatibus, & ipsius, & fideiussorum eius, si ab eis rem non possimus extorquere, perueniemus ad nominatorem eius, qui gessit, ac postremo ad collegam, qui nihil gessit, & nominator sustinebit vniuersi periculum: nam cum nominauit, sciebat se nominare ad officium indiuiduum ac periculum commune. Qua de causa, nominationis sci-



licet ratione, ipse vniuersi periculo obstringitur. Et hoc verum est indistincte, non tantum, si vnus magistratus gessit omnia, sed etsi ambo gesserint & administrauerint rempub. nam si conueniatur nominator, conuenietur in vniuersum periculum.

Ad l. 54. de condict. indebiti.

*Ex his omnibus causis, quæ in re non valuerunt, vel non habuerunt effectum, secuta per errorem solutione, condictioni locus erit.*

**Q**uæstio ex libro 2. Quæst. Papin. quam explicauimus nudius tertius, erat de magistratibus municipalibus, & fideiussoribus & nominatoribus eius. quæstio difficilis: hodiernæ sunt faciles. In illa quæstione maxime velim vos retinere, in l. 12. circumscripto hoc verbo, *nominati*, ita legendum: & ei contra collegam actionem dari non oportet. His verbis adiicitur argumentum in d. l. 12. quo probetur, nominatorem similem esse ei, qui pro magistratu saluam esse rempub. sua fide iubet: nam & fideiussori, qui solidum soluit, non datur actio utilis aduersus confideiussorem, qua repetat ab eo quod soluit, vt probat l. vt fideiussor, de fideiuss. & l. alter, C. eod. tit. quas leges quia non adnotaueram, ideo de fideiussore id fuit repetendum. Ita lex 12. ad municipal. ait, nominatorem municipalis magistratus, qui pro collega soluit, non habere actionem: esse igitur nominatorem similem fideiussori. Tutori tamen qui solidum dependit pro se & pro contutoribus aduersus contutores datur utilis actio. Duumuiro quoque vt sit commune periculum vtriusque. Nunc quod restat agamus. In l. 54. de condict. indeb. proponitur hæc regula iuris: ex omnibus his causis, &c. Nullus est Iuriconsultus, vt antea diximus, qui tot nobis regulas confecerit, totque definitiones tum rerum, tum nominum, quod est argumentum summæ & magnæ eruditionis: nulli etiam Iuriconsulto par commendatio fuit, quæ Papiniano tribuitur. Summum etiam argumentum eruditionis est, quod nullius vnquam auctoritate vitur, exceptis duobus locis, in l. Sabinus, communi diuid. & in l. 51. venditor, de seru. exportand. Nunc igitur quod instat, agamus. Hæc eadem regula à Papin. proposita, etiam ab Vlpiano prodita est in l. 1. de condict. sine caus. quamuis concepta aliis verbis, id scilicet alicui condici posse, quod sine causa ad eum peruenit, vel iniusta causa, vel etiam quod redit ad iniustam causam. Hæc est regula omnium condictionum, quibus reuocatur quod solutum est, quodue prorogatum est ex bono & æquo: neque enim hæ tres condictiones sunt ex legibus. Habuimus nuper ex Papin. aliam regulam in l. ius publicum, de pact. Ius publicum priuatorum pactis mutari non potest. quam diximus aptari debere ad legem quæ præcedit & loquitur de procuratore reip. qui debitam reip. pecuniam pacto conuento de non petenda pecunia remisit, quod pactum lex ait inutile esse & inefficax, nec perimere obligationem. Addenda est ratio legis sequentis, quod ius publicum, id est ius reip. non potest pactis mutari: ita est in l. 2. §. reipublica, de admin. rer. ad cin. pert. Sic regula huius legis aptanda ad casum l. præcedentis hoc modo. Dominus testamento seruum suum liberum esse iussit sub conditione, si mihi decem daret. Finge, testamentum esse ipso iure nullum, forte, quod in eo filiusfam. est præteritus. cum vero seruus ignoraret esse nullum, rogauit Titium, vt mihi 10. daret: Titius id dedit, atque ita seruus liber esse iussus testamento impleuit conditionem libertatis, nec tamen fit liber, quia testamentum ipso iure nullum est, & libertas ipso iure nulla est. Ergo locus erit condictioni indebiti, quia ex ea causa data est pecunia, quæ iure non valet: ac proinde Titius reuocare ac repetere poterit decem, quæ dedit: quæ est ratio Papiniani in hac l. 54. subiecta sententiæ

**A** Proculi. Quæritur tamen à Proculo in l. præced. cui nam detur condictio? an Titio qui decem dedit rogatus serui, an vero heredi legitimo, id est, domino serui? videbatur sane danda condictio domino serui, quia soluta est pecunia nomine serui, & pro eo est, ac si seruus ipse soluisset, qui aliunde corrasit pecuniam ad implendam conditionem libertatis. Videtur igitur à domino repetenda pecunia, qui tamen obligabitur Titio, & cogetur ei eam pecuniam reddere. Verum hoc non probat l. 10. Ait enim tam benignius quam utilius esse reuera ipsum, qui nummos dedit, suum recipere: quæ verba sunt valde notanda. statim ergo Titio dari condictionem indebitæ pecuniæ: quia etsi non soluit suo nomine, suam tamen soluit: Facit comparisonem utilitatum. & recte quidem, quia condictio indebiti ex æquo & bono proficitur, l. 66. hoc tit. Ac denique danda est condictio potius ei, cui eam dari benignius & utilius est. quæ ratio etiam efficit, vt nonnunquam detur condictio indebiti non ei, qui soluit, sed alij, l. 2. & 3. hoc tit. Non enim semper idem condicit, qui & soluit, sed & alius: & non etiam idem semper condicitur, quod solutum est, sed tantumdem, l. 7. hoc tit. Nam indebiti solutio promutuum est: & vt ex mutuo, sic & ex promutuo, non idem, sed tantumdem reddi potest. Ita igitur accommodanda est hæc regula Papiniani in hac l. 54. ad leg. præcedentem 53. quæ est Proculi. Et vix est vlla regula in Digestis nostris, quin sit referenda ad præcedentem speciem, & habenda pro ratione superioris responsi. Possent tamen complura alia exempla ad hanc regulam afferri, alioqui non esset regula: sed vno contenti erimus. Heres per errorem soluit certam pecuniam ex legati causa testamento iniusto relictæ. cognito errore poterit repetere per condictionem indebiti, quia legatum ipso iure non valet: idem si soluerit ex test. quod valuit quidem initio, sed rescissum est per querelam inofficiosi, vel per bonorum possessionem contra tabulas: nam ex his causis condictioni locus erit. Causæ quæ ipso iure non valuerunt, sunt, quæ ab initio non consistunt. Causæ quæ effectum non habuerunt sunt, quæ initio quidem valuerunt, sed rescissæ sunt. Nihil ergo refert, causa valuerit ab initio, an postea rescissa sit, & Græci recte in illo loco, το κατὰ βαλλόμενον, &c. Sed exigit regula, vt per errorem solutum sit: Nam qui sciens soluit, quod non debet, donat, nec repetere poterit, etsi dixerit, soluo, non dono; sicut contra, non quicumque dicit, dono, donat, sed transigit, vel soluit, vel quid aliud agit. Exemplum habemus in l. 15. §. Papinianus, locati. Si vno anno dominus remissionem dederit colono ob sterilitatem, deinde sequenti anno contigerit vbertas, remissio ante facta, domino nihil obest. Nam potest exigere integram pensionem etiam eius anni, quo remisit, licet remittendo vsus fuerit donationis nomine, quia quod remittit, transactio est potius, quam donatio mera: atque ita non tam verba quam mens contrahentium spectanda sunt. Qui sciens igitur soluit indebitum, non repetet. Id euidenter apparet in herede, qui interueniente Falcidia integrum legatum soluit. non debetur integrum legatum ipso iure, l. 73. §. ult. ad leg. Falc. quia lex Falcidia ipso iure minuit legata. Si igitur sciens heres integrum soluit legatum, aut cauit se datum integrum sine deminutione, condictioni locus non erit, quia donasse videtur. Hæc est ratio communis: sed est in herede propria quædam ratio, qui non vult vt Falcidia, quod scilicet fidem pleniorum defuncto exhibuerit: nam sane defunctus voluit integrum legatum præstari, nec vt heredem Falcidia, quæ lex est contra voluntatem defuncti. Id igitur præstando, heres implet religiose voluntatem defuncti, & fidum obsequium præstat, vt loquitur l. 45. ad Trebell. quod idem dici potest citra Falcidiam, si legatum inutile vltro præstiterit heres prudens, sciensque. Nam etsi sit inutile, forte ob non obseruatam regulam iuris, tamen præstando inutile legatum,



exhibet plenum obsequium defuncto, qui non voluit tam rationem iuris haberi quam suae voluntatis, etsi non expresserit testator, quod si expresserit, inutiliter expresserit; nec enim facere potest, ne ius locum habeat in testamento: laudatur tamen heres, qui praestat legata inutilia, quique fidum obsequium & plenam fidem exhibuit defuncto. & ita Plin. 5. Epist. 7. & similiter, si fideicommissum, aut legatum inutiliter relictum heres promiserit se soluturum sciens, explenda fidei causa, non erit conditio cautionis, ut ea obligatio solvatur, & iam pecunia debebitur non ex testamento, sed ex stipulatione, l. 62. *hoc tit.* quod maxime pertinet ad id quod M. Tullius scribit 2. de LL. de legatario, qui obligatur sacris defuncti: nulla est hereditas sine sacris: heredem sequuntur sacra defuncti, quae ipse peragere solebat. Sed quaeritur, an legatarius quoque obligetur sacris? minime: nisi tantum acceperit legatarius legati nomine, quantum pervenit ad omnes heredes, hoc casu obligatur sacris defuncti. Verum liberatur si quod legatum est legatarius stipuletur, ut id ipsum ex stipulatione debeatur, hoc est, si novet obligationem, si legati causam transfundat in ius stipulationis. Nam ita interposita stipulatio plerumque novat obligationem, l. 8. §. 1. *de novat.* & pro eo est ac si ea pecunia legata non esset, quia iam non debetur, aut capitur iure legati, sed iure stipulationis. Heres igitur liberatus est novatione, vel ut Tull. ait, *per as & libram*: nam eodem modo fiebant novationes, Livi lib. 6. *libraque aequae liberatum emittit.* Ignorantibus igitur tantum vel errantibus, vel etiam dubitantibus (dubitatio ignorantiam imitatur ex Constitutione Iustiniani) dabitur conditio indebiti, non scientibus.

#### Ad l. 7. de praescript. verb.

*Si tibi decem dederō, ut Stichum manumittas, & cessaveris, confestim agam praescriptis verbis, ut solvas quanti mea interest, aut si nihil interest, condicam tibi, ut decem reddas.*

**R**egula quam ante exposuimus, est communis omnium condictionum: haec lex est propria condictionis ob rem dati, quanquam ubi haec conditio locum habet, habent & ceterae, & est in arbitrio actoris ut condicat rem datam, quasi non sequuta causa, vel quasi sit sine causa apud eum, qui accepit: est enim liberimus usus condictionum, sed proprie erit in hac l. 7. conditio ob rem dati. Finge: dedi tibi pecuniam, ut tabulam pingeres, vel membrum aliquod domus: hic contractus vocatur locatio & conductio: condux enim tuas operas, & tu mihi scilicet locasti. Hic contractus habet proprium nomen & legitimum: nam à I.C. non sunt inuenta propria nomina, sed sunt indita legibus. Ex hoc igitur contractu datur actio, quae nomen habet, actio ex locato & conducto. Finge: dedi tibi togam, ut tabulam pingeres, an est locatio & conductio? minime: nam locatio & conductio non consistit sine pretio; ut nec emptio & venditio: locatio est instar emptionis: & ideo locator dicitur quoque emptor, sicut & conductor venditor: merces, precium, sunt communia nomina: non ergo hic proponitur emptio & venditio, nec locatio & conductio, sed est contractus similis locationi, qui nomine vacat, & ideo dicitur actio praescriptis verbis, quod non est proprium nomen, quia scilicet datur secundum praescripta verba contractus, quia dum intenditur, recitantur verba contractus, cum tamen in actionibus, quae habent proprium nomen sufficiat exprimere nomen contractus. & hoc ostenditur in l. 5. §. *at cum do, hoc tit.* Finge iterum, quae est species huius legis: Dedi tibi pecuniam, ut servum tuum manumitteres, non est locatio & conductio, quia hoc factum locari non solet, opera locari solet vel conducere, non liberale officium: manumissio est officium liberale,

**A** non opera. In iis igitur, quae ex officio manant, & in quibus nulla nostra versatur opera, non potest consistere locatio & conductio: fateor tamen hoc negotium esse simile locationi & conductioni, & vacare nomine: atque ideo ex hoc negotio datur actio praescriptis verbis, quae proprium nomen non habet. Quo fine datur haec actio praescriptis verbis? ut scilicet praestetur id, quod interest servum manumitti, ut impleatur fides contractus, quia forte filius est, aut frater, quem cupio manumitti: Verum etiam si mea nihil intersit, condicam pecuniam quam dedi, quasi datam ob rem, re non sequuta. Est igitur mihi duplex actio, praescriptis verbis, ut impleatur fides contractus, vel conditio ob rem dati, ut mihi reddatur pecunia: sed his actionibus non agitur, ut docet Papinianus hoc loco, antequam cessaveris in manumittendo Stichō, hoc est, antequam moram feceris: moram autem fecisse videris, si cum primum potuisti manumittere servum, non manumististi, maxime interpellatus: nam interpellatione sane est opus: post moram autem agam confestim, quia non est additum tempus manumissioni: sed ita res gesta est, *Do pecuniam, ut Stichum manumittas nullo addito tempore*: statim igitur ut cessaveris in manumittendo Stichō, vel agam praescriptis verbis, si mea intersit cum manumitti, vel si non intersit, agam conditione ob causam dati, d. §. *At cum do, l. si liber C. de condit. ob caus. dat. l. 2. §. 17. D. de cond. cau. da.* Imo dices, in hoc casu non est locus iis actionibus, quia ipso iure statim atque non est manumissus servus, eripitur ad libertatem: lex representat libertatem, quam ille qui pecuniam accepit, non praestat: non est ergo actionibus propositis locus, quia iam est ipso iure liber ex l. 38. §. *idem respondet, de liber. caus. l. 4. C. si mancip. ita alien.* Dedi tibi pecuniam, ut servum tuum manumitteres, non manumististi; fit liber ex sententia D. Marci & Commodi. Sed distinguendum hoc modo: si pecuniam dedi veluti pro pretio ut Stichum manumitteres, & cessaveris, fiet liber ipso iure: & ita hanc rem declarant d. l. 38. & d. l. 4. quae ita proponunt, dari pecuniam veluti pro pretio. Hic vero ponere debemus non dari pecuniam veluti pro pretio, sed ut mercem & rem quamlibet non habita ratione pretij quanti est Stichus: pecunia non semper pro pretio est: nummi peregrini, ut olim, ita hodie mercis loco sunt: ut refert Volusius Matianus in libro de Ase, & Plinius Histor. 33. cap. 3. nostri etiam nummi nunquam mercis loco sunt. Et ita in l. ult. *de cond. caus. data.* Dedi tibi pecuniam, ut Stichum dares, an est emptio & venditio? sic videtur: & vero ita est, si modo pecunia data sit pro pretio: sed si dedi tibi pecuniam non veluti pro pretio, ut mihi Stichum dares, permutatio est quasi mercis cum merce. Non pecunia semper vice pretij fungitur, sed etiam mercis: quod maxime pertinet ad explicationem illius l. ult. quae negat illud negotium esse emptionem venditionem: & adiciunt Graeci recte, esse permutationem, quia non est data pecunia, veluti pro pretio Stichi, ut etiam in hac l. 7. ponendum est, non esse datam pecuniam veluti pro pretio servi: alioquin statim post cessationem servus eriperetur in libertatem ipso iure, & non esset locus his actionibus.

#### Ad l. 1. De Vfuris.

*Cum iudicio bonae fidei disceptatur: arbitrio iudicis, usurarum modus ex more regionis, ubi contractum est, constituitur, ita tamen, ut legi non offendat.*

§. 1. Socius si ideo condemnandus erit, quod pecuniam communem inuaserit, vel in suos usus converterit, omnimodo etiam mora non interveniente, prestabuntur usurae.

§. 2. Nec tamen index iudicij bonae fidei recte inbebit interponi cautiones, ut, si tardius sententiae condemnatus paruerit, futuri temporis pendantur usurae, cum in potestate



fit actoris indicatum exigere. Paulus notat. Quid enim pertinet ad officium iudicis, post condemnationem, futuri temporis tractatus?

§. 3. Papinianus. Circa tutela restitutionem pro favore pupillorum latior interpretatio facta est: nemo enim ambigit hodie, sine iudex accipiat in diem sententia, sine sine iudice tutela restituatur, in eum diem quo restituit, usuras praestari. Plane si tutela iudicio nolentem experiri, tutor ultro conuenerit, & pecuniam obtulerit, eamque obsegnatam deposuerit, ex eo tempore non praestabit usuras.

**H**odie explicabitur alia regula quæ proponitur initio h. l. Sciendum est, in bonæ fidei contractibus vel quasi ex mora, hoc est, posteaquam debitor moram fecerit in eo soluendo, quod debetur, deberi usuras officio iudicis, l. 32. §. in bonæ fidei l. 17. §. ex locato, hoc tit. l. 24. D. de pos. l. 13. C. de act. empt. l. 2. C. de pos. l. fructus C. de act. empt. nulla est frequentior regula, cui est adnectenda ea quæ ponitur initio huius l. Sed sciendum est priorem hanc regulam etiam locum habere in legatis & fideicommissis, quamuis actio, qua legatum aut fideicommissum petitur, non sit bonæ fidei: usuræ legatorum vel fideicommissorum debentur ex mora, hoc est, si heres interpellatus congruo loco & tempore ea non soluerit. Quod ad usuras attinet, comparantur semper legata & fideicommissa bonæ fidei contractibus, l. 34. hoc tit. l. 3. C. in quib. ca. restit. in integ. & hoc puto esse ex constitutionibus. Nam ita inuenio scriptum in l. 24. de usufr. leg. post moram heredis legatario reddi usuras placuit. Et verbo placuit, plerumque significantur constitutiones principum. At hoc posito in contractibus bonæ fidei vel quasi contractibus ex mora deberi usuras arbitrio vel officio iudicis: quæritur: quæ usuræ debeantur? nam officium vel arbitrium iudicis non est liberum aut iniquum arbitrium, non licentia pronuntiandi iuris, sed arbitrium boni viri in princip. tit. Instit. de offic. iud. ut non aliter iudicet, quam legibus & moribus proditum est. Quæritur, quæ usuræ debeantur, quod dum quærimus, quærimus, quas debeat usuras iudex constituere: quærimus denique de officio iudicis. Et hac de re Papinianus dat nobis initio huius legis regulam elegantem. Cum iudicio bonæ fidei disceptatur, arbitrio iudicis usurarum modus ex more regionis, ubi contractum est, constituitur, ita tamen, ut legi non offendant, ut scilicet in iudiciis bonæ fidei usuræ veniant ex mora arbitrio iudicis, quæ in ea regione obseruantur, in qua contractum est: officio, inquam, iudicis veniant, vel quod idem est, arbitrio seu arbitrato iudicis: ac proinde earum usurarum modum iudex constituit & æstimat, inspecto & obseruato iure regionis in qua contractum est, obseruato more negotiatorum, atque etiam obseruato modo legitimo. Nam leges finem certumque modum dedere, quem non potest non sequi iudex: has leges debet obseruare, non minus, quam morem regionis, si is mos legibus aduersus sit. Possunt moribus leuiiores esse usuræ quam legibus, nec tamen possunt esse grauiiores: possunt attingere finem legum, non etiam superare. His igitur siue moribus, siue legibus regitur arbitrium iudicis: sed quod secundum mores ac leges statuerit hac de re, id tantum potest, quantum stipulatio. Et hoc est quod dicitur, quod ad usuras attinet tantum valere officium iudicis in actionibus bonæ fidei, quantum stipulationem nominatim factam, l. 7. de neg. gest. l. 24. de pos. Hic vero dicimus de usuris, quæ veniunt ex mora, quæ propter moram debitori infliguntur, ut creditor consequatur, quod sua interest, debitorem moram non adhibuisse, & non deberi, nisi iudex pronuntiauerit deberi: Finge, iudicem de re iudicasse, & usurarum rationem non habuisse in bonæ fidei contractibus; an post rem indicatam apud eundem iudicem disceptari de usuris potest? an apud alium iudicem usuræ peti possunt? Minime, quia in bonæ fidei iudiciis non est alia

actio sortis, alia usurarum: nec existimauit iudex in ea rationem esse habendam usurarum, l. 4. C. de pos. l. 13. C. de usur. Alia sunt usuræ, quæ debentur ante conuersionem puta cum is, qui alienam pecuniam administrat, eam conuertit in usus suos: conuersionis est conuersio in usum. alia quæ debentur ante conuersionem. quæ ex usu debentur, illæ debentur, etiam si de iis nihil pronuntiauerit iudex, ex natura ipsius iudicii, l. ult. C. de usur. rei iud. Natura, inquit, rei indicata ipso iure debentur; ex legibus proprie debentur usuræ: hæ debentur officio iudicis, non debentur proprie, l. ult. de eo quod certo loc. Est ergo regula, quæ proponitur initio huius l. de usuris, quæ veniunt ex mora, non ex abusu pecuniæ alienæ. Ergo debet iudex earum usurarum, quæ ex mora infliguntur modum constituere ex more regionis, ubi contractum est: & ita in l. 7. §. quæ autem, de adm. tut. dicitur, in actione tutelæ, venire usuras officio iudicis, exceptis certis casibus, quibus tutor debet usuras legitimas, usuras maximas, centesimas: (nam ita semper oportet accipere in libris legitimas & maximas: ) ut puta, si tutor pecuniam pupillarem in usus suos conuertit: quod est conuersionis, aut si eam apud se esse negauit, & Prætor contra eum pronuntiauerit, & aliis quibusdam casibus: quibus exceptis, ex cæteris causis tutor dependit usuras secundum modum prouinciæ, veluti quincunces, vel trientes, vel si quæ alia in ea prouincia leuiiores frequentantur. Idemque obseruandum in actione contrariæ tutelæ, quæ est bonæ fidei: nam si quid tutor dependat de suo in rem pupilli, id consequitur cum usuris, quæ ea in regione currunt, quoad ei omnis pecunia reddatur, namque æquum est ne sit eius pecunia sterilis, l. 3. §. consequitur, de act. contrariæ. Idem habemus de contraria actione negotiorum gestorum, l. 37. hoc tit. puta si ego pro te solui mea sponte irrogatus creditori tuo, & ita te liberauero magno incommodo, ne fortasse creditor tua pignora distrahat, vel in bonorum possessionem mittatur: debetur mihi ea pecunia cum usuris, quæ frequentantur in ea prouincia. Idque d. l. 37. & hac l. 1. ait, generaliter constitutum in omnibus iudiciis bonæ fidei, idemque procedere in actione mandati ostendit l. 10. §. si procur. mand. Idemque in legatis & fideicommissis, l. cum seruus 39. §. in usuram, de legat. 1. Igitur ex mora heredis debentur usuræ legatariis & fideicommissariis, & in usurarum quantitate mos regionis seruandus erit. Definit quidem usuras iudex, sed secundum morem regionis eius, ubi sita est hereditas, ubique solui legatum debet aut fideicommissum. In usuris igitur consuetudo regionis aut prouinciæ plurimum valet. Et recte Asconius Pedianus in librum de Diuinatione ait, esse quadrupli actionem pecunie grauioribus usuris fenerata, quam pro consuetudine, quæ pro lege est: sed potior tamen est lex consuetudine, l. 2. C. quæ sit long. cons. Consuetudinis, inquit, magna auctoritas est, sed non valet tamen usque adeo, ut legem minuat, aut rationem. Et ideo recte adiicit Papinianus; ita tamen ut legi non offendant, id est, ita demum si mos non aduersetur legi: vel si iudex dum morem sequitur non committat in legem. & similiter d. l. 10. §. si procurator, deberi usuras quæ legitimo modo, id est, intra modum legis, frequentantur; non quæ supra modum legis sunt. Magna est quæstio etiam hodie: vtra sit potior lex, an consuetudo? quæ paucis sic dirimenda est. Consuetudo est pro lege, ubi lex deficit, vel si defuerit, aut consenuerit, & hoc ait, l. 31. de LL. diuturnam consuetudinem esse pro lege in iis, quæ ex non scripto descendunt, hoc est, quæ scripto comprehensa non sunt: Consuetudo abrogat legem: tacitus enim illiteratusque consensus populi obliterat legem, l. 32. de legibus legem: abrogat, non tamen vincit legem: non idem est abrogare & vincere legem: in ipso concursu legis & consuetudinis, dum vtraque viget, vtraque suis consistit viribus, sane vincit lex consuetudinem dum viget nec consenuit, non consue-



tudo legem. Præterea queritur, quis sit modus legitimus usurarum, quem plus valere vult Papinianus, quam morem regionis usurpatum contra leges fœneratitias: duplex est modus usurarum, duplum scilicet & centesima: semper excipiendæ sunt traiectitiæ & nauticæ pecuniæ, fœnus nauticum, quod nullum habuit modum, nunc habet ex constitutione Iustiniani: nam sæpe debebantur usuræ ex fœnore nautico supra centesimas & supra duplum. His igitur exceptis, modus usurarum est duplum, quia non possunt deberi usuræ ultra duplum, id est, sorte tanto amplius. Finge: Cuidam tutori debentur centum: usurarum nomine tulit centum; sane usurarum nomine nihil præterea desiderare potest. Sed si quid amplius solvatur, id imputatur in sortem. ubi usuræ æquauerunt sortem, nihil amplius peti usurarum nomine potest: hic modus usurarum obtinet etiam hodie. Alter modus, qui obtinuit etiam ante Iustinianum, est centesima, quæ fere in omnibus aliis negotiis admissa est, & dicebatur centesima, quæ in centenos reddit duodenos quotannis, vnum nummum quot mensibus: atque dicebatur centesima, quod eius pars centesima, sit usura menstrua & legitima, l. 4. tit. seq. l. 8. C. si cert. pet. l. 26. C. de usur. Et utrumque modum legitimum significauit Papinianus, dum ait, ita tamen, ut legi non ostendat, hoc est, ne supra duplum aut centesimam usuræ æstimentur. At queri potest, quæ lex hunc modum imposuerit usuris utrisque? Lege aliqua impositum esse necesse est: varij modi impositi fuere, duodecim tabulis, vncia in centenos quotannis, quæ diu non obtinuit: imo & quibusdam legibus semuncia tantum: sed obtinuit diu & obtinet etiam hodie in quibusdam negotiis centesima. Quæ lex eum imposuerit modum, non satis liquet. Nam quod quidam tentant, modum esse impositum lege Gabinia, cuius mentionem facit M. Tull. 5. ad Attic. in fin. & alibi, falsum est: nam lex Gabinia fuit de versura, non de usura. Nescio, an quisquam adhuc intellexerit quid sit versura. Est sane improba cum sit lege vetita, & est in versura quiddam reprehensibile dignum. Iamdudum animaduerti versuram esse mutationem pecuniæ sub usuris qua dissoluebantur usuræ aliis debitæ: quod lex Gabinia non patitur, ne inopes usuris obruantur, dum usuris usuras cumulant. regula iuris est, usuras usurarum non deberi, & in stipulationem deduci inutiliter, sed fortis tantum. Huius regulæ duæ sunt fraudes, vna appellatur ἀνατοκισμος, altera, versura; & utraque fraus coercetur legibus vel constitutionibus. ἀνατοκισμος est, si usuræ, quæ debentur interposita stipulatione fiant fors, ita ut huius sortis, id est, usurarum redactarum in sortem usuræ cedant; quod reipsa est usurarum usuras exigere: & merito prohibetur l. ult. C. de usur. Alia fraus est versura, ut si sumas ab aliquo pecuniam sub usuris, qua alij solvas usuras debitas: non possis palam eidem creditori usuras usurarum dependere, sed nisi lex prospiceret, eas clam creditori tuo dependeres, dum sumeres ab vno pecuniam sub usuris, qua solueres usuras alij debitas. Hæc est versura prohibita lege Gabinia; quod etiam eleganter demonstrat Cic. libro 5. epist. ad Attic. epist. ult. his verbis: Salaminij cum Roma versuram facere vellent, non poterant, quod lex Gabinia vetabat, &c. Non vero dubito, quin versuræ nomine uti possimus in alia significatione: nam & per translationem versuræ nomen pro usura accipitur: est enim versura generaliter, repensatio qualibet seu reciprocatio. Vnde & in his regionibus, dos versura dicitur, vel ut patrio sermone verchere, id est, versura, quasi repensatio onerum matrimonij. Nec vnquam illud verbum versuræ audio, quin veniant in mentem verba Marciani Capellæ de dote, dum ait: utrum repensatrix data? id est, utrum dos, utrum versura data. Et hæc de regula. Quæ sequuntur in hac lege sunt difficillima & scitu dignissima, eoque pertinent ut ostendat Papinianus, aliquando in bonæ fidei contra-

Actibus usuras deberi, etsi mora non interuenerit, & sunt vtilia quæ sequuntur.

Intelleximus ex initio legis, in bonæ fidei iudiciis usuras deberi officio iudicis secundum morem regionis, ubi contractum est, qui modo non sit aduersus leges, quæ usuris posuere modum: & hoc locum habere in usuris, quæ debentur ex mora. Aliæ sunt usuræ, quæ in bonæ fidei iudiciis debentur & veniunt, etsi mora non interuenerit, de quibus nunc tractaturi sumus, ut in actione mandati l. 12. §. usuras, mand. dicitur usuras admitti non tantum ex mora, frustratione, cunctatione debitoris, sed iudicem etiam æstimare, si mandatarius, hoc est, procurator exegerit pecuniam sibi debitam à debitore suo cum usuris, ut domini negotia gereret, vel si mutuatus sit pecuniam grauioribus usuris, ut solueret pro domino, eumque liberaret magno incommodo, rei, earumque usurarum rationem habere iudicem ex eo tempore, quo mutuatus est pecuniam illam sub grauioribus usuris, vel quo eam pecuniam exegit à debitore suo, ut posuimus. Atque ita in actione mandati non ex mora tantum veniunt usuræ, sed & ante moram. Idem quoque constitutum est in actione depositi, l. 3. & 4. C. de pos. Is apud quem deposita est pecunia, debet usuras ex mora, non tantum si interpellatus eam non reddiderit, sed & si eam pecuniam in usus suos conuerterit inuito domino, cuius custodiendæ domino fidem dederat. ex eo tempore, quo eam pecuniam conuertit in usus suos, usuris obligatur sine vlla alia interpellatione. Idem & in §. socius in h. l. ostenditur locum habere in act. pro soc. & act. tutelæ: tractemus primum de actione pro socio. Si socius communem pecuniam inuaserit, vel in suos usus conuerterit, præstat usuras ex eo tempore, quo eam inuasit, etiam si nulla mora interuenerit, hoc est, etsi de ea pecunia reddenda, vel in commune conferenda, interpellatus non fuerit. Mora proprie est, si interpellationi debitor non obtemperauerit, hoc est, si non soluat. Et moram proprie creat interpellatio, nec videtur proprie moram fecisse, qui non interpellatus est. Et hoc est quod dicimus, moram fieri in personam, non in rem: moram contrahi ex interpellatione, non ex reipsa, non ipso iure. Aliquando tamen fit mora reipsa, quæ tamen proprie non est mora, ut significat l. 87. §. usuras, ff. de leg. 2. l. 32. hoc tit. mora fit reipsa minoribus 25. annis beneficio Prætoris, hoc est, quidquid debetur minoribus 25. annis, in eo non præstando, moram facere videtur debitor, etsi non interpellatur, ex Constitutione D. Seueri, quæ in hoc §. significatur illo verbo, Hodie. Mora etiam fit reipsa, si non sit, qui interpellatur, si debitor non compareat, l. 32. §. ult. hoc tit. ut etiam si solutioni addita sit dies: & est nota vox communis, diem satis interpellare, nec alia ratione additur dies, quam ne sit necesse creditori interpellare debitorem. Constat etiam furem semper moram facere reipsa, etsi non interpellatur, l. 17. l. ult. de cond. furt. fur autem etiam est, qui pecuniam communem inuadit, hoc est, qui eam amouet interuertendi animo, ut sibi eam habeat in posterum quasi suam, l. 45. pro soc. Atque ideo etsi non interpellatur socius, nihilominus eius pecuniæ usuras debet iudicio pro socio, quod est bonæ fidei. is autem qui pecuniam communem in suos usus conuertit, non est fur, quia suo iure pecunia communi utitur, sed prope furem est, aut non longe abest à fure, quandoquidem clam & latenter abutitur pecunia communi. Aliud est inuadere pecuniam communem, aliud eam conuertere in usus suos: nam inuadere, est prædonum more versari in societate, deprædari societatem. In suos usus conuertere, est clam abuti pecunia communi, non tamen ut non reputaturum, sed tamen hoc est finitimum furto. Et ex utraque causa, id est, inuasionem pecuniæ communis, & in usum suum conuersionem, usuræ debentur statim reipsa, etiam non interueniente interpellat. quia proprie dicitur



dicitur mora, quam creat interpellatio facta in personam. Et huc valde pertinet *l. 60. in princip. pro soc.* Ad quam maxime est aduertendum. Finge: Socius aliquid ex societate lucrificet, in eo reddendo vel conferendo moram fecit, vsuras præstat: verum adiecit lex, cum ipse ea pecunia vsus sit, id est, socius qui in eo reddendo quod lucrum fecit moram facit, tunc moram facere intelligitur, cum ea pecunia vsus sit. Sunt duo casus: Primus, si socius in eo reddendo quod lucrum fecit, moram fecit. Secundus, si ea pecunia vsus est. Nam postea eadem *l.* adiecit hæc verba: *Sed si aut vsus ea pecunia non sit, aut moram non fecerit, contra esse*, id est, non præstare vsuras, si aut moram non fecerit, aut pecuniam in vsus suos non conuerterit. Et ita Græci, deberi vsuras *ἀπὸ τῆς ἐξουσίας καὶ τοῦ χρηστέως* id est, quod moram fecerit, & pecuniam conuerterit in rem suam. Et subiicit, quod eget explicatione, *Eus vsuras non deberi ut vsuras*, hoc est, ut scænus: nam si deberentur ut scænus, deberentur etiam citra moram, *l. 17. §. si pupillo, hoc tit.* vsuræ, quæ propter lucrum infliguntur, hoc est, scænus, debentur & ante moram, imo currunt ex die ipso contractæ obligationis. Alia est vsura, quæ infligitur propter lucrum, alia quæ propter moram, siue moram quis faciat ex interpellatione, siue re ipsa. In actione igitur pro socio, vsuræ non debentur ut scænus, sed quod socij interit scocium moram non fecisse, vel eam, quæ ex interpellatione creatur, vel eam, quæ re ipsa sit.

Concludamus igitur ex hoc §. socium vsuras deberi etiam non interpellatum, eius pecuniæ, quam ex societate inuasit, vel in suos vsus conuertit, & currere vsuras ex eo tempore, quo inuasit, & in vsus suos conuertit. Non satis est scire ex quo die debeantur, nisi & sciamus, in quem diem: & significat Papinianus, deberi in diem condemnationis. Nam in iure hoc est ratum: Post sententiam consistere vsuras, seu cessare vsuras intra tempora iudicati soluendi. non ignotum est, iudicatis, hoc est, condemnatis dari certa tempora faciendo seu soluendo iudicato; quæ in 12. tab. appellantur dies iusti. Ergo intra ea tempora vsuræ nullæ currunt *l. 3. §. 1. hoc tit. l. 13. C. hoc tit. l. ult. §. penult. C. de vsur. rei iudic.* Ratio est: quia ea tempora reis humanitatis gratia dantur, *l. 16. §. ult. de compens.* ubi à Græcis nominatim ita scriptum est *ἀπὸ τῆς ἀνθρωπίνης*. Et ideo sunt immunes ab vsuris & fructibus dependendis, non quidem à perceptis interim, sed qui percipi potuerunt. Sunt denique expertes omnis inhumanitatis: iure *postulantur, nisi ex causa iudicati*. Finitis autem his temporibus, rursus currunt vsuræ, non priores, sed nouæ, & plerumque grauiore sine conuentione, aut condemnatione noua, sponte, & ipso iure, ex legibus, & hæc dicuntur vsuræ rei iudicatæ: & fuere olim ducentesimæ, hodie sunt centesimæ. Ideo quæritur; an iudex addictus pro socio, qui condemnat socium in vsuras præteriti temporis in diem sententiæ, possit etiam socium cogere ad cautionem interponendam de præstandis vsuris futuris post tempora iudicati? Et Papinianus ait; posse socium condemnare in sortem & vsuras vsque in diem sententiæ, non etiam ab eo exigere cautionem de dependendis futuris vsuris post tempora iudicati soluendi. Et utitur hac ratione Papinianus, quia actori satis consultum est actione iudicati, cum ipso iure insint vsuræ legitimæ: & æquum non est reum onerari superuacua cautione: & hæc est ratio Papiniani, quam reprehendit Paul. si quis notam recte intelligat, quæ quo obscurior reprehensio est, eo modestior. Paulus non reprehendit palam rationem Papin. sed dum aliam dat, satis indicat se eam non probare. & vero est cur improbet rationem Papin. quia actori est actio iudicati, ideo non est necessaria actio ex stipulatu: an quod mihi est actio una, neganda est altera? cur non mihi possim multis cauere rationibus? & per quam utile est cauere multis cautionibus per stipulationem, etiam ei, qui habet actionem iudicati: quæ de causa anteliteri

Quæst. Papin.

A contestatam solet interponi stipulatio iudicatum solui, quamuis certo sit competitura actio iudicati, si condemnatur reus. Solet etiam interponi stipulatio de noui operis nuntiatione, ut cui est actio iudicati, sit etiam actio ex stipulatu, *l. 21. §. habet, de nou. op. nunt. l. 8. §. idem Celsus, de nouat.* Non est igitur hæc ratio Papin. idonea, & ideo Paulus meliorem adfert rationem, quia ad iudicem nihil pertinet tractatus futuri temporis: iudex perfungitur suo officio, dicendo sententiam, quam ubi dixit, statim definit esse iudex, *l. 55. de re iud.* De re gesta sententiam dicit, futurum tempus non attingit. Hoc est discrimen inter iudicem & legem, quod lex statuatur de futuris, iudex de præsentibus & præteritis. Hæc est elegans ratio Pauli. vsuræ rei iudicatæ, quæ forte post tempora condemnatis ad solutionem data, cedent, non veniunt in iudicium: ergo de iis nihil potest dicere, vel statuere iudex. Accursius multa affert in contrarium, ut probet iudicem de futuris etiam statuere, quæ ego perstringam breuiter, & redigam ad duas obiectiones. Una est ex *l. 1. C. de sent. quæ fin. cert. quant.* quæ ait; Sententiam eam iudicis non esse contra formam iuris, quia iudex iubet dependi vsuras pecuniæ in condemnationem deductæ, vsuras scilicet rei iudicatæ: Atque ita videtur rata esse sententia iudicis, quia statuit de vsuris futuris. Sane videtur obstare hæc lex, quia scilicet ad eam non apponitur species congrua. Species est: Iudex addictus erat actioni iudicati, sententia debet esse certa ex definitione iudicis, aliqui litem fereret: vsurarum etiam condemnatio debet esse certa *l. 3. C. 4. eod. tit.* Finge: Iudex cum esset addictus actioni iudicati, pronuntiavit dependi vsuras rei iudicatæ, non expressa quantitate, quoad soluta esset pecunia condemnationis iam factæ priore iudicio, neque certam sententiam dixit, neque certas vsuras, an valeat sententia? Sic sane, quia est iam certa condemnationis summa facta, ad quam se refert, qui de iudicati actione pronuntiat, & sunt certæ etiam vsuræ rei iudicatæ, cum sint præscriptæ legibus certis *in tit. C. de vsur. rei iud.* & constat esse centesimas. Igitur certa est sententia, & præterea sic posita specie, iudex non statuit de futuris vsuris, sed de iis, quæ iam debentur post tempora iudicati. Altera obiectio similis est ex *l. 38. pro socio, & ex l. 41. de iud.* quibus ostenditur, plerumque iudicem debere interponere cautionem de re futura, veluti prætor iubet interponi cautionem de damno infecto, hoc est, de futuro: vel etiam si quid quis debeat ad diem, postulante creditore, iubet iudex in iudiciis bonæ fidei cautionem interponi de soluenda ea pecunia, cum dies venerit, quum metus est, ne debitor labatur facultatibus: Facile creditor cui debetur ex contractu bonæ fidei ad diem, ante diem exprimit cautionem per iudicem. Atque ita videtur statuere de futuris: Imo statuit de ea re, de qua iam agitur in præsentibus: & de qua aditus est: sed nihil statuit si alia de re aditus sit, extra eam rem de iis, quæ extrinsecus accedunt: quo nihil est euidentius. Docet etiam in actione tutelæ vsuras venire & deberi citra moram: imo vero plus esse in actione tutelæ, quam in actione pro socio, vel, ut ait, latiore interpretationem fieri quo ad vsuras in actione tutelæ, quam pro socio, fauore pupillorum: quia scilicet tutor vsuras debet pecuniæ pupillaris etiam interpellatus, non tantum si pecuniam pupillarem inuasit, vel in suos vsus conuerterit, vel ea quidem non fuerit abusus, sed eam apud se habuerit otiosam. Et hæc est latior interpretatio, quæ fit in actione tutelæ, quoad vsuras, nec necesse est interpellari tutorem. Et de hoc hodie nemo ambigit, hoc est ex constitutione Seueri secundum *l. cum vero 26. §. apparet, de fideicom. liberr.* quæ statuit, ut in pupillis, ad iustam ætatem vsque mora fiat re ipsa à debitoribus: atque ita non tutor tantum, sed quicumque debitor his vsuris destingitur, etiam si interpellatus non fuerit. Verum, ut loquamur tantum de actione, tutelæ, ne-

D



mandum generaliter tutorem si agatur tutelæ, si reposcat-  
 tur ratio tutelæ, vsuras debere in diem sententiæ. Hoc  
 enim tantum intendit actio tutelæ, vt reddantur ratio-  
 nes; vel, vt loquitur Papinianus, vt restituatur tutelam,  
 hoc est, vt reddat rationes: ergo ex quo tempore habue-  
 rit pecuniam pupillarem, in diem sententiæ debet vsu-  
 ras: vel etiam si tutela reddatur sine iudicio, in diem,  
 quo reddidit omnes rationes: quod consentit eum l. 7.  
 §. ult. de administ. tut. l. 45. §. quasitum, eod. tit. qui §.  
 et si dicat solui vsuras in diem accepti iudicii, hoc est, litis  
 contestatæ, tamen sunt producendæ in diem sententiæ,  
 siue iudicati: sed notatur dies litis contestatæ, quod eo  
 die plerumque tutores agnoscant bonam fidem, aut sal-  
 tem debeant agnoscere. Nec est nouum, tempus litis  
 contestatæ produci ad tempus sententiæ, in l. 29. §. si  
 heres, de legat. 3. Igitur hæc sit conclusio. Tutor quo-  
 quo modo vsus sit pecunia pupillari, vsuras debet in diem  
 sententiæ, vel in diem, quo redduntur rationes. Sed  
 quid fiet, si pupillus non curet, aut nolit sibi rationes  
 reddi, quid si nolit agere tutelæ iudicio illectus dulcedine  
 vsurarum, qua ratione consulatur tutori parato rationes  
 reddere? offeret pecuniam, & si quæ sint reliqua, obli-  
 gnet, offerri debet in folle obsignato, atque ita deponi:  
 nec enim sufficit oblatio nuda, sed necessaria est depo-  
 sitio, l. 7. hoc tit. Hæc obsignatio pro solutione est, l. 9.  
 C. de solut. Et ab eo tempore, quo signauit & deposuit  
 liberatur omnino. Et hoc intelligit M. Tullius 6. ad  
 Attic. Epist. 1. *Consistere usura debuit quæ erat in edicto  
 meo, deponere volebant*: nam depositio pecuniæ solutio  
 est. Est etiam aliud, in quo fit latior interpretatio in  
 actione tutelæ, quam in actione pro socio. Sed quod  
 dicetur de tutela, idem etiam pertinet ad actionem ne-  
 gotiorum gestorum. Nam generaliter tutores, curato-  
 res, procuratores, magistratus municipales, duumviri,  
 qui alienam pecuniam exercent & tractant, & vt vno  
 verbo dicam, gestores negotiorum alienorum, hi omnes,  
 si alienam pecuniam, quam administrant, in suos vsus  
 conuerterint, quod est *οὐ νόμος*, præstabunt vsuras ma-  
 ximas, si clam & latenter hoc faciant. Nam finge, tu-  
 torem accipere pecuniam pupillarem à contutore mu-  
 tuam, & conuertere in suos vsus, an eius pecuniæ debet  
 vsuras centesimas? minime. Finge rursus: eam pecu-  
 niam accipere à seipso, & rationibus conscribere in eam  
 sibi mutuata, & hac videtur vti palam & bona fide,  
 non debet vsuras maximas, sed solitas, l. 9. §. non tan-  
 tum, l. 54. de adm. tut. Sed si clam quicunque gestor  
 abutatur pecunia aliena, debet centesimas, l. 38. de neg.  
 gest. l. 1. C. de usur. pup. Ex cæteris vero causis præstabit  
 tutor vsuras secundum morem regionis & prouinciæ,  
 aut quincunces, aut trientes, aut, si quæ aliæ leuior-  
 es in prouincia frequentantur, l. 7. §. quæ autem sunt, de ad-  
 minist. tut. Verum huic sententiæ obstat, l. 10. §. si pro-  
 curator, mand. maxime vexatæ à nostris: quæ ait, pro-  
 curatorem, qui administrat alienam pecuniam vel ne-  
 gotia, si eam pecuniam in suos vsus conuerterit, debe-  
 re vsuras, quæ in regionibus frequentantur. Imo debet  
 centesimas. Hunc nodum vt dissoluant, dicunt quidam:  
 aliud esse in tutore, aliud in procuratore. Hanc solu-  
 tionem refellit l. 38. de neg. gest. quæ ait, cum qui ad-  
 ministrat alienam pecuniam, si eam ad vsus suos con-  
 uerterit, maximas vsuras debere, id est, centesimas,  
 etiam si leuior-  
 es frequententur in regione. Quod vero est  
 scriptum in d. l. 10. §. si procurator, procuratorem, qui  
 conuertit pecuniam in suos vsus, cum sit aliena, debe-  
 re vsuras, quæ in regione frequentantur, hoc ita dicunt  
 procedere, si palam vsus sit pecunia domini, veluti, si  
 eam sibi mutuata scripserit; si rationibus suis eam ac-  
 ceptam tulerit domino, & sane sic non facit improbe,  
 nec debet vsuras centesimas. Verum hoc non exprimit  
 §. si procurator. nec tamen aliter responderi potest, nisi  
 hoc dicas, manifestam traiectionem verborum in eo §.  
 esse. Ait, procuratorem eius pecuniæ, quam habet ex

A negotio domini; ex mora debere vsuras, vt in bonæ fidei  
 iudiciis est receptum. Hoc etiam addendum, quæ in  
 regionibus his frequentantur. Deinde tractat de vsuris,  
 quas consequutus est, cum pecuniam domini fœnori  
 collocauit, & tulit vsuras, & has debet restituere, quia  
 bonæ fidei hoc congruit, ne de alieno lucrum sentiat.  
 Sequitur tertius casus, si quam pecuniam in vsus suos  
 conuerterit. hoc semper accipitur in malam partem:  
 Quid fiet? damnabitur in vsuras centesimas exemplo tu-  
 toris. Nam & mox subiicit aliud in hoc §. in quo similis  
 est procurator tutori. Si procurator pecuniam domini  
 fœnori collocauit, & exegerit vsuras, quas mox in vsus  
 suos conuerterit, an debebit vsurarum vsuras? sic sane,  
 & quidem centesimas, quod etiam proditum est in tu-  
 tore, l. 7. §. si vsuras, de admin. tut.

B

Ad l. tutor. 35: de admin. & peric. tut.

*Tutor siue curator nomina, quæ iuste putat esse idonea, à  
 priore tutore vel curatore suscipere quidem cogitur, non  
 tamen exactionem periculo suo facere.*

C IN hac l. proponitur hæc regula: non cogi tutorem  
 nomina minus idonea suo periculo exigere, licet co-  
 gatur ea à priore quidem tutore vel curatore suscipere.  
 Finge: tutorem vel curatorem mortuum esse, vel remo-  
 tum vt suspectum, & in locum eius alium tutorem, vel  
 curatorem datum esse. Vel finge: post pubertatem im-  
 puberis, qua finitur tutela, & succedit cura. postulante  
 adolescente non inuito, tutori succedit curator in ad-  
 ministratione. huic curatori tutor restituit tutelam red-  
 ditis rationibus. Cum hoc curatore confert rationes  
 pup. & cogitur curator siue tutor nouus à priore tutore,  
 vel curatore, vel herede eius suscipere nomina, hoc est,  
 cautiones, *καυπάτριά*, siue debita, quæ is contraxit, quan-  
 diu gessit tutelam, vel curam: etiam si tutor vel curator  
 habeat iustam causam æstimandi, ea nomina non esse  
 idonea, neque approbet: tamen ea suscipere cogitur:  
 denique nomina, quæ fecit prior tutor vel curator, siue  
 idonea sint, siue non, sequens curator vel tutor suscipe-  
 re cogitur, vt scilicet ea exigit à debitoribus, & perse-  
 quatur: sed exactionem non faciet suo periculo, sed  
 prioris tutoris vel curatoris, qui ea contraxit. Ac pro-  
 inde, si debitores non sint soluendo, periculum nominum  
 D pertinebit ad priorem tutorem, vel curatorem, qui no-  
 mina fecit, & satisfaciet pupillo de suo. Idque est cer-  
 tissimum in iure, nominum periculum pertinere ad eum,  
 qui fecit, si ea non sint idonea, vel si culpa eius facta sint  
 deteriora, dum non satis mature interpellauit, l. 35. de reb.  
 credit. l. ult. §. pen. de admin. rer. ad ciuit. pert. Nouus igitur  
 tutor cogitur suscipere nomina à priore tutore vel  
 curatore, etiam si ea nomina improbet, sed non cogitur ea  
 probare. Et aliud est suscipere nomina, aliud probare no-  
 mina, l. 12. §. Idem ait, mand. Qui probat nomina, agnos-  
 cit periculum: Ideoq; si posterior tutor, vel curator pro-  
 bauerit nomina, quæ prior tutor, vel curator fecit, eorum  
 nominum periculum in se transfert, & priorem tuto-  
 rem, vel curatorem omnimodo liberat. Qui probat no-  
 mina, agnoscit periculum: ideoque si posterior tutor  
 probat prioris nomina, à priore in se transfert pericu-  
 lum. Nomina probare, est periculum eorum agnoscere,  
 periculo suo nomina esse cauere, l. 44. in princ. hoc tit.  
 l. 36. ad municip. l. 19. de tut. & rat. distr. & exqui-  
 rere nomina diligenter debet, qui succedit in tutelam  
 aut curationem, si probare vult nomina: quæque non  
 probat inuitus, licet inuitus suscipiat qualia qualia.

E



## Ad l. statuliberorum 33. de statulib.

*Statuliberorum iura per heredem fieri non possunt duriora.*

**N**Otissimum est, statuliberum esse seruum, cui verbis directis, verbis civilibus relicta est libertas testamento in diem vel sub conditione, vel, ut scribit Festus ex nostris auctoribus, *qui testamento certa conditione proposita iubetur esse liber*. Placet illud, conditione proposita: nam nostri auctores sic loqui solent: quæ enim conditio legato vel libertati adscribitur, dicitur conditio proposita legato aut libertati, l. 112. de condit. & dem. ἀποκατάστασις, l. 6. de excus. tut. Dixi, verbis civilibus, nam quibus relinquatur libertas verbis precariis, his verbis scilicet: *rogo te ut seruum illum manumittas sub conditione, vel in diem*, non sunt statuliberi, l. 14. de noxal. act. l. 37. ad l. Falc. Semper in iure separantur statuliberi ab iis, quibus in diem, vel sub conditione est relicta fideicommissaria libertas. Sunt quidem similes in omnibus fere iuris articulis statuliberis, sed non possunt tamen dici statuliberi: possunt dici statuliberorum locum obtinere, l. 51. §. cui per fideicom. de fideicom. libert. quia fere communia sunt horum & illorum iura. Sed verbum *statuliberi*, est ex 12. tab. quibus facere incognita fideicommissa. Nam ante Augustum fideicommissa infirma erant, vixque quisquam inuitus cogebatur præstare id, de quo rogatus erat, ut constat ex tit. Instit. de fideicommiss. hered. & ex tit. ad Senatusc. Trebell. Quinimo usque ad Iustinianum nulla fideicommissaria supererat actio ad id fideicommissum petendum, l. 1. C. commun. de legat. Quod etiam confirmat quædam Traiani epistola ad Plin. quæ est 80. lib. 10. his verbis: *Iulius Largus fidem tuam, quasi te bene nosset, elegit. Quid ergo potissimum ad perpetuitatem memoria eius faciat, secundum cuiusque loci conditionem ipse dispice, & quod optimum existimaueris, insequere*. Ea probauerunt & introduxerunt constitutiones principum, non leges veteres: sed tamen plerumque fideicommissarii liberti rediguntur, ut dixi, ad exemplum statuliberorum: ac præterea dixi, statuliberum esse seruum: intellige, antequam venerit dies libertatis: nam interim est seruus heredis, l. 9. de statuliber. Idem confirmat l. 9. §. certe si sub condit. de pecul. l. 11. de legat. 2. Itaque ratio nominis non hæc est quod sit statu liber; nam est interim statu seruus. Non licet diuidere, quæ sunt composita, & aliud sæpe significant diuisa, aliud composita: ut apud Homerum: aliud est εὐνοφελῆδης: aliud εὐκλον ἀφελῆδης. Aliud ἀνοφελῆδης aliud εὐκλὲς γέγον. & similiter si dixeris diuisim aliquem esse statu liberum, hominem liberum dixeris. At si coniunctim & composita statuliberum dixeris, non hominem liberum, sed seruum intellexeris, cui tamen sit statuta vel destinata libertas in diem, vel sub conditione. Adnotandum tamen est, in plerisque causis, illum esse liberi loco, ut in ponenda ratione legis Falcidiae: nam cum æstimatio bonorum ineunda est, & conferenda cum quantitate legatorum & fideicommissorum, statuliberi non computantur numero seruorum quasi iam adepti libertatem videantur, quam sperant, nec sunt omnino in bonis, l. 38. ad leg. Falcid. Ac similiter in publicis iudiciis puniuntur ut liberi, non ut serui, hoc est, mitius, l. 14. de quæst. l. 9. §. ult. de poen. ac postremo serui possunt à dominis vendi durioribus conditionibus, veluti ne vnquam manumittantur. an & statuliberi? Sic sane vendi possunt, sed non duris conditionibus. Et ita scripsit Modest. in l. 25. hoc tit. Interim tamen reuera sunt serui. Demonstrat scilicet, hac in re summam esse differentiam inter seruos & statuliberos, quæ lex pertinet ad hanc regulam. Initio docet statuliberos posse vendi ab herede, quia interim sunt heredis, & ita ait, statuliberos venundari posse ex 12. tab. hoc est, ex sen-

Quæst. Papin.

**A**tentia 12. tab. ita expressa, ut si quis liber esse iussus fuerit sub conditione, si heredi 10. dederit, & ab herede alienatus sit, emptori decem dando perueniat ad libertatem, id est, ut libertatis conditio possit impleri in persona emptoris, l. statuliberi à ceteris §. ult. hoc tit. Lex satis demonstrat statuliberum posse venundari, quamuis id non dicat nominatim: & ita putauerunt, inquit, leges 12. tab. Sic Ulpian. in Fragm. loquitur de Alia Sentia; Et eodem modo Tull. 4. de Rep. apud Nonium in verbo Iurgium. *Iurgare igitur lex putat inter se vicinos, non litigare*. Putat, legis sententia est. Itaque ex lege 12. tab. statuliberi vendi possunt. At subiicit d. l. 25. non posse vendi duris conditionibus: puta, ne vnquam manumittantur: quia si statuliber munumittatur, statim non impleta conditione libertatis, sane fiet liber, & citius perueniet ad libertatem, l. 34. de statulib. Nec tamen erit libertus manumissoris, sed Orcinus, libertus Charonianus, libertus nullius viuentis, libertus Plutonius: neque enim potest fieri eius conditio durior præfestinata manumissione, ut experiatur duriorum patronum, scilicet heredem, qui nullum habiturus est patronum si velit suo iure uti. Dura est conditio venditionis, si statuliber ea lege vendatur, ne intra certa loca seruiat, id est, ne certis quibusdam locis moretur, puta, quod heres sibi ab illo timeat, vel quod heredis oculi eum ferre non possint, l. 1. de seru. exportand. Igitur debet vendi statuliber bonis conditionibus, non ut seruus, duris, ne quid fiat contra voluntatem defuncti, ne præiudicetur speratæ libertati. Et hoc vult Papinianus, dum ait, statuliberorum iura per heredem duriora fieri non posse. & potest hæc regula aptari ad l. præcedentem: est enim semper in libris Pandectar. ordo & series quædam legum, ut iam sup. notauimus ad l. 38. de pact. Finge: Si seruus sit manumissus sub hac conditione, si uni ex heredibus decem dederit, cum essent duo, & vnus eum vendiderit ea lege, ne emptor vllam pec. acciperet conditionis implendæ causa: nihilominus fiet liber alteri heredi dando quinque, quamuis emptori nihil dederit: quia statuliberorum iura per heredem fieri non possunt duriora. & hac interpretatione maxime indiget d. l. 32. Et hoc idem dicimus de seruo, cui relicta est fideicommissaria libertas sub conditione, quem diximus fere in omnibus causis statuliberi iure censeretur: nam & hic ab herede interim vendi potest, sed non durior conditione, non ut iura patronorum experiatur duriora, non in perpetuam seruitutem, l. 15. l. 24. §. ult. l. 51. §. cui per fideic. de fideic. libert. Sed necesse est ut ad hanc regulam aliud exemplum apponamus, quod conuenit magis scripturæ veterum librorum, in quibus est, *deteriora, pro duriora*, & in Basil. χειρότερα, duobus locis. Si dominus seruum, cui adscripsit directam, vel fideicommissariam libertatem sub conditione, aut in diem, vinxerit pœnæ causa, vincula nocent futuræ libertati, secundum legem Alia Sentiam. Nam serui vincti, si manumittantur, sunt dedititiorum numero, nec possunt peruenire ad iustam libertatem, hoc est, ciuitatem Romanam. Et ita Suetonius in Augusto: *Augustum statuisse, ne quis tortus vinctusue ciuitatem adipsiceretur*. Vincula igitur nocent libertati, hoc est, statuliberis fideicommissariis, & puræ etiam libertati. Sic quoque Paulus in l. 43. de fideic. libert. *Fideicommissaria libertas non debetur ei, quem dominus postea vinxit*. Quæ verba interpretanda sunt ex iure antiquo, ut scilicet is non possit fieri ciuis Romanus, sed sit tantum dedititiorum numero. & ita Paulus 4. sent. de manum. Nocet libertati non tantum, si dominus vinciat seruum, sed etiam, si vincire iubeat ob delictum, aut si vincientis procuratoris factum comprobet. Quid ergo dicemus si heres statuliberum, vel eum cui relicta est fideicommissaria libertas sub conditione vel in diem, pendente conditione ob delictum vinxerit, an ius statuliberi sit deterius; an facto heredis mutatur libertas, iusta scilicet in dedititiam? Minime.

D ij



statuliberorum iura per heredem non possunt fieri deteriora. & sic omnimodo Paul. d. loco, fideicommissaria libertas facto heredis non mutatur, si seruum quem manumittere iussus est, vinxerit. & ita commodissime ad hanc regulam aptabitur etiam *l. fratres, de pœnis, quæ sequitur.*

Ad l. fratres, 33. de pœn.

*Fratres Imperatores rescripserunt, seruos in temporaria vincula damnatos, libertatem & hereditatem siue legatum, postquam tempus expleuerint, consequi, quia temporaria coercitio, quæ descendit ex sententia, pœna est abolitio. Si autem beneficium libertatis in vinculis veniat, ratio iuris & verba constitutionis libertati refragantur. Plane si testamento libertas data sit, & eo tempore, quo aditur hereditas, tempus vinculorum solutum sit, recte manumissus intelligitur, non secus ac si pignori datum seruum debitor manumississet, eiusque post liberatum pignus adita fuisset hereditas.*

**M**ale hæc lex explicatur, nisi sumatur explicatio ex iure antiquo legis *Æliæ Sentia*. Species hæc est: seruo relicta est libertas sub conditione, sicut & hereditas, vel legatum, quæ relinqui non possunt sine libertate: pendente conditione ob delictum à præfide provinciae in vincula temporaria damnatus, & pœna sua functus est. Quæro, an post tempus peruenire possit ad libertatem, & hereditatem vel legatum: an vincula impediunt libertatem, quasi non possit fieri ciuis Romanus qui vinculus fuit, sed sit dedititiorum numero tantum? Et ait, expleto tempore & solutis vinculis, eum seruum peruenire posse ad libertatem, & consequenter capere hereditatem & legatum, *l. 38. §. fratres, ad leg. Jul. de adult.* & vitur hac ratione, quia non est exaggeranda sententia, quæ pœnæ modum fecit, non est pœna sententia determinata ultra finem sententiæ porrigenda, vel coercitio temporaria, quæ descendit ex sententia, pœna abolitio est, ut ait Papinianus. Ergo ea vincula non nocent futuræ libertati. Sed hoc ita procedit, si eo tempore, quo cedit dies libertatis, vel legati, vel quo defertur ei hereditas simul & libertas, seruus non amplius fuerit in vinculis, si eo tempore iam expleuerit tempora pœnæ suæ, quia dies vtiliter cedit, & solutum hominem inuenit, non in vinculis. Sed si quo tempore cedit libertas, seruus fuerit in vinculis, nec expleuerit pœnæ tempus, nunquam competit libertas, & consequenter nec hereditas, nec legatum. Cedit libertas ab adita hereditate ab herede vel coherede, *l. unica §. libertatibus, C. de cad. toll. l. Iulianus §6. de condit. & demonstr.* Ergo si tempore aditæ hereditatis, quo cedit dies libertatis & legati, fuerit in vinculis seruus, non fit liber, quia inutiliter cessit, & quod semel cessit inutiliter, non conualescit postea, *l. ult. com. præd. l. 76. §. 4. de leg. 2.* Ergo constitutio DD. Fratrum ita procedit, ut vincula præterita, quibus iam solutus est, non noceant libertati, cuius dies iam cedit. Ex quo intelligitur, Catonianam regulam non pertinere ad libertates, in libertatibus non inspicitur tempus testamenti, sed aditæ hereditatis: si tempus testamenti spectemus, nulla est libertas, si eo tempore fuerit in vinculis: si vero inspicias tempus aditæ hereditatis, sane libertas competit, si tunc non fuerit in vinculis. Regula Catonis hæc est: Quod non valeret, si statim testator vita decessisset, non ideo valet, quod diu vixerit; hoc est, non conualescit postea, quod ab initio non valuit: quæ regula valet tantum in iis, quæ cedunt vel incipiunt deberi à morte testatoris, non ab adita hereditate. & iam pridem docuimus obseru. lib. 4. cap. 4. & inf. Quæst. lib. 15. legendum esse in *l. 3. de reg. Caton.* Catoniana regula non pertinet ad libertates. Vulgo pro libertates, legitur hereditates. Quod confirmat *l. 17. §. ult. qui & à quib. l. 24. §.*

*A si seruum, de fideic. libert.* Et hoc loco id etiam Papin. voluit probare hoc exemplo. Debitor non potest manumittere seruum, quem creditori pignori obligauit. Finge, manumitti testamento, nondum soluto pignore. Si spectemus tempus testamenti, inutilis est manumissio. Sed finge, tempore aditæ hereditatis liberatum fuisse pignus, libertas quæ ab initio non valuit, conualescit postea. Satis est non fuisse pigneratum seruum tempore aditæ hereditatis: ut satis est, non fuisse in vinculis eodem tempore ut plenam libertatem adipiscatur: alioquin erit dedititiorum numero, qui erant incapaces. Notandum igitur; Pœnam esse magnam, si damnetur in vincula perpetua, vel temporaria, quia non potest fieri ciuis Rom. Longe alia est ratio serui damnati in opus publicum in perpetuum, vel in tempus: hoc seruo non est pœnæ, & imperite iudex damnat seruum in opus publicum. Nam primum non mutat dominum, & si manumittatur, fit ciuis romanus, non dedititiorum numero. Igitur hoc loco nihil est pœnæ opera priuata quam dat domino, est illi pœnæ magis, & libentius in opus publicum seruit quam in opus domini: & hoc ostenditur in *l. seq. imperite damnari seruos in opus publicum siue in perpetuum, siue ad tempus.*

Ad l. 6. de vacat. & excus. muner.

*Hi qui muneris publici vacationem habent, ad ea, quæ extra ordinem imperantur, compelli non solent.*

**I**N hac l. quæritur, quid concessum aut remissum videatur, ei cui princeps dedit vacationem munerum, hoc est, immunitatem? an hoc beneficium principis latissime interpretabimur, ut solent beneficia principum, ut si concesserit princeps alimenta puero vel puellæ usque ad pubertatem: pubertatem accipiemus pro plena pubertate, quæ finitur annis 18. non ea, quæ finitur 12. aut 14. anno, *l. 14. de alim. lega.* nec possis aptius exemplum apponere ad id quod dicitur, beneficia principum latissime esse interpretanda: sed beneficium immunitatis non ita late interpretabimur, quia vetat publica utilitas: hoc quidem beneficio principis sunt remissa onera, quæ à magistratu extra ordinem indicuntur, velut munitio viarum, vel aggerum, vel riparum, flumine se effundente: quo exemplo vitur *l. 12. de mu. & bon.* intelliguntur enim ei remissa munera corporalia, quæ extra ordinem à magistratu imponuntur ad tempus ex improviso, ut loquitur Papin. in *l. 8. §. qui muneris, hoc tit.* Græci, pro ex improviso dicunt *ἐξ ἀπροόρου*, unde forte Latini suum ex abrupto fecere. Ei igitur qui vacationem publici muneris habet, remissa videntur improvisa & extraordinaria munera, seu insueta onera, non etiam ea, quæ legibus, moribus, Senatusconsultis, Constitutionibus iniunguntur: Veluti annuæ tributorum indictiones, annonariæ functiones, quæ conferuntur in fiscum à priuatis quotannis, idque certis statisque anni pensionibus. Non etiam videntur remissi canones siue canonice illationes solemnes: hæc sunt ordinaria munera, quæ indicuntur in perpetuum. & eleganter *l. 4. C. de ann. & trib. lib. 10. ea nec esse extraordinaria, nec vocari, quæ solemniter à provincialibus conferenda sunt.* & ita in *l. 1. C. de vacat. lib. 10.* est constitutum, ne immunitas intelligatur de ordinariis & solemnibus muneribus: quinimo ea rescripta, quæ continent nominatim remissionem solemnium munerum, inutilia sunt, *l. 7. eod.* quia pugnant cum utilitate publica, *l. 1. C. de immunitate nemini conced. lib. 10.* Publica utilitas vetat, ne ea rescripta late interpretemur, quæ concedunt vacationem munerum. Alia igitur sunt munera ordinaria, alia extraordinaria. Vacatio munerum à principe concessa, munera extraordinaria continet, non ordinaria, non solemnia, non canonica.



## Ad l. 115. de verb. obligat.

*Ita stipulatus: te sisti in certo loco, si non siteris, quinquaginta aureos dare spondes? si dies in stipulatione per errorem omissus fuerit cum id ageretur, ut certo die siteres, imperfecta erit stipulatio nec secus ac si quod pondere, numero, mensura continetur, sine adiectione ponderis, numeri, mensura stipulatus essem: vel insulam edificari non demonstrato loco, vel fundum dari, non adiecto nomine. Quod si ab initio id agebatur, ut quocunque die siteres, & si non sstitisses, pecuniam dares, quasi qualibet stipulatio sub conditione concepta vires habeat. Nec ante committetur, quam fuerit declaratum reum promittendi sisti non posse. §. 1. Sed & si stipulatus ita fuero: Si Capitolium non adscenderis, vel Alexandriam non ieris, centum dari spondes? non statim committetur stipulatio, quamvis Capitolium ascendere, vel Alexandriam pervenire potueris: sed cum certum esse coeperit, te Capitolium ascendere, vel Alexandriam ire non posse. §. 2. Item, si quis ita stipuletur: Si Pamphilum non dederis, centum dare spondes? Pegasus respondit non ante committi stipulationem, quam desisset posse Pamphilum dari. Sabinus autem existimabat, ex sententia contrahentium, postquam homo potuit dari, confestim agendum, & tandem ex stipulatione non posse agi, quamdiu per promissorem non stetit, quo minus hominem daret, idque defendebat exemplo penus legatæ. Mutius etenim heredem, si dari potuisset penum nec dedisset, confestim in pecuniam legatam teneri scripsit, idque utilitatis causa receptum est, ob defuncti voluntatem & ipsius rei naturam. Itaque potest Sabini sententia recipi si stipulatio non à conditione coepit, veluti, si Pamphilum non dederis tantum dari spondes? sed ita concepta sit stipulatio, Pamphilum dari spondes? si non dederis, tantum dari spondes? quod sine dubio verum erit, cum id actum probatur, ut si homo datus non fuerit, & homo, & pecunia debeatur. Sed & si ita cautum sit, ut sola pecunia non soluto homine debeatur, idem defendendum erit: quoniam fuisse voluntas probatur, ut homo solvatur, aut pecunia petatur.*

**D** Vās huius l. partes facio summas. Priore parte proponuntur quatuor exempla inutilium seu imperfectarum stipulationum; posteriore tractatur difficilis quæstio: quando committatur stipulatio pœnalis, si quis stipulatus fuerit dari aut fieri aliquid, & nisi daretur aut fieret, certam summam pœnæ nomine. De priore parte prius dicamus. De te stipulatus sum, te sisti certo loco: & si non sstitisses, dari certam pecuniam pœnæ nomine: Id agebatur inter nos, ut certo die te siteres illo loco alicuius negotij causa: & tamen per errorem dies sistendi omissus est. Dixi locum, non diem, cum tamen id ageretur ut certo die te siteres, post stipulationem dicis te sensisse de vno die, ego de altero. Quid fiet? an agi ex ea stipulatione potest, in qua dies omissus est? minime. Hic error vitiat stipulationem: nihil agis, nisi & adieceris diem, maxime cum id agebatur inter vos, ut certo die se sisteret promissor. & ratio hæc est, quia non potest dies, qui omissus est, haberi pro expresso, si non appareat, quid actum sit, quid voluerint, quid senserint contrahentes. quod non actum est, id non potest haberi pro cauto: & ita accipienda l. 99. hoc tit. Legendum ut Florentiæ, quidquid adstringenda, hoc est, quidquid constituit obligationem, aut obligat promissorem, in Bas. τὸ συμβαλλόμενον τῇ συστάσει τῆς ἐντολῆς, id si palam non sit expressum, omissum intelligitur. Porro quod omissum intelligitur, non suppletur, l. 64. §. pen. sol. mat. Sed hoc ita procedit, si etiam non appareat actum esse tacite id quod palam verbis non est: nam si constat de voluntate contrahentium, verba non valde desiderantur. Quum apparet quid actum sit, id quod actum est, pro cauto habetur. Et hæc est vera definitio l. 3. de reb. cred. & id confirma-

**A** tur l. 94. hoc tit. l. 219. de verb. sign. Contra id quod actum est, pro cauto non habetur, si non appareat quid actum sit, si in eo dissentiant contrahentes, & unus vna de re, alius de alia se sensisse dicat: ut in hac specie, si aliter spectari non potest, de quo die senserint, inutilis est stipulatio, non quia defuit voluntas contrahentium: id enim agitur, ut certa die se sisteret promissor, sed quia deficit probatio, non ius l. 30. de test. tut. Inopia probationis sæpe facit ut sit contractus inutilis: ut datio tutoris est inutilis, si Titium tutorem defunctus dederit, & duo sint Titij amici testatoris, & non apparet, de quo senserit: non ius deficit, sed probatio, d. l. duo. Concludamus ergo, inutilem esse stipulationem si dies omissus sit, quando id agebatur ut certo die se sisteret. **B** Huic sententiæ obicitur primum stipulatio damni infecti, quæ ita concipi solet inter vicinos: si quod damnum intra diem illum vitio tuarum ædium mihi contigerit, quanti ea res erit, tantam pecuniam dari. Certum est stipulationi damni infecti præscribi diem certum: sed quid si omittatur & stipuler: si quid mihi damni contigerit ruina, aut labe ædium tuarum, eam mihi pecuniam dari, an est inutilis stipulatio? Minime, l. 15. in princip. de damno inf. Et ratio est, quia in eum diem cautum intelligitur, in quem ceteri solent sibi cauere & prospicere damni infecti nomine. Itaque, etiam si sit dies omissus; tamen appositus is intelligitur, qui solet vulgò apponi huic stipulationi: ac propterea omissio diei non vitiat stipulationem illam, tamen vitiat eam, de qua agitur in hac lege. **C** Obicitur etiam stipulatio iudicio sisti, cui etiam solet apponi dies certus: hincque illa formula: in quem diem locumve vadimonium sistere promittine iubes. Nam vadimonium promittere, ut loquuntur veteres, nostris auctoribus est cauere iudicio sisti: & deferere promissionem iudicio sistendi causa, l. 4. §. quæsitum, l. 5. §. 1. si quis caut. l. ult. qui satisfd. cog. est, quod alij dicunt, deferere vadimonium. Sed quid si stipulationi iudicio sisti, non apponatur dies, an valet stipulatio? sic videtur, quia dies est in potestate stipulatoris, hoc est, in eum diem cautum intelligitur, quod stipulator agere voluerit, l. 8. qui satisfd. cog. Hanc igitur stipulationem iudicio sisti, sicut nec stipulationem damni infecti, omissio diei non vitiat, cum tamen illam vitiet, de qua hic agitur. Sed non est difficile respondere. Si quis stipulationem damni infecti, vel iudicio sisti obiciat, quæ non vitiantur die omissio; obiciam contra, has stipulationes esse solemnes seu prætorias, nullæ sunt frequentiores, imo sunt propositæ edicto prætoris, & ideo etiam diem solemnem habent, ut stipulatio damni infecti, puta si quid damni contigerit intra annos decem, ut in casu l. 15. §. 1. de damno inf. Posset alius dies inferi ex conventionione contrahentium, sed & plerumque inferitur, si quid damni contigerit intra certos dies: stipulatio autem iudicio sisti solemnem diem habet eum in quo actor vel stipulator agere voluerit, qui dies est sollemnis, & is pro adiecto habetur semper: consuetudo semper ostendit diem, ut sæpe etiam ostendit pœnam, l. 4. de cust. & exhib. reor. Si quis satisfdederit pro alicuius criminis reo, & promiserit, se eum exhibiturum, nisi exhibeat eum, plectitur pœna pecuniaria, quam præses arbitratus fuerit, scilicet, si cautione vel decreto iudicis non sit comprehensa certa quantitas, in quam se obligarit, qui promisit se reum exhibiturum: vel etiam, si in ea regione consuetudo non sit, quæ certam formam habeat. Nam si ex consuetudine regionis soleant cauere certum, tot cauisse is qui promisit, intelligitur: consuetudo ostendit quantitatem & pœnam: & ita etiam ostendit diem: & quæ sunt igitur moris & consuetudinis, omissa non intelliguntur. Quæ res admittit nonnunquam tacitas stipulationes, sed opus est lege, quæ admittat tacitam stipulationem. Exempli gratia, hodie dos debetur ex stipulatione, etiam si non interuenerit stipulatio, hoc solo nomine, quod solet plurimum interponi: & ponitur



aliud exemplum in l. 19. de adopt. Leges ideo introdu-  
cunt vel admittunt tacitas stipulationes quod solerent  
plurimum interponi: nostris interpretationibus non pos-  
sumus inducere tacitam stipulationem: Stipulatio non  
fit, nisi verbis inter presentes: stipulatio autem, de qua  
agitur hoc loco, Romæ fisti, non est solemnis, & præ-  
toria, sed conventionalis, & fortuita, quæ certæ negotij  
illi loco explicandi causa inter duos interponitur: hæc  
non potest habere diem solemnem, cum non sit solem-  
nis, nec soleat interponi passim: & ideo inutilis est sti-  
pulatio, si dies per errorem omissus sit, cum nulla sit lex,  
quæ suppleat diem. Sequitur aliud exemplum in hac  
lege inutilis stipulationis: Si stipuler ea, quæ numero,  
pondere, mensuraue constant, non adiecta certa quan-  
titate: inutilis est stipulatio, l. triticum 94. hoc tit. quia  
hæ res valent quantitate, non corpore: ex quantitate æsti-  
mantur, non ex corpore. Igitur prætermittitur quantitate  
nihil agitur, si ea deducantur in stipulationem: aut enim  
debes quantitatem stipulari, aut nihil videris stipulatus:  
adiecta quantitate uterque valet stipulatio, etiam si non  
sit adiecta qualitas, veluti si stipuler vini amphoras tot,  
nec adiciam cuius vini, optimi an medij generis, an  
istius vel illius regionis: uterque valet stipulatio, quia  
vel pessimum, mihi dare promissor cogitur, l. fideiussorem  
52. ff. mand. pessimo se liberare potest: quod tamen sic  
intellexi semper ut non possit se liberare deterimum  
dando, sed dando quod est pessimo propinquius. Nam  
& si quis promiserit certum numerum nummorum,  
(quod pertinet etiam ad legata,) nec adiecerit qualita-  
tem: exiguiore dando liberatur, l. 75. de leg. 3. non  
liberabitur, plumbeos, id est vilissimos quadrantes  
dando, sed puto præstari debere sestertios, quia non  
debet munificentiam testatoris eludere heres, qui  
id minime sensit. Verum nummis indistincte lega-  
tis, puto præstari debere sestertios, quia cum nummi  
dicuntur, in iure plerumque intelligimus sestertios,  
ut nummo vno vendere, est sestertio vno: atque  
ita Varro in drachmis, denariis, victoriatis nummis, id  
est, sestertiis. Tertium exemplum inutilis stipulationis  
est, si stipuler, insulam ædificari non adiecto loco, quo  
ædificetur, inutilis est stipulatio. Nam & stipulor su-  
perficiem sine qua non potest stare ædificium, l. 2. §. si  
quis, de eo, quod cer. lo. l. 95. hoc tit. citat & Accurs. l. 43.  
de iud. quæ nihil pertinet ad hanc rem. Vltimum exem-  
plum est, si stipuler fundum, non adiecto nomine, aut  
eo, quod nominis vice fungitur, stipulatio inutilis est, si  
promissor nullos fundos habuerit. Si promiserit domum,  
& domum nullam habuerit, derisoria est potius quam  
utilis stipulatio, l. 71. de leg. 1. l. 6. de aur. & arg. leg.  
l. 60. §. gener, de iur. dot. nam si urgeat stipulator, libe-  
rabitur vel minimum dando, quando fundus est glebu-  
la quælibet: nam fundus est quicquid funda emitti po-  
test: Si vero fundos habuerit promissor, utilis est sti-  
pulatio, & compellitur exiguiorem dare. Et ita in l. 75.  
de verb. obligat. inter viles stipulationes ponitur sti-  
pulatio fundi sine nomine, quæ dicitur esse incerta sti-  
pulatio, quia demonstratus non est fundus, sed non est inu-  
tilis stipulatio. nullum est exemplum in d. l. 75. inutilis  
stipulationis. Igitur ponendum est in ea eum, qui fun-  
dos habebat, promisisse fundos sine nomine. Omnes igitur  
hæ stipulationes inutiles sunt. Subiicit Papin. idem  
esse, si quis stipuletur de te pecuniam certam sub hac  
conditione, si Capitolium non ascenderit, vel, si Alexan-  
driam non ieris: hoc casu non statim committitur sti-  
pulatio, id est, non statim ex ea stipulatione agi potest,  
atque Capitolium ascendere potuisti, nec ascendisti: sed  
tum demum, cum declaratum fuerit te conditionem  
implere non posse, quod sola mors tua declarare liquido  
potest. Denique hæ conditiones, quæ consistunt in non  
faciendo, veluti, si non steteris, si non ascenderit Capito-  
lium, si non iueris Alexandriam, finiuntur morte pro-  
missoris, nec ante committitur stipulatio, quam is vita

A functus sit: quandiu enim conditionem implere potest  
promissor, cessat pecuniæ in stipulationem deductæ pe-  
titio. Obiicies, nec immerito, quod est in l. 17. §. 1. de  
manum. test. de libertate data hoc modo: Stichus liber esto,  
si Capitolium non ascenderit. (Nostris auctores frequentis-  
sime utuntur istis conditionibus, si Capitolium ascenderit,  
non ascenderit: nec tamen in eorum scriptis ubique est  
integrum Capitoli verbum. Vno loco, cum esset scriptum  
per compendium nomen Capitoli, hoc modo, CAP. ex  
eo compendio fecere causam publicam: & manet ad-  
huc hodie error à Budæo non animaduersus in l. 2. ff. de  
in ius voc. qui equo publico in causa publica pro in Capito-  
lium: quod quisque intelligeret, si ad Budæum heic adii-  
ceret quod scripsit Plin. de Fab. Rutilliano, eum statuisse  
ut Idib. Quintilibus equites Romani ab Æde Honoris  
B in Capitolium transirent equo publico insidentes. Vl-  
pian. in Fragment. tit. de iur. donat. int. vir. & ux. Si  
quis equo publico honoratus fuerit, hoc est, si sit factus  
eques Romanus. Et eam transuersionem equitum Hali-  
carnasæus vocat pompam habentium equum publicum.  
Dum sit ea transuersione siue pompa, non potest eques  
Romanus extrahi inde, & in ius duci ex constitutione  
Augusti. Verum quod attinet ad d. l. 17. §. 1. de man.  
testam. Si ita sit data libertas, si Stichus Capitolium non  
ascenderit, an hanc conditionem interpretabimur, ut in  
stipulatione proposita hoc loco, si certum erit Stichum  
Capitolium ascendere non posse? Minime. sed ita acci-  
piemus, si cum primum Stichus potuerit ascendere Ca-  
pitoliū, non ascenderit, si data ascendendi occasione  
non usus fuerit. Longe igitur aliter hæc verba accipie-  
mus quam in stipulatione, de qua hic agitur. Cur tam  
varie? Dicam eam interpretationem fieri favore liberta-  
tis, ut valeat potius libertas, quam pereat: esset enim  
inutilis, si ea verba interpretaremur de mortis Stichi tem-  
pore: ut solemus ea interpretari in stipulationibus, in  
quibus mors attenditur: libertas enim conferretur in  
tempus mortis serui, quo modo dari non potest, d. l. 17.  
in princ. ut si dicas: Stichus cum morietur liber esto. Ri-  
diculum id est: & quæ in testamentis scribuntur ridicu-  
la, pro nullis habentur. In stipulationibus aliud erit: hæ  
possunt conferri in tempus mortis. Aliud & in legatis,  
quæ & in tempus mortis legatarij conferuntur recte,  
l. 79. §. 1. de cond. & dem. & utique legatum videtur  
collatum in tempus mortis legatarij, si datum sit sub hac  
D conditione, si non ascenderit Capitolium: nec enim ita in-  
terpretabimur hanc conditionem, si certum esse cœpe-  
rit eum non ascendisse, & præstabitur legatum viuo le-  
gatario, seu repræsentabitur, si modo caueat se redditu-  
rum legatum, si defecerit conditio legati, hoc est, si as-  
cenderit Capitolium, l. 7. eo. tit. quæ appellatur cautio  
Mutiana, quod proposita à L. Mutio & introducta qui-  
dem in legatis, ut præstita cautione repræsentetur lega-  
tum, sed non introducta est in stipulationibus. Sequitur  
in hac l. eandem interpretationem esse faciendam, si quis  
ita stipuletur, si Pamphilum non dederis, centum dari spon-  
des? Nam Pegafus existimat, non aliter committi sti-  
pulationem, quam si Pamphilus desinat dari posse, ut si  
mortuus esset Pamphilus, esset pœnæ petitio: quandiu  
enim Pamphilus dari potest, cessat pœnæ petitio. Verum  
E in hac specie dissentit ab eo Sabinus diuersæ scholæ au-  
ctor, qui existimat eam stipulationem committi statim at-  
que promissor Pamphilum dare potuit, nec dedit: nec ex-  
pectandā Pamphili mortem, si modo & promissor inter-  
pellatus fuerit: necessaria est mora, necessaria interpella-  
tio ex l. 24. quan. dies, leg. ced. Ergo hæc stipulatio, si Pam-  
philum non dederis, centum dare spondes? committitur sta-  
tim atque Pamphilum dare potuerit, nec dedit, cum in-  
terpellaretur. Nam si promissor moram non faciat in  
dando Pamphilo, nondum ab eo decem peti possunt. Et  
circumscribendum est quicquid hac de re dubitans scri-  
bit Accurs. ad hanc l. 24. in verbo interpellatus. Est igitur  
hac in re summa dissensio inter Pegafum & Sabinum,



scilicet cum stipulationis dies præfinitus non est. Nam si ita sim stipulatus: *Si Calendis Iuliis Pamphilum non dederis, decem dari spondes?* Est sane hoc casu inter utrumque summa consensio: uterque enim putat stipulationem committi ex die Kalend. l. 8. hoc tit. sed die non præfinito dissentiunt inter se. Pegasus spectat verba stipulationis, si Pamphilum non dederis, quæ proculdubio significant, si Pamphilum quandoque non dederis. At Sabinus spectat mentem contrahentium, quæ hæc videtur esse, ut pecunia præstetur, si promissor moram fecerit in præstando Pamphilo, si interpellatus non præstet Pamphilum: videntur stipulantes alterutrum voluisse mox præstari, vel Pamphilum, vel pecuniam. Et Sabinus hoc comprobat exemplo penus legatæ, deducto ex scriptis Mutij. Finge: *Quidam ita legauit: Heres meus illi penum meam dato, si penum non dederis, centum dato.* Q. Mutius ait confestim centum peti posse: & hoc quoque admitteret Pegasus in hac specie: nam hoc ait Q. Mutius esse receptum utilitatis gratia ex voluntate defuncti (licet hanc interpretationem non ferant verba legati) & adiecit ex natura rei legatæ; adiuvatur coniectura voluntatis ex natura penoris legati, quod diutius seruari non potest. Est enim penus proprie omne id, quod esui potuique est, & cellarium vocatur. Iulius Firmicus omne, inquit, quo vescuntur homines penus dicitur. Idem & M. Tull. i. de Nat. D. hinc penaria cella. Ergo IC. omnes facile admittent, si non præstetur penus, centum præstari ob voluntatem defuncti, & naturam rei legatæ. Et ait Papinian. *confestim*, aut statim penum esse præstandam interpellato herede, ut præstet, aut eam pecuniam peti posse: quæ verba maxime indigent interpretatione, nec sic accipienda sunt, etiamsi moram non fecerit heres, aut interpellatus non fuerit, ut penum præstaret: hæc vitiosa interpretatio est. Nam non aliter peti possunt 100. quā si moram fecerit in præstando pœnore d. l. 24. sed sic accipienda, etiamsi penus adhuc præstari possit, si exstet, si corrupta non sit: & ita etiam articulum statim accipere oportet, l. 19. quan. dies leg. ced. Et Paulus in d. l. 24. eo tit. addit idem esse, si testator fundum legauerit, & si fundum heres non præstiterit, pecuniam certam dari: nam ea pecunia statim peti potest, si heres moram fecerit in præstando fundo. Ergo idem dicemus si hominem legauerit, & si non præstaretur homo ab herede, 100. daret: nam 100. statim peti possunt, si moram fecerit in præstando homine legato. Nec separabimus res cæteras à pœnore legato. Natura pœnoris legati id facile admittit. Sed tamen idem admitteremus in cæteris rebus, ut si ita dixerim: si Pamphilo eum fundum non dederis, 100. dato. Verum pugnare videntur hæc duæ leges d. l. 19. & d. l. 24. Si testator ita dicat, si penum intra Kalendas non dederis, 100. dato. l. 24. ait, duo esse legata, l. 19. ait, vnum esse legatum, quod magni interest scire. Sed controuersia facile sic dirimi potest: ante moram heredis, antequam interpellaretur, duo sunt legata, vnum purum, alterum conditionale pecuniæ certæ. Post moram heredis vnum est legatum, hoc est, pecuniæ, non penoris; pecunia sola est in obligatione: penus vero est in conditione, imo & in solutione, vel præstatione, quia heres soluendo penum liberatur obligatione dandæ pecuniæ. & in iure certissimum est, moram emendari siue purgari obligatione seu præstatione eius, in quo præstando moram traxit vsque ad litem contestatam l. 84. hoc tit. nam post litem contestatam, ut in hoc casu post petitam pecuniam, sera est emendatio moræ, & nihilominus lis de pecunia peragitur. Post moram heredis, legatum penoris transfunditur in legatum pecuniæ, quæ translatio ademptio dicitur, d. l. 24. ademptio est prioris legati: atque ita modo translato, modo ademptum dicitur in d. l. 24. Ergo concludamus: Ante moram heredis duo esse legata; post moram vero vnum esse. Ante moram vnum capi iure legati, si ultro eam soluat heres, quia duo intelliguntur esse legata: post moram heredis, penum non capi iure legati,

sed mortis causa: quod maxime interest scire, quia lex Falcidia locum non habet in mortis causa capionibus: fuit enim tantum de legatis minuendis, quæ absumerent hereditatem supra dodrantem: sed porrecta etiam est lex Falcidia ad fideicommissa testamento relicta ex Senatusconsulto Pegasiano, vel codicillis testamento confirmatis. Quinimo ex constitutione D. Pij porrecta est etiam ad fideicommissa relicta ab intestato. & postremo ex constitutione D. Seueri, ad donationes causa mortis: nondum vero est porrecta ad mortis causa capiones, neque porrigi sine constitutione potest. Mortis causa capio est acquisitio, quæ obuenit ex morte alterius, siue per causam mortis: quæ proprio nomine caret: nam non est hereditas, non legatum, non fideicommissum, non donatio causa mortis. Exempli causa, si quid detur conditionis implendæ causa, puta, *Liber esto si Titio decem dederis*, Titius non capiet ea decem iure legati, vel fideicommissi, sed mortis causa. In mortis causa capionibus non est legi Falcidiæ locus, l. 93. ad l. Falc. l. 1. §. item si, eod. Ergo multum interest scire, utrum quid capiatur iure legati, an fideicommissi, an mortis causa capionis: si ante moram heres præstat penum, deducet Falcidiam: si post moram, præstabit integram non deducta Falcidia. Et hoc obtinet, si penus non sit legata, sed dixerit simpliciter testator: *Heres meus, si illi penum non dederis, 100. dato.* pecunia sola est in obligatione, penus in solutione: Non igitur intelligitur legata penus, & si præstetur, integra præstabitur, l. 1. de pen. leg. d. §. item si. Ostendimus id frustra non dici. Finge; testatorem ita dixisse: *Heres penum dato, & nisi dederis, centum dato.* Finge mori legatarium, an transmittet legatum in heredem? constat legatarium pura transmittere in heredem, non conditionalia. Ergo si ante moram legatarius decesserit, heres eius habet penoris petitionem, quia legatum purum tantum in eum transmissum est, legatum pecuniæ, quod erat conditionale, in eum transmitti non potuit. Quod si post moram legatarius decesserit, non erit heredi eius petitio penoris, quia translata est in legatum pecuniæ, atque ita adempta est penus legatario, sed erit tamen petitio pecuniæ heredi, quia extitit conditio legati; antequam moreretur legatarius, quod demonstrat d. l. si penum 24. secundum quæ hæc verba: *si penum non dederit*, sic interpretamur, *si moram fecerit, si interpellatus non dederit*: nam post moram vnum est legatum conditionale: ante moram duo sunt legata. Verum quid tandem statuemus de illa dissensione quæ est inter Pegaf. & Sabinum? componit eam Papinianus adhibita distinctione, & ostendit, suo casu veram esse sententiam Pegasi, & item suo veram Sabini, neutram explodendam: sed utramque suo casui aptandam. Stipulationem ita conceptam: *si Pamphilum non dederis, 100. dare spondes?* Pegasus dicebat non committi quandiu viueret Pamphilus: Sabinus committi statim post moram promissoris, hoc est, si interpellatus congruo loco & tempore Pamphilum non dederit, quod confirmabat exemplo penoris: si heres penum dare iussus sit, & si non dederit, centum dare damnatus sit, constat inter omnes statim atque heres moram fecerit in danda peni 100. deberi, & peti posse iure legati licet penus extet. Cur ergo non idem in stipulationibus admitteremus? non esse hac in re cur separemus stipulationes à legatis. Est enim frequentissima comparatio legatorum & stipulationum: non est etiam cur separemus penum à cæteris rebus, quamuis in ea propria quædam natura sit. Magna est igitur Pegasi & Sabini dissensio: eam composuit Papinianus suo cuique casui applicando: & huic dissidio quasi se medium interposuit, vel ut utar nostris verbis, erciscundum, id est, medium: quo verbo Seruius significat eos, qui se medios dirimendis litibus interponunt. Igitur vera est Sabini suo casu: vera itidem Pegasi suo casu. Dicamus primum de sententia Sabini, quæ vera est, si ponas ut posuit penum legatam pure, pecuniam sub conditione; si



penus non daretur. Etiam hoc in casu ita ponas Pamphilum in stipulationem deductum hoc modo: *Pamphilum dabis, si non dederis tot dabis?* Re ita gesta, si moram feceris in dando Pamphilo, pecuniæ petitio erit aduersum te, nec expectabitur mors Pamphili: optima ratione, quia apparet contrahentes Pamphilum voluisse dari quum eum pure deduxerunt in stipulationem: Itaque si interpellatus promissor Pamphilum non dedit, statim committitur stipulatio pecuniæ: nec expectatur cum Pamphilus dari non possit. Nec tamen idem dicemus in stipulatione, de qua actum est initio huius legis, *te sisti certo loco, & si non sisteres tot dari*, quia ea stipulatione id agitur, ut quodcumque & quocumque die volueris, te sistas eo loco, alioqui inutilis esset stipulatio: hic non id agitur, ut quodcumque velis Pamphilum des, quod etiam si non agatur, stipulatio valet. Ergo sic statuamus in specie proposita: stipulatio pœnalis committitur statim atque moram fecerit in dando Pamphilo, cum Pamphilus initio pure deductus fuit in stipulationem, ac deinde pecunia sub conditione, si Pamphilus non daretur. Et hoc elegantissime summus iuris auctor ait esse verum indistincte, id est, siue id actum sit ut Pamphilo non dato, Pamphilus & pecunia peteretur: quæ conuentio valet, l. 16. sup. de transf. & solet exprimi hac formula, *rato manente pacto, hoc sensu: Pamphilum dabis, & si non dederis, & Pamphilum, & pecuniam dabis.* Et idem ait verum esse sine dubio, quia euident est, quod voluerint contrahentes Pamphilum dari, quem iterato in conuentionem deduxerit, quod iterum deduxerint in stipulationem: sed adiecit, idem dicendum, si actum sit ut Pamphilo non dato, sola pecunia petatur: nam quod semel sit Pamphilus deductus in stipulationem, hoc demonstrandæ voluntati contrahentium satis abundeque est. Ergo siue hoc, siue illud actum sit, stipulatio pecuniæ committitur statim ubi mora facta est in dando Pamphilo. Et hæc ait de Sabini sententia. Ex quibus satis intelligitur, quando sit locus sententiæ Pegasi, quæ potest recipi, si stipulatio cœperit à conditione hoc modo: *Si Pamphilum non dederis, tot dare spondes?* id est, si Pamphilus non fuerit in stipulatione, sed in conditione tantum, quia hoc casu contrahentes non omnino enixe aut districte voluerunt Pamphilum dari, quem non deduxerunt in stipulationem, sed hoc potius senserunt, ut promissor se posset liberare obligatione pecuniæ dando Pamphilum cum vellet: atque ideo quandiu promissor dare potest Pamphilum, pecunia peti ab eo non potest, quia est ei integrum implere conditionem, & Pamphilum dare: atque ita non alligari dationi pecuniæ. Et idem omnino dicendum in legatis, si testator ita dixerit, *si penum, fundum, vel Pamphilum non dederis:* (nihil refert quid ponatur in conditione: ) *centum dato:* nec enim poterunt peti statim centum, quamdiu res, quæ in conditione est, dari potest. Et rectissime idem Pegasus etiam ante Papinianum docuit locum habere in iis stipulationibus, quæ incipiunt à conditione, *si Capitolium non ascenderis, si Alexandriam non inieris, tot dari spondes?* & quia incipiunt à conditione ascendendi, aut eundi, non à stipulatione, hæc stipulationes non committuntur statim, nec antequam declaratum fuerit, conditionem expleri non posse. Ergo concludamus: Id quod est in conditione tantum, est etiam in solutione, in petitione vel obligatione non est. Huic definitioni opponitur l. 9. l. qui Roma §. Flavius, hoc tit. l. nuda, C. de contr. stip. ex quibus efficitur, id, quod est in conditione etiam esse in petitione. Species l. 9. hæc est, Primus & secundus separatim de te stipulati sunt hoc modo: si illi fundum non dederis, mihi dabis. Vel sic: Duo de te fundum separatim stipulati sunt. Primus sic: si secundo fundum non dederis, mihi dabis; & retro secundus: si primo fundum non dederis, mihi dabis. quid fiet? quis potior erit in obtinendo fundo? Is, inquit, qui agere occupauerit, actio alterius, erit finis dandi alteri, & qui prior petierit fundum, is excluderit alte-

rum & fecerit, ut videatur impleta conditio, id est, non datus fundus alteri, cum agere occupauit. Fundus fuit in conditione, & est etiam in petitione: sed & nominatim fuit fundus in obligatione. Et male Accurs. non aliter ab eo se explicat, quam dicendo, conditionem eam vel stipulationem esse inexplicabilem: & ideo non subiicitur regulis iuris. Falsum vero hoc est, eam esse inexplicabilem. inexplicabilis conditio est, quæ existere non potest, vel quam extitisse constituere non potes, quin inueniatur non extitisse: & è contrario, ut in l. 16. de condit. instir. testator ita dixit: si Primus heres erit, Secundus heres esto, si Secundus heres erit, Primus heres esto, Primus non potest heres existere, quin Secundus existat: & contra: non potest Secundus heres existere, quin existat Primus. Res est inexplicabilis: atque ideo inutilis institutio, non enim possis constituere, quis sit heres, consultusque nihil potes respondere, nisi quod Celsus, quodam loco vno verbo respondit, *ἀπορῶ, subsisto, ἀπορία* vitiat institutionem, vitiat omnia negotia. Sed tamen in d. l. 9. nulla est *ἀπορία*, talis: nam occupat alter, & agendo existit conditio, & ut ait Pompon. in d. l. 9. finis dandi alteri est, quoad agat alter, id est, intelligitur non posse alterum agere, cum agit alter. Sed tamen valde placet quod ibi adnotauit Accursius, quia repeti videtur ab eo, quod scribit M. Tullius in Lucullo: quanquam id didicerit potius ex Boetio: & verum est quod ait; *Inexplicabilia non subiici regulis iuris:* utitur exemplo Dialecticorum, quorum axioma est: *omne aut verum esse, aut falsum*, notum non tantum M. Tullio, sed & nostris auctoribus; nec etiam id condemnat disciplina Stoicorum: excipiunt inexplicabilia; nam nec vera, nec falsa esse possunt, l. qui quadringenta, ad l. Falc. & utitur exemplo accommodatissimo Marc. Tull. de loco: *Si te dicis mentiri, & non mentiris, mentiris igitur.* cui simile est, quod Accurs. subiicit, *Si sancte iuras te peierare, & non iuras, sancte peieras*, inquit. Contra: *si sancte iuras te peierare, & iuras sancte, non peieras igitur.* Hæc sunt quæ dicuntur inexplicabilia, ἀπορῶ. Sed in d. l. nulla est inexplicabilitas. Altera lex est l. qui Romæ §. Flavius hoc tit. species hæc est. Donavi seruum ut manumitteres, & si non manumitteres, stipulatus sum pœnam: an possum agere, ut seruum manumittas ommissa pœnæ petitione? sic sane, & quod est in conditione, est etiam in petitione, quod, inquam, fuit in conditione & stipulatione, est etiam in petitione, & agam de manumittendo seruo. Sed respondendum: id quod est in hac specie, non est in stipulatione, sed est in conuentione, quia donavi ea lege ut manumitteres, ex qua est actio præscriptis verbis. Difficilior est l. nuda, de contrah. stip. Certum est, ex pacto nudo non nasci actionem, vel si non animo stipulandi ita conuenerit inter nos, Dabis? dabo, non conceptis verbis. nam stipulatio fit solemniter, & à I.C. definitur conceptio verborum, qua oratione significatur solemnitas stipulationis. Sed si quibuscunque verbis conuenerit, ex eo pacto nudo non nascitur actio, sed exceptio tantum. Finge: conuenisse inter nos pacto nudo, ut dares mihi aliquid, & mox: si non dares, stipulanti mihi te promississe quanti ea res esset dari. Quod conuenit pacto nudo, fuit tantum in conuentione, non in stipulatione, nec fuit etiam in alia obligatione, quia ex nudo pacto non nascitur obligatio. Et tamen d. l. nuda ait, agi posse de eo quod stipulatione comprehensum est. Id igitur, quod est in conuentione, est in petitione. dicamus breuiter, in specie l. nuda, id, quod est in conuentione, non est in stipulatione, non est in obligatione. Fateor: sed est in conuentione nuda, ex qua non nascitur quidem actio, sed agi tamen ex ea potest reo patiente: quod si non patiat, tum incidit in pœnam stipulatione expressam. Ergo breuius ita respondendum. Imo non est nolente reo, ac simul volente reo est. Hæc dixisse sufficiebat ad hanc l. 115. Sed necesse est ut de vexata illa quæstione inter interpretes dicamus aliquid.



Quæstio est, an stipulatio pœnalis nouet priorem stipulationem: vel, an ita perimat ac tollat priorem, vt ea sola valeat, nam nouatio peremptio est. Queritur inquam an possit solum agi ex posteriori stipulatione pœnali? Nihil est certius, stipulatione pœnali non nouari priorem stipulationem, l. 28. de act. empt. l. si quis, & l. seq. pro soc. l. 14. C. de pact. & ratio est euident, quia nunquam sit nouatio, nisi id agatur: sed in dubio non fit. Agi cum dicimus, tacitam voluntatem, non expressam intelligimus, l. 3. de reb. cred. nisi adiciamus agi nominatim, vt in l. 9. de in diem addict. Agi enim verbo significatur tacitus intellectus, & ei opponitur verbum cauendi. Iure veteri non fit nouatio, nisi id agatur tacite: iure nouo ex constitutione Iustiniani non fit nouatio, nisi id agatur nominatim & diserte, l. ult. C. de nouat. Alioqui res procedit, vt ait Iustinianus ἀνοβατέντως, vt pridem restitui. Ergo liberum est stipulatori vtra maluerit agere, priori, an posteriore tantum. Obstat l. 44. §. ult. de oblig. & act. In ea lege proponitur hæc stipulatio, si fundum non dederis, centum dari, & ait eleganter sola 100. esse in stipulatione, fundum in solutione. Deinde proponit aliud genus stipulationis, de quo tamen idem statuimus quod de priore: stipulor nauem edificari, nisi edificaueris, centum. Queritur, an duæ sint stipulationes, vna pura, altera conditionalis? Sane ante moram promissoris duæ sunt stipulationes, vt dicebamus nuper de penu legata: post moram promissoris, hoc est, postquam noluit nauem edificare, & exiit tempus, quo fieri potuit, an etiam sunt duæ stipulationes? Videntur quodammodo. Sed magis est, vt dicamus, priorem quasi transferri in stipulationem pecuniæ, & quasi nouationem fieri: ac proinde solam pecuniam in petitione esse. Ergo stipulatio pœnalis nouat priorem. Est vitiosa collectio. Nam multum differunt inter se, fieri aliquid, & quasi fieri. Et in iure modo dicunt iuris auctores, fieri aliquid absolute, modo quasi fieri. Non fit igitur nouatio cum dicat Paul. quasi nouationem fieri. Quinimo ex hoc potius colligas, non fieri nouationem. Sed cur fit quasi nouatio? quia superest solius pecuniæ petitio, nec iam agi potest de naue faciêda. Cur tamen non fit nouatio hodie? quia non eadem res venit in vtramq; stipulationem. Nam in vna venit nauis, in altera pecunia, & fit nouatio duobus tantum modis: aut cum mutatur debitor, vt cum alius pro alio principalis assumitur, qui dicitur expromissor, non vt fideiussor qui dicitur adpromissor. Item fit nouatio cum mutatur causa debendi, vt cum quod debetur ex testamento, conuertitur in causam stipulationis, vt deinceps debeatur ex stipulatione, non ex legato. Et in summa fit nouatio per mutationem debitoris, vel causæ debendi. Nouatio non est si mutetur res, vt si conuenerit, vt pro naue detur pecunia, sed tantum quasi nouatio est post moram debitoris quam fecit in naue edificanda, quia solius pecuniæ petitio superest.



## IACOBI CUIACII

### IURISCONSULTI COMMENTARIUS

in Lib. III. Quæstionum

Æmiliij Papiniani.

Ad l. 8. De statu homini.

Imperator Titus Antoninus rescriptit, non ladi statum liberorum ob tenore instrumenti male concepti.



NTONINVM Pium Papinianus refert rescriptisse, non ladi statum liberorum ob tenorem instrumenti male concepti. Tenor instrumenti male concipitur, si quid falsum scriptum sit errore vel simulatione, vt in l. 16. C. de liber. cau.

Quæst. Papin.

A & in l. ult. C. de ingen. man. si liber homo sponsaliorum, id est, arrarum nomine quasi seruus datus sit, ait vtraque lex, eam rem nihil officere libertati, nec ladi statum capitis, hoc est, ex ea re liberum non fieri seruum; quod vtiue verum est etiam si volente libero homine, & sciente, vel patiente conscriptum instrumentum fuerit: nam etsi palam edixerit in iure, se seruum esse, non fit propterea seruus: nemo fit seruus nuda voluntate, confessione vel scriptura nuda, aut nuda conuentione, l. 37. de lib. caus. l. 6. l. parentes, l. liberos, l. interrogatum, C. de lib. caus. Serui enim aut nascuntur, aut fiunt, & non quouis modo, sed certis tantum, bello, pretio, seu pramio, vt est in l. 2. C. Th. ad S. C. Claudian. Bello, si capitur ab hostibus liber homo, quæ est iurisdictionis seruitus: pramio vel pretio fiunt serui, (his enim nominibus pramij & pretij promiscue vtimur) cum liberi homines se vendunt, vel etiam se venire patiuntur ad pretium partiendum, prodita scilicet libertate sua, §. serui autem, Instit. de iur. pers. Serui etiam fiunt connubio, quod est à Senatusconsulto Claudiano (vt & illud de pretio quod diximus) vt puta, si mulier libera iunxerit se seruo alieno, nolente domino serui, l. si apud, C. Th. de lib. caus. quod tamen hodie sustulit Iustinianus §. ult. Inst. de succession. sublati, & c. l. vn. C. de Senatuscons. Claud. toll. Item fiunt serui, si liberi homines actum domini gerant, id est, si venundari se patiantur, vt actum eius, qui emit gerant, l. si quis, §. irritum, de iniust. rupt. & irr. fac. test. Et id fit hac puto ratione, quod actorem esse tantummodo ad seruos pertineat; & inde nomen serui actoris, qui est columen totius familiæ. Postremo serui fiunt incensu, id est, cum liberi homines censeri nolunt, quod descendit ex lege Regia, seu ex 12. tabulis: quod enim est ex lege Regia, id etiam est ex 12. tabulis: nam leges Regiæ translatæ fuerunt in 12. tabulas. Vt seruus censu fit liber: sic contra liber fit incensu seruus, id est, sicuti seruus, si permissu domini nomen in censum detulerit, liber efficitur: soli enim ciues Romani censentur: sic contra, si quis liber census non fuisset, pro seruo habebatur, & à populo vendebatur. His igitur modis fiunt serui, non scriptura nuda, vel errore male concepti instrumenti: Hi non sunt legitimi modi mutandæ conditionis, seu adquirendi dominiij serui, sicut nec cuiuslibet alterius rei dominium nuda conuentione nobis adquiritur. Et in summa, nuda voluntate, aut nudo pacto non fit seruus. Hæc igitur non mutant statum capitis, vel vt ait l. 27. C. de liber. cau. hæc non mutant statum veritatis, vel nomen substantiæ eius hominis, qui vult fieri seruus. Quod est patrimonium, non fit peculium, non mutatur nomen bonorum & substantiæ in nomen peculij, nam in seruo non nomen tantum sed & conditio & substantia mutatur, eumque in cuius potestatem redigitur seruus effectus, bona sequuntur, & accipiunt nomen peculij nouum. Possent etiam quis rescriptum D. Pij referre ad instrumentum manumissionis, quod qui seruum manumittit præstare cogitur, l. sicut datam, de lib. caus. & satis antiquum manumissionis exemplum ita fere scriptum legitur: Ille ciuis Romanus esto, ita vt ab hodierna die ingenuus, atque ab omni seruitutis vinculo securus permaneat, tanquam si ab ingenuis fuisset parentibus procreatus. Eam denique pergat partem, quamcumque elegerit, vt deinceps nec nobis, nec successoribus nostris, vllum debeat noxia conditionis seruitutis, sed omnibus diebus vita sua sub certa plenissimaque ingenuitate, sicut alij ciues Romani per hunc manumissionis atque ingenuitatis titulum, semper ingenuus & securus existat. Hæc verba demonstrant seruum manumissione ingenuum fieri, non libertinum. Quod iure nouissimo obtinuit. Sed finge, esse in instrumento manumissionis errorem in nomine manumissi, an eius læditur status si modo de corpore constet? minime, l. qui habebat, de manu. test. Possis etiam rescriptum Pij referre, vt facit Accursius ad professionem natorum liberorum, quæ à parentibus solebat fieri apud acta, ad quem respicit l. 2. C. si min. se

E



*mai. dixerit. vbi proponitur minorem 25. annis ætatem probasse ex tabulis professionum, πιδρυγεφίων ibidem in Basil. appellantur ἀποσεφαι τὰ πατρός, quæ etiam possunt fieri à matre absente marito, vel ab auo absente patre, l. 16. de probat. l. 2. de excus. Modestinus ait, ex iis, nêpe ἐν πιδρυγεφίων, ἢ ἐξ ἐτέρων ἀποδείξεων νομίμων probatur ætas. Hæc est præcipua causa instituendarum harum professionum ut ex iis probetur ætas hominum, quæ probatur etiam ex professione censuali, l. 3. de censibus. Denique probatur testibus & obstetricibus, & ex aspectu corporis, l. 3. C. si min. se maio. l. 32. de min. nam & pubertatem ex aspectu verecundioris partis in masculis olim diiudicabant: in feminis vero ex anno 12. qua in re fuit controuersia inter Cassianos & Proculianos: In maribus erat dissentio: Cassiani ex habitu illius partis æstimabant, Proculiani ex annis. Priscus Iauolenus ex utroque; aspectu & annis. Verum Iustinianus Proculianorum sententiam probauit, ut ætas in maribus probaretur ex annis. Sed de professione natalium tantum loquamur. Si mulier, quæ erat grauida repudiata sit, & post repudium filium enixa, odio mariti, eum filium absente marito, ut spurium, actis professâ sit: nihil ea res lædit statum filij, veritati locus superest: ideoque mortua matre intestata poterit filius hereditatem matris adire iussu patris: quæ est species l. 29. §. ult. de probat. Et hanc solam legem annotari vellem ad hoc rescriptum Antonini Pij non lædi statum liberorum, id est, τῶν πιδρύων, ut accipit Accurs. ob professionem natalis male conceptam.*

Ad l. pen. de negot. gest.

*Ignorante quoque sorore, si frater negotium eius gerens, dotem viro stipulatus sit: iudicio negotiorum gestorum, ut virum liberet, iure conuenitur.*

**F**Rater pro sorore dotem dedit, ut debet, quod maxime notandum est, videlicet si sit consanguinea, & si aliter nubere non possit, l. cum plures, 12. §. pen. de adm. tut. qui locus singularis est, ut frater cogatur exhibere sorori paternum officium. Finge igitur: Frater cum esset animi paterni erga sororem, pro ea dotem dedit, & ignorante sorore animo gerendi negotia sororis à viro stipulatus est soluto matrimonio sibi dotem reddi. Papinian. ait, fratrem sorori teneri act. neg. gestorum quamuis ipse dotem dederit, in hoc ut virum accepto liberet, si velit soror virum sibi obligatum, non fratri, vel etiam teneri negotiorum gest. iudicio, ut cedat sorori actionem ex stipulatu, vel maritum deleget sorori: denique emolumentum eius stipulationis perueniet ad sororem, non ad fratrem, cum nec stipulando sui negotij gerendi animum habuerit, sed sororis. locus est actioni negotiorum gest. si ignorante sorore stipulatus sit. Quid si sciante & mandato sororis ita stipulatus sit frater in eadem causa quam diximus? tenebitur actione mandati. Idem erit si mater pro filia dotem dederit & stipulata sit l. idemque, 10. §. si cui mandauero, ff. mand. in qua citatur Papin.

Ad l. Si filius 30. de minorib.

*Si filius emancipatus contra tabulas non accepta possessione post inchoatam restitutionis questionem, legatum ex testamento patris maior 25. annis petiisset, liti renuntiare videtur, cum etsi bonorum possessionis tempus largiretur, electo iudicio defuncti repudiatum beneficium pratoris existimaretur.*

**H**Æc l. est de filio emancipato præterito testamento patris. Filius præteritus est, qui in testamento patris silentio omissus est, id est, qui neque heres institutus est, neque exheredatus. Sed quid si ei aliquid legatum sit relictum, aut fideicommissum, an præteritus

**A** videbitur? Sic sane, quia omissus est in parte principali testamenti, id est, in institutione, quæ est caput testamenti. Differentia autem est inter suum & emancipatum filium: Nam si filius suus testamento patris præteritus sit, testamentum est ipso iure nullum: Quod si filius emancipatus testamento patris præteritus sit, valet quidem testamentum, sed rescinditur beneficio Prætoris, data bonorum possessione contra tabulas, quæ tamen intra annum petenda est: post annum rescindi non potest per bonorum possessionem contra tab. Filius igitur emancipatus potest iudicium patris intra annum rescindere per petitionem bonorum possessionis contra tabulas: quæ tamen si intra annum legatum vel fideicommissum, quod ei, vel seruo eius relictum est, elegerit, videtur repudiasse quia agnouit iudicium defuncti, l. 3. §. ult. de bon. poss. **B** cont. tab. idemque est, si quocunque alio modo agnouerit iudicium patris, l. 15. si præteritus, eod. tit. nam & filius suus, si approbavit iudicium defuncti, testamentum ex æquo & bono sustinetur quauis sit ipso iure nullum, l. 17. filio præterito, de iust. testam. Amittit quoque filius emancipatus bonorum possessionem contra tabul. tempore siue omissione. Nam in iure amittere latius patet, quam omittere: nam amittere est tempore excludi, ut si intra annum non petierit bonorum possessionem, eam amittit. Sed si cum esset minor 25. annis, bonorum possessionem omiserit intra annum beneficio ætatis, quia lapsus est lubrico ætatis, post annum per restit. in int. rursus admittetur ad bon. possessionem contra tabulas. **C** Verum hæc restitutio datur causa cognita, vocatis scilicet iis quorum interest, l. 13. §. causa. l. 29. §. ult. de minor. Et ideo in hac l. 20. & in l. 6. si intra, C. de integ. restit. causa restitutionis dicitur lis, & qui eam postulat, quique de ea controuersiam mouet, dicitur agere. Itaque non male dixeris causam restitutionis in integrum esse litem: nam quod inter partes duas disceptatur causa cognita, lis est, actio est: & vera definitio actionis est, inter partes duas disceptatio causa cognita, si quidem velis litem, aut actionem non accipere latissime. Finge nunc: pendente lite restitutionis in integrum, is, qui petiit restitui, qui litem fecit, iam factus maior 25. annis legatum agnouit, an & hic rursus amittet bon. poss. cont. tabu. Amiserat eam iam ante anno elapso, sed considerat se restitui in integrum, quia minor lapsus esset **D** lubrico ætatis, & cum nondum desiderium suum expleuisset pendente lite legatum agnouit, quid fiet? videtur inquit petitionem bonorum repudiasse, ut in l. Papinian. 20. hoc tit. quia minori etiam ex hac causa possit subueniri. Concludamus, siue post annum pendente lite restitutionis in integrum minor 25. annis agnouerit iudicium defuncti, hoc est, legatum acceperit, vel fideicommissum ei relictum, siue intra annum minor aut maior illud fecerit, amittit bonorum possessionem contra tab. Et ita omnino videtur argumentari Papin. in hac l. si intra annum electo legato amittitur bonorum possessio: & post annum multo magis, licet ad restitutionem in integrum lis contestata fuerit. Ex hoc loco intelligitur minori 25. annis currere tempora, siue dies petendæ bonorum possessionis; minorem excludi tempore à prætoris beneficio non minus quam maiorem: male hic Accurs. in verbo prætoris, putat emendari in l. ult. C. in quib. caus. in int. rest. est neces. quæ lex generaliter definit, exceptiones temporum minoribus non nocere; ex quo efficitur, non currere vllum tempus minoribus, nec eis necesse esse, ob eam rem rem petere restitutionem in integrum, quandoquidem ea minoribus non exeunt nec pereunt. Sed ita respondendum. Fateor exceptiones temporales minoribus non nocere, nec omnia, quæ tempore maioribus pereunt, etiam minoribus perire: quædam tempore pereunt per exceptionem, non ipso iure: hæc non pereunt minori. Quædam pereunt ipso iure, non opposita exceptione temporali: hæc pereunt minori: & ita dicamus, annum petendæ bon. possessionis



currere minori ipso iure, eumque repelli, nisi eam petierit quæ anno definitur. Similiter quoque annus currit minori, qui est præfinitus ad implendam voluntatem defuncti, *Novell. l. de hered. cap. 4.* Item minori currunt tempora interponendæ appellationis, si forte condemnatus sit, *l. 7. ait prætor §. item si, hoc tit.* Currunt minori etiam tempora præfinita finiendis litibus, puta, tempus triennij in causis civilibus, ac nisi triennio peragat, ipso iure lite cadit *l. properandum, §. ult. C. de iud.* Sæpe nostri auctores vtuntur ea lege *ult. C. in quibus caus. in integ. rest.* vt scilicet ex ea ostendant pleraque iura emendari: sed quæcunque emendant, accipienda sunt restricte. Hæc igitur *l. ult.* stricte est accipienda de iis scilicet, quæ minori tempore pereunt per exceptionem.

Ad l. denique si emptor 19. ex quibus caus.  
mai. 25. ann.

*Denique si emptor prius, quam peruersum sibi acquireret, ab hostibus captus sit, placet, interruptam possessionem postliminio non restitui. quia hac sine possessione non constitit: possessio autem plurimum facti habet: causa vero facti non continetur postliminio.*

**H**æc lex cum precedente & cum sequente ita connecta est, vt sine illis explicari non possit. Sciendum est, ex hoc edicto subueniri maioribus 25. annis per restitutionem in integrum, absentibus scilicet ex causa iusta, veluti reipub. causa, aut studiorum. Subueniri etiam captis ab hostibus aut aliis, qui in seruitute, aut vinculis, aut custodia, aut sub fideiussorum satisfactione fuerunt, ne scilicet suæ rei damnum faciant, ne iusta absentia, ne captiuitas, ne seruitus, ac vincula, ne cætera eis noceant: vt si interim res eorum vsucapta sit, ex eo edicto vsucapio rescindatur restituta vtili actione in rem, perinde ac si res eorum vsucapta non fuisset: & subueniri etiam ne lucrum perdant, quod fecissent interim sine damno alterius, si ab hostibus capti non fuissent, vel alia iusta ex causa peregre non abfuissent, vt si hereditatem vel legatum, quod interim acquirere potuerunt, propter absentiam aut captiuitatem, perdiderunt, id postea reuerſi recipiant, restituta eis vtili actione ex testamento, vel vtili hereditatis petitione, *l. 17. 27. l. 41. si quis Titio, hoc tit.* Duo sunt genera lucrorum: quædam obueniunt sine damno alterius, vt hereditas, fideicommissum, legatum. hæc recipiunt beneficio huius edicti, si ea perdidissent: exempli causa, si testatoris mortis tempore Italia procul abfuerint, cum tamen relictum fuisset legatum sub hac conditione, si mortis tempore in Italia essent, *d. l. si quis Titio.* Quædam lucra obueniunt cum damno alterius, vt ea, quæ acquiruntur per vsucapionem, quæ vsucapio lucrosa est ei, qui vsucapit, & damnoſa ei, cuius res vsucapitur, admitta tamen legibus, & probata propter commune bonum, vt sit finis litium *l. ult. pro suo, & l. 1. de vsucap.* Ad lucra eiusmodi recipienda, hoc edicto non restituitur maior 25. annis. Et hoc est, quod eleganter definit Paulus in *l. precedenti*, maioribus 25. annis hoc edicto subueniri in damnis amittendæ rei suæ, non cum alieno detrimento. Et notandum maxime, quod ait, *ex alterius damno vel pœna, &c.* Inde intelligitur hoc edicto restitui actiones eas, quæ rem persequuntur, non pœnam, si interim earum dies exierit, cum temporales essent. Odiosæ actiones non restituuntur: denique, quæ rem persequuntur familiarem, quæ abest, non, quæ rem alienam cum alterius detrimento. Huius rei exemplum subiicit Papinianus in hac *l. 19.* Finge. Titius à non domino rem alienam bona fide emit, & priusquam eam vsucepisset, captus est ab hostibus. Captiuitate interruptitur vsucapio: quod naturalem rationem habet, nam possessio sane captiuitate interruptitur: non enim potest sibi possidere is, qui ipse possi-

Quæst. Papin.

**A** detur ab aliis. Captus ab hostibus possidere desinit, & vsucapere igitur: nam vsucapio sine possessione contingere non potest. Denique captiuitate interruptitur possessio, & vsucapio. Videamus tamen, an eo reuerſo ab hostibus, restituitur vsucapio iure postliminij, vt scilicet fingatur medio tempore possedisse: quod præcipue definitur in hac *l. 19.* Deinde videamus si vsucapio non restituitur fictione postliminij, an restituitur beneficio huius edicti: quod definitur in *l. seq.* Sed ante omnia accurate fundare oportet, quod supra diximus, vsucapionem captiuitate interrupti, & proponitur in *l. 15. si is qui pro emptore, de usur. & vsuc. l. 12. in bello, §. facti, de capt. & postlim.* Papin. hoc loco, emptore, priusquam vsucaperet, capto ab hostibus, ait, interruptam esse possessionem: Græci *δὲσποτεſαν*, id est, dominium, quod scilicet vsucapione adquiretur, *l. ait prætor, §. 1. hoc tit.* Ergo possessionem hic Papinian. accipit pro vsucapione. Et recte Accurs. interruptam possessionem, hoc est, vsucapionem, & ita in *l. cum miles, 30. hoc tit.* possessio defuncti quasi iuncta descendit ad heredem, &c. Quod ex hoc loco hodie in tota Gallia obtinet, vt possessio, id est, vsus rei, à defuncto in heredem transeat, etiam si ab herede non apprehendatur possessio, id sane summo errore obtinet: nam error huiusce consuetudinis desumptæ ex *d. l. cum miles, le mort saisit le vif son plus prochain lignager habile à luy succeder ab intestat sans apprehension de fait*, commissus est ab iis, qui non animaduvertebant possessionem accipi illo loco pro vsucapione, non pro vsu rei: nam possessio re vera est vsus rei, quæ definitio tradita est ab Ælio Gallo, nec in suum heredem transit, nec in extraneum, nisi naturaliter apprehendatur, *l. 23. in prin. de adquir. posses.* Dominium quidem in suum heredem ipso iure transit, vel potius continuatur, *l. in suis 11. de liber. & post.* In extraneum vero, ante aditam hereditatem dominium non transit. Vsucapio autem cœpta à defuncto, necdum impleta, in heredem descendit ipso iure, & perficitur non adita hereditate, nec apprehensa possessione: & hoc est, quod ait *l. cum miles*, ad quam adde, *& nondum apprehensa possessione.* Quæ igitur cœpit à defuncto, completur per se etiam iacente hereditate & possessione vacua, hoc est, nullo extante possessore, ac deinde proficit heredi ea vsucapio quasi perfecta, postquam adiit hereditatem, *l. nunquam §. vacuum, l. 44. iusto §. nondum, l. 40. cœptam, de vsuc. l. 6. qui cum, §. ult. pro emp.* Idque est receptum & constitutum iure singulari: nam rigor iuris desiderat continuationem possessionis secundum vsucapionis definitionem, quæ est, adeptio dominij per continuationem possessionis, &c. Est igitur in hac *l. 19.* *πλοκή*, cum dicitur, possessionem sine possessione non consistere: neque enim initio idem significat verbum, possessionis, quod post. Initio est vsucapio, post, vsus rei. Et sensus hic est, possessio non consistit sine possessione: vsucapio non consistit sine vsu rei. Verum quoniam vsucapio captiuitate interruptitur, quid fiet, si decesserit, qui captus est ab hostibus, & non possit ad suos reuerſi? medium tempus proderit heredi ad vsucapionem complendam, quamuis nemo possideat eo tempore, idque per *l. Corneliam*, perinde ac si nondum peruenisset in hostium potestatem, *d. l. 15. si is, qui pro empt. ff. de usurpat.* Quod si reuertatur, an dicimus, ei medium tempus proficere ad vsucapionem complendam, vt fingatur vsucepisse medio tempore, quamuis reuera ipse non possederit? minime. Et hoc voluit dicere Papinian. in hac *l. 19. interruptam vsucapionem non restit. postliminio*, hoc est, iure postliminij adimpletam esse medio tempore vsucapionem non fingi. Et vtitur elegantissima ratione: *quia, inquit, vsucapio sine possessione non constitit, possessio autem plurimum facti habet*, hoc est, in facto consistit: puta cum corpore insistis, & rei incubas. *causa autem facti non continetur postliminio*, vt Græci *ὑποσποεὶς δικαίου & ἀδελφείου d. l. in bello, §. facti, de capt. & postli.* Facti causæ in-

E ij



fecta nulla constitutione fieri possunt, hoc est, facta, (puta possessiones) possidere autem, aut non possidere, non possunt reddi infecta fictione postliminij. Non potest postliminium efficere, ut videatur quis fecisse aut non fecisse, possedisse aut non possedisse, quæ secus sunt, & consequenter, ut videatur quis vſucepiſſe, qui non vſucepit. Efficit igitur postliminium, ut iura, quæ amiſſiſti captiuitate recipias, puta, dominium, patriam potestatem, libertatem, ciuitatem, actiones, & cætera iura omnia: non etiam ut videaris feciſſe, quod non feciſti, puta, possedisse, quod non possediſti. Exponamus latius quod ait Papin. in hac l. 19. possessionem plurimum facti habere: nam etiam possessio plurimum iuris habere dicitur in l. 49. de acquir. vel amitt. poss. Permixta igitur est possessio ex utroque, ex iure, & ex corpore seu facto possessoris, sed magis ex facto possessoris, ut indicat l. 3. §. 1. de bonor. possess. & hoc distat possessio à bonorum possessione: quæ plus ex iure habet, quam ex facto; plus iuris est, quam corporis ut ait lex 3. de bon. poss. siue ut nostri auctores loquuntur, detentationis, aut corporalis apprehensionis. Cur vero dicimus magis esse ex corpore? quia possessio initium sumit à facto, vel à corpore, id est, à naturali apprehensione, quæ duobus Digestorum locis detentatio dicitur: & hæc est proprie possessio naturalis. Facto seu corpori postea accedit animus, opinio, ius dominij: & ita perficitur possessio ciuiliſ, quæ dicitur constare tum corpore, tum animo, id est, *ψυχῇ καὶ νοῦν δεσπότης*, ut loquitur Theoph. l. possessionem, 29. de adq. vel amitt. poss. & quæstio hæc, an possessio sit facti, an iuris, sic definienda est: vtriusque est, sed factum videtur in ea præponderare, id est, magis in ea factum, quam ius inspicitur. Quod si possessio magis est facti, quam iuris, non continetur postliminio, & consequenter nec vſucapio, hoc est, qui postliminio redit, medio tempore non intelligitur possedisse, nec igitur vſucepiſſe. Constat igitur iure postliminij non restitui vſucapionem. At quæramus, quod supra attigimus, an vſucapio restituatur beneficio edicti restit. in integrum. Pertinet ad hanc quæstionem, l. 20. & l. 23. ait prator, §. 1. hoc tit. Et obseruandum maxime quibus gradibus procedat. Vlpian. in d. l. 23. ponit primum, captiuum non posse inchoare vſucapionem: deinde, non posse cœptam ante captiuitatem in captiuitate implere: tum addit non posse fingi adimpletam vſucapionem, quæ cœperat ante captiuitatem, à quibus causis semper sunt excipienda ea, quæ serui captiuorum, qui in ciuitate manserunt, possederunt interim, dum dominus fuit apud hostes, ex causa peculiari. Nam reuersus dominus etiam apud hostes medio illo tempore possedisse ac vſucepiſſe intelligitur: quod quidem est receptum iure singulari, nec trahendum ad consequentias, d. l. si is qui pro empt. Ea tamen, quæ possedit captiuus per se ante captiuitatem: nec possedisse intelligitur nec vſucepiſſe iure postliminij, sed adicit in d. l. ait prator, §. 2. succurrendum esse captiuo, qui ad suos rediit, si per captiuitatem possessionem amiſſerit, aut quasi possessionem. Et recte definit, quid distet possessio, à quasi possessione. Possidemus rem corporalem, ut fundum, quasi possidemus rem incorporalem, veluti vsumfructum. Dices, ergo possessio restituitur reuerso postliminio? sic sane ea quam habuit ante captiuitatem: qui redit ab hostibus, redit in possessionem rerum suarum, sed non intelligitur medio tempore quicquam possedisse. Atque ita verum est postliminio possessionem restitui & non restitui. Restitui, id est reuerti eum in possessionem earum rerum, quas ante possedit, non restitui, id est, non fingi eum quidquam medio tempore possedisse, licet fingatur interim sua omnia iura retinuisse. Verum, quod quæsiuimus ante explicemus. An beneficio prætoris per restit. in integr. hoc consequi poterit, ut intelligatur medio tempore vſucapionem impleuisse? minime: & hoc est, quod ait l. seq. nec vtilem

A actionem esse dandam, nec igitur postliminio restitui vſucapionem, nec vtilem actionem, id est, restitutoriam atque si vſucepiſſet. Et vtitur eleganti ratione: quia iniquum est auferre domino, quod vſus, id est, vſucapio non abstulit. Ergo qui non vſucepit, non habet actionem vel directam, vel vtilem, qua rem domino abstrahat: nam & vicissim dominus non intelligitur amiſſiſſe, quod ei ablatum non est. Nec ergo domino auferre possum, quod ei vſucapio non abstulit, aut sane iniuria aufero. Vnum tantum adhuc obicitur ei, quod diximus vſucapionem siue possessionem non restitui postliminio. Multa obiciuntur, sed ex his quæ diximus facile dirimi possunt. Restat vnum ex l. 1. §. si quis, de itin. act. priu. Interdictum illud quod est prohibitorium, datur ei qui hoc anno, nec vi, nec clam, nec precario vſus est illo actu. At finge eum non esse vſum hoc anno, idque per vim, vel hostium vel prædonum contigiſſe, non sua culpa: vis hostium, vel alia iusta causa fecit, ne hoc anno vteretur, cum tamen vſus fuiſſet superiore anno, & vſus fuiſſet hoc anno, nisi prohibitus fuiſſet, an hoc interdicto vteretur ipso iure videtur non esse dandum, quia hoc anno vſus non est, sed tamen ex bono & æquo restituetur in integrum repetita die, quasi superior annus hic sit annus. Et sane summa est ratio dandæ restitutionis, nec eadem ratio interuenit in proposita vſucapionis quæstione. Itaque mihi videor submouisse cæcæ omnia, quæ obici poterant in hanc legem.

Ad l. cum furiosus 39. de iudic. & vbi quisque.

*Cum furiosus iudex addicitur, non ideo minus iudicium erit, quod hodie non potest indicare, ut scilicet sua mentis effectus, quod sententia dixerit, ratum sit. Neque enim in addicendo præsentia vel scientia iudicis necessaria.*

§. 1. Qui legationis causa Romam venit, ex qualibet causa fideiubere potest, cum privilegio suo, cum sit in Italia contractum, vti non potest.

Iudex, qui datur à magistratu, non tantum dari dicitur à Iurisconsultis, sed reddi, l. 3. C. arb. tut. itemque addici, ut hoc loco. Sicut in l. 46. & l. 80. hoc tit. & l. 4. de eo, quod certo loco, l. 59. §. ult. ad Trebell. l. 30. fam. ercisc. Et ita semper legendum: iudex addictus, non adiectus, vel additus. Et ita omnino legendum in l. 7. & l. 10. C. fam. ercisc. & §. 1. Instit. de off. iud. & in Val. Max. veluti l. 8. cap. 2. arbitrum Claudio addixit, & formulam quidquid sibi dare facere oporteret ex fide bona. Hæc Valer. apud quem male legitur, arbitrum adduxit ut dare formulam; nec legendum quoque addixit formulam: Nam & apud eundem iudex addictus non additus. & apud Ciceronem Arbitrum addicere, non adicere, vel adigere. Non tamen sic legi velim in l. 1. C. de recept. & qui arb. ut quidam volunt. Lex ait, Ex sententia arbitri ex compromisso iure perfecto aditi appellari non posse. Rectissime in d. l. 1. legitur, aditi, non addicti. Nam non addicuntur arbitri, sed adeuntur & sumuntur: & ita recte dicitur additus arbiter ex compromisso, ut Græci πρὸς ἀποκτὴν δεξιόχρηστος, hoc est, aditus. Sic nostri auctores, & iudicem addicere dicunt pro dare, siue iudicium addicere. Sic Trebatius apud Macrobi. iudicia addicere ait. Varro: addicere iudicium pro eo, quod dicitur actionem dare. Et ita in 12. tab. Addicere litem, est secundum aliquem dare litem seu sententiam. apud Tacitum, addicere conuiuium, unde forte addiciales epulae, non adiciales. sic addicere bon. possessionem, est dare bonor. possessionem. Hic igitur quæstio est de furioso addicto iudice. Primum tractemus de homine sano, qui iudex datus est, vel addictus à magistratu, an furore superueniente iudex esse desinat? minime: sed mutari debet, si furor perpetuus aut longior erit, l. 46. hoc tit. alioqui si brevis sit furor, est enim plane furor, futururus, dies tantum diffunditur, ut in 12. tab. ob morbum



fonticum iudiciis addicti: est enim plane morbus fenticius, furor, *l. 60. de re iud. l. 2. §. si quis, si quis caut.* Sed an etiam recte ab initio iudex datur, qui furiosus est? an recte iudicium constitutum sit? Et ait, iudicium esse: & iudicem igitur recte addictum esse: scilicet si per interualla iudex addictus furore corripiatur. Et quemadmodum qui alio quolibet morbo animi laborat, recte iudex addicitur: Sic & qui furore laborat, postea intermisso furore fungitur suo munere iudicandi, id est, in suis iudiciis, dilucidis interuallis furoris, recte iudicare potest, in quibus iudiciis testamentum etiam facere potest, *l. 9. furiosum, qui testam. fac. poss.* & nostri auctores, cum tractant, qui iudex dari possit, & quis possit facere testamentum, vtuntur argumento à nomine *d. l. cum prator hoc tit.* perpetuo furiosus & pupillus iudicio carent, *Instit. quibus non est permiff. fac. test.* Ergo nec impubes, nec furiosus possunt facere testamentum, quod nihil aliud est, quam vltimum iudicium defuncti, *l. 19. de inoff. test.* Furiosus igitur in his interuallis, in quibus iudicio non caret, recte testamentum facit, & iudicium exercet recte, etiam si cum iudex addiceretur, animo confederit furor. Vtitur autem Papinianus eleganti ratione, *Iudex*, inquit, *datur inuitus*: nam iudicandi munus publicum est, & ciuile: & certum est omnia ciuilia munera in inuitos conferri. Si inuitus iudex datur: ergo & ignorans, & absens, vt in *l. 26. de reg. iur.* quæ possunt me inuito alienari, multo magis me absente & ignorante; & si iudex recte addicitur absens, & ignorans: igitur & furiosus. Nam furiosus in iure per omnia, & vt ait *l. 2. §. pen. de iure cod.* absentis loco est, & ignorantis, *l. 12. si à furioso, de reb. cred.* Sic argumentatur Pompon. Si condictio potest adquiri ignorantis: ergo & furioso; *l. 209. coram, de verb. sign. l. 224. de reg. iur.* Verum in contractibus furiosus non potest haberi absentis loco, *l. 5. de reg. iur.* quia natura negotij id non patitur: requiritur enim consensus vtriusque. Sunt quidam contractus qui fiunt inter absentes, sed sanos. datur procurator absens per epistolam, qua accepta si ratum habeat mandatum, perficiuntur contractus. Sed an furiosus etiam recte procurator datur, quia absens? minime, quia non potest confestim ratum habere, ideoque imperfectus erit contractus, *l. 2. de procur.* Ergo contractus inter absentes recte habetur, vel cum absente, non tamen cum furioso. Sequitur alia sententia Papiniani in §. 1. Certum est legatis prouincialibus Romam missis hoc dari, vt si Romæ conueniatur de eo, quod contraxerunt ante legationem, vel Romæ, vel alibi, vt possint vti priuilegio reuocandi domum, nec cogantur accipere iudicium, *l. 2. §. legatis. hoc tit.* Sed si tempore legationis Romæ contraxerint, de eo recte conueniuntur Romæ, nec possunt reuocare domum, *l. 32. non distinguemus, §. item si, de recept.* quia Romæ contrahendo in ipsa legatione, videntur suo priuilegio renuntiasse. Et hoc est, quod ait Papinianus: eum qui legationis causa Romam venit ex quolibet contractu fideiubere pro aliis posse, & ibi conueniri vbi contraxit: *cum*, inquit, *præiudicio suo, cum sit in Italia contractum, uti non possit.* κατὰ πρῶτον: nam in principio dictio *cum* ponitur pro ὅτι, *quia*; in fine autem ponitur pro ὅταν, *quando*. Nemo pro seipso fideiubere potest, sed constituere potest. Constituimus nos soluturos, vel quod ipsi debemus, vel quod alij debent: fideiubemus tantum pro aliis. Videamus, quid dicendum, si legatus se constituerit Romæ se soluturum, quod debebat ante legationem, an Romæ conueniri potest? cum principale negotium non contraxerit Romæ, sed constituit se soluturum? de eo est magna quæstio. Nam in *l. 8. definitur* non posse, inspicitur enim causa, & origo constitutæ pecuniæ, vt in *l. 33. de don. causa* autem cæpit ante legationem non in ipsa legatione: nec ex ea causa posset Romæ conueniri: ergo nec ex accessione seu sequenti causa, quæ accessit priori, Romæ conueniri poterit: atque ita definit *d. l. 8.* Sed

A longe aliter definitur in *l. 5. cum, qui, §. 1. de const. pec.* & nullum est ἐναντιοπαvες, de quo magis certent Interpretes. Legatum Romæ constituentem, quod in prouincia acceperat, Romæ conueniri debere, inquit Vlpianus ex Iuliano in *d. l. cum, qui*. Gaius vero in *d. l. 8.* ait, Legatum non cogi iudicium pati propter constitutum. Hæc maxime videntur contraria. Sed videamus, quid dicat *d. l. cum, qui §. 1.* duas ibi proponit species. Prior hæc est. Legatus, qui in prouincia contraxit ante legationem, & in legatione Romæ constituit se soluturum quod debet, Romæ poterit conueniri. Posterior species hæc est: legatus, qui in prouincia contraxit, atque etiam in prouincia constituit se soluturum Romæ, non poterit Romæ conueniri actione de constituta pecunia, quamuis constituerit se Romæ soluturum. Quod definitur in priore specie, plane pugnat cum *d. l. 8.* Fuerunt itaque quidam, qui in *d. l. cum, qui, §. 1.* voluerunt negationem addere, non demere, quorum sententia mihi non probatur, licet non caruerit ratione. Nam si potest Romæ conueniri, debuit dicere Vlpian. *putat conueniri posse, non conueniri debere*: Si affirmat Iulianus, cur non ait conueniri posse. Si negat, recte ait conueniri non debere: deinde posteriorem speciem, in qua legatus Romæ conueniri non potest, subiungit his verbis (*sed etsi*) quæ oratio coniunctiua est, non discretiua. Et ea est summa eorum ratio, qui in priori specie negatiue putant legendum, vt scilicet in vtraque specie legatus Romæ conueniri non possit. Non carent igitur illi ratione: sed moueor, quia Græci legunt affirmatiue, vt habent omnes libri. ὁπρὸς τὸν ἐν Ῥώμῃ ἐνέχεται ἀπὸ πρῶτον ὅτι ἐν ἐπαρχίᾳ ἐδέξατο. Non placet etiam, quod quibusdam videtur in *d. l. 8.* legatum contraxisse in prouincia: deinde Romæ constituisse se soluturum, cum legatione fungeretur: & tunc Romæ conueniri non posse, quia principale negotium gessit in prouincia: at in *l. cum, qui*: dicunt legatum non plene contraxisse in prouincia, sed tantum accepisse in prouincia, veluti accipere mutuam pecuniam, non sit negotium perficere. Hoc est subtile nimis, ergo falsum. nam in vtraque specie legatus plene negotium gessit in prouincia. Quod autem Vlpian. in *d. l. cum, qui*, ait, *DEBERE*, in eo non est insistendum: nam auctores nostri promiscuè vtuntur verbis *Posse & Debere*: sicut & alij: idem enim vtrumque significat. Et in libris nostris quod velim notetis, articulus, *Sed*, non est semper discretiuius: & similiter, *Sed etsi*, non est semper coniunctiuius: ideoque in *d. l. cum, qui*, quamuis Vlpian. dicat posteriore casu, *sed etsi non cum Romæ esset, &c.* non propterea inferes, etiam in priori specie legatum non posse Romæ conueniri: ideoque in dicta priori specie supplendam esse negationem. Res ita mihi potius videtur esse definienda liquido. Si nominatim Romæ constituerit se soluturum, Romæ conueniri potest: sed si in prouincia constituat se Romæ soluturum, non potest Romæ conueniri. Et hæc est sententia Vlpiani in *d. l. cum, qui, §. 1.* At si Romæ constituat se Romæ soluturum simpliciter, quod in prouincia contraxit, non poterit Romæ conueniri, vt in *d. l. 8.* quia non dixit nominatim se soluturum Romæ: sed simpliciter Romæ constituit: duo requiro, vt Romæ conueniri possit, vt & Romæ constituat, & vt nominatim constituat se soluturum Romæ. Est & alius casus in hanc rem notandus, ex Africano in *l. 3. de legationib.* qui est, diuersus. Finge: Quod in prouincia contraxit legatus, constituit in prouincia se soluturum, non Romæ nominatim, sed legationis tempore, an Romæ poterit conueniri? sic facne, quia palam renuntiavit priuilegio suo reuocandi domum, dum scilicet non Romæ dixit se soluturum, sed solutioni tempus legationis designauit.



## Ad l. 49. de petit. hered.

*Si bona fidei possessor hereditatis velit cum debitoribus hereditariis, aut qui res hereditarias occupauerint, consistere, audietur, utique si periculum erit, ne inter moras actiones intercidant. Petitor autem hereditatis citra metum exceptionis in rem agere poterit. Quid enim si possessor hereditatis negligat? quid si nihil iuris habere se sciat?*

**Q**uestio legis 49. de petitione hereditatis, est: An is, qui bona fide possidet hereditatem, existimans se heredem cum non sit verus heres, aut non iure heres, quippe qui controuersiam hereditatis ab alio patitur, an interim possit, quamdiu lis non contestatur, cum eo consistere cum debitoribus hereditariis actione in personam, & res hereditarium reposcere, vel etiam consistere cum iis, qui res hereditarias possident actione in rem? Et recte Græci consistere interpretantur *μετατρέχουσι*: quod est litem contestari. Quod quidem verbum in iure nostro esse frequentissimum quidam rectissime obseruauit. Sed idem perperam illic adiecit apud Vlpianum in l. adulter, 19. §. ult. ad leg. Iul. de adulter. ubi ita legitur vulgo: *proinde si per collusionem cum adultero constitit, rectius ita esse Florentiæ scriptum: proinde si per collusionem cum accusatore constitit*: perperam, inquam: primum, neque Florentiæ, neque vulgo scriptum est: *cum accusatore*, sed legitur: *cum adultero*. Et recte quidem, quia reus cum accusatore, vel cum actore non consistit, sed actor, vel accusator dicitur consistere, ac litem contestari cum reo. Idque demonstrat Vlpianus in l. 11. de iudic. Præterea vulgo in d. §. ult. ita legitur: *si cum adultero constitit*, non ut ille ait: *si cum accusatore constitit*. Imo etiam Florentiæ legitur: *si cum adultero constitit*. Nec tamen mutanda est lectio Florentina, quia modo veteres dicebant constituere, modo consistere, pro litem contestari. Sic Papinianus noster, secundum lectionem Florentinam, loquitur in l. Imperator, 70. §. si centum, de legat. 2. his verbis: *si centum legatis duplum restituere rogatus sit, ad summam legati videbitur constituisse*, id est, constituisse. Et sic etiam loquitur Venuleius in l. procurator, 8. §. si quis, rem rat. hab. his verbis: *cum de libertate eius constituerit*, id est, constitit, id est iudicatum erit. Sic denique loquitur Celsus in l. 11. de custod. & ex. re. his verbis: *ut cum cognouit & constitit*, id est, cum ei constitit & apparuit de crimine. Et sic etiam locutus est Sallustius in Iugurth. *agmen constitit*. verum quod ad præsentem questionem attinet; Bonæ fidei possessor cui sit controuersia hereditatis, lite nondum contestata, interim potest uti actionibus hereditariis, vel in rem, vel in personam, sed repellitur exceptione præiudiciali, quod præiudicium hereditati non fiat, l. 5. in fine, hoc tit. magna est auctoritas centumuiralis iudicii, ut nihil in eius præiudicium fieri possit: petitio autem hereditatis est centumuirale iudicium, ut nihil in eius præiudicium fieri possit, l. ult. C. eod. Hoc cum ita esset, Papinian. ostendit hoc loco, aliquando ex causa denegari exceptionem præiudicalem, & citra metum huius exceptionis vtiliter bonæ fidei possessorem, quamuis fiat ei controuersia, interim consistere, vel cum debitoribus hereditariis, vel cum possessorib. rerum hereditarium, ex causa, si res vrgeat, si sit periculum, ne pereant actiones temporales, vel ne debitores pauperiores fiant, vel si sit metus ne res vsucapiantur quæ possidentur ab aliis: loquitur de bonæ fidei possessore. Nam male fidei possessor, id est, prædo nullam habet actionem, vel ante controuersiam motam, vel post, l. 31. §. pen. hoc tit. Porro post litem contestatam omnes possessores pares sunt, l. sed etsi, 25. §. si ante, hoc tit. etiam poss. bonæ fid. post litem contestatam prædones fiunt. Ergo post litem contestatam nullam possunt intendere actionem hereditariam. Itaque posui litem nondum contestatam fuisse,

**A** quod Papinian. demonstrat his verbis: *Si periculum erit, ne inter moras actiones intercidant*. inter moras, id est, ante litem contestatam: dum expectatur ut lis contestetur. Ita in l. tutor, 28. de administ. tut. Tutor pupilli in ius vocatus est, & cauit se iudicio sisti, inter moras pupillus peruenit ad pubertatem, hoc est, antequam lis contestaretur, an est lis contestanda cum tutore, qui in ius vocatus est? minime, sed cum pupillo, qui factus est pubes inter moras. Ergo ponendum in hac specie fecisse aliquem controuersiam bonæ fidei possessori, & vocasse possessorem in ius, exegisse etiam cautionem iudicio sisti, sed litem nondum esse contestatam. Nec debuit moueri Accurs. quod Papin. eum, qui facit controuersiam, vocet petitem: Nam petitor dicitur, non tantum qui litem contestatur, sed etiam qui in ius vocat, & qui controuersiam facit; quique satis accipit iudicio sisti, alioquin non posset possessor bonæ fidei quasi prædo post litem contestatam mouere actiones hereditarias, d. l. si quid, §. sicut autem, hoc tit. Et hoc est quod proponit Pap. in prima parte huius l. quæ est de bonæ fidei possessore hereditatis. Altera pars, quæ sequitur, est de petitore, in qua Græci pro petitor autem hereditatis, rectius legisse videntur, petitor etiam hereditatis, citra metum exceptionis in rem agere poterit. Supererat hæc inspectio; an etiam petitor hereditatis possit interim agere cum his, qui res hereditarias occupauerunt, id est, res singulas vindicare quas alij possident? Hoc in possessore hereditatis absolutum est: quæritur id ipsum in petitore hereditatis. Et licet hic agatur tantum de actionibus in rem, tamen idem paulo post de actionibus in personam statuemus. Ait autem petitem hereditatis ex causa posse in rem agere, nec ei agenti ob stare exceptionem præiudicalem, quia maturius agendi iusta causa subest. In petitore hanc affert causam, si possessor negligat agere, si sinat res hereditatis ab alio possideri, & sit periculum ne vsucapiantur, quæ causa congruit bellissime bonæ fidei possessori: non congruit prædoni, cui imputatur, si negligat res quæ sunt ex hereditate quam possidet; bonæ fidei possessori nihil imputatur, quia res eas negligit, quasi suas: d. l. si quid, §. pen. hoc tit. Ergo iustissima est causa dandi actionem petitori, negligente possessore res hereditarias, nec interrompente vsucapionem. Adfert & aliam causam, si possessor nihil iuris habere sciat. Quæ verba accipit Accurs. de male fidei possessore, quem etiam prima specie demonstrat. Quid enim aliud est quam si diceret: si male fidei possessor sit? Verum non est existimandum eum qui initio & tota lege egit de bonæ fidei possessore, in extremo agere de prædone ac male fidei possessore. Quare ita sunt accipiendæ hæc verba: *Quid si nihil iuris habere se sciat?* in ea re scilicet, quam petitor vindicat: vel ut dicam apertius: si nesciat eam rem esse hereditariam. Et hæc verissima est interpretatio, cui conueniunt Basilica: *πὶ γὰρ ὅτι*, inquit, *ἀμελεῖ ὁ νομὸς, ἢ μὴ γνώσκῃ ἀνήκειν αὐτῷ*, quid enim si possessor negligat, aut nesciat ad se pertinere? & in latiori interpretatione id euidentius exprimitur. *τί δὲ εἰ καὶ ἐνόμιζε μὴ κληρονομία ὄναι τὸ παρ' ἐτέρου κατεχόμενον, καὶ μὴ διαφέρειν αὐτῷ ἢ δυνάμει καὶ τῷ κινεῖν τὴν ἐν βέμῃ*, quid si existimet eam rem non esse hereditariam, quam alius possidet, nec ad se pertinere, aut posse eius nomine actionem in rem intendere? Est tum iusta causa dandæ actionis in rem etiam petitori. His ergo casibus, siue agat possessor, siue petitor, quod interueniat iusta causa, quod res vrgeat, cessat exceptio, quod præiudicium hereditati non fiat: & hoc est quod voluit Papin. in posteriore parte huius l. & quamuis dicat, petitem citra metum exceptionis agere posse actione in rem: tamen est addendum, & in personam agere posse, quod adiecit Accurs. sed non probat. probatur l. 27. §. ult. de leg. 3. in qua l. proponitur, fisco petente hereditatem iussisse procuratorem Cæsaris, fisco solui pecuniam. Restat ut videamus



modo è contrario, an etiam possessor aut petitor hereditatis à creditoribus hereditariis conueniri possint? agere vterque potest citra metum exceptionis præiudicialis, sed, an etiam vterque citra hunc metum conueniri potest? Et constat hodie posse, nec esse exceptioni præiudiciali locum, si pendente lite creditores suum repetat, quod defunctus debuit, *l. ult. C. de petit. hered. quæ docet esse in arbitrio creditoris cum quo agat.* Sed si egerit cum possessore, & exegerit, ac deinde vincatur possessor, quod soluerit recipiet, ac repetet postea à petitore. Et idem dicendum in contrarium de petitore. Videtur autem Tribon. in d. sua constitutione respexisse ad id, quod proponit Paulus in *l. 4. §. 1. si cui plusq. per leg. Falcid.* Nam ante dict. *l. ult.* pendente lite hereditatis suspendebantur actiones creditorum: & qui agebant repellabantur exceptione præiudiciali, propter auctoritatem centumviralis iudicij: ex causa tamen audiebantur; puta, si res vrgeret, si actio esset peritura tempore, nisi ageretur interim, quod confirmatur exemplo legis 49. ad Trebellian.

#### Ad l. 49. ad Senatusconf. Trebell.

*Cum hereditas ex Trebelliano Senatusc. restituitur, si res vrgeat, & metus erit, ne per absentiam forte fideicommissarij dies actionis exeat, heres iudicium suscipere cogitur.*

§. 1. Similique modo filio de possessione contra tabulas deliberante, scriptus heres à creditoribus hereditariis conuenitur.

**I**N hac lege duo casus proponuntur à Papiniano, quibus re urgente datur actio creditori hereditario in heredem scriptum, ne res sua ei pereat, quæ alioqui non daretur. Sciendum est heredem rogatum restituere hereditatem, si eam restituat, transferre actiones utiles ex Trebelliano, tam actiuas, quam passiuas, vt loquuntur interpretes, in fideicommissarium, obligationes ciuiles, imò & naturales, & post restitutionem hereditatis si heres conueniatur à creditoribus hereditariis, eos repellat exceptione hereditatis restitutæ, quæ dicitur Trebelliani, *l. 28. de iudic. l. Stichum, §. aditio, D. de solution.* & ita se ius habet. Verum ex causa citra metum exceptionis Trebelliani, etiam post restitutam hereditatem, creditores hereditarij recte agent in heredem, qui rem non habet. Sciendum est, recte hereditatem restitui absentem per nuntium, vel per epistolam, *l. restituta, hoc tit.* Finge igitur heredem restituisse hereditatem fideicommissariam absenti: creditoribus vero hereditariis non esse cum fideicommissario absente experiri diu copiam, & temporalem esse eorum actionem, remque urgere vt agant, cur non eis licebit experiri cum herede scripto præsentem? Imò vero licebit, & denegabitur ei exceptio Trebelliani: nam adiuit hereditatem: nec enim potuisset eam restituere non aditam. Eadem æquitas interuenit in alio casu, qui in eadem lege proponitur. Finge: Heres scriptus est testamento, in quo filius est præteritus, testamentum in ea causa est vt posset rescindi petita bonorum possessione contra tabulas, si eam agnoscat filius præteritus. Finge heredem scriptum conueniri à creditoribus hereditariis: repellat eos hac exceptione, si non in ea causa sunt tabulæ testamenti, vt contra eas dari possit bonorum possessio, *l. 2. de except. rei iudic. l. is, qui cum herede, de obligat. & actio.* Ita ius se habet. Verum ex iusta causa hæc exceptio denegabitur heredi scripto, nec quidquam obstat creditoribus hereditariis. Finge: filium deliberare de bonorum possessione contra tabul. amplectenda, vel repudianda, & nimis diu deliberare, & interim periculum esse, ne actiones creditorum tempore intercendant; æquissimum est conseruandarum actionum causa, heredem scriptum interim pati eas actiones, & iudicium in eum dari purum sine vlla exceptione. Et hoc est, quod proponitur à Papiniano in

**A** hac l. 49. cuius quidem legis argumentò, etiam dicimus possessorem hereditatis, cui sit controuersia, vel cum qualis contestata est de hereditate, citra metum præiudicialis exceptionis conueniri posse à creditoribus hereditariis, ex causa, si res vrgeat, & periculum sit, ne actiones tempore pereant; & vel possessorem, vel petitorum, prout libuerit creditori hereditario. Denique ita concludamus: ex causa denegari heredi, vel possessori hereditatis exceptionem præiudicalem, exceptionem Trebelliani, exceptionem in factum, si non in ea causa sunt tabulæ, &c. Nec in posteriore casu huius legis, mirum est, si conueniatur heres scriptus: Nam ponendum est, eum adiisse hereditatem, vel petiisse bonorum possessionem secundum tab. Quod tamen negat Accursius in verbo *conuenitur*: licet enim tabulæ testamenti in ea causa sint, vt peti possit bonor. possessio contra tabulas, tamen, dum deliberat filius præteritus, poterit dari scripto secundum tabulas, quod tamen male negauit Accursius? Et sane omnia, quæ in eam legem scripsit, circumscribenda sunt. Bonorum possessio secundum tab. datur cuilibet: datur enim de plano, & sine causæ cognitione, quasi de iure, sine edicto scilicet. Verum si ab herede scripto bonorum possessio secundum tab. petita fuerit & agnita, postea sane constituetur sine re, filio præterito agnoscente bonorum possessionem contra tabul. vel cum re, eodem filio bonorum possessionem contra tab. repudiante. Hæc verba, *cum re, & sine re*, sunt Iuriconsultorum, *l. 25. C. de inoffic. test.* & videndus omnino Vlpianus in *Fragm. tit. 28. de possessionibus dandis, §. ult.* Sic tamen locutus est Velleius Paternulus: *Tribunitia*, inquit, *potestate enim exiit, cuius etiam imaginem sine re Sylla reliquerat.* Et ita D. Ambros. lib. 9. *Epist. Hereditas cum re & sine re dicitur.* Et quod Ouidius de Cupidine 3. Amor. scripsit, est etiã nostrum. *Aut sine re Deus est nomen frustra que timetur.* Ergo non est dubitandum, quin deliberante præterito possit adiri hereditas, vel bon. possessio ex testamento, in quo est filius præteritus.

#### Ad l. cum militi, 16. de compensat.

*Cum militi castrensi bonorum alius, caterorum alius heres exiit, & debitor alteri heredum obligatus vult compensare quod ab alio debetur, non audietur.*

§. 1. Cum intra diem ad indicari executionem datum: indicatus Titio, agit cum eodem Titio, qui & ipse pridem indicatus est, compensatio admittetur: aliud est enim diem obligationis non venisse: aliud humanitatis gratia tempus indulgeri solutionis.

**C**ompensatio est debiti & crediti inter se contributio, vel apertius: compensatio est per æris sui computationem ab ære alieno liberatio. Fit hodie compensatio ipso iure ex constitutionibus Imper. Olim fiebat tantum in iudiciis bonæ fidei ipso iure: in strictis non admittebatur. Post ex constitutione D. Marci, vt est in Inst. admissa est compensatio etiam in strictis iudiciis, non quidem ipso iure, sed beneficio exceptionis doli mali. Et ad extremum placuit generaliter in omnibus iudiciis tam strictis, quam bonæ fidei compensationem fieri ipso iure, *l. 4. l. 8. l. 21. & ult. hoc tit. l. 4. §. 5. & 6. & ult. C. eod.* Moribus Gallicæ non fit ipso iure, ac ne remedio quidem exceptionis, sed ex rescripto principis nominatim, *par lettres de chancellerie*, non potest vti compensatione is vnde petitur, nisi id princeps nominatim concedat. Iure nostro, id est, Romanorum, compensatio in omnibus iudiciis fit ipso iure. Et hoc est quod ait Papinianus *l. 36. de administ. tut. æquitatem*, merum ius compensationis inducere, hoc est, compensationem fieri ipso iure, mero iure. Et ideo, si ego à te acceperim 100. ex aliqua causa, & tu mihi debeas 30. ipso iure non debeo 100. sed 70. tantum, quia æs tuum minuit æs meum ipso iure, &



ex 70. tantum vſurę debebuntur ex mora in bonę fidei iudiciis: vel ex ſtipulatione in ſtriſtis, l. 11. & 12. *hoc tit.* Item ſi per errorem 100. ſoluerō, condicam 30. quaſi ipſo iure in debita: ac propterea, ſi petas 100. plus petis, & cauſa cadis, quia compenſatio ipſo iure minuit obligationem, vel, vt ait eleganter l. 4. *hoc tit.* ſi totum petis, male petis. Male petere in iure, eſt plus petere, vel ſumma, vel cauſa, vel tempore, vel loco, hiſ modis plus petitur. Et minus recte Alciatus, & quidam alius, male agere dici eum, qui vtitur ea actione, quę exceptione elici poteſt: nam hic agit perquam bene cum ipſo iure actionem habeat, nec ſane ob id quod agat actione quę exceptione elidi poteſt, incidit in pœnam, quoniam poteſt omitti exceptio à reo, atque ita actor ad id quod intendit peruenire, male agere ſemper, eſt plus petere, & in litis amittendę pœnam incurſere, l. 4. *hoc tit.* Et ita etiam qui ante diem agit, male agit, l. 1. *Quando dies uſuſ. leg. ced. & l. 36. de reb. cred.* Nihil autem agere dicitur cui nulla actio ipſo iure competit, quę res ei non eſt fraudi: ſi quis male agat, fraudi eſt actori: ſi quis nihil agat, res eſt extra periculum & pœnam. Sciendum etiam eſt compenſationem fieri non cuiuſlibet debiti, non debiti incerti, vt in l. 22. *hoc tit.* non debiti controuerſi: quo iure etiam vtimur hodie, ſed debiti confeſſi, & certi, vt ſi quis in certam ſummam condemnatus ſit, vel confeſſus ſit eam debere ſe: nam hoc caſu liquidum eſt debitum; de quo videlicet conſtat ſententia iudicis, aut confeſſione debitoris. Et hoc etiam oſtenditur in l. 3. *de tut. & rat. diſt. l. ult. C. de compenſ.* Item ſciendum eſt compenſationem tantum fieri eius, quod actor debet, vt ſi mecum agas, compenſabo tantum, quod mihi debes, non quod alij, puta Titio, debes, etiam ſi id maxime Titius velit, l. in rem, §. ult. *hoc tit. l. 9. C. eod. tit.* Sciendum & hoc: ſi mecum agas, vt procurator Cęſaris in Aſia, id tantum compenſabo, quod Aſiana ſtatio ſiſci mihi debet, non quod mihi debet Africana ſtatio, aut quod etiam alij debet Aſiana, l. 1. *C. hoc tit.* Erant diuerſę ſtationes, ſeu procuraciones ſiſci, & quidam quęque regio ſuam ſtationem ſiſcalem habebat, & procuratorem ſuum ſeu rationalem: & ideo videbantur plures eſſe ſiſci, etſi redirent omnes ad vnum Principem, l. 1. *C. ne ſiſcus, l. 2. C. de ſolut.* vbi pro *rationibus*, leg. eſt, *ſtationibus*. Si igitur Africana ſtatio mihi debeat, & ſiſcus agat, compenſabo quod illa mihi debet, non quod alia, quia ſunt veluti duo ſiſci: & publice intereſt non confundi rationes principis, & ſtationes procuratorum Cęſariſ. Ac ſimiliter ſi mecum agas, vt heres militis ex caſtrenſibus bonis, cum alius ſit heres in bonis paganis: id tantum compenſabo quod defunctus mihi debuit ex cauſa caſtrenſi, & non quod ex pagana. Finge, militem habuiſſe alia bona caſtrenſia, alia pagana. Alium fuiſſe heredem caſtrenſium bonorum, alium paganorum. Duę ſunt hereditates, caſtrenſis & pagana; atque adeo duo quodammodo homines, paganus & miles, vnus homo duorum vicem ſuſtinet: duas hereditates fecerunt conſtitutiones principum, quę ſunt editę de priuilegiis militum, ſeparando ſcilicet bona caſtrenſia à bonis paganis, l. 25. §. 1. *famil. erciſc. l. 19. §. 1. de teſt. mil. l. 2. C. eod.* Quia igitur duo quodammodo ſunt patrimonialia, paganum & caſtrenſe: paganus & miles; debitor caſtrenſis ſi velit compenſare, quod ſibi debetur ex cauſa pagana, non audietur, quod in h. l. dicitur: non poſſum compenſare cum actore, quod non actor, ſed alius mihi debet, & hic vtique alius mihi debere intelligitur quod mihi debetur ex alia cauſa, quam ex qua conuenior, puta, ex cauſa pagana, cum conuenior ipſe ex cauſa caſtrenſi.

Ad §. 1. Sciendum eſt, compenſationem tantū fieri præſentis debiti ac puri: nā quę debentur in diem, debentur quidē, etiam ſi nondū ſit nata obligatio, ſed illud debitū nondū peti poteſt, & ideo ante diem non compenſatur, quamuis illud ſua die dari oporteat, l. quod in diem, *hoc tit.*

A neceſſe autem eſt, vt dies ſit appoſitus obligationi ab initio: nam ſi obligatio pure contracta fuerit primum, & deinde humanitatis gratia datus ſit dies debitori ad ſoluendum, ſane etiam ante hanc diem, eius quod debetur recte ſit compenſatio, quoniam inſpicimus initium obligationis, quę quidem obligatio pura fuit ab initio, & dies qui poſtea debitori ad ſoluendum datus eſt, humanitatis tantum gratia datus eſt. Finge nunc: Titius mihi condemnatus eſt: iudicati quidem faciendi certa ſunt tempora: olim fuere iuſti dies 30. ex duodecim tabulis, qui dies dicebantur tempus modicum, hodie tempus eſt immodicum: nam dantur quatuor meſes ex Iuſtiniani conſtitutione. Qua de cauſa moribus noſtris nulla hodie ſeruantur tempora iudicati faciendi, & niſi iudex diem iudicati faciendi dixerit, ſit ſtatim iudicati executio, poteſtque ſtatim conueniri reus. Et ſane Iuſtiniani conſtitutio relata in l. 2. *C. de uſur. rei indic.* ab æquitate 12. Tab. abhorret, quę ſcilicet hæc erat, quia nihil erat damni in mora modici temporis, 30. nempe dierum, qui quidem dies 30. non erant iudicato inuidendi, quod nulla videretur creditoris eſſe fruſtratio. At ex Iuſtiniani conſtitutione ſecus eſt, & videtur in ea eſſe quędam inhumanitas, cum maximum ſit damnum creditoris in mora quatuor meſium. Quod ſi dixeris eſſe humanitatem, eam immodicam dicas neceſſe eſt. Qua ex cauſa nulla hodie ſeruantur tempora iudicati faciendi, nec uſa recepta Iuſtiniani conſtitutio, imo nec ius 12. Tab. nam ſi ſequendę eſſent hac in re leges, ſane Iuſtiniani conſtitutio, quę poſtrema eſt, ſequenda eſſet, quę cum ab æquitate abhorreat, merito reſpuitur ac reiicitur. Sed ad legis ſpeciem redeamus, & ita fingamus: Titius mihi condemnatus eſt in certam ſummam, & ago cum illo eo nomine: poſt tempora iudicati, ego quoque Titio aliquid viciffim debeo ex cauſa iudicati, ſed mei gratia nondum exierunt tempora iudicati faciendi: an intra ea tempora Titius mihi poterit compenſare quod viciffim ei debeo ex cauſa iudicati? Et eleganter in hoc §. definit Papin. etiam ante diem iudicati faciendi recte fieri compenſationem, quoniam ab initio pura fuit obligatio, & tempus quod indulgetur iudicati faciendi gratia, id leges indulgent humanitatis intuitu, & vt Gręci dicunt, φιλοσύνῃς συγχωρεῖσθαι. Idem omnino dicendum eſt, ſi pura fuerit obligatio, & humanus creditor laxiorem diem ad ſoluendum debitori ſuo dederit: nihilque refert, an lex, an creditor humanitatis gratia poſt contractam puram obligationem, ampliori diem reo ad ſoluendum dederit: nam ante eum diem vtique ſemper admittetur compenſatio. Atque ita ex facto contigit in quadam lite cui ego interfui, ex qua intelligitur quemadmodum ſit vtendum legibus noſtris. Species talis eſt: Centum mihi debes ex cauſa iudicati (nulla ſeruantur hodie iudicati faciendi tempora) itaque iudicatum ſtatim exequi poſſum confeſtimque ea 100. quę mihi debes exigere: ſed tamen rogatus diſtuli petitionem in biennium. Interim vero ego ex nouo aliquo negotio debeo tibi aliquid, puta, 40. idque ex cauſa iudicati, quę quidem 40. tu confeſtim petis tibi ſolui: impetro libellum compenſationis à principe: an ex eo vti poſſum compenſatione? Tu dicebas, biennium nondum præteriſſe, atque ita nondum veniſſe diem, quodque in diem debetur non venire in compenſationem. Ego vero contendebam, aliud eſſe, non veniſſe diem, qui fuit ab initio in obligatione, aliud vero eſſe, non veniſſe eum diem, quem ego rogatus tibi humanitatis gratia dederam, indulſeramque, cum pura eſſet præſentis obligationis: nam hoc caſu ante eum diem, quem ſcilicet ipſe humaniter indulſi, recte me vti poſſe compenſatione. Et hæc eſt Papiniani noſtri in hoc §. ult. ſententia, cuius quidē auctoritate vicimus, hancque controuerſiam terminauimus. Super eſt vt interpretemur l. 36. *de admin. & peric. tutor.* quę opponitur ſententię d. l. 16. quę tamen eſt eiſdem Papiniani, & ex eodem libro.



## Ad l. 36. De administ. tutor.

*Inter tutores diuisa tutela est: aequitas qua merum ius compensationis inducit, propter officium agentis tutoris non differtur. Nam diuisio tutelæ quæ non iuris, sed iurisdictionis est, modum administrationi facit, & inter ipsos locum habet, nec experiri cum pupillo volentibus obstare debet.*

**F**inge: Duo sunt tutores pupilli: vnus rerum vrbana-  
rum, alter rerum prouincialium: Ita diuisit iudex  
administrationem inter tutores, vt alter res vrbanas ad-  
ministraret, alter prouinciales, & agit mecum tutor rer-  
um vrbana-  
rum: id sane compensabo, quod debet mihi  
pupillus ex causa contractuque vrbano. An etiam com-  
pensabo quod mihi debet ex contr. prouinciali? sic vi-  
detur: quia est propria quadam ratio in pupillo, quæ  
non est vel in procuratore Cæsaris Asiæ Dioceseos, vel  
in militis herede castrensi bonorum, aut paganorum.  
Primum enim nulla constitutione bona pupilli sunt se-  
parata: vnum est patrimonium pupilli, constitutionibus  
separantur bona castrensia à paganis, quæ quidem ad  
vnum militem pertinent: sed non separantur bona pu-  
pilli vrbana à prouincialibus. Vna est hereditas: & na-  
tura non fert sine constitutione speciali, vt vnus homi-  
nis sint duo patrimonia: ac præterea non sunt diuersæ  
stationes pupilli, non diuersæ procuraciones, non etiam  
sunt duæ tutelæ, etsi sint duo tutores, vna est tutela ipso  
iure indiuisa: diuisio tutelæ non fit ipso iure, sed à magi-  
stratu, vt commodius res pupilli administrantur. Et hoc  
est, quod ait Papinianus in *h. l.* diuisionem tutelæ non  
iuris esse, sed iurisdictionis, hoc est, fieri à magistratu,  
non ipso iure: hoc est certum. Diuisio quidem nominum  
inter coheredes fit ipso iure ex 12. Tab. pro portionibus  
hereditariis: & ideo nomina non veniunt in iudicium  
familie eriscundæ, quia ipso iure diuisa sunt, *l. ea quæ, C. famil. erisc.* Diuisio autem tutelæ non fit ipso iure  
inter tutores. Concludamus igitur: diuisio tutelæ, quæ  
non fit ipso iure, non potest impedire compensationem,  
quæ fit ipso iure: & ideo si agit tutor rerum vrbana-  
rum, is, cum quo agit nomine pupilli, recte compen-  
sabit, quod sibi à pupillo debetur ex causa, & ex con-  
tractu prouinciali: imo id ipsum ius merum compensat: &  
hoc est quod ait Pap. *inter tut. &c.* Sequitur, *Propter offi-*  
*ciū, id est, quod tutor, qui agit, sit tantum ex diuisione tutelæ*  
administrator vrbana-  
rum rerum, hoc non impedit com-  
pensationem, id est, hoc non efficit, vt non compen-  
setur ipso iure quod pupillus ei cum quo agit debet ex  
causa prouinciali. Et eleganti ratione vtitur hic Papinia-  
nus: Nam *diuisio tutelæ, quæ non iuris, &c.* id est, diui-  
sio tutelæ modum administrationis facit, hic est effectus  
diuisionis tutelæ, quæ fit à magistratu, vt sciatur quod  
quisque administrare debeat, & hunc modum admini-  
strationis à magistratu præfinitum obseruant tantum in-  
ter se tutores, non etiam alij, puta, creditores vel debi-  
tores pupilli. Et ideo hæc diuisio experiri cum pupillo  
volentibus non obstat. Experiri commune est reo &  
actori. Et ideo reus cum quo agit tutor rerum vrbana-  
rum propter diuisionem tutelæ, non prohibetur compen-  
sare quod sibi debetur ex contractu prouinciali. Non  
porrigitur hæc diuisio ad alios, qui rei non interfuerunt:  
atque ideo recte ei soluit tutor rerum vrbana-  
rum, &  
quod soluerit pupillo reputat recte, *l. Titium, §. ult. hoc*  
*tit.* Est igitur aperta lex, quæ prima specie videtur obscu-  
ra. Nec est quod obiciat *leg. 2. C. si ex plur. tut.* quæ sola  
lex obicitur. Finge: Inter tutores diuisa est tutela. Agi-  
tur cum tutoribus huius prouinciæ, vel etiam tutoribus hu-  
ius prouinciæ agunt cum debitoribus pupilli nomine.  
an ceteri omnes tutores de aliis prouinciis in iudicium  
prodacendi, vt liti subsistant? Pone pupillum habuisse  
plures tutores in prouinciis pluribus, & vni res Ita-  
licas, alteri Syriacas commissas esse. An si creditor pu-  
Quæst. Papin.

**A** pilli cum tutore Italicæ rei agat, etiam alter tutor rei Sy-  
riacæ in iudicium producendus erit, vt cogatur liti subsi-  
stere? Minime. Et nihil est præterea in *d. l. 2.* hoc vero  
non obstat iis, quæ à Papin. proponuntur in hac l. 36.  
nam fateor quidem non omnes tutores liti subsistere de-  
bere, quam scilicet patitur tutor vnus prouinciæ: sed an  
ideo sequitur tutorem vnus prouinciæ non posse con-  
ueniri nomine pupilli ex causa seu contractu alterius  
prouinciæ? Minime, nec sane hoc dicit lex, sed hoc vult  
tantum, cum agitur de bonis pupilli, satis esse, si lis in-  
finuetur tutoribus eius prouinciæ, vbi agitur. non om-  
nes producendos esse ad iudicium, nec litem insinuandæ  
esse aliis prouinciis. Sed si tutor vnus prouinciæ agat ex  
obligatione alterius prouinciæ, quæ non pertineat ad ip-  
sius administrationem, iure quidē agit, sed repelli potest  
exceptione, quod immisceat se rei ad se non pertinenti,  
*l. 4. hoc tit.* sed si cum eo agatur, veluti cum tutore vr-  
bano ex causa prouinciali, non poterit vti tutor vlla ex-  
ceptione aduersus creditorem prouincialem, quia non  
creditores prouinciales, sed ipsi tantum tutores adstrin-  
guntur diuisioni tutelæ.

## Ad l. 1. De probat.

*Quotiens quareretur genus vel gentem quis haberet, nec  
ne, eum probare oportet.*

**I**N controuersia aut litē hereditatis legitime incidit  
sepe quæstio de genere, aut dum hi, qui gentis iure sibi  
vindican-  
t hereditatem, negantur esse ex ea gente, vel  
dum negantur genus & gentem habere. Serui neque ge-  
nus neque gentem habent: liberti vel ab iis orti gentem  
non habent: nam gentem hi soli habent quorum maio-  
res nemini seruitutem seruierunt. Et in ea quæstione Pa-  
pinianus ait, ei incumbere onus probandi, qui dicit se  
genus vel gentem habere: dicit gentem vel genus, vt  
T. Liuius l. de patriciis, *nos solos gentem habere, &c.*  
Obiicias huic definitioni Nouellam 36. quæ ab vtraque  
parte admittit probationes, & ab ea quæ negat, & ab ea  
quæ dicit se gentem vel genus habere, siue agat, siue con-  
ueniatur: Nam, vt est in l. 2. *Ei incumbit probatio, qui*  
*dicit, non qui negat.* quo loco addendum, siue agat, siue  
conueniatur, ex *l. in except. hoc tit.* Sunt negationes quæ-  
dam, quæ vim affirmandi habent, quarum etiam incum-  
bit probatio, vt si quis neget emancipationem filij iure  
factam *l. 8. hoc tit.* vel neget aduersario licere procura-  
torem dare *l. 5. hoc tit.* si quis neget se Lutetiæ fuisse eo  
tempore, quæ cædes facta, *l. pen. C. de cont. stip.* si quis  
neget testatorem fuisse sanæ mentis, *l. 5. C. de codic.* nega-  
tiones inquam, quæ vi sua affirmationes sunt, vt si  
nego te gentem aut genus habere, vi ipsa affirmo te  
seruum esse: dum nego iure factam emancipationem,  
vi ipsa affirmo te in alterius esse potestate, & ideo etiam  
ex parte tua non improbe admittetur probatio. Sed si  
quis rursus obiciat d. Nouellam, ad id obiciam, proba-  
tionem potissimum exigi ab eo, qui dicit se gentem vel  
genus habere: sed non ideo minus exigi probationem ab  
aduersa parte, si quidem plenior habeat: & nouum  
non esse vt probationes ab vtraque parte afferantur,  
*l. fallaciter, C. de abol.* Obiicias *l. 15. hoc tit.* quæ onus  
probandi confert non in eum, qui dicit se gentem vel  
genus habere, sed in aduersarium, qui negat, & propo-  
nit vtrum hominis ingenium, qui dicit se Titij filium,  
atque ita eius hereditatem inuasit, & in crimen falsi in-  
cidit, quod genus & parentes finxit, teneturque pœna  
*l. Cornelia de falsis, l. falsi, ad l. Corn. de fals.* Paul. v.  
Sent. tit. eod. vtque magis fraudem occultaret fratribus  
defuncti ad quos redibat hereditas, quasi ex mandato  
patris fideicommissum soluit, & ab iis apocham soluti fi-  
deicommissi extorsit, cum existimarent esse verum  
filium fratris. Qua fraude cognita agunt petitione here-  
ditatis in eum, idque merito, quia pro possessore possi-  
F



det: sed vt ait *l. 15. necesse habent probare, eum non fuisse filium defuncti; nec ab eo exigitur probatio se fuisse filium.* Et hoc ideo fit in specie *d. l. quia apocha, seu professio fideicommissi soluti, præsumptionem pro eo facit, qui finxit se filium Titij, & in iure semper obseruatur, vt præsumptio, quæ pro vno facit, transferat onus probandi in aliū, l. 24. §. si petum, de fideicom. libert. l. ult. in princ. quod met. caus.* Placet autem quod ait *d. l. 15. quasi mandatu defuncti fideicommissum soluisse: nam mando verbum est fideicommissi precarium, non directum, l. 2. C. comm. de leg. & sane perficitur fideicommissum his verbis, Rogo, mando, sicut & mandatum, l. 1. mand. l. 16. C. de neg. gest. l. quidam, de hered. instit. Virgil.*

--- orans mandata dabat.

in quo Virgilium admiror quod ambiguitatem verbi oro, sustulerit addens, *mandata dabat*: nam oro modo pro mandato est, modo pro hortatione accipitur, *l. si serui mei, de neg. gest. vbi huius verbi duplex significatio apprimè declaratur.* Obiicies, quod ait Accursius, impossibile esse probare genus, se esse filium illius: & adduces *l. Lucius 83. de condit. & demonstr.* Filius suus pure est institutus, aut sub conditione possibili. Nam si filius suus instituitur sub conditione, quæ in potestate eius non est, inutilis est institutio, & nullum testamentum. Finge, filium institutum esse sub ea conditione, si filium se probaret. non valet institutio, quia non est in potestate eius hoc probare. Hinc colligit Accursius, non esse in potestate nostra probare genus: perperam: nam non quodcumque non est in potestate nostra est impossibile; vt si nauis ex Asia venerit, non est impossibile, etsi in nostra potestate non sit: Neque vero distinguo inter patrem & matrem: vt tentat Accursius, nec vna probatio altera difficilior est. Probare est persuadere iudici: aduersario nunquam probaremus. Sed non contingit semper, vt volumus. Conditio igitur, quæ iniungit probationem, non est in nostra potestate, est tamen possibilis: est autem generis seu gentis nomen ambiguum: nam genus est vel à loco, vel à patre, vti memini me legisse in Institutionibus Porphyrij. Possit & genus à matre me non refragante deduci, *l. 6. C. de reb. cred.* Gens igitur à loco, vel à maioribus est. Et inde similiter gentilis dicitur mihi, qui eodem loco eademque patria ortus est, qua ego sum. & ita Gellius *l. 17. cap. 17.* duas & viginti linguas Mithridatem percalluisse non minus, quam si gentilis fuisset, hoc est, ex eadem patria. Item gentilis est, cui nomen familiae idem est, quod mihi: veluti Marco Tullio, Tullius Hostilius, Iulio Cæsari, Iulus Æneæ filius. Agnatio ex vna stirpe manat, gens vero ex pluribus. Ideoque proximiores nobis sunt agnati, quam gentiles, qui vltiores sunt, nec adeo certi atque agnati: agnatio enim ex vna familia conficitur, gens ex pluribus & innumeris: atque ideo 12. tabulæ prius vocant ad curationem furiosorum agnatos quam gentiles *l. 13. sepe, de verb. signific.* & iisdem legibus ad legitimam hereditatem primum vocantur agnati, deinde gentiles. Si intestatus moritur, cui suus heres nec exabit, *agnatus proximus familiam habeto, si agnatus nec erit, gentilis proximus familiam habeto.* Ius igitur agnationis, quod & stirps dicitur, gentilitatis iure proximius est. Ius autem agnationis leges 12. Tab. non nouere: Prætores vero illud nouerunt, sed ei gentilitio iure sublato, gradum locumque postremum post agnatos, dederunt. At Iustinianus Nouella sua 118. c. 4. parem eundemque gradum dedit agnatis & cognatis, voluitque vt proximior cognatus vltimus agnatus à successione legitima excluderet, & retro proximior cognatus, vltiorem cognatum. De differentia igitur generis & gentis, ita constituamus: agnationem ex vna stirpe seu familia: gentem ex pluribus venire: Item agnationem proprio iure familiae suæ contineri: gentem communi iure sanguinis, petita ex longa annorum & sanguinis serie. Cornel. Fronto: *gens*

*A maiorum seriem quarit.* Item agnationis est communis familia, non etiam stirpis. Et ineptissimi sunt, qui hoc in loco gentis nomen referunt ad cognationem: nam gentilitas amittitur quacumque capitis deminutione: cognatio vero non omni capitis deminutione amittitur: §. ult. *Instit. de legitima agnat. tutel.* Possis rectius generis nomen referre & ad agnationem, & ad cognationem, id est, ad lineam virilem, muliebremque.

#### Ad l. 12. De vulg. & pupill.

*Si filius qui patri ac postea fratri ex secundis tabulis heres extitit, hereditatem patris recusat, fraternam autem retinere malit; audiri debet: iustus enim prætorem facturum existimo, si fratri separationem bonorum patris concesserit. Etenim ius dicenti propositum est liberis oneribus hereditariis non sponte susceptis liberare, non inuitos ab hereditate remouere. Præsertim quod remotis tabulis secundis legitimam haberet fratris hereditatem. Itaque legata dimittantur ex secundis tabulis præstari debent, habita ratione facultatum in Falcidia, non patris, vt alius suler, sed impuberis.*

**L**Ex 12. de vulg. & pupill. multas res singulares complectitur. Hoc primum scire oportet: filium familias patri suum heredem esse ex testamento, vel ab intestato, hoc est, *ἀποκληθέντος*: quasi, non tam patris quam sui ipsius heres sit quod viuo patre quasi dominus intelligatur, ideoque mortuo patre continuat dominium in bonis relictis à patre, sibi que ipsi videtur succedere: & eodem modo dicimus suum assentatorem, quasi sui ipsius assentatorem: Item suum fratrem, quasi fratrem sui ipsius, Seneca lib. 3. de benef. Ergo filius statim atque obit pater, heres existit mero iure, ipso iure etiam clausis tabulis testamenti, etiam inuitus & ignorans, *l. in suis, de liber. & post. l. 1. §. qui sunt, si quis omnia caus. test. §. sui autem, Instit. de hered. quæ ab intest.* Existere est repente apparere, quod Græci *ἀπαφαινεσθαι*. Sui heredes existunt confestim: Itemque necessarij heredes. Extranei vero heredes, non ita subito existunt, sed mortuo eo, de cuius bonis agitur, postquam deliberauerunt & fecerunt etiam aliquid, quo declararent se heredes esse velle: neque enim tam iure fiunt, quam facto, vt creatione, aditione, vel gestione pro herede. His modis extranei adquirunt hereditatem: sui hoc solo, quod extiterint statim à morte testatoris, id est, quod apparuerint heredes, & statim à morte testatoris apparuisse intelliguntur, etsi ignorauerint mortem parentis. Existencia igitur, vt interpretes nostri loquuntur, sui heredis, seu *ἀπαφαντος* illa quæ iuris intellectum habet, & contingit ignoranti & inuito, species est acquirendæ hereditatis. Hoc genere adquirunt sui heredes hereditatem, etiam quiescentes aut dormientes: Ceteri autem, non nisi actu interueniente aliquo. Etiam illud addendum est, filium non tantum patri heredem existere ipso iure, sed etiam fratri impuberi, scilicet, si & à patre substitutus sit secundis tabulis, & eueniat casus substitutionis, hoc est, si frater ante pubertatem decesserit. Nam qui patri ex institutione inuitus heres existit, existit etiam fratri ex substitutione pupillari, *l. 2. §. prius, l. sed si plures, §. 1. hoc tit. l. Iulianus, §. 1. de adquir. hered.* dum ait, *vtique, si frater à patre fratri impuberi substitutus sit, sine dubio ei necessarius heres erit*, hoc est, inuitus hereditati fraternæ alligabitur, & vtitur *ἀδελφικῶς*, vtique sine dubio, vt id magis confirmaret. Et hæc quidem ita se habent iure ciuili. Iure Prætorio siue Prætoris beneficio hoc datur filiofamil. si velit, quamuis iure ciuili sit necessarius heres, tum patris ex iure, tum fratris ex substitutione pupillari, vt se abstineat vtriusque hereditate. Iure ciuili non potest: iure prætor. potest se abstinere. Huius autem abstentionis hic erit effectus vt scilicet liberetur per exceptionem. Nam Prætor neminem libe-



rare potest ipso iure, sed ut liberetur per exceptionem, à creditoribus hereditariis, à legatariis, à fideicommissariis & cæteris oneribus. Prætor ex æquo & bono liberat eum, qui sua sponte heres non extitit, *Lex necessarii, de acquir. hered.* ait, eos iure civili creditoribus hereditariis teneri, sed si velint abstinere, non dari actionem. In iure sæpe non dari dicitur actio, quæ non datur efficaciter, quæ datur cum exceptione peremptoria. Hic est effectus abstentionis, ut liberetur ab omnibus oneribus, posita hac exceptione, *si non me abstinui bonis*, sed illud etiam non efficit abstentio, ut desinat esse heres. Obstat definitio seu regula iuris in *l. ei qui solvendo, de hered. instit.* quæ vult, ut qui semel heres extitit, non desinat heres esse. Obstat & modus iurisdictionis Prætoris. Prætor non facit heredem, non dominum: & non efficit igitur, ut qui heres extitit, heres esse desinat data facultate abstinendi, & ideo quia abstinuit se hereditate, nihilominus heres manet, *l. cum quasi, §. sed & si, de fideicom. libert. l. 6. §. si filius, de bon. libert. l. 2. §. sed si sint, ad Tertul.* Est igitur heres nudo nomine, sine re, sine emolumento, sine onere etiam villo: & nudum tamen illud nomen heredis non caret effectu suo: sustinet enim secundas tabulas. Si nemo sit heres defuncti ex primis tabulis, nec re ipsa, nec nomine nudo, non valent secundæ tabulæ: sed si aliquis vel nomine nudo sit heres defuncto ex primis tabulis, valent secundæ, valent legata relicta secundis tabulis, quod hæc lex confirmat & *l. filius, & l. Iulianus, de acquir. hered.* Valent igitur & tutelæ, & libertates, & omnia, quæ vel in primis, vel in secundis tabulis sunt: denique nudum nomen heredis sustinet, corroborat testamentum: quæ est communis opinio, ac verissima. Miror Antonium G. dissentire, & huic legi non respondere, respondere tantum *l. Iulianus*, in qua pupillus scriptus heres abstinuit se, atque ita tantum nomen retinuit, non rem; & tamen consistunt secundæ tabulæ, & comminiscitur in ea specie, quod non extat in tenore legis pupillum, qui se abstinuit miscuisse se bonis ab initio, mixtionem hanc confirmare secundas tabulas, non nudum nomen heredis quod relinquitur post abstentionem. nihil debemus temere comminisci, supplenda sunt quædam, nobis, quæ scripta non sunt. Sed hoc totum quod hic scribit commentitium esse ex eo apparet, quod non possis in concordiam adducere *l. Iulianus*, cum *l. paterfamil. de reb. auctor. ind. possid.* nisi in *l. paterfamil.* dicas abstinuisse eum, qui ab initio miscuerit se bonis: in *l. Iulianus*, qui se ab initio non miscuerat. Sed nec illud ferendum, quod adiciit suum heredem ex testamento non esse. qui hoc scribunt deducendi sunt ad Institutiones, ad *§. sui autem & necessarij, de hered. qual. & diff.* nihil est certius. Etiam illud non fero, ex *l. sed si plures, §. si ex asse, hoc tit.* liquere nudum nomen heredis non confirmare tabulas pupillares. Videamus ut liqueat, quod dicit Iuriconsultus: non sufficere ad vim secundarum tabularum, id est, non confirmari secundas tabulas, si ita factum sit testamentum, ut ex eo hereditas adiri possit, sed necessariam esse aditionem ex eo ait liquere, nudum nomen heredis non confirmare secundas tabulas vobis, ut puto non liquet, neque definitum est: nam de extraneo herede loquitur, qui hereditatem repudiavit, vel omisit non adeundo intra tempora: hic non retinet nudum nomen heredis: & ideo non consistunt secundæ tabulæ, quia nemo heres est nomine vel re. si quis nomine esset, utique consisterent secundæ tabulæ. Videtur nimium studium reprehendendi Bartolum, hic eum induxisse in errorem, sed nihil est verius quam quod aiunt nostri: existentiam sui heredis confirmare secundas tabulas, id est, nudum nomen heredis confirmare omnia, quæ scripta sunt & in primis, & in secundis tabulis. Id satis ostendit *l. nostra*. Primas tabulas dicimus testamentum patris, quo sibi heredem instituit: secundas testamentum filij impuberis, quo pater heredem ei sub-

Quæst. Papin.

Astituit in hunc casum: si antequam pubes existat, vita decesserit, si eo tempore decesserit, quo sibi testamentum facere heredemque in eo instituere non potest: & alij quidem quam filio impuberi nemo recte testamentum facit: nec potest quidem pater filiofamilias puberum facere testamentum, cum possit sibi ipse facere pubes. Et moribus tantum receptum est, ut pater testamentum facere possit filio impuberi, quod valeat tantum ad pubertatem usque. & hoc testamentum appellamus secundas tabulas vel substitutionem pupillarem. Et licet videantur esse duo testamenta, tamen ex Sabini sententia quæ ostenditur in *d. l. paterfamilias*, pro vno habentur. Atque ita duo testamenta, quodammodo in vnum confunduntur. & ideo in ponenda ratione legis Falcidie legata primarum & secundarum tabularum, relicta utroque testamento, quasi vno relicta confunduntur, contri-  
B tribuuntur, communi calculo subiiciuntur, & ex his vna Falcidia deducitur, si superent dodrantem hereditatis paternæ. Bona tamen paternæ, & bona pupillaria non confunduntur, vnum enim est testamentum, sed duorum bonorum, duarum hereditatum, duarum causarum, §. igitur, *Inst. de pupill. subst.* Et ideo in ponenda ratione legis Falcidie computantur bona paternæ tantum, non pupillaria, quæ bonis paternis non miscuntur in quantitate patrimonij excutienda, sed spectatur tantum, quanti sint bona paternæ, nulla ratione habita bonorum pupillarium, & si legata contributa superent dodrantem eius quantitatis, cuius sunt bona patris, vni duntaxat Falcidie locus est. Igitur, ut dicam apertius, si omnibus legatis exsoluendis sufficiant bona patris, ut si omnia legata in viam summam redacta efficiant trecenta & in bonis patris mortis tempore fuerint quadringenta, cessat Falcidia, etiam si iisdem forte legatis exsoluendis non sufficiant bona pupillaria. Et contra si his legatis soluendis non sufficiant bona paternæ, ut si legata paternæ excedant dodrantem, vel assent bonorum patris, locus est Falcidie, hoc est, substitutus impuberis detrahât Falcidiam ex legatis relictis primis vel secundis tabulis, & præter Falcidiam habet etiam bona pupilli integra & illibata. Falcidia igitur detrahatur tantum ex bonis paternis, siue primis, siue secundis tabulis relicta sint legata, quia de suo præstari legata voluerit: & non spectatur, quid sit in bonis pupilli, sed tantum quid in bonis patris: & legata relicta secundis tabulis videntur relicta in primis in ponenda ratione legis Falcidie, ut sola bona paternæ aestimentur, & ut quantitas sola bonorum patris conferatur cum legatis primarum & secundarum tabularum: quæ est definitio  
D *l. in ratione, §. quod vulgo, ad l. Falcid. l. coheredi, §. coheres, hoc tit.* Et hæc regula iuris demonstratur in hac *l.* his verbis: *ut alias solet.* Sed non servatur in specie huius legis. Nam hic legata relicta secundis tabulis præstantur ex hereditate pupillari, & in ineunda ratione legis Falcidie computatur hereditas pupillaris, non paternæ. Huiusce autem legis facio duas partes: vna est de secundis tabulis, an ex eis hereditatem possit obtinere is, qui renunciauit primis? Altera de legatis relictis secundis tabulis, an debeantur, & si debeantur, an præstentur de pupilli bonis, & an in ponenda ratione Falcidie habeatur ratio hereditatis paternæ? Explicabo hodie priorem partem. Finge: Sempronio duo sunt filij, vnus pubes, alter impubes. puberem heredem instituit ex asse, vel ex parte, adiecto coherede extraneo: filium vero impuberem exheredavit, eique secundis tabulis substituit filium puberem, si impubes ante pubertatem vita decederet. licet substituere etiam hoc modo exheredato, quia possunt ei esse aliqua bona adventitia. deinde pater eundem filium sibi, & filio impuberi heredem fecit, filium scilicet puberem, qui mortuo patre ei heres extitit statim: deinde fratri impuberi mortuo, etiam heres extitit statim: posset quidem utriusque bonis se abstinere beneficio Prætoris, at non vult utriusque, sed

F ij



patris tantum. Quæritur an possit? Papinianus ait, Præ-  
torem, ex cuius iurisdictione manat abstinendi facultas,  
(neque enim est hæc facultas ex iure ciuili) iustius fa-  
cturum, si id ei permiserit: vt relinquat bona pa-  
terna, & amplectatur fraterna. Nam, vt ait, edi-  
cto, quo Prætor abstinendi potestatem facit, hoc ei pro-  
positum est, vt liberos soluat oneribus quæ inuiti susce-  
perant, quasi heredes necessarij, dum repente heredes  
existant, non etiam vt remoueat eos ab hereditate, quam  
amplecti desiderant. Atque ita in hac specie filius pubes  
non remouebitur inuitus ab hereditate fratris impube-  
ris, id est, non remouebitur à secundis tabulis, quam-  
uis exoneratus sit primis, nec quo minus patris repudiet  
hereditatem impediatur. Obsequi Prætor vult volunta-  
ti liberorum, non ei obistere: quinimo ei propositum  
est obistere incommodis eorum, non etiam commodis,  
& abstentionis beneficio eos exonerare, non onerare aut  
ludere. Et hoc est, quod ait in primore parte huius leg.  
deinde ait, in filio siue fratre esse præcipuam quandam  
rationem, vt etiam si spreuerit paternam hereditatem,  
retineat fraterne, quia omnimodo habiturus erat fra-  
tris hereditatem ab intestato. Omnimodo, id est, etiam  
deficiente voluntate patris, seu pupillari substitutione.  
Vnde ita concludamus: Qui spernit paternam heredita-  
tem, non ideo protinus remouetur ab alia hereditate,  
quæ ei delata est iudicio & voluntate patris, si & citra  
voluntatem patris habiturus eam fuerit. & frustra re-  
mouetur à substitutione pupillari, qui mox ipso iure ad  
eam hereditatem est peruenturus. Et sane non inuide-  
mus commodum substitutionis pupillaris ei, cui non po-  
test ea res eripi, qui non potest non esse heres fratris  
impuberis. Et huius prioris partis velut brevis summa  
est in l. filius, de acquir. heredit. Filius, inquit, qui se pater-  
na hereditate abstinnit, si exheredati fratris hereditati se im-  
miscuerit, & pro herede gesserit, poterit ex substitutione  
hereditatem obtinere. Hæc lex, inquam, definitio est  
prioris partis huius legis. Ideoque posui filium pube-  
rem substitutum filio impuberi exheredato, sicut l. fi-  
lius, quæ, vt iam dixi, huius l. brevis comprehensio est.  
Alij ponunt puberem filium institutum ex vna parte,  
substitutum filio impuberi ex altera parte instituto,  
id est, coheredem coheredi substitutum fuisse, si in-  
tra pubertatis annos decessisset, & ab eo bona sepa-  
rari posse, ita, vt recuset paterna, & retineat fraterna,  
si locus sit substitutioni. Id vero ratio non patitur: ne-  
que igitur ita species apponi potest ad hanc legem. Nam  
ita posita specie, non potest recusare hereditatem patris,  
quin & recuset fratris, quia portio hereditatis paternæ  
quam recusauit, ad crescit impuberi fratri: atque ita in  
personam impuberis confluunt omnia bona patris, &  
commiscentur cæteris bonis pupilli, vt substitutus qui  
non vult bona paternæ, non possit etiam habere fraterne:  
confusa enim sunt bona in vna persona; & vnus personæ  
hereditas scindi non potest, vt pro parte habeatur, pro  
parte non habeatur. Nam nec legatum quodlibet scin-  
di potest, non possumus honorem, quem nobis moriens  
reliquit, fastidire superbe; aut totum amplecti oportet,  
aut totum recusare. Et ita in extraneo herede sub-  
stituto filio impuberi heredi instituto ex asse aperte de-  
finitum est in l. sed si plures, §. filio, hoc tit. & definien-  
dum idem in fratre coherede, quia eadem ratio in vtro-  
que interuenit, quod iunctæ & coadunatæ sint heredita-  
tes in personam filij, & iam vna est, quæ scindi nequit.  
Et illi etiam censent non distinguendum esse in hac re in-  
ter extraneum & fratrem: quod probo: sed illud non  
probo: vt hoc accipiatur de filio impubere, qui pro par-  
te patri heres extitit: est enim intelligenda, vt dixi, de  
impubere exheredato; & ideo inanem duco esse laborem  
illorum, dum quærunt rationem conciliandæ huius l.  
cum §. filio. neque etiam specie vlla pugnant inuicem:  
non enim est vtraque de substituto coheredis, sed ille  
§. de filio tantum, hæc autem l. est de substituto exhe-

A redati. Substitutus coheredis nullomodo potest induce-  
re separationem bonorū; substitutus exheredati facilli-  
me, quoniam hereditas patris qua se abstinnit: non ad-  
creuit exheredato, sed bona venierunt à creditoribus,  
l. paterfamil. de priu. cred. Videamus tamen quam con-  
ciliationis rationem adinuenerint; nulla cum esset. Di-  
stinguunt abstentionem à separatione bonorū, & dicunt  
in hac l. agi de separatione: at in d. §. filio, agi de abstentione:  
hunc esse modū cōcordiæ. Perperam: nam abstentio,  
quæ ab eis fingitur fuisse in d. §. filio. in eodem §. palā dicitur  
separatio: & vt breuiter dicam, ait, si filio impube-  
ri heredi ex asse instituto substitutus quis sit secundis tabu-  
lis, hic substitutus non potest separare hereditatem: & sub-  
iicit, idem esse si coheres coheredi impuberi substitutus sit:  
idem igitur esse, vt non possit separare hereditatem. &  
B nihil est præterea in d. §. nihil, de abstentione, totus §. est  
de separatione. Si verum amamus, nullum est discrimen  
inter separationem & abstentionem: Nam separa-  
tio nihil aliud est, quam horum bonorum abstentio, &  
illorum retentio. Qui abstinet se bonis paternis & am-  
plectitur fraterna, vtique separat bona, sicut qui repu-  
diat hereditatem paternam, & adit fraterne, id est,  
pupillarem hereditatem. Nam qui apprehendit fraterne,  
auersatur paternæ, quid aliud facit quā vt his abstineat,  
illa apprehendat? Igitur diuersa illi faciunt, quæ sunt  
plane eadem. Sed demus esse diuersa; iuuat scire quam  
constituant rationem differentiarum. Horum differentia  
hæc est: is, qui se abstinnit bonis paternis remouetur à  
pupillaribus, ne videatur partim improbare iudicium  
defuncti, partim approbare, & scindere; quod est absur-  
dum, l. 7. de bon. lib. Et ita accipienda est secunda pars  
C d. §. filio. Altera est: is, qui impetravit separationem bo-  
norum, non improbat iudicium defuncti, & ideo non  
remouetur à substitutione pupillari, vt in hac l. & ab-  
stentio & separatio impetratur à Prætoribus: & siue absten-  
tionem impetres, siue separationem, quid aliud agis,  
quam, vt partim probes, partim improbes iudicium  
defuncti: non minus id agis, si separe bona, quam si te  
abstineas à bonis paternis? Hæc igitur ratio differentiarum  
non est idonea: in ea igitur non est insistendum: res est  
clarissima. non eadem est species huius legis, quæ §.  
filio. Hæc lex est de substituto exheredati qui si se ab-  
stinuit paternis bonis, non remouetur propterea à frater-  
nis, quæ omnimodo habiturus esset, etiam si non fuisset  
D substitutus. In d. §. filio, agitur de coherede substituto  
coheredi, qui si omittat hereditatem paternam, nec pu-  
pillarem habebit, ne eandem vnus personæ pecuniam  
scindat. Verum vt nihil ad hæc desideretur, nobis sunt  
diligentius explicandi tres casus, qui proponuntur in d.  
§. filio, & in §. seq. Hi tres casus sunt diuersi à casu huius  
legis, ideo distinguendi accurate, ne quid nos pertur-  
bet. Prior est, filio impuberi instituto ex asse quidam  
substitutus est secundis tabulis. nihil refert hoc casu,  
quis ille fuerit, extraneus aut frater. Nam quisquis fue-  
rit, si pupillus se non abstinnuerit ab hereditate patris,  
à quo fuit institutus ex asse, & obierit impubes, substi-  
tutus eius non potest separare hereditates, vt patris ha-  
beat, fratris non habeat, sed vtriusque hereditatem, aut  
neutrius habere debet, quia in vna persona iuncta esse  
E cœpit hereditas. Et hoc vt dixi, si filius impubes non  
abstinnuerit se bonis paternis. Quæro quid sit dicendum  
si institutus ex asse abstinnuerit se bonis paternis, & alia  
habeat bona, si moriatur ante pubertatem, an substi-  
tutus cogetur respondere creditoribus paternis? Iulia-  
nus putat obligari, l. Iulianus, 42. de acquir. hereditate.  
cuius sententia merito reprehenditur à Marcello, quia  
hæc sententia impugnat vtilitatem pupilli, quandoqui-  
dem efficit, ne quis pupillo velit heres esse ex substitu-  
tione, si substitutus cogatur ferre onera patris, qui nihil  
tulit ex eius bonis, cum iis se abstinnuerit pupillus cui  
succedit: nemo vult heres esse pupillo sub hac condi-  
tione, sed repudiabit, aut etiam si possit venire ab in-



testato, ut si substitutus sit fratri, omittet causam substitutionis, & ab intestato veniet ad hereditatem, quod faciet impune, id est, non incidet in edictum *si quis omissa causa testamenti*. Cuius hæc est sententia, ut qui omissa causa testamenti, ab intestato vult succedere, perinde obligetur, ac si ex testamento successisset: nam cum mutando causam successionis voluerit fraudare creditores & legatarios, æquum est, ut & ipse hac spe multetur per hoc edictum, *l. si duo heredes 18. D. si quis omis. caus. testam.* & hoc obtinet tantum, quoties dolo maloid fecit propter suum compendium & detrimentum alterius: neque enim cuiquam interdictum est, ut omittat hereditatem, si sine fraude id fiat. *l. quia autem §. si patronus in fid. cod.* In specie *l. Iulianus*, fraude caret, quia id facit, non ut euitet onera qui mauult succedere ab intestato, sed ut vitet onera patris, quæ etiam iniquum erat in eum conferri, cum ex bonis parentis nihil habeat ob abstentionem pupilli: & quod de fratre notat Marcellus, recte Vlpian. interpretatur de fratre patris, id est, patruo impuberis. Nam frater impuberis cum sit necessarius, non posset omittere causam substitutionis sine beneficio pretoris; Ergo concludamus. Qui ex substitutione pupillari obtinet bona pupilli & se abstinit bonis paternis, non cogitur respondere creditoribus paternis, cum commoda non senserit. Sed huic definitioni aduersatur *l. paterfamil. de priu. cred.* quæ aperte docet, pupillo se abstinente bonis paternis, ac substituto ei succedente ex causa substitutionis, substitutum teneri creditoribus paternis, quibus tamen non tenebatur pupillus ob abstentionem: & res difficilis est, nisi ita distinguamus. Aut pupillus, qui se abstinit bonis paternis, miscuerat se ante iis bonis: & hoc casu, si substitutus adierit hereditatem pupilli, obligatur etiam inuitus in omnes alienum patris & filij, quasi vnum testamentum, & abstentio filij ei proficiat soli, non substituto eius: & pupillum miscuisse se bonis paternis ab initio, hoc est, priusquam se abstineret: hoc dicit aperte *l. paterfamilia.* hoc non fingimus. Lex autem *Iulianus* non exprimit an miscuerit se pupillus, necne bonis paternis ante abstentionem. Dicam igitur potius se non miscuisse pupillum in *d. l. Iulianus*, & hoc casu abstentionem proficere substituto: abstentionem, quam non præcessit mixtio vlla, porrigi & ad substitutum, ut non teneatur creditoribus paternis. Secundus casus §. *filio*, hic est: Coheres coheredi impuberi substitutus est. hoc casu nihil interest, substitutus sit filius aut frater. Si substitutus recuset bona patris, remouetur à bonis pupilli, quia iuncta esse cœperunt in persona pupilli. & contra si agnouerit bona patris, necesse erit agnoscere pupilli bona, *l. quidam C. de iur. deliber.* Denique non potest substitutus inducere separationem: nec igitur hic casus apponi potest ad *l. nostrā*, quæ admittit separationem: hic enim casus est de substituto coheredis, lex nostra de substituto exheredati. Tertius casus §. *si ex asse*, est: Heres institutus ex asse substitutus est filio exheredato, & recusauit hereditatem paternam. In hoc casu distinguere debemus omnino, ac separare extraneum à fratre. Et primum loquamur de extraneo. Finge igitur: Hic extraneus institutus est ex asse impuberi substitutus repudiatur hereditatē patris, non habet substitutum vulgarem: an potest capere hereditatem pupilli, si casus substitutionis existat? Minime, quia nulla est institutio. Si nulla est institutio, nulla est substitutio. Si nullum testamentum patris, nullum est filij: nullum est autem testamentum patris quod destituitur; & repudiatur. nec vllus est heres, vel re, vel nomine. Sed si fuerit suus heres ex asse, & abstinerit, non impeditur capere hereditatem pupillarem, quia valet substitutio pupillaris: nam licet substitutus abstineat se bonis paternis, sustinet tamen nudum nomen heredis, quod non adimit abstentio. Et ad hunc casum pertinet *lex quæstum*, 40. *de adquir. vel. omitt. her. l. filius*, 41. *cod. tit. quæ con-*

gruit cum *l. nostrā*, lex *quæstum* pugnat omnimodo, ergo & cum *l. filius*. Sunt due *ll. affines*, quæ pugnant inuicem. Heres institutus est à patre, idemque substitutus impuberi filio: substitutus nihil attingit ex hereditate patris: quæritur, an cogatur respondere creditoribus paternis, si propter voluntatem patris aliquid aliud habeat, vel faciat, ut puta, quia impuberi filio fuit substitutus, & immiscuit se hereditati impuberis. hanc hereditatem habet ex iudicio & voluntate patris, qui eum filio impuberi substituit, an propterea obligatur creditoribus paternis? videtur obligari, quia incidit in edictum, de quo ante egimus, scilicet, *si quis omis. caus. test.* quod tamen prima specie non videtur: nam in illud edictum incidit secundum verba, qui omittit causam testamenti & possidet hereditatem ab intestato, sed secundum sententiam edicti & in edictum incidit, qui omittit institutionem & amplectitur substitutionem, *l. Iulianus, si quis omissa causa test.* Et similiter incidit in sententiam edicti, qui omittit hereditatem paternam, & amplectitur pupillarem. Si incidit, ergo tenetur creditoribus paternis, ac si attigisset hereditatem paternam. Denique ita concludit; aut si semiscuit hereditati pupillari, tenetur etiā creditoribus paternis: aut si spreuit hereditatem patris, nec quidquam consequitur ex substitutione, debet etiam filij hereditatem spernere, quia, qui iudicium patris semel oppugnavit, nihil debet consequi ex substitutione pupillari, id est, qui primas tabulas oppugnavit, dum eas reiecit & repudiavit, nihil debet consequi ex secundis. Sed distinguit Marcellus: Aut enim ex parte filius heres institutus est adiecto extraneo coherede, aut ex asse. Si ex parte & spernat hereditatem patris, non prohiberetur capere hereditatem pupilli, quia non oppugnavit iudicium patris, cum habuerit coheredem, à quo sustinebantur primæ tabulæ, ne ruerent, sed si fuerit ex asse institutus, & repudiaverit hereditatem patris, repellitur etiam à substitutione, nec ex secundis tabulis quicquam obtinebit, quia euertit primas: aut si ex secundis tabulis speret lucrum, debet ferre onera primarum. Hoc vult *l. quæstum*: ex qua colligitur etiam, qui recusauit hereditatem paternam arceri à pupillari. Verum considerandum est, *l. filius* loqui de filio instituto & substituto fratri exheredato: quæ etiam est species *l. nostræ*. At *d. l. quæstum*, non loquitur de filio, licet memoret sæpe patris successionem: quod facit respectu pupilli, non heredis instituti, qui extraneus fuit: quæ est vltima animaduersionis Accursij nostri ad *d. l. filius*, ut scilicet *d. l. quæstum*, de extraneo intelligatur, non de filio: nec sane querenda est alia conciliationis ratio. Enimvero si vtraque lex de filio intelligatur, & quæris rationem componendi dissidij, frustra fueris diligens. Caterum ratio differentiarum summa est: si filius institutus sit ex asse, & substitutus fratri exheredato, ac se abstinerit bonis paternis, non repellitur à substitutione pupillari propter priorem abstentionem, quia etiam si non fuisset substitutus, quæ ratio non valet in extraneo, tamen successisset iure legitimo, qui cum euertit primas tabulas repudiando hereditatem paternam, ita plectitur ut cadat secundis, aut si commodum caperet secundarum tabularum, ferre etiam debet incommodum primarum, quæ est sententia *d. §. filio*. Intelleximus ex prior parte huius legis, filium, qui se abstinit hereditate paternam, non repelli ab hereditate fratris impuberis exheredati, cui secundis tabulis substitutus est, & nihil obitare *l. sed si plures §. filio*, & §. *si ex asse*, hoc tit. nihil *l. quæstum*, *de adquir. heredit.* posita differentia inter filium & extraneum: extraneum quidem institutum ex asse, qui omittit hereditatem paternam, non admitti ad substitutionem pupillarem. Filium qui abstinit à paternam, frustra repelli à substitutione fratris: qui si repellatur, mox ad eam redit iure legitimo. Denique intelleximus non pugnare *l. paterf. de priuileg. cred.* cum *l. Iulianus*, *de adquir. heredit.* posita differentia inter eum qui miscet se bonis



paternis, antequam abstinere, & cum qui non miscuit se: nam si pupillus miscuit se bonis paternis, ante quam abstinere, substitutus qui impuberis hereditatem adit, obligatur creditoribus hereditariis. mistio nocet heredi pupilli, & abstentio soli pupillo prodest. Quod si pupillus non miscuerit se bonis paternis, abstentio liberat etiam heredem ab oneribus paternis. Tractemus de posteriori parte l. Filio abstinente se bonis paternis & retinente permissu prætoris substitutionem & ita facta separatione bonorum, colligit Papinianus, sic fieri ut legata debeantur ex secundis tabulis, non ex primis. Fuere relicta primis, sed ea præstantur ex secundis, quia beneficio abstentionis liberatus est oneribus primarum tabularum, diuisa sunt bona, diuisa ergo erunt onera: pupillaria bona agnoscit, non paterna. Dices, non debentur etiam legata relicta secundis tabulis hac ratione, quia à substituto exheredati, vel etiam à legitimo exheredati herede legata inutiliter relinquuntur: non enim plus iuris habet in substituto, quam in eo, cui substitutus erat: ab exheredato inutiliter legaret, hoc est certissimum: ergo & ab exheredato substituto, *l. ab exheredati, in pri. de leg. 1. l. qui fundum, §. qui filios, ad leg. Falc.* & in specie proposita, legata relicta sunt à substituto exheredati, sed dicas vtiliter legata relinqui à substituto exheredati, si & ipse substitutus sit institutus primis tabulis, *l. in ratione, §. ult. ad leg. Falcid. l. plane, in princ. de leg. 1.* Et hoc loco filius substitutus fratri impuberi, à quo legata relicta sunt secundis tabulis, fuit etiam institutus primis tabulis, nec desinit esse, quamuis abstinerit & per eum steterit, ne hereditatem haberet: neque enim prætor per beneficium abstentionis efficere unquam potest, ut qui semel heres extitit, desinat heres esse. Merito igitur debet legata à se relicta secundis tabulis. At quaeritur, si oneratus sit legatis & ponatur ratio legis Falcidiae, Falcidia enim minuit onus legatorum: Quaeritur, inquam, in quibus bonis ponenda sit ratio legis Falcidiae? In ponenda ratione legis Falcidiae comparamus bona, ex quibus præstantur legata, cum ipsis legatis, & æstimamus quanti sint bona, quanti legata; & legata redigimus ad modum dodrantis, si exsuperent, ut heredi quadrans eorum bonorum superfit: ponenda est igitur Falcidiae ratio in bonis. Sed in quibus? an in bonis quæ pater mortis tempore reliquit, an in his, quæ frater reliquit mortis tempore, cui substitutus est quis, an habebitur ratio bonorum paternorum, aut pupillarium? Si substitutus non abstinerit se bonis paternis, vel qua alia ratione bona paterna ad eum peruenerint, legata relicta primis, & secundis tabulis soluuntur habita ratione bonorum paternorum, non pupillarium, id est, eorum bonorum, quæ pater reliquit mortis tempore; non spectabitur quanti sint pupilli bona, sed quanti sint bona patris mortis suæ tempore, ut ecce si legata omnia primarum & secundarum tabularum permixta superarent dodrantem bonorum paternorum, detraheretur vel suppleretur Falcidia, id est, quadrans bonorum paternorum, etiam si opulenta esset hereditas pupilli, & ita institutus haberet Falcidiam bonorum paternorum & integram pupilli hereditatem. Quod si legata non excederent dodrantem bonorum paternorum, non detraheretur Falcidia, etsi per se inspecta legata secundarum tabularum ampliora essent bonis pupillaribus, & absumerent bona pupillaria, quod sit idonea hereditas patris, quæ sola intuenda est: atque ita substitutus teneretur legatariis secundarum tabularum ultra vires hereditatis pupillaris *l. in ratione, §. quod vulgo, ad leg. Falcid. l. coheredi, §. coheres, de vulg. & pup. subst. l. non solum, §. ult. de liber. leg.* quæ legata relicta secundis tabulis in hac parte iuris, quæ est de Falcidia & detractio legatorum, perinde habentur, ac si essent relicta primis tabulis, & reuocantur ad rationem primarum tabularum, & ad rationem patrimonij, quod primis tabulis continetur, & comparantur ea legata cum bonis paternis, non cum bonis pupilli, &

A soluuntur ex bonis paternis, & in hac parte iuris substitutus comparatur instituto ex his bonis, in quibus substitutus est, *d. l. in ratione, §. quod vulgo.* Et ad summam, in ponenda ratione legis Falcidiae sic habetur ratio legatorum, ac si nullæ extarent secundæ tabulæ, nulla bona pupillaria: nulla denique alia præter paterna. Est qui scripserit, legata relicta secundis tabulis solui de hereditate pupilli: quod non est admitendum. Id pugnat cum *d. l. in ratione, §. quod vulgo.* cum ait: *de suo quadrante, nimirum dabit substitutus, quoniam pater legauit de suo.* & ita Florentiæ: & ita in Basil. *ἐκ τοῦ ἰδίου ἑδοξε λεγατέιν:* & recte si de suo legauit pater, ea quoque de suo præstari voluit. Præstabuntur ergo de bonis paternis, non pupilli: & quod ait de suo quadrante dabit, id est, ea legata implebit substitutus de quadrante bonorum paternorum, quem solum habebat mortis tempore, quo in bonis paternis erant 400. in legatis 300. Sed post mortem finge periisse centum, ea centum substituto perierunt, non legatariis, reliqua trecenta omnino præstanda sunt legatariis sine deminutione: atque ita substitutus perdit quadrantem, quem habebat mortis tempore, tum ut consulatur legatariis, tum etiam quia mortis tempore idonea erat hereditas patris: & in ponenda quantitate patrimonij hoc tantum tempus spectatur, *l. in quantitate, ad leg. Falcid.* Verum longe alia est species l. nostræ: Substitutus abstinuit se bonis paternis, non peruenerunt ad substitutum vlla bona paterna; & substitutus est non coheredi, sed exheredato. Ratio igitur non fert, ut legata relicta secundis tabulis referamus ad rationes patrimonij paterni, quo se abstinuit substitutus; sed cogimur illud tantum spectare, quod retinet, nempe pupillare, & pro eius modo & quantitate vel Falcidiam inducere, vel non inducere. Itaque præstabuntur sola legata secundarum tabularum habita ratione bonorum pupillarium, & de bonis pupillaribus salua Falcidia, nec ultra vires hereditatis pupillaris, aut ultra dodrantem præstabuntur. Et hoc est, quod ait in secunda parte huius legis. Itaque inquit, legata, &c.

#### Ad l. 8. de collation.

D Nonnunquam prætor variantem non repellit, & consilium mutantis non adspernatur. Vnde quidam filium emancipatum, qui de bonis conferendis cauere fratribus voluit, audiendum postea putauerunt, si vellet ablata cautione beneficium bonorum possessionis exercere. Tamen si responderi potest, videri eum possessionem repudiasse, qui formam possessionis conseruare voluit: sed benignior est diuersa sententia, maxime cum de bonis parentis inter fratres disputetur. quæ tamen facilius admittendum existimo, si intra tempus delata possessionis cautionem offerat: nam post annum, quam delata esset bonorum possessio, voluntariam moram cautionis admittere, difficilius est.

E Nil est in Papin. quod non sit singulare admodum. Superiore lege habuimus casum, quo legata relicta secundis tabulis soluuntur de bonis pupilli contra reg. iuris. Habebimus hodie similem casum in hac l. 8. quo quis potest mutare consilium in alterius fraudem iniuriamque: nam & hoc est contra regulam iuris. Hoc autem ut intelligatur, sciendum est, filio emancipato non dari bonorum possessionem unde liberi ab intestato, vel etiam eidem præterito testamento patris non dari bonorum possessionem contra tabulas, vel datam sine re constitui, id est, non diuidi inter eum & fratres, qui remanserunt in potestate, hereditatem patris, nisi cum satisfactione cauerit iis, qui in potestate remanserunt, de bonis propriis conferendis, quæ moriente patre habuit, aut nisi statim ex bona fide bonorum priorum diuisionem fecerit cum fratribus, quo iure etiam utimur hodie. Emancipatus filius, qui appetit bona paterna, vult



debet in medium conferre bona propria ex hoc edicto, quasi paterna, quia ipse ius filij habere vult, & venire in partem bonorū paternorum vna cū filiis qui in potestate remanserunt. Bona autem quæ filiorum sunt, patris sunt: Ac proinde non aliter succedet, quam si bona propria contulerit. Collatio fit vel cautione, vel re ipsa, id est, diuisione, l. 1. §. *inbet*, & §. *quamuis*, hoc tit. l. pen. §. *videamus*, de bonor. poss. cont. tab. Plerumque autem collatio fit cautione, quia cum possint bona quædam propria emancipati esse in occulto: non satis videtur conferre, qui non cauit, quamuis diuidat bona propria, & conferat in medium, ac in commune redigat. Melius est igitur cautione conferre, id est, cauere de conferendis bonis propriis datis fideiussoribus, quæ scilicet eius fuisse propria quandoque constiterit, quam diuidi, id est, re ipsa collationem fieri. conferunt, vt dixi, emancipati suis, id est, iis, qui in potestate remanserunt, quia suos, qui iure ciuili soli erant heredes patris, incommodo quodam afficiunt, dum iure prætorio volunt venire in partem bonorum paternorum, l. 1. §. *toties*, hoc tit. Equum est igitur, vt emancipati eis conferant bona quæ post emancipationem adquisierunt, ac si ea adquisissent patri non sibi. Conferre, est bona propria paternis commiscere, vt omnia simul inter fratres emancipatos & suos diuidantur ex æquo, quasi vnum sit patrimonium paternum. Emancipati sibi inuicem non conferunt, l. ult. §. *ult.* l. 2. §. *si tres* l. 3. §. *quotiens*, hoc tit. l. *si emancipati*, C. de collat. quia alter alteri non est incommodo: sunt enim omnes pari iure: inter fratres inæquales collatio locum habet, non inter æquales: ac propterea sui etiam non conferunt emancipatis plerumque, quia nihil habent, quod conferant præter dotem aut donationem propter nuptias, quam conferunt: Castrense autem pecunium, vel quasi, nunquam conferunt vel sui vel emancipati, sed ea retinent præcipua, vel præcipui titulo, quod dicimus *par præciput*, l. 1. §. *nec castrense*, hoc tit. Præterea sui testamentum non faciunt, quia, vt ait Vlpian. nihil habent proprium, vt de eo testari possint. cuius sunt in potestate & in eius potestate ac dominio sunt bona eorum quæcumque sibi adquirunt. Dionysius 8. *viuo patre nihil habent proprium filij sui, sed ius est patri in bonis, tum in corpore, vt de iis possit statuere vt libet.* & ea ratione dicuntur sui non conferre emancipatis. Diximus plerumque satisfactione, idonea cautione collationem fieri: quid fiet, si filius emancipatus non caueat & paterna tamen appetat, vel etiam ea possideat pro sua portione: nam bonorum possessio emancipato dari potest, etsi nondum contulerit, quæ tamen constituitur sine re, nisi postea contulerit, quia vt ait Papin. in hac l. forma bonor. possessionis hæc est, vt qui non contulerit bona propria, non possit eius beneficio uti. Et distinguendum est ea in re, aut per inopiam filius emanc. non potest cauere de conferendo, aut per contumaciam noluit. Si per inopiam non potuit cauere, vt vix reperitur vlli, qui pro inope velint fidei iubere, non statim ab eo transferenda est possessio portionis suæ, sed sustinendum donec sponsores inuenerit, ita tamen, vt interim fratribus, qui in potestate remanserunt, actio detur de his, quæ mora deteriora futura sunt, id est, quæ tempore pereunt, l. 2. in fin. hoc tit. qui locus est obscurus, nisi actionem accipias pro auctione, quod frequentissimum est in his libris. Ambrosius ex Basilio de Tob. *liberos pro paterno debito in actionem deduci fratribus.* Basilius, *eis το δεσμειον.* Hic est sensus l. 2. §. *ult.* hoc tit. Aut si in portione filij emancipati sunt quædam, quæ seruari non possunt, de iis dabitur actio, vel auctio, id est, ius vendendarum rerum, dummodo caueant emancipato de restituenda pecunia, quam ex auctione redegerint, quoties propria contulerit: & si non caueant, non dabitur illis actio, vt vendant, sed dabitur curator portionis emancipati, qui eam rem peragat & vendat, & pecuniam ei feruet, l. 1. §. *si*

A *frater*, hoc tit. Hic est ordo iuris, quum frater emancipatus non potest per inopiam cauere, & quum fratres non contenti diuisione, cautionem exigunt, existimantes latere multa ex bonis fratris emancipati, nec prodi ab eo omnia. Quod si per contumaciam nolit cauere de conferendis bonis propriis, hoc casu statim transferenda ab eo possessio est portionis suæ, & deneganda ei sunt petitiones possessoria seu hereditaria, perinde ac si bonorum possessionem non accepisset, vt est in l. 2. §. *penult.* l. 3. in princ. hoc tit. l. 11. 12. 14. 16. C. de collat. Et hæc locum habent, cum data iam est bonor. possessio: nam si nondum data sit, denegabitur, quum propalam negabit se satisfaturum, quandoquidem hoc genere videtur repudiasse bonorum possessionem, cum palam edixerit, se eius formam obseruare nolle, id est, non cauere velle. Denique, qui per contumaciam non cauet, vel repudiare videtur commodum bonorum possessionis, vel ei renuntiare. Quod si initio dixerit, se nolle cauere, & postea pœnitentia actus offerat cautionem, an audietur? an poterit emendare contumaciam suam, an audietur? an postea pœnitentia actus offerat cautionem, & commodum seu beneficium bonorum possessionis repetere, quod per contumaciam cecidisse videtur? An, inquam, pœnitens recipit ius pristinum? Hæc est quæstio huius l. Et sane videtur non esse audiendus secundum regulam iuris, quia nemo potest mutare consilium suum in fraudem alterius, l. 75. de regul. iur. quæ est Papiniani ex eodem libro, & est præponenda huic l. quia hæc lex huius regulæ est exceptio. Hic mutat consilium suum in fraudem fratrum, qui in potestate remanserunt, nam ad eos iam pertinebat tota hereditas. Nemo ambigit, quin liceat sine alterius iniuria mutare consilium, l. *de atate*, §. *ult.* de interrog. in iur. fac. Si interrogatus in iure ab aduersario, an heres sim, & respondeam, me non esse: mihi licebit postea pœnitere, & respondere, me esse: quod responso obligabor aduersario: & ex ea pœnitentia non læditur aduersarius, imo commodum maximo afficitur: quia ex responso meo ei paratur actio in me vt heredem: licet igitur pœnitere sine cautione alterius. Et ita, si pecuniam tibi dedi, vt Stichum manumitteres, est mihi condictio pecuniæ vel ex cessatione tua si cesses Stichum manumittere, vel ex pœnitentia mea, si iam nolim Stichum manumittere, l. 3. §. 1. de cond. caus. data. Nec enim hæc pœnitentia nocet alteri, cum nondum manumissus sit Stichus, & res in integro sit. licet mihi re integra reuocare mandatum licet etiam mutare testamentum re integra, cum nullum ius ex eo me viuo alteri quæsitum sit, nec id inconstantis est. Nemo doctus, inquit ille, mutationem consilij esse inconstantiam dixerit. Sed in fraudem alterius mutare non licet. Finge: Vendidi tibi fundum ea lege, vt nisi ad diem solueres pretium, res esset inempta, quæ dicitur lex commissaria: non soluisti ad diem. Est in arbitrio venditoris, vt utatur lege venditionis, rescissa venditione, vel vt pretium petat si nolit vt lege commissoria: & de alterutro hoc vel illud debet, constituere, id est, eligere. Sed si semel vnum elegerit, non poterit variare, quia ea variatio seu mutatio consilij fraudi esset emptori, l. *si fundus*, §. *eleganter*, de lege commiss. Et ita si filius præteritus testamento patris iudicium patris forte legato vel fideicommiss. accepto approbet, iam non potest petere bonorum possessionem contra tabulas, relicto leg. aut fid. hoc enim esset fraudi heredi scripto, cui ius omne adquisitum est, l. *si filius*, de minor. Et similiter, si creditores hereditarij impetrauerint separationem bonorum, cum existimarent hereditatem esse idoneam, heredem non item, & nollent creditores hereditarij misceri creditoribus heredis, sed solui sibi de bonis hereditariis: creditoribus vero heredis solui de bonis heredis propriis: si inquam creditores hereditarij separationem bonorum impetrauerint, & postea non idonea hereditas inueniatur, heres autem idoneus: an possunt mutare sententiam & discedere a separatione, & reuerti ad he-



redem? Minime: sed perstare debent in eo, quod elegerunt, ne fraudent heredem commodo, quod ei ex hac re contigit. Innumeris exemplis hoc probare possis, quæ passim occurrunt. Sed tamen in specie proposita ex æquo & bono auditur filius emancipatus, qui mutat consilium suum. Noluit per contumaciam initio cauere de conferendis bonis propriis, atque ita excidit commodo bonorum possessionis, & id omne recidit in fratres; nunc pœnitentia ductus, paratus est cauere, & postulat, ut sibi liceat exercere & exequi beneficium bonorum possessionis contra tabulas, vel unde liberi, non videtur quidem summo iure admittendus. Sed non semper summum ius iustitia est. Iustitia est ἀρετή, non μεσότης ut ait Philosophus. Igitur auditur filius emancipatus ex æquo & bono, cum maxime de bonis paternis inter fratres disceptetur. Hoc maxime notandum est, quia multæ sic dirimuntur controuersiæ: ex ea enim constituimus, quoties inter fratres de bonis paternis lis est, non spectari regulas iuris, quæ omnes sunt summi iuris, sed benignitatem & æquitatem. Et hoc utique procedit, ut ait Papin. si intra tempora delatæ possessionis, hoc est, intra annum mutet consilium & corrigat factum. nam post tempora vix audietur, inquit, sera est enim pœnitentia post annum delatæ possessionis. Si pœniteat, difficilior audietur: nam ut audietur etiam post annum, hoc positum est in arbitrio Prætoris, sed vix audietur, quia sera est pœnitentia. Nam si post annum non potest petere bonorum possessionem, nec igitur post annum bonorum possessionis commodo frui poterit, qui excidit ante annum. Confirmatur hæc æquitas, l. 1. §. si frater, D. hoc tit. dum ait, fratrem qui per contumaciam non cavit, postea oblata cautione recipere pristinum ius. Quod tamen explicandum est secundum sententiam Papin. Florentiæ sic scriptum: non repellit, & consilium mutantis non aspernatur: verum, omnino legendum: consilium mutantem, ut in Basilicis τὸ μεταμέλειον. Cum igitur Papinianus posuisset hanc regulam, nemo potest mutare consilium in detrimentum alterius; mox subiicit exceptionem, filium pœnitere posse, etiamsi videatur pertinere ad iniuriam alterius, scilicet fratrum. Et ut alio exemplo demonstrarem, non esse ad viuum rescanda ea, de quibus disceptatur inter fratres de bonis paternis, id petamus, ex l. 3. C. de inoff. test. Finge: mater extraneum heredem instituit, & post testamentum filium peperit, quem testamento præterierat, matris præteritio est exheredatio. Secus de patris præteritione. filius præteritus agit querela aduersus heredem scriptum, & rescindit totum testamentum. Quod si mater filium suum heredem instituerit, & post testamentum alium filium pepererit, quem præteritione exheredauit, an hic filius aget querela aduersus fratrem, & totum rescindet testamentum? Minime, si mulier in puerperio diem suum obierit, nec ei licuerit rumpere testamentum, hic filius præteritus non rescindet totum, sed adcreset fratri in dimidiā partem, quod mitius inter se agere debeant fratres de bonis paternis. Ac similiter, ut Paulus notat 4. sent. de querela inoff. Si duo sint filij heredes instituti ex debita portione, & tertius ex minore portione, quam sit legitima, an hic tertius aget aduersus fratres querela testam. Ageret utique aduersus extraneum: non enim tantum filius exheredatus vel præteritus, sed & qui institutus est ex minori parte, quam sit legitima, agere potest querela inofficiosa secundum ius vetus; quod quidem obtinuit ante constitutionem Iustiniani de supplenda legitima, quæ est, l. 35. de inoffic. testam. Sed aduersus fratres coheredes in hoc tantum aget, ut suppleatur pars legitima, etiam secundum ius vetus: nam quoties inter fratres agitur de bonis paternis vel maternis, sequimur quod benignius sit, ac mitius: non regulas iuris, quæ summi iuris definitiones sunt.

A

## Ad l. 18. de operis noui nuntiat.

*Adibus communibus, si ob opus nouum nuntiatio uni fiat, si quidem ex voluntate omnium opus fiat, omnes nuntiatio tenebit. Si vero quidam ignorent, in solidum obligabitur, qui contra edictum prætoris fecerit.*

§. 1. Nec ad rem pertinet, cuius solum sit, in quo opus fiat, sed quis eius soli possessor inueniatur, modo si eius nomine opus fiat.

Q VOD in hoc edicto de operis noui nuntiatione cauetur, etsi notum sit omnibus, tamen initio exponi necesse est. Hoc edicto consulitur vicino aduersus vicinum, qui quid in suo molitur, aut demolitur, quod vicino nocere possit: Nam is, cui opus nouum quod vicinus facit vel instituit nocere potest, si vereatur, ne ex eo opere ius suum deterius fiat, potest prohibere vicinum, id est, denuntiare, ne quid noui operis instituat, testibus præsentibus etiam non adito prætore: etsi hodie moribus nostris necesse sit nuntiationem fieri auctore iudice: & nuntiari his verbis: Denuntio tibi, ne quid operis me inuito in illo loco facias. Hæc nuntiatio permittitur ipso iure, id est, ex edicto prætoris, & hunc effectum habet, ut, qui ei non obtemperauerit, id est, qui non destiterit ab opere, sicuti denuntiatum est, quidquid post denuntiationem fecerit, compellatur destruere, aut restituere edicto restitutorio, cuius formula hæc est: Quod aduersus edictum fecerit: nam, qui facit contra nuntiationem vicini, videtur contra edictum facere, in l. 5. §. si quis forte, l. si opus, §. ult. l. ult. hoc tit. l. 20. §. 1. eod. tit. l. 22. & ult. eod. l. ult. ne quid in loco publ. l. qui verante, de reg. iur. l. prætor, §. 1. hoc tit. Secundum superiores locos omnino legendum est in d. l. prætor, §. 1. qui facit contra nuntiationem, etsi ius faciendi habuit, tamen contra edictum prætoris facere videtur. Legendum est edictum, non interdictum. Nuntiat nouum opus non tam is qui nuntiat, quam prætor. Igitur, qui pergit facere nec desistit ab opere post denuntiationem, contra edictum prætoris facit, & subiicitur interdicto restitutorio, quo compellitur restituere rem in eum statum, quo fuit nuntiationis tempore. Et hoc ita procedit, si quid is, cui nuntiatum est, faciat post nuntiationem, antequam prætor remiserit nuntiationem, quod facit causa cognita: post remissionem nuntiationis licet ædificare. remissio abolitio est nuntiationis. remissionis vicem obtinet satisfactio, veluti, si is, cui facta est nuntiatio, satisfact se restitutum omnia in pristinum statum, si iudicatum erit eum non habuisse ius faciendi noui operis, & eum qui nuntiauit, ius habuisse: nam post eam satisfactionem impune ædificabit, hoc est, non tenebitur edicto restitutorio. In hac l. 18. quaeritur, si ædes, in quibus nouum opus sit, sint communes inter duos, aut plures, vtrum nuntiatio sit facienda omnibus, an satis sit fieri uni ex sociis? Et definit eleganter Papinian. satis esse si uni ex sociis nuntiatio fiat: uni factam nuntiationem, omnibus factam videri. Sed si post nuntiationem quidam opus fecerint, quidam non, hi qui non fecerunt, non tenebuntur edicto restitutorio, sed is solus in solidum tenebitur, qui non paruit nuntiationi, cuius factum non nocere debet alij, qui nihil fecit, quique facienti assensus non est, l. de pupillo, §. si plurium, hoc tit. Igitur nuntiatio omnes tenet, etiamsi facta sit uni; si omnes fecerint opus, id est, si omnium voluntate factum sit opus, utique omnes tenebuntur edicto restitutorio, non tantum, ut patientiam præstent, quod voluit Accursius. sed etiam, ut impensa sua suisque sumptibus opus post nuntiationem factum restituant, quia fecisse videntur, etiam qui non fecerunt, si alij voluntate eorum fecerint, ne sit lusoria nuntiatio, & lusorium edictum prætoris, l. ult. ne quid in loco publ. Sed si non fecerint omnes, aut facienti non assensum præbuerint, non



non tenebuntur omnes edicto restitutorio propter factum sociorum, qui ipsi nihil facere, nihilve voluere facere operis noui. Et hoc est, quod ait Papinian. in priorē parte huius legis: *Omnes nuntiatio tenebuntur*, &c. id est, omnes tenebuntur edicto restitutorio. In posteriore parte, quia dixit initio de rebus communibus, docet Papinian. ades communes videri non tantum, quæ plures dominos habent, quas plures domini dominantur, sed & quas plures non domini communiter possident. Quod commune est, vel dominio, vel possessione commune est: & constat nuntiationem fieri non tantum domino, vel dominis eius soli, in quo nuntiatio fit, sed etiam possessori, vel possessoribus, si modo eorū nomine opus fiat: nam si non fiat eorū nomine, etsi sunt domini, nihil attinet ei nuntiatio. Denique nuntiatio fit vel domino, vel possessori, cuius nomine opus nouum fit. Nam hæc nuntiatio non tam fit in personam, quam in rem; ut actio alia est in rem, alia in personam, sic nuntiatio alia in rem est, alia in personam, l. 1. §. nuntiatio, l. de pupillo, §. nuntiationem, l. 10. l. 11. l. ult. hoc tit. Et fit in rem præsentem, id est, in locum ipsum, quo opus fit, sicut vindictio fit in rem præsentem ex iure veteri, atque fit etiam nuntiatio operis in ignorantem, l. 18. actio, hoc tit. quia magis est in rem, quam in personam; & utilis est etiam si non fiat personæ, modo fiat in re præsentem: nuntiatio alia in personam, alia in rem est, ut dixi. Nuntiatio, quæ fit in rem, fit semper in rem præsentem: nuntiatio in personam, si non possit fieri in personam, puta, si non inueniatur is, cum quo nobis res est, cuique nuntiare nouum opus volumus, fit ad domum eius libello ad postem fixo: ut ex 12. tabulis denuntiatio testimonij, quæ est in personam, fit oportum, id est, ad domum. Hoc confirmant l. 4. §. prator, de damn. infe. l. 20. §. nuptia ad l. 1. de adult. l. 13. de excusa. tut. l. 1. C. Theod. cod. l. 2. C. de ann. except. l. 5. §. 1. quod vi aut clam. l. 1. §. 1. de agnosc. & alend. lib. In his omnibus agit de denuntiatione operis, quæ fit ad domum, vel per præconem, vel per libellum. Vt autem Papin. in hac posteriori parte; verbis soli & soli, quia nuntiatio pertinet tantum ad ea opera, quæ solo coherent: nam qui putat vineas, aut messē facit, vel succidit arbores, opus quidem facit, sed quod non possit inhiberi ex hoc edicto, quod pertinet tantum ad ea quæ soli sunt, l. 1. §. hoc autem, hoc tit.

#### Ad l. 42. de vsucap.

*Cum vir prædium dotale vendidit scienti, vel ignorantem rem dotis esse, venditio non valet, quam defuncta postea muliere in matrimonio confirmari conuenit, si tota dos lucro mariti cessit. Idem inris est, cum is, qui rem fortuitam vendidit, postea domino heres extitit.*

**E**st hæc lex elegans pertinet ad leg. Iuliam de fundo dotali, & ad leg. Attiniam de re furtiua. Ex lege Iulia maritus prædium dotale, quamuis interim videatur dominus, non potest alienare, vetat etiam vsucapi, l. si fundum, de fun. dor. Prædij dotalis vsucapio non est, nec alienatio ex lege Iulia. ex lege Attinia, non est etiam vsucapio rei furtiuae, obstat vsucapioni rei furtiuae. Hoc cum ita esset, docet Papinianus in hac lege, aliquando confirmari alienationem prædij dotalis, ac deinde vsucapionem procedere, confirmari quoque venditionem rei furtiuae, & vsucapionē procedere, conualescere alienationem, & restitui causam vsucapionis, cui ab initio obstat lex Attinia. Loquamur primum de fundo dotali. Finge, Marius constante matrimonio alienauit fundum dotalem: deinde morte mulieris solutum est matrimonium, & dos cessit lucro mariti ex pacto dotali, conualescit alienatio fundi dotalis quando maritus qui eum alienauit, in eo fundo mulieri successit ex pacto dotali: & procedit vsucapio, si forte non fuerit mulieris, Quæst. Papin.

**A** vel, si forte ad quendam alium bonæ fidei possessorem peruenerit, l. pen. de fun. dor. Si is qui rem furtiuam vendidit, heres extiterit domino rei, purgatur vitium rei, & conualescit venditio, quia venditor eius dominium adquisiuit, & procedit vsucapio pro emptore. Mirum est alienationem conualescere, quæ ab initio non valuit ipso iure, & tamen ita definit Pap. in hac l. Obiicitur primum regula Catoniana: *quæ ab initio non valent, ex post facto non conualescunt*: quæ plerumque valet, non solum in legatis, & substitutionibus, sed etiam in contractibus. Sed ita respond. *non conualescunt ipso iure*, fateor, directo, sed remedio retentionis, remedio exceptionis doli mali ex æquitate: quod ita demonstro. Rei alienæ pignus non valet, conualescit tamen acquisitione domini, si is, qui domino pignus posuit, domino heres extiterit, & conualescit, non directo, non ipso iure, l. si Titio, de pignor. sed per retentionem, ut ait lex 1. in princ. eod. id est, per exceptionem doli mali, quod scilicet debitor velit auferre rem creditori, quam ei pignoraui, quod sit mendax. Nam actioni & exceptioni doli mali insunt mendacia, l. quid enim, de dolo. Finge: Tu mihi rem pigneraui, cum non esses dominus, postea factus es dominus, & vindicas eam, nec vis tueri pignus, quod mecum contraxisti, arguam te mendacij, & utar exceptione doli mali: imo si ignorauerim rem fuisse alienam, dabitur mihi actio utilis hypothecaria, l. rem. de pign. actio. l. 5. C. si res alie. pign. data sit. Ergo concludamus: Regula Catoniana est directi iuris, quæ tamen inflectitur sæpe ex æquo & bono remedio retentionis, vel exceptionis. Rursus obiicitur l. nec nos, C. de postlimin. reuers. Si nesciatur quis ab hostibus captus sit, necne, si cuius sit incerta vita ac fortuna, eius hereditas adiri non potest. Certa enim debet esse mors, priusquam adeatur hereditas, & adiicit, *de bonis eius, cuius incerta fuit vita ac fortuna, transigi vel iudicari non potuisse*. hoc inquirunt pugnare cum hac l. Perperam. Fateor quidem non potuisse transigi vel iudicari, sed si postea constiterit esse mortuum eum de cuius hereditate agitur, valebit aditio, vel transactio, aut iudicatum, non quidem directo, sed per retentionem, puta, si is, secundum quem iudicatum est, rem habuit apud se, vel si ex transactione eam habeat, eam seruabit vi anterioris transactionis, vel iudicati, quanquam iure transactionis aut iudicati eam rem non habuerit. Magna vis est retentionis, magna possessionis: & valet plurimum in omnibus controuersis: difficile est remouere possessione eum, qui in ea est, nec habet iniustam possidendi causam. Obiicitur etiam l. si seruo, qui & a quibus man. Seruum alienum manu missi, deinde domino eius heres extiti, an conualescit manumissio? minime. Hoc pugnat cum h. l. nam cur manumissio non conualescit, si domino serui heres extiterit, cum vsucapio rei furtiuae, & venditio fundi dotalis ex post facto conualescat? Dicendum est, non idem posse constitui in manumissione, quod in venditione, aut iudicato, aut transactione: nam ex manumissione nulla nascitur obligatio, ut non possit iure obligationis, iure exceptionis, aut retentionis sustineri manumissio ex post facto. Caterum ex venditione, transactione, iudicato nascitur obligatio, quæ efficit, ut inuiti cogamur stare ei venditioni, transactioni, vel iudicato, si dominium adquisierimus eius rei, de qua agitur. Ergo proprium hoc in manumissione est, ut si manumissor domino serui heres non extiterit, non conualescat manumissio. Contra si dominus serui manumissori heres extiterit, qui inutiliter seruum alienum manu missi, conualescit manumissio, l. filium, de lib. caus. l. si ab eo, C. eod. tit. Ratio differentiae est, quia cum dominus serui manumissoris hereditatem adit, adeundo tacite probat factum defuncti, manumissionem defuncti, voluntati defuncti aecedit tacita voluntas heredis. Aditio est tacita approbatio eorum, quæ gessit defunctus. At cum manumissor adit hereditatem domini serui manumissi,



non ita concurrat voluntas utriusque in libertate serui: neque enim possis dicere vnquam, voluntatem domini defuncti accessisse voluntati manumissoris: est satis evidens discrimen. Ergo hæc nihil obstant huic legi: & verum est, venditionem rei dotalis, aut furtivæ, quæ ab initio fuit inutilis, dominio eius rei adquisito venditori, convalescere & confirmari: non quidem directo, sed remediis Prætoris, remedio exceptionis doli mali: quod sit putidum non manere in eadem voluntate, in eadem venditione, quam ipse fecit. Et videtur non male huic legi coniungi posse l. 12. de except. doli. quæ generaliter definit: quoties æquitate defensionis infringi actio potest, locum esse exceptioni doli mali. significatque doli exceptionem esse generalem, & manere latissime. id est, opponi posse in omnibus causis, quibus æquum est defendi reum.

Restat ex hoc libro l. si minor, ad leg. Iul. de adult. quæ non indiget longa interpretatione: non enim dubiū est, quin teneatur minor lege Iulia si commiserit adulterium. Ideo autem Papin. dicit: si minor annis, scilicet 25. quoniam adulterij crimen incidit in puberem, non etiam in impuberem, ll. tamen 12. tab. pueros impuberes in furto manifesto præhenso Prætoris arbitratu verberari voluerunt, noxamque ab his factam sarciri, auctore Gellio lib. 11. cap. ult. si proximi pubertati sint, quia iam doli capaces sunt. Iustinian. in §. pen. Inst. de oblig. quæ ex del. nasc. l. impuberem, de furtis, l. 5. §. quod si impubes, ad l. Aquil. l. pupillum 111. de reg. iur. Vix autem adulterij crimen in impuberem cadit, quia nondum per ætatem potest συνεσθαι.

Ad ll. in quibus citatur Papin. ex hoc libro  
tertio Q.

QVæ ex libro 3. questionum Papinian. alij Iurif-  
consulti retulerunt, non possum sine scelere præ-  
termittere: sunt enim præclara admodum. Primum ex-  
ponamus, quod Harmen. lib. 2. Epit. tit. 4. quod nun-  
quam alibi dicitur, refert Papinianum in vltima quæ-  
stione libri 3. scribere: non posse nos vicinis auferre pro-  
spectum montium. Quæ sententia est verissima, sed vi-  
tiatur tribus casibus; si vicinus hanc servitutem mihi  
concefferit, ius mihi esse altius ædes meas ædificandi, &  
prospectui suo officendi. Item vitiat si in ædificando  
servauero formam, & statum ædificiorum antiquorum:  
nam etiam luminibus vicinorum impune officio, si ser-  
uo statum antiquorum ædificiorum, l. qui lumin. de ser-  
uit. urb. præd. & in Græca Constitut. Zenonis, quæ  
extat in l. pen. C. de edific. priu. & ut luminibus officere  
possum, modo seruam veterem ædificiorum formam,  
ita & prospectui. Item officere possum prospectui vicini,  
& prospectui montium, si intermisero spatium  
100. pedum: nam ut intermisso spatio 100. pedum po-  
test vicino auferri prospectus maris ex constitutione  
Zenonis, & Nouell. 63. & 165. ita intermisso eo-  
dem spatio, Harmen. putat, posse vicino auferri pro-  
spectum montium, ducto argumento à similibus ad simi-  
lia: Parem enim esse utriusque prospectus gratiam, pa-  
rem amoenitatem. His ergo tribus casibus potest auferri  
vicino prospectus montium, alias non potest, vt de-  
finit Papinianus. Dices, est quædam servitus, ne pro-  
spectui officiat, l. 2. de seruit. urb. præd. licet ergo  
prospectui officere, si ea servitus constituta non sit? Di-  
cam licere prospectui officere seruanti formam & sta-  
tum antiquorum ædificiorum: item licere intermittenti  
spatium legitimum: item licere ei, cui vicinus cessit pro-  
spectui suo officere, alias non licere: illis tantum tribus  
casibus seruicus illa recte constituitur. Est ab ea seruitu-  
te diuersa servitus prospectus, vt & alia est servitus lu-  
minum, & alia ne luminibus officiat: nam & alia  
est servitus prospectus, alia ne prospectui officiat. Ser-  
uitutis prospectus vis hæc est, vt liceat parietem cæcum

A aperire, & facere fenestram prospiciendi causa. Elegan-  
ter Zeno in d. Græca constitutione, fenestras alias  
facit ἀνεκμπνικας, alias φωταγωγας, quæ fiunt luminis causa,  
& inde ius fenestræ immittenda: Alia est servitus lu-  
minum, alia servitus prospectus. inter quæ illa est  
differentia, quod lumen egrediatur, prospectus in-  
grediatur, & quod lumen sit vt cælum videatur: pro-  
spectus, vt terra videatur, aut mare, l. lumen, de seruit.  
urb. præd. Ius itaque fenestræ est ius prospectus, vel lu-  
minum. Ex eod. libro Papiniani. Vlpianus retulit quæ-  
stiones quatuor, vnam initio l. 7. qui satisf. cog. alte-  
ram l. 21. §. Papinian. de recept. arb. tertiam l. 8. §. si  
cedet, si servitus vind. quartam l. 28. mand. Adderem  
quintam ex l. 20. §. Papin. de petit. hered. nisi corrupte  
in eo §. esset scriptum lib. 3. pro lib. 6. quæst. Eam igitur  
B quæstionem referuo libro sexto.

Ad princ. l. 7. qui satisf. cog.

Si fideiussor non negetur idoneus, sed dicatur habere fore  
prescriptionem, & metuat petitor, ne iure fori utatur, vi-  
dendum quid iuris sit. Et Diuus Pius ( vt & Pomponius  
lib. epistolarum refert & Marcellus libro tertio digestor. &  
Papinianus lib. 3. questionum ) Cornelio Proculo rescripsit,  
merito petitorum recusare talem fideiussorem: sed si alias  
caueri non possit, prædicandum ei, non usurum cum priui-  
legio si conveniatur.

IN d. l. 7. tractatur de satisfactione iudicatum solui,  
C vel iudicio fisci. Si reus, qui in ius vocatus est, dede-  
rit fideiussorem idoneum & locupletem de iudicato solu-  
endo, vel iudicio sistendi causa, non potest eum actor  
recusare, vel si recuset, tenebitur actione iniuriarum  
tam reo, quam fideiussori, l. 5. §. ult. qui satisf. cog.  
Inops fideiussor recte recusatur: nam si dederit inopem,  
pro non dato habetur: & ut ait l. 6. eo. quoties vitiose cau-  
tum est vel satisfdatum, non cautum videtur: vitiose Græ-  
ci, ἐμπληκτως: vt qui dat inopem fideiussorem, vel diffi-  
cilem conuentu, diuitem vel potentiorum. Nam vt ait  
l. 2. hoc tit. locuples fideiussor non ex facultatibus tan-  
tum, sed etiam ex facilitate conueniendi æstimatur. Is  
est locuples & assiduus, qui est conuentu facilis, & lo-  
cuples. Vitiose etiam videtur satisfacere, qui dat quidem  
locupletem fideiussorem, sed non suppositum iurisdic-  
D ctioni eius, apud quem in ius vocatus est, qui si conue-  
niatur ex causa fideiussionis, potest vt præscriptione fori  
Si actor metuat, ne fideiussor utatur priuilegio sui  
fori, recte eum recusabit, nec tenebitur actione iniuria-  
rum, nisi fideiussor renuntiet priuilegio sui fori, ac se  
subiciat iurisdictioni eius iudicis cui suppositus est reus,  
l. 1. si quis in ius voc. & ex Papin. Vlpianus refert ita res-  
cripsisse D. Pium. Et placet valde quod ibi scribit Ac-  
cursius, eum, qui fideiussit, non posse vt præscriptio-  
ne fori, quod ad locum attinet, quum eo loco con-  
traxit, id est, non posse eum reuocare litem ad aliam  
ciuitatem, l. cum furiosus, §. ult. de indic. sed posse vt  
præscriptione fori, quod ad iudicem attinet. Exempli  
causa, si palatinus miles, puta, domesticus, protector,  
E vel agens in rebus, qui magisterianus dicitur, fideiussit  
pro alio in ius vocato apud iudicem ciuilem, non intel-  
ligitur esse idoneus fideiussor, quia si conveniatur ex  
causa fideiussionis, potest reuocare litem ad iudicem  
suum militarem: hic igitur merito recusabitur.

Ad §. Papinianus, legis 21. de recept. arb.

Papinianus libro tertio questionum ait, si cum dies com-  
promissi finiretur, prolato die litigatores denovo in eum com-  
promiserint, nec secundi compromissi arbitrium receperint,  
non esse cogendum recipere, si ipse in mora non fuit, quo-  
minus partibus suis fungeretur. Quod si per eum factum  
est, aqussimum esse cogi eum à Pratore sequens recipere.



*Quæ questio ita procedit, si nihil in priori compromisso de die proferendo caueatur. Caterum si caueatur, & ipse protulit, mansit arbitrer.*

**I**dem Vlpianus in l. 21. §. Papin. de recept. arbit. hanc quæstionem tractat. Duo compromiserunt in arbitrum præstituta die, ut sententiam diceret intra menses tres: is recepit arbitrium, necdum sententiam dixit, & instat tamen finis trium mensium: cum ita finiretur dies compromissi, id est, ne quis laboret ut Accursius, cum instaret finis: sic enim habent Basilica, cum instaret finis, μέλλοντες τὸ χρόνον πλεῖν ἔσθαι, litigatores prolato die, denique compromiserunt in eundem arbitrum sine consensu arbitri. Quæritur an cogatur arbitrer arbitrium seu auditorium suscipere secundi compromissi? Quod non videtur, quia recipit arbitrium primi compromissi, non secundi, & sine consensu eius diem protulerunt. Sed Papinianus distinguebat: aut per arbitrum stetit, quo minus intra diem præstitutum sententiam diceret, aut non: si per eum stetit, cogitur suscipere secundum arbitrum, quia ipse moram attulit primo. sed si per eum non stetit quo minus suis partibus fungeretur, sane non cogitur recipere arbitrium secundi compromissi. Et recte ad hanc distinctionem adnotauit Vlpianus, huic locum esse si in primo compromisso non fuit adiecta clausula de proferendo die compromissi, ut liceret arbitro diem producere. Nam si hæc clausula fuerit adiecta, & arbitrer protulerit diem, omnimodo constat, eum manere arbitrum, & cogi sententiam dicere, & postulantibus litigatoribus cogi diem proferre per Prætorum, l. 12. hoc tit. Et secundum hæc accipiendum est, quod est scriptum in l. non distinguemus, §. dies, hoc tit. Dies compromissi proferri potest, non cum ex conventionione sola partium non proferatur dies compromissi, ut constat ex sententia Papiniani, sed cum iussu arbitri eam proferri necesse est, ne pœna committatur: quod accidit, quando in compromisso nominatim permissum est ut diem proferret arbitrer. Nam si diem protulerit tum ei proferendi data esset potestas, & aliquis ex litigatoribus dicto audiens non fuerit, incidet in pœnam: sed si hoc non sit datum arbitro & diem protulerit, & neuter consenserit, pœna non committetur, l. arbitrer ex compromisso, hoc tit.

Ad §. si ades, l. 6. si seru. vind.

*Si ades plurium dominorum sint, an in solidum agatur, Papinian. libr. 3. Quæstion. tractat, & ait, singulos dominos in solidum agere, sicuti de ceteris seruitutibus, excepto usufructu. Sed non idem respondendum, inquit, si communes ades essent, quæ onera vicini sustinerent.*

**E**X eodem libro Vlpianus etiam aliam quæstionem tractat in l. 6. §. si ades, si seru. vindic. & est de seruitute oneris ferendi, quæ est specialis seruitus, non ut voluit Theoph. generalis: quod ex eo apparet, quod specialia quædam habeat. Primum enim qui alias seruitutes debent, pati debent, non facere quicquam, ut ecce, qui aquæ ductum debet, pati debet aquam fluentem, non facere quidquam. Qui vero debet seruitutem oneris ferendi, etiam debet facere, id est, reficere vel restituere parietem, vel columnam destinatam oneri ferendo, ut cariatides, Satyros quos vocabant. Igitur qui hanc seruitutem debet, non pati tantum tenetur, sed & facere, l. 6. §. etiam, si seru. vind. l. cum debere, de seru. urb. præd. Item de aliis seruitutibus agitur non tantum aduersus dominum prædij seruiantis, sed & aduersus quemlibet, qui impedit ne utatur seruitute, l. 1. §. competit, de aqua quotid. & ast. l. si quis, §. ult. si seru. vindic. De seruitute oneris ferendi, vel de restituendo pariete col lapso, vel columna oneri ferendo destinata agitur tan-

Quæst. Papin.

**A**tum aduersus dominum ædium seruientium, quia scilicet ineptum esset refectionem desiderare à non domino: resectio enim per actionem postulat tantum à domino, l. 1. §. ult. de seru. urb. præd. vulgo est l. ult. de seru. Et secundum hæc accipienda l. 6. §. hæc autem, hoc tit. dum ait, actionem de seruitute oneris ferendi non alij competere, quam domino ædium, dominantium scilicet, & aduersus dominum ædium seruientium; deinde addit, sicuti ceterarum seruitutum intentio vera. Quæ verba cum supradictis pugnant: & sane sunt coangustanda ad id quod dixi de seruitute oneris ferendi. Nam omnium seruitutum actiones dantur tantum domino prædij dominantis: sed non omnes aduersus dominum tantum: in hac excepta, aduersus quemlibet. Sed hæc seruitus de onere ferendo datur tantum in dominum seruientem: quia inutiliter resectio postulat à non domino. Item si pluribus debeatur seruitus, singuli de seruitute agunt, & contra, si plures debeant seruitutem aliquam, in singulos est actio in solidum, & à singulis seruitus vindicatur, non pro parte. optima ratione, quia seruitutes sunt indiuiduæ, scindi non possunt. quia seruitutes sunt indiuiduæ, nec igitur earum actio, l. loci, §. si fundus, si seru. vind. l. via, de seru. Excipitur tantum seruitus ususfructus, quæ sola est diuidua: de usufructu potest agi pro parte: possumus pati, vel etiam dictare iudicium pro parte de usufructu. Ergo hæc sola seruitute ususfructus excepta, qui debent alias seruitutes, conueniuntur singuli in solidum. At de seruitute oneris ferendi, quam debent plures, singuli conueniuntur pro parte tantum, ut pro parte reficiant parietem, aut præstent quod interest: nam æstimatio resectionis diuidi potest. Et ideo ex Papiniano, recte Vlpianus refert d. §. si ades, agere quidem singulos in solidum de seruitute oneris ferendi, sed non etiam agi in singulos in solidum, ut reficiant parietem in solidum: nam resectio solida non pertinet ad singulos, sed quisque debet conferre.

Ad l. 28. Mandati.

*Papinianus libro tertio Quæstionum ait, mandatores debitoris soluentem, ipso iure reum non liberare. Propter mandatum enim suum soluit, & suo nomine, ideoque mandatori actiones putat aduersus reum cedi debere.*

**P**ostremo ex eod. lib. Papin. Vlpian. in l. 28. mand. tractat de mandatore, id est, de eo, cuius iussu aliquis credidit pecuniam Titio. Quodcumque autem de mandatore dixerit, idem & dicere licebit de fideiussore. Finge, soluisse mandatorem, vel soluisse fideiussorem tibi, quod credidisti Titio, an solutione mandatoris liberatur Titius principalis debitor? Et docet Papin. ipso iure non liberari, quia mandator soluit suo nomine, ex quo etiam conueniebatur à creditore ob suam propriam obligationem, sicut fideiussor ob suam propriam fideiussionem: si soluerit nomine debitoris, ut quilibet, sane liberat ipso iure debitorem. Sed non soluit nomine debitoris, sed suo nomine, id est, propter suum mandatum: ideoque dum soluit mandator, vel postea quam soluit, iure desiderat, ut sibi creditor cedat actionem aduersus debitorem principalem, l. inter, §. ult. mand. l. Stichum, §. si mandatu, de solution. quæ ei non cedi posset post solutionem, si ipso iure liberatus esset reus, l. Modestinus, de solut. l. cum possessor, de censib. nam quod posteaquam soluit mandator, creditor cedat eis actionem aduersus debitorem, argumento est, solutione mandatoris ipso iure non liberari principalem debitorem, sed per exceptionem, alioquin nulla esset actio. Itaque prudenter Papin. docet, solutionem mandatoris ipso iure non liberare debitorem, quod nomine debitoris non sit facta solutio. Et recte quidem Papinianus ait, ipso iure non liberari debitorem: nam sane liberatur per exceptionem, quæ si non liberaretur, cogere-

G ij



idem bis soluere, creditori, aut fideiussori, aut mandato-  
ri. Itaque æquum est vt debitori consulatur remedio ex-  
ceptionis aduersus creditorem, cui mandator vel fide-  
iussor soluit: nam quod mandator ei soluit, id refunde-  
re cogitur debitor mandatori.



IACOBI CUIACII  
IURISCONSULTI  
COMMENTARIUS  
in Lib. IV. Quæstionum  
Æmilij Papiniani.

Ad l. 40. De iudic.

*Non quicquid iudicis potestati permittitur, id subiicitur  
iuris necessitati.*

§. 1. *Iudex si quid aduersus legem præceptum in iudicando  
dolo malo prætermiserit, legem offendit.*

**I**N hac lege duæ proponuntur regulæ de offi-  
cio iudicis: prior est, *Non quicquid, &c.* Pos-  
sis hanc regulam ita accipere: non omne quod  
in iudiciis potest accedere, arbitrio iudicis  
deberi, & esse debet in obligatione. quæ ita pro-  
dita est l. ult. de eo quod cert. loc. Obligatio est iuris ne-  
cessitas. exempli gratia, in actionibus bonæ fidei vsuræ  
ex mora possunt accedere officio iudicis, nec tamen sunt  
in obligatione, & improprie in l. mora, §. in bonæ fidei,  
de vsur. deberi dicuntur: neque enim debentur obliga-  
tionis iure, sed arbitratu iudicis. Ergo quod acce-  
dit officio iudicis, non etiam debetur. Vel potius ita  
accipiamus hanc regulam: *Non omne quod potest facere  
iudex, & debet.* Basil. *ἡ πᾶν τὸ ἐν τῷ ἐκτελέσειν αὐτοῦ ὁ δικαστὴς  
ἀναγκάζεται: non omnia quæ sibi permessa sunt, iudex  
facere compellitur.* Et hoc est, quod ait l. sape, & l. ge-  
neraliter, de offic. pref. Quoties Princeps negotia remit-  
tit ad Præsidem prouinciæ, non imponere etiam neces-  
sitatem Præsidi suscipiendæ cognitionis, sed ipsum Præ-  
sidem æstimare, vtrum ipse cognoscere debeat, an cog-  
nitorem dare. potestas non est coniuncta necessitati.  
Altera regula Papiniani est, *Iudex si quid, &c.* Ergo iu-  
dex legem offendit, non tantum, si quid faciat dolo ma-  
lo contra præscriptum legis, vt si quem condemnet in  
vsuras grauiores legitimis, l. 1. de vsur. sed etiam, si non  
dolo malo fecit quod erat lege præscriptum: nam &  
qui non facit, facit, vt si furem nō damnet in duplum, sed  
in simplum tantum. Et pœna iudicis offendentis legem  
in iudicando est, vt litem alienam suam faciat, vt litis  
alienæ periculum ac discrimen omne sustineat, atque  
adeo, vt cogatur præstare ei, cuius interest veram æsti-  
mationem litis, vt cogatur præstare duplum, si quem  
absoluit dolo malo, quem debuit condemnare in du-  
plum, l. si filiusfam. in princ. hoc tit. Multum interest,  
vtrum iudex contra leges iudicet dolo malo, an per im-  
peritiam: Nam si dolo malo legem offenderit, veram  
litis æstimationem præstare cogitur, d. l. filiusfam. in  
fine. si vero per imprudentiam male iudicari, non tene-  
tur ex maleficio: nec enim imprudentia maleficio est,  
sed tenetur quasi ex maleficio pœnali actione: verum  
non in solidum, non in vniuersam æstimationem litis,  
sed in id tantum, quod religioni iudicantis bonum &  
æquum videbitur: quæ actio vocatur in factum, l.  
ult. de var. & extraord. cogn. & secundum eam ac-  
cipienda est d. lex filiusfamilias in princ. quæ nulli non  
facessit negotium, nam ait: *filiusfam. iudex si litem suam  
faciat perperam iudicando, in tantam quantitatem tene-  
tur, quæ tunc fuit in peculio, quum sententiam diceret.*

**A** Nullus est qui non laboret plurimum in ratione eius  
quærenda, & est veluti crux quædam ingeniorum. Qui-  
dam interpretes sic eam accipiunt, vt si filiusfam. male  
iudicauit, teneatur pater pro modo peculij filijfamil.  
quod fuit tempore sententiæ perperam dictæ à filiofamil.  
sed manifesto lex dicit, teneri filiumfam. si de patre intel-  
lexisset, dixisset, *tenetur pater.* Sed estat ex hac causa non  
teneri patrem de peculio, quia ex pœnalibus causis non  
datur actio de peculio, l. ex pœnalib. de reg. iur. posset  
teneri ex causa iudicati: Nam licet non teneatur ex ma-  
leficio, tamen ex ea causa condemnato filiofam. in cer-  
tam summam, pater potest conueniri de peculio actio-  
ne iudicati, l. 3. §. idem scribit, de pecul. Atque ita con-  
uento patre actione iudicati de peculio, secundum illo-  
rum sententiam, spectabitur quantitas peculij, quæ fuit,  
**B** quum filiusfam. contra leges ac constitutiones senten-  
tiam dixit: quod non possumus admittere. Nam in  
actione de peculio semper spectatur tempus rei iudicatæ,  
id est, spectatur quantum sit, & ea tenus consistit con-  
demnatio in peculio. Non spectamus igitur tempus, quo  
filiusfam. iudicauit, sed tempus quo iudicauit is, qui est  
addictus actioni de peculio, l. quæsitum, de pecul. & aliis  
innumeris locis. Res adeo obscura quibusdam visa est,  
vt maluerint scribere: *si iudex filijfam.* ita posita specie:  
Pater conuentus est de peculio. in eam quantitatem  
damnari debet, quæ est in peculio rei iudicatæ tempo-  
re. Iudex non obseruauit eam quantitatem, quæ erat  
in peculio tempore rei iudicatæ, atque ita prætermitten-  
**C** do quod erat cautum à Prætore in actione de peculio,  
litem suam fecit, & tenetur in eam ipsam quantitatem,  
in quam pater damnari potuit: & ita iudicem filijfam.  
vocant iudicem addictum actioni de peculio aduersus  
patrem institutæ nomine filijfam. quæso an apte dicatur  
ille iudex filijfamil. cuius persona in eo iudicio non con-  
sistit? nihil omnino mutandum est in d. l. filiusfam. &  
sequenda est sententia Azonis ad eam legem, quæ vera est,  
sed indiget assertore. Filiusfam. litem suam facit. Pri-  
mum non est accipienda ea sententia si dolo malo offen-  
dit legem: nam teneretur in veram æstimationem litis,  
sed de eo, qui per imprudentiam male iudicauit, qui te-  
netur in id, quod æquum & bonum iudicanti videbitur,  
d. l. ult. de var. & extraord. Et illud æquum & bonum  
ita definitur in d. l. filiusfam. vt filiusfam. qui litem suam  
**D** fecit per imprudentiam, non damnetur vltra quantita-  
tem, quam habet in peculio, quasi in suo patrimonio iu-  
dicati tempore, ita tamen, vt non de eo peculio satisfa-  
ciat inuito patre, quia non conuenitur actione de pecu-  
lio, nec posset, sed conuenitur actione in factum pœna-  
li. Itaque soluet aliunde, vel carcere continebitur, l. pen.  
C. qui bon. ced. poss. Peculium filijfamil. veluti patrimo-  
nium eius est. & si litem suam fecerit per imprudentiam,  
non damnabitur vltra patrimonium, quanquam non  
debeat de eo soluere inuito patre, sed aliunde, tamen  
pro modo peculij, quod fuit iudicati tempore. Et hoc  
sensu accipienda sunt, quæ scribit Iustin. in §. si filiusf.  
Inst. de oblig. quæ quasi ex del. nasc. quo loco ait, filium-  
fam. qui litem suam fecit, teneri, non patrem: teneri,  
inquam, ex bono & æquo, pro modo peculij, aut tene-  
**E** ri etiam vltra quantitatem peculij in veram æstimatio-  
nem litis iam suæ non alienæ, si dolo malo legem offen-  
derit in iudicando. Res hæc non est difficilis. Pleraque  
sunt in vet. interpretibus vera, quæ negliguntur, quia  
deest assertor.

Ad l. 51. De legatis 1.

*Sed si certos nummos, veluti, quos in arca habet, aut cer-  
tam lancem legauit, non numerata pecunia, sed ipsa cor-  
pora nummorum, vel rei legata continentur, neque per-  
mutationem recipiunt, & exemplo cuiuslibet corporis æsti-  
manda est.*



**H**oc tantum annotabo ad hanc legem, multum interesse, an numerus certus nummorum legetur, an nummi certi, vel corpus certum: quæ distinctio placet. Nam si legetur certus numerus nummorum, puta, 100. non est necesse eos solui qui inuenti sunt in hereditate: nam & alij solui possunt, dummodo sint eiusdem generis & quantitatis, nec videbuntur alij pro aliis solui, nam quæ quantitate magis valent, quam corpore, in suo genere functionem recipiunt, id est, promiscuam permutationem, l. 2. §. *mutui, de rebus credit.* Regula est, *aliud pro alio solui non posse.* Sed non videtur aliud pro alio solui in hoc casu, cum eadem quantitas soluatur, & eiusdem generis. Sed si legetur certum corpus, vt lanx certa, non potest alia pro alia solui: corpora enim permutationem non recipiunt. Idemque erit si legentur nummi certi. Aliud est legare certum numerum nummorum: hoc enim est quantitatem legare; aliud certos nummos, puta illos qui sunt in hac arca. Nam hoc modo, non possunt alij pro aliis solui inuito legatario, & nummi in hoc casu, vt corpus accipiuntur, non vt quantitas. Et sic etiam hoc est, quod ait Papinianus in l. 51. *de legat. 1.* si legetur certus numerus nummorum, & nulli sint nummi in hereditate, constat deberi legatum, quia quantitas inest hereditati, etiam si non sint nummi, quia tot refici possunt ex hereditate, l. 12. *de legat. 2.* Sed si legentur certi nummi, puta, qui sunt in arca, & nulli inueniantur in arca, legatum est inutile. Et similiter, si certus numerus nummorum eodem testamento legetur sæpius, eadem quantitas sæpius præstari potest volente testatore, id est, si appareat multiplicare legatum voluisse. Sed si legentur certi nummi puta, qui sunt in arca, amplius, quam semel, legatum præstari non potest, l. *plane, §. 1. & seq. de legat. 1.* Atque ita apparet multum interesse, legentur certi nummi, an certus numerus nummorum.

#### Ad l. 116. de verb. obligationibus.

*Decem stipulatus à Titio, postea quanto minus ab eo consequi posses, si à Manio stipularis: sine dubio Manius vniversi periculum potest subire: sed & si decem petieris à Titio, Manius non erit solutus, nisi indicatum Titius fecerit.* Paulus notat: *Non enim sunt duo rei Manius & Titius eiusdem obligationis, sed Manius sub conditione debet, si à Titio exigi non poterit. Igitur nec Titio conuento Manius liberatur, qui an debiturus sit, incertum est. Et soluente Titio non liberatur Manius, qui nec tenebatur, cum conditio stipulationis deficit: nec Manius pendente stipulationis conditione recte potest conueniri. A Manio enim ante Titium excussus, non recte petetur.*

**S**ubile est valde quod proponitur in hac l. Stipulatus sum decem à Titio, & accepi fideiussorem Mæuium in id, quod minus à Titio consequi possem. Titius est reus principalis, Mæuius fideiussor. fideiussorem esse constat ex l. 6. *de norat. l. fideiussores 9. & l. amiss. de fideiuss. l. 2. C. de fideiuss. tut.* Sed inter hunc fideiussorem & alios multum interest. Nam hoc iure alius fideiussor potest conueniri in excussio reo, quod tamen Iustinianus mutauit Nouell. 4. qua vtimur: nam prius est excutendus reus quam fideiussor. ante hanc Nouell. erat in arbitrio creditoris conueniri quem vellet. Sed is, qui fideiussit in id, quod minus creditor à reo seruare posset, non potest conueniri in excussio reo, quia videtur sub conditione fideiussisse, si à reo exigi pecunia non potuerit. Ergo pendente conditione non potest conueniri: vel si quis cum eo agat pendente conditione, non recte agat, id est, male agat, quia plus petat causa, cum agat antequam excussus sit reus principalis, id est, antequam extiterit conditio fideiussionis. Is igitur fideiussor longe alterius est conditionis, quam sint alij: nam non potest conueniri ante reum excussus: quod tamen pugnare videtur

**A** cum l. si decem, de solut. & l. ult. de reb. cred. Sed recte explicauit Accursius ad d. l. ult. hoc modo: Si dubitetur de facultatibus rei principalis, id est sit soluendo, necne, non potest fideiussor conueniri ante Titium excussus, quia pendet conditio stipulationis, & quia de eo ambigitur, an seruari possint decem. Sed si constet reum principalem nihil facere posse, licet conuenire Mæuium fideiussorem, quia extitit conditio: vel si constet Titium partē tantum facere posse, reliqua pars peti potest à Mæuio fideiussore. Atque ita Mæuius fideiussor prius conuenietur, deinde Titius reus principalis in eam partem facultates Titij, licet prius conuenire Mæuium fideiussorem, deinde Titium. Sed si sint incognitæ & ambiguae facultates Titij, prius est conueniendus & excutendus Titius. Quid est excutere? non agere est, quamquam actio sit species quædam excussionis, sed excutere est etiam extra iudiciū inquirere de facultatibus rei. Excussio Titio, etiam si non sit cum eo actum, si visus fuerit non esse soluendo, licet experiri in Mæuium, non ante: & secundum hanc l. cum hodie ex Nou. Iustin. idem locum habeat in omnibus fideiussoribus, vt non possint conueniri ante excussus reum, forte potest defendi secundum hanc leg. non esse necesse reum excuti iudicio, satis esse, si excussus sit extra iudiciū: & consequenter etiam hodie priorem iudicio conueniri fideiussorē posse: quod prima facie videtur absurdū, sed non ante excussus reū qui vtique excutitur etiā sine iudice. Et Pap. hic primū proponit, eum, qui ita fideiussit *quanto minus, &c.* aliquando vniuersi periculum subire, id est, teneri in solidum in ea decem quæ stipulator reo principali stipulatus est, puta, si reus nihil facere possit: nam & qui nihil facere potest, minus facere dicitur, quo casu Mæuius in solidum condemnatur. Et id ait Papin. esse sine dubio, sicut & Gaius non solere dubitari, l. *si ita à te stip. de verb. oblig.* Et ait hoc in loco Papin. vniuersi periculum subire, vt idem in l. *quid ergo, ad municip.* Hoc igitur caret dubitatione, si Titius nihil facere possit, Mæuium damnari in solidū, sed adiicit hic Papinian. *sed etsi decem petieris à Titio, Manius non erit solutus, nisi indicatum Titius fecerit,* id est, sed etsi creditor egerit cū Titio, & ab eo decem petierit, non statim Mæuium solui obligatione, quod stipulator elegerit reum principalem. Nam incertum est, an Titius sit soluturus, quia fieri potest, vt agatur cum Titio, & condemnatur Titius, & tamen iudicatum non faciat, id est, non possit soluere. Si soluerit, Papinianus significat liberari Mæuium fideiussorem. si Titius iudicatum non fecerit, non est liberatus Mæuius: nam iure conueniri potest cum Titius non fecerit iudicatum. Electione igitur sola Titij non liberatur Mæuius, sed exactione ac solutione, non litis contestatione facta cum Titio, sed perceptione pecuniæ in stipulatum deductæ liberatur Mæuius. Adicitur nota Pauli ad Papinianum: reprehensus igitur. Reprehendit autem quod prima specie non videtur, Papinianum in hoc quod significat soluente Titio 10. quæ promissit, liberari Mæuium: dixit enim Papinianus decem petitis à Titio, non liberari Mæuium, nisi iudicatum fecerit. Ergo si soluerit decem Titius, liberari Mæuium. hoc reprehendit Paulus, quia & soluente Titio non liberatur Mæuius, cum non sit in obligatione, nec intelligatur debitor fuisse eius pecuniæ, quia defecit conditio sub qua se obligauerat. Ergo nec electo Titio, nec soluente liberatur Mæuius. Et hoc vt ostendat Paulus, ponit Titium & Mæuium non esse duos reos promittendi, quod est verissimū, quia vnus, nempe Titius, est reus principalis, alter, scilicet Mæuius fideiussor est, seu accessor: qui locus summe est notandus: nam demonstrat ius duorum reorum hoc esse, vt vno electo, etiam si nondum exacto, alter liberetur, l. 2. *de duob. reis.* Placet, quod Stephanus in hunc locum notauit, hoc iure, id est, ante Iustinianum electione nuda vnus ex reis liberari correum, etsi cre-



Aditor nihil perceperit. Sed ex *l. ult. C. de fideiuss.* ad quam tamen inflexi sunt quidam loci Digestorum, hodie electione vnius ex reis non liberatur alter, sed exactione demum ac solutione, non litis contestatione, sed perceptione. Verum hic locus ostendit, ante Iustinianum electione vnius ex reis promittendi absolui alterum, eum cum quo egisti peragere debes, nec potes congregi cum altero & cum alterum elegisti: alterum dimississe videris. Et ob id ait Paulus hoc loco, Titium & Mæuium non esse duos reos debendi. Nam debet Mæuius sub hac conditione, si à Titio exigi non potuerit; sub qua non potest accipi correus, quamuis sub alia conditione accipi possit: *Instit. de duob. reis, §. ult.* Sed non sub hac conditione: nam aliena est à iure duorum reorum. Quia igitur Mæuius debet sub hac conditione, Titio conuento & nondum exacto, non liberatur Mæuius, quia incertum est, an sit debitor Mæuius, id est, an sit soluturus Titius: & ita etiam soluente Titio non recte dices non liberari Mæuium, quod videtur admittere Papinian. quia deficit conditio: & ideo Mæuius nunquam intelligitur debuisse, imo nec obligatus fuisse: quæ est Pauli reprehensio.



IACOBI CUIACII  
IURISCONSULTI  
COMMENTARIUS  
in Lib. V. Quæstionum  
Æmilij Papiniani.

Ad l. 39. de pactis.

*Veteribus placet pactionem obscuram, vel ambiguan venditori, & qui locauit, nocere, in quorum fuit potestate legem apertius conscribere.*



N hac lege proponitur hæc regula iuris antiqui: Pactionem adscriptam venditioni, vel locationi, si sit obscura vel ambigua, venditori aut locatori, qui eam pactionem condixit aut concepit, potius nocere, quam emptori, aut conductori. Sic veteribus iurisconsultis placuisse ait, ut Labeon qui est ex veteribus *l. Labeo, de contrah. empt.* Istius regulæ ratio est optima, quia scilicet quum venditor, aut locator, qui eam legem dixit, & apposuit in venditione aut locatione, potuerit re integra eam apertius condicere & conscribere, cum potuerit, nec dixerit, in dolo versari videtur, id est, emptorem aut conductorem decipere voluisse videtur. Merito igitur interpretatio contra eum sit potius, quam contra emptorem, aut conductorem. Imo id potius accipitur, quod est vtilius emptori & conductori, cuius oratio ambigua etiam in sermone quotidiano tendicula est quædam, quæ ei, qui tetendit potius fraudi esse debet. Et hoc est, quod ait; *veteribus placuisse, &c.* Et cum ait: *In quorum potestate fuit, rationem regulæ reddit*, quod qui potuerit apertius loqui; nec loquutus est, decipere voluerit. Est frequentissimus huius regulæ vsus, neque vlla est certior, quia quis possit uti in iudicando, si quam partem deprehenderit vel ambigue vel perfusorie loquutam fallendi causa, non potest aduersus eam non recte iudicare, quæ aduersario ambiguo sermone tetendit insidias. Et eleganter *l. ea, qua, §. ult. de contr. empt.* dolum malum esse, si venditor obscure loquatur: quam enim ob rem obscure loquitur, nisi ut fallat emptorem? & si dolum est in eo qui ambigue loquitur, est eo qui & in perfusorie loquitur, *l. qui libertatis, §. sed etsi, de eiusd.* Non tantum igitur ambiguitas,

vel obscuritas est contra eum, qui eam inuexit, vel affectauit, sed & oratio perfusoria est contra eum, qui ea vsus est. Obscure loquitur quis, si quod dixerit, non apparet. Ambigue, si vtrum dixerit non apparet, id est, qui non certo, sed dubitanter profert hoc vel illud. Nam ambigua oratio est quæ est ἀμφίλογος, quæ duobus modis accipi potest, *l. cum Stichus, de solut.* Perfusorie autem loquitur, qui rem totam non aperit, sed dissimulat, aut reticet aliquid: quod omne demonstrari exemplis necesse est. Finge: Venditor in lege venditionis, aut traditionis, dixit hoc modo generaliter, seruitutes, si quæ debentur, debebuntur, vel etiam dixit: Itinera, actus, viæ, quibus sunt, ut ita sint. Sciebat venditor, quæ seruitutes debebantur, & quibus deberentur, neque tamen hoc voluit exprimere, sed perfusorie dixit dolo malo seruitutes, si quæ debentur, debebuntur: neque dixit emptori, quæ certo deberentur & quibus. dixit quidem prædium debere seruitutes, sed non quas & quibus. Quare eo nomine tenebitur emptori ex empto, si quid intersit emptoris, quia forte si id quod reticuit venditor agnouisset emptor, vel empturus fundum non esset, vel minoris empturus, si id omne apertius locutus fuisset venditor; *d. l. qui libertatis, §. pen. de eiusd. & l. quaro, de act. empt. nam & l. quaro, est de venditore, qui perfusorie loquutus est, quanquam non vatur hoc verbo, perfusorie, quod est in d. l. qui libertatis.* Qui igitur dicit prædium quod vendidit, debere seruitem, sed non exprimit quam, aut cui, hic perfusorie loquitur: perfusio hæc argumentum est fraudis. Ambigue loquitur venditor, qui in lege venditionis ita loquitur; Flumina & stillicidia uti nunc sunt, ut ita sint. Idem dici potest de ceteris seruitutibus. non dicit plane, ipse ne debeat excipere flumina vel stillicidia, an vicini: non dicit palam, an prædium illud debeat seruitutem, an ei debeat. Igitur ut id accipiatur, quod nocet venditori, interpretabimur eum dixisse de fluminibus vel stillicidiis, quæ vicinus excipere debet, non de iis, quæ ipse excipere debet: & consequenter interpretabimur seruitutem dixisse eum fluminum vel stillicidiorum sibi debere: ædes autem nulli debere stillicidia, aut flumina, hoc est, ædes dominari, non seruire, *l. cum in lege, de contr. empt. l. si arborem, §. ult. de seruit. urban.* Quod si ædes, quæ venierunt, forte deberent flumina vel stillicidia, nec tamen eis debeantur, sane venditor tenebitur emptori in id, quod interest, quia non dixit aperte: atque ita videtur voluisse decipere emptorem. Cur enim est vsus ambiguo sermone? Est profecto hæc regula æquissima, quia coercet fraudes venditorum. Obiciuntur huic regulæ multa. Primum, *l. insulam, qui pot. in pign.* cuius species hæc est: Qui fundum locauerat in quinquennium, intra tempus locationis, nondum peracto quinquennio, eum fundum vendidit ea lege, ut emptor staret locationi quoad peracta esset, alioqui emptori liceret expellere colonum, *l. emptorem, C. de loc. & dixit etiam hanc legem, prioris anni pensionem sibi accessuram, sequentium autem annorum emptori, & pignorum datorum à colono vel inquilino nomine pensionis ius vtrumque consequuturum.* Quaritur, vtrum si pignora non sufficiant vtrique, id est, si non sufficiant omnium annorum pensionibus, an ius omnium pignorum primum pertineat ad venditorem, qui sibi recepit pensionem prioris anni, an vero tantum ad eum pertineat pro rata eius anni? de eo nihil aperte dictum est inquit Paul. in lege venditionis. An igitur interpretatio fiet aduersus venditorem, qui legem dixit? Minime. Ait enim Iureconsultus hanc quæstionem esse facti, id est voluntatis: hoc enim venire in disquisitionem, quid voluerint contrahentes: ac subiicit verisimile esse id actum inter eos, ut primam pensionem omnium pignorum ius sequeretur, id est, ut prima pensio in solidum ex pignoribus redigeretur, quod est pro venditore, non contra venditorem, quia tamen eam legem aperte non



dixerat, sed in ambiguo reliquerat. Respondeo, nihil esse, quod tam facile expediri possit. lex ait, *verisimile esse id actum ut primam pensionem ius pignorum omnium sequeretur*: quod est verisimile, id neque obscurum, nec ambiguum esse videtur. Et in his quæstionibus observandæ sunt duæ regulæ, quarum prior hæc est, ut id æstimetur, quod verisimile est egisse inter se contrahentes: posterior reg. quæ priori succedit hæc est, si verisimile nullum extet, ut tum pronuntiemus contra venditorem. Non utimur hac posteriore regula, nisi quam prior deficit. Et ita respondendum ad leg. *eum qui Calendis, de verb. oblig.* Ut in venditionibus & locationibus, ita & in stipulationibus ambiguitas est contra eum, qui ambigua oratione usus est. ambiguitas stipulationis, aut pactionis huic adiectæ, contra stipulatorem est. Finge, stipulatum tibi dari Calendis, neque adiecisse quibus Calendis, an faciemus interpretationem contra stipulatorem si non appareat de quibus Calendis senserint contrahentes? minime: nam benignior & utilior est sententia Sabini existimantis, esse verisimile eos sensisse de primis Calendis. Sabinus hanc coniecturam habuit pro certissima: ubi coniectura certa non deficit, non utimur hac regula, id est, non facimus interpretationem contra stipulatorem. Obiicit etiam Accursius *l. si ita, de contr. empt.* quam non opponerem: nam res est apertissima. Finge: Quidam ita vendidit, illa aut illa res tibi sit empti tot aureis, an illa erit empti, quam voluerit venditor? an sequemur potius animum venditoris, quam emptoris? Et ait Vlpian. eam rem venditam fore, quam venditor elegerit, non quam emptor. Sed non potest esse locus huic regulæ in hac specie, quia præcedit alia, quæ hanc remorat quasi ultimam, quod electio sit semper debitoris, quoties quid in obligationem venit sub dissonatione. Erit igitur electio venditoris. Obiicitur etiam *l. si quis, de indic.* Finge: Usus est aliquis intentione ambigua, id est, actione seu formula ambigua, actionis, vel usus est in ea formula oratione aliqua ambigua: (actio est intentio eius, qui ad iudicium provocat,) si igitur intentione ambigua usus sit, id sequemur quod utilius est actori. Ergo & quod utilius est ei, qui ambigue loquutus est? Responsio sumenda est ex leg. *in contrahenda, de regul. iur.* quæ palam ostendit hac in re esse differentiam inter contractus & iudicia. Contractus perficiuntur duorum voluntate: iudicia etiam unius, puta actoris: nam redduntur in inuitum: agimus in inuitum & trahimus, ac rapimus in ius. In contrahendo, si quis utatur ambigua oratione, contra eum interpretatio fit: in agendo vero si quis utatur ambiguo sermone, pro eo fit interpretatio, id est, id semper adsumitur quod ipse senserit, non quod senserit reus, alioqui nullum iudicium confisteret: semper enim negaret reus se sentire, aut consentire in eam rem, & ne condemnaretur, semper ludificaret, & impediret intentionem actoris; *l. inter stipulantes, §. 1. de verb. obligat.* Magis obstat huic regulæ *l. si in emptione, de contr. empt.* Finge: Dictum est in emptione fundi, fundo accessurum Stichum, plures erant Stichii, non intelligitur quis accesserit: de alio ait se sensisse venditor, de alio emptor: nam si verus sit dissensus in eo Stichio, non consistit venditio, dissensus vitiat emptionem, *d. l. inter stipulantes, §. 1.* Sed si simulante dissentiunt ut amantes litium, quid fiet? Labeo ait, cum Stichum accessurum, quem venditor intellexit: & ambigua tamen venditor usus fuit oratione *l. ubi est, de reb. dub.* Paulus ait, verborum ambiguitatem esse si vaneat Stichus ab eo, cui sunt plures Stichii. Sic ubi Carthagini dari quis stipulatur, ambigua est oratio: quia duplex est Carthago. propterea ambiguum dicit. Constat igitur ambiguum esse orationem, si dicatur in lege venditionis Stichum accessurum, cum essent plures Stichii: & tamen interpretatio fit pro venditore. & subiicit Paulus in *d. l. si in emptione*; nihil referre quanti sit accessio, id est, Stichus: nam plerasque res, inquit, pluris

A emimus propter accessionem, ut domum propter columnas, vel statuas pictas, vel forum propter peculium; *l. 44. de adilit. edic.* Hæc est sententia huius legis, nunc ut ei respondeam, omnes statuunt, nec possunt aliter, in specie *d. l. 34.* legem venditioni dixisse emptorem, non venditorem, nec palam pronuntiasse emptorem, quem Stichum intelligeret, atque ideo fieri interpretationem pro venditore. Hoc ego non possum admittere: nam in venditionibus semper legem dicit venditor rei suæ, ut in locationibus locator. Hinc Plautus in Captiu. scen. 2. quasi fundum venderet: *meis me addicam legibus.* & ita in *l. insulam, qui potiores in pign. l. si quis, & seq. de action. empt. l. quidquid, D. eod. l. qui fundum, l. si cum fundum, l. comprehensum, l. fistulas, de contr. empt.* euidenter expressum est, venditorem in lege venditionis dicere, venditioni accessura dolia, accessuras fistulas, accessuram villam, accessura pleraque alia. Semper creditor quod accedit venditioni accessurum dicit. Ergo & in *d. l. 34.* is est, qui in lege venditionis dixit accessurum Stichum. Cur ergo secundum hanc regulam, non sit aduersus eum interpretatio? Et iamdudum docui libro 1. obseruat. cap. 10. in *d. l. 34.* esse legendum *emptor, pro venditor.* Moueor multis argumentis. Primum quod id referatur ex Labeone, qui scripsit interpretationem fieri pro emptore, ut idem Paul. refert in *l. Labeo, de contrah. empt.* Moueor etiam quod in lege præcedenti *d. tit.* ponatur aliud exemplum, in quo ambiguitas est contra venditorem, ut quasi sub oculos poni videantur duo exempla posterioris illius regulæ: vnum in *l. præced.* alterum in hac *l. si in emptione.* Moueor etiam quod Paulus sub finem *d. l. 34.* dicat: *plerasque enim res aliquando propter accessiones emimus.* Necessè est igitur eum dixisse eam deberi quem emptor dixerit. Moueor etiam, quod in stipulationibus, Stichio in stipulationem deducto, si stipulator de alio dicat se sensisse, de alio promissor, & sunt plures Stichii, is debeat, de quo promissor senserit, quod debuerit stipulator apertius stipulationem concipere *l. cum quaritur de reb. dub. l. 38. §. in stipulationibus, de verbor. obligat.* Moueor postremo, quod sit facilis commutatio venditoris in emptoris, & contra, ut in *l. 5. C. quæ manum, non poss.* ubi vulgo scriptum est emptori, cum debeat esse venditori, ut in Basilic. Est facilis commutatio affinium nominum inter se, & fallit sæpe nos manus nostra; suntque in auctoribus pleraque errata, quæ infederunt ab initio, ac auctores ipsos fefellerunt. Ac præterea est ratio euidentis, quod in *d. l. 33. & d. l. 34.* duo veluti exempla ponantur ad hanc nostram regulam. opponitur etiam huic regulæ *l. in lege, 29. loc.* cuius species hæc est: Locator hanc legem dixit conductori saltus: Syluam ne cædito, neue cingito, neue deurito, neue quem cingere, cædere, deurere, finito. Hæc est lex locationis. Ambigua sunt in ea lege ea verba, *ne finito*: nam vel ita intelligi possunt: Illum prohibeto, quem videris syluam cædere, cingere, deurere. vel ita: dato operam, observa diligenter, ne quis syluam cædat, &c. Quaritur, vtra interpretatio accipienda sit? Et Iureconsultus ait, esse vtramque accipiendam: quod locator sic lege dicta videatur voluisse dicere, non tantum ut non fineret quempiam cædere syluam, sed ut daret operam, ne quid earum rerum fieret. Igitur se secundum voluntatem locatoris interpretationem fieri, utilitatem eius solam spectari, quamvis usus sit ambiguo sermone, quod est contra regulam *l. veteribus.* Res est explicatu facilis: mitto quod notauit Accurs. in verbo *caderet*, & puto hoc sufficere, si duas constituamus regulas. Prior est cum vtræque interpretatio, quam admittit ambiguus sermo pro locatore est, ut in *d. l. 29.* vtramque amplectimur. Cum autem vna interpretatio pro locatore est, altera pro conductore, hanc potius quam illam amplectimur, ac locus est regulæ *l. veteribus.* & ne quis hæreat in verbo *cingere*, verissime scripsit Paulus in *l. 5. arbor. furt. casar.* cingere esse deglabrare, ut stringere dicimus pro destringere.



re: nam cingere arborem, est discingere in orbem, de-  
corticare, deglubere; quod interpretes Græci varie ex-  
plicant, modo simpliciter *ζωνυειν αὐτὴν τῶν δασυωνυειν*  
dixerunt, modo *αὐτὴν ζωνυειν*, modo *ἐμπεφυκειν*. & La-  
tini interpretantur eleganter. Cingere, inquit, est  
detrahere corticem, in quo inest veluti spiritus ani-  
malis arboris: nam eo sublato pleræque arbores exa-  
rescunt.

Ad l. 14. de inoffic. testam.

*Pater filium emancipauit, & nepotem ex eo retinuit. Emancipatus suscepto postea filio, duobus exheredatis, pa-  
tre præterito vita decessit, in quaestione de inofficioso testa-  
mento præcedenti causa filiorum patris intentio adhuc pen-  
det. quod si contra filios iudicetur, pater ad querelam vo-  
catur, & suam intentionem implere potest.*

EX hac lege 14. duo potissimum notanda sunt.  
Vnum est, patri præterito testamento filij, dari que-  
relam inofficiosi testamenti, filio exheredato testamen-  
to patris eadem querela datur: præterito autem non da-  
tur, sed bonorum possessio contra tabulas. At patri vel  
exheredato, vel præterito testamento filij semper datur  
querela inofficiosi, quoniam præteritio patris habetur  
pro exheredatione, id est, si filius in testamento suo pa-  
trem prætermiserit, non instituerit, vel exheredauerit  
nominatim, cum exheredasse intelligitur: Pater non ex-  
heredat filium, nisi nominatim. Cæteri omnes exhere-  
dant, exheredanturque silentio, hoc est, præteritione siue  
omissione. Loquimur autem de filio emancipato: nam  
filius familias non facit testamentum, nisi de peculio ca-  
strensi, vel quasi, & illud non potest impugnari à patre  
per querelam inofficiosi. Patri ergo præterito testamen-  
to filij emancipati dicimus competere querelam inoffi-  
ciosi, quod contra pietatem testamentum fecerit filius  
in superhabito patre. Et placet ratio, quæ ex alio libro  
Papiniani subiicitur in l. seq. his verbis: *nam etsi parenti-  
bus non debeatur filiorum hereditas, propter votum paren-  
tum, & naturalem erga filios charitatem: turbato tamen  
ordine mortalitatis, non minus parentibus, quam liberis  
pie relinqui debet.* Ex his Papiniani verbis liquet, ius  
piumque esse, patri dari querelam inofficiosi testamenti.  
Nam non videtur quidem deberi patri hereditas filij, si  
spectes votum patris, & erga filium charitatem. Cuius  
voti meminit Papin. in l. *Iulianus, si quis omis. caus. test.*  
l. scripto, in fi. unde liberi. Est vero hoc commune vo-  
tum omnium parentum, & ut ait Philo, *μία σπέρμα τε καὶ ἐκφυγὴ*  
ut liberos suos heredes relinquant. At si forte hic ordo  
turbetur, si inuerfa erunt ordine fata, tunc miserationis  
ratione debetur patri hereditas filij. Turbatur ordo, si  
filio supersit pater: nam naturalis ordo, & ut ait Auso-  
nius, iusta series est superuixisse filium patri: & ideo cum  
pater & filius simul intereunt, ut naufragio, vel alio casu,  
suggerente ordine naturæ præsumimus filium superui-  
xisse patri vel matri, l. *qui duos*, §. ult. de reb. dub. Ta-  
citus Annal. 16. *seruauit ordinem naturæ fortuna.* Statius  
4. *Linguo equidem thalamos, soluo tamen ordine tristes.*  
Hoc igitur ordine naturæ turbato, male iudicantibus  
fatis, pietatis ratio exigit, ut testamento filij patri relin-  
quatur quarta debita portionis ab intestato, quæ vulgò  
legitima dicitur, institutionis iure: quæ si non relinqua-  
tur patri, quasi exheredato competit querela, & vindi-  
catio totius hereditatis. Competit etiam patri præteri-  
to bonorum possessio contra tabulas non in assem, id est,  
totam hereditatem filij sed in semissem tantum secun-  
dum ius vetus, & in trientem secundum ius nouum;  
scil. si in emancipatione filij pater ipse manumiserit fi-  
lium. Emancipare est vendere filium, venditus filius  
manumittitur, vel ab emptore, vel à patre naturali, si  
cum ab emptore redemerit, quod agebatur contracta fi-  
ducia, quod nos dicimus *par un pache de rachapt*. Con-

A trahere fiduciam, est mancipare ea lege, ut mihi reman-  
cipetur, & à me manumittatur: & ita si emancipati filij  
manumissor extitero, quasi patronus sum filij, & non  
quasi patri, sed quasi patrono, si me præterierit filius,  
qui est mihi quasi libertus competit bonorum possessio  
contra tabul. hodie tertiæ partis bonorum filij: nam cui-  
libet alij patrono præterito datur: quod procedere in  
patre manumisso ostendit l. *si à milite*, §. ult. de test.  
mil. l. filio, §. 1. hoc tit. Ergo ei, ut patrono, datur bo-  
norum possessio contra tab. tertiæ partis bonorum filij:  
ut patri autem datur querela in assem, quod hæc l. 14.  
demonstrat, siue pater manumissor extiterit in emanci-  
patione filij siue non. Duplex ius habet pater, qui ma-  
numissor extitit: ius patris, & ius quasi patroni. Qui  
vero manumissor non extitit, habet ius patris tantum  
B quod dicitur ius antiquum, l. 1. §. ult. si à par. quis ma-  
num. Quod primus nos docuit Viglius: nec enim antea  
intellexerant interpretes, quid interesset inter ius vetus  
& nouum. Et accepta bonorum possessione contra ta-  
bul. certæ partis à patre præterito quasi patrono, d. l. 1.  
§. ult. eleganter ait, patrem posse etiam sibi defendere  
ius antiquum, quod etiam sine manumissione habebat,  
id est, patrem posse agere querela, & euincere totam he-  
reditatem, qui tamen contra tab. per bonorum possessio-  
nem abstulit tantum trientem: neque enim ei nocere de-  
bet ius patronatus, inquit d. l. 1. cum sit & pater. De-  
nique habebit & ius patris, & quasi patroni. Sed si prius  
egerit querela, & obtinuerit, frustra postea petit bono-  
rum possessionem contra tab. quasi patronus, quia assem  
eucit querela inofficiosi, quæ infirmat hoc iure totum  
C testamentum: nouo iure, institutionem tantum. Patri  
igitur præterito, ut patrono intelligimus dari bonor. pos-  
sessionem contra tab. certæ partis: ut patri querelam in-  
officiosi testamenti in assem. Nec pugnare videntur hæc  
duo remedia, cum non eodem iure concedantur, sed  
vnum, ut patrono, alterum ut patri. Et cui ut patri con-  
sultum est alia via ut perueniat ad hereditatem filij, huic  
non datur querela inofficiosi. Et hoc est quod dicitur,  
querelam inofficiosi testamenti esse subsidiarium auxi-  
lium: sed cui, ut extraneo, ut patrono consultum est  
alia via, ei ut patri non denegatur querela inoffic. testa-  
menti. Alterum quod in hac l. velim vos notare, hoc est,  
in querela inofficiosi testamenti successionem locum esse,  
(quod potissimum respicit hæc lex) id est, prioribus ex-  
D clusis, quibus deferrebat querela inofficiosi, sequen-  
tes ad querelam admitti: ut si testatori fuerint filij, pater,  
auus, & proauus, & omnes iniuria affecerit, exhere-  
datione puta, vel præteritione, quæ pro exheredatione sit,  
primum ad querelam inuitantur filij; his non obtinenti-  
bus, forte quod merito sint exheredati, inuitatur ad que-  
relam pater præteritus: post patrem auus, & sic deinceps.  
Et hoc est quod dicitur, in querela esse successionem locum,  
l. si non mortis, §. ult. l. 31. hoc tit. Species igitur legis nostræ  
hæc est: Quidam filius emancipatus duos habebat filios;  
vnum, quem pater retinebat in sua potestate; alterum,  
quem post genuerat. Duos filios exheredauit, patrem  
præterit: filij præferuntur patri in querela. Sed quid  
fiet, si filij non obtinuerint, si iudicetur merito exhere-  
E dados; vel, ut solebant veteres iudicare, si dictum sit,  
iustam causam habuisse patrem videri irascendi filiis. Et  
si non obtinuerint filij, succedit pater in querelam, qui  
& ipse iniuria affectus est, & implebit intentionem suam.  
Idem erit, si filij, qui præcedebant patrem, hoc est,  
auum paternum, repudiauere querelam, si approba-  
uerint iudicium patris. Nam & tum succedet in que-  
relam pater. Est igitur in querela successio locum. Verum  
hoc non erat sine dubitatione. & ratio dubitandi erat hæc:  
quia in legitimis hereditatibus non erat successionem locum  
ante Iustinianum, §. placebat, Instit. de legit. agnat. suc-  
cess. quia omnis successio legitima deferrebat agnato  
proximiori, & hoc excluso non poterat deferri sequen-  
ti: à querela autem inofficiosi sit via ad legitimam succes-  
sionem:



tionem: imo verò, qui agit querela, is vindicat hereditatem quasi sibi delatam iure legitimo. Sed fateor prius debere rescindi testamentum: rescinditur autem si iudicatum erit, filium immerito exheredatum videri, & rescisso testamento, ut legitimus heres ab intestato hereditatem vindicabit. Vnde quæro, si in legitima hereditate non est successioni locus, quomodo posset esse locus successioni in querela inoffic. testamenti? Sed respondeo hoc fieri adminiculo prætoris, non iure civili, *d. §. placebat*. Sic igitur concludamus. Ratione pietatis filij hereditas debetur patri, quoties voto suo frustratur pater. Ponitur in hac specie, priores egisse filios querela inofficiosi, & non obtinuisse: postea igitur egisse patrem testatoris. Quæro quid dicendum sit è contrario, si prior egerit pater querela (non debuit quidè prior agere, quia præcedebat causa filiorum, & erat adhuc intentio patris in pendenti: sed tamen nemine eum repellente prior egit) & casu quodam etià obtinuerit? Si obtinuit, filium intestatū fecit: nam querela rescindit testamentum totum, unde consequens est, patris victoriam ei non prodesse, sed nepotibus ex filio, quia non recte egit, ideo non sibi vicit, sed aliis, quia ab intestato prior est causa filiorum, non patris: quod ita ostenditur in *l. 6. §. si quis ex his, hoc tit.* quod maxime notandum. Sæpe victores pariunt victoriam, non sibi, sed aliis: cum non iure agunt, cumque etiam non iure obtinent causam. Quod si pater prior petierit bonorum possessionem contra tabulas ut patronus, & abstulerit tertiam tantum partem bonorum filij, non propterea intestatum fecit filium: nam bonorum possessio contra tabulas certæ partis, quæ datur patrono, non facit intestatum libertum. Hoc igitur casu victoria patris non prodest filiis, cum non sit aperta via succedendi ab intestato. Sed tamen, si postea egerint querela & obtinuerint, ad irritum deducetur illa bonorum possessio contra tabulas accepta à patre, quasi patrono, & sine re constituetur: ideoque pater tertiam illam partem, quam accepit restituet filiis cum fructibus, *l. filio, §. 1. hoc tit.* Ex quo intelligitur, querelam inofficiosi non dari tantum aduersus heredem scriptum, (quod vulgo dicitur, & plerumque verum est;) qua in re distat querela inofficiosi à bonorum possessione, quæ dicitur dari contra lignum, ut ait *l. quod vulgo, de bonor. possess. contr. tabul.* querela inofficiosi non datur contra lignum: nec enim datur antequam heres adierit, sed demum nascitur ab adita hereditate. Ergo datur querela contra heredem, qui tenet hereditatem: datur etiam ea contra substitutum, qui adiit hereditatem: imò datur etiam contra fideicommissarium Trebellianum, *l. 1. C. de inoffic. testam.* Datur etiam fratri exheredato testamento patris, contra fratrem præteritum eodem testamento, qui tamen per bonorum possessionem contra tabulas rem habet, *l. filium, §. sed quemadmodum, de bonor. possess. contra tabul.* Et similiter filio exheredato aduersus auum paternum præteritum, qui per bonorum possessionem contra tabulas, ut patronus partem hereditatis habet, recte dabitur querela inofficiosi. Ex quibus planum sit, querelam non semper dari contra heredem scriptum, sed & contra alios, qui tam testamento, quam alio quouis modo rem sunt consecuti. Sat multa in hanc legem scripsit Accursius, sed si ea quæ dixi, teneamus, nihil illa nos remorabuntur.

#### Ad l. 8. de prætor. stipulation.

Paulus notat. Qui sub conditione institutus est, agnita bonorum possessione, cogitur substituto in diem cauere longiorrem: prætor enim beneficium suum nemini vult esse captiosum, nec potest videri calumniose satis petere, quem alius antecedit.

§. 1. Cum sub contrariis conditionibus Titio & Manio legatum sit, utriusque cauetur, quia uterque ex voluntate defuncti sperat legatum.

Quæst. Papin.

**A** PRætorie stipulationes sunt, quas edicto prætor sedaturum pollicetur certas ob causas, his fere verbis: *Causa cognita repromitti, aut satisfdari inbebo: exempli gratia; damni infecti, vel iudicatum solui.* Hæc est vera definitio prætoriarum stipulationum: prætor eas promittit edicto, sicut actiones; dat quoque stipulationes, ut loquitur *l. si finita. §. eleganter, de dum. inf.* sicut actiones, cum iubet stipulationes interponi: atque multe sunt huius generis stipulationes. In *l. 8.* agitur de duabus stipulationibus, quarum una est de hereditate testamento relicta sub conditione heredi scripto; altera est de legatis eodem testamento relictis sub conditione. De priore prius dicamus. Heres institutus sub conditione pendente conditione iure civili hereditatem adire non potest: expectare enim debet conditionem, siquidem velit iure civili heres esse per aditionem, *l. si quis extraneus, §. ult. de acqu. hered.* At iure prætorio benigniore, quod respicit magis ad utilitatem negotiorum, heres scriptus sub conditione, pendente ea potest admittere bon. possessionem secundum tab. quod certum est, etsi primo mirum videatur, *l. 2. §. si sub conditione, l. si sub conditione, & seq. de bon. poss. sec. tab.* Hoc autem privilegium prætor concedit non abs re, hoc est, facile petenti ante conditionem existentem bon. possessionem secundum tabul. impertitur, quod sit ea res utilissima creditoribus, ne longior mora eis fiat diu iacente hereditate sine domino, vel quasi domino: poterit enim conditio pendere per vicennium, & quis interim respondebit creditoribus? prætor inutile esse existimauit diu in suspensio esse successionem, ideoque dat facile bonor. possessionem etiam scriptis sub conditione, antequam conditio extet, quæ tamen bonor. possessio, si conditio defecerit, sine re constituetur: sed interim pro bonorum possessore habebitur, hoc est, velut heres existimabitur, & eum conuenient treditores, & legatarij, & fideicommissarij. Quid fiet, si heredi instituto sub conditione datus sit substitutus vulgariter sub contraria conditione, veluti hoc modo: Primus heres esto, si naus ex Asia venerit: si primus non erit, secundus esto: vel sic: Primus heres esto, si naus ex Asia venerit, secundus heres esto, si non venerit. Quid, inquam, fiet, si hoc casu heres institutus sub conditione, pendente ea petat bon. possessionem secundum tabul. quomodo erit cautum substituto, cum interim bona dilapidare possit primus, & ita lædere substitutum? Equum est cauere substituto, sed ex iusta causa, non temere. Prætor hoc casu ex iusta causa iubet heredem scriptum, qui pendente conditione accepit bonorum possessionem secundum tab. cauere substituto hac stipulatione nihil se in annos 10. vel 20. vel prout libuerit prætori præstitui diem, si tamdiu pendeat conditio institutionis: nihil, inquam, se in ea hereditate deterius facturum. Demonstrat hoc Paul. 5. sent. de stipul. & Vlpian. in *l. inter, qui satisfd. cog.* quæ explicatur malè ab omnibus, & auctor vobis sum, ut deleatis maiorem glossam Accursij. Et verò tantum abest, ut *d. l. inter*, ab hac nostra dissentiat, quinimo illa huic maxime consentit, idque ut liquido appareat nobis enarranda sententia est *d. l. inter*. Primum ait, *inter omnes constare*, id est, certissimum esse. Hoc verbum *constare* est verbum proprium Iurecons. ut liquet ex Cicerone in orat. pro L. Flacco, illo loco: *Census es mancipia Amyntæ, neque huic ullam in eo fecisti iniuriam: possidet enim ea mancipia Amyntæ; ac primo quidem pertimuit, cum te audisset seruos suos esse censum.* Retulit ad Iurisconsultos: *constabat inter omnes, si aliena censendo Decianus sua facere posset, cum maxima habiturum esse.* Constat autem maxime inter omnes, quod est edicto proditum. Hæc autem stipulatio, de qua hic agitur, & in *l. inter*, est edicto prodita, ut omnis prætorie stipulatio edictalis est, sed & postea decernitur, cum quis interponi postulat secundum formulam edicti. Ait autem postea Vlpian. in *d. l. inter*, heredem scriptum sub conditione, ea pendente

H



possidentem hereditatem, (non dicit ex edicto, non dicit adeuntem. Nam adire non potest ante conditionem) cauere debere substituto de non minuenda hereditate, & si defecerit conditio, primum bonor. possessio secundum tab. sine re constituetur, & licebit substituto adire ex causa substitutionis, & petere hereditatem à possessore, & si obtinuerit, committetur illa cautio aduersus heredem scriptum, si quid pendente conditione deterius in hereditate fecerit. Et licet interponatur cautio, antequam deficiat conditio institutionis, & existat conditio substitutionis, non tamen etiam ante committitur ea stipulatio. Et subiicit eam cautionem plerumque interponi iussu prætoris ex causa, etiam ante conditionem existentem, hoc est, antequam existat conditio substitutionis, substitutum eam cautionem recte desiderare, et si nihil iuris tum habeat in ea hereditate, & audiri eum. Et addit Vlpian. interponi etiam ante diem petitionis venientem: quod obscurum est, & explicandum hoc modo. Interponitur cautio ea, antequam conditio substitutionis existat. Hoc dixit sup. Adicit autem, interponi etiam eam, posteaquam extiterit conditio substitutionis, antequam scilicet venerit dies aditionis, & petitionis hereditatis, quæ substituto competere potest, id est, interponi eam, antequam scierit se esse substitutum, vel potius, antequam scierit sibi delatam esse hereditatem ex substitutione. Idem est dies aditionis, & petitionis hereditatis, quod ad initium attinet, non quod ad finem: nam & aditionis, & petitionis dies cedit, ex quo cognouit institutus, vel substitutus sibi deferri hereditatem, l. Pannonius, de acq. here. l. regula, §. si filius. de iur. & fact. ignor. Sed dies aditionis finitur 100. diebus, sicut & olim dies cretionis fiebat. Dies vero petitionis est perpetuus, hoc est, finitur annis 30. l. hereditatis, C. de pet. hered. Cæterum quod vult d. l. inter, hoc est, eam cautionem præstari substituto, antequam extiterit conditio substitutionis, & posteaquam extitit, antequam venerit dies substitutionis, & petere possit hereditatem substitutus, id est, antequam scierit sibi delatam esse hereditatem, & potuerit eam adire: nam duo exiguntur, vt scierit, & potuerit. Hæc est sententia l. inter, in qua maxime notandum quod ait, hanc cautionem interponi ex causa, non passim: nam exempli gratia, si heres scriptus sub conditione, qui bonorum possessionem secundum tab. accepit, sit homo bonæ frugis, non patitur prætor ab eo cautionem exigi de non minuenda hereditate: si sit dissolutus, compellet eum vt caueat substituto. Veruntamen si sit modica hereditas, vix interponetur hæc cautio: si vero sit ampla, vtique interponetur, quia maior erit facultas heredi grassandi & dilapidandi: quod definit Paulus d. libro 5. Sent. tit. 9. his verbis: *Huius enim præiudicium à superiore differt, quod quaritur, an ea res de qua agitur, maior sit centum festeritiis, ideoque in maiorem diem concipitur.* Quibus verbis videtur Paulus definire ampliorem hereditatem ad modum centum festeritiorum. Existimat Paulus eam hereditatem esse locupletem, quæ maior est centum mille festeritiis, quæ summa redigitur ex constit. Iustiniani ad centum aureos, seu solidos: semper enim Iustinian. mille festeritios æstimat aureo vno. Si igitur hereditas maior sit 100. aureis, est iusta causa interponendæ cautionis, non etiam si minor sit hereditas: atque ita ex causa interponitur hæc cautio, hoc est, causa cognita. Nunc videamus, quomodo consentiat d. l. inter cum hac l. nostra. Initio quidem huius legis §. non profertur quod scripserat Papinianus, ad quod notam adhibuerat Paulus: & ideo quamobrem reprehenderit Papinianum nescimus. Nota autem Pauli sententia apertissima est ex formula cautionis: nam ait, *qui sub conditione institutus est, agnita bonorum possessione secundum tab. cogitur substituto in diem cauere longiorem.* Ex formula cautionis patet, quid sit cauere in diem longiorem, puta, in annos decem, vel 20. vel si ita præfiniuerit prætor tempus, se nihil in an-

A nos 20. deterius facturum, hoc est, cauere in diem longiorem, l. 1. de ripa mun. & l. si finita, §. 1. de damn. inf. l. pen. hoc tit. Ideo autem cauetur in diem longiorem, quia nolunt fideiussores se obligare in infinitum: sed in hac specie non idoneè cautum videtur, nisi caueatur in diem longiorem, & si non in infinitum caueatur, die illo cautionis finito, si adhuc pendeat conditio, quid fiet? Aut liberabitur heres scriptus, qui cauit, aut arbitrato prætoris ex integro cauendum erit, d. l. si finita, in princip. Ergo qui sub conditione heres est institutus agnita bon. possessione secundum tab. cogitur cautionem interponere. Subiicit Paul. rationem interponendæ cautionis hoc modo: *prætor, inquit, nemini vult esse captiosum beneficium suum:* intelligit beneficium bon. possessionis secund. tabulas: & ita in l. sed cum patrono, §. 1. de bon. posses. ait, *beneficium bonorum possessionis multiplex est.* Beneficium igitur hoc prætoris quod datur heredi scripto sub conditione, non vult prætor esse captiosum alteri: non vult bonorum possessionem, quam dat heredi conditionali, præiudicium afferre alteri: & ideo vult cauere alteri cuius interest, vt puta, substituto, hereditatem scilicet deminutam non iri. Valde sunt suauis, qui ita interpretantur: & possent tamen illi plerisque imponere: vt scilicet prætor nolit beneficium suum esse captiosum heredi scripto in quem contulit beneficiū suum: ideoque heres scriptus, inquit, non est onerandus satisfactione, vt cogatur querere fideiussores, & cauere, quæ cautio difficilis est, & molesta: sunt enim inuenta difficiles fideiussores, l. omnes, §. præterea, C. de episc. & cler. imo est contumelia quædam desiderare ab honesto viro fideiussores, quasi sit dubia fides illius, aut suspecta, aut non sint ei facultates idoneæ, l. 17. in fine, de rest. tut. Ergo ne beneficium illud heredi scripto sit oneri, non cogitur cauere fideiussoribus, sed satis erit, inquit, si præstet cautionem nudam, nullo adhibito fideiussore, id est, si ipse solus promittat, se in ea hereditate deterius nihil facturum. Atque hoc iis verbis Pauli, quæ sequuntur congruere dicunt illi: his scilicet. *Nec potest videri calumniose satis petere, quem alius antecedit.* Hoc videtur recte dictum, tamen non probatur à nobis, quia satis petere, nobis est petere fideiussores. Denique is, inquit, quem alius antecedit in ea hereditate, videtur calumniose desiderare fideiussores, quos quidem desiderat substitutus, quem antecedit institutus. Et ita durus est actor dum sibi vult fideiussores dari, quod videtur facere vexandi heredis scripti causa, vt indaget fideiussores: nec vero debet tam sollicitè desiderare sibi cauere datis puta fideiussoribus: & æquum est, vt sit contentus nuda promissione. Sed hæc expositio à nobis probari non potest. Nam statuimus hanc cautionem esse satisfactionem, nec cauere recte hac de re, nisi fideiussoribus idoneis. Paulus dicto loco ait, vt iliter esse cauendum. Porro vt iliter cauere in iure est satisfactio cauere, §. constituitur, Instit. de usus. ac propterea, cum summa diuisio prætoriarum cautionum hæc esset, alias esse nudas cautiones, siue repromissiones, alias satisfactiones, Iurisconsultus in l. 1. hoc tit. enumerauit diligenter nudas cautiones, vt intelligeremus, vt ipse ait, ceteras esse satisfactiones. Igitur quæ non sunt in lege prima enumeratæ, satisfactiones sunt. Hæc igitur satisfactio est, quia non est in eo numero. Præterea si non est æquum, si est calumnia quædam seu vexatio ab eo, qui antecedit, desiderare fideiussores, cur non erit etiam calumnia quædam desiderare cautionem nudam? Nam in l. prætor ait, de damno infecto, non tantum qui desiderat satisfactionem damni infecti, sed etiam, qui nudam desiderat cautionem damni infecti iurat se eam non petere calumniæ causa, aut vexandi animo, quod nos dicimus, *pour fâcher seulement sa partie*: ex quo intelligitur in vtramque postulationem cadere posse calumniam, & consequenter eum heredem, qui sequitur alium, puta substitutum, non minus videri calumniose petere



cantionem nudam, quam satisfactionem. Postremo nullus ferat inquam ut hæc verba, *Prætor summi beneficium vult nemini esse captiosum*, intelligantur de eo, cui dedit beneficium; intelliguntur de omni altero. Nam dicit *nemini*: hoc est, non vult bonorum possessionem, quam dat instituto, nocere substituto, atque ideo vult caueri substituto ab instituto, idque satisfacto. Est itaque legendum, in hac lege ut antea probavi, *nec potest videri, &c.* non ut vulgo, *& potest*: quia & ipse, qui succedit, sperat hereditatem, sperat uterque, nec utriusque adhuc competit in hereditate ius vllum. & idem contingit in specie, quæ sequitur. Posterior pars huius legis est Papiniani, non Pauli, ut constat ex *l. etiam, ut in pos. eat*. Est quædam stipulatio prætorii quod legatorum, de qua in tit. *ut legatorum nomine caveatur*. Hanc stipulationem exigunt legatarii, quibus legata sunt relicta sub conditione ab herede scripto, dum verentur, ne interim dissipet legata heres scriptus, aut legatorum inanes actiones reddat. Et cauet heres his fere verbis: *Qua dari ferine voluit testator, ea ijs diebus dari, ferine quibus voluit, dolumque malum abesse abfuturumque esse*. Nunc finge. Eadem res duobus legata est sub contrariis conditionibus, primo fundus ille, si navis ex Asia venerit, secundo idem fundus, si non venerit: utrique legatario præstanda cautio est, quæ est etiam satisfactio, & legatum uterque sperat, & nisi utrique caveatur, uterque mittetur in possessionem, *d. l. etiam, in fine, ut in pos. leg.* Idemque erit, si eadem res legata sit duobus sub diuersis conditionibus, *l. 3. ut leg. nomine cau.* quæ corrupte heic ab Accursio citatur diuersæ sunt: ut eam rem lego Titio, facit differentiam inter diuersas & contrarias: *si navis ex Asia venerit*. Deinde, eandem rem lego Mævio, si Titius Consul factus sit, etius conditio prior extiterit, is prior ad legatum admittetur, erit tamen utrique cauendum. Dices, hoc magno oneri futurum heredi, dum utrique quærendi sunt fideiussores. Dicam, imò non erit, nam poterit utrosque fideiussores ad utramque fideiussionem adhibere: nec ideo fideiussores onerabuntur cum futurum sit, ut alterutri tantum teneantur: *l. si duo, ut legat. nom. cau.* Et sic etiam si filiofamil. legatum sit sub conditione, & patri & filio est cauendum, quia tempore existentis conditionis fieri potest, ut filius non sit in potestate, ut adquiratur filio legatum, non patri. Igitur & filio cautum esse debet, sed iisdem personis cauebitur: quare non onerabuntur fideiussores, qui vni tantum tenebuntur, neque etiam heres *d. l. 3. ut leg. nom. caveatur*.

Ad leg. 37. ad leg. Iul. de adult. & l. 8. de inoffic. testam. & l. 4. de his quæ ut indigni.

Sequuntur loci, in quibus ab alijs auctoribus citatur Papinianus in hoc libro quinto questionum.

**S**cripsisse Papinianum libro 5. questionum de querela inofficiosi testamenti intelleximus iam ex *l. 14. de inoffic. test.* Et hodie etiam intelligemus coniuncta *l. filiumf. 37. ad leg. Iul. de adult.* cum his quæ ex eodem libro Vlpianus refert in *l. 8. de inoffic. test. l. 37. ad leg. Iul. de adult. & l. 4. de his, quæ ut indigni. ans.* Quas omnes l. ostendam pertinere ad querelam inofficiosi testamenti. Et primum in *d. l. 8.* refert Vlpianus Papinianum libro 5. quæst. scripsisse, filio quem habet in potestate pater exheredato, vel præterito testamento matris, vel cui materni (quorum silentium siue præteritio exheredatio est) patrem non posse nomine filij instituere querelam inofficiosi inuito filio. Aliis actionibus, quæ persecutionem habent nomine filij quod sint scilicet adquisitæ filio, ac per filium mox patri, potest experiri inuito filio, quia pecunia est propria patris. Querela inoffic. testamenti an habet principaliter pecuniæ persecutionem? Minime: quamvis ei qui vicerit, obueniat pecunia, hoc est, hereditas: tamen magis iniuriæ, Quæst. Papin.

**A** quam pecuniæ persecutionem habet, quamquam pecuniam secum trahat: & iniuria seu indignatio est propria filij, *l. filius, de inoff. test.* Exheredatio est iniuria, infamia, nota. Et querela inofficiosi quasi huius iniuriæ actio, ac persecutio, id est, exheredationis potius quam pecuniæ: quæ iniuria & infamia cum sit propria filij, non est persequenda inuito filio, non reuocante in animum iniuriam filio: querela, inquam, inofficiosi est species actionis iniuriarum, est certæ iniuriæ actio, id est, exheredationis: qua de causa comparatur recte generali actioni iniuriarum. Querela est specialis actio iniuriæ: generalis est de ea de qua est titulus, &c. Actio iniuriarum generalis causam doloris agit, ut ait Novell. *Valentiniani, de libert. & success. eor.* Cicero pro Cæcinnæ? *Actio iniuriarum, non ius possessionis assequitur, sed dolorem immutata libertatis poena iudicioque mitigat. l. 2. §. emancipatus, de collat. bonor. l. Item apud, §. si quis seruo, de iur. & famof. libell.* actio iniuriarum magis doloris & contumeliæ, quam pecuniæ persecutionem habere, licet lis pecunia æstimetur. Et ita etiam querela inofficiosi, doloris & iniuriæ est actio, quod ipsum nomen querelæ demonstrat. & sicut generalis iniuriarum actio tacita dissimulatione amittitur, *l. non solum, §. 1. de iniur.* ita & *l. C. de in integr. restit. min.* Et secundum hæc, quod Vlpianus ex Papiniano refert in *d. l. 8.* ut non possit eam pater nomine filij instituere inuito filio, quod filij sit iniuria, possis verissime trahere etiam ad quolibet actionem iniuriarum, ut nomine filij non possit pater, si filio facta sit iniuria, intendere actionem iniuriarum inuito filio: suo nomine potest agere actione iniuriarum, si filio sit facta iniuria, etiam inuito filio, non filij nomine. Et in hoc discrimen est vnicum inter querelam inofficiosi testamenti, & generalem actionem iniuriarum: nam iniuria alia, quæ sit filiofamil. est communis patris & filij, & ex ea nascitur duplex actio; vna, quæ patri competit, altera quæ filio, nec alia aliam consumit, sed ex utraque eactio est, *l. 1. §. ult. de iniur.* Nam iniuria filijf. pertingit, & patrem, & inde duplex actio oritur, quarum vna si egeris, non ideo minus etiam egeris alterâ: vna tuo, altera filij nomine. Tuo nomine, etiam inuito filio, quia de honore & dolore agitur, non de re quæ sita per filium. Verum exheredatio est genus iniuriæ, quod solum filiū afficit, non est communis patris & filij. An pater pro filio exheredato, suo nomine non poterit agere querela inofficiosi testamenti nomine? minime: non est iniuria communis, sed ut ait *l. 8. filij propria*. Igitur inuito filio pater queri non potest. Item quæro, an præparata querela inofficiosi à filiofam. exheredato testamento matris, si mox decesserit filiusf. an possit pater agere querela inofficiosi? an possit exequi querelam, quam præparauerat filius? Et ex eodem Papiniano *d. l. 8. §. 1.* refere Vlp. non posse, quia filio exheredato, querela inoffic. testamenti non datur patris, sed filij nomine, qui mortuus est, & cui mortuo heres non existit pater. Querela quidem præparata transmittitur in heredem, fateor, sed filiusfam. heredem non habet, ne patrem quidem. Cum igitur defecerit is, cuius propria iniuria erat, nec reliquerit heredem, finita querela est. Et docet *d. l. 8. §. 1.* præparari querelam, hoc est, comparare se exheredatum videri ad querelam instituendam, si agnouerit bonorum possessionem litis ordinandæ causa. De qua bonorum possessione hoc breuiter obseruandum est, non esse specialem bonorum possessionem, sed esse bonorum possessionem vnde legitimi. Hoc casu, quando filius est præteritus testamento matris: vel esse bonorum possessionem vnde cognati, quando frater est exheredatus testamento fratris turpi herede scripto: & hanc bonorum possessionem agnoscit exheredatus antequam accedat ad querelam, ne ad eam accedat sine prætextu, sine titulo, hoc est, ut dicat, se esse cognatum, vel legitimum, ut dicat se non debere exheredari. Et ita in Gallia necesse est ut impetremus litteras regias, quas vocamus *Lettres* H ij



de Chancelerie, priusquam liceat litem mouere. Ceterum etiam si filiusfamil. exheredatus instruxerit se ad querelam, & mox decesserit, nihil transmiserit in patrem, qui filio heres non est, eique querela non competit, quia solius filij nomine, & voluntate institui potest. Nunc quæramus ex contrario, an si filiofamil. sit facta iniuria, possit filius agere iniuriarum inuito patre? Et sane eadem ratione, quia propria est iniuria filij, & actio doloris, non pecuniæ persequitio principaliter: consequens est, vt possit filius agere inuito patre ex iusta causa. Nam etsi sit propria iniuria filij, proprius dolor filij, tamen multum potest patria potestas, multum conferre filium conuenit paternæ reuerentiæ, ideoque non temere agit, ne de iniuria quidem propria inuito patre: agit tamen ex causa, vt si pater sit vilissimus, cui iure meritoque Prætor sit daturus duratorem, si pater facile remittat iniuriam filio factam, nec velit filium agere iniuriarum: filij vero persona sit honesta, hoc casu licebit filio agere iniuriarum inuito patre, *l. sed si vnus §. filiofam. de iniur.* Pari ratione filiofam. licebit reum arguere adulterij eum, qui violauerit thorum suum, aut etiam ream facere vxorem inuito patre; quod *lex 37. ad leg. Iul. de adult.* ait constitutum esse: & vero constitutum est ab Adriano. Opus fuit constitutione, *l. inter. §. 1. eod.* Et subiicit rationem Papin. *Vindictam enim proprii doloris consequitur*: ac si diceret: hoc iudicium adulterij non est de pecunia, quæ patris est, sed est de proprio dolore, & iustissimo, vt ait *l. si adulterium, §. Imperator, hoc tit.* Et cōuenit huic rei quod ait Ouid. Eleg. 1.

*Exigit iste dolor plusquam lex vlla dolori*

*Concessit, at tu ne dubita, minuet vindicta dolorem.*

Exigit nempe, vt hunc dolorem vlciscatur filiusfamilias etiam inuito patre, publico iudicio legis Iuliæ de adulteriis. Et consequitur, id est, persequitur, in glossis Basilic. *ἀμάρτυς*, quod est persequitur. Eodémque modo filiusfamil. maritus, perinde ac si esset paterfamil. adulterum domi suæ deprehensum occidere potest non consulto patre, si modo sit eius conditionis, quæ exprimitur lege Iulia, *l. marito, hoc tit.* nam non quemlibet marito licet occidere, sed infamem iudicio publico damnatum, seruum, aut libertum suum, aut vxoris, patris, matris, filiæ, vel etiam vtriusque eorum. Sunt certi homines, quos deprehensos in adulterio licet occidere, non licet quemlibet, nec omni loco, sed domi suæ, quo casu non distinguitur filiusfamil. à paterfamil. *l. inter, §. ult. l. marito, §. 1. hoc tit.* Hoc est ex *l. Iulia de adulteriis*: itémque hoc est ex *l. Iulia*, vt maritus possit vxorem occidere: & necesse est vt triduo id profiteatur apud magistratum. Si tamen impatientia doloris etiam vxorem occiderit leniore pœna punitur, quam sit definitum lege Cornelia de sicariis: nam ei remittitur vltimum supplicium, *d. l. si adulterium, §. Imperator.* Olim licebat & vxorem occidere, vt constat ex Catone apud Gellium, hodie licet ex Nouell. Maioriani, quæ dicit, se ius antiquum restituisse: illud scilicet quod refert Cato. & vt Harmenopolus etiam refert, iure veteri quemlibet adulterum licuisse occidere. & notanda est hac in re differentia inter patrem & maritum. Marito siue sit paterfamilias, siue filiusf. ius est occidendi adulteri eius, qui comprehenditur lege Iulia. Patri autem si deprehenderit filiam in adulterio ius est occidendi adulteri si modo & filiam occidat: est mira prudentia legis Iuliæ: vix occidet filiam, nec adulterum igitur: alioquin erit reus homicidij si salua filia, solum adulterum occiderit: sed si filiæ non pepercerit, impune occidit adulterum: & non refert siue occidat in domo sua, siue generi, non etiam si in alio loco eum deprehenderit. Exiguuntur tria aut etiam quatuor vt faciat impune. Primum, vt vtrumque occidat: nam si alterum tantum occiderit, in legem Cornelianam incidit: deinde vt occidat filiam ex continenti, vno ictu, æquali ira in vtrumque sumpta, *l. quod ait, §. ult. hoc tit.* Ex intervallo si occide-

rit filiam, est reus homicidij, quod occiderit filiam post iram sedatam, non ex continenti. Pleraque licent ex continenti, quæ non licent post tractum temporis, vt ecce, si quis vim, vel iniuriam tibi inferat, licet tibi eam vlcisci ex continenti, non ex intervallo, *l. 3. §. cum, de vi & vi arm.* quod & verbum *propulsare* demonstrat, cum ait, *vim & iniuriam propulsare licere.* Propulsatio non fit nisi ex continenti. ac similiter deprehensa in adulterio filia, non impune alterum occideris, nisi vtrumque in continenti occideris ictu vno; atque etiam necesse erat ex lege Solonis, deprehendere *ἐν ἑσπέρῃ, l. quod ait, l. 23. in princ. hoc tit.* seu *ἐπ' αὐτῶν ὁσῶν*, Lucianus in Dialogo Deor. quod etiam Græci de omnibus criminibus, proprie tamen de furto. Item exigitur vt filia ea sit in potestate patris, nam concipitur lex Iulia de eo qui non est in potestate: qui non est iux potestatis, non potest alterum habere in potestate. Et sane ita est secundum verba legis Iuliæ. Sed tamen Paulus in Sententiis scribit (quæ tamen sententia non extat) verbis quidem legis prope esse, vt filiusfamilias pater non possit filiam occidere & adulterum, quoniam lex loquitur de patre, qui filiam habet in potestate: permittit tamen ei vt eam occidat. Ex his apparet nos existimare tractantem Papinianum de querela inofficiosi testamenti, seu de iniuria exheredationis, miscuisse huic tractatui etiam quamlibet iniuriam & agitalle simul, possitne filius inuito patre suam iniuriam persequi & contra, possitne pater filij nomine inuito filio? Puto etiam quod ex eod. libro refert Vlp. in *l. 4. de his quæ vt indig.* commodissime referri ad tractatum de querela inoffic. Illud est de legatario, qui vnum ex heredibus falso esse adscriptum dicit, nec obtinuit: non est ea lex de inofficioso, sed de falso, vel de herede testamentario, quem quis falso heredem esse dicit, & hac in re est differentia, vtrum quis dicat inofficiosum testamentum, an falsum. Si is, cui legatum relictum est, dicat totum testamentum esse falsum, & non obtineat, vel etiam si obtineat, à legato repellitur, *l. 3. ad l. Cornel. de fals.* Finge, non obtinuisse, & postea petere legatum, : non obtinebit, quia impugnauit iudiciū defuncti, *l. 3. ad leg. Corn. de fals.* Sed si dicat vnum ex heredibus falso scriptum, non statim repelletur à legato relictō ab illo herede, quem dixit esse falsum; non à legato relictō ab altero, quem non inquietauit. An vero idem dicemus de querela inofficiosi testamenti? licet agere querela pro parte, *l. circa, de inoffic. test.* Sic fiet pro parte testatus, pro parte intestatus, qui ab initio fieri non posset. Finge: Exheredatus egit aduersus vnum ex heredibus, & non obtinuit, an repelletur à legato? Sic sane, quia aduersus vnum heredem egit, & totum testamentum inculcauit: neque enim potuit agere querela pro parte, quin diceret testatorem dementem fuisse videri. Hic enim est color querelæ, si abesset hic color, non esset locus querelæ, quæ est actio colorata. Afinius apud Quintilianum *Furiosum, non inofficiosum testamentum reprehendimus, l. 2. §. l. mater, l. Titio, de inoff. test.* Qua de causa etiam si egeris pro parte aduersus vnum heredem, tamen non dixeris pro parte dementem defunctum fuisse: atq; ita impugnas totum testamentum, ideoque cadis legato tibi relicto. Est etiam alia differentia, quam adnotauit Paul. in *l. 5. de his quæ vt ind.* exheredatus, qui agnouit legatum non potest agere de inofficioso testam. & qui agnouit legatum potest agere de falso testamento. Et hanc adfero differentię rationem: quia exheredatus, qui agnouit legatum, qui accepit legatum ab herede, accepit, sciens testamentum esse inofficiosum, quia non potuit ignorare se exheredatum esse, qui alium cernebat heredem exequentem partes heredis. Sciens igitur approbavit iudicium defuncti, & iniuriam ad animum non reuocauit. At potest quis ignorans testamentum esse falsum, accipere legatum, qui si postea cognouerit esse falsum, cur non licebit ei dicere falsum esse testamentum & legatum obtinere, qui si forte non obtinuerit, causa ei



quod fortasse ei persuasum fuit testamentum esse falsum, vel erat reuera falsum, sed non obtinuit. Contra, qui accepit legatum, prohibetur inofficiosum dicere, quia defuncti iudicium approbavit in quo vel præteritus, vel exheredatus erat, quod non potuit ignorare, cum ab herede scripto legatum petiit, atque accepit.



IACOBI CUIACII  
IURISCONSULTI  
COMMENTARIUS  
in Lib. VI. Quæstionum  
Æmilij Papiniani.

Ad l. 50. De petitione hereditatis.

*Hereditas etiam sine ullo corpore iuris intellectum habet, §. 1. Si defuncto monumentum, conditionis implenda gratia, bona fidei possessor fecerit: potest dici, quia voluntas defuncti vel in hoc seruanda est: utique si probabilem modum faciendi monumenti sumptus, vel quantum testator iusserit; non excedat eum, cui auferitur hereditas, impensas ratione doli exceptione, aut resenturum, aut actione negotiorum gestorum repetiturum, veluti hereditario negotio gesto; quamvis enim stricto iure nulla teneantur actione heredes ad monumentum faciendum, tamen principali vel pontificali auctoritate compelluntur ad obsequium suprema voluntatis.*



**L**IBRI quinti quæstionum Papiniani magna pars fuit de querela, & petitione hereditatis, quæ datur ex causa inofficiosi testamenti. Liber sextus est de generali petitione hereditatis, & de speciali in rem actione; & quod primum ex illo libro se offert in l. 50. de pet. hered. docet quid hereditatis nomine contineatur. *Hereditas, inquit, etiam sine ullo corpore, iuris intellectum habet.* Sententia hæc est: Hereditatem cum dicimus, ius dicimus, non corpus, non pecuniam: hereditas est nomen iuris, non corporis, res incorporalis, non corporalis, l. 1. §. quodam, de rer. diuis. l. 3. §. 1. de bon. poss. l. hereditatis, l. herentum, l. pecunia, de verb. signifi. Ergo hereditas res est, quæ sensibus non percipitur, sed quæ intellectu abstrahitur, & apprehenditur. Corpora solis sensibus percipiuntur, aut non nisi sensibus. Et hoc est quod dicunt Philosophi: sensus cognitionem non ante sensum esse: neque enim rem corporalem nosti, nisi eam videris, vel attigeris. Secus in incorporalibus: nam ante sensum rem incorporalem nosti, etiam si eam neque videris, nec attigeris. Ex eo sequuntur multa: hereditatem non posse vsucapi, quia res incorporalis non potest vsucapi: hereditatem non posse possideri pro diuiso, l. 8. in fin. de rei vind. quia pars pro diuiso est corporalis, rei autem incorporalis pars corporalis esse non potest: possideri quidam hereditas potest pro parte indiuisa: hæc enim pars non est, sed intelligitur, sed non potest etiam hereditas possideri pro parte diuisa. Sicut etiam d. l. 8. ait, quod notandum, rem mobilem non posse possideri pro diuiso: nam si rem mobilem diuidis, perdis, nauem diuidere, perdere est, ut dicebat Cæcilius apud Macrobiū 2. Saturnal. 6. Ideoque nec res mobilis corporalis, nec hereditas pro diuiso possideri potest. Ex eo etiam sequitur quod est in l. cogi, §. inde queritur, ad Trebell. si quis rogatus sit restituere hereditatem deducto ære alieno, & legatis, & oneribus deductis, inanem esse eam deductionem, aut compleri eam non posse, quod non possit ex iure (id autem est hereditas) deduci quantitas. Et ex his etiam intelligitur, etiam si in bonis, quæ relinquit defunctus, nulla sint corpora, nullæ pecuniæ, sed iura tantum, ut actiones, obli-

gationes, nomina, hereditatem tamen esse. Si in bonis tantum sit vnum nomen, hereditas est, cuius tamen nullum subest corpus quod mihi possis demonstrare, nisi corpus chirographi quod per se nihil est. Nam non corpore chirographi spectamus, sed nomen & actionem. Et ita sit, ut actione, quæ proponitur hoc titulo, agatur non tantum aduersus eum, qui possidet corpus hereditatis, sed etiam aduersus eum, qui ius possidet. Sic hereditas petitur à debitore hereditario, vel ab eo, cui per causam hereditatis actio aliqua competit, l. nec vllam, §. vlt. l. quod si, §. idem Iulianus, & l. idem Iulianus, h. tit. Fingeris qui possidebat pro herede, fundum hereditarium, deiectus est vi de possessione fundi, an recte ab eo petit verus heres hereditatem: Sic sane: quin etiam si non possideat fundum, cuius possessione detrusus est; habet tamen ius, id est, interdictum unde vi recuperandæ possessionis causa, quod quidem actori, seu heredi vero conuentus petitione hereditatis cogetur cedere: hoc enim tantum intendit actor: nam hæc actio est mista, & intendit non tantum suam hereditatem esse, sed etiam sibi dari, aut fieri oportere. Mista igitur actio est tam in rem quam in personam Breuiter quid est hereditas? est ius vniuersum successionis defuncti; vel, successio iuris vniuersi defuncti. Ut medicis infirma valetudo, & valetudinis infirmitas ægrotudo est: ita nos dicimus ius vniuersum successionis, & successionem iuris vniuersi pro hereditate. Et ius vniuersi dicimus, quod nomen istud comprehendat non lucra tantum, sed etiam damna: non tantum commoda, sed & onera. Et sunt pleræque damnosæ magis hereditates quam lucrosæ: est enim hereditas ius vniuersum quod sustinuit defunctus: & similiter recipit nomen istud quasi nomen iuris, accessiones & decessiones omnes: hereditas facile suscipit augmentum & diminutionem, neque ei, ut corpori certi fines circumscribuntur. Et quamuis in actione in rem speciali, quæ est de corporibus, non veniant fructus percepti ante litem contestatam, neque actionis iure, neque officio iudicis: fructus tamen percepti ante litem contestatam post mortem defuncti veniunt in petitionem hereditatis, l. item veniunt, §. item non solum, h. tit. quia formula petitionis hæc est, si hereditatem Titianam meam esse paret. Petitur ergo hereditas, porro augetur hereditas fructibus, verbis ergo formulæ prope est, ut videaris etiam petere fructus, qui hereditati accesserunt post mortem defuncti. Iuris nomen latissime patet, quod facile augetur, vel deminuitur. & hereditas igitur, hereditas Rhetoribus est pecunia, nobis non est pecunia, sed ius, cum peculium, cum dotem, fructum dicimus, ius peculij, ius dotis, ius fruendi dicimus, non peculium, non dotem, non fructum simpliciter. quæ fere verba iuris in iure consistunt, id est, iuris intellectum habent. Proposita definitione hereditatis transit Papi. ad quæstionem huiusmodi. Quidam heredem scripsit sub conditione, si ei monumentum intra tres menses ædificaret: Bonæ fidei possessor, qui existimabat se esse heredem, eius conditionis non ignarus, eam impleuit, monumentum ædificauit, ut perueniret ad hereditatem: deinde euincitur ei hereditas petitione hereditatis à vero herede, suam esse hereditatem asserente. In hoc iudicio bonæ fidei possessor iustos sumptus reputat actori, eosque sibi seruat beneficio retentionis, vel exceptione doli mali Queritur, an iustus sit sumptus, quem fecit monumenti causa? Ait iustum sumptum esse, non tantum, si sub ea conditione heredem scripserit, ut monumentum faceret, sed etiam si pure eum scripserit, & damnauerit, ut monumentum faceret: nam utroque casu seruanda est voluntas defuncti: & sane priore, quia ante conditionem impletam non potest adire hereditatem scriptus heres sub conditione: sed & posteriore etiam. Et hoc est, quod ait: voluntas defuncti vel in hoc seruanda est, id est, etiam in hoc, ut in Basilicis, nam hoc vocabulum, vel, non est hoc loco particula disiunctiua. Sed exigitur, ut ait Papi.



ne probabilem modum excefferit extruendo monumeto: qui constituitur arbitrio boni viri pro facultatum, & pro modo dignitatis defuncti. Vel exigitur ne excedat modum, quem ipse testator constituerit, si modo & ipse testator iustam rationem sumptuum seruauerit: nam si immodicum sumptum fieri iusserit, non erit seruanda eius voluntas. Et placet valde quod est in l. 1. in fi. & l. 2. ad leg. Falcid. *sicui sit legata pecunia ad monumentum faciendum, quandoque legatarius pati Falcidiam*: nam si legatum tantum sit pecunia, quantum sufficit ad speciem modicam monumenti, non patitur Falcidiam, legatum habet extra rationem Falcidia: sed si legata sit immodica pecunia ad monumentum faciendum, in eo quod abundat, legatarius patitur Falcidiam, nec permittitur illi totam pecuniam insumere in monumētū, ne plus impendat; quam ferat arbitrium boni viri: sunt enim leges quæ imminuunt istos sumptus, nec omnia volunt concedi defuncto, sed id tantum quod sufficit ad speciem modicam monumenti. reliquum igitur habebit inuitus legatarius, & ex eo patietur Falcidiam detrahi. Significat d. lex 1. §. ult. necessariam quidem impensam esse funeris, & sepulturæ, & eam deduci in ratione Falcidia: ponenda quasi æs alienum, tamen impensa monumenti non deducitur, quia non est necessaria, nisi scilicet eam testator fieri voluerit, ac tum etiam non est necessaria quatenus excedit modum. Ergo si hunc modum seruauit bonæ fidei possessor, qui ex voluntate defuncti monumentum fecit, sane modum heredi reputabit, qui sibi aufert hereditatem hoc iudicio. & ait, *eum retinere impensas ratione doli exceptionis*. vulgo legitur: *impensas ratione doli retenturum*. Florentiæ legitur: *impensas ratione doli exceptione, aut retenturum*: manifesto ita legendum est: *ratione doli exceptionis, par le moyen, retenturum*. Ita legitur in l. vnum, §. sed si uno, de leg. 2. l. 12. ad l. Falcid. l. 69. §. ult. de leg. 2. Ergo opposita exceptione doli mali retinebit possessor sumptum, vel etsi non sit vltus retentione, vel exceptione doli mali, licebit ei cui euincitur hereditas, agere cum herede actione negotiorum gestorum, quasi gesserit negotium hereditarium, quia necesse fuit heredi monumentum facere. Et hoc vt ostendat eleganter dicit; nulla quidem actione ciuili compelli heredem ad monumentum faciendum, ex præcepto testatoris non nascitur actio stricto iure, non potest compelli: non omnia præcepta defuncti pariunt obligationem, l. Q. Mutius de ann. legat. deficit ergo ordinaria actio: sed Principali vel Pontificali auctoritate potest compelli ad obsequium voluntatis supremæ: tenetur igitur heres: Et ille ergo bonæ fidei possessoraget recte negotiorum gestorum in his quæ ad sepulturæ religionem pertinebant. Solebat etiam extra ordinem, quia & ipse plerumque erat Pontifex Maximus. Hodie solent adiri Episcopi, maxime cum quid fieri pie iussit defunctus, ex l. nulli, & ex l. 45. C. de Episc. & cler. & quod dixit ad hæc, quæ pia sunt exequenda compelli heredem, non tantum Pontificali, sed & principali auctoritate, vt l. offa, de religiof. & sumpt. fun. ex eo possis defendere, quod cum hodie iudicet vice nominēq; principis, auctoritate Senatus compelli heredes exequi pia iussa defunctorū. Et mihi contigit alias videre Pand. magni Ranconeti: is hoc loco, & ad verbum illud, *Principali auctoritate*, adnotauerat: M. D. xxx. 6. Kal. Maias, hac dore ita Luteriæ Senatum censuisse, cum ageretur de sacerdotis cuiusdam pia voluntate exequenda, cuius executionem ipse commiserat alteri sacerdoti: & cum is executor sacerdos, rem reuocaret ad suum iudicem, Senatus postulationi locum non dedit, sed remisit illum ad cognitores libellorum, à la chambre des requestes, ac si ea cognitio non esset tantum Pontificalis, sed principis, & consequenter Senatus. Ergo recte definit Papin. iustum esse, sumptum, quem fecit bonæ fidei possessor, ac recte reputari ei qui euicerit; & si fuerit omissa reputatio, adhuc bonæ fidei possessori integram esse negotiorum ge-

storum actionem. Nam etiam si non fuerit heres obligatus summo iure, tamen compelli poterit Pontificali, vel Principali auctoritate. Vno casu etiam tenetur ciuili actione heres, qui monumentum facere iussus est, nec necesse est adire Principem, scilicet si coheredem habuerit: Potest enim à coherede compelli monumentum facere actione familiæ eriscundæ, & post diuisionem hereditatis actione præscriptis verbis, quoniam diuisio hereditatis est quasi permutatio, hac ratione scilicet, quia interest coheredis monumentum fieri, nam ius monumēti omnem heredem sequitur, nisi aliter cauerit defunctus, l. his consequenter, §. sed & cum monumentum famil. erisc. sed si sit ex asse heres, non potest compelli ad monumentum faciendum, nisi extra ordinem, vel à Principe, vel à Pontifice, vel à Senatu, qui vice Principis est, & cuius ipse Princeps pars est, l. quisquis, C. ad l. Iul. maiest.

#### Ad l. ult. Si pars heredit. petatur.

Cum heredis ex parte instituti filius, qui patrem suum ignorabat viuo testatore decessisse, partem hereditatis, nomine patris, vt absentis, administrauerit: & pecunias distrahendis rebus acceperit: hereditas ab eo peti non potest, quia neque pro herede, neque pro possessore pretia possidet, sed vt filius patris negotium curauit. Negotiorum autem gestorum actio ceteris coheredibus, ad quos portio defuncti pertinet, dabitur. Illud enim utique non est metuendum, ne etiam patris, à quo forte exheredatus est, teneatur heredibus quasi negotia hereditaria gesserit: cum id quod administrauit, non fuerit paterna hereditatis. Nam etsi negotiorum gestorū actio sit ei cuius nomine perceptum est: ei cuius nomine restitui æquum est. Sed in proposito neque patris negotia fuerunt, qui esse desierat, neque paterna successionis, quæ fuerunt alterius hereditatis. Quod si filius iste patri suo heres exstitit, & monet controuersiam, quod pater eius postquam heres exstitit mortem obierit, ille tractatus incurrit, an ipse causam possessionis mutare videatur? Quoniam tamen qui negotia hereditaria gessit, & debitor esse cœpit, postea faciens controuersiam hereditatis, vt iuris possessor, conuenitur, idem etiam in hoc filio respondendum erit.

SEquitur de petitione hereditatis alia longe difficilior Quæstio, l. ult. si pars hered. Sciendum est, petitionem hereditatis dari tantum aduersus eum, qui pro herede, vel pro possessore possidet, non aduersus eum qui alio titulo possidet, veluti pro emptore, pro donato, l. regulariter, de pet. hered. l. pen. C. in quib. caus. cess. lon. temp. præsc. Et ratio regulæ est optima, quia is, qui alio titulo possidet rem hereditariam, veluti pro emptore, heredi non facit controuersiam hereditatis, sed eius rei tantum, quam possidet pro emptore. Nam etsi dicat se eam rem emisse, quæ est ex hereditate ad te pertinente, se habere in manu instrumentum emptionis, non ideo negat te esse heredem. denique non facit tibi controuersiam hereditatis, non contra vindicat hereditatem: & vindicatio omnis mutua est, vindicat actor, & contra vindicat reus, aut non est lis de vindicatione, nisi vterque idem intendat, §. 1. Inst. de act. At qui pro herede possidet vel minimam rem, facit tibi controuersiam hereditatis, quia existimat se heredem esse, & contendit. Is quoque, qui pro possessore possidet, facit controuersiam hereditatis. Pro possessore possidet fur, aut prædæ qui possessionis suæ nullam iustam causam allegare potest, qui interrogatus cur possideat, hoc solum respondet; quia possideo, qui interrogationem vertit in responsum, atque ita si nullam afferat causam suæ possessionis, & tamen litiget mecum, qui me heredem esse aio, profecto videtur & hic mihi facere controuersiam hereditatis, dum suæ possessionis nullum mihi titulum profert, & præsumitur vt heres possidere, qui cur



possideat non dicit, nec possit dicere. Et inde factum est, ut detur tantum petitio hereditatis aduersus eum, qui pro herede possidet, vel pro possessore, id est, qui facit controuerfiam hereditatis, quam non facit qui ex alio titulo possidet. Item sciendum est, petitionem hereditatis dari non tantum aduersus eum, qui pro herede vel pro possessore possidet, sed etiam, aduersus eum qui veluti possidet ius, *d. l. regulariter*; & *l. etiam*. Ut datur aduersus debitorem defuncti, sic datur aduersus debitorem hereditarium, hoc est, qui negotium hereditarium gessit iacente hereditate. hic nunquam fuit debitor defuncti: nam post eius mortem ad negotium hereditarium accessit, & debitor esse cepit ex gestione: ab hoc peti potest hereditas quasi à iuris possessore. Omnis debitor iuris possessor est, id est, quicumque est in are nostro, ius nostrum quodammodo possidet: à debitore heredis, veluti ab eo, qui negotium gessit heredis, post aditam hereditatem non potest peti hereditas, *l. quod si in diem*, §. *non solum*, de *pet. hered.* His cognitis ita ponamus speciem. Titius Valentia moriens multos sibi heredes instituit, & in his patrem tuum profectum in Asiam, & qui ibi decesserat viuo testatore: tu vero cum existimares patrem adhuc viuere, partem hereditatis, ex qua heredes à Titio scriptus fuerat, administrasti, & rebus hereditariis quibuldam distractis pretia percepisti. Pone, distraxisse te fructus, vel alias res quæ mora periture erant: nam cæteræ res non possunt distrahi à gestore negotiorum: nam nec à procuratore totorum bonorum sine speciali mandato, *l. procurator*, de *procur.* Queritur, an coheredes patris possint tecum agere petitione hereditatis, qui ex rebus hereditariis pecuniam conficisti, & apud te habes? Et ait Papin. non posse agere, quia non potes videri pro herede, aut pro possessore possidere, quia non tibi, sed patri possides, & contemplatione patris, quem superstitem arbitraris, & ita *l. etiam* §. *si quis*, de *pet. hered.* Hæc actio datur aduersus eum, qui sibi possidet, non qui alij, ut gestor, ut procurator voluntarius. Verum coheredibus patris erit in te actio negotiorum gestorum, quasi negotio hereditario gesto, quia scilicet, portio patris accreuit coheredibus eius. Dices: imo non accreuit, sed peruenit ad fiscum. Nam ponitur pater decessisse viuo testatore. Ergo portio illi adscripta fuit in causa caduci: quæ relicta deficiunt post testamentum viuo testatore, sunt in causa caduci, cadunt in fiscum, nec accrescunt heredibus, hoc, inquam, iure ante constitutionem Iustiniani, qui sustulit caduca, & ea quæ sunt in causa caduci, id est, ius omne fiscale, cui ex his causis locus erat ex *l. Papia*. sed hoc iure ea, quæ sunt in causa caduci, ut si vnus ex heredibus moriatur viuo testatore, portio eius cadit in fiscum, nec accrescit coheredi: & tamen hoc loco Papinian. ostendit, eam portionem patris accreuisse coheredibus: quid dicemus? Aut coheredes fuisse ex liberis, aut parentibus testatoris, in quibus seruabatur ius antiquum, non nouum, id est, leges caducariæ: præferebantur enim fisco in his, quæ deficiebant post testamentum, quæ deferebantur fisco, *l. vnica*, §. *& cum lex*, C. de *cad. tol.* & *Ulpianus in fragm.* Vel dicemus coheredes fuisse inuicem substitutos, portionem patris coheredibus iure substitutionis reciproca obuenisse, quæ substitutio præfertur fisco *l. 5. de vulg. subst. d. l. vn.* §. *1.* Vel quod magis est, quodque Græci sequuntur, in *l. ult.* & *l. pen.* hoc tit. quæ est de re eadem fere, ponendum portionem hanc non esse in causa caduci, sed haberi pro non scripta, patrem decessisse ante testamentum: plane ergo viuo testatore mortuum fuisse heredem scriptum ex parte: ergo portionem ipsius esse pro non scripta. semper autem quæ pro non scriptis erant, accrescebant coheredibus, neque ad hæc admittebatur fisco, sed ad caduca tantum, id est, quæ deficiunt post testatoris mortem; vel quasi caduca, quæ deficiunt post testamentum. Patri meo post mortem meam ab alio herede scripto, mortuo patre he-

A rede scripto ex parte, ut dicam breuius. Nec mouemur verbis *l. dum ait*, patrem decessisse viuo testatore: nam & is sane decessit viuo testatore qui decessit ante testamentum. & hoc interpretamentum Græcorum extat in Basil. lib. 42. tit. 2. his verbis: *τὸ πατὴρ μου μὴ τὸ τελευτῆσαι, καὶ ἐσθὲν μετὰ πινος, γεγενηνός*: Cum quidam patrem meum qui iam vita excesserat, heredem instituisset. Ergo tu, quicam partem quæ erat patri iam mortuo adscripta administrasti, negotium hereditatis gessisti, & consequenter negotium coheredum patris, quæ postea adierunt: nam tu administrasti eam portionem, & distraxisti, antequam heredes adirent, hoc ponendum est cum hoc loco tum in *l. pen.* nam si post aditionem coheredum partem illam administrasti, non gessisti negotium hereditarium, id est, iacentis seu vacantis hereditatis, sed negotium heredum, & factus es ex ea causa non debitor hereditarius, sed heredum. Itaque nullo casu conueniri potes petitione hereditatis: nam à debitore heredis non potest peti hereditas, *d. l. quod si in diem* §. *non solum*. Et tamen in fine huius legis datur casus, quo à te petitur hereditas, quasi à iuris possessore: quæ sane non peteretur, si esses debitor heredum, non hereditatis, nec diceret lex falsim, te gessisse negotium hereditarium: gerendo autem negotium hereditatis, antequam heredes adirent, tu tibi hereditatem obligasti, & tu vicissim te hereditati obligasti actione negotiorum gestorum, ut ait *l. nam & seruis*, §. *1. de negot. gest.* nam etiam si negotium illud gesseris homine patris tui ut absentis, non nominetotius hereditatis; tamen re ipsa gessisti negotium totius hereditatis, & consequenter teneris eo nomine heredibus, qui post adierunt Titianam hereditatem; nec enim tam spectamus, cuius nomine negotium gesseris, quam cuius re ipsa gesseris: nam etiam si primi negotium gesseris, cum existimares te agere secundi, inter te & primum est actio negotiorum gestorum vltro citroque *l. 5. §. 1. & l. 6. §. item queritur*, & *daab. seq. l. qui uiliter*, de *negot. gest. l. in hoc indicium*, *comm. diuid.* Atque ita in hac specie non teneris quidem coheredibus patris petitione hereditatis, quia tibi non possedisti, sed patri, sed teneris negotiorum gestorum, quia reuera negotium hereditarium gessisti distrahendo, ut scilicet reddas pretia, quæ accepisti, coheredibus, quibus portio illa accreuit: patris autem heredibus non teneris eadem actione, vel alia vlla. Finge te fuisse exheredatum à patre aliis heredibus scriptis, an quod partem hereditatis adscriptam patri administrasti, teneris paternis heredibus? Minime, quia quod administrasti est Titianæ hereditatis, non paternæ. & hoc est, quod proponit his verbis: Cum heredis, &c. Quod sequitur, est obscurum. Contra sententiam hanc, quæ dicat, te non teneri heredibus patris à quo fuisti exheredatus, eius negotij nomine, sed heredibus Titij negotiorum gestorum actione, posset quis uti hoc argumento, cui respondet Papin. in sequentibus: *Actio negotiorum gestorum datur ei cuius nomine debitum exactum est, quamuis ei reuera nihil debitum fuerit*, *l. 6. §. item queritur*, & *§. seq. de negot. gest.* Sed ut Latini & Græci suppleant recte: Exigitur, ut ratam exactionem habuerit: nam rati habitio constituit negotium eius, quod initio eius non fuit, licet sit gestum nomine eius. Porro filius nomine patris administrauit eam partem hereditatis, cum tamen non esset heres pater: erat enim ea portio pro non scripta, & pater pro non scripto, & distraxit res nomine patris. Ergo heredibus patris, iniques, danda est actio negotiorum gestorum, quia nomine patris tu illud negotium gessisti: nec refert, quod reuera non fuit eius negotium, sed est quod gessisti nomine patris. Papinian. respondet, nos in hanc rem abuti propositione, quæ sumpta est initio: neque enim species de qua hic tractatur siue propositio, ut solet loqui Iulianus, conuenit cum specie, & propositione superiori: quia negotium quod tu gessisti nunquam fuit patris, qui eo tempore quo gessisti defierat esse in rebus humanis,



quique illud ratum non habuit, quod omnino requirebatur: rati habitio illud negotium non conciliauit, non fecit patris, qui desierat esse. ac propterea negotium illud non fuit hereditatis patris, sed hereditatis Titij, non fuit ergo heredum patris, nec susceptum est nomine heredum patris, nec gestum, ut non possit inde dari actio negotiorum gestorum heredibus patris: sed videtur esse alienum negotium, id est, hereditatis Titianæ: nam nomine patris gessisti, ut heredis Titij, qui tamen heres non erat: & ideo magis est, ut dicamus alienum esse nomen, alienam rem, alienum negotium, id est, hereditatis Titianæ. Ergo debere te pecuniam redactam restituere heredibus Titij, non heredibus patris. Et hoc est, quod voluit Papin. in seq. sed locus est valde deprauatus etiam in Pand. Florentinis: sic enim legitur: *nam etsi negotiorum gestorum actio sit ei, cuius nomine perceptum est, ei cuius nomine restitui aequum est.* & verior est vulgata scriptura, quam sequuntur Basilica: *heic tamen legendum est, non, hoc.* Ergo sententia hæc est: quamuis debitum exactum nomine Titij, Titius repetat actione negot. gestorum, quamuis ei non sit debitum, dummodo ratum habeat, tamen *hic, ex causa* in specie proposita, quod nomine hereditatis non patris, sed alterius est perceptum, æquum est restitui hereditati. coheredibus ergo patris, non heredibus. Restat vnus casus tantum de filio eodem, qui in specie eadem cum pater decessisset viuo testatore, hoc ignorans pecuniam eius administrauit, de eodem inquam filio non exheredato, sed herede patris. Idem filius, qui id negotium gessit ignorans patrem decessisse, heres existit patri & quasi heres dicit ad se pertinere partem illam hereditatis Titianæ: Nam affirmat patrem decessisse post aditionem, *il met cela en fait*, non ante, atque ita adquisisse portionem illam hereditatis Titianæ. Facit igitur controuersiam hereditatis pro parte illa. Queritur, an conueniri possit petitione hereditatis? Et ita videtur: possidet enim iam pro herede, aut si falsum titulum heredis sciens præten dit, id est, si falso sciens affirmat patrem decessisse post aditionem, possidet pro possessore. Sed contra non videtur teneri petitione hereditatis quia neque pro herede possidet, neque pro possessore: etiam si enim assumat nomen heredis, & contendat eam partem ad se peruenisse, quod ex ea parte adierit hereditatem Titij: tamen non potest videri eam partem possedisse pro possessore, vel pro herede: nam regula iuris est, neminem sibi ipsi posse mutare causam possessionis l. 3. §. illud, l. quod, l. cui bona, §. ult. de acquir. possess. l. 2. §. 1. pro hered. l. non solum, §. quod vulgo, de usucap. causam possessionis, id est, titulum. Filius possedit alieno nomine, hoc est, patris: non potest igitur efficere, ut possideat suo nomine, qui alij. non potest efficere ut possideat sibi: non mutauit causam possessionis, ergo non tenetur petitione hereditatis, quia sibi non possidet. Sed longe aliter respondet Papinianus, & ab extraneo sumit argumentum ad filium. Finge: Quidam extraneus gessit negotium heredis, & debitor esse cœpit ex ea administratione, alij gessit, nunc facit controuersiam hereditatis, cum pecuniam possidet, ut heres, an teneatur etiam petitione hereditatis? Sic videtur, ut possessor iuris, id est, ut debitor hereditarius. Ergo & filius tenetur ea actione, hoc est verissimum, d. l. quod si diem, §. non solum. Neque obstat illa regula: neminem sibi possessionis causam mutare posse: quæ ita procedit, ut nemo solus sibi mutare possit titulum possessionis nulla extrinsecus accedente causa l. cum nemo C. de adq. her. Sed noua quædam extrinsecus accedente causa potest mutari causa possessionis; non potest sibi mutare, sed potest sibi mutari re ipsa, re existente quadam noua. Finge: Fur rem furtiuam possidet pro possessore: sed si rem dominus ei donauerit, incipiet possidere pro donato: mutauit causam possessionis, sed eam ipse non mutauit, sed dominus. In hac etiam specie dico accidere nouam causam

A extrinsecus, quæ mutat titulum, cognitio scilicet mortis patris: hæc efficit per seipsam, non sola destinatio filij, ut, qui possidebat patri, quem viuere putabat, nunc faciens controuersiam hereditatis possideat sibi. Cognitio erroris noua causa est, quæ patitur facile mutari titulum possessionis, & ita in l. etiam, §. si quis absentis, de petis heredit. Quidam possidebat nomine absentis hereditatem totam vel partem, & incertum erat, an absens ratum habiturus esset, nec ne: interim, is qui possidet absentis nomine hereditatem, non tenetur petitione hereditatis, quia non sibi possidet, sed alij. sed si postea ille ratam illam possessionem non habeat, tunc gestor ille videbitur suo nomine possidere pro possessore, quasi prædo, & tenebitur petitione hereditatis. Nam quod contigit, B vt non habuerit ratum is, cuius nomine possidebat, hoc immutat titulum possessionis. Ratum non habere, est facere. non ipse sibi mutat, sed factum absentis, qui quod is gessit ratum non habet: & ita iusta aliqua causa accedente potes dicere non tam mutare sibi quem causam possessionis, quam ei mutari: & hoc facile tolerauit in vltima parte huius legis, idemque euenire in l. pen. cum multi sunt instituti heredes, & inter eos qui erant in Asia, qui ante testamentum relicto herede suo procuratore, & alio quodam: & hoc omne cum ignoraret procurator, partem hereditatis administrauit, ex qua fuerat scriptus: ait eum teneri coheredibus domini petitione hereditatis ut reddat eam pecuniam, videlicet, quod supplendum est, si is procurator, addendum C est, faciat controuersiam hereditatis, veluti possessor iuris, id est, debitor hereditarius: nam gessit antequam adirent coheredes. hæc sunt quæ erant adnotanda ad hanc legem.

#### Ad l. si nauis. 62. de rei vindicatione.

*Si nauis à mala fidei possessore petatur, & fructus æstimandi sunt, ut in taberna, & area qua locari solet. non est ei contrarium, quod de pecunia deposita, quam heres non attigit, usuras prestare non cogitur: nam & si maxime uetura, sicut usura, non natura provenit, sed iure percipitur: tamen ideo uetura desiderari potest, quoniam periculum nauis possessor petitori prestare non debet, cum pecunia periculo dantis sceneretur.*

D §. 1. Generaliter autem, cum de fructibus æstimandis quaritur, constat animaduerti debere, non an mala fidei possessor fructurus sit, sed an petitor frui potuerit, si ei possidere licuisset, quam sententiam Iulianus quoque probat.

Hæc lex etiam est de petitione hereditatis, sicut duæ priores, & quæstio eius est de æstimandis fructibus à iudice in petitione hereditatis, & in actione in rem speciali. In hac quæstione, ut notatur in l. fructus, hoc tit. separandus est male fidei possessor à bonæ fidei possessore, & huius sententiæ verior summa hæc est. Post litem contestatam nullam esse inter bonæ fidei & male fidei possessorem differentiam, scil. si queratur de fructibus perceptis, aut percipiendis post litem contestatam: neque enim eos indistincte restituit: Sed differentia est inter eos quoties queritur de fructibus perceptis, aut percipiendis ante litem contestatam: nam si conueniatur male fidei possessor, æstimantur fructus qui percepti sunt ante litem contestatam, atque etiam ij qui percipi debuerunt, idque indistincte & percipiendi, idque indistincte, siue titulum habuerit male fidei possessor, siue non: quam tamen distinctionem Accurs. conatus est introducere perperam, siue ex his locupletior factus sit, siue non. Bonæ fidei vero possessor restituit fructus perceptos ante litem contestatam, nec tamen omnes, sed eos duntaxat ex quibus locupletior factus est, fructus percipiendi non æstimantur, quia cum esset bonæ fidei possessor, existimatur rem suam neglexisse. Porro in fructibus numeramus mercedem locationum, vecturas



vecturas iumentorū & nauū *l. mercedes, de petit. hered.* Finge: Is, qui mala fide possidebat nauem alienam, nullū quæstum fecit ex ea, nulli eam locauit, & nullam vecturam tulit. Ait Papin. hoc loco, in petitione hereditatis, & in speciali vindicatione malæ fidei possessorem damnari domino nauis, quod ex ea fructum non perceperit, quem dominus percepisset, si nauem possedisset. Damnari igitur fructuum percipiendorum nomine. Idem esse ait, si tabernam, vel aream alienam mala fide possederit (nam & hæc locari solent) si igitur aream non locarit, perinde domino tenetur, ac si eam locasset. Denique præstat domino mercedes locationum etsi locationes nullæ interuenerint. Solere tabernas, ergasteria locari nemo est qui nesciat. locari nemo nescit: Solere etiam areas, id est, plateas locari, eas domini locant mercatoribus, ut in iis merces suas disponant. Itaque bonus paterfam. primo loco ponit areas & prata. & inde in *l. 7. de usufruct.* ad fructuarium pertinere obventiones ex areis. Et M. Tullius ad Varronem: *nos quantum ex areis habemus, &c.* nec pro areis est mutandum arcis. Areæ igitur locantur mercium disponendarum causa: quamuis alias non liceat fructuario ædificare in prædio fructuario. Sed casæ ædificium tolerabitur: nam ædificatur temporis causa tantum, non ut ibi perpetuo sit, & plerumque ductilis est. & sic *l. 3. in quibus caus. pign. vel hypot. & l. huius, qui pot. in pign.* ostenditur, area locata merces in ea positas tacite pignoratase pro mercede, sicut pro pensione ædium, res ab inquilino inuectæ & illatæ tacite pignori sunt, sicut & pro vectura res inuectæ in nauem, *l. 5. ad exhib.* Ergo, quod primum velim vos ex hac lege annotare, hoc est: malæ fidei possessorem, qui nauem, tabernam, aream non locauit, nihilominus mercedes locationis domino præstare. Obicit huic sententiæ Papinian. quod constat inter omnes, malæ fidei possessorem, qui sciens possidet hereditatem alienam, qui que pecuniam depositam, & inuentam in hereditate non attingit, id est, non fœnori occupat, sed otiosam & sterilem habet, eum eius pecuniæ vsuras non præstare domino, quamuis petitio hereditatis, qua conuenitur, sit bonæ fidei iudicium: nam & idem seruatur in aliis bonæ fidei iudiciis: otiosæ enim pecuniæ vsuræ non præstantur, *l. qui semisses §. ult. de usur.* Ergo & malæ fidei possessor, qui non attrectauit pecuniam inuentam in hereditate eius vsuras non præstat: & hoc ita proponitur à Papiniano, & refertur ab Vlpiano, in *l. item veniunt, de petit. hered. ex lib. 3. quæst.* Sed emendandum ex sexto per istam legem. & ait hoc loco Papinian. *pecuniam depositam* non intelligens pecuniam ex depositi contractu, sed depositam veluti præsidij causa, ut in *l. si chorus, de leg. 3.* Et eodem sensu *d. l. qui semisses, l. quamuis §. ult. de pig. act.* pecunia deposita vel reposita, id est, præsidium, vsuræ sunt vice fructuum, ut ait *l. usura, de usur.* usura est velut vsusfructus, *l. 3. de usufr. ear. rer.* Hoc cum ita sit, sic arg. si malæ fidei possessor, qui pecuniam non attigit, fructus, hoc est, vsuras pecuniæ non præstat: cur tamen is, qui nauem non exercuit, fructus, id est, vecturas præstat? & vsuræ & vecturæ vice fructuum sunt, aut sane fructus ciuiles, qui ex obligatione ciuili percipiuntur, vsuræ ex stipulatione, vecturæ ex locatione & conductione, *l. usura, de verb. sign.* Neque usura, neque vectura natura prouenit ut ait Papin. neque enim sunt fructus naturales; quia nec fructum fert pecunia, neque nauis naturaliter. Neque ideo Aristot. dixit, vsuram non esse secundum naturam, quod efficiat, ut videatur pecunia fructum ferre: alioqui neque vectura videretur esse secundum naturam: sed ideo quia locatio proprie in nummos non cadit: inuentus est enim nummus vt eius beneficio contraheretur emptio & venditio, non vt ipse interueniat in venditione, est ut ille ait *μεταβολῆς*, Plato *ἀνάγκης ἐνεκα*, fœneratio est veluti locatio pecuniæ, usura merces: nauis tamen recte cadit in venditionem & locationem, nec

Quæst. Papin.

A possis etiam dicere, vecturam, non esse secundum naturam, imo est: sed usura non secundum naturam est: nam vtitur naui dum eam locamus, nummis abutimur, eos collocamus fœnori: unde merito quæritur, cur malæ fidei possessor, qui pecuniam non exercuit, vsuras non præstet, & tamen malæ fidei possessor, qui vecturas non exercuit, vecturas præstat? Huic obiectioni respondet Papinianus, & est valde præclara huius legis sententia, magnam rationem differentię esse inter vecturam & vsuram, inter collocationem pecuniæ & nauis: nam pecunia collocatur periculo dantis, non domini, nauis locatur periculo domini. non est igitur culpandus malæ fidei possessor, qui noluit se conicere in periculum pecuniæ fœnori occupatę, qui noluit adire istam aleam amittendę eius pecunię, puta debitore pauperiore facto: verum culpandus, si quod potuit facere sine suo periculo, non fecerit, ut si nauem idonea tempestate non locauerit. Pecunia locatur periculo dantis, ut si tutor pecuniam pupilli locauerit, illud periculum ad tutorem pertinet, non ad pupillum. Idem est in curatore ciuitatis *l. ult. §. pen. de administr. rer. ad ciuit. pertin.* quia debuit eam collocare melioribus nominibus, aut si forte elegit idonea nomina, debuit in tempore ea exigere, & appellare. Denique periculum nominum ad eum pertinet, qui ea contraxit, non ad dominum, etiam si forte is cui pecuniam credidit fiat non soluendo. Is, qui credidit, domino tenetur, ut refundat eam pecuniam. Et hoc est, quod ait Papinianus, *cum pecunia periculo dantis fœneretur.* non est igitur incusandus malæ fidei possessor, qui noluit pecuniam collocare, quia licebat ei periculum refugere: sed incusandus est, si nauem non locauerit idonea tempestate, nam potuit eam locare absque suo periculo, præstat enim dolum tantum, & culpam, non casum fortuitum, non naufragium. Igitur culpa vacat, si idonea tempestate nauem navigatum miserit, nec si vi maiore perierit nauis, eum casum petitori præstat. Sciendum, me nullo modo concedere, quod ad hanc legem adnotauit Accurs. malæ fidei possessorem pecunię vsuras, quas percepit, non præstare domino: de vsuris percipiendis non tenetur domino, ut diximus; de cæteris fructibus tenetur, & dicit eadem ratione id fieri, quia eas collocauit suo periculo. Hoc non admitto: refragatur *l. 1. C. de petit. hered. l. 1. C. de his quæ ut indig. & quod dicitur generaliter, omne lucrum esse auferendum malę fidei possessori, l. 28. de petit. hered.* ergo & vsuræ sunt auferendę, quas percepit. Nec moueor, *l. si vnus §. si vnus, pro soc.* quam adfert A. Socius pecuniam communem communi periculo collocauit. commune erit lucrum, communes vsuræ. Rursus finge: socius communem pecuniam suo nomine collocauit, & vsuras percepit, an eas communicabit? minime, quia non quæritur de aliena pecunia fœnori occupata, sed communi, cuius ipse periculum adire voluit: cum suum fecerit periculum solidum, æquum est ei relinqui vsuras. Non est ei inuidendum lucrum. & alia est causa alienę pecunię, & longe alia communis. Vtitur etiam Accurs. *l. postulante §. ult. ad Senatusc. Trebell.* Finge: heres rogatus restituere hereditatem sub conditione, ea pendente pecuniam hereditariam collocauit, & vsuras percepit. hæ vsurę non veniunt in restitutione fideicommissi, ut cuius periculum fuit, eius sit etiam lucrum. Et hic casus non est nostro similis: est enim de propria pecunia, non aliena. Interim hereditaria pecunia est heredi: antequam venerit dies, vel conditio fideicommissi. Concludamus igitur: malæ fidei possessorem præstare vsuras, quas percepit, non etiam quas percipere potuit; de cæteris omnibus fructibus teneri etiam si non perceperit, quos percepit, vel percipere potuit, quia potuit eos percipere citra eius periculum, non item fœnus. Ad hæc Papinian. addit generalem regulam in *§. ult. de fructibus æstimandis.* Tota igitur quæstio est de officio iudicis. Æstimantur ergo fructus percipiendi, cum agitur



cum malæ fidei possessore, vel speciali in rem actione, vel petitione hereditatis: nihil refert, vtrique hæc lex communis est; & generaliter non tam spectandum esse ait, quos esset percepturus malæ fidei possessor, vt in eos condemnatur, etiam si non perceperit, sed inspiciendum, quos percipere potuisset dominus, si eam rem possedisset. damnatur ergo malæ fidei possessor, non in eos quos ille percipere potuisset, sed quos dominus honeste. Et placet quod ait, *constat animaduerti debere*: quibus etiam verbis, ostenditur hic agi de officio iudicis. animaduerti scilicet ab ipso iudice æstimationem fructuū. Sic in *l. cum te, si cert. petat. & in l. mora. fieri, de usur.* cum quæritur, an mora facta sit, animaduerti debere ait, à iudice scilicet: nam iudex est iustus æstimator moræ: Iurisconsultus non potest æstimare, sed iudex est eius rei arbiter & disceptator, *d. l. mora.*

Ad l. si urbana 55. de condict. indebiti.

*Si urbana prædia locauerit prædo: quod mercedis nomine ceperit ab eo, qui soluit, non repetitur: sed domino erit obligatus. Idemque iuris erit in vecturis nauium, quas ipse locauerit, aut exercuerit. Item mercedibus seruorum, quorum opera per ipsum fuerint locata. Nam si seruus non locatus mercedem vt domino, prædoni retulit, non fiet accipientis pecunia. Quod si vecturas nauium, quas dominus locauerat, item pensiones insularum acceperit, ob indebitum ei tenebitur, quia non est liberatus soluendo. Quod ergo dici solet, prædoni fructus posse condici: tunc locum habet cum domini fructus fuerunt.*

**Q**uestio hæc coniungenda est cum superiore, nam vtraque est de fructibus, vtraque pertinet ad materiam de petitione hereditatis, de qua potissimum Papinianus eodem libro tractauit. Ex superioribus intelleximus, malæ fidei possessorem, qui rem alienam locauit, teneri domino petitione hereditatis, vt præstet mercedes locationum, quas percepit: nunc videamus, an idem etiā teneatur condictione indebiti ei, à quo mercedes accepit, quasi is non deberet malæ fidei possessori soluere, sed domino. Et hoc primum Papin. tractat in prædone, seu malæ fidei possessore, qui locauit urbana prædia, sed & tractari quidem potest in eo, qui locauit, rustica prædia, & qui mercedes accepit: & ait, conductorem non posse condicere, quod soluit, quia ei debuit ex contractu locationis, non domino, & pecuniam accipientis fecit, & liberatus est. cui ex solutione contigit liberatio, is non habet condictionem indebiti: nam quicumque liberatur, rectè soluit: condictio indebiti parata est tantum soluenti perperam. non tenetur igitur prædo condictione indebiti conductori à quo mercedem accepit, sed domino tantum vt mercedem quam accepit, reddat; & tenetur personales præstationes: vel si non sit controuersia de hereditate, tenetur condictione sine causa, quod ex re aliena pecuniam sine causa acceperit, vel ex iniusta causa. dixi conductorem, cui prædo locauit, quique prædoni mercedem retulit, mercedem fecisse accipientis prædonis. dices, mercedes sunt loco fructuum, malæ fidei possessor siue prædo fructus suos non facit, nec mercedes igitur. Est vera propositio, verissima assumptio, rectissima conclusio. Nos dicimus, pecuniam factam prædonis, quam soluit conductor, quæ loco fructus est: prædo igitur facit fructus suos, sic respondendum: per seipsum non facit fructus suos, etiam si ipse eos percipiat, sed per alium potest facere fructus suos, vt per conductorem, qui bonæ fidei possessor fuit, vel etiam per creditorem suum, qui bona fide pignus accepit, *l. si pignore, §. si prædo, de pign. act.* Cuius species est relatu dignissima. Prædo rem alienam creditori suo pignori dedit: soluto debito agit pigneratitia, vt sibi reddatur pignus: an in hanc actionem venient etiam fructus? an pigneratitia

**A**gere potest de reddendis fructibus quos percepit creditor, vel imputabit in sortem, vel vsuras? cum non fuisset contracta *ἀντίχρησις*. Et ait, eum etiam acturum pigneratitia actione de fructibus. Atqui fructus suos non facit prædo, sed vindicantur à domino, si extent, vel consumpti condicuntur condictione sine causa, vel iniusta causa: cur ergo ei detur actio de fructibus, quos suos non facit? Imo vero in hac specie suos facit, quia prodest ei, quod creditor bonæ fidei possessor fuerit: quæ verba sunt obscura. Sed res ita se habet; si prædo fructus decerpit, & colat, ipse fructus suos non facit, dominus prædij eos vindicabit quasi suos. At creditor, qui bonæ fidei possessor fuit, videtur eos fecisse suos, ac perinde per eum etiam prædo cui restituitur res pignerata cum fructibus à creditore perceptis: nec est nouum vt quod

**B** quis per se non habet, per alium habeat, *l. Aristo, qua res pig. dar. l. cum hered. de adq. hered.* Per conductorem igitur & creditorem, qui bona fide possedit, etiam prædo fructus suos facit, nec domino obligatur eorum nomine rei vindicatione, aut cum eo dominus agere non poterit, rei vindicatione, sed agat petitione hereditatis, vel condictione sine causa cum prædone. Hoc cum docuisset Pap. de pensionibus prædiorum urbanorum subiicit, idem esse in vecturis nauium, si prædo nauem alienam locauerit, aut exercuerit, & vecturas acceperit. Aliud est locare nauem, aliud exercere. Nam exercet nauem etiam, qui non locat, sed qui mandat magistro, qui quasi institor est, curam totius nauis. ea lege, vt ad se pensionem & redditus perueniant, quo nomine est actio mandati exercitori in magistrum, *l. 1. §. magistrum l. si eum, qui, de exercit. act.* Quocirca non recte condicit magister nauis vecturas, quas retulit exercitori, quando-

**C** quidem referre obligatus erat iudicio mandati; sed exercitor eas vecturas, quas accepit, cogitur reddere domino nauis. Idem omnino seruari ait Pap. in mercedibus seruorum, si prædo serui alieni operas locauerit, & mercedes acceperit: nec enim eas condicet, qui prædoni soluit, sed dominus rectè agat cum prædone, & intendet eas sibi dari oportere. Et hoc est quod continetur prima parte huius legis. Secunda pars huius legis non est de prædone, qui domum vel nauem, vel operas serui locauit, sed de seruo ipso, quem mala fide prædo possidebat, qui seipsum locauit, hoc est, operas suas, & mercedem prædoni vt domino suo retulit. hoc casu Papinian. ait, eam mercedem non fieri accipientis, prædonis scilicet: & nihil addit præterea. Papinian. putabat posse satis intelligi ab omnibus quod prætermittebat. Neque tamen id videtur Accursius intellexisse: vult enim domino serui dari eius pecuniæ vindicationem, si extet, vel si sit consumpta, condictionem sine causa, vel ex iniusta causa, cum tamen tota hæc lex sit de condictione indebiti, vt titulus indicat, & omnino sunt tres casus in hac lege. Primo casu prædo non tenetur condictione indebiti, duobus aliis tenetur: & debuit Accursius dicere: & ideo is, qui mercedem soluit seruo, qui suas operas locauerat, quam deinde prædoni seruus retulit, aduersus prædonem habet condictionem indebiti, qui ratum habuit, quod seruus fecit, id est, qui relictam pecuniam accepit, qui scilicet conductor non ei debuit mercedem,

**D** sed domino serui: & consequenter, non est liberatus soluendo mercedem seruo: cui soluenti non contingit liberatio, ei datur condictio indebiti: non liberabitur is, cui seruus conduxit operas suas, si seruo soluerit mercedem sine voluntate domini, quamuis seruus eam non sibi retinuit, sed possessori retulit, quia tenetur adhuc vero domino ex locato: merito igitur condicet, & repetet tanquam solutum per errorem. Obiicitur *l. 1. §. si rem à seruo, de pos.* Res à seruo apud me deposita est, ego eam reddidi Titio, quem putabam dominum serui, cum non esset, vel eam reddidi seruo, vt perferret ad Titium, an sum liberatus, an domino est integra aduersus me actio depositi? quod negat *d. l. 1. §. si rē*, & ait domino cōpetere

**E**



aduersus Titium, cui res restituta est, actionē ad exhibendum, & rei vindicationem si exhibuerit: Verum longe alia est ratio depositi, alia locati & cond. Nam depositarius dolum præstat, non culpam. Et hoc casu depositarius vacat dolo, error est non dolus: at conductor præstat etiam culpam, §. *pen. Institut. de loc. & cond.* Nam conductor debet esse curiosus & diligens, & inquirere, quis sit verus dominus serui, qui seipsum locauit, & in culpa est si eam diligentiam non adhibuerit, si cuilibet soluerit: si persuadenti se esse dominum serui. Tertius casus huius legis est de vero domino, qui domum aut nauem locauit, aut aliam rem. Primus casus fuit de prædone, qui seipsum locauit, tertius est de domino, qui locauit rem suam. Finge: dominus rem suam locauit, sed postea prædo mercedes exegit, dominus contraxit locationem: prædo nactus possessionem eius rei, mercedes accepit: hoc casu etiam prædo tenetur condictione indebiti ei, qui soluit per errorem, quia soluendo non est liberatus, cum pecuniam non fecerit accipientis, alias non liberatur nisi fecerit & perfecte, *l. cum quis, §. qui hominem de solut.* Denique non se liberat, merito igitur condicit quasi indebitum quod prædoni soluit. Primum sic dico, non se liberauit à domino eodemque locatore qui per errorem prædoni soluit. Cōtra dices. (quod obiicit Accursius) imo ignorantia proficere ei debet ad liberationem, ut in *l. eius, qui in prouincia, de reb. credit. l. inter. §. 1. mand.* quod negandum est: nam non proficit ad liberationem: alioqui omnes liberarentur prætextu ignorantie: neque enim quælibet ignorantia est iusta & probabilis, & iusta tantum ignorantia parit liberationem, ut si præcesserit mandatum & solueris, tardius tamen extincto mandato morte mea, ignorans, me esse mortuum; hoc casu ipso iure liberaberis, quod antecesserit mandatum. Sed nullo præcedente mandato, si quis soluerit falso procuratori, vel ei cui falso existimat se soluere voluntate creditoris, non liberatur, *l. qui hominem §. si nullo, de solut.* Repetamus quod ante diximus, non liberatur à locatione, qui prædoni soluit per errorem; sic est, sed si postea prædo quod percepit, restituat domino & locatori, ipso iure contingit liberatio, *l. sed et si lege, §. certe, de petit. hereditat.* (ex Iuliano 4. D. sed legendum §. 4. id ex *l. qui hominem §. si nullo, de solut.*) & ita etiam in *l. si quid possessor. §. ult. de petit. hereditat.* in quo refertur eadem Iuliani sententia, legendum est §. 4. His autem tribus casibus propositis Papinianus concludit ita, & hanc conclusionem posse facere quartam partem huius legis, id quod vulgo dicitur, fructus prædoni condici posse, condictione scilicet indebiti, de qua tota lex est, qui ei soluti sunt. vulgaris est hæc sententia. Sed concludit Papinianus hanc sententiam esse intelligendam de fructibus, qui domini fuerunt, id est, de fructibus, qui domino debiti fuerunt, ut secundo casu & tertio. Secundo, quia seruus ipse locationem contraxerat: tertio quia dominus ipse contraxerat. His igitur duobus casibus fructus prædoni solutos, quasi indebitos condici posse. Id autem intelligendum non est de fructibus qui fuerunt prædoni debiti, ut primo casu cum prædo locationem contraxit, hi non condicuntur prædoni ab eo, qui soluit, quique liberatus est soluendo. Et perperam Accursius hanc generalem conclusionem refert tantum ad secundum casum, non etiam ad tertium: nam utroque casu fructus domino debiti fuerunt, & ei qui soluit prædoni est condictio indebiti. Deinde etiam male Accursius vulgarem illam sententiam accipit de condictione fructuum à prædone perceptorum, & consumptorum, quæ datur domino: hæc vero condictio est condictio sine causa vel iniusta causa, quod constat ex *l. 3. C. de cond. ex leg.* non est condictio furtiua, ut hic Accursius, quia non omnis male fidei possessor fur est, aut inuasor, licet prædo appelletur passim, nam prædo non semper nobis inuasor est sed quilibet improbus & inuerecundus possessor, ut à Græcis dicitur *ἀνείκελος νομεύς*, qui sciēs insidet rei alie.

Quæst. Papin.

**A** nã. Item non est condictio incerti illa generalis, nam fructus percepti maxime certi sunt, & incerti condictio non datur nisi de futuris fructibus, qui maxime incerti sunt, non de presentibus, *l. ubi autem §. illud, de verb. oblig.* Ergo vulgaris illa sententia accipienda est de condictione indebiti, quæ non domino, sed ei, qui soluit datur, siue extantes, siue consumpti sunt. Et omnino sententia hæc est: fructus solutos prædoni quasi indebitos condici posse ab eo, qui soluit; quam tamen sic accipiendam esse ait Papin. si fructus domino fuerint debiti, ut secundo & tertio casu, non etiam si prædoni, ut primo casu.

Ad l. vulgo 2. de vsuris.

**B** *Vulgo receptum est, ut quamuis in personam actum sit, post litem tamen contestatam causa præstetur: cuius opinionis ratio redditur, quoniam quale est cum petitur, tale dari debet, ac propterea postea captos fructus, partumque editum restitui oportet.*

**E** A mens Papiniani est, ut ostendat, non tantum in actione in rem, sed etiam in personam, officio iudicis post litem contestatam omnem causam præstari. Causa est omne quod actor habiturus fuisset, si tempore litis contestatæ ei reus satisfecisset, *l. præterea, de rei vind. l. cum fundus, in princ. de reb. cred.* In omnibus igitur his iudiciis, vel in rem, vel in personam præstatur fructus percepti post litis contestationem: imo & percipiendi, quos scilicet actor percipiturus fuisset, si ei rem de qua agitur possidere licuisset. Et quamuis Papinianus dicat, fructus postea captos restitui, non ideo sequitur captos tantum restitui. non possunt auctores exprimere omnia: ideoque addendum est, etiam capiendos fructus restitui, alioqui ex *l. si fundus, C. de rei vindic.* qua plerique abutuntur, tu colligeres, malæ fidei possessorem non reddere rationem fructuum percipiendorum, non præstare fructus percipiendos, quod dicat præstare eum fructus perceptos, sed non adiicit taxationem, fructus perceptos tantum. constat malæ fidei possessorem semper præstare fructus percipiendos, vel ante vel post litem contestatam: & hoc est proprium in malæ fidei possessore, ut patiat rationem fructuum, quos percipere debuit ante litem contestatam, non item in bonæ fidei possessore. Nam post litem contestatam nulla est inter bonæ fidei, & malæ fidei possessorem differentia. Et hoc est quod dicitur, *Omnes possessores post litem contestatam esse pares, esse prædones, præstare scilicet fructus perceptos & percipiendos*: quo tamen dicto non debemus uti ad omnia: nam falleret nos sapenumero. neque enim per omnia verum est, post litem contestatam omnes possessores esse pares, quod potest demonstrari duobus exemplis. Finge: Homo de quo lis est contestata, postea mortuus est, an eius hominis nomine damnabitur bonæ fidei possessor? minime; Bonæ fidei possessor factum, seu mortalitatis casum non præstat post litem contestatam. malæ fidei possessor præstat, *l. illud, de petit. hereditat. l. utique, de rei vind.* Item quod post litem contestatam bonæ fidei possessor acquirit per seruum, qui petitus est, ex re sua, id non venit in restitutionem, *l. præterea, de rei vind.* quod tamen restitueret malæ fidei possessor, ut etiam per eum hominem parta ex re sua post litem contestatam, *l. 1. C. de rei vindic.* Sed quod attinet ad fructuum rationem, vel etiam vsurarum, verum est, post litem contestatam omnes possessores esse pares, & sufferre estimationem non tantum captorum, sed & capiendorum fructuum, & non fructuum tantum, sed etiam omnis causæ: nam & præstare debent partus editos ut hæc lex ait, & *l. partum, hoc tit.* comparantur partus cum fructibus. Fuit hæc vetusta quæstio, an partus esset fructibus annumerandus: sed obtinuit non esse, homo non est in fructu, cuius causa natura omnes fructus profert. Præstantur etiam post litem contestatam omnia commoda, emolumenta, & ut vno verbo absoluamus, omne id quod in-



terest actoris, etiam in specie *l. nummis, de in lit. iur.* quam citat Accursus, quia etiam causæ nomine continetur id, quod interest, *l. pecuniam, de compens.* nihil non comprehendit causa. Ergo intelligimus, quid sit quod ait Papinianus indistincte, siue agatur in rem, siue in personam, causam præstari post litem contestatam: addendum est etiam, officio iudicis: nec enim petitur causa, sed venit officio iudicis. Sed nondum intelligemus, quæ sit vis huius sententiæ, & prius inspiciendum est. Quo iure id sit introductum, constat causam præstari officio iudicis in actionibus in rem, *d. l. præterea.* Sed notandum id originem sumere ex 12. tabul. quæ in vindictis, id est, in actionibus in rem fructus æstimant duplione, si possessor rei alienæ victus fuerit. Volunt enim duplos fructus præstari ex tempore litis contestatæ his verbis: *Si vindictam falsam talit, eius rei siue litis arbitros tres dato, eorum arbitrij fructus duplione damnum decido.* Et inde Paulus §. Sent. ex die accepti iudicij, id est, ex tempore litis contestatæ duplos fructus præstari: & D. Ambrosius in Epist. 24. *Cum aduerterem,* inquit, *eum, si vicisset, acturum de duplis fructibus,* & ita in *l. 1. C. Theod. de usur. rei in. l. 1. C. Theod. de fruct. & sumpt. lit.* & hi sunt, qui in his libris duobus locis dicuntur maiores fructus, id est, dupli qui in rei æstimatione in restitutionem veniunt, *l. rescriptum §. 1. de dist. pign. l. 6. §. ult. mand.* Inde intelligitur quod ait *l. Iulianus §. quantum, ad exhib.* in actione ad exhibendum, quæ scilicet datur propter vindicationem: (nam vindicaturus desiderat rem sibi exhiberi) in ea, inquæ, actione sicut in actione in rem venire fructus post litem contestatam, & æstimari secundum leges 12. tabul. scilicet æstimari duplione. Igitur loquitur *l. 12. tabul. de fructibus tantum,* sed porrigitur ab Interpretibus etiam ad partus, & commoda & ad omnem causam, *l. Iulian. §. idem, de rei vind.* Igitur ex mente 12. tabul. omnis causa est duplenda post litem contestatam: hodie non duplatur. Ergo si quis quærat, quo iure post litem contestatam causa præstetur in actione in rem, dicemus id fieri ex 12. tabul. non idem dicam in actione in personam. Nam neque 12. tabulis neque alia lege idem est introductum in actione in personam, sed prudenter ait Pap. vulgo id receptum est, id est, hoc iure utimur, *l. cum fundus in princ. de re. cred. & ex opinione scilicet: nam & opinionem hanc appellat Pap. ex opinione, inquam Sabinianorum, ut ostendit l. videamus §. si actionem, hoc tit.* Nam Proculiani nec post litem contestatam in actionibus in personam admittebant haberi rationem causæ, quæ rem sequeretur, de qua erat actio: sed obtinuit opinio Sabinianorum cuius, ut heic ait Pap. ratio est sumpta ex æquitate, ut ait *d. §. si actionem.* quod æquum sit tale quidque dari, quale fuit cum peteretur, id est, cum lis contestaretur: Præstanda igitur omnis ea causa, etiam si sit actio in personam, non in rem, & lex ea loquitur tantum de actione in rem. Et ita in *l. §. de re ind.* ostenditur, in actione ex stipulatu, quæ est in personam & valde stricta actio, hac nulla magis stricta, fructuum rationem haberi à tempore litis contestatæ. Et sic in *l. 3. §. in his, hoc tit.* In his etiam iudiciis, quæ neque sunt arbitraria, neque bonæ fidei post litem contestatam omnem causam esse præstandam in eum diem quo sententia dicitur, quibus verbis significat, non tantum in actionibus arbitrariis, vel bonæ fidei, sed etiam in actionibus maxime strictis, post litem contestatam omnem causam præstari. Ad quam sententiam notandum, etiam in bonæ fidei iudiciis pleraque præstari ante litem contestatam. Certum est indistincte in omnibus iudiciis causam præstari post litem contestatam: sed si quærat an antelitem contestatam, tum separanda nobis sunt iudicia alia ab aliis. In actionibus bonæ fidei fructus omnimodo præstantur, etiam si mora non interuenerit, nec lis sit contestata, *l. videamus §. pen. h. r.* Actio enim ex empto vendito non tantum rem præstat, sed & fructus captos post venditionem etiam ante moram. In iudicio pro so-

cio communicantur etiam fructus. In iudicio communi diuidendo diuiduntur etiam fructus. In iudicio dotis restituuntur etiam fructus percepti ante nuptias: Nam percepti in matrimonio cedunt lucro mariti pro oneribus matrimonij. Et generaliter, in actionibus bonæ fidei fructus omnino sunt præstandi, id est, siue mora interuenerit, siue non, siue lis contestata fuerit, siue non. Et hoc distat fructus ab usuris quæ in bonæ fidei iudiciis non præstantur nisi ex mora, nisi mora damnum intulerit, *l. mora, §. in bonæ fidei, hoc tit.* Habuimus vnam differentiam in *l. finauis*, quod usuras non præstat debitor qui pecuniam non exercuit, nauta fructus præstat, id est, vecturas, qui nauem non exercuit. Addamus hinc differentiam istam, & vtraniq; ad *l. usuras, hoc tit.* dum ait *usuras vicem fructuum obtineat: nam his duobus casibus* separandæ usuræ à fructibus. Notandum etiam actiones legatorum & fideicommissorum semper comparari iudiciis bonæ fidei, sed non omnia quæ illis insunt. An dicemus fructus legatorum vel fideicommissorum præstari ex die mortis ante moram? minime: sed ut usuræ legatorum & fideicommissorum, ita & fructus præstantur tantum ex mora, si qua antecesserit litis contestationem, *l. 3. §. 1. hoc tit. l. ult. C. de usur. & fruct. leg.* Illa igitur differentia inter usuras & fructus, locum tantum habet in bonæ fidei iudiciis, non in actione ex testamento, vel in persecutione fideicommissi: nam ex mora tantum præstandorum legatorum debentur usuræ & fructus. Dices, cur in actione bonæ fidei veniunt fructus percepti ante litem contestatam? hoc fit potestate huius iudicij, & formulæ ipsius prætoris: nam ita agitur his: *quod ex bona fide dari oportet, & ut Sexuola dicebat, bonæ fidei nomen latissime mouet,* id est, complectitur fructus, & omnem causam & usuras. Igitur, quas æquum est præstari post litem contestatam, non ante, veniunt in hæc iudicia ut damnum sarciant quod fecit actor, non etiam ut eum lucro afficiant. Et ex ratione formulæ sumitur etiam, quod proditum est, in *l. illud, de petit. hered.* in petitionem hereditatis, venire fructus etiam perceptos ante litem contestatam, & percipiendos. si sit malæ fidei possessor, & perceptos, si sit bonæ fidei, modo ex his factus sit locupletior. Igitur in petitione hereditatis venire fructus ante litem contestatam, quia petitionis hereditatis hæc est formula; *Si hereditatem Titianam meam esse paret.* Et hereditatis incremento fructus accedunt, sicut de equitio dicitur in *l. 39. hoc tit.* quæ ostendit, multum interesse an equi legentur an equitium. Nam equis legatis fœtus hi tantum debentur qui sunt nati post moram: legato equitio debentur fœtus etiam, qui sunt editi ante moram, quia equitium est nomen iuris vniuersi, quod continet etiam fœtus, siue fructus. Hereditas est nomen iuris quod comprehendit etiam fructus, id est, qui petit hereditatem, & fructus petit; non veniunt fructus in petitionem hereditatis officio iudicis, sed vi & potestate ipsius iudicij siue formulæ. At in actione speciali in rem utimur verbo rei, *hanc rem meam esse aio.* quod quidem nomen nudum corpus significat. & ideo in actione in rem non veniunt fructus percepti ante litem contestatam, non veniunt potestate actionis, quia rei nomine non intelliguntur fructus, nisi adhuc pendeant, & cohæreant rei: nam pendentes sunt pars corporis, sed qui re separati sunt, iam non sunt pars eius rei, nec nomine rei comprehenduntur, aut rei petitione: non veniunt igitur *l. 1. C. de petit. hered.* non veniunt etiam officio iudicis antecedentes fructus, id est, qui capti sunt ante litem contestatam, sed sequentes tantum, *l. si fundus, §. interdum, de pignor.* Notanda est maxime illa differentia inter petitionem hereditatis, & actionem in rem. Ratio differentię, ut dixi, est sumenda ex formula, qui hereditatem petit, fructus petit, non etiam qui rem petit. Et inde obseruanda est ratio *l. heres, §. ult. de petit. hered. & l. neque, hoc tit. l. eum qui, de his quib. ut ind.* quibus locis tractatur hæc de re, an fructuum usuræ debeantur: (venditorum



scilicet fructuum à possessore: ) & veniant in petitionem hereditatis? Et ita distinguit: aut pretia ex venditione fructuum redacta sunt post litem contestatam, & vsuræ non debentur, quia scilicet ea pretia rerum, quæ distra-cta sunt à possessore post litem contestatam, sicut fructus percepti post litem contestatam, petita non videntur: qui petit hereditatem, non petit etiam fructus, qui percipiuntur post litem contestatam: sic nec intelligitur petita pecunia redacta post litem contestatam ex venditione rerum hereditariarum, sed veniunt officio iudicis nõ quasi petita: eius autem quod venit officio iudicis nulla potest esse accessio, id est, accessionis nulla est accessio: quod venit officio iudicis accessio est iudicij, quia non continetur formula huius accessionis. Igitur vsuræ non debentur. Alia est ratio fructuum, seu pecuniarum redactarum ante litem contestatam: Nam hi fructus petiti intelliguntur, non veniunt officio iudicis, & huic petitioni facile accedunt vsuræ officio iudicis. Hoc ita fit in petitione hereditatis, quæ ante constitutionem Iustiniani multa habebat ex bonæ fidei iudiciis: hodie omnino est bonæ fidei. Neque hodie seruat in conditione fructuum. Finge, malæ fidei possessor percepit fructus ex re aliena, antequam moueretur controuersia: eos distraxit & consumpsit. Possunt condici fructus consumpti à malæ fidei possessore conditione ex iniusta causa, aut sine causa: an veniant vsuræ? Minime: accessionem enim vsurarum non admittit strictum conditionis iudicium quam admittit petitio hereditatis, *d. l. neque*. Extremum hoc erit, vr admoneamus, in actione in personam non venire fructus perceptos ante litem contestatam, nisi nominatim petantur, *l. partum, hoc tit.* Ante litem contestatam in actionem in personam non veniunt fructus, non causæ, nisi sint bonæ fidei: Nam bonæ fidei nomen quo utimur in formula, complectitur omnem causam. Et quandoque etiam quamuis sit stricta actio ratione formulæ, veniunt fructus capti ante litem contestatam, vt in actione Fabiana, vel Caluisiana, Pauliana, Quod metus causa, in interdicto vnde vi, in interdicto fraudatorio, in interdicto quod vi aut clam: in his iudiciis, etiam fructus restituantur officio iudicis, qui ad reum peruenerunt, vel peruenire potuerunt ante litem contestatam, si mala fides in eo argui possit, quoniam Prætor, qui dat ea iudicia, utitur pleniore verbo, scilicet restituendi, quod habet plenior significationem. Restituere est in integrum restituere, perinde atque si quod fuit nunquam fuisse: restituit igitur & fructus, hoc facit formula. sicut Iuriconsulti veteres fuerunt obseruatores formularum, ita & nos esse debemus, quia ex his pleræque controuersie dirimuntur.

#### Ad l. 14. de Publiciana in rem act.

*Papinianus lib. 6. Questionum scribit: Si quis prohibuit vel denuntiauit ex causa venditionis rem tradi, qua ipsius voluntate à procuratore fuerat distracta: & is nihilominus tradiderit, emptorem tuebitur prætor, siue possideat, siue rem petat. Sed quod iudicio empti procurator emptori præstiterit, contrario iudicio mandati consequetur. Potest enim fieri vt emptori res auferatur ab eo, qui venire mandauit, quia per ignorantiam non est usus exceptione, quam debuit opponere: veluti, si non auctor meus ex voluntate tua vendidit.*

**P**ertinet etiam ad tractatum de rei vindicatione id, quod ex eodem Papiniani lib. refert Vlpian. in *l. Papinian. De Publ. in rem act.* Pertinet enim ad vindicationem, non quidem directam, & ciuilem, quæ domino datur, sed ad vtilem & Prætoriam, quæ datur bonæ fidei possessori ex iusta causa possessionis, non etiam per continuationem possessionis dominio adepto, si forte ante impletam vsucapionem possessionem amiserit, & res ab extraneo possideri cœperit: quæ actio appellatur Publiciana à Publicio Prætor, qui eam primus introduxit,

**A** quod scilicet equius sit eum, qui bona fide nactus est possessionem, rem habere, quam extraneum, qui eam tenet sine causa. Ergo actio Publiciana est prodita præcipue aduersus extraneum possessorem. Actio Public. est proprie efficax tantum aduersus extran. possessorem, qui sine causa rem tenet, cuius possessionem amisit bonæ fidei possessor. Aduersus dominum actio Publiciana est inefficax: quia æquius est dominum rem suam potius habere, quam bonæ fidei possessorem, & alium quemquam. Et hoc est quod dicitur, actioni Publicianæ obitare exceptionem dominij iusti, hanc scilicet, si non ea res possessoris sit vnde petitur, *l. pen. & ult. hoc tit. l. mandatum, mand.* Sunt tamen casus octo, quibus actio Publiciana datur vtiliter aduersus dominum possidētem rem suam, quibus domino potior est bonæ fidei possessor, vel donatarius. Quinque casus refert Accursius in *l. ult. de Public. in rem act.* Sextus est in *d. l. mandatum*. Septimus in *l. si is cuius, ex quib. caus. mai.* Octauus est in *d. l. Papinianus*. Hunc solum tractabimus, quia hic solus refertur ex libro sexto Papiniani. Ponamus speciem huius legis. Mandavi tibi, vt rem meam Titio venderes: vendidisti, & precium accepisti, rem vero nondum tradidisti: Ego prohibeo vel denuntio ne tradas: (facit differentiam inter prohibitionem & denuntiationem. Denuntiatio fit ante traditionem: prohibitio initio traditionis: ) At tu contra quam prohibuisses, vel denuntiaasses, nihilominus tradidisti. Inde quaeritur, si Titius eius rei possessionem amiserit, & ea res forte ad me peruenerit, an possit Titius vtiliter, id est, efficaciter mecum agere actione Publiciana, quamuis sim dominus rei eius? Et Papinianus dicebat vtilem esse actionem. Nam si ego ei oppositam exceptionem dominij, *si non ea res mea est*; Titius replicabit hoc modo, quæ formula ponitur in hac *l. si non auctor meus, eam rem ex tua voluntate vendiderit*. Hæc erat formula replicationis, quia non est equum, vt Titio auferam rem, quam procurator meus ei vendidit mandatu meo, licet non tradiderit mandatu meo: quia omnimodo obligatus erat tradere, id est, implere venditionem factam mandatu meo. Et similiter, si Titius possessionem eius rei non amiserit, & ego vindicem, Prætor tuebitur eum, nec potero ei rem auferre per vindicationem, quia tuebitur se Titius exceptione rei venditæ & traditæ, cuius formulam exposuimus initio: scilicet si Titius pretium soluerit, antequam vetarem ei rem tradidam: nam si vetuerim antequam pretium soluisset, postea vindicanti mihi eam rem, exceptio non obstat, *l. 1. §. 1. de except. rei vend.* secundum quam legem recte Accursius in hac *l.* quod non exprimitur, supplendum censet, *vt tu procurator meus vendideris, & pretium acceperis, deinde vetuerim rem tradere*. Et ita in *l. si à Titio, de rei vind.* in qua ponitur alius casus, quo actio Publiciana datur bonæ fidei emptori aduersus dominum: ponitur eum pretium soluisse, quod poni volumus etiam in hac *l.* Ergo vt diximus, si Titio res vendita sit mea voluntate, & post tradita non mea voluntate, cum iam is soluisset pretium, mihi vindicanti Titius obiciet exceptionem rei venditæ & traditæ sibi. Fieri tamen potest, vt non obiciat per ignorantiam, per errorem. Exceptiones sunt facti, vt nos loquimur, id est, non insunt iudiciis arbitrariis, vel strictis ipso iure, vt possint suppleri officio iudicis: obiciendæ & allegandæ sunt: denique facti sunt, non iuris, nec positæ in arbitrio iudicantium, sed partium. Si exceptionem quam habes, non opponis, sequetur condemnatio; excipienda sunt bonæ fidei iudicia, quibus exceptiones insunt, & etiam non oppositæ suppletur officio iudicis. Summa vis est, vt dicebat Scævola, iudiciorum bonæ fidei. Et inde obseruandum, non esse verum, quod plerique putant, actiones arbitrarias imitari actiones bonæ fidei. Actio in rem est arbitraria siue sit ciuilis, siue honoraria, id est, Publiciana, & tamen ommissa exceptio non suppletur officio iudicis, sed pro ommissa est, eritque id tibi fraudi qui exceptionem quæ



tibi competeat omisit: quæ tamen tibi fraudi non est in bonæ fidei iudicio. Et ideo in actione in rem, quæ arbitraria est, non veniunt fructus capti ante litem contestatam, qui tamen veniunt in iudicio bonæ fidei. Non igitur actio arbitraria imitatur actionem bonæ fidei, & vero media est inter actionem strictam & bonæ fidei, sed magis accedit ad strictam. Si ergo Titius non utatur exceptione rei venditæ & traditæ, condemnabitur, sed condemnatus habebit regressum ut Græci ἀναπόδην, aduersus procuratorem meum, qui ei vendidit, habebit, inquam regressum actione ex empto quod ego ei rem abstulerim, seu euicerim. Rursus id à me procurator recipiet quod soluerit Titio euictionis nomine actione mandati, quia non potui efficere prohibitionem, vel denuntiationem mea, quo minus rem traderet, quam venderat, & cuius pretium acceperat: inanis est igitur prohibitio mea, quia intempestiua, post solutum pretium, videlicet, quæ est sententia l. Papinianus.

Ad l. 47. de manum. test.

*Cum ex falsis codicillis per errorem libertas, licet non debita, præstita tamen ab herede fuisset, viginti solidos à singulis hominibus inferendos esse heredi, Princeps constituit.*

§. 1. Sed si conditionis implende gratia seruum institutus manumiserit, ac postea filius de inofficioso agendo tenuerit, vel testamentum falsum fuerit pronuntiatum, consequens erit, idem in hac specie fieri, quod in falsis codicillis constitutum est.

**I**dem Papinianus eodem libro, quod tractat l. 47. de manum. testam. potest etiam referri ad vindicationem, puta, ad petitionem hereditatis de inofficioso vel falso testamento. Finge: Heres ex falsis codicillis cum per errorem existimaret esse veros, seruo libertatem præstitit, postea cognouit esse falsos: cognouit errorem suum: an potest reuocari libertas? Minime: nam iure data est à domino, seruo suo scilicet; sed æquum est ei subueniri, ne damnum serui faciat temere & inconsulto manumissi, ita scilicet ut cogatur seruus manumissus ei præstare æstimationem sui, id est, viginti aureos, ex Constitutione Adriani non fauore libertatis: neque enim villo modo poterat reuocari: sed in gratiam dominorum qui errore decepti seruos manumiserunt, l. 2. C. de fideicomm. libert. l. pen. in fine, de iure patronat. Adrianus definit æstimationem serui; voluit enim pro capite singulorum qui manumissi essent solui videnos aureos. Hæc fuit æstimatio vulgaris seruorum, & alij quidem aliis pretiosiores erant, sed æstimatio vulgaris erat viginti aureorum. l. si fundum §. si libertas de leg. 1. l. 4. C. de seru. fugit. Ergo cum heres per errorem ex falsis codicillis præstitit libertatem beneficio constitutionis Diui Adriani, seruus manumissus cogetur ei soluere & dependere pro pretio sui viginti aureos. Hoc cum ita esset constitutum ab Adriano, à Iuriconsultis porrectum est etiam ad sequentem speciem. Finge: Heres institutus est sub conditione, si seruum suum proprium manumiserit, conditionis implendæ causa manumisit seruum suum proprium, non hereditarium: deinde testamentum rescissum est querela inofficiosi, & euicta hereditas heredi scripto, vel etiam testamentum falsum esse pronuntiatum est. non reuocabitur libertas quæ iure data est à domino: sed æquum est, ne frustra heres seruum suum perdat sine emolumento aliquo, ut serui pretium à manumisso recipiat, id est 20. aureos l. si sub cond. de inoffic. testam. Et hi sunt duo casus qui notantur in hac lege. Histria obstant. Primum l. 31. si mulier, de minor. cuius species est. Heres scriptus adiuit hereditatem, & seruo hereditario præstitit libertatem fideicommissariam; postea restitutus est in integrum beneficio ætatis abstinenti causa; ad quem transeunt bona? Ad proximū

A successorem, non iure legitimo: nam qui se abstinit, heres quidem manet iure ciuili: sed iure prætorio transeunt ad proximum successorem data possessione, quia Prætor, qui dat facultatem abstinenti, non habet cum pro herede, etiam si heres sit iure ciuili. Si igitur proximus successor, ad quem per abstentionem bona heredis scripti perueniunt, desideret à seruo manumisso sibi pretium præstari 20. aureorum, si velit retinere libertatem. an cogetur seruus eos præstare? minime. Cur hic aliter definitur, quia hic seruus de quo agitur in l. si mulier, iure optimo libertatem consequutus est, id est, ex testamento iusto, id est, solemnī, & vero, & non deserto, quandoquidem heres adiuit, nec abstentione desuit esse heres, nec etiam rescisso testamento pro libertate quam quis optimo iure habet, est æquum inferre æstimationem sui. At in specie legis 47. seruus quidem libertatem habet iure, quia est manumissus à domino, sed non optimo iure: vno casu per causam falsorum codicillorum qui imposuerunt heredi: altero casu per falsi testamenti vel inofficiosi causam. Secundo obstat lex ult. C. de petit. heredit. ex qua hoc eliciunt contra l. 47. ex testamento quod falsum pronuntiatum est non competere libertatem, & tamen in specie huius legis videtur competere libertas ex falso testamento, vel ex codicillis falsis. Et plenior sententia leg. vltimæ est. Duo sunt qui certant de hereditate, legitimus & scriptus: in testamento relicta sunt libertates duæ fideicommissariæ, vel directæ, an in suspensio etiam erunt libertates quamdiu lis pendebit de hereditate? non est æquum diu moram fieri libertatib. & vero Iustinianus huic rei ita prospexit, ut velit libertates manere in suspensio annum duntaxat: si diutius moram trahat lis, nec constare possit à quo debeant serui manumitti, competet libertas post annum ipso iure, nec reuocabitur libertas, etiam si iudicetur contra heredem scriptum: Sed ut exprimit Iustin. si iudicetur testamentum falsum, atque ita vincatur scriptus, non intelliguntur serui ipso iure peruenisse ad libertatem: atque ita apparet ex testamento quod falsum pronuntiatum est, libertates non competere. Respondeo sic, non iure competere, id est, non videri esse liberos; non conservari præstitas libertates nego. Postremo, quod valde obstat, nec tamen obiicitur, est l. Papinianus, §. ult. de inoffic. testam. secundum quam est accipienda l. 4. eod. tit. & l. uxorem, in fi. de manum. testam. Finge: Testamentum inofficiosum pronuntiatum est, in quo serui quidam erant manumissi: vel etiam idem testamentum, iniustum pronuntiatum: vtrique sententia totum testamentum infirmatur. Ergo & legata, & libertates. Sed ex Nouella Iustiniani, non infirmatur ex causa inofficiosi totum testamentum, sed heredis institutio sola, cetera firma manent. Ante Nouellam Iustin. querela inofficiosi omnia rescindebat: querela iniusti sane si is qui agit obtinuerit declarat omnia esse nulla ipso iure ab initio. libertates igitur sunt nullæ testamento præstitæ, vel directæ, vel per fideicommissum, si testamentum pronuntietur inofficiosum, vel iniustum, & reuocantur quasi non iure datæ in testamento iniusto, vel quasi rescisso querela inofficiosi. Reuocantur, inquam, nisi quinquennium morati sint in libertate, antequam moueretur querela inofficiosi, vel iniusti: quo casu retinent libertatem, modo victori referant pretium sui, id est 20. aureos. Quæro cur hoc casu exigis, ut quinquennium morati sint in libertate, & prioribus casibus id non exigis? Breuiter sic est respondendum: prioribus casibus iusta fuit, & utilis manumissio, quæ non indigebat confirmatione quinquennij. Nam heres manumisit seruum suum, & effectum habuit manumissio statim. At in casu d. l. Pap. & d. l. uxorem, vel non valuit ab initio manumissio ex iniusto testamento, vel ex post facto rescissa est per querelam inofficiosi: reuocabitur ergo, nisi accedat confirmatio quinquennij: egre in seruitutem reuocantur qui in libertate fuere quinquennio. Nam & de statu defunctorum post quinquennium non queritur.



Ad l. 8. vt in poss. legat.

**N**on possum referre ad vindicationem l. si legato-  
rum §. D. vt in poss. legat. cuius sententia est:  
Legatum relictum est sub conditione. pendente ea cau-  
eri debet legatario, si hoc desideret, de soluendo legato,  
vbi conditio extiterit. à quo? an ab herede scripto, vel  
ab herede heredis, vel à fideicommissario Trebelliano,  
cui heres restituit hereditatem, l. 1. §. non solum, vt le-  
gat. nom. nam alia sunt onera creditorum, alia legata-  
riorum vel fideicommissariorum. Onera creditorum di-  
uiduntur inter heredem & fideicommissarium pro do-  
drante & quadrante: onera autem legatariorum aut fi-  
deicommissariorum non diuiduntur, sed solida tran-  
seunt in fideicommissarium Trebellianum l. 2. §. si is  
qui, ad Trebell. Merito igitur ab eo exigitur cautio le-  
gatorum, & si eam non præstiterit, ex ordine legata-  
rius mittitur in possessionem rerum hereditariarum  
omnium, quæ in causa hereditatis manserunt, vel etiam,  
quæ dolo fideicommissarii in causa hereditatis esse de-  
sierunt: nam & hæc finguntur mansisse, l. is cui, §. qui  
in possessionem, hoc tit. & hoc est quod ait Papin. in  
hac lege.



IACOBI CUIACII  
I VRISCONSULTI  
COMMENTARIUS  
in Lib. VII. Quæstionum  
Æmilij Papiniani.

Ad l. 5. De vusufructu.

*Vusufructus & ab initio pro parte indiuisa, vel diuisa  
constitui, & legitimo tempore similiter amitti, eademque  
ratione per legem Falcidiam minui potest. Reo quoque  
promittendi defuncto, in partes hereditarias vusufructus  
obligatio diuiditur. Et si ex communi prædio debeatur; uno  
ex sociis defendente, pro parte defendentis fiet restitutio.*



**N** hac l. hoc vnum agit Papinian, vt osten-  
dat vsumfructum seruitutem esse indiuiduam:  
cæteræ seruitutes sunt indiuiduæ. Ratio diffe-  
rentiæ constabit ex definitione vusufructus:  
quid est vusufructus? *ius vtendi fruendi, quod homini  
competit in re aliena, quamdiu is homo, eaque res salua  
permanet.* Recte, fruendi: nam si vtendi tantum, vus  
est, non vusufructus: vus est indiuiduus, vusufructus di-  
uiduus. Recte etiam, *quod homini competit in re aliena:*  
nam per vsumfructum res aliena seruit homini, l. domi-  
nus, in princ. hoc tit. Alia est seruitus quam homo homi-  
ni debet, aut seruit seruus libero scilicet. alia est seruitus,  
quam prædium prædio debet, veluti iter, actus, via, ius  
stillicidij immittendi, ius altius non tollendi. Alia au-  
tem est seruitus quam prædium, aut qua alia res homini  
debet, & ex hoc genere est vusufructus. Vusufructus igitur  
est seruitus hominis, vt loquitur l. 15. de seruit. id est,  
seruitus ex realia debita homini, id est, personæ: Ho-  
mini igitur libero: nam seruus est quidem homo, (ser-  
uus homo, vt dicitur mulier ancilla Salustio) sed perso-  
nam non habet, est ἀσέβητος, Theoph. Instit. quib-  
us mod. toll. obl. Aliud est homo, aliud persona. Perso-  
na est ciuile nomen, homo naturale. Recte etiam in  
definitione, *quamdiu is homo, eaque res salua permanet:*  
nam vt eleganter est scriptum in l. pen. C. de vusufruct.  
cum anima, & cum rei substantia vusufructus expirat:

**A** cum anima, id est, cum vita hominis: neque enim vus-  
fructus transmittitur ad heredem, l. 3. quan. di. leg. ced.  
Quod autem est præcipuum verbum in definitione? est  
verbum fruendi, quo maxime hæc seruitus ab aliis se-  
iungitur, quoque vis eius propria maxime demonstratur:  
Nam vusufructus potissimum ex fruendo consistit, l. 1.  
in princ. eod. Frui autem est fructus percipere, quæ res  
diuisionem recipit: possum enim partim fructus capere,  
partim non capere. Hinc fit, vt cum aliæ seruitutes sint  
indiuiduæ, hæc vna sit diuidua, quæ vusufructus dicitur.  
Aliæ seruitutes, siue sint hominum, siue prædiorum,  
sunt indiuiduæ omnes. Cur? quia in vtendo consistunt,  
& vus sui natura indiuiduus est: neque enim possum  
vllius rei parte vti, quin re tota vtar, & vt dicebat Pom-  
pon. vus ita connexus est, vt qui eum partiatur, natu-  
ram eius corrumpat: dum hanc l. vna vobiscum studeo,  
non pro parte vtor hoc libro, sed toto libro: & fructus  
possum capere pro parte, l. 17. via, de seruit. l. 19. vus  
pars, de vso & hab. l. 5. si vt certo §. vlt. commod. Frui  
pro parte possumus, vti pro parte non possumus. Nam si  
vel minimam rem attigero vtendi causa, totius rei vsum  
vsurpare videor. Breuiter, cæteræ seruitutes in vtendo  
consistunt, vusufructus in fruendo: ex quo sequitur, cæ-  
teras seruitutes diuisionem, vel, vt loquitur lex, Qua-  
dringenta ad l. Falc. & Tertullianus, diuiduitatem non  
recipere, vsumfructum vero diuiduitatem recipere. Et  
hoc Papinian. in h. l. §. quinque argumentis docet. Pri-  
mum est huiusmodi. vusufructus potest constitui, hoc  
est, cedi pro parte diuisa, & pro parte indiuisa. Indi-  
uisa, vt ex omnibus fructibus, qui in illo fundo nascun-  
tur tertiam partem capias: pro diuisa vt omnes fructus  
partis terciæ fundi capias. pars diuisa est certa, & sensi-  
bus percipi potest, & totum potius, quam pars est. Di-  
uisio ex vno toto conficit plura. Pars autem indiuisa est  
diffusa per totum fundum, & incerta, quæ intelligitur  
tantum, cerni autem, tangi, vel demonstrari non potest.  
Quum dicis, hæc pars mea est, hæc pars tertia vel di-  
midia, partem diuisam dicis: demonstras enim eam: cum  
autem dicis partem simpliciter, pars tertia mea est, par-  
tem indiuisam dicis. Aliæ seruitutes possunt quidem  
constitui pro parte diuisa, puta, vt ad hanc partem fun-  
di mihi ire agere liceat, l. 6. de seruitut. Pro parte au-  
tem indiuisa seruitutes alteri constitui non possunt, l. pro  
parte, de seruit. puta, vt ad tertiam fundi partem mihi  
ire agere liceat, non demonstratam, quia scilicet non  
possum illa parte ire, quam non video, quamque mon-  
strare nemo mihi potest: & si alia parte iero, non ea iero,  
quæ constituta est. Vnde constat, ad partem indiuisam  
non posse constitui alias seruitutes; ad partem diuisam  
posse, quæ totum est potius quam pars. Secundum ar-  
gumentum, quo vtitur, hoc est. Eodem quoque modo  
vsumfructum amitti non vtendo, non tantum pro parte  
diuisa, sed & pro indiuisa: vt si is qui totius fundi vsum-  
fructum habet, legitimo tempore, id est, secundum ius  
antiquum per biennium, vel secundum ius nouum per  
decennium inter præsentem, aut vicennium inter absen-  
tes, non perceperit nisi fructus dimidiam partem, alte-  
rius dimidiæ partis vsumfructum amisit pro indiuiso.  
**E** Cæteræ seruitutes non vtendo intereunt legitimo tem-  
pore quod iam supra definiui, sed pereunt in solidum,  
non amittuntur pro parte indiuisa, d. l. pro parte, de ser-  
uit. Sequitur tertium argumentum. Vusufructus minui-  
tur per legem Falcidiam pro parte, id est, pro quadran-  
te Falcidiano, si sit exhausta legatis hereditas, etiam ex  
legato vusufructus heres retinet quartam Falcidiam: sic  
igitur retinebit quartam partem vusufructus singulis an-  
nis. Nam in vusufructu fructus spectamus potissimum,  
veluti corpora quædam, non ius vtendi fruendi, qui fru-  
ctus diuisionem recipiunt, atque adeo deminutionem  
legis Falcidiæ. Vusufructus minuitur per legem Faldi-  
diam, l. 1. §. si vusufruct. & l. sed & vusufr. ad leg. Falcid.  
& hoc est quod ait in princ. huius legis. Breuiter hoc ait:



vsumfructum pro parte constitui posse, & amitti, & minui: at aliæ seruitutes non minuuntur per legem Falcidiam, sed præstantur in solidum legatariis sine vlla diminutione, vt via, iter, actus, hæc solida præstantur: succurritur tamen heredi hoc remedio, vt fiat æstimatio legata seruitutis, quanti sit seruitus via, itineris, actus, &c. & facta æstimatione, vt heres opposita exceptione doli mali, non aliter præstet seruitutem, quam si legatarius inferat quadrantem æstimationis: atque ita non fraudatur heres Falcidia. Cæterum seruitus integra ceditur, quia res est incorporalis, l. 8. si is qui, §. ult. ad l. Falc. l. 5. pure §. 1. de doli except. Quod Papin. hoc eodem libro scripsit de aliis seruitutibus in l. 7. ad leg. Falc.

#### Ad l. 7. ad l. Falcid.

*Lege Falcidia interueniente, legata seruitus quoniam diuidi non potest, non aliter in solidum restituetur, nisi parvis offeratur æstimatio.*

Contulit Papin. hoc lib. vsumfructum cum cæteris seruitutibus, & quæcunque scribit in ea lege §. de vsumfructu, ea existimandum est, locum non habere in cæteris seruitutibus, scribuntur enim de vsumfructu, vt intelligatur non idem seruari in cæteris seruitutibus, quod idem subiecerat in l. 7. ad l. Falc. quæ cum d. l. 5. est omnino coniungenda. Quartum argumentum est huiusmodi. Si is, qui stipulanti promiserat vsumfructum, decesserit duobus aut pluribus heredibus relictis, obligatio inter coheredes diuiditur pro portionibus hereditariis ex 12. tab. vt scilicet singuli heredes pro portione sua præstent vsumfructum stipulatori: ex quo apparet vsumfructum esse diuiduum. At si is qui promisit aliam seruitutem, decesserit pluribus heredibus relictis, ea obligatio non diuiditur ex 12. tab. sed singuli heredes tenentur in solidum, quia nec possunt partem præstare, l. 2. de verb. obl. l. heredes 25. §. an ea stipulatio 9. famil. erisc. Quintum argumentum quo vitur Pap. tale est. Si ex fundo communi duorum debeatur vsumfructus, & vnus tantum ex his conueniatur, an condemnabitur in solidum? minime: vno ex sociis conuenito condemnatio fiet pro parte tantum, quia æquum non est, eum pro parte socij condemnari: quoniam res diuisionem recipit: sed si ageretur de alia seruitute, cuius causa, vel natura est indiuidua, etiam si conueniretur vnus tantum ex sociis, & rem defenderet, damnaretur in solidum & restitueret seruitutem in solidum, l. 4. loci §. si fundus, l. 6. sed etsi forte, §. si ades, si serui. vind. & hoc est quod sequitur in hac l. In summa, quæ de vsumfructu scribit Papin. in hac lege, ea vult, locum non habere in cæteris seruitutibus. Ea igitur scribit ad differentiam cæterarum seruitutum. Qui dicit vsumfructum esse diuiduum & indiuiduum, cæteras seruitutes indiuiduas, multa dicit & infinita, non has tantum differentias notat, quas hic Papinian. nam ex hoc principio pendunt plurima.

#### Ad l. 4. de seruitut.

*Seruitutes ipso quidem iure, neque ex tempore, neque ad tempus, neque sub conditione, neque ad certam conditionem, verbi gratia, quamdiu volam, constitui possunt: sed tamen, si hac adiciantur, pacti vel per doli exceptionem occurratur contra placita seruitutem vindicanti, idque, & Sabinum respondisse Cassius retulit, & sibi placere.*

§. 1. Modum adiaci seruitutibus posse constare, veluti quo genere vehiculi agatur, vel non agatur, veluti vt equo duntaxat, vel vt certum pondus vehatur, vel grex ille transducatur, aut carbo portetur.

§. 2. Internalla dierum & horarum, non ad temporis causam, sed ad modum pertinent iure constituta seruitutis.

**A** Diximus heri vsumfructum legitimo tempore non vtendo amitti pro parte diuisa vel indiuisa, quod etiam ostenditur in l. placet, quibus mod. vsumfr. amitt. quæ & certæ partis, & pro indiuiso ait vsumfr. non amitti: rursus quæ notata est differentia ad d. l. 5. ea est inter vsumfructum & cæteras seruitutes omnes, siue personales, siue prædiales: quæ vero notabitur ad l. 4. erit tantum inter vsumfructum & seruitutes prædiales. Nam seruitutes personales eodem iure sunt, quo dicimus esse vsumfructum, differentia est huiusmodi, vsumfructus ex die, vel ad diem constitui potest l. 4. de vsumfr. l. & puto. §. vsumfr. fam. erisc. l. unica §. item si ex die, quando dies vsumfr. ced. Ergo potest etiam constitui vsumfructus ex conditione, vel ad conditionem, & finietur, ac extinguetur die, vel conditione: vt si ad conditionem

**B** sit concessus vsumfructus serui, quamdiu scilicet non manumittatur, manumisso seruo extinguitur vsumfructus, l. interdum, quib. mo. vsumfr. amitt. Seruitutes autem prædiales neque ex die, vel ad diem, neque ex conditione, vel ad conditionem constitui possunt iure ciuili. Ex die, puta, cedo tibi iter ex Cal. Ianu. Ad diem, cedo tibi iter ad Cal. Mart. vtrumque dicitur fieri ad diem: nam & quod fit ex die, fit in diem, l. quoties §. ult. de her. inst. Sub conditione autem hoc modo: Cedo tibi iter, si nauis ex Asia venerit. ad conditionem, cedo tibi iter, quamdiu viam, vel quamdiu volam, & vtrumque dicitur fieri sub conditione: nam, & quod fit ad conditionem, dicitur fieri sub conditione, l. pater §. ult. de condit. & demonstr. & his omnibus modis seruitus ipso iure inutiliter constituitur in prædio urbano, vel rustico.

**C** Proinde seruitutibus prædiorum neque dies, neque conditio adiaci potest. Notandum interim est, conditionem illam, quamdiu volam, multum distare à conditione, si volam, nam sub conditione si volā non recte constituitur vsumfr. neque enim intelligitur constitutus, quando est in potestate domini, aut sit constitutus, l. sub hac, de obl. & act. Sub conditione, quamdiu volā, recte constituitur vsumfr. & nihil refert vtrū dixeris, quamdiu volam, an quamdiu nolā. Nam vtriusque conditionis eadem vis, ac potestas est. Videntur hæc contraria, sed vnum idemque tempus vtraque oratio demonstrat. His positis, quæ sunt certissima, videamus, quæ sit differentiarum ratio inter vsumfructum & seruitutes prædiorum. Vsumfructui recte adiacitur dies, vel conditio, non etiam seruituti prædiali. Seruitus est qualitas prædij, ex qua prædium, vel dicitur dominans, cui acquisita est seruitus, vel seruiens, cui imposita. Seruitus, est habitus prædij, l. qui fundum, quem adm. seruit. amitt. Celsus in ea lege ostendit, seruitutem itineris retineri non tantum per dominum fundi, sed & per possessorem bonæ aut malæ fidei, si vsum sit itinere quod fundo debetur: retineri, id est, non perire non vtendo: Pereunt enim seruitutes non vtendo legitimo tempore, sed non pereunt, si quis vsum sit, licet sit prædo. Et addit Celsus rationem: fundus enim qualiter se habens, ita cum in suo habitu possessus est, ius non perit, id est, seruitus non perit non vtendo, si vel aliquis possederit fundum cum qualitate sua, id est, si vsum sit aliqua qualitate, causa, & habitu fundi. Et eadem loquendi formula

**E** idem Celsus vitur in l. quid aliud, de ver. signif. Quid aliud sunt iura prædiorum quam qualiter se habentia, vt bonitas, salubritas, amplitudo? Sciendum est iura prædiorum alia dici stricte seruitutes: & quum seruitutes absolute dicimus, prædiales intelligimus: sed d. l. quid aliud, ostendit, iura prædiorum latius accipi pro omnibus qualitatibus prædiorum, & in ea significatione iura prædiorum definit Celsus, vt si morbos defines, corpora male affecta ex adiuncto & subiecto. & subiicit exempla, vt salubritas, bonitas, amplitudo, quæ etiam qualitas est, non quantitas. fundum cum dicis esse tot iugerum, non quantitatem, sed qualitatem dicis, ac si de pinguedine diceres: ex d. l. qui fundum intelligimus, seruitutem esse habitum prædij, hoc est, qualitatem inhaerentem



inhærentem prædio, quasi habitum. Esse igitur firmam, constantem, perpetuam: ut in definitione Iustitiæ *Constantis. & perpetua voluntas*, id est, habitus voluntatis par sibi semper, qui nec die finiri potest, neque pendere ex die, sed est perpetuus, & secundum hæc, seruitus existit statim, & ubi existit semel, die non finitur, non mutatur, non euellitur, etiam si ita conuenerit. Denique conuentio sola non mutat habitum prædij. At ususfructus est etiam qualitas. fateor, nam ex ea fructuarius dicitur, id est, qualitas ex qua qualis dicitur, is scilicet ex cuius persona constitutus est ususfructus. atque ita secernitur à proprietario. Et cum dicimus non esse ususfructum itineris, sicut non esse aquæ haustum, aquæ ductum, ex quo sequitur seruitus esse non potest, *l. 1. de usufr. leg. l. 33. §. ult. de seruit. rustic.* hoc dicitur, quod qualitas qualitatis esse non potest, accidens accidentis. Ergo facile concedo, ususfructum esse qualitatem in homine, cui coheret, & cum quo extinguitur, sed dispositionem esse, *Idem*, non habitum: qualitatem igitur infirmam & instabilem pro voluntate hominis, id est, fructuarij, & secundum quod conuētum fuerit inter contrahentes. Papinian. cum ait constitui, quod est, adquiri & imponi vni scilicet prædio, imponi, & adquiri alteri: nam promitti potest seruitus prædialis ex die, & conditione, *l. existimo, de verb. oblig.* ut si stipulanti promittam me daturum iter Cal. prox. vel etiam si naus ex Asia venerit, stipulatio valet. Aliud est constituere, aliud promittere: constituta vindicantur, promissa non vindicantur, sed agitur in personam ut præstentur. Item constituta seruitus pro parte retineri potest fundo communicato alteri, *l. ut pomum §. 1. hoc tit.* promissa seruitus pro parte adquiri non potest, & ideo stipulatio seruitutis fundo communicato corrumpitur, quia pro parte non potest constitui *l. pro parte, hoc tit.* Atque ita promitti quidem potest ex die vel conditione, sed addamus, non posse etiam promitti utiliter ad diem, vel conditionem, ut scilicet finiat die vel conditione; ut incipiat quidem recte, sed ut finiat non recte: & generaliter nulla obligatio contrahi potest ad diem vel ad conditionem, ut scilicet permaneat ad eum usque diem tantum, vel ad eam conditionem: nam semel nata obligatio, tempore, vel conditione non finitur, *l. obligationum, §. 1. & §. conditio, de oblig. & act. l. eum, qui, §. qui ita stipulatur, de verb. oblig. §. at sita, Inst. eod. l. nemo potest, de leg. 1.* sed explicanda est ratio. Placet valde ratio *d. l. obligationum, §. 1.* Nam quod semel deberi cœpit, certis modis deberi definit, cui simile est quod est scriptum *l. ex stipulatione, C. de senten. & interloc.* Obligatio contracta ex stipulatione certo tantum iure tollitur, id est, certis modis, non qualibet pactione nuda: nam omnium rerum, vel simplicium, vel compositarum, certi sunt modi, quibus vel fiunt, vel desinunt esse: neque enim temere, & vno modo creantur omnia, neque eodem modo tolluntur, sed certis præscriptisque modis. Sic in obligationibus & omnibus, quæ artis vel iuris sunt, certi sunt modi, quibus ea tolluntur, vel inducuntur. Certi sunt modi contrahendæ obligationis, veluti contractus iurisperitorum, aut iuris ciuiliis qui quidem sunt certi, vel etiam pactiones legitimæ, id est, iure ciuili comprobata. certi quaque modi tollendæ obligationis, veluti solutio, & cætera quæ pro solutione sunt, ut compensatio, in solutum datio rei alterius, quam quæ in obligationem venit, & nouatio, & acceptilatio, & dissensus, qui interuenit re integra, quando consensu nudo contracta est obligatio. Ad summam, hi tantum sunt modi tollendæ obligationis, qui continentur tit. *Inst. quib. mo. tol. obl.* hi tantum sunt modi tollendæ seruitutis, qui continentur tit. *quib. mod. seru. amit.* hi tantum sunt modi tollendæ patriæ potestatis vel dominicæ, qui continentur tit. quibus modis ius pot. solu. nec licet nobis alios addere: Sicut nec enumerationi actionum bonæ fidei alias addere, enumerationi stipulationum inutilium alias addere. Denique

Quæst. Papin.

A certi sunt tantum modi tollendæ obligationis. Cic. pro Cecinna: *Si maiores nostri per has rationes liberari nos voluerunt, certe intelligimus alio modo nos liberari noluisse.* An pactione nuda tolletur obligatio? Minime: an tempore vel conditione? minime, etiam si conuenerit, ut duraret obligatio ad diem vel conditionem. Ergo post diem, vel eam conditionem eadem obligatio manet, & ex ea agi potest ipso iure. verum ex æquitate actio elidetur exceptione pacti, vel doli mali, quod dolo faciat, qui facit contra fidem pacti. Et ita obligatio & actio, quæ ipso iure non tollitur tempore, vel conditione, id est, iure ciuili, prætorio tollitur: id est, prætoria exceptione pacti, vel doli. Tollendæ obligationis iure ciuili sunt certimodi, ex iure prætorio incerti, & infiniti: nam quotiescumque æquitas desiderat tolli obligationem aliquā dat prætor exceptionem. In remediis prætoriis tollendæ obligationis, factum versatur, id est, exceptio, quandoquidem si omittatur exceptio, obligatio non tollitur. si vis tollere obligationem remedio prætoris, necesse est, te obicere exceptionem. Et hoc est, quod dicitur, in remediis prætoriis, quibus tollitur obligatio, factum, in ciuilibus ius versari, ut solutione & cæteris modis obligatio tollitur: etiam si non obicias, ea interuenisse creditur, *l. si vnus, §. pactus, de pact.* Quod igitur ipso iure non fit, sæpe fit per exceptionem. Et ita in specie huius legis: *ipso quidem iure*, ut ait, *seruitutes neque ex tempore, neque ad tempus constitui possunt*, sed si quis eas vindicet non habita ratione temporis vel conditionis, quia facit contra placitum, licet non contra ius: huic inquam vindicanti contra placita obstat exceptio pacti, vel doli mali, quæ semper concurret cum exceptione pacti. Exceptio doli generalis est: pacti, specialis; & honestior est pacti, quia in factum concipitur, non in dolum, id est, doli mentionem non facit: turpis est quodammodo exceptio doli, quanquam nullæ exceptiones iure turpes & infames sunt. Ergo generaliter Papinian. concludit, nullam ex tempore constitui seruitutem prædiorum alienorum, sed constitutam retineri exceptione. Et hoc ait placere Sabinianis, quo satis demonstratur, dissensisse Proculianos: Sabinianos spectasse æquitatem. Procul. asseruisse ius summum, nec dedisse exceptionem: nec vlla res inter eos peperit maiorem dissensionem, quam quod alij æquitatem spectarent, alij ius strictum. Non constabat igitur inter omnes, an remedio exceptionis utilis esset adiectio temporis, vel conditionis in imponenda seruitute: sed, ut postea subiicit, constabat inter omnes, modum recte adiici seruitutibus, quod cum ait, diem aut conditionem adiici posse non constabat. nam quod ait, utiliter adiici tutione prætoris siue beneficio exceptionis pacti, aut doli, hoc soli Sabiniani probauere: at modum posse adiici constabat inter omnes. Separatigitur modum à conditione. conditio retardat usum seruitutis, aut etiam finit: ...odus non retardat, non finit usum seruitutis, sed incommodiorem eum reddit. Et videtur Papinianus exemplo seruitutis actus. Actus est ius agendi iumentum, vel vehiculum per fundum alienum. In hac seruitute constituenda potest adiici modus, *l. 11. quemadmod. seruit. amit.* quo scilicet genere vehiculi agat, aut ipse agatur, & quo non; num hoc vehiculo utatur, ne alio forte quam rheda, vel ut equo dumtaxat, id est, ut vehiculo iungat equum, non aliud animal: ut equo tantum utatur ad vehendum sub iugo: vel etiam, ut certum pondus, certum onus tantum vehatur, *d. l. 11.* vel ut grex ille, traducatur qui erit constitutus actu, grex equorum forte, non ouium, vel carbo portetur, non alia materia. Sic modus recte adiicitur seruitutibus, quia neque finit, neque moratur usum seruitutis. Modus etiam adiicitur seruitutibus, si usus seruitutis secernatur temporibus, ut puta si id agatur constituto itinere, ut eat tantum ab hora octaua ad decimam, ut die non noctu, ut alternis mensibus, vel diebus. his conuentionibus fit incommodior

K



usus seruitutis, sed non ei affertur mora aut finis. Et hoc est, quod ait, interualla dierum & horarum non pertinere ad tempus, sed ad modum constitutę seruitutis. Qui pręscribit horas vel dies vt vtatur seruitute is cui cessa est, modum pręscribit constitutę seruituti, non etiam illam tempore circumscribit; l. iter, comm. pręd. l. si prius, de aq. & aqua plu.

Ad l. 36. de seruit. vrb.

*Binas quis aedes habebat vna contignatione tectas, vtrasque diuersis legauit. dixi, quia magis placeat tignum posse duorum esse, ita vt certa partes cuiusque sint contignationis, ex regione cuiusque domini fore tigna: nec vllam inuicem habituros actionem, ius non esse immissum habere, nec interest, pure vtriusque, an sub conditione alteri aedes legata sint.*

**Q**uęstio huius legis hęc est: Qui habebat binas aedes vna contignatione tectas, vnam legauit Primo, alteram Secundo. Contignatio est lignorum contextura comparata ædium operiendarum causa. Tignum vno ductu, igitur vnum vtrasque tegebat eðes, denique diuisę erant aedes parietibus, non etiam tignis. Queritur; an possint Primus & Secundus inuicem agere actione negatoria, ius non esse tigni immittendi: nam cum eadem sint tigna vtrarumque ædium, videntur ex ædibus Primi immitti in aedes Secundi, vel ex ædibus Secundi in aedes Primi? Sed Papinianus ait, nullam eos inuicem habituros actionem negatoriam, ius non esse tigna immissa habere, quia scilicet, nec intelligitur sua tigna immissa habere Primus in aedes Secundi, nec Secundus item sua in aedes Primi: sed intelliguntur cuiusque propria esse tigna, quibus aedes sibi legata conteguntur pro regione contignationis: non videntur tigna immissa in aedes nostras, quę nostra sunt, sed quę aliena, & alienorum duntaxat nomine, quę immittuntur in aedes nostras, competit actio negatoria. Denique non competit hęc actio, ius non esse immittendi, cum nihil sit immissum. Contignatio diuiditur regionibus, est regio, quę pertinet ad aedes Primi, est regio, quę pertinet ad aedes Secundi, & pro regione contignationis tigna propria sunt. Sunt igitur communia pro diuiso. si contignatio diuidatur regionibus, & tigna igitur, nec teguntur aedes Primi tigno alieno, sed suo, & contra: denique tigna sunt communia pro diuiso, id est, pro regione contignationis: nec intelligitur quicquam esse immissum ex ædibus alienis in alias. Et ita arbor posita in confinio duorum fundorum, si ex vtraque parte radices egerit, est communis pro regione fundi cuiusque. pro diuiso igitur, l. arbor, comm. diuid. l. 8. de adq. rer. dom. Lapis quoque, qui in confinio nascitur & extenditur per fundos duorum, est communis pro regione finium fundi vtriusque, ergo communis pro diuiso. Nec obstat l. si plures, §. ult. arb. furt. cas. dum ait: si radicibus arbor vicini alatur agro, arborem eius esse, in cuius fundo origo est, arborem origini cedere, non alimento. Hęc sententia vera est, sed non est intelligenda de arbore posita in confinio: nam arbor posita in confinio vtriusque est, si ex vtriusque agri alimento alatur, & est communis pro diuiso, id est, pro regione fundi cuiusque. Dices, ergo lapis potest esse communis pro diuiso, tignum commune pro diuiso. Atqui ex l. 8. in fine, de rei vind. constat, rem mobilem non posse possideri iure dominij pro diuiso, sed immobilem tantum. Neque est constituenda differentia inter dominium & possessionem: nam si res mobilis non potest possideri pro diuiso, nec etiam esse iure dominij pro diuiso, quod etiam constat naturali ratione: nam diuisio rei mobilis fieri non potest sine eius corruptione, vt tignum, nauis, equus, homo: nam si equum, nauem, bouem diuidas, diuisione definit esse nauis, homo, equus, tignum: quod de qualibet re

**A** mobili dici potest. Si rem mobilem diuidis, perdis: pars nauis, non est nauis, pars bouis non est bos, & tamen pars fundi est fundus. Verum ex his, quę diximus ante apparet, & tignum, & arborem, & nauem esse nostram pro diuiso, id est, pro regione prędiorum. Respondeo, rem immobilem esse non mobilem, arborem, vel lapidem, qui cohæret solo, tignum quod iunctum est ædibus. Quę religiosis adhærent religiosa sunt, l. 43. de rei vind. quę immobilibus adhærent, sunt quoque immobilia, nihil igitur vetat habere ea pro diuiso: sed si lapis eximatur, qui est in confinio, vel si arbor eruatur, aut succidatur, aut si nauis excidatur, vel si tignum ædibus soluat, tunc fit res communis pro indiuiso, quę antea erat communis pro diuiso, quia confunduntur partes, quę antea ex regione prędiorum discernebantur, l. arbor, comm. diuid. l. pen. pro soc. Et secundum has leges, l. 8. de adq. rer. dom. est emendanda. Si, inquit, lapis in confinio nascatur, & sint prędia communia pro indiuiso, tunc lapis erit communis pro indiuiso, cum terra exemptus erit. male, si sint prędia communia pro indiuiso, nam si prędia affinia sunt communia pro indiuiso, etiam lapis, qui est in confinio, quamuis non sit terra exemptus, erit communis pro indiuiso. Et ideo legendum est: si sint prędia communia pro diuiso. Ergo in specie huius l. tigna sunt communia inter Primum & Secundum pro diuiso: id est, pro regione contignationis: neque videtur quicquam alter immissum habere in aedes alterius: & proinde cessat actio negatoria, ius non esse tigni immittendi. Et in fine ait; nihil interesse pure vtriusque legata sint aedes, an vni pure, alteri sub conditione. hoc ait, vt demonstret, quod sicut re coniuncti sunt, quibus eadem res legatur, licet vni pure, alteri sub conditione, l. idem, §. ult. de usufr. accres. ita quod ad contignationem attinet, quę vna eademque est, qua binę aedes contignantur, & coniunctę sunt, habent tigna communia pro diuiso, quibus binę aedes legata sunt, licet vni sint legata pure, alteri sub conditione. Et hoc est, quod Papin. voluit in hac l. In l. seq. ait Iulianus idem esse, & si duobus aedes quis cesserit; cedere est dominorum l. ult. in fi. comm. pręd. Idem igitur est, si quis legauerit binas aedes, quę erant vna contignatione tectę, siue cesserit, veluti vendiderit. Idem iuris est in vltimis voluntatibus & contractibus.

Ad l. 34. De seru. rust. pręd.

*Vnus ex sociis fundi communis permittendo ius esse iro agere, nihil agit. Et ideo si duo prędia, qua mutuo seruiebant inter eosdem fuerint communicata, quoniam seruientes pro parte retineri placet ab altero, seruitus alteri remitti non potest: quamuis enim unusquisque sociorum solus sit, cui seruitus debetur: tamen quoniam non persona, sed prędia debent, neque adquiri libertas, neque remitti seruitus per partem poterit.*

§. 1. Si fons exaruerit, ex quo ductum aqua habeo, isque post constitutum tempus ad suas venas redierit: an aqua ductus amissus erit, quaritur?

**P**endet quęstio huius legis ex eo, quod dicitur, seruitutem prędialem non posse adquiri, vel imponi pro parte indiuisa: non posse etiam remitti aut adimi, l. pro parte, de seruit. quamuis ad certam fundi partem constitui possit & remitti, l. 6. Aliud est in usufructu, cuius differentię rationem exposuimus in l. 5. de usufr. fr. Secundum hanc sententiam Papin. ostendit, quod si duo sint domini fundi pro indiuiso, vnus non potest fundo imponere seruitutem pro parte sua: & consequenter ait, vnum ex sociis non posse etiam remittere seruitutem debitam fundo communi pro parte sua, quę indiuisa est, & ita argumentatur, si non potest imponere, nec ei fundo adquisitam seruitutem remittere. rectissime, quia eadem est ratio & causa imponendę & remittendę ser-



nitutis, & eadem causa obligandi & liberandi, l. §. 3. §. 1. *de verb. obligat.* Eadem facultas contrariorum, scilicet genere, non specie: nam specie contrariorum contraria est facultas. Sic igitur argumentatur: si potest condemnare, ergo & absolueret; si obligare, ergo & liberare; si imponere, & remittere; vel si non potest imponere servitutem, ergo nec remittere. Placet tamen servitutem, quæ ab initio recte imposita est, posse retineri pro parte indiuisa, l. *ut pomum* §. 1. *de servit. l. si quis ades* §. 1. *tit. prac.* & principium iuris hoc est, servitutem non posse constitui pro parte indiuisa, retineri posse; quia facilior est retentio, quam acquisitio, facilior etiam quam actio, l. 1. *de pign.* Retentio fit beneficio exceptionis, cætera procedunt ipso iure, & suo Marte (ut ita dixerim) sine opera, sine facto nostro, nec diuisionem recipiunt. Explicemus quod dixi, servitutem posse retineri pro parte indiuisa. Finge: fundum meum, cui tuus seruiebat, tibi communicavi: retineo servitutem pro parte, atque ita proprius tuus fundus communi meo & tuo seruiet. Et similiter, si fundum meum, qui tuo seruit, tibi communicauero, tu retines servitutem pro parte, atque ita fundus communis meus & tuus, seruit proprio tuo: & in summa per hanc rationem, qua seruitus pro parte retineri potest, fit, ut proprius seruiat communi, vel communis proprio, l. *si communi*, in *fi. hoc tit.* Per eandem rationem, id est, quod seruitus retinetur pro parte, fit etiam absque dubio ut fundus communis inter nos seruiat fundo communi inter nos & alium: & contra, ut fundus communis inter nos & alium, seruiat fundo communi inter nos tantum. & per hanc rationem fit, ut fundus communis inter nos seruiat fundo communi inter nos, quod notandum. Fundum communem deinceps accipias pro fundo communi inter nos, non inter nos & alium. Quæro ita accipiendo fundum communem, an communis communi seruire possit? Et est vnus casus in *dic. l. si quis ades*, §. 1. quo fundus communis communi seruit. Est & alius in *hac l.* in qua fundus communis communi seruit propter illam regulam, quæ vult, servitutem pro parte retineri posse. Denique quoquo modo accipias, commune communi seruire potest, propter illam rationem. Sed obstat vehementer, l. *si communi*, in *princ. hoc tit.* Communi fundo meo & tuo seruit fundus Sempronianus: fundum Sempronianum in commune redimimus, atque ita incipit esse fundus communis inter nos dominans & seruientis. Confunditur seruitus adquisitione dominij fundi Semproniani, quia par vtriusque domini ius in vtroque fundo esse incipit. Commune igitur non potest seruire communi: quod pugnat cum *hac l. & d. l. si quis ades*, §. 1. in quo laborat maxime Accursius. Sed mihi videntur distinguendi hi tres casus: Casus *leg. si quis ades* §. 1. & casus *l. vnus*, in quo idem obtinet quod in casu *d. l. si quis ades*. Tertius casus *l. si communis*, qui est longe dissimilis ab illis duobus. Primus hic est, communicas mihi fundum seruientem, communico tibi fundum dominantem: communis fundus communi seruiet: quia servitutem retineo, quam mihi debuisti ante: retineo pro parte tua, *d. l. si quis ades*. Secundus casus qui est *l. vnus*: Meus fundus tuo seruit, & tuus meo. communicas mihi tuum, communico etiam tibi meum: non fit confusio seruitutis omni modo: nam & hoc casu fundus communis communi seruit. Nam servitutem, quam ante mihi debuisti, retineo pro parte tua; & similiter servitutem, quam tibi antea debui, tu retines pro parte mea. Denique hoc casu vtraque ex parte retinetur seruitus pro parte quantumuis indiuisa: an poterit remitti alteri ab altero? Minime, siue retineatur solida seruitus, siue pro parte tantum. non potest adquiri seruitus pro parte, nec libertas etiam. Quia ergo non est confusa seruitus, sed retinetur per partes, non poterit alteri ab altero remitti, id est, non poterit remissione tolli, quæ penitus non est sublata confusione. Dices: videtur posse remitti alteri ab altero, quia iam non debe-

Quæst. Papin.

A tur vtrique, sed vni soli ex sociis, cur & ei soli non remittetur? Respondet Papinianus, non personæ, sed prædio deberi servitutem: non esse servitutem personalem, sed prædialem, & quoties dico, mihi deberi servitutem, intelligo propter prædium meum: quod euidentius apparebit, si persona alienet prædium: neque enim amplius perfectæ debetur: non potest seruitus remitti pro parte, quin remittatur tota. Ergo ex *l. vnus*, & *d. l. si quis ades*, quamquam sint diuersi casus, colligitur, fundum communem communi seruire posse. Dissimilis est tertius casus *l. si communis*. Casus hic est: Communi fundo meo & tuo seruit Sempronianus: cum in commune acquisimus: communis communi non seruiet. Qua ratione communis communi non seruiet, duobus superioribus casibus seruit? propter retentionem partis: hic casu tertio non suppetit retentio partis. nec igitur potest communis communi seruire. Cedo, cur non suppetat retentio partis? quia non possum pro parte tua retinere servitutem, quam mihi ante non debuisti, vel non potes tu pro parte mea retinere servitutem, quam tibi ante non debui. Quid est retinere? est ex eo, quod solidum mihi ante debuisti propter fundum tuum, partem retinere pro indiuiso. Atqui fundus meus, vel tuus non fuit, qui seruiebat, sed Sempronij, qui desinit seruire ab alienato fundo. necessaria est igitur adquisitio in communi fundo, nec suppetit retentio partis: proprius proprio non seruit: & ideo si dominus fundi seruientis adquirat dominantem in solidum, vel contra dominus fundi dominantis adquirat fundum seruientem in solidum, perimitur seruitus, quia nec potest conservari pro parte, nec pro solido, quia res sua non potest rei suæ seruire, nec pro parte, quia non suppetit retentio partis.

Ad §. vltim.

E X priorè quæstione *l. vnus, de servit. rust. pred.* intelleximus, vnum ex dominis rei communis servitutem debitam fundo remittere non posse, solidam certe non posse inuito socio, sed neque pro parte indiuisa, quæ ei competit, licet socio ea seruitus non competat pro parte sua. Ergo nec remitti servitutem pro parte, id est, libertatem adquiri pro parte non posse ei, qui solus servitutem debet, licet solus eam non debeat pro parte sua. seruitutis & libertatis adquisitionem indiuiduam esse, retentionem diuiduam, quia & personalis magis est, quam realis, & personalis potius, quam realis, & facti magis quam iuris. Sequitur alia quæstio in §. *vlt.* Constat seruitudes admitti non vtendo biennio, secundum ius antiquum: ex constit. Iustiniani decennio aut vicennio. Finge: fons, ex quo ducebam aquam iure seruitutis, exaruit, atque ita per biennium vsus non sum ea seruitude: post fons ad suas venas prodiit, & ex eodem fonte fluere cæpit aqua: quæritur, an mihi liceat aqua vti, an aquæductus videtur amissus non vtendo? non videtur, quia neque per culpam, neque per negligentiam meam videtur factum ut non vterer aqua: hac seruitude fonte profluente cum vti licet, si non vterer fonte torrido, non sum culpandus si non vtar, quo vti non possum. Nescimus quid ad hanc quæstionem responderit Papinianus: Nam hic tantum proponitur quæstio, non definitur, sed definitur rescripto Octauij Augusti in *l. seq. ex Pauli libris*, his verbis. *Et Atticilinus ait, &c.* quo loco Cæsarem accipio pro Augusto, ut Alphenus Iurisconsultus in *l. Cæsar, de Publican.* Cæsar, hoc est, Augustus, quem constat censoria potestate lustrum condidisse, publica locasse, senatum recensuisse, &c. Fuit autem Alphenus sub Augusto ex sutore Iurisconsultus, & Atticilinus eadem ætate, cum laudetur à Fusidio *l. §. de an. & arg. leg.* & consulat etiam Proculum qui fuit eadem ætate, ut constat ex *l. Atticilinus, de pact. dot.* & Statilius Taurus ad quem rescriptisse dicitur Cæ-

K ij



far hac de re, is est, qui Consul fuit cum Augusto, qui triumphauit. Et Tertull. mœnia Carthaginis construxisse scribit libro de Pallio. Definitio igitur quæstionis est, non vtendo quidem amissam seruitutem esse tempore legitimo, sed ex æquitate eam renouari, & restitui fonte reuerso: & ita si fundus, per quem via aut iter aut actus debetur, inundatione fluminis occupatus sit, & post biennium restitutus in pristinum statum, sane restituetur etiam & renouabitur seruitus, quæ videtur summo iure non vtendo peritisse, *l. filocus, quem. ser. amitt.* Idemque erit, si quis per vim tanto tempore prohibitus sit vti seruitute, quanto seruitus amittitur: Nam & huic seruitutem restitui æquum est, *l. 1. §. si propter, de itin. act. prin.* Obiicitur huic definitioni *l. 1. §. ult. C. de ann. except.* quæ adeo mouit Accursium, vt censuerit hac in re separandas esse res corporales à seruitutibus, quo nihil opus est, ex ea lege colligunt, non vtendo non amitti seruitutem, quando per eum, cui seruitus debetur, non stat, quo minus vtatur. Male: nam sententia *d. l. 1. §. ult. qst.* præscriptionem temporis, qua excluditur actio non nocere actori, quo agere cū effectu non potuit, id est, actori non computari tempus quo agere non potuit: exempli gratia, si vt quasi filiofamilias sit acquisita actio temporalis, ei non currit tempus, quo fuit in potestate patris, nam eo tempore inuito patre non potest agere. Igitur ex eo die actionis tēpus currit, quo factus est sui iuris, antequam tempus non currit, quo non potuit agere, quia lex impedit exercitationem actionis soli filiofam. exceptis quibusdam casibus: non tantum serui, sed nec filiofam. causas orare possunt, inuito patre scilicet, nisi de peculio. Et hoc etiam congruit cum *l. ult. §. pen. quis ord. inposs. seru.* quæ loquitur etiam de filiisfamil. qui non possunt petere bonor. possess. sibi delatam inuito patre, aut si petant, frustra petunt, nisi pater ratum habeat. Quamobrem filiofamil. non cedit tempus petendæ bonorum possessionis, quamdiu est in potestate patris: & ita creditoribus hereditariis, quibus competit actio temporaria, non cedit tempus, quo heres conficit inuentarium. Nam Iustin. constitutio vetat eo tempore agi aduersus heredem, quo iure vtimur, à creditoribus, vel legatariis. An igitur interdidit interim actio tempore, quæ creditoribus competit? Minime: non currit creditoribus tempus, quo eos agere lex vetat, *l. ult. §. donec, C. de iur. delib. Resp.* præscriptio eius temporis non obest actori, quo agere cum effectu non potuit, quia lex impedit: secus si alia causa impederit actionem, vel vsum seruitutis, si natura rei scil. non lex, quæ hac de re certa fuerit, sed defectus aquæ quo fons exaruerit: non ideo minus peribit aquæductus, quia lex non inhiuit vti.

#### Ad l. pen. com. præd.

Si precario vicinus in tuo maceriam duxerit, interdicto quod precario habet, agi non poterit, nec materia posita, donatio seruitutis perfecta intelligitur: nec utiliter intendetur, ius sibi esse inuito te edificatum habere, cum edificium soli conditionem secutum inutilem faciat intentionem. Caterum si in suo materiam precario qui seruitutem tibi debuit, duxerit: nec libertas vsucapietur, & interdicto, quod precario habet, utiliter cum eo ageatur. Quod si donationis causa promiseris, & interdicto agere non poteris, & seruitus donatione tollitur.

**D**Væ proponuntur species in hac l. Finge: Vicinus tibi debet iter, tu ei concessisti precario, non absolute, non perfectæ donationis causa, vt in tuo maceriam duceret, id est, ædificaret, quam Græci *τρυχὸν*, & malè maceriam definiunt esse congestum lapidum cum cæmento. Imò est paries ex puris cæmentis, sine areniato & calce: duxit maceriam, an ages precario interdicto, vt demoliatur maceries? Precarium est quod datur vtendum ea lege, vt reuocetur cum libuerit concedenti: &

A hoc distat à commodato: nam commodatum datur etiā vtendum, sed non reuocatur statim ac libet commodatario, sed vbi is cui commodata res est, vsum expleuit, cuius causa commodatum est contractum. Precarium reuocatur, quando libet interdicto de precario. Tu igitur, qui concessisti vicino precario, vt in tuo maceriam poneret, an potes cum eo agere, quum libuerit, vt maceriam demoliatur? Minime, cum possis eam demoliri quæ est posita in tuo solo. Cessit enim maceria solo secundum eam regulam, superficies solo cedit, superiora inferioribus, *l. hoc quod dictum, de seruit. urb.* Subiicit Papinian. *maceria posita in tuo non videri perfectam donationem seruitutis*: qui locus male interpretatur vulgo: Nam donationem accipiunt pro cessione seruitutis, cum donatio hic sit remissio seruitutis, non cessio, siue constitutio seruitutis: & tota lege sane donatio seruitutis est remissio, condonatio seruitutis quæ fit precario, donatio seruitutis imperfecta est donatio, dicitur quidem precarium donationi simile, *l. 1. de precar.* sed hoc distat inter precarium & donationem, quod illud reuocari possit, hæc non possit. Ergo dum ait, maceria posita in tuo, & te vicinus precario rogauit, non videri perfectam donationem seruitutis, hoc ait; non videri remissam seruitutem itineris, quam tibi debuit vicinus, quia seruitus precario non remittitur perfecte, atque adeo non vsucapitur seruitutem, aut vicinus libertatem, etiam si tanto tempore maceriam in tuo habuerit, quanto vsucapitur libertas, & similiter maceria posita in tuo non videtur contraria seruitus imposita, vt vicinus in tuo edificatum habeat, quia precario seruitus non imponitur perfecte, nec eius generis potest esse vlla seruitus, vt in tuo edificatum habeam, quod non possum in tuo, quod meum sit. ædificatum habere possum habet in tuo immisum, quod sit meum, quia quod in te immisi, illud est meum, *d. l. hoc quod dictum.* non est meum quod ædificatum habeo in tuo. Altera species hæc est. Vicinus tibi præbuit iter, tu precario ei etiam concessisti, vt in tuo maceriam duceret, quæ iter impediret: hoc etiam casu vicinus non vsucapiet libertatem, nec liberat suum fundum seruitute itineris, etiam si tanto tempore maceriam precario ædificatam in suo habuerit, quanto libertas vsucapitur, *l. si ades, de seruit. rust. præd.* Sed an interdicto precario poterit cum eo agi vt maceriam tollat? sic sane. Modo precarium interdictum dicitur, modo interdictum quod precario concessit, *l. illud, §. pen. de per. hered.* Hoc loco dicitur interdictum, quod precario habet, à primis verbis edicti, *l. 2. de precar.* quia igitur precario tantum illud concessisti, non amittes iter vt superiori casu: sed si vt in tuo, non ages interdicto precario, cum ipse possis diruere maceriam, quæ in tuo est, & tua: at posteriore casu recte ages precario, quum voles, vt vicinus diruat maceriam, est enim precarium imperfecta donatio: nam si donationis perfectæ causa tibi concessero maceriam ducere, quæ iter impediat, cessat interdictum de precario, quia donatio perfecta contracta est, & seruitus tollitur donatione, id est remissione, vt *l. si stilicidij, quem. ser. amitt.* Ergo vt in fine donatio seruitutis est remissio, sic & initio. Et tollenda est Glossa, quæ donationem aliter accipit: & hinc apparet euidenter, aliud esse donationem, aliud precarium. Est simile quidem donationi precarium, sed non donatio, vt simile commodato, sed non vere commodatum.

#### Ad l. 13. alienationes & l. 31. si seruus. famil. eriscunt.

*L. 13. Alienationes enim post iudicium acceptum interdicta sunt duntaxat voluntaria, non quæ vetustiore causam & originem iuris habent.*

*L. 31. Si seruus pignori obligatus luatur ab uno ex heredibus, quamuis postea decedat, officium tamen arbitri durat, sufficit enim communis causa, qua præcessit, quæque hodie duraret si res non interdidisset.*



**M**ateria harum legum repetenda est ex l. 12. quæ præcedit. Res quæ sub conditione legata est, interim quamdiu pendet conditio est heredum, qui hereditatem adierunt seruus quoque manumissus sub conditione, id est, statuliber, interim est heredum, l. 11. de leg. 2. l. 9. §. certe, de pec. l. edictum, §. ult. de quæst. l. 1. §. serui, ad Senatusc. Syll. Sunt igitur illæ res heredum interim, & consequenter veniunt in iudicium familiæ erciscundæ. Sed pendente iudicio si existat conditio legati, vel libertatis, ea res, siue homo subducentur iudicio, res transibit in legatarium, seruus liber fiet, ipso iure eximetur communione, nec veniet in diuisionem inter coheredes: atque ita fit, vt post litem contestatam, post acceptum iudicium famil. ercisc. res hereditaria alienetur: & eodem modo vſucapio rei hereditariæ cæpta ab extraneo ante litem contestatam, si impleatur pendente iudicio familiæ erciscundæ, huic iudicio subducitur, quia definit esse hereditaria, & communis inter coheredes, quod ostenditur in l. seq. Vſucapio est alienationis species: quod apparet ex l. Iulia, quæ vetat fundum dotale alienari: Nam ea pertinet etiam ad vſucapionem, l. si fundum, de fun. dot. & lex, quæ vetat alienari, vetat & vſucapi, eo igitur modo etiam fit, vt post litem contestatam de diuidenda hereditate, res hereditaria alienetur. Obſtare huic definitioni videtur, quod dicitur: post litem contestatam iudicio familiæ ercisc. vel iudicio communi diuidundo interdictas esse alienationes, l. 1. C. comm. diuid. Sunt interdictæ lege, ipso iure: non Prætor sed lex eas interdicat, quæ non vult rem hereditariam alienari, posteaquam inter coheredes agi cæptum est de familia erciscundæ. Sed ea lex est accipienda tantum, vel ea interdictio, de alienationibus voluntariis: neque enim licet coheredibus, vel sociis vltro quicquam iudicio diuisionis subtrahere. Ante litem contestatam, potest quilibet coheredum, vel sociorum partem suam pro indiuiso alienare, l. portionem, C. de donat. l. ante, C. de iure dot. & vt ostenditur in l. falso, C. de comm. rer. al. etiam potest coheres vel socius, qui partem suam vendit ante iudicium diuisionis, præferre extraneum emptorem coheredi vel socio, quia iure nostro coheres aut socius, non habet ius προσημίων, vt si velit eodem pretio emere socius, vel coheres, cogatur ei potius vendere, quam alteri: habuit quidem olim ius προσημίων, imo & propinquus, sed sublatum est, d. l. falso, & l. dudum, C. de contr. empt. At nouissime productum est ius προσημίων, constitutione Frederici, qua vtuntur etiam quidam in Gallia: Nam & propinquo licet vti iure προσημίων, atque ab extraneo emptore reuocare ac retrahere rem, quam emit oblato aut obſignato eodem pretio. Habent etiam ius προσημίων domini ἐμφυτεύσεως, & domini beneficiorum siue feudorum: sed iure civili ius προσημίων non approbatur, quanquam aliquando obtinuerit, vt dicit d. l. dudum. & obtinet etiam in auctionibus: nam pluribus licitantibus propinquis & extraneis, propinquo potius addicetur res, quam extraneo, nisi extraneus plus liceatur, id est, adiiciat. Liceri est adiicere pretium, & addicere, id est, εἰστροῦσσει: sed quoties omnes idem pretium adiiciunt, creditor, cui vt satisfiat fit actio, præferetur cognato, & cognatus extraneo: & inter creditores, perferetur is, cui plus debetur, l. cum bona, in fi. de priu. cred. & l. Imperator, de pact. Ergo, vt ad rem redeam, ante litem contestatam coheres, vel socius quilibet, partem suam alienare potest, nec est coheredi saluum ius προσημίων: post litem contestatam nullus potest alienare sua sponte. Nam necessariæ alienationes admittuntur, quæ vetustiorē causam & originem iuris necessariam habent; vt in superioribus casibus, si conditio statulibertatis post litem contestatam existat, vel conditio legati, vel si vſucapio post litem contestatam impleatur, quæ ante incepta fuit. His omnibus casibus licita est alienatio, & antiquior est origo alienationis lite contestata. Et hoc est, quod ait Papinianus in l. 13. Multa in hanc rem peccat Accursius. Primum statuit

hanc esse differentiam inter iudicium famil. ercisc. & iudicium communi diuidundo: quod in iudicio famil. ercisc. non tantum post litem contestatam, sed etiam post controuersiam motam sint interdictæ alienationes voluntariæ: in iudicio communi diuidundo post litem contestatam tantum. Sumit hanc differentiam ex l. 1. in C. com. diuid. quod dicat, socium post litem contestatam inuito socio rem alienare non posse, & tractat de iudicio communi diuidundo: ergo tantum interdicta est alienatio in iudicio familiæ erciscundæ post litem contestatam. Eodem argumento vtilicebit in iudicio familiæ erciscundæ ex hac l. quæ ait, post acceptum iudicium famil. erciscundæ interdictam esse alienationem: nam post acceptum iudicium, & post litem contestatam, id est semper. Vbi interim notandum est, aliud esse iudicium accipere, aliud iudicem accipere. Iudicium accipit reus lite contestata, actor dicitur iudicem accipit reus, actor aduersus reum, l. 9. §. quem igitur, de tut. & rat. distrab. & l. 30. mand. l. 1. C. de in lit. iur. Rursus existimat Accursius, in iudicio familiæ erciscundæ etiam post controuersiam motam interdictam esse alienationem. Monetur, l. Diuus, de pet. hered. quæ ait possessorem alienæ hereditatis post controuersiam motam, si vel in ius vocatus sit tantum, vel si porrectus sit libellus aduersus eum antequam hereditas petatur, nihil ex ea hereditate deminuere posse, nihil detrahare, nihil distrahere, nihil alienare. Post controuersiam motam ait, prohibendum esse possessorem quicquam alienare ex ea hereditate, etiam si lis non sit contestata. Respond. l. Diuus, loquitur de petitione hereditatis, non de iudicio familiæ erciscundæ; & propterea ait, prohibendum esse possessorem à Prætorē, non prohiberi lege, sed prohibendum esse à Prætorē, causa cognita, quia de vniuerso iure hereditatis mouetur controuersia: alter enim negat alterum esse heredem. Controuersia de familia erciscunda non est de vniuerso iure hereditatis: imo alter alterum fatetur esse coheredem; sed est de diuidendis rebus hereditariis, quæ diuisionem recipiunt, de communione dissoluenda, dirimenda, nec est causa interdictæ alienationis, si coheres velit suam partem alienare ante litem contestatam. Post litem contestatam, id est, cæpto iudicio familiæ erciscundæ est causa, ne quid diuisioni subtrahatur. Eset absurdum prouocare coheredem ad diuisionem. & interim res diuisioni subducere. Prouocat autem ad diuisionem alter alterum iudicio familiæ erciscundæ: nam est actio duplex, in qua vterque est reus, & actor. Petitio hereditatis non est actio duplex, & interdictio hæc ex lege est. Permaneamus igitur in verbis legis, & dicamus interdictam tantum esse alienationem post litem contestatam iudicio familiæ erciscundæ, & iudicio communi diuidundo sine discrimine. Male etiam Accursius, interdictam esse alienationem partis coheredibus, vel sociis ante litem contestatam, si fiat iudicij mutandi causa, vt acturo iudicio famil. erciscundæ, vel communi diuidundo opponatur durior aduersarius, in quem sit alienata pars: nam ex hac causa iure non inuenies interdictam esse alienationem, quod fiat iudicij mutandi causa: imo vero alienatio valet. Sed is qui alienauit vt duriores aduersarium opponeret, tenetur in id, quod interest duriores aduersarium non habuisse ex edicto de alienatione iudicij mutandi causa facta. Ceterum alienatio valet, nec fit irrita: nam & alienatio rei litigiosæ valet ipso iure, l. 17. & seq. de rei vind. Sed emptori rem litigiosam persequenti obstat exceptio litigiosi: atque ita per exceptionem redditur inutilis, quæ valet ipso iure: ac propterea tam venditor, quem emptor rei litigiosæ fisco tenentur pænæ nomine, si emptor sciens rem litigiosam emerit, l. 1. de iure fisci, l. 2. de litig. l. ult. C. eod. tit. Punitur, qui vendidit rem litigiosam, vel qui emit: non fit igitur irrita venditio, non fit irrita ipso iure, nec aliter quam per exceptionem, quæ dicitur exceptio litigiosi: & non ideo post litem contestatam iudicio famil. erciscundæ interdicta



est alienatio, quod familia sit litigiosa: (neque enim est litigiosa,) sed quod sumpto arbitro famil. eriscundæ causa, non debeat vlla res arbitro subduci, sed omnia in medium proferri, quæ hereditaria sunt, ac postea diuidi: Male etiam Accursius in *l. ante C. de in. dot.* post litem contestatam familiæ eriscundæ nomine, vel communi diuidendo posse alienari partem dotis causa, quod ducit ex *l. ult. C. de litig.* quæ loquitur de re litigiosa, non de re, de qua diuidenda agitur, quæ certè non est litigiosa: inter partes enim conuenit de dominio eius rei, & alter alterum fatetur sibi in ea esse socium. Itaque non oportet rem litigiosam permiscere rei, de qua non est lis, sed de diuisione eius. Et quod ait *d. lex. vlt.* hoc est impune alienari rem litigiosam dotis causa, sponsaliorum causa, transactionis causa, diuisionis causa, has causas exceptit tantum ex quibus si fiat alienatio rei litigiosæ pœna in fiscum non committitur. Sic igitur concludamus: impunita est alienatio rei litigiosæ dotis causa. At alienatio rei, de qua diuidenda agitur, est impunita qualibet ex causa, quia ipso iure nulla est: nam si quid agens nihil ago, non punior; id tantum pœna plectitur, quod affectum habuit, & lex. quæ vetat alienari rem litigiosam est imperfecta. Imperfecta lex est, quæ vetat quid fieri, sed factum non rescindit, verum pœnam iniunxit ei, qui fecit, vt lex Cincia, de donis & muneribus, quæ modum imposuit donationibus: prohibebat scilicet donare vltra certam quantitatem, & si plus donatum esset, non rescindebat, vt scribit Vlp. *tit. 1. §. quæ prohibet*: sed donatarium coercerebat. Imperfecta fuit lex Furia testamentaria, quæ prohibuit capere legatum supra mille asses, & ei, qui ceperit, indixit pœnam quadrupli, nec legatum reuocauit. Sic etiam lex, quæ vetat rei litigiosæ alienationem, alienationem non rescindit, sed punit tum venditorem, tum emptorem. Perfecta lex est, quæ rescindit, quod fieri vetat; & ideo perfecta est lex, quæ interdicit alienationem partis post litem contestatam: ideoque qui alienat, nihil agit, & consequenter non punitur. Postremo malè Accursius in *l. 1. C. comm. diuid.* ait, post litem contestatam communi diuidendo, vel familiæ eriscundæ, non posse etiam partem pignori obligari, & tamen rem litigiosam posse pignori obligari. placet, quod separat rem litigiosam à re, de qua diuidenda agitur, quod supra non fecit; ego volui antea separare accuratissime, quia quæstio diuisionis alia est, alia proprietatis, & res litigiosa dicitur tantum, si de proprietate eius sit lis, alio dicente, se esse dominum, & alio negante. Verum falsum est, quod ait, rem de qua diuidenda agitur, non posse pignori obligari: hoc enim ratione vacat, quia pignus non mutat dominium, pignus rem non subducit iudicio: nam & res pignoratæ veniunt in iudiciū familiæ eriscundæ. Causa interdictionis est, ne quid diuisioni subducatur. Pignus rem diuisioni non subducit: ergo pignus non interdicitur. Falsum etiam quod ait, Rem litigiosam posse pignerari, neque enim potest vtiliter: nam creditori, cui pignoratæ est res litigiosa, agenti hypothecaria obstat exceptio litigiosi, *l. 1. §. ult. quæ res pign.* Et alia est sententia Nouell. de litig. quam adducit Accursius: non hoc vult, rem litigiosam posse pignerari, sed rem litigiosam non esse eam, de cuius hypotheca, seu pignoratione lis est, sitne posita hypotheca, an non: sed rem litigiosam esse, eam de cuius dominio lis est.

Quod est in *l. 31. hoc tit.* est facillimum: non solui iudiciū familiæ eriscundæ interitu rei hereditariæ. Finge: seruus hereditarius pignori obligatus erat. vnus ex heredibus sua pecunia luit, deinde actum est familiæ eriscundæ iudicio, eoque pendente homo decessit, an soluitur iudiciū familiæ eriscundæ? & ait, durare officium arbitri, propter præstationes, scilicet, quæ eum hominem respiciunt: nam veniunt in hoc iudiciū præstationes earum rerum, quæ in rebus humanis esse desierunt, *l. 24. sed & eius, hoc tit. l. 18. in fine; l. 25. §. idem iur. hoc tit.* nam iudex familiæ eriscundæ, quod propter eum ho-

minem luendum coheres de suo soluit; curabit vt coheres partem recipiat pro rata, κατ' ἀναλογίαν, vt est in Basil. nam etsi diuisione communio sit sublata, præcessit tamen, & duraret etiam hodie, nisi res interuisset. Et ita etiam actio communi diuidendo non soluitur interitu rei communis: nam supersunt aliquæ præstationes, quæ spectant ad rem illam, *l. 9. l. 11. tit. seq.* ac similiter iudiciū rei vindicationis non tollitur rei interitu, etiam si res, de qua agitur, sine dolo, & sine culpa possessoris interierit: nam superest adhuc lis propter partus, vel fructus, vel stipulationem de euictione, vt sciatur, an commissa sit ea stipulatio nec ne, *l. utique, de rei vindic.*

Ad l. Sabinus. 28. Comm. diuidendo.

*Sabinus in re communi neminem dominorum iure facere quicquam inuito altero posse: unde manifestum est prohibendi ius esse: in re enim pari potiore causam esse prohibentis constat. Sed etsi in communi prohiberi socius a socio, ne quid faciat, potest, vt tamen factum opus tollat, cogi non potest, si cum prohibere poterat, hoc pratermisit: & ideo per communi diuidendo actionem damnum sarciri poterit. Sin autem facienti consensit, nec pro damno habet actionem. Quod si quid absente socio, ad lesionem eius fecit, tunc etiam tollere cogitur.*

**E**X Pap. hodie explicabitur hæc regula Sabini hac lege. Vnus ex sociis in re communi nihil facere potest inuito socio. secundum hanc regulam, vt scriptum est in *l. parietem, de seruit. urb.* non potest vnus ex sociis parietem, qui naturali ratione communis est, reficere ac demoliri inuito socio, quia non solus dominus est: paries est communis naturali ratione, si ædificatus sit in loco communi, vt puteus est communis, si putei solum sit commune, vt puta si sit in confinio *l. 4. §. 1. h. tit.* Et naturalis ratio est, quia semper superficies qualiscumque sequitur ius & conditionem soli, *l. pen. comm. prad. l. pen. §. sed si, ¶ uti possid.* Integerinus paries est, qui duo ædificia determinat, vt Glossæ antiquæ interpretantur. Et hic vel est communis inter vicinos, vel proprius alterius horum. Communem reficiendi aut demolendi ius non est alterutri vicinorum inuito altero: imo nec agere ita potest, sicut agitur de seruitutibus, ius sibi esse reficiendi, vel demolendi parietem communem inuito socio, & est propria vis *l. parietem*, nullam esse positam actionem talem sicut solet concipi de seruitutibus, quia non solus dominus est. Secundum eandem regulam vnus ex sociis de communi seruo quæstionem habere non potest, nisi communis negotij causa inuito socio altero, *l. causa, hoc tit.* propter quam puto statim subiectam fuisse hanc regulam. Item secundum hanc regulam, vnus ex sociis in loco communi ædificare non potest inuito altero, *l. an vnus, si seruit. vindic. l. 27. sed si inter §. ult. de seruit. urb.* vnus ex sociis in communem locum purum inferre mortuum inuito altero, & locum religiosum facere non potest, *l. 2. §. an & socius, de religio. l. 6. §. si quis, hoc tit.* Vnus ex sociis non potest imponere seruitutem fundo communi, *l. 2. de seruit.* solidam scilicet. Sed nec etiam pro parte sua, quia seruitus indiuidua est. Ergo omnibus modis vera est definitio Sabini. Ex ea Papinianus colligit: si quid vicinus faciat in fundo communi inuito socio, socio ius esse prohibendi, quia Sabinus ait inuito socio: & inuitus est proprie, qui prohibet alteri: igitur socio est ius prohibendi per Prætorem extra ordinem, vel per arbitrum communi diuidendo: nam agendo de communione tollenda hoc consequitur, ne socius faciat, quod conatur facere, *l. 3. §. plane, de noui. op. nuntiat.* Si quid socius ædificet, vel molatur, an etiam est ius prohibendi per operis noui nuntiationem? Minime: quia nec aduersus socium agere potest, ius ei non esse ædificandi, licet non possit ædificare in loco communi inuito socio, *l. 26. in re communi, de seruitut. urban.* Fateor, non licere socio ædificare inuito socio in loco communi, sed



non licet etiam socio, quo inuito ædificatur, ita agere, ut agitur de seruitute, ius illi non esse ædificandi, quia quodammodo videtur asserere seruitutem; & fieri non potest, ut res nostra, vel pro parte, vel in solidum, nobis seruiat, & consequenter non licebit etiā socio nuntiare opus nouum: nā & eadē ratione usufructuarius non nuntiat nouū opus proprietario ædificanti, quia nec agere potest, ius nō esse domino ædificare se inuito, *l. 2. de no. op. nunt.* Ergo socio ius est prohibendi tantum per prætorem, vel arbitrum communi diuidendo, non per actionem confessoriam, aut negatoriam, qualis competit de seruitutibus, non per noui operis nuntiationem. Ius faciendi non est socio, igitur ius prohibendi est. Id Papinianus verum esse demonstrat pulchra ratione, quæ aptari potest multis negotiis, quia in re pari melior & potentior est causa prohibentis. Alia est regula, in re pari meliorem esse causam possessoris, id est, si in hac re neque ego ius habeo, neque tu, sumus pares: ego tamen, qui possideo, sum potior te. Sed alia est regula, in re pari, &c. Par est causa vtriusque socii in re communi: vterque dominus. In re autem pari, si vel vnus intercedat, prohibeat, contradiciat, ceteris impedimento est: aut enim omnes consentire debent, quando omnium par est causa, aut iniuria sit quidquid sit, & potior est qui prohibet, quam qui facit, quia socio magis est ius prohibendi, quam faciendi, nec videbatur esse ius prohibendi, sed magis est ius prohibendi quam faciendi sine altero, quia is qui conatur agere, magis quodammodo ius alienum sibi præripit, si quasi solus sit dominus, ad suum arbitrium re vti velit, *l. an vnus, si seruit. vindic.* Est ea ratio valde notanda; inuitus ut dixi, est, qui prohibet. Inuitus est etiam is qui abest, & per absentiam prohibere non potest, nam & hic prohibere intelligitur qui abest, qui que ignorat quid faciat socius, vel qui scit, nec tamen per absentiam prohibere potest. Quæro an etiam inuitus sit is, qui præsens est, & tacet, dum socius in re communi facit aliquid? nam hic neque nolle omnino videtur, neque velle: præsentem & tacentem non posse dicere nolle, & velle. Et notanda est differentia inter eum, qui præsens est, & tacet, & prohibentem vel absentem. Quod si prohibente vel absente socio, socius aliquid fecerit in læsionem socij, id tollere cogitur per prætorem, vel per actionem communi diuidendo, & interdum etiam per interdictum vti possidetis, si ex re asserat vel adroget sibi possessionem totius rei communis, ut in specie *l. pen. §. si vicinus, vti possid.* Si vicinus in pariete communi imponat tectoria, incrustationes ac picturas, non tantum pro parte sua, sed etiam ex parte vicini: nam hoc genere inquietat vicinum, & sibi quodammodo defendit possessionem totius parietis, atque ideo vti potest interdicto vti possidetis, ne vim faciat possidenti, & ut abra dat picturas, & tollat tectoria ex parte vicini, ne ex eis in futurum argumentum sumat possessionis, & domini consequenter. Quod si præsentem & tacente socio, socius aliquid fecerit in re communi, non cogitur tollere quod fecit, sed damnum sarcire actione communi diuidendo, si quo affectus sit socius, quo non consentiente fecit. Præsentem esse & tacere est medium quiddam inter consensum & dissensum: ideoque quasi consenserit denegatur ei actio communi diuidendo per quam sarcitur damnum quod patitur: nec quasi dissenserit, agit ut opus tollatur. In summa taciturnitas præsentis est media inter consensum & dissensum: taciturnitas autem absentis omnimodo dissensum imitatur hac in re: nam sunt pleræque causæ, in quibus taciturnitas consensum imitatur, nec possis certi quicquam definire in hac quæstione; Qui tacet, consentiat ne, an non? Nam pro subiecta materia alias dissentire, alias consentire dicitur. Absens comparatur contradicenti, prohibenti. Notandum quod ait hæc *l. damnum sarciri*, quod scilicet, fecit socius. Et paulo post, *pro damno*, & in extremo, *ad læsionem eius*: Nam ut cogatur tollere quod fecit, vel præ-

stare damnum, sane necesse est, ut inter sit socij, ut læsus & damnum passus sit: nam si eius nihil inter sit, nulla competit actio, nulla datur actio; nisi eius interest cui datur. atque ita, etiam si socius aliquid fecerit in socio socio, aut non consentiente in re communi, id permanebit, neque eo nomine conuenietur, si alterius non inter sit. Recte igitur tribus locis ait, damnum datum, læsionem: Finge, vnum ex sociis refecisse parietem communem, vel diruisse reficiendā causa, quia vitium faciebat, & cuius labes grauius damnum rei communi allatura fuisset, finge refectionem necessariam aut demolitionem. Sane tantum abest, ut de eo possit queri alter socius, cuius commodum hæc res cessit, ut teneatur præstare partem impensæ actione pro socio, vel communi diuid. cum vñuris centesimis, si cessauerit in inferenda impensæ parte intra quatuor menses: nam si traxerit solutionem, quoad exierint quatuor menses, ex oratione D. Marci rei communis dominus fit in solidum ipso iure is, qui refecit rem communem, qui impensam eam necessariam fecerit, *l. si adibus, de dam. inf. l. cum duobus, §. item respondit, pro socio, l. 4. C. de ædific. priu.* Imo vero, si sit necessaria refectio, vel demolitio parietis communis, vel alterius rei communis, in ipso initio reficiendi, si non patiatur socius reficere, potest eo nomine cum socio experiri communi diuidendo, vel pro socio, vel interdicto vti possid. Quia, qui me impedit reficere rem communem, quum est opus & expedit, & rem possidere impedit, tenetur interdicto vti possidetis, quæ est sententia legis *si ades hoc tit.* in qua notandum maxime quod dicitur, *quum est opus*; nam necessariam refectionem socius non potest impedire, nec est, quod expectet alter eius consensum, quando est necessaria refectio, quanquam verum est, eum non posse ita agere, quamuis necessaria sit refectio, vel demolitio, ius sibi esse reficere (facebant hæc formulae) ac si ageret de seruitutibus, sed agit pro socio, communi diuid. vel interdicto vti possidetis, cum nobis res communis non seruiat, *d. l. an vnus, si seru. vindic. et l. in re communi, de seru. urb.* Nihil esset addendum; nisi nos Accurs. cogeret, qui putat vitiari hanc regulam Sabini in quibusdam casibus: primum in casu *l. qui dam, §. ult. de seru. urb.* quo dicitur, posse socium parietem communem incrustare inuito socio: facit igitur aliquid in re communi inuito socio. Primum fateor voluptariam esse impensam, non necessariam, non utilem; & eius non esse repetitionem: nam ea ornamenta ponit in parte sua, quæ res non offendit vicinum: deinde non tam id videtur facere in re communi, quam ad rem communem quod licet, ut ait M. Tullius in Top. ad parietem communem licet adiicere parietem directum, solidum, vel fornicatum, quod adiiciendum est ex *l. fistulam, §. pen. de seru. urb. pr.* Paries directus adiunctus ad communem, est, qui ita suspenditur, & retinetur ut sublato communi maneat, nec refectio communis parietis impediatur. Dicitur ergo recte, fieri ad communem, non in communi, & iure igitur etiam non exquisito consensu socij. Vitiari secundo putat Accurs. reg. Sabini, si id faciat socius in re communi, cuius causa res communis parata est, ut si inhabitet ædes communes, si immittat onus in parietem communem: nam parietes destinantur oneri ferendo: vel si inferat mortuum in commune sepulchrum. Hæc omnia licent sociis etiam non explorata sociorum voluntate, *l. 6. §. si quis, hoc tit.* Sed non videtur hæc exceptio recte accommodari ad hanc regulam, quia ab initio, ut id liceret, conuenit inter socios, quando eius rei causa rem communem parauerunt, nec si contradicat socius, ideo non seruabitur conuentio facta in comparanda re communi. Tertio putat vitiari regulam istam, si reficiatur res communis. Hoc non est admittendum indistincte, sed addendum est, si reficiatur necessario. Quarto eandem vitiari ait, fauore necessitatis publicæ & religionis: & hoc facile ad-



mitterem in casu legis sunt persona, de relig. (in aliis enim casibus non adinuito) in qua socius in locum communem purum potest inferre mortuum aliquem ex suis, forte, si non habeat, ubi inferat, ne corpus insepultum maneat, propter publicam utilitatem, & compellet socium interdicto de mortuo inferendo, ut sinat inferri mortuum, nec tamen erit locus religiosus, nec iustum sepulchrum, quia dissentit socius. Postremo ait, vitari regulam, si res quædam sit communis inter donatorem & donatarium, ex l. sancimus, §. non autem, C. de donat. ex eo §. nunquam id colliges, si res sit communis inter donatorem & donatarium, alterum in ea re quicquam facere posse invito altero. Sed sententia hæc est. Finge: Donatio quam in te contuli, pro parte utilis est, pro parte inutilis ut ante Imp. proponit casum similem. quo casu res donata sit communis inter donatarium & donatorem, quia pro parte tantum donatio consistit, verum mox est diuidenda desiderante alterutro, si commode possit diuidi, vel ei, cui maior pars competit, licet offerre æstimationem reliquæ partis, quam si offerat, alter cogitur accipere: atque ita is totam rem possidebit sublata communione per oblationem æstimationis minoris partis. vel si nolit offerre is, cui maior pars competit, licebit ei, cui minor pars competit, alteri offerre æstimationem suæ partis, atque ita totam rem possidere. Is, cui offertur, accipit quidem inuitus, sed oblatio hæc nihil facit in re communi: itaque non est quod eximas hanc speciem à regula Sabini.

#### Ad l. ex mille 64. de euct.

Ex mille iugeribus traditis ducenta flumen abstulit, si postea pro indiuiso ducenta euincantur, dupla stipulatio pro parte quinta, non quarta, præstabitur. nam quod perit, damnum emptori non venditori attulit. Si totus fundus, quem flumen deminuerat, euictus sit, iure non deminuetur euictionis obligatio, non magis, quam si incuria fundus aut seruus traditus, deterior factus sit. nam & è contrario non augetur quantitas euictionis, si res melior fuerit effecta.

§. 1. Quod si modo terra integro, qui fuerat traditus, ducenta iugera per alluuiorem accesserunt: ac postea pro indiuiso pars quinta totius euicta sit, perinde pars quinta præstabitur, ac si sola ducenta de illis mille iugeribus tradita sunt, fuissent euicta: quia alluuioris periculum non præstat venditor.

§. 2. Quæstio est: si mille iugeribus traditis, periissent ducenta, mox alluui per aliam partem fundi ducenta attulisset, ac postea pro indiuiso quinta pars euicta esset, pro qua parte auctor teneretur? dixi, consequens esse superioribus, ut neque pars quinta mille iugerum, neque quarta debeatur euictionis nomine, sed perinde teneatur auctor, ac si de octingentis illis residuis sola centum sexaginta fuissent euicta: nam reliqua quadraginta, quæ uniuerso fundo decesserunt pro rata nouæ regionis esse intelligenda.

§. 3. Caterum cum pro diuiso pars reliqua fundi euincitur tametsi certus numerus iugerum traditus sit, tamen non pro modo, sed pro bonitate regionis, præstatur euictio.

§. 4. Qui unum iugerum pro indiuiso solum habuit, tradidit: secundum omnium sententias non totum dominium transulit, sed partem dimidiam iugeri, quemadmodum, si locum certum, aut fundum similiter tradidisset.

Sciendum est, euictionis nomine venditorem solere promittere emptori duplam, quanti res venit, ut si decem venit, promittit 20. & tota re euicta præstantur 20. parte autem euicta, si quidem singulis partibus dictum sit pretium, eius partis, quæ euicta est pretium duplatur & præstatur ex causa euictionis, l. si fundo tradito, hoc tit. Quod si singulis partibus dictum non sit pretium, sed auersione, id est, confuse vno pretio

A fundus venierit, parte vna fundi euicta, quid fiet? quanti ea pars æstimabitur? neque enim ei parti dictum est pretium, & non omnes partes fundi dignitate sunt pares, est vna vilior & pretiosior altera, & propter vnam partem sæpe totus fundus emitur. In hac quæstione acumina valent Iureconsultorum, si quæ sunt, & separanda est statim pars pro diuiso à parte pro indiuiso. Si euincatur pars pro diuiso, id est, certa pars circumscripta suis finibus, non fiet æstimatio, non præstabitur euictio pro modo eius partis, pro modo iugerum quibus ea pars constat, licet in emptione modus dictus sit: sed præstabitur euictio pro qualitate eius partis, hoc est, pro bonitate & prauitate eius. Finge, fundus venierat decem: ea pars, quæ euicta est, digna fuit octo venditionis tempore, præstabuntur 16. euictionis nomine ex stipulatione duplæ: vel contra, ea pars fuit digna duobus tantum. præstabuntur quatuor ex stipulatione duplæ, quod ostenditur in l. 1. & l. bonitatis, hoc tit. l. pen. de adil. ed. & in §. pen. huius legis. Et hoc expeditum est, si tanti emisti fundum, quanti dignus erat: nam si emisti minoris, (quod Ioannes annotauit) ut si fundum dignum 20. emisti 10. (quæ fraus non est illicita) & euincatur pars tertia pro diuiso quæ est digna octo, non præstabuntur, octo, nec ea pars æstimabitur octo, quia non tanti emptæ intelligitur, sed æstimabitur quatuor dimidio minoris, sicut res tota venit dimidio minoris: & è contrario, si pluri emisti, ut si fundum dignum decem, emisti viginti, & euincatur pars tertia, quæ digna est octo, quanti æstimabitur? Sexdecim, id est, dimidio pluri, quia tanti emptæ intelligitur, sicut res tota emptæ est dimidio

C pluri: atque ita ineunda est bonitatis seu qualitatis ratio. Nunc tractemus de parte pro indiuiso. Si pars pro indiuiso euincatur, æstimatio fiet pro quantitate eius partis, id est, pro modo iugerum, l. 1. hoc tit. Ut si fundus mille iugerum venit quingentis, & euincantur ducenta pro indiuiso, id est, quinta pars mille iugerum: pro indiuiso æstimabitur quinta pars pretij, & præstabuntur 200. ex stipulatione duplæ: nam quinta pars pretij est 100. Pars ergo pro indiuiso æstimabitur ex quantitate, ex modo: nec enim ex qualitate potest æstimari, cum eius partis nullum certum corpus subsit, nulla qualitas. Pars est quota ut aiunt, non qualis: pars est sine qualitibus. His cognitis, finge: Quidam vendidit & tradidit fundum mille iugerum, & stipulanti promisit duplam euictionis nomine: fundus minor factus est eluuiione, quia flumen abstulit ducenta iugera. Eluuiio minuit fundum, alluuiio auget: flumen igitur abstulit 200. iugera, post euictus est fundus totus, residua igitur octingenta iugera. Iure, inquit Papinianus, ut in l. ubicunque, de fideiuss. l. fundum Cornel. de nouat. iure, id est ipso iure stricto: iure, inquā, præstabitur euictio pro mille, quamuis euicta sint octingenta tantum, atque ita perinde præstabitur euictio duplex totius pretij mille iugerum, atque si flumen nihil abstulisset, sed mansisset semper integre fundus non immutato modo qui fuit venditionis tempore, atque ita diminutio illa fundi, siue periculum eluuiionis, non pertinet ad emptorem, qui agit de euictione, perinde atque si mille essent euicta in duplum, sed ad vendi-

D E torem. Idemque erit, si fundus incuria deterior factus sit. Differentiam facit inter fundum minorem & deteriorem, ut §. cum autem, Institut. de empt. minor si fundus, si minuatur modus terræ: deterior, si integro modo terræ terra vratur, vel alio modo corrumpatur, vtrumque periculum respicit venditorem, non emptorem toto fundo euicto, quod ita proponit in §. 1. his verbis: Si totus fundus, &c. Id probat Papinianus à contrario secundum id, quod dicitur, eandem esse rationem contrarium, eandem esse augmenti, & diminutionis, si fundus venditus melior fiat, aut peior, & totus postea euincatur, venditor non tenetur nisi pro mille, id est, in duplum pretij fundi mille iugerum qui fundum addixit, etiam si fundo accesserint alia mille iugera, & euincantur



his mille iugera. Eius incrementi non habebitur ratio in causa euictionis, ergo nec diminutionis. Sed etsi super sint tantum octingenta, quæ euincantur, æstimatio fiet mille iugerum, id est, pro mille iugeribus æstimabitur in duplum. Huic sententiæ obicitur *l. 70. hoc tit.* quæ ait, si minor fiat fundus, ut si flumen ei aliquid auferat, damnum esse emptoris: minui igitur emptori quantitatem euictionis. Item obstat *l. si cum venditor, §. ult. hoc tit.* quæ ait, si deterior fiat fundus, minui quantitatem euictionis, si melior, augeri: atque ita in causa euictionis spectandum, quanti res sit euictionis tempore, non & quanta fuerit venditionis tempore, & qualis. Et in *l. Titius, §. ult. & l. id quod, de act. emp.* si seruus venditus apud emptorem deterior factus sit, minui præstationem euictionis: sin autem melior sit cum euincitur, si didicerit artem aliquam, augeri estimationem euictionis. Æstimationem igitur non reduci ad tempus venditionis, sed sumi ex tempore euictionis; quod est contra hunc *§. 1.* huius leg. Fatentur omnes interpretes, & rectissime, constituendam esse in hac re differentiam inter actionem ex stipulatu, & actionem ex empto. Illæ leges sunt de actione ex empto, *l. 70. & l. Titius, & l. id quod, de act. emp.* Et *l. si cum venditor, §. ult.* est de actione præscriptis verbis, quæ ex permutatione datur, siue ex diuisione. quid est diuisione? distributio partium, quæ sit permutatis partibus, est igitur de actione præscriptis verbis, quæ datur ex permutatione, vel diuisione, quæ comparata est ad exemplum actionis ex empto, & est bonæ fidei, sicut actio ex empto. Illæ igitur leges sunt de actione ex empto, vel quasi: hæc lex de actione ex stipulatu, vel quasi. hæc actio competit in solidum, sicut stipulatio concepta est in solidum, & in duplum stricto iure, quod omnes stipulationes sequuntur, tota re euicta, siue minor sit res, siue maior, quum euicta est, & siue deterior, siue melior: Eadem enim res est, quæ fuit ante, etiam si aucta sit. vel diminuta: alioqui nos non essemus iidem; propterea quod quotidie, ut Philosophi dicunt, & refertur in *l. proponebatur, de iud. atomi*, quibus corpora nostra constant, decedunt à nobis, & alij in eorum locum accedunt, ergo idem est fundus, qui venditus est, licet diminutus sit, & sit modo octingentorum tantum iugerum, non mille, & perinde atque si esset integer, & ita euictus agatur in duplum pretij sine deminutione, id est, pro mille iugeribus: hoc est ius strictum stipulationis. Actio ex empto, vel actio præscriptis verbis ex permutatione, est bonæ fidei, in qua etiam si tota res euicta sit, ultra pretium id tantum venit, quod æquum & bonum est, id est, quod reuera emptoris interest; si minor sit fundus quum euincitur, minor erit æstimatio eius quod interest: si maior sit fundus, maior erit æstimatio eius quod interest: & ita in hoc tractatu de euictione sæpe quamuis id auctores non exprimant, distinguenda est actio ex stipulatu ab actione ex empto, etiam si vtraque detur euictionis nomine; non enim vtraque eodem iure est, quia vna est bonæ fidei, altera stricta: quod ostendam aliis duobus exemplis. Fundo vendito & euicta parte fundi pro diuiso, in actione ex stipulatu fit eius bonitatis æstimatio, quando parti non est dictum pretium, quæ fuit venditionis tempore, *l. bonitatis, h. tit.* in actione ex empto fit, quæ fuit euictionis tempore. Item domo vendita & euicto tigno, non est actio ex stipulatu de euictione, quia neque domus euicta est, neque pars domus: tignum non est pars domus, imo nec venditum videtur tignum, *l. nane, h. tit.* Est tamen actio ex empto in id, quod interest, *l. cum qui, de usucap.* Et similiter vendita ancilla & euicto partu non est de euictione actio ex stipulatu, quia non est venditus partus, *l. si prægnans, hoc tit.* est tamen actio ex empto, quod nostra inter sit partum sequi matrem, *l. venditor, h. tit.* Atque ita sæpe nobis est accurate separanda actio ex stipulatu ab actione ex empto. Nunc constituamus aliam speciem, in qua non euincitur totus fundus, ut superiori specie posuimus,

Quæst. Papin.

A sed pars fundi pro diuiso post eluuiorem fluminis. Finge: Quidam vendidit fundum mille iugerum, & promisit duplam. flumen abstulit ducenta iugera; deinde euincuntur ducenta iugera pro diuiso, id est, quinta pars mille iugerum, non euincitur totus fundus, id est, octingenta, quibus nunc constat fundus, sed pars quinta tantum, id est, ducenta. Hoc casu non est differentia inter actiones, sed siue agatur ex empto, siue ex stipulatu ob euictionem, periculum eluuioris respicit emptorem, & præstatur euictio pro parte quinta tantum mille iugerum, id est, pro ducentis, quæ euicta sunt. Sed videbatur esse præstanda euictio pro parte quarta mille iugerum, id est, pro ducentis quinquaginta, hoc argumento quod intellexit Accursius initio glossæ tertie, & notandum est maxime argumentum. Sic argumentor: si euicto toto fundo, cuius modus nunc est octingentorum iugerum, quoniam flumen abstulit ducenta, euictio præstabitur pro modo fundi, qui olim fuit, id est, pro mille, ut in *§. 1.* & euicta igitur parte quarta fundi, qui nunc est octingentorum, euictio præstabitur pro quarta parte fundi, quæ olim fuit, id est, pro ducentis quinquaginta, seruata scilicet eadem ratione in parte, quæ seruatur in toto. Quod tamen Papinianus non admittit hac ratione, quia quinquaginta illa, quæ superadiiis, id est, quartam partem ducentorum, flumen abstulit, quæ res cedit damno emptoris non venditoris, cum pars euincitur, non totum. Non ita recte argumentaris: si euictis ducentis iugeribus pro ducentis tantum præstatur euictio, & euicto igitur fundo toto, qui nunc est octingentorum, pro octingentis tantum præstabitur euictio. Falsa est collectio, & omnino ea sententia Papiniani res ita procedit. Toto fundo euicto, periculum eluuioris respicit emptorem. Et nihil restat quam ut exponamus rationem differentie. Quæso repetamus eam speciem quæ proponitur initio *l. ex mille iugeribus venditis & traditis præstita cautione duplæ, ducenta flumen abstulit*, post euicta sunt ducenta pro diuiso. Quæritur pro qua parte sit commissæ stipulatio duplæ, pro quinta, an pro quarta? & Papinianus ait, pro quinta esse commissæ, non pro quarta. Vbi dubitatur quam quintam, aut quam quartam intelligat Papinianus; an quintam residuorum octingentorum, id est, centum sexaginta, & quartam etiam residuorum octingentorum, id est, ducenta? quod stare non potest; an quintam mille iugerum, id est, ducenta, & quartam octingentorum, id est, totidem? quod esset per absurdum; vel contra, an quintam octingentorum 150. & quartam mille iugerum, id est, 250. quod etiam stare non potest; an igitur quintam mille iugerum, id est, ducenta, & quartam etiam mille iugerum, id est, ducenta & quinquaginta? Et hoc est verius; nam & ita capitur quinta & quarta in *§. quasitum, in hac l. & in §. quod si modo*, in illo loco: *Pars quinta præstabitur*. Hoc igitur Papinianus ait: non præstari stipulationem duplæ in specie proposita pro quarta parte mille iugerum, id est, pro ducentis quinquaginta, sed pro quinta, hoc est, pro ducentis, quæ etiam sola euicta sunt; & ideo si fundus mille iugerum venierit 50. aureis, euicta parte quinta, id est, ducentis, post eluuiorem ducentorum, non præstabuntur 25. emptori actione ex stipulatu, sed 20. tantum. Simpla quintæ partis pretij est decem: simpla quartæ partis est 12. cum dimidio. Duplanda autem est simpla quinta, non quarta. atque ita fit, ut præstentur tantum viginti, non viginti quinque. Et similiter, si fundus venierit decem, non præstabuntur quinque, sed quatuor tantum. Simpla quintæ partis, est duo: simpla quartæ, duo & semis, & duplanda est, ut dixi secundum responsum Papiniani, simpla quintæ, non simpla quartæ. Ratio autem decidendi, cur pro quinta parte tantum mille iugerum, quæ est quarta octingentorum, non etiam pro quarta mille iugerum, hoc est, pro ducentis quinquaginta, cur inquam, pro quinta, non pro quarta mille iugerum præstetur dupla, hæc est; quia illa

L



ducenta, quæ flumen abstulit emptori perierunt, ut iam non possit illorum ducentorum quartam partem, id est 50. à venditore repetere per euictionem, ac si euicta essent, nec ei perissent: nam sane ei perierunt. Et generaliter verissimum est, post perfectam venditionem præter euictionis periculum ad emptorem pertinere omne periculum deminutionis & deteriorationis cum ad eum etiam pertineat omne commodum augmenti, & meliorationis: quod & nominatim de commodò alluionis, & periculo eluionis ita est prædictum, *l. id quod, de peric. & comm. rei vend.* Et hoc est, quod Papin. ait in prima parte huius l. Ratio autem, propter quam dubitatur, an stipulatio committatur pro quarta parte mille iugerum, id est, pro ducentis quinquaginta, sumitur ex §. seq. argumentando à toto ad partem: quod etiam Accurs. intellexit, & omnino vim præcipuam huius legis intellexit; nec potui tandem post longam disputationem, quam ab hac hyeme vsq; in hunc diem traxi tecum doctissime Gregori, in sententia Accursij non manere. Ratio igitur dubitandi hæc est. Euicto fundo toto, qui nunc est octingentorum, stipulatio duplæ committitur, ut ait in §. seq. non pro pretio octingentorum, sed pro pretio mille iugerum, perinde ac si fundo nihil deperisset: ut si fundus venierit 100. ex stipulatione duplæ præstantur ducenta, non 150. Sic igitur argumentor: euicto toto fundo, qui nunc est octingentorum iugerum, pro toto fundo, qui olim fuit mille iugerum, præstatur euictio: ergo euicta quarta parte fundi, qui nunc est, id est, pro ducentis, non pro ea parte præstatur euictio, sed pro quarta parte fundi, qui olim fuit, id est, pro ducentis quinquaginta. Sed respondeo, non valere argumentum à toto ad partem, & aliam esse rationem totius fundi, aliam euictæ partis. Videamus, quæ sit ratio differentiarum. ea non est obscura: si fundus nunc est octingentorum iugerum, perinde committitur stipulatio, ac si fundus mille iugerum euictus fuisset, & duplatur pretium mille iugerum: quia iure committitur stipulatio in totum, cum fundus euictus sit totus, quantus quantus est, qualis qualis est, etiam si vnus tantum iuger fundus fuerit, cætera iugera flumen abstulerit: Perierunt quidem etiam hoc casu emptori secundum regulam iuris, quæcumque flumen abstulit, sed finguntur non periisse ei, aut dissimulamus ei periisse, & perinde, ac si non periissent, & euictus fuisset fundus mille iugerum, ei competit actio ex stipulatu: quia verum est totum fundum fuisse euictum, quamuis cum euinceretur, non fuerit tantus, quantus cum venderetur. Priore autem casu huius l. non iure committitur stipulatio pro quarta mille iugerum, cum non quarta, sed quinta euicta sit, id est, ducenta, quia iniquum est emptori præstari amplius euictionis nomine, quam euictum est, & ducenta tantum euicta sunt: ex ducentis, quæ flumen abstulit, nihil est euictum: eorum igitur rationem haberi non conuenit, etiam si forte flumen fundum redegit ad vnum iugerum, cætera absumpisset, & euinceretur semiugerum pro indiuiso, non pro dimidia parte mille iugerum, sed pro dimidia vnus iugeri, quæ euicta est; committeretur stipulatio duplæ: hæc ratio apertissima est. Neque est alia querenda. Azonis ratio alia est quæ tamen Accursio placet, ideo euictis ducentis, siue parte quinta, non haberi rationem eius, quod flumen abstulit, quia quantum eluio abstulit, inquit Azo, tantum forsan post alluio allatura est. Is qui sperat commodum alluionis, æquo animo debet ferre incommodum eluionis. Euicto autem fundo toto, emptor nullum sperat commodum alluionis, quia nihil ex fundo retinuit. Sed ea ratio non est probanda nobis, quia non propter spem incertam alluionis, vel cuiusvis commodi futuri periculum pertinet ad emptorem ex regula iuris, sed quia venditio perfecta est, & id tantum potest ex fide bona imputari venditori, quod dolo vel culpa eius accidit, §. cum ante, de. empr. & vend. Quæ ratio etiam efficit, ut sequenti casu, quo totus fundus euincitur, peri-

culum etiam eluionis pertineat ad emptorem, quamuis toto fundo euicto nullum ex alluione lucrum speret, sed effectu ipso, perinde atque si ad eum non pertineret periculum, res æstimatur & stipulatio committitur. Altera ratio differentiarum, quam Accurs. affert, ideo euicto fundo toto, qui nunc erat octingentorum, & fuerat venditionis tempore mille, stipulationem committi pro mille, quia, qui eum euincit, si integer permanisset, eum etiam euicturus erat, id est, mille iugera. quæ ratio merito displicet, quia non, quod euicturus quis fuerit, committitur stipulatio duplæ interposita euictionis nomine, sed quod euicerit, *l. si rem, §. 1. h. tit.* Et fuit formula actionis de euictione huiusmodi aduersus venditorem; *quod euictionis nomine victus fueris*, id est, quod denuntiato te ac præsentem, ac liti subsistente res mihi euicta fuerit: vel dicamus, quod te denuntiato, ac præsentem, & liti subsistente res euicta mihi fuerit. quod euicerit igitur aduersarius, non quod euicturus fuerit. & displicet ratio quæ Accursio displicet, nec placet quæ eidem placet. Non admitto etiam quod Accurs. in ponenda specie primæ partis, fingit, eum, qui euicit ducenta iugera pro indiuiso, petiisse 250. ab emptore, & emptorem ei reputasse 50. pro rata ducentorum, quæ flumen abstulerat, atque ita eum non euicisse totum, quod petierat, id est, ducenta quinquaginta, sed ducenta tantum. Nam etiam si hoc emptor non fecerit, res ita procederet ut diximus. non est igitur necesse id fingere ubi suppletionem non est opus. Quæ auctor omittit, & nos omittere debemus.

#### Ad §. quod si. 1.

Nunc videamus, quid præterea ad hæc tractet Papin. Proponit speciem nouam in §. quod si, h. t. sed ad similem superiori. Quidam vendidit fundum mille iugerum, cui flumen nihil abstulit, imo verò adiecit 200. iugera alluione, deinde pro indiuiso euicta est pars quinta totius, id est, mille ducentorum iugerum pars quinta est euicta: igitur euicta sunt 240. de mille ducentis. de ducentis, quæ accreuerunt 40. Queritur pro qua parte præstetur euictio, an pro 240. quæ euicta etiam sunt? Minime. Sed pro ducentis tantum, perinde atque si sola 200. de mille fuissent euicta, non 240. quia periculum eius, quod alluione accessit, non præstat venditor; neque enim id vendidit, nec de eo cauit quicquam, quod notandum: periculum alluionis non præstat venditor, sed rei venditæ. Huic definitioni obstat *l. 15. in princ. h. tit.* Si id, quod alluione cessit euictum sit, ait in actione ex stipulatu de qua accipienda est, ut *l. bonitatis* quæ præcedit, bonitatis æstimationem fieri, non quæ fuerit venditionis tempore, sed quæ alluionis tempore. quo accessit illa pars fundo vendito, & pro bonitate eius, quod alluione accessit, damnari venditorem. præstat igitur venditor periculum alluionis, si euincatur. Respondeo, quod omnes agnoscunt, in ea lege conuenisse aliquid inter contrahentes de eo, quod accederet alluione, quod essent frequentes in ea regione alluiones, & proximus flumini venditus fundus: nam citra conuentionem sane venditor euictionem eius quod alluione accedit non præstat. Obstat etiam *l. 16. in princ. h. tit.* quæ ait, euicto fundo vendito agi ex empto de eo, quod accessit: loquitur de actione ex empto, fateor, sed quod attinet ad id, quod accedit alluione, eius nomine, neque ex empto de euictione, neque ex stipulatu venditor conueniri potest. Et verum etiam *d. l. 16.* non loqui de eo, quod accessit alluione, sed de eo, quod accessit, vel nominatim, vel etiam tacite. Nominatim, veluti seruo vedito peculium tacite accedit, ut ancillæ venditæ partus, & si euincatur partus, actio est ex empto, non ex stipulatu, ut heri diximus, non quasi sit venditus partus, nec enim est venditus, sed quia accessit rei venditæ, *l. 4. de penul. leg.* & ita ibi recte Accurs. accipit *d. l. 16.* hic male.



Ad §. quæsitum 2.

**A**lia species, quam attingit Papinianus in §. *quæsitum*, hæc est. Quidam vendidit fundum mille iugerum, flumen abstulit 200. mox idem flumen adiecit 200. per aliam partem fundi. post euicta est quinta pars totius, id est, 200. pro qua parte præstabitur euictio, seu committetur stipulatio: non pro parte quinta lex ait, id est, pro 200. quamuis sint euicta: non etiam pro quarta mille iugerum, id est, pro 250. sed committitur pro quinta octingentorum, id est, pro cæsum sexaginta: cur non committitur etiam pro reliquis 40. hoc est, pro quinta ducentorum, quæ alluuiò attulit? Ratio est in promptu, quia ut lucro emptoris cessit alluuiò, ita pro rata eius alluuiònis euictionis periculum sustinere debet, non venditor. Et Papinianus ait, hoc esse consequens superioribus, id demonstramus. Non committitur stipulatio pro quarta parte mille iugerum, id est, 250. quia nec pro ea parte præstaretur euictio, si nihil alluuiòne accessisset. non etiam pro parte quinta, quia pro rata alluuiònis, id est, pro quadraginta periculum euictionis venditor non præstat, ut dictum est §. præcedenti. Sunt igitur detrahenda ex 200. quæ præstarentur, si nihil alluuiò attulisset, quadraginta pro rata eius, quod alluuiò attulit, quodque periculo est emptoris, non venditoris: hoc est quod ait in §. *quæsitum*. ihi placet valde, quod nouam regionem vocat eam, quæ alluuiòne accessit, quia per aliam partem accessit, quam qua fugerat: Nam si per eandem ipsam partem accesserit, qua decessit, eadem pars videtur esse, id est, fundus suæ pristinæ formæ restitutus videtur, & forte tum præstaretur euictio pro ducentis.

Ad §. pen. &amp; ult.

**Q**uod subiicit Papin. in §. *pen.* non est de parte pro diuiso, sed de parte pro diuiso: sed quod est in §. *ult.* est etiam de parte pro diuiso non quidem affine aut consequens superioribus, sed acutum tamen ut superiora. Finge, vendidi tibi vnum iugerum pro diuiso, ex fundo scilicet, quem habebam communem cum alio, & vendidi pro diuiso: nec enim poteram aliter, non facta diuisione inter me & socium. Præterea eum tradidi tibi pro diuiso, non potui tradere corporaliter, quia ea pars quodammodo non est corporea. Sed traditionis multa sunt genera, & tradidi tradito tibi instrumento meæ auctoritatis, *de mon titre*, qui modus traditionis receptus est, l. 1. *C. de donat. l. pen. §. ult. de leg. 3.* Quæritur, an totum iugerum fecerim tuum traditione? an traditione vnius iugeri pro diuiso, totius iugeri dominium in te transtuli? Minime, sed pro dimidia tantum, quia erat tantum meum pro dimidia, altera dimidia erat socij: & ita erant confusæ nostræ partes per totum fundum, ut vnaquæque gleba esset inter me & socium communis: ergo traditione iugeri non alienaui nisi partem dimidiam. Igitur, quod est supplendum, pro altera parte præstabitur euictio, quam tibi vendere non licet, cum non dominus vendidero, & eam tibi sit euicturus socius meus qui nunc est tuus. Idemque erit si ego fundum, quem communem habebam cum alio, vel certum locum id est, certam partem fundi (nam diuiditur fundus in loca & regiones) tibi tradidero: Nam videor tantum tradere, & tradendo transferre dominium eius partis, quam in eo fundo habeo pro diuiso: alterius partis non facio te dominum nec possum, quia in eo nihil iuris habeo, & ideo pro parte vna tantum præstatur euictio.

A



# IACOBI CUIACII IURISCONSULTI COMMENTARIUS

in Lib. VIII. Quæstionum

Æmilij Papiniani.

Ad l. 19. De interrog. in iur. fac.

**B** Si filius, cum pro patre suo ageret, taceat interrogatus, omnia perinde obseruanda erunt, ac si non esset interrogatus.



Æc lex brevis quidem est, sed comprehensio-  
ne rerum longa satis & obscura admodum,  
adeo ut nemo bene adhuc eam explicarit.  
Titulus est *de interrog. in iur. fac.* In iure, id  
est, apud prætorē, ad sellam prætoris, vel præsidis, actio-  
nes, vel exceptiones, vel replicationes, vel interdicta, vel  
stipulationes prætoris postulantur in iure: & ut M. Tul-  
lius eleganter 2. *de Inuent.* ait, quodammodo potestas  
agendi datur in iure, & omnis priuatorum iudiciorum  
ordo constituitur. Denique eadem res bis veluti agitur,  
apud prætorē quasi velitatione: apud iudicem eum, quæ  
dedit prætor, quasi iusto certamine. Fiunt etiam in iure  
sæpe interrogationes, antequam detur actio, & iudex  
statuatur: veluti cum is, aduersus quem postulatur actio,  
interrogatur, quota ex parte heres sit, ut ex ea conuenia-  
tur, & formetur actio: Nam heres creditori hereditario  
ex 12. tabul. non tenetur ultra portionem hereditariam,  
& causa cadit creditor, vel alia pœna afficitur hodie, si  
contra heredem ex quadrante agat in semissem, quia  
quantitate plus petit: vel etiam is, aduersus quem postu-  
latur actio, interrogatur, an filius suus sit, vel in sua po-  
testate, an seruus, cuius nomine postulatur actio de pe-  
culio, vel de in rem verso, vel quod iussu, vel institoria,  
vel exercitoria, vel noxalis actio: Nam causa cadit etiam  
is, qui non cum eo agit, quocum agi oportet. Formandæ  
igitur & concipiendæ futuræ actionis causa, antequam  
ea detur, in iure fiunt interrogationes, ne aliter agatur,  
quam oportet, ne plus petendo actor causa cadat, dam-  
numue sentiat, l. 1. *hoc tit.* Et interrogationes eiusmodi  
fiunt ab eo, qui acturus est, ab aduersario, vel actore  
ipso, vbi æquitas eum mouet, vbi laborat in contipien-  
da formula, & interrogatus respondere cogitur, ac mox  
ex sua responsione conuenitur ex hoc edicto *de interrog.  
in iur. fac.* nam si confiteatur, se heredem esse ex asse, ex  
contractu defuncti conuenitur in assem: vel si interro-  
gatus quota ex parte sit heres, confiteatur se heredem  
non esse, quo casu necesse fuit proprie illud edictum pro-  
poni, & dari ex eo eandem actionem in eum, qui falso  
confiteretur: Nam fides ei habetur contra se, & perinde  
ac si heres esset, conuenitur ex edicto, l. *de atate, §. 1. hoc  
tit.* Dixi sciens, qui sciens se heredem non esse, confitetur  
tamen, se heredem esse: Nam ignorantia & erranti suc-  
curritur ut d. l. *de atate, §. ex causa.* ut si filius ignorans  
se esse exheredatum, respondeat se heredem esse: vel  
etiam si quis ignorans falsum esse testamentum, in quo  
est heres scriptus, respondeat se heredem: ignorantia  
succurritur, ne ex sua confessione damnetur, quæ falsa  
est. Et denique falsa confessio ei tantum nocet, qui im-  
probe confitetur, qui mentitur, non qui mendacium  
dicit. Notandum etiam falsam confessionem ita demum  
nocere, si iuri & naturæ congruat: Nam si iuri vel natu-  
ræ refragetur, nihil nocet: ut si quis interrogatus, an  
ille suus filius sit, respondeat filium suum esse, cum ta-  
men ætas eius non patiatur, ut filius eius esse possit, falsa  
est confessio, sed naturæ repugnans, quia quod confite-  
tur, l. ij



tur non potest esse, nec fieri: vel etiam si liberum hominem confiteatur seruum suum esse, quod abhorret à iure & natura, vel etiam si eum, qui iam excessit è vita, confiteatur seruum suum esse, vt in *l. confessionibus, & l. seq. & l. si ante*. Ioculares sunt huiusmodi confessiones potius quam improbæ. Qui iocatur, non mentitur, mendacium est species doli mali, *l. quid enim, de dol. mal.* Ergo qui confitetur se heredem esse, quod dicitur exempli gratia, omnimodo conuenitur, siue mentiatur, siue verum dicat, non si mendacium dicat. Nam qui fallitur, venia dignus est: contra is, qui negat se heredem esse, & verum dicit, non conuenitur; qui mentitur, vt si neget se heredem esse, qui heres est, in solidum conuenitur, in assem, licet heres sit ex parte tantum: hanc mendacij fert pœnam, *d. l. de atate, §. si non*. Et ita si quis negat seruum suum esse, cuius nomine postulatur actio noxalis, cum tamen is seruus sit suus, si mentiatur negando seruum esse, non in hoc conuenitur, vt seruum noxæ dedat, *l. si seruus, hoc tit. l. i. §. interdum, si quadr. paup. fec. dic.* Sed si mendacium dicat, negando se heredem esse, id est, si iusto errore ductus, non dolo malo neget se heredem esse, cum tamen heres sit, vt quia testamentum cernit prius, in quo alius est heres scriptus & ignorat prius ruptum esse posteriori, in quo scriptus est ipse, ducitur hic falso errore, vt neget se heredem esse, & ideo excusatur, *d. l. de atate, §. qui iusto*. Quid autem dicemus, si interrogatus in iure taceat? de confitente & de negante diximus, nunc de tacente. Et placet eum, qui tacet quasi mendacem propter suam contumaciam teneri in solidum, etiam si sit ex parte heres, vel ex nulla parte, perinde atque si dolo malo negasset se heredem esse, cum esset. Taciturnitas negationem imitatur, non confessionem, *d. l. de atate, §. qui cavit, & §. nihil*. Vbi adicitur illa ratio contumaciæ: quia qui non respondet prætori, vel alij apud prætorem, qui non respondet in iure contumax est, id est, contemnit maiestatem prætoris, contemnit ius: contumax dicitur à contemnendo, *l. contumacia, §. i. de re iud.* videtur περιουλογοειν. Contumax is est qui non respondet ei, cui obtemperare debet: superbus is est, qui non respondet etiam cui obtemperare non debet. Et inde M. Tull. 2. de orat. ex Iurisconsultis nostris Trebatius & Cass. superbos dici volunt qui rogati non respondeant. & idem in Lucullo, si habes quod respondeas, nec respondes, superbe agis. Quod erga alium superbia est, erga prætorem est contumacia, quæ ita plectitur, vt habeatur tacens pro negante. Et ita in cessione in iure is, is qui tacet, pro negante habetur, neganti comparatur, Caius 2. Institut. vt refert Boët. Postquam, inquit, is, cui res in iure ceditur, vindicauerit, Prætor interrogat eum, cui cedit, an contra vindicet, quoniam negante vel tacente, tunc ei, qui vindicauerit, eandem rem, addicit prætor. comparatur neganti tacens. Verum etiam aliquando tacenti succurritur, vt in specie, *l. 19. si filius hoc tit.* Credo vos scire filium, qui beneficio prætoris abstinet se hereditate paterna, non desinere esse heredem iure ciuili, heres manet post abstentionem nomine nudo, non re, quia re se abstinet. Iure igitur ciuili heres est, sed iure prætorio non habetur loco heredis. Finge: Hic in iure interrogatus post abstentionem à creditore hereditario, vel à prætore instante creditore hereditario tacuit: videtur ergo negasse se heredem esse, cum tamen heres sit iure ciuili; atque adeo videtur teneri in solidum creditori. Imo vero non tenebitur, quia etsi mentiatur negando vel tacendo iure ciuili inspecto, iure tamen prætorio inspecto, neque mentitur, neque mendacium dicit, *d. l. si filius*, aliquando etiam tacente eo, qui interrogatus est, omnia perinde obseruantur, ac si interrogatus non fuisset. Quod proponitur in hac l. his verbis: Si filius, cum pro patre suo ageret, taceat interrogatus. Accursius aliter legit: si filius cum patre suo ageret. Et ita rem bene explicat, si lectio est casta: Filiusfam. vult agere cum patre, & vicissim pater cum filio: mutux sunt petitiones, mutux actiones, & interrogatus filius tacet,

A nulla est interrogatio: nullum igitur taciturnitatis periculum. Cur? quia nullum est iudicium, quod postulatur, nulla lis esse potest inter patrem & filium, Et vtitur argumento *l. 9. §. 1. hoc tit.* si seruus interrogetur in iure, nulla est interrogatio, quia interrogatio fit formandi iudicij causa: atqui cum seruo nullum iudicium est, nulla est interrogatio, si nullum iudicium sequi possit. Et mihi videtur verisimile, Accursium & anteriores mutasse scripturam huius legis, quod veram non intelligerent, sed non bene mutarunt: quia vt legunt est imperfecta oratio, quia ita esset legendum, si filius cum ageret cum patre suo, veram scripturam retinent Florentini sicut plurimum: Si filius cum pro patre suo ageret. Et Basilica δ ὁ δὲ ὑπὲρ τοῦ πατρὸς ἐνέχων ἐὰν ἐρωτηθεὶς σιωπήσῃ. Elegans est sententia Papiniani. filius potest agere pro patre, etiam sine mandato, *l. sed & ha, de procurat.* Sunt quædam personæ, quæ possunt agere pro aliis etiam sine mandato, vt liberi, fratres, liberti: sed finge eum, cum quo agit filiusfamil. pro patre, agere vicissim nomine patris, mutuas esse actiones, mutuas petitiones, si patrem non defendat filius, qui litem facit, siue inchoauit pro patre, non potest agere. Pœna procuratoris non defendentis hæc est, vt ei denegetur actio, *l. mutus, §. pœna, de procurat, l. 7. de noui opi. nunt.* Nunc ergo filius agit recte pro patre suo: sed rursus non agat recte, nisi & patrem defendat, si conueniatur ab eo, cum quo agit nomine patris, non videtur autem defendere is, qui non cauet, seu satisfaciat iudicatum solui, non est idoneus defensor alienæ litis quisquam sine satisfactione iudicatum solui, *l. qui proprio, §. qui alium, de procurat. l. 18. §. pen. de castr. pec. §. pen. Institut. de satisfd.* quæ satisfactio habet tres clausulas: de soluendo iudicatum, de payer la chose ingée, de re defendenda & de dolo malo, vt is absit habet semper has clausulas, seu causas tres. Non videtur etiam defendere is, qui interrogatus tacet. Procurator enim eum cuius nomine agit, debet defendere non tantum in actionibus, sed etiam in interdictis, & in stipulationibus, & in interrogationibus, quæ fiunt in iure. si taceat non videtur dominum defendere, *l. non solum, in princ. de procurat. l. 9. §. Celsus hoc tit.* His igitur consequens est, filium, qui agit pro patre, & interrogatus ab aduersario, vel prætore instante aduersario, taceat, non defendere patrem: si non defendat nec potest agere pro patre, nulla actio est, nullum iudicium, & nulla igitur interrogatio; ac proinde nulla etiam taciturnitas: sed omnia peinde, vt ait, obseruantur, ac si interrogatus non esset. Hæc est ratio Papiniani. Sed obstat huic rationi & legi, *d. l. non solum, in princ.* procurator agit nomine alieno, & aduersarius vicissim etiam cum eo agit eiusdem personæ nomine, cuius vicem ille procurator gerit, & interrogat procuratorem in iure, an dominus sit heres, cuius nomine agit. Si respondet heredem esse, tenetur ex hoc edicto. Idem erit si tacuerit; vt ait *l. non solum*. Ergo non perinde omnia obseruantur, ac si non esset interrogatus; tenetur enim ex taciturnitate. Respondeamus, non quod tacuerit teneri ex hoc edicto in solidum, cum tacendo actionem à se institutam, vel instituendam nullam reddiderit: sed tenetur quod tacuerit ex stipulatione iudicatum solui, si eam præstiterit, quod ponendum est: tenetur ex clausula de re defendenda, quæ inest stipulationi iudicatum solui: quod recte Accursius intellexit. Nam & si filius sit, qui agat pro patre, & reuoueniat, debet satisfacere iud. solui. *filiusf. qui satisfd. cog.* Finge igitur: Filius egit patris nomine, & eodem etiam nomine egit cum eo is, cum quo ipse experiebatur: mutux sunt actiones, mutux petitiones, & mutux igitur satisfactiones, vt ait Cic. pro Quint. Filius igitur satisfecit iudicatum solui, cui satisfactioni inest clausula de re defendenda, & interrogatus in iure tacet, & ita rem non defendit, an teneatur ex taciturnitate? Respondeo, non teneri ex hoc edicto, de interrogationibus in iure. fac. quod Papin. vult. h. l. sed ex stipulatione iudicatum solui, quod rem non defenderit, hoc est, quod tacuerit.



## Ad l. 43. de religiof. &amp; sumpt. fun.

*Sunt persone, quæ quanquam religiosum locum facere non possunt, interdicto tamen de mortuo inferendo utiliter agunt, ut puta dominus proprietatis si in fundum, cuius fructus alienus est, mortuum inferat, aut inferre velit. Nam si intulerit, non faciet iustum sepulchrum. sed si prohibeatur, utiliter interdicto, qui de iure domini queritur, agat. Eademque sunt in socio, qui in fundum communem inuito socio mortuum inferre vult: nam propter publicam utilitatem, ne insepulta cadavera iacerent, strictam rationem insuper habemus, quæ nonnunquam in ambiguis religionum questionibus omitti solet. nam summam esse rationem, quæ pro religione facit.*

**S**unt personæ, quæ locum religiosum facere non possunt. Socius inuito socio in commune sepulchrum mortuum inferre potest, quod constat satis, quia eius rei causa habetur sepulchrum l. 6. §. si quis, commun. diuid. l. 6. §. pen. de rer. diuis. In communem autem locum purum, in quo non sit sepulchrum, socius inuito socio non potest mortuum inferre, & religiosum locum facere secundum regulam Sabini: & si intulerit inuito socio, non tenebitur actione in factum prætoriam, qua tenetur is qui mortuum infert in locum alienum, ut tollat eum. Quanquam Trebatius & Labeo putabāt eum teneri ea actione in factum, d. §. si quis, sed malè quoniā sufficit actio fam. eriscunde, vel comm. diuid. l. 2. §. an & socius, h. t. qui habet civilem actionē, non indiget prætoriam, l. 1. in princ. de Publ. in rem act. qui habet directam, non indiget utili, l. si heres ad Trebell. & melior est civilis quā prætoriam & directam quā utilis, l. si creditori, de leg. 1. Et quæ refertur sententia Trebatij & Labeonis in d. §. si quis, refertur tantum, non etiam probatur: neque est quod existimes eum, §. si quis, pugnare cum §. an & socius. Hoc vero, quod constitutum ita procedit, si socius extraneum inferat in locum communem inuito socio: Nam ex ipsi socii quilibet ibi sepeliri potest, etiam inuito altero, maxime si non sit alius locus opportunus, ubi sepeliri possit, si non sit proprius, sepelietur in communi, l. si plures, h. t. Ergo si socius inuito socio extraneum inferat, non fiet locus religiosus, imò ob id ipsum quod intulit tenebitur, ut tollat quem intulit fam. erisc. actione, vel communi diuid. non igitur intulit iure, qui postquam intulit, tenetur ut tollat. Huic definitioni, quæ tamen est verissima, obstat hæc l. 43. Semper tractat Pap. singulare aliquid, & quod videtur pugnare cum regulis iuris. Nam ex hac l. ducitur argumentum eiusmodi. Socius inuito socio iure mortuum infert in locum communem, etiam extraneum, quia si prohibeatur à socio, ei competit interdictum de mortuo inferendo, ne scilicet vis ei fiat inferenti mortuum in locum communem. Si agat de mortuo inferendo, iure igitur infert, etiam prohibente socio. agit in inuitum: & iure igitur infert inuito socio. & ut latius exponamus, quæ scribit Papinianus, proponit generaliter, quasdam esse personas, quæ etiam si locum religiosum non faciant mortuum inferendo, tamen agunt interdicto de mortuo inferendo, ne prohibeantur inferre. Interdictum de mortuo inferendo datur domino proprietatis, l. 1. §. 1. tit. seq. ne scilicet prohibeatur mortuum inferre in locum suum, siue is locus sit religiosus, siue purus, ne vis ei fiat quo minus in eum locum, cuius dominus est, mortuum inferat, & ibi sepelire liceat. est interdictum prohibitorium, id est, ne prohibeatur, ne vis ei fiat inferenti mortuum: datur inquam domino proprietatis, siue locus sit religiosus, siue purus. Locus purus est suus absque dubio: locus religiosus si per se spectatur non est suus, sed nullius in bonis, sed si spectetur cum fundo ipso, est quasi suus, & fundo vendito etiam locus ille sequitur emptorem, atque ita venit per consequentias quod est nullius in bonis, & esse non potest. l. in moticis, de cont. empt. Ad summam, interdictum de mortuo

**A** inferendo datur domino, ne prohibeatur inferre in locum suum vel quasi suum: & ideo l. 2. §. quadam, de interdicto. interdictum de mortuo inferendo ait continere causam veluti proprietatis, maxime si quis velit inferre in sepulchrum suum, in locum religiosum. Est quadam veluti proprietatis, quoddam veluti dominium, vel quasi dominium, nec omnia interdicta sunt de possessione, id est, non in omnibus queritur de possessione, seu de momentaria possessione, quanquam ut plurimum pertineant ad causam possessionis interdicta: sed quadam sunt de proprietate vel quasi proprietate, & ita eleganter ait Papinian. hoc loco, qui de iure domini queritur: nam hoc queritur, an is, qui agit interdicto de mortuo inferendo, sit dominus eius fundi, in quem mortuum inferre vult. Satis intelligimus iam, quæ sit vis huius interdicti: tractemus modo, quibus casibus locum habeat, quod sic generaliter proponit Papin. *Sunt quasdam persone, inquit, quæ quanquam religiosum locum facere non possunt, interdicto tamen de mortuo inferendo utiliter agunt.* Huius rei duo dat exempla: vnum de dominio proprietatis nudo, alterum de dominio pleno ex parte tantum. Sunt in iure nostro quatuor genera domini: est dominium proprietatis, ususfructus, possessionis, & dominium plenum aut plenissimum. Dominus proprietatis: (ut de eo primum tractemus) inuito domino ususfructuario, inferendo mortuo locum religiosum non facit, non facit iustum sepulchrum, ut ait Papin. quia locus non occupatur religione; sed si prohibeatur inferre suorum aliquem, ut loquitur, l. 2. ult. h. tit. quem **C** scilicet non potest inferre in alium locum tam opportune, ne corpus illud insepultum iaceat, agat interdicto de mortuo inferendo, ne tantisper prohibeatur mortuum inferre in eum locum, cuius proprietatis nuda ad eum pertinet, ususfructus est alienus, sed non faciet locum religiosum l. locum. §. 1. de usufr. l. 2. §. si usufr. & l. ult. h. tit. Alterum exemplum est: Socius inuito socio non facit religiosum locum, sed si prohibeatur suorum aliquem inferre, quem non potest in alium locum opportune inferre, tunc agat interdicto de mortuo inferendo, ut scilicet tantisper ei inferre liceat, dum querat locum alium, ne corpus iaceat insepultum. Vnde sic argumentor: si agat, ut ne inferre prohibeatur, quasi asserens sibi licere inferre, licet igitur inferre inuito socio: Nam cuius rei actio mihi prodita est, & eam rem exequi iure possum: si persequor iure, & exequor etiam. Respondet Papinianus definitioni à nobis propositz initio, stricta ratione non posse eum inferre mortuum in locum communem purum inuito socio: sed summa ratio potior est. est ratio alia, alia potior, scripto est utilitas potior, & summa ratio est, quæ pro religione facit, quæ publicam utilitatem tueatur: ne corpora iaceant insepulta: summa ratio utilitatis, & equitatis ratio, l. sufficit, de condi. indeb. l. summa, de pecul. Et ita quod dicitur fieri summa ratione, l. 2. de præstip. id in eadem specie dicitur fieri utilitatis causa, l. 4. §. de verb. obligat. Stricta ratio videtur etiam esse summa ratio: Est enim summum ius, ἀρετή δίκαιοι. Dionys. 8. ius strictum νόμιμος. Plut. in Coriol. τὸ ἀρετὴ νόμιμος. & Arist. ἀρετὴ καὶ πρὸς τὰ δίκαια ἐστὶν ὁμιλῆς διδόνται. Summa æquitas summa ratio est. Porro ex duabus summis rationibus ea est potior, quæ est pro republica, veluti pro religione, pro sepultura mortuorum. Dices, non est pro religione ratio dandi interdicti de mortuo inferendo in hac specie, cum illatione locus non fiat religiosus. Dicam, ea quidem illatione nullum locum occupari religione, sed religionem omnem esse in sepeliendo. Qua de causa interdictum de mortuo inferendo dicitur esse de religione, l. 2. §. 1. de interdicto. Et notandum quod ait Papin. in ambiguis religionum questionibus. strictam rationem insuper haberi, quæ notanda valde est regula. possis dicere, in ambiguis questionibus, in quibus vertitur quadam ratio publicæ utilitatis, strictam rationem insuper haberi, propter utilitatem publicam, quod postea interpretari.



tatur, omitti. & eodem verbo usus est Papinian. in *l. heredem, de his qua ut ind.* In qua lege ante Pand. Flor. ex ora libri irrepleat in contextum hoc modo: *omisit & insuperhabuit*: quo verbo usus est Gell. & Symmach. & verbum hoc restituimus in *l. 2. C. si omiff. sit cau. test.* In qua lege proponuntur tres casus. Heres omittit causam testamenti, non petit bonorum possessionem secundum tabulas, sed ab intestato amplectitur hereditatem, cum is esset, qui poterat ab intestato succedere defuncto. Hic heres præstat legatum nihilominus relictum testamento, quamuis quantum in eo fuit, desertum sit & irritum testamentum. Alter casus est: non poterat ex testamento adiri hereditas, vel bon. possessio peti, quia erat falsum testamentum, vel irritum, vel ruptum, atque ita iudicium defuncti non insuperhabuit, *h. e.* non est omiffa causa testamenti, sed ad irritum iuris ratione reuocatum est. hoc casu non debet tolerari petitio eorum, quæ ex testamento relicta sunt. Tertius casus, heres scriptus, qui erat extraneus defuncto, repudiavit, & legitimus heres adiit hereditatem deserto testamento: hoc etiam casu non debentur legata, nec libertates valent: ita est ille locus restituendus. Verum retineamus quod ait Papin. in ambiguis quæstionibus in quibus de religione vel de alia publica utilitate aliquid vertitur, strictam rationem insuperhaberi. Stricta ratio est, ut in pari re potior sit causa prohibentis, *l. Sabinus, comm. diuid.* causa prohibentis est potior: & hac causa rursus est potior publica utilitas siue religio: atque ideo in hac specie non est potior causa socij prohibentis, sed vincit, qui vult inferre mortuum tantisper dum alium locum inueniat, & quasi deponere terræ, non quasi iustæ sepulturæ. Et abutimur quotidie illa ratione stricta, ut in causa pari potior sit causa prohibentis, ut si in collegio quodam, in quo par est cuiusque ius & potestas, sint qui vel propter vnicam illam rationem velint impedire quod agitur: vnus intercessio cæteris impedimento est: sic sane, nisi aliud suadeat publica utilitas: nam prohibitione publica utilitas est potior. sic leges ad usum sunt reuocandæ.

#### Ad l. 66. de condict. indeb.

*Hæc condictio ex bono & æquo introducta, quod alterius apud alterum sine causa deprehenditur, reuocare consuevit.*

Explicaturus quæ scripsit Papinian. hoc lib. 8. de *condict. indeb.* incipiam à *l. 66.* in qua Papinian. ait, hanc condictionem esse introductam ex æquo & bono; non est introducta lege aliqua certa, non prætoris edicto: (nec enim est prætoris actio, sed magis ciuilis) verum est introducta auctoritate siue interpretatione prudentum, ex sententia legum, ex bono & æquo, quasi ex promutuo, *h. e.* perinde atque si is, qui indebitam pecuniam soluit, eam dedisset mutuam *l. 5. §. is quoque, de obl. & act.* Indebiti solutio quasi promutuum est, & veluti ex mutuo datur condictio. Et hoc est quod ait *l. 15. hoc tit.* indebiti condictionem esse naturalem, *hoc est*, ex iure gentium, ex æquitate naturali. quod confirmat *l. si id quod, hoc tit. & l. pen. ad SCtum Trebell.* Condictio indebiti, natura venit, non legibus, sed ex sententia legum tantum, id est, veluti ex mutuo, siue exemplo mutui, exemplo mutuatiuæ pecuniæ: non venit igitur sine exemplo legum. Et notandum quod ait *d. l. 15.* quia condictio indebiti est naturalis, ideo venire in condictionem etiam quod accessit rei soluta, veluti partium, id est, non tantum rem solutam condici posse, sed etiam, quod ei rei accessit, ut partium, si soluta sit ancilla, vel quod alluione accessit, si fundus sit solutus, & venire fructus, qui ab eo, cui solutum est, bona fide percepti sunt. Videamus quemadmodum hæc recte colligatur ex illa propositione indebiti condictionem esse natu-

ralē, & ideo venire partus, fœtus, fructus, accessiones deductis impensis *l. in summa §. ei qui, h. r.* ratio consequentia est euident, quia sicut æquum est rem profectam ex bonis meis, quæ apud te sine causa deprehenditur, restitui mihi, ita etiam rei fructus & accessiones eadem ratione æquum est mihi restitui, quia ad te etiam peruenerunt sine causa. In omnibus est par æquitas, & æquitas mater huius actionis. Quod tibi indebite solutum est, id sane apud te est sine causa. Itaque mihi est liberum id reuocare vel per condictionem indebiti, vel sine causa: concurrunt conditio indebiti cum condictione sine causa, & vtraque est ex bono & æquo: de condictione sine causa est *l. si me, de reb. cred.* Eadem etiam causa est condictionis ob rem dati, & condictionis ex iniusta causa, vel turpi: omnes hæc condictiones de quibus in hoc lib. 8. agitur, veluti conditio indebiti, ob rem datam, ex iniusta vel turpi causa, sunt ex bono & æquo, *l. in summa, §. quod ob rem, hoc tit. l. 3. §. si quis, de cond. caus. dat.* Et ideo in eas omnes condictiones veniunt ea quæ venire æquum est. & accessiones igitur omnes, ut diximus: nam si res principalis est apud te sine causa, & accessio quoque, & æquum est omnia mihi restitui, à quo profecta sunt. Et similiter ideo sit, ut, exempli gratia, is qui accepit pecuniam indebitam, non teneatur condictione indebiti, nisi quatenus ex ea re locupletior factus est, si bona fide pecuniam quasi debitam acceperit, *l. cum hi, §. sane si is qui, de transf.* Pendent multa ex hac definitione Papin. quod indebiti conditio sit ex bono & æquo, & illud quod modo dixi, ut non teneatur qui accepit nisi in quantum locupletior factus sit. sequitur etiam ex eo, ut conditio indebiti non detur in ignorantem, ut puta si is, cui solutus est homo indebite, ignorans eum manumiserit, valet manumissio, ut facta à domino, nec potest rescindi libertas, & qui manumissit, non tenetur, quia bona fide manumissit, nisi in operas liberti, & ut eius hereditatem restituat, *l. in summa, §. pen. hoc tit.* Omnia in his condictionibus ex æquo & bono diiudicantur. Et pari ratione conditio indebiti non reuocat quod ex bono & æquo debetur, id est, quod natura, *l. Iulianus, & l. naturaliter, hoc tit.* etiam si iure ciuili non debeatur, eoque nomine nulla competat actio: & è contrario conditio indebiti reuocat, quod ex bono & æquo non debetur, licet debeatur iure ciuili, ut si is, qui aliquid debet iure ciuili, tutus sit exceptione perpetua, & soluerit per errorem, reuocat quod soluit, quia id natura non debuit, sed iure ipso debuit: atque ideo tutus fuit exceptione æqua. Quod ita procedit, si exceptio fuerit ex genere earum, quæ tollunt naturalem obligationem, ut puta, exceptio pacti perpetui ne omnino petatur: nam ut pactum parit naturalem obligationem, ita omnino tollit. Et ideo, qui tutus hac exceptione per errorem soluit, repetit quia non debuit natura. Eiusdem generis est etiam exceptio doli mali, *SCti Velleiani, iurifurandi l. qui exceptionem hoc tit.* Quædam alię exceptiones sunt perpetuæ, quæ non tollunt naturalem obligationem, ut exceptio *SCti Macedon.* qua se tuetur filius, cui mutua pecunia data est, & etiam pater eius, si conueniatur. Si data sit pecunia mutua, debetur quidem, sed agenti obstat exceptio *SCti Macedoniani*, quæ non extinguit naturalem obligationem: Ideoque si filiusfam. soluit, non repetit, quia debuit natura, & non congruit ea exceptio cum naturali ratione. Cur datur exceptio *SCti Macedoniani*? an quia non est æquum mutuam pecuniam filio datam non reddi? minime, sed odio creditoris ratio pænæ causa, *d. l. qui exceptionem.* Eadem est ratio exceptionis rei iudicatæ & exceptionis ex edicto, quod quisque iuris in alt. stat. &c. eandem causam habent hæc exceptiones: non tollunt naturalem obligationem, quamuis perpetuæ. Ideo qui, cum eas haberet, soluit, non repetit, non condicit, quia quod soluit, natura debuit. Ergo ita concludamus. Perpetua exceptio inducit condictionem indebiti, si modo



ex genere earum fuerit, quæ tollunt naturalem obligationem. Aliæ sunt exceptiones temporariæ, & hæ generaliter non inducunt conditionem indebiti: veluti exceptio pacti temporarij, puta ne intra quinquennium agatur. Finge: is, qui tutus erat ea exceptione, ante quinquennium soluit, an habet conditionem indebiti? Minime, quia id sane debuit & iure & natura, licet ante quinquennium pecunia peti non posset: & pactum proficit in hoc ne petatur, non etiam ut interim non debeatur. sane debetur interim, licet non possit peti. Igitur exceptio pacti temporarij non inducit conditionem indebiti. Idem etiam est, si quis promiserit pecuniam; ab initio in diem, puta se daturum Calend. Martiis: nam & hic tutus est exceptione temporaria, cuius vetus formula hæc erat: *cuius pecunia dies fuisset, ut est in l. de orat.* nam dabatur actio pecuniæ creditæ adiecto hoc modo, *cuius pecunia dies fuisset*, id est, si eius pecuniæ fuisset. Est igitur debitor tutus exceptione temporaria. quid si soluerit ante diem per errorem (nam hoc semper statuendum est: ) quod solum est per errorem, est sine causa apud eum, qui accepit. quod sciens soluit indebitum, est ex causa donationis apud eum, qui accepit, nec potest ei condici, quia qui sciens indebitum soluit, donat: & hoc de debitore in diem ita est proditum, *l. in diem, hoc tit. l. 51. mand.* & ratio est optima, quia ante diem nascitur obligatio statim, sed non potest peti statim: soluit ergo debitum, etiam si repræsentauerit pecuniam & soluerit ante diem: & ita statuenda est differentia inter exceptionem perpetuam & temporalem. Sunt quædam exceptiones ambiguae, & de quibus dubitatur sint ne temporariæ, an perpetuæ, *l. 56. est de ambigua exceptione.*

Ad l. 56. de cond. indeb.

*Sufficit ad causam indebiti, incertum esse temporaria sit, an perpetua exceptionis defensio. Nam si quis, ne conveniatur, donec Titius consul fiat, paciscatur, quia potest Titio decedente perpetua fieri exceptio, quæ ad tempus est, Titio consulatum ineunte, summa ratione dicetur, quod interim soluitur, repeti. Ut enim pactum quod in tempus certum collatum est, non magis inducit conditionem, quam si ex eo die debitor soluit: ita prorsus defensio iuris, quæ causam incertam habet, conditionis instar obtinet.*

**F**inge: Cum mihi deberes certam pecuniam, pacti sumus ne ea peteretur donec Titius Consul fieret. Si Titius moriatur, exceptio fiet perpetua: si Titius consulatum inierit, inuenitur fuisse temporaria. Quid fiet, si interim pecunia solvatur viuo Titio necdum ineunte consulatum, an quod solutum est, repeti potest? Perpetua exceptio inducit conditionem indebiti, non temporaria. Et definit Papin. etiam ambiguae exceptionem inducere conditionem indebiti; & summa ratione, id est, æquitatis ratione, quia parere conditionem est conditionem indebiti repeti, quod soluitur interim, id est, dum vivit Titius, nec Consul designatur; tandem ita definit Papin. exceptionem pacti temporarij non inducere conditionem indebiti: item, exceptionem, *cuius pecunia dies fuisset*, videlicet si debitor ex die soluerit ante diem: nam uterque debitum soluit. loquimur de die certo ne ante quinquennium petatur, vel ut ex calendis illis pecunia solvatur: sed dies, de quo agitur in hac specie non est certus, donec Titius consul fiat: & exceptio, quæ inde nata est, etiam incerta & ambigua est, & dies incertus conditionem facit, *l. dies, de condit. & dem.* Quod autem debetur sub conditione, si solvatur pendente conditione, repeti potest, *l. 16. hoc tit. l. sub conditione, de solut.* Ergo & quod debetur sub incerto die, pendente die si solvatur, repeti potest, quia dies incertus conditionem facit. Nihil refert aliquid debeatur sub conditione, an sub incerto die, quia non debe-

tur absolute, *l. cedere diem, de ver. sig.* nec certum est debitum iri. Et hoc ita procedit, si dies adeo fuerit incertus, ut & incertum fuerit, an venturus sit: Ut si promisero, cum domum ædificauero, vel cum Titius consul factus erit, quo exemplo utitur Papin. Cum dies ita est incertus, sane dies incertus conditio est, & quod sub die ita incerto promittitur, sub conditione promittitur, & interim deberi non intelligitur. Quapropter si solvatur interim, repetetur etiam interim, sed non posteaquam extiterit conditio. Alia ratio est diei incerti, quem tamen certum est esse venturum: nam hic comparatur diei certo, non conditioni, ut si promitto daturum cum moriar: incertus est dies mortis meæ, sed tamen certum est me moriturum. Finge: Viuus solui, quod promiseram, & contuleram in diem mortis meæ, an repetam quod solui? minime, sicut non repeterem, si dies certus fuisset: quia siue sub die certo promittatur, siue sub incerto, qui omnimodo venturus sit, certum est debitum iri. Imo & iam debetur, antequam dies aduenerit, *l. 17. hoc tit.* Et hic necesse est, nos obseruare maculam, quæ occupauit *l. 16. hoc tit.* cuius mens hæc est, ut ostendat multum interesse sub conditione aliquid debeatur, an sub die incerto, qui omnino sit venturus. Nam dies incertus, quem incertum est an sit quandoque venturus, pro conditione est. Sed multum interest utrum quid debeatur sub conditione, an die incerto, qui omnino venturus sit: nam si sub conditione debeatur, id est, quasi debeatur, (nec enim debetur absolute) & solvatur pendente conditione, repeti potest, quia forsitan non debebitur deficiente conditione: existente autem conditione non repetetur sub die incerto, promitto cum moriar. ait die existente non posse repeti. Idem dixit de debito sub conditione *l. 16.* & tamen certum est, eum velle constituere differentiam inter debitum sub conditione, & debitum sub die incerto qui omnino venturus est: nam cum dixisset, *debitum sub conditione, si solvatur, pendente conditione repeti, existente conditione non repeti*, subdit, *quod autem*: quæ nota est differentia & diuersi casus. pro existente igitur, pendente legendum est. Cognata sunt verba quæ facile commutantur. Huc plurimum facit *l. 17.* nam ait: etsi cum moriar, promisero, & ante solvam, id est, pendente die, non repeto, quod valde notandum. Exceptio, est defensio iuris opposita intentioni aduersarij, quæ est vel perpetua, vel temporaria, vel ambigua. Perpetua inducit conditionem indebiti, si naturalem obligationem tollat. Ambigua etiam inducit, non temporaria. Nam si qui, ut sæpe apud bonos auctores, idem ut si quis. Florent. male *conditionis*, legendum, *conditionis*.

Ad l. 9. & l. 25. de const. pec.

*L. 9. Titius tamen indebiti conditione tenebitur, ut quod ei perperam solutum est, ei qui soluit, reddatur.*

*L. 25. Illud aut illud debuit, & constituit alterum, an vel alterum, quod non constituit, soluere possit quasitum est. Dixi non esse audiendum, si velit hodie fidem constituta rei frangere.*

**E** §. 1. Si iureiurando delato, deberi tibi iuraueris, cum habeo eo nomine actionem, recte de constituta agis. Sed & si non ultro detulero iusiurandum, sed ad referendum necessitate compulsus id fecero, quia nemo dubitat modestius facere, qui referat, quam ut ipse iuret: nulla distinctio adhibetur, tametsi ob suam facilitatem ad usam verecundiam subsecuta sit referendi necessitas.

**L**Ex nona pertinet ad conditionem indebiti: Sæpe fit ut pro alio constituat quis se soluturum sine stipulatione his fere verbis, *de pecunia quam credidisti Titio, noli laborare, illam illo die solvam tibi sine controversia.* Quæ ex conuentione etiam si stipulatio non intercesserit, ex edicto prætoris, is qui constituit, tenetur actio-



ne de constituta pecunia, quæ dicitur quoque actio constitutoria. Et is est proprie, qui vulgo dicitur respondere. Hic est proprie responfor non fideiussor, quia non intercedit stipulatio, & fideiussor interuenit tantum per stipulationem. Non est etiam expromissor, quia non intercedit stipulatio, & non nouatur prior obligatio: nam hæc sunt rata, ubi quis expromittit pro alio, is, pro quo expromittit, liberatur, quia nouatio fit: ubi autem quis fideiubet, vel constituit se pro alio soluturum, is pro quo fideiubet, vel constituit, non liberatur, *l. ubi quis, h. tit. l. si Titius, de in rem verso*. Fideiussor, est ad promissor, non expromissor: responfor siue constitutæ pecuniæ reus, neque est adpromissor, neque expromissor. Sæpe enim fit, vt debitor ipse constituat se soluturum id, quod debet: nemo fideiubet pro seipso, *l. heres, §. seruo, de fideius.* responderet tamen quilibet pro seipso, id est, constituit se soluturum, quod debet, & tenetur hac actione constitutæ pecuniæ, nec non & priore actione: nam, vt diximus, constituto non nouatur prior obligatio, *l. item, §. ult. l. seposit, hoc tit. l. 4. §. in eum, de adm. rer. ad ciuit. pert.* Plerumque autem, cum quis constituit se soluturum id, quod debet, noui aliquid interuenit, alioqui videretur esse superuacuum constitutum, cum satis teneatur priori obligatione: Nam vel constituit se soluturum alio die, vel alio loco, quam initio conuenerit, *l. 3. §. ult. l. 14. in prin. h. tit.* Vel constituit aliud se soluturum, quam quod debet, veluti debet forte pecuniam, & constituit se soluturum frumentum, *l. 1. §. an potest, h. t.* vel etiam cum debet illud aut illud sub disunctione, cum promissit se soluturum Stichum aut Pamphilum, constituit se soluturum Stichum sine vlla disunctione, *l. illud, h. tit.* atque ita non constituit quis pro seipso, quin fiat noui aliquid, nec tamen sit nouatio prioris obligationis. Nam integrum est, vel posteriore obligatione uti, vel priore. Verum cum quis pro alio constituit, etiam si nihil noui interueniat, hæc causa vtilissima est, cum vni reo accedit etiam alius. Certum nullum est constitutum, nisi quod constituitur, debitum fuerit: nam sicut stipulatio nulla est, nisi præcedat causa aliqua interponendæ stipulationis, *l. 2. §. circa, de doli except.* Ita etiam constitutum sine causa non valet, id est, nisi præcedat debitum, vel iure, vel natura: & constitutum comparatur etiam in eo stipulationi, quod non nouat priorem obligationem: Nam stipulatio non nouat priorem stipulationem: vt si credita pecunia in stipulationem deducatur, creditori est conditio si certum petetur, tam ex mutui numeratione, quam ex stipulatione; est conditio ex duob. contractibus, *l. obligamur, §. re. de oblig. & act. l. certi §. quoniam, de reb. cred.* Stipulatio & constitutum accessiones sunt priorum obligationum, non nouationes. conuentiones sunt, quæ interponuntur prioris obligationis confirmandæ causa, aut permutandæ: nam additur aliquid, vt si alio die constituatur solui, vel alio loco, vel si alia res pro ea quæ debetur, vel si constituatur pure, quod debitum erat sub conditione. Quod autem prætori in hoc edicto est constituere, id legibus olim erat, recipere, veluti recipere se soluturum, aliquid daturum, vel facturum; & actio legitima, quæ dicebatur receptitia. Sic mutantur vocabula iuris: Quod olim recipere, hodie constituere est; longeque alia est ratio constituti, quam fuerit recepti, vt ius mutatur ita & nomina: longe alia ratio receptoriæ quam constitutoriæ. Sed Iustiniani constitutione transfusa est receptitia actio in constitutoriam, vt iam duæ non sint actiones, sed vna sit constitutoria. Ita sæpe mutata sunt iuris vocabula. Ita quod fuit olim vtendum dare, id est, hodie commodare: quod in interdicto de vi detrudere, hodie est deicere. Et hæc quidem de constituto præfari erat necesse. Dicendum est etiam aliquid de adiecto solutionis gratia. si stipuler mihi & Titio dari, partim vtilis, partim inutilis stipulatio est; nam pro parte Titij est inutilis, cum pro alio facta stipulatio non valeat. Itaque mihi soli pro parte mea adqui-

ritur obligatio, *l. ult. in fi. de verb. obl. §. quod si quis, Inst. de inut. stip.* Aliud dicemus, si stipuler mihi aut Titio dari: nam illa stipulatio pro parte mea tantum valet, posterior vero tota vtilis est, quia non id agitur, vt Titio adquiratur obligatio, quæ etiam non posset adquiri Titio per me, sed vt adquiratur mihi soli: solvatur autem vel mihi, vel Titio, quasi procuratori meo. coniunctio facit nos pares, disunctio facit dispares: Et in persona quidem alterius, non stipulantis, obligatio consistere non potest, quia per liberam personam, vel per alienam personam, alteri non adquiritur obligatio, sed per eum tantum, qui illius iuri subiectus est: verum in alterius persona, quasi procuratoris, solutio consistere potest. Hoc igitur sermone, *mihi & Titio dari*, applicatur obligationi Titius, quod fit inutiliter. Illo autem sermone; *mihi aut Titio dari*, Titius solutioni applicatur, & adhibetur, quod fit vtiliter: obligationi enim non applicatur. Atque ideo dicitur Titius adiectus solutionis gratia. Nemo potest communis obligationis gratia adiici: communis solutionis gratia adiici quilibet potest: & ideo Titio recte soluitur, etiam inuito me stipulatore; sed non potest ex stipulatu agere, & similiter non potest nouare obligationem, non acceptum facere, non pignus, non fideiussores accipere: postremo ei etiam non constituitur recte. Finge: stipulatus sum de te *mihi aut Titio dari*, constituiti Titio, te ei daturum, an tenearis constitutæ pecuniæ actione? minime, quia constitutum caret causa: neque enim tu Titio quidquam debuisti. Titius actionem non habuit, tamen ei soluere potueris: ergo ita dicamus: constitui Titio, suo nomine non potest, *l. 7. §. ult. h. t.* Recte ait, *suo nomine*, quia scilicet ei suo nomine nihil debetur: nam procuratorio nomine ei constituitur recte, videlicet quasi procuratori stipulatoris, *l. 6. §. Iulianus, h. t.* Omnis autem adiectus solutionis gratia, est procurator, quoniam videtur ei mandatum, vt pecuniam solutam accipiat. Atque illud in iure passim dicitur, eum teneri actione mandati, vt scilicet solutam ei pecuniam reddat, *§. plane, Inst. de inut. stip.* Constitui igitur adiecto potest vt procuratori, sed non vt creditori, alieno nomine, non suo. Rursus finge: stipulatus sum de te mihi aut Titio dari; ac similiter tu constituis te soluturum mihi aut Titio; constituis vt promissisti, res expedita est, mihi soli competit actio de constituta pecunia, *l. 8. h. tit.* Titio solui poterit. vt adiectus est in stipulatione solutionis gratia tantum, ita & in constituto: mea est autem actio propria, & prior ex stipulatu, & posterior ex constituto: Titio tamen solui potest etiam inuito me, & si sit solutum, non est conditio indebiti ei qui soluit, argum. *l. sed etsi, de cond. indeb.* ac rursus, si solutum sit Titio, ipso iure perimitur vtrique actio, quæ mihi competeat ex stipulatu, & ex constituto, *§. plane, Inst. de inut. stip.* perinde ac si mihi solutum fuisset: nam quod soluitur Titio, mihi videtur solui, & debitori ipso iure contingit liberatio vtriusque obligationis. Quod quidem ita procedit, vt proposui, si stipulatus sim mihi aut Titio dari, ac similiter promissor constituerit, se daturum mihi aut Titio: nam (qui est alius casus) si stipuler mihi dari non adiecto Titio; deinde promissor constituat se daturum mihi aut Titio, & soluat Titio, ipso iure perimitur actio constitutoria, quæ mihi competeat, quia solutionis gratia Titius fuit adiectus constituto. Actio autem prior ipso iure non perimitur, quia in stipulatione priori Titius non fuit adiectus, nec inspecta stipulatione Titio recte solutum intelligitur: Ideoque ipso iure non perimitur prior obligatio, sed perimitur per exceptionem huiusmodi; si non tua voluntate solui Titio. Quæ est sententia legis *pen. h. tit.* nam vt recte Accursius intelligit, pone in illa *l. me mihi tantum stipulatum esse*, deinde constitutum esse mihi aut Titio, & soluta pecunia Titio, ipso quidem iure peremptam esse actionem constitutoriam, sed non priorem actionem ex stipulatu. Verum vt ait, *d. l. pen.* debitor erit adiuvandus per exceptionem.



ptionem, si conueniatur priori actione. priorem illam actionem vocat, vt vulgo est scriptum, propriam actionem, cum vtraque sit illius propria, qui stipulatus est, non communis cum adiecto. Vocat haud recte vt videtur propriam actionem, cum vtraque sit propria quæ dicitur alibi in *h. r.* obligatio sortis (sequens n. quod ex constituto nascitur est potius accessio) & dicitur prior obligatio, *l. si actor, de iureiur.* atque ita cum Flor. in *d. l. pen.* sit scriptum *propria actioni*, ausim affirmare esse translationem literarum, & legendum, *priori actioni*, vt in *d. l. si actor*, quia inspecta priori obligatione non potuit soluere Titio: stricto igitur iure priori actioni pecuniæ, postea constituta obligatum manere debitorem, sed etiam ei succurrendum data exceptione hac; *si non voluntate tua soluit Titio*. Quod si mihi, aut Titio promississet, & constituisset etiam, soluendo Titio, ipso iure & priorem & posteriorem obligationem perimeres, *d. §. plane*. Rursus fingamus ex *del. 8.* cum qua hæc lex 9. est coaptanda: stipulatus sum mihi aut Titio dari, & constituit promissor mihi soluturum soli: nihil mutat, etiam si adiecerit soli. Cum ita constituisset, Titio soluit, an liberabitur? Priori sane actione liberatur, quoniam in stipulatione priori Titius fuit adiectus solutionis gratia: posteriori actione non liberatur. Atque ita licet soluerit Titio, tamen cogetur mihi soluere actione de constituta pecunia, sed dabitur ei conditio indebiti aduersus Titium, quia bene sibi non prospexit soluendo Titio, qui mihi soli constituerat soluturum. Errauit. conditio indebiti solet dari errantibus & improvidis. Et hoc est, quod ait Papin. in *l. 9.* Ego vero nihilominus agam actione constitutoria, vt mihi soluat, quod mihi constituit se soluturum, tametsi iam soluerit Titio. Nec obstat *l. si ita stipul. de solution.* cui aliter respondendum est, quam resp. Accurs. Species est huiusmodi: stipulatus sum mihi, aut Titio dari, deinde constituit promissor se mihi soli soluturum. Si postea soluat Titio, non est perempta actio de constit. pec. quamvis potuerit soluere Titio. Si potuit soluere Titio, cur tenetur actione constitutæ pecuniæ? cur bis eandem pecuniam infert, Titio semel, & mox mihi, vel etiam si recte soluit Titio, cur condicitur res ita explicanda est. potuit soluere secundum stipulationem Titio, sed non secundum constitutum, ideoque soluendo Titio ipso iure liberatur priori obligatione, sed non posteriore: quamquam etiam hoc casu æquum est ei subuenire per exceptionem, quod sequutus sit formam stipulationis, quam non putabat immutarie velle stipulatorem, etiam si constituerit non adiecto Titio. Igitur debitori suppetunt duo remedia, vt vel me agente de constituta pecunia opponat exceptionem, quod soluerit Titio, secundum stipulationem, arg. *l. pen. hoc tit.* vel si omittat hanc exceptionem, & mihi iterum soluat hanc pecuniam, vt condicat, quasi indebitum, aut quasi sine causa, quod soluit Titio perperam, hoc est, per errorem: perperam vox est communis Græcis & Latinis, quod significat per errorem, & inconsulto: nam scienti nunquam datur conditio indebiti. Perperameum soluisset ex eo apparet, quia non est à me liberatus actione constituti. Cur non liberatur ex causa constituti qui soluit Titio, licet constituerit se mihi soluturum non Titio? quia vt dicitur in *l. seq. is*, cui constituitur, loco eius habetur, cui solutum est. constitutum est vice solutionis: videtur ergo quodammodo mihi soluisset, qui constituit mihi solui. Ergo, si post soluat Titio per errorem, æquum est ei soluti repetitionem dari. Errauit quod constitutum non habuerit pro solutione, vel quod oblitus fuit se constituisset mihi soli. Et ita si duo sint rei stipulandi, vt si ego & Titius stipulati sumus de te nobis dari, singulis debetur in solidum. Post si constitueris te mihi soluturum, & solueris Titio, alteri ex correis, nihilominus teneris mihi actione constitutoria, sed dabitur tibi conditio indebiti aduersus Titium, quia is cui constituitur, inquit *l. seq.* haberi de-

Quæst. Papin.

bet loco eius, cui solutum est, & similis ei est, qui pecuniam accepit: quod si ita est, apparet perperam eum soluisset alteri, quia iam non habetur pro correo, cum alteri solutum intelligatur. Et ita in hoc tractatu obseruo semper auctores argumentari à solutione ad constitutum, vt in *l. r. §. an potest, hoc tit.* aliud pro alio solui potest volenti creditori, & constitui igitur: quia constitutum vice solutionis est: ac similiter pro inuito soluere possum, & eum liberare, *l. solutione, de solut.* Possumus etiam pro inuito constituere, *l. vtrum, hoc tit.* exemplo solutionis, nec tamen eum liberabo; constitutum enim non soluit obligationem: atque ita constitutum non per omnia simile est solutioni, sed in multis.

Eadem ratio est *l. 35. in prin. h. r.* quæ est ex eod. lib. Pap. Stipulatus sum illud aut illud dari, Stichum aut Pamphilum: vterque est in obligatione, alter in solutione tantum, vterque in petitione, modo ita petatur vt est deductus in stipulationem. Promissisti illud aut illud, & peto illud aut illud: solves alterum tantum. Finge: constituisti alterum tantum, vt Pamphilum te soluturum, an postea poteris soluere Stichum, quem non constituisti? Minime, quia non debes constitutæ rei fidem frangere, & licet addere, & quia pro eo est, ac si soluisses Pamphilum, quem constituisti, vt iam non sit tibi integrum soluere Stichum: prestare debes in constituto & soluere Pamphilum, vt in solutione Pamphili perstares, siquidem eum soluisses naturaliter. Addit aliud de constituta pecunia, quod Accurs. pessime interpretatur, & cæteri, & delenda est summa Bartoli ad *§. seq.* Finge: detulisti mihi iusiurandum, cum esset inter me & te lis de pecuniâ credita, quam ego dicebam me tibi credidisse, & iuraui mihi deberi. ex iureiurando nascitur actio in factum honoraria ad exemplum iudicati, *l. actori, C. de reb. cred. §. item si quis stipul. Inst. de act.* Qui tenetur actione iusiurandi in factum, an & constituendo tenetur? Qui scripserunt de constituta pecunia veteres auctores percurrunt omnes actiones, vt cum scribunt de fideiussoribus, & ostendunt constitui recte, quod debetur actione furti, aut vi bonorum raptorum actione, legis Aquiliæ, aut iniuriarum, *l. 29. h. tit.* pro actionibus quæ ex maleficio oriuntur, recte sit constitutum; certe etiam pro actionibus, quæ ex contractibus vel quasi, nascuntur, siue sint ciuiles, siue honorariæ, *l. r. §. debitum, h. tit.* Imo & pro naturali obligatione tantum recte sit constitutum, sicut & pro his omnibus causis recte adhibetur fideiussor. Notandum in hac *l.* etiam pro actione iusiurandi recte fieri constitutum, id est, recte constitui, quod venit in actionem in factum ex iureiurando: vt si delato mihi iuramento iurauero mihi deberi, recte mihi constitues quod possum petere actione in factum ex iureiurando. Non est ponendum me iurasse, te constituisset mihi, sed iurasse mihi debere: & adiicit nihil interesse, an iurauero delato, an relato iureiurando: deferretur vltro, refertur coacte. Nam exempli gratia, si cum abs te peterem decem, & negares te mihi quidquam debere, detulerot tibi iusiurandum vt iures te non debere, nec velis iurare, si ita sis superstitiosus, vel verecundus, sane cogeris mihi iusiur. referre, vt ipse iurem mihi deberi, *l. manifesta, de iureiur.* alioquin manifestæ turpitudinis & confessionis est nolle nec iurare, nec iusiurandum referre. Ergo siue cum mihi deferretur, siue cum mihi referretur, iurauero mihi deberi, recte postea mihi constitues, quod petere potui actione in factum ex iureiurando. Est quidem ea actio prætoriam, non ciuilem: Sed & deberi recte dicitur, quod iure prætorio debetur: si debetur, & constituitur igitur recte. quapropter licet etiam addere ad tit. de fideiussoribus pro actione iusiurandi recte actionem dari.

Ad *l. r. de præscript. verbis.*

Nonnumquam evenit, vt cessantibus iudicijs proditis, & vulgaribus actionibus, cum proprium nomen inuenire non possis.

M



mus, facile descendamus adeas, qua in factum appellantur. Sed ne res exemplis egeat, paucis agam. §. 1. Domino mercium in magistrum navis, si sit incertum, utrum navem conduxerit, an merces vehendas locaverit: cuiuslem actionem in factum esse dandam, Labeo scribit. §. 2. Item si quis pretij explorandi gratia rem tradet, neque depositum, neque commodatum erit, sed non exhibita fide, in factum civilis subiicitur actio.

Cum libro octavo Papin. proposuisset varias species actionum, quæ ex singulis negotiis dantur, & nomen proprium habent, transiens ad actionem de præscr. verb. quæ nomen proprium non habet, & non ex vno, sed ex innumeris negotiis datur, quorum actiones nullæ iure civili proditæ sunt: usus est præfatione eleganti in hac l. 1. nonnunquam euenire, ut deficientibus vñtatis, & vulgaribus actionibus, quæ legibus proditæ sunt deficiente proprio nomine contractus, facile decurramus ad actionem præscr. verb. quasi ad extremum subsidium iuris sui persequendi, & obtinendi; quod ait, se breuiter demonstraturum duobus exemplis. Verum antequam ea exponamus, paululum nobis est enarranda causa introducendæ actionis, quæ dicitur præscr. verbis, & explicandum etiam, cur hæc appellatio non sit proprium nomen, seu propria appellatio. Prætor vel Iureconf. qui formulas concipit, vel actor, qui eis vñtatur, cum eas sibi dari, aut ita concipi postulat, hoc custodire, hoc curare semper debet, ut rebus accommodentur actiones propriæ: & actor, ut edat etiam specialiter nomen actionis aduersario suo puta se acturum ex empto, depositi, vel commodati, l. edita, C. de eden. l. 2. C. Gregor. de calum. & in nou. Valentin. de Episc. iud. Et hoc quidem est facile factu, si quibus de rebus agitur, legibus proditæ sint actiones propriæ. At non omnibus de rebus proditæ sunt actiones propriæ, peculiæ, singulares, non est plenus actionum numerus, l. quia actionum, h. t. neque vero tanta potuit esse prudentia maiorum, quanquam fuerit summa, ut omnib. reb. actiones proprias, nomina propria constitueret. Ingens est copia rerum & innumera: nominum autem non est tanta, ut omnia negotia suis nominibus appellari possint. Rerum est infinitus numerus, nominum finitus, Arist. initio elenchor. Nec mirum, cum res sint à natura: voces ab hominib. & superat facile natura hominum inuenta: finiti ad infinitum nulla est proportio: & hoc est, quod ait Vlp. in l. 4. h. t. natura rerum conditum esse, ut plura sint negotia, quam vocabula. Contractus superant nomina: non suppetunt omnibus contractibus nomina civilia: nec actionibus igitur civilibus, quæ manant ex contractibus *ὅτι τὰ ἀνθρώπων* concurrunt sæpe negotia, ex quibus nullæ legibus proditæ sunt actiones, negotia, quæ proprio nomine vacant, ac sæpe est magna quæstio, negotium, quo de agitur, quemadmodum gestum sit inter contrahentes, & ius nomen quale sit, aliud aliis imponenibus; & diuersa sæpe in ea re iudicia Iurisc. & iudicum, & litigatorum. Quod cum euenit, tutius est, ut ait l. naturalis §. pen. & l. Titius, h. t. dubitationis tollendæ causâ, ut ait l. 1. de æstimator. agere præscr. verbis, id est, conceptis verbis in factum & rem, de qua agitur, narrare prout gesta est, nullo nomine expresso actionis contractus: agere, ut Theoph. ait, *ἀνυμνηστικῶς, narrative.* datur ergo actio præscr. verbis, quæ definitio notanda est, ex contractib. siue negotiis, quæ nomen non habent certum, vel quia quemadmodum sunt gesta, non liquet satis, vel quia de eorum nomine ambigitur, ita ut nesciatur, ad quam legem referenda sint, & est ea actio non prætorial, sed civilis, quia sci. non datur, nisi ex negotiis moribus ciuitatis receptis, vel quæ proxime accedunt ad negotia civilia, legitima, vñtata, vulgaria, solemnia, quæ nomen suum habet. Et ita in d. l. 1. de æstimator. si rem meam æstimatam tibi vendendam dederò, ut vel eam referres, vel pretium & æstimationem, quam ego indicavi, dari actionem præscr. verbis, quia civile nego-

tiū gestum est, inquit, consimile scilicet negotio habenti nomen proprium, locationi scilicet & conductioni, vel mandato. Omnis actio præscriptis verbis est similis actioni civili, l. naturalis §. pen. h. t. Et civilis igitur etiam ipsa. quæ est proxima & similis civili, & ipsa civilis est. Omne negotium, ex quo datur actio præscr. verbis, est simile vel emptioni, vel locationi, deposito, commodato, mandato, vel negotiis aliis, quibus leges nomina dederunt propria: alioqui, si quod negotium forte illorum instar non habuerit, ex eo non dabitur actio præscriptis verbis, l. naturalis §. quod si fac. h. t. Sed ne longe aberremus à lege nostra, eius, quod proposuit Pap. initio, duo dat exempla. Tractemus de priori. Locatori, si sit contracta locatio & conductio, datur actio ex locato, conductori ex conducto. Verum sæpe dubitatur, quis sit locator, quis sit conductor, cui sit danda actio ex locato, cui ex conducto. Definiamus igitur, quis sit locator, quis sit conductor, cui sit danda actio ex locato, cui ex conducto. Locator est is, qui accipit mercedem, ut dñs ædium: conductor autem est is, qui dat mercedem, ut inquilinus qui ædes conduxit, dat mercedem, & est conductor. Hæc definitio est falsa in multis casibus: Nam si ego domum edificandam dedi, locator sum, nec tamen accipio mercedem, sed do: & contra, si domum ædificandam accepi, conductor sum, nec tamen do mercedem, sed accipio. Igitur certissima definitio hæc est, qua ego vñt soleo, & quæ neminem fallit. Locator est is qui dedit aliquid fruendum, vel faciendum: qui dedit fruendum, accipit mercedem, qui dedit faciendum, dat mercedem. Conductor, est is, qui accipit fruendum vel faciendum: qui accipit fruendum, dat mercedem; qui accipit faciendum, accipit mercedem. Denique locatoris est dare, conductoris accipere. & secundum hæc, si magister navis mercatori det navem vtendam constituta certa mercede, locator est magister navis, & accipit mercedem, dominus mercium est conductor, & dat mercedem. Longe aliud erit, si res ita gesta sit, puta, si magister navis merces vehendas acceperit: ita enim gesto negotio magister navis est conductor, & accipit mercedem: dominus mercium est locator, & dat mercedem, l. 2. ad l. Rhod. Atque ita multum interest magister navis nauem locauerit, i. dederit vtendam, quo casu dominus mercium conductor est, & agit cum magistro navis ex conducto, non ex locato, an vero magister navis acceperit merces vehendas, quod est conduxerit, quo casu dominus mercium est locator operarum magistri, & agit cum magistro navis ex locato. Si agat ex conducto, agit perperam. Quid ergo fiet, ne agat perperam? Si incertum sit, magister navis nauem locauerit an conduxerit merces vehendas, si ignoretur quemadmodum negotium gestum sit, hoc si ignoretur, & illud quoque ignoratur, mercatori in magistrum navis danda ne sit actio ex hoc negotio ex locato, an ex conducto; & in re dubia tutius est missa vtraque actione, agere præscr. verb. siue, quod idem est, in factum civili actione, quæ tamen erit instar actionis locati conducti, instar civilis actionis, quæ nomen suum habet, quamvis ipsa non habeat: & hoc est prius exemplum, quo vñtatur Papin. Sequitur posterius: rem tibi tradidi, ut eam inspiceres, & pretium eius explorares: quæritur, quale sit hoc negotium, an sit depositum? Minime: neque enim rem tibi custodiendam, sed inspiciendam pretij excutiendi causa dedi: non etiam commodatum, quoniam non tibi dedi rem vtendam, sed inspiciendam tantum Et hoc ita proponit Papin. Nihil scribit de mandato, & tamen videtur esse mandatum, ut cum ego rem tibi do & mando, ut inspicias & æstimes. quod negandum tamen est, alioquin ex hoc contractu non daretur actio præscr. verb. si sine controuersia esset mandatum: Ut igitur neque est depositum hoc genus negotij, neque commodatum: Sic nec mandatum, quia mādatum non est, nisi fuerit animus constituendi procuratoris in hanc rem: & hoc li-



queat, quod non liquet, cum in dubio possit videri depositum, vel commodatum. Ergo ex hoc negotio etiam tutius erit agere præscr. verb. siue in factum ciuili actione, quasi ex negotio nouo, & inusitato, ex quo datur actio præscriptis verb. *l. si tibi polienda, hoc tit.* sed quod sit proximum & vicinum negotio vtitur. Et ita in hoc posteriori exemplo dices, actionem præscriptis verbis esse similem ciuili, negotium illud esse proximum ciuili, atque adeo ciuile ipsum esse. Et placet verbum, quo vtitur Papinianus: *non exhibita fide, subiici actionem in factum ciuilem*, id est, si non exhibeat fidem is, qui rem inspiciendam accepit, id est, si explorator eam rem non reddat, subiici actionem ciuilem in factum: non dicit eum subiici actioni in factum ciuili, vt Marc. Tullius in Topicis, quod sumpsit ex iure: In actionibus ciuilibus plerumque subiici illum arietem, id est, defensionem illam iuris, si telum manu fugit magis, quam iecit: quoties reus excusat factum imprudentia teli emissi. Ad quam formulam antiquam, non ex 12. tab. vt quidam scripserunt, sed ex auctoritate prudentum respicit Augustin. *lib. 1. de lib. arbit.* cui inuito atque imprudenti telum manu fugit, quod est relatum in can. *si homicid. 2. §. quæst. 5.* Ita exceptio subiicitur actioni, vt in *l. 7. de condit. instit. l. ex contractu, de re iud.* actio enim subiicitur actioni, & hoc est quod heic ait Papin.

Ad §. Papinianus l. 17. cod. tit.

§. 2. Papinianus lib. 8. *questionum* scripsit. Si rem tibi inspiciendam dedi, & dicas te perdidisse, ita demum mihi præscriptis verbis actio competit, si ignorem ubi sit. Nam si mihi liqueat apud te esse, furti agere possem. Secundum hac, si cui inspiciendum dedi, siue ipsius causa, siue vtriusque, & dolum & culpam mihi præstandam esse dico propter utilitatem: periculum non. Si vero mei duntaxat causa datum est, dolum solum: quia prope depositum hoc accedit.

**S**ubiicienda nobis sunt necessario, quæ ex eodem libro Papin. de eadem specie quæ proponitur in posteriore exemplo Vlpian. refert in *l. si gratuitam, §. Papinianus, hoc tit.* & quod ex eodem libro Papin. exstat in *l. rem 78. de furt.* Illi loci sunt coniungendi cum extrema parte huius legis. Exponamus quemadmodum tibi rem inspiciendam dedi, sic loquitur *l. si gratuitam §. Papinianus: & l. rem, de furt. & l. eum, qui §. 1. commod.* quod ita interpretandum est. Si rem tibi dedi pretij explorandi causa. Bas. *εἰ μὴ ἐξ ἑσθλῆς καὶ ἀποδομένης ἀποδομένης*. nō vtitur quidem Papin. hoc loco verbo inspiciendi, sed nihil interest dixeris rem dari inspiciendi gratia, vel pretij explorandi gratia, Græcis *διὰ τιμῆς*, inspector dicitur, & longe aliud est inspicere, aliud respicere: de eo, qui rem accepit, vt respiceret, est *l. duo, hoc tit.* Legitur enim in ea recte Florentiæ, *respicere, non inspicere*. Species est. Duo secundum Tyberim ambulabant, vnus ex his rogatus, alteri annulum suum ostendit, vt respiceret, inquit, is culpa eius illi excidit & deuolutus est in Tyberim, quæritur, qua actione cum eo agatur? non est commodatum, quia dedit, vt eodem momento redderet, vt respiceret, non inspiceret, non vt exploraret pretium annuli; quasi tamen ex commodato dabitur actio præscr. verbis, quia ita intelligitur dedisse, vt mox redderet, & culpa eius factum est, ne redderet, aut posset reddere. Sed videamus, quid ad hoc postremum exemplum sit addendum ex *d. §. Papinianus, & d. l. rem, de furt.* Si inspector rem non reddat, tenetur actione præscr. verb. Hoc ita procedit, si ignoretur, vbi res sit, si non inueniatur, si quis eam furto abstulerit, nec sciatur, quis ille fur sit, nec tamen indistincte: nam inspector quandoque culpam præstat, quandoque non: Nam si mea causa tantum rem inspiciendam dedi, dum volo inquirere pretium rei meæ, quia nulla utilitas versatur inspectoris,

Quæst. Papin.

**A** sed mea tantum, inspector debet præstare dolum tantum, sicut depositarius, & culpam dolo proximam eadem ratione, quia in deposito nulla utilitas depositarij versatur: depositum fit solius deponentis gratia, & ideo præstat depositarius dolum tantum: hoc casu inspector similis est depositario, nec tamen depositarius, quia non custodiendi, sed inspiciendi causa rem accepit: & ideo si sine dolo eius vel inspectoris eius res interierit, licet culpa eius leui perierit, non tenetur actione præscr. verbis. Finge, extraneum furto abstulisse eam rem, est sane in culpa depositarius, vel inspector, quod rem non seruauerit diligentius, sed tamen non tenetur depositarius depositi, vel inspector præscriptis verbis: & ideo non habet actionem furti aduersus furem, quia nihil eius interest, cum non teneatur domino rei: & actio furti datur tantum ei, cuius interest, & in id, quod interest in duplum, vel quadruplum, sed datur actio furti domino rei, *l. eum qui, §. 1. commod.* Et notandum, furtum plerumque imputari culpæ possessoris: latrocinium, prædatura, abigeatus, quoniam sunt vi maiore, sunt casus fortuiti, damna fatalia, quibus resisti non potest. furtum non est damnum fatale: nam furto cauere diligentia paterfamilias potest, *l. cum duobus, §. damna, pro soc. l. 4. naut. caus.* Et ideo ego probaui semper, quod alij improbant, id scilicet quod est in more positum in quibusdam Galliæ regionibus, vt fur plectatur sua pœna ob turpe lucrum, & dominus publicatione rei furtiue ob suam negligentiam: furtum plerumque negligentiae imputatur. Inuenies interdum furtum culpæ non imputari, *l. eum, qui, §. item queritur, de furt.* Fateor, est quoddam furtum quod adnumeratur casui maiori potius quam culpæ, vt quod faciunt saccularij, qui sunt quasi præstigiatores, vel quod faciunt apertularij, *Crocheteurs*, quibus nihil est tam bene obsignatum quod non aperiant. quis istos cauere potest, quorum ars in furando est subtilis nimis? Quid vero dicemus si ego rem tibi dedi inspiciendam tua causa, vel mea & tua? si tua tantum, si mea tantum causa, præstas dolum tantum vt depositarius, si mea & tua, quia etiam tua utilitas vertitur, teneberis mihi præscr. verb. etiam si sine dolo tuo, non tamen sine culpa tua leui, vt si furto res sublata sit: atque ideo habebis actionem furti aduersus furem, non ego, *d. l. eum qui §. 1. & d. §. Papinianus.* & hoc est quod ait lex *rem, de furt.*

Ad l. 78. de furt.

*Rem inspiciendam quis dedit, si periculum spectet enim, qui accepit, ipse furti agere potest.*

**S**i periculum spectet inspectorem, quod scilicet in ea re utilitas eius aliqua fuerit, vel vt dicam apertius, quod ei expediret eam rem inspicere, dum forte eam emere vult: & periculum non oportet accipere pro casu fortuito, vt in *d. §. Papinianus*, vbi ait, Inspectorem nunquam præstare periculum, hoc est, casum maiorem: sed cum illius gratia res inspicienda illi data est, periculum eum spectabit, veluti periculum furti, quod intelligitur plerumque contingere culpa possessoris, vel eius, qui rem naturaliter tenet. Concludamus ergo: sic periculum furti ad inspectorem pertinet, quoniam tenetur domino actione præscr. verbis. ergo ei dabitur actio furti aduersus furem, non domino. Quadam omiseram nudius tertius ad *l. rem, de furt.* Si tibi rem inspiciendam dedi, & aut extraneus furtum fecit, aut tu ipse. Si extraneus & tui causa eam rem inspiciendam tibi dedi, quod eam emere velles, tibi competit actio furti aduersus furem, quia teneris mihi actione præscr. verb. quod culpa tua ea res amissa sit: si mei duntaxat causa rem tibi inspiciendam dedi, dum volo pretium exquirere; ego habeo actionem furti aduersus furem extraneum, quia tu mihi non teneris actione præscr. verb. nec enim hoc ca-

M ij



tu debes præstare culpam, sed dolum tantum, quia in hoc negotio nulla tua utilitas vertitur: quod satis exposuimus: sed, quod omiseram, si tu ipse, qui rem inspiciendam accepisti, eius rei furtum feceris interuersa possessione, & liqueat eam rem apud te esse, & retineri abs te lucri faciendi causa, iam non est quod agam tecum actione præscr. verb. ut eam rem mihi reddas, cum suppetant ciuiles & directæ actiones quam plurimæ aduersus te, nimirum furti pœnalis in duplum & rei persequendæ nomine, condictio furtiua, & actio ad exhibendum, & rei vindicatio, quæ dantur in fures, l. si gratisram, §. Papinianus, de præscr. verb. & hoc est quod omiseram nudius tertius.

Ad l. 1. qui pot. in pign.

*Qui dotem pro muliere promissit, pignus siue hypothecam de restituenda sibi dote accepit: subsecuta deinde pro parte numeratione, maritus eandem rem pignori alij dedit: mox residua quantitatis numeratio impleta est. Quærebatur de pignore? cum ex causa promissionis ad uniuersam quantitatis exsolutionem, qui dotem promissit, compellitur, non utique solutionum obseruanda sunt tempora, sed dies contractæ obligationis. Nec probe dici in potestate eius esse, ne pecuniam residuam redderet, ut minus dotata mulier esse videatur. §. 1. Alia causa est eius, qui pignus accepit, ad eam summam, quam intra diem certum numerasset: ac forte prius quam numeraret, alij res pignori data est.*

**L**EX 1. huius tituli, imo omnes leges sunt de duobus creditoribus, quibus diuersis contractibus, diuersis temporibus eadem res pignori obligata est in solidum. Qua in re primum monendi estis, aliquantulum interesse, vtrum eadem res duobus diuersis contractibus vendita, aut donata sit, an pignori obligata. Nam si duobus diuersis contractibus & temporibus eadem res sit vendita vel donata, in rei vindicatione potior est, cui res tradita est: nam traditione translatum est ius domini, si dominus est: & potior igitur in rei vindicatione, l. quories, C. de rei vind. l. siue autem, §. si duobus, de Publ. in rem act. l. si duobus de diu. & temp. præscr. Sed si duobus eadem res pignori obligata sit diuersis contractibus, in actione hypothecaria, in vindicatione pignoris, potior est non tantum is, cui pignori res tradita est: sed & is, cui priori res obligata est nuda conuentione, nam pignus non tantum traditione contrahitur, sed etiam nuda conuentione l. 1. de pigner. act. Item si quis duobus eandem rem in solidum vendiderit diuersis contractibus, tenetur crimine falsi, l. qui duobus, ad l. Corn. de falsi. At si quis duobus eandem rem diuersis temporibus pignori obligauerit, tenetur crimine stellionatus, quia scilicet deficit proprium nomen criminis: nam crimen quod non habet proprium nomen, dicitur stellionatus: impostura quæ caret nomine dicitur stellionatus: & tamen certum est, eum, qui duobus diuersis temporibus eandem rem obligat pignori, non teneri crimine falsi l. Cornel. de falsi. sed crimine stellionatus. Num igitur est falsum crimen stellionatus, quod non est crimen legitimum, non ordinarium, est inscriptum, ut vocant Rhetores, de quo nulla lex scripta est, ut possis etiam actionem præscr. verb. appellare inscriptam l. tutor, §. contrariam, l. si quis, §. ult. de pign. act. Sed explicanda est ratio differentie, cur tenetur crimine falsi venditor? quia rem quam vendit, vendit quasi suam, asserens esse suam aut quasi asserens, dicit rem suam esse, aut dicere intelligitur, & mentitur tamen, qui vendit posteriori, cum dominium eius rei transtulerit in priorem emptorem, & mendacium species est falsi: mendax est falsarius, tenetur ergo l. Corn. de falsi. quasi falsarius & mendax: Qui rem pignori obligat, dicit quidem esse suam, sed non dicit esse liberam, non esse obligatam alij, non mentitur, sed dissimulat priorem obligationem, dissimulatio est stellio-

natus, non falsum, cum nihil affirmet, vel affirmare intelligatur: sed si diceret pignerando rem posteriori, rem esse liberam, sane teneretur falsi & cessaret crimen stellionatus: quod in hypothecis Athenienses semper exprimere solebant, rem esse liberam, ut in actionibus & præscriptionibus Demosth. maxime in ea quæ est aduersus Laeritum, pignori obligari res liberas & immunes, ut etiam nostri auctores dicunt, liberam rem, liberum prædium, non solum quod non debet seruitutem, sed etiam quod non est pigneratum, l. si pro fundo, C. de trans. l. ult. §. 1. ad Velle. Et ita si pignerando eam rem posteriori dixeris esse liberam, & fuerit ante obligata aliis, committis in l. Corn. de falsi. nec opus est accusatione stellionatus, cum suppetat ordinaria & legitima. Sed non solebant hoc affirmare qui pignori rem opponebant: Cum hoc autem affirmatur, hoc solo casu est accusatio stellionatus. Verum excutiendum illud est diligenter, quod posuimus initio, cum qui prior est tempore, potior rem esse iure hypothecæ vel iure pignoris, id est, creditorem in cuius persona prius constitutum est pignus, potior esse creditore pigneratio, vel hypothecario. Quo principio posito, oriuntur statim ex eo quæstiones multæ, & illa in primis, quis prior intelligatur, quis posterior, quis antiquior in causa pignoris. Prior quis dicitur variis modis, ut docuit Aristotel. & non immerito dubitatur, quis; & hoc potissimum queritur in specie huius legis, quæ est huiusmodi. Ego promissi dotem pro muliere marito stipulanti, nondum numeravi, & antequam numerarem maritus stipulanti mihi cauit, sed dotem redditurum mihi soluto matrimonio; dos fuit recepticia, & eo nomine rem suam mihi pignori dedit de restituenda dote dirempto matrimonio; post ego partem dotis numeravi, & antequam numerarem residuam partem dotis, maritus eandem rem Titio pignori obligauit, ac deinde ego numeravi residuam partem dotis, impleui dotem, impleui maritum. Queritur quis sit potior in ea re pignoris iure, quis prior, ego an Titius? & Papin. prudentissime ait pignoris iure, me esse priorem, potior, potentior, & non esse obseruandum tempus impletæ numerationis. Titius est prior, quia post Titium ego impleui numerationem dotis: sed si spectemus tempus contractæ obligationis, ego sum prior, non Titius. Prior igitur varie accipitur pro ratione temporis, quod obseruatur. Et Papin. ait, non esse spectandum tempus impletæ numerationis, sed tempus contractæ obligationis, quo tempore in causa pignoris nemo me præcessit, quo tempore pignus restituendæ dotis recte contractum est: nam pignus restituendæ dotis recte contrahitur non tantum dote numerata, sed promissa stipulanti, quia qui promissit non potest numerare, cum sit efficaciter obligatus, neque potest mulierem pro quæ promissit dotem, indotatam facere: atque ita tempus contractæ obligationis efficaciter comparatur tempori numerationis, quia qui contraxit efficaciter obligationem, & numerasse intelligitur. Et hoc est quod ait Papin. in 1. parte huius l. Efficax promissio pro numeratione est, quia non potest non sequi numeratio; atque adeo non oportet animaduertere ad tempus numerationis, sed ad tempus contractæ obligationis, cum queritur vter ex creditoribus sit prior vel potior. Eadem ratione idem dicemus, si post stipulationem dotis pignore mihi dato de restituenda dote soluto matrimonio, antequam quicquam numerarem ex dote, maritus eandem rem Titio obligauit: Nam & hoc casu præferor Titio. Non pono, ut posuit qui consuluit Papin. per partes fuisse solutam dotem, partem antequam cum Titio contraheret, partem residuam post obligationem Titij, sed fuisse promissam tantum, & nihil fuisse adnumeratum, antequam idem pignus Titio obligaretur, & tamen dico me esse Titio potior in vindicatione pignoris. Etiam illud adiicio, idem esse dicendum siue stipulatio dotis sit facta pure, siue in diem, siue sub conditione collata in casum,



vel in potestatem mariti stipulatoris, quia existente die vel conditione, perinde est atque si pure facta stipulatio fuisset, *l. qui balneum, & l. potior, hoc tit.* Et hæc quod ad priorem partem huius legis attinet. In posteriore parte Papin. docet, aliud esse dicendum, si nulla præcessit stipulatio dotis, nulla obligatio, si me non obligavi ad dotem dandam, sed maritus mihi cavit, mihi promisit se redditurum dotem, quam ei numerarem intra diem certum, quam ei non promiseram, etsi eo nomine rem suam mihi pignori dederit. Fingamus igitur & ponamus hanc speciem apertius. Ego non promisi dotem pro muliere, sed spem feci numerandæ dotis pro muliere: & hac spe fretus maritus mihi promisit, se dotem redditurum quam ei numerarem intra diem certum, numerabo si volo, & rem suam mihi dedit pignori in eam summam, quam numerarem si velim: neque enim sum obligatus: ac deinde ante eum diem, antequam numerarem, maritus eandem rem Titio pignori obligavit. Sunt notandæ huiusmodi quæstiones, in quibus nullum verbum est, quod non accurate obseruetur hodie. Titius erit potior, non ego, & spectabitur tempus numerationis: non potest spectari tempus contractæ obligationis, cum nulla contracta sit, cum non me obligauerim dandæ doti, & fuerit in mea potestate, non numerare, non dare: non est quod aliud tempus igitur spectes quam tempus numerationis. eo tempore me præcedit Titius; ergo me potior est. Addendum est, idem esse, si cum ego me non obligassem dandæ doti, sed spem tantum fecissem, me daturum intra diem certum, & sub hac spe maritus mihi rem suam pignori dedisset de restituenda dote, ac deinde antequam rem numerarem, idem pignus Titio vendidisset, post ego numerassem pecuniam dotalem: Nam hoc casu nullum pignus contractum intelligitur etiam si postea numeraverim, quia tempore numerationis quod solum observari potest, ea res non fuit in bonis Titij, cui vendita & tradita fuit: & constat non consistere pignus, nisi eius rei, quæ est in bonis debitoris ex formula pigneratitiæ actionis, *l. pen. sup. tit. prox. l. potior, in prin. hoc tit.* Vnde ita concludam: Pignus potest præcedere obligationem sicut fideiussio: pignus est sequela principalis obligationis ut fideiussor, fateor, & intelligitur etiam esse sequela, licet præcedat obligatio, & non male præcedit, §. *fideiussor, Inst. de fideiussor.* Pignus, inquam, potest præcedere obligationem, sed secuta obligatione ita demum pignus consistit, si eo tempore, quo contrahitur obligatio, inveniatur in bonis debitoris: alioqui est inutile, propterea quod spectare oportet tempus contractæ obligationis, à quo non est diversum tempus numerationis in hac specie. Quod si eodem tempore, quo sequitur obligatio, pignus quod præcesserat, inveniatur obligatum alij. consistit quidem, sed non est potentius: præfertur namque alius, qui prior credidit. Vnde in hac quæstione hæc sunt nobis semper retinendæ conclusiones: contracta obligatione principali, siue personali, id est, facto vel perfecto contractu, quamvis nondum impletus sit, observatur tempus dati vel conuenti pignoris, id est, facti vel perfecti contractus, factæ seu confectæ obligationis, non tempus impleti contractus, quia ab initio pignus recte constitutum fuit. Altera conclusio hæc est: nec impleto contractu, id est, nondum constituta obligatione villo modo, spectatur tempus contractus, non tempus dati, vel conuenti pignoris, quia nulla esse intelligitur obligatio dati vel conuenti pignoris ante contractum, & ut de stipulatione dicitur in *l. 6. de nouat.* numerationem pecuniæ fieri implendæ stipulationis gratia, quæ præcessit, ut potest præcedere, ita hoc casu licet dicere, contractum fieri implendi pignoris causa, quod præcessit. fideiussor potest præcedere obligationem, item pignus, item stipulatio. Nam & stipulatio accessio est, sicut pignus, & fideiussor. Stipulatio est conclusio contractus, *l. si dominus, de præscr. verb.* nisi animus nouandi adfuerit, Et hoc

A est quod dicitur, stipulationem non fieri sine causa: accedunt stipulationes contractibus, non per se subsistunt. Absoluta est sententia huius legis. Sed ne quid desideretur quod pertineat ad hanc quæst. quæ est quotidiana hodie: fingamus nouam speciem, nec tamen longe remotam à superiori. Cum ego à te vellem mutuo pecuniam ingentem accipere, & tu velles dare, ego non sine fraude accepi modicam pecuniam, & pignus dedi, ac deinde à Titio etiam accepi mutuam pecuniam sub eodem pignore, & postea à te accepi residuam pecuniam, quam ab initio accipere volebam, & tu dare: tu es potior, quia prior credidisti. Et ex quæstione tractata à Papiniano hoc intelligitur, priorem esse eum, qui prior credidit, etiam si posterior pignus accepit: contra priorem non esse eum, qui prior pignus accepit, nisi ei crediderit prior; plane igitur tu prior es, quia tu prior credidisti, & sine dubio tu prior es in prima illa modica pecunia, quam initio mihi credidisti sub pignore illo: sed alter an prior est in posteriore pecunia in residua pecunia? quod videtur exemplo vsurarum posteriorum, quæ accedere post secundum creditorem in specie *l. Lucius, hoc tit.* quæ est huiusmodi. Ego mutuam pecuniam à te accepi sub vsuris certis dato pignore: Deinde mutuam pecuniam accepi à Titio sub eodem pignore: proculdubio tu es prior sortis nomine, quia prior sortem mihi credidisti: tu es etiam prior vsurarum nomine, quæ accesserunt antequam mihi crederet Titius, quaritur, an sis etiam prior vsurarum nomine, quæ accesserunt post creditum Titij? & ait *l. Lucius*, te esse priorem vsurarum omnium nomine: quod concedam facile, quia vsuræ sequuntur ius sortis: sed videtur etiam idem esse constituendum in posteriori sorte, ut sequatur ius prioris, ita & quemadmodum tu habes privilegium temporis in priori, etiam habeas in posteriori pecunia: sed si hoc admitteretur, hac via posteriores creditores circumscriberentur. Et sane videtur debitor habuisse animum circumscribendi secundum creditorem, qui ita rem gessit, qui cum potuit ingentem pecuniam accipere, noluit nisi modicam accipere. Et ideo recte definitur in *l. si creditor, §. si idem, hoc tit.* eum, quibus credit esse ante secundum, & post secundum creditorem, in pecunia priore esse potioris, in posteriori esse tertium, Titium in sua pecunia esse secundum. Ex iis quæ diximus ad *l. 1.* resumere nos aliquid oportet, quod maiore confirmatione videtur indigere. Qui duobus eandem rem diuersis temporibus, diuersis contractibus in solidum vendidit, tenetur pena falsi ex *l. Cornel.* qui autem duobus eandem rem diuersis contractibus obligavit, tenetur crimine stellionatus, quasi deficiat crimen falsi: non tenetur ergo crimine falsi: nam ubi est aliud crimen, ibi cessat stellionatus, *l. 3. inf. de crim. stell.* Quæro quæ sit ratio differentie? hæc differentia verissima esse videtur: qui vendidit duobus eandem rem, tenetur falsi ex *l. Cornel.* quia vendendo posteriori, rem dixit esse suam, & mentitus est, mendacium est falsum, quia scilicet iam priori eam rem vendiderat & tradiderat: vel licet non dixerit palam, rem suam esse, utique intelligitur dixisse semper, quia etiam si rei alienæ venditio valeat, tamen emendo vendendo id agitur, ut dominium transeat in emptorē, *l. 80. §. ult. de cont. empte.* & quod agitur, pro dicto habetur, *l. quum quid, de rebus cred.* Quid si quis duobus eandem rem in solidum pignerauerit duobus contractibus? & quidem si dixerit, eam rem liberam esse, vel esse suam falso, cum esset vel alij obligata, vel aliena, mea quidem sententia hic tenetur etiam crimine falsi, quia mentitus est. Sed si dissimulauerit rem esse alienam, vel alij obligatā, non etiam affirmauerit quicquam, hoc casu tenetur crimine stellionatus, *l. tutor, §. contrariam, l. si quis, §. ult. de pign. act. & l. 2. C. de crim. stell. l. 3. inf. eod. tit.* quæ id euentius demonstrat in illo loco: *dissimulata obligatione.* Dissimulatio illa non est falsum: non ergo tenetur crimine falsi, & tenetur tamen quasi stellio, quasi Ægyptius, ut vete-



res loquebantur. Est proprium vitium Ægyptiorum stellionatus, stellioque frequens in Ægypto animal, inde *αἰγώνη* est imponere & stellionem agere. Denique non est falsus, sed propter illam dissimulationem vafra tenetur stellionatus crimine: quod quidem crimen nunquam concurret cum alio crimine legitimo, sed est stellionatus persecutio, cum nullius alius criminis est persecutio. Verum obiici potest *l. ult. de crim. stell.* quæ ait, eum teneri crimine stellionatus. non ergo falsi, qui falso dixit, rem esse suam, quam pignori dabat, iurando, vel potius peierando rem esse suam: quod est plane contra illud, quod ante dixi. Et placet obiectio valde, quia mihi præbet causam explicandæ *d. l. ult.* difficilis satis & vexatæ nimis. De periurio ait; crimen stellionatus fit si quis falso iurauerit suum esse pignus, quod fuit alienum. cur non tenetur falsi? In iure nos oportet separare periurium à falso: nam periurium est sane plus quam falsum: non inuenies *l. Cornel. de falsis*, contineri periurium, quia maius est crimen periurij quam falsi: falsi pœna est legitima, periurij nulla: si quis per Deum peierauerit, Deum vitorem habet, *l. 2. C. de reb. cred.* Periurij igitur nulla est pœna legibus prodita, nulla accusatio, quamuis sit plusquam falsum, & ratione falsi per se tantum. *d. l. ult.* non subiicit periurium crimini stellionatus, sed quod deficiente crimine falsi, cum periurium sit separatum à falso, quod par sit & æquabile, non minus teneri eum crimine stellion. qui peierauit pignus suum esse quam qui simulauit. Si ex simulatione contrahitur crimen stellionatus, cur non ex periurio? Crimen stellionatus maxime est generale, quod complectitur omnes imposturas vacantes nomine proprio, nec scriptas siue comprehensas legibus. & ita omnino res explicanda mihi videtur.

Ad l. 65. rem hereditariam, de euiction.

Rem hereditariam pignori obligatam heredes vendiderunt, & euictionis nomine pro partibus hereditariis sponderunt: cum alter pignus pro parte sua liberasset, rem creditor euicit. quarebatur, an uterque heredum conuenire posset, idque placebat, propter indiuisam pignoris causam. nec remediolocus esse videbatur, ut per doli exceptionem actiones ei, qui pecuniam creditori dedit, præstarentur, quia non duo rei facti proponerentur. sed familia eriscunda iudicium eo nomine utile est. nam quid interest, vnus ex heredibus in totum liberauerit pignus, an vero pro sua duntaxat portione? cum coheredis negligentia damnosa non debet esse alteri.

**L**Ex hæc est elegans, & qua ego solco vti semper, quoties agitur de euictione pignorum, quæ dicitur esse indiuidua, propterea quod pignus non potest lui siue pignerari, ita ut non perferret in solidum, vt non sit obligatum totum, nisi & tota pecunia soluta sit, nisi fors tota soluta est: hoc est, quod ait Papin. indiuisam esse pignoris causam, & ait indiuisam, pro indiuiduam, vt in *l. via, de seru.* indiuisum esse vsum seruitutum, hoc est, indiuiduum: reuera hæc sunt diuersa: pleraque sunt indiuisa, quæ tamen non sunt indiuidua. & ait Papin. indiuisam esse pignoris causam, id est, non solui pignus, nisi soluta omni sorte, soluta parte sortis, non ideo minus pignus manere obligatum in solidum. Finge, te debere mille & solutam esse maximam partem, ita vt debeatur vnus nummus tantum: pignus pro illo nummo in solidum tenetur. Indiuidua est igitur pignoris causa, indiuiduum pignus: nam & nobis vt quibusdam auctoribus pignoris causa, id est, pignus, dotis causa, id est, dos. Speciem huius legis ponamus. Qui debet certam pecuniam sub pignore rei suæ, vita decessit, relictis duobus heredib. primo & secundo: hi eandem rem, quam defunctus obligauerat vendiderunt, & cauerunt emptori euictionis nomine pro hereditariis portionibus non in

**A** solidum singuli. ergo non sunt duo rei promittendi. post vnus ex coheredibus, puta, primus, pignus liberauit pro sua parte, videlicet soluta sorte pro parte hereditaria. quantum in eo fuit, bene functus est suis partibus & suo munere, quia intulit portionem hereditariam. deinde creditor euicit pignus & abstulit emptori actione Seruiana, quæ etiã dicitur hypothecaria: commissa est stipulatio euictione aduersus venditores, quæ committitur non tantum, si res enincatur rei vindicatione, sed & si euincatur actione hypothecaria, *l. si mancip. §. ult. hoc tit.* Queritur an euicta re iure pignoris, vt proponitur, possit vterque heredum conueniri ab emptore ex stipulatione interposita euictionis nomine? Videtur non posse conueniri ille, qui pro parte sua pignus liberauit, soluendo sortem pro parte sua; an igitur euictionis nomine teneatur alter, id est secundus qui pro sua parte pignus non liberauit? Responde, vtrumque teneri pro hereditariis portionibus euictionis nomine vti cauit, quia singuli in solidum se non obligarunt, nec sunt duo rei promittendi. Hoc vt intelligatur, sciendum est, magnam esse differentiam inter obligationem personalem, quæ obligatio principalis dicitur seu sortis, & obligationem hypothecariam. Nam obligatio personalis ipso iure ex 12. tab. diuiditur inter coheredes pro hereditariis portionibus. Fateor eum qui soluit sortem pro sua parte, iam non posse conueniri actione personali; Obligatio autem hypothecaria est indiuidua, non diuiditur inter coheredes: nam singuli tenentur in solidum actione hypothecaria si pignus possideant, vel dolo deserint possidere, etiam is, qui soluit pro sua parte: quia soluendo sortem pro sua parte nihil agit. liberauit quidem se penitus ab obligatione personali, liberauit etiam pignus pro sua parte, nullam tamen pignoris partem liberauit, quia pro residua parte sortis, quæ non est soluta, pignus tenetur in solidum, perinde atque si nihil ex sorte solutum esset *l. 1. & 2. C. de luit. pign.* non liberatur pignus, nisi tota pecunia solvatur, & quamdiu vel vnus nummus superest, totum pignus obligatum manet, nec potest repeti actione pigneratitia, *l. si rem, §. omnis, de pign. act. l. 1. de migrando, l. pen. de except. rei iud. l. aliquando. §. 1. ad Velle. l. grege. §. etiam, de pigner. act.* Eadem est ratio eius, quod debetur sub pœna. Vt pignoris, ita & pœnæ causa est indiuidua: veluti si acceperis & promiseris pecuniam ea lege, vt nisi eadie solueris, tot præstares pœnæ nomine. indiuidua est causa pœnæ, quia nisi tota pecunia solvatur dicto die, pœna in solidum committitur, perinde atque si nihil solutum esset, *l. 18. §. Celsus, l. hered. l. idem iuris, & seq. famil. erisc.* Vnde ita concludamus, quod ad hanc speciem attinet, quia nulla ex parte primus pignus liberauit, etiam si debitam pecuniam soluerit pro sua parte, euicto pignore tenetur emptori ex stipulatione interposita euictionis nomine pro sua parte vt cauit: & non quolibet remedio ei consulatur, cum tamen sit æquum ei consuli, ne pro sua parte præstet euictionem, qui pro sua parte soluit, pro qua tantum tenebatur ipso iure: æquum esse enim eum non versari in damno. Videndum quo remedio ei subueniatur. an si conueniatur ab emptore euictionis nomine pro sua parte, an opposita exceptione doli mali poterit desiderare ab emptore, vt sibi cedat actiones aduersus coheredem, qui pro sua parte nihil soluit? minime, quia emptor aduersus coheredem non habet actionem de euictione in solidum, sed pro sua parte tantum, quia non fuere duo rei promittendi: cessione igitur actionum ei consuli non potest. Verum siue hic coheres solidam pecuniam soluerit, siue pro parte sua tantum, & deinde etiam conuentus euictionis nomine pro sua parte præstiterit emptori vt promiserat, tum ne negligentia coheredis, qui pignus non liberauit pro parte, noceat ei, qui liberauit pro parte sua: famil. erisc. iudicio consequetur vt coheres, qui non soluit, ei reddat, quod pro sua parte præstiterit euictionis nomine, atque ita hoc



remedio totum onus euictionis conferet in negligentem coheredem, non in eum, qui egit quod suarum partium erat fide bona, proque sua parte pignus liberauit.

Ad l. 81. de iur. dot. & l. 94. de sol.

*Pater filia nomine nummos alienos, quos mutuos acceperat, aut in causam crediti receperat, in dotem dedit, consumptis his, dos profectitia efficitur.*

*L. 94. de solut. Si is, cui nummos debitos soluit alienos, nummis integris pergat petere, quod sibi debeatur, nec offerat quod accepit, exceptione doli submouebitur. §. 1. Si autem communes nummos credam, aut soluiam, confestim pro parte mea nascetur, & actio & liberatio, siue in singulis nummis communionem pro indiviso, quis esse intelligat, siue in pecunia, non corpora cogitet, sed quantitatem. §. 2. Sed & si fideiussor alienos nummos in causam fideiussionis dedit, consumptis his mandati agere potest, & ideo si eam pecuniam soluat, quam subripuerat, mandati agat, postquam furti, vel ex causa conditionis præstiterit.*

Sequitur ut exponamus *l. pater, de iur. dot.* ad quam etiam pertinet *l. 94. de solut.* quæ est ex eodem libro Papin. atque etiam id quod ex eodem lib. Papin. Vlp. refert duobus locis, *l. 13. §. 1. & §. ult. de reb. cred.* Hæc *l. pater filia*, & *d. l. 94* usque ad *§. Flavius*, & quæ referuntur ab Vlp. *d. l. 13.* pertinent ad eandem quæst. ac simul sunt explicanda. Sciendum est sæpe consumptione mutuum fieri, quod ab initio ex numeratione ipsa non fuerat mutuum: Nam si credidero tibi nummos meos, est mutuum: si alienos, non est mutuum, quamdiu extant quia eos non feci tuos, non est mutuum nisi fiat de meo tuum. Quid est mutuum? Alienatio pecuniæ, quæ fit sub lege quandoque reddendæ eiusdem pecuniæ. Si igitur tibi credidero alienos nummos, & extent apud te, non est mutuum, sed si consumantur bona fide, fit mutuum, & datur conditio ex consumptione, quæ non fuit ex numeratione. datur conditio de bene deensis, ut veteres loquebantur, non conditio de reb. creditis. Et hoc est quod ex hoc lib. Papiniani Vlpian. refert in *d. l. 13. §. 1.* si alienos nummos tibi mutuo dederò, te non teneri mihi conditione si cert. pet. nisi eos consumpseris, & si eos consumpseris per partes etiam meos tibi conditurum, si cognouero eos esse alienos. Eodemque modo si creditori meo solvero nummos meos, mihi contingit liberatio; si alienos, non liberor; non est solutio, nisi pecunia mea fiat tua. Quid est solutio? alienatio tantæ pecuniæ quanta debebatur: si igitur alienos solvero, non liberor, nisi ex consumptione demum, hoc est, si bona fide consumpti fuerint. Consumptis nummis ego liberor, non extantibus vel integris, *l. non omnis, §. ult. de reb. cred. l. quod si forte, §. ult. & l. Cassius, de solut.* consumptio mihi conciliat liberationem, quam non conciliarat numeratio. Idemque sequitur in dote profectitia. Dos profectitia est, quam pater dat pro filia: cuius proprium hoc est, ut mortua in matrimonio filia redeat ad patrem: dos enim aduentitia morte mulieris soluto matrimonio remanet apud virum: & est dos profectitia, si pater nomine filia dedit nummos suos in dotem: erant plerumque dotes nummaria: & dos etiam est alienationis species: non est dos, nisi dotis dominus fiat maritus. Si igitur alienos nummos pater dedit in dotem, veluti quos mutuos acceperat, vel quos solutos receperat à non domino, dos non erit profectitia, quia ex pecunia non est patris, antequam scilicet à marito bona fide consumpta sit: consumptis nummis à marito dos efficitur profectitia, quia retro facti videntur patris mutui datione, cum condici ei possint conditione de bene deensis, vel solutione, cum à patre debitor liberetur post consumptionem pecuniæ alienæ in solutum datæ. non consumpsit pater nummos, quos alienos sumpserat, dando eos in dotem, sicut nec si eos alij dedisset in creditum, vel

in solutum, *d. l. non omnis, §. ult.* sed eos consumpsit maritus, ignorans esse alienos, disperdendo bona fide, ita ut non appareant, vel immiscendo suis, ita ut discerni non possint. iure consumpti intelliguntur, quia vindicari non possunt, cum non sit facilis eorum discretio, *l. 78. de solut.* Et generaliter consumpti dicuntur nummi in hac quæstione, quorum nomine nulla actio domino competit. & hoc ita si consumpti sint bona fide: nam si mala fide, superest domino actio ad exhib. perinde atque si extarent nummi, *l. 11. §. ult. & l. 12. de reb. cred.* mala fide consumpti habentur pro extantibus, ut qui mala fide desunt possidere videtur possidere. Hi igitur tantum consumpti intelliguntur, qui bona fide consumpti sunt, quia eorum nomine nulla actio superest domino, & eo fit, ut consumptio bona fide facta, & ut loquuntur veteres bene deensa, Græci καλὸν διακίνημα, conciliet mutuum, quod initio non fuit mutuum: nam domino nummorum aufert omnem actionem. Ac similiter, ut ostenditur in *l. 94. §. 1. de solut.* exempli causa, si fideiussor soluerit creditori suos nummos, liberatur fideiussor, liberatur reus; si soluerit alienos, neuter liberatur, & ideo non habet fideiussor actionem mandati aduersus reum, ut recipiat nummos, quos pro eo soluit, quia eum non liberauit soluendo alienos, sed si consumantur bona fide, liberatur reus per consumptionem nummorum, imo liberatur uterque, & recte agit fideiussor mandati, ac si de suo soluisset. sed finge: Fideiussor eos nummos furto surripuerat, atque ita soluerat ei, apud quem interuenerat, & mox conuentus actione furti à domino, vel conditione furtiua præstitit tantandem pecuniam, & duplum actione furti, atque ita domino iam eorum nummorum nomine nulla competit vindicatio, etiam si extent, quoniam ei cui subrepti sunt, satisfactum est: videntur tamen esse consumpti, quod domino eorum nummorum nomine iam nulla sufficiat actio: consumpti igitur dicuntur, qui sunt domino consumpti, qui domino perierunt, quorum repetitio domino non est. Ante consumptionem igitur dos non fuit ex re patris, atque ita nec profectitia in specie legis nostræ. Obiciant Græci *l. iure, §. 1. b. r.* quæ ait, dotem esse profectitiam, si pater alienum fundum bona fide emptum in dotem dederit, quamuis se is fundus non sit peremptus, nec eius fundi persecutio domino perierit. Verum ita respondemus: alia est ratio fundi, alia pecuniæ, & alia ratio venditionis, alia mutui, vel solutionis. alienæ rei venditio valet, alienæ pecuniæ mutuum vel solutio non valet. & consequenter qui fundum alienum emit, tenetur ex vendito, ut pretium soluat: qui alienam pecuniam soluit non liberat à se debitorem: ac postremo, fundus bona fide emptus, videtur ex re emptoris esse, quia ei pretium abest, vel abfuturum est, cum teneatur ex vendito: & habet etiam ipse actionem ex empto, si res euincatur, & utitur gener accessione temporis ex persona soceri ad vfucapionem eius rei: pecunia autem aliena bona fide accepta vel recepta, non videtur esse ex re eius, qui eam pecuniam accepit vel recepit, cum ne teneatur ex numeratione, nec debitorem recipiendo à se liberauit nummis integris. Et hinc liquet ratio differentia Papin. qui nummis consumptis opponit integros: nummi integri sunt, qui nondum consumpti sunt, hoc est, quorum actio domino non periit, & idem ait in *l. 94.* cuius sententiam modo exponemus. Finge: Soluisti creditori nummos alienos, non liberaris integris nummis, id est, nondum consumptis. consumptis liberaris. Sed finge, esse integros nummos, quia nummi sunt integri, quos soluisti, quique alieni sunt, non liberaris: ergo possum à te petere eandem pecuniam, & tecum agere de pecunia credita, sed tu me repelles exceptione doli mali nisi offeram nummos illos alienos, quos accepi, oblati illis nummis, quos admonitus sum esse alienos; recte à te petam pecuniam debitam, cum non sis liberatus, nec me repelles exceptione doli mali, & ita etiam si, cum mihi debe-



res aurum, tu mihi solueris æs Corinthium, quod habet speciem auri, non liberaberis, quia non soluisti quod debes, sed aliud: petam igitur à te aurum, sed nisi offeram æs, quod dedisti, repelles me exceptione doli mali, *l. si cum aurum, h. tit.* Ac similiter, si soluisti mihi reprobos nummos, non liberaris, quia debuisti probos, non reprobos. Itaque est mihi aduersus te integra actio, & efficax, si modo referam tibi reprobos, quos mihi dedisti, alioqui repellar exceptione doli mali, *l. eleganter, §. qui reprobos, de pig. act.* nummi reprobi à creditore sunt reddendi, non rescindendi: nam vsui esse possunt debitori in aliam rem: possunt collybitæ vendi pretio aliquo. Secundum ea omnia, quæ diximus, subiicit Papin. in hac *l. 94.* si soluisti mihi nummos, quos habebas communes cum alio ex partibus æquis, consequens est superioribus, vt pro parte tibi contingat liberatio, quam habuisti in eis nummis, non pro parte altera, nisi omnis pecunia consumatur bona fide. Ac similiter si credidisti mihi nummos communes cum alio, pro parte tantum consistit mutuum, pro altera non consistit, nisi post ex consumptione demum totius pecuniæ: integris nummis pro parte tantum consistit mutuum: pro parte igitur tantum competit condictio creditæ pecuniæ. Sed quomodo partem accipiemus in hoc proposito? nam ambiguum est nomen partis; vel enim est pars summæ, vel pars corporum. Finge, centum sunt inter me & te communes nummi, & tu eos credis Titio me infcio vel inuito, tu condices Titio partem tantum. vtrum vero partem summæ, id est, 50. an partem dimidiam singulorum nummorum? Et verius est, esse conditionem 50. nummorum, non etiam singulorum corporum, quamuis singula corpora nummorum fuerint communia pro indiuiso: nam verius est semper in pecunia spectari non corpora, sed quantitatem, id est, numerum & potestatem nummorum, valere pecuniam non corpore, non substantia, sed quantitate, *l. 1. §. non solum, ad l. Falc. l. 1. de contrab. empt. l. 29. infr. h. tit.* Communio, quæ in eis nummis est inter me & te, vel est communis singulorum corporum, vel summæ. Verum nihil refert vtro modo communionem acceperis: nam siue sint communes nummi pro indiuiso, hoc est singula corpora nummorum, siue pro diuiso 50. tui, & 50. mei, semper diuisio fiet, non corpore, sed quantitate, id est, numero: atque ita ex causa mutui tui condices 50. non singulorum corporum partem dimidiam. & in hanc rem citatur ex hoc lib. id est, ex hac *l. 94.* Papinianus ab Vlp. in *l. 13. §. ult. de reb. cred.* & congruit etiam omnino. citatur & ex hoc libro, id est, ex *l. si pœna. §. si falso, de condict. indeb.* quod postremo in hac *l.* addit Papin. de fideiussore, qui soluit ex causa fideiussionis nummos alienos, vt eis consumptis demum agat mandati aduersus reum principalem, est etiam consequens superioribus, & supra explicatum à me. Cessauit heic Cuiacius circa Id. Quintil. anni 1571. Repetiit 13. die Nou.

Ad §. Fauus l. 94. de solut.

Fauus Ianuarius Papiniano salutem. Cum Titius Gaio Seio deberet ex causa fideicommissi certam quantitatem, & tantundem eidem ex alia causa, qua peti quidem non poterat, ex solutione autem petitionem non prestat: Titij seruus actor absente domino soluit eam summam, qua efficeret ad quantitatem vnius debiti, tantumque esset, solum ex vniuerso credito. Quæro id quod solutum est, in quam causam acceptum videtur? Respondi, si quidem Titio Seius ita canisset, vt sibi solum ex vniuerso credito significaret, crediti appellatio solum fideicommissi pecuniam demonstrare videtur: non eam, qua petitionem quidem non habet, solutione autem facta repeti pecunia non potest. Cum vero seruus Titij actor absente domino pecuniam soluerit, ne dominium quidem nummorum in eam speciem obligationis, qua habuit auxilium exceptionis, translatus foret, si ex ea causa solutio facta propo-

neretur, quia non est verisimile, dominum ad eam speciem soluendis pecuniis seruum praposuisse, qua solui non debuerunt, non magis quam vt nummos peculiares ex causa fideiussoris quam seruus non ex utilitate peculij suscepit, solueret.

Q Væstio huius §. est de eo, qui debet creditori suo ex pluribus causis, veluti ex causa legati, stipulationis, crediti, & qui soluit, non quodcumque debet ex omnibus causis, sed certam pecuniam indistincte, non exprimens, in quam causam solueret, qui vt veteres Iureconsul. definiunt, intelligitur soluisse in duriores & grauiorem causam, *l. 1. 2. 3. 4. 5. 6. 7. l. cum ex plurib. h. tit. vi.* detur, inquam, soluisse in eam causam, quæ cum prægrauat magis. Prægrauat autem magis causa eius pecuniæ, quæ debetur sub infamiæ periculo, & eius, quæ debetur sub pœna, vel sub vsuris, vel sub pignoribus, vel sub fideiussoribus: nemo enim est, qui non se his causis quamprimum solui & exonerari cupiat. Durius etiam quodammodo est, quod debetur proprio nomine, id est, principali, quam sit id quod debemus nomine fideiussorio. Et inter has causas seruatur ordo aliquis. Nam prima & omnium grauissima causa est eius pecuniæ, quæ sub infamia debetur, id est, quam sequitur infamia, si quis vel eam pecuniam quam debet inficietur, vel detrectet soluere, *d. l. cum ex pluribus*: & apertissime, *l. 7. h. tit.* quæ indiget explicatione nostra, vt intelligatur ex eo quod proponit *d. l. 7.* cur inferat duo, id est, quæ sit ratio consequentiæ? Propositio est apertissima: si quid debeatur ex causa famosa, & non famosa: quod soluitur indistincte, in eam causam solum videtur quod debetur ex causa famosa: hoc enim prægrauat & præponderat magis. Inferat ex eo: proinde, &c. quæ est nota illationis. Si debeatur ex causa iudicati, & non iudicati, in id puto solum quod ex causa iudicati debetur. Inde colligitur, vt puto, actionem iudicati esse famosam, quæ inaudita sententia est. Verissime tamen actio iudicati est executio condemnationis quæ fit in bonis iudicati positis sub hasta præconis & distractis, quæ distractio importat, & affert infamiam, suffundit pudorem & sanguinem iudicato, §. 1. *Inst. de hered. qual. & differ. l. 1. ex quib. caus. l. paterfamil. de reb. auct. iud. poss. l. curator, l. cuius, de cur. fur.* Legibus 12. tab. licebat effundere sanguinem iudicati, secare in partes, si plures essent creditores: hodie licet tantum suffundere non effundere: & hæc bonorum proscriptio tantum, quæ successit capitali pœnæ, siue sectioni, retinet nomen antiquum, & appellatur sectio, & comparatur morti passim in iure, *l. actione, §. 1. pro soc. & ita Tertull. in Apologet. indicatos*, inquit, in partes secarileges erant, &c. Et paulo post: in pudoris pœnam suffundere maluit hominis sanguinem. Hieronym. in epist. ad Iovinian. non idem est suffundere & effundere. Hodie suffunditur tantum sanguis & pudor, & inde fit vt dixerim, actionem iudicati esse famosam, quia importat infamiam, nisi quis pareat iudicato in tempore. Inferat rursus *d. l. 7.* Ergo si ex ea causa debeatur, quæ ex inficiatione crescit, potior ea causa videbitur: & vtitur his verbis: Ergo, inquit, &c. quia scilicet actio iudicati etiam inficiatione crescit in duplum, vt est in sentent. Pauli, vt actio legis Aquiliæ, quæ pœna est legitima, & causa eius pecuniæ, quæ sub pœna debetur, siue sit legitima, siue conuentionalis, siue vsura, quæ vice pœnæ est, & è contra pœna vice vsuræ: huic pecuniæ secundus gradus datur: primus datur pecuniæ debite sub infamia: secundus pecuniæ quæ debetur sub pœna, vel sub vsuris, *d. l. cum ex pluribus*. Quod si omnes causæ sint pares, nec prægrauet magis vna, quam altera, solum videtur in antiquiorem causam, *l. 5. & 24. h. tit.* Si nulla sit antiquior, ex omnibus pro rata solum videtur, *l. 8. hoc. tit.* Ad hæc notandum, id quod soluitur in vsuras potius imputari, quam in sortem, vt proditum est in *l. 1. eod. tit. de solut.* Dura est causa pecuniæ debite sub vsuris, longè durior vsurarum deuitarum, durior causa pœnæ debite. Quare existimo, & in pœnam, quæ



iam commissâ est quod soluitur imputari potius, quam in sortem, & sortis suo ordine potior em esse causam, si nec vsura, nec pœna debeat. Notandum etiam ad hæc, si fors debeat alieno nomine, non suo, vt puta si debeat a fideiussore, vel ab alio, qui accessionis loco interuenierit, & alia quoque pecunia ab eodem eidem debeat proprio & principali nomine, videri eum soluisse in principalem causam potius, quam in fideiussoriam, *d. l. 1. h. tit.* Notandum etiam sorti non aliter accepto ferri id, quod soluitur, quam si sit certa, liquida, confessâ pecunia, si confessum as, non controuersum sit, si sit præsens, quod præsentis die debeat, non in diem, vel sub conditione, quod etiam ostendit *d. l. 1.* sed cauendi codices mendosi, in quib. legitur: Creditorem, cui soluitur indistincte ab eo, qui obligatus est ex pluribus causis, in id debitum imputare solutam pecuniam, in quod ipse soluturus esset, si deberet, quod est clarum. Sed hoc demonstrat exemplis, vt vulgo scriptum inuenitur, hoc modo: *id est in id debitum quod non est in controuersia*: ac si diceret: in id debitum solutum videri quod est controuersum. Sic habent plerique codices, sed Basilica melius, *μὴ ἐν ἀμφίβολῳ*, &c. & veriores codices, non in id debitum quod est in controuersia: id est non videri soluisse in controuersum debitum. vulgata scriptura demonstrat, non videri solutum quod est liquidum. sed est manifesta traductio, vt consequenter subiiciat: *aut in illud, &c.* Postremo notandum, quod pertinet ad hunc §. solutam pecuniam ciuili debito acceptam ferri potius quam naturali: naturalem causam vltimum locum obtinere quasi leuiorem, & quasi nullam, cum ex causa ciuili sit petitio, ex naturali non item: vt dicimus ex naturali obligatione, non esse petitionem, si solutum non sit, nec repetitionem, si solutum sit. Itaque non est proprie obligatio, quæ tantum sustinetur æquitate naturali, non etiam iure ciuili, est enim obligatio necessitas iuris, *l. in vendendis, de contra empt.* adstringit necessitate obligatio tanquam carcer & vincula. proinde nec debitor proprie est qui debet, nec creditor, cui debetur tantum naturaliter. Et h. e. quod heic ait Papin. credendi verbo non demonstrari eam pecuniam, quæ petitionem non habet, quamuis si soluatur non repetatur, quod naturalis obligatio inhibeat conditionem indebiti, quæ comparata est ex æquo & bono. vt exempla demus naturalis obligationis: est naturalis obligatio ex pacto nudo. non est, quod de eo quis ambigat, *l. 5. §. in his, h. tit.* Est naturalis obligatio inter patrem & filium. si quid inter se gerant: est inter dominum & seruum: imo & inter extraneum, & seruum quemlibet, & inter fratres qui sunt in eadem familia, *l. frater, de cond. indeb.* Pupillus quoque ex contractib. naturaliter obligatur sine tutoris auctoritate, si locupletior factus sit. Libertus etiam patrono debet operas naturaliter. Quare autumant plerique libertum post manumissionem non male *δούλον* nominari, quia naturali iure sit *δούλος*, qui edat patrono operas inuitus, etiam si nihil de his conuenerit. Ac rursus naturalis obligatio est, non tantum si nulla prorsus sit ciuilis, sed tantum naturalis, sed etiam si sit ciuilis inefficax, id est, vt eleganter Papin. ait, *quæ habet auxilium exceptionis*, est ea inefficax, quod non est absolute verum, sed indiget sufflamine: neque enim id est accipiendum de qualibet exceptione, sed statuendum hoc modo: naturalis obligatio est, etiam si sit ciuilis, modo ea sit inefficax, *h. e.* si habeat auxilium exceptionis, eius scil. quæ non elidit naturalem obligationem, vt Senatusconf. Macedoniani, aut rei iudicatæ: nam hæ exceptiones perimunt ciuilem, non naturalem, *l. quia naturalis, ad Maced. l. Iulianus, de cond. ind.* nam aliæ exceptiones sunt quæ tollunt etiam naturalem obligationem, quæ tollunt omnem obligationem, vt pacti nudi, doli mali, iurifurandi, Senatusc. Vell. *l. qui exceptionem, de cond. indeb.* Non omittam illud alio modo & inusitato plane dici naturalem obligationem posse, quæ etiam est ciuilis & efficax,

Quæst. Papin.

A quæ parit actionem, quæ ciuilis est & naturalis; de qua non agimus hoc loco. Verum in varie accipi naturalem obligationem demonstrat *l. naturales, de obl. & att. l. fideiussor, §. fid. de fideiuss. naturales obligationes*, inquit, non eo solo æstimantur, si aliqua actio earum nomine conspiciatur: ergo ex eo æstimantur, si pariant actionem, videlicet quæ iure ciuili sustinetur. Sequitur alia clausula: *verum etiam*, inquit, *naturalis obligatio eo æstimatur, si soluta pecunia earum nomine, quasi indebita condici non possit*: quæ iuris ciuilis vinculo non sustinentur, nec pariunt actionem, sed hunc effectum habent, vt soluta pecunia, quasi indebita condici non possit. Et generaliter naturalem obligationem eo æstimamus, & dicimus in eam non imputari quod soluitur indistincte, si tantundem debeat ex ciuili obligatione: quæ est sententia huius §. cui conuenienter, etiam si certo constet, quod soluitur indistincte in vsuras imputari debitas ex stipulatu, quarum petitio est, atque in vsuras ex pacto, id est naturaliter tantum debitas, quarum petitio non est, pignoris tamen est retentio, pignore posito etiam vsurarum nomine, *l. 4. C. de vsur. l. Paulus 2. h. t.* Non imputatur tamen id, quod soluitur in vsuras, quarum nomine neque petitio est, neque pignoris retentio, puta chirographarias, *l. 5. §. pen. h. t.* sed in sortem statim imputatur. His cognitis ponamus speciem huius §. Titius Seio debet centum ex ciuili obligatione, puta ex causa legati, vel fideiussionis, & totidem ex naturali obligatione, puta pacto nudo: seruus actor Titij debitoris, soluit eam summam, quæ efficit quantitatem vnus debiti, puta 100. tantum, cum ex singulis deberentur 100. & soluit ignorante & absente domino, quod potuit facere: nam magna est potestas, & libertas actoris serui, est columen totius familiæ, habet enim liberam administrationem omnium rerum domini: potuit igitur soluere ignorante domino. nam & id ei permisisse intelligitur permissio actu rerum suarum libero. Seius igitur fecit apocham seruo actori, & cauit ex vniuerso debito se accepisse 100. non dixit in quam causam naturalem vel ciuilem, sed ex vniuerso credito, quod alibi dicunt Iuriconsf. ex maiore summa, *l. creditor §. Valerius. h. t. en deduction de plus grande somme de ce que ie vous dois.* quæstio est in quam causam soluisse intelligatur? Et ait Iuriconsf. siue domino soluentis indistincte, siue seruo actori ita cauerit creditor, videri solutum in causam ciuilis obligationis: nam crediti verbum non pertinet ad naturalem obligationem, non est creditum, licet abusiue quandoque creditum dicatur. Deinde ad hoc adiicit veluti excessum quendam Papin. quia poterat adhuc dubitari, an seruus actor qui habet totam administrationem omnium rerum possit specialiter & proprio titulo soluere in causam naturalis obligationis: quod statim reiecit Pap. & ait, non recte soluisse seruum in causam naturalis obligationis: quia soluere non debuit, non fuit adstrictus necessitate ad soluendum, & permisisse dominus videtur, vt id tantum solueret, quod debuit. Itaque ait, *solutione non transfert dominium in accipientem.* quod confirmat à simili: Finge: seruus non habens liberam administrationem bonorum domini, sed habens liberam administrationem peculij, se obligauerat ex causa fideiussionis, quasi ea res conferret ad utilitatem peculij sui, expediret peculio, eam suscipere causam fideiussionis: neque tamen erat ex utilitate peculij fideiubere pro alio, soluit tamen ex ea causa nummos peculiares. non fecit accipientis, quia non fuit efficax obligatio: si soluerit igitur, nihil agit. Idem dicendum de procuratore. Finge, procuratorem creasse omnium bonorum, an recte soluit in causam naturalis obligationis? Minime, quia et si liberam nactus sit administrationem, non videtur tamen dominus permisisse ei soluere quod non debet: quod etiam, vt arbitror, recte trahitur ad executores testamenti, vt sint diligentes & attentis, vt nihil soluant nisi cum effectu debeat, alioquin suo detrimento soluerint. Alia est quæstio in *l. 10.*

N



de sepult. viol. quæ explicabitur crastina die. Diximus A heri libertum patrono obligari naturaliter ad præstandas operas, etiam si de eo nihil conuenerit inter libertum & patronum. At dixi inuitum, quod emendandum est: nam libertus inuitus non præstat operas patrono, nisi de eo conuenerit stipulatione, vel iureiurando, quandoquidem cum nihil de iis conuenit, libertus eas debet patrono naturaliter, l. si non sortem, §. libertus, de condit. indeb. Et ex naturali vinculo non est actio, non est compulsiō, aut coactio vlla. Dixeram cursum inuitum. Verba autem §. Flavius hæc sunt: Flavius Iannarius Papiniano salutem, &c. Fideicommissa sustinentur vinculo iuris ciuile vel prætorij, quod tantum potest, quantum ius ciuile ad constituendam obligationem ex causa fideicommissi. Ex causa igitur ciuile obligationis, & tantumdem ex alia causa, quæ petitionem non præstat, id est causa naturalis obligationis, ex qua non est petitio, sed neque soluti repetitio, non est petitio, neque repetitio. Hæc est certissima nota naturalis obligationis. Cum ex iis causis deberet Titius, Titij seruus actor pecuniam soluit absente domino, cautumque est ei, per apocham scilicet (siquidem Titio Seius) est adnotandum Titio cautum videri, cum cautum est Titij seruo actori: professio solutæ pecuniæ, id est, apocha, quæ seruo actori datur, data videtur domino serui actoris. Itaque nihil refert dixeris. Rursus, inquit, cum Titius Seio deberet certam quantitatem ex causa naturalis obligationis, ex qua non est petitio, sed neque soluti repetitio (hæc est certissima nota naturalis obligationis) cum ex his causis deberet Titius: Titij seruus actor pecuniam soluit absente domino, cautumque est ei solutum ex vniuerso credito: quæritur id, quod solutum est, in quam causam solutum videatur? Resp. siquidem Titio, hoc est, domino ita Seius cauiisset, Titio cautum videtur, & cautum est Titij seruo actori professione solutæ pecuniæ, anno xxi, nihil refert, dixeris Titio, an Titij actori cauisse creditorem sibi solutam pecuniam ex vniuerso credito. Itaque ait Papin. siquidem Titio Seius ita cauiisset, crediti obligatio solum obligationem demonstrare videtur, hoc est, obligationem ciuilem, non naturalem: deinde adiecit, seruum actorem, nec nominatim quidem posse soluere pecuniam in causam naturalis obligationis. seruus actor preponitur omnibus negotiis domini; ergo & soluendis pecuniis, & expendendis, sed non soluendis pecuniis, iure ciuili indebitis, quas nemo cogitur soluere inuitus, non profundendo patrimonio domini: vt etiam seruo ordinario cui cõceditur libera peculij administratio, non hoc concessum intelligitur vt soluat quod inuitus soluere non cogitur, vt puta, si per causam peculij se obligauerit, quæ fuit tamen inutilis peculio, aut detrimento. Hoc est quod sequitur, Cum vero seruus, &c. obligationis ciuile scilicet exceptionis, addendum, veluti Macedoniani, aut rei iudicatæ, id est, quæ potuit euitari posita exceptione, quæ redditur inefficax per exceptionem, salua tamen manente naturali obligatione integra atque vtili. si ex ea causa: intelligendum nominatim.

#### Ad l. quæsitum, de sepul. viol.

Quæsitum est, an ad heredem necessarium, cum se bonis non miscuisset, actio sepulchri violati pertineret: dixi recte eum ea actione experiri, quæ in bonum & æquum concepta est. Nec tamen, si egerit, hereditarios creditores timebit: cum etsi per hereditatem obtingit hæc actio, nihil tamen ex defuncti capiat voluntate, neque id capiat, quod rei persecutione: sed in sola vindicta sit constitutum.

Sequitur lex de necessariis heredibus. Necessarij heredes sunt, qui inuiti heredes sunt & ignorantes, statim atque delata est hereditas, & statim ipso iure, vt in l. in suis, de suis & legit. & protinus, vt in §. 1. Inst. de hered. qual. id est, etiam clausis tabulis. necessarij heredes

sunt, qui inuiti & ignorantes heredes existunt; statim ipso iure, statim, id est, etiam non apertis tabulis testamenti, l. 3. C. de iur. delib. etiam non adita hereditate à coherede extraneo, l. ex parte, de acq. hered. Et heredes existunt ipso iure, non per aditionem; non per cretionem, non per gestionem pro herede, quia etiam si necessarij heredes sint instituti cum cretione, id est, ea lege, vt cernant hereditatem, siue adeant intra 100. dies. vt erat in formula cretionis, tamen neque adeunt hereditatem, neque cernunt, neque pro herede gerunt, quia ipso iure heredes existunt, miscent se quasi rei suæ, cuius & inuiti & ignorantes protinus domini facti sunt. Nusquam adire, vel cernere, vel pro herede gerere dicitur de necessariis heredibus. Horum sunt duo genera. Alij sunt serui heredes instituti à domino. hi sunt necessarij iure ciuili, & prætorio, quia abstinendi beneficium non habent: alij sunt liberi, qui in familia proximum gradum obtinent delatæ hereditatis tempore ab intestato, vel ex testamento, qui & sui heredes appellantur: superiores non appellantur sui: sed hi appellantur sui & necessarij heredes: hi sunt necessarij iure ciuili: iure prætorio abstinendi se hereditate facultatem habent puberes, si se bonis non immiscuerint, impuberes etsi se immiscuerint, l. impuberibus, l. in necessarijs, de acq. hered. Abstentio liberat eos oneribus hereditariis, non etiam efficit, vt desinant esse heredes: nam prætor, neque dare potest nomen heredis, neque adimere. Prætor heredem non facit, neque exheredem. Prætorium igitur beneficium abstentionis non facit, vt necessarius heres desinat esse heres, sed vt ne obstringatur oneribus hereditariis, breuiter, vt habeat nudum nomen heredis sine re. Sui, vt dixi, & necessarij heredes abstinendi se bonis potestatem habent, puberes si se non immiscuerint: nam immistione consumitur abstinendi facultas. Impuberibus autem conceditur abstinendi facultas, etiam si se immiscuerint bonis hereditariis. Quid est immiscere vel miscere? est rebus hereditariis tanquam dominus vti vel abuti: quod in extraneis siue voluntariis est pro herede gerere, id in necessariis est immiscere. l. & si quis, §. plerique, de religio. Si necessarij, inquit, non immiscuerint se, & ceteri pro herede gesserint. Extranei in iure nunquam dicuntur se immiscere, sicut & necessarij nunquam dicuntur se pro herede gerere, aut adire, aut cernere hereditatem. Immiscere est, quasi res suas atrectare & attingere: cernere, adire, pro herede se gerere, est adquirere hereditatē. Immiscere est iam adquisitam atrectare: Adeo tanquam non dominus, vel cerno, vel pro herede gero, immisceo tanquam dominus. Ad hæc quæritur, si seruus & necessarius heres nondum se immiscuerit bonis, si integra ei sit abstinendi facultas, violato sepulchro hereditario, deiecto vel fracto, an possit agere sepulchri violati. heres extitit ipso iure, an igitur potest agere de sepulchro violato? & Papinianus ait, ei permitti actionem sepulchri violati, etsi nondum se immiscuerit hereditati, videlicet ex primo capite huius edicti de sepulchro violato. Et suæ sententiæ hanc videtur adducere rationem, quod hæc actio sit concepta in bonum & æquum: conceptam esse in bonum & æquum apparet ex edicto, quo sepulchri violati, ei ad quem res pertinet, id est cui ius sepulchri competit, cuius interest, datur actio in factum, non in certam quantitatem pecuniæ, sed in quantum iudici bonum & æquum esse videbitur. Ergo hæc actio ita concluditur, quanti tibi iudici æquum videbitur, tanti condemna eum iudex: æquum est autem hæc actionem dari filio, vel nepoti, necessario heredi & suo, qui etiam si abstineat se hereditate, retinet ius sepulchri, & potest in sepulchrum hereditarium, vel familiare mortuum inferre, l. 6. de rel. Concipitur hæc actio in bonum & æquum, ergo datur cuilibet, cui æquum sit eam dari: denique cuilibet habenti ius sepulchri, etiam si sepulchrum sit hereditarium, & is heres scriptus, nec tamen hereditatem agnouerit: Et eadem forma actio de



dote dicitur concepta in bonum & æquum, *l. eas, de cap. minut.* quia scilicet per eam actionem ex veteri formula petitur, *quanto æquius melius.* concipitur manifesto in bonum & æquum: & eodem modo actio iniuriarum dicitur oriri, vel esse ex bono & æquo, vel quod idem est, concipi in bonum & æquum, quod in id detur, quod ob eam rem iudici æquum esse videbitur: actio iniuriarum prætoriam quæ non datur in certam quantitatem, vel certam pecuniam, sed in eam rem quam præstare iudici æquum & bonum videbitur, §. *pen. Inst. de iniur. l. non solum*, §. 1. *eod.* Sic actio de deiectione & effusis, si quis ex suo cœnaculo deiecerit, vel effuderit, quo libero homini nocitum sit, *l. 1. & l. 8. §. hæc autem, de his qui deiec. & eff.* Posset quis tentare has omnes actiones esse bonæ fidei, quod concipiantur in bonum & æquum, nihilque sit aliud bona fides, quam bonum & æquum, ius piæque, nec tamen comprehenditur in enumeratione actionum bonæ fidei, quam existimant omnes perfectam; & vero ita est: nulla in toto iure est perfectior enumeratione illa, quæ est de bonæ fidei actionibus, §. *actionum, Inst. de act.* Igitur non omnes actiones, quæ concipiuntur in bonum & æquum, propterea sunt bonæ fidei, nam & conditiones omnes, veluti indebiti, ob rem dati, sine causa, &c. dicuntur esse ex bono & æquo, & sunt, nec tamen sunt bonæ fidei, & quod plus est, actio præsc. verb. de precario, dicitur ex bona fide oriri, *l. 2. de prec.* nec tamen est bonæ fidei. Pleraque actiones strictæ oriuntur ex bono & æquo, & in id concipiuntur & non tantum ex verbis edicti, quo proponuntur, sed & verbis actionis, quæ ab actore intenditur: sed bonæ fidei tantum sunt eæ, in quarum formula sit mentio bonæ fidei, *quod te mihi ex bona fide dare facere oportet*: quod quidem nomen, aut aliud simile, manat latissime. Quia de causa dicitur latissimam esse formulam actionum bonæ fidei: bonam fidem dicimus, *τὸ ἀπὸ δίκης ἐκκατέλναι* dolo malo, quæ aduersatur dolo malo, atque etiam stricto & directo iuri, moderationem, humanitatem, benignitatem, de ipso iure decessionem, deminutionem. etiam si actio concepta sit in id, quod iudici æquum videbitur, nihil tamen potest iudex de æquo abraderet, quod tamen potest in bonæ fidei iudiciis, in quibus facit totum arbitrium iudicis: formula strictæ actionis est angustissima. Rursus ad hæc quærit Papin. an idem heres, dum se immiscuerit, agendo sepulchri violati, ut prædixit proposuitque recte ei competere actionem sepulchri violati, videatur se miscere bonis. Et Papin. ait, eum non videri propterea se immiscere bonis parentis, licet sepulchrum sit hereditarium. optima ratione, quia beneficio istius actionis nihil capit ex bonis paternis, ex hereditate nihil attingit, vel consequitur, quod sit hereditarium. Hæc enim actio non persequitur rem, quæ hereditati absit, sed tantum vindictam, ultionem, dolorem læsæ vel imminutæ, aut violatæ religionis, *l. pro herede, §. pen. de acq. her. l. 6. hoc tit.* Competit quidem hæc actio per hereditatem, quod sit hereditarium sepulchrum, *κατασκευασθῆναι*, occasione hereditatis. recte, fateor, sed nil ex hereditate aufert, nil adipiscitur, nil capit ex bonis defuncti, nec hereditaria est actio, & citra hereditatem competit necessario heredi, id est, etiam si se absteineat, citra rem, competit habenti nudum nomen heredis *d. l. 6. de relig.* Differentiam fecit inter *ex* & *per*. Immiscet se qui ex hereditate capit aliquid: non immiscet se, qui per hereditatem capit aliquid: & ita in *l. eo tempore, in fi. de pec. quoniam*, inquam, *magis propter rem meam, quam ex re mea, pecunia mihi daretur.* Ad id quod ait Papin. hanc actionem esse conceptam in bonum & æquum, notandum est, concipi & inferri hanc actionem non in bonum & æquum, sed in certam pecuniam, quod refero, ut intelligatur, *l. 9. quæ præcedit. Actio quoque pecuniaria datur.* quoque ac si diceret, de sepulchro violato non tantum datur actio in bonum & æquum, sed etiā in pecuniā certā, puta, cuilibet de populo. Est enim

Quæst. Papin.

A popularis actio, etiam si actoris nihil intersit, scilicet in aureos 100. aut 200. secundum definitionem *l. 3. hoc tit.* Adiciam & illud, ut tollam quædam incerta, quæ sunt in *hoc tit.* Ita demum hanc actionem in eum dari, qui sepulchrum violauit, si dolo malo violauerit, dolo coercetur, non res ipsa: nam si dolo absit, ut si impubes doli incapax deiecerit sepulchrum nesciens, cessat actio, quod proponitur in *l. 3. §. 1. hoc tit.* Sed locus est corruptus, vulgo sic legitur: *Si dolo absit, cessabit poena.* Flor. sic legitur, *si igitur dolo absit, cessabit eiusdem persone.* Vitium est ab interpunctionibus: nam vox illa *persone*, est coniungenda cum sequenti; & ita omnino legendum: *Si igitur dolo absit, cessabit eiusdem edicti, scilicet poena, ius, indiciumque.* Sequitur alia clausula: *Personæ igitur doli non capaces, ut impuberes.* Est & aliud mendum in *l. 5.* Qui fundos vendunt, in quibus sunt sepulchra, non vendunt etiam sepulchra, neque vero possunt vendere: nam rei religiosæ non est commercium. modica quidem loca, quamvis sint religiosa, fateor accedere venditioni totius prædij, *l. in modicis, de con. empt.* modicus locus, quamvis religione affectus sit, sequitur emptorem; sed locus non modicus, nec contemptibilis, qui religiosus est, non sequitur emptorem. Sepulchrum manet in dominio venditoris: quia nec ei ius est adeundi sepulchrum invito emptore, idque solet excipi in legibus vendendorum prædiorum. Exponit *l. 3. veterem formulam legis quæ dici solebat in vendendis prædiis*, quoniam in eis prædiis erant ædificata sepulchra. Formula est, *ut ad sepulchra, quæ in fundis sunt, iter eis.* sic vulgo, Florent. aliter, *iter eis.* Varietas lectionis indicat subesse mendi aliquid; & vero arbitror sic esse legendum, ut in antiquis inscriptionibus, *huic monumento itus, aditus, ambitus debetur*, sic hoc loco, *ut ad sepulchra, quæ in fundis sunt, itus, aditus, ambitus funeri faciendo sit.* Nam credo vos intelligere, non solum fuisse in fundis sepulchra, sed etiam certum ambitum ad sepulchrum funeri faciundo, id est, certorum pedum numerum in agro ad sepulchrum faciendum: & ob id venditor recipiebat sibi itum, aditum, ambitum funeri faciundo, iustis faciendis, inferiis perfoluendis.



## DIACOBI CUIACII IURISCONSULTI COMMENTARIUS in Lib. IX. Quæstionum Æmilij Papiniani.

Ad l. 66. de procuratorib.

*Si is, qui Stichum vel Damam, utrum eorum ipse vellet, stipulatus est, & ratum habeat, quod alterum procuratoris nomine Titius petit, facit ut res in iudicium deducta videatur, & stipulationem consummat.*



NON CIPIT liber nonus quæstionum Papiniani à lege 66. de Procurat. cuius sententiam exponamus, & cætera, quæ ad eam pertinere videbuntur. Stipulatus sum sub alternatione, Stichum aut Damam, utrum eorum ipse vellem: seruavi mihi optionem, alioqui optio esset promissoris: si procurator meus in iudicio petat Stichum sine mandato speciali, sine voluntate mea; an aufert mihi electionem & optionem? an petitio procuratoris mihi nocet quò minus Damam eligere possim si eum malim? Minime: Petitio procuratoris mihi non aufert optionem meam: quia non potest deteriorem conditionem meam facere

N ij



inuito me, *l. ignorantis* 49. *hoc tit.* etiam si sit procura-  
tor totorum bonorum, vel generale mandatum habeat,  
vt non potest etiam inuito me soluere debitum naturale,  
vt dixi in §. *Flavius legis si is qui nummos, de solut.* non  
potest transigere deminuendi causa, *l. mandato* 60. *hoc*  
*tit.* vt iamdiu emendauimus ex *l. Lucius*, 2. §. *ult. de*  
*adm. tut.* non potest, inquam, quidquam deminuere,  
disperdere, vel quidquam gerere in perniciem siue in ne-  
cem domini, quia non est verisimile hoc ei esse manda-  
tum, vt quid faceret in fraudem domini. Et generaliter,  
qui mandatum aut voluntatem non habet, rem siue li-  
tem in iudicium deducere non potest, id est, si agat, si  
litiget, nihil agit, nihil litigat: namque irritum erit iu-  
diciū, irrita lis, irrita sententia, si quam consequatur,  
hoc est non deducere rem in iudicium, qui, inquam,  
ratum non habet, rem in iudicium non deducit, *l. 27. B*  
*in causa*. §. 1. *hoc tit. l. licet* 24. *C. eod.* voluntatem rati-  
habitationem dicimus, *l. 3. §. sed si, de in rem verso. l.*  
*Pomponius*, §. *ult. hoc tit. l. si fundus*, 16. §. 1. *de pign.* In  
hac igitur specie nullum est iudiciū, nulla lis, quæ  
contestata est: procurator meus petendo Stichum, &  
quasi præripiendo nihil agit, & ego non possum repelli  
à petitione Damæ, si eum malim, licet procurator meus  
iam petierit Stichum: quæ est sententia huius legis: vi-  
delicet, si non mandauit, si non ratum habui, vt Stichum  
peteret. sed si ratum habuero quod procurator petiit,  
ratihabitio retrotrahitur, & mandato comparatur: quod  
in omnibus causis hodie obtinet ex constitutione Iustin.  
vt ratihabitio comparari possit iussu, & in adeunda he-  
reditate non minus proficiat filiosam. ratihabitio patris  
quam iussus. Quamobrem, si ratam fecero petitionem  
procuratoris mei, ratihabitio retrotrahitur, & manda-  
to comparatur, & facit, vt res in iudicium deducta vi-  
deatur, id est, vt lis rite contestata videatur, & consu-  
mit stipulationem. Quid hoc est, consumit? In hæc ver-  
ba tres interpretationes attulit Accursius. Sed nihil est  
euidētius, consumit stipulationem, id est, ius omne  
stipulationis, vt in *l. apud Aufid. de opt. leg.* optione ve-  
stimentorum legata, legatarium prima optione consu-  
mere ius omne legati, quia scilicet mutare voluntatem  
non potest, & alia vestimenta eligere; non potest vt  
optione sibi legato concessa, vt in hac specie, non po-  
test vt i optione quæ sibi stipulatione concessa est. Quid  
est igitur consumere stipulationem? est denuo eligere  
non posse, electionem semel factam mutare non licere.  
Et ex his, quæ diximus illud inter nos fixum habeamus,  
consumi electionem, vel stipulationem, quæ electio-  
nem differt, etiam si nondum sit exacta, siue extorta res,  
quæ petita est, modo stipulator, qui sibi seruauit op-  
tionem; lite contestata alteram rem petierit, vel procu-  
rator eius eo mandante, vel comprobante, id est, ratum  
habente: nec enim minor est vis ratihabitationis, quam  
mandati. Et rursus illud fixum habeamus, quod idem  
est, sed enuntiatur breuius, vnam electionem consume-  
re stipulationem eam, quæ electionem defert, stipula-  
tori non licere amplius, quam semel eligere in *l. 112. de*  
*verb. obligat. l. 5. de legat. 1. d. l. apud Aufidium*. non opor-  
tet amplius quam semel optare: omnis nimia licentia  
breuitate constringitur, & qui optare potest, semel tan-  
tum potest optare, & consumitur vna litis contestatio-  
ne, quod idem est, petitione in iudicio: neque enim pe-  
tis, nisi litem contestatus fueris: & idem est in iure pe-  
titio & litis contestatio. Et hoc est certissimum, litis con-  
testatione consumi electionem, quia litis contestatio ele-  
ctio est, nec licet amplius, quā semel eligere. Verum ad-  
dendum est, vna testatione consumi optionem stipulatio-  
nis, *d. l. apud Aufid.* vt puta, si quis extra iudicium testi-  
bus adhibitis dicat illam rem velle: hoc vbi dixerit se-  
mel, non poterit illam rem malle: ergo non litis conte-  
statione siue petitione tantum, sed etiam testatione qua-  
libet & declaratione voluntatis suæ consumitur optio,  
& stipulatio optionem deferens. Posset quis tamen non

immerite contendere, etiam semel facta electione pœ-  
nitentiam admitti & retractari electionem posse ex *l. 8.*  
§. *vnus, de opt. leg.* à qua re perperam se expediuit hoc  
loco Accursius. nec inuenit alium modum se expediendi,  
quam vt diceret, mutari posse voluntatem, si electio,  
quæ facta est, non fuerit rite facta, quod verum est, id  
est, si non congruo loco, oportuno tempore facta sit, re-  
tractari potest: fateor: sed vaticinatur, quum ponit in  
*d. §. vnus*, optionem non iure fuisse factam, incongrue,  
aut intempestiue, atque ideo eam pro infecta haberi. Sed  
enarremus sententiam huius §. Mihi & tibi vnus homi-  
nis optio legata est ex vniuersa familia; si cum ego opta-  
sem Stichum ex ea familia, nec mutassem voluntatem:  
significat nos potuisse mutare voluntatem, alioquin id  
superuacuum adiecisset. nihil est quod tam facile expe-  
diri possit. Dico I.C. adiecisse, *nec mutassem voluntatem*,  
non quod liceat mutare, sed vel quod ea mutata possit  
dici, me serui dominium amississe quem optaueram, &  
ideo seruū communem non futurum: quod tamen est  
falsum. Nam dominium non amittitur nuda voluntate:  
& si dixerō nolle me eam rem meam esse, non desino  
esse dominus, sed amittitur certis modis comparatis iure  
ciuili, qui proponuntur in *tit. de adq. rer. dom.* Possessio  
quidem amittitur nuda voluntate, hæc est differentia  
inter vtrumque, *l. si quis* 17. §. 1. *de adquiren. possess. l. ius*  
*agnat. de pact.* Vel certe, quod magis placet, ideo di-  
cit, *nec mutassem voluntatem*, quia mutata voluntate pos-  
set dici, eum nunquam dominium in eo seruo adqui-  
sisse, & electionem semel factam pro non facta haberi,  
si in ea non perseuerauit, quod tamen etiam est falsum,  
quia factum infectum reddi non potest: & ita mihi vi-  
detur explicandus ille locus. Adnotandum modo, vnum  
esse easum, quo, etiam si elegerit is, cui electio compe-  
tit, licet ei mutare sententiam, & pœnitere, subinde  
eligere, subinde optare, quoad altera res in iudicio peti-  
ta sit: vt si stipulatus sim Stichum aut Damam, vtrum  
volam (non vtrum voluero) antequam alterum petie-  
ro, omne tempus mihi liberum est ad eligendum. Igitur  
eo modo concepta stipulatione vtrum volam, quoad al-  
terum petiero, omne tempus mihi liberum est, quod  
ostenditur in *leg. 112. de verb. obligat.* quia scilicet ver-  
bum *volam* est extensiuum, siue *ἐμπροσθεν*, in futurum  
tempus verbum *volam* extendit optandi voluntatem: la-  
tissima est electio, quæ datur verbo *volem*, & ideo, in-  
quit, *l. 112.* si ita stipuler, Stichum aut Damam *quem*  
*voluero*, non possum mutare voluntatem, si semel vnum  
voluero: sed si ita stipulatus sim Stichum aut Damam,  
*quem volam*; etiam vno electo licebit mihi transire ad  
aliū, & mutare voluntatem, reicere Stichum quem  
elegeram, & amplecti Damam, quia ea verba *quem vo-*  
*lam* habent tractum, *ἐμπροσθεν*, præteritum, moram, prolatio-  
nem, donec iudicium dicet, id est, litem contestetur:  
stipulator ante litem contestatam potest variare: litis con-  
testatione consumitur electio, quibuscunque verbis con-  
cessa vel seruata, etiam si his, *utrum volam*: non &  
qualibet litis contestatione, litis contestatione consu-  
mitur rite perfecta: nam si res in iudicium deducta non  
sit, quæ vis est litis contestationis & potestas, ius stipu-  
lationis non consumitur, electio non consumitur, sed  
manet in integro. Ergo hæc verba (*volam, voles, volet*)  
sunt extensiuæ & *παρὰ τὸν χρόνον* in futurum tempus. Et ita in  
*l. filij, ad Senatusc. Tertull.* Iurisconsult. verbum *volet*,  
quod erat in S Cto Orph. extensiuum esse ait, in hanc  
sententiam, filij succedunt matri, licet sint cognati non  
agnati, ex S Cto Orph. & præferuntur agnatis mulieris.  
Sed, inquit, S Ctum, *si nemo filiorum matri succedere*  
*volet, ius antiquum esto*, quod scilicet obtinuit ante S Ctum  
Orficiānum, id est, redeat hereditas mulieris ad agna-  
tos. Finge: filius dixit, se nolle hereditatem matris, &  
deliberante agnato, mutauit voluntatem, antequam  
adiisset agnatus, & dixit, se velle hereditatem matris,  
an admittetur pœnitentia & inconstantia ista? lex ait



admitti, quia Senatus usus est verbo extensiuo, quo A  
dedit liberum arbitrium filio, quoad agnatus adiisset.  
Igitur non tantum præteritum imperfectum *παρετακόν*,  
extensiuum, dicimus, ut volebam, sed etiam futurum im-  
perfectum, ut volam. Et placet eorum sententia, qui duo  
statuunt futura: futurum imperfectum (ut volam) &  
perfectum (ut voluero). Futurum imperfectum ultimam  
voluntatem exigit: & ideo post primam voluntatem licet  
pœnitere & aliud velle: futurum perfectum primam  
voluntatem exigit, igitur post primam voluntatem non  
licet pœnitere. Eadem aut similis differentia est inter  
præteritum imperfectum (volebam) quod etiam tractum  
habet, & præteritum perfectum, quod quidam vocant  
(volueram) vulgus autem volui, siue *ᾠοεισεν*, quod Stoi-  
ci vocant *præsens perfectum*, *ᾠαεν ἐνεσθῆτα*, siue *τελεον*,  
*ᾠαχέμενον*. Nam siue volueram, siue volui, primam  
voluntatem exigit, non ultimam, Volui. Stoicis à qui-  
bus I Cti imbuti sunt, est præsens perfectum: volueram  
imperfectum, quia rem non impletam monstrat. Hæc  
non sunt indigna cognitu, & sunt certissima. Obiici ta-  
men posset l. 11. §. si fideicom. de legat. 3. quia hæc verba,  
quum voluerit heres meus, ait esse extensiva siue tractum  
& extensionem habere: & ideo si dicamus cum volueris  
heres, dato fundum, quamdiu viuet heres, ambulatoria  
erit eius voluntas, & incerta, & mutabilis, quia ea ver-  
ba, quum volueris, habent extensionem. Volam fateor  
habere extensionem: voluero, nego. Respondere igitur  
debemus, in eo exemplo extensionem non sumi ex verbo  
voluero, sed ex articulo cum, id est, quandoque. Igitur  
heredi quandoque licebit mutare voluntatem. Ioannes  
antiquus interpres videtur habuisse aliquam peritiam lin-  
guæ Græcæ: nam in d. l. 112. in reddenda ratione diffe-  
rentiæ inter voluero & volam, scribit Græcos habere  
verbum quoddam infinitum (puto *βελήσθαι*) quo infi-  
nitas temporis monstratur, & in eius locum dixisse La-  
tinos volam. *ὅν βελήσθαι*, & constat inter Græcos pœni-  
tentiam admitti: ita videtur admittenda pœnitentia si  
Latine dixerō, *quæm volam*, nihil refert, qua lingua hoc  
dixerō: & placet satis hæc adnotatio Ioannis, sed indige-  
bat explicatione. Hæc diximus de stipulatore. Posset quæ-  
ri an eadem dici possint de promissore, cuius sit electio  
concepta ex stipulatione sub disunctione, seu alternatio-  
ne? Et sane non ita statuemus in promissore, ut statui-  
mus in stipulatore. Ego ita distinguo. Aut promissori de-  
lata est electio tacite, aut nominatim. Tacite electio est  
promissoris, si stipulator sibi eam non exceperit nomi-  
natim: si cuius foret electio, non sit comprehensum in  
stipulatione: & quidem si tacite delata sit electio pro-  
missori, ut si quis simpliciter stipulatus sit illud aut illud,  
nullo adiecto verbo de electione, si, inquam, tacito iure  
electio promissori competat, potest variare quoad sol-  
uerit, nec prima electione obstringitur necessitate eius  
rei soluendæ, quam optauit. Quid si nominatim data  
sit electio promissori, siue stipulator usus sit futuro per-  
fecto siue imperfecto, illud aut illud utrum voles, dabis?  
semel electione facta non potest variare; nec frustra da-  
ta est electio nominatim, quæ omissa etiam promissori  
competeret. Alia est causa electionis nominatim datæ,  
alia eius, quæ tacite inest, quod ostenditur in l. cum qui  
56. §. ult. de verb. oblig. l. huiusm. 84. §. Stichum, de legat. 1.  
Sed nondum est satis, quæres, cur non admittatur pœ-  
nitentia, seu variatio, posito verbo extensiuo voles? cur  
non obseruamus etiam in promissore vim extensionis,  
quæ est in verbo voles, quam obseruamus in stipulatore?  
ratio est æquissima, ne fiat iniuria stipulatori. Quid est  
etiam si dictum sit utrum voles? non potest variare pro-  
missor, ne fiat iniuria stipulatori, cui prima electio pro-  
missoris ius adquisiuit in eare, quam elegit. non licet  
extensione verbi uti in iniuriam alterius. Stipulator uti-  
tur extensione verbi citra iniuriam promissoris, quia  
Stichum promissori obligatur dare, quem optauit semel,  
stipulator non obligatur accipere, quem optauit semel:  
quæ omnia censeo summopere notanda.

Ad l. eo tempore 50. de pecul.

Eo tempore, quo in peculio nihil est. pater latitat, in  
bonorum possessionem eius rei seruandæ causa, mitti non  
possum, qui de peculio cum eo acturus sum: quia non frau-  
dationis causa latitat, qui si iudicium acciperet, absolui  
deberet. nec ad rem pertinet, quod fieri potest, ut damna-  
tio sequatur. nam etsi in diem, vel sub conditione debeba-  
tur: fraudationis causa non videtur latitare: tamen si po-  
test iudicis iniuria condemnari. Sed fideiussorem datum eo  
tempore, quo nihil in peculio est, teneri putat Iulianus: quo-  
niam fideiussor futura quoque actionis accipi possit: si tamen  
sic acceptus est.

SEquuntur multæ & variæ quæstiones in hac l. quæ  
Somnes operam Interpretis desiderant ut fere omnes,  
quæ sunt de peculio: ubi est peculij nomen, ibi semper  
nodus vel scrupulus aliquis. Pater ex contractibus filius.  
non tenetur in solidum, tantum abest, ut extraneus pro  
extraneo teneatur, ut nec pater teneatur pro filio fam-  
qui tamen in iure vnius personæ vice censentur propter  
vinculum patriæ potestatis. non tenetur ergo pater in  
solidum ex contractu filij, vel quasi contractu, sed tene-  
tur de peculio, id est, ad eam quantitatem, quæ est in  
peculio, quod ei concessit rei iudicatæ tempore. Nam  
quantum sit in peculio non spectamus litis contestatæ  
tempore, vel in medio litis, sed rei iudicatæ tempore, &  
pro modo eius quod est in peculio rei iudic. tempore con-  
demnatio fit, l. 6. §. idem Iulianus, de liber. leg. l. cum fi-  
deiubeat, de fideiuss. l. quæsitum, hoc tit. l. Fulcinius, §. si  
quis actionem, quib. ex caus. in posses. eat. Conueniri  
igitur pater potest de peculio, & damnari eatenus, qua-  
tenus fuerit in peculio rei iudicatæ tempore. Finge, pa-  
trem se occultare, sui copiam non facere, in publicum  
non procedere, latitare, nec defendi. Latitat, inquit,  
reus fraudationis causa, hoc est, ut decipiat & fraude  
creditorem peculiarem, ne ab eo trahatur inius. Creditor  
hoc casu mittetur in possessionem omnium bonorum  
patris latitantis fraudationis causa, & indefensi ex edicto  
pretoris rei seruandæ causa, id est, crediti seruandæ cau-  
sa, Græcis, *ᾠέως ἐν κενον φυλακτέως*: debiti seruandæ gratia:  
ac deinde, si res exegerit, quod est miserrimum, bona  
omnia patris distraherentur, dilacerabuntur sub hasta præ-  
conis, quæ dicitur à Propertio *peritica tristis*. Etenim  
adimit bona omnia, & bonam æstimationem: Inde quæ-  
ritur: si concesserit pater filio peculium, & nunc in pe-  
culio nihil sit, si absumptum & exhaustum sit, an hoc  
casu creditor mitti possit in possessionem bonorum patris  
latitantis? an quoad latitat pater, bona eius, tamen si ni-  
hil sit in peculio, possideri & distrahi possint sub hasta?  
Et, quod omisi, acerbitas hastæ in eo consistit, quod  
pauci animaduertunt, quod facta venditione bonorum,  
& redactio pretio ex bonis, absolutisque creditoribus  
omnibus si quid supersit, id non restituatur passo vendi-  
tionem bonorum, siue proscripto: Hoc enim tantum est  
humanè concessum pupillo, furioso, & prodigo, quia  
horum status non multum à pupilli conditione abhorret,  
non differt multum furiosi conditio à conditione pupilli,  
l. Fulcinius, §. plane interdictum, quibus ex caus. in poss.  
Denique debitor idemque fraudator exiuit omnibus  
bonis, nec quod superest ei restituitur, ei viuo. viuenti-  
que funus acerbissimum ducitur, ut ille ait in Quintiana.  
Quæstio autem, quam proposui, hæc est. Si nihil sit in  
peculio, atque ita si videatur agi non posse cum patre cū  
effectu de peculio, an frustra desideret creditor semitti  
in bonor. possessionem patris se occultantis & euitantis  
suum aspectum? Et Papinian. ait, non posse, licet latitet  
pater, quia frustra latitat, & sine causa vitat occursum  
creditoris & horret, & ut fiat missio in possessionem non  
sufficit latitare, sed necesse est fraudationis causa latita-  
re, & re ipsa subesse fraudationem creditoris, d. l. Ful-



*inius*, §. 1. Non videtur autem fraudationis causa latitare, qui si conueniretur absolui deberet, sed stulte videtur latitare, quia nihil est in peculio, & aduersus patrem competit tantum actio de peculio: si nullum est peculium, & nulla actio de peculio erit, *l. seruus, de dol. l. depositi, in prin. hoc tit.* nulla etiam cautio de futuro peculio, de futura accessione aut incremento peculij interponitur, *l. quoties, §. si semel, hoc tit.* Hoc igitur tantum locum habet in actionibus bonæ fidei ut cautio exigatur, etiam antequam debeat, futuræ obligationis nomine, puta, antequam dies veniat, *l. in omnibus, de iudic. l. quod si in diē, de petit. hered.* In iudiciis strictis, ne quidem cautio desideratur, antequam extiterit obligatio, nisi vno casu, cum sit separatio bonorum hereditariorum & bonorum heredis inter creditores hereditarios, & creditores heredis, *l. 4. de separat.* Ex sententia Papin. sic statuo: Si nihil sit in peculio, creditor peculiaris non potest mitti in bona patris latitantis, quia hæc latitatio caret fraude. Huic sententiæ poterit quis obicere argumenta duo, quibus Papin. respondet. ac primum posset quis obicere; non omnino esse inutilem aut nullam actionem de peculio, tametsi nihil sit in peculio, si modo pater concesserit filio, peculium: quia fieri potest, ut sequatur condemnatio, iniuria forte iudicis vel stultitia. At contra Pap. obicit, eadem ratione non inutiliter agi aduersus debitorem in diem, vel sub conditione, & ante diem vel conditionem, & consequenter bona eius debitoris non inutiliter possideri, antequam dies venerit, vel conditio extiterit, & distrahi, quod scilicet condemnari possit iniuria iudicis, si hoc licet spectare etiam ante diem vel conditionem: quod tamen est falsissimum. Et vero non est satis honestum rationem habere eius, quod iniuria iudicis contingere potest. Itaque obiectio illa belle diluitur alia obiectione. Altera obiectio hæc est: fideiussor dari potest à patre nomine actionis de peculio, etiamsi nihil sit in peculio, quia potest esse postea: hoc est certissimum. cum fideiussor dari possit actionis futuræ, cur non & bona patris latitantis possideri, tametsi nihil sit in peculio, crediti seruandi futuri causa? Et huic obiectioni non est difficile respondere. fideiussor ut constat pro certo adhiberi potest futuræ obligationi, *l. 6. §. ult. de fideiuss.* Futuri debiti seruandi causa bona possideri non possunt. Fideiussor vel præcedere, vel sequi principalem obligationem potest: possessio & venditio bonorum & iudicium sequitur, non & præcedit obligationem, *l. non quemad. 35. de iud.* Nec abs re: fideiussorem enim dat volens, possessionem bonorum patitur inuitus: iudicium patitur inuitus, & inde actionibus nomen quod agant inuitos in ius: actio redditur in inuitum, *l. inter, §. si Stichum, de verb. oblig.* & iniquum est, me inuitum quicquam pati antequam debeam. Et hoc est, quod Papin. proponit initio *h. l.* Respondet Papin. duabus obiectionibus, prætermisit tertiam, quæ maius nobis negotium facit; quam cetera: nec prætermisit abs re. Potest huic definitioni Papin. fortiter opponi *l. Fulcinius, §. si quis actione, quibus ex caus. in poss. eat.* Sententia eius §. hæc est. Pater conueniri potest de peculio, quia concessit peculium filio, sed latitat, & nihil est in peculio, quaeritur, an creditor possit mitti in possess. aduersus latitantem? & Vlpian. ait. bona latitantis possideri, & distrahi posse, etiamsi nihil sit in peculio, quia potest esse antequam lis finiatur. quod si est actio, & missio igitur aduersus latitantem. nihil est quod magis aduersetur huic definitioni Papiniani: nam non dicemus dissentire Papinianum ab Vlpiano, siue fuisse controuersum inter Sabinum & Proculum sitne actio exhausto peculio, *l. quaesitum hoc tit.* Sabiniani negabant actionem: Proculiani dabant, tametsi nihil esset in peculio: & tenere eam arbitrabantur si quid filiusfam. comparasset rei iudicatæ tempore, & redegisset in peculium & hæc sententia obtinuit, exemplo actionis in rem, & ad exhibendum, quæ tenent, id est, vim suam exercent, etiamsi rem, de

A qua agitur, non possideat is cum quo agitur litis contestatæ tempore, modo eam possideat rei iudicatæ tempore. In his enim actionibus spectamus rei iudicatæ tempus, *l. si autem, §. 1. de rei vindic. l. tigni, §. si quis, & l. seq. ad exhib. l. item vidend. §. si quis, de petit. hered.* Et ut opinor ab hac sententia Proculianorum Pap. non abhorrebat. Videamus igitur quemadmodum in concordiam sit adducendus Vlpianus, cum Papiniano. Accursius duas tantum rationes concordiae excogitauit. Vna est: In hac *l. 50.* (inquit) lis non erat contestata cum patre de peculio, atque ideo proceditur ad distractionem & missionem bonorum facillime. hoc vero nego, & pernego, quia *d. l. Fulcinius* est de eo, qui latitat ne in ius vocetur à creditore, qui vitat occursum creditoris, ne obtorto collo trahatur in ius manu creditoris, tantum abest, ut cum patre lis sit contestata, cum nec sit vocatus in ius, nec aliam ob causam latitet quam ut ne in ius rapiatur. Altera via conciliandi hæc est. in *d. §. si quis act.* spes erat peculij, viuo scilicet adhuc filio, cui pater poterat concedere denuo aliquid in peculium: vel etiam qui ipse sua parsimonia poterat aliquid acquirere, idque pater relinquere in peculij causam. igitur erat spes peculij. In hac *l.* finitum erat peculium morte filijfamil. Hoc vero est commentitium, quis hoc admitteret? ut dixi ante, non ab re prætermisit hanc obiectionem Papin. non abs re est quod de eo nihil attigit, qui tantum attigit duas, eisque bellissime respondit. Puto prætermisissam hanc obiectionem, quod non conueniret quaestioni Papiniani. Hoc enim tantum quaerit, an hac ratione quod possit sequi condemnatio iniuria iudicis, recte mittatur creditor in bonorum possess. patris latitantis? Et docuit hunc colorem missionis non esse idoneum, hanc causam non esse honestam, nec honesto viro venire in mentem debere, ut possit iniuria iudicis condemnatio sequi, ubi nulla est actio: non sit igitur missio hac ratione, quod damnatio sequi possit iniusta: alioquin fieret passim & promiscue. Sed si quis quaesisset à Papin. an hac ratione, quod posset esse aliquid in peculio rei iudicatæ tempore, hac consideratione, hoc intuitu fieri possit missio in bonorum possessionem? aut ego fallor, aut is utique respondisset, quod Vlpian. Nam hic color est honestus, & ciuilis. Et ita etiam, si quis quid debeat in diem, vel sub conditione, dicam etiam ante diem vel sub conditione creditorem mitti in possessionem in iudiciis bonæ fidei, in quibus rei iudicatæ tempus spectatur ut in actionibus in rem, hoc colore, quod rei iudicatæ tempore fieri possit, ut dies veniat, & existat conditio: Cur non interim seruandæ meæ rei, puta debiti causa non mittar in possessionem, fretus scilicet hoc colore, sine quo sane non possem mitti *arg. l. quod si in diem, de petit. hered. l. in poss. qui. ex caus. in poss.* dum ait, in poss. mitti debere etiam conditionalem creditorem, etiamsi conditio non extiterit. Sed mitti potest tantum, non etiam procedere ad venditionem bonorum. Interim eat in possessionem bonorum, sed caueat ne præpropere distrahat bona, antequam conditio extiterit, *l. Fulcinius, §. si in diem, eod.* Possideri igitur bona ab eo possunt, sed non etiam distrahi, antequam dies obligationis cesserit, aut venerit: & si forte rei iudicatæ tempore defecerit conditio, vel non extiterit, si rei iudicatæ tempore non venerit dies, plane inutilis erit missio, vel etiam non erit actio creditori, quanti ea res est, missio in possessionem aduersus debitorem qui eum non admisit, quæ tamen solet competere creditori misso in possess. ex edicto, nec admissio à debitore. Ex euentu igitur constituiumus nullam esse missionem, vel creditori non esse actionem quanti ea res est, quod sit missus, sed non admissus à debitore. Et huc pertinet *l. pen. quib. ex caus. in poss.* quæ aduersari videbatur *d. l. in possessionem, qua* ait, creditorem conditionalem non mitti in possessionem, non mitti cum effectu, scilicet quia eam missionem venditio sequi non potest, antequam conditio extite-



rit : & quia non est actio, quanti ea res est, si sit repul-  
sus à debitore : denique effectu cōditionalis creditor non  
mittitur in poss. & infirma missio est quamvis fiat forte  
iussu Prætoris. Hæc ita explicanda mihi videbantur.

Ad §. si creditor.

*Si creditor patrem, qui peculio tenebatur heredem institue-  
rit: quia mortis tempus in Falcidia ratione spectatur, illius  
temporis peculium considerabitur.*

**S**equitur alia quæstio de peculio in §. si creditor. Pater,  
qui conveniri poterat de peculio, creditori peculiari  
heres extitit ex testamento, & quasi oneratus legatis, de-  
siderat vti Falcidia, id est, deductione quadrantis, resi-  
duo dodrante distributo inter legatarios. Arbitratur Falcid-  
iæ qui dari solet ad ineundam quantitatem bonorum &  
legatorum, ad ineundam rationem legis Falcidiæ, in  
Falcidiam patri imputabit id, quod defuncto debuit ac-  
tione de peculio, quasi nomen hereditarium, quod he-  
reditati contribui oportet. Videamus quid quantumve  
pater, idemque heres testatori suo debuerit nomine pe-  
culij? Certe tantum debuit, quantum fuit in peculio;  
Sed quò tempore spectamus quantum fuerit in peculio?  
non spectamus tempus rei iudicatæ, quia non fuit actum  
de peculio: sed, ut Papin. docet, spectatur tempus mor-  
tis creditoris, siue testatoris, quantum fuit in pecu-  
lio, & tantum debuisse quantum in bonis testatoris in-  
telligitur, tantove maior hereditas ad patrem peruenisse,  
*l. si creditor, h. tit. l. 2. §. illud quaestum, de hered. vend.* quia  
scil. pater idemque heres, quod defuncto debuit de pecu-  
lio, fingitur soluisse hereditati, atque ideo quod de-  
buit, computatur hereditati, *l. si ei cui vend. 41. §. pen. de  
enit.* Confusio pro solutione est, quæ fit, si debitor credi-  
tori, vel contra si creditor debitori heres extiterit. Et sane  
quod debuit pater de peculio testatori, confusum est.  
verum etiam si confusum sit omnino, ut iam nemo sit  
qui agat, cum quo agi possit de peculio, tamen in com-  
putationem venire potest, & in deductionem, vel reten-  
tionem, *l. 1. §. si debitor, ad l. Falc.* Atque ita hoc casu,  
quod heres testatori debuit actione de peculio, compu-  
tatur in hereditate, auget hereditatem, licet actio sublata  
sit confusione, id est, concursu debiti & crediti in vnam  
eandemque personam: quantum vero computatur in  
peculio, quantum denique in bonis testatoris? quantum  
fuerit in peculio mortis testatoris, eiusdemque credi-  
toris peculiaris tempore. Spectatur tempus mortis: quod  
congruit regulæ iuris, quæ vult, ut in ponenda ratione, *l.  
Falc.* & exquirenda quantitate bonorum tempus mor-  
tis spectemus, *l. in quanti. 73. & l. cum quo 59. ad l. Falcid.*  
Et ideo si post mortem testatoris ante aditam hereditatem  
deminutum sit peculium, vel consumptum, non ideo  
minus intelligitur fuisse in bonis, vel in peculio: satis  
namque est, quod fuit in bonis mortis tantum tempore:  
nec necesse est, ut duret esse in bonis: locuples est heredi-  
tas, quæ fuit locuples mortis tempore, etiam si postea pau-  
perior effecta sit, quia quod postea periit, heredi periit,  
non legatariis. Et hoc est, quod ait Papin. in hoc §. Pu-  
gnare mirum in modum videtur cum Pap. Julian. in *l. si  
creditor 83. ad l. Falcid.* cuius sententia hæc est: Creditor  
filij patrem cum quo de peculio agere poterat, heredem  
instituit: pater posuit rationem legis Falc. id est, di-  
xit se esse oneratum legatis, locum esse Falcidiæ, minu-  
enda esse legata quadrantis Falcidiani obtinendi cau-  
sa. In quadrantem, inquit, patri imputabitur, quod in  
peculio fuerit aditam hereditatis tempore. Ex sententia  
Papi. patri in Falcidiam imputatur, quod in peculio fuit  
mortis tempore, quasi hereditarium nomen, quia id de-  
buisse intelligitur, & soluisse hereditati. Ex sententia  
Iuliani, patri in Falcidiam imputatur, non quod fuit in  
peculio mortis tempore, sed quod fuit post mortem ad-  
itam hereditatis tempore. Non est facile hos auctores inter

**A** se conciliare: non dicam eos inter se dissentire, quanquā  
Marcellus in *l. cum quo, ad l. Falc.* hanc rem in contro-  
versiam vocet. Nam ait: plerique putant inspicendum  
esse, quod in peculio fuit aditionis tempore, sed se dubi-  
tare propterea, quod placet in ineunda ratione Falcidiæ  
tempus mortis spectari. Marcellus rem dubiam facit, ut  
non mirum videatur forte, si vnus censuerit rationem esse  
habendam mortis tempore, alter aditionis: sed in eo  
non est perstandum villo modo. Non dicam etiam, quod  
Accursius primo loco tradidit, fingendum esse dissidij  
componendi causā inter Papinian. & Iulianum, idem  
fuisse tempus mortis & aditionis; & ideo nihil referre  
dixeris mortis tempus spectari, vel aditionis: iubet me  
fingere quod natura vetat, natura non fert, ut id fingam:  
nec enim potest idem esse tēpus mortis & aditionis, quis  
hoc non dicet? Est idem tempus mortis & *ἀναπόδοτος*, si-  
ue existentia, id est, eo ipso tempore, quo moritur quis,  
sui heredes ei heredes existunt, & ipso iure hereditatem  
adquirunt, sed non potest esse idem tempus mortis & ad-  
itionis. Non dicam etiam, quod secundo loco tentauit  
Accurs. fingendum esse ne pugnent inter se, eandem  
quantitatem fuisse peculij vtroque tempore mortis & ad-  
itionis; & ideo nihil referre, dixeris tempus mortis, an  
tempus aditionis, quæ etiam diuiniatio non videtur esse  
sani hominis. Sed quod tertio loco breuiter & obscure  
satis tradidit, id vehementer amplector, & amplectetur  
quilibet vbi bene perceperit. Quid me vis ergo respon-  
dere ad *l. si creditor*? nempe hoc: Illud tempus inspiei,  
quo maior fuit quantitas peculij, siue mortis, siue ad-  
itionis tempore, ut quoad fieri potest legata seruentur in-  
tegra & imminuta. Non multum fauimus legi Falc. est  
enim contra voluntatem, quia minuit quod defunctus  
solidum præstari voluit: quæ de causa quantum possumus,  
legata legatariis seruamus integra. Hoc nobis la-  
tius explicandum est. Sic dico, *l. si creditor* ita accipien-  
da est, ut si post mortem testatoris ante aditam heredi-  
tatem auctum sit peculium, id patri quasi hereditarium  
in Falcidiam imputetur, quod fuit in peculio aditionis  
tempore, non spectato mortis tempore: quod probo à  
simili: Si debitor hereditarius non fuerit soluendo mor-  
tis tempore, & aditionis tempore inueniatur esse soluendo:  
sane id, quod facere potest aditionis tempore, imputa-  
tur in hereditate, nec spectatur tempus mortis, quo  
non fuit soluendo. Nomen non idoneum, auget heredi-  
tatem ex euentu, ut ait *l. Nezenius, §. si debitor, ad l. Falc.*  
Si postea fiat idoneum nomen & rectum, nomen non  
idoneum auget hereditatem ex post facto: & ita si con-  
ditio debiti extiterit post mortem, quæ non extiterat  
mortis tempore, debitum illud computatur in bonis; de-  
nique nomen, cuius dies non cesserat mortis tempore,  
nomen conditionale auget hereditatem ex euentu, & ex  
post facto, id est, si postea extiterit conditio, quæ pen-  
debat mortis tempore. Sed vice versa, si post mortem  
testatoris ante aditam hereditatem minutum sit peculium,  
id imputatur in Falcidiam patri, & contribuitur bonis,  
quod fuit in peculio mortis tempore, nec spectatur tem-  
pus aditionis: sicut, si debitor hereditarius, qui est solu-  
uendo mortis tempore, post mortem factus sit non solu-  
uendo, id computatur bonis, quod facere poterat mor-  
tis tempore, nec spectatur tempus aditionis: Si auctum  
sit peculium post mortem, spectatur tempus aditionis. Se-  
cundo casu, si deminutum sit peculium, spectatur tem-  
pus mortis: denique tempus, quo plenius siue auctius  
peculium fuerit: *l. cum quo, ad leg. Falcid.* aut propterea  
quod videri potest obscura sententia *d. l. cum quo*, nihil  
aliud est, quam distinctio hæc, quam exposui: & est lex  
elegantissima. In summa; post mortem testatoris ex  
euentu aliquo minor hereditas fieri non potest: vberior  
& plenior potest, ut hoc casu nomine idoneo facto, vel  
nominis existente conditione, & aliis casibus reuerso  
seruo ab hostibus post mortem: nam & hic seruus auget  
hereditatem post mortem; *l. serui, ad l. Falcid.* vel etiam



solutio naturali debito post mortem: nam & naturale debitum auger hereditatem ex euentu, id est, si solvatur, propterea quod soluti non est repetitio, *l. 1. §. id quod nat. ad l. Falc.* Rem igitur omnem ita componamus & concludamus. Si deminutum sit peculium, tempus mortis spectatur, ut in hoc §. si creditor. si auctum sit peculium, tempus aditionis, *d. l. si cred.* Et ita in hac re nullus erit labor. Verum potest quis obicere non immerito, æquissimum esse, ut quemadmodum damnum post mortem illatum respicit ad heredem, ita etiam lucrum pertineat ad solum heredem, ut etiam definitur in *l. in ratione. 30. & l. in quant. 73. ad l. Falc.* damna illata post mortem fastinet heres solus, puta mortem seruorum, furta, rapinas, incendia, ruinas, vim hostium, peiora facta nomina: lucra quoque, quæ obtingunt post mortem, ad solum heredem pertinent, ut fructus partus, fœtus: eadem est ratio damni & lucri, si me vis damnum sentire, & etiam lucrum necesse esse: & ideo sicut deminuto peculio post mortem, damnum respicit ad heredem, nec propterea videtur deminuta hereditas nec minor ad eum peruenisse, ita etiam post mortem aucto peculio lucrum debet pertinere ad heredem, ne sc. ad eum videatur maior hereditas peruenisse, quam fuerat mortis tempore. Nemo est, quem non perturbet hæc obiectio, nisi præiuderit. Respondere debemus hoc modo: omnia damna illata post mortem, etiam peiora siue deteriora, & pauperiora facta nomina post mortem: omnia tamen lucra non respiciunt ad heredem, pleraque etiam lucra respiciunt ad heredem quæ veniunt post mortem, sed tamen non omnia, non meliora facta nomina. Et obseruandum est in *d. l. in ratione*, Iureconsultum peiora facta nomina adscribere heredi initio dum ostendit, omne damnum pertinere ad heredem, sed dum etiam ostendit lucrum pertinere ad heredem, non dixit meliora facta nomina pertinere ad lucrum heredis: nam sane meliora facta nomina non pertinent ad lucrum heredis, quod tamen videtur æquum. Et hic nisi reddidero rationem differentia, aberrauero longe à munere nostro. Cur meliora facta nomina augent hereditatem, nec cedunt lucro heredis? meliora, inquam, facta post mortem, & tamen fructus post mortem percepti, partus ancillæ, fœtus, acquisitiones seruorum cedunt lucro heredis? Ratio differentia hæc est, quia fructus non erant nati mortis tempore, vel partus, vel fœtus, acquisitiones seruorum, factæ non erant mortis tempore: nomina sunt accessiones, quæ hereditati accepto non feruntur, quæ sunt mortis tempore: nomina autem iam erant contracta mortis tempore, quamuis non erant idonea propter infortunium debitorum. Eadem igitur quantitate recte in hereditate computantur, quæ contracta sunt mortis tempore, si post mortem facta sint idonea. Eademque est ratio nominis conditionalis: nam etsi conditio eius extiterit post mortem, tamen vires accipit ex contractus tempore, & incipit habere vires easdem mortis tempore, *l. usufr. de stipulat. seruo.* Eadem est ratio serui captiui post mortem reuersi, quia postliminium fingit eum fuisse in hereditate mortis tempore. Eadem est ratio debiti naturalis soluti post mortem, quia contractum erat mortis tempore. Igitur non mirum, si nominum exactio sit, quæ idonea facta sunt post mortem, quandoquidem contracta iam erant mortis tempore. Et longe est alia ratio cæterarum rerum, quæ adquiruntur post mortem, quæque non erant in rebus humanis, aut in bonis defuncti mortis tempore. Hæc, qui bene perceperit, expediet se multis locis iuris nostri. hæc vero censeo valde esse notanda.

Ad §. etiam.

*Etiā, postquam dominus de peculio conuentus est, fideiussor pro seruo accipi potest. Et ideo qua ratione, si post actionem dictatam seruus pecuniam exsoluerit, non magis repetere*

*A re potest, quam si iudicium dictatum non fuisset: eadem ratione fideiussor quoque utiliter acceptus videbitur: quia naturalis obligatio, quam etiam seruus suscipere videbitur, in litem translata non est.*

**R** Estant huius legis duæ quæstiones, quarum vim & definitionem, nescio an adhuc quisquam explicauerit bene, tamen si paucis verbis comprehendi possit, nec desiderat longam tractationem. Et est sane definitio earum singularis admodum & cognitione dignissima. Sciendum debitorem liberari etiam inuito & ignorantem, si quis soluat pro eo, *l. solut. 23. de solutione. §. 1. quib. mod. toll. obl.* Item si quis promittat pro eo nouandi animo, *l. 8. in fine de nouat.* item si quis iudicium accipiat pro eo, quamuis inuito & ignorante, *d. l. solut. l. si fund. §. si plures, de pign. l. qui seruum 20. de interrog. in iur. fac. l. 2. C. de pact. l. 3. C. de execut. rei indic.* Cur etiam si quis iudicium accipiat pro debitore, liberat eum? quia scilicet iudicio accepto, & sequuta condemnatione etiam vulgo dicitur necessaria nouatio, *l. aliam, inf. de nouat. l. ult. inf. de separat.* Necessaria, quia iudicia inuitos tenent. Alia est nouatio voluntaria inter conuenientes, quæ proprie est nouatio, quæ proprie dicitur fieri legitime, aut esse legitima nouatio, *l. nouatione, 2. de nouat.* Et longa differentia est inter voluntariam nouationem & necessariam. Notatur vna distantia siue differentia in *d. l. nouatione*. Notemus modo alteram: voluntaria nouatio tollit omnem obligationem, id est, ciuilem & naturalem: necessaria quæ fit iudicio accepto pro alio tollit ciuilem, non naturalem: nam & fideiussor & pignus obligatum manet, & usura currunt, etsi de sorte tantum acceptum sit iudicium pro alio, *l. lite, de usur. l. cum stipulatus, 90. de verb. oblig. l. index, l. Iulianus, de cond. indeb. l. grege §. etiam, de pignor. l. 8. C. eod.* His ostensis finge: pater vel dominus accepit iudicium pro filio, aut seruo conuentus actione de peculio; post acceptum iudicium, post litem contestatam idem seruus post dictatum iudicium, post litem contestatam. Post iudicium igitur acceptum cum patre seruus fideiussorem dedit, quæritur, an eius fideiussor obligetur? Et sane si fideiussor datus sit ante iudicium acceptum cum patre, obligatus manet fideiussor post acceptum iudicium: nec enim nouata est naturalis obligatio, qua tenetur seruus obstrictus: & fideiussor naturali obligationi adhiberi potest. Si post acceptum igitur iudicium cum patre seruus soluerit, soluti repetitio non erit, quia natura debitum soluit. Seruus ex suis contractibus obligatur, naturaliter, non ciuilitate, *l. serui, de obligat. & actio. l. cum quo. §. 1. ad l. Falc.* nec liberatur naturali obligatione iudicio accepto inter dominum & creditorem, quasi nouatione facta: nec enim fit nouatio: quod Papinian. demonstrat his verbis: *naturalis obligatio, quam seruus suscipere videtur: naturalem obligationem qua seruus tenetur obstrictus ex suis contractibus non videri in litem translata, quæ scil. instituta est cum domino actione de peculio, id est, non videri nouatam: nouatio enim definitur esse translatio, in l. 1. de nou.* nouatio est prioris debiti in aliam obligationem, vel ciuilem, vel naturalem transfusio. Summa igitur hæc est: Naturalem obligationem, qua seruus tenetur ex suo contractu, non nouari iudicio accepto cum domino actione de peculio, quia magis iudicium illud accipit pro se, quam pro seruo, quod ipse teneatur iure honorario ex contractu serui: seruus autem iure naturali: nec agitur cum dño ex eo iure, quo obligatus est seruus, sed ex alio. Hæc est sententia §. etiam, in quo etiā notat duos effectus naturalis obligationis, ut ei accedere possit fideiussor, & ut solutum ex causa eius obligationis non possit repeti. Inquit, *translata non est, id est, nouata non est, quamuis videatur dominus pro seruo, iudicium accepisse, & soleat fieri nouatio iudicio accepto pro alio.*



## Ad §. ultimum.

*Servus alienus cum bona fide serviret mihi, nummos à Titio mutuatos mihi dedit, ut eum manumitterem, & manumissi. Creditor quærebat quem de peculio conveniret. Dixi, quanquam creditor electionem alias haberet, tamen in proposito dominum esse conveniendum: & cum ad exhibendum mecum acturum pecunia nomine, quæ ipsi esset acquisita, nec in eam causam alienata, quæ pro capite servi facta proponeretur: Neque enim admittendam esse distinctionem existimantium, si non manumittam, domini pecuniam esse: manumissione vero secuta, videri pecuniam ex re mea quasitam mihi: quoniam magis propter rem meam, quam ex re mea, pecunia mihi daretur.*

**S**equitur alia quæstio elegans. Servus alienus mihi bona fide servit. ego per eum adquire ex duabus causis tantum, ex operis suis scilicet, & ex re mea, ex residuis causis adquirit domino. Finge; si servus mutuatus est pecuniam ab extero. & eam mihi dedit pro capite, id est, pro libertate, ut eum manumitterem. manumissi & accepi pecuniam, non feci liberum, quia non sum dominus, sed bonæ fidei possessor tantum, quod tamen voluit servus, id peregi libens accepto pretio libertatis. Queritur, creditor, qui eam mutuam pecuniam dedit servo, cum quo agere possit de peculio, an cum domino, an cum bonæ fidei possessore: dicet forte aliquis eum posse agere cum bonæ fidei possessore, cum sint multi loci in iure, qui ostendant, de peculio agi posse, non tantum cum domino, sed & cum bonæ fidei possessore, ut & noxali actione ostendimus ad Afric. in l. & generaliter, de nox. act. l. 1. §. ult. l. et si duo, l. si ex duobus, 32 §. 1. h. tit. quia scilicet potest servus bona fide possessus habere peculium, quod pertineat ad bonæ fidei possessorem, de quo æquum est, ut teneatur, perinde ac si dominum in eo servo haberet. Uterque in iure bonæ fidei possessor pro domino est. Et electio igitur erit creditoris, ut vel agat de peculio cum domino, vel cum bonæ fidei possessore qui eam pecuniam accepit à servo ut eum manumitteret. Fateor regulariter creditorem habere electionem: & id est valde notandum in hoc §. Ergo eorum quilibet tenetur de peculio, quod ad eum respicit, siue is dominus sit, siue bonæ fidei possessor, & electo vno alter liberatur. Quod notandum. Non exigo ut alter liberetur, ut creditor perceperit suum. satis namque mihi est, si elegerit alterum, & cum eo egerit de peculio. electio sola, intentio, litis contestatio liberat alterum ipso iure, etiamsi nondum quicquam perceperit: Et hoc rursus verum est, etiamsi is, qui electus est, vel dominus, vel bonæ fidei possessor, non in minore quantitate peculij damnari debeat, quam apud eum sit. Finge: debentur 100. creditori: agit cum bonæ fidei possessore de peculio omisso domino, & fert 20. tantum, quia non est amplior quantitas peculij, quod respicit ad bonæ fidei possessorem, an liberatur dominus? Sic sane electio liberat alterum quoties duo sunt, qui de peculio conveniri possunt: sed hoc summo iure ita se habet: nam si creditor minus sit consequutus ab eo quem elegerit, æquum est & bonum, ut rescisso eo iudicio, restituto, & restaurato quo minus consequutus est, quod minus esset in peculio, in superfluum detur actio rescissoria utilis in alterum, non directa, quia ipso iure est liberatus, & per hanc viam alterum liberet magis perceptio, quam electio, l. hinc queritur §. 1. l. si ex duobus, l. quoties §. si creditor, l. si creditor. §. pen. hoc tit. Et ratio æquitatis hæc est: quia is qui cum servo contrahit, totum peculium servi, quod ubi ubi est, intuetur velut servi proprium patrimonium, d. l. si ex duobus. Ergo intuetur peculium non solum quod est apud bonæ fidei possessorem, sed & peculium, quod respicit ad dominum. Ratio est in d. l. hinc queritur, & in d. l. si ex duobus. sed non est posita suo loco. In l. hinc queritur, iisdem verbis ea ratio ponitur, sed

Quæst. Papin.

**A** locata male. ait: fructuarium teneri de peculio, quod ad eum respicit, non ad proprietarium, & ex omni contractu generaliter, siue ad eum pertineat, siue ad proprietarium, quia qui cum servo contrahit, respicit peculium totum, velut servi patrimonium. Subdenda est ratio clausulæ, quæ sequitur, quæ ostenditur, fructuarium quidem teneri ex omni contractu in solidum, si modo vires peculij patiantur, & sint solidi capaces, sed omnino admittendum esse quod est ex æquo & bono, ut priore convento, ad quem peculium respicit, puta fructuarium, in superfluum conveniatur alter, cui acquisitum non est: subiicienda est ratio illa, quia qui contraxit cum servo, totum peculium intuitus videtur, ubi ubi est, & congruit cum ea l. 2. h. t. Restat ex iis, creditorem habere electionem, quoties plures sunt, qui de peculio conveniri possunt, siue domini, siue non domini, & electo vno non liberari alterum confestim recto iure: ex æquo, & bono in alterum dari utilem actionem, si creditor integram pecuniam ab eo, quem elegerit, consequi non potuerit. Verum in specie à me proposita, Papinianus eleganter docet, non esse electioni locum, non posse conveniri bonæ fidei possessorem de peculio: posse conveniri dominum solum. cedo rationem. Accursius videtur ignorasse rationem uti editus est, sed si emendate legas, veram rationem assequutus est, nec absurdum est emendare Glossam non minus Glossæ studiosum esse decet, quam ipsius textus. Vulgo ita legitur, *dominum vel bonæ fidei possessorem, & hoc si servus*, & legendum, *alias haberet*, quæ verba contextus sunt, & annotat Accurs. *& hoc si servus*: scilicet, si servus à bonæ fidei possessore se subtrahere nolit, sicut facit hic. Placet Accursij annotatio maximo pere, sed explicatione indiget. Dominus ex contractu servi tenetur de peculio iure prætorio. Verum excipe contractum, quo se servus domino subtrahit, subducit, auferat: nam ex contractu servi, quo id agit servus, ut se domino auferat, ut liber fiat, vel ut mutet dominum, dominus non tenetur de peculio, ut in hac specie contrahit mutuam, ut se bonæ fidei possessori auferat, ut eam pecuniam adnumeret pro capite. Ex eo igitur contractu mutui bonæ fidei possessor non tenetur de peculio: & ita, si servus extero se emi mandaverit, & manumitti, & exterus eum emerit suis nummis, an eos nummos recipiet à venditore actione de peculio? minime, quia eo contractu id egit servus mala ratione, ut se domino subtraheret, ut ait idem Papinianus in l. cum servus, D. mand. ubi obscurum est quod dicit, servum, qui se emi mandaverit mala ratione ut subducatur se domino: cur dicit mala ratione? nulla est mala ratio: nam dominus inuitus eum non vendit. Eo enim casu non cogitur vendere, l. servus meus, D. mand. Liberæ sunt venditiones, liberi contractus, quandoque non ex ter redimit servum mandato servi, sed ipsi met servi se redimunt *ἀὐτῶν καὶ παρ' ἐν-πὶς*: numerata pecunia pro capite: sed inuiti domini non vendunt, nec redimere se volentes inuiti audiunt. Quenā igitur in eo est mala ratio? quia ex parte servi mala quadam arte supponitur emptor plerumque clam domino, ut hac via ei se subripiat, & dominum pelliciat ad vendendum, qui si hoc sciret, non concederet, sed retineret potius, malletque habere. Igitur ex parte servi est mala ratio, quia vult se clam dño subtrahere, quoniam exterus non emit ut servum habeat, sed ut statim manumittat. Ergo hic §. ult. & d. l. cum servus, eleganter demonstrant, dñm non teneri de peculio ex contractu servi, quo agit, ut se subtrahat dño, quia mala ratione est habitus hic contractus, quāvis non habeatur nisi inter volentes. In specie igitur §. ult. bonæ fidei possessor non tenetur de peculio eius pecuniæ nomine, quæ mutuo data est in hoc, ut servus subduceretur domino. Proinde actio de peculio est in solum dominum. Verum dominus agat in rem, aut ad exhibendum cum bonæ fidei possessore, propterea quod ea pecunia non est acquisita bonæ fidei possessori, sed sibi: neque enim est ex operis servi: non est

○



etiam ex re bonæ fidei possessoris sed magis propter rem, ad est, propter seruum, quasi quodammodo suam rem, non ex re sua: differentia est inter ex & propter, *l. pen. de sepul. viol.* Prætereo hic locos, quos adducunt in *l. 1. C. si seru. ext. emi se mand.* quia heic agitur, non vt ex eo contractu, sed propter eum contractum ibi ex ea contractu actionem statuunt. Ea igitur pecunia non est adquisita bonæ fidei possessori. Restat igitur adquisitam domino, idque verum esse ait, siue manumiserit seruum, siue non. Neque mox eor. *l. si seruus, de acq. rer. dom. l. 1. §. sed & per eum, de acq. pos.* quibus locis ostenditur, seruum bonæ fidei possessum, cui quid traditur, neque acquirere possessionem bonæ fidei possessori, si nec sit ex re eius, nec ex operis serui; neque domino, quia per eum, quem non possideo, non possum acquirere possessionem. Quibus legibus male respondit Accursius, vbi differentiam ponere debuit inter possessorem, & dominum. Et fateor in hac specie eius pecuniæ, quam mutatus est seruus, dominum acquiri domino serui, possessionem autem non acquiri, etiamsi apprehenderit: fac accepisse à creditore. Alia est ratio adquirendi dominij, alia possessionis: alia ratio amittendi dominij, alia amittendæ possessionis: amittitur possessio nuda voluntate, dominium non item.

#### Ad l. 7. ad Vell.

*Quāquam igitur fideiussor, doli replicatione posita, defensionem exceptionis amittat: nullam tamen replicationem aduersus mulierem habebit: quia facti non potest ignorationem prætere. Sed non erit iniquum, dari negotiorum gestor. actionem in defensorem: quia mandati causa per Senatufc. constituitur irrita, & pecunia fideiussoris liberatur.*

**H**uius l. quæstio nexa est cum iis, quæ Vlp. retulit in *l. 6. ex eod. Papiniani lib.* Regula est iuris: Neminem esse defensorem idoneum alienæ litis sine satisfactione iudicatum solui, §. 1. *Instit. de satisf. dat. l. 18. de cast. pec. l. qui proprio 46. §. qui alium, de procur.* Secundum hanc regulam, qui defendebat filium alienum absentem, iudicatum solui fideiussores dedit, non matrem: hæc enim non fuisset idonea propter Senatufc. Velleian. quo improbantur intercessionēs mulierum, sed dedit alios, qui tamen mandatu mulieris interueniebant pro defensione filij: ij etiam non sunt idonei, quia exceptione Senatufc. Velleiani, non tantum mulieri succurritur, quæ intercessit pro alio, sed etiam procuratori mulieris, qui intercessit mandatu eius, *l. si decipiendi 30. §. ult. hoc tit. Procurator,* inquit, *si mandatu mulieris intercessit pro alio, exceptione Senatufc. Velleiani adiunatur,* id est, ex intercessione non tenetur: Et subiicit (quod est obscurum) *ne alias actio intercidat;* Sic Florentinus, vulgo male: *nec alias actio intercidat:* nunquam est temere discedendum à Florentino: scriptura enim certior quam vlla. subtiliter est scriptum, *ne alias actio intercidat.* quæ certe nihil aliud possunt velle, quam, ne si procurator expromiserit (quo genere plano fit nouatio) vel si iudicium acceperit pro alio mandatu mulieris, ne adiunetur exceptione Senatufc. Vellei. prior actio intercidat, quæ E competeat in priorem, videlicet quasi nouatione facta, contra sententiam SC. Velleia. vel vt dicam planius, ne fraus fiat Senatufc. Vellei. & actione perempta nouatione, & muliere contra mentem Senatufc. Vellei. non intercedente quidem palam pro alio, sed dante alium, qui intercedat, veluti procuratorem suum, *l. ult. §. si mulier pro eo, hoc tit.* Ergo in hac specie, si pro defensore filij procurator mandatu mulieris fideiussit iudicatum solui, & conueniatur actione ex stipulatu, tueri se potest exceptione Senatufc. Velleiani, perinde atque si fideiussisset pro muliere intercedente: nam & fideiussori mulieris Senatufc. subueniri constat, *l. si mulier contra §.*

*1. l. quamuis §. interdum, hoc tit. l. 14. & 15. C. eod.* Et notandum maxime ex *d. l. si mulier contra,* liberari & mulierem, quæ intercessit, & fideiussorem, qui intercessioni mulieris accessit, etiamsi fideiussor ille non habeat *ἀναπόδον*, regressum aduersus mulierem actione mandati, si soluerit. Solet fideiussori qui soluit dari actio mandati, aduersus principalem debitorem. Tres tantum sunt casus, qui excipiuntur. vnus est, si donandi animo fideiussit alter, si in rem suam fideiussit magis, quam in rem debitoris principalis, *l. si quis rem, de lib. leg. & si quis pro inuito præsentē & repugnante fideiussit, l. si remmuerandi §. si passus, l. si pro te, mand.* Finge, vnum ex istis casibus existere, & fideiussorem, qui accessit intercessioni ex mandato pro muliere, non habere regressum ad mulierem, an denegabimus opem Senatufc. Vellei. Minime, quanquam ea res non pertineat ad mulierem, cum non teneatur mandati. cur ita? quia tota obligatio, inquit, *lex si mulier contra,* Senatufc. reprobatur, id est, non principalis tantum, quæ est intercessio mulieris, sed etiam accessoria, & à prætore restituitur prior debitor creditori, qui quodammodo defierat esse debitor muliere intercedente nouandi causa. Hoc enim dici tantum potest de intercessione, quæ nouat priorem obligationem. Intercessionum autem duo sunt genera: aliæ nouant, aliæ non nouant, sed accedunt priori obligationi. Ergo fideiussori mulieris, quæ intercessit, succurritur SCto Vell. non minus, quam ipsi mulieri, etiamsi mulier ex mandato non obligetur fideiussori. At quia is de quo agitur in specie proposita, non fideiussit pro muliere, sed pro defensore filij: ergo ei non videtur imperitiendum esse beneficium SCti. Vell. Imo vero nihil refert pro muliere fideiussit, an pro defensore filij mulieris gratia, quod significat *d. l. 16.* Et generaliter igitur datur exceptio SC. fideiussori mulieris, quæ intercessit & procuratori, qui intercessit mandatu eius. Verum ita demum procuratori dabitur exceptio Velleiani, qui pro defensione fideiussit iudic. solui mandatu matris, si actor, apud quem fideiussit, sciuit eum mandatu mulieris fideiussisse: nam si ignorauit quod agebat mulier per alium in fraudem SC. ignorantem non obstat exceptio, *l. 1. C. ad Vell.* sicut nec ignorantem creditori obstat SCti Maced. exceptio, *l. pen. ad Maced. l. 1. C. eod.* Exceptio Maced. obstat ei, qui sciuit, aut scire potuit filium esse cui credebatur. In iure sunt paria, siue quis scierit, siue potuerit scire: idemque est posse, & debere scire, *l. 1. de edil. ed. venditor tenetur ad litiis actionib. de vitiis,* quæ scire debuit. M. Tull. scire potuit. Coheres qui sciuit aut scire potuit abstinente coherede, se omnibus oneribus hereditatis implicitum fore, videtur postea se ea conditione bonis immiscere, *l. si duo 38. D. de adquir. her.* Dixi qui sciuit, aut scire potuit, ergo de exceptione SC. Vell. sic statuamus: eum duntaxat creditorem repelli exceptione, qui sciuit, aut scire potuit, *i. e.* debuit, mulierem intercessisse ratione aliqua ignorantem creditori, si opponetur exceptio SCti Vell. ab eo elidetur opposita replicatione doli mali, quia dolo facere videtur, qui aduersus ignorantem vult vt exceptione. Replicatio doli datur ignorantem, non scientem, & perimit exceptionem Vell. Et hoc est, quod Vlpian. ex eo libro Papin. in *l. 6.* ait in fine, *exceptionem Senatufc. replicatione doli mali repellendum:* quam scripturam nostri violarunt, dum existimabant in ea esse mendum, & similes omnes violarunt, quæ erant in *D. in l. in bello §. facti, de capt. & postlim. ren. sententiam sequendum est, in l. at quia §. 1. de negot. gest. rationem à capite reddendum, in l. Gaius 45. solut. matrim. permittendum vtilem actionem, in l. 19. in fine de nouat. merito denegandum exceptionem. & legendus est Gellius de hac re. *l. 1. cap. 7.* Intelleximus quid ex Papin. lib. retulerit Vlpian. in *l. 6.* Ex eo nascitur quæstio alia, quæ definitur in *l. 7.* ab Vlp. adiunctis iis, quæ sequebantur in Papin. lib. Finge: procurator ille, qui pro defensione filij fideiussit mandatu mulieris, conuentus est ex stipulatu*



& coactus est soluere sublata exceptione Senatusconf. Velleiani replicatione doli mali, propterea quod creditor ignorabat eum fideiussisse mandatu mulieris: quæro, an habeat actionem mandati aduersus mulierem, vt consequatur, quod soluit mandatu mulieris? Et rectissime ait Papin. agentem eum aduersus mulierem repelli exceptione Senatusc. quia inutile fuit ex sententia Senatusc. tale mandatum. Id enim mandante muliere sane intercedebat pro filio: mandatum intercessio est. Ergo si ex eo conueniatur, adiuuanda est exceptione Senatusc. Dices, an procurator ille agendo mandati aduersus mulierem, & muliere opponente exceptionem Senatusc. possit se tueri replicatione doli? Dicemus non posse, quia fuit sciens, non ignorans. non potest facti ignorationem prætere: & replicatio doli mali datur tantum ignorantem, non scientem: & facti proprii intelligit, vultque alieni facti tolerabilem esse ignorationem: proprii facti non esse tolerabilem. Atque adeo, non potest ignorare mulierem sibi mandasse vt fideiuberet pro defensore filij, atque ita mulierem intercessisse: non potest ignorare, se mandatum suscepisse: neque prætere huius facti ignorationem. Quapropter non vtetur aduersus mulierem replicatione doli mali: quinimo in replicatione sua repellitur iure per exceptionem Senatusc. Vell. l. ult. §. mulier ne ipsa, in fi. hoc tit. Dices, ergo in damno versabitur procurator mulieris idemque fideiussor pro defensione filij? nam quod soluerit non recipiet à matre. Verum nõ deest alius, à quo recipiat, nempe defensor. Erit enim ei in defensore actio negotiorum gestorum, quia sua eum pecunia liberauit, & mulierem ex mandato cum effectu obligatam non habet: atque ita data actione negotiorum gestorum in defensorem, ei consulitur, ne in damno moveatur. Animaduertendum est, Papin. in hac l. 7. duplici ratione vti vt ostendat, defensorem teneri negotiorum gestorum. Vna est, quia eum liberauit suo ære, suis nummis: altera, quia non habet mandati actionem aduersus mulierem: ac si diceret, quia non potest agere aduersus mulierem, recurret aduersus defensorem actione negotiorum gestorum: vnde recte colligitur, eum, qui ex negotio alieno quod gessit, habet actionem mandati aduersus alium mandantem, non habere negotiorum actionem aduersus alterum, cuius commodo negotium cessit: & actionem negotiorum gestorum esse quasi subsidiariam, anteire actionem mandati. Et sicut, qui apud vnum potest agere mandati, non potest aduersus eundem ex eadem causa agere negotiorum gestorum: ita qui potest aduersus eum agere actione negotiorum gestorum principaliter, non potest aduersus alium agere mandati, vt sit actio negotiorum gestorum, quasi subsidiaria. Et recte Papin. vtitur *ἐν τῷ δόλῳ*, & *ἀντὶ τοῦ ἐκείνου*, id est, duplici ratione, vt ostendat defensorem teneri negotiorum gestorum, quia, inquit, non tenetur mandati, quia deficit actio mandati, & eum sua pecunia liberauit.

#### Ad l. 53. qui fide. Mandati.

Qui fide alterius pro alio fideiussit, presente & non recusante: utrosque obligatos habet iure mandati. Quod si pro inuito vel ignorante, alterutrum mandatum secutus fideiussit: eum solum conuenire potest, qui mandauit: non etiam reum promittendi. Nec me mouet, quod pecunia fideiussoris reus liberetur: id enim contingit etsi meo mandato pro alio soluat.

Prætermisimus, quæ cum l. 7. est coniungenda l. 53. mand. quæ est ex eo libro: nam ita sunt nexæ, vt videatur vna alterius ope indigere, aut esse imperfecta quolibet, nisi apponatur etiam altera. Ex l. 7. ad Vell. (vt diximus) datur actio negotiorum gestorum ei, qui pro alio fideiussit mandato alterius, aduersus reum debendi, quem soluendo sua pecunia liberauit, maxime si nullus sit, qui mandati conueniri possit, vt si mandatu

Quæst. Papin.

mulieris fideiussit, quod constat irritum fieri S Cto Velleiano. Ex hac autem lege 53. eadem fideiussori non datur actio mandati aduersus reum principalem: nullum enim mandatum antecepsit, sed datur tantum ei actio mandati in eum, qui pro eo fideiussit, in marem, scil. non in foeminam: nam foeminae mandatum irritum est. Ergo coniuncta vtraque lege, vt lex Gallus, de liber. & postum. ait, coniunctis capitibus legum, probe interpretationem rerum fieri, ac proinde coniuncta vtraque intelligimus, non esse actionem mandati huic fideiussori, qui fideiussit mandato alterius, sed esse negotiorum gestorum actionem, præsertim si nec sit in alium actio mandati utilis: vt si is, cuius mandatu fideiussit pro alio, sit foemina, vel clericus. etiam intercessio irrita constituitur canonibus: nam & ita, vt heic ostendit Papinianus, si non fideiussit pro alio, sed soluit tantum mandatu alterius, quamuis eum sua pecunia liberauit, non aget cum eo mandati: sed cum mandatore duntaxat, cuius mandatu soluit pro eo, quo tamen liberato S Cto, alio legis beneficio in eum, quem sua pecunia liberauit, dabitur actio negotiorum gestorum, ne in damno versetur. Et in summa res ita se habet: non omnem, qui pecunia mea liberatus est, mihi teneri mandati, certe negotiorum gestorum teneri, si nec in alium mihi suppetat actio mandati. Et hæc omnia, quæ necesse erat demonstrari, vera esse Papin. ait in l. 53. si quis mandato alterius fideiussit pro inuito vel ignorante. Hic non habebit actionem mandati in eum, pro quo fideiussit, sed habebit negotiorum gestorum: nam ea etiam datur iis, qui recusantiam, contradicentium negotia gesserunt, modo ea utiliter gesserint, l. soluendo, de negot. gest. & si soluero prote, mihi competit actio negotiorum gestorum, cum non possis effugere debiti solutionem, vel cum immineret periculum pœnæ, aut usurarum nisi soluissem pro te. si ergo mandatu alterius fideiussit pro altero inuito, is qui mandatum exposuit, tenetur mihi mandati. Is vero pro quo fideiussit inuito, non potest mihi teneri mandati, sed tenebitur negotiorum gestorum. Hæc erit mihi extremum rei meæ seruandæ subsidium, si non sit alia actio potior, qua meum seruare possim, id est, id quod solui pro reo debendi. sed si mandato alterius fideiussit pro præsentem, & tacentem, actio mandati mihi dabitur non tantum in eum, qui nominatim mandauit: sed & in eum pro quo fideiussit præsentem & tacentem: nam silentium pro mandato habemus, & patientiam pro rati habitatione: nec minor est vis taciti mandati, quam expressi.

#### Ad l. 8. quod priuilegium, depositi.

Quod priuilegium exercetur, non in ea tantum quantitate, quæ in bonis argentarij ex pecunia deposita reperitur: sed in omnibus fraudatoris facultatibus: idque propter necessarium usum argentariorum ex utilitate publica receptum est. plane sumptus causa qui necessariò factus est semper præcedit: nam deducto eo bonorum calculus subducitur solet.

Hæc l. est de creditoribus argentariorum, & docet quis ordo inter eos seruetur, id est, quibus in bonis argentarij vendendis, qui bonis cessit, prius satisfieri oporteat. Argentarij (quod sæpissime ostendimus, & nunc breuiter ostendemus, nam ea res debet omnibus hodie esse cognita) sunt, qui in foro publico tabernam publicam habent nummariam, apertam, & expositam volentibus ratiocinia sua conficere vel purgare: erant enim ratiocinatores optimi. Item volentibus pecunias permutare siue cambire: pro qua re, id est, pro permutatione nummorum veterum pro recentibus dari solet collybus siue aspratura. Apertam etiam tabernam habent volentibus nummos probare. Erant enim nummorum peritissimi, nec fiebat solutio sine nummulariis, aut non existimabatur posse recte



feri, nisi expendissent, num quid subesset subærat, numquid lacunæ. Quicunque contrahebant, ad mensam ibant frequentes: & propterea nec sine argentario ullus contractus habebatur, in quo scilicet pecunia interueniret: nam apertam tabernam habebant volentibus pecuniam accipere; sicut fœneratores publici, vel etiam volentibus dare fœnori, & dare vel ipsis argentariis, vel aliis per argentarios: nam plerumque dabatur certa quantitas nummorum, ut eos apud alios occuparent, vel excererent. Item volentibus pecunias suas dare custodiendas sub publica fide, quod plerumque faciunt peregre profecturi domini, fidem suis non magnam habentes: & quidquid habent nummorum, id malunt concedere argentariis: maior enim illorum fides erat olim, quam nunc sit in iis, qui eos hodie imitantur: & sicut ædituis pecunia dari solebat in causam depositi, ita & argentariis, *l. si ventri §. in bonis, de rebus auct. ind. poss.* & (ut ait Papinianus in hac l. 8.) usus eorum est necessarius, sed quandoque periculosus: propterea quod nonnunquam foro cedunt clausa taberna, prodita fide, fraudatores, decoctores: quod quum contingit, evertit ea res, & proturbat non vnius tantum, sed multorum negotiatorum rem, qui rem habebant cum argentario, qui celsit foro: & solent, dum id contingit, creditores omnes coire in vnum, & distrahere bona fraudatoris per procuratorem seu magistrum, & ex pecunia redacta ex venditione omnium bonorum decoctoris portionem ferre pro rata crediti: quod ita ostendit iisdem fere verbis *l. ult. de curat. bon. dat.* Et ad eum morem liquidum est respexisse Senecam lib. de Benefic. dum ait: *Debitorum appellabo, & si foro cesserit, portionem feram ex contractu*: scilicet, ex pecunia, quam redegerit procurator constitutus bonis distrahendis. Vide quid sit nescire ius, qui non sunt in eo versati, referunt illum locum ad actionem quasi Seruianam: quasi vero ea actione fiat distributio inter creditores: nec enim in ea quicquam agitur de dispartendis bonis. etiam pessime addunt ea auctoris verba posse referri ad actionem tributariam: Nam hæc actio distributionem tantum facit mercis peculiaris, in qua seruus negotiatus est sciente domino: inter dominum & creditores mercis peculiaris, non omnes: & perperam, per actionem tributariam creditores capere partem de peculio, imo de merce peculiaris, non de peculio: Nam aliud est merx peculiaris, aliud peculium. Peculium intelligitur deducto eo, quod domino debetur: merces, etiam eo non deducto, *l. 1. §. peculiarem, de tribut. act.* sicut aliud est peculium, aliud seruus peculiaris. legato seruo cum peculio, & alienato, & manumisso vel mortuo viuo testatore extinguitur etiam peculij legatum, *l. 1. & l. 3. de pecul. leg.* legato seruo cum vicario, mortuo seruo manet vicarius legatus. Nunc finge: multi erant argentarij, qui fregit fidem, & clausit tabernam, creditores variis ex causis. alij erant ex causa fœneratij, alij ex causa depositi, alij ex causa mandati, ut quia datis nummis eis mandauerant, ut eos excererent, ut ne otiosos relinquerent: alij ex causa societatis, ut pote miscuerunt suos nummos cum nummis argentarij fœnoris exercendi causa, alij ex aliis causis: & erant ex iis priuilegiarij quidam, pupilli puta, quorum tutelam gesserat argentarius, vel fiscus, vel respub. qui etiam habent priuilegium, vel qui crediderant pecuniam ob confactionem ædificiorum, vel ob nauem instruendam, armandamque, vel qui in eorum locum successerant, id est, quorum pecunia creditores priuilegiarij dimissi fuerant. Ii sunt priuilegiarij, & alij quidam, id est, qui habent priuilegium exactionis, *μεγιστεν ἐξίαν*. Ex his etiam est mulier, quæ de dote agit: hæc est valde priuilegiaria, vel qui, quæue in funus defuncti sumptus fecit, quæ causa est etiam valde priuilegiaria: sed & mulier, quæ de dote agit, non tantum habet priuilegium exactionis, sed & hypothecæ, id est, præfertur omnibus creditoribus, & chirographariis, & hypothecariis. Et

A breuiter siue agat personali actione, quod est priuilegium exactionis, siue hypothecaria agat, excludit ceteros creditores: nam ei satisfieri oportet: eius rationem prius purgari oportet, quam veniatur ad ceteros. Sed nos hic loquimur tantum de priuilegio exactionis. qui hoc habent, præferuntur ceteris: ergo eis prioribus satisficit. *Ulpian. l. 7. §. ult. hoc tit.* ex qua pendet l. 8. docet, omnibus priuilegiariis creditoribus præferri depositarios, id est, qui pecuniam depositam apud argentarios habuerunt, præferuntur etiam priuilegiariis: namque ait, rationem haberi depositariorum, qui pecuniam deposuerunt apud mensam, stante fide publica ante priuilegia. satisficit igitur depositariis prius, deinde sequuntur priuilegiarij. quod ita procedit, si vsuras depositarum pecuniarum non acceperunt ab argentariis. Nam si acceperunt vsuras, non sunt depositarij. depositum est gratuitum, quod explicabitur in l. 24. *hoc tit.* Et deponere pecuniam sub vsuris, credere est, non deponere. Quum ergo dicimus, depositariorum rationem haberi ante priuilegiarios, depositarios accipimus proprie, id est, qui simpliciter pecuniam apud mensam argentariorum deposuerunt, nec vllas vsuras acceperunt: eorū habetur ratio ante priuilegia. Et quidem omnium, qui deposuerunt, eorum nullo obseruato ordine temporis: simul omnes depositarios conuocabimus, eisque satisfaciemus, antequam rationem vllam habeamus priuilegiariorum, *d. l. 7. §. ult.* Verum huic definitioni obstat *l. si ventri §. in bonis, ff. de rebus auct. ind. poss.* alias est sub tit. *de priuil. credit.* qui tamen tit. est supposititijs: ait, *in bonis mensularij*, id est, argentarij, *distrahendis, post priuilegia haberi rationem eorum qui deposuerunt suas pecunias*. Lex 7. ait, *ante priuilegia*, illa, *post priuilegia*. non videtur vlla lex alteri magis aduersari posse. Sed si perlegatur *d. l. 7.* facile erit se expedire posita hac differentia: aut pecunia deposita exstat, aut non exstat (deponabantur obsignata pecuniæ in arca) si exstant pecuniæ, præferuntur priuilegiariis, quia æquissimum est, eis pecunias suas restitui: neque enim depositione deficerent esse domini. sed si non exstant, si consumptæ sunt, præferuntur non priuilegiariis, sed ceteris, qui non sunt priuilegiarij: pecunia non exstante, ipsi sunt infimi, vltimi priuilegiarij. Res ergo ita se habet. Depositariorum rationem haberi, si exstant loculi non inanes, nec resignati. Et rursus priorem esse causam depositariorum post priuilegia, si non exstant nummi, hoc casu præferri priuilegiarios depositariis, atque ita hoc casu depositarij vltimum gradum obtinent, & secundum hoc, est accipiendum quod ait Papinianus in l. 8. hoc priuilegium, quod datur depositariis non tantum in pecuniis depositis exerceri, sed etiam in vniuersis bonis fraudatoris. Adducit rationem, cur hoc priuilegium detur depositariis, quod publica vtilitas hoc exigit, ne fallantur, qui sequuti sunt fidem publicam, quique necessario vsi sunt opera argentariorum, dum alios non habent, apud quos deponant nummos suos. Et postremo ait, si quod priuilegium interueniat, vel horum, vel illorum, semper haberi ante omnia rationem sumptuum necessario factorum, quia expediendæ auctoris causa, (*les frais des criées sont les premiers payez*) expediendæ bonorum venditionis causa: nam bona intelliguntur deducto eo sumptu, nec ante bonorum calculus subducitur, quam ea impensa subducta sit *l. quant. ad l. Fac. l. 119. in fi. ad Treb. l. ult. §. in compt. C. de iure delib.* In l. Falcidia, vel alias, in computatione patrimonij vel bonorum semper deduci ante omnia, quod impensum est in confactionem inuentarij: quod impensum est in insinuationem siue publicationem testamenti. Hi sumptus post mortem domini necessario fiunt, ac minuunt bona, neque enim bona calculo subiiciuntur, antequam hi sumptus impleti fuerint.



Ad l. 24. Lucius, eod. tit.

*Lucius Titius Sempronio salutem. Centum nummos quos hoc die commendasti mihi, adnumerante seruo Stichio actor, esse apud me, ut notum haberes, hac epistola manu mea scripta, tibi notum facio, qua quando voles, & ubi voles confestim tibi numerabo. Queritur propter usurarum incrementum. Respondi depositi actionem locum habere: quid est enim aliud commendare, quam deponere? quod ita verum est, si id actum est, ut corpora nummorum eadem redderentur: nam si, ut tantundem solueretur, conuenit: egreditur ea res depositi notissimos terminos: in qua questione, si depositi actio non teneat, cum conuenit tantundem, non idem reddi: rationem usurarum haberi, non facile dicendum est: & est quidem constitutum in bonæ fidei iudiciis, quod ad usuras attinet, ut tantundem possit officium arbitri, quantum stipulatio. sed contra bonam fidem, & depositi naturam est, usuras ab eo desiderare temporis ante moram, qui beneficium in suscipienda pecunia dedit. si tamen ab initio de usuris præstandis conuenit, lex contrarius seruabitur.*

**E**X tractatu legis 8. *depos.* hæc potissimum in memoriam redigi velim. Vlpian. in l. 7. §. pen. ex qua pendet d. l. 8. depositarios interpretatur hoc modo, id est, eos, qui depositas pecunias habuerunt: non abs re; nam vulgo depositarij sunt, non qui pecuniam deposuerunt, sed qui acceperunt pecuniam depositam: alij qui dederunt, sunt depositores: sed in constitutione ea, qua privilegium dabatur depositariis (nam hoc constitutionem aliquam effecisse necesse est) depositarios interpretatus est Vlpianus esse depositores. Ita inuenio in iure, fideicommissarium, quem scilicet vulgo dicimus pro eo, cui est relictum fideicommissum, accipi tamen nonnunquam pro herede. fideicommissarius nonnunquam est heres, vel legatarius, qui rogatus est præstare fideicommissum. l. *quamuis*, de iudic. & Nouell. 108. Illud quoque in memoriam veniat, depositores, quos dixit privilegiu habere in bonis nummularij vendundis, qui bonis cessit, omnes concurrere, & simul admitti, omniū simul rationem haberi ante privilegia, si existent pecuniæ depositæ, & non seruari ordinem temporis, non satisfacere antiquiori depositori, sed omnibus simul. Ex quo intelligitur, in hypothecis quidem seruari privilegium temporis, & potiore, potentioreque esse eum in vindicanda hypotheca, qui est prior tempore: sed in actione personali non obseruatur privilegium temporis in exigendo debito, in actione in personam non seruatur privilegium temporis inter creditores, qui sunt eiusdem tituli, id est, quibus ex eadem causa debetur, ut inter depositarios plures, l. *privileg.* de reb. auct. ind. in hypothecis privilegia æstimantur ex tempore. In personali actione ex causa debiti, non ex tempore, hoc est, non præfertur cæteris, qui est antiquior creditor, sed qui causam debiti habet privilegiariam, veluti causam dotis, aut similem, quæ sit sultra privilegio iuris. Postremo redigamus etiam in memoriam, quod didicimus ex d. l. 7. §. pen. depositarios habere privilegium exactio- nis, si modo depositarum pecuniarum usuras non acceperint, si fuerint simplices depositarij. Nam si usuras acceperint, non vtuntur privilegio depositariorum, nec depositarij esse censentur, vel etiam si per argentarium, apud quem pecuniam deposuerunt, ex iis pecuniis fœnerentur, ij quoque non sunt proprie depositarij privilegiarij. Huic parti est statim coniungenda lex 24. *hoc tit.* Privilegium depositariis datur iis tantum, qui usuras depositarum pecuniarum non acceperunt. Nam qui usuras accipiunt, vel qui pecuniam deponunt ea lege, ut usuras ferant, ereditores potius sunt, aut fœneratores, quam depositarij, l. *si ventri* §. in bonis, de reb. auct. ind. vel etiam, qui depositis pecuniis gratuito, nulla facta

**A** mentione usurarum, postea usuras acceperunt, videntur renuntiare deposito, & in creditum transire. Non est igitur depositum proprie, si veluti pro usu usuræ præstentur, ac si liceret uti pecunia deposita, quod certe non licet, & qui utitur fur est, l. *si sacculum*, *hoc tit.* non est proprie depositum si pecuniæ depositæ fœnus accipiat, licet contrahentes appellauerint depositum, rem enim spectamus, non verba. Non est usus pecuniæ depositæ: sed custodia permilla tantum: ergo nec usuræ debentur. Et sane quod ad privilegium attinet, de quo tractatur in l. 8. non est depositum: at crediti potius iure censetur siue fœnoris. Hinc queritur, an eo casu, quo de usuris præstandis conuenit, earum pecuniarum, quæ velut depositæ sunt, sicuti cessat privilegium illud, si de usuris præstandis conuenierit, an cesset etiam actio depositi? num possunt repetere pecuniam depositam actione depositi? an impediatur conuentione usuraria, quam deposito apposui, quod alia res acta sit, quam depositi. Denique si cessat privilegium depositi, an cesset etiam actio depositi? Finge, deposui apud te pecuniam eo pacto, ut tantundem redderes, ut idem genus redderes, non eandem speciem: quo quidem pacto tacite id agitur, ut pecunia vtaris, si velis, ut abutaris, ut consumas, neque enim eadem corpora nummorum mihi reddi spero, sed tantundem, quantitatem eandem. Ex hoc negotio estne actio depositi, necne? an est potius actio si certum petetur, id est, quæ ex mutuo competit? vel an actio præscriptis verbis, quæ ex negotio dubio & incerto? quod magni interest scire propter usuras. **C** Nam si percunctetur quis, an ex negotio veniant usuræ, spectandum est, quæ actiones dentur, ex quo cognoscimus, usuræ ne veniant, nec ne. Nam si est actio depositi, usuræ veniunt ex pacto: vel si pactio nulla interuenerit, ex mora officio iudicis: si sit ex mora officio iudicis: si sit actio creditæ pecuniæ, vel actio præscriptis verbis, quæ sunt strictæ, usuræ non veniunt nisi ex stipulatione, non veniunt ex pacto, etiam si pactum sit initio contractus, & ex continenti, id est, etiam si pactum sit ex continenti appositum. Non veniunt igitur ex pacto, non etiam ex mora officio iudicis. Nam hæc est certissima differentia inter iudicia bonæ fidei & stricta, quod in bonæ fidei iudiciis usuræ veniunt ex pacto conuenito ab initio, l. *Publia* §. 1. *hoc tit.* l. *cum quidam* §. ex loc. de usur. l. *initio*, C. de pact. int. empt. & vend. In strictis autem, non veniunt ex pacto sine stipulatione, licet pactum insit continentiæ contractus, l. *idemque* §. si Titio, l. *si Titio*, l. *qui neg. mand.* l. 10. §. *sed utrum*, de in rem verso, l. *Titius*, de præscript. verb. l. *quamuis*, de usur. Ratio diuersitatis est, quia in contractibus stricti iuris pacta incontinenti non insunt ex parte actoris, insunt ex parte rei, id est, non formant actionem, sed exceptionem tantum. In contractibus bonæ fidei insunt ex parte actoris, id est, ex eis agere possumus, nedum excipere, ac proinde insunt non tantum ex parte rei, sed ex parte actoris. Est & alia differentia non minus certa. in bonæ fidei iudiciis usuras venire ex mora officio iudicis citra pactionem, si ita arbitretur iudex, quia in illis iudiciis tantum potest officium iudicis, quantum in strictis stipulatio, quod repetitur in l. *quia tantundem*, de negot. gest. In iudiciis strictis usuræ non veniunt officio iudicis, quod nullum est, aut perquam exiguum: formula enim includitur iudex, nec sui iuris est, apud quem agitur stricto iure. Magni ergo interest scire, an sit actio bonæ fidei, id est, depositi, an stricta, id est, condictio ex mutuo, vel præscript. verbis. Et Papinianus, ut hoc definiat ita distinguit: duo genera ponit contrahendi depositi; vel (inquit) pecunia deponitur obsignata, aut clausa, ut scilicet eadem corpora nummorum reddantur, ut idem sacculus, iidem loculi, quo genere non proponitur gestum esse negotium in hac lege: aut pecunia deponitur non obsignata, non obferata, ut scilicet tantundem reddatur, de quo negotio hic agit. Priore casu



constat esse depositi actionem, imo nihil habere id negotium, quod ita gestum est, quod non conueniat naturæ depositi, si obsignatus detur sacculus ea lege, ut idem reddatur cum pecunia eadem, sed proposuerat Papinianus contrahentes, quod ita rem gesserant, non fuisse vfos verbo deponendi, sed commendandi. *centum*, inquit, *nummos quos hac die commendasti*: non dixit, quos deposuisti mihi: utrum est depositum, an nouum negotium commodati, ex quo datur actio præscript. verbis? in eo non laborat Papinianus, cum ait, commendare nihil aliud esse quam deponere. *Quid est enim aliud commendare quam deponere?* hoc idem ex Vlpian. lib. 30. ad edictum refertur in *l. commendare, de verb. sign.* Commendare nihil aliud est, quam deponere. Et notandum eo libro 30. tractasse eundem Vlpian. de priuilegio depositariorum, *l. 7. hoc tit.* quæ est ex lib. 30. ad edict. Sicut ergo Papinianus. eodem libro tractauit & de hac re, & de illa quæstione, ita & Vlpian. nempe ad edictum. Et sane iam initio ostendi, esse affinem seu proximam alteram alteri, ut sit facile ex vna labi in alteram, propterea quod distinguuntur depositarij, qui vsuras accipiunt, ab his, qui non accipiunt. Eodem sensu dicimus commendare corpus mortui terræ, *l. etsi quis, §. funeris, de religiof.* quod est deponere, *l. si quis, 40. eod. tit.* deponuntur quoad fiat iusta sepultura: & aliud est sepelire, aliud commendare. Commendatio mortui non est iusta sepultura: sit enim temporis causa tantum, sepultura sit, ut perpetuo ita sit. In legendis auctoribus accurate semper cauendum est, ne decipiamur: nam innumeris locis legitur verbum *commendare*, deprauatum in *commodare*, ut olim legebatur in *l. 9. C. de pos. res commendatas*, id est, *depositas*. qui error effecit, ut Tribonianus *legem ult. C. commod.* poneret sub eod. tit. quod in ea constit. legisset commodatum pro *commendatum*. Perperam: quod discussio iure, vel animaduerso diligentius debuisset emendare, *commodare* in *commendare*, atque ita eam legem ponere debuit sub titulo depositi. Nam & sententiam *d. l. ult.* tueri nemo potest absque calumnia. Quod vult ea lex in actione commodati non esse compensationi locum, sed rem commodatam statim reddendam, etiamsi quid vicissim debeatur, est falsum, *l. Lucius, mand. l. in reb. §. quod autem, ff. commod.* & specialiter tantum hoc est receptum in actione depositi, ut non possit ei obici compensatio, ne quid moretur redditionem depositi: omnes aliæ actiones compensationem patiuntur ipso iure hodie. Et merito excipitur actio depositi: quoniam hæc actio summam fidem exigit, non par est fides, quæ in bonæ fidei iudiciis exigitur vbiq: maior in vno exigitur, quam in alio, sicut quæ sunt stricta iudicia non sunt pari modo stricta; alia arctiora, alia minus. Contractus depositi est sacer contractus, ut Iuuenalis dixit, *sacrum depositum*, non quod in ædes sacras deponere solerent pecuniam, sed ut non fas sit fidem fallere depositi. Quod etiam in eo apparet, quia qui fefellit depositi fidem, sit infamis: qui commodati, non sit infamis: & quod actio depositi est priuilegiaria, commodati non item. & quod deposito non opponitur exceptio non numeratæ pecuniæ, *l. in contract. C. de non num. pec.* commodato opponitur & cæteris actionibus. & ita etiam in solo deposito hoc receptum est, ut ei non opponatur compensatio, *l. pen. C. de pos. l. ult. C. de compens.* Verum ad rem: si pecunia, quæ est altera pars diuisionis Papin. data sit non obsignata, ea lege ut tantundem solueretur, an ex hoc negotio est actio depositi? Papin. ait, *eam rem excedere depositi notissimos terminos*, excedere depositæ pecuniæ modum. Termini depositi sunt, in quos resoluitur definitio depositi. Quid est depositum? Est conuentio qua id agitur, ut rem meam custodias, & mihi possideas non tibi, eamque mihi reposcenti restituas, *l. 2. in pr. de reb. cred. l. licet §. rei, hoc tit.* hos terminos egreditur, qui paciscitur, ut tantundem reddatur quantum deposuit: Nam hoc agit, ut is, apud quem deponit, sibi habeat,

A sibi possideat, & non eandem speciem reddat, sed quantitatem, *l. in nauem, loc.* Est igitur hæc conuentio contra naturam depositi. Papin. non definit aperte in hac *l. 24.* utrum sit actio depositi ex hac conuentione, an non, quod tamen multum interest scire. Nam ut ipse Papin. ostendit in hac *l.* si non sit actio depositi, sed creditæ pecuniæ, vel præscriptis verbis, vsuræ non venient nec ex pacto, nec ex mora, neque ex officio iudicis: sed si sit actio depositi, vsuræ venient ex pacto conuentione in continenti officio iudicis, siue ex pacto ex fide bona. Ex mora igitur, non ante moram, nisi aliud conuenerit ab initio, ut vsuræ præstentur etiam ante moram. Vnde notandum est, off. iud. in actionem depositi non venire vsuras, nisi ex mora, propria quadam ratione, quia esset contra bonam fidem, & contra naturam depositi, si vsuris alligaretur is, qui beneficium dedit in recipienda re, & custodienda, nec recusauit vnquam, aut moram fecit in ea reddenda. hoc est proprium in deposito. Ergo in aliis contractibus veniunt vsuræ etiam ante moram officio iudicis. In aliis contractibus bonæ fidei officio iudicis vsurarum ratio habebitur, etiam eius temporis, quo debitor non erat in mora, veluti ex tarda solutione. Nam non omnis tarda solutio est mora. Mora est tarditas, quam creat interpellatio. Potest esse tarditas in re ipsa, quod longius trahat solutionem, licet non interpelletur, *l. cum quidam §. ex locato, de usur.* quæ constituit differentiam inter tardam solutionem & moram *en. in vs. §. huius.* Ergo possunt venire vsuræ ante moram ex tarda solutione, vel quod pecuniam (exempli gratia) mandataris conuerterit in suos vsus, licet nondum sit interpellatus de ea reddenda, *l. idemque §. 3. mand. l. socium, pro socio.* Præterea stipulatio vsurarum ante moram iure procedit, quis hoc negabit? in *l. lecta, de reb. cred.* tantum proficit officium iudicis, quantum stipulatione. quod stipulatione contrahentes efficere possunt, idem facit iudex ex officio. Ergo (quod sæpe iterandum est) multum interest scire, quæ actio sit ex proposito negotio. Sed ad extremum Papin. rem non definit, mouet omnem lapidem excutiendæ huius rei causa, nihil tamen efficit, quia rem indefinitam relinquit, sed subolet, Papinianum, facile admisisse actionem depositi: cessare quidem priuilegium depositi, sed non actionem: non male agere eum, qui depositi agit, & consequenter in hoc negotio venire vsuras ex pacto, vel ex mora officio iudicis, licet excedat modum depositi, quod significat & *l. sequ. §. ult. l. Publica §. 1. l. Quintus, l. si sacculum §. ult. hoc tit.* Exponenda nobis sunt primo reliqua *l. 24. depositi.* deinde id quod proposuimus, contra naturam contractus pacta facta non esse rata. Proponitur initio *l. 24.* cautio pecuniæ depositæ his verbis: *Lucius Titius Sempronio salutem, &c.* cautio & chirographum depositæ pecuniæ sit per epistolam: sed queritur, an ex ea cautione sit actio depositi? & hoc queritur propter vsurarum incrementum: Nam si sit actio depositi, accrescēt vsuræ ex pacto vel off. iud. quia actio depositi est bonæ fidei: quod non contingeret, si non teneret actio depositi, sed competeret alia actio stricta. Et sequitur proposita cautio: *queritur*, inquit, *propter vsurarum incrementum.* Est methodus breuitatis, quæ dicitur *κατὰ τὸ συντόμως*. Nam explenda est omnino hoc modo, aut intelligenda, ac si ita explanata fuisset. Queritur an sit actio depositi propter vsurarum incrementum? & ita etiam in *l. Publica §. 1. hoc tit.* Si de præstandis vsuris pecuniæ depositæ conuenerit, eum contractum excedere modum depositi, ideoque secundum conuentionem vsuras peti posse actione depositi: hoc postremo non inferitur: neque enim inferretur probe, sed ex eo quod subintelligitur, ac si dixisset contrarium, excedere modum depositi, neque tamen ideo minus depositum esse censeri: inde recte infert, actione depositi vsuras peti posse. Cur autem dubitat an ex cautione proposita sit actio depositi? nempe, quia is, qui cautionem emisit, non scri-



psit depositam, sed commendatam sibi pecuniam fuisse. Verum Papin. ait, esse act. depositi, quod idem sit commendare & deponere: & hoc ita se habere sine vlla controuersia, si obsignata pecunia data sit ea lege, vt idem sacculus, eademque corpora nummorum redderentur. Nam in hoc contractu nihil est, quod non conueniat deposito, nihilque est, quo quis fretus, possit denegare actionem depositi: Et hoc est quod sequitur. Quid ergo? si id actum est numerata pecunia, vt alia tanta redderetur, non eadem, quid fiet? hoc deinde explicat Papinianus, *si numerata sit pecunia, &c.* Papin. ait, hanc rem excedere modum depositæ pecuniæ, depositum vel commendatum esse quidem nomine, non re, non substantia, non natura. Hæc lex subiecta deposito, vt tantundem reddatur, facit, vt quod depositum esse dixerunt, non sit depositum, & hoc forte casu non erit actio depositi, sed erit actio creditæ pecuniæ, quia ea res credito magis accedit, vel, quod in ambiguo, erit actio præscript. verbis, & consequenter non accrescent vsuræ sine stipulatione. & hoc est quod subiicit, *nam si tantundem, &c.* si non est, inquit, actio depositi, non venient vsuræ ex pacto, vel ex officio iudicis, venient ex stipulatione sola: quæ omnia satis probauimus constituta differentia inter iudicia stricta & bonæ fidei. Contra si non conuenit tantundem reddi, actione depositi venient vsuræ, accrescent vsuræ officio iud. perinde atque si essent in stipulationem deductæ, quoniam officium iudicis tantum potest quantum stipulatio, id est, quantum stipulatio potest exprimere, vel extorquere, idem & iudex potest, qui est addictus bonæ fidei actioni: & accrescent officio iudicis ex tempore moræ, non ante moram: nam iniquum & absurdum & alienum à natura depositi est, vt vsuris opprimatur depositarius, qui in custodienda pecunia beneficium dat, qui neque vitur ea pecunia, nec moram facit in ea reddenda. Vsuram dat, qui beneficium accipit, non qui non accipit, non qui beneficium dat, si vacet mora, natura depositi est, vt custodiam solam iniungat absque vsu & vsuris. Igitur non ante moram. Sed si initio deponendæ pecuniæ conuenierit de præstandis vsuris etiam ante moram, lex contractus seruabitur, id est, præstabuntur vsuræ ex pacto: nam in bonæ fidei iudiciis veniunt vsuræ officio iudicis: In hoc iudicio depositi, ex mora tantum, vel ex pacto ante moram: & hoc est, quod subiicit, *& est quidem constitutum, &c.* Hoc ergo vult in extrema parte h. l. Papin. si sit actio depositi, vsuras deberi ex pacto etiam temporis eius, quod fuit ante moram: ex officio iudicis, non nisi ex mora. Et ait, *si tamen de vsuris præstandis conuenierit*, ante moram scilicet, *lex contractus seruabitur*, id est, vsuræ præstabuntur. Ex eo colligo, quod notandum, esse actionem depositi, licet conuenierit de vsuris præstandis depositæ pecuniæ ante moram, alioquin non deberentur vsuræ, si deficeret actio depositi: non enim alia suppetere, quam stricta. Item colligo non esse actionem depositi, si conuenierit, vt tantundem solueretur, non idem: quod agi plerumque intelligitur, si pecunia numerata deponatur non tamen in folle, non in sacculo obsignata vel obserata: hæc duæ pactiones, *vt tantundem soluantur, vel vt vsura præstentur ante moram*, sunt contra naturam depositi: hoc Papin. ait aperte in illo loco: *sed contra bonam fidem, &c.* Item superiori quo dixit eam legem, vt tantundem soluatur, egredi notissimos terminos depositi: nihil enim aliud est, quam eam legem egredi naturam depositi. Qua vero ratione sunt contra naturam depositi? quia tacite permittunt vti pecunia. si vis me vsuras præstare, vis ergo, vt mihi liceat vti pecunia. si vis vt tantundem solvam, non illam quam deposuisti, vis me eam consumere. Permittitur enim tacite, vt vti liceat: hæc sunt contra naturam depositi, *l. pacta, de contrah. empt. l. iure gentium §. idem responsum, de pact.* nec sunt audiendi qui differentiam constituunt inter ea, quæ sunt contractus naturalia, & substantialia: ex na-

tura (inquam) & substantiâ, ex ipsomet contractu hoc est, ne vtatur pecunia, siue re deposita, qui accipit, sed eam seruet intactam: depositum consistit ex custodia, non ex vsu. Quæ lex siue pactio depositæ pecuniæ vsu permittit, aberrat à natura depositi. Et hinc sumpta occasione dicet aliquis, si hæc pactiones sunt contra naturam depositi: ergo non seruabuntur, & tamen ait Papinian. seruari, quod verbum est ex edicto prætoris, *pacta seruabo*, in §. *de illa, Inst. de societ.* Res explicabitur adhibita distinctione huiusmodi. Pactio dicitur esse contra naturam contractus, vel quod palam sit contra naturam contractus, vel quod tacite dumtaxat: hæc seruatur, illa non seruatur. Propterea contra naturam contractus est pactio, quæ manifeste aduersatur contractui: vt puta si quid conuenierit, quod pugnat omnino cum eo, quod primo contractum est, vt si post contractam societatem, quæ nihil aliud est, quam communio lucri & damni, conueniat, vt vnus totum lucrum sentiat, alter totum damnum, conuentio non valet: quid enim est aliud, quam conuenire, ne sit societas? Potest etiam exemplum sumi de precario, *l. precario 9. de precar.* Precarij natura est, si tu rogas me rem meam precario, vt eam reuocem, ego qui precibus tuis locum dedi, cum mihi libuerit, quod commodato dedi, non reuoco antequam vsus fueris: nam id tibi vtendum dedi: vt si equum tibi commodauero Lugdunum vsque, antequam veneris Lugdunum, non possum equum reuocare. quod datur precario, non ita vtendum datur, sed vt hac liberalitate mea vtaris, quandiu mihi libuerit. nec datur proprie vtendum, quod precario datur, sed precibus do tantum locum, non etiam in hoc me astringo, vt ne reuocæ rem precario datam, antequam vsus fueris certæ rei causa: deniq; quod precario datur, non datur palam vtendum. Verum finge: contracto precario conuenit, ne ante Calendas Iulias repeteres. hæc conuentio est contra naturam precarij: Nam hoc perinde est, ac si diceres, ne sit precarium. Item si contrahatur feudum, & conueniat, ne fidelitas præstetur: hoc enim est, ne sit feudum. Item si contrahatur mutuum, & mox conueniat, ne pecuniam attingas, nec consumas, ne ea vtaris, non erit mutuum: hæc pactiones sunt contra naturam contractus, quæ manifeste sunt contrariæ ipsi contractui, quæque euertunt palam, quod actum ante. Item in deposito, si conuenierit vt pecuniam consumeres, vt ea abutereris si velles: nam depositum contrahitur custodiæ causa, & hæc sunt contraria, *custodire & consumere*, siue *absumere*. Quid fiet, si hæc pactiones contractibus ex continenti adiciantur, vt in superioribus exemplis? duorum alterum accidet, vt vel nullæ sint pactiones, & habeantur pro non adiectis, nec tamen vitient contractum: sicut dicitur in *l. 6. §. 1. de pecul. leg.* adiection. n. legati, quæ est contra naturam legati nihil adicere, id est, pro nulla & non scripta haberi, & non vitare legatum. Exempli gratia: legatum est peculium serui (peculium intelligitur deducto eo, quod domino debetur) subducitur debitum, & æ alienum domini, non potest videri in peculio esse, vt quod ego debeo, non est in bonis meis. Finge tamen legari peculium, & adiaci non deducto eo, quod domino debetur. Hæc adiectio est contra naturam, contra substantiam peculij, & ideo nihil adiacit: nec propterea minus fiet ea deductio, aut minus præstabitur legatum: nec enim vitatur per adiectionem repugnantem legati naturæ. Simili igitur modo hæc pactiones adiectæ contractibus, quæ manifeste contractum impugnant, non vitabunt contractum, sed vitabuntur ipsæ, vel etiam aliud contingeret, vt confestim propter pactiorem, quæ adiecta est contraria contractui ante habito, si negotium id ferat, vt res transeat in aliud genus contractus. veluti si deposuero apud te pecuniam, & confestim conuenierit, vt ea vtereris, interpretabimur creditum esse contractum, non depositum, *l. 9. §. ult. l. 10. de reb. credit.* Palam edico, vt pecunia deposita vtaris, non depono;



sed credo. Et ita Accursius recte in *l. seq. §. ult. hoc tit.* distinguit, utrum usus pecuniæ permittatur nominatim, an tacite. Nam si nominatim pecunia credita sit, in ipso momento videntur contrahentes mutasse propositum, & depositum mutasse in creditum. Sed si tacite permittatur usus pecuniæ depositæ, non definit esse depositio: & ita in mutuo, si conuenierit, ut eadem corpora nummorum redderentur, quod videtur alienum à natura mutui, quia mutuum damus recepturi idem genus, non speciem, mutuum est quantitatis, non corporis: valet tamen ea pactio, quia non palam tibi interdico usum pecuniæ, licet legē adiiciam, ut reddas eandem pecuniam, & possis uti medio tempore. Idem erit in deposito, si conuenierit, ut vsuras præstes, vel ut tantundem reddas, quia hoc non palam edico, ut ea pecunia utaris, sed tacite tantum per consequentiam. Et multa quæ non fiunt rite propalam, fiunt rite per consequentiam, & tacito intellectu: sunt huius rei innumera exempla. Et si quis generatim quærat, utrum sit maior vis expressi, an taciti, vel an par sit, vel non? debes respondere, ex eo quod sit plerumque, maiorem esse vim taciti, quam expressi, hoc est, pleraque tacite procedere, quæ palam non admitterentur. Ergo argumento proposito breuiter ita respondendum est: intelligendos casus de pactionibus, quæ nominatim concipiuntur contra naturam contractus, non de iis quæ sunt tacite contra naturam contractus, quales sunt hæ duæ in hac leg. ut tantundem reddatur, quantum depositum est, & ut depositi vsuræ reddantur.

#### Ad l. 81. si soc. pro fil. pro socio.

Si socius pro filia dotem promisit: & prius quam solueret, herede ea relicta decessit, quæ postea cum marito de exigenda dote egit, accepto liberata est: quaesitum est, an si pro socio ageret, dotis quantitatem præcipere deberet si forte conuenisset inter socios, ut de communi dos constitueretur. Dixi pactum non esse iniquum, utique si non de alterius tantum filia conuenit: nam si commune hoc pactum fuit: non interesse quod alter solus filiam habuit. Caterum, si numeratam dotem pater, defuncta in matrimonio filia, recuperasset, reddi pecuniam societati debuisse: pactum ex aequitate sic nobis interpretantibus. Quod si salua societate, diuortio matrimonium solum foret, cum sua causa dotem recipere, scilicet, ut ea vel alij marito dari possit, nec si prior maritus facere non posset denno de societate constituendam dotem: nisi si nominatim ita conuenisset. Verum in proposito largiter esse videbatur, dos numerata esset, an vero promissa: nam si filia datam dotem posteaquam patri heres extitit, iure suo recepit, non esse referendam pecuniam societati, quam mulier habitura fuit, etsi alius heres extitisset. Quod si accepto à marito liberata esset, nequaquam imputari posse societati non solutam pecuniam.

Sequitur, ut transeamus ad l. 81. pro soc. quæ lex continet plura. & singularia multa. vellem, ne mihi vel aliis illius tenor memoria excideret: nam posset multis rebus accommodari, habetque rationem summam. Sciendum est, mortua in matrimonio filia, dotem profectitiam redire ad patrem: hoc nemo est, qui nesciat, *l. iure, de iure dot.* Et dotem profectitiam esse, non tantum, si de suo eam dederit pater, sed & si de communi. Verum hoc interest, quod si dederit de suo proprio, dos reuertitur ad eum, & remanet apud eum iure perpetuo: mortua enim in matrimonio filia, si dederit dotem de communi pater, rursus eam debet redigere in commune, quod hoc loco ostenditur singulari. Dos profecta de communi à patre recipitur, sed mox refertur in commune, nec retinetur à patre. Diuortio autem facto inter virum & uxorem, repetitio dotis est communis patris & filia: nec enim pater potest dotem profectitiam repetere inuita filia, *l. 2. solut. matr. l. pater filia, ad l. Falc.* Et si eam repetierit, ut oportet

A volente filia, eam ei seruare debet, quoad nubat forte alij viro. non potest eam minuire vel perdere, aut adimere filia: nam in patrimonio filia esse cœpit, quamuis sit in patris potestate, *l. 24. de collat. & l. 1. §. ult. de collat. dot.* Et finito matrimonio non definit esse in patrimonio filia, ac eadem filia rursus fungi potest repetito matrimonio. Atque hoc est, quod ait Papinian. *dotem à patre recuperare cum sua causa*, ut scilicet vel alij marito detur, ut eadem dos fungatur pro eadem filia, nec immutatur causa eius pecuniæ, quia in bonis intelligitur esse filia etiam soluto matrimonio, potius quam in bonis patris. filijfamil. habent castrense, vel quasi castrense peculium in proprio patrimonio: filia. dotem profectitiam. sed si diuortij tempore pater non fuerit in rebus humanis, à quo dos profecta est, repetitio dotis competit soli filia, & recipit eam iure suo, ut Florentia scriptum est hoc loco. Idem dicam, si diuortij tempore mortuus fuit pater, & iure suo, ad differentiam iuris hereditarij, quia ponitur in *b. l. filiam patri heredem extitisse*: nam filia non recipit dotem iure hereditario, licet patri heres extiterit, sed iure suo, iure proprio. Et ita idem Papin. in *l. pat. fil. ad l. Falc.* filiam, quæ heres instituta, & rogata est hereditatem restituere, habituram Falcidiam iure hereditario, dotem autē iure suo. Confert ibi palā ius hereditariū cum iure proprio: & vis differentia in eo consistit, quod qui iure suo recipit dotem, eam nō refert societati & referet societ. sicut pater, si eam reciperet iure hereditario quod post dicemus enucleatius, & apertius. Ad hoc sciendum est, soluto matrimonio maritum teneri de dote reddenda socero vel vxori, vel heredi eius, non tantum si dotem

C acceperit, sed etiam, si per eum steterit, quo minus acceperit, & alias teneri in dotem ipsam, hoc est, in quantitatem dotis, quæ deducta vel promissa est, alias in hoc tantum teneri, ut actorem liberet ab obligatione dotis, quod exemplis fiet manifestius. Finge: mulier debitorem suum delegauit marito, ut quod sibi is deberet, marito promitteret, idque acceptum maritus haberet in causam dotis: quo genere dos sæpiissime constituitur. Si debitor sit à muliere marito delegatus, & id quod debet mulieri marito doti dixerit, vel promiserit, nec maritus eum exegerit, ac deinde defectus sit facultatibus debitor delegatus: diuortio facto mulier repetet dotem, perinde ac si eam exegisset: quoniam hoc ei imputatur, cur sibi delegatum debitorem mulieris non vrserit ad solutionem,

D priusquam laberetur facultatibus, *l. si extraneus 33. de iur. dot.* Cur non exegit in tempore? cur fuit segnis? culpanda est segnitias mariti, & plectenda redditione dotis, perinde ac si numerata fuisset, & exacta. Sed si socer, qui dotem promisit genero, nec soluit, mortuus in matrimonio filia (quo casu dos ad eum redit) agat de dote, quam maritus debuit exigere, nec exegit, vel etiam si vxor, quæ dotem promisit, vel quæ debitori à se delegato, & promissori dotis, vel quæ alij debitori dotis heres extitit: aut, si debitor delegatus, qui mulieri heres extitit, soluto matrimonio agat de dote, quam exigere debuit maritus, nec exegit, non consequetur dotis quantitatem: quia sine rubore non potest imputare, aut culpæ vertere viro benignitatem suam, qui eum non vrserit ad solutionem. E non possum imputare honesto marito, qui me non exegerit, qui mihi pepercerit, qui eram debitor dotis, vel iure proprio, vel iure hereditario. possum ei imputare, quod ab extraneo non exegerit dotem, quod à patre, non item. non possum imputare viro, quod patrem meum non vrserit, *d. l. si extraneus*. Ergo si qui sunt debitores dotis, vel iure proprio, vel nomine hereditario soluto matrimonio agant de dote, quam non exegit maritus, non consequentur dotem, quia culpa omni vacat, quod non exegit, quod agentibus de dote pepercit, sed hoc tantum consequentur, ut liberentur obligatione dotis per acceptilationem, quæ obligatio sola fuit apud virum dotis loco, non res ipsa, *l. nupta §. quoties, sol. matr. l. promittendo §. ult. de iur. dot. l. depositi §. 1. de pecul.*



Et secundum hanc definitionem iuris res proponitur gesta fuisse in hac lege. modo eius speciem videamus. Species hæc est: duo sunt socij omnium bonorum, primus & secundus. Conuenit inter eos, vt vnusquisque filiae suæ dotem constitueret de communi, hoc est, vt dotem quam quisque constitueret pro sua filia, sumeret de arca communi, & vtrique imputaret. Commune fuit pactum, communis conuentio, alioqui esset iniqua: Nam si ita conuenisset, vt primus pro sua filia dotem constitueret de communi, non secundus, inæquale esset pactum, l. 3. C. comm. vtriusq. indic. & contra naturam societatis, nec valeret: sed hoc casu commune fuit pactum, vt quisque filiam suam dotaret de communi, pactum igitur cum sit iustum, seruandum est. Nec obstat, quod conuentionis tempore vnus filiam habuerit, alter non: nam potest habere, de pacto igitur, cum sit commune, nulla est dubitatio quin pactum ratum habendum, & seruandum sit. Porro vnus ex sociis dotem promissit pro filia, nec soluit: communioni igitur eo nomine secundum conuentionem nihil abstulit, & priusquam solueret pater, eo mortuo filia heres extitit, pro qua dotem promissit, atque ita filia cœpit debere dotem marito, quam debuit pater, iure hereditario, nec soluit, non coegit eum maritus ad solutionem. Postea diuortio facto solum est matrimonium, & mulier agit de exigenda dote, hoc est, quam exigere debuit maritus, vt eam sibi reddat, quid consequetur? Non consequetur dotis quantitatem, quam ipsa debet marito, sed liberationem obligationis tantum. Satis enim esse diximus acceptilatione eam liberari, quia non possit argui maritus vel culpam, si ei pepercerit, si eam non præcipit ad solutionem, d. l. si extraneus. Deinde filia accepto liberata, vt diximus, agit pro socio rationum reddendarum causa, cum eo qui fuit socius patris, nunc definit esse: nam mors soluit omnem societatem, nedum coniugalem: quæritur in iudicio pro socio, an possit filia deducere quasi præcipuo iure, an possit percipere quasi præcipuam, an præallable, dotis quantitatem, hac ratione, quia inter socios placuerit dotes constitui de communi filiabus? Hæc ratio non est idonea, nec ad eam attendit Papin. noster, qui respondet, non posse eam dotem percipere de communi: & fortis est ratio, qua potuit moueri Papin. quia pater eam dotem promissit tantum, non constituit, quo verbo vbi erant socij in paciscendo, vt vnusquisque pro filia dotem constitueret de communi: pater, inquam, promissit tantum, non constituit, & constitui non potest dirempto matrimonio. Dos quomodo constituitur? traditione, solutione, numeratione. Breuiter, re, non verbis, non promissione, quod & vox ipsa demonstrat, l. 5. sol. matr. l. dotale §. dotale, de fund. dot. de communi igitur non auferet filia, quod non abstulit pater. Et hoc est, quod definit in fi. l. Si, inquit, filia sit acceptilatione liberata à marito, cum pater dotem promississet, non numerasset, non posse eam imputare societati dotem promissam tantum, non numeratam. Quod ita Cyrillus: *εἰ δὲ μόνον ἐν ἐπερωτήσεσι ἢν ἡ προδότης, ὅθεν ἀπαιτεῖται ἡ θυγάτηρ τὴν κοινωνὸν λυθέντος τοῦ γάμου. Si, inquit, dos promissa sit tantum, non numerata, nihil filia petere potest à socio soluto matrimonio.* Diximus de dote promissa à patre, de cuius repetitione si agat filia heres, consequitur tantum liberationem obligationis, non pecuniam. Nunc dicamus de dote genero data à patre de communi. Et hoc casu distinguit Papin. acutissime. Est quod admiremur eius ingenium: hoc loco ait Papin. aut morte solum est matrimonium, aut diuortio. Si morte filiae, dos redit ad patrem, sed necesse est, eam redigere in commune, vnde profecta est: & ait Papin. se ita interpretari pactum ex æquitate, ne dos remaneat apud patrem quasi propria, quæ pro filia amplius fungi non potest, cum sit mortua. Iureconsultus est interpret æquitatis: hanc ipse excogitauit Papin. sicut & alia pleraque. Valde enim auxit ius nostrum. Sin autem diuortio solum sit matrimonium,

Quæst. Papin.

A subdistinguit: nam videndum est, vtrum diuortium factum sit viuo patre, an mortuo patre. Si viuo patre, id est, manente societate, dotem repetit pater adiuncta persona filiae, refert in commune, cum sua causa tamen, vt scilicet, pro eadem filia alij marito dari possit, & iterum subduci de communi. Verum finge: pater nihil potuit recipere à priore marito propter inopiam eius, an poterit iterum dotem reficere de communi suæ filiae? minime, quia de vna tantum dote constituenda actum est, non de duabus: quod si ita actum esset, obtineret, sed ita actum non est. Dos igitur illa perit societati, & patri & filiae, propter egestatem mariti, nec refici potest ex communi: sed si mortuo patre factum sit diuortium, hoc est, finita societate, filia dotem repetit, nec eam referet societati, siue heres sit instituta, siue exheredata: nam exhereditatio non aufert dotem profectitiam. repetet igitur, nec referet societati, quia non repetit eam iure hereditario, quasi ex persona patris, quia si eam iure hereditario reciperet, referret societati, sed recipit eam iure suo, quia scilicet factum est proprium patrimonium filiae, vt diximus ab initio.

Ad l. cum filiofam. ii. de leg. i.

Cum filiofamilias vel seruo alieno legatum vel hereditas datur, fideicommissi patris vel domini potest: ac tunc deum ex persona ipsorum fideicommissum vires capit, cum ipsis per quos commodum hereditatis, vel legati patri dominique quaritur, fideicommissum relinquatur. Denique Iulianus non subtili ratione motus, patrem, cuius filius heres institutus est, extero quidem habita ratione l. Falcidia restituere hereditatem respondit: quoniam ex persona filij teneretur: ipsi vero filio, non admissa Falcidia: quoniam ex persona sua sibi filius obligari non posset: ac pater non vt heres, sed vt pater rogari videtur. Et ideo si filio rogatus sit pater post mortem suam, quod ad se peruenit ex legato vel hereditate filio relictis, restituere, isque viuo patre decedat: omnimodo patrem id retenturum, quoniam fideicommissum ex persona patris vires acceperit.

AD hanc l. Doctores multum puluerem mouent, dum ignorance iuris antiqui nesciunt, quid sibi velit pars vlt. eius l. scribunt in eam, chartarum non est satis: si differunt, nullus est de eo differendi modus. Est tamen res nullius momenti. Exordium sumit Papinian. à reg. iur. quæ est huiusmodi: patri vel domino heredis instituti, aut legatarij fideicommissi posse, id est, patrem vel dominum eius, qui heres est scriptus, vel cui legatum est relictum, posse rogari, vt faciat aliquid, vel det aliquid alteri: non heredem tantum, vel legatarium onerari posse fideicommissum, sed & patrem vel dominum. Et recte ait, fideicommissi, secundum ius vetus: nam à patre vel domino heredis non potuit legari, at fideicommissi potuit, quod ostendit Vlpian. in fragm. tit. de legatis. Æquiora sunt iura fideicommissorum: consistunt enim in nuda voluntate heredis, nec tam reguntur iure, quam sola voluntate: legata præter voluntatem etiam ius exigunt, id est, solemnitate & regulas iuris, obseruationes iuris: & inde pendent tot differentie inter legata & fideicommissa. Et eodem modo in l. 4. de leg. 3. à patre, inquit, vel domino heredis instituti fideicommissum relictum, bene: nam legatum non potuit relinquere. Hæc autem regula, vt possit fideicommissi patri vel domino heredis instituti, aut legatarij, ita vera est, si domino certo fideicommittatur, & præsentis suæ ei, qui nunc, qui eo tempore, quo fideicommissum relinquatur, est dominus heredis instituti, vel legatarij. Huic fideicommissi potest, quia scilicet testator tacite videtur ei dare hereditatem, quam dat seruo eius, per quem ad eundem iussu eius, non ignorat hereditatem confestim adquisitam iri. Cui testator vel tacito iudicio dat aliquid, cum etiam fideicommissum onerare potest: ab eo autem,

P



qui non est dominus heredis instituti, vel legatarij fideicommissum relinqui sub conditione, si fiat dominus serui heredis instituti aut legato honorati, fideicommissum relinquitur inutiliter, quia incertum est, an sit futurus dominus: quod pendet ex casu fortunæ. quæ futura sunt, non sunt certa, sed fortuita: à domino certo possum fideicommissum relinquere: ab incerto, & quandoque forte fortuna futuro vel non futuro fideicomm. relinqui non potest: quia etsi postea fiat dominus serui hered. instituti, & iussu eius seruus adeat, non videtur hereditas obuenisse certo, principalique iudicio defuncti, sed fortuito, non beneficio testatoris, sed fortunæ. Infirmum enim fuit & incertum iudicium defuncti, quod contulit in casum arbitriumque fortunæ: denique huic facto domino postea nihil videtur dedisse defunctus. Ergo nec fideicommissum ab eo valet, cui nihil dederis: quem non honoraueris, cum onerare non potes. Et hæc est sententia, l. 6. §. ult. de leg. 3. Ergo hæc regula, quæ proponitur initio h. l. ita vera est, si sit præsens certusque dominus heredis serui instituti vel legatarij: nam ab eo relictum fideicommissum valet non minus, quam si relinqueretur ab ipso herede instituto. Et notandum ad hæc, à patre vel domino heredis instituti vel legatarij, cui omne emolumentum acquiritur iure, posse fideicommissum relinqui, non tantum extraneo, sed & ipsi filio vel seruo heredi instituto. Filius aut seruus institutus est: huic filio utiliter relinquo fideicommissum à patre eius, vt si pater rogetur restituere hereditatem, quam est adquisiturus per filiam, eidem filio post mortem suam, vel si rogetur restituere cum emancipatus fuerit filius. Idem erit, si rogetur seruum manumittere. vtilia sunt fideicomm. l. quæsitum 91. §. cum seruus, de leg. 1. l. quidam §. si filio, ad Trebell. l. 5. §. si seruum, de his quæ vt indig. l. querimus, C. de fideicomm. Sed pergamus. multum tamen interest, vtrum à patre vel domino heredis instituti fideicommissum relinquatur extraneo, an ipsi filio, aut seruo: nam si extraneo, ei pater obligatur nomine fideicommissi ex persona filij vt heres, quia sustinet vicem heredis, id est, filij. & filiusfam. si esset paterfamil. teneretur fideicommissario, quod relictum à patre, relictum à se intelligatur. Ergo, extraneo tenetur pater ex persona filij vt heres: filio autem si sit rogatus præstare fideicommiss. tenetur ex sua persona, non ex persona filij, quia & filius, si esset paterfamil. non teneretur sibi ipsi: nemo obligatur sibi ipsi, ex persona mea mihi deberi non potest, alij potest. Ergo si ipsi filio à patre sit fideicommiss. relictum, pater non tenetur vt heres, hoc est, non tenetur vt filius, sed tenetur vt pater, vt quilibet ad quem morte testatoris aliquid peruenit: nam regulare est, fideicommissum posse relinqui non tantum ab herede, sed etiam ab omnibus iis, ad quos morte testatoris aliquid peruenit, velut à legatario, fideicommiss. donatario causa mortis, à marito, qui lucrum dotale ex causa mortis fort. l. 1. §. sciendum, & seq. de leg. 3. Ex eo sequitur res magni momenti, vt si priori quidem casu pater instituti heredis, aut legatarij rogatus sit præstare fideicommissum, vt possit detrachere Falcidiam, si interueniat: sed si sit relictum filio, hoc est, si rogatus sit filio post mortem suam restituere hereditatem, quæ ei per filium obuenit, non potest deducere Falcidiam, sed restituere totam sine diminutione, quia beneficio legis Falcid. vtitur tantum heres, aut veluti heres, l. mulier 22. §. ult. ad Trebell. Et filio non præstat fideicommissum vt heres, ergo non vtitur Falcidia; extraneo præstat fideicommissum vt heres, ergo recte vtitur Falcidiæ beneficio. Falcidia, inquam, vtitur tantum heres, vel quasi heres. Exempli gratia, bonorum possessor vtitur Falcidia, quoniam est veluti heres. Item pater, qui filiofamil. militi successit ab intestato in castrensi peculio, si ab intestato miles filiusfamil. reliquerit multa fideicommissa, ex eis deducit Falcid. l. filiusfamil. 18. ad l. Falcid. quia est veluti heres filij sui: he-

res certe non est absolute, quandoquidem bona castrensia redierunt ad patrem non quasi hereditas, sed quasi peculium, l. 1. & 2. de cast. pec. Item Falcidia vtitur pater heredis, qui rogatus est restituere hereditatem extraneo, vt ostenditur hac l. & l. Nescimus 22. §. seruo, ad leg. Falcid. quia est veluti heres. Et fideicommissum præstat ex persona filij scripti heredis. Quæro, an legatarius oneratus fideicommissio detrachet Falcidiam? minime, quia neque est heres, neque veluti heres, etiam si sit partiarius, d. l. mulier §. ult. Legatarius igitur non vtitur Falcidia ex sua persona, sed ex persona heredis, hoc est, si ipse passus sit Falcidiam. Et rescissionem legati sui in fideicommissario, cui est rogatus præstare aliquid, reputabit pro rata, l. pœnales §. si Titio, ad leg. Falcid. Idemque statuendum est de fideicomm. speciali. Quæro fideicommissarius generalis, an detrachet Falcidiam? Finge: heres scriptus rogatus restituere hereditatem primo, primus secundo, an primus secundo detrachet Falcidiam? minime, quia ea iam antea vsus heres scriptus, aut vti potuit. Falcidia non iteratur, semel tantum in eadem hereditate deducitur Falcidia, l. si patrem 55. §. qui fideicomm. l. 1. §. denique & seq. ad Trebell. l. lex Falcid. §. ult. ad l. Falcid. l. coheredi §. quod si hered. de vulg. substit. Excipiuntur casus quidam: si ideo heres non detraxerit Falcidiam, vt detracheret fideicommissarius prior, dum ei vult donare Falcidiam, non posteriori fideicomm. l. 1. §. inde Neratius, ad Trebell. Excipitur etiam hic casus, si fideicommissarius conueniatur à legatariis ex persona heredis, quia onus legatorum relictorum ab herede transit in fideicommissarium, cui est restituta hereditas: & ita si conueniatur ex persona heredis, vtetur etiam Falcidia, qua heres vti potuisset, l. Marcellus §. 1. ad Trebell. Non vtetur etiam Falcidia pater filij heredis instituti, qui rogatus est restituere ipsi filio hereditatem, sed restituet solidam hereditatem filio, quia neque est heres, neque veluti heres, hoc est, non debet fideicommissum filio vt filius, ergo nec vt heres: sed vt pater, quod hac lege ostenditur. Nec obstat l. 1. §. si filio, ad Trebell. si pater filij instituti rogatus sit filio restituere hereditatem, locus est Senatusc. Trebell. Fateor, locum esse Senatusc. Trebell. sed non legi Falcidiæ, hoc est, à patre restituta hereditate, hæ actiones transeunt in filium ex Trebelliano; verum ipse pater non detrachit Falcidiam. Nec obstat lex iubemus §. 1. C. ad Trebell. pater rogatus est restituere filio, deducit Falcidiam. Resp. pater heres institutus est, & rogatus restituere hereditatem: sed pater heredis instituti rogatus eidem restituere, non detrachit Falcid. quia non est heres, neque vice heredis, quæ heredibus tantum permittitur, aut veluti heredibus, siue iis, qui explent voluntatem testatoris, velut heredes vel heredum loco, ex persona heredum. Et hoc est, quod ait Papin. in hac l. videamus tamen antequam ad posteriorem. l. deueniamus, filio herede instituto, vter sit heres, filius an pater. Idem quæritur de seruo herede instituto, vter seruus, an dominus sit heres? Res est expeditu facillima. Dicam enim dominum non esse heredem sed velut heredem: quod ex superioribus liquet. vel dicam, dominum non esse heredem suo nomine, non directo, non principaliter, sed per suum, & patrē per filium, per intermediam personam, l. 2. de petit. hered. l. 9. §. illud, de interrog. in iure fac. l. qui liber §. ult. de vulg. substit. Vel dicam, dominum non esse heredem ἀλλως, sed κατὰ τὴν, quod rem habeat, id est, hereditatem. Heres est, qui scriptus, vel nuncupatus est, cui honos habitus est, qui honoratus est nomine heredis. Institutio est honos, l. si filium §. sed & si l. 3. §. hoc autem, de leg. præst. non exigimus, vt habeat rem, sed vt nomen: nam & qui se abstinuit hereditate, heres est, & qui restituit hereditatem ex Trebell. heres est. Heres est, scil. sine re, qui adiuit, aut miscuit. nec qui restituit heres est cum re sc. heres igitur alias sine re, alias cum re, vt Ambros. dicit in Epist. & ex iure nostro in l. filius, D. de inoff. test. & Vlp. in fragm. Et qui successit loco eius.



qui se abstinent, non est heres, nec usurpat nomen heredis; sed est bonorum possessor, & fideicommissarius, cui est restituta hereditas, non est heres, nec dicitur heres, sed fideicommissarius. Trebell. Denique heres est, qui nomen & titulum heredis habet, tametsi rem ipsam non habeat, sed alius dominus non habet nomen heredis: ergo non est heres, licet rem obtineat, quia res non facit heredem, sed nomen. Et ita *l. qui hered. de cond. & demonstr.* qui iussus est dare heredi, si seruus sit heres, non satisfacit voluntati defuncti, si domino dederit, *l. 3. l. qui liber §. ult. de vulg. subst.* His verbis substitutionis: *Qui mihi heres erit, sit etiam filio meo impuberi*: non comprehenditur dominus, vel pater factus heres per seruum, aut filium, *l. 3. §. hoc autem, de leg. præst.* Rescisso testamento per bonorum possessoris contra tab. corrumpunt omnia, sed legata seruantur liberis tantum & parentibus relicta: an etiam, quæ sunt relicta seruis eorum? Minime: nam non quarimus, cui adquirantur, sed cui honos habitus sit: & leuia sunt, quæ in contrarium obiciuntur, eaque paucis expediunt. Obiciunt in contrarium, ut efficiant dominum esse verum heredem, §. *item nobis, Instit. per quas pers. nobis adq.* Adquiritur patri vel domino hereditas perinde, atque si heres institutus esset. Ergo heres est. Resp. non dicit, eum esse heredem perinde, atque si institutus esset, sed dicit ei adquiri, quod non nego. Item obiciunt, quod diximus ante ex hac *l. patrem* uti Falcidia rogatum extraneo restituere hereditatem: si utitur Falcidia heres est: nam uti Falcidia solius est heredis. Resp. uti eum Falcidia ex persona filij. Obiciunt *l. placet 79. de adq. hered.* filio instituto & aduente iussu patris confestim hereditas acquiritur patri, & ne momentum quidem, inquit lex, intelligitur remansisse apud filium, quoniam confestim acquiritur patri. Resp. non ex eo sequitur, patrem esse heredem: acquirit rem ergo heres est, vitiosa est collectio. Filius patri acquirit, rem, sed non nomen heredis, quod notandum. Posset magis vos mouere *lex 12. §. si usus, de usu & habit.* Finge: usus ædium est legatus filiofam. acquiritur patri: pater autem utetur ædibus cum vxore & cum liberis, & cum seruis omnib. an etiam filius, cui legatus est usus ædium potest habitare cum liberis & vxore? Minime. Ergo pater videtur esse vsuarius, non filius. consimiliter pater videtur esse heres, non filius. Resp. hoc ita fieri, ut pater solus habitet cum suis, non etiam filius cum suis, quod patri sit adquisitum omne emolumentum, usus abiit à filio, & resedit nudum nomen vsuarij: unde sic statuo. Vsarius est, cui relictus est usus, non cui adquisitus: & simili modo heres, cui relicta est hereditas, non cui adquisita, quamquam etiam possit dici heres, sed non *ἐπ' αὐτῷ*. Repetamus paucis quæ didicimus ex *l. 11. de leg. 1.* Regula est iuris, qua constituitur, à patre vel domino, qui hereditatem vel legatum adquisiuit per filium, vel per seruum iure potestatis fideicommissum relinqui posse. Regula concepta est de fideicommissio. In hac *l. 11. & in l. 4. de leg. 3.* & in *l. si alienus, de leg. 2.* quia ante constitutionem Iustin. de exæquatione legati, & fideicommissum recte à patre vel domino relinqui legatum non potuit, fideicommissum potuit, ut Vlpianus docet in fragm. *de fideicommiss.* Et vera est regula, siue pater aut dominus rogetur præstare fideicommissum extraneo, siue filio ipsius, aut seruo suo sub conditione, scilicet cum erit sui iuris, vel post mortem suam, id est, cum mortuus fuerit pater vel dominus. Utile ergo est fideicommissum relictum à patre vel domino heredis instituti, aut legatarij, siue relictum sit ipsi filiofam. vel seruo, vel extraneo: sed hoc interest inter filium & extraneum, quod si extraneo relinquatur fideicommissum vires accipit ex persona filij: si autem relinquatur filio fideicommissum, vires accipit ex persona patris: vel aliter: fideicommissum debet pater extraneo ut heres: filio ut pater, & ut alius quilibet, ad quem morte alterius commodum aliquod peruenit. Hæc omnia sunt certissima. Nam satis perspicuum est filio non posse deberi fideicommissum ex persona filij: nemo enim sibi ipsi debere potest, nec obligatus esse potest:

Quæst. Papin.

A denique pater filio fideicommissum non debet, ut heres, id est, ut filius, ut vicem gerens filij, sed debet fideicommissum filio ut pater, ut persona, quæ fideicommissum onerari potest. Ex iis, quæ diximus esse certissima, duo Papinian. definit. Vnum est, patrem rogatum restituere extraneo, in eo fideicommissum exercere Falcidiam, quia id debet ut heres, *l. Neseius. §. seruo, ad leg. Falcid.* & lex Falcidia lata est heredis gratia, *l. 71. cod. tit.* ne hereditatem repudiaret, ne destitueretur testamentum, non etiam alterius personæ gratia, ad quam commodum aliquod peruenisset ex bonis defuncti: beneficiū legis Falcidiæ datum est heredibus: sed si filio pater rogatus sit restituere fideicommissum non exercebit Falcidiam, quia id non debet ut heres, sed ut pater, ut quilibet: Falcidia autem non utitur quilibet, sed heres tantum. Est elegans quod ait *d. l. 71.* legem Falcid. esse latam heredis gratia, propter *οὐκ ἐπὶ τῷ* heredis tantum, ne respueret hereditatem defuncti: & hoc primum quod dixi efficere Papinianum ex superioribus, latius exposuimus supra. Restat ut tractemus de altero. Positis superioribus principiis duo Papin. efficit. Vnum exposuimus, alterum proponitur in vltima parte h. l. his verbis, *quod si pater, &c.* hanc partem explicant male qui aspernantur iuris antiqui cognitionem, ex quo petenda huius partis interpretatio. Interpretes multum dissimiles ab Aristone quem Plinius scribit *sic iura publica tanquam priuata, sic antiqua tanquam noua, sic rara ut assidua tractasse:* nec erit vnquam fidus interpretis iuris, nisi qui & antiquum, nouum & medium ius bene cognouerit. Ergo imitemur Aristonem, & nullius iuris cognitionem negligamus. In quo doctores nostri versati errare malunt quam veritatem cognoscere. Nec existiment nihil ex iure antiquo residere in Pandectis: resident enim innumera, quæ si nolis agnoscere, necesse est hæreas semper in luto: nec existimemus ea, quæ sunt scripta in Pandectis omnino congruere cum nouissimis constitutionibus Cod. hoc enim est manifeste falsum. Ne existimemus hoc Iustinianum ipsum voluisse, cum iubet in præfatione *D. de vet. iure enucl.* ea quæ sunt scripta in his libris, ita accipi tanquam ab ipso Iustiniano scripta, non tanquam scripta à Papin: vel aliis auctoribus. Dicemus igitur superfluas esse inscriptiones auctorum: quod scimus, quodque cernimus, neque licebit nobis scire neque cernere? Iustin. scribere, nihil esse dissonum, nihil simile in *D.* vel *Cod.* cum tamen multa sint non similia tantum, sed eadem, & iisdem verbis repetita: multa sint quoque dissona atque contraria: nihil est hac opinione perniciosius. Et quod Iustin. ait, nihil esse contrarium, nihil dissimile, & congruere inter se omnia ex quibus constat Codex & Digesta, id est commendatio operis potius, quam affirmatio vera & demonstratio eius, quod conatus est, quod satis egit, non etiam peregit. Pleraque scribuntur à nobis aut dicuntur, non quod vera sint, sed dicuntur ostentationis gratia, vel demonstrandi conatus nostri. Ita est his respondendum: neque ad summum perueniet, qui fuerit iuris veteris contemptor, quique non cognouerit restare in *D.* multa vestigia duarum familiarum inuicem dissidentium Sabinianorum & Proculianorum. Exponenda igitur nobis vltima pars huius legis ex iure antiquo. Finge: patri per filium adquisita est hereditas vel legatum, & fuit rogatus pater, ut filio restitueret eam hereditatem, vel legatum post mortem suam, vel cum morietur. Denique à patre fuit relictum fideicommissum filio, ita ut filius repeteret post mortem patris: fideicommissum inquam hereditatis aut legati sibi adquisiti per filium: defecit conditio fideicommissum quoniam mortuus est filius viuo patre, & fuerat relictum fideicommissum filio post mortem patris, atque adeo sub conditione, si superuiveret patri, non præmoreretur. Queritur an fideicommissum remaneat apud patrem, quod defecit conditio præmortuo filio: & omnimodo ait, remansurum esse: nec rationem dubitandi explicat: decidendi tamen hanc rationem subiicit, remansurum

P ij



fideicommissum apud patrem, quia id debuit ut pater, non A  
ut heres. Supplenda igitur à nobis est ratio dubitandi,  
quæ proculdubio hæc fuit, quia videbatur fideicommissum  
recidisse in fiscum post mortem testatoris mortuo filio,  
cui fideicommissum erat relictum ante patrem. Nam caduca  
sunt, quæ deficiunt post mortem testatoris, ut si legatarius  
aut fideicommissi conditione fideicommissi deficiatur  
post mortem testatoris: filius hic defectus est conditione  
fideicommissi post mortem testatoris viuo patre, qui ro-  
gatus est: ergo est caducum. In causa autem caduci redi-  
guntur in fiscum etiam, quæ deficiunt viuo testatore post  
testamentum. Hæc quæ sunt caduca, vel in causa caduci  
ab initio sunt vtilia, sed deficiunt postea. Alia sunt quæ  
relinquuntur testamentis, quæ ab initio sunt inutilia, quæ  
dicuntur esse pro non scriptis. At Papinianus ait fideicom-  
missum, quod defecit præmortuente filio, cui relictum  
erat, non fieri caducum, sed remanere apud patrem,  
quia onus caduci irrogatur soli heredi. leges caducariæ,  
id est, Iulia & Papia invident lucrum heredi, non aliis  
personis, heredem solum incesunt. Pater autem hoc  
fideicommissi non debet ut heres, sed ut pater, ut  
quilibet, & fideicommissi vires capit ex persona patris:  
ergo non subiicitur legibus caducariis, quæ heredem  
solum insequuntur. Et recte ponit exemplum in patre  
rogato restituere filiofamil. nam secus erit si rogetur  
pater restituere extraneo, & moriatur extraneus viuo  
patre, & ita deficiat fideicommissum. nam hoc casu fiet ca-  
ducum, nec remanebit apud patrem, quia id debuit ut  
heres, non ut persona quælibet, & heredi soli obicitur  
fiscus, non personæ cuiuslibet. Quam quidē distinctionem  
inter extraneum & filium volumus tantū aptari ad fidei-  
comm. hereditatis. Si pater rogetur restituere heredita-  
tem filio, præmortuo filio, non fit caduca hereditas: si ro-  
getur restituere extraneo, præmortuo illo fit caduca he-  
reditas. Separemus igitur extraneum à filio si sit fidei-  
comm. hereditatis: non separemus extraneum à filio si sit  
fideicommissum legati, si legatum quod adquisiuit per filium  
rogetur restituere. Nihil enim interest utrum rogetur re-  
stituere extraneo, vel filio. Nam præmortuo extraneo, vel  
filio non fit caducum fideicommissum, sed retinetur à patre ea-  
dem ratione, quia onus caduci irrogatur heredi soli: pa-  
ter vero hoc casu fideicommissum rei legatæ filio ut pater, ex-  
traneo autem id debet ut legatarius, neutri ut heres: non  
est igitur cur debeat patri onus caduci, excludit igitur  
fiscum. Quod confirmatur etiā hac ratione, quandoq; he-  
res præfertur fisco etiam si legatum deficiat mortuo, aut  
viuo testatore. Est duplex ius, antiquum & nouum. An-  
tiquum appellatur quod obtinuit ante legem Iul. & Pap.  
ante leges caducarias, quo non inuitabatur fiscus, sed  
quæ deficiebant legata viuo vel mortuo testatore, apud  
heredem remanebant. Hoc ius antiquum hodie post  
leges novas reseruatum est liberis & parentibus de-  
functi heredibus institutis, l. 1. §. & cum, de cad. toll.  
l. Celsus in fi. de leg. 2. Ulpianus in fragment. nam li-  
beri & parentes deficiente legato post testamentum, vel  
mortuo testatore præferuntur fisco, neque aduersus eos  
habent locum ll. nouæ l. ult. de reg. Caton. Finge igitur,  
heredem esse ex liberis vel parentibus, ab herede legatū  
Titio, Titium rogatum restituere Caio, mori Caium vi-  
uo Titio, an legatum remanebit apud legatarium: an ve-  
ro cedit lucro heredis? Et constat legatarium præferri  
heredi habenti ius antiquum, l. pater §. fideicommissum. de leg.  
3. l. Iulianus 60. de leg. 2. Inde sic colligo. Legatarius ex-  
cludit heredem, qui ius antiquum habet, ergo excludet  
etiā fiscum. si heredem excludit, & fiscum excludit: nam  
ea tantum fiscus vendicat, quæ apud heredem erant re-  
mansura, hoc est remansurum apud legatarium, non apud  
heredem. Qui igitur vincit heredē, & fiscum vincit. Duo  
sunt casus, quibus legatarius in proposito casu non præ-  
fertur heredi, id est, quibus fideicommissi relictum à le-  
gatarario si deficiat, cedit heredi, non legatarario. Vnus est, si  
testator legatarium elegerit, ut dispensatorem legatorū

nam hoc casu fideicommissum ab eo relictum quod defe-  
cit, non remanet apud eum, sed redit ad heredem, qui ius  
antiquum habet, vel ad fiscum, si heres utatur iure nouo.  
Alter est, si legatarius moram fecerit in præstando fidei-  
commissio, quod licet colligere ex d. l. pater §. fideicommissum.  
Finge, à legatarario reliquit fideicommissum collegio cu-  
iusdam templi. is moram fecit in præstando fideicommissum.  
cum iam nata esset actio collegio, & interea dissolutum  
est collegium auctoritate principis: quaritur an fideico-  
missum remaneat apud legatarium? non, quia fuit in  
mora, quia conueniri potuit ab actoribus collegij fidei-  
comm. nomine: an pertinebit igitur ad heredem? Mini-  
me, sed ad eum, cui bona eius collegij princeps adiudica-  
uerit: quod ita obseruatum fuit in Gallia in dissolutione  
collegij Templariorum. Et hæc dicuntur de his, quæ  
possunt cadere in fiscum, id est, quæ deficiunt post testa-  
mentum vel mortem testatoris, quæ dicuntur esse cadu-  
ca: nam ea quæ ab initio sunt inutilia, proculdubio rema-  
nent apud heredem omni iure. Concludamus igitur in  
hac quæstione, non idem iuris esse in hereditate, quod  
in legato. In hereditate commissæ fidei patris, separari  
extraneum, cui fideicommissum est relictum à filio: in legato  
nullam esse inter eas personas separationem: & ideo pa-  
trem omnino retenturum, id est, non tantum legatum,  
sed etiam hereditatem: omnimodo, id est, quodcunque  
per filium consequutus est, siue sit legatum, siue sit here-  
ditas: & ita in l. si mihi 59. de leg. 2. omnino, id est, in  
totum. τὸ πᾶσι ὁ πᾶσι παραπᾶσι, id est, sine vlla diminu-  
tione accipit, quia debet fideicommissum ut pater: nam  
si debet ut heres, subiicitur caducariis.

#### Ad l. si debitori 47. de fideiussor.

*Si debitori deportatio irrogata est: non posse pro eo fideius-  
sorem accipi scribit Iulianus: quasi tota obligatio contra eum  
extincta sit. §. 1. Si filius in causa peculiari ita fideiussorem ac-  
ceperit, quantam pecuniam tradidero fide tua esse inbes. &  
emancipatus credat, patri quidem si non est reus obligatus, non  
tenebitur, filio vero humanitatis intuitu obnoxius esse debet?*

IN hac l. duæ quæstiones definiuntur. vna est de fidei-  
ussore, qui pro debitore deportato intercessit, ex cau-  
sa præcedente deportationem, an teneatur. Altera est de  
fideiussore adhibito futuræ obligationi quem filiusfam.  
accepit, si post emancipetur filius, & tunc ea obligatio  
nasci incipiat, utri teneatur, patri an filio. Quod ad  
priorem quæstionem attinet, deportatio est exilium, quo  
damnatus ad peregrinitatem redigitur, id est, quo ex  
ciue fit peregrinus, & exlex: nec enim deportatus uti-  
tur legibus aut iure ciuium, sed utitur liberorum ho-  
minum iure, id est, iure gentium. Igitur deportatio est  
media capitis deminutio, non maxima, quia liberta-  
tem non adimit, ea quæ iurisperitorum sunt non adimit.  
Ciuitatem adimit & bona, sola nuncupatione depor-  
tationis auferuntur bona: neque enim necesse est hæc  
adimi nominatim: nam satis est, si ita iudex reum con-  
demnet: Illum deportari in insulam illam placet. & ele-  
ganter in l. ult. in fi. C. de sent. pass. dicitur, ipsum per  
se nomen deportationis bonorum omnium spoliationem  
esse, vna cum ciuitate, cumque iis omnibus, quæ manant  
ex iure ciuili, quæ nobis, qui ciues sumus, competūt. hoc  
conuenit cum l. deportatorum, C. de pæn. quæ constituit  
differentiam inter relegendum & deportatum: quod rele-  
gato in insulam non adimuntur bona, nihil adimitur, nisi  
sit expressum specialiter in cōdemnatione, & omnia bo-  
na nunquam, sed plerumque pars quædam ei nominatim  
adimitur, deportato omnia adimuntur tacito iure, tacito  
intellecta: hæc est vis verbi. Plerique existimant nostros  
auctores promiscue abuti iis verbis deportandi & rele-  
gandi: quod fieri non potest, quandoquidē deportationis  
verbum multa secum trahit: & sicuti iudices in foro reli-  
giose distinguunt vnum ab alio per consequentias: sic &



auctores nostri semper: & recte etiam in *l. tutelæ in fi. de cap. min.* Deportatum amissis bonis & ciuitate relicta nudum exulare. Hæc sunt propria deportationis. Relegatus dicitur improprie exul, vel quia neque libertatem, neque ciuitatem amittit, nec familiam mutat: relegatio non est capitis deminutio, sicut nec damnatio ad tempus ad opus publicum. Errant plerique qui dicunt illam esse capitis deminutionem. Nam integerrimus est status relegati: ergo bona adimuntur deportato vna cum ciuitate, cui vero cedunt ea bona? rediguntur in fiscum: fiscus est veluti successor deportati cum oneribus: (quod notandum:) aduersus fiscum quasi aduersus successorem creditores deportati agunt, & vicissim fiscus quasi successor agit contra debitores deportati, *l. 5. C. de bon. proscr. l. 3. l. 5. C. de sent. pass.* Ipse autem deportatus liberatur. Deportatio liberat ab omni obligatione, *l. 1. l. tutelæ §. ult. de cap. min.* nam omnis liberatio refertur ad instar legitimæ liberationis, veluti solutionis, acceptilationis, nouationis: deportatus liberatur veluti morte: deportatio quasi mors est. Intereunt homines non morte tantum, sed etiam maxima aut media capitis deminutione. Imo nonnunquam sine capitis deminutione intereunt, proscriptione scilicet, relegatione, vel publicatione bonorum, quæ contingit sine capitis deminutione: nam possunt bona publicari sine capitis deminutione, si quis relegatur in insulam, & specialiter ei adimatur magna pars bonorum, ac redigatur in fiscum, pro ea parte bonorum relegatus liberatur, quasi videatur pro ea parte fiscum habere successorem, & seminiuius esse: pro ea parte, quæ publicata est, pro mortuo habetur, pro ea parte quam retinet, non videtur mortuus: atque ita quodammodo partim successorem habet, partim non habet, *l. 1. C. de fideius. l. 2. C. ad leg. Iul. de vi.* ubi eleganter ait, successorem pro oneribus portionis suæ respondere: fiscum igitur respondere pro parte bonorum relegati, quæ ei adempta est, pro reliqua parte respondere ipsum relegatum. Ergo non deportatio tantum quasi mors est, mortiseffectus habet, sed etiam relegatio, cui iuncta est publicatio partis bonorum: atque ideo quæritur cur deportatus pro mortuo habeatur, an quia insula circumscribitur? an quia sit peregrinus? minime, sed quia bona adimuntur. Quæro nunc deportatione liberato debitore, an etiam fideiussor eius liberatur quem dederat, antequam deportaretur? Id quæritur non abs re. Nam plerunque liberato reo liberatur etiam fideiussor, propterea quod fideiussor habet regressum aduersus debitorem, si soluere compellatur, atque ideo non plene liberatur reus, nisi fideiussor eius liberetur. sed hoc tamen non euenit semper, quia interdum liberato principali non liberatur fideiussor, etiam si sit ei regressus aduersus reum principalem. Possit enim non esse regressus propter inopiam debitoris: exempli gratia, reus liberatur cessione bonorum ex lege Iulia, an & fideiussor? minime, *§. ult. Inst. de replec.* Rursus liberatur debitor deportatione, vel publicatione bonorum: sed non etiam fideiussor eius, ne fiat contra mentem contrahentium. Cur datur fideiussor? cur accipitur? quid respiciunt, qui fideiussorem dant, siue accipiunt? nempe hoc, nec aliud quidquam, quam ut si forte debitor labatur facultatibus, suum consequantur à fideiussore. Ergo per omnia lapsu facultatum liberato debitore, non utique liberatur fideiussor. imo magis obligatur, si obligatio possit accipere incrementum, id est, tum maxime necesse est experiri cum fideiussore euerfa re debitoris: quod confirmat *l. 1. C. de fideiussor.* sed fideiussor si soluerit, habebit regressum aduersus fiscum, qui occupauit bona, quasi aduersus successorem debitoris. Idem confirmat *l. defensor C. de except.* quæ ait, defensiones competentes reo principali, competere etiam fideiussoribus: quibus remediis liberatur principalis, iisdem etiam liberari & uti posse fideiussores: sed addit *integræ manente statu*, id est, reo principali non capite diminuto. Nam reus principalis liberatur per capitis deminutionem: non liberatur

etiam fideiussor, nec mirum cum neque liberatoreo per publicationem bonorum integro manente statu liberetur fideiussor. At rursus quæro an post deportationem datus fideiussor à deportato ex causa, quæ præcessit deportationem, obligetur? quod quæri potest etiam de pignore dato post deportationem, & de eo, qui constituit se pro deportato soluturum an obligetur. Et Papinian. definit, non obligari fideiussorem his verbis: *si debitori, &c.* Vtitur hac ratione, quia tota obligatio aduersus eum extincta est, quia deportatio sustulit totam obligationem: fideiussor autem vel pignus, vel is, qui constituit pro debitore, non obligatur nisi præcedat obligatio principalis. Et quod ait in prin. *si debitori, &c.* id est accipiendum, ut loquuntur auctores nostri *ἀποποιῶν*, quia nunc non est debitor, sed fuit: tota enim obligatio contra eum extincta est, id est, etiam naturalis. fideiussor accedere potest naturali obligationi, & constituta pecuniæ reus, & pignus vel hypotheca, sed vel naturalem obligationem præcedere necesse est, alioquin nulla est obligatio. Ita enim in *l. si vnus 17. §. pact. de pact.* totam obligationem. id est, etiam naturalem, *l. si mulier, §. ult. ad Vell.* Senatusconsulti beneficio liberari non tantum mulierem, sed etiam fideiussorem mulieris: quod rationem habet perspicuam: si fideiussor erat habiturus regressum aduersus mulierem: sed quid si fideiussor non erat habiturus regressum, ut si fideiussor animo donandi in rem suam, si inuita muliere? iis casibus non poterit uti beneficio Senatusconsulti, quia Senatusconsultum totam obligationem improbauit, id est, etiam naturalem. Qui improbat naturalem, improbat & fideiussorem: quod non ita procederet in Senatusconsulto Maced. nam illud non improbat totam obligationem, id est, non tollit naturalem, sed ciuilem tantum, *l. quia naturalis, ad Maced.* Igitur Macedoniano liberatur filiusfamil. at pater fideiussor filiifamil. non liberatur, quibus casibus non est habiturus regressum aduersus filiumfamil. nam si habiturus est aduersus filiumfamil. & ipse fideiussor filiifamil. liberatur: qua de causa mihi valde placet, quod Accurs. hic notauit, tota, inquit, id est, omnes. Philosophi notant differentiam esse inter totum & omne: totum quantitatis nomen esse: omne numeri: vel totum in singulis agnoscitur, omne in multis. Nam non hoc vult Papinian: totam obligationem extinctam esse id est, nulla ex parte consistere, quod possit dici de obligatione ciuili tantum. Non hoc demonstrat Papinianus, in solidum, in integrum manere obligationem, sed cunctam obligationem esse extinctam, tam naturalem, quam ciuilem. Totam igitur, id est, omnem cuiuscunque generis sit: non totam, id est, integram quantitatem. Quod de vna tantum obligatione dici posset. Vnum est quod opponitur huic legi, *l. ult. de duob. reis.* Triplex est capitis deminutio, maxima, media, minima. Minima non liberat naturali obligatione, *l. 1. §. hi qui, de cap. min.* & emancipatio & arrogatio est minima capitis deminutio, an liberat causis siue obligationibus præcedentibus? minime, quia naturaliter obligati permanent, non ciuilitur. Nam & minima perimit ciuilem obligationem, sed restituit in integrum ex edicto de capite minutis: maxima autem vel media capitis deminutio perimit ciuilem, & naturalem obligationem, ita ut nec possit restitui beneficio prætoris. Qua de causa post deportationem inutiliter fideiussor datur ex causa, quæ præcessit deportationem, quia nulla superest obligatio: nulla quoque est spes restituendæ obligationis, quæ si esset, recte adhiberetur fideiussor quasi futuræ obligationi, *l. 6. §. ult. de fideiussor.* sed deportatio omnem obligationem perimit, & spem restituendæ eius. In aliis locis magis proprie loquuntur auctores, dum inquirunt: *Omni obligationi fideiussorem accedere posse*, & alio loco: *solutione eius quod debetur tollitur omnis obligatio*, id est, etiam naturalis. Verum ut cœpi dicere videtur huic definitioni propositæ ob stare *d. l. ult.* Finge. Duo sunt rei debendi: singuli igitur tenentur,



& in solidum conueniri possunt. vnus deportatus est, an nihilominus alter obligatus manet? Plerumque vno ex reis liberato, liberatur alter, vt si acceptolatum sit vni ex reis, vnus acceptilatio liberat alterum: si electus sit vnus ex reis lite cum eo contestata, liberatur alter, an etiam per deportationem vno ex reis liberato, liberabitur alter? minime, quia est diuersa conditio: Duo sunt genera liberationum, Quædam liberant personam tantum, quò genere sit, vt persona liberetur, & maneat obligatio. sic sane liberatur persona, manente obligatio. e. Et hoc fit deportatione vel publicatione, quæ contingit cap. deminutione. Aliud est genus liberationum, quo res dissoluitur, id est obligatio. Alias ergo persona soluitur, alias res siue obligatio, veluti acceptilatione, litis contestatione, nouatione. Quoties autem res soluitur, & personæ omnes soluantur, siue principaliter, siue alieno nomine se obligauerint. Quoties autem persona tantum eximitur, liberatio tantum personæ proderit, non cæteris personis, quæ accesserunt obligationi. Ideoque deportato reo principali, nec liberatur fideiussor, nec constitutæ pecuniæ reus, nec pignus, nec correus, siue consors obligationis eiusdem, quia deportatio est liberatio, quæ personam soluit, non rem. Et ita recte ait *d. l. ult. de duobus reis*, persona liberatur manente obligatione, id est, in vniuersum manente obligatione, præterquam in vna persona. Cum igitur persona liberatur, alter, qui fuerat obligatus, manet obligatus: & ideo si deportatus sit vnus ex correis, fideiussor postea datus ab eo tenetur. Quod si ita legamus, pugnabit omnino cum sententia Papiniani. sed animaduertendum est, Florentiæ esse scriptum, *Et ideo si alicuius fideiussor*, id est, alterius, vt supra dixit, *alter erat obligatus*, ita nunc ait, *alterius fideiussor tenetur*: vel legendum, *alius*: vnde sic statuamus. Deportati fideiussor postea datus tenetur, correi illius fideiussor postea datus tenetur, quia correus non fuit liberatus deportatione correi: deportatio correi non liberat eum, quia non rem, sed personam deportatam liberat. Diximus hætenus satis de quæstione priori legis nostræ: dicendum nunc nobis est de posteriori. Ea est de fideiussore adhibito futuræ obligationi, quem filiusfamil. accipit: si post emancipetur filius, & post emancipationem filij ea obligatio nasci incipiat, vtri teneatur, patri an filio? fideiussor potest antecedere obligationem, id est, adhiberi potest futuræ obligationi, *l. eo temp. 50. de pecul. l. 9. §. ult. hoc tit. l. non quemadm. 3. §. de ind.* Pono filiusfamil. crediturus ex suo peculio, fideiussorem accepit in futurum de pecunia, quæ postea in obligationem veniret, & accepit his verbis; *Quantam pecuniam credidero Titio tua fide esse iubeo*: fideiubeo: deinde emancipatus Titio credidit cum nondum ei esset ademptum peculium. plerumque patres emancipatis filiis non adimunt peculium: imo si non sint peculiati filiisfamil. solent eis aliquid donare, filium ergo pater emancipauit, nec ei ademittit peculium: ergo tacite videtur ei concessisse, vel donasse: nam hoc generale est, peculium, quod non adimitur specialiter emancipato, vel manumisso inter viuos, tacite concessum videri, *l. donationis 19. §. pater de donat. l. vn. C. de pecul. eius qui libert.* Hinc quæritur, fideiussor acceptus à filiofamil. quum erat in potestate patris, futuræ obligationis nomine, si ea obligatio nascatur, post emancipationem filij, vtri obligetur, patri an filio? Et certius est, fideiussorem non posse obligari patri, quamuis acceptus, sit filio existente in familia patris. Cur vero non potest? quia reus principalis non est ei obligatus, quum principalis obligatio contracta fuit post emancipationem, & fideiussor non obligatur, nisi iis, quibus rei principales obligati sunt: sunt enim accessiones. Et hoc significat Papinianus, dum ait, *Parri quidem si non est reus obligatus*. vbi existimandum est omnino, si esse affirmantis, non dubitantis, id est, siquidem, vt in *l. penult. ut legat. nomine cau. si solidum ad se pertinere*, id est, siquidem? patri ergo, inquit, si reus non est obligatus,

id est, quia non est obligatus, cum quo contraxit filius, post emancipationem fideiussor non tenebitur. Et hoc accipiendum est, vt nullo modo nec ciuilitur, nec naturaliter teneatur. Et consequenter, patri nec directa, nec utilis competit actio in fideiussorem. qui nullo iure reum obligatum habet, pro eo fideiussorem accipit inutiliter. At videtur etiam eum fideiussorem non obligari filio, propterea quod filius eum fideiussorem accepit, quum erat in potestate patris, atque adeo ne momento quidem videtur stipulatio constituisse in persona filij: contraxit in persona patris cum fideiussore; ergo ex illo nancisci actionem non potest. Quæcunque contrahit filius in familia patris, aut cedunt patri, aut neutri. Et hac ratione verum est, filio, qui fideiussorem in futurum accepit, non dari actionem directam, vulgarem, ciuilem. Dabitur tamen utilis, non dabitur directa actio, sed obliqua, vt Theoph. actiones vocat *παραπληκτικὰς*, id est obliquas siue inflexas. Et hoc demonstrat Papinianus his verbis, quæ sequuntur: *filio vero obnoxius esse debet*, id est, filio dabitur actio utilis ex humanitate quadam, & beneuolentia, non iure ipso, quæ humana quadam ratione & ex æquo & bono datur, non iure ipso, sed *humanitatis intuitu*. His verbis significatur utilis ex stipulatu actio in fideiussorem. Ratio autem humanitatis hæc est, quod sit æquum, eam fideiussionem non accipere vires ex præfenti tempore, id est, ex die interpositæ stipulationis, sed nata demum & constituta principali obligatione: & quod filiofamil. reus principalis sit obligatus. facile obligatur fideiussor ei cui reus principalis obligatus est, etiam si qua obstat iuris regula. Nam sicut fideiussor patri non obligatur, quia reus non est obligatus, æquum etiam est contra fideiussorem filio obligari, cui reus principalis est obligatus perinde ac si intercessisset fideiussor post emancipationem, *l. quidam 132. §. ult. de verb. oblig.* fideiussoris obligatio trahetur retrorsum. Pleraque in iure nostro trahuntur retrorsum, vt videatur fideiussor se, quo tempore numerata pecunia est. Hæc est definitio Papiniani, cui duo obiiciuntur: primum *lex si filiusfamil. 78. de verb. oblig.* Finge, filiusfamil. stipulatus sub conditione, & post emancipationem extitit conditio: quæritur vtrum adquiratur obligatio ex stipulatu patri, an filio? Si inspicias tempus contractus, adquiritur patri, quia eo tempore fuit in potestate patris: si inspicias tempus conditionis, adquiritur filio, quia eo tempore emancipatus fuit. Et certissimum est patri adquiri obligationem inspecto tempore stipulationis, non filio: Inspecto tempore emancipationis vel conditionis, filio. Cur ergo non etiam in specie proposita spectamus tempus stipulationis? cur hoc intuitu non damus patri actionem in fideiussorem, qui intercessit eo tempore, quo filius fuit in potestate? Respondeo, separandam esse obligationem principalem ab accessoria. *lex si filiusfamil.* loquitur de principali: nos tractamus de accessoria. Principalis stipulatio facta sub conditione statim ex præfenti tempore vires accipit, nec videtur esse in suspenso, quamuis ex ea petitio suspensa sit, quæ sunt verba legis *ususfruct. 16. de stipulat. seru.* dies igitur quodammodo cedit statim: quod tamen non dico absolute. Nam facta stipulatione sub conditione neque cedit, neque venit dies, id est, conditio suspendit non tantum petitionem, sed etiam obligationem, & rem ipsam, *l. cedere diem 213. de verbor. signific.* sed quodammodo cedit dies statim, quandoquidem si stipulator moriatur antequam existat conditio, stipulationem transmittit in heredem suum, quam non transmitteret, si ante conditionem nullam esset virum, *§. ex conditionali, de verbor. obligat. Instit.* Similiter si ab initio fuerit utilis stipulatio conditionalis ex causa quadam legitima, erit etiam inutilis tempore, si postea extet conditio, *d. l. ususfruct.* Inspectum ergo tempus contractus, non conditionis. Finge, conditionis tempore in ea causa esse omnia, vt si tum interponeretur stipulatio inutilis futura sit, an erit utilis? Minime: quia



defecit ab initio. quod quidem nos spectamus. Initium stipulationis spectamus, non euentum conditionis. Et secundum hæc, qui stipulatur sub conditione, est creditor, quanquam legatarius conditionalis non sit creditor, quia ex præfenti vires accepit stipulatio, non tamen simpliciter est creditor, sed creditor conditionalis, neque enim ita recte argumentor. Titius est creditor conditionalis: Ergo est creditor. Nam in adiuncto est repugnantia. Titius est homo mortuus, ergo est homo. non semper valet argumentum à coniunctis ad diuisa. Et hæc de stipulatione principali. Stipulatio accessoria collata in futurum vel facta sub conditione, vires non statim accipit ex præfenti tempore, sed omnino est in suspensio, quoad existat aliqua principalis obligatio. Accessoria pendet ex principali: principalis subsistit per se nec pendet ex alio: alioqui non esset principalis. Accessoria expectat principalem antequam dicatur vires habere aliquas: ideoque in stipulationibus accessoriis collatis in futurum, non tempus stipulationis spectamus, sed tempus natæ principalis obligationis. Loquimur de fideiussore, qui antecessit obligationem, quæ defecit. quo tempore nulla existeret principalis obligatio, neque pura, neque conditionalis: nam si fideiussor accesserit obligationi conditionali, & post emancipationem filij extiterit conditio, patri acquiritur obligatio in fideiussorem, quia principalis obligatio ex præfenti tempore vires accipit, licet fuerit conditionalis. Reus principalis est obligatus patri, ergo & fideiussor. Et ponendum est, fideiussorem intercessisse sub eadem conditione: nam si pure intercesserit fideiussor; non tenetur, *l. 8. §. item si acc. hoc tit.* Sed si pro reo principali obligato sub conditione interuenerit sub eadem conditione, vtraque obligatio ex eo tempore vires accipit & acquiritur patri post emancipationem filij. Secundo obiicitur *lex ult. de stipulat. seru.* Seruus meus stipulatus est, & stipulationem contulit in alienationis vel manumissionis tempus. si alienetur vel manumittatur, an acquiritur ex ea stipulatione actio domino pristino? sic sane: quia seruus eius in potestate fuit eo tempore quo contraxit. Inspicimus tempus contractus. Ergo ex eo acquiritur domino actio. nec mutat hoc stipulatio collata in manumissionem, quo genere semper fraus fieret domino, si acquisitiones seruorum differrentur obligationibus collatis in tempus manumissionis. Idem esse aio in filiofam. nam si filiusfam. stipulationem contulerit in tempus emancipationis, nihilominus patri competit actio post emancipationem. quod utroque casu verum est, si dolo id fecerit: nam posset conferre sine dolo malo in illud tempus. coercetur tantum dolus malus. Respondeo in ea specie, quam tractat Papinian. filium dolo non contulisse in tempus emancipationis: filium nihil dolo malo fecisse, sed stipulatur tantum hoc modo: *Quantum pecu. &c. d. l. ult.* nihil pertinet ad speciem propositam. non coercet dolum malum: in hac specie nullum est argumentum doli mali, & placet valde, quod dicitur in *d. l. ult. si dolo malo*: nam si bona fide, dabitur filiofam. actio utilis ex contractu habito in familia patris, *l. quidam 46. de hered. instit.* Ego te filium volebam instituere sub conditione emancipationis, quoniam nolēbam mea bona peruenire ad patrem tuum. tu timens ne ea re offenderetur pater, cognita destinatione mea rogasti, ne te scriberem sub ista conditione, & adiecisti, vt instituerem potius Titium, quem supposuisti, & cui mandasti, vt post emancipationem tibi eam restitueret hereditatem. Quæritur, an post emancipationem tibi competat aduersus Titium actio mandati? Respond. non quidem vulgaris, id est, directa, sed utilis dabitur. Atqui mandatum contulisti in tempus emancipationis, sed sine dolo malo ex voluntate defuncti, qui voluit sua bona peruenire, non ad patrem, vel ad Titium, sed ad te, ex bona fide fit, quod fit voluntate testatoris. Et ita etiam alio casu post emancipationem filio datur actio utilis ex contractu habito ante emancipationem, *l. si vero non remunerandi 12. §. filiofam. mand.* mandaui filiofam. vt

A pro me fideiuberet, fideiussit, & post emancipationem soluit, an ei dabitur actio mandati, vt recipiat quod soluit? Dabitur ei utilis: ex mandato igitur contracto ante emancipationem. Quidni, cum soluerit post emancipationem? Et sic habemus tres casus, quibus ex contractu ante emancipationem habito, post emancipationem filiofam. dantur actiones utiles.

Ad l. si debitor 79. de furtis.

*Si debitor pignus subripuit, quod actione furti soluit, nullo modo recipit.*

SUPEREST ex lib. 9. Papin. *l. 79. de furt. & l. si pignore §. & quidem, D. de pign. act. & l. 81. de furt.* Brevis est, sed qua de re cod. libro Papin. copiosius scripsit, vt Vlp. refert in *l. si pignore 22. de pign. act.* quæcunque ibi referuntur ex Papin. sunt aptanda huic legi, & plenius ibi scripta inueniuntur. Sciendum est autem, creditori, cui subripitur pignus, dari actionem furti, non tantum aduersus extraneum, sed & aduersus debitorem dominum rei furtiua: neque enim rei alienæ furtum fit tantum, sed etiam rei suæ: rei, inquam, suæ, sed possessionis alienæ, furtum facio rei meæ, cum tamen possessio non fuit mea, sed aliena, vel cuius usus aut fructus fuit alterius, *l. 20. §. ult. hoc tit.* Fit etiam furtum rei suæ, sed hypothecæ alienæ, quamuis hypothecarius non possideat hypothecam, *l. in actione 19. §. ult. hoc tit.* Furtum enim est interuersio rei, hoc est, proprietatis alienæ, vel possessionis, vel usus, vel ususfructus, vel hypothecæ alienæ. Verum est igitur subrepto pignore, creditori dari actionem furti & aduersus dominum rei, si eam surripuerit, *l. itaque 12. §. ult. hoc tit.* Et addendum, dari etiam creditori pignore subrepto conditionem furtiuam aduersus debitorem, qui subripuit. Credo vos scire, ei cui furtum factum est, dari conditionem furtiuam, atque etiam actionem furti, & conditionem furtiuam eum persequi rem vel possessionem, vel commodum aliud, quod ei abest, vel æstimationem eius, aut id quod interest circa eam rem. actione autem furti extra rem, eum pœnam persequi dupli, si sit nec manifestum: quadrupli, si sit manifestum. vtramque autem actionem dari creditori aduersus debitorem subrepto pignore. Dices, conditionem furtiuam dari soli domino, *l. 1. de cond. furt.* creditorem non esse dominum pignoris, ergo creditori non datur condit. furtiua. Duplex est conditio furtiua, certi & incerti. conditio certi, id est, conditio rei datur soli domino: actio furti pœnalis datur etiam non domino, cuius modo iusta causa interfit rem non subripi: conditio quoque incerti datur non domino, veluti conditio possessionis. possessio fuit creditoris, hæc interuertitur furto. Creditor recte condicit possessionem interuersam, sed hæc non erit conditio certi, sed incerti: possessio enim est res incerta, quia nec cerni, nec tægi potest, & numeratur inter incorporalia. est ἀναρnis, ἀποματό ἐν νοήσει μόνη ληπτή. Hanc ergo rem potest condicere: neq; enim possessio est ex iis reb. quæ tangi possunt, neque qui dicit se possidere, is hanc rem condicere potest. Et respicit ad formulam vindicationis, quæ est huiusmodi: *E hanc ego rem meam esse aio.* Possessionis nomen non est vindicatio, sed itur ad interdictum vt possidetis: ergo creditori etiam aduersus debitorem datur conditio furtiua incerti, non certi. & in summa non tantum actio furti, sed etiam conditio furtiua datur creditori pignore subrepto tam aduersus debitorem, qui id subripuit, quam aduersus quemlibet extraneum. Sed obseruandum est, quibusdam in reb. multum interesse, vtrum agat creditor furti, vel conditionem furtiuam incerti cum extraneo vel debitore: nam cum egerit cum extraneo hac vel illa actione, id quod hac actione percepit, vel imputat debitor (il se paye par ce moyen) & id quod debitum excedit, debitori restituit, vel nihil imputat debitor, & totum quod percipit, restituit debitori. Duplex est via, quæ eodem spectat. duplex modus quidem efficit, vt quod con-



sequitur creditor ab extraneo conditione furtiua vel actione furti, id vel imputet debito, vel restituat debitori, vt exigit debitum. Et hoc ita refert Vlp. ex Pap. in d.l. si pign. quæ est veluti commentarius h.l. & confirmat l. creditor, h. t. & adiicit Vlp. hoc verum esse, etiam si culpa creditoris furtum factum sit, quod indiget explicatione. Finge: furtum factum est culpa creditoris, quod sit plerunque. furtum culpæ adscribitur, non vi maiori, aut casui fortuito, sicut ruinæ, latrocinio, &c. cæterum, etiam si culpa furtum factum sit, creditor quod actione vel conditione furtiua percepit, id debito imputabit, vel restituet debitori. Quib. verbis satis demonstratur, posse furtum fieri sine culpa eius, cui sit. Sunt furta quædam, quæ nulla diligentia vitari possunt, vt quæ admittunt secularij, qui præstigiis quibusdam & arte inuitabili sinu pecunias nobis eripiunt. horum furtum adscribam non culpæ, sed casui: quod etiam oculatissimo & prudentissimo contingit. Sed tractemus primo de furto, quod creditori fecit extraneus culpa sua: si furtum creditori factum sit culpa sua ab extraneo, eo nomine tenetur debitori, quod creditor non tantum dolum, sed etiam culpam præstare debet, l. cum, qui 14. §. idem scribit, h. t. ex hac igitur causa quod furto obuiam non ierit, non euitauerit, creditor tenetur actione pignoratitia. Ergo equum videtur, vt suum faciat, quod consequitur actione furti, hoc est, conditione furtiua, quia & hæc dicitur actio furti, vel actione furti pænali: vt quemadmodum damnum sentit, pignoratitia actione, lucrum etiam sentiat, & sibi habeat. Verum non ideo habebit ius retinendi vel faciendi lucri eius, quod percepit, nisi in causa crediti id retinere velit. Imo sicut furtum ei imputatur, quod non fuerit satis diligens in seruando pignore: id etiam ei imputari debet, quod ex causa furti consequitur: atq; ita fit, vt creditum perdat, qui perdit pignus culpa sua. Quid vero si furtum pignoris factum sit sine creditoris culpa? Eo casu non tenetur pignoratitia, quia non præstat casum fortuitum, & omne periculum. Et non dubitatur hoc casu, quin quod percepit debeat imputare debito, vel restituere debitori, nō sibi habere vel lucrum facere. Verum videamus cum percipiat creditor à fure extraneo per actionem furti pænalem duplum aut quadruplū, an duplum veri pretij pignoris percipiet, an vero summæ solius debite? Est etiam in hac quæstione vtendum eadem distinctione. aut furtū culpa creditoris factū est, aut non: & posteriori casu percipit duplum summæ debite, non duplum pignoris, quia non pluris interest, cum non teneatur debitori pignoratitia. Et summam pignoris vocat l. cred. 89. h. tit. (la valeur du gage) æstia, dignitas, quantitas. Quia ergo pignore subrepto cum vacet culpa, non tenetur pignoratitia actione, non consequitur ab extraneo actione furti duplum aut quadruplum summæ pignoris, sed tantum summæ debite quia credito tenus tantum eius interest. Et ideo, quod maxime notandum, quodq; prætermittitur à multis propter difficultatem rei, si plus valeat pignus, quam sit in debito, creditor quidem agit actione furti tantum in summam debiti, & duplum vel quadruplum summæ: in residuum debitor aget in fure actione furti, l. inter 47. §. hac actio, h. t. atque ita fur tam creditori, quam debitori tenebitur actione furtiua, & non vni eorum, sed ambobus, & conficiet duplū aut quadruplum pretij pignoris. Priore autē casu, si cum creditoris culpa furtum factum est, creditor agit in summam pignoris, quia & ipse in eam summam culpæ nomine tenetur debitori, l. credit. 15. h. tit. & debitor hoc casu non aget furti, sed recipiet à creditore, quodcumque percepit à fure extraneo, & hoc de fure extraneo. Quid dicendum, si debitor pignus subripuerit, & creditor cum eo egerit actione furti, vel cōditione furtiua, an imputat debito, quod ea actione percepit? Minime: atque ita apparet, multum interesse, an cum debitore, an cum extraneo agatur. Nam quum agit cum debitore, id quod percepit, retinet, non reddit debitori, pœnam furti lucrifacit si agit actione furti, alioquin esset inanis actio

A pænalis. æstimationem quoque litis suam facit, si egerit cum debitore conditione furtiua. Et quamuis hæc actio non sit pænalis, tamen instituta est odio furum contra constitutiones legum, quæ volunt, ne quis rem suam condicat. Qua de causa et si hæc actio non sit proprie ex maleficio, tamen est ex quasi maleficio, §. si itaque, Inst. de act. l. si mulier §. hac actio, rerum amot. Et vt breue faciam, conditioni furti inest vindicta quædam (quod summe notandum) qua de causa creditor non tantum lucrifaciet pœnam dupli aut quadrupli, sed etiam rem, quam amisit, feret, & supererit ei petitio creditæ pecuniæ, vt recte Azo existimat: atque ita bis eandem rem videtur persequi. Consequitur rem, nam hæc actio rem persequitur, non pœnam. Item consequitur rem actione creditæ pecuniæ. Et hoc est quod ait lex id quod 74. de solut. id quod exegit à debitore creditor pœnæ nomine, debere lucro creditoris cedere, non debere imputari debito, nec debere restitui debitori, qui ea pœna functus est: quis hoc audiuit, vt mihi ex post facto restituatur pœna qua semel functus sum iure meritoque? Et subiecerat Papin. vt constat ex d.l. si pign. idem esse, si cum debitore creditor egerit. quod metus causa, id est, in quadruplum, quod ei debitor pignus extorserit: nam quod hac actione consequutus fuit, id etiam creditor lucro suo computabit, non debito imputabit. Et recte mihi videtur Accursius adiungere ad hanc regulam l. pœna. de cōd. ind. pœna depēsa semel repeti non solent. recte, quia nec vere indebitæ depēsa sunt nec redeunt ad causam indebiti, postea soluente eo, qui pœnam subiit: & ita Græci cum hoc loco proposuissent sententiam h.l. τοῖνι γὰρ κατὰ τὴν δέσιν, ἐκ ἀναλαμβάνεται. Pœna depēsa non repetitur: quod accidit non tantum hoc casu, sed etiam aliis plerisque, vt qui incidit in pœnā pecuniariam legis Iulia de ambitu, & relegatus vel deportatus, si restituatur in integrum, non recipiet pœnā semel depēsam, et si videatur redire ad indebiti causam, vt si restituatur in pristinum statum, qui pœnam intulit, l. 1. ad l. Iul. de amb. & ita in hac l. 3. §. condem. de tab. exhib. Erat quidam legatarius cōditionalis, qui desiderabat sibi tabulas exhiberi. noluit exhibere eas, qui in potestate eas habebat, & pœnam contumaciæ dependet ex edicto de tabulis exhibendis. Post deficit cōditio legati, an legatarius, cuius legatum interiit, cogitur restituere pœnam ei, qui pœna semel functus est? Minime. Hic erit finis, si admoneamus hoc tantum, creditorem agere cum extraneo in summam crediti, si sine culpa eius furtum factum sit, vel in summam pignoris, si culpa sua furtum factum sit: cum debitore autem creditorem agere indistincte, siue culpa eius furtum factum sit, siue culpa absit, in summam debiti vniuersi, hoc est, pecuniæ creditæ & vsurarum, quia tanti eius interest. ea summa actione furti duplatur vel quadruplatur, non summa pignoris, siue minor, siue maior fuerit, l. creditori 87. h. tit.

Ad l. 4. §. soli, quod cum eo, qui in alien. &c.

Soli autem filio succurritur, non etiam heredi eius. Nam & Papinianus libro 9. Questionum scribit, in heredem filij in solidum dandam actionem.

E Vlpian. Papiniani studiosissimus ex hoc lib. 9. duobus locis vsus est auctoritate Papiniani in l. 6. ad Vell. & in l. si pign. de pign. act. qui à nobis satis explicati sunt. Sed sunt adhuc quatuor loci, in quibus idein Vlpianus ex eodem libro Papin. vtitur eius auctoritate. In l. 4. §. soli, ff. quod cum eo, &c. Filius familias quando est in familia patris, ex suis contractibus conuenitur, & condemnatur in solidum, vel si non soluat ex peculio castræsi vel quasi, aut per patrem (quanquam pater non possit cogi soluere solidum.) si, inquam, non agatur cum patre, vt pro se soluat solidum, in carcerē mittitur, l. 1. C. de cess. bon. Qua de causa fit, vt nō solum patres, sed & filij cedant bonis vitandi carceris causa. Cessio bonorum erat beneficium



beneficium legis Iulie, quod debitores liberat molestia carceris, & hoc beneficio etiam utitur filiusfam. cum vrgetur ad solutionem solidi, cedendo scilicet omnibus, quæ habet, quantulumque sint. Illud ergo exploratissimum est, filiumfam. dum est in potestate patris, ex suis contractibus teneri in solidum. Sed & si fiat sui iuris emancipatione, vel morte patris, Iudex tamen non temere condemnabit eum in solidum, sed æstimabit prius causâ cognita, & re omni bene perpensa, an damnari debeat in id tantum, quod facere potest: atque ita fit, vt qui in familia patris condemnatur in solidum ex suo contractu, extra familiam patris, si sit sui iuris effectus, non in solidum condemnatur, sed in id, quod facere potest, hoc est, quatenus facultates pati possunt. Nam facultas & facere, sunt eiusdem generis, & recte ita argumentamur, facultatem non habet, ergo facere non potest. Ex causâ igitur, qui factus est sui iuris, eius rei nomine, quam contraxit in familia patris, condemnatur tantum in id, quod facere potest. Nam si sit exheredatus à patre, vel si abstinerit se ab hereditate paterna, vel etiam si institutus fuit à patre, & rogatus restituere hereditatem alteri, & cum vellet se abstinere à fideicommissario coactus se immiscuerit; hoc casu, quia coactus immiscuit se, perdit Falcidiam, l. quia poterat, ad Treb. Et ita nihil consequitur ex bonis patris. qui coactus immiscet se, similis est abstinenti, quia non detrahit Falcidiam. His vero casibus æquum est, non vrgeri ad solutionem integram debiti nouum patremfam. ad quem nihil peruenit ex bonis paternis, *ἵνα μὴ πέρη τις νεοσὶ γερóυερος, & μὴ δουράμενος κτλ.* Causa igitur inueniatur, vt non redigatur ad inopiam, qui nuper factus est nouus paterfamil. quique non idoneas facultates sibi acquisiuit. Idemque erit, si filiusfamil. institutus sit à patre ex modica, id est, ex debito bonorum subsidio, ex legitima portione, quæ minuscule erat: & sic semper modica portio accipitur pro legitima, quia minus relinqui non potest. Filio igitur morte patris sui iuris effecto, quod minuscule portione tulit ex bonis patris succurritur, ne damnatur ex negotio gesto in familia vltra quam facere potest. Imo interdum succurritur instituto, non ex modica parte, sed etiam ampliore, vt ostenditur in h. l. 4. in pr. Res tota ex æstimatione iudicis dependet; cui cum æquum videtur, qui nuper factus est paterf. non damnabitur in solidum, sed pro modo facultatum. Dices: filiusfam. nihil proprium habet extra causam castrensem aut quasi castrensem, quæ non semper suppetit. Cum filiusf. nihil proprium habet, cur ei non parcimus? cur damnatur in solidum? Dicam, non parcimus inopiæ debitorum: hoc nunquam auditum est, vt propter inopiam condemnemus debitorem in id, quod facere potest. Nam eius ratione, quod non facere potest, coërcemus illum carcere quoad soluat aut satisfaciât: sed parcimus nouo patrif. vt nouo nupto interdum, quandoque oneribus ciuilibus parcimus: hoc beneficium datur iis, qui nuper de patria potestate exierunt, & nouam familiam instituerunt familiæ sustentandæ causâ, non solius inopiæ causâ, alioqui subueniendum etiam esset filio manenti in potestate, à quo tamen solidum semper stricte exigitur. Sed obseruandum semper, nouum patremf. hoc beneficio vti causâ cognita, & examinata à iudice: quod exemplis planum facio. Causâ cognitio in eo vertitur, vt si statim atque exiit potestate, conueniatur, si statim præcipitur ad solutionem solidæ pecuniæ, vt condemnatur in id, quod facere potest: si post multos annos conueniatur, damnatur in solidum: neque enim in perpetuum ei parcimus, sed ad modicum tempus in initiis nouæ familiæ: quod ostenditur in h. l. 4. §. pen. Item si filius exheredatus sit, & neque directo, neque per fideicommissum, hereditas ei relicta sit, in id duntaxat, quod facere potest, damnatur. Sed si exheredato per fideicommissum hereditas relicta sit, & restituta per S. C. Treb. in solidum con-

Quæst. Papin.

demnatur, quia ad eum res paterna peruenit, nec locupletari hoc beneficium datur, sed mediocri, aut tenui tantum, & nouo, non etiam veteri patrif. nam effectus quodammodo heres est is, cui restituta est hereditas ex S. C. Treb. l. 5. §. pen. h. t. l. sinecem §. ult. de bon. libert. l. filiusf. in fi. ad l. Falc. Hic igitur exheres est iure, heres est effectus, quod notandum: nam ita fit, vt exheredatus loco sit heredis. fideicommissarius Treb. est quodammodo heres: fideicommiss. Pegasian. non sit heredis loco. Nam in eum non transibant actiones hereditariæ, quæ dantur hodie in fideicommissarium Treb. Sic igitur fit, vt exheres, sit quasi heres: exheres directo, heres, per fideicommissum. Item si filiusf. in contrahendo finxerit, se esse patremf. non habet hoc beneficium, ne condemnatur vltra quam facere possit. Imo propter dolum, mendacium, & fictionem debet damnari in solidum, l. 10. de re ind. h. l. 4. §. 1. & l. 6. quæ eleganter ait, eum, qui patremfam. mentitus est cum contrahebat, ex eo contractu teneri in solidum etiam post emancipationem, vel mortem patris, quamuis rem præstare non possit, id est, quamuis non sit soluendo. Notanda hæc verba, *quamuis rem præstare non possit*: nam Plautus ait modo *resolueret, modo rem soluere*: sic nostri eodem sensu dicunt rem præstare. & repræstare, id est, soluere, l. Lucius, de act. emt. l. mulier §. 1. ad Treb. nec quicquam mutandum censeo. Nam repræstare, est rem præstare, vt resolueret est rem soluere. Hoc igitur beneficium mentientibus se esse patresfam. filiisfam. non datur: & ita beneficium Senatus-Cons. Maced. non datur iis, qui se esse patresfam. finxerunt. Sic Velleianum non datur his, qui se mares finxerunt. Beneficia iuris non impertiuntur mentientibus, sed iis tantum, qui in contractibus bona fide versantur. ceteri indigni sunt, qui alios decipere conati sunt. In causâ igitur cognitione hæc omnia animaduertet iudex, & secundum hæc, eum qui nuper factus est paterfamil. damnabit in solidum, vel in id tantum, quod facere potest. Ad hæc sciendum, hoc esse personale beneficium: hoc est, concedi filiofam. suis iuris effecto, ergo non heredi eius, extinguitur cum persona, nec in heredem transit. Et ita vt refert Vlp. hic Papin. dixisse, heredem filij damnari in solidum: quod generaliter procedit in iis omnibus, quibus idem beneficium competit, ne damnentur in solidum, vt in marito, cum quo vxor agit, in fratre, in patre, in patrono, in socio: hæc personæ vtuntur hoc beneficio, non heredes eorum, quia personale beneficium est, l. verum 63. §. patri, pro soc.

## Ad l. 3. §. ult. de peculio.

*Si filiusfamilias duumvir pupillo rem saluam fore cauere non curauit, Papinian. lib. 9. Quæst. de peculio actionem competere ait. nec quicquam mutare arbitror, an voluntate patris decurio factus sit: quoniam rem publicam saluam fore pater obstrictus est.*

**D**uumuiri sunt magistratus municipales creati ex ordine decurionum: nec enim ex plebe creabatur, sed ex Curia. Vnumquodque municipium olim fere habuit curiam, siue ordinem decurionum, quam vocabant senatum minorē, quoad Leo sustulit omnes decuriones in nouella quadam. Qua de causâ omnes leges de decurionibus absumunt à Basil. quia tempore Leonis nullæ erant curiæ, vnus tantum senatus, isq; Romæ. Creantur ergo duumviri ex ordine decurionum, ac duumviri ius habent dandi tutores, l. 3. de tut. & cur. dat. Sed curare debet, vt tutor quæ dant, satisfacet rem pup. sal. fore, alioqui tenetur pupillo, si is suum seruare non potest à tutore. Tenetur igitur subsidiaria actione, si tutor pupillo non possit indénitatem præstare, in factum actione, quæ nascitur ex quodam S. C. vt ostenditur in tit. de magist. conueniend. id est, de duumviris conue-

Q



niendis subsidiaria actione, cum à tutore dato satisfdari non curarunt, & ex aliis quibûsdam causis. Nunc finge: filiusfam. cum esset factus decurio voluntate patris (hoc enim necessario ponendum, filiumfam. venisse in curiam voluntate patris, hoc est, non refragante patre: nam taciturnitas patris habetur pro voluntate) filius igitur famil. cum esset factus decurio voluntate patris, in duumviratu tutorem dedit, nec curavit satisfdari rem pupillo saluam fore, quæritur quatenus pater teneatur? Ipse quidem pupillo tenetur in solidum, pater de peculio tantum, & ita definitur in *h. l. 3. §. ult.* Obiicitur statim, quod filius factus sit decurio voluntate patris, id est, quod taciturnitas patris obligat patrem omnibus oneribus pro filio, quæ sc. filio iniunguntur, & habetur pater vice fideiussores pro filio: ergo tenetur in solidum, *l. 2. ad municip. l. 1. C. de decur. l. 1. C. de filiusfam. & quemadm. pat. lib. 10.* Filius factus est decurio voluntate patris, ac deinde idem creatus est duumvir: eius igitur rei nomine quam gessit in duumviratu, pater tenetur in solidum, non de peculio tantum. Ita respondeamus: pater tenetur in solidum, non pupillo, cui filiusfam. dedit tutorem non exacta satisfactione, sed reip. tenetur in solidum, quia dum patitur filium fieri decurionem, videtur fide sua iubere, aut promittere rem reipublicæ saluam fore, non rem pupilli priuati hominis cuiusdam. voluntas patris, quæ patitur filium fieri decurionem obligat eum reip. si quid facto filij, dum male sibi iniuncto munere fungitur, reip. deperierit, quia videtur promisisse rem publicam saluam fore. Igitur pupillo tantum tenetur de peculio: reip. in solidum, si filius voluntate eius decurio factus sit, *d. l. 2. §. ult. ad municip. l. 1. §. ult. de magistr. conuen. l. si filiusf. 7. de adm. rer. ad citir. pert.* Et hoc est, quod ait Vlpian. hoc loco ex Papin. *quoniam remp. saluam fore pater obstrictus est.* Huic tamen parti obiici solet *lex 1. C. quod cum eo.* si filiusfam. tutelam gesserit, vel curam, ait, patrem teneri de peculio, vel de in rem verso actione tutelæ, aut negotiorum gestorum. Et subiicit: sed si voluntate patris filius decurio factus sit, & tutor à magistratu datus, pater tenetur in solidum, quod filius eius voluntate decurio factus sit, quam voluntatem dixi patrem obstringere reip. non pupillo. Et sane secundum ea, quæ dixi, accipienda *lex 1. vt pater teneatur curiæ vel reipubl. cuius periculo datus tutor est,* non etiam pupillo.

Duos exposuimus locos, quibus Vlpianus vtitur Papiniano ex lib. 9. Quæstion. Locus secundus negotium facit nobis, cui obstat *lex 1. C. quod cum eo,* quem nondum mihi videor bene expediuisse: nã & de eo tractauimus in extremo. Ex his locis, hoc est, ex *l. 3. §. ult. de pecul. l. 2. §. pen. ad municip. l. 1. §. ult. de magistr. conuen.* apertissime constat, etiam si filiusfam. factus sit decurio voluntate patris, & post duumvir creatus tutorem dederit, illi, cui tutorem dedit, ex causa tutelæ patrem non teneri in solidum, sed de peculio, & de in rem verso. Huic definitioni, quod euidenter proponitur in trib. illis locis obiicitur *d. lex 1. C. quod cum eo,* cuius duæ sunt partes. In priori ponitur regula: patrem ob tutelam gestam à filiofam. teneri de peculio, & de in rem verso. In posteriori ponitur exceptio, nisi filiusfam. qui à magistratu tutor datus est, fuit creatus decurio voluntate patris: nam hoc casu pater tenetur in solidum: Tentabam, num dici posset, patrem teneri in solidum reip. non pupillo: sed hoc non possum euincere recte: quia necesse est, si hoc velis admittere, magistratum tutorem dedisse filiumfam. qui fuerat creatus voluntate patris decurio, & tutorem datum fuisse filiumfam. à magistratu municipali periculo curiæ, quoniam curia recepit in se periculum tutelæ delatæ à duumviro: alioquin curiæ non obligaretur, sed pupillo. Sed hoc casu quia obligatur pupillo filius, & pater curiæ in solidum, sed non etiam pupillo, hæc diuinationes, si fieri potest, semper vitandæ sunt. Et præterea animaduerto quæstionem *d. legis 1. pertinere eo,* quatenus pater pupillo

teneatur, cuius tutelam filius gessit, & post regulam statuit, teneri de peculio, & de in rem verso, & per exceptionem filiusfam. patrem teneri, si filiusfam. factus sit voluntate patris decurio, & tutor datus à duumviris: denique ait *lex,* eum teneri in solidum. Res omnino ita se habet, quemadmodum sum dicturus, remque omnem dilucide explicabo. Obseruandum, aliam esse speciem *l. 1. C. quod cum eo.* & aliam speciem *l. 3. §. ult. de pec.* & similitum: Nam in specie legis 1. filiusfam. factus est decurio voluntate patris: videtur etiam tutor datus voluntate patris, sicut si creetur curator Kalendario, si curator operum, si rei frumentariæ, vel si quod aliud opus ciuile iniungatur, videtur voluntate patris creatus, quia cõsentiendo decurionatui filij, videtur agnoscere omnia munera ciuilia, quæ postea iniunguntur filio. tutela est munus ciuile: qua de causa pupillo tenetur in solidum, quod agnouerit tutelam: vt fideiussores agnoscit omnia munera ciuilia, quæcumque ei postea deferretur, vel tutelam, vel curam adolescentum, vel curationem aliquam publicam: & ex cõstitutionib. sufficit taciturnitas patris. pater qui tacet, nihilominus fideiussisse intelligitur. Sunt multæ tacitæ stipulationes. Longe aliter res procedit, si filius non sit decurio, vel si filius qui factus est decurio, contradicente patre palam, tutor datus sit: nam hoc casu taciturnitas patris non habetur pro consensu, id est, non videtur agnouisse periculum tutelæ si tacerit, cum nec videatur consensisse, si monuerit filium, vt bene tutelam gereret. monitio hæc non habetur pro consensu, *l. si filiusf. de tut. l. Lucius, de adm. tut.* Et ideo si filius, qui tutor datus est, nō sit decurio, vel si sit factus inuito patre decurio, pater pupillo, cuius tutelam filius gessit, non aliter tenetur, quam si specialiter tutelæ periculum in se receperit. In casu autem *l. 3. §. ult. de pec.* & similitum, filius factus est decurio voluntate patris, & post duumvir creatus: in duumviratu tutorem dedit, in illa filius tutor datus est: hoc igitur casu, si patris voluntate vel tacita filius factus sit decurio, videtur etiam duumvir creatus voluntate patris, sed non videtur etiam tutor iste, quem filius duumvir dedit, datus voluntate patris: & ideo pupillo, cui datus est tutor, pater non tenetur in solidum, sed de peculio tantum, & de in rem verso. Hoc casu non videtur cauisse pupillo de periculo, illo videtur.

Ad l. si pro patre §. 1. De in rem verso.

Nunc exponamus alios duos locos. vnus est in *l. supra patre §. cui simile, de in rem verso.* Pater eius rei nomine, quæ contracta est à filiofamil. non tantum tenetur de peculio, sed etiam quatenus in rem eius versum est, quo nomine est actio de in rem verso, quæ inest actioni de peculio: nam qui agit de in rem verso, agit de peculio. Sed qui de peculio, non contra de in rem verso. De in rem verso proponuntur in *h. l.* tria exempla. Primum est si filiusfamil. fideiussit pro patre & soluit. in rem patris videtur vertisse: imo in rem filij, quia se liberauit, sed & patrem liberauit, & principaliter animo gerendi negotij patris soluit vt fideiussisset: ideoque in rem versum videtur. Item si quasi defensor patris iudicium pro patre suscepit & soluerit, in rem patris versum videtur, quia & hoc genere patrem liberauit. Iudicio accepto quasi contrahitur, *l. 3. de pec.* Ex hoc igitur quasi contractu, hoc est, si filius pro patre iudicium suscepit & soluerit, pater tenetur de in rem verso, quia eum filius liberauit. Iudicatum, est species nouationis. si condemnatur defensor alterius, alter liberatur, & is, qui condēnatus est, solus manet obligatus. Actio indicati nouat priorem actionem. Et adiicit Vlp. idem esse, si filiusfam. expromiserit pro patre nouatione facta, & soluerit. Expromittere in iure, est semper subire locum rei principalis liberato reo, & totam obligationem in se trāsferre, vel substituere se loco rei. expromissio est vera nouatio. Hoc igitur genere etiā liberat patrē, & omnino paria facit hæc tria, fideiubere, iudicium pro alio accipere, & expromitte-



re, quod est suscipere debitum alienum: & duo posteriores, qui iudicium suscipiunt pro alio, vel debitum, sunt similes primo, hoc est, fideiussori, *l. in person 30. §. 1. de pact.* Expromissor dicitur quasi fideiussor, & ita SC. Vell. fideiussionis verbo continetur etiam expromissio: quamquam proprie fideiussio accedat sine nouatione, expromissio cum nouatione, id est, cum liberatione rei principalis. & ita in *l. ult. quod cum eo*, ubi scriptum est, *quasi fideiussionem esse videri cum pro alio soluerit debitum*. Sic vulgo legitur nullo alio addito ad eam clausulam. Flor. aliter, ubi additur, *non pro aliis suscipit debitum*, illo loco non est utrumque retinendum, quod extat Flor. nec quod retinet vulgus, ego probo posteriorem, sicut *d. l. in person*. quasi fideiussionem esse videri, cum pro aliis suscipit debitum. Et res ipsa hoc manifestissime docet. Species est *d. l. ult.* Quidam præposuit institorem non cuiuslibet rei, sed pecunias dandis sub pignore: ille etiam expromisit pro emptore hordei apud venditorē: venditor agit actione institoria aduersus dominum. Dñs negat in eam rem se proposuisse institorem: nō præposui institorem, ut pro aliis expromitteret, ergo non teneor. Res disceptata est apud præfectum annonæ, & ille præfectus condemnauit dñm, hac ratione, quia apparebat eum seruam, non tantum mutuas pecunias dedisse, sed etiam alia pleraque gessisse, & horrea conduxisse, & multis soluisse, non perstitisse in institutione, sed omnia tractasse, quæ ad dominum pertinebant, vel quæ ad eum pertinere poterant. quasi igitur ex contractu institoris generaliter condemnauit dominum: dominus appellauit. Princeps in consilium Paulum adhibuit. Paulus dicebat, quasi fideiussionem esse videri, cum seruus pro aliis susceperit debitum: seruus autem fideiubens pro alio extra causam peculij, non obligatur naturaliter, cum soleat tantum obligari ex peculij causa: & consequenter nulla actione obligari dominum, nec de peculio, nec alia actione: si seruus non est obligatus, nec dominus, quia igitur hoc casu quasi fideiussit, non videtur dominus teneri: ac propterea adiciebat Papinian. dominum non videri mandasse, ut seruus expromitteret: princeps tamen non est sequutus sententiam Pauli, *l. 20. de fideiussor. l. ult. quod cum eo*. & conseruauit sententiam præfecti annonæ, magna ratione, quia videbatur ex his omnibus, quæ gesserat seruus, eum in omnibus præposuisse. Lex quidem præpositionis angustior fuit, sed post successu rerum videbatur in omnibus præposuisse. Et hoc igitur casu tenebitur ex omnib. causis institoria. Quod diximus, seruum qui fideiussit pro alio, extra rem peculiarem non obligari naturaliter, quamuis ex aliis negotiis soleat, & consequenter ex eius fideiussionis causa nullam actionem in dominum competere, id probat *lex 20. de fideiussor. l. ult. quod cum eo*. Idem procedere arbitratur, si seruus quasi fideiusserit extra causam peculiarem, id est, expromiserit. Hic casus est valde notandus, quo seruus ex contractu non obligatur naturaliter, nec dominus teneretur vlla actione. Addemus *l. 20. D. de fideiussor.* quæ maxime pertinet ad explicationem *l. ult.* Est etiam aliud quod omisi ad *l. si pro patre 10. de in rem verso*. In rem patris videtur versum, si filius pro patre fideiusserit, vel si quasi fideiusserit, id est, expromiserit, vel si pro patre iudicium acceperit: quod etiam genus quoddam expromissionis est. Nam litis contestatione si sequatur etiam condemnatio, nouatio fit obligationis, non minus quam ex stipulatione. Expromittere est debitum suscipere pro alio: litem contestari pro alio est iudicium suscipere pro alio, & quasi expromittere: nam iudicio suscepto siue pro nobis, siue pro alio suscipimus, obligamur, & debitum nouamus. His igitur tribus modis in rem versum videtur, si fideiusserit, si expromiserit, si iudicium susceperit, & soluit. Addit Ulpianus in *l. 10.* hoc procedere, si non animo donandi id fecerit filius, si non donare voluit patri cum fideiussit vel expromisit, vel iudicium suscepit: nam si donare voluit, non videtur versum in rem patris: hoc est pene in-

Quæst. Papin.

A credibile, sed nihil est certius. In rem versum non actimatur ex euentu, sed ex consilio filii sui. & eius, qui cum eo contrahit. si filius sui. soluit pro patre, dum ei vult donare. sane locupletiores eum fecit, & in rem patris versum est: sed non ita, ut inde detur actio, ut sit actio contra patrem, quia in rem videtur versum, si filio fuerit animus gerendi negotij paterni, quasi procuratori patris, atque ita obligandi patrem. si hoc animo rem eam, quam contraxit redegerit in patrimonium patris, pater tenetur de in rem verso, quia filius fuit patris quasi procurator hoc casu: atque ita patrem obligare voluit, *d. l. 10. §. ult. l. 11.* nam si eum obligare noluit, dum rem eius auget, cessat actio de in rem verso.

B Ad l. 8. quamuis pignoris §. 1. ad Velleianum.

*Si mulier interuenerit apud tutores filij sui, ne hi prædij eius distraherent, & indemnitate eis repromiserit: Papin. lib. 9. questionum non putat eam intercessisse: nullam enim obligationem alienam recepisse, neque veterem neque nouam, sed ipsam fecisse hanc obligationem.*

Q Væstio §. 1. *h. l.* est, an cautio indemnitis promissa à muliere sit intercessio: & est species huiusmodi. Tutor volebat distrahere prædia pupilli, ætis alieni dissoluendi causa auctore prætore, alioquin non valeret alienatio: mater hoc cum intelligeret, tutorem rogauit ne faceret, & promisit ei indemnitate, id est, si quid tutor conuentus iudicio tutelæ ob prædia non distrahta, quasi re non bene gesta, præstiterit, ipsum indemnem eo nomine recte præstari. tutor eo nomine præstitit aliquid pupillo culpæ nomine, qui debuerat prædia distrahere, quæ non distraxit, an quæ præstiterit poterit à matre recuperare? sic videtur, quia non poterit iuuari mater Senatusconsulto Velleiano: nec enim videtur intercessisse pro alio: & Senatusconsultum Velleianum est tantum de intercessionibus mulierum improbandis. mater hanc obligationem fecit, non etiam factam, aut cum ibi esset ut fieret, in se recepit, vel (ut utar verbis legis) eo genere neque veterem, neque nouam obligationem alienam in se recepit, sed ipsa fecit obligationem. Recte, *neque veterem, neque nouam*. Nam siue vetus, siue noua sit obligatio aliena, quam in se recepit mulier, ei succurritur, *l. fæminis C. ad Velleian.* Et vetus obligatio in Senatusconsulto significatur verbo fideiussionis: noua verbo mutuidationis. Mulier veterem obligationem recepit, si fideiubeat pro alio, si constituat pro alio, si expromittat pro alio, si iudicium suscipiat pro alio, si mandet alij mutuum pecuniam dari. quæ omnes intercessionis infirmantur, & actio restituitur in veterem debitorem. Nouam autem in se recipit mulier, si mutuum acceperit, quod alius rogauerat, cui mox ipsa eam pecuniam numeratura est: quo genere suscipit obligationem alienam, quam alius erat subiturus nisi ipsa intercessisset. Et hoc plerumque genere occulto intercedunt, dum qui volunt ut mulier intercedat, agunt, ut ipsa contrahat: sed hæc intercessio etiam infirmatur, & in eum, pro quo intercessit, nulla restituitur actio, quia nulla fuit, sed instituitur perinde ac si mutuum accepisset. Et ita in hoc Senatuscons. dicitur, modo institui actionem in nouum debitorem, modo restitui in veterem debitorem. Et hoc genus intercessionis, cum scilicet, mulier acceperit mutuum intercedendi gratia, significatur in Senatusconsulto his verbis, *Quod ad mutui dationes pro aliis, quibus intercesserint fæmina, pertinet: nam mutui dationes oportet accipere passiuæ, id est, si mutuum detur fæminæ, & ita in l. ciuitas, de reb. cred. ciuitas mutui dationi obligari potest*, id est, si detur mutuum ciuitati. non est etiam, cur in eo Senatusconsulto (quod ita tamen tætant) quo loco scriptum, *de ea re ita consulerunt, emendes, censuerunt*, Videamus cur in specie propo-

posita non videatur intercessisse mulier: hoc ostendit hoc

Qij



modo, si intercessit, aut intercessit pro pupillo, aut pro tutore: non intercessit pro pupillo, hoc est, non intercessit pro eo quod deberet pupillus, sed pro eo quod culparetur tutor à pupillo, ergo evidens est non intercessisse pro pupillo: sic nec pro tutore, quia se ei obligavit: si tutori se obligavit: ergo non pro tutore, l. *Granius, de fideiuss. l. tutor, in princ. hoc tit.* denique neque pro pupillo obligatur, neque pro tutore, sed tutori proprio nomine: ergo non intercessit. Quid est intercedere alij: pro alio se obligare: hoc modo, te quidem obligat alij, sed non pro alio, nisi pro seipsa, quod non potest dici eleganter, quin delinquas: non belle hoc dici potest. Aduersus hanc definitionem Papii obicitur *lex simater 6. ad Velleian.* Sed Accursius respondet recte: eget tamen explicatione respectu ista. Species huius legis est. Tutor se excusare volebat à tutela, nec deerant causae iustae: mater rogauit, ut tutelam acciperet, & indemnitate ei re promissit. videtur intercessisse, & pertinet ad *Senatuscons. Velle.* In specie l. 8. §. 1. indemnitate promissio non est intercessio. In specie l. *simater*, indemnitate promissio, est intercessio. In l. 8. mater, quae promissit tutori, non videtur intercessisse. In specie l. *simater*, videtur intercessisse. Et sane ita est omnino, videri intercessisse hoc postremo casu, quando quidem se obligavit pro pupillo tutori: non suscepit periculum contrariae actionis tutelae, quam habiturus esset tutor aduersus pupillum: non ita dixisse videtur mater nude: suscipe tutelam: nam si quid debuerit tibi pupillus, nec praestare possit, eo nomine te indemnè praestabo, quo casu intelligitur intercedere pro pupillo. Paulus lib. 1. sentent. ita scribit: *Mulierem quae pro tutoribus filiorum suorum indemnitate promissit, non pertinere ad beneficium Senatusconsulti, quae sententia est intelligenda secundum l. 8. §. 1. si pro tutore apud ipsos tutores indemnitate promiserit: nam si pro filiis tutoribus indemnitate promiserit, vel contra, si pro tutoribus filiis indemnitate promiserit, pertinet ad Senatusconsultum.* Ex quibus verbis rem explicat Accursius, etiam si nomine eius, quod debitorus est tutor pupillo, pupillo indemnitate promiserit. Item si nomine eius, quod pupillus debitorus est tutori, tutori indemnitate promiserit. Sed si nomine eius, quod pupillus debet tutori, ipsi pupillo indemnitate promiserit, vel contra, si ratione eius, quod tutor debet pupillo, ipsi tutori indemnitate promissit, non intercessit, sed ipsa facit obligationem, atque ideo ea res non pertinet ad *Senatuscons. Velle.*



IACOBI CUIACII  
IURISCONSULTI  
COMMENTARIUS  
in Lib. X. Quaestionum  
Aemilij Papiniani.

Ad l. 17. de cond. furtiua.

*Parui refert ad tollendam conditionem offeratur seruus furtiuus, an ad aliud nomen, aliumque statum obligationis transferatur. nec me mouet praesens homo fuerit necne, cum mora qua eneniebat ex furto, veluti quadam delegatione finiatur.*



X libro 18. quaestionum Papiniani prima quae exponitur quaestio est de purgatione morae in l. 17. de cond. furt. quae nunc explicabitur. Ostendit in hac l. Papin. moram finire & purgari, & conditionem furtiuam tolli tribus modis, oblatione, delegatione, nouatione. Sed hoc ante omnia notandum est, multum interesse rem aliquam debeat quis

A ex causa furtiua, quod eam furto abstulerit, an ex alia causa: nam alius debitor, si ea res ante moram interierit, liberatur. si post moram, vel quam aliam culpam, debitor non liberatur, l. *si ex leg. 23. de verb. oblig. l. quod te, de reb. cred.* quia mora perpetuat obligationem, siue producit eam in perpetuum, l. *si seruum 91. §. sequitur, de verb. oblig.* In fure non vitimur hac distinctione, quia fur nunquam non facit moram in restituenda ea re, quam non debuit auferre. Igitur nec vnquam liberatur morte vel interitu rei furtivae: semper enim intelligitur interiisse post moram, l. 8. §. *pen. l. ult. hoc tit. l. inter 83. §. pen. de verb. oblig.* Item alterius debitoris mora fit in personam, quia non fit nisi si conuentus opportune, & rite interpellatus debitor non soluerit. In alio debitore interpellatio creat & gignit moram, nec videtur alius debitor non interpellatus, non admonitus, non conuentus moram adhibere in soluendo, l. *mora, de usur.* mora autem furis fit ex re etiam non interpellato fure, ipso iure, l. *ult. C. de cond. ob. turp. caus.* Res ipsa satis interpellat furem, nec admonitio domini exigitur, ut intelligatur fur moram facere. Etiam illud sciendum est, aliam esse causam morae, quam, ut diximus fur semper adhibere intelligitur etiam non interpellatus, longe aliam maleficij, id est, furti quod admittit. Nam maleficium non purgatur oblatione, imo nec restitutione rei furtivae, & siue obtulerit, siue restituerit rem, is, qui furtum fecit, non ideo tollitur actio furti, quae ad poenae persecutionem pertinet: nemo tali poenitentia nocens esse definit, l. *qui ea mente 63. de furt. l. pen. vi bon. rap. Seneca 4. declam. Tam mihi teneris, inquit, quam qui vulnerauit aliquem, licet eum seruauerit.* tantum abest, ut oblatione liberetur fur, ut nec restitutione liberetur duplo, aut quadruplo, id est, actione furti. Poena semel commissa emendari non potest, ut poena semel soluta repeti non potest: mora autem purgatur oblatione etiam sola, & tollitur conditio furtiua, quae ad rei recuperationem pertinet, non ad poenae persecutionem, si res offeratur ei, cui furtum factum est, integra scilicet, & congruo loco & tempore: mora enim non est maleficium, sed culpa, d. l. *si seruus 9. sequitur, de verb. oblig. l. fundum Corn. 18. de nouat.* vbi Accursius annotat, moram & culpam, in verbo, *sine culpa*, & solemus ita definire moram, culpam non respondentis ad conuentionem opportunam creditoris vel debitoris. Et dicimus, ad conuentionem, quoniam haec proprie est mora quam conuentio, id est interpellatio gignit: & exceptis paucis casibus, quibus mora fit ex re, non ex persona. certe vbi plurimum fit mora ex persona, ex conuentione, & interpellatione personae, non ex re sola, sed quae ex persona fit, & ex re ipsa fit, non contra. culpa facilius aboletur quam maleficium, & emendatur, & remittitur facilius: Oblatio purgat culpam veluti moram, sed non maleficium, & consequenter oblatio poenali actione non liberat, quae est ex maleficio, rei persecutoria actione liberat, quae non est proprie ex maleficio: nam quaecunque est ex maleficio, vindictam, ultionem, poenam persequitur, non rem solum. Et malui vti maleficij nomine, ut nostri auctores plerumque malunt dicere obligationem ex maleficio, quam ex delicto: nam delictum est nomen ambiguum, quia & maleficium, & culpam significat, stultitiam, negligentiam, ignorantiam quamlibet, ut Graecis *ἀμαρτία, ἀμαρτία*, vtrumque significat. & in l. *cum mancip. de adilit. edict.* delictum est culpa seu stultitia. Et in definitione legis, Lex est coercitio delictorum, quae sponte, id est, opera, consulta. haec sunt maleficia proprie, vel per ignorantiam contrahuntur. Sed ad rem: mora purgatur oblatione: morae purgatio tollit conditionem furtiuam: sed sciendum est, duo esse oblationis genera, nudam oblationem, & consignatam, depositam. Est igitur oblatio nuda, oblatio rei testib. praesentibus. Haec oblatio, cui additur obsignatio & depositio, statim liberat furem conditione furtiua, quia pro solutione est, cum non retinuerit, quod obtulit debitor, sed obsignauerit, & de-



posuerit apud adituum vel tabellarium. Oblatio pro solutione est, *l. obligatio. C. de solut.* & perpetuum illud est, solutione liberari debitorem omni obligatione, omni actione. Idem etiam de oblatione & depolitione, *l. 1. §. si pecunia. in si. depol.* Idem igitur effectus eademque vis solutionis & oblationis, quæ sit consignatione & depolitione. Oblatio autem nuda non liberat furem conditione furtiva, vel alium debitorem, antequam res interierit. re existente tenetur condictione furtiva, re perempta sine culpa furis non tenetur, quia periculum desit ad eum pertinere, quasi mora purgata per oblationem, si modo actor siue creditor non habuerit instam causam non accipiendi rem, quæ sibi offerebatur. Posterior mora creditoris facta in non accipiendo emendat & purgat priorem moram debitoris, *l. illud. de peric. & comm. rei vend. & d. §. sequitur. l. sed et si alia die. de const. pec.* Ergo oblatio nuda liberat tantum periculo, & ita demum obligatione omni, siue condictione furtiva in specie huius legis, si res post oblationem interierit: nam quandiu res manet, & obligatio manet. & ita constituenda est differentia inter illa duo oblationum genera. Possit itaque lex intelligi de oblatione nuda, si modo ea intellexeris tolli condictionem post mortem hominis furtivi, vel interitum rei furtivæ, non ante. Porro non tantum oblatione purgatur mora, tolliturque conditio furtiva, sed etiam delegatione & novatione, ut ait, veluti quadam delegatione, subindictas, novationem esse quadam delegationem, delegatione purgari moram, ergo & novatione. Eorum quæ similia sunt plerumque in iure idem est effectus; quod est verissimum. De eo, quod similitudinem habet solutionis idem statuamus, quod de solutione. nec interest soluerit quis, siue fecerit, quod solutioni simile est vel proximum: delegatione mora purgatur, si id quod mihi debes ex causa furtiva iusserim creditori meo stipulanti promittere, & promiseris, quo facto liberaris à me omnimodo, nec mihi amplius teneris condictione furtiva, & obligaris creditori meo ex causa stipulationis, non ex causa furtiva: nam hæc est abolita. Delegatio est abolitio & finis causæ furtivæ: ergo & moræ, quæ ex ea pendit: novatione quoque mora purgatur, & tollitur conditio furtiva, si novandi animo stipulor à fure, vel ab alio, quod fur mihi debet ex causa furtiva: quia hæc novatio veluti delegatio est: videor enim furem, qui mihi obligatus est ex causa furtiva, delegare mihi ipsi, ut ipse mihi debeat rem non amplius ex pristina causa, sed ex nova, id est, ex stipulatione, scilicet si stipuler ab eo. Nam si ab alio stipuler, videtur fur mihi delegasse eum, qui expromisit pro eo, id est, qui totam obligationem in se recepit novandi causa. Novatio est, ut apparet ex hac *l.* in aliud nomen, aliumque statum prioris obligationis translatio. Delegatio est mandatum, quo iubetur debitor id quod debet, alij promittere. Et recte mandatum, nam ex eo negotio siue iussu nascitur actio mandati, *l. 12. de novat.* Et recte, quo iubetur promittere: Nam delegatio consummatur per stipulationem eius, cui debitor delegatus est, quæ stipulatio efficit novationem. Delegationem igitur sequitur novatio. Nam novatio est non tantum si mutetur debitor vel causa debendi, sed etiam si creditor mutetur: & interveniente delegatione, atque impleta per stipulationem sequentem, mutatur tamen creditor quæ debitor: creditor mutatur delegatione: ei autem, cui delegatur, mutatur debitor, secuta, ut dixi, stipulatione: alioqui delegatio est imperfecta. rursus dixi, quo iubetur promittere: nam secus est, si debitor meus iubeatur alij solvere. Si iubeatur promittere tibi, tu statim, etiam id stipulando novare potes; sed si iubeatur solvere, non statim etiam tu stipulando id novare potes invito me, *l. si debitorem. de novat.* Tollit igitur novatio priorem obligationem, ergo tollit etiam moram siue culpam, quæ obligationi iniuncta est, atque coheret. & rursus, ergo tollit etiam condictionem furtivam, quæ ex obligatione nascitur. quæ denique in uniuersum tollit obligationem, & quæcunque eam circumstant: &

A confluit obligatio in alium statum; inque aliud nomen. Ac præterea tollit novatio priorem obligationem, non tantum si res post novationem intereat, sed etiam si existat, ut plane sit recipienda differentia Accursum inter novationem, & oblationem. Oblatione nuda liberari reum re perempta demum, novatione liberari statim etiam re extante. Nec quicquam obstat *l. si re debemus 29. §. ult. de verb. oblig.* quæ enim, qui stipulatus est à fure quod fur sibi debet ex causa condictionis furtivæ, ait, uti posse condictionem furtivam, condicere furi posse si res extet. Nam, ut respondeamus breviter, non loquitur de stipulatione facta novandi causa, quandoquidem si hoc animo facta sit novatio, statim extinguitur conditio furtiva. Græcorum etiam differentia placet inter oblationem nudam & novationem, ut oblatio nuda exigat presentiam rei, novatio non exigat. Oblatio exigit presentiam rei, quia non potest obtulisse videri quis rem, quæ non aderat. Res præfens non est ea quæ in conspectu est, seu quam cerne-  
re & tangere licet: nec est ea, quam fur fert, aut agit, aut portat, sed quæ est in ea provincia, ubi de ea queritur. Absens est, quæ est peregre, & in alia provincia, quod ostendit aperte lex *qui decem §. idem responsum. de solut.* Ergo oblatio quidem exigit, ut res præfens fuerit, alioquin non intelligitur obtulisse rem propter absentiam, & solum est præfens, quod est in ea regione: novatio autem non exigit, ut res sit præfens, & eundem habet effectum siue res sit præfens, siue absens: & hoc est quod ait Papinianus. Nec me mouet lex *qui decem §. cum Stichum, & §. seq. de solut.* ex qua efficitur etiam in novatione exigi presentiam rei, id est, novatione non finire moram, non tolli pristinam actionem, nisi res præfens fuerit quo tempore actum est de novatione. Hoc in illo §. ostenditur, oblationem liberare periculo, & emendare moram, siue à debitore fiat. siue ab alio nomine debitoris, sciante debitore vel ignorante, scilicet si creditor accipere noluerit, id est, si posterior ipse fecerit moram. Et adiciunt, eundem esse effectum stipulationis non conceptæ pure, sed factæ sub conditione novandi causa, licet novatio non contigerit, quod scilicet res interierit pendente conditione stipulationis: neque enim novatio contingit, nisi res sit in rebus humanis cum existit conditio. Et hoc ita esse, siue creditor stipuletur sub conditione à debitore, siue ab alio ignorante debitore. Ergo ita constituamus: moram purgari per stipulationem conditionalem, licet ex ea novatio non contingat: quod confirmat etiam lex *quotiens §. 1. de novat.* Sed hoc ita verum est, si res præfens fuerit, quæ in stipulationem conditionalem deducta est: Nam si res præfens fuerit, stipulatione nuda, ex qua novatio non fit, licet fuerit interposita novandi animo, mora purgatur, quia pro oblatione cedit, si res præfens fuerit. Offero rem non tantum, si dicam me paratum esse solvere: sed etiam si promittam stipulanti tibi, vel pure, vel sub conditione: neque enim quod promitto, recuso solvere, imo me ad soluendum adstringo. denique offero & purgo moram, si quam ante admisi. At si res ipsa, quam ab eodem debitore stipulatus sum sub conditione, fuerit perempta pendente conditione, atque ideo non secuta novatio sit, ea stipulatione non censetur purgata mora; non certe stipulatione, quia effectum non habuit re perempta interitum: non etiam quasi oblatione, nam res absens non intelligitur oblata. Et hæc est sententia illius §. satis obscuri, qui tamen non aduersatur Papiniano: Nam Papinianus in stipulatione, ex qua contingit novatio, putat nihil referre, præfens fuerit res, an absens. Marcellus in eo §. de stipulatione loquitur, ex qua non contingit novatio, in qua omnino exigimus presentiam rei, ut pro oblatione habeatur, atque ita purgat moram. Diximus in summa, purgari moram, & liberari debitorem periculo per stipulationem conditionalem novandi causa interpositam, si modo res præfens fuerit, licet novatio non contingerit extincta pendente conditione stipulationis, & novationem



non contingere, etiam si conditio stipulationis existat post interitum rei. Hæc est summa doctrinæ superioris. Cui tamen valde obstat lex *si rem, de nouat.* quæ significat, in ea specie nec purgari moram, & nouationem contingere: obstat etiam lex *eum qui §6. de verb. oblig.* ex qua efficitur, nouationem quidem non contingere, sed moram etiam non purgari. Sed quidnam sit illis legibus respondendum postea explicabimus, cum aggrediemur legem *arboribus, de contr. empt.*

Ad l. arboribus §8. de contr. empt.

*Arboribus quoque vento deiectis vel absumptis igne, dictum est emptionem fundi non videri contractam esse, si contemplatione illarum arborum veluti oliueti, fundus comparabatur, sine sciente, sine ignorante venditore; sine autem emptor sciebat, vel ignorabat, vel uterque eorum, hæc obtinent, quæ in superioribus casibus pro adibus dicta sunt.*

**D**iximus, moram purgari & debitorem liberari periculo omnino non tantum nouatione quæ fiat interueniente stipulatione pura: sed etiam stipulatione condicionali: Nam etsi conditio existat post extinctam rem, nouatio non fit, quia nulla est res, quando conditio existit: nouatio non tantum emendat moram, sed etiam stipulatio interposita nouandi causa, licet effectum non habuerit. Et hæc ita procedunt, si tempore conditionalis stipulationis res præsens fuerit, id est, si in eadem prouincia fuerit; hoc casu moram purgari per conditionalem stipulationem, licet ex ea nouatio non existat, vt res quæ præsens in stipulationem deducta est, oblata videtur; & constat oblatione moram purgari, nouationem autem non fieri, quia res interiit ante moram; nec enim post veterem moram, quæ sublata est, noua intercessit mora. Hoc est quod supra diximus: & adiecimus huic definitioni ob stare legem *si rem, de nouat.* & *l. cum qui §. ult. de verb. oblig.* quæ nobis explicandæ sunt, & demonstrandum, quidnam respondendum sit. Ex *l. si rem* colligitur in eadem specie rei debitæ deductæ in stipulationem conditionalem factam nouandi animo, & pendente conditione re perempta debitorem non liberari periculo, & nouationem fieri, post interitum rei conditione existente. Et vt explicatius dicam, finge: rem quæ mihi debes, de te stipulatus sum nouandi causa sub conditione: non fiet igitur nouatio, nisi res existat tempore conditionis existentis, & nisi res ea fuerit in rerum natura: verum adiicit *d. l.* hoc ita verum esse, si tu ante eam stipulationem conditionalem moram feceris: Nam si moram feceris, etiam si res non extet tempore existentis conditionis, tu mihi teneris ex stipulatione, quasi nouatione facta. stipulatio committitur existente conditione, quia res periit post moram commissam: nec enim interim videtur purgata mora. Sed si verum amamus, id tantum dici potest, atque id procedit simpliciter, si res absens fuerit tempore interpositæ stipulationis conditionalis. Superior definitio est de re præsentē, res præsens pro oblata habetur, res absens pro oblata non habetur: & ideo non videtur purgasse moram qui rem absentem promissit sub conditione: certe non purgauit moram stipulatione, quæ est in suspensio: non purgauit etiam quasi oblatione, quia res absens oblata intelligi non potest; & consequenter, quia periculum ad eum pertinet, quasi mora non purgata existente conditione tenetur, & nouatio fit. Sententia legis *eum qui, §. ult.* hæc est, rem, quam mihi debes, stipulatus sum sub conditione, non à te, sed à Titio. pendente conditione res interiit post moram tuam, post extitit conditio: non fit nouatio, & tu mihi teneris, licet res interierit: ergo ea stipulatio non potest purgare moram: hoc facilius possumus expedire, quam illud, quod ante diximus. Respondeo moram quæ præcessit stipulationem condi-

tionalem purgari per eam stipulationem, licet ex ea nouatio non fiat: moram autem, quæ secuta sit eam stipulationem, quæ facta est pendente conditione, de qua agit lex *eum qui*, non de ea, quæ præcessit stipulationem, non purgari, siue res præsens fuerit, siue absens: & ideo quod moram commisisti, mihi teneris etiam re perempta. Titius non tenetur, quia res interiit antequam moram faciat: nouatio igitur non fit, quia Titius non obligatur, tu obligatus manes, *l. §7. §. ult. de verb. oblig.* Nunc interpretationem legis *arboribus* aggrediamur. Quæstio est de fundo vendito contemplatione arborum, quæ in eo fundo consistunt, vt de oliueto vendito: fundus qui oliuetanus dicitur, venit contemplatione arborum, aut de vineto, de arbueto, an valeat venditio, si ante venditionem arbores euulsæ, exulsæ, deiectæ fuerint vento. **B**eadem quæstio extat de domo in *l. prox. sup.* an domus venditio valeat, quæ ante venditionem combusta fuit. & quæ, vt Papin. admonet in hac l. distinctionibus quibusdam adhibitis, definiuntur de domo vendita, sunt etiam transferenda ad hanc legem, & licet Papin. de fundo tantum agat, tamen demonstrat idem tractasse ante de domo. Finge igitur: domus vendita est, quæ ante venditionem combusta fuerat. superficies perierat, area manebat, solum manebat, quæ est maxima pars domus, *l. qui res §8. §. ult. de solut.* Superficies est pars minima, si conferatur cum solo, & ideo iure gentium superficies semper cedit solo, *l. pen. l. ult. §. sed si, uti possid. l. qui domum §0. ad l. Aquil.* Vel finge: fundum vendidisti contemplatione arborum, veluti oliuetum, aut vinetum, & arbores igne absumptæ fuerant aut vento deiectæ ante venditionem. Arbores sunt superficies fundorum, atque ideo latior superficie, quam ædificij appellatio: & rursus etiam ad aliquid latior ædificij, quam ædium. Nam ædificia alia sunt urbana, alia rustica: ædes tantum sunt urbana prædia; & rursus ædium ad aliquid latior significatio, quam ædificij. Nam ædes solum & superficiem continent, ædificium proprie est superficies in *l. domo 21. de pign. actione. l. 9. §. quasitum, de dam. inf.* Ædificium est pars, ædes totum, *l. 31. de leg. 3.* si cui ædes legata sunt, omne id ædificium habebit, quod solum earum ædium erit. Queritur autem superioribus duobus casibus, an venditio consistat, si res perierit ante venditionem, & an ex eo negotio sit actio, id est, an impleri debeat contractus vtraque ex parte? Et auctores ita distinguunt: Aut vterque ignorauit domum esse combustam, vel emptor sciuit, venditor ignorauit, aut contra, aut vterque sciuit. Diuisio hæc est perfectissima. Si vterque ignorauit, nulla est venditio, quia sine re venditio non consistit: emptionis venditionis substantia consistit ex re & pretio, *l. etsi consensum 15. hoc tit.* etiam si sit consensum in corpus, si tamen id perierit ante venditionem, nulla est venditio: & ideo emptor non compellitur venditionem implere, & quod ignorans soluit, potest condicere, quia neutra ex parte contrahitur obligatio. Et hoc ita, si tota domus, exusta sit, si totum oliuetum consumptum sit, vel maior pars eius. Nam in rebus humanis non videtur esse res, cuius maior pars interiit; res quælibet ex maiori parte censetur. Consumpta igitur maiori ex parte res, absumpta videtur. Nam solum, siue area non est domus, imo nec pars domus sublato superficie. Ergo sine re videtur contracta venditio, si ea res, quæ venit, maiori ex parte perierit ante venditionem; sed si pars dimidia permanferit, & dimidia perierit, vel si minor pars, venditio consistet, quia non intelligitur periisse domus, cuius pars maior superest, aut dimidia. Et ideo hoc casu, si dimidia tantum perierit, emptor cogitur perficere contractum: nam perficitur nudo consensu, & aliud est proprie perficere emptionem, aliud implere. Cogitur igitur emptor soluere pretium rei, quamuis non sit integra res, puta parte dimidia consumpta: sed quia actio ex vendito est bonæ fidei, bonus vir arbitrabitur, vt diminuatur pretiū, & boni viri arbitrato, id est, officio iudicis, *l. officio, hoc tit.*



Iudex quid est? magister & sacerdos equi & boni arbiter, vir bonus, cui causæ cognitio, aut iurisdicção data est; Interpres bonæ fidei & doli mali, *l. si seruus 61. §. circa commodatum, de furt.* Habet enim dolus malus ἀντιδικα-  
 ἔλλομεν bonam fidem. Si utroque ignorante domum exustam esse vel oliuetum, venditio contracta fuerit, nec fuerit exusta tota, sed pro parte tantum dimidia, aut minor, valere venditionem. Obiicitur stulte lex *si duos 44. hoc tit.* non pugnat ea lex. Finge: Vendidi tibi duos comedos, quorum vnus non possit seiungi ab altero sine incommodo, finge vnum ex iis interiisse ante venditionem, an in vno consistet venditio? minime. Cur igitur non dicis idem in domo? Ratio est diuersitatis, quia nec venditori, nec emptori, nisi vtrumque habeat, expedit: partem domus habere expedit, & potest esse vsui, nec quicquam incommodi patitur emptor, cui diminuetur pretium pro rata eius, quod incendio periit. Aut venditor sciuit, emptor ignorauit, & hoc casu nulla est venditio, si tota res perierit ante venditionem, sed si extet pars aliqua vel maior, vel minor: neque enim spectamus quanta permaneat, sed dicimus indistincte valere, & venditorem teneri in id, quod interest propter reticentiam, *l. si post 9. de peric. & com. rei vend.* & ita coercetur dolus venditoris, non ad rem tantum, sed etiam in id, quod interest. Obiicitur lex *si in empt. 34. §. item si, hoc tit.* agitur ibi de re furtiua vendita. non potest vendi res furtiua, res aliena potest vendi, nec tantum dicimus rei furtiue non esse vsucapionem: sed etiam venditionem non esse, donationem non esse. Nam si ille §. coniungatur cum præcedenti, apparet Iureconsult. adnumerare illis rebus, quarum commercium non est, rem furtiuam: & consequenter ait, nullam contrahi obligationem, si vterque scierit rem esse furtiuam, & contraheretur tamē, si vterque scierit rem esse alienam. Ait etiam, si venditor ignorauit, emptor scierit, non obligari venditorem, sed nec agere ex vendito, nisi vltro id quod conuenit præstet: contra si venditor scierit, rem esse furtiuam, emptor ignorauerit, vtrinque obligatio nascitur. Ergo in nostra specie cur non debet nasci obligatio? Respondeo vno verbo, non potest nasci, quia nulla res subest tota domo combusta. In d. §. subest res. Aut è contrario venditor ignorauit, emptor sciuit domum esse exustam, & hoc casu non valet venditio, si tota sit exusta, sed si vel portiuncula manet, venditio valet propter dolum emptoris, & tenetur emptor adimplere contractum, quia dissimulauit, vt forte venditorem condemnaret ex empto: dissimulatio omnis, reticentia, dolus est, & sibi imputare debet, quod emerit rem, quam sciebat extinctam. Aut vterque sciuit, & hoc casu siue exusta sit tota, siue ex parte, venditio non valet, quia vterque sciuit, vtrique ex parte dolus intercessit: ergo ex neutra parte consistit contractus bonæ fidei. contraria hæc sunt dolus & bona fides. Et falso hic Accurs. in *l. domum, hoc tit.* quæ hanc præcedit, in verbo, *nihil actum*, meo quidem iudicio, pro parte; quæ superest posse contrahi venditionem, licet vterque scierit, quod acciderat rei ante venditionem. Nam doli ratio obstat vniuersæ venditioni. Ideo ait lex nihil penitus agi, nec posse se coarguere inuicem, dolus dolo compensatur, *l. viro 39. solut. matrim. l. 10. de compensat.* quod etiam male colligit ex §. *quotiens, d. l. 10.* qui tantum ait, quod supra diximus in *l. arboribus, & l. domus, de contr. empt.* quoties ex delicto oritur actio, vt pote ex causa furtiua, si de ea vel pecuniario iudicio agitur, compensatio locum habet. Post hæc nimirum verba esse legendum, id est, *per, pro, idem. ita in l. 30. de act. empt.* id est, melius quam Florent. *idem est l. veteres, hoc tit. l. 45. & seq. loc.* Et eam emendationem confirmant βασιλικæ, in quibus nimis ista breui sermone comprehensa sunt. Is cum quo agitur pecuniarie ex furto vel maleficio, compensationem opponere potest: & de noxali actione idem adiicitur, ex quo habemus duo singularia; Actionem seu conditionem furtiuam ex maleficio dari, vt in

*l. simulier 21. §. hac act. rer. amot.* nam non ideo minus videtur ex delicto dari, quod sit etiam rei persecutoria, sicut dicitur de actione in factum ex edicto de alienatione iudicij mutandi causa facta, quæ licet ad rei persecutionem pertinet, tamen videtur ex delicto dari, adde *l. quia pertinet, de alie. ind. mut. caus. fac.* idque sit odio furum, & vt Theop. ait contra reg. iu. Deinde est notandum ex his, noxalem actionem pecuniariam: & eleganter in *l. 6. §. 1. de re iud.* solius noxæ deditionis nullum esse iudicium, sed condemnationem pecuniæ persequi: in condemnatione esse pecuniam, noxæ æstimationem. in solutione, ex 12. tab. & noxæ deditionem. Quamobrem recte mihi videtur concepta formula sententiæ proferendæ in noxali iudicio in *t. de off. iud. Inst. lib. 4.*  
**B** *Publium Manium in pecuniam certam condemna, aut vt noxam dedat.* Præcedit verbum *condemna*, sequitur, *noxam dedere*: Hanc igitur facultatem noxæ dedendæ habet ex 12. tab. si nolit subire æstimationem litis: hic actionem in factum iudicij mutandi causa factam pecuniariam, ciuilem esse ex delicto, & noxalem esse pecuniariam. Summa autem eorum, quæ exponuntur in *h. l. arboribus*, & in *l. domus*, præcedentis hæc est. Si res quæ venit, tota perierit ante venditionem, & hoc vterque scierit, vel ignorauerit tam emptor quam venditor, vel alteruter, non stare venditionem. Idemque esse, si quælibet pars perierit ante venditionem, & hoc scierit vterque contra venditionem, si perierit dimidia pars, aut minor, quam dimidia utroque ignorante. Itemque si perierit pars quantulacunque solo venditore, vel solo emptore sciante. Et hoc est quod ait Papin. hac lege, *siue*, id est, non distinguimus, siue sciuerit venditor, an ignorauerit, omnes arbores consumptas igne. Alia distinctio in *l. si post, de peric. & com. rei vend.* Quædam arbores vi deiectæ sunt, & constat venditio, si emptor ignorauit, venditor sciuit, nec admoenit. Quod ad Papin. videtur Vlp. adieciisse.

#### Ad l. pacta conuenta 72. eod. tit.

*Pacta conuenta, quæ postea facta detrahunt aliquid emptioni, contineri contractui videntur, quæ vero adiciunt, credimus hoc non inesse, quod locum habet in his, quæ adimicula sunt emptionis: veluti ne cautio dupla præstetur, aut vt cum si leuissore cautio dupla præstetur. Sed quo casu agente emptore, non valet pactum, idem vires habebit in re exceptionis agente venditore. An idem dici possit antea postea vel deminuto pretio non immerito quasitum est: quoniam emptionis substantia consistit ex pretio. Paulus notat si omnibus integris manentibus, de augendo vel deminundo pretio rursus conuenit, recessum à priore contractu, & noua emptio intercessisse videtur.*

**E**t hæc lex famosissima. Pacta conuenta dicuntur non per διασολῶ, quasi sint quædam pacta non conuenta, sed perpetuum est epithetum, quia ex solo conuentu valent & æstimantur. contractus propter conuentum valent, & æstimantur ac censentur nomine legitimo & proprio, vt societas, mandatum: vel deficientē nomine æstimantur & censentur ex causa, à qua incipiunt, id est, datione, vel facto aliquo, vt do vt des, do vt facias, facio vt des, facio vt facias. Do vt des, est contractus, quia præter conuentionem cœpit res à datione, hoc est, conuentioni accessit datio. Dabo vt des, est pactum. Quid est contractus? conuentio, quæ nomen proprium habet, quæ datione, traditione, aut facto aliquo sumit effectum: Vel, vt Theophil. definit: Contractus est duorum pluriumue in idem placitum consensus, ex quo nascitur obligatio. Ab effectu sic definitur: sed prior ad substantiam magis pertinet. Quid est pactum? Res de qua conuenit, quæ nomen non habet aliud, quam pactum, quæque nulla ex parte sumpti effectum, nec versa est in stipulationem. Vel, imitatione Theo-



phili: Pactum est duorum, pluriumue in idem placitum consensus, ex quo non nascitur obligatio: Vel pactum est conuentio, cuius neque vlla causa subest, quodque nomen proprium non habet. Conuentio est genus, cuius species duæ sunt, contractus & pacta, *l. 1. de pact.* Eadem ratione dicuntur pacta & conuenta. *Paul. 1. sent. 1. Tull. pro Cæcin. quam pacti & conuenti formula.* Seneca de benef. *nec pacta, conuentaque impressis signis.* & è cōuerso etiam conuenta & pacta. *Iuuenal. Satyr. 6.* Eadem quoque ratione dicuntur pacta nuda, non quasi alia sint non nuda: nullum est pactum, quod non sit nudum: vt si ita conuenerit, *dabo vides*, pactum est. Etiam ea pacta, quæ pariunt actionem, sunt nuda, & ex pacto sæpe res meat in contractum vel stipulationem, vel quem alium: vt si ita conuenerit, *dabo ut des*, est pactum: si cæpero dare, definit esse pactum, & fit contractus. Dicuntur pacta nuda, quia solo consensu constant, & nuda à nomine, nuda à causa, nuda à vinculo stipulationis, circumscribuntur, stantque ad finem placiti, *l. si tibi 17. C. de loc. & cond. l. si diuisioni, C. fam. ercisc.* Ex contractibus nascitur civilis & naturalis obligatio: sunt enim contractus non tantum civiles, sed & iurisgentium, ex pactis non nascitur civilis obligatio, sed nec etiam tollitur civilis obligatio: naturalis tamen obligatio nascitur ex pactis, atque etiam tollitur: Ergo ex pactis actio neque datur, neque ipso iure perimitur. exceptio & replicatio datur iure prætorio, & iusta pacta ita rata habentur, vt iuri præstare dicantur. Vetus erat verbum, *pacta iuri præstare*, apud Cornif. hoc est, præstabiliora esse legibus, licet legibus non obseruentur, sed edictis prætorum tantum, datis exceptionibus, & replicationibus: & quandoque datis actionibus, vt iure prætorio de pignore ex pacto nascitur actio pign. siue hypothecaria, *l. si tibi 17. §. de pign. de pact.* Eodem etiam iure de constituta pecunia, quasi ex pacto nascitur actio, *l. 1. de constit. pec.* De alia re quod sciam, aliove gestu, ne iure quidem prætorio ex pacto nascitur actio, quod lege non confirmatur. Quædam tamen sunt pacta, quæ legibus obseruantur: regulariter pacta legibus non obseruantur. Obseruantur autem legibus vt de iniuriis & furti ex 12. tab. Hæ actiones pacto ipso iure tolluntur etiam non opposita exceptione, *d. l. si tibi §. 1. de pact. l. post decisionem 13. C. de furt.* Idem ostenditur in *l. iurisgent. §. si paciscar, de pact. post decisionem*, hoc est, post pactionem, si quis pro fure damnum deciderit. Et sumpta sunt hæc verba ex 12. tab. vt in alio capite, *fructus duplione damnum decidero*. Damnum decidere, est pacisci, quæ pactio perimit actionem de furto. Sic etiam iniuriarum actio pactione tollitur ex 12. tab. Actionem igitur iniuriarum, vt si quid addictus debitor creditori cum creditore paciscatur (vt mea fert opinio) ex iisdem legibus 12. tab. pacta obseruabantur quasi legitima, quoniam post additionem debitoris Gellius ait, interim fuisse ius paciscendi: ex iisdem legibus igitur, & nisi pactum fuisset haberi dies 60. in vinculis. Et pacta etiam ea legibus obseruantur, quæ contractui bonæ fidei adiiciuntur ex continenti: nam leges non seruant tantum contractus, sed & leges contractuum, hoc est, pacta adiecta in continenti. Non quodlibet pactum lex est, sed id tantum, quod additur ex continenti, quia formata actionem venientem ex contractu. Hæc igitur pacta sunt legitima, hoc est, iure approbata confirmataque, *l. iurisgentium §. quinimo, de pact. l. cum dotem, C. de iur. dot. l. nec ex præ. 27. de re. indic.* Proficiunt ergo ad actionem & obligant, vt in *l. venditor 13. com. præd.* per venditionis legem obligantur, &c. & in *l. in bona fid. C. de pact.* ex his pactis competere actionem. cur ita? quia si contractus est legitimus, & ipsa sunt legitima, quandoquidem habentur pro parte contractus, continentur & insunt contractui. Ex pactis autem ex interuallo non nascitur actio, quia non videntur inesse contractui, quæ sunt longe post contractum, quæ non coherent contractui, sed ab eo absunt, distantque lon-

gissime. Cur pacta incontinenti facta proficiunt ad actionem? quia insunt contractui, & contractus utilis est ad actionem. Ergo, quæ non insunt, non proficiunt ad actionem, sed ad exceptionem tantum iure honorario: imo vt ostendit Papin. in *h. l.* interdum pacta ex interuallo proficiunt ad actionem iure ipso quasi legitima. Sunt multa eius rei exempla: quærunt tamen interpretes. Est vero tota hæc lex de pactis factis ex interuallo, nihil in ea agitur de iis, quæ ex continenti. Et ait, *ex pactis ex interuallo nasci actionem interdum*. Et ideo ait, *pacta quæ postea facta*, id est, post emptionem ex interuallo. *Postea* semper significat ex interuallo, *mox* plerumque ex continenti, interdum ex interuallo, vt *d. l. 23. de captiu. & postl.* Horatius: *mox daturus progeniem vitiosorem*, & alio loco, *vt mox nulla fides dictis*, &c. vide Festum. Sed quæro, quid sit ex continenti. quod si scieris, & statim cognoueris, quid sit ex interuallo. Quæ pacta dicit fieri in continenti, an quæ fiunt statim in ipso negotio? Minime. videntur pacta facta in continenti, quæ non sunt facta confestim, modo non post aliquod interuallum facta sint, in *l. si ventri §. ult. de reb. auct. iud.* Nam modicum interuallum, interuallum non est. sed si ad alia negotia diuerterit, qui contraxit, vt definit *l. si ex duobus, de duob. reis.* ergo ex interuallo videtur factum, non ex continenti, quod quis fecit posteaquam à contractu diuertit ad alia negotia: & contra ex continenti, quod quis fecit antequam ad alia negotia diuertit. Et ideo chorus apud Sophoclem, dum Regi suadet vt statim monumentum extruat Polynici. *ὅρα μὲν τὰ ἑλθὼν μὴτ' ἐπὶ ἄλλοις τρέπει*, quod enim fecit aliquis postquam ad alia negotia diuertit, non videtur fecisse ex continenti. Pacta autem (vt Papin. ostendit in hac *l.* cuius auctoritate etiam vtitur Vlpian. in eam rem in *l. iurisgent. §. idem resp. de pact.*) quæ fiunt ex interuallo, vel adiiciunt aliquid emptioni vel detrahunt. Forsitan existimaret quis ea pacta detrahere, quæ negatiua sunt: adicere quæ affirmatiua, sed errore labitur: nam & negatiua adiiciunt, vt si conuenerit, ne venditor caueat de euictione. Hoc pactum nihil detrahit, sed adiicit. Adiiciunt pacta, quæ extranea quædam adiiciunt salua substantia contractus: vt si post emptionem paciscantur, vt præstetur cautio duplæ euictionis nomine, vel etiam si paciscantur vt satisfidetur euictionis nomine, non repromittatur: iure ita se res habet, vt euictionis nomine debeat venditor tantum repromittere, non etiam satisfidare datis fideiussoribus, *l. 1. §. stipulatus dup. de præ. stipulat.* Sed licet iure ita se res habeat, tamen pactum iuri præstat: id est, ita pacta iusta existimantur, vt iuri præstent, & iure potius sit pactum. Nam efficit, vt quod iuris est, non sit, & contra, veluti vt non caueatur de euictione, vel vt satisfidetur, & sapissime etiam in legibus iureque communi additur hæc exceptio, *nisi aliud conuenerit*, qua demonstratur, conuentionem legibus præstare. Quamobrem recte dices, voluntatem testatoris & voluntatem paciscentium iuri præstare. Hæc vero pacta, quæ proposui, dicuntur esse extra naturam & substantiam contractus in *d. §. idem resp.* quia nihil attingunt substantiam emptionis, quæ constat tantum re & pretio, sed pertinent tantum ad emptionis adminicula. Euictio est adminiculum emptionis, vt in *l. instrumenta C. de probat. l. 3. C. de testib. βούλημα*, Quæ de causa à Iustin. euictio appellatur pedissequa, *ὑποκατάστημα* emptionis. Denique euictio est adminiculum emptionis: pretium substantia emptionis: sine qua nulla est emptio. sine adminiculo emptio consistit, non tamen sine hoc adminiculo euictionis, rem habere, si euincatur, licet, vt vsusfr. sine aditu ad fundum consistit, non tamen vti frui licet sine aditu, *l. 1. §. 1. si vsusfr. per. vsusfructus eget adminiculis*, non vt consistat substantia vsusfr. sed vt fructus percipere liceat. Ex iis autem pactis, quæ adiiciunt emptioni, quæq; pertinent ad adminicula emptionis, non ad substantiam, ex iis, inquam, non nascitur actio, sed exceptio tantum: & hoc est quod dicitur, pacta non



non contineri contractu, alioquin ex his nasceretur actio. nihil commune habet cum contractu, denique non proficere ad actionem, sed ad exceptionem tantum: & ideo si agat emptor, ut sibi satisfidetur de euictione ex pacto, non audietur, ne ex pacto nascatur actio, ut Papin. ait, sed contra, si agat venditor cum emptore ex pacto, emptori dabitur exceptio: & in summa pactum huiusmodi proficit ad exceptionem tantum, non ad actionem. Et hæc sunt, quæ Papin. proponit in prima & secunda parte huius legis. Dixi supra Pap. in *l. pacta conuenta*, de iis tantum pactis tractare, quæ sunt ex intervallo, post contractam emptionem, & quæ sunt vires eorum, quæ sunt ex continentia, satis exposuimus. Ergo cum Papin. tractabimus de viribus tantum eorum pactorum, quæ sunt ex intervallo: & ut rem omnem nunc absoluam, ut perspicuam eam totam reddam, necessario paucis repetendum est, quod de iis diximus, & si fieri potest insinuandum apertius. Ea pacta, quæ sunt ex intervallo Papin. ita diuidit (meo quidem iudicio de pactis scripta nulla lex est elegantior: quidquid enim de viribus eorum pactorum dici potest, paucis comprehendit) vel inquit, ea pacta adiiciunt aliquid emptioni, vel detrahunt: Quæ adiiciunt non inesse ex parte actoris: vel quod idem est, non contineri contractu, id est, non formare actionem, inefficacia esse ad agendum, non inesse etiam ex parte rei: quod notandum, quia tametsi proficiant ad exceptionem, tamen eam opponi necesse est ab eo, qui pacto nititur, qui ex pacto commodum vel lucrum querit: nec enim ipso iure tutus est reus, & inesse tantum ea pacta dicuntur ex parte rei, quorum exceptio proponi necesse non est, hoc est, quæ reo proficiunt etiam tacenti *l. 3. de rescin. vend.* Quæ vero detrahunt aliquid emptioni, insunt ex utraque parte: nam & actionem pariunt actori, & reum ipso iure tutum reddunt, etiam si non opponat exceptionem pacti, *d. l. 3.* Et hoc est, quod dicitur, exceptionem pacti inesse actioni bonæ fidei, hoc est, à iudice pacti rationem haberi, etiam si eius pacti exceptio omissa sit ab aduersario: denique potestate iudicij bonæ fidei ei exceptionem pacti inesse. Et Papin. proposita huiusmodi diuisione ac differentia pactorum, quæ aliquid adiiciunt aut detrahunt, ait, ea non esse ex eodem contractu, hoc est, ex ipso contractu, *l. 7. §. adeo, de pact.* Quod ita interpretantur Græci, κατὰ τὴν φύσιν τῆς συναλλαγῆς, ex statu emptionis, ex natura, ex substantia, sed esse de adminiculis, sine quibus consistit substantia emptionis & venditionis, velati de euictionis causa, ut si pepigerit ex intervallo, ne cautio duplæ præstetur euictionis nomine, vel si pepigerit, ut præstetur cum fideiussore. Hæc pacta valent ad exceptionem, non ad actionem: nam si ex illo pacto, ut cum fideiussore cautio duplæ præstetur, velit agere emptor, non dabitur actio: ex illo pacto, ut satisfactio duplæ præstetur, non agit emptor ut detur fideiussor, ut detur secundus auctor, hic enim appellatur fideiussor euictionis: contra ex illo pacto, ne euictio præstetur, vel ne cautio euictionis præstetur, si agit emptor ex empto de euictione, vel de cautione euictionis præstanda, poterit venditor tueri se exceptione pacti, ne præstet euictionem, atque ita pactum, quod non valet ad actionem, valet ad exceptionem. Delenda est glossa Accursi. in verbo *agente*. quod repetitur, non idem significat: nam illo loco, agente emptore, hoc est item faciente emptore & desiderante fideiussorem euictionis nomine, pactum non est utile, quia non parit actionem emptori, sed agere venditore, & defendente se venditore aduersus emptorem, qui agit de euictione, pactum venditoris proficiet iure exceptionis. Recte, iure exceptionis, nec enim proficit ipso iure, quia pactum tale, ne ex parte quidem rei inest; pactum tale neutra ex parte inest, & hanc vim tantum habet, ut proficiat ad exceptionem: nam omissa exceptione pro omisso habebitur, nec supplebitur officio iudicis, quia neutra ex parte inest. Et ita sæpe commune est in iure agere & rei & actoris, ut in *l. 1. de except. l. 1. de*

Quæst. Papin.

*A edend.* Equum est reo actionem edi, ut reus veniat instructus ad agendum, id est, ad defendendum causam. Ego maxime velim vos obseruare interpretationem hanc: agente emptore, hoc est, litem inchoante & prouocante ad iudicium in hoc, ut sibi detur fideiussor, pactum nihil proficere, sed agente venditore, id est, defendente litem venditore, pactum quo tum conuenit ne venditor conueniretur de euictione, ei proficit iure exceptionis. verba illa, *iure exceptionis*, significant sequentia verba (*agente venditore*) esse accipienda de reo. Accursi. comminiscitur alia pacta, nos propositis inheremus: nunc tractemus de pactis, quæ detrahunt. Hæc sunt ex eodem contractu, hoc est, pertinet ad naturam ipsam, & substantiam contractus. Natura contractus est, quo consistit contractus, & sine quo non consistit vel contractus ipse, vel res ipsa, quæ contracta est, substantiam dicit Papin. hoc loco, Vlp. naturam in *l. iuriscens. si idem respondit, de pact.* non est constituenda differentia inter naturam & substantiam. Accursi. dicit, alia esse pacta de naturalibus, alia de substantialibus, quæ idem sunt. Et rursus naturalia quæ vocat & accidentalia idem non sunt, veluti euictiones: quæ Accursi. vocat naturalia, & accidentalia, nos adminicula vocamus: & pacta accidentalia sunt, quia non oriuntur ex natura contractus, & per se sine his subsistunt contractus. ergo quæ ille vocat naturalia, nos non ita vocamus. pacta, quæ sunt de adminiculis, nos accidentalia dicimus. Verum ad rem. quæ detrahunt emptioni, sunt de natura & substantia emptionis: detrahunt emptioni pacta, quæ pretium, de quo conuenit initio, minuunt: hoc fatetur statim unusquisque. Sed hoc etiam dicimus, detrahere non ea pacta tantum, quæ minuunt, sed etiam ea, quæ augent pretium, hoc est, quia sunt de substantia emptionis & venditionis, quia utroque genere siue paciscantur de minuendo, siue de augendo pretio, receditur à priori emptione & noua constituitur. Sane detrahit priori emptioni, quia à priori recedit: non autem minus recedit, qui pacto auget pretium, quam qui minuit. Ergo recedunt utroque genere à priori contractu, & constituitur nouus. Pretio enim mutato, & emptio mutatur: mutatis adminiculis, emptio non mutatur, sed adiicitur aliquid contractui, siue conuenierit de præstanda euictione, vel non præstanda. Breuiter, detrahere emptioni est ab ea recedere; adiicere est intacta substantia emptionis, hoc est, saluo manente contractu pacisci aliquid de accessionibus, de pedissequis emptionis venditionis. At Papin. quæsitum esse ait, an quod diximus de pactis, quæ adiiciunt, ut non proficiant ad actionem, locum etiam habeat in pactis, quæ detrahunt, puta quibus augetur vel minuitur pretium ex intervallo, an hæc etiam sint inefficacia ad agendum? Et merito dubitatum esse ait, quia hæc pacta, quæ detrahunt, quæ augent minuuntve pretium, videntur constituere nouam emptionem: sunt enim de substantia contractus, quæ consistit ex re, pretio, & consensu. Extra hæc tria, quæ accedunt, adminicula sunt contractus, non substantia, quia contractus non eget adminiculis, hoc est, contractus est, etiam si defuerint ea adminicula, etiam si rem habere non liceat, hoc est, etiam si euincatur res. Quod si ea pacta nouam substantiam emptionis constituunt, vires igitur habent ad agendum, quia res hæc non est pactum tantum, sed contractus. Pactum quod proficit ad contractum nouam parit actionem, non quatenus per se solum est pactum, sed quia constituit contractum, ex quo certum est, nasci actionem. Et ita cum Papin. dixisset, quæsitum esse de ea re, nec quicquam definisset, Paul. scribens notam ad Papin. rem ita definit: si omnibus integris, hoc est, nondum adimpleta emptione, nondum tradita re, nec pretio numerato, vel etiam si adimpleta sit venditio in integrum, restitutis omnibus quæ præstita sunt, hoc est, reddita re, reddito pretio, si, inquam, integris omnibus vel restitutis in integrum, ut in *l. ab emptione § 8. de pact.* rursus paciscantur de augendo vel mi-

R



nuendo pretio, recessum videri à priori emptione, & emptionem nouam intercessisse videri. necesse est rem esse integram, vel restitui in integrum: alioquin remaneret prior emptio, quæ ob id nondum perfecta & impleta est, nec possit sub pacto noua emptio constitui: sed si res sit integra, hoc est, si non sit impleta emptio venditio, vel, si quæ impleta est, sit rescissa reddita re venditori, reddito pretio eiusdem rei. augendo & minuendo detrahatur priori emptioni, quæ erat perfecta, etiam si non impleta sit, & constituitur noua emptio, repetitur emptio, *l. 2. inf. de rescin. vend. l. iurigen. §. adeo*. Quod si noua constituitur, ergo nascitur actio, & intelligitur pactum inesse vtraque ex parte; hoc est, intelligitur contrahi noua emptio, cui inest illud pactum maioris, vel minoris pretij. Atque ita notandum ex nouo pacto effici nouam emptionem, *l. 3. de pact. l. si vnus 27. §. idem dicimus d. t.* Hoc summè notandum: nam vsui erit ad intelligendam legem *1. C. de pact. quæ repetitur in l. 1. C. de pact. conuen. & ad intelligendam l. ult. C. de rer. permut.* Ex quibus solis legibus refractarij efficiunt, non esse verum, quod iam diu constituimus & probauimus, omne pactum esse nudum, & pactum nudum dici, non ad differentiam alterius quod non sit nudum, sed quasi perpetuo epitheto, quod non sit nisi conuentio nuda, consensus nudus. Et possent mouere vnumquemque aduersus hanc sententiam hæ duæ leges. *d. l. 1. de pact. conu.* sententia est: Dedi dotem certa lege, certo pacto, quod posui initio dandæ dotis, vt scilicet dos redderetur soluto matrimonio. Pactum, inquit, seruari debet data actione, scilicet data conditione, (sic enim legendum est.) Ex eo igitur pacto datur actio: Obiicitur, ex pacto non dari actionem, & respondet, tunc hoc dici, hoc procedere, quum pactum nudum est: nam si res data sit sub pacto reddibendi, ex eo pacto nascitur actio: non videtur ergo esse nudum. nam si esset nudum, non daretur actio ex pacto nudo. Sent. legis vlt. est. Donavi tibi rem eo pacto, vt quod placuerit, menstruum seu annuum, mihi dares. ait ad implendum placitum competere mihi actione præscr. verb. quia hæc conuentio non pacti nudi nomine censetur, sed *rebus propriis dicta legis substantia munitur*, rei propriæ datione munitur pactum, quod dictum est. non est igitur nudum, sed munitum rei propriæ datione, atque ideo parit actionem? Sed res omnis explicanda est ex iis, quæ diximus, ex pacto nouum contractum effici, pactum proficere ad contractum. Quæ de causa nonnunquam diuerso respectu idem dicitur, pactum & contractus, vt arra dicitur pactum in *l. 2. C. quando lic. ab empt. rec.* & eadem arra dicitur contractus, in *l. contractus, C. de fide instrum.* Ita etiam pactum diuisionis, vel permutationis, vel dotis, vel donationis, si modo datione sumperit effectum, hoc est, si causam habeat, vel si stipulatione sumperit effectum: pactum illud etiam contractus est, quia non perstitit in finibus pacti, sed peruenit ad dationem, *l. 3. C. de rer. perm. l. diuisione 45. de pact.* Est igitur munitum illud pactum datione, & nihilominus est nudum: nam si per se spectetur, solum est & nudum, siue muniatur causa, & transeat in contractum, siue lege muniatur, vt pactum de iniuriis, de furtis, siue contractui cohæreat ex continenti, siue ex interuallo. Et quod ait *d. l. legem, & d. l. ult.* hanc habet sententiam: dote data, vel re donata sub pacto aliquo, non pactum solum esse eam conditionem, sed contractum: quia pactum non consistit in fine placiti, sed datione sumit effectum; vel potius esse contractum, cui inest illud pactum, quod tamen pactum, si per se spectetur, erit nudum. nunc erunt apertissima verba Papin. Exposui sententiâ huius legis *pacta conuenta*. debeo tamen nunc etiam aperire, quæ in Glossa. Accurs. probanda vel improbanda sunt. Ac primum quidem non probaui, neque probo diuisionem Accurs. inter substantialia & naturalia, & accidentalia contractus: nam quæ sunt naturalia, substantialia sunt: natura siue substantia emptionis idem est. emptionis sub-

stantia constat ex re & pretio: perficitur enim simul ac conuenerit inter emptorem & venditorem de pretio: & quæ Accurs. vocat naturalia, id est, adminicula, certe accidentalalia sunt. Est enim hoc in propatulo, ea quæ non sunt ex substantia, esse ex accidentibus: & quæ Accurs. vocat accidentalalia emptionis, non sunt etiam accidentalalia, vt si conueniat (hoc exemplo vtitur) emptorem venditori, exemplar dare cuiusdam libri: quæ conuentio est omnino inutilis, cum nihil pertineat ad negotium venditionis, & pro non facta habetur, nisi venditor vilius vendiderit, vt *l. fundi 79. hoc tit. l. si sterilis, §. pen. de act. empt.* Et est eo casu conuentio ex substantia emptionis, quia est in partem pretij, non ex accidentibus. Debit potius ita diuidere: Alia sunt substantialia, siue naturalia emptionis, quibus consistit emptio: Alia sunt adminicula emptionis, quæ si absint, emptio consistit. non nihil tamen ad eam pertinent, eamve corroborant atque confirmant. Alia sunt neque substantialia, neque adminicula emptionis, quæ si adiciantur, inutiliter adiciantur, & in nihilum proficiant. Non probaui etiam neque probo diuisionem pacti nudi, & vestiti. nam omne pactum est nudum, aut sane non est pactum, sed contractus. Et vestiri ait Accurs. cohærentia contractus, aut lege, aut datione rei propriæ, vel stipulatione. vestiri cohærentia, vt si contractui bonæ fidei ex continenti pactum adiciatur: nam non esse nudum pactum, sed vestitum siue coopertum contractu, cui iniicitur, quod falsum esse demonstrat *l. 7. §. quinimo, de pact.* si modo coaptetur præcedenti §. Nam vbi ait, pactum nudum non parere obligationem, sed parere exceptionem, & subiicit, *quinimo interdum format actionem*, sane est repetendum pactum nudum, ac si diceret, pactum nudum non parit actionem: imo format actionem in bonæ fidei iudiciis, si subsequatur ex continenti. id vero pactum, quod in exordio contractus bonæ fidei sit, legitimum est, cum inest contractui legitimo quasi pars: ex quo sequitur & cetera omnia pacta esse nuda, non vestita. Lex legitima, de pact. dum ait: *interdum ex pacto nasci actionem: veluti ex legitimo*, id est, quod lege vel Senatusconsulto confirmatur, satis demonstrat, pactum legitimum esse nudum: nam si nudum est, de quo etiam regula concipitur, consequens est, & nudum illud, quod à regula excipitur, ergo pactum legitimum est nudum. sic pactum dotis dandæ, quod hodie est legitimum ex constitutione, parit actionem etiam non secuta stipulatione & datione dotis solemnni: nuda pollicitatio dicitur, *l. ad exactionem, C. de dot. promiss. l. nuda, C. de contr. stipul.* In titulo de pollicit. aliter accipitur pollicitatio: non enim ibi est conuentio, sed oblatio liberalitatis erga remp. ex qua non datur actio, nisi reip. nec reip. nisi facta sit ex causa, hoc est, nisi quis vltro non rogatus obtulerit ob honorem sibi delatum: & vno casu, si facta sit sine causa, & cœperit facere, cogitur implere quod cœpit: sed in supradictis locis aliud significatur: in iis enim pollicitatio est pactum seu conuentio. Ex quibus liquet, pactum non vestiri lege: nam id etiam nudum esse, quod lex confirmat, quodque vult esse vtile ad gignendam obligationem. Falsum est etiam pactum vestiri rei datione, falsum vestiri stipulatione: nam & hoc, si per se solum spectetur, nudum est, vt in *d. l. nuda*. Et quod ait *l. ult. C. de rer. perm.* pactum muniri datione rei propriæ, hoc est, muniri contractu: datio rei propriæ contractum facit, & hanc rem contractum potius esse, quo pactum illud contineatur, non pactum, quo contractus contineatur: maior enim & nobilior est causa contractus, & nihil refert pactum, an contractus sequatur, *l. pacta 12. C. de pact.* sicut pactum quod sequitur, inest contractui, ita quod præcedit: intellectu enim sequitur, etiam si non tempore: atque ita fit, vt pacto contrahatur emptio venditio: nam ita positum est in *h. l. & in l. si vnus §. idem dicimus, de pac.* si emptio pacto contrahitur, & locatio igitur, & societas & mandatum, quæ negotia iure ciuili nudo cōsensu contrahuntur,



hoc est, nudo pacto, vel sumunt initium ex nudo pacto, atque inde transeunt in nomen contractus, quo nomine fit, ut plus æstimentur, quàm pacta: & iure honorario hypotheca contrahitur nudo pacto conuento, l. 4. de pign. Pactum autem conuentum, & nudum idem est. Pacta igitur, quæ transeunt in aliud nomen, quæq; datione aut stipulatione sumptum sunt effectum, pactorum principale nomē amiserunt, & contractum assumpserunt, qui tamen nec vnquā pacta nuncupantur, licet pactis constituti sint: sunt enim plus quam pacta, sed his pacta inesse dicuntur, siue præcesserint, siue secuta sint. Vera diuisio est hæc conuentionū, alias esse pacta, alias contractus, & coalescere pacta in contractus: falsa hæc, nuda alia, alia vestita esse. non est etiā probandum quod ait Accursius, pacto ex continenti apposito de augendo vel minuendo pretio, non tolli priorē emptionem: nam hoc proinde est ac si diceres, non licere pænitere ex continenti, ut, fundus ille esto emptus decē, imo duodecim, quod est aperte falsum, ut l. si ita scriptum 67. de hered. inst. l. 21. de manum. test. Nec obstat lex non ad ea 38. de cond. & demonstr. nam lex illa loquitur de eo, qui incontinenti legauit eidem personæ, primum pure, deinde sub conditione, non ut se corrigeret, sed ut legatarius eligeret, utro iure uti mallet: pone posse legatarium capere legatum ex conditione, & eo tempore esse incapacē, vel mortis, sed si animo corrigēdi se, quod pure legauit, mox sub conditione legauit, sane testator reuocauit legatum: sic si animo reformandi contractum, idem est. Non probō, ex pacto adiecto emptioni ex continenti dari actionē præscript. verb. hoc non admittit: nam d. §. quinimo ait, ex eo pacto formari ipsam, id est, actionem venientem ex ipso contractu, cui adiicitur. & format, non parit actionem. Et esset absurdum ex contractu aliam dare, ex lege contractus aliam: nam ita non videtur pactum contineri contractu. Constat etiam ex eo pacto dari actionē ex empto & vendito: non dabitur ergo, aut frustra actio præscriptis verbis, ad quam non descendimus, nisi quum deficit nomen contractus, & ideo quasi subsidiaria est, l. 1. de præscr. verb. Et hoc demum ex pacto facto in continenti, conuenienter & proprie non dabitur actio præscriptis verbis, ubi ex ipso contractu actio est. Nec obstat lex 3. C. de pact. int. empt. vendidi tibi eo pacto, ut quandoq; offerenti pretium tu eandem rem venderes. quæritur qua actione agam? lex ait, me agere præscriptis verbis, vel ex vendito, quod est verius, quasi non sit ex pacto emptio transformata: pacto illo non definit esse emptio venditio. Igitur est superuacua actio præscriptis verbis. Adde l. Labeo 50. hoc tit. l. si fundus, de leg. commiss. quæ dicit, hodie non posse agi ex vendito ad rescindendam venditionem, ut quod ego vendidi, tu reuendas mihi: hodie igitur est certum mihi dari actionem ex vendito. Olim quidam dubitabāt, an daretur actio præscriptis verbis, an ex vendito, & ita in l. si conuenit, inf. de rescind. vend. Male etiam Accursius, pacto ex continenti veterem actionem informari. Quid est informari? corrupte legerat in d. §. quinimo, informat, hodie recte legitur format, ut in l. cum dotem, C. de iure dot. l. Pomponius, de neg. gest. Et in Basilicis, ὡς τὸ πρῶτον ἀρξάμενος τὰ ἐν ἀρχῇ συνταγοῦντα. formare ipsam obligationem, est ipsam legem dare & præscrip. verb. aliquam, ut in l. contractus 23. de reg. iur. l. 1. si conueniat, de pos. Et pactum illud, quod sequitur ex continenti vel format actionem statim, vel postea, ut Accursius recte docuit duobus exemplis: ut si venditio fuerit condicionalis, ergo imperfecta, & conuenierit, ut interim ea res esset periculo emptoris: quod pactum si valet, iuri præstat: nam contra ius ita se habet, ut ante perfectam emptionem rei periculum respiciat emptorem, sed valet pactum: verum si res interierit, antequam conditio existat venditionis, non formabit actionem. Item si vendidi tibi rem certo pretio, & ea lege, ut quo pluris eam venderes, id etiam mihi præstares propter certum illud pretiū, quod dixi initio, non potest agi ex pacto, antequā vendideris. Et post hæc Accursius explicat casus, quibus pa-

Quæst. Papin.

A cta facta ex continenti non proficiant ad actionem. Fateor vnū esse in l. quod si locus, de religiof. alterum in l. seruus ex lege, de seru. export. quam exponam: nego autem esse quartum casum in l. quamuis, C. de usur. quæ ostendit, ex pacto adiecto incontinenti pecuniæ non posse peti vsuras, nisi subsequuta sit stipulatio: nam non est hic casus vllus propter odiū vsurarū sc. si generale est in contractib. stricti iuris, pacta etiam si fiant ex continenti, non inesse ex parte actoris d. §. quinimo, l. in bonafid. C. de pactis. inesse tamen ex parte rei, l. lecta, de rebus credit. notant casus quibus pacta ex intervallo proficiūt ad actionem: vnum habuimus in hac l. pacta conuenta, si sc. sint de substantia emptionis. admitto, alterū de constituta pecunia, ut si quis post longū intervallum constituerit se soluturū, ut actio sit ex pacto, quo solo fit constitutum iure prætorio, & de pecunia constituta, sicuti est de pignore siue hypotheca, etiam si fiat ex intervallo. Sequentes tamen casus non admitto ex l. si quis argentum, C. de donat. qua lege Iustin. efficit, ut donatio perficiatur nudo cōsensu, & ut ex placito solo donationis detur actio, cum tamen olim non perficeretur donatio nisi re, id est, mancipatione vel traditione: hodie donatio est contractus, qui perficitur pacto: sed illud non fit ex intervallo, sed ab initio constituit contractum donationis: nihil igitur casus ille pertinet ad pacta. Eadem ratione non admitto casum legis ad ex actionem, C. de dot. promiss. quia pactū dandæ dotis non potest videri factū ex intervallo, cum non sit factū post alium contractū, eadem ratione nō admitto casum, quo ex pollicitatione Reipublicæ datur actio: nec enim pollicitatio respicit contractū vllum. nec postremo casum l. periculi, de nauif. fen. l. etiam, de usur. l. frumenti, C. eod. nam tres illæ leges sunt de pactis, quæ sunt ex continenti, & sunt singulares tantum casus quibus formatur actio stricta ex pacto contractui stricto in continenti adhibito: primum ex pacto reipub. debentur vsuræ. Itemque cuilibet debentur vsuræ pacto adiecto statim, si non nummorum mutuuum contractum sit, sed frumenti, frugum, olei, quæ recipiunt vsuras: debentur etiam cuilibet, si creditor suscepit periculum pecuniæ. Non est reprobandum quod Accursius ait: Si rem tibi dedi sub lege aliqua, quæro an eam rem possum vindicare pacto non impleto? Respondeo, si dedi rem sub conditione, vel modo, qui modus plerumque pro conditione habetur, non impleta conditione mihi competit vindicatio, quia cum res imperfecta fuerit, non videor transulisse dominium, l. 1. C. de donat. qua sub modo, l. 3. & 4. & l. cum te, C. de pactis inter empt. & vend. nec inspicitur solum fuerit pretium nec ne. Sed si tibi dedi pure, finge, iure emptionis, non iure precarij, non enim transferrem dominium, & conuenierit, ut mihi reuenderes eandem rem, vindicatio cessat, competūt tantum personales actiones. Et postremo quod ait, cum actione, quæ habet nomen proprium non concurrere condictionem sine causa, vel ob causam, id falsum est. Sententia Martini verior, quæ vult nos ex omnibus contractibus posse uti condictione sine causa: certe conditio generalis datur ex omni causa, & confirmatur l. ex empto 11. §. is qui vina, de act. empt.

E

Ad §. vlt. l. pacta conuenta.

Papinianus: lege venditionis illa facta: si quid sacri aut religiosi aut publici est, eius nihil venit: si res non in usu publico, sed in patrimonio fisci erit, venditio eius valebit: nec venditori proderit exceptio, qua non habuit locum.

IN legibus prædiorum vendendorum hæc est frequens pactio: si quid sacri aut religiosi, aut publici est, eius nihil venit, quæ exceptio dicitur hoc loco, quoniam à venditione prædij excipit loca religiosa, sacra, publica, & hæc ratione, nisi maius depectiones, l. inrisg. §. adeo, de pact. pacta exceptiones vocari videntur. Et huic similis est illa ex-

R ij



ceptio, quæ in legibus publicis populi Rom. adscribi so-  
let, si quid sacri & sancti est, quod iure non sit rogatum, eius  
hac lege nihil est rogatum, apud Valer. Probum. M. Tull.  
pro domo sua: & non exciperes, ut si quid ius non esset rogari,  
eius ea lege nihilum rogatum. sic etiam in oratione pro Cæ-  
cinnâ conscripsisse Syllam, si quid ius non esset rogare;  
eius ea lege nihil rogatum. Videtur autem illa pactio siue  
exceptio esse superuacua, quia ipso iure ita se res habet,  
etiamsi non adscripta sit, etiam non facta ea lege vendi-  
tionis: nec enim potest locus religiosus aut sacer transfer-  
ri per venditionem in emptorē: nam harum rerum com-  
mercium non est, l. seq. h. tit. l. 6. §. eo. l. locum, C. de relig. l. 5. sup.  
de sep. viol. licet cedere possit in modum agri, id est, computa-  
ri, si id actum sit inter emptorem & venditorem. Finge  
venditorem dixisse in fundo esse 1000. iugera, si modo in  
eum computarentur etiam loca sacra aut religiosa: non  
venierunt quidem (nec enim potuerunt) sed tantum  
computantur in modum agri, nec videtur mentitus ven-  
ditor: sed si id actum non sit, ut ea loca computarentur,  
sane ut non venierunt, nec sane potuerunt, ita nec com-  
putabuntur, l. id quod, supra de per. & com. rei vend. Cæ-  
terum etiamsi de eo actum sit nominatim, loca sacra aut  
religiosa non continebuntur emptione, quia religio ea  
loca eximit commercio hominum. Idemque iuris est in  
locis publicis: nam & loci publici commercium non est,  
vel (ut alij loquuntur) promercium non est, id est, ius  
emendi & vendendi. an ergo dicemus eam legem esse  
superuacua? minime: nam etiamsi locus sacer aut re-  
ligiosus specialiter venire non possit, tamen si modicus  
sit, si modica species ædis, vel fani, vel sepulchri vel  
luci, tacite quasi accessio sequitur venditionem fundi,  
si is locus exceptus non sit, id est, si adscripta venditi-  
oni ea lex non sit, & competit actio ex empto, ut fundus  
totus non deducto eo loco præstetur, l. in modicis 24. hoc  
tit. atque ita, etiamsi locus modicus sepulchri non possit  
venire specialiter, tacito iure tamen accedere potest em-  
ptioni maioris partis. Et ita Tiberius Imperator apud  
Corn. Tacit. lib. 1. non fieri contra religionem, si effigies  
Augusti venditionibus hortorum, atque domuum acce-  
derent. Et simili modo licet rei suæ nulla sit emptio, ta-  
men cum tota re, etiam suam partem emere quis potest,  
l. quod si uno, in fine, de in diem addict. Finge: venditus est  
fundus pluribus, & addictus in diem, ut eorum is fundus  
esset, eumque perpetuo iure retinerent, nisi intra cer-  
tum diem aliquis meliorem conditionem offerret, id est,  
pluris licitaretur, plus adiceret pretio. an vnus ex em-  
ptoribus potest adiacere, atque ita ex posteriori emptio-  
ne nancisci totum fundum, quod non sibi soli venie-  
rat, sed & aliis collegis? Et ait posse, quoniam emere  
cum tota re etiam partem nostram possumus. ergo em-  
ptioni fundi accedit sepulchrum, quod in eo est, id est,  
sepulchri locus modicus, si exceptus non est locus am-  
plior reliquo fundo. amplissimum sepulchrum non ac-  
cedit, sed modicum tantum, si modo non sit exceptus.  
Hoc non est perpetuo verum. nam hoc ita procedit, si  
ad sepulchrum ire non possit, nisi transeat per fundum:  
hoc enim casu fundo cedit sepulchrum, ad quod ven-  
ditori ius aditus non est. Vnde: si venditor ad sepul-  
chrum venire possit per viam publicam, quæ recta  
eum ducat ad sepulchrum, hoc casu non sequitur se-  
pulchrum emptionem fundi, quasi intelligatur hoc non  
esse actum, ut sepulchrum sit accessio fundi. Quod ele-  
ganter in l. si mercedem 35. §. 1. de act. empt. Labeo dicebat, si  
fundum vendidisti, in quo est sepulchrū, nec nominatim  
sepulchrum excepisti, sepulchrum sequitur emptorem,  
& tu eo nomine parum tibi cautum habes, ut in d. l. si  
merced. §. ult. parum tibi cauieris, & in condemnationi-  
bus parum cauisse videris apud Festum. ergo sepulchrum  
sequitur emptorem. Paulus notat: imo quandoque non  
sequitur, si videlicet in sepulchrum iter publicum tran-  
seat, id est, si possit venditor ire in sepulchrum, non eundo  
per fundum: hoc casu non tacite accedit sepulchrum, &

de sepulchro loquimur non excepto. Vbi autem excepit,  
atque ita bene sibi cauit, sepulchrum, inquam, in quod  
non ducebat iter publicum, & nihil dixit de itinere vel  
aditu præstando, videtur etiam excepisse iter vel aditum,  
licet non excipiat palam, l. si venditor 11. de religiof. quia  
sine aditu nullus est usus portionis istius, & non tantum  
videtur (mea sententia) iter vel aditum, sed & ambitum  
ad funus faciendum excepisse. Nam etiam sepulchrum est  
inutile sine ambitu in frontem, & in latus, quod ita caueri  
solebat, l. 5. de sepul. viol. ut iter, & ius aditus, ambitus  
funeris faciendi esset. sic malim legere ex antiquis inscri-  
ptionibus: neque enim est utile sine aditu, & rursus inuti-  
lius adeundi sine ambitu ad funus faciendum, iustaque  
perficienda: ut excepta aqua, etiam excipitur ambitus  
aquæ, nedum iter. quin exceptio itineris & aquæ ni-  
hil proderit nisi præstetur etiam ambitus, l. qui duopradia,  
de ser. rust. Vendidit quis fundum, sed excepit aquam, &  
circa eam 10. pedes, ut in l. Rutilia 69. hoc tit. Lo-  
quimur autem de sepulchro quasi de re, cuius com-  
mercium non est, quæ tamen, si modicum locum oc-  
cupet, tacite sequetur emptionem: de monumento non  
loquimur. nam monumenti vel cœnotaphij venditio va-  
let, quia non est locus religiosus, l. 6. §. ult. l. quod si locus  
11. de religiof. non est sepulchrum, nisi in eo sit quis se-  
pultus: non est igitur religiosus, nisi sit mortuus illa-  
tus. monumentum est locus purus, in quem, si non-  
dum illatus est mortuus, si modo proprie accipiamus  
pro memoria solum, non pro loculo mortui. Quando-  
que etiam monumentum appellabant veteres memoriam  
in antiquis inscriptionibus, memoriam sibi consecrassæ ux-  
ori & liberis, id est, monumentum, in quod postea infer-  
rentur, & illatione sit sepulchrum & definit esse monu-  
mentum, atque ita exit commercio: Abusue etiam ac-  
cipitur pro sepulchro in l. 4. C. de relig. quasi non  
constaret, an sepulchrum, vel monumentum dici debeat.  
Leguntur studiose à quibusdam inscriptiones sepul-  
chrorum (quod laudo valde) sed ex iis, qui hoc studio de-  
lectantur, reperi quosdam, qui existimabant ius sepulchri  
etiam pertinere ad liberos: sic enim inscribitur sæpe, sibi  
& uxori, & liberis, libertis, libertabus. & posteris eorum. in-  
deque augurantur ius fuisse sepulchri libertis. falso. I. C.  
ea verba non spectant, nec constitutiones principum: nam  
sepulchrum vel est hereditarium, ut si defunctus consti-  
tuerit sibi & suis, vel si hereditario iure acquisierit, vel est  
familiare sepulchrum, quod constituitur non heredi-  
bus tantum, sed & familiæ: & si sit hereditarium,  
inscriptio sepulchri libertis non tribuit ius sepulchri,  
l. 6. §. liberti, de relig. l. monumentorum, C. de relig.  
vel si sit familiare, etiam illa inscriptio non tribuit ius  
libertis, nisi in familia permanserint, id est, in nomi-  
ne. Quid enim si per arrogationem transferint in aliam  
familiam? verum ad rem. Sepulchrum quod excep-  
tum non est, ita demum sequitur emptionem fundi  
tacito iure & intellectu, si amplior sit fundus quam lo-  
cus sepulchri. Videamus quid dicendum, si religio oc-  
cupauit omnem fundum, vel maiorem partem fundi?  
Venditio nulla est, & non compellitur emptor ad imple-  
re emptionem, sed etiam quod soluit forte per errorem  
pretij nomine, condicere potest quasi indebitum, hac  
lege, & seq. hoc tit. Vnde si venditor ignorauit maiorem  
partem fundi teneri religione, ut & aliis plerisque casu-  
bus, ignorans venditor ignorantem emptori tenetur con-  
ditione indebiti, vel conditione sine causa, quoties  
emptio nulla est. Ibi enim cessat actio ex empto, l. suæ rei  
16. l. cum ab eo, l. 41. §. ult. l. domum 57. hoc tit. l. cum hered.  
de hered. vend. Et hoc si vterque ignorauit: nam venditor  
sciens emptori tenetur utili actione ex empto. proprie  
nulla est actio ex empto vendito, sed propter dolum con-  
demnabitur emptori, quamuis nulla sit emptio actione ex  
empto in id, quod interest. an & ipse vicissim aget ex vē-  
dito, ut pretium recipiat? minime. non potest compellere  
emptorem, qui dolo caret, ut impleat, sed emptor non ali-



ter consequitur id, quod interest, quam si vltro obtulerit pretium, & soluerit, de quo conuenit, *l. qui officij 62. §. 1. h. r. l. offa §. 1. de religiof. §. vlt. Inst. de empt. & vend.* Qui §. est intelligendus de venditore sciente, & emptore ignorante, cum dicat emptorem deceptum: nemo enim decipitur, nisi ignorans, & nemo decipit nisi sciens. Ignorans autem veditor scienti emptori nec tenetur ex empto, nec conditione indebiti, si soluit sciens: conditio datur tantum erranti, non donanti: ergo ignorans venditor nulla actione tenetur emptori: quemadmodum nec emptor ignorans venditori vlla actione teneri potest: sed addendum, venditori emptorem non teneri actione ex vedito, quamuis emptor in dolo fuerit, quia etsi iure ignoranti competit actio ex vendito aduersus scientem, tamen effectu carebit ea actio, id est, nihil ex ea consequitur venditor, nisi vltro præstiterit, quod vendidit: nec enim potest cogi præstare emptor quod conuenit, nisi venditor præstet quod vendidit: atqui hoc casu non potest præstare quod vendidit, nec æstimationem eius, quia res est inæstimabilis. relinquitur igitur neutra ex parte nasci actionem, *l. si in empt. §. item si, hoc tit.* Quod si vterq; scierit, multo magis. sed neque emptori dabitur conditio. Ad hæc quæritur quoniam modo nomen publici accipi hæc. debeat, quia est nomen ambiguum? Publica dicuntur duobus modis: Quæ sunt in vfu publico, id est, quæ nullius in bonis sunt, quorum tamen vfu omnibus patet promiscue, & quæ non sunt etiam diuini juris, neque humani, sed quæ in publico tamen, vt theatra, stadia, campus Martius, vt via publicæ, vt littora: & vt adiicit *l. id quod, de per. & comm. res vend.* limites decumani vel cardines, qui iter populo præbent, ex lege Sempronia de limit. agrorum. Horum locorum commercium non est: hæc loca excipi videntur hac lege venditionis. Alia sunt publica, quæ sunt in patrimonio populi vel fisci, quæ sunt in reditu populi vel reipublicæ, veluti lacus, stagna, *l. 6. in princip. hoc tit. l. inter 17. de verb. signific.* Et hæc possunt vendi, sicut res aliena quælibet, licet sua non sint. Si possum vendere rem tuam, & rem populi, igitur & fisci, & reipublicæ: nam constat vendi posse rem alienam, & nasci obligationem; non teneri venditorem rem facere emptoris, sed sufficit possessionem vacuum tradere. Sed si res euincatur iure iudicioque, tenetur venditor: & si sciens, tenebitur ex empto de dolo malo, & emptori tantum tenetur præstare venditor possessionem vacuum, vt se purget à dolo malo, *leg. rem alienam hoc tit. l. 1. de rerum permut.* Ergo vendi possunt res, quæ sunt in patrimonio fisci, in pecunia populi, in dominio populi vel fisci. Qua de causa illa exceptione, *si quid publici est*, & res illæ non continentur, quarum proprietates pertinet ad fiscum, nam excipiuntur tantum ea, quæ ius non est vendere, ac si ita dixisset: *si quid sacri aut religiosi, aut publici, quod ius non est vendere*, vt in legibus publicis populi Romani, *si quid publici est, quod ius non est rogari*: diximus ea, quæ sunt fisci, non esse extra commercium. Imo (inquit Accursius) non possunt vendi sine iussu principis lege Regia. Possum rem alienam priuati hominis vendere sine iussu domini, & emptio constat: rem fisci non possum vendere sine iussu principis. Et mouetur *l. 39. §. vlt. de leg. 1.* pessime: non loquitur is §. non de publicis rebus, id est, non de iis, quæ sunt in priuato arario, vel non loquitur de iis, quæ sunt in patrimonio publico, sed de iis, quæ sunt in priuato patrimonio Principis. Duplex est patrimonium, aliud publicum quod pertinet ad fiscum, aliud priuatum Principis, vt Albana villa, horti Sallustiani. Quædam ita sunt bona redacta in formam patrimonij Principis, quibus præest procurator patrimonij Principis: horum bonorum, etiam si sint priuata Principis, commercium tamen non est. non solent distrahi ne à principe quidem: possunt tamen distrahi à principe iure nostro, nec reuocari debet venditio, vel possunt distrahi iussu principis, non aliter: non possunt igitur distrahi ea bona iniussu principis. Sed frustra confundimus

ea cum publicis, cum iis, quæ sunt in patrimonio fisci: hæc vendere quis potest sine voluntate principis. priuata bona principis, quæ vfu eius reseruata sunt, vendi non possunt absque eius iussu. Intelleximus ex hoc §. rem, quæ in patrimonio fisci, in bonis fisci, id est rem fiscalem, sicut rem alienam quamlibet vendi posse à non domino, & contrahi obligationem venditi, & empti vtrunque, etiam si dominium rei non transferatur in emptorem, sed possessio tantum: cui sententiæ obstat lex *39. §. vlt. de legat. 1.* ad quam respondi vt debui, sed non breuiter & enucleate, vt volui. Respondeo igitur, illam legem non loqui de re fiscali, sed de priuata re principis. Alia sunt fiscalia, alia patrimonialia principis: vel alia in patrimonio fisci, alia in patrimonio priuato principis. Rei fiscalis est commercium, rei priuatae principis non est commercium: quod confirmat *l. 9. & 10. C. de fund. patrim. lib. 11. l. 9. C. de omni agr. desert. eod. lib.* Eidei sententiæ obstat, quod res fisci non potest vfucapi, *§. res, Inst. de vsueap.* Videtur ergo nec vendi posse, vt res furtiua non potest vfucapi, nec igitur vendi à quolibet, *l. si in empt. §. item si, eod. tit.* Respondeo, hoc non esse perpetuum, vt quæ non possunt vfucapi, non possint etiam vendi. res pupilli non possunt vfucapi, *l. bona fid. de acquir. rer. dom.* possunt tamen vendi: & vendi potest etiam similiter res fisci. res incorporales vfucapi non possunt, & vendi tamen possunt. Plerumque tamen è contrario, quod vendi non potest, nec vfucapi potest, vt fundus dotalis ex *l. Iulia non potest vendi, nec vfucapi, l. si fundi, de fund. dot.* res sacra, sancta, religiosa non potest vendi, sane nec vfucapi. liber homo vendi non potest. *d. l. si in emptione §. liberum*, nisi seipsum vendat prædita libertate sua, & consequenter nec vfucapi potest, *l. vsucapionem, de vsueap.* res publica populi Rom. id est, quæ est in vfu publico, vt via publica, non potest vendi: *d. l. pacta conuenta §. vlt.* non etiam vfucapi, *d. l. vsueap.* His vero quæ supra dicta sunt ad *§. vlt. de sepulchris & monumentis*, quoniam in ea re errore labuntur nonnulli, velim vos addere, de iure veteri *monumenti* nomen esse varium & multiplex. Alias sepulchrum, & proprie est locus purus ea mente constructus, vt in eum inferatur mortuus. alias est *κενοτάφιον*. Et male Accurs. in *l. 6.* in qua prius agit de monumento, deinde de *κενοτάφιον*, & ait, monumentum purum, quod nondum transierit in nomen sepulchri posse vendi, posse donari, quod nondum sit locus religiosus: & sequitur, cenotaphium etiam posse vendi & donari, quia non est locus religiosus: manifeste separatur monumentum à *κενοτάφιον*. Separatio hæc est, quia etiam si *κενοτάφιον* vocetur aliquando monumentum, vt in *l. monumentum 42. eod.* tamen monumentum est proprie, in quod inferendus est mortuus: *κενοτάφιον* in quod nec illat<sup>9</sup>, nec inferendus est mortuus, quod ædificatur memoriæ tantum & honoris causa: & illustribus viris solebat olim in multis locis, in quibus illi aut vixerant, aut præclari quid gesserāt, extrui *κενοτάφιον*, in quod tamen post mortui non inferebantur: monumentum potest fieri sepulchrum. Ab his etiam diuersum, quod dicitur monumentum sepulchri: nam *l. funeris 37. §. vlt. de relig.* dicitur, quod factum est, muniendi & custodiendi sepulchri gratia. Aliud est monumentum. Et breuiter, monumentum sepulchri est tutela sepulchri, vt patet ex quibusdā antiquis inscriptionibus: nam sepulchra habebāt porticationes quasdam vel macerias intermedio aliquo spacio puro, & dicebatur etiam tutela & taberna, quum ædificij huius monumenti tutela est: & alibi, huic non cedunt agri iugera 20. & taberna, quæ proxime lucum est.

Ad l. 5. de seruis export.

Cui pacto venditoris pomerio cuiuslibet ciuitatis interdictum est, vrbe etiam interdictum esse videtur, quod quidem alias cū principū mandatis præciperetur, etiā naturalem habet intellectum, ne scilicet, qui carere minoribus fruatur maioribus.



**H**Æc l. & l. 7. eodem, sunt etiam de pactis venditionis: pactis, inquam, adiectis ex cōtinenti venditioni. Legis 5. apertissima verba sunt. Finge: seruus venditus est ea lege, ne sit in pomeriis vr̄bis, id est, vt exportetur extra pomerium (quod Græci dicunt vendere ἐξᾶγωγι.) Ea verò lex venditionis seruanda est, alioqui venditori competit manus iniectio in seruum, si eum loco interdicto comprehenderit, vel etiam datur ei pœnæ promissa petitio aduersus emptorem: ea vero lege venditionis non tantum pomerio, sed etiam vr̄be seruo interdictum videtur. si non licet esse in pomerio vr̄bis, nec in vr̄be igitur, argumento à minori. Et hoc ita obtineret, etiam si deessent mandata principum, quibus id cōstitutum est. Et hoc est, quod ait Papinianus eleganter in hac lege quum ait, *quod quidem alias, &c.* Qui locus facit aduersus eos, qui dicunt, nullam fieri legem, nisi de re dubia: imo fiunt etiam leges de re certissima, quæ per se satis plana est, & per se etiam obseruatur sine legibus in l. ei seruus 13. §. *consequens, de excusat.* At non videtur interdictum suburbiis. Et ideo dicimus, ei cui est interdictum pomerio, non videri etiam interdictum suburbiis, & continentibus ædificiis, quia pomerium non significat suburbia. Pomerium finit vr̄bem, vel ciuitatem quamlibet: suburbia finiunt Romam. Vel aliter, vr̄bs finitur pomerio. Roma suburbiis, cui interdictum est vr̄be, & pomerio, ei non videtur interdictum suburbiis: Quod probari potest ex Oratione Cicer. pro Cluentio. Sequitur vt exponamus quæstionem l. 7.

#### Ad l. 7. eodem.

*Seruus ea lege venit, ne in Italia esset, quod si aliter factum esset, conuenit citra stipulationem, vt pœnam præstaret emptor. vix est, vt eo nomine vindicta ratione venditor agere possit, acturus utiliter, si non seruata lege, in pœnam, quam alij promissit, incidit. Huic consequens erit, vt hæc agere possit, quatenus alij præstare cogitur: quidquid enim excedit, pœna, non rei persecutio est. Quod sine pœna causa exportaretur, cōuenit, etiam affectionis ratione recte agatur. Nec videntur hæc inter se contraria esse, cum beneficio adfici hominem intersit hominis: enim uero pœna non irrogata indignatio solam duritiem continet*

**S**ciendum est, hoc inter cætera differre stipulationem à cæteris contractibus, quod ex cæteris non detur actio, nisi ei cuius interest: ergo nec ex pacto in contrahendo facto incontinenti: denique ex aliis contractibus, vel ex eorum legibus non ago, si mea non intersit: non ago ex vendito, nisi mea intersit. utilitatis causa comparata sunt actiones: vbi nulla subest utilitatis ratio, nec vllō remedio iuris opus est, nullave actio postulanti datur, l. qui fundum, loc. l. si procuratorem §. *mandati, mand.* Et hoc est, quod Cicero ait: *Expressas esse actiones ex cuiusque damno & iniuria*: nam quod interest, constituitur ex cuiusque damno & iniuria: & est utilitas, quæ mihi aufertur vel intercipitur, aufertur damno dato, intercipitur lucro defraudato, quod alioquin eram factururus, vel id quod interest, est res, quæ ex patrimonio mihi abest, quamve lucrari potui, l. si commissa, rem rat. hab. res dicitur, vt in formula stipulationis, quanti ea res est dari, quæ fit frequenter, non semper: & plus dicit, qui rem dicit, quam qui pecuniam, etiam si plurimum non dicatur cuiusquam interesse, nisi pecuniariè intersit. Latiore verbo rei vtimur definiendo id quod interest, quam sit verbum pecuniæ, quia in æstimatione eius quod interest, non tantum habetur ratio pecuniæ, quæ abest, quamq; seruare potui, sed etiam affectionis cū humanitate coniunctæ, & pij desiderij, maxime si sit iudicium bonæ fidei, id est, non tantum spectatur, quid pecuniæ meæ decesserit, quidve accedere potuerit, sed etiam habetur ratio desiderij mei pij & iusti: quod Papin. ostendit in h. l. & in l. cum seruus, sup. mand. Seruus

**A** extraneo se eni mandauit, vt deinde manumitteretur, atque ita contraxit mandatum cum extraneo: & acquisiuit mandati actionem domino: extraneus emit seruum, nec tamen manumittit: Papinian. ait, venditori dari non tantum actionem ex vendito, sed & mandati, quasi quæsitam per seruum, vt seruus manumittatur. Dices, nihil eius interest seruum manumitti: imo potest eius interesse: fac eum seruum fuisse filium eius naturalem, vel esse fratrem: interest mea filium meum, aut fratrem manumitti, etiam si non pertineat ea res ad patrimonium meum, sed ad benignam affectionem meam, quia scilicet, bono viro conuenit credere, interesse mea filium naturalem, aut fratrem manumitti, licet eo non manumisso, patrimonium non intercipiatur. Et similiter bonus vir interpretabitur, semper mea interesse, filium meum, aut fratrem meum manumitti, non exportari, non male tractari, non pœnæ subici: atque ita bonus vir, qualis est arbiter bonæ fidei, interpretabitur in iudiciis bonæ fidei non tantum nostra interesse ratione nostri patrimonij, sed etiam ratione affectionis benignæ & officiosæ, quam explorare quis summopere cupit; secundum quæ, lucrum esse interpretabimur, non tantum rem facere, & augere patrimonium, sed etiam potiri concupito, si modo animi ea fuerit affectio pij & beneuoli, qualis est patris erga filium, & fratris erga fratrem: imo & hominis cuiuslibet erga hominem, quia homo hominis est cognatus iure naturæ, l. vt vim, de iust. & iur. quum, inquit, *cognitionem quandam inter homines natura constituit, consequens est, &c.* Et obseruandum in ea l. tacite hoc argumentum: inter quos est cognatio, horum alterum alteri insidiari nefas est; inter homines natura constituit cognitionem, ergo, &c. Denique lucrum est dare beneficium amico, inire gratiam alienam, gerere negotia aliena, & suo animo indulgere, & satisfacere bene cupienti alteri l. i. C. de hered. tut. lucrum scilicet esse, si quis per gratiam aliquid præstiterit alteri: vnde Græci νεπδς εἶναι, καὶ ἡ τῆς χάριτος ἀποδοχὴ τοῦ κέρους: *lucrum est etiam pertingere scopum.* Et notandum valde, quod non possum non probare, Græcos in d. l. i. non habere negationem illo loco, quæ non lata culpa comparari possit. Et vt res omnis enodetur, sciendū est ex delicto defuncti heredem non teneri, nisi in id, quod ad eum peruenit, in solidum non teneri; ex cōtractu defuncti teneri, licet delictum in eo versetur, vt si quid dolo fecerit, aut lata culpa, quæ est proxima dolo: nam etiam si sit quæstio de dolo, tamen quia actio ex cōtractu venit, heres defuncto tenetur in solidum, tametsi nihil ad eum peruenit, l. ex contractibus, de obligat. & action. Cui definitioni, si ita legamus, & si tollamus negationem in d. l. i. aduersabitur omnino ea lex: nam ait, heredem tutoris ob negligentiam, quæ lata culpæ comparari possit, non oportere condemnari, id est, non teneri ex lata culpa, actione, scilicet, tutelæ, quæ venit ex cōtractu, non ex delicto, licet in ea possit delictum verti. Quid igitur an dicemus hoc verum esse? Si hoc dicimus, & dicemus, eos non teneri ex dolo defuncti: nam dolus & lata culpa idem fere est. inexcusabilis culpa, quæ doli faciem habet, per omnia fere doli ius sequitur. Sic sane possum hoc constituere, heredem ex cōtractu non teneri ex dolo vel lata culpa in solidum, sed cum exceptione in d. l. subiecta. si lis non sit cum defuncto contestata: item, si ex damno pupilli lucrum capietur, vel gratia præstita non sit: nam si lis sit contestata cum defuncto, transfertur in heredem in solidum: item si defunctus captauerit lucrum ex damno pupilli, vel si gratiam præstiterit, heres tenebitur in solidum, ac si vellet hæc lex heredem non teneri ex quolibet dolo, vel lata culpa in solidum, sed his tantum casibus, quos diximus; quod verbum, *Gratiam*, cōfirmat eam Græcorum lectionem: nam gratia est lata culpa, in l. si procurator §. ult. mand. Mandauit vt emerēs, te empturum suscepisti, non emisisti, sed accepta pecunia passus es alterum emere: dolus est: quod si



gratia ductus, passus est alterum emere, lata culpa est: Atque ita inde colligunt Græci recte, lucrum captari ex damno alterius, etiam si quis quid faciat gratia ductus, non lucri cupiditate. Nam lucrum est gratiam inire posse alterius, lucrum est benefacere, cui cupimus bene, & in eam rem eam legem attulimus. Ex iis, quæ ante dicta sunt, intelligimus, actionem in id quod interest, esse rei persecutionem, rei verbo contineri pecuniam vel etiam affectionem benignam, animum beneuolum, pœnam non contineri. Pœna enim est extra rem, & ea re semper separatur. ergo pœnæ persecutio non est eius, quod interest, sed solius vltionis persecutio, l. 6. §. pen. de sep. viol. Nullus autem est contractus pœnalis, nulla lex contractus pœnalis, quia omnes pertinent ad rem familiarem, excipitur sola stipulatio: nam stipulatio potest esse pœnalis, vt si stipuler pœnam certam, nisi id feceris, de quo conuenit, etiam si non intersit id fieri, valet stipulatio, quia non inspicitur quid intersit, sed quæ sit quantitas stipulationis, l. stipulatio 38. §. alteri, de verb. oblig. Et in hoc potissimum inuenta est stipulatio, vt vinculo pœnæ constringat ad id quo alioqui compelli non possit, quare fere omnis stipulatio pœnalis est: denique fit plerumque stipulatio pœnalis, aut sæpissime: contractus, aut pactio contractus pœnalis nunquam, l. quod si locus, de religio. l. pen. sup. de pact. Si lege venditionis paciscaris sine stipulatione, ne in locum siue agrum, quem vendidi, auferas mortuum, & si intuleris, vt præstes pœnam, pactio nulla est, quia nihil mea interest, stipulatio tamen valebit. Et idem in specie l. 7. seruum vendidit ea lege, vt eum emptor exportaret, quod oculi mei eum ferre non possent: vendidit eum, ne esset in Italia, & sine stipulatione pacto ex continenti facto conuenit, vt si secus faceret emptor, præstaret pœnam: factum est pactum pœnale, an ex eo pacto mihi dabitur actio? Distingue; aut mea interest seruum exportari, aut non. Si mea interest, vt puta si eum emi ea lege, subiecta stipulatione pœnali seu pacto, cum posteriori emptore agam, qua non pœnam persequar, sed quanti debeo præstare alteri ob legem non expletam. Aut mea nihil interest, vt quia nihil debeo præstare alteri, & hoc casu nulla est actio: nec enim agitur ex pacto solius pœnæ nomine, id est, quod scæuitia mea expleta non sit, quod odio meo satisfactum non sit: nam bono viro non conuenit credere venditoris interesse, quod eius animo scæuienti satisfactum non sit, l. 6. §. ult. hoc tit. quasi lucro intercepto, scil. nam benigne nunquam interpretabitur eius interesse. Et ideo in bonæ fidei iudiciis eius tantum lucri ratio habetur, cuius rationem haberi bonum & æquum est, non etiam eius lucri, cuius ratio manat ex malitia, duritia, scæuitia, & crudelitate: nam causa duritiæ bonus vir nunquam permittit habere rationem eius, quod interest. Sed obiiciet aliquis, ex hoc pacto: ne seruus exportetur, datur actio, cur non etiam ex pacto, vt exportetur? Respondet Papin. diuersam esse causam harum pactio- num; illam continere humanitatem, alteram esse plenam duritiæ, asperitatis, & interprete bono viro interest hominis, hominem beneficio affici, propter cognitionem naturalem, non interest pœna affici: aut certe bonus vir ex ea causa nunquam permittet deduci rationem eius, quod interest. Hæc est hoc loco Papin. sententia, quæ mihi mirum in modum placet, sed in ea etiam non permansit, sed retractauit eam in lib. 27. quæst. ex qua est lex prox. cuius vt conciliationem conquiramus, nihil est. Sunt enim plane contrariæ: nam quod scripsit libro 10. id mutauit libro 27. vt demonstrant illa verba l. 6. hoc tit. aliquando placebat: sed, inquit, in contrarium me vocat Sabini sententia: namque admonitus à Sabino ea retractauit. Pactum illud, vt seruus exportetur, semper continet id, quod interest, quia ideo videtur vilius vendidisse, quod adiecit, vt exportaretur: vendidisset pluris, si existimassem, te legi non obtemperaturum. Denique si agatur ex pacto, videtur agi ex

pretio, non videtur pœnam persequi, sed rem, l. Sæuisti de cont. empt. l. si sterilem §. pen. de act. empt. Et eadem ratione impulsus Iustin. l. ult. C. de pact. inter empt. mutauit quod est in l. quod si locus, de relig. & l. pen. de pact. vt ne valeat pactum, ne inferas mortuum in locum, quem tibi vendidi. Imo videtur mea interesse, quia vilius vendidi, vel quod nolim mihi vicinam religionem natura nihil facit frustra, nec homo prudens: Ipectavi utilitatem aliquam, dum adieci hoc pactum. seruandum igitur noluit Papinian. in re parum cognita diu aut stulte persequere: quod est argumentum magni viri, & ita Iustin. l. ult. §. & licet, C. de furt. refert Papinian. variasse in alia re. Vlp. quoque Scauolam consultissimum virum refert, quæ tractauit priore libro, mutasse posteriore, l. qui bona §. si quis duob. de acq. rer. dom. Et memini quoque Iulianum variasse alicubi, vt sæpe variant docti. non variant vero vulgus, & refractarij, & ineruditi.

#### Ad l. 68. dotis promissio, de iur. dot.

*Dotis promissio non ideo minus valebit, quod ignorante initio patre, nuptia fuerint, si postea consenserit: cum omnis dotis promissio, futuri matrimonij tacitam conditionem accipiat. Nam etsi minor annis 12. vt maior deducta sit, tunc primum petetur, cum maior annis apud eundem esse ceperit. Quod enim vulgatum est, dotis promissionem imprimis durat nuptiis destinari, neque durare obligationem, si post alterius matrimonium ei nubat, cui dotem promiserat, tunc locum habet, cum intercesserunt alia nuptia.*

**S**ciendum est, nuptias non esse iustas, quæ sunt ignorante patre, in cuius potestate est vir aut mulier: nam in nuptiis scientia & patientia patris exigitur, idque vt est in Iustin. non est tantum iure ciuili, sed etiam iure naturæ constitutum, vt non possit mutari absque scelere. nuptiis igitur contractis ignorante patre, quia iustæ non sunt, & breuiter, quia non sunt nuptiæ, nec dotis promissio valet, quia vbi non sunt nuptiæ, ibi neque dos, l. 3. hoc tit. nec sponsalia, quia etiam in sponsalib. requiritur consensus patris, l. 7. de spons. & consequenter, nec sponsa, nec iusta vxor est, neque iusti liberi nascuntur ex ea quæ nupsit ignorante patre, nec tenetur auus eos agnoscere pro nepotibus suis, l. 2. de rit. nup. l. Paulus, de stat. hom. Sed quum initio factæ erunt nuptiæ inconsulto patre, si postea pater rescierit nuptias, nec dissenserit, tunc iustæ nuptiæ incipiunt esse, quia videtur earum tunc primus auctor fuisse pater, l. 5. C. de nupt. Quib. consequens est, tunc primum iustam vxorem fieri, & iustos nasci liberos post patientiam & consensum patris: nam d. l. 5. est accipienda de filiis conceptis post consensum patris: hi sunt iusti liberi: non ausim dicere filios conceptos & natos ante consensum patris, fieri iustos post consensum patris, quod est notandum: nam inuenio filios naturales ex cōcubina conceptos fieri iustos, si concubina ducatur vxor: sed hoc inuenio in constitutionib. tantum, non in iure: sed non inuenio liberos susceptos, antequam nuptiis consenserit pater secuto consensu fieri iustos, nec possum hoc affirmare, nec admittere sine constitutione. Et vt dixi d. l. 5. est accipienda de filiis conceptis post consensum patris. Scientia autem & patientia patris pro consensu habetur, & iustas efficit nuptias: nec enim exigitur consensus expressus, neque hūc consensum, qui sequitur nuptias iniustas, esse rati habitatione aio: nec dixeris rati habitatione confirmari nuptias: nam si esset rati habitio, recurreret retro, retroraheretur secundum Iust. sententiam, quam & Sabiniani approbarunt, l. ult. C. ad Maced. l. donationis 2. C. de donat. inter vir. Atqui hic consensus patris retro non currit, ergo non est rati habitio, quia nuptiæ valere censentur, non ex quo tempore contractæ sunt, sed ex quo pater rescieuit, & æquo animo id tulit, l. si vxor §. si quis uxori, ad l. Iul. de adul. Et hoc est quod dicitur in Instit. (qui locus valde



notandus) *tit. de nupt.* in nuptiis iussum patris præcedere debere, id est, consensum, quem imitatur taciturnitas: sed vis eius sententiæ hæc est: eum cōsensum potius esse iussum, quam ratihabitionem, id est, non confirmare nuptias, iam antefactas, sed tunc eas constituere. iussum præcedit rem, ratihabitio sequitur: *l. ult. de bon. poss.* Non sunt igitur nuptiæ, nisi præcesserit consensus patris, id est, tūc demum sunt nuptiæ, si præcesserit consensus patris, & cum consenserit iis pater, qui non contradicendo assentire satis videtur. At inde quæritur hoc loco, si eo tempore quo filia nupsit ignorante patre, aliquis dotem promiserit, vel ipsa promiserit, nihil enim refert, hæc promissio non valet, ut neque nuptiæ: an postea conualescet hæc promissio & stipulatio dotis, nuptiis consentiente patre, etsi eam dotem non stipuletur maritus? videtur non conualescere, quia reuocari & resciri non potest, sed ipso iure non conualescit, & omnino videtur esse necessaria stipulatio noua: quia sc. regula Catoniana non petinet tantum ad vltimas voluntates, sed etiam ad stipulationes, §. 1. *Inst. de iust. stip. l. inter 83. §. sacram. de verb. obl.* quæ regula Catoniana hoc dicit: *quod ab initio non valet, ex post facto non conualescit*: verius tamen est, eam stipulationem conualescere, quia conditionalis fuit stipulatio, non pura. Et regula Catoniana pertinet tantum ad stipulationes puras, non conditionales, *l. 32. l. existimo 98. de verb. oblig.* sicut nec pertinet ad legata conditionalia, *l. cetera, de leg. 1. l. placet, de reg. Caton.* Omnia quæ sunt conditionalia ex post facto confirmantur: hoc conditioni innatum est, *l. 8. de reb. cred.* Stipulatio autem dotis semper intelligitur sub hac conditione, si nuptiæ sequantur, quia sine nuptiis non est dos: & ideo ita demum illa stipulatione agi potest, si nuptiæ sequantur, ut recte ait *l. stipul. h. tit.* constat ergo, si nuptiæ sint secutæ, alioquin non constat: nam si iniustæ sint nuptiæ, non videtur impleta conditio stipulationis. Sed quod notandum, non videtur etiam defecta conditio contractis nuptiis illegitimis, & integrum est stipulatori conditionem implere: sed si defecta esset conditio, postea eam frustra adimpleret, *l. quidam 10. in pr. de fideic. libert.* Et secundum hoc (quod est euidentissimum) in *l. 10. de cond. & demon.* deest negatio loco vno, quam species proposita indicabit. Finge: legauit aliquid filiæ, si nupsit: illa nupsit, sed non apte, non iure, non impleuit conditionem: ergo nondum perueniet ad legatum. sed quæritur, an postea contrahendo nuptias possit implere conditionem, & capere legatum? Quidam non posse dicebant, quasi defecta conditio: sed I. C. putabat, benignius esse dicere nondum impletam conditionem defectam. Ita habent omnes libri, sed legendum: *benignius esse dicere nondum impletam conditionem, non defectam*: nam si defecta esset, frustra ei pareret filia: ergo, ut dixi, stipulationi dotis inest conditio, si nuptiæ sequentur, & non est ea stipulatio præsens, aut pura, & conditio eius stipulationis non videtur defecisse secutis nuptiis iniustis, sed videtur non exstitisse, & esse adhuc in suspensio, in pendentia. Quando igitur ea conditio videtur defecisse, & euanuisse ea stipulatio dotis? Distinguendum: aut sponsalia facta sunt, aut non. Si sponsalia facta sint, non nuptiæ, & sponsalibus renuntiatum sit misso libello repudij, nuntio remisso, qui referret, nolle alterum sua conditione uti; hoc modo videtur defecisse conditio, & euanuisse stipulatio, etsi alij non nupsit mulier, & non conualescit stipulatio, si nullis aliis nuptiis interpositis cum alio quolibet, postea mulier nupsit ei, cui dotem promiserat, *l. stipulationem 21. cum l. seq. h. t. l. 4. de pact.* nam stipulatio, quæ semel euauit, conualescere non potest, *l. qua res §. aream, de solut.* Et hoc si sponsalia facta sint. Quod si sponsalia facta non sint, non aliter videtur defecisse conditio stipulationis quam si mulier cum alio contraxerit nuptias, si alij nupsit, euanescit stipulatio, nec conualescit, si soluto matr. ei postea nupsit, cui dotem promiserat: sin autem alij non nupsit,

A & si post decennium ei nupsit, stipulationi dotis locus est, modo intermediæ nuptiæ cum alio non intercesserint, *l. si sponsa 58. hoc tit.* Euanescit ergo stipulatio, nuptiis cum alio contractis, si sponsalia facta non fuerint. Item euanescit stipulatio solo repudio, etsi alij non nupsit mulier; & ita hæc subtiliter distinguenda sunt. Et hoc est, quod ait Papinian. hæc *l. vulgatum est*, dotis promissionem referri ad primas nuptias, non factis sponsalibus, hoc est, dotem deberi ei, cui promissa est; si ei priori mulier nupsit, non si post alterius matrimonium ei nupsit, quia dotis stipulatio dissoluta est, & quæ semel dissoluta est, nunquam restituitur. Et recte Papin. ait, *dotis promissionem destinari primis nuptiis, & non durare obligationem*, id est, euanescere stipulationem, si post alterius matrimonium, ei nupsit, cui promissa dos est. Et id locum habet, quum aliæ nuptiæ intercesserint, quod iam videtur supra dixisse. Sed illa verba postrema accipienda sunt, ut intercesserint nuptiæ cum alio, cui dos promissa non est, post promissionem dotis alteri factam: nam si antequam dos promitteretur, alteri fuerit mulier in matrimonio alterius, ea res non nocet stipulatori, cū eadē mulier post alterius matrimoniū ei nubat. Et videtur Pap. alio exemplo. Quæstio erat de nuptiis iniustis propter ignorantiam patris. Exemplum quod subiicit, est de iniustis nuptiis propter ætatem eius, quæ nupsit. Finge: dotem promisi de ea: quæ non est viripotens, quia nubilis non est, quæ annis 12. minor. Et ea vero vxor in domum mariti deducta est, & facta sunt solemnia nuptiarum, & accepta est igni & aqua, nec tamen sunt nuptiæ, quamdiu est impubes *l. penult. quand. di. leg. ced.* nupta non videtur, quæ virum pati non potest, quo ex loco, ut ait Festus, nihil referre dicas, *viripotentem*, vel *viripotentem*. nuptiæ non sunt, *ἄνους ἄνους*. Et obseruandum ex Instit. non esse iustas nuptias, nisi masculi puberes, & fœminæ viripotentes sint. Cur puberes separat masculos à fœminis viripotentibus? non abs re sane, ut in *l. 5. quibus ex causis in possess.* Inquit prætor, *si pupillus in suam tutelam venerit, aut pupilla viripotens facta fuerit*: quare non dicit etiam cum fœmina in tutelam venerit? quia fœminæ erant in perpetua tutela. In maribus autem sufficiebat ætas maior 14. annis, qui est finis pubertatis. in fœminis quoties de nuptiis agendis agebatur, non spectabatur tantum annus 12. sed etiam an viripotens esset ut Seruius annotauit in illum locum Virgil. *Iam matura viro*, &c. nec abs re, ita scriptum est, in Institution. illo loco. Ergo si dotem promisi pro ea, quæ nondum est viripotens, non teneor ex stipulatu, antequam viripotens fuerit, quia tunc solum incipit iusta esse vxor, quum approbatur pro viripotente, referente medico, si res sit obscurior, ut & in aliis causis ius ocularem cognitionem desiderat. de quo in *l. item si, ad l. Aquil.* Quod non intelligunt vulgo: *si damnum dederit obstetrici*, inquit, *supponens*, &c. quia solebant mulieres eiusmodi videre pefosos, seu *αἰσχρογάρτοι*. Ergo cum mulier fuerit viripotens, incipit esse iusta vxor, non ex quo deducta fuit in domum mariti, nec interim videtur sponsa, quauis sponsalia cū minore contrahantur: non enim in iis spectatur pubertas, *l. 14. de spons.* Sed si sponsalia facta non fuerint, quæ deducta est ante pubertatem quasi vxor, nec vxor, nec sponsa fuisse censetur: Interim iniustæ nuptiæ non valent, ut & sponsalia: quemadmodum iniustum testamentum non valet ut codicillus, nisi id nominatim dictum sit: sic stipulatio, seu acceptilatio non valet, nisi nominatim dicta vel pacta sit. Et in hanc rem citatur ex libro eodem Papin. in *l. cum hic stat. 32. §. pen. de donat. inter vir. & vxor. & l. quasitum, de sponsal.* Sola deductio in domum mariti, quæ est sedes matrimonij, non facit nuptias, sed neque sponsalia: ut sola dotis promissio non facit sponsalia, *l. si sponsa, hoc tit.*



Ad l. si vir vxori §2. de donat. int. vir. & vxorem.

Si vir vxori, donationis causa, rem vilius locauerit, locatio nulla est: cum autem depositum inter eas personas minoris, donationis causa, æstimatur, depositum est: hæc ideo tam varie, quia locatio quidem sine mercede certa contrahi non potest: depositum autem & citra æstimationem quoque dari potest §. 1. *Uxor viro fructum fundi ab herede suo dari, quod si datus non fuisset, certam pecuniam mortis causa promitti curauit. Defuncto viro viua muliere stipulatio soluitur: ut traditio, qua mandante vxore, mortis causa facta est: nam quo casu inter externos conditio nascitur, inter maritos nihil agitur.*

**F**acili negotio explicabimus l. 53. de donat. inter vir. B  
atque etiam l. 48. de manum. test. quo pacto licebit breui hunc librum absoluere, non est quidem admodum difficile, quod scribit Papin. in hac l. sed valde singulare vtrumque: duas enim tractat quæstiones. Inter virum & vxorem, nec proprietatis, neque possessionis vlla est donatio, exceptis quibusdam causis, veluti exilij, diuortij, sepulturæ, & aliis quibusdam: nec explicanda mihi nunc est ratio prohibendarum donationum inter coniuges. Est enim in promptu, & illa maximè, ne se mutuo amore spoliarent: Nam si liceret donare, nullum facerent finem donandi. Et si idem statueres, inter amicos non esse donationem permittendam, quod possint se mutuo amore spoliare, dum alter alterum superare vellet, non recte faceres, quia inter has permittitur. Sed affectio coniugum maior est: igitur inter ipsos tantum innenitur prohibita donatio. quo iure vtimur hodie. Donatio (inquam) inter viuos, donatio directa, sic appellatur, quæ fit inter viuos: nam donatio mortis causa recte fit inter coniuges, quandoquidem donatio mortis causa effectus excurrit in id tempus, quo coniugium esse definit, l. 10. h. tit. Sed etiam donatio inter viuos ex S. C. & ex oratione D. Antonini comparatur donationi causa mortis, quia donantis morte confirmatur, hoc est, si vir aut vxor, quæ donauit, in ea voluntate perseuerauit vsque ad finem vitæ. Viuus aut viua donationem quamlibet reuocat penitentia, & si non reuocauerit, mors eam confirmat, & est instar fideicommissi; atque ideo subiicitur Falcidiæ, l. 12. C. ad leg. Falc. quamuis ex donatione inter viuos alias non detrahatur Falcidia, l. Seia §. ult. de don. caus. mort. Ex donatione (inquam) perfecta, & irreuocabili, ex donatione, quæ ab initio non valet, morte tamen confirmatur, detrahitur Falcidia, quia similis est fideicommissio, seu donationi causa mortis, quæ subiicitur Falcidiæ. Donat autem vir vxori, & contra, non tantum qui donare se dicit, vel palam confitetur, sed etiam qui vendit, aut locat aliquid vxori viliori pretio donationis causa, quæ res non valet vt donatio, neque vt venditio & locatio: ergo nec alienatio dominij fieri intelligitur, l. nuda, de contr. empt. l. si res 12. in prin. de iur. dot. l. vir vxori, ad Vell. Et hoc est, quod ait Papin. h. l. locatio nulla est. nihil ergo agitur, quia nec donatio est, nec locatio. Idem etiam erit, si vir vxori rem vendiderit iusto pretio, non exacturus pretium, hoc est, si fecerit pretium tantum, non exegerit, neque exigendi pretij vnquam habuit animum: nam & hæc siue venditio, siue locatio nulla est, l. cum in vendit. 36. de contr. empt. Res quidem colorem habet venditionis, locationis, substantiam non habet. multa sunt in iure colorata, commenta innumera, multa fictitia, multa sunt dicis causa, multa rerum expediendarum causa, quæ leges introduxerunt, hæc recipimus: recipimus fictitias actiones, vt Publicianam, in qua fingimus vsuccepisse eum, qui non vsucepuit: & rescissoriam ex tit. ex quib. caus. mai. in qua fingimus eum non vsucepisse, qui vsucepuit, & eas actiones, quæ dantur bonorum possessori, vel in bonorum possessorem, quales

Quæst. Papin.

A etiam Vlpian in fragm. vocat fictitias, quibus fingimus, cum esse heredem, qui non est. Recipimus fictitias & tacitas stipulationes, item hypothecas, item tacitas traditiones & fictitias, l. 2. pro socio. In hereditatibus recipimus fictionem postliminij, fictionem legis Corneliæ; in pœnis dicimus commentitio iure esse receptum, pœnam reo irrogatam non transire ad heredes. Est ergo ius quoddam commentitium, sunt iuris quædam commenta, quæ recipimus, quæ leges introduxerunt, & mores recipiunt, & præsumptiones recipimus, & nullum est in iure frequentius verbum, quam fingitur, videtur, præsumitur. Omnia sunt fictionum plena in iure, & commentitia, etiam in foro recipiuntur, vt Fabius ait, falsa narrationes, id est, colores & figuræ: nec excluduntur statim patroni, qui, vt ad id perueniant, fingunt, narrantque falso, &c. Colores autem & commenta excogitata in fraudem legum non accipimus, quia & ea leges ipsæ reiiciunt, vt in testamento per æs & libram recipimus imaginariam venditionem. In donatione inter vir. & vxor. non recipimus. Sed huic sententiæ obstat l. si quis donat. in prin. de contr. empt. Papin. ait, nullam esse venditionem, si vir vxori minus locauerit vel vendiderit: nam & locatio venditio est. At l. si quis, ait, si quis donationis causa minoris vendat, valet venditio, & similiter, si quis minoris locet donationis causa, valet locatio, & vtrumque est verum, si modo non accipiatur generaliter. Est enim distinguendum hoc modo: aut vendo ei, cui donare possum, & totam venditionem facio donationis causa, & non est venditio, sed donatio, vt inspicitur magis quod est in re, quam quod est in formula conceptionis contractus: quod agitur potius, quæ quod scribitur, l. 3. & 9. C. de contr. empt. d. l. si quis donat. aut pars venditionis sit tantum donationis causa, vt si vendo viliori pretio ei, scilicet, cui donare possum, non in fraudem legum, & hoc casu venditio valet, non contrahitur donatio; venditio enim præponderat, & vtrinque contrahitur obligatio empti & venditi: si vero vendo ei, cui donare non possum, aut vendo bona fide, habens reuera animum vendendi, & venditio valet, nasciturque vltro citroque actio ex empto vendito, quamuis postea mutato consilio pretium ei donauero; valet (inquam) quia, quæ primo facta est bona fide venditio, non temere retractatur, & ex eo negotio datur actio empti venditi, l. si sponsus §. §. circa, l. quod autem §. si vxor, hoc tit. aut vendo ei, cui donare non possum in fraudem legum, vt quod non possum donare palam, donem sub titulo venditionis, locationis. Et hoc casu nihil ago, siue vendo, siue dono, siue vnum nummum pro pretio posuero, siue aliud vile pretium exigam, d. l. si quis donat. At inde quæritur, an id, quod dictum est de venditione & locatione, quam vir facit vxori donandi causa, affectato hoc titulo circumscribendi iuris ciuilibus gratia, habeat locum in deposito? Finge: vir rem deposuit apud vxorem, eamque vilius æstimauit donationis causa, non bona fide, sed in fraudem legum, ea scilicet mente, vt redderet eam rem, vel æstimationem, quæ lex non facit, ne sit depositum, quamuis egredietur terminos depositi, l. Lucius 24. de pos. quia depositum plerunque datur, vt reddatur idem, non pretium, aut æstimatio, sed vel donatio, vel venditio, vel mutuum, videtur esse, si sit res, quæ constet pondere, numero, vel mensura. An vero dicimus, ideo depositum non esse, quod facta sit æstimatio depositæ rei donationis causa? Minime: quia nascitur actio depositi directa, & contraria. Et rationem differentiarum inter depositum & donationem explicat Papin. quia depositi substantia consistit sine æstimatione. Est. n. depositum, etiam si rem depositam non æstimes. Locatio autem non est sine pretio certo, & sine pretio videtur ea, quæ fit nummo vno, vel sestertio, l. si quis 10. in fi. de adq. pos. l. si quis 46. loc. vel etiam quæ fit pretio viliori: nam vendere viliori pretio, puta nummis 10. quæ valeat 100. non vendere,



sed rem prolicere est, l. si pign. 50. de euid. l. 36. mand. Ergo imaginaria venditio est, quæ sit viliori pretio, ac si facta esset sine villo pretio: ergo nullus est contractus. contractus imaginarij nulli sunt, nisi fiant dicis causa, v. l. 1. de iur. h. e. ut satisfiat solemnitatibus legum, ut in emancipationibus liberorum, & testamentis per æs & libram, l. contractus 54. de obl. & act. l. nuda 53. de contr. empt. Depositum autem non est imaginarium, si res deposita æstimetur vili pretio, quia plane æstimari depositum necesse non est. Et hoc est, quod ait Papin. in princ. leg. Magis mihi placet, quod est in secunda parte hic. Eius interpretatio tot verba non requirit, est tamen valde singulare, quod velim studiosos omnes perpetuo retinere. Nam ait, *quo casu inter externos nascitur conditio rei*, id est, repetitio rei venditæ, *nihil agi inter maritos, h. e. coniuges*. Et species hæc est: vxor curauit heredem suum, quem testamento scripserat, promittere stipulanti vsum fr. fundi, aut certam pecuniam mortis causa, h. e. si ipsa prius moreretur, sicut etiam in l. quod in bonis 15. §. 1. ad l. Falc. testator curat heredem suum promittere se viuo ei, cui donatum vult mortis causa, ut aduersus eum non vtatur l. Falcidia, vel ut certam pecuniam, si secus fecerit præstaret: quæ stipulatio olim non valet, hodie valet, quia Falcidiæ locus non est inuito testatore, ex Nouell. Iustin. Eodem igitur modo mulier donatura mortis causa, quæ donatio rata est, curauit promitti, ne Falcidia detrahatur. præmortuus est maritus superstiti vxore donatrice: stipulatio, inquit, soluitur, quia facta fuerit mortis causa, h. est. soluitur donatio morte donatarij, perficitur morte donatoris. Et similiter, si rem mandato vxoris tradiderat marito mortis causa sub conditione, si ipsa prius moreretur, præmortuo marito soluitur alienatio & traditio, vel stipulatio ipso iure. Ergo rei traditæ vindicatio mulieri competit, quia soluitur ipso iure traditio & donatio, quod non obtineret in extraneo: nam extero non daretur vindicatio, sed conditio ob causam, causa non secuta. Finge: extraneus donauit tibi mortis causa, & tradidit, vel etiam promisit tantam, non tradidit. te præmortuo rem non vindicabit, sed condicet, quod traditione ipso iure non soluitur dominium manet apud eum, vel condicet liberationem: non enim est ipso iure liberatus morte donatarij. Ex quo apparet, quod ego censeo valde notandum, quo casu inter extraneos conditio nascitur vel certi rei, quæ tradita est ad rem repetendam, vel incerti ad obligationem, quæ contracta est acceptilatione, soluendam: eo casu maritus nihil agit ipso iure, quod puto generaliter constitui posse in omnibus casibus. Nam etsi mulier intercesserit pro marito, ipso iure non obligatur, Nouella 134. cap. 8. Quod etiam ex hoc loco recte defendes etiam obtinuisse ante Nouellam istam, nec ea Nouella introducit ius quasi nouum: sed si mulier intercesserit pro extraneo non liberatur ipso iure, sed per exceptionem Senatusconsulti Velleiani, l. si decipiendo, ad Senatusc. Velleian. omissa exceptione soluere compellitur ex sua intercessione.

#### Ad l. si socius 48. de manum. testam.

*Si socius testamento libertatem ita dederit: Pamphilus, si eum socius manumiserit, liberus esto. Sernius respondet, socio manumittente, communem fieri libertum familia atque manumissoris. Neque enim nouum aut incognitum est, vario iure communi mancipio libertatem obtingere.*

**Q**uod est in hac lege, explicabitur vno verbo. Finge: seruus erat communis, vnus ex dominis eum manumisit testamento sub conditione, si eum quoque socius manumitteret. Non frustra appositæ est hæc conditio: alioquin ex testamento facta manumissio ab vno sociorum non valeret secundum ius vetus, quo constitutum est, si vnus ex sociis seruum communem manu-

mittat, ut non fiat liber, sed pars eius domini, qui manumisit, accrescat alteri: definit esse communis, sed non definit esse seruus, quinimo fit in solidum seruus vnus. Quod Iustin. mutauit fauore libertatis, qui voluit seruum manumissum ab vno socio, fieri liberum, si modo pretium alter suæ partis referat alteri. Quæ constitutio summam habet æquitatem. ante illam constitutionem necesse erat apponere illam conditionem, si alter quoque manumiserit. Finge: cum ita manumisisset vnus ex sociis seruum communem, si alter manumiserit, si expleta conditio fuerit, ut perueniret ad libertatem: quod videtur absurdum, ut perueniat ad libertatem diuerso iure, partim testamento, partim vindicta, quia eum alter socius, qui superstes erat, manumisisset. hæc res non officit libertati: erit igitur libertus communis, hoc est, eius, qui manumisit inter viuos, & libertus familiæ defuncti, h. e. orcinus. ergo erit libertus diuerso iure. Et obseruandum libertum Orcinum appellari hoc loco libertum familiæ: non est libertus heredis, non est libertus defuncti, qui defuit esse in reb. humanis: nec dixeris recte libertum esse defuncti. libertum Orci dices recte. sed aliud est defunctus, aliud Orcus: sed quia defuncto superest familia, recte dices, eum esse libertum familiæ, non libertum certi hominis, sed libertum familiæ, siue Orcinum, Plutonis, sicut Theoph. ait, *χρῆσιανόν*.

#### Ad l. si Titius 48. de fideiuss.

**C** Si Titius & Seia pro Manio fideiusserint, subducta muliere dabimus in solidum aduersus Titium actionem: cum scire potuerit, aut ignorare non debuerit, mulierem frustra intercedere. §. 1. Huic similis illa quaestio videri potest: ob atatem si resituatur in integrum vnus fideiussor, an alter onus obligationis integrum excipere debeat. Sed ita demum alteri totum irrogandum est, si postea minor intercessit, propter incertum atatis ac restitutionis. Quod si dolo creditoris inductus sit minor ut fideiubeat, non magis creditori succurrendum erit aduersus confideiussorem, quam si facta nonatione circumuento minore, desideraret in veterem debitorem actionem utilem sibi dari.

**D** Vas in hac l. Papin. adfert quaestiones. vna est, de mare & fœmina, quæ pro aliquo fideiussit cum mare: altera est, de maiore 25. annis, qui pro aliis fideiussit. Et primum, si mas & fœmina pro alio fideiusserrunt, & facti fuerunt duo rei eiusdem pecuniæ, mulier non tenebitur cum effectu, propter Senatusc. de intercessionibus mulierum, quod Velleian. dicitur. Mas autem tenetur in solidum, sed habet beneficium diuisionis, quod habet alias ex epistola Adriani & edicto prætoris, ut Paul. ait 1. Sent. tit. pen. quod datur pluribus fideiussoribus & mandatoribus: sed hodie omnibus correis debendi principalibus ex Nouella 99. Beneficium diuisionis hoc est, ut non sit liberum creditori cum vno eorum experiri in solidum, ut cogatur diuidere actionem, ut fideiussores siue correi non teneantur, nisi pro virili, si omnes soluendo fuerunt litis contestatæ tempore: nec enim inopia, quæ superuenerit, postea onerat ceteros. Singuli quidem ipso iure sunt obligati in solidum, sed beneficium epistolæ, id est, opposita exceptione epistolæ Diui Adriani, non condemnantur ultra virilem portionem, si litis contestatæ tempore omnes soluendo fuerint. In hac autem specie, cur mas non vtitur beneficio? cur conuenitur & condemnatur in solidum? quia videtur renuntiasse beneficio, qui seire debuit ex Senatusconf. Velleian. fœminam frustra intercedere, & onus obligationis in sua tantum persona consistere, ac si solus intercederet. Et hoc est, quod ait Papin. in 1. parte huius l. Huic sententiæ obstat l. idem est 18. supr. ad Velleian. quoniam ait idem esse, &c. Repetenda sunt ea, quæ scripta sunt ante eam l. & hoc in l. quæ præcedit ostenditur, si mas & fœmina



pecuniam mutuam sumperint in rem communem, puta vt fundum ea pecunia in commune cōpararent, mulier tenetur pro sua persona, pro sua parte tantum, non pro parte masculi correi, quia pro parte correi videtur intercessisse, dum se obligauit in solidum, partim sub nomine, & hoc nomine tenetur pro parte sua, partim nomine alieno, correi nomine, & hoc nomine soluitur beneficio Senatuscons. Velleiani. Idem esse ait *l. idem est*, si pro debitore meo, mas & fœmina intercesserint. si idem est: ergo cum mas & fœmina pro debitore meo fideiusserint, mulieris persona non subducitur in totum, scil. non eximitur obligationi in totum, sed tenetur pro parte. Sed hoc non potest esse verum, nisi vt in ea lege, quæ præcedit, similiter fingatur species in *d. l. idem est*, puta marem & fœminam pro alio fideiussisse in rem communem: quo casu cessat Senatusc. Velleianum, *l. aliquando, eod. nam* si in rem alienam prorsus fideiusserunt, in totum persona mulieris subtrahitur creditori, & mas sustinet integrum onus obligationis. Obstat *l. 3. C. ad Velleian.* Filia emancipata, vel etiam filii famuli, expromiserunt pro patre obligato alteri, id est, patrem liberauerunt nouatione facta, & omnem obligationem in se receperunt: expromissor liberat reum principalem, fideiussor non. expromissione fit nouatio, fideiussione non fit. Ergo pro patre intercesserunt filij mares & fœminæ: lex ostendit mares non teneri in solidum, filias eximi obligatione. fateor hoc ea lege aperte demonstrari, sed non (vt quidam vult) illis verbis fœminas eximi virilibus obligationibus. Nam viriles obligationes vocantur, quæ conueniunt masculis tantum, quasve mulieres suscipere non possunt: vel aliter, hoc vult, intercessionem esse munus virorum: non mulierum, *l. 2. ad Velleian.* æquum non esse, fœminas virilibus officiis fungi & obstringi obligationibus eius generis, virilibus scilicet, quales sunt obligationes, quæ contrahuntur nomine intercessionis, non principali nomine & directo. Et ita *l. pen. de edendo*, remouet fœminas ab officio argentariorum, quoniam frequens est in hac opera, vt interueniant pro aliis: dum senatus remouet mulieres ab intercessionem, tacite remouet etiam ab argentaria. Sed non desunt alia indicia in *d. l. 8.* quibus patet, filios, qui cum sororibus pro patre intercesserunt, non teneri in solidum, etiam subductis sororibus beneficio Senatusc. sed pro virilibus portionibus tantum; quandoquidem lex ait, mares tantum teneri in id, quo se obligauerunt. non ait, mares teneri in solidum, sed pro rata, pro virili, pro portione, & pro parte filiarum, quæ eximuntur obligatione, actionem restitui in patrem. Ergo aperte lex ostendit, subductis feminis mares non obligari in solidum, sed pro virilibus portionibus, quia scilicet ita se obligauerunt: nam erant plures rei fratres, qui pro patre intercesserunt. Illud non probo, quod Accursius hic distinguit inter expromissores & fideiussores, imo indistincte sic constituo, siue sint duo expromissores, siue duo fideiussores, qui pro alio intercesserunt, & facti fuerunt duo rei debendi, mas scilicet & fœmina, mas tenetur in solidum, mulier in nihilum tenetur effectus; & duo sunt rei, siue fideiubendo, siue expromittendo cauerint solidum, aut partem virilem. si expromiserint, vel fideiusserint solidum & partem virilem, si vti sint his verbis, *se cauere pro solido, & parte virili* (*chacun pour soy, & un chacun pour le tout*) nec enim sunt duo rei, si cauerint solidum, aut partem virilem. Nam si dixerunt, se promittere solidum, aut partem virilem, non sunt duo rei, *l. inter eos, hoc tit.* singuli enim ab initio tenentur pro parte tantum: & ita duo rei stipulandi sunt, qui stipulati sunt non solidum, aut partem virilem, sed solidum, & partem virilem, vt sit exactio vnique in solidum, & in partem virilem. si mas & fœmina, qui pro alio intercesserunt non sint duo rei, mas ab initio tenetur pro parte tantum vt *d. l. 8.* videlicet ipso iure diuisa obligatione in initio contractus. In continenti diuisio

Quæst. Papin.

A obligationis fit vel ipso iure, vel epistola D. Adriani, *l. inter fideiuss. h. tit.* ipso iure fit, si non sint correi: ex epistola Adriani fit, si sint correi: & ipso iure fit semper sicut conuenit initio: ex epistola non fit diuisio, si mas & fœmina, duo rei intercesserunt: mas enim tenetur in solidum, vt in *b. l.* At quæritur in secunda parte huius legis in eodem exemplo: si pro alio fideiusserunt maior 25. annis, & alius qui erat minor 25. annis, restituto minore 25. annis aduersus intercessionem suam beneficio ætatis, & rescissa intercessione eius, an similiter dici possit, maiorem teneri in solidum subducto minore per restitutionem in integrum, & non posse maiorem vti beneficio diuisionis, an idem constituemus, quod in illo casu? Et prudentissime Papin. ostendit, mulierem non esse similem minori 25. annis: neque idem esse hoc casu constituendum, quod illo priori. Nam in muliere non distinguimus, vtum simul fideiusserint mas & fœmina eodem tempore, an mas primum, deinde fœmina interposito tempore: nam vtroque casu subducta fœmina mas tenetur in solidum: in minore 25. annis distinguimus. Nam si maior 25. annis solus ab initio fideiusserit pro alio, deinde minor, minore restituto in integrum, maior tenetur in solidum, quia & ab initio obligauit se in solidum, nullum sperans beneficium, quo solueretur præstatione solidi, nullum sperans, se habiturum participem eiusdem obligationis, quia nesciebat creditor, essetne accepturus alium confideiussorem: hoc ergo casu maior tenetur in solidum rescissa intercessione minoris. Quod ita verum est, vt eleganter docet Papin. nisi dolo creditoris inductus sit minor ad fideiubendum: Nam rescissa intercessione minoris creditori dolo, id est, quod per dolum extorsit fideiussionem minoris, non succurrimus, data scil. in eum fideiussorem minoris actione in solidum, sed vtetur recte fideiussor maior beneficio diuisionis: neque enim opitulamur creditori, qui dolum admisit, qui per dolum effecit, vt & minor fideiuberet. Namque subducto minore non dabimus ei actionem in solidum contra maiorem, sed pro parte ex epistola: & ita etiam si dolo creditoris minor pro debitore expromiserit nouatione facta, atque ita liberauerit debitorem restituto minore, rescissa intercessione minoris, non reuocatur liberatio debitoris, id est, non restituitur vetus actio in debitorem, non succurrimus creditori dolo restituta veteri actione, non damus ei vtilem actionem in veterem debitorem. Omnis actio restitutoria est utilis, & hoc si solus maior 25. annis initio fideiusserit non sperans futurum alium confideiussorem, & postea ei adiunctus fuerit minor. Sed si simul fideiusserunt maior & minor, locus est epist. D. Adriani, id est, maior tenetur pro parte tantum, etiam rescissa intercessione minoris. Atque ita multum hic casus distat ab eo, qui proponitur initio huius legis. Et ratio differentia est elegans inter mulierem & minorem, quam paucis verbis notauit Papin. nempe *propter incertum ætatis & restitutionis*, scilicet euentum, quæ breuitas fecit, vt non ea intellexerit Accurs. Franciscus Connanus, perquam suauiter emendauit, & pro his verbis (*si postea minor intercesserit*) posuit *si sponte intercesserit*. vir est doctissimus, sed non iuris. corruptit iudicium & tempus perdit, qui in eius commentariis illud ponit. Verum ratio differentia est elegantissima, nec mutandi quidquam vel minima est ratio, aut occasio. Initio, inquit, differentia hæc est, mulierum intercessionem Senatus improbat, minorum intercessionem nullum Senatusc. improbat: mulier quæ intercessit liberatur per exceptionem, quæ descendit ex Senatusc. Velleiano. minor non liberatur per exceptionem, sed per restitutionem in integrum (*par lettres de chancellerie.*) Exceptio est certa, sicut ius ex quo descendit: restitutio in integrum est incerta & arbitraria: neque enim temere datur, sed causa cognita perraro *l. in causa 13. de minor.* & pendet ex arbitrio prætoris, qui sicut ei libuerit, dabit vel non dabit

S ij



restitutionem in integrum: exceptionem Senatuscons. A Velleian. non potest denegare. Ac postremo sexus mulieris certus est, ætas hominis plerumque est obscura & incerta: etiamsi viderim hominem. Nam cuenit sæpe, vt existimemus eos esse maiores, qui sunt minores, & contra. Hac ratione propter incertum ætatis, & propter incertum restitutionis in integrum, si mas & fœmina fideiusserint pro alio, mas tenetur in solidum, quia sciuit se solum cum effectu obligari. sed si maior & minor fideiusserint pro alio, maior non tenetur in solidum, quia vel nesciuit corream esse minorem 25. annis, vel existimauit esse maiorem: existimauit cum vix impetraturum restitutionem in integrum, & cogitauit auxilium restitutionis esse perquam dubium & incertum: maior, inquam, subducto minore, forte impetrata restitutione in integrum, non tenetur in solidum, nisi solus fideiussit ab initio, & postea non inductus dolo creditoris minor etiam fideiussit, ac deinde eo nomine restitutus fuerit. Hæc ratio est dignissima cognitu, ita demum, id est, hoc solo casu (postea) interposito tempore. Cur non tenetur in solidum maior, nisi illo casu cum interposito hoc tempore intercessit minor? Ratio est propter incertum ætatis, id est, quia existimauit cum effectu obligari minorem, &c. Atque ita nihil habet certi maior de obligatione minoris, quod possit eius scientiæ imputari.

Ad l. penult. de Public. in rem actione.

Paulus notat. Exceptio iusti domini Publiciana obijcienda est.

**P**Lura scripsit Papin. & inter ea quiddam ad Publicianam. Nam in l. pen. de Public. exstat nota Pauli ad Papin. eodem lib. vbi notat Paulus, Publicianæ actioni obijci posse exceptionem domini, scilicet veri domini, ad differentiam fictitij, quod habet bonæ fidei possessor. Quid est actio Publiciana? est vindicatio domini, quæ datur ei, qui rem bonæ fidei possederat, necdum vſuſcepit, amissa ea possessione, aduersus extraneum, ad quem peruenit possessio, non aduersus dominum verum. Nam potior est causa veri domini, quam bonæ fidei possessoris: potior est vindicatio directa, quam prætoria. Hoc est quod dicitur, Publiciana actioni obijci exceptionem iusti domini. Hæc tamen regula vitatur multis casibus, l. mandatum, mand. l. si is cuius, ex quibus caus. maior. vide Accursium in l. pen. hoc tit. citatur etiam Papin. in l. 5. §. pen. de iur. dot.

Ad §. penult. l. 5. de iur. dot.

Papinianus lib. 10. questionum ait: Cum pater curator suæ filie iuris sui effecta, dotem pro ea constituisse, magis cum quasi patrem id, quam quasi curatorem fecisse videri.

**P**ater est curator filie emancipatæ: dat dotem pro ea, vel vt pater, vel vt curator: nam dotem constituere pertinet ad vtrumque. non apparet, quæ mente dederit dotem, videbitur ne dedisse vt pater, an vt curator? Vt pater, inquit, quia prædominasse & præualuisse videtur affectio paterna: si dedit vt pater, dedit de suo, ergo est dos profectitia. Quid est dos profectitia? quam pater dedit pro filia vt pater: effectus est, quia dos profectitia reddit ad patrem mortua filia in matrimonio, siue fuerit sui iuris, siue in potestate patris, l. pater 71. de iur. d. l. 5. §. emancipata, l. si ab hostibus, l. filia 59. sol. matrim. l. si filia, de iur. dot. Et huic præsumptioni, vt videatur scilicet dedisse quasi pater, consentit l. ult. C. de dot. promiss.



# IACOBI CUIACII IURISCONSULTI COMMENTARIUS in Lib. XI. Quæstionum Æmilij Papiniani.

Ad l. in omnibus 41. de iudiciis.

**B** In omnibus bonæ fidei iudiciis, cum nondum dies præstandæ pecuniæ venit, si agat aliquis ad interponendam cautionem, ex iusta causa condemnatio fit.

**S**I creditor in diem vel conditionem agit, ante diem vel ante conditionem perperam agit, quia plus petit tempore, & repellitur exceptione, cuius pecuniæ dies fuisset: vel cuius pecuniæ dies nondum venit. Et hoc, si agat ad pecuniæ: nam si agat ad cautionem interponendam, quandoque male agit. Finge: creditor vel est in diem, vel in conditionem, id est, creditor in diem certum, vel creditor in diem incertum. Quid est conditio? est dies incertus, in quem confertur obligatio, ex quo suspenditur obligatio & sustinetur in eum vsq; diem. Finge igitur: creditor veretur, ne interim debitor labatur facultatibus, & propterea desiderat sibi caueri de pecuniæ sua sibi suo die soluenda, vel veretur, ne interim debitor dolo malo faciat in ea re, quam debet, ne corrumpat eam rem: Exempli causa, ne seruum interim inficiat veneno, & ideo desiderat caueri, dolum malum ab futurum: siue autem hoc desiderat, siue de illo sibi caueri, id est, de dolo malo, vel de re aut pecuniæ sua diē soluenda: & agat eo nomine, ex iusta causa audietur, nec repellitur. Et vt ait, condemnatio fiet, id est, cōdemnabitur debitor interim præstare iuratoriā cautionem, vel repromissionem, vel satisfactionem pro qualitate personæ. Nam locupletissimus non satisfabit, sed repromittet tantum cum iureiurando, vel sine iureiurando. Et hoc Papin. ait in hac l. 41. obtinere in omnib. bonæ fidei iudiciis. Quid hoc est in omnibus? id est, siue generalia sint, siue specialia. Sūpsit hanc sententiam ex Sabino, à quo alia multa sumit, & à quo facile patitur se reprehendi, vt in l. 6. de seru. export. l. pro socio arbiter, pro soc. Sabinus dicebat, iudicē prospicere debere creditori in iudiciis bonæ fidei, in futuro damno, vel lucro pendente ex cōtractu bonæ fidei, etiamsi nondum quicquam cum effectu deberetur, siue generalia essent iudicia siue specialia. Et specialia vocat, quibus agitur de re singulari, de homine, de summa certa, veluti commodati, depositi, mandati. Generalia sunt, in quibus venit vniuersitas bonorum, vel quib. vniuersum quid petitur, vt actio pro socio, cum contracta est societas omnium bonorum: actio negotiorum gestorū est generalis: actio tutelæ est generalis: omnia enim pupillæ bona apprehendit & in his iudiciis, quibus vniuersum quid petitur, magis videbatur habenda ratio futuri debiti, atque adeo magis eo nomine auctori postulanti cautionem esse concedendam. Sed placet indistincte, in omnibus, id est, tam generalibus, quam specialibus iudiciis bonæ fidei, ante diem recte agi ad interponendam cautionem, & officio iudicis condemnationem fieri. Et huc pertinet l. Scia 42. de mort. caus. donat. vbi est actio bonæ fidei non sui origine, sed constituta per exceptionem doli mali. Certæ sunt actiones bonæ fidei, quæ enumerantur in Instit. §. actionum, de act. Enumeratio est certissima sua origine: aliæ quæ non sunt enumeratæ in Instit. sunt strictæ, quæ tamen possunt constitui bonæ fidei, videlicet opposita exceptione doli mali, vel replicatione:



Nam est verissimum & elegantissimum; quod Dorotheus scribit in *d. l. Seia*, exceptionem doli iudicium strictum facere bonæ fidei: quod comprobatur *l. 5. C. de except. doli*. exceptio addita exceptioni strictæ facit, ut iudex possit ex bono & æquo condemnationem facere non seruiens formulæ. Mentio doli mali iudicium reddit bonæ fidei, quod initio erat strictum. Sic igitur in specie *l. Seia*, iudicium strictum exceptio illa facit bonæ fidei, & propterea merito dubitatur in ea lege de præstanda cautione futuræ obligationis, quoniam solebat præstari in omnibus bonæ fidei iudiciis. In omnibus, siue sui origine sint bonæ fidei, siue fiant postea. Sed tamen in *d. l. Seia* non præstatur cautio, quia nulla in eius legis specie suberat causa vel obligatio, ne in diem quidem, vel sub conditione. Ergo quod scribit Papinian. hoc loco, non habet locum in actionibus strictis. Nam non frustra ait, *in omnibus bonæ fidei iudiciis*. est ἀντιδωσολη, qua significat, aliud esse in iudicio stricto: ex causa enim iudicii stricti non ago ante diem ad cautionem interponendam, ut in *l. quotiens §. si semel, de pecul.* quod intelligi debet de actione de peculio stricta, veluti ex fidei iussione serui, ex qua fidei iussione servus naturaliter non obligatur, nec dominus tenetur de peculio. Sed si fidei iussit in rem domini, tenetur dominus de peculio stricta actione ex stipulatu: de peculio est adiectio communis omnium actionum: modo igitur stricta, modo est bonæ fidei actio. Ideo si de peculio agatur stricto iudicio, & nihil sit in peculio rei iudicatæ tempore, an cauere debet dominus de futuro incremento peculij? minime, quoniam est actio stricta, & de cautione interponenda eius, quod quis debet, non agitur, nisi ex causa bonæ fidei contractus siue iudicii. Et ita semper in libris nostris existimandum est, quoties dicitur obtinere in bonæ fidei iudiciis, idem non obtinere in strictis: nec unquam persuasio hæc fallit: ut exempli causa, hoc est proditum, in bonæ fidei iudiciis ex mora venire vsuras: veniunt autem officio iudicis, *l. in bonæ fidei, C. de usur. l. 32. mora §. in bonæ fidei, inf. eod. tit.* Ergo in strictis ex mora non veniunt vsuræ officio iudicis. hoc est certissimum: si non sint in stipulationem deductæ: nam veniunt tunc ex stipulatione. Scriptum etiam est, pacta facta in bonæ fidei iudiciis ex continentia, inesse ex parte actoris, *l. in ris §. quinimo, de pact. l. in bonæ fid. C. eod.* ergo aliud est in strictis iudiciis (ut docui semper.) Et ita nihil moueor *l. lecta, de reb. cred.* quæ dicit stipulationi pactum factum incontinenti inesse: nam lex integra demonstrat, inesse ex parte rei, non etiam actoris, id est, exceptionem pacti inesse stipulationi ipso iure, etiam non oppositam, ex eo autem pacto agi non posse. Scriptum etiam est, in bonæ fidei contractibus, patrem non solum de peculio teneri, & de in rem verso, sed etiam si quid præterea dolo malo patris captus fraudatusque actor est. *l. in bonæ fid. de pecul.* nam actionibus bonæ fidei inest actio doli, exceptio doli, omnis exceptio: ommissa enim exceptio suppletur officio iudicis, *l. sed etsi ideo, sol. mat. l. huiusmodi 84. §. qui ser. de leg. 1.* Dolus vindicatur actionibus bonæ fidei. Quid est actio bonæ fidei? vindex doli mali. actione stricta non vindicatur dolus malus: & necessaria est actio doli mali in actionibus strictis, quasi non sufficeret actio ex contractu: neque enim inest actio de dolo actioni strictæ. Scriptum etiam est, in bonæ fidei iudiciis haberi rationem affectus, *l. cum seruus, mand.* id est, æstimari in iis non tantum pecuniarum damnum & lucrum, sed etiam damnum affectionis piæ & benevolæ, quæ non fuit expleta propter perfidiam aduersarij, *l. 7. de seru. export.* Item, in bonæ fidei iudiciis haberi rationem furti ab aduersario admissi. Finge: socius aliquid furripuit ex societate, tenetur furti & conditione furti. An & pro socio? sic videtur: concurrat actio pro socio cum conditione furti. licet vltisci furtum actione bonæ fidei, *l. rei com. 4 §. pro soc.* actione stricta nec dolus vindicatur, nec furtum,

A & eo nomine necessaria est conditio furtiua, quia non sufficit actio ex contractu stricti iudicii. Ex quo intelligitur cur dicantur strictæ: neque enim licet iudici eas extendere, aut proferre fines earum. Ergo merito dicimus definitionem huius legis, non habere locum in strictis iudiciis, & appellatione actionum bonæ fidei nos excludere stricta iudicia, & nos ita debere constituere, in nullis iudiciis strictis ante diem agi, sicut nota vniuersali scribit Papin. *in omnibus: &c.* ergo dicamus, in nullis iudiciis strictis, id est, siue sint arbitraria, siue non, contrariam huic legi definitionem constituimus, & sequimur. nam & arbitraria stricta sunt. Et errant Græci in eo, quod arbitraria comparant bonæ fidei iudiciis: namque sunt proximiora strictis, imo stricta, licet in eis arbitrium iudicis multum possit. Et hoc esse verum sic ostendo: nam in actione in rem, quæ est arbitraria, exceptio ommissa non suppletur officio iudicis: non inest igitur, *l. Papin. 14. de Pub. in rem actio*. In actione igitur arbitraria arbitrium iudicis non est latissimum. In actionibus bonæ fidei latissimum est, ideo doli exceptio inest bonæ fidei iudiciis tacite. Ac præterea in actione in rem fructus non veniunt ante litem contestatam, *l. 2. C. de pet. hered.* qui tamen veniunt in bonæ fidei iudiciis. Ante moram vsuræ non veniunt in bonæ fidei iudiciis, fructus veniunt, *l. videamus §. pen. de usur.* Posset quis tentare ex *l. grege §. pen. de pig.* in actione hypothecaria, quæ est arbitraria, posse agi ante diem ob cautionem interponendam: Nam sententia legis est: debes mihi aliquid præsentis die, obligatio hypothecaria sub conditione: non aget creditor recte ante conditionem ad auferendam hypothecam, sed aget recte ad cautionem interponendam, si conditio extiterit nec pecunia soluta fuerit, hypothecam restituit quæ in rerum natura fuerit. ergo ante diem huic cautioni locus est in actione hypothecaria. Sed hoc ideo, quia debitum erat præsens, & ideo intererat creditoris securum eum fieri de causa hypothecaria: nam si debitum conditionale fuerit, interim nullo modo agi potest, nec ad cautionem interponendam, quia stricta est actio. Diximus, *in omnibus iudiciis bonæ fidei*, siue specialia sint, siue generalia, siue sui origine sint bonæ fidei, siue fiant postea opposita exceptione, vel replicatione doli mali, cum dies pecuniæ soluendæ nondum venit, creditorem male agere ad pecuniam soluendam, & incidere in periculum plus petitionis: agentem vero ante diem ad cautionem interponendam, ad soluendam pecuniam, cum dies venerit aut conditio extiterit, audiri ex iusta causa, & condemnationem fieri: Contra in nullis iudiciis strictis creditorem in diem, vel in conditionem agere ante diem: nec agere igitur ad pecuniam, nec etiam ad cautionem interponendam, siue iudicia sint arbitraria, siue non. actiones arbitrarie esse strictas: namque in eis arbitrium non esse latissimum, sicuti & in actionibus bonæ fidei. Et multa discrimina proposuimus inter bonæ fidei actiones, & arbitrarie, & strictas. Sciendum nunc est, in strictis iudiciis agi ante diem de cautione interponenda, de soluenda pecunia, vel re integra præstanda. Habuimus vnum casum ex *l. grege §. pen. de pign.* Alter est, si agatur de legato, vel fideicommissio, vel etiam hereditate directa, quod vulgo additur: Nam etsi strictæ sint actiones legatorum aut fideicommissi. tamen pleraque mutantur ex iudiciis bonæ fidei, & inter cetera hoc, ut ante diem cautio exigatur legati relictæ in diem aut fideicommissi, idque nominatim est proditum in tit. *ut leg. nomine cau.* Est igitur cautio prætorie: Nam edicto prætoris interponi iubetur. cautio iudicialis est, quæ sine edicto, ex mero officio iudicis profisciscitur, *l. 5. de verb. obligat.* Et in bonæ fidei iudiciis cautio ad quam agitur ante diem, est cautio iudicialis: interponitur enim mero iudicis officio, nec vlllo edicto interponi iubetur cautio legatorum vel fideicommissi. & ita in *l. quod si in diem 16.*



de pet. hered. debitor in diem iubetur cauere officio iudicis, quia petitio hereditatis est actio bonæ fidei. Et hæc l. 41. nihil pertinet ad titulum de iudic. nisi eam interpretemur. ex iusta causa damnatio fit, id est, officio iudicis debitor cauere iubetur, alioquin non pertinet ad hunc titulum: hic titulus est de officio iud. Quid est iudicium in hoc titulo? Est officium iudicis, & ita Theoph. in §. quidam, de act. volens citare titulum de officio iud. citat titulum de iudicis, qui est in 4. Instit. quoniam idem est iudicium & officium iudicis. Et notandum etiam, hanc eandem cautionem interponi nomine hereditatis, non tantum fideicommissariæ, sed & directæ: & non tantum substitutionis fideicommissariæ, sed & substitutionis directæ ex edicto prætoris. Ita ad titulum. ut leg. num. cau. recte adicias, & hereditatum nomine. hereditatum quoque directarum nomine, l. inter, qui satisd. cog. l. 8. de præst. stipulat. quod procedit in hac specie. Finge: heres institutus est sub conditione, & ei datus est substitutus sub contraria conditione. heres institutus pendente conditione non potest adire hereditatem, sed bonorum possessionem secundum tabul. petere, quæ tamen sine re efficietur, si deficiat conditio, & substituto pateat aditus ad hereditatem. Cæterum interim petetur bonorum possessio sec. tab. & substituto, siquidem hoc desiderabit, cogetur heres scriptus cauere ex edicto Prætoris de præst. hereditate, in quam ipse est ingressus beneficio possess. bonorum sec. tab. si substitutionis conditio extiterit, & dolum malum abfuturum, interim institutum tamen non dissipaturum bona hereditaria. atque ita cernimus edictum, ut leg. nomine caueatur, pertinere etiam ad hereditates directas. Habent etiam hæc actiones legatorum & fideicommissorum, ergo, & hereditatum commune hoc cum bonæ fidei, ut ex mora debeantur vsuræ, quæ non debentur in aliis strictis, l. 3. C. in quib. caus. rest. in integrum non est necessaria, & tit. C. de vsuris leg. quod quidem fauor conseruandæ voluntatis vltimæ extorsit. Cur repetit vsuras ex mora & ante diem cautionem legatarius? ut conseruetur voluntas defuncti. Et similiter fauor dotis efficit, ut stipulatio dotis, quæ tamen stricta est, pleraque habeat ex bonæ fidei iudicis: nam & in ea stipulatione vsuræ debentur ex mora biennij, l. ult. §. præterea, C. de iur. dot. quæ tamen non veniunt in aliis negotiis strictis. Itemque stipulatio dotis ipso iure nulla est, si dolum malum causa dederit, l. si mulier §. si dos, ff. quod met. cau. quod obtinet generaliter in omnibus bonæ fidei contractibus. Vnde statuamus: dolum vel metus dans causam contractui bonæ fidei, ut stipulationi dotis, vitiat contractum ipso iure: alias contractum stricti iuris non vitiat, sed necesse est, eum rescindi instituta actione doli mali, quam non est necesse institui, si est contractus bonæ fidei, cui inest actio de dolo, stricto non item. Paulatim crescit ius, atque ita stipulatio dotis paulatim hunc fauorem accepit, ut hodie in omnibus & per omnia facta sit bonæ fidei ex constit. Iustin. quæ antea quædam tantum communia habebat cum actionibus bonæ fidei. Differentia igitur fuit in plerisque. non potest esse commune quid inter hanc & illam rem, quæ non habeat etiam inter se differens aliquid, sicut non potest esse inter duas res differentia, nisi inter eas aliqua sit communitas. Postremo etiam est vnus casus, quo creditor in diem, vel sub conditione, cui debetur aliquid stricto iudicio, possit ante diem agere ad cautionem interponendam, videlicet si postulatur separatio bonorum, l. 4. de separ. Sciendum est adita hereditate confundi defuncti bona & bona heredis, etiam si non re ipsa, saltem iure ipso: quinimo desinit esse hereditas, quæ adita est, & incipit esse proprium patrimonium heredis: hereditas obueniens auget patrimonium heredis: & consequenter creditores defuncti & creditores heredis commiscuntur, quia heres omnibus ex æquo respondere cogitur, quia vnius personæ vnum tantum est

A patrimonium, eademque obligationes tam actiue quam passiuæ. Hoc ita se habet: sed decreto Prætoris, non iure, postulantibus creditoribus defuncti, separantur bona defuncti à bonis heredis: separantur creditores hereditarij ab heredis creditoribus, & creditores hereditarij mittuntur in bonorum possessionem defuncti, non contra, quod perquam vtile est creditoribus defuncti. nam finge: heredis modicæ sunt facultates, defuncti hereditas satis ampla est, & sufficit creditoribus hereditariis, quæ non sufficeret, si miscerentur creditoribus heredis, id est, si simul creditores heredis venirent in bona defuncti. Quamobrem maxime interest creditorum hereditariorum separari bona: & in postulanda separatione à prætore, an admittuntur etiam creditores in diem, quibus nondum debetur? Sic videtur, quia ut ait d. l. 4. & communi cautione eis consulatur. Communis cautio dicitur, non quasi sit prætorica & iudicialis, id est, quod & edicto prætoris interponatur, & officio iudicis; sed communis dicitur quia vulgaris, quæ in hac causa omnibus creditoribus præstatur de soluenda sua pecunia suo die, l. filiusfam. 114. §. idem, in princ. de leg. 1. Et verò si postuletur separatio bonorum & creditorum, in hac recensioe creditorum, & separatione quam fecerint, creditores in diem vel sub conditione recte desiderabunt sibi caueri: quandoquidem recipiuntur in numerum creditorum, sicut ij, quibus pure debetur. Nam ut & de puro debito exigitur cautio propter moram iudiciorum, sic ex legatis puris etiam exigitur cautio, l. etiam, ut leg. nom. quanquam potissimum sit comparata eorum nomine quæ debentur in diem, vel sub condit. nihil vetat tamen de eo exigi, quod debetur pure, quia exercitio iudicij nonnullas moras habet. Postremo notandū est, nihil ad h. l. 4. pertinere pleraque leges, quas adducit Accurs. ut l. 2. de euict. l. prætor, de damno inf. l. si pec. §. si quis, de condit. cum d. l. si cum except. §. quatenus, quod met. cau. l. si à bonæ fidei cum seq. de rei vind. l. 1. si cui plusq. per leg. Falc. l. 2. C. de her. vend. nō debuit has Accurs. huic permiscere. Primū enim in l. 2. de euict. non agitur ad caut. interponendam. Sent. leg. hæc est: Si venditor non promiserit duplū euictionis nomine, & eo nomine agatur, reū dupli condemnandū esse. Quid est eo loco agatur? an significat agi ad cautionem duplę interponendam, quāquā fateor agi posse: sed hoc agit, si dupla nō sit promissa: & eo nomine agatur, id est, propter euictionē factā dupli damnandus est reus actione ex empto, in qua inest quidquid moris est cauere, licet cautū non sit: ergo & stipulatio duplę, & inde agi potest in duplū, ac si stipulatio intercessisset, & ita accipiendal. finolit 31. §. quia assid. de ad. edi. Ergo nō agitur in l. 2. ad cautionē duplę, sed ad duplū, & si de ea ageretur, nihil pertineret ad hanc l. Nā hæc lex est de alio genere cautionis: nihil etiam lex prætor, de dam. infec. quoniā nō loquitur de cautione, qua cauit debitor de soluenda pecunia sua die, de qua est hæc lex, sed de cautione damni infecti, quod vicinus, cuius ædes sunt ruinosę, suo vicino cauet, nō de credito, non de chirographo, quod vicinus vicino debet. Nam chirographū dicitur cautio quælibet, etiā liberatoria, apocha, acceptilatio, & ut cautionem caueri dicunt, ita etiam chirographum caueri, quod quidam nimis temere tollunt in l. si v. certo §. §. denique ait, commod. vbi est scriptum, in eo chirographum debitorem tuum cauere feceris, emendant chirographo. item in l. 89. de solut. vbi ait, ex chirographis cantis, & ex chirographis qua debitor cauit. Nihil etiam pertinet ad hanc l. si pec. §. si quis, quia non est etiam de soluendæ pecuniæ cautione, sed de cautione restituendi serui, qui est in fuga: non est de debitore in diem, ut ante diem caueat de soluendo debito. Species est: Dedi tibi 10. ut emeris seruum. emisisti, & fugit priusquam eum mihi restitueres, sine dolo malo, aut culpa tua. an teneris mihi in 10. quod non possis restituere seruum? Minime: namq; liberaberis, si caueris de restituendo seruo, si quando in potestatem tuam peruenerit, quod lon-



ge aliud est genus cautionis quam de qua agit Papin. in A  
 h. l. Nihil pertinet etiam d. §. quatenus, nec l. si à bona fid.  
 & seq. de rei vindic. Nam non loquuntur etiam de hoc  
 genere obligationis, id est, de soluenda pecunia sua die,  
 sed loquuntur de cautione, quam domino cauet possessor  
 rei, si eius rei restituendæ facultatem non habeat, ut cum  
 homo petitus fugit: Nam hoc casu possessor malæ fidei,  
 de persequendo suis sumptibus, & de restituendo eo ho-  
 mine, qui se contulit in fugam tenetur. bonæ fidei posses-  
 sor de restituenda re tantum cauet; depositarius vero nul-  
 lo modo, id est, si depositarius rem amiserit sine dolo ma-  
 lo (quem solum præstat) non cogitur cauere, nec de ea  
 re restituenda, nec de ea re persequenda: sed si iterum in  
 suam potestatem peruenerit, iterum agi potest. interim  
 non oneratur cautione, quia beneficium dedit: nec est æ-  
 quum, qui beneficium dedit, ut oneretur cautione, arg.  
 l. Lucius, deposi. Sunt igitur leges, quæ cauent de resti-  
 tuendo, de prosequendo, requiringdo: sunt quæ de re-  
 quiringdo tantum: sunt quæ neque de hoc, neque de illo.  
 Cæterum aliæ sunt, de quibus agit Papin. hoc loco. Nec  
 huc refertur recte l. 2. de hered. vend. quæ est de cautio-  
 ne, quam emptor hereditarius venditori cauet hoc mo-  
 do: *quantam pecuniam venditor hereditario nomine dede-  
 rit, soluerit, præstiterit, tantam recte præstari*; quia scili-  
 cet ad venditoris hereditatem creditores hereditatis eunt,  
 non ad emptorem: & ideo æquum est, cum indemnem  
 præstari ab emptore, si quid præstiterit creditoribus he-  
 reditariis. Postremo nihil etiam pertinet l. 1. ff. si cuius plus  
 quam per l. Falc. quæ est de cautione, quam legatarius  
 heredi præstat in accipiendo legato, quod nondum cer-  
 tum est an subitum sit deminutionem, siue rescissio-  
 nem Falc. legis. Cauet enim hoc modo, nec aliter præ-  
 statur legatum, *quod amplius legati nomine, quam per  
 legem Falcid. licuerit capere, quanti ea res erit, tantum  
 recte præstari heredi*. Soluit dubius. Hæc sunt, quæ ad  
 hanc l. annotare libuit. Etiam hoc annotare velim, so-  
 luto matrimonio non statim esse reddendam dotem, quæ  
 numero, pondere, mensura contineatur, sed annua, bi-  
 ma, trima die, hoc est, tribus pensionibus, & hodie vna  
 pensione annua ex Constit. Iustin. Deberi igitur dotem  
 in diem annuam, bimam, trimam: sed si interim, ante-  
 quam exierit dies nequitie suspectus maritus fiat, mulier  
 recte agat ad interponendam satisfactionem de reddenda  
 suis diebus dote. non potest ante diem agere ad dotem  
 recipiendam, sed ex iusta causa audietur, si agat ad cau-  
 tionem interponendam: quam si non præstiterit maritus,  
 confestim dotem reddere cogitur deducto interufurio,  
 hoc est, commodo medij temporis: Nam usura & fru-  
 ctus, quæ, quæ obueniunt interim, ad maritum per-  
 tinent, non minus, ac si constaret matrimonium, atque  
 ita si cogitur statim reddere, deducendum interufurium,  
 l. si constante §. quotiens, sol. matr. Et obseruandum Pa-  
 pinianum in hoc libro 11. tractasse quoque de dotibus.  
 Vnde conicio, idem scripsisse Papin. hoc libro de dote  
 reddenda, aut satisfactione præstanda, quod est proditum  
 in d. §. quoties, & id quod scripserat de dote reddenda,  
 aut satisfactione interponenda, generaliter scripsit & de-  
 finiuit d. l. 41. in omnibus bonæ fidei iudiciis, non tan-  
 tum in iudicio dotis, sed & de cæteris omnibus, cum  
 nondum dies pecuniæ venit, si agatur ad cautionem in-  
 terponendam: atque ita, quod scripserat de iudicio  
 dotis, protulit ad iudicia omnia bonæ fidei. Definitio  
 igitur est valde notanda: nam ea non seruatur in iudiciis  
 strictis, neque etiam in iudiciis bonæ fidei temere ea  
 cautio interponitur, sed causa cognita officio iudicis,  
 ut si maritus uiuat luxuriose, remque suam & alienam  
 disperdat, ante diem reddendæ dotis compelletur satis-  
 dare. Nunc pergamus ad reliquas leges.

Ad l. ult. de cond. sine causa.

Auunculo nuptura, pecuniam in dotem dedit, neque nup-  
 sit. an eandem repetere possit, quaesitum est? dixi cum ob-  
 turpem causam dantis, & accipientis pecunia numeretur,  
 cessare condictionem, & in delicto pari potiore esse posses-  
 sorem: quam rationem forsassis aliquem sequutum respon-  
 dere, non habituram mulierem condictionem. sed recte de-  
 fendi, non tam turpem causam in proposito, quam nullam  
 fuisse, cum pecunia, quæ daretur, in dotem conuertere ne-  
 quiret: non enim stupri, sed matrimonij gratia dotem esse.

§. 1. ¶ Nonerca priuigno, nurus socero pecuniam dotis  
 nomine dedit, neque nupsit: cessare conditio prima facie  
 videtur, quoniam iure gentium incestum committitur.  
 Atquin vel magis ea in specie nulla causa dotis danda fuit.  
 conditio igitur competit.

Hæc lex refertur ad dotis causam, quod satis patet.  
 Quæstio est: sororis filia, quæ nuptura est auuncu-  
 lo, ei pecuniam dedit, quasi in dotem: nuptiæ secutæ  
 non sunt, quæ nec iure sequi possunt: queritur, an so-  
 roris filia possit eam pecuniam condicere quasi datam ob-  
 causam? Quæstio est aperta satis. Sed obseruandum  
 quæstionem formari de sororis filia & auunculo, inter  
 quos sunt nuptiæ illicitæ, non de patruo & fratris filia;  
 non abs re. Nam nusquam inuenies in iure prohibitas  
 esse nuptias inter patruum, & fratris filiam. Illicitæ sunt  
 inter auunculum & sororis filiam, ut in l. ista, & in l. qui  
 in provincia, de rit. nupt. De auunculo sit mentio, qui  
 duxerat sororis filiam, non de patruo, & proponitur in  
 ea lege elegans rescriptum principis, quo confirmatur  
 status liberorum ex iustis nuptiis procreatorum. Neces-  
 saria est confirmatio. si iniustæ sint nuptiæ, sunt iniusti  
 liberi: sed princeps cum auunculus duxisset sororis fi-  
 liam, confirmauit statum liberorum: matrimonium non  
 confirmat, nam ut noster Papin. ait in l. si adulter §. in-  
 ceste, ad leg. Iul. de adult. incestæ nuptiæ non solent con-  
 firmari. igitur non confirmauit nuptias, sed liberos fe-  
 cit legitimos. an temere? Minime, quatuor ductus ra-  
 tionibus: motus fuit diuturnitate temporis, & ignora-  
 tione mulieris: quæ scilicet ignara iuris in matrimonio  
 fuerat; tertio, quod ipsa non cum sibi virum optauerat,  
 sed fuerat collocata ab auia sua, quarto, numero libero-  
 rum. Hæc omnia, inquit, si concurrant, statum libero-  
 rum confirmant. qui locus est notandus, sed ut initio  
 dixi, de auunculo loquitur, l. sororis l. etiamsi conc. de  
 ritu nupt. Sororis filiam ducere non licet, ergo nec neptē;  
 nec proneptem. quoniam sunt filiarum loco: nec enim  
 concubinato licet has personas habere. nihil dicit de  
 fratris filia: nam verum est, licuisse fratris filiam vxor-  
 em ducere ex Senatusconsulto, ut est apud Cornelium  
 Tacitum libro vndecimo, sed non licuit ducere sororis  
 filiam: & Xiphilinus ait, Neruam vetuisse, ne quis du-  
 ceret τὴν ἀδελφίδην. intelligit sororis filiam. Cur vero  
 has prohibuit, non illas? non est querenda ratio, nam  
 hæc pendet ex iure posititio. Ius posititium dicitur ad  
 differentiam iuris naturalis, quod est authenticum, nu-  
 ptia quæ non sunt nominatim prohibitæ, permissæ intel-  
 liguntur: at non sunt nominatim prohibitæ cum fratris  
 filia, igitur permissæ sunt. Non ergo abs re est, quod  
 proponit, sororis filiam auunculo nupturam pecuniam  
 in dotem dedisse. vnde queritur, an possit condicere pe-  
 cuniam nuptiis non secutis? Et videtur prima facie non  
 posse. alij prima fronte, alij prima ratione, κατὰ πρῶτην  
 ὁψιν, ἢ πρῶτον λόγον, l. 2. §. sed etsi, de hereditate vendit.  
 l. 1. de auctorit. tutor. l. virum, de petit. heredit. Cuiusque  
 rei veræ duæ sunt rationes, prima & secunda, & secunda  
 potior semper: prima ratio, quæ efficit, ut non vi-  
 deatur competere conditio, quia ea cessat, siue so-  
 lius accipientis turpitudine, siue turpitudine vtriusque



versetur, vt in hac specie, l. 3. & 4. *penult. de condit. ob turp. causam*, quia etiam si vtriusque turpitudine versetur in pari delicto, melior est causa possessoris, durior petitoris, quæ regula latissime patet, siue quærat de lucro, siue de damno: nam in eo, quod petitor, aut possessor lucri aut damni facturus est, durior est causa petitoris, id est, lucrum pertinet ad possessorem, damnum ad petitem, cuius rei innumera licet exempla ex iure proferre: contenti erimus his, quæ sequuntur, vt in §. *restituenda, Instit. de interd. l. 1. de cond. indeb. l. si seruus §. sequitur, de verbor. oblig. Paulus 1. Sent. l. pen. de Salu. interd. Theoph. §. aque, de actionib.* Fortuna pro possessore sententiam dat, si par sit causa eius, qui petit, & eius vnde petitur, nec recte condicit quis ei, qui accepit turpiter, si & is, qui dedit, turpiter dedit, non agit interdicto de opere illicite facto in loco publico, quod & ipse idem fecit, l. 2. §. *idem ait, ne quid in loco publ.* Et possessoris in iure semper melior causa est. Sic semper melior est causa rei. reus non damnatur absens, accusator damnatur, qui litem fecit, l. *absentem, de pen.* Accusatori dantur duæ dilationes, reo tres, l. *ult. de feriis*: Sic olim reo tres horæ dabantur ad causam peragendam, actori duæ: ac præterea, si pares sunt sententiæ iudicum, causam accusator non profert, sed absoluitur reus, in causis criminalibus actor cogitur edere reo rationes, non reus actori, l. *ult. C. de eden.* Reus potest vti variis & diuersis exceptionibus, actor non pluribus actionibus, sed eligere debet, qua velit vti, aut protestari debet, quod ex vna non potest consequi, se ex altera velle prosequi, l. 1. §. *quia autem, quor. legat. l. 43. de regul. iuris.* Ergo secundum primam rationem, sororis filia, quæ quasi in dotem pecuniam dedit auunculo, nuptiis non secutis, eam condicere non debet, quia turpiter dedit, & auunculus turpiter accepit. melior est igitur causa possidentis. Papin. hic animaduertit, conditionem dandam esse filię sororis, quia in proposita specie non fuit turpis causa potius, quam nulla, id est, potius fuit nulla causa dandi, quam turpis causa, quandoquidem ea pecunia non potuit conuertri in dotem, quod nuptiæ non consistant, & dabatur pecunia, non ad stuprum, sed ad nuptias nomine dotis. Quid est dos: res vel pecunia quæ datur viro matrimonij nomine. non fuit igitur data ob turpem causam, sed plane ob nullam, ideoque dabitur conditio sine causa, quia sine causa eam dedit: nec distinguo, an mulier ignorauerit nuptias fuisse illicitas, nec ne. Nam vtroque casu idem dicendum, conditionem dari, etiam si scierit. §. *ult.* indicat etiam scienti: aut ei, qui scire debuit. cum priuigno, id est, qui fuit priuignus. nouerca scire debuit, non esse inter eos nuptias, quia est iuris gentium, quod nemo potest ignorare. Ergo scisse videtur cum priuigno non esse nuptias: nihilominus tamen conditio datur. Sed non scire debuit in nostro casu, quod cum auunculo sint illicitæ nuptiæ, quod est iuris ciuili, l. *si adulterium, ad leg. Iul. de adult.* Et dari conditionem intelligendum, si non nupserit priuigno, vel focero, vel auunculo. Nam si nupserit, dos est caduca: & quod factum est caducum semel, nunquam repetitur. dos sit caduca, nec reuocatur, etiam si postea nuptiæ confirmantur, l. *incesta, l. dote, de ritu nupt. l. 4. C. de incest. nupt.* nisi errore acerrimo, vt ait d. l. 4. decepti sint. Nam si errore acerrimo decepti sint, & errore comperto, confessim diremerint matrimonium, dos non fiet caduca: & si præses prouinciæ, in sua prouincia vxorem duxerit, dos non fit caduca, l. *si quis officium §. veterem, de ritu nupt.* Ergo generaliter, siue quis eam duxerit, cum qua non sunt licitæ nuptiæ iure ciuili, siue eam cum qua non sint licitæ iure gentium, dos sit caduca. Obiiceret quis, minorem duodecim annis pupillam. Hæc si nupserit ante pubertatem, dos non fit caduca, & condicitur, si post pubertatem nuptiis non consenserit. similiter si ancilla nupserit libero homini, & dotem dederit, dos non fiet caduca, sed condicetur à domino ancillæ, vel ab eo qui pro ea dotem dederit, nisi ea libera facta nuptiæ sequ-

te sint, l. *qui seruus, de condit. causa dat. Gellius libro 4. capite 3. & 4. l. 59. §. ult. de iure dot.* Iustæ non sunt nuptiæ cum ancilla, cum minore duodecim annis, fateor: Cur ergo dos non fit caduca? quia non sunt illicitæ nuptiæ. fateor non esse iustas & solemnes: nego esse illicitas coniunctiones, & contubernia, & quasi nuptiæ. si essent illicitæ, non confirmarentur manumissione. Illicitum aliud est, quam iniustum, in titulo *de iustitia & iure.* Et similis est species in §. *ult.* Nouerca priuigno dotem dedit quasi nuptura, neque nupsit; nurus, hoc est, quæ fuit nurus, dotem dedit focero quasi ei nuptura, neque nupsit, ei dabitur conditio, quæ prima facie videbatur cessare, *hoc casu*, inquit, *vel magis, &c.* Cur? quia scilicet magis est nulla causa dandæ dotis, propterea quod magis sunt prohibitæ nuptiæ inter has personas. Sunt namque prohibitæ duplici iure, iure gentium, & ciuili: cum auunculo non committitur incestus iure gentium, sed iure ciuili tantum: nam harum nuptiarum permissio modo approbata est à principibus, modo improbata, d. l. *adulterium §. 1.* stuprum comprehendit & incestum iure ciuili: ideoque excusatur ignorantia pupillæ, quia potuit ignorare ius ciuile. non excusatur, si priuigno, quia non licet ignorare ius gentium, atque ideo nulla fuit causa dandæ dotis.

#### Ad l. 39. sol. matr.

*Viro atque uxore mores inuicem accusantibus, causam repudij dedisse vtrumque pronuntiatum est. Id ita accipi debet, vt ea lege quam ambo contempserunt, neuter vindicetur: paria enim delicta mutua pensatione dissoluantur.*

**H**Æc lex est de actione de moribus, quæ olim diuortio facto erat inter virum & vxorem. hodie sublata est: qua de re Tertullianus queritur, quod sublata sint magistri morum, hoc est, censores. Locus hic postulat, vt de ea copiose disseramus ex Digestis. Diuortio facto inter virum & vxorem erat actio de moribus, vel actio iniusti repudij agente vtroque, vel altero eorum *propter uxoris inuicem*, à Rhetoribus actio iniusti repudij dicitur malæ tractationis. Pars videtur fuisse actionis rei vxoriæ, maxime agente muliere, & viro agente proprie erat actio de moribus. In hac actione quæritur, cuius mores diuortio causam dederint, quis diuortij causam dedisse videatur. Et est actio ciuilis, non criminalis, quanquam dicatur accusatio hoc loco, & in l. *cum mulier 47. hoc tit.* Sed non est nouum, vt actio ciuilis vocetur accusatio, si vindictæ solius persecutionem contineat, non pecuniæ, non rei familiaris, vt actio ingrati, quæ iure nostro datur duobus casibus tantum, si ingratus fuerit libertus erga patronum, & si donatarius aduersus donatorem. Dicitur hæc actio accusatio, quia arguit malos mores, & vindictæ persecutionem continet. Qui agit actione ingrati, agit causam doloris, nec de pecunia amissa queritur magis, quam de beneficio male collocato: agit de moribus ingrati hominis. & similiter actio suspecti tutoris, accusatio dicitur: actio inofficiosi testamenti, accusatio dicitur: nam arguit testatoris impietatem, ingratitudinem, inhumanitatem. Accusatio etiam dicitur habere persecutionem vindictæ, licet res sequatur eum, qui obtinuerit, l. 1. §. *sed si puta, inf. si quid in fraud. patr.* Eadem ratione actionem iniuriarum esse accusationem, quæ dolorem mitigat eius, cui facta est iniuria: quanquam sequatur pecuniaria condemnatio, sed huc non spectat. Quæ de causâ hæc omnes actiones, quæ vindictæ persecutionem habent magis, quam pecuniæ, non dantur in heredem, quia nulla pœnalis datur in heredem, licet sit pecuniaria: sed nec dantur heredi, quia vindictæ persecutionem habent. Indignatio est coniugis, non heredis: qua de causâ actio inofficiosi testamenti non datur heredi. Datur tan-



tum exheredato, cui iniuria facta est. Actio pœnalis, quæ persequitur rem, datur heredi, vt actio furti, non in heredem, vt puniatur, qui nihil deliquit, & actio, quæ vindictam solam spectat, nec heredi datur, l. 1. C. Theod. de dotib. l. rei indic. §. 1. hoc tit. heres, inquit, *morum coercionem non habet*, id est, non agit de moribus adversus uxorem defuncti. Hac actione autem de moribus puniuntur tam grauiiores mores, quam leuiiores. grauiiores, qui & maiores. leuiiores, qui & minores dicuntur. Et grauiiores mores vocabant adulteria tantum, leuiiores, reliquos omnes prauos mores, quos indicat Vlpian, in tit. de dot. Et aliter puniuntur mores mulieris, aliter mores viri. Mores mulieris grauiiores sunt, vt adulterium siue probum. Probum in iure accipitur pro adulterio, l. probum, de verb. signif. quæ est referenda ad leg. Jul. de adul. sicut furtum est crimen iure gentium, sic & adulterium. Grauiiores, inquam, puniuntur retentione, vel petitione sextæ partis dotis, leuiiores octauæ partis dotis. Ergo ob adulterium non amittebat dotem totam, sed partem tantum, id est, sextam. Quod & indicat lex cum mulier, hoc tit. cum mulier lenocinio mariti adulterata est, maritus nihil ex dote retinet. ergo alias retinet ex dote, non dotem. propter adulterium, non est retentio dotis totius, sed partis tantum. Et ideo in l. miles §. si focer, de adult. focerum, qui accepit dotem nuru deprehensa, retinere vel petere lucrum ex dote: non dicit dotem, sed ex dote. Horatius tamen deprehensam in adulterio doti metueret dixit, &c. Plinius, eam, quæ vinum bibisset, dote mulctatam, quod id haberetur instar probri, siue adulterij, quæ secundum ius non possunt accipi, nisi de parte dotis. Cato in oratione de dote, vt est apud Gellum: si quid peruerse, vel tetre factum esset à muliere, mulctari mulierem, si vinum biberit, si cum alieno viro probri quid fecerit, condemnari: condemnari igitur in partem dotis tantum. Et ita in l. 38. hoc tit. mulierem, cuius culpa diuortium factum est, ob adulterium mulctari: mulctari igitur parte dotis. Nam non inuenio, ne ob mores quidem grauiiores, dote tota mulctari, nisi ex pacto, vel nisi extra ordinem motu iudicis. Possunt ergo mulctari dote solida, vel motu iudicis, vel pacto conuento. Videamus, quemadmodum coercentur mores mariti. Grauiiores etiam coercentur aliter, quam leuiiores. Et sciendum est, duo esse genera dotium. Alia est dos, quæ redditur annua, bima, trima die, si constat numero, pondere, mensura: dos alia, quæ præsentis die. Dos, quæ consistit in corporibus, in rebus mobilibus, vel immobilibus redditur præsentis die, quia earum rerum redditio non est difficilis: sed si fuerit pecunia est difficilis. Actio rei vxoriæ est bonæ fidei, ob id indulgetur annua, bima, trima die: redditur hodie annua tantum. In ea dote, quæ reddenda est annua, bima, trima die, grauiiores mores mariti ita puniuntur, si cum aliena muliere fuerit, vt eam dotem reddat præsentis die, leuiiores, vt eam reddat intra sex menses. In ea vero dote, quæ reddenda est statim, mores ita puniuntur, vt tantum reddat ex fructibus prædij dotalis, quantum ex eo quadriennio redigitur, quamuis percepti fuerint manente matrimonio, quod Vlpianus in fragmentis explicat in tit. de dot. Est igitur hæc actio pœnalis & ciuilis: regulariter actio ciuilis non consumit pœnalem. Nam & si quis sit victus ciuilitate, potest postea agere criminaliter, in tit. quando ciuilis actio crimin. preiudic. Excipitur actio ciuilis, quæ habet vindictam & persequutionem: vt actio iniuriarum consumit criminalem, quia idem persequimur criminali, quod ciuili, nempe vindictam publicam tantum. qui cecidit ergo ciuili, non potest intendere criminalem, l. prætor, 7. §. si dicatur, de iniur. Eiusdem generis est actio de moribus: hac actione victus non potest mulierem accusare adulterij, quia pronuntiatum est, eum non habere vindictam grauiorum morum, aut innocentem esse mulierem, nec

A probum vllum fecisse, quod ostenditur l. 1. C. Theod. vic. ciuili. crim. agi posse, titulus est regula iuris, sed lex excipit actionem de moribus. Ab ea regula etiam illud notandum est, in contrahendo matrimonio, vel in dote danda, aut amplianda non valere conuentionem ita factam, ne quandoque de moribus agatur. Est turpis conuentio: vel si conuenerit, vt plus aut minus exigatur propter mores, non est honesta conuentio, quia publica legum coercitio priuata pactio tolli non potest, l. 9. de pact. dot. & in Noricis Pandect. & in aliis Flor. nescio quomodo fuerit sublatum. propter ius nouum, quo sublata est actio de moribus: sed hodie hoc est planum, conueniri non posse ab initio contrahendi matrimonij, aut dotis, ne agatur de moribus: nam post diuortium valet conuentio. cum iam nata est actio de moribus, licet eam mihi remittere, l. 20. de pact. dotal. vbi fuit simile flagitium, quod extat hodie in omnibus Pandectis. In ea l. 20. scriptum est, ob res donatas, vel ob amotas, vel ob impensas, ne quid retineatur ex dote: erat enim retentio propter has causas. pactio interposita valet post diuortium. Verum ex Basilic. addendum est, ob mores, vel ob res donatas, vel amotas, vel ob impensas pactio valet post diuortium. Ita, si in contrahenda societate, vel mandato, vel constituendo procuratore conuenit, ne furti agatur, conuentio est contra bonos mores: valet tamen, postquam furtum factum est, l. si vnus §. pacta, de pact. nec post furtum admissum turpis est conuentio: ante est turpissima. De actione de moribus illud etiam est notandum, quod ait Senatusconsultum, ei posse obijci compensationem lenocinij: hoc est verum: non recte agit de moribus, qui ipse lenocinium vxori præbuit. Et ita species proponitur. Diuortio facto mutuo egisse de moribus virum & vxorem, viro dicente diuortij causam dedisse vxorem, & contra vxor affirmabat idem de viro. Iudex pronuntiauit: causam utrumque diuortij dedisse videri, quod notandum. Cum autem ita pronuntiauit iudex, quid significatur his verbis? Compensationi locum esse. ergo maritum nihil posse retinere ex dote ob adulterium mulieris, cum ille causam adulterij dederit. paria delicta, inquit, mutua compensatione tolluntur, τὰ ἴσα πλημμελήματα ἀντιπολλοῦνται, vt est in Basil. Et similiter in l. cum mulier, hoc tit. ponitur, mulierem adulteratam lenocinio mariti, & ait, eum nihil ex dote retinere: cur enim improbat mores vxoris, quos ipse ante corripuit, aut post probauit? Leno igitur non habet retentionem dotis. an habet petitionem, hoc est, potestne agere de moribus? Minime. hoc subiicit l. cum mulier, ex mente legis, scilicet Iuliæ, hoc esse, vt qui lenocinium probarit, non possit mulierem accusare de moribus. Non oportet accipere hunc locum de actione criminali, sed ciuili: huic legi alioquin obstaret lex 2. §. si publico, de adulter. l. si vxor §. iudex, eodem. in quibus ostenditur, eam, quæ criminaliter accusata est adulterij à marito, non obijcere compensationem lenocinij: allegare quidem lenocinium, sed non, vt fiat compensatio, neque fieri potest, sed vt oneretur maritus. Allegatio lenocinij onerat maritum, sed non exonerat vxorem: quandoque vterque punitur. Non fit igitur compensatio mutui criminis. Mulier, quæ rea accusata est lege Iulia de adulter. non potest maritum accusare lenocinij iudicio publico, sed referre, hoc est, retorquere, quod non est accusare: quæ res onerat maritum, nam efficit, vt damnetur etiam sine accusatore: quod non est nouum, sed non excusat etiam mulierem. Et eleganter nostri auctores non relatione criminis, non recriminatione criminis, sed innocentia purgari reum, ἀπολογισμοὶ πρὸς τὸν ἐν ἡμετέροις νόμοις διαστικὸν φυλάττω. Id Nazianzenus in epistola quadam refert esse cautum lege iudiciaria. Relatio ergo criminis non liberat, onerat tantum eum, in quo refertur, & potest mulier marito agente criminaliter ex l. Iulia de adulteriis, obijcere non tantum crimen lenocinij, sed & adulterij, si di-



cat & ipsum fuisse cum alia muliere, in *d. l. si uxor §. in dex.* Non ibi dicit Iureconsultus, ea verba esse ex rescripto, sunt tamen ex rescripto Antonini. Sunt innumera rescripta in Pandectis, quorum auctores tamen reticentur. Non solet vir accusari adulterij: quod Theologi probant, & sacrae literae, sed est relatio, hoc est, mulier, quae accusatur impudicitiae, potest & virum impudicitiae redarguere, & eo casu punitur etiam adulterium mariti, & non fit compensatio mutui criminis. Dum non distinguunt interpretes inter has duas actiones de moribus civilem, & legis Iuliae de adulteriis, criminalem, in hoc dissidio pungunt se vehementer. Lex cum mulier admittit accusationem morum: dicta lex secunda non admittit. Et ita dirimenda lis in actione de moribus civili admitti compensationem criminum parium; in actione de moribus criminali non admitti. Et ne videatur haec differentia noua, obseruamus etiam non accusari maritum adulterij, nec à muliere, nec ab alio, *l. 1. C. ad leg. Iul. de adulter.* accusatur tantum de moribus civiliter, & punitur, ut diximus. & similiter heres eius non agit de moribus contra uxorem defuncti. At post mortem mariti mulier potest accusari adulterij, *l. miles §. defuncto, ad leg. Iul. de adulter.* Ita tres sunt differentiae inter actionem, & accusationem civilem de adulterio, & criminalem de adulterio. Possunt haec accommodari ad cetera quamplurima, quae antiquata non sunt. Actio de moribus hodie sublata est tit. *Cod. de repud. & iudicio de moribus*: constat etiam sublata retentionem ex dote, quae competebat viro ob malos mores mulieris tam grauiore, quam leuiore: retineri etiam non dotem totam, sed partem sextam tantum, eaque pars retinebatur, vel agente muliere rei uxoriae: vel de dote, vel petebatur actione de moribus. retentio etiam sublata est, *l. 1. §. taceat, C. de rei uxor. act.* Inductum est aliud ius, nec data impunitas malis moribus. Imo grauius coerciti sunt mores coniugis, qui diuortij causam dedisset: mulier enim, quae causam dedit diuortij, ipso iure amittit dotem totam, amittit etiam (quod obuenire solet mulieri ob donationem propter nuptias) emolumentum, quod ex casu diuortij ad eam pertineret, si mores eius causam dederint, si culpa mulieris factum fuerit diuortium. Sic loquuntur Iureconsul. vbi culpa significat dolum, aut violatam pudicitiam. In illum locum Virgilij *Coniugium vocat: hoc prae texit nomine culpam.* Verbo *iuris*, inquit Donatus, usus est. Et praeterea ob adulterium tantum praestat mulier marito, quantum efficit tertia pars dotis ex Nouel. 122. & 117. Longe igitur grauius hodie coercetur. Sublata poena huius iudicij, vel aucta, vel mutata, & iudicium sublatum est, siue actio de moribus, non quod hodie liceat impune coniugi malos mores habere, male esse morigerum vel morigeram. Ac similiter maritus ob mores malos amittit totam donationem propter nuptias, quae est reciproca, quasi *ἀντιδόνη*: amittit lucra nuptialia & debita ex pacto dotali: solent enim esse paria, quantumque defertur lucra marito ex pacto dotis, tantum mulieri ex donatione propter nuptias, idque ius aequabile postulat. Si igitur cum altera uxore maritus probri quid fecerit, etiam praestat ex bonis suis ultra donationem, quam amittit tantum, quantum efficit tertia pars donationis, propter nuptias, Nouel. 134. Quid vero dicemus, si matrimonium fuerit sine dote, sine donatione propter nuptias, qui casus non erat comprehensus iure veteri, quia nullae erant nuptiae sine dote: ex constitutionibus hoc est, ut possint nuptiae esse sine dote: imo vero olim turpe aestimabatur nubere eam, quae non adfert dotem, nec aestimabatur esse nupta, sed concubina potius aut iniusta uxor. ex constitutionib. hoc casu uterque ob mores malos praestat ei, quem offendit, quemque coegit ad repudium, quadrantem bonorum suorum, si modo quadrans non excedat legitimum modum dotis legis Papiae, *l. 2. C. Theod. de inoffic. do-*

*te.* Et qui modus est dotis, idem est in donationibus propter nuptias. Et videtur ex leg. Papia hic fuisse modus dotis centena millia sestertia, & ita in *l. cum de in rem verso, D. de usur.* dicitur decies centena, hoc est, decies centena millia sestertia nummum. Dicitur Athenagoras dedisse centena millia sestertia. Idem etiam testatur Iuuenal. *Et ritu decies centena dabuntur, Antiquo,* & alibi, *bis centena dedit, &c.* Et Martialis: *centena decies tibi dedit dotis.* Fuit satis magna haec dos: exiguior fuit longe prisca etate, & ut Valer. refert quarto capite: *Quendam Tatiam visa est maximam dotem attulisse, quae dederat decem millia aëris, cent escus.* Et Senatus in gratia Scipionis constituit quadraginta millia. Et ut idem scribit, Megalia mulier obtinuit nomen Dotatæ, quod super alias omnes mulieres ingentem dotem, videlicet quinquaginta millia aëris (*cing cens escus*) habuisset. Nam ut potius legamus 50. paupertas eius seculi indicat. Nota est prisca paupertas, & societas, & sedulitas, cui maxime studebant veteres. Et notandus est etiam locus Iustin. *de iniur.* vbi dicit in §. poena: *Propter os fractum nummarias poenas esse constitutas, ut in magna veterum paupertate.* Et ita etiam in *l. 3. de supellect. leg.* vbi quaeritur, an supellectile legata debeantur vasa argentea. ait, *hodie deberi*: sed olim vasa argentea propter prisca seculi feueritatem, non erant in supellectile. Constat plerosque senatu motos, quod possidebant millia pondo argenti facti vel auri, Plutarchus in Syll. Gellius *l. 2. Valer. lib. 2.* Verum ad rem. Seruatur modus dotis legitimus, non tantum in constituenda dote, sed etiam cum matrimonium fuit sine dote in mulctando eo, eaue, quae diuortio causam dedit. Nam infert ei, quem laesit, quadrantem dotis, vel donationis propter nuptias: non excedit modum dotis centum librae pondo auri. Item hodie certae sunt causae iusti repudij, quae enumerantur in *l. consensu & l. ult. C. de repud.* nec licet alias adiicere. Ante Pandect. Florent. in *l. 7. de bon. damnat.* male legebatur, *exheredari liberos certis causis*, quia ante ius Nouell. non fuerunt certae causae. Olim certae non fuerunt causae repudij. Et notandum, quod ait *d. l. ult.* quod actio de moribus etiam minus olim frequentabatur, quod non est usquequaque verum. Nam hoc ita intelligendum est, minus fuisse frequentatam actionem de moribus agente viro, maxime ob mores grauiore: Nam vnusquisque malebat accusare criminaliter de adulterio, quam civiliter de moribus: qui eligit criminale iudicium, consumit civile. Ita etiam hodie actio furti in duplum vel quadruplum, non frequentatur, quia extra ordinem criminaliter agitur, *l. interdum §. qui furem, de furt.* Hodie omnia iudicia sunt extraordinaria, quanquam, si quis vellet agere ordinarie, liceret, sed minus frequentatur ius legitimum: eligentes autem extraordinaria, ordinariò decidimus, & ita quod hodie non sit actio furti in quadruplum, est ex iure: quod non appelletur, non est ex iure. Et quod hodie à poena appelletur, videtur non esse ex iure, alioqui appellatur à lege. Nam poena irrogatur lege, mulcta extra ordinem: à mulcta licet appellare, à poena non licet; hodie à poena licet appellare, quia non est contra ius, quia omnis poena est extraordinaria, vel arbitraria. Et simili modo, si dixeris, hodie nullum esse imperium merum, omne esse mixtum, etiam ius gladij tacite sequi magistratum. Imperium autem merum nominatim lege deferrebat, vel plenissimum, vel ex parte tantum, ut ius deportandi, non relegandi, vel ius gladij, non adiecto iure deportationis. sed hodie omne imperium est mixtum iurisdictione.

Ad l. 61. soluto mat.

*Dotalem seruum, vir inuita uxore manumisit: heres solus vir à liberto institutus hereditatis portionem, quam ut patronus consequi potuit ac debuit, restituere debet: alteram vero portionem dotis iudicio: si modo uxor manumittenti refragatur.*



**I**Am ad quæst. l. 61. vir non potest alienare fundum dotalem inuita muliere ex l. *Iul. ex constit. Justin. ne volente* quidem muliere: lex vel constitutio loquitur de fundo, & facile trahitur ad domum, vt l. 12. tab. de *usu cap. fundi*, trahitur etiam ad domum: lex, inquam, loquitur de fundo, de prædio, non de seruo dotali. nam maritus quasi dominus constante matrimonio, si sit soluendo, potest manumittere seruum dotalem, vel in testamento, vel inter viuos, & valet libertas etiam inuita muliere, videlicet si maritus fuerit soluendo, si reddenda dotis fuerit idoneus, aut æstimationis dotis: sed si non fuerit soluendo maritus, & manumiserit seruum dotalem, sane si in fraudem creditorum, (videtur autem semper fraus intercessisse, si non est soluendo debitor) non valet ipso iure libertas ex l. *Ælia Sentia*. Sed si non manumiserit in fraudem creditorum, id est, vt ait l. *seruus dotal. de manumiss.* Si alios creditores non habuerit, etiam ipso iure non valet libertas ex l. *Iulia*, quæ vetat manumitti seruum dotalem ab eo, qui soluendo non est. Nam quando maritus soluendo non est, dos statim debetur etiam constante matrimonio, l. *si const. in princip. hoc tit. l. 3. C. de iur. dot. l. 1. & ult. C. de ser. pign. dat. manum.* Nunc finge: maritus, qui erat soluendo constante matrimonio seruum dotalem manumisit, rata est libertas, & habetur pro patrone, l. *in testato §. 2. de suis & legi.* valet etiam si inuita muliere facta fuit. Sed alia in re multum interest, volente an inuita muliere manumiserit. Nam si volente & donante maritus seruum dotalem manumiserit, valet donatio inter virum & uxorem, quia non locupletat maritum. Nam qui acquirit libertum, non videtur locuples fieri: si, inquam, seruum dotalem manumiserit, non tenetur restituere, quod ad eum peruenit ex bonis liberti, siue peruenit iure patronatus, siue alio iure: quod ostenditur in l. *seq. & l. 53.* Quod si inuita muliere manumiserit, valet quidem libertas, sed an restituere debet ea, quæ à liberto ad eum perueniunt? Finge: qui erat soluendo (quæ est species h. l.) seruum dotalem manumisit inuita muliere. libertus eum heredem ex asse instituit. Quæritur, an omnia bona liberti debeat restituere mulieri? Concludit Papinianus, restitui omnia debere, sed diuerso actionis iure. Nam portionem bonorum liberti, quam vt patronus consequi potuit, id est, legitimam debitam patrono, quæ portio fuit semis bonorum, hodie est triens, hanc inquam portionem restituere tenetur vxori, quæ inuita manumisit. Qua actione? Conditione ex l. *Iulia*, quæ dabitur etiam constante matrimonio. In l. 65. hæc actio, id est, conditio ex l. *Iulia*, de qua tractant superiores leges. & ita in l. *filius §. ult. ad l. Corn. de fals.* appellatur. conditio illa ex l. *Iulia* datur etiam constante matrimonio, non est interpretandum de actione mandati, vt alij, aut negotiorum gestorum, aut actione de dote, sed de conditione ex lege *Iulia*. & hoc exemplum addendum est ad tit. de *condict. ex lege*. Aliam vero portionem tenetur restituere vxori actione de dote: ergo soluto matrimonio, non constante: nec enim nascitur actio de dote constante matrimonio, nisi in casu d. l. *constante, in princip.* & in casu legis 1. de *repud.* quia ex dotis causa lucrum illud ad eum peruenit, & quia inuiti nomen est ambiguum: Nam dicitur inuitus, qui contradicit palam: vel inuitus est, qui tacet, qui non consentit palam. nam taciturnitas aliquando imitatur consensum, aliquando dissensum, de qua re non potest certa regula constitui. Papin. in hac lege interpretatur inuitam mulierem, si modo vxor manumittenti refragatur. Ergo in hac lege, inuita est, quæ contradicit palam, alioqui pro consentiente habetur, quod euenit & in aliis casibus, l. 1. C. de *seruo pignori dato*. adhibita l. 1. C. de *remiss.* l. 2. §. *voluntate*, hoc tit. l. *mand. l. 6. C. de nupt.* Non sunt iustæ nuptiæ, quæ fiunt inuito patre, id est, prohibente, contradicente. Nam si taceat, velle videtur, & in l. 7. de *sponsal.* Alias inuitus est, qui non suffragatur, qui tacet, atque ideo taciturni-

Quæst. Papin.

Atas imitatur dissensum, l. *inuitus, de ser. vrb. l. si co iure §. 2. de ritu nupt. l. 1. C. de thesaur. l. 10. & l. filiusfam. §. 9. §. inuitus, de procurat.*

Ad §. Papin. l. 7. solut. matrim.

*Papin. lib. 11. quæstionum, diuortio facto fructus diuidendi ait, non ex die locationis, sed habita ratione præcedentis temporis, quo mulier in matrimonio fuit: neque enim si vindemia tempore fundus in dotem datus sit, eumque vir ex Calend. Nouemb. primis fruendum locauerit, mensis Ianuarij suprema die facto diuortio, retinere virum & vindemia fructus, & eius anni, quo diuortium factum est, quartam partem mercedis, æquum est: alioquin, si coactis vindemijs, altera die diuortium intercedat, fructus integros retinebit. Itaque si sine mensis Ianuarij diuortium fiat, & quatuor mensibus matrimonium steterit, vindemia fructus & quarta portio mercedis instantis anni confundi debebunt, vt ex ea pecunia tertia portio viro relinquatur.*

**E**xplicanda nobis est quæstio l. 7. §. *Papin. sol. matr. de* fructibus fundi dotalis pro ratione diuidendis inter virum & uxorem soluto matrimonio, quæ est quæstio vexata ab omnibus interpretibus tam veteribus quam nouis: & à veteribus sane consultius, quam à nouis: quam incipere necesse est ab hac iuris definitione certissima. Fructus extremi anni, quo diuortium factum est, diuidi inter virum & uxorem pro rata temporis, quo eo anno matrimoniū stetit: vt si eo in anno stetit mensibus quatuor, fructus diuiduntur inter virum & uxorem pro triente & besse, trientem retinet vel petit maritus, bessem repetit vxor iudicio dotis, quod sit quasi augmentum dotalis fundi: & annus incipit modo à die traditi fundi dotalis, modo à die nuptiarum. annus incipit ex die traditi fundi dotalis, non ex die nuptiarum, non ex die promissionis, si traditio secuta sit nuptias, vel conuentionem dotis: hoc enim casu annum non numerabo à die nuptiarum, sed à die traditi fundi dotalis, quando traditus est post nuptias, l. 5. *hoc tit.* In qua sciendum, ne quis erret, πλοκῶν in verbo *constituere dotem*. bis facit mentionem in ea lege constitutæ dotis, sed in priore loco aliud significat constituta dos, in posteriore aliud: Nam in priori loco est dos dicta vel promissa. Et ita etiam videtur scripsisse Vlpianus in d. l. 5. *dotis dicta*, non *constituta*: non constituitur enim verbis, sed re, quia dictio dotis erat sublata. substituit Tribon. dotis constitutionem. posteriori autem loco dos constituta est, cuius possessio traditur, vt interpretatur etiam Vlpianus, dote constituta, id est, tradita possessione, quoniam id ante non eodem significato dixerat. in iure semper constituitur dos traditione rei, non verbis, l. *si socius pro filia, pro soc.* & aliis locis: Si ergo dos sit tradita post nuptias, annus numeratur ex die traditionis: sed si ante nuptias, annus numeratur ex die nuptiarum. Nam fructus ante nuptias ex ea dote percepti augment dotem, & sunt restituendi mulieri, quasi pars dotis soluto matrimonio, l. 6. *hoc tit. l. videamus §. 38. §. ante matrimonium, de usur. l. dotis 2. §. 1. l. si seruo in dotem, de iur. dot.* Et ita annus alias incipit ex die traditi fundi dotalis, alias ex die nuptiarum. Ex die traditionis incipit, si traditio fuit posterior matrimonio. Exempli gratia: si contractæ sunt nuptiæ Cal. Ianuar. & dos tradita est. Cal. Decemb. diuortium autem factum est pridie Cal. Ianuar. vel Cal. Ianuar. Maritus ex fructibus fundi dotalis retinebit tantum pro rata vnius mensis, quia numerando annum à die traditæ dotis, vno tantum mense stetit matrimonium. Et hoc est certissimum. Verum additur exceptio hæc à quibusdam, nisi mo tam fecerit mulier in tradenda dote. Hoc enim casum inquit, ex mora annus computabitur, non ex dote tradita. quam sententiam improbo: quia in strictis iudicijs, neque vsuræ veniunt ex mora, neque fructus: moram

T 4



creat interpellatio, cōuentio creditoris, etiam si fiat extra ius iudicium: hoc est certissimum. Ergo multo magis moram creat litis contestatio: hæc est certior mora, id est, interpellatio iudicialis: sed & illa est mora. Dices, fateor non venire vsuras ex mora in strictis iudiciis, id est, extra interpellationem iudicalem. Dubito an non veniant ex lite contestata: non abs re. Nam fuit hac de re controuersia inter Sabinianos & Proculeianos. Procul. volebant nec venire vsuras, nec fructus ex lite contest. Sabinianorum tamen sententia obtinuit, vt ex lite contestata in strictis iudiciis veniant fructus tantum, non vsuræ, non iure, sed æquitate, vt ait *l. videmus §. si actionem, de vsur. l. 8. de re ind. l. 2. C. de pet. hered.* Et fructus veniunt ex lite contestata, vsuræ non veniunt, quia non ex rebus, quæ in iudicium veniunt percipiuntur: sed ex obligatione ciuili percipiuntur, *l. usura 121. de verb. signific.* Stricto iudicio dos debetur marito veluti ex stipulatione dotis: iure veteri ex dictione dotis, quæ erat solemnis obligatio, & præcipue recepta in dotium causa, & hodie ex pacto nudo, ex pollicitatione, ex quibus causis paratur actio stricta. Ergo in hanc actionem non veniunt fructus vel vsuræ, nisi fructus post litem contestatam. Mulier autem repetit dotem iudicio bonæ fidei, & in iudicio bonæ fidei veniunt fructus etiam sine mora, *l. videamus §. pen. de vsur.* vsuræ non veniunt nisi ex mora. Et hoc omne est retinendum memoria: nam sæpe fallimur, & vsum habet quotidie, atque adeo debent esse nobis in numerato. His addendum est, superiori sententia de diuidendis fructibus pro portione, ita demum locum esse, si diuortium fiat bona gratia: nam si fiat culpa mariti, maritus tantum restituit ex fructibus fundi dotalis, quantum ex eo quadriennio redigitur, quod scripsit *Ulpian. de dotibus.* Non diuiduntur ergo fructus extremi anni, cum retro quadriennij maritus ob culpam eos reddat ob mores. Quod si culpa vxoris fiat diuortium, hodie retinet totam dotem, ergo & fructus dotis. Sed ita demum superiori sententiæ de rata fructuum locus est, si fundus dotalis fuit inæstimatus, qui proprie est dotalis, vt ait Iustinianus in *l. unica §. itaque, C. de rei vxor. act.* Nam si fundus fuit æstimatus, non est proprie dotalis sed emptus. æstimatio est quasi emptio, & quasi emptor maritus fundi æstimati sustinet dispendium, atque compendium & periculum omne. Idcirco fructus ad eum pertinent iure perpetuo etiam post diuortium, & liberatur pretio fundi dotalis, de quo conuenit initio. Itaque quæstio huius *l.* pertinet tantum ad fundum dotalem inæstimatum. Item superiori sententiæ locus est cum hac exceptione, nisi conuenerit inter virum & vxorem, vt extremi anni fructus, nondum percepti mulieris lucro cederent. Namque potestate conuentionis omnes cedunt mulieri, quos non percepit maritus tempore diuortij, *l. pen. de pact. dot.* Item superiori sententiæ locus est diuortio soluto matrimonio. Idemque erit morte mariti soluto matrimonio, quo casu reddenda est dos mulieri cum fructibus pro rata eius temporis, quo stetit matrimonium, ab herede mariti, vel à socero, quod ostendit *§. interdum, hac lege.* Idem etiam erit morte mulieris soluto matrimonio, si dos fuit profectitia, quia reddenda est patri cum fructibus: similiter seruata eadem ratione diuisionis & temporis. Sed non idem erit, si dos est aduentitia, & finiatur matrimonium morte mulieris: nam hoc casu dos remanet apud virum: ergo & dotis fructus qualescunque, & quocunque tempore percepti, *l. mulier, de condit. instit. l. 5. de bon. dam.* Cornutus in Persium etiam hoc probat his verbis: *Dos* (inquit) *à cine Romano data, non patrio dicta more, id est, non profectitia, si non diuortium interuenit post mortem mulieris, apud maritum remanet.* Probat etiam superior sententia præter hunc paragraphum, Papin. etiam *l. cum in fundo 78. §. diuortia, de iur. dot.* quæ etiam vsufr. dato in dotem, nominatim ait, fructus di-

A uortio facto diuidi pro rata eius anni, quo diuortium factum est. Probatur etiam *§. sed noniss. C. de rei vxor. act.* vbi Thalelaus hoc vtitur exemplo, quod perquam deprauate Latine Gentianus Heruetus reddidit. Exemplum tale est. Fundus dotalis post nuptias traditus est Calend. Sept. vel post traditionem fundi nuptiæ contractæ sunt Calend. Septemb. à die traditi fundi, vel à die nuptiarum, matrimonium stetit decennio, & vndecimi anni mensibus 8. namque diuortium factum fuit pridie Calend. Mart. anno vndecimo. Omnes menses matrimonij sunt 128. quot retinebit maritus ex fructibus? proculdubio retinebit fructus decennij, quia tamdiu sustinuit onera matrimonij, & ex vndecimo retinebit bessem, restituet mulieri trientem: ergo æquum est, vt fructus dotis percipiat pro rata eius temporis. Quid est dos? Pensatio onerum matrimonij. Et ideo absolute à Martino Capella dicitur *repensatrix*, & in hac prouincia dos vocatur *versura*: nec alia est ratio repetitionis dotis constante matrimonio quam si maritus non sit soluendo, sit impar oneribus matrimonij ferundis, aut periculum sit ne fiat impar, *l. si constante, in princ. hoc tit. & l. seruus dot. de manum.* Et ex eo beneficio *l. si constante*, non tantum est repetitio dotis, sed etiam petitio. Est repetitio aduersus maritum manente matrimonio, si non sit soluendo, vergentem ad extremam egestatem, & propemodum profligatis rebus dotalibus: alioquin maritus non tenetur, nisi in id quod facere potest. Sane soluto matrimonio non tenetur, nisi in id quod facere potest, & multo minus manente matrimonio: sed hoc est, pro maiori beneficio: est etiam vindicatio dotis, siue rerum dotalium per directam vindicationem, vel hypothecam aduersus extraneos possessores etiam manente matrimonio, *l. ubi, C. de iure dot.* Et in eo magis apparet beneficium *l. si constante.* Sed pergamus & confirmemus adhuc magis superiorem sententiam, quæ est veluti arx totius disputationis. Probatur etiam *l. etsi marito §. ult. hoc tit.* Et ex *d. §. ult.* potissimum intelligitur, analogiam illam fructuum augere dotem, id est, pro rata temporis, quo postremo anno mulier in matrimonio non fuit: vnde sic definire licet: fructus percepti ante nuptias augent dotem: fructus etiam post nuptias augent dotem pro rata temporis, quo diuertit. Postremo comprobatur à Paulo in Sentent. lib. 2. Sed quæso videamus quibus verbis? ait fructus fundi dotalis constante matrimonio perceptos, lucro mariti cedere pro rata anni eius, quo diuortium factum est: hoc est certum in fructibus perceptis. Quod est certius, eo loci Paulus proposuit. Sed addere etiam oportet, habendam rationem fructuum pendentium extremo anno. non tantum veniunt in contributionem fructus percepti à marito, sed etiam pendentes, *§. inter, l. l. & l. si filiofa. 23. §. ult. sol. mat.* quod indicat *l. pen. de pact. dot.* dum ait, *Pactis conueniri posse, vt fructus nondum percepti, id est, pendentes cedant lucro mulieris.* Detracto igitur tali pacto, fructus non omnes cedunt mulieri, sed diuiduntur seruata temporis ratione, quo extremo anno stetit matrimonium. Etiam notandum est illud, fructus, in hoc proposito, & aliàs semper intelligi in iure deductis impensis factis fructuum causâ. Et eleganter dicitur in *l. fundus qui dot. fam. ercisc.* nullum casum interuenire, qui impediat hoc genus deductionis, vel compensationis, id est, nullo casu euenire, vt impensæ factæ fructuum gratia non compensentur: fructus sunt in lucro: non sunt autem in lucro, quatenus conueniunt cum sumptuum quantitate: ergo non sunt fructus. nullus, inquit, casus interuenire potest, qui impediat hoc genus deductionis. Est tamē vnus in *l. ult. C. de fund. rei priuata lib. 11.* Si quis emerit fundum rei priuata Principis insciens, sine dolo malo, nihilominus restituit fundum, non habita compensatione expensarum cum fructibus: restituit igitur fructus omnes sine deductione melio-



rationum. Ergo ut me recipiam ad id, quod inceperam dicere, cum dicimus, fructus esse diuidendos, eos dicimus, qui supersunt deductis sumptibus: prius habenda est ratio sumptuum, deinde facienda eorum qui supersunt, diuisio: hoc refertur in initio huius legis. Scævola dicebat pertinere tam ad sumptus factos à muliere fructuum gratia ante nuptias, vel traditam dotem, quam ad sumptus factos à viro ante vel post nuptias. Nam uterque suorum sumptuum deductionem habet. Finge: mulier pridie vindemias fundum in dotem dedit, mox à marito collectis vindemiis diuertit, atque ita vno tantum mense constitit matrimonium. fecerat mulier in colenda vinea sumptus, fecerat & maritus in colligenda vindemia. mulier impendit 4. vir 2. solidos, fructus vindemiæ sunt 18. quid fiet? ante omnia ex fructibus deductis mulier quæ impendit, vir autem 2. reliqua erunt 12. quæ ita diuidentur, ut mulier habeat 11. maritus vnum duntaxat. Et hoc ita proponitur initio huius legis, cum vno tantum mense stetit matrimonium. Quid si pluribus annis steterit matrimonium, & vxor, antequam fundum traderet, aliquid impenderit in eius fundi culturam? eadem ratio seruabitur. Nam ante omnia soluto matrimonio, id est, antequam fiat diuisio fructuum, implere mulieri sumptus debet: Et hoc est, quod ait initio l. 7. necesse esse primi anni computari tempus: id est, rationem haberi temporis primi anni, quod sit ante prædium datum, ratione scilicet impensarum quas mulier fecit, etiam si plurimis annis matrimonium steterit. Nam vetustas temporis non potest mulieri adimere deductionem impensarum. Species huius §. hæc est. mulier tempore vindemiarum, id est, Cal. Octob. dedit vineam in dotem, mox maritus collegit vindemiam, & vineam locauit ex Cal. Nouemb. & matrimonium solutum est suprema die Ianuarij, atque ita matrimonium stetit 4. mensibus tantum, numerando, ut oportet, à die traditi fundi: Queritur quantum retinere maritus ex fructibus possit? Et dubitatur, an possit integros vindemiæ fructus retinere, quos sustulit, & pensionis, quia à die locationis matrimonium stetit tribus mensibus tantum, id est quadrante anni, an inquam, maritus possit retinere integros fructus vindemiæ quos sustulit, & præterea quartam partem mercedis locationis, quia à die locationis stetit tres menses? sed ait, annum non computari à die locationis, sed à die traditi fundi. Atque ita computando, matrimonium stetit 4. mensibus, id est. triente anni. Ergo non debet retinere, nisi trientem fructuum. Qua de causa nos confundemus fructus, fructus scil. vindemiæ, & pensionis trium mensium, qui cesserunt: reliquorum mensium qui non cesserunt, non confundemus. Et ita confusa vindemia, & mercedis quarta, dabimus trientem marito, quia tertiam quoque partem anni cum vxore vixit: reliquum restituet mulieri. Et hoc ostendit ab absurdo, ut refellat eos, qui contrarium sentiebant, & dicebant, maritum retenturum fructus vindemiæ. cum non debeat retinere, nisi trientem vindemiæ & trientem quadrantis pensionis confundi cum vindemia: Nam si maritus non locauerit vineam, sed legerit tantum vindemiā, & altera die diuortium fecerit mulier, integros an retinebit fructus? minime. Eadem absurditas interuenit si locauerit, si non toto anno, sed quatuor mensibus stetit matrimonium. Verba sunt planissima, sed fundanda & consummanda sunt. exponenda nunc sunt ea, quæ diximus, diligentius. Mulier pendente vindemia fundum in dotem dedit Calend. Octob. mox lecta vna, sublata vindemia, maritus eundem fundum locauit ex Cal. Nouemb. eiusdem anni, & diuortium est factum suprema die mensis Ianuarij, pridie Cal. Feb. atque ita matrimonium stetit 4. mensib. Queritur quemadmodum fructus eius anni sunt diuidendi inter virum & uxorem? Et quia matrimonium stetit 4. mensibus, ex sententia Papin. maritus retinebit tertiam partem ex mercede quæ cesserat & debebatur tempore diuortij, id est, ex quarta parte mercedis,

A æque maritus retinebit tertiam partem. Separatim igitur ex vindemia retinet tertiam partem, ex quarta parte mercedis etiam tertiam partem. vel confusa vindemia cum quarta mercedis parte, retinebit tertiam partem: Consulantur Mathematici: respondebunt, nihil esse æquius distributione Papiniani. Cum verba sunt clara, quid iurgamur? Cur in inquirenda ratione sententiæ, quam verba præferunt, non laboramus? Eam distributionem defendit Ioan. Buteo aduersus Accursi & Alciatum, secundum Papin. proportionem Geometricam, quæ seruatur in distributionibus. Arithmetica seruatur in commutationibus, quam tamen Geomet. scilicet non seruat Franc. Accursi. cum scribit contra Papin. verba manifestissima. Proportio Arithmetica est, cum est idem excessus, ut idem est excessus 3. ad 4. qui 2. ad 1. nam utrobique maior numerus exuperat vno. Geometrica, est cum non est idem excessus, sed eadem ratio proportionis, ut eadem est ratio 8 ad 4. quæ 16. ad 8. nempe dupla: nam in 8. insunt bis 4. & in 16. insunt bis 8. Denique eadem est proportio octo ad 4. quæ ad 16. Seruatur & proportio hæc, cum mulier extremo anno innupta fuit mensibus octo, nupta quatuor. Sic ex vindemia, quæ est 24. marito relinquuntur 8. mulieri 16. quæ est eadem proportio, quæ in iisdem mensibus, quibus vel nupta fuit vel innupta, in distribuenda vindemia. Et similiter ex quarta parte mercedis locato fundo 12. (puta) marito relinqueretur vnum, id est, tertia pars quartæ partis, mulieri duo, quæ est eadem proportio: At videamus quæ obiciuntur sententiæ Papiniani. Hic vult, in diuisionem venire portionem mercedis tantum, id est, quartam partem mercedis, quæ cesserat, & debebatur tempore diuortij. Si maritus fundum locauerit 12. vult diuidi 3. nummos, ita ut maritus vnum habeat duntaxat, mulier 2. Contra in §. seq. è contrario, & §. item si messis, ostenditur totam mercedem in contributionem venire, & diuisionem fieri pro rata temporis, quo matrimonium stetit, ergo pro rata quatuor mensium, etsi locatio non cæpit à primo mense, sed secundo: debuit igitur in diuisionem venire non quarta pars mercedis, sed tertia, id est, quarta nummi. Nam non spectamus, quid tempore diuortij debebatur, sed quid debebitur, ut recte Florent. scriptum est in §. è contrario. Recte & hoc, ut planius intelligamus, sciendum est, in diuisionem venire non tantum fructus perceptos, vel pensiones locationum, quas maritus accepit, quæ pro fructibus accipiuntur semper in iure, sed & pendentes, stantes & omnem omnino spem futurorum fructuum, futurarumque pensionum habita ratione proportionis anni, quo diuortium factum est. Qua de causa mulier, cui redditur fundus stantibus fructibus, cauere solet ex fructibus, quos perceptura est, redditum iri marito pro portione matrimonij temporis, §. interdum, h. l. & præterea solet eum indemnem præstare aduersus conductorem, cui maritus forte locauit in longum tempus: & è contrario maritus cauet quidquid acceperit, consecutusque fuerit ex mercede, id se redditum mulieri pro portione eius temporis, quo diuortium factum est, l. filiosam. §. ult. hoc tit. Et apertissime in §. non solum, h. l. ait, haberi rationem fructuum, non tantum temporis, quo percipiuntur, sed etiam totius temporis quo seruantur. Igitur spem etiam in diuisionem venire nondum perceptorum fructuum pro rata temporis, quo mulier in matrimonio fuit, & quo fundus dotalis fuit. Et idem etiam ostendit §. qui sequitur, & §. item si mess. Species est: Mulier sublatis vindemiis statim fundum dedit in dotem, puta Calend. Octobr. & vir eundem fundum locauit Calend. Mart. & diuortium subsequutum est Calend. April. atque ita à locatione stetit matrimonium vno mense tantum, à traditione fundi dot. sex mensibus: an dicemus à locatione pensiones locationis ita diuidi, ut maritus tantum habeat duodecimam partem pro



rata vnus mensis, qui cucurrit à locatione? minime quandoquidem etiam ratio habenda est præteriti temporis, quo mulier in matrimonio fuit, & quo dotale prædium fuit. Igitur ex mercede, vel ex specie futuræ mercedis eius anni, maritus retinebit aut repetet dimidiam partem: quod aperte ostenditur in §. *è contrario*. Et inde colligimus tria. Primum est, fructus vindemiæ captos à muliere ante traditum fundum dotalem, non venire in diuisionem, sed lucro mulieris cedere, quia capti sunt ex fundo nondum factò dotali: quod ostenditur etiam in §. *item si mess. in fine*. Item colligo ex specie §. *è contrario*, non ex die locationis, quasi nouum annum incipere, sed vnum esse annum matrimonij, eumque incipere à die traditi fundi, si traditus sit post nuptias, vel à die nuptiarum, si traditus fuit ante nuptias, l. 5. & 6. *sup.* Tertio intelligimus ex eo in diuisionem venire non tantum mercedem vnus mensis, quæ debebatur tempore diuortij, sed & spem futuræ mercedis, quæ debebatur pro portione anni, quo matrimonium stetit. Quæ tria etiam licet colligere ex §. *item si mess.* quem nescio an quis explicauerit bene. Verba §. *item si messis*, angusta sunt nimis, & maxime pressa, vt putem hæc omnia esse relata ex Papin. ab Vlpian. vsque ad §. *ob donat.* Græci eum paragraphum non intellexerunt, imo etiam corruerunt legentes, *mensēs & mensum*, pro *messes & messium*. Verum vt intelligatur, sciendum est in hoc §. 1. & in tota hac lege, fundum non esse vineam simpliciter, sed arbutum, quod fert & messes & vindemias, & poma, & nuces, vt in Italia vnus fundus habet hæc omnia. Species est: Mulier perceptis etiam vindemiis (vt posuimus ante) statim fundum dedit in dotem Calend. Octobr. & vir eum locauit ex Calend. Mart. sub hac lege, vt conductorem sequerentur tam messes, quam vindemiæ. Poni potest varie species huius §. sed hoc modo conuenientius: Adde, matrimonium stetisse mensibus decem à die traditionis, atque ita matrimonium solutum fuisse mense Augusto: post messes igitur & ante vindemias maritum percepisse mercedem messium, vxorem percepturam mercedem vindemiarum: quæro quomodo fiet diuisio horum fructuum? Et hoc significatur in §. *item si mess.* ex mercede messium, quam maritus percepit, mulierem habituram sextantem, quia sexta tantum parte eius anni innupta fuit: ex mercede autem vindemiarum, quam mulier perceptura est, marito præstabit dextantem, atque ita fit computatio à die traditionis, non à die locationis; & vindemiæ perceptæ à muliere antequam nuberet, non veniunt in diuisionem; & spes futuræ vindemiæ, venit in diuisionem pro portione anni siue mercedis pro vindemia. Et id est quod ait d. §. *cum spe futura vindemia*. Cyrillus ita interpretatur hunc §. Si, inquit, post messes, & ante vindemias dirimatur matrim. & ego (maritus se.) mulier rationem reddo messium, & ipsa mihi rationem vindemiarum. Valde fuit necesse hæc explicare, sed quod incepimus absoluamus, i. e. obiectionem. Cur in specie §. *Papin.* in computationem non venit spes futuræ mercedis pro rata temporis, quo matrimonium stetit? Cur venit tantum in computationem quarta portio mercedis? quis non dixerit hoc pugnare cum iis, quæ sequuntur? Resp. In computationem venit spes futuræ mercedis pro modo temporis, quo stetit matrim. si post traditionem vel post nuptias nulli alij fructus fuerint; puta, quod mulier vindemiarum fundum antequam traderet vel nuberet: Nam si fuerit fructus aliquis ante locationem, & ante nuptias, vel traditionem, vt in specie §. *Papin.* hoc casu non est æquum, vt omnis spes futuræ mercedis veniat in contributionem, sed id tantum, quod à locatione in diem diuortij ex causa locationis debebatur. Est & aliud, quod obicitur Papiniano. Extremi anni fructus tantum veniunt in contributionem, l. 5. & 6. *h. rit l. pen. de pact. dot.* Et videtur Papinianus etiam diuidere fructus penultimi anni, id est, fructus vindemiæ. Nam fructus vindemiæ videntur esse pe-

nult. anni, mercedes vltimi tantum: cur seruat analogiam etiam in penultimo anno, cum tamen seruetur in vltimo tantum? Hac ratione moti aliqui, quos Papinianus refutat, dixerunt, maritum integros fructus vindemiæ lucrari, & mercedis partem quartam, cum à locatione anni quarta parte stetisset matrimonium. Cur dicebant fructus penultimi anni in computationem non venire? quia ea analogia non seruatur, nisi in vltimo anno. Cur dicebant eum lucrari quartam partem mercedis? quia vltimus annus incipit à die locationis, & eo anno vltimo matrimonium stetit tantum mensibus tribus, id est, quarta parte anni. Sed hos dum refellit Papin. satis ostendit, non esse constituendos duos annos, sed vnum tantum. Incipit enim annus à die traditi fundi seu nuptiarum. Ergo eadem die desinit, nec vnus annus scindi potest in duos: si annum computas à collectis vindemiis, qui sunt plerumque vltimi fructus, vt solent computare quidam; si ita computas annum à collectione frugum, duo sunt anni. priori finem dant vindemiæ; posteriori initium dat locatio: sed male computas. Nam vt proposuit ante l. 5. & 6. annus est computandus ex die nuptiarum seu traditionis, non ex die conuentæ dotis, non ex die locationis, quæ est posterior traditione fundi dotalis: & ideo (quod notandum maxime) si is annus, qui incipit ab eo die, id est, traditione, expleatur in matrimonio, etiam si maritus bis perceperit vindemiam, omnes fructus lucrabitur. Fieri potest, vt statim post traditum fundum colligat vindemias, & vt eodem die, vel postridie eiusdem anni colligat etiam vindemias, moxque discedat ab vxore. & si bis perceperit vindemiam eo anno, omnes fructus lucrabitur, quia totius eius anni onera matrimonij sustinuit. Papinian. ait confundi fructus vindemiæ, cum quarta parte mercedis. quod demonstrat non tantum vindemiæ & locationis confundi fructus, sed etiam annos, quia videbantur duo, & cogi in vnum. Itaque si anno, antequam fuerit dissidium inter coniuges, bis collegerit vindemiam, dicam vtramque vindemiam esse vnus anni, quia non duos, sed vnum facio annum. Annus varie computatur pro materia subiecta, & vulgo hodie etiam alij à Calend. Mart. alij alio modo incipiunt annum. Et notanda est valde ratio, qua vtitur Papinianus aduersus eos, qui contrarium sentiebant: sic argumentatur. Si annus vltimus computatur post collectionem fructuum à die locationis, id est à Calend. Nouemb. computabitur ergo etiam ab eo die non facta locatione, quia post vindemias desinit annus penultimus, & incipit vltimus, & consequenter, vindemiæ fructus integri pertinebunt ad maritum, etiam si postera die quam collegit vindemiam, solum sit matrimoniū, atque steterit paucis diebus. Hoc, inquit, est absurdum, nec vlli hoc admitterent; ergo nec illud. Erat tamen tolerabilior eorum sententia, quam sit nouorum interpretum: quandoquidem volebant illi, quos refellit Papin. non seruari proportionem in fructibus vindemiæ, quasi sint fructus anni penultimi: & eos integros igitur pertinere ad virum, & seruari tantum in fructibus vltimi anni, qui incipit à fructuum collectione. Sed peccant dupliciter: primum, quod constituunt duos annos, deinde quod inducunt eandem proportionem in penultimo & vltimo, quæ inducitur tantum in vltimo. Aut ego vehementer fallor, aut nemo est, qui non intellexerit, quod diximus heri de distribuendis fructibus pro rata eius anni quo factum est diuortium. Itaque non est quod diutius immorer in re tam perspicua, & refellendis aliorum opinionibus, & vt cum Aristotele dicamus, stultum est, stultas opiniones nimis anxie speculari. Igitur duo tantum nunc adnotabo. Primum quæ in hac l. 7. subiiciuntur de eadem quæstione, quæ nondum attingi, deinde exponam, an eadem ratio proportionis seruetur inter fructuarium & proprietarium finito vel amisso usufructu, & inter alias quasdam personas, de quibus inferius. Quæ



hactenus diximus, de fundis sunt, quia ferunt fructus quotannis: sed sunt quidam fundi irrigui, in quibus fructus crescunt vberissimi, qui bis ferunt fructus in anno, aut bis vindemias: nihil est certius. horum fundorum fructus non dicemus diuidi pro rata anni, quo diuortium factum est, sed pro rata sex mensium, §. *quod in anno. h. l.* contra sunt fundi quidam, qui non ferunt quotannis, sed post plures annos, puta qui ferunt quinquennio quoquo, veluti syluæ cæduæ, quæ non solebant olim cædi, nisi in quinquennium, hodie in quadriennium, *l. ult. C. de seruit. l. cum manum 80. §. sylua, de cont. empt.* Syluæ igitur cæduæ fructus non dicam diuidi pro rata vnius anni, sed pro rata quinquennij: quod etiam ostenditur in *d. §. quod in anno*, & si sit noualis ager, id est, qui alternis annis, qui vno anno cesset, & quasi requiescat, quod dixerō veruactum & *veanv*, cui opponitur terra cruda, hoc est, quæ nondum est præcisa aratione, *en friche*. Nouali etiam opponitur relictibilis ager, qui fert quotannis, qui nunquam cessat, vel etiam, qui fertur biennio continuo spico aristato: qua de causa patresfam. solent excipere in locatione, ne biennio continuo ager feratur spico aristato, sed potest feri quotannis vno fariceo spico, altero leguminibus. Si igitur dotalis fundus noualis fuerit, hoc est, si ferat biennio quoquo duntaxat, non dices etiam diuidi fructus pro rata anni, sed pro rata biennij. Eadem est ratio syluæ cæduæ & noualis agri: nam vt in sylua cædua spectas quinquennium, ita in nouali spectas biennium. Etiam illud adnotandum est ex §. *non sol. inf.* in fructu esse non tantum menses, & vindemias, de quibus supra, aut pensiones prædiorum rusticorum, sed in fructu etiam esse lanam ouiu, in fructu esse fœtus pecorum, operas seruorum, & vt additur in extremo huius §. pensiones prædiorum vrbano- rum eadem ratione diuiduntur. Dubitabatur magis, an pensiones essent in fructu vrbano- rum prædiorum, & ob id in *l. 36. prædior. de usur.* omnino accipiuntur pro fructibus. Cur dubitatur de pensionibus vrbano- rum prædiorum? quia naturaliter vrbana prædia non ferunt fructus: & ita in *l. ancillarum 37. l. mercedes, de petit. hered.* cum dixisset in *l. ancillarum*, pensiones prædiorum vrbano- rum venire in hereditatis petitionem, subiecit in *l. mercedes*, mercedes à colono acceptas, hoc est, pensiones prædiorum rusticorum locum fructuum obtinere plane, hoc est, absque dubio. De arboribus quærebatur, an essent in fructu, & ideo, an cederent lucro mariti pro rata temporis, quo mulier in matrimonio fuisset? nec potest generaliter constitui, eas esse in fructu. Nam si sit sylua data in dotem, distinguendum est: Aut est sylua cædua, aut incædua, hoc est, non cædua. Si sit sylua incædua, & maritus deciderit arbores ex ea sylua, deteriore fecit fundum dotalem: glandem legere potest, arbores decidere non potest, sicut nec fructuarius. Imo vero, si vi ventorum deiectæ fuerint, non sunt lucro mariti, sed arbores syluæ cæduæ sunt in fructu, non inciduæ arbores, gremiales sunt in fructu: alij gremiales indifferenter: quidam gremiales dictas putant, quod legantur in gremium. Ideoque in Basil. pro arbore gremiali, τὰ ἐν ἄγκλῳ φερόμενα, Estque illud verbum valde deprauatum *lib. 7. Halicarn.* cum loquitur de filiis Coriolani, quorum vnus, inquit, fuit annorum 10. alter fuit ὑπερχαλός, sed legendum est ὑπάρχων, qui nondum poterat incedere. Etiam illud est notandum, quod proponitur in §. *si vir*, argentifodinas, aurifod. arenæ, vel aluminis, vel cretæ fodinas esse omnia in fructu, subiicit ea calculo, seu distributioni. de lapidicinis dubitat. Et ideo distinguit Papin. nam si lapis solet crescere, lapidicinæ sane sunt in fructu. sed si non soleat crescere, si inueniatur marmor in fundo dotali, & excidatur à viro, fit quidem viri quasi fructus, sed tamen non est in fructu, quia fundum fructuosorem non facit, cum non soleat crescere, nec possit excindi plusquam semel vno in loco: ideoque impensam in eo marmore cædendo non

A potest maritus repetere, repetet impensas necessarias, & vtilis, sed non impensas factas in eo marmore cædendo: quia in ea cæsurā fundum fructuosorem non facit, *l. ult. de pact. dotal. l. si ex lapid. de iure dot.* Qua de causa ego docui in *d. §. si vir*, esse legendum, lapidicinæ marmoreas inuenit, nec fundum fructuosorem reddiderit. Nunc transeamus ad alterum. Quæro, quæ ratio diuidendorum fructuum seruatur inter virum & uxorem, an ea etiam seruetur inter fructuarium & proprietarium? Et, vt iam aperui, eadem saneratio videtur obseruanda, quam sententiā introduxit in feudis. Nam omnium opinio hac est, & res est dignissima cognita, vt finito vsufr. vel amisso fructus percepti cedant fructuario, fructus pēdentes cedant proprietario. est iniquissima opinio, quod facile persuadebo. Sic igitur statuo: fructus diuidi inter proprietarium & fructuarium pro rata eius anni, quo finitus est vsufr. *l. si operas 16. de vsufr. l. 5. §. ult. si vsufr. pet.* Et hoc generaliter constitui volo, siue sint percepti fructus, siue pēdentes, vt diuidantur pro rata, & siue percepti exstent, siue consumpti sint, & siue percepti sint à fructuario, vel nomine fructuarij quos solos sibi acquirit, vel alius eius nomine, §. *is ad quem, Inst. de rer. diuis.* quæ seruatur etiam in colono. Nam fructus, quos alius percipit & separat à solo, non nomine fructuarij, vel fructus qui sua sponte decidunt, non acquiruntur fructuario antequam eos apprehenderit. Et hac in re distat tantum fructuarius à domino; ergo & à marito, & à bonæ fidei possessore, ab emphyteuticario, quia ij fructus suos faciunt, quoquo modo terra separati sint, si modo eos apprehenderit, *l. qui scit. §. pen. de usur. l. si fructus, quib. mod. vsufr. amit. l. 12. §. ult. de vsuf.* Ergo tempore finito vsufructu, siue fructus pendenteant, siue sint consumpti, diuidendi sunt pro portione anni, quo vsufructus extinctus fuit: nec est, cur noua ratio distributionis inducatur à fructuario. Et summa iniquitas est, perceptos fructus omnes relinquere fructuario, & pēdentes pertinere ad proprietarium: aut certe distributio hac non est. Contra hanc opinionem nostram duo obiciuntur. fructus pēdentes finito vsufructu tempore acquiruntur domino: ergo non veniunt in diuisionem. Est tota vitiosa collectio. Nam & fructus pēdentes diuortio facto mulieris sunt, & tamen eorum mulier rationem reddit viro, & deducuntur in diuisionem: & similiter fructus pēdentes capti vsufructu tempore, sunt fructuarij, *l. si pēdentes, de vsuf.* & tamen, si paulo post extinguatur vsufructus, quam cepit, debetur ex eis fructibus portio fructuum proprietario. dominium non impedit diuisionem pro rata, & in partitionis rationem veniunt. Et similiter bonæ fidei possessor facit fructus suos, quos curauit & percepit bona fide: verum domino vindicante rem, eos fructus bonæ fidei possessor facit suos, qui bona fide consumpti sunt: si extent, tenetur restituere domino, non minus quam pēdentes, *l. certum, C. de rei vind.* Et nihil est frequentius, quam vt cogamur rem, quæ nostra est, vel communicare, aut contribuere. Obicitur *l. defuncta, D. de vsufr.* Cur vero errorem hunc creauit ista lex sola? quia nescierunt speciem eius legis. Species est: Fructuarius locauit fundum ex Kal. Mart. eademque die pensionem sibi solui curauit, & mortuus est mense Decembri, atque ita finitus est vsufructus morte fructuarij decimo mense à locatione, quo tempore conductor collegerat omnes fructus eius fundi. Quæritur, vtrum pensio sit diuidenda inter proprietarium & fructuarium pro rata anni, an heredi fructuarij debeatur integra? Et ait, heredi fructuarij pensionem esse soluendam integram Kal. Mart. quia eo die pensionem solui conuenerat. Non fit igitur distributio similis inter fructuarium & proprietarium, sed non absque ratione. Falluntur in computatione anni: quo vsufructus constituitur computandus non est à die locationis, sed à die constituti vsufr. & ponendum constitutum fuisse à Kal. Ian. locatum Kal. Mart. durasse igitur



tur vsusfr. annum integrum, vnde non mirum, si pensio integra debeatur heredi fructuarij : nihil igitur ex ea pensione est habiturus proprietarius. Ego introduxi hanc sententiam, nec potui probare statim, sed casus fecit, ut probarem. Erat quidam fructuarius sylvarum caduæ, cui scilicet fuerat constitutus vsusfr. statim post casuram : non erat igitur fructum ex eo fundo laturus ante quinquennium : quid accidit ? mortuus est : finge tertio aut quarto anno, antequam venisset dies casuræ, an fuit inutilis vsusfructus ? Dices inutilem fuisse : non certe vlllo auctore. In hac specie prudentissimus Senatus ita iudicauit : fructus pendentes esse diuidendos inter fructuarium & proprietarium, an sequimur eam rationem in alijs personis ? Finge : Colonus vel emphyteuticarius, vel etiam libellarius fundi possessor in feudis, aut precarius, quia canonem siue pensionem non soluit, fundus committitur, quem eo iure possidet, id est, redit ad dominum : Nam in omnibus his negotiis est locus commissi ob non solutam pensionem, hoc est, redit ad dominum ipso iure commissio fundo. quemadmodum diuiduntur fructus : pro rata temporis, quo ea iura constiterint in eadem persona ut constat ex libro 4. *Fend. tit. de fructibus feudi*. Ante nostram diuisionem olim ij libri valde male diuidebatur. Magna est quaestio in eo titulo, quemadmodum diuidendi sunt fructus inter dominum & vassallum, feudo commissio & aperto committitur feudum propter infidelitatem : aperitur propter inopiam filiorum masculini generis, defuncto scilicet cliente sine herede masculino : nam feuda plerumque non sequuntur feminas : possunt tamen quædam esse feuda muliebria. Igitur in eo titulo referuntur quorundam opiniones, nec adfertur tamen vlla, quæ accedat ad distributionem Papiniani, qua nulla est æquior.

#### Ad l. 5. rerum amot.

*Vina quoque filia, quod ad patrem ex rebus amotis peruenit, vtili iudicio petendum est.*

**P**rimum quidem, quid sit actio rerum amotarum i dicabo, quod nescio, an factum sit ab aliquo liquido. Actio rerum amotarum est, quæ datur in solidum, & statim diuortio facto in eum eamve, qui maritus, quæve vxor fuit, de rebus, quas coniugi amouit diuortij causa, id est, cogitatione diuortij, quod versabatur in animo, & fecit, vel etiam de rebus, quas nihil dum cogitans de diuortio amouit, & diuertens postea celauit, atque suppressit. Nam hæc res sunt earum loco, quas diuortij causa amouit, licet non eo consilio attigerit eas initio l. 17. §. 1. *h. tit.* Competit etiam marito vel vxori, cui res subtractæ sunt, & cui furtum factum est, earum rerum nomine vindicatio, vel ad exhibendum actio l. 34. *hoc tit.* nam ut rei furtivæ non tantum vindicatio, sed etiam condictio est : ita & rei amotæ, quia reuera quæ amota dicitur, furtiva est. res furtiva non vsucapitur à bonæ fidei possessore, nec res amota vsucapi potest ex lege 12. tab. l. *pen. hoc tit.* nihil refert quo utaris verbo : res est eadem, ius idem in utroque, & actio rerum amotarum condictio est, l. 26. *hoc tit.* similis scilicet condictio rerum furtivarum, imo eadem : hæc honestior, si verba spectes. in d. l. 26. *rerum*, inquit, *amotarum actio condictio est.* nihil est præterea, hoc est, formula eius hæc scilicet *si paret dari oportere*. Male Accursius, *rerum amotarum condictio est*, hoc est, *in personam* : Nam non omnis actio personalis condictio est, ut actio depositi, qua non dari, sed reddi oportere intenditur, & in l. *si quis inficiatus*, §. *ult. depos.* nemo hoc ipso, quod depositum suscepit, conductione obligatus est, sed si depositum abiuret, conductione obligatur eo casu solo. Inficiator depositi proximus est furi, & quicumque sunt furib. proximi, conductionib. obligantur, qua quidem actione

magis oneratur, quam vindicatione. Vtraque in eos est actio, sed condictio durior, quia scilicet in conductione indistincte fit condemnatio, siue res sit in rebus humanis, siue non, & siue fuerit interitura æque apud dominum, siue non. Hæc distinctio non observatur in conductione rerum amotarum, rerum furtivarum, non in actione quod metus causa, non in interdicto vnde vi, quod vi aut clam, quæ descendunt ex delicto, l. *si cum exceptione* §. *quatenus, quod met. caus.* quæ tamen distinctio observatur in vindicatione : Nam si res interierit sine culpa possessoris, quia æque erat interitura apud dominum, possessor absoluitur. Merito ait Iustin. *odio furum comparatam esse conductionem*, contra regulam, quæ vult, *ut nemo rem suam condicat*, quia grauior est actio, quam vindicatio, vel exhibitoria actio : ergo rebus amotis ex bonis mariti, vel vxoris diuortij causa, marito vel vxori, cui furtum factum est, ut apertius loquamur, ut quod in re ipsa est, exprimamus. Plane hæc vindicatio rei suæ, & condictio competit, non quasi rei furtivæ debet enim cum ea, quæ vxor fuit, vel cum eo, qui maritus fuit, honestioribus viribus confingere, sed quasi rei amotæ. Fit etiam eo nomine compensatio, si quid mulier amouerit ex dote vel ex fructibus quos maritus post diuortium percepit, quos constat ad mulierem pertinere pro rata temporis, quo nupta fuit, l. 7. §. *ob donat. sol. matrim.* l. 1. *C. hoc tit.* ita etiam mutua compensatio fit nonnunquam si vir & vxor inuicem agant de rebus amotis, ut in actione de moribus, sicut diximus ad l. *viro, sol. matrim.* In hac actione mutua delicta pari compensatione tolluntur. In delictis mores numeramus, l. 7. *hoc tit.* Dixi initio rerum amotarum actionem dari in solidum, & statim diuortio facto dari in solidum ad differentiam, *αὐτὸς ἀποδιδάσκειν*, actionis de dote, quæ datur in id, quod maritus facere potest, inopia prodest marito ne damnetur in solidum, quæ nihil prodest in iudicio rerum amotarum, l. 21. *hoc tit.* Dixi statim diuortio facto, ad differentiam actionis de dote, quæ non repetitur statim, si pondere, numero constat, vel in aliqua re mobili, sed repetitur annua, bima, trima die. Et hæc differentia monstratur in d. l. 21. §. *rerum, hoc tit.* Actio de dote non repræsentat dotem, sed diuidit præstationem dotis in annum expletum, in pensiones tres. Præterea observandum ex definitione quam supra attulimus, hanc actionem rerum amotarum dari de rebus amotis diuortij causa, hoc est, meditatione futuri diuortij. Quid dicemus, si quid amouerit alter alteri mortis causa, qua constat solui matrimonium ? Finge, marito decumbente & fere occumbente, mulier desperans de vita mariti, omnem pecuniam subripuit : an tenebitur heredibus mariti conductione rerum amotarum ? Denique, quæ amouit aliquid de bonis mariti mortis causa, an tenebitur hoc iudicio ? constat hanc actionem dari heredibus, d. l. 21. §. *pen.* Et Accursius scribit, etiam dari vtilem actionem rerum amotarum, de reb. amotis mortis causa, nisi fallor in l. 22. §. *ult. hoc tit.* & perperam Heruetus fecit, ut scriberet Theodorus ad l. 2. *C. rer. amot.* mortis causa dari hanc actionem, nam hoc est falsissimum, vel directâ, vel vtilem competere ob res amotas mortis causa. Proinde sic statuo, ob eas res, neque directâ, neque vtilis est actio, siue condictio rerum amotarum. Hoc comprobatur aperte l. 21. *in pr. hoc tit.* Mulier amouit res mariti, mortis causa desperans de eius vita, ac sibi persuadens, se quamprimum solam fore sine marito, neque tamen mortuus est maritus. post diuertit mulier. an earum rerum nomine tenebitur actione rerum amotarum ? ait eam teneri vtili actione : quod placet admodum : nam cur non directâ tenetur ? quia amouit mortis causa : cur tenetur vtili ? quia tempore diuortij postea subsequenti, res celauit, quas amouerat initio mortis causa. Confirmatur hæc sententia l. 9. §. *ult. & l. 22. §. ult. hoc tit.* Mulier res amouit mortis causa & morte mariti solutum est matrimonium. quæ actio dabitur heredibus earum rerum nomine ?



nomine? petitio hereditatis muliere eas res possidente pro herede, vel possessore, vel actio ad exhibendum. Nullam aliam dat actionem: non dat rerum amotarum: dum aliam dat, hanc denegat. Ergo de rebus amotis mortis causa hæc actio non datur: nihil verius: sed explicanda ratio diuersitatis, cur de rebus amotis diuortij causa sit hæc actio, de rebus amotis mortis causa non item: cum tamen utroque genere finiatur matrimonium. Quæ diuortij causa res amouit, id mala mente fecit ut noceret marito: id fecit in fraudem mariti, hoc est, inimica, ut duobus locis in libris nostris quæ diuertit: vel repudiata dicitur, *l. cum in fund. 78. §. diuortio, de iur. dot. l. Cicero 39. de pœnis*. In qua ait, *usque adeo fuisse inimicam, &c.* Ergo cum res diuortij causa amouit, furandi habuit animum, quæ voluit interuenerer rerum suarum possid. & fuit, cui furtum faceret; maritus superstes: sed cum amouit mortis causa, non fecit furtum. Illud. n. non fit, nisi sit, cui fiat, non fecit marito furtum decumbenti, vel occumbenti, ac propemodum mortuo, neque ei auferre voluit, quem habebat pro mortuo, quia non videtur fuisse maritus, nec ipsa animum furandi habuit, non fecit furtum heredi nondum heredi: non fecit furtum hereditati nondum hereditati, quia & hereditati post mortem mariti furtum non faceret. Et hoc est, quod dicitur, hereditati furtum non fieri. hereditas est, quæ iacet, substantia defuncti, necdum adita, id est, ius vniuersum, quod in ea substantia habuit defunctus: nam hereditatis vocabulum iuris est, non corporis. furtum fit soli possessori: & nihil est aliud furtum, si rem velis paucis stringere, quam possessionis interuersio: hereditas autem interim dum iacet, habetur quidem pro domina, sed non pro possessore. Possessio vacat, quia possessio est facti & animi, in *l. 1. §. Scauola, si is, qui test. lib. esse iuss.* Hereditas autem est inanima & incorporalis. quod facit corpus est, hereditas non est corpus, ergo non facit. est etiam animi, sed hereditas inanima est, ergo nec factio, nec animo hereditatem apprehendere & retinere potest: non est autem actio rerum amotarum, nisi cum furtum factum est. Nam ea actio conditioni rerum furtiuarum similis est: imo est conditio rerum furtiuarum, si verum amamus. sed non dicitur tamen conditio rerum furtiuarum, sed amotarum honestiori ratione, propter pudorem transacti matrimonij, ut ait *l. ult. C. de furt.* propter honorem matrimonij, ut ait *l. 2. hoc tit.* non dicetur mulier furtum fecisse. nulla est in iure actio temperatior siue modestior. Solent Iurif-consulti rem verbis temperare, & furtum non semper vocant furtum. quorum exemplis patroni in foro & omni negotio modestioribus verbis vtuntur nisi reiici velint. multa alia restant, quæ pertinent ad definitionem superiorem. Dictum est dari hoc iudicium soluto matrimonio per diuortium, sed non datur constante matrimonio. Quid igitur, si quid amouerit constante matrimonio vir uxori, aut uxor viro, num dabitur hæc actio? Non vtique: Nam inest in ea infamia quædam, etiam si dicam amouisse, non furtum fecisse, & parcendum est coniugi: verum non deest alia actio: dabitur actio in factum verbis temperanda, ut in *l. non debet, de dolo*, hac formula: *si paret ex rebus meis hanc vel illam apud te esse. non dicam te furtum fecisse, aut amouisse, sed apud te esse, & casu quodam eam rem sublatam fuisse: narrabo factum, quo genere agitur hodie, quia omnes actiones sunt in factum, aut esse debent.* Dabitur etiam conditio ex iniusta causa constante matrimonio, quæ etiam datur soluto matrimonio de rebus amotis causa mortis. Nam regula iuris est, *neminem rem suam condicere*, cuius ratio naturalis est. Quid est condicere? nempe sic agere, *si paret eam rem mihi dari oportere*. Quid est dari? *dominium fieri*. si paret igitur eius rei me dominum fieri oportere, quod intendo male, cum iam sim dominus. Nemo igitur aperte con-

Quæst. Papin.

A dicit: sed ab hac regula excipitur conditio rerum furtiuarum, quæ etiam domino datur, item conditio rerum amotarum: & ad extremum obtinuit, excipi etiam conditionem ex iniusta causa, qua repetimus rem nostram, quæ ex non iusta causa apud aliquem est. Condicimus ergo rem nostram non tantum furi, aut prædoni, aut ei, quem dicimus amouisse, sed etiam cuilibet possessori ex non iusta causa, *l. 6. §. ult. l. 25. hoc tit. l. 1. §. res, l. si & me, de reb. credit.* Et notandum, quod ait lex *perpetuam de condit. ob turpem caus.* perpetuam hoc esse verum; & à Sabino affirmari ita secundum veterum opinionem, ut possit quis rem suam condicere ei, qui eam possidet non ex iusta causa. eamque definitionem probari à Celso, licet contrariæ sectæ, & probatur in *d. l. si & me*. Sunt quædam perpetuæ definitiones iuris: ut plurimum non sunt perpetuæ, ut illa *d. l. perpetuo, & l. qui res 98. §. aream, de solution.* In perpetuum sublata obligatio restitui non potest, *l. 6. infr. eod.* In perpetuum, si quod tibi debeo ad te peruenerit, verum est, me liberari, etsi non per me peruenerit, aut facto meo, nisi tibi aliquid absit, ut puta, nisi emeris. Si igitur peruenerit ex causa lucratiua: & præterea, si ita peruenerit, ut non possit à te repeti. & tunc verum est, in perpetuum me liberari. nec est vnquam varius pes huius regulæ, quæ nunquam fallit. & illud quoque in perpetuum valet, ut possim rem meam, licet absurde videar agere, condicere ei apud quem res mea est ex iniusta causa. Verum videamus, quare constante matrimonio non possim uti actione rerum amotarum. Si quid amotum sit, vtor conditione ex iniusta causa, aut actione in factum, quæ sunt honestæ actiones, nec incessunt mores rei, sed tamen cur non vtor conditione rerum amotarum? nam hæc actio non est famosa, licet ex causa famosa, id est ex furto descendat, si rem ipsam inspiciamus: nam & conditio rerum furtiuarum non est famosa, *l. cessat 361 de oblig. & act.* actio furti est famosa, id est, infamat reum, si condemnatur. neutra etiam est pœnalis. & rerum amotarum & furtiuarum conditio vtraque persequitur id, quod interest, non pœnam. Quid vetat agi conditione rerum amotarum in uxorem vel maritum constante matrimonio, cum non sit pœnalis, nec turpis actio? Et tamen *l. 2. D. hoc tit.* ait, ideo non dari constante matrimonio rerum amotarum, quia constante matrimonio non solet dari coniugi in coniugem actio pœnalis vel famosa. Itaque actione rerum amotarum satis significant, vel pœnalem, vel famosam. Et est *d. l. 2.* crux quædam nostrorum interpretum. nemo in ea re non torquet se, quæ tamen videtur facile explicari posse *l. 17. §. res amotas, hoc tit.* nempe hoc modo. fateor, illa actio non est pœnalis, *l. cessat, de oblig. & act.* non est famosa, sed est quodammodo famosa & pœnalis: nam inest in ea mentio furti: aut quod omnes intelligunt, tantumdem potest rei amotæ nomen, quam furti, quod populus interpretatur furtum. In quem autem non datur actio famosa, nec ea datur, quæ speciem habet. Sunt famosæ, quibus inest palam vel tacite doli, vel fraudis mentio, ut in patrem non ages famosa, neque ages non famosa, si habet speciem famosæ: & ita non ages in patrem conditione furtiua, *l. parens cum l. seq. de obseq. à lib. prest.* Cur ergo constante matrimonio non agitur rerum amotarum? quia est quodammodo pœnalis & famosa. Dicam nunc rem nouam, certissimam tamen, & non dicam tantum, sed ut spero, persuadebo etiam verissimam esse, & conditionem rerum furtiuarum quod plus est, & conditionem rerum amotarum quodammodo pœnalem, quodammodo famosam esse: hoc sensu pœnalem & famosam dici posse, licet reuera non ita sit. nam vtraque rem persequitur, neutra lædit æstimationem. hoc confirmo quatuor argumentis. Primum est, quia conditio furtiua comparata dicitur odio furum, & quod de ea dicitur, id etiam dicitur de con-

V



ditione rerum amotarum, §. sic itaque, *Inst. de act. si* A  
odio, ergo pœnæ causa: si pœnæ causa, ergo pœnalis  
aut veluti pœnalis est. nam & ita exceptio Senatuscon-  
sulti Macedon. comparata dicitur odio creditoris, *l. sed*  
*si pat. §. pen. ad Macedon.* Secundum argumentum est  
eiusmodi, quia & hæc, & illa actio ex maleficio & deli-  
cto nasci dicitur in *l. 22. §. pen. hoc tit. l. 10. §. quotiens,*  
*de compens.* Hæc actio inquit, ex delicto nascitur, li-  
cet rei persecutionem contineat, quod videtur valde  
nouum, vt agam ex delicto, nec tamen agam in pœ-  
nam, sed in id, quod interest: verum id ita se habet, vt  
etiam in aliis actionibus, vt in actione, quæ datur ex edi-  
cto de alienatione iudicij mutandi, &c. quod dicitur  
pertinere quidem ad rei persecutionem ex ea specie  
doli, quæ illo edicto coercetur, sed tamen dicitur ex de-  
licto dari, *l. quia pertinet, de alienat. iud. mut. causa,* ex  
delicto dantur ex actiones, & tamen rei persecutionem  
continent: verum non ita, quin inesse videatur aliquid  
in eis pœnæ, cum sint ex delicto: nam vel ipsum agere  
ex delicto pœna est, & ultio quædam. moueor etiam ar-  
gumento, quod hæc conditiones non dantur in heredem,  
quæ darentur, nisi subesset in ea pœnæ aut vindictæ ra-  
tio quædam. Nam hoc est generale, actiones, quæ non  
sunt eius generis, dari in heredem, & heredibus. Sed  
illæ conditiones non dantur in heredem, nisi quatenus  
ad eum peruenit ex rebus furtiuis, *l. ult. C. rer. annot. l.*  
*9. §. ult. l. 10. de tut. & rat. distrab.* Et valde noua est  
hæc sententia. Nam multæ possunt opponi leges qui-  
bus ostenditur, illas conditiones dari in heredes, sed  
non est recedendum à superioribus legibus: quinimo ob-  
seruandum hoc, & in *l. 22. hoc tit.* actionem rerum a-  
motarum dari heredibus, nec adiici, & in heredes,  
quod potissimum refragatur huic sententiæ. Est lex 9.  
*de cond. furt.* quæ dicit, conditionem furtiuam dari in  
heredem, sed exemplo *l. 2. in fine, de prat. stipul.* secun-  
dum quam etiam intelligenda est lex, *si hominem, §. 1.*  
*de pos.* ita interpretanda est *d. l. 9.* si videlicet lis sit con-  
testata cum defuncto, vel si res sit iudicata contra defun-  
ctum ex causa conditionis furtiux. heres ex asse, in  
solidum, heres pro parte, pro portione hereditaria te-  
netur: nam generaliter pœnales actiones dantur in he-  
redem, si actor litem cum defuncto contestatam habuit.  
Refragatur *l. 7. §. ult. eod.* Sed valde placet, quod no-  
tat Accursius, non teneri heredem, nisi heres rem con-  
trectet, id est, non tenetur nisi ex sua persona. nam cer-  
to certius est, conditionem illam non dari in here-  
dem, nisi in quantum locupletior factus sit ex delicto  
defuncti. Quartum argumentum sumitur ex *l. si pig. 22.*  
*de pign. act.* Finge: debitor mihi pignus dedit crediti  
nomine, quod post surripuit: mihi tenetur furti. rei  
sux mihi furtum fecit, mihi creditori actione in duplum  
& quadruplum furti pœnali tenetur, sed quod con-  
sequutus fuero, an imputabo debito, vel an restituam  
debitori? minime. alioquin essent elusoria pœnæ: pœ-  
na, quæ semel est pensa, nusquam restituitur. Finge  
non egi actione furti in duplum, sed conditione furti-  
ua, & consecutus sum, quod mea intersit pignus non  
surripui, an id, quod consecutus sum, restituam, an im-  
putabo debito? minime. Ergo quod conditione furti-  
ua consecutus sum, pœna est. Nam si mea res esset,  
non sola maneret debiti petitio, sed imputaretur debito,  
*d. l. si pignore.* Hoc ego cenfeo valde esse notandum: il-  
las conditiones esse quodammodo pœnales, famosas,  
ac proinde neutram dari constante matr. Sed notanda  
duo sunt ad hæc. Primum, nec constante matr. nec di-  
uortio facto dari in coniugem, vel in eum, qui coniux  
fuit, conditionem rerum furtiuarum, & multo minus  
actionem furti, sed dari diuortio facto conditionem rerum  
amot. videlicet si post diuortium factum, qui eas  
amouit, non iam contrectet amplius. Nam si post diuor-  
tium eas res, quas amouit diuortij causa, contrectare per-

A seueret, cessat rerum amot. actio, non cogitur eliger e  
hanc actionem is, cui res amota est, sed agit grauiori iu-  
dicicio, furti scil. & conditione furtiua, ac si post di-  
uortium primo non ante furtum fecisset, *l. 7. hoc tit. in*  
*pr.* Furtum non fit semel, sed fit sæpe, fit tot horis, tot  
diebus, tot momentis, assidua contrectatione, *l. 6. de*  
*cond. furt.* quasi igitur ex nullo furto conuenietur actio-  
nibus omnino famosis pœnalibus. Secundo notandum,  
de rebus surreptis ante matrimonium, non dari quidem  
constante matrimonio pœnalem actionem furti, parcen-  
dum est coniugi, & satis esse debet, si consequamur  
quod nostra interest. Erit tamen conditio furtiua, quæ  
non est tam honesta, quam conditio rerum amotarum  
inspecto tempore præterito, quo non fuit coniux, *l. 3.*  
*in princip. hoc tit.* Atque ita fit, vt qui furti non tenetur,  
teneatur conditione quasi furti: sicut è contrario, qui  
tenetur furti, veluti qui opem tulit furti, conditione  
furtiua non tenetur, qua tenetur solus fur, *l. proinde, de*  
*cond. furt.* Hoc etiam adnotandum est, huic iudicio  
locum esse inter nurum, generum, & socerum: Socero  
dari eam conditionem rerum amotarum in nurum, quæ  
nupsit filiofamilias, si quid diuortij causa amouerit ex  
rebus soceri, vel ex peculio mariti. Et recte, quæ nupsit  
filiofamilias: Nam in eam, quæ nupsit filio emancipato,  
ex causa socero dantur grauiores actiones furti, & con-  
ditio furti, *l. 6. in princip. & §. 1. l. 15. §. ult. hoc tit.*  
Nurus, quæ nupsit filiofamilias, est in familia soceri, &  
maritus eius, & onus eius ad socerum spectat, *l. si filia,*  
*§. si filiusfamilias, famil. eriscun.* quæ nupsit emancipa-  
to est extranea, sicut filius, nec eo vinculo coniuncta  
socero, nec ea intercedit reuerentia personarum, non  
interueniente vinculo patriæ potestatis. Et jlicet *l. 6.* lo-  
quatur tantum de nuru, recte Basilica adiciunt, vel  
contra generum, qui scilicet duxit filiamfamilias. Et  
pari ratione dicendum est, hoc iudicium dari nurui, vel  
genero in socerum, in cuius potestate est maritus vel  
vxor, si quid socer missurus repudium (nam mittere po-  
test: imo eius est mittere consentiente filio aut filia, *l. 2.*  
*de diuort.*) diuortij causa amouerit ex rebus nurus vel  
generi. Hoc est ius equabile. Quod diximus, con-  
stante matrimonio in virum & vxorem, neque pœna-  
lem, neque famosam actionem dari, ei obstat primum,  
quod datur in vxorem actio serui corrupti, *l. ult. de seru.*  
*corrup.* quæ est pœnalis, cum sit mixta in duplum, *l.*  
*ut tantum §. in hac actione, eod.* & est etiam famosa, *l.*  
*nec quicquam, pro socio.* Sed respondeo ex *l. ult. C. de*  
*furt.* fauore nuptiarum, siue propter honorem nuptia-  
rum, in vxorem dari actionem serui corrupti in simplum  
tantum, id est, in id, quod interest, non pœnalem in  
duplum. Et consequenter eadem actio serui corrupti,  
si intentatur in vxorem constante matrimonio, verbis  
erit temperanda in factum, detracta omni atrocitate,  
& infamia verborum. Obstat etiam, quod actio legis  
Aquilæ datur in vxorem constante matrimonio, *l. si ser-*  
*uus seruum §. si cum maritus, ad l. Aquil.* Quæ tamen  
est pœnalis, cum sit mixta. Mixta autem est, quæ rem  
& pœnam persequitur. Respondeo, eodem modo ex em-  
plo actionis serui corrupti, quod & Græci notarunt ad  
*l. 2. C. rer. annot.* eam actionem non intendi pœnaliter,  
sed in simplum tantum, id est, quanti hodie res est, cui  
damnum illatum est, non quanti eo nomine fuit pluri-  
mi. Et recte in *l. si mulier dolo, de don. int. vir. & vxor.*  
si rem donatam sibi à marito, quæ non valet, sed reuo-  
catur penitentia, dolo malo consumpserit, si fecerit, ne  
existeret, commodarit, perdidit dolo malo, teneri  
eam *l. Aquilia damni iniuriarum.* quia rem tantum  
maritus ea actione consequitur, non pœnam. Et proprie  
actio legis Aquilæ pœnam persequitur, sed parcimus  
vxori. Postremo obstat, quod in vxorem datur actio de-  
positi, mandati, *l. 10. §. ult. de iur. dot.* quæ sunt famo-  
sæ, *l. 1. de his qui notant. infam.* Et breuiter respondeo,



hæ actiones sunt famosæ, si agatur de perfidia depositarij aut mandatarij: quæ ex causa si agatur cum vxore, sane non erit exprimenda causa perfidiæ, aut violatæ fidei, sed verbis erit temperanda actio, ne lædatur existimatio mulieris. Et ita etiam est accipiendum, nonnunquam filium agere furti in patrem, quæ est pœnalis & famosa, si quid pater surripuerit ex peculio. *litens*, vel quasi castrensi, in *l. si quis uxori §. sed si filius, de furt.* sed intelligendum est filio dari utilem actionem in factum, quæ mentionem non habeat furti, vt conseruetur fama patris. Vtiles actiones verbis leniores sunt, vim tamen eandem habent: nam ea actione consequitur filius duplum, id est, pœnam: quod est notandum: vt inde appareat, in patrem quidem non agi famosa actione: sed tantum pœnali: qui ni? cum tamen in coniugem nec pœnali nec famosa agatur durante matrimonio. Ea igitur actio quæ datur, est utilis in factum, & ab Harpocratione scribitur, eam non esse *πὲρ κλοπῆς, ἀλλὰ πὲρ ἀποιχέσεως* de furto, sed rerum amotar. *lib. 1. Epitomes tit. de minor.* Est vero elegans quæstio *l. 5. quæ pendet ex §. ult. l. 3.* & modum addit sententiæ propositæ initio *d. §. ult.* loquitur iste §. de filiafam. quæ res amouit marito diuortij causa: sed quæ scribuntur in eo *§. de filiafam. l. 4. §. 6.* eadem obtinent in filiofam. qui amouit res vxoris, *l. 6. §. item, h. t.* Finge: filiafam. res amouit marito diuortij causa. est in eam actio eo nomine, & in patrem in cuius potestate est. in eam est actio rerum amot., in solidum, quia constat filiafam. & filiumfam. ex omnibus causis obligari in solidum tanquam patremfam. *l. filiusf. 2. de oblig. & act.* in patrem est actio rerum amot. de peculio. Vtriusque sententiæ redditur ratio in *d. §. ult.* quia displicuit eam furti obligari, & in *l. 1. hoc tit.* quia non placuit, cum ea furti agi posse. Illa ratio seruit tam inferiori, quam superiori sententiæ. vt in *l. ult. de condict. sine causa.* Hæc ratio, quia incestum iure gentium committit, seruit & superiori & inferiori sententiæ: itaque inter vtramque ponitur. Cur datur actio in filiamfamilias? quia displicuit eam furti obligari: ergo nec conditione furtiua. nam singularis est casus in *l. 3. §. ult. vbi, quæ non obligantur furti, non obligantur conditione furtiua.* Sed cur datur contra patrem de peculio, non in solidum? quia displicuit filiam furti obligari, id est, si filia obligaretur furti, pater ex pœnali actione non teneretur de peculio, *l. expœnalib. de reg. iur.* nam illa actio datur tantum ex contractu filiifam. ex negotio gesto. Quæ de causa non fuit hoc sine controuersia, an ob res amotas pater teneretur de peculio. videtur enim non teneri, quia actio rerum amotarum datur ex delicto, *l. si mulier 25. §. pen. hoc tit.* Contra videbatur teneri, quia etiam si ex delicto veniat, tamen non persequitur pœnam meram, sed rem. Et ita statuunt Mela & Fulcinius, vt sit ex hac causa etiam in patrem actio de peculio. Est quidam iurisperitus, qui in libro quodam olim edito, credit traiecta esse verba *§. ult. l. 3. h. t.* & ita esse reponenda, vt non medio loco ponatur illa ratio, sed vltimo, atque ita ea ratio applicetur posteriori, non priori sententiæ. mouetur eo, quod ea non videatur idonea ratio dandæ actionis de peculio, quia furti non obligatur. Nam, inquit, etiam si furti obligaretur, pater teneretur ex causa furtiua, *l. 3. §. pen. de pecul.* Cui tamen respondere facile est. Imo maxime est idonea ratio, hoc pacto scilicet: si furti obligaretur filia, pater non teneretur actione pœnali de peculio, *d. l. expœnalib.* sed quia furti non obligatur, sed rerum amotarum, tantum ex ea causa pater teneretur de peculio: quo nihil est apertius. Ratio igitur illa non est loco mouenda. Nam & Basil. eundem ordinem verborum obseruant, *ἐάν ὑπερβία γυνὴ ἀνέγκῃ ματαποικινύσει, πνὲς ἕλερον τῷ δεpeculio καὶ πατρὸς διδου:* quia & sequentis sententiæ ratio seruit & primæ. Ergo ex causa rerum amotarum per filiamfam. pater teneretur tantum de peculio. Sed vt subiicit in *d. §. ult.* si pater agat de dote coniuncta filia vti debet, non dis-

A sentiente filia. Pater enim dotem profectitiam repetere non potest non consentiente filia, quia est communis, *l. 2. §. 1. sol. matrim.* sed patri deferentur agendi partes. Si igitur pater agat de dote consentiente filia fiet compensatio ob res amotas in solidum, non peculio tenus. Itaque pater repetens dotem non audietur, nisi filiam defendat nomine rerum amotarum in solidum, & nisi satisfat iudicatum solui secundum regulam generalem, quæ vult vt nemo sit idoneus defensor sine satisfatione. Atque ita notandum generaliter: cuius rei in solidum quis non obligatur, sed de peculio tantum, eius compensationem tamen patitur in solidum, si ipse vltro agat, *l. 9. in princ. de compens.* filiusfam. contraxit societatem cum altero. multum interest an socius filiifam. agat pro socio in patrem, an pater in socium: nam ille socius si in patrem agat, agat de peculio tantum: si agat pater filij, solidum sibi reseruabit per compensationem: socius non est idoneus defensor, qui non satisfat iudicatum solui, neque etiam est idoneus defensor, qui scindit defensionem, aut minuit. Ergo in patrem non agitur rerum amotarum in solidum, sed in peculij quantitate & modum. Et actio de peculio perpetua est, quandiu peculium manet, aut restitui potest. Nam satis est, si rei iudicandæ tempore aliquid sit in peculio, etiam si nihil fuerit tempore litis contestatæ: sed extincto peculio actio est annalis in patrem: extinguitur peculium morte filiifamil. Mortuo igitur eo actio dabitur intra annum tantum in patrem. An ergo in hac specie mortuæ filiafamil. post diuortium, quæ res amouerat in patrem dabitur actio annalis de peculio? non, vt subiicitur in *l. 3. §. ult. hoc tit.* nisi in id, quod ad patrem ex rebus amotis peruenerit, vel dolo malo eius factum erit, quo minus peruenerit, vt subiicitur *l. 4.* ergo nec aliter dabitur in patrem, quam si aliquid ad eum peruenerit ex rebus amotis. Subiicit Papin. in *l. 5.* viua quoque filia non dari in patrem actionem de peculio ob res amotas, nisi in id quod ad patrem peruenerit: nihil interest viuat, an mortua sit filia, atque ita interpretabimur ex Papiniano quod proponitur in *d. §. ult.* in patrem dari actionem de peculio, sed addendus est modus ex *d. l. 6.* teneri ex eo tantum, quod ad eum peruenerit. Quæ de causa etiam dicitur à Papiniano actio utilis. Cur appellatur utilis? cur non directa? quia venit ex delicto. & de peculio si directo & summo iure agitur, non agitur nisi ex contractu, ex negotio gesto. Rursus cur non datur directa? quia directa de peculio non datur in id solum, quod ad patrem peruenerit: sed in id totum, quod est in peculio, etiam si nihil ad patrem peruenerit. Est elegans quæstio hæc: Nam videbatur non esse actionem de peculio rerum amotarum in patrem, quia venit ex delicto: videbatur esse, quia pertinet ad rei persecutionem, nec pœnam persequitur. Quid definitum est? Placuit media sententia, vt teneatur de peculio in id totum, quod ad eum peruenerit. & simili modo condictio furtiua datur in patrem, vel dominum de peculio, non vt solet dari ex contractibus, sed in id tantum, quod ad eum ex furto peruenerit: sequuntur hac in re mediam sententiam, *l. 3. §. pen. de condict. furt.* Quæ dicta sunt de filiafamil. eadem obtinent in filiofamil. Quid in seruo? Finge: Seruus vel ancilla amouit res sui contubernalis, an in dominum dabitur actio rerum amotarum de peculio? nihil de hac re scribitur, quia constabat cessare rerum amotarum: nam vbi cessat matrimonium, ibi cessat rerum amotarum actio, quia competit diuortij causa: vbi autem non est matrimonium, ibi non est diuortij causa, *l. si concubina, hoc tit.* cum in seruis vel inter seruos non sint nuptiæ, *l. 3. C. de incest. nupt.* Sed si alij seruus furtum fecerit, condictio furtiua de peculio dabitur in dominum de eo, quod ad eum peruenerit: in residuum noxæ dedetur seruus: & si filius sit, in residuum agatur cum filio.



## Ad l. ult. rerum amotarum.

*Cum soluto matrimonio rerum amotarum iudicium contra mulierem instituitur, redintegrato rursus matrimonio, soluitur iudicium.*

**I**udicium rerum amotarum soluitur recōciliato matrimonio, *iudiciū soluitur*, id est, iudex esse desinit, qui datus in eam specie, *l. iudicium, de iudic.* & reus interim ab soluitur ab observatione huius iudicii, iudicisve, & actio rerum amotarum cessat, vel interquiescit, non etiam extinguitur, alioquin non restitueretur actio rerum amotarum diuortio iterū facto, *l. redintegrato, h. t.* Et tamen restituitur. Cessare actionem, est sopiri actionem, non extingui, *ut in l. qui res §. arcam, de solut. illo loco, ut magis, l. inter stipulantem 83. §. sacram, l. continuus §. illud, de verbor. obligat.* Seneca in ep. *insanus per intervalla, dum interquiescit, sano similis est, in eo, inquit, furorē cessare non deesse.* Actio quæ cessat facile restituitur, quæ extincta est, nunquam restituitur, nisi ex noua causa, sed hoc non est restitui, sed nasci, *l. 10. §. pen. de in rem verso*, quare naturalis, *ut Aristot. ait*, est quidam regressus ab habitu ad priuationem, non contra: nec enim quod extinctum est amplius restituitur, & quæ restituuntur actiones, sane reuiuiscunt, cessasse intelliguntur, non extinctæ fuisse. Verum quid fiet, si post diuortium nōdum sit actum rerum amotarum, & antequam ageretur, restitutum sit matrimoniū, an tunc aget rerum amotarum, ob res amotas prioris diuortij causa? agenti obstat exceptio doli mali: nam nata est quidem actio, sed equum est, eam solui aut cessare matrimonio redintegrato, cuius rei argumentum præbet *l. si mulier post diuort. de iur. dot.* quia scilicet constante matrimonio, actio rerum amotarum non est inter virum & uxorem, *l. 2. l. ult. & l. 5. h. t.* Et quod ait hæc lex ult. de iudicio rerum amotarum, idem etiam obtinet in iudicio de dote, quo mulier post diuortiū agit cum viro: nam reconciliato matrimonio soluitur iudicium de dote: vel si nondum actum sit de dote, & reconciliato matrimonio agatur, olim ipso iure non competeat actio rei vxoriæ, quia est bonæ fidei, & doli mali exceptio inest bonæ fidei iudiciis, *ut necesse non sit eam opponi.* actio ex stipulatu de dote perimebatur per exceptionē doli mali, *d. l. si mulier*, post diuortiū hodie perimitur ipso iure, quia est bonæ fidei, ex Constitutione Iustiniani. Verum ita demum iudicium de dote, quod inchoatum est ante redintegratū matrimonium, soluitur, si mulier egerit, quæ dotem dederat, non si extraneus egerit, qui dotē dederat pro muliere, & stipulatus fuerat, eam sibi reddi diuortio facto, & ei quæ sita actio de dote semel, non intercidit recōciliato, redintegrato matrimonio, nec dos rursus eadē fungi potest nisi ipse denuo consentiat, & velit eandem pecuniā doti esse: alioqui recipit pecuniam ex stipulatu, etiam si redintegretur matrimonium. *l. stipulatio, de iur. dot. l. in insulā §. ult. sol. matrim.*

## Ad l. 5. de confirm. tutore.

Tutores à patruo testamento datos iussit prætor magistratus confirmare. hi cautionem quoque accipere debuerunt: nec voluntas eius, qui tutorem dare non potuit, negligentiam magistratum excusat. Denique prætor non ante decretum interponere potest, quam per inquisitionem idoneis pronuntiatis. Vnde sequitur, ut si tutela tempore soluendo non fuerunt, in id, quod de bonis eorum seruari non possit, contra magistratus actio decernatur.

**T**ransseamus à dotibus ad tutelas: nam reliqua quæ sunt in hoc libro, & quæ fere sunt in lib. 12. sunt de tutelis. Et prima quæstio est de confirmando tutore vel curatore. Confirmari dicitur, qui non iure testamēto datus à magistratu tamen, cui ius dandi tutoris, datur secundū iudicium & voluntatem testatoris. Iure datur tutor testamēto à patre vel auo liberis, qui sunt in potestate, atque ita priuatus dat tutorem. Et hoc est, quod dici-

**A**tur, tutoris dationem non esse iurisdictionis vel imperij. Nam & is qui nec iurisdictionem, nec imperium habet, tutorem dat, veluti pater filiofamilias, quia hoc ei permittit lex 12. tabul. Ergo tutoris datio est legis, id est, cōpetit ei, cui lex dedit, vel Senatusc. aut ipse Princeps, *l. 6. §. tutoris, de tut.* Curatorem autem nec filiofamil. iure dat pater in testamēto: Nam generaliter nusquam à quopiā iure testamento curator datur, hoc est certissimum, *exit. Instit. de curat.* nec quærenda est alia ratio differentię, quam quod *l. 12. tabul.* quæ permittit patri tutorem dare, de tutela tantum loquitur, *super pecunia, tutelave sue rei*, non de curatione. Ergo tutor tantum iure datur testamēto, ab eo qui pupillum habet in potestate, non item curator. Et similis est ratio, cur ventri detur curator, non tutor ex edicto Prætoris de ventre in possessionem mittendo, *l. ventri, de tut. & cur. dat.* Nam, inquit de curatore constituendo edicto comprehensum est. non dabitur ergo tutor, & tutoris & curatoris datio, legis est omnimodo, nec plus licet in dando tutore, quam lex concesserit vel edictum. Non iure datur tutor testamento à patre filio emancipato vel naturali in seruitute quæsito, & postea manumisso vna cum patre, vel suscepto ex concubina, non ex vxore iusta: nam & hic non est in potestate. Imo *ut loquitur lex ult. C. de natur. lib.* est degener partus & obliquus partus, *ut loquitur Statius.* Et pari ratione mater non iure tutorem dat, quia liberos non habet in potestate. Itemq; patruus aut patronus liberti filio nō iure dat tutorem: & generaliter extraneus, id est, qui non habet pupillum in potestate, testamēto iure tutorem non dat. Sed hoc interest inter eum, qui datur à patre pupillo emancipato vel naturali & non iusto filio, & eum, qui datur à cæteris, quod datus à matre vel cæteris extraneis, solet confirmari decreto consulis, *ut in l. 1. h. t. vel prætoris vel præsidis ex constitutione principum, ut ait d. l. 1.* Solet, inquam, confirmari ex inquisitione. Nam antequam confirmetur, inquisitio fit per scribas & officiales prætoris aut præsidis, *l. 3. §. tutor qui, de susp. tut.* Inquirunt an tutor datus à matre vel ab extraneo sit soluendo: si non sit, non confirmant: inquirunt an sit bene moratus, quod est caput: an sit diligens, an optimus paterfam. an nouerit educare liberos, an patriam amet, an sit vagus & erro. Post inquisitionē huiusmodi pronuntiatur hoc modo à iudice, *testamento datum idoneum videri*, & decreto interponitur, quo iubetur tutelam suscipere, qui datus est, quive se non excusat. Ac præterea datus à matre vel cæteris non confirmatur, nisi datus sit pupillo heredi instituto, quasi in rem potius & bona, quæ illi reliquit, quam in personam, *ut ait l. 4. de test. tut.* nam datus non instituto, non confirmabitur. Et placet valde ratio *l. 4. h. t.* *ut si patronus vel quiuis extraneus pupillum heredem instituerit, eique tutorem dederit, quæ datio iure non valet, confirmari debere tamen datum tutorem, secundum volūtatem testatoris.* Confirmare, est sequi iudicium testatoris, quod non fiet sine inquisitione. Sed cur exis, *ut sit institutus pupillus, ut confirmetur tutor, qui ei datus est: quoniam testator eius personam, quem tutorem esse voluit, nouerat, nec elegit eum frustra aut temere, aut inconsulto, & impuberem ita dilexerat, ut eum heredem institueret.* Sane diligo eum, quem heredē facio, ergo etiam video ei de optimo tutore prospexisse, nec igitur ab eius iudicio temere recedit magistratus, sed neque id sequitur citra inquisitionem. Eadem ostendit etiam *l. 4. de test. tut. l. 23 hoc tit. l. 4. C. de test. tut.* vbi iamdiu ostendi abundare negationem. Nam *d. l. 4.* ait matrem dare posse tutorem iustantum impuberibus filiis, quos heredes instituerit. Et subiicit, *quādo eos heredes non instituerit*, vbi delenda est negatio, & perspicue legendum, *eos heredes instituerit.* Solet tutor ex voluntate matris à præside confirmari, qui sane non confirmaretur liberis non institutis. Et hæc de tutore dato à matre, vel quolibet extraneo. Aliud seruatur in tutore dato à patre filio emancipato, vel naturali, *ut subiicit postea.* Nam



dati emancipato, à patre confirmatur sine inquisitione, *Inst. de tut.* Electio patris est firmissimum iudicium, quia paterno amor nullus est similis, nullus maior affectus. confirmabitur ergo sine inquisitione, eo tamen animaduerso, an durauerit voluntas patris, *l. 8. hoc tit.* Et præterea nihil intererit, dederit pater tutorem filio instituto vel exheredato, *l. 4. supra, de test. tut.* Exheredatur autem emancipatus filius, non autem naturalis, quia res esset inepta. naturalis nunquam exheredatur, sicut nec extraneus. filius naturalis intelligitur esse extraneus penitus. emancipatus, quia iure prætorio non est extraneus, est instituendus vel exheredandus, *l. quidam, de verbor. obligat.* sicut suus. non naturalis. Sed & in naturali ita se res habet, ut si dederit ei pater tutorem, cui nihil reliquit, ut ait *l. naturali, hoc tit.* non dixit, quem exheredauit, sed cui nihil reliquit: nam exhereditatio non cadit in naturalem, confirmetur, verum non sine inquisitione, quamuis sit datus à patre, quando incertus esse intelligitur pater, quem nuptiæ non demonstrant. Et licet dicat *l. naturali, hoc tit.* naturali filio, cui nihil relictum est, frustra tutor datur à patre, non ideo sequitur, quin possit confirmari, vel adhibita inquisitione, sicut in *l. qui tutelam §. ult. de test. tut.* Iurisconsultus ait, *impuberi liberti patronus tutorem frustra dat, & subiicitur tamen, sed ex voluntate patroni confirmabitur, si fides inquisitionis congruat iudicio testatoris.* debent congruere iudiciū defuncti, & fides inquisitionis. Hæc differentia est valde notanda inter tutorem datum à patre, & datum à matre & cæteris exteris. Ad hæc notandum, confirmatum tutorem; qui testamento iure datus non est, non satisfacere rem pupilli saluam fore: hoc est indistincte verum, siue datus sit à patre, siue ab aliis personis. Primum datus à patre non iure, & confirmatus, non satisfacit, quia ut ait *l. 3. hoc tit.* perinde est atque si ex testamento tutor esset. Quid? ergo tutor confirmatus, qui datus est testamento non iure, non est tutor ex testamento, sed ex decreto Prætoris vel Præsidis? Sic est: non est tutor testamentarius, sed datius. Confirmare tutorem, est dare, *l. iure 26. §. ult. & l. seq. de test. tut.* sed perinde est, ac si ex ipso testamento tutor esset: Ergo remittenda est ei satisfactio. Nam tutor datus testamento, & qui pro eo habetur, non satisfacit, quia fides eius & diligētia satis intelligitur approbata à testatore; nec sunt onerandi satisfactio, qui habent certissimū iudiciū defuncti. Datus autem tutor non iure à matre vel extraneo, & confirmatus, non satisfacit etiam rem pupilli saluam fore, *l. 2. hoc tit.* Cur non eadem ratione, qua vsumus in patre? sed hac, quia ex inquisitione confirmatus est, & via & fides inquisitionis pro vinculo satisfactio cedit, *l. 13. de tut. & cur. dat. Inst. de satisf. tut.* initio tit. *Satisfacit, inquit, datius, qui scilicet, dati sunt à magistratu sine inquisitione. Cæterum dati ex inquisitione non satisfaciunt, quia idonei electi sunt.* sed ex hac *l. & pronuntiati sunt idonei*, id est, videri esse locupletes & bene moratos, & bonos patresfam. Atque ita demonstramus, tutores confirmatos indistincte non satisfacere rem pupilli saluam fore, quia scilicet confirmantur vel ex inquisitione, vel quia perinde sunt, atque si tutores essent ex testamento, quales dicuntur esse à patre dati tantum, non à matre, vel aliis personis. Sit igitur hæc sententia statuta & fixa, confirmatos tutores non satisfacere. Obstat tamen huic sententiæ vehementissime hæc *l. 5.* Species est: Patruus filio fratris impuberi testamento tutorem dedit, ergo non iure, quia pupillum non habet in potestate. Prætor iussit eum tutorem à magistratu municipali confirmari, quod est dari, ut antedictū est: magistratus municipalis habetne ius dandi tutoris? habet, non minus quam magistratus urbanus, vel prouincialis, *l. 3. de tut. & cur. dat.* ius datū est: lege igitur aliqua vel constitutione, sed plerumq; magistratus municipales non dant tutores nisi iussu Præsidis, aut Prætoris præcepto, quod præceptū non est mandatum: Nam tutoris datio non potest mandari, vel delegari alteri, quia ea tantū possunt mandari, quæ sunt iurisdictionis, datio tu-

A toris non est iurisdictionis, sed iuris, *l. nec mandante, in princ. de tut. & cur.* Ergo dum iubet præses magistratum municipalem tutorem dare, non hoc ei munus mandat, quod habet ipse sine mandato, quia datum est ei ius dandi tutoris, *l. 3. §. 2. §. & si quem, ad Terryll.* Iussum illud est admonitio tantum, ut loquitur recte *l. 1. §. magist. de mag. conuen.* Huc pertinet etiam *l. Lucius §. cum testam. de adm. tut. l. 3. & 4. de cur. fur. §. sed hoc iure, Inst. de Attil. tut.* Resumamus speciem. Finge: Tutorem datū à patruo prætor iussit magistratū confirmare, magistratū intellige municipalem: (ut plurimū in iure cum loquimur de magistratu, municipalem intelligimus, in *tit. de magistr. conuen.* magistratus, id est, municipalis) magistratus confirmauit: ab eo satisfactio rem pupilli saluam fore non exegit: & B tempore finitæ tutelæ tutor non est soluendo, quid fiet? pupillus actione vtiliaget in magistratum, qui confirmauit tutorem sine satisfactio, & datur actio ex Senatusc. vtilis in factū; & est subsidiaria, quia datur in magistratū municipalem in id tantū, quod à tutore seruari nō potest, ex *tit. de magistr. conuen. inf.* Ergo negligentiam magistratus municipalis non excusat voluntas patruī, non iudiciū testatoris, nec enim debuit confirmare eum tutorem sine satisfactio. Hic se torquet Accurs. cuius magna glossa circumscribenda est, hac enim in re nihil euidentius est, quā quod magistratus municipalis separandus est à magistratibus urbanis, aut prouincialibus, quorum amplior est potestas, quorū maius est imperium: Nam magistratus municipales non confirmant tutorem ex inquisitione sola, sed exigunt satisfactio, aut hoc potest eis culpæ imputari & verti, si tempore finitæ tutelæ, tutor inopia laboret, nec possit restituere tutelam. Alij autē magistratus urbani vel prouinciales non exigunt satisfactio, sed dant ex inquisitione. ista inquisitione non vtuntur magistratus municipales, sed satisfactio. Ergo exigere debent satisfactio. In aliis inquisitio pro satisfactio est, ergo & superuacua satisfactio est. Igitur in hac specie dicitur, *denique Prætor non ante decretum, & c.* Dixit magistratus municip. debuisset satis exigere: si id debuit facere, ergo & Prætor non debuit etiam dare sine inquisitione. Tutor datur decreto pro tribunali, non de plano, non per libellum. Et ideo ait, *Prætor non ante decretum interponere, quam per inquisit. idoneis pronuntiatis*, secundum fidem inquisitionis, hoc in prætor: in duumuiro ita dicamus, in magistratu municip. duumuiro non potest decretum interponere, nisi exacta satisfactio, nec idem ordo seruatur ab hoc & ab illo in confirmando tutore. Ideoque subiicit, *si tempore tutela*, id est, finitæ tutelæ, vel aliter, id est, tempore, quō pupillus sit suæ tutelæ, suæ ætatis, soluendo non sit tutor, magistratus municipalis tenebitur actione subsidiaria, si non exegerit satisfactio. Et hoc est quod ait Papinianus in hac *l. 5.* Huc pertinet etiam ad hoc propositum *l. 1. §. sed etsi satis: de mag. conuen.*

#### Ad l. 13. de tut. & curat. datis.

E Si impuberi libertas & hereditas per fideicommissum data sit, & institutus adire nolit, Senatus censuit, eum si impuberis nomine desideretur, adire cogendum: ut tamen pupillo, pupilla tutor ab eo, cui ius dandi erit, deitur qui tutelam retineat, quoad restituatur hereditas, & rem saluam fore ab herede caueatur. Postea Diuus Hadrianus ut idem in eo seruaretur, cui directæ libertas data fuerit, rescripsit.

§. 1. Quamuis autem à patrono, rem saluam pupillo fore, non facile cautio exigatur: tamen Senatus pro extraneo haberi voluit eum, qui quod in ipso fuit etiam libertate priuauit impuberem, & ius quidem liberti, quod habet, quia ex causa fideicommissi manumittit, non est ei ablatum. Tutela vero sine vinculo cautionis non committitur. quid ergo si non caueat? non dubie tutela non erit apud patronum.

§. 2. Sed si puella duodecimum annum impleuerit, tutor



desinit esse. quoniam tamen minoribus annorum desiderantibus curatores dari solent, si curator patronus petatur, fides inquisitionis pro vinculo cedit cautionis.

**E**t verum quod Bartolus in hanc l. scribit, esse elegantissimam & auream, quod nescio quo spiritu scripsent, cum non bene tenuerit sententiam legis. Ponitur hæc species, heredem institutum & rogatum seruum manumittere, eique hereditatem restituere: quo casu Papin. ait, senatum censere, heredem esse cogendum adire hereditatem, si hoc desideretur nomine serui impuberis, cui hereditatem restituere rogatus est, vt tamen impuberi cuiuscunque sexus sit, tutor detur ad tempus, qui scilicet retineat tutelam, quoad pupillo heres restituerit hereditatem, atque etiam ei pupillo cauerit heres, vel satisfecerit rem saluam fore. Verbis Pap. vt se habent, prima fronte videtur in specie legis propositæ seruo tutor dari, seruo inquam, impuberi, cui relicta est libertas, & hereditas per fideicom. & ita existimat Accurs. in tit. *Inst. de test. tut.* In verbis huius legis seruo tutorem dari existimant & alij, quod est contra definitionem tutelæ. Tutela est vis ac potestas in capite libero, id est, in caput liberum. Caput liberum dicit eum, qui est sui iuris, qui neque est in potestate parentis, neque in potestate domini: nam seruo vel filiof. tutor non datur. Imo vero tutela finitur, si pupillus fiat seruus, vel si forte fiat filiusf. per arrogationem, l. si arrogati. *supr. de tut.* ergo soli patrifam. impuberi, soliue matrifam. impuberi tutor datur. Est casus in quo filiusfa. tutorem habet in l. ult. §. minores, C. de sent. passis. possit etiam aliquis esse casus, quo seruo detur tutor, inquis, quod ego non concedam: nam & in illo casu d. l. ult. filiofam. tutor non datur, sed tutor datus patrifam. post reuerso eo in potestatem patris tutor manet propter dissolutos mores, & nequitiam, luxuriam patris. Et talis est casus. Deportatione patris soluitur patria potestas, & filius fit sui iuris, & quamdiu pater est in exilio, sibi acquirit, & testamentum facit tanquam paterfam. quod si postea pater restituitur in ciuitatē indulgentia Principis, an testamentum, quod interim fecit filius irritum sit, an quod interim acquisiuit pertinet ad patrem restitutum in integrum, restitutum patriæ? Minime. atque ita in illo casu filiusfam. habet testamentum, habet bona propria pagana: nam castrensia proculdubio potest habere. Finge: filius deportati erat pupillus: ideoque interim datus est illi tutor, restituto patre an tutor esse definit? sic videtur, quia æquius est, patrem administrare bona filij, quæ interim acquisiuit, quam extraneum. Sed hoc ita procedit, si pater sit homo frugi: nam si sit nequam pater, si prodigus, si luxuriosus, tutor idem manebit, qui fuit ante, atque ita filiusf. habebit tutorem. Nam sane restituto patre reuertitur in potestatem patris. Fateor, illo casu filiusf. habet tutorem, sed non datur filiof. verum tantum retinetur. Et similiter non datur seruo tutor, in l. 17. h. t. ei, qui de statu suo litigat, id est, qui petitur in seruitutē ex libertate, si detur tutor, ita demum datio valet, si liber sit, quod euentus litis declarabit. Denique euentus eius cognitionis declarabit, iure datus sit is tutor nec ne; interim erit in possessione libertatis, & tutor quasi datus libero approbabitur & admittetur. Et in specie igitur huius l. cum lex non dicat palam seruo tutorem dari, in ea, inquam, specie ponenda, obseruare debemus, vt ita ponatur, ne illud quod perquā absurdū & legibus contrarium efficiat, seruo tutorem dari. Et ita verissime ponatur species. Quidam heredem instituit, eumque rogauit verbis fideicom. vt seruum hereditarium impuberem manumitteret, eique hereditatem restitueret, atque ita ab herede instituto testator seruo proprio impuberi reliquit & libertatem fideicom. & hereditatem fideicom. heres institutus recusat adire hereditatem, dicens eam esse suspectam & damnosam: si non adeat, intercidet vtriusque fideicom. hereditatis & libertatis: nam destitutum testamentū, pro non facto habetur. Destituitur, si heres non adeat. Quid igitur fiet, ne intercidat libertas & hereditas fideicommissaria? Senatus, in-

**A**quit, censuit heredem compellendum adire hereditatem si hoc desideretur, nomine impuberis. Caput hoc vnum est Senatusconf. Pegasiani, cuius fuerunt & alia multa capita, l. cogi, l. ex facto, ad Trebell. & in multis locis eodē titulo. Ergo Senatusc. Pegasiano cauetur, vt etiam hoc casu, si hoc desideretur nomine impuberis, compellatur heres adire. Impubes quidem hoc non postulabit, quia ætas non fert, vt postulet quicquā per se, sed quilibet alius pro eo postulabit. Ætas ne postulet, impedit: conditio seruilis sola ne hoc postulet, nō impedit; quia et si regulariter seruus non possit consistere in iure vel in iudicio, tamen libertatis causa etiam per se aditum ad prætorem habet, l. vix, de indic. l. mulier §. non est, ad Treb. l. de libertate, de fideic. libert. l. Titius, de act. empt. Ergo quolibet postulante nomine pupilli, aut pupillæ, heres scriptus cogitur hereditatem adire, quam suspectam dicit, non suo, sed pupilli periculo, qui eum cogit ex Pegasiano. Cogitur pupillum pupillamue manumittere ex causa fideicom. manumissione heres fit patronus pupilli, ergo tutor legitimus: nam patronus liberti impuberis est tutor legitimus. Denique heres idem manumissor pupilli, pupillæue est tutor legitimus, quasi patronus: sed non potest auctor esse in ea re, quæ inter eum vertitur & pupillū, puta de hereditate restituenda. Ac præterea non potest tutelā gerere, antequā satisfecerit rem pupilli saluam fore. testamentarij tutores, & ex inquisitione dati non satisficiant, at legitimi satisficiant, aut sane tutela non erit apud eos, quia igitur manumissor, licet manumissione fiat tutor legitimus pupilli pupillæue, non potest tamen in causa restituendæ hereditatis auctoritatē suam pupillo interponere, & quia non potest tutelam administrare, nisi satisfecerit; igitur interim dabitur tutor specialis manumisso, datur tutor non seruo sed manumisso, vt in l. apud §. ult. ad Trebell. tutor temporarius, quo auctore pupillo heres restituet hereditatem. Nam solui quidem potest pecunia pupillo à debitore sine tutoris auctoritate, sed hereditas ex fideicom. restitui pupillo non potest sine tutoris auctoritate, quia restitutio hereditatis fideicom. non tantum est solutio, sed etiam successio, cum fideicom. cui restituta est hereditas, loco heredis habeatur, & sustineat onera hereditaria ex Senat. Treb. l. restitui §. ult. & l. seq. ad Treb. l. obligari §. pupillus, de auct. tut. Ergo manumisso pupillo interim dabitur tutor specialis, quo auctore heres restituat pupillo hereditatem, & tutor manebit quoad heres restituerit, & quoad heres pupillo satisfecerit rem saluā fore. Iis peractis heres suscipiet tutelam quasi patronus, quasi legitimus tutor, & ille definit esse tutor, qui datus est ad tempus tantum, & in speciem vnā. Et hoc est quod ait in prin. h. l. Subiicit ex Constit. Adriani, idem seruari in eo seruo hereditario impubere vel ancilla hereditaria, cui directā relicta est libertas & hereditas per fideicom. Senatus loquitur de eo, cui libertas relicta est per fideicom. sed Diuus Adrianus ait idem esse, si libertas relicta sit per fideicom. aut directo. Et hoc est, quod sequitur, postea D. Adrianus, & c. non tamen idem omnino seruatur in eo, cui vtrumq; datum est per fideicom. Quod quemadmodū intelligendum sit, videamus, nec enim idē seruatur in illo, quod censetur in eo, cui data est libertas per fideicom. nam idem, quod ibi seruatur, si impuberis nomine desideretur, vt heres cogatur adire, idem seruatur, vt pupillo detur tutor libero facto, iam statim post aditionē iure directo sine facto heredis. Sed hic tutor, an erit specialis, an erit temporarius? imo erit generalis & perpetuus, quia pupillus nō est libertus heredis, nec enim heres eum manumisit, sed est libertus orcinus, vel libertus familie, l. 48. de manum. test. l. 3. §. plane, de legit. tur. nō est libertus heredis. ergo heres non est eius tutor legitimus, & qui datus est, tutor manet, non existente legitimo, qui ei præferatur. Obseruandum est, quod posuimus speciem in eo cui est relicta libertas & hereditas, vtrumque per fideicommissum ab eodem herede scilicet, nempe rogato vno eodemq; herede eum manumittere, & ei restituere hereditatem, quem heredem dicimus compelli adire heredi-



tatem. Hoc verum est, etiamsi ab eodem herede libertas per fideicommissum sit relicta pure, hereditas autem sub conditione: nam & pendente conditione cogitur adire, *l. si cui pure, in pr. ad Trebell.* Additione facta cogetur heres manumittere, quia pure libertas data est, cogetur & interiri restituere, qui inuitus adiuit, non suo periculo, sed alieno. Sed aliud erit è contrario, si hereditas pure per fideicommissum, libertas sub conditione relicta sit: nam heres non cogetur adire, antequam extiterit conditio, quia nondum libero non potest restitui hereditas, & secundum voluntatem defuncti, non cogetur heres eum manumittere prius, quam conditio existat, *d. l. si cum pure §. ult.* Eadè ratione, si ab vno herede relicta sit libertas, ab altero hereditas per fideicommissum sub conditione, is, à quo relicta est hereditas, non ante cogitur eam adire ex Senatusconf. Pegasiano, hodie Trebell. quam seruo libertas contigerit, quam seruus manumissus sit, quia nondum libero non potest deberi hereditas, deberi fideicommissum, quum scilicet seruus fuit proprius testatoris, *l. si res aliena §. seruus, ad Trebell.* Postremo ex his, quæ diximus, obseruandum est, legitimum tutorem satisfacere rem pupillarem saluam fore, aut non attingere eam tutelam, non peruenire ad legitimam tutelam sine satisfactione. Legitimi tutores ij sunt, qui satisfant: nam testamentarij, & qui dantur ex inquisitione, non satisfant: dati sine inquisitione, satisfant, vt dati à duumiris. Sed videtur satisfactio remitti quibusdam. Plerumque legitimi satisfant. quæro, an omnes legitimi, quia videntur quidam excipiendi: Sane à patrono non est exigenda temere satisfactio, sed causa cognita, *l. legitimos, de legit. tut.* In hac specie tutor legitimus est patronus, ergo non est onerandus satisfactione, id est, non temere. quod tamen lex non vult vt attingat tutelam, antequam cauerit, & vt satisfat, non est absque ratione, quoniam hic heres, idemque manumissor & patronus, quantum in ipso fuit pupillum relicta fideicommissaria libertate priuauit: nec enim vltro eum manumissit, sed coactus à prætore, & ob id oneratur satisfactione, nec tutela ad eum pertinet, antequam satisfat: ius tutoris, item ius patronatus non amittit, imo nullum ius patroni amittit, licet coactus manumiserit, sed oneratur tamen satisfactione. Et alia est ratio eius, qui fit liber ex Senatusconf. Iunciano, quod factum est Emilio Iunco & Iulio Seuero COSS. *l. si cum seruum 28. §. si quis, de fideicom. libert.* Senatusconf. locus in hac specie: rogatus est heres seruum suum manumittere, sed si latitet, ne seruum manumittat & tergiuersetur, tergiuersator est debitor, qui latitat, & tergiuersatur, *l. i. §. ult. de leg. tut.* quid fiet? ipso iure fiet liber ex Senatusconf. Iunciano, & heres amittet ius patroni, non immerito, quia non ipse manumissit, sed Senat. perduxit seruum ad libertatem. vulgo in *d. §. si quis*, legebatur, *Factum Senatusconf. Emilio Vinco & Iulio Secundo Coss.* Sed legendum est, *Iunco*, vt recte Florent. & ita Satyr. 15. apud Iuuen.

---- Sed consule Iunco, Gesta.

Alia est ratio eius, qui fit liber ex Senatusconf. Rubriano, *l. quum vero 26. §. subuentum, de fideic. liber.* Heres rogatus est manumittere. euocatus est à prætore, nec venit, nec obtemperat edicto prætoris: ex eo Senatusconf. prætor pronuntiat eum esse liberum, perinde atque si directa libertas relicta esset, ei data esset? heres amittit ius patronatus, ergo non manumissit. At in specie proposita heres licet coactus, manumissit, & ideo conseruatur ei ius suum, retinet ius omne suum, conseruatur ei ius patronatus: quod omne demonstrant initio illa verba: *quia ex causa fideicommissi manumissit.* Quod est in extremo, facillimum est. loquitur de pupilla, de puella, id est, pupilla, sed idem obtinet in pupillo, vt initio legis dixi, *vt tamen pupillo pupillæve.* In hac specie heres, idemque patronus tutor est legitimus sed tutor esse desinit pubertate, si pupilla 12. annum impleuerit: puer 14. Post pubertatem datur curator, sed hoc interest inter curatorem & tutorem, quod hic datur inuito, cum pupillus nihil velle aut nolle intelligatur,

A ille non datur inuito, *l. 3. §. puberi, de tut.* Finge in pubertate tutor fuit patronus. Idem datus curator eidem facto puberi fuit eo desiderante. vt patronus fuit tutor, legitimus: si curator erit, erit curator datiuus, nam curatores puberum nulli sunt legitimi, nisi sint furiosi aut prodigi. Denique curator erit datiuus, qui tutor fuit legitimus, ergo curator dabitur ex inquisitione: proinde non satisfabit rem puberis *saluam fore.* sic fit, vt qui satisfecerit, quasi tutor, quod sit legitimus, non satisfat quasi curator, quod sit datus ex inquisitione, & vbique in iure inquisitio pro satisfactione est. Obseruandum etiam in fine *l. 3.* quod supra omiseram, patronum libertæ tutorem esse desinere, si liberta puberit, hoc est, si 12. annum impleuerit. De liberta loquor, non de liberto: de pupilla, non de pupillo, quando certissimum erat pupillam pubertate liberari tutela. Fœminæ olim erant in perpetua tutela, nec pubertate finiebatur tutela, sed liberabantur tantum libertæ tutela patronorum iure quatuor liberorum ex l. Papia, vt Vlpian. scribit in *Fragm. tit. ult.* quæ non habebant ius quatuor liberorum erant sub tutoribus, nec poterant facere testamentum sine auctoritate tutorum, nec dotem dicere nupturæ, nec ciuile negotium contrahere, nec lege agere, nec se obligare, nec mancipia alienare sine auctoritate tutoris, & hoc ex l. Papia. ex constit. etiam receptum, vt liberta liberetur tutela patroni, & generaliter, vt pupilla liberetur tutela, quum cæpit esse pubes, vt mas, vt in tit. *Inst. quib. mod. tut. fin.* Pupilli pupillæue liberantur tutela pubertate, adiecit, *pupillæue*, vt notet iuris antiqui abrogationem: qua de causa etiam Papinianus in *d. l. 3.* maluit in puella exprimere, quod in mare erat indubitatum.

#### Ad l. 37. de administr. tutor.

Tutorem, qui tutelam gerit, Sabinus & Cassius prout gerit in singulas res per tempora, velut ex pluribus causis obligari, putauerunt.

§. 1. §. Secundum quam sententiam seruus institor dominicæ mercis, vel propositus debitis exigendis; si liber factus in eodem actu perseueret, quamuis tempore seruitutis obligari non potuerit præteriti temporis nomine, actione negotiorum gestorum non inutiliter conuenietur, earum scilicet rerum, quæ connexam rationem cum his, quæ postea gesta sunt, habuerunt. Sic enim & tutela iudicium earum quoque rerum causa tenere placuit, quæ post pubertatem administrantur, si posterior actus priori cohareat, neque diuisus propriam rationem habeat.

§. 2. §. Inde descendit questio, quæ vulgo circa filiusfam. tractata est, qui tutor testamento datus post tutelam gestam emancipatus in eodem officio perseuerauit. Et secundum Sabinum & Cassij sententiam, conueniet, vt de eo quidem, quod post emancipationem gestum est, in solidum conueniri possit, de præterito autem, siue peculium non sit ademptum, siue sit ademptum, in id, quod facere possit. quod si superioris temporis nomine patrem de peculio pupillus conueniri maluerit, (annus enim utilis, ex quo tutela agi posse cæpit, computabitur) ne capiatur pater inducta totius temporis causa, tempus quo filiusfam. tutelam gessit, comprehendendum erit.

PROponitur initio generalis quædam sententia Sabinianorum, ad quam cætera omnia, quæ subiicit Papinianus referuntur. Sententia hæc est: tutorem, qui tutelam gerit (quod dicitur ad differentiam tutoris honorarij) prout gerit in singulas res per tempora, velut ex pluribus causis obligari posse. Per tempora, id est, habita differentia & distinctione temporum, quibus gerit: & tempora, dicit, non singula momenta, sed quæ longius spatium habent. Idem vero dici potest de fure: imo de imagine furis, quod Sabiniani definiunt in tutore, quod euidenter etiam fieri potest. Fur prout contrectat rem furtiuam per



tempora obligatur, prout contrectat. Igitur sapius contrectando furtum etiam facit saepe, qua tamen re non ideo magis nascitur actio furti vel crescit, *l. 6. & 9. de furt.* Et per tempora obligatur, hoc est, habita ratione & distinctione temporū, vt mulier aut vir ob res subreptas in matrimonio diuortij causa, non tenetur furti, sed si res contrectet post diuortium, easdem res contrectando post dissolutum matrimonium tenetur furti & condictione furtiua, *l. 3. rer. amot.* atque ita distinguuntur tempora, quia contrectans in matrimonio non tenetur: contrectās post diuortium tenetur: & ita seruus ob res subreptas domino in seruitute, non tenetur furti, sed si eas contrectet post libertatem tenetur, *l. 1. de noxal. act.* Ac similiter tutor prout gerit tutelam, per tempora obligatur, non quod ideo magis nascatur obligatio vel actio tutelæ, sed distinctio fit & separatio temporis, quo gessit & administrauit, quod quatuor exemplis planum faciam. Primum est tale: tempus pupillaris ætatis separatur à pubertatis tempore. quomodo? nam quod tutor gessit pupillaris ætatis tempore, hoc est, quamdiu pupillus fuit, & eius tutelam administrauit, de eo tenetur actione tutelæ: quod gessit post pubertatem, de eo tenetur actione negotiorum gestorum, non tutelæ: nisi vno casu, si id, quod gessit post pubertatem connexum sit iis, quæ gessit antea, vt inquit textus eleganter. Si quod gessit, si posterior actus, hoc est, administratio post pubertatem priori cohæreat, nec diuisus propriam rationem habeat. Connexum est, cuius ratio à tutelæ ratione, à tutelæ administratione separari non potest, vel id sine quo tutelæ administratio expediri non potest, *l. 12. de neg. gest. l. 13. de tut. & rat. dist.* Et nihil refert, geratur ante vel post tutelam, *l. quid ergo §. pen. de cont. act. tut.* & inter cetera connexum dicitur officio tutelæ, vt tutor pupillam suam puberem factam statim admoneat, vt sibi curatorem petat, *l. 5. §. si tut. hoc tit.* Ita etiam de nexis tutelæ constituendum est. Nexa tutelæ veniunt in actionem tutelæ, licet gesta postea non sint in tutela, sed ante, vel post tutelam, quod confirmat etiam *d. l. 13. cum seq. de tut. & rat. dist. l. 11. C. arb. tut.* neque vero hoc est sine effectu magno, vt nexa veniant in actionem tutelæ: nam actio tutelæ est priuilegiaria & fideiussores tenentur, si cautum sit rem pupilli saluam fore, *l. quotiens §. 1. & 2. hoc tit.* quod non fit in actione negotiorum gestorum: neque enim est priuilegiaria, nec fideiussores interueniunt. Et similis distinctio fit temporum in seruo infutitoe, vel dispensatore, hoc est, præposito calendario, pecuniis fœnerandis, & exigendis rationibus calendarij, & veluti institor, *l. 5. §. 1. l. in eum §. ult. de inst. act.* Quæ, inquam, distinctio temporum seruatur in tutore qui bona pupilli gessit, eadem in seruo vel dispensatore, & in actore: Nam de eo, quod gessit post manumissionem tenetur actione negotiorum gestorum; de eo, quod gessit in seruitute ante manumissionem, dum gerebat actum domini, dum erat præpositus merci dominicæ exigendæ aut fœnerandæ pecuniæ, de eo non datur in eum vlla actio, non tenetur vlla actione, quia nec vlla fuit in eum actio ab initio; ne post manumissionem quidem seruus stat in iudicio: nam naturalis obligatio quam seruus suscipit, nullā parit actionem, sed addenda est exceptio vt in tutore, nisi id, quod in seruitute gessit, connexam rationem habeat, connexum sit cum eo, quod post manumissionem gessit: nam hoc casu reddet rationem connexi, *l. 17. eum actum, de negot. gest.* quæ lex ex eodem Vlpiani libro coniungenda est cum *d. l. 13. de tut. cum l. 17. de adm. & per.* Hæc est de tutore, illa de seruo actore, comparauit alterum alteri Vlpianus. Et hæc ita se habent ex Sabinianorum sententia, subindicans, non eandem fuisse rationem & sententiam Proculianorum: nam hi per tempora non diuidebant obligationis causam, sed dicebant manumissum teneri ex antegesto, etiam si ei connexum non fuisset post gestum, si modo in eodem actu perseverasset post libertatem. Nam perseverans in eodem actu, debuit à semetipso exigere & sibi soluere, quod reliquatus est in seruitute.

A Cur tenetur, inquit Proculiani ex antegesto? quia post agendo debuit à se exigere reliqua actus gesti in seruitute: & si non exegerit, tenetur culpæ nomine actione negotiorum gestorum, quasi non præstita bona fide, quæ excludit non tantum dolum, sed culpam, *l. 18. & 19. in pr. de neg. gest.* vt plane videatur lex 17. esse secundum Sabin. lex 18. & 19. secundum Proculianos. *l. 18. & l. Proculus* contrariæ sunt. Imo ita est omnino, nec in eo hæsitandū est, quod tamen Accursius facit in *d. l. 18.* & exemplo serui non dubitandum, quin Proculiani idem statuunt in tutore, qui post pubertatem pupilli sui in administratione perseverasset. Nam & hunc dicebant à semetipso perseverante in administratione rationem exigere debuisse de eo, quod administrasset & reliquasset in tutela. Et videtur etiam sententia Proculian. habuisse æquitatem, nec probatur tamen, nisi in his tantum, quæ apud eum seruum postea manumissum apparuit esse reliqua post manumissionem: nam eorum nomine, quæ reliqua restabunt ex antegestis tenebitur proculdubio actione negotiorum gestorum. Et ita etiam Scauola in *d. l. 19. §. 1.* interpretatur, quod dicebat Sabinus, seruum actorem & postea manumissum à capite rationem reddere debere: quod Scauola ita ait accipiendum esse, vt reliqua, quæ apparuerint fuisse tempore libertatis, ea reddat, eorum rationem reddat, & ita rationem reddat *ἀπὸ ἀπὸς τῆς διακονίας*, videlicet si reliqua quædam supersint tempore manumissionis, non etiam vt reuocetur in obligationem dolus vel culpa admissa in seruitute, quod non præstiterit bonam fidem in exigendis reliquis à semetipso: quæ omnia erant satis difficilia explicatu. quæ sequuntur, erunt leuiora & apertiora. Restant tria exempla, quæ demonstrant obligationem tutoris, qui tutelam gessit, diuidi per tempora: hoc demonstrauimus vno exemplo, demonstrabitur adhuc tribus. Vnum est in *l. diui. h. t. l. 2. C. in quib. caus. tut. hab.* Si sint plures tutores, qui gesserunt tutelam, regulariter tenentur pro rata administrationis, & nonnunquam singuli in solidum in id, quod collegæ gesserunt ex constitutionibus quæ sunt ea de causa: tenentur, inquam, vel pro rata administrationis, vel in solidum, ratione scilicet temporis, quo tutores fuerunt, quo pupillus fuit impubes: nam post pubertatem generaliter, si perseverauerint in administratione, tenentur tantum pro rata administrationis. Tertium exemplum est huiusmodi. Si filiusfam. tutelam gessit, & emancipetur nondum tutela finita, de eo, quod gessit ante emancipationem, plerumque tenetur in id tantum, quod facere potest ex edicto prætoris, *l. 2. C. quod cum eo*, ne nouus paterfamil. vexetur vel opprimatur, vel oneretur solidi præstatione, sed non tenetur, nisi causa cognita à prætore. De eo igitur, quod gessit ante emancipationem, tenetur in solidum, siue in id, quod facere potest causa cognita. Et eleganter dicit Papinianus, siue ademptum ei sit peculium, siue concessum in emancipatione. Quod si concessum peculium locupletissimum & amplissimum ei sit, non æquum videtur, vt exoneretur solidi præstatione, quem pater locupletauit concessione amplissimi peculij. De eo autem, quod gessit filiusf. post emancipationem, omnino tenetur in solidum, *l. 11. de tut. & rat. distr.* Et ita per tempora filiusfam. tutor obligatur, modo in solidum, modo in id, quod facere potest, in quantum facere potest. Quartum exemplum est, quo demonstratur, diuidi obligationem per tempora. Filiusfam. tutor emancipatur: pater eius de eo, quod filiusfamilias gessit ante emancipationem tenetur de peculio intra annum, quia extinguitur peculium, quod computatur, non ex die emancipationis, sed ex die finitæ tutelæ, quo agi potest tutelæ: nam tutelæ non agitur ante finitam tutelam. Quid est tutelæ actio? quid est tutelæ agere? postulare rationem tutelæ reddi. Et ideo dicitur annus utilis, qui ab eo computabitur die, quo agi potest de peculio, & computantur tantum illi dies in annum, quibus agi potest de peculio, non dies continui, qui annum efficiunt. De eo autem quod filiusfamilias gessit post eman-



emancipationem nullo modo tenetur pater, l. 11. l. si filiusfam. 6. de tut. & ration. distrah. Et ideo hoc exemplo demonstratur distingui tempora. Interpunctio in fine à emendanda, id est, apponenda virgula, non comma; ne capiatur pater ind. tot. temporis causa, tempus, quo filiusfam. (subintellige, non emancipatus) Annus enim, &c. per parenthesin legenda sunt.

Ad l. 24. de excusat. tut.

*Nequaquam credendum est ei privilegium excusationis ablatum, cui fideicommissaria libertas soluta est: nam in toto fere iure manumissor eiusmodi, nihil iuris ut patronus adversus liberti personam consequitur, excepto quod in ius vocare patronum iniussu prætoris non debet.*

**I**lla tres leges, quæ restant, sunt omnino singulares. Incipiamus à lege 24. Sciendum est, libertum, qui tutor vel curator datus fuit liberis patroni aut patronæ impuberibus, aut adolescentibus, cogi tutelam, aut curam suscipere omnimodo, nec vllum privilegium excusationis habere. Multæ sunt iustæ causæ, quæ alios excusant à tutela & cura. nulla harum excusat libertum à tutela vel cura filij sui patroni vel patronæ. non excusat onus seu numerus liberorum, non onus trium tutelarum, sed neque vlla alia causa, quæ alium excusaret. Et hoc est ex Senatûconsulto facto auctore D. Marco, l. libertos, C. de excusat. tut. Et hoc locum habet, etiam si libertus ius aureorum annulorum impetrauerit, id est, si in equestrem ordinem redactus fuerit, l. 14. h. t. nam in aliis causis libertus, qui ius aureorum annulorum impetranit, habetur pro ingenuo, non pro libertino. In hac causa non habetur pro ingenuo, ut possit se excusare, quantumvis habeat iustam causam. Verum Senatusc. non intelligitur de libertis quolibet, sed de eo, in quo manumissor plenum ius patronatus habet, & in quo liberi eius plenum ius patronatus habituri sunt, l. libertus, de tut. & curat. dat. ut puta, si sponte & ultro eum manumiserit: hoc enim casu, si eum miserit manu nulla cogente necessitate, nanciscitur in plenum ius patronatus: nam si quasi debitor ex causa fideicom. eum manumiserit, si non donaverit, si non dederit ei libertatem, sed soluerit, si debitam libertatem, non gratuitam præstiterit, fiet quidem is libertus, & ille patronus, sed non in plenum: namque omnia iura patronatus non habebit, omne ius in libertis non habebit, quale haberet in libertis sponte manumissis: hæc enim tantum habebit, ut eius liberti, quem manumisit ex causa fideicom. ut eius, inquam, sit tutor legitimus, si sit impubes, l. 13. de tut. & cur. dat. & ut non possit ab eo in ius vocari sine venia prætoris, l. 9. de in ius voc. & præterea, ut ad bona eius venire possit quasi patronus, vel ab intestato, vel ad bonorum possessionem unde legitimi, vel si testamento eius liberti præteritus sit, per bonorum possessionem contra tab. quod ostenditur in l. qui ex causa 29. de bon. libert. l. 3. §. 1. de suis & leg. hered. Tria habet quasi patronus, qui manumisit ex causa fideicommissi, quique inuitus manumisit secundum voluntatem defuncti, qui non magnum beneficium dedit, qui potuit cogi dare. Cætera autem iura patronatus non habet. primum inuito liberti non potest donum, munus, operas imponere, comme aujourdhuy les Seigneurs sont à leurs subiects en quatre cas, qualia onera hodie imponimus clientibus siue vassallis. ei quem manumisit sponte, potest libertatis causa donum, munus, operas imponere. ei, quem manumisit ex fideicom. non potest imponere: & si imposuit, non potest petere, l. 7. §. rescriptum, l. si quis hac lege, §. 1. l. Campanus, de oper. libert. l. mater, C. eod. nisi sc. sit filius defuncti, qui rogatus est manumittere, & pater voluerit eum plene ius patronatus habere, d. l. qui ex causa. nam hic poterit etiam operas imponere, quia & directo manumisso à patre inter viuos posset operas imponere quasi

Quæst. Papin.

**A** patroni filius, non directo manumisso testamento: nam hic patronus non habet: libertinus potius est, quam libertus, neque etiam propriè est libertus sine patrono. Et ita est accipienda lex si filius, in pr. de fideic. liberti. Ergo propriè est libertus sine patrono, & filius defuncti rogatus servum hereditarium manumittere, poterit ei operas imponere, maxime si ita censeat patronus, si non refragetur voluntas patroni; & tamen si testator rogasset extraneum heredem, ut manumitteret, & palam dixisset se velle, ut vteretur is heres pleno iure patronatus, hoc iure non vteretur, id est, non poterit donum, munus, operas imponere, quia non quæcunq; scripta sunt in testamento valent, aut servanda sunt. non sane, nisi quatenus congruit legibus. & constitutionibus. nam non potest facere testator, ne leges & constitutiones in suo testam. locum habeant, & ita prohibuit in hac specie, l. cerdonem, de oper. libert. l. videndum, de leg. 1. Constitutiones vetant imponi operas manumisso per fideicom. nec igitur potest testator efficere, ne iis constitutionibus sit locus, quæ noluerunt onerari libertatē nisi eam, quæ ultro & sponte præstaretur, & nulla necessitate cogente. Secundo, non potest desiderare patronus, si sit egenus, ut libertus eum alat, quod tamen solent patroni à libertis desiderare, quos sponte manumiserunt, sed ille non potest, l. 5. §. si quis à libert. de lib. agnosc. Tertio, non potest eum ingrati accusare, l. 1. C. de libert. & eor. lib. atq; ita reuocare, redigere in servitutē. Ingrati actio, hoc est, reuocatio in servitutem, rescissio libertatis, datur tantum iis, qui sponte manumiserunt. Item si is, qui rogatus est manumittere, eum manumiserit suo testamento, & sibi heredem fecerit, non erit ei heres necessarius, l. si seruo, de hered. instit. Servus domino est heres necessarius civili & prætorio iure, si eum sponte in testamento manumiserit, nulla cogente obligatione, non aliter. Item liberta, quæ manumissa est ex causa huiusmodi fideicom. si nupserit manumissori, potest ab eo divertere vel discedere, & alij nubere etiā inuito eo, quod tamen non posset ex l. Julia & Papia, si sponte esset manumissa, quod ostenditur in l. ult. de diuort. l. proxime, de rit. nupr. Et excipienda est hæc liberta, quæ est manumissa ex causa fideicom. à lege Julia & Papia. Deniq; lex Iul. & Pap. quæ vult, ne liberta diuertat inuito patrono, de eo accipitur, qui sponte manumisit nulla necessitate cogente. Hic enim est propriè aut vere patronus. In hunc congruunt omnia iura patronatus. Ac postremo, ut ostendit Pap. in hac l. 24. quod non est alias scriptum, libertus huiusmodi non cogitur suscipere filiorum patroni tutelam, si habeat legitimas excusationes. liberti quem dominus manumisit sua sponte, auferitur privilegium excusationis: huic, quem dominus quasi debitor manumisit, non sua benignitate, reservatur. Et hoc est, quod ait Papinianus hoc loco.

Ad l. ult. si quis à parente manumissus.

*Dinus Traianus filium, quem pater male contra pietatem afficiebat, coëgit emancipare: quo postea defuncto pater, ut manumissor bonorum possessionem sibi competere dicebat. Sed consilio Neratij Prisci & Aristonis ei propter necessitatem soluenda pietatis denegata est.*

**D**ixi, patronus huiusmodi, qui manumisit ex causa fideicommissi habere possessionem contra tabul. si præteritus sit, si in testamento eius liberti silentio omisus sit, & quod ait Papin. non tantum excipiendum est de patrono: nam hoc etiam obtinuit non tantum in filio defuncti, l. 1. C. de bon. possess. contra tab. lib. sed etiam in alio quolibet herede defuncti, d. l. qui ex causa, l. 3. §. 1. de suis & legit. Sed forsitan hoc non ita procedit, ut possit petere bonorum possessionem contra tabulas & consequi legitimam debitam patronis, si coactus à prætore eum manumiserit, si in ius vocatus fuerit, ac tandem damnatus fuerit eum manumittere: nam eodem etiam libro Papin.

X



scripsit in l. ult. si quis à parente man. patrem, qui coactus A emancipauit filium, hoc est, vendidit, ac deinde redemit, & manumisit, non habere bonorum possessionem contra tabulas filij, si sit præteritus in testamento filij. Quid? cogiturne pater filiū emancipare, non quidem regulariter, sed exstant casus quidam, quibus cogitur, maxime à principe, non à quolibet magistratu, vt si filius ab eo atrociter tractetur contra officium pietatis, si male afficiatur à patre, si pater nimium in eum sæuiat, idque liqueat principi, coget princeps patrem eum emancipare, quia patria potestas consistit in pietate. Et cum auctoritate Adriani aliquando pater ob eam causam coactus fuisset emancipare & manumittere filium, deinde mortuo filio testato, & præterito patre, patri denegata est bonorum possessio contra tabulas, quæ tamen alias competit patri manumissori, vt patrono: vt filio sic patri competit querela inofficiosi. B Igitur, si sit præteritus testamento filij, alias vel vt pater agat querela inofficiosi, vel alias poterit petere bonorum possessionem contra tabulas, vt patronus, si manumissor extiterit, l. pater, de inoffic. testam. l. 1. si quis à par. manumiss. Huic tamen patri, qui coactus fuit manumittere, & emancipare filium, etiam præterito testamento filij, denegata est bonorum possessio contra tabulas, consilio, inquit, Neratij Prisci & Aristonis. Ex quo loco patet & intelligitur, illos duos Traiano fuisse à consiliis, Neratium scilicet & Aristonem, & Traianus etiam hunc Neratium destinarat successorem imperij. Cur denegata est bonorum possessio? propter necessitatem, inquit, soluenda pietatis, hoc est, quia coactus emancipauerat, quia coactus dissoluerat patriam potestatem. Pietas pro potestate. Tertullian. in Apolog. Gratius est pietatis, quam potestatis vocabulum, l. diuus, ad leg. Pomp. de parricid. Patria potestas in pietate consistit. Et hoc est, quod dicitur in hac lege.

#### Ad l. 50. ad Trebell.

Imperator Hadrianus, cum Vinus Cerealis filio suo Vinio Simonidi, si in potestate sua esse desisset, hereditatem restituere rogatus esset, ac multa in fraudem fideicommissi fieri probaretur, restitui hereditatem filio iussit, ita ne quid in eapecunia, quamdiu filius eius viveret, iuris haberet: nam quia cautiones non poterant interponi conseruata patria potestate, damnum conditionis propter fraudem inflixit: post decreti autem auctoritatem, in ea hereditate filio militi comparari debuit, si res à possessoribus peti, vel etiam cum debitoribus agi oporteret: sed paternæ reuerentiæ congruum est, egenti forte patri officio iudicis ex accessionibus hereditariis emolumentum præstari.

Vltima lex est 50. ad Trebel. quæ etiam singularis est, & valde elegans. Pater heres institutus est, & rogatus restituere hereditatē filio, ea conditione, si in sua potestate esse desisset, cum esset sui iuris. Interim multa pater fecit interuertendi fideicom. causa, disperdit, profligat bona hereditaria, quomodo consulatur filio? deerrat auxilium iuris filio. Sed in hac specie, patre non conseruante hereditatem fideicom. filio in diem conditionis, sed interim dissipante omnia, Imperator Adrianus decreuit, vt pater restitueret filio statim, etiam si esset in potestate sua ante conditionem, ita vt in ea hereditate pater nihil iuris habeat viuo filio. Recte, viuo filio: nam mortuo filio in familia superstitē patre, ea hereditas redit ad patrem, sicut omne peculium filiifamilias. Hoc igitur casu fideicommiss. hereditas restituitur ante conditionem, & vt loquitur Adrianus, inflixit damnum conditionis, dum fideicommissum representari voluit. quomodo dicitur damnum voluntatis in l. 23. §. seruum, de fideicom. libert. quoties non obtemperatur voluntati defuncti. Euenit etiam alio casu, vt fideicommissaria hereditas restituatur ante conditionem, videl. si heres sit compulsus adire: nam hoc casu etiam restituet, non exspectata fideicommissaria

conditione, l. apud §. ult. l. si cui pure, ad Trebell. Cui sententiæ nihil obstat l. sed et si ante diem §. cum patre, eod. Paucis explicanda est species. pater heredem instituit, eumque substituit filio ex heredato, & rogauit, vt omnem hereditatem, quæ ei obueniret ex substitutione, restitueret Titio. an à Titio heres institutus poterit cogi adire, vt valeat substitutio, & fideicommissum? Non potest. Vtitur duplici ratione. Prima est, quia fideicom. est relictū sub conditione. ergo à fideicommissario non potest cogi adire, antequam conditio existat. Hæc ratio, vt inquit Accurs. non est idonea. Igitur aliam subiicit. deinde, quia non probe agitur de hereditate viuētis pueri, quæ est idonea ratio. Et hoc solemne iuris auctoribus, vt vtantur duabus rationibus à rethoribus more sumpto ενδουσι & ἀντιπαρῳ-δουσι, quando prior est minus idonea, alioqui superflua esset posterior. Vnius enim rei vna tantum ratio est. Ergo euenit etiam in casu h. l. propter mores patris, vt repræsentet filiofa. fideicommissum. atque ita fit, vt filiusfam. habeat bona pagana propria, quamdiu viuit: nam hæc certe non sunt castrensia, nō quasi castrensia, sed pagana siue paganica. mores patris faciunt, vt repræsentetur filio fideicom. vt quasi à patre profecta ab eo retineatur hereditas. Dices, alia ratione potuit consuli filiofamil. puta exacta cautione à patre, & satisfactione de non minuenda, deaastanda hereditate, quæ cautio præstatur de hereditate tam fideicommiss. quam etiam directa, l. hac stipulatio, vt leg. nom. cau. l. 4. C. vt in pos. leg. l. inter, qui satisfd. cog. Sed respondeo, non potuisse interponi hanc cautionem, quia C filiusf. à patre, in cuius est potestate inutiliter stipulatur, & prius stipulari oportuit à patre, alioqui fideiussores nō obligarentur: ergo cum non posset interponi hæc cautio, damnum inflixit. Inter patrem & emancipatum filium potest cautio interponi, sed plerumque etiam remittitur patri propter reuerentiam paternam. Duobus tamen casibus non remittitur restituendæ hereditatis cautio, id est, filius emancipatus exigit cautionem à patre. Vno, si testator nominatim præceperit patrem satisfdare de hereditate restituenda filio: & altero casu, si transeat ad secundas nuptias, l. iubemus §. 1. C. ad Trebell. & in Novel. 22. l. filio, vt leg. nomine cau. in fine. Exposito huiusmodi decreto Adriani, ait Papinian. post illud decretum Adriani, filiumfam. paganum in ea hereditate comparari militi, qui habet castrense peculium. Constitutiones fecerunt, vt miles & filiif. haberentur pro patribusfam. in castrensi peculio. Decretum Adriani fecit, vt filiusfa. paganus in ea hereditate, & in specie huius l. habeatur pro patrefam. Ergo agat hereditariis actionibus, quæ in eum transeunt restituta hereditate ex Trebell. Senatusconsult. agat, inquam, etiā non adiuncta persona patris: nam quod potest filiusfam. miles in castrensis, idem potest in hac specie paganus. sed hoc interest, quod filiusfam. miles potest testamentum facere de peculio; filiusfam. paganus etiam in ea hereditate non potest testamentum facere, sicut nec de peculio pagano, cuius proprietas hodie ex constitutionibus Iustiniani ad filiumfa. pertinet, vsusfructus solus est patris, sicut & omniū bonorum aduentitiorum. Hodie igitur filiusfa. est proprietarius, non tantum huius hereditatis, sed & aduentitiæ cuiuslibet: sed huius hereditatis est etiam vsufructuarius. Cateroquin non poterit de ea facere testamentum. Et hoc est quod dicit, quandiu filius viveret, nihil iuris patrem in ea hereditate habere. Viuus filiusfam. in ea hereditate pro patrefam. habetur, mortuus pro filiofam. & inutile est testamentum, quod de ea hereditate fecerit, quia quandiu viuit duntaxat, ius omne habet in hereditate. Verum subiicit eleganter in fine, si pater sit egenus, si inopia labore, qui representauit fideicommissum ex decreto principis, officio iudicis ei esse præstandum emolumentum ex accessionibus, id est, ex fructibus eius hereditatis. Emolumentum autem hoc loco, id est, alimonia patri egeno esse præstanda, vt plerumque sic emolumentum accipitur, l. 3. §. generaliter, l. ult. si cui plusquam per leg. Falcid. l. dominus, de vsufruct.



*l. Menius §. pen. de legat. 2. accipitur pro usufructu, ab emolendo, ut Persius ait, Granaria emole, & Cæsar, sine magno commætu & emolumento, quem locum quidam corruerunt.*



IACOBI CUIACII  
IURISCONSULTI  
COMMENTARIUS  
in Lib. XII. Quæstionum  
Æmilij Papiniani.

Ad l. 63. de rei vindic.

*Si culpa, non fraude quis possessionem amiserit, quoniam pati debet æstimationem, audiendus erit à iudice si desideret, ut aduersarius actiones suas cedat, cum tamen prætor auxilium quandoque laturus sit quolibet alio possidente, nulla captione adficietur. Ipso quoque, qui litis æstimationem perceperit, possidente, debet adiuvare, nec facile audiendus erit ille, si velit postea pecuniam, quam ex sententia iudicis periculo indicati recepit, restituere.*



**I**bro 12. Quæstionum Papiniani initium dat, l. 63. de rei vind. quæ tametsi non esset inscripta Papiniano, stylus ipse statim proderet esse Pap. nemo alius tam grauitè scribit, neque tam multa paucis complectitur. Egi rei vindicatione cum eo, qui rem meam bona fide possidebat. post litem contestatam, is eius rei possessionem amisit culpa sua, an mihi condemnabitur culpæ nomine? Et de hac re ita definitum est, si post litem contestatam iudicio in rem bonæ fidei, possessor, unde petitur, eius rei possessionem amiserit sua culpa, culpæ nomine condemnabitur, *l. qui petitorio §. i. h. tit. l. si seruus §. item cui Iulianus, de euct.* Declaremus hoc exemplis. Finge: Rei vindicatione petitus est homo à domino: dominus petiit seruum per rei vindicationem à bonæ fidei possessore: pendente lite is seruum per insidiosa loca misit & periit, vel etiam non custodiuit, non vinxit, cum eius cõditionis, eorum morum esset, ut custodiri aut vinciri debuerit, fugitiuus forte, & is dum nō custoditur, aufugit, nec facile recuperari potest, vel etiam is, unde petitur, pendente lite hominem petitem permisit in arenam descendere, & iugulatus est, vel etiam naue petita is, unde petebatur nauem nauigatum misit, & periit, vel etiã eam misit non idonea tempestate, puta brumæ, non idoneo tempore, vel etiam nauigatum misit, & idoneo tempore, sed nō idoneo gubernatori commisit, & periit naufragio: culpæ nomine damnabitur, quia culpa eius res interim periit; atque ita bonæ fidei possessor non tantum præstat dolum, sed etiam culpam; post litem contestatam culpam præstat. At videamus, culpæ nomine in quantum condemnatur. sane tanti condemnatur, quanti litem æstimauerit. Iudex litis æstimator erit. Iudex, alias litem æstimat, id est, rem, de qua lis est. Iudex iusto pretio. aliquando litem æstimat actor iuratus, non iniuratus, id est, dato iureiurando in litem æstimandam, scil. id est, iurat se tanti rem æstimare, quod iusiurandum non necesse est redigi ad pretium iustum: nam æstimabit etiam iniusto pretio: æquum est enim, ut unusquisque rei suæ pretium, quod vult, faciat. Verum quum culpa bonæ fidei possessoris post litem contestatam res periit, non tanti lis æstimabitur, quanti actor in litem iurauerit, sed quanti iudex æstimauerit, id est, quanti ea res erit. Inferet ergo reus æstimationem, quam dixerit iudex. Sed æquum est, si hoc desideret reus, qui nondum rem vñcepit, ut actor, qui fert litis æstimationem, ei cedat actiones suas, id est, cedat actione sua, rei vindicatione, scil. & eum faciat procuratorem

**A** in rem suam, ut is rem vindicet à quolibet possessore tantum dñs. Aget vindicatione recte, quasi procurator domini, id est, ex cessione siue mandato dñi. Et hoc ostenditur in l. 2. in pr. & §. i. h. t. Ergo non aliter cogetur reus sufferre litis æstimationem aut soluere, quam si actor ei cedat rei vindicationem, quæ ei competit iure dñij. Sed ut ostendit Pap. hoc loco, etiã sine cessione reo, qui subicit litis æstimationem, à prætore dabitur vindicatio utilis, id est, Publiciana actio, nō directa vindicatio, licet videatur rem emisit præstita litis æstimatione, quia quum res abest, non aliter fit dominus is, qui subicit litis æstimationem, quæ si eius rei possessionem apprehenderit, ut præstita æstimatione litis non aliter fit dñs serui, qui est in fuga, quam si possessionem serui eius apprehenderit, *l. hæc fides, h. t.*

**B** Concludamus igitur hoc modo. Reus cuius culpa res abest, post litem contestatam condemnatur, quanti ea res est culpæ nomine, sed rem persequitur, vel ex cessione domini cui soluit litis æstimationem directa vindicatione: vel sine cessione, utili vindicatione, id est, Publiciana: quum nondum vñcepit, & initio possedit bona fide, iustoque titulo. Et hoc est quod ait in priore parte *h. l.* bonæ fidei possessorem, qui possessionem non fraude amiserit, condemnatum æstimationem litis præstare, posse desiderare ut aduersarius actiones suas cedat, id est, vindicationem directam: quamuis nulla captione afficiatur, ea nō cessat. Cum prætor auxilium quandoq; id est, quodcumque laturus sit, data Publiciana scil. ergo desiderabit sibi cedi: sin minus, prætor ei semper dabit Publicianam. Et subicit in posteriore parte, etiam ei dari Publicianam aduersus dominum, si forte dominus eius rei, cuius æstimationem accepit, possessionem nactus sit; postea nec obstat exceptio iusti domini, quia Publiciana obstat solet. Nam Publiciana dari solet tantum aduersus extraneum possessorem, non aduersus dominum, *l. pen. tit. seq. de Publ. in rem act. l. mandatum § 7. mand.* sed sunt 4. vel 5. casus quibus Publiciana datur etiam aduersus dominum, nec obstat agenti exceptio domini. Vnus est in hac l. cuius ratio est elegans & euident: nam si non esset efficax actio Publiciana aduersus dominum, dominus haberet & rem & æstimationem. Quod est iniquum. Imo vero, ut idem Pap. in fine demonstrat, non auditur dominus, cum quo agitur Publiciana, si velit, ne rem restituat omnia retro agere, & retractare, id est, si paratum se esse dicat pretium & litis æstimationem restituere, se malle rem quam pretium, pretium redditurum, modo sibi res nō auferatur Publiciana: non auditur, quia in potestate venditoris non est recedere à venditione, quæ perfecta est inuito emptore, litis æstimatio venditio est, *l. litis æstimatio, D. pro empt.* Qui litis æstimationem soluit, rem retinet: aut recipit postea atque possidet & vñcapit pro emptore. Emptor est, qui soluit pretium rei, etiam si dominus pretiū non fecerit eius rei, sed iudex: sunt necessaria quædam venditiones. Ergo is, qui litis æstimationem pertulit, actione Publiciana inuito domino rem auferet. Qui litis æstimationem pertulit suo periculo, ut ait; Ait enim, *actore accipere litis æstimationem periculo indicati*, id est, condemnati, ut Accurs. Quomodo periculo condemnati? quia soluit pretiū sub incerto, sub alea, eius forte rei nunquam recuperandæ, quia damnum facit suæ pecuniæ, etiam si rem non recuperet. Ergo æquum est, ut qui ita pretiū domino intulit suo periculo, siue rem possit recuperare siue non actione Publiciana; inuito domino rem auferat, quæ forte postea ad dominum peruenit. Et hoc est, quod ait in posteriore parte huius l. *ipse quoque possidente qui litis æstimationem perceperit* adiuvari debere eum qui eam præstitit. scilicet per eandem actionem institutam, id est, per Publicianam, quæ etiam datur aduersus dominum. Repetamus definitionem initio propositam. Si post litem contestatam bonæ fidei possessor culpa sua amiserit rei possessionem, culpæ nomine condemnatur, quanti ea res est, id est, quanti iudex arbitratus fuerit. Ait enim Pap. *ex sententia iudicis*, id est, æstimatione iudicis, rei pretium præstabit actori, æstimationem



igitur, non fieri iureiurando actoris, sed sententia iudicis sola. Definitio illa sic ait, *si post litem contestatam*. Quid si ante litem contestatam rei possessionem amiserit, culpa sua? Rursus ait, *si post litem contestatam amiserit culpa sua*. Quid si dolo amiserit vel fraude? & rursus quid si sine dolo, sine culpa? Præterea definitio loquitur de bonæ fidei possessore. Quid in malæ fidei possessore iuris est? hæc omnia explicanda. Et primum si bonæ fidei possessor ante litem contestatā culpa sua rem amiserit, an præstabit culpam? minime. dolum duntaxat præstabit, si forte rem alienam esse cognoverit, quā initio possederat bona fide. Ante litem cōtestatā interpellatus & conuentus à dño. aliud est conuentio, aliud litis contestatio. Conuentio potest præcedere litis contestationem. Conuentio est interpellatio & admonitio: & ita, si post dolo malo effecit, vt res interiret, utique dolum præstabit præteritū, id est, admisum ante litem contestatā, culpā non præstabit, *l. si homo, b. t.* Rursus quæro, quid si dolo malo possidere desierit post litē contestatā? pro possessore habebitur. Et hoc est quod dicimus, dolum esse pro possessione, *l. 22. b. t.* Quanti condemnabitur? sane tanti cōdemnabitur hoc casu, quāti actor in litem iurauerit; quod iusiurandum plerumq; iudex sequitur, etiam si iurauerit in infinitum, quamquam iudex possit moderari, refrenare iusiurandum, moderari æstimationem. Ex eo tamen iureiurando plerumq; nihil minuit, sed tanti damnat reum, cuius dolo res periit, quāti actor iuratus estimauerit rem suam: nam estimanti rem sine iureiurando actori fides non habetur: ac præterea illata ea æstimatione secundum iusiurandum actoris, actor non tenetur, non cogitur ei cedere actiones suas, quia dolo desit possidere; nō habebit etiam ipse, qui intulit æstimationem litis, actionem Publicianam, neque aduersus dominum, neque aduersus alium possessorem, *l. qui restitueret, cum ll. seq. b. t.* Quibus solet opponi lex in depositi, de re iud. Finge: Actum est depositi vel commodati cum depositario, vel commodatario. post res deposita, vel commodata interiit dolo rei: sustinebit æstimationem litis, de eo nemo dubitat, sed succurretur ei, vt dominus cedat actiones suas rei persequendæ causa, compulso domino ad cedendū ei actionem suam rei persequendæ causa, cuius ille pretium intulit. Cur ergo etiā in casu proposito, quando is, qui dolo desit possidere, æstimationem intulit iudicio in rem, quare non cogitur actor cedere actionem suam? Distinguenda sunt in hac re bonæ fidei iudicia à strictis. In iudiciis bonæ fidei officio iudicis is, qui condemnauit reum, cedit actiones suas reo, officio iudicis, quod est certissimū in strictis, vt in actione in rem, etiam si sit arbitraria actio, non est latissimum officium iudicis: Et falsum est, quod Græci dicunt, actionē arbitrariā imitari bonæ fidei actionem, imo stricta est actio, quia stricta est, in qua tamen aliquid possit officium iudicis, sed non quodlibet; in qua tantū possit aliquid arbitrium iudicis. Notanda est hæc differentia inter iudicia bonæ fidei & arbitraria, quod genus est strictiorū iudiciorū: nam sunt arbitraria vel non. In actionibus bonæ fidei is, cuius dolo res abest, si soluerit litis æstimationē, actor cogitur ei cedere actionē suam, non in arbitrariis, ac multo minus in non arbitrariis. In iudiciis bonæ fidei officium iudicis est latissimū, non in arbitrariis. Et in iudiciis bonæ fidei insunt omnes exceptiones, id est, suppleuntur officio iudicis, omittuntur à reo sine periculo, non etiam in arbitrariis, *l. Pap. l. seq. de Pub. in rem act.* In iudiciis bonæ fidei exigitur cautio ante diem, vt diximus in *l. in omnibus, de iudic.* in arbitrariis idem nō obtinet. Ac postremo, in iudiciis bonæ fidei veniunt fructus, etiam percepti ante litem contestatam, non etiam in arbitrariis, nisi extent, *l. 2. C. de per. hered.* Arbitraria ergo iudicia, nec sunt bonæ fidei, nec imitantur iudicia bonæ fidei. Imo origine sunt stricta, atque euentu vt plurimū. Rursus quæritur, quid sit dicendum, si bonæ fidei possessor post litem contestatam sine dolo & sine culpa rem desierit possidere? hoc casu absoluitur non quidem omnimodo: namque actor potius vin-

cit quodammodo, vt Theoph. demonstrat in tit. de diuis. stip. Videamus quomodo? Quia absoluitur quidem reus, qui vacat dolo atque etiam culpa, quo enim nomine condemnaretur? Sed si rem vsucepit interim; nam litis contestatio non interrumpit vsucapionē, cogitur domino cedere actiones suas, id est, rei vindicationem, *l. 21. b. t.* Ac præterea debet cauere de ea re restituenda, si in suam potestatem peruenerit, non de ea re requirenda & persequenda suis sumptibus, sed de restituenda tantum, si casu quodam ad se res redierit, imo & de persequenda, si non cedat actionē suā, vt Theoph. declarat. Sed si non vsucepit rem, absoluitur omnino, quia non habet actionem quam cedat, & quia superuacua esset cautio, cum rei persecutio sit domino salua, nondū impleta vsucapione. Dominus enim rem persequi potest, vt ait lex 21. *b. t.* rationē tamen reddit utroque casu, id est, siue vsucepit, siue non, de fructibus, quos percepit eo tempore quo possedit, *d. l. 21.* Postremo quæritur, quid sit dicendum in possessore malæ fidei? Primum possessor malæ fidei ante litem contestatā culpam præstat, quod supra diximus non obtinere in bonæ fidei possessore, *l. si homo, hoc tit.* Ergo multo magis culpam etiam præstat post litem contestatam, quam præstat etiam bonæ fidei possessor, sed durior erit cōdemnatio malæ fidei possessoris: nam ei non cedit dominus actione sua, & non dabitur ei Publiciana, quæ datur bonæ fidei possessori: & præterea, non quanti res erit condemnabitur, sed perinde ac doli nomine, qui conduplicatus in eo intelligitur post litem contestatam, etiam si non manifesta fraus arguatur, sed culpa tantum, aut negligentia. Et ita non est perpetuo verum, quod dicitur, *post litem contestatam omnes possessores pares esse*. Id non obtinet in hoc casu, quod obtinet in aliis: nam bonæ fidei possessor fatum non præstat, id est, si res post litem contestatam interierit suo fato: malæ fidei possessor, fatum præstat post litem contestatam, si modo res non erat interitura apud dominum, *l. illud, de pet. hered.* Atque ita in eo etiam sunt dispares, ac etiam in alio, quia bonæ fidei possessor, quod acquirit seruus, qui petitus est, post litem contestatam ex re eius ei acquirit, non domino, nec id venit in restitutionem, quia ex re eius partum est, quod ipsum veniret in restitutionem, si malæ fidei possessor esset, quod indicat *l. 20. hoc tit.* Atque ita his tribus casibus omnes possessores pares non sunt post litem contestatam.

#### Ad l. 14. de tut. & curat. dat.

*Libertus non aliis patroni, patronave liberis tutor esse cogitur, quam qui iura patronatus sperare possunt.*

Sententia *l. 14. de tut.* neque ab Accursio, neq; ab aliis explicatur: nam qui ad eam notantur loci, nihil pertinent ad legis sententiā, nihil ad verba. Intelleximus *l. 11. ex l. 24. de excus. tut.* libertum datum tutorem liberis patroni, patronave, compelli tutelam suscipere vel curationem, etiam si priuilegio aliquo excusationis subnixus sit, omne ei priuilegium excusationis auferri ex Senatusconsulto, quod tamen Papin. docuit *d. l. 24.* locum non habere in liberto, quem quis compulsum ex causa fidei comm. non sponte sua manumisit. Et in hac *l. 14.* idem Papin. docet, id locum habere in liberis patroni, qui iura patronatus sperare possunt. locum igitur non habere in liberis patroni, qui iura patronatus sperare non possunt. Et *iura patronatus* vocat per excellentiam, vt alibi *iura succedendi in bonis liberti per bonorum possessionem, unde legitimi ab intestato, vel per bonorum possessionem contra tabulas*, hoc est summum commodum patronatus, quod & *ius libertorum* dicitur, *l. 13. hoc tit.* Ius liberti, id est, ius succedendi liberto, cui nexum est ius tutelæ, nam quo successio, eo etiam tutela redit secundum regul. iuris. Qui liberti sperat successionem, & eiusdē impuberis tutelam gerit. Ergo vt dixi, in *h. l. 14.* iura patronatus sunt iura succedendi liberto.



Sunt autem quidam liberi patroni, qui hæc iura non habent, vt liberi exheredati, qui non succedunt liberto paterno, nisi pater nominatim cauerit, vt exheredato esset saluum ius patronatus, *l. si pater exheredato, de bon. lib. ber.* Item liberi eius patroni, qui cōtra legem Æliam Sentiam libertum iureiurando adegit, ne nuberet, ne liberos tolleret, nam hic ex lege Ælia Sentia non succedit liberti, nec liberi eius: non habent iura succedendi, *l. qui contra legem, de iure patr.* atque ita licet in *l. 1. de leg. tut.* dicitur, legitimos tutores esse eos, qui sperant successionem pupilli, ita, vt hoc loco proponitur, tutor datus filio patroni, ita demum repellitur ab omni excusatione, & tutelam suscipere cogitur, si pupillus speret successionem eius, id est, si ipse patronus sit. nam & filius patroni, patronus dicitur, si ius habeat in bonis liberti, licet non sit principalis patronus Et ita explicanda est hæc lex.

Ad l. 38. de adm. tut.

*Si plures tutelam non administrauerint, & omnes soluendo sint, utrum quia nulla partes administrationis inueniuntur, electioni locus erit? an vt eiusdem pecunia debitorum excipere debebunt periculi societatem? quod magis ratio suadet.*

§. 1. ¶ Si quidam ex his idonei non sint, onerabuntur sine dubio ceteri, nec inique, cum singulorum contumacia pupillo damnum in solidum dederit.

§. 2. ¶ Vnde querendum est, an actiones pupilli, ei qui solus conuenitur, in alteram pro parte scil. præstare debeat? Sed cum propria vniuscuiusque contumacia puniatur, qua fronte poterit hoc desiderari?

**Q**uestio est elegantissima, pro qua parte quisque tutorum conueniatur & condemnatur. Finge: Duo sunt vel plures tutores, & sciūt, se esse tutores ac cessant, id est, non administrant, quid fiet? Extra ordinem cogentur administrare, *l. 1. in princ. hoc tit. l. 4. §. ult. rem pup. solu. fore.* Extra ordinem, quod notandum, quia nulla est prodita actio eo nomine, qua cogantur, sed multa coercentur, vel captis pignoribus compelluntur, quæ vocat strictiora remedia *l. 3. de susp. tut.* sed possunt pertinaces, contumaces, refractarij, contemnere hæc remedia, & vel mulctati, vel coerciti capione pignorum perseuerare in eadem cessatione. Quid vero tunc fiet? vt ostendit *l. 3. vel* tanquam suspecti remouebuntur, & alij in locum eorum dabuntur, vel si nemo sit, qui postulet eos suspectos, omne periculum tutelæ sustinebunt. Quare maxime onerabuntur, & suo periculo cessabunt, *l. 1. §. 1. hoc tit.* & tenebuntur vtili actione tutelæ. directa tenebuntur, qui administrauerunt, vtili qui non administrauerunt, *d. l. 4. §. 1. rem pup. saluam fore.* Sed si omnes tutores, qui cessarunt, soluendo sint eo tempore, quo finitur tutela, & inchoatur actio tutelæ, quæritur an pupillus quem volet ex iis eligere possit, eumque in solidum conuenire? Quod videtur: nam non potest pupillus actionem diuidere pro rata administrationis, cum nullus administrauerit: verum si omnes soluendo sunt litis contestationis tempore, cum eo scil. quem elegerit pupillus, licet singulorum dolus, id est, cessatio, mora, contumacia, pupillo damnum dederit, in solidum tamen, quia omnes locupletes sunt, omnes soluendo sunt. Is quem elegit pupillus, quemque conuenit in solidum opposita exceptio ne efficit, vt actio diuidatur inter collegas pro virilibus portionibus, exemplo plurium fideiussorum, vel mandatorum, qui habent beneficium diuisionis ex epistola D. Adriani, si fuerint soluendo litis contestatæ tempore, §. si plures. *Instir. de fideiuss.* Duo rei eiusdem pecuniæ idem beneficium non habuerunt ante Nouellam 99. fideiussores & mandatores habuere, sed non alij rei, præterquam tutores, qui tenentur iudicio tutelæ, quod est bonæ fidei. Interpretatio bonæ fidei inducit diuisionem periculi inter tutores. Certum igitur est plures tutores habere beneficium diuisionis, siue omnes cessauerint, siue

**A** omnes administrauerint. Qui cessarunt, diuidunt actionem pro virilibus portionibus: qui administrarunt, diuidunt administrationem, id est, actionem pro rata administrationis, si ea diuisa fuerit à testatore vel à iudice, non si ab ipsis tutoribus: si indiuisa fuerit administratio, diuidunt actionem pro virilibus portionibus. *l. Diui, l. si duo: hoc tit. l. 1. §. nunc. de tut. & rat. dist. l. 2. C. de diuid. tu.* Addit *l. Diui*, singulos tutores nonnunquam teneri in solidum, & condemnari scil. nec habere beneficium diuisionis. Quod procedit his casibus tantum: nam & ait, *nonnunquam.* Si, exempli gratia, duo sunt tutores, primus & secundus, & primus gnauiter & bene gesserit tutelam, secundus ignauiter, vel omnino non gesserit, primus conuenitur in solidum detracto beneficio, diuisionis scil. si debuerit contutorem suspectum facere, & remouere, nec fecerit, vel si à contutore satis non exegerit, cum sciret satis non exegisse magistratum municipale, qui eum dedit, vel si contutorem tarde suspectum fecerit, ac propterea si lusorie eum suspectum fecerit, id est, ita vt pateretur se vinci, si defunctorie suspecti eum accusauerit, non strenue, non sedulo. Et huc pertinet *d. l. 2. C. de diuid. tut. l. 2. & §. de magistr. conuen.* His casibus tutor, qui hæc commisit, aut non peregit sedulo, pro contutore tenetur in solidum: ac præterea his casibus contutor prius conuenitur pro contutore suo quam magistratus municipalis, *l. 1. §. usque adeo, de tut. & rat. dist. si modo in eo §. ita legatur, vt ostendimus lib. 2. quæst. l. 2. de quib. reb. ad eund. ind. hoc modo, si tutores soluendo non sint, & alio loco, si tutor ob hoc conueniatur, quod suspectum facere vel satis exigere superfederit: quod Hugolinus animaduertit: ac præterea his casibus tutor, qui in solidum conuenitur, condemnatur, non in sortem tantum, sed etiam in vsuras, vt ex eodem lib. 12. quæst. Vlpian. refert in *l. tutor qui repertorium 7. §. pen. hoc tit. & §. si post depof. & seqq.* Alias, antequam ad contutorem veniatur, excutitur tutor vel heres eius, & fideiussor eius, & magistratus municipalis qui eum dedit, & extremo loco peruenietur ad contutorem, *l. Lucius 48. §. pen. hoc tit.* Alias quoque contutor, qui pro tutore conuenitur, non conuenitur in vsuras, nisi his casibus *l. 2. C. de vsur.* suæ administrationis nomine condemnatur in vsuras, non nomine contutoris. Et generaliter iis, quos dixi esse excutiendos, excussis, sortis nomine tutor qui soluendo est conuenitur pro contutore, qui soluendo non est. Inopia vnius onerat copiam alterius, *l. 2. de quibus reb. ad eund. ind.* Inde quæritur, si quis soluerit pro contutore suo, an pupillus ei debeat cedere actionem suam aduersus contutorem? Et distinguitur subtiliter hoc modo: si pro contutore soluerit ex proprio dolo vel culpa contutoris, non communi, vel si soluerit solidum ex communi culpa, & desidia, ex communi gestu, pupillus ei cedere debet actionem suam, eumque facere procuratorem in rem suam, & si forte non cedat ei, is nulla capione afficietur: nam ex constitutionibus tutori, qui ex his causis pro contutore soluit, datur actio vtilis aduersus contutorem, adeo vt non admodum desiderare debeat, sibi actionem directam cedi à pupillo: nam vtilis idem est effectus, qui directæ. Et hoc ostenditur in *l. 1. §. nunc traitemus, de tut. & rat. dist. l. ex pluribus, hoc tit. l. 2. C. de cont. ind. l. 2. C. de diuid. tut.* Sed si tutor conueniatur in solidum ex dolo communi, neque cedet ei pupillus actionem suam aduersus contutorem, neque vtilis dabitur, *l. 1. §. plane, de tut. & rat. dist. vt in specie h. l. 38.* si omnes tutores cessauerint. Cessatio est dolus, sane est contumacia. & omnis contumacia fraus est, & dolus, nec nisi per abusionem dicitur fraus & dolus communis, neque enim delicti est societas siue communio. Est igitur vniuscuiusque tutoris, qui cessauit propria contumacia, proprius dolus in solidum, id est, qui pupillum damno affecit in solidum, quare indignus quoque est quicquam consequi à doli partecipe cōtutore, quando vnusquisque suffert pœnam proprii doli, vt nō sit æquum ei cedi actionem aduersus alterum, cum*



non pro altero condemnatus sit, sed pro seipso ex dolo proprio. Et hoc est, quod dicitur, culpæ quidem societatem esse: doli, & generaliter, maleficij non esse: & rursus doli, & periculi, ex dolo cōmuni societatem quidem esse, quod attinet ad beneficium diuisionis, sed non quod attinet ad beneficium cessionis, siue vtilis actionis in contutorem. Deinde, vt rectissime Bartol. inter plures contutores per contumaciam non gerentes tutelam, locum habere beneficium diuisionis, non cessionis, quæ est verissima definitio legis, quam Azo conatus est peruertere. & est summa ratio differentię inter beneficium cessionis & diuisionis: nam beneficio diuisionis nihil consequor à contutore, sed me defendo, ne damner in solidum vltra virilem portionem. Beneficium diuisionis est mera defensio, vt inquit idem Bartolus, & facile concedimus copiam defendendi se cuiilibet. Beneficio autem cessionis consequer à contutore meo partem eius, quod ex meo proprio dolo persolui: quod est iniquum, vt scil. damnum mihi præstet alter, quod sustinui ex meo proprio dolo: neq; enim doli societas est. Et ita eleganter Papin. constituit differentiam inter dolum & culpam: nempe hanc: eum qui soluit solidum ex dolo communi non posse desiderare, vt pupillus cedat sibi actionem suam aduersus contutorem suum, non posse etiam desiderare actionem vtilem. At eum qui soluit solidū ex proprio dolo vel culpa contutoris, iuste desiderare, vt sibi cedatur actio in solidum aduersus contutorem, vel si soluerit ex communi culpa, vt sibi cedatur pro parte tantum, & sine cessione habebit vtilem. Ego existimo Papin. hæc coniunxisse eis, quæ scripsi in *l. si culpa de rei vind.* quæ fuit 1. h. libr. & in qua ponitur similis differentia inter dolum & culpam. Ita est copulanda hæc lex cum *d. l. si culpa.*

Ad l. ult. rem pup. saluam fore.

Si plures fideiussores à tutore pupillo dati sunt, non esse eum distringendum, sed in vnum dandam actionem: ita, vt ei qui conueniretur actiones præstarentur. nec quisquam putauerit ab iure discessum, post quam pro ea parte placuit tutores condemnari quam administrauerunt. Et ita demum in solidum, si res à ceteris non seruetur, & idonea culpa detegatur, quod suspectum facere supersederit: nam aequitas arbitri, atque officium viri boni videtur eam formam iuris desiderasse. Ceterum fideiussores ciuilitur in solidum obligati, ceteris quidem agentibus vt diuidatur actio, impetrare possunt: pupillo vero agente, qui non ipse contraxit, sed in tutorem incidit, & ignorat omnia, beneficium diuidende actionis iniuriam habere visum est: ne ex vna tutela causa plures, ac varia quaestiones apud diuersos iudices constituerentur.

Explicatur sum l. elegantissimam, *l. ult. rem pup. salu. for.* Quod supra didicimus ex *l. si plures, de adm. tut.* idem aliqua ex parte repetitur in hac l. Si plures tutores sint, habere eos beneficium diuidende actionis, id est, pupillum à singulis, qui modo soluendo sint litis contestata tempore, compelli partes pro virili, vel pro rata administrationis petere: nonnumquam tamen tutorem idoneum in solidum teneri pro collega, qui non est idoneus: vt puta si suspectum eum facere potuerit, & debuerit nec fecerit, vel si tarde vel lusorie fecerit, vel si debuerit ab eo satis petere nec petierit, cum sciret magistratum ab eo satis non exegisse, & ita exprimitur partim in hoc loco, partim in alijs similibus, *l. etiam, de adm. tut. l. 2. l. 5. de magistr. conuen. l. 1. §. vsq; adeo, de tut. & rat. diff. l. tutor qui repertorium §. pen. de admin. tut. l. 2. C. de diuid. tut.* Ex quibus locis explicandum est, quod ait *l. Diui. de adm. tut.* nonnumquam tutores in solidum condemnari, nec scindere actionem. Regulariter scindunt actionem, id est, pro parte tantum conueniuntur & condemnantur: nonnumquam etiam in solidum, quod idem proponitur in *h. l. ult.* Sed mendum est in verbis quibus in hoc loco proponitur. Mēdum vnum est in verbo (*idonea*)

A Ait enim, pro ea parte placuit tutores condemnari, quam administrauerunt, id est, tutores, qui habent beneficium diuisionis. Sequitur exceptio, si ceteri, &c. vulgo legitur, & ideo in eo culpa detegitur. Recte legitur Florent. & idonea culpa detegatur. Floren. scriptura magis accedit ad veritatem, & idonea culpa detegatur, mutanda est vna tantum litera, & leg. idonei culpa detegatur. Idoneum vocat tutorem, qui soluendo est, qui oneratur propter inopiam contutoris, quem suspectum facere superfedit. Auctores Basil. ita legisse apparet, si horum tutorum scil. quidam inueniantur non idonei, & idonei superfederint eos veluti suspectos remouere. Legendum est igitur, & idonei culpa detegatur, id est, negligentia idonei tutoris detegatur in non remouendo non idoneo tutore, hoc scil. casu idoneus condemnatur in solidum, nec vtetur beneficio diuisionis. Et hæc de pluribus tutoribus. Nunc quæritur de pluribus fideiussoribus vnius tutoris, qui pupillo cauerint rem saluam fore, an hi etiam habeant beneficium diuisionis. Proposuius plures tutores habere beneficium diuisionis exceptis certis casibus, sed quid de fideiussoribus tutoris vnius? Et recte hoc quærimus, vt proponitur in hoc tit. Nam si plures sint tutores, & singulorum plures fideiussores, & singulorum singuli fideiussores, non est dubium, vt inter tutores, ita etiam inter fideiussores exemplo tutorum diuidi actionem, *l. pupillus, de fideiuss. tut.* At plures fideiussores vnius tutoris non possunt diuidere actionem. Et hoc est, quod ait Papin. hoc loco, pupillum non esse distringendum in plures aduersarios. distringitur, qui cogitur diuidere actionem, qui cogitur partes petere à singulis, nec potest eligere vnum, cū quo agat in solidum: qui, vt est in fine huius legis, ex vna causa, ex vno negotio plures lites apud diuersos iudices instituere compellatur. Hoc plane est distringi, adire diuersos iudices ex vna causa, pupillus non est distringendus. Ergo pupillo permittitur, cum quo velit ex fideiussoribus à tutore datis in solidum experiri: Sed cogitur etiam vicissim, si hoc desideret is, cum quo agit pupillus, ei cedere actionem suā, quod etiam hoc loco proponitur. Et ita cessio actionis necessaria in hac specie, quia confideiussori, qui soluit solidum, non datur vtilis actio, nisi cessa sit, *l. vt fideiussor, de fideiuss.* Ex hoc loco intelligitur, quam aperte coniungantur hæ tres leges, *l. 38. de adm. tut. l. si culpa, de rei vind. & l. nostra.* quæ omnes tractant de cedenda actione à victore victo. Denique plures fideiussores vnius tutoris non habent beneficium diuisionis: & ideo potest pupillus agere in solidum, cum quo velit cōgredi in solidum, si modo ei cedat actionem suam aduersus alios confideiussores. Vnus tantū est casus in *l. pen. D. de fideiuss. tut.* summe notandus, quod fideiussores tutoris beneficiū diuisionis habent. Sciendum est autē ante Nouell. Iustin. in actoris arbitrio fuisse, aut agere cum fideiussoribus statim, vel cum principali reo. Hodie creditor non habet electionem, sed excutere prius debet principalem: licebat olim actori, ergo pupillo cum quo vellet experiri. Finge. egit cum fideiussoribus, & eorū rogatu cum egisset, vel agere voluisset aduersus eos, conuenit tutorem, expertus est cum tutore, & cum stipulatus esset, rem pupillarem saluam fore, initio tutelæ susceptæ, nunc adolescens post finitam tutelam denuo stipulatus est ab eis de reddendo eo, quod non posset seruare à tutore, cum quo prius agebat fideiussorum rogatu. Exegit à tutore quædam, sed non omnia: est residuum aliquid, & huius residui petitio aduersus fideiussores ex posteriori stipulatione. an diuidendā actionē residui inter se? sic videtur, quia adolescens videtur onus fideiussorum suscepisse, qui post pubertatē denuo ab eis stipulatus est, quasi ommissa stipulatione priore rem pupilli saluam fore, vt iam nō possit cum quo velit experiri in solidum; sed habebūt beneficium diuisionis: & hic est casus elegantissimus *l. pen. D. de fideiuss. tut.* Ad hæc quæritur. Cur plures tutores habeant beneficiū diuisionis, non etiam plures fideiussores tutoris? Proponitur differentia in hac l. & subiicitur



elegantissima ratio, quia actio tutelæ, qua tenentur plures tutores, est bonæ fidei, & æquitas arbitri, atque officium boni viri, seu bona fides desiderat huiusmodi diuisionem admitti, siue concedi pluribus tutoribus, maxime cum non propterea pupillus distringatur pluribus iudiciis, quandoquidem plures tutores mittuntur ad vnum eundemque iudicem, *l. 2. de quibus rebus ad eund. iud. l. 5. C. arb. tut.* Quid igitur est bona fides? hoc loco est æquitas arbitri atque officium boni viri, hoc est bona fides quam bonus vir existimaturus est. Arbitrator & bonus vir idem est. Arbitrum & bonum virum vocat hoc loco iudicem addictum iudicio tutelæ, actioni tutelæ; & dicitur proprie arbitrator in iure iudex, quoties actio est de rationibus reddendis, & ea actio arbitrium dicitur, vt in *l. ult. C. arb. tut.* Ergo bona fides & æquitas exigit, vt in actione tutelæ toleretur diuisionis actionis inter tutores, vt conueniatur quisque pro parte tantum, vt dixi cum non distringatur pupillus, quandoquidem omnes tutores mittuntur ad eundem iudicem ex constitutionibus: plures fideiussores non mitterentur ad eundem iudicem, si inter eos diuideretur actio, vt indicat hæc lex in fine. Idem non est constitutum in pluribus fideiussoribus, vt mittantur ad eundem iudicem, quod in pluribus tutoribus. Et præterea actio ex stipulatu, qua fideiussores tenentur singuli in solidum, ipso iure stricta est actio, nec facile admittit æquitatem diuisionis, præsertim agente pupillo, quem distringi iniuriosum est. fateor, alio agente quam pupillo fideiussores habere beneficium diuisionis ex epist. Diui Adriani, si omnes sint soluendo litis contestatæ tempore: sed ab epistola excipiuntur fideiussores, qui cauerunt rem pupilli saluam fore: nam pupillo agere non habeat beneficium diuisionis. *pupillo*, inquam, agente beneficium diuidentis actionis iniuriam habere visum est. Cur ita? quia æquum non est distringi pupillum, qui non contraxit cum tutore, qui eos fideiussores dedit, sed in eum incidit. Et hoc est quod dicitur, actionem tutelæ non esse ex contractu, sed quasi ex contractu: pupillus enim non contrahit, & tutor datur etiam pupillo inuito & ignoranti, & propterea æquum non est distringi pupillum, qui ignorat quod agit. Et hoc est, quod dicitur pupillum non intelligere quid agat, pupillum ignorare quod videt. Seneca in epist. *pupillum nondum rationale esse*. Et ita multa habemus singularia ex duabus posterioribus legibus: fideiussores etiam si soluendo sint, non habere beneficium diuisionis agente pupillo, tutores vero habere beneficium diuisionis, etiam si alij duo rei principales ante Nouell. non habebant illud beneficium diuisionis. Hoc etiam singulare est, differentiam esse constituendam inter actionem bonæ fidei & strictam. In bonæ fidei actione diuisionem facilius admitti, in stricta difficilius. Verba Papiniani Accursius non intellexit (nam æquitas) Responso est ad obiectionem quæ præcedit.

#### Ad l. 10. de suspect. tut.

Decreto prætoris vt suspectus remotus, periculum futuri temporis non timet: iniquum enim videtur amoveri quidem à tutela, vel cura, in futurum autem non esse securum.

**S**ententia l. 10. hæc est. Ad eum tutorem, qui vt suspectus remotus est decreto prætoris periculum futuri temporis non pertinere: nam iniquum est, inquit, remoueri quem à tutela, & in futurum, post remotionem, non esse securum: alioqui si administrationis periculo etiam post remotionem obstringeretur, hoc esset remouere nomine, non re, qui remouetur tutor esse definit, *l. 4. §. pen. hoc tit. l. quod si forte §. quod si remoto, de solut.* Et ita si quis pupillo facto pubere, facto suæ ætatis, tutor esse desinat, periculum futuri temporis ad eum non pertinet, nisi persequeretur administrare, aut quid super sit, quod sit nexum cum superiori tutelæ administratione, *l. ult. C. de peric.*

**A** *tut. l. tutor, arbitr. tutel.* Pubertate definit quis esse tutor. Remotione definit esse tutor. ergo vtroque genere periculum administrationis definit pertinere ad eum: nam administratio transfertur in alium, isque in quem administratio transfertur, periculi successor esse incipit. nihil autem refert, quibus verbis quis remouetur: nam si prohibitus sit tutela abire, siue prohibitus sit tutelam gerere, vtroque modo definit esse tutor, *d. l. 4. §. pen. nec vnquam iure ciuili sententiarum seu decretorum fuit vna certa & perpetua formula: nam qualiacunque verba sufficiunt: plerunque tamen ita solet decernere prætor, dum reiecit suspectum: quando Lucius Titius tutelam C. Sej ob inertiam gerere non potest, cum ob hanc causam tutelam abire iubeo.* Exprimatur causa in sententia, vel ob rusticitatem, simplicitatem, dolum, fraudem, latam culpam, negligentiam: & exprimitur plerumque causa, vt appareat de fama & de existimatione: nam qui remouetur ob inertiam vel simplicitatem, non est infamis, qui ob dolum, est infamis. sed potest etiam prætor suppressere causam, & ita pronunciare: *quoniam Lucius Titius C. Sej tutelam gerere non potest.* Et quoties non est expressa causa, etiam si, quæ causa mouit prætorem, sit turpis, veluti doli mali, qui remouetur non fit infamis, quod ex Papiniano traditur, in *l. 4. §. 2. hoc tit.* nam actio proprie non infamat, sed verba sententiæ, quo iure vtimur. Actio iniuriarum est famosa, sed si verba sententiæ sint ita composita, vt rem obumbrent, vt mentionem non habeant iniuriæ, conseruabitur condemnati existimatio, nec fit infamis, quia causa condemnationis suppressitur data opera, ne fiat infamis: sententia est, quæ infamat, non lis. Tantum autem abest, vt ad eum, qui remotus est, pertineat periculum futuri temporis, vt nec eius temporis periculum sustineat, quo pependit cognitio suspecti, siue accusatio suspecti: nam interim statim atque postulatus est suspectus, interdicitur ei administratio, & curator datur interim in locum eius, quod ex eodem Papiniano est propositum in *§. si quis autem, Institut. de suspect. tutor.* & confirmatur *l. eum quem, C. eod. l. quod si forte §. 1. de solut.* At periculum præteriti temporis, quod fuit ante susceptam cognitionem suspecti, proculdubio præstat, quod quidem incipit statim atque reiectus est, non antequam reiectus sit. tutor manet tutor, etiam si postulatus sit suspectus, antequam reiectus sit. ergo cum eo agi non potest actione tutelæ, quia tutelæ agi non potest, nisi cum eo, qui tutor esse desit. Ergo prius est remouendus, quam agatur tutelæ iudicio, vel negotiorum gestorum cum curatore, *l. actus, de administrat. tut. l. pen. C. de suspect. tut.* Et nihil est præterea, quod pertineat ad hanc legem.

#### Ad l. 23. de liberis & postumis.

Filio, quem pater post emancipationem à se factam iterum adrogauit, exheredationem antea scriptam nocere dixi: nam in omni fere iure sic obseruari conuenit, vt veri patris adoptiui filius nunquam intelligatur, ne imaginæ nature veritas adumbretur, videlicet quod non translatus, sed redditus videretur. nec multum puto referre, quod ad propositum attinet, quod loco nepotis filium exheredatum pater adrogauit.

**E** *§. 1. Si Titius heres institutus, loco nepotis adoptetur, defuncto postea filio, qui pater videbatur, nepotis successione non rumpitur testamentum ab eo, qui heres inuenitur.*

**C**ertum est, testamentum rumpi agnatione (nascuntur) sui heredis, veluti postumi, id est, si nascatur filius ex iusta vxore post testamentum, qui quidem sit in eo testamento præteritus siue omissus, id est, neque institutus, neque exheredatus: & præterea non tantum rumpitur agnatione, sed etiam quasi agnatione, veluti adoptione vel arrogatione: ego acquiro mihi, siue adscisco mihi filium: atque ita quodammodo mihi videtur nasci siue adnasci filius. Ergo hic etiam, quia adoptatur, rumpit



testamentum, si in eo sit præteritus, l. 8. in pr. t. seq. Verum quæro, quid sit dicendum, si is qui adoptatur post testamentum, in eo sit exheredatus. Rursus quæro, quid si inueniatur institutus: aut extraneus in testamento exheredatus est, & postea adoptatus est, aut filius emancipatus: nam est differentia constituta inter hunc & illū. Extraneus transfertur in potestatem adoptione: filius autem emancipatus reuertitur, redit in potestatem: (adoptione, sc.) il r'entre extraneus redigitur, il entre in potestatem, l. qui liberatus, de adopt. Et ut hic ait filius emancipatus redditur familiæ, non transfertur. Si extraneus sit exheredatus in testamento, & postea adoptatus, illius adoptio rumpit testamentum, quia pro præterito habetur: nulla est enim exhereditatio extranei. Exheredare enim est adimere hereditatem ei, qui eam sperat ex lege, vel edicto prætoris. Extraneus eam non sperat, ergo in eo nulla est exhereditatio, l. quidam, de verb. oblig. Quod si filius emancipatus exheredatus sit, in eo testamento exhereditatio valet iure prætorio: nam prætori filius emancipatus non est extraneus patri: iure prætorio non habetur pro extraneo, iure civili est pro extraneo. Denique exhereditatio emancipati valet iure prætorio, quia eo iure vocatur ad hereditatem, perinde ac suus: prætor in danda hereditate vel bonorum possessione non separat suum ab emancipato: Et ideo si post emancipationem filius exheredatus adoptetur, non rumpit testamentum, nec quasi præteritus petet bonorum possessionem contra tabul, quia inuenitur iure exheredatus. nec quidquam refert, hic filius adoptetur in locum filij, an in locum nepotis: nam, quod est subtilissimum, commentum adoptionis siue fictio, non potest efficere, ut qui natura est filius, minus videatur esse filius adoptio filij emancipati non potest efficere, ut is magis videatur esse filius lege quam natura: potius, non commentitius est filius, sed naturalis, & filius verus, etsi adoptetur in locum nepotis; filius est naturalis & verus potius, quam nepos adoptiuus. Prævalent enim iura sanguinis, naturalia iura, & eleganter Papin. ait: *In omni fere iure sic observari, ut veri patris filius adoptiuus nunquam intelligatur.* sic loqui solet Pap. ut in l. 24. de excus. tut. & in l. in omni, de adopt. in omni fere iure. Et ait, fere, quoniam in potestatem redigitur, vocabulo adoptionis, vi adoptionis. Et subiicit recte, *veri patris filium, verū filium adoptiuum non intelligi*, quod veritas sit fictione potior, ne, inquit, veritas adinbretur imagine natura. veritas id est, ius naturæ: veritas suscipiendorum liberorum, ut Cic. loquitur pro domo, opponens eam adoptioni. Adoptio est ius civile: veritas est ius naturæ. Adoptio est imago naturæ, & imitatio. Imago autem non debet aut potest naturæ, hoc est, veritati, offundere caliginem. Quamobrem prævalet natura; & hic semper dicitur pro vero filio magis, quam adoptiuo: atque ita pro exheredato habetur, nec rumpit testamentum: nam inuenitur iure exheredatus. Et hoc est, quod ait in prima parte huius l. Et notandum, citari hunc locum ab Ulpiano in eandem rem, in l. non putauit §. si quis emancipatus, de bon. poss. cont. tabul. Verum, quid si quis institutus sit, & postea adoptatus: an adoptione rumpitur testamentum, quasi agnatione sui heredis? Et dicemus multo minus rumpi: imo hoc casu non constituemus differentiam inter extraneum & filium emancipatum: valet enim institutio in vtriusque persona: nam in vtroque adoptio non infirmat testamentum, in quo adoptatus inuenitur institutus; valet enim institutio vtriusque personæ, non exhereditatio. Et ita proponitur in l. 8. h. t. ita proponitur etiam §. ult. hac l. Species hæc est. Extraneum in testamento heredem scripsi. deinde eum adoptavi in locum nepotis, quasi natum ex meo filio. nondum est mihi suus, quia eum præcedit filius, sed si præmoriatur filius, mihi fiet suus, qui adoptatus est loco nepotis: mihi, inquam, fiet suus successione in locum filij ex l. Velleia, an successione rumpet testamentum? minime. non quæro, an adoptione, quia nō hæc per se ei iuitatem tri-

A buit, sed successio facit suum: sed an rumpet testamentum? minime, quia inuenitur institutus, ergo non est præteritus. Et hoc est, quod ait in §. ult. hac l..

#### Ad l. 75. de hered. instit.

*Si filius substituatur ei à quo præteritus est: non ut intestati patris, sed ex testamento habebit hereditatem: quoniam & quolibet alio substituto, si fuisset ab eo exheredatus, inde testamentum inciperet, ubi filius esset exheredatus.*

**I**N hac l. vulgo dicitur ab interpretibus, (qui non loquuntur accurate) non à iuris auctoribus, non valere testamentum, id est, ipso iure nullum esse, in quo filius suus est præteritus. Ego nollem, ut quis vteretur hac sententia his verbis, nam est plerumque falsa: fallit plerumque: vera enim est vno tantum casu, si filius sit præteritus ab omnibus gradibus heredum, ab omni parte testamenti. Intestatus est is, qui filium suum præterit, ab omni parte testamenti scilicet. aliter ita concipienda est illa sententia. non valet is gradus, caue dicas pars testamenti, in qua filius suus est præteritus, ut in l. 14. §. quod vulgo, de lib. & post. nam si exempli gratia, filius sit præteritus à primo gradu alio herede instituto ex asse, & secundo gradu sit substitutus instituto, vel in secundo gradu alio substituto sit exheredatus, vitiatur in primo gradu. Si primo gradu herede instituto ex asse, & filio, nec instituto, nec exheredato, & secundo gradu filius sit substitutus, vel si alio substituto sit exheredatus, rumpitur tantum primus gradus præteritionis, & tantum incipit testamentum à secundo gradu, l. 3. §. ult. de lib. & post. Et ita Papin. ait in hac l. si filius sit præteritus primo gradu, & substitutus secundo, quia testamentum valet, quod intelligatur incipere à secundo gradu. Ait igitur, eum succedere ex testamento. Vitiatur enim tantum primus gradus. Idem erit, si à secundo gradu sit exheredatus: nam testamentum incipit à secundo gradu, nec succedet filius villo iure, nisi instituta querela inofficiosi probauerit, se iniuste & immerito exheredatum.

#### Ad l. 41. de bon. libert.

**S**i libertus patrono, quod ad debitam portionem attinet, satisfaciatur, inuito tamen aliquid extorquere conetur, quid statuendum est, quaritur? Quid enim, si ex parte debita instituto, decem præterea legentur, & rogetur seruum proprium, qui sit decem vel minoris pretij, manumittere? iniquum est & legatum velle percipere, & libertatem seruo non dare: sed parte debita accepta, & legato temperare, & libertatem imponere non cogi, ne seruum forte de se male meritum cogatur manumittere. Quid ergo si solo eodem herede instituto idem libertus perierit? si substitutum habebit, æque decreti remedium poterit procedere, ut accepta debita portione, cetera pars ad substitutum perveniat, ita ut si forte servus redimi potuisset, præstaretur libertas, cessante vero substitutione patronum hereditatem liberti amplectentem Prætor, qui de fidei-commisso cognoscit, libertatem seruo eum imponere cogat.

**H**Æc lex est facie aperta, sed sensibus abstrusis, ideo omnino eget interpretatione. Sciendum est patrono præterito in testamento à liberto, vel instituto ex minori parte, quam dimidia vel tertia bonorum, quæ mortis tempore fuerunt, dari bonorum possessionem contra tabulas. Dimidiæ partis iure antiquo, tertiæ partis iure nouo: nam portio legitima debita reuerentiæ patroni, fuit olim semis omnium bonorum, hodie est triens, siue sit vnus patronus; siue plures. Plures illi non sunt habituri amplius quam trientem, legitima est ea portio: sicut filij & liberi hodie siue sint plures, siue vnus, habent trientem eius, quod habituri erant ab intestato, trientem legitimæ portionis. nam legitima filij non proprie est legitima, sed triens legitimæ. Legitima est,



est, quæ obuenit ab intestato unicuique ex liberis. Verum addiendum, patrono dari bonorum possessionem contra tabulas, quia nō infirmantur omnino tabulæ, sicut infirmantur prorsus per bonorum possessionem contra tabulas, quæ competit liberis præteritis, quæ differentia notanda est. possessio bonorum, quæ competit patrono, rescindit testamentum pro parte dimidia, vel hodie pro parte tertia, quod omne locum habet, si libertus factō testamento sine liberis decesserit. Et notanda est alia differentia inter filium præteritum & patronum: nam patrono præterito datur bonorum possessio contra tabulas, vel contra heredem scriptum potius, qui adiit ex testamento, quam contra tabulas: neque enim datur ante aditam hereditatem: filio autem præterito datur bonorum possessio vere contra tabulas, contra lignum, ut ait *l. vulgo, de bon. poss. cont. tab.* etsi heres nondum adiisset hereditatem, etsi nemo ex eo testamento heres extitisset. quæ differentia ostenditur in *l. illud, de bon. poss. cont. tab. l. 3. §. ut patronus, & §. si patrono, hoc tit.* Secundum hæc, ut patrono satisfiat, testamento liberti est reliquenda tertia pars, & quidem sine onere ullo, idque secundum ius nouum, sicut cōstat liberis esse relinquentam portionem legitimam sine onere ullo, ne testamentum rescindant ut inofficiosum, & patrem vel auum intestatum faciant. Quæ verba, *sine onere ullo*, latissimè patent, id est, sine die, sine conditione, sine onere legati, fideicommissi, satisfactionis, denique sine onere ullo, quia portionem legitimam, puram, & immunem esse oportet: & si ita satisfactum sit patrono testamento liberti, ei non datur bonorum possessio contra tabulas. Nihil verò refert, quo titulo detur patrono portio legitima quæ ei debetur iure patronatus: nihil refert, relinquam titulo institutionis vel legati, *l. 44. §. ult. hoc tit.* sicut ante Nouellam Iustin. nihil referebat, portio legitima relinqueretur liberis, illo aut h. tit. ad excludendam querelam §. *ult. Instit. de inoffic. test.* Hodie relinquenda est titulo institutionis. Cur? nam si non instituatur, exheredatur: alioquin ipso iure nullum est testamentum. Exhereditatio autem nota quædam est, infamia & macula: non est filius temere notandus, ergo non tam affectatur titulus institutionis in Nouella Iustiniani, quam ratio queritur non inurendæ infamiæ filio, quæ liberet ab infamia filiū. Titulus institutionis est necessarius, ut liberetur ab infamia filius. Portionem debitam patrono fuisse olim semissem scriptum est in *Instit. de success. lib.* sed sunt huius iuris antiqui etiam pleraque vestigia in Digestis, quamquam conatus sit Tribonianus ea omnia abolere, qui pro dimidiæ partis, reposuit, partis in *l. 1. §. pen. si enim plusquam per leg. Falcid. & l. debitor §. 1. de pign. act. l. 1. & 43. hoc tit.* Idem etiam indicat Sueton. in Nerone, dum ait, *Neronem constituisse, ut de bonis libertorum pro semisse dodrans prætaretur*, id est, *solueretur patrono*. Nunc finge: patrono relicta est debita portio, & præterea sunt legata decem adiecto onere fideicommissi, ut scilicet seruum proprium manumitteret, qui erat decem vel minoris pretij. Debita portio non potest onerari fideicommissio, *l. 45. hoc tit. & l. 28. de leg. 2.* Legatum quod patrono relictum est, potest onerari fideicommissio, id est, legatum quod relictum est præter debitam portionem. Quod mihi debes, non potes onerare: quod mihi benigne concedis, potes onerare. legatum igitur potest onerari fideicommissio. Verum distinguendum est: aut patronus agnouit legatum, aut repudiavit. si agnouit legatum, eo casu cogitur onus, quod ei impositum est, adimplere, hoc est, seruum manumittere, maxime cum plus non sit in pretio serui, quam in quantitate legati, ut ponit Papinianus hoc loco. Hoc igitur legato percepto, per prætorem fideicommissarium, qui cognoscit de omnibus fideicommissis, omnino cogetur cum seruum manumittere. Quod si plus sit in pretio serui quam in summa legati, & legatum perceperit, cogeturne seruum manumittere,

Quæst. Papin.

A qui longe plurius est? Et videtur cogi posse, ut seruum manumittat, quia percipiendo legatum, quod quasi pro pretio serui ei relictum est ut eum manumittat, non plurius videtur aestimasse seruum, licet sit plurius. Et hoc ita procedit, etiamsi legatum sit diminutum per legem Falcidiam, si sit diuisum, ut ait lex *si debitor 45. §. in fideicommissaria, de fideic. libert.* id est, si diuisum sit inter heredem & legatarium pro dodrante & quadrante, & legatarius dodrantem acceperit, non solidum legatum: nam etiam hoc casu, quia contentus fuit dodrante, eumque perceperit, cogetur seruum manumittere, quia non plurius eum fecisse videtur, quam sit in summa, quam sit summa dodrantis, *l. sed si non seruus, ad leg. Falc.* quod tamen non fuit sine controuersia, non obtinuit nisi post multas controuersias: nam ut indicat lex *6. de fideic. libert.* quidam existimabant, eum qui rogatus erat seruum proprium manumittere, si ex legato dodrantem duntaxat percepisset propter legem Falcidiam, non compelli manumittere, si plurius sit seruus, quam dodrans. Et profecto huius sententiæ videtur fuisse Papinianus, dum posuit non minus esse in legato, quam in pretio serui: legata fuisse 10. & seruum fuisse dignum 10 vel minoris: non ponit seruum fuisse plurius. Ideo si sit plurius, subindicat legatarium non compelli eum manumittere, maxime si passus sit Falcidiam. Et fortasse in patrono hanc sententiam sequendam esse, non aliis, aut quod malo, etiam in patrona: nam vehementer placet sententia legis *si debitor 45. §. in fideicommissaria, de fideicommiss. libert.* qui §. est elegantissimus, & eum exponamus.

Initio proponit, si relicta sit fideicommissaria libertas à legatario seruo legatarij, necesse esse, ut legatarius suū seruum proprium manumittat, quamuis modicum ex legato consecutus fuerit, id est, quamuis lex Falcidia diminuerit legatum: & subiicit rationem: *pecuniarium enim fideicommissum si diuisum fuerit, satis iniuriā facit libertati, quam fideicommissario*. Legatarium in eo §. oportet accipere pro fideicommissario, ut sapissime in iure legatum comprehendit fideicommissum, atque etiam tutoris dationem, & libertatis dationem comprehendit. In eo §. igitur legatum, id est, fideicommissum erat pecuniarium, id est, legauerat 10. ita ut legatarius seruum proprium manumitteret. Finge: legatum diuisum est per l. Falc. in dodrantem & quadrantem: atque ita legatarius tantum accepit dodrantem. Hæc diuisio iniuriam facit legatario, quia minuit & abscindit legatum, quod ei quasi pro pretio serui relictum est, & quia minuit pretium serui. Rursus hæc diuisio legis Falcid. iniuriam facit libertati, hæc abscissio legati iniuriam facit libertati, si legatarius non cogatur seruum manumittere, qui plurius est, scil. quam quod legatarius ex legato percepit. quæ maior est iniuria? quæ minor? nam duabus iniuriis propositis minor optanda est: sane maior est iniuria, quæ fit libertati, vnde concludit rectissime, *satius esse eum, qui agnouit legatum, onerari*, id est, præstare libertatem fideicommissariam, quam libertatem intercideret, ut scilicet minor iniuria eligatur: neque enim potes vnam iniuriam euitare, quin incidas in alteram. melius est igitur, ut fiat iniuria fideicommissario, melius est officii legatario, quam libertati Ratio h. l. etiam aptari potest ad alios multos casus, ut scilicet minor iniuria eligatur. Nunc videamus, quid sit dicendum de altera parte distinctionis, si patronus legatum illud repudiauerit, si legato non obtemperauerit, an cogetur manumittere, qui spernit legatum? Et ait Papin. æquitatē postulare, ut non cogatur manumittere, licet legatum adæquet aut superet pretium serui. Igitur non imputabitur ei, quod legatum spreuerit, ut hoc ei imputato cogatur seruum manumittere, ne, inquit, *seruum de se male meritum cogatur manumittere*. Qui igitur contempsit legatum, exoneratur fideicommissaria libertate, & nihilominus retinebit portionem legitimam, quæ ei relicta est. Res ita se habet, sed est contra ius. Verum, ne forte

Y



seruum, vt ait, de se male meritum inuitus manumittat, prator fideicommissarius ita decernet, vt non manumittat, si legatum repudiauerit. Hoc igitur fiet non iure, sed extra ordinem decreto pratoris. Nam regulariter, qui hereditatem vel legatum accipit sine onere, & aliud legatum cum onere, agnita hereditate vel legato, quod est immune, & repudiato altero legato vel hereditate, nihilominus cogitur subire alterius legati onus, & debet aut omne commodum testamenti spernere, aut subire onus fideicommissi, quod ostenditur in *l. 5. de leg. 2. & l. fidei legatario 22. de fideic. libere*. Sed in hac specie aliter statuitur decreto pratoris fideicommissarii fauore patronatus. Verum ad hanc querit Papin. omitta superiori specie quid sit dicendum, si patronus sit institutus solus ex asse, & rogatus prestare libertatem proprio seruo? Et constat quod si patronus eam adierit hereditatem, si totam amplexus sit per pratorem fideicommissarium, cogetur seruum proprium manumittere, quia non est oneratus fideicommissio libertatis semis debitus verecundia patronali, vt loquitur lex *si patronus 21. C. de donat.* sed alter semis, qui potuit onerari. Compellitur autem patronus hereditatem totam adire: nemo enim potest partem hereditatis adire, partem omittere, heredis institutio est honor, *l. unica §. in his itaque, C. de cad.* Quod exemplum peruenit etiam ab hereditate ad legatum: nam non licet etiam scindere legatum, & partem amplecti, partem repudiare, respuere, sed totum amplecti oportet, aut toto abstinere, totum respuere, *l. 4. de leg. 2.* Cogitur ergo patronus ex asse institutus, assem amplecti totum. Sed addendum: maxime, si substitutum non habeat vulgarem, a quo possit sustineri testamentum patrono illud destituente, respuente testamentum in totum, vel pro parte: nam si libertus ita scripserit: *patronus heres esto, & si heres non erit, heres ille esto.* & patronus velit tantum partem debitam ex bonis retinere, alteram partem repudiare: hoc non potest iure, sed decreto pratoris hoc ei concedetur. Igitur altera pars pertinebit ad substitutum cum onere serui manumittendi, qui est in dominio patroni, si eum possit redimere a patrono. Cum onere igitur redimendi serui & manumittendi: nam constitutione Seueri legata relicta ab intestato debentur a substituto, nisi fuerit euidentis diuersa voluntas, & ex multis colligitur, an quis ab herede legatum vel fideicommissum voluerit a substituto deberi, *l. licet, de legat. 1. l. si Titius 61. §. ult. de legat. 2.* Atque ita quidquid est proditum in hac lege, sit decreto pratoris fideicommissarii, non iure ipso, & quod statuitur in priori specie, & in posteriori. Hanc est sententia legis *l. si debitor §. in fideicommissaria*. Vnum omisimus, cauendum esse, ne nos fallant Basil. namque ibi legit interpretes: *Pecuniarum enim fideicommissum, si donatum fuerit, sed est meum in verbo donatum & legendum, si diuisum fuerit.* Alioqui in magnum errorem incideres, vt ex specie legis aperte liquet.

Ad l. 117. de verb. oblig.

*Si centum homines quos ego heresue meus elegisset stipulatus, antequam eligerem duos heredes reliquero: numero diuiditur stipulatio. diuersum erit, si iam electis hominibus successerint..*

**S**pecies huius l. hac est. Stipulatus sum homines 100, quos ego, heresue meus elegisset, nisi adiecissem, quos ego heresue meus, secundum regulam communem iuris, electio esset promissoris: nam ea non est stipulatoris, nisi eam sibi reseruauerit. multum interest stipulator antequam elegerit vita decesserit, an postquam elegerit. Quae distinctio ponitur in hac l. nam si antequam elegerit 100. homines, decesserit (erant enim amplissima familiae seruorum apud locupletes, erant plerumque plusquam mille serui, ancillaeve.) Si igitur antea deces-

serit, & exempli gratia, duos heredes reliquerit ex aequis partibus, stipulatio haec diuiditur inter heredes numero, non specie, id est, singuli heredes eligunt & petunt 50. seruos. Et hoc, si decesserim antequam elegerim: sed si postquam elegi 100. seruos diem vltimum obiero, heredes mei duo, qui sunt ex aequalibus portionibus heredes, in singulis seruis sunt habituri partes pro indiuiso: nam pro diuiso habere in vno non possunt. homo enim non potest diuidi: quas partes habebunt in hereditate mea, easdem habebunt in singulis seruis, nec diuidunt numero, sed specie, pro indiuiso tamen. Nobis est diuisio duplex. Diuisio pro diuiso, quae est corporalis: & diuisio, pro indiuiso, quae est, vt ita dicam, intellectualis. Et hoc est, quod ait Papin. in hac l. *diuersum erit, &c.* quia non numero diuidetur stipulatio, sed specie. Ratio differentiae vt intelligatur, sciendum est, genera alia esse prima, & antiquissima, & generalia, veluti res, *τὸ ὄν*, quod Latine possum dicere, *id quod est*: alia esse specialia, veluti homo. Generale genus est, quo vniuersa comprehenduntur, veluti res, vt dixi. Speciale genus, veluti homo habet in se singulos: & diuiditur nomen hominis in nationes, Gallos & Hispanos: in colores albos, rufos, atros: & in singulos, veluti Sempronium, Caium, Lucium. habet igitur hoc nomen homo in se multos. Et quia multos continet, in genus cadit, ac videtur generale nomen, sed quia sub alio subiicitur, nempe sub animali, in speciem cadit, atque ita speciale genus est, non generale. Proinde si stipuler 100. homines, quos ego elegero, heresue meus, genera stipulorum, generaliter, non specialiter, illud, aut illum Titium aut Sempronium, vel quia incertos homines incerto nomine stipulorum: omne vero genus incertum. generis autem stipulatio non nisi numero diuidi potest, non corpore siue specie, cum generis nullum subest corpus: genus enim non est, sed intelligitur. Denique generis stipulatio, non nisi numero diuiditur, & intellectu abstrahitur. Ideoque si duos heredes reliquero ex aequis partibus, diuisio sit numero, non etiam singulorum seruorum, singulis heredibus partes dimidia debentur, homines 50. atque ita cum serui certi non sint, id est, cum nondum electi sint, si vis diuidere stipulationem inter heredes, numero diuidas necesse est. Ergo singuli heredes eligent & petent 50. Sed si iam elegero, ego qui stipulatus sum, puta si elegero Stichum & Pamphilum, & alios vsque ad 100. in singulis heredes mei habituri sunt partes pro indiuiso, partes scilicet easdem quas habuerunt in hereditate mea: atque ita diuisio fiet specie non numero. nec enim ex illis, quos elegi vnus feret 50. & alter 50. sed singuli ex singulis partem hereditariam pro indiuiso ferent: quae est sententia Papinian. & confirmatur *l. in stipulationibus 54. h. t. l. cum Stichus, de solut.* Quae tamen, vt iam dudum docui, non caret mendo: nam negatio vna, quae abundat initio leg. *l. in D. Flor.* est in eadem lege reponenda alio loco: alioqui falsa esset lex & mutila, quae ita emendata, integra & sincera erit. Species est talis. Seruus communis stipulatus est Stichum & Pamphilum. quaro quemadmodum diuidatur haec stipulatio inter dominos singulorum, an vnus ferat Stichum, alter Pamphilum? minime, sed singulorum seruorum partes dimidia singulis dominis debebuntur, si quidem sunt domini ex aequis partibus, quia seruus communis stipulatus est species certas, siue indiuidua. Et ita ait *d. l. cum Stichus: cum Stichus & Pamphilus communi seruo promissi sunt, non alteri Stichus, alteri Pamphilus solui potest.* Et ita legendum est. Florentiae legitur, *non alteri Stichus, alteri Pamphilus solui non potest*, posterior negatio est transferenda in sequentem locum. Illo igitur casu non soluitur alteri Stichus, alteri Pamphilus, sed singulis singulorum soluuntur partes dimidia. Diuersum est in specie sequenti, *idemque non est, &c.* Et ait, idem non esse dicendum, vt fiat diuisio specie siue corpore, sed



esse potius dicendum diuisionem fieri numero inter dominos, si seruus stipulatus sit duos Stichos, vel duos Pamphilos: nam adiectio illa numeri, facit vt diuidatur numero stipulatio, quia diuisio hæc, est commodior tum stipulatori, tum promissori, & ea utimur semper in re difficiliore, si locum habere possit. Itaque Stichum habet vnus, alter Pamphilum, nec vlla erit in singulis communio pro indiuiso. Idem erit si seruus communis stipulatus sit 10. homines: nam diuisio etiam fiet numero inter dominos, vni debebuntur quinque, alteri quinque pro solido. Et hoc demonstrat hac ratione elegantissima. Ambigua est oratio, si quis dicat 10. homines, duos Pamphilos. Cur? quia dupliciter accipi potest. ambigua est igitur oratio: nam vtriusque rei dimidium potest duobus modis intelligi, vel dimidium numero, vel dimidium specie, & ambiguum est, quod duobus modis intelligi potest. Dimidium quum dicis, ambigüe loqueris, quia dimidium duobus modis intelligitur. In ambiguis autem, quod est commodius sequendum. hoc ostendit etiam d. l. cum Stichus. Ad hoc notandum, in ambiguis sequendum quod est commodius contrahentibus. Commodior est diuisio, quæ fit numero. Sane si 10. denarios seruus communis stipulatus sit, diuisio fiet numero: sed & inde concludes, ergo diuisio etiam fiet numero, si 10. homines stipulatus sit, quia eadem ambiguitas interueniet.

#### Ad l. 80. de furt.

Si vendidero, neque tradidero seruum, & is sine culpa mea surripiatur: magis est vt mihi furti competat actio: & mea videtur interesse, quia dominium apud me fuit, vel quoniam ad præstandas actiones teneor. Cum autem iure domini defertur furti actio, quamuis non alias nisi nostra intersit, competat, tamen ad æstimationem corporis, si nihil amplius intersit, utilitas mea referenda est. Idque & in statuliberis, & in legato sub conditione relicto probatur. Alioquin diuersum probantibus status facile quantitas non potest. Quia itaque tunc sola utilitas æstimationem facit, cum cessante domino furti actio nascitur, in istis causis ad æstimationem corporis furti actio referri non potest.

Certum est in iure, post perfectam venditionem: (perficitur autem solo consensu etiam sine numeratione pretij, sine traditione rei, sine stipulatione, sine scriptura) ante traditionem rei periculum pertinere ad emptorem, quamuis nondum sit dominus: nam non sit dominus antequam res tradita sit: periculum, inquam, pertinet ad emptorem, si homo quem emerit, interim fato suo interierit. Periculum rei ad emptorem pertinet, vt legitur recte in l. cum qui, hoc tit. non periculum pretij: nec enim soluet pretium: aut si soluit, repetet, vt ostendit l. si fundus, loc. quod est ex æquo & bono: nam regula iuris repugnat, §. cum autem, Institut. de empt. & vendit. Concludamus igitur, post perfectam venditionem & ante traditionem, periculum rei pertinere ad emptorem. Addendum: Venditor autem præstat custodiam & diligentiam, id est, venditor tenetur emptori, si res perierit dolo vel culpa venditoris, l. 2. §. ult. cum l. seq. de per. & comm. rei vend. si homo qui venit, fugerit, aut surreptus sit. Denique venditor præstat dolum & culpam etiam leuissimam, vel quod idem est, exactissimam diligentiam in re vendita custodienda. casum fortuitum, damnum fatale, vim diuinam, vim maiorem non præstat nisi ex conuentione: sed & culpam non præstat post moram emptoris: nam si moram adhibuerit emptor in re vendita accipienda, venditor postea culpam non præstat, sed dolum tantum d. l. illud sciendum, de peric. & comm. rei vend. nunc finge. Seruum vendidi, nec tradidi. is mihi furto surreptus est sine culpa mea, an teneor emptori? minime, nisi in hoc tantum, vt ei cedam actiones meas ad eum seruum persequendum,

Quæst. Papin.

A veluti vindicationem, & actionem ad exhibendum, & conditionem furtiuam, quæ soli domino competit. Ego autem sum dominus, quia nondum tradidi. Cedere etiam debeo emptori actionem furti, quod ostenditur in d. §. cum autem, Institut. de empt. & vend. l. quod sæpe §. si res vendita, de cont. empt. l. si cæres, de actio. empt. l. cum qui 14. hoc tit. Cedere debeo actionem furti: nam ea mihi, non emptori competit. Cum res vendita subripitur ante traditionem, mihi competit iure domini, mihi etiam competit eo iure, quod mea intersit eam rem furto esse sublatam, propterea quod teneor emptori cedere actiones meas ad eam rem persequendam. Hæc actio furti datur domino, etiamsi nihil amplius intersit. Datur etiam non domino, si modo eius intersit rem non surripi. Ergo debeo cedere emptori actionem furti. Si autem ego præstinarim, præoccuparim agere actione furti, debeo emolumentum eius actionis præstare emptori, id est, duplum vel quadruplum, quod ex ea actione consecutus sum: Nam hoc est perpetuum iniure, cui debeo cedere actionem, & id ei debeo cedere, quod ex ea consecutus sum, d. leg. 14. Sed obstat huic sententiæ, vt videtur prima fronte, lex venditor, in fi. de hered. vendit. Species hæc est: Ego rem meam vendidi, & cum eam alius possideret, eam vindicaui, & abstuli non rem, sed litis æstimationem, quod dolo defuisset possidere. Quid debeo præstare emptori? an pretium, an æstimationem quam accepi? Minime: quia non debeo ei actionem, sed rem: ergo nec eius æstimationem, nec emolumentum actionis. rem debui ei præstare, aut quanti eius rei interest emptori. vel finge: Rem meam vendidi, quam fur mihi surriperat, & cum fure egi furti, & consecutus sum duplum, vel quadruplum. debeone præstare duplum vel quadruplum emptori? minime. Emptoris petitio est rei non dupli: ergo falsum est quod ait l. 14. venditorem, cuius culpa res subrepta est ante traditionem, teneri cedere actiones suas emptori, & debere præstare duplum, quod consecutus est actione furti. Sed res est facilis explicatu: nam ita est distinguendum. Aut res, quo tempore vendita fuit, erat furto subrepta, nec possidebatur à venditore, & hoc casu venditor tenetur emptori præstare rem, non pœnam furti, quam consequutus est, quia rem debuit, non pœnam, non actionem furti. Aut res subrepta est post venditionem, sine culpa venditoris quo casu venditor debuit ei cedere actionem, propterea quod culpa vacauit. Ergo etiam debet emolumentum actionis, id est, quod ex ea consecutus fuerit, vel absque furto post venditionem alius eam rem possederit, eius rei possessionem apprehenderit, sine culpa venditoris, & cum eo egerit, ac litis æstimationem consecutus sit, eam debet præstare emptori: nam cui debet actionem cedere, debet & æstimationem ac emolumentum eius actionis, vt ostendit d. l. venditor, in fi. Et ita aliud est si quis vendiderit rem quam non possidebat: aliud si vendiderit rem quam possidebat, & post venditionem possidere defuerit, possessionem rei amiserit.

E Exposuimus initium l. 80. exponamus nunc cætera. Papinianus in §. 1. ait, Quum autem iure domini defertur, &c. Est elegantissimus §. & quem qui non bene tenet, nunquam explicabit bene quæstionem de eo, quod interest: nam habet præcipuum aliquid, quod proficit plurimum elucidandæ eius materiæ causa. Sciendum est actionem furti dari non tantum domino, sed etiam non domino, si eius intersit rem subripi: domino autem dari iure domini solo, id est, etiamsi nihil amplius eius intersit. Et exemplum proponitur in hoc §. in statulibero, qui si subripiatur, heredi furti actio competit iure domini, quandoquidem interim est dominus serui legati, licet mox mutaturus sit dominum existente conditione legati, licet mox statuliber sit peruenturus ad libertatem. Idemque est in seruo legato sub condi-

Y ij



tionem: nam & hic si subripiatur heredi, ei competit actio furti, quia interim est dominus serui. His exemplis utitur, ut apparet ex his verbis, *idque & in statuliberis, & in legato, &c. Idque non idem*, ut in vulgaribus libris: proponitur enim exemplum. Ergo actio furti datur domino, etiam si eius nihil amplius interfit: non domino non datur, nisi eius interfit, puta quod possit ei culpa à domino imputari, quod non bene rem custodierit, nam furtum plerumque culpæ aut negligentiae annumeratur. Est & alia differentia hac in re inter dominum: nam si dominus agat furti, quamvis eius nihil amplius interfit, quam quod dominium apud eum fuit, quo casu actio furti in id quod interest: nam in omni actione furti habetur ratio quodammodo eius, quod interest; actione, inquam, furti agente domino cuius nihil amplius interest, quod deducitur in eam actionem refertur ad verum pretium rei, idque duplatur vel quadruplatur, & tanti interesse intelligitur, quanti res est: tanti autem res esse censetur, quanti venire potest, *l. si quis uxori §. pen. in aliis libris est §. ultimus, hoc tit.* Et ita sæpissime euenit, ut id quod interest, non egrediatur rei pretium, *l. 1. in pr. de action. emp. l. 1. C. de his qui à non domin.* si modo in ea lege deleatur hic articulus distinctiuus, *vel*, ex Basil. quod perspicue rectum est: nam hæc est species. ego seruum alienum manumisi, quasi meum: nulla est libertas: nam domino licet seruum suum vindicare. Finge, dñm malle pretium petere, id est, quanti sua interest, nec reuocare libertatem vindicando seruum, an audietur? & lex ait, sæpissime esse constitutum, ut manumissor ille pretium domino dependat, si malit quanti sua interest: ubi recte Thalelaus Græcorum doctissimus, & alij interpretes, nota, inquit, pretium appellari ab Imperatore, quod postea appellatur id quod interest. Accurs. retulit, quosdam ita definire id quod interest, *singulare rei pretium*. falsa est definitio, quia generalis non est, sed quandoque est vera, id est quibuscumque casibus. Id quod interest, nihil aliud est, quam pretium rei. In id quod interest, nihil aliud venit, quam pretium rei. Velim etiam in illa definitione, ut mutes verbum *singulare*, & ponas, *verum rei pretium*. Quibusdam igitur casibus, non omnibus. Igitur non erit definitio nisi ex parte vera. Adnotatio erit potius verissima. Vera definitio hæc est. *Id quod interest, est utilitas, quam haberem nisi mihi damnum datum vel lucrum interceptum fuisset.* In casu proposito nihil etiam aliud est id quod interest, quam verum rei pretium: Idque duplatur vel quadruplatur: ut si res sit 100. fur damnetur in quadringenta, si sit manifestus, vel in ducenta, si non sit manifestus, & hoc amplius tenetur in 100. rei nomine: nam extra pœnam est rei persecutio, & pœna actionis furti est mera pœna, non est pœna commixta rei persecutioni. Domino igitur agente furti, cuius nihil amplius interest, quam quod dominus est, reuocabitur æstimatio eius quod interest ad verum pretium rei, alioquin non posset iniri ratio eius, quod interest, quando extra pretium rei amplius nihil eius interest. Et secundum hunc locum est accipienda lex in furti actione, *hoc tit.* quæ vexat plurimos, & ei similis lex 2. §. in hac actione, *vi bonorum rapt.* lex ait, in actione furti non quod interest, sed verum rei pretium duplatur, aut quadruplatur. Primum separat id, quod interest, à rei pretio, deinde negat in actione furti, duplari id quod interest. Vtrumque est falsum: nam in hac causa rei pretium, & id quod interest, posis appellare, ut demonstraui-mus. Falsissimum etiam, in actione furti non duplari id quod interest. Sunt loci innumeri, quibus ostenditur, id quod interest duplari, & in actione furti, & in actione vi bonorum raptorum. Quid quæso duplatur? simplum. Quid est simplum? Id quod venit in conditionem furtiuam, quæ est in simplum, id est, rem solam persequitur. Quid venit in conditionem furtiuam? id quod agentis interest, *l. 3. de cond. furt.* Ergo id quod interest agentis in actione furti duplatur, & verum rei

pretium, quia amplius non interest. Quemadmodum igitur accipienda est *d. lex*, in furti actione, non id quod interest, sed verum rei pretium duplatur, aut quadruplatur. Id quod interest, vocat id, quod excedit rei pretium, cui res aut verum rei pretium non annumeratur, quod extra rei pretium spectatur. Quod si nullum existat tale, veluti domino agente, cuius nihil amplius interest, necessario id quod interest sine pretij continetur, nec eum finem egredi potest. Et ita id est explicandum, quod non videatur proprie interesse, nisi si quid pluris interest, quam res sit. Et hæc si dominus agat furti: si non dominus agat, æstimatio eius quod interest, quæ sit in actione furti, non reuocatur ad pretium rei, quæ non est in dominio actoris, sed reuocatur ad alterius utilitatis rationem, veluti possessionis, quæ fuit apud non dominum, vel detentionis, vel ususfructus, vel usus, vel pignoris: nam creditori surrepto pignore datur actio furti tam aduersus dominum, quam extraneum, quia maxime interest creditoris pignori incumbere, siue debitor soluendo sit, siue non, quod plus cautionis sit in re quam in persona. Et hoc ipso libro de creditore scripsisse Papinian. refert Vlpianus *l. 12. §. ult. h. t. Utilitas*, id est, id quod interest, his verbis utitur Papinian, æstimandi eius quod interest gratia. Quod sequitur est apertius.

#### Ad §. si ad exhib.

*Si ad exhibendum egissem, optaturus seruum mihi legatum, & vnus ex familia seruus subreptus: heres furti habebit actionem: eius interest. nihil enim refert, cum præstari custodia debeat.*

Sciendum est, actionem ad exhibendum dari vindicturo, quia non possum vindicare nisi rem præsentem: exhiberi igitur eam mihi prius necesse est, ut vindicem, *vt l. 2. §. ult. de crim. expil. hered. hereditatem vindicaturus exhiberi desiderat*, id est, agit formula ad exhib. idemque est in *l. 3. §. si ipse, de tab. exhib. l. 3. §. est autem, ad exhib.* Addendum eandem actionem exhibitoriam, actionem ad exhib. ut loquitur in lib. Inst. 2. dari optaturo seruum, quoniam è multis seruis non possum optare, nisi omnes mihi exhibeantur, & cum quem optauero, vindicaturus sum. Finge: habebam amplissimam familiam seruorum, & tibi legavi optionem serui vnus. dabitur tibi actio aduersus heredem, ut omnem familiam, omnes seruos meos exhibeat, qui fuerunt mei mortis tempore, atque ita optaturo dabitur actio ad exhibendum, quia & vindicaturus es eum, quem optaueris. Et hoc ostenditur in *l. 3. §. item si optarem, ad exhib. l. 18. in princ. famil. ercisc.* Nunc finge: Legata est mihi serui optio, egi cum herede, ut exhiberet omnes seruos, totam familiam, & interim vnus seruus subreptus est negligentia heredis. Cui dabitur actio? heredi, non iure dominij solo; quia dominus fuit, sed etiam quia extra causam dominij eius interest, seruum non subripi, propterea quod custodiam & diligentiam præstare debet in seruo legato, in seruanda re legata, in seruanda tota familia, si ex ea vnus serui optio relicta sit, & si negligens fuerit tenetur eo nomine legatario, *l. cum res legata §. culpa, de leg. 1.*

#### Ad §. cum raptor,

*Cum raptor omnimodo furtum facit, manifestus fur existimandus est. Is autem cuius dolo fuerit raptum, furti quidem non tenebitur, sed vi bonorum raptorum.*

Deiunt hunc §. esse facillimum, sed multa præclara continet, & in hac l. magni facio eum §. Intelleximus sup. heredem, à quo legata est serui optio, si cum eo egerit legatarius ad exhibendum omnem familiam,



puta ut exhiberet vniuersam familiam defuncti, eaque exhibita, antequam legatarius eligeret quem mallet, interim vnus ex ea familia seruus subreptus sit, heredi competere actionem furti, si subreptus sit negligentia eius. ut plurimum furtum adnumeratur negligentia domini: diligenti patris, non sit furtum. rapina, vi maiori annumeratur. Ideo autem ei competit actio furti, quia eius maxime interest, nullum seruū subripi, quia plerumque ei debet prestare custodia, & diligentia in conseruanda omni familia. Ergo tenetur culpa nomine etiam leuissima, quia plenam diligentiam prestare debet, & semper legatarius illius negligentia imputabit furtū, nihil autem refert, inquit, cur prestari custodia debeat, ut cōpetat actio furti, siue prestari debeat ex causa legati, siue ex qua alia causa ei, qui custodiā non prastitit, competit actio furti. Dixi & pramonui hanc l. esse quidē facilem figura verborum, sed sensum esse abstrusum & reconditū, nec scio an vulgo sint nota, quæ sub hoc §. continentur. Cum raptor, inquit, omnimodo furtum facit, manifestus fur existimandus est. Raptor omnimodo furtū facit, quippe cum sit & dicatur fur improbus, l. si cum exceptione §. qui vim, quod met. caus. l. 2. §. etiam, ut bon. rap. & eod. tit. Inst. & fur atrocior, l. 1. de expil. & effract. Sic autem argumentatur Pap. Raptor omnimodo furtū facit, ergo fur manifestus existimandus est. Et adiciamus, est fur manifestus, ergo tenetur actione furti manifesti, quæ actio est in quadruplū, & præterea perpetua, & mere pœnalis, nō mixta, nec hoc casu necessaria est actio vi bonorum raptorū, ne existimemus vnquam titulum vi bonorum raptorum ad quemlibet raptorem pertinere. Ad raptorem manifestū proprie non pertinet, sed comprehenditur is sub actione furti manifesti, quæ longe est grauior. actio vi bonorum raptorum est leuior: est quidem in quadruplum, sed est mixta, non mere pœnalis, quia in quadruplo inest rei persecutio. Ac præterea actio vi bonorum raptorum est annalis, non perpetua, & vtraque est prætoris: ideoque prætor, qui sub actione furti manifesti comprehenderat raptorem manifestum, furem improbum, non putauit eum comprehendendum, vel sub leuiori actione vi bonorum raptorum. sed si quis malit in raptorem manifestum experiri actione vi bonorum raptorum, sane non prohibetur. Idque indicat §. 1. Inst. vi bon. rapt. siue in delicto, inquit, comprehendatur, id est, siue sit fur manifestus, siue non: sed voluntas aduersarij actoris hoc facit, ut agatur cum fure manifesto vi bon. rap. non edictum prætoris, quia hoc nihil pertinet ad casum furti manifesti, sed litigatori licet esse clementiori, quam sit edictum prætoris, quia etiam litigatori licet omittere actionem furti manifesti, & potest actor agere furti nec manifesti: nam ita dicere videor: volo furem nec manifestum furem esse, qui manifestus est, & volo esse contentus duplo, nec desidero quadruplum, ut in l. pen. §. 1. D. quand. appell. sit. Alia sunt tempora appellationis in causa propria, alia in causa aliena. In causa propria obseruabo tempora, quæ obseruantur in causa aliena si volo. Et similiter licet vulgo dicatur, neminem posse cōdicere rem suam, tamen potest cōdicere dicens, se velle rem suam alienam videri: & similiter se velle furtū nec manifestum, manifestum videri. Sed cum tam furti manifesti, quam vi bonorū raptorum actio sit prætoris, prætor voluit furtum manifestum sub illa tantum comprehendere, non sub ista, quæ pertinet tantum ad rapt. non manifestū: nec enim omnis raptor manifestus est. Plerumque est manifestus. Et raptor ita demum fur manifestus intelligitur, si solus vel coactis hominib. armatis, vel inermib. palā, non clam, ut fur simplex, eripiat & extorqueat alteri rem suā præsentī & resistenti, vel reclamanti: nam quod me præsentē aufers palā, nihil veritus præsentiam, clamorē, quiritationem meam, sane manifesto rapis: sed non est satis, ut videaris manifesto rapere, si videā te subripere coactis hominib. sed necesse etiam est, ut acclamem, inclamem. quid agis? quo te proripis cum re mea? nam etiam qui vi-

A sus est rem auferens clam, dicitur fur manifestus, §. furto- rum, Inst. de obligat. quæ ex delicto, in Basil. ad l. 52. §. ult. h. t. secundum Digest. Flor. dicitur, eum, qui rapuit ex domo aliena nemine cernente, nō teneri furti manifesti, qui a nemine visus est, inquit. Et rectissime Seruius in illum locum Virgil. Non ego te vidi: manifesti, inquit, furti illum arguit, dum, inquit, vidi. sed non satis est videre, nisi etiam acclamaueris; oportet inclamare. Ideoque sequitur: Et cum clamarem, quo nunc se proripit ille. Et ita in l. 7. §. ult. h. t. si furem rem tuam subripientē vidisses, & ad comprehendendum eum accurrisses cum clamore, scil. cum testificatione, & ille te acclamante & accurrente abiecto furto aufugerit, nihilominus est fur manifestus, licet eum non comprehenderis. Et ita etiam ex 12. tabul. furem nocturnum non licebat occidere, nisi ei qui cum clamore id testificatus fuisset: furem autem interdiarium, qui se telo defendisset, non licebat occidere, nisi etiam ei qui cum clamore testatus fuisset, l. 4. ad leg. Aquil. alioquin præsumeretur casus dolo malo potius: clamor & quiritatio illa liberat suspicionem, tollit præsumptionē hanc doli. Nocturnum licet occidere: nocturnus fur est peior, quam interdiarius, & à Comicis dicitur dormitator, quod dormitet die, nocte furetur. Intelligimus quando raptor pro fure manifesto habeatur. Videamus modo quid sit dicendum, si raptor ad rapiendum homines collegit, quæ ex re sumitur certa coniectura, voluisse eum rapere, non furari clam, & ex domo, in qua putabat esse aliquos, rapuerit aliquid, in qua tamen erat nemo, si rapuit nemine cernente, reclamante, quæ actione tenetur?

C Hoc casu competit proprie actio vi bonorum raptorum, quia non tenetur furti manifesti, cum neque visus sit, neque deprehensus, neque acclamatus, & actio furti nec manifesti est leuior, nempe in duplum tantum, & civilis; furti manifesti est prætoris, nec manifesti civilis ex 12. tab. sed si furto nec manifesto adiunctum sit consilium rapiendi, quoniam hic est plus, quam fur nec manifestus, quia rapiendi consilium habet, prætori visum est, non sufficere hoc casu civilem actionem in duplum furti non manifesti: quæ de causa dedit actionem vi bonorum raptorum in quadruplum, si raptor esset nec manifestus. Et hoc est, quod ait §. 1. Inst. vi bon. rap. etiam si raptor non deprehendatur, competere actionem vi bonorum raptorum, quia non sufficere visa est civilis actio in raptorem nec manifestum, data à prætore actione vi bonorum raptorum, longe grauiori, quam civili: non aboleuit prætor, nec potuit abolere civilem, sed introduxit grauiorem. Ideoque licet mihi hoc casu, si velim agere in raptorem, qui rapuit coactis hominibus, neque visus est, neque deprehensus, licet, inquam, agere civili actione furti nec manifesti, ac licet mihi agere in eundem vi bonorum raptorum, sed non in solidum, sed in aliud duplum, cui tamen inest rei persecutio. sed si prius egero actione vi bonorum raptorum, tollitur civilis, quia maior actio tollit minorem. Et hoc ostendit l. 1. vi bon. rapt. l. si quis egerit, hoc tit. ac memoria retinendum est, semper agi in iure de concursu actionis furti nec manifesti cum actione vi bonorum raptorum: quia ad eum casum proprie pertinet actio vi bonorum raptorum, si raptor non fuerit deprehensus, si fuerit nec manifestus, si rapuerit in domo, in qua nemo erat. nunquam tractatur in iure de concursu actionis vi bonorum raptorum cum actione furti manifesti, quia ad illum casum nihil pertinet actio vi bonorum raptorum. Etiam illud adiciendum est, in d. l. 52. §. ult. hoc tit. ostendi actione vi bonorum raptorum teneri eum, qui ex domo rapuit, in qua nemo erat, nemine cernente, nemine acclamante, & eum etiam teneri furti nec manifesti, nec quicquam aliud continetur eo §. Non hoc vult, hoc vno facto quod quis rapuerit ex domo, in qua nemo erat nemine acclamante & cernente, existentibus duabus actionibus de bonis raptis, & furti nec manifesti, alia aliam consumi, furti quidem nec manifesti, si prius actum sit vi-



bonorum rapt. vi autem bonorum raptorum, si prius A  
furti nec manifesti actum fuerit, hoc frustra colligitur.  
& male vulgo legitur hoc modo: *si quis ex domo, in qua  
nemo erat, &c. furti non manifesti, videlicet si nemo eum  
deprehenderit tollenda*, ac si diceret prius actum fuisse vi  
bonorum raptorum. Et ideo sublatam esse furti actio-  
nem, sed non dicit qua actum sit, sed vtramque supe-  
resse declarat, & essent superuacanea verba, *si nemo eum  
deprehenderit*. Et recte Flor. *si nemo eum deprehenderit tol-  
lentem*, duplicem competere actionem. Græci legunt  
tollenda, pro tollentem. Subiicit in hoc §. Papin. *eum cuius  
dolo raptum est, teneri vi bonorum raptorum, non furti, id  
est, eum, cuius dolo rapuit alter, l. 2. §. si quis non homines,  
vi bon. rapt.* quod non obtinet in actione furti, quæ datur  
in eum, qui rem contrectauit. Is autem, cuius ope, consi- B  
lio, dolo, furtum fecit alter, non tenetur furti vel manife-  
sti, vel nec manifesti, sed propria actione ex 12. tab. te-  
netur actione hac, *ope, consilio tuo furtum factum esse aio*,  
quæ formula est in *l. si seruus seruum §. si quis, ad leg. Aquil.*  
Et est in duplum, *l. ult. C. de nox. act.* Hinc igitur eliciemus  
elegantissimam sententiã, eamque enodabimus aliis ver-  
bis magis perspicue. Raptor qui deprehensus est, tenetur  
furti manifesti, non vi bonorum raptorum ex edicto, quæ  
est prima pars §. nisi actor leuiori actione uti velit. Ex po-  
steriori eliciemus: Is cuius dolo alter rapuit, tenetur vi  
bon. rapt. non furti: & verum est omne quod diximus,  
quodque palam ait Pap. vi bon. rapt. teneri non tantum  
eum, qui rapit, sed etiam eum, cuius dolo quis rapuerit.  
Id confirmatur *d. l. 2. §. si quis, vi bon. rapt.* qui §. neminem  
non vexaturus est, si velit diligenter examinare, & ideo  
omnino explicandus, & non potest explicari, nisi prius  
exponamus, quod est in *d. l. 2. §. dolo*. Verba edicti quo da-  
tur actio vi bon. rapt. hæc sunt: *si cui dolo malo hominibus  
coactis damni, &c.* De damno, ait generaliter, & exigit, vt  
coacti sint homines, vt collecti sint homines ad damnum  
inferendum alteri. Idem non exigit in secunda clausula,  
*sive cuius bona rapta esse dicentur*: nam non est necesse repe-  
tere collectis hominib. constat id ex *d. l. 2. §. item si*. Nunc  
ait in *d. §. dolo videri facere non tantum eum, qui rapit, sed  
etiam eum, qui precedente consilio homines ad rapiendum colle-  
git*. Videtur peruersus esse ordo verborum: nam sic debuit  
ponere, *non tantum, qui coëgit homines ad rapiendum, & ra-  
puit, vel hominibus à se non collectis, sed ab alio*. sed nulla est  
peruersitas in colloca-tione verborum, propterea quod  
edictum dicit: *Si cuius bona rapta esse dicentur, nec adiciit,  
collectis hominibus ab alio*. ergo ex edicto tenetur, qui ra-  
puit, vel solus, vel collectis hominibus ab alio, & ita con-  
cludit in isto §. Ideo quærebatur, quid si ipse collegisset  
homines ad rapiendum, an erit locus huic actioni? Et mul-  
to magis erit, ac si dixisset, *non tantum locum esse huic actio-  
ni in eum qui rapit, sed multo magis in eum qui coëgit, qui  
collegit ipse, & rapuit*. Et ita in *l. non defendere §. 2. de reg. iur.*  
*non defendere litem videtur non tantum, qui latitat, sed qui  
presens negat se defendere*: Nulla est etiam ibi traiectione  
verborum: nam respiciendum est ad edictum, & ad ordi-  
nem, quo fit missio in possessionem bonorum. Edictum  
loquitur de latitante tantum, sed quid si non latitet, sed  
neget? & multo magis fiet missio aduersus eum. Ita & in  
*d. l. 2. §. si quis non homines*, ostenditur actione vi bonorum  
raptorum teneri non tantum eum, qui coëgit homines ad  
rapiendum, si quid rapuit, sed etiam eum, qui coactus est,  
ab eo ad rapiendum si modo quid rapuit. Deinde quæri-  
tur, quid sit dicendum, vt verba præ se ferunt, si quis  
rapuerit, non hominibus à se coactis, sed ab alio? Et  
ait, *melius esse, vt hac omnia contineantur, &c.* Id est,  
vi bonorum raptorum teneri eum, qui rapuit, etiamsi  
usus sit hominibus coactis ab aliis, non à se: quod fru-  
stra adnotatur, cum id paulo ante dixerit in §. *dolo*. nec  
fane hic est sensus huius versic. & recte Græci ita acci-  
piunt hunc locum, vt teneatur etiam vi bonorum ra-  
ptorum is, cuius dolo alter rapuit, etiamsi ipse homi-  
nes non coëgerit, sed aliquid callide admiserit, vt ait

in §. *doli mali*. quod congruit omnino cum loco Papi-  
niani, qui vult, vi bonorum raptorum teneri eum, cuius  
dolo raptum est, hoc est, cuius dolo rapuit alter, teneri  
inquam vi bonorum raptorum, non furti.

#### Ad §. penult.

*Si Titius, cuius nomine pecuniam perperam falsus pro-  
curator accepit, ratum habeat, ipse quidem Titius negotio-  
rum gestorum aget, (&) ei vero, qui pecuniam indebi-  
tam dedit, aduersus Titium erit indebiti condictio, ad-  
uersus falsum procuratorem furtina durabit: electo Ti-  
tio, non inique per doli exceptionem, uti praestetur ei fur-  
tina condictio, desiderabitur. Quod si pecunia fuit de-  
bita, ratum habente Titio, furti actio evanescit, quia debi-  
tor liberatur.*

EX libro 12. quaestionum Papin. restat vna quaestio,  
quæ tractatur in §. *pen. & ult. l. 80. de furt.* Ea est de  
falso procuratore, qui pecuniæ furtum fecit, quam ei de-  
bitor soluit quasi vero procuratori creditoris. Quid vo-  
cat Papin. falsum procuratorem? non dicit simpliciter  
tantum eum esse falsum, qui procurator non est, qui ve-  
mandatum non habet, sicut in tit. *quod falso tut.* genera-  
liter dicitur falsus tutor, qui tutor non est, *l. Paulus 22 r.*  
*de verb. significat.* non sic accipiendus est hoc loco falsus  
procurator: alioquin is, qui bona fide gerit aliena nego-  
tia sine mandato, vel qui per errorem gerit, existimans  
se procuratorem, cum non sit, falsus procurator esset:  
quod vix quisquam admiserit. Est quidem non verus  
procurator, nec tamen ideo falsus: nam vt inter doctum  
& indoctum potest esse medius, non doctus, non indo-  
ctus, nec enim sequitur eum indoctum esse, qui doctus  
non sit: ita inter verum & falsum procuratorem est non  
verus, non falsus, nec quicunque non verus procurator  
est, continuo falsus existimari debet. Falsus procurator  
est, qui simulat, fingit, asseuerat falsa, qui mentitur se  
esse procuratorem, *l. si is, qui simulabat 77. hoc tit. l. si  
quis seruo, de solut.* vel, exempli gratia, qui imponit sibi  
nomen veri procuratoris, quem dominus habet, sicut  
falsus creditor est, qui simulat se creditorem, *l. falsus, in  
princip. hoc tit.* vel etiam, qui assumit nomen credito-  
ris, heredis eius. Simulatio est species falsi, & hoc di-  
stat à dissimulatione: nam dissimulatio est stellionatus,  
non falsitas: est dolus malus, non falsitas, *l. 3. de crim.  
stellion.* Et ita recte Papinian. hoc loco ait, *falsum procu-  
ratorum furtum facere accipiendo pecuniam nomine credito-  
ris, non tantum si asseueret se esse procuratorem verbo tenus,  
sed etiam, si (quod & aliud genus est simulationis) verò  
procuratoris, quæ creditor habet, nomine adsumpto, debitorem  
alienum circumuenerit*. Sic habent omnes libri. Græci ad  
*l. 18. de condict. fur.* legunt, *si debitorem alienum conuenerit*.  
Multa scribunt de significatione eius verbi, quæ licet le-  
gere. male autem legunt, *conuenerit*, sicut in *l. 1. ad leg.  
Cornel. de scar.* scriptum male Florentiæ, *qui quid fecit quo  
innocens conueneretur, condemnatur*. scribendum circum-  
ueneretur, vt *l. 3. §. item, eod. tit.* Et adiicit hoc loco Pa-  
pinian. eum etiam furtum facere pecuniæ, quam acce-  
pit assumpto falso nomine heredis creditoris. Hic est  
falsus creditor, ille falsus procurator. vterque falsarius:  
an etiam vterque fur? notandum valde, falsum procu-  
ratorum, qui nomine creditoris pecuniam accipit à de-  
bitore, non statim furem existimandum esse, esse qui-  
dem falsarium. Falsarius est, quicunque nomen alienum  
assumit, vel vsurpat, vel alienas imagines (*le cachet d'an-  
truy*) quæ sunt pronomine: non igitur omnis falsus pro-  
curator fur est, quod ita demonstro. Finge: debitor fal-  
so procuratori soluit pecuniam non obsignatam, quod  
confirmatur *l. die sponsal. §. ult. de pos.* pecunia non obsigna-  
ta est argumentum translati domini in accipientem: hoc  
est, qui soluit pecuniam non obsignatam falso procura-  
tori, videtur ea mente soluere, vt fiat accipientis, vt ea is,



qui accipit, vtatur, ac deinde eandem vel tantundem creditoris reddat. Et hoc casu non potest videri furtum factum huius pecuniæ, cuius dominus sit, *l. falsus §. 1. hoc tit.* Repugnat enim dominum pecuniæ fieri, & eiusdem pecuniæ nomine furti teneri. Furti tenetur is duntaxat, qui non dominus est. At si debitor falso procuratori soluerit pecuniam forte obliuam, vel obleratam, vt eam ipsam pecuniam, scilicet perferret ad creditorem, neque referret loculos, & eam ipse procurator retinuerit, interceperit lucrandi animo, furtum facit proculdubio, nec pecunia eius sit, *d. l. falsus §. 1.* Non est igitur falsus procurator fur, nisi perperam acceperit, vt Pap. loquitur in hoc §. *perperam accipere, est, interceptum, hoc est, ea mente pecuniam accipere, vt eam lucrificiat inuito domino.* Alias, *perperam, est per errorem, sæpe in tit. de cond. ind.* hoc loco, est *per fraudem*, & dolo malo, siue *per furandi consiliū*, vt in *tit. de iureiur. perperam iurare*, id est, *peierare*. Verum, si falsus procurator perperam acceperit pecuniam nomine creditoris, furtum facit eius pecuniæ, si nec dominus, nec creditor ratum habuerit, quod is gessit. Debitor non liberatur ipso iure, sed si conueniatur, poterit liberari per exceptionem doli mali, si modo paratus sit creditori actionem furtiuam cedere aduersus falsum procuratorem, qui perperam accepta pecunia tenetur furti nec manifesti in duplum, *l. si falsus, C. de furt.* Hoc casu debitor, qui ei soluit perperam accipienti, non liberatur ipso iure, sed si conuentus fuerit, poterit liberari per exceptionem doli mali, si modo creditori paratus sit cedere actionem furti aduersus falsum procuratorem, *l. cum quis 38. §. 1. de solut.* Et hoc genere, si liberatus fuit, euanescent actiones furti, hoc est, debitori competere desinunt aduersus falsum procuratorem. Quod si creditor ratum habuerit, quod ille falsus procurator gessit, non tenetur debitori actione furti, vel condictione furtiua, ergo liberatur, cum rati habitio mandato comparetur, & nihil amplius quicquam interfit debitoris, qui liberatus est. Et hoc, si falsus procurator furtum fecit, hoc est, si perperam acceperit pecuniam. Quid si recte acceperit? puta dominio pecuniæ in eum translato forte non obliuata? Constat, creditore ratum habente, debitori nullam competere actionem aduersus procuratorem: creditore autem ratum non habente, falsus procurator tenetur debitori qui soluit, non condictione furtiua, sed tenetur condictione ob rem dati, vel condictione indebiti. Vna dat condictionem indebiti, *l. creditoris, C. de cond. ind.* altera dat condictionem ob rem dati, *l. si procuratori, de cond. causa data*. Nec sunt hæ contrariæ, sed concurrunt vt plurimum hæ duæ conditiones ob rem dati, & indebiti, *l. creditoris, C. de cond. ind.* vt verbi gratia, quæ dantur conditionis implendæ causa, si dandi nulla causa fuerit, vel quasi indebita, vel quasi sine causa data condicuntur, *l. ult. de cond. ind. l. 3. §. si quis quasi, de cond. caus. dat.* Et, vt recte Stephan. ait, non tantum hæ conditiones concurrunt cum condictione furtiua: Nam conditio furtiua est de re tantum nostra: Conditio ob rem dati de re, quæ nostra fuit, non est, vt & conditio indebiti de re, quæ nostra fuit, & nunc non est: conditio furtiua datur domino in non dominum. Illæ autem dantur in dominum, non possunt igitur concurrere cum condictione furti. Et hæc quidem, si debita fuerit pecunia, quæ falso procuratori soluta sit. Quod si indebita fuerit, & soluta sit per errorem quis tenetur condictione? & qua condictione? Hoc etiam explicat Papin. hoc loco, *Et primum indistincte falsus procurator, qui perperam accepit indebitam pecuniam, ei, qui soluit, tenetur condictione furtiua. Indistincte, id est, siue is, cuius nomine indebitum solutum est, ratum habuerit, siue non: sed alia in re multum interest, num is ratum habuerit, nec ne: nam si ratum habuerit is, cuius nomine indebita pecunia soluta est, ipse tenetur condictione indebiti, perinde ac si ei so-*

luta fuisset, quia rati habitio comparatur mandato, verum per exceptionem doli, non sine except. non ergo officio iudicis, vt in specie §. *ult.* quia conditio indebiti est stricta, & in strictis iudiciis vix quicquam obtinemus officio iudicis, non opposita exceptione. Per exceptionem igitur doli mali, is, cuius nomine indebita pecunia soluta est, si ratum habuerit, & conueniatur condictione indebiti, consequetur, vt ei actor cedat condictionem furtiuam aduersus falsum procuratorem: habet etiam suo nomine sine cessione actionem negotiorum gestorum vt procurator falsus ei reddat, quod exegit, quia rati habitio eius negotium fecit, qui ab initio non fuit eius, *l. si pupilli §. item quaritur, de negot. gestis*. Habes igitur suo nomine negotiorum gestorum propter rati habitio, & hodie magis quam antea: nam omnibus sublatis distinctionibus hodie constituit. Insti. rati habitio comparatur mandato. habet & alieno nomine, hoc est, ex cessione condictionem furtiuam, & melior est conditio furtiua, quam negotiorum gestorum duplici ratione, quoniam condictione furtiua tenetur reus etiam re suo fato perempta, siue peritura fuerit apud actorem, siue non, indistincte. Qua de causa conditio furtiua oneri est furi, alioqui satis esset ad rei persecutionem rei vindicatio, sed præter hanc etiam tenetur condictione furtiua, qua oneretur magis. Idem non obseruatur in actione negotiorum gestorum. Denique in illa æstimatio rei fit illius temporis, quo res vniquam fuit plurimi, quod arbitrium iudicis non admitteret in actione negotiorum gestorum, est enim melior actio & leuior. Et hæc, si is, cuius nomine indebita pecunia soluta est falso procur. ratum habuerit. Quid si ratum non habuerit? Et placet hoc casu eum non teneri ei, qui soluit, sed falsum procur. teneri condictione indebiti, si furtum non fecerit, id est, si recte acceperit, si furtum fecerit, teneri condictione furtiua, & actione furti, *l. si indebitum, ratam rem hab.*

Ad §. ult. l. 80. de furt.

*Qui rem Titij agebat, eius nomine falso procuratori creditoris soluit, & Titius ratum habuit: non nascitur ei furti actio, qua statim cum pecunia soluta est, ei qui dedit nata est, cum Titij nummorum dominium non fuerit, neque possessor, sed condictionem indebiti quidem Titius habebit: furtiuam autem, qui pecuniam dedit, qua si negotiorum gestorum actione Titius conueniri cœperit, arbitrio iudicis ei præstabitur.*

**N**egotiorum gestor vel procurator meus soluit procuratori falso creditoris mei perperam accipienti, & ratum habui, an habeo actionem furti, an condictionem furtiuam aduersus falsum procuratorem? minime. optima ratione, quia huius pecuniæ, quæ soluit procurator meus, vel negotiorum gestor, neque dominium, neque possessio apud me fuit, & conditio furtiua competit soli domino iure dominij. Actio autem furti iure possessionis competit. Huic rationi similis est in *l. si gratuitam §. ult. de p. script. verb.* Notandum quod dico, condictionem furtiuam dari iure dominij, actionem furti, iure possessionis: nam quod dicitur initio, *hoc tit.* iure dominij competere actionem furti, ita demum verum est, si fuerit dominus & possessor, nam solius possessionis furtum fit, *l. 1. §. Scævola, si quis testam. liber.* Quid est furtum? Interuersio possessionis: interuersio rei, *d. §. Scævola*. si eiusdem rei fuerit dominus & possessor. & hac ratione hereditati antequam adeatur, id est, iacenti furtum non fit; sed agitur expilatæ hereditatis, quia hereditas iacens habetur quidem pro domina, sed non pro possessore, quia possessio est facti & animi. Quidquid facit corpus est, hereditas non est corpus, ergo non facit, quia possidere, facere est, atque adeo non possidet. Item possessio est animi: here-



ditas est ius inanimae: ergo possessio nullo modo in hereditatem cadit, quia neque facto, neque animo ab ea possessio obtineri potest: facile intelligitur esse domina, quoniam ibi facto vel animo non est opus, non ita intelligitur possessrix, ut Marc. Tull. loquutus est. Ergo si procurator meus soluerit falso procuratori, & ratum habuero, non habeo actionem furti. *habeo* quidem conditionem indebiti, si indebitum soluerit propter ratihabitionem, perinde atque si ego soluisssem. Gestor autem procurator meus proculdubio habet actionem furti & conditionem furtiuam aduersus falsum procuratorem: nam ei furtum factum est, non mihi: aduersus me habet actionem negotiorum gestorum, ut recipiat id, quod soluit meo nomine, quia ratum habui: sed si mecum agat negotiorum gestorum, officio iudicis, etiam non opposita exceptione doli mali, consequar, ut mihi cedat conditionem furtiuam aduersus falsum procuratorem. In superiori specie non consequar, nisi per exceptionem doli mali, quia conditio indebiti est stricta. Et inde notanda est differentia inter stricta & bonae fidei iudicia. In strictis actor cedit reo actiones, ubi æquitas id postulat beneficio exceptionis doli mali, quod eleganter demonstrat §. *ult.* collatus cum §. *per.* ceditur actio furti reo, ceditur tantum conditio furtiua, quia scilicet ei, qui soluit, desit competere actio furti, ut recte Græci, & solutionem ratam habenti, *hoc est*, desit eius interesse, cum res ei non sit peritura. Et ne quis obiiciat, actionem furti competere iure dominij, si idem sit dominus & possessor, si possideat, addendum, iure dominij etiam competere actionem furti domino, qui non possedit rem, cum subriperetur, videlicet si alij possidenti res subrepta sit, nam si possessionis furtum sit, & rei quoque: rei autem solius furtum non fit. Re bonae fidei possessori subrepta, tam ei, quam domino datur actio furti eiusdem rei nomine, possessori quanti interest, domino quanti ea res est, possessori causa possessionis, domino causa proprietatis, quasi possessori fit & domino non possessori; si possessionis furtum sit, & rei quoque. Rei solius furtum non fit, forte à nemine possessæ: nec alia ratione rei hereditariæ furtum non fit, quia licet hereditas sit interim, quum iacens est, pro domina, nullus tamen est possessor: sine possessore furtum non fit, sed si sit possessor rei hereditariæ, quandiu iacet, hoc casu rei hereditariæ furtum fit, & heres, qui postea adit, recte furti agit, *l. hereditaria, & seq. de furt.* alias rei hereditariæ non possessæ non fit furtum, ut dicitur in *l. 1. §. 1. si quis testam.* quia hereditati furtum facit nondum possessæ. Ea verba referuntur ad factum magis, quam ad ius, quia iure rei hereditariæ non possessæ furtum non fit, sicut quum dicimus, seruum aliquid debere: his verbis factum potius demonstramus, quam ius, quia seruus iure civili non obligatur, *l. nec seruus, de pecul.* Ergo verba non semper sunt secundum ius accipienda. Veteres quidem Iurisconsulti existimabant, rei hereditariæ furtum fieri etiam non possessæ: sed contraria sententia obtinuit, Sext. Ælij Man. Marci Bruti. Marc. Tullius ad Trebatium ait, se magis assentiri Scauolæ & Trebatio, ut rei hereditariæ furtum non fiat ante aditam hereditatem, *l. 1. §. Scauola, si quis testam. liber.* Adhibita hac explicatione pro certo constituamus, solius possessionis furtum fieri, hoc est, eius rei, quæ possidetur ab alio, siue sit dominus, siue non sit dominus: furtum esse interuersionem possessionis: rei à nemine possessæ furtum non fieri.

A



# IACOBI CUIACII IURISCONSULTI

## COMMENTARIUS

in Lib. XIII. Quæstionum

Æmilij Papiniani.

Ad l. 19. ex quibus caus. mai.

B

Denique si emptor prius, quam per usum sibi adquireret, ab hostibus captus sit: placet interruptam possessionem postliminio non restitui: quia hac sine possessione non constitit: possessio autem plurimum facti habet, causa vero facti non continetur postliminio. *L. 20.* Nec utilem actionem ei tribui oportet, cum sit iniquissimum auferre domino, quod usus non abstulit, neque enim intelligitur amissum, quod ablatum alteri non est.

C

**S**ciendum est ex hoc edicto etiam maiorib. 25. annis subueniri per restitutionem in integrum absentibus reipub. causa, & deinde reuersis vel captis ab hostibus, si quid interim suæ rei amiserint, dum absunt, ut si res eorum interim vsucapta fuerit: nam rescissa vsucapione reuersis datur pristina actio in rem, hoc est, utilis vindicatio in rem. Omnis actio restitutoria est utilis, omnis actio extincta iure civili, quæ æquitate prætoria restituitur, est utilis, non directa. Idem est effectus utriusque, sed non promiscuus usus, *l. actio, de neg. gest.* ut actionis mandati & negotiorum gestorum est idem effectus. Ratihabitionis & mandati idem est effectus; sed ex utroque non datur eadem actio, ex mandato datur mandati, ex ratihabitione, negotiorum gestorum. & multum interest, qua formula, & qua actione quis experiatur. Igitur si quis dum est apud hostes, res eius vsucapta sit pendente captiuitate, ex hoc edicto rescindetur vsucapio, & dabitur utilis vindicatio, quæ restitutoria est, & fictitia. Idem erit si legatum sibi delatum vel hereditatem propter absentiam vel captiuitatem adeptus non fuerit: Nam reuerso præstabitur legatum restituta actione ex testamento, perinde ac si lucro illo non decidisset. Ergo non tantum eis succurritur, qui damnum fecerunt, sed qui lucrum non fecerunt, *l. & sine quis, l. si quis, h. t.* Loquimur de lucro, quod obuenit sine damno alterius, quale est legatum. aliud est lucrum, quod obuenit cum damno alterius, ut si vsucepero rem alienam. Vsucapio est lucrum, quod ex *l. 12. tab.* propter commune bonum obuenit ex damno alterius, vel lucrum coniunctum cum detrimento alterius, ut in *l. 18. & 19. h. t.* Qui captus est ab hostibus, rem alienam bona fide emerat, necdum vsuceperat. captiuitate interruptitur vsucapio, ergo apud hostes non potuit implere vsucapionem. an reuersus iure postliminij recuperat interruptam vsucapionem, ut medio tempore singatur impleuisse vsucapionem? minime. quia auxilium restitutionis non datur lucrificandi causa cum damno alterius, *l. ait prætor §. 1. & l. 19. h. t.* Quod cum superior lex docuisset postliminio non restitui interruptam vsucapionem, subiicit nec beneficio huius edicti: quia ex hoc edicto reuersi restituuntur dominio suo vel lucro, quod obuenit sine damno alterius. Ea autem ratione postliminio non restituitur interrupta vsucapio, quia vsucapio sine possessione non procedit. Vsucapio est acquisitio per possessionem. Possessio autem plurimum facti habet. Causa autem facti, id est, factum non continetur postliminio. Postliminio iura omnia restituuntur, perinde ac si reuersus ea nunquam amississet. At postliminium non potest efficere,



ut videaris fecisse, quod non fecisti, vel vſucapillò, quod non vſucapisti, *l. in bello, §. facti, de cap. & postl. reuerſ.* Facti causæ postliminio infectæ fieri non possunt, scilicet ut non possederit, qui possedit. Adiiçitur in hac l. 20. non tribui etiam reuerſo vtilem actionem ex hoc edicto, quasi vſucaperit. Vtilis actio est, quæ fingit vſucapisse eum, qui non vſucapit, ut Publiciana. Et breuiter omnis fictitia, rescissoria, restitutoria actio utilis est, non directa. Ratio est, quod iniquissimum sit, & contra mentem edicti, quod ex æquitate proficiatur, domino auferre, quod vſus non abstulit. Et subiicit rationem rationis Papin. *nec enim intelligitur amissum, quod ablatum alteri non est.* Alter non intelligitur amississe puta dominus, quod ei non est ablatum. Aliud est rem amittere, & rem ei non esse ablatam. Ergo dominus non intelligitur amississe, quod vſus, nec alia ratio ei abstulit, ut in hac specie, rem amisit, si vſucapio eam abstulerit, vel eam pro derelicta habuerit, *l. falsus §. qui alienum, de furt.* Nec obstat *l. si quis vi, §. differentia, de acq. poss.* Possessio nuda voluntate amittitur, si constituerò me non possidere mihi, sed alij, vel si possessionem tradiderò ea mente, ut mihi restituere-tur: nam interim non videor possidere. Dominium nudo animo non amittitur, si dixerò rem meam nolle meam esse, *l. ins agnationis, de pact.* Sed si voluntati accesserit abiectio rei, desino esse dominus ex titulo pro derelicto, quod hac ratione vel alio non est domino ablatum, id non fingitur amississe; si nulla ratione amisit, ergo ei auferri non potest per causam huius edicti, quæ æquitate mera sustinetur: recte itaque ait, nec vtilem actionem, id est, fictitiam in rem quasi vſucaperit. Notandum est ad hæc, reuerſo ab hostibus restitui possessionem iure postliminij, quam habuit, antequam caperetur ab hostibus, *l. ait prator, §. 2. hoc tit.* nam non fingitur medio tempore possedisse, sed ei reuerſo restituitur eadem possessio, quam habuit, ac si captus non esset ab hostibus.

#### Ad l. ult. de condit. inst.

Si filius sub conditione heres erit, & nepotes ex eo substituantur, cum non sufficit sub qualibet conditione filium heredem institui, sed ita demum testamentum ratum est, si conditio fuit in filij potestate, consideramus nunquid intersit, quæ conditio fuerit adscripta, virum quæ moriente filio impleri non potest, veluti si Alexandriam ierit, filius heres esto, isque Roma decessit, an vero quæ potuit, etiam extremo vita momento impleri, veluti si Titio decem dederit, filius heres esto, quæ conditio nomine filij per alium impleri potest: nam superior quidem species conditionis admittit viuo filio nepotes ad hereditatem, qui si neminem substitutum haberet, dum moritur, legitimus heres patri extiterit: argumentoque est, quod apud Seruium quoque relatum est: quendam enim refert ita heredem institutum, si in Capitolium adscenderit, quod si non adscendisset, legatum ei datum, eumque antequam adscenderet mortem obiisse, de quo respondit Seruius, conditionem morte defecisse, ideoque moriente eo legati diem cessisse: altera vero species conditionis viuo filio, non admittit nepotes ad hereditatem, qui substituti si non essent, in testato aut heredes existerent. neque enim filius videretur obstitisse, post cuius mortem patris testamentum destruitur, quemadmodum si exheredato eodem filio, nepotes, cum filius moreretur, heredes fuissent instituti.

**I**N iure ciuili ratum hoc est: filium, qui est in potestate parentis, aut pure heredem esse instituendum, aut pure exheredandum, *l. 3. §. 1. de lib. & post. l. 4. in pr. de hered. instit.* Sub conditione non instituitur recte, quæ sit in casu, id est, quæ conferatur in fortunam. sub eadem conditione etiam non exheredatur recte, vel si ita exheredatur, aut instituitur, nullum est testamentum, quia pro præterito habetur. Sane si deficiat conditio, inuenitur præteritus: præterito autem filij, vitiatur testamentum ipso

Quæst. Papin.

**A** iure. De filio loquor tantum: nam filia, nepos & cæteri liberi possunt institui sub conditione, *l. 4. in pr. l. 6. §. 1. de hered. instit. l. 1. §. sciendum, de suis & legit.* Cur filium ita separamus à cæteris? quia cæteri præteriri possunt, id est, præteriti non infirmant testamentum iure ciuili, ut constat ex *Instit. tit. de exhered. lib. & l. ult. C. de lib. præt.* Hodie tamen omnium liberorum par conditio est, nulli prætereundi silentio, omnes sunt vel instituendi pure, vel exheredandi purè, alioqui corrumpit testamentum. Ea igitur differentia est ex iure ciuili antiquo, quod nostri auctores sequuntur, & spectant in Digestis, atque omnes Imperatores in C. nam primus, qui differentiam sustulit Iustin. est. Videamus autem, an illa sententia de filio sit perpetuo vera. Et sciendum est, tria esse conditionum genera. Est potestatiua, est casualis, est & mixta conditio. Conditio potestatiua est, quæ est in arbitrio & potestate heredis scripti, atque pendet ex voluntate eius, veluti si Capitolium ascenderit, si vrbe exierit. Casualis est, quæ in casu aliquo incerto consistit, vel quæ pendet ex casu & euentu, veluti, si Titius Cos. factus fuerit. hæc est in difficili, quia non impletur quando-cunque volumus; hæc proprie moram iniicit institutioni & legato, etiam si nolimus moram fieri nobis. Conditio autem potestatiua est in facili. Conditio casualis imple-ri potest viuo testatore, potestatiua post mortem, *l. 11. §. 1. de cond. & demonstr.* Quæ autem est mixta conditio? vulgo accipiunt pro ambigua, quæ potest esse potestatiua, & non esse, veluti, si Alexandriam ierit, fiet non potestatiua, si per hyemis iniuriam iri non possit: & erit potestatiua, si imponatur ei, qui à primo milliario Alexandriæ agit, quia impletu facilis est & prompta. Item hæc conditio, si Titio decem dederit est potestatiua, si Titius præsens fuerit: non est potestatiua, si Titius longinquo itinere peregrinetur, & forte nesciatur vbi gentium degat, *l. 4. §. puto, de hered. instit.* Et fere, hoc notandum, nulla est conditio potestatiua, quæ non possit non esse potestatiua. qua ratione putem non alia ratione potestatiuas appellari promiscuas, *d. l. ult.* quam quod possit esse potestatiua, & non esse. Casuales autem appellari non promiscuas, quia quæ casualis est, non potest esse potestatiua, veluti hæc est, si fulserit cras, nunquam non potest esse casualis. non est igitur promiscuas: sed male vulgo mixta conditio dicitur, quæ est promiscua, hoc est, quæ potest esse potestatiua, & non esse: nam non ideo mixta est. mixta est, cuius euentus partim pendet ex voluntate, partim ex casu, *l. vn. §. fin autem, C. de caduc. toll. l. ult. C. de necess. seru.* veluti hæc conditio, si Titio reuerſo postliminio decem dederit, partim est casualis, partim potestatiua: vel hæc conditio, si Titio consule Capitolium ascenderit, heres esto. Videamus, quæ in iure sit inter has condiciones differentia, & ita statuamus. Si filius familias à patre heres instituatur sub conditione casuali, testamentum est nullius momenti, *l. Lucius, de condit. & demonstr. l. 15. hoc tit.* nisi sc. in defectum eius conditionis, hoc est, sub contraria conditione exheredetur à coheredibus suis, aut substitutis, *l. iam dubitari, de hered. instit. l. 4. C. de instit. & substitut.* Alioqui deficiente conditione institutionis, si sub contraria non sit exheredatus, inuenietur præteritus, quæ res testamentum vitiatur ipso iure. Qui filium igitur heredem instituit sub conditione casuali, magis eum præterire, quam instituere videtur. neque igitur eum instituit, neque exheredat, & non institutus non potest esse heres ex testamento, & rursus non exheredatus non potest repelli ab hereditate. Ille igitur filius præteritus heres existit ab intestato, non ex testamento, quod nullum est. & idem erit, si filius instituatur sub conditione mixta, eadem ratione, quia deficiente parte casuali inuenitur præteritus. Nunc de potestatiua ita constituas, si filiusfam. ita à patre instituatur sub conditione potestatiua, testamentum valet, quasi sub conditione contraria exheredatus fuerit: nam hoc ineptum esset, eum exheredari sub con-



traria conditione, cum in potestate eius sit an heres sit & conditio potestatiua pro pura haberi debet, l. 1. §. qui sub condit. si quis omiff. cau. test. Et præterea, si non impleatur conditio potestatiua, non deficit proprie, sed omitti videtur l. libertus §. existimo, de bon. lib. vt merito filio imputari possit, quod eam omiserit. Item filius non parendo conditioni potestatiuæ, patrem intestatum non facit: & ideo coheres eius, si quem habet, statim adire potest hereditatem, etiam si filius nondum conditioni paruerit, non expectato filio: nam eum duntaxat, expectat, qui patrem intestatum facere potest, qui testamentum infirmare potest, l. 4. §. 1. de hered. inst. non existente autem conditione casuali, filius patrem intestatum facit, id est, infirmat testamentum, quasi præteritus: imo statim ob eam causam, quod magis præteritus intelligitur, quam institutus, ac propterea coheres eius etiam statim pendente conditione casuali repellitur à successione testamentaria. Ad hæc notandum est, conditionem potestatiuam omiffam intelligi, vel mortuo demum filio, & substitutum admitti, vel coheredi adcrecere portionem filij post mortem eius, vel omiffam videri viuo filio: nam duo sunt genera conditionis potestatiuæ: est quæ impleri non potest vltimo vitæ momento, hoc est, mortis proximæ tempore. Certum est nunquam impletum iri, veluti, si Alexandriam ierit: constat enim morienti Romæ non esse integrum Alexandriam ire. Alia est conditio potestatiua, quæ potest impleri eo tempore, hoc est, vltimo vitæ momento, veluti, si decem dederit: nam hæc conditio, moriente filio impleri potest per alium. Ita ergo definiamus: si prior potestatiua conditio adscripta sit filio, quæ non possit impleri vltimo vitæ momento, filius patri ab intestato heres fuisse intelligitur in ipso momento moriendi, quo certum esse capit iam amplius conditionem non posse impleri. Eo igitur momento filius patri ab intestato heres fuisse intelligitur, & hereditatem transmitti ad suos, si substitutum non habuit, l. si filius, de lib. & post. Sed si posterior conditio, quæ potest impleri vltimo vitæ momento, imposita sit, nec impleta, filius postea mortuus, neque ex testamento, neque ab intestato patri heres fuisse præsumitur. non est ex testamento, qui non impleuit conditionem. non ab intestato, quia pependit causa testamenti, quandiu vixit propter incertum conditionis, nec vltimo vitæ momento impleri potuit, & pendente causa testati, cessat causa intestati. Denique neque ex testamento, neq; ab intestato heres intelligitur, sed vocatur substitutus filij vel coheres iure adcrefcendi, vel his deficientibus vocatur suus vel agnatus, quod omne rursus ostēdi potest manifestius hoc modo. Prior species conditionis viuo filio, sed morti proximo admittit substitutum: nam conditio intelligitur defecisse in ipso mortis articulo, quia tempus moriendi semper in iure deputatur vitæ, non morti computatur. viuo igitur filio deficit conditio, igitur admittitur substitutus. Et Pap. hic ostēdit proposito simili exēplo ex lib. Ser. Sulp. quod est elegantissimum. Heredem institui sub conditione, si Capitolium ascendat, conditio est potestatiua, quæ non potest impleri vltimo vitæ spiritu, & si Capitolium non ascenderet, ei legauit 100. mortuus est omiffa hereditate non impleta conditione, an transmittit legatum ad heredem? sic sane, quia dies legati cessisse intelligitur eo viuo, propterea quod eo adhuc viuo certum esse cœpit, conditionem impleri non posse: quod si non possit, in eum casum voluit ei legatum præstari. Et ita Pap. refert hanc sententiā, dum ait, morte defecisse conditionem. Vtrumq; ait improprie: nā non morte defecit, sed eo moriente, & non defecit potius, quam omiffa est, vt si fuerit posterior conditio potestatiua, quæ possit impleri vltimo vitæ momento, mortuo dein filio admittit substitutum vel coheredem vel suum. Item posterior species conditionis, si filius institutus sit sub conditione potestatiua, quæ possit impleri vltimo vitæ momento, & nepos ei fuerit substitutus, sola contraria conditione post mortem filij substitutus nepos vocatur ad

hereditatem, non ante mortem. si substitutus non fuerit nepos, nec alius quisquam, nepos vocatur ad legitimam successionē aui, hereditatem aui, id est, ab intestato, quasi suus, quia filius eum non præcessit eo tempore, quo delata est hereditas aui: Iam enim erat mortuus filius, & suus est, quem alius non præcedit. est certissima hæc definitio, suum heredem esse eum, qui est ex liberis defuncti, & quem nemo præcedit delatæ hereditatis tempore. ea propter in hoc casu filius non videtur obstitisse nepoti, quamuis aui intelligitur esse suus heres, quia quo tempore delata est hereditas aui nepoti, filius non erat in rerum natura, id est, nepotem nemo præcedebat. Et Papinianus ponit similem casum his verbis, quemadmodum si exheredato eodem filio, &c. Qui versus, crux est iuris studioforum. nemo nō fuit diligens in exquirenda eius versus sententia, & frustra: nam, vt ostendi iam pridem labes facta est in Digestis tribus aut quatuor locis, maxime in fine titulorum aut librorum, vt labes est facta in tit. de bon. damnat. & alia in tit. de interd. & releg. & alia in fine libri 41. vbi desideratur titulus, cōmunia de vfucapionib. vt indicat index Digestor. Et hoc etiam loco labes facta est: nam est imperfectus hic versus, & sunt eius verba contorta: nam vt in l. r. §. sciendum, de suis & legit. heredib. coniunguntur duo casus, quibus filius non obstat nepoti in iure sui: ita etiam Papin. hoc loco eisdem casus voluit coniungere, & legendum, quemadmodum si exheredato eodem filio, nepotes cum filius moreretur fuissent, & heredes instituti postea repudiassent. Et casus hic est: filiū exheredauit, nepotem prætermisit, nec vero debuit eum instituere, vel exheredare, quia non erat suus præcedente filio: recte igitur filium exheredauit, nepotem prætermisit, & extraneum scripsit. filius mortuus est deliberante extraneo herede scripto. nondum igitur exheredatione consistente, quia ante hereditatem non valet exheredatio. mortuus est suus filius deliberante scripto, atque adeo exheredatione nondum obtinente. post mortem filij heres scriptus repudiavit, nepos erit suus heres aui ab intestato, nec videbitur filius ei obstitisse, quia tempore delatæ hereditatis aui filius non fuit in rebus humanis, id est, quia in ea hereditate filius eum non præcessit vnquam. Et ita duos proponit casus, quibus filius non obstat nepoti in iure sui, l. si quis, de iniust. rupt. §. in ea causa, Inst. de hereditatibus qua ab intest. defer. l. scripto, vnde liberi. vide d. l. 1. §. sciendum.

#### Ad l. 14. de bonor. possess.

Cum quidam propinquus falsum testamentum accusaret, ac post longum spatium temporis probasset: licet dies ei petenda possessionis, quam forte certus accusationis petere debuit, cessisse videtur: attamen quia hoc proposito accusationem instruit, vt suum ius sibi seruet, agnouisse successionem non immerito videbitur.

Cum quidam propinquus, id est, agnatus, vt illo loco Horatij,

----- & ad sanos abeat tutela propinquos.

nam cognati ad tutelam vel curam non vocantur, & in specie huius legis inferimus agnatum appellari propinquum, quia vocatur ad hereditatē. Species hæc est. Quidam agnatus testamentum agnati, quo extraneum heredem scripserat, falsum esse dixit instituta accusatione aduersus heredem scriptum ex l. Corn. testamentaria, & post longum tempus probauit esse falsum testamentum, puta post decennium: certe post tempus intra quod petere debuit bonorum possessionem, puta intra 100. dies: (liberi & parentes petunt bon. possess. intra annum: agnati intra 100. dies) Igitur post longum tempus obtinuit agnatum intestatum fuisse, neque tamen petiit bonorum possessionem ab intestato intra 100. diem, vt oportuit ex edicto prætoris, quia diu traxit accusationem,



nec ea pendente petit bonorum possessionem unde legitimi: Queritur, an ei cesserit tempus petenda bonorum possessionis, an ei cesserint 100. dies constituti ad bonorum possessionem? atque ita an tempore sit exclusus à bonorum possessione unde legitimi, an petenti eam obstat clausula, quæ ponebat cessisse ei tempus, si certus accusationis fuit, id est, si certo sciuit falsum esse testamentum, Et certus accusationis, inquit: certo accusationis procedunt tempora, ergo debuit bonorum possessionem petere, cui de iure suo liquido constabat, si incertus fuit accusationis, si dubitauit de iure testamenti, non potuit recte petere bonorum possessionem, sicut nec adire, *l. cum falsum, de acqui. hered. l. 3. ad l. Corn. de fals.* Certum, scientemque adire oportet, aut bonorum possessionem amplecti, non incertum iuris sui, alioqui adeundo nihil agit, & incerto accusationis non procedunt tempora bonorum possessionis. & statim atque ei constiterit falsum esse testamentum, etiam si post diuturnum tempus constiterit, erit ei integrum petere bonorum possessionem, unde legitimi quasi intestati agnati: nam certo accusationis tantum cedunt tempora. Accurs. & alij, tentant certo accusationis non cedere tempora, si instituerit accusationem falsi testamenti: id est, quandiu accusat testamentum falsi, non cedunt ei tempora petendæ bon. posses. ab intestato. Hæc est vulgaris sententia omnium ad hanc legem. Mouetur Accurs. hac ratione, quia certo, inquit, accusationis non cedunt tempora, quoniam eam non petuit petere: sane si non potuit eam petere, non cedunt ei tempora. Ergo ea tempora sunt utilia, quibus scierit potueritque scire sibi competere bonorum possessionem, ut in cretionibus, & quibus potuerit petere. At nego eum non potuisse petere, cum, ut Papin. ait, debuerit petere. si debuit, & potuit: quam autem potuit petere, nec petiit, tempore amisit, id est, omisit: nam omittere proprie est tempore excludi, scriptum tempore submoueri. Mouetur etiam Accursius, & quidē rationabilius, *l. contra, C. de inof. test.* Sciendum est querelam inofficiosi testam. quæ datur liberis exheredatis extinguī quinquennio: nam aut intra quinquennium est constituenda, aut non potest, *l. 2. C. in quib. caus. in integ. restit.* facultas accusandi testamenti paterni, quasi impij coërcetur breuitate temporis. Finge: egisti querela iniusti testamenti, quod desint in testam. solemnia, siue etiam egisti inofficiosi: duas querelas intentasti sibi admodum aduersas: nam si iniustum est testam. non valet: si inofficiosum valet, sed agitur ut rescindatur. Vtramque tamen querelam instituisti, iniusti testamenti, & inofficiosi. Ex vna velle cōsequi quod te cōtingit videris, *l. 1. §. qui autem, quod legat.* ut sit hodie frequenter, quoties diuersæ actiones eiusdem rei nomine intentantur. Dixisti iniustum esse testamentum, & inofficiosum, licet esset iustum, & priorem querelam tantum executus es, lis tracta est in septennium, nec obtinuisti. queritur an amiseris querelam inoffic. testamenti, an postea exequenti tibi alteram querelam obstat præscriptio quinquennij? Et ait *d. l. contra*, non obstat, quia non cessantibus præscriptio obiici non potest, tu non cessasti, cum interim querelam de iniusto testamento persecutus fueris. Ergo præscriptio temporis tibi non obstat, postea persequenti querelam inofficiosi testamenti. Præscriptiones sunt cessantium, castigationes seu reprehensiones, non etiam non cessantium. Finge, habeo actionem temporalem, veluti redhibitoriam, aut quanto minoris, nec eam intendo intra tempus constitutum, sed ea de re litigo cum compromissario, nec quicquā perficio, an post tempus actionis erit mihi actio integra? Et sane erit, quia interim non cessauī, *Novell. 63.* Unde colligit Accurs. etiam te, qui dixisti falsum testamentum agnati, atque ita non cessasti, non debere repellī præscriptione temporis à bonorum possessione unde legitimi, quia non cessasti, & quia etiam si bona persecutus non fueris, tamen hac mente dixisti falsum esse testamentum, ut ea postea persequeris, ergo tibi non cesserunt tempora. Non est difficile respondere. In specie *l. contra*, tu egisti

Quæst. Papin.

A querelam iniusti & inofficiosi, & executus es priorem, posteriorē ergo querelam non omisit, quia eam inchoasti cum priore. egisti igitur in *d. l. querela inoffic.* quia eam non omisit. In hac specie non petuisti bonorum possessionem, ergo eam omisit tempore, nec tibi est integrum eam petere tempore excluso. Verum non deest aliud remedium: quia etiam hoc ipso, quod accusationem falsi instituisti, iuris tui conseruandi causa, videris successionem agnouisse animo: ad te igitur intelligitur peruenisse hereditas agnati, quia accusando testamentum falsi, videris successionem agnouisse. Quid autem est agnoscere successionem? Pro herede gerere, qui vnus est modus acquirendæ hereditatis, *l. gerit, de acq. hered.* Gerit pro herede, qui agnoscit animo successionem, licet nihil attingat. Non dicit Papinianus te bonorum possessorem fieri, quia tempora bonorum possessionis præterierunt, sed dicit te successionem agnouisse. non dicit bonorum possessionem, sed successionem: igitur heres es, non bonorum possessor, vel es, vel fieri potes. Bonorum possessio nisi petita vel data sit, non acquiritur: aut est petenda, aut à prætore sciente non petenti danda, *l. seruus, hoc tit.* Excipitur municipium, cui acquiritur bonorum possessio etiam sine petitione vel datione, ipso iure, *l. 3. §. à municipalibus, hoc tit.* Et hodie etiā ex nouissimis Constitutionibus ad acquirendam bonorum possessionem sufficit nuda voluntas, id est, quælibet testatio, siue quodlibet indicium amplectendæ bonorum possessionis, *l. ult. §. non utitur, de curat. fur. §. ult. Inst. de bon. posses.* Hodie igitur videtur bon. posses. agnouisse. Quem volunt esse sensum huius legis, verum is esse non potest, cum nondum exiissent Constitutiones, quæ quamlibet agnitionem bon. posses. admittunt. Verus sensus hic est: agnatum qui dixit testamentum agnati falsum, nec obtinuit intra tempora, sed postea, repellī à bonorum possessione unde legitimi: non repellī ab hereditate, quemadmodum dicendo testamentum falsum, videtur se pro herede gessisse ab intestato, cum non alio fine dixerit, quam ut hereditatem sibi reseruaret legitimam.

#### Ad l. 21. de leg. præst.

Si portio hereditatis quam excepta persona beneficio legis habere potuit, repudietur, pro ea quoque parte filius, qui bonorum possessionem accepit, non aliis quam exceptis personis legata præstabit.

Notandum est, magnam esse differentiam inter querelam inofficiosi testamenti, & bonorum possessionem contra tabulas: nam querela inofficiosi testamenti datur immerito exheredatis suis siue emancipatis, siue sint emancipati, siue in potestate, & necessaria est vtriusque, alioqui non peruenirent ad hereditatem. Datur etiam parentibus exheredatis, & necessaria est, ut ad bona veniāt. Bonorum autem possessio contra tab. datur liberis silentio præteritis: & emancipatis est necessaria, suis autē non est necessaria: quamuis enim sui præteriti eam petere possint, tamen necessaria non est, quia mero iure ab intestato heredes sunt, *l. pen. §. legata, tit. prox. supr.* Datur etiam bonorum possessio contra tabulas parentibus, sed non semper: nam iis tantum datur, qui filium vel nepotē emanciparunt & manumiserunt, id est, qui in emancipando contraxerunt fiduciam, in tit. *si quis à parente manum.* Datur etiam patronis quibusdam bonorum possessio contra tabulas, non tamen vnquam querela datur patronis. Addendum est etiam, querelam inofficiosi testamenti dari contra heredem scriptum, qui adiit hereditatem, nec enim ante aditam hereditatem nascitur querela. Bonorum possessio contra tabulas datur contra testamentum, etiam si heres scriptus non adierit. Et hoc est, quod dicitur bonorum possessionem contra tabulas dari contra lignum, *l. quod vulgo, supr. tit. prox.* Querela inofficiosi testamenti, alias in totum rescindit testamentum, alias pro parte: in

Z ij



totum, si scriptus sit extraneus: in partem, si scriptus frater fratris exheredati, qui agit querela, *l. Papin. §. sed neque, de inoffic. test.* Bonorum possessio contra tabulas, semper rescindit testamentum: & si frater præteriti sit heres institutus, præteritus instituto fratre committit edictum, id est, aperit ei viam ad petendam bonorum possessionem contra tabulas, & sic infirmat totum testamentum. Item querela inofficiosi testamenti patrem facit intestatum, *l. 6. §. pen. l. mater, de inoffic. test.* Bonorum possessio contra tabulas testatorem non facit intestatum ipso iure, licet iure prætorio testamentum rescindatur, *l. 1. hoc tit. l. ut liberis, C. de collat.* Sed non ideo sequitur, testatorem fieri intestatum ipso iure, id est, civili, nec etiam prætorio, ut in *l. pen. §. sed quemadm. supra tit. prox.* ostenditur quamvis obscure. Finge: Duo sunt fratres, vnus exheredatus, alter præteritus, si præteritus sit suus, testamentum nullum est ipso iure, ergo vterque etiam exheredatus succedet ab intestato: sed si præteritus sit emancipatus, licet acceperit bonorum possessionem contra tabulas, testamentum valet, si heres aliquis adierit ex testamento, & exheredato fratri non committitur edictum, *l. si post mortem §. exheredati, tit. prox. supra*, id est, non potest venire exheredatus vna cum fratre præterito ad bonorum possessionem contra tabulas, nec ad legitimam hereditatem ab intestato, quia testamentum valet ipso iure, licet rescissum sit iure prætorio per bonorum possessionem contra tabulas. Ideoque necesse habet agere querela inofficiosi, scilicet aduersus heredem scriptum qui adiit. Instituto tamen fratri committitur edictum, non exheredato. Vltima differentia hæc erit, si testamentum rescindatur per querelam inofficiosi, nihil in testamento scriptum valet secundum ius, quod obtinuit ante Nouellam Iustiniani, quæ vult solam institutionem rescindi ex causa exheredationis vel institutionis, quæ pro exheredatione habetur, ut si filius sit præteritus à matre: nam silentium matris est exheredatio, non silentium patris. sed si per bonorum possessionem contra tabulas testamentum rescindatur, secundæ tabule, id est, pupillares, & quæ in eis relicta sunt legata, non rescinduntur, *l. ex duobus §. ult. de vulg. sub.* Legata quoque relicta primis tabulis his personis, quæ sunt exceptæ in hoc edicto de leg. præst. ut liberis & parentibus testatoris, vel quæ sunt relicta vxori, aut nurui testatoris, dotis nomine, ea prætor non rescindit. Bonorum possessio est ex edicto prætoris. Querela inofficiosi est ex iure civili: ius prætorium mitius est iure civili: hodie Iustinianus mitiorem fecit querelam inofficiosi: nam legata omnibus cōseruari voluit rescissa institutione sola, *Nov. 115.* Et hoc est, quod dicitur, ex causa exheredationis vel prætoris, quæ pro exheredatione habetur, sola institutio vitatur, cætera firma manent, ut secundæ tabulæ, tutelæ, libertates, legata omnia & fideicom. quibuscunq; personis relicta. Petita autem bonorum possessione contra tabulas, ex hoc edicto de legatis præstandis exceptis personis non tantum conseruantur legata, sed etiam quæ instar legatorum habent, ut fideicom. & mortis causa donationes, *l. 3. l. 5. §. idem obseruatur, l. si filius, b. t.* Conseruantur enim portiones hereditatum, non ex hoc edicto: nam legati verbum non potest continere hereditatem, sed ex constitutione Diui Pij, ut si parentes vel liberi sint heredes scripti ex parte, ea pars eis conseruetur, *l. 5. §. sed & si portio, l. 7. hoc tit. l. qui duos, in fine, de coniung. cum emancip. lib.* Exceptis igitur personis hæc omnia conseruantur, sed quomodo? an omnino hæc omnia cōseruantur? minime: nam hæc quæ retulimus exceptis personis ita conseruari intelligimus, ut nullo titulo plus ferant, quam virilem portionem, nec titulo institutionis, nec legati: Nam vsque ad portionem virilem duntaxat parentes, & liberi tuendi sunt, ne plus habeant, quā præteriti, qui petierunt bonor. possess. cōtra tabulas. Ideoque eorum portio in virilem redigi potest, si ex maiore parte scripti sint, sed si ex minori parte, eorūdem portio augeri non potest, *l. 5. §. ad eum autem modum,*

*h. t. Vxor autem vel maritus, cui aliquid relinquitur dotis nomine, non rediguntur in virilem portionem, sed totū legatum percipiunt, quia rem suam percipere videntur. Ideoque legatum dotis Falcidia non minuitur, l. viriles §. si quid vxori, hoc tit. l. sed vsusfr. §. 1. ad leg. Falc.* Finge: in testamēto quo filius heres præteritus est, heredes scripti sunt alij filij ex portione quadam, vel nepotes, vel parētes testatoris, & ab eis relicta sunt legata: nō adēunt hereditatem, nec etiā repudiant, sed omittunt, quia sciunt præteritum petiisse aut petiturum esse bonorum possessionem contra tabulas, ut fit, *l. 4. b. t. conseruatur eis portio hereditatis ex Constit.* Diui Pij, an legata præstabit omnibus? Minime, sed ea tantū, quæ relicta sunt exceptis personis, perinde ac præteriti, qui petierunt bonorum possessionem contra tab. *l. 5. §. 20. sup.* Sed quid si parentes & liberi repudiarunt portionem hereditatis, ea portio accrescet præterito, qui petiit bonorum possessionem contra tabulas, & non tantum pro sua parte, sed etiam pro ea parte, quæ ei accreuit, præstabit legata personis exceptis. Quid si parentes & liberi adierint hereditatem? pro ea parte, pro qua instituti sunt omnibus præstabit legata. Hæc quæ diximus sunt accipienda de præterito-emancipato. Nam suus præteritus, qui petiit bonorum possessionem contra tabulas, ne exceptis quidem personis præstat legata, *l. 2. qui in potestate, hoc tit.*

#### Ad l. 11. de Carb. edicto.

*Cum sine beneficio prætoris, qui patitur controuersiam, filius heres esse non potest, forte quia scriptus est, edicto Carboniano locus non est: ac similiter cum certum est, quamvis filius sit, eum tamen heredem non fore: veluti si Titio herede instituto, postumus aut impubes exheredatus negetur filius. Nec ad rem pertinet, quod interest illius in quibusdam filium esse, veluti propter fratris ex alia matre nati bona vel iura libertorum, & sepulchrorum: istos enim casus ad Carbonianum constat non pertinere.*

Carboniana bonorum possessio, non est propria quædam bonorum possessio, sed vel vnde legitimi, vel vnde liberi, vel secundū tabulas. Et huic locus est in hac specie: Filius pupillus in testamento præteritus, nam pupillo tantum debetur hæc bonorum possessio: filius igitur præteritus est testamento patris, & petiit bonorum possessionem contra tabulas, vel patre intestato bonorū possessionem vnde liberi: fit ei controuersia status quod negetur filius esse defuncti, fit ei cōtrouersia hereditatis paternæ, an dabitur possessio bonorum, quam petit? Quod non videtur, quia quæstio status est præiudicialis. Igitur quia petit iugulum causæ, est peremptoria: & sane iure nō est danda, quoad finita fuerit status quæstio. Verum ex edicto Carbonia. causa cognita interim pupillo dabitur bonorum possessio, vel contra tabulas, vel vnde liberi, quæ dicitur Carboniana, & differetur status quæstio in tempus pubertatis. Datur causa cognita: nam debet prætor perpendere, vtrum expediat pupillo representari, an differri quæstionem status. Ergo hæc bonorum possessio est decretalis, quia decreto interposito datur: extraordinaria, nō ordinaria: *pronisonnaire*: temporaria nō perpetua, nā pubertate finitur, nec interim suo effectu caret. nā pupillus cui decernitur, interim possidet solus, nisi aduersarius sit ex liberis, & interim alitur ex bonis & exercet actiones tempore perituras. Plerumque autem Carboniana bonorū possessio datur filio præterito, vel filio venienti ab intestato: nam filio pupillo instituto non datur Carbon. bonorum possessio secundum tabulas, quamvis negetur esse filius, quia non ut filius venit ad hereditatem, sed ut scriptus, & sufficit ei bonorum possessio secundum tabulas edictalis, nec opus est decretali, *l. 1. §. Pompon. b. t.* Et hoc est, quod ait Papinianus in princ. huius l. Verum quæstio status differtur in tempus pubertatis ex Constit.



l. 3. §. 1. *h. tit.* non ex hoc edicto. sed ex Constit. Et ita de-  
mum huic edicto locus erit, si status & hereditatis con-  
trouersia sit: nam si status tantum, statim iudicium expli-  
candum est, l. de bonis §. *ita demum*, *h. t.* Et hoc ita proce-  
dit, ut non sit locus Carboniano, nisi sit institutus quasi  
filius ab eo, qui eum non instituit, si cognouisset eum  
filium suum non esse: nam hoc casu indigebit auxilio  
edicti Carbon. l. 4. *C. de hered. instit.* Pupillo exheredato  
non datur Carboniana bonorum possessio, maxime si sit  
exheredatus non appposito elogio huiusmodi, quia filius  
meus non est, vel quia ex adulterio est conceptus, exhe-  
res esto: nam si secundum quod scripsit testator, & post  
mortem eius negetur esse filius, locus erit Carbo. edi-  
cto, alioqui exheredato pupillo non datur bonorum  
possessio Carboniana, quamuis negetur filius, d. l. 1. §. *item*  
*Pomp. & §. 7. h. t.* quia certum est, eum, heredem non  
fore (quamuis filius sit) propter exheredationem: inte-  
rest tamen eius, ut filius pronuncietur, licet institutus vel  
exheredatus sit propter alias quasdam causas, non propter  
Carbon. sed in aliis causis interest illius filium esse de-  
functi, ut si sit quaestio de bonis fraternis. Finge: Deducto  
fratre intestato nato ex alia matre, pupillus dixit, se eius  
fratrem esse; & fratrem consanguineum præferri matri  
ex Scto Tertull. mater negat eum esse fratrem, an inter-  
rim dabitur Carboniana? Minime, quia non agitur de  
bonis paternis, quo solo casu datur Carboniana, l. 3. §. *si*  
*is qui status*, *h. t.* & tamen interest eius, filium censerī e-  
iusdem patris, ut habeat bona fraterna: nam exheredatio  
non adimit bona fraterna, sed ius suicitatis, non ius con-  
sanguinitatis. Secunda causa est, ut eius intersit esse filiū,  
si sit quaestio de bonis paternis liberti, & negetur esse fi-  
lius patroni. Ad hanc speciem non pertinet Carboniana,  
l. 7. §. *si impubes* §. *si pupillus*, *h. t.* sed tamen interest eius filiū  
esse, ut obtineat bona liberti. Et loquitur de filio pupillo  
instituto: nam exheredatus non admittitur ad bona pa-  
terni liberti, nisi libertus ei sit assignatus, l. 1. §. *sed et si*  
*exheredato*, de adig. lib. & nisi pater cauerit nominatim, ut  
ius ei sit saluum in libertum, l. si pater exheredato, de bon.  
lib. Tertia causa est propter ius sepulchrorum, l. 6. §. 1. de  
relig. & sumpt. fun.

Ad l. 11. de bon. poss. sec. tab.

*Qui ex liberis meis impubes supremus morietur, ei Titius  
heres esto: duobus peregre defunctis, si substitutus ignoret uter  
novissimus decesserit, admittenda est Iuliani sententia, qui  
propter incertum conditionis etiam prioris posse peti bonorum  
possessionem respondit.*

§. 1. §. *Filius heres institutus post mortem patris ab hostibus  
reduci, bonorum possessionem accipiet, & anni tempus, a quo  
rediit, ei computabitur.*

**P**rima quaestio versatur circa speciem eiusmodi. Duo  
sunt filij impuberes, pater ut inter eos conseruet ius  
legitimæ hereditatis, ut l. vel singularis, de vulg. substit. non  
substituit utrique, id est, si uterque impubes decederet,  
sed substituit ei tantum, qui supremus moreretur. quæ  
substitutio est quidem pupillaris, cum sit facta in secun-  
dum casum: sed & vulgaris dicitur, quia quotiens erant  
duo vel plures impuberes, pater solebat ei substituere,  
qui supremus moreretur, l. in vulg. de verb. sign. Ergo vul-  
garis substitutio dicitur duobus modis, quæ sit in pri-  
mum casum: & formula vulgaris substitutionis pupilla-  
ris, quæ scilicet sit supremo morienti in secundum casum.  
Duo tantum sunt casus substitutionis. Primus est casus  
non acquisitæ hereditatis, ut, si primus heres non erit, secun-  
dus heres erit, quæ est substitutio vulgaris separata à pu-  
pillari, quæ fit passim à quolibet ex 12. tabulis. Secundus  
casus est acquisitæ hereditatis & mortis, in quem substi-  
tuimus tantum directo, ut liberis impuberibus, qui sunt  
in potestate nostra, hoc modo: *filius ille impubes heres esto, si  
heres erit & impubes decesserit, ille heres esto*, vel etiā secun-

**A** dus casus est casus mortis tantum. Nam substitutio pupil-  
laris sit etiam exheredato hoc modo: *Ille filius quem exhe-  
redavi si impubes decesserit, Titius illi heres esto*. Pupillaris  
substitutio non est testamentum paternum, sed pupillares  
tabulæ secundum quas datur substitutis bonorum posses-  
sio perinde, atque secundum tabulas institutis. Nunc finge:  
Ex duobus impuberibus pater substituit supremo mo-  
rienti: at non apparet quis fuerit, quia simul perire in ma-  
ri, nec apparet aut constat uter novissimus decesserit. Quæ-  
ritur substitutus, qui substitutus est ei, qui supremus mo-  
reretur, utrum nulli heres erit, an utrique? & ait, substi-  
tutum utrique heredem esse ex substitutione, & posse  
utriusque pupilli bonorum possessionem petere secundum  
tabulas. Ergo neuter filius mortuus est intestatus, quan-  
doquidem substitutus supremo morienti, utrique videtur  
substitutus: quoniam iure patriæ potestatis pater filiis fe-  
cit testamentum: nam alius nemo testamentum facit:  
puberi. n. non potest ita substituere, nisi per fideicomis-  
sum. non possum heredem dare ei, qui solus heredem fa-  
cere potest. Et hoc ita respondit Iulianus, propter incer-  
tum conditionis, quia incertum est extiterit cōditio sub-  
stitutionis, an defecerit, propterea quod non apparet uter  
supremus decesserit: Nam & uterque supremus dici po-  
test, cum neutri eorum alterum superstitem fuisse ap-  
paret, l. qui duobus, de reb. dub. l. ex duobus, de vulg. subst.  
Ergo uterque intelligitur supremus decessisse, proinde in  
utriusque persona substitutio locum habet: nam supremus  
non is tantum est, qui post alium moritur, sed & is, post  
quem nemo est, neque autem post hunc, neque post illū  
alius est. Ergo uterque est supremus: sicut vltima volun-  
tas hæc demum est, quæ facta est post aliud testamētum:  
sed & ea post quam nullum est testamentum, ut vnicum  
testamentum, vltimum est, d. l. in vulgari. atque ita secun-  
dum verba substitutionis statues, substitutum ad utrius-  
que bona, ad utriusque hereditatem admitti. Secunda quæ-  
stio est de filio, quem pater heredem instituit eo tempore,  
quo erat apud hostes. An aliquando poterit filius institut-  
us à patre, petere bonorum possessionem secundum tabulas? sic  
sane, si redierit ad suos: quia fictio postliminij fingit eū  
nunquam fuisse in seruitute. Ideo & interim fratribus par-  
tem facit, id est, eius persona numeratur in partibus faciē-  
dis propter spem postliminij, l. 1. §. si ex tab. de bon. poss.  
cont. tab. reuerso datur bonorum possessio secundum ta-  
bulas. Atqui bonorum possessio petenda est intra annū.  
**D** Finge: fuit apud hostes ex quo heres institutus est per  
quinquennium, an ei celsit tempus? minime: quia est an-  
nus utilis, & in eo, quo fuit apud hostes, nullus dies fuit  
ei utilis ad petendam bonorum possessionem: quia annus  
computatur, non ex quo pater mortuus est, sed ex quo re-  
diit postliminio. Quod notandum: nam idem trahi potest  
ad absentes, & ad relegatos, nec facio inter eos differen-  
tiam, quam introducit Accurs. hoc loco; nam his omni-  
bus tempora utilia cedere dico ex quo redierunt. dicit  
Accurs. constituendam videri differentiam inter eas per-  
sonas, quia captiuus procuratorem constituere non po-  
test: qua de causa non poterit ei imputari, quod non e-  
gerit. relegatus potuit agere vel petere per procuratorem:  
itemque absens reipub. causa: debent ergo eis cedere  
**E** tempora dum absunt. Circumscribimur nisi prouideamus:  
nam captiuus etiam si procuratorem habere non possit,  
potest tamen bonis eius curator constitui, & hic potest  
actiones intendere tempore perituras, & vero solet pluri-  
mum is curator bonis captiui, per quem cum agantur &  
fiant omnia, cur non cedunt tempora captiuo? Eandem  
igitur rationem oportet inducere in omnibus personis,  
l. semper §. si quis, quod vi aut clam. Interdictum quod vi aut  
clam est annale. absenti reip. causa istud interdictum cōpit  
competere, nec tamen eo egit, vel per se, vel per procu-  
ratorem, quem tamen potuit constituere, an annus ei cō-  
putabitur? non, sed ex tempore quo rediit. imo excludetur  
anno. sed ex ea causa ei subuenietur, etiam si procurato-  
rem habuerit, aut etiam procuratorem potuerit consti-  
Z iij



tuere, quia non omnis, qui procuratorem habet, & defendi ab eo potest, non omnis procurator est admodum sollicitus, & vel potest mori, vel deprehendi non idoneus ad agendum, vel est huiusmodi, ut possit ei opponi exceptio procuratoria, *l. sed et si per præt. §. 1. & §. item, ex quib. caus. mai.* quod velim transferre omnino ad *l. Papi. de minorib.* Finge: minor 25. annis relegatus est, quem aliquis circumscripterat ante relegationem, nondum restitutus implevit 25. annos, etiam implevit annum utilem, intra quem post 25. annum potest peti restitutio in integrum. Quæritur an reuersus post 30. annum possit petere restitutionem in integrum? ait non posse, quia potuit per procuratorem agere, namque procuratorem habere & facere potuit. ex causa tamen ei subueniendum est. Et tollenda est differentia Accursij illa, inter absentiam siue relegationem, & absentiam necessariam & probabilem, vel absentiam reipubl. causa: nam siue hæc, siue illa fuerit causa absentiae, absenti & reuerso ex causa subueniendum est: nam & illarum causarum differentia ratio. nem nullam habet. Qui enim nominatur ut peregre reipubl. causa eat, inuitus hoc suscipit. Est enim hoc munus publicum, quod inuitis defertur.

Ad §. ult. eod.

*Testamento facto Titius adrogandum se præbuit, ac postea sui iuris effectus, vita decessit. scriptus heres, si possessionem petat exceptione doli mali summonebitur, quia dando se (in) adrogandum testator cum capite fortunas quoque suas in familiam, & domum alienam transfert. Plane si sui iuris effectus codicillis aut aliis literis eodem testamento se mori velle declaraverit, voluntas, qua defecerat, iudicio recenti rediisse intelligitur, non secus ac si quis aliud testamentum fecisset, ac supremas tabulas incidisset, ut priores supremas relinqueret: nec putauerit quisquam, nuda voluntate constitui testamentum: non enim de iure testamenti maxime quaritur, sed viribus exceptionis, qua in hoc iudicio, quamquam auctori opponantur, ex persona tamen eius, qui opponit, æstimatur.*

**S**ciendum est, non dari bonorum possessionem secundum tabulas heredi scripto, nisi testator habuerit testamenti factionem mortis & testamenti tempore, *l. 1. §. exigit, hoc tit.* Quod ita est accipiendum. Si filiusfamil. testamentum fecit, & mortuus sit paterfamil. non valet testamentum, quia habuit quidem testamenti factionem mortis tempore, sed non eo tempore, quo fecit. Idemque erit, si seruus testamentum fecerit, & liber decesserit, si pupillus testamentum fecerit, & pubes decesserit, *l. si filius, qui test. fac. poss.* & iisdem fere verbis Marc. Tul. in epist. ad Treb. lib. 7. epist. 21. *Negare aiebat Seruium tabulas testamenti esse eas quas instituisset is qui factionem testamenti non habuerit.* Ergo non satis est habuisse testamenti factionem mortis tempore, nisi habeas etiam testamenti faciendi tempore. At contra, quod notandum, nonnunquam satis est habuisse testamenti factionem testamenti facti tempore, licet non habueris mortis tempore: ut si post factum testamentum mutus aut surdus factus fueris, atque ita decesseris, fecisti rite testamentum, sed non faceres rite mortis tempore, quia es elinguis, vel surdus, vel etiam post testamentum factum in furorē incidisti, vel tibi bonis interdictum est quasi prodigo, & nihilominus valet testamentum, quod ante fecisti, *l. 6. qui test. fac. poss. & l. 1. §. si quis autem, h. tit.* Sed exigo omnino, ut testator, qui post testamentum factus est vel furiosus, vel mutus, vel surdus, vel qui prodigus prouinciatus est, permanserit utroque tempore ciuis Romanus, & sui iuris, quia scilicet ut detur secundum tab. bonorum possessio, non tantum mortis tempore, sed etiam testamenti tempore, testatorem sui iuris esse oportet, & ciuem Romanum, & non tantum testamenti tempore, sed etiam mortis. hoc retro agitur: nam si post testamentum deportetur vel adrogetur, deportatione sit pe-

regrinus, arrogatione definit esse suus, & propterea deportatione & arrogatione testatoris irritum sit testamentum. deportatione, quia omnia bona sua amittit. Deportationis verbo continetur semper publicatio omnium bonorum. Adrogatione autem, quia cum suo capite omnia bona sua transfert in familiam, dominium, & potestatem adrogatoris, cuius autem nulla sunt bona, eius & nullum testamentum est. Quid tamen si utroque tempore fuerit ciuis Romanus? veluti paterfamil. testamentum fecit, post se adrogandum dedit, deinde emancipatus vita decessit. fuit igitur ciuis, fuit paterfamil. mortis tempore, & testamenti, non etiam medio tempore. Quæritur, an scripto heredi sit danda bonorum possessio sec. tab. Et sane iure prætorio datur heredi scripto §. non tamen, *Inst. quib. mod. test. infirm.* licet medio tempore non fuerit ciuis Romanus, aut paterfamil. *l. 1. §. sed si quis utroque, h. t.* Ergo, ut dixi, testamentum valet, dummodo sit obsignatum septem testium signis, etiam si in eo alia solemnia desint, etiam si sit ruptum, dummodo obsignatum sit, & fuerit testator ciuis Rom. & paterfamil. utroque tempore, prætor dat scripto heredi bonorum possessionem secundum tabulas, *l. conficiuntur §. si post, de iure codicil.* Sed aliquando bonorum possessio sec. tabulas sine re constituetur, quia scripto, qui accepit secundum tabulas, agenti possessoriis actionibus obstat exceptio doli mali, quod scilicet ex eo testamento pergat agere, quod iure ciuili irritum factum est adrogatione. Ergo datur quidem secundum tabulas, sed erit sine re, propterea quod ipso iure irrita sunt tabulæ, neque prætor unquam abrogatus ciuile, emendat tamen. Verum quid dicemus, si testator ille dixerit, se mori velle eodem testamento? Potuit reficere testamentum, non refecit tamen. videtur testamentum, quod fuerat irritum, recenti iudicio testatoris reualuisse, sicut euenit in hac specie. Finge: post prius testamentum scripsi posterius, utrumque rite, posteriore rumpitur prius. At finge, me confregisse posterius, an valet prius? valet quasi vltimum, nec aliud factum fuisse intelligitur. Ergo etiam in proposita specie, videtur recenti voluntate reualuisse voluntas defuncti, quam adrogatio irritam fecerat. Et sane concludendum est, quoniam declarauit, se velle eodem testamento mori, scripto heredi agenti possessoriis actionibus iure bonorum possessionis secundum tabulas, non ob stare exceptionem doli mali, non quia nuda voluntate sit restitutum testamentum: nam nuda voluntas nunquam restituit testamentum, sed quia hæc exceptio doli proficiscitur ex bono & æquo, & bonum & æquum est conseruari tabulas, quas testator iudicio recenti confirmauit: nam, ut subiicit, opposita exceptione non quaritur potissimum de iure testamenti, non in id exceptio concipitur, sed quaritur de bono & æquo. quæ æquitas spectatur non ex persona actoris, qui accepit bonorum possessionem secundum tabulas, sed ea æquitas spectatur ex persona rei, qui obicit exceptionem doli mali, quia si reus iure ciuili heres sit ab intestato, præferetur scripto, & bonorum possessio secundum tabulas sine re constituetur, ut nominatim scribit Vlpianus in *fragment. tit. quemadm. testam. rump.* Sed si heres non fuerit ab intestato, scriptus præferetur, maxime si scriptus & ab intestato potior futurus sit eo qui vitur exceptione doli mali, *argum. l. 2. & l. post. de ini. rupt. testam.* Sententiæ propositæ initio *l. pen. multa obici poterant, quæ ego prætermisi data opera.* Ex eadem *l. §. ult.* elicimus, heredi scripto testamento eius, qui mortis & testamenti tempore fuit paterfamil. non medio, recte dari bonorum possessionem secundum tabulas, si modo sint obsignata septem testium signis. ergo nihil præterea prætor requirit. verum agenti, exceptionem ob stare doli mali, quia iure ciuili irritum est testamentum propter capitis deminutionem, quæ medio tempore contigit. Inde quærebatur, an ob staret etiam ei exceptio doli mali, si testator priusquam moreretur, declarauerit, se eodem testamento mori velle? Et puta-



non obstat exceptionem propter recens iudicium defuncti, & bonorum possessionem secundum tabulas fore cum re propter recens iudicium defuncti, non quasi recenti illo iudicio, quod nudum fuit, non solemne, non inquam. quasi recens illud iudicium restituerit tabulas, quæ defecerant, quod fieri nequit: nam testamentum neque constituitur, neque restituitur nuda voluntate: sed non obstat exceptio doli mali, quia proficiscitur ex bono & æquo, hoc est, quia in ea vertitur quæstio boni & æqui ex aduerso doli mali, & æquum est conseruari tabulas, quas vel nuda voluntate testator confirmauit & renouauit: nam in exceptione doli mali potissimum de iure non quaritur, sed de bono & æquo, quod quidem æstimatur à iudice, non æstimatur ex persona actoris, sed ex persona rei. quoniam opponit exceptionem doli mali, de qualitate eius personæ inquireret iudex, & si inueniret, ab intestato eum esse defuncto potiorē heredem, cum præferret scripto, atque ita bonorum possessio secundum tabulas constitueretur sine re, & obstat exceptio actori: Sed si is qui opponit eam exceptionem, non sit futurus potior ab intestato, id est, si heres scriptus etiam ab intestato rem obtinere possit, & ei præferri, præferretur scriptus, & bonorum possessio erit cum re, & hoc casu non obstat exceptio doli mali, quia heres scriptus omnino rem habiturus est: non est igitur inuidenda successio honoraria, quia & ea omiſsa iure legitimo heres futurus est, præsertim cum testator declarauit se eodem testamento uti velle.

#### Ad l. 42. de bon. libert.

*Filius, qui patri heres existit, fratrem exheredatum adrogauit, atque ita herede eo relicto, defunctus est. bonorum possessionem libertus patris naturalis exheredatus non habebit: nam cui non exheredato talis adoptio noceret, nocere debet exheredato: quoniam pœna qua legibus aut edicto irrogaretur, adoptionis remedio non obliteraretur. Paulus notat: Et qui alio iure venit, quam eo, quod amisit, non nocet id quod perdidit, sed prodest, quod habet. sic dictum est, patrono eidemque patronæ filio non obesse. quod quasi patronus deliquit, si patronæ filius venire possit.*

**S**unt tres aut quatuor quæstiones in hac lege. Certum est, filium patroni exheredatum à patre repelli à bonis liberti, quasi indignum, vt l. 12. §. pen. hoc tit. Indignum, inquit, non existimat pater filium bonis liberti, quem vocat ad suam hereditatem: contra, quem existimauit esse indignum suis bonis, existimauit indignum bonis liberti, & consequenter exheredatus non tantum repellitur à bonis paternis, sed etiam à bonis liberti. Et ita apud Valer. Max. Cum Syllanum filium meum pecunias à sociis accipisse probatum sit, & republica & domo mea indignum indico, protinusque à conspectu meo abire iubeo. Excipiendi sunt quidam casus, vt si pater filio exheredato libertum assignauerit. Item, si bona mente eum exheredauit, non iniuriæ, aut pœnæ causa: nam quandoque exheredatio non fit irato animo, sed prudenti consilio patris, vt si filius sit pupillus, & præstet in ea ætate filium exheredari, quam habere hereditatem. Vel finge: exheredauit filium furiosum, & reliquit ei hereditatem per fideicommissum rogato herede instituto, vel hereditatem ei restitueret, cum resipuisset. hæc exheredatio fit bona mente, nec aufert iura libertorum, patronatus iura, nec lucra nuptialia, vt in Novel. 22. Et ita exheredato non datur querela inofficiosi testamenti, & non est inofficiosum testamentum, in quo bona mente filius exheredatur. non est igitur querela: nam nemo queritur de prudentia patris, sed de ira patris, & iniuria. Item si filium exheredatum patronus aliquo gradu instituerit; hoc enim casu non repellitur à bonis liberti. Potest quis esse eodem testamento exheredatus & institutus, vt institutus primo gradu, exheredatus secundo, & contra: hic non est indignus hereditate liberti paterni, cum nec eum pater cen-

**A** fuerit prorsus sua domo indignum, d. l. 12. §. pen. Est & alius casus: si pater exheredato filio cauerit nominatum, vt ius ei saluum esset in libertum, l. si pater exheredato, h. t. His casibus exceptis exheredatus repellitur, non tantum à bonis patris, sed etiam liberti. Et idem obtinet in præterito à matre: nam & hic repellitur à bonis liberti matris, quia præteritio pro exheredatione habetur. Idem etiā obtinet in filio præterito testamento militis: nam præteritio etiam militis pro exheredatione habetur, propterea quod ea diligens obseruatio testamentorum ordinandorum & hæc inter cetera non seruatur in testamento militis. Ergo quem præterit miles, repellitur à bonis paternis, quasi exheredatus, & à bonis liberti, l. 12. in pr. h. t. vt non possis non dicere, Vlp. non pugnare cum Paulo in l. Paulus, h. t. nisi aliquid finxeris primum: nam possis dicere negationem deesse in d. l. Paulus. Finge: miles filium præterit in testamento, exheredauit igitur. Quæritur, an admittetur hic filius ad bona libertorum auitorum. Et regulariter exheredatus à patre repellitur, & à bonis liberti tam paterni, quam auiti, quia per patrem consequitur auitos liberos, l. 20. §. 1. hoc tit. sed silentium militis non vsque adeo debet nocere filio, vt ait d. lex Paulus, vt & repellat eum à bonis libertorum auitorum. Et significat repelli quidem eum à bonis paternorum libertorum, sed non etiam à bonis auitorum, atque ita nihil pugnat: Et in fine legendum est: idem responsura non est de bonis libertorum paternorum. Nam silentium excludit eum à bonis libertorum paternorum, non ab auitorum. Ad hæc notandum, quia diximus de filio exheredato à patre; nunc de filio patroni, qui est in adoptiua familia, an sicut exheredatus repellitur à bonis liberti, ita & filius patroni, qui est in adoptiua familia? minime, l. patroni filia, h. t. Id vero dubitatione non carebat: nam filius meus repellitur à bonis meis, si sit in adoptiua familia, repellitur à possessione bonorum contra tabulas, & vnde liberi & vnde legitimi. Igitur à bonis meis, nisi sit heres institutus: & hodie ex Constit. Iustin. nisi sit adoptatus ab extraneo, repellitur à bonis paternis propter adoptionem, id est, quia transit per adoptionem in alienam familiam. Videbatur etiam repellendus à bonis liberti, sed non est semper eadem ratio bonorum patris & liberti paterni, vt in hac specie. Verus est filius emancipatus, & nepos ex eo, qui in aui familia remansit, vterque pariter vocatur ad hereditatem parentis ex edicto de coniung. cum emanc. liber. Ad hereditatem liberti paterni solus filius emancipatus vocatur, nec ei coniungitur nepos, l. 5. §. ult. hoc tit. Item filius deportati & proscripti certe ab eius bonis repellitur, non tamen à bonis liberti, l. 4. supr. de iure patron. Aliud est iure ciuili, l. 3. infr. de interd. sed constitutiones potiores sunt iure. Ergo non semper eadem est ratio bonorum patris & liberti. His cognitis, fingamus speciem huius legis: Pater duos habet filios, vnum heredem instituit, alterum exheredat: post mortem patris institutus exheredatum adoptauit in locum filij, eoque instituto vita functus est. Quæritur, an exheredatus admittatur ad bona liberti patris naturalis? Et videtur admittendus, quia exheredationem videtur obliterasse adoptio & successio fratris: quandoquidem exclusus per successionem fratris adeptus est bona paternæ, & eo modo rediit in familiam, qua fuerat exclusus. Exheredatione desit esse suus, l. 9. §. si filium, de lib. & post. Si suus desit esse, & agnatus igitur cum suitas sit species agnationis, l. scripto, unde lib. Et est, quod dicitur, exheredationem successisse in locum abdicationis: nam certè Græcè vtrique habet idem nomen: nam in Basil. exheredatio sapissime appellatur ἀποκρίσις. Hodie abdicatione non vtimur, quæ fiebat olim etiam viuo patre: Exheredatio non valet nisi post mortem patris. Et abdicatione fiebat passim quacumque scriptura: Exheredatio non valet nisi fiat testamento rite perfecto. Papin. autem existimauit hunc filium exheredatum, quem postea frater heres institutus adoptauit, non habere bonorum possess. liberti patris naturalis. Et vtitur Papin. hac



ratione: *Filius*, inquit. *qui*, &c. Respondet, eum non habiturum bona liberti naturalis, licet postea adoptatus fuerit à patre: *nam cui non exheredato talis adoptio noceret, nocere debet exheredato*. Est falsa ratio: nam non exheredato talis adoptio non noceret: patronus enim manet & qui capite minuitur, *l. sed et si, de in ius voc.* Non exheredato igitur subsequens adoptio non noceret: quia igitur propositio falsa est, & consecutio igitur, & ut iamdiu ostendi, & hic manifesta traductio verborum, & sic legendum est: *nam cui non adoptato talis exheredatio nocet, nocere debet adoptato*, quod ostendit ratio rationis, quoniam pœna, &c. Quod sic explicandum est. Lege 12. tab. & legibus novis, id est, Iulia & Papia, atque etiam edicto prætoris, hæc pœna irrogatur exheredatis filiis, ut non tantum bonis patris, sed etiam bonis paterni liberti submoueantur quasi indigni, *l. 2. hoc tit.* Hoc edictum de *ben. libert.* quo excluduntur hereditate, consentit cum legibus, & ideo auxilium huius edicti etiam dicitur auxilium legitimum, *l. 8. §. pen. hoc tit.* Hæc autem pœna exheredationis exheredatis irrogatur edicto vel lege, dum propter exheredationem repelluntur à bonis liberti paterni. Hæc pœna non potest aboleri commento adoptionis, puta ut si frater non exheredatus, dolens vicem fratris, eum adoptaverit: Sed reprehenditur Papin., à Paulo: nititur etiam Paulus æquiori ratione. Ratio Pauli propter quam dissentit à Papiniano, hæc est: *quia ei, qui alio iure venit, quam eo, quod amisit, æquum est, ut non noceat ad, quod perdidit, sed proficiat quod habet*. Hæc est regula, quæ declaratur ab eodem Paulo, proposito exemplo quum ait, *sic dictum est, &c.* Et hæc est sententia. Finge; ego sum patronus & filius patronæ. igitur ego & mater servum communem manumissimus. repellor à bonis ut patronus. quia forte ab eo exegi iusiurandum, ne uxorem duceret. ex hac causa amitto libertum, *l. qui, contra, de iure patron.* vel etiam repellor à bonis liberti quod libertum egentem non aluerim, *l. si patronus, hoc tit.* vel etiam quod donum, munus, operas quæ liberto imposueram libertatis causa, ei reuendiderim: nam ex hac causa etiam libertus adipiscitur liberam testamenti factionem, *l. Iulianus, hoc tit.* nec patronus præteritus habet bonorum possessionem contra tab. liberti. non tamen repellor, si veniam tanquam patronæ filius, quia non per alium venio ad bona liberti, & quod per me non possum, non possum etiam per alium, *l. bona, l. quaritur, hoc tit.* sed venio meo nomine & meo iure, ut patronæ filius. Et ita recte ait, *ei, qui alio iure venit, non per alium, sed alio iure*. Est simile exemplum in *l. mater, de inoffic. test.* Ergo in proposito, exheredatus non veniet ut filius patroni, id est, patris naturalis, sed ut filius patris adoptiui, id est, fratris naturalis. Denique per fratris adoptionem adipiscetur iura libertorum patris naturalis, non quasi filius, quia amisit filij ius, sed quasi filius patri adoptiui. Ad notam, quam Paulus impressit Papiniano, notandum est, valde pertinere eiusdem Pauli, *l. si filius §. pen. de fideic. libert.* Sententia hæc est: heres rogatus est servum manumittere, & latitat, nec evocatus à prætore sui copiam facit. prætor pronunciat libertatem servo debitam ex Senatusconsulto. Rubriano. Ei servo status servatur eodem iure, ac si directo manumissus esset testamento domini, hoc est, ac si directa libertas ei data esset, non fideicommissaria. ergo erit libertus orcinus, non fideicommissarius. Idemque erit, si heres rogatus sit manumittere sub conditione, & heres conditioni impedimentum fecerit: nam ex hac causa libertum amittit, etiam si fuerit filius defuncti: *quamvis*, inquit *alio iure libertum habiturus sit*: nam filius defuncti non erit ut patronus, quia nec manumissit, sed erit ut patroni filius. Et magna est differentia, utrum quis veniat ut patronus, an ut patroni filius: nam patronus, si libertum in servitutem petierit, vel capitis accusarit, nec obtinuerit, non amittit libertum: filius patroni amittit, quod admodum multe leges ostendunt, *tit. de iure patron.* congruebat valde ea *l. cum hac nota*

Pauli. Notandum est etiam, quod in prima quæstione huius l. Papinian. ait, filium heredem institutum à patre fratrem exheredatum adoptasse, coque herede relicto decessisse. His verbis, *herede eo relicto*, significatur eum non fuisse etiam exheredatum à patre adoptiuo, sicut fuit exheredatus à patre naturali, alioqui non veniret ut filius patris adoptiui, nec ut filius patris naturalis. igitur exheredatus esset ab utroque: sed quum est heres relictus à patre adoptiuo, quantulacumque ex parte, qui non venit ut filius naturalis propter exheredationem, quam adoptio non aboleuit, veniet secundum notam Pauli æquissimam, ut filius patris adoptiui, atque ita assequetur libertos patris naturalis, qui post eum liberti fuere patris adoptiui.

#### Ad §. Castrensiū.

Papinianus. *Castrensiū bonorum Titium libertus fecit heredem, ceterorum alium: adita est à Titio hereditas. magis nobis placebat, nondum patronum possessionem contra tabulas petere posse. Verum illa quæstio intervenit, an omittente eo, qui reliqua bona accepit, perinde accrescant, ac si partes eiusdem hereditatis accepissent. Verius mihi videtur, intestati iure deferri bona cetera. Titius igitur heres non poterit innuere manumissorem, cum Titio nihil auferatur, nec bonis ceteris, quæ nondum ad causam testamenti pertinent.*

Nunc, ut transeamus ad quæstionem §. *Castrensiū*. pauca ex his quæ dixi supra repetam, & primo hic §. accipiendus est de liberto milite, ut etiā est expressum *l. si duobus de milit. testam.* in qua idem proponitur, ut non abs re quidam in hoc paragrapho adiecerint verbum *commilitonem*, legentes hoc modo: *Titium commilitonem*, quod verum est etiam in *l. 2. C. de test. milit.* quæ lex pertinet ad eandem quæstionem. Nunc sciendum est, si miles, qui habet bona castrensia & bona pagana, alium fecerit heredem bonorum castrensiū, alium paganorum, quasi duorum hominum duas hereditates fecisse, non esse vnam hereditatem, sed duas: non vnum hominem. sed quasi duos, militem & paganum, ut ait, *l. 17. §. 1. de testam. milit.* neque intelliguntur esse coheredes, heres castrensiū, & heres paganorum, non sunt coniuncti, *l. heredes, §. 1. fam. ercisc.* & ideo inter eos non est actio familiaris erciscundæ, quando quidem diuisa sunt patrimonialia, diuisæ hereditates, vnus ex castrensi heres est, alter ex pagana. inter quas nulla communio est, & consequenter inter eos non est ius adcrendi: ut ecce repudiante herede pagano, bona pagana non accrescent heredi castrensiū. ergo non sunt coheredes, & ius adcrendi versatur tantum inter coheredes, vel collegatarios. ac præterea in bonis castrensiibus patrono vel patri præterito non datur bonorum possessio contra tabulas: & rursus patri vel liberis in bona castrensia non datur querela inofficiosi testamenti, *l. si à milite §. ult. & l. seq. de testam. milit. l. 3. §. par. hoc tit. l. si instituta §. 2. supr. de inoff. test. l. ult. C. eod.* At in bona pagana datur bonorum possessio contra tabulas, & exheredatis nominatim, vel silentio patris datur querela inofficiosi testamenti in bona pagana, non in bona castrensia. Ad hæc sciendum est, patrono præterito testamento liberti, non dari bonorum possessionem contra tabulas, nisi heres scriptus ex testamento adierit hereditatem, vel petierit bonorum possessionem secundum tabulas, *l. ult. de bonor. poss. contra tabul. l. 3. §. ut patronus, hoc tit.* Non defertur ergo patrono præterito bonorum possessio contra tabulas ante aditam hereditatem, sicut nec querela exheredatis. Et eo distat vehementer bonorum possessio contra tabulas, quæ datur patrono præterito, à bonorum possessione, quæ datur filio præterito: nam bonorum possessio, quæ datur filio præterito contra tabulas, datur contra lignum, etiam si heres in eo ligno scriptus nondum adierit: quæ autem patrono præterito datur, datur contra heredem qui adierit.

Et



Et ratio differentie hæc est, quia bonorum possessio quæ datur filio præterito, alsem persequitur: quæ datur patrono, persequitur certam partem tantum, puta semissem, vel hodie trientem. Est igitur partienda hereditas inter heredem scriptum & patronum, & consequenter heredem prius esse oportet, cum quo partiatur, alioqui si heres scriptus repudiet, patrono iam non dabitur bon. possessio contra tab. certæ partis, sed datur bonor. possessio absis ab intestato, *l. filius libertus, hoc tit.* Ergo expectare debet heredem scriptum, ut sciat pro parte, an pro alle accipere debeat bonorum possessionem. Querela inofficioli testamenti quandoq; etiam alsem persequitur, sed tamen non cõpetit ante aditam hereditatē, quia exhereditatio, cuius vlciscendæ causa datur querela, vires non habet ante aditam hereditatem: imo nihil in testamento scriptum valet, quamobrem necesse est expectare heredem scriptum: nam si adierit, agetur cum eo querela inofficioli. si non adierit, exheredatus veniet ab intestato, nec videbitur exheredatus, quia destituto testamento effectum non habuit exhereditatio. Quæ rationes valde sunt notandæ. proponitur species h. §. Libertus miles alium fecit heredem castrensiū, alium paganorum patrono præterito, heres castrensiū adiuit hereditatem, heres paganorum non adiuit hereditatem. an patrono competet bon. possessio cont. tabulas debite partis, quia adita est hereditas ab herede bonorum castrensiū? Et ait Papin. nondum competere patrono bon. possessionem contra tab. nec aliter competere, quam si adierit heres paganorum. nam is, inquit, si heres exstiterit, patrono dari potest bonor. possessio contra tab. heres scil. paganorum, & hæc bon. poss. non datur patrono ante aditam hereditatē: in heredem castrensiū nunquam datur, ut supra diximus. ergo patrono nondum competit bonor. possessio cont. tabul si solus heres castrensiū adierit. Quid autem fiet, si heres paganorum nunquam heres exstiterit? quid si omiserit hereditatem, an accrescet heredi castrensiū? minime, quia non sunt coheredes, nisi scil. heredi paganorum heres castrensiū substitutus sit, quo casu ei, repudiante herede paganorum, pagana accrescent substitutionis iure: vel etiam non est necessaria substitutio expressa: nam satis est, si hæc voluntas defuncti militis probata fuerit, *l. si duob. de mil. test. l. i. C. de test. mil.* alias herede castrensiū adente, herede paganorum repudiante, pagana non accrescent castrensiū, quia non sunt eadem bona, sed sunt duo patrimonia, & duæ hereditates, veluti duorum heredum, & inter solos coheredes valet ius accrescendi. Ergo ad patronum pervenient bona pagana ab intestato accepta bonor. possess. unde legitimi: nam casus bonor. possessionis contra tabul. non exstitit, atque ita fiet, ut miles sit testatus de bonis castrensiū, de bonis paganis intestatus, secundum id, quod generaliter proditum est, militem pro parte testatum, pro parte intestatum decedere, quod confirmat etiam *d. l. si duobus*. Et idem esse ostenditur in *l. i. C. de test. mil.* Explicanda est species illius. Miles vnum heredem scripsit ex bonis paganis, alium ex bonis castrensiū. heres castrensiū bonorum repudiavit. an castrensiā accrescent instituto ex paganis bonis? Minime: quia non sunt coheredes, sed venient ab intestato ad heredes legitimos, veluti ad matrem militis ex Senatusconf. Tertull. nam ponendum est, eum fratrem militis fuisse vterinum, vel generaliter fuisse fratrem cognatum, non etiam agnatū. frater agnatus, qui & consanguineus dicitur, excludit matrem: fratrem cognatum excludit mater: alioqui, si fuerit frater consanguineus, bona castrensiā, quorum heres defecit, ei quidem non accrescēt iure testati, sed accrescent iure intestati exclusā matre. Obscurior est sententia legis 2. Miles commilitonem castrensiū rerum fecit heredem. mens legis hæc est: Commilitonem nulla ratione pervenire possit ad bona pagana, sed habiturum eum dumtaxat bona castrensiā, ex quibus heres institutus est: nam

Quæst. Papin.

A ita lex distinguit: heredem miles alium scripsit castrensiū bonorum, alium paganorum. Et ait, heredem admittere ad eam hereditatem: si non adierit, heres ab intestato ei commilitoni præfertur, vel si non scripsit alium heredem paganorum, legitimus vocatur ad bona pagana ab intestato, excluso commilitone: vna tantum est ratio commilitone instituto ex bonis castrensiū, si probaverit eam voluntatē defuncti fuisse, ut altero repudiante, tota hereditas ad alterū perveniret, *d. l. si duobus*. alioqui in dubio ea mens videtur militis fuisse, ut institutus ex castrensiū haberet dumtaxat castrensiā, nec pateret ei aditus ad pagana. Ex his liquido intelligimus quid sit, quod ait Papinian. hoc loco: *Titius*, inquit, *non poterit invitare manumissorem, cum Titio nihil auferatur.* Quæ verba male accepit Accurs. sed est perspicuum, heredem castrensiū non invitare patronum ad bonorum possessionem contra tabulas, cum nihil ei patronus auferre possit: quod locum non habet in bonorum possessione contra tabulas, in bonis castrensiū. Sed subiicit etiam non invitari patronum per eandem bonorum possessionem contra tabulas ad bona pagana, quia ea bona nunquam ad causam testamenti pertinuerunt, quia heres ex eis bonis scriptus repudiavit, & repudiando destituit testamentum, redegitque rem ad causam intestati. Ergo non invitatur etiam patronus ad bonorum possessionem contra tabulas in bona pagana, quæ nunquam adita fuerunt, sed invitatur patronus ad bonorum possessionem unde legitimi ab intestato ad bona illa pagana, nisi scilicet heres castrensiū sit, vel intelligatur substitutus heredi paganorum: tunc enim herede castrensiū amplectente etiam bona pagana, in eum competit patrono bonorum possessio contra tabulas.

#### Ad §. cum filius liberti.

*Cum filius liberti impubes, qui subiectus dicitur ex prima parte bonorum poss. accipiat, an patronus defuncti possessionem accipere possit, quaesitum est. Et sine dubio, qui sequentis gradus sunt, non admittuntur interim. Cum enim præcedat alia possessio, qui sequitur, accipere non potest. Plane si contra eum qui subiectus dicitur, fuerit indicatum, data non intelligitur. Sed & in patrono, pendente controuersia, idem erit dicendum. plane quod ad patroni quoque personam pertinet, differri controuersia debet.*

R Esidua sunt quæstiones duæ. Ut prima quæstio intelligatur, illud ante omnia sciendum, filium naturalem liberti excludere patronum à bonorum possessione unde legitimi intestato liberti, atque etiam remouere possessionem contra tabulas testato liberti & patrono præterito, si in eo testamento forte is solum heres institutus sit quantulacumque ex parte, *l. 6. in pr. h. t. filius*, inquam, siue sit suus, siue emancipatus, siue in adoptionem datus alteri, §. *prodesse*, *Inst. de success. lib.* dico filium naturalem, ut & *l. suus §. & ille, de iure patron.* Nam liberti filius adoptiui non expellit patronum: alioqui remedio adoptionis semper repelleretur patronus. Dixi filium institutum: nam exheredatus non expellit patronum: sed neque institutus à patre libertino, si repudiaverit, vel abstinuerit se, *d. l. siue libertus §. ult. & l. 6. §. pen. l. queritur §. ult. h. t.* Rursus dixi institutum, sed addi volo instituto etiam filium naturalem præteritum, qui modo accipiat bonorum possessionem cont. tabulas, & vincat: nam hic etiam præfertur patrono, *d. §. prodesse*. Instituto quoque addi volo exheredatum, qui per subiectam personam veluti filium, aut seruum suum patri heres exstiterit, obicitur patrono, *d. l. siue libertus, §. pen.* Et hæc omnia ita procedunt ex edicto prætoris, de quo agit hoc tit. Mitto eadem de re *l. 12. tab.* mitto *leges Papias*, quæ obsoleuerunt. Nunc accedamus ad verba, & sententiam huius §. *cum filius liberti impubes*. Quæ verba Accursius accipit de bonorum possessione unde liberi. Verba sunt

A 2



ambigua, illa scilicet, ex prima parte edicti: nam quum agitur de successione intestati, prima pars edicti, est ea pars qua defertur bonorum possessio contra tabulas. *l. ideoque, de Carb. edic. l. 1. h. r. & ob id tit. de bon. poss. contra tab.* antepositur titulo de bon. poss. secund. tab. Et de hac prima parte edicti, id est, de bonorum possessione contra tabulas, puto accipiendum hunc paragraphum, cum filius, & ita ponendam esse speciem. Testamento liberti filius est preteritus, atque etiam patronus. filius est impubes, & pupillus, & ab herede scripto negatur esse filius. suppositus esse dicitur, atque ita fit ei controuersia status & bonorum paternorum. Secundum Carbonianum edictum, ut non ita dudum ostendimus, differenda est controuersia status in tempus pubertatis, quia metus est, ne interim pupillus minus idonee defendatur, & interim, *par maniere de pronon*, danda ei est bonorum possessio contra tabulas, non Carboniana tantum, sed etiam ordinaria, ut ei plenius cautum sit, ne scil. post pubertatem nihil iuris obtineat: quoniam Carboniana finitur pubertate, ordinaria est perpetua, *l. 3. §. ult. de Carb. edic.* atque etiam, ne heres scriptus possit accipere bonorum possessionem secundum tabulas, quam utique acciperet, si pupillus solam Carbonianam acciperet, *l. singulis, l. 3. §. ult. de Carb. edic. l. 4. eod. tit.* Ergo certissimum illud est, interim dari bonorum possessionem contra tabulas, dilata quaestione status in tempus pubertatis. Queritur, an detur etiam bon. poss. contra tab. patrono preterito, qui etiam preteritus est eodem testamento? Et Papinianus ait, patrono preterito non dari eo casu possessionem contra tabulas: non absque ratione, quia filius liberti eum praecedat, & eum expellit: praesumitur enim esse filius interim, licet suppositus dicatur: haec est praesumptio Carboniani edicti, *l. 3. §. pen. de Carb. edic. l. pen. in fine. ne vis fiat ei, qui in possess.* Cum est, qui praecedat, sequens non admittitur ad bonorum possessionem contra tabulas. Ergo spes patroni non habet locum. Sed si post pubertatem contra filium pronuntiatum sit, eum suppositum esse, non verum filium defuncti, bonorum possessio ei data pro non data habebitur, id est, erit sine re tam Carboniana, quam ordinaria, & denegantur ei actiones possessoriae, *l. 4. in fi. de Carb. edic.* At tunc patronus veniet ad bonorum possessionem contra tabulas: interim non veniet. Sed cum his pugnant omnino, quae sequuntur, *sed in patrono idem erit dicendum.* Ergo pendente controuersia in tempus pubertatis, interim patrono dabitur bonorum possessio contra tabulas. ergo si possit patronus accipere bonorum possessionem contra tabulas, sequitur ut accepta sit cum re, si contra filium iudicatum sit: sine re vero, si secundum filium lis data sit. Et sane haec verba, quae sequuntur, videntur esse ex notis Pauli: nam in libris nostris non semper hoc adnotatur, *Paulus notat.* & ita de aliis, non semper adscribitur esse notam, ut in *l. pen. de iure codicillorum*, illo loco, *dumtaxat*, non est adscriptum, Vlpianus notat. sed tamen est manifesta nota Vlpiani, ut etiam hoc loco, dum ait, *sed & in patrono*, id est, imo & in patrono, *idem erit dicendum*, non sunt haec verba Papiniani qui scripserat sine dubio, patronum non admitti, sed Pauli, quae summam rationem habent, ut interim patronus accipiat bonorum possessionem contra tabulas, sicut filius: & ut ea sit sine re, si secundum filium pronuntiatum sit. Denique in patrono idem est dicendum, quod in filio preterito, ut idem ius sit. In re dubia admittimus & primum gradum, & secundum. Sed non tantum, quod attinet ad personam heredis scripti, qui filium subiectum dicit, sed etiam quod attinet ad personam patroni, differetur quidem controuersia status in tempus pubertatis, nec propter patronum cognitio representatur, sed interim patrono datur possessio contra tabulas in omnem euentum: nam datur etiam scripto bonorum possessio secundum tabulas; si pupillus solam Carbonianam cognouerit, non etiam ordinariam, *l. 7. §. ult. de Carb. edic.*

## Ad §. ult

*Si falsum liberti testamentum ab aliis in provincia dictum, atque ita res per appellationem extracta esset, defuncta medio tempore patroni filia, quam libertus heredem instituerat: filio mulieris seruauit D. Marcus eam partem bonorum, quam filia patroni vel iure intestati, si vixisset, habere potuit.*

**L**ibertus filiam patroni heredem instituit, ei satisfecit: patronus erat mortuus, supererat tantum patroni filia. Quidam testamentum falsum dixit, & obtinuit. appellauit illa, atque ita extinxit iudicatum, vel interim diuturno negotio diem suum obiit. Queritur, an ius suum, transmiserit ad filium suum, quem reliquit superstitem? ius eius quale est? ut etiam falso testamento pronuntiato, liberto possit succedere ab intestato: nam qui adit hereditatem ex testamento, quod putat verum & valere, non ideo videtur repudiasse hereditatem ab intestato, *l. mater, de inoffic. testam. l. legitimum, de pet. heredit.* Ergo etiam si is, ad quem prouocatum est, confirmauerit sententiam prioris iudicis, & pronuntiauerit, falsum testamentum videri, filia patroni, si uiuat, succedet liberto ab intestato. An idem ius transmittit in filium suum? Videtur non transmittere, quia nondum agnouerat hereditatem ab intestato. Finge, secundo iudicio pronuntiatum esse testamentum falsum videri, aperta est via successioni ab intestato. At ipsa non agnouit hereditatem. successionem ab intestato non transmisit igitur, hereditas non agnita non transmittitur. Verum eleganter Papinianus ostendit aliter decreuisse D. Marcum cognita causa inter litigatores, inter eos, qui de eo contendebant, decreuisse etiam transmissioni locum esse, *l. 6. §. 1. h. r.* Et miror quod Accursius neque hoc loco, neque illo, contulerit hos locos inter se. Et ratio decreti haec est, quia filia patroni non cessauerat eam hereditatem persequi, & quia, ut dicam explicatius, eam videtur utroque genere persecuta, iure testati quasi scripta, vel si eo iure non obtineret, iure intestati, *argum. l. 3. de mil. testam.* Miles testamentum facere voluit iure communi, nec fecit testamentum quidem fecit, sed non seruato iure communi, ut voluit, an valeat testamentum iure militari? Sic videtur, quia non videtur elegisse miles genus testandi ad impugnandum suum iudicium: imo vero utroque genere testari voluisse videtur, propter casus futuros. Sic etiam utroque genere filia patroni vindicasse hereditatem videtur, & consequenter transmisisse, quod potest transferri ad similes complures casus.

## Ad §. sed an id l. 1. de collat. bonor.

*Sed an id, quod dignitatis nomine a patre datum est, vel debetur, conferre quis in commune cogatur, videamus. Et Papinianus lib. 13. Quast. ait, non esse cogendum. Hoc enim propter onera dignitatis praecipuum haberi oportere. Sed si adhuc debeatur, hoc sic interpretandum est, ut non solus oneretur is, qui dignitatem meruit, sed commune sit omnium heredum eius hoc debitum.*

**H**is addendus est vnus locus, quo Vlpianus vtitur auctoritate Papiniani eodem lib. 13. *quast.* Is locus est in *l. 1. §. sed an id, de collat. bon.* neminem arbitror ignorare, filios emancipatos suis, atque etiam hodie filios omnes, qui volunt venire ad bona paterna, conferre (*rapporter*): ea bona quae a patre acceperunt, dum viveret. Vis mecum partiri frater? confer quae ex bonis patris accepisti. Queritur, quae bona veniant in collationem? non omnia certe: nam excipitur castrense peculium, etiam si peruenerit a patre, ut si in militiam profecto pater dederit aliquid; sed conferunt etiam bona, quae non acceperunt a patre, castrense peculium non conferunt, nec quasi castrense, id habent praecipuum, ut dixi. Quae



ritur, an conferant id, quod dignitatis nomine pro filio datum est, ut filius fieret decurio, Aedilis, Consul. nam has dignitates non assequerentur sine sumptu. dabantur honoraria decurionibus pro introitu, solebant edi munera propter honorem adeptum, solebat etiam aliquid dari suffragij nomine, vel solatij, consuetudinis: non emebantur dignitates, sed erogare aliquid necesse erat. Ergo pater, ut filius dignitatem adipisceretur, dedit aliquid: an id conferet fratribus, an quodammodo dignitatem ipsam conferet? lex ait non conferri: quoniam æquum est, ut eam dignitatem habeat præcipuam, quo sustineat eius dignitatis onus: nam nulla est dignitas, cui non cohæreat onus, l. 2. §. *muneris, de vacat. mun.* Qua de causa, si pater pro filio dignitatis nomine non dederit, sed promiserit tantum, commune erit onus omnium fratrum, quod tamen non esset commune, si eum sumptum fratribus conferre deberet, sed liberandi essent fratres pro rata, l. 2. C. de collat. Atque ita Papinianus rectius scripsit hoc eodem libro, non esse cogendum filium conferre, quod dignitatis nomine ei à patre datum est, quia hoc debet habere præcipuum propter onera dignitatis. Obstat l. pen. C. de collat. bonor. quæ ait, militiam: ( *un office*: ) emptam filio à patre ( *cela est remarquable pour les estats qui s'achètent*: ) conferri. sed aliud est militia, aliud dignitas. Dignitas non emitur ut militia, non est armata, sed civilis, adiutor quæstoris, le Greffier du Chancelier, militia solertiarum, stratologia, Controolleur de guerre. hæc militia sunt in patrimonio nostro, sicut feuda, & emi possunt: & transeunt ad heredes, sicut patrimonium nostrum: militia est in patrimonio nostro, ergo conferetur, dignitas non est in patrimonio.



IACOBI CUIACII  
IURISCONSULTI  
COMMENTARIUS  
in Lib. XIV. Quæstionum  
Æmilij Papiniani.

Ad l. 15. de inoffic. testam.

Nam & si parentibus non debetur filiorum hereditas, propter votum parentum, & naturalem erga liberos charitatem, turbato tamen ordine mortalitatis, non minus parentibus, quam liberis pie relinqui debet. §. 1. Heredi eius, qui post litem inofficiosi preparatam mutata voluntate decessit, non datur de inofficioso querela: non enim sufficit litem instituere, si non in ea perseveres. §. 2. §. Filius qui de inofficiosi actione adversus duos heredes expertus diversas sententias iudicium tulit, & unum vicit, ab altero superatus est, & debitores convenire, & ipse à creditoribus conveniri pro parte potest, & corpora vindicare, & hereditatem dividere: verum enim est familia eriscunda iudicium competere, quia credimus eum legitimum heredem pro parte esse factum, & ideo pars hereditatis in testamento remansit, nec absurdum videtur, pro parte intestatum videri.



Am in ea l. quæ præcedit ex lib. 5. quæst. Papiniani ostendi, patrem præteritum à filio emancipato admitti ad querelam inofficiosi post liberos. ( In omni iure semper prima & potior est causa filiorum, ) patrem, inquam, ut dixi, præteritum à filio emancipato: nam filius facta testamentum non facit, quod possit rescindi per querelam inofficiosi, præterquàm hodie ex Novell. 115. si iure communi de castrensi peculio testetur: nam si iure militari, tunc nec pater, nec liberi vocantur ad querelam inofficiosi, Pater igitur vocatur post nepotes & suam intentionem implere potest. Idem Quæst. Papin.

A Papin. videtur repetisse hoc lib. 14. Verissimum igitur est hac in re parem esse causam filij & patris: filius recte agit de inofficioso patris testamento, & contra pater: quod non carebat dubitatione, quam ut tolleretur id scriptum, quod est initio huius l. Quia patri non debetur hereditas filij, ut debetur hereditas patris filio: nam ordo naturæ, & commune parentum votum est, ut filius succedat patri: hoc est, quod maxime omnes optant. Huc pertinet, l. *Julianus in fine, si quis omiff. causa, test.* Cuius species est elegantiss. Filium heredem scripti, & ei heredem substitui patrem in cuius potestate erat in primum casum. non potest filius adire iniussu patris, non iubet pater, sed ipse ex substitutione vulgari adit: Queritur, an incidit in edictum, si quis omiffa causa, & an debeat legata relicta primo gradu per hoc edictum? Respondet, non deberi: quia eo edicto dolus tantum plectitur: at pater dolo nihil videtur facere: nemo enim videtur contra votum parentum plane patrem substituere filio. videtur ergo ei datum arbitrium eligendi ut vel ipse adeat, vel filius eius: nam est omnino ea institutio. Et similiter in l. *cum tale, de cond. & demonstr.* Quidam ita legavit. Titia, si à liberis quos habet non discesserit: Queritur, an statim possit pervenire ad legatum præstita cautione, non conuolaturam ad secundas nuptias? huic cautioni locus est in his conditionibus, quæ viuo legatario impleri non possunt, ut si in Capitolium non ascenderit. In his igitur conditionibus locus est cautioni Mutianæ. In his vero, quæ viuo legatario impleri possunt, non est locus cautioni Mutianæ, sed expectandum est, & differenda petitio legati, donec impleta sit conditio. Conditio autem illa, si à liberis quos habet non discesserit, potest expleri viua matre: quia mori possunt liberi viua adhuc matre atque ita legatum videbitur relictum post mortem liberorum. Consequens ergo, cessare cautionem Mutianam, & expectandam mortem liberorum. Sed ideo improbat hanc opinio & concluditur esse locum cautioni Mutianæ, quod voto matris non probe opponatur tam ominosa non interponendæ cautionis interpretatio. matris autem votum est, ut ne mater cernat morietes liberos, sed ut ei superviuat. Ergo hac ratione filij hereditas non debetur patri, aut sane, ut ait l. *scripto in fine, unde lib.* nō sic debetur hereditas filij patri, ut patris filio: aliquatenus debetur, sed non ratione pari. Nam quid vocat filium ad hereditatem patris? ratio naturalis, quasi tacita quædam lex, ut ait l. 7. de bon. damnat. ac præterea cōmune votum filium vocat ad hereditatem patris: patrem autem ad bona filij, tantum miserationis ratio, vel solatij ratio tantum, sicut dicitur in l. *iure, de iur. dot.* solatij causa mortua filia in matrimonio dotem profectitiam reuerti ad patrem. Secundum hæc, non videtur pater iure queri de testamento filij quasi inofficioso, quia nec ei quicquam debuit relinquere, nec id optavit pater, abhorruit ab eo maxime mens patris. nulla est igitur eius indignatio iusta: sed videtur hac ratione Papinian. Turbato ordine mortalitatis, quo sermone vsi sunt parentes ipsius Papiniani, quum eo mortuo inscripserunt monumento, & turbato ordine, in senio parentes fecisse. non euntibus igitur ordine fati, ut inquit Ouid. & Horat. male indicantibus fati, turbato ordine, non minus ius piusque esse filium relinquere patri bona, vel portionem debitam, quam seruare ordine relinquitur portio filio. Iustus enim ordo & iusta series est patri succedere: & ideo si pater & filius simul perierint suggerente ordine naturæ, ut ait l. *qui duos, de reb. dub.* filius videtur supervixisse patri. Pietatis officium mutuum esse debet inter filium & patrem. Igitur si neglecto officio patris filius erga patrem inofficiosus eum prætermisit, æquissimum erit ei etiam dari querelam per quam arguet filium de dementia, sicut & filius qui agit querela, arguit patrem dementia quodammodo: nam dementia est officiorum & affectuum obliuisci, s'oublier de son deuoir. Dixi sup. in hoc tractatu de inoffic. ad leg. præced. lib. 5. quæst. esse parem causam patris & filij. Hoc intelligitur, ut detur utriusque ex causa, sed tamen



hac est differentia, quod filio exheredato datur querela, non praterito, patri etiam praterito datur querela. Sciendum est, querelam dari liberis & parētibus, & interdum fratribus, ut si frater fratribus omiſſis turpes personas, ut meretrices instituerit: liberis autem datur querela exheredatis à patre vel auo, proauo pagano: prateritis autem liberis à milite patre vel ab auo paterno, sciente eos liberos sibi superesse, *l. 9. l. 10. C. de test. milit.* item prateritis à matre vel auo, aut proauo materno, procreatis à patre, vel ab auo paterno, vel à milite ignorante se liberos habere, non datur querela, sed bonorum possessio contra tabulas, vel si sint in potestate, ipso iure testamentum rumpitur, *l. is qui in potestate, de leg. prest.* Ratio autem est, quoniam inter alia, quæ ad ordinanda rite testamenta necessaria sunt ex iure antiquo, filius à patre pagano, vel nominatim instituendus est, vel nominatim exheredandus: filia, vel ceteri liberi, qui ex masculis descendunt, inter ceteros exheredandi sunt: nam silentium patris pagani, vel etiam militis ignorantis liberos sibi superesse, non habetur pro exheredatione. ex quo sequitur nullum esse testamentum ipso iure: patri autem militi, qui non ignorat se eos filios habere vel matri, vel auo materno, hæc solemnitas remittitur: silentium enim eorum pro exheredatione habetur. Et hinc licet constituere tres formas exheredationis. quædam fiunt nominatim, quædam inter ceteros, quædam silentio, *l. 12. in pr. de bon. libert.* Et addendum est, à liberis parentes silentio exheredari & fratres. Praterito igitur patri recte datur querela. Ergo ita constituamus. patri praterito in testamento filij emancipati dabitur ut patri querela inofficiosa in assem: Nam plerumque querela euincit assem, bonorum possessio contra tabulas non dabitur ut patri, sed ut patrono: nam si pater in emancipatione manumissor exstiterit, & fuerit prateritus testamento filij, ut patrono ei dabitur bonorum possessio contra tabulas, quæ non est in assem, sed certæ partis bonorum vel semissis, vel trientis hodie, si turpis persona instituta non sit, vel etiam assis, si turpis persona instituta sit, *l. 3. si à parente quis manumiss. sit.* Patrono praterito nunquam dabitur querela, quia si patronum silentio praterierit libertus, ea prateritio pro exheredatione haberi non potest, quandoquidem exheredatio cadit tantum in agnatos, non in extraneos, nisi sint ea conditione heredes instituti, ut, *Titius heres esto, & illud facito, si non fecerit exheres esto, l. pater familias, de hered. instit. l. uxorem, de legat. 3. l. seruis, ad legem Falcid.* Et in formula unctionis videre illud est, quod est apud Vlpianum in fragmentis titulo, *qui hered. institui poss.* Et generaliter is tantum exheredatur, qui vocatur ad hereditatem iure civili, vel honorario. Extraneus non institutus non vocatur ad hereditatem. Sciendum autem est, alias filium emancipari & manumitti à patre, alias emancipari tantum. Emancipare est vendere. Venditus filius non potest à patre manumitti, nisi eum redemerit ab emptore: venditione redegit eum in seruitutem, quod agitur inter patrem & emptorem contracta fiducia, id est, si filium ea lege vendiderit, ut is emanciparetur sibi. Contrahere fiduciam, est legem addere venditioni, ut redimere liceat, *pache de rachapt.* Quæ fiducia semper hodie contracta intelligitur, non in venditionibus omnium rerum, sed in emancipationibus filiorum, *§. ult. de success. agnat.* Finge: Pater ex lege fiduciæ filium redemit ab emptore & manumittit, atque ita filius fit sui iuris, & quia manumissus quasi patronus, prateritus certæ partis accipiet contra tabulas bonorum possessionem, *l. si à milite §. ult. de test. tut. l. filio, hoc tit.* sed omisso iure patroni, ut pater recte agat querela in assem. Vnicum ius habet pater, si in emancipatione manumissor non exstiterit: ius patris, id est, querelam & bonorum possessionem unde legitimi. quæ solet accipi querelæ adiuvandæ causa. Sed si in emancipatione manumissor exstiterit, duplex ius habet, ius patroni, & ius patris, & accepta bonorum possessione contra tabulas iure patronatus, potest patrio iure sibi

A defendere ius antiquum, id est, querelam, *l. 1. §. ult. si quis à parente manumiss.* Igitur, ut ait, vel non debet ei nocere, quod sit patronus, cum sit & pater: & eadem ratione repudiata bonorum possessione contra tabulas, supererit ei querela secundum regulam iuris, *l. quoties duplici, de reg. iur.* Ius antiquum est querela, *d. l.* Ius nouum est bonorum possessio contra tabulas. Vtrumque ius defertur patri emancipatori & manumissori: & prius defertur ius nouum, id est bonorum possessio contra tabulas, quam unde legitimi, quæ longe sequitur in edicto. Querela recte dicitur ius antiquum: nam est ex antiquissima lege Glicia, ut conicere licet ex inscriptione *l. 4. hoc tit.* quæ est ex libro singulari ad legem Gliciam. Coniice inde eam l. pertinere ad hanc quæstionem de inofficioso. fit mentio in hoc titulo de lege Glicia, ergo pertinet ad inofficiosum testamentum. In *d. l. 4.* ponitur ratio querelæ: ratio igitur ferendæ legis Glicie. Probabile igitur est, querelam esse ex lege Glicie, quæ lata est à Glicia dictatore, & forte à consule vel prætore eiusdem nominis: nam & Prætor leges ad populum ferebat: sed malim appellatam à dictatore, quod quidam impugnat hoc modo. Coactus Glicia se abdicare magistratu, ergo non habuit satis temporis ad ferendam legem. Nego. rursus coactus est se abdicare, priusquam aliquem magistrum equitum sibi nominasset. Hoc etiā nego, nā raro magister equitum à dictatore dicebatur, sed plerumque à Consule vel populo, & Gliciam coactum se abdicare, antequam magistrum sibi diceret, nusquam inuenies. mouentur fastis Capitolinis in quibus est: *M. Claudius Glicia, qui scriba erat, dictator coactus abdicare se antequam magistrum equitum haberet.* Fuit igitur dictus dictator nullo adiuncto magistro equitum, ut *Liuius lib. 23. C. Terentius Consul M. Fabium sine magistro equitum dictatorem in sex menses dixit.* Aliqui male referunt leges non appellari à cognomine, sed à nomine familiæ, & Glicia esse cognomen. Hoc est falsum: nam & lex dicitur Syllania & Graccharia à cognomine: & Senatusconsultum Neronianum, & Plancianum. Male etiam referunt querelam ad auctoritatem prudentum. querela est actio directa, ergo ex legibus descendit. Probabilius est, querelam esse ex *l. Glicia*, ac similiter quartam, *la legitime*, quæ excludit querelam, eam esse ex *l. Glicia*. lex fuit forte ita concepta, *Querelam dari liberis, nisi eis satisfactum sit data quarta.* Et hanc quartam non esse ex constitutione D. Marci: Male scribunt etiam, ante Senatusconsultum Orfitianum, quo filius succedit matri, filium successisse matri, moti quibusdam locis, quibus moueri non debuerunt, quibus dicitur hereditas matris pertinere ad filios: fateor, sed non ideo ius illud est confundendum cum Senatusconsulto Orfitiano. nam hoc & certum. Hereditas matris pertinet ad filios iure legitimo, quamuis mater sit filiis cognata, non agnata, tamen iure agnationis exclusis ceteris agnatis defertur matris hereditas filiis. Olim iure honorario pertinuit ad filios, quasi ad cognatos: post agnatos vel quasi ad consanguineos, si mater conueniat in manum mariti. In *l. 12. tabular.* nihil fuisse cautum aiunt de liberis instituendis vel exheredandis, prateriri igitur potuisse, quod nullo loco & ratione confirmatur. Præterea hoc ius ut liberi vel instituantur, vel exheredentur, tribuitur antiquitati, *l. Gallus, de lib. & postum.* & plerumque antiquitas refertur ad *l. 12. tabular.* In *12. tabul.* liberi appellantur sui heredes, *l. liberorum, de verb. signific.* Ea appellatio quid demonstrat? Eos esse heredes instituendos, vel exheredandos, quia sunt sui heredes, qui si extranei essent, non possent exheredari. Etiam addo ex *12. tabulis*, filios occidi & vendi posse, & similiter, ut ait *l. in suis, de liber. & postum.* exheredari potuisse: namque hi sunt effectus patriæ potestatis, ut filium exheredet, *l. quidam, de verb. obligat.* Constat patriam potestatem esse ex *12. tabul.* Ergo ius illud manat omnino ex antiquissimo iure *12. tabul.*



## Ad §. i. heredi.

Hic §. est de transmissione querelæ, & generaliter de transmissione hereditatis, quæstio frequens & cognitu necessaria. Certum est exheredatum, vel præteritum non transmittere querelam ad heredem, nisi eam præparauerit, & ordinauerit ipse viuus. Idem fere est præparare & ordinare. Præparatur autem querela inofficiosi adita hereditate, veluti ab intestato, vel accepta bonorum possessione vnde legitimi, vel vnde liberi, vel vnde cognati, l. 6. §. ult. h. tit. neque enim sine aliquo titulo, exheredato patet aditus ad querelam, sed eo titulo fretus, quasi heres scilicet agit querela inofficiosi, & si probet, se immerito exheredatum, testamentum rescindit, heredem scriptum expellit, vindicat & euincit hereditatem totam: licet, quod notandum, is titulus interim sit sine re: nam pendente lite inofficiosi, potior habetur causa heredis scripti, l. 2. C. h. tit. Est igitur ille titulus falsus & coloratus. In foro recipiuntur falsi tituli & colorata actiones, falsæ expositiones, vt Fabius ait, vt scilicet res videatur agi recte, & ordine. Et hodie sæpiissime vtuntur in foro falsis narrationibus, & titulis, vt exempli gratia, inspecta turre templi id est, pro possessore beneficii accipiunt eum, qui duntaxat turrem eminus inspexit. Inspectio illa est pro titulo possessionis. Proditum quidem est, non tantum possessionem apprehendi corpore & actu, sed oculis & affectu, l. 1. §. pen. de acquir. poss. Sed si id fiat in re præsentis, cominus, non eminus: vt si rem quam mihi vendidisti, quæ est in præsentia, meo iussu tradas meo procuratori, vel si pecuniam, quam mihi debes, tradas alteri meo iussu, qui erat in præsentia, videris mihi tradidisse, id est, videor eius rei possessionem apprehendisse. Idem erit si columnas mihi vendideris, quæ propter magnitudinem moueri non possunt, dummodo consenserimus in rem præsentem. Nam & earum oculis videor possessionem nactus, sed id fit cominus. Ergo in iure & in schola, & in foro recipiuntur falsi tituli, colorati, falsæ expositiones, vt satisfiat rigori iuris, ne quis calumniatur factum, gestumve. Ergo non peruenies ad querelam inofficiosi, nisi titulum heredis assumpseris: aut bonorum possessoris, quamuis is interim sine re futurus sit, atq; etiam semper, nisi viceris querela. Porro is titulus necessarius est ceteris omnib. præterquam suis heredib. id est, qui detracta exheredatione sui heredes futuri sunt, l. 7. h. t. quia ipso iure heredes existunt, & vt Græci dicunt, habent ius ἀναγνώστας, id est, existunt, non fiunt heredes: ceteri fiunt: hi existunt statim, vt ait l. in suis, de suis & legit. l. 1. §. qui sunt, si quis omiff. causa test. Et statim etiam clausis tabulis testamenti, etsi forte ex parte heredis scripti sunt, l. 3. C. de iure delib. Ceteri qui non sunt sui, non possunt heredes fieri, antequam aperte sint tabule, si sint scripti ex parte: nam heredes scripti ex asse, heredes fiunt generaliter etiã ante apertas tabul. l. 1. de suis & legit. l. 1. §. ult. de iur. & fact. l. mul. tui, de cõd. & dem. Et quod diximus de suis, id obtinere volumus in necessariis heredib. vt in seruis. Nam hi protinus sunt heredes, id est, clausis tabulis, §. 1. de hered. qual. & differ. l. ex parte, de acquir. hered. Igitur isti heredes nunquam adire hereditatem necesse habent, nunquam bonorum possessionem petere, quia satis est, quod existunt, d. l. in suis, l. 16. qui in potestate, de leg. præst. l. pen. §. pen. de ben. libert. Quid igitur fiet, si filiusfamil. qui patri suus heres futurus sit, exheredatus sit? quemadmodum præparabit querelam? Ceteri præparant adita hereditate vel agnita bonorum possessione. Igitur sui heredes, vt querelam ad heredem transmittant, eam præparabunt his modis, quibus & ceteri omnes eam præparare possunt, si comminentur heredi scripto accusationem inofficiosi denuntiatione, quæ fiat solemniter, item libelli datione, l. 7. h. tit. Commminatio & denuntiatio fit heredi scripto. Nam libelli dationem accipio pro editione actionis, l. 1. §. 1. de eden. Ede-

A re est libello complecti & dare. Illud certum erat, post litem contestatam querelam transmitti ad heredem, sed placet etiam transmitti, si exheredatus propositum habuerit inofficiosum testamentum dicere, l. 5. C. eod. Pater tuus post litem contestatam, vel idem pater tuus postquam propositum habuit dicere inofficiosum, nondum lite contestata decessit: quocunque modo potes exequi patris placitum, & patrem hoc propositum habuisse apparet ex comminatione & denuntiatione, & libelli datione, & ex alio quocunque modo, vt ait d. l. 5. ex mota controuersia. Incipit lis à contestatione, ordinatur autem contestatione, & ante contestationem controuersia est, non lis. Lis est res in iudiciu deducta. Igitur in d. l. 5. propositum habere sic accipitur, vt illo loco Cæsar, Cæsar cum in Belgico hyemaret, unum propositum habuit, ciuitates in amicitiam confirmare. Et sic propositum accipitur in l. in plures §. locator, loc. Locator, qui locaturus erat horreum, proscriptum titulum habuit ante horreum, se locaturum horreum cuicunque volenti, ea lege tamen, ne reciperet custodiam auri, argenti, margaritarum, quæ inferrentur in horreum. Eas vero species cum sciret inferri in horreum, passus est inferri. lex ait, eum esse obligatum custodiæ nomine, etiam propter eas res, quod propositum non fuit: sic legunt Græci, Florentiæ aliter, vulgo aliter, ac si propositum non fuit. Deinde sequitur, remissum etiam videtur, quod sciens passus est eas species inferri. Ergo obligatur etiam earum rerum nomine. Nec igitur sui, nec extranei, hoc est, emancipati, vel pater, querelam transmittunt ad heredem, quam non præparauerunt: quod confirmat etiam l. si quis adfirmant §. 1. de dolo. Supprimebas tabulas testamenti paterni, nesciebam quis in eo testamento esset scriptus, an ego essem in eo exheredatus; non præparauit querelam, & mox vita decessit: non transmisit igitur querelam ad heredem, quæ res fraudi est heredi, & causa fraudis est suppressor testamenti, ideoque heres poterit agere ciuilitate de dolo in suppressorem, & criminaliter lege Cornelia. ex quo intelligitur, querelam non præparatam non transmitti. Querela est specialis actio iniuriarum, actio iniuriarum non transmittitur in heredem, nisi post litem contestatam, l. 13. in prin. de iniur. Possis addere, nisi post litem præparatam, licet nondum contestata sit, exemplo querelæ, quæ & ipsa est actio iniuriarum specialis quædam. Idem, quod constitui, verum esse demonstro, querelam non præparatam, quæ competebat suo, vel non suo, non transmitti. Querela est ciuilis, vel possessoria petitio hereditatis. Ciuilis si adierit, & extiterit suus: Possessoria ex iure prætorio est vindicatio hereditatis, l. 3. C. de petit. hered. qui agit querela, vindicat hereditatem, & sunt stulti, qui in eo laborant, idem non esse in iure querelam inoffic. & petitionem hereditatis, l. 20. h. t. l. si quis seruum, C. eod. l. ult. §. sed quem adm. de bon. poss. contra tab. Petitio autem hereditatis quæcunq; ex causa intendatur, nunquam in heredem transmittitur, nisi ea contestata, & præparata fuerit. Paulus 1. Sentent. Petitio, inquit, hereditatis, cuius defunctus litem contestatus non est, ad heredem non transmittitur. Loquitur de lite contestata, sed non est nouum, vt quod dicitur de lite contestata, ad litem præparatam transferatur, l. sed et si lege §. si ante, de petit. hered. Senatus de petitione hereditatis, loquitur de lite contestata, vt post litem contestatam malæ fidei possessores existimentur, sed trahit etiam ad controuersiam motam, & ita in tit. C. de usur. legat. dicitur, vsuras venire ex lite contestata: proculdubio veniunt etiam ex lite præparata. post litem contestatam actionem iniuriarum, & omnem venientem ex delicto, transmitti ad heredem. Idem potest dici post controuersiam motam. motus controuersie litis ordinatio est. cur non transmittam ius. ad quod persequendum me præparauit, in quo exequendo minime segnis, aut vecors fueram? Illud etiam addendum, petitionem hereditatis non transmitti ad heredem, nisi adita sit hereditas, vel agnita bonorum possessio. non adita hereditas non transmittitur, non adita vel non acquisita alio



modo. Sunt multi modi acquirendæ hereditatis: aditio, A  
cretio, petitio bonorum possessionis. Et hodie ex consti-  
tutione Iustin. quodlibet indicium, etiam pro herede ge-  
stio, existentia siue ἀνάπαυσις, mistio, agnitio, & in summa  
quodlibet indicium animi volentis amplecti bona quæ  
deferuntur. Ergo non acquisita hereditas non transmitti-  
tur. Ab hac regula excipiuntur cōstitutiones Theodo-  
sij, liberi non sui: nam hi hereditatem parentum non adi-  
tam transmittunt ad liberos suos vel non suos, l. vn. de his  
qui ante apert. tabul. l. vn. §. in nouiss. C. de cad. t. l. libe-  
ros suos certum erat transmittere, quia existebant statim,  
sed transmittabant sui tantum in liberos suos: ex consti-  
tutione Theodosij transmittunt omnes in liberos non  
suos. Item non sui liberi transmittunt in quosunque li-  
beros, vt quod ad causam transmissionis hodie atinet, ni-  
hil plane interfit inter suos, & non suos. Et hæc quidem B  
dicuntur de liberis non exheredatis: nam exheredati non  
possunt transmittere hereditatem, quæ eis adempta est,  
siue sint sui, siue emancipati, nisi præparauerint querelā.  
Obstat autem si quis filium, C. hoc tit. l. pen. §. ult. h. tit. ex  
quibus elicitur, liberos exheredatos transmittere quere-  
lam ad heredem suum, quam non præparauerint. Et vt hi  
loci concilientur, sic distinguendum est: Aut heres exhe-  
redatus extraneus est, aut suus. si est extraneus, querela  
præparata non transmittitur. Si est suus: aut exheredatus  
decessit post aditionem heredis scripti, atque adeo iam  
nata querela, & hoc casu non transmittit querelam: non  
præparatam, nec in filiumfamil. heredem suum: cur enim  
eam non præparauit, cum ei ex aditione heredis scripti  
competebat? Aut decessit deliberante herede scripto, &  
hoc casu transmittit in suum, non extraneum; & hoc casu  
procedit d. l. Postremo interdum querela præparata non  
transmittitur, vt puta, si filius exheredatus, qui eam or-  
dinauit, vel contestatus est litem, post litem derelique-  
rit, hanc non transmittit. nam & ipse ad eam postea re-  
uerti non potest, l. 8. §. si quis, h. tit. At querela inofficiosi  
imitatur actionem iniuriarum, de qua tit. est, de iniuriis.  
nam iniuria est, id est de nota & macula exheredationis,  
l. 8. in prin. h. t. Filius, qui est in mea potestate, præteritus  
est testamento matris, an agam querela inuito filio? mini-  
me, quia filij indignatio est, vt ait l. filius, h. tit. & quamuis  
querela vindicet hereditatem, tamen magis habet perfe-  
ctionem iniuriæ, quam hereditatis, sicut actio iniuria-  
rum, quamuis, si qui ea agit, agat de imminuto honore po-  
tius, quam de ademptis bonis. Id querelæ nomen demon-  
strat, queritur enim de iniuria sibi facta, cuius pretium  
nulla hereditas æquare potest: queritur ergo de iniuria  
sibi facta, de impietate patris aut filij: quamobrem Rhe-  
tores quidem, vt Fab. lib. 7. c. 4. has causas de inofficioso  
testamento vocauerunt *materias officiorum*. Actio iniuria-  
rum generalis, finitur pactione & dissimulatione, & de-  
nuntiatione, l. non solum, §. 1. de iniur. & sic etiam quere-  
la inofficiosi aboletur dissimulatione, l. 1. C. de in integ.  
rest. Ergo & aperta renuntiatione, quod hic demonstra-  
tur. Oportet perferre accusationem inofficiosi, si quis ad  
eam velit reuerti: sin autem volunt transmittere, satis est,  
si præparauerint. Itaq; per omnia fere querela similis est  
actioni iniuriarum. Hoc est dissimile, quod actio iniuria-  
rum sit annalis, querela quinquennalis. igitur grauior est E  
iniuria exheredationis, cū non tantū imminuat honorem,  
sed etiam adimat hereditatem debitam ratione naturali.  
Quod diximus, querelam inofficiosi, iniuriæ, doloris, vin-  
dictæ potius, quam pecuniæ persecutionem habere, id-  
que demonstrare querelæ nomen, & accusationis, hinc  
dico, consequens esse querelam inofficiosi, non compu-  
tari in bonis ante litem contestatam, vel præparatam: cæ-  
teræ actiones computantur in bonis, nomina quoque,  
sed non hæ actiones, quæ vindictam persequuntur, vt  
actio iniuriarum, & actio de morib. l. 1. §. sed si parente, si  
quid in frau. pat.

## Ad §. filius.

§. Filius species hæc est: paterfa. duos ex æquo heredes  
scripsit, extraneum & filium, alium filiū exheredauit, qui  
egit querela inofficiosi contra vtrumque heredem scri-  
ptum, & diuerfas iudicum sententias tulit. Extraneum  
vicit, fratrem non vicit. Notandū, quod ait, *diuerfas iudi-  
cum sententias tulit*. De inofficioso testamento non vnus,  
sed plures iudices iudicabant: querela enim inofficiosi est  
centumuirale iudicium, l. Titia, l. qui repudiantis, h. t. Sed  
vt omnis petitio hereditatis centumuirale iudicium est,  
neque tamen centumuiro iudicabant: sed ex eo ordine se-  
ptem, vnde septemuirale iudicium dicitur querela inoffi-  
ciosi, vt liquet ex inscriptione l. 28. & l. 31. h. t. Sic hodie  
de quacunque causa senatores omnes non iudicant, sed se-  
ptem sufficiunt cuique rei iudicandæ. Sic igitur in propo-  
sita specie euenit, vt filius exheredatus vno septemuirali  
iudicio vinceret extraneum, altero vinceretur à fratre, vel  
etiam vno eodemque iudicio vinceret, & vinceretur.  
Queritur, an aliquid profecit, qui non vtrumque vicit, sed  
alterum tantum? Res non caret dubio: nihil enim videtur  
egisse is, qui non vtrumque heredem vicit: nam vicisse  
vnum magis videtur prodesse coheredi, vt eius parti pars  
socij accrescat potius, quam victori, vt alias querela non  
proficit ei, qui vicit, sed alij, l. 6. §. pen. h. t. nam si dixerim-  
us in hac specie victoriam ei, qui vicit proficere, dixerim-  
us, eum esse ab intestato heredē pro parte, qui pro parte  
patremfa. intestatū fecerit, eum autē, quem non vicit, tes-  
tamento heredē esse, quod est absurdū, l. 7. de reg. iur. Aut  
certe, si aliquid egit exhered. qui vnū tantū exheredib. vi-  
cit, totum testam. deleuit, quasi furiosus testator fuerit, &  
nō sanæ mentis, infans l. 2. l. Titia, l. mater, h. t. Et hic co-  
lor tanti est momenti, vt nec credatur testamenti habuisse  
se factionē, l. qui repudiantis §. ult. h. t. Ac consequenter, vt  
nihil in eo testamento scriptum valeat, & omne iudiciū  
defuncti conuellatur, l. nec fideicom. de leg. 3. Et quamuis  
pater, qui vnum filium exheredauit, in eo testamento aliū  
filium instituerit, non ideo minus testamentum dicitur  
plenum furoris, apud Val. Max. lib. 7. ca. 8. Igitur, si vnum  
tantum vicit, totum iudicium patris euertisse videtur. Et  
veluti ab intestato diuidenda sunt bona inter exhereda-  
tum & institutum, & hæc ratio dubitandi. Equius tamen  
est, pro parte testamentum consistere, pro parte rescindi,  
pro parte patremfa. intestatū fieri, pro parte testatum ma-  
nere, & victoriam exheredati in hoc ei prodesse, vt sit he-  
res ab intestato pro parte, vtque exerceat actiones here-  
ditarias pro parte: nam & conueniri potest pro parte à  
creditoribus hereditariis, non à legatariis & fideicom. nam  
is solus, qui ex testamento heres manet, præstabit à  
se relicta, l. indicata, de except. rei iudic. l. pater, de collat. dot.  
l. cum filius, de leg. 2. l. cum duobus, C. hoc tit. Nam in totum  
rescisso testamento, infirmantur omnia, sed testamento  
rescisso pro parte, non totum infirmatur, neque libertates,  
neque fideicommissa. Parte pretij victori soluta, non  
infirmitur substitutio pupillaris, l. 8. §. sed nec impuberis,  
h. t. Potes enim similiter dicere, non infirmari tutelas pro  
parte rescisso testamento, non in assem. His addit, exhe-  
datum quoque, qui vnum ex heredibus superauit, ab al-  
tero superatus est, recte vindicaturum pro parte singulas  
res hereditarias, recte acturum familiæ eriscundæ cum  
eo, quem non superauit. Repelli igitur à testamento ex-  
traneum, vt ait fratrem scriptum ex testamento heredem  
remanere pro parte, fratrem exheredatum ab intestato  
heredem fieri pro parte. Et rationē dubitandi, quam an-  
te exposuimus, Papinian. refellit his verbis, *nec absurdum,  
&c.* Quod sic declarat: absurdum est paganam (nam in  
milite aliud est) pro parte decedere testatum, pro parte  
intestatū. Et quod videantur hæc absurda, si paganus for-  
te vnicum heredem scripserit ex fundo certo, is erit heres  
ex asse, non ex fundo illo dumtaxat, l. 1. §. si ex fundo, de



*hered. inst.* Et causa testati trahit causam intestati: sicut contra euenit, vt causa intestati trahat causam testati, *l. pen. de inust. rupt.* Absurdum autem non est, testatum ex post facto pro parte intestatum fieri. aliud est esse, aliud videri, aliud decedere pro parte intestatū ab initio, aliud postea decessisse videri. Et rursus aliud est videri, aliud esse. Qui sit intestatus, videtur esse, nec tamen fuit ab initio. & certe in *l. 6. §. pen. & l. qui repudiantis, h. t.* eum, qui egit querela & obtinuit, patremfamil. facere intestatum; obtruncat, vt fiat intestatus, non etiam, vt decesserit. Et absurdum non est, testatorem habuisse partem mentis sanā, aliam insanā, vt simuletur quis furoris pro vna parte, non autem pro altera parte. Hodie qui filium exheredauit inmerito, non per omnia habetur pro furioso, *Novell. Justin. 115.* quia sola institutio viciatur, non autem cetera. Ad hæc notandum, aliis etiam modis euenire, vt per querelam testamentum rescindatur etiam pro parte tantum, vt si filius exheredatus, vel præteritus elegerit vnum ex heredibus, contra quem institueret querelam: nam querela institui potest pro parte, vt quælibet petitio hereditatis. Et hic casus proponitur in *l. 25. §. h. t.* Est alius casus, si frater fratrem silentio præterierit, & duos extraneos heredes scripserit, vel vteriores cognatos, vnum honestum, alterum turpem. nam frater præteritus vtiliter aget aduersus personam turpem, atque ita aget, duntaxat pro parte, id est, pro semisse adscripto turpi personæ, eique eripiet partem suam, *l. circa, h. tit.* Idem etiam accidit in hac specie: Pater filium heredem scripsit ex asse, alium filium exheredauit. an hic acturus est contra fratrem in solidum querela? minime, sed in partem tantum: atque ita pro parte valebit tantum, pro parte rescindetur, pro parte pater manebit testatus, pro parte intestatus. Vel finge: Testamento parentis duo filij sunt exheredati, vel præteriti, primus & secundus: tertius, qui etiam erat ex filiis, heres est institutus: si primus agat prior, secundus non agat, primus aget pro triente, licet secundus nondum agat, quia secundus eis partem facit, quandiu consultat & deliberat, hoc est, inter participes numeratur; sed si secundus repudiauerit, vel si agnouerit iudiciū defuncti, puta si agnouerit legatum sibi in testamento relictum, si testamentum patris patientia honorare, quam iudicio accusare maluit, vel exclusus sit quinquenniū, partem non faciet primo. Proinde primus consequetur semissem à fratre herede scripto, *l. seq. in princ. l. qui repudiantis §. sed quoniam, hoc tit.* vel etiam in hac specie, si primus egerit pro triente, vel si trientem consecutus fuerit, tantum abest, vt eum trientem communicet secundo, qui repudiavit, vt & pars secundi ei accrescat pro rata. non accrescet vtrique primo & tertio scripto extraneo, soli primo adcrecet, & repelletur extraneus, repelletur etiā secundus frater, propterea quod repudiavit, aut exclusus est, iudicium inofficiosi cecidit, *l. si ponas §. vlt. Exheredatus qui egit, nec obtinuit, habetur pro mortuo, l. 1. §. sed & de coniung. cum emanc. lib. l. qui repudiantis, hoc tit.* Exheredatus qui nondum egit, nec tamen repudiavit, non habetur pro mortuo, & partem facit fratri. Idem vero accidit in casu *leg. mater, hoc tit.* Finge: mater heredem extraneum scripsit, vel ex dodrante, filiam ex quadrante, aliam præteriuuit, omisit, neglexit, quæ egit querela contra sororem & extraneum. non recte egit contra sororē, recte contra extraneum, non debuit admitti contra sororem. sed ponit admissam, atque peregrisse, vindicasse igitur assem. cum vtrumq; heredem conuenerit, aut obtinuit assem, aut dodrantem tantum: si assem, soror scripta ei concurret in legitimam hereditatem ab intestato, quia licet adierit ex testamento, quod existimabat valere, aut rescissum non iri, non ideo videtur repudiasse ius legitimæ successionis, *l. legitima, de petit. hered. l. 42. de bon. liber.* Quod si dodrantem tantum obtinuerit, id est, si obtinuerit tantum contra extraneum, is dodrans ita diuidetur inter sorores, vt filia præterita habeat semissem ab intestato, & alterum quadrantem ex testamento. atque

A ita fiet, vt soror scripta, sit partim heres ex testamento, partim ab intestato: proinde querela inofficiosi non hoc tantum efficit, vt vnus sit heres ex testamento, alter ab intestato, sed etiam efficit, vt vnus idemque homo partim heres sit ex testamento, partim ab intestato.

Ad l. 3. qui test. fac. poss.

*Testamenti factio non priuati, sed publici iuris est.*

**T**estamenti factio dupliciter accipitur, proprie pro iure faciendi testamenti, & minus proprie, hoc est, per abusionem, videlicet pro iure capiendi & acquirendi sibi vel alij ex testamento alieno. Et hoc sensu dicimus, furiosum, mutum, surdum ita natum, postumum, infantem, pupillum, seruum habere testamenti factionem, licet non possint facere testamentum, *l. filiusfamil. hoc tit. §. testamenti, de hered. qual. & differ.* Seruum cum dico habere testamenti factionem, licet testamentum facere non possit, seruum alienum intelligo, quia seruus proprius sine libertate neque hoc, neque illo modo testamenti factionem habet, & cum libertate vtroque modo habet; imo & hodie ex nouissima constitutione Iustiniani, id est, *l. pen. §. illo vide! C. de necess. hered. inst.* Seruus proprius sine libertate habet testamenti factionem, id est, ius capiendi legata, aut fideicommissum. non hereditates. Fit igitur seruus heredis, & tamen heres ei persoluit legata, quæ dominus reliquit, nec ei potest adimere, aut in peculium imputare iure antiquo. Serui etiam proprii sine libertate dicebantur alimentorum esse capaces, quasi miserationis ratione, non tamen omnium legatorum. sed hodie etiam omnium sunt. Furiosum quoq; dixi habere testamenti factionem, quia ei acquiruntur actiones legatorum & fideicommissorum, etiam inuito & ignoranti. Quod sanus acquirat inuitus & ignorans, etiam insanus acquirat, *l. filiusfamil. h. t.* Non tamen potest furiosus acquirere hereditatem, nisi ex testamento patris, in cuius sit potestate, *l. furiosus, de acquir. hered.* Patri heres existit etiam inuitus, & ignorans ipso iure. extraneo heres fit, non existit. nemo autem fit heres insciens aut nolens. His duobus modis in iure testamenti factio accipitur: nunquam testamenti factio accipitur (quod tamen tentat Accursius) pro forma, modo, & ordinatione testamenti, sed semper testamenti factio, vel est potestas legandi, vel potestas capiendi legatum, hoc est, hereditates, & quæcunque relinquuntur testamento iusto. Est autem hic testamenti factio, ius, potestasq; testamentum faciendi: nā pertinet ad partem priorem tit. *qui testam. fac. poss.* Et ait lex, hanc potestatem esse publici iuris, non priuati: nam hanc accipimus ex legibus & constitutionibus, nō ex hominis cuiusquam priuati voluntate. Exemplo erit filiusfamil. Hic de bonis castrensibus, vel quasi castrensibus testamentum facere potest, & hanc potestatem accepit à iure publico & constit. principum, cum in his bonis habeatur semper pro patrefam. De paganis bonis vndecunque obuenerint filiofa. etiam si eorum bonorum proprietates nuda, vel etiam plena ad filiumfam. pertineat, de eis, inquam, bonis testamentum facere non potest, *l. Imperator, ad Trebell. l. vlt. §. si filius, C. de bon. quæ liber. acq.* Cur ita? iure publico ita cautum est, puta in *l. 12. tab. paterfam. uti legassit super pecunia tutelae suæ, ita ius esto.* Testatorem patrefam. esse oportet, id est, sui iuris. nec quicquam mutat ex hoc iure publico hominis priuati voluntas, vt puta patris, & nec auctore patre iure filiusfam. testatur de bonis paganis, *l. 6. hoc tit. l. tam is §. 1. de mort. caus. don.* Sed filiusfam. de castrensibus bonis iure testatur sine patris auctoritate: sufficit enim constitutio, & datur hac in re tutori plusquam patri: nam fœmina pubes, quæ erat in tutela (mas enim pubes nunquam fuit in tutela) olim sine tutoris auctoritate non poterat testari, *Ulp. tit. 26.* Et similiter pupillus tutore auctore obli-



gatur, patre auctore non obligatur, *l. ult. §. pupillus, de verb. obligat.* etiam si permittat pater, filius non potest testari de peculio pagano, quia quum de testamenti factione quaritur, quid iure publico cautum sit, spectatur, nec potest iure publico potentior esse hominis priuati voluntas. Denique testamenti factio, non priuati, sed publici iuris est. At filius donare potest, vel inter viuos, vel mortis causa volente patre, *l. filiusfam. de donat. l. tam is §. 1. de mort. caus. donat.* Quod paterfam. donationis causa in eo, qui in potestate est, approbat, ratum est. Similiter volente patre vouere potest filius, *l. 2. de pollicit.* Ratio, quia donare quilibet & vouere Deo aliquid per alium potest, testamentum facere per alium non potest, *l. illa institutio, de hered. inst. & filiosfam. donante aut vouente aliquid voluntate patris, pateripse videtur donare aut vouere, l. in adibus §. qui filiusfam. de donat. & rursus donare aut vouere de alieno licet mandatu aut voluntate domini: testamentum facere de alienis bonis non licet, quod indicant 12. tabulæ, paterf. vti legassit super pecunia tutelae sua, ad quod respicit *l. testandi, C. de test. l. cum pater §. mand. de leg. 2.* nam videtur, inquit, de sua pecunia testari. Vnus tantum casus est, quo licet de aliena pecunia testari, nam pater potest facere testamentum filiosfam. pupillo, quo genere non testatur de sua pecunia, sed de pupilli, *l. sed etsi plures §. ad substit. de vulg. subst.* Hoc igitur casu pater testatur de pecunia pupilli, ergo aliena etiam, quæ post mortem eius pupillo obuenerit, quanquam ei filius nunquam acquisierit, quod est contra 12. tab. quæ de causa dicitur introductum esse moribus: non enim est secundum leges 12. tabul. Vtimur etiam alio exemplo ad hanc legem: libertus liberam testamenti factionem non habet, quia patronum impune præterite non potest: hoc est ius publicum, quod descendit ex edicto prætoris, & lege Papia. an iuri huic publico derogabitur, si patronus liberto concesserit liberam testandi facultatem? minime, *l. Paulus §. patroni, de bon. libert. potest patronus de iure suo concedere, & patienter ferre præteritionem liberti, sed liberam testandi facultatem liberto concedere non potest, quia illud non est priuati hominis, sed lex vel princeps concedit liberam testandi facultatem, l. si quando, C. de inoffic. testam. l. 1. l. si à milite §. ult. de testam. milit. l. 7. hoc tit. l. 3. §. 1. de bon. libert. l. 4. C. eod.* Et rursus, patronus liberto tacite potest concedere liberam testamenti factionem, vt si libertum dimittat operarum obligatione, si liberto concedat operas, donum, munus, *l. libertus, de oper. liber. l. 4. C. eod. vel si quo alio modo remittat ius patronatus, l. pen. l. ult. C. de bon. libert.* nam ex his sequitur, vt libertus liberet testari possit, sed nominatim hoc concedere patronus non potest. multa licent tacite in iure, quæ non licent expresse, *l. nonnunquam, de condit. & demonstrat.* seruus non potest facere testamentum: quod si permittat dominus seruum facere de suo peculio, non ideo magis erit legitimum testamentum. non accipio potestatem testandi à priuato, sed à lege. quod si lex non dederit, nec dabit priuatus, sed factor, conuiuente domino posse conseruari etiam testamentum serui. Finge: volente domino seruus de peculio testamentum fecit. non est legitimum, sed quandoque id obseruabatur & exequabatur. Quod etiam transferri potest ad filiosfam. si volente patre de paganis testatus sit, nec post mortem filij mutante factum, non est quidem legitimum, sed seruatur quasi legitimum: non est testamentum, sed quasi testamentum, vt testamentum, quo filiusfam. præteritus est, sustinetur ex æquo & bono, si filiusfam. honoret patientia testamentum, neque conuellat, *l. filio, de in iust. rupt.**

#### Ad l. 8. ad l. Falcid.

*In legem Falcidiam æris alieni rationem in hereditate relictæ, quod vnus ex heredibus soluere damnatus sit, ipse solus habebit.*

**A** Sciendum est, in ponenda ratione legis Falcidiæ, quod sit hereditate exhausta, aut onerata legatis, aut fideicommissis, rationem poni habita computatione bonorum & legatorum. in hac ratione ponenda, ante omnia deducitur æs alienum, quia bona intelliguntur deducto ære alieno. Et vt deductio fiat, cautum fuit nominatim *l. Falcidia*, quæ heredi dedit quadrantem ex legatis, & ex Senatusc. Pegasiano, quod heredi dedit quadrantem ex fideicommissis, *l. 1. §. hac verba, si cui plus quam per l. Falc.* Ergo primam deducitur æs alienum, deinde quod superest inter heredem & legatarios diuiditur pro quadrante & dodrante. Legatum est delibatio hereditatis; Hæc definitio confecta fuit post *l. Falc.* nam ex ea legatum potest delibare tantum hereditatem, non absumere. **B** Item illud sciendum est, in singulis heredibus poni separatim rationem *l. Falcidiæ, l. in singulis, h. t.* Finge: duo sunt heredes ex æquo, Primus & Secundus; Primi semis exhaustus est legatis, Secundo totorum bonorum quadrans relictus est. Secundus non vtetur Falcidia, sed Primus, deducto ære alieno, quod contingit semissem. Finge: plures instituit heredes, & vni iniunxit onus æris alieni, non cæteris: ea re cæteri heredes non liberantur à creditoribus hereditariis, quia non potest priuati hominis voluntas mutare leges, & *l. 12. tabul. hæc est, vt æs alienum defuncti diuidatur inter heredes pro hereditariis portionibus.* Ergo etiam si vni iniunxerit onus æris alieni, tamen cæteri pro suis portionibus obligantur, sed indemnes præstandi sunt à coherede, idque consequuntur iudicio familiæ ercisc. vel etiam actione ex testamento, si genere legandi aut prælegandi vsus sit testator, id est, si onerando vnum ex heredibus forma legandi vsus sit, quasi scil. legaret aliis heredibus id, quo onerabat vnum in solidum, *l. si filia §. Pap. fam. ercisc. l. non solum, infr. de lib. leg.* Omnes igitur heredes creditoribus tenentur. Quaritur, an in ponenda ratione *l. Falcidiæ* etiam omnes heredes vtantur deductione æris alieni, quoniam ei omnes sunt obnoxij? & videntur omnes posse vti deductione, cum ei omnes obstricti sint. At contra respondet Papin. ergo vtetur deductione is tantum, cui iniunctum est onus æris alieni, deductione duplici, primum æris alieni, deinde ex reliquo deducta ei Falcidia. Et ita summarium rectissimum est *l. in leg. ad l. Falcid. æs alienum deducitur ab eo, qui id solus agnoscere cogitur.* Et Cyrillus rectissime, vnus heredum rogatus implere creditores, solus deducit æs alienum. Implere etiam creditores & Græcis, & Latinis est, soluere creditoribus. Vti Falcidia non tantum est deducere quadrantem, sed etiam æs alienum: nam non tantum quadrantis, sed etiam æris alieni deductio nominatim comprehensa erat lege Falcidiæ, & Senatusconsulto Pegasiano.

#### Ad l. 34. de testam. milit.

*Eius militis, qui doloris impatientia, vel radio vite morte maluit, testamentum valere, vel intestati bona ab his, qui lege vocantur, vindicari, Diuus Hadrianus rescripsit.*

**N** On est dubium, quin hæc lex sit adscribenda Papin. non Paulo: hoc series legum ostendit, præcedunt enim semper quæstiones responsa, definitiones Papin. sequuntur, post Pauli quæstiones: ac præterea Paulus 14. quæst. nihil tractauit de testamentis; Pap. vero totum 14. in testamentis tractandis consumpsit, & de testamento militis. Iam vnus locus Papin. ab Vlp. probatus est ex lib. 14. in *l. in fraudem §. ult. h. t.* vt bon. possessio secundum tab. militis ultra tempora præfinita non possit agnosci: nam Constit. militi dederunt testamenti factionem, non heredi militis liberam aditionem. Et vt ait *d. l. in fraudem*, generalis est edicti determinatio. comprehendit igitur ea determinatione militis tam militem, quam paganum, ac proinde bon. possessio secundum tab. militis liberis eius est agnoscenda intra annum: à cæteris intra 100. dies.



dies, alioquin submouentur præscriptione temporis, & amississe bona intelligitur, atque ita nulla differentia est inter militem & paganum: nam & huius & illius heres obseruat tempora successorij edicti. Igitur privilegium datur militi, non heredi eius. Et addamus nunc ex initio legis, nullam esse differentiam inter paganus & militem, de eo, qui sibi mortem conscivit, cum habeat heredem testamentarium, vel legitimum, vel honorarium, quarritur an bona eius caduca fiant, quæ quæstio olim erat frequentissima. Et si miles vel paganus mortem sibi consciverit timore mortis, veluti percussus conscientia criminis capitalis, quod admisit, cuius postulatus est, vel in quo deprehensus est, & ex quo sollet esse pœna mors vel deportatio, & bonorum publicatio, si inquam, metu futuri supplicij mortem sibi consciverit, testamentum quod fecit, non valet & irritum fit. imo qualibet alia voluntas, & donatio causa mortis, etiam hac in causa comparatur ultimæ voluntati, l. cum hic status §. si maritus uxori, de donat. inter vir. & uxor. Ac præterea non habet heredem, sed bona fisco vindicantur, l. 6. §. eum qui, de iniust. rupt. l. in fraudem §. eius bona, de iure fisci, & non luget eum vxor, neque parentes iusta ferunt suspendioso, id est, qui suspendio vitam finivit, ut ait l. liberorum §. non solent, de his, qui not. infam. & consequenter corpus non humatur, quod fit hodie, sed cruci affigitur: quia qui ita sibi mortem conscivit, pro confesso habetur, convicto & condemnato, ipse de se sententiâ tulisse videtur, l. ult. §. 1. de bon. eorum, qui ante sentent. Et condemnati morte non humanantur, nisi ex indulgentia principis, tit. de cadaver. pun. Quibus est similis, qui sibi mortem conscivit metu imminentis pœnæ criminis, sed necesse est, ut eius criminis reus postulatus sit, vel in eo deprehensus: nam deprehensum non est necesse postulare, sed subito pœnam statim. Ergo talis si sibi mortem consciscat, pro damnato habetur, modo postulatus sit criminis capitalis: nam qui non postulatus criminis capitalis, puta modici furti, non pro damnato habetur. Huius ergo bona publicantur, ac si mortis pœna affectus esset, qui maluit mori, quam damnari morte naturali & civili, qui ne moreretur, mortuus est sua manu. Ergo, qui est criminis capitalis postulatus, si sibi mortem consciverit, pro damnato habetur, non habetur pro ciue. nulla igitur est rata eius ultima voluntas. Sed si non postulatus sit, quamvis crimen admiserit, & post sibi manus attulerit, bona eius fisco non vindicantur, quia ut eleganter ait Papinian. in d. l. ult. §. 1. non fati celeritas est obnoxia, id est, quod quis sibi properauerit fatum: nam fati celeritas non est obnoxia pœnæ, sed conscientia criminis, & non reus est criminis, nisi postulatus sit, vel deprehensus. Illo loco Florentiæ legitur, non fati, sed legendum est, fati, quod sæpius etiam legitur in Florentin. factum, pro fatum, nihil refert sua quis sententiâ morte moriatur, an sententia iudicis. Et hæc de his qui conscientia criminis sibi mortem consciverunt. Alij sunt, qui sibi mortem consciverunt tædio vitæ, stulti, miseri homines, doloris impatientia, & valetudinis aduersæ, pudore æris alieni, quam mortem Stoici vocant εὐλογοῦν ἐξ ἀγῶνισιν. Et nostri quoque auctores l. ult. §. ult. mortem conscitam vocant. Iusta causa præcedente, qui sunt imbuti à Stoicis. dolorem separant ab aduersa valetudine. nam & potest esse aduersa valetudo sine sensu doloris. Dolor, est luctus vel amissæ vxoris, vel amissi viri, d. l. ult. §. videri. Et dolor etiam corporis, sicut qui furore vel iactatione moriuntur suis manibus, l. 6. de iniust. rupt. Quæro, qui ob has causas mortem sibi consciverit, an eius testamentum valeat? Et definierunt valere quamlibet ultimam voluntatem, siue sit paganus, siue sit miles: nam Adrianus hoc loco definivit, nihil interesse: eorū enim corpora humanantur, testamenta manent, si non testati sint, habent heredes successores ordinarios, quibus deficientibus iure communi bona pagani cedunt in fiscum, bona

A militis cedunt in legionē, aut in vexillationem, in qua militat. Legio est peditum, vexillatio equitum, l. 2. C. de hered. decur. l. 6. §. 7. de ini. rep. militi, qui intestatus decedit sine vllō successore civili vel prætorio, succedit legio. ac præterea in exercitu erant librarij caducorum, qui conficiebant rationes eorum bonorum, quæ morte militis cadebant in legionem, l. ult. de iure immun. quæ tota pertinet ad rem militarem, ut indicat inscriptio legis. Et hæc traditio de milite, qui tædio vitæ, vel alia ex causa simili, non conscientia & metu furiarum sibi mortem conscivit. Quod potest etiā procedere in milite mortuo sua morte: nā ei succedet legio, deficiente successore ordinario, fiscus succedet. Loquor igitur de milite indemnato, qui vita decessit sua morte, vel adscita citra conscientiæ metum: nam militis damnati ex delicto militari, vel defectionis vel prodicionis, bona fisco vindicantur. Quod est ex eodem rescripto Adriani. Et ita est accipienda l. 2. de veteran. & mil. success. alioquin d. l. 2. valde pugnaret cum eo, quod diximus, legioni bona vindicari, sed bona damnati est intelligendum. Obseruandum etiam est, secundū hanc definitionem ex eodem rescripto Adriani, militem, qui manus sibi intulit, nec perpetravit, alias ignominia mitti, alias capite puniri: nam si metu criminis sibi manus intulerit, ex quo crimine pœna sit mors vel deportatio, capite punitur, atque si damnatus esset. Et notandum etiam, eum militem, qui sine causa se vulneravit, nec necavit, capite puniri, id est, qui non conscientia criminis, non tædio vitæ, non furore impulsus, sed quia non cupit viuere, quasi ignauus capite punitur. Et vitatur l. ult. de bon. eor. qui ante sentent. optima ratione. Qui enim sibi non pepercit, multo minus alij parceret. Igitur melius est, eum de medio tollere. Sed si ex causa manus sibi intulerit impatientia doloris, & tædio vitæ, nec factum peregerit, ignominia tantum mittitur, quasi vir non vir, qui non potest ferre dolorem, l. omne §. qui se vulneravit, de re milit. l. si quod æquum §. ult. de pœn. Et est ex eodem rescripto Adriani. In summa, in ea re, de qua tractat hic Papinianus nihil distat miles à pagano, sed quod sequitur multum distat.

## Ad §. militia missus.

D Militia missus intra annum testamentum facere coepit, nec perficere potuit: potest dici solum ita esse testamentum, quod in militia fecit, si iure militia fuit scriptum: alioquin si valuit iure communi, non esse iure rescissum. Nec tamen circa militem eadem adhibebitur distinctio: nam quocumque modo testamentum fecerit, nouissima voluntate rescindetur, quoniam voluntas quoque militis testamenti est.

E Missus militia, paganus est, non miles. Finge: miles testamentum fecerat in militia iure militari, non obseruatis regulis iuris ciuilibus. testamentum igitur imperfectum: deinde dimissus est. Testamentum quod quis fecit in militia iure militari valet etiam eodem iure intra annum, si modo ignominia missus non sit, si fuerit missio causaria & honesta: Nam si fuerit missio ignominiosa, testamentum fit irritum & nullum, l. testatoris, h. tit. At si fuerit missio honesta propter mortem, aut valetudinem, testamentum post missionem valet intra annum, si post missionem aliud testamentum non fecerit intra annum: nam posteriore prius rumpitur. Quæro an etiam si imperfectum sit posterius, tollatur prius quod factum est iure militia? Vtrumque est imperfectum. Et prius, quia militare, & posterius. Et placet rectissime, imperfecto testamento imperfectum rumpi & solui: sed si in militia iure communi, id est, rite, ordine solemniter testamentum fecit, id non rumpitur posteriori testamento, quod fecit post missionem, nec iure perfecit. Constat perfectum imperfecto non rumpi, sed nec perfectum in militia imperfecto rumpitur, nisi scilicet in posteriore sit scriptus



is, qui rem ab intestato omnimodo habiturus est, l. 2. de ini. rup. quæ ponit hanc regulam, superius testamentum iure perfectum posteriore imperfecto non rumpi, nisi posterius sit factum iure militari, vel nisi in posteriore imperfecto scriptus sit is, qui iure vocatur ad bona. His duobus casibus posterius imperfectum rumpit prius quod erat perfectum. Et hæc ita distinguimus in eo, qui missus est militia: nam in milite non utimur ista distinctione: miles enim siue testatus sit iure communi, siue militari si sit adhuc miles, testamentum eius rumpitur quacunque nouissima voluntate vel perfecta, vel imperfecta. Ergo quælibet voluntas militis, testamentum perfectum est, vt ait l. seq. testamentum militis perficitur sola voluntate. In pagano exigitur solemnitas. Et ideo rectissime statuere possis, testamentum militis iure militari factum, factum esse iure gentium, in quo nulla obseruatur subtilitas iuris, & nulla scrupulositas. Testamentum omne pagani pertinet ad ius ciuile: nã est solemne. An fideicom. sunt iuris ciuilis? minime, quia nituntur sola voluntate, & nutu solo, & gestu relinquuntur. Interpretes in l. hac consultiss. §. ex imperfecto, C. de test. hac in re militi exquant patrem testantem inter liberos, & errant: namq; agunt contra Nou. 107. Patri dabantur hæc duo testanti inter liberos; primum vt esset ratum testamentum factum inter liberos scriptum notis, non literis, l. ult. C. famil. erisc. quod hodie sublatum est d. Nou. nam etiam si inter tuos liberos fecisti testamētum notis, non valet, notis, par chiffræ. Sed non notæ sunt, vt solemus scribere S. P. Q. R. nam testamentum scriptum siglis, singulis, id est, singularibus literis valet, vt S. P. Q. R. Alterum, quod datur patri hoc est, quod etiam hodie manet, vt valeat testamentum, licet sit imperfectum, ex d. §. ex imperfecto. quod vulgo accipiunt perperam generaliter: nam si generaliter verum est, testamentum omne factum inter liberos valere, & hoc imperfectum valeret testamentum notis scriptum, vel sine testibus, quis hoc dicat? nam ne militis quidem voluntas valet sine iure, sed imperfectum testamentum in iure est, quod non est signatum septem testium signis: nam hoc solum vitium prætor agnoscit in testamentis. Adde, vel quod non est subscriptum à septem testibus, quod exigunt constitutiones: & sic in l. 6. ad leg. Corn. de fals. Perfecto testamento opponitur non signatum. Et sic d. l. hac consultissima. paulo ante §. ex imperfecto, ait, non signatum, vel non subscriptum à testibus, pro imperfecto haberi. Deinde sequitur, ex imperfecto testamento liberis competere hereditatem, id est, ex testamento non signato. Imperfectum testamentum, quod pater fecit inter liberos, non tollitur qualibet alia voluntate imperfecta, Nou. 107. necesse est, vt posterior voluntas sit iure perfecta, si velit rumpi priorem imperfectam; at testamentum militare imperfecto nouissimo testamento facile tollitur. Legendum est in fine legis, quæque, non quoque, voluntas quæque militis, &c.

#### Ad l. 12. de Carbon. edicto.

*Scriptus heres, contra quem filius impubes qui subiectus dicitur, ex edicto primo bonorum possessionem petit, exemplo legitimi, secundum tabulas interim accipere non potest, quod si medio tempore scriptus, vel ille, qui intestati possessionem habere potuerit, moriantur, heredibus eorum succurrendum erit: quid enim si non potuerunt adire heredem iure cessante, vel ob litem in dubio constituti?*

**S**pecies est: In testamento patris filius impubes præsteritus est, extraneus scriptus. heres scriptus filium præteritum suppositum dicit, atque ita facit ei controuersiam status & bonorum paternorum. filius petit bonorum possessionem ex primo edicto, id est, bonorum possessionem contra tabulas: Nam in ordinatione per-

A petui edicti sub titulo de bonorum possessionibus, prima pars edicti fuit de bonorum possess. contra tab. Quæritur, an etiam heres scriptus interim possit petere bon. possess. secundum tab. vt filius petiit cont. tab. Et ait non posse. Ergo lex siue scriptum Papin. sic est accipiendum, vt ordinariam siue edictalem bonorum possessionem filius petierit, non Carbonianam, quæ est decretalis: vel si Carbonianam, & ordinariam simul, quod & verba demonstrant: neque enim dicit, filium petiisse ex decreto vel edicto Carboniano, sed ex edicto primo. Carbonianum autem fuit secundum edictum, non primum. Et rectissime ait, eo casu, puta si filius petierit ordinariam bonorum possessionem, heredem scriptum interim non admitti ad bonorum possess. secundum tabul. nam si filius solam Carbon. acceperit, vel contra tabul. vel vnde liberi patre intestato defuncto; Carboniana enim adaptatur omnibus bonorum possessionibus, si, inquam, filius petierit solam Carbon. contra tab. vel vnde liberi, quæ quidem durat tantum vsque ad pubertatem, hoc, inquam, casu scriptus poterit petere bon. possess. secundum tab. quia ad plenum bonorum possess. contra tabulas filius non acceperit. Ergo scriptus interim accipiet secundum tab. vel ab intestato, si sit defuncti intestati frater consanguineus, vel patronus, qui filium suppositum esse dicat. Interim enim, si filius, qui subiectus dicitur, petierit Carbonian. poterit & ipse frater petere ordinariam, vnde legitimi, l. 7. §. ult. h. tit. l. 1. §. sed etsi ex Carbon. si tab. test. nulla ext. Carbonianam solam non impedire edictalem bonorum possessionem delatam heredi scripto, vel legitimo, quia temporaria est bonorum possessio. Alia est bonorum possessio edictalis, quæ ordinaria dicitur: alia decretalis, & omnis Carboniana est decretalis, id est, datur causa cognita, non passim & temere. Et hæc sunt summæ differentiæ inter edictalem & decretalem, quod edictalis datur de plano in transitu, en se pourmenant, domi sue, decretalis datur pro tribunali: nã quicquid exigit causæ cognitionem, tribunal exigit. Decretum est causæ cognitio, & quæ post eam sequitur pronuntiatio, & consequenter petendæ bonorū possessioni edictali cedunt dies, quibus prætoris copia fuerit, etiam si non sederit pro tribunali. Petendæ autem decretali cedunt hi tantum dies, quibus prætor sedit pro tribunali, qui appellantur dies sessionum, l. 2. §. dies, quis ordo in bon. poss. l. 5. §. edictalis, vt in poss. legat. l. 3. §. si causa, de bonor. possess. Ac præterea decretalis petitur etiam hodie, edictalis hodie non petitur. Est in agnitione, non in petitione: nam quodcunque indicium agnoscendæ bonorum possessionis sufficit, §. ult. de bon. pos. Sed decretalis petenda est. Item bonorū possessio edictalis potest repudiari intra tēpora præstituta, decretalis nunquam potest, quia id tantum repudiatur recte, quod delatum est: decretalis autem non intelligitur delata, antequam sit decreta, & postquam decreta est, sera repudiatio est, quia iam acquisita est, & quod acquisitum est, non repudiatur, l. 1. §. decretalis, de succes. edic. Ergo decretalis repudiatione non amittitur. Edictalis potest amitti. Vtraque tamen amittitur tempore: vtraque diebus certis finitur, d. §. decretalis, l. 3. §. ult. h. tit. Si filius impubes, qui subiectus dicitur, acceperit solam Carbonianam, scriptus heres admittitur ad possess. bonorum secundum tab. & legitimus, qui filium subiectum dicit, ad vnde legitimi. Sed si filius, qui subiectus dicitur, acceperit ordinariam, heres scriptus non admittetur ad secundum tabulas, exemplo legitimi, vt hoc loco ait, quia scilicet nec legitimus admitteretur ad bonorum possessionem vnde legitimi. Nunc finge, filium impuberem, qui dicitur subiectus, accepisse bonorum possessionem contra tabulas, vel vnde liberi, heredem scriptum non accepisse secundum tabulas, quia non potuit, & interea mortuum esse heredem scriptum, vel heredem legitimum, non accepta bonorum possessione: Deinde post pubertatem iudicatum esse, filium suppositum videri. Quæritur, cū heres scriptus vel legitimus, antequam de ea re iudicaretur mortuus est, an intelligatur trans-



mississe in heredem suum? Et videtur nihil transmisisse, quia interim neque adiuit hereditatem, neque bonorum possessionem agnouit, & verum est, hereditatem non agnitam, nec bonorum possessionem, transmitti, l. 1. C. Theod. de leg. heredib. l. vn. §. in nouissimo, C. de cad. toll. Contra Papinianus scribit, quodammodo transmissioni locum esse, quia illa regula vetus ita est accipienda, si hereditatem quis adire potuerit, nec adiuit. hoc casu heredi nihil transmittit: scriptus autem heres erat incertus de viribus testamenti, & certo iudicio adire oportet, non hæsitante. hæc cessatio cur obicit heredi eius, si postea secundum eum lis detur, ut puta si filius suppositus esse pronuntietur? Atque ita fiet transmissio, non quidem ipso iure, sed interposito decreto à prætore. Et hoc est, quod ait, *heredibus esse succurrendum* B *data bonorum possessione ordinaria, licet eam vnus neque petierit, neque agnouerit.* Quod etiã ratione eadem euenit in specie leg. illud §. ult. & l. seq. de bon. poss. cont. tab. utimur decreti remedio urgente ratione æquitatis: deficientē edicto, de creto fit, si quid æquum est fieri, l. & muliere, de cur. fur. l. 4. bon. libert. Et hoc est, quod ait hoc loco Papinianus. Habuimus etiam alium casum in l. 42. §. ult. de bon. lib. quo videtur vitiari illa vetus regula, id est, quo hereditas non adita transmittitur ex decreto Marci ad heredem suum, quasi agnita ab intestato, qui eam agnauerat ex testamento, & etiam si persequeretur nominatim iure intestati, tamen & iure testati, si illo deficeretur, quodammodo eam complexus videtur. Est & tertius casus, quo vitiatur illa regula ex Theodosio, ut docuimus in l. 19. de inoffic. testam. ut liberi parentum hereditatem non aditam ad quoscumque liberos suos transmittant. Et notissima est constitutio Theodosij: sed illi duo casus, quibus ab eo edicto videtur recedi, sunt cogniti digni. Illis casibus deficit regula iuris, sed æquitatis ratio postulat decreto transmissionem induci.

#### Ad l. 43. de bonis libert.

*Julianus putat patronum, qui Titio pro parte dimidia heredi instituto substitutus, eo deliberante, bonorum possessionem contra tabulas accepit, si postea Titius non adierit hereditatem, nihil ei, qui adiit hereditatem, abstulisse, non magis, quam si sub conditione fuisset institutus. Igitur Titio deliberante, res in incerto erit, utrumne semis ex substitutione in possessionem conuertatur, an Titio adeunte singulis heredibus partes debita auferantur.*

**S**pecies hæc est: In testamento liberti patronus primo gradu præteritus est: scripti sunt heredes Titius & Caius ex æquis partibus. Titio substitutus est patronus, si heres non esset. Caius adiuit hereditatem, Titius deliberat, & interim patronus accepit bonorum possessionem contra tabulas, quasi præteritus, quod potest facere, cum vnus ex heredibus scriptis adierit, alioquin bonorum possessio patrono non datur, non contra lignum solum, sed contra eum, qui ex ligno heres extitit, quia adiuit, quod exposuimus in l. 42. §. 1. hoc tit. Ergo patronus interim deliberante Titio petiit contra tabulas bonorum possessionem, postea Titius repudiavit, & substitutioni locus esse cœpit, vocatus est patronus in semissem. Quæritur, an bon. poss. cont. tab. quam patronus accepit, sit cum re. Non abs re illud quæritur: nam si est cum re, patronus habebit dodrantem, puta semissem ex substitutione, & iure bonorum possessionis contra tabulas Caio aufert quadrantem. Sed verius est, ut Papinian. ex Iuliano refert, ut bonorum possessio, quam patronus accepit, sine re constituatur, nihil auferri Caio, quia existente conditione substitutionis, patrono satisfactum videtur. ex causa etiam substitutionis habet semissem, quæ est portio debita. Et idem erit si extraneus à liberto pure fit heres scriptus ex semisse, patronus sub conditione ex

Quæst. Papin.

A altero semisse, & pendente ea forte patronus accepit bonorum possessionem contra tabulas adita iam hereditate à coherede. Post existente conditione bonorum possessio ea quodammodo erit sine re: Nam ea conuertetur in ius bonorum possessionis secundum tabulas, non licebit patrono ita variare, ut petita contra tabulas bonorum possessione petat secundum tabulas, l. nonnunquam, de leg. præst. sed prætor tuetur eum perinde, atque si accepisset secundum tabulas: hic è contrario euenit ut prætor eum qui petiit secundum tab. perinde tueatur, atque si petiisset contra tabulas, l. 3. de bon. poss. cont. tab. l. 2. §. pen. de bon. poss. sec. tab. Bonorum possessio facile titulum mutat, & ex vno iure migrat in aliud, & ut dixi, bonorum possessio contra tabul. habetur iure bonorum possessionis secundum tab. & è contra: ac similiter bonorum possessio unde legitimi, habetur pro bonorum possessione contra tabulas, l. filius, de coll. dot. Sed si Titius post deliberationem longam adierit, ius bonorum possessionis contra tabul. quam accepit patronus, interim non mutatur, sed plane est cum re, & patronus proportionem cuiusque aufert singulis heredibus, hoc est, Caio quadrantem, Titio quadrantem, atque ita semissem, portionem debitam patrono.

#### Ad l. 12. de castr. pecul.

C *Pater, qui dat in adoptionem filium militem, peculium ei auferre non potest, quod semel iure militia filius tenuit. quæ ratione nec emancipando filium, peculium ei aufert, quod nec in familia retento potest auferre.*

**N**otanda est vna differentia, inter peculium pagani & castrense. Paganum paterfam. demit, adimit nuda voluntate quodcumque vult, ut dominus seruo: non constituitur etiam peculium nuda voluntate, traditione enim opus est: soluitur autem nuda voluntate, l. non statim, de pecul. Et adimit pater filio peculium, vel retento in potestate, vel exempto è familia, veluti cum eum emancipat, vel dat in adoptionem. utroque genere filius exit ex familia. sed utroque genere non fit sui iuris, datione in adoptionem transit in potestatem alterius, puta adoptatoris, & definit esse in patris naturalis potestate: plerumque autem emancipando pater retinet sibi peculium, sed si nihil de peculio dixerit emancipando, tacite videtur ei concessisse peculium, l. donatione §. pater, de donat. Quod obtinet etiam in seruo manumisso inter viuos. nam & ei videtur concessum, si non sit nominatim ademptum §. peculium, Instit. de leg. & hæc de pagano. Castrense vel quasi castrense, etiam si sit profectum à patre: nam castrense peculium dicitur, quod pater filio in militia agenti dedit, l. 11. hoc tit. Paulus lib. 3. sentent. tit. 4. pater nunquam adimere potest filio. Hoc privilegium militia extorsit, quod Papinianus ostendit. primum enim ait, patrem dando filium in adoptionem, non posse ei auferre peculium castrense. Rursus emancipando non posse, ac postremo neutrum horum faciendū non posse, etiam eum filio adimere castrense peculium, licet id ipse de suo constituerit: Est enim non tam peculium, quam patrimonium filij: cum de eo testari possit etiam nolentē patre, & non cogatur id conferre fratribus. Id quoque similiter extorsit fauor dotis: Nam pater dotem, quam semel constituit filiafamil. ei auferre vel minuere non potest, nisi vno casu, si pater redactus sit ad inopiam, Nouell. 97. non potest filiafamil. habere castrense peculium, possit quasi castrense, sunt militiarum quarundam fœminæ quasi capaces: sed & filiafamil. dotem habet propriam, etiam si sit in potestate patris, eamque ei dederit pater. Et hac in re separatur dos à peculio: Nam dos proprie est patrimonium filiafamil., l. denique §. ergo, de minor. l. 4. de collat. bon. l. pater, ad leg. Falcid. Peculium pagani etiam dicimus esse quasi patrimonium, l. hinc quæritur, l. 40. de pecul. l. si decem hered. 17. de statulib.

Bb ij



Ad §. si libertus, l. 1. si quid in fraud. patr.

*Si libertus in fraudem patroni aliquid dederit, dein defuncto patrono, viuo liberto filius patroni accepit bonorum possessionem contra tabulas liberti, an Fabiana uti possit ad reuocanda ea, quæ sunt alienata? Et est verum, quod & Pomponius probat libr. 8.3. item Papin. libr. 14. quæstion. competere ei Fabianam: sufficere enim, quod in fraudem patronatus factum sit: magis enim fraudem rei, non persona accipimus.*

**V**T intelligatur quæstio huius §. sciendum est, alienata à liberto in fraudem patroni, vt eo minor esset legitima patroni, reuocari pro parte debita patrono actione Fabiana & Caluisiana. Fabiana datur testato liberto: altera intestato: non vna actio, sed duæ, l. 3. §. si intestatus, hoc tit. l. 2. C. eod. Et agnoscunt etiam hanc differentiam Græci in l. 2. §. si à parente quis manum. Ad reuocanda ea, quæ debitor alienauit in fraudem creditorum competit Pauliana, §. item si quis in fraudem. Instit. de action. ad reuocanda alienata in fraudem filiorum vel parentum, nulla competit actio iure. Ratio differentiarum est: mihi licet fraudatis filiis alienare omnia mea bona viuo me. In testamento non possum: igitur liber sum, & rerum mearum plenus dominus quandiu viuo, non cum excedo è vita & morior: libertus non est planè liber, vt recte Chrysippus ait apud Athen. libr. 6. quod debeat patrono multa, nec sit ingenuus, οἰκῆτω non esse, δῆλον esse. οἰκῆτης est, qui est in dominio alterius: δῆλος, etiam qui non est in dominio & manumissus. Debitor quoque & obærat non est plane liber, aut suorum bonorum compos: non possidet bona libera, nec ipse igitur liber est, cum principaliter sit obligatus: liberum hominem esse dicimus, qui non est obærat. licet quidem liberto alienare, sed alienatio reuocatur. Ergo ita constituamus: patronus præteritus petita bon. possess. contra tab. detrahit ex rebus, quas heres scriptus possidet iure hereditario, debitam portionem pro rata, qua actione? possessoria hereditatis petitione, sed detrahet etiam portionem ex his rebus, quas libertus alienauit in fraudem patroni, vel quas donauit mortis causa. Possessoria petitio hereditatis non datur in eos, qui iuste possident, sed Fabiana. Finge: libertus multa alienauit in fraudem patroni, & superuixit patrono, deinde post mortem liberti filius patroni petit bonorum possess. contra tabul. an reuocabit alienationes factas in fraudem patris? Et non videtur, quia libertus nihil egit in fraudem filij. At nihilominus Pap. ait, filium patroni vti posse actione Fabiana, quia satis est, quod fecerit in fraudem patronatus, ac si diceret, non tam fecit in fraudem patroni, quam in fraudem patronatus, & fraus magis fit in rem, quam in personam, & utique fecit fraudem in rem.

Ad princip. l. 3. eod. tit.

*Si patronus heres institutus ex debita parte, adierit hereditatem, dum ignorat aliqua libertum in fraudem suam alienasse, videamus an succurri ignorantia eius debeat, ne decipiatur liberti fraudibus? Et Papinianus libro 14. quæst. respondit, in eadem causa manere ea, quæ alienata sunt, idcircoque patronum sibi imputare debere, qui cum posset bonorum possessionem accipere contra tabulas, propter ea, quæ alienata sunt, vel mortis causa donata, non fecit.*

**Q**Uod proponitur in hoc §. negotium facit multis non abs re. Finge: libertus multa alienauerat in fraudem patroni, qui ea ignorauerat. Deinde moriens libertus patronum heredem scripsit ex semisse. Videtur ei satisfecisse, & utique satisfecit, si verborum conceptionem spectes, & heredem fecit ex semisse bonorum, quæ habuit

**A** mortis tempore: Sed si rem inspicias, non satisfecit, quia data opera minuit patrimonium. Hoc casu licet patronus sit institutus, poterit petere bonorum possess. contra tab. quasi ex modica parte institutus. Et certum est eam bonorum poss. dari non tantum patrono præterito, sed etiam ex modica portione instituto. Vnde ingeniosus quis merito posset querere, an filio instituto ex modica parte, detur bon. possessio cont. tabulas? minime: quia non est præteritus, sed quasi exheredato in partem, si Falcidiam sibi seruare non possit, aut si minus Falcidia iure institutionis auferat, ei dabitur querela inofficiosi, l. Papin. §. quarta, de inoffic. test. Pater habet seruos in patrimonio, nihil præterea. filium instituit, omnes seruos manumittit; inanis est institutio, quia Falcidia non deducitur ex pretiis manumissorum: filius, si habeat substitutum, repudiabit hereditatem, & aduersus substitutum agere querela, quasi sub falso titulo institutus, vel hereditatem habebit ab intestato, & non competent libertates. Hodie patronus vel filius institutus ex quantulacumque parte, non habet bonorum possess. contra tab. vel querelam, sed habet supplementum. In specie proposita patronus potuit petere bonorum possess. cont. tab. sed quia ignorabat libertum multa alienasse inter viuos, adiuit hereditatem ex testamento liberti, sed errans in facto, ignorans fraudem fecisse sibi libertum, non errans in iure, dum ignorat aliqua libertum alienasse. Et ideo recte queritur, an succurri ignorantia eius debeat? sic legitur Flor. male vulgo queritur, an postquam adiuit possit agere Fabiana, & reuocare portionem sibi debitam? forsitan dices posse, & æquum videri, vt ignorantia eius succurratur. At contra Pap. non ei subueniri respondet. Quare sibi imputare debet, qui cum posset petere bonorum possess. cont. tab. non fecit. Obstat vehementer quod dicitur, errorem facti non obesse, nec in damnis, nec in compendiis: & hoc loco obest patrono. Respondeo, non tam esse ignorantiam facti, quam etiam culpam, ad quam rationem respexit Papin. dum ait, patronum imputare sibi debere. Quid aliud est, quam patronum esse in culpa? Hic potest obiici, quod Tiberius dicebat, disce cautius negotiari. Quod videtur repetitum in l. 2. C. de furt. Et eadè est ratio l. filius, de acqu. her. qui testatum fuisse insanum putabat heres scriptus, qui tamen sanus erat, errabat in facto: sua igitur simplicitate deceptus (quæ utique nocet, l. 3. ad Maced.) hereditatem omisit ex testamento, & eam amplexus est ab intestato, substit. ei præferetur, quia seipsum decepit, diligentius non consultando. Eadem est ratio l. Clodius, eod. tit. heres scriptus posteriore testamento imperfecto, qui etià erat scriptus in priore perfecto, temere hereditatem adiuit ex posteriori, putans, id æquè esse perfectum ac prius. seipsum decepit, & hereditatem omisit. Sed quotiens extrinsecus aliqua ex causa incidit quis in errorem facti, in ignorantiam, quæ falleret etiam prudentissimum, hic error facti non nocet, vt si adierit ex testamento falso, vel vero, dum est incertum, an exheredatus vel præteritus sit, l. 4. de petit. hered. l. Paul. de bon. libert. l. mater, de inoffic. test. Sed ponamus patronum errasse in iure, vt ponit Accurs. secutus antiquam scripturam, vt puta, existimasse sibi non competere Fabianam, & se institutione contentum esse debere. an hic error iuris eum excusat? quod videtur, ex l. quæ fideic. de leg. 2. cuius est tamen alia ratio: sed verius est errorem iuris eum non excusare, error iuris in specie d. l. quæ fideic. excusat, quia in damnis amittendæ rei suæ, deperdre se sibi, error iuris excusat: Verum in compendiis nocet, si quis affectat lucrum de alieno, l. 8. de iur. & fac. ign. In specie proposita patronus affectat compendium, quia et si hereditas liberti dicatur quasi patroni esse, l. 12. pro soc. tamen vere non est, quia non est verus creditor, l. 6. ad l. Cornel. de fals. alioquin reuocaret alienata actione Pauliana, nec necessaria esset Caluisiana, aut Fabiana. hæc confirmantur l. 2. si à parente quis manum. dum ait, patrono non est ex æquandus pater, quia iniquum est ingenuis hominibus non esse liberam rerum suarum admī-




nistratiōnem, l. 2. de iure patron. Licet patri vendere omnia sua bona, & filio etiam, nec vlla est querela immodicæ venditionis, aut fraudulentæ. Est tamen querela inofficiosa, immensæ donationis, vt inofficiosa dotis. Dos enim donatio est; donatio facta in fraudem liberorum, id est, quæ minuit eorum legitimam, pro modo legitimæ rescinditur, sed non etiam veditio, vel quælibet alia alienatio: valde enim notanda ratio, vt patrono instituto ex minori parte detur bonorum possessio contra tabulas; filio vero querela. Patronus institutus ex minori parte comparatur præterito, non exheredato: exhereditatio enim in patronum non cadit. At filius institutus ex minori parte magis exheredatus, quam præteritus videtur, si ex institutione, aut nihil, aut minus quam legitimam portionem acceperit, tulerit.



IACOBI CUIACII  
IURISCONSULTI  
COMMENTARIUS  
in Lib. XV. Quæstionum  
Æmiliij Papiniani.

Ad l. 10. de iure codicill.

Quod per manus traditum est, codicillis hereditatem dari non posse, rationem illam habet, ne per codicillos, qui ex testamento valent, ipsum testamentum, quod vires per institutionem heredum accipit, confirmari videretur.

 N lege 10 de iure cod. proponitur regula vetus, hereditatem codicillis dari non posse verbis directis: nam precariis dari potest. Ergo in codicillis directo institui heres, vel substitui non potest, quoniam utroque genere hereditas dari non potest. nec igitur adimi. adimitur exheredatione, & per conditionem adiectam in codicillis. Nam deficiente conditione exheres futurus est, est enim tacita exhereditatio, conditionis adiectio. Huius regulæ ratio redditur hæc, §. pen. Inst. de Codicill. ne vis & potestas codicillorum & testamentorum confundantur, id est, ne idem possint codicilli, quod testamentum. Nam si ius eorum confundas, possis & nomina confunderes: nomina autem ea nunquam confunduntur, l. si idem, C. de codicil. Sed subtiliorem rationem adfert Papin. ne per codicillos, & c. quæ ratio sic explananda est; Codicilli vires accipiunt ex testamento (sunt enim sequela testamenti) ex quo sequitur, testamentum non accipere vires ex codicillis, quod videretur, si in codicillis scriberetur heredis institutio, si præcipuum caput testamenti transferretur in codicillos. Vel etiam sic. Causa, ex qua valent codicilli, est testamentum. non possunt igitur codicilli esse causa, ex qua valet testamentum. Ergo, vt Accurs. notat peritissime, qui omnino Philosophiæ non erat ignarus, duæ res sibi inuicem causæ esse non possunt eodem modo, & non male citat, l. heres per seruum, de acq. hered. Per seruum hereditarium an potest quis acquirere aliquid, quod sit hereditatis? minime. Igitur hereditas & seruus hereditarius inuicem causæ esse non possunt. Per hereditatem acquiri seruum hereditarium, non contra, sed duæ res, vt dixi, non possunt inuicem sibi esse causæ eadem ratione, sed diuersa, vt labor est causa firmæ valetudinis, habitudinis; & firmæ valetudo, habitudo est causa laboris, sed labor vt finis, valetudo, vt causa efficiens; & sic eadem ratione plures causæ esse non possunt, sed diuersa ratione. At vt materia, est causa statux: opifex vt principium motus.

Ad l. 76. de hered. instit.

Seruus uxori à marito mortis causa donatus, mariti manet, vt & Iuliano quoque videtur. Idem si accipiat libertatem simul, & hereditatem, viro necessarius heres erit, nec sine libertate aliquid ei legari potest.

**N**otum illud est, iure ciuili interdictas esse donationes inter viuos inter virum & uxorem: nam causa mortis donationes sunt permittæ, quia earum euentus in id tempus excurrit, quo desinunt esse vir & vxor, l. 10. §. ult. & seq. de don. int. vir. & vxor. Ergo quod proponitur h. tit. si maritus uxori seruum donauerit mortis causa, non statim fit mulieris: tunc demum fit mulieris, cum mors mariti fuerit insequuta, l. non videtur, de mort. caus. donat. non mutat dominium donatio causa mortis ante mortem. medio igitur tempore dominium remanet penes virum. Et hoc est, quod ait, mariti manet. Deinde duos effectus proponit huius sententiæ: vt si cum seruum maritus instituerit cum libertate, ei sit necessarius heres, qui si esset mulieris, esset extraneus, & ei voluntarius heres. Alius effectus hic est, quia huic seruo maritus non potest legare interim sine libertate, cum mariti maneat, & proprio seruo inutiliter legatur sine libertate, l. seruis, C. de leg. Sed si esset mulieris, quasi alieno seruo ei recte legaretur sine libertate. Legendum autem est in his quæ sequuntur, id est, non, idem, nam nullo sensu, idem, hic ponitur. Quidam legunt unde, sed perspicuum est legendum, id est, sicut in l. 10. §. quoties, de compens. l. 46. pro soc. Accursius huic definitioni obiicit l. si is seruus, de don. int. vir. & vxor. Maritus seruum donauit uxori mortis causa, utroque viuo constante matrimonio seruus acquisit aliquid, cui marito an uxori? lex ait, in pendenti esse acquisitionem, donec maritus moriatur, vel aliquid incidat quo vel confirmetur, vel perimatur donatio: & ex euentu apparebit, cui is seruus acquisierit: ergo etiam dicendum est hic, non omnino seruum mariti manere, sed in pendenti manere, in pendenti esse dominium serui. & ab eo se expedire nescit Accursius. Respondeo; donatio causa mortis fit tribus modis, l. 2. de mort. caus. don. Vno, vt seruus vel alia res tunc fiat vxoris, cum mors mariti fuerit insecuta. Et hoc casu nemo dubitat, quin seruus maneat mariti, quia id est actum nominatim. Donatio causa mortis reuocatur pœnitentia, & intelligitur reuocata interim manumisso seruo donato, herede eo relicto, vel ei legato relicto cum libertate, l. vir uxori, de donat. int. vir. & vxor. sed quid si ei legauerit sine libertate? vel heredem instituerit sine libertate? non intelligitur reuocata donatio. valebit igitur donatio morte insecuta, nec mutata voluntate. an valebit etiam institutio & legatum, atque ita acquireretur uxori per seruum: nam morte mariti eodem momento deferetur seruus uxori, & seruo hereditas. & verius est institutionem, vel legatum non valere, quia ab initio non valuit: nam seruum proprium inutiliter instituo sine libertate, & ex regula Cætonis, quod ab initio non valet, id est, tempore facti testamenti, nec postea conualescit, seruo testatoris proprio morte eius translato in dominium mulieris. Fit etiam donatio causa mortis hoc modo, vt res statim fiat mulieris. finge maritum hoc animo donasse mulieri vt seruus statim fieret mulieris. An idem statuemus de hoc genere, quod de illo? in illo nulla est dubitatio: in hoc posset esse, an hic seruus possit esse viri? ac dicemus idem fere statuendum, quia etiam si id actum sit, vt seruus statim fieret mulieris, non tamen potest: nam constante matrimonio mulier non potest fieri locupletior donatione viri, aliòquin hæc donatio nihil distaret à donatione inter viuos. valet tamen ita facta donatio, l. 12. §. 1. de donat. int. vir. Non solum valet, inquit, donatio mortis causa inter virum & uxorem, vt res fiat vxoris, vel mariti, cum mors insequatur, sed etiam omnis donatio causa mortis. Et



go etiam valet illa, vt statim fiat res mulieris, sed non habet effectum statim donatum causa mortis: morte enim perficitur omnis. & omnis reuocata intelligitur pœnitentia, veluti manumissione serui, seruo herede instituto cum libertate, vel legato ei relicto cum libertate, sed si heres instituitur, vel si ei legetur sine libertate, ea institutio vel legatum ab initio non valet, quia interim fuit mariti seruus proprius. ergo non conualescit, seruo morte mariti mulieris effecto. Sed tamen etiã in specie proposita hoc interest inter duas donationes ( quod pertinet ad *l. si is seruus*, quæ allegatur ab Accursio. ) quod hæc donatio, quæ ante vltimum vitæ tempus mariti non facit dominam mulierem, mortuo marito non mutata voluntate, non retrotrahitur ad tempus, quo facta est, ideo acquisita interim per seruum ad maritum pertinent. ergo non retrotrahitur. at illa donatio, quæ fit hac lege, vt statim domina fiat mulier, retrotrahitur ad tempus, quo facta est: & ideo, quæ interim acquiruntur per seruum, sunt in pendentia, quia donatio potest reuocari pœnitentia, sed potest etiam consistere donatio & confirmari, ac proinde retrotrahi. Quod si retrotrahitur, ad mulierem pertinebunt, *d. l. si seruum*. nec est nouum, vt ea donatio retrotrahatur: nam inter viuos facta inter virum & uxorem ( quæ nihil valet interim, sed morte mariti confirmatur ex oratione Antonini, si perseverauerit in ea voluntate vsque ad vltimum vitæ tempus ) hæc donatio etiam retro agitur, *l. donationes, C. de donat. int. vir.* non mirum igitur, si retrotrahatur donatio causa mortis.

#### Ad l. 46. de leg. 2.

*Cum proponebatur in scriptura fideicommissi, quod pluribus sub conditione fuerat relictum, per errorem omisam mutuas substitutionem, quam testator in secundis tabulis, cum eisdem substitueret expressit; Diui Marcus & Commodus Imperatores rescripserunt, voluntatem manifestam videri mutua factæ substitutionis. Etenim in causa fideicommissi, utcumque precaria voluntas quæreretur, coniectura potius admitti.*

**S**pecies *l. cum proponebatur*, talis est: Filio impuberi, primum, secundum, & tertium heredes substituit in secundum casum, id est, si ante pubertatem alter decederet. eosdem substitutos inuicem substituit in primum casum, puta vt si vnus filio impuberi heres non esset, in eius locum & opem veniret alter, quæ est vulgaris. mutua & reciproca, id est, communis. vt heredes meos inuicem substituere possum, ita & impuberi. præterea substitutis aliquid legauit, nec eis inuicem in eo legato substitui, quamquam id agere animus esset, sed id prætermisi obliuione, aut etiam scriptor testamenti. an videbuntur substituti in fideicommissum, sicut & in hereditatem? Illud primum constat, non tantum in hereditate, sed etiam in fideicommissum posse substitui, vt & in legato, *l. vt hered. & l. cum pater, h. tit. l. Publius §. 1. & l. aniam, de cond. & demonstr. l. ei cui, de mort. caus. don. l. 8. vsuf. quemadm. cau.* Sed notandum, nos non posse substituere vulgariter omnibus puberibus & impuberibus liberis & extraneis in secundum casum, nos non posse substituere in hereditate nisi liberis impuberibus. At in fideicommissum omnibus substituere possumus in vtrumque casum. In primum casum, si ad te non peruenierit: in secundum, si ad te peruenierit, rogo, vt restituas Titio. Et substituere possumus non directo tantum, sed & per fideicommissum: Per fideicommissum substituiimus non tantum verbis expressis, sed etiam tacitis: nam in fideicommissis certa coniectura sufficit, *l. 34. §. 1. h. tit.* Secundum hoc igitur in specie proposita, si quos substitui filio impuberi, & inuicem substitui in hereditate pupillari, volui etiam eos inuicem substituere in fideicommissum hereditario, licet in eo non repetierim substitutionem, atque ita non tantum in here-

ditate pupillari, sed etiam in fideicommissum mutuo substituti videbuntur. Et ita Papinianus refert M. & Commodum rescripsisse, quod precaria voluntatis coniectura sufficit. Et subiicit rationem Papinianus: *etenim in causa fideicommissi utcumque precaria voluntas quæreretur, coniectura potuit admitti. utcumque*, id est vbi cumque, vt *l. 26. de iniur.* & illo loco, *utcumque defecere mores, dedecorant bene nata culpa.* Ergo ita definiamus: in fideicommissis & fideicommissariis substitutionibus coniecturas admitti, nuda enim voluntate consistere & nuda solo, *l. nutu, de leg. 3* non pendere ex verbis, sicut legata, quæ directo scribuntur. Fideicommissa non adeo pendent ex verbis, vt etiam si verba sint perspicua, non admittatur questio voluntatis, *l. cum virum, C. de fideicom.* quod non admittitur in legatis, *l. ille aut ille, de legat. 3.* Sed in fideicommissis, etiam si verba sint perspicua. audiuntur tamen, qui verba in dubium reuocant, *l. quisquis, de leg. 3.* Cum esset legatum & fideicommissum *l. C.* non satis habet probare, verba esse perspicua, sed probat etiam suffragari voluntatem, quasi vtrique probatio exigatur in fideicommissum. In legato verba sola sufficiunt, si non sint ambigua. Coniecturas Accursius interpretatur testes & tabulas, quod perinde est ac si diceret, probationes artificiales esse inartificiales, sed verius est, coniecturam esse, quæ ducitur ex manifesto signo secundum Hermogenem. In hac specie ex substitutione prima ducitur argumentum, substitutionis mutua in fideicommissum, vt in hereditate, & ita ex manifesta institutione coniectura capitur ad non manifestam, *l. si plures, de vulg. l. quoties, ad Treb.* Si iidem sint instituti ex partibus & inuicem substituti nullis partibus: ex partibus in institutione manifesto adiectis, conuincimus voluisse testatorem easdem adiacere in substitutione, quas omisit per obliuionem. Et est frequens harum coniecturarum vsus in foro. Verum huic definitioni obstant tria. Primum *l. iubemus, C. de testam.* quæ ait, nomina heredum exprimenda, vel literis testatoris, vel voce, alioquin non valere. non sufficiunt igitur coniecturæ. Sed loquitur lex de institutionibus directis. Item obicitur *l. ult. C. de cod.* quæ exigit quinque testes in codicillis, *l. cum antiquitas, C. de test.* & totidem etiam sufficiunt in testamentis rusticorum, *l. ult. C. de test.* In alia voluntate nuda & directa tamen, quibus casibus ea admittitur, vt in voluntate militis, exiguntur tres testes, *l. 17. C. de test.* Et ita Plutarch. scribit in M. Catone, ait, *in testamento in procinctu adhibitos esse tres testes.* Igitur in codicillis exiguntur quinque testes. Coniecturæ igitur non sufficiunt. Sed hoc dicitur de codicillis tantum vicem testamenti obtinentibus, non de nudis codicillis. Postremo obicitur *l. ult. C. de codi. & §. ult. Inst. de fideicom. hered.* quibus ostenditur, fideicommissarium probare debere tribus testibus, aut deferre debere iusiurandum heredibus, qui si nolit iurare, habebitur pro confesso. Ergo lex non est contenta coniecturis, sed lex illa loquitur de illo fideicommissario, qui nititur testibus, non coniecturis. Numerus enim testium tunc requiritur, & vt sint idonei. Verum hoc genere probationis omisso, certamus etiam coniecturis: quod si testibus nitaris, legitimum numerum producere debes. Et ita recte Ioannes, præter cuius interpretationem mendacissima sunt omnia, quæ in hanc legem adnotantur.

#### Ad l. 3. de reg. Caton.

*Catoniana regula non pertinet ad hereditates, neque ad legata, quorum dies non mortis tempore, sed post aditam hereditatem cedit.*

**P**roponenda est ea regula Catonis, quæ fuit comprobata ab omnibus Iuris, sed non sine aliqua controuersia. Theoph. §. an seruus, *Inst. de leg.* sed fuit parua ea controuersia, & diu non stetit: namque obtinuit tandem omnino, quæ est eiusmodi. Legatum, quod si testamenti



facti tempore confestim moreretur testator, inutile foret, id est, inutiliter cederet, nec longe post moriente testatore, utiliter cedere potest, *l. 1. hoc tit.* Legatum quod ab initio inutile est, ex post facto non conualefcit, ut *l. cætera §. 1. de leg. 1.* Et aliter concipitur in *l. 29. de reg. iuris.* aliter in *l. 210. eod. tit.* habet autem ea regula rationem summam: Quid enim interest decesserit testator statim, an postea? quod non deberetur legatum, si statim decessisset testator, cur magis debetur, si diutius vixerit? Finge: Legavit testator seruo proprio sine libertate: si statim decesserit, inutile est legatum; si diutius vixerit, & eo vivo post factum testamentum, is seruus alienatus sit, vel manumissus, nõ ideo magis valebit legatum, quia initium habuit vitiosum, *l. seruus, C. de legat.* Aut finge: Legavi seruo heredis sine libertate fideicommissaria, vel filiosam heredis, si statim decesserit, non valet legatum, ne idem inueniatur; heres & legatarius, debitor & creditor, an vero quicquam proficit, si ille testator diutius vixerit, & eo vivo is seruus aut filiosam, exierit de potestate heredis, an conualefcit legatum, cum mortis tempore is seruus non sit heredis, sed alterius aut suus? Et placet eadem ratione non conualefcere legatum, quod initio non fuit sine vitio, *§. an seruo, Inst. de leg. 1. §. 1. de leg. 3.* Aut ita finge: Legavi columnas, marmora, tigna iniuncta ædibus, quæ senatus legari vetuit, an conualefcit legatum si tempore mortis ea fuerint ab ædibus separata? minime, *l. cætera §. 1. de leg. 1.* quia vires ab initio legatum non habuit, & cuius rei initium vitiosum est, non possit etiam finis non esse vitiosus, quandoquidem prudentes omnia æstimant ex initio potissimum, non ex eventu: & vitur etiam *l. cætera.* alio exemplo. Legavit testator mihi rem meam, legatum non valet, si statim moreretur, diu vixit, & interim ego rem meam alienavi, atque ita mortis tempore non est mea, an legati petitio erit? minime, quia legatum quod non constitit tempore mortis facti testamenti, non conualefcit tempore mortis, ad confirmandum, quod est in regula Caton. sicut contraria regula antiqua fuit in magna controuersia: legatum quod constitit mortis tempore, quodue in eam causam recidit, à qua initium capere non potuit, non valet, etiam si constiterit mortis tempore, *l. 3. tit. seq. l. 3. de seru. leg. 1. cum filius. §. seruus, de leg. 2.* Congruere ergo debet initium fini, & finis initio, testamenti tempus mortis tempori, etiam si mors postea infecuta fuerit: & vice versa habendū est mortis tempus pro testamenti tempore, etiam si id conditum fuerit multo ante tempus mortis. Demonstrauimus exemplis vsum regulæ Catonianæ simul ac rationem. Adnotari volo ex verbis eiusdem regulæ, maxime ex iis, quæ proponuntur *l. 1. h. tit.* regulam Catonianam pertinere ad legata, quorum dies cedit à morte testatoris. Hæc verba demonstrant mortis tempus, ex quo legata cedunt iure antiquo, atque etiam nouissimo. Et *cedere diem* quid est? Est incipere deberi quodammodo, & ad heredem transmitti posse. Cessit legatum quod mihi relictum est, cessit dies legati mihi relictī. Ergo etsi mox moriar, transferam id legatum in heredem. Ob id diligenter inquiritur, à quo die cedat legatum: nam si legatarius moriatur antequam cesserit legatum, nihil transfert in heredem suum, & ut dixi, legata cedunt à morte testatoris, licet nondum sint apertæ tabulæ. nondum adita hereditas. iure antiquo, quod restituit hodie Iustinianus in tit. *de cad. toll.* Et hoc ita si legata fuerint pura, & purā dicuntur esse etiam, quibus est adscripta dies certa; non incerta, quod ad cessionem attinet: nam & hæc cedunt à morte testatoris statim *l. §. 1. si dies, quand. dies leg. supra.* quod attinet ad cessionis causam: nam quod ad *l. Falcid.* attinet, legatum in diem certam non habetur pro puro, quia scil. in Falc. heredi computatur commodum medij temporis, *l. 45. ad l. Falc.* Et hoc ita obtinet iure antiquo, & nouissimo iure: nam medio iure, quod & nouum dicitur, id est, ex legibus Iulia & Papia, ea legata, id est,

A pura, cedunt ex apertis tabulis, non à morte testatoris, ut est proditum multis in locis in fragm. Vlpiani, sed illas II. Iuliam & Papiam abrogauit Iustin. restituto iure antiquo. Et hæc de puris legatis, vel quæ pro puris habentur. Legata conditionalia, vel in diem incertum relictā non cedunt à morte testatoris, sed cum conditio extiterit post mortem testatoris, *l. legati sub cond. de condit. & dem.* legata sub conditione non cedunt statim à morte, sed cū conditio extiterit: & ideo inquit, *interim delegari non potuerunt.* Sic recte Florentiæ scriptum est, quod quid est aliud, quam transmitti ad heredem non potuerunt? videlicet moriente legatario pendente conditione ante cessionem. Dico ea cedere cum conditio extiterit post mortem testatoris: nam si conditio extiterit vivo testatore, non cedunt ante mortem, post mortem statim cedunt. Ac rursus, si conditio sit eius generis ut impleatur morte testatoris, cedunt à morte, ut in casibus propositis, *l. 1. & 2. hoc tit.* Quædam autem sunt legata pura, quæ cedunt ab adita hereditate, non à morte, iure antiquo & nouissimo, non ab apertis tabulis *l. Iulia & Papia,* ut si legetur vususfructus, habitatio: hæc legata non cedunt ante aditam hereditatem. Cur ita? quia cessionis effectus est transmissio. Hæc autem iura, vusus, vususfructus, habitatio, non transmittuntur ad heredem, sed cum persona extinguuntur, ergo frustra esset, si quis ante aditam hereditatem ea cedere diceret, non est opus accelerare cessionem, cum hæc legata non possint transmitti ad heredem, *l. 2. & 3. quand. dies legat. ced.* Cur institutum est legata morte cedere, non aditione? ne scil. heredes aditioni moram faciendo, & transmissiōni moram faciant. Vbi igitur non est locus transmissiōni, dices frustra ante aditionem cedere legatum. Et eadem ratione libertas seruo relictā non cedit ante aditam hereditatem. Item legatum relictum seruo manumisso, vel legatum relictum seruo alieno, non cedit ante aditionē, *l. 7. §. ult. l. 8. l. cum legati, quand. dies leg. ced. l. vni. §. libertates, C. de cad. toll.* Et hæc omnia legata, quæ retuli, cedunt ab adita hereditate, si heres extraneus & voluntarius fuerit scriptus, quoniam hic solus adit hereditatē: necessarij vel sui non ad eunt hereditatem, sed sunt heredes statim à morte testatoris, ipso iure etiam inuiti & ignorantēs: qua de causa necessario herede scripto consequens est, ea legata, quæ retuli, cedere à morte testatoris, à qua scripti heredes acquirere bona, quæ extraneo scripto non cederent ante aditionem, *l. Iulianus 86. de condit. & demonstr. l. quæsitum §. 1. de leg. 1. l. si opt. de opt. leg.* Nunc concludendum est, regulā Catonianam pertinere tantum ad ea legata, quæ cedunt à morte testatoris, quod verba illa demonstrant, *si statim decessisset,* id est, si legatum statim cessisset decedente testatore; si decedit testator, & simul cedit legatum purum. Ergo regula Catoniana pertinet ad ius antiquum, quo legata cedunt à morte; non igitur pertinet ad leges nouas, ut inquit *l. ult. hoc tit.* Ergo respicit ad legata, quæ cedunt à morte iure antiquo, & legibus nouis non cedunt à morte, sed ab apertura tabular. Igitur ad II. Iuliam & Papiam nouas, & caducarias non pertinet regula Catoniana, *l. qui soluendo, de heredib. instit.* Præterea regula Catoniana non pertinet ad legata conditionalia, quia etiam hæc non cedunt à morte, sed ab euentu conditionis, *l. cætera §. 1. de legat. 1.* Igitur non pertinet etiam ad legata relictā in diem incertum, veluti, *illū lego cum pubes erit,* dies est plane incertus, quia forsitan non pubescet, vel hoc modo, *cum Titius magistratum inierit,* hic dies incertus pro conditione est, *l. dies incertus, de cond. & dem.* videlicet, quia & incertum est, an dies sit venturus, ut si dixeris, *cum Titius magistratum inierit.* Est hic incertum duplex: nam incertum est primo, an Titius sit magistratum initurus, deinde incertum est, quo die sit initurus. Et dies ita incertus semper conditionem facit: Nam est alius dies incertus, quem tamen certum est esse venturum, ut si dixeris, *cum heres meus morietur,* vno tantum modo hic dies incertus est, quia



quo die sit moriturus, ignoratur, sed moriturum eum esse utique certissimum est. Et hic dies ita semper incertus conditionem non facit, quod exposuimus lib. 8. ad l. sufficit, de cond. ind. Et ex eo intelligimus, mendum esse, in l. 30. §. pen. ad l. Falcid. ubi ita est scriptum: *Alia est causa eorum legatorum, quæ in diem certum dantur, & sequitur, nam si libertatis dies cœpit cedere, ei debentur, quæ verba si diligenter obseruentur videbuntur falsissima.* Vero verius est, ita esse emendandum: *Alia est causa legatorum, quæ die incerta dantur: nam si libertas dies cœpit cedere, ei debentur.* Sententia hæc est: seruo heredis pure legatur inutiliter. Aliud est, inquit, si ei legetur die incerta: nam si eius legati dies cœpit cedere seruo iam liberato, id est, seruo manumisso, l. cum sub hac, de cond. & demonstr. legatum ei debetur, quoniam scilicet regula Catoniana non pertinet ad legata relicta in diem incertum. Et vltimum hoc dicit, regulam Catonianam etiam non pertinere ad ea legata, quæ cedunt ab adita hereditate: quod proponitur hac l. 3. Sed adiicitur regulam Catonianam non pertinere etiam ad hereditatem: Quod est falsissimum, & est hoc loco crux quædam ingeniorum. Nam regula Catoniana utitur quidem verbo legati, quod inutile legatum foret, &c. sed comprehendit etiam hereditatem, ut ius antiquum, ad quod pertinet lex 12. tabul. illo loco; *uti quisque legasset*, id est, uti quisque heredem faxit, ut etiam in edicto de præstandis legatis continetur etiam hereditas: Et hereditatem inutiliter datam initio, ex post facto non conualescere. Denique regulam Catonianam pertinere ad hereditates est apertissime scriptum in l. pen. de reg. iur. l. 7. & 8. de lib. & post. §. in extraneis, Instit. de hered. qual. & diff. & in l. pen. hoc tit. dum ait, Catonianam regulam non pertinere ad conditionales institutiones; consequens est pertinere ad puras, alioqui esset stulta ea admonitio. Institutio est hereditas testamento data. Valet & in stipulationibus regula Catoniana, & in contractibus, & in libertatibus datis inter viuos. Quidni valeat etiam in institutionibus? Idcirco iam pridem ostendi, & probaui, non esse legendum, *hereditates*, sed *libertates*, l. si priuatus §. ult. qui & a quib. l. generaliter §. si homini, de fideicom. lib. quia libertatis dies cedit ab adita hereditate. Et regula Catoniana respicit ad mortem. Et in l. si ita scriptum §. reg. de lib. & post. regula est, hereditatem non posse adimi, si seruus scriptus sit cum libertate. Verum adimi potest exheredatione & testamenti mutatione. Igitur regula Catoniana pertinet ad legata & fideicommissa, & hereditates, & omnia, quæ ex testamento proficiuntur, vel codicillis, quæ modo cedant à morte testatoris secundum ius antiquum, etiam clusis tabulis testamenti, necdum adita hereditate. legibus nouis, legibus caducariis, id est, Iulia & Papia, legata non cedunt à morte statim, sed ex caducariis tabulis, & moriente legatario ante apertas tabulas caduca fient. Ad has leges nouas & caducarias, quæ hodie sunt sublata restituito iure antiquo, regula iuris antiqui Catoniana non pertinet. Est regula iuris antiqui, ponitur etiam sub titulo, *de diuers. reg. iur. antiq. l. 1. §. l. 201.* Est igitur regula iuris antiqui, Ergo secundum ius antiquum est accipienda. Ergo non pertinet ad ea legata, quæ secundum leges nouas cedunt ex apertis tabulis, quod introduxerunt leges nouæ in rem fisci, ut si moreretur legatarius ante apertas tabulas, legata redigerentur in fiscum, id est, fierent caduca. Non pertinet etiam regula Catoniana ad legata conditionalia, quæ non cedunt à morte, sed post mortem existente conditione: nam regula Catoniana in l. 1. hoc tit. palam loquitur de legatis, quæ cedunt à morte, non de aliis, quæ ab alio tempore cedunt. Ergo non pertinet ad legata, quæ cedunt ab adita hereditate, & exposui satis, qualia sint ea legata. Et dico etiam ea ratione, regulam Catonianam non pertinere ad tutelæ, quia tutelæ incipiunt ab aditione, non à morte: nec quicquam

igitur interest eas cedere vel incipere citius, l. si is qui, de excus. tut. Quod ita verum est, nisi sit scriptus heres necessarius, vel nisi ipse heres scriptus tutor datus sit: Nam his casibus tutela incipit eo tempore, quo & hereditas cedit, id est, mortis tempore. Et ita recte Ioannes & Rogerius notarunt ad l. 2. de excus. tut. Eadem ratione regula Catoniana non pertinet ad libertates testamento relictas, quia cedunt ab aditione, l. vii. §. libertatibus, C. de cad. toll. non cedunt à morte statim, & regula est de his tantum, quæ cedunt à morte. Et ita dicebam esse legendum in l. 3. *Catoniana regula non pertinet ad libertates, neque ad ea legata, quorum dies non à mortis tempore, sed post aditam hereditatem cedit*, id est, non pertinet ad ea, quæ cedunt ab aditione, ut libertates, & legata, v. s. vel v. usufructus, & huiuscemodi seruitutes: Nam regulam Catonianam non pertinere ad hereditates, perquam falsum est, ut etiam supra demonstraui. Sed qui volunt excusare hanc scripturam, dicunt regulam Catonianam non pertinere ad hereditates, fideicommissarias scil. & adiiciunt rationem, quia hereditates fideicommissariæ cedunt ab aditione, quæ ratio est falsissima. Directæ hereditates cedunt à morte testatoris, cur non etiam fideicommissariæ & precariæ? Cetera fideicommissa omnia cedunt à morte, cur non etiam fideicommissaria hereditas? nihil est verius, quam omnia fideicommissa, omnia legata, omnes hereditates cedere à morte testatoris iure antiquo. Et abutitur Accurs. l. quidam ita, ad Treb. non bene posuit speciem. Species hæc est: Quidam heredem rogauit, ut filia, ex Florent. siue ut filio restitueret hereditatem, prima quaque die, id est, statim atque dies cederet, statim à morte, siue, ut vult Accurs. statim atque adisset; sed verius est prima quaque die, id est, statim atque haberet facultatem restituendi, statim atque adisset: neque enim potest restituere, nisi adierit, & si prius moreretur filius, id est, ante restitutionem, ut eam hereditatem restitueret matri. Mortuus est filius post mortem patris, & ante aditam hereditatem: Quæritur, vtrum matri debeatur fideicommissum, an heredi filij iure transmissionis? mortuus est filius anse aditionem: Hæc verba non significant ante cessionem, ut volunt, sed hoc demonstrant, ante restitutum fideicommissum filio: Nam dies quidem cesserat fideicommissi tempore mortis patris, sed dubitabatur, an & post cessionem fideicommissum translatum esset ad matrem, an ad heredem filij transmissum. Et concludit, magis ex mente defuncti esse, ut fideicommissum transferatur ad matrem: Nam secundum quod propositum est, hæc mens est defuncti, ut siue ante cessionem siue post, ante restitutam hereditatem decesserit filius, ut veniat mater, & ita demum non veniet mater, si post restitutionem decesserit filius, l. 3. §. idem dicendum, de adim. leg. Ergo stulte ex ea colligitur, fideicommissariam hereditatem non cedere ante aditionem. Alij sic excusant hanc scripturam, ut Catoniana regula non pertineat ad hereditates legitimas, id est, ab intestato, qui sensus non conuenit huic loco qui de iis est, qui ex testamento proficiuntur, non de causa intestati. Ac præterea falsum est, regulam Catonianam trahi non posse ad hereditates legitimas, & verum est, trahi posse, licet ad testamentum respiciat, ut concepta est: Nam finge, legitimam hereditatem morte eius, de cuius bonis agitur, ad me non redire: propterea quod capite minutus sum, quæro an ad me pertineat hereditas, si postea post mortem eius, de cuius bonis agitur, inter tempora adeundæ hereditatis, vel petendæ bonorum possessionis capite minutus esse desiero? Et sane non pertinet, quia vtrumque tempus, mortis scil. & aditionis agnatum proximum esse oportet, vel cognatum, ut ad me hereditas vel bonorum possessio redeat ab intestato, l. 3. unde cogn. Ergo regula Catoniana trahitur etiam ad legitimam hereditatem, ut etiam ad fideicommissariam pure relictam. Et inuenio extra causam testamenti, etiam in aliis plerisque causis locum esse regulæ Catonianæ, ut in contractibus, & in stipulationibus.



bus. Quod non valet initio contractus, nec ex post facto conualescit, l. inter §. sacram, de verb. obli. §. 1. Inst. de iur. stipul. Stipulatus sum rem sacram, non valet stipulatio: an conualescet postea, si profana facta fuerit? minime. Ergo regula Catoniana trahitur etiam ad stipulationes. Ergo ad contractus omnes. Nam stipulatio est Pandecta omnium contractuum: sed excipiuntur etiam, ut in legatis, stipulationes conditionales: ad legata conditionalia regula Catoniana non pertinet: non pertinebit etiam ad stipulationes conditionales, ut stipulor recte rem meam sub conditione, & effectum habebit stipulatio, si existente conditione res mea non fuerit, l. 31. de existimo, de verb. oblig. l. existimo, de contrah. empt. l. 68. de iure dot. conditionalia ex post facto confirmantur, l. 8. de reb. cred. pura ex post facto non confirmantur. Inuenio etiam regulam trahi ad libertates datas inter vivos, non in testamento: Finge: alienum seruum manumisi vindicta, nihil valet libertas, an conualescit, si postea ei acquiescit? minime. Scripsit Paulus librum singularem ad reg. Catonianam, & in eo hunc casum notauit in l. ult. de castr. pec. Adnotandum tamen, regulam Catonianam non pertinere ad donationes causa mortis. Finge: donauit incapaci, qui mortis tempore est capax, an perueniet ad donationes? sic videtur, quia in donationibus causa mortis non spectatur tempus donationis, sed tempus mortis, l. 22. de mort. caus. don. Ratio, quia donationes hæc conferuntur in tempus mortis. Ergo illud obseruandum est, quia eo tempore proprie donatum videtur, non quo tempore donatum est, l. non videtur, eod. tit. eadem prope ratione legata relicta incapaci, quæ si tempus, quo relinquuntur, spectes non valent, & si legata relicta sunt dum capi poterunt, non subiiciuntur huic regulæ, quia spectatur tantum illud tempus, in quo sunt collata; sed regula Caton. est de datis, sed inutiliter datis initio. hæc initio dantur, & non dantur tamen, & eo demum tempore dari intelliguntur, quo hi, quibus data sunt, capere possunt, l. si ita quis test. de leg. 2. l. in tempus, de hered. inst. l. si seruus qui capere, de acquir. hered. Eadem quoque ratione regula Catoniana non pertinet ad ea legata conditionalia, quæ conferuntur in tempus mortis, quæque cedunt à morte. Et videmus tamen pertinere, quia cedunt à morte, licet sint conditionalia. Et hoc notandum, quædam esse legata conditionalia, quæ cedunt à morte, non post mortem, id est, quibus eius generis conditio adscripta est, quæ expletur morte testatoris: hæc legata conferuntur in tempus mortis testatoris. Ergo illud solum tempus spectandum est, non tempus testamenti, quia nec tempore testamenti scribendi dari videntur, sed mortis tempore. Et hæc tria exempla proponuntur in l. 1. & 2. h. tit. duo in prima, tertium in secunda. Primum est. quidam ita legauit. si post Cal. mortuus fuero illi do, lego, & mortuus est post Cal. legatum cedit à morte, & debetur, quod tamen non deberetur, si decessisset statim, id est, ante Cal. Ergo ad legatum, quod à morte cedit, regula Catoniana non pertinet, quia scil. non est initio inutiliter datum, sed magis non datum, quod pendet ex conditione non datur, in l. 169. de reg. iur. quod pendet, inquit, non est pro eo quasi sit. Denique quod sub conditione datur, nondum datur. conditio confertur in tempus mortis, & morte testatoris expletur. ergo tunc demum dari intelligitur. nec hic casus pertinet ad regulam Caton. Alterum exemplum est: quidam rem meam mihi legauit sub conditione, si quandocumque moreretur, res mea non esset. eo moriente res non est mea, legatum cedit à morte, & debetur, quod tamen non deberetur, si testamenti tempore statim decessisset, quo res adhuc erat mea. si pure mihi legauerit rem meam, legatum non debetur, etiam si postea mea esse desierit, l. cetera §. 1. de leg. 1. sed si sub illa conditione rem meam mihi legauerit, si eo moriente mea non esset, legatum debetur, l. 18. de leg. 2. l. nuda, de cond. & demonstrat. Debetur igitur legatum, quod tamen non deberetur, si testamenti tempo-

Quæst. Papin.

re statim decessisset. Ergo non spectatur testamenti tempus, quoniam legati conditio confertur in tempus mortis, & sufficit, si tempore mortis res mea non fuerit, licet testamenti tempore mea fuerit. Ergo tempore testamenti non dari videtur potius, quam inutiliter dari. Et sic accipiendum est illud exemplum, ut scil. rem meam mihi legaret sub conditione, si eo moriente ea non esset mea, l. 18. vel nominatim expressa conditione, vel tacite: nam & tacita voluntas conditionem facit. Et ita Ioannes recte accipit exemplum. alias pugnaret cum §. sed si rem, Inst. de legat. & l. cetera §. 1. de leg. 1. Et moueor his argumentis. primum argumento præcedentis exempli, & sequentis in l. 2. nam ordo horum exemplorum ostendit, tria proponi exempla persimilia. Legata, quæ cedunt à morte, id est, quæ conferuntur in tempus mortis, quæque dari videntur magis moriente testatore, quam testante, l. 13. h. tit. quæ est Celsi, & in ea Celsus non approbat legatum, si mihi legetur res mea, nisi adscribatur conditio, si mea non erit mortis tempore. Ac postremo moueor etiam coniectura, quod locum obtinet in stipulationibus, l. 31. de verb. oblig. l. existimo, eod. Tertium exemplum in l. 2. hoc tit. simile est cum superioribus: Filiam habuit testator nondum nubilis ætatis, cui ita legauit, si Titio nupta erit, do, lego, quæ verba referuntur ad tempus mortis, si me mortuo Titio nupta erit, l. in conditione, de condit. & demonstrat. l. 2. l. scribit §. ult. de aur. & arg. leg. Ergo legatum illud cedit à morte, quia refertur ad tempus mortis, & valebit, licet tempore testamenti scribendi non potuerit valere, propterea quod filia nondum erat nubilis ætatis, quia scil. non videtur dari legatum illud testamenti tempore, sed magis mortis tempore. Et regula pertinet ad ea, quæ dantur testamenti tempore. His ergo tribus casibus legata conditionalia conferuntur in tempus mortis, & cedunt à morte. ergo videntur subiici regulæ Catonianæ. Contra, quia conferuntur in mortem, magis est, ut in eis nihil profit regula Catoniana.

#### Ad l. 11. de his quæ ut indign.

*Heres, qui tacitam fidem contra leges accommodauit, in ea parte, qua fraudem adhibuit, Falcidia non utitur. Et ita senatus consuit. Sed si maior modus institutionis, quam fraudis fuerit; quod ad Flacidiam attinet, de superfluo quarta retinebitur.*

**Q**Uæstio legis huius est de tacito fideicommissio, de quo Caius & Paulus libros singulares scripserunt, quoniam late patet tractatus huiusce rei. Tacitum fideicommissum est, quod incapaci occultissime relinquitur. incapax est, non peregrinus, quamquam & hic sane capere non potest, sed in hoc proposito incapax est, qui legibus aut constitutionibus capere prohibetur ex alieno testamento vel codicillo. Legibus capere prohibentur ciues Romani, veluti Iulia & Pap. quæ de incapacibus continebant multa. Primo, cœlibes prohibentur capere non quidem solidum, id est, omne quod eis relinquatur, quia relicti semisset tantum multatantur. Prohibentur capere orbi mariti & solitarij, quod tamen hodie est sublatum, C. de infirm. pœnis cœlib. Item iisdem legibus vir & vxor capacitatem solidi inter se non habent. vir nō potest capere ex testamento vxoris, sc. assensu, sed decimas tantum quasdam, quæ ex re lex Papia dicta est lex decimaria. Et alij quoque nihil possunt capere, ut si quis famosam mulierem vxorem duxerit, vel senator libertinam, quod fragmenta Vlpiani demonstrant, & sunt etiā huius legis fragmenta, l. 1. C. de his, quæ ut indign. Prohibentur mariti his legibus, ne omnia sua vxoribus relinquunt omissis cognatis, quod plerique essent facturi, nisi leges vetuissent. Et secundum hæc ex hoc iure explicanda est lex ult. in princ. h. t. Vxorem non potui instituere heredem, socerum heredem scripsi. utilis est institutio, neque

Cc



ex eo inducitur suspicio taciti fideicommissi, id est, non presumetur fover tacite rogatus hereditatem restituere filiae suae mae uxori, hæc præsumptio non est idonea quod patrem scripserim uxoris: nam non ideo videor, tacite patri fideicommississe hereditatem, ut mox illam restitueret uxori, sed tacitum fideicommissum probari debet apertioribus probationibus, maxime chirographis. Nam remedio chirographi obligavit se heres incapaci ad præstandum fideicommissum, curante hoc testatore, qui plerumque ita comminabatur heredi, *non te scribam heredem, nisi prius illi incapaci chirographo caueris illud aut illud daturum post mortem*, l. 3. §. *tacita, de iure fisci*. Et de hoc fideicommissio relicto uxori, qui locus est multis notus, ita videtur Quintil. scripsisse, licet non ita legatur: *uxor dicebatur testamentum marito subiecisse, quod est suggessisse*: Et dicebantur chirographum marito exspirante heredes dedisse uxori. Et ideo recte subiicit, ergo quia uxor per leges heres institui non potest, factum est, ut per tacitum fideicommissum ad bona perveniret. Sed in hac re etiam *l. Jul. Pap. sublata sunt*, C. *de inf. pæn. colib. & orbis. decim. subl.* Superfunt ex constitutione nonnulli, qui ex testamento alieno capere non possunt. Olim clerici & monachi non poterant capere, cui tamen rei fraus sæpe fiebat per fideicommissa tacita. Id constat ex epist. Hieron. ad Nep. *non queror de lege, sed doleo quod meruerimus hanc legem. prominet legis sanctio, ut scil. certatim unoquoque donante sua clericis & monachis, etiam cohiberetur ista cupiditas*. Et subiicit: *& tamen non refranatur avaritia, per fideicommissa legibus illudimus*. Et ita l. 27. C. *Theod. de Episcop. & cleric. ne tacito fideicommissio in fraudem constitutionum clericis aliquid relinquantur, & ut sint extorres*. Ex constit. etiam hodie mulier, quæ nupsit intra annum luctus, non potest capere ex testamento, l. 2. C. *de sec. nupt.* Et ex *Nov. 15*. filius naturalis existentibus iustis liberis non potest capere ex testamento patris, nisi vnciam. Tacitum fideicommissum est, quod datur in fraudem harum legum, vel constitut. Et dicamus apertius: tacitum fideicommissum est, quod heres incapaci dare rogatur testamento vel codicillis, & ad quod se heres dandum obligat domestica cautione, stipulatione, chirographo, in fraudem legum & constitut. l. *in tacitis, de leg. 1. l. 3. de iure fisci*. Et l. *prox. in princ. hoc tit.* vim eius declarat. Tacitum fideicommissum est, cui dando incapaci se heres tacita conventionione obligat: potest tacitum fideicommissum esse sine fraude, ut si relinquatur capaci, l. 1. C. *de donat.* si relinquatur capaci, utile fideicommissum est. Item tacitum fideicommissum est sine fraude, si idem tacite & palam relinquatur; l. 3. §. *si quis palam, de iure fisci*. Plerumque tacitum fideicommissum accipitur in malam partem: nam si subtilius inspexeris, aliud est aliquid esse contra leges, & aliud esse in fraudem legum, l. *contra, & l. seq. de legib.* Sed hic contra leges, est in fraudem legum. Et eodem modo, cum dicimus tacitam pecuniam, tacitum mutuum, tacitum fœnus, rem illegitimam demonstramus, ut si reus mutuam pecuniam det iudici, est illicitum mutuum, apud Gell. *cap. 12. lib. 12.* dum notat Cicer. à reo accepisse sestertia aliqua tacita, quæ dicuntur incerta nomina, l. 1. *ad Maced. sub tunica & sinu*, ut ait l. *emptor §. Lucius, de pact.* Et ita in malam etiam partem tacitum pactum, l. *pen. de bon. liber.* Nunc ita constituamus: si palam rogetur heres præstare fideicommissum incapaci, inutile est, & habetur pro non scripto, & remanet apud heredem, non transit ad fiscum, quod incapaci relinquatur, sed remanet apud heredem, ac si non esset scriptum, l. *filius §. 1. ad l. Corn. de fals. l. prox. §. pen. hoc tit. l. ult. hoc tit. in fine*. Sciendum est, fideicommissum esse aut legatum in causa caduci, si defecerit vivo testatore morte fideicommissarii, si fideicommissarius præmortuus fuerit, & vindicatur fisco fideicommissum quod relinquatur incapaci, non vindicatur fisco, sed manet apud heredem. Finge, utrumque accidisse, fideicommissum relictum esse incapaci, & here-

dem retinere fideicommissum, quod sit pro non scripto: Fiscum contra vindicare, quod sit in causa caduci. heres præfertur, quoniam res est dubia: in dubio melius est respondere contra fiscum, l. *non putq. de iure fisci l. vim, de leg. 3.* Ergo legatum relictum incapaci palam, testamento scil. vel codicillis, est pro non scripto: nam & nouo iure, & antiquo est pro non scripto, quod relictum est incapaci, cedit lucro heredis; sed si heres velit præstare fideicommissum relictum incapaci, præstabit: nec prohibetur, sed hoc pendet ex liberalitate illius, §. 1. *Inst. de fideic. hered.* quibus incapacibus per fideicommissum relinquebatur, quando scilicet ex fideicommissio non nascebatur obligatio: nam ea fideicommissa ab herede solus pudor extorquebat: ceterum non obligabatur, ut hodie non obligatur præstare fideicommissum incapaci. Sed quid? si clam relictum sit fideicommissum incapaci, non testamento, non codicillis, puta, herede interponente tacitam fidem, & se obligante eo nomine? Est pro non scripto, quia relictum capaci: verum non cedit lucro heredis, sed eripiet fiscus quasi indigno, l. *ex facto §. ult. de vulg. substit.* quod videtur esse ex Senatusconf. Planciano facto ad leg. *Juliam & Pap.* Nam sunt multa facta Senatusconf. ad eam legem, & hoc indicat l. *si quilibet, hoc tit.* Ergo ex eo Senatusconf. fideicommissum relictum incapaci secreto, clanculum, remedio cautionis, non manifesto iudicio, defertur heredi, sed fiscus eripit quasi indigno: & generaliter, quæ ut indignis auferuntur, appellantur *ereptitia*, non caduca: vel si forte heres iam fideicommissum præstiterit, id etiam ei fiscus euincet, quod nec debuerit, nec potuerit per eas leges præstare in necem fisci. At quæro, an fideicommissum tacite relictum incapaci, in solidum eripiat heredi? Finge, locum esse legi Falcidiae, quia hoc fideicommissio, ut aliis imminuta est hereditas, an poterit heres ex illo tacito fideicommissio retinere Falcidiam, ut dodrans tantum recidat in fiscum? Et constat ex eodem Senatusconsulto Planciano, non posse, ne Falcidiam quidem, l. *beneficio 59. ad l. Falc. l. 3. C. eod. l. pen. de iur. fisci*. Cui ergo defertur Falcidia, an defertur fisco? Senatusconf. Planc. hoc tantum fuit cautum, ut non retineret Falcidiam heres, nec fuit adiectum, ut hæc Falcidia redigeretur in fiscum. Sed hoc postea induxit constitutio D. Pij. Et sane ex Senatusconf. Planc. videtur Falcid. profecisse aliis legatariis, ad augenda legata eorum, ut minus ex iis detraheretur Falcid. sed ex constit. D. Pij, etiam Falcid. fisco defertur, d. l. *beneficio l. pen. de iure fisci*. Ex eodem Senatusconf. heres, qui fidem dedit in fraudem legum, non vindicat caducum, si sit ex liberis vel parentibus, non detrahit Falcidiam. Quod Vlpian scribit *ti. de fideic.* Quæ vocas caduca? sunt legata vel fideicommissa, quæ deficiunt post mortem testatoris ante apertas tab. Et ea perveniunt ad fiscum, nisi heres scriptus sit ex liberis vel parentib. tunc enim remanent apud heredem excluso fisco. an emanent apud heredem, si fuerint tacita fideicommissa? minime, quia neque Falcidiam retinet is heres, qui secretum suscepit, neque caducum, quod sit ex liberis vel parentibus. Ac rursus ex constit. D. Pij, heres non retinet fructus perceptos ex tacito fideicommissio ante vel post litem motam cum fisco, non retinet etiam vsuras, si quas perceperit, quia male fidei possessor est, nec ignoravit leges, l. *et, qui, h. t. l. prædonis, de petit. hered. l. cum quidem §. in tacito, de usur.* Amittit igitur vsuras perceptas de bonis hereditariis, si rogatus sit tacite restituere hereditatem, vel partem eius, nam fructuum vsuras, id est, pretiorum redactorum ex fructibus, etiam si sint redacta post litem motam non præstat, quod benigne constituit Severus, d. l. *omnibus*. Nec debet opponi l. *cum qui §. in tacito*, aut si opponatur, ita respondendum est. §. *in tacito*, est de vsuris pecuniæ perceptis à debitore, quas præstat fisco. Ergo concludamus, omne emolumentum auferri heredi, & fisco præstari, quia secundum quod generaliter ob-



seruatur in iure, nihil apud eum residere debet ex eo, in quo is violauit, & circumscriptit, *l. ait prator §. hac actio, que in fraud. cred. l. lege, de lege commissor*. Et ex his apparet, etiam heredi rogato restituere partem suam totam, si interposuerit tacitam fidem, nec fuerit palam rogatus, ei nihil accrescere, si forte coheres repudiauerit, vel defecerit & heredem sine re, nomine esse tamen, *d. l. ex facto §. ult. l. si totam, de acquir. hered.* Et postremo notandum est, quod diximus de Falcidia, ut eam non retineat heres ex tacito fideicommissio, ita procedere, si sit heres extraneus: nam si sit filius vel seruus testatoris, & eo mandante vel imperante, iniungente, susceperit tacitam fidem, aut dederit, dum non potest non obtemperare patri, vel domino, ignoscitur ei, ne amittat Falcid. Dodrantem amittit, quia est fraudulentum fideicommissum, Falcidia remanet. Necessitas igitur patriæ potestatis excusat eum, *l. si tacitum, ad l. Falcid. & l. prox. §. ult.* Hoc enim ex leuioribus delictis, si quis fidem accommodet testatori & incapaci in fraudem legum, & in leuioribus delictis excusatur filius vel seruus, qui non impune tulisset, si non paruisset: sed in atrocioribus delictis non accusatur, quia quiduis perpeti debet, & satius est mori, quam hac in re patri vel domino morem gerere: & vnusquisque in atrocioribus delictis habetur pro libero. Additur in hac l. si heres institutus ex asse rogatus sit clam semisse restituere incapaci, in eo semisse non vtetur Falcidia. In altero semisse, in quo nihil fraudauit leges, vtetur Falcidia, *l. 3. C. ad leg. Falc.* Et ita senatus censuit. intelligit Senatus Plancianum.

#### Ad l. 24. ad Senatusc. Treb.

Nonnunquam autem ex voluntate varie rescriptum & iudicatum est, videlicet, si non sub appellatione heredum, sed propriis nominibus expressis fideicommissum relinquatur.

**V**idimus quæstionem vnā de coniecturis in *l. cum proponebatur, de leg. 2.* cui commodissime iungi potest lex nostra: nam vt in *l. cum proponebatur*, qui mutuam substitutionem fecit in hereditate, & mutuam fecisse videtur in fideicommissio, licet id non expressit: ita hic, quas partes quis fecit in institutione, easdē videtur fecisse in substitutione precaria. Cum in vna re manifestum est iudicium defuncti, idem sequimur & in alia re non ab simili, licet in ea re manifestum non sit iudicium defuncti: & quod testator expressit in vna re, coniectamus eum voluisse idem obtinere in alia re non ab simili, in qua nihil expressit. Ergo vterque locus est de coniecturis. Sed quod attinet ad hunc locum, certissimum est in substitutione directa, vt quas quis partes fecit in institutione, easdem etiam intelligatur fecisse in substitutione. Duplex est substitutio, vulgaris & pupillaris: hoc est certissimum in vulgari, vt si plures instituerit ex partibus inæqualibus, eosque inuicem substituerit nullis adscriptis partibus, ex quibus partibus instituti sunt, easdē fecisse videatur testator in substitutione, coniectantes in substitutione & idem ipsum censuisse, id est, eādem distrib. obseruari voluisse. *l. si plures, l. si coheredi, eod. t. l. 1. C. de impub. & al.* Et huius rei est apertissimum exemplum in *d. l. si plures*. Finge: tres sunt heredes instituti ex inæqualibus partibus, primus ex vncia, secundus ex besse, tertius ex quadrante: iidem inuicem substituti sunt reciproca substitutione. repudiante tertio, quadrans illius diuidetur in nouem partes, & octo feret secundus, qui est institutus ex octo vnciis, vnā tantum partem feret primus vnciarius heres, atque ita quas partes habuere in institutione, easdem etiam habent in substitutione, licet in ea nulla sit facta mentio partium. Tres ponit fuisse heredes institutos, vt *l. Lucius §. Mania h. t.* Et vero necesse est poni saltem tres. Si duo sint tantum instituti, primus ex septunce, secundus ex quincunce, & inuicem substitu-

**A** ti sint, repudiante primo, qui est scriptus ex septunce, secundus non quincuncem tantum feret, sed integrum septuncem, neque in hac specie potest esse locus superiori definitioni, alioqui pro parte testator esset intestatus. Qua ratione, si ego vnum solum heredem scripsero ex quincunce, is assem obtinebit. Causa testati trahit ad se causam intestati, id est, quincunx, de quo testatus est, trahet ad se septuncem, de quo testatus non est: alioquin, quod esset absurdum, decederet pro parte testatus, pro parte non, quod in pagano fit nūquam. At si tres heredes sint instituti ex diuersis partibus, & inuicem substituti, repudiante vno, cæteri veniunt in portionem vacantem iure substitutionis, pro portionib. hereditariis, id est, disparibus, & is, cui obuenit maior pars in institutione, feret etiam maiorem partem in substitutione. Et quod notandum, maior fuisse pars dicitur, siue maior pars fuerit relicta titulo institutionis, siue creuerit postea iure accrescendi. vnde dices: superflua igitur est substitutio reciproca. Et sane hodie est superuacua, & fuit etiam iure antiquo. Sed quamdiu locus fuit legibus Iuliæ & Papiæ, nō fuit inter coheredes ius accrescendi, nisi fuissent ex liberis, vel parentibus defuncti, sed portio heredis deficiens recidebat in fiscum, vel in causam caduci, si defecisset viuo testatore. Verum remedio substitutionis reciproca inducebatur ius accrescendi contra leges caducarias, quæ semper odiosæ fuerunt, substitutus præferbatur fisco. Et hoc est, quod ait Iustin. initio tit. *de cad. toll.* introductas fuisse substitutiones, ne fierent caduca. ex quo quis posset dicere, caduca esse antiquiora substitutionibus quod falsum est, nam substitutiones sunt antiquiores: sed vult dicere, introductas esse reciprocas substitutiones inter coheredes amouendi caduci causa, vel substitutionem vnius heredis factam aliis omnibus, vel substitutiones omnium heredum factas vni. Nam hoc remedio conseruatur ius accrescendi coheredibus, *l. pen. de iur. rupt.* conseruatur ius accrescendi, & submouetur fiscus. Quod autem diximus obseruari in substitutione vulgari, idem etiam obtinet in substitutione pupillari, *l. qui liberis, in fi. & l. seq. de vulg. subst.* Pater heredes sibi scripsit ex disparib. partibus, eosdem etiam heredes scripsit filio pupillo suo in secundis tab. & non adscriptis partibus. sane quas partes habuerunt in paterno testamento, easdem etiam habebunt in pupillari testamento. Addendum etiam, illud obseruari in substitutione precaria, *l. nostra, l. praced. d. l. Lucius §. Mania*. Finge: Quatuor instituit heredes, & duos rogauit, vt restituerent hereditatem. sequemur partes, quas adiecit in institutione. Excipitur tantum vnus casus in *d. l. si plures*, nisi alia mens fuerit testatoris: Et adiecit, quod vix credendū est, nisi euidenter fuerit expressum vt ille ait, *vix*. Nam etiam si non sit euidenter expressum, veluti verbis conceptis, modo sit euidens voluntas: satis est quæ colligitur ex multis argumentis & certissimis, *l. licet, de leg. 1.* Et ait Papin. nonnunquam de hac re varie iudicatum & rescriptum fuisse ex voluntate, id est, vt Accursius recte ait, ex præsumptione voluntatis. Argumentamur autem non tantum à rescriptis, sed à re iudicata. Rerum enim **E** perpetuo similiter iudicarum auctoritas, vicem legis obtinet, *l. nam imperator, de legib.* Et hoc est, quod aiunt Rhetores, iudicatum esse partem iuris. Exemplum est, in *l. praced.* Species est: quatuor heredes scripti, primum ex vncia, secundum ex duabus, tertium ex tribus, quartum ex semisse; & rogauit primum solum, vel primum & secundum, vt coheredib. suis hereditatem restituerent acceptis ab vno quoque 10. aureis. Æquales partes fecit dandæ pecuniæ. Ergo euidens est voluntas, euidens est, voluisse eum, vt æquales haberent partes in fideicommissio, cui nullas adscripserit partes. Nam in dubiis ex comparatione alterius rei ducitur certa coniectura, vt in casu *l. 1. de reb. dub.* Hoc iudicio fuit testator, vt tertius & quartus darent æquales partes pecuniæ, etiam hoc iudicio fuisse videtur, vt æquales haberent



partes in fideicommissio. Sed si tertium iusserit dare 30. A  
 quartum 60. quæ summa, si animaduertis congruit por-  
 tionib. hereditariis: nam ex institutione altero tanto am-  
 plius habet quartus quam tertius: ergo etiã quartus altero  
 tanto debet amplius dare, quam tertius. Idem etiam esse  
 existimo, vt habeat hereditarias partes in fideicommissio,  
 si summa illa non omnino congruat portionib. heredita-  
 riis, dummodo sit dispar, si non congruat, sed videatur  
 congruere propter disparitatem. Et ita videtur accipien-  
 da l. virum §. ult. de reb. dub. Idemque erit, si heres cog-  
 tur restituere nulla adiecta summa: namque seruabitur  
 portio rerum hereditariarũ. Alterum exemplum hñc pro-  
 ponitur: Species est: Rogauit testator heredem, vt aliis  
 coheredibus suis, qui omnes erant scripti ex partibus in-  
 æqualibus, restitueret partem suam, & non dixit simpli-  
 citer, heredibus restituito, vel coheredibus tuis, sed dixit, B  
 tertio & quarto restituito, qui erant coheredes; an in fi-  
 deicommissio habebunt æquales partes, quales habue-  
 runt in institutione? Minime. habebunt viriles partes,  
 quia propriis nominibus expressis relictum est fideicom-  
 missum. Qui exprimit propria nomina, enumerat perso-  
 nas. Enumeratio autem personarum hunc effectum ha-  
 bet, vt exaquantur in fideicommissio, l. si heredes nomina-  
 tim, de leg. 1. Et ita in l. cui fundus, de cond. & demonst.  
 Si quis ita legauerit duobus, lego Caio & Titio fundum, si  
 heredi centum dederint. enumeratione personarum con-  
 ditio dandæ pecuniæ diuisa videtur, adeo vt singulis of-  
 ferendo 50. perueniant ad legatum, nec cogantur offer-  
 re 100. l. si quis leg. §. ult. de cond. & dem. Et eadem forma  
 in l. 8. quibus mod. usufruct. amitt. Commemoratio tem-  
 porum, repetitionis potestatem habet. legauit vsum-  
 fruct. in annos singulos, repetiisse videtur vsumfruct.  
 singulis annis. Itaque si usufructuarius sit hoc anno ca-  
 pite minutus, finitur vsusfr. huius anni, sed redit se-  
 quenti anno. Ergo si heredem coheredibus restituere ro-  
 gauerit, coheredes ex fideicommissio ferent portiones  
 hereditarias: si tertio & quarto restituere rogauerit, fe-  
 rent viriles partes. Enumerat personas, qui nomina  
 propria exprimit. ergo viriles partes seruari vult: vt vi-  
 ritim eos recenset, ita viritim eos honorat. Sed qui co-  
 heredes dicit, non personas exprimit, neq; numerum ea-  
 rum, sed qualitatem: nam quum dicit coheredes, vel he-  
 redes, heredes dicit, pro qua parte heredes sunt. nam vl-  
 tra eam partem non sunt heredes. Ergo partes heredita-  
 rias seruari vult. Sed quid fiet, si vtrumque dixerit, Titio  
 & Caio coheredibus tuis, vel coheredibus tuis: si præposuerit  
 siue præmiserit nomina propria, seruantur viriles partes,  
 quia appellatio heredum vel coheredum, quæ subiici-  
 tur, pro demonstratione est, & omnis demonstratio  
 abundat. Sed si dixerit, coheredibus tuis Titio & Caio, ser-  
 uantur partes hereditariæ, & propria nomina sunt pro  
 demonstratione, ergo abundant, l. si communis seruus,  
 de stip. seru. Et notandum, hanc distinctionem seruari in  
 stipulatione serui communis: nam si sit stipulatus domi-  
 nis suis, simpliciter dominis acquiruntur portiones do-  
 minicæ: si stipulatus Titio & Caio, qui erant domini,  
 debentur viriles. idem sequemur, si ab heredibus lega-  
 tum sit relictum: nam si ab heredibus sit simpliciter, de-  
 bent hereditarias partes: si à Titio & Caio, debent vi-  
 riles, d. l. si heredes nominatim. Idemque sequemur in his,  
 quæ dantur conditionis implendæ causa: Illi lego si here-  
 dibus meis dederit 100. dare debet pro rata partium, ex  
 quibus sunt heredes mei. Verum si dixerit, si dederit Titio  
 & Caio, dare debet viriles, l. statuliber in fin. de statulib. Et  
 in omnibus his casibus, si vtrumque dixerit, & nisi he-  
 redes appellauerit, sequemur quod diximus supra. Nec  
 his obstat l. proinde, de stip. seru. Si quis stipulatus sit no-  
 minatim omnibus dominis suis, debere dari partes do-  
 minicas: atqui stipulatus est nominatim: ergo debentur  
 viriles. nominatim illo loco, non est nominibus domi-  
 norum expressis, sed nominatim, est sub commemoratione om-  
 nium. Nihil etiam obstat l. siue à certis, de duobus reis.

quæ exhibet negotium omnib. Legauit testator ab here-  
 dib. certis (nominatim ergo) à certis personis here-  
 dum debet, inquit, partes hereditarias (imo viriles.) Sed  
 distinguamus: aut legat ab omnibus propriis nominibus  
 expressis, & debet viriles, aut legat certis personis here-  
 dum propriis nominibus expressis, & debent heredita-  
 rias, ergo non videtur eorum nomina expressisse, vt eos  
 exaquaret, sed vt eos secerneret à cæteris, vt cæteros ex-  
 oneraret: at corrupta est hac in re lex turpia §. ult. de leg.  
 1. si pars heredum nominata sit in legando, viriles partes he-  
 redes debent: si vero omnes, hereditarias. Quod ait, si vero  
 omnes, hereditarias, est certissimum, sed prius illud est  
 falsissimum, quia noluit eos exaquare, sed coactus est  
 nomina exprimere. legendum igitur est, si persona here-  
 dum nominata sunt in legando.

#### Ad l. 1. de bon. poss. furios. infant. &c.

Furioso Titius substitutus est. bon. possessionis tempus, quam-  
 diu furiosus in eadem conditione est, neque instituto, neque  
 substituto cedit: nec si curator furiosi nomine possessionem ac-  
 cipere potest, idcirco spatium temporis, quod scientibus præ-  
 finitum est, videbitur cedere. nam & pater infanti filio possessio-  
 nem accipit, quo tamen c. ssante infans non excluditur. Quid  
 ergo si curator accipere nolit, nonne iustius atque utilius  
 erit ad eundem modum proximo cuique possessionem dari, ne  
 bona iaceant? quo admissio substitutus cautionem prestare co-  
 gitur omnibus his, quibus bona restitui debent, si forte institu-  
 tus in eodem furore decesserit, aut compos mentis effectus, ante  
 mortem obierit, quam hereditatem agnosceret: nam & fieri  
 potest, vt viro furioso substitutus decessat, nec tamen furiosus  
 obstat cæteris, si prius & ipse decesserit, quam hereditatem  
 adquireret.

Titulus est de bon. poss. furioso competente, mu-  
 to, cæco, &c. competit quæ delata est, & defertur ex  
 edicto statim, vel postea ex decreto prætoris, furioso, fu-  
 riosive nomine ex decreto; cæteris, cæterorumve nomi-  
 ne ex edicto. Et his personis furioso, infanti, adiungo  
 etiã municipes, id est, ciues ciuitatis cuiuslibet ex d. l. 14.  
 nam de omnibus his personis dubitatur, an competen-  
 tem sibi bon. poss. sec. tab. vel ab intestato vnde legiti-  
 mi, aut vnde cognati petere possint, & an eis cedant dies  
 petendæ bon. poss. præstituti edicto successorio. Ac pri-  
 mum de furdo & muto dubitatur. Igitur adire heredita-  
 tem non possunt. Mutus non potest, quia verba aditio-  
 nis loqui non potest, l. eum qui, de adq. her. & est actus le-  
 gitimus, id est, solemnns, quique fit solemnib. verbis. l.  
 actus de reg. iur. Surdus adire non potest, quia non potest  
 audire sibi testimoniũ perhibentes: nam non aditur here-  
 ditas, nisi testibus præsentibus qui appellantur ab eo, qui  
 vult adire, hoc fere modo, vos, Quirites, in hanc rem testi-  
 monium perhibetote. Inuocat testimonium illorum. Ergo  
 vt etiam id exaudiat, necesse est. hinc est quod apud  
 Paulum 3. Sent. tit. de testamentis, cæcus dicitur test. fac.  
 posse, quia accire potest adhibitos testes, & quia loqui  
 potest. Et adiicit, & potest audire sibi testimonium per-  
 hibentes, & auditus & loquelæ capax est. at mutus & fur-  
 dus pro herede gerere possunt. atque ita hereditatem  
 acquirere, l. §. de adq. hered. possunt bon. possessionem  
 petere, per se, vel per procuratorem: Nam & procura-  
 torem sibi instituere possunt, l. mutus de procur. puta mu-  
 tus potest interrogari, an eum velit sibi procuratorem  
 esse: nutu significabit, se id maxime velle: surdus autẽ id  
 edicendo palam, & ab eo, quem nominauit, suscepto  
 mandato, suscepta procuratione, quæ suscipitur etiam  
 tacite: nam mandatum etiam tacito consensu contrahi-  
 tur: Et pro herede gerere possunt, vt dixi, quia hic mo-  
 dus acquirendæ hereditatis, neque auditionem, neque  
 locutionem requirit. Et pertinet ad hoc quod dixi de  
 nutu l. seruo §. si pupil. ad Treb. Hæc autem ita proce-  
 dunt, si sc. rem intelligant, si non sint rerum imperiti;



*l. 2. h. tit.* nam si nihil intelligent, ut non raro sunt, qui his vitiis laborant, curator eis datur, *l. 3. §. ult. de postul.* & per curatorem hunc petent bonorum possessionem, *d. l. seruo inuito §. pen. ad Treb.* nec poterunt sibi instituere procuratorem. Et hoc est, quod ait *l. mutus de procur.* mutus & surdus per eum modum, qui procedere potest, procuratorem dare possunt, id est, si intelligent, quid agatur, si rerum ignari non sint. De cæco etiam dubitabatur, an bonorum possessionem petere possit, & an ei cedant dies petendæ possessionis, quia non cernit, quod agatur, quod tamen res non exigit, sed quia etiam cæcitas deputatur vitio in quibusdam causis. nam cæci hodie non possunt testamentum facere, nisi adhibita maiori quadam solemnitate, *l. hac consultiss. C. qui test. fac. poss.* & pro alio postulare non possunt, *l. 1. §. casum, de postul.* at adoptare possunt, *l. etiam cæcus, de adopt.* possunt sibi procuratorem instituere, ut Paulus scribit *4. Sentent. tit. de manum.* nec eis datur curator ob cæcitatem: & si tutores dati sunt, possunt auctoritatem interponere contrahenti pupillo, *l. etiam si tutor, de auctor. tut.* & iudicandi officio fungi possunt, *l. cæcus, de iudic.* & postremo hereditatem adire possunt, quæ eis competit, vel bonorum possessionem petere per se, vel per procuratorem, si modo quid agatur intelligent. Quidam sunt cæci & mente, & oculis, quibus est æquum dari curatorem, Nam curator datur omnibus, qui suis rebus superesse non possunt. De municipibus etiam dubitabatur, quia est incertū corpus, an eis institutus heredibus, vel ab intestato delata hereditate liberti ciuitatis, an iis competeret bonorum possessio, & competentem an petere possent, quia vix vniuersi municipes consentire possent, & consequenter, an eis cederent dies petendæ bonorum possessionis? nam non cedunt, nisi his, qui petere potuerunt; & scierunt sibi competere. Et hac de re eodem libro tractasse Papin. constat ex *l. 14. ad municip.* in qua sic scribit: *municipes intelliguntur scire quod sciant hi, quibus summa Reipub. commissa est,* effectus huius sententiæ nullum profertur exemplum. Sed respicit, dum hoc scribit ad bonorum possessionem cuius dies scientibus tantum procedunt, ut ait idem Papin. *l. 1. h. tit.* scientibus sibi competere possessionem morte alterius, *l. 2. quis ordo in bonor. possess. seruet. l. 2. qui admit. ad bonor. possess.* Et ita dies adeundæ hereditatis procedunt scientibus tantum, iuxta formulam aditionis, siue cretionis, *in diebus 100. quibus sciueris, poterisque.* Ergo secundum dict. *l. 14.* municipibus cedunt dies, quibus actor ciuitatis, vel syndicus sciuit municipibus delatam esse hereditatem. Nam quod scit actor ciuitatis, ciues scire intelliguntur. Et eodem meo iudicio referendum est, quod est in *l. ult. de iur. & fact. ignor.* Impuberes sine tutore agentes, nihil scire intelliguntur. ergo eis non cedunt tempora petendæ bonorum possessionis; & è contrario impuberes sub tutore agentes, scire intelliguntur, quod tutor scit. Valet argumentum ab actore ciuitatis ad tutorem pupilli, *l. qui solidum, de legat. 2.* Ciuibus vel municipib. cedunt dies, quibus actor sciuit reipublicæ competere bonorum possessionem. Ergo pupillo cedunt dies, quibus tutor sciuit pupillo bonorum possess. competere. Et ita est proditum in *l. 7. §. ult. de bonor. possess.* De patre magis dubitatur, an scil. infanti, cui debita est bonorum possessio cedant dies, quibus pater hoc sciuit, & loquitur de filiofam. nam emancipatus tutorem habet, & sine tutore nihil scire intelligitur, *l. pupill. de adquir. hered.* nisi intelligatur scire quod scit pater, de quo est magna quæstio: nam in hac *l. 1.* apertissime Papin. ait, dies quibus scit pater filio suo infanti competere bonorum possessionem, infanti non cedere. contra *d. lex 7. §. ult. ait, dies quibus tutor scit, &c.* fateor cedere dies, quibus tutor scit: dies quibus pater scit, nego cedere. nitor hac *l. 1.* optima ratione. Et videtur in *d. l. 7. §. ult.* duplex fuisse scriptura. alij habent, tutor, alij pater; & vtraque relicta est perperam: nam falsum est, dies, quibus sciuit pater,

A cedere infanti. Et alia est causa tutoris, alia patris, & ne cauilemur, ut fit vulgo, duobus modis dies, quibus pater scit, cedunt infanti. in eius vtilitatem, inquirunt, non in damnum eius, hoc est cauillari: nam quid est cedere dies? præscriptione dierum excludi, nisi intra eos petierit, cui competit bonor. possessio. proficit ei præscriptio dierum, si venerit intra eos dies, vel rursus nocet, si post eos venerit. Et rursus male dies quibus pater scit, placet currere, patri scil. sed non infanti, quod etiam cauillari est, & ridiculum: nam dies non cedunt nisi ei, cui competit bonorum possessio, id est cui delata est: & huic cedunt, etiam si per se non potuit petere, ut si fuerit infans, vel quis alius, sed hoc modo dies cedunt ei, cui competit bonorum possessio, etiam si non per se, sed per alium potuerit petere, veluti per procuratorem. non cedunt autem ei, cui non competit, etiam si alij potuerit petere. ergo non cedunt patri, licet potuerit infanti petere, quia non delata est patri, sed infanti. Igitur hoc dico, dies non cedere infanti, quibus pater sciuit. Cuius sententiæ ratio est: pater infanti petere potest bonorum possessionem, quia non potest infans bonorum possessionem petere sibi, cum fari non possit, *l. 7. §. pen. de bonor. possess. l. si infanti, C. de iure delib. l. 1. C. Theod. de cretione vel bonorum possess.* Pupillo, qui excessit infantiam, pater non potest petere bonorum possessionem, sed ipse pupillus sibi petit, iubente vel ratum habente patre. Infantis nomine significatur minor septennio, non pupillus. Et ideo in *Instit. de hered. qual. ait, mutum, surdum & infantem non posse testamentum facere, posse tamen capere ex alieno testamento.* Infanti adiungere oportet pupillum ex Theophilo. Omnino ex eo possis constituere, maiorem esse tutoris auctoritatem, quam patris hac in re: nam tutor pupillo petit bonorum possessionem, *l. 7. & 8. de bonor. possess.* pater non petit nisi infanti. neque est noua hæc differentia inter patrem & tutorem: nam & fœmina tutore auctore testamentum facit, ut est in *fragm. Vlpiani.* patre auctore testamentum non facit, *l. 6. qui test. fac. poss.* & pupillus tutore auctore obligatur ex stipulatione: patre auctore non obligatur, *l. ult. §. pen. de verb. oblig.* Similiter in hoc proposito: quod scit tutor, pupillus scire intelligitur: quod scit pater, filius scire non intelligitur: & ideo dies petendæ bonorum possessionis, ut aperte demonstrat Papinianus, quibus pater sciuit, filio non cedunt: vel ut alias ait *l. 3. quis ord. in bonor. possess.* scientia patris, non nocet filio: scientia tutoris, nocet pupillo: & pupillo cedunt dies, quibus sciuit tutor. Nam & in plerisque aliis causis scientia tutoris, vel dolus nocet pupillo, *l. non solum §. pen. de lib. causa.* Ergo neque curatoris, qui furioso, neque patris, qui infanti petit bonorum possessionem, scientia & cessatio furioso vel infanti nocet. Curatoris, qui petit furioso bonorum possessionem, scientia non nocet: tutoris tamen scientia nocet pupillo. Sed de furioso, qui habetur similis infanti plenius dispiciamus. Curator ergo potest furioso petere bonorum possessionem, non quidem edictalem, quia defertur tantum sanis hominibus, *l. 1. §. furiosi, de success. edic.* sed potest petere decretalem, *l. 2. §. si quis, ad Tert. l. ult. §. non itaque, C. de curat. fur.* Cur datur decretalis? Quia scilicet potest fieri, ut furiosus recipiat sanitatem, & recepta sanitate moriatur, nondum ex edicto petita bonorum possessione, quo casu nihil transmitteret in heredem suum. Succurritur ei decreto, id est, mature petita à curatore bonorum possess. decretali. Decretum proficit ad transmissionem, quod remedium decreti adhibetur in multis aliis causis, *l. 1. ad Tertull. l. scriptus, de Carth. edic. l. 4. de bon. lib. l. ventre, de adquir. hered. & l. illud §. ult. de bonor. possess. contra tab.* Sed si furiosus in eodem furore decesserit, quamuis eius nomine petita sit bonorum possessio decretalis, nihil transmittit in heredem suum: & ideo furiosi nomine postulatur cautio de restituenda hereditate his, ad quos peruentura esset, si furiosus he-



res institutus ac proximus agnatus non esset, videlicet in casum, si moreretur in eo statu inops mentis, d. l. ult. §. tali. Et curator furiosi soluendo legata accepta bonorum possessione decretali furiosi nomine exigit cautionem à legatariis, l. Licinius 48. §. ult. de legat. 2. Ergo bonorum possessio decretalis est sine re, nisi respiscat ante mortē, & euincit hereditatem fiscus, vel heres legitimus, si in eodem statu moriatur infirmato decreto, l. heres, de petit. hered. Sed quid fiet, si curator furiosi non petierit bonorū possessionem decretalem? Finge: furioso herede instituto, Titius ei substitutus est vulgari modo, non ad exemplum pupillaris substitutionis secundum constitutionem legis humanitatis, de impub. & aliis substitut. curator noluit petere bonorum possessionem, dies non cedunt substituto, quia speratur institutus, quia potest venire institutus sanitate recepta, & quandiu institutus speratur, substituto locus non est, l. quandiu, D. de acqu. her. non cedunt etiam dies furioso petendē bonorum possessionis. Ergo furioso nulla cedit bonorum possessio. Potest ei peti decretalis per procuratorem, sed non edictalis. & quamuis non sit petita, ei non cesserunt dies, quibus curator sciuit: nam quod scit curator furiosi, & furiosus non intelligitur scire, sicut quod scit pater, filius non intelligitur scire. Quid igitur fiet? an fiet mora creditoribus, quorum interest, vt sit aliquis bonorum possessor, ne diutius bona vacent, iaceant? ad eundem modum, id est, sub hoc modo, ne tempora cedant furioso, proximo cuique ex decreto datur bonorum possessio. Et dum ait, proximo cuique, respicit ad illa verba edicti, cum uti proximum quemque heredem esse oportet. Ergo datur interim bonorum possessio substituto, quamuis nondum substitutioni locus sit, decretalis scilicet: nam proximior est causa substituti, proximior causa testati, sed substitutus præstabit cautionem, vt sæpe alias euenit, ne creditoribus fiat longior mora, vt primum heredi scripto sub conditione detur bonorum possessio ante conditionem, l. 8. de prat. stipulat. Et eadem ratione hereditas restituitur ante conditionem fideicommissi, ne bona iaceant, l. apud Iul. l. 9. ult. & pen. de tempor. præscript. Sed vbique præstatur cautio. & ita hic substitutus, cui datur bonorū possessio, cauebit de restituendis bonis heredibus legitimis, si furiosus in eodem statu decesserit, vel si compos mentis effectus decesserit, nondum agnita bonorum possessione. Sed dicēs, in eum casum substitutioni locus erit, non legitimis heredibus, cur igitur cauebit? Est quiddam adiiciendum, vt huic cautioni locus sit, nempe substitutum mortem obiisse viuo furioso. Denique hoc cauet substitutus accepta decretali, legitimis heredibus bona restitutum iri, si ipse decesserit viuo furioso, ac decesserit furiosus in eodem statu, vel factus compos mentis nondum adiuuerit hereditatem, quæ est sententia Pap. in hac lege 1. Et dum ait, quo admissio, hoc est, eo concessio, vt interim detur bonorum possessio proximo cuique, quod dixit ante. Ne interpretemur, quo admissio, id est, substituto admissio. Et breuiter hæc omnis l. 1. quum loquitur de furioso, est accipienda de bonorum possess. decretali; cum autem loquitur de infante, est accipienda de bono. possessione edictali: nam infanti edictalis defertur: & ideo infans transmittit ius deliberandi in patrem vel auum, in cuius potestate est, vel si sit sui iuris, in heredem suum, si moriatur intra annum, l. si infanti, l. seq. C. de iur. delib. Nouell. 158 Accipere possessionem, id est, ex decreto. Ad ea quæ diximus superest quod addamus. Quæritur, quæ de re nondum tractaueram, an dies bonorum possessionis, quibus curator adolescentis sciuit competere bonorum possessionem, adolescenti cedant, & an scientia curatoris adolescenti noceat? Et statim dicerem non nocere, l. 5. de iur. & fac. ignor. nemini scientiam alterius nocere, & dicerem ab ea generali definitione excipiendum tutorem pupilli & actorem ciuitatis, siue syndicum: Nam scientia tutoris pupillo nocet, dies quibus tutor sciuit,

A nocent pupillo cessante tutore in petenda bonorum possessione. Scientia quoque syndici municipibus nocet, & dies, quibus actor sciuit, Reipubl. procedunt: nam potuit tutor petere bonorum possessionem, l. 7. §. pen. & l. 8. de bonor. possess. actor quoque potuit Reipublice siue municipibus petere bonorum possessionem, l. 7. §. ad municip. de bonor. possess. Comparatur, vt dixi, tutor actori siue syndico, l. qui solidum §. 1. l. 3. C. de iure Reipubl. lib. 11. Curator autem non potuit petere bonorum possessionem: nam sibi ipse adolescens potuit etiam sine curatoris auctoritate, tantum abest, vt ei curator possit petere inscienti, vt ipse si petat, necesse non habeat curatorem adhibere quam habet. Nam hoc tantum de pupillo proditum est in d. l. 7. §. pen. pupillum non posse petere bonorum possessionem sine tutoris auctoritate. Ergo aliud est in curatore adolescentis. Accurs. d. l. 7. idem esse existimat in curatore adolescentis, vt adhiberi eum non oporteat, & vt in aliis causis, ita & in hac quoque causa abutitur lege si curatorem, C. de in integ. restitut. Idem, inquam, esse existimat in curatore adolescentis. tamen si idem esset in adolescente & curatore eius, non fuisset graue Iurisconsulto pupillo adiungere adolescentem. Igitur quæ quid scribitur de impubere, hoc argumentum præbet idoneum ad existimandum aliud esse in pubere: nam casus leg. si curatorem, C. de in integ. restitut. non debet trahi ad alios casus. est de adolescente alienante res suas, quæ alienatio non valet, si habeat curatorem, & non fiat auctor curator. Ergo in alienatione rerum adolescentis est necessaria curatoris auctoritas. Et similis adolescens est prodigo: nam vtrique curator rerum administrator constituitur. hoc est, manus curatoris, nec sine eo quicquid adolescens vel prodigus rerum suarum administrare potest; & ideo alienare non potest sine auctoritate curatoris: cæterum poterit se obligare veluti ex stipulatione etiā sine auctoritate curatoris quem habet, vt l. puberes, de verb. obligat. Puberes obligantur sine curatoribus suis, ergo habent curatores. Ac præterea adolescentes hereditatem adire possunt sine curatore suo, iure. Si huius auctoritas ei esset necessaria in adeunda hereditate, non sufficeret auctoritas prætoris, l. cum nulla §. ult. de appellat. Ergo potest etiam adolescens petere bonorum possessionem sine curatore: ipse autem curator non potest sine adolescente. Ergo merito dies, quibus curator sciuit, non cedunt adolescenti. Scientia curatoris non nocet adolescenti, tutoris & actoris nocet: quia tutor potuit petere nomine pupilli, actor nomine Reipubl. qui potest alij petere, eius scientia alij nocet. Neque tamen ex eo inferendum est, quicumque potest alij petere, eius scientiam alij nocere. Sed constituere possis hoc recte: si quis non possit alij petere, eius etiam scientiam non nocere. Illud non est perpetuo verum, si quis possit alij petere, & scientiam eius alij nocere: Nam vt ostendit hæc l. 1. curator potest furioso petere, & scientia tamen eius non nocet furioso, id est, non cedunt dies furioso. Item pater potest infanti petere, & scientia tamen patris non nocet infanti. Maior est auctoritas tutoris, quam patris in hac re, vt & in aliis quibusdam. tutor igitur accedit propius ad personam pupilli, eumque repræsentat magis, quam pater filium, adeo vt passim loco domini habeatur, qui scilicet, habeat imperium & potestatem in pupillum, l. tutor qui tutelam, de adm. tut. l. qui Stichum §. si tutori, pro empt. Plus est esse dominum quam patrem. Ergo tutoris quidem scientia nocebit pupillo, sed non potest iure scientia patris infanti nocere. Et supposititia sunt hæc verba aut pater, in d. l. 7. §. ult. & certe omnino pugnant cum hac l. 1. & cum l. 3. quis ordo in bon. possess. seru.





# IACOBI CVIAGII IVRISCONSULTI COMMENTARIUS

in Lib. XV. Quæstionum

Æmilij Papiniani.

Ad l. 15. de cond. institut.

*Filius, qui fuit in potestate sub conditione scriptus heres, quam Senatus aut Princeps improbat, testamentum infirmat patris, ac si conditio non esset in eius potestate: nam quæ facta ledunt pietatem, existimationem, verecundiam nostram: & ut generaliter dixerim, contra bonos mores sunt, nec facere nos posse credendum est.*



Iliusfa. non potest à patre institui sub qualibet conditione: potest institui sub conditione, quæ sit in eius arbitrio vel potestate. Si filiusfam. à patre heres institutus sit sub conditione, quæ non est in eius potestate, nec sit exheredatus sub contraria conditione, non valet institutio, & filius pro præterito habetur. ergo omnino testamentum inutile est, l. Lucius, de condit. & demonstr. l. 10. l. ult. h. r. l. 4. l. iam dubitari, de her. instit. cæteri liberi, puta filia vel nepos, neptis, & alij, possunt institui sub qualibet conditione. Primum ea conditio non est in potestate filij, quæ est impossibilis, veluti, si digito cælum tetigerit, si mare ebiberit. Item ea, quæ est difficilis, veluti in l. cum heredes, ult. de statul. si millies dederit, id est, millies centena millia, & ut ait, fere impossibilis. Ita etiam l. 55. & l. 56. fam. erisc. Synesius in epist. & M. Tullius in partitionibus; per difficilia sunt habenda perinde, ac si effici non possint. Item conditio, quæ expectatur ex casu, ut si naus ex Asia venerit, si Titius Consul factus fuerit. Item ea quæ pender non tam à voluntate filij, quam etiam ex voluntate alterius, veluti si Titius filium adoptauerit: neque enim inuitum adoptabit, l. 11. h. r. Ac postremo non est in potestate filij conditio, quæ improbatæ est legibus vel S. C. vel bonis moribus, veluti si vxorem non duxerit, si liberos non susceperit, ut est apud Paul. 3. Sentent. tit. de testam. has conditiones improbat lex Iulia & Papia. Item hæc conditio, si tutor pupillam vxorem duxerit, hanc improbat S. C. quod factum est D. Marci temporibus. Item hæc, si sororis filiam duxerit, hanc improbant constitutiones Principum, & hanc etiam nouissimæ constitutiones, si consobrinam duxerit. nuptiæ inter consobrinam permittæ sunt, siue Digestorum ius spectes, siue Cod. siue Nouell. sed prohibitiæ per constitutiones posteriores. nec male possis adducere ex constit. Iustin. exemplum, quo vitur Accurs. l. 14. h. r. si etiam quam suscepit de sacro fonte in vxorem duxerit, l. si quis alumnæ, C. de nupt. Et incestas esse has nuptias probant, quod sit loco filiæ, quæ cognatio spiritalis dicitur. Contra bonos mores sunt hæ conditiones, si barbaro habitu processerit, vel si muliebri: nam quum dicimus contra bonos mores, non tantum intelligimus contra naturales, sed etiam contra ciuiles, & si patrem ab hostibus non redemerit, l. 9. h. r. quod filius non potest facere pietate illæsa: vel si patrono aut patri alimenta non suppeditauerit, quæ res pietatem lædit, nec possis sine rubore negare alimenta patri. verecundiam igitur pulsat ea res, ut ait Pap. l. pecunia, de alimen. leg. Item si homicidium fecerit, si lenocinium, si adulterium, quæ res existimationem lædit. Filius si sub iis conditionibus instituitur, non valet institutio, quia hæ conditiones non intelliguntur esse in

A eius potestate. non est in mea potestate, quod mihi facere non licet. Et eleganter ait Papin. in hac lege, *Quæ facta ledunt pietatem, existimationem, verecundiam, &c.* vox est Christiano digna. Quas soleo referre opiniones nostrorum: altera est in l. 4. de alien. iudic. Prator non improbat, &c. nam verecunda cogitatio eius, qui lites exaceratur, laudanda potius quam vituperanda. Obstat huic legi ea quæ præcedit l. 14. quæ est de iisdem conditionibus, quæ sunt contrariæ legibus & constitutionibus. Et ait, sub his conditionibus scriptum pure, scriptum videri. Ergo conditio habetur pro non scripta, ergo filiusfam. in hac l. sub conditione scriptus, pure scriptus videtur, & proinde capiet hereditatem ex testamento, atque si ea conditio adscripta non fuisset. non infirmabit B ergo testamentum, quia pure fuit scriptus, vel intelligitur esse. Eam rem attigit Accursius in l. 1. hoc tit. sed nihil attulit. Distinguendum est inter filiumfa. heredem institutum, & extraneum, ceterosque liberos. Lex hæc 15. est de filiofam. qui non potest institui sub omni conditione: nam non potest institui nisi sub potestatiua: lex 14. est de extraneo herede instituto, cæterisue liberis, qui possunt institui sub omni conditione, l. 4. de hered. instit. & l. 6. §. 1. Vnde ita constituamus: Institutione filiofam. facta à patre sub conditione inhonesta & turpi vitari testamentum: institutionem alterius personæ non vitari: sed explicanda est ratio diuersitatis. lex 15. subiicitur l. 14. tacite à l. excepit filiumfam. heredem institutum. ergo l. 15. satis demonstrat, l. 14. esse accipiendam de cæteris personis omnibus. sed cedo rationem differentię. Si filiusfamil. C sit institutus sub conditione illicita à patre suo, in eo prima hæc occurrit ratio, quæ facit, ut non valeat institutio, quia conditio non est in eius potestate, & ideo ab intestato hereditatem vindicat, non ex testamento, quia pro derelicto habetur: hæc est proxima ratio. sequenti ratione vitur extraneus solus, ut efficiat, ne habeatur ratio illa adscriptæ conditionis illicitæ, vel turpis, quia impossibilis est conditio: ideo hereditatem vindicat ex testamento: nam conditiones impossibiles scriptæ in testamentis, pro non scriptis habentur, vel pro mendis habentur, l. 1. hoc tit. dum ait, sub impossibili conditione, vel alio modo factam institutionem non vitari: & menda haberi pro non scriptis. Ergo excepto filiofam. cæteri hac ratione, quia impossibilis est conditio, relicta sub illa D conditione illicita & turpi, ex testamento hereditatem capiunt, perinde ac si pure instituti essent: nam non tantum impossibilis est conditio, cui rerum natura obstat, sed etiam cui impedimento sunt leges, Senatusconsulta, constitutiones, edicta prætoris, & mores boni tam ciuiles quam naturales.

Ad l. 84. de adquir. heredit.

*Ventre præterito, si filius qui fuit emancipatus, aut exter, heres institutus sit, quandiu rumpi testamentum potest, non defertur ex testamento hereditas: sed si vacua ventre mulier fuerit, & incerto eo, filius in familia retentus vita decessit, heres fuisse intelligitur emancipatus aut exter, non aliter possunt hereditatem querere, quam si non esse prægnantem sciant. Ergo si ventre pleno sit mulier, nonne iniquum erit, interea defunctum filium heredi suo relinquere nihil? Et ideo decreto filio succurrendum est: quia siue frater ei nascatur, siue non nascatur, patri heres futurus est. eademque ratio facit, ut emancipato quoque subueniri debeat, qui alterutro casu rem omnimodo habiturus est.*

TRACTAUIMUS ante hanc quæstionem in l. scriptus, de Carbon. edict. l. 15. §. ult. de inoffic. testam. l. 41. de bon. libert. Hic proponitur differentia vna inter filium emancipatum heredem institutum à patre postumo præterito, & filium retentum in familia, qui & suus dicitur, l. nepos, de legat. præst. l. adigere, de iure patroni. Et quod



dicitur hic de filio emancipato, idem etiam obtinet in extero herede instituto: qua de causa emancipato iungit extraneum. Sciendum autem est, agnatione postumi præteriti testamentum rumpi: nam si nascatur, nec agnascatur (non omnis enim qui nascitur, agnascitur, sed qui nascitur agnatus) si inquam, nascatur, & non agnascatur, testamentum valet, l. 3. §. ex his, de ini. rupt. vt si abortum factum sit, l. 2. de post. hered. instit. Item sciendum est, quandiu speratur postumus frater præteritus testamento patris, filium emancipatum heredem institutum non posse adire hereditatem ex testamento, quia nondum delata est, non posse petere bonorum possessionem edictalem, secundum vel contra tabulas: filium autem suum heredem institutum præterito postumo, non posse interim heredem existere patri ex testamento, et si vel suus vel emancipatus interim moriatur, dum incertum est, an postumus nasci possit, & in heredem suum nihil posse transmittere, l. cum quidam §. quod dicitur, & §. siue igitur, de acquir. hered. l. 16. de lib. & post. l. 4. in fin. de bonor. poss. cont. tab. Neuter igitur moriens interim quicquam transmittit ad heredem suum, non ex causa intestati, quia nondum fuerat ei delata hereditas ab intestato pendente causa testamenti, quod potest valere non nato postumo: non etiam delata ex testamento, quia in eo erat testamentum, vt rumperetur, si nasceretur postumus. Et hoc ita procedit, si reuera mulier fuerit prægnans. Hoc casu nihil distat suus ab emancipato, quia siue hic, siue ille moriatur, interim nihil transmittit. Sed si putetur mulier esse prægnans, quæ non est, filius emancipatus institutus, qui mulierem esse prægnantem putat, interim non potest adire, dum incertum est, an postumus nasci possit. Et quia non adiuit, nec potuit, nihil transmittit, & hereditas non adita non transmittitur: & si forte adiuit, nihil egit, quia præstinauit adire. Emancipatus, nisi sciens certusque vteri vacui, non acquirit hereditatem, etiam si adeat. suus acquirit hereditatem, etiam si adeat: suus acquirit etiam ignarus, & existimans mulierem esse prægnantem, quæ non erat. Suus acquirit hereditatem ipso iure, etiam inuitus & ignorans statim atque delata est morte patris: emancipatus acquirit iusta & tempestatiua aditione. Suus heres existit, emancipatus fit: Et ideo si mulier non fuerit prægnans, quamuis suus hoc ignorauerit, intelligitur patri heres extitisse ipso iure; & si decesserit, antequam constaret mulierem non esse prægnantem, ad heredem transmittit, l. cum quidam §. suum, hoc tit. l. illud, si pars hered. pet. Et hæc est differentia inter suum & emancipatum circa causam transmissionis: cui, vt dixi, locus est, si mulier fuerit ventre vacuo: nam si ventre fuerit pleno, & eo incerto moriatur filius suus, vel emancipatus, neuter quicquam transmittit ad heredem suum, quia nec ex testamento heres fuit, quod pendebat ex spe præteriti postumi, nec potuit esse heres vel hic, vel ille ab intestato, propter testamentum, quod nondum ruptum erat: nam quamdiu testamentum subsistit, cessat ius legitimæ successione ab intestato, l. quamdiu, hoc tit. Ergo si mulier sit vtero plena, neuter intelligitur quidquam transmississe in heredem suum. Sed illud videtur esse iniquum, vt nihil suus vel emancipatus transmittat in heredem, quia per eos factum non est, quominus hereditatem acquirerent? sed non quæsierunt, quia nec potuerunt propter spem postumi. Iniquum ergo videtur, vt rem patris amittant morientes interim, nec eam transferant ad heredes suos, ac propterea iniquum videtur, nihil eos transmittere: quia siue postumus nascatur, siue non, in omnem euentum ad bona patris peruenturi sunt: si postumus nascatur, concurrent ei in successione intestati; si vero non nascatur, ex testamento rem patris obtinebunt. Iniquum est repelli eos, si interim moriatur, qui si viuerent, omnimodo erant peruenturi ad bona patris. Tollenda est igitur hæc iniquitas remedio decreti. Ius civile iniquum est sæpe, asperum, & rigor iuris dicitur. Verum subueniemus filio vel suo, vel

A emancipato ventre præterito, nec vacua muliere, data interim bonorum possessione decretali secundum vel contra tabulas: nam cessat edictalis secundum tabulas, quasi non nascituro postumo: contra tabulas, quasi nascituro postumo & commissuro edictum, vt scilicet, tam institutus frater, quam ipse postumus, veniant ad bonorum possessionem contra tabulas, ac si ambo præteriti essent & alius institutus: Hoc est, committere edictum. Diximus emancipato comparari extero. an ergo subueniemus etiam extero heredi instituto ventre præterito, non vacua muliere? Sic videtur. subuenimus enim decreto extraneo heredi instituto, & proderit decretum, si forte postumus non nascatur, vt si ante mortuus sit, exter intelligatur transmississe, l. scriptus, de Carbo. edict. l. 41. l. 42. §. ult. de bon. libert. Sed si postumus nascatur, in hunc casum nihil subueniemus extero, id est, decretum non complectetur hunc casum, quia natus postumus penitus extero excludit, non fratrem. Et hæc omnia confirmantur l. 4. §. tutor, l. seq. de bonor. possess. cont. tab. l. 1. §. 1. ad Senatuse. Terull. Confirmatur à simili ab his, quæ diximus in l. 1. de bon. possess. fur. dari curatori decretalem bonorum possessionem furiosi nomine, quod deficiat edictum, vel hereditas transmittatur ad heredem furiosi. Quæ iure cessat transmissio, inducitur remedio decreti: & non tantum remedio decreti filio subuenitur, sed & heredibus filij tam emancipati, quam sui. Finge cessasse filium, & non petiisse bonorum possessionem decretalem, an ea res fraudi erit heredibus? Minime: nam prætor fingens quodammodo filium patri heredem extitisse, dabit bonorum possessionem. Emancipatus sciens acquirit bonorum possessionem, suus ignorans. Bene alterutro, vt in l. conditionum, de condit. & demonstr. Obstat l. si filius, de lib. & post. quæ ponit, filium suum heredem institutum, nullo dato coherede, vel substituto, quod etiam hic ponendum, & postumum præteritum, & interim, dum incertum est, an postumus nasci possit, filium decessisse, deinde natum postumum rupisse testamentum. Quo casu lex ait, filium suum videri moriendo patri heredem extitisse ab intestato, quia, quæ mortem eius secuta est agnatio postumi, declarauit, fuisse locum causæ intestati. Quod si ita est, ergo transmissit, nec opus est decreto, quoniam illa lex ait, iure ita procedere. Diceret quis contra sententiam illius legis; imo filius neque ex testamento, neque ab intestato eo tempore, quo moritur, patri intelligitur heres extitisse, quia nondum erat certum nasci postumum, vel non nasci, id est, quia nondum erat certa causa successione, & qui non est certus, non potest succedere. Sed potes dicere, fuisse causam certam successione intestati, quia moriente filio, desertum est testamentum patris: deferitur autem mortuo herede scripto, non adquisita hereditate. hoc casu autem filius non habuit coheredem vel substitutum, & ideo moriente filio in ipso articulo mortis, pater fit intestatus, non autem postea nato filio: postumi agnatio non rumpit testamentum, quod iam nullum fecerat destitutio heredis scripti, l. 5. de ini. rupt. sed opus est filio decreto, quod tamen non exigit lex si filius, sed loquitur de filio suo, & de iure civili. suo non est necessarium decretum, quia iure civili heres existit: iure prætorio est necessarium decretum, ad quod pertinet l. ventre. Igitur prætor non nouit existentiam sui heredis, sed missionem: filium suum non habent pro herede nisi misceuerit se bonis paternis. Emancipato autem filio, de quo ne loquitur lex si filius, necessarium est omnino decretum ventre præterito. Restat quæstio, quid sit dicendum, si ventre pleno pater intestatus decesserit? Si pater intestatus decesserit filio vno relicto, vel vxore prægnante, inueniemus in plerisque idem ius esse sui & emancipati: rationem tantum esse diuersam in acquirenda hereditate, suum existere, emancipatum adire, suum ignorantem, emancipatum scientem; in quibusdam autem esse discrimen inter suum & emancipatum. Et primum ventre exheredato, filio instituto vel suo, vel emancipato,



capato, post mortem patris ei statim deferetur hereditas ex testamento, & suus heres existet, & transmittet ad heredem suum, etiam si moriatur, antequam partus edatur. Emancipatus filius poterit adire hereditatem & transmittere non exspectato postumo, *l. cum quidam §. siue igitur, de acq. hered.* Exheredato autem postumo datur querela inofficiosi aduersus heredem scriptum, qui ex testamento extitit, vel factus est heres. Exheredari potest postumus, licet nihil male mereri possit de patre, quem nunquam vidit, quia scilicet, in perpendenda causa exheredationis non tantum inspiciuntur merita exheredati, sed etiam merita matris, & sæpe, qui est bene meritis, iure exheredatus censetur, si mater fuerit male merita, ut si dicatur ex adulterio susceptus, quod tamen nondum probatum sit, *l. 3. §. si emancipatus, de honor. possess. contra tab.* Quid autem fiet, si instituti sint postumi, vel si institutus sit postumus: nam in institutione, & in legato, & in tutela appellatione postumi, etiam plures continentur, & qui postumum instituit, vel postumo legat, vel tutelam dat, pluribus natis, omnes instituisse, omnibus tutores dedisse, legasse omnibus videtur, *l. qui filius §. 1. de legat. 1. l. 7. de rebus dub. l. si quis ita §. 1. D. de test. tut.* Quod non ita obtinet in exheredatione, quæ est damnosa: nam postumo exheredato, pluribus natis nemo exheredatus intelligitur, *l. 2. de lib. & post.* Si igitur postumus & simul filius iam natus instituti sint ex æquis partibus, filius suus patri extitisse heres intelligitur ex asse, nullo nato: & si medio tempore decesserit, intelligitur integrâ hereditatem transmississe ad heredem, quasi quæ sitâ iure *ἀναπόστροφος*, existentia. Et hoc constat inter omnes, *d. l. cum quidam §. suum: l. illud si pars hered. pet. in princ.* Et consequenter, si filius suus interim petierit à possessore totam hereditatē, vel si ab hereditario debitore petierit totum id, quod patri debitum erat, nullo nato, recte egisse videtur, & si victus fuerit, videtur rem totam amisisse, *l. si pater, de solut. inf.* Et hoc, si postumus non nascatur. Quid fiet, si vnus, duo vel plures nati sint: pro qua parte interim filius heres extitisse intelligitur? Hac in re videtur fuisse controuersia inter IC. & ita etiam Accurs. affirmat: Nam aliud refertur ex Pomp. in *l. cum quidam §. suum*, aliud ex Sabino & Cassio in *l. 28. §. ult. de indic.* cui est coniungenda *l. 3. si pars hered. pet.* Et Pompon. hac de re argumentatur à toto ad partem, quod solet eadem esse ratio totius, & partis, hoc modo: si nemine nato filius intelligitur heres extitisse ex asse, ergo, pari ratione seruata vno nato, intelligitur heres fuisse ex semisse, duobus natis, ex triente, quia scripti sunt ex æquis partibus, tribus natis, ex quadrante, quatuor natis, ex 5. parte, itemque ex sexta parte. & si medio tempore decesserit partu nondum edito, pro numero eorum, qui nati sunt, intelligitur vel semissem, vel aliam portionem transmississe in heredem suum, *d. §. suum*: & si interim petierit totâ hereditatē vel totum, quod patri debebatur, antequam certum esset, quot essent nascituri, nec obtinuerit, quidâ auctores, ut est proditum in *l. si pater, de solut.* dicebāt, nihil eū perdidisse: puto, quia etsi petierit totum, non videtur petiisse partē, cuius erat incertus, *d. l. si pater*. Sed horū opinio nē improbat Iulian. merito *d. l. si pater*, & ait: eū perdidisse petendo totum medio tempore eam partem, ex qua heres fuit, antequā certum esset, neminem nasci, aut tot nasci. Pro qua autē parte interim fuit heres? Iulianus nō definit palā, sed ait interim: vel igitur fuit heres ex semisse, ergo vnus tantum nasci potuit: vel ex triente, ergo duo nasci potuerunt: vel ex quadrante, ergo tres: vel ex quinta parte, ergo quatuor. Et ita ponit Iul. sed nihil definit, id est, non definit, pro qua parte interim videatur fuisse heres. hoc tantum statuit: interim pro parte tantum eum fuisse heredem videri, & eum partem amisisse petendo totum, non obtinendo. Verū ex *d. §. suū*, intelligitur Iulian. probasse opinionē, quæ tribuitur Sabino & Cassio in *l. 28. §. ult.* à quibus etiā Iul. profectus est, ut scil. interim filius intelligatur heres fuisse vno nato, non ex semisse, ut Pompon. di-

cebat, sed ex quadrante, etiam si vnū tantum mulier paritura sit. Ergo tres nasci potuerunt. Et hoc accidit non raro, ut nascantur tres: vltra tres nasci rarū est, & portentosum, *l. vtrum, de rebus dub.* Et Iureconsulti non spectāt ea, quæ raro eueniunt, idcirco non spectant quinque nasci posse, vel quatuor, vel 7. vel 9. vel 11. Picus Mirandula in hymnis scribit, sua etate Dorotheam quandam gemino partu genuisse 20. vno 9. altero vndeclm. Septenos tantum genuisse mulieres IC. prodiderūt in *l. 3. si pars hered. pet.* quod portentosum esse putant, & hæc, quæ portentosa sunt, non spectant, sed tres posse nasci spectant, & ideo interim filio superstiti designant quartam partem tantum, quæ tamen postea vel crescat pluribus natis, *d. l. 3. & 4. si pars her. pet.* Et ideo, si filius superstes interim moriatur, videtur tantum transmississe in heredem suum quadrantem, qui tamen similiter postea crescere, vel decrescere poterit. Interim non poterit hereditatem petere nisi pro quadrante, & si petierit assem, nec vicerit, quadrantē videtur perdidisse. Atq; ita, si & in suo hæc opinio vera est, non erit eadem ratio totius & partis, non valebit argumentū Pomponij à toto ad partem, quod etiam nonnunquā fallit in iure, ut in casu *l. ex mille, de emption.* Quid ergo? Dicesne hac in re pugnare inter se Iureconsultos? Dicesne *d. §. suum* pugnare cum *d. l. 3. si pars her. pet. & l. 28. §. ult. de iud.* Quod facile quiuīs crederet statim, sed valde probabo, si dixeris, *§. suum*, locum habere in suis, de quibus etiam loquitur nominatim, ergo ignorantes heredes existunt: & ideo, si nullum est paritura mulier, tacito iure heredes existunt ex asse: si vnū est paritura, ex semisse: si tres, ex triente, quandoquidem cum postumo pro parte heres fuisset scriptus ex æquis partibus. *lex 28. locum habet tantum in emancipatis, vel extraneis heredibus, ut sc.* interim non possint adire hereditatem nisi ex quadrante. Et hac distinctione adhibita non infirmabitur argumentum à toto ad partem, quod notandum. Et hæc, quæ diximus de filio, & postumo heredibus institutis ex æquis partibus, & de differentia, quæ eo casu intercedit inter suum & emancipatum, locum etiam habent, si pater intestatus decesserit relicto vno filio, & vxore prægnante: namque ab intestato æquales partes fiunt, & ideo nullo nato filius suus intelligitur heres extitisse ex asse, vno nato ex dimidia parte, pluribus natis pro numero natorum, *d. §. suum, & l. intestato §. est autem, de suis & legitim.* Emancipatus autem, siue nascatur postumus, siue non, interim adire poterit pro quadrante tantum, qui tamen crescere poterit, & decrescere, *d. l. 3. & l. seq. ff. si pars heredit. pet.* Erit in emancipato idem stylus indistincte, siue heres institutus fuerit cum postumo ex æquis partibus, & hereditatem adierit: namque adibit pro quadrante tantum, siue pater intestatus decesserit relicta vxore prægnante, & filius emancipatus item petierit bonorum possessionem vnde legitimi: namque adire potest ex testamento, vel bonorum possessionem petere pro quadrante, etiam si incertum sit, quot sint nascituri, id est, etiam si plane nesciat suam partem, modo certus sit de eo, quod agit, modo cætera sciat, quæ eum scire oportet, veluti delatâ sibi hereditatē morte patris, *l. illud §. 1. si pars hered. pet.* Et ita hæc differentia quam ostendi, valet inter suum & emancipatū etiam ab intestato. Verum nulla est differentia inter suū & emancipatum, si filius sit institutus ex certa portione, veluti ex triente: nam vno vel pluribus natis nihil refert; ex ea tantū portione filius suus extitisse intelligitur. Emancipatus, si adierit hereditatē, quæ fuisse intelligitur, residuū seruatur postumis, nullo autem nato, ex asse hereditatem acquisisse intelligitur, *l. illud §. 1. quasi ab initio asse relicto, l. vtrum, de rebus dub. l. hered. de acq. hered.* causa testati trahente ad se causam intestati, vel heredi scripto ex certa portione accrescente residua portione, quæ deficit nullo postumo nato. Et idem quod diximus in filio emancipato, obtinet in extero herede scripto: nam ab intestato extor non venit.



## Ad l. 26. si quis omis. caus. testamenti.

*Julianus scribit, patrem qui filiam sibi substitutam iussit adire hereditatem, legata, quæ ab ipso data sunt ex sententia edicti, præstaturum: quoniam filia patri substituitur in casu, ut non arbitrium eligendi relinquatur, sed si varia legata supra dodrantem data sint, eorum prius rationem habendam, quæ à filia relictæ sunt: non enim caret dolo pater, qui honore proprio omisso, propter compendium alienam institutionem maluit. Denique si filia pater substitutus adiit hereditatem, nihil eum dolo facere Iulianus existimat: quia nemo filie patrem contra votum parentum substituere videtur, sed ut arbitrium eligendi relinquat.*

**H**eredes sæpe instituimus eos, qui & ab intestato heredes nobis erunt ex equis partibus. Quid ergo frustra igitur eos heredes instituimus? imo vero non frustra, quia ideo instituimus, primū vt iudicio nostro honoremus; est enim institutio honoris: deinde, vt oneremus legatis, vel libertatib. relictis, quib. onerari non possent codicillis factis ab intestato, §. *præterea, Instit. de fideicom.* hered. nihil in codicillis directe factū valet, si fiat ab intestato, vel si facto testamento non cōfirmetur. Et hinc ex iis pleriq; heredes instituti, qui & lege nobis essent heredes sine testamento, vt ea onera vitent, omittunt causam testamenti, spernunt testamentū, & amplectuntur hereditatem ab intestato, ne scil. præstent legata testamento relictæ, quæ scil. ab intestato non debentur. In quo Papin. indicat esse compendium, quoniam integram hereditatem capiunt ab intestato sine deliberatione vlla, & ita fraudem faciunt legatariis, & voluntati defuncti. Quamobrem huic fraudi, doloq; malo occurrit prætor hoc edicto, *si quis omissa causa*. Quomodo occurrit? data in eos vtili actione legatorū, cautā cognita, perinde atq; si ex testamento essent heredes, legata non debentur nisi ex testamento. testamentum nullum est, quia omisum est, desertum, destitutum: ergo non debentur. Sed hoc edicto dolus vindicatur eius, qui omisit testamentum in necem legatariorum, ita scil. vt perinde obligetur legatariis, atque si ex testamento hereditatem quæ fuisset. Est etiam edicto locus in substitutis, qui prætermissa substitutione ab intestato hereditatē capiunt, vt loquitur, *l. si ab intestato, hoc. r.* nam & substituti instituti sunt. Quid est substitutio? Institutio, quæ fit in locum alterius institutionis. vel latius, institutio heredis quam quis facit sibi, vel liberis suis, non habentibus ius testamentum faciendi, & heredis instituendi sibi, in hunc casum, si anterior institutus defecerit. liberis suis, in hunc casum, si ante moriantur, quam ius habuerint heredis instituendi. Est etiam huic edicto locus in patre, qui potuit quærere hereditatem defuncti per filium institutum: & in domino similiter, qui defuncti hereditatem quærere potuit per seruum heredē institutum, & non iussit adire hereditatem: iussum exigitur patris vel domini, non iussit autem adire ex institutione filii vel serui dolo malo, vt vel ipso iure ab intestato succederet defuncto, vel filius omisso testamento, *l. i. §. i. l. si filius meus, hoc. tit.* Et huius rei inspectio proprie pertinet ad *h. legem Iulianus*, quæ merito subiicitur legi præcedenti. lex, quæ præcedit, est de domino, lex sequens est de patre. proximitas siue confinium vtriusque demonstrat hac in re nullum esse discrimen inter dominū & patrem. Exponamus primum speciē in domino. Dominus heres est institutus, & seruus eius substitutus est ei, & ab vtroq; sunt legata relictæ: dominus noluit adire ex institutione dolo malo ne præstaret legata à se relictæ gradu institutionis, quasi destituta institutione destituatur & id omne quod ei adheret: nihil egit. nam ea legata præstabit ex sententia eius edicti, salua tamen Falc. nec enim amittit Falcid. quamuis id egerit, vt interciderent legata, & quātam in eo est, interciderunt, *l. duo §. ult. hoc. tit.* Nunc po-

**A**namus speciē in patre eodem modo: Pater institutus est heres, filius ei substitutus est, ab vtroq; relictæ sunt legata: pater noluit adire ex institutione, iussit filiū adire ex substitutione, præstabit legata nō tantū relictæ à substituto, sed & legata relictæ ab instituto, quia filius vel filia substituitur patri: non vt arbitriū eligendi eis relinquatur, vtrum ex institutione suo nomine hereditatē acquirat, an per filium ex substitutione: nō, inquam, vt ei relinquatur arbitrium quærendæ hereditatis ex institutione, vel ex substitutione, vtrum maluerit, sed filius vel filia substituitur patri in casum, puta, si acciderit, vt pater non possit adire, vel si pater ante aditam hereditatem mortē obierit. Et ita dixit in casu *l. i. §. i. vt leg. nom. cau. l. filium §. i. de fideic. libert.* aliter in euentu, *l. sed et si dimisit, in fi. de acq. hered.* Ergo pater, qui omisit institutionem, & filium substitutum sibi iussit adire ex substitutione, legata à se relictæ etiam præstat ex sententia huius edicti. Ergo non caret dolo pater, qui honore suo omisso, id est, neglecta institutione, mauult alienam institutionem, id est, substitutionem filij, cuius emolumentum ad eum redit, qui affectat compendium illud, hoc est, integram hereditatem sine deliberatione legatorum. Et potest hæc sententia aptari multis casibus, & aptari audiui in Senatu contra aliquem, qui quod compendiosior esset cathedra iuris ciuili, optabat deponere cathedram iuris canonici. Si non caret dolo malo pater, ergo incidit in hoc periculum, & perinde obstringitur legatis à se relictis, atque si institutionem suam non omisisset, hoc est, si honorem suum non spreuisset.

**C** Dices. Pap. scripsit esse ex sententia edicti. imo est ex meo iure, hoc est, constitutione Seueri, qui vult, vt legata relictæ ab instituto, debeantur à substituto, *l. licet, de leg. i. l. si Titio §. Iulianus, de leg. 2. l. non instam, C. ad Treb.* Legata sunt relictæ à patre instituto, ergo debentur à filio substituto, vel ab eodem patre instituto, ad quem redit commodum omne substitutionis. Hoc igitur ex constitutione Seueri: nam vltra sententiam edicti, vltra edictum ita ius se habet, cui obiectioni vt respondeam, sunt distinguenda tempora. Quod est scriptum in *l. præced.* est ex Celso: quod in hac *l. ex Iuliano*, quorum ætate, legata relictæ ab instituto non debebat substitutus, *d. §. Iulianus*, sed post constitutionem Seueri, aliter, *l. Celsus §. ult. eod.* nondum exierat constitutio Seueri. Celsus & Iulianus non habuerunt notitiam constitutionis Seueri,

**D** cui fraudi obuiam it prætor. Verum adiicitur etiam in hac priori parte huius *l. si* legata sint relictæ tam à patre instituto quā à filio substituto, & pater omiſſa institutione iusserit filium adire ex substitutione, & vtraq; legata simul iuncta excedant dodrantem, ita vt interueniat Falcidia, Pap. ait, prius haberi rationem legatorum relictorum à filio vel filia substituta patri, hoc est, solui prius ea legata, si sola non excedant dodrantem, separata à legatis relictis à patre, & deinde ex legatis relictis à patre instituto detrahetur Falc. quia per se sola, quæ vel sunt relictæ ab instituto, vel à substituto, non excedebant modum legis Falcidiæ: iuncta excedebant, sed non cōmiscebantur. Prius enim habebitur ratio legatorum relictorum à filio, & persoluentur non detracta Falcid. si non excedant dodrantem, deinde ex legatis patris detrahetur Falcid. Sed

**E** huic sententiæ obstat *l. Nefennius §. pen. ad l. Falc.* quæ lex loquitur quidem non de patre, sed de domino, quod idem est. Verū ait d. lex, prius solui debere legata relictæ à patre vel domino herede instituto, & tunc eorū legatorum rationem haberi, quæ relictæ sunt à filio vel seruo: nihil est, quod magis aduersari possit Papin. Ratio concordie sumenda est ex ea distinctione temporis, quam exposui ante. Ea lex *Nefennius* est Pauli, cui non erat incognita cōstitutio Seueri. erat ignota Iuliano & Celso. Nunc dicam, in *h. l.* prius habetur ratio legatorū relictorum à filio substituto, quæ ipso iure debentur, cum ex substitutione adita sit hereditas: legata autem relictæ à patre instituto, ipso iure non debentur ante constitutionem Seueri, sed debentur ex mente huius edicti: & rursus ex mente, non



ex verbis. In l. Nescimus, legata relicta à patre instituto vel domino, ipso iure debentur ex constitutione Seueri, & priora sunt, quæ relinquitur ab instituto: posteriora, quæ relinquitur à substituto. Ergo merito priorum prior habetur ratio, cum vtraque ipso iure debentur: nihil est euidentius. Posuimus casum in patre herede instituto, & filio ei substituto, patrem omisisse institutionem, filium adisse ex substitutione iussu patris, nec de eo casu quicquam amplius restat. Sed quaeritur, quid sit dicendum è contrario, si filio heredi instituto, substituitur pater, & pater non habeat filium adire ex iussu, sed adcat ipse suo nomine ex substitutione, an præstabit legata à filio relicta? Et ait prudentissime Papinianus, non præstaturum legata patrem à filio relicta ex sententia huius edicti: quia hoc edicto dolo tantum vindicatur, & hoc casu dolo caret pater, qui mauult adire ex substitutione, quam filium ex institutione. Sed ostendo dolo carere patrem, & priore casu dolo factum videri. Ratio est elegans: est quidem pater substitutus filio, sed non est proprie substitutus. Nam substitutio est, quæ confertur in casum, si telle chose aduenit, veluti, si filius prior decesserit superstiti patre. quomodo accipies hanc patris substitutionem? Erit præposita substitutio patris, erit contra naturam, contra commune votum parentum: nam illi volunt, ut superstites sint filii illis. Nec videtur hoc cogitasse, rem non naturalem, nec optabilem parenti, qui cum substituit filio. Ergo non videtur substituisse patrem filio, ut plane ita haberetur, sed ut ei relinqueretur arbitrium eligendi: nihil gestum contra voluntatem eligendo substitutionem. Ergo hoc maxime voluisse videtur testator, l. 1. §. si proponi, hoc tit. Idem institutus est, & sibi ipsi substitutus, quod quandoque fit recte, l. sed etsi plures §. ult. de vulg. subst. Ab institutione relicta sunt legata, à substitutione forte nulla. Substitutio est compendiosior, omittit institutionem, & amplectitur substitutionem, an incidit in hoc edictum? minime, quia ei potestatem eligendi testator reliquisse videtur: dolo caret, qui sequitur voluntatem defuncti.

#### Ad leg. peculium 65. de leg. 2.

Peculium legatum augeri, & minui potest, si res peculij potest esse incipiant, aut desinant. Idem in familia erit, siue vniuersam familiam suam, siue certam veluti urbanam, aut rusticam legauerit, ac postea seruorum officia, vel ministeria mutauerit. Eadem sunt lectionariis aut pedissequis legatis.

§. 1. §. Quadriga legatum, equo postea mortuo, perire quidam ita credunt, si equus ille decessit, qui demonstrabat quadrigam. sed si medio tempore deminuta suppleatur, ad legatum pertinebit.

§. 2. §. Titio Stichus legatus, post mortem Titij libertatem accepit, & legatum adita hereditate, & libertas post mortem Titij competit. Idemque est, etsi moriente Titio liber esse iussus est.

§. 3. Si tamen Titio ex parte herede instituto, seruus legatus sit, & post mortem eius liber esse iussus sit, siue adierit hereditatem Titius, siue non adierit, post cuius mortem libertas ei data est, defuncto eo libertas competit.

**M**ultum interest, quæ res cuique legetur, quove nomine, communi an proprio. Aut res vna legatur, aut plures; si plures, aut sigillatim propriis nominibus, aut generatim & vniuersæ: si sigillatim res legentur, quot sunt res, tot legata sunt, ut in stipulationibus, l. scire, de verb. obligat. Si vno nomine res plures legentur, ut si grex legetur, aut peculium, vnum est legatum, l. 9. hoc tit. Enumeratio singularum rerum scindit legatum. Verbum generis contrahit legatum. Vnum autem legatum pro parte agnosci, pro parte repudiari non potest. Plura si sint legata, vnum agnoscere, alterum repudiare nihil vetat. Ac rursus res singulæ, aut eiusmodi sunt ut minui vel augeri non possint, ut

Quæst. Papin.

si legetur homo: aut sunt eiusmodi, ut minui vel augeri possint, ut si legetur fundus, augetur alluione, minuitur eluione, l. 21. h. t. Idem erit, si grex legetur, legatum augetur aucto grege, minuitur minuto grege, l. 22. de legat. 1. Idem est etiâ, ut hic ostenditur, si legetur peculium: Nam peculium etiâ accessione & decessione recipit, §. si peculium, Instit. de legat. Atque ita sicut res singula, alia augeri, & minui non possunt, ut homo, alia possunt, veluti fundus: ita res vno & generali nomine comprehensæ, alia minui, vel augeri possunt, ut grex, ut peculium, addamus etiam familiam ex hac lege. Nam legatum familie minuitur, si legata familia urbana, quidam ex seruis urbanis ad opus rusticum transferantur, & augetur, si ex rure quidam in urbem transferantur. Familia est vniuersitas seruorum, quo nomine utimur etiâ hodie, demonstrando eos, qui apparent iudicibus, apparitores, quod essent olim serui publici. Hoc autem loco Papin. ait, familiam diuidi in officia & ministeria, prætermittit artificia. Igitur textor, fullo, faber, non videntur esse ex familia, & non sunt in ministerio & in officio: nam familia diuiditur tantum in ministeria & officia. Ostiarius est in officio, ut dispensator, vel atriensis. In ministerio est is, qui est ab argento, à scyphis, à poculis, ministrat, qui honoratior existimatur cæteris, sicut actor etiam qui administrandarum rerum domini officio incumbit, cæteris honoratior est, l. 51. de man. test. Subicitur autem in hac lege, legatis quoque seruis lectionariis, aut pedissequis, etiam legatum minui posse, si quidam ex his ad aliud ministerium transferantur viuo testatore. Plerumque autem legabantur octo lectionarij, l. 4. & 8. §. 1. de leg. 1. Mart. Octo Syris suffulta datur lectionica puella. Vel lex, qui dicuntur ἑξαπόροι. Pedissequi autem, qui comites dicuntur, & prædagogi, plerumque legabantur 10. & inde optio legata 10. seruorum, l. pen. de opt. leg. Sed quod attinet ad optionem seruorum ad lectionicam: si decem ad comitatum, nullus est labor: sed quid si legetur optio seruorum simpliciter, quot eligi poterunt? Et definitur l. 1. eod. tit. tres tantum eligi posse, quod congruit maxime frugalitati veterum. Athenæus lib. 6. ait Cæsarem in Britannica expeditione, habuisse tantum tres seruos. Valer. 4. Catonem superiorem ait, Hispaniam rexisse comitatum tribus seruis: nec ergo, cui seruorum optio legata est, plures quam tres optare potest. Aliæ igitur res sunt vno & generali nomine comprehensæ, quæ quandoque augmentum & decrementum non recipiunt, & sumito exemplum ex §. quadriga. Quadriga legata est, vnus equus perit. videntum est, qualis ille equus fuerit: nam si fuerit eminentior equus, ut est in Basilicis: omnium præstantissimus, qui demonstraret quadrigam, hoc est, ex quo potissimum quadriga clarescat, si equus perierit, extinctum potius, quam minutum legatum videbitur. ergo ceteri equi non debentur, si suppleatur autem ille equus viuo testatore, redintegrabitur legatum. Cæterum superstiti illo equo, qui demonstrabat quadrigam, & altero perempto, legatum deminutum intelligitur, non extinctum. maxima igitur eius pars superest. Scio de quadriga queri inter alios professores, an quadriga intelligatur sine rheda? Id vero nemo melius expedire possit, quam Iureconsultus. Quadriga intelligitur sine curru. Fateor quadrigam haberi, ut iungatur ad currum, sed nego ita quadrigam accipi, quasi iunctam curru, alioqui quadriga legata deberetur currus, quod est falsum: nam neque legatus est, cum quadrigæ nomine contineantur equi quatuor, l. si id quod, pro soc. l. 10. §. ult. quib. mod. ususfruct. amitt. Et non cedit legato quadrigæ currus, ut pars vel accessio. ergo per se intelligitur, quoniam per se currus alia res est, sine qua quadriga intelligitur, licet ad currum iungi soleat, sicut argento legato non cedit arca, l. argent. de legat. 3. l. 3. §. ult. de pen. leg. Denique quadriga est nomen numeri, idque intelligitur perspicue translatum eo nomine quadrigæ ad alias res, non ad equos, ut cum Varro ait, esse quadrigam iniciorum, corpus, locum, rempus, actiones, & Vopiscus, quadrigam tyrannorum vocat.

D d ij



erat, & Hieron. ad Iovin. *quadrigam virginum, quatuor filias Philippi*, de quibus in act. Apostol. ad Paulinam, *quatuor easdem quadrigam domini, & quadrigam sanctitatis*.

Quod in vltima parte huius legis Papinianus tractat, pertinet ad hanc speciem: Seruum legauit Titio, & e seruo post mortem legatarij dedi libertatem directam, hoc modo, *cum morietur Titius, liber esto. quæritur, an valeat legatum serui, cui est legata directa libertas*? Namque videtur non valere secundum id quod dicitur, efficacior rem esse libertatem legato, puta si idem seruus legatur, & liber esse iubeatur. siue prius sit legatum, siue posterius; dicimus, prius adscriptam libertatem esse priorem, nisi fuerit euidentis voluntas testatoris, qui legato posteriore voluerit adimere priorem libertatem, quoniam hodie potest adimi libertas, olim non potuit, l. 14. & l. legatarius, hoc tit. videlicet, si idem seruus sit legatus, & liber esse iussus simpliciter: sed si iussus sit liber esse post mortem legatarij, vel cum morietur legatarius, vtrumque valet, legatum valet adita hereditate, libertas valet mortuo legatario, atque ita tacite legatum videtur relictum ad tempus. Et idem esse ait Papinian. si quis sit heres institutus ex parte, & ei sit legatus seruus à coherede, & post mortem eius eidem seruo sit relictà directa libertas: nam etiam si hic heres, idemque legatarius non adierit hereditatē, capiet legatum serui, sed euanesceat legatum eo mortuo: interim valebit, etiam si ipse non adierit hereditatem, vt confirmat l. si seruus, & seq. de vulg. substitut. & l. qui filio, in princip. de hered. instit. vbi ponitur seruo legato non tantum data libertas directa, sed etiam hereditas filij impuberis, hoc est, ponitur seruus legatus substitutus pupillo à patre post mortem legatarij, vel etiam post mortem impuberis; euanesceat legatum existente conditione substitutionis; consistit interim, non est igitur prorsus inutile tale legatum. Et hoc voluit Papin. non consumpsit omnino legatum libertatis datio. Obstat l. si post mortem, §. pen. de legat. 1. Lex idem omnino ponit, seruum legatum Titio, & post mortem Titij seruo adscriptam directam libertatem, & ait, inutile esse legatum, quia certum est, inquit, Titium moriturum; ergo competituram libertatem, si modo seruus superuixerit Titio. Igitur certum est, Titium moriturum, sed non est omnino certum competituram libertatem. Quid enim si præmoriatur seruus? Ergo, vt ait, legatum est inutile, & tamen hic Papin. ait competere, hoc est, deferri adita hereditate, valere statim, atque adita est hereditas. Res non est difficilis, si quod ait l. post mortem §. pen. & in hoc §. conferatur modo hic casus cum casu, qui præcedit: nam habita ratione ad casum, qui præcedit, hoc casu legatum est inutile. Duo sunt casus in illo §. vlt. Prior est, quem ita demonstrat: legauit Titio seruum pure, & ei dedi libertatem sub conditione: hoc casu ait, legatum non valere adita hereditate, si pendeat conditio, sed esse in suspensio, legatum pendere, non possumus dicere id esse vtile abscise, vel esse inutile, quia pendet: videtur enim legatum relictum sub contraria conditione. Ideoque si existat conditio libertatis, perimitur legatum: si deficiat, pertinet ad legatarium. Ergo legatum est conditionale, ac proinde, si medio tempore moriatur legatarius, non transmittit legatum ad heredem suum. Posterior casus hic est: legauit seruum Titio pure, & post mortem Titij seruo dedi libertatem, quærebatur in d. l. si post mortem §. penult. an etiam hoc legatum esset conditionale propter transmissionis causam? Et lex ait, esse inutile, non esse conditionale, sed statim pronuntiari inutile, non quod eo interim non fruatur legatarius, sed quod futurum sit, vt euanesceat præmortuo legatario.

#### Ad l. 3. de seruit. leg.

*Et si maxime testamenti factio cum seruis alienis ex persona dominorum est, ea tamen, quæ seruis relinquuntur, ita valent, si liberis relictæ possent valere: sic ad fundum domini via seruo frustra legatur.*

Proponuntur in hac lege duæ regulæ. Vna est vetus regula iuris antiqui, cum seruis alienis esse testamenti factionem ex persona dominorum, l. 12. §. res, de leg. 1. Altera regula est noua, introducta à Iuliano Iureconsulto, quæ præceptū dicitur in l. debetur §. pen. de legat. 2. Regulæ iuris sūt præcepta iuris. Hæc tria illa præcepta, honeste viuere, alteri non ledere, ius suum cuique tribuere, sunt summæ regulæ iuris. Primo prohibemur ab iniuria, quam inferimus nobis ipsis, ne mortem nobis consciscamus, ne dissolute vitam agamus, ne vllō nos contaminemus stupro, ne vllam nobis infamiam contrahamus. Secundo & tertio præcepto, prohibemur ab iniuria, quā inferre possumus alteri. Secundo, ne quid adimamus alteri, ne vitā ac honorem iniecta contumelia. Tertio prohibemur, ne quid retineamus ex alienis, ne depositum non reddamus, ne debitum non soluamus, ne legatum à nobis relictum non præstemus. Verum ad rem. Seruus non habet ius stipulandi, nisi sit seruus eius, qui stipulari possit, initio tit. de stipulat. seruor. Et similiter seruus heres institui non potest, nisi & cum domino eius nobis sit testamenti factio, d. regula. Et quod dicitur in l. filiusfamil. qui testam. fac. possunt, seruum alienum habere testamenti factionem, sic accipiendum est, si & dominus eius habuerit: nam ex persona dñi seruus vel capax esse intelligitur, vel incapax: imo nec videtur esse seruus, nec vlla esse persona serui, nisi per personam domini: seruo enim dominus personā imponit suā, alioqui pro nullo habetur: potest seruus esse sine domino, & is plane pro nullo habetur: nam non est, ex cuius persona ipse personā suscipiat, nec vero suscipere ex alio potest, quā ex domino, cuius in potestate est. Et hæc est vetus regula iuris ciuilis, quæ proponitur initio huius leg. Ait cum seruis alienis. Cū seruis propriis autē non est testamenti factio, quia nec cū nobis ipsis: cū seruo meo non est mihi testamenti factio. At cum libertate, id est, si seruo meo adscripsero libertatem, est testamenti factio. & similiter adscripta libertate fideicommissi. mihi cum seruo eius, cum quo mihi testamenti factio non est, testamenti factio est. Huic veteri regulæ subiicitur in hac lege noua regula, Iuliani esse colligo ex l. debet. 82. §. seruo alieno, de leg. 2. Regula hæc est: in legatis, serui persona inspicitur. abutimur nomine personæ. Vel sic: ex persona serui legatū, quod ei relinquitur, ita vires accipit, id est, id demū seruo recte legatur, quod & ei libero possit legari; & cōtra, seruo nō legatur recte, quod ei libero nō possit legari. Ex causa igitur ciuili æstimatur, seruo recte legetur necne, sicut dicitur in l. nō solū §. vlt. de pecul. ex causa ciuili æstimari, an seruus dño obligetur. Causa ciuilis est ex qua ciues Romani, vel liberi homines alij secundum ius suæ ciuitatis obligantur. Mutuum facit debitores liberos homines. ergo & seruum. nuda ratio non facit debitorem liberum hominem, puta si quis rationibus suis præscribat, se aliquid debere Titio, cum omnino nec mutuum acceperit à Titio, nec vlla causa debendi præcesserit. nuda illa ratio non facit debitorem, l. nuda, de donat. quod & comprehendit d. l. non solum, nuda ratio non facit donationem, vt scilicet videatur donasse, cum scripsit se debere, quia donatio traditione perficitur, & nuda illa scriptura non habetur pro traditione: sunt fictæ traditiones quædam, vt retentio vsusfructus pro traditione habetur. Si donauero, & retinuero vsusfructū. l. quisquis, C. de donat. Precarij conuentio, quæ sit hodie frequenter, pro traditione habetur, vt si constituam me precario possidere, me impetratam



possidere abste rem, quam tibi donatam volo; sed nuda scriptura pro traditione non habetur: denique nuda ratio donatorem non facit liberum hominem; nuda ratio liberum hominem non facit debitorem; ergo nec seruum, quæ est sententia *d. legis non solum §. ult.* Ac rursus libero homini non potest legari via ad fundum alienum. ergo nec seruo ad fundum domini. certe non ad fundum extraneum, imo nec ad fundum domini, quia fundo alieno per non dominum non potest acquiri seruitus, imo nec communi fundo per vnum socium, *l. proprium, com. pred.* Vnde notandum est valde, testamenti factionem esse separandam à rebus singulis, quæ seruo alieno legantur: sunt duæ regulæ separatæ. vna est de testamenti factione, altera de rebus singulis seruo alieno legatis. Separatio hæc est: testamenti factio est cum seruo alieno ex persona domini, si & cum domino sit testamenti factio: legatum autem rerum singularum in seruo alieno consistit ex persona serui, non ex persona domini, non consistit ex persona domini: Nam etsi domino, ea quæ legantur non possint legari, seruo tamen eius legantur vtiliter; si modo liber factus ea capere possit: vt res propria domini certe domino legatur inutiliter, seruo eius legatur vtiliter, & effectum habet legatum, si manumissus fuerit ante diem legati cedentem. Item quod domino pure debetur, frustra legatur. quod debetur sub conditione, recte legatur: quia legato inest commodum representationis, quia ex eo legato capiet statim, quod non caperet, antequam existeret conditio, *d. l. debitor, in princ.* sed quod pure debetur, domino frustra legatur, seruo tamen eius frustra non legatur, & valet legatum, si die legati cedente liber inueniatur. Ergo legatum seruo alieno relictum consistit, si hic liber factus capere possit, licet dominus eius capere non potuerit, vt contra legatum relictum seruo alieno non valet, si liber factus id capere non potuerit: vt si legetur ei via ad fundum domini, quamuis dominus id capere potuerit. Denique vt legem seruo alieno, desidero quidem, vt eius dominus sit capax, id est, vt sit cum eo testamenti factio. non desidero, vt rem quæ legatur, dominus eius iure legati capere possit: satis est, si in vniuersum censeatur esse capax. Diximus seruo alieno frustra legari viam ad fundum domini, & legatum relictum seruo alieno valere ex persona serui, non domini. Obstat *l. si vnus ex dominis, de seru. rust. præst. l. 7. §. ult. & l. 17. de stipul. seru.* quibus locis ostenditur, seruum alienum recte stipulari viam ad fundum domini: Cur non legatur recte seruo aliena via ad fundum domini? Et est profecto verum, quod ait Accurs. hanc esse differentiam inter stipulationem & legatum: sed enarranda est differentia ratio. In stipulationibus siue puræ, siue conditionales sint, & generaliter in contractibus, quos omnes stipulatio circumambit, spectari tempus contractus. Valere igitur eas ex persona domini, qui seruum stipulantem eo tempore habuit in potestate: nam stipulatio, etiam si sit conditionalis, ex eo tempore censetur: & conditio post existens retrotrahitur ad tempus contractus, & hoc commodum omne stipulationis pertinet ad dominum, etiam si seruus postea manumissus sit. in legatis autem non spectatur tempus, quo legatur, sed spectatur tempus, quo dies legati cedit. Fieri autem potest, vt qui tempore testamenti erat seruus, cuique adscriptum est legatum, die legati cedente, inueniatur liber, & ob id persona serui inspicitur, nec valet legatum ei relictum, nisi & is liber id capere potuit die legati cedente. Ex quo principio iuris, videlicet, vt in stipulationibus spectetur tempus contractus: in legatis tempus cessionis, sequuntur multæ conclusiones: primum, vt stipulatio conditionalis conferatur, id est, vt frater fratribus suis conferat, quod ei debetur sub conditione, quoties agitur de paterna successione. ergo statim dies cedit, licet petitio suspendatur ex conditione, *l. 2. §. id quoque, de collat. bon.* Item si filiusfamil. sit stipulatus sub conditione, & pendente

A conditione emancipatus sit, deinde extiterit conditio, competit actio ex stipulatu patri, *l. si filiusfamil. de verb. obligat.* legati petitio competet filiofam. non patri existente conditione post emancipationem. & eadem ratione filiusfamil. de eo, quod stipulatus est sub conditione, pacisci non potest, *l. & heredi §. filiusfamil. de pact.* de legato pacisci potest. Præterea stipulatio conditionalis transmittitur in heredem: quia statim valet, & ex præsentis tempore censetur, §. *ex conditio. Instit. de verb. obligat.* legatum conditionale non transmittitur mortuo legatario medio tempore. Et hoc est quod dicitur, stipulatorem conditionalem esse creditorem: legatarium conditionalem non esse creditorem, *l. is cui sub conditione, de obligat. & act.* conditionales stipulationes retrotrahi ad tempus contractus, quod obseruati semper volumus, *l. potior §. videamus, qui pot. in pign.* Condicio legati non retrotrahitur ad tempus testamenti vel mortis. Item seruus hereditatis (is autem est seruus hereditatis, quæ iacet, id est, quæ nondum adita est) vsumfructum inutiliter stipulatur & pure, & sub conditione. cur? quia vsumfructus non consistit sine persona, & hic seruus personam non habet, nec etiam est, cuius personam sibi adroget, quia iacet hereditas. Legatur tamen seruo hereditario recte, *l. vsumfr. de stip. seru.* Quæ omnia manant ex illo principio, quod in stipulatione spectetur tempus contractus, in legatis tempus quo dies cedit. Ac postremo, si vnus ex sociis leget communi seruo sine libertate, solidum legatum pertinet ad alterum socium, nec cogitur id communicare cum herede socij. cur? quia die legati cedente (quod hodie, & ante leges caducarias cedit statim à morte) illum solum dominum habuit, et soli solidum acquireretur legatum: sed si vnus socius seruo communi stipulanti promiserit aliquid, pars ex qua promissor dominus fuit, non acquireretur alteri, id est, pro ea parte nulla est stipulatio, reliqua pars acquiritur alteri: ergo non solidum acquireretur alteri, quia scilicet tempore stipulationis non hunc promissorem dominum tantum habuit, sed & alterum, aut contra, *l. 9. §. si seruus, ff. de stip. seru.* Diximus id demum seruo posse legari, quod ei libero legari posset, quæ est regula Iuliani. Obstat huic regulæ quod obicit Marcellus Iuliano in notis: Seruo alieno ita legatur recte, quoad seruia Titio domino suo, *l. seruo alieno 113. de leg. 1.* Et tamen is seruus liber factus ad huiusmodi legatum non admitteretur propter illa verba, *quandiu seruiet.* Ergo seruus alienus capit legatum, quod liber factus non caperet: Sunt quidam serui qui manumitti non possunt, vt qui testamento vel pacto sunt prohibiti manumitti, nunquam ad libertatem peruenire possunt, *tit. qui ad libert. per. non.* his tamen recte legatur & capiunt legatum: non valet igitur legatum ex persona serui. Verum hæc argumenta sunt captiosa. Nam & priore casu seruus liber factus caperet legatum, nisi esset appositæ illa conditio, (*quandiu seruiet*) hæc enim oratio *quandiu seruiet* conditio, non facit, *l. 4. de seruit.* Et posteriore casu si liber fieret, vtique caperet legatum. Est igitur, vt est in *d. l. debitor §. seruo alieno*, calumniosa argumentatio, seu nota Marcelli: est enim ille locus de Marcello intelligendus, vt constat ex *d. §. seruo alieno.* Et verum est, quod Ioannes ait, esse captionem, secundum quid & qualiter, id est, captionem in accidenti & attributo: nam ita Marcellus captionem formauit: id demum seruo legari potest, quod ei libero posset legari. Libero non posset legari *quandiu seruiet*, cum liber sit, non seruus. ergo nec seruo ita poterit legari: hoc autem est falsum, ergo & illud. Vis breuius: si id demum seruo potest legari quod posset libero, non poterit igitur ei legari hoc modo: *Quandiu seruiet domino suo.* Hoc autem est falsum, ergo & illud. Est captio ex accidente. Nam quod in propositione sumitur simpliciter, ei in assumptione adiungitur conditio: non igitur similis assumptio propositioni, quæ res creat fallaciam, & hic est sensus *d. §.*



*feruo alieno, in l. debitor, ubi refutatur sophisma Marcelli.*

Ad l. 12. de his quæ vt indign.

*Cum quidam scripsisset heredes, quos instituere non poterat: quamvis institutio non valeret, neque superius testamentum ruptum esset, heredibus tamen, vt indignis, qui non haberunt supremam voluntatem abstulit iam pridem senatus hereditatem. Quod D. Marcus in eius persona iudicauit, cuius nomen per actio testamenti testator induxerat: causam enim ad præfectos ararij misit. Verum ab eo legata relicta salua manserunt, de præceptionibus eidem datis voluntatis erit questio, & legatum ei non denegabitur, nisi hoc euidenter testatorem voluisse appareat.*

**D**uo proponuntur casus, quibus heredi instituto vt indigno, fiscus hereditatem aufert. indignus heres est, quem testator vel lex iudicauit male meritum esse de defuncto, ingratum esse, immerentem, vel quem heredem instituit, non illicitum quidem eum, sed quem instituere nefas atque pudendum, vt nefas est instituere eam, quam nos in matrimonium iure non capimus, l. 2. hoc tit. His duobus casibus testator ipse, quem heredem fecerat, indignum esse honore isto demonstrat: nam indignis heredibus vel legatariis plerumque fiscus adimit bona, quæ & ereptitia dicuntur ab Vlpiano in fragm. Et fiscus ea eripere dicitur, l. pen. de iure fisci. l. 26. ad leg. Cornel. de fals. Et ereptitia etiam communi nomine dicuntur caduca, d. l. 2. in fine, si quis aliq. test. prob. l. pen. de his, quæ in testam. delent: nam generali nomine quæcumque obueniunt fiscus ex alieno caduca sunt. Strictiori nomine caduca tantum sunt ea, quæ deficient mortuo testatore, vt si post testatorem heres moriatur ante aditam hereditatem, atque ita caduci nomen modo generaliter accipitur, modo specialiter: & generaliter acceptum comprehendit etiam ereptitia, id est, ea quæ vt indignis eripiuntur. Male autem Accursius in hac l. confundit incapacem cum indigno; & non in hac l. tantum sed & alibi, & ait, idem ius statuendum esse incapacis & indigni: & petenti exemplum incapacis, dant facile exemplum indigni doctores perperam, & inde fit, vt etiam male Accursius hoc loco scribat, incapacem mero iure heredem esse, quia obstat lex, quæ incapacem facit: ac præterea aditione hereditatis confundi actiones, quæ inter eum & defunctum fuerunt, & incapaci fiscum auferre hereditatem, legata, fideicommissa, quod scriptum tantum est de indigno: confundit titulum præcedentem de his quæ pro non scriptis habentur, cum hoc tit. nam quæ relinquuntur indignis, indigni possunt capere, sed non retinere, l. 2. hoc tit. relictum incapaci remanet apud heredem, vel transmittitur ad heredem legitimum sine onere, quia si est pro non scripto, & onus ei adscriptum, pro non scripto est necessario. Indigno autem relictum fiscus aufert cum onere: ne igitur vnam confundamus indignos cum incapacibus. Verum videamus, qui sint hi duo casus, qui proponuntur in hac l. Primus casus est. Quidam priore testamento instituit heredes capaces, quos instituere per leges poterat, posteriore scripsit incapaces, an posteriore testamento ruptum est prius? Rumperetur si posterius valeret, id est, si ex eo heres existere posset: non rumpitur, quia ex posteriori nemo heres existere potest: namque proponuntur ex eo esse incapaces heredes, qui neque fieri, neque existere possunt. Quæritur, an heredes scripti priori testamento hereditatem obtinebunt? Quod videtur, quia prius valet, nec ruptum est, & quandiu testamento locus est, repelluntur legitimi venientes ab intestato. Et sane verum est, heredem fore eum, qui priore testamento scriptus est heres, sed fiscus eripiet hereditatem quasi indigno. Indignus est bonis, quem defunctus iudicauit esse indignum, & alio testamento conse-

cto, in quo instituit incapacem, prætulit eum incapaci, nec enim ignorabat leges de incapacibus, nec enim poterat ignorare, nec ergo alio fine testatus esse videtur, quam vt notaret, eum esse indignum hereditate sua, quem priore testamento heredem scripserat, non ignorans non valiturum posterius, nec mero iure ruptum iri superius iudicium defuncti: posterius enim si sit inutile, indignum esse coarguit eum, qui vtili testamento scriptus est, id est, priori. Et ita est proponenda species ad priorem partem h. l. nam ponendum est necessario mouisse Senatum vt ita pronuntiaret, voluntatem testatoris: fuisse certa argumenta, quæ probarent testatorem priore testamento heredem scriptum indignum esse censuisse, alioqui iniustum esset Senatusconsultum. Nam potest fieri, vt qui posterius testamentum scripsit, ita demum à priore testamento recedere voluerit, si posterius valiturum esset, l. 18. de legat. 3. Finge: posteriori testamento eosdem heredes scripsit, & alia quædam mutauit, quædam non mutauit. non valet posterius testamentum, quia omisit solemnia quædam: heredes primo testamento scripti non sunt indigni, qui & priore & posteriore iudicio defuncti probati sunt, & honorati. Vel finge: posteriore testamento scripsit capaces, nec valet testamentum propter omissam solemnitatem quandam, an statim existimaueris priori testamento scriptos esse indignos? Sane non temere, nec enim mutamus testamentum semper odio priorum heredum, sed maiore affectu posteriorum. Vel etiam finge, quod verius est: posteriore testamento scripsit incapaces, ignorans eorum conditionem, errans in facto, veluti cœlibem heredem scripsit, qui lege Iulia & Papia est ex incapacium numero, vel orbem, quem putabat esse patrem. non valet posterius testamentum, quia vitiosa est institutio & illicita. An ideo primo testamento heredes scripti iudicabuntur esse indigni? minime. videntur quidem non habere supremam voluntatem defuncti, cum alios heredes scripserit postea, quamvis inutiliter: sed non est vsquequaque verum, quod ait Papin. hoc loco, indignum esse eum, qui non habet supremam voluntatem defuncti, in cuius institutione non perseverauit defunctus. Nam finge, eum heredem scripsisse, & prius quam moreretur dixisse, nolle eum sibi heredem esse, non fecisse quidem aliud testamentum, sed hoc tantum pronuntiasse, intestatum se mori malle, an heres iudicatur indignus, qui non habet supremam voluntatem? minime, l. militis §. veter. de milit. test. neque enim iusto testamento data hereditas nuda voluntate adimi potest, l. pen. quib. mod. testam. infirm. Vel finge: qui prius testamentum fecerat, cœpit aliud facere, & alios quosdam heredes scribere, nec perfecit testamentum, sed obmutuit forte in medio, morte præuentus. Priore scripti non videntur habere supremam voluntatem, nec tamen sunt indigni, id est, fiscus locus non est, l. ex parte, de adim. leg. Hoc modo igitur interpretor, indignus est is, cuius odio testator recessit à priore voluntate, quod liquido constet oportet: & constat liquido, si sciens prudensque instituerit incapacem odio alterius, quasi subindicans, si fieri possit, malle esse incapacem, quam capacem: quod etiam fortiter defendi potest idem procedere, si instituerit capacem, si modo id fecerit odio alterius, & omiserit solemnia quædam in posteriori testamento: nam ponendum est semper posterius non valere. Hoc enim casu, si modo probetur testatorem fecisse odio prioris, licet fuerit capax, pro indigno habetur, & aufertur ei hereditas. Non lex tantum, sed etiam voluntas testatoris indignum heredem facit: vt dixi, omissa fuisse solemnia quædam iuris in posteriore testamento. Solemnia enim iuris ignorare quilibet potest, præter Iurisconsultos: leges vero, Senatusconsulta, plebiscita ignorare non licet. Qua de causa in testamentis conficiendis adhibebantur semper Iu-



rifconsulti propter formulas, *l. pen. §. ult. de leg. 2.* & dictabant testamenta Iurifconsulti, *l. distantib. C. de testam. l. moris, de pœnis.* dictabant etiam stipulationes. Quid. in Epist. Acontij.

*Dictatis ab eo feci sponsalia verbis:  
Consultoque fui iuris amore vaser.*

Et in amoribus:

*--- Atque eadem consulti ante atria mittis,  
Unius ut verbi grandia damna ferat.*

Ad hæc Accurs. non male, ad Senatusconsultum, quod refertur à Papiniano in priori parte huius *l.* opponit aliud Senatusconsultum quod refertur in *§. pen. Instit. quibus modis test. infirm.* quod indiget explicatione. Diverfi sunt casus huius Senatusconsulti, & illius, sed in utroque casu videtur eadem ratio valere, & affirmatur in vno valere, negatur tamen in altero valere. In casu *§. pen.* testator aliud testamentum facere cœpit, nec peregit, veluti quosdam heredes instituit, non omnes, quos instituere decreuerat, *l. si quis, cum seq. qui test. fac. poss.* In casu huius legis testamentum peregit, scriptis heredibus incapacibus, quos scribere non poterat. hoc tamen casu aufertur hereditas priori heredi ut indigno, quia non habet supremam voluntatem. ergo eadem ratione in casu *§. pen.* videtur ei esse auferenda hereditas ut indigno, quia testator id testamentum mutare voluit, & mutasset, nisi mors eum prævenisset. Et similiter, si testator non cœperit aliud facere, sed cum vellet incipere, prohibitus sit ab herede scripto, ei ut indigno auferetur hereditas, *l. si scripto, hoc tit. & l. 1. si quis alium test.* Et similiter ait, quod plus est, si neque fecerit aliud testamentum, neque cœperit facere, neque facere prohibitus fuerit, sed induxerit, & cancellauerit nomen heredis, ei ut indigno aufertur hereditas, ut non habenti supremam voluntatem. Qui est posterior casus huius *l.* Cur ergo in *d. §. pen.* si aliud testamentum facere cœperit, nec perfecit, non adimitur hereditas priori heredi, ut non habenti supremam voluntatem, ut indigno ex tacita voluntate defuncti? Posset dici, quod Accurs. tentat, non negari in eo paragrapho, quin ei sit auferenda hereditas ut indigno, si testator posterius facere cœperit, nec morte præventus id perfecit: sed hoc tantum proponi, prius testamentum non rumpi, quod & procedit in casu huius *l.* Cæterum fisco locum esse, hoc ego nego, non admitto: nam considerandum in *d. §. ult.* esse scriptum, prius testamentum in eo casu non rumpi, & hoc cautum esse oratione D. Pertinacis. ergo & Senatusconsulto: nam omnem orationem Principis sequebatur Senatusconsultum: habebatur enim oratio in Senatu à Principe, vel à quæstore nomine Principis. Quamobrem in iure sæpe idem modo dicitur factum oratione Principis, vel libello, vel epistola, modo Senatusconsulto. Superuacuum autem fuit Senatusconsultum & oratio illa, si hoc tantum cavit, posteriore testamento imperfecto non rumpi prius perfectum, quoniam hoc erat certissimum & vetustissimum exceptis casibus quibusdam. Itaque non hoc tantum voluit Senatus, prius testamentum non rumpi, sed fisco locum non esse, quasi herede scripto in priori testamento indigno, aut non habente supremam voluntatem. Idque omnino demonstrat Iul. Capitol. in *Pertinace. Legem tulit, ut priora testamenta non prius irrita essent quam alia perfecta essent, neve ob hoc fiscus aliquando succederet.* Et sane cum in eo *§. pen.* similia faciat hæc duo, si mortalitate præventus non perfecit testamentum, & si ob id non perfecit, quod eum huius rei pœnituerit, & constet hoc casu posteriore, si pœnituerit, fiscum excludi, quia heres priore scriptus habet supremam voluntatem, consequens est, & priore casu fiscum excludi, si posterius testamentum non per-

A fecerit morte præventus, licet prior heres non habeat supremam voluntatem. sed melius est, ut eum habere dicas supremam voluntatem, cum alia non sit perfecta, *l. ex parte, de adim. leg.* At in casu huius *l.* posterius testamentum fuit perfectum, id est, peractum, nec defuerit ulla solemnitas iuris. Incapacitate tantum heredis instituti rumpitur testamentum, & perit perfecta voluntas suprema, quamvis effectui careat: tacite priorem heredem indignum esse pronuntiat, modo coniecturæ voluntatis suffragentur, & in alio casu quem attigimus, *l. si scripto, hoc tit.* heres, qui volentem mutare testamentum prohibuit, quamvis videatur habere supremam voluntatem, cum alia non sit subsequuta voluntas, id est, aliud testamentum: tamen ut indignus repellitur propter dolum malum. Et similiter in casu *l. hereditas, de his, quæ ut indig.* heres testamento scriptus pro indigno habetur, si testator dixerit palam, eum esse indignum & de se male meritum, nec tamen fecerit aliud testamentum: nam quid est euidentius? Ergo inuitatur fiscus. Et idem etiam statuemus, si non facto testamento alio, heredis scripti nomen induxerit, deleuerit, & ideo ex decreto D. Marci, quod enarratur plenius in *l. pen. de his, quæ in testam. del.* hic heres habetur pro indigno, nec videtur habere supremam voluntatem defuncti: & ideo fiscus ad hereditatem vocatur. Alter casus, si consulto testator nomen heredis induxerit, indignus erit heres. plus est inducere nomen heredis, quam dicere, nolle sibi heredem esse: nam si aliquanto post factum testamentum dixerit, nolle sibi heredem esse, heres pro indigno non habetur, nisi addiderit elogium, *§. pen. qui. mod. test. inf. l. 1. C. quib. ut indig.* sed si induxerit nomen heredis, pro indigno habetur. plus est facere, quam dicere, & voluntate factum est euidentius. Et ita refertur in hac *l. 12. & l. 6. eod. tit. & l. pen. de his quæ in testam. del.* Ita iudicasse D. Marcum, ad heredem, cuius nomen testator consulto induxit, hereditatem pertinere non videri, *d. l. pen.* ut veteres pronuntiare solebant ita, *esse videri*, aut ita, *non esse videri*, & Imperator etiam modesto pronuntiavit in *d. l. pen.* existimans testatorem ea sola irrita esse voluisse, quæ induxit. Et testes olim in testimonio dicebant; arbitrari se scire. Est autem valde notanda *d. l. pen.* quia in ea referuntur acta hac de re habita apud D. Anton. Marcum. Ex quo intelligitur acta confici solita breuiter, simpliciter, monendi causa, non ut sit hodie longa & superuacua oratione. Referuntur in actis paucissimis verbis, quæ aduocati litigatorum dixerunt apud Imperatorem; & his omnibus auditis remouisse eos Imperatores omnes, & ea de re deliberasse cum assessoriis, id est, Iurifconsultis, ac rursum eos admitti iussisse, ac apud eos hanc sententiam tulisse. Et cum Imperator ita pronuntiasset, hereditatem ad heredem scriptum peruenire non videri, cuius nomen testator induxerat, aduocatus fisci remisit ad præfectos ærarij, ut hic proponitur, ut scilicet aduocati fisci apud eos hereditatem persequerentur, & peterent, quasi addictam fisco sententia Imperatoris, qui heredem bonis indignum pronuntiavit secutus iudicium defuncti. Præfecti ærarij erant iudices rerum fiscalium, *l. ait, D. Adrianus, D. de iure fisci.* In provinciis procuratores Cæsaris, *l. cum hi. §. trans. de transact.* Duos ergo ex hac *l. 11.* habemus casus, quibus fiscus heredi scripto hereditatem aufert quasi indigno. Primus hic est, quem exposuimus supra; si post factum prius testamentum posterius fecerit, in quo capacem instituerit: quo casu superius testamentum non rumpitur. Alter est, si nomina heredum induxerit & cancellauerit, & hi iam casus satis sunt expositi. Sed superest hæc quæstio: an fisco eripiente hereditatē heredi scripto debeantur legata, an debeantur fideicommissa, an libertates? an his casibus caduca sit hereditas cum onere? an præstabit fiscus legata relicta ab herede indigno, cui hereditatem abstulit? Et posteriore casu idem Imper. decreuit fiscum debere legata, ergo



& fideicommissa, & libertates multo magis. Quod confirmat lex 16. §. ult. *hœrit. & l. 2. & 3. de his, quæ in testam. del. & l. cetera, C. de his quib. ut ind.* Hœc igitur posteriore casu ex decreto Marci, legata, quæ non induxit testator, & alia manent, & fiscus à legatariis conueniri potest. Idem statuemus in priore casu, si aliud testamentum fecerit, in quo scripserit heredem incapacem: Nam illo priore casu mutauit testamentum odio heredis. Plectuntur igitur soli heredes, non legatarij. Nam si ei tantum legatarij odio fuissent, id facile potuisset explere, non mutato testamento, ut puta adempto legato in codicil. vel etiam quacumque nuda voluntate, *l. 3. §. ult. de adim. leg. & l. militis §. pen. de milit. testam.* Ergo utroque casu huius legis caduca fit hereditas, id est, eripitur indigno cum onere legatorum, aut fideicommissariorum aut libertatum. Et generaliter aduertendum est, hodie quacumque ex causa caduca fieri cum onere, *l. 3. §. cum ex causa, & l. dicitur, de iure fisci, l. Imper. §. pen. de fideicom. l. libert. l. in factum §. pen. de condit. & demonstr.* Restat adhuc ea quæstio, an etiam fiscus debeat præstare prælegata, siue præceptiones relictas heredi indigno? Præceptiones sunt, quæ heredi præter portionem hereditatis præcipuo titulo dantur, *l. 2. de instr. vel instr. leg.* Ideoque non relinquitur prælegatum siue præceptio heredi ex asse, sed heredi ex parte scripto, ut scilicet legatum illud præcipiat in primis, deinde reliquum diuidat cum coherede. Finge igitur: heredi indigno, cui hereditatem fiscus abstulit, idem testator prælegatum reliquerat; ceteris fiscus præstat legata sua, an & heredi indigno prælegatum? dices igitur, etiam prælegatum cadere in fiscum sicut hereditas. Quin quæro an prælegatum præstet fiscus? Cui quæstioni ut respondeatur, sciendum prius est, quæ sit natura prælegati. Finge: duo sunt heredes, vni prælegauit fundum, an valet legatum? non valet nisi pro parte coheredis: nam pro altera parte, quam ille habet & legatarius habet in fundo, inutile est legatum. Igitur pro sua parte capit fundum iure hereditario, quia est heres, non iure legati: nam heredi semetipso non à potest legari. Ergo pro sua parte fundum capiet iure hereditario, pro parte coheredis, iure legati. Iure ergo duplici, & partem quam capit iure hereditario imputabit in quartam, si interuenierit Falcidia, partem quam habuit iure legati à coherede, non imputabit, *l. in quart. ad l. Falcid. & l. filium quem, C. fam. ercisc.* In summa prælegati pars capitur iure hereditario, pars iure legati, videtur ergo pars ea, quam capit iure hereditario, esse caduca: illa autem altera, quæ capitur iure legati, non videtur esse caduca, quia hereditatis tantum indignus est, non legati; sed tamen etiam integrum fundum fiscus capiet, sicut heres caperet, si non esset indignus, quia fiscus omnino obtinet locum heredis scripti, ut inferius dilucidius demonstrabitur. Ergo fisco ut heredi scriptum est præstandus integer fundus. Sed quæro, an fiscus hunc fundum debeat heredi indigno restituere, an ut ceteris præstat legata, præstet etiam prælegatum heredi indigno? Et Papinianus ait, esse voluntatis quæstionem, totam facere voluntatem defuncti, *cetera gist en preme.* videndum est, quid voluerit, quid senserit, sed in dubio etiam prælegatum præstabit heredi indigno, quamquam pars hereditaria videatur esse caduca tantum, & hanc partem & alteram præstabit, id est, integrum legatum, nisi aliud probetur testatorem voluisse. Conferatur ergo integrum prælegatum heredi indigno, & præstabitur à fisco omnia hereditate ab herede, cui quid prælegatum est, tunc capit prælegatum integrum, & ius legati omne, quia iam non est heres, sed est ex integro fundo legatarius, quod ostenditur in *l. qui filium §. ult. & seq. l. quæstum §. domini, de leg. i. l. cum resp. C. de leg.* Idem etiam dicemus erepta hereditate heredi quasi indigno, cui quid prælegatum erat: nam capiet integrum legatum, *l. cum qui §. ult. hoc tit.* Non sane omne iure legati, quia heres manet ipso iure,

re, cui hereditas auferitur ipso iure, ut indigno, *l. ex facto §. ult. de vulg. substit.* sed interpretatione coercetur, & constringitur ius fiscale, ut scilicet fiscus præstet integrum prælegatum, ac si is, cui præripuit hereditatem, heres esse desisset. Adnotandum alias indigno etiam eripi prælegatum, in hac causa non eripi: quia præsumitur testator prælegatum præstari voluisse, quod non induxit: At in casu *l. si sequens §. ult. de Senatus. Syllan.* si heredi auferatur hereditas ut indigno, quod ultus non sit necem defuncti, an præstabitur prælegatum? minime. Et ita extra eam causam heredum indignorum euenit sæpe, ut qui summouetur ab hereditate, submouetur etiam à prælegato, ut videtur commodissime ob hoc posse huic legi 12. coniungi *l. 70. de cond. & demonstr.* quæ est ex eodem libro Papin. in qua ponitur casus, quo qui submouetur ab hereditate, etiam à prælegato submouetur.

#### Ad l. 70. de condit. & demonstr.

Duos mater filios sub conditione emancipationis ex partibus heredes instituit, eisque plurimum rerum præceptiones pure dedit. hereditatem adierunt: patrem à legatorum commodo illa quoque ratio debet summonere, quod emancipando filios obsecutus voluntati, supremum iudicium uxoris suæ custodiri voluit.

Casus hic est: mater duos filios heredes scripsit ex partibus sub conditione, si emanciparentur à patre. heredes igitur scripsit sub conditione, & eis prælegauit res plures pure. pater filios emancipauit, & ita existente conditione hereditatem adierunt, & eam sibi acquisierunt non patri. Queritur, an sibi acquirant prælegatum non patri? Dubitatur, quia die prælegati cedente erant in potestate patris. ergo legatum pertinet ad patrem, quia in legatis tempus cessionis obseruatur, & dies legati cessit statim à morte matris. filiis nondum emancipatis hereditas non cedit, antequam adeatur, *l. miles, §. ult. de leg. 2.* Verum placet patrem submoueri etiam à prælegato relicto filiis, quia ut ait Papinianus emancipando filios, ut voluerat mater, obsecutus voluntati matris supremum eius iudiciū custodire voluit, & qua ratione submouetur ab hereditate, eadem submouendus est etiam à prælegato, ne emancipando filios partim videretur probasse iudiciū matris, partim improbasse. Et obseruandum est, male Accursium scribere, patrem submoueri à prælegato, quod in prælegato videatur repetita conditio emancipationis. Hoc enim est falsum: nam pure prælegauit, & non pure videretur prælegasse, si repetiisset conditionem emancipationis, & abutitur *l. auia, hoc tit.* in cuius specie conditio adscripta in institutione, videtur repetita in prælegato: sed hoc ideo, quia ita prælegauit mater: *hoc amplius, quod eum heredem scripsi, ei do, lego.* quæ verba, *hoc amplius,* continent manifestam repetitionem, & ob id repetita conditio intelligitur: sed in specie huius l. eius nulla est nota repetitionis in prælegato. Cur igitur à prælegato submouetur pater? quia supremum iudicium matris omnino constituisse intelligitur. Et male obiicit etiam *l. heres statu liberum, hoc tit.* nam est diuersa species: seruum liberum esse iussi, & ei legauit sub eadem conditione, si natus ex Asia venerit tibi do, lego. heres seruum ultro manumissit antequam existeret conditio, an ei præstabit statim legatum non expectata conditione? minime. In illa specie non existit conditio libertatis, neque legati. in specie legis 70. existit conditio institutionis.

Vnum restat, ad l. 12. diximus inducto nomine heredis fisco locum esse. Obstat valde *l. 2. §. pen. si tab. test. & l. ult. de his quæ in testam.* quibus locis proponitur apertissime, inducto nomine heredis, ad hereditatem venire legitimos ab intestato: non venire igitur fiscum. Videtur quidem prima species res esse difficilis, sed expeditur adhibita distinctione. Aut testator induxit omnem scripturam testamenti, & confregit tabulas, qui



est casus superiorum legum, quo casu sine videtur intestatus decedere voluisse. ergo venient legitimi sine onere ullo. Aut induxit tantum nomen heredum, vel vnus tantum. Et hoc casu in locum illius, cuius nomen testator induxit, fiscus vocatur cum onere, quia testator videtur odio heredis nomen eius induxisse. Atque ita in locum heredis illius fiscus venit, & perinde habebitur, atque si ipse fiscus heres esset scriptus, adeo vt scripto prælegata relicta, & fisco sint præstanda. Denique fiscus est loco heredis scripti, vt videatur defunctus, etiam si omnium nomina induxerit, testatus esse, fiscum habere pro scripto, alioquin interciderent legata, quæ omnia fiscus præstat. Ad summam, si totum testamentum deleuerit, intestatus est, si nomina sola heredum induxerit, testatus est. Etiam illud est notatu dignum, legatarios admitti, & à fisco legatum petere actione ex testamento, substitutos vel coheredes non admitti. Finge induxit nomen vnus heredis, cui dederat substitutum, vel cui adiecerat coheredes. non induxit nomen substituti, neque coheredum. Quæritur, an summoto eo, cuius nomen induxit, substitutus veniat? Et placet non venire nec coheredem iure accrescendi; ius fisci est potius hoc casu iure substitutionis, & iure accrescendi: eripitur enim heredibus pœnæ causa. Pœna autem vnus non debet esse præmium alterius; pœna igitur indigni, id est, exceptio hereditatis, non proderit substituto, l. si sequens, de SC. Syllan. Et verba substitutionis, si heres non erit, sic intelliguntur, si omiserit hereditatem, neque ei eripiatur, l. 2. de his, quæ intest. del. ait: si instituti nomen induxerit, substituti non induxit, institutus emolumentum hereditatis non consequitur. oportet pro institutus, reponere, substitutus. Ea etiam lex vult separari legatarium à substituto, & ex ea causa erepta hereditate heredi, ostendere, legatarium admitti, substitutum vero non admitti. Addendum est aliquid ad l. duos, de condit. & demonstr. non enim mihi videor satis eam enodasse, & rationem eius quod est maximi momenti explicasse. Mater duos filios heredes instituit sub conditione, si emanciparentur à patre, & eis prælegata dedit, non sub conditione, sed pure: prælegatorum ius hoc est, vt heres prælegatum pro sua parte capiat iure hereditario, pro parte coheredis iure legati, (cenest qu'un demy-legat) pars prælegati est hereditaria, alia pars legati iure obuenit. Et inde hæc differentia, quod pars hereditaria imputatur in Falcidiam, pars altera, quæ capitur iure legati non imputabitur. Et inde est alia differentia, quod pars hereditaria venit in restitutionem fideicommissi, si heres rogatus sit portionem suam restituere, pars altera non venit, vt si coactus adierit hereditatem, vel si militis testamentum fuerit, l. in fid. §. ult. ad Treb. l. cum virum, C. de fideicommiss. Duplex igitur est in prælegato ius, hoc meminisse oportet. Redeamus ad speciem. Mater duos filios heredes instituit sub conditione emancipationis, & eis quædam pure prælegauit. post mortem matris, pater filios emancipauit, atque ita filij adierunt hereditatem iniussu patris, eam igitur sibi acquisierunt: quia iam exierant potestate patris. Et hoc est certissimum, sed legata, an acquiruntur patri? Videtur prælegatum pertinere ad patrem, quia dies prælegati cessit ante emancipationem, cum erant in potestate patris, hoc est, statim à morte matris, l. miles §. ult. de leg. 2. & in legatis spectamus tempus cessionis. Verum Papinianus ait patrem repelli non tantum hereditate, sed etiam à prælegatis, vna eademque ratione, quia emancipando supremum iudicium vxoris sequi voluit. Quomodo? nam dies prælegati dicitur statim cedere, ex d. l. miles. sed non cedit ante aditionem hereditatis, nisi pro parte coheredis, id est, fratris, & ex parte coheredis, qui & ipse est filius, pater nihil capere potest. ergo vt ab hereditate, ita & à prælegato summouetur pater. nam non potest capere ex legato vnus filij, quin capiat ex hereditate alterius. Nihil autem ex hereditate capere potest, qui emancipauit, & obsequutus est voluntati vxoris. ergo nec vllum prælegatum capere potest, & ipsos emancipando exclusit se ab vtroque. Qua ergo ratione repellitur ab hereditate, eadem repellitur à legato. Nec est quærenda alia ratio. nihil autem opus est adminiculo Accursij, quod addit: in l. ania, qua vitur Accursius, adscripsit notam repetitionis: nam herede scripto sub conditione adiecit, hoc amplius, quod heredem scripsi eum, do, lego, quæ nota repetitionis non est in hac lege. Sed quærere quis posset, cur conditio emancipationis non intelligatur repetita in prælegato, cum ex l. cum proponebatur, de legat. 2. mutuum substitutionem factam didicerimus inter plures heredes videri repetitam in fideicommissio. Et rursus in l. quoties, ad Treb. partes adscriptas in institutione videri repetitas in fideicommissio. Quod obtinet etiam in directa institutione. Argumentum, quod ex his locis ducitur, laborat vitio reciproci: nam ita respondere licet, in prælegato non videtur repetita conditio. igitur relictum est pure, vt ponit, hoc est, præsentis die, & similiter substitutio mutuo facta in institutione, non intelligitur repetita, si ostendat se nolle in eo fideicommissio, vt inuicem substituti essent. Denique partes adscriptæ in institutione, non videntur repetitæ in fideicommissio, nisi in fideicommissio sint adscriptæ aliæ partes. Par ergo ius est in omnibus his casibus, si pares eos feceris: nam impares nunquam coæquaueris. Et hoc est, quod addere volui.

## Ad l. 4. ad l. Falcid.

Fundo legato mihi sub conditione, pendente legati conditione, heres me heredem instituit, ac postea legati conditio existit. in Falcidia ratione fundus non iure hereditario, sed legati, meus esse intelligitur.

Sciendum est, in quartam Falcidiam, quæ detrahitur sex legatis vel fideicommissis singularum rerum, imputari tantum ea, quæ capiuntur iure hereditario, non ea, quæ capiuntur iure legati, vel fideicommissi, vel mortis causa capionis, vel quæ alio iure, l. in quartam, hoc tit. Quod obtinet etiam in ea Falcidia, quæ detrahitur ex fideicommissaria hereditate ex Senatusc. Pegasiano vel Trebell. l. filium, C. fam. ercisc. l. in ratione 30. §. tametsi, h. tit. Species legis hæc est: testator fundum mihi legauit sub conditione. pendente conditione fundus est heredis, sicut statuliber, hoc est, cui sub conditione est data libertas, interim est seruus heredis, l. 12. fam. ercisc. Ideoq; si pendente conditione is heres me instituerit heredem, fundus ad me pertinet iure hereditario, quia tum heredis fuit. At finge: postea existit conditio legati, nunc videtur esse meus iure legati; quia etsi ad me peruenerit primum iure hereditario, tamen ea causa non perseverauit, & antiquior causa fuit legati. Denique nunc est meus ex causa legati, ergo non imputabo eum in Falcidiam, quia ei imputantur tantum, quæ iure hereditario capiuntur. non potest fundus esse meus ex vtraque causa, sed ex vna tantum esse potest, & potius ex iure legati; atque ita quodammodo mutatur causa possessionis & dominij. non possum mihi causam dominij mutare. res ipsa mihi potest mutare, l. non solum §. quod vulgo, de usucap. Et similis ratio refertur ex eodem libro Papin. ab Vlpiano in l. 1. §. sed si mater, ad Tertull. Species est: filij succedunt matri ad intestato, & præferuntur agnatis matris ex Senatusconsulto. Orsit. Ex testamento autem, id est, si mater fecerit testamentum præteriti filij agunt querela. Finge: mater duos habet filios, vnum prætermittit, alterum instituit. prætermittus queretur de inofficioso. Nunc rursus finge: mater, quæ habebat plures filios, vnum tantum heredem instituit sub conditione, filios ceteros prætermisit. institutus petit bonorum possessionem secundum tabulas: nam datur pendente conditione, l. 2. de bon. possess. secundum tab. Postea defecit conditio. mutabitur causa possessionis, & qui erat institutus cum cæteris fratribus



præteritis, succedet matri, & bonorum possessio secundum tabulas conuertetur in bonorum possessionem contra tabulas. Restat quod obiicit Accursius, *l. cui res, de act. empt.* Res mihi legata est sub conditione, ego interim illam emi ab herede imprudens & accepi, & pretium solui: colligit Accursius eam rem esse meam ex causa emptionis, non legati. Verum non hoc vult *l. cui res*, rem meam esse ex causa emptionis, si postea extiterit conditio legati, sed hoc tantum ait, me actione ex empto, ut pretium, quod solui, recipiam, agere aduersus heredem posse, quia quandiu mihi pretium abest, non habeo ex causa legati, quæ est lucrativa, & ex qua legati causa ea res ad me pertinet. Nam & rem meam non traditam possum petere ex testamento, *l. huiusmodi §. qui seruum, de legat. 1.* Et quæ tradita mihi est res ex causa emptionis, videtur mihi euinci existente conditione legati, ac proinde sicut re euicta ago ex empto, ita existente conditione legati ago ex empto, ad pretium recipiendum, ut res apud me resideat iure legati.

Ad l. Diuus Adrianus. 13. de cast. peculio.

*D. Adrianus rescriptit in eo, quem militantem vxor heredem instituerat, filium existisse heredem, & ab eo seruos hereditarios manumissos, proprios eius liberos fieri.*

**Q**uestio legis est de quibusdam rebus, an sint hæc adnumeranda castrensi peculio. In eo numeratur quod filio agenti in militia datur, *l. 11. hoc tit.* Quod à commilitonibus quoque datum est, vel ab his, quos filius cognouit propter malitiam, *l. 3. hoc tit.* quod inquam, ei attulit malitia; Quæro, an in castrensi peculio computetur, quod vxor donauit filiofamilias in castris, vel legati, vel institutionis iure. Et in hac *l. & in l. dote, eod.* proponitur rescriptum, quo Adrianus ait, filiumfamilias militantem heredem institutum ab vxore, hereditatem imputaturum in castrense peculium, & seruos hereditarios manumissos, castrenses liberos fore, pleno iure. quod pugnat cum *l. 6. & 8. hoc tit.* quibus ostenditur, seruum, quem vxor filiofamilias marito suo militanti donauit, ut eum manumitteret, si manumittatur, non fieri libertum filiofamilias: ergo non computari in castrensi peculio, & *l. 8.* id quod donatur vel legatur ab vxore, vel cognatis filiofamilias militanti, non est in peculio castrensi, etiamsi id adiectum sit nominatim, ut esset in peculio: non potest quis facere, ut sit quid in peculio castrensi, quod esse alioqui non potest. Agenti in militia, aut eunti in militiam, quodcunque donatur à quocunque, id omne est in peculio castrensi, ut arma, equi, mancipia, *l. 6. §. ult. hoc tit. l. 1. C. de cast. pecul. milit. Paulus 3. sent. tit. de testam.* Castrense peculium est, quod in militia acquiritur, vel proficiscenti ad militiam datur, sed si iam agenti in militia donet parens, vel vxor, vel cognatus, sine dubio non est in peculio castrensi, quia id extorsit ratio sanguinis potius, quam militiæ, *l. dotem §. ult. hoc tit.* Donasset etiam pagano: sed si donauit aliquid, ut eo se uteretur in militia, ut aptior esset ad militiam, vel ornator, alioqui non donaturus, sane imputatur in peculium, & ita accipienda est lex. Dos data filiofamilias militanti nunquam imputatur in peculium, quia dos nunquam datur ratione militiæ, sed propter onera matrimonij, & communes liberos. Itaque dos ab vxore data filiofamilias militanti, nunquam est in castrensi peculio: hereditas ei data esse potest in peculio, quam non erat datura pagano.

Ad l. 33. de usufr.

## IACOBI CUIACII IURISCONSULTI

### COMMENTARIUS

in Lib. XVII. Quæstionum

Æmilij Papiniani.

Ad l. 33. de usufr.

**B** Si Titio fructus, Mænio proprietas legata sit, & viuo testatore Titius decedat, nihil apud scriptum heredem relinquitur. Et id Neratius quoque respondit.

**X lib. 17. quæstionum Papiniani prima quæstio** quæ datur, aut potius duæ, quæ dantur, sunt in *l. si Titio 33. de usufr.* Et ad primam quæstionem fac speciem hoc modo: testator ab herede scripto, Titio vsumf. fundi legauit, Mænio proprietatem eiusdem fundi, ita ut plane declararet, nihil velle se ex eo fundo quicquam apud heredem residere, quandoquidem vni vsumfructum, alteri proprietatem legauit. Titius, cui legauerat vsumfructum, mortuus est viuo testatore, antequam inciperet fructuarius esse; post mortuum est testator, videtur legatum vsumfructus esse in causa caduci. nam in causa caduci sunt legata, quæ deficiunt viuo testatore, pura præmortuo legatario, *l. vn. §. & cum triplici, C. de cad. toll.* Denique legatum vsumfructus. Titio relictus, videtur esse in causa caduci, quia præmortuus est Titius, & proinde videtur peruenire ad fiscum ex *l. Iulia & Papia*, sed eo nos absolueimus confestim. Hæc leges caducariæ non habent locum in vsumfructu legato, quod demonstrat hæc lex nostra, & lex *9. de usufr. leg.* Cur non habent locum leges caducariæ, leges fisco in legato vsumfructu? quia scilicet si ex causa caduci vsumfructus caderet in fiscum, nunquam rediret ad proprietatem, nunquam consolidaretur, inanis esset proprietas, quia fiscus nunquam moritur, nunquam capite minuitur, quibus potissimum modis vsumfructus finitur, & ut habent Institutiones iuris, ne in vniuersum proprietas inutilis esset semper abscedente vsumfructu, placuit certis modis vsumfructum extinguere, & ad proprietatem reuerti. Præcipui modi hi sunt, mors & capitis deminutio. Et hac ratione leges caducariæ fisco vindicabant bona, hoc est, proprietatem, non vsumfructum, alioqui cum vsumfructu sensim sibi fiscus bona vindicaret, quasi vacantia, quæ nemo vellet. Quid enim est proprietas sine fructu, vel spe fructus? Ergo in specie proposita sicut constat fisco locum non esse, quamuis is casus extiterit, quo legata fiunt in causa caduci, puta, quia legatarius decesserit viuo testatore, & sic etiam non quæritur hoc loco, an vsumfructus pertineat ad fiscum, sed lis est inter Mænium, cui eiusdem fundi legata est proprietas, & heredem scriptum. vterque sibi vindicat vsumfructum. Sed hac ratione, quia legata, quæ deficiunt, vel viuo testatore, vel post mortem testatoris, si non cadant in fiscum, vel si non ad crescant legatario, vel si non obueniant substituto, ea sola debent remanere apud heredem, *l. id autem, infr. ad l. Falcid.* Legatum hic vsumfructus vacat, aut vacare videtur: nam deest fiscus, vel collegatarius, vel substitutus, qui in id succedat. Mænius, cui legata est proprietas, non est collegatarius, non est substitutus in vsumfructu. Ergo vsumfructus apud heredem remanere debet. Contra Mænius ait, ad se pertinere, quia vsumfructus deficiens solet ad proprietatem reuerti, suam autem esse proprietatem sibi legatam. Et sane, si vsumfructus cepisset in persona Titij, post mortuo Titio recurreret ad proprietarium, id est, pertineret ad Mænium, & hoc est



certissimum: sed in hac lege est ius singulare, quod in hac specie, etiam si ususfructus non cœperit in persona Titij, qui mortuus est viuo testatore, tamen pertineat ad proprietarium, hoc est, Mauium. Et hæc est ratio, quia euidentis est, testatorem noluisse ususfructum venire ad heredem scriptum, quæ ratio proponitur in *l. 4. infr. si ususfr. pet.* Nam hoc iudicio, vt initio dixi, quid egit aliud, quam vt ex eo fundo nihil quicquam perueniret ad heredem scriptum? & voluntati defuncti consequens est, vt ususfructus is qui deficit viuo testatore, vt legatum ususfr. pertineat ad Mauium, cui proprietas legata est, non ad heredem scriptum.

#### Ad §. vsumfructum.

*Vsumfructum in quibusdam casibus non partis effectum obtinere conuenit. Vnde si fundi vel fructus portio petatur, & absolutione secuta, postea pars altera, quæ accreuit, vindicetur, in lite quidem proprietatis indicata rei exceptionem ob stare, in fructus vero non ob stare scribit Iulianus: quoniam portio secundi, velut alluuio portioni, persona fructus adcreuerit.*

Secunda quæstio *l. si Titio, de usufr.* non est principalis quæstio, sed vt mihi quidem videtur, appendicula eius quæstionis, quæ ex eodem Papin. libro exponitur in *l. Mauius §. fundo, de legat. 2.* Quod apparebit, si constitua- mus primum id, quod est in *l. 4. h. t. vsumfructum multis casib. partem dominij esse; deinde id, quod est hoc loco, vsumfr. in quibusdam casib. partem dominij non esse.* In his duobus explicandis consumemus omnem operam. Mirum est quod ait *l. 4. vsumfr. in multis casibus partem dominij esse.* Nihil refert dixeris, partem dominij esse, an partem fundi, partem hominis, partem rei cuiuscunque. Nam & fundi vel hominis, vel rei cuiuslibet nomine dominium significatur, vt qui exempli gratia, fundum legat, aut promittit. Quis vero non videt, vsumfructum non esse partem hominis, non partem rei, non partem fundi? Est enim potius pars vel species seruitutis, vt ait *l. recte, de verb. signif.* est seruitus potius, quam fundus, vel quælibet alia res, per quæ fundus seruit homini, vt ex ea omne emolumentum capere possit. Seruitus est qualitas; qualitas autem nō est pars rei, ergo vsumfr. nō est pars rei. Pars fundi est locus, *l. locus, de verb. signif.* vsumfr. nō est locus fundi, ergo non est pars fundi. Dominium perficit sola proprietas *l. si procurator, de acq. rer. dom.* Vsumfr. igitur non est pars dominij vel fundi. Et hoc est, quod ait Pap. *d. l. Mauius §. fundo, vsumfr. in iure cōsistere, nō in parte, id est, vsumfr. esse ius, quod homo habet in fundo, non partē fundi.* Et hoc nihil est certius. Ergo quod ait *l. 4. vsumfr. in multis casib. pars dominij est: vsumfr. partem dominij esse, id est, similem esse parti dominij, & l. qui vsumfr. de verb. obl.* instar habere partis, vt ait *l. cum suis §. dominus, de leg. 2.* effectum habere partis dominij, vt ē contra hoc loco Papin. ait, in quibusdam casibus, eum non habere effectum partis. idē est instar & effectus. Instar enim ex solo effectu dignoscitur; denique vsumfr. partem esse dominij seu fundi, non pro seruitute in multis casibus, quamquam reuera sit seruitus, non pars rei. in multis casibus, inquit, ex his casibus aliquos enumeremus. Primus casus: reo in fundum obligato, recte accipitur fideiussor in vsumfr. *l. si reo, de fideiuss. inf.* quia fideiussor recte accipitur in partem, *l. 10. eod. tit.* & vsumfr. obtinet instar partis, & vsumfr. pro parte habetur, ergo recte in vsumfructum fideiussor accipitur, nec videtur accipi in aliam rem, sed in partem, quam debet reus. Cur vero vsumfr. habetur pro parte? quia vt est in *d. §. ius est fundi.* ea verba non ita sunt accipienda. ergo est seruitus fundi, quia reuera vsumfr. non est seruitus fundi, sed hominis vel personæ, *l. 1. l. quoties, de seruit.* est ius in fundo, non seruitus fundi. Ac præterea reo obligato in fundum, non recte acciperetur fideiussor in seruitutem fundi, puta in iter, vel actum, quia in aliam rem accipere-

Quæst. Papin.

tur, quam in eam, quæ in principalem obligationem deducta est. Non potest autem in aliam rem accipi vtiliter, & est seruitus fundi, nec est fundus, id est, neque est totum, neque pars fundi. alia res igitur. Quid est ergo, quod ait, *quia vsumfr. est ius fundi?* Id nimirum, quod ait Papin. in *d. §.* quia omne emolumentum fundi continet, *omne ius,* id est, omne emolumentum. non immerito igitur pro parte habetur fundi, id cui inest emolumentum fundi totum. Idemque de eo non immerito censetur, quod de parte fundi. Ius fundi est bonitas, salubritas, amplitudo, *l. quid aliud, de verb. signif.* Et multo magis emolumentum fundi, quod est fructus, quem fert. & ita sæpe in iure emolumentum accipitur pro fructibus, frugibus, annonis, *l. dominus, h. tit. & d. §. eius. l. cum filius §. dominus, de legat. 2. l. cum Imperator, in fi. ad Trebell. l. ult. in fi. si cui plus quam per l. Fal.* Sequitur alius casus, quo etiam vsumfruct. pars rei est, hoc est, partis instar obtinet: si stipuler totum, deinde partem non nouandi causa, posteriori stipulatione nihil ago, quia sufficit prior, vt si stipuler decem, deinde quinque, vel si stipuler actum, qui non potest esse sine itinere, *l. in fine, de adim. leg.* deinde stipuler iter, frustra stipulor; vel si stipuler vsumfructum, deinde vsumfr. nihil ago, nihil proficio; sed contra si stipuler partem, deinde totum, posterior stipulatio utilis est, quia & pinguior est, & plenior, vt si stipuler quinque, deinde decem: si iter, deinde actum; si vsumfr. deinde vsumfr. *l. qui vsumfr. de verb. obl. l. si pupillus §. ult. de nouat.* Secundum hæc, si prius stipuler fundum, deinde vsumfr. posterior stipulatio inutilis est, quia vsumfr. pars est fundi, quæ est in toto, quod primum stipulatus sum. Et ē contrario propter eandem rationem, si stipuler vsumfr. deinde fundum, utilis stipulatio est, quæ est sententia *d. l. qui vsumfr.* Nec seruitutis prædij eadem ratio est, quia etsi stipuler fundum, deinde iter ad eum fundum, utilis stipulatio est, quia aliud quiddam proprium stipulor, non partem fundi. nunquam iter, via, actus, vel quæ alia seruitus fundi, habetur pro parte fundi. Itemque utilis esset stipulatio, si stipularer iter ad fundum, qui nondum erat meus, deinde fundum: nam & fundo meo futuro seruitus constitui potest, *l. Labeo, de seruit. rust. præd.* Sed transcamus ad alium casum, quo etiam vsumfr. habeatur pro portione dominij: si petiero fundum, & non obtinero, deinde non possum petere partem, quia in toto pars est. qui toto cecidit, & parte cecidit, aut mihi petenti partem, obstat exceptio rei iudicatæ, *l. 7. in pr. de except. rei iud.* Ergo non possum petere deinde vsumfr. quia vsumfr. pro parte est, *l. si cum argentum §. si fundum, eod.* Et similiter, si pactus sum de non petendo fundo, qui mihi debebatur, me non petiturum fundum, si cauero, nec vsumfr. petere possum, aut petenti obstat mihi exceptio pacti conuenti, *l. si vnus §. item si, de pact.* Sed etsi petiero fundum, nec obtinero, deinde fundo pars accreuerit quædam, nec partem adcrecentem petere possum, quæ adcreuit post rem iudicatam, quia eius eum non esse fundum iudicatum est, & partem adcrecentem eius non esse, iudicatum est. Ergo nec vsumfr. ei acquiritur, qui proprietati accrescit mortuo vsumfructuario, aut capite minuto. Sed addamus alium casum: fundo legato, si is fundus debuerit seruitutem heredi scripto, heres eum ea seruitute liberum præstare non debet, præstabit fundum, & sibi retinebit seruitutem: sed si eius fundi vsumfr. sit heredis scripti, vsumfr. sibi retinere non potest, quia partis instar obtinet, cum continet omne emolumentum rei, *l. 26. l. cum filius §. dominus, de leg. 2.* Idemq. erit, si fundus legatus alij debuerit seruitutem, non heredi scripto: Nam heres fundum præstabit, qualis est, nec cogetur liberare seruitute. sed si fundi vsumfr. alienus sit, debet eum liberare vsumfr. atque ita vsumfr. præstare, non proprietatem nudam. Et hoc ita Papin. hoc ipso libro docuit, *d. l. nullus §. 2. & l. 2.* Atque ita ostendit, hoc casu esse partem fundi vsumfr. & non præstare fundum totum eum, qui detrahit vsumfructum. Et hoc cum docuisset in *d. §. fun-*

E e ij



do, puto enim subiecisse, quod est hoc loco, non tamen in omnibus casib. vsumfructum partis effectum obtinere, in quibusdam non obtinere, ut hoc loco ait, partis sc. fundi, vel partis dominij, quod idem est, hoc loco & d. §. dum ait simpliciter *partis*, Basil. habet, *partis dominij*, & ἐν οὐκ ἐστὶν ὡς ἡμεῖς τῶν δεσποτέας, non est similis vsumfructus parti dominij. Vnum vero hoc loco Papin. casum affert, quo vsumfr. non imitatur partem dominij, seu fundi, seu rei, de qua agitur. Sententia hæc est: si petiero partem fundi, nec obtinero, deinde repudiatione coniuncti vel collegatarij pars altera accreuit fundo, an eam partem repetere possim, quæ adcreuit? minime. amittenti partem suam pars altera, quæ post vacat, non adcrevit. Aliud est dicendum, si petiero partem vsumfr. nec obtinero: Nam si post repudiationem collegatarij defecerit pars altera vsumfr. ego eam petere possim: atque ita non habenti partem suam pars vsumfr. accrescit, quia hoc casu vsumfr. non habetur pro parte rei. Nam si haberetur pro parte rei, rem sequeretur, non personam, quæ eam amisit, quæ eius rei partem nullam habet. Et ut eleganter docet, ratio diuersitatis hæc est, quia fundi portio accrescit fundo, non personæ, sicut alluuium, & vitur comparatione alluuium, quia & ius alluuium, est ius accrescendi. Et hoc tamen interest, quod ius accrescendi competens ratione coniunctionis, est à iure civili, alluuium à iure gentium. Cæterum ut alluuium adcrevit fundo, non personæ, ita & portio, quam fundus habuit adcrevit fundo, non personæ, vsumfr. accrescit personæ, non fundo, quia ei personæ, quæ amisit partem suam, nihilominus pars altera vsumfr. adcrevit, quod confirmat l. & in eadem §. qui cum partem, de except. rei iud. & l. interdum, de vsumfr. adcrevit. Denique quauis iudicatum sit, partem vsumfr. meam non esse, quia tamen iudicatum non est me fructuarium non esse, pars altera vsumfructus mihi non habenti partem meam, sed amittenti, accrescit. Et ita apparet hoc casu vsumfructum non esse pro parte rei: nam si esset pro parte rei, sequeretur rem seu fundum, non personam: quia ita licet argumentari recte, partem rei meam amisit, ergo & eam, quæ postea accreuit, quia pars parti accrescit, quia habenti partem accrescit, non amittenti. at non ita licet argumentari. partem vsumfr. meam amisit, ergo & eam, quæ postea accrescit, quia non parti pars vsumfr. adcrevit, sed personæ: vsumfr. est ius personale, quod coheret personæ, l. pen. c. de vsumfr. vsumfr. expirare cum anima, id est, cum vita. Et hic est casus, quem voluit proponere in hoc loco Papinianus, quo aliud statuimus de parte rei, aliud de vsumfr. seu parte vsumfr. Sed propositio est talis hoc loco. vsumfr. in quibusdam casib. non esse partem rei, & vnum tantum adfert casum. cedo alterum. Addam ex l. & per insurandum §. illud, de accept. si is, cui debetur fundus, creditor sc. acceptum ferat vsumfr. an valet acceptilatio? minime: quia vel totum est accepto ferendum, vel pars eius, quod debetur. Pars obligationis accepto ferri potest l. pars, & seq. eod. tit. Vsumfr. autem non est pars fundi, ergo acceptilatio in vsumfructu non valet, & perinde est, ac si is, cui debetur domus, accepto ferat fenestras vel lapides eius, quæ non sunt partes domus. duæ sunt partes domus, solum & superficies tantum. Si mihi debes domum, & tibi accepto feram fenestras, nihil consequeris: & ita etiam vsumfr. non est pars fundi vel rei. Sed cur non habetur pro parte in hac specie, ut & in multis aliis casibus? nam inuenio, fundo legato recte adimi vsumfr. quasi partem, l. 2. de adim. leg. Cur & fundo debito non recte accepto feram vsumfr. ut proprietates sola maneat in obligatione? Puto etiam fundo in obligationem deducto, nec recte pacisci de vsumfr. non petendo. Cur ergo fundo debito vsumfructus non recte accepto fertur? Ratio est, quia ut stipulatio, ita & acceptilatio sunt ex iure solemnij, quod nihil aliud est, quam stipulationis corruptio. vterque est actus legitimus, hoc est sollemnis, l. actus, de reg. iur. vtraque fit verbis sollemnibus, non quibuscunque verbis, & consentire altera cum altero debet, & congruere in verbis. si stipulatio fit

de fundo, etiam acceptilatio debet esse de fundo, vel parte fundi. nisi consentiat, & congruat acceptilatio cum stipulatione, imperfecta est stipulatio, l. nisi D. de acceptil. At ademptio legati fit nuda voluntate, fit coniectura, l. 3. §. ult. de adim. leg. Pactum quoque fit nudo tacitoque consensu, l. 2. de pactis. Hi actus non sunt solemnes, nec exigunt verborum ullam scrupulositatem.

#### Ad l. 2. quib. mod. vsumfr. amit.

Si duobus separatim alternis annis vsumfructus relinquatur, cōtinuis annis proprietates nuda est, cum si legatarium vnum substituas, cui alternis annis legatus sit vsumfructus, plena sit apud heredem proprietates, eo tempore quo ius fruendi legatario non est. Quod si ex duobus illis alter decedat, per vices temporum plena proprietates erit. Neque enim accrescere alteri quicquam potest, quoniam propria quisque tempora non concurrente altero, fructus integri habet.

Questio l. 2. quib. mod. vsumfr. amit. de qua tractatur in princ. l. & in §. ult. est de vsumfr. vni vel pluribus legatis alternis annis, & de iure adcrevendi, quæ de re est lex quoties duob. de vsumfr. quæ sequitur legem si Titio, & in eam necessario videndum est prius, inter quos sit ius accrescendi. Vulgo dicitur ius accrescendi esse inter coniunctos, vel inter eos, qui pro coniunctis habentur. quæ definitio in plerisque falsa est, & certior est definitio Celsi, quam paulo post tradit: sed interim, quæ sint genera cōiunctorum perstringamus. Alij sunt coniuncti re & verbis, qui scil. coniuncta scriptura in eandem rem vocantur, puta hoc modo: *Primo & Secundo illum fundum lego, l. triplici, de verb. signific.* Alij sunt coniuncti re tantum, quibus separata scriptura eadem res legatur, hoc modo: *Primum illum fundum lego. Secundo eundem lego, l. re coniuncti, de leg. 1.* quia separata scriptura eis eadem res legatur, non coniuncta. Ideo in iure dicuntur separati & disiuncti, in §. coniuncti, de leg. Instit. Coniunctio scripturæ coniunctos facit: disiunctio disiunctos. His vero, qui re & verbis cōiuncti sunt, vel re tantum, relinquatur solidum ab initio singulis, maxime si per vindicationem legatum datum sit, concursu autem partes faciunt. Alij sunt coniuncti verbis tantum, quibus coniuncta scriptura eiusdem rei diuersæ partes legantur, hoc modo, *Primo & Secundo illum fundum aquis partibus lego: aut Primo & Secundo fundum lego, ita ut unus habeat bessem, alter trientem.* si ab initio partes habent, non concursum facient, d. l. re cōiuncti. An inter hos omnes sit ius accrescendi, vel inter quos sit ius accrescendi quaeritur. Hac de re certior est definitio Celsi in l. 3. de vsumfr. accresc. quæ non tantum pertinet ad vsumfr. sed etiam ad proprietatem. Quoties dicitur inter aliquos ius esse accrescendi, toties singuli solidum habebunt ab initio: concursu autem partes facient, id est, quoties hoc egit testator, ut concurrant, & non concurrente vno, ut alter totum haberet. Ius accrescendi nihil aliud est, quàm ius retinenda partis eius, qui non cōcurrit, vel ius legati integrum, nec imminutum concursu socij. Denique ius accrescendi non dicitur, nisi inter eos, qui per concursum partes habent, faciuntque. Et notandum, aliquando ius accrescendi esse inter non collegatarios, veluti inter legatarium & alium non legatarium, si modo sint coniuncti, & concursu partes faciant, ut l. si mulieri, de vsumfr. accresc. Testator legauit vsumfr. mulieri cum liberis suis: sunt coniuncti re & verbis, & concursu faciunt partes: Ideoque non concurrentibus liberis, puta amissis, mater habet vsumfr. integrum iure accrescendi, vel liberi mortua matre. Et in hac sane specie mater & liberi collegatarij fuerunt. Sed idem etiam statuendum est de iure accrescendi, quod inter eos versatur, si liberi legatarij non fuerint, quod procedit in hac specie. Finge: solos liberos heredes scripsi, & legavi matri. Cum matre liberi non sunt legatarij, quia heredibus à semetipsis inutiliter legatur, l. plane §. si duobus, de leg. 1. Et sane videtur etiam



nominali liberis testator, non ut legatarios, sed ut ostenderet se malle ita frui matrem, ut & liberos secum haberet fruentes. Ergo legataria est mater, sed liberi non sunt legatarii, & tamen inter eos erit ius accrescendi: mortuis liberis eorum pars accrescet matri, & contra, d. l. si mulieri. Et ad hæc est notandum, ius quoque accrescendi non semper esse inter collegatarios, vel coniunctos: non est inter collegatarios, qui partes habent ab initio adscriptas, vel habere intelliguntur, non cōcursum faciunt, licet sint coniuncti verbis. ut si ita legavi: Primo & Secundo illud fundum equis partibus lego. inter Primum & Secundum non est ius accrescendi, l. pen. de usufr. accresc. Item inter coniunctos re & verbis, vel inter coniunctos re tantum, in legato damnationis non est ius accrescendi, quia ab initio heres singulas partes dare damnatus intelligitur, & hoc secundum ius antiquum: Nam ex constitutione Iustin. de caduc. toll. inter eos est ius accrescendi. Non est etiam ius accrescendi inter collegatarios, qui prorsus separati sunt, qui neque coniuncti sunt re neque verbis: ut si vni sit legatus fundus, alteri domus, vni fructus vnius anni, alteri fructus alterius anni. Ergo hi sane nihil habent inter se commune. Credo vos iam intelligere definitionem illam, generalem Celsi de iure accrescendi. Alia ut puto fuit definitio Sabini, quam existimo proponi in princ. l. 1. de usufr. accresc. Lex est Vlp. ad Sabinum, quæ leges solent semper incipere à propositione Sabini aliqua. Initio ergo d. legis ita de iure accrescendi definit Sabinus: si cōiunctim relictus sit usufr. inter fructuarios esse ius accrescendi: si separatim unicuique partis rei, sine dubio inter eos cessare ius accrescendi. Videamus, quæ sit sententia huius definitionis. Sicut scripta est, eadem videtur esse hæc definitio Sabini, quæ est Celsi: nam hoc statuitur, inter coniunctos re & verbis, vel re tantum, esse ius accrescendi: inter coniunctos verbis tantum, aut sane nec coniunctos vltimo modo, cessare ius accrescendi: nam his solis dici potest usufr. legari separatim, unicuique partis suæ, ut ait, qui sunt coniuncti verbis tantum, vel qui nullo modo coniuncti sunt. Ergo inter eos statuit Sabinus cessare ius accrescendi, quod congruit cum definitione Celsi. Sed ut ego iamdiu ostēdi, verba illa l. 1. unicuique partis suæ, sunt subditiua, & spuria erūt quæ ex ora transferūt in textum; verba eius, qui separatim voluit interpretari, & vero etiā interpretatus pessime est. Nam Sabinus hoc tantum definire voluit simpliciter: inter cōiunctos esse ius accrescendi, inter separatos non esse ius accrescendi. Quod aperte demonstrat Vlpian. in l. 1. §. idem, dum definitionem Sabini interpretatur, & temperat conuenienter definitionem Celsi, ut interdum etiam inter separatos sit ius accrescendi, si modo sint re coniuncti. Et similiter dices contra Sabinum, interdum inter cōiunctos non esse ius accrescendi, nisi & re coniuncti sint, aut esse intelligantur, quæ interpretatio necessario addenda est ad sententiam Sabini, si ut in iure semper coniunctim significat, coniunctum scriptura, & separatim, separatim scriptura. Atque ita si tollas illa verba, unicuique partis suæ, opus est illa interpretatione. Alioqui si non tollas, nihil opus est ista interpretatione, nihil illo §. idem. Et ita etiam in Basil. non sunt illa verba, unicuique partis suæ, verba eorum hæc sunt: ὅτε ἡνωμένως ἀνατεῖται ἢ χεῖρὶς τῶν κέρπων, ἢ μὴ ἐπὶ ἀνωμένως, ἀπὸ τοῦ τοῦ δῖνου τῆς ἀποσυνέστατος: quotiens coniunctim legatus est usufr. non quotiens separatim, competit ius accrescendi. Quæ definitio simpliciter accepta falsa est, ut post indicat Vlpian. §. idem nunc videamus, qua de re tractatur in principio l. 2. & 8. §. ult. Finge. vni tantum legatus est usufr. alternis annis, quid fiet? alternis fruetur ipse, & heres scriptus, & singulis annis intermittetur aut vacabit usufr. & plena proprietas erit apud heredem scriptum, singulis annis usufructus. erit apud legatarium, & nuda proprietas apud heredem scriptum, atque ita vicissim, modo fruetur legatarius, modo heres scriptus per vices annuas. Et hoc loco alternis annis Græci interpretantur rectissime ἐναυ-

τὸν πᾶρ ἐναυτὸν. Et quidem res est expeditissima, si usufr. vni tantum legetur alternis annis. Sed quid si legetur duobus separatim alternis annis, Primo & Secundo: Respondetur, quandiu hi duo viuent, aut integri status erunt, continuis annis apud heredem erit nuda proprietas, sine usufr. Et eleganter, alternis annis opponit continuos. Altero autem ex eis mortuo, quæro, an accrescat alteri, ita ut continuis annis uti & frui possit, & semper sit nuda proprietas apud heredem scriptum? Et placet non accrescere, non esse inter eos ius accrescendi. Ergo testator inter eos diuisit usufr. ab initio per vices annorum, nec voluit alterum cum altero concurrere eodem tempore, vel eos inter se partes facere concursu, sed ipsorum partes fecit per intervalla temporis. Ergo deficiente iure accrescendi, locum habebit ius consolidationis, hoc est, quæ apud heredem continuis annis erat nuda proprietas, nunc erit nuda alternis tantum annis, plena alternis annis: nam si simul duobus legauerit usufr. alternis annis, ut sc. in eum annum concurrerent ambo, hi duo pro vno habentur, & alternis annis apud heredem scriptum est plena proprietas: quod ostenditur §. ult. & consequenter inter eos est ius accrescendi, puta vno mortuo pars eius accrescit alteri. Nam quod obseruandum est, & in quo notissimum est distare proprietatem ab usufructu, usufructus pars accrescit alteri, non tantum, quæ nunquam acquisita est, sed repudiata, verum & quæ acquisita est, post vero amissa, puta morte aut capitis deminutione. At pars rei acquisita semel non accrescit alteri, omissa accrescit, amissa non, l. 1. §. pen. de usufr. accresc. Quæro, quoties usufr. separatim duobus relinquitur alternis annis, quis fruatur prior, vult quisque frui prior, nec ea in re inter se consentiunt? Primum quidem his dirimitur ex ordine scripturæ: nam si ita dixerit, Titio & Manio lego, usufr. alternis annis. Titius prior fruatur, qui prior nuncupatus est, l. quotiens duob. de usufris, qui ordo scripturæ in simili causa seruatur in l. Fusia Canin. & l. Alia Sentia. L. Fusia testatori non licebat manumittere, nisi certum numerum hominum. Finge: manumissi sunt plures, qui ex his peruenient ad libertatem? quibus prioribus erit adscripta intra numerum legitimum: cæteri non consequantur libertatem. L. Alia Sentia in fraudem creditorum non licet, nisi vnum seruum manumittere, & heredem scribere. Finge, eum scripsisse duos vel tres, quis erit liber & heres? & sequemur ordinem scripturæ. Is igitur erit liber, qui priore loco fuerit scriptus, l. qui soluendo 2. & l. si non lex §. 1. de hered. inst. Verum quid fiet, si is ordo scripturæ non appareat? Finge, in proposita specie, eum legasse usufructum duobus, qui erant eiusdem nominis separatim, ea scilicet mente, ut alternis annis fruerentur, non simul uterque, & dicitur scripsisse hoc modo: Titius usufructus do lego alternis annis. Vel finge, eum legatariorum nomina scripsisse in orbe tereti. Et hoc sane casu, quia non apparet, quis sit prior, quid iuris? Necessè est, ut inter se conueniant ea de re, vel si nolint conuenire, se inuicem impediunt, sibi inuicem obstant; quia sane occurrere non possunt in idem tempus contra voluntatem defuncti. Et ita etiam ad l. Aliam Sent. in superiore casu respondet l. qui soluendo. 1. & seq. de hered. instit. Item etiam Caius 1. Instituit. respondit ad l. Fusiam Caniniam. Ergo neuter perueniet ad legatum, quia sunt refractarii nimis. Verum placet, quod annotat Accurs. in l. quotiens duobus, eos posse cogi, ut conueniant inter se interuentu prætoris, vel etiam rem hanc posse sorte diiudicari, ut in duplicibus iudiciis quotiens quaritur, quis prior causam dicere debeat, sorte dirimitur, l. sed cum ambo, de indic. Quintil. 7. Scio sape questum, quis prior diceret causam, quod atrocitate formularum, vel nouissime sorte diiudicatur: nam vult præferri atrociorē actionem, & eum cuius numerus est amplior, in qua de maiori quantitate vel auro agitur, vel si pares sint actiones, necesse rem dirimi sorte. At quid rursus fiet, si vni tantum legatus sit usufr. alternis annis, quis prior fruatur, ipse,



an heres? Hoc vero facile expediri potest, & sine sorte. nam ius est certissimū, fructurum priorē eum, cui fructus legatus est, quandoquidem legatū est purum. Cedet ergo statim ab adita hereditate. Et hoc etiam significat Papin. §. ult. his verbis, *quod sane ultra primum fac.* Sed & de legato vsuf. alternis annis, notandum est in l. 28. b. tit. si vsuf. legetur alternis annis, non posset cum non vtendo amitti, regulariter autem amitteretur non vtendo vsusfruct. anno rei mobilis secundum ius antiquum, hodie triennio: vel rei immobilis non vtendo biennio olim, hodie decennio. sed si relictus sit vsuf. alternis annis, non potest perire vno anno, quia plura legata sunt: quot sunt alterni anni, tot sunt legata vsuf. l. cum vsusfruct. de vsuf. leg. Quo loco addit, aliud tamen esse in via, itinere, aqueductu, vel aquæ haustu, vel actu, aliud esse in seruitute rustici prædij: nam etiam si via sit relictā alternis annis vel aqua alternis annis, vna est via, vnum legatum, quod etiam ostendit l. si sic, quemad. seruit. amitt. Cur plura sunt legata vsuf. si sit relictus alternis annis, & vna est via, si sit relictā alternis annis? Difficile est reddere rationem. redditur ratio, sed obscure in d. l. cum vsusfr. his verbis: *quia via vel aqua sui natura habet intermissionem*, quia non semper possum ire, nō semper aquam haurire, id est, semper hæc seruitus habet intermissionem. Ergo si intermissio spectaretur, ratione intermissionis nunquam haberetur pro vna, sed habenda pro pluribus: non vna esset via, sed plures, quod est absurdum. At vsuf. sui natura non habet intermissionem, sed facto nostro, puta iudicio defuncti: atque ideo hanc intermissionē, quam finiuit defunctus annis alternis, non accipimus in annum, sed existimamus tot legata testatorem facere voluisse, quot fecit annos. Igitur si vsuf. mihi relicto alternis annis, non vtat hoc anno vel sequenti, annis alternis, an ideo amitto vsusfructum reliquorum annorum? minime. Sed via mihi relicta alternis annis, si non vtat hoc anno, non vtat sequenti, alternatim, & reliquorum annorum seruitutem amitto, quia vna est seruitus. *substituas*, id est, supponas posse, *singulorum annorum fructus vacabit*, id est, eorum annorum qui non concurrent.

#### Ad §. si non mors.

*Si non mors, sed capitis deminutio intercesserit, quia plura legata sunt illius anni tantum, si modo ius fruendi habuit, fructus amissus erit, quod & in vno legatario, qui fructum in singulos annos accepit, defendendum est, vt commemoratio temporum, repetitionis potestatem habeat.*

§. 2. Cum singulis fructus alternis annis legatur, si consentiant in eundem annum, impediuntur: quod non id actum videtur, vt concurrerent. multum enim refert, duobus simul alternis annis legetur, quod sane ultra primum annum procedere non potest, non magis quam si uni legatus ita fuisset: an singulis alternis annis. nam si concurrere volent, aut se impediunt inuicem propter voluntatem, aut si ea non refragabitur, singulorum annorum fructus vacabit.

**Q**uæ proponuntur in §. si non mors, valde sunt coniuncta, & proxima iis, quæ diximus. vsusfr. legatum alternis annis diximus non posse non vtendo amitti, anno vel biennio, vel triennio, aut longiore tempore, quia plura sunt legata, quandoquidem testator plura legata facere voluit, quia vsusfr. sui natura intermissionem non habentem, intermittere voluit. at si legetur via, vel iter, vel actus, vel aqua alternis annis, vnum est legatum, vna seruitus, quamuis intermissionem habeat ex iudicio testatoris. Nam si intermissio faceret plures ex eo genere seruitutes, quia nunquam esset vna, nunquam vna aqua, vel quæ alia seruitus, sed esset omnis seruitus rustica multiplex, quia omnis seruitus rustica sui natura intermissionē habet. non possum vti via semper, vel itinere, vel aqua.

**A** nam non semper fundus meus indiget aqua, & fundi tamen gratia seruitus aquæ constituitur. Et hoc distant potissimū rusticæ seruitutes ab vrbani: nam vrbana habet continuum vsusfructum, l. seruitutes quæ, infra de seru. rust. præd. Exempli gratia, ædes altius elatas, aut suppressas cōtinuo habeo. Igitur habeo continuo in ædes vicini seruitutem, nec habet vllam intermissionē. Vsusfr. quoque sui natura non habet intermissionem, quia etsi non fructus capio semper, tamen vtor semper, dum habito semper in fundo, vel in ædibus, vel in villa. Nam fructuario habitare licet, & morari perpetuo in re fructuaria; sed quod est notandum, proprietario licet in prædio, cuius vsusfr. est alienus, habere custodem prædij inuito fructuario, habere saltuarium vel insularium. Quia interest proprietarij fines prædij tueri, l. si ita legatus §. 1. de vsusfruct. & hab. Ergo vsusfr. non habet intermissionē sui natura; consequenter, si aliud voluerit testator, id est, si intermittere voluerit, vt si eum legauerit alternis annis, plura legata constituere voluisse videtur, plures vsusfr. Et ita, per vices temporis renouabitur vsusfr. nec erit idem singulis annis, sed alius. Notandum eadem ratione vsusfr. legatum alternis annis vni vel duobus separatim, non amitti capitis deminutione, quia plura tempora sunt. Regulariter vsusfruct. amittitur morte naturali, quod est certissimum, sed & capitis deminutione fructuarij amittitur, qualicūq; secundum ius vetus, id est, maxima, media, minima. Maxima facit te seruū: media facit te peregrinum: minima facit te extorrem domo, penatibus, familia tua, salua ciuitate. Hodie amittitur vsusfr. maxima & media, non minima: non amittitur emancipatione fructuarij, non adrogatione, quibus familia commutatur. Sed notandum est etiam, vsusfr. amitti morte eius, in quo est vsusfr. vt si sit legatus vsusfr. serui. Adicio etiam capitis deminutione serui vsusfruct. amitti: quasi verò seruus possit capite minui. Certe non potest, quia caput non habet, id est, neque ciuitatem vllam habet, neque libertatem, nec familiam, §. seruus, de cap. minut. Sed si manumittitur seruus, etiā capite non minuitur, quandoquidem manumissio aliud facit, quam capitis minutio. Capitis minutio seruū facit, & peregrinum, manumissio facit liberū, & ciuem & patremfr. Ergo manumissio nō est capitis deminutio, sed in vsuf. amittendo manumissio habetur pro capitis deminutione. nam vsusfr. amittitur manumissione serui, in quo erat, quia nec potest in libero homine vsusfr. esse alteri, l. ult. C. de vsuf. Sed relinquamus eum hominem, in quo est vsusfr. Redeamus ad eum hominem, qui habet vsusfr. Regulariter, morte eius & capitis minutione amittitur vsusfr. excepta minima capitis minutione ex Cōstit. Iustin. l. pen. C. de vsuf. Verum est hoc, si vsusfr. sit legatus singulis. sed si alternis annis, non amittitur capitis deminutione, hoc est, illius tantum anni vsusfr. amittitur, quo legatarius capite minuitur, non sequentium annorum: illius, inquam, tantum anni vsusfr. amittitur, & perit, si non sit ei collegatarius cōiunctus, cui adcreseat. Ideo posuit, si animaduertistis supra, speciem in vsuf. alternis annis duob. legato separatim, non coniunctim. Cur vero illius tantum anni vsusfr. perimitur, quo fructuarius capite minuitur? Quia plura sunt legata, & vt Pap. ait in hoc §. commemoratio temporis vim repetitionis habet. Repetitio est relegatum: ait repetitio legati, ergo repetitio plura constituit legata. vnum legatū, si amitto capitis deminutione, sequens non amittam, nisi accedat noua capitis deminutio. Qui ergo legat vsusfr. alternis annis, plura vsusfr. legata constituit, & interueniente capitis deminutione, ille tantum vsusfr. perimitur, qui eam præcessit, l. 1. §. vsque, hoc tit. non qui subsequitur. Idem omnino erit dicendum, si vsusfr. legetur in annos singulos, vel in menses, vel in dies. namque quot sunt menses, quot dies, anni, tot etiam legata, & commemoratio temporum facit plura legata. qui ita legat, non legat tantum, sed & relegat; iterum ac iterum d. l. 1. §. ult. hoc tit. & l. 1. de seru. præd. Idem etiam erit, si quis legauerit vsusfr. ad certum



tempus, puta ad decennium: nam perinde est, ac si legasset in annos singulos usque ad decennium. hæc definitio temporis pro repetitione habetur, & plura sunt legata, quæ non amittuntur simul omnia contingente vna capitis minutione. Idem erit omnino, etiam si quis legauerit usufructum. quamdiu vixerit legatarius, quod tacite intelligatur id quod voluit exprimere, & dixit, *lego tibi usufructum. quamdiu viues*. Hoc non videtur quod tacite inerat, expressisse frustra: hæc finitio vite pro repetitione habebitur, l. 3. *hoc tit. & l. si quem rem §. ult. de emet.* Ac ita hoc casu non eadem est vis taciti, quæ expressi: nam si exprimat quamdiu viues, plura sunt legata, si id retineat, vnum est legatum usufructum. quod euenit sæpe in iure. expressa pupillaris excludit vulgarem, tacita quæ inest vulgari, non excludit vulgarem, l. *precibus, C. de impub. & aliis subst.* Idem est, si non legetur usufructus. adscripto tempore certo, sed legetur aliud certum quid in annos singulos, vel in menses singulos, & usque ad certum tempus, veluti certa pensio, certa quantitas alimentorum nomine: nam plura intelliguntur esse legata, quæ omnia mors vna extinguet, sed non capitis minutio vna, l. 4. l. *cum in annos singulos, de ann. leg. l. si duas, l. si cum præfinitione, quand. dies leg. ced. l. rem, de usufr. leg.* Idem est, quod est notandum, si legetur perpetuus rei euentus ad certum tempus, vel in annos singulos, quod ipso iure non valet. Euentus non potest finire tempore solo, euentus non potest acquiri ad tempus, l. *nemo potest, de leg. 1. l. obligationum fere, §. placet, de oblig. & act.* Sed si ita constituatur dominium ad tempus, ratum erit legatum. Rata conuentio remedio cautionis: nam legatarius cauebit de restituenda re post tempus, vel etiam remedio exceptionis: Nam si eam nanciscatur heres, heres retinebit rem opæ exceptionis doli mali, quæ est sententia l. *ult. C. de leg.*

Usufructus repetitus & relegatus esse videtur, qui legatus est alternis annis, mensibus, diebus, quo genere perspicuum est, testatorem intermittere usufructum voluisse. Et hæc voluntas satis idoneum argumentum præstet repetitionis. Sed etsi testator noluerit usufructum intermittere, verum legauerit in annos singulos, vel si ad certum tempus, puta usque ad decennium, vel ad tempus vite, quamdiu viuat legatarius: his quoque modis non videtur repetitus usufructus. Et his quidem omnibus modis repetitur palam, sed repetitus intelligitur. Igitur commemoratio illa sine definitione temporis vicem repetitionis habet, vt hic ait Papin. Videamus an nunc repeti nominatim usufructus possit, vt proponetur in l. 3. *in princ. hoc tit.* Titio lego usufructum illius fundi, quotiensque Titius capite minutus fuerit, alij eundem usufructum do, lego, vel quotiens amissus erit usufructus ei eundem do lego, & recte Florentiæ scriptum, *quotiensque, pro quotiescunque*. Et ita est scribendum in l. *in singulos, de ann. leg. & l. 2. §. merito, ne quid in loco publico, quotiensque in publico aliquid fieri permittitur, oportet promitti, vt sine iniuria cuiusque fiat*. Ergo ex principio l. 3. intelligimus, non tantum tacite, sed etiam expressim usufructum in eum casum, quo amittatur, repeti, & iterari, id est, relegari posse atque restitui. Repetitio usufructus est relegatum vel relegatio, quæ fit in casum capitis minutione, vt sc. & post capitis deminutionem, alius eiusdem personæ, quæ capite minuta est, eiusdem rei usufructus competat, & debeatur, & non tantum post capitis deminutionem, sed postquam amissus erit qualicunque ratione, dummodo non morte, l. 5. *hoc tit.* nam post mortem frustra repetitur, nisi heredibus legatarij legetur quasi nouæ personæ, quo tantum casu heredum appellatio pertinebit tantum ad proximos, non ad quoscunque in infinitum, argumento l. *antiquitas, C. de usufr.* Alioquin si usufructus pertineret ad omnes heredes in infinitum, inutilis fieret proprietas, semper abscedente usufructu. Qui legat igitur usufructum heredibus, primis tantum heredibus legat. Sed notandum valde quod ait d. l. 5. repeti posse usufructum amissum qualicunque ratione, dummodo non morte. qui excipit amissum morte, qualicunque alia ratione amissum concedit repe-

ti posse. Et ob id in l. 7. *h. t.* non hæc tantum datur formula repetendi usufructus. quæ est specialis, *quotiescunque capite minutus fuerit*. Septem sunt rationes amittendi usufructus. morte, capitis minutione, tempore, si ad certum tempus sit legatum, non vtendo legitimo tempore, & reimutatione siue peremptione, itemque cessione in iure, id est, si fructuarius ad prætoris sellam usufructum cedat proprietario. Ac postremo dominij seu proprietatis acquisitione, quod est confusione, siue consolidatione. Excepta morte, his omnibus modis, postquam amissus est, usufructus repeti potest. Post capitis minutionem certum est: postquam intermisit uti, l. *si usufr. alternis, h. t.* Post tempus, cur non etiam repetetur? Item restituta re, quæ debuit usufructum. puta restituta domo, cuius usufructus fuerat legatus, & quæ post fuit exusta. cur etiam non repetetur usufructus. hoc modo, *quotiens res perimetur, eidem usufructum do, lego*, si restituatur. Itē posteaquam fructuarius cessit proprietario, cur in hunc casum etiam non repetetur? Ac postremo proprietate acquisita fructuario, & ea reuersa ad heredem, cur etiam in hunc casum non repetetur? ergo verum est, quod ait d. l. 5. qualicunque ratione amissum repeti posse usufructum. Videamus, an etiam qualicunque capitis minutione amissus usufructus repeti possit. Accursus existimat, non posse repeti nisi amissum minima capitis deminutione, quandoquidem existimat, non posse his legari, qui passi sunt maximam & mediam capitis deminutionem, quod falsum est: nam l. 5. ait *qualicunque ratione*. ergo & qualicunque minutione. aut si hoc restringatur ad minimam, inutile est quidquid scriptum est in l. 3. *h. t.* & in l. *in singulos, de ann. leg.* Nam hodie ex Constit. Iustin. usufructus non amittitur minima capitis minutione, l. *per. C. de usufr.* Quod non amittitur, inutiliter repetitur. Tribonian. ex Constit. Iustin. l. 1. *de usufr. leg.* dum ibi dicitur, usufructum amitti, si legatarius minutus fuerit, adiecit ex magna causa, hoc est, si subierit maximam & mediam capitis minutionem, quia sc. hodie non amittitur minima deminutione: & fortiter defendi potest; hodie nullam esse minimam capitis deminutionem. Emancipatio & adoptio est minima capitis deminutio, redigitur enim his modis quis in imaginariam seruitutis formam, antequam adoptetur, vel emancipetur, l. *ult. de capit. minut. l. ult. C. de adopt.* Hodie et imaginariæ venditiones non sunt in usu. qui emancipatur, apud acta emancipatur. Ergo qui adoptatur, fit alieni iuris sine capitis minutione. Et qui emancipatur, fit sui iuris sine capitis deminutione. Sicut qui morte patris, vel adoptione fit sui iuris sine capitis deminutione; Nec quod ex filiof. paterf. fio, ideo capite minuor, l. 3. §. *ult. ad Maced. l. 1. §. sed et si morte, quando de pecul. act. analis est*. Et similiter dignitatib. quibusdam certis mei iuris fio sine capitis minutione, *Non. 81.* & iure veteri Sacerdotio & Flaminio Diali mei iuris efficio. Ac similiter hodie mei iuris fio sine capitis minutione per emancipationem. Merito igitur hodie emancipatione non amittitur usufructus. Tribonian. igitur, qui ex Constit. Iustin. in d. l. 3. adiecit hæc verba, *ex magna causa*, non reliquisset tot locos de usufr. relicto post capitis minutionem, si non possent accommodari ad maximam & mediam capitis deminutionem. Ergo profliganda hæc opinio Accursus. quin potius affirmandum nobis est, aptari posse ad quælibet capitis deminutionem. Non est præterea omnino verum, non posse legari his, qui passi sunt maximam & mediam minutionem: maxima facit seruos pœnæ, media facit peregrinos. Constat autem primum seruis alienis posse legari ex persona dominorum, l. *non minus, de hered. instit.* Ergo & relegari. Et consequenter, legatum libero relictum, post seruitutem repeti constat etiam damnatis in metallum, quamuis nullius sint serui: ex cuius persona possint designari, & habere testamenti factionem. non seruis Cæsaris, non fisci, sed seruis pœnæ metallicis, quamuis nullius sint serui quam pœnæ, cui obnoxij sunt, tamē eis recte legatur ex causa alimentorum, l. *is cuius, de alim. leg. l. 1. de his, qua pro non script. hab.* Et similiter deportatis, id



est, peregrinis recte legatur ex causa alimentorum, l. 16. de interd. & re leg. Et usufr. nonnunquam legatur alimentorum causa, l. cum hi §. si annos, de transact. Ergo usufr. relegatur recte maximam & mediam partem capitis deminutionem. Obstat l. licet, de usufr. leg. quæ ut scripta est, videtur velle, vno tantum casu repeti usufr. legatū: videl. si relegatur in annos singulos, quod pugnat cum his, quæ diximus: nam & repeti diximus, si legetur ad certum tempus, vel alternis annis ad certum tempus, vel si legetur, quamdiu viuat legatarius, & etiam nominatim recte repeti. Videamus quæ sint verba legis. licet, inquit, testatori repetere legatum usufructus, ut & post capitis deminutionem debeat. Quod autem licet, lege licet aut constitutione aliqua: & ideo quia dixit, licet, subiicit, & hoc nuper Imperator Antoninus ad libellum rescriptit. Ergo ex ea Constitutione licet testatori repetere legatum usufr. & subiicit, tunc tantum huic Const. locum esse, cum in annos singulos relegaretur. male Accurs. legit, res relegaretur, melius relegaretur, ut in l. 3. h. tit. Etiam male Accurs. legem intellexit de tacita repetitione: nam maior erat quæstio, an posset repeti expressim, facilius quid sit tacite, quam expresse, l. nonnunquam, de condit. & demonstr. l. si quis Sempronium, de hered. instit. Est varia lectio illius loci, alij habent, tunc tantum, alij, tunc tamen. vtraque falsa est. legendum est; nec tantum. Lex enim ait, licet testatori repetere legatum usufr. Et hoc ius ait esse ex rescripto Antonini, nec tantum huic Const. locum esse, cum in annos singulos relegaretur: sed cum relegaretur nominatim, nam ita omnino scriptum est, in princ. l. 3. hoc tit. id est, non tantum legari posse in annos singulos, atque ita tacite repeti, sed etiam palam posse repeti. Et de eo dubitabatur magis, quod repetito usufr. post capitis deminutionem, videtur fieri fraudi iuri publico, quo cautum est, ut usufr. finiatur capitis minutione. Verum fraus non fit in totum, aut naturali ratione: nam is usufr. amittitur capitis minutione, qui iam præcessit, non qui insequitur: & qui insequitur secundum ius publicum extinguetur contingente alia capitis minutione. Ergo ex Const. Antonini, non tantum tacite, sed & palam repetitur usufr.

Ad §. hæc autem repetitio l. 3. quibus. mod. usufruct. amitt.

Hæc autem repetitio, quæ fit post amissum capitis minutione usufructum, quaritur, an & ius accrescendi saluum secum habeat; ut puta Titio & Manio usufructus legatus est: & si Titius capite minutus esset, eidem usufructum legauit: quasitum est, si Titius ex repetitione usufructum haberet, an inter eos ius accrescendi saluum esset? Et Papin. lib. 17. quasit. scribit, saluum esse, perinde ac si alius esset Titio in usufructu substitutus. Hos enim tametsi non verbis, re tamen coniunctos videri.

His quæ retulimus ex l. 2. h. t. necessario addende sunt quæstiones duæ, quæ referuntur ab Ulpiano in l. 3. h. t. Prior hæc est, an repetitio usufr. quæ fit post amissum usufr. capitis deminutione, etiam ius accrescendi saluum secum habeat, quæ proponitur in §. hæc autem repetitio. Eadē est quæstio posterior proposita in §. idem Pap. eiusdem legis. Et hoc tantum interest, quod vna est de usufr. toto, altera de parte, & hæc subtilior illa. Ad priorem quæstionem fac speciem hoc modo: legatus est fundi usufr. Titio & Manio iisdem verbis: lego usufr. Titio & Manio. sunt coniuncti re & verbis, & inter eos locum habet ius accrescendi, id est, repudiante, vel moriente, vel capite minuto alter retinet totum usufr. Quid est ius accrescendi? est retentio totius legati. Quid est ius accrescendi? nullius in legato concursus. Sed rursus finge: idem usufr. separatim repetitus est in persona Titij, hoc modo: quotiensque Titius capite minutus erit, ei usufr. lego. Quaritur, Titio capite minuto, & nunc habente usufr. ex repeti-

atione, an Titius & Manius coniuncti sint? atque ita, an sit inter eos ius accrescendi? An Titio mortuo, vel capite minuto accrescet Manio, vel contra, Manio mortuo, aut capite minuto, an accrescat Titio? Et certissimum est, quod Papin. ait, inter eos saluum esse ius accrescendi: nam initio quidem fuerunt Titius & Manius re & verbis coniuncti, post capitis minutionem Titij, Titio habente usufr. ex legato, non sunt coniuncti quidem verbis, quia separatim, id est, separata oratione in persona Titij repetitus est usufr. sed sunt re coniuncti, quia vnicuique in solidum legatus aut relegatus est usufr. Ergo inter eos est ius accrescendi: nam ius accrescendi locum habet non tantum inter re & verbis coniunctos, sed etiam inter re tantum coniunctos, secundum regulam Celsi, quæ est in l. 3. de usufr. accresc. quia singulis ab initio solidum relinquitur, nec nisi concursu partes faciunt. Inter verbis tantum coniunctos, quibus ab initio ascribunt partes, atque ita qui quasi in diuersas res vocantur, puta hoc modo: Titio & Manio usufr. ex aquis partibus. Inter hos non est ius accrescendi, quia concursu non faciunt partes, sed eas habent ab initio factas testamento. Et inter verbis tantum coniunctos non esse ius accrescendi, quod & ex veteribus animaduerti, ostendit aperte lex per. de usufr. accresc. & l. 66. de her. inst. Coniunctio orationis nihil facit, quia plerumque affectatur celeritatis & breuitatis studio. Coniunctio rei hæc est, quæ momentum habet, & pondus, quæque gignit ius accrescendi. Et idem etiam ostendit §. si eadem, Instit. de leg. qui statuit ius accrescendi inter re & verbis coniunctos, & inter re tantum coniunctos, & nihil adiicit de verbis tantum coniunctis, quia inter verbis tantum coniunctos non est ius accrescendi: nisi testator ascripsit partes ab initio ea mente, non ut eos separaret, & in diuersas res vocaret, sed ut fieri adsolet, ut ostenderet, quas partes facturi essent concursus: quo casu verbis sunt coniuncti palam, non re, sed etiam re intelligantur esse coniuncti ex mente defuncti. Et ita est casus ad l. r. coniuncti, de leg. 3. dum ea lex non tantum re & verbis coniunctum præfert re coniuncto, sed etiam verbis tantum coniuncti, qui ex mente defuncti & re coniunctus est. Alioqui frustra quæris, an verbis coniunctus tantum præferatur cæteris, qui detracta voluntate defuncti, nullum ius accrescendi habet. In hac specie, quia & Titio habente usufr. ex repetitione, Titius & Manius

inducantur esse re coniuncti, licet non sint coniuncti verbis inter eos versatur ius accrescendi: & idem eueniet usufr. legato Titio & Manio, si non repetierit usufr. post capitis minutionem Titij, sed in eum casum Titio Sempronium substituerit: nam substitutio fit etiam recte in legatis, l. ut in heredib. de leg. 1. Ergo non ita dixit, si capite minutus erit, tibi usufr. lego, sed ita: si capite minutus eris, Sempronius tibi substitutus esto. Hoc casu inter Manium & Sempronium erit ius accrescendi, quia sunt re coniuncti, quamuis non eodem gradu. Gradus non mutat coniunctionem rei inter me & te. si sit ius accrescendi, erit inter me & substitutum tuum. Et similiter in causa proprietatis, quæ potest transmitti ad heredem, erit ius accrescendi inter me & heredem tuum, l. hæc scriptura §. ult. de cond. & demonstr. l. cum ex filio §. ult. de vulg. subst. Et hæc sufficiant de priori quæstione.

Ad §. idem, eodam.

Idem Papin. quarit, si Titio & Manio usufructu legato, in repetitione usufructus non totum, sed partem Titio relegasset, an viderentur coniuncti? Et ait, si quidem Titius amiserit, totum socio accrescere. Quod si Manius amisset, non totum accrescere, sed partem ad eum, partem ad proprietatem redire. Quæ sententia habet rationem. neque enim potest dici, eo momento, quo quis amittit usufr. & resumat, etiam ipsi quicquam ex usufr. accrescere: Placet enim nobis, ei qui amittit usufr. ex eo, quod amittit, nihil accrescere.

Sequitur



**S**equitur posterior quæstio. Finge: legavi vsumfr. Titio & Mæuius: sunt coniuncti re & verbis. & si Titius capite minueretur, eidem relegavi non totum vsumfr. sicut in priori specie, sed partem vsumfr. tantum. Sed hoc casu, an etiam Titius post capitis minutionem quam subiecit, & Mæuius coniuncti sint? Et dicam esse etiam cōiunctos re, non verbis: nam cum vni legatur totum, alteri pars, sunt inuicem coniuncti re, quia pars est in toto: & cui legatur totum, ei etiam legatur pars, quæ legatur alteri, l. *Mæuius*, de leg. 2. l. 3. §. non solum, de vsumfr. accresc. Mæuius legatus est totus vsumfr. Titio pars. Ergo inter Mæuium & Titium habentem partem vsumfr. ex repetitione erit ius accrescendi mutuum. Omne enim ius accrescendi est mutuum & reciprocum. Sed tantum hæc est differentia huius casus posterioris à priori, quia Titio amittente vsumfr. quæ habet ex relegato, totus accrescit socio, §. *idem* Papin. id est, Mæuius, collegatarius vocat socium, vt l. 8. vsumfr. quem adm. cau. Nam & collegatarios omnes coniungit ad societatem, l. *heredes* §. non tantum, famil. ercisc. Et omnes re coniuncti, socij sunt. Hoc ergo dicas, Titio amittente partem vsumfr. quam habet ex relegato, quæ ex legato habebat totum, totum illud parti accrescere Mæuius. contra, Mæuius amittente vsumfr. qui totus ei fuerat legatus, totus is, quem habuit Mæuius, non accrescit Titio ex repetitione habenti partem vsumfr. sed pars tantum: pars altera redit ad heredem scriptum, id est, ad proprietatem, atque ita vsumfructus fiunt tres partes. vnam habebit Titius iure repetitionis, alteram iure accrescendi, tertiam autem habebit proprietarius, sicut heres scriptus iure cōsolidationis. Et ratio hæc est valde elegans & subtilis Papiniani nostri, quia Titius initio totum amisit capitis minutione, & mox partem tantum resumpsit, siue recepit ex repetitione. Ac consequenter partem alteram omnino amisit, nec resumpsit: quia accrescere ea pars ei nullo modo potest. quæ non resumitur, nec accrescit: ne fiat cōtra voluntatem testatoris, si legatarius plus habeat parte legati prioris, quæ si non accrescit, ergo recurrit ad proprietarium, id est, heredem scriptum. Pars vsumfr. quæ amittit collegatarius, mihi accrescit sane, etiam si amiserim meam partem, lite cum alio contestata, l. *idem*, de vsumfr. accresc. l. si Titio fructus §. vsumfr. de vsumfr. Pars autem mea, quam amisi, mihi nunquā accrescit. igitur ex repetitione partem tantum vsumfr. refumo: pars altera, quam non refumo, mihi non accrescit contra voluntatem defuncti, argum. legis, cum vale, in fin. de cond. & dem. sed accrescit collegatario, veluti Mæuius, in hac specie, ac deinde deficiente collegatario, etiam pars illa, quam amisi semel, nec resumpsi, mihi non accrescit, sed recurrit ad proprietarium, pars altera mihi accrescit. Itaque peritissime dixit in specie proposita Papin. vsumfr. quem habuit Mæuius, qui defecit capitis minutione, partim ad Titium redire, partim ad proprietarium: nec totum posse redire ad Titium collegatarium. quæ in vsumfr. Mæuij fuit pars, quam amiserat ante Titius, nec receperat iure repetitionis, nec recipiet etiam iure accrescendi. Hic est certissimus sensus, in quo multum laborat Accursus. Notandum ex eo præterea, hanc esse vim repetitionis, si intermissione non habeat, vt si non legetur vsumfr. alternis annis, vel non singulis, quo genere repetitur quidē, sed cum intervallo temporis. Si igitur repetitio intermissione non habeat, vt si legetur in annos singulos, vel dies, vel si legetur ad certum tempus, vel ad tempus vitæ, vel manifesta repetitione, quoties capite minutus erit, vel amissus erit, vis eius repetitionis hæc est, vt eodem prorsus momento legatarius amittat vsumfr. & resumat, vt eodem momento amittat & resumat legatum, vel partem, si pars tantum relegata fuerit. Partem autem amissam, nec resumptam, nec possis dicere accrescere parti resumptæ eodem ipso momento, & nec postea ex intervallo, puta collegatario amittente vsumfr. Et omnino ita se res habet: ei, qui amittit vsumfr. ex eo, quod amittit, neque mox, neque postea quicquā accrescere posse, etiam si ex eo, quod amittit portionē aliquā resumserit potestate repetitionis.

Quæst. Papin.

Ad l. 8. de vsumfr. ear. rer. quæ vsum consum.

*Tribus heredibus institutis, vsumfr. quindecim millium Titio legavit, & duos ex heredibus iussit pro legatario satisficere. Placebat, utile esse cautionis quoque legatum: nec refragari Senatusconsultum, quia cautio non impediretur, & esse alterum legatum velut certi, alterum incerti. Vsumfructus itaque nomine partem pecunie petendam ab eo, qui satis accepit à coherede, incertique cum eodem agendum, si satis non dedisset. Eum vero, qui satis præstitit, ac propter moram coheredis satis non accepit, neque fructus nomine interim teneri, propter SCtum: neque actione certi, quia coheredi satisfecit. Illud etiam nobis placet, legatarium cogendum promittere. Finito autem vsumfr. si coheredes ex causa fideiussoria convenirentur, eos mandati non acturos: non enim suscepisse mandatum, sed voluntati paruisse: denique cautionis legato liberatos. De illo nec diu tractandum fuit, secundum legatum, id est, cautionis, non heredum videri, sed eius, cui pecunie vsumfr. relictus est, cuique testator prospicere voluit, & cuius interesse credidit, fideiussores non suo periculo querere.*

**T**otus hic tit. Senatusc. est, quo cautum fuit, vt earum rerum, quæ in bonis essent, legari vsum & fructus possent, l. 1. h. t. l. 1. de vsumfr. leg. l. vsumfr. ad l. Falcid. Igitur ante SC. omnium rerum vsum, vt fructus legari non potuit, quoniam nec omnium rerum est vsum, id est, non omnes res in vsum consistunt. sunt quas perdis, si incipias vti. perdis oleum, frumentum, esculem, si vtaris, sed senatus decrevit, vt & harum rerum, & generaliter omnium, quæ in bonis nostris essent, vsum & fructus legari possent, ad quod SC. totus hic titulus pertinet. Pecunia numerata, id est, nummi, vinum, oleum, frumentum, lana, odores, aromata, vestimenta, sunt in bonis nostris. ergo earum rerum vsum, vel vsumfr. legare possumus. Quod tamen cum dixeris, cum natura ipsa pugnare videbere, quia vi & natura harum rerum non est vsum, sed abusus est, vt est in l. 5. §. 1. h. t. hæc res non sunt in vsum. sed in abusu vno loco, & alio loco ait, in absumptione. Abusus est absumptio rei, privatio vel peremptio vsum. abuti, quod & deuti dixit. *Am.* Probus, est absumere, & vt legendum videtur in l. 7. h. t. *supr. hæc res abusu continentur*, vulgo legitur, *vsum consumuntur*. Sed & Pandectæ Flor. habent, *continentur*, & Bas. *ἐν ἀποργίῳ*, id est, in abusu. & vsumfr. est ius vtendi, fruendi salua rerum substantia, l. 1. de vsumfr. ea verba, *salua rerum substantia*, cur maxime in definitione adiicit? An, vt vulgo existimant omnes, quia exempli gratia domo exusta, aut fundo perempto terræ fragore siue chasmate, vel vt ait l. *pen. C. de vsumfr.* perempta rei substantia finitur vsumfr. eius rei? An ob id igitur adiecit, *salua rerum substantia*? quod vix crediderim: nam cur hanc rationem amittendi vsumfr. comprehenderet in definitione potius quam alias? Aut quid attineret in definitione exprimi rationem ex septem vnam amittendi vsumfr. Dixit ergo, *salua rerum substantia*, quia si vtendo pereat statim rei substantia, non est vsum, sed abusus. si vtendo rem perdas & consumas, si interimas rei substantiam, si vino aut pane abutaris, non vtaris. Quid est igitur vsum? quo scilicet vtimur re salua, alioqui est abusus, vsum non perimit rem. Abusus perimit. Eadem est ratio pecuniæ vel nummorum: nam pecunia qua vtimur, quodammodo disperit. Et vt ait §. *constituitur*, *Instit. de vsumfr.* pecunia ipso vsum assidua permutatione, complurium manuum attrectatione, quodammodo extinguitur. Eadem est etiam ratio vestimentorum: nam & hæc vsum deteruntur, nec igitur eis vtimur, quin aliquatenus abutimur. Supra dixi, nec feci gradus harum rerum: nam vsum sum exemplo vini, pecuniæ & vestis, tollis & absumis vinum quo vteris, nummos, quibus vteris, non tollis, manent, sed quodammodo tollis cum permutas, & in alias manus peruenire sinis: vestimenta, quibus vteris,

ff



minuis, dum vſu atteris, vt in *l. 1. h. t. tolluntur aut minui-*  
*tur.* contra agrū, qui proprie in vſu conſiſtit, quo vteris,  
 neque minuis, neque tollis, poſſis defrugare, veluti ligno,  
 ſegete aut ſatione continua, non tollere aut minuere:  
 quemque etiam nec ita defrugare poſſis, vt non poſſit ad  
 fruges, ad vires redire noua cultura. Igitur nullo SC. fieri  
 poteſt, vt earum rerum, quæ ſunt in abuſu, ſit vſus vel v-  
 ſuſfruct. natura rerum mutari non poteſt iure ciuili. Ve-  
 rum Senatusconſultum, de quo agit in hoc tit. efficit, vt  
 etiam earū rerum, quæ ſunt in abuſu, quaſi vſuſfr. eſſet,  
 introducto remedio cautionis: nā ita res procedit. Si le-  
 gatus ſit vſuſfr. pecuniæ, ſiue nummorum, legatarius nu-  
 meratione eius, pecuniæ dominus ſit pleno iure, ſed cauet  
 heredi de reddenda tanta pecunia, ſi morietur aut capite  
 minuetur. Hi duo tantum caſus excipiuntur: nec enim  
 non vtendo, nec aliis modis pecuniæ vſus amitti poteſt,  
*l. 9. & 10. hoc tit. l. 7. §. ult. vſuſfr. quemadm. caueat.* Eodē-  
 que modo, ſi legatus ſit vſuſfruct. vini aut cellæ vinariæ,  
 legatarius traditione dominus fiet, ſed cauebit heredi de  
 reddenda tanta pecunia, cum morietur aut capite minue-  
 tur, quanti vinum æſtimatum fuerit: traditur enim illi  
 æſtimatum, vel etiam cauebit de reddenda eadem men-  
 ſura, bonitate vini, ſi vini *7. h. t.* Et ex his etiam appa-  
 rebit horum trium generum differentia. iſ, cui legatus  
 eſt vſuſfruct. veſtis, cauet de reddenda eadem veſte, in  
 omnem caſum amiſſi vſuſfr. nec tenetur, ſi vſu attritā red-  
 dat, *l. 9. §. pen. vſuſfr. quemadm. cau. inf.* vel etiam, quod eſt  
 melius, vt ſuperioribus caſibus veſtis ei tradatur æſtima-  
 ta, & cauebit de reddenda æſtimatione tempore mortis  
 ſuæ, aut capitis minutione, *d. §. conſtituitur, Inſtit. de vſuſ-*  
*fr.* Videtur ita per cautionē hanc rei, cuius nō eſt proprie  
 vſus, quodammodo vſus conſtitui, & in accipientem le-  
 gatarium transferri ſane dominium, ſed propter cautio-  
 nem, hoc dominium effectum tantum habere vſus, nam-  
 que finitur morte, aut capitis minutione. Remedio cau-  
 tionis multa ſunt, quæ alias fieri non poſſent. Remedio  
 cautionis dominium conſtituitur ad tempus nominatim,  
 vt, *legotibi rem ad decennium.* Et remedio cautionis ita do-  
 minium finitur tempore quodammodo, quod alias non  
 finiretur tempore, *l. ult. C. de leg.* Remedio cautionis qua-  
 ſi vſuſfr. conſtituitur earum rerum, quarum ſua natura nō  
 eſt vſus, ſed abuſus, vt ſane hodie locus non ſit argu-  
 mento *Cic. in Top.* eam, cui maritus legauit fructus  
 omnium bonorum, cellis vinariis & oleariis plenis reli-  
 ctis non poſſe vti, quia vſus ſit legatus, non abuſus:  
 nam id quidem ita eſt detracto remedio cautionis. ve-  
 rum adhibito remedio cautionis, longe aliud eſt: ac  
 proinde oblata cautione, mulier etiam vtetur cellis vi-  
 nariis & oleariis, cum legatus eſt vſuſfructus omnium  
 bonorum. nam ex SCto nihil eſt, quod non cedat in  
 vſuſfr. legatum, *l. vſuſfr. ad l. Falcid.* Quin & cautio forte  
 omiſſa tacite intelligitur, *l. 5. §. pen. hoc tit.* Plus efficit  
 remedium cautionis, vt ſcilicet conſtituatur quaſi vſuſfr.  
 vel vſus itineris, viæ, actus, aquæ ductus, vel aquæ hau-  
 ſtus, quod neque etiam natura ſit, neque ex SC. videtur  
 fieri: nam natura non fert vt ſit vſus, vel vſuſfr. itineris, id  
 eſt, ſeruitus ſeruitutis. ſeruitus, eſt qualitas: qualitatis  
 qualitas nō eſt. ergo eſt valde abſurdū, ſi dixeris, vſus vſū  
 eſſe. itineris eſt vſus, ſed huius vſus nō poteſt eſſe abuſus:  
 neque enim vtile eſt legatum propter Senatusconſultū,  
 quod loquitur tantum de his, quæ ſunt in bonis noſtris.  
 ſeruitutes non ſunt in bonis noſtris, ob id quia nec ſunt,  
 ſed intelliguntur: ſunt enim res intellectuales, quæ ſen-  
 ſibus non percipiuntur, ſed intellectu ſolo ſeparantur &  
 abſtrahuntur. non poteſt eſſe in bonis noſtris, quod non  
 eſt, ſed neque etiam ea ſunt extra bona: nam latiffima eſt  
 bonorum ſignificatio, etiam iura, actiones, obligationes,  
 ſeruitutes, & quolibet res omnes incorporales patri-  
 monio noſtro accenſentur. Ergo videbatur eſſe inutile  
 legatū, ſi quis legaret vſuſfructum itineris, id eſt, ſerui-  
 tutis illius: ſuſtinetur tamen legatum remedio cautio-  
 nis: nam heres perſoluit legatum, ſi legatarius ei caueat

A de reſtituenda ea ſeruitute, quoties mortuus, aut capite  
 minutus erit, *l. 1. D. de vſu & vſuſfr. leg.* Et eadem ratione  
 dubitabatur etiā poſt SC. an poſſet legari vſuſfr. nominū.  
 nomina ſunt iura, obligationes, &c. Dubitabatur propte-  
 rea, quod nō ſunt proprie, quæ corpore prædita non ſunt,  
 quæ iuriſtantū intellectū habent, iuris fundamentū. ſed  
 placuit etiā vſuſfr. nominis recte legari, & vſuras videri  
 legatas, *l. 3. h. t.* Vſura eſt quaſi vſuſfr. nominis. & ita quod  
 notandum maxime, in hoc propoſito remedio cautionis:  
 nam vſura nominis non debetur niſi ex cautione, id eſt,  
 ſtipulatione, *l. 3. C. de vſur. l. Titius, ſup. de præſcript.*  
*verb.* Remedium, inquam, cautionis ſeu ſtipulatio-  
 nis efficit, vt pecunia quodammodo pariat pecuniam.  
 nec mirum, ſi pariat, quod ſæpe abortum facit. Hæc  
 autem cautio SC. vt indicat hæc *l. 8.* eſt ſatiſdatio fi-  
 deiuſſoris, id eſt, cauere hanc cautionem legatarius de-  
 bet datis fideiuſſoribus, nec ſatis eſt, ſi ipſe promittat  
 ſolus, promiſſore ipſo opus eſt, & adpromiſſore. de-  
 nique hæc cautio eſt ſatiſdatio, nec poteſt remitti à  
 teſtatore, *l. 1. C. de vſuſfr.* alioquin nullus eſſet effectus  
 legati, & ſecum ipſe teſtator pugnaret, ſi legaret v-  
 ſuſfr. nummorum, & detraheret iſtam cautionem, non  
 poteſt impediri hæc cautio à teſtatore. nam & SC. nomi-  
 natim iniungitur, *l. pen. hoc tit.* & cautio legib. vſitata non  
 poſſet etiam remitti à teſtatore, niſi id D. Marcus permi-  
 ſiſſet, *l. 2. vt in poſſ. leg.* Nam teſtator non poteſt facere,  
 ne leges locum habeant in ſuo teſtamento, niſi alia lex  
 hanc ei poteſtatem dederit, *l. nemo poteſt, de legat. 1.* Et ve-  
 rum eſt, non poſſe teſtatore adferre ſatiſdationem, & ſi  
 velit ea exonerare legatarios, poteſt, id eſt, ſi nolit eos fi-  
 deiuſſores querere, ſuo periculo poſſe onus fideiſſoris trāſ-  
 ferre in heredes ſuos, vt ſcil. ipſi fideiubeant pro legata-  
 rio ſibi inuicem, & aliis coheredibus, vt in ſpecie huius  
 l. quæ eſt talis. Quidam tres heredes ſcripſit, & legauit ab  
 omnibus Titio vſuſfr. quindecim millium, & duos he-  
 redes iuſſit pro Titio fideiubere de reddenda ea pecunia  
 mortuo, aut capite minuto legatario. Duplex eſt legatū  
 relictum Titio, vnum eſt legatum vſuſfr. quod quidem  
 petet actione certi ex teſtamento, quæ eſt certa ſumma,  
 cuius traditione fiet dominus, & petet ab omnibus he-  
 redibus pro portione hereditaria. Alterum legatum,  
 eſt legatum cautionis ſiue fideiſſionis, quod petet à  
 duobus illis heredibus actione incerti ex teſtamento:  
 nam cautio, obligatio, liberatio iura omnia incorpo-  
 ralia ſunt, res incertæ, petuntur actione incerti, cautio  
 petitur actione incerti, *l. 5. §. 1. h. tit.* eas cautiones petet  
 actione incerti, id eſt, vt fideiubeant pro eo de reddendo  
 vſuſfr. pecuniæ tempore mortis ſuæ, aut capitis minutio-  
 nis, & vt de ea re caueant inuicem ſibi & tertio cohere-  
 di, Igitur Titius ea de re promittet prius, poſt pro eo fi-  
 deiubeant illi duo heredes inuicem ſibi, & tertio cohe-  
 redi. Et quod notandum, quod eſt ſubtilius, in hac l. po-  
 terit conueniri ex illis duobus heredibus actione certi,  
 vt præſtet partem pecuniæ hereditariæ iſ, cui coheres ſa-  
 tiſdederit. poterit etiam conueniri actione incerti, vt ſa-  
 tiſdet, ſi nondum ſatiſdederit. Is autem, cui coheres non  
 ſatiſdederit, non poterit conueniri actione certi, vt petat  
 partem ſummæ, nec actione incerti, ſi iam ſatiſdederit. E-  
 notanda ad hæc ſunt duo ſingularia, vſuſfr. quindecim  
 millium peti actione certi, cū tamen dicatur in *l. ubi au-*  
*tem. ff. de verb. obl.* vſuſfr. peti actione incerti. Nā & vſuſfr.  
 ius eſt, ergo incertum eſt; quam legem Accuſius oppo-  
 ſuit huic noſtræ. Sed breuiter reſpondendū: hic non tam  
 videri legatum vſuſfr. quam dominium & pecuniam  
 certam, cuius ſane ſit dominus adnumeratione. Petiti gi-  
 tur certum, quia petit ſibi dari oportere, id eſt, ſe domi-  
 num fieri oportere oblata cautione, quæ dominum per-  
 ducet ad effectum quaſi vſuſfr. Vltimo notandum, here-  
 des, qui fideiſſerunt, ſi ſoluerint, non habituros regreſ-  
 ſum actione mandati aduerſus reum principalem, hoc  
 eſt, legatarium vel heredem eius, quia ſcil. non manda-  
 uit iſ, non mandata eius fideiſſerunt, ſed iuſſu teſtato-



ris, & non propter alienam obligationem, sed propter suam, ut se liberarent legato cautionis sibi à testatore iniuncto propter quā fideiussores non habent regressum, ut si donandi animo, vel in rem suam. Et hoc casu agnoscimus summa ratione hos fideiussores non habere regressum aduersus legatarium.

Ad l. 77. de hered. instit.

*Asse toto non distributo, ita scriptum est: quem heredem codicillis fecero, heres esto. Titium codicillis heredem instituit: eius quidem institutio valet ideo, quod licet codicillis dari hereditas non possit, tamen hæc ex testamento data videtur. Sed hoc tantum ex hereditate habebit, quantum ex asse residuum mansit.*

**E**st perbreuis & facilis quæstio huius l. Sciendum est hereditatem verbis ciuilibus testamento dari: codicillis dari non posse, quod per manus esse traditum, id est, veterem regulam iuris esse didicimus supra lib. 15. Pap. & l. quod per manus, de iure codicill. lex 10. de cond. inst. ait, interdictum esse hereditatem verbis directis codicillis dari vel adimi. Inde quæritur hoc loco, an valeat institutio heredis testamento facta, hoc modo, quem codicillis heredem fecero, ille heres esto, si postea codicillis heredem fecerit Titium? Et ait, quod erat non admodum difficile, institutionem valere: quia non videtur data hereditas codicillis, sed testamento potius. codicilli declarant testamentum, non heredem faciunt, & vero codicilli possunt declarare testamentum, non idem etiam efficere, quod testamentum: & eo quoque modo codicilli declarant testamentum, non testamentum condunt, hoc est, non institutionem heredis faciunt. Et idem etiam erit multo magis, si in testamento scripserit hoc modo: cuius nomen codicillis scripsero, ille heres esto, & postea codicillis scripserit nomen Titij, quia palam hoc modo, nomen tantum heredis refertur in codicillos, institutio scribitur testamento, d. l. 10. de condit. inst. Et ita superiore casu, cum dixit, quem codicillis heredem fecero, heres esto, videtur tantum contulisse nomen heredis instituti in codicillos, & quem heredem codicillis fecero, hoc est, quem nominauero codicillis, ille heres esto. Codicillis ergo recte scribitur nomen heredis, sed non recte instituitur heres. Et similiter codicillis quoque recte adscribitur pars heredis instituti, hoc est, partis hereditariæ definitio recte confertur in codicillos, hoc modo: ex qua parte codicillis Titium heredem scripsero, heres esto. Qua oratione videtur tantum conferre partem in codicillum, non institutionem ipsam. Et cum ita dixit ut proponit, si postea forte codicillis nullam adscribat Titio partem, an nihilominus Titius erit heres? sic sane, ut aperte demonstratur in l. 36. hoc tit. quæ est coniungenda cum d. l. 10. nam ut valeat heredis institutio, non est necesse adscribi partem, etiam si adiciatur coheres. recte quis heres instituitur sine parte, quandoquidem satis potest intelligi, quam partem cum habere voluerit. Erit igitur Titius heres, etiam si postea codicillis nullam ei partem adscripserit, quasi sine parte institutus, & erit heres ex eo, quod assensuerit, hoc est, ex residuo assis, si testator totum assensum non distribuerit, ut in specie h. l. & l. item quod, h. t. in pr. & §. sed et si asse. Vel erit heres in alterum assensum, id est, in dimidiam hereditatis partem, si testator totum assensum expleuerit, distribuerit, d. l. item quod §. sed et si ex asse. h. t. His consequens est, ut etiam valeat hæc institutio: si Titium codicillis heredem fecero, heres esto. Nā & hoc casu Titio codicillis scripto, non codicillis, sed testamento dari videtur hereditas. Denique idem erit, si ita dixerit: ille Titius, quem codicillis heredem scripsi, heres esto, d. l. 10. Et usus sum nuper his omnibus legibus in hac specie. Quidam instrumentum donationis donauerat inter viuos primo & secundo, & eius liberis masculis bona

**A** quædam, & si hi omnes decederent sine liberis masculis, dixerat, se in ea bona substituere, quos postea substitueret in testamento, quod facere meditabatur postea facto testamento substituit in ea bona, in hunc casum: si primus & secundus morerentur sine liberis masculis, neque adiecit quicquam, de liberis masculis primi & secundi, id est, non dixit plene, ut dixerat in donatione, si primus & secundus & eorum liberi masculi moriantur sine liberis masculis, illi substituti sunt, sed mentionem tantum fecit primi & secundi; quæritur, qua scriptura, quis casus substitutionis spectandus potius sit, an qui scriptus est in donatione, aut qui scriptus est testamento? Dixeram, donationem potius spectandam esse, quoniam substitutio ea non videtur facta testamento, sed instrumento donationis.

Ad l. Manius 66. de leg. 2.

*Manius fundum mihi ac Titio sub conditione legauit, heres autem eius eundem sub eadem conditione mihi legauit. verendum esse Iulianus ait, ne extante conditione pars eadem ex utroque testamento mihi debeat. Voluntas tantum quæstio erit: nam incredibile videtur id egerit heredem, ut eadem portio bis eidem debeat. Sed verisimile est de altera parte eum cogitasse. Sane constitutio principis, qua placuit eidem saepe legatum corpus non onerare heredem, ad unum testamentum pertinet. Debitor autem non semper, quod debet, iure legat, sed ita si plus sit in specie legati. Si enim idem sub eadem conditione relinquatur, quod emolumentum legati futurum est?*

**H**ic versatur mentio Constit. D. Pij, aut sane pendet omnis ea quæstio ex constit. principis, quem sic vocat, hoc est, D. Pij, ut apparet ex l. plane §. 1. & 2. de legat. 1. id est, ex ea constitutione sic statuo, si eadem res eidem ab eodem herede, eodem testamento bis, aut saepius legetur, semel tantum debetur, & resoluta, vel aestimatio rei, heres omnino liberatur. Hæc est constitutio D. Pij, quæ locum obtinuit generaliter sine vlla distinctione legatorum. Nam in ea re nulla est differentia inter genera legatorum, id est, nullum est genus legati, siue sit per damnationem, seu per vindicationem, quod mutet regulam, aut vitiet. Et idem etiam iuris est in stipulatione, l. 18. de verb. oblig. qui bis promittit eandem rem, semel tantum eam debet, quod obseruant etiam hodie negotiatores. Nam milles promittent eandem rem, scientes semel tantum debitam iri. Dixi in superiore conclusione, eidem. Quæro, quid si diuersis separatim ea res legetur Primo & Secundo. Primo lego fundum & Secundo? Et hac in re erat olim differentia inter genera legatorum: Nec enim eodem iure erat legatum damnationis, quo legatum vindicationis. Sed hodie sublata differentia legatorum ex Constit. Iustini, semel tantum eis præstabitur ea res, concursu partes facient, nisi appareat, testatorem euidenter voluisse vtrique eam dari solidam, vni rem scilicet alteri aestimationem, l. vn. C. de cad. toll. l. si pluribus, de leg. 2. Item dixi, ab eodem: quid si à diuersis heredibus? ut à primo herede mihi legauit fundum, & idem quoque fundum à secundo herede scripto mihi legauit. & erat etiam differentia hac in re olim, quæ hodie sublata est Constit. Iustiniani, & res simpliciter procedit, ut scilicet heredes semel tantum præstent eam rem collatis partibus, par moiété, quod demonstratur plenius §. eum, h. l. Præterea dixi, eadem res, id est, idem corpus, ut ait hoc loco constitutio principis, ad differentiam quantitatis. si idem corpus legetur, semel tantum debetur. Quid si eadem quantitas saepe legetur? Legauit Titio 100. prima parte testamenti, eidem ima parte legauit etiam 100. an debentur 200. quantitas facile duplicari potest, aut multiplicari. Et sane volente testatore quantitas saepius debetur eadem, & quidem legatarius id probare debet, alioqui videtur testator repe-



tiſſe legatum, inculcaſſe idem legatum heredibus, vel id feciſſe videbitur obliuione prioris legati, vt eſt in *l. quingenta, de probat.* Quod in multis negotiis obſeruari nonnunquam oportet, obliuione quid factum ſit, nec ne, *l. Aiiſto, qua res pig. l. vlt. §. 1. de liber. leg.* Vno tantum caſu præſumptio facit pro legatario: & ideo non tenetur probare teſtatore voluiſſe duplicare legatum quantitatis, quia à quo præſumptio ſtat, ei non incumbit facile probare. Igitur hoc caſu onus probationis incumbit heredi, vt probet teſtatore noluiſſe duplicare ſummā, vt caſus eſt *d. l. quingenta. ſi teſtamento 100. legauit eidem, & codicillis æque centum eidem*: nam cum diuerſæ ſint ſcripturæ, teſtamentum & codicillus, facilius præſumitur multiplicatio, & heres probare debet poſtერიore ſcripturam eſſe inanem & ſuperuacua ex mente defuncti, alioqui præſtabit legatario ducenta. Et vt oſtenditur in *d. l. plane §. 1. & 2. & 3. de leg. 1.* ratio differentiæ inter rem & quantitatem eſt euident, quæ notanda eſt plurimum, quia res ſæpius dari non poteſt, ne volente quidem teſtatore, hoc eſt res eadem ſæpius mea fieri non poteſt, *l. ſi ſeruus 108. §. Stichum, de leg. 1.* at eadem quantitas ſæpius præſtari poteſt volente teſtatore, quia etſi ſit eadē quantitas, non eſt tamen eadem res: eſt idem genus, ſed non eadem ſpecies. Ergo res ſæpius dari non poteſt. Dices, legauit rem eandem ſæpius, puta fundum legauit bis eidem, cur non erit præſtatio duplex: puta vna rei, altera æſtimationis? Fateor rem ipſam bis non poſſe dari, ſed æſtimatio poteſt. Hoc enim ius non patitur, quia non legauit æſtimationem, nec legare voluit, ſed rem eandem bis legauit: & ideo nec æſtimatio peti poteſt ex ſecundo legato, quia obſtat hæc regula iuris, duas cauſas lucratiuas in eandem rem, & eandem perſonam concurrere non poſſe, *l. omnes §. 1. de obl. & act. §. ſi res aliena, Inſt. de leg.* Ergo ſi rem ſum conſecutus ex cauſa legati ſemel, quæ eſt lucratiua, non poſſum eius rei nomine nec æſtimationem petere, niſi hoc voluerit teſtator. Et ſumma hæc ſit: nec volente teſtatore eadem res bis dari poteſt: quia hoc nec naturalis, nec ciuilis ratio patitur, vt eiſdem rei fiat dominus ſæpe. At volente teſtatore poteſt mihi dari res, atque etiam æſtimatio eiſdem rei, *l. ſi alij, de uſufr. l. nutu §. 1. de leg. 3.* Poſtremo dixi, *eodem teſtam.* id eſt, teſtamento vnius hominis, vel teſtamento & codicillis eiſdem hominis: nam codicilli ſunt pars teſtamenti. Quid ergo, ſi duorum teſtamentis eadem res mihi legetur? Et placet hoc caſu eam rem bis deberi, ex vno teſtamento deberi rem, ex altero æſtimationem. Sed multum intereſt, quid legatarius primū conſecutus fuerit, vt explicatur *d. l. plane §. ſi res al.* Nam ſi ex vno teſtamento ſit conſecutus æſtimationem, ex altero petet rem, atque ita conſequetur bis. Sed ſi vno ex teſtamento prius ſit conſecutus rem, poſtea non petet ex alio æſtimationem, propter illam regulam, ne concurrant duæ cauſæ lucratiuæ. Sed quid rurfus, ſi eadem res mihi legetur teſtamento Titij & teſtamento heredis Titij? teſtator mihi legauit rem, eandem mihi legauit heres, an bis debetur? non hoc caſu, quamuis ſint duo teſtamenta, quia heres legauit rem, quam debuit iam ex teſtamento. Inutile autem eſt legatum, ſi debitor leget quod debet, niſi plus ſit in legato, quam in debito, *l. ſi debitor, l. legauit, de lib. leg.* Et huc pertinet ſpecies huius *l. proprie*, quæ talis eſt: Mæuius legat mihi & Titio fundum ſub conditione, quo caſu ſingulis partes debentur, aut cōcurſu partes facturi ſumus. deinde pendente conditione heres Mæuij eundem fundum, vel partem fundi, nil refert, vt probat *§. duobus, in h. l.* mihi legauit ſub eadem conditione ita, vt non ſit amplius in legato heredis, quam in legato Mæuij. extitit cōditio vniuſcuiusque teſtamenti, an bis mihi eadem pars debeatur ex vtroque teſtamento queritur? Et placet mihi eandem partem deberi ex teſtamento Mæuij tantum. Inutiliter eſſe legatam eandem partem teſtamento heredis Mæuij, quia fuit debitor eius partis, & incredibile eſt, heredem duplicare legatum voluiſſe, vt ſcilicet haberem

A partem ex teſtamento Mæuij, & æſtimationem ex teſtamento heredis, & potius eſt credibile, eum de alia parte cogitaſſe, id eſt, de æſtimatione alterius partis debita Titio, hoc eſt, non legariſſe heredem mihi meam partem, ſed partem adſcriptam Titio collegatario meo, hoc eſt, æſtimationem huius. Hac ratione ergo conſequar partem ex teſtamento Mæuij, & alterius partis æſtimationem ex teſtamento heredis: non eadem pars mihi debetur ex vtroque teſtamento, ſed vna ex vno teſtamento, altera ex altero, id eſt, æſtimatio alterius. Pars autem ipſa altera debetur collegatario ex teſtamento Mæuij. Et in ſumma ita ratiocinatur Papin. in ſpecie propoſita: Videtur eadem pars bis legari mihi, & deberi pars ex teſtamento Mæuij, & eiſdem partis æſtimatio ex teſtamento heredis. Sed incredibile eſt, inquit, niſi aliud probetur, heredem duplicare legatum voluiſſe eiſdem partis. quod ſi voluiſſet, vtique valeret, & ex vno deberetur pars, ex altero æſtimatio eiſdem partis. nam nihil obſtaret D. Pij conſtitutio, quæ vult ſemel tantum deberi eandem rem ſæpius legatam, quia loquitur de eodem teſtamento. Hic ſunt duo teſtamenta, id eſt, duorum. ergo ſi hoc voluit heres, ſane valebit vtrumque legatum, quamuis vtrumque ſit eiſdem partis. Sed incredibile eſt, voluiſſe heredem duplicare, id eſt, minus veriſimile. Incredible nō eſt *ἀνόςαντον*, ſed *κακόςαντον*, qui malaiſement peut eſtre, qui ne peut eſtre. Ergo an dices inutile eſſe legatum relictum teſtamento heredis, quaſi à debitore relictum? quia heres legauit id quod debuit, hoc eſt, eandem partem. Hoc cauere maxime debemus ſemper, ne inutilia faciamus legata vel inania: eam debemus ſemper accipere interpretationem quæ non faciat inutile legatum, *l. Titia §. 1. de leg. 2. l. quotiens 2. de reb. dub.* quoniam nemo intelligitur legare fruſtra & inutiliter. Ideoque ne legatum relictum ab herede ſit inutile, melius erit, & eſt veriſimilius, heredem ſenſiſſe de altera parte, Mæuium puta legariſſe mihi partem fundi, & heredem eius alterius partis adſcriptæ Titio æſtimationem. Ac ita concludit eleganter Papinian. veriſimilius eſſe, niſi aliud probetur, heredem legariſſe alteram partem, hoc eſt, æſtimationem, ne videatur fruſtra legariſſe, aut partem alteram ipſam, ſi collegatarius ſit contentus æſtimatione.

Ad §. 1. 2. 3. 4. eod.

*Duorum teſtamentis pars fundi, qua Mæuij eſt, Titio legata eſt. non ineleganter probatum eſt, ab vno herede ſoluta parte fundi, qua Mæuij fuit, ex alio teſtamento liberationem obtingere: neque poſtea parte alienata reuocari actionem ſemel extinctam.*

§. 2. ¶ Sed ſi pars fundi ſimpliciter, non qua Mæuij fuit, legetur, ſolutio prior non perimit alteram actionem, atque etiam hanc eandem partem aliquo modo ſuam factam poterit alter heres ſolvere, (neque) plures in vno fundo dominium iuris intellectu, non diuiſione corporis obtinent.

§. 3. ¶ Non idem reſpondetur, cum duobus teſtamentis generatim homo legatur: nam qui ſolvente altero legatarij factus eſt, quamuis poſtea ſit alienatus ab altero herede, idem ſolui non poterit. eademque ratio ſtipulationis eſt: hominis enim legatum orationis compendio ſingulos homines continet, atque ab initio non conſiſtit in his, qui legatarij fuerunt: ita fruſtra ſoluitur, cuius dominium poſtea legatarius adeptus eſt, tamenſi dominus eſſe deſinit.

Gravior fuit tranſitus legis facilis, ad legem difficilem hanc de leg. 2. Et licet, quod ad eam pertineat, nihil omiferim, tamen quo res lenior, & facilior, quod cognitu digniſſimum eſt, & quod valde pertinet ad §. ſeq. hodie interpretari debeo. Ex his, quæ dixi paulo ante, repetam duo vel tria, & ſi poſſim ratione faciliore quadam. Et hæc duo vel tria comprehenduntur vno ver-



bo. Sane subtilis adeo est quæstio prima huius legis, & secunda, quæ est §. seq. ut opus sit ista repetitione. Cæteræ quæstiones erunt facillimæ. Primum repetam differentiam inter corpus & quantitatem. Constitutio Diui Pij hæc est: *si eadem res eadem ab eodem herede vno testamento eodemque legetur, semel tantum debetur. si eadem res*, dixit, quia si diuerse res sint legatæ, quis nescit omnes deberi? & *res*, id est, corpus: nam quantitas eadem sæpius legata, sæpius debetur volente testatore, quod eum voluisse legatarius probare debet, alioquin testator præsumitur potius repetiisse legatum eius pecuniæ, quàm duplicasse, vel id fecisse forte ima parte testamenti oblivione prioris legati. Et ratio differentiarum inter corpus & quantitatem, est evidens: res eadem, nec volente quidem testatore, sæpe dari aut præstari potest, quia res, quæ semel facta est mea, amplius non potest fieri mea: res, quæ mihi data est semel, iterum mihi dari non potest. At nec æstimatio quidem debetur ex repetitione, quia res legata est, non æstimatio, & secundum regulam iuris, duæ causæ lucratiuæ in eadem re concurrere non possunt, nisi appareat hoc voluisse testatorem, ut & res, & æstimatio præstaretur, quod legatarius probare convenit, *l. si alij §. rerum, sup. de usufr. l. nutu §. 1. de leg. 3.* At quantitas eadem volente testatore sæpius præstari potest, quia etiam sit quantitas eadem, non est tamen eadem species; non sunt eadem corpora. denique quantitas eadem facile multiplicatur. quingentis addam quingenta, quidni? Corpus quidem non recipit multiplicationem, ac proinde duæ causæ lucratiuæ in eadem rem, id est, in idem corpus concurrere non possunt. Duæ causæ lucratiuæ in eandem quantitatem concurrere possunt. Hæc est species, & summa brevis totius quæstionis propositæ initio huius legis. Mæuius mihi & Titio legavit fundum sub conditione: heres Mæuij eundem mihi legavit sub eadem conditione. Existente conditione videtur eiusdem fundi pars mihi deberi, id est, ex utroque testamento, ex testamento Mæuij, & heredis eius. Nec enim obstat quicquam constitutio Diui Pij, quæ vult semel tantum deberi eandem rem sæpius legatam, quia de re loquitur vnus testamentum sæpius legata. Hoc casu, duorum testamentis proponitur eadem res mihi fuisse legata. Et sane si voluit heres eandem partem mihi deberi bis, bis debebitur, & ex vno testamento consequar rem, ex altero æstimationem, *l. plane §. 1. de leg. 1.* Sed vix credibile est, ut ait, heredem eandem partem bis deberi voluisse, nisi hoc eum voluisse legatarius probet evidentissimis probationibus. In dubio hoc non præsumemus. Quid ergo? an in dubio dicemus, inutile esse legatum relictum testamento heredis, quasi à debitore relictum? Præsertim, si non plus sit in legato, quam in debito, ut hic non fuit plus in legato relictum testamento heredis Mæuij, quam Mæuij: Fuit namque portio eadem in utroque testamento: nam relictæ duplicandi animo ab herede Mæuij, nec pure relictæ: alioquin plus esset in posteriore legato, & valeret, sed sub eadem conditione. si, inquit Papinian, heres Mæuij non animo duplicandi legatum idem sub eadem conditione legavit, quod emolumentum legati futurum est? Ex qua disputatione sequitur, eiusdem rei, seu partis legatum mihi relictum testamento heredis Mæuij esse inutile, quia in eo non plus est, quam in legato relictum testamento Mæuij: cum & testamento heredis eius sit relictum sub eadem conditione. Sed tandem concludamus post illam disputationem, verisimilius esse, heredem noluisse legare inutiliter, ac proinde, ut legatum magis valeat, quam pereat, heredem legasse videri, non eandem partem fundi, quæ mihi erat relictæ testamento Mæuij sub conditione, alioquin inutile esset legatum, sed alteram partem sub eadem conditione, non mihi relictam testamento Mæuij. Et secundum hanc conclusionem, existente conditione petam partem fundi ex testamento Mæuij ab herede eius, & alteram partem ex testamento heredis, ab herede eius,

A heredis scilicet. Et nihil præterea continet initium huius legis, sed difficile erat rem ita digerere. Et tamen illud iterum repetam. Si res eadem eidem legetur duorum testamentis, bis eam deberi, *l. plane §. 1.* Et addamus nihil referre, res propria legata sit, an aliena: nam utraq; potest venire in speciem legati. Sed id sane refert, quia si rem consecutus fuero ex vno testamento, perimitur altera actio, quia duæ causæ lucratiuæ in eandem rem concurrere non possunt, ut nec ex altero testamento æstimationem petere possim. Contra vero, si prius æstimationem abstulerim, superest mihi rei repetitio, & hoc solum modo bis petere possum. Denique si bis idem consequi velim ex utroque testamento, prius debeo ex vno nancisci æstimationem, ut ex altero nanciscar rem, quia si prius rem

B nactus sum, iam rei, quæ mea est, non possum æstimationem petere: sed si æstimationem prius nactus sum, non prohibeor postea rem petere, quamvis ea res tanti sit, quanti summa, quam percepi, §. *si res aliena, Inst. de leg.* His cognitis finge, quæ est species §. *duorum.*

Duo testatores eiusdem fundi, qui alienus erat, partem mihi legaverunt. fundus ille alienus non erat vnus proprius, sed erat duorum communis pro indiuiso; Mæuij partem aut Titij. testatores in eo fundo nihil habuerunt iuris, & legaverunt mihi, ut dixi, non totum eundem fundum: nam si totum legassent, nullus esset labor, sed legaverunt mihi huius fundi partem. Videndum est, quæ forma eam partem legaverint mihi. Ita enim distinguit Papinianus: aut eam partem mihi legaverunt cum finitione certâ, *vne portion certaine*, hoc modo, *partem quam Mæuij est*, aut mihi legaverunt partem simpliciter, ut ait, *lego tibi partem illius fundi*. Ita ergo distinguit: aut sic legaverunt partem huius fundi, *partem quam Mæuij est*, cum illa finitione, aut partem simpliciter. Priore casu, si mihi legaverunt partem, quæ Mæuij est, & ex vnus testamento eam partem percepero per heredem redemptâ à Mæuio, nihil petam ex altero testamento, quia duæ causæ lucratiuæ in eandem rem, & in eandem personam concurrere non possunt, atque ita ex vnus legati causa, perimitur actio alterius legati, *l. non quacumque, de leg. 1.* Sed obiter quæram, an perempta actio alterius legati restituatur, si forte rem acceptam ex causa vnus legati postea alteri alienauero, an alij re alienata, nunc mihi liceat agere ex altero testamento? minime. actio semel extincta non restituitur, *l. 10. §. pen. de in rem verso, l. qui res §. arga, de solut.* A priuatione ad habitum non est regressus, alioquin subinde renascerentur lites, nec ullus esset litium finis. Et ut si res mea mihi legatur, quæ testamenti tempore fuit mea, inutile est legatum, licet postea alienauerim, *l. cetera §. 1. de leg. 1.* Ita si mihi legatur res non mea, quæ post fiat mea, inutile redditur legatum, nec restituitur eadem re ab alienata. Ergo in hoc casu priore, si partem, quæ Mæuij fuit, nactus fuero ex vno testamento, omnimodo amitto actionem ex altero testamento. Quid autem altero casu, si duo illi testatores partem illius fundi mihi legaverint simpliciter? Priore casu singuli videntur mihi legasse eandem rem, quia vterque mihi legavit partem, quæ Mæuij fuit. Ergo non possum eam rem consequi ex utroque testamento. Sed hoc casu posteriore singuli mihi non legaverunt eandem rem, quia partem simpliciter, & quam quisque partem legaverit, incerta est: Fundus enim erat communis pro indiuiso. legaverunt igitur partem pro indiuiso, quæ incerta est. qui partem pro indiuiso dicit, partem incertam dicit: quia pars pro indiuiso non est, sed intelligitur, id est, intellectu solo concipitur: pars pro diuiso sensu corporis percipitur, & digito demonstratur: pars pro indiuiso, nec oculis concipitur, nec cerni potest, intelligit tantum potest. Et facere quidem possis partem pro indiuiso certam, si dixeris, partem quæ Mæuij est, partem quæ Titij est, quæ finitio certâ eam quodammodo efficit, *l. vnus, infra, de acq. poss.* Ceterum eam demonstrare, eam cernere aut tangere, aut per omnia certam efficere non possis sine diuisione. Et hoc est, quod ait Papin.



hoc §. plures in vno fundo communi pro indiuiso habere dominium iuris intellectu, non diuisione corporis. Et legendum omnino in hoc §. *namque plures in vno fundo dominium iuris intellectu, non diuisione corporis obtinent*, id est, in fundo communi pro indiuiso dominij partes intelliguntur secundum ius quod cuique competit, nondum autem sunt ante diuisionem, nondum sub sensum cadunt propter incertum, *l. 5. de stip. seru.* Ex quo efficitur, vt si duo testatores fundi alieni, qui erat communis pro indiuiso inter Mæuium & Titium, partem mihi legauerint simpliciter, & ex vnius testamento partem consecutus fuero, liceat mihi etiam partem persequi ex alterius testamento, quasi non eadem re legata vtroque testamento. Et hoc etiam, vt si partem acceptam ab vnius herede forte aliquo casu alter heres acquisierit, mihi ab eo petenti partem possit eandem soluere, quam ego acceperam, & ipse postea acquisiuit aliquo casu, vt possit illius partis solutione defungi, quia certa non est pars eadem, eadem est intellectu, non eadem sensu, eadem non est corpore. Denique aut legauerunt testatores in proposita specie mihi partem cum finitione personæ domini, puta partem, quæ Mæuij est, & vtroque testamento mihi videtur legari eadem res, nec possum eam ex vtroque petere: aut mihi legauerunt simpliciter partem, & non videntur legare eandem rem singuli. Itaque ex vtroque testamento mihi portio partis competit efficax. & proposita ista distinctione Papinian. ostendit deinde, quod dixit de parte fundi legata indistincte, simpliciter, idem non obtinere in homine indistincte & generaliter legato duobus testamentis. qua in parte Papinian. ostendit magis ingenij sui acumen. habuimus in priore parte §. *duorum*, de parte fundi pro indiuiso legata simpliciter, vt etiam si partem ex vno testamento ceperim, supersit actio ex altero testamento, qua conuentus heres altero testamento scriptus, etiam illam eandem partem, quam prius ex alio testamento cepi, ac post alienaui, aliquo modo suam factam mihi soluere possit, & liberari, quod non sit omnino idem, neque eadem pars, etiam si dicatur eadem. Nunc ex posteriori parte intelligimus, aliud seruari, si duorum testamentis homo mihi legatus sit generaliter, id est simpliciter. Idem enim omnino est, *l. si domus, de leg. 1.* Ostendamus, aliud esse, si homo legetur simpliciter duorum testamentis, ac primum, si Stichum consecutus fuero ex vno testamento, superest mihi quidem actio ex altero. Verum heres ex altero testamento, eundem Stichum mihi soluendo non liberatur. eadem pars, quæ ex vno testamento soluta est, soluitur recte ex altero. Idem Stichus, qui solutus est ex vno, non recte soluitur ex altero. Qui homo meus factus est soluente vno herede, quamuis postea sit alienatus à me, non potest idem solui altero herede. Et vt legato hominis non continetur homo, qui ab initio meus fuit; ita etiam non continetur Stichus, puta, qui postea factus est meus, licet dominus esse desierim. In quo non consistit legatum, vel obligatio legati, nec in eo solutio, nec liberatio consistit, *l. qui decem §. Stichus, de solut.* Et notat Papin. idem iuris esse in stipulationibus: Nā si à duobus stipuler homines separatim generaliter, & ab vno accepero Stichum, ab altero promissore is Stichus aliquo casu eius factus, mihi soluitur frustra, quæadmodum etsi ab initio is Stichus fuisset meus, frustra solueretur, licet postea desisset esse meus. Et vt dixi, in quo non consistit obligatio, nec solutio: nec refert ab initio Stichus fuerit meus, an postea factus sit: non refert inutile quid sit, an postea deueniat in eam causam, à qua incipere non potuisset, §. *item contra, Inst. de inutil. stipul.* nihil refert. an quid sit initio vitiosum, an postea in vitium prolabatur. Ergo legato hominis relicto generaliter, neque continetur Stichus, qui tunc meus fuit, nec is, qui postea factus est meus, licet desierit esse meus. Et ratio differentię inter par-

tem simpliciter legatum, & hominem simpliciter legatum redditur à Papiniano hoc in loco per quam obicure: *hominis enim legatum orationis compendio singulos homines continet. hominis legatum orationis compendio*, id est, sub illo nomine generis, *continet singulos homines.* vnius quidem præstatione heres liberatur, sed tamen quodammodo, vt ait *l. 3. qui & à quib. man.* singuli videntur legati sub conditione, *si legatarius elegerit.* singuli, qui in familia fuerunt testatoris, etiam si quinque millia fuerint, vel in aliena, si ex ea præstari seruum voluit, adeo vt interim heres testatoris seruum nullum manumittere possit, *d. l. 3.* Denique legatum hominis singulos homines continet, quia hominis proprietates eadem sunt in singulis, & hominis est finitio & notio certa. Ergo legatum hominis continet Stichum, qui defuncti erat vel alterius: non continet Stichum, qui tunc meus erat, ergo nec eum, qui postea factus est meus soluente vno herede, quia obligatio perimitur re deducta in eam causam, qua incipere non potuisset. Et in quo non consistit obligatio, nec solutio, non poterit igitur idem Stichus ab altero herede solui. Ac partis legatum non continet singulas partes, quia nec partium proprietates sunt eadem; nec partis pro indiuiso est notio certa. ergo legatum partis non continet partem, quæ defuncti fuit, vel alterius fuit, nec eam, quæ socij, nec eam, quæ mea fuit, aut quæ post mea facta est, definit nunc esse mea, quia eadem ipsi pars non videtur legata, sed incerta, & opponitur pars pro indiuiso parti certæ, *l. placuit, quib. mod. usufr. amit. l. 1. §. hoc in hereditate, uti poss.* Quod voluit significare Papinian. sed breuiter adstringit, vt solent Iurisperiti persæpe dicere rationes suas, propositiones & conclusiones omitentes. Habuimus etiam ita concisam rationem differentię inter iter & viam in *l. eum usufr. de usufr. leg.* Conclusio igitur hæc sit: parte simpliciter legata duorum testamentis, si ex vno cepero partem, ac post alienaui, & peruenerit in dominium alterius heredis, hic heres eandem partem soluendo se liberare potest: quia nec plane eandem soluere videtur, & vt legato non intelligitur contineri, ita quæ nunc posterius soluitur, non intelligitur contineri posse priore solutione, vel quæ posterius soluitur, non eadem esse intelligitur, quæ est soluta prius. At homine generaliter legato duorum testamentis, si Stichum ex vno testamento accepero, & alienaui, ex altero testamento eum non accipiam, quia idem est, & res eadem sæpius dari non potest. Duo concludamus in hoc §. Primum est, stipulatione hominis concepta generaliter, non contineri hominem, qui tunc fuit stipulatoris. Obstat huic sententiæ *l. qui decem §. Stichus, de solut.* In illo §. tres ponuntur species, & in omnibus idem ius est. Prima est. Stipulatus sum Stichum & Pamphilum, & tamen meus erat Pamphilus: si is desierit esse meus, promissor soluendo Pamphilum, non liberabitur, quia in Pamphilo nec obligatio, nec solutio consistit. Idemque erit, si Pamphilus postea fiat meus, *l. 16. de verb. oblig.* quia res recidit in eam causam, à qua incipere non potuit. Secunda species hæc est: Stipulatus sum hominem generaliter, eadem est ratio stipulationis & legati. Ergo stipulatione non continetur is homo, qui tunc meus fuit. Et ita tamen est scriptum in *d. §. Stichus.* vnum ex his, qui tunc stipulatoris serui erant dando promissor liberabitur, quod rationem nullam habet: nam hac stipulatione non continetur is homo, qui tunc fuit stipulatoris, sed de alio, non de suo sensit. Et vt legato homine relicto generaliter non continetur, qui fuit legatarij: ita nec is, qui fuit stipulatoris. Et eadem est ratio stipulatoris & legatarij. Et legendum in illo §. *num ex his, qui stipulatori tunc seruiebant, promissor dando liberabitur?* vt & in specie tertia eiusdem §. *num mortuis duobus, qui alterius erant, &c.* Si igitur quis hominem stipulatus sit generaliter, num ex his, qui tunc stipulatoris erant, postea serui esse desierant, postea



dando liberabitur? Et respondet, *vi quidem ipsa, & hic A*  
*& his dari stipulatus est, qui eius non erant*: ac si diceret,  
 non tantum prior ille, qui stipulatus est Stichum &  
 Pamphilum, intelligitur stipulatus eos, qui eius non erant,  
 sed etiam hic, qui homines est stipulatus generaliter, in-  
 telligitur *vi ipsa* stipulatus ex his, qui tunc non erant  
 eius, & *vi ipsa*, id est tacite, etiam si non exprefferit. At-  
 que ita nihil obstat. Tertia species hæc est: stipulatus sum  
 homines ex his, quos Sempronius reliquerit. moriens  
 tres seruos reliquerat Sempronius: vnus erat stipulato-  
 ris, post esse desuit, mortui sunt duo, qui alterius erant,  
 non stipulatoris: Quæritur, *an debeat, an soluat recte*  
*reliquus seruus, qui erat stipulatoris, & post esse desierat?*  
 Et ait, cum nec deberi, nec solui posse. Sed addit exce-  
 ptionem, nisi ante mortem duorum reliquus seruus de-  
 sierit esse stipulatoris. Et ita distinguit: aut ille super-  
 stes seruus post mortem duorum desuit esse stipulatoris:  
 Et hoc casu morte duorum omnino extinguatur stipula-  
 tio, in mortuis extinguatur: in superstitibus etiam nulla est,  
 quia eo tempore, quo alij sunt mortui, is erat in domi-  
 nio stipulatoris. Aut ille superstes seruus alienatus est  
 ante mortem duorum: Et hoc casu morte duorum non  
 omnino tollitur obligatio, quia in obligatione superest  
 seruus superstes, quia non omnino intelligitur stipulato-  
 ris esse is, qui eius non erat tunc, quando quidem aliam  
 adiecit finitionem, alium modum, scilicet ex his quos Sem-  
 pronius reliquit. Si stipulatus esset hominem simpliciter,  
 subintelligeretur is modus, ex eis, qui mei non sunt, sed  
 alio adiuncto, puta, ex his, quos Sempronius reliquit, non  
 subintelligendo, hic modus, & ante mortem duorum, si  
 superstes desierit esse stipulatoris, debebitur, nec solue-  
 tur frustra, quia eum soluendo liberabitur promissor.  
 Notandum postremo stipulatione hominis generaliter  
 concepta, sicut legato hominis, non contineri eum, qui  
 post factus est stipulatoris. Obstat huic sententiæ *l. si*  
*quis duos, de solut.* cuidam promissit duos homines gene-  
 raliter, & Stichum soluit, & ita factus est stipulatoris  
 post stipulationem. antequam solueretur alter homo,  
 iterum is Stichus, qui solutus fuit, casu aliquo rediit in  
 dominium promissoris, an liberabitur obligatione om-  
 ni, soluendo rursus eundem Stichum, dicendo se homi-  
 nes duos dedisse? Ait esse omnino liberatum. Ergo ho-  
 mine generaliter promisso, seruus, qui post factus est sti-  
 pulatoris, & alienatus, recte soluitur. Sed responden-  
 dum nos loqui de seruo, quem stipulator post stipulatio-  
 nem ab extraneo acquisiuit. Promissor huius solutione  
 fungi non potest, obligatione per acquisitionem domini  
 in ipso seruo extincta. Et res recidit in eam causam,  
 à qua non potest incipere. *Ad d. l. qui duos*, loquitur de  
 seruo, quem post stipulationem stipulator ab ipso pro-  
 missore acquisierit, id est, facto & solutione promisso-  
 ris, hic facilius ab eodem ad eundem recurrit. Et ut in §.  
*item contra, de inutil. stipul.* inutilis est stipulatio, si in eam  
 causam deuenit, in eum casum, à quo incipere non  
 possit: modo deuenit sine facto promissoris: Nam  
 si eius facto, non prohibebitur promissor eiusdem homi-  
 nis solutione fungi, eodem homine ad se reuerso: & id  
 magis apparere in nummis: Nam si quis velit paucos nū-  
 mos accipere, & liberare debitorem in solidum, poterit  
 accipere certos nummos, & retro dare, ac rursus accipe-  
 re: puta, est debitor centum: nolo eum liberare acce-  
 ptatione, sed solutione, nec totum volo mihi solui, sed  
 decem tantum, quid faciam? accipiam decem, & retro  
 ei reddam, quæ mox mihi referet, & vltima tantum re-  
 tinebo, cum plures, hoc est, decies mihi soluerit, videbi-  
 tur debitor soluisse centum. qua de re dubitari tamen  
 poterat, quia, qui accipit, & retrodat, & deinde acci-  
 pit, *non potest videri soluisse potius quam decessisse*, ut scri-  
 ptum est Floren. sed legendum, ut est rectius in aliis  
 libris, *videri accepisse potius, quam dedisse, l. qui soluit,*  
*ead. tit.*

Ad §. in fundo. eod.

*In fundo legato, si heres sepelierit, æstimatio referenda erit  
 ad totum pretium fundi, quo potuit ante sepulturam æstimari:  
 quare si fuerit solutus, actionem adhuc ex testamento propter  
 locum alienatum durare rationis est.*

**E**xplicabo quæstionem §. *in fundo*, quæ non est dif-  
 ficilis. Sed prius debeo rationem differentię, quam  
 supra tractaui inter partem & hominem, inter partem  
 fundi simpliciter legati, & hominem æque simpliciter  
 legatum, facilius & melius explicare. Hæsterna expli-  
 catio non satisfacit vobis, nec certe mihi, & intempe-  
 stiua hora mihi fuit impedimento, in cogitando & di-  
 cendo. Cur parte fundi pro indiuiso mihi legata duorum  
 testamentis simpliciter, & generatim pars, quæ soluente  
 vno herede mea facta est, quamuis postea sit aliena-  
 ta ab altero herede, idem mihi solui non possit? Cedo  
 rationem differentię inter partem simpliciter legatam,  
 & hominem simpliciter legatum, nulla est fere ratio, quæ  
 me torserit vnquam magis. Eam Papinian. breuiter  
 præcidit his verbis: *hominis enim legato compendio oratio-  
 nis singulos homines contineri.* Aperit rationem, tamen  
 non patefacit, non absoluit, cetera nobis cogitanda re-  
 linquit. vix vlla ratio alia in iure inuenietur explicatū  
 difficilius, id est, quæ ita possit explicari, ut illa ratio  
 plane intelligatur ab omnibus. *legato*, ait, *hominis con-  
 tineri singulos homines*, hoc est verissimum: nam homo,  
 ut Seneca loquitur, est genus speciale, quod in se conti-  
 net singulos, puta Stichum, Pamphilum, Damam, &  
 alios. Singulos dicimus, quos vulgo vocant indiuidua.  
 species vel genus speciale continet singula indiuidua, &  
 genus generale continet singulas species. Ergo nihil est  
 verius, quam quod proponit, hominis legato contine-  
 ri singulos homines, & aliud est contineri, aliud con-  
 sistere: nam Papinian. in §. *duorum*, his verbis conti-  
 neri, & consistere etiam distincte vtitur. Continetur  
 legato, quod legatum est, quod in legato esse intelli-  
 gitur, hoc est clarum. Consistit autem legatum in ea re,  
 quæ solui potest recte, & qua soluta se heres liberare po-  
 test. Qua autem in re consistit legatum, non continuo,  
 & ea res continetur legato. Ex quo apparet differentia  
 inter consistere & contineri: & retro etiam, quæ res  
 continetur legato, non continuo etiam in ea consistit  
 legatum. Hoc si planum facio exemplis, teneo ratio-  
 nem Papiniani. Exemplum sunt rationis obsides seu spon-  
 siores, ut ait Plato. Exemplum hæc sint: Si res mea mihi  
 legetur, res mea continetur legato, in ea tamen non con-  
 sistit legatum: item legato decem nummorum mihi reli-  
 cto, sane non continentur legati decem, qui sunt in ar-  
 ca mea, in eis tamen consistit legatum: Nam si ii decem,  
 qui in arca mea erant, fortasse ad heredem peruenerint,  
 eos mihi soluendo non liberatur heres: Nam in eis con-  
 sistit legatum recte, id est eorum solutione legato libera-  
 tur heres, licet legato non continerentur primitus. Et  
 ita legato partis fundi mihi relicto, non continentur par-  
 tes singulæ fundi. Ergo nec continetur ea pars, quæ tunc  
 mea fuit in eo fundo, nec quæ post facta est mea: Quod  
 si contineretur, sane in ea non consisteret legatum, sed  
 quia non continetur, etiam in ea consistit legatum, ut  
 possit heres eandem partem aliquo modo suam factam  
 mihi soluere & liberari. Contra, homine mihi generali-  
 ter & simpliciter legato, continentur singuli homines,  
 singuli scilicet homines serui. Ergo & is continetur, qui  
 fuit meus, vel qui postea factus est meus, ac consequenter  
 in eo non consistit legatum, & eundem hominem mihi  
 dando heres non liberatur, quia fuit meus tempore tes-  
 tamenti, vel post coepit esse meus. Restat, ut breuiter  
 ostendam, cur legatum hominis continet singulos ho-  
 mines, legatum partis non contineat singulas partes.  
 Ratio est naturalis, & in promptu. Quis nescit diffe-



rentiam esse inter totum & genus, & similiter inter partem & speciem. Homo est species, vel quod ante dixi genus speciale, quod habet in se singulos. Pars non est genus vel generale, vel speciale, nec continet singulas partes eius rei, cuius est pars, vt pars fundi non continet ceteras partes fundi, pars hominis non continet omnes partes hominis, in nomine partis nullum est compendium orationis. In nomine hominis est compendium orationis. compendium & veluti genus, quod multa continet, homo multos continet, pars multas non continet. Compendio fit substitutio, sic est legendum in *l. quamuis, C. de imp. & alijs*, id est, compendio orationis, quod plura tempora pluresve continet aetates, hoc modo: *si heres erit, & post vita decesserit, non expressa aetate, ille heres esto*, quæ substitutio facta impuberi, ne iure quidem fideicommissi consistit post pubertatem, nisi ex privilegio militiæ. moriente herede instituto intra pubertatem, consistit iure directo, *l. centurio, de vulg. substitut.*

Breuis erit quæstio §. *in fundo*. Heres in fundo legato forte sub conditione, interim sepeliuit. is locus, quo sepeliuit, factus est religiosus mortui illatione. Eum ergo locum alienauit, quem tamen testator legauerat ante cum fundo toto. qui locum sacrum fecit, alienat, *l. ab agnato, D. de curat. fur.* Ergo & qui locum religiosum facit, alienat: nam vterque locus sit diuini iuris, ex humano iure transit in diuinum ius. non potuit heres minuere ius legati. Ergo etiam si eum fundum soluerit legatario, post solutionem poterit à legatario conueniri actio ex testamento, vt præstet æstimationem loci facti religiosi per heredem, pro rata videlicet habita ratione totius fundi, quanti fuit, antequam illum locum religio occuparet, quia legatum fuit fundi puri, non mixti religionem: ergo aut fundum purum ex integro præstare debet, aut supplere eius loci, quem fecit religiosum, æstimationem. Ex quo colligitur generalis definitio: etiam post solutionem legatæ rei, post solutam rem legatam durare actionem ex testamento, quandiu aliquid interest, aliquid deest rei legatæ. quæ definitio etiam comprobatur *l. huiusmodi §. ades, de leg. 1. l. etiam, de solut. l. dolium, ad Trebel. & in l. si imaginem, de auro & arg. leg.* Quæ lex est ex eodem lib. Papin. & omnino est coniungenda cum hoc §. Verba autem legis hæc sunt.

#### Ad l. si imaginem, de auro. arg. legato.

*Si imaginem legatam heres derafit, & tabulam soluit, potest dici actionem ex testamento durare: quia legatum imaginis non tabula fuit.*

**S**pecies est talis. Legauit testator imaginem, quæ erat sdepicta in tabula quadam. heres derafit imaginem, & tabulam soluit derafa imagine. Durat, inquit, actio ex testamento etiam post præstitam tabulam, videlicet, vt ait hoc loco, *æstimatione relata ad totum pretium tabula, quo potuit æstimari, antequam deraferetur.* Ergo durat actio ex testamento, etiam si soluta sit res legata, si non sit soluta integra. denique solutione tali non tollitur obligatio legati, id est, actio ex testamento. Et ita notandum *d. l. omnino esse coniungendam cum hoc §.* Sed aduersus hunc §. opponitur, quod legitur aliis locis, heredem in fundo legato non posse locum religiosum facere, inferendo mortuum, *l. si locus, de relig. l. si fundum, de cond. & demonstr.* vt seruum legatum aut seruos, qui legato continentur, heres non potest ad libertatem perducere, *l. 3. qui & a quib. l. fieri, de opt. leg.* Et tamen res ita tractatur in hoc §. quasi heres fecerit locum religiosum, in quo sepeliuit mortuum, eius scil. fundi, qui legatus erat alteri. Et vero ita est, fecit locum religiosum, videamus quomodo leges hæc sint adducendæ in concordiam. Heres in fundo legato non potest locum religiosum facere, hoc est verum generaliter: specialiter est

**A** falsum. Valde est elegans quod ait *l. moris est, §. sunt autem, infr. de pœn.* pleraque esse generaliter vera, quæ sumpta specialiter falsa sunt: & contra. pleraque specialiter, &c. In hoc §. ait, in fundo legato si heres sepelierit, non dicit, si quemcumque sepelierit generaliter: nam cuiusque sepultura non faceret locum religiosum. Et hoc tantum est intelligendum de herede, qui in fundo legato testatorem sepeliuit, quem alio loco opportune sepelire non potuit, quo casu fit sane locus religiosus, *l. 4. de religiof.* & tamen tenetur legatario, vt eum indemnem præstet, quia testator, qui eum fundum legauit, vel alio voluit inferri, vel loci æstimationem legatario offerri: maxime si ipse eum locum sepultura suæ destinauit. Nam si iussu suo in eo fundo sepeliatur, heres nullo modo tenetur, *l. quid ergo §. sed si, de leg. 1.* Sed si suo arbitrio, non testatoris iussu testatorem sepelierit in fundo legato, quem alio opportune sepelire non poterat, locus fit religiosus, & nihilominus tenetur legatario de indemnitate. Et quod ait hoc loco, *in fundo legato si heres sepelierit testatorem*, scilicet suo arbitrio, non ex testatoris iussu. Obicitur etiam aduersus hanc *l. ab Accurs. l. si heres rem leg. hoc tit.* In hoc §. Papin. ait, heredem teneri actione ex testamento, si in fundo legato testatorem sepelierit, atque ita eum locum religiosum effecerit. *L. si heres*, loquitur de herede, qui rem legatam, puta vestem dedicauit in funus testatoris, & ait, teneri non actione ex testamento, sed actione in factum, vt indemnitem præstet legatario. Hic §. dat actionem ex testamento: illa in casu simili, actionem in factum. Hæc vero non sunt pugnantia: nam in *d. l. actio utilis appellatur in factum.* Actio in factum est actio ex testamento utilis. Omnis actio utilis appellatur in factum, & in hoc actio ex testamento, est actio ex testamento utilis, siue in factum, non directa. Directa datur ad rem ipsam, utilis ad æstimationem. Igitur nulla est repugnantia.

#### Ad §. eum qui ab vno.

*Eum qui ab vno ex heredibus, qui solus oneratus fuerat, litis æstimationem legatæ rei abstulit: postea codicillis apertis, ab omnibus heredibus eiusdem rei relicta, dixi dominium non querere. Eum enim, qui pluribus speciebus iuris vteretur, non sepius eandem rem eidem legare, sed loqui sepius.*

**R**estant in *l. Manius* quæstiones tres. Prima quæstio, quæ est in §. *eum qui*, vertitur circa speciem huiusmodi. Testator eidem bis, puta testamento & codicillis legauit eandem rem, non eandem quantitatem, alioqui cum hoc §. pugnaret lex *quingenta, de probat.* Ei dum respondit Accurs. hoc loco, rectissime separauit quantitatem à re. ergo non quantitatem eandem, sed rem eandem, corpus idem testator eidem legauit tam testamento, quam codicillis, & non ab eodem herede, sed testamento eam legauit ab vno ex heredibus, codicillis ab omnibus heredibus. Quæritur, an bis debeat, ita vt si ex testamento acciperet æstimationem, possit ex codicillis consequi rem? Et ita ponit Papinian. legatarium accepisse prius æstimationem ex testamento ab vno ex heredibus, qui in testamento solus oneratus fuerat. neque abs re ita ponit speciem, quoniam etsi bis deberetur legatum, & legatarius prius accepisset rem ex testamento, postea non posset æstimationem consequi ex codicillis, quia duæ causæ lucrativæ, &c. nisi apparuerit perquam euidenter, & rem, & æstimationem rei testatorem legatario præstari voluisse, *l. si alij, in fin. de usufr.* Sed si vt ponit, prius æstimationem legatarius accepit ex testamento priusquam codicillis aperirentur, an postea codicillis apertis poterit ex codicillis rem petere & consequi? Et breuiter ita se res habet. legauit idem corpus testamento & codicillis: testamento, ab vno ex heredibus,



heredibus, codicillis, ab omnibus. testamento oneravit unum heredem, codicillis omnes, & legatarius ex testamento consecutus est æstimationem, an postea ex codicillis petet rem? Et ait ex codicillis nullam petitionem competere, quia rem semel legatam ad eum pervenire voluit: nec enim sæpius legando testator ampliat legatum eiusdem corporis, d. l. si alij §. ult. repetit potius, quam ampliat, ut eleganter ait Papinian. hoc loco, qui pluribus speciebus iuris utitur, id est, qui & testamento & codicillis eandem rem legat, ut legatarius eam habeat duplici iure, ex testamento & ex codicillis, id non tam sæpius legat, quam sæpius loquitur. Et hoc tantum ponit in arbitrio legatarii, ut vel ab vno herede petat legatum, vel ab omnibus, vel iure testamenti, vel iure codicillorum, sicut qui idem eidem legat iure legati, & iure fideicommissi. Hoc ponit in arbitrio legatarii, ut vel legatum persequatur iure directo, vel fideicommissi, quo genere plerumque ita legatur, *do, lego, darique volo*. Nam *do, lego*, sunt verba legati, proprie: *dari volo*, sunt verba precaria, & fideicommissi: & ita eidem idem & per legatum, & per fideicommissum relinquatur, l. Publius. l. non ad ea, de cond. & demonstr. l. quisquis, de leg. 3. l. si quis seruo, de manum. testam. l. Aurelius §. testamento, de lib. leg. Et simili modo, ut dixi, cum quis idem corpus eidem legat testamento & codicillis, duplex tantum ius confert in legatarium persequendi legati, vel ex testamento ab vno ex heredibus, vel ex codicillis ab omnibus, non etiam ampliat legatum, id est, non vult ex testamento æstimationem præstari, ex codicillis rem. Et hoc est, quod ait eleganter in hoc §. Et omnino, quod hic scribit Papin. est etiam relatum ex Iul. in l. si tibi homo, de legat. 1. nec posset dari locus quisquam alteri similior, neque aqua aquæ usquam magis similis est, quam ille huic locus. miror dumtaxat Accurs. qui hos locos inter se pugnantes facit, qui huic §. opponit §. 1. d. l. & laborat etiam in his conciliandis. Et ex d. l. si tibi homo §. 1. etiam in hoc §. est notanda *πυτολογία* quædam: Nam ait in d. l. si tibi homo §. 1. legatum ex testamento litis æstimationem abstulisse. hic ait, eum ex testamento abstulisse litis æstimationem legatæ rei. Sane illa verba abundant, *legatæ rei*: nam litis nomen satis significat rem legatam. Quid est abstulisse litis æstimationem? legatæ rei æstimationem, non possit alia lex alij esse magis similis per omnia, tantum abest, ut sit vel minima inter eas pugnantia. Sed quia usus sum iam sæpius testimonio legis si alij §. ult. de usufr. ad quam Accurs. male ponit speciem, præstat, ut eam apponamus. ait §. ult. d. l. multum interesse, rerum tibi an æstimationis vsus. legetur: nam si rerum vsus. legetur tibi, deducto eo, quod tibi præterea legatum est ex reliquis bonis, vsus. feret. Finge; legavit tibi fundum Titianum, deinde legavit tibi vsus. eiusdem fundi Titiani, & aliorum fundorum. posteriore legato non continetur vsus. fundi Titiani, qui satis continetur priori. Qui prius legat totum, deinde partem, partem inutiliter legat. l. qui vsus. de verb. oblig. nec ampliat legatum: qui idem corpus sæpius legat, non ampliat legatum, quia nihil agit: deducto igitur fundo Titiano ex reliquis bonis, feret vsus. nam quod ad fundum Titianum attinet, qui iam ante legatus erat, nihil consequitur amplius: sed si legavit vsus. æstimationis fundi Titiani, & aliorum fundorum, non deducetur fundus Titianus, qui ante ei legatus est, & præstanda ei erit non tantum reliquorum fundorum, sed etiam fundi Titiani æstimatione. Nam legata re etiam legando æstimationem eius rei, legatum ampliare possis manifesto, sed legando eandem sæpius, ampliare legatum non possis, quia eadem res non potest mea fieri sæpius. Intellexistis responsum Papin. quod in pauca comprehendit hanc sententiam: semel tantum deberi rem eidem legatam testamento ab vno herede, codicillis ab omnibus. Obstat huic sententiæ lex si pluribus heredibus §. ult. h. t. Hoc lex breviter ait. si testator legavit quinque ab vno herede, & totidem ab al-

Quæst. Papin.

tero herede, bis deberi legatum; id est, quia ab utroque herede deberi, ut habeat decem. Quod ne quis dixerit in quantitatis legato facile procedere: Idem enim in re legata separatim à duobus heredibus est proditum in l. quid ergo §. 1. de leg. 1. quæ eadem ratione obici potest responso Papiniani: nam ait, bis deberi rem, quæ mihi legata est ab vno herede, ac deinde, eadem ab altero separatim. vtrumque legatum mihi solidum deberi: vnum rem, alterum æstimationem debere, perinde atque si eadem res esset legata duorum testamentis. Nesciuit hæc explicare Accurs. Sed observandum est nominatim d. l. si plurib. §. ult. & d. l. quid ergo §. 1. loqui de legato damnationis, quando testator ita dixit: *damnas esto Titio dare quinque, vel fundum illum*. & idem etiam dixit alteri heredi, *damnas & tu esto illi dare quinque, vel fundum illum*. vterque locus est de legato damnationis, quo casu vterque debet solidum. Sed quod scribit Papin. in hoc §. pertinet ad legatum vindicationis. quod ita relinquatur, *illam rem tibi do, lego*. & hunc §. pertinere ad legatum vindicationis, illa verba demonstrant, *dominium non querere*: nam de dominio querendo rei legata, ipso iure scil. & recta via non tractatur, nisi in legato vindicationis, quod acquiritur ipso iure. legatum damnationis acquiritur traditione heredis, non ipso iure, l. à Titio, de solut. l. seruo legato, de leg. 1. l. legatum, de leg. 2. l. 3. §. si rem, de leg. 3. Et ita Papin. quia legatum dixit relictum per vindicationem, scribit hoc loco: *legatarium qui consecutus est restitutionem rei ex testamento, non posse ex codicillis dominium querere ipso iure secundum conditionem legati*, quorum verborum loco, lex l. si tibi §. 1. de leg. 1. quæ dixi huic esse persimilem, ait, *eum non posse ipso iure vindicare rem ex codicillis, qui iam ex testamento tulit æstimationem*. Erat igitur hac in re differentia inter legatum damnationis & vindicationis, ut & re legata duobus separatim erat differentia inter legatum damnationis & vindicationis, ut Vlp. scribit in fragm. Paulus in Sētent. Caius in Inst. nam si erat legata per damnationem, singulis debebatur solidum: si per vindicationem, singulis partes: quæ tamen differentia sublata est à Iustiniano: & quod ius erat in legato vindicationis, ex Const. Iust. idem est in legato damnationis, l. vn. C. de cad. toll. Verum ad hæc notandum est, in specie huius §. legatarium ex testamento accepisse æstimationem rei solidam ab vno herede qui non solus tenebatur. Proponitur in specie huius §. legatarium ex testamento accepisse æstimationem rei solidam ab vno ex heredibus qui solus ex testamento oneratus erat legato. Recte: nam solus tenebatur legati nomine in solidum. Et falsum est, quod Accurs. tentavit: si quis vnus ex heredibus oneravit legato, eum tantum teneri pro parte sua, coheredes in reliquum: alioquin nihil interesset, ab vno res legetur, an ab omnibus. Et verissimum est, eum, qui solus oneratus est legato, teneri in solidum, ut præstet legatum pro parte sua, & pro parte coheredum, id est, vel rem integram soluat redemptis partibus coheredum, vel æstimationem integram, l. legatorum §. 1. h. t. Neque obstat, quod imposuit Accurs. lex si fundum §. si libertat. de leg. 1. cuius species hæc est: libertus patronum heredem scripsit ex septuncæ, alium vero ex quincuncæ. Deinde ita legavit: *quisquis mihi alius* (quam patronus scil.) *ex supra scriptis cum patrono meo erit heres, ab eo Titio illos servos do lego*. Videtur legatum reliquisse à coheredibus patroni, non à patrono. Et Titius non poterit vindicare nisi quincuncem in servis, ex quo sunt scripti heredes, à quibus Titio legatum est. Sed ut hoc paucis exponam. Accurs. rectissime hanc affert rationem, non esse mirum, si coheredes patroni, qui soli sunt onerati legato, teneantur tantum pro parte heredis, id est, pro quincuncæ, quia testator consulere voluit patrono, ut & in eis retineat portionem suam, id est, septuncem. alij igitur etiam suas partes præstabunt. hoc fit ex voluntate defuncti. quam suggerunt illa verba, *quisquis mihi alius, &c.* alioqui præsumetur voluisse testator semper solidum præstari ab eo, quem solum oneravit. cætera erunt faciliora.

Gg



Ad §. fundo. pen. h. tit.

*Fundo legato, si vsumfr. alienus sit, nihilominus petendus est ab herede: vsumfr. enim, etsi in iure, non in parte consistit, emolumentum tamen rei continet. Enimvero fundo relicto, ob reliquas praestationes quae legatum sequentur, agitur. Verbi gratia, si fundus pignori datus, vel aliena possessio sit. Nō idem placuit de ceteris seruitutibus. sin autem res mea legetur mihi, legatum propter istas causas non valebit.*

**A** It, fundo legato, si eius fundi vsumfr. sit heredis vel alterius etiam, vsumfr. heredem debere praestare legatario, quia fundus legatus est, plenus scilicet. Ergo vsumfr. heres debet redimere ab altero, vel suum cedere legatario, l. 26. l. cum filius §. dominus, de leg. 2. Et subiicit rationem Papinian. elegantissimam, quia quamuis vsumfr. in iure, non in parte consistat, quod exposui in l. si Titio, de vsumfr. quae fuit prima ex hoc libro Papin. Vsumfr. igitur, quamuis in iure consistat, quamuis sit ius & seruitus, quam homo in fundo alieno habet, non pars fundi, tamen partis instar obtinet, quia omne emolumentum rei continet. Quid enim mihi profuerit res sine vsumfr. vel species eius? Ergo heres, à quo fundus legatus est, non praestat fundum integrum legatario, si etiam vsumfr. non praestat, quia habetur pro parte rei, licet reuera non sit pars rei, sed seruitus. Et ita etiam fundo legato, si aliena sit possessio iure emphyteutico, vel alieno iure, & hæc possessio legatario praestanda est, quasi portio fundi & emolumentum. Eadem ratione fundo legato, si is sit pignori obligatus, heres eum luere debet, & liberum praestare hypotheca, quia iure pignoris possessio auocari posset, l. si cum venditor, de euitio. & possessio, ut dixi, instar partis obtinet. In summa fundo legato heres debet praestare vsumfr. & possessionem vacuum & fundum liberum. Hæc praestationes legatarium sequuntur necessario. Heres liberatur, si plenum dominium praestet. non liberatur, si praestet dominium sine possessione vel sine luitio, si forte hypotheca obligatus sit. Et ita vsumfr. multum distat à possessione, à seruitute praedij, veluti à via & itinere, & similibus. Nam fundo legato heres & vsumfructum debet praestare, si sit alienatus: sed non debet eum liberare à seruitute viæ, vel itineris, vel similibus, d. l. cum fundus §. dominus, l. seruo legato, §. si fundus, de leg. 1. sed tantum praestabit qualis est. nam seruitutes praediales non sunt partes fundi. sed qualitates, sicut vsumfr. & possessio, quæ habentur pro portione: nam etiam per has seruitutes fundo impositas nihil ex emolumento fundi deperit, aut adeo parum, ut non sit id parti adnumerandum. Et postremo subiicitur, sin autem res mea, in quo versu explicando quis non laborauit? Sed omnem rem expediuit laborando, qui, praeter legit, non propter. Primum. si res mea mihi legetur, est inutile legatum, sed aliquando est utile. Excipiendæ enim sunt testamentariæ causæ: nam si rei meæ vsumfr. sit alienus, vel si rei meæ possessio sit aliena, vel si res mea pignori sit obligata, utile est legatum rei meæ, quia videtur mihi legari hoc, ut heres rem meam liberet vsumfr. ut liberet pignore, & me possessorem faciat. Igitur propter istas causas valebit legatum rei meæ mihi datæ, & praeter istas causas non valebit.

Ad §. ult. eod.

*A municipibus heredibus scriptis, detracto vsumfructu legari proprietas potest: quia non. utendo possunt vsumfract. amittere.*

**M**unicipes possunt heredes institui, quamuis sit corpus incertum, Finge: illis heredibus institutis testator legat fundum detracto vsumfr. volens vsumfr. remanere apud municipales heredes scriptos. Non valet le-

**A** gatum vsumfr. non valet detracto vsumfr. seu retento, nisi aliquando vsumfr. sit redditurus ad proprietatem: & retro non valet legatum fundi detracto vsumfr. nisi aliquando vsumfr. redditurus sit ad proprietatem: esset enim inutile. Hunc autem vsumfr. cum apud municipales residere voluit, nunquam videtur finem accepturus, non capitis minutione, neque enim municipium capite minuitur, & ut Tull. pro Cecinna, non morte: nam non etiam moritur. Quia igitur municipales semper sunt, vsumfructus, quem testator eos retinere voluit, nunquam videtur reuersurus ad proprietatem. Sed respondet Papin. posse reuerti, & posse amitti non utendo. Et addit recte Accurs. etiam posse amitti quasi morte, veluti si deleatur verbum, l. si vsumfruct. quib. mod. vsumfruct. amitt. Imo & amittitur vsumfr. relictus ciuitati tempore centum annorum, ut & vsumfruct. relictus Ecclesiæ, ut finiatur quasi morte hominis, quoniam hæc est vita longissima hominis. **B** Qua ratione & hodie utimur in vsumfructu relicto Ecclesiæ, ut finiatur quasi morte hominis spatio centum annorum, ac si ecclesia fingatur esse velut homo, & in feudis quæ morte clientis redeunt ad dominum, nisi soluantur εἰς δεχνην. si feudum obtineat ecclesia quæ nunquam moritur, in feudo renouando obseruandum spatium centum annorum: vel ecclesia debet dare domino suo aliquem hominem cuius mors expectetur, cuiusque morte ecclesia compellatur renouare feudum, aut renouationem feudi à domino postulare. Valde notandum, quod ostendit §. ult. Municipium est capax vsumfruct. l. mortuo, de fideiuss. Municipij dicitur esse velut persona quædam, ut hereditatis iacentis, sed magis est municipij persona quædam, quia ex personis constat: & ob id recte ei legatur vsumfr. hereditati inutiliter: nam vsumfr. non consistit nisi in persona vera, non fictitia, l. vsumfr. de stip. seru. l. 2. de usu. & vsumfr. leg.

Quod dixi ad §. sin autem l. Manius, de leg. 1. nonnunquam valere legatum, si res mea mihi legetur, puta, si eius rei vsumfr. sit alienus: namque oneratus heres intelligitur esse, ut eum vsumfr. rei meæ, qui meus non est, mihi praestet: Et eadem ratione valet legatum illud, si aliena sit possessio: nam non proprietas mihi videtur legari, quæ mea est, sed possessio, quæ mea non est, & onerari heres videtur, ut eam redimat, & mihi praestet. Idem erit, si mea res sit alteri pignori obligata: nam ea mihi legata, oneratus in hoc tantum videtur heres, ut eam rem luat: atque ita legatum rei meæ mihi datum, propter istas causas valet, ut Papin. dixit in §. pen. secundum Noricam scripturam, propter istas causas non valet, id est, inutile est, quod per obliuionem factum est, ut non probarim in l. si tibi homo, in prin. l. si domus §. ult. de leg. 1. l. 1. §. 1. de lib. leg. Hi loci multum valent ad confirmandum id, quod ante dixi: sed addamus etiam istud, non esse mirum, si propter istas causas res mea mihi legetur utiliter, cum & propter similem, siue eandem causam ego mihi met, quamuis sim liber, leger recte, l. senatus §. ult. de leg. 1. ut in hac specie: captum me ab hostibus seruum, me seruum hostium, tamen tua pecunia redemisti. redemptura ista facit me liberum quasi postliminio, non seruum redemptoris, sed redemptoris tantum sum vinculo veluti pignoris obligatus quoad pretium redemptionis ei persoluerim. Et hoc casu, si testator me mihi ipsi legarit, utile est legatum, quia mihi videtur remisisse pretium redemptionis, seu pignus naturale, quo me vinctum tenebat. videtur mihi donasse pecuniam, quam expendit pro redemptura, siue ut vocant λύτρον, quasi lustrum. Latini veteres dicebant à luendo, ut tranquillitatem aquæ maris, auctore Festo, Latini appellarunt lustrum. Ergo illo casu recte ego mihi met legabor, nec erit veluti pignoris retentio heredi, à quo redemptor me mihi met legauit. Nunc transeamus ad l. 2. de vsumfr. leg.



## Ad l. 2. de usufr. leg.

*Hominis opera legate capitis deminutione vel non utendo non amittuntur: & quoniam ex operis mercedem percipere legatarius potest, etiam operas eius ipse locare poterit, quas si prohibeat heres capi, tenebitur. Idem est, & si servus se locaverit. Et quia legatarius fructuarius non est, ad heredem suum operarum legatum transmittit, sed seruo vſucapto legatum perit.*

**Q**Uæ tractavit Papin. in hoc libro, fere omnia sunt de *usu & usufr.* Quare & in hoc libro tractavit de operis serui legatis, quia ut est in *l. 5. de op. seru. operis serui legatis usus datus intelligitur.* sic habent omnes libri, non *usufructus*, nec quicquam mutari volo. Et *l. 3. & 4. eod.* ait, in fructu serui esse operas, & retrorsum fructum esse in operis. Igitur operæ serui quodammodo imitantur *usu*, vel *usufructum*. Sed multum tamen interest *usu*frui. serui legetur, an operæ. Et quicquid scriptum est *h. l. de operis serui legatis*, id est scriptum comparatione *usus* vel *usufructus*, in quo aliud iuris est. Ac primum quidem scribitur, operas serui legatas, non amitti capitis minutione, vel non utendo, quod & in *usu* & *usufructu* longe secus est. deinde scribitur ei, cui legatæ sunt, serui operæ, debere seruum acquirere ex iis operis quicquid parat: quod non ita procedit in *usu*ario: nam in *usufructuario* idem est sane, sed non in *usu*ario. Item subiicitur, operas serui legatas non amitti morte legatarij, quod quis nescit secus esse in *usufructu*. Ac postremo legatum operarum perire cum seruo *vſucapto*, quod etiam inferius demonstratur. Longe secus est in *usu* & *usufr.* Ergo quicquid in hac lege scribitur, eo fine duntaxat scribitur, ut intelligatur, quam longe lateque distent operæ ab *usu* & *usufr.* *Uſus* & *usufr.* amittitur capitis minutione, & non utendo legitimo tempore: & operæ his modis non amittuntur, *l. 2. de op. seru.* Nec obstat *§. 1. Inst. de acquis. per arrogat.* quoniam ut Accurs. animaduertit, quod ait illo loco, operarum obligationem amitti capitis minutione, id non est de operis serui legatis, sed de operis à liberto officij causa patrono debitis ex stipulatione, vel ex iureiurando, quæ perimuntur arrogatione patroni, hoc est, capitis deminutione, quia si debentur patrono arrogato & arroganti debentur statim, qui non est patronus. Nam ius patronatus in arrogatorem non transit, & operæ officiales non debentur nisi patrono, id est, ei cui officium debetur: item *usus* & *usufr.* amittitur morte legatarij, quod est notissimum. is, cui operæ serui sunt legatæ moriens legatum istud transmittit ad heredem suum. Idcirco recte in *l. huic stipulat. usufr. quem cau.* legatum operarum ait, non per omnia imitari *usu*fr. Et aperte Papin. *h. l. 2.* eum, cui legatæ sunt operæ serui, non esse fructuarium, & *l. 1. §. sed operis, ad l. Falc.* in eo legato, nec *usu*, nec *usufr.* esse videri. Quod videtur pugnare cum *l. 3. & 4. & 5. de op. seru.* nisi ita exponatur: in legato operarum serui, nec *usus*, nec *usufr.* esse videtur, sed quasi proprium aliquod *ius*, ut de habitatione dicitur in *§. pen. Inst. de usu & hab.* habitationem nec *usu* plane esse, nec *usufr.* sed *ius* quasi proprium aliquod. Seruo *vſucapto usufr.* non perit, *l. locum, §. pen. de usufr.* legatum operarum perit, ut hoc loco. item *usufr.* diuisionem recipit, operæ sunt indiuiduæ, *d. l. 1. §. si usufr. & seq. ad l. Falc.* qua de causa in *l. 5. de op. seru.* ait, operis legatis *usu* datum intelligi, qui & ipse sc. est indiuiduus, *usufr.* est indiuiduus, *usus* indiuiduus. Operæ igitur magis *usu* imitantur hac in re. Item *usufr.* vel *usus* legatum cedit ex die aditæ hereditatis, *l. 1. quan. dies leg. ced.* Operæ cedunt ex die petitionis, id est, ex die, quo legatarius petit eas operas sibi præstari, quia ex commodo legatarij cedendæ sunt, *l. 7. h. t. l. 1. de op. seru.* Non est omitendum id, quod ait Papin. *h. tit.* in quo operæ distant ab

Quæst. Papin.

**A** *usu*, non ab *usufr.* videlicet eum cui legatæ sunt operæ serui, ex operis serui mercedem percipere posse, quod fit, si seruus se locarit mercede certa, vel etiam legatarius ille poterit locare operas serui, qui ex operis serui, cum se ipse seruus locauit, potest capere mercedem, & locare potest: & contra, qui illud non potest, neque hoc potest, *l. 13. in princ. de usu & hab.* Et ex operis mercedem capere, non est imponere seruo mercedem, sed est capere mercedem, de qua conuenit inter conductorem & seruum, qui se locauit ipse. Et Papin. ita ratiocinatur hoc loco: si legatarius potest capere mercedem ex operis serui, ergo & locare potest operas serui: si ex contractu serui mercedem capere potest, ergo & ex suo contractu: & si heres, à quo operæ sunt legatæ, qui est dominus serui, prohibeat eum capere mercedem, hoc vel illo modo, siue seruus se locauerit, seu illum ego locauero: alij scil. non ipsimet seruo, quod esset inutile, *l. 25. §. idem Iul. de usufruct.* si, inquam, heres legatarium prohibeat capere mercedes operarum, siue ipse seruus contraxerit, siue alius, tenebitur ex testamento. Et hoc cum dixisset Papin. subiicit, *idem est, et si seruus se locauerit.* quod est superuacuum, cum id iam intulerit ante, & est error, qui à me notatus est sæpius. Nam legendum est, *id est*, quo casu videbatur heredi esse ius prohibendi quasi domino serui qui contraxit locationem: sed & cum seruus contraxit locationem, si heres prohibeat legatarium capere mercedem, tenebitur ex testamento: Sed non idem habet *usuarius*: nam *usuarius* quidem potest operis serui in re sua uti, vel potest pro operis mercedem ei imponere, ita ut vel operas exhibeat, vel sinat imponi, *l. 13. de usu & hab.* Et ita est accipiendum, quod est in *Instit. per quas pers. nob. acq.* per seruum, in quo habemus *usu*, nobis acquiri ex suis operis, non quemodocumque, sed quia in re nostra possumus ab eo operas exigere ab ancilla, ut nobis lanam faciat, à seruo, ut tabernæ vel officinæ præsit, vel etiam possumus pro operis mercedem imponere, id est, operas taxare: sed non possis locare operas alij, vel si ipse locarit, non possis mercedem capere, *l. 12. §. ult. l. 13. l. 14. in pr. l. seruus cuius, de usu & hab.* Notanda est subtilis differentia inter hæc duo, *pro operis*, & *ex operis*. *usuarius* ex operis mercedem capere non potest, pro operis potest: is autem, cui legatæ sunt operæ, & ex operis, & pro operis potest. Et ratio differentiæ est, quia plenius est operarum legatum, quam *usus*. nec mirum, cum & plenius sit quodammodo operarum legatum, quam *usufr.* si plus est in legato operarum, quam in legato *usufr.* & plus in legato *usufructu*, quam *usus*, *§. 1. de usu & hab.* ergo & plus est in legato operarum, quam *usus*. denique plus iuris tribuit operarum legatum, quam vel *usus*, vel *usufructu*. Et hic sigillatim explicabuntur rationes cæterarum differentiarum facillimè: Operæ non utendo amittuntur, *usus* & *usufr.* amittuntur, quia scilicet & *usufr.* consistit in persona legatarij, quo nec utente vel fruente, consequens est amitti *usu* vel *usufructu* constituto tempore: Operæ non consistunt in persona legatarij, sed in facto vel actu serui, quo non faciente, non recte dixeris, operas amitti, sicut fundo fructum non ferente, non recte dixeris *usufructu*. amitti, quia per fructuarium non stat, quo minus utatur fruatur. *usufr.* consistit in fructu vel facto legatarij, *l. 1. quan. dies leg.* Item amittitur morte *usufructuarij*, quia interit persona, in qua consistebat *usus*. Operæ non amittuntur, quandiu manet is, qui eas operas exhibere potest, tametsi mortuus sit is, cui operæ legatæ sunt. Ac præterea *usufr.* est potius iuris, quam facti, quia alio iure civili facile tollitur, tollitur capitis minutione. Operæ sunt potius facti, *d. l. 1. §. sed operæ.* quod est facti, naturale est: ergo iure civili perimi non potest, veluti capitis minutione, qua ratione etiam habitatio, si sit legata, capitis minutione non perimitur, *l. legatum, de cap. minut.* morte finitur habitatio, quia videtur tantum relinquere donec viuat legatarius, *l. 10. §. ult. de usu & hab.*

Gg ij



Opera videntur legari, quandiu viuat seruus, quare transmittuntur ad heredem. Præterea seruo vsucapto vsusfructus non perit, legatum operarum perit. Ratio est, quia vsusfructus debet fundus, non heres. Est enim ius in re. Operas non debet seruus, in quem non cadit obligatio, sed heres tantum legato obligatur, ut scilicet patiatur legatarium uti operis serui, & ex operis mercedem capere, quia non est obligatus is, qui cum seruum vsucapit. non est etiam obligatus heres, nisi quia is seruus in dominio eius est. Et notandum est, vsusfructus esse diuiduum, quia subiectum eius est diuiduum: nam fructus qui percipiuntur, possunt diuidi: operæ sunt indiuiduæ, quia in vsu consistunt. partim non potes uti re aliqua, partim non vti, pro parte frui potes, & pro parte non frui. Operæ partim intelligi non potest: nam aut non præstatur opera, aut solida præstatur, fructus pars intelligi potest, d. §. *sed operis*. Ac postremo vsusfructus cedit à die aditæ hereditatis, ex quo decedunt omnia legata, quæ non transmittuntur ad heredes, cætera, quæ transmittuntur, cedunt à morte. Operæ cedunt ex die petitionis tantum, quia non sunt in rerum natura operæ, antequam petantur, l. 1. de *op. seru.* quæ lex utitur similitudine eleganti. Finge: legauit mihi testator quod nasceretur ex ancilla: dies legati non cedit, antequam partum ediderit ancilla. ut edidit partus, ita edidit operæ, igitur hæ operæ etiam non cedunt antequam edantur, vel antequam edi petierit legatarius. atque ita exposuimus omnes rationes superiorum differentiarum, & nihil est præterea in hac l.

Ad l. 71. de condit. & demonstr.

*Titio centum, ita ut fundum emat, legata sunt, non esse cogendum Titium cauere Sextus Cæcilius existimat, quoniam, ad ipsum duntaxat emolumentum legati rediret. Sed si filio fratris alumnus minus industrius prospectum esse voluit, interesse heredis credendum est, atque ideo cautionem interponendam, ut & fundus comparatur, & postea non alienaretur.*

§. 1. ¶ Titio centum relicta sunt, ita ut Maniæ, uxore quæ vidua est ducat, conditio non remittitur: & ideo nec cautio remittenda est. Huic sententia non refragatur, quod si quis pecuniā promittat, si Maniam uxorem non ducat, prator actionem denegat: aliud est, cum eligendi matrimonij pœna metu libertatem auferri, aliud ad testamentum certa lege inuitari.

§. 2. ¶ Titio centum relicta sunt, ita ut à monumento meo non recedat, vel ut in illa ciuitate domicilium habeat: potest dici non esse locum cautioni, per quam ius libertatis infringitur, sed in defuncti libertis, alio iure utimur.

**H**Æc l. fere tota est de modo adiecto legatis, & continet quæstiones quatuor ex quibus tres hodie explicabuntur. Primæ propositio hæc est, *Titio centum lego, ita ut fundum emat*. Secundæ hæc est: *Titio centum lego, ita ut Maniam, quæ vidua erat uxorem ducat*. Tertiæ, *Titio centum do, lego, ita ut à monumento meo non recedat, vel ut in illa ciuitate domicilium suum constituat*. Et in omnibus his propositionibus hæc verba. *ita ut*, modum faciunt, non conditionem, ut etiam est definitum in l. *libertas* §. *hac scriptura, de manum. testam.* Figuram verborum si spectas, modus est, non est conditio iniecta legato, si quis ita legauerit, *lego Titio ita ut faciat illud, vel, ut detur illi illud*, ita fere semper concipitur modus, sed ex voluntate defuncti hæc verba quandoque conditionem faciunt, l. 2. *C. de his, quæ sub modo*, conditionem non faciunt verba, sed voluntas defuncti, l. *in cond.* §. 1. *de condit. & demonstr.* l. 2. *de his, quæ pœn. nom. infr.* Et ita modum quoque non tamen verba faciunt, quam voluntas defuncti. Sed conditio plerumque ita concipitur, *lego illi, si illam uxorem duxerit*. Modus autem hoc modo, *lego illi, ita ut illam uxorem ducat*. Qui hoc modo loquitur vel scribit, plerumque modum facit: qui autem illo modo, conditionem, nisi probetur aliam fuisse eius voluntatem. Nam voluntas certe est, quæ facit conditionem, vel modum, potius quam ser-

mo. Multum autem interest scire conditio sit, an modus: nam magna est differentia inter conditionem & modum. Conditio impleri debet antequam capiatur legatum, vel donatio, si solo cōsensu cōtracta sit, ut iure veteri cōtrahitur solo consensu, etiam si non interuenerit traditio, vel mancipatio inter coniunctas personas, ut inter parentes & liberos ex Constitut. D. Pij, l. *ult. C. de don. quæ sub modo*, l. 4. *C. Theod. de donat.* Et iure nouo ex Constit. Iustin. inter omnes donatio perficitur solo consensu, sicut emptio venditio: ex qua tamen, si sit incerta conditio, non ante agi potest, vel impetrari quicquam, quam impleta conditio fuerit. Modus autem etiam impletur post perceptionem legati: Nam satis est, si in percipiendo legato, legatarius caueat heredi de implendo modo. Cauere debet heredi, etiam si heredis nihil intersit, an futurum sit, quod defunctus voluit, l. 19. *de leg. 3.* alioquin petenti legatum relictum sub modo, nec offerenti cautionem heredi, obstat exceptio doli mali, l. *cas, h. t. l. cum in testamento, de fideicommiss. libert.* vel præstito legato omiſsa cautione, officio iudicis, non alio remedio, omnino compellitur implere modum, d. l. *libertas* §. *hac scriptura, & l. Mania, in fi. D. de man. test.* Ne dicas præstito legato, & omiſsa cautione posse legatum repeti ab herede: Nam hoc est falsum, cum purum fuerit legatum, sed vel officio iudicis, ut dixi, compellitur obtemperare voluntati defuncti, vel heres etiam condicet cautionem, quam omiſit per errorem, *argum. l. §. 1. de vsufruct. ear. rer. quæ vsu cons.* Item, quod nemo ignorat, conditionale legatum non transmittitur ad heredem, si legatarius moriatur pendente conditione. legatum relictum sub modo transmittitur ad heredem: est enim purum, d. §. *hac scriptura*. Modus in arbitrio ponitur legatarij, ut scilicet quid det, vel faciat: conditio etiam in casum confert, puta, *si fulserit cras, si tonuerit, si nautis ex Asia venerit*. Quæſo quid est conditio? quid modus? An conditio est euentus futurus, qui in dubio est, sit, an non sit? Quæ definitio prima specie videtur elegans, sed non placet? Nam euentus est qui casu contingit, l. *cum pupillis* §. *ult. l. in facto, h. tit.* Omnis autem conditio non ponitur in euentum, in casum: Quædam confertur in voluntatem, arbitrium, potestatem personæ, non fortunæ, d. l. *in facto*. Denique alia ponitur & collocatur in personam, alia in fortunam. Ergo conditio plus est, quam euentus. Ac præterea quodcumque futurum est, etiam si non sit positum in conditione, sane est euentus futurus, qui in dubio est, sit, an non sit. Et eadem ratione non placet definitio Bartoli: conditio est, *quæ habet se ad esse vel non esse*. Nam euentus tantum significatur his verbis. vel etiam si vis, me concedente facile, his verbis contineri etiam quod confertur in voluntatem personæ, eadem est definitio modi. Cur non recte sic definias modum, *qui habet se ad esse & non esse*. & eodem quoque modo definies, quodcumque futurum est, licet non sit in modo, vel in conditione positum: An igitur rectius conditionem sic definies: conditio est adiectio, quæ suspendit legatum, vel aliud quodcumque, de quo agitur? Hæc etiam non placet: nam & mora suspendit legatum, nec tamen est conditio, ut si quid leges ex die certo, puta ex Calend. Mart. mora iniicitur legato, non conditio: vel etiam si legato tacite insit tempus, ut si legetur quod ex ancilla natum erit, mora iniicitur legato, non conditio: vel etiam si legetur extraneo res dotalis mulieris alia re pro dote relicta, ut declarat latius lex *quod pure, quan. dies leg. ced.* & pertinet etiam ad hæc comprobanda lex *heres meus, hoc tit.* mora ita iniecta legato, transmissioni impedimento non est, quia non est conditio, quia affectum conditionis non habet, & ita semper mora separatur à conditione, l. 1. *de legat. 2. l. §. quan. dies leg. ced.* Conditioni quidem inest mora & dilatio, maxime collata in futurum tempus: potest enim conferri in præteritum & præsens: cum tamen, quæ alia est differentia, modus conferatur tantum in futurum: sed condi-



tionem, ut dixi, collata in futurum sane inest mora & dilatio, l. 29. de legat. 1. quæ eleganter ait, obligationem differri quatuor modis, modo, tempore, conditione, loco. Conditioni igitur inest dilatio, ergo mora: mora omni non inest conditio. Mora autem omnis suspendit legatum, seu obligationem quamlibet. Ergo non conditio sola. Et notandus est *χαιρός*, qui scilicet est in d. l. 29. debitum differri modo, tempore, conditione, loco: nam modus respondet conditioni. Est enim modus quasi conditio, tempus respondet loco, quia loci additio, est quasi temporis adiectio, l. 6. §. ult. ad Trebell. Et ita positus quatuor terminis, primus terminus respondet tertio, & secundus quarto, quod ita in decussim, si collocaveris facies *χαιρός*, ut 3. Catilinaria secundum tenorem scripturæ urbem & ciues urbem ciues integram, incolumesque integram incolumes seruavi. Sed quod non-incolumes dum puto fuisse animaduersum, formatur etiam *χαιρός* alio modo, puta positus quatuor terminis, si primus respondeat quarto, & secundus tertio. Et in princ. Inst. est *χαιρός*, maiestatem Imperatoriam, non solum armis decoratam, sed legibus armatam esse oportet. Primo respondet quartus, armis decoratam secundus, legibus armatam tertius.

Et illo loco Virgilij:

---- Eborisue talenta,

Et sellam.

Et illo Horat.

Mula nautæque caput limbosque.

Verum ad rem. Quid est conditio? Est causa, qua existēte nascitur obligatio. deficiente nulla constituitur: suspensa suspenditur. causa est cōmune genus modi & conditionis, l. cas. h. r. atque etiam rationis legandi, quæ testatorem impulit ad legandum, ut cum ita scribit, *lego illi, quia mea negotia curauit*, vel etiam conditio est lex vel pactio, quæ inferitur in constituenda obligatione. vel possis addere, atque ita efficit, ne ante nascatur obligatio, vel constituatur, quæ ea lex impleta fuerit. Modus autem est lex certa, quæ imponitur dationi rei, alias modus est ratio legandi, ut l. ult. de hered. inst. sup. Alias est alternatio, ut cū stipularus fueris decē, mox addes, aut Stichū, l. obligationū §. modus, de obl. & act. Et Dialecticis modus aliud est veluti impossibile, impossibile, necessarium, cōtingens. Categorica propositio hæc est: non potest pupillo facere testamentum, nisi & qui fecerit sibi. Modalis vero hæc est, necesse est, ut faciat testamentum sibi, qui & pupillo volet facere. In hoc proposito, ut diximus, modus est lex certa, ut ait in hac l. §. 1. sub qua quid relinquitur: Conditio ut idem demonstramus & finiamus varie, est causa, quæ præcedere præstationem debet: Modus est causa vel conditio, quæ & sequi præstationē potest: Nam & modus sæpe appellatur conditio, non contra, ut in hac l. §. 1. & l. libert. eod. tit. & l. 2. §. ult. & l. 3. de donat. l. libert. §. Lucius. de annuis legat. l. Mania, de man. test. l. 8. §. pen. de cond. inst. Et inde etiam in l. 1. C. de his, quæ sub modo, modū pro conditione haberi, primū sc. quia implendus est omnino: sed conditio priusquā præstetur legatum: modus etiā post præstationē legati: & conditio, si non sit impleta, vel si defecerit, protinus repellit agentē, modus admittit oblata cautione, d. l. cas. h. r. quia nō quo minus quis habeat legatū, sed quo minus retineat, efficit, quandoquidē cauere debet de implendo modo, aut reddendo legato. Ac præterea modus fideicommissum facit hodie, l. 2. C. de his, quæ sub modo, ut si ita legauerim: Titio lego fundum, ita ut Caio det decem. Caio est fideicommissi petitio aduersus Titium, quia qui modum adiicit, indicat se valde velle, ut in his impleatur modus, quandoquidem sic scribit, *lego, ita ut det illi decem*. At conditio nō facit fideicommissum, ut *lego illi fundum, si Titio decem dederit*. Titius non est fideicommissarius. conditio igitur non facit fideicommissum, nisi ut declarat d. l. 2. cuius ve-

ra hæc interpretatio est, conditio sit concepta verbis modalibus, videlicet, ita ut, &c. nisi oratio fuerit modalis: voluntas testatoris conditionalis conditionem faciet, voluntas, non oratio. fac illis verbis voluisse conditionem facere, non modum. conditio sit concepta enixæ voluntatis argumentum præbet: aliter ac si dixisset, *si illi dederit decem*. Ad hæc notandum, etiam si legatum sit relictum cum modo, aliquando legatarium admitti non oblata cautione de implendo modo, & ita modum remitti, id est, perinde remāscimari, ac si non esset illius legato impositus modus. Hæc ostenditur in hac l. duobus exemplis. Vnum est in §. 2. quæ est tertia propositio initio à me exposita. Finge ita legauit: *Titio lego centum, ita ut à monumento meo non recedat: vel, ut in hac tantum ciuitate moretur*.

Legatarius perueniet ad legatum, & exonerabitur cautione, quia modus ille remittitur: & conditio & modus quicunque impugnat publicam utilitatem, veluti libertatem, quæ publica res est, cuius vindicta omnes respicit, remittitur semper, l. imperat. §. ult. de pollicit. & l. 2. §. tractari, ad SC. Terryll. Hic autem modus, ita ut à monumento, &c. ius libertatis infringit, quia ut ait l. 2. de libero homine exhib. non multū differt à specie seruorum is, cui non est libera recedendi facultas. si modus remittitur, & cautio igitur superuacua est. At remittitur modus, quia impugnat libertatem, vel imminuit, & tamen hic modus vñ receptus est, ut Papin. ait hoc loco, ut legato relicto libertis adiciatur vtiliter: si adiectus sit legato relicto ingenuis, remittitur, sed si libertis nostris, non remittitur, ut si liberto ita legato, *tibi lego centum, ita ut à monumento,*

&c. Monumenta illa, quibus apponebantur custodes, nō erant, qualia sunt hodie nostra sepulchra, sed veluti adiculæ quædam, in quibus & habitatiunculæ erāt constructæ custodum gratia, quam in rem sane utebantur opera seruorum, ut l. seruus, de alim. leg. Et Lucianus in Nigri- no deridet testatores sui temporis, quod iuberent seruos assidere perpetuo ad sepulchra. hoc iure utebantur, ut & eundem modum iniicerent libertis legando, qui ingenuis indicitur inutiliter. Ergo illo casu modus remittitur & cautio. Alius casus hic est: *Titio lego centum, ut fundum emat*. non igitur implebit hunc modū, si volet, nec cauebit heredi de implendo modo. quia ad eum duntaxat emolumentū legati pertinet, & est potius consilium vel causa legandi, ut habeat vnde fundum emat, si velit emere, quam modus, ut l. 2. §. ult. de don. l. pen. §. ult. D. de alimen. leg. Sed finge, quod est valde subtile ut Papiniani: legauit Testator Titio centum, qui erat suus filius, vel frater, vel alumnus, minus industrio atque prouido illi legauit 100. ita ut fundum sibi emeret, summa prouidentia, ut sc. ei consuleret. denique his affectibus suis legauit, sub modo, ut sibi fundum emeret dum ei prospectum vult. an interest heredis modum impleri? Minime: quia etiā modo non impleto ad eum legatum non redit, sed non ideo minus exiget cautionem heres, l. 9. de leg. 3. quia sc. ut ait prudenter Papin. *heredis interesse creditum est*. non interest quidem, sed interesse videtur, ut satisfiat prouidentia defuncti. Et pertinet hic modus etiam ad manes defuncti, non ad filium solum, ac proinde quodammodo heredis interest, ne fiat contra prouidentiam defuncti, & consequenter, nec emptum semel fundum legatarius alienet. Ergo heres curabit sibi cauere de emendo fundo, atque de empto fundo retinendo nec abalienando. Videbatur etiam esse tertius casus, quo non esset præstanda cautio implendi modi, qui proponitur in §. 1. huius l. Testator ita dixit: *Titio centum lego, ita ut Mariam quæ vidua est, ducat*. Multū faciunt ad rem illa verba, quæ vidua est. an remittitur hic modus, vel, ut loquitur, hæc conditio? utrū cautio? neutrū. Ergo nō admittetur legatarius ad legatū, nisi cauerit heredi de ducenda Mariā, quia etsi nihil hoc videatur expedire heredi, expedit tamen quodammodo, ut satisfiat voluntati defuncti, qui viduæ consultum voluit, quæ miseratione digna est. Sed obiciebatur in contrarium: non valere stipulationem, si quis promiserit pæ-



nam, si Mauiam uxore non duxerit. Videtur ergo & illius A legatarius? quis legati petitionem habet? gener an filia? an vterque? Et initio Papin. significare videtur solum generum esse legatariū, & legatum petere posse actione ex testamento. legati quidem emolumentum ad filiam pertinere, sed generum esse legatarium, vt similiter Vlp. in l. fideicom. §. interdum, de leg. 3. Si testator iusserit heredem soluere publicano publicū, id est, vectigal pro Titio, quod Titius sc. publicano debet, aut debiturus est, ait, Titium esse legatarium, non publicanum, tametsi legati emolumentum ei quærat & obueniatur. Et sic igitur, dum ait Papin. initio huius quæstionis quartæ, generum esse legatarium, emolumentum autem legati redire ad filiam, sane significat generum esse legatarium, non filiam. nec enim omnis ad quem emolumentum legati redit, legatarius est. Ideo autem huius legati emolumentum pertinet ad filiam, quia incipit dotem habere, quia incipit esse dotata, & soluto matrimonio repetit eam pecuniam actione de dote quasi dotalem, quia legato hic modus est iniectus, dotis nomine, id est, dotis contemplatione, dotis loco, id est, ita vt gener eam pecuniam habeat dotis loco. Et hoc quidē initio scripturæ suæ Pap. indicat. Sed postea duobus locis in hoc §. demonstrat aperte, vtrumque pro legatario haberi, & generum & filiam, licet soli genero adscriptum sit legatum, quia testator vtrique consulere voluit, & vtriusque contemplatione legauit. igitur vtrique legati petitionem esse, quod etiam probat, l. tale §. ult. de iure dot. Sed qui agere & exigere occupauerit, sane heredi debet cauere de defendendo eo aduersus alterum namque æquū non est vtrique heredem præstare eandem quantitatem, quia nec voluit testator eā summam duplicare, & eius rei argumentū dicitur l. fideicom. §. plerumque, de leg. 3. l. 4. de lib. leg. Et ita, vt afferam similes casus, si quis legauerit Titio, quod ei Caius debet, nō tantū Caio, sed etiā Titio legati petitio est, & vterq; pro legatario habetur, quia testator vtriq; consultum voluit: debitori, vt liberaretur: creditori, vt haberet plures reos, id est, plures debitores eiusdem pecuniæ. & quidem si prius agere cœperit debitor, id est, Caius, satis erit, si heres ei caueat defensum iri eum aduersus creditorem, id est, si promittat se curaturum, ne quid ab eo creditor exigat, vel si creditor ipse cœperit agere ex testamento, legati nomine ferret pecuniam, quam ei Caius debet, si modo caueat heredi, defensum iri heredem aduersus debitorem l. 3. §. ult. & l. 4. de lib. leg. Qua in re maxime notandum est, fuisse controuersiam inter Iulianum & Marcellum, & d. §. ult. inter hos fuisse discordiam ostendit planissime. Nam Iulianus in specie proposita creditori denegabat actionem legati nomine, quod nihil eius interesse videretur, sicut si debitor quod debet, creditori leget, nihil creditoris interest, & inutile est legatum. Sed merito reprehenditur à Marcello, quoniam in casu proposito creditoris interest etiam habere se plures reos eiusdem pecuniæ, quamuis prius debitor sit soluendo: potest enim fieri non soluendo. Atque ita secundum Marcellum concludendum, vtriusque interesse, vtrumque esse legatarium, debitorem & creditorem, vtrique esse actiones. Et hæc nota Marcelli addenda est ad speciem, l. si cui legetur §. si Titio, de leg. 1. Species hæc est: legauit tibi aliquid, & rogauit, vt quod debeo, creditori meo solueres, legatum consistit in persona heredis, cuius maxime interest creditori solui, ne cōueniatur quasi heres debitoris, & vt ait, cōstitit legatū in persona heredis, non in persona creditoris, quia nihil eius interest, & nihil præterea additur in d. §. ea de re. Sed nos supplere oportet, quod deest ex iure, & adnotare primum, quod Vlp. refert in d. §. si Titio, esse ex Iuliani libris, cuius rei coniecturam facit §. Iulianus, qui sequitur. Ergo secundum Iulianum verum est quod ait §. si Titio, sed addenda est nota Marcelli: imo etiam creditoris interesse, vt habeat plures debitores, quod non obseruauit Iulianus, atq; ob id in hac specie merito reprehendit Iulianum à Marcello d. l. fideicom. §. plerumque, de leg. 3. Cuius species hæc est, aut esse debet, atque ideo in ea le-

#### Ad §. Titio genero.

Titio genero meo heres meus dotis Seia filia mea nomine 100. dato. Legati quidem emolumentum ad Seiam, qua dotem habere incipit, pertinebit: Sed quia non tantum mulieri, sed Titio quoque, cui pecuniam legauit, consultum videtur, prope est, vt ipse legatarius intelligatur, & legatum petere debeat. Si post diuortium genero pecuniam heres soluerit, eque liberabitur: quoniam in dotem solutio conuertitur. Constante autem matrimonio, etiam prohibente muliere, Titio recte soluetur. Hoc enim & mulieris interest, vt incipiat esse dotata: Nam & si quis ipsam quoque petitionem habere responderit, eaque pecuniam petat, neque dotis fieri velit, non dubie doli submouebitur exceptio. Ante nuptias vero Titio, vel muliere defunctis, legatum apud heredem manet. Quod si nolit eam uxorem ducere, causa legati quod ad mulieris personam attinet, satisfactum intelligitur, sed Titio legatum potenti, nocebit exceptio doli. Sabinus autem existimabat nupta muliere Titio sine cautione legatum deberi, quoniam pecunia dotis efficeretur. Sed cum ante nuptias, quia parum legatum est, peti potest cautio, mulieri pecuniam reddi, necessaria erit. Quod si maritus vitio suo causa ceciderit, neque soluendo sit, nunquid aduersus heredem mulieri, qua nihil deliquit, succurri debeat ob eam pecuniam, qua doti fuerat destinata? sed quoniam ambo legati petitionem habuerunt, saluam habebit, non soluta pecunia viro, mulier actionem.

Ex hæc nostra est de legato relicto sub modo, & de cautione implendi modi, quam legatarius heredi cauere debet, & continet quæstiones quatuor, de quibus iam exposui tres, & in his duos casus, quibus cautioni locus non est, id est, quibus legatum relicto sub modo præstat sine cautione. Quarta quæstio, quæ tractatur in §. ult. huius l. dabit alium casum, quo legatum etiam relicto sub modo præstat sine cautione: namque obseruandum est in huius specie, non vt in superioribus, his verbis, ita vt, sed his, dotis nomine, concipi & significari modū, non eadē semper est formula cōditionis, neq; modi eadem. nam mens est, quæ modum facit, non oratio, non lingua. Ergo in hoc §. ult. hæc verba dotis nomine, modum faciūt. Et propositio seu species hæc est: Titio genero meo dotis filia mea nomine, heres meus centum dato, & gener hoc loco dicitur non tantum maritus filia, sed etiā sponsus: nam & generi nomen acquiritur ex sponsalibus, l. Labeo, l. seruus, de grad. & aff. & gener dicitur non tantū γαμβρος, sed γενόμενος, sed improprie. Quare in l. seruo legato, de leg. 1. maluit I C. dicere gener, vel sponsus, hoc loco satis habuit dicere, gener. Nūc ad §. nostri explicacionem reuertamur. Et primum necesse est, vt videamus, legatore relicto, Titio genero filia mea nomine centum, quis sit

legatarius? quis legati petitionem habet? gener an filia? an vterque? Et initio Papin. significare videtur solum generum esse legatariū, & legatum petere posse actione ex testamento. legati quidem emolumentum ad filiam pertinere, sed generum esse legatarium, vt similiter Vlp. in l. fideicom. §. interdum, de leg. 3. Si testator iusserit heredem soluere publicano publicū, id est, vectigal pro Titio, quod Titius sc. publicano debet, aut debiturus est, ait, Titium esse legatarium, non publicanum, tametsi legati emolumentum ei quærat & obueniatur. Et sic igitur, dum ait Papin. initio huius quæstionis quartæ, generum esse legatarium, emolumentum autem legati redire ad filiam, sane significat generum esse legatarium, non filiam. nec enim omnis ad quem emolumentum legati redit, legatarius est. Ideo autem huius legati emolumentum pertinet ad filiam, quia incipit dotem habere, quia incipit esse dotata, & soluto matrimonio repetit eam pecuniam actione de dote quasi dotalem, quia legato hic modus est iniectus, dotis nomine, id est, dotis contemplatione, dotis loco, id est, ita vt gener eam pecuniam habeat dotis loco. Et hoc quidē initio scripturæ suæ Pap. indicat. Sed postea duobus locis in hoc §. demonstrat aperte, vtrumque pro legatario haberi, & generum & filiam, licet soli genero adscriptum sit legatum, quia testator vtrique consulere voluit, & vtriusque contemplatione legauit. igitur vtrique legati petitionem esse, quod etiam probat, l. tale §. ult. de iure dot. Sed qui agere & exigere occupauerit, sane heredi debet cauere de defendendo eo aduersus alterum namque æquū non est vtrique heredem præstare eandem quantitatem, quia nec voluit testator eā summam duplicare, & eius rei argumentū dicitur l. fideicom. §. plerumque, de leg. 3. l. 4. de lib. leg. Et ita, vt afferam similes casus, si quis legauerit Titio, quod ei Caius debet, nō tantū Caio, sed etiā Titio legati petitio est, & vterq; pro legatario habetur, quia testator vtriq; consultum voluit: debitori, vt liberaretur: creditori, vt haberet plures reos, id est, plures debitores eiusdem pecuniæ. & quidem si prius agere cœperit debitor, id est, Caius, satis erit, si heres ei caueat defensum iri eum aduersus creditorem, id est, si promittat se curaturum, ne quid ab eo creditor exigat, vel si creditor ipse cœperit agere ex testamento, legati nomine ferret pecuniam, quam ei Caius debet, si modo caueat heredi, defensum iri heredem aduersus debitorem l. 3. §. ult. & l. 4. de lib. leg. Qua in re maxime notandum est, fuisse controuersiam inter Iulianum & Marcellum, & d. §. ult. inter hos fuisse discordiam ostendit planissime. Nam Iulianus in specie proposita creditori denegabat actionem legati nomine, quod nihil eius interesse videretur, sicut si debitor quod debet, creditori leget, nihil creditoris interest, & inutile est legatum. Sed merito reprehenditur à Marcello, quoniam in casu proposito creditoris interest etiam habere se plures reos eiusdem pecuniæ, quamuis prius debitor sit soluendo: potest enim fieri non soluendo. Atque ita secundum Marcellum concludendum, vtriusque interesse, vtrumque esse legatarium, debitorem & creditorem, vtrique esse actiones. Et hæc nota Marcelli addenda est ad speciem, l. si cui legetur §. si Titio, de leg. 1. Species hæc est: legauit tibi aliquid, & rogauit, vt quod debeo, creditori meo solueres, legatum consistit in persona heredis, cuius maxime interest creditori solui, ne cōueniatur quasi heres debitoris, & vt ait, cōstitit legatū in persona heredis, non in persona creditoris, quia nihil eius interest, & nihil præterea additur in d. §. ea de re. Sed nos supplere oportet, quod deest ex iure, & adnotare primum, quod Vlp. refert in d. §. si Titio, esse ex Iuliani libris, cuius rei coniecturam facit §. Iulianus, qui sequitur. Ergo secundum Iulianum verum est quod ait §. si Titio, sed addenda est nota Marcelli: imo etiam creditoris interesse, vt habeat plures debitores, quod non obseruauit Iulianus, atq; ob id in hac specie merito reprehendit Iulianum à Marcello d. l. fideicom. §. plerumque, de leg. 3. Cuius species hæc est, aut esse debet, atque ideo in ea le-



ge, vt scriptum est, *quamuis vnus legatum sit*, legendum est, *quamuis vni legatum sit*. & similiter paulo post, dum ait, *legatum heredem vel fideicommissarium, vt eis solueret*, scribendum, vt *ei solueret*. Et species hæc est: Titius debet eandem summam, vt rem pluribus reis stipulandi, id est, singulis debet solidam, non sapius eandem rem vel quantitatem, sed vni soluendo liberatur. Ego meo testamēto, quod ei debet Titius, legauī vni eorum, legati petitio datur, non tantum ei, cui legatū adscripsi, sed etiam cæteris correis stipulandi, quorum etiam contemplatione legauī, sed qui agere occipauerit, sane cauere debet, heredem defensum iri aduersus cæteros, d. §. *plerumque*. Ac ita legatum non tantum debetur ei, cui adscribitur, sed etiam ei, vel eis, quibus non adscribitur, modo si eorum contemplatione relinquatur, & eorum etiam interfit legatum exsolui, quod omnino congruit cum eo, quod Papinianus in hoc §. *Titio genero* concludit. Et genero & filix legati petitionem esse, genero, cui est adscriptum legatum propalam: & filix etiam, cui non est adscriptum legatum propalam, sed quasi adscriptum esse intelligitur, quia filix interest dotem habere, & contemplatione etiam eius reliquit legatum genero vel sponso. Huic definitioni duo obstant vehementer, à quibus non se expedit Accursius. Et delendum est, quicquid in ea hoc loco adnotauit. Obstat primum *l. seruo legato §. si testator, de leg. 1.* Duo proponuntur casus in eo §. in quibus idem iuris est. Prior hic est: testator vnum ex pluribus heredibus iussit creditoribus omne as alienum soluere, an creditoribus competit actio aduersus illum solum in solidum? Minime: quia nihil eorum interest. legatum illud nihil adiicit obligationi, & nullum est. & nil eorum interest, quia iam satis reum obligatum habent & heredem eius: coheredibus autem competit fideicommissi petitio, quorum causa testator id fecit, & quorum maxime interest, vt exonerentur ære alieno pro suis portionibus. Alter casus est per similes. Testator filix nomine iussit heredem genero dotem dare, non competit genero, quia nihil interest eius, sed competit filix, cuius maxime interest. Hoc est in iure perpetuum, eius, cuius magis aut maxime interest, & principaliter interesse, *l. 19. de lib. caus.* Ergo & ei principaliter est danda actio. Denique illo casu, quia filix maxime interest, vt scilicet sit dotata, ei soli dabitur actio ex testamento, genero nō dabitur, quia nec generi maxime, sed minimum interest, quod omnino euertit, quæ ante posuimus pro certis atq; confessis. sed necesse est, vt illi duo casus, in quibus idem ius constituit, conueniant in omnibus. Priore casu iussit vnum heredem soluere creditoribus, & hoc posteriore necesse est ponamus, testatorem iussisse genero soluere dotem, quæ ei debebatur, quam ei iam promiserat testator, ex quo contractu obligatio acquiritur soli genero, nō filix, *l. 5. C. de dot. prom.* quia genero debebam dotē ex stipulatu, filix non debebam. Quamobrem in persona generi non consistit legatum, quia nihil eius interest, cui ego vel heres meus satis obligatus est ex stipulatu, sed in persona filix consistit, & quidem solius, *l. cum pater, de iure dot.* Sed in specie §. *ult.* ad quem refertur superior conclusio, fover genero non debuit dotem, & vt ait in fi. §. ea pecunia quam legauit dotis nomine, doti fuit destinata, non promissa. Igitur neque filix tantum eo casu, sed etiā generi interest dotem præstari, quæ neutri debebatur ex alia causa. Obstat etiam superiori definitioni *l. fideicommissi. interm.* de leg. 3. Ego legauī publicano publicum quod ei Titius debet, an vterq; est legatarius, publicanus & priuatus? Lex ait, solum Titium esse legatarium, non publicanum, licet legati emolumentum publicanum respiciat. Et videretur tamen secundum ea, quæ antea dicta sunt, vtrumque esse legatarium, quia vtriusq; interfit, & quod non Titio tantum voluerit testator providere, sed etiam publicano, vt vtrumq; liberaret. Sumenda est responsio valde probabilis ex coniectura voluntatis defuncti. Cur Titius solus est legatarius in hac specie, non publicanus,

A vt in superioribus, non vterque? quia scilicet testator videtur tantum legasse contemplatione priuati, id est, Titij, quia non solemus esse liberales erga publicanos. quis vnamquam est liberalis erga publicanum, aut quis præsumitur esse? Est enim hoc genus hominum omnibus inuisum. Ideoque præsumitur testator contemplatione Titij tantum, non con. emplarione publicani legatum reliquisse. Fuit tamen ei animus liberandi Titij, & in dubio ita præsumitur, nisi aliud probauerit publicanus. Non ero multus in tradendis iis quæ restant ex quæstione quam heri proposui de legato ita relicto: *Titio genero meo heres meus Scia filia mea nomine centum dato*. Quæstio vertitur circa hoc genus legati, & quæ ad eam spectant, licebit paucis explicare. Ergo pergamus. quod attinet ad quæstionem motam *h. §.* eius legati, quod proposuimus quis est effectus? Eius legati effectus hic est, quia tam mulieri, quam Titio consulere voluit testator, erga vtrumque ductus affectione pari, vt ambo sint legatarij, ambo legati habeant petitionem, sed occupantis melior est conditio: nam heredem vtrique condemnari iniquum est, & consequenter constante matrimonio ea pecunia genero soluitur recte, etiam inuita muliere, vt ait, quia ea solutio, & viro & mulieri proficit: quandoquidem id quod soluitur conuertitur in causam dotis statim, & dos cedit commodum vtriusque, mariti & vxoris, & iure ciuili constitutum est generaliter, vt etiam inuiti liceat meliorem conditionem facere, vt *l. soluere, de solut.* mulier inuita dotatur, quia & viri interest eam esse dotatam. Ergo viro dotis nomine recte soluetur legatum etiam inuita muliere, etiam si velit esse indotata. Notandum quod dixi, hoc esse generale, vt possit etiam inuiti melior conditio fieri, quod ad nos attinet, scilicet, quia eam facere meliorem satagimus, vt ait *l. si debitor tuus, de solut.* nam quod ad illum attinet, cuius melior conditio sit, licet ei eam aspernari postea: & vt eleganter quodam loco dixit Amilius Ferretus, duo sunt extrema in acquirendo, vnum ex persona eius, à quo acquiritur: alterum ex persona eius, cui acquiritur. Et inuito quidem acquiritur, quod ad prius extremum attinet, non etiam quod attinet ad posterius, licet enim acquisitioni abrenunciare, lucro oblato non vti. Ergo non mirum, si dicat Papin. hoc loco, *etiam inuita muliere, marito constante matrimonio recte solui legatum, quod ei fover reliquit dotis filia sua nomine*. Et eadem ratione, vt idem Papinian. ostendit, etiam post diuortium, quod plus est, ea pecunia genero soluitur recte, & heres soluendo ei perinde liberatur, atque si soluisset constante matrimonio, quia & solutio, quæ fit post diuortium, in dotem conuertitur: nec etiam tantum dotem habet, quæ nupta est, sed & quæ nupta fuit, dotem habere potest, quamuis dos ea non constante matrimonio soluta sit, sed post diuortium. quæ nupta nunquam fuit, dotem non habet antequam nupserit; denique dos non est sine matrimonio præsentis vel præteriti, *l. 3. de iur. dot.* futuri matrimonij vel sponsalium dos nunquam est. Pergamus, vt inuita muliere viro ea pecunia, quæ legata est dotis nomine soluitur recte, & quod soluitur, conuertitur in causam dotis: ita mulieri recte soluitur, cum heres sit vtrique obligatus, & præterea recte quoque mulier petit: sed si nolit dotis fieri pecuniam quæ soluitur in dotem, in causam dotis, cum dotis nomine sit relicta, & dotis tantum nomine peti possit, petenti mulieri obstat exceptio doli mali, *l. apud Celsum §. præterea, de doli except.* Noluit enim defunctus filiam generumve alio nomine legatum percipere, quam dotis, cum vtrique consultum voluerit, & genero & filix. quæ non dotis nomine accipit, sibi soli consultum vult, quod est contra iudicium defuncti, & semper in iure, qui agit contra iudicium defuncti, repellitur exceptione doli mali. Hæc igitur verba, *dotis nomine*, efficiunt, vt à testatore submoueatur vir aut mulier, qui eam pecuniam dotis fieri non vult, id est, qui suo nomine proprio accipere vult, non matrimo-



nij nomine. Item ea verba id efficiunt, vt ante matrimonium muliere vel viro defuncto, quia matrimonium atque adeo dos fieri iam inter eos non potest, pecunia legata remaneat apud heredem scriptum. non potest peti à superflite, quem certum est iam modum legati implere non posse. non potest etiam transire ad heredem defuncti vel defunctæ, quamuis sit purum legatum: Nam legatum, quod relinquitur sub modo, sane est purum, *l. libertas §. hac scriptura, de manum. testam.* Et Papinianus hoc loco apertissime (quia purum legatum est) qua ratione statim peti potest legatum, antequam impletus sit modus, modo post impleri possit, & subsit spes implendi eius. Hoc ergo casu, quod summè notandum, quamuis sit purum legatum quod est relictum sub modo, modus transmissioni impedimento est, quia expleri ab herede legatarij iam non potest, sublato altero coniugum vel sponсорum. Nam si modus possit expleri ab herede legatarij, sane legatum transmittitur ad heredem: vt si quis ita legauerit, Titio lego centum, ita vt mihi monumentum faciat, & mox post mortem testatoris moriatur etiam Titius, legatum transmittitur in heredem Titij, quod purum est, quia monumentum facere potest heres eius, & modum legati adimplere. Et simili modo, si vterque sponsus dirimant sponsalia, & omnem spem nuptiarum, dicimus etiam hoc casu pecuniam remanere apud heredem, & neutri esse legati petitionem, quia neuter vult implere modum. Et hoc constat, antequam petatur legatum, quia sibi repudium miserunt, quia sibi ipsi legati petitionem ademerunt, profitentes se nolle modum implere. Quid si Titius nolit, mulier velit? Et hoc casu certum est, mulieri esse petitionem legati, quia per eam non stat, *l. §. §. pen. quan. dies leg. ced.* Titius autem si petat, qui illam non vult uxorem ducere, repellatur exceptione doli mali. & idem est è conuerso, quia sponso dabitur legati petitio, non mulieri. Quæro, quid sit dicendum, si vterque velit, non tamen contraxerint nuptias, & petat ille vel illa legatū illud ante nuptias, quas sperat futuras? Sane legatum petere poterit sponsus oblata cautione tamen, mulieri dotem reddi, si per eum steterit, quo minus contrahantur nuptiæ, si ipse postea mutauerit voluntatem. Et ita etiam mulier, si in petendo legato possit præuenire virum & occupare, ipsa petet legatum oblata eadem cautione, viro pecuniam reddi, si ipsa mutauerit voluntatem, & repudiauert sponsum. Hoc ergo casu præstatu cautio de implendo modo! vt solet plerunque præstari ab eo, qui petit, sed in sequenti casu non præstatu cautio. Finge, iam esse contractas nuptias, & peti legatum ab illo vel illa, nulla cautio præstanda est de implendo modo, quia ipsa numeratione pecuniæ, pecunia statim efficitur dotalis, quæ numeratur post nuptias, & ita re ipsa modus inuenitur adimpletus, nec necessaria est cautio de eo adimplendo, cum suapte sponte impleatur, vel impletus iam sit, aut certe potius impleatur numerata pecunia post nuptias. Quod & ita docet Papinianus in hoc §. *ult.* Ad hæc vnum tantum notandum est, id quod diximus iam sæpe, vtrique competere petitionem legati, sed eum præferri, qui agere occupauerit, & excludere alterum, qui festinauerit agere: Hoc ita procedere, si ei, qui agere occupauerit, soluta sit pecunia: nam non est satis agere, sed oportet exigere, agere & peragere: nam si ei non sit soluta pecunia, qui eam petere occupauit, sed vitio suo causa ceciderit, quo genere etiam idem Papin. loquendi vsus est in quasi specie simili, *l. Stichum §. pen. de solut.* nec possit adferre concinnius exemplum, quam quod ex iure veteri de periculo plus petitionis. qui plus petit summa, causa cadit. Finge igitur in hac specie: is, cui legata erant centum dotis nomine, petiit centum quinquaginta, & amisit litem vitio suo. Ac rursus etiam finge, mulierem ab eo suum seruare non posse vi cautionis quam heredi obtulit, litis initio forte, atque præstitit, non posse, inquam, mulierem ab eo suum seruare, quoniam sol-

uendo non est, potest vti potestate cautionis, an excludatur mulier, quia vir occupauit? minime. Equum est mulieri succurri, quæ nihil deliquit data actione aduersus heredem scriptum, maxime etsi vir ei cauerit, si non possit mulier ab illo solidum consequi propter inopiam eius. Et notandum, hanc cautionem de implendo modo esse nudam repromissionem, non satisfactionem, *l. 96. §. ult. h. r.* in quo fit mentio huius quæstionis. Satisfacere non est dare fideiussores, sed cauere nuda cautione, sed repromittere. satisfacere, vt in iure sæpe satisfacere, satisfacere significat quocunque modo, vel nuda cautione, *l. pen. §. ult. de constit. pec. l. 2. de hered. vend. l. satisfacere, de verb. signif.* Satisfactio igitur est genus: & alia satisfactio fideicommissorum, alia satisfactio solius rei principalis, id est, nuda repromissio. Si genero legauero certam summam dotis filia meæ nomine, vterque est legatarius, gener & filia, & occupantis potior est causa, sed, vt dixi, si vir puta, agere occupauerit, heredi cauere debet, defensum iri cum aduersus mulierem collegatariam. Solet enim heredi caueri de implendo modo, *l. 19. de leg. 3.* videlicet futurum, quod defunctus voluit, & versam in dotem pecuniam iri, quam legauit, quia modum legandi demonstrauit. Sed hoc casu, quia mulier est collegataria, si vir ante nuptias petat legatum dotis nomine, heredi potius cauere debet mulieri pecuniam reddi, nisi per eam factum erit, quo minus nuptiæ sequantur: cum si stipularetur heres, inutilis esset stipulatio, quasi alteri facta, §. alteri, *Inst. de inutil. stip.* Ac proinde isto casu heredi tantum cauetur de indemnitate mulieris. mulieri autem cauetur de implendo modo legato iniecto, quia ipsa est legataria. Sed addamus tamen aliquid. Hæ duæ cautiones, quarum vna heredi præstatu, altera mulieri, agente viro præstandæ sunt, antequam ad sententiam veniat. At post sententiam, siue secundum eum iudicatum sit, siue contra eum, puta quod vitio suo causa ceciderit plus petendo, nuptiis non secutis, mulieri in eum ex cautione est actio, quæ tamen si inanis sit propter inopiam viri, qui non est soluendo, cum scilicet causa ceciderit vir, & heres ei pecuniam legatam non soluit, tunc æquum est, eam pecuniam mulieri ab herede solui, quia delictum seu vitium mariti mulieri, quæ nihil deliquit, nocere non debet. Delictum socij socio, collegatarij collegatario, coheredis coheredi non nocet, *l. si heredis §. 1. de legat. 1.* Et ita omnino explicandum est, quod est in extremo d. l. Titio centum. Et illud repetendum atque inculcandum rursus, hanc vel illam cautionem esse nudam repromissionem, non satisfactionem, aut satisfactionem simplicem, non satisfactionem fideiussorum, vt loquitur lex, nec non, ex quibus caus. maior. supra.

#### Lex 51. ad Senatusc. Treb.

*Cum heres deductis legatis hereditatem per fideicommissum restituere rogatur, non placet ea legata deduci, quæ peti non poterant. Sed cum uxori pro parte heredi scripta dos legetur, eaque deductis legatis hereditatem restituere rogatur, etiam si quarta, quam per legem Falcidiam retinet, tantum efficiat, quantum in dote est, tamen pro sua portione dotis prælegatam partem deducit. Cum enim utrumque consequitur, nihil interest inter hanc mulierem, & quemuis alium creditorem heredem institutum, & hereditatem restituere rogatum. Idem probatur, etsi non deductis legatis fideicommissum ab ea relictum sit.*

Quæstio huius legis est elegantissima. dicit eum, cui restituitur fideicommissaria hereditas sustinere onera omnium legatorum, non heredem. Restituitur ei hereditas solida, sine deductione Falcidiæ, si heres coactus adierit, vel si sponte adierit, restituitur ei dodrans tantū. Nam heres deducit Falcidiam, hoc est, quadrantem quem debet habere illibatum, & immunem. ergo pro quadrante non obligatur legatariis, & consequenter solus fidei-



lus fideicommissarius legatariis respondere cogitur, qui loco est heredis, à quo legata relicta sunt: Nam cum heres aduersus legatarios debeat habere saluam Falcidiam, non ideo minus debet eam habere, quod dodrantem hereditatis restituat alteri, & retinuerit ipse sibi tantum quadrantem Falc. Ergo æquissimum est, vt onera legatorum agnoscat solus fideicommissarius, quoniam quadrans debet remanere apud heredem sine ullo onere, quoties est locus Falcidiæ. Et hoc quidem ita procedit, si heres rogatus sit restituere hereditatem totam, l. 12. C. ad Treb. Nam si heres ex asse scriptus rogetur tantum restituere partem hereditatis, ita vt apud eum remaneat plus quam quadrans, vt si rogetur restituere semissem vel trientem, sane hoc casu onera legatorum inter eos diuiduntur pro rata l. 1. §. si is qui quad. & §. pen. & ult. hoc tit. l. 2. C. eod. tit. l. etiam §. 1. vt leg. nom. cau. Rata est portio competens cuique in ea hereditate, portio contingens, portio virilis, item id, quod proposui initio, fideicommiss. Trebell. subire onera legatorum, non heredem scriptum, ita procedit, nisi heres deductis legatis rogatus sit restituere hereditatem. Nam hoc casu sane heres deducit legata, quæ utilia sunt, id est, quæ debentur, & peti possunt, eorumque legatorum soluendorum onus ad eum pertinet, & fideicommissario cauere debet, defensum iri eum aduersus legatarios, vt testator voluit, qui idem iussit deducere legata, & residuum restituere fideicommiss. sine onere legatorum, l. seq. §. inde queritur, h. tit. Inutilia autem legata, quæ peti non possunt, heres non detrahit, sed ea restituit fideicommissario, quasi hereditatis bona salua Falcidia, si sua sponte adierit hereditatem. & hoc quidem quasi utile principium quoddam iuris proposuit Pap. initio legis: deducuntur utilia legata, inquit non inutilia. Hoc cum proposuisset, excipit vnum casum tantum, quo heres cogetur restituere hereditatem deductis legatis. Deducit igitur legatum quamuis sit inutile, & sibi habebit: Nam quod peti non potest à legatario fideicommiss. id non restituet: illo, inquam, casu legatum inutile deducitur ab herede, & non venit in restitutionem fideicommissi. neque mirum hoc videri debet: Nam eodem ipso casu, etiam si heres non deductis legatis rogatus sit restituere hereditatem simpliciter, deducit illud legatum, quamuis sit inutile, & sibi habebit. Quam in rem ita ratiocinatur quodammodo Papin. Si quod legatum possum deducere, etiam si non deductis legatis à me fideicommiss. relictum sit, ergo multo magis id deducam, si deductis legatis à me fideicommissum relictum sit. Finge: maritus vxorem heredem scripsit ex parte adiectis aliis coheredibus, & eam rogauit, vt deductis legatis portione hereditatis restitueret Titio. Ac præterea eidem vxori dotem prælegauit, quod legatum est utile, etiam si sit relictum quasi creditori à debitore, quia in eo plus est, quam in debito. Legatum enim dotis est præsens, debitum autem dotis est in diem: Nam soluto matrimonio dos soluitur tribus pensionibus, annua, bima, trima die, à trois payes, sed non est per omnia utile prælegatum dotis. Nam relictum est prælegatum dotis ab omnibus heredibus. Ita ergo & ab vxore ipsa, quæ est heres ex parte, eidem ipsi vxori: & pro parte quidem coheredum est utile, pro parte vxoris non potest esse utile, quia heredi à semetipso inutiliter legatur, nulla est sententia in iure frequentior, l. legatum §. 1. de leg. 1. Nam nemo potest sibi ipsi debere, denique pro parte coheredum utile est legatum dotis, pro parte vxoris inutile: & tamē in ponenda rationis legis Falcidiæ in computatione legatorum & bonorum prius deduci oportet æs alienum, etiam quod defunctus heredi debuit, licet additione sit confusum. Deinde ex reliquo deducitur Falcidia, & præstantur legata, aut fideicommiss. qualiacumque; Et sane etiam si vxor iussa esset restituere partem hereditatis sibi relictam non deductis legatis, deduceret legatum dotis pro sua parte iure proprio, non iure legati: Nam pro ea parte inutile est legatum, residuum autem dotem consequetur à coheredibus præsentis die iure

Quæst. Papin.

A legati pro portione coheredum, pro qua tantum legatum illud consistit. Ergo mulier hoc casu siue deductis, siue non deductis legatis iussa sit restituere partem certam sibi relictam, deducit legatum quod est inutile, quasi æs alienum sc. id est, quasi debitum sibi. Deinde deducit etiam Falcidiā, & reliqua bona restituit fideicommiss. Ergo, quod notandum, duplici deductione utitur: deductione dotis pro parte sua iure suo sibi debitæ, & deductione quartæ, hoc est, Falcidiæ, etiam si tantum sit in Falcidia, quantum in dote, atque ita vtrumque consequitur & dotē & Falcidiā, id est, quadrantē portionis suæ hereditariæ, etiam si is quadrans sufficiat dote, sicut & quilibet creditor extraneus heres institutus à debitore & rogatus restituere hereditatem, deducit primum quod sibi debuit defunctus, deinde Falcidiam integram, etiam si Falcidia tantum efficiat quantum est in debito, l. inponenda, C. ad l. Falc. l. pater filiam, ad l. Falcid. Nihil igitur in hoc proposito distat vxor à creditore, vxor cui debetur dos, à creditore, cui quid aliud debetur. vterque deducit sibi debitum, ac præterea Falcid. integram. vterque vtrumque consequitur, & hereditatem, seu Falcid. & quod sibi defunctus debuit. Hæc est sententia Papin. quæ ponitur in hac l. & nihil addit præterea. Sed obiicitur: imo contenta esse debet mulier alterutro, vel dote, vel hereditate, aut Falcid. quæ iure hereditario capitur, si modo in Falcid. tantum sit, quantum in dote, & fuit ea de re olim edictum, quod dicebatur de alterutro, cuius sit mentio in l. vn. §. sciendum, C. de rei vxor. act. l. vn. C. Theod. de testam. quo iubetur mulier contenta esse alterutro. Ex edicto igitur non potest vtrumque consequi, quod quidem locum habet dote debita iudicio rei vxoriæ, non si debeatur ex stipulatu. Nam si debita sit ex stipulatu, mulier vtrumque consequetur, dotem & Falcid. si debita sit iudicio rei vxoriæ, alterutrum ex illo edicto. Et hic quia non ponitur dos debita ex stipulatu à Papin. pono eam debitam, nec male, iudicio rei vxoriæ. Ergo in casu huius l. nec est locus edicto de alterutro, nec vxor vtrumque consequetur. Sciendum est, edictum hoc esse sublatum hodie à Iustin. simul & actionem rei vxoriæ. Igitur hodie soluto matrimonio mulier repetit dotem actione ex stipulatu, etiam si non sit stipulata dotem sibi reddi. Sunt tacita pignora quædam, & tacitæ stipulationes quædam, sunt igitur quasi ex tacita stipulatione, mulier hic repetit dotē, vel morte vel diuortio soluto matrimonio. Et si is casus euenerit, qui proponitur in h. l. vt ea mulier heres instituatur à marito, ipsa vtrumque percipiet, & hereditatem & dotem, sicut & quilibet alius creditor heres institutus, nec vt ait Papin. erit vlla differentia inter mulierem & quemuis alium creditorem, l. vn. §. igitur, C. de rei vxor. act. Sed & cum obtinuit edictum illud de alterutro, & nec dum esset sublatum à Iustin. nec dum sublata actio rei vxoriæ, vitabatur edictum illud, si maritus vtrumque mulierem habere voluisset, hereditatem & dotem, vt in hac specie, cum heredem scripsit vxorem ex parte, & dotem etiam ei prælegauit. Ponamus debitam iudicio rei vxoriæ, quod non sit stipulata dotem sibi reddi secundum ius vetus: Etiam hoc posito, non erit locus edicto de alterutro: quia testator vtrumque vxorem habere voluit, & similiter etiam hodie, quo iure receptum est vt mulier vtrumque percipiat, si testator voluerit eam esse contentam Falcidia pro dote, si voluit eam compensare Falcidiam cum dote, in qua modo tantum sit, quantum in dote, hereditate electa, non deducet dotem contra voluntatem defuncti, non consequetur vtrumque, l. si filia §. pen. famil. ercisc. l. 6. quan. dies leg. ced. l. cum ab vno. de leg. 2. l. Titius §. maritus, hoc tit. l. 2. §. 1. de dote præleg. Et in §. maritus ostenditur, ex voluntate defuncti hoc ita procedere, vt non vtrumque ferat vxor, quamuis etiam eam heredem scripserit, & ei dotem prælegarit, videlicet si probetur hoc eum sensisse, vt alterutro contenta esset, vtque Falcidia electa dotem restitueret fideicommissario. Quod procedit etiam in quolibet creditore herede instituto: Nam si sit locus Falcidiæ, non de-

H h



ducet quod sibi defunctus debuit, si crediti compensandi animo eum heredem fecerit. Denique non poterit, quod sibi defunctus debuit reputare legatariis, sed id debet contribuere bonis, si modo Falcidia adimpleat debitum, l. 12. ad l. Falcid. l. non potest Titio, de leg. 2. Ex hoc libro citatur Papin. ab Vlp. l. 3. quib. mod. ususfr. amitt. restat l. 3. §. pen. de adim. leg.

Ad §. pen. l. 3. de adim. legat.

*Conditio legati an adimi possit, vel hereditatis vel statuliberi, videndum. Et Iulianus scribit in statulibero detractam conditionem non representare libertatem. Papinian. quoque libr. 17. quæst. scribit generaliter, conditionem adimi non posse: nec enim datur, inquit, conditio, sed adscribitur. Quod autem adscribitur, non potest adimi, sed quod datur. Sed melius est sensum magis, quam verba amplecti, & conditiones, sicut adscribi, ita & adimi posse.*

**L**egatum quod testator dedit, adimere potest codicillis, vel eodem testamento. Finge: legatum dedit sub conditione, an conditionem adimere potest, quando non legatur? Et refert Vlp. generaliter Papin. scripsisse, conditionem non adimi recte. Ideoque adempta conditione non ideo legatum fieri purum, sed manere conditionale, hac ratione, quia id tantum adimitur quod datum est, conditio non datur, sed adiicitur, apponitur legato quod datur. Ergo non potest adimi: nil nisi quod datur, adimitur. Sed concludit, melius esse ut etiam quod adscribitur adimi possit: ut igitur conditio adimi possit, & ut hæc adempta legatum purum efficiat, quia verba sunt consideranda pro voluntate, ut ait eleganter l. 1. in princip. & §. conditionem, de condit. & demonstrat. Ac præterea sapissime conditio dari dicitur, quæ adscribitur & apponitur legato, l. un. de leg. hoc tit. l. in plurimum, de acq. hered. l. 5. de cond. inst. l. Stichus, de usufr. leg. & l. qui vulgo, de manum. test. & l. inter illam, de verb. sign. Explicitus est 3. Decemb. 1572.



# IACOBI CUIACII IURISCONSULTI COMMENTARIUS in Lib. XVIII. Quæstionum Æmilij Papiniani.

Ad l. 87. de leg. 1. & l. 90. eod. & l. penult. de his, quæ ut indign.

*Lex 87. Filio pater, quem in potestate retinuit, heredi pro parte instituto, legatum quoque reliquit. Durissima sententia est existimantium denegandam ei legati petitionem, si patris abstinerit hereditate. Non enim impugnatur iudicium ab eo, qui iustis rationibus noluit negotiis hereditariis implicari. Lex 90. Quid ergo, si ita legaverit? hoc amplius filio meo: non dubie voluntatis quidem quæstio erit: sed non assimilis est prioris casus circa filij providentiam, nisi evidens voluntas contraria patris probetur. Plane si pluribus filiis institutis, ratione legatorum alio denegabitur ei, qui non agnoverit hereditatem. L. penult. Si testamentum patris iure factum filius negavit, quoniam de iure disputavit, non iudicium impugnavit, aut accusavit, retinet defuncti voluntatem.*

**Q**UÆSTIO hæc & explicatio tres leges complectitur, l. 87. l. 90. de leg. 1. & l. penult. de his, quæ ut indign. Quæstio est hæc, an filius, qui spreuit & omisit hereditatem patris indignus sit legato, quod ei præter hereditatem pater legaverat eodem testamento? An qui omittit hereditatem paternam, omittere etiam de-

**A** beat legatum? Filius aut est emancipatus, aut in potestate patris, & qui in potestate est, dicitur filiusfam. & dicitur nonnunquam in iure filius suus, qui emancipato opponitur, l. 6. de iure patron. l. nepos, de leg. pref. Verum est differentia inter emancipatum & suum multa. Sed quod ad propositionem nostram attinet, hanc differentiam annotare satis erit. Filius emancipatus à patre institutus, est extraneus & voluntarius heres. Nam liberum arbitrium habet adeundæ vel repudiandæ hereditatis paternæ: filius autem suus à patre heres institutus, patri est heres suus & necessarius, nec in eo est necessaria aditio, quia statim ipso iure heres existit, l. in suis, de suis & leg. Emancipatus aditione heres fit, suus heres non fit, sed existit, hoc est, apparet protinus heres, vel ut Græci dicunt ἀπαύειναι, & est proprium suorum: suus, inquam, ipso iure heres existit etiam inuitus & ignorans, nec in eo repudiatio locum habere potest. Denique neque aditio in eo locum habet, neque repudiatio. Adire & repudiare sunt verba iuris civilis, suus iure civili inuitus heres existit: at iure prætorio in eius arbitrio est, ut vel immisceat se bonis paternis, vel abstineat. Immiscere & abstinere sunt verba iuris prætorij. Est igitur filius suus quodammodo voluntarius heres iure prætorio, quia liberum arbitrium habet immiscendi vel abstinendi se bonis, & cū, qui miscuit se bonis prætor habet heredis loco, eum qui abstinuit, prætor non habet heredis loco, l. si filius, de inter. in iur. fac. tantum vero valet in suo institutio, quantum in emancipato aditio heredis, & similiter in suo tantum valet abstentio, quantum in emancipato repudiatio, l. pro herede §. pen. de acq. hered. Ergo sicut filius emancipatus heres institutus à patre, & legato honoratus repudiata hereditate non prohibetur legatum capere, d. l. 89. hoc tit. ita filius suus institutus, & legato honoratus, si abstinerit se hereditate, non repellitur à legati petitione. Et ita definit Papin. in h. l. 89. & reprehendit sententiā eorum, qui repellebant filium à legato, qui repudiarat hereditatem paternam, per abstentionem scilicet prætoriam quasi durissimam sententiā, id est iniquissimam. Et idem etiam alias Pap. respondisse refert Imp. in l. cum responso, C. de leg. quod responsum non exstat alio loco. Et in summa, vult filium, qui omittit hereditatem patris, non prohiberi legatum accipere, & petere, quod ei idem pater reliquit. Ratio dubitandi erat, quia impugnare videtur iudicium patris qui abstinuit se hereditate patris, quandoquidem quantum in se est, intestatum patrem facit destituto testamento & neglecto: nam intestatus est etiam, qui testamentum fecit, si ex testamento nemo fiet vel existat heres: ergo videtur indignus esse filius ullum lucrū ferre ex iudicio patris, quod per eum non stetit, quin destitueretur testamentum patris secundum regulam iuris in l. Papin. §. meminisse, de inoffic. test. Ac rectissime Papin. ut respondeat huic obiectioni, negat impugnari ab eo iudicium patris, qui se abstinet bonis paternis, quia non ut impugnet testamentum hoc facit: non est ei hic animus, sed hoc facit, ut non obligetur æri alieno testatoris, nec implicetur negotiis hereditariis, iustis rationibus adductus, quod existimet hereditatem non esse soluendo, esse litium hereditatem, non bonorum, esse honorem, non fructum. Providentia hæc est filij, ut ait eleganter l. 90. ex eod. lib. non etiam studium impugnandi testamenti paterni. Non est igitur æquum, eum repelli à legato, quod non potest esse detrimentosum, hereditas sæpe est damnosa, l. si hereditas, mand. Et ita concludit Papin. l. 89. his verbis, filio pater, quem in potestate, &c. Puto Papinian. adiecisse statim quod est in l. pen. de his, quæ ut indign. an. eum quoque filium non repelli à voluntate, beneficio, honore, quem ei habuit pater: nam & hereditas & legatum honor est, eum, inquam, non repelli à voluntate patris, sed eam retinere, & secundum eam, hereditatem, vel legatum persequi, qui testamentum patris dixit non esse iure factum, non esse iustum, id est, non solemne, deesse in illo solemnities iuris, veluti signa, testium subscriptiones, legi-



rimum numerum testium, non factum vno contextu, non in cōspectu omnium testium. Quæ omnia plane ius requirit. Qui, inquam, dixit, testamentum patris non esse solemne nec obtinuit, non repellitur ab hereditate, si forte in eodem testamento heres institutus sit, non repellitur à prælegato, quia ut ait lex nostra, *de iure disputatur*, id est, an solemnia iura deessent nec ne. non impugnauit iudicium patris, nec iustam voluntatem. ut si dixisset, falsum esse testamentum vel inofficiosum: quod non obtinisset, sed quam existimabat non esse solemnem voluntatem, eam locum obtinere noluit. hic ducitur studio iuris tuendi: ille qui falsum dicit, vel inofficiosum temere, ducitur studio iuris impugnandi. Et hoc ita esse probat *l. post legatum §. 1. de his qua ut indign.* Et videtur quidem huic rei ob stare *l. pen. in princ. de excep. rei ind.* Sed ubi posuero speciem, statim indicabo, nihil omnino tam ob stare. Species hæc est: erant duo agnati testatoris proximi, Titius & Caius, qui etiam ab intestato ei heredes futuri erant, erant namq; ambo eiusdem gradus: at ille testator Caium heredem scripsit ex sextante, Titium ex reliquo, ab intestato singuli habuissent semissem, id est, dimidiū, ex testamento habet Caius sextantem, Titius dextantem. Caius dixit, testamētum non recte, non iure factum esse, atque ita vindicauit semissem hereditatis, quasi ab intestato; & non obtinuit, an repellitur à sextante sibi adscripto in testamento? Considerandum in primis, eum vindicasse semissem totius assis. Ergo vindicasse etiam semissem sextantis, id est, dimidiam partem sextantis, nec obtinuisse. Ergo si dimidiam partem sextantis perat, repellitur exceptione rei iudicata, quia eam amisit re contra eum iudicata, quandoquidem eam temere in iudiciū adduxerat, sed non amittit alteram vnciam, imo eam vindicat recte ex testamento, quia non est indignus testamēto, qui dixit, illud non esse solemne, etiam si non obtinuerit, quia tueri voluit solum ius, nō impugnare iustum testamentum. ergo retinebit partem sextantis, id est, vnciā ex testamento; alteram partem amisit sua culpa, quia eā temere in iudicium deduxit, & lapsus est. Et ita congruit ea lex etiam cum iis, quæ dicta sunt. Concludamus ergo: In *d. l. 24. de his qua ut indign.* datur casus, quo filius heres institutus testamento patris retinet voluntatē patris, etiā si id impugnasse videtur, dicendo testamētū non esse solemne: quia hæc dictio non est impugnatio proprie testamenti, & videtur huic casui iste fuisse applicatus, qui est in *l. filio pater*, vel etiam ille huic: nam in proposito etiam filius heres institutus à patre, qui abstinet se hereditate, non proprie accusauit, vel etiam impugnauit testamētū patris, quia hereditatem quidem amittit sua culpa, quia ea se abstinet; cæterum legatum retinebit, nō repellitur quasi indignus, & quidem percipiet totum legatum: quāquam videtur ab initio nō valuisse pro eius parte, sed pro parte coheredum tantum, *l. quæsitum §. duobus, & l. qui filiabus §. ult. cum l. seq. de leg. 1.* Ab hac definitione excipiedus est vnus casus, qui proponitur in *l. 88. & 90. de leg. 1.* si appareat, testatorem noluisse filium admitti ad legatum, nisi etiam hereditatē retineret. Nam satis est, si apparet, non enim exigitur expressa volūtas. sufficit tacita, modo sit euident, ut nihil interest in iure fere semper expresserit quid testator, an intellexerit, *l. 6. de assig. lib. l. Lucius §. Martius, ad Trebell.* Demus aliquod exemplū huiusæitæ volūtatis. Finge: pater plures heredes habet, eosque heredes instituit, & genere legandi, id est, dicēdo, *lego tibi illum fundum, & tibi illam domum, &c.* ita inter eos omne patrimonium, omnemque hereditatem distribuit, ita ut nihil prætermiserit, reliquerit in hereditate indiuisum. dixit quidem se legare ita singulis, sed hoc legatū aliud nihil est, quam hereditatis distributio, legatum mixtum est hereditati, & contra hereditas mixta est legato, *l. Marcell. §. pen. ad Treb.* Ergo euident, eum velle, ut qui amittit hereditatem, perdat etiam legatum. quia etsi sit vsus verbo legati, tamen hereditatem distribuere voluit. verba sunt legatorum: mens est hereditatis danda, & di-

A stribuendæ inter filios, quod etiam ita definiuit Papin. in *l. 90.* Sed quærebatur, an eadem esset voluntas patris, ut non haberet legatum, qui amitteret hereditatē, si filio instituto ex parte, adiecit, *hoc amplius, tibi fundum, do, lego.* Nam dicendo, *hoc amplius*, videtur conuerti hereditatē in legatum, ita ut debeat vtrumq; amplecti. an statim dicam probe, hanc fuisse mentem defuncti: minime: nam possit quidē esse eadem, sed in dubio, quia dicendo, *hoc amplius*, repetiit institutionem tantum, non etiam immiscuit hereditatem legato. Et ita etiam respondet Papin. in *l. 90.* Exposui sententiā triū illarum legū, sed non, quæ obici possunt, male à Florentinis hæc verba absunt, *inter eos verbis legatorū bona diuiserit.* Hæc enim ad legis explanationem omnino necessaria sunt. Diximus, filium in potestate patris heredem institutum ex parte, & honoratū prælegato, si omiserit hereditatem paternam, totum legatum capere, quod & in extraneo herede procedit. Videamus huic sententiæ quæ obiciantur, sunt sane multa, ex quibus quidam efficiunt, non totum legatum eum capere ex legato, & omissione hereditatis, sed pro parte coheredum tantum. Quidam autem, nihil prorsus eum capere ex legato, & omissione hereditatis, esse amissionem integrī legati. Ac primum quidem sic argumētantur: legatū relictum heredi ex parte instituto, non valet in totum: Nā pro parte eius heredis, cui relictum est legatum, sane non valet quasi ei à semetipso relictum, pro parte coheredum valet, *l. legatum §. 1. h. t.* Ergo in totum non valet. Consequenter totū non debetur heredi, cui relictum est, etiā si postea omiserit hereditatem propter regulam Catonianam, quia legatum, quod ab initio non cōsistit, vel quatenus ab initio non consistit, ex postfacto non conualescit. Ac respondebo statim, legatum heredi ex parte instituto relictum nō valet nisi pro parte coheredum, si ipse heres, cui relictū est, hereditatem adierit, & miscuerit se bonis; quia nō potest idem & in eadem parte heres esse & legatarius, debitor sc. & creditor: sed si omiserit hereditatem, puta si eam repudiauerit, vel si ea se abstinerit, totū capit iure legati à coheredibus, quib. portio eius accrescit. Et hoc ita est proditū in *l. quæsitū §. duob. & l. qui filiabus §. ult. & l. seq. h. t. de leg. 1.* Nec locus est regulæ Caton. hoc casu, quia legatū ab initio constituisse intelligitur in totū, cum non idē inueniatur esse heres & legatarius, sed legatarius tantū omiſsa hereditate: nec enim omnis, qui scribitur, vel nuncupatur heres, & heres est statim: non extraneus, antequam adierit: non suus, iure prætorio sc. antequam miscuerit se. Hic igitur, qui omisit hereditatem, nūquam heres fuit, sed quæ pars eius esset, si non omisisset hereditatē, ea acereuit coheredibus: merito igitur coheredes legati nomine tenentur in solidum. Et idē etiam obtinet, si heredi ex parte instituto, cui prælegatum etiā datū erat, aliqua ex causa sit ablata pars hereditatis quasi indigno per fiscum: nam & hoc casu integrum legatum petet à coheredibus. erepta ei est hereditas, non legatū, igitur à coheredibus petet in solidum, etiam si pars hereditaria, ex qua sit scriptus, fisco obuenerit, non coheredibus, *l. eum qui §. ult. de his, qua ut indign.* Dices forte, mirum hoc esse, quod is, cui eripitur hereditas quasi indigno, non ideo desinat esse heres, quod ipse non omiserit hereditatem, imo agnouerit, sed erepta fuerit; iuxta illud, quod dicitur, qui semel heres factus est, heres esse nō desinit: Et sane is, cui eripitur hereditas, heres manet, *l. ex facto §. ult. de vulg. substir.* Sed respondeas, manere quidem heredem iure ipso, sed non haberi heredis loco, id est, nudum nomen heredis habere, nō rem: nam & is, qui abstinet se hereditate, iure ciuili heres manet, *l. cum quasi §. sed et si, de fideicom. libert. l. 6. §. si suus, de bon. libert.* sed non habetur apud prætorem heredis loco, heres est nomine, non re, vterque igitur est heres sine re, & is, cui eripitur hereditas, & is qui se abstinet hereditate, sed prætor non nomen spectat, sed rem. Igitur non prohibetur legatū integrum capere sicut extraneus quilibet, qui non sit heres scriptus Obiicitur etiam *l. miles §. 1. de legat. 2.*



Species hæc est: unum heredem scripsit ex parte datis coheredibus & ei aliquid prælegavit. is post diē legati cedentem, id est, post mortem testatoris, vel ex lege Iulia, post apertas tabulas, nam ex eo tempore cedit dies legatorū, lege Iulæ x apertis tabulis, iure antiquo, quo vivimus, ex morte testatoris, quæ cessio profuit, transmissio legatī: quid est *cedere diē legatī*, transmitti posse legatum ad heredem legatarij. Is igitur heres post diē legati cedentem ante aditam hereditatem mortuus est, interim scilicet dum deliberaret de adeunda vel repudianda hereditate, non transmittit hereditatem ad heredem suum, quia hereditas non adita non transmittitur, sed & pars hereditatis pertinet ad coheredes substitutos, ut ait. vel iure antiquo. si coheredes non sint substituti, ad fideicommissarium. Denique pars ea hereditatis non transmittitur ad heredem, sed legatum, cuius dies iam cesserit: verum non totum, sed pro parte coheredum tantum, pro qua constituit. Ergo totum legatum ei non debebatur, alioqui deberetur etiam heredi eius. Sed verissimum est quod in *l. filio* statim adnotavit Accursius. observandum esse, nos loqui de eo, qui omisit hereditatem repudiatione vel abstentione. huic totum legatum debetur, & proinde totum transmittitur in heredem eius: illa *l. miles §. 1.* non loquitur de eo, qui amisit hereditatem, sed qui inter deliberandum de admittenda, vel omittenda hereditate, vita decessit. huic non debebatur totum legatum, qui nondum omiserat hereditatem, nondum in eo res erat, ut ad eum totum legatum pertineret. Ergo totum etiam non transmittitur ad heredem suum, sed pro parte coheredum tantum. reliqua pars hereditati accrescit, & commiscetur: quandoquidem, ut dixit, pertinet ad coheredes substitutos. nihil est certius. Pergamus ad reliqua, quibus efficere tentamus eum, qui omisit hereditatem, nil omnino ex legato sperare posse. Et ducitur primum argumentum ex *l. apud Celsum §. si quis ex vncia, de dol. & metus exc.* Duæ sunt partes eius §. prior consentit, cum sententia Papini. posterior pugnare videtur. Et ita quidem prioris ponitur species: Heres scriptus est quidam ex vncia, ex qua potuit consequi ducenta, ac præterea ei legatum relictum est, in quo erant centum. ipse prætulit legatum 100. hereditati. prætulit centum ducentis: hereditatem omisit, legatum agnovit, & hereditatem omisit prudenti consilio. ne implicaretur molestiis hereditariis, cum videretur hereditas ei non esse soluendo. in electione eius fuit, vel hereditatem capere, vel legatum, vel etiam utrumque: Nam suo Marte tantum fingit Accursius. legatum ei ita fuisse relictum, ut caperet alterum tantum, hereditatem, vel legatum, non utrumque, quod lex non ponit: sed generaliter ita ponit speciem, ut intelligatur in arbitrio fuisse heredis, vel hereditatem capere, vel legatum, vel utrumque. hereditatem noluit, legatum agnovit, & petit legatum à coheredibus, an repellatur exceptione doli mali? non. nec enim petit contra voluntatem defuncti, quod congruit omnino cum *l. filio pater*. Verum quod sequitur, pugnare videtur: nam ait, si ille heres omiserit hereditatem accepto pretio à substituto, quia fingendum ei datum fuisse substitutum, & ut eam omitteret, & ita pars eius ad substitutum reverteretur, substitutum ei dedisse pretium, vel pretij loco aliquid, *d. l. apud §. auctores, l. 1. §. ult. & l. 2. de calumniat.* quia omisit quidem hereditatem in gratiam substituti, sed ab eo tulit pretium: nunc si petat legatum à coheredibus, dolo fecisse intelligetur, & per hoc repellatur exceptione doli mali. Ecce casus quo qui omisit hereditatem, repellitur à legato. huius rei ratio erit pro responsione. Cur repellitur à legato? aut quatenus repellitur ab hereditate, an in totum repellitur? minime. Ratio hæc est: simulavit se omittere hereditatem quæ simulatio doli mali est: reipsa non omisit, quia pretium accepit: qui pretium habet, rem habere videtur. Sic igitur statuo. reipsa non omisit hereditatem, qui pretium tulit. Ergo si petat legatum nunc, repellitur exceptione doli mali, quandoquidem pro parte sua hereditaria inutile est, & ita acci-

piendus est ille locus: Nam si petat legatum pro parte coheredum tantum, cur repellatur? cum et si palam adiisset hereditatem non repelleretur. Obiiciunt præterea *l. ult. §. ult. de dol. except.* Finge: mulier maritum & filium heredes scripsit ex semisse, & alteram filiam ex priore matrimonio ex semisse sub conditione, si remitteret actionem tutelæ suis coheredibus, quandoquidem mater ei tenebatur, quia pater eius, avus huius puellæ tutelam gesserat: denique illam filiam scripsit sub conditione, si remitteret actionem tutelæ coheredibus, si parem rationem faceret, *si elle les en tenoit quittes*, si apocham faceret. Nam ita Græci interpretantur *l. qui Titium, de manum. test.* illa noluit remittere debitum tutelæ, prætulit actionem tutelæ hereditati. Namque hereditatem omisit, ut actionem tutelæ saluam haberet. Quæritur, an possit petere prælegatum? Et ait, petentem legatum posse repelli exceptione doli mali. Ergo illo casu, qui omisit hereditatem, repellitur à prælegato? Respondeo, hoc ideo fieri, quia legatum filiae videtur relictum sub eadem conditione, si actionem remiserit coheredibus, id est, conditio adscripta in institutione videtur repetita in prælegato, quæ conditio si deficiat, si non impleatur, si agat tutelam, nec liberet coheredes eo nomine, consequens est, eam repelli & ab hereditate, & à legato: utrumque enim fuit datum sub eadem conditione. Et notandum in prælegatis semper videri repetitam conditionem adscriptam in institutione. Et ratio hæc est. si quis post institutionem ita loquatur: *Titius heres esto, si navis ex Asia venerit, & eo amplius ei do. lego centum.* Ea verba, eo amplius, repetunt conditionem, *l. ania, l. libertis, de cond. & demon.* Eandem vim habet dictio præterea, si dixerit hoc modo, *heres esto si navis ex Asia venerit, & præterea sumito centum ex hereditate.* videtur in prælegato repetita eadem conditio, *l. Seio §. pen. de an. leg.* Ergo & in omni prælegato: nam prælegare est præter hereditatem dare. Sic ergo verissime possis constituere, in prælegato omni, nisi aliud voluerit defunctus, repetitam videri conditionem adscriptam in institutione, & non esse mirum, si eum, qui defecit conditione & institutione, repellamus tam à legato, quàm ab hereditate. Obiicitur *l. si non solus §. 1. si quis omissa causa test.* Species est: si is sit institutus heres, si testatori potuit succedere ab intestato, velut proximus agnatus, & ab eo relicta sint legata, fideicommissa, libertates, quæ sane non debentur, imo ad irritum constituuntur omnia, si non adeatur hereditas ex testamento. Is, inquam, dolo malo, ne præstet fideicommissa & legata, si repudiet hereditatem ex testamento, & adeat ab intestato, ut potest, est enim heres voluntarius, nihilominus obligatur legatariis ex illo edicto, si quis omissa causa testamenti, perinde atque si ex testamento adiisset hereditatem. Hoc cognito, finge: duo erant defuncto proximi agnati eiusdem gradus, qui simul ei succederent ab intestato. Erat Caius & Titius. Caium heredem instituit, & ab eo legavit multis, atque etiam Titio, si Caius heres esset, & si Caius heres non esset, eum substituit Titium. Quid accidit? uterque & institutus, & substitutus, & Caius, & Titius, omisit hereditatem ex testamento, & eam possidere cepit ab intestato. institutus ex illo edicto tenetur legatariis, peinde ac si adiisset ex testamento. An tenetur etiam substituto? minime? Solvet quidem alii legatariis legata, sed non substituto. Probe, inquit, recusabit soluere legatum substituto, qui & ipse omisit hereditatem ex substitutione. noluit uniuersa bona obtinere, & nunc petit legatum, repellitur. atque ita, qui omisit hereditatem, repellitur à legato. Nos loquimur de eo, qui omnino omisit hereditatem, nihil sperans ab intestato, coheredibus testamentum sustinentibus, quæ est species *l. filio pater*. Illa *l. si non solus §. 2.* loquitur de eo, qui non omnino omisit hereditatem, sed ex testamento tantum, ut eam haberet ab intestato, qui non omisit simpliciter, sed dolo malo in fraudem defuncti & legatariorum, & libertatū, qui non providentia quadam, sed malitia & calliditate, atque ita impugnauit plane testamentum defuncti. Fraudem fecit, quam alij intentauit: fraudabitur legato, qui



alios voluit fraudare, & improbe ab instituto petet legatum, & in eo coarguit vitium, in quo & ipse deprehenditur, ac ita non fert legatum is, qui causam intestati affectavit, ut etiã indicat *l. bonorum, de leg. præst. & l. quidam, si quis omis. caus. testam.* Falcidiam etiã tert is qui omisso testamento ab intestato possidet hereditatem, *l. duo heredes, in fine cod. l. i. §. ad eos, ad l. Falcid.* Quia Falcidia non tantum capitur iure testati, ut *l. qui duos, de vulg. subst.* sed etiã iure intestati ex *Const. D. Pij, l. filiusfam. ad l. Falcid.* Postremo obicitur *l. si patroni §. quid ergo, ad Trebell.* Heres institutus dicitur & rogatus hereditatē restituere Titio, recusat eam adire, sed coactus adiit postulante fideicommissario: amittit Falcidiam, & solidam hereditatem restituit, amittit etiã fideicommissum & legatum: Nam indignus est, qui aliquid ferat ex voluntate defuncti, qui eius supremam voluntatem destituit. Cur enim is qui destituit testamentum omisissā hereditate, quantum ad se attinet, non amittit omne lucrum, quod ei ex testamento obveniebat? Sic respondeo: Illic recusavit adire, & coactus id fecit, qui potuit adire, quique adiit periculo fideicommissarii oblata cautione indemnitate, *l. namque §. ult. ad Treb.* vel etiã tutus est ipso iure & extra periculum omne est, extra onera hereditaria, si postulante fideicommissario eius periculo adeat, quo casu & adire cogitur. Nos autem loquimur de eo, qui recusavit adire, cum non posset adire sine suo periculo, nemine offerente cautionem indemnitate, hunc non est æquum repellere à petitione legati aut fideicommissi.

#### Ad l. 7. de dot. præd.

Pater dotem à nuru acceptam filio exheredato legavit: heres patris opposita doli exceptione non ante solvere legatum cogendus est, quam ei cautum fuerit de indemnitate soluto matrimonio.

§. 1. *¶ Sed si prius, quam legatum filio solueretur, mulier dotem suam recuperavit, frustra filius de legato ager.*

§. 2. *¶ Sed si lex Falcidia locum in legato dotis adversus filium exheredatum habuerit, & mulier solutionem ratā fecerit, propter eam quantitatem, quam heres retinuerit, utilis actio dotis dabitur: quod si ratum non habeat, defendi quidem debet heres à viro, qui se defensorum promissit: Sed si totam litem vir solus subierit actio indicati si cautum non erit pro ea quantitate, qua iure Falcidia petenda est, adversus heredem dabitur.*

§. 3. *¶ Sed si prius quam legatum filio solueretur, mulier diuertit, quamquam ipsa nondum præcipere dotem possit, non ideo tamen actio filij differtur: quia tunc iisdem diebus filio solui dotem responsum est, cum patri pro parte heres extitit, & ad præceptionem dotis soluto matrimonio postquam heres extitit, admissus est.*

§. 4. *¶ Si forte per errorem cautio defensionis omissa sit, & ex causa fideicommissi filius dotem acceperit, ut indebitum fideicommissum non repetetur: cautionis enim præstanda necessitas solutionem moratur, non indebitum facit, quod fuit debitum: sed non erit ini quum heredi subueniri.*

§. 5. *¶ Quia ergo, si patris heres soluendo non sit, nonne iuste mulieri dabitur adversus virum utilis actio dotis? cui dos perire non debet, quia non interposuit per errorem heres cautionem.*

**L**Ex est difficillima & molestissima. Thesis seu propositio legis hæc est: pater dotem à nuru acceptā filio exheredato legavit. Parit hæc propositio quæstiones, & dubitationes innumeras. Solet nurus dotem dare, non marito, sed socero, in cuius potestate maritus est, quia socer & filij & nurus onera sustinet, & est solus in ea familia princeps, *l. 20. §. hoc amplius, famil. ercisc.* Dos datur pro oneribus matrimonij, ei igitur danda est, qui sustinet onera matrimonij, *l. si is qui Stichum §. 1. de iur. dot.* onera matrimonij sunt vxor, nurus, liberi, & homines eorū, quos omnes alere, tueri, curare, vestiri, oportet, *d. l. si is qui Stich. §. 2. l. 4. in fin. de pact. dot. l. si maritus, famil. ercisc.* Mortuo socero qui quandiu vixit sustinuit onera matrimonij, onera

nurus & filij, hæc omnia tacito iure filium sequuntur, etiam si heres patri non extiterit: sicut tutela quoque legitima, putā agnatorum vel eorum, quos manumissimus, aut emancipimus, filium sequitur, quam scilicet gessit pater, nec peregit, si modo filius sit iustæ ætatis, ut onus matrimonij, quod sustinebat pater quasi socer, filium sequitur, ita onus tutelæ legitimæ, licet patri heres non extiterit, *d. l. si maritus, l. 3. §. ult. & l. 4. de leg. 1. l. tutor l. tutela, de tutel.* Hæc sunt certissima. Ex quibus efficiuntur multa: atque istud in primis post mortē soceri, qui à nuru dotem acceperat, quia onera matrimonij transferuntur in maritum, consequenter marito competit persequutio dotis adversus coheredes, iudicio fam. ercisc. si patri heres extiterit, vel si nondum patri heres extiterit, aut exheredatus sit, utili iudicio fam. ercisc. nam directum quidem iudicium datur tantum inter coheredes, sed utile iudicium famil. ercisc. datur etiã inter heredem scriptum, & filium adoptivum, impuberem exheredatum, obtinendæ quartæ gratia, quæ ei debetur ex cōstitutione *D. Pij, l. 2. fam. ercisc.* Et ita dabitur etiã utilis actio famil. ercisc. inter heredem scriptum, & filium exheredatum dotis præcipiendæ causa, quia quem onus matrimonij sequitur, eum & dos sequi debet, licet exheredatus sit; sed repellit eum exceptione doli mali heres scriptus, nisi caucat heredi de indemnitate & defensione, id est, indemnem heredem futurum, & defensum iri eum adversus mulierem agentem postea facto diuortio, de dote repetenda, alioqui duplici præstatione dotis oneraretur heres: non igitur eam præstabit filio, nisi ei caucat filius de indemnitate. Et hæc omnia ita probantur *d. l. 20. §. hoc amplius, d. l. si maritus, & l. fundus qui, famil. ercisc. l. 2. C. eod. tit. l. 1. §. Celsus, & §. sed & marito, hoc tit. l. vn. §. cautionis, C. de rei vxor. act.* Ex quibus legibus obscurior est *l. si maritus fam. ercisc.* quam res prelosum omnino postulat, ut latius exponamus: Nam in toto hoc tractatu duæ tantum sunt leges difficiles, hæc quam sumpsimus, & illa. Præstemus operam, ut prius intelligamus *l. si maritus.* Pater à nuru dotem accepit, & mortuus est constante matrimonio inter filium & nurum, filio sub conditione herede instituto; adiectis aliis coheredibus, pendet conditio institutionis, fuit institutus sub conditione, ergo exheredatus sub contraria conditione: pendet cōditio institutionis, an potest filius dotem præcipere, quia iam sustinet onera matrimonij? Et placet, quamvis pendeat conditio institutionis filij, interim filium dotem præcipere posse, quia sustinet onera matrimonij, *d. l. si maritus.* nec dicit, qua actione dotem præcipiat, qui nondum factus est heres propter suspensionem conditionis, sed necesse est, ut dicamus, illum dotem præcipere, utili iudicio fam. ercisc. alioqui illa *l. si maritus,* nihil pertinet ad tit. fam. ercisc. Imo & si deficiat conditio institutionis filij, eadem utilis actio indulgetur filio, *l. 1. §. Celsus, de dote præl.* Nam quod notandum, pendens conditio non impedit præceptionem dotis, nec deficiens igitur, *l. cum tale §. si arbitrato, de condit. & demonstr.* Sed præcipiendo dotem, sane semper compelletur cauere coheredibus, indemnes eos fore adversus mulierem, postea diuortio facto agentem de dote repetenda, ut ipse solus subeat onus reddendæ dotis, & exoneret coheredes, à quibus dotem abstulit. Et hæc de præceptione dotis, quæ competit marito constante matrimonio, siue patri heres extiterit, siue non, siue pependerit institutionis conditio, siue non. Dicamus nunc de repetitione dotis, quæ competit mulieri soluto matrimonio. Præceptio dotis pendente conditione institutionis filij non pendet, ut diximus, sed præcipitur statim dos integra. an vero pendet repetitio dotis pendente conditione institutionis filij? Et *d. l. si maritus, in princ.* ait, pendere repetitionem dotis ex cōditione illa, quia nondum certum est, integram dotem mulier petere debeat à coheredibus filij, an pro portionibus hereditariis. Si deficeret conditio, integram repeteret à coheredibus filij: si existeret, ab omnibus heredibus eam repeteret pro partibus hereditariis. interim, id est, pendente conditione, non potest repetere à marito vlla ex parte,



sed neque à coheredibus, nisi pro portionibus hereditariis, *l. si marito §. cum patri, sol. matrim.* & postea si extiterit conditio, residuum repetit à marito pro parte mariti hereditaria, quæ est residua. si defuerit residuum, repetet à coheredibus. Igitur videtur hæc eius *l. si maritus*, brevis sententia: pendente conditione institutionis filii pendere repetitionem dotis, quæ mulieri competit, non pendere præceptionem dotis, quæ marito competit manente matrimonio. Nec distinguo, ut Accurs. vtrum diuortium factum sit ante mortem soceri, an post mortem soceri. Nam etiam si post mortem diuortium factum sit inter filium & nurum, quandiu pendet conditio institutionis filii & vxoris, actio de dote pendet, quia incerta est cum quo aut quatenus experiri debeat, dum spes est, & maritum patri heredem existere posse, videlicet, si euenerit conditio. Male enim colligunt ex *d. l. si maritus*: post diuortium filio dotis præceptionem esse, quod est falsissimum, quia nulla iam sustinet onera matrimonij: & vnus tantum casus excipiendus est, nisi dos filio sit prælegata, qui patri heres non extiterit, quæ dos scil. mulieri post diuortium sit reddenda annua, bima, trima die, quæ forte consistit pondere, numero, & mensura, secundum ius vetus. Nam hoc casu filius dotem præcipiet etiam post diuortium, ut per ea intervalla temporis interim ipse fruatur commodò legati potius, quam heres scriptus. Et ita ostenditur in hac *l. 7. §. pen.* nam est luctrum quoddam legatarij in tribus illis pensionibus: Nam exempli gratia, si trecenta sint in dotem, tantum centum redduntur, non initio primi anni, sed fine, alia centum fine secundi anni, alia centum fine tertij. Intersurium, id est, commodum medij temporis erit filij quasi legatarij, potius quam heredis scripti, alioqui filio post diuortium non est præceptio dotis. Et hic casus non ponitur in *l. maritus*: nec enim in specie eius legis dos filio fuit prælegata, & interpunctiones sunt etiam eversæ *d. l. si maritus*, vulgo ita disiuncta sunt: *plane, inquit, si post mortem soceri diuortium factum sit.* Et hic additur comma, ac sequitur deinde, *quamvis pendente conditione institutionis.* Hic additur punctum geminatum, & mox sequitur, *dicendum est præceptioni dotis locum esse.* Quo modo si pungas, efficies, filio, cui dos non est prælegata, post diuortium dotis præceptionem esse. Sed pungamus aliter, ut fecerunt etiam Græci, *plane si post mortem soceri diuortium factum sit,* & hic affigas punctum geminatum, & cetera legas vna consequentia, *quamvis &c.* quod & translatio Græca comprobatur, quam proferemus Latine: *si repudium miserit mulier post mortem soceri, etiam pendente conditione sub qua vir eius heres factus est, datur filio præcipua dos vxoris eius, non ut heredi, sed ut marito.* Nunc quoniam illam legem intelligimus, attingamus etiam aliquid ex *l. nostra*, quam inueniemus etiam valde esse vitiatam in fine, & *§. pen.* ab interpunctionibus, quod tamē vitium non est secutus Viuianus, non est secutus interpunctiones: ipse videtur intellexisse, quomodo essent pungenda verba huius *l.* & inueniemus etiam esse vitiatā. Propositio hæc est: pater dotem à nuru acceptam filio exheredato legauit, alium heredem scripsit. filius egit ex testamento legati nomine. non audiatur, id est, nihil exiget, nisi cauerit heredi, indemnem eum fore aduersus mulierem quandoque facto diuortio dotem repetentem: neque enim facto diuortio mulier potest experiri cum marito, qui dotem non accepit, & qui non extitit heres patri, qui dotem non accepit, quamvis scil. dos ad eum peruenerit ex legati causa, *l. si cum dotem §. pen. sol. matr. l. 1. §. per contrarium, de dote præleg.* non potest etiam mulier cum eo experiri ex cautione illa indemnitis, quia filius eam non cauet vxori, sed heredi. igitur facto diuortio dotem repetet ab herede soceri, licet dos penes eum non sit iam soluta filio soceri, sed filius heredem ex cautione defendere debet, quod facit dotem præstando mulieri, licet ei non sit obligatus, vel quam ei soluit heres, heredi refundendo. Denique cogetur refundere dotem mulieri effectu ipso, quam consecutus est ex legati causa. quid si mulier agat

A prius de dote, antequam filius dotem reciperet, puta facto diuortio per arbitrum recuperandæ dotis, an postea filius poterit agere aduersus eundem heredem ex legati causa? minime. *frustra agere*, inquit, id est, legati nomine nulla ei competit actio ipso iure aduersus heredem scriptum, quia nihil est iam, quod marito præstare possit, cum solum sit matrimonium, & soluta dos mulieri, *l. 1. §. idem Iul. quarit, hoc tit. l. si marito §. cum patri, sol. matr.* Quæ tamen dos, si nondum sit soluta mulieri, ut si annua, bima, trima die solui debuerit, tamen interim iure legati filius exheredatus dotem prosequetur sine dilatione vlla, statim post diuortium, ut inferius demonstrabitur. Sed interim notandum est quod retuli ante, quodque his verbis significauit Papin. prima parte in verbo, *dotem recuperant*, heres recte agat soluto matrimonio, quia mulier non potest agere de dote recipienda antequam solutum sit matrimonium, vel vno casu constante matrimonio, videlicet propter inopiam eius, qui dotem accepit. Est verissima annotatio: male autem Accurs. mulierem dotem reciperasse constante matrimonio, non quidem iure, sed facto ipso. male item Ioānes, & quidem audacius statuit, dotis recipendæ actionem mulieri nasci etiam constante matrimonio, quocunque casu, siue inops sit, siue locuples is, qui dotem accepit heresve eius: nam præterquā vno illo casu, id est, propter inopiam eius, qui dotem accepit, vel heredis eius, actio de dote non nascitur constante matrimonio, & suæ sententiæ confirmandæ gratia Ioannes abutitur *l. si constante §. 1. sol. matr. & l. 5. inf. de bon. dam.* Primum hodie constat, *legē si constante §. 1.* pertinere ad vnum duntaxat illū casum, quo solo dos repetitur constante matrimonio, quod apparebit statim euidenter: Nam cum lex dixisset initio, ex eo die dotis exactionem mulieri competere constante matrimonio, quo euidenter fuerit inopia mariti, subiicit exemplum in *§. 1. de filio*, qui dotem accepit ab vxore & exheredatus est à patre, cum nihil haberet in bonis, nisi forte peculium profectitium, quod tamen extinguitur morte patris. ab eo filio exheredato etiā constante matrimonio mulier dotem repetet, quam ei dedit, ex die aditæ hereditatis patris, quia ex eo die vires habet exhereditatio, & euidenter est inopia mariti. Igitur ille *§.* non quocunque casu probat constante matrimonio nasci repetitionem dotis, sed vno illo tantum casu siue vnico. Abutitur etiā *l. 5. inf. de bon. dam.* hoc modo, cogitans in casu illius legis in si. humanitatis gratia non nasci repetitionem dotis, nisi soluto matrimonio: ergo, inquit, alias constante matrimonio nascitur repetitio dotis quocunque casu, vbi cessat eadem humanitatis ratio. circumscribit nos, nisi animaduuerterimus. Lex illa loquitur de vxore deportata, quam pœna sequitur, bonorum publicatio semper, *l. ult. §. ult. C. de sentent. pass.* Ergo ut cetera bona mulieris, ita dos publicata videtur: sed lex ait tantum manente matrimonio, neque etiā soluto deportatione sola, si affectionem coniugalem deportata retineat, eandemque præstet vicissim maritus, qui mansit in ciuitate, manente, inquam, matrimonio lex ait, dotem manere apud maritum, non confiscari, & soluto matrimonio dotem reddi mulieri quasi humanitatis intuitu, hodie nata dotis actione, hodie, hoc est, post deportationem. Ergo iura vel bona, quæ post deportationem adquiruntur, deportatus vel deportata retinet, nec eunt in fiscum, *l. 15. de interd. & releg.* Hodie nascitur actio dotis, cum soluitur matrimonium, sed habuit vetustiorē causam, quæ fuit ante deportationem, qua ratione sequi dos videtur debere cetera bona, hoc est, fiscum. & humanitas non est in eo, quod non nascitur actio dotis ante solutum matrimonium, quod est generaliter verum omnibus casibus, sed in eo est, quod nascatur & competat deportato soluto matrimonio actio de dote, quam deportationis pœna publicasse videbatur. Sed in actione de dote pleraque benigne recipiuntur. magnus est fauor dotis, *l. eas obligationes, de cap. min.* atq; ita illis duab. legibus Ioānes abusus est. ne discedas ergo ab annotatione Rogerij. In secunda parte legis intelligimus dotem, quam à nuru



pater accepit, & filio exheredato legauit, si lex Falc. interuenerit, Falcidiam pati, quasi rei alienæ legatum. Est enim dos mulieris, non filij. dos legata vxori Falcid. non patitur, quia res sua reddi ei potius, quam dari videtur, non res propria mariti, non res aliena, *l. sed ususfr. §. 1. ad l. Falcid.* Et idem dicit, si legata sit dos mulieri, nurui, *l. 1. §. sed & marito, h. t.* cuius species inferius declarabitur. Idem erit, si quid aliud pro dote sit legatum vxori vel nurui: nam & hoc quoque legatum non subiicietur Falcidiæ, *l. 1. hoc tit.* Idem erit, si dos alij extraneo sit legata, vt vxori vel nurui restituatur, *l. cum dotem, ad l. Falc.* Quod omne ita procedit, si nullum sit in legato commodum repræsentationis siue anteceffionis, *si le legat n'a-nancelapaye*, si legetur dos, quæ in fundo consistebat, quæ sicut legatur præsentī die, ita citra legatum præsentī die redderetur. nullum quidem in illo legato est commodum repræsentationis, *l'on n'avance point la paye*, sed non est inutile legatum, maxime relictum per vindicationem, vel præceptionem, cum pro actione personali, qua dos repeteretur, legatū adferat rei vindicationē, quæ vtilior est actio *l. 3. §. si rem, de legat. 3.* neque tamen ob id lex Falcid. minuit legatum illud dotis, quod non repræsentat dotem, *l. si cred. in si. de legat. 1.* Quia commodum illud melioris actionis & facilioris, nihil minuit bona testatoris vel heredis: commodum repræsentationis minuit. Igitur si legato in sit commodum repræsentationis, vt si dos, quæ redderetur annua, bima, trima die, legetur præsentī die, constat in eo commodum legem Falcid. locum habere, *l. 1. §. idem quarit, hoc tit.* Obseruandum est ad hæc in superiore casu, quo dos extraneo legatur vt mulieri restituatur, & nullum est commodum repræsentationis, dissidium quoddam fuisse inter Iulianum & Marcellum, vt semper Iuliano Marcellus obloqui solet. Iulianus volebat illo casu legatarium, cui non sua res, sed aliena legatur, Falcidiam pati, & quod Falcid. resciderit seu detraxerit, mulierem ab herede consequi actione de dote, *d. §. idem quarit.* Marcellus autem sublato illo circuitu volebat legatarium Falc. non pati, *d. l. cum dotem*, quæ est Marcelli. Iulianus spectabat personam interpositi, hoc est, legatarij, qui interpositus est, vt dotem restitueret mulieri. Marcellus spectabat personam capientis, hoc est, ipsius mulieris, ad quam omne emolumentum redit, & rectissime: nam, vt & ipse Marcellus ait, in aliis plerisque casibus persona accipientis spectatur, non interposita persona, per quam capit, vt *l. cogit §. hi qui solidum, ad Trebell.* Et similiter etiam alia in specie idem Marcellus circuitum tollit, *l. videamus, si cui plus quam per l. Falcid.* Obseruandum item est, quod diximus initio, dotem nurui prælegatam Falcid. non pati, nisi legato in sit commodum repræsentationis. Ad id pertinet *l. 1. §. sed & marito, hoc tit.* Species hæc est: socer à nuru dotem accepit, filium heredem instituit ex parte, & dotem nurui prælegauit, vt Viuianus posuit recte. Accurs. male, eum legalisse dotem filio. mortis soceri tempore constabat matrimonium inter filium & nurum. legatum non valet, si ius actionis de dote, id est, si quod debetur actione de dote, socer nurui legare voluit, quia nondum quicquam debetur constante matrimonio, *l. 1. §. Celsus hoc tit. l. 10. §. 1. de leg. præst.* nisi vno casu, de quo diximus supra, propter inopiam soceri vel heredis eius. sed si pecuniam dotalem nurui legare voluit, valet legatum & præstabitur nurui oblata cautione indemnitis aduersus filium. Commodum legati est magnum, quia mulier recipit dotem constantē matrimonio, cui iure suo reddi non debet ante solutum matrimonium. Quapropter in eo commodum Falcidia locum habebit, sed quod Falcidia resciderit, mox filius heres institutus ex parte præcipiet iudicio famil. ercisc. vel quod addi velim ad illum, *§. sed & marito, si non sit heres institutus, id præcipiet vtili iudicio ex d. §. Celsus*, quia & totam dotem filius præcipiet, si à socero nurui non fuisset prælegata: imo si à socero nurui fuerit prælegata, filius petet ab he-

A rede dodrantem, quem heres mulieri præstitit, sed indemnis à muliere seruabitur heres, atque ita mulier tandem manente matrimonio compelletur marito dodrantem refundere, vt integram dotem habeat maritus, quando manserit matrimonium. Et hoc quidem dote legata vxori vel nurui. nunc dicamus, quo de agitur in secunda parte huius legis, de dote legata filio exheredato, vel instituto à patre, qui a nuru eam acceperat, quod legatum initio iam dixi Falcidiam pati. Et finge: pater dotem acceptam à nuru filio exheredato legauit: filius prior egit legati nomine constante matrimonio, heres ex legato detraxit Falcid. & dodrantem filio soluit, & mulier ratam solutionem dodrantis fecit. Igitur dirempto matrimonio, mulier id tantum repetet ab herede vtili actione de dote, id est, efficaciter, quod Falcidia reciderit, quia residuo heredem liberauit rati habitio, *l. solutam, de solut.* Filius quoque exheredatus de residuo mulieri non tenetur actione de dote, sed vix solutionem ei factam mulier sana vnquam ratam habitura est, quin ei prius ab eo satis cautum eo nomine fuerit. Quod si mulier solutionem illam dodrantis marito factam per heredem scriptum à socero ratam non fecerit, integram dotem repetet ab herede soceri dirempto matrimonio, sed defendi heres debebit à filio secundum fidem cautionis ei præstitæ de indemnitate & defensione, hoc est defendere eum debebit aduersus mulierem agentem de dote repetenda: defendere, est pro herede litem subire, & si quidem filius totam litem subierit solus, puta de dote repetenda; & condemnatus sit dotem mulieri reddere, actio iudicati in quem dabitur? In heredem quem defendit, an in maritum defensorem? Sane vt prudenter Papinian. animaduertit in hac secunda parte, in maritum actio iudicati dabitur pro dodrante, quem accepit ab herede, qui pro dodrante in rem suam interuenisse videtur iuxta *l. Plautius, de procur. l. ult. de re iud.* In heredem autem actio iudicati dabitur pro modo Falcidiæ, hoc est, pro quadrante, quia pro ea parte maritus rem alienam deffendisse videtur: quia non ipse, sed dominus rei iudicatæ tenetur, *arg. l. 1. §. in proprium, quand. app. fr.* Et hoc quidem ita est, si cautum non sit mulieri iudicatum solui: nam si maritus cauerit iudicatum solui, in solidum ex stipulatione conuenitur, sed pro modo Falcidiæ regressum habebit aduersus heredem, cuius voluntate totam litem subiit, vel si heres præsens cauerit iudicatum solui, non maritus iuxta, *l. si ad defendendum, inf. indic. sol.* ipse heres in solidum tenebitur, sed indemnis seruabitur à marito secundum fidem cautionis interpositæ inter eum & maritum. Et hoc est quod Papinian. voluit in secunda parte his verbis, *sed si lex Falcid. &c.* & mendum in illo loco, *quæ iure Falcidiæ petenda est*, nam mulier eam quantitatem non petit iure Falcidiæ, sed iure dotis, iudicio dotis: & rursus eam quantitatem heres iure Falcidiæ non petit, sed retinet. Est enim Falcidia in retentione, non in petitione, *l. 14. & 15. §. 1. & 33. ad l. Falcid.* Igitur scribendum, *quæ iure Falcidiæ retenta est*, vt supra dixit, propter eam quantitatem, quam heres retinuerit. Et sequitur in ea lege quam facio tertiam partem, *sed si priusquam legatum filio solueretur.* Quæ ante dicta sunt, eo casu procedunt, quo filius exheredatus prior egit ex testamento, & legatum consecutus est, deinde factum est diuortium: nunc ponit mulierem diuertisse, antequam filius exheredatus legatum consequeretur, quo casu mulier ipsa quidem non potest statim dotem præcipere, quæ scilicet continetur pondere, numero, vel mensura, sed statim temporibus, puta, annua, bima, trima die. verum filius exheredatus, cui dos legata est, statim dotem præcipiet, etiam post diuortium, & per ea interualla temporis fruatur legato, sed indemnem seruabit heredem ex cautione indemnitis, quam interposuit, vbi scilicet mulier petet primam vel secundam, vel tertiam pensionem. Ergo non iisdem diebus filio dos soluitur, quibus mulieri: filio soluitur statim, mulieri annua, bima, trima



die: videlicet, si sit prælegata filio exheredato: nam aliud A  
erit, si sit prælegata filio heredi instituto ex parte, nec ab-  
stinente se. filio ex asse instituto, omnino legaretur fru-  
stra: ex parte instituto, vtiliter legatur pro parte cohe-  
redum. Et hoc casu coheredes filio soluunt dotem iisdem  
diebus, quibus mulieri solui debet, hoc est, annua, bima,  
trima die. Et hanc differentiam inter filium exhereda-  
tum, & heredem institutum, Papinian. euidenter expo-  
nit in hac tertia parte, si modo eius verba punctis distin-  
guantur recte, nempe hoc modo, *responsum est*, hic pone  
virgulam, *cum patri, &c. admissus est*, punctum, vt §. ult.  
incipias ab his verbis, & forte per errorem. Omnes libri  
habent hoc vitium, non habuit Viuianus, nec Bartolus.  
Sed videamus, quæ sit ratio differentiae inter filium ex-  
heredatum, & heredem institutum. Filio exheredato  
post diuortium dos, quæ ei legata est, soluitur statim: filio  
instituto, annua, bima, trima die. Redde rationem: B  
locus hic est singularis in Papiniano. Ratio est aliquan-  
tulum obscura. filium exheredatum, cui nihil præter do-  
tem reliquit pater, videtur voluisse pater fructum ali-  
quem ferre ex legato, quem nullum ferret, si post diuor-  
tium iisdem diebus ei dos solueretur, quibus & mulie-  
ri solui dos debet. Ergo ne sine fructu sit legatum, per in-  
terualla eorum dierum, filius exheredatus, qui nihil  
habet aliud, fructur commodò legati potius, quam he-  
res scriptus. ei filio vero, quem heredem scripsit ex par-  
te, non videtur dotem præterea legasse, vt ex ea fructum  
caperet solus sine concursu coheredum post diuortium,  
sed magis vt ipse solus, siquidem non abstineret se here-  
ditate paterna, munere fungeretur reddendæ dotis quasi  
heres & maritus. Quæ de causa post diuortium, non sta-  
tim præcipit dotem, sed annua, bima, trima die, & in-  
demnes coheredes suos feruat, mox pensiones, quasque  
mulieri reddendo, vel alias defendendo coheredes suos  
aduersus mulierem pensiones repetentem. Quod est in  
§. ult. est apertissimum. Si filius exheredatus, vt intel-  
leximus ex initio legis, dotem petat ex legati causa, heres  
non ante cogitur soluere, quam filius ei cauerit de in-  
demnitate soluto matrimonio, quo tempore repetitio  
mulieri competit aduersus heredem. quæritur, quid fiat,  
si in soluendo legato per errorem heres omiserit illam  
cautionem, & postea soluto matrimonio coactus sit mu-  
lieri soluere dotem, an poterit condicere legatum, quod  
soluit filio sine cautione, quasi indebitum? minime, D  
quia sane non fuit indebitum, quia, inquit, cautionis præ-  
stande necessitas solutionem moratur, non indebitum facit,  
quod fuit debitum. Quid igitur faciet heres? æ-  
quum erit, subueniri heredi, ne duplici præstatione do-  
tis oneretur contra voluntatem defuncti, & subuenietur  
illi non conditione sine causa, vel conditione cautionis  
incerti, quæ est fera iam dote mulieri soluta, sed subue-  
nietur ei vtili conditione quasi ex tacita cautione, per-  
inde ac si interuenisset cautio, vt l. 5. §. pen. de usufr. car.  
rer. quæ usu. & l. his verb. de adopt. Quid ergo in eodem  
casu, si heres per errorem omiserit cautionem, cum sol-  
uit legatum filio, & soluto matrimonio doti soluendæ  
non sit idoneus? an dos perierit mulieri, cui heres nec  
dotem potest soluere: nec cedere actionem ex cautione,  
quam omisit: nec rursus cedere actionem quasi ex tacita  
cautione, quæ non competit, nisi dote mulieri soluta? an  
ergo mulier erit indotata? Minime. erit æquum hoc casu  
similiter mulieri subueniri data vtili actione dotis ad-  
uersus maritum: regulariter, si pater accepit dotem,  
non filius, filius exheredatus non tenetur mulieri de do-  
te, l. 1. §. pen. hoc tit. quamuis dotem sit consecutus ex cau-  
sa legati, l. si cum dotem §. pen. solut. matrim. Sed in propo-  
sito casu æquum erit, dari vtilem actionem de dote ad-  
uersus maritum, qui dotem habet ex causa legati, tam-  
etsi non ipse, sed pater eam ab initio acceperit, cui ipse  
non successit, ne dos pereat mulieri. Occurrunt viles  
actiones iniquitati.

Ad l. cum tale 72. de cond. & demonstr.

*Cum tale legatum esset relictum Titia, si à liberis non dis-  
cesserit. negauerunt eam recte cauere, quia vel mortuis libe-  
ris legati conditio possit existere: sed displicuit sententia: non  
enim voto matris opponi tam ominosa non interponenda cau-  
tionis interpretatio debuit.*

Q Vod est initio l. cum tale & §. 1. est de cautione  
Muciana. Sciendum est, conditiones, quæ lega-  
tis adscribuntur alias in faciendo consistere, alias in non  
faciendo. Conditiones, quæ in faciendo consistunt, le-  
gati obligationem, actionem, solutionem differunt: ne-  
que enim antequam impletæ sint, peti legatum potest.  
Conditiones, quæ in non faciendo consistunt, legati obli-  
gationem, actionem, solutionem non differunt: nam si  
cui ita legetur, si Capitolium non ascenderit, vel, si Alexan-  
driam non inierit, ei heres statim legatum soluere debet, si  
modo cauerit se non facturum (quod ne faceret in con-  
ditione testator posuit) aut si secus fecerit: nam certe id  
addi cautioni oportet, rem legatam, vel, quanti res ea  
erit, cum fructibus & vsuris medij tēporis redditurum,  
l. heres §. qui post, l. cum sub hac, hoc tit. l. cum filius §. qui  
Mucianæ, de leg. 2. & Nouel. 22. de secund. nupt. Cauere  
autem debet is, cui legatum est sub conditione non fa-  
ciendi aliquid. quibus? his quorum interest, inquit, l.  
seruo §. fideiutor, ad Trebell. iis, ad quos deficiente con-  
ditione legatum pertinere potest, inquit l. 18. h. tit. quod  
est obscurum. quibus igitur cauere debet? dic apertius, C  
heredi scil. & substituto: nam & in legatis fit substitutio,  
vel coniuncto vel legatario, à quo fideicommissum  
relictum est sub conditione non faciendi aliquid: nam ad  
hos redit legatum quod deficit, d. Nouel. 22. Cauere au-  
tem in hoc proposito, est satisfacere fideiussoribus, vel iu-  
rato repromittere, cum hypotheca bonorum suorum, vt  
constat ex eadem Nouella. Et hæc cautio appellatur cau-  
tio Muciana, ab inuentore Q Mucio Scauola Iuriscon-  
sulto. Proprium munus Iuriscōsultorum est cauere aliis,  
multo magis sibi ipsis, vt ait M. Tull. ad Trebat. cautio-  
nes, inuenire, cauere formulas. Iuriscōsultus est cau-  
tor formularum, & remediorum, quibus quisque ad ius  
suum perueniat. Et hæc cautio Muciana, etiam reme-  
dium dicitur duobus locis l. 7. hoc tit. & alio quodam  
loco eiusdem tit. qui post assertur. Cautiones omnes  
sunt remedia iuris sui obtinendi, & locum habet hæc  
cautio Muciana non tantum in legatis & fideicommissis  
relictis sub conditione non faciendi, sed etiam in here-  
dibus relictis sub eadem conditione, d. l. 7. & 18. hoc tit.  
Et locum habet etiam in mortis causa donationibus, vt  
constat ex d. Nou. 22. Comparantur legatis semper fere  
donationes causa mortis. Et hoc vero cum ait Iustinianus  
in sup. d. Nou. 22. cautioni Mucianæ locum esse in dona-  
tionibus mortis causa, satis constat in donationibus inter  
viuos semper strictius accipi. Sunt iuris auctores in illis  
approbandis & recipiendis restricti: nam neque est op-  
timum patrisfamilias donare, & frequentius peccauero, si  
pro donatario, quam si contra donatarium iudicauero.  
Donationes non valent sine insinuatione: non vale-  
bant, vt constat ex C. Theod. donationes omnium bo-  
norum factæ inter viuos, nisi in donando donator re-  
censuisset singula bonorum suorum, quod habuit sum-  
mam rationem. Tu donas omnia tua bona stulte & in-  
sipienter, insipide, nescis, fortasse, quæ bona habeas, re-  
cense singula, quo iure tamen non vtimur. posset mul-  
tis aliis exemplis demonstrari, donationes quodammodo  
improbari factas inter viuos: nam quod restrictius acci-  
pio, ægre probō, & ingratis probō. Vnde si tibi donau-  
i sub conditione, si Capitolium non ascenderit, perinde est,  
ac si tibi donassem cum morieris, quoniam antequam  
moriaris, non est certum te Capitolium non ascendisse.  
non ergo donato frueris statim, nec vnquam frueris ip-  
se,



ipse, sed heres tuus: expectabitur mors tua, antequam perficiatur donatio, nec vllō remedio capere potes donationem tu, nec heres tuus, antequam moriaris. Ergo hoc sit primum, cautioni Mucianæ locum non esse in donationibus inter viuos. Secundum sit: Cautioni Mucianæ non esse locum etiam in stipulationibus, quæ & restrictius accipiuntur, *l. stipulatus es, de fideiussoribus, l. quicquid, de verb. obl.* Declaremus exemplis: si stipuler sub conditione, *si Capitolium non ascendero, centum mihi dari spondes?* & tu spondeas mihi centum sub eadem conditione, & etiam si de non ascendendo offeram cautionem ad exemplum Mucianæ, non agam ex stipulatu, ac perinde erit, ac si stipulatus essem nominatim, cum moriar mihi dari. denique expectabitur mors mea, antequam sit actio ex stipulatu, *§. si ita quis, Instir. de verb. oblig.* Et similiter, si stipuler hoc modo, *si Capitolium non ascenderis, centum spondes & spondeas*, perinde erit, atque si stipulatus essem cum morieris, quia nec antequam morieris, statim potest extitisse conditio, *l. ita stipulatus, inf. de verb. obl.* Item, quod congruit etiam cum superioribus, licet positurus sim in legatis vel hereditatibus, si legauero vel heredem te instituero sub hac conditione, *si Capitolium non ascendero*, perinde est, atque si legassem, *cum moriar*, tibi dari, *l. Stichus, de manum. testam.* & expectabitur mors mea, quæ etsi pure legassē, expectaretur. Sed quod non congruit cum his, quæ diximus de stipulationibus, si ita legauero, *si Capitolium non ascenderis*, interposita cautione Muciana, remedio cautionis Mucianæ, capies legatum statim, nec expectabitur mors tua, nec perinde erit, atque si legassem, *cum morieris tibi dari*, quanquam hic sensus superiori conditioni tacite insit. Sed aliud est, quid exprimere palam, aliud intelligere tacite, *l. heres, §. quamuis, hoc tit.* Lego tibi vsumfruct. cum morieris: legatum est inutile, quia confertur in tempus, quo solet finiri vsumfruct. *l. Titio, de vusufr. lego tibi vsumfruct. si Capitolium non ascenderis.* valet legatum, & remedio cautionis Muc. statim id consequi potes, *d. §. quamuis.* Ergo in stipulationibus nihil refert, de te stipuler *cum morieris*, an *si Capitolium non ascenderis*, vel *cum moriar*, an *si Capitolium non ascendero*. sed in legatis multum interest, legem tibi *cum morieris*, an *si Capitolium non ascenderis*, *si Romam ieris.* Et ratio differentię plenior inter legata & stipulationes hæc est: nam hæc non explet animū non legata plenius accipi, stipulationes strictius: hæc, inquam, sola ratio non satisfacit ad plenum, nisi dilatetur hoc modo: legatum ex sola defuncti voluntate valet, qui cum legatum nominatim non contulerit in vltimum momentum vitæ legatarij his verbis, *cum morieris*, *cum morietur Titium Titio lego* sed si ita scripsit: *si Titius Capitolium non ascenderit ei lego*, modum potius, quam conditionem fecisse videtur, nisi aliam fuisse eius mentem heres probauerit. Ergo oblata cautione de non faciendo, aut de reddendo legato præstabitur legatum, quasi sub modo relictum. stipulatio ex duorum consensu valet, stipulatoris & promissoris, *l. inter §. si Stichum, de verb. obl.* Neque igitur tantum spectamus quid senserit vnus, sed etiam quid senserit alter: & in obscuro vel ambiguo secundum promissorem interpretationem facimus, & imputamus stipulatori, cur apertius stipulationem non conceperit, *l. quicquid, de verb. obl.* Et hanc conditionē, *si Capitolium non ascendero*, quæ est ambigua: nam vel pro modo, vel conditione accipi potest, pro conditione potius accipiemus, ne statim promissor conueniatur ex stipulatione: quia commodius est promissori, tardius quam ocys conueniri. Idemque erit omnino, si stipuler de te, *si Capitolium non ascenderis, mihi dari.* Et ita explicanda est ratio differentię. Sed adijciendi etiam his sunt alij casus, quibus non est locus cautioni Mucianæ. Ad do, non esse locum Mucianæ cautioni in libertatibus, vt puta, *liber esto, si Capitolium non ascenderis.* etiam si caueas de non ascendendo, non peruenies ad libertatem propter solum illud remedium cautionis. denique reme-

Quæst. Papin.

dio cautionis non peruenies ad libertatem, non est in hac specie locus cautioni Mucianæ, quod apparebit ex, *l. liber-  
tus, l. 1. §. ult. de man. testam.* Videamus, quæ sit ratio, cur in libertatibus non est locus cautioni Mucianæ. Qui ita libertatem adscripsit, *liber esto si Capitolium non ascenderis*, aut voluit libertatem conferre in vltimum vitæ tēpus serui, aut non. Si voluit libertatem conferre in vltimum vitæ tempus, non est locus Mucianæ cautioni, quia non fuit ei animus dandæ libertatis, ac proinde inutilis est libertatis datio, sicut si nominatim dixisset, *cum morieris liber esto, d. l. ult.* Si noluit, quod sit plerumque libertatem conferre in vltimum vitæ tempus, si serio libertatem conferre in vltimum vitæ tempus, si serio libertatem adscripsit, non ludibundus, videtur seruus peruenire ad libertatem posse, præstita veluti Muciana cautione. *si secus fecerit pretium sui reddi, quanti fuit antequam liber fieret, vrl. Papin. §. ult. l. seq. de inoffic. testam.* Nam & cautio Muciana, vt superius diximus, ita concipitur: *quanti ea res erit*, quæ verba pretium rei verum demonstrant, *l. cum sub hac, hoc tit.* Sed verius est, hoc etiam casu non esse locum Mucianæ cautioni: nam Muciana cautio interponitur de re ipsa restituenda, quæ præstatur vel de eius pretio, *d. l. cum sub hac.* Libertas autem, quæ semel competiit, restitui non potest, ac ne pretium libertatis quidem, quia res est inæstimabilis. Ergo de libertate cautio Muciana caueri non potest. Sed ne impediat libertas, quam, vt posuimus, testator impediri noluit, melius erit verba illa, *liber esto si Capitolium non ascenderis*, interpretari, si cum primum potueris Capitolium ascendere, non ascenderis: namque ita cum primum potuerit seruus Capitolium ascendere consequetur libertatem. Recipienda est hæc interpretatio, quia testator non habuit ludibrio seruū, id est, noluit libertatem conferre in tempus mortis. non potest fieri liber remedio cautionis Mucianæ, fiet liber remedio interpretationis voluntatis defuncti. Quæ ratio est valde notanda. Et addendum, non esse etiam cautioni Mucianæ locum, si legatum relictum sub conditione non faciendi, per aliam conditionem differtur, quod est euidentissimum, & à Papiniano scriptum in *l. ania §. 1. h. tit.* Finge: ita legauī, *si Capitolium non ascenderis, & si nāvis ex Asia venerit, centum do, lego*, an oblata cautione Muciana legatarius consequetur legatum? minime: quia alia conditio differtur in casum, in euentum collata. Item, non est locus cautioni Mucianæ, si testator eam remiserit in testamento, id est, si significauit eum, cui legauit sub conditione non faciendi, se velle consequi legatum etiam non præstita cautione, se velle fidē ei haberi. quod & ita proponitur *in sup. d. Non. 22.* Ac postremum non est cautioni Mucianæ locus in his conditionibus, quæ viuo legatario alterius morte, vel alio modo expleri possunt. Quod vt intelligatur, sciendum est, conditiones, quæ in non faciendo concipiuntur, de quibus tractauimus, alias esse, quæ non nisi morte legatarij expleri possunt, vt illa conditio, *si Capitolium non ascenderit*, quia etiam quamdiu viuit legatarius, Capitolium potest ascendere: non ante potest dici non ascendisse, quam mors eum præuenerit. & in his conditionibus locum habet cautio Muciana, vt ostenditur *in l. seq. & l. seruo §. ult., ad Trebel.* Alias autem esse, quæ viuo legatario alterius morte, vel alio modo expleri possunt & finiri, & in his non habet locum cautio Muciana, sed expectatur omnino, quoad expletæ sint: vt in hoc casu, lego mulieri nuptæ alij sub conditione, *si à marito non diuerterit.* an capiet legatum statim oblata cautione Muciana? minime, quia conditio viua ea expleri potest præ mortuo marito, vel diuortio facto culpa mariti, *l. pater §. socrus, hoc tit.* Addamus aliud exemplum lego: mulieri sub conditione, *si Titio non nupserit*: an statim capiet legatum oblata cautione Muciana? minime, quia conditio expleri potest ea viua mortuo Titio, *l. hoc genus, h. tit.* Etiam aliud addamus exemplum: lego Titio sub conditione, *si mulieri non nupserit*, an capiet statim legatum oblata cau-



tione Muciana: minime, quia conditio huiusmodi non expletur morte Titij legatarij, sed expleri potest eo viuo mortua muliere, l. *ania* §. *Titio*, hoc tit.

§. 1.

*Et cum patronus liberto certam pecuniam legasset, si à liberis eius non decessisset, permisit Iniper. velut Mucianam cautionem offerri: fuit enim periculosum adriste libertum conuictum patroni liberis, eorundem mortem expectare.*

§. 1. Titius heredem institutum rogauit, post mortem suam hereditatem restituere, si fideicommissi cautio non fuisset petita: Muciana cautionis exemplum ante constitutionem remisit, se cautionis, locum habere non potuit, quoniam viuo eo, cui relictum est, impleri conditio potuit.

**D**iximus cautionem Mucianam locum habere in conditionibus, quæ in non faciendo consistunt, si non possint expleri, nisi morte legatarij, si non possint expleri viuo legatario, vt scilicet interposita cautione non infringendæ conditionis, legatarius statim legatum accipere possit, eoque uti frui. cautionem Mucianam non habere locum in his conditionibus, quæ viuo legatario expleri possunt, etiamsi conceptæ sint in non faciendo, & harum tria proposuimus exempla, vnum ex l. *pater* §. *so-crus* hoc tit. alterum ex l. *hoc genus*, eod. tertium ex l. *ania* §. *Titio*, eod. nunc addamus quartum ex §. *Titius*, legis nostræ. Sciendum est, legato relicto aut fideicommissio in diem vel conditionem, quoniam interim posset dilapidari ab herede, non legatum illud tantum, sed & res omnes hereditarias, ex edicto prætoris desiderante legatario cauere heredem debere de seruando legato vel fideicommissio, & restituendo suis diebus. Quod si nolit cauere, mittitur legatarius in possessionem bonorum ex his titulis, vt legati nomine caueat, & vt in possessionem legati. Hæc cautio præstat ex edicto prætoris, nec potuit testator eam remittere, iuxta legem nec pater, de legat. 1. quia non potest testator facere, ne leges in suo testamento locum habeant. sed hodie ex Constitut. D. Marci testator potest remittere eam cautionem, puta prohibere, ne legatarius exigat à suo herede cautionem eiusmodi: non posset prohibere istam cautionem, nisi constitutio D. Marci permetteret, quæ est in l. 2. C. *vt in possess. leg.* vt non posset etiam prohibere Falcidiam, nisi Constitut. Iustinian. permetteret. Ergo cui permissum non est nominatim, non potest facere, ne leges habeant locum in suo testamento, Hodie igitur constat, vulgarem illam cautionem, quæ interponitur legatorum seruandorum causa, à testatore remitti posse ex Constitutione Marci. Nunc finge, quæ est species §. *Titius*, quidam heredem instituit, & eum rogauit, vt post mortem suam restitueret hereditatem Caio sub conditione, si Caius non peteret cautionem fideicommissi seruandi causa. quo plane indicauit, sibi non placere ea cautione heredem onerari. Queritur, an possit legatarius admitti ad legatum statim oblata cautione Muc. de non exigenda cautione fideicommissi seruandi causa, vt in conditione est expressum seu præscriptum? Et respondetur, non posse, sed expectari debere, quoad impleta sit ea conditio, quia, inquit Papinian. ea conditio impleri potest viuo fideicommissario, cui sub ea conditione fideicommissum relicto est post mortem heredis, & mori heres potest viuo fideicommissario: & impleta dicitur conditio, si quandiu vixit heres, ab eo fideicommissi cautionem fideicommissarius non petierit. quæ ratio Papiniano sufficit: quia, inquit, vt eam declaremus apertius, morte heredis viuo fideicommissario conditio impleri potest, nec scilicet. quod est sub intelligendum, morte fideicommissarij viuo herede impletur vtiliter, cum sit conditionale fideicommissum, collatum in mortem heredis, quod in heredem fideicommissarij nõ trans-

**A** mittitur, l. *heres*, §. 1. hoc tit. Frustra igitur caueret fideicommissarius, se non petiturum cautionem fideicommissi seruandi causa, cuius morte, si contingat viuo herede, legatum extinguatur, id est, fideicommissum. Et prudenter Papinian. ostendit in hoc §. *Titius*, huic disputationi locum fuisse ante constitutionem D. Marci, ex qua hodie à testatore potest remitti cautio seruandi legati vel fideicommissi, vt ante diximus. Nam post Constitut. D. Marci superflua est hæc disputatio. Ergo post eam Constitut. testator declarauit, sibi non placere cautionem legatorum interponi. Adscripta legato conditione non interponendæ cautionis, ea conditio non intelligitur esse conditio, nec etiam potest deficere, cum inuito heredi extorqueri non possit, l. *licet*, vt leg. nom. caueat. l. *ania* §. *ult.* hoc tit. Iurisconsulti nostri in his libris disputa-  
**B** nt sæpe multa de iure etiam abolito Constitutionibus, & separant ius à Constitutionibus, atque ideo missis Constitutionibus sæpe de solo iure tractant. Vt cum tractant de obligatione naturali pupilli qui contraxit sine tutoris auctoritate, & obligatur tantum naturaliter, etiamsi factus sit locupletior, & tractant, ac si ita ius sit certissimum de ea re, vt in l. *si pupillus*, de verb. oblig. Cum tamen constet, hodie pupillum ciuilitè obligari ex Constit. Diui Pij, si factus sit locupletior, l. 3. de neg. gest. l. *pupillus*, de auct. tut. & ita in tit. de precario, tractant de interdicto de precario ac si non esset ciuilis actio de precario, cum tamen constet, hodie ex precario etiam esse ciuilem actionem. Puto igitur ex Constit. vñ ex eo tit. de precario intelligi potest, & ita quoque in hoc §. de re iam ante à nobis exposita, vt ipse ait, nominatim Pap. tractat, ac si Constit. D. Mar. non permisisset eam cautionem legatorum seruandorum causa remitti voluntate testatoris. Et verba Pap. hæc sunt, *Titius heredem, &c.* Quod sequitur, quid ergo? Est alia quæstio, quæ nihil pertinet ad superiora. Nunc tentare possumus contra ea, quæ ante posuimus quasi certa & confessa, etiam in his conditionibus, quæ viuo legatario expleri possunt, cautioni Mucianæ locum esse ex l. 7. & l. *cum sub hac*, h. r. l. 4. §. *ult.* C. de cond. inst. vt in his conditionibus, si seruum non manumisit, si seruum non alienauerit, quæ expleri possunt morte serui viuo legatario. In his conditionib. locus est Mucianæ cautioni, vt supra dictæ leges ostendunt. Item in hac conditione, si uxorem non duxerit, lego illi centum, constat ex N. 22. locum esse Mucianæ cautioni, tametsi ante mortem legatarij explere possit, puta sacerdotio ei obueniente, quod fibulam imponit viro. Sed respondeo, quod diligenter aduertendum est: hoc modo testator, qui præscripsit conditiones huiusmodi, si seruum non manumiserit, si seruum non alienauerit, non mortem serui, sed mortem legatarij spectauit, id est, non hunc casum cogitauit, si seruus moriatur in seruitute & potestatem legatarij vel heredis, & adscripta sit ea conditio: sed hunc tantum casum cogitauit, si legatarius vsque in diem vltimum vitæ suæ obtinuerit manumissione, vel alienatione serui, quia quasi hoc solo inspecto casu legato relicto, sane statim legatarium admitterem oblata cautione Muc. de non manumittendo vel alienando seruo, aut si secus fecerit de reddendo legato cum fructibus. Eadem est ratio istius conditionis, si iterum nuptias non contraxerit, quia non sacerdotium, quod incertum erat an obueniret legatario, sed mortem tantum legatarij spectauit testator, si vsque in eam permaneret cælebs. Ergo merito hoc casu cautioni Muc. locus est quasi legato relicto in casum tantum mortis legatarij, quamuis & sacerdotio obueniente legatario, atque adeo viuo legatario, sane adimpleatur conditio. Eadem etiam est ratio earum conditionum, quæ proponuntur vel suggeruntur initio istius legis, quod sane indiget explicatione tametsi videatur esse facillimum prima fronte. Finge: vir legauit uxori sub conditione, si à liberis non discesserit, non dixit, si à liberis non nupserit, quæ conditio remittitur l. *Julia*, quæ indicit viduitatem, l. *sed si hoc* §. *ult.* hoc



rit. sed dixit, si à liberis non discefferit, quæ conditio non remittitur, & morte liberorum impleri potest viua matre: & tamen in ea locus erit cautioni Muc. quia sc. in ea conditione præscribenda patri, non venit in mentem mors liberorum, contra votum parentum sperabat certo liberos morti superstitēs. nō igitur de hoc casu cogitauit tristi & miserabili, sed de morte tantum vxoris, cui superuierent liberi communes. Quid ergo si extraneus non vir mulieri habenti liberos sub eadem conditione legauerit, si à liberis non discefferit? puto hoc etiam casu mulieri petenti legatum oblata cautione Muciana non posse obici rem ominosam, detestabilem & tristem, minime modestam, quæ sane liberos sibi etiam superstitēs cupit, non posse, inquam, huic voto naturali matris obijci, morte liberorum expleri conditionem posse: & ideo non esse legati petitionem, antequam mortui sint liberi, & cessare remedium cautionis Mucianæ. Quia quod notandum, sicut nemo intelligitur filio patrem substituere contra votum parentum, l. Iulianus, si quis omis. causa test. ita nemo creditur patri vel matri male ominari, & in tempus mortis liberorum legatum relinquere. Et hæc, ut opinor, est sententia huius l. in princ. Hic, inquam, est casus, qui ponitur in principio legis, cum extraneus mulieri habenti liberos ita legauit, in quo casu plus erat dubitationis, quam in priore casu, cum vir vxori eodem modo legauit. Nam quod obseruandum est, Papinian. non ponit virum vxori legasse, sed mulieri habenti liberos relictum fuisse legatum sub conditione, si à liberis non discefferit. Et sequitur in eodem initio legis, idem seruari, si liberto patronus ita legauerit, si à liberis non discefferit, si ut ait, coniunctus erit, fuerit coniunctus scilicet hospitio, familiaritate, conuictu, si adhæserit liberis patroni, eisque prorsus fuerit affixus; coniunctio significatur hospitij atque consuetudinis seu conuictus, non alia coniunctio; qua enim alia est libertus patroni liberis coniunctus? Si igitur libertus legauerit sub conditione, si à liberis suis non discefferit, hæc conditio morte liberorum expleri potest viuo liberto, & tantum in ea erit locus cautioni Muc. quia testator nihil videtur quicquam cogitasse de morte liberorum suorum, sed spectasse tantum mortem liberti, & hoc sensisse, si quandiu vixeris, cum liberis meis remanseris. Et sane si oportet libertum expectare mortem liberorum, nec posset statim peruenire ad legatum, oblata satisfactione Muc. periculum esset, ne insidiaretur vitæ liberorum, cum quibus habitat, cum quibus coniunctus est hospitij iure. Quod eadem omnino ratione statuendum est, non tantum de liberto, sed & de quocunque extraneo, cui ego ita legauero, si à liberis meis non discefferis. Nam & ei præstatur legatum statim oblata cautione Muc. nec expectatur mors liberorum. Quid est euidentius? Ergo maxime notandum, quod hic dicitur de liberto, trahendum etiam esse ad quemlibet extraneum, ut in vexata illa l. si unquam. C. de reu. don. quæ est scripta de donatione facta liberto, ut reuocetur superuenientibus liberis donatori. Quod tamen aliqui restringere volunt ad donationem factam tantum liberto, sed licet porrigere ad donationem factam extraneo cuilibet, ut reuocetur donatio superuenientibus liberis. Quo iure etiam vtimur, quia si cogitasset habiturum liberos, sane non donasset immense, ut fecit. Verba Papin. hæc sunt in princ. leg. cum tale. ait hoc loco, veluti Mucianam cautionem, quia interponitur ad exemplum cautionis Muc. ut loquitur §. i. h. l. & l. auia §. Titio hoc tit. quæ viuo legatario impleri non possunt. Veluti Muciana seu quasi Muciana locum quandoq; etiam habet ex mente testatoris in iis conditionibus quæ viuo legatario expleri possunt, ut in casibus quos exposui. Addendum aliam esse rationem conditionum quæ ponuntur in l. pater §. socrus, l. hoc genus, l. auia §. Tit. h. t. & in §. Titius l. nostra. In l. pater §. socrus. hæc est conditio, si cum marito in matrimonio perseuerauerit, quod perinde est, atque si dixisset, si à marito non diuerterit, id est, hæc

Quæst. Papin.

A conditio vi ipsa in non faciendo concipitur. Hæc verò conditio sane confertur in mortem mariti hoc sensu, si usque ad mortem mariti in matrimonio perseuerauerit, ut etiam confertur in diuortium factum culpa mariti. Ergo expectandus est hic casus, nec antequam extiterit, legatarius, remedio cautionis ad legatum peruenire potest. In l. hoc genus est hæc conditio, si Tit. non nupserit, quod nominatim lex ait perinde esse, ac si post mortem Titij: testatorem igitur intuitum mortem Titij; ergo expectanda est mors Titij, nec remedio cautionis ante capi legatum potest. Et hoc idem euidentissime in ea conditione est, quæ proponitur in l. auia §. Titio. Legauit tibi sub conditione, si Terentia non nupserit. non potest in hac specie villo modo esse locus cautioni Mucianæ, quia conditio non expletur post mortem legatarij, & quia post mortem eius Terentia nubere possit, sed ex morte mulieris tantum: Ergo necessarium est expectare mortem mulieris, hoc est, euentum conditionis. Idem est euidentissime in ea conditione, quam proposui in §. Titius, quoniam in eo §. palam testator fideicommissum contulit in mortem heredis scripti, id est, fideicommissum reliquit post mortem heredis sui. Ergo mors heredis expectanda est, nec potest cautioni Muc. locus esse. Et hæc sufficientiant de Muciana cautione, quæ sunt notatu dignissima.

#### Ad §. quid ergo.

Quid ergo si ita scriptum sit? peto post mortem tuam restituas hereditatem, ita ne satis fideicommissi petatur, neue ratio exigatur: sine dubio per huiusmodi verba non interponenda quidem cautionis conditio videbitur adscripta, rationi vero non exigenda modus adhibitus, scil. ut culpa non etiam dolus remissus intelligatur: Idque in eius persona, qui negotia gessit, cuique rationis reddenda necessitas fuerat testamento remissa, rescriptum est.

O Mne quod diximus, fuit de stipulatione Muc. cuius remedio legata relicta sub conditione statim recipiuntur, sub conditione, inquam, non faciendi aliquid: nam in eis conditionibus quas ius remittit, hoc est, quas impleri necesse non est, frustra disputatur de interponenda stipulatione Muciana. Eiusmodi est conditio non petendæ cautionis legati aut fideicommissi seruandi causa, ut si heredem meum rogauero, ut hereditatem restitueret post mortem suam sub hac conditione, si cautionem fideicommissi seruandi causa ab eo non petiisset, vel ita, ne fideicommissi cautionem ab eo peteret, quæ cautio est prætoriana, proficiscitur n. ex edicto prætoris, ut legati nomine caueat. Finge igitur, fideicommissum adscribi tibi sub conditione, eam cautionem ut non peteres ab herede meo, vel sub modo, ita, ut eam cautionem non exigeres ab herede meo. Hæc conditio, hic modus satis declarat, mihi illam cautionem displicere, id est, non placere mihi, ut ea cautione oneretur heres meus. Igitur remissa ea cautio videtur: Namque hodie constat ex Constitutione D. Marci quocunque indicio voluntatis hanc cautionem remitti posse, non opus esse expressa conditione, vel prohibitione, vel modo, sufficit qualibet coniectura voluntatis, l. auia §. ult. h. t. l. 2. C. ut in poss. l. Potest igitur hæc conditio remitti testamento, sine coniectura voluntatis testatoris. potest & remitti pacto, l. pactum, de pactis. Quod sit testamento, & sit pacto recte. Hodie Falcidia recte prohibetur testamento, ergo & pacto conuento. Et vicissim, quod fieri potest pacto, & testamento potest, d. l. pactum. Cum igitur testator voluit remitti illam cautionem fideicommissi seruandi causa, & remissa intelligitur illa conditio, adeo ut possit fideicommissarius peruenire ad fideicommissum, etiam non præstita cautione Muciana, nisi dies moretur petitionem fideicommissi. Nam & post præstationem fideicommissi exigeretur ea cautio frustra. Qua de causa & in hac specie

II ij



fideicommissi esset locus cautioni Mucianæ: tamen disputari potest ante Constitutionem D. Mar. Eaque est sententia §. *Titius, huius legis*, quem ego iam ante exposui. Sed ut hæc, quæ sequuntur, cum his coaptemus, quemadmodum, quæ ante diximus, cohæreant cum his, quæ dicturi sumus, necesse fuit ea repeti. Quæritur in §. *quod ergo huius legis*, an conditio vel modus non reddendæ rationis eidem fideicommissio adscriptus, omnino videatur remittere rationum redditionem. Finge: heredem meum rogavi, ut tibi restitueret hereditatem post mortem suam ita, ne exigeres ab eo cautionem fideicommissi, & ne ab eo exigeres rationem administratorum bonorum hereditariorum, remissa videtur cautio omnino, an etiam omnino videtur remissa redditio rationum? Et docebit, non etiam omnino videri remissam redditionem rationum: dolum enim malum remissum non videri, sine intermissione rationis fraudulentam. Quod ut intelligatur, sciendum est, heredem rogatum restituere hereditatem alteri post mortem suam, vel in aliam diem, vel conditionem, fideicommissario rationem reddere debere eorum, quæ ex bonis deperierunt dolo malo eius, vel lata culpa, ut si culpa eius magna ædes hereditariæ exustæ sint, huius rei damnum heres præstabit fideicommissario, l. *mulier* §. *sed enim, ad Treb. l. dom. & seq. de leg. 1.* Non reddit heres rationem levis culpæ, aut leuissimæ, doli rationem tantum reddit, vel magnæ culpæ, magnæ negligentiam. Contra vero videtur heredem teneri levis culpæ nomine atque leuissimæ, leg. *cum res* §. *culpa, de leg. 1.* Si culpa heredis res legata perierit, heres tenebitur legatario ad æstimationem. Cæterum culpa quemadmodum accipienda est, utrum quæ dolo proxima est, id est, lata, an & quæ levis est? Et adiicit quod plus est, an & diligentiam heres præstare debet? id est, exactissimam custodiam rei legatæ, ita ut & culpæ leuissimæ nomine teneatur? Hoc ait, esse verius: debuit esse diligentissimus in seruanda re legatæ. Casum tamen fortuitum non præstat heres, cætera præstat, id est, omnem culpam præstat. Qui quem dicit præstare diligentiam vel custodiam, hic dicit ex opposito præstare omnem culpam, omnem negligentiam. Et tamen §. *sed enim* ait heredem non præstare leuem culpam. Et sane nulla est concordia ratio idonea ex his, quæ vulgo afferuntur, nec potest inueniri vlla, nisi repetatur ex iure veteri. Et interim adnotandum est cum d. §. *culpa*, qui ab herede exigit etiam leuissimam culpam, diligentiam, custodiam congruere l. *si vendidero* §. *si ad exhibendum*, D. *de furtis*. Sed hi libri Digestorum sunt plenissimi earum differentiarum, quæ fuerunt olim inter legata & fideicommissa, & quæ fuerunt inter genera legatorum, nempe damnationis & vindicationis, possum innumera exempla adferre & monstrare harum differentiarum innumera vestigia, sed non est necesse, in proposito videamus, quæ sit differentia §. *culpa*, & §. *si ad exhibendum*, qui est de legato, & de legato vindicationis igitur, ut apparebit ex §. *sed enim*, & l. *donationis cum seq.* est de fideicommissio. Eodem autem iure fuit legatum damnationis, quo fideicommissum, quod etiam varie posset ostendi. Ergo quod est in fideicommissio, idem est in legato damnationis, & consequenter, si quid scribitur hic de legato, id est accipiendum de legato vindicationis, non damnationis. Fideicommissum est in petitione, non in vindicatione, ille faut prendre de la main del'heritier, fideicommissi dominum me facit hereditatione. Idem procedit in legato damnationis, dum ita dixit, *damnas esto heres dare tot Titio*. Legatum autem vindicationis est in vindicatione, id est, statim acquiritur legatario ipso iure, id est, ex 12. tab. De hoc enim genere legati intellexit Vlpianus in *fragm.* cum dixit, per legatum acquiri dominium ex 12. tab. Et ita huius legati dominium aut rei hoc modo legatæ statim acquiri est prodictum in l. 3. §. *si rem, de leg. 3. l. seruo legato, in pr. de leg. 1.* dominium acquiri recta via, l. *actio, de fur. l. legatum, de legat. 2.* recta, id est, sine

A facto heredis, id est, sine traditione, quia ne momento quidem dominium rei ita legatæ residet apud heredem, l. 9. §. *sed & eam, de pecul.* Denique legatum vindicationis in vindicatione est, & potest vindicare quasi dominus sit legatarius, fideicommissum est in petitione. Nunc ita constituo. ego, qui pleraque alia sum consequutus ex iudicio defuncti, debet esse diligentissimus in ea re custodienda, cuius alterum fieri statim dominum testator voluit, eius dominium, ne momento obtineo villo: at in custodienda ea re, quæ sine facto meo acquiri alteri non potest, licet ei relicta proponatur testamento vel codicillis, licet mihi versari negligenter quasi in re mea. Est enim sane mea; & potest quisque in re sua esse negligens absque reprehensione, & ob id non tanta ab herede diligentia exigitur in seruando fideicommissio, vel ei ad simili legato damnationis, quanta in seruando legato vindicationis. satis est, si dolum præstet & culpam dolo proximam, hoc est, latam culpam, & quæ dicitur doli faciem habere. Sed ut nos accedamus ad rem propositam, si fideicommissum sit relictum post mortem heredis ita, ne fideicommissarium exiger cautionem ab herede administrationis hereditatis, hoc casu, an reddet rationem heres culpæ saltem magnæ, negligentiam magnæ, culpæ latoris? minime: nam videtur iudicio defuncti remissa culpa magna: culpam omnem leuem aut leuissimam remitti non fuit necesse, quia nec eius rationem reddere heres fideicommissario tenetur: Igitur remisisse videtur culpam magnam, cuius nomine teneretur heres, si non esset remissa. Remisisse videtur negligentiam magnam & scrupulosam inquisitionem, l. *si seruum veritus, de leg. 1.* Dolum non videtur remisisse, si in fraudem fideicommissarii heres bona disputauerit: non videtur tantum indulsisse heredi defunctus. noluit anxie requiri rationem ab herede, patefacere viam fraudandi fideicommissarii noluit. Et hoc obtinet generaliter in quolibet administratore, in tutore, curatore, procuratore, negotiorum gestore, actore ciuitatis, ut si sit ei remissa redditio rationum, videatur remissa culpa omnis, non etiam fraus & dolus. Et Papinianus in hoc §. *quid ergo*, ita ait fuisse rescriptum ab Imperatore. Et similiter Vlpianus ita sepissime fuisse rescriptum ait, l. *si quis rationes, de lib. leg.* ut plane abierit in regulam iuris: nam ex iis quæ sæpiissime constituuntur, tandem fiunt regulæ iuris. Quod dicturus sum de leg. Iulia, erit perbreue. §. *si arbit.* & §. *Mania*, uterque pertinet ad l. *Iuliam*, quæ dicitur Miscella, hoc est, ad caput illud legis Iuliæ Miscellæ, quod erat commune marium & feminarum. Alia capita legis Iuliæ erant tantum de maribus, alia de fœminis tantum, istud caput de utroque sexu. Et sententia hæc fuit: si testator legauerit mulieri sub conditione, si non nupserit, statim capiet legatum, etiam si nubat, quia hæc conditio remittitur lege Iulia: repugnat enim publicæ utilitati. legatum ergo capiet relictum sub conditione viduitatis, neque huic conditioni parendum, quæ publicæ utilitati aduersatur, l. 2. §. *tractari, ad Terull.* De hac lege Iulia est in hoc tit. l. *sed si hoc* §. *ult. l. cum ita legatum, & l. sequens, l. mulieri, l. heres* §. *ult. & l. seruo* §. *si testator, ad Trebell. & tit. C. de indicta viduitate tollenda, & Nouell. 22. & l. ult. de statulib.* quæ nunc essent explicandæ. Est aliud quod addam ad §. *Titius*. Erat adhuc obscurum in eod. §. quod non apparuit, sed mox reddam clarissimum. Legatum est tale: testator ita cavit, *heres meus fidei tua committo, ut post mortem tuam hereditatem Caio restituas si fideicommissi cautionem à te non petierit*, his verbis, si fideicommissi à te cautionem non petierit. testator videtur omisisse cautionem fideicommissi, & rata est voluntas testatoris hodie ex constitutione Diui Marci, quæ ante eam constitutionem rata non fuit contra edictum prætoris, quo iubetur ea cautio interponi. in l. *pactum, de pactis*, dicitur ea constitutio fuisse relata in Semestribus eiusdem Marci Imperator. cognomento Philosophi. Marcus Philo-



soph. Imperator vacabat quotannis iuri reddendo mensibus sex, exemplo Augusti & Tiberij, & aliorum Imperatorum, & inde Semestria dicti sunt libri, in quibus collecta sunt hæc, quæ de iure constituit. Semestria sunt veluti codex Marcianus: & hoc de Semestribus memini me attingere in tit. *de excusat. tut.* Ergo Constitutio Marci, cui etiam adiungitur Commodus *l. pen. C. ut in poss. leg.* concessit testatori, ut inhibeat cautionem prætoriam legati aut fideicommissi seruandi, quam ante non potuit inhibere contra ius prætorium, contra ius publicum. nam nisi lex permiserit, nihil testatori licet statuere in suo testamento contra ius civile; vel prætorium, contra ius publicum. In proposito igitur themate testator, qui fideicommissum reliquit sub conditione non petendæ cautionis fideicommissi, videtur eam cautionem remisisse. Et rata est voluntas testatoris hodie ex ea constitutione, quæ ante non fuit rata. Hoc est certissimum. Nunc sic constituo: in ea conditione, si fideicommissi cautionem ab herede non petierit, neque olim, neque hodie stipulationi Mucianæ locum esse posse. hoc cum probaro, rem omnem, quæ possit mouere scrupulum in §. *Titius*, expedierit. Hodie non potest in ea conditione stipulationi Mucianæ locus esse, quia remissa videtur hæc conditio: remittitur recte iudicio testatoris, ac rursus ea conditio argumentum remissæ cautionis facit, conditionem non facit. Proinde ea conditio non est conditio: nec spectamus igitur extiterit, an defecerit, *l. licet, ut legat. nom. cau. & l. auia §. ult. hoc tit.* Olim autem ante constitutionem Diui Marci ea conditio conditionem fecit, conditionis potestatem habuit. Excludebat enim fideicommissum eum, qui cautionem exegisset. Est verum, nec tamen tunc in ea conditione consistere potest utilitas Mucianæ cautionis in §. *Titius*, hac ratione, quia in iis tantum conditionibus consistit utilitas Mucianæ cautionis, quæ viuo legatario & fideicommissario expleri non possunt, quæ non nisi sine vitæ fideicommissarii expleri possunt, *l. Titio fund. hoc tit. l. seruo §. si testator, ad Trebell.* Illa autem conditio in casu proposito, si fideicommissi cautionem ab herede non petierit fideicommissarius, expleri potest viuo fideicommissario. puta præmoriante herede, nulla ab eo petita cautione fideicommissi. Et hoc ita euidenter proponitur in §. *Titius*, cum scilicet heres rogatus est restituere hereditatem post mortem suam sub ea conditione non petendæ cautionis. Sed tamen idem erit dicendum, si non post mortem suam fideicommissum relictum sit ab eo; sed in alium diem certum vel incertum. Proponitur species in §. *Titius*, ut contigerat, non quod & in alia specie idem non possit, non debeat responderi. Quare dicimus, non tantum ut proposui §. *hoc Titius*, si post mortem heredis fideicommissum sit relictum, sed etiam si in alium diem certum vel incertum relictum sit fideicommissum, idem esse: quia eadem ratio est, quia viuo fideicommissario intra eum diem mori heres potest, à quo non fuit petita cautio fideicommissi. Plus dico, idem esse in puro fideicommissio. puro, id est, relicto præsentis die sine dilatione vlla temporis aut mora. Nam & de puro fideicommissio possit peti cautio fideicommissi seruandi & reddendi. Hoc est certissimum, puta herede litigante & renuente fideicommissum præstare, quia nonnullas moras exercitio litis habet, inter quas posset heres bona fideicommissio subdita dilapidare. Et hoc ostenditur in *l. hac stipul. & seq. ut leg. nom. cau. l. uxorem §. ult. de leg. 3.* Et inter eas moras iudicii siue litis, nondum petita cautione mori heres potest viuo fideicommissario, atque ita morte heredis impletur ea conditio non petendæ cautionis ab herede superstiti fideicommissario. Nihil igitur refert fideicommissum illud relictum sit post mortem heredis, an in alium diem certum vel incertum, an pure sub ea conditione non petendæ cautionis: quoniam quocumque casu, vel quocumque modo relictum sit fideicommissum sub ea conditione, non potest in ea conditione

usus esse stipulationis Mucianæ. Denique quod notandum maxime, nullus casus inueniri potest, in quo in conditione non petendæ cautionis fideicommissi seruandi, possit esse locus stipulationi Mucianæ, quia & post præstitum fideicommissum frustra caueret fideicommissarius, se non petiturum cautionem, quia utique iam constat frustra peti: frustra enim peto mihi caueri de seruando & præstando eo, quod mihi iam præstitum est, quodque ipse iam mihi seruare debeo, non alius. ergo nihil nos moueat qui opponitur §. *Titius*: nam etsi pure fideicommissum relictum sit sub ea conditione, sano non potest in ea conditione interuenire stipulatio Mucianæ. Et hæc pauca soluent omnem dubitationem quæ fuit, omnibus perspicuis modo, etiam plane absoluta sententia §. *Titius*. Quod sequitur in §. *quid ergo, de conditione non reddenda rationis*, etiam iam satis exposui. quæ autem sequentur in §. *si arbitrati*, & §. *Mania*, sunt explicanda.

#### Ad §. si arbitrati, & §. seq.

*Si arbitrati Titij Seia nupserit, heres meus ei fundum dato: viuo Titio etiam sine arbitrio Titij eam nubentem legatum accipere respondendum est, eamque legis sententiam videri, ne quod omnino impedimentum nuptiis inferatur. Sed si Titius viuo testatore decedat, licet conditio deficiat, quia tamen suspensa quoque pro nihilo foret, mulieri succurritur.*

§. 5. §. *Mania* si non nupserit, fundum cum morietur lego: potest dici, etsi nupserit, eam confestim ad legatum admittit. Non idem probatur si certus dies incertusue alius legato fuerit adscriptus..

Am cæpi dicere, ea pertinere ad caput legis Iuliæ Miscellæ, quæ ad mares pertinet, atque etiam fœminas de indicta viduitate. Caput illud legis Iuliæ eam improbat, improbat ergo indicta viduitas viro aut mulieri testamento vel codicillis: ut puta, si quis legatum reliquisset mulieri sub conditione, si non nupserit, lex Iuliæ mulierem admitteret ad legatum, etiam si nupisset, perinde atque si conditioni paruisset, si vidua permanisset. conditio repugnabat publicæ utilitati. merito igitur habita est pro non scripta. Et supra adduxi multos locos, qui pertinent ad illud caput leg. Iuliæ. Omisi addere ex hoc eodem tit. *l. auia §. Titio, & l. Titia*. Species *l. Titia* est cognitu dignissima. legauit Titia ducenta, si non nupserit, & eidem Titia, si nupserit, legauit centum duntaxat. nupsit: quia nupsit petit centum: quia conditio, si non nupserit, remittitur, & non seruatur ex *l. Iulia*, petit ducenta. denique petit trecenta, an audienda est? minime: Nam ducenda, quæ ei relicta sunt sub conditione, si non nupserit, accipit petinde atque si non nupisset, hoc est, accipit ea, ut vidua, *l. mulieri, eod. tit.* Ridiculum autem est, eam admitti ut viduam & ut nuptam: non potest ut vidua ducenta capere, & ut nupta centum, sed vel ut nupta hoc capiet, vel ut vidua. Lege Iulia habetur pro vidua, quæ nupta est, quod attinet ad commodum legati relictæ sub conditione viduitatis. Etiam valde notanda est species *l. ult. de statul.* quæ ad eam *l.* pertinet. Species hæc est: legauit mulieri seruum, & adieci, ut liber esset is seruus cum nupisset mulieri. nubente muliere seruus merito liber fiet, atque ita quodammodo prohibeo nuptias. plæneque fortasse non nubarent metu admittendi serui. Illa nupsit ex *l. Iulia*, (& ut Græci addunt recte in Basil. ex *l. Iulia Miscella*, quanquam est in translatione Herueti male translatum ex *Miscella*) puta intra constituta tempora, ut est in Apologetico Tertulliani. Denique illa paruit legi Iuliæ, & nupsit intra constituta tempora, an seruus fiet liber? sic videtur. is homo fiet liber, carebit eo homine mulier per nuptias, nec addit rationem *d. l. ult.* Sed est ratio in *l. Titio usus fr. §. pen. h. t.* quam omisit Accurs. in qua etiam omisit *d. l. ult.* non potest lex legi magis esse similis. quia po-



ior est legato libertas, præstat fraudari legato mulierem, quam libertate seruum. sed iterum *d. l. ult.* dum ait, *ex lege*, de hac lege Iulia Miscella intelligit. Ergo certissimum hoc est, mulierem, cui relictum est legatum sub conditione viduitatis, hoc est, si non nupserit, capere legatū, etiamsi nupserit: huic conditioni non esse parendū. Finge aliter: Ego non relinquam legatum mulieri sub conditione, si non nupserit, sed sub alia conditione, quæ tamen idē efficiet, ne nubat, nisi volet cadere legato. non dicam palam, si non nupserit, sed recte hoc modo, *lego centum, si arbitrato Titij nupserit*, non palam prohibeo nuptias, sed volo, ut si nubat, arbitrato Titij nubat. Sane hoc perinde est, atque si dixissem, *si non nupserit*, cum nuptias eius voluerit pendere ex arbitrio alterius: nam quid si Titius arbitrari nolit? quid si nullam conditionem nuptiarum comprobet? Igitur non tam oportet spectare verba, quam sententiam legis Iuliæ, quæ talis est, ut ne minimū quidem impedimentum inferatur nuptiis. Igitur ex sententia legis Iuliæ, mulier etiamsi nubat sine arbitrato Titij, puta viuo Titio post mortem testatoris capiet legatum, etiamsi nubat inconsulto Titio post mortem testatoris: alioqui nunquam nuberet, fortē nunquam nuptiis arbitrium accommodante Titio. Idemque erit, si Titius moriatur viuo testatore, ut ostenditur in hoc §. *si arbitrato*, & *l. filia*, in *pr. h. t.* & *l. turpis §. 1. de leg. 1.* quo quidem casu deficit conditio illa, *si arbitrato Titij nupserit*. sane deficit Titio moriente viuo testatore, aut Titio moriente, antequam illa velit nubere, vel si nubilis. Igitur etiamsi defecerit conditio admittitur ad legatum, quia æque admittitur ad legatum, si sit suspensa conditio, ut puta, *si Titius uiuat post mortem testatoris*. Et ut ait eleganter Papin. quæ conditio suspensa pro nihilo est, & deficiens igitur habetur etiam pro non adiecta. non obferuo conditionem suspensam: deficiens igitur nihil officiet, non me excludet legato aut fideicommissio, quam suspensam contemno, insuper habeo. percepto legato ea deficiens, aut iuri meo nocere non potest. quæ est sententia §. *si arbitrato*. Pertinet etiam ad caput illud *l. Iulia §. Mania*. Testator ita dixit: *Maniæ, si non nupserit*, deinde adiecit diem incertum, *cum morietur*. *Mania si non nupserit*, lego fundum cum morietur. duo dixit, *si non nupserit*. Deinde adiecit diem incertum, *cum morietur*, nupserit, capiet legatum. Si dixisset tantum, *si non nupserit*, sed quia adiecit, *cum morietur*, an expectanda est mors illius? minime: imo statim capiet legatum, etiamsi nubat, nec expectanda mors eius, licet testator conditioni adiecerit nominatim, *cum morietur*, quia scil. his verbis omnibus, *si non nupserit, fundum lego ei cum morietur*, videtur dicere testator: si usque ad ultimum vitæ diem vidua permanferit, quæ conditio remittitur: verba illa, *cum morietur*, seruiunt latiori interpretationi conditionis, id est, *si usque ad mortem vidua permanferit*: Nam merito adicias aliud esse dicendum, si huic conditioni, *si non nupserit*, testator adiecerit alium diem certum vel incertum, qui nihil pertineat ad latiore interpretationem conditionis impositæ, iniunctæ mulieri, ut si dixerit, *si non nupserit post quinquennium, centum dato*. Hoc casu conditio quidem remittitur; nam etiamsi nupserit, non ideo minus perueniet ad legatum, sed oportet expectare quinquennium. Quod congruit cum *l. 8. §. si qui sub cond. de cond. inst.*

Ad 3. §§. sequentes.

*Falsam causam legato non obesse verius est, quia ratio legandi legato non coheret, sed plerumque doli exceptio locum habebit, si probetur alias legaturus non fuisse.*

§. 7. *Falsam conditionem Cassius & Calius Sabinus impossibilem esse dixerunt, veluti Pamphilus si quod Titio debet, soluerit, liber esto. Si modo nihil Titio fuit debitum, quod post testamentum factum testator pecuniam exsoluit, defecisse conditionem intelligi*

*§. ult. Falsam legati demonstrationem non facere legatum, Sabinus respondit, veluti si quis cum Titio nihil legasset, ita scriptum reliquit: ex centum, quæ Titio legavi, quinquaginto heres Seio dato, idque sumpsit ex defuncti voluntate, quia non animo legandi, sed diminuendi legatum, quod falso datum existimaret. ita scriberet, propter falsam tamen demonstrationem legati non plus Seius adsequetur, quam si vere demonstratum fuisset.*

**E**st de falsa causa, vel demonstratione adiecta legato vel fideicommissio, aut libertati aut institutioni heredis. Ac primum igitur de falsa causa legati. Causa est ratio legandi in præteritum tempus collata, ut si ita legauero: *lego Titio centum, quia negotia mea curauit: lego Titio centum, quia mihi patrociniatus est in causa capitali, vel existimationis*. Causa igitur est, propter quam lego, quæ iam est præterita. Et hæc causa, etiamsi falsa sit, non vitiat legatum. Legavi tibi, quia negotia mea curasti, neque tamē ea curasti unquam, an nullum est legatum? minime. falsa causa non vitiat legatum, quia ratio legandi, inquit Papinian, non coheret legato, id est, legatum constat etiam sine ratione, sicut donatio quælibet, superuacua est igitur rationis adiectio: & superuacanea nunquam nocent, *l. testam. C. de testam.* Et hoc ita procedit, nisi probetur testatorem alias legaturum non fuisse, §. *falsam causam*, infra. cuius rei exemplum est in *l. vlt. de hered. inst.* Ad denda est etiam alia exceptio, nisi causa conditionaliter enuntietur, puta hoc modo, *lego Titio centum, si negotia mea curauit, si frater eius ex arca mea tot aureos sumpsit*. Sic est Flor. recte *l. demonstratio §. quod autem, de cod. & dem.* non si curauerit, si sumpsit. sic etiam scribendum in §. *longe, Inst. de leg.* Ergo cum ita legauit, lego Titio centum, si negotia mea curauerit, sane non debetur legatum, nisi olim curauerit negotia testatoris. Multum interest, dixeris, si, an quia. Si, est dubitantis, quia, confirmantis: si, non confirmat, etiamsi præterito iungatur. cum tamen si, quandoque pro quia ponatur, & confirmare quandoque eum articulum interpretes volunt ut illo loco: si quæ pios respectant numina, & vestro simanere tellus, &c. ubi interpretes dicunt si accipi pro si quidē seu pro quia, ut vulgo dicimus. Sed manifestum ex *d. l. demonstratio*, multum interesse dixeris, quia negotia mea curauit, an vero, si negotia. Hoc postremum, quod ita est conceptum, extitisse necesse est, ut legato sit locus: illud extitisse non est necesse, quia illo sermone ratio demonstratur, hoc vero conditio. Et hæc quidem de causa, de ratione legandi præterita. Alia est causa legandi futura, quæ proprie dicitur modus vel res, ut ob rem dare dicitur, quod datur ob causam futuram proprie, & ob causam dari, quod datur ob causam præteritam. Alia igitur est ratio legandi præterita, quæ non habet aliud nomen, quam causæ. Alia est ratio legandi futura, quæ dicitur modus aut res, ut lego tibi, ut monumentum facias mihi meisque. Et hæc ratio siue causa futura, si sit falsa, puta, si impossibile sit: Nam quodecumque est impossibile & falsum est, Aristot. 5. *Metaphys. ad fin.* ut si ita dixeris, lego tibi fundum, ut in cælum ascendas. Hæc enim causa non vitiat legatum, quæ est falsa & impossibilis, non vitiat fideicommissum, vel libertatem vel institutionem, *l. 1. de cond. inst. si sub impossibili conditione, vel alio modo*, sic habent Flor. non modo, ut vulgo, factam institutionem placet non vitiari, placet valere. Quæ sententia pertinet ad legata, & alia quæ in testamentis relinquuntur. Impossibilis conditio adscripta, in testamento habetur pro mendo, & ideo habetur pro non scripta. Est vitium & mendum, *l. hereditas, de hered. inst.* Vitium non vitiat scripturam testamenti sub impossibili conditione, id est, sub falsa causa, sub falsa demonstratione, sub falso modo, siue impossibili. Falsa conditio vel impossibilis, item demonstratio falsa, causa falsa, hæc vitia non viciant institutionem vel legatum. Non est omittendum, causæ nomen in iure accipi latissime. Causæ nominæ significatur



modus, hoc est, ratio legandi futura. Causa nomine & ratio legandi præterita significatur & demonstratur, atque etiam ius ipsum legati, causa legati, hoc est, legatum, ut causa peculij, hoc est peculum, causa dotis, id est, dos. Sed hoc loco specialiter causa est ratio legandi præterita, quæ tamen etiam dicitur modus in *l. ult. de hered. inst.* cum frequentius modus dicatur pro causa legandi futura. Sequitur in *§. pen. huius l.* falsam conditionem etiam non vitare legatum, cuius rei exemplum extat: *Pamphilus liber esto, si quod Titio debeo soluerit: vel Caio lego centum, si quod Titio debeo soluerit.* vera est conditio, si quod Titio debeo. nec legatarius capiet legatum, nisi Titio soluerit quod debui. Item non capiet legatum ita relictum, si ego post testamentum factum Titio solvero, quia conditio legati defecisse intelligitur: neque enim iam potest impleri à legatario, & conditio semel defecta non refumitur. At falsa est hæc conditio, si nihil Titio debui, *lego tibi fundum, si quod Titio debeo, solueris.* nihil Titio debeo, an perueniet ad legatum? Sic sane, quia ea conditio falsa est & impossibilis. Ea, inquam, conditio est impossibilis, ergo falsa: quod eleganter demonstrat Papin. his verbis, *falsam conditionem.* Notandum est falsam conditionem non vitare legatum præteritum, *l. demonstratio, l. falsa, l. nominatim, hoc tit. l. Quintus, de auro & arg. leg.* Proponamus exempla. *lego Titio fundum Cornelianum, quem de Caio emi.* non de Caio emi, sed alia ratione illum fundum acquisiui: non ideo minus debetur fundus, qui demonstratus est proprio nomine satis: & adiectio illa, quem de Titio emi, est superuacua. Superuacuus sermo non vitiat id, quod agitur, atque ita non spectatur vnquam, verus sit an falsus. Quod ex abundanti adicitur, pro nihilo est. Vel finge: ita caui testamento; *lego Titio decem, quæ ei debeo, Titio nihil debeo, an debentur decem?* Debentur, quia falsa demonstratio nihil nocet, *l. 2. C. de falsa causa adi. leg. l. si sic §. 1. de leg. 1.* vel etiam legauim hoc modo uxori: *uxori lego fundum Cornel. vel, uxori lego decem quæ mihi in dotem dedit.* cum fundum vero mulier, eaue decem in dotem non dedit. an perueniet ad legatum? Sic sane, *l. quib. §. quæ dot. h. tit. l. 1. §. si quis uxori, de dote præleg. l. si diuortio, de verb. obl. & l. 3. & ult. C. de falsa causa adi. leg. §. sed si uxori, Inst. de leg.* Neque aduersus hanc facit *l. is qui §. ei qui dotem, de leg. præst. inf.* ad quam Accurs. ex Azone illo loco, & plenius in *l. 3. C. de fals. cau.* respondit. Et breuiter responsio est talis: ex testamento iusto, non iniusto, debetur legatum dotis nomine relictum, etiam si nunquam res legata dotis fuerit, quia falsa demonstratio non vitiat legatum rei certæ vel summæ certæ: alioquin si legauerit dotem simpliciter, nec vlla esset dos, inutile esset legatum. Sed si legauero certam rem vel summam dotis nomine, nihil nocet adiectio dotis, etiam si falsa sit. Hoc in testamento iusto nec rescisso. Aliud est iuris in testamento rescisso per bonorum posses. contra tabulas, quo remedio rescinditur totum testamentum, rescinditur institutio, rescinduntur legata. Excipiuntur tamen edicto prætoris *de leg. præst.* legata relicta parentibus & liberis. Excipiuntur etiam relicta uxori vel nunti dotis nomine, ut si legauerit uxori certam summam, quam ab ea acceperat in dotem, necesse est, ut reuera acceperit in dotem, ut consistat legatum: Nam si non acceperit dotem, ei non conseruabitur legatum certæ rei vel summæ, quamuis sit relictum prætextu dotis; nam ea legata, quæ non rescinduntur, non temere non seruamus, aut non temere statuimus, non esse rescissa. Ergo concludamus ex superioribus, falsam causam, siue ea sit præterita, siue futura, id est, rationem legandi præteritam vel futuram, falsam conditionem vel demonstrationem, non perimere legatum. Huic conclusioni obstat *l. si sic §. 1. de leg. 1.* quæ lex differentiationem facit inter falsam demonstrationem, & falsam conditionem siue causam. Falsam demonstrationem ait, non vitare legatum: falsam conditionem siue causam aperte ait vitare legatum. Sed ne sim longus, illo loco

A conditio, & causa, alio sensu accipitur. Ceditio illo loco non est adiectio, quæ suspendit legatum, causa non est ratio legandi, sed utroque nomine significatur ius ipsum legati, substantia legati, status legati, & id ipsum quod legatur, & ut ante dixi, sicut dotis causa, id est, dos, & ita legati causa, id est, legatum, quomodo & alij auctores frequentissime vtuntur, causa possessionis, hoc est, possessio, causa venditionis, hoc est, venditio, & similiter conditio legati, id est, status legati, & res ipsa, quæ est in legato. Quod etiam *d. lex si sic §. 1.* demonstrat hoc exemplo: *legauim primo decem, quæ mihi secundus debet.* secundus nihil debet, nullum est legatum, quia scilicet legauim nomen, hoc est, debitum, non quantitatem. Idque euidenter apparet ex eo, quod si debuerit ea decem heres legatario non cogitur præstare decem, sed liberatur præstando actionem aduersus secundum. quia non quantitas est in legato, sed obligatio. Igitur si obligatio, nulla sit, id est, si secundus nihil debeat, consequens est, nullum esse legatum: sicut si lego tibi rem, quæ non sit in rerum natura, nullum est legatum, deficit substantia legati, causa & status, quod confirmat *l. cum illud §. 1. quando dies leg. ced.* Eadem erunt omnino, si dixerit, *decem, quæ mihi Titius debet, heres meus damnas esto illi dare,* id est, ei condonare & remittere, nihil mihi Titius debet: inutile est legatum, quia liberationem legauim, non quantitatem, & non obligato homini liberatio inutiliter legatur, *l. legatum, & l. 62. §. penul. de lib. leg. l. si seruus §. qui quinque de leg. 1.* At priore casu, si legauim Titio decem, quæ ei debeo, si nihil debeo, ei nihilominus debentur decem iure legati, quia quantitatem legauim, non obligationem quantitatis. Ergo nemo legat obligationem passiuam, quæ ipse est obstrictus, sed actiuam, quæ alium obstrictum habet, & essem ridiculus, si ego legarem tibi obligationem, quæ tibi sum obstrictus. Legantur actiua nomina, non passiuæ. Denique his verbis quantitatem legari, non obligationem. Quantitas est certa, quæ debebatur. Hæc verba, *quæ Titio debeo,* pro demonstratione sunt, illa autem verba, *quæ mihi Titius debet,* sunt pro iure legati ipso & substantia, sicut si dixerit, *decem, quæ sunt in arca mea,* si nihil sit in arca, nihil debetur, quia deficit substantia legati. Neque enim simpliciter decem legauim, sed illa decem, quæ sunt in arca, si nulla sint in arca, & nullum erit legatum, *d. l. si seruus legatus §. quinque, l. 1. §. sed et si de dote præleg.* Illis verbis, *decem, quæ sunt in arca,* demonstratur, me legare certa corpora nummorum; illis *decem, quæ Titius debeo,* demonstro me legare nomen Titij & actionem, quæ Titius mihi tenetur. Duplex est demonstratio. alia necessaria, quæ rem ipsam, quæ legatum ostendit: hæc si falsa sit, si nulla, nullum est legatum, quia est status & causa legati principalis potius, quam demonstratio. Est enim proprie demonstratio accessio; Alia est, quæ est abundans accessio & superuacua, quæ rei certæ adicitur, & si non demonstratæ. hæc si falsa sit, non vitiat legatum. Falsa demonstratio igitur, quæ scilicet abundat, nec necessario adicitur rei, de qua satis constat, non vitiat legatum. Addamus, non facit etiam legatum, quod ostenditur in *§. ult. hoc tit. ut in hoc casu,* testator ita dixit, *ex centum quæ Titio legauim, Caio lego quinquaginta.* falsa est demonstratio, quia Titio nihil legauim, non vitiat legatum relictum Caio, *ex centum quæ Titio legauim, quinquaginta heres Seio dato.* Seio debentur quinquaginta, non vitatur legatum, etiam si Titio nihil sit legatum, sed Titio nihil debetur, quia non fuit ei mens legandi Titio, sed diminuendi legati, quod falso sibi præsumperat, & persuaserat se Titio reliquisse. Summa igitur hæc sit: falsam demonstrationem non extinguere legatum, sed non etiam facere. Ad hæc pertinet *l. cum illud quando dies leg. ced.*

Ad l. 25. quando dies leg. ced.

Cum illud aut illud legatur, enumeratio plurimum rerum dicitur



si iunctiuo modo comprehensa, plura legata non facit. Nec aliud probari poterit, si pure fundum alterum, vel alterum sub conditione legauerit. Nam pendente conditione non erit electio, nec si moriatur ad heredem transisse legatum videbitur.

**I**n initio legis, cum illud, hoc proponitur, si legetur illud vel illud, si legetur seruus, & fundus, hæc enumeratio singularum rerum posita coniunctim, plura legata facit. Nam quot sunt res, tot sunt legata, l. 2. de leg. 2. nomine generis, si legetur plures res, atque ita nec enumerentur, ut si legetur grex, si legetur peculium, si instrumentum fundi, si argentum, id est, vasa argentea, si vestes omnes, scilicet si suppellex, si pecus, vnum est legatum, & singulare nomen generis contrahit legatum. Enumeratio autem singularum rerum dispergit legatum, id est, plura legata efficit, hoc est, quod Dialectici dicunt, τοῦ μέγος εἶναι συνηματικὸν καὶ περὶ τῶνδε καὶ εἰς αὐτὰ εἶναι διασπαιρόν. Ergo enumeratio, singularum rerum enumeratio τῶν καὶ εἰς αὐτὰ, plura legata facit, scilicet si factum sit coniunctiuo modo. Nam si factum sit disiunctiuo modo, ut si legetur, illud aut illud, fundus aut pecunia, vnum tantum est legatum; & res ea tantum erit in legato, quam elegerit legatarius, vel quam elegerit heres, si electio heredis fuerit. Est autem regulariter electio legatarij, cum legatur illud aut illud, si legetur per vindicationem, l. 19. & 23. de leg. 2. l. plane §. pen. de leg. 1. si per damnationem, electio est heredis, damnas esto dare illud, aut illud, dabit quod volet, nisi testator nominatim legatario electionem reseruauerit hoc modo, damnas esto dare illud, aut illud, utrum volet, l. si ita relictum §. ult. de leg. 2. Ergo si eidem legetur illud aut illud, vnum est legatum, nec quicquam interest ab vno herede ei legetur, an duobus vel pluribus, veluti ab vno illud, ab altero illud: nihil denique interest illud aut illud, eidem ab vno, an à diuersis legetur: nihil etiam interest utrum pure legetur, an sub contrariis conditionibus hoc modo, Titio lego fundum Cornelianum si nauis ex Asia venerit, aut si non venerit, fundum Tusculanum. nam etiam si diuersis legetur illud aut illud, illud Titio aut illud Seio, nihil refert pure leget, an sub conditionibus contrariis, quoniam utrobique vnum legatum est, l. si dos, de leg. 2. Et ita quoque, quod pertinet proprie ad hanc legem, nihil interest eidem an diuersis pure legetur aut illud, sub conditione hoc modo, lego Titio fundum Cornelianum aut si nauis ex Asia venerit fundum Tusculanum. nam & hoc casu vnum legatum est, & non plura, neque enim inanis est inquisitio. Sequuntur effectus inde innumerari, ex quibus patefaciam modo nonnullos. si fundus alter legetur pure, aut alter fundus sub conditione, si nauis ex Asia venerit, vel sub alia simili, vnum est legatum. Hoc Papinianus comprobatur hoc loco subtilissimo argumento. si duo essent legata non vnum, sua cuique legato esset dies, qua cederet, duobus diebus cederent, legatum purum cederet statim à morte testatoris, legatum conditionale à die existentis conditionis, atqui nulla fuit dierum diuisio, sed totius huius legati dies vnus, licet vnum purum sit, alterum conditionale, quod utrumque vnum tantum efficit, duo quodammodo efficiunt vnum: totius inquam eius legati dies cedit à tempore existentis conditionis, quia nec antequam extiterit conditio, electioni locus esse potest, hoc est, legatarius non potest eligere, hoc an illud legatum amplecti malit, quoniam nondum est delatum utrumque. Et hoc genere legati electio tantum datur illius, aut illius fundi, non legatur fundus coniunctim vterque: Quæ quidem electio, ut manifestum est, si non competit antequam extiterit conditio, consequens est, nec vlla ex parte cedere diem, antequam extiterit conditio. Ergo vnum est legatum. Ex quo efficitur, moriente legatario ante diem legati cedentem, id est, antequam extiterit conditio, ut nec fundi pure relictæ petitio transmittatur in heredem eius, quia non transmittitur in heredem nisi id legatum, cuius causa à me cœpit, id est, cuius dies me viuo aut moriente cessit. Denique hoc casu neque trans-

**A**mitto fundum sub conditione relictum, quia mortuus sum pendente conditione, cum nondum cessisset dies, neque transmittitur etiam fundum pure relictum, quia nec eius dum cesserat dies, nec enim cedit dies antequam possim eligere fundum illum, si nominatim pure mihi relictum est, atque eligere non possum, nisi & alterum eligere possim, & alterum eligere non possum ante conditionem, neutrum igitur. Denique neutrius dies cedit ante conditionem, & consequenter, si interim moriar, nihil transfero in heredem meum ex eo legato, quæ est sententia Papiniani in hoc loco. Quid vocat legatum? non illud neque illud, sed illud aut illud. Et idem procedit in specie legis, cum ita in pr. hoc tit. Ita legauit: Titio lego Stichum, aut quod ex Pamphila nascetur. **B** non ante cedit dies legati, quam Pamphila pepererit, purum est legatum, & vnius istius legati dies nulla ex parte cedit, antequam Pamphila pepererit, & si legatarius moriatur viua Pamphila, antequam pepererit, nihil omnino transfert in heredem suum. Eadem est ratio huius casus. Sed obstat valde huic definitioni nostræ l. si ususfr. hoc tit. non lex si penum, ut Accursius, notauit. Ad quam quemadmodum respondendum sit Accursius intellexit, sed tradidit satis obscure, & indiget illius responsio tibicine. Principia iuris hæc sunt, regulariter diem legati cedere à morte testatoris, quæ cessio ad transmissionem proficit: Nam si post mortem testatoris moriatur legatarius, transmittit legatum ad heredem, etiam si nondum acceperit aut vindicauerit; sed si decesserit viuo testatore nihil transmittit, quia mortuus est legatarius antequam dies legati cessisset. Regulariter, quando dies cedit à morte testatoris, si legetur mihi pecunia certa, dies legati cedit à morte testatoris. excipitur ususfr. & alia quædam. Sed res exigit, ut agamus de usufructu, qui cedit, non à morte, sed ab aditione hereditatis, l. 5. hoc tit. Ergo legatum pecuniæ cedit à morte, legatum ususfr. tardius cedit, nempe ab aditione. Nunc finge: legauit Titio usufructum, aut decem: vnum est legatum, in quo etiam si contineatur pecunia, tamen non cedit à morte testatoris, sed cedit ab aditione hereditatis: sed si pendente conditione moriatur Titius, sane non transmittit legatum usufructus, quod finitur morte. an transmittit legatum pecuniæ? Et lex ait, legatarium morientem pendente aditione hereditatis transmittere **D** legatum pecuniæ in heredem suum. Quod pugnat omnino cum his, quæ dixi. Sed ratio, quæ redditur perobscure etiam in d. l. si ususfr. pro responsione sufficit: quia, inquit, mortuo legatario dies legati cedit, viuo legatario dies legati non cedit, antequam adierit heres, ut diximus ante, mortuo legatario, id est in ipso momento, quo mortuus est legatarius, quo scilicet momento certum esse cœpit usufructus. in eius persona non posse consistere, etiam si eo ipso momento adiretur hereditas, quia & in tempus mortis legatarij usufructus conferretur inutiliter, l. Titio, de ususfr. Hoc, inquam, casu propter eam rationem dies pecuniæ legatæ retro cessisse videtur à morte testatoris. Ergo transmittitur legatum in heredem legatarij. Quod demonstratur etiam alio exemplo in d. l. si ususfr. legauit mulieri decem pure, aut si pepererit, fundum. dies legati non cedit, antequam pepererit. sed si morietur antequam pepererit, legatum pecuniæ transmittit in heredem suum, quia moriente ea dies legati cessit: viua ea non cederet dies legati, antequam pepererit, ante conditionem, id est, ante editionem partus: moriente ea, quia in ipso articulo legatum fundi extinguatur, quoniam certum esse cœpit iam parere eam non posse, dies legatæ pecuniæ retro cessisse videtur à morte testatoris. ergo transmittitur. Quæ est sententia d. l. si ususfr. Sed alia est ratio legati relictæ ita ut proponitur in hac l. cum illud, & l. cum ita. Finge: lego Titio fundum Cornelianum, aut si nauis ex Asia venerit fundum Tusculanum, vel aliter: lego Titio centum, aut si Caio dederit decem, fundum Cornelianum, si moriatur Titius ante impletam conditionem,



tionem nihil transmittit in heredem suum, quia hæ conditiones, aut similes impleri poterunt moriente eo prior ultimo vitæ momento eius, quia magis vitæ deputatur, quam morti. Hæ conditiones impleri poterunt moriente eo, puta ultimo vitæ momento eius, quod vitæ deputatur potius, quam morti. potuit navis ex Asia venire, potuere Caio dari decem per alium eius nomine, *l. ult. de cond. inst.* Hæ igitur conditiones moriente eo impleri potuerunt. Quæ res efficit, ut viuo eo, si non fuerint impleræ, vel moriente, quod tempus magis vitæ, quam morti deputetur, non videatur cessisse dies legati fundi Cornelianii, vel decem. quod si non cessit, nec transmissio est vlla legati. Hæc valde aperiunt ingenium. Vnum tantum proponam, si illud aut illud legetur, vnum est legatum. Obstant tria huic definitioni. primum si illud aut illud legetur, vtrumque est in obligatione, *l. si duo rei, de verb. oblig.* Hoc est certissimum. si vtrumque est in obligatione, & in legato igitur: nam legatum est causa obligationis, & si vtrumque est in legato, duo sunt legata. Neganda est consequentia: non enim ideo, quod vtrumque sit in obligatione, vel in legato, duo sunt legata: nam vtrumque est in legato, non ut petatur vtrumque, sed ut eligatur alterutrum. ante electionem vtrumque est in obligatione disiunctiuo modo, non coniunctiuo. post electionem ea res sola est in obligatione, quæ electa est, ut ait eleganter lex *112. de verb. obligat.* Ergo nec ante electionem proprie vtrumque debetur. Quid debetur proprie? quod peti potest, vtrumque peti non potest, aut qui petat vtrumque, plus petat causa. Ergo vtrumque non debetur proprie. hæc duo verba committant semper, debetur & petitur, *l. ita stipul. de verb. oblig.* Sed si quid ita sit in legato, ut vtrumque peti possit: tunc sane duo sunt legata. vtrumque vel coniunctim accipitur, vel disiunctim. vtrumque, id est, illud & illud, & Latini sæpe vtrumque, id est, alterutrum. Fallacia est, non vno modo accipis vtrumque, si ego accipiam altero, ut si coniunctim tu, ego disiunctim accipiam. Obstat huic regulæ lex *8. §. 1. de leg. 2.* quæ ait, duo esse legata, si ita legauerim: *Titio decem, aut si noluerit ea decem, Stichum do, lego,* sed vnico Titium contentum esse debere. Sed respondendo ex eo §. confirmari potius regulam superiorem: namque ait, hoc casu duo esse legata. Cum dicat, hoc casu duo esse legata, significat aliis casibus duo non esse legata, & regulariter igitur vnum legatum esse. Cur vero hoc casu duo sunt legata videamus. Et ratio sumitur ex illis verbis, *si noluerit*, quia ita dixit, *Titio decem, aut si noluerit decem, Stichum lego*, quæ verba efficiunt, ut Stichus peti non possit vel exigi antequam pecunia repudiata sit. Cedit ergo dies pecuniæ primum, & ea repudiata, tum cedit dies Stichi legati. Duo sunt dies, ergo duo sunt legata, & aliud alij quasi vicarium & succedaneum. vnus legati dies, quibus cedat, duo esse non possunt, quæ ratio est manifesta, cuius tamen oderem Baldus nullum sensit. Accurs. suboluit: ut si ita legauit, *decem aut Stichum do, lego*, non inferendo illa verba, *si noluerit decem*, proculdubio vnus dies est legati, ut intelleximus ex initio *l. cum illud.* Vnum est igitur legatum alterutrius rei, vnum legatum in alterutra causa, ut ait *l. 8. §. ult. de legat. 1.* Hoc apertissimum. Sed obstat etiam superiori regulæ *l. plane §. pen. de legat. 1.* quæ, si legetur fundus aut vsusf. disiunctiuo modo, ait, duo esse legata, & in arbitrio esse legatarij, an velit fundum vindicare, an velit esse contentus vsufr. Plerunque contenti sumus leuiori legato, & pingua spernimus, quidni? Cum & legatum omne sint sæpe qui spernant, & repudiant. potest quis certa ratione duci, ut malit vsufruct. quam fundum plenum, vel ut gratificetur heredi, vel fastidio quodam honoris sibi delati, aut dum quis non vult videri auarus in exigendo legato, hoc non debet mirum videri. Hoc igitur mittamus & interea retineamus quod lex ait, *si legetur fundus aut vsusf. duo esse legata*, quod mirum in modum aduersatur superiori regulæ.

**A** gulæ. Quid respondeamus? Sciendum est, primum fundi appellatione significari plenum dominium, ut appellatione cuiuslibet rei, id est, proprietatem & vsufr. Ergo qui fundum legat, vsufr. etiam legat. vsufr. est pars fundi, vel potius, non est certe pars fundi: neque enim est corpus, ut fundus, sed ius incorporale: sed in iure habetur pro parte fundi, ita ut liceat Iureconsulto dicere, vsufr. est pars fundi, quod non liceret philosopho, *d. l. si Titio, de vsufr.* vbi id latius exposui. Item sciendum est, vnum legatum non posse scindi à legatario. scinditur, si legatarius partem legati amplectatur, partem respuat. legatum est honor: honorem neque decet, neque licet fastidire insipide & inconstanter: aut suscipi omnis debet ex integro aut nullus. hereditatem non possum adire pro parte, & repudiare pro parte: hanc superbiam, hanc incōstantiam: hoc fastidium non recipimus. Exemplum hereditatis sequimur in legato, si duo sunt legata, ut si legetur fundus vel pecunia coniunctiuo modo, sane possum fundum amplecti, pecuniam spernere, ut cōtra pecuniam amplecti, fundum spernere, quia non discindo legatum, non illud discindo, & non etiam illud, neutrum discindo, sed illud amplector, illud non amplector. Duo sunt legata, illud volo, illud nolo, *l. 4. §. 5. & 6. de leg. 1.* Et ut posui, legato mihi fundo & pecunia certa, non possum partem fundi petere, & partem pecuniæ, ceteras partes negligere, quia scindo legatum, scindo & dissipo iudiciū defuncti. Idemque erit omnino, si disiunctiuo modo legetur fundus, aut pecunia certa, quamuis eo casu vnum sit legatum, non duo, non possum eligere fundum integrum vel summam integram. quicquam non dissipo, quia non scindo quicquam hoc modo. verum non possum petere partem fundi, & partem pecuniæ quia scindo legatū, *l. 8. §. ult. de leg. 2.* Quid igitur, si legatur fundus, aut vsufruct. eiusdem fundi, quæ est species *d. l. plane §. pen.* an possum eligere vsufructum? quod non videtur, quia eligendo vsufr. scindo legatum fundi, cuius pars vsufr. est. Atqui hoc est contra voluntatem defuncti, ut non possim eligere. Ergo quod ad hanc regulam attinet, ne quid fiat contra voluntatem, melius est, ut dicamus, duo esse legata, & omisso fundo vsufr. solum eligi posse, sicut si legasset fundum aut partem fundi. Si totum quiddam aut partem, si familiam aut vnum ex familia, si gregem aut aliquot capita ex grege, possum totum seu vniuersum mittere. & amplecti partem, quasi duobus legatis relictis secundum voluntatem defuncti, qui voluit hoc modo, ut possim fundum scindere admissio vsufr. solo, vel parte fundi tantum. vsufr. electio scisio est fundi: quod admittitur ex voluntate defuncti, quasi relictis duobus legatis. Cum autem legatur fundus aut pecunia certa, pecuniæ electio non est scisio fundi, quia ea pecunia non est pars fundi. Igitur ut pecuniam eligere liceat, non est necesse ut legatum quod est vnum, constituamus esse duplex: quod est necesse legato fundo aut vsufr. ut exitum habeat voluntas defuncti, qui vel vsufr. solum, quamuis sit pars fundi, voluit eligi posse, id est, qui fundum scindi posse, si hoc malit legatarius. Et ita explicanda est ratio *d. §. pen.* ad quod facit *l. Titio, de leg. 2.* si Titio, de vsufr. leg. Nunc transeamus ad alteram partem huius legis.

## Ad §. heres:

*Heres meus Titio dato, quod mihi Seius debet: si Seius pupillus sine tutoris auctoritate nummos accepisset, (nec) locupletior factus esset, quia nihil eius debet, nullius momenti legata erit. quod si verbo debiti naturalem obligationem, & futuram solutionem cogitauit, interim nihil Titius petet, quasi tacite conditio inserta sit: non secus, ac si ita dixisset: Titio dato, quod pupillus soluerit: vel si legasset, quod ex Aretibus natum erit, vel fructus, qui in illo fundo nascentur. Contrarium non est, quod si medio tempore legatarius moriatur, & postea partus edatur, fructus perueniant, pecuniam pupillus*



*ex soluat: heres legatarij petitionem habet: namque dies legati, cui conditio non adscribitur, quamvis extrinsecus expectanda sit, cedit.*

**P**ROPOSITIO hæc est. testator ita legauit, *heres dato Titio, quod mihi Seius debet*, quibus verbis videtur legasse Titio obligationem Seij, ita vt in hoc tantum teneatur heres legatario, vt ei cedat actionem aduersus Seium. His igitur verbis legauit nomen Seij, quod legari non potuit alio genere, nisi eo, heres dato, hoc est, per damnationem, nomen nunquam legatur per vindicationem. Igitur si nihil debeat Seius, nullum est legatum, quia id, quod legato continetur, non est, quia deficit substantia legati, vt diximus in *l. cum tale, sup.* Nunc finge: Seius defuncto debuit aliquid naturaliter, non ciuilit, & vt dixi, testator damnauit heredem dare quod Seius debet, sed naturaliter tantum, non ciuilit, puta, Seius est pupillus, qui accepit mutuum pecuniam sine tutoris auctoritate, ex qua factus est locupletior, quæ species ponitur in *l. h.* Certissimum est, pupillum accipientem pecuniam sine tutoris auctoritate, non obligari ciuilit. Idemque erit, si promiserit pecuniam stipulanti sine tutoris auctoritate: nam & in minore idem iuris est, vt si stipulanti promittat, non obligetur: quia lex Latoria vetat minorem 25. annis stipulari, id est, promittere. Ergo, hoc est certissimum, pupillum mutuam pecuniam accipientem, & promittentem sine tutoris auctoritate, non obligari ciuilit. quæritur, an obligetur naturaliter? Sunt hac in re multæ leges, quæ pugnant inuicem, & est summus omnium labor in eis adducendis in concordiam. fuit mihi olim maximus, & diu in desperatione fui: sed hodie liquido constat, quod posuimus in *l. pupillus, de verb. obligat.* pupillum mutuam pecuniam accipientem sine tutore, obligari naturaliter, si ex ea fuerit factus locupletior. Et ita est accipienda *l. si pupilli, ad leg. Falcid. l. si eius pupilli, ad Trebell. l. 1. de natat.* vt constat ex *l. naturaliter in fine, & seq. de condict. indeb.* Et notandum est, hac lege nostra, quæ ponit, pupillum obligari naturaliter ex pecunia mutua, pupillum factum locupletiozem: nam pessime vulgo legebatur, *nec locupletior factus esset.* qui articulus *nec* abest à Florentinis, non deest. Est igitur illo loco ἀσύνδετον, hoc est, oratio soluta sine coniunctione, *si pupillus nummos accepisset, si locupletior factus esset*, hoc est, & locupletior, & naturaliter obligatur, *l. pupillus, de obligat. & action. l. quod pupillus, de condict. indeb.* Et hoc quidem casu, si non esset factus locupletior, non valeret legatum, quod initio proposuimus, herede damnato præstare, quod pupillus deberet: quia nihil deberet, nec ciuilit, nec naturaliter. at pupillo obligato naturaliter, puta facto locupletiore ex pecunia credita, nonnullas vires habebit legatum, si, vt verisimile est, testator verbo debendi, id est, his verbis significare voluit naturalem obligationem, *l. quibus §. dominus, de condit. & demonstrat.* vt sæpe testatores improprie loqui solent, vt ait lex *non aliter §. pen. de legat. 3.* Proprie enim id tantum debetur, quod peti potest, hoc est, quod ciuilit debetur. naturale debitum peti non potest, *l. si is, qui nummos §. fundus, de solut. & l. Stichum §. à Titio, eod. tit.* siquidem adhibeatur interpretatio ea, quam tradidimus in *d. l. si pupillus, de verborum obligat.* satis perspicue. Idem ostenditur in *l. fideiusso, l. qui cum, l. heres §. seruo, de fideiusso. l. 1. §. id quod natura, ad legem Falcid.* Denique, quod natura tantum debetur, peti non potest: & hunc tamen habet effectum, quod si sit solutum, non possit etiam repeti quasi indebitum, vt superiores tituli ostendunt, & vt solco dicere, in eo, quod natura debetur, neque verbo, *peto*, neque verbo *repeto*, est locus: igitur neque est debitum prorsus, neque indebitum: quia nec quasi debitum petitur, nec quasi indebitum repetitur. & consequenter, si in spe-

cie proposita pupillus heredi soluerit, quod naturaliter defuncto debuit, id heres legatario præstare cogitur. non potest ei cedere actionem, siue petitionem debiti, quæ nulla est: sed si pecuniam soluerit, prius debet eam legatario præstare, atque ita hoc legatum nonnullas vires habet, quasi scilicet tacita conditione iniecta legato, *si pupillus heredi soluerit heres dato: quod pupillus mihi debet, si id pupillus tibi soluerit.* sicut si ita legasset palam, *heres dato, quod pupillus tibi soluerit*: nam his verbis etiam inest tacita conditio, si soluerit: sicut si legauero hominem, qui ex illa ancilla nascetur, inest tempus, ita & in hoc legato inest conditio, *si quis nascetur.* Et similiter, si legentur fructus, qui ex fundo nascuntur, inest tacita conditio. Quibus omnibus exemplis Papinianus vtitur hoc loco. Ergo in proposito casu, si heres damnetur Titio dare, quod pupillus debuit naturaliter, inest tacita conditio, si pupillus soluerit heredi, quod naturaliter debuit defuncto, quæ tamen conditio tacita non impedit transmissionem: Nam si interim decesserit legatarius, antequam pupillus soluerit heredi, non idcirco minus transmittit legatum ad heredem suum, quia tacita conditio non efficit legatum conditionale, quæ venit extrinsecus, vt ait Papinianus in fine huius legis, hoc est, extra scripturam testamenti, quæ non est scripta in testamento, *l. 6. hoc tit. l. in his, l. cond. de cond. & demonstr.* Quæ lex conditionis est ex eodem libro, & statim est applicanda ad finem huius legis. Ait enim conditiones, quæ extrinsecus veniunt, vt cum hac lege in fine ait, *quæ extrinsecus veniunt, non ex ipso testamento*, hoc est, quæ tacite insunt, non faciunt legata conditionalia, hoc est, non impediunt transmissionem ad heredes legatariorum. Hæc est sententia huius §. Vnum est notandum, quod omisi. dixi ex naturali obligatione, qua tenetur pupillus, non nasci actionem; est ita secundum ius antiquum, sed hodie ex Constitutione Diui Pij, nascitur utilis actio, si ex pecunia credita factus est locupletior, *l. pupillus, de auctorit. tutor. l. 3. commod. l. 3. §. pupillus, de negot. gestis.* Ergo post Constitutionem Diui Pij, nempe hodie, maior esset effectus istius legati. Namque heres tenetur hodie legatario cedere utilem actionem. Sed quod tractat Papinianus in hoc §. ita tractat, ac si non esset Constitutio Diui Pij. Denique tractat de eo, quod obtinuit ante Constitutionem Diui Pij, sicut etiā Scauola in *l. si pupillus, de verb. obligat.* Et sane idem Papinianus in *l. cum tale §. 1. de condit. & demonstr.* de iure tractat, quod fuit ante Constitutionem Diui Marci. Et ita etiam in *tit. de precario*, sane tractatur de interdicto de precario, respicit tamen ius antiquum: nam hodie non est necesse ire ad interdictum de precario, cum suppetat actio ciuilis ex precario, id est, præscriptis verbis, *l. 2. l. interdictum, l. duo §. vlt.* De precario multa scribunt iuris auctores, de iure antiquo, tanquam de iure recenti, non quod ignorent, antiquum esse, sed quia libeat illis se exercere, quod non est absque fructu: alioquin non recte disputaretur eo modo de questione proposita hac *l. cum illud.* nam hodie non esset expectanda solutio, quandoquidem statim heredes tenerentur legatario cedere actionem.

Ad princip. *l. 10. de vsu & habitat.*

*Si habitatio legetur, an perinde sit, atque si vsus, quaeritur? Et effectus quidem idem pene esse legatum vsus & habitationis, & Papin. consensit lib. 18. quaest. Denique donare non poterit, sed eas personas recipiet, quas & vsuarius. ad heredem tamen nec ipsa transit, nec non utendo amittitur, nec capitis deminutione.*

Papinianus citatur ab Vlpiano in *l. 10. in princip. de vsu & habit.* in hanc sententiam: effectus idem pene est legati habitationis, & legati vsus adium; effectum



pene vtriusque legati eundem esse. Et ita Pomponius in A  
*l. si quis vna ædes, de usufr.* legata habitatione, vel excepta  
 habitatione, vsum ædium exceptum videri. Idem igitur  
 pene est habitatio, & vsum ædium. Quid est habitatio?  
 vsum ædium. Quid vsum? habitatio ædium. Effectus v-  
 triusque legati idem est: nam vtriusque ius perimitur  
 morte legatarij, nec transit ad heredem. Et inde feudum  
 habitationis dicitur finire morte accipientis, *lib. 4. feud.*  
 secundum distributionem naturalem *tit. de feud. habitat.*  
 Et vtriusque legati dies cedit ab adita hereditate, non à  
 morte testatoris, *l. 2. l. si habitatio, quando dies leg. ced.* Ac  
 præterea is, cui legata est habitatio, non solus ipse habi-  
 tare potest, sed eas personas, si velit, recipiet, quas & v-  
 suarius recipere potest, puta familiam suam, uxorem, li-  
 beros, seruos, liberos, mercenarios, hospitem, inquil-  
 num, cui forte locauerit cœnaculum ædium, dum ipse  
 quoque inhabitet, & alias quasdam personas, quæ enu-  
 merantur in illo *tit. de usu & habit.* Item sicut vsuarius v-  
 sum alij donare, aut gratis concedere seorsim sine se non  
 potest, *l. 8. eod.* ita etiam is, cui legata est habitatio, non  
 potest seorsim sine se aliis concedere, siue donare habita-  
 tionem totam, vt est scriptum in *d. l. 10.* Quod Constitu-  
 tio Iustiniani etiam non permittit, *l. cum antiquitas, C. de*  
*usufr.* quæ loquitur de locatione tantum. vt is, cui habi-  
 tatio competit, possit etiam alij locare: non permittit  
 etiam donare. plus est donare, quam locare: nam qui lo-  
 cat, fruitur habitatione percipiendo mercedem. Qua ra-  
 tione, & quod Constitutio ait de locatione, possis trahere  
 ad venditionem, quæ duò negotia simillima sunt, loca-  
 tio & venditio. Nam & qui vendit, quodammodo  
 fruitur habitatione, dum pretio fruitur: qui donat, omne  
 ius illud à se alienat. Ergo dicam, hodie etiam non lice-  
 re donare alij habitationem: nam hoc est ius omne à se  
 abdicare. Constitutio Iustiniani loquitur de locatione,  
 non de donatione. Ex oâ Constitutione inducitur vna  
 differentia inter vsum & habitationem, habitationem  
 posse alij locari, vsum non posse alij locari. Plus inesse  
 videri habitationi, quam vsui nudo. Et in aliis causis  
 etiam differentia est inter vsum & habitationem. At re-  
 & Papinianus, vt refertur in *l. 10. dixit*, pene idem esse.  
 Primum enim vsum capitis deminutione amittitur: ha-  
 bitatio non item. Et ratio redditur in *l. legatum, de capit.*  
*minut.* quia legatum habitationis in facto magis, inquit,  
 quam in iure consistit. Difficilis est ratio, ( vt solent sæ-  
 pè iuris auctores suas astringere rationes ) sed dilatanda  
 est. Vsum iuris est potius, quam facti, hoc est, ius vtendi  
 potius significat ius aliquod, quam actionem seu factum  
 ipsum vtendi, atque ideo facile iure ciuili tollitur, ma-  
 xime iustale, quod personæ cohæret, quandoquidem  
 persona capitis deminutione immutatur. Habitatio au-  
 tem facti est potius, quam iuris; quod facti est, naturale  
 est, quod autem naturale est, iure ciuili non perimitur.  
 Ergo habitatio iure ciuili, hoc est, capitis minutione non  
 perimitur, vsum nomen est iuris, habitatio, facti nomen  
 est. Item vsum amittitur non vtendo, habitatio non amit-  
 titur non vtendo, quandiu domus manet, quia scil. vsum  
 nomen refertur ad personam eius, qui vtitur; eo igitur  
 non vtente, vsum disperit; habitatio autem refertur ad  
 rem ipsam, quæ inhabitatur, adeo vt sæpe accipiatur pro  
 domo. Et vt constat ex *d. l. cum antiquitas*, fecit dubita-  
 tionem, an habitatione legata, videatur domus legata,  
 hoc est proprietas. Verbum enim habitationis est am-  
 biguum, nam & rem ipsam, quæ inhabitatur, significat,  
 seu proprietatem. Sed in dubio videbitur legasse tantum  
 inhabitationem, habitatione legata, non ædes ipsas, nisi  
 eam fuisse mentem defuncti legatarius probauerit. Po-  
 tuit enim ( nec mirum ) habitationem accipere pro domo  
 ipsa: vsum nudus numquam accipietur pro domo ipsa.  
 Igitur non est eadem vis vtriusque vocabuli: nec mirum  
 igitur, si non sit per omnia idem effectus vtriusque le-  
 gati.



## IACOBI CUIACII

## IVRISCONSULTI

## COMMENTARIUS

## in Lib. XIX. Quæstionum

## Æmilij Papiniani.

Ad l. 7. de iur. &amp; fact. ign.

B *Iuris ignorantia non prodest acquirere volentibus, suum  
 vero petentibus non nocet.*



Regula est de errore iuris vel potius ignoran-  
 tia, nam iuris ignorantia stultitia est potius,  
 quam error. Nostri auctores stultitiam vo-  
 cant iuris ignorantiam, stultum iuris igna-  
 rum. Error proprie est ignorantia facti, de qua non est  
 regula in *d. l.* sed de ignorantia iuris tantum. Et est regu-  
 la, *iuris ignorantiam non prodesse in acquirendo*, id est, si  
 quis aliquid velit acquirere, nihil ei proficiet ad acqui-  
 rendum ignorantia iuris; iuris item ignorationem non  
 obesse in conseruanda aut persequenda re sua, & vt est  
 in *l. 8. hoc tit.* iuris ignorantiam non prodesse in compen-  
 diis, in lucris, si quod captes lucrum: non obesse etiam  
 in damnis amittendæ rei suæ; iuris ignorationem pre-  
 mio non affici, sed neque damno mulctari. Denique ob  
 iuris ignorationem, neque nos expensum captare, nec  
 acceptum metuere. Hæc est regula, quæ ita varie con-  
 cipi potest, sed nihil ago, nisi declaro, quid sit iuris  
 ignorantia, & quæ sit ratio huius regulæ, & quid iu-  
 ris ignorantia efficiat, vel non efficiat, & nisi omnia  
 exemplis facio dilucida: Iuris ignorantia, non est igno-  
 rantia artis nostræ, sed iuris ignorantia, est ignorancia  
 eius iuris, quod sciunt omnes, etiam plebei & idiotæ,  
 plerumque rustici. Omnes sciunt ius naturale, id omnes  
 ex natura ipsa hausimus, & ad id non eruditi, sed facti,  
 non instituti, sed imbuti sumus. Et hoc de iure natura-  
 li est certissimum, adeo vt nec ad id pertineat regula;  
 sed ad ius ciuile. Porro omnes sciunt ius ciuile, id est, le-  
 ges publice propositas, & in æs incisas, aut vt hodie sit,  
 scripturæ expressione frequenti, multiplici diuulgatas  
 passim, & frequentatas. Hæc leges sunt, sane pos-  
 sunt esse, aut esse debent, vt eleganter ait *l. 2. eod. r.*  
 infinitas leges perdere remp. Solebant olim publice per-  
 scribi leges in foro, vel incidi planis literis, vnde de pla-  
 no recte legi possent. Et iniquissima mens fuit Caligulæ  
 Imperatoris, qui, vt Suet. refert, leges quidem, vt  
 irretiret populum, proponebat minutissimis literis, &  
 angustissimo loco, vt ne cui leges legere & describere  
 liceret, nec tamen ideo minus his legibus teneretur,  
 quod erat iniquissimum, & iusta est earum legum igno-  
 rantia. Quod palam publicatum est clatis literis, vt le-  
 gendi sit potestas vnicuique, ius ignorare non possum;  
 aut si ignoro, ipse mihi ignorantia causa sum. Quam-  
 obrem eo iure teneor, perinde atque si hoc scirem. Lex  
 omnis est publica, nemo ignorare videtur, quod est pu-  
 blicum, hoc est, quod patet omnibus, aut si quis igno-  
 rat, pro sciente habetur, alioqui nemo non depelleret  
 publicam vtilitatem. Quod si ex ipsis legibus oriatur  
 aliqua dubitatio, est in vrbe bene constituta copia iuris  
 interpretum, quos licet consulere, quam rationem spe-  
 ctauit *l. regula §. sed iuris ignor. hoc tit.* Et ait recte, ita  
 facile esse ius scire vnicuique quò ciuitas vtitur. Id ergo  
 nescire esse latam culpam, magnam negligentiam, stul-  
 titiam nescire, quod sciunt omnes. Et ait Arist. 3. Eth.  
*puniri eos, qui quid eorum, quæ legibus continentur, igno-  
 rauerint, vel oportuit scire, & erat facile ea scire.* Et *l. 1. in*



punitur, qui committit in legem, qui deliquit contra ius, etiam si obtendat iuris ignorantiam: neque enim causatio hæc recipitur, siue sit ius naturale, siue ius civile, sane ius naturale neminem excusat crimine aut pœna, si sit atrocius crimen, quod natura prohibet, ut furtum, homicidium, adulterium: non excusat fœminam ignorantia iuris naturalis, non minorem 25. annis, non rusticum, sed quandoque miseria sexus, vel rusticitatis, vel ætatis, iudicem perducit ad mediocrem pœnam, *l. auxilium, de minor. in milite pœna exasperatur, l. quædam, de pœn.* At iuris civilis ignorantia sane his pœnis excusabit fœminam, & rusticum, & minorem 25. annis, *l. diuus §. pen. l. §. ad leg. Cornel. de fals. l. si quis ingravi §. si quis ignorans, l. si id quod §. doli, de iurisd. omn. ind. l. 1. §. ult. de edendo, l. §. §. nostrum, ad l. Iul. de adult.* Punitur etiam dolus, non lata culpa. Citra delicta autem in aliis negotiis gerendis iuris ignorantia nemini nocet, ut si indebitum soluerò per iuris ignorantiam, non ideo mihi est deneganda conditio, puta, si id nec naturaliter, nec ciuiler debui: Contra, iuris civilis ignorantia etiam non prodest, hoc est, lucrum non adfert, non prodest in lucro, non obest in damno: ut si per iuris ignorantiam soluerò indebitum, non ideo condicam, quod nec alias condicerem, non hoc lucro afficiar, quia ius ignoravi, quia res, quam solui facta est aliena, nec vel remota ignorantia iuris condici potest; ac consequenter ignorantia iuris, etiam condici non potest, *l. cum quis, C. de iur. & fact. ign. & l. regulariter §. si quis, h. tit.* In vſucapione quoque iuris ignorantia non prodest, ut si emero à pupillo sine tutoris auctoritate, putans me posse id vſucapere, non est idonea hæc causa ad vſucapionem, *l. numquam, & l. si fur. de vſurp. & vſuc. l. 4. hoc tit.* Et similiter heredi volenti acquirere hereditatem non prodest ignorasse ius, quia in acquirenda hereditate præstituta sunt quædam tempora, puta centum dies, non prodest, inquam, ut post ea tempora admittatur. Quod adeo verum est, ut nec fœminis ius ignorantibus subueniatur in lucris, *l. 3. l. quamuis, h. t. nisi sint minores 25. annis*, nam hoc ætati sine distinctione sexus sæpe dari solet, etiam si ius ignorauerit, *l. reg. §. 1. h. t.* Mulieribus quoque solet subueniri ius ignorantibus, sed non in lucris, *d. l. reg. §. si quis.* Aliquando etiam rusticis non habentibus copiam Iurisconsulti, quem consulant, sed raro parcitur rusticitati ob ignorantiam iuris: aliquando excusabit rusticum iudex, syluicolam puta qui plerumque iuris est ignarissimus, imo iuris percipiendi incapacissimus. Et recte *d. l. regul. §. sed iuris*, si non fuerit rustico copia Iurisconsulti: aliquando subueniri etiam iis in compendiis. sed raro, non temere. Regula hæc difficillimos explicatus habet. & cuius periti ita sunt vulgo interpretes nostri, ut ad primam quidem partem sciant multa exempla, ad secundam nullum. iuris ignorantia non prodest acquirere volentibus, in negotiis sc. ciuilibus gerendis: neque enim hanc regulam aptari velim ad pœnales causas, de quibus tamen postea, sed ad contractus, & alias causas non pœnales. Ergo in gerendis ciuilibus negotiis iuris ignorantia non prodest acquirere volentibus. Acquisitio est lucrum, quod sc. obuenit sine deminutione rei suæ: & retro, lucrum est acquisitio rei alienæ ex causa lucratiua, non onerosa. quod acquirimus ex venditione emptione, non est lucrum, si emero vero pretio, quod acquirò ex legato, ex donatione, est lucrū. Lucrum est, quod ex alieno mihi obuenit sine vllò onere meo. Quæ sententia huius partis est, iuris ignorantiam in lucris non prodesse, in acquisitionib. lucratiuis, ut quemadmodum in *l. 45. iuris ignorantia non prodest in vſucapione: vſucapio est acquisitio lucratiua, est lucrum coniunctum cum alieno detrimento, l. 18. & 19. ex quib. cau. maior.* Ergo in vſucapione nunquam prodest iuris ignorantia, hoc est, ignorantia ius non procedit vſucapio. Exempli gratia, non possum vſucapere rem, quam à pupillo emi sine tutoris auctoritate, etiam si pu-

tem, me eam rem iure emisse: neque enim existimatio mea est ignoratio iuris, *l. nunquam, in prin. de vſuc. l. 2. §. si à pup. pro empt.* non possum etiam vſucapere, quod licet mihi vſucapere, si ignarus iuris putem, id me vſucapere non posse, *l. si fur. §. 1. de vſuc.* Quod notandum. Neque huic exemplo obstat *l. insto §. filius, de vſuc.* in cuius specie possidet quis, quod potest possidere, licet putet se id non posse possidere. Cur ergo etiam non vſucapit quis, quod potest vſucapere, licet putet se id non posse vſucapere? Et est species §. *filiusfamil.* huiusmodi. Sciendum est filiumfam. peculium non possidere, aut rem peculiarem sibi, sed patri; filium igitur tenere quidem rem peculiarem corporaliter, sed non possidere, quia ius peculij ad patrem pertinet: non possidet rem ex causa peculiari quæsitam, quia & hæc res est peculiaris. Hoc est certissimum. Finge nunc: filiusfam. emit rem alienam, ignorans esse alienam, à non domino; atque etiam ignorans se patremfam. factum morte patris: putabat se esse filiumfam. & erat paterfam. ac in ea cum esset opinione, rem quam emerat sibi traditam, cœpit possidere, existimans se esse filiumfam. atque ita ignorans, se eam posse possidere, non ignorans filiumfam. qualem se esse putabat non posse possidere rem peculiarem, an possidet & vſucapit? sic videtur, quia plus est in re, quam in opinione, & est paterfam. reuera, & possidere eam rem potest, ac vere nihilominus possidet & vſucapit. Respondendum; omnem eum errorem, de quo agitur in §. *filiusfamil.* consistere in facto, quia talem se existimat esse, ut non possit possidere ignarus conditionis suæ, qui error est facti, non iuris, ignorans sc. mortem patris, qua factus est paterf. ipse. Vnde magis spectatur, quod in veritate est, quam quod est in existimatione mentis, ut si quis putet se emisse rem à non domino, qui tamen erat dominus & accepisset errans in qualitate venditoris, non in iure ciuili, non ideo minus videtur traditione dominium acquisisse, *l. pen. §. qui ignorans, hoc tit.* At secus est, si putet se vſucapere non posse rem, quam potest vſucapere, errans in iure, non in rei qualitate, siue natura, non in facto. Hic est merus error iuris, idcirco non procedit vſucapio, & ita accipienda *d. l. si fur. §. 1.* Vnde relinquitur verum esse, in vſucapione non podesse ignorantiam iuris, esse enim vſucapionem speciem lucri. Error iuris non prodest in acquirenda hereditate aliena, puta non prodest ius ignorasse, quo agnoscendæ bon. possessionis præscripta sunt certa tempora ut postea admittatur, quod imperitia iuris peccauerit, ac nec fœminis quidem prodest, *l. 3. l. quamuis, C. de iur. & fac. ign. l. iuris, qui admit. ad bon. poss.* Minoribus 25. annis prodest etiam in lucris, & militibus, & rusticis aliquando, *l. pen. hoc tit.* Ergo nec fœminis, nec masculis maiorib. 25. annis, iuris ignorantia prodest: in lucris, & rusticis etiam raro. Et ita quoque in damno amittendæ rei suæ, non tantum fœminis succurritur, *l. ult. C. de iur. & fac.* Idque Iustinianus ait in *l. ult. C. qui pot. in pig. hab.* non sc. pro lucro fouere mulieres, sed ne damnum patiantur, suisque rebus defraudentur, in damno, inquam, amittendæ rei suæ, non tantum fœminis subuenitur, sed etiam maribus, *l. 8. h. tit.* Cuius rei exemplum est in *l. 8. fideicommissa, de leg. 2.* Est species elegans: vir ab vxore herede instituta, certorum prædiorum fideicommissum reliquit suis libertis post mortem vxoris, ipsa moriens ea prædia per fideicommissum reliquit, non libertis mariti, quibus erant relicta priore fideicommissio, sed etiam libertis propriis, & libertis mariti, qui petere poterant ea prædia ex testamento mariti, cuius non erant ignari, in solidum sc. repulsis libertis mulieris. lapsi ignorantia iuris, longo tempore vſi fideicommissio sunt promiscue cum libertis mulieris, an amiserunt petitionem prioris fideicommissi? Minime. Ignorantia iuris fecit longo tempore, ut non peterent liberti mariti fideicommissum sibi debitum. longo tempore non tollitur actio fideicommissi, quia perpetua est actio, quæ si tēpore sublata esset,



puta triginta annis prætextu iuris ignorantia non restitueretur, *l. sicut, inf. C. de præscrip. 30. ann.* At ea actione nondum perempta tempore, iuris ignorantia suum petentibus nihil obest. Suum enim est, non tam quod suum proprietate, sed etiam, quod suum est obligatione, id est, sibi debitum. Et ita sæpissime accipitur in iure, & ita sane accipere oportet in *h. l. 7.* suum sc. vel proprietate vel obligatione, & rem suam in *l. 8.* Et ita quoque, ut vitar alio exemplo, mulieri in petenda dote nihil obest ignorantia iuris, quia rem suam petit, quæ sc. dominio suo nunquam abscessit, neque enim dotis datio plane alienatio est: sed ea ignorantia obest mulieri, hoc est, non prodest persequenti lucra nuptialia ex donatione propter nuptias. Cujus rei exemplum, sed satis difficile explicatu est apud Harmenop. *1. Epitom. l. 3. ad fin.* Ex eo iure, quod ea ætate obtinebat, quodque obtinuit olim, ut refert Leo philosophus in *Nov. 110.* & quod ius esset hodie perquam utile. Quæso quid non hodie mulieres post mortem viri artibus omnibus deripiunt? & conuasant mobilia omnia, quæ maritus reliquit etiam in fraudem propriorum filiorum: huic rapacitati quemadmodum occurremus? exemplo Leonis philosophi in *d. Nov.* restituto iure veteri, ut sc. mulier, quæ post mortem viri insidens bonis defuncti, non fecisset inventarium omnium rerum, quæ in bonis, aut ex bonis fuissent, sub moveatur a petitione rerum dotalium non extantium, quod sc. ipsa eas suppressisse præsumeretur potius, quam maritus ipse consumpsisse veluti *ὑποβόλῃ* aut donationis propter nuptias. Quæ constitutione placebat etiam eam mulierem filio vel filijs teneri cæterarum rerum nomine, quas filij iurassent in bonis patris fuisse mortis tempore. Est præclarissima Constitutio & poterit quandoque in usum reuocari. Placebat etiam, ut quæ noluisse facere inventarium, non esset potior in hyp. ob causas dotis alijs creditoribus defuncti. Nam non potest non duci malo consilio, quæ inventarium facere detrectat. Id vero inventarium Leo vult fieri intra menses tres. Hoc interpretes ita accipiunt ut fiat intra tres menses in vrbe, in prouinciis vero intra annum, ut ait Harmenopul. exemplo inventarij, quod fit ab herede, *l. ult. C. de iure delib.* & inventarij, quod fit à tutore vel curatore, ut idem Harmen. refert *5. Epit. r. 11.* Dices, tu vis remedio inventarij occurrere fraudibus, & dilapidationibus mulieris: nec occurras tamen. Nam dum iubes inventarium fieri intra tres menses, satis das eis spatij ad dilapidanda bona defuncti, vel vnus dies quandoque suffecerit ad euertenda vasa pretiosa, & pecunias omnes: satius itaque esse ita constituere, ut statim à morte mariti coram publico scriba faceret inventarium rerum, quæ in pecunia sunt, quæ faciliores inuestigatu sunt, & quæ facilius auerti possunt, & subduci; cæterarum autem rerum, quæ sunt in longinquo intra dies, quibus ad ea loca, in quib. sunt, perueniri potest, alioqui, ut dixi, spatium ei dabimus satis, ad euertendam rem defuncti. Sed respondeo, tempus illud non præstituit inchoando, sed absoluen-do inventario: in choari scilicet voluit inventarium, & perfici saltem intra tempora, & pretiosa quæque conscribi primum primo die sine mora vlla, deinde cætera prædia prout exigit familiæ, vel prædiorum, vel opulentia ratio. Quod obtinet etiam in inventario conficiendo à tutore: Et valde pertinet etiam, quod ijdem interpretes multis locis volunt, & est quod proprie pertinet ad quæstionem, ut ignoscatur mulieri dotem suam persequenti, si ignorantia iuris inventarium non fecerit, non etiam persequenti lucra nuptialia, iuxta id, quod diximus, mulieri subueniri ne damnum patiatur rei suæ, non etiam, ut lucrum faciat. Hoc tamen necesse est, ut mulieri, si dotem suam persequatur, quæ lapsa ignorantia iuris non fecit inventariū, præstet iusiurandum minus *ἀποκρυβῆς* est error in vna litera, oportet scribere *ἀποκρυβῆς* per v, ut se purget iure iurando, nihil se subtraxisse, aut subduxisse ex bonis

defuncti & ita quoque Græcis actio ad exhibendum quæ est de exhibendis rebus quæ supprimuntur, calantur appellatur *πρὸς ἀποκρυβῆς πραγμάτων ἀγωγή*, *l. action du recèlement des choses.* Nec vero mirum videri debet eo casu, si fiat distinctio rei dotalis, & lucri nuptialis, damni & lucri secundum regulam nostram; cum etiam, si, quod notandum est, mulier ignorans ius, ignara iuris, puta nesciens se in causa dotis præferri omnibus creditoribus, etiam anterioribus, quod est privilegium dotis comprehensum iure communi, si ignorans, inquam, hoc ius, alios creditores defuncti prætulit sibi, nihilominus habebit integram petitionem dotis, *si elle ne s'est payée la première*, nec propter imperitiam iuris damnum dotis suæ faciet: sed non habebit persecutionem lucrorum nuptialium, puta, si in eis persequendis existimarit, potiorum esse causam posteriorum creditorum defuncti, quæ non est potior, si sint posteriores, *l. ult. sup. qui pot. in pign. hab.* Ergo in lucro captando nuptiali, vel quo alio, nec masculo; nec fœminæ iuris error quicquam prodest. Ex hac regula iuris oritur quæstio in debito soluto, *an sc. indebitum solutum per ignorantiam iuris possit repeti conditione indebiti?* Si sit solutum per ignorantiam facti, constat posse repeti. Sed quæritur, *an etiam indebitum solutum per ignorantiam iuris possit repeti?* Res non caret dubitatione. Nam in damno versari videtur, qui indebitum soluit per imperitiam iuris; ergo ne imperitia iuris ei noceat, subueniri ei debet, data conditione indebiti. Contra, lucrum cogitare videtur, qui indebitum quod soluit, reperit: Nam quid est lucrum? Acquisitio rei alienæ ex causa lucratiua, vel ex causa non onerosa. Is autem, qui rem indebitam soluit, ac post condicit rem alienam sibi dari oportere, intendit in rem, quæ sua fuit quidem, & nunc est aliena, acquirere vult rem alienam sine impendio vlllo, & ut dictum supra, iuris error non prodest. Ergo non parit ei conditionem indebiti. Oblitus sum dicere deesse negationem circa finem *tit. 13. lib. 1.* Harmenopuli, Illo loco, *ὑποβόλον ἢ πῶμενον* & legendum esse, *ὑποβόλον μὴ ἢ πῶμενον* Nunc tractemus de quæst. supra proposita tantum, non decisa, an ei, qui indebitum soluit per ignorantiam iuris, competat conditio indebiti? Ostendi rem non carere dubitatione. Sane opus fuit eam definiri Constitutionibus principum, ut sc. indebiti soluti per ignorantiam iuris, non esset repetitio: ut soluti per ignorantiam facti tantum, esset repetitio, quod constat ex *lege pen. §. ult. h. r. l. cum quis, C. eod. l. error, C. ad l. Fal.* Ergo Constitutionibus definitum est, indebiti soluti per ignorantiam iuris, non esse conditionem; imo & consequenter, non esse actionem mandati, puta si fuisset inutiliter obligatus ignarus iuris, inutilem stipulationem habens pro vtili soluerit, quod fide sua esse iussit: neque id quod soluit, repetit ab eo, cui soluit, conditione indebiti, neque ab eo, pro quo soluit, per actionem mandati, *l. si fideiusor §. non male, mand.* Quo loco male Accursius eum habiturum alterutram actionem saltem, vel mandati, vel conditionem scribit: nam vtriusque denegandæ eadem ratio est consequentiæ. Deniq; (quod statuo generaliter) E in eo, quod amisi recuperando, ac rursus acquirendo, ignorantia iuris mihi non prodest, puta si quid amisi solutione, ut dixi, vel temporis præscriptione legitimi, *l. scire, inf. C. de præscr. 30. ann.* Iuris ignorantia facit, ne quid meū amittā: non faciet, ut id, quod amisi, non amiserim; facta infecta non facit. Ea ratione *l. 2. inf. de confes.* is qui per errorem iuris confitetur se debere, quod non debet, nō ideo minus habetur pro confesso. Confessio similis est solutioni. Qui soluit errore iuris, non ideo minus videtur soluisse, & alienasse rem suam, quam qui confessus est errore iuris, qui habetur pro confesso, qui errore facti, nō habetur pro confesso. Nam nihil est magis contrarium confessioni, quam error facti. Confiteor enim de facto, etiam si mihi factum non liquet; nihil igitur confiteor; sed cum de facto mihi liquet, si errans in iure confiteor,



sane habebor pro confesso. Nec n. ignorantia iuris potest efficere, ut qui est confessus, non sit confessus, ut qui sibi sua confessione damnum accersuit, non accersuerit, qui damnum iam fecit, ut non fecerit, qui rem suam amisit praescriptione temporis vel solutione, ut non amiserit. Denique ignorantia iuris non restituit quicquā rei amissae. Sed hoc tantum praestat, ne rem amittat nondum amissam, ut in exemplis relatis de fideicommissis ex *l. qui fideicommissa, de leg. 2.* & de dote ex *Harmenop.* Et eadem ratione, si filiosam pecuniam credidi contra S. Ctum Macedonianum, cum existimarem eum factum patrem fam. errore iuris, puta existimans eum factum militem excessisse potestate patris, quod est falsum, §. *filiusf. Instit. quibus mod. ins pat. pot. l. 3. §. 1. ad Maced.* Nec quod ius ignoravi, hoc colore consequar, ut quod perdidit non videar perdidisse, *de l. 3.* Et similiter, si uxorem duxi eam, quae nondum virum eluxerit, infamis sum ex edicto praetoris. mulier quae nubit antequam eluxerat virum, infamis est; is quoque qui eam duxit uxorem, antequam peregerit luctum prioris mariti, infamis est. Igitur si eam uxorem duxi, quae nondum eluxerat priorem maritum, ipso iure infamis sum, nec possum me excusare ignorantia huius iuris, dicens me edictum praetoris ignorasse: Nam pretextus ignorantiae iuris non potest delere infamiam, in quam incidi, *l. liberorum §. notatur, de his qui not. infam.* Statuamus igitur, in eo quod amisimus, recuperando seu recipiendo, iuris ignorantiam nobis non prodesse. In hoc tantum prodesse, ut ne incidamus in damnum, quod veremur, quodue impendet nobis. Accursius contra Constit. principum, quas retuli initio de non repetendo indebito soluto per errorem iuris, sapissime scribit indebitum solutum per errorem iuris repeti posse, hac ratione, quae illum decepit, ne damnum faciat qui soluit. inepta ratio: Quia enim soluit indebitum, versatur in damno, non damnum timet; Damnum enim iam ipse sibi attulit, soluendo indebitum, ipse sibi defuit, ut & modo si vult refarcire damnum, quod sibi ipse fecit. & creavit. si vult sibi restitui solutum, lucrum capiat non per cautionem futuri damni, quia non iam rem suam petit, sed alienam. solutio species alienationis est. Idem etiam Accursius male accepit indebitum, quod scilicet vno iure debetur, non altero, puta iure naturali, non civili, vel contra. Nam in hac quaestione de conditione indebiti, indebitum dicitur, quod nullo iure debetur, id est, in hoc tantum genere indebiti valet differentia inter errorem facti, & errorem iuris: puta quod nullo iure debui, nec civili, nec naturali, si per errorem facti solui, repetam: si per errorem iuris, non repetam. In alio genere indebiti, puta quod vno tantum iure fuit indebitum, non utroque, sane nihil interest soluerit quis errans in iure, an errans in facto, & neutri etiam repetitio competit: quia & debiti naturaliter tantum & debiti civiliter tantum retentio est. Sane debiti naturaliter, & multo magis debiti civiliter, fit retentio, cum & huius sit petitio. Abutitur etiam Accursius sapissime in hoc tractatu legibus ipsis. de errore iuris accipit *l. sicut dotem §. si mulier, sol. matr. l. 5. C. de cond. indeb.* quae sunt de errore facti. Item in lege *mulier ad SCtum Turpill.* quae de neutro errore est, sed non opus, ut haec faciam perspicua. Pergamus ad maiora. Diximus, parem esse causam masculorum & foeminarum, in lucris nec masculis, nec foeminis ius ignorantibus succurri, in damnis succurri. Addamus etiam in poenalibus causis citra negotia civilia, ubi dolus coërcetur tantum, non culpa, utrique sexui subveniri ius ignoranti, evidentiissima ratione, quia dolo caret, qui in iure errat, *l. sed etsi §. scire, de pet. hered. l. si quid §. doli, de iurisd. omn. iud. l. 1. §. ult. de edendo, l. si quis in gravi §. si quis ignorans, de Senatusc. Syl. & Claud. & l. 12. si quis in ius.* Iuris ignorantia non est dolus, sed lata culpa. Quod rectissime Accursius scripsit in *d. leg. liberorum §. ult.* ubi au-

tem etiam culpa coërcetur, mari ius ignoranti maiori 25. annis non succurritur, ut si mas iure civili incestum contraxerit per illicitum matrimonium errore iuris, per matrimonium scilicet, alioquin sciet se facere stuprum saltem, & contra legem Iuliam, quae est de omni stupro; sed si per illicitum matrimonium errore iuris iure civili incestum contraxerit, ut si duxerit sororis filiam, putans matrimonium non esse illicitum, coniunctionem istā non esse illicitam, ei non subveniri quamvis careat dolo: quia & hoc casu culpa coërcetur, quae lata est & magna. non omnis iuris ignorantia, lata ignorantia est, & summa negligentia atque inexcusabilis. Mulieri tantum, ius civile ignoranti succurritur etiam si incestum contraxerit per illicitas nuptias, incestum iure civili, ut *l. si adulterium. & seq. §. stuprum, ad leg. de adulter.* & in casu etiam *d. l. liberorum. §. ult.* Nam ei parcuritur, quae ignorantia iuris nupsit, antequam eluxisset virum. Si mulier iure gentium incestum contraxerit, puta eum parente, avo, aut proavo, nepote, pronepote, vel cum his, qui parentum aut liberorum loco sunt, cum quibus iure naturali incestum contrahitur, tum mulieri non parcuritur, mulieri in iure naturali erranti non subvenitur; imo nec illi unquam: quia nemo sc, ignarus iuris naturalis, aut possit esse, aut praesumatur esse. At contra ea, quae ante proposuimus, videtur etiam in contractibus de causis non poenalibus, quamvis lucrosae sint, hoc est, etiam in lucris mulieri ius ignoranti subveniri, ut in *specie l. de die, §. si servus, qui satisd. cog.* Proponam primum ruditer sententiam huius §. Ait Papin. in *d. §. reum auctori cavere iudicatum solui antelitem contestatam*, maxime in iudicijs in rem, & cavere dato fideiussore. Finge: dedit servum fideiussorem, ait Paul. *auctori subveniri, ut ex integro caveatur*, id est, ut detur alius fideiussor idoneus. auctori subvenitur etiam maiori 25. annis, sc. quoniam subiicit, *maiori quoque subveniri. & mox, forsitan, & mulieri subveniri propter imperitiam*, iuris igitur, nam regulariter ignorantia non dicitur imperitia. Valde quaeritur, qui sit sensus eorum verborum, *minime subveniri, forsitan & mulieri, &c.* An hic est sensus, minori & mulieri subveniri, qui quæve iudicatum solui fideiussorem accepit, vtei sc. ex integro caveatur? An vero hic est sensus, minori & mulieri subveniri, nec obligetur, qui quæve pro altero cavet iudicatum solui? Vel hic necesse est sit sensus, vel ille, utroque offenditur. Priore sensu offendimur, quia & maiori 25. annis, innuit subveniri, si servum fideiussorem accepit iudicatum solui, ut frustra sit adiectum etiam minori subveniri & mulieri. Posteriore etiam sensu offendimur, quia constat & in aliis omnib. causis minori subveniri causa cognita, & mulieri ipso iure ex SCto Vell. non propter imperitiam iuris, ut ait §. *si servus*, sed propter infirmitatem sexus, aut facilitatem, quod facillime intercedat pro alijs, *l. 2. ad SCtum Vell.* Priori tamen sensui acquiescendum est, non huic ultimo: magis enim hoc vult Paul. in *d. §. si servus* pro reo fideiussor, iudicatum solui, quem constat, nec obligari naturaliter ex ista causa fideiussionis, nec etiam depeculio, *l. 2. de fideiussor.* Hoc casu auctori ignoranti conditionem fideiussoris, hoc est, existimanti eum esse liberum hominem, erranti igitur in facto, non in iure subveniri, ut ex integro ei caveatur; auctori, inquam, maiori 25. annis, auctori autem minori 25. annis etiam ignorantis subveniri, ut existimet servum recte intercedere. Adicitur, *forsitan & mulieri subveniri*, propter imperitiam iuris. forsitan, verecunde & timide ait, mulieri ius ignoranti subveniri in lucro. Regulariter enim minori quidem subvenitur etiam in lucro, siue masculo, siue foemina, sed non foeminae maiori. Qui ergo regulariter foeminae maiori 25. annis in lucro non subvenitur, si ius ignoraverit, verecunde ait, hoc casu quo lucris causa agitur, forsitan mulieri subveniri: nam lucrum est satis acceptio, hoc est, fideiussoris acceptio, quia promissori iungitur ad promissor, & interest duos reos habere, *l. 3. §. ult. de lib. leg.* Sed non adeo



magnum lucrum, ut respondeat statim, ut hoc inuidere oporteat mulierculæ ius ignoranti. Nam & eius emolumentum rationem non habent I Cti in hoc genere legati. *heres meus soluto Titio, quod ei Caius debet*: nam ex eo legato I Cti non dabant actionem Titio petitori, quasi non admodum illius interesset, duos reos habere, ut ex Iul. Vlp. retulit, *l. si cui legatur §. si Titio, de leg. 1.* In quo tamen est reprehensus Vlp. à Marcello, *d. l. 3. §. ult. de lib. leg.* Et alio quoque argumento ostendam, satis acceptionem non esse tanti: nam si per errorem iuris solvero rem indebitam, ut ante dixi & modo eam rursus acquirere velim, condicere non possum. Sed si satisfactionem legatorum remissam testamento, putans non posse eam remitti ignorans iuris, ignorans Constitutionis D. Marci, si eam præstitero, indebita igitur, quod fuisset remissa à testatore, benigne, ut ait *l. 1. ut in poss. leg. mihi conceditur, ut liberationem condicere possim, quia non adeo magnum lucrum capto.* Est igitur in *d. §. si servus*, vnus casus quo mulierius ignoranti subuenitur. nec mirum, cum sit etiam alius casus, quo mulierius ignoranti in lucro subuenitur, *l. Diuus, ad l. Corn. de falsis.* Tertius etiam casus est in *l. 2. de iure fisci.* Ius ex S Cto Liboniano est ut qui sibi adscribit legatum dictante testatore, repellatur à legato quasi falsarius. Finge: filia iussu matris testatrix sibi adscripsit legatum ignara S Cti. non repellitur à legato, à lucro non repellitur, sed ideo, quia illud fuit nominatim exceptum S Cto, *l. Diuus §. pen. ad l. Corn. de falsis.* Idem euenit in hoc casu: Fingemulieri legatum relictum est. illa putat ducta errore iuris, se non posse capere solidum legatum, ne rem ipsam celet fisco, se ipsam deferret fisco dicens: mihi ille reliquit legatum, quod ego mihi videor solidum capere non posse. Ipe præmij sc. quod promissum est se deferentibus, ut scilicet se ipsum deferens corradat aliquid ex legato, ne totum amittat. Seipsam igitur deferens fisco quasi incapacem solidi, quæ tamen erat capax, an sibi præiudicat? minime. Ergo ei ius ignoranti in lucro subuenitur facillime, quia ita Constit. cautum est in fraudem fisci, cui boni principes raro fauent, *l. 2. §. ult. de iure fisci.* Hi sunt tres casus. Et ita verum esse reperio quod ait *l. pen. §. 1. h. tit. mulieri acquirere volenti in quibusdam subueniri propter imperitiam iuris.* Regulariter non subuenitur, nec abs re, *l. quamuis, C. cod. r.* Non solet mulieri in lucro subueniri, quæ verba, non solet, significant plerumque iuris ignorantiam mulieri non prodesse in lucro captando, nonnunquam prodesse ut in *l. non solet, loc.* Non solet locatio dominium mutare, ita est: sed ait, non solet, quia nonnunquam dominium mutatur, ut in specie legis item si pretio §. pen. & *l. in nauem, cod. tit.*

Ad l. 35. de milit. test.

*Miles, si testamentum imperfectum relinquit, scriptura, qua profertur, perfecti testamenti potestatem obtinet: nam militis testamentum sola perficitur voluntate. Quique plura per dies varios scribit, sepe facere testamentum videtur.*

Quod traditur in l. 35. est de imperfecto testamento militis, quæ cum regula præcedenti conuerti potest. militibus ius ignorare permixtum est ex Constitutionibus principum, adeo, ut etiam in lucris eis subueniatur propter imperitiam iuris, *l. pen. §. si filiusfam. de iur. & fact. ignor. l. 1. C. de iuris & fact. ignor. l. ult. C. de iure delib.* Quia ut significatur in *d. l.* etiam si ex militibus quidam possint esse periti iuris, tamen omnes arma magis, quam iura scire præsumuntur, aut certe obliui esse legum, si quas sciuerint olim, postquam ceperunt arma. Denique milites præsumptione sunt ignari iuris. Et recte Iul. Frontin. de limitibus agrorum, *Dum inquit magis armorum exercere curis, totum hoc negotium (literarum sc.) veluti oblitus*

*intermiseram, nec quicquam aliud, quam belli gloriam cogitabam.* & Tacit in Agric. credunt plerique militaribus ingenij subtilitatem deesse, quia castrensis iurisdictio secreta & obtusior ac plura manu agens calliditatem fori non exerceat. Et priuatio hæc subtilitatis & calliditatis forensis est, quæ dicitur simplicitas militaris, *l. 1. h. t. l. 3. C. cod. tit.* Denique omnes milites simplices esse existimantur, id est, incallidi rerum forensium, expertesque subtilitatum & apicum iuris. His consequens est, quod iisdem Constitutionibus principum cauetur, ut si milites in faciendo testamentum non obseruauerint diligentem obseruantiam & subtilitatem legum, nihilominus rata sit eorum voluntas, nec eis imputetur, si I Ctum non adhibuerint: nam sine Iurisconsulto quomodocunque fecerint testamentum, valet, ut in antiquo monumento, quidam ita præscripsit quasi testamento suo: *dolus malus abesto & Iurisconsultus.* In illo monumento sequitur: *ius adiutus, libertis libertabusque meis danto.* huic voluntati, ne fraus fieret, præscripsit, ut abesset dolus malus, nec adesset Iuriscons. qui cauillationum est callidissimus. Et similiter in *l. pen. §. Lucius, de legat. 2.* quidam contestatur se testamentum fecisse sine vilo I C. his verbis: *Lucius Titius hoc testamentum scripsi sine vilo Iurisperito rationem animi mei secutus potius, quam miseram & nimiam diligentiam, & si minus quid legitime minusue perire fecerim, pro iure legitimo haberi debet hominis sani voluntas.* paganus fuit qui ita scripsit, & plectitur: nam hæc voluntas non habetur pro testamento, & sustinetur tantum iure codicillorum, quia his verbis satis declarauit, qualemcunque voluntatem se valere velle. non potest valere ut testamentum, valebit tantum ut codicillus. Voluntas pagani imperfecta, non est testamentum, ut quælibet voluntas militis, ut ait *l. proxima sup.* quæ est etiam Papin, ex lib. 14. testamentum est, & ut ait in hac *l. testamentum militis imperfectum perfecti potestatem obtinet, quia sola voluntate perficitur. Sola voluntate*, id est, nuda voluntate, nec exigit solemnia, nec testes probationis exigit. testes, id est, hanc speciem probationis non exigit, signa, subscriptiones non exigit, legum obseruationem nimiam non exigit. Denique testamentum militis nuda voluntate perficitur. imperfectum testamentum dicitur duobus modis, specialiter & generaliter. Specialiter & proprie dicitur, quod non est signatum septem testium signis: nec testes sufficiunt septem, sed signa requiruntur, non tantum iure ciuili, sed etiam prætorio. Hoc ergo testamentum, quod signatum non est, destituitur & iure ciuili & prætorio. Ergo plane imperfectum est, quia si laboret alio vitio, ut puta, si sit iniustum, id est, si in eo filius fam. sit præteritus, vel si sit ruptum agnatione sui heredis, iure prætorio valet, id est, modo sint signa testium, prætor daturus est bonorum possessionem secundum tabulas, *l. postumus, de ini. rup. l. cum tab. de bon. poss. secund. tab.* Quæ tamen post constituetur sine re, ubi constabit aut iniustum, aut ruptum esse testamentum. At si tabulæ non sint obsignatæ septem testium signis, prætor non est daturus bon. possess. secund. tabulas. Itaque omni iure imperfectum est testamentum, quod signatum non est. Ergo plane imperfectum est. Et hæc est summa imperfectio testamenti, summum vitium. Et ita perfectum testamentum pro eo quod obsignatum est 7. testium signis accipitur in *l. 6. ad l. Corn. de fals. & imperfectum in l. hac consultissima §. non subscriptum, C. de testam.* ubi pro imperfecto legend. non, pro imperfecto, quod 7. test. signis obsignatum non est. Generaliter imperfectum dicitur, quod vitio quocunque laborat, siue non signatum sit, siue iniustum, ob præteritionem sui heredis, siue irritum ob cap. minutionem, siue ruptum ob agnationem postumi. Falsum quoque quis non dicet esse imperfectum. quinimo potius nullum est prorsus: hæc omnia vitia imperfecti generali appellatione continentur, *l. 1. §. siue, de tabul. exhib. l. 2. §. 1. quemad. test. aper. l. si duobus §. si prius, de bon. possess. cont. tab.* Imperfectum etiam est, quod notis, par chifres, conscriptum



fit, non literis, si sit factum à pagano. Imperfectum est etiam, quod quis cœpit facere, nec perficere potuit morte præuentus, aut verbis amissis, vt in specie legis si is qui testam. qui testam. fac pos. Imperfectum etiam est, quod quis fecit super portione bonorum tantum. Et quoquo modo imperfectum sit testamentum militis, si modo falsum non fuerit, perfecti testamenti potestatem obtinet. Nam etsi notis conscriptum sit, valet, l. Lucius, h. tit. si signatum non sit valet, si sanguine proprio, vt l. milites, C. de testam. mil. scriptum sit in clypeo, aut vagina, aut thorace, aut gladio, si in puluere in ipso articulo moriendi. Hegel. lib. 5. Verè, inquit, bellicum testamentum est, quod non atramento scriptum, sed sanguine, non in charta, sed in mucrone. Item testamentum militis irritum non fit cap. minutione, l. 6. §. irritum, de ini. rup. l. miles filius famil. & seq. h. tit. Et præterea nec iniustum est testamentum militis, siue non iure factum, in quo sciens se habere filium, eum præterit; nec rumpitur etiam agnatione postumi, vbi scilicet scierit, vxorem esse grauidam, quia præteritio & silentium militis pro exheredatione habetur. silentio exheredit filium mater, non pater, nisi sit miles. Item non rumpitur testamentum adoptione filij, puta si post factum testamentum miles aliquē adoptauerit ad vicem filij naturalis & legitimi: non rumpitur successione in locum sui, l. 7. l. 8. h. & titui C. eod. tit. Ac postremo non rumpitur etiam testamentum militis post facto alio testamento, si quidem miles plura testamenta facere voluerit, l. quarebatur, hoc tit. Vt in hac specie. Finge: Miles de tertia portione bonorum primum testamentum fecit: potest enim de parte bonorum testari, de parte non, quod tamen paganus non potest. Deinde idem miles secundum testamentum fecit de alia tertia parte bonorum, post aliud de alia tertia. Tria testamenta sunt & omnia valent. Et hoc est quod ait Papin. in hac l. quique plura per dies varios scribit, &c. Miles igitur pluribus testamentis decedere potest, paganus vno tantum: Nam si eandem speciem posueris in pagano, quā ego posui in milite, non dicam tria esse testamenta, & omnia valere, sed dicam vltimum testamentum tantum valere, etiam si in eo sit heres institutus ex tertia tantū parte bonorum: namque ne sit pro parte testatus, pro parte intestatus, quod ius ciuile abhorret, dicimus tertiam partem adscriptam heredi, assem ad se trahere, in l. 1. §. si ex fundo, de hered. instit. nihil refert vnicum heredem scribas. Causa testati, vt dicitur, trahit ad se causam intestati, l. pen. de ini. rupt. Illud non est omittendum, vehementer hodie errare nonnullos, qui idem esse existimant, milites & nobiles, siue vt diximus gentiles, gentilhommes, qui quæ iura prodita sunt de militibus, putant pertinere ad nobiles: nec enim istas personarum conditiones confundere vnquam oportet. Nam & plerunque plebeij & ignobiles milites sunt, nec militia desinimus esse plebeij, non desinim⁹ esse plebeij, sicut nec filius fam. militia desinit esse in potestate patris, quod ex definitione militum & nobiliū constabit. Milites sunt qui in numeros relati, & in expeditione degunt, enrollez: nobiles sunt, quorum non dico parentes, sed maiores, (Nam opus est ad comparandam nobilitatem longa auorum serie) qui feudū à Principe acceperunt, vel vt constat ex lib. Feudorum à valuasore Principis, puta Ducē, vel Comite, Marchione, &c. Sunt igitur nobiles, quorū maiores feudum acceperunt à Principe, vel à valuasore Principis siue capitaneo adiuncto onere militiae. Nobilitati adiunctū est on⁹ militiae, fateor, sed nō sunt milites, nisi quamdiu in expeditione occupantur & testamentum eorum citra expeditionem non pertinet ad priuilegia militum. Etiam vehementer errant, qui id solum testamentum militis putant esse solum legibus, quod miles facit in procinctu, in acie, in hostico, in ipso discrimine vitæ. Nam & testamentum, quod miles facit in expeditione, in castris, in statiuis, iure militari valet, alioquin nihil distaret hac in re miles à pagano. Potest fieri vt in ipso procinctu interueniat paganus ali-

quis. hic in acie, in ipso procinctu, si fecerit testamentum minus solemne, si fecerit testamentum imperfectum, fecisse potius videbitur, & perfecisse, quia & pagano deprehenso in acie remittitur iuris solemnitas, & idæ temporis testamentum à pagano factum licet perfectum, vires habet, l. ult. h. tit. l. vn. de bonor. possess. ex test. mil. Et hac ratione patet, quia tunc temporis, hoc est, in procinctu apud quemlibet prope inter mortua est memoria. Obluiscuntur disciplinae, qui ad pugnam eunt, inquit Xenophon, par est eo tempore subtilitatem legum remitti tam pagano, quam militi. Alio tempore soli militi remittitur, vt si miles testamentum fecerit in expeditione, in castris, vel vt loquitur, lex 3. §. is qui, de re milit. in fossato, vel in statiuis, in praesidiis, en garnison, iure militari valet. Et puto in §. 1. de milit. test. Instit. dum ait, in testamento faciendo non vti priuilegio militum eos, qui citra expeditionis necessitatem in suis sedibus degunt vel aliis locis: puto inquam, male quosdam sedes interpretari statiuā. iure possumus, & debemus interpretari ædes suas, vt nominatim l. ult. C. de instit. milit. Basil. pro in suis sedibus, habent, in suis adibus, nihil moror siue legere volueris sedibus, siue edib. idem est. & male Theoph. sedes interpretatur sedeta: quia sedeta, vt Suidas interpretatur, sunt fossata, id est, castra, aut sane sedeta sunt statiuā. Et falsum est, militem testari non posse in statiuis iure militari. Igitur non possis sedes, sedeta interpretari, sed ædes potius. Explicarem etiam l. 11. & l. 13. sed ne sim tardio, reseruabo in diem crastinum.

#### Ad l. 11. 12. & 13. de iure codic.

Qui graui vtero vxorem esse ignorabat, codicillis ad filium scriptis, libertates dedit. nata post mortem patris filia, cum de ea nihil patrem sensisse constitisset, placuit libertates à solo filio praestari posse. L. 12. Redemptis à sorore partibus. L. 13. Illud enim sine dubio dici non potest, etiam filiam manumittere cogendam, cum ab ea nihil pater petierit, & in re suo heres extiterit.

Explicabo duas quæstiones, quæ sunt in l. 11. 12 & 13. de iure codic. Et his, quæ diximus de militari testamento, non male coaptari poterunt ea, quæ dicentur hodie de posteriori quæstione: nam ex ea intelligitur, imperfectum testamentum esse etiam id, in quo institutio heredis scribitur verbis precariis. Sed de prima quæstione prius dicamus, quæ pendet ex specie huiusmodi. Vir, qui putabat vxorem non esse grauidam, testamentum non fecit, codicillos fecit: nam & codicilli ab intestato fieri possunt, & eos codicillos scripsit ad filium, quem habebat, nihil cogitans de postumo vel postuma, existimans scil. vxorē vacuam esse vtero, & in eis codicillis filium rogauit, vt seruum aliquem manumitteret. non potest codicillis factis ab intestato, relinquere directam libertatem, relinquit fideicommissariam. Post mortem eius nata est postuma, de qua nihil sperabat, codicilli non sunt rupti agnatione postumi, quia ab intestato facti esse proponuntur, qui si facti essent ad testamentum, sane rupto testamento agnatione postumi, vel postumæ, & ipsi rumperentur, l. 3. l. ab intestato, l. pen. h. tit. l. 1. C. de codic. Sed, vt dixi, codicilli, qui facti sunt ab intestato, non rumpuntur agnatione postumi vel postumæ. Ergo in specie propoſita vterque, filius scil. ad quem scripti sunt codicilli & postuma patri heredes extiterūt. Queritur, an vterque obligetur prestare fideicommissariam libertatem? Hec est prima quæstio huius l. an & à filio & à filia peti possit fideicommissū libertatis scriptæ in codicillis scriptis duntaxat & missis ad filium? Et videtur neuter obligari. Ac primum quidē sane nō obligatur filia postuma, quia nihil ab ea petiit pater, hoc est, eam non onerauit fideicommissio præstandæ libertatis. Ac præterea filia suo iure heres existit patri vt ait Papinian. initio. l. 13. non ex iudicio defuncti filius heres



heres existit patri, ex iudicio defuncti, quia scribendo ad eum codicillos, videtur sua sponte ei relinquere legitimam hereditatem. *l. 8. §. 1. h. tit.* Denique filius venit ad successionem ex tacito iudicio patris, filia suo iure, non ex iudicio patris, cum de ea pater nihil cogitauerit, qui graui vtero vxorem esse ignorauit. Hæc duo sunt opposita, iure suo, & iudicio defuncti, *l. cum ab vno, de leg. 2.* Ab vno vnaue, qui quæuo venit ex iudicio defuncti, fideicommissum relinqui potest, ab eo autem eane qui quæuo non venit à iudicio defuncti non potest, *l. 3. de leg. 1.* Et vero etiam à filia fideicommissum non relinqui potest, de qua nihil etiam sensit. Ergo constat filiam postumam non obligari fideicommissum præstandæ libertatis. Dico etiam filium non obligari, licet rogatus sit seruum manumittere in codicillis ab intestato, quia seruus ille est communis inter illum & sororem. Vnus autem ex dominis seruum communem non potest manumittere, & libertas est indiuidua, quia pro parte libertas non potest præstari. Ac præterea ea libertate fideicommissaria pater non onerasset filium solum, vt verisimile est, nisi solum putasset eum sibi heredem futurum, quod est traditum in *l. pen. inf. h. tit.* Ergo neuter obligatur onere præstandæ fideicommissariæ libertatis. filia non obligatur, filius non obligatur, quamuis rogatus sit & oneratus. Et ita quidem se res habet summo iure, sed ex æquitate, fauore scilicet libertatis, ne pereat libertas, vt Papin. docet hoc loco oblata æstimatione pretii filio, quia scilicet redimat partem serui à sorore ipse filius post redemptionem serui, libertatem præstabit, vt scilicet scribitur in specie *l. cum filius, de leg. 2. l. indicata, de excep. rei indic. l. duobus, de lib. cau.* Et ita redempta parte sororis, seruus fideicommissariam libertatem à solo filio petet, non à filia postuma. Redimet autem patrem sororis frater de pecunia oblata à seruo, aut pro seruo, non de pecunia sua, arg. *d. l. cum filius, & soror compellatur vendere partem suam, l. 1. C. de com. seru. man.* ne scilicet seruus defraudetur libertate sibi relicta, & hoc est quod ait hæc *l. 11.* Obstat huic sententiæ, quod est in fin. *l. pen. h. tit.* in eadem specie: quæ pro parte præstari non possunt, eorum nihil esse præstandum. libertas pro parte præstari non potest. ergo nullo modo est præstanda. Ergo nulla est præstanda, nec à filio, nec à filia, ergo nulla debetur, Sed, vt dixi, ita est accipienda lex *pen.* & adiciendum, summo iure ita est, non deberi libertatem, sed ex æquitate & fauore libertatis, redempta parte sororis à filio; hoc est, postquam redemerit filius partem sororis de pecunia oblata à seruo, aut nomine serui, præstabit seruo libertatem, arg. *d. l. cum filius.* Et ita oblata pecunia, & redempta parte seruus petet libertatem fideicommissariam à solo filio, non à postuma. Denique solus filius præstabit libertatem fideicommissariam. Obstat huic sententiæ rursus *lex alieno §. 1. de fideicommiss. libert.* vbi ponitur eadem species: moriens aliquis intestatus filium rogauit nominatim, vt seruum manumitteret. Natus est postumus vel postuma. Ait ab utroque præstandam esse libertatem, quod mirum in modum videtur pugnare cum illis legibus: sed nihil est, quod tam facile expediri possit. Ita distinguendum est: aut filius redemit partem à sorore, & tunc ab eo solo præstatur libertas: aut filius à sorore partem non redemit, sed ipsemet seruus se ab ea redemit, oblato vel soluto partis pretio. Et hoc sane casu libertas præstabitur ab utroque, arg. *d. l. cum filius.* In *l. 11.* dixit Papinia, à solo filio præstari libertatem, sed adiicitur modus ex alio loco Papiniani, redempta parte sororis ab ipso filio scilicet. Quæ species addenda est siue modus etiam ad *l. aliud §. 1. & ad §. 1. pen. h. tit.* nisi scilicet filius redemerit partem postumi vel postumæ de pecunia serui. Obstat etiam *l. cum pater §. cum existimaret, de legat. 2.* species est pene eadem. Quidam fecit codicillos ab intestato, eosque scripsit ad consobrinam, nesciens se etiam habere consobrinum. qui simul ab in-

Quæst. Papin

testato cum consobrina veniet ad successionem, quod eodem gradu sit: & ab eadem consobrina fideicommissum reliquit. utroque herede existente ab intestato lex ait, consobrinam pro parte dimidia fideicommissum releuari, quia pars bonorum ei auferitur concurrente consobri-  
no, & pro alia parte dimidia consobrinum non teneri, qui rogatus non est: fideicommissum igitur infirmari pro parte, quandoquidem proponitur sola consobrina rogata nominatim, non consobrinus: ergo pro parte consobrini infirmatur fideicommissum. Et iure quidem ita est, sed post emendabitur. Interea illud obseruabis, illum *§. lo-*  
qui de rebus diuiduis per fideicommissum relictis, & eas separari à libertatibus fideicommissariis, quæ diuidi non possunt, & debentur omnino ac præstantur redempta parte consobrini. Et idem obtinet in seruitutibus prædiorum, quæ & ipse sunt indiuiduæ, *d. l. cum filius.* aliæ res diuidi, & pro parte præstari possunt: & integræ præstabuntur indistincte, siue ad filium scripto codicillo, & ab eo relicto fideicommissum rei diuiduæ, postuma nata sit postea, de qua nihil cogitauit defunctus & fideicommissum à filio relictum sit eis verbis, *quisquis mihi heres erit*, vel nominatim à filio. primo casu, *quisquis mihi, &c.* certum est, filium teneri pro parte, & postumam pro altera, quia omnem heredem oneravit illis verbis, *quisquis mihi heres erit, l. 3. & l. ab intestato, h. tit.* Quid si nominatim fideicommissum reliquerit tantum à filio? Et hoc casu videtur solus filius teneri, vel in solidum, vel quod magis est, pro parte dimidia tantum, vt releuetur, sed interim videtur solus ipse teneri, *l. pen. h. tit. l. post emancip. §. 1. de leg. 3.* Et in simili casu *l. quidam §. ult. h. tit.* Sed æquior est sententia Vlpiani qui hac in re Marcellum notauit in *d. l. pen.* his verbis: *Imo duntaxat partem debet. lex pen.* est Marcelli. Sed hæc verba sunt ex nota Vlpiani: *imo duntaxat partem debet.* Marcellus scripsit filium totum debere, qui rogatus est nominatim. Vlpian. notat, *imo duntaxat partem debet*, perinde ac si dixisset, *quisquis mihi heres erit*, aut pro parte infirmatur fideicommissum; hoc est, pro altera parte non tenebitur postuma, quod est verius. Cur tenetur filius pro parte tantum, vt voluit Vlpianus, quamuis ipse solus sit rogatus nominatim? quia hoc fit ex æquitate, quia filia ei facit partem & auferit partem. Equum est igitur vt pro ea parte filius releuetur, quod res diuisionem patiatur. & eadem nota est addenda ad Scæuolam, sicut in simili casu eadem nota additur ad Scæuolam, *d. l. quidam §. ult. hoc tit.* ex Africano in *l. quæ eam sequitur l. sed cum, de iure codicill.* Summa hæc est: libertatem fideicommissariam præstari omnino, quia diuidi non potest, & præstari remedio redemptionis. eodemque remedio præstari seruitutem prædii, quæ etiam est indiuidua, rem diuiduam, si relicta sit his verbis, *quisquis mihi heres erit*, præstari à filio pro parte, à sorore pro altera parte. si relicta sit nominatim à filio, præstari tantum pro parte filij, pro parte intercidere fideicommissum.

Ad §. tractari eiusd. l. 13.

Tractari solet de eo, qui cum tabulas testamenti non fecisset, codicillos ita scripsit: *Titium heredem esse volo: sed multum interest, utrum fideicommissariam hereditatem à legitimo per hanc scripturam, quam codicillorum instar habere voluit, reliquerit, an vero testamentum facere se existimauerit: nam hoc casu nihil à legitimo peti poterit. Voluntatis autem questio ex eo scripto plerumque declarabitur: nam si forte à Titio legatæ reliquit, substitutum adscripsit, heres si non extitisset, sine dubio non codicillos, sed testamentum facere voluisse intelligitur.*

Altera questio est perbreuis, quæ proponitur in *§. 3. l. 13.* Species est: *Titium heredem esse volo.* Hæc verba sunt precaria, non directa. verbum volo, est precarium, sicut verbum, *rogo, mando, cupio, peto.* non est directum verbum, sicut si dixisset, *heres esto.* Hæc

Id



igitur verba sunt precaria, l. quidam testamento, de leg. 1. l. 11. §. si filio & l. nomen, de legat. 3. §. ult. Instit. de sing. reb. per fid. Hæc igitur scriptura, Titium heredem esse volo, non est testamentum, etiam si quis ita dixit, volo facere testamentum, quia testamentum non fit verbis precariis. Quid est testamentum? institutio heredis directa. Institutio non fit verbo precario, non fit verbo, volo, sicut nec verbo, facio, nec verbo, instituo: Nam ut Vlp. scripsit in fragmentis, hanc institutionem plerique improbabant, Titium heredem instituo, & illam quoque, Titium heredem esse volo, sed ita erat instituendus heres: Titius heres esto, vel, Titius heres sit, quæ verba sunt directa & imperatiua. Quæ tamen differentia verbum hodie est sublata à Iustin. in l. quoniam, C. de testam. Nam hodie si ita testator heredem scripserit, Titium heredem esse volo, si voluerit facere testamentum, verborum precarium accipitur pro directo, & valet testamentum. Sed mittamus Constitut. & tractemus, quod hic à Papiniano dicitur, ut debemus. Secundum ius vetus, quod obtinuit ante Const. hæc scriptura, Titium heredem esse volo, non est testamentum, etiam si voluit facere testamentum, quia id non fecit solemniter verbo & civili, quo facere debuit. At quemadmodum intelligemus, voluerit facere testamentum an codicillos? Est quæstio voluntatis: voluntas sola non facit testamentum, nisi militis. Volo facere testamentum, utror & verbis precariis ego qui sum paganus, imperfectum est testamentum meum, quia non sola voluntate perficitur, sed & verbis solemnibus, & aliis quibusdam observationibus adhibitis. Ergo si volo facere testamentum, nullum est testamentum: si volo facere codicillos, valebunt codicilli, & proximus agnatus mihi heres erit ab intestato, & deducta Falcidia restituet bona Titio, quia videor fideicommissariam heredit. Titio reliquisse à legitimo herede, quandoquidem codicillos facere volui, non testamentum. Et hæc voluntatis quæstio declaratur ex scripto. voluntatis quæstio, inquit, plerumque declaratur ex scripto. Tullius de inuent. propius accedere ad voluntatem scriptoris illum, &c. Et sane in hac specie, cum ita scriptus est heres, Titium heredem esse volo, illum voluisse facere testamentum ex scripto declarabitur, ut puta, si à Titio legatum reliquerit: nam legata ab intestato relinqui non possunt, §. præterea, Instit. de fideic. heredit. Item, si in eadem scriptura Titio substituerit vulgari modo, si heres non esset directo modo, quia nec codicillis scriptis factis ad testamentum substitutio scribi potest. Idem quoque erit, si in eadem scriptura filium exheredauerit, eadem ratione, quia exhereditatio inutiliter scribitur codicillis, siue ad testamentum facti sint, siue ab intestato, §. ult. Instit. de cod. l. non codicillum, C. de testam. quæ ait, satis probari ex institutione & exheredatione, defunctum noluisse facere codicillos, sed testamentum. Ex scripto igitur colligitur, voluisse eum facere testamentum: Hoc est, si ita heredem scripserit, Titium heredem esse volo, ex scripto satis apparet, eum voluisse testamentum facere: testamentum est imperfectum propter verbum volo. Non valet etiam iure codicillorum, quia noluit facere codicillos, sed testamentum, & non apposuit clausulam codicillorum, vel hanc clausulam, ut & ab intestato valeret sua voluntas. Denique ea voluntas nullo iure valet, propter id solum verbum, volo, etiam si nihil sit præterea in ea scriptura, quod reprehendas. Et confirmatur l. ex testamento, C. de fideic. quæ lex est coniungenda cum d. l. non codicillum, C. de testam. nam est eorundem Imperatorum ad eundem, & substitutio eadem, quæ ita integritati est restituenda: sub die 8. Id. Decembr. Casarib. Coss. Et res est eadem. Vtriusque legis nexus euidentissimus lex non codicillum, ait, ex institutione & exheredatione defunctum testamentum facere voluisse, non codicillos. Additur in l. ex testamento, si id testamen-

tum, quod voluit facere, iure factum non sit, si solemniter factum non sit, nec fideicommissa ex eo deberi, id est, nec iure codicillorum id testamentum valere, quia omissa est clausula codicillaris. Et ita in specie nostra, si voluit facere testamentum illis verbis, Titium heredem esse volo, nullo iure testamentum sustinetur, etiam si omnia alio vitio careat, & Titius nihil poterit petere à legitimo herede iure fideicommissi, quia non fideicommissum facere voluit, sed directam institutionem.

#### Ad l. vnum ex familia 67. de leg. 2.

Vnum ex familia, propter fideicommissum à se cum moreretur, relictum, heres eligere debet: ei, quem elegit frustra testamento suo legat, quod posteaquam electus est, ex alio testamento petere potest. Vtrum ergo non constituit, quod datur, quasi creditori relictum? an quamdiu potest mutari voluntas, non recte creditori comparabitur? siue tamen durat electio, fuisse videtur creditor, siue mutetur, ex neutro testamento petitio competit.

Ex valde celebrata ab omnibus, nec immerito. Est enim plena rerum quotidianarum copia. Eius legis prima propositio hæc est: vnum ex familia, &c. Finge: heres rogatus vni ex familia defuncti dare fundum illum, cum moreretur, hoc modo: rogo te heres, ut vni ex familia mea fundum illum des siue restituas, cum morieris. valet legatum seu fideicommissum, quia in arbitrio heredis non ponitur, an det, quod esset inutile, sed cui det, l. vtrum §. cum quidam de reb. dub. Et heres eligere debet vnum, cui det. An possit eligere duos vel plures ex familia defuncti, post videbimus, modo consistamus in terminis superioris propositionis: vnum ex familia heres eligere debet, quia & vni proponitur relictum esse fideicommissum, non vni nominatim; quo casu non esset electioni locus, sed vni incerto, hoc est, vni ex duobus vel pluribus, quem elegerit heres, cui constituerit se velle dare, vel si heres nullum elegerit, omnibus debetur fideicommissum ab herede heredis, qui scilicet sunt in familia & nomine testatoris, quod latius demonstrabitur inferius. Nunc adnotemus, multum interesse, vtrum quis fideicommissum reliquerit simpliciter vni ex familia, cui voluerit heres dare, cum morietur. Hoc adiecto pono duos casus, & inter eos esse discrimen: Nam priori casu, si fideicommissum reliquerit simpliciter vni, cui vellet heres dare, heres semel tantum eligere potest, cui velit dare, nec tamen statim post mortem testatoris cogitur eligere, & dare, sed datur ei modicum & iustum spacium arbitrio boni viri ad deliberandum & consultandum, cui det, in l. 24. infr. h. t. l. cum quidam ita, de legat. 2. Et obtinet semper: tota enim causa testamentorum constat voluntate defuncti, modo nuda, modo solemniter & iusta. Igitur, etiam si simpliciter testator fideicommissum reliquerit vni, cui vellet heres dare ex voluntate defuncti, heredi erit plena & perpetua eligendi libertas, ut in specie quam tractat Quintilianus declam. 318. amicus amicum heredem instituit, & petiit ab eo, ut ex duobus libertis, quos reliquerat, vtri vellet decem milia daret, hoc consilio, ut spe electionis adducti liberti viuo heredi obsequerentur, tanquam patrono, cum prædiuina-ret, nullam apud eos fore reuerentiam amicitia, quæ inter eum & heredem erat. Si probetur hoc fuisse consilium patroni, hoc propositum, hæc ratio testamenti, heres non compelleretur alterum eligere, quamdiu viuet, non ei præstituitur certum tempus arbitratu boni viri, intra quod hunc vel illum eligat, sed electionem trahet, si velit, usque ad extremum vitæ diem, perinde ac si patronus nominatim fideicommissum contulisset in tempus mortis heredis ut in posteriore casu ante proposito, rogo te heres, ut vni ex familia mea, quem elegeris, fundum illum restituas, cum morietur. Quo casu constat, heredem posse subinde mutare voluntatem & electionem in §. 1. & §. rogo h. tit. heredem posse varia-



re posse variare, pœnitere, modo hoc velle, modo illud: modo velle, modo nolle, quia quicquid confertur in mortē, eius arbitrium currit sursum deorsum tota vita, atque ideo omne spacium vitæ hereditas est liberum ad eligendū, & suprema electio seruatur non prima: non sufficit hunc eligere, si non durat electio, & contra non officit hunc reuocare prælato altero, si qui reiectus fuit primum, nunc eligitur. Ergo certissimum est, hoc casu ambulatoriam esse voluntatem heredis vsque ad supremum vitæ exitum, sicut dicitur de voluntate testatoris, eam non esse firmam & stabilem, sed fluctuare & ambulare vsque ad mortem: morte sola confirmari testamentum, morte item sola heredis confirmari electionem. Et hoc diximus, si fideicommissum sit ita relictum, cum morietur heres. Hæc adiectio manifeste rem confert in mortem heredis. Sed idem erit omnino, eadem erit vis verborum, si non dixerit, *cum morietur heres*, sed *cum volet heres*, hoc modo: *rogo te heres, ut uni ex familia mea, cui volueris, & cum volueris fundum illum præstes & restituas*. Idem igitur est, si non dixerit, *cum morietur heres*, sed *cum volet*, aut *cum voluerit*, sed *quandocunque volet*, aut *voluerit*, ut in *l. uxorem §. Scauola tit. seq. l. cum pater §. ult. h. tit.* Et ita obseruandum, vehementer, multum interesse dixerit testator, *tantummodo cui volueris, rogo te uti des*, nullo alio adiecto: nam hoc casu heres semel duntaxat eligere potest. Hæc enim verba, *cui volueris*, non habent tractum, nisi iusti & modici temporis ad deliberandum, ut dixi ante. Verum si dixerit, *cum volueris*, vel *quandocunque volueris*, hæc verba tractum & extensionem habent vsque ad mortem heredis: interim si quem elegerit, variare potest, & ab electione recedere aliumque eligere. Notanda est hac in re alia verborum differentia, *rogo te, cui volueris dare*: nam semel tantum eligere potest, *l. 17. §. ult. hoc tit.* At si dixerit, *cui volueris relinquere* hoc modo, *rogo te, ut uni ex familia cui volueris fundum illum relinquant*: hoc casu heres subinde sententiam, electionem mutare potest. heredi est perpetua voluntas eligendi, quamdiu viuit, §. *sed si fundum*, in *h. l.* quia verbum, *relinquendi*, rem trahit vsque ad mortem, in *l. 11. §. si filio, l. seq. l. 1. §. ult. de tab. exhib.* Relinquere est morientium, non viuientium: dare est viuientium magis. Atque ita differentia est inter dare & relinquere hoc modo: *heres rogo te, ut des; vel rogo te, ut relinquant*, quam differentiam etiam obseruant Grammatici quodam loco Hom. II. 2. Qui locus etiam seruauit exemplo fideicommissi. Scribit, Vulcanum sceptrum, quod fabricauerat dedisse Ioui, Iouem Mercurio, Mercurium Pelopi, Pelopa Atreo, cum hi dederint ultro & sua sponte. at subiicit, Atreum reliquisse Thyesti, & Thyestem reliquisse Agamemnoni, quia scilicet vterque non rem libenter dedit, quam necessario reliquit. Atreo Thyestes fuit frater, cum quo gerebat iustas inimicitias. Agamemnon autem Atreo fuit filius maior natus, sed adhuc impubes. noluit pater lubrico ætatis sceptrum relinquere, & maluit vel fratri inimico relinquere, fide interposita restituendi Agamemnoni, quam fidem fratri Thyestes etiam exhibuit, & proprio Ægystho filium fratris prætulit Agamemnonem. Atque ita vterque Atreus Thyesti, & Thyestes Agamemnoni magis necessario reliquit, quam libenter dedit, ut testamentis certe non tam libenter damus, quam necessario relinquimus, non daturum si viueremus. Denique relinquimus, quod asportare nobiscum non possumus. Et hæc differentia satis colligitur ex supradictis locis, ex §. *sed si fundum huius l. coniuncta leg. 17. §. ult. h. t. & ex supradictis alijs legibus*. Ex his intelligimus, quod initio dixi, multum interesse, utrum quis legauerit simpliciter cui voluerit heres dare; an cui voluerit heres dare, cum morietur, vel cum voluerit, vel quodocunque voluerit, vel cum voluerit relinquere. Sed addendum in vtroque casu hoc ius esse commune, ut priore casu, si legauerit simpliciter cui voluerit heres dare, ut herede non eli-

gente, omnibus competat petitio fideicommissi, *d. l. 17. §. ult. l. Labeo §. ult. de statulib.* Sin vero fideicommissum reliquerit hoc modo, *cui voluerit dare: cum morietur: nemine electo, omnes, qui sunt ex familia defuncti vocantur ad fideicommissum, §. sed si vno, h. tit.* Ergo quodam modo videtur esse duplex fideicommissum, purum & conditionale, perinde ac si ita dixisset, *ut ex familia, quem moriens heres elegerit, vel si non elegerit, omnibus*. Qua de causa in hac *l. §. si fil.* vno electo ex familia ab herede, lex ait, ceteros conditione defici, quasi scilicet, videatur in omnium persona legatum fuisse conditionale, in electi persona purum. Eligit autem libere heres, quem vult ex familia defuncti, vel proximiorē; vel vltiorē, non seruatis gradibus cognationis, & vnius electio excludit ceteros. Et ita accipiendum est, quod ait initio huius legis, *& vnum eligere sufficiat*, cuius scilicet cumque gradus sit, ad excludendos ceteros, qui sunt ex eadem familia & nomine. Non eligente autem herede & moriente nemine electo, ipso iure omnes, qui sunt ex eadem familia, inuitantur ad fideicommissum. Sed si quamplurimi, aut pene innumeri, sane si diuersis fideicommissum inter partes, in minutissimas diuersis, atque ita inutile fideicommissum effeceris. Ideoque hoc casu cum nimis magnus est numerus eorum, qui sunt ex ea familia, æquius est ita rem temperare, ut proximiores admittantur, *l. 32. §. ult. de leg. 2. l. peto §. frater, de leg. 2. h. tit.* Sicut si testator generaliter petierit ab herede, ne fundum alienaret extra familiam: nam hoc casu heres elegit, quem vult, §. *sed & si fund. h. t. & l. pater filium, ad l. Falc. & l. filius §. cum pater, de leg. 1.* Nemine autem electo, omnes vocantur gradatim: quando & magnus numerus familiæ, proximiores admittuntur, ut ante dixi, *d. l. peto §. si fideic.* Inde subsequitur quæstio, quam post proponemus. Initio legis propositæ, subiicit Papinianus. Heres rogatus est vni ex familia quem elegerit, fundum restituere *cum morietur; vel post mortem suam*. vnum elegit & ei testamento suo eundem fundum legauit. an valet legatum? Et respondet, statim inutile esse legatum, quia ei quem elegit, heres fundum debere coepit ex priori testamento. Debitor autem creditori non iure legat id quod debet, *l. Manius §. 1. h. tit.* Et ita respondet Papinianus hoc loco. Sed obiicies: non ita heredem obligari ei quem elegit statim, ut non possit se absolvere, cum voluerit mutata voluntate, & alio electo. Sed respondeo: heredem obligari ei, quem elegit, ex priore testamento, quamdiu non mutauerit voluntatem: & si forte mutauerit, desinet obligari, & ex heredis testamento, quo ei quem elegerat, fundum legauit, non esse legati petitionem, quia mutata voluntate legatum illud extinguitur, quod etiam non fuit proprie legatum, sed electio, vel electionis repetitio superuacua, si prius elegerit, deinde legauerit electo eundem fundum; deinde, si heres alium elegit incipit obligari ei quem nouissime elegerit. ambulat obligatio ambulante voluntate heredis: vel si neminem elegerit heres heredis obligatur omnibus, qui sunt ex ea familia. Denique vel non facta electione ab herede, omnes, qui sunt ex ea familia, intelliguntur creditores: vel facta electione, is tantum intelligitur esse creditor, qui nouissime electus est. Priore casu heres heredis omnibus frustra legauerit; posteriore heres electo frustra legauerit, quia debitor creditori inutiliter legat id, quod debuit: nisi amplius aliud sit in legato, quam in debito. Didicimus, herede rogato per fideicommissum restituere, vel dare cum morietur vni ex familia testatoris, quem ipse heres elegerit, hoc est thema, quod versatur in hac leg. ei esse plenam & perpetuam libertatem eligendi cui velit fundum dare, & variandam quamdiu viuit, & vltimam demum huius electionem valere, non primam, ac nullo electo, omnes qui sunt ex familia testatoris, ad fideicommissum vocari, non seruata



gradus prerogatiua, nisi ingens sit familiae numerus, & eligi ab herede posse vel vnum ex familia testatoris, cuiuscunque gradus sit, & vnus electione ceteros excludi, ceteros conditione deficere, vt in §. 1. *h. tit.* ait si forte tres sint ex familia eius, qui fideicommissum reliquit eodem vel dispari gradu, nil refert, & satis vnum esse eligere, & postquam paritum est voluntati, ceteros conditione deficere. Didicimus etiam, ei quem elegerit, heredem frustra in suo testamento legare fundum, quem statim electio fecit, vt ei deberet heres ex alio testamento: nam siue in ea electione perseverauerit heres, videri creditori legasse, & debitor creditori iure non legat: siue electionem mutauerit, neque à primo testamento, neque ex testamento heredis ei quicquam deberi quia neutro testamento quicquam ei legatum videtur; non priore testamento, quia legatum proponitur ei, quem elegerit heres: nam istius personae electio non durauit. non testamento heredis, nam legatum illud heredis mutatur. Porro mutatur electio non tantum alio electo sed etiam nullo alio post electo, nuda sc. voluntate, si declarauerit heres, se ei dare nolle, quem ante elegerit. nec est eadem ratio testamenti, & electionis testamentum non infirmatur nuda voluntate: electio infirmatur nuda voluntate, quod Accurs. seruat recte in princ. huius *l. ad verbum, mutetur.* Hæc est brevis comprehensio ante dictorum, cui illud adiecimus postremum, quod diximus de electione.

#### Ad §. si Falcidia.

*Si Falcidia quaratur, perinde omnia seruabuntur, ac si nominatim ei, qui postea electus est, primo testamento fideicommissum relictum fuisset: non enim facultas necessaria electionis, propria libertatis beneficium est. Quid est enim, quod de suo videatur reliquisse, qui quod relinquit, omni modo reddere debuit.*

§. 2. *Itaque sicum forte tres ex familia essent eius, qui fideicommissum reliquit, eodem vel dispari gradu, satis erit vni reliquisse. nam postquam paritum est voluntati, ceteri conditione deficient.*

**S**equitur alia quaestio, cui coniungitur explicatio §. 1. An heres, qui rogatus est vni, cui voluerit fundum restituere, possit duos, vel plures eligere, vel omnibus relinquere fundum? Et dicam statim posse: nam in §. 1. huius *l.* ait, satis esse vni relinquere. Sensus hic est: posse omnibus relinquere, sufficere vni relinquere. Et ideo, sicut in hoc genere legati conditionem subintelligimus, vt si heres neminem elegerit, omnes vocentur ad fideicommissum, qui sunt ex familia defuncti: ita non male subintelligimus, vt fundum restituat vni, cui volet, vel pluribus, quibus volet: nam & istud genus legati ita extenditur in §. *sed et si fundum, & §. rogo fundum, h. t.* Ac praeterea, si non eligendo heres efficere potest, vt omnes ad fideicommissum veniant, qui familiares defuncti fuerunt, cur non possit etiam idem eligendo, siue relinquendo omnibus? Ac rursus, si partem huius fundi heres potest assignare, & adscribere duobus, vel pluribus ex ea familia §. *si duos h. tit.* cur etiam non totum fundum poterit omnibus relinquere nulla habita electione, nullo habito discrimine personarum, quæ sunt ex familia? Nec quicquam mutat, quod fideicommissum vni relictum sit. Nam hæc verba sic accipiuntur, vt vel vni restituat ex familia. Idemque est sensus horum verborum, *peto ne fundus de familia mea exeat:* nam vel vni vel quibusdam, vel omnibus fundum heres relinquere potest. Et similiter è contrario, si dixerit, quibus volet ex familia restituas, satis erit, si vni restituat, vni relinquat, vnum eligat, *l. 24. h. t. in testam. & in legibus.* & in sermonibus omnibus, plerumque multa subaudiuntur: nā non possumus omnia fari, quæ meditamur, & nō tā fari, vt meditamur, vis mētis vim orationis nostræ su-

**A**perat longissime. in testamentis pleraque sunt *νεοανέμωτα*, id est, quæ subintelliguntur & si baudiuntur, vt *Grammatici dicunt*, quæ quidem vt in narrationibus, quas breues esse oportet, rhetores omitti iubent, quod satis perse intelligantur: ita omiſſa in testamentis suppleuntur facile: nam & testamenta breuitatem habent, testamentū fit tribus verbis, *Petrus heres esto, l. 1. l. cum in testamento, l. si itaque heredes, de heredib. instit.* Iuuenal. *omnia soli forsā Pacuui breuiter dabit.* & alibi: *qui se cautum atque legatum exiguis tabulis & gemma fecerat vna, l. 1. l. si ita quis heres, de heredib. instit.* Si igitur heres omnes, qui erant ex familia defuncti elegerit, omnes creditores fuisse intelliguntur, & fundus eis in testamento heredis frustra legabitur, res scil. debita à debitore creditoribus frustra legabitur, vel si omnes heredes scripserit in suo testamento interueniente Falcidia, in ære alieno fundum deducit, quasi sibi debitum, deinde Falcidiam ex legatis, seu deductionem Falcidiæ præcedit semper deductio æris alieni, in quo computabunt illum fundum, quasi sibi debitum: nam deducunt non tantum æs alienum, sed & sibi debitum & id quod cui ex eis defunctus debuit, *l. pater famil. ad l. Falc.* Nec quicquam mutat, quod heres vnum vel quosdam eligere potuerit, & vnum præferre alteri: nec enim ideo videtur beneficium dedisse ei, eisue quos elegerit, quia necessario, vel hunc, vel illum, vel quosdam eligere debuit, vel omnibus relinquere illum fundum. Et quod necessitate fit, nō est beneficium, non est liberalitas. Et hoc est, quod ait in §. 1. facultatem necessariam electionis, non esse beneficium propriæ liberalitatis, cum idem pareat, *l. rem legatam, de adim. leg.* Quæ tamen in eandem rem quidam abutuntur, dum aiunt, *neminem in necessitatibus liberalem existere.* Nam ea lex hoc vult, multum interesse, vtrem rem legatam testator vendiderit, an donauerit: nam si vendiderit, distinguimus: aut vendidit propter necessitatem rei familiaris, & debetur legatum, quia non habuit animum adimendi legati, sed coactus necessitate rem legatam vendidit: si vero mera voluntate vendiderit, videtur ademisse legatum. Eadem distinctione non vtimur, si donauerit: nam quicunque donat mera voluntate, donat semper: nemo donat propter necessitatem rei familiaris, vt ea se absoluat dum premitur. Ergo nemo in necessitatibus liberalis existit, id est, nemo dum premit eum egestas donat: non enim hic est sensus, vt non sit donatio, quæ necessitate fit. Sed redeamus vnde abiimus. consequens est, quod ante diximus, vt si heres ei quem elegerit, fundum in suo testamento legauerit, aut prælegauerit, & interueniat Falcidia in testamento heredis, ex eo legato non detrahatur, quia non est legatum, quod necessitate relinquitur. Legatum est in genere liberalitatis, *l. cum non facile, si cui plus quam per leg. Falcid. l. pen. de testam.* Necessaria electio non est liberalitas, & legatum illud nihil aliud est, quā electio necessaria. electio est, quia heres est debitor fideicommissi. Necessitatis verbo significatur obligatio in *l. post certi temporis, C. de liber. cau.* Pactum nullam habere necessitatem, id est, ex pacto non nasci obligationem, quod & varie possit comprobari. **E**rgo quod ait Papinianus initio huius *l.* vnum ex familia heres eligere debet, plane necessitatem significat. debet, id est, cogitur, eligere vel reddere. Et vt ait in §. 1. omnino debet eligere vel reddere ipse, aut heres eius: nam si priusquam eligat, moriatur heres, heres eius omnibus cogitur reddere fideicommissum, fundus quidem est in legato ex testamento priore, non ex testamento heredis. Et ideo, si in testamento heredis interueniat Falcidia, in primo non interueniat, fundus ab herede legatus Falcidia non minuitur. contra, si in primo interueniat Falcidia, etiam si non interueniat in testamento heredis, fundus minuitur per legem Falcidiam: quia perinde est atque si is fundus in primo testamento fuisset legatus nominatim ei, quem elegit heres, vel eis, quos elegit, non fuit legatum nominatim, quia incertum



est legatum hæc sunt opposita, incertum esse legatum, & nominatum esse relictum, ut in illa declamatione Quintiliani 318. Ac rursus non est plane incertum legatum, alioquin esset inutile, quia certæ sunt personæ, quib. incerto legavit, puta quem eligeret heres, §. *sub cond. Inst. de leg.* Ex his facillime intelligimus §. 1. Ex §. *si Falcidia*, inter cætera intelleximus, legata esse in genere liberalitatis, legatum siue fideicommissum in liberalitate, & beneficio consistere. Sane legatum definitur esse donatio quædam, l. 36. h. t. quo modo & fideicommissi definitio inchoari potest. Et definitur recte esse donatio quædam: nam est proprii cuiusdam generis donatio. non est donatio inter vivos, relinquitur enim potius, quam datur. legatum vel fideicommissum mortis causa dicitur capio, l. *mortis causa capitur, de mort. causa donat.* & non insinuat: non est etiam donatio causa mortis, quia conualescentia non revocatur, sicut donatio causa mortis. Est igitur proprii cuiusdam generis donatio, hoc est, donatio quædam, ut in l. *rogasti, de præsc. verb.* si me rogaveris mutuum pecuniam, & ego cum pecuniam non haberem, tibi rem vendendam dederò, ut pretio utaris, lex ait esse genus quoddam proprii contractus, negotium gestum esse quoddam; id est, non esse mutuum, non esse commodum, sed proprii cuiusdam generis contractum. Et ita Arist. 4. *Ethic.* verecundiam esse metum quendam infamiae: neque enim idem est prorsus, quod metus. verecundia ruborem, metus pallorem inducit. Ex eo autem quod diximus, legatum esse donationem quandam, & munificentiam, siue liberalitatem, scil. cuiusdam generis, in iure multa sequuntur ex eo verbo: ut non possis obligare rogando eum, cui nihil dederis: non possis ex eo legatum aut fideicommissum relinquere, quia de suo, non de alieno quemq. largiri oportet, l. 6. §. *ult. t. seq.* Largitio, quæ sit de alieno, non est liberalitas. ergo nec legatum. quin in multis casibus largiri de alieno, est species furti, l. *si pignore §. 1. de furt.* Ex eo etiam sequitur, ut turpia legata non valeant, l. *turpia, de leg. 1.* quibus conuictio aliquo oneratur legatarius, ut si quis ita mulieri legaverit: *illi ut habeat, unde ingluviem suam exsaturat. sues omnes meas do, lego, scrophos, troias meas omnes do, lego*, ut Messalla in lib. *de orig. Augusti.* scribit sues vulgari sermone Latino appellari troias. ut solemus nos Galli appellare *des truyes*, & inde vexillo Troianorum insculptam fuisse suem. Ergo non sunt beneficij aut liberalitatis, quæ contumeliose relinquuntur. contraria sunt honori, ergo & legato, legatum enim est honos. Denique contra naturam legati est, alicui cum conuictio contumeliose legare. Qua ratione etiam iure veteri non valebat legatum relictum pœnæ causa, §. *pœna, Inst. de legat.* quia contra naturam legati est, ut sit pœna, non liberalitas, non honos. Et similiter ex his sequitur, quæ proprie pertinent ad thema legis nostræ, ut id non intelligatur esse legatum, quod necessario relinquitur: nam quod necessario fit, non fit liberaliter, necessaria electio non est legatum. Parere voluntati defuncti, non est legare, quia cogimur parere voluntati, exsequi voluntatem defuncti, vel nos, vel heredes, si non ei obsecuti fuerimus.

#### Ad §. sed si 3:

*Sed si uno ex familia herede instituto, ille fundus extraneo relictus est, perinde fideicommissum ex illo testamento petetur, ac si nemo de familia heredi heres exstitisset. Verum is, qui heres scriptus est, ratione doli exceptionis, cæteris fideicommissum petentibus facere partem intelligitur: nam quæ ratio cæteros admittit, eadem tacitam inducit pensationem.*

§. 4. ¶ Si duos de familia non æquis portionibus heredes scripserit, & partem forte quartam extero eiusdem fundi legaverit, pro his quidem portionibus quos iure hereditario retinent, fideicommissum non petetur, non magis, quam si alteri fundum pralegassent, pro altera vero parte, quæ in extraneum collata est, virilem, qui sunt de familia petent, admissa

A *propter heredes virilium portionum pensatione.*

Nunc exponamus §. *sed si.* In hoc §. persequitur idem thema, quod proposui initio, est quæstio hæc laciniosa, & multis implicita interrogatiunculis, & quasi punctis. Heres rogatus vni ex familia defuncti testatoris, cui vellet fundum restituere cum morietur. Hoc est thema huius legis. Is heres precibus defuncti non præbuit fidum obsequium: Nam moriens heredem scripsit vnum quidem ex familia testatoris sui, sed fundum extraneo legavit per vindicationem: ita ut ne momento quidem relideret apud heredem scriptum. Quid fiet? non paruit voluntati defuncti, qui fundum extraneo legavit, licet vnum ex familia sibi heredem fecerit. Quæritur, an fideicommissi petitio competat his, qui sunt ex familia prioris testatoris? Et sane ait Papinian. omnes qui sunt ex familia, perinde fideicommissum petere posse, atque si neminem ex ea familia sibi heredem fecisset heres prioris testatoris fideicommissio oneratus. Finge: tres erant ex familia testatoris, & heres eius vnus ex eis sibi heredem fecit, fundum extero legavit. certe cæteri duo fideicommissum petent ab eo, id est, ab herede heredis, tamen ipse etiam sit ex eadem familia, vna cum cæteris duobus. non potest à seipso fideicommissum petere; cæteri ab eo poterunt rectissime, ipse à se non potest petere. Et præterea, quod ad eius personam attinet, obligatio descendens ex primo testamento, additione confusa est, quia creditor intelligitur debitori heres extitisse. Quid ergo heres heredis, licet sit ex eadem familia, nihil ex eo fundo feret? Ita ius est summum: sed æquitas est, ut retineat portionem virilem in eo fundo, quod fiet ratione, hoc est, beneficio exceptionis doli mali. Nam cæteri petentes solidum fundum ab eo, repellentur ratione, hoc est, exceptione doli mali, à petitione solidi fundi, & bessem tantum fundi consequentur, triens remanebit apud heredem heredis & ita partem faciet cæteris, hoc est, persona eius numerabitur in partibus faciendis. Et sic fundus diuidetur in tres partes, in tres trientes, & non tantum partem faciet cæteris, sed etiam partem virilem sibi deducet, & retinebit. Non omnis qui partem facit, & partem fert, l. 7. *hoc tit.* Hic & partem faciet, & partem feret, siue retinebit. Idque est æquissimum: Nam, ut ait Papinianus, *quæ ratio cæteros admittit, eadem, inquit, tacite inducit pensationem.* Est obscura ea ratio, quæ ratio admittit cæteros: Cur cæteri admittuntur? quia sunt ex familia prioris testatoris, & extitit conditio fideicommissi fundo ab herede legato, non vni ex familia, sed extraneo. Eadem ratio vocat heredem heredis in partem virilem, cum ipse sit ex eadem familia. Ergo admittitur, partem facit cæteris, partemque retinet sibi, hoc est, trientem. admittitur autem, ut ait, *per tacitam pensationem.* nihil refert dicas *pensationem*, an *compensationem*, utrumque idem potest. Vocat autem pensationem non improprie, ut vult Accursius, sed proprie. Quid est compensatio? *reputatio partis debita pro rata.* Cæteris petentibus solidum, ipse compensat & reputat partem sibi contingentem, partem, quam ex primo testamento testator secundus sibi debuisse intelligitur. Denique cæteris petentibus solidum, compensat partem sibi debitam, atque ea minus præstat cæteris. Hoc sane est compensare, & quasi soluere solidum: nam compensatio vicem solutionis obtinet. Et ita in §. *seq.* ubi eadem æquitas compensationis servatur, ait, *admissa propter heredes, virilium portionum pensatione.* Verum cur hanc pensationem vocat tacitam, nec enim sit tacite, ut videtur, quia ante dixit, eam induci ratione exceptionis doli mali. Opus est igitur facto, hoc est, oppositione exceptionis, ergo compensatio non sit tacite, non sit tacito iure, sed opposita exceptione doli mali. Ea autem omnia non sit pensatio. Sic posset quis argumetari summa ratione. Sed nihilominus dicendum est hoc casu, ut in omnibus aliis semper induci tacitam compensationem ab herede heredis aduersus



ceteros, quia fit ex eadem familia pro portione virili, hoc est, eam pensationem induci tacito iure, mero iure, etiamsi sit ommissa exceptio doli mali, quæ inest omnibus iudiciis tam bonæ fidei, quam strictis. Nam quod attinet ad causam compensationis, hodie exceptio doli mali inest omnibus iudiciis tam strictis, quam bonæ fidei, l. 4. l. posteaquam, de compens. l. 4. & §. C. eod. l. inter, de adm. tut. vbi idem Papin. Æquitas merum ius compensationis inducit, id est, æquitas facit, vt fiat compensatio tacito iure: mero iure fiebat in strictis iudiciis opposita exceptione doli mali. Hodie hæc exceptio inest omnibus iudiciis, hoc est suppletur à iudice, etiamsi sit ommissa: & inducitur compensatio, minuiturque petitio actoris vel consumitur ratione compensationis tacitæ, ratione exceptionis doli mali tacitæ. Nam hæc non sunt contraria. In hoc §. induci tacitam exceptionem, & fieri pensationem ratione exceptionis doli mali: fit enim ratione eius exceptionis, quæ inest, & quam exprimi necesse non est, aut peti à prætore, & adiaci actioni. Hæc est sententia huius §. Ex eo intelligitur, confusione, quam inducit aditio hereditatis, tolli quidem obligationem, sed compensationem non tolli, quod est frequens in iure, l. 14. C. ad l. Falcid. l. ult. ad Trebell. Obseruandum etiam hoc est, recte ita poni speciem in hoc §. heredem scripsisse vnum ex familia, sed fundum extero legasse: nam si heredem scripserit vnum ex familia, & fundum nemini legauerit, ceteri excluduntur, quasi defecti conditione, l. filiusfam. §. cum pater, de leg. 1. quia penes vnum ex familia fundum remanere satis est, & remanebit penes heredem scriptum, qui est ex familia, si non sit alij legatum. Rursus ad hæc posset quæri, quid sit statuendum de legato relicto extraneo: an extraneo erit legati petitio? Fideicommissi petitio ratione eius fundi competit omnibus, qui sunt ex familia, an & legati petitio competit extero? Distinguendum est: Aut heres, qui eo fideicommissio oneratus fuit, fundum legauit extero, sciens esse debitum ex testamento testatoris sui, l. 49. mand. Aut ignorans: Si sciens fundum esse debitum, eum legauit extero, heres eius extero tenebitur ad æstimationem fundi solidam, familiæ autem ad fundum: extero tenebitur quasi legatario, familiæ quasi creditoribus. Priores potioresque sunt creditores legatariis. l. 1. C. de bon. aut. ind. poss. nam legata non debentur nisi deducto ære alieno, l. 1. §. denique, ad Treb. Ideoque rem ipsam primum heres heredis præstabit his, qui sunt ex familia: deinde æstimationem legatario. Sed si ignorans, heres heredis legatario tantum tenetur pro parte cæterorum, §. si rem in hac l. Intelleximus ex §. sed si vno, herede rogato fundum vni ex familia testatoris, cui vellet relinquere, si is vnum ex familia heredem scripserit, fundum autem extraneo legauerit, cæteris qui sunt ex familia heredem herediteneri fundum restituere, compensata & deducta portione virili sibi obtingente, & delata ex priore testamento: portione virilis ei compensationem esse, petitionem esse confusam aditione hereditatis, quia vt debitoris heres exitit, testator suus debitor ei fuisse intelligitur ex causa fideicommissi priori testamento relicti: compensationem autem saluam manere, nec perimi confusione, imo fieri eam tacito iure ratione doli exceptionis, quæ hodie inest omnibus iudiciis, ex causa compensationis, & ex omni alia causa iudiciis tantum bonæ fidei. Hæc est sincera huius §. interpretatio. eadem est ratio compensationis in specie §. si duos. Heres rogatus est vni ex familia testatoris cui vellet certum fundum relinquere: & duos ex ea familia sibi heredes scripsit, fundi partem quartam extraneo legauit, cum scripsisset autem duos heredes ex disparibus partibus paruit voluntati defuncti pro dodrante, quia dodrantem reliquit duobus ex familia, quos sibi heredes fecit, pro quadrante autem non paruit voluntati defuncti, quia quadrantem fundi extraneo legauit: quo fit, vt omnibus qui sunt ex familia, competat fideicommissi

petitio pro quadrante, non etiam pro dodrante, quia dodrans duobus ex familia relictus est, diuidendus pro hereditariis portionibus, qui etsi alteri eorum prælegatus fuisset, cæteris quadrantis petitio non competeret. Vnde si heres fideicommissio oneratus, duos ex familia heredes scripserit, & fundi quadrantem extero legauerit: ceteri omnes, qui sunt ex familia, quadrantem duntaxat fundi petere poterunt à duobus illis heredibus, sed in partibus faciendis numerabunt duos heredes scriptos: retinebunt ergo singuli heredes scripti ex fundi parte quarta viriles portiones, iure pensationis tacitæ, & reliquum restituent cæteris, qui sunt eiusdem generis, nominis, familiæ, qui similiter id inter se diuident pro virilibus portionibus, quia prior testator omnes videtur vocasse ad viriles portiones, l. cum pater §. heredem, l. pen §. Lucius, h. r. Et hoc est, quod ait in hoc §. quæ verba indigent interpretatione, pro altera vero parte, quæ in exterum collata est, id est, pro quarta parte quæ extero legata est, virilem qui sunt de familia petent, qui sunt de familia, hoc est ceteri qui non sunt heredes scripti ab herede onerato fideicommissio, & sunt ex eadem familia prioris testatoris, & quomodo petent: admissa, inquit, vt recte Florentiæ, propter heredes, id est, propter illos duos heredes, virilium portionum pensatione. Quæ verba ita fient per lucida, si sic exponantur. ceteri qui non sunt heredes scripti, & sunt ex eadem familia, tantum petent fundi quadrantem legatum extero, verum tacito iure, mero iure, ipso iure. illi duo heredes scripti eis partem facient in eo fundi quadrante, quem petent. Ac præterea, quoniam Azo & Hugolinus aliquantulum laborant in interpretatione horum verborum, pro his quidem portionibus, &c. optimum esse puto, ea facere clariora. Ea verba nescio quā mente sic accipi posse arbitrantur, ac si palam diceret Papinianus, illos duos heredes dodrantem in eo fundo retinere iure hereditario, quod est manifeste falsum: nam fundus ille non fuit in hereditate heredis primo testamento instituti. Ideoque iure fideicommissi illi duo heredes retinent dodrantem fundi iure fideicommissi sibi relicti testamento primo, non iure hereditario, quia heredes extiterunt ei, à quo fuerat fideicommissum relictum: & consequenter, si lex Falcidia interveniat in posteriori testamento, eum dodrantem non imputabunt in Falcidiam, l. 4. ad l. Falc. Quia in Falcidiam ea tantum imputantur quæ iure hereditario capiuntur, l. in quartam, ad l. Falcid. l. filium quem, C. fam. ercisc. Et vt debitor inutiliter creditori legat id, quod debet, titulo legati scil. ita & titulo hereditatis. Denique eum dodrantem capient titulo fideicommissi ex primo testamento, non titulo hereditatis ex posteriori testamento. Et alius est sensus horum verborum, nempe hic: eos duos heredes, quasi electos ab herede primo per institutionem, secundum modum institutionis dodrantem eius fundi inter se diuidere pro hereditariis portionibus, non pro virilibus, quia vt proposuimus in princ. non fuerunt heredes scripti ex æquis partibus, sed ex disparibus. non ergo diuident fundi extraneo legati dodrantem inter se ex æquis partibus, sed ex disparibus, prout heredes instituti sunt. Quadrantem autem fundi extraneo legati contra voluntatem defuncti, omnes, hoc est, heredes & non heredes, eiusdem familiæ & gentis inter se diuident pro virilibus portionibus; quia, vt dixi, primo testamento prior testator intelligitur omnes vocasse in viriles portiones, vel in capita. Ambiguitas orationis soluitur discrimine veri & falsi, quæ videbatur inesse illis verbis, pro his quidem portionibus, quas iure hereditario retinent. Sensum, ex quo efficitur falsum, reiiciamus: sensum ex quo efficitur verum, amplectamur, quæ est certa regula ambiguitatum dirimendarum: vt si dicam hoc modo: constat filium in potestate habere patrem, vtrum dicam explicare facillimum est. Nam vel hoc dico, patrem esse in potestate filij, quod est falsum, vel filium esse in potestate patris, quod est verum. Et hoc est, quod diximus,



ambiguitatem solui discrimine veri & falsi. Illud non est omittendum, ut & in specie *h. §. si duos*, & in specie *§. sed si vni*, ponendum esse necessario fundum vel partem fundi, de quo quaeritur, extraneo fuisse legatum ab heredibus, vel herede heredis primo testamento scripti, nec fuisse traditum extero. unde quaeritur, *quid sit dicendum, si heres heredis fundum vel partem fundi extero legatum tradiderit antequam ceteri agerent ex causa fideicommissi*? Sane hoc casu ceteris, qui sunt eiusdem gentis & familiae, non tantum in heredem, sed etiam in extraneum possessorem, est fideicommissi persecutio, & in rem missio, aut in rem actio, *l. i. l. ult. C. com. de leg. Non. 39*. Et est fideicommissi persecutio ceteris solummodo, non etiam heredi qui tradidit, licet sit ex eadem familia: quia fideicommissi tantum compensationem habet pro portione virili, non petitionem. non dabitur etiam heredi conditio certi vel incerti aduersus exterum, cui tradidit ratione omilla retentionis, ratione non retentæ partis virilis, quasi plus debito tradiderit: quia scilicet retentionem tantum habuit aduersus ceteros, qui sunt ex eadem familia pro portione virili, non aduersus extraneum legatarium. Hæc habent rationem suam. sed sequitur ex eo magnum incommodum: nam ita fit, ut deterior sit conditio legatarii extranei traditione ei facta, quam traditione nondum facta: Nam si nondum tradiderit heres heredis fundum extero, vel partem fundi, ab eo consequetur æstimationem rei legatæ, si testator sciens legauerit: vel si ignorans, partem virilem, quam heres sibi detraxit. Igitur ne hoc eueniat, æquissimum est, legatario subueniri aduersus heredem, à quo ei legatum relictum est, perinde atque si nihil accepisset, quandoquidem id quod accepit, abstulere ceteri, qui erant ex eadem familia. Et æquissima videtur esse sententia Accursii, ut si ab extraneo possessore, cui iam traditus est fundus, ceteri vindicent fundum, ille se defendat aduersus eos ex persona heredis, à quo accepit. potest uti defensione ex persona heredis, qui aduersus heredem regressum habet. Reputabit ergo ceteris, quod & reputasset ipse, à quo legatum accepit. Et hæc sufficient ad hunc §. Valde notandum, quod diximus in extremo ultimæ recitationis. Duobus ex familia prioris testatoris ab herede heredibus constitutis, vel vno ex familia instituto, fundo, de quo agitur, extraneo legato & tradito, si ab extraneo fundum vindicent, ceteri qui sunt ex eadem familia, eum possessorem extraneum posse compensare viriles portiones, aut virilem portionem, quam heres heredis, qui fundum tradidit, compensaret, si eum ipso ageretur, & eundem extraneum in residui æstimationem cum herede heredis experiri posse, si sciens prior heres fundum familiae deberi, eum extraneo legauerit: alioqui, quod est iniquum deterior erit conditio legatarii post traditionem fundi, quam fuerit ante traditionem. nam ante traditionem vel agens consequeretur totius fundi æstimationem, si sciens prior heres ei legasset, vel portionem obtingentem heredi, si ignorans legasset prior heres, *ut in §. si rem, in l. i.* Hæc sunt subtilia magis, quam difficilia.

Ad §. sed etsi fundum §.

*Sed etsi fundum heres vni ex familia reliquerit, eiusque fidei commiserit, ut eum extero restituat, quaesitum est, an hoc fideicommissum peti possit? dixit, ita demum peti posse, si fundi pretium efficiat. Sed siquidem ille prior testator, ita fideicommissum reliquisset, rogo fundum, cui voles, aut quibus voles ex familia relinquant, rem in expedito fore. Quod si tali verba fuissent: peto, ne fundus de familia exeat, heredis heredem propter sequens fideicommissum, quod in exterum collatum est, oneratum intelligi, petitur deinceps ceteris ex primo testamento fideicommissum, post mortem videlicet eius, qui primo electus est.*

§. 6. ¶ Et ideo, si electo vno fideicommissum in exterum non conferatur, non alias ei, qui electus est fideicommissum

A *praestandum erit, quam interpositis cautionibus, fundum cum morietur, si non ex familia cum effectu re restituatur, restitui.*

¶ Ve hæcenus dicta sunt de fideicommissio fundi vni ex familia relicto, omnia locum etiam habent in fideicommissio ita relicto, *peto ne fundus ille ex familia mea exeat*. Itaque quod ad ea, quæ hæcenus diximus, attinet, nihil interest, dixerit testator, *peto ut fundum vni ex familia relinquant, aut peto, ne fundus ille exeat de familia mea*. Sed ex hoc §. *sed etsi fundum*, intelligemus in aliis causis esse differentiam inter hoc & illud genus fideicommissi, & duæ sunt præcipuæ differentiæ. Fundo relicto vni ex familia & tradito, ab eo, qui fundum accepit, fundus potest transferri in extraneum, nec perpetuo remanere debet in familia: fideicommissio autem relicto familiae, vel herede rogato, ne fundus exeat de familia, ab eo, qui prius accepit fundum ab herede, non debet fundus in extraneum transferri, sed reservari debet, & relinqui aliis, qui sunt ex eadem familia. Qua de causa is, cui priore loco heres fundum tradidit, cauere debet heredi, *se eum fundum, cum morietur, familia relicturum, vel heredi redditurum*, quandoquidem ceteris competit fideicommissi petitio aduersus heredem, fundo quandoque in extraneum collato, *l. peto §. ult. supra*, & ob id heredi caueat de indemnitate: denique heres rogatus, ne fundus exeat de familia, eligit vnum ex familia, cui fundum relinquant exacta cautione, *fundum extra familiam alienatum non iri, aut sibi restitui*, propterea quod fundo alienato extra familiam, ipse heres obligatur ceteris, qui sunt ex eadem familia, quamdiu ea permanebit. Est igitur sane, cur heredi caueatur de indemnitate. Cautionis formulam totam Papinianus exposuit hoc loco, *fundum cum morietur, &c. fundum quem tibi trado, cum morieris, si non in familia cum effectu relinqueretur, mihi restitui, cum effectu*, id est, non verbo tenus, *re non verbo*.

Hæc sunt opposita *l. i. §. ult. quod quisque iuris in al.* Posset spe relinquere in familia, relinquere in familia verbo, non effectu ipso. Quid enim si reliquerit vni ex familia, & iusserit eum extraneo soluere æstimationem fundi? Sane hoc casu verbo tantum tenus fundum reliquit in familia, non cum effectu. Igitur cautioni rectè inserit ea verba Papinian. *cum effectu*. Est etiam alia differentia inter hoc & illud genus fideicommissi. Si heres rogatus sit vni ex familia fundum restituere, & in suo testamento vni ex familia sua eundem fundum legauerit, inutile est legatum, ut didicimus in *princ huius l.* quia debitor id, quod debet ex primo testamento creditori legasse videtur. Et consequenter ab eo fideicommissum relinqui non potest. ab eo, cui legauit inutiliter, & fideicommissum relinquo inutiliter, *l. 7. §. ult. tit. seq.* Frustra igitur eum rogabo, ut fundum extraneo restituat, quamquam ipse sua sponte eum possit alienare extraneo. Vnus tantum casus est, quo ab eo fideicommissum relinquitur utiliter, puta, si præter fundum eidem testamento legauerit, quantum fundi pretium efficiat. Hoc casu iure rogabitur fundum extero restituere, non quod fundus ei sit legatus, sed quia præter fundum aliquid amplius, quam efficit verum pretium fundi. Ergo

E agnito legato compellitur subire onus fideicommissi, id est, fundum extero restituere. Neque ob eam causam heres heredis quicquam oneratur. Et hæc quidem ita, si heres rogatus sit, vni ex familia fundum restituere. Quid fiet altero casu, si testator ab herede petierit, ne fundus de familia exiret? Hoc casu res procedit longè aliter: Nam si heres elegerit vnum ex familia, eumque ita rogauerit, fundum extraneo restituere, puta amplioribus legatis relictis, hoc casu heres heredis ab eo, qui electus est non exigit cautionem illam, de qua diximus supra, *fundum in familia relictum iri, vel sibi restitutum iri*, ne scilicet faciat contra voluntatem sui testatoris, qui fundum in extraneum transire voluit: heredis est tueri voluntatem defuncti, non infringere, atque ideo non exi-



git sibi cauere de ea non infringenda : & tantū eo, qui primus electus est, mortuo, aduersus heredem heredis, cui cautum non est, sequentibus qui sunt ex eadem familia, dabitur persecutio fideicommissi: denique aduersus heredem heredis, cæteris erit persecutio fideicommissi, neque tamen ei erit exactio cautionis aduersus eum, qui primus electus est: illa cautio exigitur ab eo, qui fundū extraneo restituere rogatus non est, non ab eo, qui rogatus est. Esset enim absurdum heredem à legatario exigere cautionem de fide non exhibenda testatori suo, à quo heres scriptus est. Itaque hoc casu valde oneratur heres, propter sequens fideicommissum, quia remedio cautionis non potest sibi prospicere. Priore casu propter sequens fideicommissum nil oneratur heres heredis. Et ita posteriorem partem huius legis interpretatur recte Azo in verbis huius §. Accurs. male legit, *propterea pro præterea*. Item in Pandectis Florent. perperam deest versus in hoc §. Et sane est frequens hoc in Pand. Flor. Igitur sic legamus, *sed etsi fundum, &c.* Dixi ita demum peti posse, si præterea tantum eidem relictum esset, quod fundi pretium efficiat. Circa priorem partem dubitat Accurs. non absre, cur heres rogatus vni ex familia fundū restituere, si vnum ex familia heredē instituerit, eiusque fidei commiserit, fundum extraneo restituere, heres heredis familiæ teneatur? ut in §. *sed etsi vni*. Et tamen ut ostenditur in hoc §. *sed etsi fundum*, si heres rogatus vni ex familia fundum restituere, eum fundum vni ex familia legauerit, & alia quædam, quæ fundi pretium efficiant, & eius fidei commiserit extraneo fundum restituere, heres heredis familiæ non tenetur. Et ratio differentię breuiter apertissima hæc est: herede instituto vno ex familia, & fundo extraneo relictō à primo herede, scil. cæteri, qui sunt ex familia, conditione non deficiuntur, quinimo extitisse videtur conditio fideicommissi, quia vnus ex familia electus non est, quia nemini ex familia fundus relictus est: nec enim videtur relictus heredi instituto, cum sit relictus in legatis, non in hereditate: & relictus, quod magis est, per vindicationem, aut etiam ita, ut paululum consisteret in persona heredis instituti, & quasi nihilum temporis. Legata autem sunt separata ab hereditate. At fundo ab herede relictō vni ex familia, etiam si eum iure rogauerit fundum extraneo restituere amplioribus legatis relictis: cæteri, qui sunt ex familia conditione deficiuntur: fideicommissō excluduntur penitus, quia verum est vni ex familia fundum fuisse relictum titulo legati, qui propter ampliora ea legata, non inutiliter fuit rogatus eundem fundum extraneo restituere: sequitur §. *rogo, hic*. Sed antequam vlt. terius progrediamur, res ipsa postulat, ut diligentius exponamus id ipsum, quod ex §. *sed etsi fundum*, discrimen constituimus inter hoc genus fideicommissi, *peto vni ex familia, cui voles fundum relinquo cum morieris*, & illud, *peto ne fundus de familia mea exeat*. Cōmunia quidem hæc sunt inter hæc duo genera fideicommissi. Primum quod heredis est electio, cui velit fundum relinquere ex ea familia, & ea quidem ambulatoria vsque ad supremum vitæ exitum. Deinde quod ei quidem, quem elegerit heres, frustra testamento suo legat eundem fundum, tum etiam, quod ab eo, quem elegerit, frustra alteri fideicommissum relinquit, præterquam vno casu, si ampliora legata ei legauerit. Ac postremo, quod non vnum tantum heres eligere possit, sed & duos, vel plures, vel omnibus relinquere eum fundum, & quod fundo nemini ex familia relictō, omnibus, qui sunt eius familiæ fideicommissi petitio competit. Quæ omnia demonstrata sunt in superioribus §§. & sunt communia vtriusque fideicommissi, siue dixerit, *peto ut vni ex familia relinquo cui volueris cum morieris*, siue dixerit, *peto ne fundus de familia exeat*, hæc, inquam, sunt communia. Differentiæ autem hæc sunt, quæ ponuntur in §. *sed etsi fundum*, satis obscuræ, ut rursus eas explanari sit operæ pretium: fideicommissum relictum vni ex familia

A incerto, si heres vnum ex familia elegerit, & in voluntate perseverauerit vsque ad mortem, vel si vni ex familia fundum legauerit, quod legatum nihil aliud est, quam electio suprema, nec iure proprio legati censetur, vel si vnum ex familia sibi heredem instituerit fundo extraneo, non relictō: is quicumque ex familia fuerit, ad quom fundus peruenit, eum fundum alienare extra familiam, & extraneo dare vel relinquere potest, quia testator noluit, ut is fundus curreret per omnem familiam, seu per omnem agnationem: imo vero & vno illo casu, de quo ante dixi, heres rogatus vni ex familia fundi restituere, ab eo, quem elegerit eundem fundum extraneo per fideicommissum relinquere potest, puta, si ei, quem elegit, aliquid amplius legauerit, quam fundi pretium efficiat, neque ob istud fideicommissum quicquam onerabitur heres heredis. At fideicommissō relictō familiæ, vel herede rogato, ne fundus de familia exeat, is, quem elegerit, non debet fundum in extraneum transferre, sed conseruare eidem familiæ: imo ea de re cauere heredi heredis debet, se eum fundum non collaturum in extraneum. Alioquin heres heredis onerabitur, cui scil. cautum non est de indemnitate, si electo fundum præstiterit, & is eum in extraneum contulerit, propterea quod post mortem electi, cui fundum præstiterit, cæteris, qui sunt ex ea familia, heres heredis tenebitur ex causa fideicommissi primo testamento relictī. Atque ita duplici præstatione fundi, hoc est, fundi & æstimationis præstatione onerabitur, quod non est verisimile testatorē onerare priorem heredem voluisse, l. *Titia. §. qui inuita, l. Manius, hoc tit. de leg. 2. l. qui dotem, de dote præleg.* Ergo ne oneretur duplici præstatione heres heredis, iuste desiderabit sibi cauere ab eo, qui electus est, cuique ipse fundum restituit, se eum fundum in familia relicturum. Et hoc ita sicut posui, si prior heres ab eo, quem elegit fundum extraneo per fideicommissum non reliquerit, sed ipse, qui electus est, accepto fundo eum in extraneum contulerit, vel conferre velit. nam ne conferat in extraneum in onus, siue perniciem heredis, obstringendus est cautione illa. At si prior heres ab eo, quem elegit, fundum extraneo per fideicommissum reliquerit, quo scil. casu relinquere potest, puta amplioribus legatis eidem relictis, tunc sane heres heredis omnino onerabitur, nec vlla erit ratio expediendi se onere isto, videlicet, si is, qui electus est, cuique heres heredis fundum præstiterit, eum ex causa fideicommissi, ut debuit, extraneo restituerit. Nam de fundo non restituendo extraneo, ut iussit prior heres, aut si restituatur, de reddenda æstimatione, heredis heres ab eo cautionem exigere non poterit contra voluntatem testatoris sui, hoc est, prioris heredis, cui ipse heres extitit, & qui fundum in extraneum transire voluit. Esset enim absurdum, si heres impugnaret voluntatem defuncti, vel ut dicam explicatius, si heres à legatario exigeret cautionem, de non exhibenda fide testatori suo, quam ipse debet, si præstaret quidem ipse fidem testatori suo, sed nollet præstari aliis, vel satis ageret, id est, satageret ne præstaretur, & hac ratione, non potuit exigere cautionem superiorem, atque ita sibi prospicere de indemnitate, & nihilominus cæteris, qui sunt ex familia, tenebitur ex causa fideicommissi primo testamento relictī, quia fundus non permansit in familia. Atque ita hoc posteriore casu omnino oneratur heres heredis, propterea quod remedio cautionis indemnitati suæ consulere non potest: atque ita videtur prior heres omnino eum onerare voluisse, quando ab eo, quem elegit nominatim fideicommissum illud extero reliquit. Et hæc est sententia §. *sed etsi fundum*. verum opus est, ut huic rei clarissimum lumen adhibeatur. ait, *propter sequens fideicommissum*, quod sc. prior heres reliquit extero ab eo, quem elegerat ex familia. ait *heredis heredem oneratum intelligi*. Ergo, ut subiicit, cæteris tenetur ex causa posterioris fideicommissi is, qui electus est, à quo heres heredis cautione exacta sibi prospicere non potuit. Denique heres heredis propter sequens fideicommissum,



missum, ita oneratus est, ut nec exonerari possit, quia deficit remedium cautionis, nec suppetit aliud. Deinde ait, si electo uno fideicommissum in exterum non conferatur. Sensus hic est: si prior heres ab eo, quem elegit ex familia fundum extero per fideicommissum non reliquerit, non oneratur heres heredis, si modo sibi prospexerit cautione, quoniam hoc casu si exigat ab eo, qui electus est, nihil contra voluntatem testatoris sui facit, qui extero ab electo fideicommissum non reliquit. Ergo heres heredis prospiciat sibi cautione, & non onerabitur, hoc est, indemnis seruabitur ab eo, qui electus est, cuique fundum præstitit, nec etiam alias ei, qui electus est, fundum præstabit, quam si cauerit fundum in familia relictum iri, vel si non relinquatur, restitutum iri, aut æstimationem: siue quanti ea res est. hac cautione interposita, si is, qui electus est, fundum transtulit in extraneum, heres tenebitur ceteris petentibus fideicommissum ex primo testamento, sed indemnis seruabitur beneficio cautionis interpositæ, quæ ei parat actionem ex stipulatu aduersus electum, cui fundum præstitit.

#### Ad §. rogo. 7.

Rogo fundum, cum morieris, restituas ex libertis cui voles, quod ad verba attinet, ipse erit electio, nec petere quisquam poterit quamdiu præferri alius potest defuncto eo, prius quam eligat, petent omnes. Itaque eueniet, ut quod vni datum est, vniis pluribus vnus petere non possit sed omnes petant, quod non omnibus datum est, & ita demum petere possit vnus, si solus moriente eo superfuit.

Facilior est species §. rogo. In summa hoc vult, ut quæ dicta sunt de fideicommissio relictæ vni ex familia, cum morietur heres, eadem obtineant in fideicommissio relictæ vni ex libertis, hoc modo: rogo fundum, cum morieris, restituas vni ex libertis, cui voles. Quid enim refert relinquere vni ex familia, an vni ex libertis, vel ex cognatis, vel ex fratribus? Igitur his omnibus casibus heredi est electio perpetua, electio ambulatoria, atque adeo incerta vsque ad supremum vitæ exitum. Hæc enim verba, cum morieris, hanc ei licentiam variandi dant. Ex sententia autem defuncti, quamvis vni figura verborum fideicommissum datum sit, heres potest, non tantum vnum eligere, quod habuimus in superiore §. sed etiam duos, vel plures, vel omnibus relinquere potest fundum. Item nemine electo omnes liberti veniunt ad fideicommissum fundi, §. sed si vni, & l. 17. §. ult. de legat. 1. Atque ita, quod datum est vni, non omnibus, figura verborum, scilicet omnes liberti petent, si heres omnibus reliquerit, vel si nemini reliquerit, & petent ab herede heredis. Nam hæc verba, cum morieris, etiam tempus, quod erit post mortem heredis, complectuntur in fideicommissis, atque ita nihil refert dixero, cum morieris, an cum mortem obieris, l. fideicommissi. §. si filio, de leg. 3. Et consequenter, quod vni datum est, vnus non petet, si heres mortem obierit, vniis pluribus libertis, & nemine electo. Nam omnes admittuntur pro virilibus portionibus, & ita demum vnus tantum admittetur, si solus superfuerit moriente herede, priusquam eligeret. Denique si moriente herede nemine electo plures liberti fuerint, facient inter se partes viriles, hoc est, fundum partientur in partes viriles, §. si duos, sup. l. cum pater §. hereditatem, de leg. 2. Si superfuerit vnus tantum ex libertis, is solidum fundum capiet. Hæc est sententia §. rogo. Sed repetamus, quod diximus vltimo loco: si vnus tantum ex libertis superfuerit, moriente herede solidum fundum capiet, non concurrentibus aliis collibetis. Obstat vehementer huic dicto l. pater §. filium, de leg. 3. Species hæc est: filiam heredem scripsi, & ita dixi: veto domum illam de nomine meo exire, sed ad vernas eos, quos testamento nominavi, pertinere volo. legavi vernis domum per fidei-

commisum, hoc est, per verbum volo, ut in l. species, de auro & arg. leg. non legavit seruis vernis, quia inutile esset legatum, sed libertis vernis: nam ut seruorum alij sunt vernæ, hoc est: domi nati, ut Martiali Apri vernæ in viuariis nostris nati: lupi vernæ, in piscinis nostris nati: alij sunt serui pecunia comparati, alij hereditate relictæ: ita liberti vernæ, qui serui vernæ fuerunt, & in antiqua inscriptione, Libertus Acteus Tyrannus vernæ, scriba librarius Tyranni. & in alia: Caius Iulius Fortunatus Augusti libertus vernæ. Vetat ergo testator fundum exire de nomine suo, sed ad libertos suos pertinere, quia scilicet liberti sunt de nomine patroni. Laet. de vera sap. Seruus, inquit, liberatus patroni nomen accipit. & Tertull. alibi, manumissus, inquit, patroni nomine ac tribu mensa honoratur. Voluit igitur is testator post mortem familiæ fundum pertinere ad libertos suos vernas, quos eodem testamento fecerat libertos, vel ut loquuntur nostri auctores, quos libertos perduxerat. Finge: familiæ supervixisse vnum libertum tantum vernam. Quæritur, an ad eum tota domus pertineat? Scauola respondet in eo §. virilem tantum portionem ad eum pertinere, quod non parum pugnat cum hoc §. Accurs. adfert duas aut tres solutiones. nouam excogitauit Alciatus in l. virilis, de verb. sig. Has omnes refellemus, & perspicuam vere afferemus. Intelleximus ex §. rogo, herede rogato vni ex libertis, cui volet fundum restituere, cum moreretur, & moriente nemine electo, superstitibus pluribus libertis, omnes ad fideicommissum admitti, atque ita euenit, ut fundum vni datum, non omnibus, omnes percipiant, non vnus, eumque inter se diuidant pro virilibus portionibus. Et ut ita demum vnus fundum petat & percipiat, si is solus heredi supervixerit. Et hæc sunt verba eius §. rogo. Itaque si vnus tantum ex libertis heredi superfuerit, aut supervixerit, ad eum totum fideicommissum pertinet. Et quin hoc Papin. sentiat in hoc §. nemo negat. Sed obicitur l. pater §. filiam, tit. seq. vbi ut constat ex specie, ad vnum ex libertis, qui solus supervixit heredi. Scauola respondet, virilem duntaxat partem fideicommissi pertinere, non ergo totum fideicommissum: Exspectas solutionem? dicam quam sentio veram: non eadem est species §. filiam, & huius §. rogo. In hoc §. proponitur testator prædium per fideicommissum legasse vni ex libertis. in §. filiam ponitur testator prædium siue ædificium, aut domum per fideicommissum legasse libertis, non vni ex libertis, sed libertis vernis: & adiecisse, quia hoc testamento nominavi, scilicet dando libertatem, quia ex l. Fusia Caninia erat danda nominatim, hoc est, seruorum propriis nominibus expressis, §. libertas, Instit. de leg. Quos ergo in hoc testamento nominavi, hoc est, quos in hoc testamento manumisi, l. pen. §. Lucius, h. tit. Nam & qui manumisit, necessario nominavit. denique, qui fideicommissum reliquit libertis, quos testamento nominauisset, planè retulit se ad nomina vernarum testamento expressa, atque ita videtur omnibus nominatim legasse, id est, omnibus propriis nominibus expressis, quandoque retulit se ad nominationem testamento factam. Proinde ædificium vernis legavit, nominibus propriis expressis: nominum nuncupatio partes viriles facit ab initio, maxime in fideicommissis, ut inferius demonstrabitur: & ideo singulis ab initio quasi diuisim partes adscriptæ fuisse videntur, & consequenter inter eos non est ius accrescendi. Nam hoc est ratum & certum, inter eos, qui partes habent ab initio, vel qui habere intelliguntur, nihil refert l. si duobus §. 1. de legat. 1. inter eos, inquam, non est ius accrescendi, sed inter eos tantum, qui initio solidum habent singuli, & concursu partes faciunt, l. 3. de usufruc. accresc. Proponitur in d. §. filiam, prædium fuisse relictum libertis vernis his verbis, dari volo. ergo peto fideicommissum. Et appellatur etiam fideicommissum in eo §. Porro, quo iure est legatum per damnationem, eodem iure est fideicommissum. quæ per damnationem possunt legari, & per fideicommissum, ut definit



Vlp. in *Inst. de fideicom.* Res aliena per damnationem potest legari, non per vindicationem. ergo potest etiam legari per fideicommissum, quod demonstrabitur in §. seq. Si homo generaliter legetur per damnationem, vel illud aut illud, electio est heredis. Ergo idem obtinet etiam in fideicommissio, *l. si ita relictum fuerit, hoc tit. l. qui concubina* §. 1. tit. seq. Si per damnationem eadem res legetur disiunctim ac separatim duobus aut pluribus, singulis solidum debetur, vni res qui occupauerit agere, aliis pretium rei: & inter eos non est ius accrescendi, quia concursu partes non faciunt, sed unusquisque solidum percipit. Ergo idem obtinet etiam in fideicommissio, *l. vn.* §. *si autem disiunctim, C. de cad. toll.* illo loco, in vno tantummodo genere legati, id est, in legatis per damnationem, ut constat. ex *Inst. Vlp. Caij, & Sentent. Pauli*, non ut Accursius. tentauit, in legatis per vindicationem. Et similiter, si coniunctim eadem res legetur duobus aut pluribus per damnationem, hoc iure, quod tractamus, quodque obtinuit ex *Constitut. Iustin. de cad. toll.* singuli ab initio partes habere intelliguntur, *l. 7. h. tit.* Ergo idem obtinet in fideicommissio, *l. uxorem §. agri, de leg. 3.* His consequens est, ut non sit inter eos ius accrescendi, quia ab initio partes habent, ut non concurrente vno nihil accrescat ceteris, sed deficientium portiones remaneant in hereditate: atque ideo in specie §. *filiam*, inter libertos, quibus vna oratione prædium reliquit per fideicommissum, quod intelligitur præterea reliquisse propriis eorum nominibus expressis, quando ad ea se retulit oratio patroni: inter eos, inquam, libertos non esse ius accrescendi, nisi (quod non adiecit) adiecisset, donec ad vnum perueniat, hoc modo, prædium ad libertos meos vernas peruenire volo, donec ad vnum perueniat, ut in *l. pen. §. Lucius, h. tit.* Quo casu sane ex verbis testatoris, quæ sunt iudicia certissimæ voluntatis, etiam in fideicommissio induceretur ius accrescendi, *l. codicill. de vste & usufr. leg.* Cæteroquin non adiecit eam clausulam testator in eo §. *filiam*. Vnde sequitur, inter eos libertos fideicommissarios, non esse ius accrescendi, & eos, qui partes non ferunt, qui non concurrunt, qui ante heredem moriuntur, facere partem ei, qui heredi superuiuat, id est, nihil refert dicas, inter aliquos non esse ius accrescendi, aut partem non auferentem, partem facere alij, vel alijs. vtriusque sermonis idem est sensus, idem effectus. Vnde in ea specie, si moriente herede vnus tantum ex libertis supersit, prædij pars tantum virilis ei debebitur, quia inter fideicommissarios maxime nominibus proprijs expressis, non est ius accrescendi: quia testator videtur singulis adscripsisse partes ab initio, & ideo noluisse, ut ultra portionem suam quisque quicquam amplius ferret: denique poterit heres moriens, cæterorum, qui præmortui sunt, portiones transmittere in externos, quia libertorum tantum gratia, in ea specie, quam heri exposui, voluerat testator prædium exire de suo nomine, non vniuersæ familiæ suæ gratia: deficientibus ergo portionibus quorundam libertorum, quia non possunt accrescere superstiti, heres eas iure transmittet in extraneum, siue conferet. Et ita ratio eius §. explicanda est secundum ius antiquum, ut innumeri in hoc tractatu, aut nunquam intelligentur, aut sumere debent interpretationem ex iure antiquo. Hodie ex *Constit. Iust.* in specie §. *filiam*, libertus superstes peteret totum fideicommissum, ut in specie §. *vago*, quia hodie inter collegatarios & fideicommissarios, quocumque genere legatum relictum sit, & non habita differentia inter legatum & fideicommissum, inter eos est ius accrescendi, & non concurrente vno, accrescit alijs: non concurrentibus alijs accrescit vni: denique non ab initio partes habere videntur, sed facere concursu, ubi non est concursus, deficientium portiones adescere cæteris. Nunc videamus, quid respondeat, aut quemadmodum interpretatus fuerit Accursius, & Alciat, *d. §. filiam*. Accursius primum, quo loco lex ait, *defuncta herede &*

*A* legatariis vernis, mauult legere, *defuncta herede ad legatarios vernas, an ad vnum legatarios, &c.* id est, fideicommissarios, ut legatum sæpe significat fideicommissum, sed non contra. mauult autem ita legere, ut ponat heredi superuixisse omnes libertos, & quod lex ait, *ad vnum, qui superest, virilem portionem pertinere*; Ipse sic interpretatur, ad omnes, qui supersunt viriles portiones pertinere, non totum ad vnum libertum, id est, ad alium libertum, non vernam. Hæc est prima solutio Accursii. Sed neque illa scriptura, *ad legatarios vernas*, auctorem vllum habet, nec interpretatio illa *ad eum*, id est, *ad eos*, vllam vsquam approbationem habitura est. Præterea quod urget omnino hac ratione fit, videl. si sic interpretetur, ut quæretur in illo §. an fideicommissum, quod est relictum vernis, non pertineat ad vernas, sed ad vnum non vernam: hac de re nemo nisi stultus, quæserit, esset stulta quæstio, & ipse etiam Accursius. transit ad aliam solutionem. Et aliter, *virilem portionem* interpretatur totum fideicommissum. Quid non audet? confundit ea, quæ Iurisconsultus facit aduersa. Quærit enim, *an totum fideicommissum ad libertum superstitem pertineat*? Quod si totum pertinere putasset Scauola, statim suo more respondisset, pertinere. Cum vero non ita simpliciter scripserit, sed virilem pertinere, qui quæsierat, an totum pertineret, proculdubio significat, totum non pertinere. Et abutitur etiam Accursius. in ea re *l. virilis, de verb. signif.* quod dicat virilis partis appellatione, interdum totam hereditatem contineri. Ergo fretus illa lege, licebit cuilibet deinceps ex exemplo Accursii partem interpretari totum. licebit passim illa lege uti pro arbitrio suo ac libito, quod exemplum est vitiosum. Et sane illa *l. virilis* pertinet tantum ad *l. Papiam*, ut inscriptio indicat. Et interdum ait, id accidere, interdum contineri alsem ex sententia sc. legum, quoniam æquitas postulat incidente aliquo casu, augeri significationem verborum. Iurisconsulti est augere significationem verborum pro loco & tempore, ac circumstantiis cæteris, ut in illa lege *Papia*, si libertus fil. is reliquerit, patrono debetur virilis portio, *l. postea, de succ. lib.* An etiam si filij repudiauerint hereditatem liberti, non habebit, nisi virilem portionem? imo totam hereditatem, *l. intestato, de suis & legit.* Nam mens legis non fuit alia, quam ut virilem tantum partem haberet patronus, si liberti filij heredes existerent cum effectu. Ergo eo casu virilis partis appellatione, in *l. Papia*. producemus etiam ad alsem, sed ne abutamur passim: imo vero nunquā sine auctoritate veterum. Alciat. in *d. l. virilis*, aliter explicauit *d. §. filiam*. qui multa innouare visus est, sed pleraque incallide & infelicitè. Ponit filie superuixisse omnes libertos, quod primum etiam Accursius posuerat, atque ita diem fideicommissi cessisse in persona omnium, quod ad transmissionem proficit: mox vero defunctos fuisse omnes libertos relictis heredibus extraneis, excepto vno, qui superuixit cæteris: & quæri in §. *filiam*, portiones defunctorum, vtrum pertineant ad heredes eorum extraneos, an ad superstitem collibertum? Scauolam respondere, pertinere ad heredes extraneos quasi transmissione, scilicet post diem fideicommissi cedentem mortuis fideicommissariis, & libertum superstitem partem duntaxat suam retinere. Sane erat cuilibet facile ita posita specie respondere, quia certissimum est, ubi est transmissioni locus, ius accrescendi cessare, heredem meum præferri socio meo, post diem legati cedentem, perinde atque si legati dominium adquisiuissem. nam etsi nondum dominium adquisui, tamen actionem adquisui. Hoc ergo transmitto in heredem meum. Sed etiam quo minus eam ponam speciem, moueor eo, quod lex ait, *vnum tantum libertum remansisse, vnum tantum superesse*. Igitur sane verum est superesse, non tantum collibertis, sed etiam heredi, nec recte ex ordine illorum verborum, *defuncta herede & legatariis vernis*, colligit, priorem decessisse heredem: nam in coniunctionibus nullus est ordo, *l. quidā, de pecul. leg.* Ergo ut speciem posuimus



initio, decesserunt fideicommissarij, id est cæteri liberi prius decesserunt, deinde heres, atque ita decesserunt ante diem legati cedentem, excepto vno, qui superest omnibus & heredi & collibertis, quique tamen totum fideicommissum non percipit, quia non fuit inter eos fideicommissarios ius adcreſcendi, & mortuorum libertorum portiones manserunt in hereditate, non accreuerunt superstiti.

Ad §. si rem tuam, & seq.

*Si rem tuam, quam existimabam meam, te herede instituto, Titio legem, non est Neratij Prisci sententia, nec constitutioni locus, quia canetur, non cogendum præstare legatum heredi: nam succursum est heredibus, ne cogerentur redimere, quod testator suum existimans reliquit. Sunt enim magis in legandis suis rebus, quam alienis comparandis, & onerandis heredibus faciliores voluntates, quod in hac specie non evenit, cum dominium rei sit apud heredem.*

§. 7. Si omiſſa fideicommissi verba sint: & cetera, que leguntur, cum his, que scribi debuerant, congruant: recte datum, & minus scriptum, exemplo institutionis, legatorumque intelligitur, quam sententiam optimus quoque Imperator noster Severus secutus est.

Sequitur noua quæstio in §. si rem tuam, de legato rei alienæ, vel rei heredis propriæ, an valeat? Et fuit in ea rei iure ciuili constituta differentia inter genera legatorum: nam res aliena vel res heredis per vindicationem legari non potuit hoc modo: illam rem L. Titio do, lego. non potuit etiam legari per præceptionem, hoc modo: heres meus L. Titius eam rem præcipito: nam præceptio est id, quod vni ex heredibus relinquitur præcipui titulo. His vero modis ea tantum res potuit legari, quæ fuisset testatoris ex iure Quiritium, vtroque tempore, hoc est, tempore mortis & tempore faciendi testamenti, exceptis rebus quæ pondere, numero, & mensura continebatur. In his enim satis erat, vel mortis duntaxat tempore rem fuisse in bonis testatoris, quod Vlp. in Instit. docet, idque demonstrat L. Stichus seruus, de manumiss. testam. dum in ea re libertatem comparat legato. libertas seruo alieno inutiliter legatur. res quoque aliena inutiliter legatur, videlicet per vindicationem, sicut nec libertas vindicationis modo relinquitur directo. Comparat ergo libertatem legato per vindicationem non aliis legatis. Idem demonstrat L. 38. de verb. signif. quem locum nondum obseruauit quis in eam rem. Illa lex significat aperte, non valere legatum fundi alieni. non loquitur de fundo incerto, quod ad vilissimum quid redigi possit: nam glebula quælibet potest appellari fundus, quodcumque mitti potest funda est fundus, nisi exciderit, inquit Varro, qua caua funda patet; sed loquitur de fundo alieno, & eo quidem certo, cuius legatum aperte demonstrat non valere, quauis is fundus possit emi pecunia hereditaria, & satis sit pecuniæ in hereditate: non valere igitur legatum fundi alieni relictum per vindicationem. Nam per damnationem valet res aliena, res heredis, res quæ nullo tempore testatoris fuit, legari potest per damnationem: damnas esto heres illam rem L. Titio dare. Item legari potest sinendi modo: damnas esto heres sinere L. Titium rem illam sumere, & sibi habere. quo tamen modo res tantum heredis legatur, non res aliena. Nam rem alienam heres facile fuerit L. Titium sumere si possit, & sinendi modus heredi imponitur frustra, nisi prohibere possit legatarium rem sumere, & sibi habere. Ex quo efficitur liquido, sinendi modo non legari rem alienam, sed rem heredis: damno te heres mi. sinere rem tuam illi sumere. res aliena atque etiam res heredis per damnationem legari potest, & per fideicommissum: nam quodcumque per damnationem relinqui potest, & per fideicommissum potest. Et hæc omnia Vlp. & Caius plene demonstrant in Instit. & Paul. 4. Sententiarum tit. 1. Et hæc quidem in hac re di-

Quæst. Papin.

A finctio legatorum introducta est iure ciuili. Post S. C. Neroniano, vt eadem Instit. Vlpiani docent, cautum est, vt quocumque genere legati possent legari res, quæ non vtroque tempore testatoris fuissent ex iure Quiritium, sed quæ testatoris fuissent mortis tantum tempore: nam nouissime primus Iustinianus constituit, vt res quæ nullo tempore testatoris fuissent, quocumque genere legati legari possent. Et notandum etiam hodie, quoquomodo legata, siue relictæ re aliena, aut heredis, differentiam esse aliquam inter rem alienam, & rem heredis. In re aliena ita distinguimus: aut testator rem alienam legauit sciens: quod legatarius probare debet, l. verius, de probat. Et hoc casu heres debet eam rem à domino iusto pretio redimere, & legatario præstare, l. non dubium 14. §. ult. tit. seq. Iustum pretium est, quod iudex fecerit l. is qui concubinam §. ult. tit. seq. vel si dominus eius rei nolit eam vendere, aut si iniusto & immodico pretio velit eam vendere, heres legatario debet præstare iustum pretium, quod iudicauit iudex §. non solum, Inst. de leg. & hoc si sciens legauerit. Si ignorans legauerit tanquam suam, cum putaret esse suam, non alienam, hoc est, si per errorem legauerit rem alienam, heres neque redimere eam cogitur, neque æstimationem præstare. Igitur inutile est legatum, inutile fideicommissum: quia forsitan, si testator sciuiſſet rem esse alienam, eam non legasset. Facile legant res suas morituri. non ita facile legant res alienas, non ita facile emunt res alienas, vel emi volunt ab herede suo. Ergo in dubio magis præsumitur testator non legaturus fuisse rem alienam, si sciuiſſet esse alienam, nisi aliud suadeat coniectura voluntatis euidentissima: vt si rem alienam tanquam suam errans legauerit filio, l. cum pater §. euictis, h. r. vel si propinquo, cognato, affini, l. cum alienam, C. de leg. vel si uxori, l. 11. in fi. de auro & arg. leg. vel si alumno: Nam in alumnos omnes educatores sunt perinde affecti, ac patres: & fere non minor affectio erga alumnum, quam erga filium, l. in testamento, de fideic. libert. His personis præsumitur legaturus fuisse rem alienam, etiam si sciuiſſet esse alienam. Ea propter his personis relictum legatum rei alienæ per errorem testatoris debetur, & nihil officiet error legatario. Hoc casu excepto, error facit inutile legatum aut fideicommissum, quod Papin. in hoc §. ait esse ex Constitut. nepe Constitutionem hoc casu subuenire heredi, ne præstet quod testator errans legauit, errans sc. in proprietate rei. Et intellige esse Constitut. Diui Pij ex §. non solum, Inst. de leg. Multa constituit D. Pius de legatis & fideicommissis: vt pænæ causa relictum legatum non valeat, vt Capitolinus scribit, vt lex Falcid. habeat locum in fideicommissis ab intestato, l. filius, ad leg. Falc. vt res eidem sæpius legata eodem testamento, semel tantum debeatur, l. plane §. sed si municip. de leg. 1. & l. Ateius, h. r. & hoc quod tractamus modo, vt legatum relictum per errorem, puta, si rem alienam tanquam suam legauerit testator, non debeatur. Et Papin. hoc loco non tantum vtitur auctoritate Constitutionis, quam dixi esse D. Pij, sed etiam ei præfert auctoritatem Neratij prisci I Cti, quod scil. secundum sententiam Neratij ita constituiſſet D. Pius. Sicut in l. 7. de cond. & dem. narratur sententiam Neratij de cautione Muciana fuisse comprobata Constitutione D. Pij, & aliam sententiam Neratij de vendendis bonis eius, qui latitat, aduersus actionem in rem, fuisse comprobata Constit. Adriani, l. Fulcinus §. idē videtur, ex quibus causis in possess. Florere cœpit Neratius temporibus Adriani, vt l. ult. si à parente quis manumiss. eumque Traianus sibi successorem destinauit, sed Plotiæ suauis adoptauit Adrianum. Optimi principes nullam Constit. dabat in medium sine auctoritate & sententia Iurisconsultorum, l. Diui, de iure patron. Constit. principum sunt sententiæ Iurisconsultorum, vel opiniones. Et ita in §. pen. huius l. Pap. sententiā suā ait, secutum fuisse Seuerum Imper. edita Constitutione. Quæ legim⁹ igitur in Codice. ex iisdem auctorib. præpta sunt, ex quibus ea, quæ habentur in D. Et sententia Papin.

Mm ij



quam secutus est Seuerus, pertinebat ad hanc speciem: Quidam fideicommissum reliquit oratione imperfecta, omisit quædam verba, nec coëptum sermonem absoluit, puta dixit, *Titio centum dari*, nec adiecit, *volo*. Imperfecta est oratio, an inutile fideicommissum? minime: si modo, inquit, cætera, quæ leguntur, cum his, quæ scribi debuerat, congruant, in *l. cum pater §. imperf. h. t.* si dicto scriptum congruat, hoc est, si nulla sit scribiligo: nam obseruanda est ratio recti sermonis, *l. Plotius, de auro & arg. leg.* Finge dixisse Titium, centum dari, inutile est legatum propter scribiliginem, vel dixisse, *Caio dari centum volo, Titium decem*; Titio nihil debetur, quia dicto scriptum non congruit, vel quia dictum scripto accommodari non potest congrue. Ergo, si salua sit ratio recti sermonis, sane propter omissionem quorundam verborum non erit inutile fideicommissum; sed intelligetur plus dictum, minus scriptum, quod rem quæ agitur, non corrumpit. Superior enim est voluntas defuncti, quam & scriptura imperfecta indisat satis, & hoc se probasse Papin. ait, exemplo institutionis & legatorum. institutionis, ut in *l. i. §. fin autem, l. quoties §. i. de hered. inst.* Titius heres, valet testamentum, valet institutio, quasi plus dixerit, minus scripserit, & subintelligimus verbum esto. vel quod est maius: Finge, dixisse eum, scribere se eum ex semisse heredem, & scriptus sit ex quadrante tantum: nihilominus erit heres ex semisse, quia scripto potior est dictio testatoris, ubi scilicet ostenditur plus eum dixisse, quam scripsisse, *d. l. quoties §. i.* Exemplo legatorum, ut in *l. si in testam. de leg. i.* Si ita dixerit, *heres meus damnas esto Titio centum*, debetur legatum. Res ita seruatur in institutionib. & in legatis, quæ reguntur summo iure, & multo magis in fideicommissis. Et sic idem Papin. in *l. cum auus, de cond. & demonst.* quod est celebratissimum, vult in fideicommissariis hereditatibus semper intelligi hanc conditionem, si sine liberis decesserit, quod magni ingenij vir primus excogitauit, & probarunt posteri vsque in hunc diem, & in hanc rem pro coronide obseruanda est definitio *l. cum pater §. cum imperf. h. t.* si sit imperfecta scriptura, puta, si quæ verba omissa sint legati aut fideicommissi, verbum quod præcedit, vel sequitur, ad communionem assumi. Ad communionem est, quod Grammatici vocant ἀπὸ τοῦ αὐτοῦ, ut si ita dixit: *Caio dari centum volo, Seio decem*, & nihil addiderit præterea, repetitur, *dari volo*. Ad communionem assumuntur verba, quæ præcedunt, & dum ait, *verbum quod præcedit, aut sequitur*, significat duplam repetitionem ἀπὸ τοῦ αὐτοῦ, nam vel sumitur ex verbo præcedenti, vel ex sequenti, duplex ζεύξμα est. Et hanc sententiam tandem ait Papinian. optimus Imperator Seuerus secutus est, imo vix vllus, ut supra dixi, princeps vllam Constit. dedit in vulgus sine iurisperito. Iurisconsultorum sunt, vel sententiæ, vel opiniones, in §. *responsa, Instit. de iure nat.* sicut etiam iudicū sunt sententiæ, sunt & opiniones, *l. 6. §. i. de interd. & rel.* Non potest præses Prouinciæ sententia sua aliquem deportare in insulam, sed potest ea de re opinionem suam scribere, & mittere ad principem, sibi eum hominem deportandum videri, hoc est, non potest ea de re sententiam ferre, non prohibetur tamen edere opinionem suam. Et ita ut philosophi, docent, alij sunt ἀπὸ τοῦ αὐτοῦ λόγοι, hoc est, certæ sententiæ & irreprehensibiles, alij sunt διὰ τοῦ αὐτοῦ λόγοι, hoc est, opiniones verisimiles, quæ etiam dicuntur πιθανοὶ λόγοι. Et cum alij Iurisconsulti scripserunt libros opinionum, Labeo scripsit libros πιθανῶν, hoc est opinionū. Sicut etiam à Diogene refertur Chrysipp. scripsisse libros opinionum, non sententiarum. Verum ut redeam vnde abij: intelligimus in re aliena distinguendum esse inter testatorem scientem & ignorantem: distinguendū esse, vtrum testator sciens rem alienam, an ignorans legauerit, an eadem distinctione utemur in re heredis propria, quam testator legauerit? minime. Et hæc est differentia inter rem alienam, & rem heredis, quam perstrinximus antea: nam siue sciens, siue ignorans legauerit res here-

dis, hoc est, si etiam rem heredis legauerit errans, tanquam suam, legatum ab herede omnino præstandum erit, & quidem præstanda erit non æstimatio, sed res ipsa, si eam malit legatarius præcise, ut *l. 70. si duobus §. qui confitetur, & seq. de leg. i. l. Titium §. i. de auro & arg. leg.* quia legata res est, non æstimatio, & rei præstatio est in facili. cum eius heres dominus sit. Quæ vero est differentia? cur si ignorans legauerit rem alienam tanquam suam, non valet legatum? Cur error testatoris officit legato? quia falsa opinio fecit utique, ut legaret, quod non esset legaturus. Nam facilius legat quis rem suam, quam alienam emit ipse, vel emi vult ab herede suo: *faciliores*, inquit, *sunt voluntates in rebus suis legandis quam alienis comparandis, & onerandis heredibus ademptionem rei.* Onus est heredi emere rem, quia curare debet, ut rem redimat, quia res legata est, non pretium. Cur autem, si rem heredis legauerit tanquam suam, error non officit legato? quia facilius quisque legat rem heredis, quam rem alienam, cū & facilius præstatio heredi sit rei suæ, quam rei alienæ: denique facilius quis legat, quod iam habet ipse, vel heres suus, quam quod è longinquo petendum est. Ergo sententia Neratij, & Constit. D. Pij, ut Papin. ait, quæ induxit illam distinctionem inter scientem & ignorantem, pertinet tantum ad rem alienam, non ad rem heredis.

## Ad §. ult.

Item Marcus Imperator rescripsit, verba, quibus testator ita cauerat: non dubitare se quodcumque vxor eius cepisset, liberis suis reddituram, pro fideicommissio accipiendam. Quod rescriptum summam habet utilitatem, ne scilicet honor bene transacti matrimonij, fides etiam communium liberorum decipiat patrem, qui melius de matre præsumperat. Et ideo princeps providentissimus, & iuris religiosissimus, cum fideicommissio verba cessare animaduerneret, eum sermonem pro fideicommissio rescripsit accipiendum.

Diximus, non esse inutile fideicommissum rei alienæ, vel rei heredis propriæ: fideicommissum rei alienæ, si sciens legauerit, non si ignorans: fideicommissum autem rei heredis, etiam si ignorans legauerit. Cui volumus addi etiam fideicommissariam libertatem: Nam & hanc si quis reliquerit seruo alieno, tanquam suo per errorem, heres eum redimere debet, & manumittere: vel si dominus nolit eum vendere, si quando is seruus ad heredem peruenerit, eum debet manumittere, *l. Paulus, de fideicommiss. libert.* Ergo ut fideicommissum heredis valet indistincte, siue sciens, siue ignorans eam rem reliquerit testator: ita & fideicommissaria libertas relicta seruo alieno: nam & multa alia fauorabiliter contra rigorem iuris recepta sunt pro libertate. Intelligimus ex §. *pen.* non esse inutile fideicommissum, si omissa sunt verba fideicommissi. verba fideicommissi sunt multa, sed cuiusque fideicommissi vnum est verbum principale, quod fideicommissum facit, veluti verbum, *rogo*, aut *volo*. Et hoc si omisum sit, non vitari fideicommissum, ut si testator dixerit, *Titio centum dari*, nec adiecerit, *volo*, atque ita omiserit verbum fideicommissi, non ideo fideicommissum minus valet, *l. verbū, C. de fideicommiss.* Nunc intelligemus ex §. *ult.* non esse inutile fideicommissum, etiam si testator, qui fideicommittere voluit, non sit vsus verbo proprio fideicommissi: nō est quidem scriptura imperfecta, sed est adstricta, & ligata verbo suo, ceterū non proprio fideicommissi, an valet fideicommissum? Primum videamus, quæ sunt propria verba fideicommissorum, quæ precaria dicuntur, & inflexa, verba fideicommissaria, verba codicillaria, quib. aduersa verba directa, ciuilia, imperatiua, sunt verba testamentaria, id est, verba testamentorum propria, sine quibus non sunt testamentā. Verba fideicommissi propria hæc sunt, *rogo*, *peto*, *volo*, *mando*, *fideicommitto* §. *ult. Instit. de sing. reb. per fid. l. 2. C. comm. de leg.* Mando etiam in tit. mandati idem est, quod *rogo*.



mandatum perficitur his verbis: *rogo te, ut id facias, vel mando tibi, ut id facias.* Denique nihil aliud est *mando*, quā *volo*, l. *illud* §. 1. de *iure codic.* Hæc quoque verba fideicommissum faciunt, *deprecor, cupio, desidero, opto.* Optatiua verba sūt precaria. Idemque exigo *credo te daturum, certus sum te daturum.* Et quod plus est, *iniungo uti des*, iniungo nō est directum verbum, sed precarium, l. *etiam hoc modo*, l. *& eo modo*, de *legat.* 1. Et vt adiecit Paul. 4. *sent. tit. 1. impero*, quod fideicommissum facit, non legatum: *impero tibi des Titio centum.* Minus est imperare, quam iubere. Princeps imperat, & inde Imperatoris nomē. Dominus iubet. mitior est potestas principis, quā domini. Aliis forte auctoribus plus est impero, quam iubeo, sed nostri auctores sunt peritiores proprietatum verborum. An etiam verbum, *commendo*, est precarium? *Commendo* non facit fideicommissum, vt si ita cauerit testator, heres *L. Titium tibi commendo*, neque videtur rogatus heres, vt ei restituat bona, neque si seruus sit, videtur rogatus, vt eū manumittat. Verbum igitur, *commendo*, vtile fideicommissum non facit, l. *ex verbo*. C. de *fideic. libert.* l. *quoties*, C. *famil. ercisc.* l. 1. §. *si ita quis*, de *leg.* 3. l. *Thais* §. *Titius*, de *fid. libert.* l. 65. de *hered. instit.* & l. *Titia* §. *ult.* hoc *tit.* M. Tull. 3. de *fin. ex hac animorum affectione testamenta & commendationes morientium nata sunt.* An illo loco commendationes sunt fideicommissa? minime. fideicommissa obligant, cōmendationes non obligant, quod obtinet etiam in contractibus. Neque enim mandatum contrahitur hoc modo: *illud tibi commendo.* Aliud est *mando*, aliud *commendo*, l. *si vero* §. *cum quidam mand.* *Commendatitiæ* epistolæ non obligant, l. *ult.* C. *quod cum eo, qui in aliena est pot.* Denique verbum, *commendo*, neque facit fideicommissum, neque legatum. neque ergo est directum, neque precarium. Verba aut sunt directa, aut precaria, aut neutra: communia nulla sciō. Semper autem excipio ab eo, quod constituo de verbo *commendo*, nisi aliud senserit testator: nam non tam verba faciunt fideicommissum, quam voluntates defunctorum. etiam nuda voluntas & tacita fideicommissum facit, l. *cum proponebatur*, hoc *tit.* etiam nutus fideicommissum facit, vt si quis moriens interrogatus, an velit Titio dari eum fundū, si annuat, vtile est fideic. l. *nutu.* r. *seq.* Ergo ex voluntate defuncti, etiam quod libet verbum fideicommissum facit; quia nec tā id verbum facit quam voluntas defuncti. Etiam illud vehementer obseruandum est, quod idem Paul. eodem lib. scribit, verbum *relinquo* non facere fideicommissum, & multo minus legatum: *illi illum fundum relinquo*, neque est legatum, neque fideicommissum. hæc nomina omnia incognita fuere. Placet valde, vt *relinquo* neque sit directū, neque precarium, quod demonstratur etiam l. 2. C. de *his, quæ sub mod.* Sed semper excipio voluntatem defuncti, quæ poterit colligi ex sequentibus verbis, vel antecedentibus. Finge, vt in d. l. 2. testatorem ita dixisse: *illi illum fundum relinquo*, & mox eum rogasse, vt eum fundum restitueret alteri: onus fideicommissi, quod ei iniunxit, argumentum præbet fideicommissi ante relictī, etiam parum apto verbo *relinquo*. Et sic in l. *Lucius* §. *filiam*, ad *Trebell.* ibi: *illum fundum relinquo*, legatum est, siue fideicommissum, quia mox subiicit, *quia legato contentus esse debet*, & c. & ita plane declarauit, se legare velle, vel per fideicommissum, alioqui verbum *relinquo* solum fideicommissum non facit. Nam etiam si dicatur, *relinquo legatum, relinquo fideicommissum, relinquo hereditatem*, tamen hæc non recte relinquuntur. verbo *relinquo* non recte heres scribitur, hoc modo: *illum heredem relinquo*. Nam licet heres dicatur institui, vel substitui; tamen neque recte instituitur verbo, *instituo*, neque recte substituitur verbo *substituo*, vt Vlpian. docet *Institut. tit. quemad. heres scribi debet.* Hæc verba, *relinquo, instituo, substituo*, neque sunt directa, neque precaria, & longe errant interpretes, qui *instituo* & *substituo*, accipiunt pro directis verbis. Sunt enim neutra verba, & abutuntur l. *iam hoc iure*, de *vulg. subst.* illo loco, hoc *communi verbo. eosque inuicem substituo.* Ex quo efficiunt ver-

bum substituo esse commune, hoc est, modo directum, modo precarium, quod longe abest à sententia Iuriconsulti: Nam commune verbum dicit in eo loco non verbum *substituo*, sed hanc orationem, *eosque inuicem substituo*, quæ perficitur substitutio reciproca; quæ est communis, si fiat impuberibus filiis, hoc est, tam vulgaris est, quam pupillaris. Alias certe verbum *substituo*, vel *instituo*, neutrum est: sed interim ex eo intelligimus, etiam si heres institutus dicatur, non recte eum institui verbo *instituo*, vel etiam si substitui dicatur, non recte substitui verbo *substituo*, nec mirum igitur si licet fideicommissum relinqui dicatur, non tamen relinquatur verbo *relinquo*: Nam & similiter legatum dicitur relinqui verbis imperatiuis, id est, directis, nec tamen recte relinquitur verbo *impero*, quod magis est precarium: recte relinquitur verbo *iubeo*, hoc modo per damnationem: *heredem meum dare iubeo*, sicut heres scribitur recte hoc modo, *illum heredem esse iubeo*, vt Vlpian. scribit *Reg. tit. 21.* Et quod in l. *Corn.* §. *ult.* de *lib. leg.* verbum *iubeo*, videtur constituere fideicommissum, hoc fit ex voluntate defuncti, qui adiecit verbū restitui, siue reddi, hoc modo, *reddi illi iubeo pecuniam quam ei debeo*: fideicommissum est magis propter verbum *reddi*, quam *iubeo*, quod magis directum est. Nam hoc verbo rectissime hereditas relinquitur, atq; legatū simul hoc modo, *heres esto, vel heres sit, vel heres erit*, vt idem Vlpian. docet. Quæ verba etiam obseruatur in exheredatione, quæ nō valet, nisi concipiatur verbis directis, *veluti heres esto, vel sit, aut erit, vel heredem esse iubeo*, l. *filiam etiam*, de *lib. & post.* Iustinianus qui veterem differentiā horum verborum noluit tam accurate obseruari, dicit in l. 2. C. *comm. de leg.* dubitatum fuisse de verbo *ἐνορκίζω*. Nō est ferendus illo loco Alciat. nec alii, qui cum in eal. *Iustinian.* referat verba precaria, & verba directa, velut *iubeo*, quod numerat inter directa, verbum *rogo, peto, volo*, inter precaria, illi faciunt duo nomina, hoc modo *ἐν ὄρκῳ*, pro *ἐνορκίζω, ἐνορκίζω*, vt *παῖς παῖς* id est, *adiuro*, contestor & conuenio te iureiurando, vt id facias siue des. Hoc verbum non dicebant esse commune. non habuere iuris auctores verba communia, quæ directe accipi possint, & inflexe, sed alii dicebant, id esse directum, alii esse precariū, nec narrat Iustin. quid definiat, quia nec necesse fuit, cum velit quocunque verbo perfici legatum & fideicommissum, sicut Imp. Constantinus in l. *quoniam* C. de *testam.* Hæsitatum enim fuit de his verbis, non dubito te redditurum, sed non multum fuit dubitatum: Nam certum est, his verbis parum aperte scribi fideicommissum. Hæc verba non faciunt fideicommissum, hæc verba neque sunt legati, nec fideicommissi verba, nec vllam voluntatē certam exprimunt, nisi scil. suffragetur voluntas defuncti, quæ exceptio est perpetua, vt in specie huius §. *item.* quæ est talis. Vir vxorem heredem instituit ex esse, sic proponēda est species, vt constat ex l. *seq.* & adiecit, *non dubito te bona mea liberis communibus redditurum*, qui scil. liberi erāt impuberes. eos igitur exheredauit: alioquin inutilis esset institutio, inutile testamentum, & fuit summa prouidentia testatoris: Nam eos non exheredauit notā causa, siue mala mente, sed bona mente, non vt eis obesset, sed vt eis consuleret. Exhereditatio non semper est nota, siue iniuria, aut damnum, sed prouidentia, aut cura suorum, vt scilic. interim dum essent impuberes, donec peruenissent ad iustam ætatem, mater fideicommissaria, hoc est; quæ præsumebatur fore fideicommissaria, & liberorum amantissima, ea bona tueretur, & administraret. quæ exhereditatio facta eo consilio consistit, & non parit querelā inofficiosi testamenti, nec excludit exheredatos bonis paternis omnino, non excludit etiam, lucris nuptialibus obuientibus liberis communibus. Nam *Novel. 22.* quæ est de his lucris, loquitur de exheredatis mala mente. Et sunt huius prouidentie testatorum multa exēpla in iure; l. *pen. de cur. fur. l. multi*, de *lib. & post.* l. *si prius* §. *si qui nō mala*, & l. *pen. 2. de bon. lib.* Recte igitur fuit instituta vxor exasse. Sed queritur, an ex illis verbis, *non dubito te liberis cō-*



*munibus bona reddituram*, possit induci fideicommissum? Sane quod ad verba attinet, non videtur vxori fideicommississe, vt bona restitueret. Sed D. Marcus inspecta mente testatoris constituit, ea verba pro fideicommissio accipienda esse ex voluntate defuncti. D. Marcus *providētissimus princeps*, inquit, quia philosophus, & iuris religiosissimus, quia Iuriconsultus fuit, l. 5. C. de repud. Et eodem modo in Constit. Iustin. quæ auspiciū facit, Iustinianus Princeps iuris religiosissimus. Habet autem hæc Constitutio D. Marci utilitatem summam, ne honor transacti matrimonij cum vxore dulciter sine offensa, sine querela, & ne fides communium liberorum quibus subnixum fuit matrimonium, vt l. 1. §. ult. de lib. exhib. ne bona spes, & fiducia, quam exinde accipit pater, decipiat patrem, qui melius de vxore præsumperat. Ergo melius est dicere, matrem inuitam cogi reddere bona liberis communibus cum morietur, quia enixa fuit voluntas patris, quam contulit in liberos. Enixa voluntas, id est, quoties testator valde vult, fideicommissum est. Hoc est, quod ait in §. ult. Et eadem est utilitas, l. Pamphilo, tit. seq. Legavi liberto centum, & adieci: scio, quæ tibi relinquo ad filios meos peruenitura, id est, post mortem tuam, cum sciam, eos tibi esse carissimos. sane verba fideicommissi cessant, quia non videtur ei fideicommississe, vt restituat centum filiis suis. Sed tamen, quia inhumanum est, decipi patrem à liberto, de quo melius sperabat, exigente etiam & impellente caritate filiorum, vt l. liberorum, de verb. sign. melius est, vt libertus inuitus compellatur centum restituere, vel heres eius filiis patroni, veluti ex causa fideicommissi, quod confirmatur eo loco, arg. huius Constit. D. Marci. Sunt igitur duo casus per similes. Nec obstat quicquam his, quæ proponuntur in §. ult. & d. l. Pamphilo, lex generali, in princ. de usufr. leg. Testator liberto legauit vsumfructu fundi, & adiecit: puto si non contenderis cum herede meo, sed potius concordaueris, etiam proprietatem fundi te consecuturum. Et hoc etiam fecerit heres & curauerit, vt cum liberto non contenderet. Quæritur, an viuentem herede libertus possit petere proprietatem fundi ex causa fideicommissi? Et respondet, non esse fideicommissum. verba illa non inducere fideicommissum. Respondeo, in hoc §. ult. dixit, non dubito, quod est scio. in l. Pamphilo, dixit, scio. at in d. l. generali, dixit puto, quod verbum est opinantis. Scientia testatoris fideicommissum facit, vel quasi fideicommissum ex interpretatione voluntatis. Opinio fideicommissum non facit. cum dicimus, puto, non quasi certi dicimus ita ut sentientes, sed quasi existimantes, vt Plut. in Demost. ait, Demosthenem dicere solitum, νομίζω ὅτι πέπαισμαι. & Augustinus 1. retradationum, excusat se, quod aliquid non confirmauerit, sed putare se dixerit, scio & non dubito, & c. scientiā exprimit, vt l. & eo modo de leg. 2. quomodo Philostratus scripsit Apollonium semper locutum, & nimium verecunde vsum his verbis, τὸ οἶδάς, & τὸ δοκέω μοι, & τὸ χεῖν εἰδέναι. & in vitis sophistarum eosdem sophistas his verbis arroganter semper vfos, λέγω καὶ γνώσκω πάσαι, id est, iam pridem scio, non verecunde, puto, quod nostri auctores numquam faciunt. Nec obstat l. testatores §. 1. tit. seq. sic dixit testator villicis suis: curate agros attendere, vt scil. rustici agros colant, & ita fiet vt filius meus filios vestros vobis condonet. an filiis eius videtur relicta libertas per fideicommissum? Minime: Quia hæc verba consilium dant potius quam fideicommissum indicunt. vt agris attendant diligenter, ita fore, vt filij eorum eis condonentur. Consilium est, non fideicommissum. Consilium non obligat, l. cum pater §. mando, hoc tit. nisi aliud suadeat coniectura voluntatis, vt in l. 11. §. hæc verba, tit. seq. vt in obligationibus quoque, quæ sunt ex contractu, consilij nulla est obligatio, l. 2. §. ult. mand. l. consilij, de reg. iur. non in obligationibus, quæ ex maleficijs nascuntur: nam consilium potest esse maleficium, non potest esse contractus, vel legatum, vel fideicommissum. Ac postremo obstat l. pater §. ult. tit. seq. mater prædia legauit filiis, & adiecit, vt ea conseruarent successioni suæ, non abaliena-

rent, & vt ea de re inuicem sibi cauere per stipulationem & restipulationem. Quæritur, an sit fideicommissum? Resp. non esse, quod mirum. sed nihil est facilius: voluit testator eos obligari ex cautione, non ex fideicommissio, vt in l. Balista, ad Trebell. & ob id non est fideicommissum.

Adl. peto 69. de leg. 2.

Peto Luci Titi, contentus sis centum aureis: fideicommissum valere placuit, idque rescriptum est. Quid ergo, si cum heredem ex parte instituisset, ita locutus est: peto pro parte tua Luci Titi contentus sis centum aureis: petere poterunt coheredes partem hereditatis, retinente, siue precipiente, quo contentum esse voluit defunctus. Sine dubio facilius est, hoc probare, quam probari potuit illud: cum ibi fideicommissum petatur ab his quibus testator non est locutus. Idem dicemus, si cum ex asse scripsisset heredem, eius gratia, qui legitimus heres futurus esset, ita loquatur: peto pro hereditate, quam tibi reliqui, quæ ad fratrem meum iure legitimo rediret, contentus sis centum aureis.

Fideicommissorum verba sunt preces in eum collata, à quo fideicommissum relinquitur. Fideicommissoris verba diriguntur ad eum, qui fideicommissis oneratur, sermo habetur cum eo, non cum alio, & ita iure ciuili fideicommissum relinqui oportet: sed ex Constitut. principū, vtile est fideicommissum, etiam si quis non loquatur cum eo, à quo fideicommissum præstari vult, sed cum eo, cui reliquit fideicommissum, veluti, peto Cai Sei, vt contentus sis illa re. Hic sermo non dirigitur ad heredem, sed ad fideicommissarium solum, vt hoc loco, & l. cum quis §. nuptura, inf. t. seq. vel etiam ita, sufficiat tibi ea res, l. 11. §. si quis ita, t. seq. vel ita: volo tibi illam rem dari, apud Paul. 4. Sent. tit. 1. vel ita: rogo te, vt acceptis centum seruum tuum manumittas. His verbis heres etiam videtur esse rogatus, licet non sit rogatus, vt ei det centum, l. si seruus legatus §. pen. de leg. 1. & d. l. 11. §. cum esset, tit. seq. vel etiam hoc modo: scire te volo, donare me tibi aureos octingentos, vt in specie l. miles, hoc tit. in qua miles ita proponitur epistolam scripsisse ad sororem suam, scire te volo, donare me tibi aureos octingentos. Sed idem sequendum in epistola pagani: siue is eam epistolam scripserit miles, siue paganus, fideicommissum facit, & si defunctus, sic est legendum in d. l. miles, cum eo loquatur, qui precario remuneratur, non cum herede, qui oneratur eo fideicommissio: verbum dono, in ea specie habetur pro precario. Est sane directum, sicut verbum do, l. Aurelius l. Titius Seio, de lib. leg. l. quasitum §. 1. de leg. 3. Sed ex voluntate defuncti verbum directum habetur pro precario, sicut sapissime directa institutio & substitutio, & libertas ex sententia defuncti, vel ex priuilegio quodam veluti militari, habetur pro fideicommissaria, l. precibus, C. de impub. & al. substit. l. Scævola, ad Trebell. inf. l. generaliter, l. si seruo, de fideic. libert. inf. Ideo autem in d. l. miles, verbum dono, habetur pro precario, quia scriptum est in epistola fideicommissaria, in qua nihil directo scriptum valet. sic vocatur in l. cum quis §. pater tit. seq. quæ est imitatio codicillorum, l. vn. §. sancimus, C. de lat. lib. toll. vel est supplementum codicilli, l. uxorem §. codicillis, tit. seq. Quid est epistola fideicommissaria? quam quis post mortem suam demum aperiri voluit, non se viuo. Non est igitur, vt quælibet alia epistola. Ergo verbum dono, quod est directum, scriptum in epistola fideicommissaria habetur præcū loco, ne scil. pereat voluntas defuncti, quæ utique voluisse ei dari satis apparet ex verbo dono. Et differentia est inter relinquo & dono, quia relinquo, siue derelinquo, etiā si relinquo certæ personæ, non continuo eius dominium in eum trāsire volo, quod est euidentissimum. Quid si relinquo in causa depositi? Quid si derelinquo potius, quam relinquo, quod sperno. Quod autē dono testamento vel codicillis, vt epistola fideicommissaria, vel alio iusto instrumēto mortis causa, vel inter viuos, sane in



alium trāſſerre volo. Relinquo plerunque inuitus, puta A moriēs, intestat<sup>9</sup> maxime: *do sine, dono mea sponte* & rectissime Eustat<sup>9</sup> *παλός. Hom.* relinquare esse necessitatis, dare beneuolentiæ, & munificentia. relinquo non est verbum liberalitatis. legatum est liberalitatis, fideicommissum est liberalitatis. ergo ex solo verbo relinquo, nō ducitur idoneum argumentum legati vel fideicommissi. Ex verbo *don-* no, ducitur argumentum alterius, ex ipso verbo argumentum legati, quia directum est verbum: ex mente defuncti potius, quam verbo argumentum fideicommissi. Verum quod ad rem principalem attinet, constat iam satis ex supradictis locis, vtile esse fideicommissum; etiam si quis non cum eo loquatur quem onerat, sed cum eo tantū, quem honorat fideicommissio. Plus dico, vtile fideicommissum esse: etiam si quis neque cum hoc, neque cum illo loquatur, sed cum extraneo quodam, vt in specie, l. *cum pater* §. *donationis, de legat. 2.* quæ talis est: Mater epistolā ad filium scripsit, nec misit tamē: fuit enim epistola fideicommissaria, quæ non mittitur ad eum ad quem scripta est sicut quælibet alia epistola, nec ei traditur legēda, nisi post mortem scriptoris. Igitur scripsit quandam epistolā ad filium, sed eam non misit ad filium, sed nesciente filio eam sacro commendauit, & deposuit eam apud ædituum, vel pontificē. Ea vero epistola mater filio donabat prædia quædam. *donandi* verbum est directum, non precarium, sed ex voluntate defuncti trahi potest ad fideicommissum, etiam si in epistola nullum sit aliud verbum precarium, vt in specie d. §. *donationis* postea mater ad ædituum scripserit literas tales, *Si instrumentum, quod apud te deposui post mortem meam filio tradi volo*: Donatio prædiorum habebitur pro fideicommissio, nec quicquā refert, quod mater precariam suam voluntatem declarauerit literis ad ædituum scriptis, cum de eo constet, in quem voluntatem suam contulit. Et eleganter in d. §. *donationis*, non oportere quæri cum quo quis loquatur de supremis suis, id est, de suprema sua voluntate, sed in quem voluntatis intentio dirigatur. Igitur eo casu filius fideicommissum petet ab heredib. institutis testamento matris, licet neque cum eis, neque cum filio locuta sit, sed cum extraneo, hoc est, cum ædituo. Et ait in illo §. *cum pluribus heredibus intestato diem suum obiisset*. Certum est esse scribendum, *cum pluribus heredib. institutis diem suum obiisset*. Nā ab intestato filius ipse matri heres extitisset ex Senatusconsulto Orfit. Eadem vero ratio est in specie l. *cum quis* §. *Seium, tit. seq.* Species hæc est: Seium & Mæuiū libertos suos heredes scripsit, & Mæuiū substituit Sēpronium. Deinde codicillos scripsit ad Seiū, non ad Mæuiū coheredem, & in eis ita cavit: *Manium quem testamento pro parte dimidia heredem institui, eam partem accipere veto*, cuius in loco, *Sempronium heredem esse volo*. & ei Mæuiū legauit (vt ponit) vini vetusti lagenas aliquot. hæc verba, quibus vetuit Manium accipere partem hereditatis ei testamento adscripta, & in eius locum Sempronium vocauit, accipiuntur pro fideicommissio, & Sempronius fideicommissum petet à Mæuiō, non à Seio: licet codicilli non sint scripti ad Mæuiū, neque ad Sempronium. Denique, neque sunt scripti ad eum, qui fideicommissum debet, neque ad eum, cui debetur. Et placet tamen consistere fideicommissum. denique nihil refert, ad quem scribantur, satis esse intelligere quid voluerit qui codicillos fecit, nihil referre ad quem, sed cuius gratia, sicut nihil refert, vt Seneca §. *de benefic. ait*, cui des beneficium, sed cuius gratia: si filio dedisti alieno patris gratia & honore, siue affectione, non filius accepit beneficium, sed pater in cuius honorē id dedisti filio: mens enim semper spectanda est dantis. Sūma igitur hæc sit conclusio, fideicommissum consistere & valere etiam si quis non alloquatur eum, à quo præstari vult fideicommissum, sed cum eo, cui præstari vult: imo et si cum neutro loquatur, sed cum extraneo quodam inde colligit Papinian, eleganter hoc loco, multo magis valere fideicommissum, si quis cum eo loquatur, à quo fideicommissum relinquitur, etiam si palam non edicat, cui, vel qui.

Quæst. Papin.

bus relinquat, vt si Titium ex parte heredē instituit, & deinde cum eo ita locutus sit, *peto, vt pro parte tua contentus sis centum aureis*, non adscripta ea parte alij nominatum. Ex his verbis fideicommissi petitio est coheredibus Titij, quia videtur rogatus partem suam restituere coheredibus, retentis aureis centum, quos imputabit in Falcidiam, & si quid deest Falcidia, id in supplementū deducet, retinebit siue præcipiet, quia contentum esse eum defunctus voluit. Differentia est inter *retinere* & *præcipere*, l. *in quartā, ad leg. Falcid.* Retētio est facti, præceptio fit beneficio actionis: sed siue retinere, siue præcipere iussus sit pecuniā solidam, imputat in Falcidiam, quia eam videtur sumere ex sua parte, l. *cū pater, in princ. hoc tit.* Idē dicitur in specie l. *Paul. 27. §. 1. tit. seq. ad quā facit etiā l. 2. C. de cod.* Filium & filiam heredes scripsit: deinde ita cavit: *filia pro omni hereditate contenta esto illo prædio*. videtur filia rogata restituere suā portionem fratri suo. Et idem omnino erit, si quis heredē scripserit ex asse, vt Papinian. hoc loco, & deinde cū eo ita loquatur, *peto pro hereditate, quam tibi reliqui, &c.* Nam his verbis heres institutus ex asse, videtur rogatus, vt fratri legitimo heredī testatoris hereditatē restituat retentis centum aureis. Et recte ait, *quæ ad fratrem iure legitimo rediret*: nam proprie legitima hereditas redire dicitur, quia ad eandem familiam recurrit. Et assentior Placentino, qui in l. *quoties 73. de reg. iuris*, ita legendum putat, *quo hereditas redit*, ab intestato scilicet eo & tutela peruenit. Hæc sūt quæ cōtinētur in 1. quæst. huius l. quibus duō obijcit Accurs. Primū, l. *filium* §. *Diui, de legat. 1.* Ex quibus hoc eruimus, nudum præceptum nullius esse momenti, exempli gratia, vetuit, *ne fundus alienaretur*, & nihil præterea adiecit. nudum est præceptum, quod obligationem nullam parit, quando quidem non dixit, cuius gratia id præciperet: sicut si dixerit, *veto fundū alienari extra familiam*, non est nudum præceptum, quia fit familiæ suæ gratia: cui etiam eo nomine competit fideicommissi persecutio fundum alienato, & collato in exterum. Alias nudū præceptum nullius est momenti. In hac specie videtur esse nudum præceptum, *peto contentus sis*. nudum præceptum nullius est momenti, si non appareat, cuius gratia præceperit: sed in specie proposita apparet, eum præcepisse gratia alterius, cuius gratia præceperit, vt contentus esset tot aureis. Deinde obiicitur l. *cum pater, hoc tit. §. pater qui filio*. Filium pater heredem scripsit ex semisse, filias duas ex quadrante: deinde ita cavit: *filii pro tuo semisse contentus esto ducentis aureis, & vos filia pro quadrantibus vestris contenta estote centenis*. vltus est hisce verbis, quæ præponuntur in hac l. Et tamen ait, non videri relinqui mutuum fideicommissum inter fratres. Sed ratio est euidentis: nō posse induci fideicommissum, quia et si induceretur, inutile esset: nam si esset mutuum fideicommissum, quantum daret filius sororibus, tantū acciperet à sororibus mutuatim, & è conuerso. Igitur nō voluit testator mutuū fideicommissum facere, sed magis, vt solent frugī patresfamil. voluit æstimationem sui patrimonij facere; & æstimare semissem filij ducentis, quadrantē filiarum centenis, quæ tamen æstimatio nunquam propellet veritatem: hoc est, si quis ita æstimauerit portiones ascriptas, ea æstimatio nihil officit veritati, l. *is* §. *vlr. ad leg. Falcid. l. si fundus* §. *si libertus, de leg. 1. & l. 1. C. arbit. tut.* Atque ita nihil omnino obstant illæ duæ leges.

#### Ad §. prædium 1.

*Prædium, quod nomine familia relinquitur, si non voluntaria facta sit alienatio, sed bona heredis veniant: tamdiu emptor retinere debet, quamdiu debitor haberet bonis non venditis post mortem eius non habiturus, quod ex heres præstare cogereetur.*

Huius §. species hæc est: quidam vnum ex familia sua heredem scripsit, & prædium nomine familiæ reliquit. Sic rectissime legit Haloander in §. 1. huius l. prædium

M m



quod nomine familia relinquatur, hoc est, quod relinquatur his, qui sunt ex nomine, gēte & familia eadem. Sed quod ad iuris effectum attinet, exponamus, quid sit prædium nomini familiae relinquere. An relinquatur pure, ut adita hereditate, mox præseti die peti possit? minime. qui enim sibi heredem instituit vnum ex familia sua, & ab eo nomine familiae prædium reliquit, sane hoc vult, ut vnus heres, qui est ex familia, eo prædio fruatur, moriens id familiae relinquat, ut interim prædium extraneo non alienet, sed familiae conseruet. hæc est vis, & potestas huius, siue legati, siue fideicommissi. Hoc casu si viuus heres prædium extero vendiderit sua sponte, statim cæteris, qui sunt ex familia, competit fideicommissi petitio, perinde ac si moriens id reliquisset extero, *l. cum pater §. libertis, hoc tit.* Nam etsi familiae fideicommissum, quod relictum est videatur colatum in tempus mortis heredis, ut scilicet ab eo prædium trahatur ad cæteros, qui sunt eiusdem nominis & familiae, tamen si is viuus discesserit à præcepto defuncti, si maturauerit prædium alienare, fidei commissarii, qui sunt ex eadem familia quodammodo, petent præmature fideicommissum. Denique, si is heres viuus sua sponte alienauerit, statim competit cæteris petitio fideicommissi. Quæritur in hoc §. quid si dicendum, si alienatio sit necessaria, non voluntaria, id est si is heres alienauit coactus. Finge, heredis bona venierunt sub hasta ex edicto prætoris virgētibus creditoribus heredis, & inter ea bona etiam prædium legatarii: an familia competit fideicommissi persecutio, quod extero sit alienatus fundus? Differentia est constituenda hac in re inter creditores testatoris, & creditores heredis. prohibitio illa, ne prædium heres extero alienet, non potest esse fraudi creditoribus testatoris, *l. filius famil. §. Dini, de legat. 1.* Nam & legata siue fideicommissa non debentur, nisi deducto ære alieno, *l. 1. §. denique ad Trebell.* Et ideo si propter creditores testatoris, heredis bona venierunt, & inter illa bona illud prædium, de quo agitur secundum id, quod receptum est, heredem, qui inuentarium non fecit teneri creditoribus ultra vires, *l. quæ dotis, sol. matrim.* Et hoc est, quod dicitur, quamlibet hereditatem esse soluendo, hoc est, modo habeat heredem, qui sit soluendo: locupletem esse omnem hereditatem, quæ habet locupletem heredem, *l. libert. de bon. libert.* Si igitur propter creditores testatoris bona omnia heredis venierunt, iure pignoris alienatio tenet, nec potest infringi ex causa fideicommissi, *l. qui solidum §. ult. de leg. 2. & d. §. Dini.* Hoc enim casu familiae nunquam competit fideicommissi persecutio, & rata erit perpetuo iure alienatio prædij, etiam si sit collata in extremum, quia facta est propter testatorem ipsum quem absolui æquius est, quàm fideicommissum præstari. Quid vero si heres prædium illud ultro venderit, creditorum testatoris dimittendorum gratia videlicet, cum non esset aliud in hereditate, unde debita commodius exsolui possent? Rata alienatio est *l. pater in princ. tit. seq.* Et hæc de creditoribus testatoris. Quid si creditores heredis bona heredis venderunt, & in his etiam prædium illud, de quo agitur, quod est obnoxium fideicommissi relicto nomine familiae? Sane interim viuo herede alienatio tenet, quia & bonis non venditis, ipse quandiu vixisset, prædium tenuisset solus: sed sicut bonis non venditis, mortuo eo herede, extraneo herede relicto, familiae persecutio competit, ita bonis venditis mors eius expectabitur, & post mortem eius demum familiae fideicommissi persecutio competit. Denique competit aliquando, quia alienatio prædij facta est, non propter testatorem, sed propter heredem. si facta esset propter testatorem, nunquam familiae fideicommissi persecutio esset. Et est *h. §.* similis casus *l. Statius §. Cornelio Felici, de iure fisc.* qui loc<sup>9</sup> solet frequenter adduci in medium, tum in schola, tum in foro: Heres rogatus est post mortem suam hereditatem restituere. post heres exstitit, ac deinde ob delictum aliquod deportatus est, & bona eius confiscata sunt. hereditas, quam acceperat à testatore confiscata est. an fideicommissario competit statim fideicommissi persecutio? minime: quādiu scilicet

act viuit heres deportatus, interim fiscus tenebit hereditatem, post mortem deportati, erit fideicommissi persecutio: vel si fideicommissarius præmoriatur, hoc est, si ante deportatum moriatur, sane ea bona perpetuo iure manebunt apud fiscum. Et sic etiam in specie huius §. apud emptorem perpetuo iure manebit prædium, si ceteri, qui sunt ex familia, moriantur ante heredem scriptum, quod notandum. Nam solet hic §. coaptari cum *d. §. Cornelio*, sed vix vnus cum alio congruit magis. Notanda est differentia inter heredem extraneum scriptum à priori herede, onerato fideicommissi conseruandi prædium familiae prioris testatoris, & vnum ex familia bonis quidem venditis propter creditores heredis. Extraneo mortuo herede familiae fideicommissi persecutio competit, siue extraneus, siue sibi heredem scripserit vnum ex ea familia. Ergo si propter creditores heredis bona venierunt, mortuo eo familiae fideicommissi persecutio competit, siue extraneum heredem scripserit, siue vnum ex familia admissa compensatione virilis portionis, quæ vni competit, ut diximus in *l. vnum ex familia §. substit. sup.* Bonis non venditis est differentia: Nam si heres prior extraneum sibi heredem scripserit, familiae competit fideicommissi persecutio: si vnum ex familia, cætera familia excluditur.

#### Ad §. mater 3.

Mater filio impubere herede instituto, tutorem eidem adscripsit, eiusque fidei commissit, ut si filius suus intra 14. annos discesserit restitueret hereditatem Sempronio: non ideo minus fideicommissum recte datum intelligi debet, quia tutorem dare mater non potuit. nam etsi pater non in re facto testamento tutoris fidei commissit, æque præstabitur, quemadmodum si iure testamentum factum fuisset. Sufficit enim, ut ab impubere datum fideicommissum videatur, ab eo dari, quem is, qui dabat, tutorem dederat, vel etiam tutorem fore arbitratur. Idem in curatore impuberis vel minoris annis debet probari. Nec interest tutor recte datus viuo patre moriatur, vel aliquo privilegio excusetur, vel tutor esse non possit propter aratem, cui tutor fuerat datus, quibus certe casibus fideicommissum non intercidit, quod à pupillo datum videtur. Hac denique ratione placuit, à tutore, qui nihil accepit, fideicommissum pupillo, relinqui non posse: quoniam quod ab eo relinquatur extero, non ipsius proprio, sed pupilli iure debeatur.

Quod attinet ad hunc §. sciendum est, matrem non posse filio impubere testamento tutorem dare, quia non habet filium in potestate, qua ratione etiam pater filio emancipato tutorem non dat. Tutoris datio pars est patriæ potestatis, sicut pupillaris substitutio. Sed hac in re est differentia inter patrem & matrem. Tutor datus à matre, non est quidem iure datus, sed confirmatur decreto prætoris vel præsidis, & confirmatur ex inquisitione, causa cognita, habita inquisitione morum, vitæ & facultatū eius. Ac rursus ita demum confirmatur, si datus sit à matre pupillo heredi instituto, *l. pater, sup. de test. tut.* Nam si datur à matre præterito seu exheredato, plane inutiliter datus est, quia is nunquam confirmabitur. Et ut iam pridem ostendi in *l. 4. C. de test. tut.* lex ait initio, matrem filiis tutorem dare non posse, & subiicitur exceptio, nisi eos heredes instituerit: unde sequi debet affirmate, non negate. quod si eos heredes instituerit, solet ex voluntate defunctæ tutor eis datus confirmari: Nec enim confirmatur tutor à matre datus, nisi sit datus heredi instituto: datus autem à patre, etiam si datus sit, exheredato, confirmatur, & quidem sine inquisitione, & non exacta satisfactione, rem pupilli saluam fore, *l. 1. de confir. tut. inf.* à patre datur tutor personæ, à matre rei potius, quam personæ, id est, rei maternæ, quasi iudicium viri facilius conueniat matri, quàm patri: & iudicium viri facilius confirmatur, quam iudicium mulieris, iudicium patris confirmatur sine inquisitione, iudicium matris non nisi ex inquisitione



inquisitione, *l. ult. qui pet. tut.* Et hæc ratio differentia inter patrem & matrem. Item sciendum est, quod præcipue continetur in §. *matre*, hæc à tutore dato pupillo heredi instituto fideicommissum relinqui posse etiam si tutor nihil ex testamento capiat, *l. eum, C. de fideicom.* quæ repetita est ex *l. §. C. de reb. cred.* Hoc ideo, quia à pupillo videtur relinqui: Cur fideicommissum relinquit alter qui nihil fert? quia videtur relinqui à pupillo, valet fideicommissum, non tutoris proprio nomine, sed pupilli. Pono pupillum fuisse heredem institutum: nam ab exheredato non posset fideicommissum relinqui: cui nihil damus, eum rogando obligare non possumus. Ergo ab exheredato, nisi legatum aut fideicommissum ei relinquimus fideicommissum frustra relinquimus: & consequenter à tutore vel substituto eius: Nam quod à tutore relinquitur, à pupillo relinqui videtur. Cur vis hoc statuamus relictum à tutore relinqui videri, à pupillo: quia tutor pupilli loco habetur. Plerumque tutor est loco domini, *l. tutor qui tutelam, de admin. tutor l. qui fundum §. si tutor, pro empt.* Quid vero est hoc tutorem esse loco domini? an tutorem quasi dominum esse pupilli, sicut tutela dicitur esse vis & potestas in pupillum? minime. Tutor est loco domini, hoc est loco pupilli: tutor & pupillus vnum est, & ambo quasi vnus: & ideo tutor potest manumittere seruum pupilli consentiente pupillo, nisi sit actor rerum omnium pupilli, ut constat ex sententia quadam Adriani Imp. relata inter eius *ἀπορίσεις*. Item cautum est *l. Atinia*, ut res furtiva non possit vscapi, nisi redierit in potestatem domini, id ita accipimus, ut suffecerit eam rediisse in potestatem tutoris, quia est loco domini, *l. sequitur §. si pupillo, de usucap.* Seruus non torquetur in dominum, ita est: ergo nec in tutorem debet, *l. 2. C. de quæst.* Eademque ratione tutor non satisfacit de rato vel iudicium solui, §. *tutoris, Instituit. de satisfd. tut.* quia nec dominus satisfacit, & loco possessoris dicitur esse tutor possidente pupillo, *l. pen. qui satisfd. cogant.* Denique tutor est loco domini, id est, pupilli sui: & consequenter, quod à tutore relinquitur, à pupillo relinqui videtur. Utile ergo fideicommissum est, etiam si tutor nihil capiat ex testamento, modo pupillus capiat: & quod plus est, nihil refert, iure datus sit tutor, an non: nam etiam si sit datus minus solemni testamento, fideicommissum ab eo relictum debetur, si modo, ut Rogerius supplet recte, testamento sit ascripta clausula codicillaris: alioqui non valeret fideicommissum à tutore relictum iniuncto testamento, hoc est minus solemni: non etiam refert eo testamento relictus tutor confirmatus sit, nec ne: nam etiam si non sit confirmatus, fideicommissum ab eo relictum pupillus debet, ut etsi tutor non fuerit, id debeat pupillus, ut si mortuus sit vius patre, quod ostenditur in hoc §. vel etiam si datus sit, vel per errorem puberi. Idem quoque dicitur, si tutor se excusauerit, si tutor fuerit nomine, non re: nam fideicommissum ab eo relictum pupillus præstabit, quasi à se relictum. Eadem est ratio curatoris: nam & curator est loco domini. Finge curatorem datum testamento impuberi, vel minori 2 §. annis: inutilis est datio, quia curator testamento non datur, tutor datur testamento, sed non curator: neque alia est ratio differentia, quam quod tutoris datio est legis: & eius, cui lex dedit nominatim, & quemadmodum dedit. Lex, quæ dedit ius patri dandi tutoris, non dedit etiam ius dandi curatoris in testamento. lex loquitur tantum de tutela. Ergo cura non potest deferri testamento impuberis aut adolescentis. Eadem est ratio, cur ventri detur curator, non tutor, *l. ventri, detur. & curat. dat.* Et quia de curatore dando edicto comprehensum est, non de tutore: ergo quamvis curator non iure detur testamento, non tamen ideo

Quæst. Papin.

A erit inutile fideicommissum à curatore relictum, quia ab eo relictum videtur cuius curatio ei deferebatur. Et par ratione, si à tutore, qui nihil capit ex testamento; fideicommissum relinquitur, pupillo non existente, inutile est fideicommissum, quia heredi à semetipso relictum videtur. Et hoc est quod continetur in §. *matre*. Sequitur §. *frater leg. peto.*

#### Ad §. fratres

*Fratre herede instituto, petit ne domus alienaretur, sed ut in familia relinqueretur. si non paruerit heres voluntatis, sed demum alienauerit, vel extero herede instituto decesserit, omnes fideicommissum petent, qui in familia fuerunt. Quid ergo si non sint eiusdem gradus? ita res temperari debet, ut proximus quisque primo loco videatur inuitatus. Nec tamen ideo sequentium causa propter superiores in posterum ladi debet: Sed ita proximus quisque admittendus est, si paratus sit cauere, se familia domum restitutum. Quod si cautio non fuerit ab eo, qui primo loco admissus est, desiderata: nulla quidem eo nomine nascitur conditio: sed si domus ad exteriorem quandoque pervenerit, fideicommissi petitio familia competit. Cautioem autem ratione doli mali exceptionis puto in se desiderari, quamvis nemo alius ulterior ex familia supersit.*

E xplicabo §. *fratres*, si prius admonuero in pr. huius *l.* subiici statim debuisse §. *matrem*, quia ipso etiam ostenditur, utile fideicommissum esse, etiam si cum eo tum loquatur, cui fideicommissum relinquitur, notum cum herede, qui fideicommissum oneratur. Et multo magis, si quis cum herede loquatur, tamen si non dicat palam, cui fideicommissum præstari velit, modo intelligatur, cuius gratia eum habuerit cum herede sermonem. Et quod his erat consequens, addit in §. *matre*, utile etiam esse fideicommissum, si quis non cum herede loquatur, à quo fideicommissum præstari voluit, sed cum alio, puta cum tutore eius, aut curatore. Denique continuata serie, coniuncta scriptura poni debuisse §. *fratres* cum §. *prædium*, quoniam uterque est de fundo relicto familiae per fideicommissum, & instituto heredem vno ex familia, huius fideicommissi petitio est post mortem heredis, si moriatur fundo extraneo relicto: imo & si vnus fundum extraneo alienauerit sua sponte, & si vius voluntariam fundi alienationem fecerit extraneo, fideicommissi petitio est statim, id quod est in §. *fratres*, apertissime. nec quicquam prodest ad impediendam petitionem fideicommissi, si fundum redemerit, aut quod fundum redimere possit, antequam moriatur. Statim extitit fideicommissi conditio fundo vendito extero, & conditio, quæ semel extitit, non resumitur. Et hoc dixi, si voluntaria fuerit alienatio. Quod si necessaria fuerit, puta creditoribus ex edicto possidentibus bona, & distrahentibus, aut facta est propter creditores testatoris, aut propter creditores heredis. Si propter creditores testatoris, extinguatur fideicommissum, quia testator qui prohibuit fundi alienationem extra familiam, non videtur sensisse de huiusmodi causa alienationis, cuius ipse causa est ob magnitudinem æris alieni. Si propter creditores heredis facta sit alienatio, intelleximus ex §. *prædium*, non statim fideicommissi petitionem esse, licet fundus sit venditus extero, sed post mortem heredis demum, & tandiu scilicet apud emptorem manere, quandiu maneret apud heredem, si creditores eius non distraxissent bona, & inter ea bona etiam fundum illum. Quod idem fere de fideicommissi libertate scripsit Papin. eodem lib. *l. rogo inf. de fid. lib.* quæ coniungenda est cum *d. §. prædium* & cū §. *ult.* qui ei debuit esse proximus. Est lex *rogo ex eod. lib.* & idem fere ponit in fideicommissaria libertate

N n



te quod §. *pradium* in fideicommissio pecuniario. Species est: testator ita dixit: *rogo te heres mi, ne seruus ille alterius seruitutem experiatur*, id est ne alterius dominio subiiciatur, quā tuo, ne alienam seruitutem patiatur. his verbis videtur seruo data fideicommissaria libertas sub conditione, si heres eum alienauerit. voluit eum seruum heredi quidem seruire, quandiu is viueret, sed non alij. nihil est magis contrariū seruituti, quam libertas. Qui ergo dicit, ne seruitutem patiatur alterius, sane hoc dicit, vt liber fiat, vel post mortem heredis: imo & si viuus heres eum seruum vendiderit, seruus confestim petere potest libertatē, quasi existente conditione. nec prodest ad impediendam libertatis petitionem, si heres eum redemerit, quia vt ante dixi semel extitit conditio libertatis, l. *quidam*, de fideicom. liber. Et hoc si eū vendiderit sua sponte. Quod si necessaria fuerit venditio, similiter distinguamus: aut facta est propter creditores testatoris, aut propter creditores heredis. Si propter creditores testatoris, libertas peti non potest: imo nunquam petitur, & l. *cum fidei heredum eod. tit. de fid. lib.* dum ait, *nondum libertatem peti posse*, dum, vacat, vt illo loco Virgil. *at Phæbi nondum patiens immanis in antro*, id est, Phæbi non patiens. Quid si propter creditores heredis seruus ille venditus sit, atque ita subierit alienam seruitutem? Et placet, hoc casu statim libertatem peti posse, non expectata morte heredis, d. l. *rogo*, quæ ad differentiam l. *cum fidei*, est accipienda de venditione necessaria, facta propter creditores heredis, non propter creditores testatoris. Et vt indicat Papin. in d. l. *rogo*, statim libertas peti potest, quia nihil refert, qua ratione impleatur conditio libertatis fideicommissariæ. Nam libertas fideicommissaria, est quasi statulibertas: nō est proprie statulibertas, quia relinquitur directo, non precario. Et hoc distat, *titulus de fid. libert. à tit. de statulib.* Sed tamen fideicommissaria libertas dicitur esse quasi statulibertas, & is, qui per fideicommissum libertatem accepit, accipit quasi statuliber, l. *non tantum* §. *cui fideicommissum, de fideicom. libert.* Nihil autem refert, quā ratione existat conditio statulibertatis: nam libertas cōpetit quoquomodo existat, siue facto serui, siue facto alterius, siue alio modo, libertas competit: ergo idem sequimur, & probamus in statu libertate. Est igitur hac in re differentia inter fideicommissariam libertatem, & fideicommissum pecuniarium. Nam vt rem explanemus apertius, si propter creditores heredis bona heredis venierunt, & in his fundus familiæ relictus, non potest fideicommissum peti, nisi post mortem heredis, vt in §. *pradium*, mortuo herede extraneus emptor cogitur reddere fundū, quem & extraneus heres reddere cogetur bonis nō venditis à creditoribus heredis: & vno tantū casu fundus apud emptorem extraneum perpetuo iure manebit, puta, si debitor, hoc est heres, cuius creditores bona vendiderunt superuixerit cæteris omnibus, qui ex familia erant, arg. l. *Statius*, §. *ult. de iure fisci*. Quod si propter creditores heredis bona venierunt, & in his seruus ille, cui relicta est fideicommissaria libertas sub prædicta conditione, statim seruus expetiri, & petere libertatem potest, vt in d. l. *rogo*. Libertas quodammodo repræsentatur ante mortem heredis: sane facilius & properantius præstatur, quam fideicommissum pecuniariū. quacunque ratione sufficit impleri conditionem libertatis, non etiam conditionem fideicommissi pecuniarij: nec enim intelligitur perfecte impleta, nisi alienatio fundi facta extero fuerit voluntaria. Hæc est sententia d. l. *rogo* in §. *frater*, agitur de eodem fideicommissio. Sunt nonnulli errores in eo §. qui breuiter à me perstringentur. Quidam fratrem heredem instituit, vnum igitur ex familia sua, & cum rogauit, ne domum quandam alienaret extra familiam, quæ prohibitiones hodie sæpissime scribuntur, testamentis præcipue nobilium, sed vt eam conseruaret in familia, heres non parit voluntati,

A fortè, quia moriens reliquit heredem extraneum, ad quem domus transit cum bonorum vniuersitate: filiæ competit fideicommissi petitio, hoc est petitio domus ex causa fideicommissi: Nam prohibita alienatione, videtur prohibita heredis institutio: nisi dixerit, ne alienetur extero, quoad viues, vt l. *cum pater* §. *fundum*, de leg. 3. Sed si dixerit generaliter, ne alienes, neque viuus, neque moriens alienare extero domum potest. competit igitur etiam fideicommissi petitio, si viuus extero domum vendiderit: Nam statim fideicommissi petitio familiæ competit. Quid est familiæ? hoc est, omnibus, qui sunt ex ea familia, gradatim tamen si plures sint, non eiusdem gradus, ne per minuscultas partes fideicommissum inutile fiat, l. 32. §. *ult. de leg. 2.* Prima igitur erit causa proximorum, deinde sequentium: nec enim propter proximiores, qui priores admittuntur ad fideicommissum, causa sequentium in posterum læditur: imo qui priores admittuntur, cauere debent, se domum in familia relicturos, & cauere debent non seruo publico, non filiis, vt Glossa ait, sed heredi, vel heredi heredis, vt in l. *unum ex familia* §. *sed est fundus*, sup. quia & heredis interest fundum seruari in familia, propterea quod domo in extraneum collata, cæteri ab eo fideicommissum petere possunt & etiam si non interesset, interesse credendum esset heredis, vt satisfaceret voluntati defuncti, l. 19. tit. *seq. de leg. 3.* Exigitur autem cautio opposita exceptione doli mali aduersus petitorem fideicommissi, vt & in aliis casibus, l. *cas causas*, de condit. & demonstr. l. *cum in testamento*, de fideicom. libert. Nam petenti fideicommissum, proximiori puta, heres opponet exceptionem doli mali, hæc dicens: *dolo facis, qui petis fideicommissum, non oblata cautione semper seruanda domus in familia*, atque etiam remedio exceptionis huius, non aliter præstabit fideicommissum quam scilicet ei ea de re cautum fuerit. Et, quod est notandum maxime, ea cautio exigitur, etiam si is, qui fideicommissum petit solus ex familia supersit, quod prima fronte videtur ridiculum: Nam eum solus ipse sit ex familia, frustra videtur cauere, se domum in familia relicturum, quando quidem ipse finis est familiæ: imo vero non est superuacua cautio, quoniam alij agnasci possunt, vel ex ipso, qui fideicommissum petit. Et ita etiam proponitur in hoc §. *ult.* Nam valde notandum hoc est, hoc fideicommissum familiæ relictum pertinere etiam ad eos, qui moriente testatore in rerum natura non fuerunt, nec enim idem est familia & cognatio. in hoc proposito, qui post mortem testatoris concepti sunt, eius cognati non sunt, aut fuerunt l. *Titius*, de suis & legit. Familiæ tamen appellatione continentur, quia ex eadem stirpe prodeunt: & ita etiam, quod tamen erat dubium magis, propter capitis deminutionem, fideicommissum pertinet ad eos, qui mortis testatoris tempore in familia fuerunt. Nam tempus mortis spectatur, non tempus testamenti, d. l. 32. §. *ult. hoc t.* Et postea deserunt esse familiæ per emancipationem, quæ est capitis minutio. Nam & hi ad fideicommissum vocabuntur tanquam ex familia, l. *filiusfam.* §. *cum pater*, de leg. 1. In hoc igitur genere fideicommissi latius familiæ accipitur, quam agnationis, siue cognationis nomen. Postremo ad hæc quæritur in hoc §. *ult.* quid sit dicendum, si petenti proximiori fideicommissum, quod familiæ relictum est, puta existente conditione, heres fideicommissum præstiterit, non exacta illa cautione, domum in familia relictum iri? quid si per errorem omiserit heres illam cautionem? an competit conditio indebiti? Et Papinianus ait, nullam competere. Sed si domus quandoque ad exterum peruenerit, familiæ competere fideicommissi persecutionem in rem, hoc est, in quemlibet possessorem, nullam esse conditionem, incerti sc. vt quidam interpretantur, id est, post solutionem fideicommissi, heredem non posse



condicere cautionem, quam omiserit per errorem. Cautio est res incerta, & obligatio. Condictio igitur, qua repetitur, est condictio incerti: vel etiam, non posse cum condicere possessionem, quæ est res incerta, quæ potuit retineri ratione exceptionis doli mali, quoad præstaretur illa cautio. Denique, ut illi volunt, non est condictio incerti, non est condictio possessionis. Hoc est iniquissimum, cum per errorem omiserit retentionem possessionis, exceptionem doli mali: cautionem, & videtur enim per errorem plus debito soluisse, qui cautionem non exegit, quia nulla cautione accipientem obligavit sibi in familiarum gratiam. Ergo sane competet condictio incerti, ut accidit sapissime in alijs casibus. *l. qui exceptionem §. si pars, de condict. indeb. l. heres, ad Trebel. l. 3. §. ult. si cui plus, quam per leg. Falc. l. 5. §. i. de usufr. earum rer.* Sed Papin. loquitur de conductione certi, dum ait, nullam esse conductionem, certi scilicet, id est non possum ipsam solutam condicere, quasi indebitam, quia cautionis præstandæ necessitas solutionem tantum moratur, non etiam indebitum facit, quod fuit debitum, ut idem Papinianus ait in *l. testamento, de dot. præl.* Ergo non condicet ipsum fideicommissum, seu ipsam domum quasi indebitam, & ita in iure sapissime, quoties denegatur condictio, denegatur certi condictio, non incerti. Quid est pertritum magis, quam quod dicitur, neminem rem suam condicere, id est, conductione certi non conductione incerti possessionem rei meæ possum condicere, *l. 2. de condict. tritic. & l. 25. de furt.* Et similiter dicitur in *l. si in area, de condict. indeb.* cum qui in area aliena edificavit, posse sibi servare impensas, non per actionem, sed per retentionem ædificij, & exceptionem doli mali: quæ non usus, si ædificium restituerit per errorem, non potest condicere, id est, rem ipsam ædificium ipsum, quæ est condictio certi: potest autem condicere possessionem. Et ita in *l. ex quib. eod. tit.* quæ denegatur condictio, generaliter est condictio certi, non condictio incerti. Et ita hic locus accipiendus est.

#### Ad l. 22. de lib. leg.

*Quod mihi Sempronius debet, peti nolo: non tantum exceptionem habere debitorem, sed & fideicommissum, ut liberetur petere posse responsum est.*

**A**lt Papinian. *peti nolo.* Ut verbum, *volo*, est præcarium, adeo ut testamentum non recte fiat his verbis, *illum heredem esse volo, l. illum, §. i. de iure cod.* ita etiam verbum *nolo*, est precarium, non directum. Vtrumque verbum *volo* & *nolo*, fideicommissum facit non legatum. Nolo peti à Sempronio, quod is mihi debet, non tantum petenti heredi obstat exceptio doli mali, sed etiam ex causa fideicommissi, ut Papinianus ait, agere & petere liberationem potest, quasi liberatione relicta, ut scilicet solemni acceptilatione, vel pacto liberetur, secundum distinctionem legis 3. *§. nunc de effect. hoc tit.* Opponit huic responso Accurs. *l. 1. §. si reus, de eo per quem fact.* nec respondet quicquam, & res tamen responsionem aliquam desiderat. Nam ex *d. §. si reus*, efficitur, non dari actionem ei, qui exceptione contentus esse potest. In specie huius *l. debitor excep. doli mali* contentus esse potest, ergo non est danda ei actio. Ut respondeam; certissimum est, ei cui datur actio, multo magis dari exceptionem: cui datur petitio multo magis dari retentionem, *l. 1. §. plane, de superfic.* Sed cui datur exceptio, non continuo etiam ei datur actio. Exemplo actionis datur exceptio, ut loquitur *lex nec non §. pen. ex quib. causis maior.* Non exemplo exceptionis actio. Esset enim absurdum exemplo exceptionis actionem dari. Et ita debitori, qui pactus est de non petenda pecunia, datur exceptio pacti, vel doli, non actio ut liberetur. Idque procedit in specie *d. l. 1. §. si reus*. Si quis promiserit iudicio sisti cum pœna, & per aliquem extraneum factum sit,

**A** quo minus ad iudicium veniret, hoc est, si reus, qui promiserat iudicio sisti, fuerit impeditus ab aliquo ad iudicium venire, atque ita commissæ fuerit pœna, ei datur actio in factum in id, quod interest ex illo edicto, *de eo per quem factum erit*, aduersus eum, qui impedimento fuit, qui coegit reum vadimonium deferere, siue promissionem iudicio sistendi causa factam, sed si actor ipse, qui stipulatus est, in iudicio sisti cum pœna, dolo malo impeditur reum, ne veniret in iudicium, non datur aduersus eum actio in factum ex illo edicto, quia edictum loquitur de extraneo, non de actore ipso, & stipulatore, & quia inquit, contentus esse potest exceptione, si ab actore conveniatur ex stipulatu de pœna, quod ad iudicium non venerit. Atque ita in ea specie, cui datur exceptio, non datur etiam actio. Et ita quoque, si quis in alieno loco sua impensa ædificaverit, impensa servanda causa ei datur exceptio doli mali, & nomine eius exceptionis retentione possessionis. Actio vero nulla ei datur impensarum nomine, *l. Paulus respondit, de doli except. l. 14. comm. diuid.* Quod idem procedit & in alijs plerisque causis, iuxta id, quod Demost. ait in oratione quadam, *legibus dantur exceptiones seu pœnæ, quæ etiam earum rerum, quarum nulla prodita sunt actiones.* atque ita, quod non possum consequi actione, sæpe assequor exceptione: quod autem possum consequi actione, & exceptione possum consequi. & breviter, cui datur actio, ei multo magis exceptio: cui autem datur exceptio, non continuo & actio datur. At ex voluntate defuncti, ut in specie proposita, cui datur exceptio, datur etiam actio, veluti ex causa legati aut fideicommissi, *l. dolo facit, de doli except.* aut certe, quod notandum, quia ei datur actio ex testamento, veluti ex causa legati aut fideicommissi, & exceptio multo magis, ut in *l. 3. in princ. h. r.* dicitur, exceptionem dari debitori, cui moriens creditor chirographum reddiderit. Cui, inquit, chirographum dedit de manu in manum: quia inquit, ea datio instrumenti pro fideicommissio est, id est, quia ei etiam actio competit, ut liberetur, atque ita exceptio ei datur exemplo actionis, non actio exemplo exceptionis. Et sane formula exceptionis doli mali hæc est, *dolo facis qui petis, quod redditurus es, d. l. dolo*, redditurus scilicet iure actionis, id est, dolo facis, qui petis id, de quo mihi competit actio. Ex formula apparet, exceptionem referri ad actionem, non contra. At in specie *d. §. si reus*, fuit tantum exceptio, non actio in actorem, qui dolo fecit, ne reus obiret vadimonium, quia scilicet, edictum loquitur de extraneo, non de ipso actore. Vbique igitur actio est, dicamus semper ad eius exemplum exceptionem dari, & ita euenire in specie huius legis: nunquam vero ad exemplum exceptionis actionem dari.

#### Ad l. 73. de cond. & demonstr.

*Titio fundus, si in Asiam non venerit: idem, si pervenerit, Sempronio legatus est: cum in omnibus conditionibus, quæ morte legatariorum finiuntur, receptum est, ut Muciana cautio interponatur: heres cautionem a Titio accepit, & fundum ei dedit: si postea in Asiam pervenerit, Sempronio heres quod ex stipulatu cautionis interposita consequi potest, uti actione præstare cogitur. Sed si cautio medio tempore defecerit, quæ sollicite fuerat ex acta, non de suo præstabit heres, sed quia nihil ei potest obici, satis erit, actiones præstari: si tamen Titius, cum in Asiam venisset, Sempronius prius quam legatum accipiat, decesserit, heredi eius deberetur, quod defunctus petere potuit.*

**L**Ex Titio fundus 73. de cond. & demonstrat. est de cautione Muciana, de qua non ita dudum sat multa diximus *lib. 18. sup. ad l. cum tale legatum.* & nihil prætermisimus, quod pertinet ad eum tractatum, præterquam interpretationem huius leg. cuius species hæc est: Testator legavit Titio fundum sub conditione, *si in Asiam non venerit, & si veniret, hunc fundum transtulit in Sempronium, Sempronio legavit.* Cautio, quæ in non faciendo concipitur,



veluti illa, *si in Asiam non venerit*, non differt legati petitionem, solutionem, præstationem, interueniente scilicet Muciana cautione: nam heres cogitur Titio statim fundum præstare offerenti cautionem Mucianam, quæ, vt generaliter definit Papinianus hoc loco, locum habet in his conditionibus quæ morte legatarij finiuntur, vt *l. seruo §. si testator, ad Trebell.* qualis est illa conditio, *si in Asiam non venerit*. Nam quandiu viuit legatarius, pendet conditio, nec ante finitur, quam legatarius vita decesserit. Igitur si legatarius heredi caueat, quæ est cautio Muciana, se in Asiam non peruenturum, vel si peruenierit, se fundum, vel quanti ea res erit, redditurum, heres confestim cogitur eum fundum præstare. At quid fiet, si contra fidem cautionis, Titius postea in Asiam peruenierit? sane committetur stipulatio Muciana. Sed an heres tenetur Sempronio, cui idem fundus legatus est sub contraria conditione, nempe, si Titius in Asiam peruenierit? Et sane, vt hoc loco ait Papinianus, ille heres Sempronio tenetur ex causa legati, vt scilicet, quodcumque à Titio consecutus fuerit ex stipulatione Muciana, id Sempronio præstet, siue fundum, siue quanti ea res erit: & tenetur, inquit, vtili actione, hoc est, efficaci actione ex testamento, vt Accursius interpretatur, & laudo: Nam & vtilis actio ab eodem Papiniano eodẽ modo accipitur in *l. pater, de dote preleg.* Quid autem fiet, si heres à Titio nihil consequi possit propter inopiam Titij, & fideiussorum? Nam cautio Muciana est fideiussorum satisfactio, *l. hoc genus, h. tit. & Nou. 22.* Fuerat quidem ab initio idonea cautio, fideiussores idonei, fuerat cautio sollicitè exacta, vt ait, non quilibet fideiussor fuerat admissus, sed is cuius iam ante heres vires explorauerat. denique fuerat idonea cautio initio, sed postea defecit, lapsa facultatibus Titio, & fideiussoribus. An hoc casu heres de suo cogitur Sempronio soluere legatum? Minime: quia nihil ei imputari potest, nihil obici, cum cautionem sollicitè exegerit à Titio priore legatario. Igitur liberabitur heres qualemcumque actionem ex ea cautione Muciana cedendo Sempronio. cessio siue delegatio pro iusta præstatione erit, vt *l. quod debetur, de pecul.* nec omnino erit inutilis Sempronio, cum postea possint fideiussores peruenire ad pinguiorem fortunam. Accursius non intellexit hoc loco linguam Latinam, non intellexit quid sit *exigere cautionem*, quam Papinianus ait, ab herede fuisse exactam sollicitè. Plus est exigere quam agere: nam exigere est rem, siue cautionem extorquere & exprimere, satis accipere. Et Accursius contra manifesta verba legis ponit quasi certissimum, Titium heredi non cauisse cautionem Mucianam, qui error tolerari non potest, & delenda est Glossa ad verbum *actiones*. Et ad hæc in extremo huius legis additur, mortuo quidem Sempronio posteriori legatario sub conditione, si Titius in Asiam veniret, mortuo inquam eo pendente ea conditione, hoc est antequam Titius venerit in Asiam legatum intercidit, & Sempronius nihil transmittit ad heredem suum, quia in hereditatibus, & in legatis spes non transmittitur in heredem, quæ transmittitur in stipulationibus, & omnibus contractibus, *§. ex conditionali, Instit. de verb. oblig.* Quare dicitur stipulatorem conditionalem esse creditorem, etiam si adhuc pendeat conditio: legatarius conditionalis non est creditor, quandiu pendet conditio, *l. is qui sub cond. de oblig. & act.* Et in iure frequentissime occurrit ista differentia inter legata & stipulationes conditionales. Sed mortuo Sempronio post existentem conditionem, hoc est, postquam Titius in Asiam venit, certissimum est, ad heredem transmitti actionem legati, cuius dies iam cessit, & heredi deberi, quod defunctus petere potuit, nam secundum regulam in *l. 1. C. ut actio. ab hered. & c.* heredi deberi, quod defunctus petere non potuit, hoc est, eam tantum actionem iure hereditario heredi competere, quæ cœpit à defuncto: & retro eam tantum actionem in heredem competere, quæ cœpit in defunctum competere. Et hæc est sententia huius legis.

## Ad l. 9. ad leg. Falcid.

*In Falcidia placuit, vt fructus postea percepti, qui maturi mortis tempore fuerunt, augeant hereditatis æstimationem fundi nomine, qui videtur illo in tempore fuisse pretiosior.*

*§. 1. ¶ Circa ventrem ancilla nulla temporis admissa distinctio est, nec immerito, quia partus nondum editus, homo non recte fuisse dicitur.*

Sequitur vt exponamus *l. 9. ad leg. Falcid.* est lex elegantissima, & cognitu dignissima. Lege Falcidia cautum est, ne quid plus testamento legetur, quam vt quarta pars hereditatis illibata apud heredem remaneat, ne legata excedant dodrantem. Quamobrem vbi locus esse dicitur *l. Falcidia*, solet iniri ratio quantitatis bonorum hereditariorum & legatorum, vt ex ea appareat, legata ex superent modum lege constitutum nec ne. & in exquirenda quidem quantitate hereditatis mortis tempus spectatur, id est, id solum hereditati computatur, quod fuit in patrimonio testatoris mortis tempore, *l. in quantitate 73. hoc tit.* Inde quaeritur hoc loco, an etiam fructus hereditati computentur, vel quod idem est, an augeant hereditatem, qui maturi erant mortis tempore, nondum percepti, puta vindemia pendentes, olivæ, frumenta pendencia? Et Papinianus docet hoc loco, fructus ex fundo hereditario perceptos ab herede post mortem testatoris hereditati imputari, augere quantitatem hereditatis, augere æstimationem hereditatis, si maturi fuerint mortis tempore, non si fuerint immaturi. Denique maturos fructus imputari hereditati, si fundi, inquit, nomine, hoc est, quasi pars fundi qui videtur illo tempore fuisse pretiosior, propter fructus, qui solo coherebant. Et hoc est, quod dicitur fructus pendentes esse partem fundi, *l. fructus, de rei vindic. l. si seruus 2. §. locauit, de furt.* Fructus pendentes immobilibus rebus annumerantur, cum sint pars rei immobilis, *l. 12. de reg. iur.* Et quod notandum, hi tantum fructus fundi pretium augent, qui maturi sunt. Et in *l. ult. §. pen. qua in fraud. cred.* significatur, fundum pluris esse sub messium, aut vindemiae tempus, quam hiberno tempore post sationem, post sementem, quia nondum certum est, sati fructus an sint bene prouenturi. omnes quidem fructus, siue maturi, siue immaturi, sunt pars fundi, sed hi tantum augent pretium fundi, qui maturi sunt. Et eam ob rem dixit Papinianus, qui maturi mortis tempore fuerunt. Nec his, quæ diximus, obstat quicquam lex in *ratione 11. hoc tit.* quæ dicit, fructus hereditati non imputari in ponenda ratione *l. Falc.* sed heredis lucro cedere, quoniam non est intelligenda ea lex de fructibus, qui maturi erant mortis tempore: hi enim proculdubio hereditatem augent, sed de fructibus, qui sati sunt post mortem testatoris, vel qui maturuerunt post mortem testatoris, & post ab herede lecti sunt, demessi sunt, cum scilicet pura essent legata: nam si fuerunt conditionalia, vel in diem, fructus qui interim maturuerunt, & percepti sunt ab herede, heredi imputantur in Falcidiam, quasi iure hereditario percepti. non tamen veniunt in restitutionem fideicommissariæ hereditatis. Et ita est accipienda lex cum *fideicommiss. ad Trebell.* quandoque in fideicommissariæ hereditatis restitutionem veniunt tantum fructus, qui maturi erant mortis tempore, mortis testatoris tempore, vel qui iam ab ipso horreis conditierant, *l. postulante §. ult. ad Trebell. l. 14. de usufr. leg. l. 1. C. de his quibus ut indign. l. centurio, de vulg. substitut.* Ostendit autem hoc loco Papinianus hac in re esse differentiam inter fructus prædiorum & partus ancillarum: Nam fructus prædiorum, vt diximus, siue foetus pecorum, qui etiam fructibus annumerantur, sed fructus prædiorum proprie, qui maturi erant mortis testatoris tempore, hereditati imputantur: qui erant immaturi, non imputantur hereditati. Partus autem ancillarum, siue grauidæ fuerint mortis tempore, siue postea factæ fuerint, indistincte dicimus, non imputari in



hereditatem, etiam si mortis tempore partui proximæ fuerint. Fructus recte dicitur esse pars fundi, vel post seminem statim. Partus nondum editus, non recte dicitur pars ancillæ, nunquam recte dicitur esse maturus, cum nec homo recte dicatur antequam editus sit, ut idem Papinianus ait hoc loco. Et consequenter ancilla, quod sit prægnans, non ideo videtur esse pretiosior. Fundus, cuius fructus sunt maturi, videtur esse pretiosior. Igitur in hoc proposito, qui est in utero, non habetur pro nato, nec mirum: nam si haberetur pro nato, proderet legatariis, & qui est in utero, aliis non prodest, antequam nascatur, *l. 7. de statu hom. l. quod dicimus, de verb. sign. l. 2. de excusat. cur.* addo, ut non profit patri, qui est in utero ad excusationem tutelæ vel curæ: & postquam natus est, iam non prodest legatariis, sed heredi, cum ad lucrum eius pertineat, nec hereditati computetur, quia sicut fructus immaturus non auget hereditatem, sed postea perceptus lucro heredis cedit, ita ut non propter eum fructum videatur ad eum locupletior hereditas peruenisse: ita partus nondum editus, sicut fructus immaturus, cum necdum homo recte dicatur, non auget, sed ad lucrum heredis pertinet. Fructus nondum perceptus recte dicitur, vel oleum, vel vinum, vel frumentum, maxime, si sit maturus. Nec his, quæ diximus modo, obstat *l. intelligendus, de verb. signif.* quæ ait, eum, qui relictus est in utero, videri fuisse mortis tempore: nam ea vox non est generaliter accipienda, sed aptanda propriis casibus accommodatis & congruis. Pertinet ea lex ad leges caducarias Iuliam & Papiam, quibus orbi, hoc est, qui non habent liberos, quasi incapaces aliquatenus repelluntur à commodis testamentorum, & quæ eis relicta sunt, in fiscum rediguntur. Finge: propter istas leges non habenti liberos quidam legauit in tempus liberorum (quâdocunque habuerit liberos) is decessit vxore prægnante relicta: extitisse videtur conditio legati, & habuisse liberos, odio scilicet legum caducariarum, ut legatum transeat in postumum, & eius commodum cedat, ut solet plerumque postumus haberi pro nato, quoties agitur de eius commodum, ut scilicet legatum transeat ad postumum potius, quam ad fiscum, *l. 20. ad Treb. l. is cui, quâd. dies leg. ced.* Nō obstat etiam, quod est in *l. 1. §. ex hoc rescripto, de ventre inspic.* partum antequam edatur, ait esse portionem mulieris. Nam ex eo potius efficies, quod Papin. ait, nondum esse hominem: nam portio hominis non est homo, qui dicit, partum esse portionem mulieris, negat esse hominem. Et licet quandoque natus dicatur esse pars viscerum matris, ut illo loco Quintil. declam. 338. *filiū matris eripere conaris, & partem viscerum auellis*, tamen ex eo nō efficies, hominem eum esse, quamuis reuera sit homo, qui iam natus est, & ita ut Galenus docet in lib. de hist. Philosophi, Stoici, qui negabant embryon esse animal, non tamen negabant esse portionem matris. Et quod dicitur, partum nō esse partem ancillæ furtiue in *l. partum, de verb. signif.* quæ hodie non habet locum, sed nouissima sententia iurisperitorum, ea lex est accipienda de partu iam edito, id est, secundum eos, qui existimabant, partum esse in fructu. Fructus autem iam perceptus non est pars rei. Ergo secundum illorum sententiam, partus iam editus non est pars matris furtiue. Sed illorum opinio non obtinuit, & verius est, partum esse partem matris furtiue, & ob id nec ancillam furtiuam posse vscapi, nec vindicari actione Publiciana, neque partum ancillæ furtiue, *l. si ego §. partus, de Publ. in rem. act. & l. qui vas, de furt. l. pen. de statu hom.* Denique verius est, hodie partum non esse in fructu, *l. vetus, de usufr.* Et ita etiā in hac lege sollicite distinguitur partus à fructu, *l. in pecudum, de usur.* Non obstat etiam his, quæ dicta sunt, *l. 2. de mortuo inf.* quæ ait, mulierem prægnantem, si mortua sit, non debere humari aut sepeliri, antequam partus excindatur: ne, inquit, cum grauida species animantis perimatur. Ille locus confirmat potius, quod ait Papinianus, eum, qui est in utero, nondum esse hominem. Est

A enim species animalis, non animal. Igitur & in *l. 1. §. si quis prox. unde cogn.* quæ ait, nondum conceptum, nondum animatum esse, sic est scriptum recte Florentiæ, hoc est, tantum abest, ut sit animal, ut ne sit animatum quidem; siue animationis capax, eō significatur conceptum iam animatum quidem esse, sed non animal. Et rectissime in *l. vel vino, de suis & leg.* conceptum quodammodo videri esse in rerum natura. Nam adhibito hoc articulo facile feram quemlibet dicere, conceptum partum quodammodo animal esse. Hæc autem fuit Stoicorum sententia, quam nostri auctores sequuntur, qui sunt omnes imbuti à Stoicis, embryon non esse animal, ac proinde nec hominem esse, antequam nascatur & exeat utero, nam non omnis, qui exit utero, nascitur. Qua de causa dubitabatur olim, an ea, quæ sibi partum abegisset, damnanda foret. In altera parte erat ratio illa, quod embryon non sit animal: quam secutus Lysias in oratione de abacto partu, ut Theon Sophista refert in præexercitamentis. In altera parte est, quod quæ partum abegit, spem animantis peremit. Ergo damnanda est. Et hæc pars obtinuit, *l. Cicero, de pœnis, l. 4. de extraord. crim.* Idque etiam esse ex legib. Licurgi & Solonis Galenus scribit in eo libro, quem de hac sola re scripsit, atque inscripsit, *an embryon sit animal.* Et tentat duabus rationibus sumptis ex iure, esse animal. Vna, qui est in utero potest institui heres, suus iure ciuili, alienus iure prætorio, ergo est animal. Sed dicimus hoc fieri fictione quadam, qua habetur pro nato, cum de commodis eius queritur. Altera ratio est, quia, quæ partum abigit, punitur quasi infanticida: sed hoc ideo, non quod animal, siue infantem peremerit, sed spem animalis, ut in *d. l. 2. de mort. inf.* Lege diuina constituitur differentia inter abortum & abortum, Exodi cap. 21. Abortus mortem dat, mortē punitur, abortus multa pecuniaria. Et ex Nonio Marcel. intelligimus, abortum fieri in exordio conceptionis, abortum prope tempus pariendi, abortum esse, ut illo loco Exodi septuaginta interpretes vertunt, si partus non sit, *ἐξενόησεν τοὺς μέρη, formatus, s'il n'est point encore bien formé*, vel ut volunt in Psalmis, si sit *ἀνατέλλων*. Abortū autem esse, si sit *ἐκτενέμενος*, hoc est, *bene formatus*. Et sane Aristoteles non videtur improbare abortum, dum ait, si quis velit abortionis poculum dare, aut efficere, ut mulier abortiat, ut effundat partū eum, id debere efficere antequam quid sentiat partus, Polit. 8. Tertull. in Apol. damnat etiam abortum, qui & lege diuina mulcatur, & ait, *etiam conceptum utero, dum adhuc sanguis in hominem deliberatur, dissoluere non licet: homicidij festinatio est prohibere nasci, nec refert natum quis animam eripiat, an nascentem disturbet.* Igitur siue sit abortus, siue abortus, quem quis parauerit, vel procurauerit, pœna dignus est, non tam quod partus nondum editus, sit animal, sed quod sit spes animalis. Et ne hanc quidem perimi oportet.

#### Ad l. 52. ad Senatuscons. Treb.

E Si res aliena Titio legata fuerit, isque domino rei herede instituto petierit, ut hereditatē Mauiorestituatur, Mauiore legatum inutiliter petet: non enim poterit consequi, quod ad institutum, id est, rei dominum peruenire non poterat.

IN *l. si res aliena*, duæ tractantur quæstiones, in vtriusque interpretatione est, quod desideres. Ad priorem quæstionem parum aperte ponitur species, quæ perspicue ita poni debuit. *Caio herede instituto rem alienam, puta Sempronij rem, Titio legauit sciens*, quod legatum utile esse hoc eod. lib. didicimus ad *l. vnum ex famil. de leg. 2.* Et Titius eam rem alienam ab herede meo, cum nondum consecutus esset ex legati causa, mortuus est, herede instituto Sempronio domino eius rei, eumque Sempronium rogauit, ut Mauiore hereditatem restitueret: in ea hereditate, id est, in hereditate Titij fuit actio, quæ ei compete-



bat legati nomine aduersus heredem meum, à quo ei rem Sempronii legaueram: ea, inquam actio est in hereditate, ergo & in restitutionem siue fideicommissum eius hereditatis venit ea actio. An igitur restituta hereditate Mauius, Mauius legati nomine poterit experiri cum herede meo, quod ea actio fuit in hereditate, quæ ei restituta est? Et rectissime Papinian. respondet, *Meuium inutiliter acturum cum herede meo legati nomine*, quia restituta hereditate, hæ tantum actiones fideicommissario dantur, quæ heredi instituto competeabant. At heredi instituto competeabat utilis petitio huius rei, quæ sua erat. quæ res cuiusque propria est, eius fieri amplius non potest, §. *sed si rem*, Inst. de leg. §. *sic itaque, de act.* Ergo non competet etiam fideicommissario, puta Meuius. Denique sicut Sempronius ipse testamento Titii heres institutus inutiliter peteret rem suam ab herede meo: ita eam rem quoque petet inutiliter is, cui Sempronius rogatus est restituere hereditatem. non potest fideicommissarius, quod nec heres potuit, l. *cogi* §. *Manius, hoc tit.* Ex tantum actiones fideicommissario competunt ex Senatusconsulto Treb. quas habuit heres eo tempore, quo fideicommissario restituit, l. *ita tamen* §. *qui ex Trebell. hoc tit.* nullas autem habuit heres eius legati nomine, id est, rei suæ non habuit vindicationem, quam possidebat. Ergo non habebit etiam fideicommissarius, & inutiliter petet legatum, hoc est, rem alienam. Inutiliter petet ab herede eius, qui eam legauit, quod & heres fideicommissio oneratus, quasi dominus & possessor huius rei, ab eodem herede peteret inutiliter. Et ita explicandum, quod est initio huius legis.

#### Ad §. seruus.

*Seruus ab altero ex heredibus libertatem, & ab altero fideicommissum hereditatis accepit: si neuter adire velit, nulla pratoris partes erunt, quia neque propter solam libertatem compellitur adire, neque is, à quo libertas data non est, propter eum, qui nondum liber est. ut adeat compellitur. Et Senatusconsulto locus est, cum ab omnibus directa vel fideicommissaria libertas ab eo datur, à quo hereditas quoque relinquitur. Sed si forte is, à quo libertas data est, portionem suam repudiavit, vel conditione exclusus est, cum portio eius ad alterum peruenierit, defendi poterit, adire cogendum: quid enim interest, quo iure debitor libertatis, & hereditatis idem esse coeperit?*

**S**Equens quaestio est de seruo testatoris: nam quæ de eo dicuntur, non habent locum in seruo heredis instituti, qui si ab eo sit relicta fideicommissaria libertas & hereditas, non potest compelli a suo seruo, ut adeat & restituat hereditatem sibi manumisso prius, quia videtur facere contra seruitutem debitam domino suo, si inuito velit extorqueri libertatem, l. *ergo* §. *sed si seruo, h. t.* Ergo quaestio non est de seruo heredi proprio, sed de seruo testatoris proprio, cui ab vno ex heredibus testator reliquit libertatem fideicommissariam, & ab altero hereditatem fideicommissariam in portionem alterius hereditatis. Finge, cum ita esset seruo ab vno herede fideicommissaria libertas, ab altero fideicommissaria hereditas relicta, utriusque recusare adire hereditatem. Regulariter heres rogatus restituere hereditatem, si nolit adire, si suspectam hereditatem dicat, & implicitam multis negotijs, molestijs, idcirco se nolle eam adire: ne fideicommissaria hereditas intercidat, ex Scto Pegas. hodie Trebelliano, per prætorem cogitur adire periculo fideicommissarij, & restituere fideicommissariam hereditatem. *an is hoc casu seruus vel hunc vel illum heredem compellere potest, ut adeat?* Minime: non potest compellere eum, à quo libertatem fideicommissariam accepit, quia propter libertatem solam, vel propter aliud quodlibet legatum aut fideicommissum singulare, nemo cogitur adire hereditatem, atque ita se implicare negotijs hereditarijs, quod ostenditur in l. *seq. h. t.* Non potest

**A** etiam cogere adire eum, à quo fideicommissaria hereditas ei relicta est, quia non potest heres cogi, nisi ab eo, cui restitui potest hereditas. Huius autem seruo non potest restitui, quia nondum est liber. Ergo non potest postulare decretum prætoris, quo cogatur heres adire, l. *si cui pars* §. *1. h. t.* Ergo neutrum cogere potest. Et ita initio definit Papinianus in hoc §. videlicet, si uterque recuset adire hereditatem: nam si vnus sua sponte adeat hereditatem, puta is, à quo fideicommissaria libertas relicta est, sane alter, à quo relicta est fideicommissaria hereditas, cogitur etiam adire & restituere, tametsi non sit ab eo data fideicommissaria libertas, sed hereditas tantum, l. *cogi* §. *ult. h. tit.* Idemque probandum est omnino, atque ita erunt duæ exceptiones, si is, à quo relicta est fideicommissaria libertas, repudiauerit portionem suam, vel conditione exclusus sit, cum esset heres institutus sub conditione, atque ita amiserit suam portionem, quo casu portio eius, quæ deficit, deferretur alteri coheredi, à quo seruo relicta est fideicommissaria hereditas, & deferretur cum onere fideicommissariae libertatis, l. *si Titio* §. *ult. de leg. 2.* Et ita idem incipit esse debitor libertatis & hereditatis. Ac propterea, ut idem Papinianus ostendit hoc loco, cogetur adire hereditatem: cum portio alterius ad eum peruenierit, defendi potest adire cogendum. Portio deficiens, quo iure peruenit ad heredem, num alio iure, quam iure accrescendi? Atqui non accrescit, nisi ei qui adiuit pro sua parte: non habenti partem suam, nihil accrescit, l. *31. de usufr.* Ergo ponit portionem ad eum peruenisse iure accrescendi, & deinde eum adiuisse coactum, aut cogi posse adire. Sane verbum *peruenire*, aliter accipitur, quam usurpatur vulgo, nempe pro deferri, non pro cedere diem, vel pro acquiri. Idem hæc duo verba possunt, *pertinere & peruenire*, *pertinere* est deferri, l. *si ita scriptum* §. *si sub conditione, de leg. 2. l. 14. de lib. & post.* Et ita quoque *peruenire* hoc loco, id est, deferri iure accrescendi, quod postquam adierit adcrecet demum, atque ita ad eundem assem obtinebit, & restituendo etiam restituet assem: quamuis rogatus sit de sua portione tantum, etiam restituet, quod iure accrescendi ei obuenerit, id est, portionem coheredis, qui repudiavit: nam qui compulsus est adire, nil potest retinere ex testamento defuncti, id est, ex voluntate defuncti expressa vel tacita. non retinere potest legatum, non fideicommissum, non Falcidiam, sed restituet assem integrum, non substitutionem pupillarem, quando quis eum, quem sibi heredem fecit, iussit etiam filio suo impuberi heredem esse. denique perdit omnia, & ius accrescendi, l. *nam qui* §. *qui compulsum, l. ita tamen* §. *qui suspectum, l. si patroni* §. *qui fideicommissum, in fine hoc tit.* Et hoc erat præcipue notandum ad hunc §. Et hoc quidem de duobus heredibus institutis, sicut initio pure posuimus speciem, quorum ab vno seruo relicta sit libertas fideicommissaria, ab altero hereditas per fideicommissum pure, vel sub eadem conditione, vel in eandem diem. Certum est heredem posse compelli adire hereditatem, etiam postulante seruo: nam licet alias seruus non possit iure consistere, vel causas defendere; tamen propter spem libertatis & hereditatis, etiam per se aditum habet ad prætorem in l. *mulier, cui non est*, & l. *cogi* §. *pen. hoc tit.* Et hoc quidem, nisi seruus sit impubes: nam impuberes non habent aditum in ius sine tutoribus, & qui seruus adhuc est, tutorem habere non potest. est enim tutela ius in capite libero: sed poterit idem postulari per alium, nomine serui impuberis. Et ita nos exposuimus latius lib. 11. *quaest. ad l. si impuberi, de tut. & curat. dat.* Ergo concludamus: si ab eodem herede eidem libertas & hereditas sit relicta per fideicommissum pure, vel sub conditione, aut in diem, is heres cogetur adire & manumittere, restituere manumisso. Idem admettemus, si libertas sit relicta pure ab eodem herede, & hereditas sub conditione, quia etiam ante conditionem fideicommissi, suspectam hereditatem dicit, & ob id adire recusat, compelli potest adire; &



non adire tantum, sed & manumittere & restituere ante conditionem fideicommissum, & ante diem, *l. apud §. ult. l. si cui pure, in princ. hoc tit.* Si sua sponte velit adire, etiam non interueniente prætorē, non iubente prætorē, sane non restituet fideicommissum ante diem, ante conditionem, *l. sed etsi, hoc tit.* Sed si compulsus adeat, qui dicebat sibi suspectam esse, cogetur statim restituere; vt in superioribus. Sed non erit idem & contrario, si libertas sit relicta sub conditione; hereditas pure: nam hoc casu non poterit cogi adire, antequam conditio libertatis extiterit, quia nondum facto libero, non potest restitui. frustra postulat adire hereditatem, cui ea nondum potest restitui, *d. l. si cui pure §. 1.* Idemque dicemus, si libertas & hereditas relinquantur sub diuersis conditionibus: nam eadem ratione expectanda erit conditio libertatis, antequam heres, qui suspectam dicit, possit per prætorē compelli. Et hæc quidem de fideicommissaria libertate. Fideicommissaria libertas potest relinqui ab vno ex heredibus. Directa autem libertas inutiliter relinquitur ab vno ex heredibus: relinquenda est ab omnibus, puta post institutionem omnium heredum: Nam quæ post institutionem omnium heredum scribitur directa libertas, ab omnibus relinqui videtur. si relinquatur directa libertas ante institutionem heredis, inutilis est, quia à nemine heredum relicta videtur. Et similiter libertas directa relicta inter medias heredu institutiones, non valebat, quia videbatur relicta à primo herede, non à sequenti: non poterat autem relinqui libertas directa ab vno §. *ante heredis, Institut. de leg. nisi* scilicet scriptus heres prior adisset, vt ostendit Vlp. *Instit. tit. 1.* Relicta autem directa libertas ab omnibus, vt oportet, vnum heredem adire sufficit, vt competat libertas, sed istantum potest compelli adire per prætorē, à quo etiam eidem seruo relicta est fideicommissaria hereditas, quia propter libertatem solam nemo compellitur adire, videlicet, si libertas fuit relicta pure. Alioquin expectanda est conditio, aut dies libertatis, quia nondum est persona, cui hereditas restitui possit, *l. si patronus §. Imperator, hoc tit.*

#### Ad l. Titius §4. ad SC. Trebell.

Titius rogatus est, quod ex hereditate superfuisset, Mauiō restituere: quod medio tempore alienatum, vel diminutum est, ita quandoque peti non poterit, si non interueniendi fideicommissi gratia tale aliquid factum probetur: verbis enim fideicommissi bonam fidem inesse constat. Diuus autem Marcus cum de fideicommissaria hereditate cognosceret, his verbis, (quicquid ex hereditate mea superfuisset, rogo restituas) & viri boni arbitrium inesse credidit. Indicauit enim erogationes, quæ hereditate facta dicebantur, non ad solam fideicommissi diminutionem pertinere, sed pro rata patrimonij, quod heres proprium habuit, distribui oportere: quod mihi videtur non tantum æquitatis ratione, verum exemplo quoque motus fecisse. Cum enim de conferendis bonis fratribus ab emancipato filio quaereretur, precipuum autem, quod in castris fuerat acquisitum, militi relinqui placeret, consultus Imperator sumptus, quos miles fecerat, non ex eo tantummodo patrimonio, quod munus collationis pati debuit, sed pro rata etiam castrensis pecunia decedere oportere constituit. Propter eiusmodi tractatus, Mauius fideicommissi nomine cautionem exigere debet: quod eo pertinet, non vt ex stipulatione petatur, quod ex fideicommissio peti non poterit, sed vt habeat fideiussores eius quantitatis, quam ex fideicommissio petere potuit.

**H**æc est quæstio: an heres, qui in diem, vel sub conditione rogatus est reddere alteri, quod ex hereditate superfuisset, cedente die fideicommissi, interim medio tempore aliquid ex hereditate alienare vel diminuerē possit, & quatenus? & an si quid alienauerit interim, vel diminuerit, id ab eo fideicommissarius petere possit, cedente die fideicommissi? Alienare est rei hereditariæ dominium in

aliud transferre: diminuerē est, veluti rem hereditariam pignori obligare, vel prædio hereditario seruitutem imponere, aut debitam remittere, aut non vtendō amittere. His enim modis deterius fit ius, deterius conditio prædij hereditarij. Item diminuerē est sumptus & erogationes facere, victus sui ac suorum causa, puta penum hereditarium ebibere vel absumere. Vnde dicitur etiam diminutum, quod vsucapione de hereditate exiit, vt si res ab herede alicui data fuerit non alienandi animo, & ab eo, cui dedit vendita sit, & vsucapta à bonæ fidei emptore, *l. de perditū, de petit. heredit.* Vt autem quæstioni propositæ respondeamus: heredi rogato post mortem suam restituere, quod ex hereditate superfuisset, videtur permittenda alienatio: quia hoc voluisse testatorem palam est, cum dixerit, vt id tantum restitueret, quod ex hereditate superfuisset. Et ita etiam *l. deducta §. pen. & ult. hoc tit.* Sed quæso, quis erit huius diminutionis modus? An permittemus diminutionem in infinitum? minime. Sed si quid bonæ fide alienauerit heres, si ex iusta causa, veluti ex causa dotis, tū mulier heres instituta non posset aliunde sibi dotem conficere, *l. mulier §. cum prop. h. r. vel ex causa donationis* propter nuptias, vel vt redimat parentes suos, aut fratres ab hostibus. Finge, heredem ex hereditate aliquid diminuerē, vt redimat suos ab hostibus, quæ est causa iustissima & piissima, vt alat se & suos. nam sæpe prædia, quæ alere solent, ipsa ali oportet, tantum abest, vt sufficiant nostris alimoniis. Ita igitur heres, si quid ex hereditate alienauerit bonæ fide, & ex iusta causa, id fideicommissarius ab eo petere non potest cedente die fideicommissi, vt si quid bonæ fide pignori obligauerit, non potest heres cogi à fideicommissario, vt id luat & repigneret. Denique id tantum peti ab herede potest, quod tantum reui & repignerari ab herede debet, quod dolo malo fecit, hoc est, quod alienauit vel diminuit dolo malo interueniendi siue diminuendi fideicommissi causa, hoc est, in necem fideicommissarij, vt *d. l. deducta §. ult. l. sed etsi lege §. quod autem, de petit. heredit.* in petitione fideicommissi, vt ait *d. l. mulier §. cum proponebatur, h. r.* Id enim peti ab eo potest, quorum pretia conuertit in rem suam, vt *d. §. quid autem*, quia nec proprie diminuisse videtur, nec absumpsisse, quod vertit in suum patrimonium heres, *l. Imperator §. ult. ad hitis duabus legibus seq. de leg. 2.* Ergo ex huius fideicommissi causa heres restituet tantum atque præstabit, quod dolo malo diminuerit in fraudem fideicommissi, vel quod conuertit in suum patrimonium. Non igitur diminutio vel alienatio ei in infinitum permittitur, non passim, non dissolute, sed adhibita bonæ fide, fraudem non permitti, siue alienationem aut diminutionem fraudulentam & copiosam. Et subiicit Papinianus in hac ipsa specie, Imperatorē Marcum cognomento philosophum decreuisse, his etiam verbis fideicommissi inesse arbitrium boni viri: nam id est bonæ fides, & arbitrium boni viri. Et ob id, cum constaret verbis fideicommissi inesse bonam fidem, addit Marcus, etiam inesse arbitrium boni viri, scilicet, vt id tantum heres alienare, vel diminuerē possit ex hereditate, quod bonus vir, aut arbiter æqui & boni censeret, probaret, & arbitraretur: videlicet, non tantum pro modo hereditatis fideicommissariæ, sed etiam pro modo cæterorum bonorum heredis, vt est in *l. 3. §. nonnunquam, de usur.* Et hoc decretum D. Marci, quod affert Papinianus hoc loco, adducitur etiam in *d. l. sed etsi lege §. quantum.* Ergo non est satis bonæ fide diminuerē, sed etiam oportet diminutionem fieri boni viri arbitratu, vt si quid heres erogauerit & impenderit, quod dicatur sumpsisse ex hereditate, ex quo locupletior factus non sit, id reputet pro rata, non tantum heredi, sed etiam proprio patrimonio. Exempli gratia, si in patrimonio heredis sunt ducenta, in hereditate fideicommissaria centum, & erogauerit duodecim: patrimonio suo expensa feret octo, hereditati quatuor, seruata scilicet eadem proportionē, nempe duplæ in distribuenda erogatione, quæ est in bono-



rum quantitate. Et hoc ita prudenter Papinianus ait, D. Marcum decreuisse, non tantum equitatis ratione motum, sed etiam exemplo, quia scilicet D. Imperatores olim eandem secuti erant rationem in alia specie, quam exponit Papin. Sciendum est, filium emancipatum, qui admittitur ad bonorum possessionem ex edicto unde liberi, vel ex edicto de bonorum possessione contra tabulas, una cum fratribus, qui non fuerunt emancipati, hunc, inquam, filium emancipatum debere conferre, *rapporter*, & in commune contribuere bona pagana, quæ habuit à patre, vel aliis, hoc est, profectitia & aduentitia bona, castrensis autem, vel quasi castrensis non communicat fratribus, sed retinet præcipua, l. 1. §. *neccast. de coll. bon.* quod est ex Constitutionibus principum. Nunc finge: filius emancipatus, qui habebat bona pagana & castrensis, multos sumptus in militia fecit, an eos omnes sumptus imputabit bonis paganis, ut eo minus conferat fratribus, & integram pecuniam castrensem retineat? Recte *pecuniam castrensem* dicit, non *peculium*, quia filius fuit emancipatus, & emancipati pecuniam vel patrimonium habent, non *peculium*, l. 1. *quand. de pec. act. annal. l. pen. de verb. sign. l. ult. C. de inoff. testam.* Ex quo etiam palam est, in hac lege olim male legisse quosdam *peculium*, pro *præcipuum*, quia emancipatus non habet *peculium*, dum scilicet Papinianus ait, filium emancipatum, quod in castris acquisiuit, retinere præcipuum, hoc est, non conferre fratribus. Respondeamus quæstioni propositæ: quibus bonis eos sumptus expensos faciet, paganis an castrensis? Et ait ab Imperatore, forte D. Pio, constitutum fuisse, ut ex utroque patrimonio pagano & castrensi: sunt enim veluti duo patrimonia duorum hominum, eos pro rata decedere oportere. Exempli gratia, si in bonis paganis sint quadraginta, in castrensis viginti, & in militia impenderit 24. paganis bonis imputabit sexdecim, castrensis octo, ubique seruata pro portione dupla. Eadem etiam ratio seruatur in specie d. l. *sed & si lege §. quod omniū*, quam nos attulimus hoc loco ut summe notandam. Quidam bona fide possidebat hereditatem quasi heres, cum non esset heres, sed esset forte scriptus testamento iniusto, quod tamen ipse iustum esse arbitrabatur. Denique bona fide possidebat hereditatem, ergo petitione hereditatis non tenetur, nisi ut restituat, quod restat ex ea hereditate, & id ex quo ipse factus est locupletior, d. l. *sed & si lege §. constat*. Is vero, dum possidebat hereditatem, bona fide deminuit quædam ex hereditate, & consumpsit in suos usus aliquanto latius, quam fecisset, si non existimasset se heredem esse, cum sumptum expensum ferret non tantum hereditati, sed etiam bonis suis pro rata: & bonis quidem suis pro rata eius, quod etiam si heres non fuisset, impendisset, suæ vitæ tuendæ causa frugaliter, ut ante delatam hereditatem solebat ætatem viuere suam, hereditati autem expensum ferret eum sumptum pro rata eius, quod latius impendit contemplatione hereditatis. Et legendum in illa lege, non ut Haloand. *latius*, quod Duar. probat, sed ut Florent. *latus*. His exemplis moti concludamus, & in specie proposita erogationem factam ex hereditate, siue impensas, secundum quod exigit arbitrium boni viri, decedere debere, non ex hereditate tantum, sed ex bonis heredis propriis pro rata. Illud non est omittendum, quod in extremo huius legis ait Papinianus, *propter huiusmodi tractatus*, hoc est, propter ea omnia, quæ diximus ante de ea quæstione, eum, qui heres rogatus est restituere quod ex hereditate superfuerit, posse ab eo exigere satisfactionem fideicommissi nomine, ne plus æquo deminuat heres. Et eleganter ait, non exigit satisfactionem, ut exigitur plerumque, & potest exigi, ut scilicet petat ex stipulatu, quod ex fideicommissio petere non potest, ut fit in l. *fideicommissum*, de *condict. indeb.* si sit locus legi Falcid. heres, qui ex testamento non tenetur ultra dodrantem legatario vel fideicommissario, poterit se in solidum obligare, si velit ex stipulatione, fidei plenæ defuncto ex-

A hibendæ gratia: Sed in hoc proposito exigit cautionem ab herede, sed ut quod ex fideicommissio peti potest, petat etiam ex stipulatu, vel ab herede, vel à fideiussoribus eius quantitatibus, quam ex fideicommissio petere potest. Idque exemplo edicti, ut *legatorum nomine caueantur*. Quod trahitur etiam ad hereditatem, l. *Imperator*, b. t. l. *inter, qui satisf. cog. l. hac stipulatio, ut leg. nom. cau. l. 4. C. ut in possess. leg. & Nou. 108.* Cauebit igitur heres fideicommissario datis fideiussoribus de restituendo eo, quod bonum & æquum erit, & de dolo malo, ut l. 11. *ut legat. nom. cau.* Puta de non deminuendo fideicommissio, ultra quam æquitas ferat, & arbitrium boni viri.

Intelleximus, heredi rogato post mortem suam restituere quod ex hereditate superfuerit, medio tempore eas tantum alienationes siue deminutiones permitti, quæ non sunt fideicommissi interuertendi causa, & his fideicommissi verbis inesse bonam fidem, & arbitrium boni viri. Nunc videamus, cur hanc definitionem Papiniani Iustinianus improbauit in *Nou. 108.* & quid tandem fixe de quæst. proposita nouissime definierit Iustin. Papinianum, quæ sensit de hac quæstione, quasi dedita opera scripsisse in ænigma, ut ait, quia scilicet his verbis, *bona fide, boni viri arbitratu, non interuertendi fideicommissi causa*, quibus in definienda hac quæstione Papin. utitur, non exprimit certam quantitatem; & sunt obscura admodum verba. Fateor veluti certam exprimere, l. 1. *de leg. 2.* maxime illa, *boni viri arbitratu*, sed nego exprimere certam: Nam & bonæ fidei verbum non exprimit certam quantitatem, ut ob eam rem actiones bonæ fidei, dicantur actiones incertæ pecuniæ. *Cicer. in orat. pro Rosc.* Ac præterea modum illum, quem præscripsit Papinian. non esse modum finitum, illud non esse finitionem. Ac veluti ænigma potius quoddam esse, siue obscurissimam finitionem, quæ constat veluti quibusdam inuolucris verborum. Nam solemus omnia verborum inuolucra; imo omnia quæcunque fiunt ex obscuro appellare ænigmata, ut Theb. insidias hostium, quæ fiunt ex occulto semper vocauerunt ænigmata, ut refert Eustathius *Odyss. 14.* dum reddit rationem huius appellationis. Volunt enim, inquit, qui sunt in insidiis latere & subsidere occultissimo loco, etiam media nocte. Capitant enim tenebris ipsis tenebrosiorem locum, quare & ænigmata dicimus, quæcumque superant obscuritatem omnem, & quæ non apparent. Et ita in *Novel. 97.* veluti in ænigmate idem Iust. fecit, ut quoties inæqualis est quantitas dotis & donationis propter nuptias, quam contulit vir uxori, cum in dote sint sex millia, in donatione propter nuptias duo millia, & in casu mortis, vel in alium casum vir ex dote stipulatur quartam partem, & mulier ex donatione similiter quartam partem, ut æquales quidem videantur esse partes lucris, cum sint quartæ utro citroque, nec tamen sunt æquales reapse siue quantitate propter inæqualitatem dotis & donationis propter nuptias. Inde fit veluti ænigma, ut quæ sunt æquales lucris partes, non sint æquales: sicut illud, ut vir, non sit vir, nempe spado: percussit non percussit, cum cōiecit quidem lapidem, sed non attigit: auem & non auem, puta vespertilionem, quod Athenæus explicat *lib. 10.* Et ita quoque non videre idem in ænigmate, id est, videre & non videre. Et similiter l. *vn. Cod. de nudo iure Quirit. toll.* rem suam dicere ex iure Quiritium, ut l. 1. *de rei vind.* non multum, inquit, discrepare ab ænigmate, quia quod dicitur esse ius Quiritium, id non est in usu rerum, nec apparet vsu iam hodie. Etenim ius habet sua ænigmata: Iuuenal. *qui inris nodos, & legum ænigmata soluat.* Iustinian. d. *Nou. 108.* sublato omni ænigmate in proposita quæstione nouissime certum modum constituit, quem sequatur heres, & seruet in alienando, vel deminuendo aliquid ex hereditate fideicommissaria, puta ne ex hereditate heres, qui rogatus est post mortem suam restituere quod ex hereditate superfuerit, interim plus alienare, vel deminuere possit, quam ut quadrans fideicommissario



commissario conferuetur illibatus. Dodrantem igitur ille heres consumere potest, quacumque ex causa prodigere, si velit, & dissipare, siue sit ex liberis, siue extraneis: quin etiam quadrantem residuum attingere potest ex iustissima causa, veluti ex dotis causa, vel donationis propter nuptias, ut eam sibi conficiat, siue compleat, vel ex causa alimentorum, vel ex causa redemptionis captiuorum. Si his causis non sufficiat dodrans, licebit etiam quod deest replere ex quadrante, qui alioqui integer seruandus est fideicommissario. Ac propterea, ut idem Iustin. constituit, quadrantis nomine fideicommissarius ab herede cautionem exigere potest, qui rogatus est restituere superfluum hereditatis: neque enim exigendo cautionem videtur agere de hereditate viuensis, quod quidam obiciunt, quia non viuo testatore, sed mortuo cautionem exigit, ut habeat fideiussores eius quantitatis, quam ex fideicommissio quandoque petere poterit, quod congruit cum fine huius leg. Titius. Ita intelligimus modo, quemadmodum huic legi derogauerit Iustin. certiore modo alienationi, siue deminutioni fideicommissariae hereditatis constituto atque præscripto. Nunc circa hanc questionem incurrunt quatuor aut quinque questiones. Prima est, si heres nil consumpserit ex hereditate fideicommissa, an heres heredis possit dodrantem deducere aut retinere, quem prior heres consumere potuit? Et quod miror, Accurs. respondet posse, in authent. contra, si rogatus, C. ad Trebell. Quæ opinio est falsissima. Quia palam est, testatorem qui rogat restitui quod ex hereditate superesset herede moriente ea mente fuisse, ut si aliquid consumpsisset, residuum restitueret, si nihil consumpsisset, allem restitueret: nam & superflui nomine continetur as, nec ineleganter etiam as dicitur superesse, ex quo nihil abest, nihil absumpsit heres. Et sane restituet allem, si fructus medio tempore percepti sufficiant quartæ Falcid. quæ in fructus imputatur, l. in fideicommissarium, l. ita tamen §. 1. hoc tit. nisi heres institutus sit ex liberis, qui liberi onerati fideicommissio, quo iure utimur hodie, fructus medio tempore perceptos, non imputant in quartam, l. iubemus, C. eod. tit. Sed si fructus medio tempore percepti nulli sint, vel si non sufficiant quartæ, extraneo herede instituto: nam ex liberorum corpore siue numero, ea repleta siue deducta, residuum heres fideicommissario præstabit. heredi igitur, qui nihil consumpsit ex hereditate fideicommissa, vel etiam heredi heredis datur quartæ retentio siue deductio, l. 10. C. ad leg. Falcid. Quæ tamen hac in re abutitur Accurs. Quare etiam heredi heredis datur interdictum quod legatorum, quod propositum est Falcidiæ retinendæ gratia, l. 1. §. 1. quod legat. Dodrantis deductio non datur heredi heredis, quia nec ipsi heredi datur, sed consumptio tantum. Si daretur heredi deductio dodrantis, daretur & heredi heredis, sed nec heredi priori datur, quadrans deducitur iure testamenti, hoc est, iure hereditario, l. qui duos, de leg. 2. Dodrans non deducitur, sed consumitur pendente conditione fideicommissi ex præmissa Nouella Constit. Iustin. Rursum queritur, an qui rogatus est restituere quod ex hereditate superfuerit, etiam fructus superfluos restituere debeat? Sed hanc questionem non debeo explicare hoc loco, sed lib. seq. ubi pluribus explicabitur d. l. 3. §. nonnunquam, de usur. Et ibi etiam explicabitur alia quæstio, an qui rogatus est restituere, non quod ex hereditate superfuerit, sed quod ex hereditate ad eum peruenerit, debeat etiam restituere fructus exstantes existente conditione fideicommissi. Has igitur duas questiones referuabimus. Sequitur quarta quæstio, an is, cui superfluum hereditatis restituitur ex causa fideicommissi, sit Trebellianus fideicommissarius, id est, an pro rata eius, quod ei restituitur, in eum transeant actiones & obligationes actiue & passivæ. Et videntur non transire ex l. cogi §. inde queritur, h. t. quia non hereditas relicta est per fideicommissum, sed res siue quantitas ex eo, quod supererit. At sane verius est, in eum transire Trebellianas actiones, cui superfluum hereditatis re-

A stituitur, atque ita fideicommissarium esse Trebel. fideicommissarium hereditatis, non rei, aut quantitatis certæ, alioquin nihil hæc lex pertineret ad hunc tit. Et d. l. cogi §. inde queritur. ut rectissime Bartolus animaduertit hoc loco, loquitur de eo, qui rogatus est restituere superfluum hereditatis, deductis oneribus hereditariis omnibus, deducto ære alieno, deductis legatis, hic debet fideicommissarium indemnem seruare, aut debet hereditatem restituere sine deductione æris alieni, vel legatorum. Ultima quæstio hæc est, quid sit dicendum de eo, qui simpliciter rogatus est hereditatem restituere, non superfluum hereditatis, sed hereditatem, an potest aliquid ex hereditate alienare vel deminuere? Et regulariter non potest. Et id quod alienauit, fideicommissarius persequi potest iudicio in rem aduersus quemlibet possessorem. B Est enim ei actio personalis ex testamento aduersus heredem, l. ult. §. sed queritur, C. comm. de legat. Illud tantum obseruandum est, libertatem, quam heres dedit seruo hereditario ante restitutam hereditatem, cum ipse erat seruus, nondum factus fideicommissarius, seruo non posse eripi, sed fideicommissario esse persecutionem æstimationis serui aduersus heredem, l. quidam §. pen. l. si heres institutus §. 1. h. t. Vix vnquam eripitur seruo libertas, cui semel competit, nihil est, quod ægrius reuocetur. Et ut ait d. l. quidam, libertas seruo conferuatur. Nam & similiter idem obtinuit in specie l. quis pure, in prin. h. t. seruo relicta est libertas pure; hereditas fideicommissaria sub conditione. heres institutus suspectam dicit hereditatem antequam existat conditio fideicommissi. Ergo cogitur adire statim ante conditionem fideicommissi, & non tantum adire, sed etiam restituere. Aditio eripit seruum in libertatem, & aditionem sequitur restitutio fideicommissi. Sed quid fiet, si postea deficiat conditio fideicommissi? Bona non debent remanere apud fideicommissarium: & ea hereditas constituetur sine effectu: non est enim æquum heredem, qui coactus adiit, alligari oneribus hereditariis. Itaque quod ad onera attinet, hereditas adita habebitur pro non adita, sed quod ad libertatem attinet, in quam raptus est seruus ex ipsa aditione, non habebitur pro non adita, neque enim seruo eripi poterit. Item illud notandum, heredi scripto rogato hereditatem restituere permitti alienationem quartæ Falcidianæ, quibus casibus quartæ locus est, & poterit alienare ad modum quartæ, ad finem quartæ, & res alienatæ imputabuntur in quartam, l. 3. §. 2. h. t. quod supra quartam alienabitur, vindicabitur. Item sciendum est, si liberis non extraneis heredibus institutis, quarta non sufficiat doti, vel donationi propter nuptias constituendæ pro dignitate personarum & natalium, sicut constitui eam semper ad eum modum oportet, hoc casu licebit etiam liberis ex residuo sumere præter quartam, quantum satis est doti, vel donationi propter nuptias. Sed hoc liberis tantum permittitur, non extraneis, quando simpliciter sunt rogati restituere hereditatem: Nam si rogati sint tantum superfluum restituere, quod ad constituendam dotem attinet, idem est ius extraneorum & liberorum. Et hæc comprobantur ex l. mulier §. cum propon. h. t. & Non. 39. Et obseruandum, quod in hoc proposito vult d. §. cum propon. ut heres simpliciter rogatus restituere hereditatem, si sit ex liberis, præter quartam detrahat & alienet interim quantum satis est, doti, vel donationi propter nuptias, nisi sc. fructus medio tempore percepti sufficiant doti. Neque mirum: nam ante l. iubemus, C. ad Treb. liberi imputabant fructus in quartam, & similiter in dotem vel donationem propter nuptias. Cum autem hodie fructus non imputent in quartam, ergo nec imputabunt in dotem, non sufficiente quarta vel dote, & vtentur liberi quasi duplici deductione, quartæ scilicet & repletionem dotis, vel donationis propter nuptias.



Adl. etiam si 9. vt in possess. legat.

*Etiam si condemnatus heres fuerit, nec pecuniam soluerit, legatarius potest desiderare mitti in possessionem. Cum sub conditionibus contrariis eadem res duobus legetur, si non caueatur, uterque mittitur in possessionem.*

**I**N hac l. proponuntur duæ breues sententiæ Papiniani. Priorem vulgus interpretum non intelligit, & Accurs. male ad eam notat l. 1. §. plane, & l. etiam, tit. sup. quasi scilicet in ea idem, quod in illis contineatur, quod longe secus est. Eius sententiæ verba hæc sunt: *etiam si, &c.* Quæ vt perspicue intelligantur, est sane intellectu dignissima, quia singularis, sciendum est, ex edicto proposito tit. sup. proximo, ei, cui legatum reli-ctum est in diem, vel sub conditione, si hoc desiderabit, heredem satisfacere debere, se iisdem diebus daturum facturumue, quibus testator dari fieri voluit, & dolum malum abfuturum, quod plerique legatarij & fideicommissarij exigere solent, vt habeant fideiussores legati aut fideicommissi, quod quandoque eis licebit petere, cum medio tempore posset heres profligare & dissipare omnem hereditatem. Verum non interponitur hæc satisfactio, si testator heredi eam remisit, si vetuerit ab herede satis exigi, vel si quocunque alio iudicio appareat, noluisse testatorem ea satisfactione heredem suum onerari. Nam hodie ex Constitutione Marci & Commodi, quocunque iudicio voluntatis hæc cautio remitti potest; l. 2. C. vt in poss. leg. l. cum tale §. 1. l. auia. §. ult. de cond. & demonst. l. pactum, de pact. & Non. 108. Alioquin si testator non remisit istam cautionem, locum ea habet, & cauenda est postulanti legatariis aut fideicommissariis. Et locum habet etiam in fideicommissaria hereditate, vt diximus ad l. Titius, ad Trebell. Imo & in directa hereditate, vt in substitutione vulgari, herede primo scilicet instituto sub conditione, & pendente conditione, postulante bonorum possessionem secundum tabulas, quam prætor facile dat antequam exstiterit conditio, licet iure ciuili bona non possint adimi, antequam exstiterit conditio, l. inter, qui satisf. cogant. l. 8 de prator. stip. Quid fiet, si heres nolit satisfacere? Inciuile est quodammodo liberum hominem cogi quid facere inuite. Qua de causa, si nolit satisfacere, sane non cogetur satisfacere. Verum vice satisfactionis legatarius mittetur in possessionem omnium rerum, quæ ex causa hereditaria sunt, ex edicto proposito in hoc tit. Qua quidem missione in possessionem legatario & fideicommissario, neque proprietas datur, neque possessio, sed ius pignoris, vt cui cautum non est satisfactio, sit cautum pignore; missio in possessionem constituit pignus, quod dicitur pratorium pignus: nam mittitur in possessionem per prætorem, vel præsidem ex edicto, l. misso, pro empr. & in tit. C. de prator. pign. l. iure legati, C. vt in poss. leg. l. filiusfam. §. Dini, in princ. de legat. 1. id est misso in possessionem datur ius pignoris, & per hoc datur etiam ei custodia & observatio rerum hereditariarum, vt vel tædio custodiæ heredi extorqueat cautionem, quam initio desiderauit, l. 3. §. ult. & l. 10. de acqu. poss. l. cum legati, quibus ex causis in poss. l. 5. in princ. hoc tit. Nec enim missus in possessionem potest heredem expellere possessione, sed simul cum eo possidet res hereditarias, vel in earum possessione est. Est enim proprius in possessione, quam possidet, d. l. 10. quâdoque possessio dicitur vicaria, l. postquam, §. 1. tit. sup. prox. quia scilicet est vice cautionis, l. si furtum §. si quis damni, de dam. infec. At quæso rursus, quid fiet, si heres legatariū prohibeat, quæ prætor iussit ire in possessionem, ingredi possessionem? Sic tandem legatarius perueniet ad ius suum ocissime, etiam ante diem, puta, vel ante cōditio-

**A** nem: nam heres, qui ingredientem prohibuit, ei tenebitur actione in factum, in id, quod interest, hoc est quanti ea res erit, quæ legata est, perinde atque si conditio legati extitisset, coercendæ heredis contumaciæ gratia. Nec enim in hac specie, id quod interest egredietur pretium rei, sed propter contumaciam heredis, æstimatio rei repræsentabitur, videlicet non expectata die vel conditione, l. pen. quib. ex causis in poss. cat. l. 4. §. condemnatio, de tab. exhib. Hic est ordo iuris, quem in hac re seruari couenit, vt satisfactioni, si deficit, succedat missio in possessionem, & missioni, si impedimentum afferat heres, succedat repræsentatio legati, ac si purum esset legatum & præsens. Verum ad hæc notandum est, interdum etiam de puro & præsentati legato hanc cautionem interponi, puta, si heres velit litigare, & legatum, quod est purum & præsens, non debere: Nam hoc casu post litis contestationem, nec enim ante litis contestationem liquido apparet velle heredem litigare, postulante legatario, hæc cautio exigitur ab herede, quia nonnullas moras exercitio iudicij habet, & inter eas moras posset heres rem legatam disperdere. Et hoc ostenditur in l. 1. §. plane, l. hac stipulatione, in princ. l. etiam, tit. sup. prox. l. uxor §. ult. de legat. 3. Sed addamus etiam post condemnationem, hoc est, herede damnato legatum soluere, si appellauerit, eadem ratione cautionem, si omissa fuerit, interponi, quia appellatio trahet negotium, & interim posset res legata perire dolo, aut culpa magna heredis. Igitur, si sit purum legatum, hæc cautio interponitur, non tantum post litis contestationem, sed etiam post condemnationem, si adhuc heres velit litigare, & prouocet ad maiorem iudicem. Sed hoc postremo casu notandum est, hoc interesse, quod herede damnato appellante, legatarius non mittitur in possessionem omnium rerum hereditariarum, sicut fit ex edicto, dum recusat cauere heres, sed mittitur tantum in possessionem rei legatæ, de qua iudicatum est ex Constit. Marci. Ait, si modo is legatarius paratus sit cauere de ea re conferuanda, & heredi restituenda, si forte secundum eum pronuntiatum fuerit, l. postquam. 9. tit. sup. prox. Hoc igitur casu cum heres damnatus est soluere, nec soluit, sed appellat, cessat hoc edictum, & locum habet illa Constitutio Marci, inter quæ iura longa est differentia: Nam vt dixi, ex edicto, non cauente herede, legatarius mittitur in omnia bona, quæ ex hereditate sunt, ex Constitutione Marci mittitur in eam rem tantum de qua iudicatum est. item ex edicto legatarius qui mittitur in possessionem, nihil omnino cauet heredi. ex Constitut. cauet, vt dixi ante d. l. postquam. Et ob id, quia cauet, quia legatarius oneratur cautione propter extinctam condemnationem per appellationem. ( Nam verissimum est appellationem extinguere iudicium, nec confirmatam sententiam ab eo, ad quem appellatum est, retrahere, l. furti §. 1. de his qui not. infam. ) Ob id igitur, quia oneratur cautione legatarius, ex ea constitutione etiam solus possidet, & expellit heredem possessione. Ex edicto non possidet solus, sed ambo sunt in possessione, heres & legatarius. Et verius heres possidet, legatarius custos & obseruator, quasi saluarius, vel insularius. Quod & aliis multis exemplis confirmatur in tit. de satisf. lib. 1. Sententiarum Pauli. Non dum satis est. Quæro quid sit dicendum, si legatarius aut fideicommissarius omissa satisfactioe & possessione, litem de legato contestatus sit, quasi puro & præsentati, & vicerit, id est, condemnauerit heredem, & post cōdemnationem non appellet quidem heres, sed non soluat legatum? Finge, esse difficile conuentu, vt sunt plerunque, quid fiet, quemadmodum legatariis prospicietur? Nam hoc casu, neque ex edicto, neque ex Constitutione Marci cautio exigi potest, cum præsens legatum aut fideicommissum debeat, nec de eo iam heres litiget amplius, sed cunctetur tantum, moretur, & trahat solutionem? Verum æquissimum est, etiam hoc casu legatario subueniri, non quidem exacta cautione: Nam



certe ei non est locus, sed non solvente herede, legatario missio in possessionem bonorum, ut ita nanciscatur ius prætorei pignoris, quasi creditor quilibet iudicati seruandi causa. Et fuit sententia Papiniani hoc loco, dū ait, *etiamsi condemnatus heres fuerit, nec soluat, nihil de appellatione loquitur, legatariū posse desiderare mitti in possessionem, videlicet iudicati seruandi causa, quasi creditor quilibet, ac proinde hoc casu mittetur etiam in bona heredis, ne dum in bona hereditaria, l. 3. C. qui pot. in pign.* Ex hoc edicto non mittuntur in bona heredis, excepto casu l. 3. §. *Imperator, h. r.* sed in bona hereditaria tantum, & ex Constitutione Marci mittitur tantum in rem legatam, de qua pronuntiatum est. Hoc vero casu mittitur in omnia bona, quæcunque possidet heres, vnde cumque ei obuenerint. Et præterea ex hoc edicto, & ex Constitutione Marci, missio fit vice cautionis non præstitæ. missio est vicaria, post condemnationem heredis, qui non appellat, sed calūniatur, ut est in l. 12. tab. & legatum soluere detrectat, etiamsi nullus locus sit exactioni cautionis, legatarius non inducitur in possessionem vice cautionis, sed rei suæ seruandæ causa, hoc est debiti seruandi causa. non datur hæc possessio, nec dicitur possessio vicaria. Et ita fit dilucida sententia Papiniani.

Posterior quæstio est facilis, cum sub conditionibus, &c. Duobus est legata eadem res sub contrariis conditionibus, hoc modo: Primo illum fundū do, lego, si nauis ex Asia venerit, aut si non venerit, Secundo. Idem est, si sub diuersis conditionibus, hoc modo: Primo illā rem, si nauis ex Asia venerit, Secundo eandem rem, si consul factus fuerit, l. 3. t. *supr. prox.* Vtrique heres debet satisfacere legati nomine, quia vterque est legatarius conditionalis eiusdem rei, vterque separat legatum, nec debeo huius rei declarationem facere longiorem, quam idem omnino iam expressi in l. 5. & l. 8. de prator. stipulat.

Ex hoc libro citatur Papinian. duobus tantum locis, l. 4. de usu & habitat. Finge: mulieri est legatus usus domus. potest in ea habitare cum marito, cum liberis, libertis, & aliis plerisque personis. licet parum digne videatur maritus sequi domum mulieris, & in ea habitare, quādoquidem domus mariti debet esse domicilium matrimonij, l. caterum, de rit. nupt. Finge rursus, viduæ legatum fuisse, & constitutum vsum ædium, ac postea eam nupsisse, an nouum quoque maritum excipere poterit? Et refertur in eo loco, ita sensisse Papinianum, ut mulier, cui vacanti constitutus est usus ædium, possit in eis cum nouo nupto habitare. Citatur Papinian. ex eodem lib. in l. 14. de legat. 1.

Ad §. 1. l. 14. de legat. 1.

Sed & Papinianus lib. 19. Quæst. ait: & si post legata sapius adscripta, idem hoc subiecit. semel præstari velle, & hoc ante impletum testamentum fecerit, ipso iure videri cetera legata adempta. Sed quo magis erit ademptum: non enim apparet, & ait, posse dici exiguius esse præstandum.

Quidam Titio adscripsit plura legata eodem testamento, & ante consummatum testamentum subiecit, se velle, ut Titio semel tantum præstaretur, hoc est, ut vnum tantum legatum ei præstaretur, nec quicquam præterea adiecit, ei autē Titio initio adscripserat plura legata per damnationem; qua de causa dicitur ei deberi exiguius legatum, quoniam potestas eligendi est penes legatarium quoties legata sunt relicta per damnationem, & vti que heres si non est stultus, electurus est exiguius, vel exiguiorem summam, vt l. si ita relictum §. ult. de legat. 2. Cetera legata ipso iure adempta sunt, vnum tantum præstatur, quod elegerit heres, quia nec data videntur quandoque adempta sunt eodem testamento. Idemque dicitur, si adempta sint codicillis testamento confirmatis, hoc est, si in eis scripserit, semel se tantum Titio dare velle, l. si quis cum, de vulg. substit. Ademptio le-

Quæst. Papin.

gati, vel fideicommissi, vel sit ipso iure, vel remedio exceptionis doli mali, puta, si ademptio facta sit per epistolam, vel codicillos testamentis non confirmatos, vel nulla voluntate, l. 3. §. pen. de adim. leg. l. quarebatur §. pen. de test. mil. Posui legata fuisse relicta per damnationem: Nam si plura legata ei relicta fuissent per vindicationem, vnum quidem legatum deberetur, sed quod ipse legatarius eligeret, non quod heres.



# IACOBI CUIACII I VRISCONSULTI COMMENTARIVS in Lib. XX. Quæstionum Æmilij Papiniani.

Ad l. cum in rem 64. de rei vindic. & §. ult. l. 3. de vsur.

Cum in rem agitur, eorum quoque nomine quæ vsui, non fructui sunt, restitui fructus certum est.

§. ult. l. 3. de vsur. Si auro vel argento facto per fideicommissum relicto mora interuenerit; an usurarum æstimatio facienda sit, tractari solet. Plane si materiam istam ideo relinquit, ut ea distracta pecuniaque refecta, fideicommissa soluerentur, aut alimenta præstarentur, non oportere frustrationem impunitam esse, responderi oportet. Quod si forte ideo relinquit, ut his vasis vteretur, non sine rubore desiderabuntur usura: ideoque non exigentur.

Ab initio huic libro lex cum in rem, de rei vindic. ad quam coniungemus ex eodem lib. §. ult. l. 3. de vsuris. Et ait in hac leg. cum in rem, &c. Quæ verba, ut existimo, non sunt facilia cuiilibet. Hoc vero sentit his verbis Papinianus: etiam eorum, quæ vsui non fructui sunt, fructus venire in rei vindicationem, & in eos possessorem condemnari debere, cui res euincitur, quia scilicet omne legatum possessori auferendum est, l. post SCtum, de petit. her. Hoc ergo dicit, fructum esse eius rei, quæ fructui non est, quod videtur absurdū, sed est figura πλοῦν. Aliud enim supra, aliud infra significat fructus. Supra significat, qui naturaliter ex re ipsa gignuntur, ut ex arbore poma, qui ex re ipsa nascuntur, quæ optimi auctores vocant gignetia & nascentia ut Græci γιγνόμενα. Infra autem fructus significat, non quod natura prouenit, sed quod ex obligatione, vel officio iudicis percipitur, ut ex stipulatione, usura, ex locatione, merces. Nam & hæc pro fructu cedunt, l. si nauis h. t. l. usura, l. prediorum, de vsur. l. postulante §. sed & in huiusmodi, ad Treb. Infra fructus est quasi fructus. Aliæ autē sunt res vsui & fructui, ut fundus: aliæ nec vsui nec fructui, sed abusu, ut pecunia, vinum, frumentum; aliæ sunt vsui, non fructui, ut vasa, neque enim vllum fructum ferunt aut gignunt. Et non dicuntur etiam esse fructui, nisi improprie, l. ult. inf. usus. quemadmodum. cau. & de vasis ad hanc legem, primum exemplum sumere licet ex eodem libro Papiniani, nempe ex d. l. 3. §. ult. de vsur. cuius sententiam exponere volo.

Certi iuris est, in fideicommissis vsuras deberi ex mora. Finge: per fideicommissum relictum est aurum, vel argentum factum, hoc est, vasa aurea & argentea, an ex mora debentur vsuræ quasi fructus? Et illo loco Papinianus distinguit hoc modo: Aut vasa ea mente relicta sunt, ut pretium ex eorum venditione redactum heres fideicommissario præstaret, & debentur vsuræ eius pecuniæ. Aut vasa ipsa relicta sunt, ut eis fideicommissarius vteretur, & non debentur quidem vsuræ vasorum, sed quod vice fructus est, debetur, quanti ea vasa aurea, vel



argentea fideicommissarius locare potuit, si in eis præstandis moram non fecisset heres; non sunt quidem fructui vasa, quæ nullum edunt fructum, sed tamen in rei vindicatione eorum fructus æstimatur, id est, quasi fructus; quanti scilicet locari ab herede potuerunt, *l. videamus §. penult. de usur.* usuræ non debentur, nisi ex quantitatib. id est, ex ijs, quæ numero, mensura, aut pondere constant, non ex ijs, quæ certa specie certoque corpore continentur. vasa specie, forma, corpore valent, non quantitate, & ob id vasorum etiam usuræ, ut ait in *d. l. 3. §. ult.* non sine rubore desiderantur, hoc est inuerecunde desiderantur, quoniam ex corporibus non percipitur usura, sed quasi fructus vasorum recte desiderantur. Et ex his verbis, *non sine rubore*, Græci notant eleganter, iudicem non debere admittere postulationes inuerecundas. Potest etiam ad hanc legem ex *d. l. videamus* poni exemplum in vestimentis: Nam & hæc vsui sunt, non fructui. Et licet adnumerentur rebus, quæ sunt in abusu §. *constituitur*, *Instit. de usufr.* non tamen plus sunt in abusu, quam vsu, deteruntur tantum, non consumuntur, & abusus consumptio est. Quare etsi legetur usufr. vestis de eadem veste reddenda, quandoquæ finitus erit usufr. legatarius heredi cauere solet, & liberatur; si reddat etiam vsu attritam, *l. 9. §. penult. usufr. quem. cau.* Nec vestimentorum usufr. legatur sicut pecuniæ, *l. sed si quid §. etsi vestiment. de usufr.* Pecunia abuti licet statim, si modo eauerit de tantadem pecunia reddenda, legatarius scilicet: vestimentis abuti non licet. Quamuis autem vestimenta non sint fructui, hoc est, nullum fructum gignant, tamen vice fructuum æstimantur in actione in rem, quanti his locatis mercedis nomine capi potuerit, *d. l. videamus*. Ex qua etiam aliud exemplum poni potest in seruitutibus prædiorum. Iter, actus, via vsui est, non fructui, res incorporalis non potest esse fructui, & tamen, si vindicetur seruitus, vice fructuum restituetur omne commodum, quod habiturus erat actor, si statim eo tempore, quo exigit, ire prohibitus non fuisset, *d. l. videamus, in fi.* Restituetur id, quod interest, se prohibito non fuisse, *l. 4. §. in confessoria, si seruit. vind.* Non dicitur, quod valde notandum est, haberi rationem eius mercedis, qua seruitus locari potuit, sicut dictum est de vasis & vestimentis, quia scilicet seruitus locari non potest, *l. locare seruitutem nemo potest. j. locati.* Cuius rei ratio inferius explicabitur. Sed poterit æstimare petita seruitute, quanti eam pignori obligare actor potuit, & beneficio pignoris istius pecuniam, qua indigebat, efficere. Nam seruitus pignori dari potest, puta iter vel actus, vel via, vel aquæ ductus, *l. 12. de pignoribus.* & fructus est, id est, quasi fructus, vel pignori dare licere, *l. ult. de usur.* Etiam aliud est exemplum in *d. l. videamus*, de proprietate nuda. Nam eius vsus quidem est aliquis, ut proprietarius etiam inuito fructuario potest fundum, vel ædes custodire per se, vel per saltuarium, *il pourra auoir un concierge en la maison*, vel per insularium, qui tueatur prædium, aut fines agri, *l. si ita legatus §. ult. de usu, & habit.* Et potest testatorem mortuum in fundum inferre, si non sit, vbitam opportune sepeliri possit, *l. locum §. 1. de usufr.* Et seruum inuito fructuario coercere, & noxæ dedere potest sine dolo malo, *d. l. locum §. ex eo, & seq.* Ergo nudæ proprietatis est vsus nonnullus, fructus autem nudæ proprietatis nullus est. Sed si petita sit nuda proprietatis actio in rem, & inter moras iudicii amissus, fuerit usufr. ex eo tempore, quo usufr. consolidatus est proprietati, quo nuda, quæ erat proprietas, facta est plena, fructuum ratio habetur. Idemque erit, si quid interim fundo per alluionem accreuerit, *d. l. videamus, l. fructus non modo & l. seq. hoc tit. l. si ego §. idem ait, de Public. in rem act.* Vltimo ex eadem *l. videamus*, ponamus ad hanc exemplum in usufructu. Nam certe usufr. rursus fructui eleganter non computatur: ius vtendi fruendi fructum non gignit, non progenerat. Eo ta-

men iure vtimur, & petito usufr. actione confessoria damnabitur reus in fructus, quos actor percepturus erat, si ei possidere licuisset, *d. l. videamus*, non in fructuum fructus, qui vix vlli æstimari possunt. fructus non est fructus, sed quasi fructus, *l. neque, de usur. l. heres §. ult. de petit. heredit.*

L. 11. §. ult. & l. 12. ff. de pignor. explicata.

Hæc sufficerent ad hanc legem, sed attigi in ea enarranda ante rem difficillimam, & male explicatam, cuius rationem reddam fortasse perspicuam. Dixi seruitutes non posse locari, & posse pignori dari. Cur tam varie? Cur si pignori possunt, non etiam locari? Et rursus, cur seruitutes rusticorum prædiorum pignori possunt, non seruitutes urbanorum prædiorum? Nam hæc differentia perquam euidenter proponitur in *l. 11. §. ult. & l. 12. de pignoribus.* Et perquam euidenti calumnia eam elidunt, qui quod in *l. 11. §. ult.* est scriptum de seruitutibus urbanorum prædiorum, porrigunt etiam ad seruitutes rusticorum. Et quod in *l. 12.* est scriptum de rusticis seruitutibus, id porrigunt etiam ad urbanas. Est mira licentia. Cum *d. l. 11 §. penult.* nullam constituisset differentiam, usufr. daret pignori dominus an fructuarius, ac proinde nec velit hanc distinctionem fieri in cæteris seruitutibus, illi *d. l.* acceperunt de seruitutibus quibuscunque pignori obligatis, siue pignoris nomine impositis à domino in fundo proprio, quæ omnia vaticinantium imagines sunt. Et merito debemus illis omissis, siue neglectis adferre perspicuam differentiam, quæ ponitur in supradictis locis inter seruitutes urbanas, ut hæc non possint pignori, & seruitutes rusticas, ut hæc possint pignori. Et simul inquirere debemus rationem iuris, rationemque differentiarum. Præterea adhuc in hac re dubitatur, cur sine distinctione vlla seruitutes sint urbanæ, an rusticæ, tamen placet, quascunque seruitutes precario concedi posse, *l. 3. l. & habet §. precario, de prec. l. si quis ser. de relig.* Cur etiam indistincte pignori non possint? & cur etiam locari non possint? Sciendum igitur hac in re usufr. separari à cæteris seruitutibus. vsus fructus vendi, locari, pignori potest, *d. l. 11. §. penult.* quia se. fructus est, vel locare & pignori licere, *d. l. videamus, & l. ult. de usur.* Et usufructus nomen siue ius comprehendit omne commodum, omne emolumentum, omnem obuentionem, omnem fructum, vel quasi fructum, & est ius plenissimum: qua ratione vsus ab vsuario vendi, locari, pignori non potest, *§. 1. Instit. de usu & habitat.* Qui nudum vsuum habet sine fructu, non habet fructum, ergo nec locari aut pignori potest, quia hæc pro fructu cedunt. Seruitutes autem prædiorum urbanorum vel rusticorum à domino, vel ab eo, cui debentur, etsi vendi possunt, *l. pen. §. 1. de contr. empt. l. 3. §. si iter, l. illud. §. si ille, de act. emp.* locari tamen non possunt, quia omnis locatio fit ad tempus, & seruitus non potest constitui ad tempus, *l. 4. de furt.* vbi hæsit fundo semel, vix auelli potest. & ideo petita seruitute actione in rem in *d. l. videamus*, non dicitur in fructu computari, quod seruitute locata mercedis nomine capi potuit, quod tamen dicitur de veste & vase. Ergo seruitus locari non potest, *l. locare, locato:* est generaliter accipienda, ut nemo, neque dominus, neque is, cui seruitus debetur, eam locare possit. At contra, ut nunc tractemus de pignore, seruitus tam à domino, quam ab eo, cui debetur seruitus rustici prædij, veluti iter, via, actus aquæ ductus, pignori opponi potest, *d. l. 12. de pignoribus.* Et quod dicitur in *d. l. videamus*, petita seruitute rustici prædij, in fructibus numerari omne commodum, quod habiturus erat petitor, si non fuisset prohibitus ire, agere, aquamue ducere, puto exempli gratia aptari posse ad pignorationem, quia fructus cuiuslibet rei est, siue corporalis, siue incorporalis, vel pi-



**S**equitur, vt exponamus quæst. *l. 3. de pignor.* Actio hypothecaria est persecutio pignoris, quæ creditori competit, actio in rem, non vt hodie perique in foro certant in personam *l. pignoris, hoc tit. & l. pignoris C. eod. l. ult. C. si vnus ex plur. hered.* Quæ actio hypothecaria etiam dicitur Seruiana, simpliciter, vt in hac *l. 3.* quanquam non sit directa Seruiana, sed utilis, vel quasi directa.

Ε. ο. iii)



pignoris iudicio in rem, creditori seruari hypothecariam, id ita procedit, vt recte annotauit Accursius. si debitor egerit de proprietate ignorante creditore: nam si eo sciente egerit, presente, interueniente, & contrariam sententiam acceperit, ea res nocet creditori, & aufert hypothecariam actionem; nec locus est regulæ iuris, rem inter alios iudicatam aliis non nocere, quia sane non nocet aliis, quorum ex voluntate iudicatum non est, sed nocet aliis, ex quorum voluntate iudicatum est. Et hoc casu ex voluntate creditoris, qui sciebat debitorem agere de proprietate pignoris, & sciebat eum agere, qui poterat prohibere, & litem suscipere ratione pignoris, videtur iudicatum de iure pignoris, quia ex persona agentis debitorem habuit, *l. sape, de re iudic. l. 4. §. pen. de appellat.* Scienti igitur creditori obest sententia, quæ dicta est contra debitorem in iudicio in rem. Hæc sit conclusio. cui subdantur exceptiones duæ, *l. præses C. de pignor.* Si debitor causam proprietatis lusorie egerit, hoc est, collusorie, perfunctorie, dicis causa, hoc est, si debitor colluserit cum aduersario in necem creditoris, vt fit saepe inter coniunctas personas: simulant enim litem, vnus eorum patitur se vinci in fraudem tertiæ personæ, vt apud Terentium in Phoro. act. 1. scena 2. Si ita debitor causam proprietatis collusorie egerit, perfunctorie egerit sciente creditore causam agi, nesciente collusionem, nihil ea res nocet creditori. Idemque dic, qui est alter casus, si debitor non sit victus causa cognita, id est, veraque parte præsentem comminus, quod est in Codice cognitionaliter, sed ex præscriptione, vitio suo, quia scilicet tardius iudicio adfuit, si victus sit propter absentiam suam, vel contumaciam, quo casu potest agi causa vna tantum parte præsentem, id est, *νομωπῶς*: nihil enim ea res scienti creditori nocet, quoniam non videtur victus debitor, quod haberet malam causam, sed quod abesset vitio suo, *l. Herennius, de euict. l. si expressit, de appellat. l. 1. §. si quis, quan. appell. sit.* Et hæc quidem, si debitor egerit de dominio speciali actione in rem. Quæro quid sit dicendum, si debitor egerit petitione hereditatis, in qua scilicet erat ea res, quam creditori pignori dederat, & victus fuerit? Et hoc etiam casu dicemus, creditori absenti vel ignoranti, seruari actionem hypothecariam, secundum superiorem definitionem. Et vt eleganter ait Papinianus, iudicem actionis hypothecariæ, neglecta sententia dicta de hereditate, pignoris causam solam inspecturum, & pronuntiaturum secundum creditorem, si modo probauerit tempore contracti pignoris, eam rem debitoris fuisse: sententiam creditori non nocere. nihil igitur referre; victus fuerit debitor, de proprietate rei pignoratæ agens specialiter actione in rem, an petitione hereditatis. Obstat huic conclusioni, quod sententia de hereditate data contra heredem scriptum, secundum heredem legitimum cum lis esset inter heredem scriptum, & heredem legitimum, etiam si per iniuriam iudicis data sit, ea nocet legatariis, & testamento munimissis tam ignorantibus, quam scientibus. Exceptis tamen etiam in hac specie duobus illis casibus, si heres scriptus collusorie causam egerit, aut si ex præscriptione, aut ex edicto peremptorio victus sit absens: quoniam his casibus, nec scientibus legatariis nocet sententia, quæ data est contra heredem scriptum. Vno casu non fuit vera lis, collusoria lis non est lis, *c'est un ieu*. Posteriori casu, quia non videtur de iure testamenti pronuntiatum, id est, videtur heres victus, non quod habuerit malam causam, sed quod abfuerit, & non egerit causam, *l. si ideo, de euict.* Et hæc omnia plenius comprobantur lege, *si per lusorio iud. de appellat. l. qui repudiantis §. ult. & seq. & l. si suspecta, de inoff. test. & l. si seruus plurimum §. 1. & §. pen. de leg. 1.* Sed in d. §. 1. non est legendum affirmate, iniuria facta heredi scripto nocebit legatariis, quod plenius docebit Obser. 2. cap. 7. quæ causam explicat. Nec à me repetetur hoc loco, quemadmodum sit respondendum leg. 1. de except. rei iud. & l. statuliberi §. Quintum,

A de statulib. quæ huic ob stare videbantur. Pergamus ergo & concludamus ita: his tantum duobus casibus exceptis, sententia dicta contra heredem scriptum, etiam ignorantibus legatariis & manumissis nocet, quæ tamen non noceret creditori ignoranti in causa pignoris, vt diximus sup. Cedo rationem differentię? Eam reddit Papinianus hoc loco. legata & libertates testamento relicte, non aliter possunt valere, quam si constet, ratum esse testamentum, quia ex testamento pendent. si corrumpitur testamentum, corrumpunt & legata & libertates; si contra testamentum pronuntiatum sit, contra heredem scriptum testamento, & contra ceteros omnes pronuntiatum est, quibus quid testamento adscriptum est. Denique contra omnem scripturam pronuntiatum. Pignus autem valet, B consistit & perseverat, quod valuit initio, etiam si res debitoris postea esse desierit vsucapione, vel pronuntiatum sit, non esse eum dominum huius rei, vel propter malam instantiam forte, vel propter litem male institutam, vel propter defectum probationum, vel propter iniuriam iudicis, nihil interest. Sæpe bonæ causæ est mala instantia, ex quo fit saepe, vt pereat lis actori, *l. & post, de iudic. Tertull. lib. de patientia: Quoties*, inquit, *instantia eius deterior est causa sua. Sæpe enim*, licet rei persequendæ ius suum habet actor, sit, vt rem amittat, vel quod non veniat instructus probationibus ad agendum, vel quod non vtatur propria actione & congrua, vt si persequatur rem iure hereditario, quæ non est hereditaria, sed eius propria, iure proprio, quo eam persequi debuit. Ergo quoquo modo pronuntiatum sit contra debitor, non videri eum esse dominum rei, nihil ea res præiudicat creditori ignoranti. Et hoc est, quod ait Papinianus in hac lege. Hæc autem, quæ hac lege diximus, ita procedunt, si pignoris conuentio sententiam præcesserit, quæ dicta est contra agentem in rem, vel petitem hereditatis; sed si post sententiam dictam contra debitorem, res ab eo sit data pignori, creditor videtur in locum victi successisse: & ideo frustra agat hypothecaria, qui causam habet à victo, siue ex persona victi debitoris, quandoque, si agat hypothecaria, repellatur exceptione rei iudicatæ, *l. si mater §. ult. l. rei iudicata §. ult. de except. rei iudic.* Quod vtrumque procedit, etiam si debitor victus sit per iniuriam iudicis: Nam et si eo casu iniqua sententia victori præbeat retentionem tantum rei, non actionem, siue persecutionem, tamen non spectamus, quid victor non habuerit, sed quid debitor habuerit, non quid victor, sed quid debitor habuerit in ea re, quæ pignori dedit. Et non potest creditor plus habere, quam habuit debitor, in cuius locum successit. Vtrique igitur erit inefficax vindicatio rei, victo & creditori eius, qui postea quam victus est, rem pignoraui. Vterque si agat, repellatur exceptione rei iudicatæ, exceptione inquam: nam sententia dominium non mutat, quod habet debitor ipso iure, *l. 28. de except. rei iudic.* Et hæc sunt ex §. ult. huius l. Et sunt duo singularia, quæ ex hoc §. notantur. Primum est, rem iudicatam nocere ei, qui à victo causam habet, siue sit emptor seu creditor, qui successit in rem singularem, etiam si non in ius vniuersum. Alterum est, iniquam sententiam, si manifesta sit E iudicis iniquitas, victori præbere quidem retentionem rei, si eam possideat, non persecutionem, non actionem.

Ad l. 3. de vsuris.

In fideicommissi persecutione, cum post iudicis sententiam moram fecisset heres, iussit Imper. Marcus Antoninus intermisso legitimo tempore, quod condemnatis præstatur, vt vsque ad sententiam commoda fideicommissarius accipiat: quod decretum ita accipi oportet si ante iudicis sententiam mora non interuenierit, tamen si non facile euenire possit, vt mora non præcedente, perueniatur ad iudicem. Sed puta legis Falcidie rationem interuenisse. Ceterum si antequam ad iudicem per-



veniretur, in mora heres fuisset, exinde fructuum præstandorum necessitate adstrictus, qua tandem ratione, quoniam & sententia victus est, legitimi temporis spatio fructibus liberabitur, cum ea temporis intercapedo iudicato dilationem dare, non lucrum adferre debeat? §. 1. *In his quoque iudiciis, quæ non sunt arbitraria, nec bonæ fidei, post litem contestatam actori causa præstanda est in eum diem, quo sententia dicitur. certe post rem iudicatam tempus à fructibus dependendis immune est.*

**I**n l. 3. de usur. quod tractatur initio, pertinet ad questionem de usuris & fructibus fideicommissorum, & est obscurum, & incognitum satis, & tamen perquam interest nobis id esse cognitum. Proponitur in eo decretum M. Antonini Imper. cuius sensus hic est: In persecutione fideicommissi, si heres fideicommissario condemnatus iudicio post sententiam iudicis, & tempora iudicati soluendi moram fecerit in soluendo fideicommissio, sicut est in l. solidum §. etiam, de leg. 2. si post dictam sententiam solvere indicatum supersevit, decrevit Imperator, ut usuras & fructus, obventiones, & commoda omnia fideicommissario præstet à tempore litis contestatæ usque ad sententiam, quæ sc. fideicommissarius percepiturus erat, si statim eo tempore, quo egisset de fideicommissio, fideicommissum ei restitutum fuisset, nec enim quid perceperit heres, considerandum est, sed quid fideicommissarius percipere potuit, l. finis §. ult. de rei vindic. Denique, si post sententiam moram fecerit heres, præstat omnia commoda, quæ percepturus erat fideicommissarius ex fideicommissio, etiam si ea non perceperit heres, à tempore, scilicet. litis contestatæ usque ad sententiam. Quid fiet de fructibus, quos fideicommissarius percipere potuit post sententiam? Sciendum est, post sententiam dies aliquot dari condemnato ad iudicatum soluendum, ad restituendum fideicommissum, qui dies iusti appellantur in 12. tab. Hi dies immunes sunt à dependendis usuris & fructibus his, quos fideicommissarius percipere potuit, ex eodem decreto, cui congruit lex, in bona fid. C. de usur. & l. ult. §. pen. C. de usur. rei iud. Et ratio est optima, ut illud tempus sit immune ab usuris & fructibus percipiendis, quia tempus illud condemnatis datur humanitatis gratia, dies illi humanitatis gratia indulgentur, l. cum militi 14. §. ult. de compensat. Ergo expertes esse debent omnis inhumanitatis, nempe soluti & immunes à dependendis usuris vel fructibus percipiendis, hoc est, quos fideicommissarius percipere potuit. Quare post rem iudicatam cessat ratio usurarum ac fructuum percipiendorum, intra tempus scilicet illud legitimum, quod condemnatis præstat. De præteriti temporis usuris & fructibus erat questio, an essent fideicommissario præstandi & decrevit Imperator, esse præstandos à tempore litis contestatæ, usque ad sententiam, cum heres post sententiam & tempora iudicati moram fecit in præstando fideicommissio. Cur vero erat questio de usuris & fructibus præteriti temporis ante condemnationem, ante sententiam? quia scilicet fructus & usurarum non erant in condemnationem deductæ, neque vero deduci poterant, quia ut poni necesse est in hac specie, quod notandum, heredis fuit ratio litigandi iusta, heres iuste ad iudicium prouocauit, quo modo moram facere non videtur, l. sciendum, si qui, h. tit. l. quis sine dolo, de reg. iur. Et post condemnationem nullum est officium iudicis l. 1. hoc tit. l. index, de re iudic. Quare opus fuit decreto Imperatoris, quo declararetur, etiam in executione iudicati venire præteritam causam, id est, præteriti temporis usuras & fructus tempore litis contestatæ usque ad rem iudicatam, cum post rem iudicatam moram fecit heres. Sententia hoc loco non est admonitio, non interlocutio, ut Accursus vult, sed res iudicata, finitio litis ultima ex eo intelligitur, quod si heres moram non fecerit post sententiam, qui nec moram fecit ante sententiam, ab eo fructus & cætera commoda fideicommissario præstari non debere, quæ

**A** habiturus erat fideicommissarius, si initio litis statim ei fideicommissum restitui contigisset. Mora heredis facit, quæ rem iudicatam sequuta est, ut retro habeatur ratio usurarum & fructuum à lite contestata, usque ad sententiam, ut habeatur ratio præteritæ causæ, præteritorum commodorum. Atque ita erat questio de præteritis usuris & fructibus, post tempora iudicati moram faciente herede, de usuris & fructibus futuri temporis non erat questio, quia certissimum erat ipso iure usuras & fructus ex natura iudicati deberi, à lapsu temporis iudicati faciendi, & grauiiores quidem usuras, puta centesimas, l. ult. C. de usur. rei iudic. olim duplices centesimæ, l. 1. C. Theod. eod. tit. Intelligimus sententiam tenoremque decreti simul, ac causam & rationem. Nunc tractandum est de interpretatione, quam ad illud decretum adhibuit Papinianus hoc loco perquam subtilissimam. Hoc decretum Imperatoris, ut intermittatur spatium legitimum, quod condemnatis datur, & sit immune à dependendis usuris & fructibus, Papinian. ita interpretatur: Verum quidem hoc esse & æquum, si ante sententiam heres moram non fecerit, sed post sententiam, ut etiam posuimus, puta ut si quis existimans legi Falcidiam locum esse, non dederit integrum fideicommissum quod petebatur, & contendens summa ratione, prius esse ineundam rationem Falcidiam, quam integrum fideicommissum præstandum, l. qui solidum, in pr. de leg. 2. l. 2. C. de usur. & fruct. legat. moram non facit, quia obtinente Falcidia litigat cum fideicommissario, & ei recusat statim restituere fideicommissum. Sed si ante sententiam moram fecerit heres, ut sane plerumque lis contestatur cum eo, qui iam moram fecit, quem iam interpellauimus, ut Græci dicunt hoc loco, non facile dicitur esse lis ante moram. Et plerumque moram facit, qui mauult litigare, quam restituere, l. nemo, inf. de ver. obligat. Hoc casu ex tempore moræ heres præstat fructus, & omnia commoda, etiam si mora fuerit antiquior contestatione litis, l. 39. §. fructus, & l. questum §. ult. de leg. 1. l. si quid seruo, de leg. 2. præstat, inquam, omnia commoda à tempore moræ, quoad soluerit, nec legitimi temporis, quod datur condemnatis, fructibus liberatur, quia, ut ait Papin. illa intercapedo temporis condemnato dilationem dare debet, non adferre lucrum, cum ante sententiam in mora fuerit, & deinde etiam sententia victus. Et inquit eleganter, si ante litem contestatam in mora fuerit, exinde fructuum præstandorum necessitate adstrictus, id est, ex eo tempore factus est obnoxius præstandis fructibus. quæ tandem ratione, inquit? quoniam & sententia victus est legitimi temporis spatio fructibus liberabitur. à quel ieu gagna il cela? Ergo interval-lum illud non liberabit eum fructuum, præstantium, quinimo ex mora refundet omnia commoda fideicommissario, usque in diem solutionis, il faut bien noter cela. Et ad rem subijcit Papinianus, quod est in §. in his quoque, qui doit estre conioint avec le premier, non tantum in fideicommissi persecutione, sed in his quoque iudiciis, quæ nec arbitraria sunt, &c. Et hoc vult: idem seruari, quod dictum est, in persecutione fideicommissi, quæ est extraordinaria, l. pecunia §. persecutionem, de verb. signific. & arbitraria, quæ obtinet instar actionis in rem, cum aduersus quemcunque possessorem detur, l. sic quoque §. ult. de leg. 1. Omnes autem actiones in rem, aut quasi in rem, arbitrariæ sunt, l. qui restituere, de rei vindic. de quarum natura alibi tractabimus. Actiones autem sunt bonæ fidei, aut strictæ. Non est perfecta diuisio, il faut adionster, aut arbitrariæ, ou bien, & strictæ, aut arbitrariæ, aut non. Quod dictum est in persecutione fideicommissi seruari, seruari idem Papinianus subijcit in omnibus iudiciis strictis, quæ nec sunt arbitraria, nec bonæ fidei. Quid vero seruari? Resumere oportet breuiter, quæ ante dicta sunt. Et secundum ea accipite d. §. in his quoque, hoc modo: ut qui ante sententiam moram non fecit, sed post sententiam, aut tem-



pore iudicati, præstare debet actori vsuras & fructus, & cæteras accessiones, hoc est, omnem causam à tempore litis contestatæ vsque ad rem iudicatam, non etiam post rem iudicatam intra legitimum tempus, quod condemnatis datur humanitatis gratia: namque id tempus immune esse oportet ab vsuris dependendis, ac fructibus. Quod si moram fecit ante litem iudicatam, ut puta, quia non fuit ei ratio litigandi, etiam si moram non fecerit ante litem contestatam, præstat commoda omnia à tempore litis contestatæ in strictis iudicijs vsque in diem solutionis, non intermisso legitimo spatio quod iudicatis datur. Et ita est accipiendum semper quod dicitur etiam in strictis iudicijs venire omnem causam post litem contestatam, l. 2. h. t. l. 8. *de re iud. l. videamus 2. §. si actionem hoc tit.* Hoc in strictis iudicijs. In arbitrarijs vsuræ & fructus veniunt à tempore moræ etiam ante litem contestatam, si ante litem contestatam in mora fuerit reus. Nam & in arbitrarijs ante moram, non veniunt fructus, quod latius exposui lib. 6. ad l. 2. h. tit. In bonæ fidei iudicijs fructus veniunt etiam ante moram plerumque, ut plurimum, d. l. videamus 2. §. pen. Et vsuræ tamen non veniunt, nisi ex mora officio iudicis, l. mora §. in bonæ fidei, h. tit. In l. vsura, hoc tit. dicitur, vsuras vicem fructuum obtinere, nec debere à fructibus separari. Hoc est verum plerumque, siue ἐπὶ τὸ πλεῖστον: Nam separantur tribus casibus vsuræ à fructibus. In bonæ fidei iudicijs fructus veniunt etiam ante moram, vsuræ post moram tantum. hæc una differentia. Altera est, vsuras non præstari posse pecuniæ inuentæ in hereditate, quam non exercuit, non fœnoti occupavit: fructus tamen præstat, puta naula & vecturas navis, quam non exercuit, l. si navis, de rei vindicat. Est & tertia separatio, si fundus venierit fructibus maturis, fructus sequuntur emptorem. Et pessime nobilis quidam Gallicus, qui vendiderat pratum fœno nondum cæso, calumniabatur se pratum vendidisse, non fœnum. Sed si fundus, qui fuerat, locatus venierit pensiones sequuntur venditorem, l. Iulianus §. si fructibus, de act. empt. Atque ita his casibus vsuræ separantur à fructibus. Sed interea in hac quæstione fructuum hanc inter iudicia constituimus differentiam, ut in strictis iudicijs, si moram non fecerit reus ante sententiam, sed post, ut veniant fructus à tempore litis contestatæ, vsque ad sententiam, intermisso legitimo tempore, quod iudicatis indulgetur. Si moram fecerit ante sententiam, ut veniant à tempore litis contestatæ, in diem solutionis sine intermissione. In arbitrarijs autem, ut veniant etiam qui percipi poterunt ante litem contestatam. Si reus in mora fuerit ante litem contestatam, non aliter, ex tempore moræ, scilicet in diem solutionis. in bonæ fidei autem iudicijs, ut fructus veniant etiam ante moram.

Ad §. nonnunquam.

Nonnunquam evenit, ut quandoque fructus hereditatis aut pecuniæ usura nominatim relicta non sit, nihilominus debeatur: ut puta si quis rogetur, post mortem suam quicquid ex bonis supererit, Titio restituere: ut enim ea, quæ fide bona deminuta sunt, in causa fideicommissi non deprehenduntur, si pro modo cæterorum quoque bonorum deminuantur, ita quod ex fructibus supererit, iure voluntatis restitui oportebit. §. 1. Cum Pollidius à propinqua sua heres institutus, rogatus fuisset, filia mulieris, quicquid ex bonis eius ad se pervenisset, cum certam ætatem puella compleisset, restituere, idque sibi mater ideo placuisse testamento comprehendisset, ne filia tutoribus, sed potius necessitudini res committerentur, eundemque Pollidius fundum retinere iussisset prædictis prætorij suasi, fructus, qui bona fide à Pollidio ex bonis defunctæ percepti essent, restitui debere, siue quod fundum ei tantum prolegauerat: siue quod lubrico tutela fideicommissi remedium mater præstulerat. §. 4. Si auro & argento factis per fideicommissum relicto, mora intervenierit, an vsurarum æstimatio fa-

cienda sit, tractari solet. Plane si materiam istam ideorelinquit, ut ea distracta pecuniaque, resecta fideicommissa solvantur, aut alimenta præstarentur, non oportere frustrationem impunitam esse respondi. Quod si forte ideorelinquit, ut his vasis uterentur, non sine rubore desiderabuntur vsura: ideoque non exigentur.

Pertinet hæc lex ad persecutionem fideicommissi. Et sciendum est, regulariter in fideicommissariam hereditatis restitutionem fructus vel vsuras non venire hac ratione, quia qui rogatur hereditatem restituere, id tantum videtur rogatus reddere, quod hereditatis fuit. fructus autem vel vsuræ non hereditati, sed rebus ipsis, vel nominibus accepto feruntur, l. in fideicommissaria, ad Treb. fideicommissum est de hereditate: in hereditate non sunt fructus vel vsuræ. Ergo fideicommissio non continentur, ac proinde restituendi non sunt fideicommissario. Verum quamvis non sint restituendi, tamen heredi imputantur in id, quod defunctus debuit, adeo ut eos non possit deducere in ponenda ratione legis Falcidæ, veluti si fructus debitum æquaverit, l. cum pater §. Titio, de leg. 2. l. 9. quod de bonis §. fructus, ad l. Falcid. Heredi enim imputantur in Falcidiam, hoc est, submovent Falcidiam, si tantum sit in fructibus, quantum quarta facit, & quartæ fructus, ut si ex hereditate percepti sint fructus iure hereditario, hoc est, ex iudicio defuncti vel tacito, puta ante diem fideicommissi cedentem, nam qui diem apposuit fideicommissio, sane voluit, ut ante eum diem fructus perceptos sibi haberet heres: ut sibi igitur haberet iure hereditario, & consequenter sibi eos imputaret in Falcidiam. Nam quodcumque iure hereditario capitur, in Falcidiam imputatur, l. quod autem §. 4. & l. in quantam, ad l. Falcid. Ergo heres fructus imputat in Falcidiam, quos cepit iure hereditario ex iudicio defuncti, puta ante diem fideicommissi cedentem, non etiam, quos percepit negligentia fideicommissarii non petentis fideicommissum, puta ex puro fideicommissio: vel post diem fideicommissi cedentem ante moram, l. mulier §. si heres, ad Treb. Non imputat etiam fructus heres, quos iure dominij proprio percepit, veluti ex re sua propria, quam defunctus legavit, quoque tempore eos perceperit, quia nunquam percipiuntur iure hereditario, sed iure proprio quasi ex re sua, non veniunt à defuncto, l. 24. §. ult. ad l. Falc. Notandum etiam, si lios heredes institutos, nullos fructus imputare in Falcidiam, nec eos quidem, quos percipiunt ex iudicio defuncti ante diem fideicommissi. Filijs hoc datum ex l. iubemus, C. ad Treb. Et quidem filiis solis, non sequentibus liberis, liberis primi gradus non sequentibus, ut indicat d. l. iubemus §. ult. ante quam etiam filij fructus imputabant in Falcid. l. Pap. §. unde, de inoff. imputabant etiam in dotem, ut in specie l. mulier §. cum proponeretur, ad Trebell. Unde argumento d. l. iubemus, posset tenrari hodie, filios nec in dotē fructus imputaturos, vel in donationem propter nuptias. Cæterum fructus fideicommissario non sunt restituendi. Et hæc est regula, quam proposui initio. Habet hæc regula multas præscriptiones. Prima hæc est, ut sint restituendi fructus fideicommissario supplendi fideicommissi gratia, ut in specie l. scribit, & l. ita tamen §. heres, ex esse, ad Trebell. quam speciem vobis excutiendam relinquo. Secunda præscriptio hæc est, ut locus sit regulæ in fructibus immaturis, vel qui sati & percepti sunt post aditam hereditatem, & in vsuris nominum ab herede contractorum post aditam hereditatem. hi vel hæ non restituuntur. Sed qui erant maturi fructus mortis tempore vel ab ipso testatore percepti iam, & in horrea reconditi quasi hereditarij, ut similiter vsuræ nominum in hereditate relictorum, in fideicommissaria hereditatis restitutione veniunt l. 9. ad l. Falcid. l. 24. de usufr. leg. & l. centurio, de vulg. subst. Tertia præscriptio hæc est, ut restituendi sint fructus ex tempore moræ, si heredis mora intercesserit, in d. l. in fideicommissaria, & l. ita tamen §. 1. l. postulante §. pen. & l. ad




& ult. ad Trebell. & d. l. 14. Nam constat fructus vsuras, & commoda omnia ex mora venire in persecutionem fideicommissi, quod obtinere etiam diximus in omnibus actionibus arbitrariis, quarum instar obtinet persecutio fideicommissi, ut scilicet ex mora veniant fructus, & ceteræ cessiones, vel ex lite contestata, si nulla ratio litigandi fuerit, nec heres ante litem fecerit moram, vel etiam si fuerit ratio litigandi, si fecerit moram post condemnationem, quia hæc mora retro agitur ad tempus litis contestatæ usque ad condemnationem. Et hac in re dicebam distare arbitrarias actiones ab actionibus strictis & bonæ fidei. Et breuiter constituebam, hanc esse differentiam, ut in arbitrariis fructus veniant ex mora, vel ex lite contestata secundum superiorem distinctionem: in strictis, ut fructus veniant ex lite contestata, etiam si mora litem præcesserit; in bonæ fidei, ut fructus veniant etiam ante moram, & ante litem contestatam. Atque ita non est perpetuo verum, quod plerique scribunt, actiones arbitrarias imitari actiones bonæ fidei. Quomodo? non imitantur actiones bonæ fidei, sed strictas potius, quod maxime notandum. Primum hæc sit differentia inter arbitrarias & bonæ fidei quam modo exposui circa fructus. Deinde quod actioni bonæ fidei insint exceptiones omnes, & quasi insint, intelliguntur semper & suppletur officio iudicis, l. huiusmodi §. qui seruum, de leg. 1. l. 3. de resc. vend. l. 1. §. si oneranda, quar. rer. actio non det. Actionibus arbitrariis nulla inest exceptio, nec omissa suppletur officio iudicis, l. Pap. de Pub. in rem act. Item in actionibus arbitrariis non exigitur cautio ante diem, cum quid debetur in diem, & singularis est casus l. grege §. pen. de pignori. quia præsens debitum erat: quod si esset in diem vel conditionem, nec cautio interponeretur. In bonæ fidei iudiciis cautio exigitur ante diem, l. in omnibus, de iudic. item in arbitrariis nunquam datur cautio, de qua in l. etsi, de re iudic. sed in bonæ fidei tantum actionibus. Et imitatur sane actio arbitraria strictam magis actionem, quia & ipsa origine est stricta, nec media est inter strictam & bonæ fidei, sed strictæ proximior, vel strictæ species vna. Quarta præscriptio hæc est, & notissima omnibus, ut fructus restituendi sint fideicommissario & vsuræ, si nominatim à testatore relictæ sint, & specialiter, vel si cum incremento iusserit fideicommissum præstari, cum omni causa incrementi, hoc est, cum commodis omnibus medijs temporis, cum interusurio, d. l. in fideic. & l. facta §. si heres, ad Trebell. l. sita relictum §. Pegasus, de legat. 2. Quinta præscriptio hæc est, ut etiam si fructus nominatim relictæ non sint, vel vsuræ restituantur, tamen saltem superflui, ex tacita voluntate defuncti, ut si rogauerit heredem post mortem suam restituere, quod ex hereditate superfuerit, quia hæc verba, quod ex hereditate superfuerit, demonstrant, mentem hanc fuisse defuncti, ut restitueret etiam fructus superfluos, & vsuras nondum exactas, hoc est, ut contentus esset deminutione medijs temporis, quam illa verba permittunt, sed moderatur ita legibus, ut fiat ea deminutio bona fide, & arbitrio boni viri, id est, pro rata bonorum omnium testatoris & heredis, ut hoc loco Papiniani, & nos exponemus in l. Titius, ad Trebell. Et hodie ex Nov. fieri potest quacunque ex causa, usque ad quadrantem. Dodrans demum consumi potest impune, & satis est, fideicommissario servari quadrantem. Voluit igitur testator, qui ita reliquit fideicommissum, ut esset contentus deminutione medijs temporis, quod hæc verba ei permittunt, & quicquid superesset, id omne ut plenissime restitueret. Quare restituet etiam fructus superfluos. Et hoc est, quod ait §. nonnunquam.

Obstat vehementer l. deducta §. pen. ad Trebell. quæ est etiam eiusdem Papin. si heres rogatus sit restituere, quod ex hereditate superfuerit, cum moreretur, non videtur rogatus, inquit, restituere fructus superfluos: non restituet igitur fructus superfluos lex deducta: est ex lib. resp. ut Scauola, ita & Papin. quod scribit lib. Quæst. idē solet reponere lib.

Quæst. Papin.

A Resp. at in hac specie non idem, sed omnino contrarium reponit. Et sane Papinianus sublata negatione scripsisse videtur, videtur rogatus fructus superfluos, &c. Neque hoc vero est verius quicquam, & ratio, quam subijcit, hoc demonstrat, quia, inquit, ea verba fideicommissi deminutionem admittunt, &c. id est, permittunt interim heredi deminueri fideicommissum, fructuum autem additamentum non recipere, quid hoc est, nisi ea verba non pati, ut fructus sibi habeat heres, qui superflui, nec restituat fideicommissario? Ergo deminueri quidem potest, sed fructus superfluos retinere non potest; imo restituere debet fideicommissario simul cum hereditate. Nam & eodem modo, inquit, in hac l. Pap. in causa fideicommissi non esse bona deminuta, sed fructus superfluos esse, id est, ea verba, fructus non adicere heredi superfluos: superflui igitur fructus restituendi sunt, quando heres rogatus est restituere quod ex hereditate superfuerit. Aliud dicitur, quod etiam valde notandum est, si rogatus sit restituere quod ex hereditate ad eum pervenerit: nam huiusmodi fideicommissi, nec superflui fructus continentur optima ratione, quia ea verba non permittunt deminutionem fideicommissi, cui non licet deminueri, licet fructus retinere: ut contra, cui licet deminueri, non licet fructus retinere superfluos. Et hoc ostenditur in l. heredes, in princ. ad Trebell. l. quod his verbis, de leg. 3.

Neque huic dicto quicquam refragatur l. Ballista, ad Trebell. Nam ut antea ostendi, missis innumeris solutionibus interpretum, testator quod ex hereditate ad heredem pervenerit, id voluit restitui, sed non ex fideicommissio, sed ex cautione conventionali, ex stipulatione, quandoquidem non rogavit heredem ut quidquid ad se ex hereditate pervenisset, restitueret, sed ut caueret illi, se restitutum, quæ stipulatio cœpit incrementum fructuum, quod id egisse contrahentes intelligantur, l. pecunia §. 1. de verbor. signif. Plenior est stipulatio, quæ geritur inter duos quam fideicommissum. Et eadem ratio l. pater §. ult. de leg. 3. ut expos. sup. lib. ad l. unum ex fam. §. ult. de leg. 2. Sexta & vltima præscriptio hæc est, ut restituantur fructus ex tacita voluntate, licet eos non reliquerit nominatim, & non tantum superflui fructus, sed præteriti omnes, quos perceperit heres, etiam si rogatus sit, quod ex hereditate ad eum pervenerit, ut puta, si testator distulerit præstationem fideicommissi fideicommissarij contemplatione & gratia, ut si filio suo impuberi fideicommissum hereditatis reliquerit in tempus pubertatis, aut in tempus legitimæ ætatis, dum scilicet non vult tutori committere bona sua, & mavult ea committere propinquo aut amico, ut non tantum ea bona, sed fructus etiam omnes temporis intermedijs seruet filio suo, quoad pervenerit ad iustam ætatem, & poterit ipsemet sua bona administrare. Hæc providentia testatoris facit, ut heres nihil possit retinere præter Falcidiam, aut ne Falcidiam quidem hodie, si prohibeat eam testator, & hæc est sententia d. l. si ita relictum §. Pegasus, de leg. 2. Et multo magis §. cum Pollidius, h. l. mulier, quæ filium habebat, propinquum suum heredem scripsit, & eam rogavit, ut quod ex hereditate sua ad eum pervenisset, cum certam ætatem compleisset (quia tempore testamenti erat impubes) & quod plus est, adiecit nominatim mater, hoc sibi placere, ne res filię committerentur tutoribus, quod est lubricum & periculosum, & ut committerentur potius necessitudini suæ, propinquitati, fidem habere magis propinquo, quam tutori. Ac præterea iussit, propinquum heredem institutum sibi retinere fundum, quem imputabit in Falcidiam, si Falcidia interueniat. Ergo duplici ratione propinquus restituit filię fructus omnes, etiam anterioris temporis, quoniam scilicet voluit ut esset contentus fundo, & quia palam declaravit, se differre fideicommissum gratia filię ob lubricum tutelæ, quod tutelæ administratio sit facillima ad lapsum seu labem. Duplex est ratio, sed altera sufficeret: meliori loco voluit





mater rem filia esse, quam si tutoribus tradita esset: hi porro fructus seruassent filia. Ergo & heres eos debet seruare filia. Et ita iudicarunt præfeti prætorio, ad quos fuerat appellatum; illo tempore habebant Imperatores plures præfetos pro arbitrio eorum) his, inquam, præfeti prætorij cognoscentibus hac de re, Papinianus ait, se suasisse, heredem debere restituere fructus omnes præteritos, quod belle etiam confirmat lex *liberto* §. *scrib. de adim. leg.* Et eadem est ratio *l. 2. §. ult. de dote præleg.* ubi voluit, mulierem esse contentam dote, quam ei legauit tantum pro dote. Qua de causa ex eo, quod est supradictum, ea mulier onerata fideicommissio, ne fructus quidem retinere potest, quia voluit, vt esset contenta dote sua, vt hoc loco voluit, heredem esse contentum fundo. Et hoc est, quod ait in §. *cum Pollidius*. Et notandum hoc loco retentionem esse prælegationem. §. *ult.* iam exposui ad *l. cum in rem, de rei vind. hoc lib.*

Adl. Procula 26. de probat.

*Procula magna quantitatis fideicommissum à fratre sibi debitum post mortem eius in ratione cum heredibus compensare vellet, ex diuerso autem allegaretur, nunquam id à fratre, quamdiu vixit, desideratum, cum variis ex causis saepe (in) rationem fratris pecunias ratio Procula soluisset. Diuus Commodus cum super eo negotio cognosceret, non admisit compensationem, quasi tacite fratri fideicommissum fuisset remissum.*

**D**E persecutione fideicommissi est etiam lex Procula. Ex cuius verbis apparet, in ea proponi decretum vnum Commodi Imperatoris, sane quam æquissimum, & quod sæpe vsuuenire potest. Plerumque quodcumque peti potest, etiam compensari potest, id est, seruari iure compensationis, *l. in reb. §. ult. commod.* nisi peti- tum perimi possit per exceptionem peremptoriam, *l. quacunque, de compensat.* Quia nec videtur peti posse, quod facile potest exceptio elidere vel eludere: nec mirum, si quæ peti possunt, etiam compensari possunt: nam aliquando, & quæ peti non possunt, saltem compensari possunt, veluti debita naturalia, *l. 6. de compensat.* Et ex diuerso etiam quandoque quæ peti possunt, compensari non possunt, verbi gratia, mecum agente aliquo depositi non possum compensare, quod is mihi vicissim debet ex alia causa. Hic est fauor depositi, vt eius restitutionem nec compensatio retardare possit, vel impedire, & tamen id quod mihi vicissim debet, ab eo possum petere. Ergo quod possum petere, non possum compensare, *l. qui inuicem, de cond. indeb. l. 13. C. de compensat.* Quia vero plerumque quod peti potest, & compensari potest, & fideicommissum peti potest, ergo & compensari potest. Hoc cognito fac ita esse: frater sorori debuit fideicommissum magnæ quantitatis, quod ad rem maxime facit. non fuit exiguum aut modicum, sed amplum & grande. Illa autem cum fratre sæpe rationem habuit ex variis contractibus, & nunquam reputauit, vel compensauit fideicommissum, quod ei debebat frater, nunquam habuit rationem fideicommissi, quantumuis licet ampli: sed quod apparebat ex ratione accepti & expensi eam debere, soluit sapius fratri inter- cum & rationibus & negotiis cum eo habitis aliquid re- federit, agentibus cum ea heredibus fratris, obiicit com- pensationem fideicommissi sibi à fratre debiti, quam nun- quam in retractandis rationibus obiecerat fratri. Quæ- ritur an sit audienda? Et refert Papinianus, Impera- torem Commodum decreuisse, non esse compensatio- ni locum, quod fideicommissum soror fratri tacite vi- deretur remisisse, fideicommissi petitioni obstare exce- ptionem tacitæ remissionis, taciti pacti de non petendo fideicommissio, & quacunque exceptione elidi possunt,

**A** nec veniunt in compensationem. Placet valde decre- tum: ex quo possunt multæ quæstiones dirimi, vt quod fratri defuncto, vel alii coniunctæ personæ debitum magnæ quantitatis reputare neglexi sapius, cum eo ha- bens rationem ex variis causis, non possim etiam repu- tare heredi eius. Obseruare vos oportet necessario, has omnes circumstantias, crebras solutiones, crebras variationes, crebro omissam compensationem fideicom- missi, fideicommissum magnæ quantitatis, & rationes gestas inter fratres. extra has circumstantias non est huic decreto locus. Itaque nihil obstat *l. si cum dos, in prim. rer. amot.* Si diuortio facta mulieri agenti de dote vir soluerit dotem, nec opposuerit compensationem ob res amotas diuortii causa à muliere, nec protestatus sit se acturum rerum amotarum, non ideo habet maritus actionem rerum amotarum post solutam dotem inte- gram, quia scilicet eam actionem remisisse non videtur; nec ideo minus compensationem opponere potest ob res amotas ex alia causa agente muliere. Et ratio hæc est: quia semel tantum muliere agente de dote com- pensationem omisit, qui etsi eam per errorem omiserit, eo nomine agere potest conditione quasi indebita dote soluta, *l. 1. §. pen. de imp. in res dot. l. 10. §. 1. de compen- sat.* In specie huius legis, soror sapius omisit compen- sationem fideicommissi, & vltro citroque habita inter eam, & fratrem sapius ratione vniuersa omnium nego- tiorum, quæ habuerant inuicem, in eam fideicommissum nunquam deduxit, quod vtique cum esset magnæ quantitatis, deduxisset, si id fratri remittere noluisset. Ex eo sumitur per quam idonea coniectura, & certissi- ma tacitæ remissionis: non minus valent tacitæ pactio- nes, quam expressæ, *l. 2. de pact. remissio, pactio est.* So- let etiam opponi huic decreto lex *libertis* §. 1. *de alim. leg.* Libertis relictum est fideicommissum: hi cessauerunt in petitione fideicommissi, quia neque id petierunt ab he- rede, neque ab herede heredis, quæritur, an possint pe- tere à nouissimo herede? Et ait posse, quod est verissi- mum, etiam si decem annos inter præsentis cessauerint, quia persecutio fideicommissi est perpetua, nec perimit- tur nisi triginta annis, *l. qua fideicommissa, de leg. 2.* ha- betur enim instar actionis in personam, actio autem in personam non finitur longo tempore. Vnde, vt respon- deam, ita distinguo: ex solo tempore, quo cessauit fidei- commissarius, ex cessatione sola, vt tarda petitione non induci remissionem fideicommissi, ex ratione sepe tra- ctata cum herede debitore fideicommissi, & in ea re nunquam deducto amplo fideicommissio, quod tamen erat dignum deducere, si id noluit remittere heredi, nec facile sumere argumentum remissi fideicommissi. Op- ponitur lex *Titio, de obl. & act.* debes mihi pecuniam ex causa iudicati, necdum soluisi, & ego certam pecu- niam credo mutui nomine, qua de tu cautionem seu chirographum emittis, in quo non facis commemora- tionem pecuniæ, quam mihi debes ex causa iudicati non dicis præter pecuniam debitam ex causa iudicati; te de- bere tot nummos, an ex causa crediti, an *omissa comme- moratio prioris debiti mihi nocere potest? an vero integra mihi sunt utraque petitiones?* Et ait, esse integras: com- memorationem omissam nihil nocere, quod est æquis- simum: nam & commemoratio facta prioris debiti nihil prodest, id est, non habet vim obligationis, nisi probe- tur vere debitum fuisse, *l. ult. hoc. tit. & Non. 119.* Lex *Titio* igitur est de omissa commemoratione antiquioris debiti, nos loquimur de omissa compensatione semel atque iterum, & compensatione magnæ pecuniæ, & de ra- tione habita cum propinquo: nam omnes has circun- stantias concurrere oportet, vt sit decreto locus. Nec abs re dixit, fideicommissum fuisse magnæ quætitatis, quia non videtur in rationem omisisse magnam quantitatem, nisi qui eam remittere voluit. Obseruandum est, quod ait, ex eo decreto quasi tacite fideicommissum fratri re- missum fuisse: quibus verbis hoc significatur, quia dicit,



quasi videri sororem, quæ sciens soluit fratri, quod debebat donasse fideicommissum, quod ei debebat frater. Quod & Græci expressius demonstrant, dum inquit, videri sororem remisisse fratri *ἡ ἀδελφή, pour l'amour de luy*. Præsumi igitur fideicommissum esse remissum: nam verbum quasi aut videri, præsumptionem significat hoc tit. qui tit. est de probationibus & præsumptionibus. hæc lex pertinet ad præsumptiones, non ad probationes, qua de causa probatio potest admitti in contrarium, puta sororem soluisse, quod debebat, soluisse fratri quod debebat, non remittendi fideicommissi gratia, quod ei debebat frater, sed, ut Græci aiunt, plenæ fidei exhibendæ gratia, elle l'a voulu payer entièrement. Nam in partem, à qua est præsumptio, licet alteri parti asserere probationem contrariam, l. generaliter §. si petitur, de fideicom. libert. l. ult. in pr. quod met. cau. Et eadem ratio interuenit in specie l. qui fundum §. seruus, pro empt. Species hæc est: seruus meus, qui peculium habebat, mandauit Titio, ut fundum emeret peculiari nomine. Titius fundum emit, & mox manumissus est seruus adempto peculio, ita ut eum iam non possit sequi peculiaris obligatio. Titius tamē seruo tradidit fundum, existimans ei fuisse concessam peculium, quæritur, an possit manumissus seruus vsucapere fundū? respondet non posse, quia scit aut scire debuit, sibi ademptū esse peculium, atq; ita putauit, se esse creditorem, & adempto peculio desierit esse creditor, & in iure nihil refert scierit quis, an scire debuerit, l. 1. §. pen. de adil. edict. l. Int. §. quod autē, de act. emp. l. si duo, de acqui. hered. l. pen. ad Maced. & l. 4. §. de fideic. libert. Quid autem erit, si Titius, qui manumisso fundū tradit, scierit manumisso ademptum esse peculium? Hoc casu intelligēdus est, inquit, hoc est, videtur seruo eum fundum donasse potius, quam indebitū soluisse: præsumitur esse donatio. Ergo contra hanc præsumptionē probatio recipi potest, si sit paratus probare, se ideo tradidisse fundum manumisso, quod etsi nullū ius ei competeret, nulla obligatio, tamen ipse esset auctor emptionis, quia mandauerat emi eū fundū, & ut de manu serui potius quā de sua dominus fundum acciperet. hoc nisi probetur, valebit præsumptio donationis. At cōtra in l. cuius, de reg. iur. quæ nō omnino bene cōmiscetur eū specie d. l. qui fundū, §. seruus, dicit donationē esse si quis sciēs indebitū soluerit, nō dicit donationem esse videri, sed donationē esse absolute. Si quis sciens indebitū soluerit, indebitū autem esse, quod compensatio cōsumit, vel minuit sit enim ipso iure in omnibus iudicijs, l. priusquam, C. de cōpens. l. iniquam, de admin. tut. l. vnum ex fam. §. sed si vno, d. l. de leg. 2. vbi dicimus, donationē esse, nec dicimus videri. Nō admittitur probatio in contrarium, sed regula illa l. cuius, accipienda est de eo, qui soluit indebitū, nulla præcedente obligatione: hic sane donat: sed cui debetur ex obligationis causa, cui tamen poterat obicere compensatorem, non plane donat, sed videtur donare, & admittitur contra præsumptionem istam probatio.

Ad l. dolus 3. quand. ex fact. tut.

Dolus tutorum puero neque nocere, neque prodesse debet. Quod autem vulgo dicitur tutoris dolum pupillo non nocere, tunc verum est, cum ex illius fraude pupillus locupletior factus non est. Quare merito Sabinus tributaria actione pupillum conueniendum ex dolo tutoris existimauit: scilicet, si per iniquam distributionem pupilli rationibus fauit. Quod in depositi actione quoque dicendum est: item hereditatis petitione, si modo quod tutoris dolo desit, pupilli rationibus illatum probetur.

**H**uius summa est hæc: nullo iudicio teneri pupillum ex dolo tutoris. Et verba satis perspicua sunt. Proponitur initio regula iuris, dolum tutoris pupillo, neque nocere, neque prodesse, quæ produci etiam potest ad curatorem, neque est omissa in tit. de reg. iur. l. ne-  
Quæst. Papin.

**A** que in interdicto. In qua regula est concepta verbis generalibus hoc modo, neque in interdicto, neque in ceteris causis, hoc est, in nullis causis dolum tutoris pupillo nocere, quamuis tutor dicatur esse loco domini, hoc est, pupilli, in interdicto, puta, quod vi aut clam. Si quid à seruo pupilli, tutoris iussu factum sit vi aut clam, non ipse pupillus tenetur, sed tutor vtili interdicto, quod vi aut clam, vel vtili actione in factum ex causa interdicti, l. 11. §. si tutoris, quod vi aut clam. & in interdicto de tabul. exhib. Si tabulæ, quæ apud pupillum erant, tutoris dolo desierint esse, in ipsum tutorem, non in pupillum competit interdictum de tab. exhib. l. pen. inf. de tab. exhib. In ceteris quoque causis locus est regulæ, veluti in actione ex empto, & in actione de dolo, si tutor rem pupillarem vendiderit, & emptorem deceperit, ipse tutor solus tenetur ex empto, vel si pupillus vendiderit tutore auctore, & tutor emptorem deceperit, ipse tutor solus tenetur actione de dolo, non ex empto: quia ipse non vendidit, sed pupillus, l. Iulianus §. sed etiam in factum, de act. emp. l. heredib. §. ult. de dolo. Idem licet ponere ac seruari in persecutione fideicommissi. Et quoniam hic liber XX. totus fere est de fideicommissis, ideo videtur Papinianus, quæ sunt in hac l. scripsisse ad persecutionem fideicommissi, & potest poni exemplum commodissime. Heres rogatus restituere hereditatem post mortem suam, vel in aliam diem tenetur fideicommissario, si quid dolo eius, aut lata negligentia interim ex hereditate deperierit, l. mulier, §. sed eum, ad Treb. l. domus, l. seq. de leg. 1. sed pupillo rogato restituere hereditatem: si quid dolo tutoris ex hereditate deperierit, ea res nihil pupillo nocere debet. Idemque procedit in actione tributoria, si seruus pupilli negotiatus sit in merce peculiari sciente tutore, & is seruus debeat aliquid pupillo domino suo, & agentibus creditoribus mercium, tutor inter pupillum suum & creditores mercium, iniquam distributionem faciat mercium dolo malo, ea res nihil nocet pupillo, hoc est actione tributoria tenetur tutor, non pupillus, l. 30. §. si seruus, de tribut. act. Actio tributaria emendat iniquam distributionem, ut hæc lex indicat in illo loco, per iniquam distributionem, propter quam datur actio distributoria, quæ est actio iniquæ distributionis. Quod etiam ostendit l. 4. §. 5. in pr. l. 7. l. 8. l. ult. eod. tit. & §. introduxit, Inst. quod cum eo qui, &c. Et idem etiam hæc lex indicat procedere in actione de positi, si res deposita apud pupillum dolo tutoris interierit: id enim pupillo nihil nocere oportet; & in petitione hereditatis, si quid ex hereditate dolo tutoris pupillus desierit possidere, si quid ex hereditate tutor dolo malo deminuerit, corruerit, perdidit, quod etiā trahi debet ad actionem in rem specialem. Igitur plane cernis, in omnibus iudicijs hanc regulam obseruari, ne dolum tutoris pupillo noceat. Et quod plus est, adijcitur in d. l. neque interdicto, de regul. iuris. huic regulæ locum esse, ut dolum tutoris non lædat pupillū, siue soluendo est tutor, siue non. Nā etiam si tutor sit soluendo, si sit idoneus & locuples, ita ut quod ex dolo eius conuentus pupillus præstiterit, possit ab eo cōsequi & seruare sibi, nō ideo magis tenebitur ex dolo tutoris, quia scilicet, quod soluerit ex dolo tutoris, potest recipere à tutore, qui est soluēdo, l. minoribus, de minorib. Interest pecuniam retinere potius, quam solutam repetere, l. quod debetur, de pecul. vel maxime propter incertum euentum litis, d. l. nunquam. Sed huic definitioni obiciuntur multa, in quibus laborant interpretes, & vix quicquam possis haurire parū ex illis. Primū obstat huic sententiæ, l. 1. §. hoc edicto, ff. ne vis fiat ei, qui in possess. vbi si dolo tutoris factum sit, ut missus in possessionem bonorum pupilli ex decreto prætoris, arceretur possessione, dicitur pupillum teneri interdicto illo, ne vis fiat, &c. vel actione in factum ex causa interdicti, si modo tutor soluendo sit, ergo regulam cessare, si tutor soluēdo sit, id est, si quod soluerit propter dolum sui tutoris, pupillus id ab eo seruare possit. Et ita l. 1. h. r. ex Pō-  
Pp ij



ponio, quod notandum dixi, ob dolum vel culpam tutoris pupillum teneri actione in rem, vel petitione hereditatis, si tutor soluendo sit, hoc est, si rem à tutore seruare possit, non quidem, quanti actor in litem iurauerit, sed quanti res est, hoc est, in æstimationem litis. Et ita ex eodem Pompon. Vlpianus refert in *l. summa*, §. *fide dolo, de pecul.* si dolo tutoris factum sit, quo minus quid in peculio esset, pupillum teneri de peculio, si tutor soluendo sit. Quod & similiter ex eodem Pompon. proditum est in actione tributaria in *l. 3. §. si seruus, de tribut. act.* Vt utroque loco in utramque rem Vlpian. utitur etiam auctoritate Pompon. ex *lib. 8. epist.* Et frustra adiecit Vlpian. in *d. l. summa* §. *si dolo*, maxime, si quid ad eum pupillum peruenerit. Nam etiam si ex dolo tutoris nihil ad pupillum peruenerit, locus est sententiæ Pomponii, ut teneatur pupillus, si tutor sit soluendo. Sed Vlpianus in *d. l. 3. §. si seruus*, sententiam Pomponii ita moderatur siue interpretatur, ut ex dolo tutoris, qui soluendo est, pupillus in hoc tantum teneatur, ut cedat actionem, quam aduersus tutorem habet, non etiam, ut damnum actori præstet, siue litis æstimationem, quæ tamen mens non fuit Pomponii. Nam Pomponius existimauit tutore existente soluendo, ex dolo eius pupillum conueniri posse in litis æstimationem, ut in petitione hereditatis idem Pomponius palam definit in *l. ult. de adm. tut.* In quam actionem constat venire non tantum, quod possessor dolo desit possidere, sed quod culpa, *l. sed et si, §. quod ait, de petit. heredit.* & in *d. l. ult. de admin. tut.* siue dolo, siue culpa tutoris, pupillus ex hereditate aliquid desierit possidere. Pomponius verum esse ait quod Aristo dicebat, pupillum teneri in æstimatione litis, quando tutor est soluendo; quod si tutor non sit soluendo, tunc ait pupillum liberari cedendo qualemcunque actionem, quam habet aduersus tutorem, licet inanis sit actio eo tempore propter inopiam tutoris, sed discescit forsitan quâdoque. Qualiscunque cessio etiam si sit inanis, in præsentia pro latisfactione est, quod maxime notandum ex *l. Titio fundus, de condit. & demonstrat.* Ergo mittamus complexiones, & ambages omnes, & ita concludamus, verissimum esse Aristonem & Pomponium distinxisse, soluendo esset tutor, an non, & ex dolo tutoris, qui est soluendo, actionem dedisse in pupillum. Sed hæc sententia Pomponii non obtinuit, & eam quasi velamento quodam excusauit aperte Vlpian. in *d. l. 3. §. si seruus*. Nam verius est, ex dolo tutoris pupillum non teneri, siue tutor soluendo est, siue non. Vnus tantum casus excipitur, qui explicatur in *hac l. 3.* si ex dolo tutoris pupillus locupletior factus sit: Nam tunc pupillus tenetur in id quod ad eum peruenit, in id, quo locupletior factus est, & tenetur indistincte ex ea causa, siue tutor sit soluendo, siue non sit, *l. Iulianus, §. sed cum in factum, de actio. emp. l. sed & ex dolo, de dolo. l. apud Celsum §. illa quaestio, de doli except.* Tenetur, ut ait hoc loco Papin. in id, in quo tutor pupilli rationibus fauit. Sane per tutorem fauetur pupillo, *d. §. in illo, inf.* In hoc instituitur tutor, ut faueat pupillo. Verum exigitur, ut ei faueat sine detrimento, sine fraude, bona fide, tutoris est fauere pupillo, dum tamen, ne cui alii noceat dolo malo: Nam non licet tutori, quod nec pupillo liceret doli capaci. Et aliter ait Papin. in *hac l.* ex dolo tutoris pupillum teneri in id, quod rationibus pupilli illatum probatur, *l. 4. de enict.* in id, quod pupilli rationib. acceptolatum est, *iniqua à la concurrence de ce qu'il aura receu par la reddition de compte.* Extra hanc causam dolo tutoris nunquam nocet pupillo, siue tutor soluendo est, siue non est. Et hoc est, quod subiicit *l. 4. h. tit.* extrinsecus, hoc est, extra istam causam videlicet, si factus sit pupillus locupletior ex fraude tutoris, si quid tutor admiserit dolo malo, id nihil nocere pupillo. Istius igitur regulæ vna tantum est exceptio: nam altera, quam adiebat Pomponius non obtinuit. Non est illud omittendum, vbi non interuenit dolo tutoris, sed bona fide res gesta est nomine pupilli, teneri pupillum non tantum in id, quo locupletior factus sit, sed etiam in

A solidum, etiam si nihil ad eum peruenerit ex negotio bona fide contracto, *l. 4. D. §. 1. de eniction. l. cum plures §. 1. de admin. tut.* Et hoc, ut ita feruetur, ipsius pupilli magnopere interest: nemo enim vellet cum tutore negotiari, si contractus habiti à tutoribus bona fide non obligaret pupillum in solidum: sed de his quæ gessit bona fide, non est lex: quaestio tantum est de gestis dolo malo.

Ad l. 70. de leg. 2.

Imperator Antoninus rescripsit, legatarium, si nihil ex legato accepit, ei, cui debet fideicommissum, actionibus suis posse cedere: nec id cogendum soluere. Quid ergo, si non totum, sed partem legati relictæ restituere rogatus, abstinuit eo? utrum actionibus suis in totum cogetur cedere, an vero non nisi ad eam quantitatem, quæ fideicommissum continetur? quod ratio suadet. Sed etsi legatum perceperit, non amplius ex causa fideicommissi cogendus erit soluere, quam recepit.

PRIMA quaestio hæc est, quatenus legatarius, à quo fideicommissum relictum est, fideicommissario teneatur? Heres qui adiit, legatariis aut fideicommissariis, omnimodo tenetur salua Falcidia. Legatarius autem fideicommissario omnimodo non tenetur, etiam si legatum agnouerit & accepit. Porro à legatario legatum relinquere non potest: fideicommissum potest, ut in *Inst. de singul. reb. per fideicom. rel.* Ideoque ita quaestionem instituimus: quatenus legatarius fideicommissario teneatur, cui scilicet à legatario alteri fideicommissum relictum est? Et distinguitur hoc modo: aut legatarius accepit legatum, aut non accepit. Et rursus, si non accepit, aut eo se abstinuit, neque id repudiavit, sed cum id petisset per iudicem, superatus est sententia iudicis, absoluto herede: si abstinuit se legato, casus proponitur in hac lege ex rescripto Imp. Antonini, nec dum ex eo quicquam accepit, aut accipere voluit, sane fideicommissarius fideicommissum, quod ab eo relictum est, soluere non cogitur, nec debet, quia, ut ait *l. fideicommissum, ff. de leg. 1.* fideicommissum, quod à legatario relinquitur, ita demum ab eo debetur, si ad eum peruenerit legatum. Si igitur non peruenerit, non debet. Verum enimvero tenebitur in hoc, ut cedat actionem legati sibi competentem, actionem ex testamento aduersus heredem scriptum, ut eam, inquam, cedat fideicommissario, vel ei, cui fideicommissarius voluerit, ut est in *l. filius §. ult. de fideicommiss. libert.* Iure actionis cessæ fideicommissarius persequetur legatum, & sibi retinebit iure fideicommissi, quando scilicet id legatum heres spernit & respuit. Ergo qui abstinet se legato, qui legatum accipere non vult, non amittit actionem legati. Argumentum certissimum non amissionis actionis, est cessio. ita est omnino, nisi à petitione sua heredem liberauit, *l. Titius, de action. emp.* per acceptilationem, vel ut olim fiebat, per æs & libram. Et consequenter hoc casu heres, cum teneatur legatario, à quo non est liberatus, licet legatarius se abstineat legato, non est æquum, ut etiam teneatur fideicommissario directa actione, quod scilicet legatum apud eum remaneat, nisi scilicet legatarius cesserit suam actionem. tunc etiam heres, apud quem legatum remanet, conueniri potest à fideicommissario, ac si ei legatum esset ab herede relictum: forsitan & non interveniente cessione legatarii, potest heres à fideicommissario conueniri vtili actione, ut Bartolus sedit in *l. 8. §. ceptum, h. tit. re distissime*, ut opinor: nam hoc bellissime comprobari potest ex *d. l. Titius, de act. emp.* Ex qua efficitur, legatū, quo se abstinuit legatarius, remanere apud heredem cum onere fideicommissi, cum onere fideicommissariæ libertatis, quia scilicet vel vtili actione tenetur fideicommissario. Idemque erit omnino, si legatarius legatū petierit per iudicem, & non exegerit superatus sententiâ iudicis: Nam & hoc casu non cogetur soluere fideicommissario, qui de legato litem amisit, quia litis periculum non pertinet ad legatarium, nisi dolo eius aut cul-



pa lis perierit. Dolò, vt si cum herede egerit lusorie, culpa, vt si imprudens plus petierit, & causa ceciderit. si ab sit dolus & culpa, periculù litis non pertinet ad legatarium, sed ad fideicommissarium: & ideo non cogitur ei soluere fideicommissum, sed liberatur cedendo actionem legati, *l. 8. tit. seq.* Nam sententia iudicis non perimitur actio, sed actioni obicitur exceptio rei iudicatae, quæ tamen non obicitur fideicommissario facto procuratori in rem suam: quia & sine cessione habiturus erat aduersus heredem scriptum actionem utilem, quia alia res est, vel alia res facta videtur, aliaque lis interueniente procuratore in rem suam, qui priori liti non interfuit. Alia est conditio personæ, quæ nunc agit, *l. an eadem, l. si is qui, de except. rei iudic.* Nunc de legatario dicamus, qui repudiavit legatum. Si legatarius repudiauerit legatum, videtur repudiatione amisisse actiones suas ipso iure, vt iam nec possit eas cedere fideicommissario. Et sane ita est: differentia est inter repudiationem & abstentionem. repudiatio fit in iure apud prætorem solemniter, *l. 3. & 4. C. de repud.* hereditatis abstentio fit quoquo modo, non verbis tantum, sed re & quocumque indicio voluntatis, sicut recusatio, *l. recusari, de acq. hered. l. recusare, ad Treb.* Ei, qui se abstinuit hereditate, integrum est intra tempora constituta hereditatem adire: ei, qui repudiavit, non est integrum hereditatem adire citra beneficium restitutionis in integrum, *l. quod si minor §. Scauola, de minorib. l. si quis suus, de iure delib. l. nam quod §. 1. ad Treb. l. ult. C. de rep. vel abst. hered.* Et similiter ei, qui se abstinuit legato, integrum est petere legatum, nisi petitione sua heredem liberauerit, vt *d. l. Titius.* Et legatario abstinente se, heres ei, cui legatarius erat rogatus restituere, tenetur utili actione, vel directa, si suam ei cesserit legatarius, qui non liberauit heredem, ei autem, qui repudiavit legatum, non est integrum petere legatum. Et eo casu fideicommissario, cui relictum est fideicommissum integrum, heres tenetur directa actione; heres, inquam, apud quem legatum manet, quod repudiavit legatarius, *l. 9. de usufr. leg.* Ex quo generaliter constituendum est, quod ad effectum attinet rei, siue abstentione, siue repudiatione deficiat legatum, id apud heredem remanere cum onere: sicut & caduca hodie, hoc est, quæ erant olim caduca, vel in causa caduci, atque etiam iure veteri certis casibus, apud heredem remanere cum onere: & ea tantum legata dicuntur apud heredem remanere sine onere, quæ pro non scriptis habentur, vt quod relictum est ei, qui non est in rerum natura, *l. vn. §. 2. vers. ea etiam, C. de caduc. toll.* Exceptis duobus casibus, quibus id, quod pro non scripto est, id est, quod deficit ipso initio, remanet apud heredem cum onere, *l. cum vero §. si non pro scripto, de fideicom. libert. & l. ult. de his, quæ pro non scriptis.* Verum ad id, quod diximus initio, quodque proponitur principio huius leg. ex rescripto Antonini legatarium, qui se abstinuit legato, cogi cedere actionibus suis fideicommissario, non cogi fideicommissum præstare: Queritur hoc loco à Papiniano, si legatarius rogatus sit restituere partem legati, non totum, & abstineat se legato, utrum cogatur fideicommissario cedere actionibus suis in totum? an in partem tantum, quæ fideicommissio continetur? Videbatur in totum: quod non solet scindi actio legati: non scindi legatum, ergo nec actionem legati. Sed tamen rectissime Papin. ait, æquius esse, vt non cogatur cedere actionibus suis, nisi ad eam quantitatem, quæ fideicommissio continetur, ne scil. plus capiat fideicommissarius, quam testator eum habere voluit. Residua igitur pars remanebit apud heredem, residua pars heredis potius lucro cedit, quam fideicommissarii. Atque ita propter fideicommissum scindit legatarius actionem legati, sicut & alias propter fideicommissarium capacem, legatarius incapax admittitur ad legatum, vel heres ad hereditatem, *l. cogi, §. hi qui solidum, ad Trebell.* Et in multis aliis casibus iuris, quod quis per suam personam non habet, habet propter personam alterius, *l. cum*

*A hereditate, de acquir. hered.* Et hæc quidem omnia pertinent ad legatarium, qui legatum non accepit. Quid si legatarius accepit legatum, quatenus tenetur fideicommissario? Et constat, eum teneri fideicommissario soluere pro modo legati quod accepit, nisi quid amplius accepit ex testamento: Neque enim fideicommissi nomine tenetur ultra quam accepit ex testamento. Et ideo centum legatis, si rogatus sit restituere ducenta, nec quicquam amplius ex testamento cepit legatarius, quam centum, ad summam legati videbitur fideicommissum constituisse, id est, constituisse, id est, in centum tantum. Et ita sapissime Florentiæ vetere more scriptum est in libris nostris, *constituere pro consistere, l. 8. §. ult. rem. rat. hab. & l. Titium §. 1. ad l. Iul. de adult. l. non dubium §. 3. de custod. reor.* Sallust. in Iugurt. *agmen constituit, le camp s'arreste & ne bouge: in Beotia copias exercitus constituisse.* Et de contrario etiam constitere est constituere, vt illo Lucretij versu, *& quæ possem vitam constituere tutam.* Ergo legatarius oneratus fideicommissio, si velit accipere legatum, & accipiat, computare debet quantum sit in legato, quantum in fideicommissio: heres tenetur fideicommissariis ultra vires hereditatis, modo saluam Falcidiam habeat, id est, quartam partem bonorum, quia videtur adeundo se obligasse in solidum. sane creditoribus tenetur in solidum. Legatariis magis est vt non teneatur in solidum, id est, supra vires hereditatis, sicut etiam diximus, legatarium non obligari fideicommissio supra modum legati: imo dicimus, legatarium amplius obligari, quam heredem. Nam legatarius non habet deductionem Falcidiæ: absumi potest legatum omne fideicommissio, non hereditas omnis. Ergo legatarius eatenus duntaxat tenetur, quatenus ad eum peruenit. Non dico, quatenus ei legatum est, sed quatenus ex legato ad eum peruenit. Quid enim, si non omne legatum peruenit propter legem Falcidiam? Igitur legatarius oneratus fideicommissio conferre debet quantitatem legati: supra quantitatem fideicommissi, conferre etiam & computare alia quædam debet, quæ explicabo seq. recitatione.

#### Ad §. si centum.

*Si centum legatis duplum restituere rogatus sit, ad summam legati videbitur constituisse: si autem post tempus fideicommissum relictum sit, usurarum duntaxat additamentum admittet. Nec mutanda sententia erit, quod forte legato percepto magnum emolumentum ex aliquo negotio consecutus est, aut poenam stipulationis imminuentem enasit. Hac ita, si quantitas cum quantitate conferatur. Enimvero, si pecunia accepta, rogatus sit rem propriam, quamquam maioris pretij est, restituere, non est audiendus legatarius, legato percepto, si velit computare. Non enim æquitas hoc probare patitur, si quod legatorum nomine perceperit legatarius, offerat.*

**H**eri diximus quid esset differentia inter abstentionem & repudiationem legati, & quatenus teneretur legatarius fideicommissio oneratus, qui legatum non accepit, & quatenus heres, apud quem legatum remansit, quod legatarius non accepit: Et item quatenus teneretur fideicommissario legatarius, qui legatum accepit: Vbi quod initio prælectionis non explicavi bene, hanc constituo differentiam inter heredem & legatarium. Legatarius non tenetur ultra vires legati quod accepit, pro viribus tenetur in solidum heres, nec pro viribus hereditariis tenetur in solidum, quia deductionem Falcidiæ habet, quam legatarius non habet, præterquam vno casu, quo Falcidiam heres non habet, ac præterea heres legatariis & fideicommissariis tenetur ultra vires ex Constit. Iust. si bonorum inuentarium non fecit: alioquin, si inuentarium fecit, legatariis & fideicommissariis heres non tenetur ultra vires hereditatis, *l. i. §. denique, ad Trebell.* ne ex testamento quidem militis, in quo tamen Falcidia cessat. Creditoribus autem hereditariis certe heres qui



adiit tenetur, ultra vires hereditatis. Nullum hac in re, quod sciam, aliud est discriminare inter heredem & legatarium: Nam quod attinet ad fructus & usuras medij temporis, idem in utroque ius valet: nam si heres, vel si legatarius post tempus aliquod rogetur restituere fideicommissum aliquod maioris quantitatis, quam esset legatum vel hereditas, ex incremento medij temporis suppletur fideicommissum, *l. ita tamen §. heres ex asse, l. scribit, ad Treb.* Et ita heres, qui rogatus est restituere aliquid, quod est maioris pretij, quam hereditas, post tempus scilicet certum, ex fructibus medij temporis Falcidiam sibi reficit, & si fructuum quantitas ferat, fideicommissum supplet *d. §. heres*. In quo ostenditur idem esse, aut procedere in legatario: nam legatarius oneratus fideicommissum, non tantum ex quantitate legati, sed etiam ex interusurio, id est, ex commodo usurarum intermedij temporis implet fideicommissum: adeo, ut si legatis centum, rogatus sit post annos 20. restituere ducenta, & medio tempore ex usuris eius pecuniæ perceperit centum, fideicommissario teneatur restituere ducenta, quia fideicommissum suppletur interusurio medij temporis, seu adimpletur, cui non erat initio par quantitas legati. Maior enim erat quantitas fideicommissum duplo, id est, altero tanto, quam quantitas legati. Et hoc est, quod ait Papin. hoc loco, usurarum duntaxat additamentum admitti, nempe ex interusurio suppleri fideicommissum, cuius etiam supplendi gratia in tempus distulisse præstationem eam testator videtur, atque ita tempus apposuisse fideicommissarii, non heredis causa. Recte autem dixit Papin. usurarum duntaxat additamentum admitti, & scilicet pro modo quantitatis & usurarum duntaxat, quæ medio tempore accreuerunt, fideicommissario præstari: Nam aliud commodum medij temporis, si quod ex legato legatarius perceperit, in computationem non venit. Finge: legato percepto legatarius euasit extantem & imminuentem pœnam stipulationis, aut pœnam commissi, pœnam traiectionis pecuniæ, vel finge: percepto legato fideicommissarius magnum commodum consecutus est negotiatione aliqua, ut pecuniam legatam in salis coemptionem impendit, & ex ea merce fecit vberimum quæstum, an huius commodi, quod extrinsecus euenit, ratio habebitur, ut & pro modo eius obligetur fideicommissario? minime. Denique usurarum duntaxat incrementum admittetur. Et hoc est, quod ait, *si centum legatis, & si autem &c.* Atque ita in æstimando eo, quod interest, ea tantum utilitas spectatur, quæ nimirum circa rem ipsam consistit, non quæ extra rem accedit. & qui reuenit de la chose, & non du labour & industrie, ut in *l. si sterilis, §. cum per vendit. de act. emp.* Qui meo iudicio est perquam difficilis, sed facillimum reddam.

Finge: emptor in pretio soluendo moram fecit, tenetur in id, quod interest actione ex vendito, in quo æstimando usurarum duntaxat ratio habebitur, id est, usuras duntaxat pretij non soluti emptor præstabit, *l. ult. de peric. & com. rei. vend.* sicut hoc loco usurarum duntaxat additamentum: nec præstabit quod venditor pretio soluto ex negotio aliquo, ex mercibus plusquam ex usuris acquirere potuit. Denique usuras duntaxat præstabit, non compendium negotiationis, quod mora emptoris intercipit venditori, vel etiam si venditor moram fecerit in retradenda, præstabit fructus duntaxat, quos percepit, aut percipere potuit, *l. venditor, de hered. vend.* Et vendito mancipio præstabit partus & acquisitiones serui, *l. venditor, de euct.* & præstabit quoque eadem ratione, quanti ea res, quæ venit, hodie pluris est, cum scilicet auctum est eius rei pretium post moram venditoris: sed non præstabit, quod emptor re tradita in tempore ex negotiatione aliqua lucrari potuit, *d. l. si sterilis §. cum per vend. & l. Titius, eod. tit.* Et similiter damnum præstabit rei, si deterior facta sit aut vilior, hoc est, vilioris pretij: non præstabit damnum, quod extrinsecus aduenerit, forte non tradito tritico, aut pabulo vendito,

si mancipia emptoris, aut iumenta fame perierint. Et rectissime Accurs. in *l. 26. tit. seq.* cum lex diceret heredem aut legatarium fideicommissario præstare debere post moram fructus, & omne damnum, quo affectus est fideicommissarius, puta inquit peritissime, si res, quæ relicta est, perierit, quod confirmat, *l. 22. §. ult. eod. tit.* Et adde vel sc. deterior facta sit, aut vilior: non inquit, si in rebus propriis fideicommissarius damnum passus sit propter moram heredis aut legatarii, ut puta, si ob non traditam in tempore pecuniam mancipia aut pecora fideicommissarii enecta sint fame: nam huius extrarii damni ratio non habetur. Ex commodis siue incommodis quædam sunt coniuncta rebus, quædam euenta rerum. coniuncta non seiunguntur, siue res perierit, vel damno affecta sit, nec accrescunt sine rei emolumento. Euenta abeunt, adueniunt re salua, incolumi & illæsa. dixere quidam coniuncta & euenta, quæ alij propria & accidentia. Coniuncta sunt rei, in hoc proposito, quæ, ut Rogerius dixit, cohærēt rei, veluti pretium, fructus, quos res fert, usura quæ ex pecunia redigitur: euenta sunt rei, veluti compedium negotiationis, vel dispendium, quod ea re salua & incolumi, rebus cōtingit nostris. coniuncta in computationem veniunt, euenta in computationem non veniunt. Ad hæc Papin. noster notauit vnū casum in seq. quæstione legis, quo legatarius tenetur fideicommissario ultra quantitatem legati. Finge: rogavi te, ut accepta certa quantitate, puta centum, Titio restitueres rem propriam tuam, quæ sc. pluris erat centum, quæ forte digna erat ducentis. hæc verba, accepta certa quantitate, acceptis centum, hi ablatiui absoluti, ut dicunt interpretes nostri, alias pro legato seu fideicommissum accipiuntur, *l. 11. §. cum esset, de leg. 3.* alias accipiuntur pro conditione, si heres dederit centum, atque adeo pro mortis causa capione *l. facta, §. rescripto, ad Treb. & l. acceptis, ad l. Falc.* Quæ ambiguitas declaratur etiam in *l. à testatore, de cond. & demonstr.* ut scilicet ablatiui absoluti, ut dicunt, alias accipiantur pro fideicommissum, alias pro conditione, sed in proposito pro fideicommissum accipiuntur, & videtur testator tibi legasse centum, & onerasse fideicommissum præstandæ rei tuæ, quæ maioris erat pretij longe: tu vero pecuniæ legatum agnouisti, & accepisti, ante cogere potest legatarius, ut ei rem propriam præstes, quæ longe exuperat quantitatem legato siue fideicommissum priore comprehensam? Et sane verum est, te teneri in solidum, ut rem tuam præstes, etiam si maioris sit pretij, quæ quantitatis, quæ legata est, quia accipiendo quantitatem legatam, non pluris videris estimasse rem tuam, & vnusquisque est legitimus æstimator rei suæ. Quod adeo verum est, ut post agnitionem legati non audiaris, si velis conferre quantitatem legatam cum æstimatione rei tuæ ne supra modum scilicet tenearis: Nec enim admittitur collatio seu computatio eiusmodi, sed præcise coget te fideicommissarius rem tuam præstare, cuiuscunque sit pretij, nisi scilicet fuerit minor 25. annis, qui temere legatum agnouerit: Nam beneficio restitutionis minori succurritur agnito legato, si offerat quantitatem legatam, ut scilicet retineat rem propriam, quæ maioris est pretij, & liberatur præstando quantitatem legatam, quam acceperat temere, *l. si minor, ff. de minor. l. tutor, de liber. leg.* Alias vero illo casu, quæ exposui satis intelleximus euenire, ut legatarius teneatur ultra quantitatem legati, puta ad præstandam rem suam. quamuis sit maioris pretij, quam quantitas legata: nam eam quantitatem accipiendo, non pluris videtur æstimasse rem suam: quæ eadē est ratio, *l. plane §. si cui, de leg. 1. & l. sed si non seruus, ad l. Falcid.* Recte autem posuit Papin. te fuisse rogatum accepta certa pecunia restituere rem propriam, quæ erat maioris pretij: nam idem non potest statim in re aliena si etiam legatarius rogatus sit rem alienam præstare. non propriam. audietur agnito & accepto legato si offerat legatum quod accepit, nec cogetur redimere rem alienam, aut eius æstimationem præstare, quæ scilicet valde excedit modum legati *l. 6. de fideicom. liberr.* Et similiter, ut initio demonstratum est, si legata certa quæ-



titate, legatarius rogatus sit præstare maiorem quantitatem, audietur accepto legato, si offerat quantitatem quam accepit, nisi post tempus rogatus sit præstare maiorem quantitatem. Nam hoc casu non tantum quantitatem legatam; sed etiam interusurium ad finem fideicommissi offerre & præstare debet. Quapropter hæc verba Papin. *hæc ita si quantitas, &c.* hunc habent sensum: interusurij rationem admitti duntaxat, si legata certa quantitate rogatus quis sit aliam quantitatem præstare: nam si legata quantitate rogatus sit non quantitatem præstare, sed rem propriam, accepto legato omnino præstare debet rem propriam, etiam si maius sit eius rei pretium, quam legatæ quantitatæ. Ad confirmanda ea, quæ diximus, valde pertinet §. penult. huius legis.

## Ad §. penult.

*Cum quidam filio suo ex parte herede instituto, patrum suum coheredem ei dedisset, & ab eo petiisset, ut filium suum pro virili portione filijs suis coheredem faceret, si quidem minus esset in virili portione, quam fratris hereditas habuit, nihil amplius peti posse. Quod si plus etiam fructuum, quos patruus percepit, vel cum percipere potuit, dolo non cepit, habendam esse rationem, responsum est. non secus, quam si centum milibus legatis rogatur post tempus maiorem quantitatem restituere.*

**S**pecies §. pen. hæc est: Quidam filium suum ex parte heredem scripsit, & fratrem suum patrum filij sui ex alia parte, & rogavit fratrem, ut cum filium suum pro virili portione una cum filiis suis consobrinis eius, sibi heredem faceret. His verbis, ut heredem illum faceret, tametsi purum aperte fideicommissum relinquitur, quia nemo obligari potest, ut alium heredem faciat, l. ex facto, in prin. ad Treb. l. stipulatio hoc modo concepta, de verb. oblig. tamen ea verba, ne inanis sit voluntas testatoris, hoc modo interpretantur, testatorem fratrem suum rogasse, ut post mortem fratris portio virilis hereditatis fraternæ filio suo restitueretur. Et sane ex his verbis, vel ex hac interpretatione verborum, eatenus restituenda erit, quatenus voluntate testatoris ad eum pervenerit, l. filius §. ult. ti. preced. de leg. 1. Et ideo, si hereditas testatoris tantum sit, vel si pluri sit quam portio virilis hereditatis patrum, filius testatoris portionem virilem à consobrinis petere poterit mortuo patruo, & nihil amplius: quia scilicet non poterit petere integram hereditatem, quæ à patre suo ad patrum pervenit, nec fructus, quos ex ea hereditate patruus medio tempore percepit. Quod si minor sit hereditas testatoris, hoc casu replebitur fideicommissum ex fructibus vel usuris medij temporis pari pecunia. Et ideo si legatarius accepta certa quantitate ex causa legati, rogetur post mortem suam restituere maiorem quantitatem, quam accepit iure legati, ex usuris medij temporis fideicommissum suppletur. nec dici poterit, quod notandum, etiam nullis fructibus perceptis, puta confestim mortuo herede aut legatario, deberi virilem portionem, aut quantitatem integram, sicut si rem propriam, quæ maioris erat pretij, rogatus esset restituere, quo casu rem præstaret in solidum, etiam si sit maioris pretij agnito legato: Nam non est eadem ratio rei propriæ per fideicommissum relicte à legatario, & herede, & virilis portionis, & quantitatæ: nam relicta re propria legatarij, si legatarius legatum accepit, non pluri videtur æstimasse rem propriam, quam sit in legato. quod dici non potest similiter in virili portione, vel quantitate: dici, inquam, non potest heredem, qui agnovit hereditatem testatoris, non pluri æstimasse hereditatis suæ portionem virilem, aut legatarium, qui accepit quantitatem legatam, non pluri fecisse quantitatem per fideicommissum ab eo relictam, hoc, inquam, dici non potest. Omnis enim res tanti est, quanti à domino æstimatur. quantitas autem, hoc est, certa summa tanti est,

**A** quanti est per se, nec alterius æstimationem requirit. Et ita virilis etiam portio hereditatis, puta sextans, quæ quantitatæ est nomen, tanti est, quanti est per se, nec æstimationem desiderat. Et verissimum est quod ait Accursius. hoc loco, virilem portionem hereditatis cum virili, sicut quantitatem cum quantitate recte conferri, ut scilicet, non teneatur quis ultra virilem, vel ultra quantitatem, quam accepit, & usurarum duntaxat medij temporis additamentum admittatur. Quantitatem autem legatam cum re propria legatarij, ab eo per fideicommissum relicta, non conferri, quia accipiendo quantitatem legatam, quæ legata est cum onere præstandæ rei suæ, videtur fecisse quantitatem legati, aut parem fecisse rem suam videtur quantitati legatæ, quia non pluri res vlla est, quam à domino æstimatur.

B

## Ad §. ult.

*Cum autem rogatus quicquid ex hereditate supererit post mortem suam restituere, de pretio rerum venditarum alias comparat, deminuisse quæ vendit, non videtur.*

**Q**uæ sunt in §. ult. erunt faciliora his. Loquitur de herede, qui rogatus est restituere quicquid ex hereditate supererit post mortem suam. His verbis deminutio hereditatis ei permittitur, quæ modo non fiat interuerti fideicommissa causa, l. Titius, ad Treb. quam exposuimus superiore libro. Ergo si heres hoc fideicommissum oneratus aliquid deminuerit ex hereditate fideicommissa, puta si aliquid vendiderit bona fide, non in fraudem fideicommissarij, id non venit in restitutionem fideicommissi, nisi scilicet ex pretio rerum venditarum alias res sibi comparauerit. Quia hoc casu venditio non minuit fideicommissum: & consequenter ex pretio rerum venditarum aliæ res comparatæ in fideicommissi restitutionem veniunt, sicut res permutatæ: non videtur etiam deminuisse fideicommissum hereditatis, qui res hereditarias permutavit cum aliis. Et hoc est quod ait in §. ult. & recte additur in l. seq. sed quod inde, &c.

## Ad l. 72. eod.

**D**idem seruandum erit etsi proprios creditores ex ea pecunia demiserit: non enim absuntur, quod in corpus patrimonij retinetur.

**E**t subiicitur ex eodem lib. Papin. in l. 72. idem esse dicendum, si heres eo fideicommissum oneratus, ex pretio rerum venditarum, quæ erant in hereditate creditores suos dimiserit, id est, si ex eo pretio rerum hereditariarum, quas vendidit, se liberauerit à creditoribus suis, quia id in rem suam conuertit, in patrimonium suum ut in l. quantum, quod met. cau. videtur in corpus patrimonij verum id, quo quis se debito liberavit: Nam ut obligatio minuit bona nostra, ita æris alieni liberatio augeat. Et ut ait Papin. *absumptum non videtur, quod in corpus patrimonij retinetur.* Et hoc idem seruatur in l. sed etsi §. quod autem quis ex hereditate, de petit hered. in illo loco; nec pretium in corpus patrimonij rediisset. Et idem dici potest, si pecunia redacta ex venditione rerum hereditariarum exstet: nam absumptum non videtur, quod exstat in bonis. Quod produci potest ad mores Gallicos; quibus quæ coniuges acquirunt constante matrimonio, sunt communia inter eos, non propria. Propria sunt, quæ ante matrimonium acquisierunt, vel quæ hereditate obtulerunt. Finge: maritus res proprias vendidit constante matrimonio, & ex his alias comparavit. hæc quoque censentur propriæ. Idemque iudicium esse pecuniæ redactæ ex venditione rerum propriarum, alioquin sæpe ita venderetur animo donandi viro aut uxori, si haberentur pro communibus, non propriis, quæ donationes legibus semper coeuntur, quoad fieri potest. Quod autem



ait Papinian. in hac l. 72. *non absumitur, quod in corpore patrimonij retinetur*, potest etiam aptari ad multas alias species, & est quasi generalis quædam ratio iuris. Ipsemet Papinian. hanc rationem accommodat ad aliam speciem in l. pater, de adim. leg. Et est operæpretium nosse eam speciem.

Pater inter filias bona sua diuisit supremo iudicio suo, & filia prælegauit trecentos aureos ex salariis seu commodis, quæ ei debebat respubl. ex administratione principali, & ex erogatione militaris annonæ. Deinde pater ipse ex eis trecentis aureis possessionem comparauit, an ea possessio debebitur filia iure prælegati? Videtur non deberi, quia trecentos aureos ipse pater consumpsit emptæ possessione. Lex ait, deberi, quia non videtur consumptum, quod versum est in corpus patrimonij. Alia est ratio legis alteri, eod. tit. de adim. leg. Et notandum, quia posset imponere multis, pater filium & filiam heredem scripsit ex æquis partibus, & filia prælegauit prædium: Coheredes autem iussit filio præstare actiones ad finem pretij, quo prædium fuerat emptum, ut scilicet iure actionis tantum haberet filius, quantum emptum est prædium: Denique voluit pater, ut in omnibus essent æquales, in hereditate primum, deinde etiam in prælegatis, puta, ut filia haberet prædium, & filius pretium prædij, quod scilicet emptum fuerat, pro modo eius pretij cessisset actionibus aduersus debitores hereditarios. Quid accidit postea? Pater prædium, quod filia prælegauerat, vendidit sua voluntate, non necessitate coactus, & vendidit, extra offensam filia, sans qu'elle luy aye donné occasion de ce faire. Atque ita pretium prædij reddit in corpus patrimonij, an pretium filia poterit petere iure prælegati? Minime: licet versum sit in corpus patrimonij, sed diuidetur ex æquo inter fratres, quia scilicet testator videtur filia ademisse omnimodo prælegatum, & si ademit filia prælegatum, ergo ademit etiam onus prælegato iniunctum & innexum, puta onus cedendarum actionum fratri. Quare nec fratri erunt cedendæ actiones, & tamen pretium redactum ex venditione inter eos communicabitur sublatis prælegatis. Et cur posuit, distraxisse patrem id prædium, distraxisse citra offensam filia? quia si iratus filia distraxerit, si succensuerit filia, sola filia offensæ suæ pœnam feret, & amittet prælegatum omnimodò, sed non frater, quia nihil offendit patrem: nec enim est tunc par vtriusque conditio. Igitur seruandum erit hoc casu prælegatum filio, quod maxime notandum est. Et omnibus illis locis dicunt auctores nostri, corpus patrimonij pro patrimonio ipso, seu vniuersitate patrimonij, sicut corpus iuris dicimus pro Pandectis, l. 1. in princ. C. de rei uxor. act. Et Liuius 3. adiectis duabus tabulis posse absolui corpus Romani iuris. Et eodem modo recte dicimus, corpus Homerij, l. librorum §. si Homerij corpus, tit. seq. Corpus disciplinæ Columella, corpus historiæ Polybius, & Tull. ad Att. ab initio ad redditum suum modicum quoddam corpus confici posse. corpus historiæ scilicet Verum non satis est. Obstat his, quæ diximus valde l. sed et si lege §. 1. de pet. hered. Diximus, rem comparatam ex pretio vendita rei hereditaria in fideicommissum venire, contra ea lex ait, si bona fidei possessor hereditatis aliena rem hereditariam distraxerit, & ex pretio aliam comparauerit, eam rem non venire in petitionem hereditatis, sed pretium. Cur tamen ea res venit in fideicommissi persecutionem? quia, ut breue faciam, hic bonæ fidei possessor sui causa emit rem, ideoque eam sibi retinet & pretium præstat, l. item veniunt §. denique, eod. tit. de pet. heredit. Hic quoque heres rogatus restituere quicquid ex hereditate supererit, ex pretio aliam rem sui causa emit, ita est: & stultus est Accursius. quem eo nomine etiam deridet Bartolus, qui fingit comparasse hereditario nomine: imo suo nomine. sicut cum pretio se liberat à creditoribus, id sui causa facit: ita etiam in proposito sane ex pretio heres aliam rem comparauit sui causa. Sed hoc genere interuertit fideicommissum, quia suum facit, quod testator destinauerat alte-

ri. Quid est fideicommissum interuertere? s'approprier, non potuit autem interuertere, d. l. Titius. Deminutio, quæ fit interuertendi causa, & defraudandi quodammodo fideicommissi causa, non minuit fideicommissum. Rectissime dicitur, eam rem in fideicommissum venire. Deminutio, quæ fit interuertendi causa, non est deminutio. Postremo obstat l. cum pater §. dulcissime, hoc tit. ex qua intelligimus, in fideicommissio bonorum maternorum non venire, quæ testatrix conuertit in corpus sui patrimonij. Et species hæc est breuiter: mulier habebat bona materna communia cum fratribus, scripsit filium suum heredem, & cum rogauit, ut suis auunculis, fratribus testatricis relinqueret ea bona materna in solidum, & adiecit causam fideicommissi, ne sit inter te & auunculos vlla communio, nec materies discordiarum. Postea ea mulier ex bonis maternis sumpsit pecuniam, eamque conuertit in suum patrimonium, alia re comparata, vel quædam nomina hereditatis maternæ diuisit cum fratribus, cum esset adhuc superstes. an ea venit in fideicommissum? minime: quia in elogio, id est, causa fideicommissi adscripta, satis declarauit mater, se tantum fratribus reliquisse, quæ mansissent communia inter eam & fratres, non si quæ inter se diuisisset, non si pecuniam ipsam in proprium patrimonium conuertisset.

Ad l. quod supra 10. ad l. Falcid.

Quod supra quadrantem apud heredem potest peruenire, supra dodrantem in pecuniam legatum, non onerat heredem, veluti hereditas pupilli, si forte substitutus sit ex hereditate, qui patri pupilli heres extitit.

Certum est, ex lege Falcidia legatis heredem onerari non posse supra dodrantem bonorum, quia quadrans apud heredem integer & illibatus remanere debet. Hoc verum esse ostendit Papinianus in hac l. 10. etiam si hereditas pupilli ex heredis filij testatoris ad heredem peruenierit, aut peruenire possit ex substitutione pupillari, quia etsi videatur ex vno eodemque testamento peruenire, propterea quod iuris auctores existimant, vnum esse testamentum patris & filij, id est, primas & secundas tabulas, vnum efficere tantum, l. paterf. de priu. cred. l. patris, de vulg. substit. tamen alia atque alia est hereditas, alia patris, alia filij, maxime ex hereditate, ad quem hereditatis paternæ nulla portio peruenit, §. igitur, Instit. de pupill. substit. l. si ita scriptum §. ult. de bon. possess. sec. tab. Vnum est testamentum duarum hereditatum, vnum testamentum propter effectum iuris, sed de eo non est agendum hoc loco. Ergo hereditas pupillaris non imputatur heredi in Falcidiam, non auget legata ab eo relicta, non proficit legatariis, sed supra quadrantem bonorum paternorum heres habiturus est etiam bona pupillaria. Et hæc est sententia Papiniani in hac l. 10. In contextu est varia lectio. Vulgares Codic. habent (in pecunia legatum) Floren. habent, in pecuniam legatum. Sed nihil est euidentius, & mouet coniecturam certissimam scriptura Floren. esse legendum, pecuniam legatam. Nec obstat huic sententiæ l. 1. §. id quod ex substitutione, hoc tit. quæ dicit, id, quod ex substitutione coheredis ad coheredem peruenit proficere legatariis, coherede omittente hereditatem, cui coheres substitutus est. Hoc ergo dicit, propter commodum substitutionis, quod heredi accessit, onerari heredem in pecuniam legatam, obligari ad id, ad quod obligaretur, si substitutio defecisset. Sed loquitur ille §. de substitutione vulgari, non de pupillari. Ex vulgari substitutione, quæ fit in hanc causam, si omiserit hereditatem, ex ea, inquam, quod obuenit portio coheredis coheredi, non alia hereditas, sed eiusdem hereditatis portio est, & merito onerat heredem legatorum nomine aut fideicommissorum. Ex substitutione autem pupillari, quæ obuenit hereditas pupilli ex hereditate, alia est hereditas. quare non auget ab herede instituto, eodemque substituto pupilli relictum, siue



sive relictum sit primis aut secundis tabulis, siue vtriusque nihil refert. Nā à substituto exheredati recte fideicommissa seu legata relinquuntur, si idem etiā primis tabulis heres institutus sit iure, in quā, relinquuntur ab eo, quasi ab herede patris, nō quasi ab herede pupilli, *l. ii. §. ult. hoc tit. l. plane si filium, de leg. i.* Et quod notandum in ponenda ratione legis Falc. cum quæritur quantum sit in legatis cum bonorum & legatorum ratio ponitur & subducitur, confunduntur, commiscuntur, contribuuntur, hoc est, cōmuni calculo subiiciuntur legata vtriusque tabulis relictā ab herede instituto, eodemque substituto pupilli, & ex omnibus his legatis commixtis heres deducit Falcidiam. Illud longe fuge credere, quod scripsit Accursius, etiam confundi hereditates paternam & pupillarem: Nam si confunderentur, hereditas pupilli exheredati auget legata, quod falsum est. Et merito etiam in eo est reprehensus Accursius à Fulgoso, & Alexandro, & Goueano. Quid autem fiet, si pupillus nō sit exheredatus, sed vel illis vel vtriusque tabulis heres sit institutus? Et constare nobis debet, hoc casu augeri legata pro modo facultatum paternarum tantum, quæ ad pupillum peruenerunt, & à pupillo ad coheredem, *l. qui fundum §. qui filium, hoc tit.* Atque ita confundi & commisceri partes hereditatis paternæ, partem, quæ obuenit pupillo, & partem, quæ obuenit heredi extraneo, & ex eo conciliatu partiū, siue pro modo eius confusionis, præstare legata. Ac proinde circa legem Falcidiam totius assis paterni rationem haberi: bona patris cum bonis pupilli aduentitiis nunquam confundi.

#### Ad l. acceptis 93. ad l. Falcid.

*Acceptis à Mæuio centum, hereditatem Mæuio restituere, pecuniamque post mortem suam Titio dare rogatus est. quamquam hæc centum quartam bonorum efficiant, tamen propter fideicommissum sequens quarta retentioni locus erit. Tunc enim ex constitutione D. Hadriani Falcidia satisfacit ea quantitas, cum apud heredem remanet, sed Falcidiam patietur solus, cui hereditas relictā est. Nam in centum, quæ mortis causa capiuntur admitti Falcidia non potest. plane si quis ita scripsit, acceptis centum peto restituas hereditatem, neque personam datis demonstrauerit, quasi retentam perceptam pecuniam, si quarta sufficiat, inducere Trebellianum.*

**M**ORTIS causa capio, aut dicitur specialiter aut generaliter. Generaliter mortis causa capere, est ex morte alterius nancisci capiendi, id est, adquirendi occasionem: mortis causa capit, qui iure legati, iure fideicommissi, qui donationis causa mortis capit: Nam hi omnes nanciscuntur capiendi occasionem. Ex morte demum alterius hereditas est, ergo mortis causa capio, legatum fideicommissum, donatio causa mortis. Sed mortis causa capionē proprie appellamus, quæ aliud nomen non habet proprium, hoc est, quæ neque vocatur hereditas, neque legatum. Exempli gratia: legauit Titio fundum sub cōditione, *si daret heredi decem.* si legatarius heredi dederit decem conditionis implendæ causa, heres ea non capit iure legati, nec iure hereditatis, &c. Denique non capit iure testamenti, *l. 8. si quis omis. cau. l. Mæuius, de con. & demonstr.* Denique nullo iure ea capit, quod proprium nomen habeat. Quare dicitur ea proprie capere mortis causa. Atque ita mortis causa capio est, quæ alio nomine non appellatur, *l. mortis causa, de dona. cau. mort.* Vt lignorum appellatione continentur quæcunque sunt parata comburendi causa, si modo proprio nomine non appellentur: quamquam & quæ proprium nomen habent, generaliter possunt dici ligna, sed non dicuntur proprie. Virgæ etiam si comburendi causa habeantur, non continentur lignorum appellatione. Nuclei, etiam si comburendi causa habeantur, non continentur lignorum appellatione, nec carbones, &c. Denique lignorum appellatio, coangustatur tantum ad ea, quæ aliud nomen non habent propriū,

Quæst. Papin.

**A** *l. ligni §. i. de leg. 3.* Sic mortis causa capionis nomen aptatur tantum ad ea proprie, quæ alio nomine careant. Nunc fingere: heres rogatus est restituere hereditatem Titio acceptis centum, hoc modo: *acceptis centum peto restituas hereditatem Titio*, an ea centum imputatur in Falcidiam? non demonstrauit personam à qua acciperet centum, sed dixit simpliciter, *acceptis centum, &c.* Et certissimum est, ea centum imputari in Falcidiam, quia videtur capere à se ipso. Igitur tota ea pecunia capitur iure hereditario, sicut si iussus esset eam retinere, vel præcipere, nihil refert, quo verbo usus fuerit, *l. in quartam, hoc tit. l. deducta §. acceptis, ad Trebell. l. si heres, hoc tit.* Et ea quæ capiuntur iure hereditario, certum est computari in Falcidiam, non ea, quæ capiuntur alio iure. Et in hoc loco Papinianus ait, in hoc casu induci Trebellianum, hoc est, locum esse Trebelliano, non Pegasiano Senatusconsulto. Quid hoc est? Interueniente Falcidia loc⁹ erat Pegasiano; non interueniente Trebelliano locus erat ut constet ex Inst. Qui ergo dicit, locum esse Trebell. hoc dicit, cessare deductionem Falcid. videlicet, cum illa centum Falcid. sufficiant, cessat Pegasianum, hoc est, cessat Falcid. & locus est Trebelliano. Et hoc significat Pap. in fine huius legis. Quid vero si testator demonstrauerit certam personam, à qua heres acciperet centū, ut si dixerit hoc modo, *acceptis à Mæuio centum peto ut restituas hereditatem*, an ea centum, quæ acceperit à Mæuio imputantur in Falcidiam? minime. Quia cum ea capiat ab alio, non à se ipso ex alienis bonis, non ex testatoris bonis, sane ea non capit iure hereditario. Et in Falcidiam tantum imputatur quod capitur iure hereditario indistincte, ut docui prius, siue deducatur ex legatis, aut fideicommissis pecuniariis, siue ex fideicommissariis hereditatibus. non imputantur quæ capiuntur iure legati vel fideicommissi, vel conditionis implendæ causa, hoc est, mortis causa capionis. Denique imputatur in Falcidiam heres ea tantum, quæ capit quasi heres, non quæ capit quasi legatarius vel fideicommissarius, vel quæ capit mortis causa, quia heredi soli tribuitur Falcidiæ beneficium, *d. l. in quartam, l. in ratione 2. §. tamen si, & l. si à me tibi, hoc tit.* Ergo ea centum, quæ à Mæuio accipere iussus est, habebit supra quadrantem, quia non imputabitur ea in quadrantem, cum non ei obuenerint, quasi heredi, sed quasi capienti mortis causa. Excipitur tamen vnus casus, si voluerit testator eam pecuniā hereditatis, aut Falcidiæ loco cedere, ut si tanti iussu hereditatem vendi & restitui Mæuio, quia pretium hereditatis, hereditas est, & hereditario iure capitur, *d. §. tamen si.* Idem etiam voluisse testatorē præsumitur si quod heres accipere iubetur à fideicommissario, ipsam Falcidiam efficiat, ut in *l. si heres, hoc tit. l. facta §. rescripto, ad Trebell.* Vt puta, si quis gnarus sui patrimonij quod erat quadringentorum, exempli gratia, rogauit heredem, ut acceptis à Mæuio centū, quæ est quarta Falcidiæ, ei restitueret hereditatē: hic quid aliud egit, quæso. quam ut heres ea centum haberet Falcidiæ loco? Ergo ex voluntate defuncti ea centum imputabitur in Falcidiam, qui, accurate æstimato suo patrimonio, solum quadrantem à fideicommissario herede iussit accipere. id iussit obseruare & cogitare, ut haberet Falcidiam, non temere, & restitueret quadrantem. Et generaliter, quod alias nō imputatur in Falcidiam, imputatur ex voluntate defuncti, etiam legatum aut fideicommissum, voluntate vel expressa, vel tacita, *l. cum quæ §. ult. l. quod autem, inf. hoc tit.* Et secundum hoc est ponenda species huius legis, hoc modo: Heres rogatus est restituere hereditatem Mæuio, acceptis ab eo centū. Et idem heres rogatus est post mortem suam ea centum Titio restituere. Ea summa, si sufficiat Falcidiæ, ut ponendum est in specie suffecisse. Ea, inquam summa, si efficiat Falcidiam, sane excluderet deductionem Falcidiæ, si apud heredem remanet: Nam id tantum imputatur in Falcidiam, quod remanet apud heredem perpetuo iure. At ea summam testator noluit remanere apud heredem perpetuo iure, sed eam rogauit, ut post mortem restitueret eam

Qq



ob rem non imputabit eam summam in Falcidiam. Alioquin esset aperta via sepe fraudandi heredem Falcid. Ergo integra erit heredi deductio Falc. ex Senatusconsulto Pegasiano, nec locus erit Trebelliano, nisi post Iustinianum, quia Pegasianum est transfusum in Trebell. Deducet, inquam, Falcidiā heres ex hereditate, quam restituet Mæuius, non deducet etiam Falcidiam ex mortis causa capione, hoc est, ex summa centum aureorum, quam conditionis implendæ causa ei dedit Mæuius, & quæ post mortem suam debet restituere Titio. Restituet namq; Titio solidum sine deminutione Falcidiæ, quia sc. eam summā nō capit quasi heres, & soli heredi ex hereditate, vel portione hereditatis datur Falcidia, non legatario, non fideicommissario, non capienti mortis causa. Ratio eadē efficit ne mortis causa capio imputetur in Falcidiam & ne ex ea detrahatur Falcid. Et generaliter placet ex mortis causa capione, non deduci Falcidiā, non tantum, si heres ipse ceperit mortis causa, sed et si dederit heres ipse, cum esset institutus sub conditione, si Titio centum dederit. Nam ea centum dabit sine detractioe, l. 1. §. item si ita legatū, hoc tit. Generaliter igitur ex mortis causa capionibus non detrahitur Falcidia excepto vno casu l. ult. C. ad l. Falcid. Falcidia detrahitur ex legatis, & Falcidia detrahitur ex fideicommissis ex Senatusconsulto Pegasiano, quod porrexerit legem Falc. ad fideicommissa. Detrahitur ex donationibus causa mortis ex Constitut. Seueri, non detrahitur ex mortis causa capionibus, quoniam nondum l. vlla Falcidiam porrexit ad mortis causa capiones. Hoc generaliter nobis constituendum est, hæc verba *acceptis centum*, non demonstrata persona, à qua acciperentur, pro iure hereditario haberi. centum, quæ heres accipere iussus est simpliciter, accipi iure hereditario, quasi à se ipso: demonstrato autem coherede, vel alio, quicquid ex testamento ceperit, ita ut potuerit onerari fideicommissio, ea verba accipiuntur pro fideicommissio. ut in l. 11. §. cum esset, de leg. 3. l. à testatore, de cond. & demonstr. Demonstrato autem eo, qui nihil acceperit ex testamento, ut in hac specie l. nostræ, *acceptis à Manio centum* ei restituas, Mæuius non poterit onerari fideicommissio, qui nihil ante ex testamento acceperit, nec sane ea verba habentur pro fideicommissio, sed pro mortis causa capione, ut declarat hæc lex, & l. facta §. rescripto, ad Trebell.

#### Ad l. sed cum 12. ad Treb.

*Sed cum ab herede pro parte instituto fideicommissa hereditas sub conditione relicta esset, Imperator Titus Antoninus rescripsit, non esse locum constitutioni suæ, neque pupillum extra ordinem inuandum, præsertim, si nouum beneficium cum alterius iniuria postularetur.*

**H**odie explicanda est lex 12. ad Senatusconsultum Trebellian. Afferendæ igitur sunt, & explicandæ difficultates multæ. Et vix vllum esse existimo, qui non horreat lectionē huius l. 12. Est ea lex applicata quæstioni §. *utrum l. præced.* vel potius interiecta inter ea, quæ ex eodem Vlpiani lib. referuntur in l. *præced. & in princ. seq.* Igitur ab eorum narratione, quæ utroque loco exponit Vlpianus, nobis incipiendum est. Si heres rogatus sit restituere hereditatē: Quæritur, an in restitutione hereditatis sit necessaria presentia fideicommissarii? an etiam absenti restitui possit hereditas: hoc est, procuratori absentis, vel an absens per procuratorem possit adire hereditatem? & postulare decretum, quo heres cogatur adire & restituere hereditatem. Et breuiter, *utrum ut presenti, sic etiam absenti restitui possit hereditas? Et an nomine absentis cogi possit heres adire & restituere?* Dubitatur hac de re, quia per procuratorem non potest adiri hereditas, l. per procuratorem, de adquir. hered. & restitutio hereditatis est successio quædam, l. non enim erisc. h. t. Adeo ut iudicium familiæ, sit etiam cum eo cui restituta est hereditas ex Trebelliano, quasi cum

**A** herede, l. 24. & 40. fam. erisc. l. ita tamen §. si ex Trebell. & seq. hoc tit. Sed magis est, ut sicut bonorum possessio potest agnosci per procuratorem etiam voluntarium, qui non habeat mandatum nomine eius cui delata est bonorum possessio, l. 3. §. *adquirere, de bon. poss. l. si quis alieni, de adq. hered. l. seruo inuito §. si pupillo, hoc tit.* ita etiam possit per procuratorem quem libet recipi fideicommissaria hereditas, & ut possit procurator quilibet nomine fideicommissarii cogere heredem per prætorem, ut adeat & restituat. Atque ita definitur in d. §. *utrum.* Neque huic definitioni quicquam obstat l. sed nec ipse, h. t. quæ dicit tutori fideicommissarii non posse restitui hereditatem. qui tamen plus esse videtur quam procurator. Ergo nec procuratori videtur posse restitui. Sed obseruandum, quod lex ait indistincte, non posse restitui tutori, quia scil. tutori pupilli præsentis, nec infantis, non potest restitui, ut l. pen. C. cod. tit. tutori vel procuratori absentis potest restitui. Et non obstat etiā lex si mulier §. *ex asse, de iure dot.* quoniam ut omittam, quod Accurs. ait, perspicuum est, eam legem loqui non de restituenda hereditate, sed de transferendis actionibus. Hereditas potest restitui alii nomine fideicommissarii, sed transeunt actiones in fideicommissarium, non eum, cui restituitur. In eum igitur, cuius nomine restituitur, non in eum, cui re ipsa restituitur, l. ita §. 1. & l. restituta, hoc tit. Actiones autem in alium transire, quam fideicommissarium ex Senatusconsulto Trebell. non possunt. Et non obligatur heres, ut ostendit §. *ex asse*, alii promittere ex voluntate fideicommissarii, se in eum translaturum actiones: quia impossibile nulla est obligatio, & impossibile est, quod Senatusconsultum non patitur, ut l. 1. hoc tit. Verissimum igitur est absentis procuratorem etiam voluntarium, amicum voluntarium absentis fideicommissarii posse desiderare adiri & restitui hereditatē, & restituta hereditate procuratori actiones transire in fideicommissarium, non in procuratorem. transit autem statim, si verus procurator fuerit, hoc est, si mandatarius fuerit, argum. l. 13. de adquir. rer. dom. vel si voluntarius procurator fuerit, tunc transire, cum fideicommissarius ratum habuerit, d. l. qui ita §. 1. Hæc igitur sententia sit rata & firma. Dicit nunc aliquis percepta hæc sententia, posse euenire nonnunquam ut heres, qui postulante procuratore compulsus adiit, in damno moretur, ut hereat actionibus, ut sustineat onera hereditaria, quod est iniquum, ut qui inuitus adiit, subeat onera quasi adierit suo periculo, non periculo compellentis. Quid enim, si voluntarius procurator sine mandato coegerit heredem adire & restituere, & fideicommissarius ante decesserit, quam ei restitueretur hereditas, id est, antequam ratum habuerit? Restitutio hereditatis fit non tantum actu, sed etiam verbo d. l. restituta. Et rati habitio fit quoque non tantum actu, puta accepta hereditate, sed etiam verbo l. 5. rem rat. hab. Ergo non tantum, si fideicommissarius acceperit hereditatē à procuratore voluntario qui eam prior acceperat ab herede, sed etiam acceptam habuerit. Et ita proponitur in d. §. *utrum.* ex quo necessario colligitur, moriente fideicommissario antequam ratum habuerit fideicommissum hereditatis extingui, quia scil. heres eius ratū habere non potest, cum ad eum non transeat fideicommissaria hereditas, cuius ius defuncto nondum adquisitum fuerat. Et res procedit his gradibus, directa hereditas non adita, non transit in heredem, l. 6. §. ult. l. 7. de inoff. test. l. vn. C. de caduc. tol. §. nonissime. Bonorum enim possessio non agnita non transit ad heredem, & forte si petita sit alieno nomine, & is, cui petita est, moriatur, antequam ratum habuerit, non transit ad heredem eius, nec heres eius ratū habere potest, d. l. 3. §. *adquirere, de bon. poss. l. 7. rem rat. hab.* Cōsequens igitur est, exemplo bonorum possessionis, quo etiam vbi ante sumus, nec fideicommissariam hereditatem transmitti in heredem, cuius ius non fuit quæsitum defuncto. Neque obstat huic conclusioni lex postulante, hoc tit. quia impulsus Accurs. putat fin-



gendum esse fideicommissarium ante restitutionem decessisse sine herede. Sed nihil moueri debuit hac lege, quia ibi hereditas intelligitur fuisse restituta defuncto, licet non sit restituta, quia postulauerit eam adiri, quæ postulatione pro restitutione est. Non obstat etiam lex *cogi §. item Mevianus, hoc tit.* quoniam in ea lege illa verba, *sive alius in locum eorum successerit*, id est in locum fideicommissariorum, quia nondum desiderauerunt sibi restitui: illa inquam verba sunt accipienda de substituto vel de fideicommissario, cui exterorum portiones accreuerunt, non de herede: Nam nulla hereditas, siue directa, siue precaria, aut fiduciaria, aut fideicommissaria, non acquisita, in heredem transit. Ergo rursus ita concludamus, petitionem hereditatis civilem, si non sit acquisita defuncto hereditatis, non transmitti ad heredem, ut Paulus scribit *1. Sentent. tit. 13.* Possessoriam quoque petitionem, si à defuncto non fuerit agnita bonorum possessio, non transmitti ad heredem & similiter, fideicommissariam hereditatis petitionem eo casu non transmitti ad heredem. Nec rursus obstat huic rei lex *3. de fideic. hered. pet.* quæ dat fideicommissariam hereditatis petitionem heredi fideicommissarii, vel bonorum possessori, vel alii successori. Sed hoc sane ita procedit, si fideicommissario restituta sit hereditas, vel verbotenus, non si ante restitutionem mortem obierit. Ergo procurator, qui mandatum non habuit, si nomine fideicommissarii coegerit heredem adire, & restituerit hereditatem, & fideicommissarius decesserit, antequam ratum haberet heres, qui coactus adiit, sustinet onera hereditaria, quod est iniquum. Iniquum est enim, qui compulsus adiit obligari æri alieno; iniquum adire suo periculo: iniquum astringi oneribus hereditariis, quod in eo casu superest solus qui possit teneri perempto fideicommissio hereditatis. Istud incommodum obicit Vlp. in *d. l. utrum*. Et inouit iuris auctores valde rescriptum D. Pij, quo huic incommodo subuentum est: Nam hodie his casibus ex rescripto D. Pij non tantum, si heredi cauerit procurator de rato, sed etiam, si non cauerit, plerunque cautio interposita redditur inutilis, puta deinde lapsis facultatibus fideiussoribus. Cautiones sunt fragiles, inquit lex *qui ita §. 1. hoc tit.* quoniam potest fideiussor, qui pro alio cauit, redigi ad inopiam, nihil igitur refert, siue procurator heredi cauerit de rato siue non: Nam utroque casu heredi qui compulsus adiit, perempto fideicommissio, puta quod mortuus sit fideicommissarius antequam hereditatem, heredi succurritur per prætorem data restitutione in integrum. Dicitur beneficium istud extraordinarium in *l. 12. cuiusmodi est restitutio in integrum, l. in causa, D. de minor.* Et hoc quidem ita fuit introductum à D. Pio, qui dicitur Titus Antoninus in *l. 12. in alia specie*, in qua tamen suberat idem incommodum, aut iniquitas eadem occurrebat. Et licet Constit. pertineat ad vnam speciem, exemplum tamen eius possumus sequi etiam in aliis omnibus in quibus occurrit idem incommodum, vel eadem iniquitas. Et ut ostenditur in *§. utrum*, species, ad quam proprie pertinet rescriptum, hæc est: Quidam Titium ex asse heredem scripsit, & Albinam ancillam suam directo manumisit. Hæc quidem Albina habebat filiam in seruitute eiusdem domini, nempe testatoris, & eidem Albinæ filiam impuberem per fideicommissum reliquit & rogauit, ut eam manumitteret, ut mater filiam manumitteret. Titium quoque heredem rogauit, ut manumissæ filiæ Albinæ restitueret hereditatem sub conditione, cum nubilem compleisset ætatem, *quand elle auroit passé donze ans.* heres recusauit adire hereditatem, dicens suspectam esse, an potest cogi? Et D. Pius rescripsit, posse. A quo vero potest cogi? à pupilla? à serua impubere? minime, sed nomine eius pupillæ heredem compelli adire, quolibet postulante pro ea, *l. si impuberi, de tut. & curat.* quod exposui lib. 11. Et postquam adierit heres, statim Albinæ competet libertas & heres ei tradet filiam ex causa fideicommissi manumittendam, & manumissæ mox heres restituet hereditatem: statim etiam antequam impleuerit

nubilem ætatem, antequam pubuerit, quia qui compulsus adiit, etiam ante diem vel conditionem, vel qui suspectam dicit hereditatem, etiam ante diem vel conditionem fideicommissi, potest cogi adire, restituere, representare fideicommissum, *l. seq. in princ. l. si cui pure, hoc tit.* Sed actiones non transeunt ante conditionem, restituitur quidem hereditas ante conditionem, *l. sed & si ante, hoc tit.* nec æquum esset cum posset deficere conditio. Igitur restituta hereditate filia impuberi, herede coactus adire filia non obligabitur æri alieno, antequam pubuerit. Quid igitur, si impubes moriatur? morte eius extinguetur fideicommissum, quia mortua est pendente conditione, & non est, in quem transeant onera: an igitur sustinebit onera heres, qui compulsus adiit? an hereditatem actionibus hereditariis? Sic videtur ipso iure. Sed per prætoris ex eo rescripto ei succurritur, ita ut perinde à creditoribus hereditariis bona vacent nomine testatoris, atque si nemo ei heres exstitisset. Et similiter in proposito casu, si procurator voluntarius absentis fideicommissarii coegerit heredem adire & restituere, nec fideicommissarius ratum habuerit, heredi succurritur, qui compulsus adiit eodem exemplo, ita ut bona vacent nomine testatoris, ac si ipse non adiisset. Hoc beneficium D. Pij est nouum, ut ait *l. 12.* puta, ut hereditas adita habeatur pro non adita, & ex causa prætor restituet in integrum quemlibet etiam maiorem 25. annis. Itaque ut subiicitur in *princ. l. 13.* quæ est coniuncta cum *l. 11.* hodie heres, qui suspectam hereditatem dicit, non potest causari, se non posse cogi adire ante conditionem, puta, ne in damno versetur, conditione forte postea defecta, quia, ut diximus, etiam si deficiat conditio fideicommissi, ei succurritur per prætorem, ut pro eo habeatur, ac si non adiisset. hæc causatio non efficiet, ne compellatur adire cum nullum damnum ei futurum sit, etiam si deficiat conditio. Vnde ita concludit *l. seq. in princ. iam igitur*, id est, post rescriptum D. Pij, non desideratur heredis presentia. vbi manifestissimum est, non esse intelligendum nomen heredis, sed fideicommissarii, quæ est conclusio prioris quæstionis: Nam potest procuratori eius restitui cuilibet, quæ res heredi damno futura non est, qui compulsus est adire, etiam si fideicommissarius ratum non habeat. Et similiter in *§. ult. l. præcedentis*, illo loco, *nec oporteat damno affici eum, qui rogatus adiit hereditatem*, vbi euidentissimum est legendum esse, *qui coactus adiit hereditatem*, ut infra, ait, succurri heredi, succurri ei qui compulsus adiit.

Diximus ante, heredem rogatum restituere hereditatem sub conditione, qui sibi eam suspectam dicit, & recusat adire, etiam ante conditionem compelli posse adire & restituere, nec hodie quicquam vereri, ne in damno moretur, quia etsi deficit conditio fideicommissi, atque ita solus heres ipse, ut diximus hæreat in luto, hæreat actionibus ex Constitut. D. Pij ei succurritur rescissa additione per prætorem, & bonis venditis nomine testatoris, non nomine heredis, qui pro eo est qui non adiit beneficio restitutionis. Et posuimus speciem in herede instituto ex asse: diuersum enim esse ostendit lex *12. hoc tit.* in herede instituto ex parte: nam si heres institutus ex parte rogatus sit partem suam restituere sub conditione, & suspectam dicat hereditatem, ante conditionem non cogitur adire & restituere, *l. non est cogendus, hoc tit.* quæ est ex eod. lib. Et quæ, ut inferius demonstrabitur, est accipienda de herede instituto ex parte, licet id non edicat palam. Cur vero heres ex parte ante conditionem non cogitur adire? quia etiam si non adeat, nihil damni facit fideicommissarius, etiam si recuset, vel repudiet: nihil refert adire hereditatem, cum portio eius accrescat heredi cum onere fideicommissi, *l. si Titio, inf. de leg. 2.* Et ideo ad eum non pertinet beneficium restitutionis Dini Pij, quod quidem pertinet tantum ad eum qui cogitur adire: & heres institutus ex parte, si forte sua sponte adierit, cum non posset compelli deficiente conditione fideicommissi, non restituitur aduersus additionem, sed omnino cre-



ditoribus hereditariis satisfacere cogitur, & bona vœmeunt eius nomine, non testatoris: proscriptio infamiæ heres sustinet, nō testator. Et hoc ita proponit Papin. in hac l. 12. & adicit, hoc adeo verum esse, vt etiā si pupillus sit institutus ex parte, qui sponte adierit tutore auctore, vt oportet: nā & hic pupillus nō restitueretur aduersus aditionem sponte factam tutore auctore, non restitueretur, scil. deficiente conditione fideicommissi, hoc est, ex hac causa, quod defecerit fideicommissi conditio, ne sc. iniuria fiat creditoribus hereditariis, qui forte iā bona vendiderunt nomine pupilli, qui adierat sua sponte. Ex causa quidem pupillus restitueretur aduersus aditionem si res sit integra, si bona nondum sint vedita: sed bonis venditis nomine pupilli, ne pupillus quidem auditur postulans nouum & extraordinarium beneficium restitutionis cū iniuria creditorū, qui iam distraxerunt bona pupilli nomine, & distraxerunt iure optimo, cum pupillus adiisset tutore auctore. Et sic etiam ex contrario dicitur in l. nunquam §. 1. hoc tit. postulante fideicommissario, ne pupillum quidem qui repudiavit tutore auctore vt oportet restitui in integrum adeundi causa, bonis iam venditis, & finitis negotiis hereditariis, quia hoc retractari non potest sine graui iniuria creditorū. Et ita vobis est explicata lex 12. & sic etiam mea sententia cum procurator nomine fideicommissarii perit restitui hereditatem ab herede, si mandatum fuerit incertum, & heres sua sponte adierit, postulante eo procuratore, cū posset non compelli adire propter incertum mandati, etiam oblata cautione potuit non cogi adire, cautione de rato, propter lubricum cautionis & fragilitatem, l. qui ita §. 1. hoc tit. fideicommissario ratū non habente, heres non restituitur in integrum, vt pro eo habeatur, ac si non adiisset, quia de se queri debet, & esse contentus cautione de rato. Et sic explicanda sunt verba legis 12. sed cum ab herede, hoc titulo.

#### Ad l. non est 53. ad Senatusconsultum Trebel.

*Non est cogendus heres suspectam adire hereditatem ab eo, cui libertas a legatario, hereditas ab herede relicta est, cum status hominis ex legato pendeat, & nemo se cogatur adstringere hereditariis actionibus propter legatum. Quid enim si inter moras non manumittente legatario seruus decesserit? si autem viuo testatore legatarius decesserit: benigne respondetur, cogendum adire: cum in ipsius sit potestate, manumisso restituere hereditatem.*

**H**is cognitis facile cognoscemus ex eodem lib. & eadem re l. non est cogendus 33. hoc tit. Species legis hæc est: testator legauit Titio seruum, & ab eodem Titio eidem seruo reliquit fideicommissariam libertatem. Eidem quoque seruo ab herede, vt ponit per fideicommissum reliquit hereditatem. Lex ait, non posse cogi heredem suspectam hereditatem adire, serui nomine scil. hac ratione, quia seruo nō potest restitui hereditas antequam factus sit liber, l. si cum pure §. 1. hoc tit. Et libertas ei relicta est non ab herede, à quo relicta est hereditas, sed à legatario, nemo autem propter legatum solum, vt valeat legatum, vel propter libertatem solā cogitur adire, vt ait l. prox. §. ult. quam exposuimus lib. 15. nemo, inquit, cogitur, vel propter legatum, vel propter libertatem adire, ne in damno moretur, forte mortuo seruo antequam legatarius eum manumiserit. Et ita scribit Papin. in h. l. non est cogendus: cui scripto mirum in modum aduersatur l. 11. §. utrum, & l. 13. in princ. huius tit. Ex ijs quæ diximus heri, intelleximus, heredem cogi adire, à quo relicta est seruo hereditas fideicommissaria, & à legatario libertas, & remedium dedisse D. Pium, vt heres non versetur in damno, mortuo forte seruo, ante aditionem fideicommissarii, vel ante manumissionem. Sed vt breuiter respondeam, iam antea diximus d. §. utrum legem 13. loqui de herede instituto ex asse & aliud esse in hered. institutio ex parte Papin. ostendit in l. 12. cum qua hæc

**A** debet coniungi omnino. Atque ita hæc etiam debet accipi de herede instituto ex parte, à quo sit relicta fideicommissaria hereditas seruo & seruus alii legatus, & legatarius porro rogatus eum seruum manumittere. Hic enim heres non cogitur adire antequam seruus peruenerit ad libertatem. Vno tamen casu in hac l. Papin. ostendit, heredem ex parte institutum posse cogi adire, & restituere hereditatem, videlicet, si legatum serui defecerit viuo testatore mortuo legatario, quandoquidem legatum remanet apud heredem, si habuerit ius antiquum, si habuerit ius excludendi fisci, qui alias ex l. Papia vocatur ad legata, quando deficiunt viuo testatore, & dicuntur esse in causa caduci. Imo remanet illud legatum apud heredem, etiam si heres non habeat ius antiquum propter fideicommissariam libertatem, quia leges Caducariæ non pertinent ad libertates, l. generaliter §. si heres, de fideic. libert. l. si priuatus §. ult. qui & à quibus man. Ergo legatum illud serui remanet apud heredem, & remanet igitur cum onere fideicommissi, id est, cū onere præstandæ seruo libertatis. Atque ita hoc casu, heres idem incipit esse debitor, qui libertatis & heredis. Ac merito nomine serui cogitur adire, & manumisso restituere hereditatem, vt demonstratum iam est in l. præced. §. ult. quæ, & hoc notandum, quod hæc lex consentiat, merito ei subiuncta est. Et hoc argumento confirmari etiam potest, hanc legem non esse accipiendam de herede instituto ex parte, cū & de eo fuerit lex præcedens. Confirmari denique id potest coniunctione d. l. 12. & vicinitate l. præcedentis, neque de eo quicquam ambigendum est.

#### Ad l. 55. ad Senatusconsultum Trebell.

*Si patroni filius extrario restituerit ex Trebelliano hereditatem, operarum actio, quæ transferri non potuit, apud heredem manebit, nec ei nocebit exceptio, cum eadem prodesse non posset ei, qui fideicommissum accepit. Et generatim ita respondendum est, non summoneri heredem, neque liberari ex his causis, quæ non pertinent ad restitutionem.*

§. 1. Imperator Titus Antoninus rescripsit in tempus dilecto data libertate, non esse representandam hereditatis restitutionem, quando persona non est, cui restitui potest.

§. 2. Qui fideicommissam hereditatem ex Trebelliano, cū suspecta diceretur, totam recepit, si ipse quoque rogatus sit alij restituere, totum restituere cogitur. Et erit in hac quoque restitutione Trebelliano locus. Quartam enim Falc. in re fideicommissarius retinere non potuit. Nec ad rem pertinet, quod nisi prior, vt adiretur hereditas, desiderasset, fideicommissum secundo loco datum intercidisset. Cum enim semel adita est hereditas, omnis voluntas defuncti rata constituitur. Non est contrarium quod legata cetera non ultra dodrantem præstat: aliud est enim ex persona heredis conueniri, aliud proprio nomine defuncti precibus adstringi. secundum quæ potest dici, non esse priore tantum desiderante cogendum institutum adire, ubi nulla portio remansura sit apud eum: utique si confestim; vel post tempus cum fructibus rogatus est reddere: sed & si sine fructibus rogatus est reddere, non erit idonea quantitas ad inferendam adeundinecessitatem; nec ad rem pertinebit, si prior etiam libertatem accepit: vt enim pecuniam, ita nec libertatem ad cogendum institutum accepisse satis est. Quod si prior recu-sauerit, placuit vt recta via secundus possit postulare, vt heres adeat, & sibi restituat.

§. 3. Quid ergo, si non alij, sed ipsi heredi rogatus sit restituere? Quia non debet eidem, quandoque quarta reddi, quam perdidit, propter huius portionis retentionem eris audiendus. Sed nec illud translatitè omittendum est, instituto, qui coactus est adire, fideicommissi petitionem denegandam esse. Cur enim non videatur indignus, vt qui destituit supremas defuncti preces, consequatur aliquid ex voluntate? quod fortius probabitur, si post impletam conditionem coactus est adire: nam si pendente conditione durum



erit idem probare cum & Falcidiam pœnitendo potuit inducere. Nec ignoro posse dici nullo modo fideicommissi petitionem denegandam eis; qui iura sepulchrorum adquiri insequuntur. Adeo Senatus nihil apud eum ex ea parte, quam derelinquit, voluit relinquere, ut nec Falcidiam exercere possit, nec præceptio, apud eum relinquatur, nec substitutio quoque secundarum tabularum ita facta: Quisquis mihi heres erit, filio meo heres esto, eidem daretur. 4. §. Cui Titiana hereditas ex Trebelliano Senatusconsulto restituta est, Menianam hereditatem, quam Titius defunctus ex Trebelliano Sempromio restituere debuit, & ipse restituere poterit, sicut alius quilibet successor. 5. §. Actiones temporaria Trebelliani solent esse evicta hereditate ab eo qui posteaquam fideicommissam restituit hereditatem, victus est: scilicet ante restitutionem lite cum eo contestata: potestas enim evictionis tollit intellectum restitutionis, indebito fideicommissum constituto. Plane si fideicommissum ab eo quoque qui postea vicit, relictum est, quia possessor in ratione reddenda hereditatis partem, quam fideicommissario restituit, heredi reputat: defendi potest, actiones Trebelliani durare,

**P**rima quæstio *l. si patroni*, est de operis libertorum, quæ necessario coniungenda est cum *l. si bona 40. de op. libert.* quæ est ex eodem libro. Certum est, restituyendo hereditatem ex Senatusconsulto Trebelliano heredem transferre obligationes & actiones omnes in fideicommissarium, cui restituitur, quas scilicet habuit tempore restitutæ hereditatis, & quibus fuit restrictus, hoc est, & activas, & passivas, siue iure civili cõpeterent, siue iure prætorio: imo & causa naturalium obligationum transit ad fideicommissarium, *l. quamvis, hoc tit.* Et ideo, si heres conveniatur in solidum à creditoribus hereditariis post restitutam hereditatem, potest se tueri & defendere exceptione restitutæ hereditatis, quia restitutio liberat heredem, si non ipso iure, saltem per exceptionem: Et contra si post restitutionem heres, qui restituit, agat cum debitore hereditario, repellitur eadem exceptione restitutæ hereditatis, & transfusarum per restitutionem, siue translatarum actionum in fideicommissarium, *l. 1. §. quanquam, & l. ita tamen §. qui ex Trebell. hoc tit.* Quæ exceptio etiam dicitur exceptio Trebelliani *l. 28. de iudic.* sicut actiones Trebell. quæ ad fideicommissarium transierunt per restitutionem hereditatis in §. *ult. huius leg.* Quod autem dicimus, restituta hereditate omnes actiones fideicommissario, & in fideicommissarium competere, non habet locum in actione operarum, quæ heredi instituto filio patroni cõpetit adversus libertum paternum: Nam hæc actio non transit in fideicommissarium extraneum, cum non sit patronus, & hæc operæ debeantur tantum reuerentiæ patroni. Finge: libertus patrono debuit operas, prius filium heredem instituit, & rogavit fideicommissario restituere hereditatem. post certum tempus restituta hereditate, an actio operarum transit in fideicommissarium? minime, quia non est patronus. filius patroni est patronus, *l. cum patronum 10. de iure patrôn.* ei debentur operæ quasi patrono, *l. sciendum, de verb. sign. & restituta hereditate apud eum remanebit actio operarum, nec petenti operas obstat exceptio Trebell. nec ut annotavit Accurs. recte, has operas imputat in Falc. videlicet, si post mortem patroni deberi cõperit, si post mortem patroni ab ipso filio inducæ fuerint, & imperatæ liberto patroni: quia etiam omnia hereditate paternâ ei debentur, modo non sit exheredatus: & in Falcidiam imputantur tantum quæ iure hereditario capiuntur, id est, quæ quis non caperet, si heres non esset, vel si repudiaret hereditatem, aut ea se abstineret. Ergo non imputabit, quæ capit iure patronatus. Recte autem dicimus, etiam restituta hereditate, filium patroni retinere actiones operarum, cū non possint transire in extraneum, qui nō est patronus. hæc operæ sunt officiales. Porro officium tantum constat inter libertum & patronum. filius ipse est patronus, fideicommissarius Trebellianus non est patronus. Et eadem ra-*

tionem extraneus heres institutus à patrono, nō est patronus: Et consequenter ei non debentur operæ, quæ debitæ fuerunt defuncto, quia nō ius hereditariū sequuntur, sed ius patronatus, atque cõmutantur, *l. libert. C. de op. libert. l. pro herede §. si quis tamen, de acqu. hered.* Et eadem ratione filio exheredato non debentur operæ, quia non est patronus. Exhereditatio nō tantum ius sui filio aufert, sed etiam ius patroni in libertos paternos, *l. si operum, de op. libert.* Et hæc quidem, ut iam antea significavi, accipiendæ sunt de operis officialibus, hoc est, quas libertus, ut libertus patrono debet officii causa, non tantū iure civili, puta ex stipulatione, vel etiam iureiurando, quo solo casu ex iureiurando actio est, sed etiam eas debet patrono iure naturali, cuiuscūque sint ministerii, artificijue generis, quas modo libertus ipse edere patrono possit, & exhibere: & debetur non quidē statim, ut promisit vel iuravit, etiam si pure promiserit, sed cū eas patronus indixerit, cum cõmodum erit patrono eas sibi edi, iubente puta patrono, *Præsta mihi hodie illam operam struendo parieti, dato mihi hodie operam*, vel quid aliud, quas autē debet libertus, ut quilibet extraneus, hæc non in officio consistunt, *ce n'est pas pour lui faire honneur*, sed quasi in pecuniæ præstatione. Et hæc transeunt ad quemcunque heredem, *l. 6. de op. libert.* Officiales transeunt ad filium heredem institutum, nō ad extraneum heredem institutum, non ad fideicommissarium Trebellianum, ut ostendit hæc *l. Papiniani*, sed remanent apud filium heredem institutum, & earum actio. Nec filio eas operas petenti obstat exceptio Trebelliani, quod Papin. ostendit elegantissima ratione, quæ sic erat enarranda: cur filio heredi instituto, qui restituit hereditatē, agenti de operis adversus libertū paternū, non obstat exceptio Trebell. sicut si ageret alia de re? quia si noceret filio, proderet fideicommissario extraneo, id est, extraneo competere operarum persecutio, quas nō posset filius persequi, *l. 1. §. 4. hoc tit.* Atqui extraneo operarum persecutio competere non potest, cum non sit patronus. Ergo persequenti operas filio, nō debet nocere exceptio. Est elegantissima ratio. Et inde generaliter definit Papin. ex omnibus his causis, quæ ad restitutionem nō pertinent, id est, quæ in restitutionem fideicommissi non veniunt, quæ non sequuntur fideicommissarium Trebell. heredi agenti non nocere exceptionem Trebell. vnde sequitur, ut pro rata Falcidiae, pro rata quadrantis, quam retinet heres oneratus fideicommissio, agenti heredi nō possit nocere exceptio Trebell. nec proderet convento pro rata Falcidiae, quia iura omnia siue onera creditorum, aut actiones debitorum dividuntur inter heredem & fideicommissarium pro quadrante & dodrante. Idemque erit in fructibus medio tempore perceptis, qui in restitutionem nō veniunt. Nam si eos persequatur pro rata quadrantis heres post aditā hereditatem, non oberit exceptio Trebell. & etiam nō proderit, si conveniatur eorum causa: puta reddendorum sumptuum nomine quos colonus fecit in ferendis fructibus aut legendis. Et consequenter idem etiam erit in his quæ heres alienavit, vel quæ deminuit ex hereditate; cum esset rogatus restituere, quod superesset: & generatim, ut ait in omnibus, quæ ad restitutionem non pertinent.

Diximus, filio heredi instituto etiam post restitutam hereditatem deberi operas à liberto patrono. Dixi extraneo heredi patroni non deberi operas. Videamus, quemadmodum hæc duæ sententiæ accipiendæ sint. Prior vera est, filio heredi instituto deberi operas, quas libertus patrono debuit, etiam si restituerit hereditatem: imo etiam si abstinerit se hereditate, modo non sit exheredatus, *l. si operarum, de op. libert.* Quod ea lex significat his verbis, *etiam si heres non existat*: aliud est, heredem existere, aliud exstare: nam exstare, constare est, & perseverare, heredem esse, non nomine tantum, sed re: filius heres existit statim, etiam inuitus & ignorans, sed non existat heres, si se abstinerit: nec tamen ideo minus petit operas. Et idem etiam est, si de ope-



ris lis à patre non fuerit contestata cum liberto, hoc est, filio debetur etiam futurae operae, quas ipse indicet, nedum praeeritae quas pater indixit, (*nedum, id est, multo magis*) & de quibus litem contestatus est in *d. l. si operarum*. Sane praeeritae filio debentur, cum & debeantur heredi extraneo patroni, quoniam iam cesserunt, & sunt in hereditate, in *l. 4. de op. libert.* Sed in filio hoc est praecipuum, ut ei debeantur etiam futurae, quae tamen non deberentur heredi extraneo: heredi extraneo novarum operarum indictio non est: praeeritarum, quas indixit defunctus, & de quibus litem contestatus est, etiam heredi extraneo petitio est. Et secundum haec, quae sunt certissima, iamdiu ostendi, in *l. pro herede §. si quid tamen, de acq. hered.* sic esse legendum, cum petitio earum etiam non heredibus competat, & maxime futurarum. Nam hoc vult dicere §. filium patroni heredem institutum petendo operas, non videri pro herede gessisse, atque adeo petendo operas, eum se non immiscuisse negotiis hereditariis, quia scilicet filiis patroni etiam non heredibus putata abstinentibus se bonis paternis, datur petitio operarum, modo non sint exheredati, & futurarum maxime, id est, quae post mortem patroni deberi coeperunt. Posset dubitari, an abstinentibus se hereditate filijs, etiam esset petitio operarum praeeritarum? Sed id est etiam in praeteritis, ut dixi ante, minus dubitabatur de futuris. Ergo ita concludamus, filijs heredibus institutis etiam abstinentibus se, petitio est operarum, cum futurarum, tum praeeritarum. Extraneis autem heredibus, qui adierunt hereditatem, est petitio praeeritarum tantum, quae iam coeperant deberi defuncto, quaeque ab ipso defuncto indictae fuerant, *l. 4. de op. libert.* Et secundum hoc recte in *l. 9. eod. tit.* operas futuras non alij deberi quam patrono, quia scilicet praeeritae debentur etiam non patrono puta heredi patroni extraneo, qui adiit. Et secundum haec etiam est certissimum, in prima parte legis *si operarum*, tollendam esse negationem. Nam ut summarim illa lex exponatur, facit differentiam inter filium patroni heredem institutum, & extraneum heredem institutum. Nam filius patroni petit operas omnino etiam si abstinerit se hereditate, etiam si de eis non egerit pater, id est, non fuerit litem contestatus pater, antequam moreretur. Extraneus autem ita demum petit operas, si à defuncto fuerit lis contestata, contestatum iudicium operarum, & pendente iudicio mortuus fuerit. Nam translatio iudicii datur extraneo heredi, id est, lis transfertur in extraneum heredem. lex *tam ex contractibus, de indic.* ait, translationem dari, quem locum iuvenes quidam depraverant. Filio fam. post litem contestatam procuratorio nomine mortuo pendente lite aut etiam post condemnationem erit, in eum, quem defendit, hoc est, in eum cuius nomine agit, translatio, non transactio, ut Flor. datur in eum, cuius nomine agit, datur translatio litis, ut ab eo peragatur lis vel si procurator fuerit condemnatus, datur in eum iudicati actio. Et ita Graeci μεταβαίνειν δίκην, id est, transfertur iudicium, vel condemnatio in eum, quem defendit. Haec sunt certissima, sed ut magis confirmentur, applicanda est *l. 40. de op. liber.* quae est ex eodem libro.

Ad l. si bona 40. de oper. libert.

*Si bona patroni venerint, operarum, quae post venditionem praeerierint, actio patrono dabitur, & si alere se possit, ante venditionem praeeritarum non dabitur, quoniam ex antegesto agit.*

**S**pecies haec est: bona patroni decoctoris vendiderunt creditores eius. praeeritae opere ante venditionem bonorum, quas patronus iam indixerat sequuntur creditores patroni, vel emptorem bonorum, qui est pro successore, non sequuntur patronum. Cur? quia cuius bona venerunt, non potest agere ex antegesto, ex eo quod gessit ante venditionem bonorum, *l. pen. de curat. bon. dand.* ad quam omnino est quasi similis adiungenda haec, & ad hanc illa, nec sine illa vix ullus hanc intelligit. Operae

**A** autem praeeritae post venditionem bonorum, puta quas patronus indixit post venditionem bonorum debentur patrono etiam si citra eas operas habeat unde se alat. Hoc ait Papin. in hac *l. 40.* sed est vitiosa ab interpretationibus, post verbum possit, reponendum est punctum. Sed exponamus illud. *operae praeeritae post venditionem patrono debentur, etiam si aliunde se alere possit.* Cur hoc ait? etiam si aliunde, &c. quia est ei relinquendum, quo se alat, si post venditionem cum eo agatur, sicut agi potest, quia scilicet post venditionem tantum tenetur in id, quod facere potest, *l. ult. C. de ren. his, qua in fraudem cred.* in quantum facere potest, quod ratio eius habenda est, ne egeat secundum regulam legis, in condemnatione, de reg. iur. Quid hoc est, ne egeat, id est, ne desint ei alimenta, *l. 6. de cessio. bon.* Ergo hoc vult lex, quod etiam si ei sufficiant alimenta quotidiana, tamen habeat etiam operas, quae post venditionem cesserunt, quas creditores habere non possunt.

Ad §. Imperator Titus Ant.

**P**onitur rescriptum D. Pij. quo cauetur, ut si testator seruo suo pure reliquerit hereditatem per fideicommissum ab herede scripto, & libertatem directam in tempus, puta, ut post biennium liber esset, non posse cogi heredem adire, antequam seruo libertas competierit, non posse cogi adire ante biennium, quia non est cui hereditas restitui possit. Pendet hereditas ex libertate fideicommissarii, quod coniungendum est cum his, quae ex eodem libro attulimus in *l. 12. §. l. non est cogendus, hoc tit.* Quanquam in illis locis agitur de libertate fideicommissaria, hoc loco de directis: illis locis de libertate à legatario, hereditate ab herede relicta, hoc loco de utraque relicta ab herede. Et pertinet etiam valde ad haec, quae posui latius *lib. 19. ad l. si res aliena, hoc tit.* Et verissima sunt quaecunque scripsit Accursius in hunc §.

Ad §. qui fideicommissam.

**T**ranseamus igitur ad §. qui fideicommissam, & cum totum exponamus, si placet. Est satis longus, & multa complectitur. Sciendum est, heredem, qui suspectam & damnosam hereditatem dicit, postulante fideicommissario ex Senatusconsulto Pegasii. cogi à praetore adire & restituere hereditatem totam non deducta Falcidia, quia Falcidia vititur tantum is, qui sponte adit: sed fideicommissario & in fideicommissarium, qui recipit hereditatem, dantur omnes actiones, perinde atque si restituta esset hereditas ex Senatusconsulto Trebelli. Quod etiam proponitur in initio huius §. Verum sciendum est praeterea, & hunc quoque fideicommissarium, si rogatus sit eandem hereditatem alii restituere, & alii restituere hereditatem totam, quam recepit, non deducta Falcidia, ita ut transeant omnes actiones ad secundum fideicommissarium *l. 1. §. de iho, h. r.* Heres non detrahit Falcid. sua culpa, quia quantum in se fuit, hereditatem dereliquit, nec nisi coactus adiit *l. quia poterat, hoc tit.* Fideicommissarius autem, quod obtinet etiam in legatario, non detrahit Falc. nullus, inquam, fideicommissarius, siue particularis, siue universalis detrahit Falcidiam, quia lex Falcidia lata est solius heredis causa, *l. pater ad l. Fal.* ut ne hereditatem dereliqueret, aut destitueret, qui non est heres non exercet Falcidiam. Ergo legatarius aut fideicommissarius qualiscunque sit non exercet Falcidiam, quod probatur ex *l. 1. §. denique, & §. seq. l. mulier. §. ult. hoc tit. l. lex Falc. §. ult. ad l. Falc. l. coheredi. §. quod si heredem, in fin. de vulg. substit.* Et verissimum hoc est, siue usus iam sit heres Falcidia adversus fideicommissarium, ut non possit rursus & fideicommissarius uti Falcid. siue heres non sit usus Falcid. quia nec tunc ea vteretur fideicommissarius, ut in specie huius §. si coactus adiit. Et ita apertissime definitur in hoc §. qui continet multa praclarissima principia iuris. Hoc primum est, quod dixi solum heredem exercere Falc. nō



deicōmissarium vllum, aut legatarium. Et respondet Papin. quibusdam, quæ possent obijci huic principio, seu sententiæ iuris sed possent etiam obijci alia, quæ non memorauit Papin. quæ nos tamen proferemus & refellemus. Diceret primum forsitan aliquis in hac specie, æquum esse, fideicommissarium exercere Falcidiam aduersus secundum fideicommissarium, quia, nisi ipse prior coegisset heredem adire, intercidisset fideicommissum secundo loco datum, quia aditione non secuta omnis vultestamenti soluitur, & nihil testamento scriptum valet: aditio confirmat omnem scripturam testamenti. Et eleganter ait, quod est aliud principium; *cum semel adita est hereditas, omnis voluntas defuncti rata constituitur.*

Sic ergo argumentatur prior fideicommissarius: Ego curavi, vt adiret heres, ego compuli, & ita ratam constitui voluntatem omnem defuncti, aut rata vt constitueretur, effeci per aditionem. seruauit ergo tibi fideicommissum posterius: cur non ex eo deducam quartam, vt tu habeas tantum dodrantem, qui nihil habuisses, nisi ego compulsem heredem ad adeundum? Papin. contemnit inspectionem istam, & ait, hoc nihil ad rem pertinere, absurdum esse argumentationem, id est, huius rei rationem nullam haberi debere, nec ideo magis fideicommissario priori Falcidiam exercere licere aduersus posteriorem: alioquin in casibus, quibus cesset Falcid. vt in testamento militis, per hanc causam heres induceret Falcidiam, dicendo se adiisse & ita seruasse legata aut fideicommissa, ne interciderent, qui poterat repudiare testamentum & hereditatem. Igitur hæc causa non est idonea ad inducendam Falcid. quibus casibus non habet ea locum. Hoc nihil ad rem pertinet, nec declarat, cur nihil ad rem pertineat, quod satis quilibet id videatur per se capere posse. Ergo verum manet illud, fideicommissarium non exercere Falcid. Videtur contrarium esse huic sententiæ rursus, quod fideicommissarius legata ab herede data præstat deducta Falcid. si eam non deduxit heres. Præstat igitur tantum dodrantem legatarius. Quod etiam opponit Pap. hoc loco, & probatur l. 3. §. 1. l. facta §. si cum suspecta, hoc tit. Cæterum hoc sane non est contrarium sententiæ nostræ, quia eo casu hanc Falcid. deducit fideicommissarius ex persona heredis, à quo relicta erant legata aut fideicommissa, & qui ea deducere potuit: alioquin secus, l. cogi §. Meianus, & l. ex asse, hoc tit. non enim eo casu fideicommissarius deducit Falcidiam ex persona sua & nomine proprio. Nam ex fideicommissis à se relictis, fideicommissarius non deducit Falcidiam. Et superior sententia est sic accipienda, vt fideicommissarius non exerceat Falcidiam ex sua persona: nam ex persona heredis potest. Non est etiam contrarium huic sententiæ, quod fideicommissarius, qui passus est Falcidiam, hoc imputat suis fideicommissariis pro rata, & eo minus præstat, l. pen. §. ult. ad l. Falcid. l. factam §. si Titius, hoc tit. Quia, vt respondeam, hæc imputatio non est deductio Falcidiæ, permessa ob id tantum, ne fideicommissarius obligetur in plus, quam acceperit, ne de suo fideicommissa præstare cogatur. Non est etiam contrarium huic sententiæ, quod si heres rogatus sit hereditatem restituere Titio, & rursus Titius rogatus sit eam alii restituere, si Titio restituerit heres, non deducta Falcidia, eo scilicet animo, vt ipse Titius potius eam deduceret, & sibi haberet, Titius potest vt Falcidia aduersus sequentem fideicommissarium, l. 1. §. 1. hoc tit. Hoc non est contrarium superiori regulæ, quia, vt respōdeam, hoc facit liberalitas heredis, qui Falc. quam omisit donare voluit priori fideic. non posteriori. Itaque sit nobis semper illa sententia, vt murus æneus. Et hæc, quæ dixi pertinent ad hanc partem §. qui fideicommissariam hereditatem. vsque huc adstrinxi, persequar reliqua. Intelleximus heredem rogatum restituere hereditatem Titio, qui eam alij restituere rogatus est, postulante Titio, si heres suspectam hereditatem dicat, profiteatur sibi non expedire eam heredi-

tem adire, compelli posse per prætorem, vt adeat & restituat. Compelli igitur potest à priore fideicom. Hoc non est vsquequaque verum, vt eleganter docet: Nam hoc verum est quidem, si aliqua portio hereditatis ex fideicommissis apud Titium remansura sit, vt si non sit rogatus alii restituere totum, sed partem: quia portio hereditatis apud eum est remansura, ei ius est cogendi heredem, vt adeat & restituat, ne eam portionem hereditatis amittat: nemo cogit adire heredem propter legatum, vt valeat testamentum: nemo cogit adire heredem propter fideicommissum pecuniarium, nec propter vllum aliud emolumentum: imo nec propter libertatem, ne pereat libertas, sed propter hereditatem tantum fideicommissariam, aut partem hereditatis. Igitur si Titius prior fideicommissarius rogetur alii restituere totam statim, vel post tempus, cum fructibus, sane quia nihil eius interest, non potest cogere heredem adire: imo & si Titius rogetur alii restituere post tempus hereditatem totam sine fructibus, quia apud illum nulla est remansura portio hereditatis, cum totum restituere rogatus sit, non potest compellere heredem ad adeundam hereditatem propter commodum fructuum medii temporis, quia nec propter legatum, nec propter libertatem, sed propter partem hereditatis solam, quod est aliud certissimum principium iuris, atque adeo propter partem hereditatis solam, vt nec is, cui relicta est per fideicommissum, possit heredem cogere adire nisi pars aliqua hereditatis apud eum sit remansura. Quod confirmatur etiam l. si res §. ult. & l. seq. hoc tit. Cæterum, quo casu prior fideicommissarius non potest cogere heredem adire, si recuset fideicommissum, certissimum est, sequentem fideicommissarium, apud quem fideicommissum est remansurum recta via, ac si non esset medius alius fideicommissarius, posse compellere heredem adire, & sibi restituere. l. cogi §. ult. hoc tit. Et hæc pertinent ad illa verba, secundum quæ vsq; ad hæc verba, sibi restituat. Et his proxime subiungitur quæstio hæc: an heres cogi possit adire, si fideicommissarius non alij, sed ipsimet heredi, rogatus sit restituere, sub conditione aliqua? Et respondetur, cogi posse, quia heres qui coactus adiuit, perdit quartam, & hæc quarta, quæ perdidit, remanet apud fideicommissarium, nec venit in restitutionem fideicommissi relictæ eidem heredi. Igitur propter eam portionem audiendus est fideicommissarius, si postulet decretum, quo heres cogitur adire. Plus tentat Papin. nec heredem fideicommissarium teneri ex causa fideicommissi, hoc est, fideicommissarium retinere posse totum, quod recepit, quia scilicet qui coactus adiuit, non tantum perdit quartam, sed etiam fideicommissum eiusdem hereditatis: merito, quia ab initio spreuit & dereliquit. Denique eo est indignus. Et ait Pap. hoc non esse omittendum translatiue, id est, ut per barbas siue saltuatim, hoc est, hoc non esse dissimulandum, quoniam est verissimum, fideicommissum hereditatis eiusdem non deberi heredi compulso eam adire. Sane verissimum est, si post conditionem fideicommissi coactus adierit, non si pendente conditione: etiam si cogi possit adire, si suspectam dicit etiam pendente conditione fideicommissi prioris. l. 1. §. ult. l. 13 l. si cui priore, hoc tit. tamen interim locus est pœnitentiæ, vt & Falcidiam & fideicommissum sibi seruare possit, puta res est integra, cum nondum restituerit, adire quidem cogitur ante conditionem qui suspectam dicit, sed ei non restituenda. lex quod §. qui nam compulsus, hoc tit. quæ negat pœnitentiam admitti Falcidiæ seruandæ causa, non est accipienda de eo, qui ante conditionem adiuit, sed de eo, qui adiuit post conditionem. Conclusio igitur hæc sit: heredem, qui coactus adiuit, non tantum quartam amittere, sed etiam fideicommissum eiusdem hereditatis, quod ei testator reliquit à fideicommissario. Dicit Papinianus ad hanc conclusionem: se non ignorare, posse dici, eum non amittere fideicommissum, non amittere petitionem fideicommissi, sed se eo non moueri, non ignoro, inquit, posse dici. Sed supplicamus, & non moueor eo. Qua ratione? quia etiam si non esset heres in-



stitutus, id fideicommissum haberet. Denique id fideicommissum non capit ut heres, cum possit etiam relinqui non instituto vel exheredato, & qui coactus adierit, ea tantum amittit, quæ habiturus est si adierit, ea tantum amittit, quæ habiturus erat ut heres, quæ ratione non amittit iura sepulchrorum familiæ defuncti, etiam si coactus adierit, & restituerit, *l. qui perinde §. i. h. t.* quia & exheredati ea iura habent, *l. 6. de relig. & sumpt. fun.* non aufertur etiã heredi coacto mortis causa capio, *l. qui heredi §. cum heres, de cõd. & demonstr.* qui eam capit ut quilibet, non ut heres, & ex alienis bonis, non ex bonis defuncti, cuius iudicium dereliquit, aut dereliquisset, nisi coactus fuisset: non auferuntur etiam heredi coacto fructus ex bonis percepti ante mortem, *h. ita tamen §. i. h. t.* quia nec hereditati accepti feruntur, sed rebus ipsis, *l. in fideicommissum. hoc tit.* His exemplis posses dicere, etiam non auferri fideicommissum hereditatis, quibus tamen nihil mouetur Papin. Et concludit, æquum esse, ut heres, qui compulsus adiit, amittat fideicommissum, quod est ex hereditate, quam dereliquit, ad quam non potuit, nisi per prætorem impelli. eidem etiam aufertur prælegatum. His non est contraria *l. filio, de leg. 1.* quia is coactus non adiit, sed abstinuit se, cum nollet suo periculo adire, qui coactus adit, adit alieno periculo, & ob id caret commodis omnibus, & aufertur eidem commodum substitutionis pupillaris, si modo ad bona pupilli per substitutionem sit vocatus, quasi heres patris hoc modo: *quisquis mihi heres erit, idem filio meo heres esto*, quia hæc formulâ vocatur ut heres, & his omnibus caret, ad quæ vocatur ut heres, qui compulsus adiit. Et similiter aufertur ei ius ad crescendi, quod obuenit etiam ut coheredi, *l. tamen, & l. fratres §. ult. h. t.* Et generaliter qui compulsus adiit, amittit omnia quæ sunt ex ea hereditate quam dereliquit & ea etiam quæ sunt ex aliena hereditate puta pupilli, quæ non erat habiturus, si heres institutus non fuisset. Et hoc est, quod in reliqua parte continetur. Illud tamen notandum, manifeste esse deprauatum hunc locum, *eis qui iura*, dicendum, *eos, quos iura sepulchrorum sequuntur*, ut in *l. is qui, famil. ercisc.* Hesterno die ultimam quæst. §. *qui fideicommissa debui concipere in hunc modum, an heres cogi possit adire, si is, cui sub conditione rogatus est restituere hereditatem, non alij, sed ipsimet heredi eandem restituere rogatus sit?* Et ita velim vos emendare, ut scil. quod subiicitur de herede, qui coactus adiit post impletam conditionem, vel pendente, referatur ad conditionem adscriptam priori fideicommissio, & ita omnia erunt facillima. Et quod dixi illo loco, *nec ignoro posse dici*, videri legendum, *quos iura sepulchrorum sequuntur*: Videamus, an nulla facta mutatione interpretari possimus, *insequuntur*, hoc est, dicunt seu pergunt dicere, ut apud M. Catonem *insequenda*, id est, dicenda & oratione persequenda, notauit Gellius: Idemque Gellius & Festus in quodam loco Ennij, ex initio Odyssei. Iunij Andronici, *virum mihi Camæna insequere versutum*, id est, *dic*, quod ita Homerus *addece pot' evveta*, &c. Sed nimis elegas forte illa versio Andronici. An igitur hoc loco qui iura sepulchrorum adquiri insequuntur, hoc est, qui etiam si compulsi adierint & restituerint, iura sepulchrorum sibi adquiri persequuntur, pergunt, pertendunt dicere, ut scil. qui hoc dicunt atque pertendunt, possint etiam dicere, sibi non esse denegandam petitionem fideicommissi. Et hæc sane mihi interpretatio placet valde. Nunc ad §. pen. huius læcedamus.

#### Ad §. Cui Titiana.

*Cui Titiana hereditas ex Trebelliano Senatusconsulto restituta est, Manianam hereditatem, quam Titius defunctus ex Trebelliano, Sempronio restituere debuit, & ipse restituere poterit sicut alius quilibet successor.*

**N**otandum est, non tantum heredem rogatum restituere hereditatem, obligari fideicommissio, sed etiam

**A** heredem legitimum: nam & à legitimo herede fideicommissum hereditatis relinqui potest, & non tantum heredem, sed etiam bonorum possessorem, & alium quemlibet successorem, *l. i. §. bonorum, l. recusare §. i. b. t.* Et non tantum heredem, qui rogatus est, obligari, sed etiam heredis heredem, aut bonorum possessorem; aut alium successorem hereditatis, ut scil. hereditatem, quam primus heres adiit, restituat fideicommissario, & transferat actiones ex Scto Trebell. *l. quamvis §. i. & l. si eius pupilli §. si quis, hoc tit.* Ergo heres heredis rogati restituere hereditatem, potest restituere eam hereditatem, & vero debet, si modo primus heres eam adierit. Hoc necessario addendum est, ne sit contraria lex *13. §. i. inf. b. t.* Nam si primus heres eam non adierit, non transmittitur ad heredem eius. Ergo **B** ut heres heredis obligetur fideicommissio hereditatis, necesse est, ut primus heres eam adierit, nec dum restituerit. Nam restituet heres heredis. Plus dico ex hoc §. pen. etiã fideicommissarium, cui heres restituit hereditatem, debere & posse restituere fideicommissum hereditatis, quod defunctus debuit, & heres eius. Finge: (& hæc est species huius §.) Titius à Mævio heres institutus est, & rogatus eam hereditatem Mævianam Sæpronio restituere. Idem Titius Caium sibi heredem instituit, rogavitque, ut hereditatem suam, in qua erat Mæviana, restitueret Claudio. Caius Claudio ex causa fideicommissi Sæpronij obligatur, ut ei restituat hereditatem Mævianam, quam Titius restituere debuit, & heres eius atque ita fideicommissio hereditatis, quod defunctus debuit, obligatur non tantum heres, sed etiam heres heredis, & alius quilibet **C** successor: imo & is, cui heres bona defuncti restituit ex Scto Trebell. Et hoc tantum est, quod ait in §. cui Titiana.

#### Ad §. ult.

*§. ult. Actiones temporaria Trebelliani solent esse euicta hereditate ab eo, qui posteaquam fideicommissam restituit hereditatem victus est, scilicet ante restitutionem litem cum eo contestata. Potestas enim euictionis tollit intellectum restitutionis, indebito fideicommissio constituto. plane si fideicommissum ab eo quoque, qui postea vicit, relictum est, quia possessor in ratione reddenda hereditatis partem quam fideicommissario restituit, heredi reputat, defedi potest actiones Trebelliani durare.*

**H**ic §. ultimus vulgo pessime accipitur, qui melius tamen accipi erat dignissimus, & delenda est Glossa magna ad eum §. omnino. in eo ostenditur aliquando ab herede ad fideicommissarium, cui restituta est hereditas ex Scto Trebell. actiones quidem transire, sed non durare apud eum, & esse temporarias, hoc est, ad tempus apud eum remanere. Post tempus haberi pro non translatis in fideicommissarium. In hac specie, quæ proponitur in hoc §. ult. Cum herede scripto & rogato restituere hereditatem, antequam restitueret Titius, quasi legitimus heres ab intestato, egit petitione hereditatis, & litem contestatus est dicens, nullum esse testamentum, in quo possessor hereditatis heres scriptus fuerat, scil. pendente eo iudicio, nec dum finito, heres fideicommissario restituit hereditatem. Post Titius vicit heredem scriptum, & hereditatem euicit, quia probavit, iniustum aut irritum esse testamentum, in quo is, à quo petiit hereditatem, heres scriptus erat: ex quo apparuit, etiam indebitum fideicommissum fuisse: nam res iudicata contra heredem scriptum, & contra testamentum etiam legatariis & fideicommissariis nocet, *l. 3. de pignor. & hypoth.* Et inde sequitur, non esse cum effectu restitutam hereditatem fideicommissario, id est, restitutionem pro non facta haberi, non esse in fideicommissarium cum effectu translatis actiones, non durare actiones apud eum, cum indebitum fideicommissum restituatur euicta hereditate ab herede legitimo iure intestati. Posui ante restitutionem fideicommissi, cum herede scripto litem de hereditate fuisse contestatam, cum



cum adhuc eam possidebat. Et hac ratione constat res ipsas, quas ex hereditate possidebat, tempore litis contestatæ venire in iudicium & in condemnationem: post restitutionem hereditatis non potuit cum eo agi petitione hereditatis in solidum, quia non possidebat solidum: si deduxit Falcidiam, potuit agi pro quadrante tantum. si non deduxit non potuit cum eo agi petitione hereditatis. Hæc actio datur in possessorem, & pro modo eius quod possidetur pro herede aut pro possessore, non potuit agi cum fideicommissario vtili petitione hereditatis, quia loco heredis est, id est, quia quasi pro herede possidet, *l. etiam §. idem erit dicendum, & §. seq. l. item veniunt §. licet, de pet. hered. l. 11. de inoffic. testam.* Non potuit, inquam, post restitutionem agi cum herede qui restituit, nisi dolo fecerit, sciens, in qua causa esset testamentum, restituendo hereditatem, hoc est, sciens iniustum esse testamentum. irritum, aut ruptum, quia dolo pro possessione est, *d. l. 13. §. ult.* Si nihil dolo fecerit restituendo, omnino tenetur petitione hereditatis in solidum, nisi in hoc tantum quasi iuris possessor, siue actionis, ut cedat petitori conditionem indebiti aduersus fideicommissarium, quia inaddebitum fideicommissum est, *l. quod si in diem §. pen. & ult. de pet. hered.* Hæc sunt certissima. At contra posset quis obicere *l. facta §. si heres. h. t. & ex eo §. efficere etiam post restitutionem hereditatis heredem scriptum teneri petitione hereditatis in solidum.* Nam ille §. ponit, heredem restituisse hereditatem primum; deinde post restitutionem controversiam hereditatis passum esse, puta heredem legitimo petente hereditatem; ex causa iniusti testamenti victum esse, aut vltro lite cessisse. Quo casu etiam ait ille §. durare actiones in fideicommissarium semel in eum translatas. Nemo est, quem non perturbet prima fronte plurimum ille §. & perturbet etiam semper, nisi accipiat in suo & conueniente casu. Vnde ita constituamus; quod est in eo §. suis quibusdam casibus propriis & conuenientibus, verum est, puta si heres dolo fecerit. Dolo facit duobus modis. Primum, si post restitutionem hereditatis, se offerat petitioni hereditatis, quasi possessor, cum non sit possessor. Dolo facit, qui se offert petitioni, non possessor, & tenetur in solidum, *l. etiam §. non solum, & l. qui se liti obtulit, de pet. hered.* Dolo etiam facit heres, ut diximus, qui sciens causam testamenti, inutilitatem testamenti, restituit hereditatem: nam & dolo præteritus venit in petitionem hereditatis, *d. l. 13. §. ult. & l. sed et si lege §. quod ait, eod. tit. l. si in autem §. sed & is, de rei vindicat.* Ex his causis ob dolum suum si victus sit heres, aut lite cesserit, præstabit æstimationem litis, hoc est, pretium hereditatis: neque enim res ipsæ veniunt in petitionem hereditatis ex his causis. Ergo actiones remanent apud fideicommissarium. E contrario ex hoc §. vltimo notandum est vnus casus valde elegans, quo si heres, cum quo actum est petitione hereditatis, ab herede legitimo ante restitutionem, ut est species eius §. victus sit, post restitutionem durare tamen actiones in personam fideicommissarii, ut puta, si fideicommissum hereditatis non tantum sit relictum ab herede scripto, sed etiam ab herede legitimo, ab eo, qui euicit hereditatem, non tantum ex testamento, sed etiam ab intestato, puta his verbis: *quisquis mihi testato vel ab intestato heres erit, rogo ut illi restituas illam hereditatem, vt l. Titia, de inoffic. testam.* Nam hoc casu victus possessor hereditatis, qui testamento scriptus erat, qui que tempore litis contestatæ possidebat hereditatem, heredi legitimo, qui egit petitione hereditatis, & vicit, reputabit partem hereditatis, quam restituit fideicommissario pendente iudicio, puta dodrantem, quem & ipse heres legitimus cogeretur ei restituere, & ei restituet tantum quadrantem, si retinuerit Falcidiam, atque ita actiones Trebellia. perdurabunt apud fideicommissarium. Quæ est sententia huius §. vltimi. Hic est finis libri 20. nam quæ supersunt leges, sunt reiciendæ in lib. 27.



IACOBI CUIACII  
IURISCONSULTI  
COMMENTARIUS  
in Lib. XXI. Quæstionum  
Æmilij Papiniani.

Ad l. 34. de statuliberis.

*Seruus, si heredi decem dederit, liber esse iussus est: statuliberum heres eum manumissit, ac postea defunctus est: heredis heredi pecunia danda non est: quod enim placuit heredis heredi dari oportere, tunc memineris locum habere, cum prior heres dominus accepturus pecuniam fuit, quæ causa facit ambulatoriam, ut ita dixerim, conditionem. Dua sunt enim causæ, per quas in primi heredis persona conditio impletur, domini ratio, item persona demonstratio. Prior causa transit in omnem successorem, ad quem peruenerit statuliber per domini traslati continuationem: sequens persona dumtaxat eius, qui demonstratus est, adhæret.*



X lib. 21. quæst. tantum habemus l. 34. de statulib. & in ea quæstiones duas. de prima primum dicamus. Statuliber est, cui directo data est libertas sub conditione. Finge: datam eam sub hac conditione (*si heredi decem dederit*) hæc conditio impleri potest non tantum in persona heredis, sed etiam eius, qui heredis heres extiterit: imo vero, si impleta non sit in persona heredis, debet impleri in persona eius, qui heredi heres extitit, ut competat libertas, alioquin non competet, quia pecunia, quæ est in conditione, in solutione est, in præstatione est, non in obligatione, non in petitione *l. 8. si quis omitt. caus. test.* Nam aufert eam statuliber, si velit, si nolit, non compellitur. Hoc est, quod dico, eam pecuniam esse in præstatione, non in petitione. sed necesse est, ut competat libertas, eam pecuniam præstare, hoc est, conditionem libertatis impleri, quæ impletur, & hoc modo amplificatur, non tantum in persona heredis, sed etiam in persona eius, qui heredi heres extiterit: & generaliter in persona eius, qui heredi quoquomodo in dominium statuliberi successerit, ut in persona emptoris, cui heres vendiderit statuliberum, & in persona hereditatis emptoris, & in persona legatarij, cui heres statuliberum legauerit, Et similiter in persona donatarij, & in persona patris, vel domini heredis instituti, ad quem redit emolumentum hereditatis, & in persona eius, cui statuliber noxæ dedit, fuerit ab herede, in persona eius, cui statuliber adiudicatus fuerit iudicio familiæ erciscundæ, & in persona eius, qui statuliberum vsuceperit. Et generaliter, in persona non hereditantum, sed etiam in persona cuiuscunque noui domini, qui sit *l. 12. tabul. l. 6. non solum, & l. peculium §. heredi, l. statuliber à cateris §. ult. hoc tit. l. si seruus §. ult. de furt.* Et notandum, hac in re esse differentiam inter legatum & libertatem, inter legatarium & statuliberum: Nam si legatarius iussus sit dare heredi hoc modo, *lego tibi fundum si heredi decem dederis*, non implet conditionem dando heredi heredis. Seruus autem, si iussus sit esse liber sub conditione, *si heredi dederit decem*, sit liber & implet conditionem dando heredi heredis. Et hæc est differentia; quæ proponitur inter legatum & libertatem in *l. sub diuersis §. ult. de condit. & demonstr.* in cuius sensu exquirendo nihil habent vulgo certi, quod tradant interpretes. ille §. eos in multas adduxit angustias, nec sciunt, cui potius sensui hæere debeant. Hodie satis esset dicere, quis sit certissimus sensus huius §. Alij volunt hunc esse sensum, ut si legatarius iussus sit dare decem heredi, & statim legatum capere datis decem heredi, non possit heres deinde implere conditionem, quia



defecit semel cōditio mortuo legatario ante numeratam pecuniam, quandoquidē ea cōditio fuit iniuncta personæ legatarij, vt ipse dans alij ita perueniet ad legatum. Et sane hoc est verissimum, sed longe alienum à sententia §. Alij volunt, hunc esse sensum §. huius: si seruo data sit libertas sub conditione, si legatario dederit decem, eum nō posse dādo heredi legatarij implere conditionem, & peruenire ad libertatem sub ea conditione relicta. Quod etiamsi sit aliqua ex parte verum, tamen non congruit menti auctoris in d. §. ult. & non est vsquequaque verum: Nam si ita dixerit, *liber esto, si illi legatario centum dederit* & ei legatario sit legata alia res, nō ipse seruus, nō potest impleri cōditio, nisi in persona ipsius legatarij, quia omnimodo cohæret personæ legatarij, cum non fiat dominus serui per legatum: videtur aliter, si cui seruus sit legatus, & eidem seruo relicta libertas, si legatario dederit decem, qui implebit conditionem dando heredi legatarij, sicut dando heredi heredis similiter implet conditionem, & dando heredi emptoris ex l. 6. §. non solum, h. t. Et ita si statuliber iussus sit extraneo dare, qui non fiat dominus serui, non potest dari heredi extranei, nisi serui dominium extraneus adquisierit, vt si ab herede seruum redemerit, vel si heredi heres extiterit, quod exigitur prudētissime in l. 6. §. nam & si quis, & l. si is cui dare, h. t. Cōditio statulibertatis à domino transfertur in non dominum, à nondomino non transfertur in alium, sed personæ omnino cohæret cōditio, quæ adscripta est non domino; heredi quoque, si sit adscripta, id est, si seruus sit iussus heredi dare decem, & liber esse, heredis personæ cohæret cōditio, quæ demonstrata est, sed non tam, vt heredi, quam vt domino: & quatenus heredi, non transit in heredem heredis, quatenus domino transit in heredem heredis, si modo & in eum dominium serui non transferit, cōditio trāsit in eum, in quem dominium statuliberi transit, non in heredem heredis: atque ita semper à domino hæc cōditio ambulat ad dominum, non à domino ad dominum, nec retro à non domino ad alium quemquam. Et ita quod illi statuunt, statuliberū iussu dare legatario, non posse dare heredi legatarij, non est omnino verum: & vt sit verum, lōge dissidet à mente Iurisconsulti, quæ potius hæc fuit, vt notarunt quidam, non quasi hic esset certus sensus, sed hēsītātes, cum tamen res sit præclarissima, vt mox ostendam. Obseruandum est eam leg. sub diuersis esse ex lib. different. Modest. Et in ea lege poni duas differentias inter legatum & libertatem. Prior hæc est, vt si data sit libertas sub diuersis conditionibus disiunctim, *liber esto, si heredi decem dederis*, vel, *si anis ex Asia venerit*, aut similib. libertas, inquam, sic data, modo sint conditiones in potestate statuliberi, competet, si vel leuiorem conditionem impleuerit: nam eligere potest eam, quæ ei leuior videtur. fauor libertatis hoc extorsit: sed si legatum pecuniæ, vel rei sit relictum sub diuersis conditionibus disiunctim, legatarius non eligit leuiorem conditionem, sed necesse habebit parere nouissimæ. Posterior differentia hæc est, vt data libertas sub cōditione, si heredi decem dederit, competat, si dederit heredi heredis: Nec enim ea cōditio potest impleri in persona heredis heredis, sicut nec in persona patris, vel domini heredis. legatarius visus est heredi dare, cum nō dedit, l. qui heredi §. 1. de cond. & demonstr. & tamen statuliber perueniet ad libertatem, si patri dederit heredis vel domini, d. §. non solum. Hæc est summa d. §. ult. Nec ei quicquam obstat lex si peculium §. heredi, hoc tit. nihil est, quod tam facile sit. nam ait, si hoc senserit testator, etiam legatarius dando heredi heredis capiet legatum. Fateor, si hoc senserit testator, & si hoc probauit legatarius sensisse testatorem: alioquin non capiet legatum, nisi primo heredi dederit, cuius personæ adscripta est cōditio legati. Et in eo §. heredi, etiam certant interpretes de vero sensu, qui tamen apertus est, & idem §. ult.

A ita est proditus à Græcis 48. Basil. quem librum transtulit Heruetus. Sed recte quidem secundum hunc sensum in ipso contextu Basil. dumat, *capere legatum eum, qui dat heredi heredis, si hoc senserit testator, sicut libertatem capit indistincte*. Sed in eo *et alia*, hoc est, latiori interpretatione ille perperam eum transtulit, & emendandus est ita: si hoc autem senserit testator ad heredem heredis trāfere conditionem, idem etiam obseruari in legatario, vt heredi heredis dando impleat conditionem: quia scilicet hoc senserit testator, alioquin non transiret cōditio legati in heredem heredis, & transiret tamen cōditio libertatis. Nunc redeamus ad speciem legis nostræ. Data est libertas sub conditione, si heredi decem dederit, heres statuliberum manumisit, & postea defunctus est. Quæritur, an heredi heredis danda sit pecunia conditionis implenda gratia? Et ait Papinian. non esse dandam, quod est verissimum, quia is seruus intelligitur statim liber ex testamento, statim atque eum heres manumisit vltro. Et hac ratione intelligitur esse libertus Orcinus, non libertus heredis manumissoris, quia heres manumittendo non potuit causam statuliberi facere deteriore, l. prox. hoc tit. supra. Atque ita sibi facere liberum eum, qui nullius futurus erat libertus, nisi Orci. Denique manumissione extinguitur cōditio statulibertatis, quia heredi, qui manumisit, danda non est pecunia, nec heredi heredis, sed ei qui manumisit. Obiicies, quod dicitur, heredi heredis dari oportere pecuniam in conditione positam, vt competat libertas, quod & ante nos affirmauimus. Huic obiectioni Papinianus respondet, hoc esse verum scilicet, vt heredi heredis dari oporteat, cum primo heredi danda pecunia fuit, quæ causa facit, vt ambulet cōditio ab herede ad heredem heredis, vel alium quemlibet successorem. At hæc causa hic cessat, quia heredi, qui manumisit, pecunia non fuit danda. Ergo nec heredi heredis danda est. Et omnino, vt cōcludit Papinianus, duæ sunt causæ, propter quas cōditio impletur in persona primi heredis, quia dominus est: & hæc trāsit in quemlibet successorem: & quia eius persona demonstrata est, cui daretur pecunia; & hæc causa personam eius non egreditur, nec transmittitur ad successorem. Quæ causa cum sola supersit hoc casu, quandoquidem manumissione heres desiit esse dominus, consequens est, non posse dari pecuniam heredi heredis, vel alij successori. In contextu autem illo loco, tunc memineris, in authentico Flor. est, nec memineris, legendum, hoc memineris.

#### Ad §. Imperator.

Imperator Antoninus rescripsit, iussu rationes reddere & liberum esse, si heres causabitur accipere rationes, nihilominus liberum fore. Quod rescriptum ita accipi debet, vt si reliqua non trahat, liber sit: quod si trahat, ita demum, si obtulit eam quantitatem, quæ refundi debuit ex fide veritatis: Non enim libertati sufficit, heredem in mora fuisse, sed non id fiat per statuliberum, quod remota mora, libertati aditum daret. Quid enim, si ita manumissum, Dama, si in Hispaniam profectus anno proximo fructus coegerit, liber esto, Roma retineat heres, neque proficisci patiatur? nunquid dicturi sumus, statim ante fructus coactos liberum fore? nam & cum Roma stipulatio concipitur ita, centum in Hispania dare spondes: inesse tempus stipulationi, quo possit in Hispaniam peruenire, nec ante iure agi placuit. Sed si heres acceptis rationibus, & reliquis computatis donare se eas statulibero non habenti quod inferat, proscribat, aut etiam litteris ad eum missis palam faciat, cōditio libertatis impleta videbitur. Quid ergo, si neget se reliqua traxisse, atque ideo, quia per heredem steterit, vt accipiat rationes, liberum factum: heres autem neque se fecisse moram, & reliqua debere statuliberum contendat? apud eum, qui de libertate cognoscat, an cōditio sit impleta, constabit: cuius officia continebitur de mora considerare, nec minus computare rationes, & si reliqua trahi cōpererit, non esse liberum pronunciare. Sed si nunquam



*negavit, se reliqua debere. cum autem conveniret heredem, & rationes offerre professus sit, refusurum quidquid in reliquis esse constiterit, & eius pecunie reum numerare paratum idoneum obtulit, & heres in mora fuit, sententia pro libertate dicitur.*

**S**ecunda quæstio est facillima. libertas relicta est seruo dispensatori aut villico sub hac conditione, *si rationes actus sui heredi reddiderit*. Reddere rationes, non est tantum dispungere rationes, legere, aut percontari, sed etiam reddere reliqua, *l. cum servus, de condit. & demonstr.* Quod in hoc titulo multi admodum loci demonstrant. inter ceteros est unus in *l. 12. hoc tit.* vexatus ab Accursio, qui nec quicquam profecit ob non intellectam speciem, vel non bene positam. Species hæc est: scripsi quinque aut sex heredes, & seruo dedi libertatem sub conditione, *si reddiderit rationes primo, secundo, tertio, Titio, Caio, Sempronio*, scilicet nominibus expressis, aliorum quidem nominibus prætermisiss. Quæritur, si quid sit in reliquis, *s' il y a des arrerages*, an ea reliqua sint diuidenda inter omnes heredes pro hereditariis portionibus: Videntur tantum pertinere ad eos, qui nominati sunt pro virilibus portionibus, quia enumeratio personarum viriles semper partes facit, *l. nonnunquam, ad Treb. l. si heredes. in fi. de leg. 1.* Sed Iurisconsultus ait, reliqua esse soluenda omnibus pro hereditariis portionibus. Cur ita? nempe, quia hæc proculdubio fuit mens defuncti, ut illi tres heredes, quos nominavit, percontarentur, & dispungerent rationes, & computarent reliqua, *qu'ils ouissent les comptes*, non etiam ut illi soli ferrent reliqua: nam mixta est hæc conditio, *d. l. cum servus*, & una pars conditionis pertinet tantum ad eos, quorum nomina sunt expressa, altera pars ad omnes. Finge igitur: statuliber iussus est reddere rationes. heres causatur accipere rationes, hoc est, moras trahit & differt. quia per heredem stat, quo minus impleatur, conditio habetur pro impleta, & servus statim fit liber. Et ita cautum esse ait rescripto Antonini, quod tamen ita rectissime interpretatur Papinianus, ut servus statim liber fiat, ob moram heredis in accipiendis rationibus, si modo servus reliqua non trahat, id est, si nihil in reliquis sit, vel si, quæ sunt offerat, aut eorum nomine expromissorem idoneum, & locupletem: alioquin, si sint reliqua, nec ea offerat, non fiet liber, antequam ea soluerit, aut eo nomine satisfecerit heredi: nec enim sufficit mora heredis, sed oportet etiam reliqua offerri, sicut si iussus sit statuliber heredi præstare decem dierum operas, & nolit heres accipere, nolit eas sibi edi operas, non fiet liber antequam dies illi præterierint, qui insunt conditioni: vel etiam, si iussus sit Capuam ire, & heres prohibuerit ire, retinuerit eum domi, non ante fiet liber quam tempus præterierit, quod conditioni tacite inest, quo scilicet Capuam peruenire potuit. *l. si peculium §. quadam, hoc tit. l. in verbum, de verb. obligat. l. quoties, de oper. libert.* vel ut ponit Papinian. si talis conditio fuerit adscripta statulibero, *si in Hispaniam profectus, anno proximo ex agris meis fructus coegerit*: Non ante fiet liber, quamquam extiterit tempus fructuum cogendorum. Et ita in specie proposita, etiam si causetur heres rationem accipere, id est, si moretur, non ante fiet liber quam reliqua soluerit, vel obtulerit: quia conditioni reddendarum rationum hæc causa semper inest, ut par fiat ratio, par calculus, ut reliqua solvantur, nihil autem refert reliqua obtulerit statuliber, an heres ei donauerit. Quid est *donauerit*? donasse videtur heres reliqua, hoc est, remisisse, si acceptis rationibus & computatis reliquis, scripserit sua manu, se ei reliqua condonare, & remittere, ut solebant semper à dominis rationes subscribi, reliquationes, parationes, *l. Aufidius, de legat. 3. l. ult. §. idem quæsit, de cond. indeb.* Donasse etiam videtur, si per epistolam statulibero significaverit, se ei reliqua condonare: Hæc enim scriptura, siue subscriptio, vel hæc epistola habetur pro pactione, si ei nodo assentiatur statuliber, si ei sit grata liberalitas heredis.

Quæst. Papin.

**A**dis, *l. qui negotia, mand. l. 15. de fin. dot.* Ex his causis statim eripitur in libertatem. Quod si incidat controuersia aliqua inter heredem & statuliberum, si heres dicat esse reliqua, neget statuliber, si heres neget se moram fecisse, dicat statuliber, causam dirimet Prætor, qui de liberalibus causis cognoscit, & statuet, vel eum liberum fuisse, vel non fuisse.



**IACOBI CUIACII  
IURISCONSULTI  
COMMENTARIUS  
in Lib. XXII. Quæstionum  
Æmilij Papiniani.**

Ad l. si legatario 22. de fideicom. libert.

*Si legatario fundi decem pretij nomine relicta sint in hoc, ut servum suum manumittat: quamvis fundi legatum agnouerit, si tamen legatum pecunie propter interuentum Falcidie non agnouerit, cogendus est & pecuniam accipere habita legis Falcidie ratione, & seruo fideicommissariam libertatem præstare, cum semel fundi legatum adgnouit.*



**C**X lib. 22. quæst. quatuor sunt tantum II. quarum primam iam exposui ad *l. 10. & 13. de in re ced. lib. 19.* Igitur incipiam ab ea quæ est *lex si legatario 22. de fideicommiss. libert.* In qua nihil est difficilius, quam aptam & convenientem ponere speciem, quod nescio, an nostri præstiterint, & ubique meo quidem iudicio, summa res est speciei positio: nam qui speciem tenet, reliqua facile comprehendit. Finge vero: quidam legauit mihi fundum, legauit quoque mihi decem pro pretio serui mei, ut eum manumitterem. pretium serui mei erat decem. ego legatum fundi agnoui, legatum pecuniæ non agnoui: videor potuisse vnum legatum repudiare, alterum amplecti, quia non vnum legatum, sed duo legata sunt, legatum fundi, & legatum pecuniæ. vnum legatum scindi non potest, id est, nec res, quæ legata est, di scindi & deintegrari potest, nec actio legati, *l. cum filius §. variis, de legat. 2.* nisi scilicet propter fideicommissarios, ut didicimus lib. 20. & ex *l. Imperator, cod. tit.* Si duo sunt legata, possum vnum velle, alterum nolle. Quid nisi? *l. 5. cod. t.* sed excipitur vnus casus, qui comprobatur in *d. l. 5.* tum in hac *l. si legatario*, videlicet, si vnum legatum onus habeat, & hoc nolim: alterum onus non habeat, & hoc velim, ut in specie proposita, legatum pecuniæ; cui iniunctum erat onus manumittendi serui non agnoui, legatum fundi, cui nullum erat onus, agnoui: quia enim legatum fundi agnoui, cogor etiam legatum pecuniæ agnoscere eum suo onere, ne intercidat fideicommissaria libertas relicta seruo meo, repudiata pecunia: nisi forte (qua de re Prætor decerneret) seruus ille meus sit de me male meritis, *l. 41. de bon. libert.* Nam si temperem me legato relicto sub onere manumittendi serui mei, si abstineam me legato, iniquum est, me cogi non accepto legato, seruum de me male meritum manumittere, & hoc impetrato beneficio prætoris, *d. l. 41.* Notandum est in specie proposita, quod non explicatur ab interpretibus, ideo me non agnouisse legatum pecuniæ, quod sufficiebat pretio serui manumittendi, quia, ut declarat Papin. locus erat legi Falcidie, & deminuta pecunia per legem Falcidiam, dodrans non sufficiebat pretio serui. Itaque mallet seruum retinere, & dodrantem repudiare ob interuentum Falcidie, ut ait, sed non sum audiendus, quia agnoui legatum fundi, quod tamē æque minuetur lege Falcidie, inquam, agnoui legatum fundi, cogor etiam agnosce-

R r ij



re dodrantem pecuniæ, & seruum manumittere, quamuis seruus pluris sit, quam dodrans pecuniæ. agnoscendo legatum, quod est sine onere, huic me oneri subieci. Et sane mens testatoris hæc fuisse videtur, vt non subterfugeret onus qui lucrum amplecteretur, vt non sperneret onerosum legatum, qui lucrum affectaret, vt non sentiret incommodum nisi alicuius delectationis gratia. Et hæc est mens ratio legis, nec quicquam difficultatis superest. Eadem ratio interuenit in specie *d. l. 5. de leg. 2.* Quidam legauit mihi pecuniam, legauit quoque Stichum, vt manumitterem. si agnouero legatum, quod est sine onere, cogar etiam agnoscere Stichum, & fideicommissariam ei præstare libertatem, quæ etiam libertas, ne intercidat ad interuentum Falcidiæ, communicato Sticho inter me & heredeni, Falcidia non deducetur ex Sticho, sed integra præstabitur pecunia, integer Stichus manumittendi causa, ex pecunia autem vtriusque legati quarta deducetur, *d. l. 5.*

Ad §. penult. & ult.

§. 1. *A duobus heredibus, qui tres seruos habebat, petit, vt duos ex his, quos voluissent, manumittant: altero heredum latitante, alter declarat, quos velit manumittere. Potest dici, fieri liberos, vt perinde libertas competat, ac si præsens solus manumittere potuisset. Quod si ex seruis vnus decesserit, sine iusta ex causa absit heres, sine dari non possit, à quo pretium est, decernente prætoris, duos, qui supersunt, fieri liberos continet.*

§. 1. §. Cum is, qui fideicommissam libertatem præstare debet, iusta ex causa abest, aut latitat, aut quidam presentes sunt, alij ex iusta causa absunt, nonnulli frustrandi gratia fideicommissi copiam sui non faciunt, aut ei, qui libertatem debuit, heres non extitit, aut suus heres hereditate se abstinent, prætor pronuntiare debet, ex testamento L. Titij fideicommissam libertatem competere. Idque Senatusconsulto demonstratum est, quo Senatusconsulto comprehensum est, ne dubium & obscurum esset, cuius libertus fieret prætorem pronuntiare debere, qui ex iusta causa, & qui detrectanda libertatis gratia absit.

Sequentem §. & ult. simul explicabimus. Quidam Stres tantum habebat seruos, vt in frugalitate veterum, qui erant contenti tribus seruis, vt de Catone scribit Valer. 4. & de Casare in Britannica expeditione Athenæus 6. cuius frugalitatis respectu constitutum opinor in *l. 1. de opt. leg.* vt si cui sit relicta optio seruorum, cum plures essent serui testatoris, is tantum possit tres eligere, non plures, hæc est frugalitas. Ita in specie §. huius à duobus, frugi paterfamil. qui habebat tantum seruos tres, duos heredes scripsit, & eos rogauit, vt ex iis tribus seruis duos, quos eligerent, manumitterent. vnus ex heredibus latitat. Quid est latitare? copiam sui non facere frustrandi fideicommissi gratia, in fraudem fideicommissariæ libertatis. alter præsens est, & elegit duos seruos, ac manumittit latitante coherede, an valet electio? Electio valet & libertas, & plectitur coheres, qui latitat, quoniam manumissi præsentis tantum fiunt liberti, qui manumisit, non latitantis. Hic perdit liberos Senatusconsulto Rubriano: pars latitantis proficit coheredi: namque is solus patronus est, perinde atque si solus rogatus esset duos eligere & manumittere, *l. 1. l. si eum seruum §. eorum, hoc tit.* Sed notandum est, Senatusconsultum Rubrianum multare tantum iure patronatus eos, qui latitant, vel qui euocati à prætoris, venire nolunt, serui manumittendi gratia. non continetur Senatusconsulto Rubriano is, qui ex iusta causa abest, non latitandi causa, non interuertendæ aut frustrandæ libertatis causa. non continetur etiam infans, qui rogatus est manumittere, qui nondum potest manumittere per ætatem, quia dari non potest, neque hic defectus suppleri potest tutoris auctoritate, *l. pupillus, de manum. vind.* Ad hos, qui dari non pos-

sunt, vel qui absunt ex iusta causa, non pertinet Senatusconsultum Rubrianum, sed Dasumianum, de quo hoc tit. agitur, quo quidem cauetur, vt si eo, qui rogatus est seruum manumittere, absente ex causa iusta, vel infante prætor pronuntiauerit seruo deberi libertatem, liber fiat, & libertus eorum. perinde atque si ab eis fuisset manumissus ex fideicommissio. his non eripitur ius libertatis, sicut latitantibus, *l. neque, l. non tantum §. Senatusconsulto, hoc tit.* Et ideo bene in proposita specie, si vnus tantum heres rogatus sit duos ex trib. seruis manumittere, & absit iusta ex causa, vel si infans sit, mortuo vno seruo alij duo liberi fient, iure patronatus heredi conseruato. mors vnus declarat alios duos superstites debere manumitti: aliquin, si viuant omnes, nullus interim fiet liber, quia non est qui eligat duos, vt in priori specie, & ita declarer, quos velit manumitti, cum vnus tantum heres rogatus proponitur. Idemque erit, si duo heredes sint rogati, duos ex tribus manumittere, & ambo absint iusta ex causa, vel dari non possint. Pendebit namque libertas, quoad vnus ex seruis mortem obierit: mortuo vno, alij duo fient liberi & liberti heredis, qui non latitat. Latitantis igitur duntaxat poena est amissio liberti, amissio iuris patronatus. Et hoc satis declarat Papinian. in §. pen. Notandum etiam illud est, ex Senatusconsulto subueniri libertatibus fideicommissariis, si heres, qui debuit libertatem, sine successore decesserit ante præstitam libertatem, vel etiam si suus heres, qui debuit fideicommissariam libertatem abstinerit se: quoniam heredeni extitisse satis est, vt fideicommissaria libertas debeatur. existentia heredis sui siue ἀνάφαντος, nudum nomen heredis sinere, quoniam se abstinuit, confirmat libertatem, *l. sciendum, de manum. test.* confirmat substitutionem pupillarem, *l. si filius qui patri, de vulg. subst. l. filius, l. Iulianus, in princ. de acq. hered.* & hæc est opinio vera. Imo confirmat omnia, quæ in testamento scripta sunt, *l. si post mortem, de leg. 1.* nec minus potest existentia siue ἀνάφαντος, quam aditio. Quæ de causa & idem dicemus, si heres oneratus fideicommissio libertatis, qui adiit postea beneficio ætatis, quod sit minor 25. annis, restitutus sit in integrum abstinendi causa: Nam his omnibus casibus serui manumissi per fideicommissum ex decreto prætoris liberi fient, *l. cum quasi §. sed & si quis, cum duob. seq. hoc tit.* liberi fient, vt dixi his casibus. Quorum autem erunt liberti? Erit distinguendum. Si ab eo fuerit debita libertas, qui latitauit, erunt liberti Orcini, perinde ac si decreto essent manumissi ex testamento, non liberti eius, qui rogatus est. Si autem ab eo fuerit debita libertas, qui sine successore decessit ante præstitam libertatem, credentur esse liberti eius, perinde atque si ab eo fuissent manumissi ex fideicommissio, *d. l. cum quasi, §. si alter*, nisi post moram decesserit. Hoc enim casu pro Orcinis habebuntur, *l. ancillam, C. eod. tit.* Quod si debita fuerit libertas ab eo, qui iusta causa abest, vel ab infante, furioso & similibus personis, iam ante dixi, eos liberos fore eius, à quo relicta est libertas, perinde atque si eos manumississet ex fideicommissio causa. Et hoc ne sit obscurum, prætor qui decernet libertatem deberi. debet explicare causam, cur debeatur, non manumittente eo qui rogatus est, vel quia abest ex iusta causa, vel quia dari non potest, vel quia latitat. Et ex eo apparebit aperte, cuius sit libertus ex decreto prætoris. decretum prætoris debet tollere dubitationem, & ambiguitatem omnem.

Ad l. 4. si ingenuus esse dicatur:

Oratio, qua prohibet apud consules, aut præfides prouinciæ, post quinquennium à die manumissionis in ingenuitate proclamare, nullam causam, aut personam excipit.

Ratio principis solebat in senatu recitari, quæ & constitutio dicitur generali nomine, de ea re scilicet quæ placebat principi, cuius princeps instituendæ vel in-



introducenda auctor erat, & sequebatur fere semper Senatusconsultum congruens cum oratione principis. Quae de causa, quod hic ex oratione, ex Senatusconsulto dicitur esse in *l. 1. C. de ingen. manumiss.* Quod & confirmat inscriptio *l. 3. h. tit.* quæ est ex lib. Senatusconsultorum, & in qua Senatusconsulto huic fuerit nomen, cuiusue principis oratio hæc fuerit, ignoratur. Nam illud caue credere, quod Accur. annotauit hoc loco esse orationem D. Marci, de qua in *l. 1. §. sed inter eum, tit. seq.* Nam illa oratio D. Marci longe alia de re est. ea cauetur, ut pro ingenuitate dicta sententia retractari possit. Hoc erat singulare in causis liberalibus, ut possent retractari, & in causis centumviralibus. Regulariter enim sententiam semel dictam, retractare non licet. Hoc ergo erat cautum oratione D. Marci, ut sententia dicta pro ingenuitate retractari posset viuo eo, qui ingenuus pronuntiatus esset, non etiam post mortem, etiamsi eo ipso antequam mortem obiisset, quo sciisset, se ingenuum esse, vel ea ipsa die, aut altera, ut cepta causa retractationis morte eius extingueretur. Quae de re nihil fuit in ea oratione, de qua Papinia. agit hoc loco. Oratione, qua de agitur hoc loco, qua cauetur, ut manumisso, atque ita per manumissionem facto libertino, liceat agnitis natalibus originem suam repetere, hoc est, ex libertinitate, in ingenuitatem proclamare, intra quinquennium tamen à die manumissionis, relictis bonis restitutisque, quæ ex domo vel familia manumissoris, vel ex rebus eius acquisiuit ut libertus: post quinquennium non potest proclamare, etiamsi agnouerit, & probare liquido possit, natales suos ingenuos esse, ac proinde ingenuitati suæ manumissionem officere non debuisset, quod ostendit *l. de bonis, ff. de liber. cau. l. 3. h. tit. l. 1. de ing. manum.* Proclamare, est asserere se ingenuitati liberali causa, non nostris auctoribus tantum, sed aliis etiam. Senec. *1. controu. proclama ingenuum te esse*, quæ proclamatio actio quadam est, quæ proprio nomine dicitur præiudicium, seu præiudicialis actio, *l. ult. h. tit.* Et inde locus Ciceronis de M. Gellio apud Plutar. cum M. Gellius vulgo non existimaretur esse ingenuus, sed libertinus, & tamen gereret se pro ingenuo, & in senatu recitasset literas clara & alta voce,  *nolite mirari*, inquit Cicero: *nam & unus ex his est, qui proclamant*, quod ignorantia verbi iuris Alexander non assequitur. Idque fatetur ingenue, *non satis hoc assequor*, inquit, *nisi proclamator est praco, aut filius praconis*, quæ officia sordida, & parum digna ingenuis habebantur. Sed imo proclamasse dicitur, qui habitus pro libertino se adseruit ingenuitati. Ex ea autem oratione, cuius hunc potes facere titulum *de agnoscendis, adserendis, restituendis natalibus ingenuis intra quinquennium à die manumissionis*; hæc est recta paraphrasis huius præiudicii, cuius initium formulæ est, *si ingenuus esse dicitur*, ex ea, inquam, oratione de ea re cognitio erat consulum in vrbe & præconsulum in prouinciis, ut indicat Plin. in epist. *ad Traianum de adseritione ingenuorum*. Quae de causa hoc loco Papin. ait, hanc orationem vetare manumissos post quinquennium proclamare apud consules, aut prouinciarum præfides, id est, proconsules, non præfides quoscumque. Cognitio hac de re erat consulum, aut proconsulum intra quinquennium. post quinquennium cognitio erat solius principis ex magna causa, puta post quinquennium repertis instrumentis certissimis, & probationibus natalium, *l. 2. §. ult. h. tit.* Hodie ex Constit. Iustin. ex causa etiam post quinquennium, cognitio erit magistratuum supradictorum, nec erit necesse adire principem, *l. ult. C. ubi causa status*. Et adiicit Papin. in hac l. quod non assequuntur interpretes, ea oratione nullam causam excipi, nullam conditionem personarum. Quid hoc est, *nullam causam*? nullam personam? nullam conditionem excipi? nempe ad interpellandam iurisdictionem consulum, vel proconsulum, qui hac de re cognoscunt: nihil efficere priuilegium, vel ca-

sus vel personæ, nihil efficere priuilegium ciuitatis cuiusque, vel corporis, hoc est vniuersitatis cuiusdam, nihil efficere priuilegium officii, in quo quisque est, nihil conditionem personæ, nihil sexum muliebrem, nihil rusticitatem personæ. Nam & libertinus vniuersitatis cuiuscunque, & vniuersitas quæque, hos habebit iudices, nec poterit reuocare forum, id est, non poterit uti priuilegio fori, *il ne demandera point d'estre reuoyé devant son iuge*, ut dicitur similiter in *l. neque §. ult. de fideic. liber.* non interpellari iurisdictionem prætoris fideicommissarii ob priuilegium ciuitatis, vel corporis, vel muneris, aut officii. Nam in hac re, de qua agimus, etiamsi sit senator vel miles, vel officialis quilibet aduersus quem fit proclamatio, vel qui proclamat, hos habebit iudices, nec reuocabit forum siue domum. Et hanc esse sententiam liquido demonstrat *d. l. ult. C. ubi causa status agi.* Ex ea l. quo casu olim erat cognitio solius principis hæc de re post quinquennium, hodie est cognitio magistratuum, & iudicum ordinariorum, quorum etiam est cognitio ex hac oratione intra quinquennium. Et adiicitur nominatim, cognitionem esse magistratuum, sublata præscriptione, aut reuocatione fori: etiam clarissimam personam, puta senatorem subire cognitionem consulum aut proconsulum hac de re, qui alias reuocaret forum, & vteretur priuilegio fori sui. Notandum ad hoc, quod ait Papinia. in hac oratione, *nullam causam aut personam excipi*, quasi quoties lex nihil excipit, nec nos excipere debeamus. Hoc enim significat, quoniam oratio nihil excipit, ex eo coniecturam capi, quasi sententia principis hæc sit, ut nulla causa aut persona exciperetur, sicut dicitur in vulgarissima *l. de pretio, de Publicis, in rem act.* ut sit locus Publicianæ actioni, non est necesse, ut emptor, qui bona fide emit rem alienam à non domino, & soluerit pretium, quia nihil in edicto exprimitur de pretio soluto, unde coniectura capitur quasi hæc sententia fuerit Papiniani, ut non exigeretur solutio pretii. datur Publiciana ei qui rem alienam emit à non domino bona fide atque adeo etiam cui ea res tradita est bona fide accipienti, si necdum eam vsuceperit: nam si vsuceperit, habet civilem vindicationem & directam, cum sit dominus per vsucapionem: si nondum vsuceperit, amissa possessione habet tamen prætoriam vindicationem, id est, Publicianam, in qua fingitur vsucepisse propter bonam fidem, qui nondum vsucepit, & quasi vsuceperit, indulgetur ei vindictio à prætoribus. Exigimus traditionem rei omnino, ut diximus, ut possessio in eum transierit, quæ transit etiam pretio non soluto: dominium non transit, nisi pretio soluto, *l. quod vendidi, de cont. empt.* ut vero competat Publiciana, satis est possessionem transiisse, nec exigitur, ut emptor, cui res tradita est, soluerit pretium: non exigimus, quod prætor in suo edicto non exprimit. Nec male illo loco interpretes, ubi lex non distinguit, nec nos distinguere debere: Nam & ita Hermogenes lib. de statu. *lex*, inquit, *non distinguit, sed simpliciter loquitur & indistincte*. Unde significat, nec nos distinguere debere, nihil horum distinxit lex, sed simpliciter locuta est, inquit. Quae tamen sententia non debemus abuti, nisi in his causis, in quibus à scripto recedere non licet, in quibus ius scriptum factumque sequimur, ut in testamentis, cum nulla est verborum ambiguitas, res iudicatur ex scripto, nec quaeritur, quæ fuerit voluntas, non admittitur quaestio voluntatis, *l. ille aut ille, l. non aliter, de leg. 3.* Puta cum non est euidentis contraria voluntas defuncti: Idem de legibus iudicium est, ut si lex non distinguit, nec nos debeamus distinguere, sed scripto stare, nisi aliud suadeat mens legis, & sententia, quæ potior est omni scripto.

Ad l. heres 43. de vsurp. & vsucap.

Heres eius, qui bona fide rem emit, usu non capiet, sciens  
R r iij



*alienam, si modo ipsi possessio tradita sit. Continuatione vero non impeditur heredis scientia. §. 1. Patrem usu non capturum, quod filius emit, propter suam, vel filij scientiam, certum est.*

**S**umma legis hæc est, ut constituat in ea re, quam tractat tantum, differentiam esse inter heredem & patrem. De herede dicamus primū. Si defuncto res aliena sit vendita, & tradita à non domino, bona fide ementi & accipienti, vsucapio, quæ à defuncto cepit, nec dum impleta est, non interpellatur heredis scientia, id est, ob malam fidem heredis, si heres sciat esse alienam, *l. pro emptore §. si defunctus, tit. seq.* Nec mirum, cum nec interpellatur vsucapio scientia postea superueniente, id est, post traditionem, *l. bona fidei §. in contrarium, de acq. rer. dom.* Satis est initium possessionis esse sine vitio, satis est emisit & accepisse bona fide: superueniens scientia non interpellat vsucapionem. Sed si à defuncto res sit empta bona fide, tradita autem heredi scienti rem esse alienam, vsucapio non procedit, quia in emptione & tēpore actus, & traditionis tempore, bonam fidem interuenire oportet, *d. l. bona fidei, l. sed etsi res §. ult. & l. seq. de Pub. in rem act.* E contrario, si defunctus rem emerit, & accepit mala fide, vel si emerit tantum mala fide, vsucapio non procedit, etiam si heres putauerit rem venditoris fuisse. Nam heres est successor malæ fidei defuncti, & bonæ fidei: & est successor vitiorum & virtutum defuncti. Et hac in re heres differt à patre, ut subiicitur in 2. parte huius *l.* Nam quod filius fam. emit & accepit bona fide, continuo acquisit patri: igitur possessionem saltem eius rei, pater non vsueapit, si scierit rem esse alienam, quamuis filius eam emerit, & accepit bona fide: si modo hæc scierit pater eo tempore, quo filius emit aut accepit, quia ipse pater videtur emisit aut accepisse. Heres autem non videtur emisit, quod antequam here esset, defunctus emit. Sed si post emptionem & traditionem factam filio ementi & accipienti bona fide, pater cognouerit rem esse alienam, vsucapio non interpellatur, quia vterque pater & filius fuit bonæ fidei, vtroque tempore emptionis & traditionis, nam & ipsius filii scientia postea superueniens non interpellaret vsucapionem, ut ante diximus: Et contra nunc si filius emit aut accepit mala fide, vsucapio non procedit, etiam si pater ignorauerit rem esse alienam, cui initium fuit vitiosum: nam hoc casu nihil distat heres à patre. Denique ita concludamus: bona fides defuncti heredi prodest mala fides nocet: bona fides filii patri prodest: scienti rem esse alienam. mala fides filii patri nocet, etiam ignorantem rem esse alienam, quia interpellatur vsucapio, vel impeditur non tantum propter scientiam patris, sed propter malam fidem filii, propter scientiam filii. Et quod hic dicitur in patre & filio, idem iuris est in seruo & domino *l. pro emptore §. Celsus, & seq. ff. pro empt.*



IACOBI CUIACII

IURISCONSULTI

COMMENTARIUS

in Lib. XXIII. Questionum

Æmilij Papiniani.

Ad l. 73. de legat. 2.

*Si quod ex Pamphila nascetur, legatum mihi fuerit, & ego Pamphilam emam, eaque apud me sit enixa, ratione summa responsum est, non ex lucratiua causa partum intelligi meum factum: ideoque petendum ex testamento; tan-*

*quam istum emissem. ut scilicet. pretij contributione facta consequar tantum, quanti puerum, deducta matris estimatione constituisse mihi index in causa legati datus aestimauerit.*



**S**EQVITVR l. 73. de leg. 2. quæ datur prima ex lib. 23. quæst. quæ quidem pertinet ad regulam illam vulgarem: duas causas lucratiuas in eandem personam, & in eandem rem concurrere non posse; causam lucratiuam & causam onerosam concurrere posse, *§. si res aliena, Inst. de leg. l. omnes, & duabus sequent. de oblig. & actionib.* Causa lucratiua est, si nihil ob eam causam possessori abest: onerosa est, si quid abest: ut causa legati vel donationis est lucratiua, causa emptionis est onerosa, quia pretium abest possessori rei. Igitur si rem habere cœpi ex causa legati, eandem ex causa donationis, vel ex alia legati causa petere non possum; quia, ut dixi, duæ causæ lucratiuæ in eandem speciem & eundem hominem concurrere non possunt. Sed si rem habere cœpi ex causa legati, eandem petere possum ex causa emptionis, & contra, si eam habere cœpi ex causa emptionis, eandem petere possum ex causa legati. Nunc finge: quidam mihi legauit quod ex Pamphila nasceretur, quod legatum valet, *§. ea quoque res, Inst. de legat.* Ego vero, ante quam pareret Pamphila, Pamphilam prægnantem emi, eaque apud me enixa est puerum: videor puerum habere ex causa onerosa, id est, ex causa emptionis, quia emendo mulierem prægnantem, & partum emisit videor, & ob id euicto partu mihi competit actio ex empto in id quod interest. Et ita Iulianus respondit in *l. non quocunque §. 2. §. Iulianus, de legat. 1. l. venditor, de euictionib.* de quo Iuliani responso Papinianus sensit, meo quidem iudicio hoc loco, dum ait, *summa ratione responsum esse, non ex causa lucratiua partum intelligi meum factum:* verna, id est, qui domi est conceptus & natus, meus est ex causa lucratiua, sed qui natus est ex ancilla, quam emi prægnantem, non intelligitur esse meus factus ex causa lucratiua, sicut verna, sed ex causa onerosa, id est, emptionis. denique comparatitius seruus est, non verna. Posui me emisit ancillam prægnantem, & ita poni debet: Nam si emi vacuo vtero, ac postea conceperit & peperit apud me, ut iam dixi, vernæ causa lucratiua est, & euicto eo partu mihi non competit actio ex empto in id quod interest. Id quod interest persæpe est pretium rei emptæ, & quod rei emptione continetur atque accedit, & in omnibus causis onerosis, id quod interest non excedit, non egreditur pretium rei, *l. 3. §. condemnatio, de tabul. exhib. l. pen. quibus ex causis in poss. eat. l. si vendidero §. ult. de furt. l. si sterilis §. cum per vend. in illo loco, pretium tritici, de action. emp.* Idem etiam ostendit *l. 1. C. de his qui a non dom. manum.* maxime si in ea deleatur disunctio, vel, quæ etiam exulat à Basil. & ab aliis exemplaribus, ut recte Thalelaus in legem, *nota*, inquit, *pretium rei vocari, quod mox vocatur, quanti interest.* Et etiam in eadem specie, res dicitur computari in pretium rei, *l. 15. §. ult. de rei vind. & in id quod interest, l. de eo §. si post, ad exhib.* Igitur, sæpe id quod interest, pretium rei non egreditur, ut in proposito, si agatur de euictione, pretio rei emptæ accedit: quæ res emptione rei continetur, ut emptione ancillæ prægnantis continetur partus, ac proinde de eo euicto recte agitur ex empto in id quod interest, de quo non ageretur, si ancilla non prægnans emptæ esset. Et quod notandum, exemplo partus, distinctionem, quam in partu facimus, trahere etiam debes ad hereditatem seruo vendito debitam, si euincatur: Nam si emi seruum ab alio heredem institutum, & iussu meo adierit hereditatem, euicta hereditate mihi competit actio ex empto in id quod interest, id est, in pretium hereditatis, quod etiam emptioni inesse videtur: emptus est seruus: emptæ etiam intelligitur hereditas, quæ ei seruo iam delata erat, & ob id euicta hereditate agam in id quod interest, *d. l. venditor.* Sed si ponas



post emptionem serui seruum fuisse heredem institutum, euicta hereditate mihi non competit actio ex empto in id quod interest, quia ea hereditas est extra causam emptionis & venditionis, quod maxime notandum est, ne quem alioquin in fraudem impellat *d. lex venditor*, non intellecta hoc modo, & non adhibita ad eam superiori distinctione. Dixi, emptā ancilla pręgnante, videri etiam emptum partum, qui post editus est, & id eo agi de euictione euicto partu, de qua non ageretur, si partus non contineretur emptione. Obstat huic sententię *l. si pręgnans, de euict.* pręgnans ancilla vendita est & tradita, quę peperit apud emptorem, deinde euictus est partus. Queritur, an venditor teneatur de euictione. Et ait, non teneri euictione sed, quod nō ignorauit Accursius *d. lex* non intelligitur de actione ex empto, quā in ea specie euicto partu competit in id quod interest, vt diximus ante, sed intelligitur de actione ex stipulatione duplę, quę quandoque interponitur euictionis nomine in emptione & venditione: euicto partu, ex stipulatu agi non potest euictionis nomine. Et illam *l. si pręgnans*, debere intelligi de stipulatione duplę, vt lex, quę eam sequitur, indicat, quę proponit similem speciem simileque responsum; & in stipulatione duplę nominatim. Vacca emptā est, quę iam erat fœta & grauida: natus est vitulus apud emptorem, ait, euicto vitulo, non posse agi ex stipulatione duplę, quia neque vacca euicta est, inquit, quę principaliter in stipulationem venit, neque vñusfructus vaccę: Nam vitulus est quidem in fructu, sicut agnus & hędus in pecudum fructu: vitulus est fructus vaccę, non vñusfructus: Nam fructus est nomen ambiguum: vel enim significat corpus ipsum fructuum vel ius vtendi fruendi: specialiter namque vñusfructus sępe dicitur fructus: frumentum, vinum, oleum, est fructus fundi, non est fructus, id est, non est ius; non est vñusfructus. Si euinceretur vñus fructus vaccę, committeretur stipulatio duplę: cum euincitur vitulus, non euincitur vñusfructus: & ideo cessat actio ex stipulatu in duplum, sed non cessat actio ex empto in simplum in id quod interest. Et ita sane multę sunt leges in illo tit. *de euictionibus*, & multę quęstiones, quę facta distinctione harum actionum nihil inter se discrepant, quod demonstrabo breuiter quibusdam exemplis. si res vendita & tradita minor, aut deterior, aut melior effecta sit, deinde sit euicta: in *l. ex mille 64. ff. de euiction.* scriptum est neque minui obligationem euictionis, neque augeri, & ita esse ait iure, id est stricto iure, ipso iure. quā de causā lex illa accipienda est de actione stricta ex stipulatione duplę, vt non minuatur obligatio re diminuta, non augeatur re aucta: alioquin obstatet valde lex *si cum vend. §. ult. & l. euicta re, eod.* cum quibus congruit lex *Titius §. ult. & l. 16. de action. emp.* vt si quantitas euictionis minuatur diminuta re vendita, augeatur aucta re vendita, quod est verissimum in actione ex empto, non in actione ex stipulatu. Et ita etiam vt constat ex lege *bonitatis, eod. tit. de euiction.* adhibita interpretatione Accursii, fundo vendito & euicta parte, certa sit æstimatio bonitatis eius partis, quę fuit venditionis tempore, quod congruit cum superiore differentia, in actione ex stipulatu, Nam in actione ex empto fit accessio bonitatis, quę fuit euictionis tempore. Eadem differentia seruatur in specie legis *naue, eod. tit.* Naue vedita & euictis tabulis quibusdam, euictis transtris, & similibus, an potest agi de euictione quasi parte euicta? minime: quia tabulę non sunt pars nauis: remi non sunt pars nauis: transtra, antennę non sunt pars nauis, nec naue emptā, emptę videntur tabulę. Idemque procedit domo emptā, si euincantur cęmenta, vel columnę, vel tigna quędā: quia hęc non intelliguntur esse emptā, nec sunt pars domus emptę. partes domus sunt duę tantū, solum & superficies. Et ita est prōditū, in *d. l. naue*. Sed id est intelligendum de actione ex stipulatu, vt cesset euictis tabulis, tignis, euicta columna: Nam actio ex empto non cessat, *l. eum qui, de vsurp.*

A & vsup. Nondum exposuimus quod ait lex *si pręgnans*. Si pręgnans ancilla vanierit, euicto partu venditor non tenetur de euictione, ex stipulatu scilicet. Cur ita? quia partus venditus non est. Hoc non pugnat cum eo quod diximus, eum, qui mercatur mulierem pręgnantem, & partum mercari, siue emere videri: nam aliud est, esse, aliud, videri. Actio ex stipulatu de euictione est stricta. si strictum ius spectes, partus non est venditus, sed ancilla pręgnans, & ob id euicto partu non committitur stipulatio, quia partus non est venditus, sed quin intelligatur non esse venditus, hoc nunquam dixi. Imo intelligitur esse venditus, & hac ratione venit in actionem ex empto. in actionem ex empto non venit quod non est emptum, vel consequenter, vel accessorie. Partus sane est potius accessio ancillę venditę: & ideo si strictum ius accipias, sane partus non est venditus, sed accessio venditę ancillę: sicut in *l. 4. de penu leg.* dicitur, penu legata vasa penuaria non esse legata, nec tamen ideo minus dicam intelligi esse legata, siue strictius re accepta, sane vasa non sunt legata, sed sunt accessiones potius penus legatę. Et ita partus ancillę, quę venit pręgnans, est potius accessio ancillę, & accessionum nomine, si euincantur, competit semper actio ex empto, *l. euicta re vendita, de euict.* non actio ex stipulatione duplę, *l. ex empto §. si quis rem vendiderit. de act. imp.* Nunc facile erit claudere & absolvere speciem simul ac definitionem propositam in hac lege: *Titius mihi legauit quod nasceretur ex ancilla: emi ancillam pręgnantem, ea si pepererit apud me, ac deinde euictus mihi est partus, an agam actione ex testamento legati nomine, vt mihi præstetur partus: nam partum iam habeo?* Ait, agi posse. Ergo partum non habeo ex causa lucratiua, quasi vernam, sed ex causa emptionis, quia fuit accessio matris iure comparatę, matris emptę. Ergo etsi ipse partus emptus non sit, tamen accessionis iure emptus esse intelligitur, sicut ancilla quę precario quis rogauit, *l. 10. de precar.* Ergo partum habere cępi ex causa emptionis, non ex causa lucratiua. Nunc igitur mihi licebit eum consequi ex causa lucratiua: nam hic nullus est cōcursus duorum lucrorum. Proinde agam cum herede, vt mihi præstet pretium partus, & iudex datus legati causa deducet in contributionem, id est, in computationem pretii vtriusque matris & partus, & deducto pretio matris, condemnabit mihi heredem in pretium partus. Notandum est quod ait, *de iudice dato in causa legati*: dabatur iudex in causa legati, non in causa fideicommissi. De fideicommissis cognoscebat magistratus extra ordinem, id est, prætor fideicommissarius: de legato iure ordinario dabatur iudex specialis: fideicommissa sunt extraordinarii iuris, *l. pecunia §. 1. de verb. sig.* Quā de causa fideicommissa proprie dominium non transferunt, sed possessionem, quam tamen prætor tuetur pro dominio, *l. qui vñusfructum, si vñusfr. petat. l. si quis vñusfructum, de vñusfr. l. 42. de vsur.* Non dabatur ergo iudex vel arbiter in causa fideicommissi. Et arbiter aliter accipitur in *l. 2. C. de vsur. & fr. rei leg.* pro eo qui dandus est probandis fideiussoribus datis à fideicommissario, & aliter arbiter accipitur pro eo, qui exequitur restitutionem fideicommissi, quam prætor fieri iussit, vt in *l. si quando §. ult. de leg. 1. l. Stichus 12. de leg. 3. l. peti. de confess.*

Ad *l. peregre 44. de adquir. vel amit. possess.*

*Peregre profecturus pecuniam in terra custodia causa condiderat. cum reuersus locum thesauri in memoria non repperet, an desisset pecuniam possidere, vel si postea cognouisset locum, an confestim possidere inciperet, quæsitum est. Dixi quoniam custodia causa pecunia condita proponeretur, ius possessionis ei qui condidisset non videri peremptum, nec infirmitatem memoria damnum adferre possessionis, quam alius non inuasit: alioquin responsuros, per momenta seruorum, quos non viderimus, interire possessionem. Et nihil interest.*



pecuniam in meo, an in alieno condidisset: cum si alius in meo condidisset, non alias possiderem, quam si ipsius rei possessionem supra terram adeptus fuisset. Itaque nec alienus locus meam propriam aufert possessionem, cum supra terram, an infra terram possideam, nihil intersit.

**S**equitur ut exponamus questionem legis peregre, de *adquir. poss. tit.* est, de *acquir. vel amitt. poss. ff.* hæc lex pertinet ad posteriorem partem, de *amitt. poss.* an amisi possessionem thesauri, si immemor sum loci, quo illum defodi. Hæc est questio legis. Thesaurus proprie dicitur, vetus quædam depositio pecuniæ, cuius memoria non extat, ut iam dominum vel possessorem habeat nullum. quod est notissimum omnib. ex *l. nunquam §. 1. de adq. rer. dom.* vel ut Cassiodorus definit *6. variarum.* Thesaurus, est depositio pecuniæ, que longa vetustate competentes dominos amisit, & brevius Græci: *ἡ ἀμνηστικὴ τῶν χρημάτων οὐκ ὄντων, immemoralis pecuniæ depositio.* Et huius thesauri dominium aut possessio nullius est, sed potest adquiri, & plerunque acquiritur ei, qui eum inuenerit: dominium acquirit qui inuenerit, possessione iure gentium acquirit, & quasi diuino munere, ut ait *l. 1. C. de thesaur. lib. 10.* fortunæ dono, ut ait *l. si is qui, de adq. rer. dom.* secundum Stoicos, qui & Deum dixere fortunam, & casum fortuitum, *vim diuinam*, à quibus nostri auctores imbuti sunt. Sed hoc loco non ita thesaurum accipimus. Hoc loco thesaurus dicitur improprie, pecunia à domino prædij vel custodiæ gratia seposita & recondita, cuius idem manet dominus & possessor, qui condidit, adeo ut ea subrepta ei competat actio furti, aut vi bonorum raptorum, & condictio furtiua, & rei vindicatio, & actio ad exhibendum, *d. l. nunquam, & l. thesaurus, in fi. ad exhib.* Nec quicquam interest in suo quis suam pecuniam condiderit, an in alieno: Nam etsi in alieno loco condiderit, eius dominium retinet & possessionem. Et ita thesaurus accipiebatur in comœdia Lusci, in qua quasi Iurifconsultus aut iuris non ignarus Terentius eum merito reprehendit, quod induxerit possessorē causam dicere, quare suus sit thesaurus, quem dicebat à se defossum per tumultum hostilem, prius quam petitorē, sc. qui dicebat se esse heredem eius, qui thesaurum defoderat. Nam ordo iuris est, ut causam dicat petitor priusquam possessor, & ut possessori non detur actio in rem, nisi de seruitutib. *§. aque, de actionib.* Et ille inducebat prius causam agere possessorem quam petitorē, cum possessori nulla competat actio in rem. Sed hoc omittamus. Queritur in hac *l.* an eius thesauri possessor esse desinat, qui custodit, si peregre profecturus condiderit, & reuersus locum, quo condidit, memoria non repetat, non recognoscat? Vtitur Papinianus verbo, *immemoria*, quod vix inuenimus apud alios auctores, sed ut *immemorem*, cur non & *immemoriam*, ut Græci *ἀμνηστικὴ* Et rursus queritur, an si postea locum agnouerit, denuo amissam possessionem recipiat? Si priori questione finita & hæc finietur simul: Hanc vero ita finit Papinianus, ut sentiat eum non amisisse possessionem suæ pecuniæ, etiamsi locum, quo eam condidit, non recognoscat: imbecillitatem memoriæ non adferre damnum possessioni. Et utitur comparatione serui: Nam etsi per momenta seruum meum non video, quod & de animali quolibet dici potest, & nescio ubi sit, tamen non amitto eius possessionem: ita thesaurum meum, aurum meum, siue id sit in meo, siue in alio loco, siue supra terram, siue infra terram, in superficie terræ, in imis aut perimis, dum id non video, aut non recordor plane quo loco illud reliquerim, non desino possidere. Excipitur tamen vnus casus, si alius eum thesaurum effoderit & inuasit: inuasio enim mihi aufert possessionem. Inuasio exigitur, id est, occupatio & contrectatio, alterius incubatio. Finge: In alieno solo pecuniam meam condidi: hoc enim si sciat dominus soli, non ideo ipse incipit, non ego desino possidere: scientia illa non fecit eum possessorem: sed si eam pecuniam lo-

**A**co mouerit, attrectauerit, & sibi habere cœperit, tum ipse eam incipit possidere, ego possessionem amitto, *l. 3. §. Neratius, hoc tit. l. thesaurus, ad exhib.* si eam non loco mouerit, etiamsi sciat locum, quo est condita, non est ea pecunia sub custodia eius, ergo non possidetur ab eo. Est enim certissima iuris definitio: *Res mobiles eatenus possideri, quatenus sub custodia nostra sunt, quatenus eas apprehendere possumus*, ut ecce pecus meum, quod aberrauit, desino possidere, *d. l. 3. §. Nerua, hoc tit.* licet non desinā esse dominus, bouis aberrantis desino esse possessor, nō desino esse dñs *l. 1. §. abigei, de abigeis*, & bouis eius furtum fit, si quis eum intercipiat aberrantem. Et similiter feras bestias, quæ sunt in sylua mea desino possidere, quoniam sunt in naturali libertate, nec aliter eas possidere intelligor, quam si incluserim viuariis, *en vn parc*, eas autem quæ vagantur in syluis nostris, non possidemus, quamquam earum domini simus: sic etiam pisces, quos in piscina colligimus, hos possidemus, qui sunt in stagno nostro, hos non possidemus, licet domini simus, *d. l. 3. §. item feras*, Et ita lapidem aut vas nostrum, quod ita excidit aut demersum est in mare aut in flumen ut non inueniatur, desinimus possidere, non desinimus esse domini, *l. Pomponius refert, in princ. hoc tit.* Et generaliter rem mobilem quam ita perdidimus, ut ignoremus ubi sit, desinimus possidere, *l. si id quod, in princ. h. tit.* quia non est sub custodia nostra: dissimiliter atque si sit sub custodia nostra, si custodia nostra custodiatur, si sit in præsentia nostra, si non absit à nobis, si custodiæ nomine subiecta sit, licet non sit inuentu facilis: hanc enim rem non desinimus possidere: nisi ab alio possideri cœperit. Illa autem est extra custodiam nostram, desinimus possidere, licet ab alio possideri non cœperit, *d. §. Nerua*. His consequens est: thesaurum non desinimus possidere, licet locum fundi ignoremus, quo defossum est, cum si diligenter inquiretur, inueniri possit, etiamsi locum fundi ignoremus, id est, non recognoscamus: Scimus enim esse à nobis, vel ab eo, cui heredes existimus, defossum in illo fundo, sed locum nescimus, vel recognoscimus. Nec tamen propterea est inuentu difficilis vel impossibilis: diligens inquisitio inueniet thesaurum. Alioquin non possideretur, si esset inuentu difficilis aut impossibilis: Et ita quidem proponitur in hoc loco. Definitio illa quam tradidi, est de rebus mobilibus, *res mobiles eatenus possideri, quatenus sub custodia nostra sunt*. Et in custodia nostra videtur esse thesaurus, quem defodimus in fundo nostro, licet primum non memineris, quia si diligentiam adhibueris, inuenies locum. Rerum mobilium appellatione continentur etiam mouentes, quæ per se mouentur, ut bruta & homines, sicut è contra mouentium appellatione continentur etiam mobiles, quæ motus principium sumunt extrinsecus, *l. mouentium, de verbor. significat.* Igitur & definitio pertinet etiam ad se mouentia. Non quidem ad omnia: Nam excipiuntur ab ea definitione homines, quia etiamsi serui non sint sub custodia nostra, etiamsi eorum custodiam neglexerimus & omiserimus, à nobis possidentur: imo & fugitiui serui à nobis possidentur, dummodo alius eos non apprehenderit, vel ipsi non gerant se pro liberis parati subire liberale iudicium. Cur excipiuntur serui? quia scilicet, hi quorum custodiam negleximus animum habent ad nos reuertendi, *l. si rem mobilem 47. hoc tit.* Ex proposito hominis possessi possessio domino conseruatur. Fugitiuos quoque possideri utilitatis ratio postulat, qui non habent animum reuertendi, ne sit in potestate seruorum fugiendo dominis interuertere possessionem sui, qui nec alterius rei possessionem sui domino subuertere possunt, *l. rem qua, l. Pomponius, in princ. hoc tit. l. non solum §. si rem pignori, tit. seq.* Denique ut est in *d. l. si rem*, illa definitio iuris tantum locum habet in his, quæ ratione vel anima carent. Ratione, ut pecus, anima, ut vas: Quæ anima carent, & ratione carent: sed contra quæ ratione carent, non continuo sunt corpora



pora ex anima. Et ob id d. l. si rem, ait, ratione vel anima: A sed velim etiam ab illa regula excipi animalia quædam, quæ ratione vacant, ea scilicet, quæ ex consuetudine abire à nobis & redire solent, vt gallinas vel anseres, vel, si & hæc sunt tanti, passeret vel cardueles mansuetos factos, & columbas, & apes, & ceruos quoque mansuetos factos: Nam etiam si per momenta quædam exeant custodia nostra & auolent, nihilominus à nobis possidentur, retineturque non tantum eorum dominium, sed & possessio quandiu habent animum reuertendi, d. l. 3. §. item feras, hoc tit. Et vt hominis, ita & eorum animalium proposito reuertendi possessio conseruatur domino. Denique proposito rei possessæ, quæ propositi est capax, possessio domino conseruatur, nedum proposito domini. Sed hoc proprium est in hominibus, vt & hi non desinant à nobis B possideri, licet non habeant animum reuertendi, vt fugitiui quos veteres dixere, cernos à celeritate, vt Festus scribit, cum tamen cætera quæcunque animalia desinant à nobis possideri, si amiserint animum reuertendi, id est, si desierint reuerti. Et hæc tantum ad hanc quæstionem erant adnotanda.

#### Ad §. quæsitum.

Quæsitum est, cur ex peculij causa per seruum ignorantibus possessio quæreretur? Dixi, utilitatis causa iure singulari receptum, ne cogerebantur domini per momenta species & causas peculiorum inquirere: nec tamen eo pertinere speciem istam, vt C animo videatur adquiri possessio: Nam si non ex causa peculiari quæratetur aliquid, scientiam quidem domini esse necessariam, sed corpore serui quari possessionem.

Superiori recitatione explicauimus quæstionem primam S legis peregre, de acquir. poss. Ex qua intelleximus, possessionem rei non amitti propter infirmitatem memoria, puta si memoria non teneam locum, quo rem aliquam posuerim, modo si quo in prædio, qua in domo, vel quo in fundo eam posuerim, non ignorem, & eam non inuaserit alius: ignorantiam loci solius rei, non auferre possessionem rei. Quod si ignorem penitus vbi sit, id est, si neque locum scio, neque prædium, amitto possessionem, in quo ea res locum occupat quendam l. si id quod, in prin. hoc tit. Item si possessionem eius rei alius inuaserit, tamen si hoc ignore, etiam amitto possessionem rei mobilis, l. si rem, in fi. hoc tit. Quod & in re immobili procedit, si quam possidebam per seruum vel colonum, desertam ab eo & proditam D alius inuaserit me ignorante, vt in §. ult. hoc tit. Denique his casibus ignoranti possessio tollitur, nec solo animo retinetur. Regulariter, ignorans non amittit possessionem, & regulariter quoque ignorans non acquirit possessionem, præterquam vno casu, qui explicatur in §. quæsitum, h. l. Quem nunc explicare aggredior, videlicet, si quid seruus meus, cui peculium concessi, ex causa peculiari, & nomine peculiari, parauit & tenet me ignorante. Eius enim rei possessio mihi etiam ignoranti acquiritur. Hoc ius Papinianus ait in hoc §. esse ius singulare, quia scilicet, est contrarium regulis iuris: Regulariter enim scienti acquiritur possessio. In ea enim acquirenda non tantum corpus exigitur, quo rei incumbamus & insistamus, sed etiam exigitur animus, id est affectio, seu voluntas, l. ea qua, tit. prox. & vt Græci loquuntur in h. tit. λόγος, δόξα, γνώμη, αἵρεσις. Ignorans autem non potest habere animum possidendi, ergo ignoranti regulariter non acquiritur possessio, & multo minus procedit aut competit vsucapio: facilius enim possessio competit quam vsucapio. Exempli gratia: per procuratorem meum etiam ignorans possessionem adquireo, non tamen eius rei, quam possideo ignorans per procuratorem vsucapio mihi competit, l. possessio quoque, §. ult. hoc tit. Cui igitur aut per quem possessio non acquiritur, ei multo minus datur occasio vsucapionis. Ideo autem per procuratorem meum mihi ignoranti acquiritur possessio: cui scilicet mandauimus, vt rem emeret

Quæst. Papin.

mihi & acciperet, quia sciens, animo meo videor possidere, quod procurator meus mandatu meo tenet meo nomine, licet ignorem, quo tempore id tenere cœperit. Hæc ignorantia acquisitioni possessionis nihil obest, & videor nihilominus sciens scientie animo nancisci possessionem per procuratorem. Mandatum pro scientia est. Id autem ius quod diximus, vt ex causa peculiari per seruum ignorantem adquiratur possessio, ius singulare est, vt ait Papinianus, non tam, quod ignorans possideat eam rem, quam seruus peculiariter tenet: nam & ignorantes possidemus per procuratorem: sed hoc ius singulare est in rebus peculiaribus, non tam, quod ignorans dominus possideat, quæ quod vsucipiat etiam ignorans. Quod non ita est in procuratore & domino, l. Labeo, tit. seq. l. pro emptore §. Celsus, pro empt. l. pen. de captiu. & post l. m. reuers. Et inde rectissime lex si emptam rem, de usurpat. vt ignorantes vsucipiamus in peculiaribus tantum rebus esse receptum; quod sit non tantum per seruum, sed etiam per filiumfamil. qui peculiari nomine rem nanciscitur alienam, l. 1. §. item adquirimus, hoc tit. l. si seruo, tit. seq. Ex eo iure singulari, vt ignorantes per seruum aut filium ex causa peculij possideamus & vsucipiamus, multa sequuntur. Sequitur ex eo primum, vt infantes & furiosi per seruum aut filiumfamilias possideant & vsucipiant ex causa peculiari: hi enim sunt ignorantium loco. Et generaliter, quibus ex causis ignorantes adquirunt, & furiosi adquirunt, infantesque & pupilli, §. sui autem, Instit. de hered. quæ ab intest. Infanti, de quo scribit d. §. item adquirimus, adiungo etiam pupillum maiorem infante: Nam & is ignorantis loco est, & fere plerumque, non tamen semper, licet infanti adiungere pupillum, id est, omnem aetatem pupillarem, vt in §. testam, Instit. de hered. qual. infanti Theop. recte adiungit pupillum. Item ex eo iure singulari sequitur, vt si seruus hereditarius (dicitur autem hereditarius quandiu iacet hereditas, & nec dum ullus exitit heres.) si is, inquam, peculiari nomine rem aliquam possidere cœperit, vt vsucapio pertineat ad heredem qui postea adierit, quia etiam ignoranti procedit. Quæ de re tractabitur hoc eodem lib. ad l. in sto §. nondum, tit. seq. Item ex eo sequitur, vt ad eum, qui captus est ab hostibus, vsucapio pertineat eorum, quæ seruus post captiuitatem peculij nomine comprehenderit. Quæ de re tractabitur in d. l. in sto §. ult. Intelligimus quale sit ius illud singulare, & quæ ex illo sequantur. Videamus quæ sit huius iuris ratio. Cur per seruum ignorantes adquirimus possessionem eius rei, quam peculij nomine parauit & tenet? Et ratio hæc redditur in d. l. 1. §. item adquirimus, quod nostra voluntate intelligatur seruus possidere, cum ei peculium permiserimus: quod etiam infans permittere videtur, si à patre eius vel tutore seruo permissum fuerit. Igitur & in infante domino ea ratio locum habet, & in furioso, sane si peculium permiserit, antequam furere cœpit. Sed in procuratore eadem ratio locum non habet, qui rem tenet nostro nomine, quia ei non permisimus patrimonium, sicut seruo permittimus peculium, sed procuratori permisimus administrationem tantum & gestionem. Atque ideo nostra voluntate intelligitur vsucapere, & non intelligitur possidere, quod ad vsucapionis causam attinet, nisi sciamus eam rem accepisse, & tenere nostro nomine. Idem dici potest de ratione, quæ attulit Papin. in h. l. §. quæsitum, quem sic inchoat, vt quærat rationem iuris singularis. Et ait (quæ ratio eandem vim habet, quam superior) vtilitatis causa esse receptum, vt in rebus peculiaribus seruorum, aut filiorum nostrorum ignorantes possideamus, atque etiam vsucipiamus, loquitur de possessione effectrice vsucapionis, non de possessione inani, quæ non præbet occasionem vsucapionis: vtilitatis, inquam, causa hoc esse receptum, ne aliquin per singula momenta cogamur sciscitari & inquirere species & causas peculiorum: species, id est, res, corpora, iura, quæ sunt in peculio, causas, id est, titulos quibus tenentur, puta emptionis titulo, an legati, an donationis, an permutationis, quæ perquisitio esset perquam molesta

SI



dominis & negotiosa: ideoque utilitas civium postulat, ne ista perquisitione onerentur domini, qui peculiis suis concesserunt, atque adeo ut omnia huiusmodi inquisitione eis etiam ignavis rerum peculiariū procedat tum possessio, tum usufructus. Hæc ratio locum non habet in procuratore. Videamus cur non possit hæc ratio aptari ad procuratorem: quia cum minus permittatur procuratori, cui alieni tantum negotii administratio mandatur, quam seruo, cui peculium conceditur quasi proprium ipsius serui patrimonium, adeo ut servus serui, qui est in peculio, id est, serui vicarii dicatur dominus, ac similiter dominus totius peculii sibi concessi: & per hanc rationem finita sit potestas procuratoris, serui peculiaris determinata & finita non sit, quod sit dominus, circa procuratoris gesta admodum per singula momenta curiosus & diligens quod tamen non est necesse, si seruo permiserit peculium, quasi patrimonium, quæ permissio plenior est mandato, siue procuratione. Id inquam, est necesse, ut diligenter inquirat quid servus in peculio gerat, quæ ratione rem peculiarem augeat vel minuat, ac denique tractet, nisi sc. admitterimus, etiam ignorantem possessionem per eum servum acquisitam præbere occasionem usufructus, quod utilitatis ratio postulat, id est utilitas servorum singulorum, ut per eos res suas expediant quos habent in potestate, nec detrahantur inquisitione assidui peculii, sicut ratio quoque utilitatis postulat, & hoc indulget, ut per procuratorem nobis etiam ignorantibus, quo tempore rem accepissent, saltem possessio competat, licet non usufructus, l. 3. C. de acq. pos. Nunc quod maxime notandum est ex hoc iure singulari, quod iam satis exposui, posset quis forte argumetari in hunc modum: si ius singulare hoc est, ut ex causa peculiaris per servum ignorantem possessio adquiratur, id est, ut ex ea causa sine animo nostro possessio nobis adquiratur; Ergo ius commune hoc est, ut animo adquiratur possessio, quod est falsum. Nec enim animus sufficit, sed & corpus exigitur, id est, apprehensio rei, nec animus sufficit per se, nec corpus per se, l. 1. in princ. l. quæ admodum, h. tit. l. licet, C. eod. Huic objectioni elegantissime respondet Papin. in hoc §. & ait, id non esse verum, extra causam peculiarem, extra hunc casum singularem, sanè si quid servus tenet extra causam peculiarem, puta nomine domini, non nomine peculii, quia nec forte peculium habet, aut si habet, id nomine domini tenet, domino possessio non acquiritur solo animo domini, postquam sciuit rem seruo fuisse traditam, sed & corpore serui. Sciendum enim est nos non acquirere possessionem animo alieno, nisi ex causa peculiaris, corpore autem nos acquirere possessionem quacunque ex causa, tam nostro, quam alieno, ut corpore serui, & filii familias, coloni, inquilini, procuratoris, l. quod meo, l. 3. §. saltus, hoc tit. Et Paulus §. Senten. tit. 2. cæterum animo tantum nostro adquirimus possessionem. Et recte Papinianus ait, necessariam esse scientiam domini, ut possessio adquiratur domino per servum, qui rem nomine domini tenet, non peculiaris, quia et si corpore serui potest dominus acquirere possessionem, non potest etiam animo serui acquirere possessionem nisi ex causa peculiaris. Hæc est certissima definitio. Neque ei obstat l. nunquam §. si servus, de usurp. & usufructus. dum ait, dominum ignorantem possidere per servum quicquid nomine domini possidet, ac si possessionem acquirat ut corpore, ita animo serui, absque animo domini siue scientia. Sed ille §. omnino intelligendus est de illo seruo, qui rem tenet nomine domini, ex iussu domini, quando dominus iussit servum eam accipere ab extraneo, hanc enim rem utique dominus intelligitur possidere animo suo, sicut & rem quam procurator tenet, quia mandato eius eam tenet. Et hæc est differentia ultima inter dominium & possessionem. Dominiū ignorantem domino acquiritur per servum, l. etiam inuitis, tit. preced. Possessio & scienti & volenti per servum acquiritur, d. l. ea qua, tit. preced. nisi iusserit aut mandaverit: & huic quæ iussit aut mandavit, possessio tantum competit, non usufructus, nisi ex causa peculiaris, ex qua & possessio ignorantem

A procedit & usufructus, quia plenior est permissio peculii, quod attigi iam supra, quam iussu aut mandatum. Ad summam igitur, possessio nuda procedit, non usufructus: ita fit, ut quod possideo, non intelligar possidere quod ad usufructum attinet, sicut è contrario fit nonnunquam, ut debitor, qui pignus non possidet, quod tradidit creditori, intelligatur possidere, quod ad illam tantum causam, id est, quod ad usufructum attinet, l. serui nomine, tit. seq. & l. 1. §. per servum corporaliter, h. t. Hæc est vera sententia h. §. quæsum.

Ad §. quibus explicitis, & l. 45. eod.

Quibus explicitis, cum de amittenda possessione queratur, multum interesse dicam, per nosmetipsos, an per alios possideremus: nam eius quidem quod corpore nostro teneremus possessionem amitti vel animo, vel etiam corpore, si modo eo animo inde digressi fuisset ne possideremus. Eius vero quod serui vel etiam coloni corpore possidentur, non aliter amitti possessionem, quam eam alius ingressus fuisset, eamque amitti nobis quoque ignorantibus, §. ult. Illa quoque possessionis amittenda separatio est: nam saltus hybernos & astinos, quorum possessio retinetur animo.

L. 45. licet neque servum neque colonum ibi habeamus.

N E sensus sit inanis, vno tenore & spiritu legenda est lex sequens, quæ est eiusdem Papin. ex 2. definit. coniungenda huic §. verba sunt, licet neque servum neque colonum ibi habeamus. Quod initio h. legis memini me dicere, eam totam pertinere ad illam partem tituli, quæ est de amittenda possessione, id non muto, etiam si in §. præced. Papin. tractauerit tantum de acquirenda possessione: Nam hoc ideo fecit, ut collata ratione acquirendæ, cum ratione amittendæ possessionis, appareret separatas & diuersas esse rationes, idque his verbis à quibus incipit, qui sequitur §. ult. satis ostendit, quibus explicitis, & c. demonstrata sc. ratione acquirendæ possessionis, videndum esse ait, an eadem sit ratio amittendæ eius qui fuit præcipuus finis Papin. & ait, quibus explicitis, ut in l. 5. de præscr. verb. explicitus est articulus ille de ut des: & l. 1. ad Treb. explicito tractatu, & c. Et male à quibusdā reicitur verbum explicit, quod solet annotari in fine librorum. D. Hieron. in epist. ad Marcell. Solemus nos, inquit, completis opusculis ad distin. alterius sequentis operis medium interponere, explicit, aut feliciter, aut aliud eiusmodi. Porro explicitum illud iam est, possessionem nobis adquiri animo & corpore, non animo solo, non corpore solo. Neque verum est, quod Labeo dicebat, quarundam rerum nos possessionem acquirere animo solo, l. quarundam, h. ti. Nulla enim res est, cuius possessionem possis adipisci, nisi concurrat corpus & animus. i. apprehensio rei & affectio possidendæ rei, sed acquiritur quidem possessio animo tantum nostro, corpore nostro, vel alieno. Ex causa peculiaris solo etiam animo alieno: nam animo meo non possideo quod servus acquisit ex causa peculiaris, etiam si peculii ei potestatem permiserim, si nescio rem, quam adquisiuit, aut causam ex qua adquisiuit. si ei specialiter iussissem, aut mandassem rem emi & accipi, videor post traditionem ei factam eam possidere animo meo, etiam si tempus ignorauerim, quo emisset & accepisset, quia specialiter de certa re iussi siue mandavi. At quoties generaliter peculium permisi seruo, si nescio ex causa peculii, quam rem adquisierit servus, eam non possideo animo meo, sed receptum est ex hac causa, ut eam intelligar possidere animo alieno, puta serui, vel filii fam. ut ait l. 3. §. servus, h. t. Et nunc videndum est an etiam in amittenda possessione hoc requiratur, ut sc. animo & corpore discedam possessione rei. Et sane Paulus videtur nullam differentiam constituere hac in re inter acquisitionem & amissionem possessionis, l. quemadmodum, h. t. Nam inquit Paulus, quemadmodum nulla possessio acquiri potest nisi animo & corpore, ita nulla amittitur, nisi in qua utrumque in contrarium actum est. Ergo & in amittenda possessione utrumque exigitur. Sed non defuere stul-



ei, qui existimâtes id esse incredibile, aut prorsus falsum, ei legi præscripserunt negationem hoc modo, *non quemadmodum*, qui sunt solo silentio & contēptu digni. Sed hæc res liquido ita explicari potest. Ea definitio legis *quemadmodum*, plerunq; reperitur falsa, nisi temperetur verbo *fere*, quod etiam huic definitioni addidisse constat Paulū ex l. *fere*, de reg. iur. *c'est à dire le plus souvent, ou presque le plus souvent*. Sententia igitur hæc sit, ut *fere quemadmodum*, &c. Possessio non acquiritur nisi animo & corpore, ita non amittitur nisi animo & corpore. Hoc est verū *fere*, non perpetuo, non semper, non usquequaque. Primum enim ut possessio non acquiritur corpore, nisi accedat etiam animus acquirendæ eius, ita sane non amittitur corpore, puta, si fundo discedam nullo relicto in possessione, nisi & animus meus possessione recedat, nisi deferendæ possessionis animus mihi fuerit, nisi ea mēte ut ait §. ult. huius leg. inde digrediar, ut id non possideam, alioquin solo animo retineo possessionem. Et ita rectissime eam definitionem accipiant *Bulgarius Placentinus*, & *Ioannes*, & *Græci interpretes uno consensu*. Et idem omnino dicendum est, si possideam corpore alieno, puta coloni: Nam si colonus decesserit fundo, id est, si deferuerit fundum, vel si vita decesserit, ego non desino possidere, quamdiu eius possessionis retinendæ animū habeo & eum alius non inuaserit: nam inuasio alterius facit ut abeat mihi animus possidendi. Quid est possidere animo? an quodcunque animo complexus fueris, imaginatus fueris, possidere? Minime, alioquin quid quis non possideret? Sed animo possidere, est id possidere animo nostro, siue affectione, cui possidendo nihil impedimento est: Nam si alius inuasit possessionem, quæ fuit mea, non possum animo non deponere animum possidendi, qui cerno alium possidentem. Ergo si colonus, cuius corpore possidebā, fundo digressus fuerit ea mente, ut non possideret amplius, ego non amitto eam possessionem, si eius retinendæ animum habeam, & si inuasio alterius eum mihi animum non eripuit. quod est secundum *Proculianes*, quorum sententia constat. *Iustiniani* comprobata est, l. cum quis, de dolo. l. ult. C. de acq. poss. *Sabinianorum* aliud erat iudicium, ut ostendi ad *Africanū* ex l. si de eo §. 1. & l. colonus, hoc tit. Illud valde notandū est, quod si possessionem desertam à colono, quam corpore coloni possidebā, alius inuaserit, etiam ignorans amitto possessionem, quam corpore alieno possidebam: solo igitur corpore amitto quod possidebam, quia nondum deposui animum possidendi, qui sum ignorans inuasionis, quod ostendit §. ult. h. l. & l. 1. §. quod seruus, de vi & vi arm. Hoc casu igitur solo corpore nunquam acquiro, item solo corpore amitto possessionem, ignorans scilicet, rei mobilis si rem deposui apud alium, vel cōmodaui alij, & is cōstituerit possidere sibi, nec mihi reddere, cōfestim amitto possessionem, etiam ignorās, quia definit esse sub custodia mea, interuersa possessione ab alio, l. si rem, h. tit. Item ut appareat magis quantum distet amissio possessionis ab acquisitione, non certis casibus tantum, sed generaliter possessio amittitur solo animo: ut si quid possideo meo animo & corpore, & nunc nolo possidere mihi, sed forsan alij, desino possidere, etiam si corpus meum fundo non abscedat, l. 3. §. in amittenda, h. tit. Et hæc est altera differentia inter dominium & possessionem. Ante attuli aliam, quia dominium non amittitur solo animo, ut si dicam, me nolle rem meam esse, non ideo desino esse dominum, nisi tradam alteri, l. si quis vi §. 1. h. t. l. ius agnationis, de pact. Possessio amittitur solo animo semper, quæ tamē non amittitur solo corpore, nisi certis & paucissimis casibus. Et ut explicitius dicam, sed & proprie aliquid adiungam, eam quoque possessionem amitti nudo animo, quæ solo animo retinebatur, non corpore meo, vel alieno, & hæc non amittitur nisi animus accesserit. Aliquando, ut dixi supra, sine animo corpore solo amittitur; sed hæc quæ solo animo retinetur, solo quoque animo amittitur, adeo ut si alius ingressus sit eam possessionem, & hoc ignorem, nondum amittam possessionem.

Quæst. Papin.

**A** Inuasio ignorantem non spoliât possessione, quæ solo animo retinebatur; quod ostendit §. ult. h. l. & l. 3. §. in amittenda, h. t. addatur etiam l. si id quod §. ult. h. t. quod solo animo possideo, inquit, etiam si alius occupauerit possessionem, eo usq; possideo, quoad reuersum me is, qui occupauit, repellat: quia repulso deficit animus possidendi: vel etiam quoad suspicer, me posse repelli ab eo, qui ingressus est possessionem me absentem, quia & hoc casu suspicione labascit animus, neque vero antequam deposuerim animum possidendi, possessionem amitto, licet eam occupauerit alter me ignorante. Et rectissime in l. quamuis, h. t. ex eodem lib. *Papiniani*.

Ad l. quamuis, D. eod.

*Quamuis saltus proposito possidendi fuerit alius ingressus, tamdiu priorem possidere dictum est, quamdiu possessionem ab alio occupatam ignoraret. ut enim eodem modo vinculum obligationum soluitur, quo queri adsolet, ita non debet ignorantanti tolli possessio, quæ solo animo tenetur.*

**V** Titur in hac specie cōparatione obligationis, quæ etiam vitur d. l. fere. Obligatio eodem modo soluitur, quo acquiritur. acquiritur consensu euentis & vendentis, soluitur etiam consensu. Acquiritur verbis ex stipulatione, soluitur etiam verbis, nec alio genere quam verbis. Quod contractum est verbis, non soluitur consensu nudo: & ita quæ solo animo retinetur possessio, non amittitur nisi solo animo: quia nihil ignorantanti inuisione alterius aufertur. Et mens *Papi*. hæc est in hac l. & in l. peregre §. quasi, usq; ad fin. & in sequentib. & fuit, ut ostenderet, differentiam esse summam inter adquirendam & amittendam possessionem, quam vocat in §. ult. separationem, & differentiam in l. quamuis, ad Treb. ut *Græcis διαίρεσις & διαμερισμός*. Exemplum autem eius possessionis, quæ solo animo retinetur sine corpore nostro vel alieno, *Papi* ponit in saltib. æstiuis & hibernis, quoniam hos parte anni relinquimus, nullis quandoq; seruis aut colonis ibi relictis, nec possidemus tamen minus animo, sine corpore vilius. Saltus sunt sylvarum & pastiones, in quibus pecora hieme in hibernis, æstate in æstiuis sunt, l. qui saltum, de leg. 3. Nam & pecorum hiberna & æstia dicuntur, d. l. qui saltum, & *Varroni*, *Virgilio*, *Papiniano*. Hos igitur saltus parte anni relinquimus, ut ait l. 3. saltus, h. t. quoniam in hibernis pecora hiematum mittimus, in æstiuis æstiuatum vmbra causa, iuxta illud *Horatii*, *Pecusve ante sidus feruidum Lucana mittet pascea*. saltib. accedunt etiam causæ, custodiæ finium aut fructuum causa, paratæ saltuariis: hi sunt, qui custodiunt fines saltuum & fructus, qui in saltib. sunt, quos constat cedere instrumento prædij, si serui sunt vel adscripti prædio, l. 8. & l. quasi, §. saltuarium, de inst. vel inst. ieg. & separantur à colonis in l. cum quæreretur §. prædij, de leg. 3. quoniam non colunt fundum, sed tuentur tantum aut custodiunt gladium fundi aut sylvarum pastionisve gramen. *Virg.* cui latè custodia credita campi, id est saltuarius. Ideoq; rectissime in l. seq. licet, inquit, neque seruum, neque colonum ibi (in saltibus) habeamus, saltus sc. possidemus nudo animo, seruum vocat saltuarium, & recte separat à colono: nam saltuarius non est colonus, nec legato colonorum continetur, d. §. prædij. Sunt tamen in saltibus interdum coloni: nam possunt etiam in saltibus esse fundi: qui colantur, qui arentur: potest esse particula in syluis, quæ aretur pastorum aut custodem gratia, & ut elegantissime dixit *Ælius Gallus* I C. apud Festum, ea res non perimit nomē saltus, sicut si in fundo, qui est in agro culto, particula quædam sylvarum sit, ea res non perimit nomē agri culti. Ager cultus opponitur saltui. Et ita in l. creditor, de act. emp. ponitur in saltu fuisse fundus, qui coleretur, nam generaliter saltus ipse potest fundus dici. Et in l. si seruos, de pigner. act. grandem saltum fuisse, quem creditor excoluerit magno sumptu. Sed ut equidē arbitror, illo loco, verius est, nos non debere accipere saltum pro sylua, &

§ l ij



pastione, proagro compascuo, propascuis, sed pro ampla possessione, quæ aretur & excolatur omnis. Nā ex Siculo Flacco, *de limitibus agrorum*, & Varrone *de re rustica*, constat etiam dici saltum, *latifundum*, siue *latam possessionem*, quæ includat multas centurias, puta 25. vt ait Siculus. Non omitam etiam illud, vt restituam locum Festi vnum, nondum restitutum, etiam saltum dici nemus, vt Festus explicat in definitione nemoris, à verbo Græco *νέμος*, quod comprobauerat Festus auctoritate Homeri. Sed locus est perquam mutilus. Ex vestigiis, quæ remanserunt, intelligimus restituendum esse locum, hoc modo, vocabuli auctor est Homer. *Iliad. xi. ἐν νεμῷ σιπέσσῃ* id est, *in nemore umbrato*. Verum non tantum Papinianus hoc loco, sed alij auctores passim, quoties volunt adferre exemplum possessionis, quæ solo animo retinetur, vtuntur exemplo saltus hiberni vel æstiu: recte exemplo: nam idem dici potest de omnibus prædiis, de omnibus rebus vel mobilibus vel immobilibus, vt earum possessionem quam nacti sumus animo & corpore, post retineamus solo animo sine corpore vlllo. Sed frequentius vtuntur exemplo saltus, quod hæc prædia manifestum sit relinqui altera parte anni. Sed hoc idem dicendum de omnib. rebus, *l. 1. §. quod vulgo dicitur, de vi & vi arm. l. clam. l. ult. h. t. l. licet, C. eod.*

#### Ad l. 44. de vsurp. & vsucap.

*Iusto errore ductus Titium filium meum, & in mea potestate esse existimavi, cum adrogatio non iure interuenisset: eum ex re mea querere mihi non existimo: non enim constitutum est, in hoc, quod in homine libero, qui bona fide seruit: placuit ibi enim propter assiduam & quotidianam comparationem seruorum ita constitui, publice interfuit, nam frequenter ignorantia liberos emimus: non autem tam facilis, frequens, adoptio vel adrogatio filiorum est.*

**E**X lib. 13. Quæst. restant tantum leges tres, quæ omnes sunt de vsucapione, & earum præcipua est *l. iusto errore, de vsurp.* cuius initium explicabimus. Certissimum est, per liberum hominem, quem bona fide possidemus, nobis acquiri ex re nostra, & ex eius operis, non ex re aliena, nec ex aliis causis: nam postquam apparuerit, liberum eum esse, retinebimus tantum ea, quæ ex re nostra parauit, quamdiu eum bona fide possidemus, vel ex suis operis, parsumonia, ex sua indultia: nam opera videntur quodammodo esse ex re nostra, quia iure nobis eas exhibere debet, quoniam à nobis bona fide possidentur, *l. qui bona, de adq. rer. dom.* Ergo hæc tantum retinebimus, cætera ei restituemus. Et quod proponitur hoc vno tantum loco, & aliqua ex parte in *l. per eum, §. tit. prox.* videlicet quod diximus, per liberum hominem nobis acquiri ex re nostra, si eum possidemus bona fide, locum tantum habet in libero homine, quem quasi seruum bona fide possidemus ex causa emptionis, vel donationis, vel qua alia iusta causa existimantes, eum nos à dño accepisse. hic acquirit nobis ex re nostra, quoad appareat liberum esse: Nam si liberum hominem possedi, quasi filiusfamilias, vel quasi filium meum, qui esset in mea potestate bona fide, puta ex causa adrogationis vel adoptionis, quæ iure facta forte non est, quod exemplis demonstrabo, per eum nulla ex causa, ne ex re quidē nostra nobis acquiritur, sed adoptione iniusta pronuntiata, omnia iterum restituentur, quæ acquisiuit, rem meam mihi retineo, quod ex re mea parauit, ei restituam. Hoc notandum: Nam quibus est amica disputatio priuata vel publica, possunt certe primo congressu valde turbare affirmantem, per liberum hominem bona fide possessum ex re nostra nobis acquiri: Nam hoc est falsum in libero homine, qui possidetur quasi filiusfamilias, nec vnquam nobis istud excidere debet, sed hoc vno tamen loco proponitur ex *d. l. per eum*. Igitur, quod proponitur initio legis est tantum differentia, vt ait Bart. & Accurs. inter seruum putatium & filium putatium. Per seruum putatium acquirimus ex re nostra, quæ quo-

**A**dammodo nostra esse videtur, per filium putatium nulla ex re acquirimus. mallem dicere Græce, quam Latine putatium, *νομὸζόμῃον*. Quæ est ratio differentiæ? Est acutissimus Papin. in reddendis rationibus. cur per seruum acquirimus ex re nostra, non per eum, quem quasi filium famil. possidemus. Seruorum comparatio erat assidua & quotidiana: nullius fere rei olim erat commercium frequentius, quia nec etiam vllius rei quæstus vberior, quā habere plures seruos, qui acquirunt nobis quidquid acquirunt. Magnæ hæc diuitiæ sunt, quorū opera possis tibi extruere breui tempore ædificium, aut te liberare periculo. Ergo, inquit Papinian. propter frequentissimam comparationem seruorum, in qua possit etiam accidere, vt tibi obtudatur liber pro seruo, publice interfuit ita constitui, vt per liberum hominem, quem ignoranter quasi seruum comparauissemus, nobis acquiratur, saltem ex re nostra. & ita propter frequentem mutationem, & assiduam pecuniæ usum, nec alia ratione, multa sunt singularia recepta circa pecuniam mutuum, *l. singularia, de reb. cred.* propter utilitatem inquam, promiscui vsus, *l. si quis mancipis §. si impubes, de inst. act.* & in hac, *l. constitutum*, id est, consensu receptum, vt per liberum hominem nobis bona fide emptum, nobis acquiratur ex sua opera & ex re nostra. Non ita frequens filiorum adoptio vel adrogatio, Possumus vel hodie etiam in Gallia filium adoptare vel adrogare, sed vix quisque adoptat, nec alia ratione rex sibi regnum Neapolitanum vendicat, quam adoptionis iure. Non est frequens filiorum adoptio, quia nec ita facilis factu, non licet temere plures adoptare, omnis adoptio fit causa cognita, vel auctoritate Principis; vel Imperic magistratus. Olim auctoritate populi lege curiata non licebat plures adoptare, *l. 15. §. ult. de adopt.* Si velit aliquis vnum aut alterum adoptare, potest solati; ergo, tres vel plures vix potest, *d. l. 15.* non licet fœminis adoptare, *§. fœmina, Instit. eod.* quin & fœminas adoptare non licet, nisi ex rescripto, *l. nam & de adopt.* non licet minori maiorem adoptare, *d. l. 15.* Adoptio locum habet in his, in quibus natura potest. non potest natura esse maior filius minori, non licet etiam temere adoptare ei, qui magis procreationi liberorum studere debet, vel potest, sexagenario licet adoptare, minori sexagenario vix licet, *d. l. 15.* Nō est igitur facilis adoptio liberorum, atque adeo infrequens est. Seneca in controuers. *adoptionem esse remedium fortune*. M. Tullius pro domo sua: *causa adoptandi queri solet, cum is qui natura liberos assequi non potest, adoptat.* Ac præterea adoptio fit solēniter, & est legis actio, vt ait Th. *d. rit. de adopt. l. post mortem §. ult. eod. l. 1. & 4. C. eod.* Nihil horum obseruatur in comparatione seruorum: Nam & fœmina comparat seruum, & ancilla comparatur, nec inspicimus rem quam comparamus, nec cætera multa: seruorum enim vsus est necessarius. At adoptiæ proles, id est, adoptionis, non est necessarius vsus, sed magis voluntarius, vt sint quasi senectuti solatio, vel orbitati. Ex his intelligitur ratio differentiæ, quæ est elegantissima: Nā frequens vsus exigit, vt recipiamus singularia contra ius: & contra ius est, vt liber homo nobis acquirat, & tamen acquirit, si quasi seruus fuerit bona fide cōparatus. Dices: hoc intelligo, sed quæso quid hoc ad titulum hūc pertinet? Nec enim hic vlla fit mentio vsucap. vel vsurpationis, quæ interruptio est vsucapionis: ideo nec sunt referenda ad titulum *de vsurp. & vsucap.* Hoc sc. dicimus, vt intelligamus nos nō posse vsucapere, quæ acquisiuit liber homo, quem quasi filium possidemus lapsi iusto errore, id est, iusta ignorantia, scil. facti, non iuris: Nam sola ignorantia iuris impedit vsucapionē. *l. 4. D. de iur. & fac. ignor.* sed ignorātia facti non item. Puta existimabam eum, quē adoptabamus esse minorem ætate, dum scilicet hoc ipse fingeat, vt in *l. apud §. quid enim, de doli except.* Decipimur saepe in cognoscēda ætate hominū, & facile credimus affirmanti, se huius vel illius ætatis esse. hæc est, ignorātia facti, quam attulit dolus adoptati, vel existimātis patrem esse, à quo puer dabatur in adoptionem, cum non esset



pater. hæc est ignorantia facti etiam, quæ iustissima est, A

quem enim is error non caperet? Igitur hic error non impedit solus vsucapionem, sed obstat vsucapioni alia res, quod per eum, quem adoptauimus non iure, cum existimarem nos adoptasse iure, ducti ignorantia probabili facti, quod inquam, per eum nec possessio quidem nobis acquiritur. rerum scilicet quas interim acquisit, *l. per eum, tit. prox. sup.* Et vsucapio sine possessione non procedit. Ergo quod acquirit, non acquirit nobis statim, neque id fieri nostrum potest ex causa vsucapionis, cum possessio ad nos non pertineat: nec mirum, cum nec ipse filius proprie possideatur, sed magis quasi possideatur, qua de causa non potest vindicari, nisi causa adiecta ex iure Quiritium, quo iure pater videtur esse dominus filij, cum habeat in eo ius vitæ necisque eo iure, *l. i. §. per hanc, de rei vindic.* Sed si filius meus sit apud alium, vel apud eum ipsum filium, ut se gerat pro homine sui iuris, petitus preiudicio aduersus filium ipsum, vel aduersus extraneum interdicto de liberis exhibendis, vel extraordinarie prætoris interuentu, *d. §. per hanc*, non poterit quasi res sua vindicari, nisi ex iure illo antiquo Quiritium ex XII. Tabul. quod desit esse in usu, ut pleraque alia temporibus auctorum nostrorum erant abrogata ex 12. tab. Et tamen certum est, subrepto filio meo filiofamil. nomine, mihi esse actionem furti, quasi interuersa possessione rei meæ, aut certe melius quasi possessione, quasi res mea sit, *l. 2. de interdict.* Dicimus interdictum de filio exhibendo esse quasi proprietatis: cuius rei quasi dominium dicimus esse, necesse est ut sit quasi possessio: cuius absolute dominium, & absolute possessio. Et furti actionem competere patri ostenditur in *l. eum qui §. si filiusfam. de furt.* non in pretium filij certum, quia liberi hominis pretium non est, sed in id, quod interest, veluti in lucrum acquisitionis, ut Græci rectissime interpretantur. Quia de causa mater non agit furti subrepti filij nomine, *l. mater, eod. tit.* quia matri nihil acquirit filius & neuter quidem agit conditione furti, quæ soli domino datur, & pater non est dominus. Sunt casus innumeri, quibus hæc duæ actiones furti & conditionis fortitæ non concurrunt. Si per eum, quem existimamus factum filium nostrum adoptione, cum non sit factus, iure possessio nobis non acquiritur, cum non ipse à nobis proprie possideatur: Quæ res de his, quæ liber homo bona fide possessus quasi seruus acquisiuit ex re nostra, in ea possumus vsucapere? Ex hoc quoque dicemus, nos non posse vsucapere, quia statim D nostra fiunt ipso iure. In *l. 4. §. lana, hoc tit.* oues sunt furtiæ, lana detonsa est apud bonæ fidei possessorem, non potest vsucapi lana, quia statim sit possessoris bonæ fidei, cum lana sit in fructu, *l. in pecudum, de usuris. pleno iure*, inquit, sit bona fidei possessoris, ut intelligatur non posse interuenire vsucapionem, quæ tribuit plenum ius, *l. 17. de rei vindic.* Fructuum plenum ius tribuitur bonæ fidei possessori, statim atque fructus percipit. Sed videtur *d. §. lana* exigere consumptionem fructuum, dum quod dixit in lana, idem esse ait in agnis, si consumpti sint, quia consumptio domium effecit eum, qui bona fide quod accepisset, consumpsit. Exstantes autem fructus non fiunt possessoris, sed possunt vindicari à domino. Consumptio igitur plenissimum ius tribuit, *l. quæsitum, in fi. de acquir. rer. dom. §. si quis à non domino, Instit. de re. diuis.* Ergo quæ liber homo quasi seruus bona fide possessus parauit ex re nostra, non vsucapimus, quia statim nostra facta sunt pleno iure, & quod nostrum est, amplius nostrum fieri non potest. Cætera etiam, quæ is extra rem nostram acquisiuit, non vsucapimus, quia nec cæterorum possessio nobis acquiritur, sine qua vsucapio non consistit, cum nec ei acquiritur: neque enim potest possidere sibi scilicet qui ab alio possidetur, *l. 54. in fin. de acquir. rer. dom.*

Ad §. primum.

*Constat, si rem alienam scienti mihi vendas, tradas autem eo tempore, quo dominus ratum habet, traditionis tempus inspiciendum, remque meam fieri.*

**I**Ta vero in §. i. huius l. licet non fiat mentio vsucapionis, tamen quod est scriptum in eo continenter, est referendum ad vsucapionem. In hac specie, qui rem alienam sciens à non domino mala fide emit, deinde eam accipit tradente venditore, cum iam dominus ratum habuisset, aut domino ratum habente satis est, si dominus ratum habuerit tempore traditionis, licet non tempore venditionis, quia ex tempore venditionis videtur ratum habuisse, quia rati habitio retro agitur, *l. si fundus §. i. de pignor.* quod est ex constitutione Iustin. Ex sententia Sabinianorum est receptum, ut in omnibus rati habitio retrahatur, & mandato cõparetur: neque enim constabat olim in omnibus rati habitationem retraheri, sicut etiam conditionem hodie non in omnibus retraheri constat. Igitur res videtur mea statim atque vendita est, quia tradita est eo tempore, quo dominus ratum habuit. Et nihil est præterea in §. i. Sed debemus subiicere, quod est in §. 2.

Ad §. etsi possess. & l. 3. & pen. D. pro legato.

**§. 2. Etsi possessionis, non contractus initium, quo ad vsucapionem pertinet, inspici placet: nonnunquam tamen euenit, ut non initium præsentis possessionis, sed causam antiquiorem traditionis, quæ bonam fidem habuit, inspiciamus: Veluti circa partum eius mulieris, quam bona fide cepit possidere. Non enim ideo minus capietur usu puer, quod alienam matrem priusquam eniteretur, esse cognouit. Idem in seruo postliminio reuerso dictum est.**

**E**xplicabimus nunc §. etsi possessionis, sed ei adiungemus etiam explicationem *l. 3. & l. pen. D. pro leg.* quæ sunt eiusdem libri Papiniani. Certum est in vsucapione bonam fidem possessoris exigere, male fidei possessorem non vsucapere. Et regulariter quidem, in omnibus causis siue contractibus bona fides exigitur, non initio contractus, sed initio adeptæ possessionis, quia & à possessione vsucapio incipit. Excipitur tantum emptio & venditio, in qua bona fides exigitur & contractus & traditionis tempore, *l. prox. sup. h. l. 7. §. ult. de Publ. in rem act.* Neque huic exceptioni quicquam obstat *l. si aliena re, in prin. h. t.* quæ tamen prima specie videtur significare, in emptione venditione traditionis, id est, possessionis duntaxat tempus spectari oportere. Sed verissimum est, quod etiam voluit Accurs. eius legis hanc mentem esse, ut non tantum emptio, sed etiam traditionis initium inspiciatur, ex sententia Sabinianorum, ut ait nam Proculiani initium tantum emptio spectabant, id est, sufficere existimabant, si bona fide emisset, etiam si rem traditam postea bona fide non accepisset, quod ex eorum Proculianorum sententia videtur referri in *l. qui fundum §. qui bona fide, tit. seq.* videlicet si in eo §. legas, ut est in Florentinis, *similis, non. dissimilis*. Sed forsitan ut vulgo rectius legitur, *dissimilis*, quoniam ea lex est Iuliani, qui ex Sabinianis fuit, & utroque tempore exigit bonam fidem, *d. l. 7. §. ult. de Publ. in rem act.* & ita in *l. cum quis §. de peculio, de solut.* alias notauimus, non, *simile*, sed melius, *dissimile* legi, quod Accurs. notauerat eo loci. Vt sit, obtinuit Sabinianorum sententia, ut bonam fidem in emptione & venditione exigamus ab emptore, non tantum emptio tempore, sed etiam traditionis, cum tamen in aliis contractibus sufficiat interuenire bonam fidem traditionis tempore. Quia igitur etiam emptio initium spectari placet, ex eo apparet, non aliter procedere vsucapionem pro emptore, vel pro soluto, quasi resoluta in causa emptio, nisi



reuera emptio interuenerit, nec sufficere ex causa emptio-  
nis traditionem fieri bona fide accipienti, si nulla emptio  
præcesserit, si nullum tempus emptionis fuerit, si non  
fuerit duplex tempus, & utroque bona fides: & tamen in  
aliis contractibus vsucapio pro soluto procedit, si quis  
rem sibi solutam quasi debitam bona fide acceperit, licet  
nulla præcesserit obligatio, nullum debitum, quia in aliis  
causis præterquam in emptione & venditione, possessio-  
nis, solutionis, traditionis solius initium intuemur, *l. si is  
qui pro emptore §. ult. l. pen. h. t. l. 2. tit. seq.* Idemque est si  
præcesserit obligatio, ut, sed exempli gratia, si sciens sti-  
pulator sum rem alienam à non domino, quam sciebam  
non esse meam. Nam si tempore solutionis quo mihi res  
promissa soluitur, in ea opinione sum iam, ut existimem,  
eam rem esse promissoris, non alterius, vsucapio pro so-  
luto procedit, quia bonam fidem interuenire solutionis  
tempore satis est, nec exigitur ut & stipulationis tempo-  
re interuenerit. At in emptione venditione non tantum  
accipi, sed etiam emi rem bona fide oportet, & cōsequen-  
ter in aliis causis præterquam in emptione venditione,  
falsa causa non officit vsucapioni, si modo res sit tradita  
& bona fide accepta, ut si ex falsa causa iudicati, ex falsa  
causa stipulationis, vel legati, vel noxæ deditiois, res  
soluta & tradita sit bona fide accipienti. Nam etsi falsa sit  
causa traditionis, vsucapio procedit, *l. 5. de Publ. in re alt.*  
At, ut iam dixi, falsa causa emptionis obstat vsucapioni,  
etiam si quis rem ex ea causa accipiat bona fide. Videtur  
tamen Papin. hac in re in hoc eodem lib. comparare aut  
parem facere causam legati, causæ emptionis in *l. 3. pro  
leg. Non magis*, inquit, *quam si quis emptum existimet, quod  
non emerit*, pro legato potest vsucapi, adhibitā, *l. 2. eod.* ubi  
negatur procedere vsucapionem, si rem possideam quasi  
legatam, quæ non erat legata, vel quasi emptam, quæ non  
erat empta. Eandem igitur esse conditionem legati &  
emptionis, cum distinctione aliqua nobis explicandum  
est hoc modo: ut si res tradita non sit ab herede ex causa  
legati, vel à veditore ex causa venditionis, fateamur nul-  
lum esse discrimen inter legatum & emptionem, vel alias  
possessionis causas, nulla ex causa vsucapionem proce-  
dere, quando traditio non interuenit, *l. Celsus, h. t.* erro-  
rem falsæ causæ non parere vsucapionem, nisi errorem  
traditio secuta sit, *§. error, Insti. cod. tit.* Sed si ex aliis cau-  
sis quibuscumque res sit tradita bona fide accipienti, quasi  
rem debitam sibi ex causa, ex qua tradebatur, quamuis  
falsæ sint causæ, vsucapio procedit, *l. 3. & 4. §. ult. inf. pro  
suo, l. 1. pro donato, l. Proculus, de iur. dot.* Sed si res tradita sit  
ex causa emptionis, quæ falsa est, sane vsucapio non pro-  
cedit, *d. l. 2. tit. seq.* nisi scilicet sit magna præsumptio emptio-  
nis, & erroris iusta, magna, probabilis causa, ut in specie  
legis quod vulgo tit. seq. & *l. ult. pro suo.* Si mandauit ser-  
uomeo, aut procuratori rem emendam, nec emerit, sed  
quacunque alia ratione eam rem nactus sit, mala forte fi-  
de, atque ita mihi persuaferit se emisit, & mihi tradido-  
rit rem, vsucapio procedit. Nam hic error est tolerabilis.  
Idemque est, si idem mihi persuaferit seruus, aut procu-  
rator eius, cui ego heres existi, cuique defunctus dede-  
rat in mandatis, ut rem emeret: idque ita ponitur in *dd. ll.*  
Alioquin, quod traditum est ex falsa causa emptionis, nō  
potest vsucapi. Etiam illud adiungamus, quod est in *l.  
pen. pro leg.* quamuis res legata non sit tradita ab herede  
legatarij, sed legatarius eius rei possessionem ingressus sit  
*sine vitio*, ut ait, id est, non vi, non clam, sed prætoris aucto-  
re, vel herede sciente & tacente, procedere vsucapionem  
pro legato, si legata sit res aliena, idque est notissimum.

Sed reuertamur vnde abiimus. Quæro, cur in emptio-  
ne venditione exigimus, ut & emptionis & traditionis  
initium habeat bonam fidem, & tamen in aliis contracti-  
bus veluti in stipulationibus quæ sunt pandectæ contra-  
ctuum: nullus enim contractus non cadit in stipulatio-  
nem, sicut Grammatici dicunt aduerbia esse pandectas  
omnium partium orationis: cur, inquam, in stipulatio-  
nibus initium duntaxat traditionis spectamus? cur exi-

gimus tantum bonam fidem initio possessionis adeptæ &  
traditionis? Laborant aliquantulum interpretes in red-  
denda ratione differentia, sed mihi videtur satis reddi in  
*d. l. si is, qui pro emptore §. ult.* quia scilicet salua fide & il-  
lata sciens non possum emere rem alienam à non domino  
& pudorem mihi hæc emptio iniicere debet, si scio rem  
alienam. Stipulari autem rem alienam vnicuique con-  
cessum est absque rubore, ut scilicet promissor mihi præstet  
æstimationem eius rei, vel redimat eam rem à domino, si  
possit, & præstet: nec enim rem ab eo stipulor quasi à do-  
mino, sicut emo rem quasi à domino. Igitur ex alienæ rei  
scientia non oneratur verecundia stipulatoris aut fides.  
Et summa est igitur ratio separandæ emptionis à cæteris  
negotiis, quæ omnia suo ambitu stipulatio comprehen-  
dit. Porro in omnibus contractibus, nullo excepto, bona  
fides exigitur possessionis tempore, quod ad vsucapionem  
attinet. Sed addamus non tantum tempore adeptæ pos-  
sessionis, sed etiam tempore recuperatæ possessionis, nō  
tantum initio primæ possessionis, sed etiam initio secun-  
dæ bonam fidem exigere, *d. l. si is qui pro emptore §. pen. h. t. l.  
qui fundum §. qui bona, tit. seq.* Finge: ego bona fide rem  
emi & accepi: deinde amissa possessione eam recuperaui  
eo tempore, quo sciebam eam alienam esse. Non possum  
eam vsucapere, quia initium redintegratæ possessionis est  
vitiosum, vel rursus: Finge: ego vendidi rem alienam,  
quam bona fide possidebam. & cum ea res esset in causa  
redhibitionis propter morbum aut vitium aliquod, quod  
ei latenter inerat, ea res mihi redhibita ab emptore, iam  
scienti rem esse alienam: non possum eam vsucapere, quia  
initium secundæ possessionis vitiosum est, nec satis est  
bonam fidem interuenisse in prima possessione. Et sin-  
ge iterum: ego fundum possideo bona fide, & ex eo dei-  
cior per vim, post recupero possessionem remedio inter-  
dicti vnde vi, sciens iam fundum esse alienum, non vsu-  
capiā, quia possessio quam recuperaui, vitiosa est. Con-  
cludamus igitur, bonam fidem exigere, non tantum initio  
adeptæ, sed etiam initio recuperatæ, redintegratæ pos-  
sessionis quod ad vsucapionem attinet. Sed excipiamus ab  
hac definitione duos casus, qui proponuntur in hac lege,  
quibus initio recuperatæ possess. bona fides non exigitur,  
& satis est si interuenerit initio primæ. Primus casus est:  
ancillam prægnantem emi, aut alia ex causa bona fide  
possidere cepi, post cognoui eam esse alienam, antequam  
pareret, deinde pariens enixa est puerum: iam puerum pos-  
sum vsucapere, licet eo tempore, quo editus est, scie-  
rim matrem ancillam alienam esse? Maxime, quia non  
videtur quasi initio secundæ possessionis bona fides de-  
siderari: nam videntur esse duæ possessiones pueri: vna  
temporis, quo fuit in utero, altera temporis, quo exiit  
utero, sed fingitur (& hæc est ratio) vna tantum fuisse  
possessio pueri, & continua nec interrupta. Fingitur ab  
initio comparatæ ancillæ natus, ut in plerisque causis etiā  
quæ non pertinent ad commodum eius qui est in utero:  
qui est in utero habetur pro nato, & enumerantur mul-  
tæ causæ, maxime in *l. pen. de statu hom.* Et ad vnam cau-  
sam quæ ibi refertur de vsucapione partus, velim ex hoc  
§. etiam hanc addi, his verbis: *si liber, & si ancilla præ-  
gnans bona fide empta sit, quamuis mox scierit emptor an-  
cillam alienam esse, id, quod natum erit, vsucapietur, l. iusto.  
§. et si possessionis, de vsuc.* Ei ideo posui ancillam non fuisse  
furtiuam, quia si ea fuerit furtiua, bona fides exigitur,  
ut partus vsucapio procedat etiam editionis tempore, *l.  
4. §. si antequam, l. non solum, in prin. hoc tit.* Secundus casus  
est: seruum bona fide emi, is captus est ab hostibus,  
captiuitate interruptitur possessio: deinde, priusquam  
reuerteretur postliminio, cognoui seruum alienum esse,  
non ideo minus potero eum vsucapere, quamuis eius re-  
cuperati tempore scierim alienum eum esse, quia scilicet  
postliminium fingit vnam possessionem eius serui fuisse,  
& continuam nec interruptam: postliminium retro  
fingit eum casum non accidisse, fingit seruum nunquam  
abuisse potestate domini, aut possessoris. Itaque utroque



casu fuit vna possessio, quamvis videantur duæ fuisse, & inter eas media interruptio, vt satis sit initium primæ possessionis caruisse vitio, nec quicquam nocebit vsucapioni superueniens mala fides.

Ad §. nondum aditæ.

§. 3. *Nondum adita hereditatis tempus vsucapioni datum est, siue seruus hereditarius aliquid comparauerit, siue defunctus vsucapere cœperat. Sed hæc iure singulari recepta sunt.*

**E**xplicemus §. *nondum*, in quo ponuntur duo casus singulares, quibus iacentis necdum aditæ hereditatis tempus ad vsucapionem heredi procedit. Priore casu ad inchoandam eam, si seruus hereditarius aliquid comparauerit, posteriore ad continuandam & complendam eam, si defunctus aliquid possidere cœperit & vsucapere. Et hæc duo esse in vsucapione singularia recepta, quib. scilicet sine possessione, aut sine possessionis continuatione, videtur contingere vsucapio contra regulas iuris, & definitionem vsucapionis. Quid est vsucapio? Adeptio domini per cōtinationem possessionis certi temporis, lege definiti: quia scilicet hereditas iacens, possessionem non habet, l. 1. §. *Scauola, si quis test. lib. esse*. Est enim possessio facti & animi, hereditas autem res incorporalis, & non est factum, vel animus sine corpore; denique non est possessio sine corpore. *Nondum*, inquit, *aditæ hereditatis tempus vsucapioni datum est, &c.* Et quod ad priorem casum attinet, ex eo, quod diximus hoc cod. lib. & l. *peregre, §. quasi-ritum, tit. prox. sup.* iure singulari, vtilitatis ratione esse receptum, vt ex peculiari causa sola per seruum dominus ignorans, vel per filiumfam. pater ignorans possideat & vsucapiat, per seruum scilicet, quæ ipse dominus possidet, non per fugitiuum, quem nō possidet, non per eum quem alius possidet, l. *homo liber, in fi. de acquir. rerum dom.* Iure communi scientem tantum possidere, & vsucapere. Ex eo, inquam, iure singulari sequitur, vt si seruus hereditarius, iacente, necdum adita hereditate, peculiari nomine aliquid comparauerit, eius possessio & vsucapio hereditati quærat, quia quod ignorant homini quæritur, & iacenti hereditati quæri potest, quæ ignorantis, absentis, dormientis, mortui loco est. Et hoc probatur apertissime in l. 1. §. *item acquirimus, sup. tit. prox. l. pen. inf. de cap. & post. l. m. l. qui à seruo hereditario, de oblig. & act.* vbi Accurs. male etiam extra causam peculiarem, id est, ex causa dominica non peculiari, nomine domini non suo nomine, fidem est suo nomine & peculiari nomine. Scribit seruum ignorant domino possessionem acquirere. Hoc est falsum, vt ostendi & probaui d. l. *peregre §. quasi-ritum*, nisi seruus habeat iussum domini. Et quod ait l. *si me in vacuum §. ult. sup. tit. prox.* seruum meum mihi ignorant acquirere possessionem, sic est accipiendum, nempe ex causa peculiari vel ex iussu meo, causa mea, sicut procurator meus vel seruus alienus ex mandato quoque meo, causa mea, mihi acquirit possessionem etiam ignorant, quam meo nomine adipiscitur. Et altera lex, qua nititur Accursius, id est, l. *quod seruus, eod. tit.* aperte loquitur de causa peculiari tantum, vt ex ea scilicet ignorant domino acquirat possessionem, secundum hoc, quod Papinianus ait in hoc §. *nondum hereditatis aditæ tempus vsucapioni datum esse, si seruus hereditarius aliquid comparauerit*. Sic accipiendum, si peculiari nomine comparauerit, non si alieno nomine. Verum huic sententiæ officit vehementer lex, seq. §. *ult. vbi negat*, ante aditam hereditatem procedere vsucapionem eius rei, quam seruus hereditarius comparauit peculiari nomine, quemadmodum etenim vsucapiatur, inquit, quod ante defunctus non possedit. Denique concludit, vsucapionis primordium esse tempus aditæ hereditatis. Manifesto igitur illo §. pugnat cum superiori definitione. Et si quid aliud quæsieris diligenter, quod respondeas liquido, frustra fueris diligens. Nec enim inue-

**A**nies aliud, quam hoc vnum, verum id quidem esse, quod proditum est in hoc §. *ult.* iure ciuili, iure communi, sed ius singulare, consensu ius receptum, mortem suadere, admittere aliud. Nam quæ Accurs. scribit ægroti somnia videntur, vt hoc loco fingit, eum seruum possidere cœpisse ante mortem domini, contra manifesta verba Papin. qui seruum hereditarium comparasse rem ait, seruus autem hereditarius non est ante mortem testatoris, sed post mortem, ante aditam hereditatem, interim scilicet dum iacet & vacat hereditas. Et ita semper in iure accipitur seruus hereditarius, vt cum dicitur, per seruum hereditarium heredi non posse acquiri rem hereditariam, vel hereditatem ipsam, l. *per hereditarium, de acqui. ver. dom.* Et cum dicitur heredi ex asse scripto adscriptam conditionem hanc, si seruum hereditarium non alienauerit, impossibilis est conditio, l. *quarta §. pen. de conditionib. institut.* Et in multis aliis locis, si quis dixerit, seruum hereditarium esse ante mortem testatoris, vel post aditam hereditatem, id ridiculum & delirum esse videtur, quod tamen scripsit Æmilius Ferretus, l. 1. §. *veteres, sup. tit. prox.* Et longelapsus est à vero. Is homo in contemnendis & reprehendendis doctoribus, ponit fastus multum, in tradenda veritate studij nihil, & ob eam rem eius scripta planè sunt iuris studiosis inutilia. Igitur, vt in l. *seq.* ita in hoc §. *nondum*, ponendum est, seruum hereditarium post mortem testatoris ante aditam hereditatem comparasse aliquid peculiari nomine. Nam si posueris, comparasse ante mortem testatoris, ipse testator id possedisse intelligitur, atque ita non erit hic prior casus de seruo hereditario diuersus à posteriori, quo etiam placet hereditatis iacentis tempus ad vsucapionem heredi procedere, siue defunctus, inquit, vsucapere cœperat: non erunt duo casus, sed vnus, & aliquid possederit. palam facit duos casus his verbis, siue seruus, siue defunctus vsucapere cœperit, &c. Et quidem iam satis diximus de priori sententia. Posterioris hæc est, vt cœpta vsucapio à defuncto necdum impleta iacente hereditate & possessione vacua (nam hereditas iacens, vt dixi supra, possessorem non habet) nihilominus procedat, procuret, perficiatur, peragatur, impleatur iure singulari, quamvis non sit continuata possessio, sed vacet iacente hereditate, in l. *nunquam §. vacuum, l. cœptum, hoc tit. vbi constitutum est*, cœptam vsucapionem à defuncto posse & ante aditam hereditatem impleri, constitutum est, id est, receptum est iure singulari, vt initio huius legis constitutum me interpretari memini. Idem in l. *qui cum §. ult. tit. seq. & l. cum miles, sup. quib. ex causis maior.* Denique morte mea non interruptitur vsucapio, quæ à me cœpit initium, sicut morte coloni mei per quem possidebam, etiam si mortuum eum esse ignorem non interruptitur vsucapio, l. *si de eo fundo, §. i. sup. tit. prox.* Igitur his duobus casibus, qui notantur breuiter in hoc §. & vt breuiter, ita eleganter, hereditas iacens intelligitur, id est, fingitur possidere, vt ait d. l. *qui seruo, de obligat. & action.* Fingitur, inquam, quia cœptæ possessionis res incorporea & inanima non est capax. Atque ita priori casu inchoatur vsucapio, posteriore continuatur & impletur vsucapio iacente hereditate, videlicet, si medium illud tempus iacentis hereditatis vacuum fuerit, id est, si eo tempore alius non sit possessionem ingressus, l. *Pomponius, §. quasi-ritum, sup. tit. prox.* nam si post mortem testatoris, qui possidere cœperat, non prior heres possederit, sed alius quidam, possessio testatoris interrupta est, nec continuatur in herede, l. *possessio, hoc tit.* Possessio, inquit, testatoris ita demum heredi procedit vel accedit, si medio tempore à nullo fuerit possessa, sed si medio tempore vacarit, continuatur in herede, nec intelligitur morte testatoris interrupta fuisse, & non ea tantum continuatur, quæ morti testatoris iniuncta fuit, id est, quæ durauit vsque ad supremum exitum vitæ testatoris, sed etiam, quæ vnquam testatoris fuit, quæ aliquando testatoris fuit, licet proxima morti eius non fuit, si modo medius possessor non interuenerit. Et hæc est sententia legis Pomponius §. *non autem tit.*



prox. sup. ubi Florentia recte legitur, *unquam*, vulgo perperam, *nunquam*, expressa falsa sententia: Nam hoc vult in hoc §. non tantum eam possessionem testatoris heredi procedere, quæ morti fuit iniuncta, sed etiam eam, quæ unquam testatoris fuit, etiam si non fuerit morti coniuncta, si dixeris, quæ nunquam testatoris fuit, falsum dixeris. Et ita l. *inter omnes, in pr. de furs.* si res furto subrepta extinda sit, si seruus furto subreptus mortuus sit, nihilominus competere actionem furti, *non quia nunc res abest, sed quia unquam*, inquit, *beneficio furis abfuit, par son moyen*, ubi etiam vulgo perperam, *nonnumquam*. Hi vero duo casus sunt vobis valde notandi quibus iure singulari recipitur, ut vsucapio procedat sine possessione, aut sine continuatione possessionis si verum fatemur. Et his exemplis uti oportet ad definitionem iuris singularis, quod ponitur in l. *ius singulare, de legibus*, ut ius singulare sit, quod contra tenorem rationis, contra regulam iuris, *παρὰ τὸν ἀνελκέναι, παρὰ τὰ νόμους*, id est, *contra exactam diligentiam contra canones propter utilitatem aliquam*, introductum est. Nullum, quod est mirum, ibi Accursius affert exemplum idoneum, cum sit luculentissimum in d. l. *per regre §. quæsitum*, & in hoc §. & in l. *singularia recepta*, id est, *iure singulari, D. de rebus credit.* Et potest etiam ex Theophilo sumi exemplum ex conditione furtiva, quæ datur domino *παρὰ τὰ νόμους*, quia regulariter dominus non condicit rem suam, sed utilitas publica, odiumque furum, admisit conditionem, & eam concedit dominis aduersus fures.

#### Ad §. filiusfamilias.

§. 4. *Filiusfamilias emptor aliena rei, cum patremfamilias se factum ignoret, cepit rem sibi traditam possidere: cur non capiat usu, cum bona fides initio possessionis adsit, quamuis enim se per errorem esse arbitretur, qui rem ex causa peculiari quaesitam nec possidere possit? idem dicendum erit, etsi ex patris hereditate ad se peruenisse rem emptam non leui presumptione credat.*

**E**xplicemus nunc ceteros §§. Et primo loco §. *filiusfamilias*, in quo ponitur casus, quod qui putat se non possidere quod possidet, nihilominus possidet & vsucapit. Aut certe sunt duæ huius §. partes. Priori parte, is qui putat se non possidere, nihilominus intelligitur possidere, & vsucapit. Posteriori, qui putat se ex vna causa possidere, nihilominus ex alia causa intelligitur possidere & vsucapere. Posterioris partis verba sunt, *idem, &c.* Finge: filiusf. ex causa peculiari emit rem alienam, & quo tempore iam erat paterfamilias factus morte patris, quæ ipse viuere existimabat, eam rem sibi traditam accepit. Emit autem & accepit bona fide, ignorans rem esse alienam. Quæritur, an ei vsucapio procedat pro emptore, vel pro soluto, vel pro suo, non ex causa emptionis? Qui tres tituli concurrunt. Ratio dubitandi hæc est, quia filiusf. errauit in conditione sua, nempe existimauit se esse filiumfam. atque ideo eam rem, quam emit & accepit, existimauit se non possidere, sed patrem, quia peculium aut rem peculiarem, aut rem ex peculij causa quaesitam & partam, non possidet filius sed pater, non seruus sed dominus, l. *quod seruus, & l. possessio §. 1. tit. prox. sup.* Qui igitur existimat, se esse filiumf. existimat se non esse possessorem eius rei, quam tenet. Porro in eo errore erat ille, ignorans mortem patris. hæc ignorantia, hic error, facit dubitationem, rationem dubitandi, *τὸ ἀπὸν τὸ ἀντιστοιχίας*, ut ait *Aristot. l. 1. Polit. c. 3.* Sed hic error, error est facti, non iuris: ignorantia scilicet mortis paternæ, & error facti non obstat vsucapioni, si initio emptionis & possessionis bonam fidem habuerit. Error iuris impedit vsucapionem, ut si quis iuris ignarus putaret sibi non licere possidere, quod licet, ut in l. *si fur §. 1. hoc tit.* quod explicatum latius, lib. 19. ad l. 7. *de iuris & facti ignor.* Et ideo rectissime Accursius notauit, in hac specie fuisse errorem

**A** facti, non iuris. Alioquin esset summum dissidium inter hunc §. & d. l. *si fur §. 1.* Idem vero procedit, ut ostenditur in posteriori parte huius §. si idem filiusf. non leui argumento ductus, putet quidem se possidere, sed ex alia causa, qua possessionem adeptus est, & obtinet, ut qui putat se possidere ex causa hereditaria, qui rem habet ex causa emptionis, non ex causa hereditaria. Finge: filiusf. ex causa peculiari emit rem alienam bona fide, & cum ignoraret se patremfamilias factum morte patris, eam rem sibi traditam accepit bona fide. existimauit igitur, eius rei possessionem patris esse, non suam, quæ tamē erat sua mortuo iam patre ante traditionem rei. Deinde cognita morte patris, tempore autem mortis non satis bene cognito, cum patri heres existisset, credidit se ex hereditate patris eam rem habere, non ex emptione, à se emptam scilicet & acceptam peruenisse ad patrem, mox à patre ad se rediisse iure hereditario: errauit in titulo possessionis, *non leui*, inquit, *presumptione ductus*, cui scilicet non erat bene cognitum tempus mortis patris. præsumptio plus est quam putatio, seu existimatio: & hoc loco, *credat*, inquit, non putet, existimet, aut arbitretur. D. Hieronym. aduersus Rufinum: *de auctoribus, sic nosse te dicis, ut putes potius quam presumas.* At nihilominus concluditur, etiam hoc casu procedere vsucapionem pro emptore: atque ita, qui putat se non possidere pro emptore, nihilominus possidet & vsucapit pro emptore: Et consequenter priori parte huius §. ponenda ita videtur species in posteriori. Sed Accursius longe aliam ponit speciem: patrem rem alienam emisit bona fide, nondum accepisse, eo tamen mortuo forte fortuna eam rem in hereditate inuentam fuisse, & filium statim existimasse, eam patri traditam fuisse ex causa emptionis, quæ tamen ei tradita nunquam fuerat: vsucapio pro emptore filio procedit, quod admittit, quia licet possessio à venditore non sit tradita, eam filius ingressus est sine vitio, argumento l. *pen. inf. pro leg.* Nam & è contrario, si res non sit emptæ, sed tradita ex causa emptionis, quæ non præcessit, & non leue sit argumentum emptionis, vsucapio pro emptore procedit, l. *quod vulgus tit. seq. l. ult. pro suo*, quod etiam dixi sup. in §. *etsi possessio- nis*. ego admitterem quidem speciem Accursij, & rationem definiendæ eius, sed speciem quam posuimus, dico esse consequentiorē priori parti huius §.

#### Ad §. non mutat.

§. 5. *Non mutat vsucapio superueniens pro emptore, vel pro herede, quo minus pignoris persecutio salua sit: Vt enim usufructus vsucapi potest, ita persecutio pignoris, qua nulla societate domini coniungitur, sed sola conuentione constituitur, vsucapione rei non perimitur.*

**S**ententia huius §. hæc est: Vsucapione rei dominium mutari: pignus vel vsumfructum non mutari, non perimi. Vsucapio est adeptio domini, non solutio pignoris, non liberatio usufructus. Finge: vsucapta est res Titij, quæ erat creditori eius pignori obligata, cum sua causa vsucapta est, non libera, sed vti erat, pignoratæ. dominium Titius amittit, creditor pignus non amittit, imo etiam aduersus eum, qui vsucepit rem, habet actionem pignoris, id est, hypothecariam, l. 1. §. *cum prædium, sup. de pignor. l. vsucapio, C. eod.* Et hæc redditur ratio in d. §. *cum prædium*, & in hoc §. ab eo auctore. quia quaestio pignoris ab intentione domini separata est, ut ait hoc loco, nulla societate intentione domini coniungitur. ergo dominio amisso, non consequitur & pignus esse amissum: quod adeo verum est, ut etiam victo debitore in quaestione domini, non perimatur actio pignoris, siue actio hypothecaria, l. 3. *sup. de pign.* Dominium, ut magis discrimen intelligatur, ex possessione incipit, l. 2. *in prin. tit. prox. sup.* Pignus ex sola conuentione sine possessione consistit, ut ait hoc loco, & l. 1. *de pign. act.* Et hoc quod dicitur, vsucapione rei pignus non perimi, item dominium esse non



non obligationem pignoris, locum habet non tantum in pignore conuentionali, sed etiam in prætorio pignore, quod missio in possessionem constituit. Neutrum vscapione rei perimitur. *l. missio, tit. seq. l. 2. pro herede.* Idem etiam procedit in usufructu. Finge: vscapta est res Titii, id est, cuius dominium siue proprietas nuda erat Titii, usufructus erat Sempronii. nihil commune habet proprietas cum usufructu, id est, cum seruitute usufructus, ac proinde vscapta proprietate, amittit quidem eam Titius, vsumfructum non amittit Sempronius. Hoc etiam ostenditur in *l. locum §. 2. sup. de usufr.* Summa igitur huius §. hæc est: Vscapione rem alienam nostram fieri, sed non optimo iure, id est, non optima conditione, non optimo maximo iure, id est, liberam, solutam, immunem non fieri, sed vscapi cum sua causa, cum qualitate sua & conditione. vscapio res, non vscapio etiam pignus vel vsumfructum: pignus, id est, liberationem pignoris, vsumfructum, id est, liberationem usufructus, id est, libertatem, quia & usufructus non vtendo amittitur certo tempore. Et vt Paulus definit *1. Senten.* Quæ non vtendo amittuntur, eorum libertas vscapi non potest. Pignus autem amittitur ipso iure, sola conuentione, sicut sola conuentione constituitur: eodem scilicet modo soluitur, quo quæritur, vel etiam soluitur per præscriptionem silentio longi aut longissimi temporis secundum distinctionem traditam in *tit. de præscript. 30. vel 40. annorum.* non soluitur vscapione rei. Ius etiam pignoris non potest quæri vscapione, nec ius usufructus, sicut nec ius seruitutis cuiuscunque, nec ius hereditatis, quia hæ res incorporales sunt, & incorporales res nec possessionem recipiunt, nec vscapionem, *l. seruus, qui bona fide §. 1. de acq. rer. dom.*

#### Ad §. eum qui.

*Eum qui posteaquam vscapere cepit, in furorem incidit, utilitate suadente relictum est, ne languor animi damnum etiam in bonis adferat, ex omni causa implere vscapionem.*

Sequitur alius §. *eum qui.* diximus iam *sup.* in §. *non dum,* iure singulari utilitatis causa esse receptum, vt cæpta vscapio morte possessoris non interrumpatur. eodem iure singulari utilitatis ratione, hoc loco ostenditur etiam esse receptum, vel, vt est Florentiæ scriptum, *relictum,* non male, puta à prudentibus, vt alibi dicitur proditum, vel traditum per manus, *l. 9. de iure cod. 15. quæst.* vt scilicet furore possessoris, qui superuenit post cæptam vscapionem, non interrumpatur vscapio. Quod etiam probat *l. 4. §. furiosus, hoc tit. & l. nunquam §. si seruus, & seq. hoc tit.* Et ratio utilitatis hæc redditur, *ne languor animi etiam bonis damnum afferat.* furor est languor animi, id est, morbus: vt languor corporis, id est, morbus, *l. inter §. non omnia, mand. Horat. aquosus languor,* id est, hydrops. *Seneca 10. epistol. in corporibus languorum signa præcurrunt, quadam enim segnitia nervis inest, & sine labore oscitatio,* quod congruit cum illo Hypocratis aphorismo *κόποι αὐτομάται,* &c. Et idem medici morbos grandes aiunt, non esse curandos, sed dimittendos naturæ, ne medela languorem exasperet, vt refert Hieronymus in *epist. de erroribus Origenis.* Videtur autem defuisse possidere furiosus, cui animus languet, quod etiam de dormientedici potest, vt in *d. l. nunquam §. si seruus,* cui aliquo sopore animus languet quodammodo. Sed utilitas suadet ne sopore, quemadmodum fit furore, etiam interrumpatur vscapio, quæ nec (quod longe plus est) morte interrumpitur: mortui neque est corpus, neque animus: furiosi, vel dormientis est corpus & animus, sed languidus. Et si dixeris, eos defuisse animo possidere, dicam, imo potius, non posse eos animo desinere possidere, quorum animus sopitus est, vel sede sua motus, *l. si is qui animo, sup.*

Quæst. Papin.

*tit. prox.* Et *animum* dico, non *animam.* anima est causa vitæ, vt Cornelius Fronto ait: *animus est, quo sapimus, cogitamus, intelligimus, volumus, nolumus, quæ & mens dicitur.* Anima est, *qua viuimus.* Et eleganter Accius poetat: *Sapimus animo, fruimur anima siue animo.* anima est debilis, anima est communis cum brutis, non animus. Iuuenalis: *illis tantum animas, nobis animum quoque.* Et idem quoque omnino, ne quis arbitretur non esse Christiani D. Augustinus in *princip. 15. de Trinitate:* *dormientis animus sopitur, non anima: furiosi animus siue mens quodammodo extinguitur, anima manet, animus augetur vel minuitur pro ætate.* Lactantius 7. *Instit.* *Anima in statu suo semper est, etiam postquam corpore exiuit.* Et si Epicurus non faceret idem animum & animam, vt facit, recte diceret, *extingui pariter cum corpore, & vna crescere sentimus pariterque senescere mentem,* ait Lucretius.

#### Ad §. ult.

*Si, cum apud hostes dominus, aut pater agat, seruus aut filius emat, an & tenere incipiat? si quidem ex causa peculij possedit, vscapionem inchoari, nec impedimento domini captiuitatem esse, cuius scientia non esset in ciuitate necessaria: si verò non ex causa peculij comparatur, usu non capi, nec iure postlimini quæsitum intelligi. cum prius esset, vt quod vscaptum diceretur, possessum foret: sin autem pater ibi decesserit: quia tempora captiuitatis ex die, quo capitur morti iungerentur, potest dici filium & possedisse sibi, & vscapisse intelligi.*

In §. *ult. huius l.* & hæc quæstio proponitur: si patre vel domino capto ab hostibus, filius aut seruus aliquid emat, an traditione sequente, id etiam tenere incipiat, quod filius aut seruus tenet naturaliter, pater aut dominus creditur possidere, *l. quod seruus, sup. tit. prox.* Hoc ergo quæritur, an pater vel dominus, per eum seruum vel filium rem emptam & acceptam bona fide, possidere & vscapere incipiat? Hæc est quæstio Papiniani. Et distinguat Papinianus: Aut filius vel seruus eam rem ex causa peculiari comparauit, aut non, atque ita scribit: *si cum apud hostes dominus aut pater agat, seruus vel filius emat, an & tenere incipiat?* Sequitur distinctio: *si quidem ex causa peculij, &c.* Priusquam hæc distinctionem exponam, scire vos velim aut memoria repetere, duas esse fictiones, quarum in iure, quotiens de bonis captiuorum agitur, frequens est vsus. vna est fictio postliminij, quæ iure gentium comparata est. altera est fictio legis Cornelie, quæ iure ciuili comparata est. fictio postliminij efficit, vt si captiuus redeat ab hostibus, retro credatur in ciuitate fuisse, & recipiat pristina iura, recipiat, inquam, ea quæ sunt iuris, non ea, quæ sunt facti. possessio est facti. quod igitur verum est, in sua vita enim defuisse possidere per captiuitatem, postliminium non efficit, vt non defuerit possidere. vt possidere factum est, ita desinere possidere factum est, non facere, facere est: nam & qui non facit, hoc facit, vt nolit facere. priuatio actionis, actio est: & ob id non male Stoici, omne peccatum esse actionem, quamuis quædam peccata in non faciendo consistant: non potest igitur vllum ius, vlla constitutio iuris, vlla fictio facta facere infecta: vt vt quod quis possedit, non potest facere ne possederit, vel quod non possedit, non potest facere vt possederit: & possidere, & desinere possidere facti est, & quod facti est, nulla fictio infectum reddere potest, *Lin bello, §. facti, de capt. & postlim. l. denique, ex quib. caus. maior.* Iura restaurari & reintegrari possunt: ita postliminium iura redintegrat, sed non facit vt qui defuit possidere, non defuerit possidere, id est, interruptam possessionem non restituit, ita scilicet, vt non videatur medio tempore fuisse interrupta. fictio autem legis Cornelie efficit, vt si captiuus mortuus sit apud hostes, retro credatur mortuus eo ipso die, quo captus est, nec vnquam peruenisse in potestatem hostium. Quæ fictio etiam legis Cor-



nelia, non efficit, vt qui defierit possidere, non defierit, sed vt ab eo intelligatur continuata possessio in hereditate, ac per hoc in heredem postea factum aditione, & ob eam rem ab omnibus iudicatur plenior esse fictio legis Cornelia, quam fictio postliminij. Hæ sunt vt proposui duæ fictiones, quarum est frequens vsus in iure, quoties disceptatur de bonis captiuorum, & plenior legis Cornelia, quod ex sequentibus magis apparebit. Ergo in proposita quaestione Papin. ita distinguit: aut patre vel domino capto ab hostibus filius vel seruus rem comparauit ex causa peculiari, aut non. Si patre agente apud hostes filius vel seruus rem comparauit non ex causa peculiari, reuerso patre vel domino, iure postliminij non intelligitur ei processisse vsucapio, quæ non cœpit ante captiuitatem, cum & quæ cœpit ante captiuitatem interrupta sit, nec postliminio recipiatur, vt inferius demonstrabitur. Patre autem ibi mortuo, quia ex lege Cornelia mortuus ex eo tempore fuisse intelligitur, ex quo captus est, filio, licet patri heres non exiit, vsucapio procedit, quia ex eo tempore sui iuris fuisse, & sibi acquisuisse intelligitur, *l. in bello §. si quis, de capt. & postlim. reuers.* Domino autem ibi mortuo vsucapio heredi eius procedit, in cuius dominium etiam seruus transit. Et hoc quidem est certissimū, cum filius vel seruus rem non ex causa peculiari comparauit. Sed quid si ex causa peculij? quod est alterum membrum distinctionis. Est maior quaestio: Si quid filius vel seruus patre vel domino agente apud hostes comparauit ex causa peculiari, non nomine patris vel domini, ex qua causa constat ignorantiam vel mortem patris aut domini non impedire vsucapionem, dicam etiam captiuitatem non impedire aut retardare vsucapionem, sed statim vsucapionem capere primordium, & patri vel domino reuerso ab hostibus prodesse iure postliminij, aut heredi eius eo ibi mortuo, quod ostenditur in *l. an prator §. plane, ex quib. caus. maior. & l. in bello §. facti, l. bona §. quæ peculiari, l. pen. de capt. & postlim. & l. si is qui pro emptore, hoc tit.* Et multo magis dicam vsucapionem procedere, si quid captiuus ante captiuitatem per seruum ex causa peculiari possidere cœpisset, remanente eo seruo in possessione, *d. §. facti* Et hæc omnia esse ex Iuliani sententia, quæ obtinuit, constat ex *d. §. facti, & ex d. §. quæ peculiari, & ex d. l. si is qui pro emptore.* Marcellus dissentiebat. consentiebat etiam in quibusdam hac in re Iulianus & Marcellus. Primum enim Iulianus distinguebat hoc modo: aut per semetipsum possidebat, qui ad hostes captiuitate peruenit, aut per subiectam iuri suo personam, veluti filium aut seruum. Si per semetipsum, possessio & vsucapio captiuitate interruptitur, quia qui ab alio possidetur, nihil possidere potest, *l. homo liber, in fine, de acquir. rer. domin. l. qui inseruit, de regul. iuris.* Captiuus possidetur ab hostibus, quia seruus est hostium. Si interruptitur captiuitate, ergo etiam si postliminio reuersus sit, tempore captiuitatis non intelligitur impleuisse vsucapionem, *d. l. ait prator, §. is autem, ex quib. caus. maior. & d. l. is qui pro emptore.* quia possessio est facti: possidere aut definere possidere est facti, & quæ sunt facti, vt ante præmuniui, nulla fictio infecta facere potest. Postliminium iura redintegrat, facta aut non facta non desingit. nō facta & facta sunt, aut quæ defierunt fieri facta sunt, quæ diffingere nō potest postliminium. Denique captiuitate possessio, & vsucapio interruptitur, nec postliminio recipitur, vt scilicet medio tempore, dum apud hostes fuit, intelligatur vsucepisse: quæ tamen, quod notandum, non interruptitur morte possessoris, vt in *sup. d. §. demonstratum est.* captiuitate interruptitur, non morte, quia hereditas, quæ vice defuncti est, continuare posses. intelligitur, & furor etiam non interruptitur, quia non potest furiosus animo definere possidere, cuius languet animus, aut propemodum extinctus est, *l. si is qui animo, sup. t. prox.* At si captiuus non reuertatur, sed ibi moriatur, filio, vel heredi eius vsucapio processisse intelligitur, velut si mortuus fuisset eo die, quo captus est, nec vnquam peruenisset in potesta-

A tem hostium, quod & lex Corn. fingit. Igitur hac in re plus potest fictio legis Corn. quam postliminij, & plenior est. Idemque Iulianus, vt opinor existimabat, in his, quæ captiuus ante captiuitatem ex causa non peculiari, per seruum possedisset, eorum sc. possessionem interrumpi, nec postliminio recipi. cæterum eo mortuo apud hostes, possessionem continuari in heredem eius, ac si mansisset semper in ciuitate: tempus captiuitatis ex lege Corn. iungi morti. Neque in his quæ retuli vllum fuit dissidium inter Iulianum & Marcellum, sed est aut fuit in his, quem sequuntur. si quid captiuus per seruum possedisset ex causa peculiari ante captiuitatem, Iulianus existimabat, remanente seruo in possessione, eam non interrumpi captiuitate, cum, & si post captiuitatem domini, B seruus ex causa peculiari aliquid possedisset, Iulianus existimaret, in eo quoque tempore captiuitatis dominum potuisse vsucapere, & postliminio reuerso prodesse ad vsucapionem: ibi mortuo prodesse heredi eius, quia ex causa iure singulari etiam ignorans vsucaperet, & captiuus similiter, quasi sit ignorantis loco, vt sibi sc. profit vsucapio reuerso, vel heredi suo, si non reuertatur, in *l. pen. inf. de capt. & post. reuers.* & in *sup. d. l. l.* Nam & Marcellus quidem admittebat, eo ibi mortuo, heredi prodesse vsucapionem. non admittebat etiam, reuerso prodesse vsucapionem, atque ita hoc etiam casu plenius accipiebat fictionem legis Cornelia, quam postliminij: & vt contra Iulianum ostenderet, reuerso non prodesse vsucapionem, vtebatur ratione seu argumento huiusmodi: *Quid interest ipse captiuus possederit an seruus eius?* Postliminio reuerso non procedit vsucapio eius, qui per se possedit, vel per eum seruum ex causa non peculiari. Ergo non potest etiam ei reuerso prodesse, qui per seruum possedit nomine peculiari ante captiuitatem. Et rursus, si reuersus in his, quæ ante captiuitatem per seruum possedit ex quacunque causa, nihil habet iuris ex postliminio, cur plus iuris debet habere ex postliminio, si quid post captiuitatem per seruum possederit, peculij nomine, *d. l. si quis pro emptore.* Hæc ratio proponitur. Inde Marcellus statuebat, vsucapionem eorum non interrumpi quæ captiuus possedisset ante captiuitatem ex omni causa, nec ex causa peculiari: imo vero post captiuitatem, aut reuerso domino prodesse, quod videtur iuari posse, eo quod ita demum dominus ignorans per seruum vsucapit ex causa peculiari, si seruum possidet, *l. homo liber, inf. de adq. rer. dom.* Seruum autem captiuus non possidet: sed dici potest conseruari posset. serui, spe & proposito serui ipsius, qui sperat quandoque dominum reuersurum, vt in *l. si rem, supra t. prox.* Aliter quam si fugitiuus esset seruus, qui se pro liberto gereret, atque ita domino subduceret, vt in *d. l. homo liber, in fi.* Nam per hunc ignorans dominus non vsucapit peculij nomine: per illum vsucapit, dum est apud hostes, quia conseruat ipse seruus possessionem sui domino, velut seruo ipso capto ab hostib. serui possessio conseruatur spe & proposito domini manentis in ciuitate, *§. & si possessionis, supra.* Et omnino secundum Iulianum, cuius sententia obtinuit, ita est concludendum: ex causa peculiari possessionem rei, quam seruus tenere cœpit ante captiuitatem domini, proposito serui domino conseruari quandoque reuersuro, & post captiuitatem ex eadem causa adquiri, at reuerso domino proficere. Quæ est definitio h. quaestiois.

Sed vt sit perspicua magis, nec quicquam in ea obscuri resideat, paucis enarranda nobis est *d. l. si is qui pro emptore l. 5 ff. h. tit.* quæ in hac quaestione obscurior esse existimatur: est enim lex Pauli, qui est concisus admodum & comprehensione rerum brevis & συντομος, idemque vnus collectionis frequenter partem vnā tantum ponit, more Aristotelico, qui sæpe omittit assumptionem vel conclusionem: eo fit, vt multa Paulo nos supplere oporteat, & subintelligere, quod accidit plane in hac lege *si is qui,* sed ita tamen, vt quæ omisa sunt à Paulo facile suppleri possint ex *sup. d. locis* ex ea definitione, quam



vobis distincte exposui, quærit primum Paulus, an possessor capto ab hostibus, antequam impleisset usufructum, & ibi mortuo, heredi eius usufructus procedat? Et tentat primum, imo hoc vnum tentat, non procedere heredi usufructum eius rei, quam ante captiuitatem possidebat per semetipsum. Argumentum est tale: quæ ipsi reuerso usufructus non prodest, nec heredi eius prodesse potest. Ipsi autem reuerso non prodest iure postliminii, quia interrupta est usufructus captiuitate, & postliminium factam semel interruptionem infectam facere non potest. Ergo (quam tamen conclusionem omittit) nec heredi eius prodest, si ibi moriatur. Omittit etiam definitionem huius quæstionis propositæ. Nec n. ita est concludendum, heredi eius non prodesse, imo potius, ipsi quidem reuerso non prodesse, sed heredi eius, si ibi moriatur possessor quasi pleniori fictione legis Cornel. quæ postliminii. Et hæc est prior quæstio, quæ proponitur in *l. si is qui*. Altera hæc est, si seruus captiui post captiuitatem aliquid ex causa peculiari comparauit, non hoc adiicit, ex causa peculiari: quod etiam sæpe omittunt nostri auctores, vt in §. *nondum, legis iusto errore, h. t.* Quod constat satis esse intelligendum, & ab Accurs. suppletur rectissime. Verum ad rem. Quæstio est, si seruus captiui post captiuitatem, &c. an huius rei usufructus procedat, & cui procedat? Et refert Iulianum existimasse, videlicet in *d. l. bona §. quæ peculiari, de capti. & postl. reuers.* in suspensio, in pendenti esse usufructum. Si quæramus, cui contingat, cui procedat, aut profit: si dominus reuersus fuerit, usufructus ei procedit. si ibi mortuus fuerit, dubitari ait, *an pertineat ad heredem eius, an heredi eius procedat*, neque hoc definit, sed in *d. l. bona §. quæ peculiari*, palam Iulianus concludit, usufructum heredi procedere. Nec sane fuit causa dubitandi, cum & Marcellus hoc admisit, propterea quod hereditati iacenti, quæ obtinet locum defuncti, procedit usufructus cæpta à defuncto, *d. §. nondum*. Et quando captiuus decessit apud hostes, lege Corn. fingitur hereditas iacuisse eo ipso die quo captus est: per hereditatem autem ad heredem aut successorem postea factum usufructus procedit. Et ideo concludit ex Marcello, non dissentiente hac in re Iuliano, in successoribus & heredibus locum habere usufructum, vt annotat Accurs. legi rectius. vulgo legitur cum negatione: quam negationem miror etiam retinere Basilica, sed euidentius est ex his quæ antea retulimus, in omnibus causis ante agitis in heredibus usufructum locum habere, si captiuus mortuus sit apud hostes, quod plenior sit fictio legis Corn. quam postliminium, & controuersia tantum fuit de postliminii fictione. Et Marcellus, certe non admisit usufructum procedere reuerso iure postliminii, cum seruus post captiuitatem ex causa peculiari aliquid comparasset, hac ratione, vt ait, quemadmodum postliminio reuersus plus iuris habere potest in his, quæ seruus adquisiuit peculiari nomine, pendente captiuitate, quam in his quæ per se, vel per seruum possidebat, cum ad hostes peruenit, id est, ante captiuitatem. Paulus proponit tantum hanc sententiam Marcelli, nec sententiam Iuliani integram exponit. quid statuendum sit, non possis ex *l. si is qui*, liquido definire. suppletionibus indiget multis, non tantum hæc lex Pauli, sed & fere omnes quæ Pauli sunt. Igitur omnino ad extremum supplendum est, Iuliani potius sententiam esse sequendam, non Marcelli, vt est in *d. §. facti*, vt scil. usufructus cæpta post captiuitatem per seruum peculiari nomine non tantum procedat heredi captiui mortui apud hostes ex lege Corn. quod admittebat etiam Marcellus, sed & eidem ipsi reuerso ab hostibus iure postliminii, quod Marcellus non admittebat.

IA COBI CUIACII  
IVRISCONSULTI  
COMMENTARIUS  
in Lib. XXIV. Quæstionum  
Æmilij Papiniani.

Ad l. si vxor. D. de iudic.

Ex lib. 24. duæ tantum ll. breues & verbis & sententia supersunt. Prima est lex, *si vxor, de iudic.* cuius verba sunt.

*Si vxor à legato Roma diuerterit, dotis nomine defendendum Roma virum responsum est.*

**L**egati in hoc tit. *de iud.* frequentissime, & in tit. *de legationibus*, non sunt, quos mittimus ad hostes aut fœderatos: sed fere in omni iure legati sunt, qui à suis ciuitatibus, municipiis, prouinciis mittuntur publicæ rei suæ causa, ad S. P. Q. R. vel ad Imperatorem. hi dicuntur sæpe legati prouinciales & legati municipales, *l. tutor §. ult. de iureiur. l. ei dicitur 21. §. 3. de iur. & cur.* Hi habent priuilegium aliquod, ne à publico munere auocentur, id est, à legatione suscepta, ne impediatur legatio. est priuilegium, quod eis tribuitur, maxime si conueniantur. Nam si Romæ conueniantur quasi in patria communi: est enim Roma, vt scitis, patria communis, id est, omnes quicunque sunt subiecti Romano Imperio, sunt ciues Romani, *l. in orbe, de statu hom. & l. Roma, ad municip.* Quod est ex Antonini Imperatoris summo beneficio: Nam olim singulis erat petenda ciuitas, quæ sæpe non nisi magno arde redimebatur. Qui sunt subiecti Romano Imperio hodie non habent necesse petere ius ciuitatis Romanæ, quia ipso iure sunt ciues Romani. Et hoc est quod dicitur, Romam esse patriam communem. ergo non mirum, si legati prouinciales Romam missi, ibi conueniantur. Conueniuntur enim in patria communi, in ciuitate sua, communi scilicet, non propria. Sed si conueniantur Romæ ex eo, quod contraxerunt vel deliquerunt in ciuitate sua propria, vel intra aut extra prouinciam suam, vel etiam Romæ ante legationem, non compelluntur respondere, quandiu ibi legationis causa demorantur, sed ius habent reuocandi domum, vt scil. conueniantur in patria sua propria, *l. 2. §. omnes, h. t.* Alia est patria communis vt Roma, sicut dixi: alia propria. Et propria duplex est, originis quam germanam Tullius vocat 2. *de legib.* alia domicilij. Legati igitur à patria communi, si in ea ex eis conueniantur, habent ius reuocandi ad patriam propriam maxime domicilij. Nam in iure magis domicilij patria spectatur quam originis. Potest quis in pluribus ciuitatibus habere domicilium & plurium ciuitatum esse ciuis, *l. eius qui, §. Celsus, ad municip.* Non existimandum, idem ius esse reuocandi forum & ius reuocandi domum. Reuocat forum, qui ab incompetenti foro postulat rem referri ad forum cõpetens & id, in quo conuenitur, contendit esse incompetens & incongruum: reuocat quis domum etiam à foro competentis, vel à patria cõmuni, & reuocat priuilegio legationis, vt publici muneris, ne ab eo auocetur siue conueniatur in personam siue in rem, *l. non alias, in fi. & l. de eo, & l. seq. h. t.* Cui tamen rationi locus non datur, si quid Romæ contraxerit in ipso legationis tempore, vel si quid deliquerit, vel si quid possidere cõperit: nam de eo quod contraxit Romæ tempore legationis, Romæ se defendere debet, si conueniatur, nec potest reuocare domum, *d. l. non alias §. 1. & l. seq. l. cum furiosus §. ult. eod. tit. l. nō distinguemus §. item si quis Roma, de recept. & qui arbitr. recep.*

T c ij



Et hac ratione in hac *l. si vxor*, quam tamen rationem *Al* male reicit Accurs. si vxor mariti, qui legatione Romæ fungebatur pro ciuitate sua, diuerterit Romæ, cum secum forte Romam duxisset, Romæ potest conueniri actione de dote, quia diuortium est contractus, & factum id esse proponitur legationis tempore. Diuortium esse contractum optime probat *lex inrisgentium §. ut puta, ff. de pact.* quia locus non expenditur in eam rem, & est tamen apertus. Obseruandum est autem ex *§. in bona fidei iudiciis* pacta facta incontinenti, pacta conuenta inesse ex parte actoris, id est, parere & formare actionem, non inesse autem ea pacta, quæ postea fiunt. Exemplum huius regulæ proponitur in *d. §. ut puta*, si post diuortium conuenerit aliquid de dote soluenda alio die, quam legitimo: ex pacto non est actio, quia factum est post diuortium ex interuallo; quia diuortium est contractus, & contractus, ex quo nascitur iudicium bonæ fidei, id est, actio de dote, facto diuortio statim existit actio de dote. Igitur si in ipso diuortio pactum sit adiectum ex continenti de diebus soluendæ dotis, formabit actionem. Et hoc valde notandum est ad eum *§. ut puta*. Porro dos exigitur, vel ubi est domicilium matrimonij soluto matrimonio, *l. exigere, hoc tit.* vel exigitur ubi diuortium factum est, licet ibi non fuerit domicilium matrimonij. Nam per matrimonium mulier mutat domicilium & forum. non exigitur dos, ubi facta est conuentio dotis, ubi conscriptum est instrumentum dotale, nisi & ibi fuerit domicilium matrimonij. si non fuerit ibi non exigitur dos, non repetetur soluto matrimonio, quia scilicet non eo loco, quo dotis conuentio fit substituitur, sed mox res emigrat, atque adeo confertur & transfertur omnis in domicilium matrimonij, *d. l. exigere*, & pro eo est, ac si dotis conuentio facta fuisset ubi est domicilium mariti.

#### Ad l. 76. de regul. iur.

*In totum omnia, qua animi destinatione agenda sunt, non nisi vera & certa scientia perfici possunt.*

**H**is verbis, *in totum*, significatur esse generalis regula, quæ in toto iure locum habeat, ut sane possent referri innumeri casus, sed referam tantum illos, quos notavi, ut vera & certa scientia, id est, certo animi proposito, certa animi destinatione, propositioneque non possis dicere alio nomine *negotiorum*, quam propositum animi. Exempli gratia diuortium quod pendet ex animi destinatione non est diuortium, nisi fiat certo animi proposito, certa animi veraque scientia, non si fiat impetu & calore quodam iracundiæ, *l. quidquid, hoc tit.* Non est diuortium, nisi perseverantia apparuerit non iurgio abactam mulierem fuisse, sed vero iudicio. Item in *l. pen. de concub.* scriptum est, concubinam ex sola animi destinatione æstimari. non fuit turpe concubinæ nomen, imo legitimum: concubinitus imitatur iustas nuptias. est species matrimonij, *l. 1. de concub.* Concubinitus nomen ex legibus assumpsit, id est, legitimum est, non infame. Porro concubina, inquit, ex sola animi destinatione æstimatur; non est igitur concubina, si quis non vera & certa animi scientia ducatur ad eam, quasi in concubinitum assumenda, sed impetu quodam libidinis, nec diu cum ea deinde perseveret, & non videtur fuisse concubinitus cum ea, sed stuprum, & qui nascuntur ex ea coniunctione, non erunt naturales, sed erunt spurij, id est, sine patre filij.



## IACOBI CUIACII I VRIS CONSVLTI COMMENTARIVS

in Lib. XXV. Quæstionum  
Æmilij Papiniani.

Ad l. cum tutor, de tutel. & rat. distrah.

*Cum tutor negotiis impuberis administratis pupillum paterna hereditate abstinet, bonis patris venditis tractari solet, utilis actio pupillo relinqui, an creditoribus concedi debeat? Et probatur, actionem inter pupillum, & creditores patris esse dividendam: scilicet ut quod rationi bonorum per tutorem deerit, creditoribus reddatur: Quod autem dolo, vel culpa tutoris in officio pupilli perperam abstinenti contractum est, puero relinquitur; qua actio sine dubio non prius competet, quam pupillus ad pubertatem permenerit, sed illa confestim creditoribus datur.*



**E**X lib. xxv. est lex 13. de tut. & rat. distrah. Altera est *l. 2. de separ.* Singulæ continent singulare quiddam. Species *l. cum tutor* hæc est: tutor gessit negotia pupilli, in quibus erant bona paterna, deinde pupillum bonis abstinuit beneficio pratoris, quasi esset damnosa hereditas patris ob res alienum. Et in ea re dolo versatus est tutor aut culpa, quia utilius erat pupillum retinere bona paterna: quia tutor perperam abstinuit, & in officio suo deliquit. creditores patris bona vendiderunt: lex ait, tutorem teneri non tantum pupillo, sed etiam creditoribus paternis, qui abstinente pupillo bona patris distraxerunt. Sed est triplex differentia inter pupillum & creditores patris, qui bona vendiderunt. Nam pupillo tenetur tutor, quod perperam abstinuerit, quod in officio suo lapsus sit vehementer, quod fecerit quod facere non debuerit. Creditoribus autem tenetur tutor, quod per eum factum sit, ut aliquid abesset ex bonis paternis, quæ ipsi vendiderunt. Ergo non eadem ratione tenetur pupillo & creditoribus, *l. 4. C. arbit. tut.* Et rursus est alia differentia: tutor pupillo tenetur finita tutela ratione tutelæ: nam actio tutelæ non datur ante finitam tutelam: creditoribus autem tutor tenetur actione negotiorum gestorum etiam nondum finita tutela, quæ actio negotiorum gest. (& hæc est tertia differentia.) est utilis actio, non directa: quia tutor ultro non accessit ad negotia pupilli, sed coactus necessitate officij, quod etiam inuito iniungitur, quasi civile munus, sicut etiam curator pupillo vel adulescenti tenetur utili negot. gest. & tenetur curator longe aliter, quam tutor tutelæ, etiam ante finitam administrationem, etiam nondum finita administratione, *l. nisi §. ult. l. si cum adhuc §. ult. h. t.* Actio tutelæ non datur utilis nisi finita administratione tutelæ. Actio negotiorum gestorum datur etiam non finita omni administratione rerum ad pupillum pertinentium, & actio tutelæ, qua pupillo tenetur tutor, quod eum perperam abstinuerit, quodue quid aliud fecerit perperam, aut non fecerit: Nam est actio generalis, quæ ambitu suo multa complectitur, omnem dolum, omnem culpam tutoris. Et actio est directa, non utilis, nec possis in hac parte actionem tutelæ dicere utilem, sicut Papinianus videtur dicere. Itaque rem ita distinguere debemus: utilis quidem est ea, qua creditores experiuntur negotiorum gestorum: qua pupillus experitur, est directa, non utilis, nisi utilem interpreteris efficacem, ut hoc sensu sæpe hic auctor uti solet, *l. Titio fundus, de cond. & demonstr. l. pater, de dote preleg.* Nec male Accurs. hoc idem notavit in hanc legem. Ex his intelligitur




quod ait Papinian. hac lege, actionem diuidi inter pupil-  
lum & creditores patris, ita esse verum in genere, non in  
specie. Nam idem genus actionis non diuiditur inter  
eos. Alia est actio, quæ pupillo datur, alia quæ credito-  
ribus patris, nec ex eodem facto ambæ proficiuntur.

Ad l. 2. de separat. bonor.

*Ab herede vendita hereditate, separatio frustra desiderabitur: utique si nulla fraudis incurrat suspicio: Nam quæ bona fide medio tempore per heredem gesta sunt, rata conservari solent.*

**M**inoris est negotij *l. 2. de separat.* Separatio bonorum datur ex decreto pratoris, postulantibus creditoribus defuncti. In hac specie fingit: heres Titii obligatus est creditoribus defuncti nomine hereditario, & suis creditoribus nomine proprio. habuit defunctus creditores suos, habet & heres creditores suos. vrgentibus creditoribus bona venierunt. bona defuncti sufficiunt creditoribus defuncti, si eis non commisceantur creditores heredis, si creditores separantur à creditoribus, si bona defuncti à bonis heredis. Ideoq; si creditores defuncti desiderent bona defuncti separari à bonis heredis, vt sibi satisfiat ex bonis defuncti, audientur. Et hac de re est hic tit. *de separationibus.* Et recte postulant hanc separationem creditores defuncti, etiamsi heres bona defuncti forte hypothecā obligauerit, quia hypotheca non est alienatio, & manet nihilominus hereditas apud heredem semper, *l. 1. §. sciendum, hoc tit.* Sed hæc *l. 2.* demonstrat, non idem esse dicendum, si heres bona siue hereditatem defuncti vendiderit bona fide antequam postularetur separatio bonorum, aut vrgerent creditores, aut ipse heres factus esset non soluendo: frustra deinde postulabitur separatio bonorum defuncti, quæ exierunt bona fide dominio heredis. Denique omnes creditores confundentur, & contenti esse cogentur bonis heredis. Si venditio hereditatis facta esset in fraudem creditorum, reuocaretur actione Pauliana ex edicto *quæ in fraudem creditorum,* & deinde recte postularetur separatio bonorum. sed hæc venditio illius hereditatis bona fide facta non potest rescindi. Ergo stultum esset petere separationem bonorum, quæ reuocari non possunt, cum sint alienata bona fide.

  
 IACOBI CUIACII  
 IVRISCONSULTI  
 COMMENTARIUS  
 in Lib. XXVI. Quæstionum  
 Æmilij Papiniani.

Ad l. credito. 1. de distractione pignor.

Creditor, qui pradia pignori accepit, & post alium credito-  
rem, qui pignorum conventionem ad bona debitoris contulit,  
ipse quoque simile pactum bonorum, ob alium & eundem con-  
tractum interposuit: ante secundum creditorem dimissum,  
nullo iure cetera bona titulo pignoris vendidit, sed ob eam  
rem in personam actio contra eum creditori, qui pignora sua  
requirit, non competit: nec utilis danda est, nec furti, rerum  
mobiliū gratia recte connenietur, quia propriam causam  
ordinis errore ductus persecutus videtur, praesertim cum alter  
creditor furto possessionem, qua non fuit apud eum, non ami-  
serit. Ad exhibendum quoque frustra litem excipiet: quia  
neque possidet, neque dolo fecit ut desineret possidere. Sequi-  
tur ut secundus creditor possessores interpellare debeat.

**L**iber xxv i. incipit à l. i. de distract. pign. cuius species hæc est: Quidam primo creditori suo pignori obligavit prædia quædam specialiter, deinde alii secundo creditori generaliter obligavit omnia sua bona, quæ haberet, quæque habiturus esset, sola conventionione, sola pactiõne, ex qua constat iure pratorio nasci obligationem, nasci actionem, l. si tibi §. de pignore, de pact. contra regulam communem, cum ex pactiõne non nascatur actio vel obligatio. Post idem ille illi primo creditori similiter, forte denuo ab eo accepta pecunia mutua, obligavit generaliter omnia bona sua, ob alium contractum, inquit, vel etiam ob eundem obpriorum contractum, novatione facta scil. vt l. 3. l. cred. §. Papinian. sup. tit. prox. Primus creditor certe potior est secundo in prædiis specialiter obligatis. Secundus autem potior est primo in cæteris bonis: & ideo prædia quidem illa sibi specialiter obligata, vendere primus potest iure pignoris, non etiam cætera bona, antequam secundo creditori satisfactum fuerit. Sed quid si primus creditor vèdiderit etiam cætera bona titulo pignoris ex posteriori hypotheca generali, an tenebitur secundo creditori, qui in generali hypotheca, in cæteris bonis est certe prior tempore, atque adeo potior iure? Hæc est quæstio, de qua agitur in hac lege. ad quam Papinian. ita respondet; primum secundo nulla actione teneri ob id, quod cætera bona vendiderit titulo pignoris, quamvis ea non iure vendiderit: nulla, inquam, teneri primum secundo actione in personam, directâ, vel vtili ex contractu, quia non cum secundo contraxit, neque pro debitore apud secundum fideiussit: sed neque eum teneri actione furti, videlicet nomine rerum mobilium, quæ in cæteris bonis erant, aut se mouentium, quia primus non per fallaciam aut dolo malo, non furandi animo eas res vendidit, sed ordinis errore ductus, dum in omnibus existimat se fuisse primum, & ignorat forte posteriorem obligationem contractam à debitore cum posteriori creditore. Atque ita, vt ait, ordinis errore ductus suam rem egit, vendendo omnia bona debitoris sui, suam causam persequutus est bona fide, sicut iure usus est. Ergo furtum non fecit, qui suo iure utitur, vel vt ipse existimat longe abest à furto. Et rursus non potest videri primus earum rerum furtum fecisse secundo, qui neque dominium, neque possessionem earum rerum habuit, iuxta l. si gratuitam §. ult. de præscr. verb. & l. si vendidero §. ult. de furt. Secundus creditor sane non habuit dominium earum rerum, non habuit etiam possessionem, quia vt proposuimus, pignus constitutum fuit sola conventionione, non traditione. Et eleganter Papian. rerum mobilium meminit, qua appellatione etiam se mouentes continentur. Et vice versa sæpe mouentium mobiles, quia scil. hodie constat rerum immobilium furtum non fieri, fundi, ædium non fieri, l. quam rem, de usurp. & usuc. abolita sententia veterum, puta Masurii Sabini, & aliorum huius sectæ, qui non hominum tantum, neque mobilium aut se mouentium, quæ auferri occulte possunt, amitti & subripi, sed etiam fundi & ædium dicebāt furtum fieri. Verius est furtum non fieri, nisi res loco moueatur, & non sine contrectatione. Contrectare est suo loco mouere, alioquin non est furtum: res autem immobilis non potest loco moveri, ergo nec contrectari: proinde rei immobilis furtum non fit, & ob id meminit rerum mobilium, cum quæritur de actione furti, an ea primus secundo teneatur. Cur autem ait, furti non agere secundum creditorem aduersus primum, venditis reb. mobilibus, quarum pignus generali & nuda conventionione non traditione contractum erat? quia possessio earum rerum non fuit apud secundum creditorem, & solius possessionis furtum fit, vt inferius demonstrabitur. Hoc vero quod ita scribit Papian. pugnare videtur cum eo, quod Iulianus dicebat in l. in actione §. ult. l. si is qui rem 66. de furt. debitorem furtum facere pignoris, neque esse hoc nouum, vt quis faciat furtum suæ rei, & teneri eum debitorem furti creditori, si



pignus vendiderit, etiam si is creditori nunquam tradiderit: possessio pignoris non fuit apud creditorem, quia constitutum fuit nuda conventionione, & tamen ei furtum fit. Et idem Iulianus similiter existimabat, & utebatur in eam rem auctoritate Sabini, furtum fieri serui, cuius ususfructum defunctus legasset, & furti agere fructuarium eo seruo subrepto, etiam si eius serui possessionem nondum apprehendisset fructuarius, vel heres, etiam si nemo eum possedisset, videlicet si subreptus esset post aditam hereditatem, quò tempore fructuarius uti frui potuisset si seruus non fuisset interceptus, post aditam hereditatem, recte, quia serui hereditarii furtum non fit, & hoc omne ostenditur in *l. si homo, de usurp. & usufructu cap.* Ex his ita concludatur: ergo furtum fit non possidenti, furtum fit eius rei, quæ à nemine possidetur. Præua igitur est ratio, qua utitur Papin. hoc loco, ut primus secundo non teneatur furti nomine rerum mobilium, quas vendidit titulo pignoris, quia secundus creditor possessor non fuerit, quia possessionem nullam amiserit. Sed animaduertendum est, in omnibus locis supradictis, hanc sententiam, quæ Papiniano obicitur, Iuliano tantum adscribi, ut scilicet iure pignoris vel iure ususfructus detur actio furti, licet possessio non fuerit apud creditorem, vel usufructuarium. Ergo & iure domini dat actionem furti, etiam si possessio non fuisset apud dominum tempore ablata rei: Iuliano, inquam, tantum adscribi, Iuliani sententiam referri, non probari in loco nominatim. itaque non videri probatam ab illis sententiam Iuliani, quia regulariter furtum non fit eius rei, quæ à nemine possidetur. Furtum fit solius possessionis, ut Scauola dicebat, *l. 1. §. Scauola, si quis testam. liber esse &c.* Veteribus quidem placebat, etiam rei hereditariæ furtum fieri, quæ tamen à nemine possidetur. Hoc placebat Sexto Aelio, Marco Manilio, Marco Bruto Iurisconsultis: quæ tamen sententia nouis Iuris. non probatur, ea ratione, quia solius possessionis furtum fit, *d. §. Scauola, & l. hereditaria, de furt. l. in eo, de acq. rer. dom.* & hereditas iacens non habet possessorem. Et certissimum est, hac in re abolitam fuisse sententiam veterum, quod solius possessionis furtum fiat. Cur non tentabimus in illa re etiam eadem ratione, abolitam videri sententiam Sabini, qui fuit ex veteribus, siue Iuliani? quæ tamen aliquo colore defendi possit videamus: In specie *d. l. si homo*, si quis post aditam hereditatem subripuerit seruum, cuius ususfructus alij legatus erat, nunquam possessum ab herede. vel fructuario, fructuario tenetur furti. res est furtiua, nec potest usufructuari, antequam purgatum vitium fuerit. hoc defendam isto colore, quia fructuario possessionem, si non subripuerit, præripuerit, qui eo tempore potuit uti frui, post aditam hereditatem nempe. Et in specie *d. l. in actionem §. ult. & l. si is qui rem*, debitorem furtum facere pignoris, si id vendiderit, & creditori teneri furti, etiam si nunquam creditor pignus illud possederit, sed id nudo pacto constiterit, quia sc. vendendo pignus, debitor possessionem quam habuit interuertit. ut fit furtum, satis est interueriam possessionem, etiam si non sit interuersa ei, qui furti agit. Ergo quoquo modo interuersa possessione, etiam si ea non fuerit apud creditorem pigneratitium, sed apud debitorem vel alium, iure pignoris creditori competit actio furti: Nam & placet, iure domini solius dari actionem furti, si alii possessori, non domino, res ablata fuerit, diuisam actionem furti inter dominum & possessorem, *l. furtiuam, d. l. si is qui & l. inter omnes §. si seruus, de furt. & d. l. si homo 1. in ultim. versu l. 1. de furt.* furtum definitur esse interuersio rei, vel usus, vel possessionis. Sed & definiamus plenius, & erit certissima & plenissima definitio, furtum est interuersio rei (rei autem nomine significatur proprietas) vel usus, vel fructus, vel hypothecæ alienæ, siue pignoris alieni, hæc est definitio, sed quidquid horum interuertatur, nunquam interuertitur, quin & possessio interuertatur, vel naturalis, corporalis, vel civilis, quæ apud aliquem fuerit:

A non fit interuersio rei, nisi & possessionis fiat, nec pignoris fit interuersio, nisi interuersio possessionis fiat, quæ si non fuit apud creditorem, fuerit apud alium. Et secundum ea in proposita specie, si primus creditor possessionem interuertisset, quæ fuit apud debitorem, non apud secundum creditorem, proculdubio iure pignoris etiam secundus creditor furti agere posset rerum mobilium nomine, sed ut diximus, tam non interuertit, qui in causa pignoris priorem se esse arbitratur, iusto errore ductus. Ergo ut ante diximus, hic primus creditor, qui nullo iure vendidit cætera bona titulo pignoris ante dimissum secundum creditorem, secundo creditori non tenetur actione in personam ex principali obligatione: non tenetur etiam furti, ob res mobiles. Et ait non teneri etiam cum secundo creditori actione hypothecaria, vel actione ad exhibendum, quæ solet dari etiam acturis hypothecaria actione, quæ vindictio est, *l. 3. §. est autem, ad exhib.* Cur non teneatur hypothecaria, & propter eam ad exhibendum? Ratio est facilis, quia neque possidet cætera bona, neque dolo malo desinit possidere. Et hæc actiones erunt tantum aduersus possessores, vel aduersus eos, qui habentur pro possessoribus, ut qui dolo desierunt possidere: Nam dolus pro possessione est. Et inde concluditur, secundo creditori in hac specie superesse tantum actionem hypothecariam aduersus emptores, & possessores cæterorum bonorum, qui scilicet redire poterunt ad primum creditorem ob euictionem, *ils auront recours contre le premier pour la garantie*, quia nullo iure vendidit. Et hæc est definitio elegantissima Papin. cui tamen opponitur *lex creditor 12. §. Papin. sup. tit. prox.* Species hæc est: primo creditori obligauit rem aliquam specialiter, deinde eandem rem specialiter obligauit secundo creditori; post primo creditori nouatione facta prioris contractus & credita maiore pecunia ut fit frequenter, pignori obligauit eandem rem, adiectis aliis pignoribus quibusdam: nouationem fecerunt maiore credita pecunia, ut utramque pecuniam in vnam summam redigerent, & vnam obligationem, & pignori dedit eandem rem, atque alias quasdam. Sane primus potior est in omnibus rebus, quia prior est in ea re, quæ primum obligata est, & in adiectis rebus, est solus. Igitur primus in omnibus sane est potior, & iure vendet pignora, si ei non solvatur, sed non vendet eam rem, quæ fuit specialiter pignerata, nisi ad modum, à la concurrence, pecuniæ primo loco creditæ, id est, quod ex venditione pignoris redegerit; id expensum feret primæ tantum pecuniæ, non ei, quæ credita est post secundum creditorem. Si quid superfluum fuerit, id est, si ex venditione pignoris plus redegerit, quam sit in prima pecunia, hoc debet restituere secundo creditori. Ergo secundo creditori tenetur, non conditione ex lege, ut ait Accursus. non officio iudicis, non actione in factum, sed ut opinor, utili actione hypothecaria, quod sc. secundo creditori eius rei hypotheca, *la plus valüe, la preuallence en Sauoye*, videatur fuisse obligata, ut in *l. quærebatur, eod.* id est, quod plus esset in pretio rei, quam in prima pecunia. Vides in hac specie primum creditorem secundo teneri actione hypothecaria, ut ei restituat, quod plus tulit ex venditione pignoris, quam ei prius creditum fuisset ante contractam obligationem cum secundo creditore. Cur & in hac specie secundo non teneatur hypothecaria, facile erit demonstrare nullam aut paruam esse differentiam. Species de qua agitur hoc loco hæc fuit: primo creditori fuisse obligata prædia specialiter, secundo autem creditori omnia bona, ac post secundum, ob eundem contractum, nouatione facta, ut fit credita maiore pecunia, fuisse obligata omnia bona. Primus iure vendit prædia, hoc est certissimum, non cætera bona: quod autem ex venditione redegit, imputat primæ pecuniæ, quam credidit sub pignore prædiorum specialiter. Superfluum autem sane restituet secundo creditori actione hypothecaria eodem iure, *d. §. Papinian.* Cætera



autem bona nullo iure vendidit, nec tamen eo nomine tenetur secundo creditori vtili hypothecaria, vel alia actione vlla, cum scilicet ei sufficiat directa hypothecaria aduersus possessorem ceterorum bonorum, quæ cessat aduersus possessorem prædiorum, qui iure emit, ab eo, qui iure vendebat, atque ideo æquum est, ei consuli de superfluo, data actione vtili aduersus primum creditorem. Quod & ita hoc loco etiam Accurs. sensit rectissime.

Ad leg. si rem 47. de acquir. poss.

*Si rem mobilem apud te depositam, aut ex commodato tibi possidere neque reddere constitueris, confestim amisisse me possessionem vel ignorantem responsum est. Cuius rei forsitan illa ratio est, quod rerum mobilium neglecta atque omissa custodia, quamvis eas nemo alius inuaserit, veteris possessionis damnum adferre consuevit. Idque Nerva filius libris de usucapionibus retulit. Idem scribit, aliam causam esse hominis commodati omissa custodia: Nam possessionem tamdiu veterem fieri, quamdiu nemo alius eam possidere cœperit, videlicet ideo, quia potest homo proposito redeundi domino possessionem sui conservare, cuius corpore ceteras quoque res possimus possidere. Igitur earum quidem rerum, quæ ratione vel anima carent, confestim amittitur possessio: homines autem retinentur, si reuertendi animum haberent.*

**E**X l. i. de distract. pignor. intelleximus, hanc esse differentiam inter res mobiles & immobiles, (quanquam is non fuerit præcipuus finis eius legis:) quod rerum mobilium furtum fiat, non rerum immobilium, abolita sententia veterum, qui dicebant, etiam rei immobilis furtum fieri, l. quæ rem, de usurpat. & usucap. l. rerum, de furt. Nunc ex l. si rem mobilem, de acquir. poss. eadem differentia confirmatur, atque etiam ex ea aliæ eliciuntur veluti necessaria consequentia. Sed huic legi facile erit addere interpretationem legis 18. quæ in fraud. credit. Hæc est differentia, quæ proponitur hac l. si rem, rei mobilis possessionem amittit etiam ignorans, ut puta, si rem mobilem apud te depositam, vel ex commodato, ut est Florentiæ scriptum, vel ex alia causa: (nam deponendi multæ sunt causæ, commodatum, sequestro datum, pignus, & quod proprie dicitur depositum:) si, inquam, rem mobilem apud te depositam, ex commodato vel ex alia causa, tibi possidere, il faut lire ainsi ecy, nec reddere constitueris, id est, si eam rem furandi animo contrectaueris, ita est necesse interpretari ex l. 3. §. si rem, hoc tit. etiam si hoc dominus ignoret, te rem seposuisse tibi lucrandi animo, eius rei possessionem amittit. Furtum sit etiam ignoranti, quis hoc nescit? Est autem furtum, possessionis interuersio. Ergo possessio interuertitur etiam ignoranti: inficiatio depositi non est furtum, sed contrectatio, loco motio, possessionis interuersio, cum iam non depositori, sed tibi rem habere constitueris, l. inficiando, de furt. Inficiando depositum, nemo furtum facit, sed contrectando lucri faciendi animo. Et subiicit recte in d. l. nam ista inficiatio non est furtum, licet prope furtum sit. Et ex ea l. ut puto, non ineleganter ita est scriptum in consuetudinibus Neustriæ, cap. 7. *Iacoit que l'on ne die pas que ce soit larrecin, que denier, si est-ce qu'il y a un peu de saueur de larrecin.* Ipsa quidem inficiatio non est furtum, sed est prope furtum. Et hoc de re mobili. Verum si colonus, vel inquilinus fundum aut ædes, id est, rem immobilem sibi possidere constituerit, neque reddere domino, puto aut potius præsumo, non statim dominum possessionem amittere, quia rei immobilis furtum non fit, id est, quia rei immobilis non temere, non confestim possessio interuertitur: scientem possessorem amittere, puta si rescierit, colonum fundum sibi habere, & possidere, & palam profiteri, ac præ se ferre, nolle se eum finita conductione domino reddere; scientem, inquam, quia animus desit scienti alium usurpasse possessionem, & constat solo

animo amitti posse. Et ita quoque rei immobilis possessionem, quam quis solo animo retinebat, non corpore suo, vel alieno, non amittit insciente animo suo, non amittit ignorans, etiam si alius eam occupauerit, & hoc ipse ignoret, l. prox. sup. hoc tit. Nec etiam ignorans possessionem amittit, si colonus vel inquilinus, per quem possidebat rem immobilem, id est, eius corpore, eam deseruerit, id est, non amittit eam ignorans statim, atque deserta est à colono vel inquilino, nisi scilicet hoc casu alius eam ingressus sit: Nam hoc vno casu, puta alio ingresso possessionem, quam deseruit colonus vel inquilinus, placet etiam ignoranti possessionem auferri, l. peregre §. ult. hoc tit. Vix igitur rei immobilis possessio tollitur ignorant, facile rei mobilis. Et constituenda hac in re est differentia inter inuitum & ignorantem. inuitus multo pluribus modis amittit possessionem rei immobilis, quam ignorans: ignorans illo casu, inuitus etiam aliis, ut si in locum fundi mortuum intuli, etiam si sim contemptor religionis, id est, etiam inuitus possessionem eius loci amitto, nec tantum ignorans, l. qui vniuersas, §. 1. hoc tit. Item si prætor me possessione expellat, & alium faciat possessorem, ut facit sæpe, propter contumaciam & inobedientiam, inuitus possessionem amitto, nec tamen ignorans. Quibus casibus inuitus amitto, non semper & amitto ignorans. Contra, quibus casibus inuitus adquireo, & adquireo ignorans. Et separata est ratio amittendi & adquirendi, sicut in d. l. peregre, hoc tit. dicimus, non eandem esse rationem adquirendæ & amittendæ possessionis. Si quis soluat creditori meo me inuito, liberat me. Idem erit si me ignorante soluat, l. soluere, de solution. Suus heres inuitus fit heres. Ergo & ignorans, §. sunt autem, Institut. de hered. quæ ab intest. Seruus vel filius familias mihi adquirere dominum inuito, ergo & ignoranti, §. item nobis, Institut. per quas person. nob. adq. denique non est eadem ratio adquirendi, & amittendi semper. Et huic differentia alia subiicitur in hac lege, ex qua hæc proficisci videtur, sicut & hæc ex illa quam habemus in l. 1. de distract. pignor. Rei mobilis, excepto homine, possessionem amitto statim, atque desit esse sub custodia mea, sub potestate mea, quamvis eam nemo alius inuaserit. Desinit enim esse sub custodia mea non tantum, si ab alio interuersa sit siue occupata, sed etiam, si eius neglexerim & omiserim custodiam, & sic eam ita perdiderim, ut ignorem ubi sit, licet eam nemo apprehenderit, l. 3. §. Nerva, & l. si is, qui, hoc tit. Quod proprie hoc loco demonstrandum esset latius. Sed cum etiam ego id demonstrauerim latius in l. peregre, ideo in ea renuncero brevis. Videamus quid sit in re immobili. Res immobilis non potest non esse sub custodia nostra, quæ non potest moueri, auferri, cædari, occul-tari, quamvis scilicet eam alius non inuaserit. Ergo res immobilis semper est sub custodia nostra, quamdiu alius eam non occupat. Ideoque si negligam & omittam eius custodiam, non ideo statim possessionem amitto, sed si negligam & omittam possessionem ipsam, ut est scriptum in l. si de eo fundo §. 1. hoc tit. & l. cum fundum, de vi & vi arm. Aliud est custodia, aliud possessio, quod maxime notandum. Ex primo decreto, quo quis mittitur in possessionem, fit custos non possessor, l. 3. §. ult. hoc tit. Ex secundo fit possessor. Igitur aliud est negligere & amittere custodiam, aliud negligere & amittere possessionem, in rebus immobilibus scilicet, atque etiam in homine. excipio enim hominem seruum à rebus mobilibus. Nam etiam si hominis mei, serui mei neglexerim & omiserim custodiam, non ideo statim eius possessionem amisi, antequam alius eum possidere cœperit, quia proposito redeundi, seruus possessionem sui & ceterarum rerum omnium, quas tenet, domino conseruat, maxime, ut dixi, quod volo suppleri ad hanc legem, quia idem etiam obtinet in seruo fugitiuo, ut eius possessionem non amittamus, qui exierit custodia nostra, nec sciamus ubi sit, licet non habuerit animum reuertendi, id est, propositum reuertendi, l. 1. §. per seruam, qui in fuga. l. Pomponius, in princ. l. rem



quæ nobis, hoc tit. Quæ de causa in lege Caninia, etiam fugitivi numerabantur inter seruos, quia eorum possessio retinetur animo, & amittitur duobus tantum modis, si alius eos possidere cœperit, vel si se ipsi pro liberis gerant, & sint parati suscipere liberale iudicium. In aliis rebus mobilibus, quæ ratione vel anima carent, idem est, negligere & omittere custodiam, & negligere ac omittere possessionem. Idem est custodia & possessio. Hæc differentia maxime notanda est.

Ad legem 18. quæ in fraud. credit.

*Et si pignus vir uxori, vel uxor viro remiserit: verior sententia est, nullam fieri donationem existimantium. Quod sine dubio si in fraudem creditorum fiat, actione utili reuocabitur. Idemque est et si quis debitorum in fraudem creditorum pignus omiserit.*

**I**N l. 18. quæ in fraudem credit. sciendum est, ex illo edito, quæ in fraudem, actione utili ut vocatur in hac l. 18. id est, actione in factum: omnis actio utilis est in factum, & contra, quæ dicitur actio Pauliana, l. videamus. 38. de usur. ea, inquam, actione reuocari & rescindi, quæ a debitore gesta sunt, omnia in fraudem creditorum, quod verbum, gesta, latissime patet, ut ait l. 1. h. tit. Quia eo verbo comprehenditur etiam liberatio & remissio pignoris, l. 2. hoc tit. Si debitor fraudandorum creditorum causa pignus remittat suo debitori, ea remissio rescinditur, & reintegratur pignus postulantibus creditoribus, quia creditores fraudare voluit, non beneficio voluit afficere debitorem suum. Remissio pignoris non est donatio, quia nihil largiris de tuo, nihil minuis de tuo. Idque ex eo apparet, quod remissio pignoris consistit inter virum & uxorem, ut puta, si uxor viro remittat pignus dotis, aut crediti causa constitutum, remissio valet, donatio non valeret. Lex Cincia, quæ prohibuit donationes certis casibus, aut eis modum imposuit, de qua sunt intelligendi omnes loci in titulis de donationibus vel aliis titulis. quibus agitur de modo donationum: nec enim licebat in immensum donare. Lex Cincia, quæ & lex Muneralis dicta est, imposuit modum donationibus, ut l. 1. de dorib. Sicut hodie constitutionibus regiis, donationibus modus est impositus. lege Falcidia legatis & fideicommissis. Ea lex Cincia, quo casu impedit donationem, non impedit remissionem pignoris, quia remissio pignoris non est donatio, l. 1. §. 1. quib. mod. pign. vel hypot. soln. ubi lex Cincia, de quo est locus corruptus in Nou. 162. ut alias ostendi, ubi est scriptum, *Sentia*, simpliciter, & Haloander adiecit perperam, *Alia*, in Græco legendum, *ἀνύστα*, non *οὐκ ὄντα*. Ita etiam ex l. 3. in fine de leg. 3. ab eo, cui donauit mortis causa, possum relinquere fideicommissum, ab eo cui remisi pignus, non possum relinquere fideicommissum, quia nihil ei donauit: donatio de suo proprio largitio est, de sua re. Ergo non mirum, si iure remittat coniunx coniugi pignus vel hypothecam, si utilis dicatur esse remissio: Nam & hoc addendum, etiam remissio pignoris non est intercessio, alioquin non valeret propter Senatusconsultum Velleian. de intercessionibus mulierum. Denique remissio pignoris non est donatio, neque intercessio, quod præter supra dictas leges etiam ostendit l. quamuis, in pr. ad Vell. & l. etiam, & l. iubemus, C. cod. tit. Et tamen si quis pignus remiserit in fraudem creditorum, quia incurrit fraus creditorum in ea re, ea remissio rescinditur, quia omne quodcumque geritur in fraudem creditorum, hoc iudicio rescinditur. Et hæc est sententia huius legis.

Ad l. cum fundum 18. de vi & vi armata.

*Cum fundum, qui locauerat, vendidisset, iussit emptorem in vacuam possessionem ire, quem colonus intrare prohibuit.*

**A** Postea emptor vi colonum expulit. interdictis unde vi, quasi-tum est. Placebat colonum interdicto venditori teneri: quia nihil interesset, ipsum an alium ex voluntate ejus missum intrare prohibuerit. Neque enim ante omissam possessionem videri, quam si tradita fuisset emptori; quia nemo eo animo esset, ut possessionem amitteret propter emptorem, quam emptor adeptus non fuisset. Emptorem quoque, qui postea vim adhibuit, & ipsum interdicto colono teneri: non enim ab ipso, sed a venditore per vim fundum esse possessum, cui possessio esset ablata. Quæsitum est, an emptori succurri debeat, si voluntate venditoris colonum postea vi expulset? dixi non esse iuvandum, qui mandatum illicitum suscepit.

**E**X lib. 26. Quæstionum superest dumtaxat, l. cum fundum, de vi & vi armata, quæ etiam si tot in eam non impenderim dies, quot habui aut præsumpsi mihi potius vacuos à labore ipso duro difficillimoque, imo nec centesimam quidem partem temporis, in eam impenderim, tamen dignissima erat tot dierum meditatione, ac si non fuisset ante iam tentata diu, non potuisset ejus intelligentia promissa, & tractatio non difficilis euenire mihi. Duas autem continet quæstiones de interdicto unde vi. Ad priorem quod attinet: sciendum est, hoc interdictum pertinere ad recuperandam possessionem fundi vel ædium possessionem; igitur rerum immobilium: Nam mobilium vel etiam quasi, ut possessionem ususfructus, qui inter eas res numeratur, quæ neque mobiles sunt neque immobiles: his intermedia sunt res incorporales. Et sæpe plerique falluntur hoc dilemmate: aut res mobiles sunt, aut immobiles; sunt enim quædam neutra, ut seruitutes & res omnes incorporales. Hoc igitur interdictum pertinet ad recuperandam possessionem rerum immobilium, vel etiam ususfructus, cuius possessione quis expulsus est, vel ad restituendum eum in pristinam causam, qui prædiorum vi deiectus est, cum non possederit, sed in possessione esset. Et sic est duplex interdictum, de vi & vi armata. ut conceptus est hic titulus de vi, simplici scilicet. Vis simplex est vis quotidiana, ut veteres I. C. loquebantur, vel quod de ea proponitur interdictum quotidianum. Hæc vis dicitur potius quam fit: dicitur verbo, non fit manu, aut multitudine coacta. Et in plerisque causis ea hodie vitimur non inciuiliter. Vis armata est, quæ fit ferro & viribus & manu coacta. Multæ sunt differentia inter hanc & illam vim, inter hoc & illud interdictum. Inter ceteras hæc una est, quod interdictum de vi armata detur, non tantum possessori, qui deiectus est, sed etiam non possessori, qui in fundo erat tunc, cum deiectus est, licet eum sibi non possideret, veluti colono, l. 1. C. comm. de usus. le. conducteur peut former complainte en certain cas. Interdictum de vi simplici datur possessori tantum deiecto de possessione sua non domino, l. Fulcinius, hoc tit. certe datur ei qui modo possessor fuerit, non possessori non datur, l. 1. §. interdictum autem, hoc tit. Et hanc differentiam M. Tullius notauit in oratione pro Cecinna his verbis: In interdicto quotidiano, unde ille me vi deiecerit, addi, cum ego possiderem, in interdicto de hominibus armatis, non addi. Et rursus: in interdicto quotidiano eum, qui fateatur se deiecit, vincere, si ostendat actorem non possedisse: in interdicto de hominibus armatis eum, qui ostendere possit, eum non possedisse, qui deiectus sit, condemnari tamen si fateatur à se deiectum. Et perseueremus in eodem exemplo coloni, quem constat nullam possessionem habere, ut est in l. non solum §. 1. & seq. de usur. l. & v. Si nondum finita locatione dominus fundum vendiderit, nec exceperit, ut emptor colonum perfrui sineret, sed vel tacite emptori permiserit ire in possessionem fundi, emptor colonum expellere potest vi quotidiana, s'en emparant sans force, non coactis hominibus armatis, atque prohibere potest eum frui. quo casu colono erit regressus aduersus dominum locatorem actione ex conducto, perinde ac si dominus ipse colonum perfrui vetuisset, l. emptor, C. de loc. l. arbores, §. 1. sup. de usus. Emptor, qui expulit colonum



vi quotidiana, neque colonus tenetur interdicto unde vi, A quia colonus non possidebat, l. 1. §. de iur. hoc tit. neque domino, quia voluntate eius iuit in possessionem. Vis igitur hæc est impunita quasi vilis vis. Vnde merito dubitatur, cui in casu proposito in hac lege, emptor, qui expulit colonum, colonus teneatur interdicto quotidiano unde vi? Et intelligemus quidem paulo inferius hoc ideo fieri, quia in specie huius legis colonus prius prohibuerat emptorem ingredi vi adhibita, quotidiana tamen, quo facto videtur dominum deiecit de possessione: cum scilicet deiecit eum, quem miserat dominus: ita hoc facto colonus cepit possidere, qui ante prohibitionem non possidebat. Colon igitur qui cepit possidere, si postea emptor eum deiciat, quasi possessori dabitur interdictum unde vi aduersus emptorem, sed speciem legis latius exequamur. Locasti colono fundum, B deinde vendidisti eum Titio nondum peracta locatione, debuisti ex natura emptionis venditionis tradere emptori vacuam possessionem fundi; & vacua est, quæ libera est, nec detenta ab alio, l. 2. §. 1. de act. emp. non tradidisti, sed iussisti eum ire in vacuam possessionem, iussisti colonum, per quem fundum possidebas, emptori tradere possessionem: quam si tradiderit, sane iam tradidisti: si non tradiderit, nondum tradidisti. Finge, colonum non tradidisse emptori possessionem, sed vi adhibita siue hominibus coactis armatisue prohibuisse emptorem ingredi fundum; postea finge, ex intervallo colonum emptorem deiecit de possessione, quam colonus per prohibitionem illam vimque priorem quam iam suam fecerat, an utraque vis coercetur hoc interdicto? C Sic videtur Papiniano. Ergo definit ita: colonum tene-ri domino interdicto unde vi, colonus autem emptorem de vi armata. Videndum est, quæ sunt causæ utriusque interdicti. Est D. Hilarij dignissima vox episcopi, et causis dicendi esse sumendam dictorum intelligentiam. Cur hoc interdicto colonus tenetur domino? quia dominum deiecit videtur, qui non admisit emptorem, imo repulit & reiecit siue deiecit. quid est deicere? missum voluntate domini non admittere. Nihil interest domini prohibuerit, an emptorem missum voluntate eius, l. colonus, supra hoc titulo. Imo vero emptorem non videtur deiecit, qui nactus non erat possessionem, sed venditorem tantum, quia venditor non ante videtur amisisse possessionem, quam emptor eam ingressus sit, nec enim amittitur possessio sine animo, & animus est venditori retinendæ, non amittendæ possessionis, donec eam emptor ingressus sit. Igitur venditor quasi possessione, quæ sua erat, nondum emptoris, deturbatus à colonis, recte agit cum colonis interdicto unde vi. Ex his colligitur, nec desinere possidere fundum, quem possideo corpore coloni & animo meo, si colonus vel me, vel alium ex voluntate mea introire volentem prohibuerit. prohibitio hæc vis est; vis mutat causam possessionis, non destinatio animi sola, si fundum colonus sibi possidere animo cogitauerit: nam non mutat etiam sola animi destinatio, aut non facit furem rei mobilis, puta si quis rem depositam abnegauerit, nisi & intercipiendi causa occultauerit, l. 1. §. 1. de furt. l. 3. §. si rem, l. si rem, de acquir. posses. Quod in re immobili contingere non potest, ut occultetur. Imo & venditio fundi sola non mutat causam possessionis, si colonus fundum conductum alij vendiderit, l. cum nemo, & l. ult. C. de acquir. posses. quia ex regula iuris, nemo potest sibi ipsi mutare causam possessionis. Colon igitur, qui sibi non possidet, non potest efficere, vel cogitatione vel venditione fundi, ut quod tenet ex causa conductionis, sibi possederit, aut sibi possedisse intelligatur, ut quod tenet pro alieno, possideat pro suo, nisi alia maior causa extrinsecus accedat, veluti traditio ipsius fundi facta alteri, l. 3. §. quod si seruus, sup. de acquir. posses. Si modo legatur, tradiderint, non tradiderim, argum. l. non solum §. qui pignori, de Quæst. Papin.

usurp. & usucap. vel etiam nisi accedat vis, vel suspicio vis, quæ efficiat, ut dominus deponat animum possidendi. Quæso, cur vero emptor tenetur colonis eodem interdicto? quia post prohibitionem colonus sibi possidere cepit deiecto domino. Ergo ei quasi iam facto possessori, merito competit interdictum unde vi aduersus emptorem, qui colonum deiecit; quod non competeret non possessori. Ac præterea, quod maxime notandum in hac lege, colonus non videtur possedisse, antequam deiceretur ab emptore, sed à venditore: ab eo dicitur quis vi possidere, quem vi deiecit: colonus autem prohibendo emptorem introire, venditorem videtur deiecit, non emptorem, videtur deiecit venditorem, quia venditor possidebat, ergo à venditore vi possidet, il tient la possession de luy par force. Cur hoc diximus? quia si ab emptore vi possideret, aut clam aut precario, non posset cum eo experiri interdicto unde vi, l. prox. sup. h. t. Si ego te vi deieci, & confestim tu me, deinde ego te, habes utile interdictum unde vi aduersus me. Cur? quia non videris à me possidere, id est, qui in ipso cōgressu, in continenti possessionem sibi vi adeptam, vi recuperat, videtur potius reuerti in pristinam causam, quam vi possidere, alioqui videreris à me possidere vi, & si hoc esset verum, non posses mecum agere hoc interdicto. Et recte in l. 1. §. qui à me, hoc tit. qui à me vi possidet, si ab alio deiciatur, habet hoc interdictum. recte si ab alio: Nam si à me ipso deiciatur, non habet hoc interdictum, quia à me vi possidet, & loquitur tota illa lex 1. de interdicto quotidiano: Nam, quæ est altera differentia inter hæc duo interdicta de vi & vi armata, interdicto de vi armata agere licet ei, qui ab eo vi possidet, in quem agit, puta si ab eo postea quam eum ipse prior deiecit, ex intervallo deiectus fuerit vi armata, l. 14. h. t. Secus si ex continenti deiectus sit, quia propulsio, quæ fit ex continenti, non est vis: vim vi, arma armis repellere licet, l. 3. §. eum, hoc tit. Igitur non impune deicio vi armata eum, qui me vi deiecerat, nisi hoc faciam in continenti. At impune deicio etiam ex intervallo vi quotidiana sine armis eum, qui me vi deiecerat, nec teneor interdicto unde vi. & ita Paulus recte §. Sent. tit. ult. & Marcus Tullius in eadem oratione. Igitur ad propositam speciem, si colonus deiecit emptorem, non posset cum eo experiri hoc interdicto, quia non emptorem videtur deiecit, sed venditorem. sed colonus cum emptore potest experiri hoc interdicto si ab eo postea vi deiciatur, etiam si mandato venditoris emptor postea hoc faciat, quia mandato illicito non debuit obtemperare. Et obseruandum est, qui tenetur interdicto unde vi agere interdicto unde vi, cum qui furti tenetur, non agat furti. furti causa est inhonesta, turpis, famosa, & quod ex ea igitur prætenditur, id quod interest: vis quotidiana causa non est famosa, sed civilis. l. neque, hoc tit.

#### Ad §. cum qui.

Eum, qui fundum vindicauit ab eo, qui interdicto unde vi potuit experiri, pendente iudicio nihilominus interdicto recte experiri placuit.

E IN hoc §. Papinian. scribit placuisse, quo verbo significantur constitutiones Principum, ut is, qui fundum vindicauit ab eo cum quo potuit experiri interdicto unde vi, pendente eoiudicio, vindicationis scilicet, nihilominus posset experiri interdicto, quod ex hoc loco relatum est etiam in cap. pastoralis, de causa possess. & prop. Sciendum est, rei corporalis, ut penitus hoc intelligatur, vindicationem dari domino, qui non possidet rem aduersus rei possessorem, l. 1. C. ubi in rem actio exerceri debeat, §. aque, Instit. de action. Possessio, ut est in l. vn. C. de alienat. iud. mut. causa facta, in rem actionem parit aduersario, possessio scilicet ex parte eius, unde petitur, ut in l. 17. de pignor. Pignoris possessio, sic legendum; in rem



actionem parit creditori, iuxta quod in *l. si fundus*, §. in vindicatione, eod. tit. In vindicatione pignoris quaeritur, an rem, de qua agitur, possideat is, cum quo agitur: si non possideat, vel dolo non desit possidere, absol- uendum cum esse. Possessio creat actionem in rem. Et ita in *l. non alias*, §. ult. de iudic. in rem actionem ex praesenti possessione esse, vel praeterita scilicet, quam dolo malo omiserit, quae habetur pro praesenti, licet non sit praesens. Et in *l. ult. de rei vindic.* Facile esse euadere actionem in rem, quia is non compellitur pati eam actionem, qui deierat & asseuerat se non possidere, *la demâde au petitoire se conçoit ainsi, pour déclarer à quel titre il tient, occupe & possède.* Licet autem exitus rei vindica- tionis hic sit, ut possessio rei transferatur in actorem, *l. qui restituere*, & *l. ult. de rei vindic. l. si cum venditor, de euss.* non tamen per eam actionem, per vindicationem possessio vindicatur, sed proprietas. Est legitima vindicatio proprietatis, usufructus legitima vindicatio pignoris, nulla est legitima vindicatio possessionis. A- lius Gallus Iurisconsultus apud Festum: *In legitimis actionibus*, inquit, *nemo ex iure Quiritium possessionem suam vocare audeat*, id est, vindicare, sed ad interdictum venit uti possidetis, vel utrobi. Igitur interdicto prae- torio, non legitima actione vlla, possessio vindicatur. de- nique actione in rem, rem meam voco, rem meam esse, non possessionem meam voco. Et si quidem probaue- ro rem meam esse, possessio in me transfertur a reo, qui eam se possidere non negauerit: Nam ab eo, qui negat se possidere, si conuincatur possidere, statim possessio in me transfertur per iudicem iure dominij, licet rem meam esse non probaue- ro. haec est mendacij poena, *d. l. ult. de rei vindic.* Ergo actio in rem est intentio domi- nij. Et excepto illo casu d. legis ult. illi, qui agit hac actione, ob id incumbit probatio dominij quae proba- tio, quia plerumque est difficilis, consilium dant omnes Iurisconsulti, ut si possit quis, interdicto potius agat, quo vel adipiscatur, vel recuperet, vel adferat, vel de- fendat sibi possessionem, id est, vindicet, quam legiti- ma actione, qua rem suam esse petat, qua rei se domi- num esse contendat: quia longe commodius est agere possessori iudicio possessorio, quam petitorio; longe com- modius possidere, quam alio possidente petere, *l. is qui destinavit, de rei vindic.* quia scilicet, possessori nullum incumbit onus probationis, nec necesse habet causam, titulum, auctoritatem possessionis suae edicere, vel edo- cere, *l. in speciali, eod. tit. l. ult. C. eod. tit. l. pen. C. de pet. hered.* Et in pari causa melior est conditio possessoris, fortuna pro possessore iudicat. Igitur in specie hu- ius *l. ult.* non satis prudenter sentit is, non satis con- sulto facit is, qui fundum vindicauit ab eo, cum quo poterat experiri interdicto vnde vi ad recuperandam pos- sessionem sibi ab eo vi receptam: Sed factum suum quaeritur, antamen adhuc sit ei integrum emendare, pen- dente iudicio rei vindicationis, & experiri interdicto vnde vi: Et Papinianus ait, etiam pendente eo iudicio, nihilominus vtiliter agi interdicto vnde vi. Quod sic accipiendum esse reor, non tantum, ut suspenso tantis- per, vel penitus omisso iudicio, rei vindicationis muta- ta formula, *changeant de conclusion*, experiatur interdi- cto vnde vi, sed etiam ut utroque iudicio agat, petito- rio & possessorio, ut pendente scilicet, nec intermissa vindicatione, etiam agat interdicto vnde vi. Quo iure etiam hodie utimur, & vel proposita tantum vindica- tione, etiam de possessione certamus, vel proposito tantum interdicto, etiam proprietatis probationes in iu- dicio adferimus, vel utramque simul, id est, proprie- tatem, & possessionem in iudicio deducimus, vindica- tionem & interdictum. Fabius lib. 7. *Instit. In interdictis*, inquit, *etiamsi non proprietatis questio est, sed tantum possessionis, tamen non solum possedisse nos, sed etiam no- stros possedisse, docemus.* utrumque scilicet docemus, v-

trumque cumulamur, utrumque coniungimus, in vno eodemque iudicio. Neque vero mirum, simul agi pos- se rei vindicatione & interdicto vnde vi, ut hoc loco ostenditur, quae remedia siue iudicia non sunt contra- ria, cum & usu receptum sit, non absque ratione & au- thoritate iuris contraria remedia siue iudicia posse cumu- lari subalternatim, ut definit Bartol. *l. 1. C. de furt.* Con- traria iudicia non sunt vindicatio & interdictum vnde vi, sed vindicatio rei & interdictum uti possidetis. Nam in rei vindicatione aduersarium possessorem esse fateor, in interdicto uti possidetis, aduersarium possessorem esse nego, & me solum possessorem esse assero, atque ita mihi vindico soli possessionem: & tamen, qui coe- pit rem vindicare, recte agit nihilominus interdicto uti possidetis, *l. naturaliter*, §. *nihil commune*, de acquir. possess. Quod etiam sic accipio, non tantum ut possit mutare genus iudicij, *changer de demande*, de conclu- sion, & remissa vel intermissa rei vindicatione, agere interdicto uti possidetis, sed etiam, ut possit utroque simul experiri sub alternatione, vel sub protestatione, ut in *l. 1. §. quia autem, quod legat. l. contra*, C. de inoffic. tes- tiam. Cum & de utroque constet, iudicem simul pro- nuntiare posse, & cognoscere ex constitutionibus Prin- cipum. Symmach. 1. epistol. eleganter. *Recitata est con- stitutio, qua iudicibus tribuit copiam, non imponit neces- sitatem, ut quoties de possessione indicant, continuo si ca- sus tulerit, etiam de iure cognoscant*, id est, de proprietate. Nec obstat quod dicitur vulgo, prius esse cognoscen- dum de possessione, quam de proprietate, quod etiam sit plerumque hodie, *l. 3. C. de interdict. l. ordinarij*, C. de rei vindicat. causam proprietatis esse secundam actionem in *l. ult. C. quor. bonor.* Nam fateor, hunc esse solemnem ordinem iuris, sed ex constitutionibus licet etiam v- trumque simul introducere & disceptare. Si vis ordi- nem seruare, cum serua, ita ut quaestionem possessio- nis anteponas quaestioni proprietatis. Sed si non vis ser- uare, non serues: hoc enim constitutiones permiserunt. Hunc ordinem, ut de eo vos admoneam, quoniam multi in eo falluntur, male exillimant comprobari *l. si de vi, de iudic. & l. 5. de leg. Iul. de vi publ.* Ex eo loco efficiunt, prius agi debere de possessione, quam de proprietate, perperam. Nam, ut quodam loco me ostendere memi- ni, nec ideo ero in hac re longior, non id vult *l. si de vi*, sed hoc tantum, ut si quaeratur de vi criminaliter, iudicio publico, & ciuilitate de possessione vel de pro- prietate, praefertur criminale iudicium ciuili. Hoc ita Adrianus rescripsit & decreuit. Male etiam ad eum or- dinem comprobandum vtuntur *l. multi*, C. de iudic. quae ut id etiam breuiter stringam, non hoc vult, prius esse cognoscendum de possessione, quam de proprie- tate, sed hoc tantum praescribit, ut de utraque qua- stione, vnus idemque iudex cognoscat, quod etiam ex eo loco refertur in *capit. 1. de causa posses. & propriet.* Ergo ad rem: etiamsi is sit ordo sollemnis, quem seruare cuique liceat, tamen & non seruare licet. Omnia iudicia hodie sunt extraordinaria, id est, licet agere ordine vel extra ordinem: Nec enim sunt sub- lata ordinaria, si quis eis malit experiri, sed est libe- rum quacumque de re agere extra ordinem. Est igitur mihi liberum cumulare petitorium iudicium & possessorium quodcumque. Nec huic definitioni o- stat quicquam lex penult. in princ. de acquir. posses- dum ait, permisceri non debere possessionem & pro- prietatem. Nam hoc non est, cumulari non debere utramque in vno eodemque iudicio: Namque ea cu- mulatio permittio non est, sed siue vno iudicio, siue diuersis agatur, semper accurate discerni debere pos- sessionem a proprietate, nihil commune habere pos- sessionem cum proprietate. Proprietatem separatam esse, *l. prima*, §. *huius*, *l. penultima*, in fine, titul. sequen. *l. & an eandem §. ultim. de except. rei iudic.* Saepè qui est



dominus, non est possessor, & qui est possessor, non est dominus, & nonnunquam idem est possessor & dominus: ut ut sit, semper hæc discernenda sunt, non confundenda, licet per abusionem quandoque possessionem accipiamus pro proprietate: ut cum quis legat possessiones suas, proprietatem legat, *l. interdum, de verb. signif.* Seneca 10. epistol. *Stultam auaritiam mortalium discernere proprietatem possessionemque*: imo vero prudentiam mortalium summam, & necessarium rerum vsum. Additur in *d. §. nihil commune*, non videri renuntiasse possessioni cum, qui agit rei vindicatione, alioquin vindicatio faceret conditionem nostram deteriorem, & actionem exercentes, deteriorem non facimus conditionem nostram, imo meliorem, *l. aliam, de nouat. vindicationem rei seruandæ non perdundę inuentam esse*, ut Plautus, sed perquam nequiter iniurandum rei seruandæ, non perdendæ esse inuentum. Non eo animo ad vindicandum venio, ut possessionem omittam, si quam habeo. Est enim possessio suo iure metienda potius quam confessione mea, nec mihi confessio mea vltique adeo nocere debet, ut eam non possim retractare, vel in eodem iudicio vtrumque mihi adserere & possessionem & proprietatem sub alternatione, ut dixi, vel sub protestatione. Sicut is qui agit cum alio familiæ circiscundæ, videtur quidem fateri eum esse coheredem, *l. 1. §. fundus, l. qui dotis, §. si ergo, famil. circisc.* & *l. 1. §. est poss. si pars hered. pet.* non tamen ita id fatetur, quin sit ei integrum mutato iudicio, agere petitione hereditatis, & ita negare, eum sibi coheredem esse, qui est sensus *d. legis qui dotis*. Sicut etiam is, qui excipit, qui opponit exceptionem actioni, non ideo videtur omnino fateri de intentione actoris, admittere videtur intentionem, non fateri omnino: ut si ego propono aliquam regulam iuris, forte falsam, in ea re, de qua disputamus, & tu quasi sit vera excipias casum aliquem, non ideo possit aduersarius coarguere, te confessum esse, secundum regulam *l. non utique videtur, ff. de except.* Et ut nihil vetat inficiari simul & excipere hoc modo, *nihil debeo, & ut debeam pepigi tecum, de non petenda pecunia*: Cur enim non mihi liceat agere in hunc modum: non tu possides, sed ego possideo, sed etiam si possideas, rem meam esse aio, mihi que restitui debere. Et ut eleganter Libanius Sophista, ei, qui possit esse tutus ipso iure, legem nonnunquam dare exceptionem ex abundanti, *en pueritias*: ita mihi agenti rei vindicatione veluti ex abundanti, licebit etiam agere interdicto, & contra: saltem, ut dixi sub alternatione, vel sub protestatione.



IACOBI CUIACII  
IURISCONSULTI  
COMMENTARIUS  
in Lib. XXVII. Quæstionum  
Æmilij Papiniani.

Ad l. cum qui 43. de iudic.

*Eum, qui insulam Capuæ fieri certo tempore stipulatus est, eo finito, quocumque loco agere posse in id quod interest, constat.*



Necipit liber xxvii. à l. 43. de iudic. ait lex, cum qui certo tempore, id est, intra tempus, ut est in Basilic. insulam Capuæ fieri, &c. Non recte stipulor insulam fieri, id est, domum ædificari non adiecto loco, quo eam fieri velim, *l. 2. §. si quis, ff. de eo quod certo loco, l. qui insulam, l. ita stipulatus, de verb. obligat* adiici locum debere, veluti, *insulam Romæ, &c.* Nec Quæst. Papin.

necesse est etiam tempus adici, quia stipulationi satis inest tacitum tempus, intra quod fieri Capuæ insula potest, *l. interdum, de verb. obligat.* Sicut huic stipulationi, Capuæ dari, si fiat alio loco, tacite inest tempus, quo Capuam perueniri potest, *d. l. 2. §. qui ita stipulatur.* Et hoc ipso lib. Papinianus, *l. si in testamento, §. ult. de fideiussor, l. seruus heredi, §. pen. de statulib.* Et nihil interest verbis an re ipsa inest obligationi tractus temporis, *l. quoties, de oper. libert.* In specie huius l. etiam stipulationi, insulam Capuæ fieri, verbis expressis adiectum est tempus, veluti *intra annum fieri*, quæ stipulatio potest esse inutilis, si impossibile sit intra illud tempus Capuæ insulam fieri, quo modo in stipulatione venit, sed si possit intra illud tempus fieri, & consummari, est perutilis, etiam si tempus non sit adiectum. omisio loci vitiat hanc stipulationem, non omisio temporis, quoniam tempus suppletur vel tacito intellectu. De stipulatione, quæ in dando consistit, illud est obseruandum maxime, valere eam etiam non adiecto loco, veluti, *centum dari.* Et ratio differentie euidens hæc est, quia qui domum fieri stipulatur siue insulam, superficiem fieri stipulatur; superficies autem non est sine loco, quo fundetur, infideat, inædificetur, inhæreat: ac proinde si is locus sit incertus, si nullus sit adscriptus stipulationi, imperfecta est stipulatio, quia non potest esse superficies sine solo, licet contra solum possit esse sine superficie. Numeratio autem pecuniæ nullo hæret loco certo vel perpetuo. Est & alia differentia, si stipuler *centum Capuæ dari*, alio loco non possum agere actione directa & pura ex stipulatu, quia certi obligatio est. quod si detraho utilitatem loci, plus peto & male ago. possum tamen agere alio loco utili actione, facta scilicet commemoratione eius loci, quo pecunia dari debuit, ut utilitas eius loci æstimeretur, id est quod propter eum locum interest, arbitrio iudicis, *§. ult. Instit. de act.* Sed si stipuler insulam Capuæ fieri, finito tempore, quo fieri ea insula debuit & potuit, nec facta est, possum agere quocumque loco, competenti & congruo scilicet, ut Accurs. recte annotauit, directa & pura actione ex stipulatu, in id quod interest, nec mihi necesse est descendere ad arbitrariam, quia incerti obligatio contracta intelligitur, id est, id actum videtur inter contrahentes, ut promissor teneatur in id quod interest, si non fecerit insulam intra iustum tempus, sicut, si promississet certo loco iudicio sisti, esset actio incerti in id quod interest. Et hæc est vis & potestas huius legis.

Ad l. cum seruus 54. mandati.

*Cum seruus extero se mandat emendum, nullum mandatum est. Sed si in hoc mandatum intercessit, ut seruus manumitteretur, nec manumiserit, & pretium consequetur dominus ut venditor, & affectus ratione mandati agatur. Finge, filium naturalem vel fratrem esse: placuit enim prudentioribus affectus rationem in bona fidei iudiciis habendam. Quod si de suis nummis emptor pretium dederit (neque enim aliter iudicio venditi liberari potest) quæri solet, an utiliter de peculio agere possit. Et verius, & utilius videtur, prætorem de huiusmodi contractibus seruorum non cogitasse, quo se ipsam la ratione dominis auferunt.*

Est lex elegantissima & utilissima, quæ frequenter in medium adduci solet. Seruus mandauit extraneo, ut se emeret, ut se redimeret à domino, simpliciter nullo alio adiecto. Initio legis hoc tantum proponit Papinianus, *nullum esse mandatum*, nec rationem reddit nullitatis, sed redditur aperte in *l. vn. C. si seru. ext. se emi mand.* quæ est veluti interpretatio huius legis. Cur nullum est mandatum, si seruus se emi mandet? Quia neque mandatum illud ex persona serui consistere potest, propterea quod liber factus se emi mandaret inutiliter, quia non potest, cum liber homo.



emi non possit, idem esse emptor & res, quæ emitur. eadem enim valent ex persona serui, quæ si liber esset, valerent, *l. debitor §. seruo, de leg. 2. l. et si maxime, de seru. leg.* Nec mandatum quoque illud consistere potest ex persona domini, quia inutiliter mando, ut quis à me seruum meum emat, vel aliam rem, quia non possum à me ipso rem meam emere, & quod per me non possum, nec per vicarium possum: quod is emit, ipse emere videor. Igitur mandatum illud plane nullum est, & ex eo non nascitur actio mandati vltro citroque. Sed finge, ut seruus mandauerat, extraneus eam seruum emit à domino, contracta emptione venditione: sane inter extraneum & dominum erit vltro citroque actio ex empto vendito. non ex ipso mandato nascitur actio, quod nullum est, quia & hoc non agebatur inter extraneum & seruum, ut ex ipso mandato nasceretur actio, sed propter mandatum ex alio contractu, id est, emptione venditione, vltro citroque est actio inter extraneum & dominum. Secuta igitur emptione venditione, non prorsus est inutile mandatum, cum etsi non ex mandato actio sit, tamen propter mandatum sit actio alia. Diuersa hæc sunt ex, & propter, *l. eo tempore, in fi. de pecul.* Si seruum alienum bona fide possideo, & is seruus mutuatus pecuniam ab alio, eam mihi det pro capite, id est, pro libertate, ut eum manumittam, mihi non acquiritur ea pecunia, sed vero domino, quia is seruus non acquirit mihi, nisi ex duabus causis, ex suis operis, & ex re mea. Ea autem pecunia non est ex re possessoris, sed propter rem, id est, propter seruum. Et ita *l. venditor, de hered. vend.* pretium hominis venditi non esse ex re, sed propter rem. Et similis differentia inter ex, & per in *l. pen. de sepul. viol.* heres immiscet se bonis, & obligat æri alieno, si quid capit ex hereditate, non si quid capit per hereditatem: ut puta, si egerit de violato sepulchro hereditario; articulo ex, significatur causa, articulo propter, occasio: & aliud est causa, aliud occasio. Sed pergamus. Quid dicemus si non simpliciter seruus se emendum mandauerit, sed adiecta causa, ut scilicet post emptionem ab emptore manumittatur, & nolit emptor manumittere, quomodo Papinian. ponit speciem in prima parte huius *l.* & ponunt etiam Græci ad *l. vn. C. si seru. ext.* Mandati hæc duæ sunt partes, ut emat, & ut manumittat. Propter priorem partem, non ex priori, si contracta sit venditio, extraneo est actio ex empto, ut seruus tradatur, domino autem est actio ex vendito, pretij consequendi gratia, quod nihil agit emptor, si inferat ex nummis peculiaribus serui, sed id inferre debet ex suis nummis, ut liberetur iudicio venditi, ut Papin. ait hoc loco, quod est secundum differentiam iuris, ut sit differentia inter venditorem & emptorem. venditor liberatur etiam re aliena, quam vendidit, tradita: emptor non liberatur alienis nummis solutis, *d. l. vn. & l. i. inf. de rer. permut. l. ex empto §. i. de action. emp.* vbi Accursi attulit veram rationem differentiae, quia venditor debet certum corpus, certam rem, quæ vanit. emptor debet quantitatem, quam facile potest conficere ex suis bonis. Concludamus igitur: propter priorem mandati partem, non ex priore, esse actionem vltro citroque, id est, esse actionem ex empto & vendito, non mandati. Nunc dicamus de posteriori mandati parte. Ex posteriori parte dicimus plane, domino esse actionem mandati, quasi quæsitam sibi per seruum, antequam eum alienaret, & emptori traderet: domino, inquam, qui seruum tradidit, esse actionem mandati ex posteriori parte mandati præcedentis traditionem, cum adhuc seruus esset in sua potestate, & esse scilicet, ut seruus manumittatur ab emptore, quoniam scilicet venditoris interest seruum manumitti: nam si nihil interest, cessat actio mandati, *l. 8. mandati, D. mand.* Sed hoc casu nihil videtur interesse, ut is seruus manumittatur, quia iam est consecutus pretium, aut est forte consecuturus. non interest quidem, fateor, sed interesse creditur, quoniam in bonæ fidei iudiciis idem pollet, ac si interesset reuera,

A interest reuera, si quid pecuniariter interest, si quid scilicet re mea abscesserit, vel non accefferit, & ita interesse dicimus in omnibus iudiciis. Sed placet, etiam in iudiciis bonæ fidei haberi rationem eius, quod interesse creditur pij & beneuoli affectus ratione: sicut heredis interest, aut creditur interesse, impleri modum iniectum legato, etiam si nihil intersit pecuniariter. Heredis enim interest impleri voluntatem defuncti, *l. ius 19. de leg. 3. l. Titio centum, in princ. & §. 1. de cond. & demonstr.* Et similiter interest patris, filium suum manumitti aut fratrem aut sororem. Et similiter in hac specie, ut domino, qui seruum tradidit, sit actio mandati in hoc, uti seruus manumittatur, fingere debemus, eius interesse, puta eum seruum fuisse eius filium naturalem, vel fratrem naturalem, ex contubernio forte, quæ causa est iusta minori 25. annis seruum manumittere volenti, *l. si minor annis, de manum. vind.* filius naturalis est is, quem in seruitute quæsiuit ex contubernio. Finge, me post susceptum filium peruenisse ad libertatem, & comparasse filium meum naturalem, qui mansit in seruitute, ac deinde vendidisse: interest plane mei eum manumitti, & eo nomine possum agere, si fuerit ea lex mandati etiam contracti non à me, sed ab ipso seruo filio meo naturali. filius vel est ex contubernio, vel ex concubinato, vel ex matrimonio, vel ex adoptione. ex contubernio & ex concubinato, est filius naturalis: ex matrimonio est legitimus & naturalis. ex adoptione est legitimus, non naturalis. ex scortatione neque est legitimus, neque naturalis. Affectum igitur hoc loco accipimus, pro benigna & humana animi propensione erga aliquem, cuius quidem affectus ratione, & sane nulla res pluris æstimatur, *l. vlt. de oper. seru. l. pretia, ad leg. Falcid.* Sed, ut inter nos nuper agitabatur, affectus ratione quasi creditur nostra interesse, licet pecuniariter nihil intersit, & eo colore nobis datur actio affectus explendi gratia, *l. 7. de seru. export.* Et plerunque nullum lucrum est tanti, quam si desiderium expleatur, siue affectio animi nostri. Addendum his omnibus, domino etiam esse actionem mandati ex posteriori illa parte, ut vel emptor seruum manumittat si eius intersit, ut diximus, ut si sit eius filius, vel frater, vel etiam ut seruus sibi restituatur, quem emptor non manumittit: ergo duo veniunt in actionem mandati, ut manumittatur, vel ut reddatur venditori. & prius quidem concurret facile cum actione venditi, id est, possum agere venditi, ut pretium consequar, atque etiam mandati, ut affectioni meæ satisfiat secundum legem mandati à seruo interpositam, id est, ut seruus liber fiat. Posterius autem, ut vel seruus reddatur, non potest concurrere cum actione venditi: nam repugnat rei emptæ pretium petere, & rem quoque emptam repetere. Non possunt igitur hæc duo iudicia concurrere pure, cum sint omnino contraria, *l. i. C. de furt.* subalternatiue, alterna actione concurrerent, ut ostendimus postrema prælectione. Ex priori autem parte mandati, ut se emat, domino non est actio mandati, etiam ante diximus, sed quod nondum diximus, non est etiam extraneo emptori in dominum actio mandati de peculio, ut recipiat pretium, quia seruum ex mandato serui suis nummis ab eo redimit, quia, ut eleganter ait Papinianus, quod confirmat lex *eo tempore §. vlt. de pecul.* dominus non tenetur de peculio ex eo contractu quo seruus domino se abstulit, nec de eo contractu cogitauit prætor, cum generaliter dedit actionem de peculio ex contractibus seruorum: nam ita dedit de peculio actionem, si ex eis contractibus non se domino subduceret seruus. Et hoc mandato quid aliud egit seruus, quam ut se domino auferret? Et quidem mala ratione, inquit. Cur sit mala ratio mandare se redimi? An quod dominus inuitus cogatur vendere oblata pecunia? minime: nec enim cogitur, *l. seruus, hoc tit.* Et apud Plautum seruus quidam ita quidem loquitur: *vobis inuitis atque ingratiss una littera liber fieri possum.* Nam id seruus



dicit vxori domini, & filio, non domino, nempe hoc scilicet se vel vna litera, & exiguo pretio posse libertatem promereri à domino inuita vxore eius & filio, sed non etiam domino inuito. Igitur mala ratio hæc fuit, quia seruus supposuit emptorem clam domino ignorante, vt ait d. l. vn. vt se ei auferret, quam artem serui dominus si cognouisset forsitan, non indulsisset id animo serui & maleuolentiæ, vt eum à se alienaret: mala ratio est suppositio illa, quæ sit clam domino. Et hoc est omnino quod Papinianus vult his verbis, cum seruus extero se mandat, &c. Sequitur vt exponamus alteram quæstionem l. cum seruus, quæ scilicet continetur in §. ult. his verbis.

Ad §. si liber.

Si liber homo bona fide seruicus redimi se mandauerit, idque nummis emptoris factum sit, contraria mandati actione agi posse constat, vt tamen actiones præstentur, quas habet emptor aduersus venditorem: finge non manumississe liberam personam emptorem.

ET rei eiusdem communio siue affinitas efficiet, vt ex eodem lib. Papiniani etiam huic §. coniungamus explicationem l. verbum facere, de verb. signif. & l. seruus, de ser. export. Ac primum verba l. verbum facere, sunt hæc: Verbum facere omnem omnino faciendi causam complectitur, dandi, soluendi, numerandi, indicandi, ambulandi. Papinianus scribit de verbo facere, eo significari, non tantum factum, sed etiam ius, non tantum factum, veluti indicare, orare, scribere, ambulare, adificare, sed etiam eo significari dationem proprietatis, siue translationem dominij, siue alienationem aut pignorationem, veluti soluere aut credere. credere etiam facere est, neque tamen soluit aut in creditum it, nisi qui suos nummos credit aut donat, id est, qui dominium transfert. Ita hoc eodem lib. è contrario Papinianus idem scripsit de verbo dari, l. 4. de usur. verbo dari, scilicet non tantum significari effectum transferendi dominij, id est, alienationem, vt scilicet in illa formula, si paret dari oportere, §. sic itaque, Instit. de action. & in stipulatione rem dari, l. ubi autem non apparet §. ult. de verbor. obligat. Verum etiam eo verbo dari, significari factum nudum, id est, traditionem nudam rei sine effectum, id est, sine translatione iuris vilius, sine translatione dominij, vel constitutione hypothecæ, vt l. qui heredi, & l. qui in facto, de cond. & demonstr. Atque ita dare non tantum est dominium transferre, sed etiam facere tantum. Et hoc mox apparebit euidenter ex hoc §. ult. & ex l. 6. de ser. export. in verbo manumittere. Quod non tantum significat ex seruo liberum facere, vel libertatem dare, quod tamen solum videtur significare, atque adeo videtur esse nomen iuris, nomen quo significatur collatio iuris summi & inæstimabilis, nempe libertatis, sed etiam manumittere significat, quasi liberare & manumittere sine effectum ullo, non data libertate, ita manumittere, est spe tantum manumittere, aut verbo tenus, non re ipsa, vt in l. mulier §. pen. de condi. inst. Si quis sit heres institutus sub conditione, si seruum hereditarium manumiserit, quod est si ante aditam hereditatem manumiserit: Nam aditione definit esse hereditarius, aditione fit heredis, & si is heres ita scriptus, nondum adita hereditate, seruum hereditarium manumiserit, quamuis ea manumissio nullius sit effectus, nullius momenti, quasi facta à non domino, tamen veluti impleta conditione institutionis, perueniet ad hereditatem, quia aliqua significatione manumisit, licet non manumiserit: nec enim præstitit effectum beneficij, sed egit tantum actum manumittentis, fecit, non perfecit. Idemque est, si quis liberum hominem, quem bona fide possidet, existimans esse suum seruum, manumiserit, quia ea manumissio nullam rem, nullum effectum habet, nec ingenuitati quicquam officit, §. ult. Instit. de ingen. l. si quis §. ult. de cap. & post. Et tamen si liber homo

A quæ est species huius §. ult. alij bona fide seruicus, Titio se emendum mandauerit & manumittendum, qui non potest manumitti cum effectum, cum iam sit liber, hoc tamen cum ignoraret, mandauit se emi, si Titius eum suis nummis redemerit, postea patefacta conditione hominis, eoque ingenuo pronuntiato, non potest emptor agere in liberum hominem actione mandati contraria, videlicet pretij, quod de suis nummis dedit, recipiendi causa, nisi emptor ei cedat actiones, quas habet aduersus venditorem emctionis nomine, quia is homo, qui venit, se euicit in libertatem, & liber pronuntiatum est. habet autem actionem ex stipulatione duplæ euictionis nomine, de qua actione est necessarium, vt intelligamus §. ult. Iterum dico, vt rem explicatius proponam, habet actionem aduersus venditorem ex stipulatione duplæ, cum eum hominem non manumisit, hoc poni necesse est. Finge, inquit, liberam personam non manumississe emptorem: nam hoc si non fingis, non est locus huic sententiæ. Cur ita? quia si eum manumiserit, etiam si manumittendo nihil egerit, ipse tamen videtur eum hominem sua voluntate perdidisse, priusquam non proclamaret is homo, se ingenuum esse, atque ideo non aliter is homo ei videtur euictus, quam si emptor eum non manumiserit, sed ipse se homo, qui vñij liberali iudicio asseruit in libertatem, l. si seruum, de euiction. & l. si hominem, de edil. edic. Necesse est, vt committatur stipulatio de euictione, rem euinci iudicio. non sufficit, si euincatur alio modo, l. non tantum, de euict. l. utique, de rei vindic. Et ob id ponimus, eum hominem in iudicio se vindicasse in libertatem, & seipsum euicisse emptori. Est autem necessario hic §. accipiendus de actione ex stipulatione duplæ, quæ solet interponi ob euictionem, maxime vendito homine, alioquin valde pugnaret hic §. ult. cum l. 8. §. si liber homo, hoc tit. quæ loquitur manifeste, non de hac actione ex stipulatu, sed de actione empti nominatim, quam quidem actionem empti, etiam si emptor manumiserit, ab eo vult cedi libero homini, aduersus venditorem, quia scilicet, etiam si is, qui manumisit liberam personam, quique hoc quali quali factam personam perdidit, non teneatur actione ex stipulatu de dupla euictionis nomine, postea libera persona in iudicio vindicata in libertatem, tamen habet actionem ex empto aduersus venditorem, quod libertum non habeat, quem ex manumissione putabat se habiturum, l. sed hoc nomine, de euict. quæ sequitur d. l. si seruum. Atque ita coniunctio vtriusque legis, vt fieri alias ostendi in casibus innumeris, demonstrat in proposito quoque casu esse inter has actiones constituendam differentiam, non esse ex stipulatu actionem euictionis nomine, & esse tamen ex empto: non esse in duplum, esse in simplum eius quod interest. Simile autem discrimen inter effectum beneficij, id est, libertatis, & actum solum manumittentis, idem Papinianus eod. lib. notauit in l. 6. de seruis export. quam totam breuiter explicabo.

Ad l. 6. de seru. export.

E Si venditor ab emptore cauerit, ne serua manumitteretur, nene prostituatur. & aliquo facto contra quam fuerat exceptum, euincatur, aut libera indicetur, & ex stipulatione pœna petatur: doli exceptionem quidam obstituram putant: Sabinus non obstituram. Sed ratio faciet, vt iure non teneat stipulatio, si ne manumitteretur, exceptum est: nam incredibile est, de actu manumittentis, ac non potius de effectum beneficij cogitatum. Ceterum si ne prostituatur, exceptum est, nulla ratio occurrit, cur pœna peti, & exigi non debeat, cum & ancillam contumelia adfecerit, & venditoris affectionem forte, simul & verecundiam laeserit: etenim alias, remota quoque stipulatione placuit ex vendito esse actionem. I. §. Si quid emptor, contra quam lege venditionis cautum est, fecisset, aut non fecisset, nobis aliquando placebat,



non alias ex vendito propter pœnam homini irrogatam agi posse, quam si pecunia ratione venditoris interesset, veluti quia pœnam promississet: Caterum viro bono non convenire credere, venditoris interesse, quod animos sœvientis satisfactum non fuisset. Sed in contrarium me vocat Sabini sententia, qui utiliter agi arbitratus est quoniam hoc minoris homo vœnisse videatur.

**I**N hac specie, vendidi ancillam ea lege, ne manumitteretur, vel ne prostitueretur, & si fieret contra legem venditionis, vt ius mihi esset manus iniiciendi, id est, ius euincendæ & deducendæ ancillæ quasi meæ: vel caui, vt libera esset. Ac præterea, si quid fieret contra legem venditionis, certam pœnam pecuniariam stipulatus sum. Nunc si quid emptor faciat contra legem venditionis, præculdubio manus iniectio erit, vel libera fiet ipso iure. si manumittat, erit manus iniectio, non autem fiet libera: quia hoc venditor noluit, si prostituatur, prout conuenit, vel manus iniectio erit, vel libera fiet ipso iure, l. 2. Cod. si mancip. ita. Et hoc est extra omnem controuersiam. Sed quæritur, an etiam venditori, vbi emptor facit contra legem venditionis, sit pœnæ persecutio in stipulationem deducta, an sit ei actio ex stipulatione pœnali efficax? Et quidam dicebant non esse ex stipulatione pœnali actionem, agenti ob stare exceptionem doli mali. tamen alius dicebat esse vtilem, & efficacem. Papin. peritissime distinguit, & componit rem, & quod ad primam conuentionem attinet, ne manumittatur, scribit, stipulationem pœnalem ipso iure non valere, & manumissa ancilla non committi pœnam, quia ea manumissio nullius est momenti, id est, non confert libertatem ancillæ, quia lex venditionis, ne manumittatur inhibet libertatem: manumittat emptor quando volet, vel manumittant sequentes emptores; hæret semper hæc conditio ancillæ, ne manumittatur, & dicitur hæc lex non tam emptori, quam ancillæ, l. seruus hac lege, de manumiss. l. 3. §. is quoque, ad Syllan. & in ea conuentione, ne manumittatur, de beneficio libertatis & effectu videtur cogitari, non de actu solo manumittentis siue effectu, & cum inanis sit manumissio emptoris, non igitur committi stipulationem pœnalem, quia manumissus, non est manumissus, nec videtur effectu impleuisse emptor legem venditionis, quem effectum conuenit spectari magis, quã actum nudum & inane. Et ita omnino definitur in l. pen. C. si mancipium ita ven. Quod autem ad alteram conuentionem attinet, ne prostitueretur, si prostituta sit ab emptore, Papinianus scribit, committi stipulationem pœnalem, ancillam abduci, vel liberam fieri prout conuenierit, ac præterea pœnam peti & exigi ab emptore, qui contra legem fecit, quia scilicet, vt eleganter ait Papinian. ancillam contumelia affecit, & venditoris affectionem læsit honestissimam, simul ac verecundiam & pudorem, & vt etiam subiicit, quamuis non esset interposita ea stipulatio pœnalis, ratione affectionis piæ & sanctæ, agi posset ex vendito in id, quod interest, quod emptor contra affectionem venditionis fecerit: Nam in bonæ fidei iudiciis, vt in l. cum seruus diximus, ratione affectionis interesse credendum est, etiam si nihil intersit pecuniarie, & bono viro, qui est arbiter bonæ fidei, conuenire, vt credat, venditoris interesse, vel quod piæ & sanctæ affectioni eius satisfactum non sit. Ergo quod ad alteram conuentionem attinet, si ei non obtemperauit emptor, committeretur stipulatio pœnalis, quia & ommissa stipulatione eo nomine, solius affectus ratione liceret agere ex vendito. Sed inde quærit, & nihil intactum relinquit, an etiam solus vindictæ nomine, id est, prauæ & iniquæ affectionis ratione, venditoris interesse credendum sit? Quæ ante dicta sunt, sunt de affectione pia & benigna. Finge: vendidi seruum, quem oculi mei ferre non possunt, atque ideo in vendendo caui, vt longe exportaretur, ne esset in Gallia, vbi vendebatur, caui vt exportaretur, & non ex-

portatur, an agam ex vendito, quia animo sœuientis satisfactum non sit? Si interposita esset stipulatio pœnalis eo nomine, puta hoc modo, si non exportaueris, tot dari, etiam si nihil omnino interesset pecuniariter, posset agi ex stipulatu: Nam vt lib. 10. ostendi, nullus contractus, nulla lex contractus est pœnalis, quoniam omnes pertinent ad rem familiarem; sola stipulatio potest esse pœnalis & mera pœnalis, etiam si nihil intersit pecuniariter. ergo ex stipulatu quidem posset agi vindictæ solius nomine, & peti pœnam in stipulationem deducta. quærebat, an possit agi ex vendito eo etiam nomine, sicut agi ex vendito bonæ affectionis ratione, vt si fuerit lex hæc contractus, si exportaretur, agam ex vendito, sed si hæc fuerit, vt exportetur, quæ est seuera lex & dura, & indignatio potius, & non exportaretur, an erit actio ex vendito? Papinianus refert in hac l. 6. se alias existimasse, non esse actionem ex vendito solius vindictæ ratione, quod animo sœuientis satisfactum non sit, honeste tantum affectionis nomine credendum esse, non vltionis, non vindictæ. Et vero ita Papinianus scripserat libro 10. quæstion. & ob id est subiecta l. 7. ex illo libro 10. quæ hanc, quæ fuit prima, sententiam Papiniani exponit, vt non sit actio ex vendito vindictæ nomine, si nihil præterea intersit. In collocandis legibus Papin. & cæterorum, quoties vna serie collocantur plures eiusdem auctoris, semper solet obseruari ordo librorum. Hic ordo cur hic non seruatur. l. 6. est ex libro 27. l. 7. ex 10. Sed inde apparet de industria Tribonianum subiecisse huic l. 6. eam legem Papiniani, quod anteriori lib. Papin. scripserat, non esse actionem ex vendito, quod recantauit, mutauit hoc lib. Nec est quærenda ratio conciliandarum harum legum, cum ipse fateatur se reuocasse sententiam inuitatum Sabini sententia: dicit enim, in contrarium me vocat Sabini sententia, qui utiliter agi ideo arbitratus est, &c. Quia cum venditor addit hanc legem, vt exportetur, semper videtur venditionis interesse, vt impleatur lex, & interesse pecuniariter, quia in partem pretij ex ea lex venditionis cedere intelligitur, id est, eo viliori pretio videtur vendidisse, vt is seruus ablegaretur, asportaretur, nec vnquam veniret in suum conspectum. Igitur cum eius interest, recte putauit Papinianus, potius Sabini sententiam esse sequendam, quam suam primam. secundæ sententiæ sunt meliores. hæc ingenuitas Papiniani mihi valde placet, & debet omnibus esse documento. Ego memini me hæc fuisse ad l. 7. hoc tit. explicasse, ideo longior non fui.

#### Ad l. 8. de seru. export.

*Quæritur est si quis proprium seruum vendidisset, & vo manumitteretur intra certum tempus præcepisset, ac postea mutasset voluntatem, & emptor nihilominus manumississet: an aliquam eo nomine actionem haberet? dixi ex vendito actionem, manumisso seruo, vel mutata venditoris voluntate, euannisse.*

**I**Ntelleximus heri ex vlt. quæstione l. 6. quæ eadem est legis 7. non tantum pecuniæ ratione, sed etiam affectionis ratione honesta & humana, vel amica venditori, dari actionem ex vendito, vel actionem mandati, vel aliam quamcunque bonæ fidei, vt dictum est l. cum seruus, mand. vel etiam dari ex stipulatu, non pecuniæ tantum, sed etiam affectionis ratione. Vindictæ autem solius ratione, vel affectionis acerbæ & prauæ, aut inhumanæ, dari quidem actionem ex stipulatu, non etiam ex vendito, vel aliam quamcunque bonæ fidei actionem, nisi alias actoris intersit pecuniariter: igitur in actione ex stipulatu haberi rationem cuiuscunque affectionis etiam malæ & odiosæ: in actione bonæ fidei tantum probæ & honestæ rationem haberi, actionem bonæ fidei duritiam non admittere, quam admittunt catenæ, vt



dicunt, stipulationum, l. 7. ut si seruum vendidi ea lege, ut exportetur peregre in longinquam provinciam, nec exportetur, eo nomine agere possum ex vendito, si mea interfit pecuniæ ratione, ut quia scilicet eum seruum emi eadem lege, & stipulanti venditori promisi certam pœnam, si non exportaretur: sed si ita non interfit mea, Papinian. primum dicebat, solius vindictæ ratione non posse agi ex vendito. Sed postea mutata sententia deprehendit, verissimum quidem esse solius vindictæ ratione non posse agi actione bonæ fidei, sed in casu proposito non solius vindictæ rationem versari, sed etiam pecuniæ, quia hoc minoris videtur vendidisse seruum, ut exportaretur, nec moraretur eo loci, quo vanebat. Atque ita non tam venditi, quam pecuniæ ratione, ex lege venditionis, etiam si solam duritiem videatur continere, dari actionem ex vendito, quæ summa superioris quæstionis, vel potius elucidatio plenior est valde notanda, & ex ea facile perueniemus ad alteram quæstionem, quæ ex eodem libro proponitur in l. 8. hoc tit. Finge: vendidi tibi seruum ea lege, ut eum intra certum tempus manumitteres: si non manumiseris, finito tempore, certum est seruum liberum fieri ipso iure ex constitutione Marci & Commodi ad Aufidium, cuius sæpe fit mentio in iure. hæc constitutio representat libertatem, quam emptor non detulit intra tempus, adeo ut non committatur stipulatio pœnalis huic legi venditionis subiecta, quia constitutio implet legem sine facto emptoris, l. ult. C. si mancip. ita. Sed huic constitutioni ita demum locus est, si intra illud tempus intra quod dictum est, ut emptor seruum manumitteret, venditor non mutauerit voluntatem: nam si ante diem præscriptum legis dictæ pœnituerit, cessat beneficium constitutionis l. 1. & l. ult. C. eod. l. 3. hoc tit. Hoc cognito rursus finge eodem modo: vendidi tibi seruum ea lege, ut intra certum tempus manumitteres, deinde intra illud tempus mutavi voluntatem, & vetui ne manumitteretur ex intervallo longe post perfectam venditionem, & tu nihilominus manumisisti. Quæritur, an mihi tenearis actione ex vendito, quod contra posteriorem voluntatem meam manumiseris seruum, quia quæritur de actione ex vendito, ex eo apparet manumissionem illam effectum habere: alioquin constaret non esse actionem venditi, si nihil egisset: sed quia manumissio effectum habet, quia servus perductus est ad libertatem ab emptore, ideo quæritur, an ob id emptor venditori teneatur actione venditi, quod contra suam novissimam voluntatem seruum perduxerit ad libertatem: manumissio illa effectum habet, ita est. Et non obstat primum l. 6. h. t. quam modo exposui: Nam ita distinguendum: Aut initio venditionis servus prohibitus est manumitti, id est, venditus est ea lege, ne manumitteretur, & manumissio nihil agit d. l. 6. Aut initio venditor non prohibuit seruum manumitti, quinimo, præcepit manumitti intra certum tempus, & manumissio effectum habet, licet ante manumissionem venditor mutaverit voluntatem. Rursus nihil obstat l. 3. h. t. Nam distinguenda est etiam libertas, quæ competit ipso iure ex constitutione Marci & Commodi, à libertate, quæ non competit beneficio emptoris: Nam post pœnitentiam venditoris non competit libertas ex constitutione ipso iure, d. l. 3. beneficio emptoris competit etiam invito venditore, qui post venditionem perfectam non potest emptori novam legem dicere. In specie igitur proposita manumissio effectum habet, & ob id quæritur, an emptor teneatur actione empti, qui manumisit? Et respondet Papinian. ex vendito actionem manumisso seruo, vel mutata venditoris voluntate, id est, etiam post pœnitentiam venditoris evanuisse. Ergo ex posteriori voluntate venditoris, quæ fuit ne manumitteretur servus, libertatis, quam ante dederat emptor, vel libertatis datæ, vel dandæ ab emptore indignatio, quia solam duritiem continet, non parit venditori actionem ex vendito. Et generaliter nunquam solius vindictæ, aut se-

A ueritatis ratione est actio ex vendito, vel quæ alia bonæ fidei. Sed neque ratione pecuniæ in hac specie dici potest esse actionem venditi, quasi venditoris interfit, quia hoc ipso seruum minoris vendiderit, in l. 6. cum initio venditionis non hæc dura lex sit appositæ venditioni, sed contraria, ut manumitteretur. Est igitur plane verum manumissione evanuisse actionem venditi, etiam si facta fuerit post pœnitentiam venditoris. Et hoc est quod ait in l. 6.

#### Ad l. 8. de præscr. verb.

*Si dominus seruum, cum furto argueretur, quæstionis habenda causa æstimationem dedisset, neque de eo compertum fuisset, & is non redderetur, eo nomine civiliter agi posse, licet aliquo casu seruum retenturus esset, qui traditu accepisset, tunc enim & datam æstimationem reddi à domino oportere. Sed quæsum est, qua actione pecunia, si eam dominus elegisset, peti posset? dixi, tametsi quod inter eos ageretur, verbis quoque stipulationis conclusum non fuisset: si tamen lex contractus non lateret, præscriptis verbis incerti & hic agi posse, nec videri nudum pactum intervenisse, quotiens certa lege dari probaretur.*

A Ctio præscriptis verbis datur ex contractibus, quæ nomine vacant, qui nomen non habent proprium, & sic appellata est, quod concipiatur secundum id, quod contrahentes habuere præscriptum & conuentum. & dicitur etiam in factum, quia proprium nomen non habet, atque adeo dicitur tantum formari & concipi ex narratione facti. actio præscriptis verbis, est narratio facti, nec habet aliam appellationem propriam, & dicitur etiam civilis actio, quia datur ex negotiis, siue contractibus, qui civiles contractus imitantur, ut do ut des, imitatur emptionem venditionem: do ut facias, locationem & cōductionem: facio ut facias. imitatur mandatum. facio ut des, quia non imitatur civile negotium; ex eo articulo etiam non datur actio præscriptis verbis, & cur non imitetur non est hic locus demonstrare. Igitur actio præscriptis verbis dicitur etiam incerti, quia intenditur in id quod interest, cuius æstimatio est arbitraria, in id sc. quod interest dari aut fieri id de quo conuenit. Nunc finge: servus meus in suspicionem furti venit, & arguitur tibi furtum fecisse, ego eum tibi do, ut torqueas, ut quæstionem de eo habeas. vno loco in hac l. 8. ait, do, altero, trado. Igitur & hoc verbum dare, potest facere ambiguitatem, dederim ego cum effectu, an tradiderim tantum. hoc verbo significatur vel effectus, l. 4. de usur. dare, vel efficere est vel facere. Et vero servus alienus, quem arguit furti, solebat facile in quæstionem dari, sed dabatur æstimatus, stipulatione interposita de eo reddendo, vel æstimatione eius, l. certo, inf. de quæst. At finge, me tibi dedisse servum meum in quæstionem, nec eam stipulationem interposuisse, sed seruum æstimasse ac dedisse in quæstionem ea lege, ut eum mihi redderes, vel æstimationem eius, utrum ego mallem, utrum eligerem. hæc est species, ex qua quæritur, qua actione ego possum petere æstimationem servi, seu pecuniam, ut elegerit, quod est observandum. Non quærit hac actione an possim repetere seruum, sed de pecunia tantum quærit, qua actione peti possit. Et distinguit hoc modo: aut is servus habita de eo quæstione, furti compertus est, aut non. si furti compertus est, nec ipse peti potest, nec æstimatio eius. Imo vero ut ait Papin. si æstimatio eius fuerit prorogata, si fuerit data in antecessum, si elle est donnée devant la main, & inveniatur nocens, æstimatio conditione sine causa repetetur, quia non fuit causa prorogandæ eius, l. 1. de condict. sine causa. Nam id tacite videtur actum, ne servi nocentis nomine, domibus quicquam consequeretur. Ipse autem servus extra ordinem coerceretur à præside vel à præfecto vigilum in urbe, ut l. penult. de condict. causa dat. sup. l. interdum, §. qui fuerint de furt. Et hoc si furti fuerit compertus, sed si furti com-



pertus non fuerit, domino reddetur seruus conditione sine causa, si seruus fecit accipientis. Nam conditio domino rei suæ non datur. Ergo ut repetatur conditio sine causa, necesse est, ut seruus datum in quaestionem dederit cum effectu, id est, fecerit accipientis. Atque ita postea in eo furto non comperto, eum quasi non suum condicet conditione sine causa, videlicet si seruus elegerit, si non fecit seruus accipientis, sed tradidit tantum torquendum, vindicabit seruus, vel aget actione ad exhibendum: sed si malit pecuniam, qua actione pecuniam petet? Et ait, competere actionem præscriptis verbis ad consequendam pecuniam, veluti pro eo quod interest: nec enim æstimari hic potest quod interest eum reddi vel æstimationem eius. Et esse actionem præscriptis verbis indistincte dico. siue dederit initio seruus cum effectu, siue tradiderit tantum, electa pecunia dedisse videtur. Erit igitur actio præscriptis verbis, quasi ex negotio, *do ut des: do seruus ut des pecuniam*. Dices, cur non erit actio ex vendito? quoniam pro seruo pretium peto, quia non intelligitur contracta venditio: Imo, inquires, quia æstimatio venditio est, & quidem vera, si de æstimatione tantum redenda conuenerit, non de alterutro, ut hic conuenit, vel seruus reddi, vel pretium, quod abhorret à conditione & natura emptionis venditionis, *l. plerumque, de iur. dot.* Non erit etiam actio ex stipulatu, quia, ut initio posuimus, non intercessit stipulatio, non intercessit conclusio contractus: solet stipulatio concludere omnes contractus, quo verbo utitur hic Papinian. & soleo semper adducere hanc *l. ut ostendam, stipulationem esse vinculum, formulam conuentionum, & omnium contractuum conclusionem, l. iurisg. §. quod fere, de pact.* in nouissima parte conuentionum scribi stipulationem, stipulationem inuentam esse obligationum firmandarum causa. Sed in hac specie ommissa fuit stipulatio, ergo non erit actio ex stipulatu, denique quia defunt aliæ actiones, decurrendum est ad actionem præscriptis verbis, quæ est subsidiaria, quæ utique datur hoc casu, quasi ex ciuili negotio, seu contractu. Est etiam contractus seu *συμβασησις*; *do tibi seruus, ut vel eum mihi reddas vel æstimationem eius, tot nummos utrum malim: est*, in qua, contractus, non pactum. Nam si esset pactum, ex eo daretur actio præscriptis verbis. Hæc actio datur ex contractibus, non ex pactis. Cur non est pactum? quia interuenit datio serui. pactum est conuentio, quæ nomine vacat, & quæ ex datione vel facto non sumpsit effectum. Et viderimus nunc, quid sit dicendum, si seruus ea lege in quaestionem extero datus sit, ut ipse seruus reddatur, si innoxius compertus fuerit, & nihil actum sit de æstimatione, quod non tractat quidem Papinianus, sed à me non debuit prætermitti. Ideo dicemus hic quoque esse conditionem sine causa, adhibita eadem distinctione, si seruus factus sit accipientis, vel si non sit factus accipientis, esse vindicationem aut exhibitoriam actionem, vel esse præscriptis verbis in id quod interest seruus reddi, quasi negotio ita gesto, *do ut reddas*. dico esse conditionem sine causa, si ipsum seruus velim ut reddas omnino, id quod interest nolim. An non potest etiam esse conditio ob causam dati causa non secuta? Minime. quia causa secuta est, datus est in quaestionem, & quaestio secuta est. Altera est actio legis *pen. sup. de condict. causa data*. Quia alia est species, quæ examinanda est breuiter. Ego seruus meum, qui arguebatur furti, dedi extero in quaestionem, in tormenta, nec tortus est seruus, sed quasi in facinore deprehensus. non dicit in furto. Quæ observatio est Græcorum, & placet, sed in facinore aliquo ingenti deprehensus: igitur in facinore deprehensus ab extero, cui torquendum dederam, perductus est ad præfectum vigilum, & affectus ultimo supplicio. qua actione seruus repetam: nam æquum est mihi restitui. distingue: aut eum feci accipientis, & eum repeto conditione ob causam causa non secuta:

A dederam enim ob quaestionem, & quaestio non est secuta. Si non feci accipientis, vindicabo seruus, vel agam ad exhibendum: imo etiam agam furti aduersus exteros, quia sciens aut scire debens, me nolle abuti seruo in aliam rem, quam in quaestionem, non debuit eo uti inuito me. *sciens*, inquit, *aut scire debens*, adiungunt Græci recte. dixi alias, semper in iure hæc esse paria scire, aut scire debere, *l. 1. §. causa, de adilit. edic. l. Iulianus §. quod autem, de action. emp. l. si duo, de acquir. hered. l. pen. ad Macedon. l. si Titius 48. de fideiuss. l. qui fundum §. seruus, pro empt.* Alia igitur est species *d. l. pen.* per hoc etiam ex ea aliæ sunt actiones.

#### Ad l. 4. de vsur.

Si stipulatus sis rem dari, vacuumque possessionem tradi, fructus postea captos, actione incerti ex stipulatu propter inferiora verba, consequitur te, ratio suadet. An idem de partu ancilla responderi possit, considerandum est: nam quod ad verba superiora pertinet: siue factum rei promittendi, siue effectum per traditionem domini transferendi continet, partus non continetur. Verum si emptor à venditore nouandi animo ita stipulatus est, factum tradendi stipulatus intelligitur: quia non est verisimile, plus venditore promississe, quam iudicio empti prestare compelleretur: sed tamen propter illa verba; vacuumque possessionem tradi, potest dici partus quoque rationem committi incerti stipulatione. Etenim ancilla tradita, partum postea editum in bonis suis reus stipulandi habere potuisse. *§. 1. ¶ Si post contrariam emptionem, ante interpositam stipulationem partus editus, aut aliquid per seruus venditori acquisitum est, quod ex stipulatu consequi non poterit, iudicio empti consequitur. Id enim quod non transfertur in causam nonationis, in praestito peti potest.*

H Ac lege initio huius libr. 27. vsus sum sapius, ut ostenderem, dandi verbo, modo factum significari tradendæ possessionis, modo effectum proprietatis. Sciendū est, eum qui vendit, necesse non habere rem facere emptoris, & liberari iudicio empti, si vacuum possessionem tradat & liberam, & se obliget ob euictionem, & se purget dolo malo, neque enim liberatur, si sciens dolo malo rem alienam vendidit, *l. 1. de rer. permut. vel si quicquam in eo contractu dolo malo admiserit, d. l. 1. l. 25. de contrah. emp. & l. si duo 13. §. si quis, de iure iur. l. ex empto, l. Iulianus 13. §. Titius, l. seruus quem 30 §. ult. de act. empt.* Atque ita non similiter obligatur venditor ut emptor: emptor enim cogitur nummos facere accipientis venditoris. Item sciendum, eum, qui stipulatur rem dari, plerumque dominium stipulari, id est, rem suam fieri. id dari dicitur, quod habendum traditur alteri. habere est possidere iure domini: vel dicamus apertius, id dari dicitur, cuius dominium transfertur in accipientem, & frequens est significatio hæc. Qui autem stipulatur rem tradi, possessionem, non proprietatem significat, *l. 28. de verbor. oblig.* Inde fit, ut inutiliter stipulet, *rem meam mihi dari*, quia dominus sum, utiliter stipulet, *rem meam mihi tradi*; cuius possessor non sum: pro eo igitur cui adaptatur, vel rei dominium significat, vel possessionem. Et stipulatio quidem illa *rem dari*, est certa stipulatio, quia res certa venit, id est, proprietas certa: & ex ea competit certi conditio, stipulatio autem *rem tradi* est incerta, quia possessio incerta res est, cum sit incorporealis, & ex ea stipulatione competit actio ex stipulatu, quæ proprie de re incerta est, quæ in stipulationem venit, *l. ubi autem §. qui id & §. ult. de verbor. oblig.* Hæc sunt vera, ut plurimum. Sed ut in *l. cum seruus, mand.* diximus, his verbis, *dari & tradi*, promiscue utimur plerumque secundum mentem proferentis: nec tam ea spectanda sunt, quam mens eorum qui ijs vtuntur. & sane si emptor à venditore stipuletur

rem



rem tradi, quod sit nouandi animo plerunque, obligatio-  
 nis scilicet empti in stipulationem transferendæ causa, vt  
 quod homines prudentes malunt, debeatur nobis stricto  
 iudicio, non bonæ fidei: prudens homo mauult sibi deberi  
 ex stipulatione quam ex vendito, iudicio stricto, quam le-  
 ni. Et ita igitur, si nouandi animo emptor à venditore, vt  
 sit, rem dari stipuletur, factum tantum tradendi stipulari  
 intelligitur, quia non est verisimile plus venditorem pro-  
 mittere stipulanti emptori, quam iudicio empti præstare  
 compelleretur. Iudicio autem empti compelleretur tan-  
 tum tradere vacuum possessionem. ergo ex natura con-  
 tractus, qui nouatur & transfunditur in stipulationem,  
 rem dari sic interpretabimur, non dari proprietatem, sed  
 possessionem tradi. Neque obstat *d. l. ubi autem §. ult.* quæ  
 ait, hanc stipulationem, *fundum dari*, esse certi stipulatio-  
 nem, & ex ea dari certi conditionem, non ex stipulatu,  
 nimirum, quod omnino contineat, vt dominium transfe-  
 ratur quoquo modo, & quidem plenum dominium, *l. Ne-  
 rat. de condit. ind. l. ult. §. ult. mand.* Quod intelligendum  
 est de stipulatione, quæ ex alia causa interponitur, non ex  
 causa emptionis, quæ nouat conditionem emptionis: hæc  
 enim sequitur naturam emptionis, & fere stipulatio se-  
 quitur naturam contractus, cui applicata est. Nouatione  
 tollitur obligatio: sed & post nouationem, non est in to-  
 tum falsum, si quis dicat ex priorē causa deberi, licet sit  
 sublata nouatione. quod confirmat *l. cum filius §. heres, de  
 leg. 2.* Vnde constat, nouationem non prorsus extinguere  
 priorem causam, manere enim effectum prioris causæ, natu-  
 ram constantem, conditionemque, licet & hoc tantum  
 interesset, quod in iudicio de stipulatione non sit latissima  
 potestas iudicis, qualis est in iudicio empti aut venditi.  
 Imo vt ait *l. 3. §. 1. de act. empt.* non plus debet esse in stipu-  
 latione, quæ nouat causam emptionis, quam in iudicio  
 empti aut venditi: minus potest esse: quia hoc non videtur  
 egisse emptor, vt stipulatio augeret contractum. stipula-  
 tio quæ subiicitur actioni venditi, vel quæ eam nouat, si  
 subiiciatur, est stipulatio duplæ: stipulatio autem duplæ  
 est prætoriam: solemnem autem formam prætoriarum sti-  
 pulationum contrahentes immutare non possunt, *l. in con-  
 uentionalib. de verb. obl.* Ergo non possunt efficere, vt plus  
 veniat in stipulationem duplæ, quam in formula compre-  
 hendatur, nihil autem comprehenditur de proprietate  
 transferenda. Eadem interpretatio fiet, si emptor rem  
 dari stipuletur, vacuumque possessionem tradi: nec enim  
 priorem partem stipulationis, rem dari scilicet, accipie-  
 mus de proprietate, posteriorē de possessione, sed vtram-  
 que accipiemus de possessione, quæ emptioni naturaliter  
 inest, vt possessio tantum rei venditæ tradatur. Dices, su-  
 peruacua est igitur illa inferior adiectio, *vacuumque pos-  
 sessionem tradi*, si idem ea cauetur, quod superiori; si sit  
*agranis quos*, si idem bis dictum sit, vt sit loquendo sæpe,  
 cum non satis habemus dixisse semel, nisi aliis verbis rei  
 exprimendæ causa magis dicamus. imo aliquando ple-  
 nior est ea additio, & inferior pars stipulationis, atque ita  
 differentia est inter superiorem partem *rem dari*, & infe-  
 riorem, *vacuumque possessionem tradi*. vtraque quidem est de  
 possessione, nec licet aliter interpretari in causa cuius-  
 que venditionis, sed inferior illa clausula continet etiam  
 fructus postea perceptos, vt non tantum possessio rei tra-  
 datur, sed & fructus, qui postea percepti sunt à venditore.  
 continet etiam partus postea editos. At superior illa clau-  
 sula, *rem dari*, non continet fructus postea perceptos, aut  
 partus postea editos. hæc igitur est vberior, & ideo  
 non est superuacua, cum adiciat priori quod non inerat.  
 Et hæc est sententia Papin. *hac l.* propter inferiora verba,  
*vacuumque possessionem tradi*, fructus postea captos ex re ven-  
 dita venire in actione incerti, actione incerti ex stipu-  
 latu, quam vocat incerti actionem, non quidem, vt Ac-  
 cursius voluit, quod fructus in stipulationem veniant,  
 quorum perceptio & quantitas erat incerta tempore  
 stipulationis, sed magis quia & remota ratione fru-

Quæst. Papin.

ctuum postea captorum siue capiendorum, stipulatio  
 concipitur in faciendo, id est, in tradenda possessio-  
 ne, & possessio est res incerta, cum sit incorporalis,  
 & incorporalia sunt incerta, nec certum dici potest  
 nisi corpore præditum sit. facta omnia futura sunt in-  
 certa, cum non sint, nisi cum fuerint, vel postea facta  
 sint. Addit Papinianus, *in hanc stipulationem incerti  
 venire partus postea editos*. Cur his verbis vacuum pos-  
 sessionem tradi etiam fructus & partus intelligentur  
 tacite? quia scilicet *vacui* appellatio facit, vt ex cau-  
 sa rei venditæ præstetur, *l. in conuentionalibus §. ult.  
 de verb. oblig.* Si quis stipuletur, vacuum posses-  
 sionem tradi, effectum quidem dominij transferendi non  
 stipulatur quod est certum, sed nudum factum, & aliud  
 est factum, aliud nudum factum. Qui stipulatur rem tra-  
 di, nudum factum stipulatur. qui stipulatur vacuum pos-  
 sessionem tradi, non stipulatur nudum factum, sed vt ait  
*d. §. ult.* stipulatur rei causam, quid est causa rei? causa rei  
 non est dominium, non proprietas, sed omne id quod  
 habiturus esset stipulator, si ei res tradita fuisset. porro  
 habiturus esset fructus & partus. ergo veniunt in stipu-  
 lationem. Denique pleniora sunt inferiora verba, *va-  
 cuam possessionem tradi*, quia, vt non male Græci no-  
 tant, *vacui* appellatio facit, vt ab eo tempore, quo  
 ita quis stipulatus est rem, vacasse possessionem etiam  
 ipsius venditoris quodammodo videatur. Et ideo fru-  
 ctus interim percepti emptorem potius sequuntur, quam  
 venditorem, qui debuit omnem causam præstare. Su-  
 periora verba, *rem dari*, sola, quoquo modo accipian-  
 tur, siue pro facto tradendi, siue pro effectum dominij  
 transferendi accipiantur, quamuis hoc loco accipian-  
 tur, magis pro facto, tradendi stipulatione relata ad  
 causam emptionis, venditionis, naturam potestatem-  
 que, ait non continere fructus postea captos, & addo,  
 non venire etiam in eam stipulationem fructus postea  
 captos, nisi post litem contestatam, *l. si filiusfam. §.  
 ult. de verb. oblig. l. videamus §. si actionem, hoc tit.* Hæc  
 est sententia Papiniani, ex qua apparet breuiter plus  
 contineri stipulatione, *vacuumque possessionem tradi*, quam,  
*rem dari*, si scilicet interponatur ex causa emptionis  
 venditionis. Obstat valde huic differentiæ quam ad-  
 ducit, aut potius quam ait timide, posse introduci, *l. 3.  
 §. 1. de action. empt.* Ex qua efficitur, in stipulatione  
*vacuumque possessionem tradi*, non venire fructus, quæ scili-  
 cet interponitur ex causa emptionis venditionis. Et  
 vtitur hac ratione Pomponius: qui stipulatur rem  
 dari, nihil aliud stipulatur, inquit, quam vacuum  
 possessionem tradi ex causa emptionis & venditionis.  
 Et si adicias, *vacuumque possessionem tradi*, postero-  
 ra verba adicies ex abundanti, vt plerunque in sti-  
 pulationibus abundant multa. Et inde illud frequens  
 dictum, quæ abundant in conuentionibus vel testa-  
 mentis, nihil nocere, imo prodesse magis. At sti-  
 pulatione *rem dari*, non continetur fructuum præ-  
 statio. ergo nec stipulatione vacuum possessionem tra-  
 di. Et adiciit aliam rationem: non debet etiam plus  
 inesse stipulationi duplæ, scilicet interpositæ ex causa  
 emptionis, quia prætoriam est, & in eius formula non  
 fuisset ommissa mentio fructuum. Solemnis formula præ-  
 toriæ stipulationis, non potest immutari à contrahen-  
 tibus. Quid igitur, an non consequetur emptor fru-  
 ctus postea captos? Imo vero, sed non ex hac stipulatio-  
 ne vel *rem dari*, vel *vacuumque possessionem tradi*, vel ex vtra-  
 que iuncta: Nam quod ex singulis non fit, nec fit ex con-  
 iunctis. Sed consequetur fructus actione ex empto, quæ  
 supererit. Multum laborant in concilianda illa lege  
 cum hac *l. 4.* Doctores, nec quicquam afferunt proba-  
 bile, & quod possit quibusdam videri probabile, est  
 falsissimum & captiosissimum. Aliæ rationes compo-  
 nendi dissidij sua sponte ruunt. Sed hæc quod possit qui-  
 busdam imponere, eiusmodi est. In *l. 3. §. 1. per stipula-*

X x



tionem non sit nouatio actionis ex empto & ideo manet actio ex empto, ad fructuum præstationem, quod tamen non venit in stipulationem, in actionem ex stipulatu. in hac l. 4. stipulatio fuit interposita nouandi animo. Nouatione igitur transfunditur in stipulationem quodcunque actione ex empto peti potuit. Atqui peti potuerit fructus postea capti, ergo non mirum, si in hanc speciem, per quam nouata est causa empti venditi, veniant fructus postea capti. Hoc est valde captiosum: quia scilicet hæc ipsa l. 4. ostendit, quod si nouandi causa stipuler rem dari, non veniunt fructus, qui tamen veniebant in actione ex empto, minus contineri hac stipulatione, quam actione empti, & venire tantum fructus in alteram stipulationem, *vacuam possessionem tradi*. Ac præterea, qui hoc renuntiant nobis, in l. 3. §. 1. stipulationem non nouasse causam empti venditi? Imo verum est, potius nouasse, nouandi causa intercessisse, quia hoc plerumque fit. Hoc agit maxime emptor, in cuius rem est deberi sibi ex stipulatione potius, nouationem interuenisse etiam lex indicat, dum ait, *ex empto superesse actionem ad fructuum postea captorum præstationem*, quasi velit non superesse actionem ex empto ad cætera, quod sit nouata, secundum id quod est in fine huius legis 4. *Id quod non transfertur in causam nouationis*, id est, si id sit reliquum, quod non venerat in nouationem, iure pristino peti, id est, ius pristinum superesse. nescio rationem probabiliorē componendi dissidij, nisi eam, quam Græci quidam tradunt, admiseris, vt loquatur hæc l. 4. de act. incerti. fructus peti posse conditione incerti ex stipulatu, si fuerit concepta stipulatio hoc modo: *vacuam possessionem tradi*: illam l. 3. esse intelligendam de conditione certi, vt conditio certi definiatur stipulatio ex conditione fortiter defendet, qui velit. Nam in iure possum multis exemplis ostendere, ita conciliari multos locos. Vulgo dicitur, nemo potest rem suam condicere, hoc verum est, conditione certi, nam conditione incerti quilibet potest rem suam condicere, si emptor à venditore stipulatus sit nouandi animo. in stipulationem ita conceptam, *vacuam possessionem tradi*, ex Papin. sententia fructus postea capti & partus veniunt; in stipulationem ita conceptam, *rem dari*, non veniunt: sed quod ex ea stipulatione emptor consequi non potest, iudicio empti consequitur, l. 3. §. 1. de act. emp. quia quod non transfertur in causam nouationis, pristino iure peti potest. quod non continetur stipulatione nouandi causa interposita, quod non continetur stipulatione noua, iure veteri peti potest iure pristino. Et ita in §. ult. huius l. 4. cum constaret inter omnes, in hanc vel illam stipulationem *rem dari*, aut, *vacuam possessionem tradi*, non venire fructus, vel partus editos post emptionem perfectam, ante interpositam stipulationem, de quibus fructibus nondum egimus, sed tantum de his, qui obueniunt post stipulationem. Ergo superiora verba huius l. sunt de fructibus captis post stipulationem nouandi causa interpositam: hos venire in vnam stipulationem, in alteram non venire. §. ult. est de fructibus perceptis ante stipulationem. hos constabat non venire in stipulationem postea interpositam nouandi causa, nec partus aut fructus, nec quod per seruum, qui venit interim, acquisitum esset. Et ob id docet Papin. in §. ult. ea tantum emptorem posse consequi, vel partus vel acquisitiones serui venditi factas post perfectam emptionem ante stipulationem, emptorem consecuturum semper actione ex empto; eadem ratione, quia quod non transfertur in causam nouationis, iure pristino peti potest, quod non transfertur in stipulationem, iudicio empti peti potest. Ex quo intelligitur manifeste, si quo ex alio loco iuris, post perfectam emptionem (perficitur autem solo consensu) id est, si traditio rei non sit secuta, vel numeratio pretij, statim omnes fructus, obuentiones omnes, partus, foetus, acquisitiones serui venditi factas post perfectam emptionem, deberi emptori iudicio ex empto, l. Iulianus §. si fructibus, & §. si quis seruo, de act. emp. l. fructibus, & l. pen. C. eod. tit. Omnis ratio est generalis.

A ergo regula veluti quædam. Regula igitur hæc sit ex hac lege: *id quod non transfertur in causam nouationis, iure pristino peti posse*. Sed cauendum est semper à regulis iuris, quoniam omnes sunt periculosæ, omnes vitium faciunt aliquid quod aliquando. Sane hæc regula, *id quod non transfertur in causam nouationis pristino iure peti posse*, non est adeo generalis, vt ea liceat vt in omnibus causis. Græci hoc ipso loco scribunt, eam non esse firmam. Primum enim non est vera, si quis quod sibi Titius debet, à pupillo sine tutoris auctoritate stipuletur nouandi animo, quia scilicet debitum illud non transfertur in nouationis causam, non transfertur in pupillum. posterior obligatio nulla aut inutilis est, & tamen pristino iure agi non potest. Nam & debitor prior liberatur, & posterior pupilli, cuius interfit plurimum, obligatio nulla est, §. præterea, Inst. quib. mod. toll. obl. Quod tamen, vt credo, locum tantum habet eo casu, quo pupillus obligatur naturaliter sine tutoris auctoritate: Nam vt nouatio valeat, id est, vt liberetur prior debitor, satis est, si sequens obligatio teneat naturaliter, etiam si iure civili nulla sit, nullamque actionem pariat, l. 1. de nouat. & ob id in d. §. præterea, mox ostendit aliud esse in seruo, pristino scilicet iure agi posse, si quis quod sibi alius debeat à seruo stipuletur nouandi animo. Nam seruus extra causam peculiarem, qui pro alio intercedit, non obligatur naturaliter vel civiliter. Quod ex eo apparet, quia fideiussor ab eo datus, vel dominus ex ea causa de peculio non tenetur, l. in persona §. 1. de pact. l. 20. de fideiuss. Ergo si in seruum transferatur obligatio, nouatio non fit, & pristino iure agi potest, quia ex intercessione seruus nullo iure obligatur, nec civili nec naturali. Sed si transferatur in pupillum sine tutoris auctoritate, nouatio fit, & pristino iure agi non potest, licet posterior obligatio sit inefficax, quia est aliqua obligatio, nepe naturalis, quæ suos effectus habet. Item hæc regula, *vt quod non transfertur, &c.* est falsa in vfuris, in pœnis, in pignoribus, & hypothecis, quæ etiam si in obligationem non venerint, nouatione perimuntur, nec peti possunt, noua aut veteri actione, l. 15. & 18. & l. aliam, de nouat. nisi sit aliud cautum posteriori obligatione, l. 1. C. etiam ob chirographar. pecun. Sed regula hæc locum tantum habet in fructibus & partibus vel foetibus, qui ex re percipiuntur, aut per rem, vt in acquisitionibus seruorum, qui post perfectam emptionem, emptorem necessario sequi debent: atque ideo si non veniunt in nouationem, in stipulationem nouam, æquum est, vt emptori conferrentur iure pristino. Ex hoc notare etiam debemus, vnam differentiam inter vfuras & fructus. Nouatio non extinguit fructuum persecutionem, qui ante sunt vel postea percepti, nouatio extinguit vfuratum persecutionem, quia sc. à tempore nouationis desinunt vfuræ currere, d. l. 15. Est & alia differentia in l. si nauis, de rei vind. malæ fidei possessor tenetur de fructibus percipiendis, de vfuris percipiendis non tenetur. Est & alia in l. videamus §. pen. h. tit. In bonæ fidei iudiciis vfuræ veniunt ex mora, fructus veniunt etiam ante moram. Ergo non est per omnia aut in omnibus verum quod ait l. vfura, h. tit. vfuras obtinere vicem fructuum, nec separari debere à fructibus. Omnes sententiæ iuris sunt periculosæ: habet hæc tria pericula, quæ illam propositionem falsam reddunt.

Ad l. 74. de leg. 2.

*Titio centum aureos heres præsens dato: deinde protulit diem legatorum. non est verum quod Alfenus retulit, centum præsentem debere: quia diem proprium habuerunt.*

Sciendum est, vulgo in testamentis hanc clausulam scribi solere, qua dies legatorum soluendorum prorogari solebat, quæ vulgaris clausula dicitur, l. talis, de leg. 1. & vulgaris modus prorogandorum legatorum, l. cum vlt. gari, de dot. pral. Et ita concipiebatur, *quas pecunias legami,*



*cas heres meus annua, bima, trima die dato.* his verbis, *annua, bima, trima die*, vt scribunt omnes, significantur tres pensiones, *trois payez*, vt sc. legata soluantur triennio, vt Liuius loquitur *lib. 6.* æquis pensionibus. Pertinet autem ea clausula ad ea tantum legata quæ pondere, numero, mensura continentur, non ad corpora legata. Nam corporum solutio non solet prorogari. Item pertinet ea clausula ad ea legata, quibus dies appositus non est, non ad ea, quæ diem suum habent. puristamen legatis, id est, quæ initio pure relicta sunt, hæc clausula adiicit diem. Igitur si quid legatur in annos singulos vel in menses singulos, hoc legatum hac clausula non continetur, quia diem suum habet. Item si quid legetur sub conditione, non continetur vulgari clausula, quia diem suum habet. Condicio est dies incertus, *d. l. talis*. Item si quid legetur Titio, *cum erit annorum 20.* statim vt ad eam peruenerit ætatem, legatum petere poterit, nec licebit heredi differre in annuam, bimam, trimam diem ex vulgari clausula, quia non pertinet hæc clausula ad ea, quæ suum diem habent proprium. Item si vir vxori legauerit dotem, quod legatum valet propter commodum representationis, quia si dos legatur præsentis die, quæ alioquin ex *xii. tab.* esset reddenda tantum annua, bima, trima die, & ex constitutione Iustitiani annua die, quæ consistit in pondere, numero vel mensura. Corpora autem dotalia statim sunt reddenda, veluti fundi, aut mancipia, aut pecora. prælegatum igitur dotis non continetur vulgari clausula, quia suum diem habet, nimirum vt dos repræsentetur, id est, præsentis die reddatur vxori defuncti, *d. l. cum vulgari*. Ergo si quid aliud testator dari iusserit præsentis die, vel si quid præsens dari iusserit, non continetur vulgari clausula, quia suum diem habet, id est, præsentem diem. & aliud est quidem legatum purum, aliud præsens. Purum proprium diem non habet, & continetur vulgari clausula, per quã confertur in diem, per quam fit in diem quod initio fuit purum. Præsens, proprium diem habet, id est, præsentem diem, & ideo non continetur vulgari clausula, imo præsentis die præstandum est, nec præstatio diuidentia est tribus pensionibus. Et hæc fuit sententia Seruii & Labeonis, vt constat ex *d. l. talis*. Alfeno aliud iudicium fuit, qui ob id reprehenditur in hac *l.* nam iudicauit centum legatis præsentis die hoc modo: *centum dato præsentis die, &c.* ea deberi annua, bima, trima die ex vulgari clausula, si esset scriptum in testamento, non præsentis die, quamuis heres iussus esset dare præsentis die, nec mouebatur inani ratione: existimauit, n. adiectionem illam, *præsentis die*, esse superuacua. Et sane est superuacua, quod attinet ad effectum testamenti & vim legati, & effectum nihil differt purum à præsentis: quod est purum, præsens est. Et sæpissime in iure, atque etiam in hoc proposito, præsentia, non est præsentis die relicta, *l. 12. §. ult. de leg. 1.* sed pure, nullo die adscripto, ne minimo quidem tempore. Et eundem etiam effectum Pap. idem lib. eod. ostendit in *l. lib. §. pen. de verb. obl.* qui §. ob id est coniungendus cum hac *l. 74.* Nam coniunctio præclare conuenit, & ex eo §. intelligitur, quid distet legatum præsentis die relicto, à legato relicto in diem. Res promissa præsentis die, vt, *hodie dabis?* & res promissa in diem. Nam si sit promissa in diem, puta *calendis dabis*, non potest peti antequam calendæ præterierint: sed si ita dixerim, *hodie dabis*: potest peti statim, nec expectare debet stipulator, quoad finiatur ille dies, quia dies ille, *hodie*, non inseritur differendæ solutionis causa, sed vt ostendatur esse præsens, quod deducitur in stipulationem, atque ita sane superuacua est adiicere, *hodie*, vel *præsentis die*, quod ad effectum rei, quoniam statim agi potest, sed non ideo superuacua est illa adiectio in omnib. Nam in hoc proficit, vt legatum præsentis die debeatur, vt ait *d. l. talis*, & præsentis die deberi, (hocque annotari & adscribi nominatim maxime vtile est) legatario, ne legati præstatio differatur ex vulgari clausula, & scindatur in pensiones tres, quia sc. vulgaris clausula non pertinet ad ea legata, quæ suum diem habent. Et hoc legatum suum

Quæst. Papin.

A diem habet, id est, præsentem diem. de industria videtur testator adscripsisse præsentem diem, vt à generali clausula hoc legatum eximeret, & ob id merito reprehenditur Alfeno. à Pap. qui nescio quam male feriatu fuerit, semper. n. reprehenditur, qui ex futuro factus est iuriconsul. vt ait Horat. verum ait Pap. *Titio centum aureos heres præsens dato*, Flor. recte, *præsens*. id est, repræsentato, præsentis die dato. Deinde, inquit, protulit diem legatorum vulgari illa clausula, & sequitur, *non est verum quod Alfennus retulio centum præsentis deberi*. sic sæpe loquitur Græcorum more, *præsentis*, id est, præsentis die, vt *l. 1. §. si legata, si cui plus quam per leg. & l. 11. de cond. & dem.* Sed vt alias ostendi, manifeste hic locus est corruptus, & deest negatio, vt constat ex *d. l. talis*, & ex ratione subiecta: *Non est verum, quod Alfennus retulit, centum præsentis die non deberi*, sed deberi ex vulgari clausula, annua, bima, trima diem. Cur non est verum præsentis die non deberi? quia diem proprium habuerunt. ratio satis emendat assertionem, nec ob id quisquam defendere possit.

### Ad l. 3. de separat.

Debitor fideiussori heres extitit, eiusque bona venierunt: quamuis obligatio fideiussionis extincta sit, nihilominus separatio impetrabitur petente eo, cui fideiussor fuerat obligatus: siue solus sit hereditarius creditor, siue plures: neque enim ratio iuris (quæ) causam fideiussionis propter principalem obligationem, quæ maior fuit, exclusit, damno debet adficere creditorem, qui sibi diligenter prospexerat.

1. §. Quid ergo si bonis fideiussoris separatim solidum ex hereditate stipulata consequi non possit? utrum portio cum ceteris heredis creditoribus ei quærenda erit? an contentus esse debebit bonis, quæ separari maluit? sed cum stipulator iste, non adita fideiussoris a reo hereditate, bonis fideiussoris venditis, in residuum promisceri debitoris creditoribus potuerit, ratio non patitur eum in proposito summoneri.

2. §. Sed in quolibet alio creditore, qui separationem impetravit, probari commodius est, ut si solidum ex hereditate feruari non possit, ita demum aliquid ex bonis heredis ferat, si proprii creditores heredis fuerint dimissi: quod sine dubio admittendum est circa creditores heredis, dimissis hereditariis.

D Ad hanc *l.* vt facilius pateat aditus, sciendum est, obligationem fideiuss. extingui confusione, puta si debitor principalis fideiussori heres extiterit, atque ita in eandem personam concurrere cœperit obligatio princip. & obligatio fideiuss. quem concursus ius permanere aut consistere non sinit diu. In ipso. n. concursu ac veluti conflictu, principalis absorbet fideiuss. oblig. quia qui est principalis debitor, & fideiussor pro seipso esse non potest, *l. 5. & l. debitori, de fideiuss. l. si reus, de duob. reis*. Maior oblig. tollit minorem, maior autem & plenior semper intelligitur esse obligatio princip. si modo iure ciuili consistat, non naturali tantum, *l. heres §. seruo, de fideiuss. l. Stichum aut Pamphilum §. quod vulgo, de solutionib.* In illo loco vt emendavi ex Basil. nam si reus natura dumtaxat fuit obligatus, fideiussor non liberatur: igitur si debitor fideiussori heres extiterit, principalis obligatio, quæ consistit ipso iure manet: fideiuss. tollitur, quia vt significauimus ante, in eam causam res deducta est, à qua incipere non poterit: nec. n. posset quis ab initio pro se fideiubendo obligari. Ergo nec ex post facto potest fieri fideiussor pro se ipso. Denique non potest idem ex eadem causa esse & debitor & fideiussor. Constituit quis etiam pro se ipso, fideiubet nemo pro se ipso. Item sciendum est, ex hoc edicto de separationibus, si sint creditores defuncti, & creditores heredis proprii, decernente prætore separationem bonorum defuncti & bonorum heredis; dari posterioribus creditoribus defuncti, non posterioribus creditoribus heredis, ita sc. vt hi & illi creditores coeant, & herede non existente soluendo, velint possidere & distrahere bona,



quæ heres habet propria, vel quæ ad eum nunc iure hereditario perueniunt, ut, inquam, separantur bona defuncti creditoribus defuncti, qui existimant esse idonea sibi, si non confundantur bonis heredis, bona autem heredis propria, ut separantur creditoribus heredis, quo iure utimur hodie sapissime. Sed quæro, cur creditores heredis non audiantur, si primi desiderauerint separationem fieri bonorum, & quasi duorum bonorum venditionem? Cur hoc tantum desiderantes creditores defuncti audiuntur, non creditores heredis, *l. 1. §. ex contrario, h. t.* Vbi hæc ratio redditur, quæ est certissima, quia heres adeundo hereditatem, atque ita adiiciendo sibi alios creditores, nam aditio obligat æri hereditario, potest onerare suos creditores, creditorumque suorum conditionem facere deteriores; possum creditori meo creditorem adiicere: possum priorum creditorum adiectis aliis conditionem deteriorem facere, creditorum hereditariorum conditionem adeundo hereditatem non possum deteriorem facere: & ideo facile impetrant, ut sibi separantur bona defuncti, non etiam illi priores, ut sibi separantur bona heredis. Et inde vero oritur magna quæstio in fi. h. l. an creditores defuncti impetrata separatione bonorum si ex bonis defuncti solidum consequi non potuerint, possint redire ad bona heredis, si qua supersint dimissis creditoribus heredis, *les créiteurs payez.* constat sane creditores heredis facta separatione bonorum ex postulatu creditorum defuncti, si solidum consequi non potuerint ex bonis heredis, posse reuerti ad id, quod superest ex bonis defuncti, dimissis creditoribus hereditariis, hoc esse ait Papin. sine dubio in fine huius legis. Dubitatur tantum de creditoribus defuncti, qui maluerunt separationem fieri, si ex bonis defuncti solidum consecuti non sint, an possint reuerti ad id, quod superest ex bonis heredis, dimissis creditoribus heredis? sed priusquam finiatur hæc quæstio, nobis lex tota ab initio enarranda est. Finge: Debitor principalis fideiussori heres extitit, & non est soluendo suis & hereditariis creditoribus: patitur venditionem bonorum ex edicto prætoris. creditor defuncti, cui se. defunctus fuit obligatus fideiuss. nomine, vel solus vel cum aliis creditoribus defuncti, dicit bona defuncti sibi sufficere, & desiderat ea separari à bonis heredis eiusdemque debitoris sui, bona defuncti vendi à se, bona heredis propria vendi à cæteris creditoribus heredis, atque ita duorum quasi bonorum venditionem fieri. Quæritur initio h. l. an impetrare debeat separationem quam desiderat? Mouet dubitationem, quod obligatio fideiuss. extincta est, quia debitor ipse fideiussori heres extitit. aditione confusæ sunt personæ debitoris & fideiuss. quæ confusio perimit personam minus principalem, id est, efficit, ut heres sustineat vicem defuncti hac in re, ut sit fideiuss. loco, ut quasi fideiuss. teneatur, cum sit principalis debitor: idcirco eius obligationis ratione, quæ extincta est, non iure videtur postulari separatio bonorum. Sed Pap. hoc loco negat hanc consequentiam, & concludit, ita extingui obligationem fideiuss. debitore fideiussori succedente, ut tamen ea res damno & fraudi non possit esse creditori in impetranda separatione bonorum, qui quantum in eo fuit, bene sibi cauit fideiussore accepto, ut non possit, inquam, damno afficere creditorem, qui diligenter sibi prospexerat accepto fideiuss. Igitur heres quidem ipse fideiussoris, qui debitor est principalis, non tenetur fideiussorio nomine, quia idem ex eadem causa non potest teneri & principali & fideiuss. nomine; sed tantum fideiuss. defuncti bona separari recte postulat creditor, qui cum fideiussorem accepit. Et hoc respectu vere possis dicere, residere ex fideiussoria obligatione, quamuis sit precepta, vestigia adhuc & iura quædam, sicut & pignoris obligationem remanere constat quod fideiussor dederat, *l. cum quis §. ult. de solut.*

Ad §. quid ergo.

ET hæc, quod ad primam quæstionem h. l. sunt n. in cætes quæstiones, quæ tamen nexæ sunt inuicem, & sequitur alia ex alia. Rursus igitur quæritur, si impetrata huiusmodi separatione bonorum defuncti, id est, fideiussoris, creditor ex bonis fideiussoris solidum consequi non potuerit, an possit venire in partem bonorum heredis una cum cæteris creditoribus, quia & ipse est creditor heredis? Mouet dubitationem, quod contentus videatur fuisse bonis fideiuss. qui separationem eorum bonorum maluit fieri, eo quod maluit, stare debet, eo quod semel postulauit, stare debet, ut est in *l. creditores, h. t.* At contra eleganter Pap. scribit hoc loco, etiam petitionem separationis ei non esse fraudi, ei non præiudicare, quo minus in partem bonorum heredis, eiusdemque debitoris sui principalis admittatur cum cæteris creditoribus heredis. Nam et si debitor fideiussori heres non extitisset, bonis fideiussoris separatim venditis, nec solido ex venditione redacto; integrum ei esse partem facere ex venditione bonorum heredis eiusdemque debitoris, *integrum ei esse*, ut ait, *in residuum permisceri cæteris creditoribus debitoris*, sicut creditor electo fideiussore, potuit eligere ante Nouellam Iustin. de fideiussoribus, omisso principali: electo, inquam, fideiussore, nec recepto solido, potest in residuum experiri cum reo principali, *l. 23. §. l. ult. de fideiuss. C. & l. qui mutuum, sup. man.* Et hic quidem casus est singularis, cum heres fideiussoris est debitor principalis: nam regulariter aliud statuitur. Regulariter postulata separatio bonorum nocet creditori, qui eam postulauit, ut postea non possit venire ad bona heredis, si solidum ex bonis defuncti consecutus non sit.

Ad §. sed in quolibet.

SED hic quæritur etiam, & hæc tertia quæstio: an huic regulæ sit locus, si creditoribus heredis in totum satisfactum sit, si in totum dimissi sint, an tum non licebit etiam creditoribus defuncti ex reliquis bonorum heredis implere suum debitum? Videtur hoc non esse eis inuidendum. Cum impleti sint creditores heredis, cur ex residuo bonorum heredis etiam non implebuntur creditores defuncti, tametsi postulauerint sibi separari bona defuncti? Sane, ut initio retuli, hoc est sine dubio, dimissis creditoribus hereditariis, id est, defuncti licere creditoribus heredis venire ad reliqua defuncti bona. Sed hac in re magna est differentia inter creditores defuncti & creditores heredis, ut ostenditur in *l. 1. §. pen. h. t.* Nam defuncti creditores postulant separationem bonorum, non creditores heredis ex *l. 1. §. ex contrario, hoc tit.* Nihil igitur imputari potest creditoribus heredis, quia non postularunt separationem, sed in eam venerunt, aut inciderunt postulantis creditoribus defuncti. creditores defuncti sibi debent imputare suam facilitatem, quia separatio quam petierunt, eos à bonis heredis separauit. Eo quod semel petierunt, stare debent. contenti igitur debent esse bonis defuncti, nec tamen & contenti bonis heredis creditores heredis, hæc sunt notanda. Verum ex causa iusta ignorantia, ut puta, si errauerint in æstimatione bonorum, Vlp. ait, creditoribus defuncti subueniri, ut scilicet, si solidum non sint consecuti ex bonis defuncti, ex residuis bonis heredis impleant suum debitum, impetrata restitutione in integrum, non aliter: Nam iure summouentur penitus à bonis heredis, etiam si bona defuncti eos non impleuerint: quia penitus recesserunt à persona heredis petita separatione bonorum, secuti bona defuncti. ergo opus est restitutione in integrum, & ad eam impetrandam iustissima causa erroris. Et ita Vlpianus sentit in *d. l. 1. §.*



pen. ita sentit Paulus in *l. si creditores, hoc tit.* Contra verò Papinianus in *hac l. 3.* rem ita præcidit absolute, ut sit commodius, & dum ait, *commodius*, æquitate pugnat, dimissis creditoribus heredis, ut creditoribus defuncti tribuatur id, quod superfuerit ex bonis heredis, si solidum ex bonis defuncti consequi non potuerint. Non fuere ignari huius sententiæ Papiniani Vlpianus & Paulus, qui in libris quæstionum eius etiam notas scribere affectarunt. Et quod tentavit Accurs. rectissime in *d. l. si creditores*, proculdubio dissentit Papinianus ab Vlpiano & Paulo. Nec villa ratio componendi dissidij. Pugnant hæc leges: Nam in *d. l. creditores*, dum Paulus ait, *quidam putant*, sane Papinianum intelligit, & notat satis aperte, ut etiam in *l. lecta de reb. cred.* Paulus dum ait, *quidam dicebat*, Papinianum intelligit: nam & in ea lege agitur de cautione recitata in auditorio Papiniani. Et ita etiam in *l. qui heredi §. si duorum, de cond. & demonst. & l. 8. usufr. quemad. cau.* Idem Paulus, *quidam & Marcianus*, & cœtra quoque Papinianus in *l. 6. de ser. export.* dum ait, *quidam putant*, forte Paulum intellexit. Videtur inter eos fuisse æmulatio quædam. Sed in proposito valet mihi plus, quod ait Papin. æquius esse suam sententiam probari, commodius esse, verius, utiliusque: ceteros certare iure, se certare æquitate, & ita possis respondere, si qui opponat alteram alteri. Quæ ratione in iure componuntur multæ & magnæ dissensiones.

#### Ad l. 28. de except. rei iud.

*Exceptio rei indicata nocebit ei, qui in dominium successit ei, qui iudicio expertus est.*

**L**Ex est pusilla & verbis & rerum momentis satis. Ait Pap. exceptionem rei iudicatæ non tantum nocere ei, qui in dominium successit eius, qui iudicio expertus est, ergo exceptionem rei iudicatæ non tantum ei nocere qui iudicio expertus est, & contrariam sententiam accepit, sed etiam ei, qui in dominium successit. Exemplum poni potest in legatario. Finge: petij rem meam à possessore, & vindicaui, ac deinde victus sum per iniuriam iudicis. mox eam rem moriens tibi legavi, legati dominium tibi ipso iure acquiritur, *l. 1. in fi. de Pub. in rem act. ex 12. tab. ut Vlp. scribit in fragm. tit. de dominiis.* Sed si tu eam rem petas, quæ tua facta est iure legati, à possessore, qui me eam vindicantem exclusit, certe nocebit tibi exceptio rei iudicatæ. quæ rursus mihi petenti noceret, nocebit exceptio hæc, quod res iudicata sit inter me, & eum possessorem, in cuius dominium successisti. idemque potest poni in donatario causa mortis, & in herede, quoniam his etiam personis dominium ipso iure acquiritur, *l. 2. de Pub. in rem act. l. si ager, de rei vindic.* Idem poni etiam potest in emptore hoc modo, non quolibet, quia vulgo dici solet, emptori dominium non acquiri ipso iure sine traditione naturali. Fac igitur ita esse: petij rem meam à possessore, & victus sum per iniuriam iudicis. sententia tenet, sed mihi dominium non aufert iniuria iudicis, imo victori non dat actionem, sed retentionem tantum, *l. 3. §. ult. de pign.* Mox vero tibi eam rem vendidi & mancipavi, vel tradidi nexu, quo genere tibi dominium acquiritur ipso iure sine traditione corporali: sed si eam rem vindices quasi tuam, ut sane tua facta est, à possessore, qui me vicit de proprietate siue dominio, nocebit tibi exceptio rei iudicatæ, quod res iudicata sit inter me & eum possessorem. Nam & è contrario, si ego rem emerò, ac deinde vendidero tibi, & tradidero, mox eam à te petam, eadem exceptio rei iudicatæ tibi proderit, etiam si auctor tuus vicerit per iniuriam iudicis, *l. si à te §. ult. l. si mater §. item Iulianus, hoc tit.* Cui prodest eadem exceptio, & vice versa nocet. plus dico, quam dixerit Vlp. in hoc loco. Exceptionem rei iudicatæ non tantum ei nocere, qui in dominium victi successit, sed etiam ei, qui in locum, non de-

Quæst. Papin.

**A**minium victi successit, ut creditori pignoratitio. Finge: petij rem meam à possessore, & victus sum iniuria iudicis. mox eam rem creditori meo pignori obligavi, quod sit sola conventionione sine traditione. creditor agit hypothecaria aduersus possessorem, repellitur exceptione rei iudicatæ, quod res iudicata sit inter possessorem & debitorem, in cuius locum creditor successit, *l. si mater §. ult. & l. seq. §. ult. h. t. l. 3. §. ult. de pign.* Hoc solum ita vellem Accurs. annotasse.

#### Ad l. 27. de oblig. & act.

*Obligationes, quæ non propriis viribus consistunt, neque officio iudicis, neque prætoris imperio, neque legis potestate confirmantur.*

**I**N *l. hac xxvii. de oblig. & act. obligationes*, inquit, quæ non propriis viribus consistunt, id est, quæ ab initio nullas vires habent, vel apertius, quæ ne naturaliter quidem consistunt, quæ nullo iure consistunt, nec civili, nec naturali, in Basil. *ai pñ xat pñon dñeian ouisduerai*, id est, quæ non secundum naturam suam consistunt, neque confirmantur officio iudicis nec præsidis. Cedo exempla. si sub impossibili conditione concepta sit stipulatio, ex ea neque naturalis, neque civilis obligatio nascitur: si nasceretur naturalis, posset ei adhiberi fideiussor: nam naturali tantum recte adhibetur fideiussor. Ergo ne naturaliter quidem consistit ex ea stipulatione obligatio, quia non potest ei adhiberi fideiussor, *l. si sub impossibili, inf. de fideiuss. l. non solum, hoc tit.* impossibilis conditio, est, quam rerum natura prohibet. Et conuenit igitur huic loco valde lex *ubi prægnantia §. ult. de reg. iur. quæ*, inquit, rerum natura prohibentur, nulla lege confirmantur. Sed demus etiam alia exempla. obligatio, quæ de portatione debitoris perimitur, ut constat, tota perimitur, ut ait *l. si debitori, de fideiuss.* adeo ut nec naturali quidem iure constet. Ergo neque officio iudicis, neque prætoris imperio, neque legis potestate conualefcere, aut confirmari potest. Item obligatio sceminæ intercedentis pro alio, tota improbat Senatusconsulto, ut ait *l. si mulieri contra Senatusconsultum §. 1. ad Velleian.* ita sc. ut nec naturaliter consistat. Senatusconsultum Velleianum expungit etiam naturalem obligationem, ex causa intercessionis mulieris, nec admittit, vel probat, nullis, inquit, viribus, ea obligatio consistit: ac proinde, nec officio iudicis, nec prætoris imperio, nec legis potestate probari potest. quod vel natura non consistit, nullo modo confirmari potest. Et mox subiicietur etiam ex *l. liber homo, de verb. oblig.* aliud exemplum: sed priusquam ad eam legem venio, addam ad hanc, è contrario obligationem ex pacto nudo, quæ iure naturali consistit, & prætoris imperio aliquando confirmari, quia est aliqua obligatio, quod nihil est, confirmari non potest. quod est aliquid, confirmari potest. obligatio igitur ex pacto nudo, quæ iure naturali consistit, aliquando prætoris imperio confirmatur, ut de pignore, quod constituitur nudo pacto ex edicto prætoris, *l. si tibi §. de pign. de pact.* vel confirmatur legis potestate, ut *11. tabul. de iniuriis & de furtis, l. legitima, & d. l. si tibi §. 1. eod. tit.* Ac præterea confirmatur officio iudicis, veluti ex pactis, quæ contractibus bonæ fidei adiiciuntur ex continenti, vel quæ ex intervallo adiecta contractui detrahunt aliquid, quæ pactiones contractui inesse dicuntur, & contineri officio iudicis bonæ fidei, qui supplet eorum actiones, vel exceptiones etiam omittas à litigatoribus. quod idem dici non potest de obligationibus quæ propriis viribus non consistunt, id est, quæ neque iure naturali, neque civili consistunt, neque vllò alio iure. Nunc igitur transeamus ad *l. liber homo*, quæ ut dixi, suppediet aliquid exemplum.



## Ad l. 118. de verb. oblig.

*Liber homo, qui bona fide seruit mihi, quod stipulanti mihi promittit, prope est, ut omnimodo sit utile, quavis ex re mea promittat: nam quid aliud dici potest, quo minus liber homo teneatur? nec tamen ideo, si stipulanti eidem ex eadem causa spondeam, tenebor: quem admodum etenim habebit eius actionem aduersus me, quod ab alio stipulatus quaereret mihi? hoc itaque latere fructuario seruo vel alieno, qui bona fide seruit, comparabitur: seruus autem fructuario si promittat ex re ipsius, vel alienus, qui bona fide seruit: emptori, nulla de peculio dabitur in dominum actio: nam in his causis domini esse intelliguntur.*

**C**ertum est, liberum hominem, vel seruum tuum, qui mihi bona fide seruit, mihi acquirere, quod acquirit ex re mea. Itemque fructuarium seruum, in quo vsum fr. habeo, mihi acquirere ex re mea. omnes igitur, mihi acquirunt ex re mea, & in hoc pares sunt. Sed inde quaeritur, an etiam, si omnes mihi obligentur, si quid mihi promittant stipulanti ex re mea, finge ex pecunia mea, quam eis credo, quam eis mutuam do, eos mihi stipulanti promittere eam ipsam pecuniam, vel vsuras, eam ipsam, id est, tantandem, ut sit in mutuo, an ex stipulatione mihi obligantur? an ex re mea in se mihi acquirunt obligationem, vel in suum dominium de peculio? Et sane hac in re inter has personas multum differt: nam si liber homo, quem possideo bona fide quasi seruum, mihi stipulanti promittat ex re mea, vel extra rem meam, reuera mihi obligatur, & conuenire eum possum cognita conditione eius, *l. liber homo, de acqu. rer. domini*. Sed si seruus alienus, quem bona fide possideo, vel seruus fructuarius, mihi promittat stipulanti aliquid extra rem meam, sine dubio dominus eorum mihi obligatur de peculio. si ex re mea mihi promittat aliquid, dominus mihi non obligatur de peculio, optima ratione, quae Papinianus perstringit paucis verbis, quia in his casibus, cum seruus alienus mihi bonae fidei possessori, vel fructuario stipulanti promittit aliquid ex re mea, non alius, quam ego, videtur esse dominus: ut dum quaeris, an dominus mihi teneatur de peculio, absurde hoc videaris quaerere, an ego mihi tenear de peculio; quoniam ex illis casibus, qui pendet ex re mea, non alius, quam meus ille homo seruus esse intelligitur: hominis autem liberi non potest quicquam, vel esse dominus, vel videri, nec in eo quidem, quod per liberum hominem bona fide possessum acquirat ex re mea, videor esse dominus. At quid dicemus e contrario, si haec persona non mihi promittant, sed illis promittant aliquid ex re mea an teneor? nullo modo. Et in causa hoc est, ne quod ab alio stipulanti mihi acquirerem ex re mea, eius nomine aduersus me habeant actionem vel ipsi vel domini eorum, *l. sed & si qui 25. §. Iulianus, de usufr.* aut si eius nomine in me, qui quid eis promisi, ex re mea habeant actionem, acquirant igitur mihi actionem in me ex re mea, quod rerum natura non patitur. Non potest fieri, ut mihi in me sit obligatio, nec officio iudicis, nec praetoris imperio, vel legis potestate: quia natura non patitur, ut idem sit actor & reus ex eadem causa, id est, ut quis in se ipsum agat, & ita commodissime poteris uti isto exemplo ad *d. l. 27. Igitur hoc latere, ut loquitur, & in l. 49. §. ult. de fideiuss. eod. lib. hoc latere, en cet esgard, inter has personas nihil interest, id est, si quid eis promittam ex re mea, quoniam nulli eorum teneor, contrario latere, videlicet, si quid mihi promittant ex re mea, differentia intercedit, differunt inter se: nam liber homo mihi obligatur, ceterorum domini mihi non obligantur de peculio, & cum seruis etiam nulla consistit obligatio. Vnum est tantum, quod huic postremae sententiae obstat, & sane vehementer prima specie, atque adeo, ut videantur non bene hanc difficultatem alij data opera dissimulasse. Obstat*

**A** vehementer *l. si creditor §. ult. de pecul. ex qua efficio, si quid mihi debeat seruus fructuarius ex re mea, si quid mihi promittat ex re mea, dominum eius teneri de peculio, quod valde pugnat cum hac lege. Sed latius exponam quod est in d. §. ult. si mutuam pecuniam dedi seruo fructuario, & forte, ut sit, stipulatus sum, eam reddi mihi, nihil refert. Nam debet utique mihi ex mutuo eam pecuniam. Verum ut appareat magis, quam pugnet ille §. ita dicimus: si mutuam pecuniam, ut dixi, &c. & stipulatus sum mihi reddi, dominus mihi tenetur de peculio computato eo quod de peculio apud me est. Idem etiam erit, si seruo fructuario operas ipsius locaui certa mercede, & forte stipulatus sum mercedem mihi praestari, & promiserit ipse mihi, ex re mea agitur. Nam operae sunt quasi ex re mea, *l. qui bona fide, de acqu. rer. dom.* Et primo casu, cum mutuam pecuniam ei dedi, pecunia fuit mea. In omnibus his casibus dominum mihi teneri de peculio. Idemque est, si meam rem tibi locaui, & promiserit se mercedem mihi daturum, dominus eius mihi tenetur de peculio. Brevis distinctio rem explicabit. Ita distinguendum est: Aut seruus fructuarius accepit mutuam pecuniam nomine domini, & eam ei acquisiuit, vel etiam conduxit suas operas, vel rem meam nomine domini, ut sc. emolumentum perueniret ad dominum: & hoc casu dominus mihi tenetur de peculio. Aut (quod est alterum membrum distinctionis) non nomine domini mecum contraxit, mihique promisit, & hoc casu dominus mihi non tenetur de peculio, cuius ratio in contrahendo habita non est. Et ut confirmetur haec distinctio, quae rem omnem componit, adnotanda tantum est *d. l. sed & si quis §. item Iulianus*, quae eam distinctionem explicat. Cum proposuisset, nihil agere seruum fructuarium promittentem fructuario, illud excipit, nisi rem egerit nomine domini, nomine proprietarii.*

## Ad §. decem. pen.

*Decem hodie dari spondes: dixi posse vel eo die pecuniam peti, nec videri praematurus agi non finito stipulationis die, quod in aliis temporibus iuris est: nam peti non debet, quod intra tempus comprehensum solui potest. In proposito enim diem non differenda actionis insertum videri, sed quo praesens ostendatur esse responsum.*

**S**equitur, ut interpretemur, quae sunt reliqua in *l. liber homo, ac praeterea principium l. 9. de duob. reis const.* In §. pen. *l. liber homo*, agitur de stipulatione huiusmodi, *decem hodie dari, vel decem praesenti die dari: & praematurus agi*, id est, plus peti, in §. plus, *Inst. de act.* qui praemature petit, plus petere videtur. Quod autem ait in hoc §. eo pertinet, ut intelligatur, quantum ad vim & effectum stipulationis attinet, superuacuum esse adiectionem diei, superuacuum esse adiectionem illam, *hodie*, quia effectum ea stipulatio habebit purae stipulationis, cui nulla dies inserta est, non stipulationis in diem. Quod & de pecunia legata die praesenti, ut sc. eo ipso die praestaretur, quo heres adisset, est proditum in *l. talis scriptura, de leg. 1.* Purae autem stipulationis effectus hic est, ut statim agi possit, sine ullo laxamento temporis, praeterquam eius, quod sufficit ad solutionem, vel traditionem faciendam, §. ult. *Inst. de iur. stipul.* Quod admodum breue est tempus, si pecunia sit promissa, vel si res promissa sit in praesentia, non si ex longinquo petenda sit. Idemque de puro legato dici potest, ut sc. heres statim atque adierit soluat, dato tamen aliquo spatio, quantum sufficiat ad solutionem faciendam. Nec enim, ut eleganter ait lex *quod dicimus, de solut. l. 1. §. item si ita legatum, D. ad leg. Falcid. cum sacco adire hereditatem cogitur heres, non cogitur adire hereditatem cum folle, auec la bourse en la main.* Igitur datur spatium ad solutionem faciendam, quod permodicum est tamen, nec explet diem integrum. Et alia est ratio constituti pure, id



est, non adiecta die. Nam omni constituto tempus tacite inest, & tempus non minus, quam decem dierum, *l. promissor, §. 1. de constit. pec.* Constituire enim latine, est constituere ad diem aliquem: constituo me soluturum: etiam si diem non adicio, sane constituo semper ad diem. non venio ad constitutum, id est, constitutum diem. cum ita constituiisti, id est, constituiisti certo die. stipulationi etiam aliquando tacite tempus inest, *l. interdum, hoc tit.* sed non omni stipulationi. Ex pura igitur stipulatione, cui dies non inest, debetur presenti die, *l. eum qui, §. ult. hoc tit.* Quod ita intelligendum, ut statim peti possit, nec plus peti videatur, si petatur non finito die. Stipulationis autem in diem effectus hic est, ut plus petat, qui petit, antequam is dies, in quem stipulatio collata est, præterierit, quia totus dies tribuitur arbitrio soluentis, *§. omnis, Instit. de verb. obl.* quandoquidem inferitur differendæ tantum actionis causa, obligatio est præsens, *l. cedere, de verbor. sig.* At cum hæc stipulatio hodie dari, vel presenti die dari, puræ comparatur, non in diem, quasi die incerto, non differendæ actionis causa, sed ut ostenderetur præsens esse responsum; ideo recte concludit Papinianus hoc loco, ex ea stipulatione statim agi posse, etiam si dies non præterierit: totum diem non relinquere arbitrio promissoris: denique superuacuum esse adiunctionem illam, *hoc die, vel presenti die*, quantum pertinet ad vim & effectum stipulationis. Adnotandum est, quantum ad alia pertinet, non semper esse superuacuum eam adiectionem, maxime legato presenti die: namque ea adiectio legatario proficit in hoc, ut vulgari clausula, prorogandorum legatorum tale legatum non contineatur, ut præstetur presenti die sicut relictum est, non annua, bima, trima die, ex vulgari clausula. Quod cum eodem libro Papinianus scripserit in *l. 74. de leg. 2.* ita videtur ea lex commodissime coniungi debere cum hoc *§. pen.* sicut memini me dicere in explic. *d. l. 74.* Et hac quidem de re hætenus.

#### Ad §. ultimum.

*Decem mihi aut Titio, utrum ego velim, dare spondes: ex eo quod mihi dandum est, certi stipulatio est, ex eo quod illi solvendum, incerti. Finge mea interesse, Titio potius quam mihi, solui: quoniam pœnam promiseram, si Titio solutum non fuisset.*

Sequitur in *§. ult.* de stipulatione huiusmodi, *decem mihi aut Titio, utrum ego velim, dare spondes?* si stipuler mihi & Titio dari, pro parte Titij inutilis stipulatio est, cum alij facta stipulatio non valeat, pro parte mea utilis est, *l. ult. in fi. hoc tit. §. quod si quis, Instit. de inutil. stip.* Sed si stipuler mihi, aut Titio dari, ut in proposito casu, in totum utilis est stipulatio, propterea quod non hoc agitur, ut obligatio Titio acquiratur, quæ non posset etiam Titio acquiri per me, sed ut mihi soli acquiratur obligatio, solvatur autem vel mihi, vel Titio, quasi procuratori meo. ego sum reus stipulandi, Titius est procurator adiectus solutionis accipiendæque pecuniæ promissæ gratia. Coniunctio facit nos pares, me & Titium, si dixerò, *mihi & Titio dari*: disiunctio facit nos dispares, si dixerò, *mihi aut Titio dari*: nam in persona quidem mea consistit obligatio, in persona Titij solutio, non obligatio. hoc sermone *mihi aut Titio dari*, Titius solutioni applicatur, quod fit utiliter. Illo sermone, *mihi & Titio dari*, Titius obligationi applicatur, quod fit inutiliter. Stipulatio igitur, quam proposuimus ita conceptam, *decem mihi aut Titio, utri ego velim dari*, ex mixtura quadam constat, datione, scilicet, & facto. & verbum, *dari*, bifariam accipitur: *mihi dari*, id est, me dominum fieri. *Titio dari*, id est, tradi, quasi procuratori meo: solvere creditori, est dare, solvere procuratori vel tutori, vel curatori creditoris, est facere, *l. consilio §. ult. de cur. furios.* Igitur ex ea stipulatione si intendam mihi dari oportere, eam pecuniam,

quæ in stipulationem venit, certi conditio est: si intendam Titio dari oportere, puta quod mea intersit potius, quam mihi: finge, me ei pœnam promississe, ni ei solvatur ea pecunia, quia omnis stipulatio, quæ in faciendo consistit, vel quatenus in faciendo consistit est incerti, hoc casu est actio incerti ex stipulatu: omnis enim stipulatio in facto consistens, est incerti, *l. ubi autem, §. quique, hoc tit. l. 4. de usur.* In hoc autem proficit, me adiecisse in hac stipulatione, *utri ego velim*, ut ne Titio solvatur me invito, si mihi solui malim: alioquin ommissa hac clausula, electio esset promissoris, & invito me solveret Titio, *l. vero §. pen. l. aliud, de solut.* & ut inito sermone ad *l. 9. de duobus reis* veniamus.

#### Ad leg. eandem rem 9. de duobus reis.

*Eandem rem apud duos pariter deposui, utriusque fidem in solidum secutus: vel eandem rem duobus similiter commodavi: sunt duo rei promittendi, quia non tantum verbis stipulationis, sed & ceteris contractibus veluti emptione, venditione, locatione, conductione, deposito, testamento, ut puta, si pluribus heredibus institutis testator dixit: Titius & Manius Sempronio decem dato.*

Quemadmodum multum interest, stipuler mihi & Titio dari, an, *mihi aut Titio dari*, ita pluribus heredibus institutis multum interest testamento scripsero, *Titius & Manius Sempronio decem dato*, an, *Titius aut Manius Sempronio decem dato*: nam ex priori oratione, *Titius & Manius Sempronio decem dato*, singuli debent partes viriles, nec sunt duo rei debendi, in *l. si heredes nominatim, de leg. 1.* ex posteriori oratione, *Titius aut Manius Sempronio decem dato*, sunt duo rei debendi in solidum: nam singuli tantum debent partes viriles. hæc est definitio huius *§.* Duo rei debendi sunt, qui parem obligationem in solidum susceperunt singuli, quorum uno electo alter liberatur: nam hoc addi necesse est ex *l. decem 116. de verb. obl. & l. 2. de duobus reis.* Et hoc, quod dico, duos reos debendi constitui, si ita dixerim, *ille aut ille meus heres dato*, probavit aperte in *l. 8. §. 1. de legat. 1.* *l. ille aut ille, de leg. 3.* id est certissimum. Nec est præterendum, quod alias affirmavimus, esse mendosam hanc *l. 9.* in illo loco, dum duos reos debendi testamento constitui ait hoc modo: *Titius & Manius Sempronio decem dato*: nec enim esse possunt duo rei, cum singuli non debeant solidum. legendum est igitur, *dato*, non, *danto*, ut etiam est Florentiæ. Ex quo etiam sequitur, & ante esse legendum disiunctim, *Titius aut Manius, Sempronio decem dato*, quo genere verissimum est, duos reos testamento debendi constitui. Et non hoc solum proponit Papinianus initio huius *l. 9.* sed etiam, duos reos debendi constitui non tantum stipulatione, si interrogati Titius & Manius spondetis? respondeant spondeo, vel spondemus, *l. 4. hoc tit.* sed & alio quolibet contractu, aut quasi contractu duos reos debendi constitui posse: constitui deposito, ut si apud duos rem deposui pariter utriusque fidem in solidum secutus, ut utriusque fidem mihi in solidum obligarem. constitui etiam commodato, si eandem rem duobus similiter commodaverim, ut singuli mihi eo nomine tenerentur in solidum. constitui (qui tertius modus est) emptione & venditione, si duobus pariter eandem rem vendidi, vel locatione & conductione, si locavi. Et addamus etiam, constitui duos reos nominibus factis, obligatione nominis; quæ dicebatur contrahi apud argentarios, *l. idem, l. si unus, in pr. de pass.* Et ultimo loco hoc Papin. subiicit, constitui testamento duos reos, sed non hoc eodem modo, *Titius & Manius Sempronio decem dato*. verum isto, ut legendum est, *Titius aut Manius Sempronio decem dato*. Sicut etiam in *l. 16. de leg. 2.* ostenditur eodem modo in testamento constitui duos reos credendi, id est, duos legatarios



creditores ex legati causa, Titio aut Manio decem utri heredes veler, sunt duo rei credendi, & vno dimisso ab herede, dimittitur alter. Quod si dixerit aut dicere voluerit: nam aliquando disiuncta pro coniunctis accipiuntur in testamentis atque etiam in legibus, si, inquam, dixerit, Titio aut Manio decem dato, per damnationem, non sunt duo rei credendi, sed singulis debentur dena, & vno dimisso non dimittitur alter.

Ad §. i. sed si quis.

Sed si quis in deponendo penes duos paciscatur, ut ab altero culpa quoque praestaretur: verius est non esse duos reos, à quibus impar suscepta est obligatio. Non idem probandum est, cum duo quoque culpam promississent, si alteri postea pacto culpa remissa sit: quia posterior conuentio, qua in alterius persona intercessit, statum & naturam obligationis, qua duos initio reos fecit, mutare non potest. quare si socij sint & communis culpa intercessit, etiam alteri pactum cum altero factum proderit.

2. § Cum duos reos promittendi facerem: ex diuersis locis Capua pecuniam dari stipulatus sum, ex persona cuiusque rationis proprii temporis habebitur: nam et si maxime parem causam suscipiunt, nihilominus in cuiusque persona propria singulorum consistit obligatio.

Papinianus in l. 9. de duob. reis, cum initio dixisset, duos reos debendi fieri non tantum stipulatione, sed deposito, & cæteris contractibus, atque etiam testamento, subiicit in §. sed si quis, hoc ita demum deposito duos reos fieri, duos debitores, ut loquitur l. Senatus §. pen. de mort. caus. donat. si duo depositarij aut plures parem obligationem susceperint, quod etiam verbo, pariter, significauit, iam initio huius legis, non etiam si imparem obligationem susceperint. Finge in deponendo apud duos conuenisse, ut ab altero quoque culpa praestaretur: dolum duntaxat venit in depositum, non culpa, nisi aliud conueniret: conuentio enim legem contractibus dat, l. contractus, de reg. iur. & l. 1. §. si conuenit, depos. Si igitur ab initio conueniret, ut vnus depositarius culpam etiam praestaret, nihil autem conueniret cum altero depositario ea de re, non sunt duo rei debendi, quia non parem obligationem susceperunt singuli in solidum: duo rei debendi, sunt qui parem obligationem susceperunt singuli in solidum, & quorum vno electo liberatur alter. Par autem est obligatio, si nec plus, nec minus re vel causa debeat vnus, quam alter: & plus vel minus dicitur quatuor modis, re siue summa, & tempore, & loco, & causa siue qualitate, & æstimatione. Si re aut summa dispar sit obligatio, ut si vnus promittat quinque, alter decem, vnus partem rei, alter totum, vnus dolum & culpam, alter dolum tantum; non sunt duo rei. quod ex effectu verum esse demonstrabo: quia sc. vnus solutio non liberat alterum, si conueniatur vnus ex culpa, qui se culpa quoque obstrinxit, non ideo minus tenetur alter ex dolo, & è contrario. Et hoc est quod ait in pr. §. sed si quis. Si dispar sit obligatio in causa, ut si vnus promittat decem, alter Stichum aut decem, quem maluerit, vel si vnus promittat eiusdem speciei rem meliorem, alter deteriorem, non sunt duo rei eadem ratione, quia & hic vnus solutio non liberat alterum, si vnus praestiterit Stichum, non ideo minus tenetur alter in decem: si vnus praestiterit eiusdem speciei rem deteriorem, non ideo tenetur alter in meliorem. Et eius rei arg. est lex si id quod, hoc tit. Et hoc quidem si dispar sit obligatio in re vel summa, vel si dispar sit in causa, vel qualitate: hæc disparitas impedit constitutionem duorum reorum; sed si in tempore tantum sit dispar, ut si vnus promittat praesenti die, alter annua die, vel menstrua vel incerta die, nihilominus sunt duo rei, & vnus solutio liberat alterum, l. 7.

A hoc tit. Idemque etiam quaeritur in §. ult. huius l. Si stipulationi tacite insint diuersa tempora, ut si vnus ex Massilia, alter ex Lutetia promittat, sed daturum Romæ decem. In singulis enim habetur ratio taciti proprii temporis, ut hoc eodem lib. idem Papin. loquitur in l. 49. §. ult. de fideiuss. temporis sc. quo vel hic Lutetia, vel ille Massilia Romam peruenire potest. Atque ita dispar est obligatio in tempore. Citius enim Massilia quam Lutetia peruenitur Romam, & tamen duo sunt rei debendi, & vnus solutio liberat alterum. Hoc non satis attendit Accurs. in §. ult. dum non videt, qua ratione fieri potuit, ut vno, eodemque tempore eidem alius Lutetiae, alius Massiliae promittat, & existimat duos reos non fieri, nisi vno eodemque tempore promittant, quod est falsissimum. fiunt enim etiam separatim, l. 3. b. tit. id est, diuersis temporibus & locis. Nec quicquam moueor lege 6. §. ultim. hoc tit. quæ non hoc vult, quod existimant vulgo, modicum tantum interuallum interuenire posse inter vnus & alterius rei constitutionem, sed modicum tantum interuallum interuenire posse inter interrogationem & responsum huius vel illius, vel inter interrogationem hanc spondetis? cum ambo eodem loco conuenerunt, & responsum vtriusque: quandoquidem nihil agitur nisi interroganti mox respondeatur priusquam ad alia negotia fiat digressio, l. 1. §. qui praesens, de verb. obl. l. si ex duob. hoc tit. Et ita est accipienda omnino d. l. 6. §. ult. nam nihil refert me hodie de te stipulari eandem rem, & post mensem de altero, alio etiam loco, eo animo, ut vterque mihi sit obligatus in solidum, ut sint duo rei. Et hoc est quod ait in §. ult. b. l. Et addendum in fine, ex d. l. 49. de fideiussor. quod ad rationem temporis attinet, in cuiusque propria persona singulorum consistit obligatio: Sed tamen par causa suscipitur. Ergo nihilominus sunt duo rei. Dixi plus aut minus dici quatuor modis, re vel summa, tempore, loco, & causa, siue qualitate, & quid iuris sit exposui si dispar sit obligatio in re vel summa, vel si dispar sit in causa vel qualitate, vel si dispar sit in tempore. Nunc videamus quid sit dicendum, si dispar sit in loco; ut si vnus promittat se Romæ daturum, alter se Lutetiae daturum. Et facile est respondere, videlicet, non ideo minus esse duos reos debendi: ut disparitas temporis non impedit constitutionem duorum reorum: ita nec disparitas loci: loci adiectio est quasi temporis adiectio, l. 6. §. ult. ad Treb. Ergo initio parem obligationem ita definiui, si nec plus, nec minus re vel causa debeat vnus quam alter, etiam si non sit par tempore, vel loco. Quibus explicitis videamus quid praeterea sit in §. sed si quis. Si cum vno ex depositariis ab initio paciscar, ut non tantum dolum, sed & culpam praestet, non cum altero: non sunt duo rei, quia non parem causam suscipiunt, sed si vterque ab initio mihi culpam promiserit. Promittendi verbum est commune pactionis, & stipulationis, & pollicitationis, & commune omnium conuentionum, ut initio huius l. dum ait, duos reos promittendi fieri omnibus contractibus. Si inquam, vterque mihi ab initio culpam promiserit, & alteri postea pacto culpa remissa sit, id est, conueniret postea, ne alter culpam praestaret, nihilominus sunt duo rei, quia posterior pactio, quæ ex interuallo cum vno facta est, naturam & statum prioris obligationis, quæ contracta est cum vtroque mutare non potest. Hoc est, ut dicitur, pactio nuda obligationem tollere seu mutare non potest, l. si vnus §. pactus, de pact. Et ut ipsa verba Papiniani elegantissime exprimam, quid, inquit, posterior conuentio, &c. Breuiter hoc est: pactum nudum non potest mutare obligationem, quæ est certissima regula iuris nostri: igitur si conueniret postea cum vno ex depositariis, ut culpam non praestaret, non cum altero, nihilominus manent duo rei debendi, ut facti sunt ab initio, & singuli conueniri possunt in solidum, prout elegerit stipulator: sed ex posteriore pacto exceptio pacti vel doli competit ei, cui culpa remissa est, & quidem



& quidem soli, si focii non sint, *l. qui in hominem §. ult. de solut. l. 3. §. nunc de effectu, deliber. leg.* Nam si focii sint, pactio facta cum vno; id est, remissio culpæ facta vni, proderit etiam alteri si communis culpa intercesserit, alioqui nec paciscenti proderit, quandoquidem quod is præstiterit culpæ nomine, qui pactus non est, id socio, qui pactus est, reputabit actione pro socio, *l. idem est, de pact. l. 1. C. de duob. reis.* Denique paciscentis interest, cui culpa remissa est, nec à se, nec à socio culpæ rationem ullam exigi: nam si exigatur à socio, & à se *τῇ δυνάμει*, id est, vi ipsa exigetur contra posteriorem pactiōnem. Igitur si focii non sint, pactio paciscenti tantum prodest si focii sint utrique prodest, ut eadem distinctio interuenit in specie *l. seq.* Si duo rei debendi non sint focii, non in rem communem pecuniam mutuā acceperint, & vnus conueniatur, non potest compensare, quod actor debet alteri, nisi vice mutua fideiussent: fideiussor enim recte compensat, non tantum quod sibi debet actor, sed etiam quod debet reo, *l. 4. & 5. de compensat.* Si focii sint, is qui conuenitur potest etiam compensare quod actor socio debet suo. Ad hæc forsitan quæret aliquis, an pactum vnus ex reis debendi noceat alteri? An prolit diximus, an noceat quæret aliquis, & in hac quæstione, an etiam sit adhibenda eadem distinctio focii sint vel non. Finge: res deposita est penes duo s, nec quicquam est conuentum de culpa præstanda ab hoc vel illo. postea stipulator cum vno paciscitur ex intervallo, ut is sibi culpam præstet, non cum altero. an hæc pactio nocet alteri? At alter culpam utique præstabit, maxime si focii fuerint? Respondeo nihil attinuisse quæri, quia ea pactio neutri nocet, quandoquidem ex pacto nudo non nascitur actio: ex eo igitur pacto nudo nemo obligatur culpæ nomine. in duobus reis stipulandi hoc quidem aperte quæritur, an vnus pactio, veluti si vnus pactus sit de non petenda pecunia, noceat alteri. Et est proditum non nocere, *l. si vnus ex arg. in princ. de pact.* In duobus reis promittendi hoc quæritur inepte. Igitur quod ait *l. pen. hoc tit.* ex duobus reis eiusdem Stichi promittendi factis, alterius factum alteri quoque nocere, non potest intelligi de pacto: aliud est factum, aliud pactum. sed nec potest intelligi de quocunque facto. Alia sunt facta, quæ rei vniuersæ cohærent, quæ personæ tantum cohærent; mora personæ cohæret, mora sit in persona tantum. Et ideo mora vnus ex reis promittendi non nocet alteri, *l. mora §. pen. de usur. l. in condemnat. §. pen. de regul. iur.* Et is, qui moram non facit, liberatur re promissa naturaliter extincta, etiam si conreus fecerit, & solus conreus obligatus manet. At si hominem promissum vnus ex reis occiderit, quod factum interpretes etiam moram appellant male, separatur enim mora à facto huiusmodi, à delicto huiusmodi, *l. si seruum, §. sequitur, de verbor. obl. d. l. mora §. ult. de usur.* Si, inquam, vnus ex reis hominem promissum occiderit, non liberatur alter, qui non occidit, factum vnus nocet alteri ut ait, *l. pen.* nec enim alter liberatur, quia hæc culpa in rem est, & perpetuat obligationem totam, rem vniuersam apprehendit siue obligationem totam. Idemque erit, si vnus ex reis debendi debitum agnouerit, qua re interruptitur præscriptio actionis, hoc etiam factum nocet alteri, quia interruptio est generalis, interruptitur præscriptio actionis in vniuersum. Vnus est contractus, ut ait in hanc rem *l. ult. C. de duob. reis*, vna obligatio, *l. 3. circa fin. hoc tit.* Et vna interruptio, quæ nocet utique, & interruptit præscriptionem, atque ita his exemplis uti debes ad explic. *l. pen.* dum indistincte ait, factum vnus ex reis nocere alteri: nec enim id quoque est intelligendum de pacto: non potest etiam intelligi de mora, nec de quocunque facto.

Ad l. si seruus 18. de stipul. seru.

Si seruus communis Mæuij & castrensis peculij, defuncto Quæst. Papin.

A filiofamil. milite, antequam adeat institutus hereditatem, stipulatur socio, qui solus interim dominus inuenitur, tota stipulatio quæretur: quoniam partem non facit hereditas eius, quæ nondum est. Non enim si quis heredem existere filiofamil. dixerit, statim & hereditatem eius iam esse, consequens erit, cum beneficium principalium constitutionum, in eo locum habet, ut filiusfamil. de peculio testari possit. quod privilegium cessat, prius quam testamentum aditione fuerit consummatum.

Ad leg. 14. de cast. pecul.

B Filiusfamil. miles si captus apud hostes vita fungatur, lex Cornelia subueniet scriptis heredibus, quibus cessantibus, iure pristino peculium pater habebit. Proxima species videtur, ut scriptis heredibus deliberantibus, quod seruus interrim stipulatus est, vel ab alio sibi traditum accepit, quod quidem ad patris personam attinet, si forte peculium apud eum resederit, nullius momenti videatur, cum in illo tempore non fuerit seruus patris. quod autem ad scriptos heredem, in suspensio fuisse traditio, itemque stipulatio intelligatur. ut enim hereditarius fuisse credatur, post aditam sit hereditatem. Sed paterna vtercundia nos monet, quatenus & in illa specie, ubi iure pristino apud patrem peculium remanet, etiam adquisitio stipulationis, vel rei tradita per seruum fiat. Legatum quod ei seruo relictum est, quamuis tunc propter incertum nulli sit acquisitum, omisso testamento, patri tunc primo per seruum adquiratur: cum si fuisset exemplo hereditatis peculio acquisitum, ius patris hodie non consideraretur.

C Explicanda nunc nobis occurrit quæstio *l. 18. de stip. seru. coniuncta l. 14. de cast. pecul.* quæ est eadem de re, quæstio sane subtilissima & difficillima, & controuersia etiam inter ipsos iuris auctores. Seruus quidam erat communis Mæuij & filiofamil. militis, qui in eo seruo partem quæsierat per occasionem militiæ, atque ita eum habebat in castrensi peculio. Denique seruus erat communis Mæuij & castrensis peculii filiofamil. eo iure, quod in castrensi peculio filiofamil. militi, atque etiam veterano concedunt constitutiones principum, testamentum fecit de castrensi peculio viuo patre, & Sempronium sibi heredem instituit, quo deliberante de adeunda vel repudianda hereditate, interim is seruus aliquid stipulatus est ab extraneo. Quæritur vtrum stipulatio soli Mæuij acquiratur in solidum, an Mæuij pro parte, & hereditati filiofamil. pro altera parte, quasi dominæ: vulgo dicitur hereditatem iacentem fungi vice dominæ, *l. non minus §. ult. de hered. inst. l. cum hereditas, C. de pos. nulla* vox frequentius occurrit in his libris, & ob id seruus hereditarius recte stipulatur hereditati quasi dominæ, *l. 35. hoc tit.* vel si stipuletur sibi aut impersonaliter, stipulatio interim acquiritur hereditati, & per hoc etiam heredi postea facto, ut est in *Inst. scriptum, eod. tit.* Verum ad hæc sciendum est, filiumfamil. in castrensi peculio, quasi patrem famil. esse, *l. 2. ad Maced.* sed non omnino quasi patremfamil. esse, ut ait *l. ult. ad Tertull.* Et confirmatur *l. 1. 2. 9. & l. pen. §. pater, de castren. pec. l. 1. §. si is, qui bona, de collat. bon. l. filiusfamil. ad leg. Falcid.* Nam si filiusfamil. moriatur intestatus, in castrensi peculio heredem non habet, nisi hodie ex No. uel. 118. liberos suos, sed veluti quodam postliminio bona castrensia iure peculii remanent apud patrem, perinde ac si retro peculium fuisset acquisitum patri, nec vllum ius in eo habuisset filiusfamil. id enim ius, quod ei in eo dederunt constitutiones principum, privilegiū est personale, privilegium militiæ, quo si non utatur filiusfamil. ut si testamentum non faciat de castrensi peculio, pater peculium quasi rem suam suo iure occupat. non habet igitur filiusfamil. heredem castrensis peculii, nisi testamento heredem sibi instituerit. Hoc non est satis. Addendum, ut is heres institutus hereditatem adierit: Nam si non



adierit hereditatem, nec retro filiisfam. hereditas fuisse intelligitur. Testamentum filiisfam. militis, ut ait eleganter Papinian. hoc loco, aditione confirmatur, quod ut mox dicam, non potes etiam dicere de testamento patrisfam. Testamentum igitur filiisfam. militis aditione confirmatur, id est, hereditas eius fit aditione, *d. l. filiisfam. ad leg. Falcid.* nec enim ante aditionem videtur eius hereditas fuisse, & patrisfam. testamentum morte confirmatur, ut & D. Paulus ait in epist. ad Hebræos, & statim à morte defuncti hereditas esse intelligitur, antequam adita sit: ergo filiisfam. qui testamentum fecit de castrensi peculio heres est, qui scriptus est, & adire potest, *heres existit*, ut loquitur Papinian. hoc loco. Quod notandum. Nam heredem *existere* alias est ipso iure hereditatem acquirere, etiam ignorantem & inuitum, alias est miscere se bonis: hoc loco est heredem institutum esse, ut adire possit. Vnde sic dico, filiisfam. qui testamentum fecit de castrensi peculio, heres est, qui scriptus est, & adire potest, sed non est hereditas antequam adierit heres, non est hereditas, antequam adita sit. Neque hoc valet argumentum à coniugatis, *si heres est, & hereditas igitur*, quod etiam genus argumentationis Quintilianus non magnopere probat: valet tamen argumentum concludendo negative hoc modo: *si hereditas non est, nec servus igitur hereditarius est*: Nam servus hereditarius ab hereditate, non ab herede, dicitur hereditarius; & ob id semper *servus hereditarius* dicitur: tamen iacente hereditate & vacante, nec dum adita, quoties hereditas dici potest, ante aditionem veluti de bonis patrisfam. Ex quo efficitur, quod ante aditam hereditatem filiisfam. stipulatur servus communis, Mæui & castrensis peculii, id hereditati acquiri non posse, quæ nondum est, quia non est hereditas filiisfam. ante aditionem. ei igitur acquiri in solidum, quia solius est, cui acquiri potest, & nemo ei partem facit, nemo concurret, ut servus solus Mæui est interim, nec potest dici hereditarius, quia nondum est hereditas. sed quæso legamus integra verba Papin. *Si servus*. Verum addendum est ex eodem Papin. libro, ex l. 4. *de castrensi pecul.* ante aditionem nihil videri acquisitum hereditati, ex stipulatione servi castrensis, qui nondum est, sed post aditionem retro intelligitur servus hereditarius, & hereditas fuisse à morte filiisfam. quia aditio retrorahitur semper in iure, *l. heres quandoque, de acquir. hered. l. si ex re §. ult. h. t.* Et consequenter, pars stipulationis ad heredem, qui adiit, pertinet, pars ad Mæuium. quod si non sit adita hereditas, si omissa sit ab herede scripto; patri, apud quem peculium residet, sane stipulatio non acquiritur, sed omne eius emolumentum in solidum pertinet ad Mæuium: legatum autem, puta, si interim servo sit relictum, omisso testamento patri acquiritur, saltem eo tempore, quo omisso testamento servus sit patris, atque ita est hac in re differentia inter stipulationem & legatum. Et ratio differentie hæc est, quia ex stipulationibus tempus contractus spectatur. Eo autem tempore non fuit servus patris, ergo per eum nihil acquiritur patri, nec si postea fiat patris, quia non quod postea successit, tempus spectatur in stipulationibus, sed tempus contractus tantum, in legatis non spectatur tempus, quo legatum relinquitur, *l. si filiisfam. de verbor. oblig. l. ususfruct. h. tit.* Quæ differentia inter stipulationes & legata manat latissime, & ferit alias innumeras.

Sed quæso transamus modo ad eam l. 14. ex qua hoc sumimus, ut eam totam interpretemur per partes, alioquin non possit probe intelligi. Initio d. l. 14. ponit, quod est certissimum, filiisfam. militem ante captivitatem fecisse testamentum de castrensi peculio iure concessum, & deinde eundem mortuum apud hostes. testamentum eius confirmatur lege Cornelia, quæ fingit non mortuum eum esse in captivitate, sed paulo ante captivitatem ciuem Romanum. fictio legis Corn. & hereditatem, & heredem facit, *d. l. filiisfam. ad leg. Falcid.* Eo igitur ibi mortuo heres eius, qui testamento scriptus est, si

cessauerit, id est, si non adierit, non erit hereditas filiisfam. sed erit peculium, quod iure pristino pertinebit ad patrem, iure scilicet eo, quod pater habuit in omnibus filiisfam. indistincte ante privilegia constitutum, iure primo, iure patriæ potestatis, iure patris, ut ait hoc loco. & in l. pen. §. pater, hoc tit. Quod & ius pristinum dicitur, & ius antiquum, quod fuit ante constitutiones in iisdem locis, in d. l. filiisfam. & hoc est quod ait in 1. parte l. 14. *filiisfam. ad leg. Falcid.*

Sequitur secunda pars. Finge: post mortem filiisfam. qui testamentum fecerat, ante aditam hereditatem servus castrensis aliquid stipulatus est ab extraneo, vel etiam aliquid per traditionem nactus est. Pap. ait in hac l. 14. hæc speciem esse proximam, id est, esse consequentem superiori, ut sc. inspicatur ex cuius persona vires habeat id, quod servus castrensis interim acquisivit ex stipulatione, vel ex traditione. Et Papin. distinguit inter patrem & heredem. quantum ad patrem attinet, nulla est stipulatio, nulla traditio, quia etiam si peculium apud patrem residerit repudiata hereditate testamentaria filii sui, nihil ei acquiritur ex stipulatione, vel traditione, quia eo tempore, quo intervenit stipulatio, vel traditio, servus neque fuit, neque intelligitur fuisse patris. quod ad heredem attinet, stipulatio & traditio in pendentem est, in suspensum, quia si heres adierit, servus ei retro intelligitur acquisivisse ex stipulatione, propterea quod aditio retro recurrit, si non adierit, nulla est acquisitio. Et ita quidem Papin. constituit hanc differentiam inter patrem & heredem, tractans de stipulatione, & traditione, nondum de legato his verbis, in secunda parte, *proxima species*. Ergo hac parte Pap. ponit differentiam inter patrem & heredem, quam exposui. Quod subiicitur in tertia parte est nota Vlpiani ad Pap. ut apparet ex l. in eo, de acq. rer. dom. Supprimitur nomen Vlp. nomen eius, qui notat Pap. ut lib. 3. l. filius qui patri §. cum filius, de bon. libert. l. pen. de iure cod. Et ita suppressio nomine Vlpiani, qui scripsit notas ad Papin. subiicitur in tertia parte: paternam verecundiam postulare, ut &, quod ad patris personam attinet, intelligatur stipulatio & traditio esse in suspensum, ante aditionem, ita ut si peculium remanserit apud patrem, servus retro intelligatur acquisivisse peculio, & per hoc patri iure patris postea nactus peculium: si adierit heres, acquirat heredi, excluso patre. Et hæc sunt verba notæ, *sed paterna, &c.* quæ tertia pars plane abrogat secundam. Ac præterea ut apparebit ex 4. & ult. parte, idem Pap. constituebat differentiam inter stipulationem & legatum, si repudiaretur hereditas filiisfam. militis, si omitteretur testamentum: Nam ex stipulatione dicebat nullo modo acquiri patri, sed notatus fuit ea in re. legatum tantum acquiri patri, quod ei servo interim esset relictum, & eo sc. tempore demum, quo repudiata esset hereditas, nec eis retro legatum patri acquisitum fuisse videri. Imo vero interim propter incertum nulli acquisitum fuisse legatum. Et dicebat hanc esse differentiam inter hereditatem & peculium, quod si adeatur hereditas, servus interim videatur legatum acquisivisse hereditati, quia aditio retrorahitur: si omittatur hereditas, & iure patris peculium resideat apud patrem, servus deliberante herede scripto legatum non videatur acquisivisse peculio: ius patris non retrorahi, quia medium tempus obstat, quod deliberante herede scripto imaginem hereditatis præbuit, ut eleganter ait l. pen. §. 1. h. t. Et ob id aditio quidem hereditatis retrorahitur, sed ius patris non retrorahitur, vel si retrorahatur, ut ait, *hodie*, id est, nunc primum omisum est testamentum, *non consideraretur*: atqui nunc primum consideratur. ergo non retrorahitur, ergo nunc primum per servum patri acquiritur legatum, nec retro ei censetur acquisitum esse. Et ita explicanda est ult. pars huius legis. Atqui hodie consideratur, ergo retro peculio non videtur acquisitum legatum, id est, licet retro videatur acquisitum hereditati; exemplum hereditatis non admittimus in peculio. Sed ad hanc ult. partem volo adici etiam superiorem notam Vlp. ut etiam legatum



videatur retro fuisse acquisitum peculio, & ius patrum retrahatur, d. l. in eo, de acq. rer. dom. Cui in hanc rem coniungenda est l. 9. h. r. quæ est ex eod. lib. Vlp. Et utraq; ostendit, non adita hereditate filiis. retro peculium castrense videri accessisse bonis paternis, & hanc etiam forte cuilibet licebit expedire quæstionem propositam in l. pen. §. pen. h. r. si dum deliberat heres scriptus testamento filiis, cesset dies legati relictus seruo castrensi in testamento eius, ex quo pater nihil capere potest, heres filij capere potest. Quæritur, an postea repudiante herede scripto, legatū pertineat ad patrem iure peculij, cum pater eius testamento sit incapax, quo legatum seruo relictum est? Sane legatum pertinebit ad heredem si adierit, quia heres fuit capax, atq; secundum Pap. sententiam si non adierit heres scriptus, legatū pertinebit ad patrem, quia ex Pap. sententia, tunc cum cessit dies legati, pater dominus serui fuisse non intelligitur; ita ut ex eius persona possit dici inutiliter cessisse diem legati: nam dominus est incapax & seruus quoq; vel si capax, & seruus quoque. Et id est quod dicitur, cum seruo esse testamenti factionem ex persona domini: nam si non est cum domino, nec cum seruo, l. debitor §. seruus, de leg. 2. l. non minus, de her. inst. Non possis igitur dicere, legatum inutiliter cessisse, quasi incapaci relictū, cum quo tempore cessit pater qui erat incapax, non fuerit dominus serui, ex sententia Pap. secundum aliorū sententiam, quæ obtinuit, addamus legati diem cessisse etiam seruo non habenti dominum, ac post acquiri nouo domino, puta patri omisso testamento filiis, etiam si ex eo testamento non potuerit capere, in quo legatum relictum est seruo castrensi; at si contra aliorum sententiam legatum non acquiratur patri, qui tempore cessionis legati pater intelligitur fuisse dominus serui, ergo incapacitas eius legatum inutile constituit. Est quod addam in illum locū: sed paterna verecundia, verecundia paterna, ut verecundia materna, l. 3. §. 1. de dō. verecundia patronalis, l. 20. eod. tit. non est verecundia, quæ in eis personis est; sed obseruantia quædam, quæ eis debetur & exhiberi debet ab omnibus, quoties de eorum iure disceptatur, quæ ratio efficit sæpe, ut quod iure non debetur patri vel matri, ei tamen concedatur, indulgeatur, accommodetur. iure nihil quicquam debetur patri apud quem peculium castrensis filij remansit, omisso testamento filij, ex stipulatione, quam seruus castrensis medio tempore contraxit, deliberante herede scripto in testamento filij, neq; ex eo, quod is seruus interim ab alio per traditionem accepit. legatū autē quod ei seruo interim relictum est, patri debetur ex eo tantum tempore, patrive acquiritur, quo omisso testamento filij, peculium apud eum iure pristino residere cœpit, & acquisitio peculij, siue ius patris non retrahitur. Ius ita est, sed paterna obseruantia, ut notatur ad Pap. in d. l. 14. facit, ut ex omnibus causis indistincte retro censeatur peculio is seruus acquisiuisse, quod acquisit medio tempore, deliberantibus scriptis heredibus testamento filiis. ac per hoc etiam patri postea nacto peculium. Atq; ita non existimandum est, temere omnino & perperam iudicare eos, qui plus deferunt patri vel matri, quam iuri, plus verecundia paternæ vel maternæ, quam rationi iuris. Erubescimus contra has personas pronuntiare, quoties de eorum iure agitur, etiam si contra eas pronuntiar ius velit. Quo colore, hodie nobis licet excusare & defendere Senatus decreta, & huius animaduersionis vos meminisse semper velim; sæpe occurrit Senatus decretum, quod nemo est, qui non arguat iniquitatis, quod licet defendere, obtentu paternæ aut maternæ obseruantia, cui postponitur ratio iuris. Non male nunc persequar reliquas quæstiones, quæ sunt in l. 18. de stipul. seru.

Ad §. si seruus l. 18. de stip. seru.

Si seruus Titij & Mauij partem, quæ Mauij est, sibi dari stipuletur, nulla stipulatio est: cum si Titio dari stipulatus fuisset, Titio acquireretur. Quod simpliciter concepta est stipulatio: veluti, partem eam, quæ Mauij est, dare spondes? non ad-  
Quæst. Papin.

A iecto mihi, prope est, ut quia sine vitio concepta est stipulatio, sequatur eius personam, cuius potest.

Quæritur in §. si seruus, an valeat stipulatio, si seruus communis Titij & Mauij, de Mauij partem, quæ Mauij est, sibi dari stipuletur? Et distinguit eleganter Pap. hoc modo: Aut stipulatur eam partem Titio dari alteri domino, & Titio acquiritur obligatio absque dubio: aut eam partem sibi dari stipulatur hoc modo: partem tuam Mauij mihi dare spondes? & vitium inest stipulationi propter verbum, mihi, quia non possum me mihi stipulari, ergo nullius momenti est stipulatio, l. 2. h. r. Seruus ipse sibi stipulari non potest, ipsa vltima syllaba huius vocis, ipse, absorbuit alterum, se, quæ sequebatur, namq; ita corrigenda est lex, seruus communis ipse se mihi stipulari non potest, alteri domino se stipulari potest. Et ita etiam verbum mihi, vitiat stipulationem in specie leg. si seruus meus, hoc tit. & l. 10. de oper. libert. Si seruus meus stipulatur à liberto meo operas sibi dari, quæ non possunt deberi nisi soli patrono, inutilis est stipulatio: quæ tamen esset utilis, si non dixisset mihi, si sibi stipulatus non fuisset. Itaq; quod dicitur in l. 1. & l. 15. hoc tit. nihil interesse seruus stipuletur sibi, an domino, an simpliciter, an impersonaliter, ita intelligi debet, si id quod stipulatur sibi, sibi dari possit: nam per eum domino acquiritur, perinde atque si domino stipulatus esset, non si seipsum sibi stipuletur ab vno ex dominis: Nam si operas sibi stipuletur à dominis, quia aliis casibus prorsus inutilis stipulatio est. vitium etiam inest in substitutione pupillari, propter verbum mihi, ita concepta, si filius meus intra pubertatem decesserit, tunc ille mihi heres esto, quia substitutione pupillari, nō mihi, sed filio impuberi heres institui potest: substitutio pupillaris est testamentum filij, non tamen meum, & ubi testamentum ibi hereditas, ut eleganter Ambrosius epistola 73. Si sub lege Dei sumus, & lex est testamentum vetus, ergo heredes sumus. nam ubi testamentum, ibi hereditas. Et tamen utilis est substitutio ea, licet adiecerit mihi, l. 1. l. coheredi §. vlt. de vulg. substit. l. si ita scriptum §. qui filio, de bonor. possess. secund. tabul. Cur ita? quia testamentorū vitia aut menda, non vitiant testatoris voluntatem, l. 1. de condit. instit. l. hereditas, de hered. instit. quia testantium voluntates latius accipiuntur. stipulationū vitia vitiant obligationem, quia stipulationes strictius accipiuntur, l. quicquid, de verb. oblig. l. stipulatus, de fideiusor. Restat adhuc tertium membrum distinctionis: Aut seruus ille communis Titij & Mauij partē Mauij dari stipulatus est simpliciter, l. 15. hoc tit. non adiecto verbo mihi, vel alio. Et tunc constat valere stipulationem, quia sine vitio concepta est. consequenter obligationem acquirit Titio alteri domino in solidum, quia is solus est, cui adquiri potest. Et ita in l. si seruus meus, hoc tit. detracto verbo mihi: Detracto illo vitio, si seruus meus stipuletur operas dari à liberto meo simpliciter, valet stipulatio, perit ac si nominatim mihi stipulatus fuisset, non sibi. Et ita proculdubio l. seruus, 10. de oper. libert. dum significatur, eos qui sunt in potestate patroni, rectè stipulari operas à liberto eius, in cuius sunt potestate, hoc debet intelligi, si modo rectè concepit stipulationem, puta si eas stipuletur patrono, vel impersonaliter: nam si sibi, nihil agunt. Et hoc est quod ait §. si seruus.

Ad §. seruus 2. eod.

Seruus capto domino ab hostibus, domino dari stipulatus est: quamuis, quæ simpliciter, vel ab alio accepit, etiam ad heredem captiui pertinent, aliudque sit iuris in personafilij, quia nec tunc fuit in potestate cum stipularetur, nec postea deprehenditur, ut seruus, in hereditatem: tamen in proposito potest queri, num ex hac stipulatione nihil acquisitum heredi videatur, quomodo si seruus hereditarius defuncto, aut etiam heredi futuro stipulatus fuisset. Sed in hac specie seruus filio exa-



quabitur: nam etsi filius captiuo patri suo stipulatus fuerit dari, res in pendentem erit, etsi pater apud hostes decesserit, nullius momenti videbitur fuisse stipulatio, quoniam alij, non sibi stipulatus est.

Sequitur alia quæstio in §. si seruus, non iam de seruo communi, sed de seruo vnus proprio, an valeat stipulatio vel traditio, si seruus captiuo alicui dari stipulatus fuerit, vel per traditionem acceperit, & dominus apud hostes decesserit. si reuersus fuerit postliminio, nullus est labor: quia retro creditur in ciuitate fuisse propter fictionem postliminij, & perinde omnia seruantur, atq; si nunquam venisset in potestatem hostium. Sed si moriatur apud hostes, quæstio est, quid fiat de his, quæ seruus tuius, vel filius interim acquisiuit. Et in hac quæstione vtemur varia, & multiplici distinctione, cuius prima pars hæc erit: Aut seruus captiuus simpliciter stipulatus est dari, vel simpliciter ab alio rem sibi traditam accepit, non dicens, cui stipularetur, nec cui acciperet. Et hoc casu heredem captiuum quem fictio legis Corneliæ heredem facit, ita vt retro credatur ei fuisse delata hereditas eo tempore, quo ille captus est, quia ille tunc decessisse videtur, cum captus est, l. 18. de cap. & postlim. quia vt ait l. insto, in fine, de usurp. & usuc. tempus captiuitatis ex die, quo captus est, morti postea secuta iungitur, concinnatur vnum tempus, confusio captiuitatis & mortis tempore: heredem, inquam, captiuus sequitur stipulatio simpliciter concepta à seruo, vel traditio facta seruo simpliciter, & impersonaliter, quia lege Corneliæ seruus hereditarius fuisse intelligitur. quod autem seruus hereditarius simpliciter stipulatur, id hereditati, & per hanc heredi postea facto acquiritur. Et hac in re notatur hoc, differentiationem esse magnam inter seruum, & filium: nam si quid filius captiuus stipuletur vel accipiat simpliciter, mortuo patre apud hostes, id videtur sibi acquisisse in solidum, non hereditati, non heredi patris, si ipse exheredatus sit, non coheredi pro parte, l. in bello §. si quis capiatur, de cap. & postlim. Et ratio differentiarum redditur inter filium & seruum cum in hoc loco, tum in d. §. si quis capiatur, euidenter, quia seruus stipulationis tempore fuit in bonis defuncti, & in bonis esse perseverat, heredemque defuncti sequitur, id est, in hereditate deprehenditur: filius ante non fuit in potestate stipulationis tempore, nec postea deprehenditur vt seruus in hereditate, quia sui iuris esse videtur, ex quo captus est pater, ac proinde sibi interim acquisiisse ex stipulatione traditioneue, itemque legato, non hereditate, vt ait d. §. si quis capiatur. qui hereditatem interim capere non potest, acquirere non potest, propterea quod modus status eius in pendentem est, & si redeat pater, videbitur semper fuisse filiusfam. si sibi moriatur, videbitur fuisse paterfam. statim ex quo captus est pater, l. bona §. quod si filius, eod. tit. §. si ab hostibus, Inst. quib. mod. ius pat. Qui dubitat de suo statu filiusfam. sit an paterfam. potest acquirere sibi delatam hereditatem adeundo vel pro herede gerendo, l. sed et si de sua, de acquir. hered. non etiam is cuius status est, cuius statum in suspensio esse certum est, atque compertum. Sed persequar alias partes distinctionis. Aut seruus captiuus stipulatur nominatim Titio domino suo, qui est apud hostes: Et hoc casu nihil valet stipulatio, nec pertinet ad heredem captiuum eo ibi mortuo, quia seruus hereditarius fuisse intelligitur, vt dominus ille fingitur mortuus stipulationis tempore: seruus autem hereditarius inutiliter stipulatur Titio domino suo mortuo iam, l. pen. de reb. cred. quia desinit esse dominus, & non domino facta stipulatio non valet: alteri facta stipulatio, qui neque est dominus, neque pater, id est, cuius iuri subiectus non est, non valet. Idemque etiam dicendum est, vt ostendit hoc loco Papin. in filio captiuo, si quid patri stipuletur, mortuo postea apud hostes, quia intelligitur stipulatus ei, cuius iuri subiectus non fuit, & extraneo facta stipulatio nullius momenti est. Ergo quod attinet ad priorem

partem distinctionis, est differentia inter seruum & filium. Quod ad secundum, nulla est differentia, sed exæquatur seruus filio, filius seruo. Sequitur tertia pars distinctionis. Aut seruus captiuus stipulatus est dari heredi futuro nominatim, vt extraneo cuiuslibet, hoc modo: Titio dari, qui postea heres extiterit capriuo: Et hoc casu videtur non valere stipulatio, quia heres non fuit dominus stipulationis tempore, l. 16. hoc tit. l. si seruus §. ult. de pact. Aut stipulatus est dari heredi futuro non nominatim hoc modo: heredi domini mei futuro dare spondes? Et hoc casu valet stipulatio & acquiritur heredi, qui postea adierit, quia retro intelligitur fuisse dominus serui, eique seruus stipulatus est, vt domino, non vt extraneo, l. si ex re §. ult. l. 35. hoc tit. Quia, vt diximus, semper aditio retrahitur, siue tempus aditionis tempori mortis testatoris iungitur, neciturque, & ex duobus temporibus conflatur vnum tempus. Idemque erit si seruus stipuletur hereditati, quia est vice domini. Idem erit si sibi stipuletur rem quæ sibi dari possit, d. l. pen. de reb. cred. Sed his vltimis casibus, quos adnotauimus, & in quibus idem esse constitui, præterquam si stipuletur nominatim heredi futuro, differentia est rursus inter seruum & filium: nam siue filius captiuus stipuletur heredi patris postea adituro, siue non nominatim, siue stipuletur hereditati, nihil agit: at si stipuletur sibi, sibi acquirit, non hereditati. Et hæc est finitio huius quæstionis.

#### Ad §. vltim.

Cum seruus fructuarius operas suas locasset, & eo nomine pecuniam in annos singulos dari stipulatus esset: finito fructu domino residui temporis acquiri stipulationem Iulianus scriptum reliquit. Quæ sententia mihi videtur firmissima ratione subnixæ: Nam si in annos forte quinque locatio facta sit, quoniam incertum est, fructus in quem diem duraturus sit, singulorum annorum initio cuiusque anni pecunia fructuario quæreretur. secundum quæ non transit ad alterum stipulatio, sed unicuique tantum acquiritur, quantum ratio eius permittit. Nam & cum seruus ita stipuletur; quantam pecuniam tibi intra illum diem dederò, tantam dari spondes? in pendentem est, quis ex stipulatione sit habiturus actionem: si enim ex re fructuarij, vel operis suis pecuniam dederò, fructuario. si vero aliunde, domino stipulatio quæreretur.

In princ. l. 18. de stip. seru. & in §. 1. actum est de seruo communi duorum vel plurius. In §. seruus, de seruo vnus proprio. Nunc in §. ult. in quo sane magno labore opus est, agitur de seruo fructuario, in quo sc. vnus vsus habet, alter proprietatem nudam, qui neque est proprius huius vel illius pleno iure, neque communis inter eos: nam communio est societas iuris eiusdem, non pro solido, sed pro partibus indiuisis, & inter proprietarium & fructuarium non est communio iuris eiusdem, sed neque inter duos fructuarios est communio, qui pro solido singuli vsus habent, non pro parte, l. 32. h. t. & vsus potest esse duorum in solidum, non dominiū, l. si is incerto §. ult. com. prad. non possessio ex Proculianorum sententia, quæ obtinuit. Communio igitur est communio iuris eiusdem non pro solido, sed pro partibus indiuisis. Seruus autem fructuarius fructuario acquirit ex duabus causis tantum; ex re fructuarij, ex peculio, quod habet à fructuario, & ex suis operis, vt si se locauerit, vel si fructuarius ipse eum locauerit, l. 2. de vsuf. leg. Quod obtinet etiam in seruo alieno aut libero homine bona fide possessore, imo & in seruo communi effectu ipso, l. si ex re §. 1. h. t. non in seruo vsuario: nam hic vsuario acquirit ex re vsuarij tantum, non ex suis operis, l. 14. in pr. de vsu & hab. nisi quatenus operis eius vtitur vsuarius, tabernæ forte præpositi, vel officinæ, vel cui alij rei ad eum pertinenti, l. 12. in p. l. 16. §. ult. h. t. Atque ita non semper operæ, licet exhiberi nobis iure debeant, habentur & ex re nostra. Et recte huic sententiæ adiicitur articulus, quodammodo, l. qui bona fide de acq. rer. dom. sed de seruo fructuario tractemus. Finge: Seruus fructua-



rius operas suas locauit in quinquennium, & eo nomine pecuniam, id est, mercedem certam, in annos singulos dari stipulatus est, & interim nondum peracto tempore locationis, vsusf. interijt morte fructuarij. Papin. refert hoc loco Iulianum scribere residui temporis stipulationem domino, id est proprietario acquiri. Et vehementer laudat sententiam Iuliani, cum eam dicat esse firmissima ratione subnixam: nam in pendenti esse ait, cui & quatenus acquiratur ea stipulatio, fructuario an domino, propterea quod incertum est, in quem diem duraturus sit vsusf. qua ratione incertum dicitur in obligationem deducere, qui vsumfructum stipulatur, *l. ubi autem §. si. de verb. oblig.* Denique non est certum, an quinquennio integro duraturus sit vsusfructus. Et ideo incertus est rei euentus & res in pendenti est, *l. bonem §. ult. de adil. edic.* Si vsusfructus biennio tantum durauerit, pro rata tantum biennij stipulatio fructuario acquiratur, sequentium autem annorum stipulatio acquiratur domino. Non possis igitur ab initio constituere eam totam stipulationem acquiri fructuario: sed hoc recte dices, esse in pendenti, in euentu, in casu, in accidente. Et notandum est valde, quod ait Papinian. hoc loco, *singulorum annorum initio cuiusque anni pecuniam*, id est, actionem petendæ mercedis in stipulationem deductam, *in annos singulos fructuario acquiri*, quia sc. pura est stipulatio, si quis certam pecuniam annuam, vel in annos singulos dari stipuletur, *§. at si ita, Inst. de verb. oblig.* Et consequenter initio cuiusque anni pecunia peti potest, quia pure debetur. Qua de causa si in ingressu cuiuslibet anni moriatur fructuarius, dicam mercedem huius anni integram ad heredem fructuarij pertinere. Nec quicquam moueor *l. 8. de ann. leg.* nec *§. is vero, Inst. de rer. diuis.* quibus locis negatur, fructuarium heredi suo relinquere fructus, qui mortis suæ tempore maturi erant, neque dum percepti, & à solo separati: nam est differentia aliqua inter fructus & hanc stipulationem. Fructus eius anni, quo mortuus est fructuarius, qui moriente eo pendebant, domino acquiruntur, non heredi fructuarij. stipulatio pertinet ad heredem fructuarij, quæ iam non pendebat, sed acquisita erat fructuario initio anni. Sed & hoc vos maxime notare velim: vt dominus, ex fructibus debet conferre & contribuere heredi fructuarij pro rata temporis, quo eo anno vsusfructus stetit, quia etsi vsusfruct. ei acquiratur, non ideo minus fructus sunt contribuendi, *il faut qu'il soit remboursé*, quia dominium non impedit contributionem. Nam & ita fructus pendentes facto diuortio, quamuis mulieri acquirantur, tamen in contributionem veniunt, vt ex eis vir partem ferat pro rata temporis, quo eo anno matrimonium stetit, *l. 7. §. interdum, l. si filiofam. §. ult. solut. matrim.* Ita vero, licet illa stipulatio in annos singulos, initio cuiuslibet anni, mortuo fructuario, quasi semel acquisita fructuario transmittatur ad heredem, tamen pati debet heres, vt in partem pecuniæ veniat dominus pro rata residui temporis, quo vsusfruct. non stetit. Et est hac in re paulula quædam differentia inter hanc stipulationem, & legatum relictum in annos singulos: nam cœpti anni legatum debetur heredi legatarij in integrum, ita vt heres testatoris ex eo nihil deducere, vel deminuere possit, *l. 5. de ann. leg.* Cœpti anni stipulatio interposita ex causa locationis operarum à seruo fructuario, ad heredem fructuarij etiam pertinet, sed ex ea debet domino partem contribuere, ne videatur ultra mortem fructuarij vsusf. permanisse, quod vtique Accurs. non male ait, dominum consecuturum conditione sine causa. Sequentium autem annorum stipulatio domino acquiratur ipso iure. Et ita concludit Papinian. Ex quo apparet, & in hoc versari potissimum difficultatem rei propositæ, stipulationem semel acquisitam fructuario, non transire ad dominum, sed ad heredem fructuarij, secundum communem formam iuris, puta stipulationem quæsitam fructuario iam ab initio eius anni,

quo vita functus est, licet ex ea debeat heres domino partem contribuere, & sequentium quoque annorum stipulationem non transire ad dominum à fructuario, quæ nunquam videtur fuisse acquisita fructuario, non transire, inquam, sed acquiri domino. Et ideo recte Iulianus scripsit: *Residui temporis stipulationem domino acquiri*, non dixit, *transire*, sed, *acquiri*, & Paulus *pertinere*, in *l. si operas, de vsufr.* Et Papinian. tacite hoc loco reprehendit Vlpianum, & hoc est certissimum, qui scripserat stipulationem quæsitam semel fructuario transire ad dominum in *l. sed & si §. si operas, de vsufr.* contra regulas iuris, quæ volunt, vt stipulationes vel obligationes quæcumque nobis acquisitæ semel, non transeant nisi ad successorem vniuersi iuris nostri, id est, ad eum, qui in ius nostrum vniuersum successerit, veluti ad heredem, bonorum possessorem, fideicommiss. Trebellianum, vel patrem adrogantem, sed reprehendit Vlpianum Papin. vt dixi, non nominatim, sed tacite, non studio notandi, sed inquirendi veri, his verbis, *secundum quæ non transit ad alterum stipulatio*, quasi velit dicere, non debuit Vlpianus vti verbo transeundi, sed acquirendi, quia *vnique tantum acquiratur*, vt ait, *quantum ratio iuris permittit*, nec ab vno ad alterum transit stipulatio, quasi ad successorem, cum non sit successor iuris fructuario dominus. Fuit, vt alias dixi, inter Vlpianum & Papin. æmulatio quædam, quæ dicitur alere firmiores profectus in literis, vberiores fructus in literis, & quodammodo laudabilis. euidens est dissidium inter iuris auctores, quoties alter alterius verbum aut rationem perstringit & reicit, vt in *l. singularia, de rebus cred.* & *l. qui negotia, mand. idemq; in l. 3. §. pen. de act. emp.* & *l. 4. de vsur.* Et stultæ est aut obscuræ diligentia, quod cuius est, dissidium inter auctores, id modo quocumque finire conari. Iam sumus præteruerti hunc scopulum. In extremo huius §. ne nouum videretur quod dixi ante, in pendenti esse illam stipulationem, de qua fuit posita species, cui scilicet acquiratur, tradit similem casum, quo etiam in pendenti est stipulatio cui acquiratur, fructuario an domino, quem & ex Iuliano Vlpianus retulit in *d. l. sed & si quis §. 1.* Finge: Seruus est numeraturus pecuniam Titio mutui nomine, & antequam numeret, stipulatur de Titio, tantam pecuniam sibi reddi, quantam intra biduum illi numerauerit. nihil refert stipulatio precedat mutuum, an sequatur, *l. 6. §. ult. de nouat. l. 3. §. ult. & l. contra, ad Maced.* In pendenti est, cui acquiratur stipulatio: in pendenti est acquisitio stipulationis huiusmodi, & numeratio declarabit, quæ post sequetur, cui sit acquisita: nam si seruus pecuniam numerauit ex re fructuarij, vex suis operis, retro videbitur acquisita fructuario: si aliud numerauerit domino, & interea traditio quoque siue acquisitio domini in plerisque casibus in pendenti est, vt in *d. l. sed & si quis §. 1. l. arboribus §. ult. l. quid ergo §. 1. de vsufr. l. seruus. §. ult. de acq. rer. dom. l. pen. §. ult. de cast. pec. l. bonem §. ult. de adil. edic.* Stipulatio est pura, fateor, traditio est pura, sed propter conditionem iuris, vt eleganter ait lex *bonem §. ult.* in pendenti est, id est, propter tacitam conditionem, cuius ratione stipulatio vel traditio non sit conditionalis. tacita conditio non est conditio, *l. conditio, de cond. & demon. l. 3. de leg. 1.* Non omne quod suspendit rem, est conditio. hæc stipulatio est pura, & tamen in pendenti est. Et male igitur Ioannes hoc loco generaliter definit, puram stipulationem in pendenti esse non posse: vt stipulatio vsusf. quam facit seruus hereditarius, non potest esse in pendenti, quia initium vitiosum habuit, non existente persona, aut iacente hereditate, cui acquiri posset vsusfructus, *l. vsusfruct. hoc tit.* Item stipulatio interposita à seruo communi duorum hoc modo, vt *Cal. Iannarijs illi aut illi dominis suis, vter eorum viueret, daretur aliquid*, in pendenti esse non potest: quia initium est vitiosum, non existente certo domino, cui acquiratur stipulatio propter illam adiectionem, vter eorum vixerit, *l. 2. hoc tit.* Fateor, has stipulationes in pen-



denique esse non posse, sed non idem statuendum est in ceteris omnibus stipulationibus puris, ut in pendentibus esse non possint, si modo existat homo certus, cui acquiri poterit stipulatio, aut retro acquisita fuisse ex post facto apparere poterit ab initio contractus. In specie d. l. v. usufruct. usufructus stipulatio inutilis est, non existente persona, aut iacente hereditate, cui ab initio contractus acquireretur usufructus quod ius sine persona esse non potest, vel constitui. In specie l. 21. non est dominus, cui retro possis dicere, fuisse acquisitam stipulationem: nam tempore contractus alter alteri obstitit, nec poterat viuo utroque alteri acquiri: nec potest igitur alteri acquisita videri retro; & in stipulationibus semper spectamus tempus contractus: si enim in conditionalibus spectamus, & multo magis in puris stipulationibus.

#### Ad l. si testamento 49. de fideiuss.

*Si testamento liberatum debitorem heres omittat, fideiussorem autem eius conueniat, proderit exceptio doli mali fideiussori, propter improbitatem heredis, quæ prodesse reo debuerat si conueniretur.*

**R**estat tantum ex hoc libro l. 49. de fideiuss. cuius initio ita scriptum est, si testamento, &c. Liberatur debitor testamento, si testator dixerit vel scripserit, se eum liberare, vel se ei remittere debitum, vel si heredem noluerit ab eo petere, quem ita liberauit testamento. Itaque si eum conueniat heres, repellitur exceptione doli mali propter improbitatem suam. improba petitioni opponitur exceptio doli mali, & improbitas est non sequi voluntatem testatoris, & quæ inde uotio dicitur, & contumacia, improba petitio est, quam intendit heres contra iudicium defuncti. Idemque erit, si heres conueniat fideiussorem debitoris testamento liberati, quia qui à fideiussore petit, vi ipsa à debitore petit, l. aduersus, de recep. qui arbit. Debitor fideiuss. qui coactus est soluere, tenetur actione mandati, ut refundat quod soluit, l. si quis reum, in princ. de liber. leg. Igitur si nulla sit actio mandati fideiussori, ut si donandi animo fideiussisset, aut si in rem suam fideiussisset; ut l. si qui reum, vel si pro inuito fideiussisset, l. si pro te, mandat. vel si iussu testatoris, ut in specie legis tribus, de usufr. ear. rer. quæ us. consum. his casibus, quibus fideiussori, qui soluit, non competit actio mandati, non est regressus siue aduocatus, aduersus reum principalem: dicimus exceptionem doli non prodesse fideiussori, quæ prodesset tamen reo, si conueniretur, l. quod dictum, de pact. Nec enim his casibus, qui à fideiussore petit, à reo vi ipsa petit, quia ad reum non est fideiussori regressus. Idem etiam erit, si sit actio mandati, sed testator nominatim cauerit, ut duntaxat à debitore non peteretur, à fideiussore peteretur; neque enim omnino inutile est legatum aut fideicommissum, licet fideiussor aduersus debitorem regressum habiturus sit, cum & simile pactum, ut duntaxat à reo non petatur, non sit inutile, l. nisi hoc actum, de pact. Utilitas in eo est, quia forte debitoris interest fideiussori potius soluere, quam creditori, vel heredi creditoris. Et hoc est quod attinet ad initium h. l.

#### Ad §. i.

*Ex duobus fideiussoris heredibus, si per errorem alter solidum exsoluat, quidam putant habere eum conditionem, & ideo manere obligatum coheredem. Cessante quoque conditione durare obligationem coheredis probant, propterea quod creditor, qui dum se putat obligatum partem ei, qui totum dedit, exsoluerit, nullam habebit conditionem. Quod si duo fideiussores accepti fuerint, verbigratia in viginti, & alter ex duobus heredibus alterius fideiussoris totum creditori exsol-*

*uerit: habebit quidem decem, quæ ipso iure non debuit, conditionem: an autem & alia quinque millia repetere possit, si fideiussor alter solvendo est, videndum est: ab initio enim heres fideiussoris siue heredes ut ipse fideiussor audiendi sunt, ut scilicet pro parte singuli fideiussores, qui sunt, conueniantur. Senarius & utilior in utroque casu est illa sententia, solutionem non indebitæ quantitatis non debere renocari, quod etiam epistola D. Pij significatur in persona fideiussoris, qui totum exsoluerat.*

**S**equitur alia quæstio in §. i. quæ pertrahitur usque ad §. ult. Vnius fideiussoris & solius duo sunt heredes, singuli ex causa fideiussionis tenentur non in solidum, sed pro hereditariis portionibus, ipso iure, id est, ex l. xii. tabul. quibus æs alienum hereditarium diuiditur inter heredes pro hereditariis portionibus, l. pacto, C. de pact. l. 6. C. fam. ercis. At finge: vnus ex eis heredibus per errorem solidum soluit, qui non debuit nisi partem hereditariam: si per errorem iuris soluit solidum, qui solvendo pro parte hereditaria se liberare potuisset, non habet conditionem indebiti, nisi sit ex eis personis, quibus ius ignorare permissum, l. cum quis, de iur. & fact. ignor. Si per errorem facti solidum soluerit, forte dum putauit, testatorem sibi iniunxisse onus exsoluendi, pro parte sua liberatur, pro parte coheredis habet conditionem indebiti, quia pro altera parte non tenebatur, & pro ea parte in coheredem creditori integra est actio; coheres manet obligatus pro sua parte. Is, qui soluit solidum, & partem, pro sua parte liberatus est, ergo omnino liberatur ex l. i. tabul. Imo vero & conditione cessante, id est, si is qui soluit, non cõdixerit, quod plus debito soluit, id est, quod soluit ultra portionem hereditariam, coheres eius pro parte, qua heres est, obligatus manet, nec censetur liberatus solutione coheredis eius qui totum soluit: quia non communi nomine soluit, quo casu ipse & coheres proculdubio liberaretur etiam inuitus, & ignorans, l. solutione, in fi. de solut. nec cõpeteret conditio indebiti, ut Accurs. recte in l. ex parte, in fi. de solut. sed soluit suo proprio nomine, cum putaret se totum debere. Igitur non liberabit coheredem, & siue cõdixerit, siue non cõdixerit quod plus soluit, coheres obligatus manet. & coheredem liberatum non esse probat, aut probant hi, quorum sententiam refert Papin hoc argumento subtilissimo: Si coheres esset liberatus, creditor qui dum putat se plus debito accepisse, & teneri cõditione indebiti pro parte heredis, qui non soluit, si partem reddidisset ei, qui totum soluit, haberet conditionem eius partis, quam reddidit. si uterque esset liberatus, non haberet conditionem eius partis quam reddidit, cum quod plus debito accepit, id ipse iam debuerit, atque ita debitum reddiderit. ergo ille liberatus non est, & pro sua parte conueniri potest à creditore, licet nihil ab eo creditore condiderit is, qui totum soluit. Et hoc quidem de duobus heredibus vnus, & solius fideiussoris hic refert Pap. ex aliorum sententia, quam non improbat.

**N**unc tractemus, quid sit dicendum de duobus fideiussoribus eiusdem rei, si vnus ex iis solidum exsoluerit, puto vos scire, quod sciunt in foro omnes: fideiussores ex epist. D. Hadriani, cui ideo plerumque, dum se obligant, solent renuntiare satisfagentibus tabellionibus, aut creditoribus, ex ea epistola, inquam, eos habere beneficium diuidendæ actionis, ut tamen ipso iure singuli teneantur in solidum, tamen non conueniantur nisi pro parte virili, videlicet si omnes sint solvendo. Nunc igitur finge: duo sunt fideiussores, vnus ex eis solidum soluit, qui usus beneficio epistolæ D. Hadriani, partem tantum soluisset virilem: quæro, an pro parte cõfideiussoris conditionem habeat? Et est certissimum non habere: & esse differentiam inter hunc & superiorem casum, inter hunc casum de duobus fideiussoribus, & superiorem de duobus heredibus vnus fideiussoris: quia singuli heredes vnus fideiussoris ipso iure



debent tantum partes hereditarias, id est, ex XII. tab. Singuli autem fideiussores ipso iure solidum debent. & sunt duo rei debendi, §. si plures, *Inst. de fideiuss.* & l. si plures §. 1. eod. t. Nec obstat quod siambo soluendo sint litis contestata tempore, uti potest beneficio epistolæ D. Hadriani, id est beneficio diuisionis, qui in solidum conuenitur, ut sc. pro parte tantum virili in se detur actio & fiat condemnatio: nam hoc beneficio uti potest ab initio, antequam soluerit, sed postea, quam soluit solidum, quod sane debuit ex ea epistola, non datur ei conditio. Denique ex ea epistola datur exceptio, ne ultra partem virilem soluat, si confideiussor sit soluendo, non etiam datur conditio, ut repetat quod soluit, id est, ultra partem virilem. Paulatim progredimur ad difficiliora. Nunc igitur, quod est difficilius, quodque diximus in duobus fideiussoribus, an idem procedit in duobus heredibus vnius fideiussoris, cum essent duo fideiussores, si vnus heredum soluerit solidum? Finge, est elegantissima species: duo sunt fideiussores eiusdem pecunie, puta XX. millium, ut ponit Papin. primus & secundus: primus duos ex æquis partibus heredes reliquit superstitis secundo fideiussori, & vnus ex heredibus primi, creditori solidum soluit, id est, viginti millia. sane pro parte coheredis habet conditionem decem millium, quia ipso iure; id est, ex XII. tab. debuit tantum decem: alia decem debuit coheres, non ipse. Et hoc est certissimum. Verum dubitatur maxime, an quia alter fideiussor, qui superest, est soluendo: & epistola D. Hadriani diuidit actionem, ita ut alter fideiuss. conueniatur in decem millia, heredes autem mortui fideiussoris in alia decem, non quidem singuli in totum, quia in ea decem coguntur, siue rediguntur beneficio epistolæ, sed singuli in quinque millia, pro hereditariis portionibus, an hic, qui integra viginti millia soluit, & condixit decem, quæ non debuit ipso iure, sed coheres, possit etiam ex aliis decem condicere quinque quæ beneficio epist. potuisset non soluere? Et ait, nihil posse eum condicere ex aliis decem, quia ipso iure decem debuit, & indistincte. Ita distinguit eleganter Pap. *utroque casu*, id est, siue vnus ex duobus fideiussoribus solidum soluerit, siue vnus ex heredib. vnius fideiussoris, soluerit solidum, pro parte hereditaria, id est, decem, qui vsus beneficio epistolæ non soluisset nisi quinque, non posse condicere partem decem, nihil posse condicere, quia vterque solidum soluit, quia vterque quod soluit, ipso iure debuit. Et hoc ita omnino proponitur in eo, quod sequitur, *quod si duo, &c.* In qua parte obseruandum est, quod est scriptum Florentiæ, *seu erior & utilior est*, rectius legi vulgo *sed verior & utilior*. ratio veterum Iuriconsultorum ut Iuliani, Marcelli & aliorum, ut idem Papin. ait in l. cum seruus, *mand.* verius & utilius. Item illo loco, *epistola D. Pij*, obseruandum est, epistolam Diui Hadriani tribui Diuo Pio, hoc vno loco iuris nostri. Ex quo apparet, illam epistolam non esse Hadriani, sed Diui Pij, quem Hadrianus adoptauerat. Et ita sapissime in iure Diuus Hadrianus est Diuus Pius, non ille, qui singulari nomine dicitur Hadrianus, sed qui Pius adoptionis iure, Hadriani nomen assumpsit, §. 1. *Inst. de Senatusc. Tertyll.* Senatusconsultum Tertyllianum factum fuisse Hadriani temporibus, quod ex consulis, qui nomen dederunt Senatusconsulto, Tertyllo, & Sacerdote constat factum fuisse D. Hadriani temporibus, & l. acceptis, ad l. Falc. l. de duobus §. acceptis, ad Trebell. D. Hadrianus est D. Pius, ut constat ex l. in quartam §. 1. ad l. Falc. & sic in l. si de vi, de indic. quod tribuitur Hadriano, tribuitur Pio in l. de vi publ. In illa igitur Hadrianus, id est, Pius: & sic in l. 3. si pars hered. per. ad Hadrianum fuisse perductam mulierem quandam cum quinque liberis, quos enixa erat vno partu. Ex Capitolino in Pio constat perductam fuisse ad D. Pium. Ac similiter in l. 3. §. Diuus, de sepulch. viol. D. Hadrianum constituisse, ne quis in vrbe sepeliretur: quod idem Capitolinus D. Pio tribuit, & nulla est dissidentia: Nam Hadrianus illo loco est D. Pius, ut

in cæteris. Non mihi satisfacio, nisi quæstionem, quam heri tractavi vltimo loco, facio summam, breuem & dilucidam. Duo sunt fideiussores viginti millium. vnus eorum defunctus est, relictis duobus heredibus ex æquis partibus. defunctus ipso iure debuit solidum, id est, viginti millia, quoniam erant rei eiusdem pecunie. Sed qui solutione nondum facta, beneficio epistolæ D. Hadriani conuentus tantum in decem condemnatus fuisset; solutis viginti integris, conditionem nullam habuisset, quoniam ipso iure debuit xx. Singuli autem heredes eius ipso iure debent, non viginti, sed decem tantum, diuisa obligatione pro hereditariis portionibus ex XII. tab. Sed solutione nondum facta beneficio eiusdem epistolæ, adscriptis decem fideiussori superstiti, singuli heredes conueniuntur tantum in quinque, aliis scil. decem ex æquo inter eos diuisis secundum XII. tab. Quod si vnus eorum per errorem soluerit integra viginti, potest quidem condicere decem, quæ debuit coheres, non ipse. Ex aliis decem non potest condicere quinque, quoniam ipso iure debuit decem integra ex sua persona, & coheres alios decem cessante beneficio epistolæ, quod vtiq. post solutionem cessat. Nunc facillime rem intelligetis. Iam transeamus ad §. ult.

#### Ad §. vltimum.

*Quæstum est, an fideiussor, qui Capua pecuniam se daturum Roma promissit: si reus promittendi Capua esset, statim conueniri possit? dixi non magis fideiussorem confestim teneri, quam si ipse Capua spondidisset, cum reus adhuc Capuam peruenire non potuisset: nec ad rem pertinere, quod hoc latere nemo dubitet, nondum fideiussorem teneri: quia nec ipse reus promittendi teneretur. Nam e contrario quoque, si quis responderit, quoniam debitor Capua sit, fideiussorem confestim teneri, non habita ratione taciti proprii temporis, euenturum, ut eo casu fideiussor conueniatur, quo debitor ipse si Roma fuisset, non conueniretur. Itaque nobis placet fideiussoriam obligationem conditionem taciti temporis ex vtriusque persona recuperare tam rei promittendi, quam ipsius fideiussoris, quoniam aliud respondentibus, contra iuris formam in durior conditionem acceptus intelligitur.*

**F**ideiussor, cum esset Romæ, promissit se pecuniam Capuæ daturum pro reo principali, qui iam erat Capuæ, & Capuæ promiserat: Queritur, an fideiussor statim conueniri possit? Mouet, quod principalis reus, cū sit Capuæ, statim conueniri potest. Ergo est eadē conditio fideiussoris, ut statim possit cōueniri: At respondet Papin. nō ideo fideiussorē statim cōueniri posse, quod possit reus principalis: quoniam stipulationi, quæ Romæ est interposita pecuniam Capuæ dari, inest tacitū proprium tēpus, quo Capuam fideiussor peruenire potest. Inest tēpus, ut Græci aiunt hoc loco, *ὅτις τὸ τὴν ὁδὸν διδόνται*, id est, propter viæ distantiam, in l. 2. §. qui ita stipulatur, de eo quod cer. loc. l. 9. §. ult. de duobus reis, l. seruus si heredi, §. 1. de statulib. l. quoties, de oper. libert. Nec quicquam vetat, reum statim conueniri posse, non etiam fideiussorem: nam & reo pure accepto, fideiussor recte accipitur ex die, nec ut reus statim conueniri potest, l. Græce §. item accepto, hoc tit. Obstat tamen videtur lex fideiussor obligari §. 1. h. t. quæ ait, fideiussorem nō obligari, si reo accepto pure fideiussor accipiat: cum adiectione loci ut contingit in hac specie: quia scil. durior est conditio eius, qui promittit cum adiectione loci, id est, qui certo loco se daturum promittit, quam eius, qui pure promittit, quoniam is, qui certo loco dare promittit, nullo alio loco, quam in quo promissit, soluere compelli potest inuito stipulatore, l. 2. §. idem Iulianus, & l. pen. de eo quod cer. loc. Fideiussoris autem non potest esse durior conditio, potest esse leuior, non durior, aut deterior, l. hi qui, h. t. §. fideiussores, eod. *Inst.* At ita respondendum est ad d. l. fideiussor §. 1. Quod ea lex ait, verum est, si alio loco pure reus accipiat, quam quo fideiussor se



daturum promittit, non si eodem vterque loco, vt in hac specie vterq; promittit se daturum Capuæ, sed reus præfens, fideiussor absens. Verum modo conuertamus casum, quem proposuimus initio, & inueniemus idem iuris esse è conuerso. Finge: Reus cum esset Romæ, promittit se Capuæ pecuniam daturam: fideiussor autem iam erat Capuæ, & Capuæ promittit. certe reus non potest conueniri statim, sed neque fideiussor. Neque priore igitur casu, neque posteriore fideiussor potest conueniri statim, sed obligatio dilationem capit: priore casu ex persona fideiussoris: & posteriore ex persona rei, obligatio, inquam, vtriusque. Nec rursus obstat huic parti, quod reo accepto ex die, fideiussor purè acceptus non obligatur ei, d. §. *fideiussores*. ne contra iuris formam in duriores causam obligetur: Nam hoc verum est, si reus ex certo die acceptus sit nominatim, fideiussor præfenti die: non si in eodem quisque loco se daturum promiserit, vt in hac specie, sed reus absens ab eo loco, fideiussor præfens. Est enim utilis fideiussio, licet fideiussor non teneatur, antequam reus teneri cœperit, id est, antequam præterierit tempus, quo reus peruenire Capuam potuit, cum & futuræ obligationi fideiussor possit adhiberi, l. 6. *hoc tit.* Et ita priore casu si fideiussor fuerit Romæ, reus Capuæ, cur statim non tenetur fideiussor, exemplo scilicet rei: quoniam & reus, si Romæ fuisset, non teneretur statim, vt ait Papin. Et in summa concludit, vtroque casu fideiussoriæ obligationi inesse tacitum tempus. Priore casu, si fideiussor fuerit Romæ, reus Capuæ, inest tacitum tempus ex persona fideiussoris: Posteriore casu, si fideiussor Capuæ fuerit, reus Romæ, inest tacitum tempus ex persona rei. Quod quidem vtriusque obligationem moratur atque suspendit: alioqui priore casu esset inutilis fideiussio, quasi fideiussore accepto in duriores causam: est enim durior causa eius, qui promittit cum adiectione loci, d. l. *fideiussor obligari* §. 1. Et fideiussor inutiliter accipitur in duriores causam: Ergo rapienda est occasio, quæ vtilem facit potius quam inutilem obligationem: & portio vtilis erit obligatio fideiussoria, si dixeris, eam obligationem differri in tempus, quo fideiussor Capuam peruenire possit. Quidam negabant priori casu comparandam esse posteriorem obligationem priori. Comparat Papin. priorem posteriori, vtroque casu fideiussorem non posse statim conueniri: alij non admittebant hanc comparisonem: Nam posteriore casu facile admittebant fideiussorem nondum teneri, quoniam nec ipse reus ante tenebatur, qui Romæ promiserat, se Capuæ daturum. Priore autem fideiussorem dicebant confestim teneri, quoniam & reus confestim teneretur, qui præfens Capuæ promississet. Quod ita eludit Papin. vt dicat non magis priore, quam posteriore casu statim conueniri fideiussorem posse. neutro igitur posse, quoniam ei in priori casu eadem interuenit ratio, quæ in posteriori, quæ efficit ne teneatur fideiussor, quoniam, inquit, *nec reus si Roma fuisset, teneretur statim*. In qua elusione Papin. est captio euidens, & si animaduertimus subtilitatem ingenij, Papiniano excidunt nonnunquam *κατασκευασμοί*, id est, captiones quædam. Captio hic est euidens, quoniam quod posteriore casu dicitur simpliciter, non statim teneri reum, qui Romæ promittit, se daturum Capuæ, id Papinian. in priore casu adsumit conditionaliter, non teneri reum, si Romæ fuerit. Sed tamen vtilior est Papin. sententia, & tenenda omnino, quoniam commodius est ita accipi, quo stipulatio magis valeat, quam pereat, & æquum est etiam priore casu ex persona fideiussoris, eum qui Romæ promittit, se Capuæ daturum, habere rationem taciti proprii temporis, quo Capuam ire fideiussor possit. Et in illum locum, *nec ad rem pertinere*, vt res sit dilucidior, velim vos notare, quod notauit Rogerius, nihil attinere, quo magis, inquit, fideiussor conueniri possit, in priori casu statim quam in posteriori, id est, vt sentit Accurs. non esse differentiam inter primum & secundum casum. Et

A in illum locum: nam è contrario, idem Rogerius ita notat, & eleganter eorum obiectionis respondet. qui primum casum secundò comparandum inficiabantur, facillimus hic §. ita videbitur, si reus principalis cum esset Capuæ, Capuæ promiserit certam pecuniam, fideiussor autem, qui pro eo intercessit, cum esset Romæ, promiserit se eam pecuniam Capuæ daturum. reus quidem, qui iam est Capuæ, statim conueniri potest, fideiussor autem ex sententia Papin. statim conueniri non potest, quoniam habenda est ratio taciti proprii temporis, quo fideiussor Capuam peruenire potest. Ergo licet reus statim teneatur & conueniri possit, tamen fideiussor conueniri non potest. E contrario, si principalis reus, cum esset Romæ promiserit se Capuæ daturum, fideiussor autem, cum iam esset Capuæ, Capuæ promiserit, hoc casu, non poterit etiam fideiussor Capuæ conueniri statim, quoniam & fideiussoriæ obligationi inest tacitum tempus ex persona rei. Denique fideiussor, licet iam sit Capuæ, & Capuæ promittat pure, non tenetur statim, quoniam nec reus tenetur statim, & priore illo casu fideiussor etiam non tenetur statim, licet reus teneatur statim. quod tamen quidam non admittebant. Sed eorum sententiam improbat Papin. hac ratione, quoniam si dixeris, priore illo casu fideiussorem conueniri posse confestim, vt reus principalis potest, qui iam est Capuæ, inutilem efficies fideiussoriam obligationem, quasi fideiussore accepto in duriores causam. Quærebam, cur videretur acceptus in duriores causam: & dicebam, quoniam durior est causa eius, qui promittit cum adiectione loci, qualiter fideiussor promiserat, ex l. *fideiussor obligari* §. 1. de *fideiuss.* male, & iam ante bene explicaueram d. l. *fideiussor*, hoc modo: Si priore illo casu fideiussor tenetur statim sicut reus, qui iam est Capuæ, durior est eius causa quam rei: nam si reus Romæ esset, non conueniretur statim. fideiussor Romæ est, & vis eum conueniri statim: duriores igitur conditionem eius facis contra regulas iuris, atque ita secundum regulas iuris, inutilem facis fideiussoris obligationem: in persona rei habetur ratio taciti proprii temporis, & si vis fideiussorem statim conueniri qui Romæ est, necdum Capuam peruenit, aut peruenire subito potest, non habes in persona fideiussoris rationem taciti proprii temporis, ergo duriores eius causam facis. Denique inutilem fideiussoris obligationem facis. Id accipiamus, quod vtilem potius, quam inutilem obligationem fideiussoris faciat: melius est constituere generaliter fideiussoriæ obligationi inesse tacitum tempus, non tantum ex persona rei, sed & fideiussoris. Ego nolui hoc dissimulare, & miror, quod nemo hoc animaduertit, & reprehenderit.



IACOBI CUIACII  
IURISCONSULTI  
COMMENTARIUS  
in Lib. XXVIII. Questionum  
Æmilij Papiniani.

Ad l. 3. de condic. indeb.

Idem est etsi solutis legatis noua & inopinata causa hereditatem abstulit: veluti nato postumo, quem heres in utero fuisse ignorabat: vel etiam ab hostibus reuerso filio, quem pater obisse falso præsumpserat: nam utiles actiones postumo, vel filio, qui hereditatem euicerat, dari oportere in eos qui legatum perceperunt, Imperator Titus Antoninus rescripsit. scilicet quod bona fidei possessor in quantum locupletior factus est tenetur. nec periculum huiusmodi nominum ad eum qui sine culpa soluit, pertinebit.





RIT breue initium, sicut omnia debent esse A initia, nam & cœpisse multum est. Condictio indebiti, vel est directa vel utilis. Directa datur ei, qui soluit indebitum. Quid est condictio indebiti? solutionis non debite quantitatit, vel rei reuocatio. Condictio indebiti reuocat solutionem non debite quantitatit. Utiles autem datur etiam nonnunquam ei, qui non soluit, aduersus eum, qui ab alio solutum accepit, ut si heres scriptus testamento, vel nuncupatus, legata aut fideicommissa soluerit testamento relicta, & postea apparuerit falsum testamentum fuisse, vel ruptum mutatione, vel irritum capitis deminutione, vel si rescissum fuerit querela inofficiosi, atque ita si apparuerit indebita fuisse legata vel fideicommissa: Nam res iudicata contra testamentum, etiam legatariis nocet, l. 3. de pignor. Legatorum solutorum condictio competit heredi legitimo, qui ab herede scripto hereditatem abstulit & euicit. Competit igitur ei, qui non soluit, utilis, l. 2. §. ult. hoc tit. l. Papinian. §. ult. de inoffi. testam. Atque ita euenit, ut est scriptum in l. 5. h. tit. ut quod alius soluit, alius condicat, ut quod soluit heres scriptus, condicat heres legitimus euicta hereditate. Idem subiicitur in l. 3. ex Papin. & si solutis legatis, noua & inopinata causa hereditatem abstulerit, noua & inopinata causa, id est, improuusus casus, ut ipse ait in l. militis §. miles insuper, de milit. test. ut puta, si post solutionem legatorum ruptum fuerit testamentum agnatione postumi, quæ heres qui soluit legata ignorabat esse in utero uxoris testatoris. Testamentum rumpitur duobus modis, mutatione testamenti, & agnitione sui heredis, qui neque institutus sit, neque ut oportet exheredatus, id est, qui sit præteritus silentio. Et de testamento rupto mutatione est lex 4. itemque l. 2. hoc tit. Et est emendanda glossa l. 2. ad verbum, ruptum, ut per secundum tabulas, inquit, legendum, ut per secundum testamentum. De testamento autem rupto agnatione sui heredis est l. hoc 3. veluti agnatione postumi testamento præteriti, huic postumo, qui euicerit hereditatem, dabitur condictio legatorum solutorum, licet ea ipse non soluerit sed scriptus. Et idem erit, si post solutionem apparuerit, iniustum fuisse testamentum. Iniustum proprie dicitur, in quo filius est præteritus, non dico postumus: Nā eius præteritio non facit iniustum testamentum, sed rumpit. Præteritio filij ab initio facit iniustum testamentum. Finge: filius captus est ab hostibus, pater falso præsumit eum obiisse apud hostes, & eum omittit testamento, & alium heredem scribit, heres soluit legata, post reuertitur filius, videtur iniustum fuisse testamentum ab initio, quia filius retro creditur in ciuitate fuisse, & ita iniustum dicitur in l. 6. §. sed si pater, de iniust. rup. Porro his casibus condictio solutorum legatorum datur ei qui postliminio reuersus est, atque etiam postumo, qui hereditatem euicit, condictio utilis, & directa etiam ei datur ex cessione heredis scripti, qui soluit, l. quod si in diem §. ult. de petit. hered. Et ita frequenter in iure, ubi est ex cessione directa actio, sine cessione competit utilis, l. 1. §. nunc tractemus, de tut. & rat. l. ex legato, C. de leg. Hoc vero casu & cæteris, quos posuimus, heres soluit legata bona fide, & sine culpa, culpa ei nulla potest imputari: Ponamus igitur, eum legata soluisse bona fide de hereditate ipsa. At post quæremus de suo soluerit-ne, an ex hereditate, heres tenetur petitione hereditatis postumo vel filio, in hoc tantum, ut cedat conductionem indebiti, nec tenetur in amplius quicquam, nec si hi, qui legata perceperunt, soluendo sunt: si egeni sunt & inopes, qualiscunque cessio actionis, etiam si sit inanis, propter inopiam reorum, pro satisfactione est, l. ult. de admin. tut. l. Titio fundus, de cond. & demonstr. Ergo liberatur heres scriptus cedendo conductionem indebiti, siue ea sit inanis, siue efficax, quia scilicet qui bona fide possidet hereditatem pertinentem ad alium, tenetur tantum, in quantum locupletior factus est, non ergo tenetur in legata, quæ erogauit & distribuit bona fide, securus scripturam testamenti. Et hoc est ex Senatusconsulto de pet. hereditatis, ut qui bona fide pos-

sideret hereditatem, in id tantum teneatur; quod factus est locupletior. Senatusconsultum illud appellatur Hadrianum in l. quod si possessor, de petit. hered. Senatusconsulto Hadriano bonæ fidei possessor neque lucro, neque damno afficitur. Igitur periculum rerum puta legatorum indebite solutorum, ad eum non pertinet, si qui ea perceperunt, conuenti, non sunt ea reddituri propter inopiam: & sufficit qualiscunque cessio conductionis indebiti, quæ etiam omissa dabitur utilis postumo vel filio reuerso ab hostibus. Recte posui heredem scriptum bona fide soluisse. Nam si soluerit mala fide etiam si soluerit ante controuersiam motam, ut ponendum est, nam post controuersiam bona fide non potest soluere, puta sciens, in qua causa esset testamentum, sciens vitium testamenti, non liberatur cedendo conductionem indebiti, non semper cessio aut delegatio pro solutione est, sed omnimodo tenetur, atque si nec soluisset, quia dolo desit possidere, & dolo præteritus venit in petitionem hereditatis. Et hoc ostenditur in l. 17. §. ult. de petit. hered. & nos exposuimus latius in lib. 20. in l. si patroni §. ult. ad Trebel. Igitur, si post controuersiam motam de hereditate, heres soluerit legata, quia mala fide soluit, id ei imputatur, & venit in petitionem hereditatis in solidum: cum etsi ante controuersiam motam dolo fecerit, id veniat in eandem actionem. Igitur cogetur præstare æstimationem litis, & heredi legitimo non est necessaria condictio indebiti cum petitione hereditatis sit consecuturus pretium legatorum solutorum post litem contestatam. Vix etiam dabitur condictio heredi scripto, quia sciens soluit, & qui sciens soluit, donare videtur. Donati autem non est repetitio, & valet ea donatio, si (quod pauci animaduertunt) non excedat legitimum modum, puta 300. aureos, & non interuenerit insinuatio. Nam si excedat, & non interuenerit insinuatio, hæc solutio, quæ pro donatione est reuocari poterit. Et hæc omnia comprobantur in d. l. Papin. §. ult. & l. militis §. miles, de milit. testam. & l. 4. §. pen. si cui plus quam per leg. Falcid. A Papiniano adducitur rescriptum D. Antonini, is est D. Pius, qui & D. Hadrianus dicitur, adeo ut possit tentari in l. 2. & 4. h. t. rescriptum, quod affert Vlpian. & Paulus esse D. Pij. Et hæc, ut initio posui, si heres scriptus legata soluerit de hereditate. Quid si ea soluerit de suo? sane hoc casu ei heredi scripto competit condictio indebiti, non competit legitimus per petitionem hereditatis, nactus hereditatem totam, cum nec deminuerit solutionem legatorum, nisi scilicet legatario cedatur condictio indebiti ab herede scripto, qui de suo legata soluit bona fide: & cedi debet heredi legitimo, si heres in iudicio petitionis hereditatis actori velit reputare legata, quæ de suo soluit bona fide, & ea retinere ex hereditate, quod utique potest, si malit uti retentione quam conductione indebiti, aduersus eos, qui legata perceperunt, forte quia non sunt soluendo, utetur retentione eius, quod soluit de suo, & cedit qualem qualem conductionem indebiti: Potest, inquam, heres reputare legata, quæ soluit de suo, quia scilicet ea bona fide soluit, licet reuera fuerunt indebita ex scriptura testamenti: Excusatur, qui soluit ex scriptura testamenti, iusta ratione motus, sicut qui soluit ex condemnatione, l. 2. §. solet, de hered. vend. Hoc potest reputare euicenti hereditatem. Alia prorsus indebita, quæ soluit neque motus scriptura, neque cōdemnatione, neque vlla ratione iusta, non potest reputare actori, quia temere ea soluit. Et ita accipienda est lex item veniunt §. sed si Senatus, de pet. hered. & d. §. solet, alioqui pugnaret cum l. quod si possessor, quæ rem hanc etiam euidenter explicat de herede scripto, qui bona fide ex suo soluit legata aut fideicommissa.

Ad l. 66. de euictionib.

si cum venditor admonuisset emptorē, ut Publiciana potius,



vel ea actione, quæ de fundo vectigali proposita est, experiretur, emptor id facere supersedit, omnimodo nocebit ei dolus suus, nec committetur stipulatio. Non idem in Seruiana quoque actione probari potest: hæc enim etsi in rem actio est, nudam tamen possessionem auocat, & soluta pecunia venditori, dissolvitur, unde fit, ut emptori suo nomine non competat.

**S**ciendum est, stipulationem duplæ, qua emptor sibi à venditore cauere euictionis nomine committi, id est, ex ea agi posse, non tantum, si possidenti emptori res iudicio euicta sit, sed si etiam emptor ex possessore petitor factus sit, casu aliquo amissa possessione sine culpa sua, & victus fuerit, l. 19. §. 1. hoc tit. Secus est, si culpa aut sponte emptoris possessio amissa sit, l. si rem quam §. 1. h. tit. quia hoc casu, culpa ei obesse debet, neque etiam interuenire oportet culpam venditoris, qui rem adhuc habet in potestate sua: habere enim est possidere, & stipulationis huius formula hæc, habere recte licere, aut duplam prestare. Item secus est, quod ostenditur initio h. l. si initio, cum vellet emptor rem petere, cuius possessionem amiserat sine culpa sua, à venditore admonitus fuerit, ne eam peteret directa vindicatione, sed Publiciana, aut vectigali, id est, emphyteuticaria, quæ proponitur in tit. si ager vectigalis, id est, emphyt. petatur, si admonuerit, his iudiciis superiorem eum fore, directam vindicationem inferiorem, & tamen emptor voluerit agere directam vindicationem, nec admonitioni venditoris audiens fuerit, atque ita superatus sit absoluto possessore, à quo rem petierat. Nam hoc quoque casu, non committitur stipulatio duplæ ob euictionem, quia vitio suo litem amisit dolo malo vtens actione incongrua, contra quam admoneretur à venditore, quo magis vinceret, & venditorem sibi obstringeret euictione duplæ, quod rationem summam habet. Idem etiam erit, si ab initio emptor non fuerit admonitus à venditore, sed ipse emptor ultro egerit directam, & victus fuerit, ac postea admonitus noluerit agere Publiciana aut vectigali. Nam quod notandum, victo in proprietatis iudicio, non obstat exceptio rei iudicatæ, si postea agat Publiciana, quæ est utilis prætoriam, aut vectigali, quæ de agro emphyteuticario proponitur. Et hoc esse verum aperte ostendit lex minor §. si seruus, hoc tit. Quamuis Accursius, id eo loci frustra reuocet in dubium: nihil enim adfert quod quenquam in dubium plane vocet. Et huius sententiæ ratio est euidentissima, quia alia est causa Publicianæ, alia civilis, & directæ vindicationis. Si alia est causa, ergo, qui vna non obtinuit, non prohibetur venire postea ad alteram: civilis & directæ vindicationis causa est proprietatis. Publicianæ iusta possessio: vectigalis, ius emphyteuticum. Diuersæ igitur sunt harum actionum causæ, ergo alia aliam non elidit, in l. & eadem, de except. rei iud. Cum quæritur, an obstat exceptio rei iudicatæ, videndum est, an eadem sit causa petendi denuo. Nam si sit eadem, obstat exceptio: si sit alia, nihil obstat, & quærenda causa actionis proxima, ut ait lex, cum de hoc, de except. rei iud. ut Aristot. monet in 8. cap. 4. Metaphysicor. semper esse quærenda τὰ ἐξ ὑποκείμενων, id est, proximas causas, & eam esse proximam causam, quæ rei est propria, ut propria causa vindicationis est dominium: Publicianæ bonæ fidei possessio, quam prætor tuetur perinde ac proprietatem si amissa sit casu quodam. Ergo ita concludamus: siue initio siue postea admoneatur emptor à venditore, ut agat potius Publiciana, aut vectigali, quam directam, & admonitioni locum non reliquerit, sed egerit directam, & succubuerit, non committitur stipulatio duplæ. Additur hoc loco à Papiniano, non idem esse dicendum, si venditor, cui ea res erat pignorat, nec vllum aliud ius habebat, admonuerit emptorem, ut ageret Seruiana, id est hypothecaria: nec enim ideo minus committitur stipulatio duplæ, etiam si admonitioni emptor non paruierit, quia recte agere non potuit suo nomine actione Seruiana. si non potuit suo, nec alterius igitur nomine. Competit enim ei tantum, in cuius persona pignus constitutum est, nec transit in emptorem: dominium

**A** transit in emptorem, vel quod dominio simile, vel proximum, veluti ius vectigale, superficiarium ius, ius bonæ fidei possessoris, quod parit Publiciana. non transit ius pignoris in emptorem, transeunt actiones in rem, quæ non auocant nudam possessionem, sed dominium vel quasi dominium. Actio Seruiana est quidem in rem, l. pignoris, de pig. quæ personam non obligat, sed sequitur rem pignoratam, l. 2. C. si unus ex plurib. hered. sed nudam possessionem auocat, non ius aliquod stabile & perpetuum, quod sit dominio simile: nam & soluta pecunia dissolvitur obligatio, & actio Seruiana, l. euictis autem, hoc. r. Quam quidem pecuniam debitam, ut dissoluatur obligatio, solui oportet venditori, non emptori, ex eo satis apparet, venditorem solum posse experiri actione Seruiana, nondum sibi soluta pecunia, non etiam emptorem. Ergo non est quod imputet venditor emptori, si monitus non egerit Seruiana, quia nec potuit: & ideo si non obtinuerit, habet regressum aduersus venditorem ex stipulatione duplæ. Alia igitur est possessio nuda, alia coniuncta dominio, aut veluti dominio, aut breuius, coniuncta iuri perpetuo. ius hypothecæ non est perpetuum, quod solutione dissolvitur, & alio genere, quod sit solutionis vice.

#### Ad §. 1.

*Si is, qui reipublica causa absuit, frandam petat, utilis possessori pro euictione competit actio. Item si priuatus à milite petat, eadem equitas est emptori restituenda pro euictione actionis.*

**I**N §. 1. ostendit stipulationem duplæ committi non tantum si iudicio ordinario, & vtitata actione res emptori euicta sit, sed etiam si euicta sit iudicio extraordinario, puta per restitutionem in integrum, quod est auxilium extraordinarium, l. in causa, ff. de minor. Finge: vendidi rem militis vel alterius, qui aberat Reip. causa, vel captiui: nam & huius eadem est conditio: & emptori caui duplum, & milite vel alio absente nondum reuerso, res ea ab emptore qui eam bona fide possederit vsucapta est. vsucapione perempta est militi actio in rem, emptori perempta est stipulatio duplæ, quia iam factus est dominus rei, l. qui alienam, in princ. hoc tit. At reuerso milite restituitur actio in rem, rescissa vsucapione ex edicto ex quibus caus. maior. Ergo æquum est, etiam emptori restitui stipulationem duplæ, siue actionem pro euictione per eundem prætorem, quæ dicitur utilis actio, quia est restitutoria, ut in l. minor, in princ. hoc tit. omnis actio rescissoria vel restitutoria est utilis. Idem vero euenit à contrario, si quis militi vendiderit rem alienam, quem constat abesse Reipub. causa, rem alienam priuati hominis, inquit, id est, pagani: priuatus opponitur militi hoc loco: & miles cum abesset nec defenderetur, vsu eam ceperit: Nam priuato, cuius res fuit in militem, cum reuersus erit, datur actio rescissoria, quæ rescindit vsucapionem, & restituit priuato, id est, pagano actionem in rem. Ac proinde etiam militi in venditorem restituitur actio ex stipulatione duplæ. ob euictionem, quam vsucapio peremerat. & hæc est sententia huius §. ex quo intelligitur tam militi in priuatum, quam priuato in militem dari actionem restitutoriam ex illo edicto ex quib. causis maiores, quod probatur l. 1. l. item ait prætor, ex quib. caus. maior. l. non quocunque, §. 1. de leg. 1. l. 18. C. de captiu. & postlim. Et ratio dandæ actionis ex utroque latere est in l. 29. ex quib. caus. maior. ne cui militia vel damno vel compendio sit: compendio, in perniciem alterius scilicet. Et non est ferendus interpretis quidam, qui negat dari rescissoriam militi in priuatum: in §. rursus, Instit. de act. qui est de hac actione, datur tantum priuato in militem hæc actio. Sed non ex eo sequitur, denegandam esse militi in priuatum, quod supra dd. ll. de-







do munis erit, per diuisionem incipies habere pro diu- A  
fo, nec potes facere partes pro diuiso, nisi permutaueris  
partes pro indiuiso quæ fuerunt ante. Nunc facita esse:  
tres sunt coheredes, duo præsentis, & vnus absens. præ-  
sentes adhibito procuratore voluntario absentis, id est,  
negotiorum gestore, interuenientes nomine absentis co-  
heredis diuisionem fecerunt bonorum, eamque diuisio-  
nem ratam postea habuit absens. Euicta sunt prædia quæ-  
dam quæ diuisione facta bonorum heredibus obtigerant:  
euictionis nomine competit actio præscr. verbis: Nam ex  
diuisione sicut permutatione datur actio præscriptis ver-  
bis, similis actioni ex empto, *l. his consequenter, §. idem qua-  
rit, l. si filia §. si pater, fam. ersc. l. licet, l. si familia, C. eod. l. si  
fratre, C. comm. utr. iudic.* Competit autem in casu propo-  
sito actio præscriptis verbis ob euictionem, in procurato-  
rem, qui diuisioni interfuit, imo & in dominum compe-  
tit, prout liberit coheredibus, quia diuisionem ratam fe-  
cit. Competit autem in hunc, vel illum id quod interest,  
ita scilicet, vt si post diuisionem deteriora facta sint præ-  
dia, minuat quantitas euictionis, & spectetur quanti  
sint prædia euictionis tempore, non quanti fuerint diui-  
sionis tempore. Et retro si meliora facta sint prædia, vt  
augeatur obligatio euictionis, & omne lucrum & com-  
modum sit emptoris, non venditoris, vt in *l. 70. h. r. l. Ti-  
tius §. ult. l. id quod, de action. emp.* Et hoc est quod ait in  
fine huius legis, scil. vel meliori vel deteriori. Nec obstat  
quicquam lex *ex mille, hoc tit.* quæ docet, non minui obli-  
gationem emptionis, si fundus venditus deterior factus  
sit, & non augeri, si factus sit melior, in causa euictionis  
spectari quanti fuerit venditionis tempore. Sed vt Ac-  
curs. animaduertit, lex *ex mille*, loquitur de actione ex  
stipulatu, quæ stricta est, *d. l. 70. & d. l. Tit. & lex id quod,  
de act. emp.* de actione ex empto, quæ est bonæ fidei, & hic  
*§. ult.* de actione ex stipulatu simili actioni ex empto, id est  
præscriptis verbis, quæ etiam est bonæ fidei, quando da-  
tur ex permutatione, vel diuisione: Nam ex aliis articulis  
actio præscriptis verbis est stricta. Et ita apparet diffe-  
rentiam esse constituendam inter actionem ex stipulatu,  
& actionem ex empto, quod non idem veniat in vtraque,  
cum res, quæ euicta est, deterior aut melior effecta est  
post diuisionem, vel post venditionem, vel permutatio-  
nem.

#### Ad l. 5. de vsuris.

*Generaliter obseruari conuenit, bonæ fidei iudicium non re-  
cipere præstationem, quæ contra bonos mores desideretur.*

**G**eneraliter definitur in hac l. bonæ fidei iudicium  
non recipere præstationem, quæ contra bonos mo-  
res desideretur: quæ definitio est certissima & pulcherri-  
ma, sed exemplis illustranda. Si ancilla vendita sit ea le-  
ge, vt prostituatur, ex ea lege nihil præstatur iudicio em-  
pti venditi, si non fuerit prostituta: nec enim posset ven-  
ditor sine rubore ex ea lege quidquam desiderare. Nam &  
vindictæ rationem actio ex vendito non recipit, *l. 7 de  
seru. export.* Vindicta est contra bonos mores: ius est bo-  
nis moribus tuendi se, non vliscendi, *l. scientiam §. pen. ad  
l. Aquil.* Item petitio hereditatis, quæ est bonæ fidei (quod  
tamen obtinet etiam in rei vindicatione speciali, quæ est  
arbitraria) non recipit fructus, qui inhoneste percipi po-  
tuerunt, veluti ex lupanari, domo locata lenoni, per-  
ceptos inhoneste recipit, *l. ancillarum, in fl. l. si possessor, de  
petit. hered.* id est, si ex domo hereditaria possessor alienæ  
hereditatis inhonestum quæstum fecerit, vtique eum re-  
stituet, is scilicet quæstus veniet in petitione hereditatis,  
*ne scilicet, vt ait d. l. si possessor, inhonesta interpretatio adhibi-  
ta inhonesto quæstui, lucro possessoris cedat,* id est, nisi dixeris  
honestatis specie, non esse honestum inhonestum quæ-  
stum auferre possessori, ita effeceris, vt inhonestus quæ-  
stus apud eum remaneat. huic sane vel vtrique est auferen-

Bus, vel si alterutri est dandus, innocenti sane potius quam  
nocenti, petitori potius quam possessori dandus erit. Ergo  
in petitionem hereditatis fructus veniunt inhoneste per-  
cepti, non etiam, qui inhoneste percipi potuerunt. Com-  
muniter veniunt percepti & percipiendi, sed percepti  
qualicunque ratione: percipiendi honesta tantum ratio-  
ne, *l. fructus non modo, de rei vind.* Atque ita verum est, pe-  
titionem hereditatis, non recipere præstationem, quæ ex-  
tra bonos mores postuletur, id est, non imputari possesso-  
ri quod turpem quæstum non fecerit: sed si quem fecerit,  
ei auferetur: omne enim lucrum ei auferetur. Item non  
recipit iudicium bonæ fidei, aut si quod bonæ fidei iudi-  
cio est vicinum, veluti actio ex testamento, vsuras ex re-  
bus, quæ corpore non quantitate valent: Nam vsuræ per-  
cipiuntur tantum ex quantitatibus, non ex corporibus. Et  
idem Papin. in *l. 3. §. ult. h. r.* etiam ait, ex eis rebus vsuras  
non sine rubore desiderari. Hæc sententia Papin. loqui-  
tur de bonæ fidei iudicio. Quæres, *an non idem sit in stricto  
iudicio?* Strictum iudicium non recipere præstationem,  
quæ contra bonos mores desideretur. Quis non dixerit  
idem esse in stricto iudicio? Nam & stipulatio concepta  
contra bonos mores non valet, *l. stipulatio hoc modo con-  
cepta, de verb. oblig.* Sed maxime valet in bonæ fidei iudi-  
ciis, *l. si aut peserit ce mot maxime, id est, principalement.* Sicut  
dicitur in *l. 1. C. de rescind. vend.* bonam fidem maxime de-  
siderari in contractibus bonæ fidei. Nam desideratur in om-  
nibus contractibus. Nullus est contractus, qui recipiat  
dolum, qui non infirmetur ratione doli, vel ipso iure, vel  
per exceptionem, sed maxime obseruatur bona fides in  
contractibus bonæ fidei. Et ita dico hanc regulam valere  
maxime in iudiciis bonæ fidei, sed debere etiam valere in  
C omnibus negotiis, & rationibus nostris, & esse regulam  
sanctissimam iuris.

#### Ad l. 40. sol. matr.

*Post dotem & nuptias contractas stipulatus est pater, filiæ  
voluntate diuortio facto dotem dari: si conditio stipulationis  
impleatur, & postea filia sine liberis decesserit, non erit impe-  
diendus pater, quo minus ex stipulatu agat: viua autem filia, si  
agere vult, ex ceptione submonendus erit.*

**S**ciendum est, patrem qui dat dotem pro filia, initio  
dandæ dotis ex continenti pacto posse sibi dotem reci-  
pere, citra voluntatem filiæ interposita stipulatione, *l. auia,  
C. de inre dot.* id est, recte stipulari initio etiam dotem sibi  
reddi diuortio facto, etiam sine voluntate filiæ. At post  
dotem datam, & nuptias contractas, cum iam dos filiæ ad-  
quisita est, dos est proprium patrimonium filiæ, etiam si sit  
profecta à patre, in cuius est potestate, *l. pater, ad leg. Falcid.  
l. 4. de collat. bon. l. denique §. ergo, de minorib.* Communis  
dicitur esse patris & filiæ in *l. 3. hoc tit.* Sed certe magis est  
filiæ. Et ita in omnibus partibus iuris habetur pro pro-  
prio patrimonio filiæ fam. sicut castrense peculium, &  
quasi castrense pro proprio filiæ fam. Post, inquam, dotem  
datam, & nuptias contractas, non rite stipulatur pater di-  
uortio facto dotem sibi reddi sine voluntate filiæ. Ad iun-  
ctâ eius voluntate, recte etiam eo tempore stipulatur do-  
tem sibi reddi diuortio facto, & ei soli competit actio ex  
stipulatu efficax, sine metu exceptionis etiam viua filia,  
quæ consensit semel, *l. quotiens, l. si cum dotem, §. eo tempore,  
l. Titia, h. r.* Hoc est & æquissimum & iustissimum, sed in-  
certum redditur per hanc *l. 48.* quæ vult, patrem, qui filiæ  
voluntate stipulatus est, diuortio facto dotem sibi reddi,  
post dotem datam & contractas nuptias, diuortio secuto,  
si agat ex stipulatu summoueri exceptione viua filia. Inu-  
tilem igitur esse stipulationem. Et ob eam rem nulla est  
lex in *h. r.* quæ magis vexarit ingenia interpretum, & inde  
immenso commentarij in hanc legem, nemine non adum-  
brante aliquid plerumque ex animi sui sententia, vt elu-  
dant sententiam Papinianî, quæ est manifesta tamen, vel



ut potius eam transforment. Sed ut ego pridem ostendi ex duobus locis βασιλικῶν deprehenditur mendosus contextus huius legis, & inferendus est articulus, sine, qui vulgo deest. Atque ideo ita legendum, stipulatus est pater sine voluntate filie. Græci δὲ ἀπὸ τοῦ πατρὸς διζῶντες. Et quod magis est, interpretes contextus Basilicæ, exprimit eleganter formulam exceptionis, qua repellitur pater, qui viua filia agit, hoc modo: εἰ μὴ ἡ υἱὸς ἐστὶν τῆς πατρὸς καὶ τὸ οὐκ εἶναι τῆς θυγατρὸς ἀπὸ τοῦ πατρὸς διζῶντες: at si non post contractas nuptias male stipulatus es sine voluntate filie. Hac formula eliditur actio ex stipulatu, quam intendit pater viua filia, quia male stipulatus est, non adhibito consensu filie. Sed mortua filia cessabit hæc exceptio, id est, si mortua filia agat pater, & mortua filia sine liberis: nam iure veteri propter liberos erat deductio & retentio certæ partis dotis. Si sunt liberi, non poterit pater ex stipulatu solidam dotem repetere, si superstites liberos reliquit. Si mortua sit sine liberis, repetet solidam dotem, & morte filie retro valuisse intelligitur stipulatio.

Ad l. 8. de tutel. & rat. dist.

Quamvis iure postliminij tutelam pristinam possit integrare.

Appendix est legis 7. superioris, in qua additur, tutelam finiri captiuitate tutoris. Igitur fideiussores, qui pro tutore sponderunt rem pupilli saluam fore, recte conueniri ex stipulatu statim atque tutor captus est, vt l. 4. §. si tutor, rem pup. salu. fore. Defensorem quoque captiui, qui vltro paratus est suscipere iudicium tutelæ, recte conueniri iudicio tutelæ pro captiuo. Item curatorem datum bonis captiui, recte conueniri actione tutelæ, quia finita est tutela. Notandum, captiuos in litibus procuratorem habere non posse, l. ab hostibus, ex quibus causis maior. quia hoc est liberorum hominum proprium, quia lis non potest esse cum seruis: defensorem habere possunt qui vltro subeat litem eorum nomine, procuratorem voluntarium habere possunt, qui litem faciat suam. Item, vt ait d. l. ab hostib., plerūque bonis captiui curator datur, qui sci. intendat, & excipiat omnes actiones. hic curator poterit conueniri actione tutelæ vel defensor, quia finita est tutela. finitur captiuitate tutoris, l. si adrogati, de tutel. Alioqui in locum captiui non posset alius dari, quia tutorem habenti tutor non datur, & tamen datur: Et consequenter competit actio tutelæ & actio ex stipulatione, rem pup. salu. fore, quæ ante finitam tutelam non competeret, l. 1. l. 4. §. hanc, rem pup. salu. & l. 16. hoc tit. Finitur, inquam, tutela captiuitate tutoris, sed postliminio recuperatur, si tutor ab hostibus aduenerit. Nec tamen hæc spes postliminij differt actionem ex stipulatu, §. ab hostibus, Instit. de Attil. tut. Si pater sit captus ab hostibus patria potestas est in suspenso, dominium rerum est in suspenso, §. si ab hostibus, quibus mod. ius patr. pot. Inst. Postliminium dicitur suspensio iuris constitutio, l. pen. de suis. & leg. Tutore capto ab hostibus tutela non est in suspenso, sed finitur. Hoc exigit utilitas pupillaris, & finis tutelæ propriū est. Qua ratione & vsum fructum, qui ante captiuitatem fuit captiui, dicerem finiri captiuitate, quia & vsum fructus finis est proprium, licet redintegrari speretur postliminio: denique spes postliminij alia suspendit, alia finit. Et ita in hac l. 8. ait Papinian. tutelam captiuitate tutoris finiri, quamvis iure postliminij tutelam pristinam possit integrare. hæc scilicet spes non suspendit tutelam, imo finit, & nouus tutor datur, qui definit esse tutor, si alter redeat ab hostibus.

Ad l. 2. vt leg. seu fideic. seru. caus. cau.

Nec si forte velu pater cauere, neminem amplius petitis. Quæst. Papin.

rum, compellendus erit heres legatum, quod iam filius petere potest, alij, quam cui debetur, exsoluere.

Sciendum est, in hoc titulo proponi edictum prætoris de stipulatione legatorum seruandorum causa, qua se legatariis heredes obstringunt datis fideiussoribus. Et licet nobis formulam stipulationis componere: Quod mihi ex testamento aut codicillis L. Titij dari fieriue oportet, id quibus diebus L. Titius dari fieriue voluerit, iisdem dari fieriue, aut quanti res erit tantam pecuniam recte præstari, delumque malum huic rei promissionique abesse abfuturumque esse sponde. spondeo. Stipulatur legatarius, promittit heres: adpromittit fideiussor, quem addiderit heres. Et ait, Quod mihi ex testamento vel cod. codicillis scil. ad testamentum factis: Nam legata non debentur, nisi ex testamento, & edictum loquitur tantum de legatis, sed quia placet hodie etiam in fideicommissis huic stipulationi locum esse, l. 1. §. plane, & l. hæc stipulatio, hoc tit. quæ quidem fideicommissa ab intestato relinqui possunt: ideo etiam ab intestato codicillis, aut epistola aut quocunque alio iudicio fideicommissio relicta hæc stipulatio locum habet, l. etiam §. ult. hoc tit. Et rursus ait, dari fieri oportet, vt l. 10. hoc tit. quo verbo certum est, id quod oportebit etiam contineri, id est, quæ post debentur ex legati causa, veluti fructus aut vsuras ex mora, l. 1. §. bellissime, hoc tit. Igitur in formula non est necesse adiici, oportet, oportebitue. Nam verbum, oportet, etiam futurum tempus complectitur: nam eadem eius verbi interpretatio fit in actionum formulis, l. 76. §. 1. de verb. oblig. Et hæc stipulatio legatorum instar actionis obtinet. Est enim stipulatio prætorica cautionalis, & omnis stipulatio prætorica cautionalis instar actionis obtinet, & qui actionem dicit, & hæc genera stipulationum dicit, l. 1. §. cautionales, de prætor. stip. l. actionis, de obl. & act. l. non solum, rem rat. hab. l. si ambo §. in stipul. de compensat. Et ita è contrario in actionibus, & consequenter in stipulationibus, vt arbitror, verbum oportebit, etiam id quod oportet, comprehendit. Et licet eodem argumento vti, quo Pomponius in l. verbum erit, de verb. sign. Si, inquit, verbum, est, ex mente scribentis, vel loquentis, non tantum præsens tempus sed etiam præteritum significat, ergo & verbum, erit, non tantum futurum, sed etiam præteritum tempus demonstrat. Eodem igitur modo licebit argumentari, si in actionum & stipulationum cautionarium, quæ ex edicto proficiuntur, formulis, verbum, oportet, non tantum præsens, sed etiam præteritum significat: Ergo in iisdem, oportebit, non tantum futurum, sed etiam præsens demonstrat. Nec igitur interest si ita concepero, quod mihi dari fieri oportet, an, oportebit. Et ita ad actionum editionem, quod inscriptio l. demonstrat, siue ad actionum formulas refero, quod est in l. 8. de verb. sign. verbo oportebit, tam præsens, quam futurum tempus significari: nec probo, quod quidam mutauit verbum, oportebit, in verbum, oportet. Nam si in verbo oportet verum id est, & in verbo oportebit pariter, non in omnib. causis, sed in actionibus, ad quas referenda ea lex, vel in stipulationibus, quæ pro actionibus sunt. Nam quod subiicitur in ea l. 8. est de actionibus. actionum verbo non contineri exceptiones, & in exceptionibus forte eadem interpretatio non fiet, sicut nec fit eadem interpretatio in stipulationibus conuentionalibus, quæ instar actionum non habent, l. 76. §. 1. l. 89. l. 12 §. de verb. oblig. l. & vno, de acceptil. Nec etiam in legatis fit eadem productio temporis, l. si ita scripsisset, de leg. 2. l. 17. de liber. leg. sed omissum tempus habebitur pro omissio, & qui volet vtrumque tempus complecti, necesse est ita scribat, oportet, oportebitue. Rursus in formula diximus, quibus diebus dari fieri, & c. ex l. 1. & l. 8. hoc tit. Nam edictum prorsus pertinet ad legata relicta ex die certa vel incerta, metuente forte legatario, ne interim, antequam conditio siue dies incertus extiterit, heres dissipet bona sua, ne inane legatum, inanem actionem faciat, & ob id solum prospicere legatario sibi cautionem licet. Sed quod notandum, porrigitur edictum etiam ad pura



legata, si heres iudicem quærat & litigare velit, *l. hac stipulatio, l. etiam, hoc tit. l. uxorem §. ult. de legat. 3.* Item adiecimus, aut quanti ea res erit, ex *l. 1. §. item quaritur, hoc tit.* quæ ait, in hanc stipulationem res aut pretia deduci. Hæc postrema clausula est de dolo malo, quæ subiici solet fere omnibus stipulationibus, *l. 1. hoc tit. l. doli. l. ex ea parte, de verb. oblig. l. nonissima, ind. solui.* Et præterea cognita formula omnino sciendum & hoc, interponi eam stipulationem, ut noua actio sit, ut est proditum in *l. 1. §. cautionales, de prator. stipul.* id est, ut ex stipulatu legatario actio sit legati nomine, sed non, ut nouatio fiat, non ut moueatur actio de legato. nouæ actionis adquisitio, nouatio non est, quia & interposita stipulatione eiusmodi, id agitur solum, ut legatario fideiussoribus sit cautum, non ut ab obligatione testamenti recedatur. Ideoque simul dies legati cessit, & ex testamento, & ex stipulatione debetur, *l. 8. hoc tit.* & perperam ante Florent. in *d. l. 1. §. cautionales*, legabatur, ut nouatio sit, nec enim sit nouatio. Sed diligentius explicandum, qui præstent eiusmodi cautionem, & quibus sit ea præstanda.

Cautionem legatorum præstant heredes, à quibus legata relicta sunt, heredes inquam, ex asse, vel ex parte, & instituti vel substituti, *l. 1. §. certe, hoc tit.* Imo & honorarij successores siue prætorij eam præstant, *d. l. 1. §. non solum.* Qua appellatione, non significantur tantum bonorum possesores hereditarij, ut interpretes male existimant, sed quam plures alij, ut heredes scripti sub conditione iurisiurandi, qui iure prætorio & non impleta conditione, quam prætor remittit, pro eo habentur, quasi impleta conditione heredes extitissent, *l. 1. §. ad eos, ad leg. Falcid.* & heredes scripti, qui omiſsa scriptura ab intestato possident hereditatem, *l. duo heredes, si quis ex causa testam.* De quibus etiam nominatim scriptum est in *l. 13. hoc tit.* satisfactionem ut præstent. hi sunt honorarij successores, qui ultra prætoris edictum iure ciuili ex testamento heredes non existimarentur esse, quippe cum illi non impleuerint conditionem, & omiserint testamentum: Præstant eandem cautionem heredes heredum, quod notum est & successores successorum, quia & eos obligatio legatorum tenet, quæ tenuit defunctum, veluti æs alienum, quod erat defuncti. Item præstant cautionem fideicommissarij Trebellianici: nam & eos onera legatorum sequuntur, *l. 1. §. is etiam, l. etiam §. 1. hoc tit.* Et postremo hi etiam hanc cautionem præstant, qui per alios heredes effecti sunt, ut qui seruum aut filium ab alio institutum hereditatem adire iusserunt, *d. l. 1. §. non solum, hoc tit.*

Sequitur, quibus sit præstanda ea cautio, & id quod certissimum est proponam. legatariis & fideicommissariis, imo & successoribus eorū præstanda est, in quos ius legati tanquam æs alienum transmissum est: Imo & procuratoribus eorum, *d. §. non solum.* Imo & dispensatoribus legatorum, *l. quidam §. pen. de leg. 1.* Et postremo cauetur domino etiam legatarij serui & patri, *d. l. 1. §. plane si ei qui, hoc tit.* Sed ut ostenditur in eadem *l. 1. §. ult.* ex quo pendet nostra lex, patri vel domino non cauetur præcise, id est, sine vlla exceptione, præcidendo ita, ut dixi, in formula, *dari fieriue*, sed sub conditione, si filius vel seruus die legati cedente, in eius potestate sit, atque hoc nouum non est: Nam & procuratori legatarij non cauetur præcise, sed sub conditione, si is cuius nomine cauet heres, viuat, si legatarius viuat, videlicet ne teneatur heres illo ante defuncto, præstare legatum à defuncto relictum, *l. 1. §. procuratori, h. t.* Ex his apparet, his casibus, si stipuletur procurator vel pater, vel dominus, formulam stipulationis, quam ex eo, quod plurimum sit, confecimus, eas conditiones recipere.

Dicebam modo procuratori legatarij non caueri præcise, sed sub conditione, si legatarius viuat: & similiter patri vel domino non caueri præcise, sed sub conditione, si legatarius in eius potestate sit, cum dies legati cedit, ex *l. 1. §. ult. hoc tit.* Ergo nunc ita constituamus: patri vel domino caueri, si die legati cedente legatarius in eius potestate sit:

A quo casu debetur legatum patri vel domino quasi sibi adquisitum iure potestatis. In alium ergo casum, videlicet, si legati die cedente sui iuris sit, iniquum esset patri vel domino caueri: cum in eum casum patri vel domino legatum non debeatur, & ei tantum cautionem præstari oporteat, cui debetur legatum, vel ei, cui nondum debetur in eum casum, si forte debebitur: debetur autem legatum non tantum quod peti potest, sed etiam quod nondum peti potest, si modo iam sit nata obligatio, id est, si dies cesserit, *l. 9. hoc tit. l. si dies, sup. tit. proximo.* ut si ex die certa legatum relictum sit, statim dies legati cedit à morte testatoris, id est, nascitur obligatio, & incipit deberi legatum, statim dies legati cedit, siue dies sit brevis siue longa: ut Cal. centesimis, quod non abs renotatur in *d. l. si dies.* Actio autem, petitio, persecutio non nascitur, antequam dies venerit: quod si ex die incerta legatum relictum sit, veluti, cum natus ex Asia venerit, cum Titius consulatum inceperit, neque debetur, neque peti potest legatum, vei neque cedit, neque venit dies, quod idem est. Et breuiter, neque obligatio, neque actio nascitur, antequam dies cesserit, vel conditio obtigerit, *d. l. si dies & l. cedere, de verb. sign.* Spes tamen est debitum iri. Et huius spei nonnulla habetur ratio in iure: nam & ex alia causa interposita stipulatione conditionali, mortuo stipulatore pendente conditione, spes transmittitur in heredem, *§. ex conditionali, Inst. de verb. oblig.* Et huius spei ratione, antequam existat conditio legati, id est, antequam dies legati cesserit, & cœperit obligatio, hæc stipulatio de legato interponitur, sed non transmittitur in heredem, mortuo legatario pendente conditione, quia nec spes legati conditionalis transmittitur: Et eadem est causa huius stipulationis, & huius legati, eadem causa actionis ex stipulatu, & actionis ex testamento, quia vtraque interponitur legati nomine, *l. 1. §. si quis sub conditione, hoc tit.* Et obseruandum, in *d. §. ult. eiusdem l.* cum quæritur de cautione legati præstanda in genere, quod filiofamil. vel seruo relictum est, poni legatum fuisse relictum incerta die. Nam si ex die certa relictum sit, constat statim à morte testatoris patri vel domino legatum deberi, neque ab eo discedere obligationem, etiam si postea ante diem legati filius vel seruus sui iuris fiat, *l. 5. §. ult. sup. tit. prox.* Et consequenter constat, patri vel domino ex causa eius legati, omnimodo cautionem præstandam, nec locum esse quæstioni propositæ in hoc *§. ult.* quod recte notat Accurs. Igitur in eo *§.* recte instituitur quæstio, non de legato relicto ex certa die, sed incerta die, quæ & paulo post vocatur conditio: nam conditio est dies incerta, ut *si natus ex Asia venerit*: & retro, dies incerta est conditio, aut conditionis instar, *l. dies, de condi. & demonstr. l. talis scriptura, de legat. 1. l. sufficit, de cond. indeb.* Dies, inquam, incerta, est conditio, si & dies incerta sit, & res ipsa, quæ in eam diem confertur, veluti, *si Titius erit consul.* Nam & quo die Titius futurus sit consul, & an futurus sit, incertum est: alias vero sola dies incerta certe non est conditio, veluti si ita legetur, *heres meus Titio, cum morietur, fundum dato*, purum est legatum, non conditionale. hæc verba, *cum morietur*, non faciunt conditionem, *l. sub conditione, cum l. seq. de condict. indeb. l. heres meus, de condit. & demonstr.* Nam Titium moriturum certum est, mors certa, mortis dies incerta est, denique dies cum morietur, re ipsa certa, tempore incerta est. Et ad summam, dies incerta, conditio est, quæ & re & tempore incerta est, certa re. Ideo non minus, imo magis hæc dici dies certa, quam incerta potest, cum ex re ipsa certius ei sit certum æstimare, quam ex curriculo temporis. Et quæstio *§. ult.* non minus cessat in hac die ambigua, quæ partim certa, partim incerta est, quam in illa, quæ omni ex parte certa est, & re, & tempore: Nam & cedit vtraque statim, licet nondum venerit, & statim igitur à morte testatoris patri vel domino debetur legatum sub hac vel illa die seruo vel filio relictum, & ei soli est præstanda cautio sine cunctatione vlla, & sine exceptione vlla præcise. At si sub conditione, vel sub die penitus incerta filiofamil. aut seruo lega-



tum sit, non est præstanda satisfactio patri vel domino præcise, sed cum hac exceptione, *si die legati cedente, in eius potestate legatarius fuerit*: quo solo casu patri domino-ve tale debetur legatum. Et ita cum hac adiectione conditionali & exceptione consultius fecerit, si his personis cauerit heres non pure. Sed & si forte cauerit absque sine exceptione, ut ostenditur in §. ult. & post manumissionem serui, aut emancipationem filiam. dies legati cesserit, agenti patri vel domino ex stipulatione illa obstat exceptio doli mali, quod in eum casum non sit actio ex stipulatu, quo nec ei licet agere ex testamento, d. §. si quis sub conditione. Causa stipulationis sequitur causam legati, quali principalem. Stipulatio est veluti accessio obligationis principalis, & additur recte ex Papin. in l. 2. hoc tit. non audiri etiam patrem vel dominum, cui præcise cautum est, detracta omni conditione, si agat ex stipulatu, vel ex testamento, quamuis offerat cautionem pater, filium non petiturum, neminem amplius petiturum: nec enim heres compellitur alij, quam cui debetur, legatum exsoluere. Debetur autem filio vel seruo, qui sui iuris inveniuntur, existentis conditionis tempore, non patri vel domino, & licet non utique semper peti possit quod debetur, ut quod debetur ex die certa, tamen quod non debetur, nunquam petitur efficaciter, *ex eo quod*, quia vel exceptione repellitur actor, cui nihil debetur. Sed ad hæc notandum in hoc proposito, non tantum patri caueri oportere, sed etiam filio, non tantum domino, sed etiam seruo: patri, in casum si filius in eius potestate sit die legati cedente, & similiter domino: filio autem & seruo, in casum, si sui iuris sit: nam utrique caueri in suum casum æquum est. Dices, onerari heredem si caueat utrique, quod cogitur vni querere vnum fideiussorem, & alij alium, fideiussor non esse faciles inuentu, nec vnum facile suscipere plures obligationes. Dicam, non onerari heredem ex l. seq. quia utrique caueri poterit adhibito vno eodemque fideiussore, qui ideo non onerabitur, nec detrectabit cauere utrique, cum futurum sit, ut vni tantum teneatur, non utrique, prout casus hic obtigerit, vel ille: nec enim uterque casus concurrere potest. Cauebit igitur heres utrique eodem fideiussore: nam æquum sane est cuique cauere in suum casum. Nam ex stipulatione filij non potest actio adquiri patri in casum, quo sui iuris sit. Et retro ex stipulatione patris vix vnquam filio acquiritur actio, l. cum des, de pact. dor. Et ita etiam lib. 3. & 19. quæst. Pap. iam ante didicimus, eodem legato relicto duobus sub diuersis aut contrariis conditionibus, heredem utrique cauere, quamuis tamen vni tantum debeat, l. Paulus §. ult. de prat. stip. l. etiam §. ult. tit. seq. adhibito eodem fideiussore, l. 3. h. t. Quod obtinuit in specie l. si duo, h. t. Si Titio legatum sit relictum, & duo sint eiusdem nominis amici testatoris, nec certum sit, de quo senserit testator, & desperemus an certum esse possit, interim utrique satisfabis, adhibito eodem fideiussore, dum illi duo de legato contendunt.

#### Ad l. 5. eod.

Posteaquam heres ab hostibus captus est, conditio legati. cuius nomine proposita stipulatione tantum fuerat, extitit. fideiussor interim teneri negauit: quia neque ius, neque persona esset, ad quam verba stipulationis dirigi possint.

Res aut quatuor quæstiones de eadem materia in hac l. 5. de qua tractatum est supra, proponuntur, de prætorij stipulationibus scilicet legati vel fideicommissi seruandi causa. Et primæ quæstionis species hæc est: Heres de legato relicto sub conditione satisfecit: post captus est ab hostibus, & post captiuitatem eius extitit conditio legati: Queritur, an fideiussor conueniri poterit herede nondum reuerso ab hostibus? Et Papin. ait, non posse. Videretur posse, quia fidem suam in hoc interposuit, ut cum legati conditio extitisset, legatum solueretur. Porro extitit conditio,

A & legatario liberum est agere cum herede vel eum fideiussore. Et hoc sane casu plane cogitur conuenire fideiussorem solum, nisi captiuus defensorem habeat in ciuitate. At Papin. ait, fideiussorem interim non teneri, dum heres est apud hostes. Rationem non intellexit Accurs. quæ talis est: quia fideiussor ante quam reus principalis debeat, conueniri non potest, l. fideiussor antequam, de fideiuss. Heres autem, qui reus est principalis, neque ante captiuitatē pendente conditione legatum debuit, l. legata sub conditione, de cond. & demonstr. neque etiam postquam extitit conditio, cum sit apud hostes, legatum debet aut debere potest, quia in personam seruientem non cadit ciuilis obligatio, nec heredem habet qui debeat, quia successio eius est inpendenti propter spem postliminii: denique non est persona principalis quæ debeat legatum, & consequenter non est ius, id est, non est obligatio. ius nonnullis in locis iuris nostri sumitur pro obligatione, ut l. fideiuss. obligari §. pen. de fideiussorib. l. hæc stipul. h. t. Si non est persona quæ debeat principaliter, nec igitur obligatio est, quia obligatio ciuilis sine persona, in qua consistat, nullo modo esse potest, nec initium sine ea capere potest, & verba huius stipulationis prætorij referuntur ad obligationem ciuilem, quod mihi ex testamento dari fieri oportet, oportebit. Obligatio enim ex testamento est ciuilis, id est, ex 12. tab. Cum ergo non sit obligatio ciuilis in casu proposito, nec sit persona quæ ciuilitate debeat, sequitur fideiussorem interim non teneri. *faut attendre qu'il y aye un principal.* captiui persona nulla est, cum seruus sit hostium, serui nulla est persona. Persona est ciuile nomen, & seruus non est ciuis. Homo est naturale nomen, seruus est homo, non persona: denique seruus non obligatur ciuilitate, l. serui, de ob. & act. l. in personâ, de reg. iur. Herede reuerso ab hostibus, tum demum fideiussor conueniri potest, quia iam existit persona principalis, quæ legatum debeat si legati conditio extiterit. & hæc est sincera ac vera interpretatio huius legis, siue explanatio quæstionis primæ propositæ in hac lege. In contextu illo loco, proposita stipulatione, scio Pap. scripsisse, prætorij, non, proposita, & simili errore in l. 3. §. quamuis, si quis plus quam per l. Falc. In illo loco, quod præterea cautionis, legendum, quod prætorij cautionis, etiam herede postea capto ab hostibus, si ante captiuitatem legati extitisset conditio, fideiussor proculdubio tenetur. hæc igitur talia sunt Papin. verba, postquam, & c. quia heres legatum debere cœpit, & captiuitate obligatio non perimitur, l. hætenus, de const. pec. Rursus si post mortem heredis, qui satis dederat, extiterit conditio legati, fideiussor tenebitur, non quidem ante aditam hereditatem heredis, quia etsi obligatio, quæ iam cœpit in persona aliqua, consistere possit postea sine persona, etiam si nullus appareat postea, qui debeat, ut si mortuus sit debitor, & hereditas eius nondum adita sit, non apparet debitor, apparet tamen obligatio, d. l. hætenus, quæ iam cœperat in personam: tamē obligatio exordium capere non potest sine persona: perseverare potest, etiam si non perduret persona, sed hoc casu fideiussor tenebitur post aditam hereditatem heredis vitâ defuncti, antequam existeret conditio, quia heres, à quo legatum relictum est sub conditione, si moriatur pendente conditione, heredē suum qui adierit obligatum relinquit, l. legato, sub cond. de cond. & dem. Aliter legatarius, cui legatum relictum est sub conditione, qui si moriatur pendente conditione, heredi suo nihil relinquit, quia legatum conditionale non transmittitur in heredem, l. 1. §. si quis sub cond. h. t. Vbi quod notant esse mendum in Pand. Flor. non est mendum; illo loco, quia nec legatum non transmittitur. Sūt enim duæ negationes pro vna, quod est frequēs in his libris, & alijs auctorib. l. 6. de extraord. criminib. Ne ab his, qui supprimunt coemptas merces ne annonæ oneretur, & l. cum autem §. 1. de edil. ed. nihil amplius consequatur, quam non haberet, & illo loco Terent faciunt ne intelligendo, ut nihil intelligant. Et ad secundam quæstionem ad quam male Accurs. addit, hæc rationem, cur fideiussor interim non teneatur, quia, inquit, extincta obligatione principali tollitur fideiussoria, male: quia



nec hæc fuit extincta, quæ nec dum cæpit, & quæ si cæpisset nec captiuitate extingueretur, *d. l. hætenus*. Et subiicit etiam male, quia exceptio quæ reo competit & fideiuss. prodest. nam hic nulla competit exceptio personæ non obligatæ, nondum est reus principalis quisquam. Et hoc cum ita sit, male adfert legem si decesserit, qui satisd. cog. vt ex ea efficiat, quod tamen est per se verum, exceptionem reo competentem fideiussori prodesse, veluti exceptionem trisaactionis, *l. fideiussores 68. §. ult. de fideiuss. l. exceptiones, de except. §. exceptiones, Inst. de repli.* Verum hoc non vult lex si decesserit, sed hoc tantum, mortuo reo ante moram, id est, ante diem quo sistere debuit qui satisdederat iudicio sisti, fideiussorem liberari. cur liberatur? an quia exceptio reo competit? minime: sed quia impossibile nulla est obligatio: impossibile enim est hominem mortuum sisti. frustra etiam in hoc proposito ponit, exceptionem rei prodesse fideiussori liberato reo exceptionis iure, & iure eodem liberari fideiussorē. Huic tamen sententiæ obicit legē *1. C. de fideiuss.* ex qua colligitur, liberato reo non liberari fideiussorem, quod contingit sæpe, puta reo morte liberato, siue mors sit naturalis siue ciuilis: ciuilis mors est deportatio, publicatio bonorū. cui adempta sunt & publicata sua omnia, pro mortuo habetur: cui publicata est pars, pro semimortuo. Igitur ipse quidem liberatur, sed fideiussor non liberatur, qui vtique adhibetur hac prouidentia siue contemplatione, vt siue reus moriatur morte sua, siue confiscetur, sit creditori, à quo suum seruare possit lapsio reo facultatibus. sed, vt dixi, nihil attinet hoc loco de hac re disputare, puta in hac specie, non liberatur reus, cum nondum sit vltus reus. & fideiussor non tenetur, non quia sit liberatus reus, sed quia nullus adhuc est reus.

#### Ad §. i. Imperator.

Imperator Marc. Antoninus Iulio Balbo rescripsit, eum à quo res fideicommissæ petebantur, cum appellasset, cauere; vel si caueat aduersarius, transferri possessionem debere. Recte placuit Principi post prouocationem quoque fideicommissi cautionem interponi. Quod enim ante sententiam, si petitionis dies moraretur, fieri debuit: amitti post victoriam dilata petitione non oportuit. Sed quare non cauerat de fideicommissio, qui prouocauerit, si caueret aduersarius, ad eum possessionē esse transferendam rescripsit: cum alia sit edicti conditio: non enim exigitur à legatario vice mutua cautum: sed vicaria custodia gratia possessio datur: & qui obtinuit, in possessionem per prætorem aut præsidentem inducitur: sed prætorem quidem in omnium rerum possessione, quæ in causa hereditaria permanent, omnimodo fideicommissi seruandi gratia esse permittit. Princeps autem earum rerum nomine, de quibus fuerat iudicatum, mutuas admisit cautiones. Sicuti cum de bonis suis conferendis filius accepta possessione cauere non potest: quia denegamus ei actiones: deferitur conditio cauendi fratribus ex forma iurisdictionis, quod ex portione fratris fuerint consecuti, cum bona propria conferre cæperit, se restitutos. sed si nec ipsi cauere possint, utiliter probatum est, virum bonum ab utraque parte eligendum, apud quem vt sequestrum fructus deponantur, quique utiles actiones à prætore datas exerceat. possessio autem ex rescripto supra relato, non aliter ad eum, qui fideicommissum petit, transfertur, quam si cauerit: tamen si maxime aduersarius non per inopiam, sed per contumaciam cauere voluerit, sed si is, qui vinit, non possit cauere, vel res deponenda vel iurisdicatio restituenda erit.

Sequitur in §. i. rescriptum M. Antonini. Vt eius quaestio intelligatur, quaeram statim an hæc cautio, de qua agimus, præstetur & exigatur post litem de legato contestatam actione ex testamento, id est, si iam cæperit legatarius petere legata actione ex testamento. Quæ de re ausim ita cōstituere, exemplo aliarum stipulationum prætoria, quæ interponuntur ante litem contestatam, non post, veluti, iudicatum solui, iudicio sisti, rem ratam haberi: & hæc stipulationem legatorum interponi ante litem contestatam.

A Et ita secundum scripturam Pandect. Flor. l. i. §. plane si quis, hoc tit. perspicue traditur. Si omilla stipulatione prætoria de legato legatarius litem contestatus est actione ex testamento, cessare hanc stipulationem? Cur ita? quia videtur legatarius elegisse diem consequendi legati, & contempsisse remedium stipulationis: & quia, vt est in *l. 3. tit. seq.* de legato ante potest cōstare, quam de satisfactione, id est, de legato, de quo litem contestatus est constare potest ante, fierique iudicium, quam satisfactio excuti, probari, præstarique possit. non desiderabit igitur cautionem, qui elegit actionem ex testamento & litem cōtestatus est. In aliis libris legitur in *d. §. plane nec cessare*. Sed maior est fides Florentinorum. Neque moueor eo, quod dicitur etiam de legato puro, & præsentis caueri: nam & caueri dicam, antequam de eo legato lis contestetur, *l. etiam, hoc tit.* Non moueor etiam eo, quod dicitur in *b. §. ante sententiā* hanc cautionem exigi. Nam subiicitur, si petitionis dies moraretur, id est, si nondum peti legatum potest, si lis de legato nondum contestari potest. Ergo ante sententiā, & ante litem, non post litem contestatam. Non moueor etiam eo, quod dicitur in *d. §. i.* etiam post condemnationem heredis, cum quo egerat legatarius ex testamento, hanc cautionem exigi. Si post condemnationem, cur non etiam post litem contestatam? Nam, vt respondeam, ita demum post litem contestatam, imo post condemnationem hæc cautio exigitur, si heres, qui condemnatus est, appellauerit, quæ appellatio extinguit superius iudicatum. ne dicas suspēdit, imo extinguit, *l. i. §. ult. ad Turpillian.* Quod euidenter apparet ex eo, quod si quis iudicio famoso sit condemnatus, veluti furti, & appellauerit, & non sit visa appellatio iusta, si la premiere sentence a esté confirmée, hodie sit infamis, non retro, quia prior condemnatio fuit extincta appellatione, *l. furti §. i. de his, qui not. infam.* Sic igitur post condemnationem heredis, si appellauerit heres, extinguitur iudicatum, & ideo, antequam lis noua ex causa appellationis contestetur, recte hæc stipulatio exigitur, quandoquidem exigitur ante litem contestatam. Sed & hoc casu, cum post condemnationem exigitur, non exigitur ex edicto prætoris, sed rescripto Antonini, quod proponitur in hoc §. inter quæ est magna differentia. Primum enim, vbi ex edicto non cauetur legatariis, legatarij mittuntur in possessionem omnium rerum, quæ sunt in causa hereditaria, sui legati conseruandi causa, *l. i. quib. ex causis in possess. eat.* Vbi autem post condemnationem & appellationem heredis non cauetur, ex rescripto Antonini legatarij mittuntur tantum in possessionem rerum legatarum, de quibus iudicatum est. Et ita demum legatarius mittitur in possessionem, non cauente herede condemnato, si sit paratus ipse cauere heredi, de conseruanda re legata, in quam mittitur, & restituenda heredi, si forte vicerit heres in iudicio appellationis, quæ est secunda differentia. Ex edicto autem legatarius cum mittitur in possessionem, nihil cauet heredi: denique ex rescripto Antonini, vt loquitur Papin. in hoc §. i. mutue cautiones exiguntur, nā ex edicto, & mutue cautiones, id est, recurrētes, commeantes ab vno ad alium, non quod alter alteri simul caueat: sed quod herede non cauente caueat legatarius, si velit mitti in possessionem rei legata, & ita oportet vel heredem cauere legatario & non mitti legatarium in possessionem bonorū, vel

E legatarium cauere heredi & mitti. Est & differentia tertia, quod ex rescripto Antonini legatarius, cui non cauet heres post condemnationem, missus in possessionem rei legata, solus possidet rem legatam. Ex edicto autem legatarius missus in possessionem non possidet solus, sed simul cum herede. Et vt eleganter ait Papinianus, vicaria possessio datur legatario custodia gratia. vicaria dicta ex eo, quod sit vice cautionis, quam heres præstare detrectat, vt *l. si finis §. si quis damni, de dam. infec. & custodia gratia*, quod custodia legatario detur rerū hereditariarū potius, quā possessio, vt saltem tædio custodiæ extorqueat heredi cautionem prætoria legati seruandi causa, *l. 3. §. ult. l. 10. de adquir. poss. & l. cum legati, quibus ex causis in poss. eat. l. 5. tit. seq.*



In summa, multum interest, caueatur ex edicto, an ex rescripto Antonini: multum interest exigatur cautio ante litem de legato contestatam priori iudicio, an posteriore iudicio appellationis: sed utrobique exigitur ante litem contestatam. Et sic ordo, qui demonstratus est ex eo rescripto Antonini, confirmatur vno exemplo, de collatione bonorum. in hoc §. illo loco, *sed quare non cauerat*, vulgo legitur, *caueat*, at vt ostendi iam dudum, legendum est, *sed quare non cauente*, herede scil. nam hoc dicit, non cauente herede, si caueat legatarius, in eum transferri possessionem. Etiam in illo loco *qui obtinuit*, id est, qui à prætoris impetrauit hanc satisfactionem: est enim instar actionis, & petitur à prætoris, sicut actio, non ipso iure ex edicto competit, & qui petit hanc stipulationem agit, l. quib. §. ult. de verb. sign. vt intelligatur, an apte cohæreant his, quæ diximus heri, ex his quadam restituere & sensum construere siue copulare necesse est. Si omissa stipulatione legatarius de legato litem contestatus sit, & condemnauerit heredem, appellauerit heres: Imperatori M. Antonino æquum visum est, antequam lis denuo contestetur, cautionem interponi fideicommissi seruandi causa, si hoc desiderauit legatarius, qui vicit: nam si ex edicto ante condemnationem heredis mora petitioni sit interiecta, vel ex die, vel ex conditione, hæc cautio interponi debet, & multo magis post condemnationem heredis, dilata petitione per appellationem antequam causa appellationis agatur & contestetur. Sed multum interest inter edictum prætoris & constitutionem Marci Antonini: Nam ante condemnationem, & litem contestationem cautio ex edicto præstatur, & non cauente herede legatarius mittitur in possessionem omnium rerum hereditariarum, quasi custos rerum, herede nihilominus manente in possessione earum rerum, & nulla ab eo heredi vice mutua præstatur cautio. Quid enim opus est heredi cauere manenti in possessione hereditatis? Post condemnationem vero, & appellationem heredis cautio ex const. M. Antonini interponitur, & herede non cauente, legatarius mittitur in possessionem rei legatæ, vt solus eam rem habeat, & possideat, vt sit possessor, non custos, heredi ablata possessione, si modo cauerit heredi, de ea re seruanda, & restituenda, si secundum heredem pronuntiatum sit. Et vt ostenditur in extremo huius §. hanc utique cautionem debet heredi cauere legatarius, non tantum si heres per inopiam, quæ neminem non eximit hominum gratia, cauere non possit, sed etiam si per contumaciam cauere nolit, quod sit inops tum pecuniæ, tum gratiæ, etiam contumaci cauetur ex fine eius §. Porro hunc ordinem iuris, vt exigatur cautio à reo, & si nolit cauere, vt transferatur possessio rei controuersæ in petitorum, qui modo idem cauere paratus sit, qui quam reus detrectat, ipse ultro subeat cautionem, huc inquam, ordinem, & in aliis causis seruari, propter exemplum de collatione bonorum Pap. in hoc §. ostendit: Filius defuncti emancipatus, patre defuncto, non admittitur vna cum fratre, qui mansit in patria potestate, ad bonorum possessionem contra tab. nisi conferat in commune bona propria, quæ post emancipationem adquisiuit, quia ius filij vult habere, qui vult particeps fieri bonorum paternorum: filij autem quæ sunt, patris sunt, bona igitur propria, quasi paterna debet conferre, quod fit non tantum re ipsa, id est, diuisione propriorum bonorum habita cum fratre, sed etiam cautione ex edicto prætoris, si caueat, se bona propria cum fratre diuisurum. Collatio fit cautione aut diuisione, vel si tanto minus pro rata ferat ex bonis paternis. Quod si nullo modo conferat emancipatus, si neque diuidat, neque caueat, denegantur ei actiones, etiam si bonorum possessionem acceperit, quasi acceperit sine re, si ne effectu, actiones possessoriarum vel hereditariarum, quæ in possessorem bonorum dantur, vel hereditario iure efficiunt, vt heres nisi cauerit legatario, nihil ex bonis paternis iudicio fam. erisc. consequi possit, sed portio eius, quam habiturus erat, si contulisset, transfertur ad fratrem, qui fuit in potestate, si modo caueat emancipatus, vt for-

Quæst. Papin.

A mulam concipit Papin. hoc loco. Sunt enim verba formula, quam suus in quem transfertur portio emancipati præstat emancipato: *quod ex portione fratris fuerit consecutus, cum bona propria conferre frater coeperit, se restitutum: & cauere utique debet suus, in quem transfertur portio emancipati indistincte, siue per inopiam non caueat emancipatus, siue per contumaciam: vt in proposita specie, de stipulatione legatorum, nihil interest, heres inops sit, an contumax. Et male Accurs. sentit hac in re, esse differentiam inter hunc casum de satisfactione legatorum, & illud de collatione bonorum, & mouetur leuiter verbo, non potest: nam in consuetudine, & non posse dicitur, qui non vult, & contra non velle, qui non potest: & ita nullo constituto inter hos casus discrimine, sicut mitius agitur cum filio emancipato, qui per inopiam vel contumaciam cauere non potest, veluti non continuo translata portione eius in fratrem, non temere & quandoque non in totum denegatis actionibus possessoris, vt l. i. §. si frater, & §. si duobus, & l. i. §. ult. de coll. bon. ita meo iudicio æquum est, etiam mitius agi cum herede, qui per inopiam cauere non potest de legato, non facta translatione possessionis protinus in legatarium, sed suspensa ea, donec diligentius quærat fideiussorem. Quid autem fiet illo casu de collatione bonorum, si neque suus neque emancipatus cauere velit, aut possit? Et sane existimo possessionem remanere penes eum, penes quem est, & vindicias dari possessori: vniquemque frui sua possessione, quam accepit, contra tab. vel vnde liberi, quia in pari causa melior est possessor. Sed vt Papin. ostendit hoc loco, ab utroque fratre est eligendus sequens vir bonus, apud quem fructus prædiorum deponantur, quique medio tempore exerceat actiones hereditarias utiles pro portione emancipati, donec cauerit. Et ita in stipulatione de legatis etiam comprehensa rescripto D. M. Ant. si neque heres cauere velit, qui victus est, neque legatarius qui vicit, vt Papin. ait, res legata est deponenda apud sequester: res sc. mobilis, quæ legato continetur: nam rerum immobilium sequestratio nunquam fit, res enim mobiles facile interuerti & corrumpi possunt: Et consequenter sequestratio fit fructuum ex prædiis perceptorum, quia facile interuerti possunt. & generaliter post condemnationem & appellationem possessoris, si non caueat, fructus rei controuersæ deponantur apud sequester, l. ab executione, C. quor. appell. non recip. Et interdum post condemnationem petitoris, si possessor depopuletur fructus, l. Imper. §. ult. de appell. Sequestratio etiam fit rerum se mouentium, etiam liberarum personarum, quia & hæc plagio interuerti possunt, l. i. §. in hoc interdicto, de liber. exhib. & cap. cum locum, de sponsal. Sequestratio non fit rerum immobilium, sicut nec furtum. Sequestratio etiam non fit pecuniæ, id est, quantitatis nummarie, tit. C. de prohib. sequestr. pec. quia quantitas interuerti non potest. Est enim genus, & generis nullum subest corpus. incorporalia interuerti non possunt. Igitur nec cauente herede, nec legatario, possessio quidem immota manet rei immobilis, sed fructus sequestro deponuntur, vel res ipsa sequestro deponenda est, videlicet si sit mobilis: vel, inquit Papin. iurisdictione restituenda est, vbi etiam adde, maxime, si res sit immobilis, id est, ex forma iurisdictionis & huius edicti, quod hoc titulo proponitur. Omissio remedio constitutionis Marci, legatarius est mittendus in possessionem omnium rerum hereditariarum custodiæ gratia, vt simul possideat eas res cum herede. Iurisdictione igitur restituenda est, id est, regrediemur ad edictum nullo cauente, & quasi cessante constitutione. Et ita duob. locis in hoc §. iurisdictione est prætoris edictum, vt l. quævis, de postul. l. certa, C. ut in poss. legat. Et inde iurisdictione nonnunquam, id est, prætura, & separatur à consulatu. Capitol. in Gordianis, prætura nobilem inuit. post iurisdictionem consulari inuit, id est, post præturam. Huic exemplo addi oportet aliud simile. Is à quo petitur hereditas, vel quæ alia res, cauere debet, si hoc desiderauerit petitor, de ea re seruanda, vel si cauere nolit, possessio transfertur in petitorum, qui modo idem cauere paratus sit, l. de*



*bonis §. ult. de Carb. edic. l. 1. §. de pet. hered. l. ex libero §. ult. de quaest. l. 1. C. ubi poss. & Paulus 1. sent. r. 11.* Atque ita reus, qui cauere non vult, ex reo fit actor. hæc est pœna non cauētis: ex possessore, fit non possessor, vt *l. si priusquam, de oper. noui nunt. l. 4. §. de dam. infec.* quia possessio transfer- tur in actorem, si actor caueat, neutro cauente, possessio manet penes possessorem, quia in pari causa est potior, qui possidet. Sed his casibus, æquum est, fructus percep- tos deponi in sequestro, & *per sequestrat.*

#### Ad §. si dies.

*Si dies aut conditio legati, fideicommissi petitionem, actionem- ne differre dicatur, & ideo satisfactio desideretur, heres autem per calumniam postulari contendat, & relictum neget: non ali- ter audiendus erit qui cauere postulat, quam si scripturam, qua relictum adfermet, exhibuerit.*

**S**atisfactio legatorum præstatur ante litem de legato contestatam actione ex testamento, non post litem cō- testatam. Summa superiorum, & verissima sententia hæc est, & noua tamen, si spectes scripta doctorum. Post con- demnationem autem si omiſsa sit satisfactio priore iudicio, antequam lis denuo contestetur posteriore iudicio: prius enim appellatio extinxit, eandem cautionem inter- poni, vel ex constitutione Marci, ita vt non cauente he- rede legatarius mittatur in possessionem rei legata, & eā solus possideat expulso herede, eique præstita cautione de ea restituenda, si forte obtinuerit in iudicio appella- tionis: vel post condemnationem & appellationem here- dis eandem cautionem interponi ex edicto prætoris, neu- tro cauente, vt legatarius simul possideat bona heredis omnia quasi custos magis quam possessor: atque ita post condemnationem, vel appellationem heredis, nos sequi ordinem constitutionis Marci, vel si nemo cauere velit, seruari ordinem iurisdictionis, id est, edicti, restitui edi- ctum siue iurisdictionem, cessante remedio cōstitutionis nouæ. Restât ex eodem libro tres quæstiones pertinentes ad eandem cautionem, quarum prima est in §. pen. secūda in §. ult. tertia in l. 4. tit. seq. ex cod. lib. Pap. Prima quæst. hæc est: *An hac cautio sit præstanda, si dicatur peti per calum- niam, id est, vexandi tantum heredis gratia, cum petenti cau- tionem nihil sit relictum, vel non ea res.* Ergo hodie à quo sa- tis petitur contendente per calumniam satis peti, non ali- ter audiendus est legatarius, quam si proferat tabulas tes- tamenti, vel codicillos, quib. probet sibi relictum, atque ita probatio exigitur, antequam peti possit legatum, quia constare utcumque de legato debet, priusquam satisfac- tione oneretur heres: cōstare, inquam, non actione de le- gato, quia nondum competit, sed prætoris aut præsidis cognitione summaria, quia summam cognoscet, an sit relictum legatum, an debeatur, an conditio legati defece- rit: nam conditio quæ semel defecit, non restituitur, *l. qui- dam, & l. rogo, de fid. libert. l. pater §. ult. de cond. & demonst.* Et hoc *l. 3. §. 1. tit. seq. ait,* esse commune omnium satisfac- tionum prætoriarum, & confirmat *l. 1. §. ult. de præst. stip. vt* si per calumniam peti dicatur ab eo, à quo petuntur, sum- matim explorat prætor vel præses, an causa, quæ præten- ditur petendæ satisfactiois vlla subsit: quia si non subsit, iniquum est, heredem onerari superuacua cautione, *d. l. 3. §. 1. l. 1. §. pen. cod. t. l. hac stipulatio §. ult. h. t.* Quibus tribus locis rescriptum **D. Pij** in hanc rem adducitur, & licet exemplum sumere ex *d. l. 1. §. 1. tit. seq.* Si solum sit le- gatum ante repræsentationem, constat non deberi. Igitur hoc casu non admittet prætor petitionem cautionis. Licet aliud exemplum sumere ex *d. l. 1. §. ult. tit. seq.* Si certum sit heredem institutum repudiasse vel omiſsisse heredita- tem, vel se abstinuſse, frustra exigitur hæc cautio, nisi ab intestato legatum relictum sit, *l. eam quam, C. de fideicom.* quia repudiatione vel omiſsione irrita fiunt legata, irrita fit omnis scriptura testamenti. Et notandum etiam ex eo §. abstentione etiam omnem vim testamenti dissolui, li-

**A** cet heres institutus retineat nomen heredis, sed nudum, inane, sine re, quandoquidem se abstinuit vltro. abstentio iure prætorio tantum potest, quantum repudiatio iure ciuili, *l. pro herede §. pen. de adq. hered. l. nam nec, de leg. 1.* Vtroq; genere irritum fit totum testamentum. Illud etiā notandum, si certum sit heredem nondum adiſse, qui po- test adire, sed consultat forte, cautionem nondum exigi, sed sustineri, donec adeat. Et ita accipienda *l. 2. tit. seq.* Sed si dubium & incertum sit, an adeat qui forte est in- stitutus sub conditione, & ante conditionem decernere nihil potest, si defecerit conditio, non poterit adire, si ex- titerit forte, adibit. Si igitur ob conditionem adscriptam institutioni incertum sit, an adeatur hereditas, quod defi- ciente conditione corruat omne testamentum, si sit heres ex alſe, interim à prætore cautio peti potest, sed nemo eā præstabit: impetrabitur, sed nullus existet, qui interpella- ri possit, & consequenter ea impetrata à prætore legata- rius mittitur in possessionē hereditatis quasi nemine ca- uente, *l. 1. §. ult. tit. seq.* quia, vt est in ead. l. §. non exigit, vt legatarius mittatur in possessionem non exigimus, vt stet per heredem, quo minus caueat, sane & si per legatarium non stet, quo minus ei caueatur: Petitur igitur hæc satis- factio, quasi tamen nullus sit, cum quo agatur, & quasi nō existente reo vltro, sequitur missio in possessionem. Etiam illud notandum, si prætori videatur, cum calumniose di- citur satis peti, res esse obscurior, quam vt summam de- cerni possit, satis esse si legatarius iurauerit, se nō calum- niæ causa dolo malo cautionem superuacua postulare, vt sit in specie *l. prætor ait, in pr. & l. qui bona §. qui dāni, & §. si quis stipulaturus, de dam. infec.* Vbi poterit summam de ea recognoscere prætor, aut præses cognoscet, & vel dabit vel negabit cautionē re summam cognita per iu- dicem, per annotationem: translatione deducta à compu- tatione rationum, quod vel sit summam vel minutatim. Et hæc cognitio summaria non habet vim rei iudicatæ, nec facit præiudicium actioni de legato, quæ post cōpetierit, vt in *l. à D. Pio §. si rerū, de re iudic. & Nou. 53.* Si modo in ea *maximè, summatim* interpretemur, par provision. Neq; est existimandum, idem esse de plano & summam, quod sit de plano, id sit passim, vbique, cœnando, ambulando, ludendo: cognitio, quæ sit summam, sit pro tribunali, *l'en abuse de ces mots, sommairement, & de plain.*

#### Ad §. cum quærebatur.

*Cum quærebatur, ubi fideicommissi seruandi causa caueri oporteat: Imperator Titus Antoninus rescripsit, si domicilium Roma non haberet heres, & omnis hereditas in provincia es- set, ad satisfactionem fideicommissi nomine in provincia fidei- commissarium remittendum esse. Quare si heres in eum loco cauendi gratia remitti desideret, ubi domicilium habet, lega- tarius autem ibi caueri postulet, ubi est hereditas nō erit heres remittendus, idque Imperator Titus Antoninus rescripsit.*

**§. 4. §** Quibus literis adiectum; & si bona iam di- stracta sunt, vel testatoris permisso, vel concedente legatario pretium eorum fideicommissi seruandi causa in deposito ha- bendum.

**P**lus curæ exigit sequentis legis quæstio, sed contenta perit paucioribus verbis. Quæritur quo loco sit præ- standa hæc cautio: & præstandam dico, vbi & legatū peti potest, aut poterit. Peti autem potest tribus locis, vel vbi est omnis hereditas, aut maior pars, vel vbi heres domici- lium habet, vel vbi est res legata, non aliis locis, nisi aliud voluerit testator, vel aliud conuenerit inter heredem, & legatarium, *l. vn. C. ubi fid. peti. op. l. si fideic. in pr. & §. pen. l. sed et si suscepit §. ult. de ind.* Est in arbitrio legatarij, quo loco malit petere, nec si petat, vbi res est legata, vel vbi heres domicilium habet, remittere heredem oportet, vbi est hereditas. Et è contrario, si petat vbi est hereditas, non est remittendus vbi res est, vel vbi heres domicilium habet. Et similiter satisfactio legatorū his trib. locis peti-



tur & si vno agatur, non remittitur heres in aliud locum: Et hoc frustra postulauerit heres, ut si petatur cautio ubi est hereditas, remittatur in locum domicilij sui, vel si cautio petatur. ubi est domicilium, etiam si ibi nulla sit res hereditaria, remittatur heres cauendi causa in locum, ubi est hereditas, *d. l. sed et si suscepit §. ult.* Neque dicas hoc heredi esse fraudi: Nam quid veretur heres si petatur cautio alibi, quam ubi est hereditas? cum pœna non cauentis hæc tantum sit, ut legatarius mittatur in possessionem rerum hereditariarum, si eo loci nullæ sint res hereditariæ. Itaque legatarius sibi imputare debet, qui petit cautionem eo loco, quæ si non præstetur, non potest mitti in possessionem rerum hereditariarum, cum nihil sit ibi hereditarium, nam præses, qui vno loco cauere iubet, si ei non pareatur, non potest mittere in possessionem earum rerum, quæ sunt in alia prouincia, *l. cum enim §. ult. de reb. auct. ind. l. à D. Pio, de re iudic.* Cæterum extra hæc tria loca si petitur, obstat præscriptio fori, & sit remissio, *renuoy*, ut si ab herede hæc cautio petatur Romæ, ubi domicilium non habet, vel ubi non est res legata, remittetur heres in prouinciam, ubi est hereditas: sed et si petatur in prouincia ubi est hereditas, aut maior pars, remittetur heres in eiusdem prouinciæ ciuitatem suam, si hoc desiderauerit, in municipium suum, quia est necessaria satisfactio. Hæc est ratio legis *de die §. tutor, & §. seq. qui satis. cog.* Sane satisfactio legatorum est necessaria, quia iungitur edicto prætoris, quamuis non sit semper necessaria, si constet legatum non deberi, si constet de calumniosa petitione. Hæc igitur cautio necessaria est, *l. 6. h. t.* & inde in *l. 6. h. tit. Si necessitas dandi intercedat*, ubi dandi, est, *satis dandi*, ut in *l. 43. §. 1. de procur.* Cum igitur sit necessaria, heres, qui facile non potest cauere ubi petitur, quamuis is locus non sit incongruus, iuste desiderat se remitti in eiusdem prouinciæ ciuitatem suam, domicilium, municipium suum, ubi facilius inueniat fideiussores: sunt enim inuentu difficiles. Et hæc constituitur differentia inter satisfactionem voluntariam & necessariam in *l. si fideiussor §. pen. qui satis. cogant.* Nam si sit voluntaria & conuentionalis, promissor non remittitur in alium locum: nec enim id meretur, qui ipse sibi necessitatem satisfactionis imposuit. Intelligimus satis, quo loco sit præstanda hæc cautio: quam in rem vocat in testimonium Papin. rescriptum D. Pij, & addit, ex eodem rescripto, quod ad eandem materiam pertinet, non ad eandem questionem, rebus hereditariis distractis, puta permissu testatoris vel legatarij, hoc quoque casu non esse necessariam satisfactionem: quia frustra exigitur satisfactio, quam (si non præstatur) non potest sequi missio in res hereditarias, quæ non potest sequi, si distractæ sunt permissu testatoris, vel legatarij: igitur cessabit edictum prætoris. Sed ex eo rescripto pretium redactum, id est, corpus nummorum ex venditione bonorum hereditariorum redactum, deponendum erit apud sequestrum, ut res sit salua legatario cum dies legati venerit aut conditio extiterit. deficiente remedio edicti prætoris vel remedio constitutionis siue rescripti D. Pij itur ad sequestrum, hoc est extremum remedium seruandi legati, vel fideicommissi.

#### Ad l. 4. ut in poss. leg.

*Plane si noua causa allegetur, veluti quod fideiussor decesserit, aut etiam rem familiarem inopinato fortuna impetu amiserit: æquum erit præstari cautionem.*

**Q**Uæritur tertio loco, an hæc cautio sapius sit præstanda: forte si prior cautio non daret, ut sit sæpe mortuo fideiussore sine herede vlllo, vel eo lapso facultatibus, redacto ad incitas. commune esse diximus omnium satisfactionum prætoriarum, ut si per calumniam petantur, ea de re cognoscat prætor, vel præses summam. Commune etiam est, ut & procuratoribus præstentur & assumatur eorum nomen quorum interest, *l. 3. de prat. stip. l. 1. §.* Quæst. Papin.

**A** non solum, *sup. tit. prox.* Commune etiam hoc tertium est, ut præstentur sapius, si quæ datæ sunt, non durent, veluti fideiussoribus redactis ad inopiam, videlicet si stipulatoris culpa non deserit esse cautum, ut si vel initio acceperat minus idoneos fideiussores, vel sciens dissolutos homines, vel prodigos, ut in *l. 3. §. ult. hoc. tit.* Sed si casu quodam deserit esse cautum, ut idem Papin. ait, si decesserit fideiussor sine successore, vel si impetu quodam fortunæ rem familiarem amiserit, æquum erit iterum legatario cauere, *l. 4. de prat. stipul.* cum quo coniungenda est *lex 12. qui satis. cogant.* quæ ex eodem est lib. 28. Papin. in qua Paulus idem probat.

#### Ad l. 95. de solut.

*Stichum aut Pamphilum, utrum ego velim, dare spondes? altero mortuo, qui viuit solus petetur, nisi si mora facta sit in eo mortuo, quem petitor elegit: tunc n. perinde solus ille, qui decessit, præbetur, ac si solus in obligationem deductus fuisset.*

**§. 1.** Quod si promissoris fuerit electio, defuncto altero, qui superest æque peti poterit. Enimvero si factio debitoris alter sit mortuus, cum debitoris esset electio, quamuis interim non alius peti possit, quam qui solui etiam potest, neque defuncti offerri æstimatio potest si forte longe sit vilior, quoniam id pro petitore in pœnam promissoris constitutum est: tamen si & alter seruus postea sine culpa debitoris moriatur, nullo modo ex stipulatu agi poterit, cum illo in tempore quo moriebatur, non commiserit stipulationem. Sane quoniam impunita non debent esse admissa, deli actio non immerito desiderabitur, aliter quam in persona fideiussoris, qui promissum hominem interfecit, quia tenetur ex stipulatu actione fideiussor, quemadmodum tenebatur, si debitor sine herede decessisset.

**I**N l. hac multa de stipulationibus voluntariis quæ ex conuentione rerum fiunt aguntur indiscriminatim, quæ plurimum laboris exigunt. & prima quæstio est de stipulatione ita concepta, *Stichum aut Pamphilum dare spondes?* Ex qua est quidem vterque homo in obligatione; ergo & in petitione: sed ita vel in obligatione vel in petitione, ut est in ipso contractu, in ipsa formula stipulationis. Nec enim aliter debentur, aut petuntur recte, quam sunt deducti in stipulationem. Igitur ut sunt positi in stipulatione ambo, ita sunt ambo in obligatione, vel petitione: sed alter tantum est in solutione, *l. si duo rei, de verborum obligat.* puta is, quem elegerit promissor, quem dixerit se dare velle, videlicet si in stipulatione de electione nihil sit adiectum. Nam in eo genere stipulationis, electio est promissoris, utrum præstet, utrum det: vel si adiectum sit in stipulatione, ut is daretur quem vellet stipulator, ut proponitur initio huius l. *Stichum aut Pamphilum, utrum ego velim dare spondes?* electio est stipulatoris, & is quem elegerit, est in obligatione, & in petitione, & solutione, *l. si quis stipulatus sit Stichum aut Pamphilum, de verborum obligat.* Ergo aut electio est promissoris, aut stipulatoris. si stipulator sibi electionem receperit, mortuo altero extinguatur electio, & is solus, qui viuit, est in obligatione & petitione, si ille mortuus sit ante moram & culpam promissoris: Nam si post moram promissoris mortuus sit is, quem elegerat stipulator: nec enim potest mora fieri, antequam elegerit aliquem stipulator, eo casu electio stipulatoris non ideo perit, quod supersit tantum alter: Nam vel is præstatur qui superest, si eum maluerit stipulator, vel is qui mortuus est, quem elegerat stipulator: præbetur, inquit, Papin. id est, æstimatio eius præbetur, si forte longe maioris pretij fuerit, quam superstes. In pœnam promissoris hoc est constitutum, ut possit eligere stipulator pretium mortui, qui longe fuit altero pretiosior, atque ita ad coercendam moram promissoris, electio durat etiam post mortem electi. Quod si electio fuerit promissoris, & de hoc casu incipit tractare in §. 1. & quæso attendite: mortuo altero,



is qui superest, peti & solui potest, scilicet, ut dictum est, in priori casu, nisi in eo, qui mortuus est, accipiendo iam stipulator moram fecerit: hoc enim casu promissor omnimodo liberatur, ac ne superstitem quidem debet, *l. stipulator sum 115. de verb. obl.* Sed si stipulator moram non fecerit, debetur superstes, peti & solui superstes potest, *l. si in emptione §. pen. de cont. empt.* An solus debetur: anduratur electio promissori, ut liberetur præstando æstimationem mortui, qui forte longe fuit vilior? Et verissimum est, integram esse electionem promissori, ut vel pretium mortui præstet, si sine culpa eius mortuus sit. Et ita accipienda est *l. cum res §. sed si Stichus, de leg. 1.* quam opponit Accursus. Nam si culpa promissoris mortuus sit, extinguatur electio, & is solus peti & solui potest qui viuit, & ita proponitur in §. 1. Neque obstat quod dictum est in principio *l. stipulatorem*, cum qui sibi recipit electionem, post moram promissoris mortuo altero, mortui pretium eligere possit, si forte fuerit pretiosior superstiti: Nam hoc ut respondet Papin. ita constitutum est pro stipulatore in pœnam promissoris, qui moram fecerat, ut in eo coerceatur mora. Electio igitur conseruatur stipulatori, etiam post mortem hominis electi, & in pœnam promissoris morosi & frustratoris: & vice versa, si electio fuit promissoris, iure stipulationis mortuo altero ei electio auferitur. Nam mortui æstimationem soluendo non liberatur, si forte longe vilior, sed necesse habet eum præstare qui superest, perinde ac si solus deductus fuisset in stipulationem. Sed quod notandum, non habet etiam necesse, si hoc velit stipulator, mortui æstimationem præstare, qui forte longe fuit pretiosior, etiam si ante moram culpa eius interierit, quia stipulatoris non fuit electio, & promissor poterit eum non dare. Quamobrè ita cõcludamus. In pœnam promissoris qui moram fecit, non transfertur electio à promissore, cuius erat electio in stipulatorem. In pœnam promissoris electio, quæ fuit stipulatoris, stipulatori conseruatur etiam post mortem electi. Et tertia conclusio in pœnam promissoris, qui moram fecit, electio, quæ eius fuit, ei auferitur mortuo altero, ita ut eum solum præstare possit, qui superest, nec potest cogi à stipulatore, ut præstet pretium mortui, quod longe fuit maius, ne præcipiatur promissori electio, quæ ei competit conuentionis siue stipulationis iure. Atque ita ex his intelligitur, cum est electio promissoris, multum interesse, alter seruus moriatur culpa promissoris, an non; nam si sine culpa, etiam post mortem vnus electio ei conseruatur, si culpa, extinguatur, & solus qui superest, peti, ac solui potest, neque defuncti offerri æstimatio potest, si longe fuit vilior, nec peti à stipulatore, si longe fuit pretiosior. Multum etiam alia in re interest, utrum alter seruus mortuus sit culpa promissoris, an sine culpa: Nam ut omnes casus, qui incidere possunt comprehendamus, quod fiet quadripartito, si sine culpa promissoris vnus decesserit, deinde alter ante moram eque sine culpa promissori, proculdubio omnimodo liberatur promissor. Hoc erit primum membrum. Sequitur aliud: si vnus decesserit culpa promissoris, puta quod eum occiderit, deinde alter moriatur, sed sine culpa promissoris, non tenetur promissor actione ex stipulatu, ne in æstimationem quidem: quia posterior, qui mortuus est, in quo consistebat obligatio, mortuus est antequam stipulationi locus esset, id est, ante moram & culpam promissoris: neque enim posterior culpa eius interit, sed tenetur actione de dolo in id quod interest, ne impunita sit culpa, ne impunitus sit dolo. Cessat igitur actio ex stipulatu, ut nec possit peti pretium occisi, quia electio non est stipulatoris, neque electio mortui suo fato, quia sine culpa promissoris mortuus est, sed competit de dolo, quia eius dolo sit factum ne prior seruus quem occidit præstari possit. Sequitur tertium membrum: si vterque mortuus sit culpa promissoris, proculdubio competit actio ex stipulatu, quasi commissa stipulatione: quia secundum regulam iuris, quotiescumque culpa interuenit promissoris vel mora; culpa, ut si oc-

ciderit, mora ut si interpellatus congruo loco & tempore eum non soluerit, sed ad iudices prouocauerit, obligatio solet perpetuari, produci, *l. si seruus §. sequitur, de verb. oblig.* Et similiter, qui est 4. casus: si prior seruus decesserit sine culpa promissoris, & posterior, in quo solo consistebat obligatio, culpa promissoris interierit, æque tenetur actione ex stipulatu. Sed ut redeamus ad secundum casum, qui solus proponitur hoc §. 1. Si posterior seruus sine culpa promissoris decesserit, cessat actio ex stipulatu, etiam si prior culpa eius decesserit. Sed tenetur actione de dolo in id quod interest, deficiente actione ex stipulatu. Ad eam quæstionem subiicit Papinian. aliud esse dicendum in persona fideiussoris. Docuit illo casu, quem iam exposui, promissorem non teneri ex stipulatu, sed de dolo. Docet vice versa, fideiussorem teneri ex stipulatu, non de dolo, ut sit differentia inter promissorem, & fideiussorem: Nam illo casu promissor tenetur de dolo, fideiussor ex stipulatu, ut si fideiussoris culpa homo interierit ante moram, quo genere liberatur promissor, qui vacat culpa & mora, fideiussor tamen tenetur ex stipulatu, non de dolo: Nam quod consensum meretur omnium, ubi est alia actio, cessat famosa illa de dolo, & tenetur fideiussor, qui hominem interfecit, vtili actione ex stipulatu, in *l. mora, l. si pupill. 127. de verb. obl. l. mora, §. ult. de usur. l. cum quis §. pen. de fideiuss.* Et tenetur vtili ex stipulatu, id est restitutoria, vel ut Græcus interpret ait, actione in factum. omnis actio utilis est in factum, omnis actio restitutoria, quæ extincta fuerat, est utilis: Nam competit directa ex stipulatu, quia ipso iure liberato reo, & ipse liberatus est, sed æquum non est, ut suo facto dolo malo liberetur ipse, ut dolo malo se ipsum liberet, interficiendo hominem promissum, quamquam contingat, ut promissorem liberet, ne ex dolo suo lucrum faciat. Ergo sublata principali obligatione, manet fideiussoria: denique tenetur hoc casu vtili ex stipulatu: & tamen superiore casu promissor tenebatur de dolo. voluit ostendere esse discrimen inter hos casus Sed quod ait, fideiussorem non teneri de dolo, obstat *l. si fideiussor, de dolo*, quæ ponit eandem speciem, fideiussorem ante moram occidisse hominem promissum, & teneri de dolo, propterea quod non tenetur ex stipulatu, quod liberato reo, & ipse liberatus est. Respondeo hoc modo: fideiussorem, qui ante moram hominem promissum interfecit, non teneri de dolo in id quod interest, sicut reus, qui promiserat Stichum aut Pamphilum, & occiderat Stichum, altero postea mortuo sua morte tenetur de dolo in id quod interest, non ita & fideiussor tenetur de dolo in id quod interest, sed ut res, vel actio, quæ perit stipulatori, restituatur mortuo homine ante moram, ut reponat se fideiussor in pristinam obligationem stipulati, qualiberatus est promissore liberato: Et ita per actionem de dolo hoc consequetur, ut sibi restituatur actio ex stipulatu in fideiussorem, quæ fuerat extincta. Restituitur inquam: utilis est ergo *ut d. l. mora, in fine. de usur.* vel si non patitur restitui pristinam obligationem & actionem ex stipulatu, actione de dolo plane condemnabitur in id quod interest, sicut promissor. Atque ita si velis breuius respondere, dicito, fideiussorem teneri de dolo, & hoc verum esse, si recuset accipere iudiciū restitutorium ex stipulatu. Neque autem nouum videri debet, ut liberato reo non omnino liberetur fideiussor: Nam subiicit alium casum, quo idem contingit, si promissor sine herede decesserit, & ob id creditores ex edicto bona eius possederint, & distraxerint, ut in *l. heres §. quod si stipulator, h. tit.* debitor liberatur, fideiussor obligatus manet, & tenetur actione vtili ex stipulatu, quod significat Papinian. his verbis: *quemadmodum*, &c. Et est similis casus in *l. capitis*, & alius in *d. l. cum quis §. pen. de fideiuss.* & alius in *l. 1. C. de fideiuss.* Quæ in §. 1. traditur differentia inter reum & fideiussorem, ut hic teneatur ex stipulatu, non de dolo; ille de dolo, non ex stipulatu, maxime velim vos animaduertere, eam non versari in ea spe-



cic: Nam res omnis ita distinguenda est: vel Stichus est solus in obligatione deductus, vel Stichus aut Pamphilus sub distinctione. Si solus Stichus, & cum reus occiderit, tam fideiussor, quam reus tenetur directa ex stipulatu. Et culpa rei fideiussori nocet, quia in omnem casum intercessit, *l. mora, l. cum fideiussor in diem, de verbor. obl. l. si a colono §. ult. de fideiuss.* Sin autem fideiussor eum occiderit, reus liberatur, nec culpa fideiussoris ei nocet. fideiussor tenetur utili ex stipulatu, nec necessaria est actio de dolo, nisi recuset accipere iudicium ex stipulatu. Quod si Stichus aut Pamphilus disunctim in obligationem deductus sit, & Stichum reus occiderit, deinde Pamphilus moriatur suo fato, reus neque directa, neque utili actione ex stipulatu tenetur: si de dolo in ea non sit cautum, ut plerunque doli clausula adicitur tantum in prætoriiis stipulationibus & necessariis, non in voluntariis, & conuentionalibus, sed reus tenetur de dolo, fideiussor vero omnimodo liberatur, quia perempta stipulatio est, & ipse dolo nihil admisit. Contra, si fideiussor Stichum occiderit, deinde moriatur Pamphilus suo fato, reus omnimodo liberatur, fideiussor tenetur tantum de dolo. Itaque, ut apparet modo, ex quadripartita diuisione, illa differentia non vertitur in vna specie, sed in diuersis.

#### Ad §. aditio hereditatis.

Aditio hereditatis nonnunquam iure confundit obligationem, veluti si creditor debitoris, vel contra debitor creditoris adierit hereditatem: aliquando pro solutione cedit, si forte creditor, qui pupillo sine tutoris auctoritate nummos crediderat, heres ei exitit: non enim quanto locupletior pupillus factus est, consequeretur, sed in solidum creditum suum ex hereditate retinet. aliquando euenit, ut inanis obligatio aditione hereditatis confirmetur: Nam si heres, qui restituerit ex Trebelliano hereditatem, fideicommissario heres exstiterit, vel mulier, quæ pro Titio intercesserat eidem heres exstiterit, incipit obligatio civilis propter hereditatem eius, qui iure tenebatur, auxilium exceptionis amittere. Etenim inconditum est subuenire sexui mulieris, quæ suo nomine periclitetur.

**I**N hoc §. qui sane multa perquam utilia & necessaria complectitur, ponuntur tres effectus aditionis hereditatis, quantum attinet ad causas quibus is cuius adita est hereditas adstrictus fuerit. Et vnus effectus pertinet ad obligationem civilem, quæ ex parte actoris petitionem habet efficacem, ex parte rei nullum auxilium, subsidiumve exceptionis habet. alter effectus pertinet ad obligationem naturalem, quam constat, neque petitionem habere, antequam solutio facta sit, neque repetitionem, postquam solutio facta est, *l. præcedente §. Fabius, hoc tit.* Tertius effectus pertinet ad obligationem civilem, quæ ex parte rei habet auxilium exceptionis, veluti Trebelliani & Velleiani. Et primus effectus hic est, ut aditio hereditatis aliquando iure confundat obligationem. iure, id est, civili iure, *l. ubicunque, de fideiussorib. l. fundum Cornel. de nonat.* Sane si debitor creditoris, vel creditor debitoris hereditatem adierit, iure civili fit confusio totius obligationis, quia in eandem personam ius debiti, & ius crediti confunditur. Confusio est concursus debiti & crediti in eandem personam, ex quo sequitur interitus vtriusque, quia idem homo non potest esse actor & reus, creditor & debitor, & ita quia ea confusio pro solutione est, hereditas ipsa heredi, vel heres hereditati protinus in articulo ipso aditionis, id quod debet, videtur exsoluere, *l. si ei cui §. ult. de eni. l. debitori, l. Granus, de fideiuss. l. si id quod, de liber. leg.* Et is quidem primus effectus satis patet. Secundus effectus hic est, ut aditio hereditatis aliquando pro solutione cedat. Dicemus statim: hic effectus videtur idem esse cum superiori: nam & confusio pro solutione cedit, dicam confusionem

**A** pro solutione esse, quanquam id non sit per omnia verum, ut constat ex his, quæ notantur in *l. qua dotis, sol. mar. 7. ad Afric.* Contra, quodcunque est pro solutione, non esse confusionem, ut compensatio & depositio pecuniæ & obsignatio, nec tamen est confusio. Et ita in hoc secundo effectu aditionis hereditatis, aditio hereditatis pro solutione est, nec tamen est confusio. Est enim hic casus de naturali obligatione, quæ proprie non est obligatio, cum petitionem, actionem non habeat. Non potest autem fieri confusio iure civili obligationis, quæ civilis non est, id est, quæ non valet ad agendum. Et ut id intelligatur, sciendum est (quo exemplo vtitur Papinianus) pupillum accipiendo mutuum pecuniam sine tutoris auctoritate, neque civiliter, neque naturaliter obligari, videlicet si ex ea pecunia locupletior non sit factus. Et ita accipienda *l. pupillus, de obligat. & act. l. quod pupillus, de cond. indeb.* Sed si ex ea pecunia factus, sit locupletior, naturaliter obligatur, quia natura æquum est, ne quis alieno detrimento suas augeat commoditates, *l. naturaliter §. ult. de condi. indeb. l. cum illud §. heres, quando dies leg. ced. si secundum Florentinam scripturam, legamus, accepisset locupletior, vbi tamen ex priori dictione repetita syllaba legendum est, & accepisset & locupletior factus esset: hæc omnia fusiùs tractantur in tit. ult. lib. 3. Inst.* Et ex hac naturali obligatione, cum pupillus factus est locupletior, ante constitutionem D. Pii nulla dabatur actio in pupillum, sed nec pupillo dabatur repetitio si soluisset. Hoc est commune omnium obligationum naturalium, ut ex his nec sit petitio, nec repetitio, **C** petitio non soluti, repetitio soluti, *d. §. Fabius. l. 1. §. id quod natura, ad l. Falcid. l. fideiuss. §. fideiussor, l. quod enim, l. heres, §. seruo, de fideiuss.* Hodie autem ex constitutione D. Pii in pupillum datur actio utilis, quia deficit directa, propterea quod non solet obligatio naturalis parere actionem, & datur utilis, quatenus locupletior factus est, *l. pupillus, de auctor. tut. l. 3. commod. l. 3. §. pupillus, de negot. gest.* Quibus præmissis sige: Quidam pupillo credidit pecuniam sine tutoris auctoritate, & inde pupillus aliquantulum locupletior factus est. Id autem constitutione D. Pii creditor a pupillo nulla actione consequeretur. sic recte scriptum in Florentinis, non, consequetur: sed si & creditori soluisset, solutum non repetisset, quia id naturaliter debet. Porro idem ille creditor adiit hereditatem pupilli. aditio non confundit obligationem, quæ civilis nulla fuit ante constitutionem D. Pii, sed ea aditio pro solutione habetur, ac si pupillus ipse soluisset, quia hereditas videtur heredi soluere quod pupillus debuit naturaliter. Et ideo in ponenda ratione legis Falcid. in qua constat, heredem deducere bonis, quod sibi defunctus debuit, vel iure civili vel naturali, *l. 1. §. si debitor, ad l. Falcid. l. 6. & 8. C. eod. tit.* in ponenda, inquam, ratione legis Falcidiæ, & ineunda ratione bonorum & legatorum, heres in hac specie, qui creditor fuit defuncti, id est, quanto locupletior factus est pupillus, retinebit ex hereditate & deducet, quoniam debiti naturaliter est retentio, non est quidem petitio, sed nec repetitio, ne in hoc quidem casu. Denique heres creditum suum; id est, quanto locupletior factus est pupillus, retinebit in solutum: malo legere, in solutum, quam in solidum. Nam & hic non proponitur de solida pecunia pupillus locupletior factus. Et congruit hæc lectio propositioni, ut aditio cedat in solutum, & est frequens ista veritas, *solidum, vel solutum, ut in l. ult. de dist. pig. l. filio, ad leg. Falcid.* Hodie ex constitutione D. Pii, ea aditio confunderet obligationem, quia ex ea constitutione veluti civiliter pupillus obligatur, cum teneatur utili actione, quatenus est locupletior: sed Papin. respicit ad id iuris, quod fuit ante constitutionem Diui Pii, secundum quod aditio potuit esse pro solutione, non pro confusione: hodie & pro confusione, quia introduxit D. Pius quasi civilem actionem proditam utili. Et ita in eadem quæstione respicit Papin. etiam ad id



iuris, quod fuit ante eam constitutionem, *l. cum illud*, §. *heres*, quando dies leg. ced. Et Scauola in *l. cum pupillus* 127. de verb. obligat. vterque tractantes ius vetus vt nouum, vt Plinius in epistolis scribit, Aristoni semper fuisse curæ, sic antiqua iura, vt recentia tractare, & ait Papinian. *non enim quanto locupletior*, &c. Nulla scilicet actione id consequeretur ante constitutionem D. Pii, & ideo nulla esset obligatio civilis quæ confunderetur, nec aditio confusionem faceret. & sequitur, *sed in solutum*, id est, aditio vim solutionis habet. Primo casu habet vim confusionis, secundo vim solutionis tantum. Tertius effectus hic est, vt aditio hereditatis aliquando confirmet inanem obligationem. Inanis est, quæ perimitur exceptione, quæ sine re & effectu est, cui opponitur efficax, in *l. ordinata, de liber. causa*, Et aliquando quæ est inanis, dicitur efficax, vt Inst. §. 1. de except. quia efficax est origine, non effectu, exitu, euentu, si allegetur exceptio quæ competit, quia eludi potest. Sed vt vtamur exemplis Papiniani duobus, quibus vtitur, inanis est obligatio heredis, quia restituit fideicommissario hereditatem ex Senatusconsulto Trebelliano, quia perimitur exceptione hereditatis restitutæ, exceptione Trebell. *l. 28. de iudic. l. 1. §. quanquam*, *l. ita tamen §. qui ex Trebell. ad Trebellian.* Et tamen si postea heres adierit hereditatem fideicommissarii, qui restituerat priorem, à qua retinet nomen heredis, quæ fuit inanis obligatio, redditur utilis & efficax, amissa exceptione Trebelliana: neque enim ei competit cum successerit fideicommissario Trebell. in quem efficaces actiones transierunt per restitutionem. & similiter obligatio mulieris, quæ intercessit pro alio, inanis est, *l. quamuis §. Marcellus, ad Velleian.* quia perimitur exceptione Velleiani. Et ne dicas, vt Accurs. eam obligationem non approbari Senatusconsulto, sed dicas penitus reprobam, *l. si mulier contra, §. ult. ad Velleian.* Et tamen si mulier hereditatem eius adierit, pro quo intercessit, tum firma sit obligatio mulieris, amisso remedio exceptionis, per aditionem hereditatis: quia, vt ait Papinian. *inconditum est subuenire sexui mulieris, quæ suo nomine periclitetur.* Suo nomine tenetur, quæ adiit hereditatem debitoris, *l. si quid possessor, de pet. hered.* Senatusconsultum Velleianum opitulatur mulieri, quæ alieno nomine periclitatur, ne suam pecuniam perdat. *inconditum*, est indecens, *de manumise græce*, ineptum, inciuile, *ἀνορον*, vt *inconditi versus*, *Liuius lib. 4. qui Homero ἔμνα ἀνορον.* Seneca 2. de benef. *incondita carmina.* Ergo obligationes, quæ propriis viribus non consistunt, quæ eluduntur exceptionibus, neque officio iudicis, neque prætoris imperio, neque legis potestate confirmantur, vt dixit Papinian. *sup. libro, l. obligationes, de oblig. & act.* quæ meo iudicio meave suspitione debentur huic libro. Confunduntur tamen illæ obligationes aditione hereditatis: quia noua eis accedit causa, nouæ rationes & inexpugnabiles, nouum robur, successio in locum eius, qui efficaciter tenebatur, & quasi nouæ obligationis iure. Itaque in hac quæstione nihil refert expromiserit mulier, quod sit per nouationem, an fideiusserit, vel alio modo intercesserit pro alio. expromissio, quæ inanis fuit, aditione confirmatur, quia licet cum muliere experiri directa actione ex stipulatu ipsius mulieris, vel utili, id est restitutoria, qua defunctus efficaciter teneatur. Quid enim mulieris interest, qua actione conueniatur? Et ita elegantissime est scriptum in *l. quamuis §. mulier, ad Velleian.* Et notandum hodie, plane nihil interfuisse (quia sunt omnia iudicia extraordinaria) in quibus, vt ait lex *actio, de negot. gest.* conceptio formularum non obseruatur, id est, non venit in disquisitionem, & ad *l. actio* nulla est lex, quæ pertineat proprie, quam *d. §. si mulieri.* quod notandum. Denique utilis actio non tollit directam: quandoque licet hac, vel illa cum muliere experiri, quamuis utilis actio vtiue fuerit maior, id est, efficacior. Et similiter fideiussio mulieris, quæ inanis fuit, aditione confirmatur, & licet

A cum muliere experiri, vel ex causa fideiussionis, vel ex causa principali, ex qua defunctus tenebatur, quia in extraordinariis iudiciis nihil interest, quo iudicio agatur cum eo, à quo omnino habiturus est quod petit, vel alio iudicio. Denique hodie principalis obligatio non tollit fideiussoriam, quamuis principalis vtiue sit maior: maior non tollit minorem, sed licet agere ex hac vel illa iure ordinario maior tollit minorem, si spectes formulas, *l. debitori, de fideiuss. l. si duo, hoc tit.* Et vitiosa est igitur distinctio Accursii, inter promissionem mulieris, & aliam quamlibet intercessionem

#### Ad §. quod vulgo.

B Quod vulgo iactatur, fideiussorem qui debitori heres existit, ex causa fideiussionis liberari, totiens verum est, quotiens rei plenior promittendi obligatio inuenitur: nam si reus duntaxat fuit obligatus, fideiussor liberabitur: è contrario non potest dici, non tolli fideiussoris obligationem si debitor propriam & personalem habuit defensionem: Nam si minori 25. annis bone fidei pecuniam credidit, isque nummos acceptos perdidit, & intra tempora in integrum restitutionis decessit, herede fideiussore; difficile est dicere, causam iuris honorarij, quæ potuit auxilio minori esse, retinere fideiussoris obligationem, quæ principalis fuit, & cui fideiussoris accessit sine contemplatione iuris prætorij: auxilium igitur restitutionis fideiussori, quia adolescenti heres existit, intra constitutum tempus saluum erit.

C Paragraphus quod vulgo, pertinet etiam ad effectus obligationis naturalis, & potest ex eo constitui quartus effectus: Namque docet aditione hereditatis fideiussoriam obligationem confundi & tolli hereditaria manente, si fideiussor debitori heres exstiterit, quia scilicet maior & plenior obligatio tollit minorem, minor maiori cedit loco, vt in *l. §. l. debitori, de fideiuss. sup. l. fideiussoris, C. eod. tit. l. si duo, hoc tit. l. debitor, de separat.* Hereditaria autem obligatio est maior & plenior, quia est principalis. Si igitur recidat in eandem personam obligatio principalis & fideiussoria, præualeat maior, & fideiussoria pro nulla habetur: Nam & qui principalis reus, ipse pro se fideiussor esse non potest. Denique superueniens principalis absomit fideiussoriam iure ordinario. Ait enim §. *hoc vulgo iactari*, id est, esse regulam iuris ordinarii, quod vulgo dicitur vel iactatur, ius ordinarium est. Titulus omnis de regulis iuris, est de iure ordinario & summo, non de extraordinario aut mitiori. quod vulgo iactatur, vt Græci, τὸ νόμιμον λεγόμενον, quod ordinarium est. Hodie si de iure extraordinario disputas, nihil refert, etiam si in hac specie, cum fideiussore, qui debitori heres existit, agatur ex causa fideiussoria; quid enim interest qua ex causa agatur, vt in *l. quamuis §. si mulier, ad Velleian.* quem locum velim vos memoria figere. Conclusio hæc sit iuris ordinarii: aditione hereditatis fideiussoria obligatio tollitur, principalis manet. Et notandum, quod in §. hoc docet, hanc regulam ita veram esse, si vtrique obligatio principalis & fideiussoria sit civilis & efficax: nam si principalis sit naturalis tantum, fideiussoria civilis, & fideiussor reo principali heres exstiterit, neutra tollitur, vel consumitur, neutra cedit alteri, neutra se plus efferre altera potest, quasi potiore, vel pleniore. principalis non est maior, cum non sit πρῶτοντος, cum non pariat actionem. neque fideiussoria etiam est maior, cum non sit principalis. Et licet exemplum ponere in pupillo, qui mutuam pecuniam accepit sine tutoris auctoritate, & ex ea locupletior factus est, videlicet secundum ius, quod obtinuit ante constitutionem D. Pii: Nam si fideiussor pupillo heres exstiterit, potest conueniri, vel ex principali causa, vel ex fideiussoria, quia neutra tollitur. sed post constitutionem Diui Pii ex fideiussoria tantum, quia ea pupilli obli-



A restitueretur in integrum, mortuus est fideiussore herede relicto. Atque ita idem est & principalis & fideiussor. Re tamen vera fideiussor liberatur ex causa fideiussionis, & tenetur tantum ex causa principali, nec causa restitutionis in integrum, quæ tribui potuit reo, vel heredi eius: ea, inquam, causa non retinet obligationem fideiussoris ne pereat quasi ob eam rem principalem non sit maior, aut censeatur minor, quod possit rescindi, quia ea causa restitutionis in integrum fuit personalis, non realis, & sine eius contemplatione ei fideiussor accessit. Nec igitur contemplanda est, siue respicienda causa illa restitutionis in integrum, quæ contingere potest. Itaque nihil plane eam causam extraordinariam, & incertam, & rei non coherentem contractus iure spectabimus, sed perinde ac si non esset, aut esse posset, rem æstimabimus, & dicemus, fideiussorem, quia adolescenti heres existit, iam non teneri ut fideiussorem, sed ut principalem, quia maior obligatio absumpsit minorem, & consequenter eum, quasi principalem posse implorare auxilium restitutionis intra annum utilem, vel hodie ex constitutione Iustiniani, intra quadriennium continuum, quod auxilium non haberet, si ex causa fideiussoria conveniretur: sed utitur eo, quia ex principali tantum causa convenitur. Sed nonne iniquum est, rationem iuris, quæ causam fideiussionis propter principalem obligationem, quæ maior fuit, exclusit, damno afficere creditorem, qui sibi diligenter prospexerat, *l. debitor, de separat.* Sed hoc ita si liberato minore, liberetur & fideiussor, ut in *l. in causa, D. de minor.* Et in hac parte inhæret labes illo loco: *quæ principalis fuit.* quæ causa, restitutionis in integrum scilicet, principalis fuit, personalis fuit, hoc sensu: causa illa extraordinaria coheret personæ adolescentis obligati, nec ob eam obligationem principalis fuit minor. hæc sunt certissima. Obligationem igitur, cuius restitutionis causa scilicet personalis fuit, & cui fideiussor: accessit etiam sine contemplatione eius, fideiussor absolvitur. ait, *l. accessit:* accessio enim est fideiussio, *l. si servum §. nunc videamus, de verbor. obligat.*

*Naturalis obligatio, ut pecunia numeratione, ita in stipu-  
D Eto, vel inreuerando, ipso iure tollitur, quod vinculum aequi-  
tatis, quo solo sustinebatur, conuentionis aequitate dissoluitur:  
ideoque fideiussor, quem pupillus dedit, ex istis causis liberari  
dicitur.*

**E**X hoc §. intelligemus quæ sit naturalis obligatio, & quibus modis tollatur ipso iure. Ergo naturalis obligatio est, quæ solo æquitatis vinculo sustinetur, & sola ratione naturali, solo iure naturali, non iure civili, quid est obligatio civilis? vinculum iuris civilis, quod nos necessitate soluendi adstringit. Obligatio naturalis est vinculum iuris naturalis quod nos necessitate soluendi non adstringit, non est proprie obligatio, cui non est adiuncta necessitas. Ergo naturalis obligatio, proprie non est obligatio, aut brevius: obligatio naturalis est solius æquitatis vinculum, si velis dilatare, sine vlllo auxilio iuris civilis. Et utitur exemplo pupilli contrahentis sine tutoris auctoritate, & qui ex co factus est locupletior; qua ex causa pupillum teneri natura æquum est, nec cum alieno detrimento locupletetur, sed non obligatur iure civili ante constitutionem Diui Pij. Ergo naturaliter tantum obligatur. Et serui quoque fere ex omnibus causis naturaliter obligantur, & filius familias patri, in cuius est potestate, pater filio familias, frater fratri, si ambo sint in eiusdem potestate: & ex pactis naturaliter obligamur, non civiliter, ex pacto enim nulla nascitur civilis obligatio, ac proinde nec actio, *l. Imperator §. in his, de solut.* Ex contractibus etiam civiliter obligamur. Ex pactis non datur actio, ex contractibus datur. Con-



tractus est conuentio, ex qua datur actio. Pactum est conuentio ex qua difficile est dare actionem, datur namque nonnunquam: contractus, & pacta sunt sub eodem genere conuentionis, & contraria inuicem. Si quæras, quid sit pacto contrarium, nullum aliud contrarium inuenies quam contractum, vel si quæras quid sit contractui contrarium, utique pactum inuenies. Et nonnulla alia exempla sunt in iure naturalis obligationis quæ prætermittimus consulo. Videamus, qui finis est huius §. quibus modis ipso iure tollatur naturalis obligatio. Hic titulus est de tollendis obligationibus, non ciuilibus tantum, sed etiam naturalibus. Porro naturalis obligatio tollitur multo pluribus modis, quam ciuilis. Et primum quibus modis ipso iure tollitur ciuilis, eodem tollitur & naturalis obligatio. Certi sunt modi, quibus ipso iure tollitur obligatio ciuilis, qui enumerantur in titulo, *quibus modis toll. oblig. Institut.* nec alium his possis addere modum. certi tantum modis tollitur obligatio ciuilis, non quibuscunque, *l. obligationum fere §. 2. de oblig. & act.* naturalis & aliis quibuscunque propemodum. Porro ciuiles modi, quibus tollitur ciuilis, sunt solutio, acceptilatio, nouatio. & contrarius consensus, si consensu solo contracta sit ciuilis obligatio, ut in emptione, venditione, locatione, conductione. Ergo his etiam modis ipso iure tollitur naturalis obligatio. Solutione eius quod debetur tollitur omnis obligatio, tota, *l. si unus §. sed si stipulatus, de pact.* id est, etiam naturalis. qui totum dicit, etiam vinculum naturale comprehendit, & ita in *l. si debitor, de fideiuss.* deportatione extingui totam obligationem, & *l. si mulier, in fin. ad Vellei.* Senatusconsultum Velleianum improbare totam obligationem, id est expugnare etiam naturalem. Igitur solutione tollitur etiam naturalis obligatio *pecunia numeratione*, id est, solutione. Numeratio non tantum creditum, sed solutum significat, ut in *l. 3. §. debitor, de transaction. l. 1. qui potior, in pignor. & l. 1. de non numer. pecun.* Et recte Accursius numeratione, inquit, id est solutione. Imo non tantum solutione illa naturali tollitur naturalis, sed etiam acceptilatione, quæ est imaginaria solutio, ut est in *Institut. eod. tit.* & quocunque alio modo, qui pro solutione cedat, ut aditione hereditatis, si debitor creditori heres exstiterit, etiam naturalis obligatio perimitur, *l. heres §. quod si stipulator, de fideiuss.* quia, scilicet ipse creditor sibi soluisse intelligitur adeundo hereditatem non imparem credito, adeo ut fideiussor liberetur, *l. Granus, de fideiuss.* qui utique non liberatur, si remanet naturalis obligatio: nam vel sola naturalis retinet fideiussoriam, ut & pigueratitiam & constitutoriam, id est, constitutæ pecuniæ. Satis namque est vel natura deberi, ut & hæ accessiones locum habeant, *l. ubiunque, de fideiuss.* Ergo naturalis obligatio tollitur etiam nouatione, & contrario consensu §. *ult. huius legis.* Obligatio ciuilis, quæ & eadem naturalis est, non naturalis tantum, aut contrahitur re, aut verbis, aut consensu: contracta verbis, verbis soluitur, veluti acceptilatione, re contracta, re soluitur, contracta numeratione soluitur numeratione, consensu contracta contrario dissoluitur, re integra scilicet, nam si res non sit integra, rem retroagi, vel retractari oportet, si velint contrahentes ab eo negotio discedere. Ideoque si perfecta venditione, & emptione re integra, nondum re tradita, vel numerato pretio, inter emptorem & venditorem conuenerit, ut discederetur ab emptione, tota obligatio soluitur; consequenter fideiussor liberatur, & ita in hoc §. *ult. ait*, fideiussorem liberari contrario consensu: & est argumentum certissimum extinctæ totius obligationis. In summa quibus modis tollitur obligatio ciuilis ipso iure, iisdem & naturalis. Sed addamus aliis etiam modis, ipso iure tolli naturalem obligationem, quibus ciuilis non tollitur ipso iure, sed per exceptionem tantum. Ecce pacto obligatio naturalis ipso iure tollitur, non ciuilis; denique tota obligatio pacto non tollitur, quia manet

A ciuilis: certis modis tollitur ciuilis, extra quos est pactum conuentum. At naturalis etiam pacto conuento ipso iure perimitur, si conuenerit nihil dari. Et inquit Papinianus, *pacto iusto*, quo verbo non significatur pactum non nudum. Nullum enim est pactum non nudum. Nihil refert dixeris, *pactum conuentum*, an *pactum*, & *conuentum*, an *pactionem*. omnis pactio, omne pactum etiam legitimum nudum est, & quod hic iustum dicitur, & ipsum nudum est, *nudum*, dicitur, non *καὶς διασώ*, non quod aliud sit vestitum, sed *καὶς αἰσίων*, quod sola æquitate conuentionis consistit, sine adminiculo iuris Romani: ciuis Romanus ex pacto non obligatur efficaciter, sed ex contractu iure gentium & ciuili recepto. Sed *iustum pactum* dicitur id, quon nititur æquitate conuentionis, quod non est contra leges. vel bonos mores, ut in *l. epistola §. 1. de pactis*. quod solum prætor se seruaturum pollicetur in edicto, *pacta quæ neque contra leges, &c. id est*, pacta iusta non abhorrentia ab æquitate naturali nec contra leges. Et seruabo datis exceptionibus tantum, nondatis actionibus, quoniam ex pactis non est obligatio ciuilis sed naturalis tantum, ac proinde nec actio. Igitur iniustum pactum non seruat prætor. Iniustum pactum non tollit naturalem obligationem, *l. iuris gentium §. prætor, de pact. l. pacta, l. pen. C. eod.* Et ne circumscribamur, ne dixerimus vnquam, idem esse pactum legitimum & iustum. magna est differentia. Iustum est, quod consentit cum æquitate naturali. Legitimum est, quod nominatim legis potestate confirmatur, ut pactum de furcis & iniuriis lege duodecim tabul. *l. legitima, de pact.* Legitimum pactum parit, & perimit actionem ipso iure. C Iustum, quod etiam non est legitimum, non lege certa confirmatur, neque parit, neque perimit actionem ipso iure: prætor tuetur non legitimum pactum data exceptione: non iustum, non tuetur, non seruat. Et ita non male Apuleius in Apol. 2. differentiam facit inter iustum & legitimum heredem, quia potest esse defuncto quis legitimus heres, veluti proximus agnatus, sed non iustus, tanquam ingratus, indignus: *sciebat*, inquit, *intestati pueri se legitimum potius, quam iustum heredem futurum.* Igitur iusto pacto ipso iure tollitur obligatio naturalis, id est, æquitate conuentionis tollitur vinculum æquitatis, ut ait Papinianus. quibus verbis demonstrat. quid iusti nomine significet. denique iure naturali, ius naturale tollitur, æquitas æquitate, & prout quæque constitit obligatio, ita dissoluitur, *l. prout, hoc tit.* Si consensu sit contracta, consensu tollitur: ut stipulatio acceptilatione: si æquitate, æquitate. & huius rei argumentum est, quod si quis soluerit quod natura debuit per ignorantiam, cui vel ipse, vel is, qui heres exstitit, pepigisset cum creditore de non petenda pecunia, habet conditionem soluti indebiti, quam non haberet si post pactionem superesset naturalis obligatio: nec enim condicatur, quod vel natura debetur, sed id tantum, quod nec iure naturali debetur. ex quo apparet, pacto solui vinculum naturæ, *l. si non sortem, §. libertus, l. si quis indebit. de condi&ct. indebit. l. ult. de iureiur.* Obiicit Accurs. *l. si unus §. pactus, de pact.* Ex qua efficit, naturalem obligationem ipso iure pacto non tolli: nam ait aperte is §. pactum prius quod fuit de non petenda pecunia, non tolli posteriore ipso iure, quod est de petenda pecunia, sed per replicationem. Atqui prius pactum pepererat naturalem obligationem: nam ex pacto illo de non petenda pecunia, obligatus erat creditor ad liberandum reum. Et hoc fatemur facile, ex priori pacto ortam naturalem obligationem, & tamen text. ait, eam naturalem obligationem ipso iure, non tolli posteriore. Sed nihil est facilius. In §. *pactus*, agitur de iure ciuili, & prætorio. in hoc §. *naturalis*, de iure naturali. Iure ciuili est necessaria exceptio vel replicatio: iure naturali, non est necessaria, sed ipso iure, *id est* *δι' αὐτοῦ*, ut Græci hoc loco aiunt, per se naturalis obligatio pacto perimitur. Exceptio autem ex priori pacto quæ sita iure prætorio non perimitur ipso iure, sed per replicationem



plicationem pacti posterioris. Etiam illud adicitur hinc A  
§. iureiurando tolli naturalem obligationem, quod est  
certum, *l. si quis iuravit, de condit. indeb.* ut si pupillus  
iuraverit se dare non oportere, vel se non accepisse pe-  
cuniam: nec enim interest cuius ætatis sit qui iuraverit,  
sed omnimodo custodiri debet iusiurandum, & conten-  
tus eo esse debet creditor, qui id detulit pupillo, *l. qui  
iurasse, de iureiur.* Denique iusiurandum cuiuscunque  
tollit naturalem obligationem. Nam maxime si delatum  
sit ab aduersario, pro pactione, vel transactione cedit, *l.  
2. l. liber, l. tutor §. 1. l. si seruus, de iureiur.* Imo & pro  
solutione, & in locum solutionis succedit, *l. iusiuran-  
dum & l. seq. §. 1.* Ex quo intelligitur, quodcunque est  
pro solutione, veluti iusiurandum, & pactum quod &  
pro solutione est, qualitercunque tollere naturalem obli-  
gationem, non etiam civilem. nam omne quod pro solu-  
tione cedit, tollit civilem obligationem ipso iure, non  
iusiurandum. Denique non omnis imago solutionis tollit  
civilem, non iusiurandum: transactione tota obligatio  
perimitur, & de transactione locus est in *l. fideiussores, de  
fideiuss.* Ex quibus sequitur, quia pacto & iureiurando  
tollitur naturalis obligatio etiam ex istis causis, puta iu-  
reiurando fideiussorem pupilli liberari, cum tota obli-  
gatio extincta sit.

#### Ad §. quæsitum est.

Quæsitum est, an ita stipulari quis possit? Mihi aut filio meo  
decem dari? vel ita: mihi aut patri? sed non incommode potest  
adhiberi distinctio, ut filio quidem stipulante, patris tunc ad-  
iciatur persona, cum stipulatio ei adquiri non possit: è con-  
trario autem nihil prohibeat patre stipulante, filij personam  
adiici, cum totiens quod pater filio stipulatur, sibi stipulatus  
intelligitur, cum ipse sibi stipulatus non est: & in proposito  
manifestum est, non obligationis sed solutionis gratia, filij per-  
sonam adiectam

Sequitur alia quæstio de adiecto solutionis gratia. sic  
Sappellatur sæpissime in iure, quæ paulo inferius defi-  
nietur. Sed repetendum ex regula iuris, inutilem stipula-  
tionem esse, si quis extraneo stipuletur vel paciscatur,  
veluti Titio dare, quia nec per eum extraneæ personæ  
adquiri potest, nobis acquirimus, non aliis, quorum iuri  
subiecti non sumus. Et nobis igitur stipulamur: nam sti-  
pulatio interponitur adquirendi causa *l. inter §. alteri, de  
verb. oblig. l. quo tutela §. ult. de reg. iur.* Ergo & si quis  
stipuletur coniunctim, sibi & Titio dari, pro parte Titij  
inutilis est stipulatio. Adiectio prorsus inutilis, *l. si mihi  
& Titio, & l. ult. in fine, de verb. oblig.* vel Titij adiectio  
pro superuacua habetur, & stipulatori tota stipulatio  
acquiritur, & nulla ex parte inutilis est, *l. proprium, comm.  
præd. l. fundus, de contr. empt.* Aut igitur cum stipulatus  
sum mihi & Titio, stipulatio est utilis pro parte tantum,  
aut in totum pro qualitate reorum qui in stipulationem  
deducti sunt. Adiectio autem vel est inutilis vel super-  
uacua. adiectio inutilis vitiatur stipulationem pro parte,  
superuacua nihil vitiatur stipulationem, quandoquidem  
habetur pro non scripta aut non expressa. Et hoc si quis  
stipuletur sibi & Titio. Quod si stipuletur sibi aut Titio,  
superuacua est adiectio Titij, quod ad obligationem atti-  
net, quia non acquiritur Titio, nec id agitur, ut ei acquira-  
tur, quando Titius in disunctione ponitur. Utiles autem est  
adiectio Titij, quod attinet ad solutionem: Nam promissori  
liberum est vel stipulatori soluere vel Titio, etiam  
inuito stipulatore secundum conceptionem stipulationis,  
non eo genere, mihi aut Titio. Titius adicitur non obli-  
gationis gratia, ut & obligatio quærat, quod fieri ne-  
quit, sed solutionis gratia. ut promissori vel Titio soluat,  
& utique Titio soluendo liberatur, etiam si postea stipu-  
lator Titio solui prohibuerit. Titius est velut procura-  
tor, ut accipiat pecuniam, sed eam procurator non  
potest mutare stipulator, ne fraudem faciat promissori,  
Quæst. Papin.

cui initio stipulationis dedit arbitrium solvendi utri  
mallet, *l. 12. §. per. l. aliud 106 hoc tit.* Atque ita eo casu  
evenit, ut stipulatio obliget utro utroque non promisso-  
rem tantum, sed etiam stipulatorem, ut sit *dim. euss* quæ  
solere esse *nov. 107. euss*: nam eo genere stipulator alligatur  
conditione stipulationis, ut vel Titio solui possit quasi  
procuratori eius initio contrahendæ stipulationis con-  
stituto, nec eam legem stipulationis immutare potest.  
Ergo si quis stipuletur sibi aut Titio, stipulatio tota ei ad-  
quiritur, Titio soluitur recte, etiam nolente stipulatore.  
Ipse stipulator est creditor, Tuius est adiectus solutio-  
nis gratia, non crediti siue obligationis gratia. Denique  
extraneus est capax solutionis, non obligationis, id est,  
adiici potest solutionis, non obligationis gratia. Et hæc  
de extraneo, id est, de eo qui neque habet stipulatorem  
in potestate, neque ipse est in potestate stipulatoris. Sic  
extraneum accipere hic oportet. Nunc dicamus de eo,  
qui habet aut habetur in potestate stipulatoris. filius fa-  
patri in cuius potestate est, si stipuletur, utilis stipulatio  
est, & acquiritur patri confestim, vel si quo casu non po-  
tuit adquiri patri veluti ex causa castrensis peculij aut  
quasi castrensis, inutilis est stipulatio perinde ac si filius  
non esset in eius potestate. Et è contrario si pater stipule-  
tur filiofam. sic ei acquiri potest perinde acque si sibi sti-  
pulatus esset: quia vox patris tanquam filii est, §. *ei vero,  
Instit. de inut. stip. l. 4. 2. de dam. inf.* Igitur cum stipulatus est  
pater filio, si ei adquiri possit, acquiritur ei soli, non filio,  
licet filio stipulatus sit. filij est adquirere patri, non patris  
filio, *l. cum dos, de pact. dot.* Alioqui si stipulatio patri ad-  
quiri non potest, inutilis est, *l. dominus, l. quod dicitur, de  
ver. oblig.* Et hoc si filius patri vel pater filio stipulatus sit:  
quid si stipuler, mihi & patri dari? Hic etiam videndum  
patri possit adquiri, an non. non ex omni causa acquiritur  
patri, non omnis res per filium acquiritur patri, mul-  
tas excepit Iustinianus. Et primum, si patri possit acqui-  
ri, superuacua est adiectio patris, quia eo quod ait, *mihi,  
satis patri adquisiuit, ac si dixisset tantum mihi.* Ergo tota  
stipulatio utilis est, *l. sed si sibi, de stip. serv.* Aliter quam si  
extraneus sibi & Titio stipulatus esset certam summam,  
quia Titij adiectio inanis est. ergo stipulatio pro parte tan-  
tum utilis est. Et ita si patri non possit adquiri, cum mihi  
& patri stipulatus sum, inutilis est adiectio patris, sti-  
pulatio utilis pro parte. Et sic multum interest, an inuti-  
lis, an superuacua sit adiectio: inutilis partem vitiatur sti-  
pulationis, superuacua nihil vitiatur: & è contrario, si sti-  
puler *mihi & filio*, tota stipulatio utilis est, & superuacua  
adiectio filij. nec distinguo, potuerit mihi adquiri necne,  
cum mihi stipulatus sum, nec id mihi obueniat per filium.  
Et hæc si stipuler *mihi & patri*, & contra, *mihi & filio*.  
Hinc quæritur, quid sit dicendum, si stipuler *mihi aut  
patri, vel mihi aut filio*, adiciendo patrem vel filium solu-  
tionis gratia? Adiectio obligationis gratia fit per con-  
iunctionem, *mihi & illi*, & est in extraneis inutilis, in his  
personis, patri sc. & filio, superuacua. Adiectio stipula-  
tionis gratia fit per disunctionem, *mihi aut illi*. & in aliis  
personis est utilis, quod ad solutionem attinet. In his  
personis quæritur, sit utilis an superuacua, necne. Et Pa-  
pin. hoc loco subtiliter aduertit distinguendum, utrum  
stipuler *mihi aut patri*, an *mihi aut filio*. Si *mihi aut patri*,  
superuacua est adiectio patris, si patri potuit adquiri sti-  
pulatio, quia ei solui potest, imo debet etiam non adie-  
cto, nec inutilis est stipulatio, sed patri acquiritur in to-  
tum. Et alia est ratio legis qui rem §. *si seruus, l. 1.* quæ in  
contrariis adduci potest. nam loquitur de seruo, cuius  
proprietas est vnus, vsusfr. alterius. hic seruus ex re fru-  
ctuarij fructuario acquirit, proprietario non potest ex re  
fructuarij adquirere. Nunc finge: hic seruus ex re fructua-  
rij stipulat? est disiunctim, proprietario aut fructuario da-  
ri, prorsus est inutilis stipulatio, quia ea non consistit in per-  
sona proprietarij, cum res eius non fuerit, nec in personâ  
fructuarij, cum in solutione ponatur per disunctionem,  
non in obligatione, & per proprietarium fructuario non



potest adquiri: & vbi deficit persona, in qua consistat obligatio, & deficit in qua consistat solutio, nec enim esse potest solutio sine obligatione, solutio, obligationis solutio est, *l. sed si sibi in fi. de stip. seru.* At in casu proposito, si stipuler *mibi aut patri*, obligatio consistit in persona mea, & patri confestim adquiritur, non est igitur inutilis obligatio, si patri adquiri possit. Sed si pater non sit capax obligationis, veluti interposita stipulatione ex causa castrensi, utilis est adiectio patris, vt ei recte solvatur: nec enim patri non adiecto solueretur recte, quia ei non debetur. Contra quoque, si stipuler *mibi aut filio*, utilis est adiectio filij. Nec aliter filio solueretur recte, nec hic distinguo, potuerit mihi adquiri stipulatio, an non: nam certum est, quod mihi stipulor, mihi adquiri, mihi obuenire per me, non per filium. Verum dices, quod monuit etiam Papinianus, videri supervacuum adiectionem filij, quia sibi stipulari intelligitur pater, qui filio stipulatur, *l. quod dicitur, de verb. obligat.* & sibi iam erat stipulatus pater: atque ita perinde videtur esse, ac si sibi stipulatus esset, non sibi aut filio, quod pro supervacuo haberetur. Sed respondet, eum qui *sibi aut filio* stipulatur, non stipulari filio, sed sibi tantum, & filium adici tantum solutionis gratia, solutioni applicari, non obligationi. Et rursus, si stipularetur *sibi & filio*, supervacua esset adiectio filij. Sed hic non est stipulatus sibi & filio, sed sibi aut filio, quo modo persona filij solutioni applicatur, non obligationi, ergo non supervacua adiectio filij. Quamobrem quæ definitio maxime notanda est, non aliter quod filio stipulor, mihi videor stipulari, quam si & mihi non stipuler, *l. eum qui ita §. qui sibi, de verb. oblig.* Quod si etiam mihi stipuler, aut supervacua est adiectio filij: puta, si mihi & filio, aut in persona filij consistit solutio, in mea persona obligatio, puta si stipuler mihi aut filio.

Ad §. vsumfructum mihi.

*Vsumfructum mihi aut Titio dari stipulatus sum. Titio capite deminuto, facultas soluendi Titio non intereidit, quia & sic stipulari possumus: mihi aut Titio cum capite minutus erit, dari: Nam si furiosi vel pupilli persona adiecta sit, ita tutori vel curatori pecunia recte dabitur, si conditionis quoque implenda causa, recte pecunia tutori vel curatori datur. Quod quidem Labeo & Pegasus putaverunt utilitatis causa recipiendum. Idque ita recipi potest, si pecunia in rem, vel pupilli, vel furiosi versa sit. quomodo si domino iussus dare seruo dedisset, vt domino daret. ceterum qui seruo dare iussus est, domino dando non aliter implensse conditionem intelligendus est, quam si ex voluntate serui dedit. Idem respondendum est in solutione si stipulato Sempronio sibi aut Stichio Manij seruo decem dari, debitor Manio domino pecuniam soluerit.*

**D**E adiecto solutionis gratia, alia quaestio est in hoc §. An alij, quam adiecto solvatur recte. adiectionem, quæ adhibetur solutionis gratia, personalem esse, adeo vt si stipuler *mibi aut Titio*, nec heredi solui possit, *l. cum quis, de verb. oblig. l. 81. hoc tit.* Sicut legato relicto sub conditione, si legatarius Titio dederit 10. non implet conditionem, si dederit heredi Titij, *l. cum ita datur, de condit. & demonstr.* quia vtroque casu persona demonstratur. Ac propterea in eius tantum persona solutio vel conditio impleri potest, ius transmittimus in heredem nostrum, factum non transmittimus, & eo genere stipulationis mihi aut Titio, factum confertur in Titij personam, non ius, solutio est facti, *l. consilio §. 1. de curat. fur.* Et acceptio igitur: maxime si non creditor accipiat. in his quæ sunt iuris, eadem est persona heredis & defuncti, non in his quæ sunt facti: ac proinde procuratio alieni negotij, quæ facti est, finitur morte procuratoris, & adiectio illa tanquam procuratio est. non solvitur etiam recte domino serui adiecti vel patri filij adiecti solutionis gratia, non obligationis, *l. 9. h. tit.* Sicut vt eadem stipulatione vtamur legato relicto sub conditione, si dederit 10. Pamphilo, non implet conditionem dādo domino vel patri Pā-

phili, quia ea, quæ sunt facti, non transeunt ad patrem vel dominum, *l. qui heredi, de condit. & demonstr. l. quod dicitur, de verb. oblig.* Ergo domino vel patri eius, in quem collata est conditio, vel solutio, non solvitur recte, nisi ex voluntate eius, in quem collata est conditio vel solutio, quia vt qui mandat solui, ipse soluere videtur, *l. qui mandat, h. tit.* ita qui mandat accipi, accipere videtur, & e contrario si in personam domini collata sit conditio vel solutio, non recte datur seruo eius, nisi consenserit dominus, *d. l. qui heredi.* Sed addenda alia exceptio ex hoc §. vel nisi detur aut solvatur seruo eius, ita vt verterit in rem eius, quia pro eo est, ac si domino datum esset in manum, cum datum seruo eius mox sit versum in rem eius: vt autem soluere est facti, ita dare, cum eligitur certa persona cui detur, & nonnunquam ei etiam dari sufficit, qui est positus in conditione quocunque modo sine effectu iuris, sine effectu dominij transferendi, *l. Manius, de condit. & demonstrat.* cum tamen alias verbum dare, iuris sit, non facti: sed & hoc tantum interest, quod in solutione pupillo, qui adiectus est, solui potest sine tutoris auctoritate, *l. 11. h. tit.* quia talis est lex stipulationis, cui se vterque subiecit. In conditione autem posito pupillo, veluti relicto legato Titio sub conditione, si decem dederit pupillo, ei non potest dari sine tutoris auctoritate, ne fiat contra providentiam testatoris, qui pupillo consulere voluit, & qui confestim forsitan eam pecuniam perditum iret, nisi accederet tutor, *l. 68. h. t.* Illud nunc generaliter tenendum est, cui recte datur conditionis implenda causa, ei etiam recte solui, quod positum est in adiectione stipulationis, non alij personæ: nam & adiectio, quæ adhibetur solutionis gratia, est personalis, & conditio dandi certæ personæ legatario vel fideicommissario, est etiam personalis, vt in cuius persona hæc impleri potest, vel non impleri potest paratione impleri quoque illa possunt vel non possunt. Et hac cōparatione plerumque vtitur Pap. in hoc §. Igitur sicuti heredi, domino, patri, seruo, filio eius, in cuius persona implenda est conditio legati, non recte datur, ita etiam non solvitur recte heredi, domino, patri, seruo, filio adiecti in stipulatione solutionis non obligationis gratia. Et his consequenter ponitur, legato relicto sub conditione dandi Titio, non posse dari Titio postea capite deminuto, quia etsi Titius adiectus sit solutionis gratia, in stipulatione disunctiva, ei non potest solui post stipulationem capite minuto, *l. cum quis, h. t.* nimirum, quia capitis deminutione fit alia persona quam fuerit antea, vel ex libero seruus, vel ex ciue peregrinus, vel alieni iuris, qui fuit sui, vel sui, qui fuit alieni. capitis minutio est mutatio siue creatio novæ personæ. adiectionis igitur utilitas, quæ personæ cohæret, finitur capitis deminutione adiecti, sicut procuratio capitis deminutione procuratoris, adiectus tanquam procurator est, tanquam procurator constitutus ad accipiendam pecuniam. Cui sententiæ obicitur quod est in principio huius §. & in eo laborant interpretes: Nam si stipulatus sum mihi aut Titio vsumfructum, Papin. ait: Titio solui posse capite minuto, Sed vt ostendam, in vtrique *l. cum quis, h. t. & l. cum quis, de oblig. & act.* & vtrumque velim studiosa lectione reholi, non loquitur Papinianus de adiecto capite minuto post stipulationem, sed de capite minuto tempore stipulationis, veluti deportato aut emancipato nuper, cuius persona adici potuit, quia nihil refert, cuius status sit adiectus, cuius conditionis, sexus, ætatis, quando res ita agitur ex conventionem vtriusque partis. Et hanc fuisse mentem Papin. sequens oratio ostendit, *quia etsi stipulari possum, &c.* Sic ratiocinatur, si quis adici potest solutioni in eum casum, quo capite minutus erit, *Quid il changera d'est.* Et adici igitur potest capite minutus iam. Et ponit speciem Papin. in vsumfructu non quod aliud sit in proprietate obferuandū, sed quod maior sit dubitatio in vsumfructu, cuius maxime proprium est interire capitis minutione, non tantum ius ipsum vtendi fruendi, sed etiam obligatio & actio, *l. 1. quibus mod. vsumfr. amitt.* Et si obligatio, & solutio igitur



nam quod corrumpit obligationem, & solutionem igitur, *l. cum enim, de stip. seru.* Sed placet vsum fr. ab initio recte constitui in personam capite deminuti, veluti deportati, vel in casum, quo capite deminutus erit, vt diximus, *l. 2. quib. mod. vsum fr. amit.* At semel constitutus vsum fr. post finitur capitis deminutione fructuarii: non praesens capitis deminutione obstat obligationi, sed superueniens, constituto iam vsum fr. Et ita superueniente capitis deminutione adiecti praesentem capitis deminutionem nihil officere adiectioni, non etiam negavit superueniente capitis deminutione extinguere vsum fr. quod confirmatur *l. eum qui ita §. qui sibi. de verb. obl.* Recte solutioni adiacere filium emancipatum, mihi aut filio meo emancipato. Et tamen si stipuler mihi aut filio existenti in potestate mea, emancipato postea filio meo, adiectio dissolvitur, quia emancipatio mutavit personam. Verum vt solvatur omnis haec quaestio, an alij, quam adiecto solui possit, videamus, an, si solutionis gratia adiectus sit pupillus, tutori eius solui possit, aut curatori furiosi. Qua de re tractat Papinianus. vbi particula *nam* subiungitur priori dicto, sed inchoat aliam rem, (*nam* non semper est subiunctiva, sed & inchoativa) quæ tamen pertinet ad illam generalem quaestionem superiorem. Et ait, tutori vel curatori pupilli aut furiosi non solui recte, nisi vno tantum casu, si pecunia tutori vel curatori soluta vertatur in rem pupilli aut furiosi: hoc enim casu id esse receptum contra ius commune, id est, contra ea, quæ perstrinximus ante, vt non recedere debeamus à persona adiecti, & alij solvere, nec heredi, nec domino, nec patri, nec seruo, vel filio adiecti: hoc inquam casu id esse receptum, vt videatur recte solutum tutori propter utilitatem earum personarum, quæ solutionis non admodum capaces sunt. in hoc casu tutori plus concedit, quam heredi, plus quam patri, vel domino, vt in quaest. *l. ult. §. pupillus, de verb. oblig.* Plus concedimus tutori quam patri, plusque videtur tutor habere auctoritatis in pupillum quam pater: nam pupillus obligatur absente patre, non obligatur absente tutore. Denique tutorem plane esse vice domini, id est pupilli, etiam in his, quæ facti sunt, quibus dominus aut pater ius nullum habet quod exerceat. Curatorem quoque furiosi plane esse vice ipsius, non etiam curatorem adolescentis, quoniam hic est capacissimus solutionis, & vitur in hanc rem eodem argumento, quo vsum fr. ante à pari: si conditionis implendæ causa recte datur tutori pupilli, & solvitur ei recte ex causa adiectionis applicatæ stipulationi, atque conditionis implendæ causa. illo tantum casu tutori vel curatori datur recte, si pecunia versa sit in rem pupilli. Et ita accipienda *l. 13. de condit. & demonstr.* Ergo illo tantum casu solvitur illi recte: tutori vel curatori adiecti, tutori pupilli, curatori furiosi: ceteroquin ei non solveretur recte. si pupilli esset obligatio, tutori solveretur recte. imo ei debet solui, non pupillo, si pupilli sit solutio, tantum, vt in proposita specie, quia adiectio est electio certæ personæ, qua contentus fuit stipulator, pupillo solui debet, præterquam illo casu, eoq; recepto non communi iure, sed ex æquitate propter utilitatem pupillorum & furiosorum. vt pleraque alia in iure fauorabiliter recepta sunt propter utilitatem earum personarum, §. *pupillus, Instit. de inutil. stip. & l. pupillus, de adquir. hered.*

#### Ad §. si creditor.

*Si creditor debitoris hereditatem ad se non pertinentem possedit, & tantum ad eam pervenit, quantum si quilibet alius bonorum possessor ei solueret, liberaret heredem: non potest dici fideiussores liberari: neque enim ipsum sibi soluisse pecuniam credendum est, à quo hereditas euincitur.*

**I**ntelligemus primum ex hoc §. multum interesse, creditor debitori heres exstiterit, an debitoris hereditatem pro herede possederit, ad alium, non ad se pertinentem. Quod si debitori heres exstiterit, aditione confunditur Quæst. Papin.

obligatio, saltem solutionis potestate, quia ipsum sibi soluisse credendum est, *l. debitori, & l. Granus, de fideiuss.* vel secum pensasse, vt ait, *lex quæ uotis, sol. marr.* pensasse creditum suum cum hereditate, quam à debitore vice mutua percepit, & consequenter liberantur fideiussores debitoris. Et hoc est notissimum. Sed si creditor debitoris hereditatem possederit, cum alius esset heres, non ipse, & tantum ex hereditate possederit, quantum est in credito, quantumque si verus heres ei soluerit, liberaretur, vel si alius possessor ei solueret, liberaret heredem, & in petitione hereditatis, id heredi reputaret, vt *l. si quid possessor, de adq. hered.* Denique creditor possidens hereditatem debitoris ad se non pertinentem, si tantum ex ea redegerit, quantum est in suo credito: certe hoc casu, nec principalis nec fideiussoria tollitur obligatio, quia ipse, inquit, sibi soluisse non videtur, cum scilicet hereditas ab eo euincitur aut euinci potest, & omne quod ex hereditate percepit, & nec secum pensasse videtur: nam si secum pensasse videretur, & sibi soluisse quoque: Atquin hoc non videtur, ergo nec illud. Pensatio crediti loco solutionis, *l. 4. qui pot. in pign.* Et rursus si videatur vel soluisse vel pensasse rationem solutionis aut pensationis, quæ loco solutionis est, id quod sibi deberetur, retineret ex hereditate, nec ei euinceretur. Atquin euincitur omne id est petitione hereditatis, quæ vindicatio est. *euictionis* verbo significatur tantum vindicatio, nec de euictione actio competit, nisi res ablata sit emptori vindicationis genere aliquo, *l. stipulatio ista §. si quis forte, de verbor. obligat.* Et idem est, *vindicare & euincere*, quod *ἐξαιρῆν*, in Solonis legibus. Ergo non compensat possessor, cum euincitur hereditas debitoris quod is sibi debuit, aut non compensat creditum suum possessor hereditatis debitoris ad se non pertinentis, cum eo quod ex hereditate percepit, sed id restituit actori quod percepit, salva crediti sui actione. Compensatio non opponitur in actionibus in rem, id est, vindicationibus, sed actionibus in personam tantum, quod vel definitio compensationis demonstrat, quæ est debiti & crediti inter se contributio: omne debitum & creditum personale est. Et hæc est mens huius §, nam si possessor sibi non videtur soluisse, nec secum pensasse igitur. Ex quo restat, in vindicationibus compensationi locum non esse. Obstant valde tres leges ei quod dicitur actioni in rem non obici compensationem. Obstat primum *l. eum qui §. ult. de inoffic. test.* quæ ponit creditorem à debitore heredem institutum fuisse, & adisse, ac deinde per petitionem hereditatis ex causa inofficiosi testamenti euictam ei hereditatem fuisse. Aditio confundit suum creditum, suam obligationem, sed quia post inutilis redditur euicta hereditate, æquum est obligationem ei reintegrari, eique dari petitionem debiti & compensationem. Possessori igitur, cui euincitur hereditas datur compensatio debiti. Denique compensatio locum habet in iudicio in rem, veluti in petitione hereditatis. Respondeo, lex ait, ei compensationem debere dari. Quod non ita est accipiendum, vt compensare id quod sibi defunctus debuit, possit cum hereditate vsque ad summam concurrentem, vl si quid vicissim ipse debuerit defuncto, quod constat venire in petitionem hereditatis, compensare id possit cum eo, quod sibi defunctus debuit: compensare igitur debitum suum cum credito defuncti, non cum hereditate, quæ euincitur. Proinde fit ea compensatio magis in personalibus præstationibus quam in actione ipsa in rem. Secundo loco obstat *l. Titia, hoc tit.* vbi mulierem, quæ bona defuncti mariti possidet, ait in dotem sibi debitam reputare, quod ex re mariti percepit, interim dum possedit bona, & reputare, id est, ipso iure reputare, quod pensare est vel compensare. Sed vt & huic loco respondeam, non loquitur *l. Titia de muliere*, quæ pro herede possedit bona mariti, & potuit conueniri petitione hereditatis, sed de ea, quæ possedit bona mariti propter dotem, id est, dotis seruandæ causa, ex edicto prætoris, vt *l. ea, quod §. 1. ad municip. l. offic. de rei*



*wind. l. pen. §. item danda, de diuers. & temp. præs. Puta,* A  
quod heres mariti non exstaret, iussa est possidere bona  
mariti: vel quod heres suspectus satisfacere iussus, non sa-  
tis dederit, *vt l. 15. de rebus auct. iud. poss.* Comparatur enim  
creditor vel creditrix missa in possessionem bonorum  
gestori bonorum & negotiorum, *l. creditore §. ult. eod.* Et  
sicut gestor domino agenti negotiorum gestorum, potest  
reputare & pensare, quod sibi dominus debet, ita credi-  
tor debitori agenti actione in factum, de eo quod ex ip-  
sius bonis ad creditore peruenit, qui missus est in posses-  
sionem bonorum suorum, *d. l. creditore §. 1.* & potest re-  
putare, quod sibi debuit is, cuius bona possessa sunt. Ob-  
icitur reputatio siue compensatio hæc actionibus in per-  
sonam, non actionibus in rem, nempe actori agenti ne-  
gotiorum gestorum, vel in factum, quia vtraque est in  
personam. Ergo nihil mouemur etiam *d. l. Titia.* Sed ob-  
stat vehementius *l. si quid possessor §. sed si ipsi aliquid præ-* B  
*doni, de petit. hered.* Quæ lex ait aperte, possessorem here-  
ditatis ad alium pertinentis, à quo petitur hereditas posse  
deducere, quod sibi defunctus debuit. Quid aliud est de-  
ductio, quam compensatio. Ergo ea opponitur petitioni  
hereditatis. Sed aliud est deducere, aliud compensare, *l. fi-* C  
*lium, C. famil. erisc.* Et multis aliis locis, inquam, aperte  
constituitur differentia inter hæc tria verba, *reputare,*  
*compensare, deducere.* cum quaeritur de Falcidia. Imputo  
in Falcidiam, quod à me accipio iure hereditario, quod  
sim heres institutus, compenso Falcidiam, quod vice mu-  
tua accipio à coherede meo: deduco è Falcidia, residuum  
ex hereditate. Igitur aliud est deducere, aliud compensa-  
re, & aliud imputare. Compensatio fit iure meo, *l. postquã,*  
*de compensation. l. inter, de administ. tut.* Deductio est re-  
tentio possessionis, quæ fit per exceptionem, nisi sit reten-  
tio, quæ fiat ipso iure. nam fateor, esse retentiones dedu-  
ctiones, quæ fiunt ipso iure, vt *l. seruus quem, de act. emp.*  
*l. quod dicitur §. ult. de impens. in res dotal.* Et hæc nihil aliud  
sunt, quam compensationes. Sed illo loco agitur de de-  
ductione, quæ facti est, non iuris, & fit per retentionem,  
quæ beneficio acceptionis fit, non aliter. Ergo vt eum §.  
qui sane desiderat interpretem, totum exponamus, sic sta-  
tuo: possessor hereditatis non potest compensare, quod  
sibi defunctus debuit, in petitione hereditatis scilicet,  
quasi ipso iure minor sit hereditas propter creditum suum,  
nec enim propterea ipso iure minuitur hereditas. Et hoc  
de compensatione. Nunc de deductione. Non potest  
etiam quilibet possessor, à quo euincitur, hereditati de-  
ducere, quod sibi defunctus debuit, sed hoc tantum po-  
test bonæ fidei possessor. Malæ fidei possessor, id est, qui  
scit hereditatem ad se non pertinere, quam possidet, nec  
ciuile debitum deducere potest, sed integram heredita-  
tem, & quod ex ea percepit, petitori in alsem restituere  
debet; nec etiam naturale debitum retinet, vt si sit fi-  
lius familias exheredatus testamento patris, cui pater ali-  
quid debuit naturaliter, & cum quo agat heres scriptus  
petitione hereditatis, compellet eum filius, id debitum  
naturale sibi seruare per deductionem; quia nemo actio-  
ne vlla debitum naturale consequi potest, deductione  
potest & retentione; sed bonæ fidei possessor tantum, nõ  
prædo, quod valde est singulare: vt malæ fidei possessor,  
nec per actionem, nec per deductionem debitum sibi  
seruare possit, quod tamen iustus possessor sibi seruati-  
ciule debitum non deducit prædo, sed restituta heredi-  
tate integram habet petitionem sortis, non vsurarum,  
non pœnarum. Si pœnale debitum fuerit, puta sub pœna  
fors sit promissa. Nam cohibendarum vsurarum gratia,  
& pœnarum, quæ odiosæ sunt, dici potest, eum sibi de-  
buisse soluere statim ab initio apprehensæ possessionis,  
atque ita inhibere vsuras, aut pœnas. Et sic plane impu-  
tat sibi, quod sibi soluere potuerit, nec soluerit, quod  
ad vsurarum rationem aut pœnarum, qui sciebat heredi-  
tatem ad se non pertinere, ac passus est procurrere vsu-  
ras, quas coercere & sistere potuit. quæ est sententia *d.*  
*§. sed si ipsi.* Sed animaduertendum & perpetuo memoria

retinendum, hodie ex constitut. Iustiniani nihil esse dis-  
criminis inter deductionem & compensationem, adeo  
vt his nominibus vti promiscue liceat plerunque: Nam  
& Falcidia, quæ deducebatur olim per exceptionem,  
hodie ipso iure minuit legata, *l. pen. C. ad leg. Falcid.* Et  
debitum, quod deducebat olim possessor bonæ fidei,  
conuentus in rem actione, id veluti compensationis iure  
minuit rem, quæ petitur ex constit. Iustin. *l. ult. C. de com-*  
*pens.* Atque ita compensatio hodie obstat etiam actioni in  
rem. & in definitione compensationis, secundum con-  
stit. Iustin. deberi dicitur non tantum quod debetur actio-  
ne in personam, quod solum proprie debetur, sed etiam  
quod actione in rem exequi licet, vt verbum, *deberi,* acci-  
pitur in definitione actionis & stipulatione emptæ vendi-  
tæ hereditatis. Sed illud manet hodie in actione in rem,  
malæ fidei possessorem non habere compensationem, seu  
deductionem crediti sui, nec ciuilis, nec naturalis, *d. l. ult.*  
*in fi.* dum ait, *possessionem autem alienam perperam occupan-*  
*tibus,* id est, mala fide, *compensatio non datur,* quod congruit  
cum *d. §. sed si ipsi.* At bonæ fidei possessori datur ipso iure  
etiam in iudicio in rem. Et omnis deductio, retentio, re-  
putatio hodie fit ipso iure, & compensatio est: & in eo  
tantum est noua constitutio legis vlt. vt etiam in actione  
in rem compensatio locum habeat. Nam cætera, quæ sunt  
in ea lege, constant etiam iure veteri. malæ fidei possessori  
vnde petitur aliquid, non dari deductionem vel compensa-  
tionem, vt iam ostendi ex *d. §. sed si ipsi,* & compensatio-  
nem fieri ipso iure. Hoc idem obtinuit ante Iustin. &  
compensationem fieri tantum debiti, liquidi, confessi,  
præsentis, & in actione depositi cessare compensatio-  
nem, redditioni depositi compensationem impedimento esse  
non posse; quod idem etiam obtinuit olim. Hæc igitur  
quatuor quæ recensui consentiunt cum iure veteri. Illud  
tantum dissentit, & nouum est, quod vult Iustinianus,  
etiam in actione in rem compensationi locum esse, in qua  
fuit tantum deductioni locus. Iustin. eam deductionem  
vult hodie fieri ipso iure, perinde ac compensationem.

#### Ad §. dolo fecisti.

*Dolo fecisti, quo minus possideres quod ex hereditate ad a-*  
*lienum pertinente adprehenderas. si possessor corpus aut litis*  
*æstimationem præstitit, ea res tibi proderit: quia nihil petito-* D  
*ris interest. Caterum si tu ante conuentus ex præterito dolo præ-*  
*stiteris, nihil ea res possessori proderit.*

**S**equitur §. dolo. Cum ostendisset Papinianus in §. si  
creditor qui præcedit, in petitionem hereditatis veni-  
re id, quod possessor ex hereditate percepit, nec si tantum  
ei debuerit defunctus, quantum percepit, id ipsum sibi  
soluisse aut secum pensasse videri, subiicit in petitionem  
hereditatis peruenire etiam, quod possessor dolo malo  
desit possidere, præteritum dolum venire, *l. nec vlla §.*  
*ult. de petit. hered. l. fin autem §. sed si is qui, de rei vind.*  
*eumq; dolum pro possessione esse, l. qui dolo, de regul. iur.*  
Et si quidem is, qui dolo desit possidere, eo nomine cõ-  
demnatus præstiterit litis æstimationem, non liberatur  
possessor, ad quem ea res peruenit. Sed & possessor tene-  
tur petitione hereditatis, si eam rem possideat pro here-  
de, vel pro possessore. Et ratio hæc est, quia qui desit do-  
lo possidere, pœnam sui delicti præstiterit, habitus pro pos-  
sessore, quia non erat possessor, & pendens siue præstans  
quod solus possessor videbatur debere præstare. Denique  
pœnam sui doli præstiterit, & pœnæ exactio non perimit  
persecutionem rei, sed cedit lucro actoris, *l. 3. §. condem-*  
*nato, & §. pen. de tab. exhib.* Ergo si heres prius conuenerit  
eum, qui dolo desit possidere, non liberatur possessor.  
Non idem est è contrario: nam si heres prius agat cum  
possessore eius rei, quam alter dolo desit possidere, &  
rem consequatur aut æstimationem, alter liberatur, qui  
dolo malo desit possidere, nisi quid amplius eius inter-  
sit. Et liberatur non tantum à petitione hereditatis, sed



etiam ab actione in factum ex edicto, *de alien. iud. mut. causa facta*. Nec mihi probatur differentia Accursi inter hanc & illam actionem, ut hac non liberetur, illa liberetur, quia neutra actione ratione doli pœnæ petitio competit, nisi ei cuius interest. sicut nec actio de dolo, *l. cum quis, de dolo*. Et iam nihil eius interest, cum rem aut altimationem à possessore consecutus sit, fructus, accessiones, &c. Nec quicquam amplius eius interfit. Et rursus animaduertendum, in eum, qui dolo desit possidere, dari actionem, tanquam possessorem, licet non sit possessor; & ideo quasi pœnalem, dari, inquam, in eum, non tam odio eius, quam petitoris gratia, ne rem suam amittat: qui si rem suam iam consecutus sit, plane cessat dandæ eius actionis causa. Et in summa, licet exactio pœnæ non perimat rei persecutionem, persecutio tamen & exactio rei perimitur exactio pœnæ, quæ non competit nisi ei cuius interest. Alias pœnæ exactio est etiam ei, cuius nihil interest, ut *l. inter, §. alteri, de verb. oblig.* Sed in hac specie, non est prodita hæc actio quasi pœnalis, nisi in id quod interest actoris. Et bellissime congruit cum hoc §. *lex nec ullam 13. §. pen. de pet. hered.* Cuius sententia hæc est cum supradicta eadem. *Si is, qui dolo desit possidere ante conueniatur, & præstet, is, qui possidet, non liberatur: contra si is, qui possidet ante conueniatur, & rem præstet, is, qui dolo desit possidere, liberatur à iudicio*. Et inde quaritur in eo §. *pen. an etiam liberetur is, qui dolo desit possidere, si se priorem possessor liti offerat, dicens se paratum iudicium accipere, & accipiat, necdum rem præstet* Et ait eum, qui dolo desit possidere, nondum re præstita, hac ratione liberari, nisi petitoris interfit, ut puta, quia possessor sit difficilis conuentu, *duo meos, vel duosus, grand Seigneur*, vel impar præstando, quibus exemplis Græci vtuntur in eo §. rectissime. Sed eadem salua eodemve gradu aggrediamur §. *si mandatu*, qui sequitur.

#### Ad §. si mandatu, &c.

Si mandatu meo Titio pecuniam credidisses, eiusmodi contractus similis est tutori, & debitori pupilli: Et ideo mandatore conuento & damnato, quamquam pecunia soluta sit, non liberari debitorem ratio suadet. Sed & præstare debet creditor actiones mandatori aduersus debitorem, ut ei satisfiat. Et hæc pertinet, tutoris & pupilli debitoris nos fecisse comparationem: nam cum tutor pupillo tenetur ob id, quod debitorem eius non conuenit, neque iudicio cum altero accepto liberatur alter, nec si damnatus tutor soluerit, ea res proderit debitori, quin etiam dici solet, tutela contraria actione agendum, ut pupillus aduersus debitorum actionibus cedat.

§. II. Si creditor à debitore culpa sua causa ceciderit, prope est, ut actione mandati nihil à mandatore consequi debeat: cum ipsius vitio acciderit, ne mādatori possit actionibus cedere.

§. 12. Si inter emptorem & venditorem conuenierit prius, quam aliquid ex alterutra parte solueretur, ut ab emptione discedatur: fideiussor eo nomine acceptus, soluto contractu liberabitur.

Intelleximus conuento eo, qui dolo amisit possessionem, non liberari possessorem, conuento possessore liberari eum, qui amisit possessionem. Et hoc in iudiciis in rem, in petitione hereditatis. Nunc in iudiciis in personam idem ostendit Papinianus in §. *si mandatu*, quoties duo eiusdem rei nomine conueniri possunt, id est, quoties à duobus non correis creditum seruari possit, conuento vno non liberari alterum, in duobus casibus, qui proponuntur in hoc §. nec enim in omnib. idem licet colligere, Accursi. in *l. nec ullam 13. §. pen. D. de pet. hered.* Sed in aliis plerisque electio vnus liberat alterum. Hic igitur duo casus explicandi. Prior hic est, pupillus egit tutelæ iudicio culpans tutorem, & arguens negligentiam, quod debitorem suum non exegisset eo tempore, quo erat idoneus, qui postea factus est pauperior, qua ex causa tutorem teneri constat, *l. 2. C. arbit. tut.* Conuentus tutor

condemnatus est, & soluit pupillo id, quod ille debuit pupillo, quem non appellauit tutor in tempore, *an liberatur debitor?* minime, quia tutor non soluit nomine debitoris: soluendo nomine debitoris quisque liberat debitorem, *l. soluendo, h. r.* sed soluit tutor suo nomine, damnatus culpæ suæ nomine, atque ita tutor per exceptionem non solum antequam soluat, sed etiam postquam soluit, per contrariam actionem tutelæ consequi potest, ut pupillus cedat actione sua aduersus debitorem. cessio actionis est argumentum non liberati debitoris. Conuento igitur tutore & damnato, non liberatur debitor. Et è contrario, si pupillus conuenierit debitorem, & litem cum eo contestatus fuerit, non continuo liberatur tutor electione debitoris: certe non liberatur, si à debitore pupillus parum, aut nihil exegit propter inopiam. Conuentio vnus non liberat alterum. Et alter casus hic est. Finge: Tu mandato meo Titio pecuniam credidisti, me conuenisti, & condemnasti, & solui. Debitor non liberatur, quia solui meo nomine, id est, propter meum mandatum, obligatus ex contractu mandati, non nomine debitoris. Imo tui contraria actione mandati mihi teneris, postquam solui, in hoc ut mihi cedas actionem tuam aduersus debitorem, *l. Papinian. mand.* quæ non posset cedi, si debitor esset liberatus, *l. Modestinus, de solutionib. l. cum possessor, de cēsib.* Liberatur quidem debitor per exceptionem, si tu agas, qui pecuniam habes: sed non si ego agam ex cessione tua, quia in rem meam sit cessio mihi, & procuratio ad agendum, non in rem tuam: & è contrario debitor conuento, ego non continuo liberor. Certe non si parum, aut nihil ab eo consequi potueris, propter inopiam eius, *l. si quis alicui §. ult. D. mand. l. 14. de fideiuss.* si ob inopiam, ut dixi, vel difficultatem exigendi hominis: Nam & condemnati plerique sunt exactu difficillimi, puta potentiores. Nam ut subiicit §. *pen. si conuento debitore vitio tuo acciderit ut nihil ab eo consequaris, puta si vitio tuo & culpa causa cecideris, plus petendo, re, vel tempore, vel loco, ut in l. Titio 100. §. ult. de cond. & demonstr.* §. *si quis ag. Inst. de act. & apud Casiodorum in Psalmos, Promissa in suo tempore expectemus, ne dum volumus festinantius exigere, causa amissione mulctemur*. Si igitur conuenieris debitorem, & vitio tuo causam amiseris, ego quoque liberabor, & te repellam exceptione, quod non possis à me exigere quicquam ex contractu mandati, nisi mihi cedas actionem aduersus debitorem, & vitio tuo factum est, ut non possis cedere: & quod in mandatore, idem in fideiussore & tutore, ut si debitore conuento, in quo exigendo negligēs fuerat, si vitio suo pupillus causa ceciderit; postea non possit experiri cum tutore, quia non habet actionem, quam ei cedat aduersus debitorem: causam namque amisit vitio suo. Idem, inquam, est in tutore, quod in mandatore, ut scribitur in §. *pen.* Nam ut ostendit §. *si mandatu*, in hac re mandatoris & debitoris principalis comparatio fit semper cum tutore, & debitore pupilli principalis. Ex quo satis intelligitur, quod per se erat obscurissimum. Quod quis nunquam intellexisset sine subiecta interpretatione. Et hodie disputando, si quis ita proponeret, cui non faceret negotium? Et ut respondeamus legi, *si stipulatus esset, §. ult. de fideiuss.* quæ opponitur §. *pen.* & nihil prætereā, hæc nobis constituenda distinctio & custodienda. Si vitio suo litem amiserit creditor ceptam cum debitore, mandator, aut fideiussor, aut tutor, defendet se exceptione, quod vitio eius factum sit, ne cedere potuerit ei, cum quo agit actione aduersus debitorem: sed si duo sunt mandatores vel duo fideiussores, vel duo tutores, quorum vnum pactione liberauerit creditor, & conueniat alterum, is non se defendet exceptione, quod aduersus collegam ei cedere non potuit actionem, quem ipse ultro liberauit. Sed hac exceptione, quod non ei cedatur actio aduersus debitorem, quæ cedenda est omnino, atque ita ex omni hac disputatione eliciamus hanc conclusionem, solutionem mandatoris, fideiussoris, aut tu-



toris non liberare eum principalem: solutionem extranei liberare, quia hic non soluit nisi nomine debitoris. Illi soluunt suo nomine proprio. §. ult. exposuimus in §. naturalis, supra.

Ad l. i. rem rat. hab.

*Cum quis de rato stipularetur, quamvis non idem, sed alius à domino conueniretur, qui conueniri non posset, si ratum habuisset, committi stipulationem placuit, veluti si cum fideiussor, aut alter ex reis promittendi, qui socius est, conuenitur.*

**L**Ex hæc, ut fere omnistitulus, est de stipulatione de rato, cuius formula in hoc ipso titulo, in omnibus iudiciis, est in rem, vel in personam, & in præiudiciis, ut l. 3. §. ult. hoc tit. id est, cognitionibus de statu, de liberali causa, & in extraordinariis iudiciis, & breuiter in omnibus. ut in formula demonstrant hæc verba, *actio, petitio, persecutio*. Actio est in personam: petitio in rem: persecutio extraordinaria. Igitur in omnibus iudiciis, stipulationem de rato aduersario præstat ante litem contestatam procurator, & interdum defensor, ut l. 6. hoc tit. qui agit vel defendit alieno nomine, siue mandatum præcedat, siue non præcedat, ut apparet ex l. 3. hoc tit. Ergo etiam præcedente mandato hæc cautio interponitur & exigitur à vero procuratore, aut defensore litis alienæ. Quod ita verum est, nisi dominus litis professus sit, eum se procuratorem fecisse, libello præfidi dato, *libello principi dato*, inquit l. 21. h. t. sed malim, *præfidi*, ut l. si quis obreseris, ad l. Corn. de fals. Cur enim principi potius, quam præfidi, aut nonne idem si præfidi? An parua hæc res aditionem principis requirit? minime. Idem erit, si literis ad aduersarium scriptis, dominus litis significet, se eum procuratorem fecisse, & ratum se habiturum quod cum eo actum erit, l. si procuratorem, de procur. Hoc enim casu, literis eius approbatis, veluti præsentis procurator videtur esse. Præsentis autem procurator, qui olim cognitor dicebatur, non satisfabat de rato. Et recte ait d. l. si procuratorem, literis eius approbatis. Necessè enim est epistolam approbari, sicut hodie videmus nihil agi ex chirographo, nisi agnoscatur, nisi adprobetur, si la cedulle n'est reconnue, ut est in l. qui agnitis, de except. & d. l. si procuratorem, eo loco, literis eius approbatis, & ut indicat d. l. si quis, ad probatio literarum fit, si forte eis non subscripserit, subscribente eo ex interlocutione, & præcepto iudicis, postquam recognouit dominus qui ante non subscripserat: si apres auoir reconnu sa lettre, il est contraint d'y souscrire. Idem erit, si dominus litis procuratorem fecerit apud acta, *du greffe*, vel in iudicio. Nam & hoc casu superuacua est cautio de rato, l. i. C. de satisf. §. si autem, Inst. eod. Alioqui mandatum solum non excludit stipulationem de rato, d. l. 3. hoc tit. Et hæc stipulatio vel interponitur hoc modo: *rem ratam haberi, rem ratam eum, cuius lis est, habiturum*, vel hoc modo, *amplius eam rem non peti*, l. 14. hoc tit. vel, *amplius non agi*, l. 4. §. Cato, de verb. obl. vel de utroque cauetur coniunctim, *rem ratam haberi, & amplius non peti*, ut l. 23. hoc tit. Et præstatur his quoque modis etiam à domino ipso, maxime transigente cum aduersario, ut in d. §. Cato. Nec enim est de cautione de rato, quam cauit procurator, sed quam dominus ipse cauit, ut l. inter §. si quis stipulatus, fam. erisc. M. Tull. pro Roscio Comædo: *satis non dedit, amplius ab eo neminem petiturum*, qui de parte sua decedit, reliquis sociis integram actionem reliquit: qui pro sociis transigit, satisfat, neminem eorum postea petiturum. Et inter has formulas sane nihil interest, ut constat ex d. §. Cato, & ex h. In quo auctores promiscue his formulis vtuntur. Interponitur autem ex edicto prætoris. Est ergo prætoris & iudicialis, quia propter iudicium interponitur, ne inane sit, lite contestata à domino, l. i. §. i. de prat. stip. ubi illa verba, *ut ratum fiat*, sunt accipienda de stipulatione de ra-

to, ut efficiant vnum exemplum stipulationis iudicialis, & aliquo casu hæc cautio est cautio prætoris, siue stipulatio prætoris cautionalis, quæ adhibetur maioris cautionis gratia, ut nouum sit vinculum, noua actio. Et ita potest defendi d. l. i. §. cautionales. Recte igitur inter cautionales numeratur, rem ratam haberi, quo scilicet casu interponitur in locum alterius actionis, veluti condictionis indebiti, ut in l. si sine, & l. ult. §. ult. hoc tit. Et interim est cautionalis, non prætoris, l. interdum, hoc tit. & seq. Nunc videamus quando hæc stipulatio committatur. Sane committitur si postea dominus petat abs stipulatore, qui est procurator. qui prior egit, sibi cauit hac stipulatione, at etiam si dominus non petat abs stipulatore, sed à fideiussore eius, stipulatio committitur. Quia qui à fideiussore petit, *in d. l. 21. h. t.*, vi ipsa à reo petit, l. aduersus, de recept. cum id, quod præstiterit fideiussor, mox sit recuperaturus à reo actione mandati, nisi in rem suam fideiussor, vel donationis causa. Et eadem ratione hæc stipulatio committitur, si dominus postea petat à correo stipulatoris, qui eiusdem obligationis socius est, l. 14. hoc tit. Nam & hic vi ipsa videtur à stipulatore petere, quoniam correus actione pro socio ei reputaturus est, quod litis domino exsoluerit, l. eandem §. 2. de duobus reis. ubi id exposuimus latius, libro 27. superiore. Et in summa, hoc tantum continetur in h. l. i. stipulationem de rato committi, etiam si dominus non petat à stipulatore, sed à fideiussore eius, vel à correo socio eiusdem obligationis, à quo non posset petere, si ratum haberet. Nam ratione stipulator à domino liberaretur, & propter consequentias fideiussor quoque & correus ille, qui socius est: non comparatur correus fideiussori, nisi socius sit, l. si duo, de recept. Ergo aliud dicendum, si duo rei socij non sint, si socij non sint, si societatem inter se non coierint. Nam vnum si conuenerit procurator, eique cauerit de rato, stipulatio non committitur, si dominus petat ab altero. quoniam id, quod domino exsoluerit alter, nulla actione ab altero repetere potest, cum nulla inter eos sit coita societas. Et ideo quod dominus petit ab altero, qui stipulatus non est, & cum quo procurator non egit, neque *in d. l. 21. h. t.*, neque *in d. l. 21. h. t.*, neque vi, neque re ipsa videtur id petere ab eo, qui stipulatus est, nec fit quicquam contra stipulationem, conuento altero correo, non socio: non omnis correus est socius. Et rectissime Accurs. hoc loco, nos non uti hac distinctione, utrum correi socij sint an non, si vice mutua fideiussorint, sed eo casu indistincte verum esse committi stipulationem de rato, siue dominus petat ab eo, qui stipulatus est, siue ab altero, qui stipulatus non est, quia, cum alter alterius sit fideiussor, dum ab vno petit, *in d. l. 21. h. t.*, vi ipsa & potestate, ab alio petit, in quem is, quem petit, si soluerit, est regressum habiturus per actionem mandati. Ex quo intelligitur non semper correos videri vice mutua fideiussisse. Certe non nisi id actum sit nominatim, l. reos, de duobus reis, l. vir uxori §. ult. ad Velleian. Alioquin nunquam esset locus superiori distinctioni, socij sint, nec ne, si semper viderentur vice mutua fideiussisse, quod plenius tractatur ad Afric. in d. l. vir uxori §. ult. Ad hæc notandum est, ut quoniam diximus de eo, à quo dominus petit, nunc agamus de eo, qui petit postea post litem actam aut susceptam cum procuratore, finitamque. Notandum, inquam, hanc stipulationem committi, non tantum, si dominus petat, aut verus procurator, sed etiam si alius, ad quem res pertineat, puta heres eius vel successor, nisi id aperte actum sit; ut quis omitteretur, nimirum stipulatione de rato concepta, non in personam domini, sed in rem, quod tamen sit perraro, ut in l. si sine §. si in stipulatione, hoc tit. Imo, non tantum si alius petat iuris successor, sed etiam si rei successor, veluti emptor, cui dominus litis vendiderit rem & tradiderit. Nam & tunc eius rei petitio est, si possessionem auiserit, vel si vacuum non obtinuerit. Ergo, etsi emptor petat, qui à domino rem natæ est, stipulatio committitur, l. 16. §. ult. hoc tit. Et so-



lemne est in hac stipulatione adici, non petiturum eum, cuius de ea re actio, petitio, persecutio sit generaliter. quæ verba comprehendunt multas personas, vt l. 23. h. t. M. Tull. in Bruto: *non solutam nisi prius à te cauero, neminem, cuius petitio sit, amplius petiturum.* Quamobrem hæc stipulatio non committitur, si is postea petat, qui petitionem non habet, vt falsus procurator, d. l. 23. Et postremo notandum est, hanc stipulationem quoquo modo concepta sit, etiam si dominus ratum non habeat, repetere vellet, si in ius vocet, si exigit cautionem iudicio fisci, non committi stipulationem, antequam petierit, id est, antequam contestatus litem fuerit, l. 8. in fin. & l. 15. hoc tit. & aliud esse committi stipulationem, aliud agi ex ea stipulatione posse. Committitur stipulatio vel peccat, vt ait d. §. Cato, cum quid in eam committitur, vel peccat, id est, (vt ad exitum rei spectem?) cum incipit ex ea stipulatione deberi, licet nondum agi possit: debetur sæpe id, quod nondum peti potest, l. 7. vt leg. nom. cau. l. si dies, quando dies leg. & §. omnis, Inst. de verb. obl. Stipulatio de rato committitur, si dominus petierit eandem pecuniam. Agi autem ex eo potest, quantum interest. Actio ex stipulatione in id datur, si dominus non petierit tantum, sed etiam exegerit aut litem peregerit, licet nō obtinuerit. Nam & hoc casu agi potest in procuratorem, ad impendia in litem facta, quæ à domino qui victus est, victor seruare non potuit, l. si sine §. Marcellus, hoc tit. Vno casu, qui valde notandus est, ex hac stipulatione agi potest statim, id est, antequam dominus quicquam soluerit: vt puta si quis per ignorantiam, vel errorem procuratori soluerit indebitam pecuniam sine iudice (nam soluti ex sententia iudicis condictio non est) & acceperit satisfactionem de rato, etiam, antequam dominus quicquam petat, aget ex ea stipulatione is, qui soluit & stipulatus est, vt scilicet sciat, cui debeat condicere pecuniam, quam soluit indebitam per errorem, vel ignorantiam, vtrum domino si ratum habeat, an procuratori, si ratum non habeat, vt possit dignosci vtri debeat condicere, quod eleganter ostenditur in d. l. 16. h. t. Et quod notandum, in hoc casu non agitur ex hac stipulatione in id, quod interest, sed hastenus tantum vtiliter promissori dominum exponere sententiam suam, & vel ratum habere, vel retractare actum procuratoris, vt proinde sciat vtri debeat condicere pecuniam indebitam. Aget duntaxat hoc casu, vt est in Basil. *ἀνακευθίζω*, vt curet dominum ratum habere, & domino improbante actum, procurator tenebitur condictione indebiti, qui non teneretur, si stipulator non ita properasset agere ex stipulatione, sed expectasset, quoad dominus ab eo eandem pecuniam peteret; quo casu procurator non teneretur stipulatori condictione indebiti, sed in id omne quod interest, quia interposita stipulatione id videtur actum, vt stipulatio succederet condictioni, vt magis esset actio ex stipulatione, quæ est strictior quam condictio, quæ est ex bono & æquo, d. l. si sine, & l. ult. §. ult. sicut pecunia credita interposita stipulatione, id agitur, vt sit actio ex stipulatu, non si certum petetur, l. 6. §. ult. de nouat. Alioquin valde pugnaret l. 16. hoc tit. quæ domino ratum non habente ait, teneri procuratorem condictione indebiti, cum d. l. si sine, quæ hoc negat.

Ad l. 77. de reg. iur.

*Actus legitimi, qui recipiunt diem vel conditionem, veluti mancipatio, acceptilatio, hereditatis aditio, serui optio. datio tutoris, in totam vitiantur per temporis vel conditionis adiectionem. nonnunquam tamen actus supra scripti tacite recipiunt. Nam si acceptum feratur ei, qui sub conditione promissit, ita demum egisse aliquid acceptilatio intelligitur, si obligationis conditio exstiterit. quæ si verbis nominatim acceptilationis comprehendatur, nullius momenti faciet actum.*

**A** Residua est l. 77. ex libro 28. quæ est varia & multiplex, & multo rescripta puluere ab interpretibus. *Actus legitimi* sunt, qui in iure peraguntur solemnibus verbis, & solemniter atque ordine iuris. melius detraheris illa *solemnibus verbis*: Nam pleraque fiunt solemnibus verbis, quæ non sunt actus legitimi. Stipulatio fit solemnibus verbis, & tamen non est actus legitimus quamuis fiat iure. Magis igitur actus legitimus sit, qui in iure peragitur solemniter, & ordine iuris, & actus solemnnes qui peraguntur cum obseruatione, & religione multa in iure, id est, apud magistratum vel principem. Omne scilicet genus actus legitimi sunt legis actiones, quæ in iure peraguntur, & certe idem sunt legis actiones, & actus legitimi. Sed hac appellatione quandoq; posteriores interpretes abusi sunt, vt liceat mihi per abusionem, *καταχρηστικῶν*, quicquid iure agitur, appellare actum legis, actum legitimum. Et ita l. pen. C. de heretic. testimonij dictioem vocat actum legitimum, non quo sensu dicitur in h. l. sed vt eadem lex interpretatur, conuersationem forenssem, conuersationem forenssem. quod si proprie accipiamus actum legitimum & precise, testimonij dictio non est actus legitimus. Si quis hoc proponeret, rem inopinabilem videretur proponere, veram tamen. Sicut autem de denuntiatio testimonij, nec vlla alia denuntiatio, est actus legitimus. non denuntiatio noui operis, quæ fit ex edicto, non denuntiatio applicanti se ad ancillam meam, quæ fit ex Senatusconsulto Claudiano. Igitur in hanc l. perperam adducitur d. l. pen. C. de heret. quæ actum legitimum cum dicit, non dicit legis actionem, quæ peragatur in iure, legitima obseruatione, religione modoque. Et falsum est etiam in l. 2. §. deinde ex his legibus, de orig. iur. definiri legis actiones hoc modo: *Quibus inter se cives disceptant ex xii. tabul. veluti finium regund. vindictio, furti, iniuriarum, quas certas & solennes esse voluerunt.* Certas ad numerum pertinet, l. quia actionum, de prescript. verb. Solennes pertinet ad verba. Si definit ita legis actiones: hæc igitur solæ sunt legis actiones. Atquin non definit recte, quia has actiones xii. tabul. proditas, quibus homines inter se disceptant, ait appellari legis actiones. Sed non has solas: sunt aliæ multæ legis actiones, nec minus complectitur legis actionis, quam actus legitimi nomen. Enumerantur in hac lege quinque, *mancipatio*, & c. Mancipationis verbo significatur imaginaria alienatio, & comprehendit multa, veluti mancipationem familiæ, quæ fiebat in testamentis per æs, & libram, vt ex Vlpiano constat & Theop. & mancipationem, quæ fit eodem modo per æs & libram, siue nexus dationem ex causa donationis, vel venditionis, vel noxæ deditiois, vel ex causa solutionis, vel ex alia quacumque causa transferendi dominij. Comprehendit etiam mancipationem filij, quæ fit à patre, cum dat eum in adoptionem alteri, l. ult. C. de adopt. Tertul. in Apol. adoptandos melioribus parentibus mancipato: vel quæ fit, vt omnino filius fiat sui iuris, l. 8. §. ult. de ini. rup. vbi Florentini recte *emancipatione*. Et hæc nominatim dicitur legis actio in Nou 81. l. 4. de adopt. notum est omnibus, quæ sint alia quatuor. Quid sit acceptilatio? *c'est quitter sans auoir rien recu*: quid sit etiam aditio hereditatis, quid serui optio, puta cum quis legauit mihi seruum, quem optarem ex sua familia: Ea serui optio legis actio est, id est, qui eam peragit, lege agit. Quid sit etiam tutoris datio, notum est: sed hereditatis aditionem trahi volo etiam ad cretionem, quæ tamen hodie est sublata. Et serui nomen trahi volo ad aliam quamcumque rem, cuius optio legata sit. Et tutoris dationem accipi volo de ea, quæ fit decreto magistratus ex inquisitione, solemniter accersitis amicis pupilli, & optimis viris qui sunt in ciuitate, ex quibus magistratus optat quem vult. Et tutoris datio, tutoris optatio est, quæ si fiat testamento, iure quidem fit, sed non est actus legitimus, & testamento etiam non datur tutoris optio cuilibet, nec à quolibet, sed à viro tantum mulieri (quoniam mulieres erant in perpetua tutela) vt post mortem



viri, in cuius manum conuenerat mulier, & interim sine A  
 tutore fuerat, quia in manum conuentio mulierem sol-  
 uit tutela (Terent. *amicum, tutorem patrem*) vt, inquam,  
 post mortem viri optet sibi tutorem quem volet, vt in-  
 telligere licet ex Liuiio 39. cum de Hispala scribit, quæ  
 detexit Bacchanalia. Pupillo optio tutoris daretur inu-  
 tiliter, cuius nullum iudicium est, & daretur tantum  
 vtiliter à patre, in cuius potestate est pupillus. Igitur  
 actiones illæ, quibus inter se ciues disceptant, sunt  
 actus legitimi, sunt legis actiones 12. tabul. quibus in-  
 ter se disceptant, disceptante ipso quoque iudice: nam  
 disceptare, est commune verbum reorum & iudicum, l.  
 3. *C. de recept.* atque etiam lege agere, est commune reo-  
 rum & iudicum: imo & lictorum aut viatorum, siue ap-  
 paritorum: nam & lictor lege agere dicitur, dum exe-  
 quitur rem iudicatam ex præcepto magistratus. Qua de  
 causa, executiones lictorum possunt etiã numerari inter  
 actus legitimos, sed vt dixi, non hæ solæ sunt legis actio-  
 nes, sed & hi quinque actus, qui recensentur in hac lege:  
 Et adoptio omnis, cum à Theoph. definiatur, *ad æis vo-  
 cationem*, actus legitimus & etiam legis actio dicitur, & l. 1.  
*C. eod. l. 3. de offic. procons.* & l. 4. *de adopt. actus legitimus*, &  
 etiam legis actio dicitur. Et manumissio quoque, quæ fit  
 per magistratum, legis actio est, l. 2. *de offic. procons.* non  
 quæ fit testamento, non quæ censu vel alio modo, sed quæ  
 fit apud magistratum, vel per magistratum: hi soli actus  
 sunt legitimi, qui fiunt apud magistratum, vel per magi-  
 stratum, id est, à magistratibus. Vt adoptio similiter,  
 quæ fit imperio magistratus aut principis, non quæ fit  
 testamento, quæ etiam iure non fit & indiget confirma-  
 tione. Et mancipatio quoque omnis siue nexi datio, fie-  
 bat in iure, id est, ad sellam prætoris vel præsidis. Et si-  
 militer hereditatis aditio sicut repudiatio, l. *suus*, & l. *fi-  
 ent*, *C. de rep. hered.* Et serui optio similiter in iure, &  
 hæc erat præcipua solemnitas vt non passim fieret, sed  
 in iure: nam sicut ad adeundam hereditatem, ita & ad  
 adoptandum diem decernebat prætor vel præses, l. 6. *l. si  
 optio, de opt. leg.* Et acceptilatio in iure quia fit per nexi da-  
 tionem & per æs & libram definitur nexu solutio, l. 1. *de  
 acceptilat.* Et cessio in iure similiter, vt acceptilatio ipsa  
 ostendit, quæ & legis actio dicitur à Caio in *Instit.* vt re-  
 tulit Boëtius in *Topicis*. Hos solos actus ausim appella-  
 re legitimos, & legis actiones, quos inuenio ita appel-  
 lari: & non ausim alios adicere, quos nusquam inuenio  
 sic appellari, alioquin vnum si super adicerem, sane pau-  
 latim adicerem omnes, vt omnes inducunt, qui scribunt,  
 actum legitimum esse vsurpationem, & procuratoris da-  
 tionem, quam constat fieri nudis verbis, non solemnibus,  
 & mancipationem testamenti, & stipulationem, ergo  
 & omnem contractum, quia stipulatio est conclusio  
 omnium contractuum, l. *si dominus, de præscri. verb.* Si om-  
 nem contractum, quem non actum igitur? quid enim  
 non venit contractus nomine? Et eadem licentia adii-  
 ciunt iusiurandum, & vadimonium, id est, promissionem  
 iudicio sistendi causa factam, & satisfactionem omnem,  
 & comperendinationem ex iure veteri, & additionem  
 in diem, quæ est pactio quædam venditionis. Si non sunt  
 actus legitimi, non etiam tutoris auctoritas, qua inter-  
 posita pupillus contrahit aut paciscitur. Alioquin om-  
 nes actus sensim facerem legitimos, & ex his quod quæ-  
 dam fiant verbis solemnibus. non ideo sunt actus legitimi,  
 non quodcumque fit verbis solemnibus, non quodcum-  
 que fit testib. præsentibus est actus legitimus. Hoc ha-  
 bent commune actus legitimi cum aliis multis, qui non  
 sunt legitimi, licet iure agantur, & in ipsis actibus legiti-  
 mis, & legis actionibus solemnia verba hodie pro dictis  
 habentur, l. *manumissio, de manumiss.* manumissionem va-  
 lere, etiam si lictor omiserit solemnia verba, quod non in  
 libertate est recipiendum tantum fauore libertatis: sed  
 generaliter in omnibus actibus legitimis, solemnium  
 verborum omissionem, nihil nocere hodie, cum omnia  
 extra ordinem agantur, non obseruata conceptione for-

mularum. Ex his quoque quæ negauimus esse actus legiti-  
 mos, quibusdam recte adicitur & dies & conditio. In  
 diem recte fiunt & conditionem, vt stipulatio & addi-  
 ctio in diem, & alia quædam. Atquin omnis actus legiti-  
 mus momento temporis perficitur, nec capit dilationem  
 ex die, vel conditione. Et in hac l. non est legendum ne-  
 gatiue, quasi sint alij actus, qui recipiant, sed affirmatiue  
 vt Florentiæ, id est, quibus aperte & nominatim dies vel  
 conditio adicitur, tacite recipiunt diem vel conditio-  
 nem, sed non aperte, non nominatim. Imo qui recipiunt  
 diem vel conditionem tacite, in totum vitiantur. Acce-  
 ptilatio, cui adicitur dies vel conditio, vitatur, l. 4. & 5.  
*de accept.* in totum, quia scilicet nec valet vt pactum, l. 8.  
*eod. tit.* nec potest sustineri exceptione pacti, quasi acce-  
 ptilationi inutili insit pactum de non petendo, sicut con-  
 stitutio seruitutis, quæ fit ex die vel conditione, ipso iure  
 est inutilis, sed non vitiosa in totum, quia sustinetur ex-  
 ceptione doli vel pacti, l. 4. *de seruit.* quæ vitaretur in to-  
 tum, si esset actus legitimus: Nam adscriptio temporis  
 certi vel incerti in totum vitiat. Igitur acceptilatio non  
 valet vt pactum, mancipatio similiter non valet vt tradi-  
 tio, quæ non est actus legitimus, & fit quocumque mo-  
 do. hereditatis aditio etiam vitatur in totum, quæ recipit  
 conditionem, l. *eum cui §. ult. de acquir. hered.* Ergo nec su-  
 stinetur vt agnitio, quæ fit quocumque indicio volunta-  
 tis. serui optio non valet, vt electio quælibet. Tutoris da-  
 tio, quæ per magistratum fit, etiam non valet in totum, l.  
*nupto §. 1. de tutel.* Igitur nec sustinetur vt datio curatoris,  
 quæ fit qualitercunque, nec adeo subtilis est vel solemnis:  
 Idem omnino dicemus in adoptione, l. 34. *de adopt.* & in  
 manumissione, l. *pen. de manum. C.* & in cessione in iure:  
 Et tandem ita concludamus. Qui actus legitimi aperte  
 recipiunt diem vel conditionem, in totum vitiantur, non  
 vitiantur, si eam recipiant tacite. Et hac ratione in l. *pen.  
 C. pro soc.* definitur, societatem recte contrahi sub con-  
 ditione, quia scilicet videtur interuenisse mancipatio &  
 induxisse communionem bonorum, sed tacita, l. 2. *pro soc.*  
 licet loquatur de traditione tantum. Et similiter accepti-  
 latio recipit diem, vel conditionem tacite, vt si accepto  
 feram, quod mihi debes sub conditione. acceptilationi  
 tacite inest conditio, si conditio extiterit, id est, si mihi  
 debere cæperis, vt l. 12. *de acceptil.* Et manumissio quo-  
 que, si id agatur tacite, vt qui manumittitur apud magi-  
 stratum, vtique liber non sit ante mortem domini, l. *mor-  
 tis*, *sup. de manumiss.* Summa est, *κατάλαον*: Actus legiti-  
 mi in totum vitiantur, qui recipiunt diem vel conditio-  
 nem expresse, non etiam qui recipiunt tacite, vt multis  
 aliis partibus iuris dicitur, expresse nocent, tacita non no-  
 cent, l. *expresse*, *h. t. l. nonnunquam, de cond. & dem. l. si ita le-  
 gatum §. 1. de leg. 1. l. si quis Sempronium, de hered. instit.* & l.  
*si vnus §. illud, de pact.* Illud notandum, quod diximus legi  
 recte Florentiæ, qui recipiunt, sine negatione: nam oportet  
 ita accipere vt recipiant non quidem iure, sed facto  
 ipso. Ergo actus legitimi sunt legis actiones, quæ in iure  
 peragi solent, id est, ordine iuris, veluti actiones ex 12. tab.  
 quibus aduersarij inter se litigant, & executiones licto-  
 rum, quæ fiunt imperante magistratu, & mancipationes,  
 adoptiones, acceptilationes, & hereditatis cretio, seu  
 aditio, & serui vel cuiusvis alterius rei optio, & tutoris  
 datio, optioque facta à magistratu, & manumissio facta  
 lictoris, & magistratus interuentu, & cessio in iure. Neq;  
 igitur solæ hæ sunt legis actiones, quib. inter se homines  
 disceptant, nec ita definitur in l. 2. *§. deinde ex his legibus*,  
*de orig. iur.* sicut Caius enarrata formula cessionis in iure,  
 subiicit, *idque legis actio vocabatur*, id est, iusta, vt Boët. re-  
 fert. Sane non definit legis actionem. Quos autem com-  
 memorauimus, scio legitimos actus: has legis actiones nescio.  
 nec addo alias, quam quas inuenio eo nomine appel-  
 lari, ne paulatim crescente aceruo, omnes actus, qui iure  
 fiunt, actus legitimos faciam, seu legis actiones, quas alia  
 mente alioque sensu & abusu possum dicere actus legi-  
 timos. legitimi actus peraguntur solemnibus verbis, &  
 testibus



testibus presentibus, sed hoc habent commune cum aliis plerisque non legitimis. Proprius ordo actuum legitimorum hic est, ut fiant in iure, deinde ut in totum vitentur, si aperte recipiunt diem vel conditionem, non si tacite. Qui aperte recipiunt diem vel conditionem, nec vitantur, non sunt legitimi actus. Acceptilatio igitur in totum vitatur, si recipiat expressam conditionem, non si tacitam. Et manumissio similiter, *l. mortis, de manumiss.* & tutoris datio facta à magistratu, §. 1. *de Attil. tut.* Et mancipatio igitur, expressa scilicet, recipit tantum tacitam conditionem vel diem: mancipatio tacita recipit etiam expressam conditionem sine vitio, veluti contracta societate sub conditione, *l. pen. C. pro socio.* quia tacita mancipatio interuenisse videtur, *l. 2. pro soc.* Quod & generaliter de omnibus actibus legitimis dici potest, ut expressi vitentur expressa conditione, non tacita: taciti, ut nec vitentur expressa, nec tacita conditione, nec die. Est etiam hoc proprium actuum legitimorum, ut non iterentur, ut fiant semel tantum. ut aditio hereditatis fit semel, *l. si solus §. ult. de acquir. hered.* optio serui semel, *l. 5. de leg. 1.* ut non possit retrahari. Seneca controuersia 24. *Non oportet amplius tibi quam semel optare.* Et subiicit rationem, *omnis nimia potentia saluberrime breuitate constringitur.* Et ita tutoris datio fit semel, nec iteratione opus. Adoptio non iteratur, nec iusta libertas, *l. 2. C. de manumiss. vind.* Latina libertas fit quidem iteratione iusta & legitima, iusta nunquam iteratur. Dices, filium trina mancipatione, & manumissione fieri sui iuris, iuxta *l. xii. tab. si pater filium ter venum dedit*, sic legendum apud Vlpianum, *filius à patre liber esto.* Et rursus filius trina mancipatione, & bina manumissione à patre alij in adoptionem datur, *l. ult. C. de adopt.* Ergo mancipatio iteratur, manumissio iteratur, actus legitimus iteratur. Dicam hoc ideo fieri, quia filius reuertitur in potestatem patris post primam & secundam manumissionem ipso iure antiquo. si seruus, cui dedi libertatem iustam, milles reuertatur in potestatem meam, milles eum manumittam. Si non reuerteretur, vna manumissio conficeret rem. Dices rursus, actionem pro libertate, quam constat numerari inter legis actiones, & potuisse etiam intendi per alium quemlibet, ut est in titulo, *de his per quos ag. poss. 4. Instit.* & ita *Liuius 3.* In his, quæ in libertatem asseruntur quiuis lege agere potest. Dices hanc actionem ter quaterque iterari, *l. 1. C. de adfert. toll.* ergo legis actio iteratur. Dicam cæteras assertiones, siue actiones in libertatem, esse perfunctorias, quæ fiant dicis causa. Sic Suetonius vocat in Domitiano. postremam tandem rem peragere, nec denuo idem post eam agi posse. Est etiam hoc proprium actuum legitimorum, ut eorum solemnitas non possit peragi per procuratorem. Acceptilatio non fit per procuratorem. Inuentum tamen est remedium, quo adhibito etiam per procuratorem acceptilatio fiat, non procuratorio nomine iam, sed proprio, nempe remedio nouationis. Primum procuratori mandabo delegato debitore meo, ut stipuletur sibi dari, quod is mihi debet, ac ita nouet obligationem. Deinde ipse poterit debitori acceptum facere suo nomine: vel si ego debeam, primum mandabo, ut expromittat pro me, id est, ut nouet obligationem, eamque in se suscipiat, atque ita me liberet. Deinde ipse poterit accepto liberari, ego liberabor nouatione. ille acceptilatione: sed & sine mandato hoc modo liberabor nouatione. gestor, qui ultro expromisit, acceptilatione ex sententia *leg. 13. §. tutor, de acceptilat.* secundum quam non accipienda est lex 3. *cod. tit.* ut acceptilatione liberare, aut liberari nemo possit per procuratorem sine mandato, id est, quin præcedente mandato ei sit ante permissum nouare obligationem: nam sane hoc remedio non potest per procuratorem, etiam si speciale mandatum habeat, fieri acceptilatio, nec vlla est causa mutandorum illorum verborum, *sine mandato*, quæ retinent Basil. & vult

Et male in hanc questionem, an per procuratorem acceptilatio potest fieri adfertur *l. penult. eiusd. tituli.* Quæ de seruo loquitur, non de procuratore: sed per seruum accepto liberamur, *l. species, cod. tit.* non per procuratorem, non præcedente nouatione. Contra per seruum debitor noster, nec iussu nostro accepto liberatur, *d. l. pen.* quia edictum quod iussu pertineat ad contractus, non ad liberationes, *l. si dubitet §. vlt. de fideiuss.* Sed de acceptilatione hætenus. Aditio hereditatis non fit etiam per procuratorem, *l. per procuratorem, de acq. hered.* nisi sit procurator Cæsaris siue rationalis, vel catholicus, ut dixere posteriores, *l. 1. de off. proc. Cæs.* Et similiter manumissio non fit per procuratorem, *l. 3. C. de manumiss. vind.* nisi sit procurator Cæsaris, *l. bonorum, de iur. ff.* Sed hæc remediis quibusdam per procuratorem fient, & manumisso seruo procuratori ante mancipato per æs & libram, & aditio hereditatis procuratori ante cessa hereditate in iure, quæ ceditur recte, & antequam adeatur ut Vlp. in fragmen. fiduciaque interposita eius restituendæ. Et regulæ quoque eius legis remediis quibusdam occurrunt, puta actibus legitimis absolute perfectis & pure, & eo actio tacite, ut non fortiantur effectum ante diem vel ante impletam conditionem, *d. l. mortis.* Quo genere quælibet dies, siue conditio non inutiliter infertur, aut sustinebit actuum legitimorum effectus. Actiones autem illæ, quibus inter se homines disceptant, etiam iure antiquo, (quod in desuetudinem abiit, nam litigamus per procuratores) non potuerunt intendi vel excipi per procuratorem. nemo potuit per procuratorem lege, aut legitimo iudicio agere, nisi pro patria, & pro libertate, ut ante notaui ex *Liuius*, & pro tutela: & in casu legis Hostiliæ, *d. tit. de his per quos ag. poss.* Qui locus est singularis, maxime de lege Hostilia. Et hoc est, quod ait lex *nemo, hoc tit. Nemo alieno nomine lege agere potest*: est enim regula iuris antiqua, non noua, secundum tit. qui est *de regulis iuris antiqui*, & est ea regula sic accipienda, non tantum, ut non possit aduersarius lege agere per procuratorem, sed etiam ut magistratus æque non possit lege agere per eum, cui mandauerit suam iurisdictionem, *l. 2. de off. proconsul. nec mandante, de tut. & curat. dat.* Lege agere est commune reorum vel magistratum, & neutri lege agunt per mandatarium, sed per se. Et iure antiquo procuratores dantur ad administrandum, non ad agendum. Male autem quidam hac ratione quod nemo possit lege agere alieno nomine, patrem non posse filij nomine agere querela inofficiosi testamenti materni, *l. Pap. in prin. de inoff. test.* cum ea lex non dicat id fieri hac ratione iuris antiqui, sed alia ratione, quia filij, inquit, iniuria est. Ac præterea dicit inuito filio non posse, volente igitur potest. Atquin procurator ne volente quidem aut mandante domino, agere iure antiquo potest. Porro idem etiam censendum de mancipatione, ut non fiat per procuratorem per æs & libram, cum nec fiat acceptilatio, quæ æque fit per æs & libram. Idem & de optione serui, ut non fiat per procuratorem, sed per ipsum legatarium. Nam optionem serui non est dubitandum esse actum legitimum, cum & fiat pure & præcise, & semel, & prætere decernente diem ad optandum, sicut ad adeundum. & sicut filius non adit iniussu patris, ita nec optat, *l. 10. de leg. 1. l. 25. de liber. causa.* Et fit ea optio solemniter presente herede. Ac proinde non fit ante aditam hereditatem, *d. l. 10. & publice, exhibita vniuersa familia, l. 3. §. item si optare, ad exhib. l. si vendidero §. ad exhibendum, de furt.* & in iure certis, ut opinor, verbis, & testibus presentibus. Ergo & per se, & non per procuratorem. Et pessime quidam per procuratorem fieri posse, ex *l. pen. de opt. leg.* quod ibi fiat per matrem legatarij. Nolumus vos data opera Iurisconsulti verbo circumscribere, cum matri optio permessa sit in ea lege nominatim iudicio testatoris. Legauit filio seruum, quem vel filius vel mater eius optaret. Quæri posset, an symbola, quæ interueniebant in actionibus legitimis, sint eorum propria? Sane non sunt propria, nisi



abusu quodam, quia non his solis sunt propria. Quo abusu solēnia verba, & testes licet dicere esse propria actuum legitimorum, quod omnibus, quæ sub ea appellatione continentur, sunt propria, quæ tamen non his solis adhibentur, sed & stipulationi cuilibet, & multis aliis negotiis. in mancipationibus, & acceptilationibus fuit symbolum æs & libra. in manumissionibus fuit symbolum fidei religiose obseruatum, *l. ult. C. de emancip. lib.* Græci *παρονομα* dixerunt: symbolum autem illud fuit alapa, & alio modo Salapittæ, in Glossis vet. & apud Arnobium. In additionibus hereditatum pro symbolo fuere percussiones digitorum, ut Cic. est auctor in *lib. de offic.* hoc enim signo significantur se agnoscere hereditatem, se possidere bona sibi delata, quomodo etiam solebant ut ex Martiale colligere licet, possidere matellam. Petronius Arbiter: *digitos concrepuit: ad quod signum matellam spado supposuit.* Omnium verisimile est reliquorum interuenisse propria symbola.



## IACOBI CUIACII IURISCONSULTI

### COMMENTARIUS

#### in Lib. XXIX. Quæstionum

#### Æmilij Papiniani.

##### Ad l. 6. de usuris.

*Cum de in rem verso cum herede patris vel domini ageretur, & usurarum quæstio moueretur, Imperator Antoninus adeo soluendas usuras indicauit, quod eas ipse dominus vel pater longo tempore præstitisset.*

§. 1. Imperator quoque noster Severus filia Flauij Athenagora, cuius bona fuerant publicata, de fisco ideo numerari decies centena dotis nomine iussit, quod ea patrem præstitisse dotis usuras allegasset.



In libro xxix. initium dabit l. 6. de usur. Cuius quæstio est in usu sæpe. Sciendum ex contractu filij famil. vel serui, patrem vel dominum teneri actione de in rem verso, id est, de eo quod filius famil. vel seruus patrem vel dominum locupletiorrem fecit, & vere facere voluit: nam ut sit actio de in rem verso, necesse est ut voluerit negotium gerere domini, vel patris. Tenetur ergo pater de in rem verso ex contractu filij, & dominus ex contractu serui, id est, de eo quod dominum locupletiorrem facere voluit & fecit. In qua actione veniunt etiam usuræ pecuniæ versæ in patrimonio patris vel domini, si in stipulatum deductæ sint, non etiam si promissæ non sint, *l. si pro patre §. sed utrum, de in rem verso.* Et constat etiam hac actione teneri heredem patris, vel domini, ad quem ob eam rem locupletior hereditas peruenit. Et ita Papinianus notat de in rem verso agi in heredem patris vel domini. Nunc finge: Agit creditor de in rem verso cum herede patris vel domini, & petit non tantum sortem principalem, sed & usuras: sed usuras sortis versæ in rem patris vel domini, non constat eas promissas fuisse, sed hoc tantum, patrem creditori præstitisse longo tempore. Quæritur, an etiam heres patris vel domini eas præstare debeat, quoad integram sortem exsoluat? Et sane, si non probet soluisse indebitas usuras patrem vel dominum, exemplo patris vel domini, cui heres existit, deficientibus aliis probationibus, cogetur ex more descripto eius pecuniæ usuras præstare. Et ita refert Papin. Imp. Antoninum iudicasse. Longam igitur præstationem patris argumentum esse usurarum debitarum, etiamsi de stipulatione non constet. Solutio usurarum argumentum est sortis. Et sicut omnia videntur solem-

niter acta, si quis scripserit se accepisse, id est, præsumitur solemniter facta stipulatio, *l. sciendum, de verbor. oblig.* ita videntur omnia solemniter acta, si soluerit veluti ex promissione sua, nec probet se soluisse indebitum per errorem. Et hoc est, quod proponit priori parte. Huic obiicitur *l. creditor, C. de usur.* quæ l. ait, usurarum obligationem non constitui sine stipulatione, quod est certissimum in credita pecunia, neque ex pacto facto in continenti stipulationem acquiri; Porro usurarum obligationem non constitui sine stipulatione, etiamsi aliquo tempore ex consensu, vel ex voluntate eius, qui eas præstitit, vel ex pacto præstitæ sunt. Præstatio illa sola vel diuturna non potuit obligare, cum tamen ex pacto solutæ, quia natura debentur, *l. in his §. Imperator de solution.* non condicuntur, nec in sortem imputantur, *l. 3. C. de usur.* Sed nec in posterum petuntur à creditore, quod ei sint præstitæ in præteritum tempus, præstatio præterita non est idonea causa gignendæ obligationis quæ nulla fuit, etiamsi pactum præcesserit: nam neque ex pacto, neque ex longa præstatione & continua annorum aliquot nascitur obligatio. Et idem est scriptum de operis libertorum in *l. operis non impositis, de oper. libert.* Si libertus patrono aliquo tempore ex sua voluntate præstitit certas operas, quas ei non imposuerat patronus, & quas ipse nunquam ei promiserat, certe non ideo perseverare cogitur in his præstandis. Idem est scriptum de qualibet pensione, *l. si certis annis, C. de pact.* Tu certis annis ex pacto conuento mihi præstitisti pensionem aliquam, quam non poteram te cogere, ut præstares, cum ex pacto non sit actio, an igitur quod eas præstiteris ex pacto, quod pacto obtemperaueris, & sequentibus annis te compellam, ut fidem impleas pacti? Minime: quia nulla subest obligatio. ergo nulla coactio est mihi, nec ex præstatione annorum aliquot potest duci vlla obligatio atque constitui. Hi tres loci obiiciuntur huic decreto siue rescripto Antonini Imperatoris. Sed his omnibus est facile hoc modo respondere. non sunt adferendæ tres aut quatuor rationes quas Accursius attulit: sed dicendum est, longam præstationem sortis vel usurarum, siue fiat in solidum, siue pro parte, quotannis, vel quot mensibus, non constituere obligationem, quæ fuit initio: consuetudinem pensitationis indebitæ, non constituere debitum, ut qui præstitit ante & deinceps post præstare cogatur, quasi obligatus. Sed quamuis hunc effectum non habeat solutio, siue præstatio, siue pensitatio longa, habet tamen alios effectus, & primum, ut inducat tacitum pactum, quod non est inducere obligationem, ut in specie *l. qui semisses, hoc tit. & l. 5. & 8. C. eod.* Tu promissisti mihi maiores usuras, & aliquot annis mihi præstitisti minores, nec ex postulanti: tacite videtur conuenisse, ne peterentur maiores. At si post petam maiores, me repelles exceptione taciti pacti. longa igitur præstatio tacitam pactionem inducit. Est & alius effectus, ut præbeat præsumptionem & argumentum certissimum obligationis, si de ea dubitetur pactum præcesserit, an stipulatio. usurarum ex longa præstatione debitarum, ex longa præstatione præsumam præcessisse stipulationem, nec debitorem fuisse adeo supinum: ut mihi diu præstiterit indebitas, videlicet non probantem fuisse indebitas & solutas per errorem. In dubio igitur non induces obligationem, sed præsumptionem obligationis, quæ habetur pro probatione, & sufficiat iudici, ut & Imperatori in hac specie sufficit. Et tertius effectus hic est, ut si fuerit obligatio ab initio, & hoc constet, longa pensitatio eam perpetuet, producat, ut in specie alimentorum relictorum testamento vel codicillis, *l. 1. C. de fideic.* Mihi sunt relicta alimenta testamento vel codicillis, & hoc constat, hoc probo, cui fuerint relicta. non ambigitur, an debeantur, sed quæritur, utrum in perpetuum, an ad tempus debeantur. Porro mihi fuere præstita per multum temporis, id est, non minus quam triennio. lex ait, ex



hac præstatione triennij duci coniecturam perpetui debiti, nisi probet heres alimenta fuisse relicta tantummodo in triennium. Et observandum in *d. l. multum tempus* accipi pro triennio, & triennium accipi pro multo tempore. si petantur vsuræ quasi promissæ, quæ præstitæ sunt triennio, & in posterum præstentur, nisi probes non deberi; ubi præsumptio pro me facit, tibi incumbit probatio, in qua si deficiis vincit præsumptio, & ita multos annos accipi conuenit in *d. l. qui semisses, & l. 5. C. de usur.* maxime cum *l. 8. eod. tit.* in eadem specie non exigit numerum annorum, ut non male Græci velint illo loco, vel vnicam præstationem vsurarum minorum sufficere, ut quis per exceptionem pacti taciti liberetur à maioribus, quod *d. l. 8.* non exigit numerum annorum, vel vnius anni satisfactio pro pactione est. Et quod ponitur in *l. 5.* per certos annos fuisse præstitas minores vsuras, ex pacto proponitur. in præscriptione tamen fateor exigi 10. annos, ut colonus scilicet vindicet in libertatem. repellatur exceptione huiusmodi, quod longo tempore, id est, 10. annis præstiterit reditus, atque quasi colonariæ conditionis homo, quo iure vtimur hodie, *l. litibus, C. de agric. & censit. lib. 21.* Eaque ratione conficiuntur antapochæ, *une contrequittance*, in *l. plures, C. de fide instrum.* quibus probat creditor, sibi solutam pensionem fuisse. Apocha creditor proficitur pecuniam sibi solutam fuisse. Apocha debitori datur: Antapocha domino. Sed addamus quartum effectum, præstatio vel semel facta, vel partis præstatio, obligationem, quæ fuit, corroborat, quia extinguit exceptionem *S. C. Macedoniani*: qui enim vltro soluit, cum esset tutus exceptione *S. C. Maced.* videtur renuntiasse exceptioni, *l. 9. §. ult. sup. ad Maced. l. 4. C. eod.* Extinguit etiam exceptionem non numeratæ pecuniæ: nam si cœpi soluere, postea non allegabo mihi non solutam pecuniam fuisse, *l. 4. C. de non num. pec.* Facile ea exceptio perimitur: nam & coërcetur biennio. præstatio etiam extinguit præscriptionem fori, ut si hoc loco cœpi soluere, si hoc in foro, cui non sum subiectus, eodem cogar peragere solutionem, nec potero reuocare forum polita exceptione fori, *l. si fideicommissum §. ult. de iud.* Ac præterea extinguit facultatem appellandi, si condemnatus feci, iudicatum in totum, vel pro parte, non est mihi integrum appellare, quia videor acquiescisse sententiæ & renuntiasse appellationi, *l. ad solutionem, C. de re iud.* In quam rem recte etiam adducit Accurs. *l. cum ex causa de appell.* Et hæc de priori parte. In posteriori similem casum Papin. adiungit, quo ex præstatione certi temporis ducitur argumentum obligationis. Prior casus est ex decreto Antonini, posterior ex decreto Seueri. Verbum enim *iussit* in posteriore parte, significat decretum, ut *l. 3. h. s. l. Imperator, ad Treb.* ut indicauimus in priori parte. Prior pars fuit de actione, de in rem verso. Posterior, ut Græci ponunt speciem, qui in eo mihi mirum in modum placent, quod coniungant duas vicinas actiones, quibus tenetur pater vel dominus, vel quilibet eorum heres ex contractu filiisfam. vel serui. Posterior ergo est de actione quod iussu. Finge: filia iussu patris marito promissit decies centena millia nummorum dotis nomine, & ea fuit olim legitima dos. Martialis: *Centena decies, qua tibi dedit dotis.* Et Iuuenal. *& ritu decies centena dabuntur, Antiquo.* Lex Papia est, quæ modum imposuit dotibus, *l. 2. C. Theodos. de inoffic. dotibus*, ut certe par est proponi modum, sicut donationibus & legatis, & est impositus constitutione quadam Regia: Respublica Massiliensium (fuit olim excellentissima, ut omnes auctores testantur) modum dotis constituit centum aureorum, nec produci poterat ultra 100. aureos. Strabo: quarumcumque facultatum esset, & quinque aureorum in vestem, & quinque in mundum mulierum; *eis χρυσὸν κόσμον, la dot en argent, & le vestement & prnement.* Sed redeo vnde abij: filia iussu patris marito

Quæst. Papin.

A promissit in dotem decies centena, obligatur pater actione, quod iussu, atque etiam directa, quia ipse videtur contraxisse, *l. ult. quod iussu.* At proinde pater eius dotis vsuras præstitit aliquo tempore, in exhibitionem scilicet filia, *pour l'entretienement*, ne sumptibus mariti aleretur, sed ex vsuris suæ dotis, ne interim, dum non soluitur dos, maritus de suo vxorem exhiberet, & eius mancipia. Hac igitur ratione solet pater inferre vsuras dotis, ut exhibeatur filia à marito, *l. creditor §. si inter, mand. l. pen. de acq. hered. l. cum post, §. in domum, de iure dot. l. in insulam §. vsuras, sol.* Ex constitutione Iulianiani hodie etiam marito pater debet vsuras trientes dotis ipso iure sine stipulatione, sine pactione *αυτομάτως* post biennium à die contracti matrimonij, *l. ult. §. præterea, C. de iure dot.* Sed persequamur speciem. Filia promissit dotem iussu patris. pater præstitit vsuras. post confiscata sunt bona patris, fiscus quasi successor tenetur creditoribus, inter quos est gener. Is igitur cum fisco agit, & petit decies centena sibi promissa, petit etiam vsuras, in quas sibi promissas, fiscus veluti successor iuris vniuersi tenetur, *l. 5. C. de bon. proscript.* ut bona intelligantur deducto ære alieno. Sane fiscus præstabit vsuras, quas præstitit is, qui confiscatus est. Et præstatio vsurarum idoneum est argumentum debitarum vsurarum, atque ex eo fiscus obligabitur soluendæ doti & vsuris. Debentur quidem marito fateor, sed numerabuntur recte filia, & petentur adhibito marito, vel à marito petentur adhibita filia, quia eius est proprium matrimonium, & quasi communis res est, vxoris & mariti, vnius est iure naturali, alterius iure ciuili, *l. in rebus, C. de iure dot.*

Quod diximus ante ex longa & multa præstatione, siue pensionatione, non constitui obligationem, quæ non fuit constituta ab initio, manifesto confirmatur eo quod, si pater, qui pro pupillo non obligatur, nisi de peculio & aliis actionibus prætorijs: si, inquam, pater cæperit vltro soluere debita pupilli quædam, non ideo obligatur, & reliqua debita soluere, *l. ult. C. ne vxor pro mar. soluet pro filio*, quibus libuerit: nec si quibusdam soluerit liberaliter, ideo compelletur aliis creditoribus soluere. Item quod heres interueniente Falcidia, qui præstitit quædam legata solida sine detractione Falcidiæ, non obligatur cætera præstare solida, sed vtetur in cæteris, si volet Falcidia, *l. 15. §. non idcirco, ad leg. Falcid. l. 6. in fi. C. eod.* Atque ita etiam ex his apparet, præstationem longam aut multam non obligare eum, qui obligatus non est: præstita tamen non posse repeti, quia donasse ea videtur vltro, & donati non est repetitio.

Ad l. 40. de vulg. & pupil. substituit.

*Causa cognita impubes adrogatus decesserat. quemadmodum legitimis heredibus auctoritate principali prospicitur vinculo cautionis: ita, si forte substituit naturalis pater impuberi, succurrendum erit substituto: Nam & legitimis heredibus futuris non aliæ, quam utiles actiones præstari possunt.*

E Ex 40. est de adrogatione pupilli morte patris facti sui iuris. Olim pupillus adrogari non potuit, ut ex Gellio intelligere licet. Ratio fuit, quia is, qui adrogatur, eius rei esse debet auctor: pupillus autem nullius rei auctor est idoneus, & tutori quoque in pupillum non est tanta potestas, vel auctoritas, ut eum possit subicere alienæ potestati. proinde adrogari non potest, nisi iam *vesticeps*, id est, *pubes*. Pubes olim adrogari potuit sine curatoris auctoritate, hodie non potest ex constitutione Claudij, *l. 7. & 8. de adopt.* Pupillus ne tutore quidem auctore adrogari potest, hodie adrogari potest eo auctore ex constitutione Anton. *Vlp. in fragm. tit. de adopt.* Is est D. Pius, *l. 2. famil. ercisc.* Ea constitutio, siue rescriptum significatur in hac l. his verbis, *auctoritate principa-*

Gcc ij



li. id est, constitutione D. Pij, & in l. si adrogator, de adopt. A his verbis, principaliprudentia. Ex ea constitutione pupillus adrogari potest, hodie tutore auctore obseruatis his, quæ eadem constitutione præscribuntur, nõ adrogatur sine obseruatione magna. Ac primum fit adrogatio causa cognita. vt initio eius l. causa cognita impubes adrogatus est uti oportet. Sed hoc videtur non esse proprium in pupillo: Nam & puberis adrogatio fit causa cognita, l. 15. §. ult. & seq. de adopt. Gell. lib. 5. ait, adrogationem non fieri temere, nec inexplorate: Nam & ætatem eius, qui adrogare velit, consideramus, an liberis potius gignendis idonea sit, & num bona eius, qui adrogatur, insidiosè appetita sint: Nam adrogatus cum capite bona sua transfert in adrogatorem, & considerantur innumera alia. M. Tullius pro domo sua: causam adoptandi quæri solere. Sed fateor, in B adrogatore pupilli diligentissimam inquisitionem fieri, ne sit in potestate tutoris, qui eius rei auctor est, & sine quo non valet adrogatio, ne sit in eius potestate finire tutelam à patre naturali pupillo factam, quod est testamentum pupilli, qui per ætatem non potest sibi facere testamentum. Nam tutela finitur adrogatione, quia filiusfamilias tutorem habere non potest (qui est en puissance d'antruy, ne peut auoir de tuteur. Substitutio quoque cum sit testamentum pupilli, adrogatione irrita fit, quia adrogatio capitis deminutio est, & omni capitis deminutione testamentum irritum fit. Et hoc ita ostenditur l. nec ei permittitur §. de adopt. Finitur etiam agnatio adrogatione, & perimitur ius legitimarum hereditatum, ius agnationis, id est, adrogatus desinit esse agnatus his, quibus fuit ante, & vicissim, qui adrogatione ante fuerint agnati, desinunt esse. Adrogatio igitur perimit agnationem, & ius legitimæ hereditatis, mutat gentem, familiam, nomen, sacra, quæ omnia tutoris auctoritas non temere abolere debet, qui fuerit auctor pupillo dandi se adrogandum. Ac præterea illud exigitur in adrogatione pupilli ex constitut. D. Pij, vt adrogator satisfacto caueat mortuo pupillo ante pubertatem, restitutum se bona quæcunque fuerint illius, ad quos ea pertinerent, perinde ac si adrogatus non esset. Et ita cauet seruo publico, tabulario, actuario apud prætorem, quomodo etiam rem pupilli saluam fore tutor cauet seruo publico, l. 2. rem. pup. salu. for. Et sicut ex stipulatione hac, rem pupilli saluam fore, pupillo heredibusve eius, acquiritur utilis actio, non directa, quia per seruum publicum, vt nec per alienum, ipso iure pupillo vel alij non potuit acquiri actio, l. 4. eod. tit. ob id non acquiritur directa, sed utilis ex ciuili stipulatione, alij non acquiritur: ex prætorica utilis actio acquiritur etiam per liberam personam, veluti per procuratorem, quod est proprium stipulationum prætoriarum, l. 5. de prætor. stip. quæ non reguntur iure stricto, sed æquitate prætoria. Ita ex hac stipulatione, quæ interponitur ex constit. D. Pij, pupillo adrogato, per seruum publicum acquiritur utilis actio his, quorum interest, id est, qui læduntur adgnatione pueri. Et his verbis, ad quos ea res pertinebit, non tantum continentur legitimi heredes pupilli, vt l. 2. §. impuberem, & §. pen. ad Senat. sc. Tertull. sed continentur etiam heredes testamentarij, id est, si quos pater naturalis pupillo substituit secundis tabulis in hunc casum, si ante pubertatem moreretur: Nam his omnib. ex stipulatu utilis actio datur, siue stipulatus sit seruus publicus, siue nemo sit stipulatus: Nam in hac specie inducitur tacita stipulatio, & ommissa stipulatio pro expressa habetur, & competit utilis ex stipulatu. Denique actio ex stipulatu datur substitutis, licet ipso iure substitutio irrita sit propter adrogationem: Nam si datur actio legitimis heredibus, & substitutis eã dari æquum est, quia legitimi ipso iure non veniunt, cum agnatio perempta sit adrogatione. Vtrique igitur veniunt vinculo & potestate cautionis. & hoc est quod ait Papinian. in hac l. causa cognita futuris heredibus utiles actiones præstari, id est, qui futuri erant ipso iure, si adrogatio non interuenisset: Et omnino ratio Papin. ita explicanda est, adquam non animaduertunt interpretes, vt adrogatione ius substitutionis perimatur, quia vt omne testamentum perimitur capitis deminutione, ita & ius legitimarum hereditatum. Et si hoc conseruas legitimis heredibus, & illud debes conseruare substitutis: nec enim plus iuris habent legitimi, quam substituti. Vtrique veniunt remedio cautionis, vel tacitæ, vel expressæ: Nam tacita, si ommissa fuerit expressa, subintelligitur, l. his verbis de adoption. vt multis aliis casibus in iure sunt pleræque tacitæ cautiones. Et maxime hoc admittitur in prætorijs, vt quod solet fieri, videatur factum, etiam si re vera non sit factum. Et hodie cur multi non vtuntur cautionibus, non cautione iudicio sisti, de rato, iudicatum solui, non cautione legatorum, non pupilli rem saluam fore, an contemnimus ius ciuile? minime, sed solemnia, quæ erant, præsumimus semper acta, vt intelligantur interuenisse. & fideiussorum satisfactiones nullæ sunt hodie, sed repromissiones. Denique cautiones, de quibus fit mentio in iure, omnes locum habent, quia tacite intelliguntur, vel sunt nudæ repromissiones. Car s'il y auoit un respondant, il faudroit qu'il parlât. Ergo vt ait Papinianus, utilis actio mortuo pupillo adrogato ante pubertatem, datur substitutis pupillo à patre naturali, cuius effectu & potestate consequentur hereditatem pupilli, & perinde ac si substitutio non fuisset irrita, conseruatur. Conseruantur igitur secundæ tabulæ, & omnia quæ sunt scripta in secundis tabulis, d. l. his verbis. Sed multum interest decesserit pupillus viuus adrogatore, an mortuo: Nam si eo viuus, ipse adrogator vel fideiussor eius tenetur vtilibus actionibus substitutis, vel legitimis heredibus pupilli, vt restituat, quod pupillus transtulit in familiam eius ab initio, & quod postea ei acquisiuit. Sin autem post adrogatorem pupillus decesserit, heredes adrogatoris heredibus pupilli non tenentur iam ex cautione, quæ in eum casum non concipitur, nec hoc iure conciperetur recte ante Iustinianum post mortem promissoris, sed tenentur heredibus pupilli ipso iure ex constitutione Diui Pij, conditione ex eiusdem rescripto, non tantum vt restituant, quæ à pupillo ad adrogatorem peruenerunt, sed etiam bonorum adrogatoris, quæ fuerunt mortis tempore, vt præsent quartam, quæ est quarta Antoniana, debita pupillo, quæ omnia & pupillo deberi cœperunt, qui superuixit adrogatori vel exheredato vel emancipato, vel instituto ex minima parte, deberi, inquam, & cœperunt statim à morte adrogatoris, & ab eo peti potuerunt ex ea constit. D. Pij, l. ult. si quid in fraud. patr. §. cum autem, Instit. de adoption. l. Papin. §. si quis impubes, de inoffic. test. l. 1. §. si impuberi, de collat. bon. & d. l. si adrogator. peti, inquam, potuerunt, ex rescripto scilicet D. Pij, atque etiam vtili iudicio famil. erciscund. instituto cum herede scripto, l. 2. famil. ercisc. Et inde quaritur in d. l. si adrogator, de adoption. an adrogator pupillo substituere possit? an possit ei facere substitutionem pupillarem? quod videtur, cum sit in eius potestate. Verum magna ratione placuit, vt adrogator non posset ei substituere, nisi in suis bonis, E quæ dedit, vel alius ipsius contemplatione, & nemo dubitabat quin iis potuerit substituere. dubitabatur, an posset ei substituere in quarta, quæ debetur ex rescripto D. Pij, quasi æs alienum. Pater in eo, quod debet filio non substituit recte, quia id non ei obuenit iudicio patris, sed debetur necessitate iuris. Verum placuit permitti adrogatori, vt in ea quarta substituatur pupillo vel directo, vel per fideicommissum usque in pubertatem, puta in hunc casum si moriatur ante pubertatem, vt illa quarta Titio obueniat vel restituitur, non vltra pubertatem, nec per fideicommissum quidem, d. l. si adrogator, & l. sed si plures, §. in adrogato, de vulg. substit. In cæteris bonis quæ dedit adrogator poterit substituere etiam vltra pubertatem per



fideicommissum. Nam puberi directo non substituimus A in secundum casum, id est, quo substituitur pupillis, sed vulgari modo tantum, si pubes nolit esse heres, qui est primus casus substitutionis. Secundus est, si sit heres, & moriatur intra pubertatem, non post, quia pubes ipse potest sibi facere heredem, non possum ei dare heredem, qui sibi facere potest: pupillo possum, quem in potestate habeo. Ex his oriuntur tria vel quatuor, valde noua. Primum hoc est, ut puberi non possum substituere per fideicommissum (in bonis à me profectis, veluti in quarta illa, quod est contra regulam iuris, ut non possum per fideicommissum substituere in bonis à me profectis, §. *ult. de pupill. substit.* Et ratio hæc est, quia non iudicio meo debetur ea portio adrogato, quæ non datur mea sponte, sed ex necessitate iuris, ex providentia D. Pij. in eo, quod tibi debeo, de fideicommissis onerare non possum, Fideicommissis onerari possunt qui iudicio nostro ex bonis nostris aliquid perceperunt. Secundum quod valde nouum est in specie pupilli adrogati, hoc est, ut ad substitutionem pupillarem, quam fecit adrogator, non pertineant omnia bona pupilli, sed quarta illa, & bona, ab adrogatore profecta, non quæ pupillus ei acquisiuit, vel ab initio adrogationis vel postea, quod est contra regulam *l. sed si plures §. ad substitutos, hoc tit.* Nam heres vnicus, qui scribitur, non potest non esse heres ex asse. Et ratio nouitatis hæc est, quia cætera bona sunt obnoxia cautioni, nec possunt comprehendi substitutione. Et tertium etiam, quod nouum est, ut si forte pater naturalis ei pupillo substituerit ante adrogationem, deinde decesserit, atque etiam adoptiuus post adrogationem, sit in hac specie, ut non habeat omnia bona substitutus à patre naturali, nec omnia substitutus à patre adoptiuo, atque ita, ut duo quodammodo pupillus videatur habere patrimonium, duas hereditates, duo testamenta, quod æque est contra regulam iuris. Vnius hominis non sunt duo patrimonium, duæ hereditates, vel duo testamenta, *l. iuris peritos §. 1. de excusation. tut. l. si certarum, de milit. testam.* nisi militis, cuius duo possunt esse patrimonium, paganum & castrense. Et hac in re comparatur militi pupillus adrogatus, *d. §. ad substitutos, & seq.* Addamus etiam quartum, ut si ei pupillo substituerit adrogator, non substituerit pater naturalis, pro parte moriatur testatus, pro parte intestatus, quia substitutio pupillaris ei facta amplectitur tantum partem bonorum pupilli. & pro parte igitur testatus videtur. Nec dubitemus, quin exemplum militis, ad hanc partem trahere liceat. Addamus vltimum, licet addubitet Accursius in *d. l. si adrogator*, ut plus tribuatur adoptiuo filio, quam naturali & legitimo: nam naturalis iure exheredatus excluditur omnibus bonis paternis, ut ne tertium quidem habere possit ex bonis patris: Adoptiuus exheredatus semper saluam habet quartam. Sed hoc obtinet in pupillo tantum adoptiuo in suprad. Constituitur non impuberem, non etiam in pupillo, qui pubuerit apud adrogatorem. Cautio finitur pubertate, *l. his verbis, & seq. de adopt.* Constitutio D. Pij finitur pubertate, qua ratione etiam nihil attinet cauere substitutis pupillo à patre naturali post pubertatem, quia substitutio pupilli finitur pubertate, *l. in pupillari, hoc tit.* Nihil attinet etiam cauere legitimis post pubertatem. Nota, *pour les légitimés de France, que les parens du pere légitime & naturel, ne peuvent prétendre intérêt, & n'ont besoin d'être appellez*: cum certo non sint futuri heredes post pubertatem: possint etiam facere testamentum, & excludere legitimos. Possis quærere de quarta hac Antoniana, quæ debetur pupillo adrogato, qui superuixit adrogatori, pupillo, inquam, exheredato ab adrogatore, quæ exhereditatio excludit illum bonis omnibus, vel etiam emancipato sine causa, quæ emancipatio omnimodo perimitius filij adoptiui: emancipato filio naturali remanet cognatio, emancipato ado-

ptiuo nihil remanet, nec post emancipationem est agnatus, nec cognatus. debetur etiam hæc quarta non quidem instituto ex asse, vel iusta parte, sed ex minima, velut ex vicia debetur vnciario heredi: nam hunc comparo exheredato, *l. 2. quod cum eo.* Quæres quid si sint plures pupilli adrogati, utrum singulis debentur quartæ in bonis adrogati, an omnibus vna quarta? Dicam, vix permitti adrogationem plurium pupillorum, quæ sit ægre, & non nisi causa explorata cognita; sed si permittatur, dico omnibus pupillis adrogatis his casibus deberi quartam bonorum omnium adrogatoris: singulis autem quartam legitimæ partis, id est, quartam eius partis, quam haberent ab intestato, quæ coadunatae conficiunt omnibus simul quadrantem omnium bonorum, exemplo naturalium & legitimorum, quibus & eo modo satisfit, non exheredatis. Ac postremo si adrogatori supersint filij naturales & legitimi, dicam: B vix habenti iustos & naturales permittitur adrogatio pupilli, *l. nec ei §. pen. de adoption.* vel si permittatur, aut post adrogationem susceperit naturales, quos non habuerat ante, pupillo, aut pupillis adrogatis, & exheredatis, & emancipatis sine causa, vel institutis ex modica parte, similiter sua quarta seruanda omnibus bonorum omnium adrogatoris, cætera relinquenda ab intestato liberis naturalibus.

#### Ad leg. ii. ad leg. Falcid.

*In ratione legis Falcidia retentiones omnis temporis heredi in quadrantem imputantur.*

A deo laborem multum in explicanda *l. 10. ad l. Falcid.* cuius singulis versibus singula sententiæ controuersa significatur. Primo versu quid significatur? In ratione *l. Falcid.* quædam sunt causæ, ex quibus retentionem habemus, petitionem non habemus, *l. ex quibus, de condit. indeb.* ut quartæ hereditatis, quæ propter *l. Falcidiam* apud heredes remanere debet, retentio est, non petitio, nisi ex constitutione Iustiniani, *l. 14. §. 1. & seq. & l. 93. hoc tit.* Et dotis ob liberos est retentio, non petitio, *tit. de dotibus*, apud Vlpian. debiti naturalis est retentio, non petitio, *l. Sticum §. aditio, de solut.* Quod euenit & in aliis multis causis. Ex his causis retentiones factæ à testatore, vel ab herede, post aditam hereditatem, cum conueniretur, id est, retentiones omnis temporis heredi imputantur in Falcidiam, quia factæ retentiones à testatore, perueniunt ad heredem iure hereditario, & fiunt ab herede similiter iure hereditario. Et certum est, in Falcidiam venire, aut imputari ea omnia, quæ heres habet iure hereditario pro modo quadrantis, & ea quidem sola, non quæ alio iure, vel ex alia causa habet, *l. 5. l. si à me, l. quod autem, & l. in quartam, hoc tit.* Falcidiam capit iure hereditario, *leg. pater filium, hoc tit.* vel quod idem est, *iure testamenti*, id est, iure institutionis, *l. qui duos, de vulg. subst.* Habet autem heres iure hereditario non tantum corpora, quæ testatoris fuerunt mortis tempore, sed etiam actiones, petitiones, persecutiones. & non tantum actiones, sed etiam retentiones, deductiones, reputationes, computationes, compensationes, & quocunque tempore hæc etiam ei imputantur in Falcidiam. Et hanc puto esse sententiam huius versus: neque enim eum accipi volo de retentionibus, siue prælegationibus, cum retentis quibusdam heres rogatur restituere hereditatem; quanquam & hæc videatur heres sumere ex hereditate ipsa, & consequenter debeat etiam hæc imputare in Falcidiam, *d. l. in quartam.* Nam si de his retentionibus sensisset, non adiecisset *omnis temporis*: nec enim hæc recipiunt varia tempora. Nolo etiam hunc versum accipi de legatis inutilibus, quæ remanent apud heredem, quanquam & hæc constet imputari in



Falcidiam & augere cætera legita, l. 50. 51. & §. 1. hoc tit. Instit. Nam si de his sensisset, non fuisset ei graue scribere: (retentionibus legatorum:) Ac rursus non adiecisset, *omnis temporis*, quibus verbis complectitur & tempus mortis testatoris, quod in hoc tractatu legis Falcidiae potissimum spectatur, & tempus, quodcumque fuit post mortem eius: vt omni tempore, quod quandoque bonis accessit per retentionem, opposita exceptione doli mali, id plenior hereditatem faciat, & heredi imputetur in Falcidiam, veluti, si heres post mortem testatoris per retentionem seruauit id, quod aliquis defuncto debuit naturaliter, vt in l. cum quis §. quid ergo fidem, hoc tit. quia etsi retentio illa contingat post mortem testatoris, tamen ipsa naturalis obligatio fuit mortis tempore. Qui sensus etiam congruit, aut est proximus valde, §. 1. huius leg. in quo etiam ponitur alius casus, quo aliquid imputatur in hereditatem & in Falcidiam, ex eo, quod contigit post mortem testatoris, quorum vtrumque videtur esse contra regulam iuris, vt in ponenda ratione legis Falcidiae, inspicitur tempus mortis testatoris, id est, vt inspicitur, quanti eo tempore fuerit hereditas, quid eo tempore fuerit in bonis, & quod postea perit, vt pereat heredi: quod postea accedit, vt lucro cedat heredis, l. in quantitate, l. cum quo, l. in ratione 2. hoc tit.

#### Ad §. si seruus.

*Si seruus sub conditione libertate data, vita decessit, si quidem impleta conditio quandoque fuerit, heredi non videbitur periisse, quod si defecerit, in contrarium ratio trahit, sed quanti statuliber, moriens fuisse videbitur.*

**A**git hic §. de statulibero, & pro his verbis, si seruus sub conditione, breuius licet reponere, si statuliber. Statuliber est seruus manumissus sub conditione in testamento. De seruo manumisso proprie agitur in §. si seruus. Quo paulo inferius coniuncto cum hoc §. 1. intelligimus in eadem quaestione, quantum intersit inter seruum sub conditione manumissum, id est, statuliberum, & seruum pure manumissum. Sed vt de statulibero prius agamus; queritur, si post mortem testatoris moriatur statuliber pendente conditione libertatis, vtrum pereat heredi, an non? Si perit heredi, heres eius pretium sibi imputat in Falcidiam, si non perit, non imputat. Et eleganter Papinian. docet, hoc ex euentu dignosci oportere. Distinguit hoc modo: aut post mortem statuliberi extitit conditio libertatis, aut defecit libertatis conditio. Si extitit conditio libertatis, pretium eius bonis deducitur, hereditati deducitur, perinde ac si viuus peruenisset ad libertatem existente conditione, quia constat in ponenda ratione legis Falcidiae, pretia manumissorum detrahi bonis, *ils ne sont point en compte*, vt æs alienum, *lequel n'est point du compte des biens*, l. sed si non seruus §. 1. l. æris alieni, hoc tit. §. ult. Instit. eod. tit. Quod fit etiam in ponenda ratione legitimæ debitæ liberis, aut parentibus, l. Papin. §. quarta, de inoffic. test. Igitur eo casu pretium eius hereditati peribit, id est, non intelligitur in hereditate fuisse: non peribit heredi, id est, heres non id imputabit sibi in Falcidiam. Sic igitur, si post mortem statuliberi extiterit conditio libertatis, pretium eius peribit hereditati, quia non intelligitur in hereditate fuisse, non peribit heredi, quia heres pretium eius sibi non imputabit in Falcidiam. male dixeram ante sine negatione: quia nec si viueret, vllum pretium, vlla æstimatio eius iniri posset: esset enim liber, & liberi hominis nulla est æstimatio. Absurdum autem est mortuum æstimare, qui viuus non æstimaretur. Obseruandum est multum interesse vtrum qui dicat, *pretium hereditati perire*, an, *heredi*: nam quod heredi perit, imputatur heredi in Falcidiam, & non perit hereditati,

**A** quia intelligitur in hereditate fuisse. Contra, quod hereditati perit, non intelligitur in hereditate fuisse, & non perit heredi, quia non imputatur ei in Falcidiam. Ex hac obseruatione facile quis apprehendet cætera omnia. Et hoc quidem, si post mortem statuliberi extiterit conditio libertatis. Nunc sumamus alterum membrum. Quid si defecerit conditio? Et hoc casu hereditati non perit, is homo, cum intelligatur in hereditate fuisse. heredi perit, quia pretium eius sibi imputat in Falcidiam: nam etsi viueret, quia defecit libertas siue conditio libertatis, ipse vel pretium eius bonis computaretur. Et hoc est quod ait in §. 1. Sed notandum est, multum interesse tamen vnâ in re, vtrum is homo viuat, an mortuus sit, cum defecit conditio libertatis: Nam si viueret, tanti æstimaretur, quanti fuit tempore mortis testatoris. si moriatur pendente conditione, vt dixi, quæ postea deficiat, tanti æstimabitur, quanti fuerit mortis suæ tempore, non testatoris, id est, æstimabitur vt statuliber: nam & mortuus est statuliber, non æstimabitur vt seruus, eaque sola æstimatio heredi imputatur in Falcidiam. Minor igitur æstimatio, quam si seruus mortuus esset, quia minoris semper æstimatur statuliber, quam seruus propter implicitam statulibero causam, & statum libertatis. Et id est quod ait in ult. vers. §. 1. *sed quanti statuliber moriens videtur fuisse*. Hæc verba sunt de æstimatione mortui statuliberi. Superiora sunt de peculio, an heredi perierit statuliber necne. Et hæc de statulibero. Nunc videamus quid sit dicendum in seruo pure manumisso testamento domini, de quo est §. si seruus 4.

#### Ad §. si seruus 4.

*Si seruus testamento manumissus ante aditam hereditatem decedat, heredi quidem periisse intelligitur, sed cuius pretii erit, qui si viueret, non æstimaretur? Nam & eos, qui moriente domino ea valetudine affecti fuerant, vt eos non posse viuere certum esset, tamen, si postea moriantur, hereditati periisse responsum est. Nec aliud in his, qui sub eodem testamento fuerant, cum dominus à familia necaretur.*

**E**inge, seruo pure datam libertatem in testamento, & post mortem testatoris cum seruum mori ante aditam hereditatem, id est, antequam cederet dies libertatis. Nec enim libertas cedit antequam sit hereditas, l. Iulianus, de cond. & demonstr. l. qui putat §. ult. de acqu. hered. l. vn. §. in nouissimo, C. de cad. tol. Et id eo regula Catoniana non pertinet ad libertates, quoniam est de his tantum, quæ cedunt à morte, non ex alio tempore. Hic igitur seruus, vt posuimus speciem, cui erat relicta libertas pure, decessit ante aditam hereditatem, cui periit. Et periit quidem heredi reuera, non hereditati, quia certe in hereditate fuit tempore mortis testatoris, & fuisse euentus docuit confirmauitque, cum dies libertatis inutiliter cesserit illo iam ante defuncto. Sed tamen vt concludit Papin. magis est, vt dicamus illum hominem perire hereditati, non heredi, propterea quod pretium eius heres in Falcidiam imputare non potest, quia nec si viueret ipse vllum reciperet pretium, quoniam esset liber. non possum æstimare mortuum, quem non æstimarem viuum: si non possit æstimari, non possit igitur imputari in Falcidiam. Atque ita euenit, vt qui fuit in bonis mortis testatoris tempore, non videatur fuisse, imo pro eo habeatur in ratione legis Falcidiae, ac si non fuisset. Quod non videtur nouum Papin. cum in §. si seruus ponit alios duos casus, quibus seruus, qui reuera fuit in nobis mortis testatoris tempore, non videtur fuisse, & mortuus hereditati perit, non heredi. Primus hic est, si seruus, qui ægrotabat mortis testatoris tempore, eo tempore deploratus fuerit, & certissimæ morti proximus: Nam & hic, licet superfuerit testatori,



licet decesserit post mortem testatoris, mortis tempore conclamatus, heredi potius videtur periisse, quam hereditati, id est, non videtur in hereditate fuisse, licet fuerit utique. Et alter casus hic est, si servus sub eodem testamento fuerit, vel, ut veteres loquebantur, si suffuerit, cum dominus à familia necaretur, & is postea ultimo supplicio affectus sit ex Senatusconsulto Syllaniano, quo cauetur, ut servi, qui sub eodem testamento fuerunt cum dominus necaretur, quaestione de his habita, post supplicio afficiantur. hic servus fuit reuera in bonis mortis tempore, cum decesserit post mortem testatoris, sed tamen pro eo est, ac si non fuisset, quia heredi non imputatur in Falcidia, l. *aris alieni, hoc tit.* Atque ita his tribus casibus evenit, ut in ratione leg. Falcidia, in qua spectatur quid fuerit in bonis tempore mortis testatoris, subducantur bonis quædam, quæ fuerunt in bonis tempore mortis testatoris, & videatur non fuisse in bonis, quod ad rationem legis Falcidia attinet. Et his casibus, ut mortuus servus effectus videatur periisse hereditati, non heredi. Græci in summam illum §. redigunt, coniunctis illis tribus casibus, quorum primum male quidam distinguunt à duobus consequentibus. Summa Græcorum est. *Servus libertate honoratus & ante aditionem mortuus, & is, de cuius incolumitate vivente testatore, desperabatur, qui deploratus & conclamatus erat & is, qui sub eodem testamento erat, cum testator occisus est, hereditati perit.* Hæc est summa Græcorum, id est, unus, & alter, & tertius homo non videtur in hereditate fuisse mortis testatoris tempore, licet post mortem obierit. Ergo his verbis, *sed quanti*, concludit hereditati magis periisse, quam heredi, ut apparet in consequentibus casibus. quod diligenter retineatis velim.

Ad §. Imperator. 2. & §. cum quidam. 3.

*Imperator Marcus Antoninus decrevit heredes, quibus pars bonorum ablata est, non in ampliorem partem, quam pro ea, quæ relicta est, legatorum nomine teneri. §. 3. ¶ Cum quidam, parte dimidia bonorum adempta fuisset relegatus, idemque provocacione interposita, testamento postea facto obisset, atque post mortem eius non iuste appellatum, esset pronuntiatum: quesitum est, utrum aris alieni loco pars dimidia abscederet, & residua sola videretur fuisse in bonis, an vero succurri heredi necessarium esse videbitur. sed videtur, succurri debere, cum animus litigantis, & obtinendi votum, hanc opinionem admittit.*

**S**equitur ut exponamus quæ proponuntur in §. Imperator, simul & speciem §. cum quidam, quæ ad decretum D. Marci accommodari possit, hoc autem efficit decretum, ut heres non teneatur legatariis legatorum aut fideicommissorum nomine usque ad dodrantem, ut solet plerumque, sed usque ad trientem tantum, & semivnciam, & Falcidia nomine heres retineat, non quadrantem, sed sesquivnciam totius assis, videlicet si heredi ablata sit dimidia pars bonorum, in hoc vid. casu, & ait, Imperator, &c. Quomodo autem ablata est pars dimidia bonorum hereditati, vel quo iure? veluti per bonorum possessionem contra tabulas datam filio præterito, cuius frater est heres scriptus: Nam heres scriptus exoneratur in partem, quæ ei aufertur legati nomine, & pro ea parte legatum penitus intercedit, quod non fuit relictum à præterito, l. *& si contra §. ult. de vulg. & pup. subst.* Vel etiam per bonorum possess. contra tabul. datam patrono præterito adversus extraneum heredem scriptum testamento liberti: nam bonorum possess. contra tabulas ei competit in semissem tantum, & pro eo semisse, qui quidem aufertur scripto, scriptus releatur onere legatorum, quod est ex edicto prætoris de bonis libertorum, l. *Plautius, de condit. & demonstr. l. 20. §. libertus, de bon. libert.* Idem erit, si per bonorum possess. unde cognati, vel, unde legitimi, pars auferatur heredi legitimo, ad quem solum

**A** defunctus bona sua perventura existimabat nesciens, se habere cognatum vel agnatum eiusdem gradus, & à quo solo fideicommissa reliquerat: Nam & hunc, cum partem tantum dimidiam ferat ex bonis etiam legatorum onere levari æquum est, ne in ampliorem partem teneatur quam pro ea, quæ apud eum remansit. l. *cum pater §. cum existimaret, de leg. 1.* Quod ibi Papinianus ait, congruere rationibus æquitatis, & exemplo edicti perpetui: nec possit intelligere aliud, quam illud de bonis libertorum. Sed licet addere, id etiam congruere decreto Marci quod proponitur ab eodem Papiniano. Neque §. *cum existimaret* obloquitur l. *post emancipationem, in pr. de legat. 3. & l. pen. de iur. cod.* quæ heredem, cui pars aufertur, fideicommissis obstringit in solidum, cum ut ostendi 19. Papinianus ad l. 11. & 13. de iur. codic. & 2. ad African. ad leg. 1 §. eod. tit. Scævola in d. l. *post emancipationem*, & Marcellus in d. l. *pen.* spectant ius summum, quo heres in solidum obstringitur legatis, cum in solidum heres exstiterit, etiam si postea contigerit ei auferri partem. Papinianus autem spectat, ut ait, rationem æquitatis, & exemplum edicti perpetui, & ut licet addere, decretum M. Antonini. cui decreto etiam locus erit, si per querelam inofficiosi testamenti filius exheredatus heredi scripto abstulerit partem dimidiam, l. *cum duobus, C. de inoffic. testam. l. cum filius, in princ. de leg. 2.* His omnibus casibus pro parte, quæ heredi aufertur, legata intercedunt, nec præstantur vel ab eo, à quo sunt relicta, vel ab eo, qui partem aufert. Ergo penitus intercedunt pro ea parte. Et rursus, his casibus ipso iure pars hereditatis heredi non aufertur, sed per bonorum possessionem, vel per querelam inofficiosi testamenti: & ipso iure non liberatur heres, cui pars aufertur, à præstatione solidi legati, sed per exceptionem doli mali, quod ei pars bonorum ablata sit, quod non sit æquum solidum præstare eum, cui pars ablata sit bonorum. conveniri potest ipso iure in solidum, cum heres exstiterit in solidum ab initio, sed succurritur ei per exceptionem beneficio & æquitate decreti. Et rursus evenit his omnibus casibus, ut damnum, quod contigit post mortem testatoris, damnum scilicet ablatæ partis, non pertineat ad heredem, ita ut nihilominus cogatur præstare solidum legatum: quia sc. eius damni causa est vetustior morte testatoris. præteritio vel exheredatio filij, aut patroni coniuncta est morti testatoris. Regulariter damnum, quod accidit post mortem testatoris pertinet ad heredem, nec nocet legatariis, si culpa careat, vel si corpora ipsa legata deperdita vel deminuta non sint, l. *in ratione 30. in princ. & §. rursus diligenter, hoc tit.* His casibus, ut iam dixi, pars hereditatis aufertur heredi, non ipso iure, sed per bonorum possessionem, aut petitionem hereditatis. Possit quidem hereditas quæ relicta est, ipso iure minui pro parte, veluti legibus Julia & Papia, quod heres semissem tantum capere possit ex testamento, puta ratione orbitatis. Et hoc casu ipso iure tutus est heres, nec tenetur ultra partem, ex qua extitit heres: non extitit autem heres, nisi ex semisse. Alter semis ipso iure cedit legitimo heredi, quæ est sententia legis 1. §. *qui minorem, ut leg. nom.* Sunt quidam capaces semissis tantum, l. *cum ei qui partem, de leg. 2.* veluti iure veteri orbi, id est, mariti steriles. Ac eo etiam casu legata intercedunt pro parte, quæ non capitur. nec etiam legatis oneratur heres legitimus, cui obuenit pars, quam heres scriptus capere non potest. Possit etiam heredi auferri pars hereditatis per fideicommissi persecutionem, puta, quod rogatus sit partem hereditatis Titio restituere. Et hoc casu solo legatarij non læduntur: nam eis heres & fideicommissarius obligantur pro rata, d. §. *qui minorem, l. 1. §. pen. ad Trebel. l. 2. C. eod. tit.* Nec ad hunc casum quicquam pertinet decretum D. Marci, quia legatariis nihil perit. Nec pertinet etiam ad illum casum, quo ipso iure minuitur hereditas pro parte, quia eo casu heredi necessaria non est exceptio, cum ipso iure



non sit heres nisi ex parte, vel non fiat, nisi per aditionem, nec indiget auxilio huius decreti. sed ad decretum istud omnino pertinet casus, qui data opera subijcitur §. *seq.* qui est huiusmodi. Quidam relegatus est adempta parte bonorum: nec enim relegato possunt adimi omnia bona, quia relegatus manet liber, manet civis. Relegatio non est capitis deminutio. si relegato licet auferre, & adimere omnia bona, licet libero, & civi auferre id omne, quo vitam toleret suam, quo nihil est indignius. invenies relegato ademptam partem bonorum, assem nunquam. Et ita igitur pono speciem: Quendam fuisse relegatum adempta parte bonorum, & cum appellasse à sententia. Appellatio extinguit condemnationem. deinde pendente appellatione mortuus est facto testamento. Post mortem eius pronuntiatum est, non recte appellatum esse. Et ita Papin. proponit pronuntiatum esse in causa appellationis. Et notanda est formula pronuntiandi, *non recte appellatum videri.* vel contra, *recte appellatum videri,* aut *iustam pronocationem videri,* aut, *iniustam.* Ita semper concipiuntur hæ sententiæ, *l. qui Romæ §. Scia, de verb. oblig. l. Offidius, de leg. 3. l. 2. quando appell. sit, l. Imperatores §. i. l. negotiorum, de appell. l. intra, de minorib. & l. i. C. de appell. l. maritus, de question. l. chirographis §. ab eo, de admin. tut.* Et si ubi legas, ita pronuntiatum apud interpretem aliquem, vel me ipsum, ita pronuntiatum, *iustam sententiam videri.* Id sic emendanda, *iniustam appellationem videri.* Nec enim confirmari sententia, sed & conservari dicitur, in *l. ult. quod cum eo.* ut Florentinæ, non confirmari. non confirmatur, non rata esse pronuntiatum, alioquin vis sententiæ retrotrahetur, quod est falsum, *l. furti §. i. de his qui not. infam.* Ergo, ut redeam ad speciem, relegatus adempta parte bonorum appellavit, & post mortem eius pronuntiatum est, *non recte appellasse.* Ac ita pars bonorum adempta est heredi eius. Nam constat pœnam ademptionis bonorum, post litem contestatam, post condemnationem transire in heredem, *l. ex indiciorum, de accusat.* veluti si pendente appellatione nondum péracta causa appellationis mortuus fuerit, *l. 3. C. eod.* Heres eo casu ipso iure tenetur legatariis usque ad drodantem, quia heres extitit in assem, & ea pars, quæ adempta est, fuit in bonis mortis testatoris tempore, & partis damnum, quod accidit post mortem, pertinet ad heredem, nec potest videri non fuisse in bonis mortis testatoris tempore, & deduci debere bonis, veluti æris alieni loco: quia, ut subtiliter Papinianus animadvertit, si spectas ahimum morientis, & votum obtinendi, utique suis bonis noluit detrahi eam partem. Adnumerabitur ergo eius bonis, & quod ademptum est postea, id damno cedit heredis, non legatariorum, & ipso iure: sed æquum est heredi subveniri ex decreto Marci, cum in ampliore partem, quam pro ea, quæ apud eum remansit legatorum nomine conveniatur, quia & causa adimendæ partis bonorum originem sumpsit ante mortem testatoris. Et observandum est quod ait §. *cum quidam, succurri debere heredi,* quia ea pars ipso iure non potest deduci bonis. hoc vetat animus morientis, & votum obtinendi in causa appellationis. denique ipso iure ea pars fuit in bonis mortis testatoris tempore, & quod postea amittitur, hoc damnum pertinere debet ad heredem. ideoque succuri ei non debet: non debet niti heres ut roboretur ipso iure, sed ex æquitate: si agat iure ipso. vincetur. Sed observemus longe aliam esse rationem servorum, qui in §. *si servus huius l.* etiam si fuerint in viuis tempore mortis, tamen bonis detrahuntur veluti æris alieni loco, nec pertinent ad damnum heredis, quia nec eos animus fuit defuncto adnumerandi suis bonis. non eum, cui pure libertatem adscripserat, non eum de cuius salute nulla spes erat, quem moriente testatore certum erat non victurum diu. Et hunc sane moriens non habuit in suis bonis: non etiam eum, qui necis suæ auctor, vel conscius fuit, & de quo ultimum supplicium

A sumendum esset, *d. §. si servus.* sed neque statuliberum, si existeret conditio libertatis, ut in §. *i. huius l.* Quæcumque hætenus proposuit Papinianus sunt nova, & contra regulas iuris singularia recepta: ut post mortem testatoris retentiones, quibus vititur heres in hereditate, in Falcidiam heredi imputentur, in princip. *huius leg.* cum alias cedant lucro heredis, nec imputentur heredi in Falcidiam, aut bonis hereditariis. Item, ut damna, quæ acciderunt post mortem testatoris, alia ipso iure non pertineant ad heredem, & quæ fuerunt in bonis tempore mortis testatoris, non fuisse intelligantur, vel propter difficultatem æstimationis, ut in §. *si servus,* vel propter tacitam voluntatem testatoris. Alia vero damna, ut ipso iure pertineant ad heredem, sed ei succurratur ex decreto D. Marci Ant. Adjiciuntur etiam valde nova in §. *quod vulgo,* ut scilicet tempus mortis pupilli non spectetur in pupillari testamento, id est, in substitutione pupillari, nec exquiratur, quanti eo tempore sit hereditas pupilli, contra *l. in quantitate, huius tit.* & multas alias, & ut heres nihil retineat ex legatis, ut Falcidiam: & tertium, ut aliquando heres plus habeat quarta, quæ per legem Falcidiam apud eum remanere debet, & hoc intelligetur fusius ex interpretatione §. *quod vulgo.*

#### Ad § quod vulgo. j.

C Quod vulgo dicitur, in tabulis patris & filij unam Falcidiam servari, quam potestatem habeat, videndum est. Quamvis enim substitutus, quæ à pupillo relicta sunt, cum filius heres extitit, ut æs alienum quodlibet debeat, tamen propter ea, quæ data sunt tabulis secundis, contributioni locus est. Secundum quæ poterit evenire, ne substitutus quicquam retineat, vel ut longe plus habeat quarta paterna hereditatis. Quid ergo si non sufficiat pupilli hereditas legatis, cum patris suffecisset? de suo quadrante nimirum dabit substitutus: quoniam pater legavit de suo. nec ad rem pertinet, quod ex illo testamento præstatur ultra vires patrimonij, cum hac in parte iuris legata, quæ tabulis secundis relinquuntur, quasi primis sub conditione relicta intelliguntur.

A It Papin. quod vulgo dicitur, seu quod regulariter dicitur, in tabulis patris & filij, id est, in testamento patris & filij impuberis, unam Falcidiam servari, id est, unam Falcidiam retineri, non duas, quam potestatem habeat videndum est, id est, quem sensum, quæ sit vis & potestas huius regulæ, siue, quæ sit mens regulæ: nam vis & potestas regulæ consistit in mente regulæ: quamvis enim substitutus, pupilli scilicet, id est, licet substitutus, quæ à pupillo relicta sunt, in tabulis pupilli scilicet, legata scilicet quæ in tabulis secundis pater scripsit, cum filius heres extitit, id est, postquam pupillus heres extitit, id est, post mortem patris, quia existit statim à morte, cum sit suus heres. postquam ergo heres extitit, & decessit vita, ut æs alienum quodlibet debeat, quasi si id substitutus deberet, veluti æs alienum debitum à pupillo, quia pupillus ea scilicet debebat, cui successit, tamen propterea, ratio diuersitatis, nihilominus tamen contributioni locus est, id est, confundenda sunt legata paterna cum pupillaribus, confunduntur & contribuuntur legata relicta primis tabulis & relicta secundis, id est, legata utriusque tabulis relicta confundenda sunt, secundum quæ poterit evenire, ne substitutus quicquam retineat, ex bonis paternis scilicet, nullam Falcidiam retineat: non dat exemplum, id est, ut nihil ex bonis paternis remaneat apud heredem, nullam Falcidiam, ne quadrantem quidem retineat. vel ut longe plus habeat, id est, ex bonis & hereditate patris, neque dat exemplum, quid ergo si non sufficiat, id est, si hereditas pupillaris sit minor legatis ab eo relictis, cum paterna sit idonea? De suo quadrante,



quadrante, quem retinuit ex bonis paternis, dabit substitutus, dabit legatariis scilicet, quoniam pater legauit de suo, non de re pupilli. nec ad rem pertinet, &c. ultra vires patrimonij, ultra dodrantem. cum in hac parte iuris, in hac specie. legata quæ tabulis secundis, à pupillo scilicet relinquuntur. secundæ tabulæ sunt filij, id est, substitutio pupillaris. quasi, id est, quodammodo primis. tabulæ patris sunt primæ & principales tabulæ. sub conditione relicta intelliguntur, id est, finguntur relicta primis sub conditione, si casus substitutionis extiterit. Quæstio ergo §. quod vulgo, est de contributione legatorum relictorum in testamento patris, & in testamento pupilli, nullius non trita commentationibus. Et proponit quidem initio Papinianus vulgarem regulam, in tabulis patris & filij unam Falcidiam seruari. In tabulis scilicet filij impuberis factis à patre: Nam puberi pater non facit tabulas, §. ult. Institut. de pupill. substitut. & unam Falcidiam seruari, id est, vnam retineri non duas, & semel legem Falcidiam admitti, non iterum. Et quærit Papinianus, quæ sit vis & potestas huius regulæ. Vis & potestas consistit in mente regulæ. Hoc igitur quærit, quæ sit mens regulæ. Et hanc esse ait, vt in vnum contribuantur & confundantur legata relicta primis tabulis, & legata relicta secundis, & ex vniuersis ita compositis vna seruetur heredi Falcidia, que l'on en fasse vne masse, & de la masse sera délaissée vne Falcidienne sur les biens du pere; si vtraque quantitas oneret, vel exhauriat hereditatem paternam quod nobis latius explicandum. Hoc enim est fundamentum totius materiæ, quæ nos occupauit fere per tres aut quatuor dies. Tabulæ patris sunt primæ & principales tabulæ, filij sunt secundæ: & secundæ tabulæ nihil aliud, quam substitutio pupillaris, quæ filio impuberi fit heredi instituto à patre, qui eum habet in potestate, in hunc casum, si heres extiterit, & ante pubertatem decesserit. Potest etiam fieri impuberi exheredato in hunc casum, si ante pubertatem decesserit. Sed in hoc paragrapho agitur tantum de ea substitutione pupillari, quæ fit heredi instituto. Duæ igitur sunt tabulæ, duo quodammodo testamenta: alterum patris, alterum filij, tanquam si ipse filius sibi testamentum fecisset, & vtrumque tamen fecit pater. duplex est testamentum, l. in duplicibus, hoc tit. l. i. §. i. tit. seq. Sed in ratione legis Falcidiæ & legatorum, & fere etiam, quod ad alia omnia attinet, duplex testamentum pro vno habetur: Nam & legata relicta tabulis, intelliguntur quodammodo sub conditione esse relicta, si substitutio locum habeat, si la substitution a lieu, primis tabulis, Et perinde atque si legata relicta secundis tabulis essent relicta primis tabulis, confunduntur & commiscetur his, quæ sunt legata primis, & ex vniuersa summa, de toute la masse, vna Falcidia detrahatur, quæ est mens & potestas superioris regulæ. Denique legata secundarum tabularum comparantur legatis primarum, & finguntur relicta primis, non secundis tabulis, vt ait in hoc §. & in d. l. in duplicibus. Atque ita substitutus in secundis tabulis comparatur instituto in primis, & mortuo pupillo intelligitur esse institutus, vt ait in §. seq. & l. qui fundum §. ult. hoc tit. Heres scilicet scriptus in secundis, videtur scriptus in primis sub conditione, si casus substitutionis extiterit, l. coheredi §. coheredes, de vulg. substitut. Ac proinde, qui primis tabulis scriptus, esset necessarius heres volens nolens, veluti filius familias testatoris, vel seruus, si sit scriptus secundis, erit etiam necessarius heres pupillo, quasi scriptus primis, qui tamen voluntarius esset heres, non necessarius, si ipse filius sibi testamentum fecisset, vel si secundæ tabulæ haberentur pro altero testamento, non pro parte paterni testamenti. Et eadem ratione fit, vt qui potest institui in testamento patris, veluti postumus suus, possit etiam substitui in testamento pupillari, quamuis pupillo is sit postumus alienus, non suus, & iure ciuili valeat institutio postumi sui, non postumi alieni, quæ omnia ostenduntur in l. Quæst. Papin.

2. §. prius, & l. sed si plures §. i. de vulg. subst. Ex quo planum fit, scripta secundis tabulis videri scripta primis, & valere quali scripta primis. & vt aliis quoque argumentis comprobemus, duplex testamentum pro vno haberi: In duplici testamento iure ciuili septem testes sufficiunt, & iure prætorio septem signa. Constat signa esse ex iure prætorio: numerum testium ex iure ciuili. Ergo duplex testamentum in vtroque iure pro vno habetur: Nam & septem signa sufficiunt, quibus scilicet signatæ sint tabulæ patris, nec exigitur, vt signatæ etiam sint tabulæ filij totidem testium signis, l. patris, de vulg. subst. l. vt bono, de bonor. poss. secund. tab. Si essent duo testamenta, vnum non sufficeret esse signatum. Ac præterea in tabulis patris & filij ordo scripturæ seruatur, qui solebat in vno testamento obseruari diligentissime, ita scilicet, vt semper testamentum inciperet à capite & fundamento, id est, ab institutione heredis, nec eam præiret quicquam, vt in §. ante heredis, Instit. de leg. Hic ordo seruatur in tabulis patris & filij, vt scilicet præcedant paternæ, sequantur pupillares, d. §. prius. qui non obseruaretur, si essent duo testamenta duorum, & constaret vnum absque altero. Atqui pupillare non consistit sine paterno. Non sunt igitur duo testamenta, aut non censentur esse in iure, sed vnum, quod est paternum testamentum: & pupillare, pars & sequela est paterni testamenti, l. penultima, quemadmodum test. aper. §. liberis, de pupill. substitut. Si est pars, vnum igitur testamentum est, quod constat parte principali, & parte secundaria. Si est sequela, sequitur ergo pupillare, præcedit paternum, quasi caput, seruato ordine legitimo atque solemnī. Proculiani duo faciebant testamenta: Sabiniani vnum, l. paterfamilias, de bon. auctor. ind. possid. Et horum opinio præualuit, receptaque est omnium iurisperitorum consensu. Vnum est igitur testamentum, licet duæ sint hereditates, & retro duæ sunt hereditates, licet vnum sit testamentum, nec quot sunt hereditates, tot testamenta sunt, quod mirum videtur, d. §. prius, & §. igitur, Instit. de pupill. substitut. Quod euenit etiam in milite, qui vno facto testamento alium facit heredem castrensem, alium paganorum. Nam & hic duæ sunt hereditates separatæ, l. si certarum, de milit. test. Et in proposito, duas esse hereditates, licet vnum sit testamentum, ex eo apparet, quod in venditione separantur, nec vendita hereditate patris, videtur vendita hereditas pupilli, l. 2. §. illud, de hered. vend. Et separantur etiam in bonorum possess. secundum tabulas quæ separatim datur bonorum patris, separatim bonorum pupilli, l. si ita scriptum §. ultimo, de bonorum possess. secund. tabulas. Idem etiam ex eo apparet, quod vtraque hereditas non commiscetur in ratione legis Falcidiæ, sed paterna hereditas secernitur à pupillari, & sola paterna hereditas spectatur & æstimatur, id est, bona, quæ habuit pater mortis tempore: non quæ post mortem patris filius acquisiuit vel deminuit, non bona, quæ pupillus habuit mortis suæ tempore, d. l. in duplicibus. Igitur quantitas hereditatis paternæ spectatur, quæ fuit moriente patre, non quantitas hereditatis pupillaris, quæ fuit moriente pupillo. Atque ita omnis æstimatio reuocatur ad ipsam hereditatem paternam, quod aperte ostenditur in d. l. in duplicibus. Non potest haberi ratio vtriusque hereditatis, non potest spectari vtraque, ne eadem bis in rationem deducatur, aut alia, quam quæ onerata est legatis. Cum igitur ratio habeatur alterutrum tantum, paternæ potius habenda est ratio, quæ est principalis, & quæ sola est onerata legatis, tam his, quæ à filio, quam his, quæ à substituto relicta sunt. Et hæc quidem de ratione hereditatis, vtra potius spectetur, ex quibus apparet aliam distinguī ab alia. Denique vnum esse testamentum, aliam atque aliam hereditatem.

Nunc tractemus de ratione legatorum & legata non



distinguiamus alia ab aliis: namque constat simul omnium legatorum rationem haberi, tam eorum, quæ relicta sunt à filio, quam eorum, quæ relicta sunt à substituto in secundis tabulis, perinde ac si relicta à substituto essent relicta à filio sub alia conditione, quam substitutionis, *d. l. in duplic. & l. non solum autem §. ult. de liber. leg.* Sic igitur quæso observemus in illis principiis, quæ si bene teneamus facile assequemur cætera nullo negotio, distinguimus hereditates inter se, quod sola paterna spectetur, id est, quantitas hereditatis paternæ, non pupillaris. & rursus legata tamen non distinguuntur ab aliis, & quod omisimus, spectari solam hereditatem paternam, etiam probat *l. si filius, qui patri, de vulg. substit.* in illo loco, *ut alias solet*, scilicet inspicitur hereditas paterna, quanquam in specie eius legis, *si filius*, ratio tantum habetur bonorum pupilli, non patris, qui vnus filius fuit institutus à patre, idemque substitutus fratri impuberi exheredato, non coheredi, & filius abstinuit se bonis patris, miscuit se bonis fratris mortui ante pubertatem. Igitur habet tantum bona fraterna, quæ spectare possit quia spreuit paterna. Hoc igitur casu, in legatis secundarum tabularum Falcidiam exercebit, pro modo facultatum pupilli, non pro modo facultatum patris, quibus se abstinuit; alioquin mortuo pupillo ante pubertatem, quem testamento heredem instituerat, si substitutus veniat ratio habetur facultatum patrum, non pupillarium, duæ hereditates constituuntur, & legata omnia commiscuntur, quibuscunque tabulis sint relicta. Nam & relicta secundis, videntur relicta primis à pupillo sub alia conditione quam substitutionis. Itaque filius ipse, si soluat legata à se relicta in primis tabulis, interponit cautionem prætoriam, & stipulatur hoc modo: *Quod amplius soluerit, quam debuerit per legem Falcidiam, aut quam debuisset postea compertum fuerit existente casu substitutionis, in qua relicta erant alia legata à substituto.* filius hanc interponit cautionem, si soluat legata à se relicta, ut ait in *§. seq. & l. i. §. interdum, l. is cui, & l. si is qui quadringenta, hoc tit.* Et stipulatio proficit committiturque substituto eius, si is moriatur ante pubertatem, quia existente casu substitutionis, simul habita ratione legatorum omnium, id est, in vnum facta, contributione omnium legatorum, fieri potest, ut omnia excedant dodrantem, & legi Falcidiæ locus sit. Falcidiam inducit contributio, quæ non induceretur, si separarentur legata. Falcidiam inducit confusio illa legatorum, *communis calculus*, ut dictum in *§. questum, infra.* aut communis ratio, seu communiter habita ratio legatorum vtriusque tabulis relictorum. Quid est contributio, de qua agimus? communiter habita ratio legatorum, vtriusque tabulis relictorum, & collata cum quantitate hereditatis paternæ, quæ fuit tempore mortis patris. Hæc est definitio contributionis, de qua tractamus, quæ in Basil. dicitur *ἀπόδοσις*, cum hac adnotatione, ut rectius dicatur *ἐπίδοσις*, quia legatis primarum tabularum accumulat legata secundarum. Sed & *ἀπόδοσις* sustineri potest, sine *μέωσις*, quo etiam verbo significant contributionem, quia contributio inducit Falcidiam, id est, deminutionem legatorum, quæ non induceretur, si separarentur. Et hanc separationem neque heres, neque legatarius inducere possit, contra sententiam defuncti, quæ cum ea omnia his vel illis tabulis ex suis bonis erogauerit, sane in vnum contribui voluit mortuo pupillo ante pubertatem, quo tempore demum legata in secundis tabulis relicta peti possunt; licet dies eorum iam ante cesserit viuo pupillo, *l. i. quand. dies leg.* Et quod dicitur, in duplicibus tabul. vnā Falcidiam seruari, hunc sensum habet, ut contributio & confusio, siue consummatio fiat legatorum omnium, & ex summa ipsa summarum, ut loquitur Plautus & Seneca, si excedant dodrantem, vnā Falcidia detrahatur vel suppleatur. Posset quis tentare contributionem non esse admittendam hoc argumento, quod

A etiam attingit Papinianus hoc loco, quia mortuo filio impubere, qui patri heres exitit, nec dum soluit legata à se relicta, ea substitutus eius debet ut æs alienum ex persona pupilli, non ut legata, quia pupillus ea debere cœpit antequam moreretur, *l. i. C. de bon. aut. iud.* Et non debet æs alienum confundi cum legatis, quis hoc nescit? Ergo substitutus ea soluere debet ut legata, quæ à se relicta sunt in secundis tabulis. Et consequenter ex eis solis deducenda est Falcidia, ex ære alieno non deducitur Falcidia. Intelligimus ex omni interpretatione huius §. tres esse differentias inter legata, & æs alienum. prima quod lex Falcidia minuat legata, non æs alienum, (*en matiere de debtes il faut tout payer*) Item quod obligatio æris alieni incipiat à defuncto, obligatio legatorum ab herede. Et postremo, quod æs alienum heres præstet ultra vires hereditatis, quando agnouit hereditatem, *l. si de bonis 10. C. de iure deliber.* Quia soluendo videtur esse hereditas omnis, quæ inuenit heredem, (*il faut qu'il paye du sien*) *l. libertus 36. de bon. libert.* Legata tamen non debentur ultra vires hereditatis, quod ostenditur etiam in hoc §. Verum ad rem: secundum id quod ostendi, legata primarum tabularum substitutus debet ut æs alienum pupilli, legata secundarum, & hæc vero sola, ut legata. Ergo hæc sola patiuntur Falcidiam, si sint immensa, & contributioni locus non est. Respondet Papinian. hoc modo; si nulla legata sint relicta à substituto, verissimum esse, substitutum legata à pupillo relicta in primis tabulis debere ut quodlibet æs alienum, sed si ut proposuimus, tam à substituto, quam à pupillo relicta sint legata, propter legata à substituto relicta, quæ confundi necesse est cum legatis relictis à pupillo, perinde ac si relicta essent ab ipso pupillo sub conditione, ut diximus ante, ea ratione legata primarum tabularum adnumerantur legatis, non, æri alieno, quia nec ea pupillus liquido debuit ante contributionem, ante communem calculum omnium legatorum. Idque cautio quam exposuimus ante, satis demonstrat, quæ præstatur heredi, cum soluit legata à se relicta, quo casu & soluta legata postea constat subici Falcidiæ, locum habente substitutione, commixtione facta aut confusione omnium legatorum, ex vniuersa summa vnā Falcidiam seruari. Itaque regulæ initio propositæ mens hæc non est, ut vnā Falcidia seruetur tantum ex legatis secundarum tabularum, & legata primarum integra præstentur, quasi æs alienum. Sed eius mens hæc est, ut vtriusque legatis compositis, & communi calculo subiectis, si sint ultra dodrantem, pro rata ex omnibus decedat & portio, quæ per legem Falcidiam efficiatur ex æstimatione bonorum, quæ pater habuit mortis suæ tempore. Et hoc est, quod his verbis significat Papinianus, *In tabulis patris & filij, &c.*

Intelleximus ex principio *§. quod vulgo*, illius regulæ vulgo confirmatæ, *in tabulis patris, & filij vnā Falcidiam seruari*, hanc esse sententiam, hanc mentem seu potestatem, contributionem & permixtionem fieri legatorum vtriusque tabul. relictorum, mortuo pupillo ante pubertatem, & pro modo eorum ex omnibus vnus Falcidiæ rationem habere substitutum, ad æstimationem bonorum, quæ tempore mortis reliquit pater. Et ita in *§. seq.* de eadem regulâ, aliud responderi, quam quod vulgo probatum est, id est, responderi contributionem non fieri legatorum. Vulgo etiam probatur contributionem fieri. Et hæc est mens regulæ vulgo comprobata, ut contributis omnibus legatis, Falcidia bonorum, quæ pater reliquerit, remaneat apud substitutum, residat apud substitutum: secundum quod euenit plerumque, ut substitutus, qui ex sua persona suo nomine, quasi institutus sine contributione non posset retinere Falcidiam, verbi gratia, si is qui quadringenta habuit in bonis, ab eo substituto legauit tantum ducenta, ut eam tamen Falcidiam retineat tanquam substitutus



nomine pupilli, facta contributione legatorum à se, & à A  
pupillo relictorum: ut puta, si pupillus ducenta, ipse toti-  
dem, id est, ducenta dare iussus est. Contributa enim &  
commista legata exhauriunt hereditatem paternam. Po-  
test autem euenire quemadmodum subiicit Papinianus  
in hoc §. ut is substitutus nihil retineat Falcidia nomine,  
veluti, si minor sit hereditas pupilli, quam fuerit paterna;  
& contra potest euenire, ut ex hereditate pupilli substitu-  
tus longe plus habeat, quam efficiat Falcidia hereditatis  
paternæ, si forte amplior & vberior fuerit hereditas pu-  
pilli. Et tractemus primum de eo casu, quo euenit, ut  
substitutus nihil retineat. Finge: pater, qui habuit qua-  
dringenta in bonis, à pupillo herede instituto legauit du-  
centa, à substituto eius centum. hereditas patris sufficit  
legatis, quia salui & illibati remanent centum aurei pro  
Falcidia, id est, pro quadrante hereditatis paternæ. At  
post mortem patris pupillus deminuit hereditatem pa-  
ternam in centum, vel quo alio casu diminuta ea est in  
centum, atque ita in hereditate pupilli inuenta sunt tre-  
centa tantum, cum ex hereditate patris perierint centum.  
Substitutus præstabit legata vtrisque tabulis relicta pro  
modo hereditatis paternæ, non pro modo hereditatis pu-  
pillaris. Præstabit igitur integra trecenta, sine deductio-  
ne Falcidiæ, quia patris hereditas sufficiebat legatis tem-  
pore mortis, quam solam intuemur semper, *l. qui fun-*  
*dum § qui filium, hoc tit.* Si intueremur hereditatem pu-  
pilli, quæ minor est, ex trecentis retineret Falcidiam, pu-  
ta septuaginta quinque, sed intuemur hereditatem pa-  
tris non pupilli, & pro modo hereditatis paternæ ratio-  
nem ponimus legatorum & Falcidiæ, perinde ac si nullæ  
extarent secundæ tab. nulla bona pupillaria, nulla alia  
quam paterna, & relicta secundis tabulis, essent relicta in  
primis. Est qui scripserit legata relicta secundis tab. solui  
de hereditate pupilli, quod nunquam admittendum est.  
Id manifesto pugnat cum hoc §. cum ait, *de suo nimirum*  
*quadrante dabit substitutus legata*, scilicet relicta secun-  
dis tabulis, non sufficiente hereditate pupilli. Et subi-  
cit; *quoniam pater legauit de suo, sic est scriptum Floren-*  
*tia, ac etiam Basil.* *ὁ δὲ πατὴρ ἐν τῷ ἰδίῳ εἰσὶν ἀρχαῖον:*  
*quoniam de suis bonis videtur pater legare.* si legauit de  
suo, & solui ea voluit de suo. Præstabuntur igitur & sol-  
uentur de bonis paternis, non de bonis pupilli. Et quod  
ait, *de suo quadrante dabit substitutus*, hoc est legata  
relicta secundis tabulis, substitutus implebit de qua-  
drante bonorum, quem saluum habebat tempore mor-  
tis patris, quo scilicet tempore, in bonis erant quadrin-  
genta, in legatis trecenta. Ac ita lege non excedebant  
modum legis Falcidiæ, sed post mortem patris perierunt  
centum. Ea substituto perierunt, non legatariis: Reliqua  
trecenta præstabit legatariis nihilo retento. Et ita euenit,  
ut substitutus perdat quadrantem, quem saluum habuit  
tempore mortis testatoris. nec ea res damnosa est sub-  
stituto, cum liberum ei fuerit non adire hereditatem pu-  
pilli, ut ait *l. in quantitate, hoc titulo*, quod congruit cum  
illa regula, *quod quis ex sua culpa damnum sentit, &c.*  
Ad quam commodè possis applicare verba illa *dist. l.*  
*in quantitate*, cur temere adiit hereditatem pupilli infru-  
ctuosam propter legata, ac forte detrimentosam propter  
onus æris alieni? Et hæc est sententia Papin. hoc §. E  
euidētissima. Cui tamen obiicitur, legata non præsta-  
ri ultra vires hereditatis, ex nullo testamento præstari  
ultra vires patrimonij, id est, ne ex testamento quidem  
militis, ex quo tamen præstantur legata ultra dodran-  
tem, quia *l. Falc.* cessat in militari testamento, sed non  
præstantur ultra assem, *l. 1. §. denique, ad Trebell.* Sa-  
ne ita est, ex nullo testamento plus legatorum nomine  
præstari, quam quantitas est hereditatis, neque ex testa-  
mento militis, in quo tamen cessat Falcidia, neque  
ex testamento pagani, in quo Falcidia locum habet,  
& vires hereditatis, pro quibus legata præstari opor-  
tet, æstimantur deducta Falcidia. in testamento mili-  
tis vires hereditatis assentuntur asse. in pagani testamen-

to dodrante assis. Et ita perspicue §. seq. *ultra vires*  
*portionis*, id est, ultra dodrantem. Atqui in proposi-  
to casu, ut diximus, heres præstat legata de suo qua-  
drante, cum eum non retineat. Ergo ea præstatio ultra  
vires hereditatis, ultra dodrantem est. Hæc igitur vi-  
dentur inter se pugnare. Verum huic argumento res-  
pondeo hoc modo: ex sententia Papiniani aliud esse  
heredem præstare legata de suis bonis, aliud de suo qua-  
drante. De suo quadrante præstat sæpe, ut in multis  
casibus, quibus Falcidia locum non habet, si militare  
testamentum sit, ut dixi, si coactus adierit, *l. quia poterat,*  
*ad Trebell.* quo casu restituitur integrum fideicommis-  
sum, nec utitur beneficio Falcidiæ: vel si id egerit, ut  
legata aut fideicommissa intereiderent, vel si incapaci  
rogatus est restituere, & precibus fidentiam accom-  
modauerit, *l. beneficio, h. r.* & hodie ex Nou. 1. Iustiniani si  
testator prohibuerit Falcidiam. Heres igitur de suo  
quadrante præstat sæpe legatum vel fideicommissum: de  
suis bonis, nunquam, quod sciam, nisi ex constit. Iusti-  
niani vno casu, si omiserit inuentarium, quo casu & de  
suo quadrante, & eo amplius, de suis bonis explet legata,  
*l. ult. C. de iure delib. & Nou. 1.* In proposito igitur, si in  
bonis paternis fuerint quadringenta, in legatis, trecenta, &  
perierint centum post mortem testatoris sine culpa here-  
dis aut substituti, substitutus nihil retinebit quadrantis  
nomine, & præstabit legatariis trecenta integra. qui non  
retinet Falcidiam, qui non retinet quadrantem, dat de suo  
quadrante. Sed si perierint centum quinquaginta, non  
præstabit legatariis nisi ducenta quinquaginta. si perie-  
rint ducenta, non nisi ducenta reliqua. si omnis hereditas  
patris perierit, nihil præstabit. Nam eo quod acceperit  
amplius, æquum non est heredem præstare legata, *l. 1. §.*  
*Marcellus, tit. seq.* Et ita in *l. in quantitate, h. r.* cum dicitur  
damnum quod contingit post mortem testatoris pertinere  
ad heredem: ut puta si reliquerit testator centum mortis  
tempore, & legauerit septuaginta quinque, ita ut super sit  
heredi salua Falcidia, & post mortem eius in tantum de-  
creuerit hereditas, ut super sint tantum septuaginta quin-  
que: solida septuaginta quinque præstabit legatariis, imo  
et si in tantum decreuit hereditas, ut relinquatur minus  
quam septuaginta quinque, solida legata præstabit, id est,  
sine deductione vlla Falcidiæ, sicut in h. tit. sæpissime di-  
cuntur, *plena, integra, solida præstari legata*, quibus nihil de-  
cedit nomine Falcidiæ. Ergo dum ait, eum solida legata  
præstare illo casu, quo relinquatur minus, quam septua-  
genta quinque, id sic est accipiendum, ut rectissime notat  
Accurs. ut præstet de suo quadrante, non etiam de suo pro-  
prio patrimonio: ut præstet solida, quantum quadrans fa-  
cere poterit, qui apud eum remansisset, si non decreuisset  
hereditas post mortem testatoris. Atque ideo Pap. recte,  
*de suo quadrante dixit*, non *de suo*, simpliciter, sed adiecit  
*quadrante*. Et faciunt imprudenter, qui mouent verbum  
*quadrante*, quod retinuerunt etiam Basil. Latine dicitur,  
*de suo triente*. Nam in Oriente, ubi valebant Basil. in qui-  
bus ita est ex *τὸ διὰ τὴν τριῆτην*, Falcidia quæ erat olim quadrans,  
uersa fuerat in trientem producta Nou. Iust. *de triente &*  
*semisse*, etiam ad extraneos heredes. Locus igitur hic ele-  
gans est, ut heres vel primus vel secundus obligetur lega-  
tariis, & præstet legata sæpe de suo quadrante, non etiā de  
suo, ne amplius præstet, quam reliquerit testator mortis  
tempore. Verum enīuero & cum heres, ut in proposito  
casu, præstat legata de suo quadrante, si quis argumente-  
tur, ut supra, & dicat, debet igitur præstare ultra vires he-  
reditatis paternæ. hoc negabo, quia hereditas patris mor-  
tis tēpore sufficiebat legatis. pupilli quidē hereditas ino-  
riente pupillo non sufficiebat, sed solam hereditatem pa-  
tris spectamus, ex qua etiā legata vtrisque tabulis relicta  
erogari oportet. Nam & legata relicta in secundis tabulis,  
quodammodo videntur relicta in primis sub conditione,  
quia moram eis iniicit substitutionis casus, *l. in duplici, h.*  
*tit.* Et perinde res est, ac si à pupillo ipso sub conditione  
legasset centum, quæ ab eius substituto legauit. Quod si



ne casu, damno incidente post mortem patris in centum, pupillus existente conditione præstaret trecenta, non deducta Falcidia. Nec recte diceretur præstare ultra vires hereditatis paternæ, cum tempore mortis legatis præstandis idonea fuerit hereditas, ac proinde deminutio illa aut damnum illud, deminutio est vel potius consumptio Falcidiæ, non deminutio legatorum. nemo est, qui non intelligat hunc priorem casum, quo euenit, vt substitutus non retineat quadrantem, vt damnum faciat quadrantis. Alter casus, quo euenit, vt longe plus habeat quarta paternæ hereditatis, hic est. Finge: pater qui quadringenta habuit in bonis, legauit à pupillo ducenta, & à substituto totidem ducenta; hereditas patris non sufficit legatis salua Falcidia. post mortem patris pupillus centum adquisiuit, adeo vt moriente pupillo fuerit in bonis pupilli quingenta: substitutus mortuo pupillo, non tantum retinebit quartam bonorum paternorum, puta centum, sed etiam alia centum, quæ pupillus post mortem patris adquisiuit, vel etiam mille, si adquisierit pupillus: atque ita longe plus habebit quarta paternæ hereditatis. Nam & augmentum, quod accessit, præter eam quartam habebit. Vnde notandum est, non eandem esse omnino rationem damni & lucri. Damnum heres facit quadrantis tantum, deminutio hereditate patris post mortem eius. Lucrum autem facit supra quadrantem etiam immensum ex bonis post mortem patris, à pupillo aliunde adquisitis, vt l. 1. o. b. t. & l. 14. §. ult. & l. qui duos impuberes, de vulg. subst. Prior ille casus, quo heres nihil retinet, exponitur à Papiniano in illo loco; *Quid ergo si non sufficiat hereditas, &c.* hic posterior casus non exponitur à Papin. quia potest facile intelligi ex contrario.

#### Ad §. si filio.

*Si filio suo duos substituerit, & alterius portionem onerauerit, tractari solet, an ex persona sua Falcidiam possit inducere substitutus, quam pupillus non haberet, vel vnus pupilli substitutus. Et facile quis dixerit consequenter prioribus, quæ de patrimonij ratione dicta sunt, non esse Falcidia locum, & ultra vires portionis conueniendum alterum substitutum. Sed verior est diuersa sententia, perinde huic quartam relinquentiam existimantium, atque ita si patri heres extitisset. Vt enim opes patris & contributio legatorum inde capiunt & formam & originem: ita plures substituti subducta persona pupilli, reuocandi sunt ad intellectum institutionis. Quid tamen dicemus de altero substituto, qui non est oneratus si forte nondum legata pupillus à se relicta soluit, & aliquid ultra dodrantem sit: in omnibus & ipsum Falcidiam habiturum? Atquin quartam habet, neque idem patitur instituti comparatio. Rursus si negemus, aliud aperte quam quod vulgo probatum est, respondetur. itaque varietas existet, vt is quidem qui proprio nomine oneratus est, velut institutus desideret quartam: alter autem qui non est oneratus, vt substitutus, licet portio largiatur eius non in solidum conueniatur propter calculi confusionem. Huic consequens est, vt si pupillo de Falcidia cautum fuit, duobus committatur stipulatio: videlicet in eam quantitate quam vnusquisque sibi retinere potuisset.*

**T**Ractauimus de vno substituto pupilli, qui etsi tanquam institutus suo nomine Falcidiam inducere non posset, quod ab eo legata non sint relicta ultra dodrantem, tamen propter contributionem legatorum à pupillo relictorum, nomine pupilli tanquam substitutus Falcidiam inducit: puta si coniuncta simul legata vtrisque tabulis relicta dodrantem excedant & quandoque nullo modo inducit Falcidiam, quandoque plus Falcidia consequitur. Hoc intelleximus ex §. quod vulgo, nunc in hoc §. si filio, tractabimus de duobus substitutis pupilli, quorum alter Falcidiam inducit suo nomine sine contributione tanquam institutus, alter ex contributione nomine pupilli tanquam substitutus. Et species hæc

**A** est: Pater qui quadringenta reliquit in bonis, filium impuberem ex asse heredem instituit, & ei duos substitutos dedit, Primum & Secundum, à filio legauit centum, à Primo ducenta, à Secundo centum quinquaginta. pupillo mortuo ante pubertatem, atque ita locum habente substitutione, ex hereditate pupilli ad singulos substitutos peruenient ducenta. Primi portio onerata est, quia quot aureos capit ex hereditate pupilli, capit autem ducentos, tot dare iussus est legatariis. Exhausta igitur est Primi portio potius quam onerata, sed & quæ exhausta est, onerata est, non contra. Possit esse onerata, & non exhausta. *Exhauritur hereditas*, si legata assem absument: *oneratur*, si legata excedant dodrantem, nec assem consumant: *delibatur*, si non excedant dodrantem, & lege Falcidia hereditatis delibari potest, non exhauriri, non onerari legatis. Et definitio illa legati; *legatum est delibatio hereditatis*, est secundum legem Falcidiam; delibatio non exhaustio. Primi igitur portio exhausta est. Secundi autem portio onerata non est, cum saluam habeat quartam portionis suæ, nempe quinquaginta, quia centum quinquaginta dare iussus est, & ad eum pertinent ducenta ex hereditate pupilli. Queritur primum in hoc §. an Primus, qui oneratus est ex sua persona, proprio nomine Falcidia vti possit, quod portio eius sit exhausta. non posset pupillus ipse, si essent ab eo legata ducenta, quia legato sufficeret hereditas. non posset etiam Primus ipse, si solus substitutus esset, eadem ratione, quia legatis sufficeret hereditas paternæ, cum etsi Primo adiectus sit alius substitutus, habita ratione totius assis, inspecto vniuerso patrimonio testatoris, cuius diximus semper habendam esse rationem, legata, quæ Primus debet, non excedunt dodrantem. Ergo Falcidia vti non potest, & conuenietur ultra vires portionis suæ, id est, præstabit integra ducenta, quæ ex hereditate pupilli ad eum peruenerunt. Et ita videtur prima specie. Sed non probat hanc sententiam Pap. nam verius esse ait, vt Primus Falcidia vtatur, qui oneratus est hereditate, habita ratione portionis suæ, non totius assis, quia duo substituti, subducta persona pupilli, id est, pupillo remoto, è medio sublato, non extante, licet pupillo heredes existant, reuocantur, inquit, ad intellectum institutionis, id est, intelliguntur esse instituti primis tabulis (id est, perinde est ac si instituti, non substituti essent). Quod & de vno substituto dicitur, qui oneratus est legatis ex sua persona, l. coheredi §. coheres, de vulg. subst. l. qui fundum §. ult. b. t. Illi igitur duo substituti intelliguntur esse instituti primis tabul. mortuo pupillo, & cum sint duo instituti, constat in singulis institutis poni rationem leg. Falcidiæ separatim, l. in singulis, id est, l. o. b. t. §. & cum quaestum, Inst. eod. Et hoc est quod dicitur, *legatorum rationem esse separandam, §. quaestum seq.* Quod videtur pugnare cum §. quod vulgo, in quo dicitur, *legatorum rationem esse confundendam.* Sed facile est rem dirimere. Confunditur ratio legatorum, si vnus sit institutus vel substitutus, & totius assis habetur ratio. Separatur, si duo vel plures sint instituti vel substituti, quia & portiones hereditariæ separantur quasi duo asses. Duo igitur instituti secundis tab. comparantur duob. institutis in primis, & sicut instituti separatim detrahunt Falcidiam singuli suæ portionis, ita & substituti singuli. Et sic etiam, inquit Pap. in hoc §. elegantissime, si intelligatur, *opes patris, & contributio legatorum, inde capiunt, &c.* Inde, id est, ex primis tabulis, vt duo substituti videantur instituti primis tabulis. Sic etiam opes patris, & contributio legatorum ex primis tabulis capiunt & formam & originem, omnib. reuocatis ad primas tabulas. *Opes patris*, id est, facultates paternæ, bona patris formam capiunt ex primis tabulis, formam, quæ aduenit bonis statim atque existunt. Omnis enim forma materiæ aduenit in ipsa generatione statim, vt Philosophi aiunt. Forma, inquam, quæ aduenit bonis, statim ac existunt, nihil aliud est, quam pretium & æstimatio bonorum. Hæc enim sola id agit, vt bona sint aliquid, quæ vis est formæ;



& bona paterna ex ea tantum forma censentur, quæ hæret bonis eo tempore, quo primæ tabulæ valere incipiunt, id est, tempore mortis patris, ut intelleximus ex tractatu §. *quod vulgo*. & est fufum per hunc titulum omne ius paternæ hereditatis. & contributio legatorum. Nunc de bonis patris vtrisque tabulis relictis, originem & causam capit ex primis tabulis: Nam quæ relictæ in secundis tabulis, intelliguntur esse relictæ in primis, & omnibus contributis atque permixtis pro modo eorum, ex omnibus l. Falcid. habetur ratio. Et hac denique comparatione Papinian. vtitur: sicut legata relictæ secundis tabulis ideo contribuuntur, quod videantur relictæ etiam ipsa in primis tabulis: & sicut patrimonium id duntaxat spectatur, quod versatur in primis tabulis: videntur etiam ita substituti secundis tabul. instituti in primis sublato pupillo. Igitur in proposita specie, Primus qui oneratus est suo nomine, ut institutus Falcidiam inducet, & cum ex hereditate pupilli ad eum pertineant ducenta, & legatorum nomine totidem debeat, quæ dare iussus est, & debeat etiam quinquaginta ex centum, quæ à pupillo sunt relictæ; primum detrahentur quinquaginta, quæ sunt extra quantitatem bonorum paternorum, extra quantitatem portionis Primi, ut dicitur in §. *ult. Inst. eod. tit. l. i. §. Marcellus*, tit. seq. deinde ut institutus suo nomine, quartam retinebit ex ducentis. Plerisque videbantur hæc verba Papiniani, ut etiam opes, &c. non verba esse, sed *salutem* suæ portenta, sed sunt facilia, si adhibueris hanc interpretationem, quæ utique ferunt verba, nec vlla est causa mutandi aut traiciendi ea. Et hæc quidem de Primo, qui oneratus fuit, & ait, *si filio*, &c. Nunc videamus quid sit dicendum de Secundo, qui oneratus non est, an utetur Falcidia? Et cum ad eum, à quo erant tantum legata centum quinquaginta, ex hereditate pupilli pertineant ducenta, & centum quinquaginta dare iussus sit, quia saluam Falcidiam habet suæ portionis, nempe quinquaginta: sane ex sua persona Secundus, ut institutus Falcidiam inducere non potest, sicut heres ex semisse institutus primis tabulis à quo essent legata centum quinquaginta, Falcidiam non induceret. Igitur instituti comparatio non patitur, ut Secundus Falcidiam inducat, quia nec institutus eam induceret, in simili casu. Et hoc est quod ait, *atquin quartam habet*, &c. ut scilicet inducat Falcidiam eique imputet, qui habet Falcidiam. Sed si nondum solutis legatis pupillus decesserit, quia ex persona pupilli Secundus debet quinquaginta, cum à pupillo legata essent centum, ex sua autem persona, centum quinquaginta, facta contributione legatorum, cui locum esse negare non possumus, quia vetat regula §. *quod vulgo*, & ut ait, *si negemus*, Secundum scilicet Falcidiam habiturum, *negemus aperte, quod vulgo probatum est*, negemus contributionem fieri. Placet igitur Secundum facta contributione omnium legatorum, in omnibus posse habere rationem legis Falcidiæ, non ut institutum iam, cum eius portio sufficiat legatis, sed ut substitutum. Ergo non semper substitutus comparatur instituto, non utique hoc casu ubi ex sua persona suo nomine substitutus oneratus non est, sed ex persona pupilli tantum propter contributionem legatorum. ubi suo nomine oneratus est, etiam si fiat contributio, instituto comparatur, d. §. *coheres*, & d. l. *qui fundum* §. *ult.* Atque ita specie proposita, ut eleganter concludit, varietas existit & differentia magna inter Primum & Secundum. Nam Primus, qui suo nomine oneratus est, non pupilli, ut institutus detrahit Falcidiam suæ portionis. Secundus autem, qui nomine pupilli oneratus est, ex persona pupilli, non ex sua, detrahit Falcidiam ut substitutus, propter confusionem calculi, propter contributionem legatorum vtrisque tabulis relictorum. Denique in Secundo Falcidiam inducit contributio. In Primo Falcidiam separata propriaque ratio. Et hinc fieri subiicit, ut si legata à se relictæ pupillus soluerit uti oportet exacta cautione, quod amplius soluerit reddi: existente casu substitutionis stipulatio committatur vtrique substituto, quia vtrique substituto competit beneficium le-

Quæst. Papin.

gis Falcidiæ, alteri sine contributione, alteri ex contributione, l. i. §. i. tit. seq. Hanc stipulationem interpositam à pupillo posse committi heredi pupilli, si heredi, & heredibus quoque, quicumque possunt inducere Falcidiam. Et hoc est quod deinde ait, *quid tamen dicemus de altero substituto*, &c. In omnibus legatis, addito (contributis) licet portio largiatur eius, id est, non si onerata, sed sufficiat. Sed quia dicit in vltima parte, stipulationem interpositam à pupillo in proposita specie, posse committi vtrique substituto, quod vterque uti possit Falcidia, alter tanquā institutus, alter tanquam substitutus, non tamen vterque eodem modo, quod confirmari etiam ex l. i. §. i. tit. seq. ut & eius l. i. §. *Marcellus*, exponamus quod in hac materia afferri solet. Obseruandum est ex eo §. hanc stipulationem, quod amplius soluerit reddi, nonnunquam interponi ab heredibus pupilli, veluti substitutis, non ab ipso pupillo. Et quod mirum est, ab his etiam substitutis, à quibus nihil legatum est, ut in hac specie: Pater qui quadringenta habet in bonis, pupillum heredem instituit, & ei substituit Primum & Secundum: à pupillo, & à Secundo nihil legauit, à Primo legauit trecenta, ad quem tamen non sunt peruentura nisi ducenta ex hereditate pupilli, deminuta scilicet hereditate paterna. Ergo à Primo tantum legauit & quidem trecenta, & forte dubium est, an interueniat Falcidia, id est, an solida debeantur legata, quia ratio æris alieni, quod pater contraxisse dicitur, nondum est certa. Et in ponenda ratione legis Falcidiæ utique semper ante omnia deducitur æs alienum, & id tantum quod superest intelligitur esse in bonis, aut fuisse mortis tempore. Et ita etiam nominatim fuit expressum l. Falc. & Senatusconf. Pegasiano, l. *successores*, C. ad l. Falc. Et interim causa bonorum & æris alieni nondum explorata atque cognita, Primus cogitur soluere ducenta, non trecenta, quia centum sunt extra quantitatem bonorum, extra quantitatem portionis suæ, & nemo plus portione sua legatariis cogitur præstare, ut est in d. §. *Marcellus*. Interim igitur Primus cogetur soluere non trecenta, quæ ab eo legata sunt, quia centum sunt extra quantitatem bonorum, extra quantitatem portionis suæ, sed ducenta integra, interposita, scilicet cautione, quod amplius soluerit reddi, quam interponi etiam Secundo, licet ab eo nihil legatum sit, oportet: quia cum & Secundus æri alieno defuncti obligetur, fieri potest, ut ducenta, quæ soluit Primus ante causæ cognitionem, causa cognita postea, & emergente ære alieno, non debeantur legatariis, aut appareat non fuisse debita legatariis: & ideo ab utroque substituto repeti debeant, æris alieni soluendi gratia, cui vterque est obstrictus pro portione hereditaria. atque ita euenit, ut cautio interponatur etiam ei, qui nihil præstat legati nomine, & à quo nihil legatum est. Et hoc tantum proponitur in d. §. *Marcellus*.

#### Ad §. quæsitum 7.

Quæsitum est, si quis pupillo coheredem substituisse: quem admodum legis Falcidiæ ratio inquiri debeat; & quale est, quod vulgo diceretur, legatorum rationem separandam. dixi, quantum ad legata, quæ pater à filio, item à substituto reliquit, nullam fieri posse separationem: cum communi calculo subiiciantur, & inuicem inducant contributionem. Sed legata quæ ab instituto extero data sunt permisceri ceteris non oportere, ideoque quartam pupillo data portionis habere substitutum, quamuis suam portionem habeat, ut institutus. Et aliam causam esse eius, qui ex variis portionibus heres scriberetur: ibi enim legatorum confundi rationem, non minus quam si semel fuisset nuncupatus ex ea portione, quæ conficeretur ex pluribus: neque referre pure sepe, an sub diuersis conditionibus sit heres institutus.

IN §. *quod vulgo*, & in §. *si filio*, tractatum est, de legatis relictis à pupillo, & à substituto, vel eius substitutis. In



§. *quasitum* tractatur de legatis relictis à pupillo, & à coheredibus eius, extraneo eodemque substituto. Incipiam à regula, quam habuimus anteriori §. in singulis heredibus institutis vel substitutis separatim poni rationem legis Falcidiae, separari rationes, separari legata, secundum quæ euenit, ut si duo sint coheredes, Primus & Secundus, & Primi portio onerata sit, Primus ex sua persona Falcidiam inducat, & detrahat quadrantem portionis suæ, tametsi habeat Secundus coheres eius integrum quadrantem totius assis, vel etiam amplius. Nec quicquam interest, uterque sit institutus pure, an sub conditione, an alter pure, alter sub conditione: quoniam semper inter coheredes fiet separatio partium in ponenda ratione legis Falc. & separatio legatorum à singulis nominatim relictorum, §. *Et cum quasitum esset, Instit. de lege Falcidia*. Nec legata quæ relinquuntur generaliter, veluti, *quisquis mihi heres erit, Titio centum dato*, utrumque heredem tenent, nec in causam separationis veniunt, l. *ab omnibus, de leg. 1. l. 1. §. id quod ex subst. hoc tit.* Coheredes autem sunt non tantum hi, qui sunt scripti iisdem tabulis, sed hi, quorum alter scriptus est primis tabulis ut institutus, alter secundis ut substitutus. Institutus & substitutus coheredes sunt sane, licet sint scripti diuersis tabulis, alter in primis, alter in secundis, sicut collegatarii sunt, quorum vni res legatur in primis tabul. & alteri eadem in secundis, l. *plane §. si conuinctim, de leg. 1.* Et ita coheres pupilli & alius substitutus pupilli coheredes sunt, quasi vnus sit scriptus pure, alter sub conditione. Coheres pupilli tam substituto pupilli coheres est, quam ipsi pupillo, si existat substitutioni locus. Ideoque in legatis à se, & à pupillo relictis, quæ confundi constat, substitutus recte inducit Falcidiam, etiamsi coheres pupillo datus obtineat quadrantem integrum hereditatis paternæ. Et hæc est sententia legis *coheredi §. coheredes, de vulg. substit.* In posteriori parte, quæ incipit ab his verbis, *non idem seruabitur*. prior infra explicabitur. Aliquando igitur ratio legatorum separatur, aliquando confunditur. Et vtrique regula vera est suis casibus, legatorum rationem separari, legatorum rationem confundi. Prior vera est in duobus coheredibus; posterior in vno coherede. ut si quis instituatur ex duabus vel pluribus partibus, hic confundit partes, & legata earum partium, etiamsi altera pars ei sit adscripta pure, altera sub conditione: quia perinde est, ac si semel heres institutus fuisset ex ea portione, quæ conficeretur ex pluribus, l. *quidam, C. de iure delib.* Et in vltima parte huius §. cum ait, *et aliam causam, &c.* Finge, Titium heredem institutum ex sextante pure, ex triente sub conditione, & ab vnaquaque portione iussu dare aliquid. hic pro eo habetur, ac si semel institutus fuisset ex semisse, nec scindere eum semissem potest, & separare sextantem à triente, nec separare legata à se relictæ ex sextante, & ea etiam legata à se relictæ ex triente, sed simul in omnibus rationem legis Falcidiae componere debet. Eo quoque fit, ut si idem sit coheres & substitutus, coheredi componat & contribuatur legata à se relictæ in institutione, & legata à se relictæ in substitutione, si pars coheredis integra non onerata ad eum reciderit ex substitutione vulgari vel pupillari. nec refert, quia, & hic coheres idemque substitutus coheredis, videtur institutus esse ex parte pure, ex parte sub conditione. Ergo ex assis. Confundere igitur debet partes partiumque legata. Et hoc ita esse in substitutione vulgari, & in pupillari probat lex *qui fundum §. qui filium, h. t.* & in substitutione pupillari, l. *coheredi §. coheres, in priori parte*. Atque ita tenemus totum eum §. Idemque in substitutione vulgari esse probat lex *1. §. id quod ex subst. h. tit.* Igitur si ex parte integra, quæ ad eum recidit ex substitutione, quadrantem hereditatis sibi seruare possit, non utitur beneficio l. Falcidiae in parte ei adscripta pure, tametsi onerata sit vel exhausta. Pars integra, quæ accedit onerata, replet partem oneratam, & cessat Falcidia, si pars, quæ accedit Falcidiae, sufficiat, quamuis ea pars, cui accedit, non suffe-

acerit Falcidiae. Verum notandum est, non idem esse è contrario, si pars coheredis onerata, ex substitutione vulgari vel pupillari perueniat ad coheredem, qui oneratus non est, cuius pars est integra: hoc enim casu partium & legatorum separatim habetur ratio. Atque ita fit ut etiam in vno herede, quasi sustineat vicem duorum, prior regula seruetur, & ex parte onerata, quæ accedit, detrahatur Falcidia, perinde atque si pertineret ad eum coheredem; à quo ex substitutione ea pars obuenit alteri, licet coheres, cui obuenit ex sua institutione, saluum quadrantem hereditatis obtineat. Quod ita de substitutione pupillari est scriptum in *d. l. qui fundum §. qui filium*. atque etiam in hoc §. *quasitum*. Nam ut eius sententiam exponamus breuiter: si pupillo extraneus quidam datus sit coheres & substitutus, is coheres & substitutus confundit quidem legata à se in substitutione relictæ, & legata à pupillo relictæ. At retro è contrario, hæc legata ita confusa non confundit cum legatis à se in institutione relictis, & ex his, quæ sunt à pupillo, & à se relictæ in substitutione, Falcidiam detrahit, etiamsi ex sua institutione habeat quadrantem integrum hereditatis paternæ. Atque ita fit, ut portione onerata accedente portioni integræ, non fiat confusio vel contributio, sed ponatur Falcidia separatim. Et hoc est quod ait in hoc §. *legatorum rationem &c.* id est, in singulis heredibus, ponendam ab instituto qui est extraneus. Hoc in substitutione pupillari. Et idem etiam de vulgari substitutione est scriptum in *l. 1. §. id quod ex subst. hoc tit.* in posteriori parte. Priorem partem eius §. iam exposui ante. Posterioris hæc est sententia: Si ab eo coherede, inquit, cui est facta substitutio vulgari, legata sint relictæ quæ exhaustant eius partem, ac proinde omiserit partem suam, eaque peruenierit ad coheredem iure substitutionis vulgari, cuius quidem portio est, integra legata ab eo relictæ qui omisit partem suam, non augentur, id est, in eis inducitur Falcidia, seu minuantur Falcidiae interuentu. Atque ita pars onerata vel exhausta, quæ iure substitutionis accedit parti integræ, non repletur per partem integram, cui accedit. Et ex his, quæ disputavi & demonstraui, orta est hæc definitio Doctorum: *si pars non grauata, quam appello integram, accedat grauata, contributioni locus est. si pars grauata accedat non grauata, contributioni locus non est.* quæ definitio verissima est, non tantum si iure substitutionis accedat, vel vulgari vel pupillari, sed et si accedat iure accrescendi, l. *quod si alterutro, h. t.* In qua lege maxime velim observare vos, Iurisconsultum à rebus singulis ad res vniuersas, à legatis ad portiones hereditarias progredi & argumentari hoc modo: *si legata integra singularum rerum, quæ deficiunt & remanent apud heredem, replent portionem heredis oneratam*, quod est certum, l. *id autem, l. 51. §. 2. hoc tit.* & portio hereditatis integra, quæ deficit & accrescit coheredi, auget portionem coheredis, quæ non est integra. contra vero portio onerata quæ deficit & accrescit integræ, non repletur per integram, non augetur per integram. Idemque licet confirmare ex *l. §. Titio & Maio, de leg. 2.* ac etiam ex *l. 1. §. si coheredis, hoc tit.* In quo obseruandum est, fuisse hac in re dissidium inter veteres iuris auctores: Nam Cassiani, parte coheredis onerata ad crescentem integræ, existimabant confundendas esse partes: Proculianis aliud iudicium erat: Namque aiebant, separandas esse partes, quæ est verior opinio. Et Iulianus ipse in hac specie, quamuis fuerit Cassianus, assensit Proculianis: quo magis probatur Proculianorum opinio esse verior quæ confirmatur ab ipso aduersario. Et Paulus quoque in *d. §. si coheredis*, sequitur hanc Proculianorum opinionem: atque Iulianus, qui ea in re discedit à sua familia, ait, sibi videri probabiliorē: licet, ut idem Paulus refert, Imperator Antoninus, dicatur aliquando iudicasse pro Cassianis. Sed Paulus sæpe improbat decreta Principum, l. *Æmylius, de minor.* nec decreta Principum ius faciunt, nisi quæ inualuerunt: nam quod cognoscens decernit Princeps, scio esse legem, sed cum hoc modo, si inualuerit. Et ita possis te expedire illo §. *si coheredis*. Si tibi nimia



religio est addenda negationis (qua de re observatio iv. c. xxxv.) potes & concludere hoc modo; veram esse definitionem Doctorum indistincte, ut accedens integra portio onerata repleat oneratam: accedens autem onerata integra, non repleatur, siue iure substitutionis accedat, siue iure accrescendi. Et ratio differentia hæc est: quia non potest eadem portio locum principalis, & locum accessionis obtinere. quæ accedit portio, accessio est. ea cui accedit, portio est principalis: pars deficiens accedit parti agnitæ, id est, non omisæ, non agnita, deficiente, & accessionis est replere principalem, non principalis replere accessionem. accessionis est augere, non augeri. Igitur non præbo eorum opinionem, qui hac in re differentiam faciunt inter ius substitutionis, & ius accrescendi: & in iure accrescendi, veram esse existimant definitionem illam iuris, quam Doctores tradiderunt, non viquequaque veram esse, in iure substitutionis. Subiungitur etiam hæc differentia posteriori parte §. *id quod ex substitutione*, quam exposui ante. Vtraque enim pars huius §. est de substitutione. Sed ut effugiant illam posteriorem partem, quæ hanc differentiam impugnat, non ex animi sententia, ut puto, eam interpretantur de iure accrescendi, ac ita efficiunt, ut de iure accrescendi quidem mox repetatur exposita sententia Cass. & Procul. §. *si coheredis*, qui sequitur. §. *id quod*, de eodem iure accrescendi accipiunt, & superfluum reddunt §. *si coheredis*. Hanc vero mentem eorum falsam esse prodit rerum ordo, quæ tractantur in d. §. *id quod*, & §. *si coheredis*, qui sequitur, & §. *coheredem*, qui & mox subsequitur. Primum enim in §. *id quod*, agitur de iure substitutionis, & ostenditur, si eo iure portio integra accesserit onerata, confundi partes, contra si onerata accesserit integræ, separari partes. Mox in §. *si coheredis*, agitur de iure accrescendi, idemque iuris esse constituitur in iure accrescendi, ut distinguamus, accrescat portio integra onerata, an onerata integræ. Et licet etiam idem constituere in iure hereditatis, vel dominicæ vel paternæ, ut l. *si pupillus* §. *si ego*, & l. *maritum*, in prin. hoc t. Ac post eadem serie, & quasi filo eodem in §. *si coheredem*, statim agitur de iure adrogationis, quoties pars coheredis meæ parti accedit per adrogationem, quod eum adrogem in locum filij: nam adrogatio coheredis omnia bona coheredis meæ subiicit potestati. Agitur & in eodem §. de iure legitimæ aut prætoris hereditatis coheredis. Et ostendit, duobus heredibus scriptis, si uterque adierit hereditatem, quod est extra omnem dubitationem, separari partes, cum quisque suam adquisierit, nec iam esse disputandum de confusione, & separari partes, etiam si pars vnus accesserit alteri iure adrogationis, vel iure intestatæ successionis, vel iure testamenti facti à coherede. Vnus tantum est locus, quo propugnatur opinio illorum, qui hac in re differentiam putant esse constituendam inter ius substitutionis, & ius accrescendi in l. *qui fundum* §. *qui filium*, hoc tit. Locus est, in quo aperte Iulianus scribit, substitutum eundemque coheredem, qui integram partem suam habet, id est, non gravatam, & cui iure substitutionis vulgaris accedit pars coheredis onerata: atque ita parte onerata accedente integræ ex substitutione vulgari, ait Iulianus, eius partis solida legata deberi. Ergo non posse in ea parte separatim inueniri Falcidiam, quod sufficiat pars integra, cui ea accedit. Et aliud esse statuit in substitutione pupillari. Et hoc vult in summa totus ille §. *qui filium*, si pars onerata accedat integræ ex substitutione pupillari, separari legata: si ex substitutione vulgari, confundi legata. contra si pars integra accedat onerata ex substitutione vulgari, vel pupillari, vel reciproca, nihil refert, confundi partes, confundi legata, non tamen semper. Ante diximus, nullam esse constituendam differentiam inter substitutionem vulgarem & pupillarem. Memini me huic §. *si filium*, respondisse obseru. d. cap. 35. & id, quod respondi, etiam sine opera mea erit cuiuslibet facile statim atque legerit, apprehendere, cum sit ve-

rum. Sumitur enim responsio ex iure quodam, quod obtinuit Iuliani tempore. Reliqua sunt *ἐπεὶ τὸ μὲν οὐκ ἔστιν ἀπαιτῶν*. Et illud si cui sit cura repetere intelliget. Velim vos animaduertere, esse in cap. 2. transpositionem manifestam: nam ibi in illis locis, *adeuntis vel superstitis portio*, reponendum est loco *adeuntis, deficientis*, & loco *deficientis, adeuntis*. In cap. 3. velim hæc verba deleri, vel exprimis. Loci duo restant qui pertinent ad hanc materiam. in §. *ult.* huius legis, vnus. alter in l. *qui fundum* §. *ult.* h. tit. qui faciles erunt. Intelleximus ex supradicta recitatione, in ponenda ratione legis Falcidiae, portionem integram accedentem onerata, replere oneratam per calculi confusionem, id est, contributionem portionis legatorumque. portionem autem oneratam accedentem integram, non repleri; accessionis esse replere, non repleri, augere, non augeri. Et hoc naturam ipsam satis dare. Et nihil refert, portio portioni accedat iure accrescendi, an iure substitutionis, vbique locum esse superiori definitioni. Nihil etiam referre, portio accedat ex substitutione vulgari, an ex pupillari, & ad l. *qui fundum* §. *qui filium*, hoc tit. in quo portio quidem onerata accedens integræ ex substitutione pupillari non repletur, sed accedens ex substitutione vulgari, repletur. Ad eum, inquam, §. ita respondere volebam, d. Iulianum scribere in eo §. cuius ætate nondum legata relicta ab instituto nominatim, debebatur à substituto vulgari. Hoc enim primum increbuit ex constitutione Scueri, l. *licet*, de leg. 1. l. *si Titio & Menio* §. 1. de leg. 2. l. 4. C. ad Trebell. Igitur legata relicta ab instituto, ante constitutionem Scueri non debebantur à substituto vulgari, nisi ab eo substituto repetita fuissent hoc modo sc. *qua ab herede meo legavi, quæque eum dare iussi si heres esset, & si heres non erit, à substituto eius præstari volo*. Necessaria erat repetitio, alioquin substitutus vulgaris non præstabat legata nominatim relicta primo gradu institutionis ab herede instituto primo gradu. Cum igitur Iulianus ponat in d. §. *qui filium*, ea deberi à substituto vulgari, & illud ratio intelletu ponit, quod etiam olim vulgo adscribi solebat in testamentis, ab eo substituto vulgari fuisse repetita legata. Vnde consequens est, confundi debere tam ea, quæ à se relicta sunt, quam ea, quæ relicta sunt à coherede, cuius portio ad eum peruenit ex substitutione vulgari, quia scilicet ab eo sunt relicta omnia. Sicut & si testator legata non reliquisset nominatim ab herede instituto sed generaliter hoc modo: *quisquis mihi heres erit dato*. hic coheres idemque substitutus confunderet omnia legata, & in eis ita confusis inquireret rationem legis Falcidiae, l. 1. §. *id quod ex substitutione*, h. tit. Et ita est respondendum ad eum §. *qui filium*. Cætera omnia congruunt bellissime, ut à me exposita fuerunt. Nunc videamus quid iuris sit, si portio onerata accedat onerata, si exhausta exhausta. Quæ de re videtur esse, §. *ult.* d. l. *qui fundum*. quo quidem explicato, absoluti sumus ista materia. Si integra portio accedit integræ, hic casus non pertinet ad hanc materiam contributionis, quia locus Falcidiae non est, vbi in totum Falcidia cessat, inanis est disputatio de contributione legatorum. Tota enim hæc disputatio vertitur circa legem Falcidiam. Itaque pertinet tantum ad testamenta paganorum, non ad testamenta militum, ad quæ non pertinet lex Falcidia. Quid si onerata portio accedat onerata in totum: quo casu interuenit Falcidia? Et distinguo ita: aut plus onerata est vna quam altera, aut æque onerata est vna quam altera. Si plus onerata sit vna quam altera, consequenter superiori definitioni dicemus, contributionem fieri, si portio plus onerata accedat minus onerata. Quod omnino est superiori definitioni consentaneum, ut idem iuris sit in toto, quod in parte, aut idem in parte, quod in toto, iuxta l. *in ratione* §. *rursus*, h. t. Quid si vtraque pariter sit onerata, vtraque exhausta? Sane nihil refert. Et hoc statim cuiuslibet probatur, si separatim in singulis portionibus ponatur ratio legis Fal. aut confuse. Et si forte coheres in sua portione separatim posuerit Falcidiam ante quam ei obueniret portio coheredis, deinde obueniret ei



portio coheredis ex substitutione vulgari vel pupillari, nihil refert, vel ex iure accrescendi, vt quartam habeat omnium bonorum, quid aliud restat, quam vt & in portione coheredis, quæ ei accedit, similiter ponat Falcidiam? Et tamen in *d.l. qui fundum §. ult.* vult Iurisc. de integro inquiri rationem legis Falcidiæ in vniuerso asse contributis & confusis legatis vtriusque portionis. Cur hoc vult? vt, inquit, coheres idemque substitutus habeat quadrantem omnium bonorum. Denique coheres, qui ante posuerat Falcidiam in sua portione, obueniente ei portione coheredis, retractat rationem Falcidiæ, confuso & permisto patrimonio, vt Falcidiam habeat integram. Et eius §. summa brevis hæc est: si portio exhausta accedat exhaustæ ex substitutione vulgari vel pupillari, nec enim interesse ait, contributionem legatorum fieri. imo videtur esse superuacua contributio, & non necessaria. Fateor contributionem fieri oportere, siue computationem legatorum, & communem calculum, vt quod pro parte sua plus, aut minus coheres præstitit, antequam ei obueniret portio pupilli vel alterius coheredis, id repetat, vel soluat pro rata legatorum. Quod exemplo demonstrari necesse est. Si testator reliquerit quadringenta in bonis, & duos coheredes, Primum & Secundum, à Primo legauerit trecenta, à Secundo ducenta, & Primus pro sua parte præstiterit legata habita ratione legis Falcidiæ, puta initio detractis centum, quæ sunt extra quantitatem portionis suæ, vt i oportet, §. *ult. Inst. de lege Falcid.* deinde detracta quarta ex ducentis, id est, detractis quinquaginta, atque ita præstiterit centum quinquaginta tantum, deinde ei obuenierit portio coheredis, à quo erant legata ducenta, & qui similiter induxisset Falcidiam, præstittisset centum quinquaginta, retinisset quinquaginta, ex integro ponenda est ratio legis Falcidiæ, vt facta contributione omnium legatorum, quæ contributa efficiunt quingenta, & detractis centum, quæ sunt extra quantitatem bonorum, coheres idemque substitutus repleat sibi Falcidiam, detractis aliis quinquaginta, qui iam detraxit quinquaginta, & præstet legatariis trecenta pro rata, id est, seruata proportionem eadem, quæ ab ipso testatore constituta, ratio fescupla, cum his reliquerit trecenta, illis ducenta. Ergo seruata eadem ratione ex trecentis, quæ supersunt deducta Falcidia, his quibus erant relicta trecenta, præstari debent centum octoginta, his autem quibus relicta erant ducenta, præstari debent centum viginti. Nam eadem est ratio trecentorum ad ducentos, & ducentorum ad centum, nempe fescupla: Ideoque illis, quibus à se relicta erant trecenta, minus præstittit coheres, qui præstittit centum quinquaginta tantum, initio separatim posita Falcidia in sua portione, & quod minus præstiterit actione ex testamento, ab eo legatarij petere possunt, retractata ratione simul omnium legatorum, *l. etiam, de solut.* vt è conuerso, si ab eo proponantur relicta ducenta à coherede, cuius portio ei accedit, trecenta, & suis legatariis præstet centum quinquaginta, plus præstittit, & quod plus præstiterit, denuo habita ratione legis Falcidiæ nempe quingentorum, ab eis repetet conditione indebiti, vel actione ex stipulatu, si stipulatione Falcidiæ sibi prospexerit, *l. 18. hoc tit.* Fateor igitur computationem fieri omnium legatorum, quoties totus as accedit ad coheredem eundemque substitutum, & fieri computationem, vt pro rata seruetur legatariis, quod quibusque contingit. Nego autem, eam computationem fieri oportere, vt quartam habeat heres, id est, centum, quod tamen ait illè §. id est, centum, cum & centum habiturus sit, discrete & separatim habita ratione legis Falcidiæ. Quod æque posset consequi discreta ratione, quid opus est persequi & inducere confusa? Et tamen in *d. §. ult.* ait confundi rationem in hoc, vt quartam habeat heres: & ne id omittamus quod adiecit Accurs. in *d. §. ult.* falsum hoc esse, si pupillus non extiterit heres, atque ita portio pupilli obuenierit coheredi ex tacita vulgari, quæ inest semper pupillari, *l. iam hoc iure, de vulg.*

*A subst.* Verum tamen esse, si pupillus heres extiterit, & eo mortuo ante pubertatem, portio eius coheredi obuenierit ex substitutione pupillari. Hæc, inquam, distinctio Accurs. refellitur eod. §. *ult.* quo dicitur, nihil referre, ex qua substitutione portio coheredis ad coheredem peruenierit, ex vulgari an pupillari, sicut & supra ostendimus, vbi portio onerata accedit integræ, vel integra onerata, nihil referre, ex qua substitutione accedat. Igitur quicquid scribit Accurs. in eo §. *ult.* non eum nobis perspicuum reddit. Videamus an alij aliquid adinuenerint subtilius. Sunt quidam, qui vt ostendant in specie *d. §. ult.* necessario contributionem induci, vt heres quartam obtineat omnium bonorum, quæ testator reliquit, hoc vtuntur siue commento, siue prætextu, vt si non facta contributione coheres, qui iam posuit Falcidiam in sua parte, separatim eam ponat in parte pupilli coheredis, nec inducat confusionem, non sit habiturus quadrantem omnium bonorum, videlicet, si pupillus ex sua portione aliquid deminuerit: quod fateor euenire, si pupillus deminuerit, & non iniuria euenire contendo, vt minus habeat quadrante. Exempli gratia: Si quis cum haberet 400. in bonis filium impuberem, & extraneum instituerit ex æquis partibus, & extraneum pupillo substituerit, à singulis legauerit ducenta, deminuerit pupillus centum, & coheres extraneus iure Falcidiæ retinuerit 50. pro sua portione, postea si pupillo mortuo ei heres extiterit ex substitutione pupillari, reliquerit scilicet tantum centum, quod deminuerit semissem suæ portionis pupillus, detrahet tantum ex hereditate pupilli 25. & summatim ex omnibus bonis 75. non detrahet igitur integrum quadrantem, id est, centum. Nec hoc iniquum est, quia patris hereditas spectatur, non pupilli, & patris hereditas fuit idonea exsoluendis legatis vsque ad dodrantem, *d. l. qui fundum §. qui filium.* Et deminutio facta à pupillo est deminutio Falcidiæ, non legatorum, vt in §. *quod vulgo.* nec quicquam interest, substitutus quis sit tantum pupillo, non coheres datus pupillo. Nam vt coheres & substitutus pro eo habetur, ac si in primis tabulis ex parte pure, ex parte sub conditione heres scriptus fuisset, *l. coheredi, §. coheres, de vulg. substit.* ita & is, qui tantum substitutus est, videtur primis tabulis scriptus sub conditione, videtur heres esse patris, non pupilli, *d. §. coheres, & §. si filio, h. l.* Et quemadmodum quarta huius, qui tantum substitutus est, minuitur vel consumitur ob deminutionem, quæ contingit post mortem patris: ita & quartam illius, qui & coheres & substitutus est pupilli, minui æquum est, & consumi eadem ratione, vt & quandoque nil retineat pro Falcidia, sed de suo quadrante soluat legata, vt dictum est supra ex §. *quod vulgo.* Ex his omnibus efficitur, nullo modo posse defendi sententiam *d. §. ult.* vt scilicet si portio exhausta accedat exhaustæ, coheres, qui iam pro sua parte separatim Falcidiam induxit, postea existente casu substitutionis, ex integro Falcidiam inducere debeat, non separatim in portione pupilli, sed confusim contributis omnibus legatis, vt saluum quadrantem habeat. quæ finis eiusmodi est, vt à nobis concipi non possit, cum & saluum sit quadrantem habiturus etiã sine contributione, si vt in sua portione, ita etiam in portione coheredis, quæ nouiter accessit, separatim Falcidiam inducat. Quare existimaui iam olim, & placet etiam hodie in *d. §. ult.* esse legendum, *nec semis pupilli exhaustus esset, non, & semis.* Et consequenter ita debere poni speciem, vt integra portio pupilli accesserit portioni coheredis, eiusdem pupillo substituti, exhaustæ. Quo casu certum est, confusionem fieri legatorum, vt coheres, idemque substitutus quadrantem habeat. perinde atque si esset ex ea parte, quæ accessit primis tabulis, sub conditione heres scriptus: nam etsi pupillo heres existit, non patri, tamen comparatur instituto, id est, ei quem pater sibi heredem fecit, comparatur substituto vulgari, *d. §. si filio, & d. §. coheres.* quo colore sustinetur substitutio pupillaris facta à patre hoc modo: *si filius heres extiterit, & ante pubertatem*



*pubertatem decesserit, ille mihi heres esto.* atque existet heres pupillo, non mihi. sed qui pupillo existit, circa legem Falc. pro eo habetur, ac si mihi extitisset heres, vt non male dicam substituendo pupillo, ille mihi heres esto, l. 1. l. coheredi §. ult. de vulg. subst. l. si ita scriptum §. qui filio, de bon. poss. secund. tab. Et apud Tullium 2. de Inuen. Verum hac comparatione vtimur, si onerata pupilli portio accesserit integræ portioni coheredis, eiusdemque substituti: Neque enim hoc casu substitutus comparatur instituto, sed Falcidiam inducit in portione pupilli, etiam si in sua portione quadrantem bonorum habeat integrum, vt ex §. si filio, & §. quæsum, & d. l. coheredi §. coheres, & l. 1. §. id quod ex substitutione, hoc tit. intelligi potest, ac etiam ex d. l. qui fundum §. qui filium.

Diligenti heri multa, & disputaui nō sine molestia circa §. ult. legis qui fundum, quo loco nullus est obscurior in hac materia contributionum, nec dū mihi satisfeci: sed, vt spero, faciam, vt & mihi & vobis hodie, & simul huic materiæ extremam manum imponam. Lumen quod affero ad hunc §. ult. l. qui fundum, videbitur clarissimum. Velim primum vos semper in mente habere eam speciem, quam heri posui, instituta explicatione d. §. ult. Eum qui habebat 400. in bonis, duos heredes fecisse ex æquis partibus, singulos ex semisse, & ab vno legasse trecenta, ab altero ducenta. Velim etiam, vos meminisse duarum interpretationum, quas retuli, maxime prioris, quæ propius vero accedit, & quam patefaciemus cunctis hodie. Posterior ineptissima est. Eis vero reiectis interpretationibus tentavi ad extremum idem, quod olim in d. §. ult. vexatissimo sc. loco horum verborum & semis, reponere, nec semis, ex quo efficitur, contributionem fieri legatorum, sit integra portio exhaustæ accedat ex substitutione pupillari aut vulgari, & fieri eam contributionem, vt quarta bonorum apud coheredem eundemque substitutum remaneat. Quæ verba ita debui euidenter interpretari, vt contributis legatis omnibus, ab utroque herede relictis, quarta apud eum remaneat, beneficio portionis, quæ accedit & cōmiscetur suæ portioni. Atque ita si ea portio, quæ accrescit, Falcidiæ sufficiat, vt Falcidiā, quam præsumpsit aut occupauit detrachere ex sua portione, reddat legatariis quasi indebite præsumptā, hoc ex inferioribus intelligetur melius. Et si ita legendo & intelligendo dixeris, idem fuisse traditum in §. qui filium, eadem l. nec esse verisimile, vt paulo post fuerit repetitū in §. ult. dicam, aliter poni speciem in §. ult. nempe coheredē in sua portione iam posuisse rationem legis Falcidiæ, antequam ei coheredis portio obueniret iure substitutionis: & post eueniente & existente casu substitutionis, retractari rationē omnem legis Falcidiæ confusis semissibus, perinde ac si ab initio ex asse heres scriptus aut nuncupatus esset, & confusis legatis tam à se, quam à coherede relictis, qui casus non ponitur in §. qui filium. Retractione rationis id est, retractata ratione legis Falcidiæ quod notandum, retractione calculi, hæc propria res est de qua agitur in §. ult. Et sane ita posita specie retractionem rationis legis Falcidiæ fieri oportere: sed nihil mutemus. Namque animaduerti receptam scripturam, & semis, explicari posse satis dilucide hoc modo: vt si portio exhausta iure substitutionis accedat exhaustæ in ponenda ratione legis Falcidiæ, fiat contributio legatorum omnium, etiā si iam, antequam locus esset substitutioni, separatim in sua portione coheres idemque substitutus posuerit rationem legis Falcid. vt scil. quartam bonorumumat ex confusione legatorum, non separatim ex his, quæ à se separatim, & his, quæ à coherede relictæ sunt, ne occurrat iniqualitas, quæ occurreret, si plus aut minus præstet his vel illis legatariis, quam oporteat: nam separatim habita ratione legis Falcidiæ, his quibus à se relictæ sunt trecenta, initio detraheret centum, quæ sunt extra quantitatem portionis suæ, deinde iure Falcidiæ detraheret 50. ex ducentis, & præstaret 150. Quibus confusa ac simul habita ratione legatorum, essent præstanda ducenta pro

Quæst. Papin.

rata portione, & his quibus à coherede relictæ sunt ducenta, si separatim habuerit rationem Falcidiæ similiter retentis 50. præstaret 150. quibus tamen confusa ratione legatorum, essent præstanda centum duntaxat. Igitur ne fiat iniuria legatariis, nec vlla inæqualitas existat, melius erit eam quartam deducere ex confusis non ex separatim legatariis, hoc modo, vt confusa efficiant 500. deinde detrahantur 100. quæ sunt extra quantitatem bonorum, vt in tit. de lege Falcid. Instit. sub finem, post detrahantur alia centum, quæ per legem Falcidiā habere debet, & ex residuis trecentis, his quibus à se relictæ sunt trecenta, præstat pro rata portione, id est, ἀναλογως nempe ducenta. His autem quibus à coherede relictæ sunt ducenta, præstet centum duntaxat, legata enim à se relictæ augentur, si ex substitutione alteram quoque partem hereditatis acceperit. Igitur si acceperit in sua portione habere rationē Legis Falcid. antequam existeret casus substitutionis, hæc ratio erit pro non habita, quia nec iure habita est, cū minus debito eum præstitisse legatariis suis appareat ex postfacto, existente casu substitutionis. Et ideo existente eo casu, atque ita obueniente altera portione hereditatis, denuo inducitur Falcidia in omnibus legatis. Et brevis ac elegans summa d. §. hæc est. Si exhausta portio exhaustæ accedat ex substitutione vulgari aut pupillari, contributione portionū & legatorum fieri, & si qua fuerit habita ratio legis Falcidiæ separatim, eam corrigi, & retractari, & eam fieri confusam, & ita cuique legatario seruari ratam portionem. Quod mihi nunc videtur esse euidentissimum, nec in eo §. quisquam debet accedere ad Accurs. In §. ult. huius l. nullus erit labor.

#### Ad §. vltimum.

*Si quis exheredato filio substituit heredem institutum, & ab eo tabulis quoque secundis legauerit: necessario ratio confunditur: cum ideo legata valere dixerit Iulianus à substituto relictæ, quod idem patri heres extiterit.*

Certum est, à substituto filii impuberis exheredati, non posse relinqui legata, quia nec ab exheredato possunt relinqui, etiam si ei data sint ampla legata, l. miles ita §. si miles, de milit. test. quia à legatario legari non potest, & testatori non debet plus licere in substitutum, quā in eum, cui substituit. si ab eo, cui substituit, non potest legare, nec à substituto eius igitur, l. qui fundū §. qui filio, h. t. l. ult. de leg. 3. Vnus inter alios est casus, qui exponitur in h. §. ult. quo à substituto exheredati recte legatur, puta si testator substitutum exheredatum in secund. tab. heredē instituerit in primis. Hoc enim casu valere legata ab eo relictæ tam primis quā secundis tabulis l. plane si filium in princ. de leg. 1. l. si filius qui patri, de vulg. subst. & vt ait in hoc §. ult. in ponenda ratione Falcidiæ legis heres institutus primis tabulis atque substitutus secundis, dicitur confundere & contribuere legata à se relictæ vtrisque tabu. Quod confirmat sæpe iactata ratio, duplex testamentum pro vno haberi: heredem filii heredem patris, esse videri, substitutum secundis tab. videri primis scriptū, bona filii esse patris, vt Græci aiunt, τὰ πατρὸς οὐσία, καὶ τὰ υἱοῦ εἶναι in h. §. Verū ne dixeris cōfundi bona paterna & pupillaria. confunduntur legata ab eo relictæ vtrisque tab. sed bonorū paternorum & pupillariorum as non confunditur, imo substitutus exheredato bona pupillaria habet supra quadrantem bonorum paternorum, l. 10. sup. & in §. quod vulgo. Nunquā hereditas paterna confunditur cum hereditate pupilli: licet enim vnum sit testamentum, tamen duæ sunt causæ, duæ hereditates. Confunduntur quidem partes hereditatis paternæ, confunduntur semisses, assis paterni vt l. 1. §. id quod ex subst. & l. qui fundū §. qui filium, h. t. hereditas paterna & pupillaris nō cōfunditur, sed separatim earū habetur ratio. Et in ponenda ratione l. Falc. semis paternæ, quod memini me latius exponere in d. l. 10

Ecc



lib. 20. Et erravi supra in ponenda ratione fescupla: Nam 300. & 200. quæ legauerat is, qui 400. habuit in bonis comparare debui non cum 200. & 100. sed cum 180. & 120. quæ ex 300. quæ supersunt deducta Falcidia legatariis præstare debet iis quibus à se relicta sunt 300. & 180. Iis autem, quibus à coherede relicta sunt 200. 120. & ita moneo vos corrigere aduersaria vestra. Superest vnum, quod in tractanda materia contributionis omitti, non potui ponderis, quod omissum possit scrupulum iniicere multis. Cum dixi ex l. 1. §. si coheredi, & l. quod si ab alterutro, separationem fieri portionum & legatorum, si portio onerata accesserit integræ iure accrescendum, ex Proculi & Iuliani sententia contra Cassium, hoc scilicet omisi dicere, portionem oneratam accrescere, vel quod repudiata sit à coherede. Et hanc hodie quidem accrescere cum onere legatorum ex constitutione Seueri. olim accreuisse sine onere legatorum, l. 29. in fine, l. si Titio & Manio, in fi. de leg. 2. Nec de ea quicquam sensisse Proculum aut Cassium aut Iulianum, cum nondum prodisset constitutio Seueri, vel portionem oneratam accrescere, quod defecerit mortuo coherede, post testamentum viuo testatore, vel post mortem testatoris, ante apertas tabulæ. & hanc portionem deficientem omni iure accreuisse, cum onere præstandorum legatorum etiam ætate Cassii & Iuliani & Proculi, sicut legata, quæ deficiebant similiter, cum onere remanebant apud heredem, d. l. 29. in prin. Et hac in re recte fit comparatio legatorum cum portione hereditatis, d. l. quod si alterutro. Et iure etiā nouo, id est, per legem Iuliæ & Papiam, etiam portionem accreuisse coheredi excluso fisco, cum onere legatorum. Coniunctio excludit caducum, sicut substitutio. Coniunctio est tacita substitutio. Et hæc genera accessionum significantur in d. §. si coheredis verbo vindicauero, si portionem oneratam vindicauero, quod scilicet defecerit viuo testatore, vel ante apertas tabulas. Hæc enim vindicauero cum onere, & ideo separatim in ea posuero rationem legis Falcidiæ, quamuis pars mea sit integra & quadrati par. Et hoc idem etiam demonstrat verbum vindicare, l. §. in fine, de vulg. substit. cum ait, se per legem, scilicet Iuliam Papiam. Igitur non est verum, quod quidam scribit, in d. §. si coheredis, nihil referre, quæ ratione portio onerata accedat integræ. Imo vero refert maxime, secundum ius, quod obtinuit ante constitutionem Seueri. Et de eo Cassius & Proculus disputare tantum potuerunt in portione deficiente, non in repudiata, vel omissa. Quod valde notandum est.

Ad l. 7. si tabulæ testamenti nullæ exstabant  
vnde liberi.

Scripto herede deliberante filius exheredatus mortem obiit atque ita scriptus heres omisit hereditatem: nepos ex illo filio susceptus, a quo suo heres extitit. neque pater videbitur obstitisse, cuius post mortem legitima defertur hereditas. nec dici potest: heredem, sed non suum nepotem fore, quod proximum gradum nunquam tenuerit: cum & ipse fuerit in potestate, neque pater eum in hac successione prauenerit. Et alioquin si non suus heres est, quo iure heres erit, qui sine dubio non est agnatus? Caterum & si non sit exheredatus nepos, adiri poterit ex testamento hereditas à scripto herede, filio mortuo. Quare, qui non obstat iure intestati, iure testati videbitur obstitisse.

Pertinet hæc lex ad ius legitimarum hereditatum. In legitimis hereditatibus prima ex causa suorum heredum, §. 1. de hered. quæ ab intest. Suorum appellatio est ex 12. tab. l. liberorum, de verb. sig. ex iure ciuili, l. cum ratio, de bon. daturat. ut in illo loco 12. tab. Si intestatus moritur, cui suus heres non extabit. Et ratio appellationis hæc est, quia liberi viuo parente quodammodo domini existimantur, atque adeo parente mortuo continuatione dominium potius, quam hereditatem adipisci, suam quodammodo hereditatem adipisci, suamque bona & suos sibi heredes esse. Et ita de eadem continuatione dominii Paulus in l. 11. de lib. & postum. & 4. Senten. In

A suis heredibus à morte testatoris rerum hereditariarum dominium continuari. Si igitur viuo parente quodammodo videntur esse domini, & sui ipsius videntur heredes esse mortuo parente. & quidem alii legitimi heredes veluti agnati, qui ex transuerso sunt siue ex latere, licet dicantur quasi venire ad bona propria, l. 1. §. largius, de success. edic. tamen sui heredes non dicuntur, quia ut est in d. l. 11. continuatio dominii euidentius apparet in liberis, qui heredes sunt, quam in agnatis, & ardentiore voto optamus liberos nobis heredes esse, quam agnatos, faciliusque viui liberis nomen domini cedimus, ut ait Lact. 4. Inst. quam agnatis, atque ideo liberos suos heredes appellamus. Ceteros appellamus alienos, extraneos, licet sint agnati. Sui autem aut sunt naturales, aut non naturales. Non naturales, ut adoptiui, & iure veteri vxor, quæ conuenit in manum viri matrimonii causa, vxor, quæ in manu est viri, sua heres est viro iure veteri, quia filia loco est, vir loco patris, & viri filius suæ matri siue noueræ, est loco fratris, & illa loco sororis. Item nurus, quæ est in manu filii iure veteri sua heres est, quia neptis loco est ex iure veteri. Et similiter pronurus, quæ est in manu nepotis, sua heres est, quia proneptis loco est. Sed hoc ius in desuetudinem abiit. Naturales autem sui heredes sunt liberi ex iustis nuptiis progenerati, vel etiam ex iniustis, si per errorem contractæ sint, & erroris causa probata fuerit ex l. Alia Sentia, ut intelligitur ex fragm. Vlp. Caij & Pauli. Namque hæc erat vetus ratio nondum nobis patefacta quondam faciendi filii legitimi, & faciendi quoque patris legitimi. Nec enim vlla ratio fit filius legitimus, quin & pater fiat legitimus pater. Inter ciuem Romanum, aut peregrinum aut Latinum, vel è contrario, non erant iustæ nuptiæ, sed si contractæ essent per errorem, & erroris causa probata esset concilio, ex l. Alia Sentia confirmabatur status liberorum & parentum, id est, filii fiebant legitimi, & patres legitimi, ac donabantur ciuitate. Quæ ratione etiam videmus hodie, & ob erroris causam etiam, incestos filios fieri legitimos, confirmari eorum statum, confirmari statum parentum, confirmari nuptias, & plerumque non dissolui, nec puniri incestum si accerrimus error fuit, ut in l. qui in prouincia, §. ult. de ritu nupt. l. si adulterium, §. incestum, de adul. l. 4. C. de incest. nupt. veniam dari errori accerrissimo, non affectato insimulatoque. Nam omnes libri veteres habent in d. l. 4. accerrissimo, ut apud Priscianum, canis malus celerissimus aduolat Hector, & apud Charisium, equitum celerissimus. Sui heredes igitur sunt liberi ex iustis nuptiis progenerati, vel sui sunt liberi legitime concepti, vel qui facti sunt legitimi, & ciuitate donati causa probata ex lege Alia Sentia, vel hodie, qui alia quacunque ratione facti sunt legitimi. nam ius nouum protulit varias rationes faciendi legitimi filii patrisque, vel etiam filii adoptiui, qui sunt sui, non naturales, quos scilicet in potestate habemus. Sed nondum est satis ad constituendam definitionem suorum heredum. Nam si filium, nepotem, &c. habeam in potestate, & sint omnes legitimi, omnes mihi non sunt sui heredes. Quare in definitione addendum est, & quos nemo gradu præcedit, id est, qui proximum gradum in linea liberorum obtinent, l. 4. §. 1. de bon. poss. contra tabul. Et addi etiam oportet, hereditatis nostræ deferenda tempore. Et perfecta hæc erit definitio. Sui heredes sunt liberi legitimi, qui sunt in potestate morientis & primum gradum obtinent tempore delatæ hereditatis. quæ definitio eruitur omnino ex hac l. 1. Nam si moriente patre intestato, in eius potestate fuerit filius, & nepos ex eodem filio, filius suus heres erit, quia nepotem gradu præcedit, & nepoti obstat, iuxta id quod Paulus ait 4. Sent. parentes liberis, cum quibus in potestate fuerunt, ipso ordine successionis obistere. Sed quæ est species huius leg. 7. si filius exheredatus sit, nepos silentio præteritus, extraneus scriptus in testamento, & post mortem patris etiam moriatur filius deliberante herede scripto; deinde heres scriptus repudiauerit hereditatem, nepos hoc casu a quo intelligitur suus heres esse ab intestato, cum desertum sit testamentum, & re-



puclum ab herede scripto, quia etsi mortis aui tempore, cum præcesserit filius, tamen tempore delatæ hereditatis, id est, eo tempore, quo scriptus repudiavit, eum filius non præcessit, qui iam mortem obierat. Et id etiam ostendit l. 9. §. si filium, de lib. & post. l. 1. §. sciendum, de suis & legitimis. l. si quis filio, de iust. rupt. test. l. ult. in fin. de condit. inst. ut ibi exposui: est enim Papin. lib. 13. quæst. & §. cum autem, Inst. de hered. quæ ab intest. Nec enim spectamus hoc casu, quis fuerit proximo gradu tempore mortis testatoris, sed quis tum fuerit proximo gradu, cum certum esse cepit neminem ex testamento heredem fore, veluti repudiato & destituito testamento, vel rupto, vel defecta conditione institutionis. Et verba XII. tabul. si intestatus moritur referimus non tam ad tempus mortis, quam repudiatæ hereditatis testamentariæ, quia primum defertur hereditas legitima ab intestato, & in ea inuenitur proximior nepos. Ergo suus heres est, nec ei obstitit filius, quamvis eum præcesserit. At è contrario, in eadem specie, si post mortem testatoris, ac etiam filii scriptus heres adierit hereditatem, an dicemus testamentum rumpi, aut ruptum esse propter præteritionem nepotis? an, inquam, quasi præteritio nepotis ruperit testamentum, dicemus inanem esse aditionem, & nepotem admitti ab intestato? Quod negat Papin. quia nepos sui heredis locum tempore mortis aui non tenuit præcedente filio, nec nepoti satisfieri oportuit in testamento eo instituto, vel exheredato, sed filio tantum: & filio satisfactum est per exheredationem, quæ effectum habuit adita hereditate patris. Scripti igitur, qui adiit potior est causa, quam nepotis, & præteritio nepotis non rumpit testamentum. Hodie tamen ex constitutione l. si quis filium, C. de inoffic. test. ex persona filii, patris scilicet, sui potest agere querela inofficiosi testamenti, quasi patre suo immerito exheredato, in qua forsitan vincet. Secundum quod euenit, ut in iure, vel causa intestati, id est, repudiante herede scripto, filius nepoti non obstat, quin intelligatur nepos esse suus: iure testati, id est, ad eunte scripto, filius obstat. Priore casu ex die repudiationis defertur hereditas intestati, & eo die proximior inuenitur nepos. Ergo intelligitur esse suus. Posteriore autem casu ex die mortis testatoris defertur hereditas, quo tempore nepos non obtinuit primum gradum, sed filius, & potuit nepos impune præteriri.

Repetam summam, quod circa speciem legis nostræ septimæ dixi definiti: Repudiante herede scripto, nepotem aui suum heredem esse iure intestati, quod nemo ex testamento heres existat: ad eunte autem herede scripto obtinere testamentum, nec rumpi testamentum præteritione nepotis, qui sui heredis locum non tenuit, filio præcedente tempore mortis aui, atque ita filium obstat nepoti iure testati, id est, si ex testamento adita hereditas fuerit. non obstat iure intestati, si repudiata fuerit, quia repudiationis tempore filius non præcedebat, qui iam erat sublatuſ è viuis. Et nunc videamus, quemadmodum Papin. refellat opinionem eorum, qui in hac specie repudiante herede scripto dicebant, nepotem non esse quidem suum heredem aui, quod eum filius præcesserit, sed esse legitimum heredem, ut agnatum. Qui in ea opinione erant, non sibi constabant: quod enim statuebant, nequibat consistere, quandoquidem is, qui dicit nepotem non esse suum heredem, & hoc dicit, legitimum non esse. legitimi sunt agnati, legitima successio est agnatio. Ergo, qui dicit, nepotem suum non esse, & hoc dicit, nepotem agnatum non esse. Itaque parum sibi constabant illi, qui dicebant suum non esse, & agnatum esse, non venire iure suutatis, venire iure agnationis. Verum obiciet, quod multis non paruum exhibuit negotium, à quo abest species, non continuo abesse genus. Suitatem esse speciem agnationis. Agnationis species hæ sunt; Suitas, consanguinitas, & reliqua cognatio legitima. Suitas est igitur species agnationis, l. si quis, de suis & legitimis. l. iuricons. §. 1. de grad. & affi. l. de bonis §. 1. de Carb. edic. l. 2. unde leg. l. 1. §. sed videndum, de success. ed. Si quis non sit suus, non ideo sequitur non

Quæst. Papin.

esse agnatum. Potest quis non esse suus, & agnatus, ut frater non est suus, & est tamen agnatus, si sit frater consanguineus. si uterinus, esteognatus, non agnatus. Item nepos, si filius præcedat, non est suus, sed est agnatus: à quo abest species, necesse non est & genus abesse. Et hoc ita si obiciat, contra obiciat, hoc esse falsum in indiuiduis, id est, in singulis rebus. ut si negas L. Titium esse hominem, & hoc negas L. Titium esse animal, quia non potest L. Titius esse animal, quin sit homo. Aut enim non est animal, aut si est animal, homo est. & ita hunc nepotem, quem nemo præcedit tempore delatæ hereditatis legitimæ, tempore repudiati testamenti, si negas esse suum heredem, & eundem negas esse agnatum, quia non potest esse agnatus, quin sit suus heres, hic nepos scilicet, de quo ago. Aut enim non est agnatus hic nepos, aut si est agnatus, suus est: atquin suus non est, ergo nec agnatus. Agnatus vel est in transversa linea, vel in directa. certe nepos non est in transversa, non est eis agnatus in directa, cum non sit suus, ut iure agnationis venire ad hereditatem possit, qui non potest venire suutatis iure. falsum est igitur, quod illi statuebant, eum venire ut agnatum, non ut suum: Hæc enim separari in eo non possunt, & verius est, eum esse suum heredem, quia etsi pater eum præcesserit tempore mortis aui, ac ita eo tempore nepos non tenuerit proximum gradum, tamen fuit in potestate morientis aui, & in ea hereditate pater eum non præuenit, qui iam mortuus erat, antequam locus esset legitimæ hereditati, per repudiationem testamenti. Caterum ad eunte herede scripto, nepos aui suus heres non est, & scriptus obtinebit hereditatem, quæ adiit, quia tempore delatæ hereditatis ex testamento, quod obtinuit, cum adierit heres, id est, tempore mortis testatoris, filius præcedebat nepotem, nec aliud tempus existit, quo delata sit hereditas. Denique eo tempore, quo fuit delata, filius præcedebat, filius obstat nepoti, in cuius locum nepos potuisset quidem succedere viuo aui, sed mortuo aui, mortuo testatore non fit successio in locum sui heredis, puta, si filius moriatur, vel si exheredatus sit, ut in hac specie, quæ exheredatio effectum habuisset, si vixisset, cum adita est hereditas ex testamento, & exheredatione amississet ius sui. exheredatio perimit suutatem, l. 9. si filium, de lib. & post. l. 1. §. post suos, de suis & legitimis. l. si quis, de bon. poss. cont. tab. Et hoc est quod ait Pap. l. 7. & est elegans conclusio: filius qui non obstat iure testati, obstat iure intestati.

Quod sequitur in §. ult.

Non sic parentibus liberorum, ut liberis parentum debetur hereditas. Parentes ad bona liberorum ratio miserationis admittit: liberos natura simul & parentum commune votum.

Id eo pertinet, ut intelligatur, suos heredes præferri paribus defuncti, qui legitimi sunt siue agnati, nec prætor eis dat bonorum possessionem ex prima parte edicti, quæ tantum pertinet ad suos heredes, sed ex sequenti parte, unde legitimi vocantur vel agnati. Igitur liberi defuncti excludunt parentes defuncti, ut nec simul admitti possint, etiam si defunctus fuerit in potestate parentis. Quod obtinet hodie ex Nou. 117. in his scilicet quæ patri non adquiruntur, de his, quæ patri acquiruntur, dicemus in l. pen. de suis & legitimis. ex eod. lib. Ratio autem, quod liberi defuncti excludant parentes defuncti, hæc est, quia hereditas magis debetur liberis nostris, quam parentibus, quandoquidem plures rationes inuitant liberos, quam parentes. Parentes inuitat sola ratio miserationis, ut ad quos summus mæror pervenit morte liberorum, ad eos hereditas perveniat, quæ ob id ipsum dicitur luctuosa & tristis, l. ult. C. de inst. & substi. l. ult. C. com. de success. Liberos autem vocant plures rationes: ordo naturæ, naturalis erga filios caritas ac propensio, naturæ ipsius ratio, lex tacita, & parentum omnium

E ce ij



commune votum, communis optatio. Quod idem re-  
tulit ante Papinian. lib. 19. in l. nam si pariter, de inoffic.  
testament. Et ex hoc §. ultimo, veluti coniuncta scriptu-  
ra, ut res exigit transeamus ad l. pen. de suis. & legit. hered.

Ad l. si pater. pen. de suis & leg. hered.

*Si pater apud hostes moriatur, defunctum iam in ciuitate  
filium, credimus patremf. decessisse, quamuis patria potesta-  
te, quandiu vixerit, non fuerit in plenum liberatus: itaque  
heredem habiturus est iste non reuerso patre. Sed si postlimi-  
nio redierit pater iam defuncto filio, quicquid medio tempore  
per eum quæstum est, habebit: & non est mirum, si peculium  
quoque defuncti pridem filij defertur patri: cum ex eo natus  
potestatis ipsius fiat per suspensi iuris constitutionem.*

**N**Otandum est, in his bonis, quæ patri acquiruntur,  
filiumfam. neque ex testamento, neque ex intesta-  
to heredem habere posse, sed patrem superstitem omnia  
occupare iure peculii. Inde quæritur in hac l. quid sit di-  
cendum, si filiusf. decesserit patre capto ab hostibus & vi-  
uente adhuc, an heredem legitimum habiturus sit filiusf.  
qui in incerto statu decessit propter captiuitatem patris:  
nam si redeat pater, filiusfam. intelligitur decessisse fi-  
liusfam. propter fictionem postliminii, neque heredem  
habet. sed si ibi moriatur pater, etiam si moriatur post fi-  
lium, filius intelligitur paterf. id est. sui iuris decessisse,  
& heredem habet legitimum, quia lege Cornelia pa-  
ter præmortuus fingitur, id est, ea ipsa hora qua captus  
est, l. in omnibus, de captiu. & postlim. Et hora captiuitatis  
iungitur horæ mortis, & retro l. insto, in fin. de vscup. &  
vscup. Interim igitur, quandiu pater viuit apud hostes,  
si filius moriatur, filii bonorum possessio ab intestato peti  
non potest, quia nondum apparet eum patremf. deces-  
sisse. Et hoc ita est proditum in l. 2. §. si quis decesserit,  
vnde legit. & l. 1. §. 1. tit. seq. l. in bello §. si quis capitur, &  
l. bona §. quod si filius, de capt. & postlim. Sed si ibi moriatur  
pater, fictio legis Corneliæ facit, ut filius defunctus pridē  
in ciuitate intelligatur paterfam. decessisse, & heredem  
habeat proximum agnatum, quasi præmortuo patre, ta-  
met si, quandiu vixerit pater, in plenum liberatus non  
fuerit patria potestate, quia pependit ius filij patrisque  
propter spem postliminii. Paterfam. est, qui liberatus est  
potestate patriæ, viuente patre apud hostes, nondum ap-  
paret an liberatus sit patria potestate. nondum est igitur  
in plenum ex liberatus, & tamen si ibi moriatur pater,  
fingetur filius superuixisse patri, & quasi morte patris  
sui iuris effectus fuisse, ac ita habiturus est heredem legiti-  
mum. Et ait Papinianus, *credendum est eum patrem de-  
cessisse, propter fictionem scil. legis Corneliæ, ait, creden-  
dum est, in re ficta, ut l. retro, & in l. in bello §. si quis, de capt.  
& postlim. l. Titio centum, in princip. de condit. & demonst.*  
Quia plerumque falsum aut fictum est, quod credimus.  
Et ideo in comediis dicenti, gaudeo, responderi solet, credo,  
quia multi gaudere se significant cum debeant gratulari.  
cum maxime doleant non responderetur, scio, sed credo, Sic  
igitur in fictionibus iuris sapissime vscupatur verbum  
credo, quod scil. pater postliminio redeat, mortuo iam fi-  
lio, filius intelligitur filiusfam. decessisse, & bona quæ  
medio tempore acquisiuit stipulatione vel traditione, vel  
legato, (nam hereditate non potuit, quandiu pater vixit  
apud hostes, d. §. si quis capt.) non potest adire heredita-  
tem, qui est incertus status. Igitur bona, quæ alia ratione  
acquisiuit interim, ea omnia pater occupat iure peculii,  
& nepos quoque ex eo filio natus medio tempore, sit in  
potestate patris reuersi ab hostibus propter fictionem  
postliminii, quia retro fingitur in ciuitate mansisse, nec  
venisse vncquā in manus hostium. Hæ duæ fictiones sunt  
frequentissimæ in iure nostro, fictio l. Corneliæ, & fictio  
postliminij, quæ efficiunt, ut credamus multa, quæ sunt  
falsa. Et obseruandum est in hac l. pen. Papinian. postlimi-

**A**nium appellare, & quasi definire suspensi iuris constitu-  
tionem, quia species postliminii suspendit ius filij, patris-  
que, si vel hic, vel ille sit captiuus. suspendit ius omne ca-  
ptiuui, eorumque ius, qui in eius familia sunt, non abrum-  
pit, l. illa institutio §. 1. de hered. instit. Et euentus, id est,  
reditio omnia iura restituit in integrum. Et hoc est  
quod ait in hac l. pen.

Ad l. pater instituto 10. & 11. ff. de capt. &  
postlim. reuersi.

*Pater instituto impuberi filio substituerat, & ab hostibus  
captus decessit, postea defuncto impubere legitimum admitti  
quibusdam videbatur: neque tabulas secundas in eius perso-  
na locum habere, qui viuo patre sui iuris effectus fuisset. Ve-  
rum huic sententia refragatur iuris ratio: quoniam si pater,  
qui non rediit, iam tunc decessisse intelligitur, ex quo captus  
est: substitutio suas vires necessario tenet.*

**B** §. 1. ¶ Si mortuo patre capitur impubes institutus vel ex-  
heredatus, in promptu est dicere, l. Corneliæ de tabulis se-  
cundis nihil locutam, eius duntaxat personam demonstrasse  
qui testamenti factionem habuisset. Plane captiuus etiam im-  
puberis legitimam hereditatem per legem Corneliæ deferri:  
quoniam verum est, ne impubere quidem factionem testa-  
menti habuisse. Et ideo non esse alienum, prætorem subsequi  
non minus patris, quam legis voluntatem, & utiles actiones  
in hereditatem substituto dare.

**C** Lex 11. Quod si filius ante moriatur in ciuitate, nihil est,  
quod de secundis tabulis tractari possit: siue quoniam viuo pa-  
tre filiusfam. mori intelligitur: siue quoniam non reuerso eo,  
exinde sui iuris videtur fuisse, ex quo pater hostium potius  
est. Sed si ambo apud hostes, & prior pater decedat: sufficiat  
lex Cornelia substituto, non alias, quam si apud hostes patre  
defuncto, postea filius in captiuitate decessisset.

**Q**uestionem tractemus l. 10. de capt. & postlim. reu.  
quam postrema recitatione dixi esse coniungendam  
cum his, quæ tractauimus in l. 7. §. ult. sitab. testam. nul.  
& l. pen. de suis & legit. Et coniungi debet hoc modo: in  
bonis, quæ patri non acquiruntur, patri præferri liberos  
filiifam. quamuis in eiusdem parentis potestate sint, eiq;  
filiosf. liberos ab intestato legitimos heredes esse in eius  
bonis: his autem bonis, quæ patri acquiruntur, patrem  
præferri omnibus, ut viuo, ita mortuo filiofam. & eum,  
qui filiusfam. moritur viuo patre, neque ab intestato, ne-  
que ex testamento heredem habere posse, sed quod is ac-  
quisierit patrem tenere quasi peculium, non quasi heredi-  
tatem: denique in eis eum, qui filiusf. moritur, neque  
ab intestato, neque ex testamento habere posse, quia  
in causa testati, & in causa intestati lex xii. tabul. qua ob-  
ueniunt hereditates cum legitimæ, tum testamentariæ,  
loquitur de patref. non de filiosf. In causa testati his ver-  
bis: paterf. uti legasset, &c. In causa intestati: paterf. si inte-  
stato moritur, cui suus heres nec extabit, &c. Si filiusfam.  
ex testamento heredem habere non potest, ergo nec ex  
substitutione pupillari, quia testamentum est filij impube-  
ris, quod valet, si morte patris factus sit paterfam. & po-  
stea decesserit impubes. irritum fit. si filiusfam. decesserit  
viuo patre. Ex his principiis constat ratio legis 10. & 11.  
**E** Sed repetendum est etiam breuiter, quod dicemus ex l.  
pen. de suis & legit. Si viuo patre captiuo filius moriatur,  
postea reuerso patre, filius intelligitur decessisse filiusf.  
& heredē nullū habet, nec ab intestato, nec ex testamento,  
vel principali, quod ipse fecit interim, vel pupillari quod  
ei fecerit pater ante captiuitatem. Mortuo autem patre a-  
pud hostes, filius, qui ante decesserat, intelligitur paterfa-  
milias decessisse, factus sc. sui iuris morte patris, quæ lex  
Cornelia fingit prædecessisse, atque ideo hic filius habi-  
turus est heredem, vel ex suo testamento, si pubes fuerit,  
& testamentum fecerit: vel ex pupillari substitutione, si im-  
pubes fuerit, & impubes decesserit, eiq; pater ante capti-  
uitatem substituerit: vel nullo facto testamento, habiturus  
est legitimum heredem, & quod medio tempore acqui-



fieri, post captiuitatem patris pertinebit ad heredem legitimum filij, non ad heredem patris. Quæ est sententia, *d. l. pen. & l. proponebatur §. ult. de pecul. castr.* Cui obstat vehementer, quod omiseram, *lex bona §. quod si filius, b. t.* quæ ait, filium captiui, quod interim acquisiuit, patre mortuo apud hostes, sibi acquisiisse videri. Et sequitur perperam in ea lege, quæ pugnat cum superioribus, *Et si filius viuo patre decesserit*, post pater decesserit apud hostes, quod filius quæsierit medio tempore, pertinere ad heredem filij, quod est absurdum, vt quod filio quæsitum est, non pertineat ad heredem filij. Et vt etiam Accurs. ipse præsentit, in *d. §. est legendum, nec si viuo patre decesserit, ad heredem patris pertinebit*: quandoque pater decesserit apud hostes, non pertinebit scilicet ad heredem patris defuncti apud hostes, quod interim filius adquisierit. Nunc proponamus speciem *l. 10. & explicemus quæstionem totam facillimæ, quæ plerisque videtur difficillima.* Ego aliquando desperavi, me posse venire ad intelligentiam eius *l. 10. & 11. præcipue.* Finge: pater filio impuberi instituto vel exheredato substituit in secundum casum, substituit pupillariter. deinde captus est ab hostibus, & decessit apud hostes: post mortem patris filius decessit in ciuitate impubes: nam pubertate finitur substitutio pupillaris: an valet substitutio pupillaris? Sane valet, quia fictione *l. Cornelia* iam tunc filius intelligitur morte patris sui iuris effectus, ex quo captus est pater. substitutio pupillaris valet in eo, qui morte patris sui iuris efficitur, sic sui iuris, & post moritur impubes. Et ita definit Papinian initio huius legis, & Iulianus in *l. lex Cornelia §. 1. de vulg. subst.* Quidam dicebant, non valere subst. pupillarem illo casu, & habiturum filium heredem legitimum, non substitutum. Et utebantur hac ratione, quia viuo patre sui iuris effectus est, & substitutio pupillaris in eius tantum persona consistit, qui fuit in potestate morientis patris, *l. coheredi §. cum filia, de vulg. subst.* Sed refellitur hæc ratio alia ratione, quia viuo patre non in plenū sui iuris effectus est, vt dixit Papin. *d. l. pen.* Imo morte patris sui iuris videtur factus ex *l. Corn.* quæ fingit, mortuū patrem eo ipso momento, quo captus est, quæ fingit, mortuum esse, qui vixit eo momento, ac etiam sat diu post, viuus habetur pro mortuo. Igitur valet substitutio pupillaris, quia non viuo patre, sed morte patris videtur filius paterf. factus, qui post decessit impubes. Et hoc est quod ait in *1. parte l. 10. iam tunc, &c.* si reuersus fuisset pater, non in captiuitate decessisset, postea mortuo filio viuo patre, certissimum esset, non valere substitutionem pupillarem, quia viuo patre filiusf. decessit sine vllis bonis: cuius nulla sunt bona, eius nulla hereditas est, & cuius nulla hereditas, nullus est heres. Et hoc si, vt posuimus, præmoriatur apud hostes, deinde filius in ciuitate ante pubertatem. Quæro quid sit dicendum, si filius viuente patre adhuc apud hostes decesserit in ciuitate impubes, si præmortuus fuerit filius: Et ex *l. 11. quæ sequitur*, in priori parte, quæ est coaptanda priori parti *l. 10. & est eiufdē Pap. ex lib. 31.* ostendit, idem iuris esse etiam hoc casu, & hoc maxime casu, id constare inter omnes, vt scil. reuerso patre non valeat substitutio pupillaris, quia filius intelligitur decessisse filiusf. viuo patre propter fictionē postliminiij. mortuo autē patre apud hostes, vt valeat substitutio pupillaris, quia paterf. fuisse intelligitur, etiam si prior decesserit, morte patris, quæ fingitur anterior, sui iuris effectus, quia mors patris, licet sit posterior, fingitur fuisse prior lege Cornelia. Et fictio legum veritate potentior est. Nihil igitur refert, filius decesserit post, an ante mortem patris: & vt priore casu præmortuo patre Papin. reiecit in *l. 10.* eorum sententiam, qui admittebant legitimum, non substitutum: ita posteriore casu, id est, præmortuo filio reicienda est sententia Accursij in *l. 11. & in d. l. pen.* admittentis legitimum, non substitutum: substitutus enim præfertur legitimo, quia substitutio suas vires tenet. Et quod ait *l. 11. præmortuo filio nihil esse*, quod de secundis tabulis tractari possit, non hoc est, irritas esse secundas ta-

**A** bul. sed rem esse certam, vt reuerso patre non valeant secundæ tabule, mortuo ibidem patre valeant, tractationē esse rei difficilis & controuersæ, non rei certæ atque cōfessæ. Et est quod ait *l. 11. quod si filius, &c.* id est, constat inter omnes non valere reuerso patre, valere non reuerso. *hostium potius* est per *ὁπαλλὰ γὰρ*, vt Lucet. *4. mortis lethig; potius.* Et ita, vt nunc tractare incipiamus de filio capto ab hostibus, quandoquidem hætenus satis est dictum de patre capto, si mortuo patre filius captus sit ab hostibus, ibique decesserit impubes, cui pater substituerat, similiter posset dici, legitimum admitti non substitutum, hoc colore siue prætextu, quod lex Cornelia videatur eorum testamenta confirmare, qui testamenti factionem habuerunt, quam impubes non habuit. Id reiecit Papinian. in *§. seq. l. 10.* hac ratione contraria atque fortiori, quia si lex Cornelia impuberis legitimam hereditatem confirmat, nulla facta substitutione, & habet pro intestato impubere, qui tamen testamenti factionē non habuit, *l. 1. §. 1. de suis & leg. l. bona, in pr. h. t.* & pro intestato quoque impubere cum habet, si ei testamentum fecerit pater. Igitur ex mente leg. Corn. & voluntate patris, qui substitutum venire voluit, æquum est, hoc etiam casu prætorem dare substituto vtilem petitionē hereditatis, quod idem ostēditur in *l. lex Cornelia §. sed si potest, de vulg. subst.* Vbi est manifestissimum illo loco: *Quare etsi pubes*, legēdum esse (*impubes*) non *pubes*, quod & sic initio *§. seq. l. 10.* ait, *mortuo patre capiatur impubes, &c.* Hoc proponitur in cōtrarium quasi verum, quod posset tētari quasi verum, sed refellitur statim his verbis, *quanquam*, non *quoniā*, vt alias demonstraui, his verbis igitur plane, vbi etiam plusquam manifestum facit superior interpretatio esse legendum, *quanquam*, non *quoniā*, hoc loco ait, non esse alienum, & *d. l. lex Corn.* non incommode dicit, quod omnino cōgruit cum hoc loco, lege Cornelia, dari viles actiones, nō directas: quia iure ciuili, id est, ex *xii. tab.* eius, qui apud hostes decessit, nulla est hereditas, & captiuitate filij impuberis irritæ factę sunt secundæ tab. sed *l. Cornelia* cōfirmantur, contra *l. 12. tab.* Notandum etiam ex hoc *§. ult.* prætorem subsequi voluntatem testatoris, custodem esse, non euerforem testamentorum, *l. factum §. si sub condit. ad Trebell.* esse absurdum, prætorem plus tribuere fideicommissario, quam voluerit testator: item prætorem subsequi voluntatē legis Cornelię, subsequi ius ciuile, vt ait *l. scio, de testib.* & custodem igitur esse prætorom testamentorū, custodē legum. Et *§. quidem* hic vlt. loquitur de filio impubere capto mortuo patre. Vnde quæro quid sit dicendum, si captus sit viuo patre. Et sane hoc casu substitutio pupillaris non valet, quia filiusf. intelligitur decessisse viuo patre, nullis bonis in ciuitate relictis, nec ad hūc casum porrigi potest lex Cornelia: nec enim potest lex Cornelia efficere, vt cuius nulla est hereditas, id est, cuius nulla bona fuerunt in ciuitate, eius sit heres aliquis. Lex Cornelia & hereditatem & heredem facit, vt ait *l. filiusfamilias, ad l. Falcid.* Vtrumq; scil. simul: Nam heredem certe non facit absque hereditate. Nulla autem sunt bona filii-familias viuo patre mortui, aut quem credimus esse mortuum viuo patre. captus est viuo patre, ergo mortuus si non redeat: captiuitas mors est. Itaque patris hereditas pertinet ad heredem patris, ad proximū agnatum ex *xii. tab.* non ad filij substitutum ex *l. Cornelia*. quæ deficit hoc casu. Et ita definitur in *d. l. lex Cornelia*, illo loco, quo dixi apertissimè liquere, esse legendum, *quare etsi impubes.* Exposui duos casus, quorū altero solus pater captus est, altero solus filius. Restat tantum tertius, si vterq; captus sit, pater & filius, & siquidē etiam vterq; ibi decesserit, nec redierit aut redire possit, licet pater prior decesserit substitutio pupillaris non valet, quia is filius nulla vnquam bona habuit in ciuitate: sed si patre mortuo apud hostes filius reuersus postliminio in ciuitate decesserit impubes, substitutio pupillaris valet perinde, ac si ambo decessisset in ciuitate ex *l. Cornelia*, atq; ita primæ tab. sustinentur *l. Cornelia*. ergo & secundę. Nam si non valerent primæ,



nec confisterent secundæ. Et hoc est quod ait in posteriori parte legis vndecimæ: *Si ambo apud hostes sint*, id est, si pater & filius capti sint ab hostibus, & prior pater ibidē decedat, non alias sufficere legē Corneliam substituto, *ἐκ τῶν τῶν νόμον νομοθέτειν*, id est, non aliter legem Corneliam pertinere ad pupillarem substitutionem: (*Sufficere* dicitur, quæ non deficit) quam si post mortem patris reuersus filius in ciuitate decesserit, hoc etiam casu substitutio pupillaris filio decedente impubere valet. Alioquin si uterque decesserit captiuus, substitutio pupillaris non valet. Nihil habentis substitutio non valet: quod proponitur in *l. si pater captus, de vulg. subst.*

Ad l. 27. de donat.

*Aquilinus Regulus inuenis ad Nicostratum rhetorem ita scripsit: Quoniam & cum patre meo semper fuisti, & me eloquentia & diligentia tua meliorem reddidisti, dono & permitto tibi habitare in illo cœnaculo, eoque uti. Defuncto Regulo, controuersiam habitationis patiebatur Nicostratus, & cum de ea re mecum contulisset, dixi, posse defendi, non meram donationem esse, verum officium magistri quadam mercede remuneratum Regulum. Ideoque non videri donationem sequentis temporis initam esse. Quod si expulsus Nicostratus veniat ad iudicem: ad exemplum interdicti, quod fructuario proponitur, defendendus erit: quasi loco possessoris constitutus, qui vsum cœnaculi accepit.*

**P**ROponitur in hac lege brevis epistola Aquilij Reguli ad Nicostratum Rhetorem, præceptorem & magistrum suum in arte dicendi, qui vt hodie sciunt omnes ex Suida floruit etate Papiniani sub M. Antonino Imperatore, & Rhetor cum esset, non Iurisconsultus, vt ex hoc loco apparet, de iure consuluit Papin. retulitq; elegans responsum, quo causam suā tenuit, vt probabile est. Verba epistolæ hæc sunt: *quoniam & cum patre*, &c. videtur esse donatio, non tam quod dicat, *dono*: nec enim hoc verbū semper donationem facit, vt constat ex quodam loco *l. sed addes, loc. sed* quod ei gratis habitare permittit in cœnaculo ædium suarū: Namq; hoc modo videtur ei donare id quod pro habitatione non soluit, *l. in adibus, in princ, h. t.* Et breuitas epistolæ non vitiat donationem, *l. si aliquid C. eod.* Donatio autem hodie quidem perficitur nudo consensu, vt emptio venditio, ex cōstitutione Iustin, non satis æqua, quoniam iuris auctorū mos est vetustissimus, vt donationes non facile admittant, non temere approbent. Sanè ex iure veteri ex l. Cincia, quæ fuit de donationibus, & ob id dicta est lex muneralis à Plauto, ex illa lege, vt dicitur in *Non. 16. 2.* donatio perficitur re, non consensu solo, non consensu, non nuda voluntate, nisi inter parentes & liberos ex const. D. Pij, *l. 4. §. 7. C. Theod. de donat.* non perficitur nuda ratione, vt si quis donandi animo referat in rationes suas, se debere aliquid Titio, nulla donatio est: nuda ratio non facit donationem, quod proponitur in l. quæ præcedit. quia nuda ratio non habetur pro traditione. Retentio vsusfr. quæ hodie in omnib. causis tantum potest, quantum traditio, quæ vim & effectum traditionis habet, in donationib. non habebatur pro traditione, *l. pen. C. Theod. de donat.* Hodie etiam retentio vsusfr. in donationibus habetur pro donatione, & eo quoque genere perficitur donatio, quasi is qui retinet vsumfructum in re sua, quem nemo habet in re sua, sed in re aliena, quia nemini res sua seruit, is videtur eam rem facere alienam traditione fictitia, in qua retinet vsumfruct. *l. quisquis, l. si quis argentum §. sed si quidem, C. h. t.* Est etiam in seruitutibus patientia pro traditione, quia seruitutes tradi non possunt corporaliter, non possunt tangi aut cerni: sed patientia est pro traditione. Si dominus patiat alium in re sua vt seruitute aliqua, patientia est pro traditione, & cessio & permissio, *l. 3. de vsufr. l. si ego §. 1. de Public. in rem act. l. 1. §. ult. de seru. rust. præd.* vbi inquit Iu-

**A**risconsultus, traditio, hoc est cessio, si quis dicat, se cedere seruitutem illam vel illam, & patientia & cessio seruitutū inducit officium prætoris nepe hoc efficit, vt eum, quē dominus patitur vt seruitute veluti vsufructu, vsu, habitatione, prætor tueatur quasi possessorem, data exceptione, & data etiam actione Publiciana, si forte ceciderit possessione, *d. l. si ego, §. 1. & l. si actione, si seru. vind.* Atque etiam dato interdicto quasi possessorio, veluti vt possidetis, vel vnde vi, quod cōstat dari fructuario & vsuario, si prohibeantur frui vel vt, *l. ult. vt poss. l. 3. vnde vi, l. i. si non. l. si plures §. deiectum, de vi & vi arm.* Ergo exemplo fructuarij & vsuarij, dabūtur etiam hæc interdicta veluti possessoria Nicostrato in hac specie, cui est permissa habitatio cœnaculi, cui habitatio & vsus cœnaculi pene idē est. Is igitur cui cessio est, aut permissa habitatio, pene vsuarius est, in plerisq; vsuario comparatur, nisi quod habitatio nō amittitur capitis deminutione, vel non vtēdo, vsus amittitur. vtrumq; tamen ius finitur morte eius, cui concessum est ius habitandi. Et hoc est, quod dicitur habitationem & vsum ædium pene idem esse, *l. 32. de vsufr. l. 10. de vsu. & habit.* Et rursus hoc est, quod Papin. ait in fine huius l. Nicostratum expulsū ab heredibus donatoris, esse tuendū quasi possessorem, ad exemplū interdicti, quod datur fructuario vel vsuario, puta dato interdicto vnde vi, vel si alias inquietetur, dato interdicto vt possidetis. Donatio autem Nicostrato facta per epistolā, quod fit recte, *l. 5. & 13. C. eod. tit. l. Lucius, inf. h. t.* Nam & traditio, vel quasi traditio recte fit per epistolam in *l. prædia, de acq. poss.* Traditio non tantum fit re, id est, naturali apprehensione, sed etiam verbo, *l. quod meo §. si vendit. de acquir. poss.* & literis siue epistolis, *d. l. prædia*, sed exigitur, vt donatarius, ad quem scripta est epistola, eam acceperit, & liberalitatem agnouerit, ac amplexus fuerit, hoc est gratam habuerit, nec enim intelligitur donatio sine acceptione. Et recte *l. 8. de bon. libert. si patrono*, inquit, *libertus donauit, ille accepit.* Et hoc est, quod dicitur, donationem non fieri *μονομερῶς, l. 15. C. de sacrosanct. Eccles. & Gallice, donner & retenir ne vaut au coutumier de Champagne, titre des donat. art. 1.* At quærebatur in specie huius legis, an ita Nicostrato donata habitatione, & vsu cœnaculi in ædibus Aquilij Reguli ciuis Romani, an, inquam, defuncto eo donatore, heredes eius donatoris Nicostratum expellere possint cœnaculo? Dubitationē faciebat, quod Scæuola ait in *l. Lucius, inf. h. t.* in qua proponitur, quendam per epistolam donasse euidam gratuitam habitationem superioris cœnaculi, vel superioris diætæ, vt ait donatario se concedere superioris diætæ habitationē, se concedere habitationem superioris partis domus suæ, quamdiū vellet donatarius: *quamdiū volueris, vtaris gratuito superioribus diætis adium mearum.* Post mortuus est donator, queritur, an heredes eius possint donatarium prohibere habitatione? Et respondet, posse: posse expellere habitatione donatarium. Fuit Scæuola peritissimus iuris. Et hoc ita respondit ex ipso iure, nempe vt opinor ex lege Cincia quæ modum imposuit donationibus certum, de quo agitur in *l. cum de modo, & l. vt mihi l. fideiusso. h. t.* Nec enim permisit donare in infinitum vel immodicum, exceptis certis quibusdam personis, *l. contra, de legib.* In qua etiam fit nominatim mentio legis Cinciae. Atque etiam de ea lege Cincia est inscriptio *d. l. contra.* Ac præterea lex Cincia ex pluribus causis infregit donationes, ac reddidit inutiles, *l. 1. §. 1. quibus mod. pig.* Deniq; donationes restrictius accepit, & ipse Scæuola & accipere libenter inhiuisset, deinceps etiā Iurisconsulti omnes & Imperatores. Nam & in donationibus exigunt actorum confectio-nem siue insinuationem, & ex facili eas infirmant. Inter cætera hoc ius fuit vt constat ex *d. l. Lucius*, vt donato vel gratis concessio vsu cœnaculi, vel diætæ habitandi causa, non cogatur heres donatoris eum ferre inquilinum vel habitatorem, nisi aliud dictum sit, nisi nominatim cauere donator in instrumento donationis, vt inquā, non cogatur ferre eum inquilinum, etiam si dictum sit, vt quamdiū



vellet habitaret, vt d. l. *Lucius*, quoniam id ita restrin-  
gitur, quandiu vellet viuo donatore. Cum igitur de here-  
de suo donator fecerit mentionem, non cogetur heres ei<sup>9</sup>  
eam ferre inquilinum, sed poterit eum expellere. Et hac  
ratione moti heredes Aquilij Reguli Nicostrato facie-  
bant controuersiam, quin imo abire & migrare iubebāt.  
Et Papin. refert hoc loco, Nicostratum secum ea dere  
contulisse, vt loquitur etiam Plinius 4. *epist. Contuli*, in-  
quit, *cum prudentibus*. Et refert Papin. se Nicostrato res-  
pondisse, non valere quidem eam rem mortuo donatore,  
vel donationem, nec ab initio fuisse meram donationem,  
sed remunerationem. Sæpe fit, vt quod non valet vt do-  
natio, valeat vt pactum, l. i. §. i. *quib. mod. pig. vel hyp. solu.*

Emptor venditori pignus dedit pretij nomine; deinde  
vendidit donauit pretium emptori. mortuo donatore  
constitit inutile esse donationem, an pignus valet? mi-  
nime: quia donationi inutile inest pactum, & constat  
pacto solui pignus. non valet res vt donatio, id est, nulla  
est remissio petitiij. integra est pretio pretij, sed petitiio  
pignoris non est integra. Et ita etiam l. *Modestinus, h. t.*  
si creditor remiserit vsuras futuri tēporis, aut minuerit,  
hæc res valet vt pactum, & petenti vsuras obstat ex ce-  
ptio pacti, neque exigetur hæc res ad modum donationis:  
alioquin esset plerumque inutilis, si esset immensa quan-  
titas, aut immodica vsurarū. Igitur vt ea lex ait, in ea do-  
natione vsurarum nihil vitij potest incurrere ex modo  
legis Cinciae, ex summa quantitatis, quia res æstimabitur  
vt pactum. Et ita etiam in specie huius legis nostræ, res  
æstimatur non vt donatio mera, sed vt remuneratio, quia  
& verius remuneratio est, quasi merces doctrinæ, siue mi-  
neruale, aut permutationis genus quoddam, siue *auis d. o.*  
*ess.* l. sed et si lege §. *consultus, de hered. pet.* Male obiicitur  
huic legi lex *Lucius*. Nam tantum abest, vt Papinian. dis-  
sentiat à Scæuola, vt maxime probet, quod est scriptum  
in l. *Lucius*, sed respondet ita, hoc non fuisse donationem  
meram, sed remunerationem præceptorum, quam vtique  
non oportet accipi restricte, quia & ad eam non perti-  
net legis Cinciae modus aut rigor. Licet enim præcepto-  
ri donare in infinitum, non seruato modo legis Cinciae,  
quia doctrina certo modo nō æstimatur. Ita etiam in spe-  
cie l. *si pater §. ult. h. t.* si me liberaueris à latrunculis vel  
ab hostibus, siue eripueris, & pro eo tibi donauero ali-  
quid immodicum & immensum, donatio valet, est irre-  
uocabilis, quia non tam est donatio quam remuneratio,  
& merces eximij laboris, quod vi me eripueris, non cer-  
to pretio, & contemplatio illa salutis non potest æstima-  
ri certo modo. Itaque ad eam non pertinet lex Cincia.  
Igitur ad meras donationes tantum pertinet, non ad re-  
munerationes eximij & inæstimabilis beneficiij. Quare  
nec in his remunerationibus hodie insinuatio requirere-  
tur, quia permutationes potius sunt beneficiorum, quam  
donationes. Igitur Papinian. fatetur esse verissimū quod  
est in l. *Lucius*, heredem non cogi stare donationi defun-  
cti, qui gratis cōcessit vsum coenaculi, vel habitationem,  
nec de heredibus suis illam mentionem habuit, sed inter-  
pretatur hanc legem, vt pertineat tantum ad meras dona-  
tiones, non ad remunerationes.

Ad l. 40. de mortis causa don.

*Si mortis causa inter virum & uxorem donatio facta sit,  
morte secuta reducitur ad id tempus donatio, quo interposita  
fuisse.*

**N**ihil est in l. 40. de mortis causa donat. quod non ex-  
posuerim in l. 76. de hered. inst. lib. 15. Donatio inter  
viuos non valet inter virum & uxore, donatio directa &  
absoluta. donatio causa mortis valet, quia id tempus ex-  
currit, quo solum erit matrimonium. Sed videndum  
est, an mortuo donatore donatio retrahatur: vt si seruus  
donatus sit mortis causa, an quod retro acquisierit is ser-  
uus medio tempore, pertineat ad donarium, an fundi

A donati fructus? an ancillæ donatæ partus pertineant ad  
donarium mortuo donatore? Et distinguendum: aut ita  
facta est donatio, vt tunc dominium transferretur in do-  
narium, cum mortuus erit donator, & hæc non retro-  
trahitur, l. sed interim, l. si seruus, de don. int. vir. & uxor.  
l. 76. de hered. inst. aut ita facta est donatio causa mortis,  
vt ex eo ipso tempore valeat, quo interposita est. Et hæc  
retrotrahitur.



## IACOBI CUIACII IURISCONSULTI COMMENTARIUS in Lib. XXX. Quæstionum Æmilij Papiniani.

Ad l. si metus 85. D. de acq. her.

*Si metus causa adeat aliquis hereditatem, fiet, vt quia in-  
uitus heres existat, detur abstinendi facultas.*



**D**X lib. 30. sunt tantum leges tres. Prima est  
lex 85. de acqu. hered. cuius verba sunt, *si metus*,  
&c. Quemadmodum suis heredibus, qui ipso  
iure inuiti heredes existunt, prætor dat faculta-  
tem abstinendi, & si abstinuerint se bonis, soluuntur om-  
nibus oneribus hereditariis beneficio prætoris: nam iure  
ciuili necessarij sunt, l. necessariis, h. t. ita voluntariis here-  
dibus, puta extraneis, qui non sunt ex familia testatoris, si  
forte aliquo casu inuiti heredes existunt, vt si metu illato  
à creditoribus hereditariis adierint, hoc casu etiam his  
prætor dat abstinendi facultatem post aditionem. Et est  
sententia huius legis, & l. si mulier §. pen. quod met. cau-  
sa. Necessariis autem heredibus veluti seruis à domino  
heredibus institutis cum libertate, licet inuiti heredita-  
tem adeant, non datur abstinendi facultas. Hi vero sunt  
necessarij heredes, qui omni iure necessarij sunt d. l. neces-  
sarijs. Non est igitur nouum, vt inuiti heredes fiant, fiunt  
ipso iure necessarij, & ciuili, & prætorio iure. sui ciuili  
iure fiunt per prætorem, postulante fideicommissario, vt  
sæpe legitur in tit. ad Senatuscons. Trebellian. fiunt & qui  
adeunt metus causa, vt in hac lege, quo genere & inuiti  
contrahunt nuptias, l. si patre cogente, de ritu nupt. quia co-  
acti tandem voluerunt. Denique voluerunt, sed inuiti  
per se, voluerunt, sed ægre, non libenter, non iucunde,  
non sponte. Principia necessitatis fuerunt, postprinci-  
pia quasi voluntatis, d. l. si patre. ex Celsi lib. 15. Digest  
Et videtur esse coniungenda cum eo, quod ex eod. libro.  
Celsi refertur in l. 6. §. ult. h. t. quæ obiicitur huic legi, &  
d. l. si mulier §. pen. Coniungenda, inquam, hoc modo, vt  
sint quidem nuptiæ, si quis eas contraxerit volens licet  
coactus, non etiam si fallens, id est, simulans se velle,  
cum nolle: sicut is qui volens adiit hereditatem, licet  
coactus metu, verberare, vel alio timore, heres sit aditio-  
ne, non etiam si fallens adiit. Et ita loquitur Celsus in  
dicto §. ult. & notat non male Accurs. an fallens adierit,  
protestatione præcedente, declaratione habita seorsim.  
Et eo iure vtimur sapissime in multis negotiis.

Ad l. 19. de manumiss.

*Si quis ab alio nummos acceperit, vt seruum suum manu-  
mittat, etiam ab inuito libertas extorqueri potest, licet plerun-  
que pecunia eius numerata sit, maxime si frater, vel pater na-  
turalis pecuniam dedit: videbitur enim similis ei, qui suo  
nummis redemptus est.*



**H**is proxime adficiemus recte, quod eod. lib. scripsit A  
Pap. de eo. qui inuitus seruum suum manumisit, l.  
19. de manumis. Aliquando inuito domino extorquetur li-  
bertas, sed volenti tandem potius, quam nolenti, ut si à Ti-  
tio libero homine nummos acceperis, non quasi pretium  
serui, sed veluti eliciendi, aut promerendi istius beneficij  
gratia, ut seruum tuum manumitteres, inuitus manu-  
mittis, & poteris compelli per actionem præscriptis ver-  
bis, l. naturalis §. at cum eo, de præscript. verb. Quod utique  
verum est, ut eleganter Pap. docet hac lege, si Titius non  
nummos suos tibi numerauerit, sed nummos tuos, id est,  
nummos serui peculiares, modo si Titij inter sit seruum  
manumitti, puta affectus ratione, quod is seruus sit ei  
frater naturalis, id est, ex eodem contubernio procreatus  
vel filius aut pater naturalis, ex contubernio scil. pater  
ciuilis, est tantum ex iustis nuptiis. Affectus autem ipsius,  
quo ducimur omnes erga cognatos, habetur ratio in om-  
nibus iudiciis. siue sint bonæ fidei, l. cum seruus, mand.  
siue strictæ, l. 6. & 7. de seru. export. Et nostra interesse  
creditor seruum manumitti propter affectionem iustam  
& naturalem, licet nihil inter sit pecuniariter. denique  
interest nostra fidei, non vere. Et in iudiciis igitur ali-  
quando admittitur ficta quædam ratio eius quod inter-  
est. Alioquin si Titij nihil inter sit seruum manumitti, eu-  
ius manumittendi gratia tibi dedit pecuniam non suam;  
sed peculiarem serui, non potest te cogere, ut seruum  
manumittas. Non est autem mirum, si nummis acceptis  
peculiaribus serui, quos non ignorabas esse peculiares,  
cogaris cum manumittere, cum si ab ipso seruo accepe-  
ris sciens nummos peculiares, atque etiam tuos, cogaris  
etiam eum manumittere, ex constit. Diuorum fratrum ad  
Urbium Max. l. 4. hoc tit. l. vix certis, l. qui se, de iudic.  
Dedit tibi seruus tuus pecuniam peculiarem, ut eum ma-  
numitteres, non manumittis, moraris, cunctaris. non  
fiet liber ipso iure, sed extra ordinem interuentu præto-  
ris: seruus tuus poterit te compellere, & tibi inuito ex-  
torquere libertatem. Posui initio, Titium non dedisse  
nummos, quasi pretium serui: nam si dedit quasi pre-  
tium, seruus, cui mora fit in præstanda libertate, fiet  
ipso iure liber ex constitutione Marci, & Commodi ad  
Aufidium Victorinum, l. Paulus resp. de lib. causa, l.  
4. C. si mancip. ita fuer. alien. ut manum. Male Ac-  
curs. contra ponit, Titium dedisse nummos quasi pre-  
tium: nam hoc casu non esset compellendus dominus  
manumittere; sed lex faceret liberum sine facto domini,  
non eligeretur factum domini. Constitutio representat  
libertatem post moram domini. Illa constitutio scili-  
cet quæ scripta est ad Aufidium. Ac præterea, si dees-  
set pretium, Titius non solueret recte de peculiaribus  
nummis: nam pretia oportet emptores dare de suo: alio-  
quin non liberantur, d. l. cum seruus, mand. & l. vn. si seru.  
ext. se emi mandan.

Ad l. 12. ad l. Falcid.

*Si debitor creditore herede instituto, petisset, ne in ratione le-  
gis Falcidie ponenda creditum suum legatariis reputaret, sine  
dubio ratione doli mali exceptionis apud arbitrum Falcidia  
defuncti voluntas seruatur.*

**S**ciendum est, heredem in ponenda ratione legis Falci-  
diæ, in ponenda ratione legatorum & bonorum à de-  
functo relictorum, prius deducere bonis æs alienum. Bo-  
na intelliguntur deducto ære alieno. Deducere autem bo-  
nis æs alienum, etiam id, quod sibi defunctus debuit, cum  
creditor debitori heres existit: idque reputare legatariis.  
quamuis creditum sane sit confusum aditione: sed confu-  
sione tollitur tantum actio, non deductio, retentio, repu-  
tatio. Et hoc est proditum in l. 15. §. quod auus, h. tit. l. qui  
fundum §. si quis heredem, h. t. l. 6. & 8. C. eod. l. vn. §. igitur,  
C. de rei vx. act. Et sic vice versa, id, quod heres defuncto  
debuit, cum debitor creditoris heres existit, certum est,

eum bonis computare, contribuere, connumerare, quam-  
uis aditione, confusum sit, confusione non tollitur repu-  
tatio, l. 1. §. si debitor, & l. 56. h. tit. Hæc sunt certissima  
principia iuris, quæ vitiantur in casu proposito in hac l.  
12. in qua exponitur vnus casus, quo heres non deducit  
bonis quasi æs alienum id, quod sibi defunctus debuit in  
ponenda ratione legis Falcidie, puta, si compensandi ani-  
mo debitor creditorem suum heredem scripsit ea lege ne  
creditum suum bonis deduceret, & legatariis reputaret,  
sed id compensaret cum Falcidia. necesse est, ut id cauerit  
aperte. Et hoc ita, si cauerit, ut seruetur hæc voluntas de-  
functi, legatarij consequuntur, eoque augebuntur eorum  
legata, hoc inquam, consequuntur, ut ait, apud arbitrum  
legis Falcidie, apud quem inquiritur ratio legis Falcidie,  
qui & iudex dicitur, l. cum Titio, h. t. hoc, inquam, conse-  
quentur opposita exceptione doli mali: nam si heres præ-  
ter Falcidiam velit deducere etiam creditum suum, re-  
pelletur exceptione doli mali, per quam certum est sole-  
re compensationem opponi. Aut sane, quod maxime  
notandum, ratione doli exceptionis, quæ hodie tacite in-  
est in omnibus iudiciis, ipso iure fiet compensatio crediti  
cum Falcidia, l. vnum ex famil. §. sed si vno, de leg. 2. l. inter,  
de administr. tut. l. posteaquam, de compensat. Et obseruan-  
dum maxime Papinian. hoc loco dicere, legatarios hoc  
consequi, ne scilicet, quod sibi defunctus debuit, heres  
detrahat bonis, non opposita exceptione doli mali: nec  
enim necesse est opponi. sed ratione doli, exceptio,  
quæ scilicet inest tacite, etiam non opposita: nam in om-  
nibus iudiciis, hodie compensatio fit ex tacita exceptio-  
ne doli, quæ fiebat olim ex expressa. Et est sententia hu-  
ius legis 12. Finge: Debitor qui quadringenta habuit in  
bonis, me creditorem suum heredem scripsit, & one-  
rauit legatis, & cauit, ut hereditatem suam compensa-  
rem cum meo credito. ex hereditate eius cum effectu per-  
cipio Falcidiam tantum, dodrantem erogo legatariis. si  
tantum mihi debuit, quantum iure Falcidie percipio,  
nihil retineo iure crediti, quia creditum testator cum  
Falcidia pensari voluit, solam Falcidiam retineo, id est,  
centum: alioquin si id non cauisset testator, retinerem  
centum septuaginta quinque: nam alia viginti quinque  
inessent quartæ bonorum, si plus mihi debuit, quam iure  
Falcidie percipio: ut si debuit mihi 150. cum Falci-  
dia sit tantum modo 100. detraham 100. pro Falcidia, &  
50. tantum pro superfluo debiti in l. 15. §. cum fideicom-  
missum, h. t. Nam ut ibi ait, compensatio fit tantum ad  
finem Falcidie, ad parem quantitatem, ad concurren-  
tem quantitatem, & superfluum debiti detrahatur do-  
dranti. Et male Accurs. & aliqui, quantulamcumque  
Falcidiam sufficere compensationi. Falcidiam cen-  
tum sufficere credito 200. Nam mens huius l. 12. eadē  
est, quæ §. cum fideicommissum, ut compensentur tantum  
concurrentes quantitates pari pecunia, pari ære, pari nu-  
mero, ut etiam in specie d. l. 15. §. quod auus, & l. cum pa-  
ter §. Titio, in priorē parte, de leg. 2. nunquam quantulicun-  
que fructus sufficiunt compensationi. Et male, quod  
proponitur testator cauisse in hac l. 12. ne heres credi-  
tum suum reputaret legatariis, his verbis, testatorem non  
induxisse compensationem crediti cum quadrante bonorum  
suorum: nam quid aliud agere potest? quid aliud egit,  
quam ut fieret compensatio? Porro hæc voluntas testa-  
toris creditum compensare volentis, non prohibet Falci-  
diam, quod etiam hoc iure non potuit, prohibet palam, l.  
nemo, de leg. 1. Sed fraudem ei facit quodammodo: nam si  
tantum sit in credito, quantum est in Falcidia, nihil vide-  
tur retinere iure Falcidie, quandoquidem id, quod reti-  
neo iure Falcidie, iam mihi debebatur. Atque ita hac ar-  
te quodammodo inhibetur Falcidia, & fit non male, ta-  
men seruanda est hæc testatoris voluntas. Igitur si credi-  
tor, quem testator heredem scripsit, possit ei succedere  
etiam ab intestato, puta, quod sit ei proximus agnatus,  
prudenter fecerit si repudiauierit testamentum, ne frau-  
detur Falcidia, & possideat hereditatem ab intestato. Et  
ita



ita suadent iuris auctores; ut se ita in hac re gerat, id cum facturum impune, id est, citra metum edicti, si quis omis-  
sa causa testam. quia id facit fraudis testatoris exclu-  
dendæ gratia, qui voluit fraudare legem Falcidiam. Et  
hæc est sententia d. l. cum pater §. Titio, quæ confirmatur  
etiam l. 42. de acquir. hered. l. 6. §. si patronus, de bon. libert. l.  
Papin. §. quarta, de iur. offic. testam.



IACOBI CUIACII  
IURISCONSULTI  
COMMENTARIUS  
in Lib. XXXI. Quæstionum  
Æmilij Papiniani.

Ad l. 9. de stat. hom.

In multis iuris nostri articulis deterior est conditio fæmina-  
rum, quam masculorum.



**E**X libro 31 quæst. sunt II. quatuor, è qui-  
bus exposui vnam nuper, eamque diffici-  
liorem, libro 29. ad leg. 10. de captiv. & post.  
ven. leg. 11. scilicet eiusdem lib. Restant  
igitur trestantum, & notæ quædam Pauli  
in hunc Papiniani librum. Prima erit lex  
9. de statu hom. Omittam quæcunque scripsit Accursius  
in hanc legem, non quod sint ea contemnenda, sed quod  
sit vobis in promptu ea legere. deterior inquit, est conditio.  
Conditio, quantum ex titulo intelligere licet, est status, l.  
qui cum alio, de divers. regul. iur. status conditionis, l. cuius  
de iure patron. Status etiam ex sexu discrimen aliquod ac-  
cipit. Et ob id in l. seq. de hermaphrodito, quæritur, cuius  
sexus æstimari debet, sed sane hoc fit improprie. Nam sta-  
tus proprie non decernitur ex sexu, sed ex conditione li-  
bertitatis, aut servitutis, aut brevius ex statu capitis, &  
servitutis. Status proprie discrimen non accipit ex sexu.  
Et tamen ex hac lege 9. & seq. cernis, sub tit. de statu ho-  
minum, agi de discrimine sexus; quamvis uterque ponat-  
ur esse eiusdem status, puta mas, & fæmina liber uter-  
que, aut servus uterq., quem ego ab usum vix fero. Quod  
autem ait, deteriorem esse conditionem fæminarum,  
quàm masculorum, hoc natura ipsa constat satis, ut Ari-  
stoteles in Politic. 1. τὸ ἀρρεν εἶναι κατὰ φύσιν, sexum  
masculum esse meliorem, muliebrem deteriorem, vel, quod  
natura maris sit imperare, fæmina obsequi. Sed præter natu-  
ram etiam in multis articulis iuris civilis, id est, in multis  
partibus deterior est conditio fæminarum quam mascu-  
lorum. Ius civile subsequitur naturam, dixerim pene, nō  
in multis, sed in omnibus partibus & iuris naturalis &  
civilis. Nam & in quibus causis melior videtur esse con-  
ditio fæminarum, puta, quod ex intercessionis causa  
non obligentur ex Senatusconsulto Velleiano, & quod  
in pœnis parcitur, lapsis iuris ignorantia succurritur, &  
generaliter, quod eis non nocet iuris ignorantia, quæ  
maribus nocet: in his ipsis apparet deterior conditio mu-  
lierum. Cur subuenitur deceptis? Cur ignoscitur lapsis?  
quia deterior & imbecillior est conditio earum, sed dete-  
rior natura, non etiam iure, in his causis. Vnde dicemus  
rectius, in multis causis iuris civilis, non in omnibus dete-  
riorem esse causam fæminarum: in omnibus sane, si  
naturam spectas: non in omnibus, si leges, sed tamen in  
multis leges deteriorem fecere conditionem fæminarum  
aliquanto plus, quam natura. Lege Voconia masculorū  
hereditas iure agnationis non pertinet ad fæminas ultra  
consanguinitatem, id est, fratrum legitimorum gradum,  
fæmina fratri aut sorori est legitima heres, non filio fra-  
tris, non patruo, & tamen filius fratris amitæ est legiti-  
mus heres. Patruus filix fratris est legitimus heres. Non  
est igitur successio reciproca, quia ad fæminas non redit  
masculorum hereditas ultra gradum consanguineorum,  
id est, fratrum. In iure semper consanguinei nomine si-  
gnificatur fratres. Vnde apparet illorum abusus intole-  
rabilis, qui dicunt arborem consanguinitatis, consan-  
guinitatem accipientium pro cognatione, cum semper  
accipiat pro fraternitate tantum, nec etiam descriptio  
graduum vquam appellata est arbor, nam nec arboris  
speciem habet ullam. Et de hoc capite legis Voconix  
Paulus scribit 4. Sentent. tit. de intest. success. & intellige  
de eo §. ceterum, Institut. de legit. agnat. success. Lege  
item Voconia non licet fæminam heredem scribere, ne  
filiam quidem vnicam, ut aperte scribit Divus Augu-  
stinus 3. de civitate Dei, cap. 21. Nolebant, inquit, di-  
vites fieri fæminas, sciebant nihil esse intolerabilius divite  
fæmina. Patroni quoque liberi masculi idem ius habent  
in hereditatem liberti, quam & ipse patronus, non etiam  
fæminæ, quod constat ex fragmentis Vlpiani, & ex con-  
stitutione Græca Iustiniani, de iure patronat. Ac præ-  
terea filij præteritio, quæ iniuria quædam est, nullum  
facit testamentum patris, non præteritio filix. filius no-  
minatim exheredandus est, non etiam filia, quod obti-  
nuit ante Iustinianum. Et, ut ex M. Catone Gellius  
refert, deprehensam in adulterio vxorem licebat impu-  
necare sine iudicio, quod & Nou. quædam permisit  
contra legem Iuliam de adulteriis, quæ hanc potestatem  
marito omnino non dedit. Vxori autem virum, ut Catō  
dixit, si adulteraret, ius non erat ne digito quidem con-  
tingere. Et constat etiam hodie virum non posse accu-  
sari adulterij: mulierem posse, l. 1. C. ad leg. Iul. de a-  
dult. & præterea vxores viros elugere, non contra, l.  
vxores, de his qui not. infam. & coerceri secundas nu-  
ptias mulierum, Nouell. 21. Et libertum vnum, qui pro-  
curat negotia Senatoris masculi, non qui fæminæ, con-  
stat habere vacationem tutelarum, l. 15. §. ἐμπύρις, de  
excusation. tutor. Senatorem, fæminam dico, quæ Se-  
natori matrimonio iuncta est; nec enim potest fæmi-  
na ingredi in Senatum, & multo minus in secretius con-  
siliium Principis, caputque eius deuotum est inferis Se-  
natusconsulto quæ id esset factura, Lampridius in He-  
liogabalo. Ex quibus omnibus quæ Accursio addi-  
mus, intelligere est, verum esse quod Papinianus ait,  
in multis, &c.

Ad l. 52. de adoptionibus.

Nonnunquam autem impubes, qui adoptatus est, audiendus  
erit, si pubes factus emancipari desideret, idque causa cognita  
per iudicem statuendum erit.

1. §. Imperator Titus Antoninus rescripsit priuignum suum  
tutori adoptare permittendum.

**E**rtum est, patrem naturalem vel adoptiuum non  
posse cogi filium emancipare, quod proponitur in l.  
31. nec indiget probatione. Sunt tamē quidam casus, qui-  
bus cogitur. Vnus est in l. ult. si à parente quis man. quod  
cogitur filium emancipare extra ordinem, ut si sit impius  
& atrox erga filium, causa cognita & probata extra ordi-  
nem cogetur emancipare. alius est in l. si cui legatum, de cō-  
dit. & demonstr. & alius in hac l. 52. si impubes sit adop-  
tatus, & pubes factus probauerit sibi nō expedire adoptio-  
nem: nam causa probata cogetur pater eum emancipare,  
atque ita recipiet pristinum ius. Hoc dicitur de impubere  
in leg. seq. sed idem procedit in pubere minore xxv. annis,  
qui se præbuit adrogandum: Nam & hic potest restitui in  
integrum aduersus adrogationem, l. 3. §. si quis minor, de  
minor. adoptionem impuberis permittit constitutio Titi  
Antonini, ut dixi, l. causa, de vulg. & pup. subst. 29. quæst.  
Nam ante illam cōstitutionem impubes non potuit ado-  
ptari, & ut subiicitur in hac lege, eam permisit etiam tu-  
tori adoptare permittendum.



tori, vt etiam si vellet tutor pupillum suum adoptaret, maxime causa cognita, si affectu paterno ducatur, vt si vitricus datus sit tutor priuigno. Est enim sæpe vitricus in priuignum animi paterni, l. 15. de neg. gest. Et ideo iure datur tutor priuigno, l. ult. C. de cont. ind. tut. Et siue sit tutor ex constitutione Antonini, siue non sit tutor, priuignum adoptat iure. Plinius in 10. Epist. & inquit, adoptionem à vitrico meruit. Ponendum est, vitricum adoptasse priuignum puberem: nam ætate Plinij impubes non potuit adoptari, non solet permitti adoptio ei, qui tutor fuit, ne ratio reddendæ tutelæ cohibeatur, l. nec ei, h. r. Quæ ratione etiam interdictæ sunt nuptiæ cum ea, cuius tutelam gessimus vel curam, l. pen. de ritu nupt. ne cohibeatur ratio reddendæ tutelæ, vel occasio retrahendæ rationis tutelarior intra tempora restitutionis in integrum. Ergo permittitur etiam non debet tutori adoptiuo pupilli, sed causa cognita permittitur, maxime si vitricus tutor priuignum adoptauerit, quia penè patris loco est.

Ad leg. Quod si filius 11. de capt. & post. reu. vide lib. xxix. ad l. 10. eod.

Ad leg. 78. de reg. iur.

Generaliter cum de fraude disputatur, non quid habeat actor, sed quid per aduersarium habere non potuerit, considerandum est.

**N**on recte videtur concepta hæc regula. Qui arctius etiam & accuratius acceperit, desiderabit in ea semper aliquid; cum de fraude disputatur, inquit, non consideratur quid habeat actor, qui de fraude sibi acta agit, sed quod sequitur recte, consideratur, quid non habeat, per fraudem aduersarij. Sed cur etiam admonuit non considerari, quid habeat actor? Et vulgo quidem proprie hanc regulam referunt ad actiones fraudatorias, quamquam cum sit generalis, possit referri ad omnia iudicia, in quibus de fraude queritur vel principaliter, vel per consequentiam. Actiones fraudatoriæ sunt veluti Pauliana ob fraudatos creditores: vel Fabiana, aut Caluissiana ob fraudatum patronum. Et si hanc regulam ad has actiones refers, quia sane his proprie conuenit, & quia ad eas etiam constat referre legem seq. & ego fateor. Hoc igitur proposito, hic erit sensus huius regulæ: Si creditor agat Pauliana, vt rescindat, quæ debitor gessit & donauit in fraudem suam, in necem suam, ne queratur in hoc iudicio, quid creditor habeat de bonis debitoris possessis. nam Pauliana non datur, nisi creditore ante misso in possessionem, & bona debitoris possidere iussu, §. item, si quis in fraud. de action. Vt igitur actione Pauliana non queritur, quid habet actor ex bonis debitoris, quæ possidere iussus est, & quæ distraxit, sed queritur & consideratur, quid amplius habere potuerit, si ei fraudator, id est, debitor ipse fraudem non fecisset, vel is, qui contraxit cum fraudatore, si ei non obstitisset. nam actio Pauliana datur in vtrumque, l. 1. inf. qua in fraud. cred. vt scilicet recipiat quod habere potuit, si ei possidere licuisset, quod fraudator in eius fraudem alienauit. Et si hic est sensus, inelegas videtur esse & inconsequens: Nam quis nescit hoc non considerari, quod iam habet actor, cum queritur quanto fraudatus sit? Igitur melius est, sic struere verba huius regulæ, & disponere apud se tacito intellectu, vt non consideretur quid habeat aduersarius, cum quo agitur fraudatoria actio, sed quid actor habere potuerit, si ei possidere licuisset per aduersarium, vt similiter Papin. definit in l. si nauis §. ult. de rei vindicat. Cum agitur de mala fide possessoris, & de fructibus ex re aliena perceptis, quos restituere debet actor, non spectari, quos habeat, fructus aduersarij: quid enim, si fuerit negligens in eis percipiendis? sed spectari, quos fructus actor percipere potuisset, si possedisset, aut possidere licuisset per aduersarium,

l. ait prator §. per hanc, qua in fraud. credit. Qui duo loci adducuntur ab Accursio. hoc loco rectissime. At certe probabilior est scriptura Græcorum, quæ mihi sane visa est semper elegantissima, vt ita legatur, cum de fraude disputatur, non quid non habeat actor, sed quid habere per aduersarium non potuerit, consideratur: quam vtique arcte tenere optimum iudicem oportet, hoc scilicet sensu, vt non quicquid non habet actor, eo omni fraudatus videatur, sed eo tantum, quod ei abest per aduersarium, id est, dolo aut culpa, siue negligentia aduersarij. Sane ita habent Basil. Et tamen ex regula huius legis, videtur commodissime adhiberi interpretatio facilis, non mutata scriptura vulgari: vt cum de fraude disputatur, non consideretur quid habeat actor, vt si residuo, quod non habet fraudatus intelligatur, nec eo fraudatus intelligatur, si absit dolus aut culpa aduersarij, sed consideretur, quid dolo aut culpa aduersarij factum sit, vt actor habere non potuerit: fraudem nos metiri, non ex eo, quod actor habet, sed ex eo quod per aduersarium factum est, ne haberet. Non quantum ei abest, tanto fraudatum videri actorem, sed quantum ei abest dolo aut culpa rei, cuius sententiæ meo iudicio facilius exprimendæ gratia, videntur Græci scripsisse, non quid non habeat actor, sed etsi non adicias hanc alteram negationem, regula idem significabit, & patietur eandem interpretationem. Et est elegans regula, vt ad extremum dicat, non videri quem non fraudatum eo, quod habet, nec etiam fraudatum eo, quod non habet, nisi dolus aut culpa rei fecerit, vt id non habeat.

Ad l. 18. de seruitut.

Papinianus notat, in omnibus seruitutibus, quæ aditione confusa sunt, responsum est, doli exceptionem nocituram legatario, si non patiatur eas iterum imponi.

**I**am perfuncti sumus hoc libro, si modo addamus, quod refertur in l. 18. de seruitut. hoc lib. Papin. Paulum notare, in omnibus seruitutibus, &c. nescimus, in quam sententiam Papin. vergat & dolemus, nec vaticinandi villo modo datur nobis facultas. Restat tantum igitur illa nota explicanda. Finge: Aedes tuæ meis ædibus seruiunt, vel fundus tuus meo seruit fundo, debet iter aut viam, tu me heredem facis, confunditur seruitus aditione, quia post aditionem ego sum dominus vtriusque prædij, & meo prædio meum prædium seruire non potest. At finge rursus, tu, qui me heredem fecisti, prædium illud tuum, quod meo seruiebat à me legasti Titio, & legasti per damnationem. Ita ponendum est, alioquin aditione, ego non acquirerem dominium huius prædij, quia fundi legati per vindicationem dominium recta transit ad legatarium ex morte testatoris, nec fit heredis, nisi sit legatū per vindicationem conditionalem: nam pendente conditione est hereditatis. Igitur ita ponenda est species, vt prædium illud seruiens, quod à me legauit, meum factum fuerit aditione, arque ita confusione seruitus interierit: deinde vero tu ages ex testamento, vt præstem prædium, ego per exceptionem doli, per retentionem prædij consequar, vt tu patiaris redintegrari seruitutem, quæ est extincta, priusquam præstetur tibi fundus, vel vt eam imponas rursus prædio, cum tibi tradetur à me, quia testator legauit tibi prædium, quale fuit testamenti tempore. fuit autem seruiens, ergo pati debes, vt ad te veniat seruum iure legati, quod est in l. si seru. Titij, l. legatum §. ult. l. cum filius §. dominus, de leg. 2. Confusio tollit actionem, non exceptionem. Quæ est sententia notæ Pauli. Sed obseruandum est, Paulum loqui tantum de seruitutibus prædiorum, non de usufructu, qui est seruitus debita personæ. loquitur de seruitute, quam prædium prædio debet, non de usufructu, quam seruitutem prædij personæ debet, nam usufructus non redintegraretur, sed præstaretur fundus plenus, quia usufructus est pars rei, ergo continet omne emolumentum rei. Testator legauit fundum, ergo plenam rem, ple-



num dominium: nec enim, si tu ante aditionem habueris in eo usufructum, qui testatoris heres extitisti, poteris efficere per retentionem, ut is usufructus rursus tibi cedatur, quia palam est testatorem legasse fundum plenum, proprietatem plenam. Hic recte coniungitur §. ult. l. 73. ad Treb.



IA COBI C VIACII  
IVRISCONSULTI  
COMMENTARIUS  
in Lib. XXXII. Quæstionum  
Æmilij Papiniani.

Ad l. dote 61. de rit. nupt.

*Dote propter illicitum matrimonium caduca facta, exceptis impensis necessariis, quæ dotem ipso iure minuire solent, quod iudicio de dote redditurus esset, maritus solvere debet.*

**E**X hac l. intelligimus illiciti matrimonij dotem fieri caducam, non inhonesti tantum, ut incesti, sed etiam illiciti dotem redigi in fiscum: ut puta, nam res eget explicatione, & exemplis, si quis uxorem duxerit in provincia, in qua officium gerit. Est enim illicitum matrimonium, id est, contra madata principum. Solemnia erant mandata quædam, quæ dabant Principes euntibus in provincias cum potestate vel imperio, vel curatione aliqua, vel ministerio publico, & inter cætera, ne in ea provincia, durante officio uxorem ducerent, ne quid emerent, ne fœnus exercerent, ne mutuum pecuniam darent. Ratio potentatus, ut ait lex præfatus, h. t. hæc prohibuit, ne quid scilicet sub specie nuptiarum, vel emptionis vel mutui, sub honesto titulo facerent per concussionem, ne opprimerent provinciales, ne elicerent ratione potestatis suæ nuptias inuitis, venditiones, usuras: fuit hoc unum caput mandatorum. Igitur illicitæ sunt nuptiæ, id est, contra mandata principum, si quis duxerit uxorem in provincia. Et ideo dos sit caduca, si qua data sit, quod ostendi alias ex rescripto quodam Gordiani esse ex constitutione Severi. Severus constituit, ut ex hac causa dos caduca fieret, nisi scilicet veterem spousam duxerit, quam scil. desponderat ante delatum sibi officium & post in illo officio duxerit: hanc enim licet ducere, nec dos sit caduca, l. si quis §. veterem, h. t. Vbi autem dos sit caduca, quam maritus accepit ob illicitum matrimonium, maritus fisco id reddit, quod redderet conventus iudicio de dote ab uxore, vel heredibus uxoris. Et minorem igitur dotem quandoque reddit si eam impensæ necessariae fecerint minorem, quæ est sententia huius l. Constat enim necessariis impensis dotem ipso iure minui, retentionem ex dote fieri ipso iure nomine impensarum necessariarum, quas fecit maritus in res dotales, l. §. de impens. in res dot. fact. Utiles autem impensæ non minuunt dotem ipso iure, nec retinentur ipso iure, sed eo nomine est retentio dotis veluti pignoris, l. §. de dote præleg. Alia retentio sit ipso iure, quæ nihil aliud est, quam deminutio dotis. Alia sit per exceptionem, quæ non est deminutio dotis. Etiam illud notandum est, ex hac causa, si quis uxorem duxerit in provincia contra madata principum, dotem semel caducam factam non posse recuperari à fisco, etiam si postea coniuges in eadem voluntate perseverantes deposito officio iustas nuptias effecerint: nam post depositum officium nova voluntate iustæ nuptiæ fiunt, l. eos qui, hoc tit. l. etsi contra, C. de nupt. Iustæ quidem sunt nuptiæ, quasi ex nova voluntate, sed dos, quæ semel cecidit in fiscum, non reuocatur, quicquid cecidit in fiscum vix ab eo reuocatur, l. 2. C. de sent. pass. nisi iussu & speciali

Quæst. Papin.

beneficio principis. Item maxime notandum est, quod diximus, ex ea causa dotem fieri caducam, sic accipiendum esse, ut omnimodo fiat caduca, & eripatur aut viro, aut mulieri, excepto vno casu, quo eripitur quidem viro, non etiam mulieri, qui exponitur in l. præfatus, h. tit. quæ vulgo male explicatur. Nec lusiisse videbimur operam, si modo eius sensum domum referatis.

Casus hic est, si virgo nupserit, hac appellatione intelligitur tenera ætas & mollis, puellaris ætas infirma est: huic non eripietur dos, etiam si contraxerit matrimonium cum præfide provinciae, aut præfecto cohortis, aut tribuno, vel quo alio gerente officium in provincia, quæ tamē eriperetur robustæ ætatis fœminæ, id est, non imperitæ rerum. Virgini deceptæ, quandoquidem semper decepta præsumitur, parcimus: & marito quidem eripit fiscus dotem, quo casu eam maritus lucraretur, non puella, aut heres eius, & etiam, quod puella huic viro testamento reliquerit, viro eripit fiscus quasi indigno, nō etiā quod is vir puellæ reliquerit, fiscus eripit puellæ, quæ decepta est, l. 2 §. 1. de his, quæ ut ind. & d. l. præf. quæ hic tota nobis enarranda est. duo tractat genera illiciti matrimonij, eaque comparat inuicē. Illicitum est, si verbi gratia, præses provinciae, aut præfectus cohortis, uxorem ducat in provinciam in qua officio fungitur. est etiam illicitum, si tutor pupillam uxorem ducat, id est, eam, cuius fuit tutor: est enim contra Senatuse. siue orationem D. Marci, & utrumque matrimonium est prohibitum eadem ratione. Ratione potentatus tutor facile sibi conciliaret nuptias locupletissimæ fœminæ, terrore potestatis. Eadem igitur ratio, & has & illas prohibet nuptias. Sed quærit deinde: an huic

**B** id est, viro gerenti officium in provincia fiscus possit auferre quod ei relictum est testamento puella, si virgo ei nupsit, non veterana quadam? Et ait deliberari posse, an viro sit auferendum & eripiendum, quod ei virgo testamento reliquit. *Deliberari potest*, inquit, quib. verbis significatur posse auferri. Et confirmat hæc formula loquendi ea, quæ in deliberationem, & quæstionem prolata erant. *affirmat ergo*. Et constat ita esse ex d. l. 2. dotem tamen ei non auferri à fisco, sed, ut ait in fine, eam restitui heredi testatrix, heredi mulieris: contra verò id, quod vir testamento puellæ reliquerit, ei non auferri à fisco, neque etiam dotem: Et idem seruari, si tutor pupillam uxorem duxerit, quod confirmat lex ult. de leg. 1. & l. si tutor, C. de interd. mat. Nam dos pupillæ non eripietur, non redigetur in fiscum. nec etiam quod ei reliquerit vir, viro eripietur, imo & sit infamis tutor ex hac causa, & coercetur extra ordinem, l. non est, h. t. Porro illud etiam notandum est, si quis eam duxerit uxorem, in cuius adulterio damnatus est, etiam illicitum esse matrimonium, licet duxerit indemnata. si damnatus adulterij indemnata uxorem duxerit, quam pridem adulterasse damnatus sit, illicitum est matrimonium. Et hoc casu dos omnino sit caduca, & eripitur vterque: hereditas quoque eripitur: viro, si talis mulier eum heredem scripserit, & contra eripitur etiam mulieri, si vir eam testamento heredem scripserit, & bona vindicantur fisco: quæ est sententia l. 13. de his, quæ ut ind. quæ est ex eod. lib. Papin.

Ad l. 14. de his, quæ ut indign.

*Mulierem, quæ stupro cognita in contubernio militis fuit, etsi sacramento miles solutus intra annum mortem obierit, non admitti ad testamentum iure militiæ factum, & id quod relictum est, ad fiscum pertinere proxime tibi respondi.*

**E**T idem etiam erit omnino, si ex alia causa sit illicitum matrimonium, ut alter non possit quicquam capere ex alterius testamento, vel si ceperit, ut ei eripatur, & redigatur in fiscum: nam & ab intestato eis eripitur hereditas: eripitur quod deficientibus cognatis ceperint per bonorum possessionem, unde vir & vxor, l. 1. unde vir & vx.

Fff ij



nam constat iure prætorio coniugem coniugi succedere deficientibus cognatis, & fisco præferri, si licitum sit matrimonium. atque adeo, ne virgo quidem, id est, tenera puella, si fuerit illicitum matrimonium quicquam capit ab intestato, ut opinor, licet capiat ex testamento, *l. Claudius Selenus, eod.* Est singularis lex. Neque obstat huic legi primum *l. uxori maritus, de usufr. leg.* Illicitum ibi est matrimonium. Finge Maritus uxori testamento reliquit usufructum & alia quædam & dotem. Illa post mortem mariti biennio integro percepit usufructum quasi vxor iusta. post biennium illicitum matrimonium apparuit. Quæritur, an heredes mariti possint ab ea repetere fructus, quos percepit? Et ait posse. non ergo redigitur in fiscum, quod uxori illicite relictum est testamento viri puellæ, quæ cum nupsit puella erat. Sed observandum est breviter, eam legem tantum loqui de usufructu. in usufructu nusquam est fisco locus, alioquin nunquam interiret, proprietas redigitur in fiscum vel nuda vel plena: cum quid confiscat lex, confiscat proprietatem, id est, rem ipsam: usufructus confiscatio non est. Quare leges caducariæ, non pertinent ad usufructum, *l. 9. eod. tit. de usufr. leg. l. si Titio in pr. de usufr.* loquitur *l. uxori* de usufructu: nam aliæ res, quæ uxori legatæ sunt, rediguntur in fiscum ablata quasi indignæ. Nihil etiam obstat *l. quasi, ad l. Iul. de adult.* ex qua efficitur, non esse iniustum matrimonium, si adulter duxerit adulteram, si is, quem maritus destinaverat reum adulterij, à se dimissam uxorem duxerit postea. lex non loquitur de damnato adulterij: is non posset eam ducere, in cuius adulterio damnatus est. sed de eo, quem maritus adulterij suspectum habuit. hic sane impune ducet dimissam, cum damnatus non sit, sed suspectus tantum viro. Et confirmatur hoc idem *l. miles, §. licet, eod. tit. & l. commissum, C. eod.* Observandum maxime est ad hæc, Papinianum proponere in hac lege mulierem fuisse indemnata, & cum ea damnatum adulterum contrahere iniustas nuptias: nam si damnata fuerit adulterij mulier, nec adulter, nec alius poterit cum ea iustas contrahere nuptias, *l. mariti §. 1. ad l. Iul. de adult. l. auxilium, de minorib.* imo nec ream factam adulterij licet cuiquam pendente accusatione uxorem ducere vivente marito, licet nondum peracta sit rea: mortuo marito potest, si non sit peracta rea, *l. reas, de ritu nupt.*

#### Ad l. mulieri 74. de cond. & demonstr.

*Mulier & Titio usufructus, si non nupsit mulier, relictus est. si mulier nupsit, quandiu Titius & vivit, & in eodem statu erit, partem usufructus habebit: tantum enim beneficium legis ex legato concessum esse mulieri, intelligendum est, quantum haberet, si condemnationi paruisset. Nec si Titius, qui conditione defectus est, legatum repudiet, ea res mulieri proderit.*

**H**abuimus duas leges, quæ pertinebant ad leges caducarias. Restant alia duæ, quæ pertinent ad eandem. *l. mulieri, de cond. & demonstr. & l. fraudis, de reg. iur.* Sane lex mulieri, pertinet ad caput illud legis Iuliæ & Papiæ, de quo sæpe ante agitur in hoc tit. quo scilicet conditio viduitatis remittitur heredibus, legatariis, fideicommissariis, si cui vir legaverit sub conditione, si vidua permanferit, vel si non nupsit. Hæc conditio lege Iulia & Papiæ circumscribitur, & mulier admittitur ad legatum, licet nupsit, quia hæc conditio pugnat cum publica utilitate. & lex fraudis etiam, ut arbitror, proprie pertinebat ad ea, quæ fiunt in fraudem fisci vel legum caducariarum. Sed quia illæ leges hodie sublatae sunt magna ex parte, ideo ex hoc libro, & ex præcedenti, & ex sequentibus, ut arbitror, pauce admodum leges in hos libros à Tribonianis sunt relatae. Noluit enim in Digesta hæc transferre, quæ iam obsoleverant. Vbi cernis ex libro quodam Iurisconsulti paucas restare leges, & quandoque vnum versum

tantum, ut ex lib. 14. existimato cætera fuisse de caducis de orbis, de cœlibibus, &c. de rebus, quæ iam in usu esse cessarant. Sed tractemus de specie *l. mulieri.* Nemini non placebit species hæc eiusque definitio, de qua controuertitur sæpe in materia de iure accrescendi, quia continet hæc lex vnum casum singularem, quo inter coniunctos re & verbis non est ius accrescendi, quoquo genere legatarii sint coniuncti. Species est: Mulieri, & Titio legavit usufructum sub conditione viduitatis. conditio utrumque tenet, sed lege Iulia mulieri remittitur, propter utilitatem publicam: atque ideo, si mulier non paruit conditioni, si nupsit, nihilominus admittitur ad legatum. Titio autem hæc conditio non remittitur, *l. 1. C. de ind. vid. toll.* Et sane, si soli Titio legatum proponeretur sub conditione, si Sempronia non nuberet, cui nihil legabatur, Sempronia nubente, Titius non haberet legati petitionem: sed si etiam soli Titio legaretur sub hac conditione, si uxorem non duceret, tum conditio hæc remitteretur Titio, quia lex Iulia dicta ob eam rem Miscella, pertinet tam ad mares, quam foeminas, *l. ult. C. de ind. viduit. toll. l. heres §. ult. hoc tit.* Idemque erit, si quis legaverit filio Titij, quem Titius habet in potestate, sub conditione, si pater uxorem non duceret: nam hæc etiam conditio remittitur filio, licet filio non sit indicta viduitas, quia scilicet in hoc genere legati, est fraus, & circumuentio legis Iuliæ, quandoquidem testator, quod voluit legare patri sub conditione, si uxorem non duceret, nec potuit per l. Iuliam, hanc excogitavit fraudem, ut id legaret filio eius familias sub conditione, si ipse pater uxorem non duceret. Itaque magis est, ut videatur patri legasse ita, non filio, atque adeo, ut remittatur illa conditio: Nam legando filio, videtur quæsiisse rationem illudendi legi Iuliæ. Et idem erit omnino, si quis legarit patri sub conditione, si filia non nuberet, quam habet in potestate, vel si filius, quem habet in potestate, non duceret uxorem: Nam & hoc casu videtur fraudem quæsiisse legi Iuliæ, voluisse scilicet legare filię sub ea conditione, & eam conditionem expleri à filia. Sed cum id non posset cauere per l. Iul. quæ remittit eam conditionem, legavit patri sub ea conditione, si filia non nuberet. Proinde videtur potius legasse filię sub ea conditione, & perinde ac si legasset filię remittenda est conditio, qui hoc omne excogitavit in fraudem l. Iuliæ, quæ est sententia d. l. heres §. ult. Et valde est notanda illa ratio fraudandæ legis, & eadem etiam est ratio in specie *l. amia §. Titio, hoc tit.* Sed ut redeamus ad speciem legis nostræ: Pono testatorem non legasse soli Titio, sed legasse mulieri & Titio usufructum sub conditione, si mulier non nuberet. quia mulier admittitur ad legatum, etiam si nupsit, quæritur, an & Titius admittatur, quia proculdubio non admitteretur, si ei soli esset adscripta ea conditio. Et ratio dubitandi hæc est, quia Titius defectus est conditione legati, quoniam mulier nupsit, & ideo totus usufructus videtur pertinere ad mulierem iure accrescendi, quia fuerunt coniuncti re & verbis. At contra Papinian. definit subtiliter, hoc beneficio legis Iuliæ, non amplius esse concessum mulieri, quam haberet, si conditioni paruisset. Remissa conditio habetur pro impleta: alioquin si impleuisset conditionem, si vidua permanferit, non haberet nisi partem usufructus, Titius alteram haberet. Ergo idem seruabitur, si conditionem non impleuerit, id est, si nupsit, & ut sæpe alias euenit, ut quod quis non habet per se, habeat per alium vel propter alium, ut in *l. cum hereditate, de acquir. hered. l. si communem, quem ad. seru. amitt.* Et sæpe in tit. de bon. possess. contra tab. fit, ut filius institutus propter fratrem præteritum petentem bonorum possess. contra tabul. veniat ad bonorum possess. contra tabul. quod non posset solus, sed propter fratrem præteritum, & institutus amplectitur vna cum fratre bonorum possessionem contra tabulas. Et ita in hac specie propter mulierem quæ venit ad legatum beneficio legis Iuliæ pro sua parte, Titius etiam veniet ad idem legatum pro sua parte, licet conditione defectus sit.



& utetur fructus simul cum muliere quoad viuere, & in integro steterit Titius: nam mortuo Titio, vel capite minuto secundum naturam usus. usus. finietur in persona Titii. Pone igitur utrumque cepisse legatum, mulierem & Titium, post mortuum Titium, aut capite minutum, *an pars Titii accrescet mulieri?* quod etiam quæri potest, si Titius repudiauerit, si noluerit amplecti legatum. Et Papinianus ostendit, non accrescere. Ergo significat partem Titii recurrere ad proprietatem ex natura ususfructus consolidati cum proprietate. Et hic est casus singularis, quo inter collegatarios coniunctos re & verbis non est ius accrescendi. Coniunctim enim legatus fuerat ususfructus mulieri & Titio. Et ratio hæc est, ne mulier plus habeat sua parte, quæ venit ad legatum contra voluntatem defuncti, non impleta conditione, quæ venit ut Bartolus ait recte, iure singulari, & beneficio legis Iulie, non ex iudicio defuncti. Ergo siue Titius conditione deficiatur nubente muliere, siue repudiet, siue moriatur, aut capite minuat, mulieri non accrescit pars Titii: sed primo quidem casu, id est, si nubat mulier, Titio debetur pars legati, cæteris autem casibus pars Titii redit ad proprietarium. Atque ita ex hac l. habemus tria singularia. Primum est, ut is, cui non remittitur conditio, si conditione deficiatur, nihilominus veniat ad legatum, propter collegatarium cui illa conditio remittitur. Alterum est, ut is, cui non deferatur legatum, propter defectum conditionis scilicet, id tamen recte repudiet: cum tamen regulariter delatum quod est, id solum repudiari possit, l. 1. §. *decretalis, de success. edic.* Sed hoc fit singulariter in hoc casu etiam, propter collegatarium, propter coniunctam legato commixtamque personam, legatum consistit in persona vtriusque, & deferri etiam videtur vtrique, ergo repudiatio eius valet. Tertium quod est singulare, est id quod iam retuli, ut inter coniunctos re & verbis, etiam per vindicationem: nam dicit lex *habeat*, quod est verbum vindicationis, inter eos, inquam, non esse ius accrescendi hac ratione, quia non ex iudicio testatoris venit, cum non sit impleta conditio, nec sunt producenda latius (quod seruatur in toto iure,) quæ conceduntur contra iudicium defuncti. ius accrescendi productio est legati. Obicit Accurs. l. *vl. §. Seio, de leg. 2.* ut efficiat conditionem adscriptam legato duobus coniunctim relicto eum solum tenere, cui propius conuenit, non collegatarium, ut, quæ est species huius §. si Seio, quem heredi suo substituerat, ita legauit, *Seio, si heres non erit, & uxori eius tot dari volo.* Condicio solum Seium tenet, ut in specie l. *Iulius, hoc tit.* secundum quam est accipienda l. 3. *de statutis lib.* Et ideo Seio existente herede ex substitutione vulgari, ac ita defecta conditione legati, nihilominus uxor eius admittitur ad partem legati dimidiam, non ad totum legatum, quia inter fideicommissarios semper cessat ius accrescendi, & verba illa, *dari volo*, sunt verba fideicommissi. Igitur neque in specie legis nostræ, neque in specie §. *Seio*, inter collegatarios est ius accrescendi, & qui partem non capit legati, facit partem collegatario, sed diuersis rationibus. Cæterum, quæ conditio in specie l. nostræ dicitur utrumque tenere, in specie §. *Seio*, tenet alterum tantum. Quid ita? id breuiter stringit Accurs. dicens in specie huius legis, palam conditionem adscribi vtrique; hoc modo, *mulieri & Titio illud lego, si illa non nupsit.* Hoc legato quis non diceret statim conditionem adscribi vtrique, coniungi non re tantum, sed etiam conditione?

Ad l. fraudis de reg. iur.

*Fraudis interpretatio semper in iure civili, non ex euentu duntaxat, sed ex consilio quoque consideratur.*

**L** Ex fraudis est apertissima. Ait, *fraudis interpretatio, ut doli mali interpretatio, l. si seruus §. circa, de furt.* Et bonæ fidei interpretatio, l. *ab emptione, de pact.* Inter-

pretatio hæc pertinet ad iudicem, & in interpretatione fraudis iam admonuit Papinianus in l. præcedenti iudicem, instruxitque ne consideraret, quid actori adesset, vel abesset, sed quid ei abesset facti & aduersarii, ut id solum interpretaretur esse fraudem, quod ei abesset facti. Nunc in hac lege iterum monet eundem iudicem, ne interpretetur fraudem esse, quod actori abest re ipsa, sed quod consilio aduersarii actori abest, ne ex euentu solum fraudem æstimet, sed etiam ex consilio, animo, & conscientia aduersarii, ut l. *ait prator §. ita demum, & §. illud, & l. si quis cum haberet, quæ in fraud. cred. §. in fraud.* Instit. qui & quibus ex causis manum. non poss. Et ait semper in iure civili fraudem esse interpretandam, semper, id est, siue disputetur de his, quæ facta sunt in fraudem creditorum, siue patronorum, seu legum, siue fisci. Et sane videtur hoc libro proprie hoc retulisse ad causas fiscales, ad ius fiscale. Denique semper iure civili coerceri fraudem eam tantum, quæ ex consilio aduersarii proficiscitur, nos non metiri fraudem ex euentu, sed ex euentu & consilio aduersarii simul.

## IACOBI CUIACII I VRISCONSULTI COMMENTARIUS in Lib. XXXIII. Quæstionum Æmylij Papiniani.

Ad l. 14. de his, quæ ut indign.

*Mulierem, quæ stupro cognita in contubernio militis fuit, etsi sacramento miles solutus intra annum mortem obiecit, non admitti ad testamentum iure militie factum, & id, quod relictum est, ad fiscum pertinere, proxime respondi.*

**D** X hoc libro primo sese dat l. 14. de his, quæ ut indign. quæ pertinet ad incapaces, qui scilicet ius capiendi non habent ex aliorum testamentis. Fuere multa genera incapacium, & vnum exponitur in hac l. 14. quæ loquitur de milite & de muliere libera, quam stupro cognitam miles in contubernio habuit. *stupro cognitam* dicit, ut Cornelius Tacitus 20. *Posthumiam stupro cognitam*, & Lampridius in Heliogabalo, *Antonino Caracalla stupro cognitam.* Et obseruandum est, militem eam mulierem non habuisse in concubinato, non habuisse in matrimonio, quæ coniunctiones sunt legitimæ: sed ut ait, eam habuisse in contubernio: quæ coniunctio non est legitima. Ponit ergo lex, militem cognitam stupro mulierem habuisse in contubernio. Matrimonium iusta est cōiunctio, concubinatus etiam iusta est coniunctio, & quasi matrimonii species: Et qui ex concubinato nascuntur non sunt spurii, sed quasi iusti liberi, qui dicuntur naturales: spurii nec naturales dicuntur, sed hodie nullus est usus concubinarum, nisi in quibusdam prouinciis. Concubinatus igitur & matrimonium coniunctiones sunt legitimæ, non etiam contubernium. cum contubernali stuprum cōmittitur, non cum concubina, vel vxore. Hanc quæ est in contubernio *focariam* dicimus, *une garçe, une goiine*, quæ plerumque habetur per causam coquinariam. Nam & *μαγειρείου* D. Hieronymus interpretatur *focarias* 1. Samuelis cap. 3. & l. 1. §. *caupones, nau. caup. stab. focarii*, qui in caupona, vel stabulo ministeriū præbent, sunt coqui, quibus etiam lex merito cōiungit *atriarios*, ad quos pertinet cura, mundities, nitor atrii. Nā in atrio erat coquina, unde & atrium dictum est teste Seruio, atrum enim erat ex furno. focariæ si donauerit miles, nulla donatio est, l. 2. *C. de donat. inter. vir.* Et hoc ita constitutum est, ut in d. l. 2. ait Imperator, ne milites harum ille-



cebris capiti exuerentur stipendiis, bonisque suis. Id enim non est constitutum de paganis. Maiori curæ principibus sunt milites, quam pagani, quasi Reipubl. necessarii magis. Concubinis milites prohibitos donare, non reperio, quod tamen temere affirmat passim Accurs. confunderis focarias cum concubinis. Concubina uxorem imitatur, ut ait Iulianus. Idem non dices de focaria. Concubina donare quilibet potest, l. 3. §. *Dinus*, l. si *predia*, de don. inter vir. l. *donationes*. sup. de donat. Et tamen uxori donare non potest maritus, quod mirum. Vtriusque coniunctio est legitima, & tamen uxori donare non licet, aut si quis donauerit, donationem potest reuocare statim, aut eum libuerit: concubina facta donationi reuocari potest, d. l. *donationes*. Cur ita? cur tam varie? quia plenior est affectio maritalis, & ideo legibus reprimatur potius quam incitatur, l. ult. C. *Theod. de hered.* Et eadem ratione concubina ex testamento solidum capere potuit, l. cum tab. §. 1. hoc tit. vxor non potuit capere solidum ex l. *Papia*. Focaria autem, ut dixi, coniunctio illegitima est, & donatio ei facta à milite reuocari potest quasi nulla. Imo & focaria capere nihil potest ex testamento militis, & si quid ei relictum sit testamento, ei auferitur quasi indigna, & in fiscum redigitur, quæ est sententia huius l. 14. & l. *miles ita* §. *mulier*, de milit. testam. Et addit in hac l. 14. etiam si miles testamentum fecerit iure militari, ex eo mulierem eam, in quam turpis suspicio cadit, focariam nihil capere posse: etiam, inquit, si decesserit miles intra annum missionis, honesta scilicet, vel causaria. Sciendum enim est, testamentum, quod miles fecerit in militia iure militari, post missionem honestam, vel causariam, non valere eodem iure, nisi si intra annum mortem obierit l. quod constitutum, l. quod dicitur, de milit. testam. l. si post, & l. si miles, ad leg. *Falcid.* intra annum militiæ, l. fraudem §. pen. de milit. testam. intra annum scil. militiæ emeritæ. Sed si missio fuerit ignominiosa, post missionem nullo momento temporis consistit testamentum, quod miles fecit in militia iure militari, l. testamenta eorum, de milit. testam. Ergo sententia huius legis hæc est, focariam militis, cui miles aliquid testamento legauit facto iure militari, eam non admittere ad legatum, & non incapacem quidem esse, sed quodammodo incapacem: & ob id legatum ei relictum auferitur quasi indigna. Nam non oportet, ut passim interpretes, confundere incapaces cum indignis. Incapaces sunt, quibus ab initio inutiliter relinquitur. Indigni quibus relinquitur vtiliter quidem ab initio, sed relictum à fisco eripitur. Et ita non ponitur quidem in hac lege proprie incapacis genus, sed indigni secundum titulum. Porro alia est conditio meretricis, atque ita erant conditiones quatuor, vxoris, concubinae, focariae, & meretricis. Cum meretrice impune committitur stuprum, meretrici licet donare, l. affectionis, de donat. & testamento legata relinquere, licet apud Suetonium dicatur Domitius aliquando his mulieribus ademisse legata & hereditates. Sed hæc, quæ sint, nesciunt definire omnes. hæc sunt, quæ licentiam stupri vulgarunt apud ædiles plenam, ut Cornel. Tacit. 2. lib. indicat, quæ in communi loco habent scellam, & titulum inscriptum, iuxta illud poetæ.

*Titulum mentita Lycisca,*

& alius poetæ,

*Intrabis quoties inscripta limina sella.*

Ceterum hæc lex de focaria intelligitur.

Ad l. 80. de reg. iur.

In toto iure generi per speciem derogatur, & illud potissimum habetur, quod ad speciem directum est.

**A**ltera lex est 80. de diuers. reg. iur. In toto iure, inquit, generi per speciem derogatur, & c. Derogare generi est minuere genus, modum facere generi, detrahere, excipere,

A excipere de genere, l. 10. de manumiss. testam. vel t subicit Papinian. in hac ipsa lege, id potissimum habere, quod ad speciem directum est, non quod ad genus. Et notandum est, nihil referre, utrum genus præcedat, sequatur species: an præcedat species, sequatur genus: ut si alii legentur vestimenta generaliter, vestis omnis, alij vestis muliebris, nihil refert, utri prius sit legatum, & detracta veste muliebri, atque assignata ei, cui relicta est muliebris, reliqua vestis præstabitur ei, cui generaliter vestis relicta est. Item si mundus muliebris alii legetur, alii argentum omne, id est, vasa argentea, prius species, deinde genus, excepto argento, quod est in mundo muliebri, argentum præstabitur. Item, si alii sint legati serui vrbanus, alii dispensator, quem constat esse ex numero urbanorum, detracto dispensatore, priori legatario serui vrbanus debebuntur, quia species derogat generi, l. 1. de auro & argen. leg. Ad quem ex eodem Pomponio sunt coniungenda l. 2. de tritico, vino, & oleo, & l. Titia textores, de leg. 1. Sed addamus etiam alia exempla. Si alii sit legatus fundus Tusculanus, alii hereditas Sciana, in qua sit fundus ille, si prius species, deinde genus legetur, detracto fundo Tusculano præstabitur hereditas Sciana, quia generi per speciem derogatur, l. uxorem §. Felicissimo, de leg. 3. Item si alii sint legati vernæ generaliter, quo verbo continentur omnes serui domi nati, non ære comparati, & alii cursores serui, vel alii textores, & quidam sint vernæ & cursores, cedunt legato cursorum, & detrahuntur legato vernarum, vel cum alii sint legati vernæ, alii textores: vel contra, alii textores, deinde alii vernæ, & quidam sint textores & vernæ, textoribus cedunt vernæ, quia semper species derogat generi. Legatum vernarum est generale legatum: cursorum aut textorum speciale. Et hoc igitur est potius, hoc præualet. Potior est in iure, qui ex speciali legato, quam qui ex generali rem petit. Et hoc ostenditur in l. seruis urbanis §. ult. de leg. 3. Cui tamen videtur obstare d. l. Titia textores, de leg. 1. Nam aperte ait, si alii sint legati textores, nullo excepto, alii vernæ, nullo excepto, id est, simpliciter, & quidam sint textores & vernæ, lex ait eos communicari inter hunc & illum, nec in eis potior esse eum, cui legati sint textores. denique speciem non derogare generi. Et quem non perturbaret statim illa species? Sed obseruandum est, quod indicat etiam illa lex in princ. & d. l. seruis, in fi. proponi & textores generaliter & vernas generaliter. quomodo? nempe ita: huic omnes textores, illi omnes vernas. Vtrumque legatum generale est, quia dixit, omnes, & nullum excepit, genus non derogat generi: Quid fiet igitur? concurrent legatarii in his seruis, qui & textores sunt, & vernæ, & communicabuntur hi omnes inter eos. Et ita quoque species non derogat speciei, ut si testator legauerit vni vernas tanquam speciem, & alii textores tanquam speciem: qui erunt & vernæ & textores, neutrius legato cedent in solidum, sed communicabuntur, quia species speciei non derogat, neque hoc fert natura. Et similiter genus generi non derogat. species derogat generi, non genus speciei, & hoc quoque aliis exemplis patefaciamus. finge: Si alii sint legati horti instructi, alii argentum muliebre, & mulier, quæ ita legauit, in hortis habuerit argentum, puta, vasa argentea, ut ibi esset instructior, eo argento detracto, horti præstabuntur, argentum muliebre detrahetur instructo, generaliter legato hortorum instructorum, l. quasium §. ult. de inst. vel inst. leg. Item si testator alii legauerit pecuniam generaliter: alii deinde vinum, vel contra detracto vno debetur primum, quia semper species derogat generi, l. 2. de tritico, vino, & oleo leg. Et similiter, si seruo ordinario manumisso in testamento, dominus ei legauerit peculium: deinde manumiserit in eodem testamento seruum, qui erat in peculio, qui dicitur vicarius serui, legato peculii is seruus detrahetur, cui libertas specialiter relicta est, l. 1. de manumiss. testam. Et nihil igitur refert, præcedat genus an species, præcedat generale legatum, an spe-



ciale, quod & ita obseruatur in pœnis legum. Lex est A  
quæ continet multa capita, multas causas. Certis causis  
fingē, addita est pœna specialis, si quis contra legem face-  
ret. Deinde vltimo loco legis, vt fieri solet, addita est  
pœna generalis, quæ dicitur sanctio, si quis aduersus le-  
gem fecerit. Hæc sanctio non pertinet ad eas species seti  
causas, quibus addita est specialis pœna, generalis pœna  
tantum pertinet ad eas causas, quibus nulla est addita  
pœna, atq; ita specialis pœna, quæ præcessit, derogat ge-  
nerali, id est, sanctioni, quæ solet inscribi nouissimæ parti  
legis, l. sanctio, de pen. vbi etiam Papinian. ait, in omni  
iure obseruari, vt species derogat generi, sicut hoc loco  
in toto iure, inquit, nullam differentiam constituens in-  
ter omne & totum, quomodo etiam dicimus, solutione  
tolli omnem obligationem, alias totam: totum de singu-  
lis dicitur, omne de multis: totum de specie, omne de ge-  
nere: totum significat vnius corporis integritatem, om-  
ne significat numerum plurium: totum forum habet li-  
res, id est, forum plenum est litib. omne forum habet li-  
res, id est, omnia fora, sed hæc non obseruamus plerum-  
que. Verum, vt ad legata reuertamur, & hanc rem  
finiamus, diximus, nihil referre præcedat genus, an spe-  
cies, cum alii legatur genus, alii species. Addamus al-  
terum: nil etiam referre, alii legetur genus, alii species,  
an idem genus & species. Nam verbi gratia, si Titio  
sint legata duæ statuæ marmoreæ, deinde legetur Titio  
omne marmor præter duas statuas, nulla statua ei præsta-  
bitur, etiam si ei legatum sit omne marmor, quia spe-  
cies derogauit generi, l. 1. de anro leg. l. heres §. 1. de legat.  
3. Idem erit è contrario, si omne marmor legetur Titio,  
deinde eidem legentur statuæ duæ vel nominatim, puta  
statua Augusti, & statua Traiani. Nam præter eas statuas  
nulla alia debebitur, l. legata, de supell. leg. Diuersum ta-  
men erit, si omne marmor legetur Titio, deinde eidem  
legentur statuæ non adiecto nomine, vel numero, quia  
hoc modo statuæ videntur legata ex abundantia, quæ satis  
continebantur priori legato, si erant marmoreæ potius,  
quam deminuendi, aut derogandi prioris legati gratia, d.  
l. legata, & l. suppellex, de supell. leg. Igitur & legata sup-  
pellectile generaliter, si exprimaturspecies certi nomi-  
nis aut numeri, generali legato derogatur, si neque ad-  
iiciatur nomen, neque numerus. abundans est legatum  
& superuacaneum, quod nihil derogat priori. Et simili-  
ter legato fundo instructo, quod legatum latissime in-  
nat, si species certi nominis designetur, vel certi nume-  
ri. si legentur mancipia certa nominatim, generali le-  
gato derogari, non si designentur species, non adiecto  
numero, vel nomine. abundantia legata non derogant  
generi. Ac postremo notandum est etiam, nihil referre,  
testator, qui legat genus, deinde speciem, legando ge-  
nus declarauerit, se ei derogare nolle, & si ei derogaret  
testamento, vel codicillis, id nolle esse ratum: nam si id  
caueat etiam legando genus & postea legarit speciem alii  
vel eidem, & legauerit sciens, meminerisque prioris  
cautionis suæ, generi derogabitur per speciem, quia vt  
dicitur vulgo, nemo potest eam sibi legem dicere, testa-  
mento scilicet, à qua non possit recedere, vt dicitur in  
l. si quis, in princ. de legat. 3. l. Diui. §. licet, de iure codic.  
Et ita etiam in legibus obseruatur, nulla fere lex erat,  
quæ se non sepiret difficultatē derogationis, vel abroga-  
tionis hoc modo, ne quid abrogato, ne quid derogato vn-  
quam, ne quid liceat contra leges aut constitutiones. Et  
tamen hæc sanctiones obseruari, neque possunt, neque  
solent. Eadem est conditio testamenti & legis, vt non  
possit populus legem sibi dicere, à qua non recedat, ad  
hæc quidem etiam testator.



## IACOBI CUIACII

## IURISCONSULTI

## COMMENTARIUS

## in Lib. XXXIV. Quæstionum

## Æmilij Papiniani.

Ad l. 75. de cond. & demonstr.

Dies incertus conditionem in testamento facit.



X lib. 34. quæst. vnus tantum versus superest.  
Miseræ fors libri, quod hic tantum ex eo ver-  
ficulus supersit, quod scilicet, vt verisimile  
est cætera essent antiquata & obsoleta. Id  
enim tantum voluit Iustinianus ex vererum scriptis re-  
ferri in his Digestis, quod, vt ipse loquitur, in ipsis rerum  
argumentis obtineret. Dies incertus, inquit, conditionem  
in testamento facit. Dies incertus est, cum ita scribitur:  
heres meus Titio dato centum cum pubes erit, vel, heres meus  
Titio dato centum, cum inierit consulum, vel, cum ux-  
orem duxerit. hic dies incertus conditionem facit, quia  
fieri potest, vt non pubescat Titius legatarius: fieri po-  
test, vt moriatur impubes, vt non ineat consulum,  
vel, vt moriatur cælebs. vel etiam, cum ita scribitur,  
heres meus cum morieris Titio dato centum, quia licet cer-  
tum sit heredem moriturum, tamen fieri potest, vt non  
moriatur viuo legatario: fieri potest, vt præmoriatur  
legatarius, atque ita legatum ad eum non perueniat, vt  
dies legati non cedat viuo legatario. Et constat inutile  
esse omne legatum, cuius dies non cedit viuo legatario.  
Et hoc ita ostenditur in l. 1. & l. heres §. 1. hoc tit. Idem-  
que erit, si ita scripserit testator, heres meus cum morieris,  
Titio illud facito, ædificato domum scilicet: Nam & hoc  
genus legati, quod in faciendo consistit, cum morietur  
is, qui facere iubetur, valet, l. vlt. in fi. C. de contr. stipul.  
Sed fieri potest similiter, vt hoc legatum sit inutile, puta  
præmoriante legatario, ac ita is dies incertus, cum mo-  
rietur heres, conditionem facit, id est, legatum suspendit  
quasi conditionem, ex quo multa sequuntur, vt ad ea  
legata, quibus dies incertus adiicitur, non pertineat re-  
gula Catoniana: Nec enim pertinet ad conditionalia, l.  
cætera §. 1. de legat. 1. Et vt eorum legatorum dies non  
cedat morte testatoris, sed cum extiterit conditio, l. vn.  
§. si autem, C. de caduc. toll. Et vt, si legatarius, antequam  
existeret ea conditio, vita decesserit, legatum non trans-  
mittat ad heredem suum, cuius scilicet, dies non cessit eo  
viuo, l. 1. hoc tit. l. 4. quando dies leg. ced. l. si pecunia §. vlt.  
de leg. 2. Licet ergo diem incertum appellare conditio-  
nem, vt in l. 1. §. vlt. vt leg. nom. cau. l. si dies, quando dies leg.  
ced. in illo loco, tempus conditiove, significans nihil interef-  
se dicas, tempus incertum, an conditionem. Nam & con-  
ditio appellatur dies incertus & dies incertus conditio, l.  
talit scriptura, de leg. 1. Et ita licet definire conditionem:  
Conditio, est dies incertus, ex quo ita suspenditur obli-  
gatio, vt possit esse, vel non esse. Dices: nihil igitur inter-  
est inter diem incertum & conditionem. Imo vero hoc in-  
terest, quod omnis conditio est dies incertus, non contra.  
Nam alias dies incertus, conditionale legatum facit, alias  
purum, si possit non existere. si possit non existere, in qua,  
dies incertus conditio est, vt in superiori exemplo: si cum  
moriatur heres, Titio legauero, potest non existere ea co-  
ditio, puta, si viuo herede legatarius decesserit. Igitur si  
possit nō existere, dies incertus, conditio est. si nō possit nō  
existere, dies incertus, conditio non est: vt si cū morietur  
Titius, non dico iam heres, ei legauero, quia fieri non potest.



testvillo casu, vt non debeat Titio legatum: Nam etsi post mortem heredis moriatur Titius, heres heredis eius heredi tenetur, l. 4. quando dies leg. ced. & l. heres, hoc tit. Atque ita cum morietur legatarius, purum est legatum: cum morietur heres, conditionale, quod maxime notandum. Cum morietur legatarius ita relicto legato, legatum quidem suspenditur, sed non ideo est conditionale. Mora enim suspenditur, non conditio. Et differentia est inter moram & conditionem, l. i. de legat. 2. l. quod pure, quando dies leg. ced. l. 5. C. eod. Et ita, si promisero tibi aliquid dare, vel facere, cum moriar, dies est incertus, non conditio, & quod interim soluitur, repeti non potest. quod representatur, repeti non potest, quod tamen posset repeti, si esset conditio, l. sub conditio, & l. seq. de condit. indeb. Non igitur omnis dies incertus, est conditio. Et recte ait Papinianus hoc loco, in testamento, quod notandum summe. Nam aliud est in stipulatione, vel contractu, heres est debitor legati, promissor est debitor rei deductæ in stipulationem, vterque est debitor. Et tamen hæc verba: cum morietur heres, conditionem faciunt. Hæc verba, cum morietur promissor, conditionem non faciunt, d. l. sub conditio, & l. seq. Ergo recte dicit, in testamento: neque enim idem est in stipulatione. Nec quicquam obstat l. sufficit, de condit. indeb. dum ait, defensionem iuris, id est, exceptionem, que incertam causam continet, instar conditionis obtinere, id non est de die incerto, non dicit diem incertum obtinere instar conditionis in stipulatione, vel in conuentione, sed ait, causam incertam exceptionis, habere instar conditionis, puta, si incertum sit, vtrum exceptio sit temporaria, an perpetua, quod ea lex latius explicat. Quid est exceptio? defensio iuris opposita intentioni aduersarij. Hæc si sit incerta, id est, si nondum sit certum, perpetua sit an temporaria, pro conditione habetur. Igitur non loquitur de die incerto, & breuiter, vt in testamentis intelligamus, quando dies incertus faciat conditionem, vel non, res ita est concludenda. Dies incertus conditio est, si dies legati possit non cedere: conditio non est, si non possit non cedere.



IACOBI CUIACII  
IURISCONSULTI  
COMMENTARIUS  
in Lib. XXXV. Quæstionum  
Æmilij Papiniani.

Ad l. pater 15. de castr. pecul.

Pater milite filio reuerso, quod donat, castrensis peculij non facit, sed alterius peculij, perinde ac si filius nunquam militasset.

1. §. Si stipulanti filio spondeat, siquidem ex causa peculij castrensis, tenebit stipulatio: ceterum ex qualibet alia causa non tenebit.

2. §. Si pater à filio stipulatur, eadem distinctio seruabitur.

3. §. Seruus peculij, quod ad filium spectat, ab extero si stipuletur, aut per traditionem accipiat, sine distinctione causarum, res ad filium pertinebit. non enim vt filius duplex ius sustineat, patris & filijfamil. ita seruus, qui peculij castrensis est, quique nullo iure quamdiu filius vivit, patri subiectus est, aliquid acquirere simpliciter stipulando, vel accipiendopatri potest. Quæ ratio suadet, vt si ab ipso patre seruus, qui ad filium pertinet, stipuletur ex quacunque causa, vel traditum accipiat, sic acquiratur filio res & stipulatio, quemadmodum si exterpromississet, quoniam persona stipulantis & accipientis ea est, vt sine differentia causarum, quod rerum agitur, emolumentum filij spectet.

4. §. Si serui pater usufructum amiserit, cuius proprietatem in castrensi peculio filius habeat, plenam proprietatem habebit filius.



X libro autem 35. superest vna lex tantum, l. 15. de castr. pecul. In qua, quod proponitur initio pertinet ad definitionem castrensis peculij. In castrensi peculio est, quod pater donat eunti ad militiam, vel etiam agenti in militia filiofamil. vt ibi sit instructor. Quod autem donat filiofamil. reuerso à militia, & sacramento soluto, est in peculio pagano, non castrensi, perinde ac si filius nunquam militasset. Inter peculium paganum & castrense est differentia varia, & multiplex, sed vel vna posita, ex ea necestuntur alia omnes, & vna quidam tantum proponitur in §. 1. huius l. Ex causa castrensis peculij pater filiofamil. stipulanti, vel contra, filius patri stipulanti obligatur civiliter, & efficaciter, non ex causa peculij pagani. distinguimus causas: si ex causa castrensis, tenet stipulatio patrem vel filium: si ex causa pagana, inutilis stipulatio est. Nam peculium paganum spectat ad patrem, peculium castrense spectat ad filium solum. In peculio pagano, est filiusfamil. in castrensi paterfamilias. in pagano pater & filius pro vno habentur, in castrensi pro duobus, nec habetur ratio vinculi patriæ potestatis, quod quidem vinculum vnam constituit personam duorum, patris & filij: & consequenter ex peculio castrensis potest esse inter patrem & filium, vt in l. 4. de indic. l. si quis uxori §. sed si, de furt. l. si dubiter, in fi. de fideiussor. Ex causa pagana non potest vlla lis constitui. Et præterea, quod acquirit filius ex causa castrensi, sibi acquirit soli: quod ex pagana, patri acquirit. Atque ita causam paganam à castrensi distinguimus semper, cum de filio ipso agitur. Nam vt subiicitur in §. seruus, cum agitur de seruo castrensi filiofamil. non distinguimus causam paganam à castrensi: Nam seruus castrensis totum acquirit filiofamil. domino suo, ex omni causa & pagana & castrensi, si quid acquirat in castris, vel extra castra, etiam si quid à patre ipso stipuletur, vel accipiat ex hac, vel ex illa causa. Denique hæc distinctio causarum, quæ seruatur in filiofamil. non seruatur in seruo castrensi filiofamil. Et rationem differentia elegantissimam Papin. tradit in §. seruus. quia scil. filiusfamil. duplex ius sustinet, duasue personas: ius patris, in castrensi peculio, & ius filij, in pagano peculio, & ius patris, ex constitutione in castrensi peculio, l. 2. ad Maced. quæ diu viuunt filius: Nam si moriatur intestatus viuo patre, in omni peculio exitum facit filiofamil. Igitur non omnino ius sustinet patrisfamil. in castrensi peculio: non, si moriatur intestatus. Nam eo mortuo, id peculium pater occupat quasi paganum, l. ult. ad Tertullian. Et hoc de filiofamil. Seruus autem castrensis filiofamil. ius tantum sustinet serui filiofamil. non serui patris, non sustinet duorum seruatorum vicem: & ideo soli filio acquirit ex omni causa, non patri, si quid simpliciter, inquit, stipuletur, vel per traditionem accipiat, quandiu vivit filius, quem solum dominum agnoscit. Cur dicat quandiu vivit filius, iam exposui: quia mortuo filio intestato, viuo patre seruus castrensis recidit in potestatem patris, quasi iure peculij pagani. Cur ait simpliciter: quod est impersonaliter, si stipulatus sit hoc modo, promittis centum dari non adiecto meo, vel patri domini mei, quod miror non explicasse Accurs. quia scil. si seruus castrensis stipuletur patri, quamuis eo tempore stipulationis sit in potestate filij non patris, tamen si postea filius moriatur intestatus viuo patre, utilis stipulatio est, quia pater retro creditur in eo seruo dominum habuisse. Ergo & tempore stipulationis, tempore contractus, quod vtiq. semper in stipulationibus observatur, l. si filiusfamil. de verb. oblig. Et ita retro agi dominum ostenditur in l. ult. hoc tit. l. seruum filij, in princ. de leg. l. in eo quod, de acquir. dom. Et secundum hæc, quæ proposuit Papin. in §. seruus, si seruus castrensis filiofamil. heres instituitur, quia non fit distinctio causarum, nihil refert,







adiicit, ut ait l. 7. *C. de adopt.* id est, adoptatus tam in patria sua, quam in patria adoptatoris, munera, & honores civiles subire cogitur, d. l. 7. & l. 1. & l. ordine §. ult. *ad municip.* Rursus conditione alij sunt libertini, alij ingenui. adoptio ex ingenuo libertinum, vel ex libertino ingenuum etiam non facit, l. ult. *de statu hom. sup. l. ult. h. t.* Ingenuum adoptari à libertino nusquam inuenies, aliquo loco inuenies libertinum ab ingenuo adoptari, veluti à patrono ipso, vel ab alio causa cognita, l. ult. h. t. l. 3. *C. eod.* Et hoc cum contingit, libertinus qui adoptatur, nanciscitur quidem iura ingenuitatis in familia adoptatoris, ingenuus tamen non fit, l. *sciendum, de ritu nupt.* Aliud est nancisci iura ingenuitatis, aliud ingenuum fieri. Libertinus, qui à principe consequitur ius annuli aurei, ingenuus non est, sed quandiu vivit, iura ingenuitatis habet, l. 2. *C. de iure annul. aur.* Ergo aliud est habere iura ingenuitatis, aliud ingenuum esse. Solus princeps ingenuum facit eum, qui non est natus ingenuus, puta restituendo natalibus, quod & ipsum debet facere consentiente patrono, l. ult. *de natal. restit.* Sicut & domare civitatem Romanam libertinum princeps non potest invito patrono, ne fiat ei iniuria, quod Plinius indicat lib. 10. *Epist.* petens civitatem Romanam Harpocrati à Traiano Imperatore. Rursus conditione alij sunt servi, alij liberi, & adoptio, ut hodie definitum est, & ex servo liberum facit, ut si servus adoptetur à domino, vel si à domino in adoptionem detur, §. ult. *Inst. de adopt.* Sed hoc vere possis dicere extorsisse favorem libertatis, non esse solemnem modum dandæ libertatis, sed vindictam, censum, testamentum, admitti tamen etiam adoptionem, ut hoc quoque remedio servus exeat ex servitute, & fiat liber, qua ratione alia, quam favore libertatis? d. §. ult. Præterea conditione alij sunt sui iuris, alij alieni iuris, adoptio facit eum, qui est sui iuris, alieni iuris, & eum, qui est alieni iuris, transfert ex unius familia in aliam, l. qui ex liberis §. 1. *de bon. poss. sec. tabul.* Adoptio igitur mutat statum hominis, cur & non mutat superiores status? quia comparata est adoptio huius rei gratia tantum, ut faceret filium famil. maxime non habenti naturalem filium. Hæc causa fuit inveniendæ adoptionis, non, ut faceret ciuem ingenuum, non etiam ut faceret liberum, sed ut filium tantum. Vix mutabit alias conditiones. Conditionem generis sane non poterit mutare, non potest efficere, ut ego non sim ex sanguine illo, ex illo genere, quia ius naturale est immutabile, l. 1. §. *cognitionem, unde cogn.* Denique adoptio genus non mutat, gentem mutat, id est, familiam & nomen familiæ. Cæterum conditionem, quæ ex genere ducitur, non mutat, & notum est discrimen inter genus & gentem. Ergo ignobilem nobilem non facit, si adoptetur à nobili: & contra etiam nobilem ignobilem non facit, si ignobilis nobilem adoptet: nam hæc nobilitas ex genere ducitur, vel largitate Principis ex concessione feudi, cui tamen largitati sc. necesse est, ut accedat longa series aorum & posterorum, qui huic feudo infederunt & incubuerunt. Et hæc de conditione. Dignitatem autem fateor adoptionem augere, non etiam minuere, ut plebeius adoptatus à patritio, vel Senatore vel à decurione acquirit dignitatem, honorem, prærogativam, privilegium in pœnis, vel qua alia in re, filij patritii vel Senatoris, quod hæc l. 13. demonstrat. Et quod notandum, ea dignitas propagatur etiam in liberos plebei adoptati à Senatore, l. *liberos, de Senator.* Et in liberos eius, qui est adoptatus à decurione, non quidem in infinitum, sed usque ad gradum pronepotum, l. *Dino, C. de quest.* Atque ita adoptio dignitatem affert, dignitatem auget, sed non minuit dignitatem. Nam Senator, aut Senatoris filius adoptatus à plebeio, non desinit esse Senator, aut Senatoris filius, l. *per adopt. h. t. l. 1. inf. de Senat. M. Tull.* pro domo sua: adoptionem nihil minuere de dignitate generis. Inventa est adoptio, aut ea utimur, in eamque nos damus, non ut minuamus dignitatem, sed ut augemus. Et alia est ratio matrimonii & adoptionis: Nam matrimonium minuit dignitatem, si mulier clarissima

nubat plebeio, ut de Virginia nominatim scripsit Livi-  
us. Et auget quoque matrimonium dignitatem, si plebeia nubat Senatori, l. *mulieres, C. de dignitat.* In qua etiam utitur *nobilitandi* verbo, quod latissime patet, neque eo significatur ea nobilitas, seu gentilitas, de qua initio questio proposita fuit. Et ait, mulieres genere mariti nobilitari, id est, splendescere, quod aliis verbis exprimit, honore mariti erigi. Cæteram, ut licet colligere, nunquam admittam adoptione nobilem fieri ex ignobili, neque ignobilem ex nobili.

In questione de qua tractauimus, an adoptio ex plebeio nobilem faciat, est quod iterum de ea quid statuendum sit, succincte perstringamus, & ut diximus in præcedenti prælectione, inuenta est adoptio, ut filium faceret tantum, non ut ex peregrino ciuem, non ut mutaret civitatem adoptato, sed adiceret ei civitatem adoptatoris. Potest enim quis plurium civitatum esse ciuis, & rursus inuentam esse adoptionem, ut filium faceret, non ingenuum faceret ex libertino, non ut liberum faceret ex servo, quanquam hodie admittamus favore libertatis, per adoptionem liberum fieri: ac denique inuentam esse adoptionem tantum, ut filium faceret tantum, & hominem sui iuris vel alieni iuris redigeret in potestatem adoptatoris quasi filium, vel nepotem aut pronepotem. ut igitur redigeret in potestatem, vel homines sui iuris, vel etiam filiumfam. alterius, vel etiam filium suum emancipatum, l. 12. *de adopt.* Ego in hac summa illas tantum leges afferam, quas alia prælectione non attuli. Adoptio igitur filium meum emancipatum, & naturalem etiam in servitute quæsitum, siue in contubernio, redigit in potestatem meam, l. ult. *de adopt. l. ult. de his, qui sunt sui, vel al. in.* atque etiam filium naturalem susceptum ex concubinato, ex constitutione Anastasij, l. *inbemus, C. de natur. liber.* Naturalis filius vel est ex contubernio, vel ex concubinato, & uterque fit iustus filius heresque patri per adoptionem. Quod tamen postremum Iustinianus non admisit, scil. in naturali suscepto ex concubinato. Hunc enim noluit fieri legitimum per adoptionem. Et est etiam hoc novum in constitutione Iustiniani, ut cum concubinatus probetur legibus antiquis & constitutionibus quasi cōiunctio legitima & licita, quandoquidem habet speciem matrimonij, & concubina, ut ait Iulianus Antecessor Constantinopolitanus, imitatur uxorem, Iustinianus tamen tãquam Christianus non videtur concubinatum admisisse, quod indicat l. *legem 7. C. de nat. lib.* his verbis, *iniusta libidinum desideria*, quibus utitur loquens de concubinato. Et ob id etiam in d. l. *legem*, ut in *Nov. 74. & Novel. 89.* non vult Iustinianus, ut prætextus adoptionis, vel commentum adrogationis, filios susceptos ex illicita cōiunctione, ut ipse existimat ex concubinato faciat iustos & heredes legitimos patri. Et ex his omnibus paulatim efficies atque efficiebam ego, adoptio-  
nem quoque nobilem non facere, si plebeius det se in adoptionem nobili, quia adoptio non mutat genus, aut sanguinem. Et hæc nobilitas ducitur ex genere, vel ex speciali beneficio Principis, & ex concessione feudi, in quod constat adoptivum filium non succedere, in feudum scil. adoptatoris, quod omiseram. Igitur plebeius per adoptionem non fit nobilis. Galli solent dicere, *la verge ennoblit, voyez la custume*, hoc est, ducitur ex genere nobilitas. Non fit igitur nobilis plebeius per adoptionem, nisi adoptione plebei facta auctoritate Principis, id agatur, ut exeat ex plebe, *argum. l. sed si hac lege §. patronum, de in ius voc.* At nunc videamus, an aliud dicendum sit, si nobilis det se in adoptionem plebeio, an desinit esse nobilis? an mutat genus? Quod negavi obiter in prælect. sup. sed verius est per adoptionem ex nobili plebeium fieri, quia ipsemet prodit suam nobilitatem, qui se subiicit ditioni & familiæ plebei. Et ita Clodium, qui se dedit adoptandum plebeio, Marc. Tullius scripsit exiisse à patriciis, & transiisse in plebem, ut fieret tribunus plebis, quem magistratum capebant soli plebei.



Mea igitur sponte fio plebeius ac degener, sicut licet mihi A  
mea sponte ex libero seruum fieri, si patiar me venundari  
ad pretium participandum. Et ita quoque mulier patri-  
cij generis, si elegerit nuptias plebei, transit in plebem, &  
de se queri debet, quæ nupsit plebeio, atque ita prodidit  
nobilitatem sui generis & sanguinis. Contra autem mu-  
lier plebeia per matrimonium, non mutaret genus, vide-  
licet si abesset constitutio Imperatoris, quæ specialiter  
constituit, ut plebeia per matrimonium, puta, si nupsit  
patricio, non tantum erigatur honore mariti, sed etiam  
nobilitetur genere mariti, atque ita proprium genus  
commutetur in genus mariti, *l. mulieres, C. de dignit. l. ult. C. de incolis*. Si deesset illa constitutio, mulier plebeia per  
matrimonium non mutaret genus, sed augetetur tan-  
tum dignitate mariti. Et in hac quæstione, ut in eadem  
prælectione ostendi, separanda est dignitas à conditione  
personæ.

Ad l. 119. de verb. oblig.

*Doli clausula, quæ stipulationibus subijcitur, non pertinet ad eas partes stipulationis, de quibus nominatim cautum.*

Hæc lex pertinet ad illam regulam iuris, quam ha-  
buimus libro 33. In toto iure generi per speciem de-  
rogatur, *l. in toto, de reg. iur.* veluti in legibus, *l. sanctio, de pœnis*, & in testamentis, veluti in legatis, quod variis  
exemplis demonstraui, ac etiam in substitutionib. Spe-  
cialis nempe substitutio derogat generali, *l. coheredi, §. qui patrem, de vulg. substit.* Et ut intelligitur ex hac lege, in  
stipulationibus siue contractibus. & forte mendum est in  
inscriptione huius legis, vel legis *in toto*, vel in numero  
librorum. Subiici solet stipulationibus clausula genera-  
lis, *dolum malum abesse absfuturumque esse*. Hæc est nouis-  
sima clausula stipulationum, *l. nouissima, indic. solui*. Quod  
non pertinet ad ea, de quibus specialiter cautum est in sti-  
pulatione, sed pertinet tantum ad ea, quæ non sunt sti-  
pulatione comprehensa nominatim: Nam de clausula illa  
generali sunt eximenda ea, de quibus cautum est speciali-  
ter. Denique hæc clausula generalis pertinet tantum ad  
casus incertos, & qui in præsentia contrahentibus oc-  
currere non potuerunt, *l. 33. hoc tit.* ut in emptione peco-  
rum, cum ita stipulamur, quod exemplum Accursius si-  
gnificauit in hac lege, paucis verbis, *esse, bibere, posse ha-  
bereque recte licere, & dolum malum abesse absfuturumque* D  
*esse*. Et in emptione mancipiorum, cum ita stipulamur,  
*sanum esse, furem non esse, fugitiuum non esse, habere recte*  
*licere, dolumque malum abesse absfuturumque esse*. Et simili-  
ter in stipulationibus prætoriiis, veluti legatorum seruandorum  
causa, vel de rato, vel de indicato soluendo. Et hoc  
est apertissimum. Sequitur nobilissima lex 38 *ad leg. Iul.*  
*de adulter.*

Ad l. 38. ad l. Iuliam de adult.

*Si adulterium cum incesto committatur, ut puta, cum priui-  
gna, nura, nouerca: mulier similiter quoque punietur: Id enim* E  
*remoto etiam adulterio eueniret.*

Differentia est inter adulterium & incestum in re.  
Quæ sit differentia, non est explicandum, quia no-  
tum est omnibus, sed in iure differentia est. Nam a-  
dulterium iure naturali prohibetur, vel ut ait *l. pro-  
brum, de verborum significat.* adulterium est natura pro-  
brum, id est, iure naturali: Lactantius in Epito. In-  
stitut. Corruptum alienum matrimonium communi om-  
nium gentium iure prohibetur. Incestum autem non  
omne committitur iure gentium, siue naturali. Nam  
aut committitur iure gentium, aut iure ciuili. Et ut  
indicat in hac lege, ita euenit, ut incesti crimen,  
Quæst. Papin.

quauis natura sit grauius, humanius vindicetur, vel  
ut de eo tractetur humanius, quam de adulterio, quia  
omne adulterium est natura probum: omne incestum  
non est natura probum, sed aliud natura, aliud ciuili  
iure. Ac primum quidem, ut ostenditur in *l. ult. de  
condict. sine caus.* & *l. ult. de ritu nupt.* & in hac lege  
multis in locis, incestum iure ciuili committitur inter  
parentes & liberos cuiuscumque gradus in infinitum,  
atque etiam inter affines, qui maxime parentum &  
liberorum locum obtinent, ut inter vitricum & pri-  
uignam. vitricus quasi pater est, priuigna quasi filia,  
vel ut Ouidius loquitur de Ponto, *pene filia*, qui &  
marito priuignæ, dicit se esse pene socerum, id est,  
quasi, pene patrem vxoris. Numina pro socero pene pre-  
care tuo, scribens ad maritum priuignæ Incestum iure  
gentium committitur similiter inter nouercam & priui-  
gnum, quæ est, vel quæ fuit nouerca, quia nouerca matris,  
priuignus filij locum obtinet, §. *affinitatis*, & §. *socerum*,  
*Inst. de nuptiis. l. Aristo, de ritu nupt.* Et recte sanctissimus  
Phocylides:

Μητρὸς μὴ πατρὸς γε δούτεος λέκτεος γυνήος.

Μητὲρ δ' ὡς τίμα τὴν μητὲρ ἱχνα βᾶσαν.

Id est, ne attinge nouercam, secunda cubilia patris, sed eam  
cole ac matrem, quæ insequitur vestigia etiam matris, id est,  
quæ locum tenet matris. Et pari ratione iure gentium  
incestum committitur inter socerum & nurum, inter so-  
crum & generum, quia socer & socrus parentum locum  
obtinere, gener & nurus liberorum, d. §. *affinitatis*, & §.  
*socerum, l. quia parentis, solu. matr.* Et nurus nomen siue  
socrus, aut generi, accipitur largissime. Exempli gratia:  
Nurus dicitur non tantum filij vxor, sed etiam nepotis,  
& vsque in infinitum in *l. adoptium §. nunc videamus, &  
l. seq. de ritu nupt.* Ex transuerso etiam iure gentium in-  
cestum committitur cum sorore, quod euidenter de-  
monstrat *l. 8. de ritu nupt.* dum matri iungit sororem:  
Et matrem, aut sororem vxorem ducere moribus pro-  
hiberi, id est, iure gentium. mores illo loco ac etiam  
in *l. sororis, eod.* id est, ius naturale, ius gentium. Et  
quod scripsit Æmilius Probus, Athenienses in matrimo-  
nio sorores suas habuisse iure licito, non est veri-  
simile, ut populus Atheniensis adeo bene institutus, eam  
coniunctionem admiserit contra ius gentium. Si quam  
barbaram gentem diceret, hoc admitterem, sed Athe-  
niensem populum, nunquam admittam, licet Æmi-  
lius Probus id scribat, qui etiam quasi falsi reus à do-  
ctissimis viris reprehenditur: quoniam Athenæus &  
Plutarchus multis in locis referunt Cimonem Athe-  
niensem duxisse sororem in matrimonio, atque ideò exu-  
latum iisse, cum fecisset contra instituta Atheniensium,  
& omnium gentium instituta, iurisque naturalis. Et recte  
etiam Phocylides, qui nobis tradidit præcepta iuris na-  
turalis:

Μηδὲ κατὰ γυνήτις ἐς ἀπότροπον ἐλθέμεν εὐνήν.

Ne conscendamus cubile infandum sororis:

Igitur ex transuerso siue à latere, etiam incestum com-  
mittitur iure gentium, veluti cum sorore. Et similiter,  
ut heri demonstraui, cum sororis filia, & nepte, &  
pronepte in infinitum, quia auunculus est loco paren-  
tis. Ergo & cum fratris filia, quia patruus est loco  
parentis, quod hodie etiam obtinet, §. *fratris*, *Inst. de  
nupt. l. nemini, C. eod. tit. l. ult. C. de incest. nupt.* Posset quis  
ita facile induci, ut existimaret iure gentium incestum  
committi cum sororis filia, vel fratris, quod tamen non  
est verum. Nam cum his personis committitur tantum  
iure ciuili: cum sorore iure gentium: cum sororis filia iure  
ciuili, quod cur ita sit, cras explicabo. Et multum interest  
sane, utrum iure gentium incestum committatur, an iure  
ciuili. Nam error iuris gentium, vel ignorantia eius, non  
remittitur mulieri. Igitur etiam mulier, cui remitti-  
tur error iuris ciuilis, si incestum commiserit iure  
gentium, nullo modo excusatur obtentu erroris, quia  
nemo ignorat ius gentium, *l. secunda, Cod. de in ius voc.*



Et Menander eleganter, *ἢ ἔστι τὸς αἰσῶς ῥύσιος λαθεῖν νό-  
μος.* *La ley de nature n'est cachée à personne.* Ergo mu-  
lieri non remittitur error iuris gentium, cui tamen re-  
mittitur incestum iuris ciuili. Et ita Papinianus in hac  
lege ait, mulierem eam pœnam, quam mares sustinere,  
cum incestum iure gentium prohibitum admiserit. Et si-  
militer in principio huius legis, si adulterium committa-  
tur cum incesto, veluti cum nuru, vel cum priuigna, vel  
cum nouerca, non minus puniri fœminam quam marem:  
neutrum posse obtendere ignorantiam huius iuris. Idem  
esse, si solum incestum sit admissum, quoniam cum his  
personis committitur iure gentium. Oportet addere,  
idem etiam esse, si solum adulterium, non tantum cum his  
personis, sed cum aliis quibuscumque. Æque ex causa  
adulterij puniuntur fœmina, ac masculus, quia est natura  
probrum similiter, id est, iure gentium, quod nemini licet  
ignorare. Et hoc est quod ait in princ. *h. l.*

Ex his, quæ diximus intellexistis, æque puniri fœmi-  
nam ac marem, si per adulterium incestum committatur  
iure gentium, vel si incestum tantum committatur iure  
gentium, veluti cum parentibus vel liberis cuiusque gra-  
dus, vel inter affines, qui maxime parentum liberorumve  
locum obtinent, veluti cum priuigna, nuru, socru, nouer-  
ca. Et idem esse, si adulterium tantum committatur: Nam  
& adulterium iure gentium probrum est, & neque mari,  
neque fœminæ remitti errorem, vel ignorationem iuris  
gentium, omnes homines præstare debere scientiam iuris  
gentium, neminem non scire adulterari nefas esse, nemi-  
nem nescire, commisceri his, qui sunt parentum vel libe-  
rorum loco, nefas esse. Igitur æque puniri fœminas ac  
mares in his omnibus, quæ prohibentur iure naturali. Et  
adiecti cum sorore etiam incestum committi iure gen-  
tium, cum sorore scilicet germana. Nam cum sorore pa-  
trueli, iure ciuili aut gentium incestum matrimonium  
non est, §. *duorum, de nupt. l. celebrandis, C. eod.* Quotamen  
iure non utimur, & merito quidem: nam verecundia &  
pudor potissimum spectatur in nuptiis. Et ob id prohibi-  
tio nuptiarum est extendenda potius ac coangustanda,  
nec debemus ea in parte discedere ab institutis maiorum  
nostrorum, qui pudoris inter nos conseruandi gratia, &  
licitas quarundam personarum nuptias inhibuerunt, &  
in Phil. 2. Cic. illo loco, *sorore & uxore tua*: non oportet  
intelligere germanam, sed patruelem. Et hæc de incesto,  
quod committitur iure gentium. Restat ut tractemus de  
incesto, quod committitur iure ciuili. Incestum commit-  
titur iure ciuili cum sororis filia, vel nepte, vel pronepte,  
vel etiam hodie cum fratris filia, nepte, pronepte, vel cum  
amita, vel cum matertera. Cur vero cum his personis in-  
cestum contrahitur iure ciuili, non iure gentium, cum &  
hæ personæ inter se sint parentum liberorumve loco, §.  
*item amitam, Instit. de nupt. l. sororis, de ritu nupt.* Patruus  
scilicet filia fratris pene pater est. Amita filio patris pene  
mater. Idem licet statuere de auunculo & matertera. Et  
tamen inter eas personas incestum committitur non iure  
gentium, sed ciuili. An verum est, non inter eos omnes  
incestum iure gentium committi, quia inuicem sunt pa-  
rentum vel liberorum loco? Sic sane. Sed inter eos tan-  
tum verum est, incestum committi iure gentium, qui ma-  
ximè (*ce maxime emporte la saulce*) quive propius sunt pa-  
rentum aut liberorum loco, ut inter nouercam & priui-  
gnum: nouerca mater est propius quam amita, cum sit  
vxor veri patris, cuius amita est soror. Ac similiter inter  
vitricum & priuignum, inter socrum & nurum, inter  
socrum & generum: Nam cum aliis personis (licet quod-  
dammodo accedant ad vicem parentum aut liberorum)  
legibus modo permixta fuerunt nuptiæ, modo prohibita.  
Et coniunctio earum personarum puta patris, & filia  
fratris, auunculi & filia sororis, amitæ & filij fratris, ma-  
terteræ & filij sororis tota sita est in arbitrio legum, tota  
est iuris posititiij, ut Vlp. loquitur, vel ut æque dicunt  
recte, iuris posititiui. Et rectissime Accurs. in l. 1. §. *initium,*  
*de postul. eorum, quæ sunt iuris posititiij, non admodum*

A quærendam esse rationem. Inuenies in Dig. incestum  
committi cum sororis filia ab auunculo, non à patruo cum  
fratris filia, l. *ult. de cond. sine causa, l. qui in provincia, l. alia,*  
*l. sororis, de ritu nupt. & huius l. §. 1.* Nullum locum inue-  
nies in Dig. de patruo & fratris filia: nam cum ea permis-  
sum connubium ex S. C. & auctoritate Claudij, ut Sueto-  
nius & Tacitus scribunt. Et ob id Vlpianus in fragm.  
nonnunquam ex tertio gradu licet vxorem ducere, veluti  
fratris filiam, non etiam sororis. Hæc distinctio hodie  
merito sublata est: Nam neutram licet ducere ex consti-  
tutionibus nouissimis. Iure Digestorum, ut ita loqua-  
mur, licet ducere fratris filiam, quamuis eodem iure non  
liceat sororis filiam, nec sit differentia ratio vlla, nisi  
quod ius ita positum sit. Filius tamen fratris eodem iure  
non potest ducere amitam, siue paterteram, sic vocatur in  
antiquis inscriptionibus, sicut nec filius sororis materter-  
ram, quin admittatur incestum iure ciuili.

#### Ad §§. 1. 2. 3. 4. 5. 6. & 7.

*Stuprum in sororis filiam si committatur, an adulterij pœna  
sufficiat mari, considerandum est: quia multum interest, erro-  
re matrimonium illicite contrahatur, an contumacia iuris, &  
sanguinis contumelia concurrant.*

2. §. *Quare mulier tunc demum eam pœnam, quam ma-  
res sustinebit, cum incestum iure gentium prohibitum admi-  
serit. Nam si sola iuris nostri observatio interueniet, mulier ab  
incesti crimine erit excusata.*

C 3. §. *Nonnunquam tamen & in maribus incesti crimi-  
na, quamquam natura grauiora sunt, humanius quam adul-  
terij tractari solent: si modo incestum per matrimonium illici-  
tum contractum sit.*

4. §. *Fratres denique Imperatores Claudia crimen in-  
cesti propter atatem remiserunt, cum alias adulterij crimen,  
quod pubertate delinquitur, non excusetur atate. Nam & mu-  
lieres in iure errantes, incesti crimine non teneri, supra dictum  
est, cum in adulterio commisso nullam habere possint excusa-  
tionem.*

5. §. *Idem Imperatores rescripserunt post dinortium, quod  
cum nouerca bona fide priuignus fecerit, non esse crimen ad-  
mittendum incesti.*

D 6. §. *Idem Pollioni in hac verba rescripserunt: incesta  
nuptia confirmari non solent, & ideo abstinenti tali matrimo-  
nio pœnam præteriti delicti, si nondum rem postulatus est, re-  
mittimus.*

7. §. *Incestum quod per illicitam matrimonij coniunctio-  
nem admittitur, excusari solet sexu, vel atate, vel etiam pu-  
nienti correctione, quæ bona fide internenerit: utique si erro-  
r allegetur, & facilius si nemo reum postulauerit.*

H Is cognitis videamus, quæ tractet Pap. in hoc §. 1.  
& seq. vsque ad §. *Imperator Marcus.* Cum sororis  
filia incestum iure ciuili committitur, & ut ait Pap. in hoc  
§. 1. stuprum. Ergo duplex crimen, incestum & stuprum,  
vel ut M. Tul. loquitur in Miloniana, *incestum stuprum.* Et  
quærit Papin. in hoc §. 1. an masculo sufficiat pœna adul-  
terij l. Iulia? nomine adulterij, quod etiam est generale,  
significans stuprum incestum, ut sapissime I. C. maxime  
cum tractant de pœna, dicunt promiscue, adulterium vel  
stuprum. Si igitur in sororis filiam commissum sit stu-  
prum incestum, quærit Papin. an auunculo sufficiat pœ-  
na l. Iulia, hoc sc. quærit, an mulier quoque similiter pu-  
niatur, i. e. an sufficiat marem puniri, si incestum commit-  
tatur iure gentium, non sufficit marem puniri, vtrumque  
puniri oportet. Videamus tamen, inquit, an sufficiat ma-  
rem puniri, si incestum iure ciuili committatur, veluti  
cum sororis filia. Dubitationem facit, quod duplex est ad-  
missum, iunctum sc. stupro incestum. Simplex forte non  
vindicaretur in fœmina. Duplex videtur esse vindican-  
dum, non minus in fœmina, quam in mare. Et hoc signifi-  
cat Papin. in illis verbis, *occurrit, quod duplex admissum est.*



Verbo occurrit, significatur ratio dubitandi. Item dubitationem facit, quod multum interest, errans committat stuprum incestum, an scias: Nam sciens peccat dupliciter, & quod contumelia afficit sanguinem suum, generis-que dignitatem. Quid est incestum? Contumelia, quæ inferitur sanguini, vel necessitudini per nefarium aut illicitum coitum.

Peccat etiam sciens in eo, quod contemnat leges, & iura ciuilia, quæ contemptio eleganter dicitur à Papin. *contumacia iuris*. contumax dicitur à contemnendo: nam videtur I. C. *παρτυμολογῆν*, in l. *contumacia* §. 1. de re iudic. dum ait, *contumax est, qui tribus edictis propositis, &c.* Vox contumax dicitur ab intentione & pertinacia, quod eo nomine videatur significari is, qui intentos habet & defixos oculos in rem aliquam, vt per translationem & contumax videatur dici pertinax quique, vt in iure augurali apud Varronem 6. de ling. lat. erat scriptum, *confpicionem Cortumionem*, id est, conspectum intentissimum. Et hæc de sciente. Non potuit de quæstione proposita respondere sine distinctione inter scientem & errantem. Errans non offendit legem, sed sanguinem tantum inquinat. Igitur, vt reuertamur ad quæstionem propositam, si mulier per errorem iuris ciuilis incestum commiserit cum auunculo, excusatur, si existimarit non esse vetitas nuptias: aut certe datur ei venia maioris pœnæ, nec subit eandem pœnam quam mas, qui debet præstare scientiam iuris ciuilis. Quod idem dici potest etiam de minori 25. annis, aliter, quam si incestum iure gentium committatur vel adulterium, quod omne etiam contra ius gentium committitur: nam ab adulterio, vel ab incesto iure gentium, neque ætas, neque sexus excusat, l. *auxilium*, de minor. Certe, quod maxime notandum est, & si alias militem excuset ignorantia iuris ciuilis, non excusat tamen eum à stupro commissio in sororis filiam, siue eam habuerit in matrimonio, quoniam illicitum est, siue in contubernio, l. *miles* §. 1. b. r. ybi, quam habuit miles in contubernio, Græci appellant Latino vocabulo, *focariam*, l. *mulierem*, de his quæ vt indign. quam lib. 33. interpretati sumus. Igitur miles, etiam si errauerit in iure ciuili, qui error alias solet ei remitti, hoc casu non remittitur, si sororis filiam, vel focariæ, vel vxoris habuerit loco. Et hoc est rectius, inquit, id est, honestius. Et maxime notandum, quia vulgo dicitur, errorem iuris ciuilis excusare militem, sane hac in re non excusare. His adiecit Papin. in hoc §. quod etiam est singulare, vt hic auctor noster vix solet vnquam quicquam proferre, quod non sit singulare, & præclarum. Adiecit enim, nonnunquam in marè, vel minore, vel maiore, humanius tractari incesti, quam adulterij crimen, quod scil. excusationem mereatur maiorem mas, qui incestum admisit, quam qui adulterium, l. *ult. de ritu nupt.* Primum, vel propter ætatem minoris, si per matrimonium iure ciuili incestum commiserit palam, vt dixi, errans in iure ciuili, qui tamen non excusaretur à pœna adulterij, vel etiam maior. 25. annis, si errans in facto: (nam maiorem error iuris ciuilis non excusat) puta, nesciens eam, quam ducebat vxorem, esse sororis filiam, palam cum ea contraxerit nuptias, quasi iure licito, modo errore comperto protinus eam dimiserit, antequam reus postularetur, quia, qui ducitur pœnitentia, id est, qui errore cognito protinus eam dimittit & aduersatur, nec voluisse videtur cum ea matrimonium incestum contrahere: erranti in facto venia datur, & mox pœnitenti re cognita, vel maioris pœnæ venia, l. 4. C. de incest. nupt. quæ etiam exigit, vt hic error sit acerrimus, non fictus, non simulatus hic error facti. Et eleganter Arist. in 3. Ethic. τὸ ἀγέστον ἐν ματαμελείᾳ εἶναι, cum quem pœnitet facti, nec voluisse videri. Et eleganter Papin. libro singulari, de adult. scripsit, vt ex eis fragmentis didicimus, quæ nuper prodierunt in lucem, ei qui coniunctione sororis filia bona fide abstinuit, pœnam remitti palam est. Et subiicit rationem: quia, qui errore cognito diremit coitum, creditur eius voluntatis fuisse, vt si scisset, se in eo gradu necessitudinis esse positum, non fuisset tali matrimonio copula-

Quæst. Papin.

A turus. Notanda sunt illa verba, si scisset se in illo gradu, id est, si scisset se auunculum, quæ sane sunt de errore facti. Igitur, & quod hic similiter scribit Papinian. contra quam vellet Accurs. est accipiendum de errore facti in maiore 25. annis. Nec vero mirum est, si hunc errorem facti excuset pœnitentia secuta, antequam reus fieret incesti, si, inquam, excuset ab incesto iure ciuili. cum excuset etiam ab incesto iure gentium, vt ostenditur in §. *idem Imperator*. Si priuignus nouercam vxorem duxerit, inquit, & post bona fide cum ea diuortium fecerit, quod sc. non fecisset ante errorem facti, & ignorantiam necessitudinis, quæ sibi fuit cum illa, sed diuortium cum ea fecerit, quod nunc primum cognouerit, eius se mulieris auunculum esse, error facti eum releuabit à crimine incesti. Excusatio huiusmodi nulla est in adulterio: Nam vix possis in adulterio primum constituere errorem facti, nec cætera, quæ posuimus. Incestum quidem est natura grauius adulterio, & ob id incestum non finitur quinquennio, sed vicennio, sicut cætera crimina grauiora, cum tamen adulterij crimen finitur quinquennio, l. *seq. §. prescriptione*. incestum igitur est certe natura grauius, quam adulterium, & tamen aliquando tractatur humanius, vt apparet ex præcedentibus. Itemque quod in crimine incesti serui non torqueantur aduersus dominos, l. de (alias in) incesto, & l. extraneo, de quæstion. & torqueantur tamen in adulterio, vel in incesto adulterio, l. si quis viduam, eod. tit. l. 1. C. eod. & l. *seq. §. ult.* Ita vobis sunt enarranda ea omnia, quæ Papin. scripsit in hac l. à §. *stuprum* vsque ad §. *Imper. Marcus*.

#### Ad §. Imperator Marcus.

Imperator Marcus Antoninus, & Commodus filius rescripserunt, si maritus vxorem in adulterio deprehensam impetu tractus doloris, interfecerit, non utique l. Cornel. de sicariis, pœnam excipiet. Nam & Diuus Pius in hac verba rescripsit Apollonio: Ei, qui vxorem suam in adulterio deprehensam occidisse se non negat, ultimum supplicium remitti potest, cum sit difficillimum iustum dolorem temperare. Et quia plus fecerit, quam quia se vindicare non debuerit, puniendus sit. Sufficiet igitur, si humilis loci sit, in opus perpetuum eum tradi, si qui honestior, in insulam relegari.

Intelleximus ex §. 1. l. si adulterium, ad l. *Int. de adult.* ab incesto prohibito iure naturali, & ab adulterio, quod etiam natura nefarium est crimen, neque marè excusari, neque scēminam villo modo: ab incesto stupro, quod prohibetur iure tantum ciuili, scēminæ remitti errorem iuris, vel remitti pœnam ob errorem iuris ciuilis, non mari ob errorem iuris ciuilis, nisi sit minor 25. annis: sed ob errorem facti etiam maiori remittitur pœna, si per matrimonium ignarus cognationis & necessitudinis incestum commiserit, & errore comperto mox dissoluerit coniunctionem, & correxerit factum. Nunc sequitur in §. *Imperator Marcus*, de viro, qui vxorem necauit deprehensam in adulterio, quod prohibetur l. *Iulia* nominatim. Ideoque facit contra l. *Iuliam*, qui deprehensam necat. Sed ex constitutionib. Marci & Commodi, atque etiam Pij Imperatoris, non punitur tanquam homicida, aut parricida l. *Cornelia* de sicariis, quamuis alias, qui vxorem occidit, teneatur l. *Cornelia* de sicariis, l. 1. infra ad l. *Corn. de sic.* sed ex constitutionib. vt dixi, ei, qui deprehensam necauit, remittitur pœna legis *Corneliæ*, id est, ultimum supplicium, quod mortem interpretamur, quia, vt est in his constitutionib. *difficillimum est fuit iustum dolorem temperare*. Iuuenal. 10. Satyr.

Exigit iste dolor plus, quam lex ulla dolori

Concessit, &c.-----

Vix enim quicquam leges dolori concedunt, vix dant locum vindictæ. Ex hac causa concedunt aliquid constitutiones, dum de pœna remittunt aliquid, si vir deprehensam occiderit. Remittunt enim ultimum supplicium,



aliam tamen pœnam vir sustinebit. Nam humilior, humiliore loco positus, puta plebeius, ut ait hoc loco, damnabitur in opus publicum perpetuum. Contra l. 1. §. ult. sup. ad l. Cornel. de sicar. ait, cum damnari in exilium perpetuum, non in opus, & exilium accipit proprie pro deportatione. Sed nullum est dissidium. Nam est par pœna deportationis, & damnationis in opus perpetuum, l. 1. C. de pœn. Hi qui in opus perpetuum, id est, publicum damnantur, similes sunt deportatis: Nam uterque patitur mediam capitis deminutionem, uterque civitatem amittit, & peregrinus fit. Igitur nihil refert, damnetur in opus publicum aut exilium perpetuum. Honestior autem, veluti positus in dignitate aliqua relegatur in insulam ad tempus, quæ pœna contingit sine capitis deminutione, reformatio non est capitis deminutio, l. reformatio §. siue, de interd. & reformatio. Et ita Paulus secundo hæc secundo Sentent. Maritum, inquit, qui uxorem in adulterio deprehensam occidit, quia hoc impatientia iusti doloris admisit, lenius puniri placuit. Puniri igitur, sed lenius, excusari à maiori pœna tantum, puta, l. Cornel. de sicar. siue l. Pomp. de parricid. Et male in eam rem adfertur l. Gracchus, C. cod. tit. Nam non loquitur de adultera occisa, sed de adultero, in quem plus aliquanto licuit marito, quam in uxorem, quanquam non omnem adulterum potuerit occidere impune, sed infamem personam tantum, veluti ludionem, vel lenonem. Aliam personam si occiderit impetu doloris tractus, exemplo mulieris etiam punietur, sed lenius. Et hoc tantum ait l. Gracchus. Notandum, quod est in rescripto D. Pij relato à Papin. hoc loco, maritum, qui uxorem deprehensam occiderit, puniri, vel deportatione, vel relegatione, non ultimo supplicio, & puniri, non quod se vindicare non debuerit: Nam hæc vindicta fuit permessa, sed quod plus fecerit, quam scilicet vindictæ modus ratioque postulet. Ex quo loco licet nobis interpretari, quod vulgo dicitur ex l. 1. C. unde vi, vnumquemque posse vim, iniuriam, contumeliam propulsare, adhibita moderatione inculpatæ tutelæ, id est, cum tutela inculcata, nempe, ut ne quid plus faciat, quam vindictæ ratio desideret, ut si vlciscatur ex continenti in deprehensos, ut vindicet iniuriam lecti & domus. Et ita licet omnino ad l. ut vim, de iust. & iure. sumere exemplum ex hoc loco, veluti, ut Papinia. ait aliquo in loco in fragmentis, iniuriam lecti genialis & domus licet vindicare & vlcisci, cum modo tamen aliquo & pari. Vindictio hæc moderata permittitur iure gentium. Nec debemus restringere verbum vindicandi, quod usurpatur etiam illo tit. quando liceat unicuique sine indice se vindicare. Licet autem se vindicare aduersus vim, quæ nobis infertur, vel his, qui nobis cari sunt, l. 1. §. pen. ad l. Cornel. de sicar. Et ad vlciscendam iniuriam & contumeliam, veluti, ut ait elegantè Papinian. in fragm. lecti & domus, quod est appositissimum exemplum ad verbum d. l. ut vim, de iust. & iure. Potuit igitur se vindicare & vlcisci in adulterio deprehensam uxorem, idque impune potuit iure gentium: sed quia plus fecit, quam debuit, ideo punitur, leniore tamen pœna, quam homicida. Quæres, cur liceat patri filiam deprehensam in adulterio occidere, non marito? Sunt multi loci in hoc tit. quibus ostenditur hoc licere patri ex l. Iulia, si modo & adulterum simul occidat vno ictu, si fieri possit, vnoque impetu. Et ratio differentie optima redditur in l. 2. §. ult. hoc tit. quia plerumque pietas paterni nominis consilium pro liberis capit, id est, efficit, ne occidat filiam, simul ac ne occidat adulterum: non potest enim parcere filię, quin parcat adultero. Non est igitur nimia hæc licentia, quæ datur patri, quoniam vix necabit filiam, ac proinde seruabitur uterque, & permittitur legibus publicis. Cæterum mariti calor, & ut ait d. l. impetus, facile decernentis fuit refranandus, id est, nullius consilium in ea recapientis, nihil in eo articulo apud se deliberantis. Primum non data ei potestate occidendi cuiuslibet adulteri, sed infamis personæ tantum, & nullo modo data potestate occidendæ vxoris. Et similis est ratio Imperatoris

A Marci Philosophi apud Capitolinum, nolentis seuerius agi in rebelles, id est, in reos perduellionis, siue maiestatis. Non placet, inquit, Imperatori vindicta sui doloris, quæ etsi iustior fuerit, acrior videtur semper. Paulatim creuit potestas marito: primum, ut dixi, prohibitus fuit l. Iulia occidere deprehensam: deinde constitutionibus occidenti deprehensam inflicta est minor pœna: post tertio loco in Pauli fragmentis refertur, Marcum Antoninum: (is est Bassianus Caracalla) pepercisse omnino ei, qui adulteros impatientia doloris interfecisset, id est, utrumque marem & fœminam. Nam hoc exigitur, ut neutri parcat, vel ut parcat utrique. non infligit minorem pœnam ei marito, qui occidisset adulterum & adulteram, sed ei pepercit. Et secundo eam auctoritatem Antonini accipiendum quod est in l. 3. §. si maritus, ad Syllan. Ignoscimari, qui exequutus est aduersus uxorem dolorem suum. Dicit, ignosci absolute, quod scilicet ignoscerent sæpe Imperatores maritis, & remitterent omnem pœnam. Sed nondum data est potestas marito occidendæ vxoris, concessa est venia & indulgentia ei aliquando, qui occidisset, non etiam data potestas occidendi, non porrectus est gladius, nisi tandem Nouella Maioriani, ut refert Papinian. in responsis suis, permittitur marito deprehensum occidere simul cum adultero vno ictu, & æquali ira aduersus utrumque sumpta, sicut patri, l. quod ait §. ult. h. t. Neque hodie vlla est differentia, si spectas illam Nouell. inter patrem & maritum. Nam utrique ius est occidere adulteros, vno ictu modo id fiat, vnoque impetu. Et ita Papin. scribit Maiorianum reuocasse ius vetustius: Nam certe ante l. Iuliam in seueritate prioris sæculi licuit marito impune deprehensam occidere sine iudicio, ut ex M. Catone refertur apud Gell. Et hoc iure vsi sunt posteriores, utimurque hodie. Vnde Cassiod. l. Variarum: Pro more, inquit, pudicitia ferrum porrigere maritis, non est calcare legem, sed condere. Pergamus ad reliqua.

#### Ad §. penult.

Liberto patroni famam laceffere non facile conceditur, sed si iure mariti velit adulterij accusare, permittendum est, quomodo si atrocem iniuriam passus esset. Certe si patronum qui sit eo numero, qui deprehensus ab alio interfici potest, in adulterio vxoris deprehenderit, deliberandum est, an impune possit occidere, quod durum nobis esse videtur: nam cuius fama, multo magis vitæ parcendum est.

QVod sequitur in §. pen. est de liberto, an possit patronum iure mariti adulterij accusare. Quid est iure mariti accusare? priuilegiario iure scilicet, ut præferatur omnibus accusare volentibus in iudicio damnationis, ut dicitur, ut præferatur omnibus intra sexaginta dies præscriptos l. Iulia, & ut uxorem accuset sine metu calumniæ, etiam ex suspitione sola. Quæritur ergo, an libertus possit patronum iure mariti accusare? Dubitatur, quoniam hæc actio irrogat infamiam condemnato. Et ut proponit, elegantissimè Papinianus, liberto patroni famam laceffere non temere conceditur. non potest libertus aduersus patronum agere actione famosa, veluti de dolo. Imo nec actione non famosa, si oneret famam aliquantulum, si suggillet aliquantulum, ut si actio ea, quæ non est famosa, habeat mentionem doli, vel fraudis, vel vis, non licet ita experiri cum patrono, sed uti oportet aliis verbis: oportet verbis actionem temperare: non denegabitur quidem actio, sed dabitur detracta mentione causæ veluti famosæ. Nullum interdictum est famosum. Et tamen in patronum non datur interdictum unde vi, quia vis mentio fit, sed actio in factum ex eo interdicto, l. neque, unde vi, de vi & vi arm. Nulla conditio est famosa, l. cessat, de obligat. & act. & tamen conditio furtiua non datur in patronum, quia fit mentio furti. Nulla exceptio est famosa, & tamen non dabitur in patronum exceptio doli, aut vis, metusve



causa, l. licet, de obsequ. pat. prest. An igitur nunquam licet laceßere famam patroni? non utique facile, non temere. Idemque statui de parente potest. Caterum ex magna causa etiam famam patroni impetere licet. Actio iniuriarum est famosa, & licet tamen liberto agere iniuriarum, si atrox fuerit iniuria, qua eum excepit patronus, si grauissima. pœna seruilis, ut si flagris eum vulnerauerit, non mediocriter, l. sed si hac §. pen. de iniur. voc. & l. prator §. prater ea, de iniur. Licet etiam cum patrono experiri de vi armata, non de quotidiana in l. 1. §. interdictum hoc, de vi & vi arm. Et similiter licet accusare patronum adulterij, quamuis sit famosum, turpissimumque iudicium, non etiam occidere deprehensum, licet sit infamis persona, quæ potuerit ab alio impune occidi in ipso actu. Ex hac igitur causa parit quidem vitæ patroni libertus, non etiam famæ. Et recta est collectio hæc, qua vitur etiam Pap. cuius famæ parcere debemus, multo magis & vitæ. Argumentum valet ad affirmandum, non valet ad negandum, cuius famæ parcere non debemus, nec vitæ parcere debemus. Collectio est vitiosa. Et hæc est sententia §. pen.

Ad §. vltim.

*Si quis in honore ministeriove publico sit, reus quidem postulatur, sed differtur eius accusatio, & cautione iudicio sistendi causa promittitur in finem honoris. Et hoc ita Tiberius Caesar rescripsit.*

Quæritur, an crimine adulterij accusari possit is, qui in honore ministeriove publico est, adulterij scilicet commissi tempore honoris ministeriiue publici, quibus nominib. significatur magistratus, imperium, potestas, ut l. 1. ad l. Iul. repet. si scilicet ministerio publico præfectus fuerit, ut apud Velleium Paterculum, dum scribit M. Catonem missum fuisse in Cyprum pecuniæ regię publicandæ, & prouinciæ constituendæ gratia sub honorificentissimo ministerij titulo. Et ministerium igitur publicum, honor est, siue magistratus, aut pro magistratu. Et de hac quæstione ita definit Papin. ex rescripto Tiberij Caesaris, cuius nomine hic locus singularis admodum est, ut is, qui in magistratu vel in potestate aliqua est publica, possit quidem adulterij reus postulari, sed non accusari, non peragi reus: Nam differenda est accusatio in finem honoris ministeriiue publici, interim interposita cautione iudicio sistendi causa ad annum, vel ad diem; qua finietur honor, promisso vadimonio in finem honoris, in diem finiti honoris. Si quis, inquit, in honore. Ergo aliud est reum postulari, aliud accusari. Reus postulatur in inscriptione libelli. Et ideo in Basil. loco horum verborum. reus postulatur, legitur *καὶ ἐπὶ τῇ ἐκδίκασει*. Et ut Asconius Pedianus scribit in secunda contra Verrem, reo apud prætorem interrogato reus fit, id est, defertur, si apud prætorem interrogetur legibus, quod sit lite contestata, & accusatore dicente, *αἰὼ τε* L. Titium occidisse dolo malo, vel, *αἰὼ τε, cum illa sibi proprii consuetudinem habuisse*, quo negante, inquit, petebatur dies inquirendi criminis à magistratu, & instituebatur accusatio. prius postulabatur reus, quam institueretur accusatio. hic fuit ordo iudiciorum publicorum vetus: qui accusat reum, etiam post damnationem postulationem habet, si & ipse alio crimine damnatus sit, reum peragere potest, l. 5. de public. ind. l. deferre §. 1. de iure fisci. non etiam, qui reum postulauit tantum, puta, qui subscripsit tantum in crimen, l. 1. C. qui accus. non poss. Item abolitione generali, & indulgentia criminum concessa à Principe, non conuenitur is, qui reus postulatus, nec dum accusatus est. Et qui eum postulauit, nec profert accusationem, incidit in Senatusconsultum Turpillianum, l. 2. C. de gener. abol. l. Lucius, inf. ad Turpill. qui autem accusauit reum, non incidit in Turpillianum, si non persequatur reum, siue accusationem, l. si interueniente,

ead. tit. quia generalis abolitio pertinet ad accusatos, nec post abolitionem ius est persequendæ accusationis, vel instituendæ ab alio, in l. hos accusare §. hoc beneficio, de accusat. Et ita apparet aliud esse reum postulare, aliud accusare: sicut in causis civilibus, aliud est interrogationem in iure facere, id est, interrogare reum in iure, cum quo acturi sumus, aliud agere. Et postulatio rei, ut diximus, interrogatio rei est, quæ fit in iure, id est, apud prætorem qui legibus publicorum iudiciorum nititur. Proinde is, qui in magistratu vel potestate aliqua est publica, neque in ius vocare, neque inuitus in ius vocari potest ante annum, id est, antequam magistratu abierit: nam plerumque erant annui magistratus saluberrimo reipub. instituto, non potest agere vel conueniri ciuilitè, non accusare vel acculari. quod ita constitutum est, non tantum propter honorem, sed etiam propter periculum iudicij corruptionis, l. 2. de in ius voc. l. pars, de iudic. l. sed etsi per prætorem §. hac clausula, ex quibus causis maior. l. si reus, ind. solu. l. qui accusare, & l. hos accusare, de accusat. l. nec magistratibus, de iniur. Iure nec magistratui nouum opus nuntiari potest, l. 5. §. si quis ipsi prætori, de noni oper. nunt. ut Varro apud Nonium Marcellum eleganter: *Prator noster mihi eripuit pecuniam, de ea questum veniam ad annum* De ea questum veniam, id est, ad annum, ad nouum magistratum, neque enim intra annum licebat cum magistratu experiri. Et licet ita ius sit merito constitutum, tamen hoc remedio uti solemus, ut publice testemur, nos non posse cum eo agere, qui magistratu fungatur, nos non posse ei nuntiare nouum opus, ut in d. §. si quis proponitur remedium huiusmodi, quæ protestatio pro petitione cedit, & perpetuat actionem, perinde ac si iis contestata esset, ut l. 2. de nunti. foren. vel etiam ex causa criminali eum interim reum postulamus, tantisper dilata accusatione, donec magistratu abeat, ut proponitur in hoc §. vlt. accusari eum non posse adulterij, reum postulari tantum posse interim. Et è contrario quoque ipse alium non potest accusare adulterij, ne iure mariti quidem, l. si maritus 2. h. r. Reum postulare potest, & queri de violato matrimonio, & litem contestari. Denique potest procedere tantum vsque ad litis contestationem interim, ut l. hi tamen, de accus. l. Senatusconsultum de offic. præf. Illud hodie singulare est in crimine repetundarum, eoque adegit imperatores iudicum rapacitas & auaritia; turpitudine in crimine repetundarum, puta, si dicatur magistratus pecuniam accepisse ob iudicandum, ob condemnandum, vel absolvendum, si dicatur pecunia corruptus dixisse sententiam, ut etiam magistratu nondum finito possit eo crimine accusari, l. 4. ad l. Iul. rep. C. & Non. 8. & 86. Hoc tantum est receptum in crimine illo repetundarum, in crimine illo turpitudinis: nam turpitudine proprie significat *αἰσχροπείδιαν*, sordes, auaritiam, ut in l. Cassius, de Senat. dum dicitur quidam Senatu motus ob turpitudinem, *pour avoir prins de l'argent*. Tull. 1. ad Attic. si quæris causam absolutionis, egestas iudicium fuit & turpitudine. Quamobrem prudentissime Scipio dicebat, non esse creandos magistratus vel eos, qui nihil haberent, vel eos, quibus nunquam satis esset quicquam, id est, neque egenos, neque illiberales. Odio igitur maximo fuit crimen repetundarum, cum cætera non liceat intendere durante magistratu, & hoc liceat. Nec adulterij crimen quidem, quod est contra ius gentium, licet intendere durante magistratu, instituta scilicet accusatione, sed tantum in scripto nomine rei, & interrogato, dum abeat honore ministeriove publico.

Ad l. vlt. ad l. Iul. pecul.

*Publica iudicia peculatus, & de residuis, & repetundarum similiter aduersus heredem exercentur, nec immerito, cum in his quæstio principalis ablata pecunie moueatur.*




**C**onstituemus etiam aliam differentiam inter crimen adulterij, & crimen repetundarum. Crimen adulterij soluitur morte rei, sicut omnia crimina, quibus persequimur nostrum dolorem tantum & vindictam, siue publicam, siue priuatam tantum, non pecuniam, non rem familiarem. Hæc crimina non transeunt in heredes nostros, *l. in S. C. §. si propter, ad Turpill. l. ult. ad l. Int. maiest.* excepto semper scilicet illo crimine perduellionis, quod impietatis crimen dicitur. Alia igitur est conditio eorum criminum, quæ pecuniæ persecutionem habent; veluti repetundarum, si magistratus sordes arguantur & turpitudine; vel peculatus, si dicatur pecuniam publicam cepisse, nec retulisse in publicum; si pecuniam publicam intercepisse, auertisse, abstulisse; vel crimen residuorum, puta si quæstor ex administratione pecuniæ publicæ dicatur aliquid retinuisse, nec parem rationem fecisse. Publica horum criminum actio durat etiam aduersus heredes mortuo reo, & exercetur similiter aduersus heredes, ut ait Papin in hac *l. ult.* id est, similiter atque in ipsum reum exerceretur, si viveret. Quid hoc est? Hæc publica iudicia repetundarum, residuorum, peculatus, similiter in heredem exerceri, atque in defunctum? nempe etiam pænæ persecutionem in heredem competere in *l. ex iudiciorum, de accus.* cum principalis quæstio, ut ait, quod notandum, sit de ablata pecunia. Principalem quæstionem sequitur pænna, alioquin inane esset iudicium. *Quid enim saluis infamia nummis,* inquit Iuuenal. nihil est reum repetundarum damnari exilio, nisi cogatur etiam pecuniam ablatam restituere, ac porro pœnam inferre, id est, pati bonorum publicationem in partem saltem, *d. l. iudiciorum.* Principalis quæstio transit in heredem proculdubio, quod sit æquum heredem restituere pecuniam, quam defunctus eripuit iniuria, vel interuertit. Si principalis quæstio transit in heredem, ergo & pænna nec liberabitur heres, si simpliciter inferat siue restituat, simplo subducto, super exigetur pænna ab herede defuncti. Morte autem adulterij, vel adulteræ exstinguitur pænna, quia principalis quæstio exstinguitur, quæ fuit de iniuria lecti. Superest tantum quæstio civilis de dote etiam mortua adultera ante accusationem, ut in *l. ult. C. ad l. Int. de adult.* Quæ tamen quæstio, quod maxime notandum, iam non dilceptabitur apud iudicem publicarum quæstionum, sed apud eum, qui de pecuniariis causis cognoscit civiliter. Ita accipienda est *l. accusato, de pub. ind.* Nam ob adulterium olim pars dotis cedebat lucro mariti: hodie cedit dos tota *ex Nou. Leonis 32.* Morte autem rei repetundarum, vel residuorum, vel peculatus, pænna non exstinguitur, ut dixi, quia principalis quæstio manet, & durat in heredem: ergo & sequela, quod fuit olim ius vetus, sed aliquandiu fuit intermissum, ut Plin scribit in epist. *de crim. repet.* illato post mortem rei. Et licet sumere exemplum ex Val. Max. *lib. 9. c. 12.* de Caio Licinio reo repetundarum, qui sudario, quod forte manu tenebat, incluso spiritu, pœnam morte præcurrit, dicens, se non damnatum perire, nec bona sua publicari posse, quod scilicet tum esset intermissum ius vetus, ut crimen repetundarum transiret in heredem, quia pænna exstingueretur morte; sed, ut idem Plinius ait, post longam intercapedinem est reductum, ut pænna repetundarum sequatur heredem rei, ut principalis quæstio.

Ad l. 7. de vacat. & excus. mun.

*A muneribus, quæ non patrimoniis inducuntur, veterani post optimi nostri Seueri Augusti litteras, perpetuo excusantur.*

**E**x rescripto Seueri, quem solet optimum Imperatorem appellare, ostendit, inter cætera priuilegia, quæ dantur veteranis, id est, dimissis militia & sacramento solutis honesta missione, non etiam ignominiosa, propter

A honorem & merita militiæ, hoc etiam dari, ut veterani excusentur à muneribus, personalibus patriæ suæ, à muneribus, corporalibus, non etiam à patrimonialibus, id est, ab his, quæ patrimoniis & possessionibus indicuntur, *l. veterani, C. quando pronoc. non est neces.* Et hoc ait *d. l. 7.* Ergo Papin. in hoc *lib. 36.* tractauit de pœnis, de causis criminalibus. Puto eum incidisse in hunc sermonem, ut exponeret etiam veteranos perpetuo excusari à muneribus, personalibus, cum ostenderet etiam in pœnis veteranos se parari à plebeiis, id est, mitius puniri, quam plebeios, non damnari in opus publicum, vel in metallum, non exuri viuos, non fustibus cædi, sed plerunque relegari in insulam. Quod & datum est filiis veteranorum, *l. 3. de priuileg. veter.* & in *l. honor, C. de pœn.* Et similiter puto in hoc *lib.* Papin. tractantem de pœnis, scripsisse, quod habuimus in *l. 13. de adopt.* ut intelligeremus, filios senatorum adoptiuos, post emancipationem non habere priuilegium in pœnis, quod constat habere Senatores & Decuriones, & veteranos, & filios eorum. Et eodem respicientem, puto etiam hoc *lib.* Papin. scripsisse quod est in *l. doli clausula, de verbor. obl.* cum scilicet scripsisset, sanctionem legum, quæ solet præscribi in vltima parte legum, id est, generalem pœnæ irrogationem, si quis præceptis legum non obtemperauerit, non pertinere ad eas species, quibus in ipsa lege pænna specialiter indicta est, ut in *l. sanctio, de pœn.* quia species derogat generi. Id scilicet Papin. confirmasse exemplo clausulæ doli, quæ in stipulationibus etiam subiicitur nouissimo loco in *d. l. doli.* Nec pertinet ad speciales cautiones stipulatione comprehensas, quod & hic species derogat generi. Atque ita explicatus est *lib. 36.*



## IACOBI CUIACII IVRISCONSULTI COMMENTARIUS in Lib. XXXVII. Quæstionum Aemilij Papiniani.

Ad l. 19. de dolo.

*Si fideiussor promissum animal ante moram occiderit, de dolo actionem reddi aduersus eum oportere Neratius Priscus, & Iulianus responderunt, quoniam debitore liberato, per consequentias, ipse quoque dimittitur.*

**E**X *lib. 17. & ult. quæst. Pap.* initium dabit quæstio difficillima, quæ tractabitur coniuncta *l. 19. de dolo, cum l. 54. ad leg. Aquil.* Quæstio pertinet ad hanc speciem. Certus homo, vel certum animal debetur ex stipulatu, & occiditur. quæritur, an promissor liberetur, & an promissori in occisorem sit actio legis Aquiliæ, & an stipulatori in occisorem sit actio de dolo? Nec enim stipulatori potest esse vlllo casu actio *l. Aquil.* cum non sit dominus hominis occisi, & actio *l. Aquil.* competit soli domino. Sunt quinque actiones, quæ competunt soli dominis, actio *l. Aquiliæ*, condictio furtiua, arborum furtim cæsarum, finium regundorum, & actio aquæ pluuiæ arcendæ. In his autem quæstionibus ita distinguendum est: aut promissor hominem promissum occidit, aut fideiussor eius, aut extraneus, aut stipulator: & vel occidit ante moram promissoris, vel post moram. Si promissor occidit post moram, postquam moratus est in præstanda stipulatione, vel fideiussor eius, vel extraneus, vel stipulator, certum est hominem periisse promissori, & cum stipulatori teneri ex stipulatu, quia homo interiit post mortem rei: fideiussorem autem qui occidit, vel extraneum promissori



promissori tanquam domino teneri legis Aquil. Tenebitur, inquam, fideiussor vel extraneus, qui occidit etiam post moram rei, promissori actione l. Aquiliæ, de homine occiso; in quo iudicio tanti homo æstimatur, quanti plurimi fuerit in anno proximo, qui retro computabitur ex eodie, quo occisus homo est. Annus l. Aquiliæ, ad quem refertur æstimatione, retrorsum computatur nõ prorsum: nam vt ait Accurs. l. 55. ad l. Aquil. in fin. in verbo fuisse, habet lex Aquil. oculos retro. sic & inf. de seruo corr. l. doli §. ult. Aquilius oculos habuit in occipio, id est, præteritam æstimationem hominis occisi spectauit, non præsentem. Item si promissor ipse hominem promissum occiderit ante moram, tenetur ex stipulatu, quia per eum factum est, quo minus eum dare possit. Itaque periculum, quod suum non fuit ante moram, suum fecit occidendo ipsum, l. si ex legati causa, l. si seruum, de verbor. obligat. Aliud in fideiussore iuris est, qui cum hominem occidit, ante moram rei, quia fideiussor stipulatori tenetur de dolo hac actione, l. 19. de dolo. Non ergo tenetur ex stipulatu, quia homine occiso ante moram rei, sine facto aut culpa rei, reo liberatio contigit. Ideoque nec in fideiussorem ei competit actio l. Aquiliæ, cum eum liberauit, sicut nec in extraneum, qui occiderit, qui & ipse tantum tenetur stipulatori actione de dolo, l. prox. sup. §. ult. h. t. qui ita est coniungendus cum hac l. 19. Cum igitur fideiussor occidit hominem promissum, reo contingit liberatio, sicut si extraneus occidisset. Reo autem liberato, per consequentias, vt ait l. 19. per sequelas necessarias, & fideiussor ipse liberatur. Per consequentias, solent dicere auctores nostri, & alij omnes, l. si autem §. sed & is, de rei vind. l. 7. §. dubitatum, de interd. & rel. l. 1. de auct. tut. l. 1. §. idem ait, de iniur. l. 14. de legib. Et in hac l. 19. per consequentias, non per consequentiam. Quam Græci, vt ex Chrysippo refert Gellius, dixerunt κατὰ παρακολούθησιν. Igitur cum liberato reo (liberatur autem si fideiussor hominem promissum occiderit) etiam fideiussor liberetur, id est, cum sublata principali obligatione, & per consequentias tollatur fideiussoria: Ergo non tenetur fideiussor ex stipulatu, quamuis ipse hominem occiderit, & est quod ait hac l. 19. Sed pugnat l. Stichum §. 1. de solut. quæ ait, in hac specie fideiussorem teneri ex stipulatu, non de dolo. Sane non tenetur directa actione ex stipulatu, cum liberatus sit per consequentias, sed tenetur utili, vt ait l. mora, in fi. de usur. Utili, id est, restitutoria, quæ vtrique restituetur arbitrio iudicis in actione de dolo, vt exposui in d. l. Stichum §. 1. lib. 28. quæst. & l. cum quis §. pen. de solut. Vel etiam sublato illo circuitu, boni prætoris erit, statim restituere actionem ex stipulatu in fideiussorem, l. pen. de restit. in integr.

#### Ad l. 54. ad l. Aquiliam.

Legis Aquiliæ debitori competit actio, cum reus stipulandi ante moram, promissum animal vulnerauit. Idem est, & si occiderit animal. Quod si post moram promissoris, qui stipulatus fuerat, occidit, debitor quidem liberatur. Lege autem Aquilia hoc casu non recte experitur: nam creditor ipse sibi potius, quam alij iniuriam fecisse videtur.

Nunc de stipulatore tractemus, qui hominem sibi promissum occidit. Et Papinianus hoc ipso libro in l. 54. ad leg. Aquil. ad quam transeamus modo, ita distinguit: aut stipulator eum occidit ante moram, aut post moram promissoris. Si post moram promissoris, promissor quidem liberatur, sed non habet actionem l. Aquil. in stipulatorem, qui seruum necauit, quia vt eleganter ait Papin. stipulator ipse sibi potius, quam promissori iniuriam fecisse, id est, damnum dedisse, videtur, quam Papin. Quæst.

Ad quidem periculum quod erat debitoris post moram, in se transtulit occidendo seruum promissum. Et hoc quidem est manifestum, si stipulator cum occiderit post moram rei, impune igitur occiderit, & debitori tantum competit liberatio, non actio leg. Aquiliæ. Quid si ante moram stipulator occiderit? Et vt idem Papin. ostendit in d. l. 54. in priori parte, cuius ratio obscurior est, quamuis homine occiso ante moram ab ipso stipulatore, ab ipso creditore debitor liberatus sit, quod ante moram periculum eius non fuerit, tamen, quia ei debitori stipulator iniuriam fecit potius, quam sibi in hoc casu, ideo tenebitur debitori actione legis Aquiliæ. Et hæc est sententia l. 54. cuius ratio plerique nulla esse videtur in hac priori parte, in hoc casu, cum occidit stipulator ante moram rei, quia lex Aquilia exigit iniuriam cum damno, & damnum cum iniuria, non damnum tantum, non iniuriam tantum, l. si quis fumo §. 1. hoc tit. Nihil autem damni videtur fecisse debitor, cum sit liberatus. In posteriori parte huius l. puta, cum stipulator seruum occidit post moram, liberato debitori non datur actio legis Aquiliæ, non datur etiam liberato stipulatore debitori actio legis Aquiliæ in specie l. 18. §. ult. de dolo.

Cur in priori parte tamen huius leg. 54. liberato debitori datur actio l. Aquiliæ in stipulatorem, qui hominem promissum necauit? Respondeo, posse debitoris interesse ex causa damni, puta quod careat commodo medij temporis vel acquisitionibus, quas interim fecisset seruus; cuius commodi ratio habebitur in actione legis Aquil. vt Græci nominatim notant in hac l. 54. ἐπιμετρώσις τοῦ μέτρου χρόνου. In acquisitione & commodo medij temporis debitori dabitur in stipulatorem actio legis Aquil. Quæ ratio manifestissima est, causaue ea damni. sed licet etiã aliam causam damni fingere ex specie l. seq. 55. quæ efficiat, vt etiam liberato debitori detur actio legis Aquiliæ in stipulatorem. Et licet in specie l. seq. vt ait ipsa lex, nihil differat stipulator ab extraneo, tamen in specie huius legis 54. sane differt stipulator ab extraneo, quod l. sequens demonstrat, dum ait in suo casu nihil differre creditorem ab extraneo, tacite significans in casu, qui præcedit, differre stipulatorem ab extraneo, quod comprobatur l. 18. §. ult. Et differentia hæc est, quia si stipulator ante moram hominem promissum occidit, debitori tenetur actione legis Aquiliæ, debitori comperit actio legis Aquiliæ, quia solius debitoris interest, vel ratione commodi medij temporis, vel ratione commodi eius, de quo tractatur in specie l. seq. Sed si extraneus ante moram rei hominem promissum occiderit, licet vtriusque videatur interesse, debitoris & creditoris, tamen vtrique non datur in occisorem extraneum, sed in eum tantum, cuius principaliter interest: & huius principaliter interest, cuius maxime interest, l. 3. §. sed vtrum, de minor. l. seruo legato §. si testator, de leg. 1. l. 19. C. de liber. causa. Et stipulatoris magis interest, quam promissoris, cum promissor sit liberatus omnino. Et ideo debitori, cuius principaliter non interest, non occisum fuisse seruum, non datur actio legis Aquiliæ, quæ daretur, si qua esset dāda de occiso seruo: sed stipulatori deficiente actione legis Aquiliæ, cum non sit dominus serui occisi, datur in occisorem extraneum actio de dolo, d. l. 18. §. ult. sicut in fideiussorem, si fideiussor occidisset ante moram d. l. 19. Denique stipulatore occidente solius debitoris interest, extraneo vel fideiussore occidente, stipulatoris potius interest, quam promissoris, quæ cōsideratio valde notanda est, & iā erit absoluta, si exponatur species leg. sequent quæ talis est. Quidam promissit disiunctim Stichum aut Pamphilum. Pamphilus est 20. Stichus 10. electio est debitoris, quæ velit dare, stipulator ante moram occidit Stichum, tenetur debitori actione l. Aquil. in id quod interest, nec aliud est



in extraneo, qui occidit Stichum: nam etsi extraneus A  
occiderit, similiter tenetur debitori actione legis Aquil-  
liæ in id, quod interest, quia hoc casu debitoris princi-  
paliter interest, qui occiso Sticho, necesse habet dare  
stipulatori eum, qui superest, puta Pamphilum, qui lon-  
ge pretiosior est. Ergo vel stipulator vel extraneus, si oc-  
ciderit Stichum, tenetur lege Aquilia debitori in inte-  
gram æstimationem Pamphili, quem occiso Sticho ne-  
cesse habet dare debitor, non deducto pretio Stichi. Di-  
ces: imo occiso Sticho adhuc est in potestate debitoris  
offerre pretium occisi & liberari, quia sine culpa eius  
interiit *l. cum res §. sed si Stichus, de leg. 1.* Dicam hoc for-  
tasse iudicem admissurum. Et ita loquitur *d. §. sed si Sti-*  
*chus.* vel fortassis, inquit, mortui pretium. Caterum, di-  
cam Pamphilum solum absolute peti posse, & omnino-  
do præstari debere, si forte debitor non obtulit pretium  
occisi, vel iudex non audierit offerentem. Quo casu  
tantum videtur debitoris interesse, quanti is est Pam-  
philus, quem præstare cogitur, & tanti fiet æstimatio &  
condemnatio, tanti lis æstimabitur, tametsi debitor in-  
terim omnino liberetur etiam à præstatione Pamphili,  
puta Pamphilo postea mortuo suo fato ante moram;  
quia scilicet verum est in eo anno, quæ retro computa-  
tur ex lege Aquilia, Stichum tanti fuisse, propterea,  
quod Sticho dato, debitor seruasset sibi Pamphilum,  
qui longe pretiosior est. Idemque dicendum est, ut si-  
militer docet Paulus in *l. seq.* non tantum, si Stichus oc-  
cidatur à stipulatore, deinde moriatur Pamphilus sine  
mora sua morte, sed etiam è contrario, si prior moriatur  
Pamphilus sine mora intra annum legis Aquiliæ, deinde  
occidatur Stichus à stipulatore, quia scilicet verum est,  
eo anno Stichum pluris fuisse, propterea quod datio  
Stichi liberasset à pretiosiore seruo, id est, Pamphilo. Et  
in hoc iudicio præterita æstimatio hominis occisi ver-  
satur, nec minuitur ex post facto. Et hæc etiam species  
potuit commodissime poni ex *d. l. 55. ad priorem par-*  
*tem l. 54.* quia post mortem Pamphili suo fato defuncti,  
Stichus solus, cum occideretur, erat in obligatione. Et  
licet tunc debitoris nihil interfuerit, quia tamen inter-  
fuit retro, intra annum, cum adhuc erat in rebus huma-  
nis Pamphilus, hoc satis est, ut ei debitori etiam libera-  
to, qui occidit Stichum, detur actio legis Aquiliæ in sti-  
pulatorem, nec abs re hæc lex subiecta est legi 54. Ex qua  
ita sumes causam damni præteriti retroacto anno, quæ  
efficiat, ut & liberato debitori competat in stipulato-  
rem *l. Aquiliæ actio.* Quid autem sit dicendum, si Sti-  
chus sit occisus facto promissoris vel extranei, cum erat  
promissus Stichus aut Pamphilus, id ego tractavi, lib.  
18. ad *l. Stichum §. 1. de solut.*

#### Ad l. 41. sol. matr.

*Si pater ignorans filium diuertisse, dotem ex causa pro-*  
*missionis numeravit, non per indebiti conditionem, sed de*  
*dote actione pecunia petetur.*

**H**uius l. ratio, aut vis & potestas vera an adhuc sit  
explicata liquido, dubito. Loquitur primum lex  
de filiafamilias, non de emancipata: nam dicit, patri so-  
luto matrimonio dari actionem de dote, quæ si filia esset  
mancipata, daretur soli filia non patri, *l. si cum dotem §.*  
*eo autem tempore, h. tit.* Pater igitur pro filia, quam habuit  
in potestate, dotem genero promissit, a. n. que numeravit  
genero. post diuortium, cum ignoraret interuenisse di-  
uortium inter filiam & generum, Papinianus ait, eum  
non repetiturum dotem profectitiam conditione in-  
debiti, sed actione de dote. Cur non conditione in-  
debiti? quia scilicet soluit debitam ex stipulatione, cui-  
que inerat tacita conditio nuptiarum, si nuptiæ sequan-  
tur, *l. 4. §. 1. de pact. l. stipulatio, de iure dot.* Et semel fuit

impleta contractis nuptiis. Et semel existisse conditio-  
nem satis est, etiamsi non durauerit, veluti, si nuptiæ so-  
luta sint diuortio. videbatur tamen locus esse condi-  
tioni indebiti, sed Papinianus non negauit esse condi-  
tione indebiti, quin videretur esse. Cur igitur vide-  
batur esse conditio indebiti? quia finita iam causa pro-  
mittendæ dotis, id est, solutis nuptiis, pater dotem sol-  
uit. & soluit tutus exceptione doli, quæ solet parere  
conditionem indebiti, *l. qui se debere, de cond. causa da-*  
*ta. l. pen. de cond. ob turp. caus.* quandoquidem, si post  
diuortium ageret gener ex stipulatu, non soluta dote,  
repelleretur exceptione doli mali, quia in causa res est,  
ut iam non dos ei dari, sed ab eo restitui debeat, si quam  
acceperit. Videtur ergo soluta eo tempore, quo indebi-  
ta erat dos. Cur ergo non repetitur conditio inde-  
biti? Papinianus scribit, patrem habiturum actionem  
de dote, scilicet solam, patrem repetiturum dotem,  
quam soluit post diuortium, diuortij ignarus, actione  
de dote. rectissime & sapientissime. Alioquin & dote  
soluta ante diuortium, dici posset, iisdem rationibus  
dotem posse repeti conditione indebiti, quod causa  
dotis finita sit. Verum sic se res omnis habet. Quod ita  
solui, ut nulla obligatione me liberauerim, qui scilicet  
nec obligatus eram: conditione indebiti repetam, quo  
soluta me obligatione liberaui, vel mihi prospexi in  
causam obligationis finita causa obligationis. Id repeti  
quidem ut indebitum, quod post finitam causam non  
debeatur, sed id non repeti conditione indebiti, ve-  
rum id repeti actione ex ipso principali contractu, ut  
in *l. sed addes §. si quis, loc.* Finge: ego domum conduxim in  
annum, & totius anni pensionem prorogavi, id est, dedi  
in antecessum, ut loquitur Seneca, *ie l'ay auancée &*  
*donne deuant la main.* post sex menses domus corrui,  
nec possum frui conductâ habitatione, repetam pensio-  
nem residuorum sex mensium, quam dederam in ante-  
cessum. qua actione? nam repetam sane, an ut indebi-  
tum conditione indebiti, quod residui temporis, quo  
mihi non licet frui ædibus, pensio non debeatur? mi-  
nime. verum actione ex conducto, ex principali con-  
tractu. Et ita etiam de actione ex conducto, non de con-  
dictione indebiti, est accipienda *l. si quis domum §. Im-*  
*perator, eod. tit.* Quam Accursius male videtur hoc loco  
accipere de conditione indebiti, cum ut in specie huius  
l. ita & in specie illius, negandum sit, prorogata mer-  
cedem repeti conditione indebiti, sed actione ex con-  
ducto. Igitur & in specie huius legis, ignorantia diuor-  
tij non parit conditionem indebiti. error prioris causæ  
negotij constituendæ dotis possit parere conditionem  
indebiti forte, ut si putauit pater se promississe, qui non  
promissit, qui error non fuit in hac specie: Patrem enim  
promississe verum erat, sed etsi non promississet, quod notan-  
dum & falsa opinione ductus, cum putaret se promississe, do-  
tem soluisset pro filia, quia soluit pietatis gratia, non  
haberet conditionem indebiti, *l. cum is §. pen. de condic.*  
*indeb.* Pietas paterni nominis exigit dotem filia constitui  
Igitur merito scripsit Papinianus hic patri non esse  
conditionem indebiti, licet ignarus diuortij dotem so-  
luit, sed esse de dote actionem, quia dotem initio filia  
nomine constituit, quam nec constitutâ semel ei aufer-  
re aut minuere potest, *Nonel. 77.* Et dos est, quamuis  
numerata sit post diuortium, quæ fuit promissa ante  
diuortium. Ideoque licet iam non debeatur genero, de-  
betur tamen filia, & ut dos petitur adiuncta persona  
filia, non ut indebitum, quæ est mens huius legis. Recte  
autem hoc loco Græci ponunt generum auctorem fuisse  
diuortij: nam ignorante patre filiafamilias, non potuis-  
set diuertere, *Nonel. 22. de nuptijs.*

#### Ad l. si tacitum 13. ad l. Falcid.

*Si tacitum fideicommissum seruus iniungente domino susce-*



*perit, habiturum eum legis Falcidia beneficium, quia parere domino debuit, constitutum est. Idem placuit in filio, qui fuit in patris potestate.*

**S**unt quædam personæ incapaces legibus, id est, quibus non est testamenti factio, quæ legata aut fideicommissa aut hereditates capere non possunt, his legibus, quæ appellantur caducariæ illudunt & fraudem faciunt sæpe testatores per tacita & secreta fideicommissa, cui fraudi, qui participant heredes, puniuntur iisdem legibus: nam fideicommissa tacita, quæ heredes susceperunt, quibusque se secreto onerant, fisco vindicantur in solidum, ut etiam si interueniat lex Falcidia, non possit heres ex eis tacitis fideicommissis retinere Falcidiam, quæ est ex Senatus. Planciano. *l. pen. de iure fisci. l. beneficium, hoc tit. l. 3. C. eod.* Ergo integra fideicommissa tacita fisco eripit, nec ex eis retinendæ Falcid. ius est, licet as exhaustus sit legatis vel fideicommissis. Verum excusantur heredes quidam, nec amittunt Falcidiam tacitorum fideicommissorum: excusantur, puta necessitate potestatis patriæ, vel dominicæ, puta iniungente & imperante patre, vel domino, qui heredis scripti tacitorum fideicommissum in se receperunt, eique dandi personæ incapaci, domestica cautione se obligarunt: ergo hi necessitatem habuerunt parendi ei in cuius erant potestate, quæ est sententia huius *l. 13. & in l. fraudem §. ult. de his quæ ut ind.* Et congruit hoc regulæ iuris: nam delinquit quidem filius aut seruus, qui tacitam fidem interponit præstandi fideicommissi personæ incapaci, quia est particeps fraudis, quæ sit legibus, sed delictum non est atrox, non est graue, & ad ea delicta, quæ non sunt atrociora, ignoscitur seruo vel filiofam. Hæc est regula iuris, si patri vel domino obtemperauerint. Quod obtinet non tantum in hac specie, sed & in aliis plerisque, *l. 11. §. si tutor, quod vi aut clam. l. simulier §. 1. rerum amot. l. 1. de his, qui not. infam. l. Diuus, & l. filius, in prin. adl. Corn. de fals. & l. 2. §. 1. de nox. act. l. liber 2. in prin. adl. Aquil.* Alia sunt delicta leuiora, alia atrociora. In leuioribus necessitas imperij, & potestatis excusat delinquentem, *l. 2. §. 1. de nox. act. ibi, quasi ignouerit*, quia forte periisset, si non paruisset patri vel domino qui ius imperandi habet. In atrocioribus delictis, veluti in homicidio, in furto, in prodicione patriæ perpeti, mori denique satius fuit quam huiusmodi imperio obtemperare, quia in atrocioribus delictis habetur quilibet pro libero, nec parere cogitur, si compellatur ad facinus, flagitium, obscenitatem aliquam, *l. seruus non in omnibus, de obl. & act.* Et non est igitur legitima illa excusatio apud Corn. Tacit. lib. 3. *adolecentem*, inquit, crimine civilis belli purgavit, patris quippe iussa eum non potuisse detestare. Hic prætextus, ut dixi nihil valet in crimine civilis belli, quod ex atrocioribus est, in quibus quilibet debet se gerere pro homine sui iuris, suæque potestatis. Et hæc pertinebant ad hanc *l. 13.* Iam pœne terram videmus, ex hoc *lib. 37. & ult.* restant tantum tres leges, ex quibus est *l. 19. de duob. reis*, quam si meministis, *lib. 27.* iam exposuimus ad *l. 9. eiusd. t.*

#### Ad l. 120. de verb. oblig.

*Si ita stipulatus fuero, hanc summam centum aureorum dari spondes? & si maxime ita exaudiatur ille sermo, si modo centum aureorum est, non faciet conditionem hæc adiectio, quoniam si centum non sint, stipulatio nulla, est nec placuit instar habere conditionis sermonem qui non ad futurum sed præsens tempus refertur, & si contrahentes rei veritatem ignorant.*

**R**estant igitur ex libris quæst. Papiniani duæ leges tantum, *l. 120. de verb. oblig. & l. 50. de fideiusso.* & ad *l. 120.* notandum est, aliud esse stipulari summam Quæst. Papin.

**A** centum aureorum, aliud stipulari hanc summam centum aureorum. Qui stipulatur summam centum aureorum, genus stipulatur, seu quantitatem in genere. Qui hanc summam centum aureorum, speciem stipulatur: His enim verbis demonstrat certam summam, quæ est in conspectu, ut qui in rem agit ex formula, *hanc ego rem meam esse aio*, in rem præsentem agit. Ideoque solet de re exhibenda agi priusquam agatur in rem. Igitur his verbis stipulationis, *hanc summam centum aureorum*, aut hæc verba stipulationis, *hanc summam si est centum aureorum*, sic accipi possunt, hanc summam, quæ est centum aureorum, vel hanc summam, si modo est centum aureorum. Et licet sic accipiantur hæc verba, tamen conditionem non faciunt. Nam conditio suspendit obligationem. hic sermo non suspendit obligationem, sed vel statim valet stipulatio, si tacita sit summa in conspectu, vel non valet, si tacita non sit. Conditio confertur in futurum tempus: hic sermo confertur in præsens tempus, conditio non confertur in præsens aut in præteritum tempus, quod non ineleganter Marcianus Capella vocat *extans & raptum*. præsens scilicet. *extans*. Præteritum, *raptum*. futurum autem vocat *instans*, cum tamen alij præsens vocent *instans*, si præsens, quod immineat præterito, ille futurum, quod immineat præsentem. Conditio igitur, ut dixi, non confertur in præsens, vel in præteritum, sed in futurum, & hic sermo, hanc summam centum, confertur in præsens tempus: igitur non facit conditionem, vel ut Papin. ait, non habet instar conditionis, id est, potestatem. *instar* non significat figuram, sed vim & potestatem, *τὸ δὲ ὡς αὖ.* Et ita etiam idem loquitur *l. sufficit, de cond. indeb.* Hic igitur sermo, *hanc summam si est centum*, vel ille, *hanc summam centum* ita acceptus, figuram quidem habet conditionis, sed non instar, id est, potestatem, quia non differt obligationem. Conditio est dies incertus, qui potest existere, vel non: huius stipulationis dies est præsens, licet contrahentes veritatem rei ignorent, id est, nesciant, quanta sit summa. Nam licet hoc ignorent, tamen statim ex ea stipulatione, vel nascitur obligatio, & actio, vel non nascitur: Nam quid sit in respectu potius, quam quid sit in animo contrahentium. Igitur si ea summa est centum, licet hoc nesciant contrahentes, statim nascitur obligatio, vel si non sit centum, nulla est obligatio, etiam si contrahentes eam voluerint postea esse centum, & satis est potuisse scire, licet nescierint, aut scisse alios, licet ipsi nescierint: id est, satis est cognitionem huius rei non superare captum hominum. Conditio sane differt obligationem atque suspendit, & conditio est, cuius euentus superat captum hominum & ex hac differentia, ut Græci loquuntur *ἀπὸ τῆς ἀντιθέσεως*, id est, conditionalium stipulationum, aut quæ figuram habent conditionalium, ex hac, inquam, differentia, in iure nostro sequuntur innumera, ut patet ex *l. conditio h. t. §. conditiones, Inst. eod. tit. l. institutio §. ult. de condit. institut. l. cum in præsens, & seq. duab. de reb. cred. l. 3. §. si patronus, de bon. lib. i. cum in secundo, de ini. rup. vbi memini, me id etiam ex philosophis confirmare. Porro quod diximus ex hac *l.* nullam esse hanc stipulationem, hanc summam centum, si tanta non sit summa ea, quæ præsens est, quæque demonstratur veluti digito, illis verbis, *hanc summam*, ei obstat *l. si seruus legatus §. qui quinque, de leg. 1.* in quo ait, valere stipulationem, si quis stipulatus sit centum, quæ sunt in arca, licet non sint centum, sed quinquaginta tantum, & 50. quæ sunt in arca dumtaxat debent. Et in hac lege tamen dicitur, nullam esse stipulationem si centum non sint præsentia, cum stipulatio hoc modo concepta est hanc summam centum aureorum, vel hanc ultimam, quæ est centum aureorum, nihil refert, ut Accurs. notat recte: nam est vox, quæ exprimit similem conditionem. Respondeo, hoc modo ex formula stipulationis satis declarari differentiam,*



quæ est inter hanc & illam legem. cum dico, hanc summam centum aureorum, vel quæ est centum, numerum demonstro, qui si non sit, nihil ago, ut est in hac lege. cū autem dico, *centum quæ sunt in arca*, locum demonstro, quem satis est esse & non esse inanem, ut valeat stipulatio, nec etiam exigitur, ut congruat numerus. Et ita est respondendum.

Ad l. 50. de fideiuss.

*Debitori creditor pro parte heres extitit, accepto coherede fideiussore. quod ad ipsius quidem portionem attinet, obligatio ratione confusionis intercedit, aut (quod est verius) solutionis potestate, sed pro parte coheredis obligatio salva est, non fideiussoria, sed hereditaria, quoniam maior tollit minorem.*

**C**ertum est, quod si creditor debitori heres extiterit, confunditur obligatio additione hereditatis, quia in eandem personam concurrunt ius crediti & debiti. Quid est confusio? crediti & debiti in eandem personam concursus. ex quo concursu sequitur interitus utriusque: quia idem homo non potest esse creditor & debitor, actor & reus. Confunditur igitur obligatio, si creditor adeat hereditatem debitoris, vel quod Papi- nian. hoc loco ait esse verius, obligatio tollitur solutionis potestate, quia ipse sibi creditor adeundo hereditatem debitoris pecuniam soluere creditur, l. *Granius, h. t. l. si id quod, de lib. leg. l. si ei §. ult. de emitt.* Aut sane videtur secum pensasse creditor, l. *quæ dotis, sol. matr.* id est creditum pensasse cum hereditate, & bonis debitoris, & pensatio cedit loco solutionis, l. 4. *qui pot. in pign. l. 15.*

**A** *rem ratam hab.* His cognitis, frange, quæ est species huius legis, debitor creditorem heredem instituit & fideiussorem, quem dederat creditori, ex æquis partibus. vterque adiuit. an in totum sublata est obligatio? minime, pro parte creditoris sublata est obligatio confusione, id est concursu debiti & crediti, vel potius solutione, ut dixi, pro parte fideiussoris non est sublata obligatio principalis, quæ nunc est hereditaria: fideiussoria sublata est, quia maior obligatio tollit minorem, & maior utique est principalis & plenior, l. *si duo, de solut. l. debitor, de separat, l. cum reus, h. t. l. fideiussoris, C. eod. tit.* Vbi igitur in eandem personam concurrunt principalis & fideiussoria obligatio, principalis extinguit fideiussoriam, maior minorem, quia non potest idem homo esse & debitor principalis & fideiussor, quod tamen hodie **B** iure extraordinario non procedit, ut ostendi in l. *Stichum §. aditio, de solut.* Namque hodie, quia agitur extra ordinem, si fideiussor debitori heres extiterit, nihil refert qua actione conueniatur, ut principalis, an ut fideiussor. Nam in iudiciis extraordinariis, hæ subtilitates negliguntur. Quod autem diximus, confusionem pro solutione esse, recte notat Accursius, non esse perpetuum, & ego ostendi latius in d. l. *quæ dotis.* Confusio non tollit obligationem pignoris, solutio tollit. confusione non liberatur correus, si duo sint rei debendi, & creditor vni heres extiterit. solutione naturali vterque liberatur, confusione non liberatur reus principalis, si **C** creditor fideiussori heres extiterit, vel contra. solutione, id est, si fideiussor soluerit, & debitor principalis liberatur. Igitur non per omnia confusio pro solutione est. Laus Deo, qui nos ad finem perduxit huius laboris.

*Finis Questionum Papiniani.*





# INDEX LEGVM ET PARAGRAPHORVM

## IN RESPONSIS, DEFINITIONIBVS, ET LIBRIS

### DE ADVLTERIIS, ÆMILII PAPINIANI EXPLICATORVM.

#### *Liber Primus Responsor. Papin.*



Ex legatus 20. de officio præsid. co-  
lumna 1  
l.vlt. de offic. assess. 6  
l. 14. de in ius vocand. 7  
l. 40. de pact. ibidem.  
§. 1. eiusd. leg. 9. §. post diuisionem. 10  
§. qui dotem 11

l. 9. de postuland. 12  
l. ob. hæc. 20. de his qui notant. infam. 13  
l. 17. de compensat. ibid.  
l. 55. mandati. 14  
l. 1. de iur. aur. annulor. ibid.  
l. 81. de furtis 15  
l. 1. de crimine stellion. 16  
l. 12. ad municipal. 17  
l. 11. eod. Tit. 19  
§. in eum qui successorem 22. §. in fraudem 23. §. vlt. 24  
l. 17. eod. Tit. ibid.  
§. filium 25. §. præscriptio ibid. §. sola ratio 26. §. postlimi-  
nio 27. §. exigendi 28. §. ex causa ibid. §. in adoptiua.  
ibid. §. error eius 29. §. patris domicilium ibid. §. in  
quæstionibus 31. §. penult. ibid. §. vlt. 32  
l. 6. de decurion. & eor. fil. ibid.  
§. minores ibid. & 33. §. decurio. 34. §. qui iudicij ibid. §.  
pater qui 35. §. vlt. ibidem  
l. 8. de vacation. & excusat. 36  
§. non alios 37. §. qui muneris 38. §. philosophis 39. qui  
maximos ibid.  
l. 7. de legationib, 40  
l. 13. eod. Tit. ibid.  
l. 3. de administrat. rer. ad ciuit. pertinent. 41  
§. prædium publicum 42. §. in eum qui 43. §. filium. 44.  
§. vltim. ibid.

#### *Lib. II.*

Lex 31. de negot. gest. ibid.  
§. inter negotia 47. §. litem 48 §. qui aliena 50. §. liber-  
tos ibid. §. tutoris 51. §. quanquam 52. §. vlt. 54  
l. 42. de recept. arbitr. 55  
l. 44. de iudic. 56  
l. 16. de in offic. testam. 57  
§. contra tabulas. 58  
l. 51. de petit hered. 59  
§. fructuum 61  
l. 48. de rei vind. 64  
l. emptor prædium 65. eod. Tit. 65  
§. ancilla quæ non 67  
l. 4. de seruitut. rust. præd. ibid.  
l. 1. fin. regundor. 71  
l. 32. famil. erciscund. ibid.  
l. vlt. eod. Tit. 73  
l. 2. de distract. pign. 74  
l. 7. de vsuris 76  
l. de tut & rat distrah. 77  
§. non idcirco 78  
l. 6. de fideiuss. & nominator. 80  
l. 20. ad Senatusconsult. Syllan. 82  
l. 41. de mort. caus. donat. 83  
l. 22. de appellat. 87. l. 219. de verb. signif. ibid.  
§. sed & quod Papinianus l. 7. de minorib. 89

l. 20. de minoribu, 90  
§. Papinianus l. 8. de inoff. testam. 91  
§. vnde ead. l. ibid.

#### *Lib. III.*

Lex 68. de procurat. 92  
l. 32. de negot. gest. 95  
§. ignorante 97  
l. 45. de iudic. 98  
§. nomine pupillæ 100  
l. 17. de reliq & sumpt. fun. 101  
l. 57. de con. indeb. 102  
l. 40. de pignorat. act. 104  
§. debitoris 105. §. vlt. 106  
l. 42. eod. Tit. 107  
l. 19. de institor. act. 109  
§. si dominus ibid. §. tabernæ 110. §. seruus ibid.  
l. 27. ad Senatusc. Velleian. 111  
§. cum serui 112 §. vxor. 113  
l. 18. de compensat. 114  
§. creditor. 115  
l. 25. depof. ibid.  
l. 7. mandati ibid.  
l. 56. mandati 117  
§. fideiussor. 118 §. non ideo ibid. §. salarium 119. §. sum-  
ptus ibid.  
l. 82. pro socio 120  
l. 73. de contrah. empt. 121  
§. intra maceriem. ibid.  
l. vlt. de in diem addict. 122  
l. pen. de peric. & comm. 123  
§. ante pretium ibid.  
l. 41. de action. emp. 124  
l. 2. de pignor. & hypothec. 125  
l. 2. qui potior in pig. ibid.  
l. 3. de distr. pign. 128  
l. 4. de naut. fœn. 129  
§. penul. 131. §. vlt. ibid.  
l. 15. de fundo dotal. 132  
l. 7. de fideiuss. 133  
l. 28. de donat. 134  
l. 51. de fideiuss. 136  
§. fideiussor. ibid. §. duo 138 §. creditor ibid. §. cum inter  
139. §. bonis 140  
l. 27. de nouat. 141  
l. 36. de iure fisci 142  
§. si quis Titio 142. l. 10. ff. mandati 143 §. idem Papinia-  
nus ff. eod. Tit. ibid. §. si cui mandauero ff. eod. Tit. 144  
§. Papinianus quoque l. 52. pro socio 144. §. item ex fa-  
cto, ead. leg. 145. §. idem Papinianus ead. leg. 146  
§. leganter l. 4. de leg. commissor. ibid.  
§. sciendum l. creditor 12. qui potior in pig. 147  
§. si impuberis l. illud quæritur. de euict. 148  
§. vlt. l. seruo 113. de legat. j. ibid.

#### *Lib. IV.*

Lex 9. de Senator. 148. & 149  
l. 4. de offic. adfess. 149  
l. 54. de ædilitio edict. 151  
l. 15. de rit. nupt. 152  
l. 34. de rit. nupt. 154



# Index legum & paragraphorum explic.

§. primus	ibid.	l. pen. eod. Tit.	259
§. inter priuignos	155	l. 86. de acquir. vel omitt. hered.	ibid.
l. 62. eod. tit. de rit. nupt.	ibid.	§. rei 261. §. vlt.	262
§. mulier	156	l. mater secundus 27. si quis omitt. caus. testam.	ibid.
l. 31. de iure dot.	ibid.	§. in sententiam 263. §. vlt.	ibid.
l. 69. de iur.	159	l. 4. de Senatusc. Syllan.	264
§. mulier 160. §. vfuras 161. §. in domum ibid. §. gener.	ibid.	l. 21. eod. Tit.	265
162. §. nuptiis 164. §. patrona 165. §. cum res ibid. §. in	166	§. nepris 266. §. vlt.	ibid.
dorem & §. vlt.	167	l. 75. de legat. ij	267
l. 26. de pact. dotal.	167	§. pro parte	ibid.
§. vir dorem quam 169. §. cum inter 170. §. conuenit. 171.	173	l. 12. de adim. & transfer. leg.	268
§. filia cum pro se 172. §. vlt.	174	l. 15. de his quibus vt indi.	269
l. 53. de donat. int. vir. & vxor.	176	l. 76. de condit. & demonstrat.	270
§. res in dorem	177	l. 6. de collat. dot.	ibid. & 271
l. 42. solut. matrim.	ibid.	l. filiusfam. 8. si tab. testam. null. extab.	271
§. fructus 178. vfuras 179. §. vlt.	180	l. 9. vnde cognati.	274
l. 27. rer. amotar.	ibid.	§. fratris	276
l. 26. de testamentar. tut.	182	l. vlt. de success. edict.	ibid.
§. honoris causa 181. §. vlt.	183	l. 49. de manumiss. testam.	278
l. 28. eod. Tit.	ibid.	l. 18. §. vlt. de iure fisci	279
§. verbis 185. §. vlt.	186	<i>Lib. VII.</i>	
l. vlt. ad. leg. Iul. de adult.	ibid.	Lex 57. de usufruct. & quemadmod. leg.	279
§. Papinianus l. 15. locati	ibid.	§. per fideicommissum.	281
<i>Lib. V.</i>		l. 11. vfusufructuarius quemadm. caueat.	ibid.
Lex 6. de confir. tut. vel curator.	187	l. 33. famil. ercisc.	282
l. 39. de administ. & peric. tut.	188	l. 8. vfur.	ibid.
§. curator 189. §. qui se negotiis 190. §. heres ibid. §. ad-	189	l. 41. de adm. & peric. tut.	284
uersus 194. §. curatores 195. §. tutor datus ibid. §. re-	190	l. 5. de iur. codicill.	285
rum 196. §. patronus 197. §. curatores 198. §. tutoribus	191	l. 76. de legat. ij.	ibid.
ibid. §. in eum 199. §. tutores ibid. §. ab eo qui 200. §.	192	§. Lucio 288 §. dominus 289. §. heres 290. §. seruus 291.	291
negligentiæ tutorum. 201. §. adolescens 202. §. tutor	193	§. pater 293. §. non iure 294. §. qui Mutianam ibid. §.	296
qui tutoris ibid. §. tutelæ 203. §. vltim.	204	variis 295. §. vlt.	297
l. 5. quando ex pact. tut.	206. & 207	l. 91. de legat. iij.	297
l. 11. de suspect. tut.	208	§. ex his verbis 298. §. Titio Seiano 299. §. balnea ibid.	300
l. 28. de excusat. tut.	210	§. vlt.	ibid.
§. quæ tutoribus 209. §. cum oriundus ex prouincia	211	l. 9. de ann. leg.	301
§. vlt. 212	ibid.	l. 24. de vsu & vsufr. leg.	303
l. 14. de curat. furios.	ibid.	l. 6. de seruit. leg.	304
§. Papinianus l. 5. de administrat. tutor. 213. §. l. 1. 13. de	ibid.	l. 8. de dote præleg.	ibid.
reb. eor. qui sub. tut.	214	l. 2. de fund. instr. & instrum. leg.	305
l. 17. de iniust. rupt.	217	§. dotes	ibid.
l. 22. de legat. præst.	218	l. 19. de pecul. legato	ibid. & 307
l. 9. de collat. bonor.	219	§. testamento 306. §. vlt.	308
l. 5. de collat. dotis	220	l. 9. de supel. legat.	309
§. filia	ibid.	l. 8. de alim. & cibar. leg.	311
l. 41. de oper. libert.	222	l. 23. de liberat. legat.	ibid.
l. in fraudem 25. qui & à quib. manum.	ibid.	l. 23. de adim. leg.	312
l. 15. de muner. & honor.	223	l. 1. de reb. dub.	313
§. item qui Reipublicæ institutionibus de excusat. tu-	223	l. 77. de condit. & demonstrat.	315
tor	223	§. Mutiana 314. §. vlt.	316
<i>Lib. VI.</i>		l. 100. de condit. & demonstrat.	317
Lex vlt. de iur. & fact. ignor.	223	l. 56. ad Senatusconsult. Trebell.	ibid.
l. 35. de rit. nupt. & l. 40. de admin. tut.	226	§. l. 1. 10. de vsu & habit.	318
l. vlt. de iis quæ in testam. delentur	ibid.	§. vlt. l. 12. de fund. instr.	ibid.
l. 70. de hered. instit.	230	§. Papinian. 23 l. 12. de instruct. leg.	320
l. 78. de hered. instit.	236	§. Papinianus ead. lege	321
§. Lucio Titio 1. 234. §. filiis 235. §. vlt.	237	§. idem respondit eod.	321 & 322
l. 7. de vulg. & pup. subst.	240	§. idem respondit theriacam eod.	322
l. 15. de vulg. & pupillar. subst.	243	§. idem resp. domo. eod.	
l. 23. de vulg. & pupillar. subst.	244	<i>Lib. VIII.</i>	
l. 41. eod. tit.	253	Lex 34. famil. ercisc.	323
§. ex his verbis 246. §. cum filia ibid. §. quod si heredem	254	l. 54. de donat. int. vir. & vxor.	325
247. §. qui discretos 249. §. qui patrem 250. §. coheres	255	§. vlt. l. 70. 71. de legat. ij.	327
251. §. cum pater 252. §. vlt.	ibid.	l. 77. de legat. ij.	328
l. 24. de condit. instit.	ibid.	§. eorum 329 §. mater 331. §. furdo 332. §. hereditatem 333	333
l. 12. de militar. testam.	ibid.	§. qui dotale ibid. §. Mæuio 335. §. cum pater 336. §.	336
l. 17. eod. Tit.	ibid.	euictis 337. §. pater 339. §. à filia 341. §. fidei 342. §. fidei	342
l. 36. eod. Tit.	ibid.	tux ibid. §. volo 343. §. curatoris 344. §. ab instituto	344
§. miles castrensiū	256	ibid. §. mensæ 345. §. pater filia 346. §. hereditatē ibid.	346
§. miles in supremis 257. §. veteranus 258. §. vlt. ibid. &	259	§. filia mea 347. §. dulcissimis ibid. §. pater pluribus 348	348
		§. filia mea 349. §. dulcissimis ibid. §. pater pluribus 350	350



In Respons. Defin. & de Adult. Papin.

[illegible]



# Index leg. & paragr. explic. in Resp. Defin. & c.

l. 11. de adsign. libert.	573	l. 1. de iniusto rupto & irritato facto testament.	637
l. 3. de manumiss. quæ seruis ad vniuersit. & c.	575	l. 34. de heredib. instit.	638
l. 5. de manumiss. testam.	ibid.	l. 79. de hered. instit.	639
§. cum ita	576	l. qui duos 42. de vulg. & pupil. subst.	640
l. 2. ne de stat. def.	577	l. 80. de legat. 2.	642
l. 13. quib. ex caus. in possess. eatur.	579	l. 79. de condin. & demonstrat.	643. 644
<i>Lib. XV.</i>		l. 28. de obligat. & act.	646
Lex 29. de testament. tut.	579	l. 23. de obligat.	647
l. vlt. si quis al. testa prohib.	581	<i>Lib. II. definitionum.</i>	
l. 18. de his quæ vt indign.	582	Lex 7. de iustitia & iure	647
§. 10. is	584	l. pen. de usufruct. accrescend.	650
§. vlt.	ibid.	l. 59. de condit. indeb.	651
l. 2. de iure aureorum annulo	586	l. 6. quando ex fact. tutor.	653
l. 53. de fideiussorib.	ibid. & 587	l. 22. de statuliberis	655
l. penult. de accusat.	587	l. 45. de acquir. vel amit. possess.	ibid.
l. penult. de publ. iudic.	ibid.	l. 49. de acquir. vel amittend. poss.	657
l. 39. ad leg. Iul. de adulter.	588. 589	§. primum 658. §. vlt.	ibid.
§. nupta 589. §. matrimonio 590. §. mulierem 591. §. præ-		l. 11. de diuers. & temp. præscript.	659
scriptione ibid. §. duos & §. penult. ibid. §. vlt.	592	l. 124. de verbor. obligat.	660
l. 13. ad leg. Cornel. de fals.	593	l. 28. de nouationib.	661
§. ordine	ibid.	l. 97. de solutionib.	663
l. vlt. ad leg. Iul. repetund.	594	l. 10. de publicis iudiciis	665
l. 4. ad Senatusconsult. Turpill.	ibid. 595	l. 41. de pœnis	666
<i>Lib. XVI.</i>		l. 17. de castrens. pecul.	667
Lex 2. de veter. milit. success.	596	l. 83. de reg. iur.	670
l. vlt. de publi. iud.	597	<i>Liber primus de Adulteriis.</i>	
l. vlt. de accusat.	599	Lex 13. de testibus	671
l. 17. de quæst.	ibid.	l. 12. de fundo dotali	674
§. de quæstione 600. §. vlt.	601	§. 1.	675
l. 34. de pœnis	602	l. 7. de diuort.	ibid.
§. eos quoque	604	l. 41. de solutionib.	676
l. 3. de sentent. poss. & rest.	ibid.	l. 2. de accusat. & inscrip.	678
l. 39. de iure fisci	605	§. pupillis	680
§. eum qui 606. §. vlt.	607	l. 2. de custodia reor.	681
l. 3. de bon. eor. qui ante sentent. & c.	ibid.	l. 6. de adulter.	684
<i>Lib. XVII. &amp; XVIII.</i>		l. 20. de adulter.	ibid.
Lex 42. de pactis	608	l. 22. eodem Tit. de adulter.	ibid.
<i>Lib. XIX.</i>		<i>Lib. II. de adulteriis.</i>	
Lex 3. ad leg. Rhod. de iact.	609	Lex 9. de calumniatorib.	687
l. 43. de oper. libert.	611	l. 6. de quæst.	ibid.
l. 23. de appellat.	ibid.	l. 8. de diuort.	688
§. cum procurator 612. §. filium fam. 613. §. vltim.	ibid.	l. 8. de adulteriis.	689
l. penult. de re milit.	614	lex 10. eod. Tit.	690
l. 16. de castrensi pecul. 615. §. hereditatem	616	l. 8. & 10. ad Senatuscons.	691
l. 5. de censib.	617	l. 4. de bonis damnator	694
§. qui non habita, & §. vlt.	618	<i>Liber singularis de Adulteriis.</i>	
<i>Liber primus definitionum.</i>		Lex 11. ad leg. Iul. de adult.	ibid.
Lex 1. de legib.	629	§. militem, qui sororis filiam 695. §. soror cum nurum	
l. 5. de transaction.	622	697. §. adulterij ren. 698. §. quidam accusare vo-	
l. 37. & 39. de reb. cred.	624	lebat 699. §. quærebatur 700. §. defuncto marito a-	
l. 74. de contrah. empr.	625	dulterij rea ibid. §. volenti mihi ream adulterij po-	
l. 8. de iur. & fact. ignorant	628	stulare 101. §. licet mulier ei qui in suspicionem ibid.	
l. 63. de rit. nuptiar.	631	§. mulier cum absentem 704. §. vlt. ream adulterij 705	
l. 27. de pact. dotalib.	634	<i>Liber singularis de viouuix.</i>	
l. 42. de administrat. tutor.	635. 636	Lex vnica de via publica & si quid in ea gest. esse dicat.	
l. cum pupillus de tutel. & ration. distrah.	ibid.	ibid.	

F I N I S.

IACOBI





# IACOBI CUIACII IURISCONSULTI

## COMMENTARIA IN LIBRUM

### PRIMUM RESPONSORUM

Æmilij Papiniani.



NON erit alienum proponere differentiam inter Quæstiones, & Responsa Papiniani, ut in utrisque quam rationem obseruauerit facilius intelligatur. Ac primum quidem faciendæ contentio Quæstionum & Responsorum. Papinianus in quæstionibus tractat, ut ait l. 6. §. si edes. ff. si seruit. vind. Tractat hoc est, disputat. ut & in l. 3. C. de summa Trinit. Ne quis andeat de fide tractare. hoc est, disputare, unde tractatores posterior ætas dixit, auctore Vincentio Lyrinensi i. Commonitorio aduersus hæreses, Doctores, qui disputationes instituunt agitantque publice. In Responsis autem Papinianus non disputat, sed præcidit de iure quid sentiat, hoc est, respondet vel rescribit absente, & respondet quidem. Respondet præsentem, rescribit absenti, ut in l. ex contractu, inf. de re indic. Scævola lib. 5. responsorum, rescripsisse dicitur. Et hanc quoque verborum differentiam seruat Seneca 9. epist. dum ait: Si quando interueniunt epistola tua, tecum mihi esse videor, & sic afficior animo, non tanquam rescribas, sed respondeas. Quæ distinctione seruata etiam dixeris recte, ex responso promissorem obligari stipulatori, non ex rescripto, quia stipulatio contrahitur verbis, non literis, & inter præsentem, non inter absentes, l. 1. de verb. obligat. Verum ad rem. Quæstiones, ut aliter rem explicem, sunt vberes quidam diffusive tractatus iuris; Responsa sunt tanquam oracula admodum breuia. In quæstionibus Papinianus doctoris; in Responsis Iurisperiti munere fungitur. Responsa redduntur consultoribus. Quæstiones petentibus non redduntur, sed proponuntur auctoris arbitratu. Denique in Quæstionibus electio est iuris auctoris: in Responsis autem responsorum causis electio est eius, qui rogat & consulit iuris auctores. Quo fit ut in libris quæstionum Papinianus non nisi difficiles & arduas quæstiones tractet, quia ei pudori fuisset eligere faciles & leues. Cæterum Responsa sunt pleraque facillima, prout res fert & causa, & factum, quod in consultationem deducitur. Nobis autem à facillimis erit ducendum principium, & à l. 20. de offic. præf. quæ se prima offert ex libro Resp. 1.

Ad L. Legatus 20. de offic. præsid.

Legatus Caesaris, id est, præses, vel corrector provincie, abdicando se non amittit imperium.

Respons. Papin.

HOC loco abdicare se, est dicere, nolle se amplius magistratum esse: sicut abdicare se tutelam libro regularum Vlp. est dicere, nolle se amplius tutorem esse, quæ abdicatio tutelæ, ut ipso iure nulla est, si tutela fuerit legitima, eodem Vlpiano auctore, ita abdicatio legitimi magistratus sane non valet: ac proinde si præses provincie, cui Princeps provinciam decreuit, abdicauerit se, non desinet esse præses, non amittit imperium, inquit Papinianus, hoc est, abdicando se nihil agit, videlicet si hoc faciat sine nutu Principis, qui provinciam decreuit. iussu autem consensu populi vel Principis recte se abdicat, l. 2. §. cum placuisset, de orig. iur. & ita in auctoribus sæpe legimus, multos se abdicasse magistratu. Contra prohibente vel nolente principe, vel populo, is qui se magistratu abdicat, id est, qui eierat magistratum, nihil agit, quia publicum munus est, quod ut inuiti suscipimus, ita & eo perfungimur. Et sic apud Liuium lib. 6. & 37. conantem se abdicare magistratu prohibet senatus & populus. Ait autem lex, Legatus Caesaris, &c. Idem tamen est in Proconsule, & quolibet rectore provincie, & in magistratu urbano & municipali, sed non quod voluit Bart. etiam idem est in Imperatore. Exemplo sunt Diocletianus & Maximianus, qui se abdicarunt imperio, & in priuatam vitam concessere: quod & in summo Pontifice admittit Cælestini constitutio quædam. Et nihil obstat hoc responsum Papiniani, quia de magistratu est, non de Principe; qui ut Princeps non est magistratus, quia nec iurisdictionem habet, sed cognitionem extraordinariam. unde res cognitionis, quæ scilicet pertinent ad cognitionem Principis separantur ab iis, quæ sunt iurisdictionis & iuris ordinarij, quæ sunt magistratus. Plin. in epist. & Sueton. in Claud. Princeps est maior & celsior magistratus, quod etiam de Senatore dixit Tacitus, lib. 3. annal. Et male igitur idem interpretes ex hoc responso colligit, Constantinum Imperatorem non potuisse Sylvestro Pontifici cedere imperio Occidentali, quod est donare, & transferre imperium ad curam Pontificis, quia responsum est de magistratu, non de Principe, non de Imperatore. Deinde, quia de abdicatione est, non de cessione. & longe aliud est abdicare se, longe aliud cedere, ut Vlp. lib. regul. ostendit, ubi proditum est: Legitimum tutorem legitima tutela cedere posse in iure, abdicare se non posse. Contra, testamentarium tutorem tutelam se abdicare posse, cedere in iure non posse. Cessionem autem illam Constantini Bart. ponit pro certa, quam tamen Nicol. de Cusa Cardinalis pro nulla habet lib. de concordia Cathol. Et etiam si nostro tempore vir doctissimus (quem honoris causa nomino) Augustinus Steuchus



ex professolibrum ediderit, quo conatur probare & adferere, illam donationem esse veram, tamen quod deficiatur idoneis legitimisque testibus, id nunquam omnibus probabit. Sed pergamus: quod lex ait, *legatus Caesaris*, id omnino exigit, ut exponamus, quis sit hic legatus Caesaris, quove iure utatur, & quia interpretatur eadem lex, eum esse *correctorem & praesidem provinciae*, videamus quid distet Proconsul à Praeside: non potest enim fieri, ut iure non distet, qui titulo distat. diuersi tituli praebent significantiam diuersi iuris. Alius est titulus, *de officio Proconsulis*, alius *de officio Praesidis*. Ac primum quidem sciendum est, praesidis nomen modo generaliter accipi, modo specialiter: generaliter pro quolibet rectore cuiusvis provinciae, siue sit Proconsul, siue legatus Caesaris, siue procurator Caesaris, qui vicem legati praestet & tueatur, siue Corrector, ut Corrector Lucaniae, Bruttiorum, siue Consularis, ut consularis Palestinae & Campaniae, siue Praefectus Augustalis, qui regebat Aegypti provinciam: denique omnes rectores prouinciarum praesidis appellationem sortiuntur, licet Senatores sint, inquit, l. 1. hoc tit. quod est, *praesidis nomen non esse indignum Senatore*, sicut Dio lib. 53. scribit: *Propratoris nomen non esse indignum consulari viro: quamquam nomen ipsum Praesidis sit infimi hominis gradus*. Qua de causa & Praesides dicuntur iudices ordinarii, milites gregarii & manipulares. Speciali autem nomine in hoc tit. Praesides vocantur legati Caesaris, legati Imperatoris, legati Augusti, ut hoc loco, & l. hos accusare, de accusat. l. 4. inf. de off. adfess. l. non est, de manum. vindic. Hi sunt, quos Princeps mittit in provincias suas: aliae enim sunt provinciae Caesaris, aliae senatus, ut non tantum Strabo docuit lib. 3. & 17. sed etiam Theoph. noster in §. per traditionem, de rer. diuis. In suas Senatus mittit Proconsules, & Proconsules vocantur, etiam si sint ex praetoriis, non ex Consularibus vel ex iis, qui Praetoram, non Consulatum gesserunt. In suas autem Caesar mittit Legatos: & ita Legatum Ciliciae accipere oportet in l. 1. §. 1. de test. l. 2. de iure immum. Legatum Aquitaniae, l. milites ff. de cust. reor. Legatum Lugdunensis provinciae, l. 15. §. ult. de exc. tut. ut & Graeca etiam antiqua numismata vocant Legatos Propratores: sic enim esse accipiendum Dio. suprad. lib. ostendit, qui eos vocat *πρωτοβουτῆς ἀντιστρατηγῆς*, Legatos propratores, qui & simpliciter propratores dicuntur, etiam si ex consularibus essent, nempe, quia validiores, & ferociores provincias vel agrestiores, quas annuis magistratuum imperiis sine manu militari regi, nec facile, nec tutum erat, Caesar in sua potestate retinuit: Paciores autem provincias, quae regi poterant sine armis, & legibus solis, reliquit Senatus populoque Romano, hac quidem specie, ut leuia imperij onera Senatus subiret, ipse solus discrimina bellorum adiret, sed reuera, ut arma solus haberet in sua potestate. Qua de causa administratores siue rectores missos in suas provincias vocauit Propratores prisco more, quia Propratores olim bella administrabant, quorum tabernaculum quoque Praetorium appellabatur, ut non tantum Dio eod. loco, & alij plerique scribunt, sed & Iustinianus noster Nou. 24. & l. 2. §. capta, de orig. iur. Sardinia capta, & redacta in provinciae formam, item Sicilia & Hispania; & Narbonensi Gallia tot fuisse creatos Propratores, quot provinciae venerant in ditionem populi Romani, ut iis praessent cum armis, tum legibus. Et de Sardinia obiter non erit ingratum forte, si admonuero in l. 2. C. de off. praefect. prator. Affric. quo loco ita scriptum est. *In Sardinia ducem iubemus ordinari, & eum iuxta montes, ubi barbaricae gentes videntur sedere*; quod ante hunc diem nunquam mihi obtigerat animaduertere, omnes liberos manu exaratos habere non barbaricae gentes, sed barbaricina simpliciter, quod esse rectissimum Procopius ostendit, lib. 2. de bello Vandalico, dum ait: *Ex Mauritania barbaros quosdam montes obsedisse in Sardinia, & multa in ea passim insula exercuisse latrocinia, quos Vandali debellarunt, expugnarunt, qui, inquit, Barbaricina dicebantur*. Verum ad

rem. Certum est ex Dione, Praesides, id est, legatos Caesaris, non amplius, quam sex licitoribus & fascibus uti, sed dubitatur de proconsulibus, an plures haberent, an pluribus uterentur, quia pro Consulibus sunt, & consules in vrbe utebantur XII. fascibus, & fortasse etiam primum habuerunt fasces XII. ij, qui post consulatum prouinciam obtinebant proconsularem, ut Dio significat eodem loco, & M. Tullius de proconsule Macedoniae, dum scribit in hunc modum: *Ipse cum duodecim hominibus, inquit, male vestitis ad portam Capenam peruenit*. At generaliter proditum est in l. 14. sup. de off. procons. hodie proconsules non amplius, quam sex fascibus, sex licitoribus uti. Vnde vere dices & statues, nullas esse prouincias hodie, quae plures quam sex fasces habeant, secundum ius nouum, quo sub Imperatoribus populus Romanus utebatur. Egesip. cap. 9. *Plurimi populi, inquit, sex fascium virgulis metui coercentur*: quod ita Iosephus ἐξ Ῥωμαίων ὑποκτατοὶ ῥάβδους. qua de causa eos etiam vocabant ἐξ ἀπειλῆς, ut docet Appianus in Syriaco bello. Commune autem hoc est & consulum & proconsulum, ut adiungantur eis legati, quibus mandent iurisdictionem suam, vnus aut plures; praetorie viro vnus, consulari tres, & plures adiungi ostendit l. 4. inf. de off. adfess. l. 2. inf. quis & a quo appell. & l. pen. inf. de off. eim cui mand. est iurisdi. Non tantum Praesidibus, hoc est, legatis Caesaris, sed & Proconsulibus, ut idem Dio aperte definit. Itaque licet in titulo de officio Proconsulis, addatur, & legati, (quod accipiendum est, non de legato Caesaris, sed de legato Proconsulis) & licet non addatur in hoc titulo: *De officio praesidis & legati*: tamen (quo in errore est Alciatus) non ideo existimandum est praesidibus datos non fuisse legatos: sed omissa est mentio legati in hoc titulo, quia de eo nulla sub hoc titulo lex extat, cum de legato proconsulis existant plerumque in tit. de off. procons. Et hos vero legatos, ne cum Dione confundamus cum adfessoribus siue consiliariis praesidibus: nam adfessores Praeses ipse sibi optat, l. 10. §. de iur. iur. infra de excus. tut. legati autem ei dantur à Senatu, ut apud Vopiscum in Probo, & Capitolinum in Gordiano, vel à Principe, ut apud Dion. eod. loco. Sed ut finem faciamus, postremo hoc tantum nobis notandum est, in aliis plerisque multum distare Proconsules à Praesidibus, hoc est, legatis Caesaris, quod perstringam breuiter. Proconsules erant annui magistratus; Praesides, perpetui, quoad Princeps successorem misisset. Proconsules erant κληρωτοί, ut Dio ait, quia sortito creabantur, nisi cum coelebs vel orbus in decernenda, vel petenda prouincia obiciebatur patri vel marito: nam pater vel maritus praeferebatur coelibis vel orbo, etiam non ducta sorte: Praesides autem erant αἰρετοί, electi, quia creatio eorum erat in arbitrio Principis. Item Proconsules, non habebant ius gladii, vel chlamidis, id est, stolae militaris. Praesides habebant ius stolae militaris atque ius gladii, l. 6. §. qui vniuersas, hoc tit. Quod est non tantum ius animaduertendi in facinorosos homine, sed etiam accingendi se gladio quod non habebant proconsules: & consequenter praesidibus erat ius animaduertendi in milites, l. 21. C. de exhib. reis l. 1. C. ad l. Corn. de siccar. l. 3. inf. de re militar. nam cui ius est gladii, ei est animaduersio in milites, siue sit ex Senatorio ordine, siue ex equestri, ut generaliter definit Dio: quae definitio summe notanda est. Ac praeterea Proconsules sumebantur ex Senatoribus, Praesides, ex Equitibus Romanis, ut Praefectum Augustalem Caesar mittebat in Aegyptum, non ex Senatoribus, metu, ne res nouas moliretur cum populo leui ac seditioso Senator, qui valeret potentia, auctoritate, gratia ac opibus. Qua de causa in notitia etiam imperij Romani legimus, Aegyptum consularem non habere: & in alias quoque provincias saepe Princeps mittebat Equites Romanos praeteritis Senatoribus, ut idem Dio scribit, & de Aegypto Arrianus, & Corn. Tacit. 12. Annal. Sequitur vltima differentia: Proconsules statim atque egressi sunt pomerium vrbis (pomerium vrbis locus est post moenia, l. 5. de fern. export.)



fascibus & insignibus Imperij Romani vtuntur & iurisdictione voluntaria, id est, quæ inter volentes exercetur, puta, apud eos emancipationes & manumissiones fieri possunt: itemque statim imperium habent atque egressi sunt portam vrbis, & iurisdictionem contentiosam, id est, quæ inter inuitos exercetur, sed ea iurisdictione non vtuntur, nisi in Prouincia sibi decreta. Ea tantum iurisdictione vtuntur, postquam in prouinciam sibi decretam peruenerunt. Interim otiosam iurisdictionem contentiosam habent, otiosum imperiũ. Et ita explicanda est l. 1. & 2. sup. de offic. proconsul. Et similiter Proconsules redeuntēs ē prouincia, quoad pomerium vrbis ingressi sint, fascibus vtuntur, ac cæteris insignibus & ornamentis, & iurisdictionem voluntariam & imperium habent, licet eo non vtantur in itinere, vsque ad portam vrbis, & iurisdictionem contentiosam. & hoc est, quod ait l. ult. de offic. Proc. Proconsul. inquit, portam Roma ingressus deponit Imperium. M. Tullius 7. ad Attic. epist. 7. scribens de Imperio Cilicæ quod habuit etiam post reditum, antequam ingressus esset urbem: Si imperium, inquit, mihi molestum erit, utar ea porta, quam primum videro. Et inde in auctoribus Prætor vel Consul ad portam, id est, qua Proconsul it in prouinciam vel redit ē prouincia, à porta, hoc est, ex qua Consul exit, qua vel per quam exit ē prouincia, aut redit ē prouincia. Præsides autem statim, atque cognouerunt venisse successores vel exceſſerunt prouincia, priuati fiunt ac deponunt imperium, l. 3. hoc tit. ac ne iurisdictionem quidem voluntariam habent, imo nec ea quæ neque imperij sunt neque iurisdictionis, si ad officium ius dicentis pertineant, l. si forte. hoc tit. Si præses prouincia antequam cognouerit, inquit, aduenisse successorem, manumiserit, vel tutorem dederit, rata hac esse: retro igitur rata hæc non esse, si postquam cognouerit aduentum successoris, manumiserit, quod est iurisdictionis voluntariæ, vel si tutorem dederit, quod neque est imperij, neque iurisdictionis, l. muto §. tutoris, de tutelis, quia ad officium ius dicentis pertinet, vt ait l. 1. de iurisdic. omn. iud. Et ita omnino Dio supradicto loco, Præsides non antea sumere insignia, quam venerint in prouinciam, & mox deponere atque exceſſerunt prouincia: non sunt separanda insignia ab imperio: alioquin falsa essent insignia. Qui negat insignia ante aduentum, & imperium negat. Contra, qui iubet ab excessu deponere insignia, certe iubet abire imperio: nec vsquam reperio alterum ab altero disiungi & distingui. Et vulgo male idem statuitur esse in Proconsule ex l. meminisse, de offic. proconsul. vt scilicet officium Proconsulis duret vsque ius aduentum successoris tantum. Quod dixi durare vsque ad pomerium vrbis, quia illa l. meminisse, hoc nullo modo dicit, sed Proconsulem circumacto anno suo ius dicere posse, quoad successor venerit, quia licet ipso iure desierit esse Proconsul (quia annuus est magistratus) tamen utilitas prouinciæ exigit, aliquem esse, per quem prouinciales sua negotia expedire possint. Et hic est finis, si tamen dixero, ex hac distinctione summe notanda, vos posse intelligere, quid sit, quod est in l. 123. de reg. iur. temporariam permutationem, non innovare ius prouinciæ. Nam vt de Augusto scribit Suetonio. cap. 47. (quod nescio an vnquam ante hac bene explicatum fuit) facta sub illo diuisione prouinciarum, postea, inquit, nonnullas Augustus commutauit, vt Achaïam ac Macedoniam, quam sibi retinuerat, Senatui reddidit, Cretam, quam Senatui dederat, sibi recepit. Quod & de Tiberio traditur in Claudio, cap. 21. & de Marco tradit Capitolinus. eum Proconsulares prouincias fecisse plerasque Præsidiales, pro belli necessitate prove tempore præsentis. Cum in prouinciam, inquam, mittendus est Proconsul, etsi mittatur legatus Cæsaris mutatione pro belli necessitate facta, non ideo prouincia illa definit esse proconsularis, non innovatur ius prouinciæ, ea temporaria permutatio non innovatur ius prouinciæ, id est, non ideo hæc prouincia definit esse proconsularis.

Respons. Papin.

Ad l. ult. de offic. adfessor.

In consilium curatoris reipublica vir eiusdem ciuitatis adfidere non prohibetur: quia publico salario non fruatur.

Curator Reipublicæ non est, vt Accursius dixit, procurator fisci vel Cæsaris. Aliud enim est Respublica, longe aliud fiscus, vel Cæsar. Respublica hoc loco accipitur pro qualibet ciuitate fundata legibus. Curator ergo Reipublicæ est Curator ciuitatis cuiuscunque, qui & pater ciuitatis dicitur innumeris locis iuris nostri, & Græco nomine λογιστής, vt nominatim ait l. 3. C. de mod. mult. quod maxime ponatur supra rationes operum publicorum, l. 1. C. de ration. oper. pub. & de patr. ciuitat. hoc est, de curatoribus rerum publicarum. Alius est igitur Curator siue procurator fisci, vel Cæsaris, alius Curator Reipublicæ. Vterque tamen iurisdictionem habet, Curator fisci ius dicit inter fiscum & priuatum: Curator Reipublicæ inter ciuitatem & priuatum. Procurator fisci, qui & rationalis dicitur, (sicut ille λογιστής,) decedit causas ad fiscum pertinentes; Procurator reipublicæ decedit causas pertinentes ad rempublicam. Denique vterque habet iurisdictionem: ergo vterque magistratus est. Quis est magistratus? Is est magistratus quicumque iurisdictioni præest, qui iurisdictionem habet, quam exerceat publice. Ac proinde curator reipublicæ, siue procurator, cum iurisdictionem habeat, adfessores habet, & consiliarios, quorum consilio vtatur in causis dirimendis. Omnes magistratus adfessorum solatia requirunt. At dubitatur, an Curatori Reipublicæ, siue ciuitatis, adfidere possit in consilium vir eiusdem ciuitatis? Videbatur non posse, quia nec præfidi prouinciæ in consilium adfidere potest vir eiusdem prouinciæ citra speciale beneficium Principis, l. 3. hoc tit. l. si cui 38. inf. ex quib. caus. maior. videlicet ultra tempus constitutionibus concessum. Præfidi, inquam, vir eiusdem prouinciæ adfidere non potest sine speciali Principis beneficio ultra tempus constitutionibus concessum, quod est breue tempus, dict. l. si cui, hoc est menses quatuor, l. 10. C. de adfessorib. l. 1. Cod. Theod. eod. tit. Et in eum, qui adfiderit præfidi in patria sua ultra constitutum tempus sine permissu Principis, est publicum crimen, & poena, proscriptio & publicatio omnium bonorum, d. l. 10. Cur autem nemo possit in patria sua Præfidi adfidere ratio hæc est: ne apud suos sit graciosus, ambitiosus, vel calumniosus nimis. Quæ ratio etiam efficit, vt nemo in patria sua præses esse possit sine speciali beneficio Principis. Nec quod legitur apud Cassiodorum l. Variar. eum patriæ suæ Lucaniæ Correctorem fuisse, id ille obtinuit sine speciali priuilegio Principis, quo nominatim derogaretur iuri communi, vt ostendit l. ult. C. de crim. sacrileg. & tit. C. ut nulli patr. sua adminin. sine spec. priuileg. Quam constitutionem Dio vel Xiphilinus, qui Dionem in compendium redegit, tribuit Antonino Philosopho Imperatori, quod Cassius aduersus eum rebellasset, cum esset Præses in patria sua: idcirco, eum lege cauisse ne quis in patria sua imperium obtineret: ἐνομοθετήσε δὲ τοῦδε (inquit) μὴδὲνα ἐν τῷ ἑδναι ὁδε τοῦ ἀρχαίου εἶναι ἀρχεῖν, ὅτι ὁ Κάσσιος ἐν τῇ Συρίᾳ τῷ πατρίᾳ αὐτοῦ ἐχέσθαι ὑπομένεωσαν ἐνδοχμῶσι. Id est, constituit autem, vt nemo cum imperio esset apud eam gentem, ex qua ortus esset, propterea quod Cassius, quum in Syria patria sua imperium haberet, res nouas molitus fuerat. Eademque ratio facit, vt nemo possit in patria sua officium fiscale administrare, puta, vt non possit in patria sua fungi officio Procuratoris Cæsaris, vt Paulus §. Sententiarum refert tit. de iur. fisci. In ea prouincia, inquit, ex qua originem ducit, officium fiscale administrare prohibetur. Et subiicit rationem, ne aut calumniosus, aut graciosus apud suos esse videatur. Quam rationem

A ii



etiam attingit Cassiodorus supradicto loco, dum ait. *Gloriosum esse, in patria sua Praesidatu fungi praclare, ubi necesse est, ut vel gratiam cognitio pronocet, vel odium longa contentiones exasperent.* An, inquam, ut hic resumam, quod initio proposui, sicut praesidi provinciae propter eam rationem non potest adfidere vir eiusdem provinciae, non poterit etiam curatori civitatis adfidere vir eiusdem civitatis. Et respondet Papin. non idem esse dicendum in adfessore curatoris civitatis. hunc enim sumi posse ex eadem civitate: & hoc distare ab adfessore praesidis, qui ex eadem provincia sumi non potest: & subiicit rationem differentiae breuiter, atque ideo satis obscure. *Quia adfessor Curatoris Reip. publico salario non fruitur. Quae ratio ita explicanda est necessario.* Curator civitatis sibi optat adfessores ex eadem civitate, quia vix ullos unquam eliceret ex alia civitate, eo quod publico salario non fruuntur, & istius oneris & operae nullum praemium ferunt. At Praeses provinciae, & similiter Procurator Caesaris facile potest ex alia provincia adfessores, & consiliarios advocare: quia iis adfessoribus maiorum iudicium de publico salaria constituta sunt, ut patet ex l. 4. hoc tit. & l. 1. C. de annon. & ideo debet Praeses provinciae ex alia provincia adfessores accersere publicis salariis, quae Principes constituerunt adfessoribus maiorum iudicium, potius, quam ex ea provincia, quam administrat. Hanc quoque rationem Hugolinus sequitur. Caetera Accursij merito quis una litura deleverit, quae tamen Bartol. valde commendavit.

#### Ad l. 14. de in ius voc.

*Libertus à patrono reus constitutus, qui se defendere paratus, pro tribunali praesidem provinciae frequenter interpellat, patronum accusatorem in ius non videtur vocare.*

Sciendum est, si libertus sine venia edicti praetoris patronum in ius vocaverit, teneri patrono actione in factum poenali in aureos quinquaginta, vel si non sit solvendo ex querela patroni fustibus castigari eum à praefecto urbi, tamquam inofficiosum libertum, quia officium debitum patrono non exhibuerit, quod veniam vocandi eum in ius non petierit, l. ult. hoc tit. Inde quaeritur, quid sit dicendum, si patronus libertum fecerit criminis capitalis reum apud Praesidem provinciae, & libertus Praesidem saepius interpellat, nullam precatus veniam, ut compellat patronum rem in iudicium deducere, se paratus habere defensiones innocentiae, an videatur committere in edictum praetoris, quod sine venia frequenter interpellat Praesidem, prouocetque aduersus patronum? Respondet Papin. nihil eum facere & committere videri contra edictum Praetoris, quod vetat tantum, ne in ius vocentur patroni sine venia impetrata; hanc interpellationem non esse vocationem in ius, libertum in ius vocare patronum sine venia & lacerare prohiberi, non se defendere, maxime in capitali iudicio. Quoniam defensionem ius naturale permittit: idem scilicet ius quod officium exigit à libertis erga patronos, l. 2. C. eod. tit. Denique non prohibetur libertus urgere patronum, qui aduersus eum accusationem instituit, ut crimen exequatur, nec moras in iudicio trahat, ut se reum peragat, quia patronus litem fecit, non ipse. Et probet etiam quod Accurs. not. arg. l. qui cum maior §. si libertus, inf. de bon. libert. libertum retorquentem crimen in patronum, accusatorem non esse, ac proinde audiri; imo & calumniae puniri patronum desiderantem: quia ignoscendum est ei, qui voluit se defendere prouocatus, vitamque tueri suam.

#### Ad l. 46. de pactis.

*Tale pactum: Profiteor te non teneri, non in personam*

*dirigitur: sed cum generale sit, locum inter heredes quoque litigantes habebit.*

**P**actum quo debita pecunia remittitur, vel in rem concipitur, vel in personam. In rem concipitur, si generaliter paciscatur debitor, ne petatur pecunia, quam debet. In personam concipitur, si specialiter paciscatur, ne à se petatur, hoc scilicet animo, ut sibi soli prospiciat, & consulat suae personae tantum, l. inrisgentium §. pactorum, hoc tit. Pactum in rem prodest heredi debitoris, quia generale est. Pactum in personam non prodest heredi debitoris, quia specialiter pactum est in personam. Non prodest igitur heredi, licet cum effectu à debitore peti non possit propter exceptionem pacti personalis, tamen ab herede eius peti poterit sine metu exceptionis. Ac similiter pactum in rem emptori prodest, ad quem ea res transit de qua pactus est debitor non petenda generaliter: atque ita pactum illud non tantum prodest successori iuris, puta, heredi, sed etiam successori rei, puta emptori, secundum plurium sententiam, ut ait l. si tibi, §. pactum hoc tit. quae obtinuit. Plurium sententia melior, ut ait Apoll. πολέων μῖν ἀείων. Et ita in Instit. initio tituli, de heredibus instit. Secundum plurium sententiam. Cum ergo ait d. l. si tibi §. pactum, Secundum plurium sententiam, pactum in rem etiam emptori prodesse, nedum heredi, ex diuerso significat pactum in personam non prodesse emptori. Et tamen subiicit in eodem §. secundum sententiam Sabinii etiam pactum in personam prodesse emptori & donatario, quamuis heredi non profit, prodesse, inquam, pactum in personam emptori & donatario, quamdiu viuit is, qui fecit pactum in personam suam: sicut cum filiusfamilias pactus est sibi, pactum prodest patri eius, ne teneatur de peculio, vel de in rem verso, atque etiam heredi patris, quamdiu viuit filius, qui pactus est sibi, l. & heredi, hoc tit. Porro in hoc responso proponitur exemplum pacti in rem, quod vocat generale pactum, quod non coarctatur personis paciscentium, atque adeo non tantum paciscentes tenet ex utraque parte, sed etiam heredes & successores eorum, ut puta, si pactum ita sit conceptum dicente creditore: *Profiteor te mihi non teneri*, pactum est in rem & generale, quoniam his verbis creditor plane abrogat obligationem, & sermonem dirigit in rem ipsam, non in personam: aliter quam si ita pactum conciperet: *profiteor me à te nihil petiturum*, hoc est pactum in personam. At illud, *profiteor te mihi non teneri*, est pactum in rem. *Profiteri est plusquam confiteri.* Cicero pro M. Tullio. (sic est legendum omnino apud Nonium non pro Manlio.) *hic ego non solum confiteor, verum etiam profiteor.* Et pro Cae. Ita confitetur, ut non tantum fateri, verum profiteri videatur. De confessione igitur frustra hic tractant interpretes, quoniam confessio plusquam confessio est. Et haec verba: *plane profiteor te mihi non teneri*, negant ullam existere obligationem, & habent vim pacti generalis, seu in rem. Aliud est dicendum, si creditor ita dixerit: *Profiteor te mihi pecuniam debitam soluisse*: nam haec verba non habent vim pacti, neque liberationis, aliter quam si re ipsa pecunia soluta esset. l. si accepto latum §. unde acceptil. His verbis fit apocha, *Profiteor, te mihi pecuniam debitam soluisse*: vel latius, *Luc. Titius profiteor P. Manium mihi soluisse decem, quae mihi debet ex testamento Caij Seij. Lutetia anno. & die illo.* quae apocha dicitur professio solutionis, l. 4. C. de solut. Chirographum solutionis l. creditor, inf. de act. empt. quod tamen non liberat debitorem, nisi reuera soluerit, quod creditor scripsit eum soluisse. Et hoc distat apocha ab acceptilatione. Nam acceptilatio liberat, etiam si nihil solutum sit, quia pro solutione est: apocha non liberat, sed solutio tantum, cuius fit mentio in apocha. Igitur si solutio nulla interuenerit, apocha nullius momenti est, si modo intra trigessimum diem opposita fuerit querela, vel exceptio non solutae pecuniae aduersus apocham, secundum l. 14. in contrahentibus, C. de non num. pecun. nam post 30 diem apocha plenam fidem facit.



## Ad §. 1.

*Qui protulit, pactus est intra diem certum pecunia, quam transegerat, non soluta, iudicatis se satisfacturum: iudex appellationis, nullo alio de principali causa discusso instans conventionem velut confessi sequitur.*

**D**ebitor certæ pecuniæ creditori condemnatus appellat: mox cum creditore transegit de remittenda parte pecuniæ, ea lege, ut si reliquam partem creditori non solueret Kal. proximis, solidam summam præstaret, quæ in condemnationem deducta est (etiam post rem iudicatam facta transactio valet, si appellatum sit, l. 7. in prin. tit. seq.) pecunia de qua convenit, ad diem non soluta, quæ sint partes iudicis eius ad quem appellatum est, videndum est. An ut disquirat discutiatque, pecunia in condemnationem deducta debeat, nec ne? an ut disquirat, an ita convenit inter creditorem & debitorem, ut pecuniæ parte soluta intra diem certam debitor iudicatus liber abiret: non soluta autem ea parte ad diem, ut in solidum teneretur. Quæritur ergo utrum hoc an illud iudex appellationis disquirere debeat? Et respondet Papin. iudici appellationis non esse quærendum, an pecunia debeat, sed de fide transactionis tantum, an inter eos, ut proposuimus, ita transactum sit negotium post condemnationem & appellationem interpositam, & proinde iudici appellationis non esse quærendum de principali negotio, sed de transactione tantum, & confessione, quæ transactioni inest, iustam esse huius transactionis conventionem, & iustam conventionem esse servandam, hoc est, quæ iure non improbat, ut in l. epistola §. pactum h. t. Itaque à iudice appellationis damnum esse debitorem, non tanquam iure damnatum à priori iudice, sed tanquam confessum pacto transacto, etiam si iure damnatus non sit à priori iudice: nam confessionem omnem rei, etiam factam in iure sequi condemnatio debet, l. 5. de confess. l. 5. de custod. reor. Ex quâ condemnatione etiam nascitur actio iudicati, cuius in hac specie proculdubio executio pertinebit ad iudicem appellationis, qui debitorem tanquam confessum condemnauit, non tanquam iure damnatum priore sententia, quia nec potuit iudex appellationis tanquam iure damnatum priore sententia damnare, quia ea de re non cognovit, an iure damnatus esset, sed an pactus & confessus esset. Et vero etiam iudex appellationis frustra inquireret in principale negotium, qui habet reum confitentem, l. proinde §. 1. ad l. Aquil. nam etsi debitorem iudex appellationis tanquam iure damnatum à priore iudice dampnaret, proculdubio hoc casu iure civili, ex opinione interpretum, quam usus admittit, executio iudicati non pertineret ad iudicem appellationis, sed ad priorem iudicem, qui iustam sententiam dedit, si modo priori iudici suæ sententiæ exequendæ ius & potestas fuerit. Equum enim est, ut si sententiam maior iudex ex appellatione pronuntiet esse iustam, eius executio redeat ad eum, qui sententiam dedit, si modo ius habuerit exequendarum sententiarum suarum: nam si sit iudex datus, iudex delegatus, à quo appellatum sit, redire oportet ad eum, qui dedit, l. 1. infr. qui & à quo appell. Rei iudicatæ à iudice dato legitimus executor est is, qui dedit iudicem, ad quem ab eo appellatum est, non ipse iudex datus. Non omnis, qui sententiæ dictionem habet, & sententiæ executionem habet: alterum est nudæ cognitionis, alterum iurisdictionis, quam iudex datus non habet, l. à Dino Pio, in pr. inf. de re iud. Et similiter ex Nouel. de sanctiss. episc. siue ex auth. si quis litigantium, C. de episc. audient. si ab episcopi sententia appellatum sit ad præsidem provincie, & is conseruauit sententiam episcopi, eam ipse præses exequetur, l. episcopale, C. de episc. audient. quia episcopus suæ sententiæ executionem non habet, hoc est, iurisdictionem.

Respons. Papin.

**A** nem non habet, vel forum, ut ait Nouella Valentin. de episcop. iud. sed cognitionem tantum habet & audientiam, sicut iudex delegatus. Et inde titulus: de episcopali audientia, non de episcopali iurisdictione. Et nominatim Sozomenus historia ecclesiastica lib. 1. cap. 9. εἰς ἐξου τὰ νεύματα τῶν ἐπισκόπων ἀγειν τὰς ἀπορίας, hoc est, res iudicatas ab episcopis ad effectum perducere præsidēs & apparitores eorum. At si priori iudici ius sit exequendæ sententiæ, ut si sit magistratus, cui ius sit exequendæ suæ sententiæ, & ex appellatione maior iudex eius sententiam pronuntiauerit esse iustam, appellationem iniustam, eam ipse non exequetur, sed prior iudex. Nec quicquam obstat, quæ moti sunt interpretes, vñ l. precipimus, §. in his autem C. de appellat. quæ ait, officio iudicis appellationis iudicatum exequi, quia ille locus non intelligitur, neque loquitur de iudicato, quo confirmatur sententia prioris iudicis habentis executionem, sed de iudicato, quo infirmatur sententia prior, & iniusta esse pronuntiat. Quo casu fateor executionem pertinere ad iudicem appellationis, qui nouam sententiam tulit, non etiam superiori casu. Sed tamen alio iure utimur, ut scilicet utroque casu sibi iudex appellationis vindicet iudicati executionem, maiori scilicet iudice, ad quem appellatur commoda executionis præcipiente minori: *Ut pisces saepe minutos magnâ, comest.* Male etiam interpretes loquuntur, dum tractant in hoc §. de specie proposita, & dicunt conventionem esse exequendam, cum dicere debeant condemnationem iudicis esse exequendam, qui conventionem veluti confessi sequitur, quia nullius conventionis per se executio est: nulla conventio vel obligatio habet executionem forensem paratam citra sententiam iudicis, l. minor 40. de minoribus.

## Ad §. post diuisionem.

*Post diuisionem bonorum & aris alieni, singuli creditores à singulis heredibus, non interpositis delegationibus, in solidum ut conuenerat, usuras acceptauerunt: actiones, quas aduersus omnes pro partibus habent, impedienda non erunt, si non singuli pro fide rei gesta, totum debitum singulis offerant.*

**D**ciendum est inter coheredes fieri diuisionem aris alieni hereditarij duob. modis: Vel ipso iure, hoc est, ex 12. tab. pro hereditariis portionibus, ut l. 1. C. si cer. per. l. ult. C. de hered. act. Exempli gratia, si sint tres heredes instituti, primus ex semisse, secundus ex triente, tertius ex sextante, & in ære alieno sint trecenta, pro qua parte singuli heredes sunt, pro eadem parte ex 12. tab. æri alieno obligantur: atque ita primus debet 150. secundus 100. tertius 50. Vel etiam inter coheredes fit diuisio aris alieni ex conventionem ipsorum coheredum. Et hæc diuisio rursus vel fit interpositis delegationibus, l. ut cum pater §. hereditatem, de leg. 2. Vel fit non interpositis delegationibus nuda conventionem siue nudo pacto. Interpositis delegationibus fit, veluti, quod omnes heredes ex 12. tab. pro hereditariis portionibus debent, L. Titio vno in solidum promittente Titio stipulanti ex delegatione coheredum. Et quod debent Sempronio similiter vno promittente Sempronio in solidum ex delegatione cæterorum: quæ diuisio rata est, & omnes tenet etiam creditores, quia novatio obligationis intercessit, quæ obligationem plurium heredum diuisam pro partibus ex 12. tab. omnem transtulit ad vnum ex heredibus in solidum. At diuisio aris alieni, quæ fit inter coheredes non interpositis delegationibus, non facta novatione consentientibus hereditariis creditoribus, creditores non tenet. Finge, coheredes inter se æs alienum, hoc est, nomina hereditaria ita diuisisse, ut vnus solueret nomen Titij in solidum, alter nomen Sempronij, alter nomen Caij in solidum, nec vllam fecisse delegationem. Hoc casu, quia nulla delegatio interposita est,

A iii



non lœdatur ius creditorum, & omnibus in singulos heredes est actio pro hereditariis portionibus, quia pactio inter coheredes facta iis nocere non potest, *l. pacto C. de pact. l. licet, C. fam. ercisc.* Quintilian. declam. 336. *Etiamsi conventionione*, inquit, *es alienum transferatur ad coheredem, iure tamen & veritate commune est.* Hinc quæritur in h. §. si non interpositis delegationibus ex conventionione nuda inter coheredes facta diuisione æris alieni, singuli creditores, perinde ac si interpositæ delegationes fuissent; à singulis heredib. secundum conventionem heredum, debiti vsuras quisque sui in solidum acceptauerint (quo verbo significatur frequens acceptio, vt in *l. 10. in fine D. de ann. legat. & l. 9. in fine D. de alim. leg.*) Quæritur, inquam, an illa frequens acceptio vsurarum totius sortis, creditoribus postea agentibus aduersus omnes coheredes ex 12. tab. pro hereditariis portionibus obesse possit, quasi tacite pacti intelligantur, ne agant cum singulis ex 12. tab. diuisa actione pro portionibus hereditariis, sed vt singuli agant tantum in solidum in eum, à quo diu solidi vsuras acceptauerunt? Et respondet Papin. obesse creditorib. taciti pacti exceptionem, si velint agere ex legib. 12. tab. si modo totum debitum soluere cuique creditori quisque heres paratus sit, & offerat secundum legem conventionis habitæ inter eos. At si solidum quisque heres soluere paratus non sit, sed pro parte tantum hereditaria, secundum diuisionem legis 12. tab. quæ potior est diuisione facta & conventionione nuda (lex obligat, conuentio nuda non obligat) hoc casu integrum etiam erit creditori vti lege 12. tab. & diuidere actiones in omnes pro hereditariis portionibus.

Et hæc est sententia huius §. *post diuisionem*, quam ita conficies breuiter. Pactio facta inter heredes & creditores hereditarios expresse vel tacite, qua conuenit vt à coherede quisque creditor suam pecuniam persequeretur in solidum, non interpositis delegationibus, non tollit ius publicum, hoc est, legem 12. tab. qua creditores singuli singulos heredes possunt conuenire pro portionibus hereditariis, non vnum ex heredib. in solidum, nisi singuli heredes ex fide pacti singulis creditoribus solidum offerant.

Addatur & alia sententia. Pactionis tacitæ argumentum esse diuturnam acceptionem vsurarum totius pecuniæ. Hoc etiam colligunt interpretes ex hoc §. extraneum soluere posse pro debitore creditori inuito: sicut, vt est certissimum, extraneus potest soluere pro debitore inuito, *l. soluere, de solut.* ita etiam possit pro debitore soluere creditori inuito: quod non absolute verum est, sed cum hac exceptione, si tacite conuenierit inter extraneum & creditorem, vt extraneus sortem solueret pro debitore, puta, vsuris ab extraneo pro debitore sæpius acceptis, non aliter.

#### Ad §. Pater qui dotem.

*Pater qui dotem promisit, pactus est, vt post mortem suam in matrimonio sine liberis defuncta filia, portio dotis apud heredem suum fratrem remaneret. ea conuentio liberis à socero postea susceptis, & heredibus testamento relictis per exceptionem doli proderit: cum inter contrahentes id actum sit vt heredibus consulatur: & illo tempore, quo pater alios filios non habuit in fratrem suum iudicium supremum contulisse videatur.*

**V**ltimum responsum pertinet ad hanc speciem. Pater in promittenda dote pro filia ita pactus est, vt post mortem suam in matrimonio defuncta filia, partem dimidiam dotis quam promiserat, nedum dederat, vellet remanere apud heredem suum fratrem (quem scilicet, destinarat heredem suum facere, cum non essent ei alij liberi) alteram vero partem dimidiam dotis genero præstari iusserat si filia, vt dixi, moreretur in matrimo-

nio sine liberis: mortua autem filia relictis liberis totam dotem, quæ promissa est, iussit genero præstari. Recte pactus est fratri suo, vt partem dimidiam dotis retineret: quia vt heredi pactus est, alioquin pactus fuisset inutiliter, quia nemo alteri paciscitur vtiliter, nisi patri in cuius est potestate, vel domino, vel heredi suo, *l. si pactum D. de probat. l. annus, D. de pact. & l. annus, D. de pact. dotal.* hic pactus est fratri, & futuro heredi suo: Postea vero pater suscepit liberos, eosque omisso fratre quem destinauerat facere heredem, heredes fecit, & post mortem eius mortua est filia in matrimonio sine liberis. Quæritur an liberi heredes scripti possint retinere partem dimidiam dotis? Dubitationis causa hæc est: quod non liberis pactus sit, sed fratri. At Papinia. eleganter respondet, Liberos petente genero dotem ex stipulatione per exceptionem pacti, siue doli mali, quæ semper est subsidio exceptioni pacti, partem dimidiam dotis retinere posse, quia pater fratri pactus est, non tanquam fratri, alioquin inutile pactum esset, sed tanquam heredi, quia dixit, *vt remaneret apud heredem suum fratrem*, & heredes hodie sunt liberi, quos pater præter spem sustulit, non frater. Ergo liberis danda est retentio partis dimidiæ: quia in paciscendo fratris appellatio demonstrabat tantum, quem sibi heredem destinarat eo tempore quo desperabat se habiturum liberos: fratris appellatio demonstrabat, in quem esset collaturus supremum iudicium suum. At heredis appellatio demonstrabat, cui consultum vellet. Summa igitur sententia hæc est: Pactum fratri vt heredi, quem scilicet animo destinarat facere heredem, nec dum faciebat heredem, prodesse cuicumque alij heredi, si frater heres non fuerit: non tantum filio, quem postea suscepit, sed etiam extraneo, quem postea pœnitentia ductus fecit heredem, nullo suscepto filio. Hæc est mens Papin. vnde male ex h. §. colligunt interpretes: donationem quam orbus contulit in extraneum, reuocari postea adnascantibus liberis, quæ est sententia *l. si unquam, C. de reuoc. don.* non huius §. vlt. quia in specie eius nulla sit reuocatio: sed pactum fratri vt heredi, consistit in persona cuiuscunque heredis, non in persona fratris, qui non exitit heres: ergo & in persona heredis extranei, nedum in persona filij heredis instituti.

#### Ad l. 9. de postulando.

*Ex ea causa prohibitus pro alio postulare, quia infamiam non irrogat, ideoque ius pro omnibus postulandi non aufert; in ea tantum prouincia pro aliis non recte postulat, in qua præses fuit, qui sententiam dixit: in alia vero non prohibetur, licet eiusdem nominis sit.*

**I**nter genera pœnarum hoc quoque receptum est, vt lex causa aduocato aduocationibus & postulationibus interdicatur, hoc est, prohibeatur postulare pro aliis, & adesse litigatoribus, *l. moris, de pœnis.* quod est silentium irrogare aduocato, *l. 8. h. t.* & pœna silentij. At silentium vel irrogatur sine infamia, vel cum infamia. Quod irrogatur cum infamia, aufert ius postulandi pro omnibus, hoc est, ius postulandi vbi que gentium, non pro omnibus omnino personis: nam certæ sunt personæ pro quibus etiam infames postulare possunt, *l. 1. §. ait prætor, h. tit.* veluti pro parentibus & patronis etiam infames postulare possunt. Silentium vero, quod irrogatur sine infamia, id est, salua existimatione, non aufert ius postulandi pro omnibus, hoc est, vbi que gentium: nam etsi quis sit prohibitus postulare in vna prouincia salua existimatione, licet non possit in ea prouincia postulare in qua prohibitus est à Præside, poterit tamen in alia prouincia, quia non est infamis, licet alia prouincia sit eiusdem nominis, vt si sit prohibitus postulare in Mysia inferiori, quæ hodie dicitur Bulgaria, non prohibetur postulare







tatur ad legatum quod relictum est libertis, quoniam A videtur desuisse esse libertus accepto iure annuli aurei? sed apertissimum est quod initio respondet Papinianus, nihilominus eum admitti ad legatum, quia non definit esse libertinus. Honorem tantum & iura ingenuitatis habet, ingenuus non est; non mutat conditionem nec statum, qui augetur dignitate ingenui, non mutat statum libertini, l. 33. §. 2. *sup. de cond. & demonstrat. l. 2. C. de iure aur. an. l. 1. Cod. ad leg. Visell.* Ergo cum non desinat esse libertinus, admittitur ad legatum relictum libertis, quia non mutat statum: augetur tamen honore ingenuitatis & adscribitur in numerum equitum Romanorum. Ideoque hoc ius non dabatur, nisi ditioribus libertis, puta, habentibus in bonis 400. millia sestertium, qui erat census equestris. Arnob. lib. 4. *Pecuniam donare, annulos aureos, & loca priora in spectaculis.* Sueton. in Iul. *Ius annulorum dedit cum millibus quadringentis.* Sed, quod erat B difficilius, quaeritur in hac lege: si is libertus qui impetrauit ius aureorum annulorum, postea proclamauerit ad ingenuitatem, adferens se ingenuum esse, & neminem patronum se agnoscere, negant patronum, & collusionem habita cum secundo vno ex patronis ingenuus pronuntiatus sit: deinde Primus alter patronus detexerit collusionem, ad quam rem detegendam etiam quilibet extraneus admittitur, cui ius postulandi est, l. 2. §. 1. *de collus. deteg.* post detectam collusionem hic, quem res iudicata fecerat ingenuum, quia pro veritate habetur, *l. ingenuum, sup. de statu homin.* redditur conditioni pristinae, hoc est, redigitur ad libertinitatem & fit libertus Primi, qui detexit collusionem, vt l. pen. *C. de collus. deteg.* An ergo admittitur ad legatum relictum libertus qui impetrauit ius annulorum aureorum, deinde è patrono ingenuus pronuntiatus est colludente aduersario, post detecta collusionem redditus est libertinitati, an capiat inter alios? & dicitur non capere, quia videtur renuntiasse testamento qui curauit se ingenuum pronuntiare. Qua ratione etiam Papinianus ait placuisse Principibus, vt hic etiam amitteret ius aureorum annulorum, quod impetrauerat ante sententiam pro ingenuitate dictam per collusionem aduersarij: quia etiam affectando ingenuitatem videtur se eo iure abdicasse, videtur deposuisse ius aureorum annulorum, quod etiam confirmat l. 2. *huius tit. & l. homo, de statu hom.*

#### Ad l. 81. De furtis.

*Ob pecuniam ciuitati subtractam, actione furti, non crimine peculatus tenetur.*

**F**inge: Curator rei frumentariae pecuniam ciuitatis subtrahit & in usus suos conuertit: constat eum teneri furti, sicut si quamvis aliam rem ciuitatis subtraxisset, l. sed et si imaginem, §. ult. *hoc tit.* Dubitabatur an etiam criminaliter teneretur iudicio peculatus? Dubitationis causa haec est: quia crimen peculatus intenditur tantum in furem pecuniae publicae populi Romani, & ciuitates aliae priuatorum loco habentur, l. 15. *de verbor. signif.* Et sane ita respondet Papinianus, ob pecuniam ciuitati subreptam eum teneri quidem furti, priuata actione & ciuili, non crimine peculatus, non actione criminali. Cui opponit l. 4. §. ult. *ad l. Iul. peculat.* quae ait euidenter: Recte institui accusationem peculatus in eum, qui pecuniam subripuit ciuitatis cuiuscunque vel municipij: sed addit d. l. 4. hoc esse ex constit. Traiani & Adriani, qui scilicet legem Iuliam peculatus, quae erat tantum de pecunia pop. Romani porrexerunt etiam ad pecuniam ciuitatis cuiuscunque, sicut edictum, ex quibus causis maiores, certum & exploratum est, constitutiones porrexisse ad quasunque ciuitates, quod erat tantum de ciuitate Romana, l. legatis, ex qui-

bus causis maiores. Igitur necessario hac distinctione vtimur, vt dicamus in aliis plerisque causis separandum esse ius à constitutionibus. Papin. respicit ad ius, hoc est, ad ipsam legem peculatus, quae tantum est de pecunia pop. Rom. & quod ait l. 4. §. ultimo, *ex constitutionibus*, plane ostendit ipso iure non ita esse, de quo Papinianus respondet. Male Antonius Augustinus has duas leges non pugnare, quia videantur diuersa proponere, non contraria, quia plane sunt contraria, cum vna negat, altera affirmet. Alciati etiam sententia iam pridem explosa est, qui metu illius l. 4. adductus, non metuit in hac l. 81. addere negationem & legere, *actione furti, necnon crimine peculatus tenetur*: quod omnino falsum est.

#### Ad l. 1. De crimine stellionatus.

*Actio stellionatus neque publicis iudiciis, neque priuatis actionibus continetur.*

**H**is verbis Papinianus significat actionem stellionatus non venire ex legibus, non esse legitimam & ordinariam iudicium, non verti in ea actione crimen legitimum aut poenam legitimam, vt ait l. 3. §. penult. *hoc tit.* poenam stellionatus nullam esse legitimam, cum nec legitimum crimen sit, hoc est, ordinarium: vt legitimi gladiatores, id est, ordinarij, non cateruarij: Legitimae feriae, id est ordinariae, non quae indicuntur extra ordinem & praeter consuetudinem. Publica iudicia ex legibus veniunt, vt ait l. 1. *de pub. ind.* puta ex l. Iulia Cornelia, Pompeia, Fabia, Rhemmia, Visellia. Haec sunt leges publicorum iudiciorum: sed lex Iulia est multiplex: ceterae sunt singulares. hoc est, de certis & specialibus quibusdam criminibus singulae priuatae actiones, veluti furti, vi bonorum raptorum, iniuriarum, damni iniuria dati, quatuor actiones sunt, quae etiam veniunt ex legibus certis, vel ex Edictis Praetorum. Et priuatis actionibus actionem stellionatus non contineri certissimum est: quia haec actiones sunt ciuiles, non criminales. Actio autem stellionatus est criminalis. Qua ratione dubitabatur an actio stellionatus, an iudicium stellionatus publicis iudiciis posset adscribi. sed eleganter l. 1. *infra de publicis iudiciis* ait, non omnia iudicia, in quibus vertitur accusatio criminalis, esse publica. Huiusmodi est iudicium stellionatus, in quo quidem vertitur crimen, nec tamen est publicum iudicium, l. 3. *de extra. crim. l. quid ergo, §. ultimo, de his qui nor. infam. l. tertia, C. de crimin. stellion.* Priuatorum aut publicorum iudiciorum, quae ex maleficiis nascuntur, poena est legitima, hoc est, certa lege definita: stellionatus nulla est poena legitima, ergo stellionatus neque publicum neque priuatum crimen est, sed extraordinarium. Extraordinarium crimen est, cui nulla specialis poena imposita est legibus aut constitutionibus, sed liberum arbitrium est magistratui, qui de eo crimine cognoscit, causa cognita statuendae poenae, l. prima, *de effraet.* Statuendae, inquam, poenae, quam nulla lex statuit: qua de causa haec crimina extraordinaria à Rhetoribus in declamationibus dicuntur *crimina inscripta*, quod de eis nulla lex scripta sit, sicut de publicis vel priuatis: sed vel sunt inducta moribus, vt de crimine praeuariationis extraordinario dicitur in l. 3. *de praenar.* vel etiam constitutionibus adnotata sunt, non imposita certa poena, quia & inscriptum esse videtur crimen, cuius poena non adscripta est, etiamsi ipsum crimen sit scriptum, notumve legibus. Stellionatus autem est omne crimen, quod aliud nomen non habet proprium, vel malitiosa quaelibet & vafra calliditas, quae proprio nomine vacat. Exempla multa dat l. 2. *hoc titulo.* Est autem hoc crimen, licet publicum non sit, aliquando famosum.



sum, ut ait l. quid ergo, §. ult. de his qui not. inf. sicut crimen expilatorie hereditatis, licet publicum non sit, est famosum tamen & turpe, l. si te, C. ex quibus caus. infam. irrogetur, non ergo sola iudicia publica sunt famosa, sed etiam priuata quædam & extraordinaria, d. l. quid ergo §. ult. Plane præcidit crimen stellionatus esse famosum, & tamen l. 2. hoc tit. ait crimen stellionatus non esse famosum, sed pœnam, coercionem extraordinariam habere. Videtur esse ἐναντιοπαρὲς, hoc nemo melius expediuit, quam Ioannes vetus interpret, ex l. infamem, de pub. iudic. quod dicat illa lex quædam iudicia, quæ non sunt publica, irrogare infamiam, videlicet, ut ait, si ex causa infami descendant ea iudicia: si ex ea causa descendant ea iudicia criminalia, ea crimina, quæ non sunt publica, quæ in ciuili iudicio condemnato importent infamiam, ut si descendant ex causa furti, quæ in ciuili iudicio, id est, in actione furti, proculdubio condemnato importat infamiam: nam actio furti est famosa. Absurdum autem est, actionem ciuilem esse famosam, & criminalem, venientem ex eadem causa non esse famosam, quæ actio asperior est. Itaque rectissime Ioannes hac vititur distinctione. Aut crimen stellionatus ex ea causa venit, quæ iudicio ciuili irrogat infamiam, veluti, ex causa depositi, & hoc casu crimen stellionatus est famosum: Aut venit ex ea causa, quæ in iudicio ciuili non importat infamiam, ut ex causa pigneratitia, vel ex causa empti, vel ex causa indebiti soluti, ut in specie l. 1. & l. tutor §. 1. de pigner. act. & l. cum es pro auro, de furt. l. si fideiussor §. in omnib. mand. l. statuliberum §. 1. de statulib. Et in his tantum causis procedit, quod ait l. 2. h. tit. crimen stellionatus non esse famosum. Causa criminis est inspicienda, hæc crimen famosum facit, vel non facit.

#### Ad l. 12. Ad municipal.

*Ei qui contra nominati collegam actionem utilem dari non oportet.*

**L**Ex est de magistratibus municipalibus, ut ea quæ præcedit, & ea quæ sequitur, quibus hæc lex 12. interiecta est, ut in vrbe duo erant Consules, qui rempub. administrabant, ita etiam instar consulum in singulis municipiis creabantur quotannis duo magistratus municipales, qui & passim ob eam rem Duumviri appellantur. Duumviri & magistratus municipales idem est. Hi suo periculo rempublicam administrant: qua de causa & initio magistratus cauent datis fideiussoribus rempublicam saluam fore, quam ipsi administrandam suscipiunt, & sub finem anni, (quoniam, ut dixi, annuus est magistratus) ambo suo periculo sibi nominant successores: quam nominationem nunquam non sequitur respublica, vel ordo ciuitatis, quare fit, ut ea nominatio etiam creatio appelletur, & nominatores creatores vocentur vel *χειροτοντοί*: Quoniam eam nominationem respublica semper sequitur, quia suo periculo semper sibi nominat successores in sequentem annum. Igitur ex nominatione & laudatione successorum reipublicæ tenentur, perinde atque fideiussores, si quid ij male gesserint in republica, quos sibi successores nominarunt. Obligatur etiam quisque eorum pro collega suo, quia licet duo sint, vnus tamen est magistratus, vna respublica cuius vicem sustinent, l. magistratus, hoc tit. denique pro magistratu municipali siue duumviro obligatur fideiussor & nominator & collega. Sed videamus quo quisque ordine conueniatur. Ac primum quidem, qui ob rem male à se gestam in magistratu, veluti, ob pecuniam publicam non idoneis nominibus collocatam debitor est reip. principalis primum conuenitur is si soluendo non sit tempore depositi magistratus, fideiussor eius conuenitur, post fideiussorem conuenitur nominator, ut in l. seq. & vltimo loco, si ab illis res ciuitatis

*Quest. Respons.*

**A**seruari non possint conuenitur collega. Igitur fideiussor prius conuenitur quam collega, itemque nominator, qui instar est fideiussoris prius quam collega: & ita definit Papinianus in l. 11. præcedenti, optima ratione: quia maior est ratio conueniendi nominatoris quam collegæ: nominator enim tenetur fidei suæ ratione, quia nominator eum quem nominauit idoneum esse fide sua iussit, atque ita tenetur ex contractu suo & fide data: denique fidem suam pro eo obstrinxit, quem suo periculo nominauit. At collega non tenetur fidei ratione, quia nullam fidem dedit, qui nihil cauit, nihil promisit. At tenetur negligentia tantum & pœnæ nomine, quod negligens fuerit in admonendo collega, ut rem bene gereret in obseruando actu omni collegæ sui, vel etiam, quod rem quam collega gessit male, non gesserit ipse: quoniam vtriusque officium est indiuiduum & commune, ut ait l. 11. in princ. hoc tit. negligentia pœna hæc est, ut teneatur pro collega, qui male rempub. administravit. In collegam igitur est pœna; in collegam, est culpa: in nominatorem est fidei data siue rei persecutio. Et æquius est pœnæ exactiorem posteriorem esse: id est, non ante perueniri ad pœnam, quam defecerit omnis ratio seruandæ rei, ut in l. 3. C. quo quisque ord. conuen. lib. 11. Apparet igitur hac in re nominatorem comparari fideiussori: nam ut fideiussor, ita nominator prius est conueniendus quam collega. Additur in hac l. 12. alia etiam in re comparari nominatorem fideiussori: nam ut fideiussor qui solidum soluit creditori, aduersus alium fideiussorem non habet utilem actionem, qua ab eo recipiat partem pecuniæ solutæ, ut constat ex l. 5. de fideiuss. l. cum alter, C. eodem tit. ita nominatori, qui solidum soluit, non datur actio utilis aduersus collegam, qui simul cum eo nominauerat successores. & hoc est quod ait in hac lege: *Et ei qui nominauerit contra collegam utilem actionem dari non oportere*: & additur, *sicut nec fideiussori dari oportet utilem actionem aduersus confideiussorem*. & sic vulgo legitur in hac l. *Et ei qui nominauerit contra collegam utilem actionem dari non oportet*, frustra repetitis ex l. proxima superiori illis verbis, *qui nominauerit*, quæ sunt in extremo legis superioris. Qui verò nominauerit, fidei ratione conuenitur. Et subiicitur: *Et ei*. frustra additur, *Et ei qui nominauerit*, quod satis intelligitur coniuncta lege superiori. Et etiam ea verba, *qui nominauerit*, in hac l. 12. suppluisse interpretem aliquem verum est, cum nec sint in Pandectis Florentinis: in quibus tamen Pandectis Florentinis etiam vocem *nominati*, quæ in eis ita legitur, *Et ei contra nominati collegam*, hanc, inquam, vocem *nominati* ex interprete aliquo subrepsisse ostendit Accursij glossa, quæ vocem illam *nominati* supplet, & perperam, quia non contra collegam nominati successoris, sed contra collegam suum nominatori, qui solidum soluit reipubl. contra collegam scilicet nominatoris Papinianus denegat utilem actionem. Denique detractis glossis ita legendum hoc loco: *Et ei contra collegam actionem utilem dari non oportet*. Ei, hoc est, nominatori, de quo ante egi sicut fideiussori, qui solidum soluit contra collegam actionem dari non oportet, qua ab eo recipiat partem soluti. Quæ sit ratio mox explicabimus, sed prius opponamus huic responso Papiniani, quod tutori, qui solidum soluit ex culpa communi admissa in administratione tutelæ aduersus contutorem est utilis actio pro parte pecuniæ solutæ, l. 2. §. nunc tractemus, de tut. & rat. distrab. l. 2. C. de cont. ind. Item quod duumviro, qui ex causa administrationis in solidum satisfecit reipubl. aduersus collegam datur actio utilis, ut est diserte proditum in l. 2. §. ius reipubl. de admin. rerum ad ciuitat. pertin. Cur ergo fideiussori etiam qui solidum soluit non datur actio utilis aduersus confideiussorem? Cur nominatori qui solidum soluit quod debetur reipublicæ non datur actio utilis aduersus connominatorem, id est, col-



legam suum? Ratio differentiae hac est: Quia duo fidei iussores & duo nominatores sunt duo rei debendi: singuli debent solidum suo nomine, ipso iure: qui igitur ex iis soluit solidum, soluit suo nomine, ut se liberet obligatione qua tenetur in solidum. Non est igitur quod partem reposcit à collega, cuius nomine non soluit, sed suo tantum qui tenebatur in solidum. At duo tutores vel duo magistratus non sunt duo rei debendi; quoniam si ambo soluendo sint tempore depositae administrationis, singuli non tenentur in solidum, sed pro utilibus portionibus, l. 2. §. *nunc tractemus, de tut. & rat. distr. & l. si pupillus, de admin. tut.* Ergo ex iis, qui solidum soluit, non totum soluit suo nomine, quia suo nomine totum non debuit, sed partem suo nomine, partem collegae nomine soluit. Proinde æquum est ut partem à collegae recipiat, quem liberavit, utili actione negotiorum gestorum, quia collegae negotium gessit non pro se tantum soluendo, sed etiam pro collega.

Ad l. 15. Eodem tit.

*Ordine decurionum ad tempus motus, & in ordinem regressus, ad honorem exemplo relegati tanto tempore non admittitur, quanto dignitate caruit. Sed in utroque placuit examinari, quo crimine damnati sententiam eiusmodi meruerunt, durioribus etenim poenis affectos, ignominia veluti transacto negotio postea liberari. Minoribus vero quam leges permittant, subiectos, nihilominus inter infames haberi. Cum facti quidem questio sit in potestate indicantium, iuris autem auctoritas non sit.*

**I**N primo responso vel in specie primi responsi quaeritur: an decurio, qui ex crimine aliquo ad tempus ordine motus est, vel qui ad tempus relegatus est in insulam, aut partem aliquam provinciae: (nec enim omnis reformatio fit in insulam, sed & in civitatem & regionem aliquam,) an, inquam, expleto illo tempore decurionatum recipiat, an reducat in ordinem, & ad novos honores municipales aspirare possit: Papinianus relegato ad tempus comparat eum, qui ordine movetur ad tempus: quoniam in hac re idem fere ius observatur in utroque, puta, quod proponit initio legis, ut quanto quisque tempore dignitate & decurionatu caruit, tanto regressus in ordinem abtineat novis honoribus civitatis vel municipii, ut si ordine motus sit vel relegatus in biennium, & expleto biennio redierit in ordinem decurionatu adeptus vel receptus, non potest capere novos honores antequam aliud biennium fecerit in decurionatu, quem recepit vel adeptus est, quod etiam proponitur in l. 2. C. de iis qui in exil. dati vel ord. moti sunt lib. 10. Et ratio hac est: quia ut nouo decurioni non statim patent honores reipubl. ita patere non debent ei, qui recens ex poena rediit in ordinem, quo exciderat, decurionatus pristino honore recepto: nam & hic quasi quodammodo novus decurio est. Aut sane sicut in honoribus petendis & adipiscendis antiquiores praeferruntur novis decurionibus, ita æquum est, ut ij quorum in vita nulla fuit intercapedo dignitatis, praeferrantur ijs qui dignitatis suae intercapedinem aliquam fecerunt, deinde reuersi sunt in ordinem. Est quidem hac differentia inter reformatum & remotum ad tempus, quod Senatu vel curia remotus domicilium non mutat, sedem non mutat, l. 3. de Senat. relegatus domicilium mutat & necessarium domicilium habet in eo loco, in quem relegatus est, ut ait l. filij §. *relegatus, inf. hoc tit.* At in eo, quod dixi ante, quodque Papin. proponit initio huius legis, ius est commune utriusque, reformati ad tempus, remoti ad tempus, ut post reditum in ordinem tanto tempore abtineat novis honoribus, quanto curia abfuit, nec statim affectet vel appetat no-

**A**uos honores. Commune etiam hoc est utriusque, ut neque mutet statum, capite minuatur, hoc est, ut neque libertatem neque civitatem neque familiam mutet, d. l. 3. de Senat. l. 7. §. *sine ad tempus, de inter. & releg.* statum autem dignitatis ut uterque mutet; aliud est status capitis, aliud status dignitatis: statum capitis non mutant, statum dignitatis mutant, hoc est, habentur inter infames, l. 2. de Senat. l. penult. §. *minuitur, de extr. cogn.* Et ratio hac est: quia nulla ex causa legibus solent irrogari eiusmodi poenae, ut reus eat in exilium, vel exeat ordine ad tempus, quae non sit causa turpis & famosa. Crimen turpe æquum est ut sequatur poenaturpis, quae importet infamiam. proinde decurio vel relegatus vel ordine motus ad tempus expleto tempore non potest redire in ordinem, quia ordo ille non admittit infamem, ac pro eo est ac si damnatus fuisset in perpetuum. Infamia tempore non aboletur sed tantum beneficio Principis aboletur, non beneficio temporis: Princeps famae restituit, quia placitum principis lex est, & legis est tollere infamiam & restituere famam. At tempus per se solum non restituit famam. Infamiae autem effectus hi sunt: ut in perpetuum priuet omni honore & dignitate, ut arceat Senatu, curia, equite, militia, rostris l. 8. de int. & vel. l. 4. §. *ad tempus, de re milit. l. 3. C. eod. tit. l. quisquis §. filij C. ad l. Iuliam maiest. l. 2. C. de dignit. l. 8. C. de decur.* & ita lege Iulia de vi nominatum cauetur, ne damnatus de vi, quam ea lex infamem fecit, fiat Senator, neve decurio, (qui & Senator est municipalis, minor Senator:) neve, ait, ullum honorem capiat. & addit, in l. 1. sup. ad leg. Iul. de vi prin. neve in eum ordinem sedeat. corrupte: quia lex Iulia scripsit, neve in quatuordecim ordinibus sedeat. Et hoc est quod ait Tertullianus libr. de spectaculis. *Damnatos ignominia & cum capitis minutione arceri equite.* & addit etiam lex Iul. *ne index sit, nec index dari possit, ut l. cum prator, de ind. l. 2. de Senat.* quae etiam adiicit, *nec testimonium dicat*, videlicet, qui iudicio criminali notatus est, non quocumque iudicio nam depositi damnatus civili iudicio sit quidem infamis, sed à testimonio non repellitur. Adde etiam nec infamem publico iudicio quemquam accusare, nec populari actione agere posse, l. qui accus. de accus. l. 4. de pop. act. nec in consilio magistratibus adidere posse, l. 2. de off. adf. nec postulare posse pro omnibus, l. 1. §. *ait prator, D. de postul.* Et postremo severius puniri infamem, si quid deliquerit, quam integre frontis, non inscriptae frontis hominem, l. capitali §. *ult. de poen.* Illi sunt effectus infamiae. Summus ille, ut in perpetuum priuet omni honore & dignitate, ut excludat omni honore & dignitate. Nunc hoc adsumamus. At ille decurio ordine motus, vel relegatus, exactus ad tempus, notatur infamia, ergo decurio fieri vel esse non potest: denique in ordinem venire aut redire non potest, & tamen initio posui ordine motum vel reformatum ad tempus expleto tempore in ordinem reuerti: h. e. decurionem fieri vel esse, ac si nunquam deserit. Quid nunquid à me ipse dissideo? Aut qui hoc pono, sine iuris auctoribus pono? minime. Sciendum enim est, non semper notari infamia decurionem, qui relegatur vel remouetur ad tempus: notatur quidem infamia, si hanc poenam reformationis vel remotionis ab ordine, in quam reum iudex damnauit, ipsa lex indixerit nominatim: quod est etiam proprium legis. Damnatio est iudicis; poena est legis solius iure ordinario, cum rite & ordine agitur. Etiam notatur infamia is, cui lex grauiorem poenam infligit, si ei iudex extra ordinem hanc tanquam mitiorem poenam indixerit: ut si cui lex indixerit deportationem, quae capite minuit, iudex indixerit reformationem ad tempus, vel in perpetuum, quae poena non minuit statum: nec enim ideo minus, imo, ideo magis damnatum sequitur infamia, quia boni consules debet humanitatem sententiae, quae eum releuat poena



legitima, quæ est acerbior, nec desiderare etiam potest contra legem præterque sententiam, ut etiam liberetur infamia quod proponitur in l. 3. tit. seq. At non notatur infamia is, cui iudex duriores pœnam infligit, quam lex permittit, ut si quem lex mulctat parte bonorum, cum iudex ordine moueat vel relegat ad tempus, quæ pœna utique grauior est. Nam grauiore pœna videtur cum reo transactum de fama, ut scilicet, vrbe vel curia abiret illa ex estimatione, l. quid ergo §. pœna, de his qui notant. infam. l. in seruorum §. ult. de pœn. l. 5. tit. seq. Et hoc est, quod ait Papinian. in hac lege: *Veluri transacto negotio. h. e. quia seueritas sententia cum ceteris damnis transigere videtur*, ut ait l. 4. C. ex quib. caus. infamia irrog. In qua ut hoc obiter admoneam, manifestum est, ubi est, *relegatum*, legendum esse *relegandum*, ubi *damnandum*, legendum esse *damnatum*: quæ commutatio est frequens in auctoribus: nam species hæc est: Proconsulem Possidonium in annum relegandum tantum, damnasse in quinquennium, & damnatum paruisse sententiæ, id est, quinquennium fuisse in exilio, non fuisse refugam pœnæ: nam refuge pœnæ augetur pœna. fuisse igitur Possidonium duriores sententiam passum, quod sit damnatus in quinquennium, cum damnari tantum debuerit in annum: & ideo reuersum, ait, inter infames non haberi: licet actio ex qua damnatus fuerit, famosa sit: *quia seueritas sententia cum ceteris damnis transigere videtur*. Ergo ille, qui grauiorem sententiam patitur, ob hoc quod relegatur summouetur ad tempus, non sit infamis, aut certo expleto tempore videtur liberari infamia, & consequenter decurionatum adipisci vel recuperare, potest relegatus reuersus adipisci, si quis locus vacet, non etiam recuperare pristinum decurionatum: ordine autem motus recuperare potest, nisi quis in eius locum interim sublektus sit: & hæc est alia differentia inter relegatum ad tempus, & ordine motum ad tempus, quæ notatur in l. 2. tit. seq. notatur etiam in l. 3. illo loco: *non ad tempus sit relegatus, sed ad tempus sit ordine motus*. Quod ita ponit, quia hæc in re inter hunc & illum differentia est. Et hoc etiam satis euidenter ostendit l. falsi §. i. ad leg. Corn. de fals. dum ait: *Exilem post reditum decurionem recte creari*. decurionem, inquam, creari, non decurionem esse, *ordine motum ad tempus post reditum in curiam confestim decurionem esse*, quod est confestim decurionatum recuperare pristinum. At uterque nomen honores decurionatus adepti vel recepti capere potest: tanto tempore post reditum, ut dixi, in curia transacto, quanto pœna functus est & curia abfuit. Secundum hæc quæ certissima sunt multum interest, ex causa famosa iudex extra ordinem minorem an maiorem pœnam inferat quam lex ferat. Si minorem, non potest efficere, ut damnatum non sequatur infamia, si maiorem, damnatum non sequitur infamia, licet causa criminis sit turpis & famosa, videlicet si iudex reum onerauerit pœna non pecuniaria, ut si relegauerit vel ordine mouerit, quem lex pecunia tantum mulctabat: nam si eum onerauerit pœna pecuniaria tantum, ut si furem nec manifestum, quem lex 12. tabul. duplo subiicit, damnauerit in quadruplum, damnatum proculdubio sequitur infamia, d. l. quid ergo §. pœna. Et hoc est quod ait l. non poterit, de furt. non posse præsidem prouinciæ efficere, ut furti damnatum non sequatur infamia, non posse eius, quem furti damnat, seruare existimationem. Quod est generaliter verum, siue furi infligat pœnam legitimam, siue maiorem, siue minorem. Rationem autem differentia Papinian. proponit elegantissime hoc loco inter minorem & maiorem pœnam, non pecuniariam, quam iudex infligit, ut non maiorem, sed minorem sequatur infamia, quam rationem ex hoc ipso loco alias retulit Marcianus. *Quia facti quidem*, inquit Papinian. *questio est in potestate iudicantium: iuris autem auctoritas non est*. Retulit, inquam, hanc rationem Marcianus in l. 1. §.

Respons. Papin.

A sed non utique, ad SC. Turp. & sensus hic est: iuris auctoritatem non esse in potestate iudicis, hoc est, pœnam criminibus non imponi arbitrio iudicis, sed constitui lege: iudicem pœnam legitimam minuire vel augere non posse: corruptam videri sententiam si sit legibus mitior aut durior. M. Tullius in prætura virbana: *lex est, pœna est*, inquit, *Quid hoc ad eum, qui ius dicit? in pœnis ferendis nulla sunt partes iudicis*. Et ideo quem pronuntiauit iudex calumniam, aut furtum fecisse videri, quæ causæ turpes sunt, etiam si ei legis pœnam non indicat nominatim, aut si indicat minorem, nihilominus pœna legis statim reum apprehendit, id est, infamia quæ ipso iure infligitur. Relegatio autem vel ordine motio, quia facti est, ipso iure non infligitur sine executione iudicis. Et punitur iudex, quod minorem pœnam inflixerit, quodve maiorem, ut l. seruus, 8. in fi. C. ad leg. Iul. de vi. l. 8. C. Theod. de appellation. Quod si iudex maiorem pœnam infligat reo, quam lex permittat, cessat pœna legis, hoc est, infamia, quia non tali pœna affecto lex irrogat infamiam, sed multo minoris. Et plane recessit iudex à legis pœna, qui minorem infligit. At contra non omnino recessit à pœna legis, qui maiorem infligit: nam in maiori minor inest, in minori non inest maior. Denique pœnam infamiae sola lex exequitur. Pœnam relegationis vel remotionis ab ordine solus iudex exequitur, quia facti res est, & ut ait, facti questio, hoc est, ut Græci interpretes notant, ἐπεὶ ἐκ λόγου est, in arbitrio iudicis, eaque res propterea sæpe iudici præbet materiam gratiæ vel ambitionis, l. eum quia, in fine, de iudic. non tantum infamia, sed & quælibet alia pœna legis est, sed infamia solius legis infamia iuris est. Alia pœna facti, hæc desiderat executionem iudicis, infamiae pœna nullam desiderat executionem iudicis. Et hæc est huius questionis siue responsi interpretatio & definitio, cui hoc vnum tantum opponitur, quod est in l. 1. C. de iis, qui in exil. dati & ordine moti sunt, & l. 3. C. ex quibus caus. infam. irrog. etiam ordine motum ad tempus mitiore pœna, expleto tempore recipere pristinum decurionatum, addita ratione: *ne pœna, sententia determinata contra fidem sententia ulterius porrigatur*: quod etiam idem traditum de relegato ad tempus mitiore sententia, l. Imperator §. 10. de postlimin. At ut respondeamus utendum est eadem separatione, qua ante vsumus ad l. ob pecuniam, de furt. In qua Papinianus ait, *eum qui subripuit pecuniam ciuitatis cuiusdam, non teneri crimine peculatus*: & tamen lex 4. §. ult. sup. ad l. Iuliam peculat. ait, *eum teneri crimine peculatus*, sed addit, *ex constitutionibus Traiani & Adriani*. Papinianus non respicit ad constitutiones, sed ad ius ipsum, quod semper separatur à constitutionibus, ut l. falsa, de cond. & demonstrat. l. 4. §. deinde ff. de doli except. Plane apud Capitolinum Macrinus Imperator ius separabat à Constitutionibus, cum id se acturum testabatur, ut iure non rescriptis ageretur. Et ita quod ante maxime ex Papiniano proposuimus, iure ipso verum est: at ex constitutione Antonini aliud est receptum & constitutum; imo ex edicto Antonini, quod est grauius rescripto, ut ait l. 3. hoc tit. Cuius edicti pars est in d. l. 1. C. de iis qui in exil. dati sunt. ne post hac, id est, ne in posterum (quibus verbis abrogat ius vetus quod sequitur Papinianus) pœna temporaria post impletum pœna tempus ulterius porrigatur, & impediat quo minus quis vel recipiat pristinos honores, vel novos adipiscatur.

Ad §. In eum qui successorem.

In eum, qui successorem sub periculo nominauit, si finito magistratu successor idoneus fuit, actionem dari non oportet.

IN hoc §. ostenditur, non aliter dari actionem in nominatorem magistratus, quam si magistratus quem nominauit

B ij



minauit, non fuerit idoneus eo tempore quo conueniri potest, id est, tempore depositi magistratus. Responsum est de magistratibus municipalibus siue duumuiris, qui annui erant magistratus, & sibi sub finem anni successores nominabant, qui sequenti anno duumviratu fungerentur & nominabant suo periculo: neque tamen si quid successores male gessissent, ipsi, qui nominauerant, statim conueniri poterant, quia prius sunt excutiendi rei principales, hoc est, duumviri, qui Rempub. administrauerunt, & ita demum agi potest cum nominatorib. si principales rei soluendo non fuerint, si ab eis respub. suam seruare non possit, aut consequi. Denique prius respublica conuenire & excutere debet reum principalem, qui rempub. gessit quam nominatorem vel fideiussorem, vt l. 17. §. filium, hoc tit. l. 3. §. ult. de adm. rer. ad ciuit. pertinent. l. 1. C. de decur. Et alia est ratio priuati creditoris, alia reipublicae. Plus saepe datur priuatis, quam fisco vel reipub., quoniam sunt acerbiores exactores, quam priuati creditores. In priuati creditoris arbitrio est, aut fuit sane in electione, quem prius conueniat, debitorem, ipsum principalem, an fideiussorem, vel nominatorem, puta, nominatorem tutoris, l. 1. C. de fideiuss. tut. l. 3. C. de fideiuss. Quod tandem ad extremum Iustiniani Nouella mutauit, adempta priuato creditori potestate electionis, & restituito iure vetustissimo, quo non licebat fideiussores appellare, cum reus principalis erat locuples & idoneus: aut sane, vt Marc. Tul. ait, hoc habuit quandam *duumvirum*, fideiussorem appellare, cum reus est idoneus. Est igitur hodie hac in re idem ius priuati creditoris & reipublicae vel fisci, vt excutiantur prius vires rei principalis, quam inquietetur vel fideiussor, vel nominator, aut affirmator, siue laudator, qui veluti fideiussor tenebatur, vel collega.

## Ad §. In fraudem.

*In fraudem ciuiliū munerum per tacitam fidem praedia translata, fisco vindicantur: tantumque alterum interdicta rei minister de suis bonis cogitur soluere.*

**V**T intelligatur hic §. sciendum est, munerum ciuiliū quaedam esse patrimonialia, quae praediis & possessionibus indicuntur; alia esse corporalia, siue personalia quae personis indicuntur, nec sumptum, aut impensam ullam requirunt, sed laborem corporis tantum. Personalia obsequia soluunt tam opulenti quam inopes. Patrimonialia fortunati tantum; quia ipsa non habendi necessitas, vt ait l. 4. §. pen. de muner. & honor. b. inopes satis excusat, etiam si aliquando locupletes fuerint, vt in l. 4. de iis, qui num. lib. vel pauperi. excus. mer. lib. 10. C. Inopes sunt, qui non habent praedia: nam opum nomine proprie continentur praedia tantum, quae solo continentur, vt in l. 11. §. si filio, ad l. Falcid. l. 2. C. quando & quib. quart. pars debeat. lib. 10. Quibus ita praemissis finge, aliquem in fraudem reipub. vt se subtraheret, liberaretve muneribus patrimonialibus, praedia, quae possidebat, alienasse senatori populi Rom. qui ea munera non agnoscit, & alienasse per imaginariam venditionem, vel, vt Papin. ait, per tacitam fidem, id est, interposita fide seruandi sibi ea bona, eorumque bonorum reditus omnes, interposita tacita conuentione. Hoc vero genere fraus manifesta facta est reip. cui debentur munera ciuilia. Et haec fraus etiam ex Constitutione aliqua plectitur, vt opinor, plectitur videlicet praediis fisco vendicatis ab emptore, qui tacitam fidem interposuit seruandarum possessionum venditori, & quasi rei illicitae minister fuerit, eo emptore inferente fisco eorundem praediorum estimationem. vterque punitur venditor & emptor, quia communis est fraus, vt l. 1. ad leg. Fab. de plagiar. l. circumcidere §. 1. ad l. Corncl. de fcar. l. 19. C. de cursu pub. Plin. 2. Epist. ep. 11. *Aequissimum est commune cri-*

*men emptoris & venditoris, ab utroque defendi, & si diu non possit, in utroque puniri. Et placet elegans sententia Cypriani Epist. 68. Qui inunguntur in culpa, in poena non separentur. vt similiter in l. si quenuquam, in fi. C. de episcop. & clericis. Quos par facinus coinquinat, & aequat, utroque similis poena comitetur.*

## Ad §. vltimum.

*Ius originis in honoribus obeundis, ac muneribus suscipiendis, adoptione non mutatur. Sed nouis quoque munerib. filius per adoptionem patrem adstringitur.*

**E**X responso vltimo huius legis notandum est, per adoptionem non mutari ciuitatem, in qua is, qui adoptatur vitam accepit, sed augeri cum alia ciuitate, vt si te, verbi gratia, Lugdunensem Massiliensis adoptauerit, duae tibi sunt ciuitates, quasi bis genito: ciuem non tantum origo facit, sed etiam adoptio, l. 1. hoc tit. l. ciues, C. de incolis, lib. 10. l. in adoptionem, C. de adopt. Idcirco non tantum in ea ciuitate, unde originem ducis, munera ciuilia facere debes, sed etiam in ciuitate & patria adoptatoris, quandiu durat adoptio, vt additur in l. seq. Si adoptio emancipatione soluat, & filius esse desinit adoptatoris. desinit etiam ciuis esse eius ciuitatis, in quam per adoptionem transferas. Denique adoptatus & ius ciuitatis suae retinet, & patriam adoptiui patris adsequitur. Patria à patre dicitur, l. 1. C. ubi perant. tut. vt alius est pater naturalis, alius ciuilis ei, qui adoptatus est, ita duplex est patria, naturalis, & ciuilis, nec enim adoptio naturalem patriam perimit. Ciuilis ratio non potest corrumpere ius naturale, originis & sanguinis.

## Ad l. 17. eod.

*Libertus propter patronum à ciuilib. muneribus non excusatur. nec ad rem pertinet, an operas patrono, vel ministerium capto luminibus exhibeat. Liberti vero senatorum, quae negotia patronorum gerunt, à tutela decreto patrum excusantur.*

**L**ibertum non excusari à muneribus personalib. reipublicae, patriae suae, propter operas, propter obsequia, vel ministeria, quae patrono suo debet & praestat, etiam si, vt ait Papin. quod notandum, patrono, cui Deus caelum abstulerat, ducatum exhibeat, si ductarius sit patroni luminibus orbi. Vtrique seruire debet patriae & patrono, vt l. 1. C. de liberr. l. 1. C. ad l. Visell. Patria vero liberti non alia est, quam quae patrono, vt constat ex l. filij §. municipes. & l. eum, l. assumptio §. ult. hoc tit. Manumissio quasi natalis dies municipem siue ciuem facit, l. 1. hoc tit. Alius Gallus apud Festum, *Municeps* est, inquit, qui in municipio à seruitute se liberauit à municipe. Et hoc quidem, vbi Papin. proposuit initio huius legis, addit mox veluti exceptionem quandam in §. 1. vt libertus tamen senatoris, qui senatoris negotia omnia procurat, excusetur à tutelis, licet tutelae etiam sint munera ciuilia, quod ait esse ex Senatusconsulto. Sed hoc Senatusconsultum iuris interpretes strictius acceperunt, puta, vt hanc immunitatem à tutelis habeat vnus libertus tantum senatoris, qui eius negotiis instat, non plures liberti, & vt libertus senatoris maris non foeminae, h. e. libertus clarissimi viri, non clarissimae foeminae, l. 15. §. libertus, de excusat. tut. l. 13. C. eod. tit. & vt immunitatem habeat à tutelis tantum, non à ceteris muneribus ciuilibus: & rursus libertus, qui, vt dictum est, patroni senatoris negotia procurat, non etiam, qui tutelam filiorum eius administret, l. libertus, eod. tit. non etiam libertus, qui ius annuli aurei impetrauit, qui habetur pro ingenuo, non pro libertino, & ita est proditum in l. 1. & l. cum ex oratione §. ult. eod. tit. de



*excusat. tut.* Itaque apparet Senatusconsultum, quod A  
proponitur in hoc §. i. accipi restricte.

#### Ad §. filium.

*Filius pater decurionem esse voluit. Ante filium ex persona sua respublica debet convenire, quam pater ex persona filij. Nec ad rem pertinebit, an filius castrense peculium tantum possideat, cum ante militasset, vel postea.*

**N**Otandum est, patrem, cuius voluntate filiusfam. decurio factus est, qua in re sufficit tacita voluntas, id est, taciturnitas patris, quæ consensum imitatur, eum, inquam, patrem, cuius voluntate filiusfamilias decurio factus est pro filio reipub. obligari ex nuda voluntate atque tacita quasi fideiussione, videl. eorum nomine, quæ filius gesserit in rep. vt l. 2. hoc tit. & l. 1. C. de filiisfam. & quemadmod. pater pro iis teneat lib. 10. Sed uti proponitur in hoc §. filium prius conveniri debere ex sua persona ob rem male gestam, quam patrem ex persona filij l. 1. C. de decurion. sicut ante diximus in l. 15. prius esse conveniendum nominatum ad magistratum vel munus publicum quam nominatorem; prius esse excutiendum reum principalem. Ergo in hoc proposito pater non tenetur reip. aliter, quam si filius solvendo non sit; vt si nihil habeat filius in boni proprium, nihil habeat: sed si eo tempore, quo factus est decurio, habuerit castrense, vel quasi castrense peculium, vel adquisierit post decurionatum, nihil refert, vt ait Papin. quo quidem peculio periculum & damnum pecuniæ reip. sarcitur; & si sufficit, omnimodo liberatur pater, quia reus principalis est idoneus.

#### Ad §. Præscriptio.

*Præscriptio temporum, quæ in honoribus reputandis, vel aliis suscipiendis data est, apud eosdem servatur, non apud alios. Sed eodem tempore non sunt honores in duab. ciuitatib. ab eodem gerendi. Cum simul igitur utrobique deferuntur potior est originis causa.*

**N**Otandum est legibus esse præscripta tempora certa post depositum honorem municipale, interual- la certa temporum, vt ait, quib. is, qui perfunctus est honore aliquo municipali, neque repetere cogitur eundem honorem, neque capere nouum: hæc sunt tempora quinquennij in repetendo eodem honore. Nam qui eo functus est semel, non cogitur eundem repetere ante quinquennium. In honore autem nouo adipiscendo est præscriptum triennium, vt ostenditur in l. 2. C. de munerib. & honor. non continuandis, hæc obtinet in municipiis, vel prouinciis. In vrbe autem post depositum honorem consulatus vel præturæ ex Senatusconsulto seruabatur quinquennium, puta, ne quis ante quinquennium fortiretur prouincias, vt scribit Dio 40. & 58. & 53. Ac ne volens quidem ante quinquennium potest post Consulatum vel præturam obtinere prouinciam. At in municipiis etiam intra illa tempora, quæ dixi, quinquennij vel triennij volentes ad eosdem, vel alios honores accedere possunt, modo non eosdem iunctim percurrant atque continuent, nec omni quidem spatio intermisso saltem, & hoc est, quod ait l. 18. quæ sequitur. *Interuallo temporum, de quibus agimus in continuandis honoribus, inuitis non etiam volentibus concessa, dum ne quis continet honorem sine intermissione vlla.* Ergo qui perfunctus est honore aut munere publico, intra ea tempora inuiti si vocentur ad eadem vel alia munera publica, ij possunt seruari præscriptione legib. constituti temporis, cuius immunitate uti licet, Item (vt Papinianus ait in hoc §.) *præscriptio hæc temporum seruatur apud eosdem.* Quod male initio Accursius interpretatur de familia eius, qui se-

mel munere publico, semel honore functus est, cum hoc potius velit, hæc tempora seruari apud eosdem, id est, in eadem ciuitate, vt & in Basil. *ἐν τῇ αὐτῇ πόλει*, non in alia ciuitate. Nam si duarum ciuitatum ciuis sum, & in vna functus sim hoc anno duum viratu vel curatione quadam publica, mox sequenti anno in alia idem honos, idemve munus mihi inuito deferri potest. Præscriptio igitur illa temporum pertinet tantum ad eandem ciuitatem, non ad aliam ciuitatem. At non omittit Papinianus, quod etiam non potuit omittere, non possemus eodem tempore, eodem honore in duabus ciuitatibus fungi. Vt ecce non possum duumvir esse in duabus ciuitatibus. At cum forte in vtraque ciuitate, quæ me ciuem habet, simul mihi idem honos deferatur, quid fiet? Potior erit causa ciuitatis, ex qua ortus sum, potior erit causa originis: plus debemus patriæ originali & naturali quam adiciitiæ aut ciuili In vindicando ciue duarum ciuitatum potio- rem causam habet ciuitas, quæ genuit. Et hæc est sententia huius §.

#### Ad §. Sola ratio.

*Sola ratio possessionis, ciuilibus possessori muneribus iniungendis, circa privilegium specialiter ciuitati datum, idonea non est.*

**I**N hoc §. Papinian. ait, Solam rationem possessionis in muneribus ciuilibus iniungendis idoneam non esse, C *citra speciale privilegium quod ciuitati dedit Princeps.* Hanc sententiam Papinian. male Accursius accipit de personalibus muneribus, cum nominatim loquatur de munerib. possessori iniungendis, hoc est, de muneribus quæ possessoribus iniunguntur, quæ constat esse patrimonialia, non personalia l. 6. §. ult. & l. ult. §. patrimoniorum, de mun. & honor. nominatim ergo loquitur de muneribus, quæ possessori ratione possessionis, tanquam possessori iniunguntur, quæ munera patrimonij sunt. Munus patrimonij & munus possessionis idem est. Nec est quod Accursius moueatur l. form. §. is vero, de censib. quæ, si hæc Papiniani sententia accipiatur de patrimonialibus muneribus cum ea pugnare videtur, dum ait: Eum qui in territorio alienæ prouinciæ vel ciuitatis agrum possidet, in ea ciuitate in qua ager est, tributum soli pendere debere: quod æquum sit agri tributum eam ciuitatem leuare, in cuius territorio possidetur: & tamen Papinianus ait: Solam rationem possessionis agri non sufficere, vt possessori indicantur munera, quæ possessionibus, possessoribusve indicuntur. Sciendum enim est, munera patrimonialia esse duplicia. Quædam possessoribus prædiorum indicuntur, tam exteris quam ciuib. & incolis; vt tributiones functionesque solemnes, vt tributa solemnia, quæ debentur fisco, d. l. forma. §. is vero, & d. l. 6. §. ult. l. ult. §. patrimoniorum: de muner. & bon. Eadem etiã munera, quæ dixi, omnibus possessoribus iniungi, iniunguntur & fœneratorib. licet nullum prædium possideant, quod maximè notandum est ex l. filij §. ult. hoc tit. et si possessionem non habeant. Plerumque fœneratores omne patrimonium in pecunia habent. Ideoque ab iis videntur esse muneribus immunes, quæ possessoribus indicuntur: quia ipsi possessores non sunt: Nam possessores cum dicimus, prædiorum possessores dicimus. Et eam obrem etiam veteri Senatusconsulto fœneratores iubentur duas partes patrimonij in solo collocare, apud Sueton. in Tib. ne fraus fiat solemnibus intributionibus, vel tributis soli. At postea placuit vt fœneratores, tametsi rem soli nullam habeant, perinde atque possessores solemnibus intributionibus fungerentur, d. l. filij §. ult. Quædam alia sunt munera, quæ & possessoribus indicuntur, sed debentur ciuitati, non fisco; vt munus exigendi tributum, quod non penditur fisco. Munus exigendi tributum patrimoniale est, quia exactio sit periculo eius, quem ciuitas



tractorem creauit atque constituit; itemque munus hospitii, ( quod metatum dicitur ) in domum recipiendi, quo etiam non fungimur sine sumptualiquo & erogatione: hæc munera, quæ ciuitas indicit: hæc ciuitatis onera non indicuntur omnibus possessoribus, sed iis tantum, qui ciues sunt, vel incolæ, *d. l. 6. §. ult.* Et hoc est, quod ait Papin. in h. §. solam rationem possessionis prædij, cui scilicet non est adiuncta causa originis, vel domicilij, seu incolatus, nudam rationem possessionis non obstringere nos iis muneribus, quæ ciuitas possessoribus indicare potest, quia sola possessio per se neque ciuem facit, neque incolam; & hoc est quod repetit idem Papin. in §. *sola domus, inf.* Sola domus possessio, quæ in aliena ciuitate comparatur, domicilium non facit, id est, eius ciuitatis incolam eum, qui domicilium in ea possidet, non facit, & consequenter non obligat eum sola domus possessio ciuilibus muneribus, ne iis quidem, quæ patrimonio iniunguntur, quod est proditum in *l. 4. C. de incol. & l. 52. C. Theod. de Decur.* Sedium positio & certa larium collocatio domicilium facit, non sola fundi aut domus possessio. & hoc est etiam, quod ait lex 35. hoc tit. Sententia legis hæc est, eum, qui in agro demoratur, vel diuersatur tantum ad tempus ruris colendi gratia, non esse eius loci vel ciuitatis, sub qua ager est, incolam. Qui moratur ad tempus in agro suo in aliena ciuitate, aut territorio alieno ciuitatis, non ideo est eius ciuitatis incolæ, quia non utitur, ut ait, *ἐξ αὐτοῦ τοῦ τόπου*, id est, eius ciuitatis muneribus non utitur præcipuis, veluti foro, curia, balneo, spectaculo, honoribusque publicis. qui iis utuntur, vel ciues sunt, vel incolæ, ut *l. eius, qui §. 1. hoc tit.* At iis hic non utitur. Ergo neque ciuis est eius ciuitatis, neque incolæ: & ita etiam explicanda est *l. pupillus. 239. §. incolæ, de verb. sign.* eum non esse incolam, qui utcumque in oppido moratur, sed qui se in oppidum quasi in sedem suam recepit, qui in eo oppido sedes suas habet, & constitutionem rerum suarum fecit. Et ita etiam explicanda est *l. 3. C. de incol. si legatur negatiue ut vulgo.* Verum huic sententiæ Papin. additur hæc exceptio; *Citra priuilegium specialiter ciuitati datum,* quibus verbis significatur, ex speciali priuilegio ciuitati dato etiam eos obligari omnibus patrimonialibus muneribus, qui neque ciues sunt, neque incolæ, si vel vnum prædium in ea ciuitate vel territorio possideant: iure communi non obligari, iure singulari, id est, priuilegio obligari, ut in *l. 6. C. de incol. l. ult. §. præterea, de mun. & honor.*

#### Ad §. postliminio.

*Postliminio regressi, patria muneribus obtemperare coguntur, quamuis in aliena ciuitatis finibus consistant.*

Sententia hæc est: Captiuitate amissam patriam postliminio recuperari: omnia iura recuperari postliminio; ergo & ius patriæ. Sed ait, postliminio recuperari ius patriæ, etiamsi nondum ingressi simus ciuitatem ipsam, ex qua pater ortus est, sed in finibus consistamus, & in territorio alienæ ciuitatis in eadem prouincia tamen, ut in *l. postliminio §. postlim. de cap. & postlim. reuers.* Ideoque statim atque postliminio regressi patriam attigimus, patriæ muneribus obtemperare cogimur, id est, inuiti vocamur, ad munera ciuilia. proprie patria, siue, ut Cic. loquitur germana patria est ea, ex qua pater naturalis naturalem originem suam duxit, ut *l. assumptio §. si filius, h. t.* non ea, ex qua originem nostram duximus, quod aperte est proditum in *l. 3. C. de munic. & orig. lib. x.* Denique non ea, in qua nati sumus, sed in qua pater naturalis natus est. Itaque natus Lutetiæ, si pater sit oriundus à Roma, non Lutetiam, sed Romam habet patriam, Romanus nuncupatur, nisi & ipse pater Lutetiæ natus sit. Patria igitur non est omne natale solum, sed natale solum patris: hoc est iure ciuili certissimum.

#### Ad §. Exigendi.

*Exigendi tributum munus inter sordida munera non habetur, & ideo decurionibus quoque mandatur.*

Munus exigendi tributum, quod est patrimoniale munus, ( quoniā exactio fit exactoris periculo, *l. 1. §. 1. l. 3. §. exactorem, de mun. & honor.* ) hoc inquam munus recte decurionibus mandatur, quia non habetur inter sordida & viliora munera. Decurionibus sordida munera non mandantur, veluti obsequium pistrini, vel coquenda calcis, vel etiā panis ciuilis, *l. pen. C. de subscriptorib. & arcar. lib. 10.* at munus exigendi tributum, redigendi tributum quod debetur fisco, iniungi potest etiam decurionibus. Ergo non est sordidum munus.

#### Ad §. Ex causa.

*Ex causa fideicommissi manumissus in muneribus ciuilibus manumissoris originem sequitur, non eius, qui libertatem relinquit.*

Debitabatur cuius originem sequatur is, qui ex causa fideicommissi manumissus est, antestatoris, qui reliquit fideicommissariam libertatem, qui rogauit manumitti: an heredis vel legatarij, qui manumisit? nam in plerisque causis is, qui manumisit ex causa fideicommissi, pro patrono non habetur, tamen si reuera sit patronus. Ideo autem in plerisque causis pro patrono non habetur, & ius patroni non habet, quia libertatem non dedit, sed soluit debitam. Is tantum iure ciuili videtur esse patronus, qui gratuitam libertatem dedit, non debitam. Hic quia libertatem debitam coactus dedit, in plerisque causis ius patroni non habet, *l. nequaquam, de excus. int. l. qui ex causa, de bon. liber. l. 1. C. de lib. & eorum lib.* Attamen in quaestione proposita placet manumissum ex causa fideicommissi, sequi potius patriam heredis vel legatarij, qui manumisit, & in ea fungi muneribus ciuilibus quam patriam testatoris: quia ea fuit mens testatoris, ut manumissoris patriam sequeretur, utque eum solum patronum haberet, nec esset libertus orcinus.

#### Ad §. In adoptiua.

*In adoptiua familia susceptum, exemplo dati muneribus ciuilibus apud originem aui quoque naturalis, respondere Divo Pio placuit: quamuis in isto fraudis nec suspicio quidem interueniret.*

Iam diximus in *l. 15. §. ult. h. t.* filium adoptiuum etiam patris naturalis naturalem originem sequi, nedum patriam patris adoptiui, denique vtriusque patris originem sequi. Cur etiam patris naturalis? ratio, quam ibi non exposuimus, hæc est: nam si dicamus patriam patris naturalis amitti per adoptionem, per hanc causam, in fraudem reip. se quisque dabit in adoptionem, ut se subtrahat muneribus patriæ suæ originariæ. Fraude carere adoptio debet, *l. cum ratio, de bon. damn. l. fideicommissum, de cond. & demon.* & Cic. pro domo sua: *Ne qua in adoptione calumnia, ne qua fraus, ne quis dolus adhibeatur.* Et huic adoptioni, aut omni adoptioni videtur inesse fraus, aut suspicio fraudis iusta; ut mutet quis familiam suam, ne patriæ suæ naturalis muneribus fungatur, sperans aut existimans per adoptionem mutari etiam ciuitatem: quod ius non patitur, ne commento adoptionis etiam fraus admittatur. Vnde dubitatur cum fraudis suspicio faciat, ut qui se dat in adoptionem, non ideo minus sequatur originem patriæ patris sui naturalis, an nepos ex filio adoptiuo natus, susceptus in adoptiua familia, aut naturalis originem sequatur, quia in nepote nato in adoptiua fa-



milia ex ex adoptiuo filio cessat suspicio fraudis, cum non A sit datus, non adscitus in adoptiuam familiam, sed natus. Et eadem ratione mulier, per matrimonium longe aliter, quam per adoptionem definit sequi originem patris sui naturalis, l. ult. §. item rescripserunt, h. tit. l. uni. C. de mulierib. in quo loco mun. sexui congr. & conu. exequi debent. Quia scilicet nulla potest interuenire suspicio fraudis in votorum festinatione, in nuptiis cōtrahendis: nec videtur de fraudanda sua ciuitate potissimum cogitare, quæ per nuptias in aliam ciuitatem transit. Ideoque per matrimonium mulier amittit naturalem originem sui patris: quia necessario eligit nuptias, & in rem etiam publicam. At in nepote suscepto in adoptiuam familiam, licet datus non sit, sed natus in ea, quoniam hoc res ipsa attulit, natura perfecit, non opera nostra, non commentum nostrum, aut fraus excogitata à nobis, videtur æquum, vt desinat sequi patriam aui naturalis. Sed vt proponitur in hoc §. Diuus Pius idem constituit in nepote edito in adoptiuam familiam, vt sc. sequatur vtramque patriam patris sui, id est, filij adoptiu. Nam ita ius est, vt conditionem patris sequatur filius ex iustis nuptiis procreatus. Pater est duarum ciuitatum ciuis in hac specie. Ergo & auiarum ciuitatum ciuis erit nepos ex eo susceptus.

#### Ad §. Error eius

Error eius, qui se municipem aut colonum existimans, munera ciuilia suscepturum promisit, defensionem iuris non excludit.

Q Vidam cum falso existimaret, se esse municipem vel incolam certæ ciuitatis, vel colonum, per errorem ei ciuitati promisit, se facturum munera ciuilia, res publica in eo laboraret, & quæreretur idoneum, qui ea obiret munera ciuilia. Denique per errorem promisit, se ea suscepturum munera, ac si deberet his muneribus fungi, tanquam ciuis vel incola. Ex hac promissione in eum reipublicæ competit actio, sed tueri se potest exceptione doli mali, qui rem indebitam promisit per errorem, quam Papinianus vocat iuris defensionem, vt l. sufficit, de cond. ind. Exceptio quid est? defensio iuris: poterit ergo se tueri exceptione doli mali: & addatur, ei quoque competere conditionem liberationis, conditionem incerti, vt scilicet eum liberet res publica, & absoluat promissione sua, argumento l. 2. §. aliud iuris, ff. de donationib.

#### Ad §. Patris domicilium.

Patris domicilium filium aliorum incolam ciuilibus muneribus aliena ciuitatis non adstringit: cum in patris quoque persona domicilij ratio temporaria sit.

H Oc loco necessario repetendum est, quod supra Attigi, filium sequi originem patris naturalis, non originem propriam, l. adsumptio §. filius, h. t. l. 3. C. de municip. & orig. lib. 10. pro qua heri male adduxi l. 3. C. de incolis, quoniam est l. 3. C. de municipib. & orig. quæ aperte demonstrat, filium sequi originem patris naturalis, non propriam, nisi in ea retineatur iure domicilij, non etiam originem matris. Patria dicitur à patre, vt ostendit l. 1. C. ubi petant. tut. Patriam à patre dicimus, non à matre, quod etiam ostendit l. nullus, C. de decurionib. Præter quam si speciale priuilegium datum sit ciuitati, vt eam ciuitatem sequantur, quibus matres sint eius ciuitatis ciues, l. eos, qui, C. eod. tit. Alias patrem patriæ non ducimus à matre, sed patriam à patre totam. Et inde notum, quod Virgilius lib. 8. ait

Gnatum exhortarer, ni mistus matre Sabella

Hinc partem patriæ traheret.

Non est secundum ius, sed poetice dictum, vt & Sidorius Apollinaris docet 4. Epistol. cum ex eo loco Virgilij tentat, & originem matris computari in partem patriæ. Sequitur etiam filius originem patris adoptiu, vt dixi in §. in adoptiuam, & l. 15. §. ult. Domicilium autem patris filius non sequitur, & ita est expressum in d. l. adsumptio §. filius. filius ciuitatem, ex qua pater eius originem ducit, non domicilium sequitur: hoc Papinian. in h. §. ita verum esse declarat, vt filius non sequatur domicilium patris: si ipse filius non in ea ciuitate in qua pater domicilium habet, sed in alia ciuitate sibi domicilium fecit. De filiof. loquitur. filiusf. potest domicilium proprium habere vbiunque voluerit, l. 3. & 4. hoc tit. ergo non cogitur sequi domicilium patris, sed quodcumque vult sequitur, & addit rationem Papinian. quia in patris quoque persona domicilij ratio temporaria est, non perpetua; hoc est, incolatus patris non est certus, non est certum domicilium. Filius non sequitur incertam & temporariam sedem patris, sed eam, quam ipse sibi sedem delegerit. Cœli & domicilij libera cuique electio est, patrifamilias vel filiofamilias, l. miles, hoc tit. & ita siue etiam ingenno siue liberto: nam & libertus si alterius ciuitatis sit incola, h. e. si in alia ciuitate domicilium fixerit, non sequitur domicilium patroni, originem sequitur. Originis ratio est perpetua, originem patroni sequitur, non domicilium, qui sibi aliud domicilium fecit, l. eius, qui manumissus, hoc tit. At filius vel libertus, si alterius ciuitatis sit incola, tum sane sequitur domicilium patris vel patroni, vt l. adsumptio §. ult. l. filij in pr. hic. Et hac sententia huius §. Quod dixi initio, originem patris naturalis patriam facere, non originem propriam; ex eo iure nostro, quod est certissimum, non iure quo utimur, velim vos annotare, quoties in iure nostro fit mentio loci, ex quo quis oriundus est, (sic autem mentio in numeris locis, l. adsumptio, in pr. l. pen. huius tit. l. pen. de senat. l. 7. §. interdicere, & §. seq. de interd. & releg. l. Diuus, de tut. & cur. datis) in his omnib. locis oriundi, originis appellationem esse accipiendam proprie pro origine paternæ, vt scil. notetur ea appellatione locus originis paternæ, non natale solum, in quo quis natus est. In his omnibus locis retenta propria est significatio verborum aliter, quam sentiat Ant. Augustin. & vt sentit Alciatus significatur locus originis paternæ, non natale solum in quo quis natus est. Nec obstat l. provinciales, de verb. signif. quæ prima facie videtur esse difficilis, imo falsa, quia & generaliter facta est, & vera tamen specialiter, h. e. non pertinet ea lex ad omnes partes iuris, sicut nec vltima lex tituli illius, vel tituli de reg. iuris. Et ait, provinciales esse eos, qui in provincia domicilium habent: hoc est verissimum, sed subiicit, eos non esse provinciales, qui ex provincia oriundi sunt, id est, qui patrem habent provincialem, quod generaliter est fallum, vt patet ex superioribus, specialiter est verum: nam pertinere videtur tantum ea sententia ad eas constitutiones principum, quibus Præses provinciae, vel Procurator Cæsaris, vel Præfectus cohortis, vel tribunus militum, vel etiam quicumque in provincia meret, & officium aliquod administrat, prohibetur mulierem provincialem vxorem ducere, quia per impressionem sæpe & potestatem inuitas plerumque ducerent vxores nobiliores in ea provincia, ideoque qui officium aliquod administrat in provincia, provincialem ducere non potest, l. 3. §. i. de donat. inter vir. & vxor. In his Constitut. provincialis non æstimatur ex sola origine patris naturalis sine domicilio. Nam ea, quæ oriunda est ex provincia Narbonensi, nec tamen eam provinciam incolit id est, in ea domicilium non habet; iure ducitur vxor à Præsede provinciae Narbonensis, vel ab eo, qui ibi meret, quia cessat ratio potentatus, qui huiusmodi nuptias prohibuit, l. præfectus, de rit. nupt. neque enim Præses provinciae, vel qui aliud officium in provincia administrat, quidquam potest in eam, quæ ibi domicilium non habet.



Igitur quod ait *l. si quis officium, de ritu nupt.* eum, qui officium administrat in prouincia non posse ducere ibi oriundam, vel ibi domicilium habentem, pugnare videtur cum *d. l. prouinciales*, quæ pro prouinciali non habet eam, quæ prouincia oriunda est. Sed breuis distinctio rem expedit. Non potest ducere ex ea prouincia oriundam, si in ea habeat domicilium, sed alibi domicilium habentem, licet inde oriunda sit, quasi non habeatur pro prouinciali, iure ducere potest. Denique prouincialis non est in hac quæstione, quæ ex prouincia oriunda est, si in ea domicilium non habeat, si in ea larem non habeat, sed quæ in ea domicilium habeat, licet aliunde oriunda sit. & ita explicanda *d. l. prouinciales*.

#### Ad §. in quæstionibus.

*In quæstionibus nominatos capitalium criminum ad novos honores ante causam finitam admitti non oportet. Ceterum dignitatem pristinam interim retinent.*

**H**is verbis non significat simpliciter nominatos ab indice, sed etiam accusatos capitalium criminum. Nam qui tantum nominatus fuit ab indice, necdum reus postulatus est iudicio publico, non prohibetur aut arceatur nouis honoribus, *l. 6. §. si quis accus. de munerib. & honor.* At qui accusatus est, qui factus ab accusatore reus capitalis criminis, nouos honores, quamdiu est in reatu, petere non potest ante causam finitam, antequam purgauerit innocentiam suam, ante sententiam, *l. 3. §. quod pater in reatu, & l. reus, de munerib. & honor. & l. 1. C. de reis post. lib. 11.* cum qua puto esse coniungendam *l. reum, C. de proc.* quæ etiam reo postulato in causis agendis interdicat procuratoris officio. Tantum igitur abest, ut reus delatus, honore nouo fungi possit, ut non possit in litibus ut procurator pro alio interuenire. Recte ait, *Nouos honores*, nam pristinum retinet, ut si sit decurio, qui in crimen vocatur, decurionatus honorem retinet, ideoque tormentis & pœnis plebeiourum subiici non potest. Et hæc est sententia Papiniani. Ut priscos honores in crimen vocatus retineat, non nouos adipiscatur ante absolutionem, ante finitam litem. Quod ius ex urbe videtur manasse ad municipia, nam apud Sallustium legimus, Catilinam fuisse prohibitum consulatum petere, quod reus esset repetundarum. Et M. Tullius contra Rullum; cum recenseret iustas causas repulsarum, quæ tamen non erant exceptæ lege Agraria: *Hac lege*, inquit, *non excipitur adolescentia, non legitimum aliquod impedimentum, non magistratus, non potestas vlla aliis negotiis & legibus impedita, non reus denique, quo minus decernitur fieri possit.*

#### Ad §. penult.

*Sola domus possessio quæ in aliena ciuitate comparatur, domicilium non facit. Nominati successoris periculum fideiussorem nominantis non tenet.*

**S**ententia hæc est: fideiussor magistratus siue diuiri municipalis, qui cauit rempublicam saluam fore, teneri pro iis quæ gessit magistratus in magistratu ipso: non teneri autem eum fideiussorem pro eo, quem honore depositum magistratus sibi successorē nominauit: quia scilicet in causam administrationis fideiussit, non in causam nominationis, ut *l. 2. C. de per. tut.* Tenetur ergo de administratione magistratus tantum, non ex nominatione, sed ipse solus, qui nominauit tenetur, si res seruare non possit ab eo quem nominauit, ut *l. 15. §. in eum, sup.* At notandum, aliud esse in patre, cuius voluntate filius decurio factus est, nam & hic reip. obligatur pro eo, quem filius sibi successorē nominauit in magistratu, *l. 2. b. t.* Plenior est obligatio patris quam fideiussoris, quoniam pro eo tenetur pater

**A** generaliter, quod gessit filius in rep. & in eo iure Gestæ appellatio latissime manat. Pars gesti est nominatio. Ergo cum filius patris voluntate decurio factus sibi successorē nominauerit, eo nomine tenetur etiam pater, quia plus est quam fideiussor, & quasi reus ipse, cum pater & filiusfam. pro vno homine habeantur. Et hac distinctione inter fideiussorem & patrem etiam utimur in specie §. ult. ad quem venio.

#### Ad §. ult.

*Fideiussores, qui saluam rempublicam fore responderunt, & qui magistratus suo periculo nominant, pœnalibus actionibus adstringuntur, in quas inciderunt hi, pro quibus interueniunt. Eos enim damnum Reipublicæ præstare satis est.*

**F**ideiussores magistratus cauent, siue ut loquitur Papin. in hoc §. ult. spondent rempubl. saluam fore, h. e. damnum præstare, quod re per magistratum male gesta reip. contigerit. Itemq; respondisse. i. spondisse intelliguntur nominatores magistratum, qui suo periculo successores nominant. utitur Papin. ut dixi, respondendi verbo; cum etiam in idiotismo nostro utimur aptissime, *Je respons, ie fay bon pour toy*, quia omnis fideiussor aut quicunque pro fideiussore habetur, tenetur ex responso, aut velut ex responso, quod interroganti responderit, se daturum vel facturum id, de quo interrogatus est. Eodem sensu etiam Græci dicunt ἀνταρχειν & ἀνταρχειν, respondentes: sed nostri auctores eo verbo tantum utuntur in constituta pecunia, non fideiussione, quamquam & fideiussioni conueniret non minus, quam constitutæ pecuniæ respondendi verbum. Ergo fideiussores & nominatores magistratum cauent de re pecuniaria, cum caueant rempubl. saluam fore, non etiam cauent de pœna aut multa, in quam inciderit magistratus, qui male administrauerit, quia pœna ea est extra rempubl. & consequenter tenentur tantum reipublice iis actionibus, quæ rei persecutionem habent, non actionibus pœnalibus: ut si magistratus pœnæ sit obnoxius, ob interuersam pecuniam publicam; eo nomine reip. non tenentur, *l. fideiussores, de fideiuss. l. vn. C. de per. eorum qui pro magistr. interuen. lib. 11.* Ut autem diximus in §. penult. aliud esse in patre, ita iure videmus nos posse dicere & in hoc §. ult. aliud esse in patre, quoniam latior est obligatio patris, cuius voluntate filius decurio factus est: ergo tenebitur pater in pœnam quam incurrit filius, culpa sua, qui præstat omne factum filij. Verum trahi velim, quod ait Papinian. in hoc §. ult. de fideiussoribus magistratum, etiam ad fideiussores tutorum: nam & tutela munus ciuile est, & stipulationis eadem est formula. rem pupilli saluam fore, in qua etiam nominatim dicitur in *l. cum pupillus, rem pupil. salu. fore*, id venire tantum quod venit in actionem tutelæ, quæ rem familiarem pupilli persequitur, ut salua sit pupillo, non pœnam, Ideoque fideiussor tutoris tenetur in ea, quæ veniunt in actionem tutelæ, quæ rem persequitur, non etiam in ea, quæ veniunt in actionem rationibus distrahendis, quæ est pœnalis in duplum, quoniam non in causam pœnalem se obligauit, sed in causam tantum seruandæ rei pupillaris.

#### Ad l. 6. De decurion. & eor. fil.

*Spuriæ decuriones sunt: & ideo fieri poterit ex incesto quodque natus: non enim impedienda est dignitas eius, qui nihil admisit.*

**I**n hac l. 6. respondet Papin., spurios, hoc est, natos ex stupro, ordine decurionum non prohiberi, quia, inquit, *impedienda non est dignitas eius, qui nihil admisit*, qui innocens est, qui patris, non suo vitio laborat, ut *l. legens*.



gem, C. de natur. lib. l. 2. §. pen. hoc tit. quia nec in potestate cuiusquam est, quemadmodum nascatur: eademque ratione, nec qui nati sunt ex incesto, prohibentur, decuriones fieri. Nascendi conditio infamem non facit, sed vitæ institutique tantum ratio turpis & nocens. Itaque spurij incesti si re & vita honesti sunt, non prohibentur decuriones fieri & Senatores municipales, maxime si deficiant competitores legitime quæsti: quia id nec fordi erit ordini, cum ex eius utilitate sit, semper ordinem plenum habere, l. 3. §. spurios, hoc tit. & contra ex inutilitate eius, & incommodo ordinem paucitate hominum languescere, ut in l. 32. Cod. Theod. eod. tit. denique propter penuriam maxime competitorum, qui legitime quæsti sunt, vulgo quæsti recipiuntur in civitatem & curiam: ut & ipse Aristot. ait 3. Politic.

#### Ad §. Minores.

Minores 25. annorum decuriones facti, sportulas decurionum accipiunt, sed interim suffragium inter ceteros ferre non possunt.

IN secundo autem responso ponit minores 25. annis decuriones creari & Senatores municipales, quod tamen non fit temere, ut ostendit l. nontantum, hoc tit. & l. 3. C. quando prou. non est nec. sed ex causa, ut si sit inopia civium maiorum natu, l. 1. C. qui & adu. quos rest. in int. l. 1. C. qui aetate se excus. lib. 10. vel si minor 25. annis liberos iam quæsierit ex iustis nuptiis: nam ex l. Julia & Papia singuli anni per singulos liberos remittuntur, l. 2. de minor. ut si tres habeat liberos anno vigesimo secundo decurionatum in patria sua petere potest: nam quot habet liberos, tot etiam legi annuarie deminuuntur anni. Idem etiam dat huius ætatis hominibus municipij longa consuetudo, l. ult. in fin. hoc tit. aut princeps, ut l. pen. §. 1. hoc tit. nonnunquam etiam hoc datur infanti, ut à patre allegatur in ordinem decurionum, ut à patre detur curiæ, quæ datio etiam naturalem filium iustum & legitimum facit, & quandoque etiam infantes à patre cooptari in curiam ostendit l. Lucius §. Imp. ad municipal. l. 1. C. de mun. & hon. non cont. l. 19. C. Theod. de decur. Verum ut exponamus dictam l. pen. §. 1. hoc tit. initio ea lex ait, Plebeios relegatos ad tempus, & reuersos finito exilij tempore, non posse allegari in ordinem decurionum sine permissu & indulgentia principis, qua proficiatur ex aliqua iusta causa, cuius mox exemplum subiicit in §. 1. Si reuersus ab exilio minor sit 25. annis, quamvis eum repelleret à decurionatu, cum exilij causa, quod sustinuit, tum ætatis ratio; tamen permotus princeps vultu & dignitate, quæ in ea ætate potissimum efflorescit, hoc ei permittit, ut decurionatum in patria sua obtineret, peteret, nec expectaret Princeps progressum ætatis ab eccellente eximiaque virtute, cuius spem faciebat dignitas, id est, reuerentia oris, vultus, indoles. Dignitas, id est, reuerentia oris, quæ etiam eo loco definitur certa spes eius honoris, certa spes bene gerendi magistratus, certa spes bonæ frugis, ut à Græcis indoles definitur καλὴ ἐλπίς ἐν τῷ νοτίῳ. Verum in ea l. pen. §. 1. sic lego, nisi eius ætatis fuerint, ut nondum decuriones creari possent, & dignitas, addita subdistinctione, certa spes eius honoris, & alia addita subdistinctione, id est faceret, ut princeps id indulgere possit. sic denique lego ut non recedam à Florent. nisi quatenus pro spem lego spes certa. Certa spes eius honoris, est definitio dignitatis, quo verbo etiam in eadem significatione usus est Marcus Tullius pro Cælio: Quid non tribui possit huic ætati? inquit, quid dignitati? Dignitas oris id efficit, ut Princeps possit indulgere decurionatum minori 25. annis: & hic sensus est §. 1. l. pen. elegantissimus. nec in ea lectione quicquam potest demi. At si minores 25. annis ex causis supradictis, aut ex aliqua causa, quæ supradicta est, Quæst. Respon.

A fiant decuriones, Papinianus docet hoc loco accipere quidem eos sportulas & honoraria decurionum, sportulas, inquam accipere inter ceteros, quas ordini erogant noui decuriones, ut significat l. 6. de donat. int. vir. & vx. Si mulier, inquit, pecuniam à marito acceptam in sportulas pro cognato suo ordini erogauerit. Erogantur pro introitu, sicut Plinius ait in epist. ad Traianum lib. 10. ep. 48. & 115. de electione decurionum, sicuti pro introitu militiæ in l. pen. §. pen. & ult. de leg. 3. pro introitu sacerdotij apud Suet. in Claud. Erogantur, inquit, sportula ordini à nouo decurione, nisi gratuito ei decurionatus concessus sit. ut in antiqua inscriptione, quæ sic habet: Titio ob merita patriæ honorem decurionatus gratuitum decreuit ordo decurionum & Augustus & plebs vniuersa. Minor igitur 25. annis, si forte factus sit decurio, accipit quidem sportulas & commoda decurionatus inter ceteros, sed in curia interim suffragium inter ceteros non fert, antequam peruenit ad iustam ætatem, id est, ad 25. annum. Et hæc est sententia huius responsi, quæ proponitur etiam in l. 8. de mun. & honor. & quod ante notavi ex l. pen. §. hoc tit. constat dignitatem in adolescente nonnunquam efficere, ut ei Princeps decurionatus honorem indulgeat: quod faciat certam spem bene gerendi huius honoris, congruit cum eo quod ait Marc. Tull. §. Philippica, ab eximia ætate non esse expectandum progressum ætatis. Et Plin. in epist. ab optima indole non exigi annorum numerum, & Valerianus apud Vopiscum in Probo: Non expectari ætatem in eo, qui fulgeat virtutibus & moribus polleat. Et hoc solum est, quod nos adnotare oportet de minoribus 25. annis.

#### Ad §. Decurio.

Decurio etiam sue ciuitatis vectigalia exercere prohibetur.

SEquitur in §. decurio, Decurionem non posse suæ ciuitatis vectigalia conducere & exercere, quod etiam est proditum in l. 97. C. Theod. eod. tit. & videtur ab vrbe peruenisse ad municipia: nam in vrbe Senatoribus non licebat, neque per se, neque per interpositam personam ab æratio vectigalia conducere, ut Asconius scribit ad orationem in Antonium, & Dio in Adriano, μή τις βουλευτής, μήτε δορυφόρος τελεώνων ἔστω, ne quis senator vllum vectigal, ne minimum quidem conducatur, vel per se, vel per alium, quia res est indigna Senatore & decurione, qui est Senator municipalis. Quæ ratione non possunt Senatores vel decuriones conducere publica vel fiscalia prædia, l. 2. §. 1. de admin. rerum ad ciuit. pert. l. 1. C. quib. ad cond. præd. fisc. acced. non lic. non licet conducere prædia priuatorum, l. curialis, C. de loc. l. 4. hoc tit. nec suscipere procurationem alienorum negotiorum: & quia indignum est, & ne auocentur aut suum moueantur muneribus ciuilibus, l. si quis procur. C. de decur. unde ἐλάττωσα τελεώνων, Et conductio est procurationis species, ut eleganter ait Nouella Theodosij: ne curia alterius prædium conducatur. Conductor est veluti procurator domini.

#### Ad §. qui iudicij.

Qui iudicij publici questionem citra veniam absolutionis deseruerunt, decurionum honore decorari non possunt, cum ex Turpilliano SC. notentur ignominia, veluti calumnia causa iudicio publico damnati.

EX hoc §. intelligimus, infames fieri decuriones non posse, quia decurionatus honor est, quod habuimus in l. 15. ad municip. Sed ponit exemplum Papin. in hoc §. in damnatis calumniæ publico iudicio legis Rhemniæ, qui vtique famosi sunt: itaque in accusatoribus



damnatæ desertionis lege Petronia & SC. Turpilliano, ob desertam iudicij publici accusationem non petita venia abolitionis. Et ait Papinianus, *Publici iudicij*, quia qui deserit accusationem extraordinariam, non incidit in pœnam SC. Turpilliani, nec si damnetur, notatur infamia, l. *si quis* §. 1. ad SC. Turpill.

#### Ad §. Pater qui.

*Pater qui filio decurione creato prouocauit, etsi præscriptione temporis exclusus fuerit, si quod gestum est non habuit ratum, muneribus civilibus pro filio non tenebitur.*

**E**X hoc §. notandū est, Patrem, qui decurionatui filij non consensit, civilibus muneribus non obligari pro filio, in id, quod Reip. abest, ob ea quæ filiusfam. gessit in republica, quia huic honori non consensit, vt l. 3. *C. ne fil. pro pat.* Et non cōsentire patrem Pap. ait, si filio decurione creato contrariam voluntatem contestatus sit, vt l. *seq.* §. ult. vel vt Pap. si, quod gestum est, ratum non habuit, etiam si appellauerit à nominatione seu creatione filij ad decurionatum, & forte causam vitio suo perdiderit, per præscriptionem lapsis temporibus appellationis, vt in l. *furti* §. 1. *de his qui not. infam.* l. *Herennius* §. ult. *de euict.* quia etiam necesse non habuit appellare, l. ult. *C. de filiisf. & quem adm. pater pro iis ten.* Itaque facile potuit omittere appellationem, nec exequi, cui satis erat contradicere ciuitati nominanti filium, & vocanti ad decurionatum, apud acta Præsidis vel alio modo. Et hæc est sententia huius §. cui tamen prima facile videtur obstare l. 2. *C. de filiisf. & quem adm. pater.* dum ait, patrem, qui filio creato decurione appellat, ostendere causam ad se pertinere, hoc est, causam suam facere, cum satis habuerit contestari contrariam voluntatem: quod cum non fecit, appellando causam suam fecit, & reip. tenebitur, si pronuntiatum sit, non iuste appellatum fuisse. Sed apparet eam l. 2. esse intelligendam de patre, qui appellauit, cum contrariam voluntatem contestatus non esset: hic siue perferat causam appellationis & vincatur, siue non exequatur, acquiescere & consentire creationi videtur, quia appellando rem suam fecit. At in hoc §. Papinian. ponit, patrem, quod gestum est, id est, nominationem filij ratam non habuisse, hoc, contradixisse, ac deinde appellasse, quæ appellatio cum sit superuacua, etiam mittitur impune, ac si non interuenisset.

#### Ad §. Vltimum.

*Prælegiis cessantibus cæteris, eorum causa potior habetur in sententiis ferendis, qui pluribus eodem tempore suffragiis iure decurionis decorati sunt. Sed & qui plures liberos habet, in suo collegio primus sententiam rogatur, cæterosque honoris ordine præcedit.*

**P**APINIANUS in hoc §. ostendit, quo ordine in curia rogentur sententiæ à decurionibus, & ordo quidem vetus & translatitijs, cuius exemplum etiam ab vrbe peruenit ad municipalia, hic est, vt antiquiores primi rogentur sententiam, primi proponant arbitrium suum, vt l. 1. *tit. seq.* Sed Papinian. ostendit in hoc §. aliquando præferri etiam iuniores, aut nouos decuriones, puta eos, qui pluribus suffragiis eodem tempore concordibus honore decurionatus decorati sunt tanquam excellentiores & potiores. Et præferri etiam eos, qui numero liberorum subnixi sunt: nam patres & in sententiis ferendis, & in processu, & concessu, & in albo scribendo præferuntur orbis, l. *in albo*, *C. eod. tit.* Constat etiam omnino eos præferri, qui speciale suffragij prærogatiuam habent, quam in Senatu plerumque habuit Princeps, vt de Tiberio Tertullianus scribit in Apologetico, *reulisse Ti-*

*berium ad Senatum de Christo cum prærogatiua suffragij sui.* Constat etiam eos præferri, qui priuilegium aliquod summæ dignitatis habent, vt l. 1. *tit. seq.* Sed his priuilegiis cessantibus, vt Papinian. ait hoc loco, quæ sunt potiora, sane ordine primi rogantur sententiam, qui plurimum consensu decurionatum adepti sunt: & qui liberos habent, hi rogantur post priuilegia. Qui primus sententiam rogatur, princeps Senatus dicitur in vrbe, & Senator primæ sententiæ: secundus vero senator, dicebatur secundæ sententiæ, aut consularis secundæ sententiæ apud Spartianum in Adriano, & Vopiscum in Aureliano & Tacito: consularis primæ sententiæ.

#### Ad l. 8. de vacat. & excus.

*In honoribus delatis neque maior annis septuaginta, neque pater numero quinque liberorum excusatur, sed in Asia sacerdotum provincia suscipere non cognitur numero liberorum quinque subnixi, quod optimus maximusque Princeps noster Senerus Augustus decreuit, ac postea in cæteris prouincijs seruandum esse constituit.*

**E**X primo responso huius legis intelligimus à muneribus civilibus in prouincijs excusare numerum quinque liberorum, qui modo incolumes sint, id est, viuant, siue bello amissi sint, quoniam in bello amissi pro superstitibus habentur, l. ult. *hoet. l. bello, de excus. tit.* quia vt est in Instit. per gloriam viuere intelliguntur, qui pro Republica ceciderunt, qui per virtutem bellicam interierunt. Et additur à muneribus civilibus excusare ætatem septuaginta annorum, à munerib. civilibus personalibus, veluti à curâ frumenti comparandi, l. 3. §. *quo minus* & §. *cura*, *sup. tit. prox.* vel à tutelis & curationibus, & alijs muneribus personalibus, l. 3. *tit. seq. l. si ultra*, *C. de decur.* & iam pridem ostendi in l. ult. *C. qui ætate se excus. lib. 10.* non esse legendum maiores l. v. annis, sed maiores lxx. annis, inuitos ad munera personalia non vocari, quia non nisi huius ætatis senes à muneribus personalibus excusantur: at ab honoribus municipalib. neque ætas lxx. annorum excusat, neque numerus quinque liberorum, sed neque à muneribus, quæ honoribus cōhærent. Excusat quidem à muneribus personalibus, sed non etiam ab honoribus vel muneribus, quæ honores necessario consequuntur, l. 2. §. 1. *hoet. l. 2. §. ult. de decur. l. 1. C. qui num. lib. se excus. vbi hoc modo legendum est: Numerus liberorum ab honoribus non excusat*, id est, numerus quinque liberorum: & hoc est quod ait Papinianus in hoc primo responso, In honoribus delatis, neque maiorem annis lxx. neque patrem numero quinque liberorum excusari, qui tamen in re decurionatus, quamuis hic quoque honos sit, multum distat à cæteris honoribus: nam à decurionatu excusat ætas l. v. annorum, l. 2. §. ult. *l. non tantum*, *ff. de decur.* ab alijs honoribus nulla ætas excusat. Distat & in alijs plerisque: nam ab honore ad eundem, vel alium honorem, est certi temporis, puta, quinquennij vel triennij vocatio, l. 17. §. *prescriptio*, *ad munic.* à decurionatu suscepto ad alium honorem nulla interea pedo est, nulla vacatio, l. 5. *hoc tit.* item impuberes ex causa ad decurionatum admittuntur, l. *Lucius* §. *Imperatores*, *ad municip.* non ad alios honores, nec si sit inopia ciuium, antequam peruenerint ad iustam ætatem, l. 2. §. ult. *tit. seq.* item decurio vel plebeius relegatus ad tempus finito tempore beneficio Principis decario creari & in ordinem legi potest, non etiam adipisci nouos honores, antequam tantum temporis in curia, inquam allectus est, fuerit, quantum fuit in exilio, quod habuimus supra in l. 15. *ad munic.* At hæc dicere quis posset & obloqui? Si à decurionatu excusatur maior l. v. annis, & per consequentiam à cæteris honoribus



excusatur, quia ceteri honores solis decurionibus deferuntur, non plebeiis, l. honores §. pen. de decur. Ergo falsum est, maiores lxx. annis non excusari ab honoribus. Equidem facile concedo, maiores septuaginta annis, imo quinquaginta quinque annis per consequentiam excusari ab omnibus honoribus si se excusarint à decurionatu: at si quis ad decurionatum vocatus fuerit, antequam excessisset l. v. annum, vel cum excessisset, si sua sponte decurionatum suscepit, vt in d. l. 2. §. ult. de decur. tum sane verum est, quod proponitur in hoc responso, maiores lxx. annis, qui scilicet decuriones sunt, nō excusari honoribus n. municipalibus: & adde etiam non excusari muneribus, quæ honoribus adherent, sicut nulli fere erant honores in Rep. sine sumptibus, sine erogatione aliqua, veluti datione sportularum, vel editione muneris, aut venatione, vt sacerdotium prouinciæ, honor erat, cui tamen onus in honorem deorum ludorum edendorum adhererebat, vt recte Basilica in l. 8 C. de mun. patrim. sacerdotium interpretantur, τὸ ὀφειλόμενον τὸς κοινῶν χάρις, edere munus, edere venationem. Et quamuis ab aliis honoribus & muneribus non excuset numerus quinque liberorum: tamen hoc loco Papinianus docet, iure singulari & speciali numerum quinque liberorum excusare à sacerdotio prouinciæ, & hoc primum decreuisse ait Seuerum Augustum in Asiæ sacerdotio, quod proprio nomine dicebatur Ἀσιάρχια, & quieo munere fungebantur Ἀσιάρχαι, vt in Act. Apostolorum, cap. 19. & Ruffinus munerarios interpretatur. Et postea, ait idem, Seuerum constituisse in omnibus aliis prouinciis, vt scilicet à sacerdotio cuiuscunque prouinciæ excusaret numerus quinque liberorum incolumium: & idem constituisse in omnibus sacerdotiis prouinciarum, vt in Sytiarchia, Bithyniarchia, Cappadocarchia, l. 1. C. de naturalib. lib. l. 6. §. ἔδωκεν ἰσχυρῶς, id est, prouincia sacerdotium, de excusat. tut. pro varietate prouinciarum varia sunt horum sacerdotiorum nomina, & Alytarchia est speciale nomen sacerdotij & flaminis ciuitatis Antiochenæ, l. 1. de offic. Comit. Orient. vbi hodie, vt arbitror, constat pro Lyciarchia legendum esse Alytarchia. & similiter ex veteribus & Basil. in l. ult. C. de cypressis Ἀλυτάρχια. l. 2. C. Theod. de expensis publicorum ludorum, l. 15. C. Theod. de iure fisci.

## Ad §. non alios.

Non alios fisci vectigalium redemptores à muneribus ciuilibus ac tutelis excusari placuit, quam eos qui presentes negotium exercerent. Vacationum priuilegia non [vetant] liberos veteranorum.

SEquitur in hoc §. conductores siue redemptores vectigalium fisci, id est, publicanos excusari à tutelis & ceteris muneribus ciuilibus. Hæc est Constitutio Diuorum fratrum, l. pen. §. conductores, tit. seq. & non honori publicanorum hoc priuilegium, vel hæc immunitas data est, sed ne in gerendo munere ciuili minuantur eorum facultates, quæ conductionis nomine tacite fisco obligatæ & subsignatæ sunt, vt ait in l. penult. §. conduct. tit. sequenti. Idque etiam de iisdem in antiqua inscriptione cautum legi his verbis: Qui publica redemerit, prædes dato, prædiaque subsignato, diuinum arbitratu. Ne igitur publicani patrimonium ex alia causa oneretur, ne minus idoneus fiat exercendis vectigalibus fisci, ideo hæc ei vacatio & excusatio munerum ciuiliu datur, sed iis publicanistantum, vt ait Papinianus hoc loco, qui presentes hoc negotium exercent: ac si idem non habeant absentes, qui per alios, quibus hoc mandauerint, idem negotium exercent, quod omnino est falsum, l. 1. C. de conduct. vect. fisci. lib. 10. Itaque in Basilicis pro presentes, recte scriptum, per se, eos, qui per se negotium exercent, ὅτι ἐαυτῶν, quod est suo nomine officium exercent in d. l. 1. dum ait, Respons. Papin.

A eos tantum à muneribus & honoribus vacationem habere, qui suo nomine, hoc est, per se à fisco vectigal conduxerunt, non etiam eos habere vacationem ab honoribus & muneribus, qui ab eis publica quadam vectigalia exercenda acceperunt, quoniam ea non exercent suo nomine, sed alieno; puta, publicani nomine, qui solus vacationem habet, quia cum eo solo contraxit fisco, & in eius tantum bonis habet tacitam hypothecam conductionis nomine, non etiam in bonis eorum, quibus mandauit vectigalium curam, quæ causa tacitæ hypothecæ facit, vt excusetur à muneribus ciuilibus, vt initio dixi. Neque huic sententiæ Papiniani quicquam obstat l. decimaquinta. §. qui vectigal, de excusat. tut. quæ ait: Conductorem vectigalium ciuitatis à tutelis non excusari, quia, vt breue faciam, non loquitur ea lex de conductoribus vectigalium fisci, de quibus loquitur Papinianus, sed de conductoribus vectigalium ciuitatis, in quibus cessat ratio Papiniani: quia in bonis conductoris fisco habet tacitam hypothecam suo iure, ciuitatis autem non habet: hæc est differentia inter Rempublic. siue ciuitatem & fiscum, l. 2. C. de iure Reipubl. l. simile, ad municip. quæ differentia inducit aliam, vt conductor vectigalium ciuitatis non excusetur à tutela vel muneribus ciuilibus; conductor vectigalium fisci excusetur: & mox subiicit Papinianus, vacationum priuilegia non spectant ad liberos veteranorum: Veterani habent vacationem à decurionatu, & omnibus honoribus & muneribus personalibus, non patrimonialibus. habent vacationem à tutelis & curationibus, à nauium fabrica, ab exactione tributorum, quamuis non sit sordidum munus, l. 3. hoc tit. l. 2. & §. de veteran. l. ult. §. penult. C. sup. tit. prox. Est autem hoc priuilegium, quod veteranis conceditur, personale priuilegium, quia nec ad liberos veteranorum transit, & bene ait, Vacationum priuilegia: nam alia priuilegia, quæ veteranis Constitutionib. conceduntur, transeunt ad liberos eorum, vt priuilegium, quod habent in pœnis, ne subiiciantur tormentis aut pœnis plebeiū, hoc transit etiam ad liberos eorum l. 3. de veteran. non priuilegium vacationis: & in Pandectis Florentinis scriptum est hoc modo, vacationum priuilegia non vetant liberos veteranorum, id est, non transeunt ad eos, non excusant filios. Ex auctoribus nostris soli Papiniano amicum est abuti verbo prisco; solus dixit, insuper habere, pro negligere. & solus, vetare, pro, transire.

## D

## Ad §. qui muneris.

Qui muneris publici vacationem habet per magistratus ex improuiso collationes indictas recte recusat: eas vero quæ à lege sunt, recusare non debet.

OSTenditur in hoc §. quid ei, cui Princeps concessit vacationem publicorum vel ciuiliu munerum, remissum videatur. Et ait Papinianus, non videri remissas solemnes & ordinarias intributiones, quæ legibus vel Senatusconsultis vel Constitut. iunguntur, vt l. 1. C. de vacat. pub. mun. vbi his verbis, merito responsum est, proculdubio significatur responsum hoc Papiniani, vt cui concessa est specialiter vacatio munerum ciuiliu, non excusetur à solemnibus muneribus, indictionibus, functionibus, quia nec possunt remitti rescripto principis, l. 3. C. da ann. & trib. l. 1. C. de immunit. nemini conced. Itaque rescripto Principis specialiter certæ personæ data vacatione publici & ciuilis muneris, videntur tantum remissa onera extraordinaria, quæ ex improuiso ad tempus indieuntur, vt munus muniendæ vel sternendæ viæ militaris, l. qui munerib. sup. tit. prox. l. 6. hoc tit. l. 15. §. ὁ ἀπὸ τοῦ, de excusat. tut. Beneficium principis non interpretamur latissime in fraudem publicam.



## Ad §. Philosophis.

*Philosophis qui se frequentes atque utiles per eandem sectam studiorum contenditibus præbent, tutelas, item munera sordida corporalia remitti placuit: non ea quæ sumptibus expendantur. Etenim vere philosophantes pecuniam contemnunt, cuius retinenda cupidine fictam adfenerationem de-  
regunt.*

**D**ocet quod est apertissimum, Philosophis dari vacationem à tutelis, & sordidis muneribus personalibus, non à muneribus patrimonialibus, in quibus sumptus maxime postulatur, addita ratione elegantissima: quia, qui hæc munera refugiunt, quæ patrimonio imponuntur, iam produnt se fictos esse, non veros philosophos, quia veri Philosophi pecuniæ studiosi non sunt: idemque proditum est in *l. 6. §. Philosophi, de excus. tut. l. 6. C. de muner. patrimon. l. 8. C. de professor. & medic. eademque ratione vitatur in Christianis l. 104. C. Theod. de decurionib. quæ tamen abrogatur in l. 12. C. de episc. & cleric. namque ait d. l. 104. decuriones, qui clerici fieri malunt, ut Ecclesiæ potius seruiant, quam curiæ, non aliter liberari curia, quam si patrimonio suo cedant, & nudi eant in clerum: quia, inquit, animos diuina obseruatione deuinctos non decet patrimoniorum desideriis occupari: aut sane, qui iis desideriis occupantur, hoc ipso satis produnt, simulatam esse religionem suam. Notandum maxime quod ait, & usu seruatur in omnibus professoribus, philosophisque, hanc scilicet immunitatem dari tantum eis, qui se frequentes atque utiles per eandem studiorum sectam contenditibus præbent, ut in *d. l. 6. §. Philosophi. qui iuuenibus publice profunt, non aliis: & ita eleganter in l. 9. C. de sacros. eccles. neminem sub specie muneris, quod minus exequitur, alterius muneris oneribus releuari debere, quod congruit cum l. pen. §. licet, tit. seq.**

## Ad §. qui maximos.

*Qui maximos Principes appellauit, & causam propriam acturus Romam profectus est: quoad cognitio finem accipiat, ab honoribus & civilibus muneribus apud suos excusatur.*

**P**apinianus in §. ult. docet, eum qui Romam profectus est, apud Principem exequendæ appellationis causa, interim excusari à muneribus civilibus patriæ suæ, qui locus est singularis: nec enim puto alibi notari eam ipsam speciem vacationis.

## Ad l. 7. de legationibus.

*Filius decurio pro patre legationis officium suscepit. ea res filium quo minus ordine suo legatus proficiscatur, non excusat: pater tamen biennij vacationem vindicare poterit: quia per filium legatione functus videtur.*

**S**ciendum est, legationem publicam esse personale munus non patrimoniale, quia plerumque solo ministerio eius, quem ciuitas mittit legatum de certis rebus ad principem, & sumptu publico peragitur, dato viatico de publico, quod legatium dicitur in *l. ult. §. legati quoque, de muner. & honor. l. secundâ §. ult. l. 6. hoc tit. l. Titio, ad municip. Et hoc quidem munere decuriones funguntur in orbem vice pari, ex *de iud. & de iud. epus in l. quarta §. penultimo. hoc tit.* Ordine vnumquemque decurionum munere legationis fungi debere, hoc proponitur simpliciter initio huius §. & ita mox explicatur, ut non alias decurio compellatur munere legationis fungi, quam si ij, qui priores incuriam lecti sunt, functi sint eo munere*

**A** seruandum esse ordinem albi in deferenda legatione, quæ procuiitate suscipitur ad principem. Deinde subiicit veluti exceptionem in eodem §. si legatio desideret, id est, si res propter quam legatio suscipitur, desideret mitti alii, quem de primoribus viris ciuitatis, & ij, quos ordo albi vocat, inferiores sint, non esse seruandum ordinem albi, & ita rescripisse Adrianum, hoc est, non esse mittendum eum, qui ordine prior est, sed eum, qui potior est. Ex quo loco omnino explicanda est lex honores, in princ. de decur. dum ait, honores & munera non ordinationibus, sed potioribus potius iniungenda esse. Ordinationem vocat *χαιροδω-  
ναι*, & hoc valet, non semper spectandum esse, qui priores in ordinem venerint in deferendis honoribus, sed qui potiores sint, quoties ratio postulat mitti aliquem de primoribus viris: alioquin ordo albi & allectionis obseruandus est. Dixi, plerumque munus legationis decerni sumptu publico dato legatui de publico, non sumptu legati, atque ideo corporis munus esse non patrimonij. Dixi, inquam, plerumque, quia aliquando sunt, qui gratuitam legationem obeunt, hoc est, suis sumptibus, non accepto legatui de Republica, *l. 2. in fine, & l. 11. hoc titulo.* Et hi quidem, qui gratuitam operam præbent Reipubl. hac in parte quemlibet alium suscepta legatione vicarium dare possunt, quem in legationem mittant vice sua, dicta *l. vndecima.* At qui sumptibus Reipublicæ legationis obeunt munus, non suis sumptibus, alium vicarium dare non possunt, qui legatione fungatur, quoniam eorum opera potissimum electa est & industria cum sumptu publico: alium, inquam, vicarium dare non possunt, nisi filium suum, *l. 4. §. legati, hoc titulo.* Hoc cognito finge; Patrem legatum creatum decreto publico, decreto curiæ, filium suum vicarium dedisse, qui eam legationem obiret sumptu publico, filium legationem suscepisse iure patris, vice patris, an ideo minus filius suo ordine legatione fungatur, cum scilicet pater & filius decuriones sunt? Et respondet Papin. in hac lege, non ideo filium excusari, quo minus vice sua legatione fungatur, & patri, qui filium vicarium dedit, perinde atque si ipsemet legatione functus fuisset, expleta legatione per filium vice patris dari vacationem biennij, sicut constitutum est à legatione ad aliam legationem, vel ad aliud munus, aliumve honorem publicum esse vacationem biennij, ut constat ex *l. 8. §. 1. l. 3. C. de leg. lib. 10. l. 2. C. de mun. & honor. non cont.* Patri igitur, quia pro eo habetur, ac si ipsemet legatione functus fuisset, qui filium vicarium dedit, qui legationem expleuit, à finita legatione dabitur vacatio biennij, cæterum filio non dabitur; nec excusabitur, quo minus suo ordine legatione fungatur, si res exigat. De hac præscriptione biennij agitur hoc titulo, & aliud est responsum Papiniani de ea in *l. 13.* quam nunc ordine explicabo.

## Ad l. 13. eod.

*Vicarius alieni muneris voluntate sua datus, ordine suo legationem suscipere non admissa biennij præscriptione cogetur.*

**Q**uod definiuit Papinia. in filio vicario patris *l. 7.* idem statuit in quolibet vicario iure dato, ut si decurio, qui gratuitam legationem suscepit, alium decurionem vicarium dederit: hic enim vicarius, qui vice alterius, verbi gratia, hoc anno legatione perfunctus est, non ideo excusabitur anno sequenti quo minus legatione fungatur, si hoc exigit albi & ordinis ratio, nec poterit se tueri illa præscriptione biennij, quia non suo nomine legatione functus est, sed alieno; non ipse, sed alius, cui indicta erat legatio, legatione functus videtur, quemadmodum diximus in *l. 8. §. 1. de vacat. mun.* vacationem tantum dari publicanis, qui suo nomine vectigalia exercent. In præposito ita recte dico: vacationem tantum



dari legatis, qui suo nomine proprio, propria sua legatione perfuncti sunt. Et hoc ita procedit, ut vicario functo legatione indicta, alteri non detur vacatio biennij. Hoc ita procedit, inquam, si vicarius datus sit sua sponte sine decreto Curiae: nam si inuitus datus sit vicarius ex decreto Curiae, dico ei dandam esse vacationem biennij, perinde ac si ab initio principaliter ei delata legatio fuisset, quia hoc casu non tam alieno, quam suo nomine videtur legatione functus, nimirum, ut obtemperaret Reipub. quae vicariam istam operam iniunxit. Et hoc puto significari in hac l. 13. his verbis, *voluntate sua datus*; ac si idem non sit in eo, qui inuitus datus est, quoniam is, qui inuitus sit vicarius, suo potius nomine videtur rem exequi. Et haec sunt, quae continentur in l. 13.

Ad l. 3. de administrat. rerum ad ciuit. pertinent.

*Curatores communis officij, diuisa pecunia, quam omnibus in solidum publice dari placuit periculo vice mutua non liberantur.* [Vlpianus] Prior tamen exemplo tutorum conueniens est is qui gessit.

**I**N primo responso huius legis agitur de duobus Curatoribus communis officij, communis muneris. Finge, ordinatos fuisse duos curatores frumenti parandi, & omnibus publice in solidum datam fuisse pecuniam, qua frumentum reipubl. coemerent: post, eos inter se pecuniam eam & curam diuississe, quae data & iniuncta erat singulis in solidum. Quæritur, si in eo munere vnus negligenter aut fraudulenter versatus sit, an alter pro eo conueniri possit? Quod videtur, quia commune fuit & indiuiduum officium, & communiter in solidum omnibus data est pecunia ad annonam ciuitatis comparandam. Ergo commune periculum esse debet, & communis ratio præstandi damni, quod fecit respublica, ut in l. Imperator, in prin. ad munic. Denique singuli reipubl. tenentur etiam nomine collegæ in solidum. Nec quicquam mutat diuisio illa, quam fecerunt inter se, quia nec potuit illa diuisione facta priuatim inter eos conuelli ius reipublicæ, l. 2. §. ius reipubl. hoc tit. & ita Papinianus respondet: quod & notat Vlpianus, quæ nota subiicitur huic primo responso, addito tamen hoc modo, ut prius conueniatur, qui rem male gessit ex sua persona, quam qui non gessit ex persona collegæ, et si res ab eo seruari non possit, qui rem male gessit, si inueniatur non esse idoneus, tum vult, ut eatur ad collegam, ut in l. 1. C. quo quisque ord. conuen. libr. 11. Prius esse executiendas facultates eius, qui rempublicam gessit & perdidit, ut sit in duobus tutoribus, quum indiuidua tutela est; & ipsi tutores inter se priuata conuentione administrationem diuiserunt, quia alter non conuenitur pro altero statim. Tutor non conuenitur pro contutore, inexcusso contutore, qui rem pupilli perdidit, qui gessit, & perdidit, sed ita demum, si contutor, qui rem gessit, soluendo non sit l. 3. C. de diuid. tut. l. 2. C. de hered. tut. cui definitioni, licet sit certissima, Accursius opponit leg. 2. §. ult. de curat. bon. dando. Cuius sententia hæc est: cum à defuncto relictis multis creditoribus nondum vllus extat bonorum possessor, nec vllus heres, tum postulatu creditorum bonis defuncti custodiendis curatores dantur, & si res exigat, distrahendis. Finge, plures curatores constitutos bonis: quosdam rem defuncti attigisse, quosdam nihil attigisse, an coguntur creditores prius agere cum iis, qui rem attigerunt, quam cum aliis? minime: sed eorum arbitrio est, quem conueniant: arbitrato suo, illo non seruato, quis gesserit vel non? Sane necessario dicendum est, aliud esse in curatore bonis dato. Et ita est omnino. Ratio enim discriminis hæc est: quia munus ciuile quale est tutela, iniungitur inuitis. At ut est expressum in d. l. 2. §. penult. curator bonis non constituitur, nisi volun-

Respons. Papin.

**A**tarius, præterquam, si aliud iubeat Princeps ex magna causa. Regulariter non nisi voluntarius. Cum ergo voluntate sua hoc munus suscipiat non inuitus, non est, quod ei quidquam indulgeatur; tribuatur beneficium excussionis, quod datur tantum eis, qui inuiti munera ciuilia suscipiunt. Qua de causa d. l. 2. §. ult. ait: *quoties Princeps ex magna causa inuitum curatorem bonis fecit, tum non esse prius conueniendum eum, qui nihil attigit*: quod ostendit magnam esse differentiam inter curatorem voluntarium & coactum. Non omitam quod Papinianus proponit in hoc responso, curatoribus rei frumentariæ datam fuisse pecuniam publicam omnibus in solidum. Vnde quæret aliquis: an igitur si data sit eis pecunia pro virilibus portionibus & separatis, non sit curæ & administrationis commune periculum? Et omnino dicendum est, non esse prorsus hoc casu commune periculum, & multum interesse, an indiuiduum sit officium an diuiduum, pro diuiduis & virilibus portionibus: nam si sit diuiduum ipso iure, singuli tenentur pro portionibus virilibus, pro quibus rempublicam attigerunt, ut l. 1. C. quo quisque ordine conueniat. & si forte vnus non sit soluendo, non ante conueniri collegam, quam sit excussus fideiussor & nominator eius, qui soluendo non est, ut l. 2. C. eod. tit. At si indiuiduum fuerit officium, ipso iure singuli in solidum tenentur vice mutua, & vno non existente soluendo, statim pro eo alter conueniri potest tanquam correus principalis, etiam inexcusso fideiussore ac nominatore eius, qui soluendo non est, d. l. 2. §. l. 3. C. de conuen. fidei. deb. quod etiam receptum est exemplo tutorum, ut patet ex l. 4. C. de magistratib. conuen. Et hoc omnino ita se habet in muneribus ciuilibus: Nam in magistratibus municipalibus, ut in daumuiris hac distinctione non vtimur, sed siue diuisum sit eis iniunctum officium, siue pro indiuiso; prius sunt executiendæ facultates rei principalis, & fideiussoris, & nominatoris, quam veniatur ad collegam, ut omnium nouissimus collega conueniatur l. 3. §. 4. C. quo quisque ordine conueniat. l. Imperator, ad municip. Et ratio differentiae hæc est: quia in muneribus ciuilibus, duo collegæ correi sunt debendi, in magistratibus non vsque adeo. Quod patet, quia si ambo magistratus sint soluendo tempore depositi officij, non nisi pro parte conueniri possunt, qui tamen si omnino essent correi, possent conueniri in solidum, l. si pupillus, de admin. tut.

Ad §. prædium publicum.

*Prædium publicum, in 5. annos idonea cautione non exacta, curator reipublica locauit: ceteris annis colonus, si reliqua traxerit, & de fructibus prædij mercedes, quæ seruari non poterint, successor, qui locauit, tenebitur. Idem in vectigalibus monita pridem constitutum est, scilicet ut sui temporis periculum singuli præstarent.*

**E**X secundo responso videtur posse colligi: Curatorem reipublicæ, de cuius magistratu memini me ante dicere, hoc ipso libro in l. ult. de offic. adfess. fuisse quinquennale magistratum, quemadmodum in hoc secundo responso Papinianus ponit; eum locasse fundum reipubl. in quinquennium: nam & ita in vrbe censor à quo etiam prædia publica locari solebant in quinquennium, olim fuit magistratus quinquennalis auctore T. Liu. lib. 4. Proponit autem Papinianus Curatorem reipubl. locasse fundum reipubl. in quinquennium, ut solebat fieri, non exacta, ut debuit, à conductore idonea cautione, mercedes recte solui, exacta quidem cautione, sed non idonea non locuplete. Cæterum eo quinquennio nihil ex ea causa reipubl. attulit damni, nihil reipubl. absuit, conductor mercedes persoluit quinquennij: ac cum successor Curatoris reip. in sequens quinquennium eidem eun-

C iij



dem fundum locasset iisdem mercedibus, conductor reliqua traxit plurima, debita plurima, nec soluit reip. & de fructibus fundi, qui tacite pro mercedibus pignori obligati sunt, *l. in pradiis, sup. ex quib. caus. pig. tuc. contr.* ex iis fructibus, inquam, & hypothecis tacitis mercedes, quas conductor reliquatus est, seruari non possunt, denique versatur in damno reip. Quæritur, in id quod reipub. abest, quis reip. teneatur? Priorne curator reip. qui auctor est conductionis, & qui à conductore non exegit idoneam cautionem, an posterior curator reip. qui probauit eam conductionem, probauit cautionem alteri præstitam, nec aliam exegit? Et recte respondet Papinianus posteriorem tantum curatorem teneri, quia æquum est sui quemque temporis periculum præstare reipub. Idemque est in duobus conductoribus vestigalium, si vnus vestigalia conduxerit in quinquennium, B deinde alius, successor eius vestigalia in aliud quinquennium conduxerit, posita eadem specie, quod summe notandum

#### Ad §. in eum qui.

*In eum qui administrationis tempore creditoribus reipublicæ, nouatione facta, pecuniam cauit, post depositum officium actionem denegari non oportet. Diuersa causa est eius, qui solui constituit. Similis etenim videtur ei qui publicè vendidit aut locauit.*

PROponitur hæc species: Curator reip. creditoribus reip. cauit nouatione facta; quo genere liberauit rempublicam creditoribus, & in se transfudit omnem obligationem. Quæritur, an teneatur creditorib. etiam post depositum officium? Et respondet teneri, quia obligationem suam fecit, alioquin creditores versarentur in damno, quia iam non possent experiri cum republica, quæ nouatione liberata est. Verum addit, diuersum esse si Curator reip. creditoribus reip. constituerit, se pecuniam debitam soluturum, qua ratione obligatio non nouatur. Non nouat constitutum siue constituta pecunia, sicut fideiussio non nouat priorem obligationem, *l. item illa §. ult. & l. ubi quis, de constit. pecun. l. si filius, fa. de in rem vers.* Et hic quidem deposito officio liberatur, & potest dici audacter eum quidem deposito officio liberari citra captionem creditorum, cum eis sit salua actio in remp. quia constituto non fuit nouata obligatio, & quidquid hic constituit se soluturum, constituit tantum reip. id est publico nomine. Idem etiam erit si quid curator reip. vendat publico nomine, vel locet publico nomine, & emptori vel conductori caueat, conductori habere licere, emptori de euictione publico nomine, quia deposito officio emptori vel conductori est salua actio in remp. & æquum est eum liberari, qui inuitus munus publicum obit, nec propriam suam obligationem fecit nouationis genere. Huic responso Papin. opponitur *l. procurator, de proc.* ubi ponit lex procuratorem priuati hominis vendidisse rem domini, & cauisse de euictione, tum negotia eius domini gerere desisse. Quem tamen lex ait deposito officio procuratoris, non releuari onere obligationis contractæ, ex causa venditionis & euictionis postea secutæ.

Dico aliud esse dicendum in procuratore priuati hominis, aliud in procuratore reipub. quod probat eadem *lex procurator.* Quæ in Florentinis est ex lib. 2. Resp. Pap. In aliis libris omnibus est ex lib. 1. quod magis placet: vindico ergo legem illam lib. 1. & consequenter eam coniungo cum hoc §. qui est ex lib. 1. respons. hæc coniunctio quum sit, apparet hanc certe esse differentiam constituendam hac in re inter procuratorem priuati hominis & procuratorem reip. nam & ratio differentiæ est euident: Quia curator reip. inuitus creatur, & ideo æquum est ne vltra tempus suæ administrationis tenea-

A tur his, quibus publice cauit: at ille procurator negotiorum priuati hominis est amicus voluntarius: qua ratione etiam tenetur post depositum officium, quod vltro suscepit: nam cur se huic obligationi immiscuit vltro, & qua ratione curator reip. qui publice constituit se soluturum, vendidit vel locauit non facta nouatione post depositum officium liberatur, ita etiam tutor quoniam gerit munus publicum quod defertur inuito, deposito officio tutelæ soluitur obligationibus, quas contraxit nomine pupilli, *l. 1. C. quan. ex fac. tut. l. cum quidam, C. de admin. tut.* nisi tutor, vt diximus, in curatore Reipub. fecerit nouationem transfusa in se obligatione, vt est in *l. post mortem, quan. ex fac. tut. & curat.*

#### Ad §. filium.

*Filium pro patre curatore Reipublicæ creato canere cogi non oportet. Nec mutat, quod in eum pater emancipatum, prius quam curator constitueretur, partem bonorum suorum, donationis causa contulit.*

IN §. pen. ostenditur filium emancipatum non cogi cauere pro patre curatore Reip. Remp. saluam fore, licet in eum pater tempore emancipationis donationis causa partem suorum bonorum contulerit, vt in emancipando moris erat, semper patrem donare aliquid filio, *l. vt liberis, in fi. C. de collat.* donare aliquid quo vitam toleraret, *l. 2. & ult. C. de eman. lib. l. 8. de bonis proscip.* & in *l. ult. Cod. Theod. de reuoc. donat. & Nouella Leonis 25.* Et huius rei legimus vestigia apud Spartianum in Adriano: *Filiam, inquit, dato patrimonio emancipauerat.* Alioquin abdicatio potius esset, quam emancipatio. At vt sæpe fit, licet in emancipatum filium multa pater contulerit donationis causa, tamen filius pro eo facto curatore Reipub. fideiubere non cogitur, quia scilicet inter volentes tantum stipulatio contrahitur, & fideiussor obligatur tantum per stipulationem. & sic est in *l. astimationem §. inuitus, de munerib. & hon.*

#### Ad §. vltimum.

D Pro Magistratu fideiussor interrogatus pignora quoque specialiter dedit: in eum casum pignora videntur data, quo recte conuenitur: videlicet postquam res ab eo seruari non potuerit.

IN hoc §. vlt. ostenditur eum, qui pro magistratu fideiussit, & pignora certa dedit, non aliter posse conueniri actione in personam. Itemque non aliter posse excuti pignora quæ supposuit, & non aliter posse distrahi, quam si res ab ipso magistratu seruari non possit, vt ait *l. 15. §. 1. & l. 17. §. filium, ad municip.* Prius esse excutiendum reum principalem, prius magistratum, quam fideiussorem aut nominatorem, aut pignora, quæ Reip. fideiussor opposuit nomine magistratus.



## IACOBI CUIACII IVRISCONSULTI COMMENTARIA in Lib. II. Responsorum Aemilij Papiniani.

#### Ad l. 31. de negot. gest.

*Liberto vel amico mandauit pecuniam accipere mutuam,*



cuius literas credita secutus contraxit: & fideiussor interuenit. Etiam si pecunia non sit in rem eius versa, tamen dabitur in eam negotiorum gestorum actio creditori vel fideiussori scilicet ad exemplum institutorie actionis.



**V**ic libro hanc legem vindico, qui l. 67. de procurat. libro 1. vindicaui. Sunt autem in hac l. 31. septem octouae responsa, breuia admodum, si verba numeres, sed comprehensione rerum longa atque obscura. Primi responsi species hæc est: liberto vel amico meo mandaui per literas, vt negotia quædam mea gereret, puta, creditoris mei, vel pignoris mei liberandi causa, pecuniam mutuam acciperet à L. Titio, non ab homine incerto, vt Glossa ponit, sed ab homine certo, puta, à L. Titio, vt ponit l. pen. C. de instit. act. quæ congruit omnino cum hoc responso Papiniani: Procurator meus libertus ille vel amicus, quem in hanc rem procuratorem feci, literas meas ostendit L. Titio, & mox L. Titius meas literas secutus, amicitia & contemplatione mei, negotiorumque meorum, procuratori meo pecuniam credidit. Interuenit etiam quidam amicus meus, qui inspectis literis meis, eas literas secutus pro L. Titio eo nomine fideiussit, me absente & ignorante. At postea ea pecunia non est versa in rem meam, in negotia mea. Finge, periisse pecuniam illam: queritur, an in me Luc. Titius creditor, vel fideiussor, si ei soluerit, negotiorum gestorum agere possit, quod vterque habuerit animum gerendi negotii mei, & me obligandi si non procuratorem meum, vterque intuebatur meas litteras, non procuratorem meum? Et creditor quidem videtur in me agere non posse negotiorum gestorum, quia pecunia non est conuersa in mea negotia: quod si verum est, creditorem in me agere non posse: sequitur ergo nec fideiussorem, si forte creditori soluerit, ea actione vti aduersum me posse, quia negotium meum gessisse non videtur; negotium meum non gessit, qui ei soluit, cui obligatus non sum. Et tamen respondet hoc loco Papinianus, vtrique competere utilem actionem negotiorum gestorum ad exemplum institutorie actionis, h. e. quasi institutoriam actionem, licet pecunia non sit consumpta in rem meam. Omnis actio utilis dicitur dari ad exemplum & ad similitudinem directæ actionis, quia in casu tantum ad simili datur, non prorsus eodem; & dicitur quasi illa esse actio, cuius exemplo datur, vt quasi Seruiana, & quasi institutoria in hoc proposito, l. actori, C. de reb. cred. l. is cui §. patri, vt in possess. legat. At institutoria actio vel quasi institutoria quæ dicitur, adiectio siue appellatio est, quæ accomodatur cuilibet actioni legitimæ vel honorariæ: vt institutoria actio mandati, institutoria actio ex empto; & in hoc proposito institutoria negotiorum gestorum, vel quasi institutoria negotiorum gestorum. Creditori igitur in me competit actio negotiorum gestorum; quia negotiorum meorum contemplatione pecuniam credidit procuratori meo. Nec quicquam obstat, quod pecunia illa perierit, nec versa sit in rem meam, quia quantum in eo fuit, rem meam gessit, & animo meo obtemperauit; & teneor negotiorum gestorum actione, ad exemplum institutorie actionis, vt quemadmodum, qui institutori meo, quem præposui tabernæ vel negotiationi, eius rei contemplatione pecuniam credidit, habet in me actionem institutoriam negotiorum gestorum: ita qui procuratori meo constituto mutua pecuniæ accipiendæ, credidit pecuniam mei contemplatione, habeat in me utilem actionem, quasi institutoriam negotiorum gestorum, quod eum procuratorem veluti institutorem videat præposuisse mutua pecuniæ accipiendæ. Denique vt ex contractu institutoris teneor, quem habuit cum aliquo eius negotiationis causa, cui erat præpositus: sic etiâ ex contractu procuratoris, veluti institutoris teneor, quasi actione institutoria, quod etiam Papinianus non tantum hoc loco tradit, sed etiam in l. pen. in prin. de inst. act. & confirmat l. pen. C. eod. l. 6. §. 1. hoc tit. utilem, inquam,

**A**ctionem, h. e. quasi institutoriam, non directam, quia eum non præposui vt institutorem propter quæstum, sed vt procuratorem propter necessitatem negotii mei, l. 5. §. sed & eum, de inst. act. l. Iulianus §. si procurator, de act. emp. Qua ratione & ex contractu villici, quem etiam præposui mercibus distrahendis, quasi institutoria teneor, non institutoria directa, quia eum habui principaliter vt villicum propter fructus percipiendos, non vt institutorem, l. si cum villico, de inst. act. Non datur etiam in hac specie creditori in me actio mandati, quia nihil ei mandaui, sed procuratori tantum meo per epistolam mandaui, vt ab eo pecuniam mutuam acciperet: ceterum ei nihil mandaui. Non potuit igitur inter me & eum contrahi obligatio mandati; eademque ratione nec fideiussori, qui me absente & ignorante fideiussit, in me potest competere actio mandati, sed negot. gest. tantum, vt in fideiussore infra explicabitur l. ex mandato §. 1. inf. mand. Alia est species l. si literas, C. mand. quam hic adduxit Accursius, quoniam proponitur in ea, mandasse me L. Titio, vt tibi pecuniam numeraret in rem tuam, quo casu Titio in te est conditio creditæ pecuniæ, in me est actio mandati, quia auctor fui L. Titio, vt tibi pecuniam numeraret, & ita est explicanda d. l. si literas. At in specie proposta hoc loco nihil ponitur me mandasse Luc. Titio: non datur ergo creditori in me actio mandati, neq; actio institutoria directa, sed quasi institutoria siue utilis negot. gest. Quod verum est, etiam si procurator meus, qui pecuniam mutuam accepit, sit soluendus, qui stipulanti creditori Luc. Titio promiserit, se soluturum eam pecuniam. Nam hoc casu non tantum procuratorem L. Titius ex stipulatione obligatum habet: sed etiam quasi negotiis meis gestis me obligatum habet, vt l. pen. de inst. act. l. 6. §. 1. hoc tit. Addita hac ratione, quia creditor ex abundanti, inquit, hanc stipulationem interposuit, id est, quo magis sibi cautum esset, non vt me liberaret, non nouandi animo. Quæ ex abundanti cautio interponitur, non nouat priorē obligationem, t. p. §. ult. de in rem verso. Prior autem & principalis fuit obligatio gesti negotii mei, quæ permanet etiam si procuratorem quoque meum creditor sibi obligauerit per stipulationem. Igitur interposita huiusmodi stipulatione, obligatione huiusmodi, vtrumque creditor obligatum habet, me iudicio neg. gest. exemplo institutorie actionis; procuratorem autem meum actione ex stipulatu: at non interposita huiusmodi stipulatione, me solum habet obligatum iudicio negotiorum gestorum utili, exemplo institutorie actionis: procuratorem autem meum non habet obligatum mutua pecuniæ nomine, vel alio nomine, quia non procurator meum, sed me solum creditor obligare voluit, quas literas meas secutus, quas scripseram procuratori meo, cognita mea voluntate, mox, cognito meo desiderio, pecuniam procuratori meo credidit in negotia mea, contemplatione mei, neque à meo procuratore quidquam stipulatus est. Me igitur solum obligatum habet, quasi negotiis meis gestis: nulla autem mutui obligatio contrahitur; mutua pecunia datur procuratori meo, & nemo ex causa mutui obligatur ea actione, quæ ex mutuo nascitur, h. e. actione si certum petatur, sed propter mutuum quod mei contemplatione interuenit, in me solum datur actio quasi institutoria, cum procuratori meo mei contemplatione pecunia data est; nam si non mei contemplatione procuratori meo mutua pecunia data sit, siue ei mandauerim, vt eam sumeret mutuam, siue non: hoc casu solus procurator teneatur ex causa mutui, & vere contrahitur obligatio creditæ pecuniæ, l. eum qui, C. si cert. pet. Quod autem dixi de creditore, idem obtinet in fideiussore, quæ posui fuisse adhibitum huic obligationi, si fideiussor creditori soluerit, & me ab eo liberauerit, cum scilicet fideiussisset mei contemplatione, vt quemadmodum creditori est quasi institutoria actio in me, si ei non soluerit fideiussor, ita etiam fideiussori si ei soluerit, in me competat quasi institutoria actio negotiorum gestorum: perinde, atque si pro insti-



tores meo tabernæ præposito fideiussisset, quod & idem Papinianus respondet *lib. 3. l. idemque. §. idem Papin. mād.* Sed hoc plus est in hoc responso, quam in illo responso libri tertij, quod in hoc responso libri secundi, non tantum fideiussori, sed etiam creditori datur quasi institutio actio: item quod in hoc responso datur indistincte, siue pecunia sit versa in rem meam, siue non: quoniam satis est, quod mihi uterque rem cœpit gerere bono animo & utiliter, etiam si euentus non sit secutus, ut in *l. sed an ultro §. ult. l. successor, §. ult. & l. siue hereditaria, hoc tit.*

#### Ad §. inter negotia.

*Inter negotia Sempronij qua gerebat ignorans Titij negotium gessi: ob eam quoque speciem Sempronio tenebitur: sed ei cautionem indemnitis officio iudicis præberi necesse est aduersus Titium, cui datur actio. Idem in tutore inris est.*

**S**pecies hæc est: In gerendis negotiis Sempronij etiam Titij negotium gessi ignorans, quod forte permittum erat negotiis Sempronij, sed putavi me tantum gerere negotium Sempronij, cum partim esset Titij. **Quæritur:** An Sempronio teneatur negotiorum gestorum actione, non tantum Sempronij, sed etiam Titij negotij nomine? Titio sane teneor, quamuis non eius contemplatione negotium gessi, quia re ipsa & in rei veritate negotium eius gessi, & teneor Titio utili actione, ne in damno versetur Titius. At vice versa mihi etiam Titius tenetur utili actione neg. gestorum: quia equum est ne verser in damno, quia re ipsa Titij negotium gessi: & ex hoc contractu est actio ultro citroque, actio mutua, directa & contraria. Et si Titio teneor, consequens est & vicissim, ubi causa subest, Titium mihi teneri eadem actione: atque ita proditum est in *l. 6. §. si Titij seruum, h. t.* Curavi, ne Titij seruus occideretur, cum putarem esse seruum Sempronij. Re ipsa seruavi rem Titij, quamvis animus mihi fuerit seruandæ rei Sempronij, non Titij, & mihi Titius eo nomine tenetur, ut in *d. §. si Titij seruum.* Idemque confirmat *§. quid ergo d. l. 6. & l. 15. in fi. & l. qua utiliter §. ult. hoc tit. & l. in hoc iudicium 14. §. diuersum, comm. diuid. & l. si mandauero 2. §. si curator, mand. qua, dum ait, ei, cuius negotia gessi ignorans, dari actionem in factum; non aliam significat actionem, quam utilem negotiorum gestorum: Nam in factum appellatio non est nomen actionis, sed appellatio, quæ aptatur cuilibet actioni utili, comparatæ ad exemplum actionis in factum. Omnis actio utilis est in factum, & retro omnis actio in factum est actio utilis. Ergo cum inter negotia Sempronij, gessi etiã negotium Titij, & ego Titio teneor, & vicissim Titius mihi utili gestorum negotiorum, etiam si ignorauerim, negotium esse Titij. Quamobrem quod additur in *l. 6. §. si quis, h. t.* in eadem specie, scientem me gessisse negotium Titij, hoc abundat, ut Accursius sensit recte: nam subintelligitur maxime: nam idem etiam est in ignorante; sed in ignorante Papinianus ponit speciem augendæ dubitationis gratia. At idem Papinianus in hoc responso ostendit, me non tantum reneri Titio, cuius re ipsa negotium gessi, sed etiam Sempronio, cuius contemplatione negotium gessi. Equum est, me non idem bis præstare, me non utriusque respondere in iudicio. Ideoque subiicit Papinianus: quod si mecum agat Sempronius Titiani negotij nomine, non aliter ei me condemnabit iudex, quam si mihi cauerit, indemnem damno seruari me aduersus Titium, cui etiam in me est actio negotiorum gestorum. Sic fit, ut idem bis non soluam, remedio cautionis de indemnitate, quam officio iudicis mihi præstabit Sempronius, si prior mecum agat negot. gest. At quod dicitur, etiam Sempronio in me esse actionem Titiani negotij nomine, pugnare videtur cum *l. in fi. & l. 6. §. quid ergo, hoc tit.* quæ negat, eum negotiorum gestorum agere vel conueniri posse, cuius negotium putavi me gerere, cum esset*

A negotium alterius. in hac specie putavi, me gerere negotium Sempronij, cum esset Titij, ergo Sempronio in me nulla competit actio, sed Titio soli in me competit actio, quod utique verum est, si Sempronij nihil interfit: nam omnes actiones nunquam dantur nisi eis, quorum interest, hoc est, quod Marcus Tullius ait: *Dari actionem ex damno & iniuria cuiusque.* Ei cuius nihil interest non datur actio. At si Sempronij interest, bene gestum esse negotium Titij, finge, Sempronium fuisse procuratorem negotiorum Titij, atque ita me in rebus Sempronij inuenisse etiam res Titij, easque attigisse errantem, tanquam Sempronij, non Titij, æquum est hoc casu Sempronio, cuius cōtemplatione negotium Titij gessi, ignorans esse Titij, in me dari actionem negotiorum gestorū oblata cautione indemnitaris. Et ita hic locus accipiendus est, ut suadet, quod subiicit Papinianus, idem in tutore iuris esse, puta, ut si Titius inter negotia Sempronij gesserit etiam negotia pupilli, cuius Sempronius erat tutor, Sempronio teneatur, cuius interest propter officium tutelæ, ita tamen, ut officio iudicis Sempronius Titio præbeat cautionem indemnitis aduersus pupillum, cui etiam in Titium competit actio: sicut vice versa non tantum competit actio Titio in Sempronium, sed etiam in pupillum, si pupillus ex gesto locupletior factus sit, *l. 6. in princ. hoc tit.*

#### Ad §. litem.

**C** *Litem in iudicium deductam. & à reo desertam frustratoris amicus ultro egit, causas absentia eius allegans iudicis culpam contraxisse non videbitur, quod sententia contra absentem dicta ipse non prouocauit. Ulpianus notat. Hoc verum est: quia frustrator condemnatus est. Caterum si amicus cum absentem defenderet, cōdemnatus negotiorum gestorum agere poterit ei imputari, si, cum posset, non appellasset.*

**Q**uæstio quæ proponitur in *§. litem*, est de defensore absentis voluntario, cuius duas partes facio. Prima est de defensore eius, qui litem contestatus est. Secunda de defensore eius, qui litem contestatus non est. De prima parte primum dicamus. Si reus litem contestatam deferat, nec edictis aut literis iudicis euocatus ad iudicium adsit, peracto isto ordine edictorum vel literarum, vel denuntiationum, quibus denuntiatus & euocatus sit, si non pareat, si non adsit iudicio, contumax est, quia contemnit iudicis auctoritatem, quem adierat semel, & apud quem litem inchoauerat: ut Iurisconsultus in *l. contumacia 53. §. 1. de re iudic.* ait; contumacem esse eum, qui contemnit. & Nonius, hoc nomen venire à contemnendo. Frustrator dicitur hoc loco à Papiniano contumax, quia frustrandi tantum actoris causa iudicio abest, ne possit actor litem ad exitum perducere, *l. ult. de procur.* dum scilicet putat litem non posse ad exitum perducere, nisi præsentem utraque parte, ut cauetur lege *xix. tabularum*, *Ne cuiquam lis addicatur, nisi utraque parte præsentem.* Qua tamen in re longe opinione fallitur, quia ea lex non sequatur in contumace tergiversatore, frustratore, Nam contra absentem per contumaciam ex eremodicio dicta sententia valet. At frustratoris huius siue contumacis, si extiterit defensor aliquis, qui anicitia ductus, litē, quam ille deseruerat, ultro sine mandato redditus iudici causis, cur ille abesset, suscepit, & nihilominus absens quasi ex eremodicio peracto ordine edictorum condemnatus sit; Quæritur: an si ab ea sententia defensor non appellauerit, tanquam culpæ reus & quasi re gesta negliger, teneatur absenti iudicio negotiorum gestorum: quia negotiorum gestor, non tantum dolum præstat, sed etiam culpam siue negligentiam, ut *l. si negotia, hoc tit. l. tutori, C. eod. tit.* Et Papinianus respondet, eum defensorem voluntarium nullam culpam fecisse, & contraxisse videri, quia non appellauerit à sententia dicta contra amicum



amicum absentem, cuius ille defensionem suscepit. Et ratio statim apponitur ex nota Vlpiani, (qui scripsit notas ad libros responsorum Papiniani) quia frustrator condemnatus est. Legamus totam hanc partem legis: *litem in iudicium deductam, &c.* Et deinde: *Vlpianus notat, hoc verum est, quia frustrator condemnatus est.* quam rationem, quæ vim & proprietatem omnem huius responsi continet, Interpretes nostri nullo modo interpretantur, qui omittunt per cōiuentiam rationem legis non sine scelere: cum ratio sit, ut quidam Rhetor ait, anima, medullaque legum, quæ æquum & bonum tuetur. Ratio est elegantissima: qui ultro suscepit defensionem contumacis absentis, eo condemnato, si non appellauerit, nullam culpam contraxit, quia condemnatus est reus, cuius ille, qui non appellauit, suscepit defensionem, ex eremodicio, ex frustratione, ex contumacia, ex desertione litis; hæc omnia idem possunt. Et condemnato ex contumacia ius appellandi non est, *l. & post edictum §. ult. de indic. l. properandum §. cum autem, C. eod. tit. l. 1. quorum appellat. non recip. l. ex consensu §. 1. de appellat. & Nou. 82.* Est iuris certissima regula. & hoc est, quod ait *l. contumacia, de regul. iur.* Contumaciam litis damno coerceri, quia scilicet ad eam litem contumax nullum regressum habet, si condemnatus sit, neque per appellationem, ut sit plerumque, neque per restitutionem eremodicii, nisi sit minor xxv. annis, *l. 7. §. ult. de minor.* Itaque non culpatur defensor, qui non appellauit, cum non posset appellare. Non potuit appellare, quia reus contumax condemnatus est; & vero reus ipse, non defensor condemnandus fuit, quia cum reo fuit lis contestata, non cum defensore. Defensor superuenit liti contestatæ: & æquum est, ut cuius quisque litis initium fecit, eius etiam euentum excipiat, nec unquam accidit, ut alius damnetur, quam, qui litem contestatus est. Merito ergo fuit condemnatus reus principalis, non defensor, qui superuenit liti contestatæ, & quia condemnatus est ex eremodicio, ex contumacia, ideo neque per se, neque per alium appellare potest, quia quod quis non potest per se suo nomine, neque per alium, *l. 2. de adm. rerum ad ciuit. pert. l. quaritur, de Carbon. edict.* Et hæc est sententia euidentissima huius partis prioris. Sequitur altera pars, quæ est de defensore absentis, qui litem contestatus non erat. Finge: cum moueret quidam controuersiam hominibus L. Titij absentis de proprietate fundi, quem Titius possidebat, quidam absentis possessoris amicus se rei defensionem obtulit ultro, & inter eum & actorem lis contestata est. Si secundum actorem iudici videatur danda esse lis, condemnandus est defensor, non possessor, qui abest; quia defensor litem contestatus est tanquam alieni iuris vicarius: absens enim nunquam huic iudicio adfuit. Et ita ostenditur in *l. 1. C. de sent. & interloc. omn. indic.* lite inchoata & contestata inter actorem & procuratorem, vel gestorem siue defensorem voluntarium, non esse condemnandum eum, qui iudicio abfuit, sed procuratorem vel gestorem tantum. Idem ostenditur in *l. minor. & l. Plautius, de procurat. l. alia causa, sol. matrim.* Hoc autem casu si defensor, qui condemnatus est sententia non appellauerit, culpam contrahere videtur, quod cum possit, non appellauit; hæc, inquam, culpa, vel ei imputabitur vel repensabitur, si agat iudicio directo negotiorum gestorum: vel obicietur ei si cum eo agatur directo iudicio negotiorum gestorum. Et hoc est, quod subiicit Vlpian. in hac eadem nota, quam facio secundam partem huius §. *Caterum, &c.* directo iudicio negotiorum gestorum agat voluntarius amicus, & bonæ fidei defensor, licet condemnatus sit, ut recipiat, quod ob rem iudicatam soluit, veluti litis æstimationem, quam soluit, sed non etiam, ut recipiat sumptus in eam litem factos, quia apparuit non fuisse ei rationem litigandi. Et ita est prodictum in *l. 5. §. in hac stipulatione, iud. sol.* Et hoc quum condemnatus sit. Nam si vicerit, si causam tenuerit, etiam sumptus litis recipiet, perinde ac si rem defendisset ex mandato rei, si litem, ex mandato

Respons. Papin.

A suscepisset. Quo casu, siue vicerit, siue non, recuperat sumptus ad eam litem factos, sumptus litis: quia quidquid fecit, ex mandato fecit. Et ita hic §. explicandus est. Male autem Ioannes & Accursius statuunt contra ea, quæ diximus, defensorem ultro interueniente post litem cum reo contestatam, esse condemnandum. Quod est contra manifestissima verba prioris partis, quæ condemnat reum principalem, qui litem contestatus est. Neque quidquam mutat, quod defensor in hac prior parte tantum allegauit causas absentis, quia hoc tantum supererat defensionem, quoniam se reus in litis contestatione satis defenderat, vel rem, de qua agebatur: nec si quid superfuisset amplius, id defensor omisisset: denique hoc tantum supererat, ut allegaret causas absentis, idque efficere, ne iudex grauem sententiam dare festinaret aduersus absentem. Quod cum non obtinuerit, æquum est, ut condemnatio recurrat ad eum, qui litem fecit, & contestatus est. Contra, male Doctores omnes Accursium reprehendunt, scribentem hoc loco, etiam actorem inuitum agere compelli cum eo, qui ultro se liti offert & defensionem rei absentis, absente reo paratus satisfacere iudicatum solui, ut sit, alioquin non admittetur, non erit defensor idoneus, itemque paratus nouare obligationem, & in se transferre liberato absente, pro quo intercedit. Hæc est sententia Accursij, ut actor compellatur cum eo agere, qui se offert defensionem litis, reo absente, & satisfactionem offert & nouationem: quæ verissima sententia est. Quia iustius est eiusmodi defensorem admitti, etiam inuito actore, quam absentem quasi contumacem & indefensum graui condemnatione percelli à qua non possit appellare, quæ sunt verba *l. exigendi, in fi. C. de procur. æ-* quissima est sententia, à qua non debuit dimouere Doctores *l. si mandatu 1. §. 1. mand.* qua vtuntur, quæ nihil huic sententiæ aduersatur. Nam hoc tantum vult, non cogi creditorem nouatione facta mutare obligationem restituendo eam in pristinum statum, siue reponendo in priorem personam, à qua obligatio extitit ad defensorem, qui intercessit nouandi causa; non dicit creditorem non cogi nouare obligationem, puta, iudicio accepto cum defensore voluntario satisfaciente iudicatum solui, & in se transferente principalem obligationem, hoc est, ex promittente: sed dicit ita forte semel mutatam obligationem rursus mutare creditorem non compelli. Remaneamus igitur in sententia Accursij.

#### Ad §. qui aliena.

D *Qui aliena negotia gerit, usuras prestare cogitur: eius scilicet pecunia, quæ purgatis necessariis sumptibus superest.*

EX hoc §. hoc tantum intelligimus, negotiorum gestorem debere usuras pecuniæ debitæ ob causam administrationis, quam percepit vel percipere potuit. Eam autem duntaxat pecuniam debere, ac proinde eius tantum pecuniæ usuras prestari, quæ superest deductis necessariis sumptibus, quos negotiorum gestor fecit in rem alienam. Quod est Papiniani hoc loco, *purgatis sumptibus necessariis, ut purgatis rationibus in l. 12. C. de bon. proscript.* Apud Suetonium in Caligula: *Decimo quoque die apud iudicem rationes suas purgabat.* Sed adde etiam purgari debere sumptuum usuras, quia & veniunt in contrarium iudicium negotiorum gestorum *l. ob negotium C. eod. tit.*

#### Ad §. liberos.

*Liberos certam pecuniā accipere testator ad sumptum monumenti voluit, si quid amplius fuerit erogatum, iudicio negotiorum gestorum ab herede non recte petetur de iure fideicommissi: cum voluntas finem erogationis fecerit.*

D







possit tutore auctore, quod absens sit pupillus, vel quod infans sit *d. l. decreto*. nam ipse tutor sine pupillo non potest facere procuratorem ad lites, nisi ad eas lites, quas ipse tutor iam contestatus est. Ceterum ante litem contestatam, tutor non potest facere procuratorem litis, quia ipse non est dominus litis, sed pupillus, *l. neque, C. de procur.* Sed decreto Prætoris vel Præsidis, si litibus iustificare non possit contestandis pupilli nomine, ei permittitur, ut causæ actorem constituat ad lites, adiutorem ad cetera negotia si id postulat negotiorum multitudo, *l. solet, de tutel.* Hoc soli tutori vel curatori permittitur specialiter ex decreto iudicis, non permittitur procuratori vel gestori negotiorum alienorum. Ac ne matri quidem ex voluntate patris gerenti negotia filij. Hoc igitur primum ostendit Papin. maxime distare matrem, cui permissa est administratio rerum filij testamento patris, à tutoribus & curatoribus. Sequitur alia differentia. Tutor pupilli nomine recte agit in iudicio: recte rem pupilli deducit in iudicium. At mater, quæ negotia pupilli gerit, rem pupilli in iudiciū deducere non potest. Aliæ igitur sunt partes tutoris, aliæ matris, cui hoc commissum est à patre. Aliud officium tutoris aut curatoris, aliud matris, cui hoc permissum est à patre. Neque vero mirum, si mater non possit negotium pupilli in iudicium deducere, quia nec ullam rem alienam potest ultro, nisi parentis nomine ex causa, si non sit alius, qui agat parentis sui nomine, *l. feminas, de procur.* filij autem sui impuberis nomine idem non potest, quia tutorem ei petere potest qui agat, *l. alienam, C. de procur.* Non potest etiam mulier ex mandato ut procurator agere litem alienam, nisi in rem suam, *l. 4. C. de procur. l. 2. de reg. iur.* Et hac ratione Pap. probat matrem sane actorem pupillo constituere non posse: quia, inquit, nec ipsa filij pupilli nomine recte agit. Actorem non facit, qui ipse agere non potest: iudicem non facit qui ipse iudicare non potest. Adducuntur & aliæ differentiæ inter tutorem & curatorem, & inter negotiorum gestorem. Tutor rem pupilli legitime alienare potest, si hoc exigat utilitas pupilli, *l. si cum plures §. 1. de adm. tut.* at gestor voluntarius ius alienandi nullum habet. Item tutor debitorem pupilli liberare potest, pecuniam debitam accipiendo, vel rem novando, quod gestor non potest, qui mandatum non habet, aut voluntatem creditoris, *l. vero §. quod si forte, de solut. l. 22. de admin. tut.* Ergo in specie proposita mater, cui in testamento pater mandavit administrationem negotiorum filij communis impuberis, non potest debitorem filij, hereditarium puta, liberare accipiendo pecuniam debitam; & debitor filij soluendo matri, non recte soluit; hoc est, solutione matri facta non liberatur. Huic sententiæ obstat vehementer *l. filia, de solut.* Species est elegantissima. Mater negotia filiarum pupillæ gessit ultro, non ex voluntate aut præcepto patris, sed ipsa se immiscuit negotiis filiarum pupillæ suarum, & res eius vendendas argentariis dedit, quod tamen iure non poterat, quia nec ius ullum administrandi habebat, ut eadem *l. filia* nominatim ait, quæ voluntatem patris aut mandatum non habebat: Argentarii vero ex mandato matris eas res venderunt, & pretium persoluerunt, ac pertulerunt ad matrem: quæritur: an recte soluerint matri? an iure sint liberati? Et Scævola illo loco respondet, iure liberatos esse. Ergo mater, quæ negotium gerit pupillæ, pecuniam accipiendo debitam pupillo, iure liberat debitores pupilli. Iure, hoc est, iure ipso quod est contra hunc §. Iure, inquam, quia ut ad Scæuolam notat Claudius illo loco, superest illa quæstio, quæ pendet ex iurisdictione. hoc est, quæ officio iudicis dirimenda est, ac si diceret: Bene ait Scævola, iure liberatos, hoc est, ipso iure, summo iure, quoniam subest adhuc quæstio, quæ pendet ex officio iudicis: an scilicet nihilominus argentarii pupillæ condemnandi sint, si scilicet ignorauerint negotia pupillæ fuisse, si existimauerint matris fuisse, quæ mandabat res vendi, & mater non sit soluendo; denique si ignorauerint matrem administrare rem pupillæ, nec habuisse ius administrationis, & falso existimauerint fuisse matris res

Respons. Papin.

illas: Nam hoc casu melius est, ut dicamus non esse liberatos, nec liberandos officio iudicis, cum mater soluendo non sit, hoc est, cum à matre filia rerum suarum pretia recuperare non possit atque seruare, Et Scævola responsio ita demum locus non est, si sciebant argentarii negotia pupillæ fuisse, & matrem non habuisse ius administrationis, & mater soluendo non sit: quia non liberantur, nec enim scientes debuerunt soluere matri inopi & egenæ. At huius casus inspectio pertinet ad officium iudicis, ut eum excipiat à responsio. Ergo responsio ita demum locus est, si argentarii nescierunt pupillæ fuisse negotium, vel si sciebant, & mater sit soluendo. Unde res omnis, adhibita huiusmodi distinctione, facile expeditur. Aut debitores pupillæ soluerunt, quod debent ex causa negotii, quod gesserunt cum matre pupillæ idonea aut locuplete, & recte ei soluerunt, & liberati sunt. Aut soluerunt ex causa hereditaria, quia debitores erant patris, cui pupilla ab intestato heres extiterat, & tunc non recte soluerunt matri, cum qua nihil contraxerunt, nec liberati sunt soluendo matri. Hæc distinctio totam rem expedit. In summa autem hoc ait Papinian. in hoc §. ut ostendat quantum intersit: an tutela pupillæ permittetur matri, an negotiorum administratio, quantumque interuallum sit interiectum inter hæc duo genera administrationis, inter tutelam & negotiorum gestionem.

Ad §. ult.

*Uno defendente causam communis aquæ, sententia prædicta datur: sed qui sumptus necessarios probabiles in communi lite fecit, negotiorum gestorum actionem habet.*

Species §. ultimi hæc est. Lis est de seruitute ducendæ Saquæ, vel hauriendæ, quæ est communis mihi & tibi, hoc est, quæ debetur fundo communi meo & tuo: Tu eam litem defendisti solus aduersus vicinum, qui negabat eam seruitutem deberi, & eam obtinuisti: tu igitur commune negotium gessisti. Quæritur, An sumptus in litem factos necessarios ac probabiles à me repetere possis pro parte iudicio negotiorum gestorum? In hanc actionem veniunt tantum sumptus necessarii & probabiles §. qui aliena, §. libertos, *sup.* hac lege, *l. 25. hoc tit.* At videntur in hac specie non venire sumptus, quos tu in eam litem fecisti, quia sententia dicta est tibi, qui eam litem defendisti, non mihi qui cessauisti. Ergo non videris gessisse rem communem. Sed hoc Papinianus negat, quia non tibi sententia dicta est, sed dicta est fundo communi, cui debebatur seruitus aquæ, non tibi, vel mihi. Et ratione fundi vicisti non minus mihi quam tibi, vicisti etiam mihi, *l. loci §. si fundus, si seruit. vind.* Ergo æquum est, litis sumptus esse communes, quia victoria est communis. At quod ait Papinianus, eos repeti actione negotiorum gestorum, id valde pugnat cum *l. 6. §. hoc autem, comm. diuid.* quæ generaliter dat actionem communi diuidendo, denegat negotiorum gestorum: ideoque eam opponit Accursius ibid. Illa lex dat actionem communi diuidendo, cum quid necessario actum est in solidum, quod pro parte commode explicari non possit, & ita impensæ facta ab vno in riuum aquæ communem, vel in viam communis eundem locum, Cassius & Pomponius, qui fuit ex Cassii amicis, dabat actionem communi diuidendo impensæ pro parte recuperandæ gratia, vel pro socio, non negotiorum gestorum, *l. cum duobus §. item si in commun. pro soc. l. arbor §. secundem, comm. diuid.* quia seruitutis causa indiuidua est, & qui diuideret seruitutem, eam corrumperet: non potuit in causam seruitutis fieri ullus sumptus pro parte. quicumque igitur factus est, in solidum necessario factus est. Ergo venit in iudicium communi diuidendo: nam in iudicium negotiorum gestorum id tantum venit, quod gestum est in solidum cum possit experi

D 15



pro parte, ut definitur in d. §. hoc autem. Et ita in proposito casu, cum communis seruitutis causa fuerit indiuidua, & necessario fuerit defensa in solidum ab vno, nec poterit defendi pro parte, videtur sumptus in litem factus esse repetendus iudicio communi diuidendo, non iudicio negotiorum gestorum. Sed hæc opinio Cassij refellitur in d. l. arbor §. si per eundem, elegantissima ratione, quia proprie communis nulla seruitus est; Duorum proprie non est communis aqua, aut via, quæ ad duos pertinet, siue ad fundum communem. Commune est, quod pro parte indiuisa meum est, pro parte tuum: at aqua vel via, vel quæ alia seruitus, unicuique nostrum in solidum competit, non pro parte. Et hoc est quod ait lex si duorum, ff. de oper. libert. indiuiduorum nullam esse iuris communio-nem. Seruitus, ius est indiuiduum: ius commune diuiduum esse nequit, nec cogitatione quidem scindi in partes. Et ait l. arbor §. si per eundem, quæ communio iuris separatim intelligi potest. Sensus hic est: Seruitus vniuscuiusque separatim est in solidum: Ergo inter eos nulla potest esse seruitutis communio. Communio & separatio sunt contraria. Atque ubi vna est, alia esse non potest: & ideo impensa facta seruitutis communis tuendæ gratia, quæ debetur prædio communi, & facta ab vno ex sociis non venit iniudicium communi diuidendo, quia licet prædium sit commune, cui seruitus debetur, ipsa tamen seruitus non est communis: at venit ea impensa in actionem negotiorum gestorum, quia cum possem rem defendere, quasi mihi in solidum competente iure aquæ, malui defendere communi nomine meo & tuo, te cessante. Quæ species in hoc §. necessario ponenda est, alioquin difficile esset hanc rem expedire.

#### Ad l. 42. de recept. arb.

*Arbiter intra certum diem seruos restitui iussit quibus non restitutis, pœna causa fisco secundum formam compromissi condemnauit: ob eam sententiam fisco nihil acquiritur: sed nihilominus stipulationis pœna committitur, quod ab arbitrio statuto non sit obtemperatum.*

**I**nter duos orta est controuersia de quibusdam seruis, quos vnus eorum possidebat, alter dicebat, sibi deberi ex causa depositi, vel commodati, vel mādati. Et ex compromisso sumptus est arbiter, qui eam litem, eam controuersiam dirimeret, qui statueret, an serui essent restituendi petitori. Vtrinque ut sit (alioquin inanis & inutilis esset sumptio arbitri) promissa pœna auctororum quinquaginta, si quis arbitri sententiæ non staret; & in cōpromisso præterea cautum est, ut eum, qui arbitri sententiæ non staret, arbiter condemnaret centum pœnæ nomine fisco inferre. Post arbiter iussit seruos restitui petitori intra Calendas proximas, & iis non restitutis intra Calendas proximas, iussit ut compromisso promissum erat, non obtemperantē præstare fisco pœnæ nomine aureos centū. Quæritur, an ex ea sententia fisco pœnæ petitio sit? Et ait Papin. non esse, quod verum est: quia nec ipse fiscus eum arbitrum elegit, quoniam ad fiscum ea res non pertinebat: nec si eum elegisset, vlla actio esset ex sententia arbitri, quia sententia arbitri rem iudicatam non facit, l. 1. C. de recept. arb. & seruatur tantum metu pœnæ compromissæ; quæ de causa sine vinculo pœnæ, nihil valet electio arbitri compromissarij: imo nec compromissarius est iudex, nisi vtrinque promissa, qui cōpromiserunt in eum arbitrum, ex stipulatu peti & exigi potest ab eo, qui arbitro non paret, qui arbitri sententiæ non stat: pœna fiscalis non fuerat in stipulationem deducta, nec si fuisset deducta, fisco adquiretur actio, quia per liberam personam non acquiritur actio, l. 1. C. per quas pers. l. solutum §. per liberā, de pign. act. Neque obstat l. 1. de iure fisc. quæ ait, fisco deberi pœnam ex contractu priuati: quia, ut breue faciam, quod est

**A** facillimum, in ea lege non intelligit pœnam, de qua conuenerit inter cōtrahentes, ut fisco inferretur, sed pœnam legitimam, & iure irrogatam iis, qui contraxerunt illicitè, & adiudicatam fisco, ut in l. Senatui, de contrahen. empr. Ita Græci hoc loco ad eam legem respondent, & ita eam ipsam suo loco accipit Accurs. Bartolus aliter, & male.

#### Ad l. 44. de iudiciis.

*Non idcirco iudicis officium impeditur, quod quidam extoribus post litem aduersus omnes inchoatam, reipublica causa abesse cœperunt: cum presentium & eorum, qui non defenduntur administratio discerni, & æstimari possit. Cum postea seruus apparuit, cuius nomine per procuratorem fuit actum, absoluti debitorem oportet, quæ res domino quandoque propriam litem inferenti non obstat.*

**S**unt duo responsa in hac lege. Ad primum sciendum est in primis, Regulariter non valere sententiam, quæ dicta est non præsentem vtrique parte, non præsentibus omnibus, quos causa contingit, ut ait l. de vnoquoque, de re iudic. De vnoquoque negotii præsentibus omnibus, quos causa contingit, iudicari oportet: quod obtinet non tantum in sententia iudicis; sed & in arbitri compromissarij, l. diem §. si quis, l. inter, de recept. arb. Et manat ex xxi. tabul. in quibus ita est, *Præsentem ambobus litem addicito*. Hoc cognito fingit: Plures fuisse tutores pupilli, plures contutores, cum quibus finita tutela pupillus egit actione tutelæ, ut reddat rationes, & litem cum iis omnibus contestatus est. Post litem contestatam iudicio tutelæ (ut ponit Basilica) quidam ex tutoribus Reipub. causa abesse cœperunt, nec vllum defensorem reliquerunt, quæritur, an iis absentibus cæteris præsentibus, iudex suo officio fungi & sententiam dicere possit? Dubitationis causa hæc est, quod omnes litigatores præsentem non sunt, & exigit rite iudicatum præsentiam omnium, ad quos res pertinet. Et tamen Papin. respondet, iudicem suo officio fungi posse, & sententiam dicere, non quidem de re absentium, sed de re præsentium tutorum tantum: quia administratio absentium & præsentium à iudice diuidi & discerni potest. Ergo & iudicari separatim, & sic administratio præsentium recte separatim æstimabitur sententia iudicis, pupillo præsentem: nõ prohibetur iudex litem diuidere, si ita res exigit, idque constitutio Græca Iustiniani definit in l. pen. C. de sent. & interl. & confirmat l. cum in vna, in princip. de appell. Nec obstat quod ait l. nulli, C. de iudic. causæ continentiam, id est, *meo xlv* non posse diuidi. Quia non loquitur de iudice, sed de litigatore, qui diuidit continentiam aut consequentiam causæ: puta qui apud vnum iudicem agit de proprietate, apud alterum de possessione eiusdem rei, cum apud eundem de vtroque agere debeat, l. ordinarij, C. de rei vindicat.

**E** Ad secundum responsum huius legis hæc pertinent. Certissimum est cum seruo nullum consistere iudicium, nullam litem: ac proinde seruum non posse habere procuratorem litis, l. seruum quoque, de procur. Vnde si eum, qui per procuratorem egit de pecunia debita, tanquam de pecunia sibi debita, aut suo nomine, celans tamen, se esse seruum (quoniam si palam fuisset in ingressu iudicii, eum esse seruum, repulsus statim fuisset à iudice,) eum, inquam, qui per procuratorem de pecunia debita egit, si postea seruus appareat, facere, ut debitor absoluitur, cum quo egerat. Creditori autem suo obligatus manet, id est domino serui, quia absolutus tantum ab obseruatione iudicii, quod nullum est cum seruo; non ab obligatione, principali qua tenetur creditori suo. Et hæc est sententia huius secundi responsi. Nullum igitur est iudicium, quod postea apparuit fuisse habitum cum seruo, vel procuratore serui: sicut etiam nulla est libertas, quam dedit is, qui postea seruus apparuit, l. nulla competit, qui & à quib. man. lib. non fiant, item nullum est testamentum, quod obfi-



gnauit is, qui postea seruus apparuit, vt ex contrario sensu demonstrat *l. 1. C. de testam.*

At contra non est nulla sententia, quam dixit vt iudex legitimus is, qui postea seruus apparuit, *l. Barbarius, de offic. Prat. l. 2. C. de sentent. & interloc.* Nihil est quod tam facile explicari possit. Respondeo separanda esse, quæ quis sua auctoritate priuata constituit, ab iis, quæ publica auctoritate. Si sua auctoritate, vt si manumisit, si testamentum obsignauit, litigauit, nihil egisse videtur, qui postea seruus apparuit. Si publica auctoritate, vt si iudex creatus à Principe iudicauit, rata sunt ea, quæ iudicauit, licet postea seruus appareat: quia vt iudicium infantis suppletur auctoritate tutoris, *l. quamuis propillus §. infans, de acquir. poss.* ita quod eius iudicio deest, suppletur auctoritate Principis, qui etiam si sciens seruū iudicem fecit, vtique & liberum fecisse videbitur: sed si ignorans, non etiam videbitur fecisse liberum. Ceterum, quia quidquid fecit iudex, iure publico fecit: humanius est, vt ait d. *l. Barbarius*, conseruari ea, quæ iudicauit, vel propter utilitatem eorum, qui apud eum egerunt, & quietis causa finisquelitium: vt Cicero suadet, conseruari acta Cæsaris, vel otij & quietis causa, quantumuis ipso iure nulla fuerint. Sensus huius responsi hic est: quod cum eum, qui per procuratorem eius de debita pecunia, ex suo contractu, postea seruū esse apparuit, debitor absoluitur: domino autem serui obligatus manet, quia ab obseruatione tantum iudicij, quod nullum est, debitor absoluitur, & ab obligatione *negotiorum* id est, iudicio sistendi, quod nullum est, sed non etiam absoluitur ab obligatione principali qua tenetur domino eius serui. Et hanc interpretationem omnino exigit verbum *domino*, quod est in eoresponso: nam intelligit dominum eius serui, qui procuratorem dederat ad petendam pecuniam debitam ex suo contractu.

#### Ad l. 16. de inoffic. testam.

*Filio qui de inofficioso matris testamento contra fratrem institutum de parte ante egit, & obtinuit, filia qua non egit, aut non obtinuit in hereditate legitima, fratri non concurrit.*

**H**uius legis duo sunt responsa. In primo proponitur casus, quo per querelam inofficiosi testamenti (quæ liberis aut parentibus exheredatis datur) testamentum rescinditur pro parte tantum, hoc est, testator sit intestatus pro parte tantum, & pro alia parte manet testatus: quod videtur esse *παρὰ μέρος*: nec enim ab initio fieri potest vt si quis partim testatus, partim intestatus, nisi sit miles testator; sed ex post facto fieri potest, veluti per querelam inofficiosi testamenti, vt in casu huius responsi. Tres sunt fratres, duo præterito testamento matris, cuius præteritio pro exheredatione habetur, vnus heres institutus: Contra heredem institutum egerunt querela inofficiosi testamenti fratres præteriti à matre separatim de parte hereditatis singuli, & vnus obtinuit, alter non: Testamentum pro parte rescinditur, ita vt habeat heres testamentarius semissem, alterum semissem præteritus, qui obtinuit in querela tanquam legitimus heres ab intestato, prorsus excluso fratre, qui non obtinuit. Idem est; si vnus ex eis egit querela, alter non egit, repudiandi animo scilicet, vt in *l. seq. & l. si ponas §. ult. hoc tit.* Denique qui repudiantis animo non agit, vel qui agit & non obtinet, partem non facit fratribus, hoc est, non numeratur in partibus faciendis, & pro nullo habetur: Et hoc Papinianus respondet initio huius legis, qui tamen alio loco, hoc est in *l. Papinianus §. quoniam, hoc tit.* dicitur respondisse, diuersum esse, si quis non repudiandi animo taceat, & non queratur de inofficioso testamento, in quo est exheredatus, quoniam hic partem facit fratri: idque forte huic primo responso etiam subiecerat Papinianus.

#### Ad §. contra tabulas.

*Contra tabulas filij possessionem iure manumissionis patet accepit, & bonorum possessionem adeptus est. postea filia defuncti, quam ipse exheredauerat, questionem inofficiosi testamenti recte pertulit. Possessio quam pater accepit, ad irritum recidit: nam priore iudicio de iure patris, non de iure testamenti quæsitum est. Et ideo vniuersam hereditatem filia cum fructibus restituere necesse est.*

**A**d secundum responsum huius legis sciendum est: Patri præterito testamento filij emancipati, id est, instituto, nec exheredato, quia ea præteritio pro exheredatione habetur, competere querelam inofficiosi testamenti vt patri: vt manumissori autem, si filium in emancipatione manumiserit; quod non faciebat semper pater qui emancipabat nisi contraxisset fiduciam vt ipse manumitteret mancipatū alij filium, vt manumissori, inquam, si in emancipatione filij manumissor extiterit, exemplo patroni competit bonorum possessio contra tabulas, *l. 1. §. ult. si a paren. quis man. l. 14. hoc tit. l. si a milite §. ult. de testament. milit.* Multum autem interest, quo iure pater præteritus veniat ad hereditatem filij emancipati: Nam per querelam inofficiosi testamenti aufert totam hereditatem: per bonorum possessionem contra tabulas, semissem tantum, vel hodie trientem debitum verecundie manumissoris. Item si filius emancipatus, qui patrem prætermisit, quod pro exheredatione habetur, etiam filium suum exheredauerit, & prius pater egit querela inofficiosi testamenti & obtinuerit, victoria eius proficit filio exheredato, patri non proficit, *l. 6. §. si quis, hoc tit.* quod non fit quidem directo, quia res inter alios iudicata aliis non proficit, sed per consequentiam: propterea quod re iudicata, secundum eum, qui egit querela inofficiosi testamenti, testator factus est intestatus. hoc est, rescissum est testamentum. Patet igitur via filio vindicandæ hereditatis ab intestato, qui in causa intestati præfertur patri: sic fit, vt victoria patris proficit filio, hoc est, nepoti eius patris, non ipsi patri. At alio casu, si pater prius acceperit bonorum possessionem contra tabulas certæ partis, nihil hoc proficit filio exheredato, nepoti suo, imo nec patri, si postea filius exheredatus agat querela inofficiosi testamenti, & obtineat contra heredem scriptum, aut contra patrem, siue auum suum, qui iure bonorum possessionis contra tabulas partem bonorum filii emancipati occupauit. Victoria filii exheredati in querela inofficiosi testamenti excludit heredem scriptum, atque etiam patrem, qui anteuerat accipere possessionem bonorum contra tabulas, & vterque filio tenetur in hoc, vt filius habeat allem, hoc est, vniuersam hereditatem cum fructibus, nisi sint consumpti iam bona fide: & ratio differentie redditur à Papiniano, quia in questione accipiendæ bonorum possessionis contra tabulas, de iure tantum patris quæritur, pater ius manumissoris habeat, nec ne? non de iure testamenti. Et si rem obtineat pater, ius suum obtinet, id est, legitimam portionem datam patrono pro beneficio libertatis, non etiam rescindit testamentum, non repellit heredem scriptum. At in querela inofficiosi testamenti quæritur de iure testamenti, an in ea causa sit testamentum vt rescindi debeat: quod etiam in *l. si impubes §. 1. de Carb. edit.* declaratur: qui in querela obtinet, testamentum rescindit, testatorem intestatum facit, & consequenter filius, qui postea in querela obtinet, patrem excludit commodum bonorum possessionis ante acceptæ: quia locum habere non potest hæc possessio bonorum contra tabulas, quæ patrono datur, aut quasi patrono debetur: locum, inquam, habere non potest ab intestato, in hereditatem legitimam vocato defuncti filii beneficio querelæ inofficiosi testamenti.



Ad l. 51. de petit. hered.

*Heres furiosi substituto, vel sequentis gradus cognato fructus medij temporis, quibus per curatorem locupletior furiosus factus videtur, præstabit: exceptis videlicet impensis, quæ circa eandem substantiam tam necessario quam utiliter facta sunt. Sed & si quid circa furiosum necessario fuerit expensum, & hoc excipitur, nisi alia sufficiens substantia est furioso, ex qua sustentari potest.*

**S**ciendum est homini tantum sanæ mentis, non etiam furioso aut mente capto hereditatem, aut bonorum possessionem ex testamento, vel ab intestato, legibus aut edictis deferri, l. 1. §. furiosi, de success. edic. l. 1. de bon. poss. fur. comp. l. 1. C. de suc. ed. quia deferri dicitur ea hereditas, vel bonorum possessio, quæ potest adquiri, vel repudiari: atqui adquiri potest, & tantum repudiari utiliter ab homine sano; igitur insano non deferitur. Ideoque certum est, hereditatem neque furiosum adquirere, neque bonorum possessionem accipere iure & ex edicto, neque per se, neque per procuratorem suum. Excipitur vnus casus, si suus heres patri, vel si necessarius heres domino furiosus existat: Existit enim heres ipso iure etiam ignorans, & siue curatoris auctoritate, §. sui autem, Inst. de hered. qua ab intest. l. ult. §. si in veropetuo, C. de curat. fur. l. 63. de acqui. hered. vbi additur alius casus, si per eum, quem habet in potestate furioso obuenerat hereditas, ad eum iussu curatoris. Iis duobus casibus exceptis, furiosus, neque per se, neque per curatorem suum hereditatem adquirere potest, neque accipere bonorum possessionem edictalem, & ordinariam. At decretalem bonorum possessionem, quæ scilicet extra ordinem datur decreto Prætoris vel Præsidis ex causa, non ipso iure, non edicto promittitur, curator furiosi nomine accipere potest, vt interim furiosus fruatur bonis, & inde se alat atque exhibeat, l. 2. §. si quis ex liberis, Senatus. Tertul. l. pen. §. nos itaque, C. de cur. fur. Quæ tamen decretalis bonorum possessio datur temporis causa, quandiu furiosus in ea conditione fuerit, par promissionem: neque enim ideo bona habiturus est, de quibus agitur, perpetuo & directo iure, antequam resipuerit, & præterea mox acceperit edictalem possessionem, vel hereditatem adierit. Ideoque petita à curatore furiosi bonorum possessione decretali, curator cauere vel satisfacere debet hoc modo: *Si furiosus in eodem statu decesserit, hoc est non resipuerit, & ex eo aut in eo morbo diem suum obiecit, neque adita hereditate, neque ad quos ea res pertinet, veluti substituto furiosi, ad quem, furioso herede instituto non acquirente hereditatem ex testamento, hereditas defertur iure substitutionis vulgaris, quia in hunc casum substitutus est: Si institutus heres non erit, quæ est causa substitutionis vulgaris. Et verum est eum heredem non esse, qui in eo statu decessit, licet interim nomine eius curator bonorum possessionem adeptus sit, qui non iure & ex edicto eam adeptus, sed ex decreto temporis causa, quandiu institutus fureretur. Non pono igitur, furioso heredi instituto datum fuisse substitutum in secundum casum, vt Accursius ponit, ad exemplum & similitudinem pupillaris substitutionis, hoc modo: Si institutus heres erit, & in eo furore decesserit, ille heres esto; non sic pono, datum substitutum in hunc casum, qui dicitur secundus casus substitutionis, l. precibus, C. de impub. & al. substit. ideo autem non sic pono vt ponit Glossa, quia ante Iustinianum hoc iure in eum casum furioso substitui non potuit sine speciali venia principis, l. ex facto, de vulg. substit. sed pono ei datum fuisse substitutum vulgari modo, hoc est, in primum casum: si heres non esset, vt in l. 1. de bon. poss. fur. comp. Et Albericus, & Angelus Perusinus ponunt rectissime reprehensio Accursio. Et huius positionis fortissimum argumentum est in hac lege, quia in lege ponit, Ab extero quolibet furioso heredi instituto sub-*

**A**stitutum datum, non à patre; ergo in primum casum, Si heres non erit, quæ est vulgaris, non in secundum casum, id est, si heres erit, & in eo statu decesserit, nec ex constitutione Iustiniani hodie, id est, ex l. humanitatis C. de imp. & al. substit. l. ult. §. sui autem parentis, C. de cur. fur. potest à quolibet furioso substitui in secundum casum, sed à patre tantum vel auo, qui furiosum habet in potestate. Aliud etiam huius rei argumentum rectissime ducitur ex hoc responso Papiniani: quoniam Papin. in eo alium facit heredem furiosi, quam substitutum, legitimum heredem scilicet ab intestato, qui substituto furiosi restituat hereditatem tantum eam, ex qua furiosus testamento extranei heres fuit institutus: ergo substituto in primum casum: nam ad substitutum in secundum casum, si is datus fuisset furioso, non tantum ea hereditas pertineret, sed etiam cætera omnia bona furiosi vnde cumque quæ sita, l. sed si plures, §. ad substitutum, de vulg. substit. nec alium haberet heredem furiosus quam substitutum, quia substitutio facta in secundum casum nihil aliud est, quam testamentum siue datio heredis, l. Papinianus §. sed neque impuberi, de inoff. testam. Ergo his argumentis freti dicamus, curatorem, qui accepit bonorum possessionem furiosi nomine, vel agnoscit, vt sit hodie nuda voluntate sine solemnitate decreti, exemplo tamen decreti Constitutione Iustiniani, hæc est, ex l. ult. C. de cur. fur. debere cauere in hunc modum: bona restitutorum furioso substituto in primum casum: vel vt hodie obtinet ex eadem Constitutione, ipso iure ea bona pertinent ad substitutum in primum casum, id est, ad substitutionem vulgarem, mortuo scilicet furioso in eadem conditione. Et addamus, vel si non sit furiosus heres institutus, ei quæ datus substitutus vulgaris, sed cum defuncto esset proximior cognatus, nomine eius curator decretalem bonorum possessionem accepit, curatorem cauere debere bona restitutorum iri cognato sequentis gradus, ad quem ea bona peruenissent, si furiosus defuncto proximior non fuisset, videlicet furioso moriente ante sanitatem receptam & petitam bonorum possessionem edictalem: nam decretalis finitur sanitate & resipiscencia, eaque finita suo nomine petere debet bonorum possessionem edictalem, aut iure ciuili hereditatem adire: aut sane locum faciet substituto vulgari, vel sequentis gradus cognato, d. l. 2. §. si quis ex liberis, ad Senatus. Tertullia. His cognitis res erit facilius, quæ iis incognitis vix poterat intelligi. Finge: furiosus testamento Lucij Titij heres institutus est, eique datus est substitutus vulgari modo, vt si is heres non esset, ille heres esset: vel L. Titio mortuo ab intestato, furiosus ei proximior cognatus est: deinde ex testamento vel ab intestato bonorum possessionem curator furiosi agnouit eius nomine: interim temporis causa & ex illis bonis fructus percepit. postea mortuus est furiosus in eodem statu, & furioso Caius ab intestato heres extitit, nunc à Caio legitimo herede furiosi, substitutus furiosi vel sequentis gradus cognatus (qui scilicet eum, quem furiosus contingebat primo gradu, contingit secundo) petit hereditatem L. Titij, quam possidet pro herede. Iusta petitio est, eamque hereditatem Papinianus ait, Caium heredem legitimum furiosi debere restituere substituto vulgari vel sequentis gradus cognato, cum fructibus medio tempore à curatore perceptis, quibus per curatorem furiosus locupletior est factus. Et recte: quibus locupletior est factus, quia bona fidei possessor (qualis fuit furiosus, cum ex decreto vel ex Constitutione Iustiniani per curatorem bona possideret) eos tantum fructus petitori hereditatis restituere tenetur, quibus locupletior factus est, l. illud §. in bona fidei, hoc tit. Et hoc est quod ait Papin. initio huius l. Heres furiosi, &c. quæ verba agnosco esse Papin. At quæ sequuntur stylus prodit esse Tribonianum, nempe hæc: *Exceptis videlicet impensis, quæ circa eandem substantiam tam necessario, quam utiliter facta sunt. Quibus verbis adiecit Papiniano Tribonianus, fructus, qui in restitutionem veniunt, vt dixit Papin.*



esse intelligendos deductis sumptibus, non tantum factis fructuum quærendorum, cogendorum, cõservandorumque gratia, quod est certissimum, & obtinet in omni parte iuris, etiam deductis sumptibus factis in res & corpora hereditaria, si necessarij vel utiles illi sumptus fuerint, ut in *l. plane, hoc tit.* Quid si voluptuarij fuerint, ut si in prædiis hereditariis curator furiosi medio tempore fecerit picturas vel incrustationes? nihil scribitur de voluptuariis. Unde apparet, eum non dare deductionem sumptuum voluptuorum, quæ tamen datur bonæ fidei possessori, *l. utiles, h. t.* Et ratio hæc est: quia non debuit curator superuacuos sumptus facere, superuacuas facere impensas in bona, quæ possedit furiosus temporis tantum causa, in bona restitutioni forte subiecta: dat tamen heredi legitimo furiosi deductionem sumptuum factorum, furiosi ex eis bonis alendi & exhibendi causa, si eum curator aliunde tueri non potuit & alere. Quoniam & ij sumptus minuunt hereditatem, nec repeti possunt aut reputari heredi legitimo furiosi à substituto vel à sequentis gradus cognato, ut fit in bonorum possessione Carboniana, quæ etiam est decretalis & temporaria: nam finitur pubertate, & datur impuberi, cui fit controuersia status & bonorum paternorum, ut interim fruatur bonis, & ex iis toleret vitam suam, qui sumptus, si factus pubes excedat bonis (quod probatur forte fuerit filium eum non esse defuncti) non repetuntur. Interim igitur de alieno alitur, *l. ult. C. de Carbon. edic.*

#### Ad §. fructuum.

*Fructuum post hereditatem petitam perceptorum usura non præstatur. Diversa ratio est eorum, qui ante actionem hereditatis illatam percepti hereditatem auxerunt.*

**I**N hoc responso facit differentiam inter fructus perceptos ante petitam hereditatem, ante illatam actionem hereditatis, id est, ante litem contestatam, quorum fructuum usuras præstari ait: & fructus perceptos post petitam hereditatem, quorum usuras præstari negat. Et hoc intellige de fructibus venditis & in sortem redactis, ut in *l. 4. de pact. dotal. l. cum qui, de iis quib. ut indig.* nam corpora ipsa fructuum in iudiciis usuras non recipiunt, sed pretia tantum & sortes. Rationem autem huius differentie Papinianus non explicat aperte, sed subindicat & innuit eam, dū ait, *fructus perceptos ante petitam hereditatem, ipsam auxisse hereditatem*; non igitur etiam eos auxisse hereditatem, qui percepti sunt post petitam hereditatem. Nam si fructus percepti post petitam hereditatem non auxerunt hereditatem, sequitur eos non fuisse deductos in petitionem hereditatis, non fuisse petitos, sed venisse in iudicium officio iudicis, ut etiam ait, *l. neque, de usur.* Eius autem, quod officio iudicis accedit, alia accessio nulla esse potest: accessionis accessio non est, ne sint infinitæ præstationes, *d. l. neque.* Denique usura usuræ, compendium compendij, commodum commodi non est, ut ait *l. §. si indemnitas, de admin. re ad civit. pert.* & constat ex multis aliis. Ita fructuum, qui vice accessionis officio iudicis veniunt, non deductorum in iudicium, non petitorum, alia accessio veluti usura, & quasi fructuum fructus esse non potest. At fructus percepti ante petitam hereditatem, quia hereditatem auxerunt, actione hereditatis petiri intelliguntur, & in iudicium veniunt actionis iure & potestate, non officio iudicis. Nam hæc verba petitionis hereditatis, *si paret hereditatem meam esse*, etiam fructus continent, quibus aucta est hereditas, tanquam partes hereditatis, *l. item veniunt §. fructus, h. t.* Denique fructus percepti ante petitam hereditatem, petita hereditate petiri intelliguntur tanquam pars hereditatis & rei principalis; & ideo facile accipiunt accessionem usurarum. At fructus percepti post petitam hereditatem non intelliguntur petiti actione hereditatis; itaque accedunt hereditati officio iudicis: ex quo sequitur, hu-

**A** ius accessionis aliam accessionem esse non posse. Et hanc quidem rationem differentie etiam Irnerius probavit, & Græcus interpret: & quis non probaret Papiniano ipso eam innuente, dum ait, *fructus perceptos ante aditam hereditatem auxisse hereditatem*, quod non ait de fructibus perceptis post petitam hereditatem? Ex hoc discrimine & illius potissimum, quod ponit, sumenda est ratio, nec hanc differentiam quicquam infirmat quod Accursius obicit ex regula iuris: non fieri deteriorem conditionem eius qui litem contestatus est, quod litem contestatus sit, sed plerumque meliorem, *l. non solet, de reg. iur.* At qui deteriorem fieri conditionem petitoris, si non præstentur ei usuræ fructuum perceptorum post litem contestatam. Quæ assumptio perneganda est: nam fieret quidem deterior conditio actoris, si usuræ, quæ ceperint ante litem contestatam, eadem post litem contestatam non currerent, quod etiam non fit: nam lite contestata usuræ non consistunt, sed porro currunt semper *l. lite, de usuris*: At si post litem contestatam usuræ non incipiunt, deterior non est conditio actoris, quia eius res vel ius non minuitur. Quod autem ait Papinianus, fructuum perceptorum post litem contestatam usuras non præstari, in utroque poss. fore verum est, non tantum bonæ fidei, sed etiam malæ fidei, quia & post litem contestatam omnes incipiunt malæ fidei possessores esse, etiam qui ab initio bona fide possederunt, *l. sed etsi lege §. si ante, h. t.* Omnes igitur præstant fructus perceptos post petitam hereditatem, etiam ij, qui ab initio bona fide possederunt, ignorantes rem alienam esse: sed eorum fructuum usuras, qui percepti sunt post litem contestatam nec malæ fidei possessor præstat, *d. l. neque.* Quod item ait de fructibus perceptis ante litem contestatam, ut usuræ eorum præstentur, etiam aliquatenus in utroque possessore verum est, non per omnia; quoniam id tantum in eo plurimum locum habet, & indistincte siue omnimodo, qui malæ fidei possessor fuerit, nam bonæ fidei possessor non præstat fructus perceptos ante litem contestatam, nisi quatenus ex iis locupletior factus est, ut dixi in primo responso. Et horum quoque fructuum, quibus locupletior factus est ante litem contestatam, usuras non præstat, nisi à die litis contestatæ, quo primum sciuit rem esse alienam, *l. i. C. de petit. hered.* Et eatenus quidem, quod ait de fructibus perceptis ante litem contestatam, etiam dici potest in utroque possessore verum esse. Nec abs re Papinianus nullam fecit mentionem possessionis aut fidei possessoris, quoniam quod ait de omni possessore, aliquatenus verum est, vel etiam per omnia: ut quod ait de fructibus perceptis post litem contestatam, per omnia verum est in utroque. Quod de perceptis ante litem contestatam, aliquatenus tantum, siue ad aliquid, quoniam magis id conuenit soli malæ fidei possessori, qui fructus perceptos ante litem contestatam omni modo restituit cum usuris legitimis; & ita scriptum hoc est nominatim in malæ fidei possessore in *l. heredem, & l. eum qui, de his quibus ut indig. l. illud §. prædo, hoc tit.* ubi ait, Prædonem, id est, malæ fidei possessorem, fructuum, qui hereditatem auxerunt (ij sunt fructus præteriti, qui sunt percepti ante litem motam) fructus præstare, hoc est, usuras fructuum eorum, pretij usuras prædonem præstare. Usura est fructus pretij pecuniæ. Usura est fructus pecuniæ. Idem ait *d. l. neque.* Verum eadem lex *neque* pugnat valde cum eo, quod ait Papin. hoc loco, fructuum perceptorum ante litem contestatam usuras præstari, quoniam ait *l. neque*, nec eorum fructuum usuras præstari, qui ante litem contestatam percepti sunt, qui quasi à malæ fidei possessore ante litem contestatam percepti condicuntur. Non loquitur ea lex de petitione hereditatis, in qua, si cum malæ fidei possessore agatur, omnimodo veniunt fructus percepti ante litem contestatam actionis iure tanquam rei hereditariæ; & quia de hereditatis petitione non loquitur, ideo utitur verbo condicuntur: sed loquitur de conditione fructuum, de conditione



sine causa, vel ex iniusta causa, quam scilicet intendit is, qui vicit actione proprietatis, id est, actione in rem speciali, vt l. 3. C. de cond. ex lege. Quoniam in actionem in rem specialem veniunt quidem fructus percepti post litem contestatam officio iudicis, sed non etiam ante percepti, nisi nominatim petiti sint, l. 2. C. de per. hered. sed finito iudicio proprietatis, in quo fructuum ratio habita non sit, vel deducta à petitore, qui vicit rem suam esse, deinde extantes fructus vindicantur, consumpti condicuntur à malæ fidei possessore. fructus enim rem certam, hoc est, corpus certum augere non intelliguntur, vt eo corpore petito & ipsi petiti intelligantur. At hereditatem fructus augere intelliguntur, quia hereditas est nomen iuris, quod scilicet intellectu tantum abstrahitur & percipitur, non sensu. Hereditas est ius successionis; & hoc ius, augmentum & diminutionem recipit, & sic fit, vt petita hereditate, quæ ei augmenta accesserunt, etiam petita intelligantur. Differentia autem est maxima inter petitionem hereditatis & condictionem, de qua loquitur l. neque, quia conditio sine causa est actio stricta: petitio hereditatis est actio bonæ fidei; & in strictam actionem non veniunt vsuræ, nisi sint deductæ in stipulationem, l. Titius, de præs. verb. Et ideo in condictionem fructuum præteritorum, quæ intenditur aduersus malæ fidei possessorem, qui de proprietate victus est, vsuræ non veniunt, quia non sunt deductæ in stipulationem, nec possunt deberi, nisi ex contractu. At in bonæ fidei iudiciis vsuræ veniunt officio iudicis citra obligationem ex tempore moræ, ex sola mora, l. mora. §. in bona fidei, de vsur. Est tamen notandus vnus casus, quo etiam in petitionem hereditatis non veniunt vsuræ fructuum ante litem contestatam perceptorum à malæ fidei possessore, puta si fiscus petat hereditatem ex causa taciti fideicommissi ab herede; qui tacitā fidem interposuit incapaci restituendi fideicommissi, qui quidem heres est loco prædonis, l. prædonis, hoc tit. nobis prædo est, quicumque malæ fidei possessor, non inuasor tantum: hoc vero casu benigne decreuit, vt ait Papinianus, Seuerus Imperator, non admissa superiore distinctione temporis, nec post litem motam, id est post petitam hereditatem, nec ante, ex hac causa taciti fideicommissi perceptorum fructuum vsuras præstari, l. eum qui, de his, quæ vt indig. Benigne hoc decreuit in hoc casu: Ergo regulariter aliud esse sequitur, sed in hoc casu noluit nimium fauere fisco suo: & cum ea lege eum qui, nihil pugnat l. eum quidam §. in tacito, de vsur. quam obiciunt: quæ non dicit heredem, qui tacitam fidem interposuit, præstare vsuras fructuum, sed præstare vsurarum emolumentum, quod scilicet ipse percepit à debitoribus: nam vsuræ ab eo collectæ omnimodo restituendæ sunt; fructuum autem collectorum vsuræ nequaquam. At rursus quod ait d. l. eum qui, excepto illo casu taciti fideicommissi, malæ fidei possessorem post litem contestatam, hoc est, à die tantum litis contestatæ, præstare vsuras fructuum ante litem contestatam perceptorum, hoc congruit cum l. 1. C. de his, quæ vt indig. sed non tamen bene congruit cum Senatusconsulto de petitione hereditatis, quo bonæ fidei possessori hoc tantum datur vt fructuum ante litem contestatam perceptorum, quibus scilicet locupletior factus est, vsuras præstet à die litis contestatæ tantum, l. 1. C. de petit. hered. Quamobrem Vlpian. in l. item veniunt §. ceterum, hoc tit. mirum in modum coarctat eam l. 1. C. de his, quæ vt indig. quæ idem videtur statuere hac in re in malæ fidei possessoribus, quod præcipue Senatusconsultum dedit bonæ fidei possessori. Et eum modum igitur, quem imponit Vlpian. d. l. 1. quæ est etiam Seueri constitutio ad Celerem, nos oportet addere d. l. eum qui, quæ congruit cum eo rescripto Seueri. Modus hic est, quem ponit Vlpianus d. l. 1. vt locum habeat d. lex 1. & quod ex ea tradit Papinianus in d. l. eum qui, in iis tantum fructibus aut rebus, quas malæ fidei possessor vendidit ante litem contestatam, quæ onerarent magis hereditatem, quæ

fructui essent, veluti, quod essent res steriles aut tempore peritura. Harum rerum siue fructuum, quos ex iusta causa vendidit malæ fidei possessor non præstat vsuras, nisi ex die litis contestatæ. Et ita auctore Vlpiano accipienda est l. 1. Aliarum autem rerum vel fructuum, qui vsui & fructui esse poterant, qui seruari poterant, si eos distraxerit ante litem contestatam malæ fidei possessor, eum vsuras præstare statim à die petitionis, nec petitionis tantum, sed à die venditionis, si hoc actor malit, aut res ipsas vel fructus debere præstare, quoniam eas, eosque possidere intelligitur, qui dolo malo desit possidere. Dolus pro possessione est, ergo districte in eum agi potest, vt eas res, eosque fructus, quos distraxisset, præstet, quasi possessor, vt redimat ab emptore, & præstet, aut si non possit præstare, vt damnetur, quanti in litem iuravit actor, hoc est, quanti eas res iuratus actor, eosque fructus æstimarit: quod plerumque est immensum pretium vel infinitum. & hinc apparet, quam distent hæc in re bonæ fidei possessores à malæ fidei possessoribus, quamque non sit in vtrisque in omnibus & per omnia, idem ius in hac questione.

#### Ad l. 48. de rei vindic.

*Sumptus in prædium, quod alienum esse apparuit, à bonæ fidei possessore facti, neque ab eo, qui prædium donauit, neque à domino peti possunt: verum exceptione doli opposita per officium iudicis, æquitatis ratione seruantur: si fructuum ante litem contestatam perceptorum summam excedant. etenim admissa compensatione, superfluum sumptuum meliore prædio facto, dominus restituere cogitur.*

**Q**uestio in hac l. est de ratione sumptuum à possessore rei, de qua agitur, factorum ante litem contestatam: in qua questione arbitror non esse admodum separandum iustum possessorem à prædone, hoc est, malæ fidei possessore, neque petitionem hereditatis à speciali in rem actione: nam in vtroque iudicio vterque possessor actori sumptus necessarios & vtilis, quos fecit in eā rem, quæ de agitur reputat: vel opposita exceptione doli mali, vel per officium iudicis, etiam omissa exceptione doli mali, quia vtrique iudicio hæc exceptio tacite inest, & si sit omissa, huic rei cōsultitur aut subuenitur per officium iudicis, l. plane, & l. ult. de per. hered. l. bona fidei, de nox. act. l. si autem §. in rem, h. r. & hoc est, quod ait Papinianus in hac lege, Bonæ fidei possessorem sumptus necessarios & vtilis, quos fecit in prædium alienū, quod possidebat bona fide, repetere quidem non posse à domino, qui prædium vindicat, neque ab auctore suo. id est, ab eo, à quo rem habuit: non posse, inquam, per actionem fructus repetere à domino, vel ab eo, à quo rem habuit, vt puta, ab eo, qui prædium ei donauit. Et caute Papinianus custoditeque loquitur de donatore tantum, quia donator de euictione non tenetur donatario, ideoque nec ei sumptuum nomine tenetur donator, quibus rem donatam meliorem fecit. Donator immunis est omni obligatione, atque liber, post perfectā donationem, ab obligatione euictionis, & obligatione adilitij edicti ob redhibitionis causam. Caute igitur de donatore tantum loquitur, à quo dicit bonæ fidei possessorem petere non posse: nam à venditore prædio euicto proculdubio eos sumptus consequeretur iudicio euictionis, in quod venit id omne quod interest, omnes etiam sumptus, quibus res euicta melior facta est, l. 9. C. de euiction. donator non tenetur de euictione in id, quod interest, l. 2. C. eod. tit. at venditor tenetur in id omne, quod interest: ergo & in sumptus factos in rem venditam si euicta sit, & si eos bonæ fidei emptor iam sibi non seruauerit à domino, qui prædium vindicauit & euicit: nam si eos sumptus à domino repetere non possit, vt Papinian. ait, per actionem, eos tamen sibi seruare potest per exceptionem doli mali, vel per officium iudicis: qui iudicat de proprietate prædij: repetere igitur eos fructus non potest, reputare potest per exceptionem doli, vel per officium iudicis. Et



Et quod ait in hac lege : *Exceptione doli opposita per officium iudicis*, est ἀνὸν δόλον. Servat, inquit, sumptus à domino, qui vindicat rem proposita exceptione doli vel per officium iudicis, sunt enim duo remedia, non vnum. Et hoc deinde Papinianus ita declarat procedere, si minus sit in fructibus ante litem contestatam perceptis quam in sumptibus. Fit enim compensatio concurrentis quantitatis fructuum & sumptuum, & quod plus est in sumptibus in rem alienam bona fide factis servatur possessori, qui fecit, per exceptionem doli mali, vel per officium iudicis, ut dictum est. Et hæc est sententia legis. Cæterum lex hæc, hoc tantum tradit in bonæ fidei possessore de quo loquitur. Ergo aliud videtur esse in malæ fidei possessore: neque frustra, aut otiosum quicquam unquam Papinianus scribit. Et ut aliud sit in malæ fidei possessore, ratio iuris stricta suadet, quia prædo de se queri, & sibi non petitori imputare debet qui sciens in rem alienam impendit. §. certe, *Instit. de rer. divis.* Ideoque in *l. domum C. de rei vindic.* etiam prædoni tantum datur deductio siue reputatio sumptuum necessariorum, non etiam utilium: sed si utiles sumptus fuerint, hoc tantum ei permittitur, ut asportet & tollat ex eo, quod fecit, quod sine detrimento rei principalis tolli potest, sine læsione prioris status rei. Ergo aliud ius est prædonis, aliud iusti possessoris. At initio huius recitationis, idem constitui esse ius utriusque. Et vero ita est: nam etsi prædonem à deductione siue reputatione expensarum utilium repellat stricta ratio iuris, qui sciens prudensque in rem alienam impendit, d. §. certe, & d. l. domum, tamen benignius est, ut ait d. l. plane, de petit. her. & prædonem, hoc est, malæ fidei possessorem beneficium exceptionis doli mali, vel officio iudicis recipere sumptus, quibus rem meliorem fecit, ne scilicet actor ex aliena iactura lucrum faciat, ne ex alio incommodo suum augeat commodum. Quod ad strictam illam rationem, quæ etiam proponitur in d. l. plane, addit eadem lex, atque etiā *l. Iulianus*, hoc tit. illo loco, *Nisi forte quis dicat exceptionem malæ fidei possessori prodesse de damno sollicito*, id est, de iactura, qua locupletior actor fiat. Ita vero idem addi potest d. l. domum & d. §. certe, quibus auctor spectat solam rationem strictam iuris. Strictæ scripturæ auctoris licet addere benignam interpretationem ex aliis legibus: ita tamen hoc addamus, ut si dominus non habeat unde sumptus utiles possessori refundat, tunc necessario dicamus, quod est in *l. domum*, hoc tantum permitti possessori, ut tollat quæ salva re tolli possunt, qui aliter, quod impendit, servare non potest: sed possessori non tantum malæ fidei, ut d. l. domum, sed etiam bonæ fidei, quando dominus aliunde solvere non potest, l. *sin autem §. in rem petitam*, & l. *in fundo*, hoc tit. nunc huic legi omnino recte coniungenda est l. 65. hoc tit. quæ est Papiniani. ex eodem libro.

#### Ad l. emptor prædium 65. eod:

*Emptor prædium, quod à non domino emit, exceptione doli mali posita, non aliter domino restituere cogetur, quam si pecuniam creditori eius solutam, quia pignori datum prædium habuit, usurarumque mediæ temporis superfluum recuperaverit: scilicet si minus in fructibus ante litem perceptis fuit: nam eos*

**Q**uod dixit Papinianus in l. 48. quam modo exposui, de sumptibus factis in prædium alienum à domino recuperandis, idem in primo responso h. l. 65. statuit de pecunia, quam creditori domini, qui prædium illud habuit pignori obligatum in sortem & vsuras soluit possessor, si modo ea pecunia & vsuræ mediæ temporis (quod vno verbo à nostris solet appellari *Internsurium*) excedant summam fructuum ante litem contestatam perceptorum. Nam fructuum & vsurarum admissa & facta compensatione, quod plus erit in vsuris, dominus, qui

Respons. Papin.

**A** prædium vindicat, possessori restituere cogetur, quia in rem & utilitatem eius re ipsa possessor eam pecuniam expendit, ut in *l. si creditor, de pign. actio*. Denique quod dixit d. l. 48. de sumptibus, idem in primo responso huius tituli statuit de vsuris, *ad exemplum sumptuum*, ut ait, in *prædium factorum*. Quibus verbis Papinian. plane se refert ad d. l. 48. Sed nondum est satis: necesse est etiam explicare speciem huius primi responsi, quæ positu facilis non est, sed intellecta placebit. Pone: Creditori meo prædium meum pignori obligant in sortem & vsuras, quas deduxerat creditor in stipulatum: deinde me absente & ignorante Lucius Titius prædium meum emit, & traditum accepit non à me, non à creditore distrahente iure pignoris, sed ab alio non domino. Ita recte ponit Accurs. tertio loco in prima glossa. Deinde cum L. Titio creditor agit hypothecaria actione: quamobrem L. Titius soluit creditori sortem & vsuras debitas, atque ita pignus meum & me ipsum liberauit à creditore, non quidem principaliter hoc animo, ut me liberaret, & rem meam gereret, sed ut sibi confirmaret & optimo iure haberet empti prædij possessionem. Sic vero L. Titius successit in locum creditoris mei, & ideo L. Titio ab eo tempore, quo creditorem meum absoluit, debentur vsuræ, quæ creditori debitæ fuissent, si non fuisset absolutus. Quare me vindicante prædium à L. Titio, is non tantum mihi reputabit sortem & vsuras, quas meo creditori soluit, sed etiam à die solutionis mihi reputabit vsuras eiusdem quantitatis, tanquam sibi perinde atque priori creditori, cuius in locum successit, debita sorte & vsuris iisdemiat non reputabit etiam earum vsurarum vsuras, ut l. 12. §. sciendum, qui pot. in pig. hab. l. secundus creditor, C. de pign. quia eas vsuras magis sui quam mei negotij gerendi causa soluit, magis rei suæ, quam meæ seruandæ causa. Si magis mei gratia hoc fecisset, vsuræ solutæ loco sortis essent, & reciperet vsuras in iudicio negotiorum gestorum, l. idem quoque §. si procurator, l. qui negotia, §. i. & §. ult. mand. Si magis sui gratia, ut in specie proposita, vsuræ solutæ loco sortis non sunt, sed tanquam vsuræ, alias non admittunt: quia nihil est, quod magis ius abhorreat quam vsurarum vsuras. Sunt igitur duo genera vsurarum, quæ mihi Lucius Titius reputare potest: vsuræ veteres, quas soluit creditori meo, & vsuræ novæ, quæ ei L. Titio deberi cœperunt à die solutionis, ad exemplum prioris creditoris cui successit. Sed hoc interest inter veteres & novas vsuras, quod novas compenset cum fructibus, si quantum est in vsuris, tantum sit in fructibus perceptis ante vindicationem prædij: at si quid plus est in vsuris, id solum reputat atque deducit. Veteres autem vsuras non compensat cum fructibus: nam etsi tantum sit in fructibus quantum in veteribus vsuris, quas creditori meo soluit omnimodo earum vsurarum deductionem, reputationem, & retentionem habet. Et hoc est quod ait Papinianus hoc loco: *Fructus vsuris novis duntaxat compensari*. duntaxat, ut excludat, veteres, quas non vult compensari cum fructibus, quod vicem habeant quandam sortis, sed restitui possessori. Male igitur scribitur, ut quidam Codices habent *Nobis*, & recte *vsuris novis*, ut in Basilicis, τοῖς νέοις τόκοις, & apud interpretem βασιλικῶν, τοὺς καινὲς, & in hoc responso, *vsurarum mediæ temporis superfluum*, hoc est, quod plus est in vsuris novis, quam in fructibus. Medium igitur tempus vocat, quod intercessit à die solutionis in diem vindicationis prædij, ut Glossa notat recte: quæ ubique etiam est sana & rectissima, præterquam ad illa verba, à non domino, ex qua glossa retineri tantum volo, quod ait, *vel dic tertio*, id est, tertiam opinionem. Recte etiam Florentini hoc loco habent, *ante litem perceptis*, & Basil. πρὸ τῆς αἰτίας τῆς ἐξέως, male alij, à lite contestata. Recte ante litem, ut ante litem contestatam in l. 48. Ideo autem in utraque ait, fructus perceptos ante litem contestatam pro modo quantitatis concurrentis compensari cum vsuris novis, vel cum sum-

E



ptibus in rem factis, non quod non & similiter compen- A  
sentur fructus percepti post litem contestatam, sed quod  
de illis magis dubitari poterat. Nam fructus percepti  
post litem contestatam veniunt in actionem in rem officio  
iudicis, qui ipsa pendente lite sunt percepti. At per-  
cepti ante litem motam nullo modo veniunt in eam  
actionem, nisi nominatim petantur & vindicentur, & ta-  
men licet petiti non sint, iure compensantur. Et sic etiam  
sumptus hoc loco intelligimus factos ante litem conte-  
statam, *d. l. fin. autem §. in rem petitam*. Non quod habeat-  
ur etiam ratio sumptuum factorum post litem contesta-  
tam, sed quod dubitari magis poterat, de iis qui non in  
ipsa lite, sed ante litem facti sunt.

Ad §. Ancillam quæ non.

*Ancillam qua non in dotem data, sed in peculium filia con-  
cessa est, peculio filia non legato, mancipium hereditarium esse  
conuenit. Si tamen pater dotis ac peculij contemplatione filiam  
exheredauit: & ea ratione reddita, nihil ei testamento reli-  
quit, aut eo minus legauit, filiam defuncto tuebatur voluntatis.*

**M**ultum interest filiafamil. detur aliquid in dotem,  
an in peculium: nam si datum sit in dotem, statim  
fit proprium patrimonium filia. filiusfam. habet propriū  
patrimonium, castrense peculium aut quasi castrense; fi-  
liafam. dotem à patre profectam, quæ statim fit propria  
filiafamil. vt nec auferri possit à patre per exheredatio-  
nem filia vel alio modo, *l. vn. §. videamus, C. de rei vxor.  
act.* Exheredatio non aufert omnia liberis, non aufert ius  
sepulchrorum *l. 6. de relig.* non aufert ius dotis suæ vel fi-  
lia à parente data, *d. §. videamus, l. dotem, de collat. bon.* non  
aufert adsignationem libertorum, *l. 1. §. sed etsi, de adsign.  
liber.* non aufert casum militiæ, *Le vacant d'un office, No-  
mel. 22.* non aufert etiam ab intestato iura libertorum, vt  
declarat Iustinianus in illa constitutione Græca de *in re  
patronatus*, quæ desideratur in fine tituli *C. de bon. libert.*  
Quod autem filia datum est in peculium, quodocunque  
filia auferri potest à patre, & ablatum videtur, si exhere-  
data sit, non legato peculio, nisi, vt ait, exheredationi sit  
additum elogium hoc modo: *Exheres esto, quia sufficit tibi  
peculium quod dedi.* Idem: si modico legato simile elogium  
additum sit: *lego tibi quinque, quia abunde sufficit quod dedi  
peculium:* nam in hoc casu non legatur peculium nomina-  
tim per illa verba: *quia abunde sufficit peculium, quod dedi  
inter viuos.* Ergo non potest petere peculium, sed si id he-  
redes vindicent à filia, potest retineri, non potest peti, sed  
retineri per exceptionem doli mali ex voluntate defun-  
cti; quoniam, inquit, filiam tuebatur voluntas defuncti. De-  
nique legati, quod nominatim non est relictum, petitio  
non est, non enim debetur: retentio tamen eius est ex  
coniectura voluntatis defuncti per exceptionem doli ma-  
li, vt *l. ult. §. annus. de doli except.*

Ad l. 4. de seruitut. rust. præd.

*Pecoris pascendi seruitutes, item ad aquam appellendi, si  
prædij fructus maxime in pecore consistat, prædij magis quam  
persona videntur. si tamen testator demonstrauit cui seruitu-  
tem præstari voluit, emptori vel heredi non eadem præstabitur  
seruitus.*

**I**llud in primis præsumendum est: Seruitutes aut per-  
sonarum esse aut prædiorum: eorumque vel urbano-  
rum vel rusticorum, *l. 1. l. quotiens, de seruit.* aut in rem esse,  
aut in personam, vt ait *l. Caius, de annuis legat.* Quæ præ-  
diorum seruitutes vel in rem sunt, prædiis: quæ persona-  
rum, personis debentur: & quæ prædiis debentur, sequun-  
tur emptorem prædiorum, heredemue, ad quem ea præ-  
dia peruenerunt, hoc est, successorem omnem: nam em-

ptoris nomine hoc loco, vt in *xii. tabulis* significatur  
quilibet successor rei; heredis autem nomine significa-  
tur successor iuris. Quæ vero seruitutes personis debentur,  
cum personis extinguuntur, nec ab eis transeunt in  
emptorem vel heredem, quod hæc lex ostendit, & *l. cum  
fundo, & l. pen. hoc tit. l. usus aquæ, de usu & hab. l. pater, de  
seru. leg. l. non solum §. tale, de lib. leg.* Item, vt aliam diffe-  
rentiam ostendam, seruitus prædij tantum præstatur pos-  
sessori vicini prædij, vicina possessionis, *l. §. hoc tit. illo lo-  
co, Ius esse non posse, nisi fundum vicinum habeat.* denique  
ita est: in fundo tuo non possum habere seruitutem præ-  
dialem, nisi vicinum fundum habeam, quia eam seruitu-  
tem fundus fundo debet, non homo homini, non persona  
personæ, nec constitui vtiliter potest, nisi inter adfines  
fundos, confines fundos. At seruitus personæ etiam ei  
præstatur, qui nullam vicinam possessionem habet, *l. Me-  
la 14. §. ult. inf. de alim. leg.* Potest autem eadem seruitus  
modo esse prædij, modo personæ, nec vlla est quæ semper  
sit prædij, hoc est, quæ non possit esse personalis, quod  
Papinianus in hac l. demonstrat in iure siue seruitute pas-  
cendi pecoris, vel ad aquam appellendi, quod nume-  
ratur quidem inter seruitutes prædiorum, *l. 1. hoc tit.*  
tamen personalis esse potest, non solum prædialis. Illa  
seruitus prædialis est, si, vt inquit, Papinianus, fru-  
ctus prædij maxime in pecore consistat: prædij sci-  
licet in quo est pectus, cuius pascendi vel ad aquam du-  
cendi ius vicino testator legauit: nam lex est de seruitute  
legata, & maxime hoc loco idem est, ac si dicat, maxima ex  
parte, vt in *l. fundo legato, de inst. vel instrum. l. g.* Legato  
fundo instructo cum omni instrumento deberi venatio-  
nis instrumenta, si quæstus fundi ex maxima parte in ve-  
natione consistat. Et ita hoc loco maxime, id est maximā  
ex parte, si maxima pars fructuum prædij cogatur à peco-  
re, si maximus redditus prædij sit à pecore, si nullus fere sit  
alius fructus prædij, quam fructus quem tollit pecus, at-  
que tollitur ex pecore, fructus pecoris, vt si id prædium sit  
saltus & pastio pecuaria, vt in *l. de grege, de inst. vel instr. leg.  
l. si quis vnas, de usufr.* Nam si & in eo saltu quædam parti-  
cula aratur pastorum aut custodum gratia: Ælius Gallus  
apud Festum ait, eam rem non perimere nomen saltus,  
quia satis est maximam partem prædij non alii rei esse vti-  
lem quam pascendo & iustinando pecori. Denique saltus  
est prædium, cuius fructus maxime in pecore consistit, id  
est, maxima ex parte: nam non mutat nomen saltus parti-  
cula agri quæ aratur. Quamobrem recte dicemus, pastus  
seruitutem impositam vicino agro, cum pecori in saltu  
constituto maiore pabulo opus esset, aut seruitutem ap-  
pellendi pecoris ad aquam aut fontem vicini, ad aquam  
vicinam, qua forte saltus caret, esse seruitutem saltui debi-  
tam non personæ, & vt Papinianus ait, magis esse prædij  
quam personæ. Tò maxime, respondet tò magis. Vterque  
articulus in comparando est, & huic seruituti etiam ad-  
iungi potest, vt tugurium vel casam pastoralem habere  
liceat in agro vicino, in quam, si hiems ingruerit, pastores  
se recipiant, *l. 6. in fine, hoc tit. vbi hiems sumitur, vt Græ-  
cis χειμών, pro vi ventorum aut imbrium.* At notandum  
est, quod diximus, fructus vel redditus fundi, veluti saltus in  
pecore consistere, nihil aliud esse, quam fundi redditum  
constare ex fructu pecorum, lana, lacte, vellere, villis & ca-  
teris, quæ sunt in pecorum fructu, *l. in pecudum, de usufr.*  
Sicuti redditum fundi ex melle constare in *l. si redditus, de  
inst. vel instrum. leg.* est fundi redditum consistere in apibus,  
& sit in ea lege mellis mentio tantum, qui olim, vt scri-  
bunt auctores rei rusticæ, cera & propolis fuit exigui  
æris, exigui pretii, nihilque ex apum fructu fuit in pretio  
præter mella. At non est omittenda hoc loco distinctio,  
qua Iurisconsult. vtitur in *l. de grege,* quam attuli, *de fundo  
inst. & instrum. leg.* cum quaeritur: an instrumento fun-  
di legato debeat pecus, quod in eo fundo est? Primum  
enim instrumento fundi non cedit pecus, quod in fundo  
eo paterfamilias habuit pascendi causa, si id comparauit



in hoc, ut ex eo fundo ipse fructus perciperet, quantum faceret & negotiaretur, ut ex eo scilicet ferret agnos, vi-  
rulos, hinnulos, lanam, & similia, quæ sunt in pecorum  
fructu, vel ex eis instrueret suas epulas, ut ait *Paul. 3. Sentent. tit. de legatis* Pecus, quod ea causa aut eo  
fine comparatum est, non est instrumentum fundi, sed  
patrisfamilias instrumentum, & instructo quidem lega-  
to, quoniam est plenius, legato cedit, *l. 2. C. de verb. signific.*  
Caterum instrumento non cedit. At si pecus in eo fun-  
do habuerit paterfamilias, ut ex eo fundo aliquem fru-  
ctum perciperet, quem alioquin nullum perciperet  
(hinge cum fundum esse saltum incultum & sylvestrem)  
si, inquam, fructus fundi maxime in pecore consistat,  
hoc casu, placet pecus cedere instrumento fundi: quo-  
niam manifestum est, paratam id esse instrumentum fun-  
di causa (nam & hoc casu pecus habetur pro instrumen-  
to fundi, ut *l. cum quaereretur §. ult. de leg. 3.*) ut per gre-  
gem ex fundo caperetur fructus aliquis. *l. fundi instrumen-  
to. de instr. & instr. leg.* Idemque est si pecus in fundo ha-  
beatur stercoreandi fundi causa. Nam & hoc casu pecus  
habetur pro instrumento fundi, ut *d. l. cum quaereretur.  
§. ult. d. l. 2. C. de verb. signific.* Et Paulus eodem lo-  
co, *Instrumento fundi legato, deberi pecora stercoreandi fun-  
di causa parata.* Sed addendum, deberi etiam ea peco-  
ra, per quæ ex fundo fructus tollatur, qui alioquin nullus  
tolleretur. Et ita est explicanda distinctio *d. l. de grege,*  
quæ erat satis difficilis. Ac præterea in hac lege notan-  
dum est, quod in ea est præcipuum: etiam si fructus præ-  
dii in pecore non consistat, ut si sit ager frumentarius,  
qui & sine pecore fructus fert, ius pascendi vel appel-  
lendi pecoris ad aquam, quod in eo fundo est, etiam præ-  
dii magis esse quam personæ: ius pascendi oves, quibus  
ager meus stercoreatur, magis prædii esse quam personæ;  
altero casu, videlicet, si paterfamilias in eo fundo pecus  
habuerit stercoreandi fundi causa: nam si ius pascendi bo-  
ves in vicino agro, quibus ager meus colitur, ius est agri  
mei, ut *l. 5. hoc tit.* consequens etiam est agri mei ius esse  
pascendi oves, quibus ager meus stercoreatur, quia sterco-  
ratio pars culturæ est. Breviter sic statuamus: Pascui ser-  
vilitatem & appulsus pecoris duobus casibus esse prædii  
servilitatem, si prædium non aliunde fructus habeat quam  
ex pecore, ut si sit saltus & pastio; & altero casu, si sit ager  
cultus, qui tamen pecore illo stercoretur, cuius pascendi  
vel ducendi ad aquam ius constituitur. At cum testator,  
qui pascui servilitatem legavit vel appulsus pecoris, cer-  
tam personam demonstravit, ut Papinianus ait, cui servi-  
tutem præstari voluit, usum siue ius personale, non præ-  
diale legasse videtur, ideoque ad emptorem vel heredem  
transmitti non potest, quod coheret personæ legatarij, &  
cum ea extinguitur. Idemque est si ita personam demon-  
straverit, ut declaret, se ei soli servilitatem præstari velle;  
ut si dixerit: *Heres meus L. Titium vicinum meum pec-  
tus suum in meo fundo pascere finito*: si hoc dixerit sim-  
pliciter, si modo appareat ita sensisse testatorem, ut hoc  
ius non egrederetur personam L. Titij: forte, ut profe-  
ram argumenta voluntatis defuncti, quia prædio vicini,  
hoc est, L. Titij nulla tali servilitate opus est, quoniam in  
eo forte nullum est pecoris genus. Hoc enim casu perso-  
næ non prædio servilitatem legasse videtur, si modo & per-  
sonæ usui esse possit: ut si L. Titius pecus habeat in alio  
agro forte remotiore à conspectu. Ex utilitate æstima-  
mus omnia vel ex necessitate, vel ex voluptate, vel amœ-  
nitate. Quæ servitus neque prædio neque homini usui aut  
voluptati esse potest, quæ nullam utilitatem habet aut  
voluptatem, plane inutilis est, *l. quotiens, de servit.* cui ni-  
hil obstat *l. si fundo, eod.* in qua tamen Labeo ait, servitu-  
tem aquæ lege venditionis imponi posse fundo vendito,  
ut scilicet ex eo fundo venditori liceat aquam ducere in  
aliud fundum proximum, quem retinuit, tamen ea servi-  
tus venditori v. l. fundo, quem retinuit venditor, utilis  
non sit: *Quadam enim, inquit, habere possumus, quamvis ea  
nobis utilis non sunt.* Est vexata ab omnibus lex mirum in

Respons. Papin.

A modum, sed nihil erit facilius ea, si modo coniungatur  
cum eo, quod idem Labeo scribit in *l. Labeo, hoc tit.* Vbi  
tum scripserit nondum inventa aqua servitutem aquæ  
constitui posse, quia scilicet dari & inveniri & scaturire  
potest; & nondum adificato aedificio servitutem imponi  
posse, quia scilicet aedificari quandoque potest, *d. l. Labeo.*  
Similiter dicemus ita esse accipiendam sine controuersia,  
*d. l. ei fundo,* ut aqua nondum utilis aut necessaria servi-  
tus constitui possit, quia scilicet quandoque utilis esse po-  
test propter spem utilitatis. Spes pro re est; qua ratione  
& in infante, & in agro squallido & sterili prorsus recte  
constituitur usus fructus propter spem futuræ utilitatis;  
sæpe fundus sterilis fit industria nostra fertilis longaque  
cultura, *l. arboribus §. ult. l. de illo, l. si infantis, de usufr.* Quæ  
autem servitus prædii, ut hoc quoque statuam, causam  
meliolem aut amœniorem tantum facit, aut factura est, ut  
prospectus, qui non meliores sed amœniores fundos facit,  
*l. 2. sup. tit. prox. & nonnunquam aqua, l. hoc iure, in princip.*  
*de aqua quot.* Sane utilis est servitus prædii; quæ autem  
hoc non facit, non valet, ut servitus prædii, sed valere  
potest, ut servitus personalis, ut est in *l. ut pomum, de servit.*  
ut mihi liceat poma decerpere ex arbore vicini, vel ut  
mihi liceat spatari in agro vicini, aut cœnare, servitus im-  
poni non potest prædialis: quia nihil hoc pertinet ad utili-  
tatem prædii: sed quæ tantum pertinet ad nonnullam uti-  
litatem, ad voluptatem hominis, ea servitus valet ut per-  
sonalis, non potest valere ut prædialis: quia meliolem non  
facit aut voluptuosiorē vel gratiorē causam prædii,  
quod semper exigitur in prædiali servitute, *l. 5. & 6. hoc  
tit.* Tus etiam personæ potest esse quælibet servitus, quæ  
prædii servitus est ex voluntate defuncti, ut hæc lex osten-  
dit in servitute pascui & appulsus, itemque *l. Mela §. ult.*  
*de aliment. leg.* In servitute aquæ haustus, si relinquatur  
homini non habenti vicinum fundum: & in servitute ap-  
pulsus pecoris, si eidem quoque homini relinquatur, vel  
in iure gestandi, ut possit vehi sella gestatoria in fundo Lu-  
cii Titij, qui vicinus non est, id est, cuius prædio vicinum  
fundum nullum habet, quem possideat. Idem est si relin-  
quatur tibi ius in meo torculari vias premendi, qui meo  
fundo vicinum non possides, vel etiam ut in area mea ti-  
bi liceat fruges terere vel exprimere, ut in *d. l. Mela §. ult.*  
in illo loco: *Nam & haustus aquæ; vbi legendum est hoc  
modo, Nam & haustus aquæ ut pecoris ad aquam appulsus  
est servitus: addita subdistinctione, quæ vulgo deest: Perso-  
na tamen eius, qui vicinus non est non inutiliter relinquatur,*  
ut hic sit sensus: Aquæ haustus sicut pecoris ad aquam  
appulsus est servitus prædii. Personæ tamen, hoc est, ei  
qui vicinus non est non inutiliter relinquatur. hic deni-  
que sensus est: inutilem servitutem prædio, si personæ  
non sit inutilis cui relinquatur, soli personæ relictum vi-  
deri. Et ita in specie *l. penult. hic.* aqua personæ relinqui-  
tur. Est lex Græca, qua proponitur frater fratri legasse di-  
gitum aquæ, quia solebat aquæ modulus digito institui  
rotundo, vel quadrato, ut est apud Frontinum, & in anti-  
qua inscriptione Suevæ, *ut digitus aquæ in domum eius  
fluere commodis que publicis, ac si decurio, frueretur.* Etius il-  
lud aquæ ait esse personale *l. pen.* quod neque emptorem,  
neque heredem fratris sequitur. Personale, inquam esse,  
non ut Alciatus docuit, quia testator dixit, *δίδωμι τῷ χαιρίζομαι.*  
quoniam hæc sunt vulgaria verba legatorum, sicut  
*Do, lego, ita δίδωμι τῷ χαιρίζομαι,* ut in donatione illa, quæ  
fuit subrepta pervincendæ securitatis Theodosii causa,  
eidem Theodosio à Puleheria sorore, per quam ei Theo-  
dosius dono dabat uxorem suam, quod soleret temere  
subscribere porrectis quibuscunque libellis, in ea, in-  
quam, ita fuit scriptum: *δίδωμι τῷ χαιρίζομαι τῇ γλυκυτάτῃ  
αὐτῆς μοῦ τῇ ψαλῆς μοῦ. δίδωμι τῷ χαιρίζομαι.* Sed ratio  
cur in *l. penult.* aqua sit servitus personalis hæc est, quia  
dixit testator, *ut aqua digitum duceret in domum suam  
eis & οἱον αὐτῶ, vel quocunque veller;* quæ verba de-  
monstrant omnino testatorem non donasse digitum  
aquæ domui vel certo prædio; sed personæ, quia permisit

E ij



ei, vt quocunque vellet duceret eum modulum aquæ. Et A  
ita in l. i. §. *præterea Labroni, de aqua quotid. & æst.* Interdi-  
ctum illud pertinere etiam ad aquæ ductus, qui fundi non  
sunt, quia quocunque duci possunt. Vnde manifestum est  
aquam, quæ quocunque duci possit, vel aquæ ius quocun-  
que ducendæ, personale esse, non prædiale ius.

#### A l. ii. finium regund.

*In finalibus questionibus vetera monumenta, census aucto-  
ritas ante litem inchoatam ordinati sequenda est: modo si non  
varietate successionum, & arbitrio possessorum fines, additis  
vel detractis agris; postea permutatos probetur.*

**H**oc responso Papinianus ostendit in lite de finibus  
regundis probationes finium sumi ex antiquis mo- B  
numentis, & monumenta intelligit, quæ sunt in agris  
sculpta, saxi vel ære præfæcto, quæ constitutio Tiberij Im-  
perat. de lege agrorum & limitum apud Iulium Fronti-  
num ait, publicam fidem tenere: & sic Siculus Flaccus de  
conditionibus limitum: illam tantum fidem agrorum vi-  
deri, quæ tabulis æris manifestatur, continentibus formas  
agrorum, quas tabulas, qui fregit, tenetur l. *Iulia pecula-  
tus* l. *qui tabulas, ad l. Iul. pecul.* quia publica monumenta  
sunt publicæ res. Sumi etiam Papinianus ostendit hoc lo-  
co, probationes finium & terminari litem finium regun-  
dorum ex tabulis census acti ante litem contestatam de  
finibus, quia & hæc publica monumenta sunt, quibus  
continentur agri cuiusque & eorum agrorum fines, l. 4.  
de censib. Et hæc quidem omnia monumenta in causa fi-  
nium potiora sunt testibus, vt Senatus censuit, l. *census, de  
probat.* nisi scilicet probetur, vt Papinianus ait hoc loco, po-  
stea antiquos fines, qui in publicis monumentis conti-  
nentur, fuisse permutatos, vel varietate successionum, vel  
possessorum, vel nouo possessorum consensu, additis vel  
detractis agris, & confusa agrorum pristina facie, quæ  
verba etiam usurpat, l. 2. C. *fin. reg.* Vbi sane, dum ea lex  
ait, *additis vel detractis agris alterutro*, placet quod Accur-  
sius notat *ex æquo* apud aliquos scriptum *Alterutro*, non  
tantum quod alterutro, sed vt ipse ait, *ὁποῦνδε ὅθεν*, id est, *al-  
terutro* ubi, vt dicimus *utro* ubi.

#### Ad l. 32. famil. ercisc.

*Quæ pater inter filios non diuisit, post datas actiones vice  
diuisionis ad singulos pro hereditaria portione pertinent: modo  
si cetera quæ non diuisit, in unum generaliter non contulit, vel  
res datas non sequuntur.*

**D**ixit superiori lege possessionum fines aliquando  
perturbari, aut permutari possessorum arbitrio &  
consensu: hoc plerumque fieri ait Aggenus Urbicus in  
Frontinum: *quum veteranus miles unam possessionem, quæ ei  
fuerat assignata pro emerito, filiis suis diuidit in tres aut qua-  
tuor portiones, pro numero liberorum distinctas terminis, quos  
veteres proportionales appellarunt, quod vice tabularum in-  
tercidendis portionibus inter filios defigerentur, ex quo loco  
Urbici emendandum est, quod est scriptum in supradicta  
constitutione Tiberii. Est & aliud monumentum, inquit,  
quod proximis adibus vix vnus, pro vix vnus emenda ve-  
teranus vt ita legamus: veteranus quas miles vel consors,  
hoc est, socius, condidit, in portionibus suis, vel ad proge-  
niem futuram heredibus suis ( iusti testamenti loco ) he-  
redibus iustis, loco & vice instrumentorum tabellarum-  
que. Et ad eundem modum Papinianus in hac lege ponit,  
patrem habentem plures liberos, non fecisse quidem te-  
stamentum, quod Accursius inquit frustra, sed non facto te-  
stamento inter filios diuisionis arbitrio functum, singulis  
dedisse res & actiones certas, nomina certa dedisse, id est,  
adsignasse, non tradidisse, vt ait l. *si cogitatione C. fam. ercisc.**

quæ cum ista consentit: officium arbitri est assignare  
portionem consortibus, coheredibusue, l. *seruum com-  
munem, C. eod.* Vbi portiones assignatas intelligere  
oportet assignatas ab arbitro famil. erciscundæ, non,  
vt glossa ait, lege xii. tabularum, quia lex est  
de seruo communi, at Lege xii. tab. diuisio sit nomi-  
num siue actionum, non seruorum vel aliorum corpo-  
rum aliarumue rerum l. 6. C. *eod.* Porro officio arbitri  
functus est pater, qui in vita filiis suis portiones assigna-  
uit, quas post mortem suam haberent in suis bonis, facta  
inter eos diuisione bonorum & actionum suarum, quæ  
vtique diuisio rata est, tanquam supremum iudicium pa-  
tris, l. *si filia §. si pater, h. tit.* quia tamen neque codicillo-  
rum iure censeatur, sed sit iudicium tamen minus solem-  
ne minusque legitimum, aut iustum, si spectas solemniam  
iuris, tamen est patris suprema voluntas, cui non tantum  
filios obtemperare necesse est, etiam si ab intestato patri  
succedant, sed etiam accepto arbitro familiæ erciscundæ  
arbitrum in adiudicandis bonis sequi oportet eam volun-  
tatem patris, d. l. *si cogitatione, l. quoties, & l. filij C. eod.* De-  
nique non tantum eam voluntatem, quæ portiones fecit  
inter filios sequi debent filij, si modo eis satisfactum sit,  
quod attinet ad portionem legitimam, sed etiam arbi-  
trum sumptum ad adiudicationem faciendam. Ita tamen  
eam voluntatem & diuisionem patris sequi debet arbiter  
siue iudex familiæ erciscundæ, vt Falcidiam cuique libe-  
rorum seruet intactam & illibatam, si forte aliquis minus  
legitima portione habere deprehendatur; quia nec iudi-  
cio patris filius non impius legitima portione defraudari  
possit. Sed necesse est, rem explicari apposita specie. Fin-  
ge: duos esse filios Primum & Secundum. Patrem facta  
diuisione inter viuos Primo erogasse, siue assignasse  
deuncem, aut quod deuncem efficit. Secundo autem adsi-  
gnasse vnciam tantum, quæ portio est minor legitima  
portione, quoniam in hac specie, legitima portio debita  
filio est fescuncia, *une once & demie.* Nam legitima portio  
est quarta pars eius, quod filius haberet ab intestato. Se-  
cundus quid haberet ab intestato concurrente fratre? Se-  
missam tantum. Semissis autem quarta est fescuncia. Fes-  
cuncia igitur est legitima portio in proposita specie. De-  
inde mortuus est pater intestatus, quia illa diuisio non est  
testamentum: mortuo patre filij ab intestato succedunt  
patri ex æquis partibus, id est, singuli ex semisse, sed Pri-  
mo Secundus veluti iure fideicommissi, videtur restituere  
debere quincuncem, vt vncia tantum ei supersit, &  
primus habeat deuncem, secundum diuisionem supremi  
iudicii patris, quod quaecunque sit, hoc est, & si solemne  
non sit, obseruari oportet, d. l. *si cogitatione*, in qua ita est le-  
gendum: *Si cogitatione future successionis, vel cogitatione  
commortalis naturæ, officium arbitri diuidenda hereditatis  
præueniendo pater communis suo vel qualicunque iudicio  
suam declarauit voluntatem, eam esse sequendam omni-  
modo, & vim habere fideicommissi. Quamobrem etsi  
Secundus ipso iure sit ab intestato heres ex semisse, ta-  
men debet Primo restituere quinque vncias, vt illi ex-  
pleat deuncem, secundum voluntatem supremam patris.*  
Quod ita posita specie si statuamus, certe erit iniquissi-  
mum: nam ita Secundo superfuerit vncia tantum, quæ  
minor est portione legitima. At Secundo consulitur duo-  
bus modis, vno, si filius accuset eam voluntatem patris  
tanquam inofficiosam, quod minus ei legitima assigna-  
uerit, cuius rei instituta querela, plane rescindet totam  
eam voluntatem & diuisionem, & æquabuntur filij in  
successione, l. *parentibus, C. de inoffic. test.* Altero modo  
consulitur Secundo, si vt quilibet extraneus ultra vn-  
ciam retineat semunciam, quæ deest legitimæ portioni,  
exemplo Falcidiæ ait vt l. *si cogitatione*, quia non propriè  
ex ipsa lege Falcidiæ retinetur ex fideicommissis, sed ex  
legatis tantum, verum retinet ultra vnciam & semun-  
ciam, exemplo Falcidiæ ex Senatusconsulto, vt ait l. *filij  
eod. tit.* id est, ex Senatusconsulto Pegasiano, quod hodie  
inest Senatusconsulto Trebelliano, quodque legem Fal-



cidiam, quæ minuebat legata tantum ad modum dotantis, porrexit etiam ad fideicommissa, *l. successores C. ad leg. Falcid. l. 1. §. hodie, si plus quam per leg. Falcid. §. sed quia heredes, Instit. de fideicommiss. hered.* Et hoc secundo remedio tum filio, in quem minus contulit pater, uti commodum erit, cum exclusus erit primo remedio, vel tempore (nam querela inofficiosa finitur quinquennio) vel alio modo; nam perit multis modis. Alioquin ei est consultius uti primo remedio, quia primo aufert semissem integrum, secundo sefciunciam tantum, non semissem. At ponamus quod est in hac lege, Patrem inter filios aliquid indiuisum reliquisse, non omnia diuississe iura vel corpora, sed aliquid indiuisum reliquisse, quid fiet illo, quod indiuisum reliquit? utrum id inter filios diuidet arbiter famil. eriscun. pro hereditariis portionibus, hoc est, pro virilibus portionibus, pro quibus patri ab intestato ipso iure heredes extiterunt: An vero præ modo rerum ei adsignatarum? Hæc est questio legis, & respondet Papinianus, iudicio famil. eriscunda, id quod indiuisum remansit ad eos pertinere, & inter eos diuidi pro hereditariis portionibus, *d. l. si cogitatione ait, pro virili portione*, quod idem est, quia ex æquo ab intestato heredes patri extiterunt, sed hoc ita procedere Papin. ait, & ostendit etiam *d. l. si cogitatione*, quæ istius veluti commentarius est, si nulli filio pater id, quod indiuisum reliquit, generaliter adsignauit. Nam si post distributiones multarum rerum & actionum, pater subiiciat generaliter, *Cetera ad illum filium meum pertinere volo*, quod indiuisum pater reliquit, illi filio adiudicabitur in solidum, nec veniet in diuisionem cum fratribus. Item, ut ait Papinianus hoc loco, si id, quod indiuisum reliquit pater, tacite sequatur, quæ vni adsignata est, veluti villa fundum. sequitur tacite, *l. fundi ususfructus quibus. mod. ususfr. amit. ad eum, villa, quæ relicta est indiuisa, in solidum pertinebit*, cui fundus adsignatus est. Male Græci hoc loco ponunt exemplum in peculio. Nam peculium non sequitur legatum aut venditum seruum *l. si legatus, de pecul. leg. l. 3. de emet.* nisi legetur nominatim. At villa sequitur fundum venditum vel legatum tacito intellectu, quia pars est fundi, *l. si ita, in fin. de instr. vel inst. leg.* peculium non est pars serui. Male etiam iidem Græci interpretes pro exemplo ponunt, *σώματα ζωοντων*, id est, *ornamenta iumentorum*, quoniam ad hæc leuicula Papinianus non videtur respexisse; ac præterea legata aut vendita iumenta, nisi id dictum sit nominatim, iane ornatus non sequitur, *l. adiles §. vendidi, de adil. edic.* Et male etiam Accurs. exemplum ponit in pullo & equa; nam legatam equam pullus non sequitur, nisi qui post moram editus est, *l. equis, de usur.* Sicut nec legatas oues sequuntur agni non legati nominatim, *l. legati §. ult. de leg. 3.* & illa adsignatio patris, quæ fit vice diuisionis, habet legati, aut saltem fideicommissi vim. Ad hæc etiam notandum est, primum responsum huius legis, siue vlla distinctione vno ductu esse legendum hoc modo: *Quæ pater inter filios non diuissit, ut sit: Quæ post diuisionem actionum & rerum indiuisa restant*, subintelligo *Rerum*, atque suppleo ex fine legis; initio ait, *datas actiones*, in fine ait *datas res*, & has igitur & illas datas siue adsignatas. verbo *diuisionis*, addo subdistinctionem, quod & Accursius notat recte initio glossæ ad verbum, *post datas*, mox tamen transit malè in aliam sententiam.

#### Ad l. ult. cod.

*Arbitrio quoque accepto, fratres communem hereditatem consensu diuidentes pietatis officio funguntur, quæ reuocari non oportet, licet arbiter sententiam iurgio perempto non dixerit, si non intercedat ætatis auxilium.*

**S**uperiori lege actum est de diuisione facta à patre; in hac l. ult. agitur de diuisione hereditatis paternæ facta à fratribus mutuo consensu post acceptum arbitrum famil. erisc. pendente iudicio, pendente lite, quam si fecerit, Respond. Papin.

**A**rint, ut ait Papinian. fratres pietatis officio functi sunt nulla lite omni. Ambros. libr. 5. de fide *Bona pietas arbitros refregit etiam in diuisione patrimonij.* Rata autem est ea diuissio, rata transactio litis accepta inter fratres, vel iurgij potius. Mauult Papinianus hoc loco mitiore verbo uti inter fratres, *iurgij*, quam *litis*, ut inter vicinos quoque & inter maritos iurgium esse dicitur potius, quam *lis*, lenitate verbi tristitiam rei mitigante. Diuissio patrimonij plerunque fit transactionis genere, ut in *l. cum putarem, hoc tit. l. qui Rome §. ult. de verb. obl. l. tres fratres, de pact.* Rata, inquam, est ea diuissio & transactio, etiam si nulla sit secuta sententia arbitri. Res transactione finita nihil pertinet ad arbitrum siue iudicem. Confessionem quidem patris sequi debet sententia iudicis; iusiurandum item, quod patri iudex detulit, sequi debet sententia iudicis: At transactionem habitam inter partes pendente lite, nullam sequi necesse est sententiam iudicis. Denique additur, eam transactionem siue diuisionem factam inter fratres pendente iudicio, etiam si sententiam non dixerit iudex, rescindi non posse, nisi beneficio ætatis, si quis eorum fuerit minor 25. annis: nam beneficio ætatis restituuntur aduersus transactiones & diuisiones, ut in *tit. C. si adu. diuision. & transact.*

#### Ad l. 2. de distract. pign.

*Fideiussor conuentus officio iudicis adsecutus est, ut emptoris titulo prædium creditori pignori datum susciperet, nihilominus alteri creditori, qui postea sub eodem pignore contraxit, offerenda pecunia quam fideiussor dependit, cum usuris medij temporis facultas erit. Nam huiusmodi venditio transference pignoris causa, necessitate iuris fieri solet.*

**H**æc l. est de re eadem à debitore duobus creditoribus diuersis temporibus pignori obligata ex diuersis contractibus & causis: in quo pignore certissimum est, potiorum esse priorem creditorem, quia id pignus posteriori creditori, neque priori creditori auferre potest, neque ei, qui emerit à priori creditore distrahente pignus iure conuentionis; sed hoc tantum iuris habet posterior creditor aduersus priorem, cum ambobus idem pignus datum est vel positum, ut priori creditori etiam inuito soluat omnem pecuniam, quæ ei debetur, atque ita in ius & locum eius succedat, & sibi pignus seruet, retrahat atque confirmet, *l. 12. §. si simpliciter, & §. pen. sup. tit. prox. ut soluat*, inquam, priori creditori pignoratitio omnem pecuniam, vel eam offerat, obsignet & deponat tuto in loco, veluti in tabulario ciuitatis, aut sanctuario Principis, aut in æde sacra, quod pro solutione est *l. 9. C. de solut.* Denique posteriori creditori est ius auferendi priori creditori quod dependit. At si prior creditor pignus vendidit iure conuentionis, posteriori creditori non est ius offerendi emptori pretii, quod dependit priori creditori, atque ita non est ei ius auocandi pignoris ab emptore, oblata & deposita pecunia, quam dependit priori creditori, iure suo distrahente pignus. Et hoc ostendit *l. 3. hoc tit. l. 1. & 2. C. si antiq. cred. pign. vend. & l. 1. C. si pign. pig. datum sit.* Igitur posterior creditor habet ius offerendi priori creditori, sed non etiam ius offerendi ei, qui à priore creditore emerit. Et ratio hæc est, quia sera nimis est oblatio, quæ fit post perfectam venditionem pignoris iure creditoris. Hæc enim est extrema linea & extremus finis. pignoris venditione perimitur pignoris causa facta iure creditoris, quia rei dominium mutatur. His cognitis sige, quæ est species huius *l. 2.* priorem creditorem, qui & pignus, & fideiussorem acceperat sui crediti seruandi causa, egisse cum fideiussore actione ex stipulatu, & officio iudicis fideiussorem obtinuisse, ut solutam omnem pecuniam, hoc est, sortem & vfuras, prior creditor acciperet, veluti pro pretio pignoris, & titulo emptoris pignus in se transferret, & transcriberet: denique ut venderet pignus fideiussori, etiam in actione stricta, quæ



lis est ex stipulatu, aliquid potest officium iudicis, ut patet ex hac lege. Nam etiam in actionem strictam ex æquitate, hoc est, officio iudicis veniunt fructus percepti post litem contestatam, *l. videamus §. si actionem, de usur. l. 8. de re iudic.* Sed ad rem. ex ea specie quam proposui nascitur hac quæstio, cum ut dixi prior creditor fideiussori vendidit pignus soluta ab eo omni pecunia, propter quam pignus tenebatur, an hoc casu posteriori creditori sit ius offerendæ pecuniæ fideiussori, quam priori creditori soluit, veluti pro pretio, ut quod pignus emit à priori fideiussor, posteriori præstet, atque restituat? Et videtur posteriori creditori non esse ius offerendi fideiussori, quia pignus à priore creditore accepit titulo emptionis, qui actionis titulo pignus tenet, & quia, ut dictum est initio, posteriori creditori non est ius auferendi emptori pignus. Sed tamen aliud respondet Papinianus hoc loco, & Martianus in *l. 5. §. ult. hoc tit.* nempe posteriori creditori esse ius offerendæ pecuniæ, quam fideiussor soluit priori creditori cum usuris, scilicet non tantum, quas fideiussor soluit priori creditori, sed etiam cum usuris nouis, quæ fideiussori debentur à die solutionis siue emptionis, quia locum subiit prioris creditoris, cui præstandæ usuræ fuissent, *l. secundus, C. de pign. l. emptor, de rei vind.* Debet igitur posterior creditor offerre totam pecuniam, ut sibi confirmet pignus, hoc est, sortem & usuras cum veteres, tum nouas; alioquin imperfecta oblatio est, nulliusque momenti, id est, nihil posteriori creditori proficit ad transferendum pignus in se, ut hic eleganter Papinianus respondet; & addit, nihil huic sententiæ obflare rationem dubitandi, quam attuli, titulum emptionis, quo fideiussor pignus tenet: nam ea emptio simplex emptio non est, sed emptio pignoris habendi causa. Et ut multum interest, emptio simplex sit, an emptio contracta dotis causa, *l. quæritur, de iure dot.* quod latius explicat initium 17. Obser. Et item interest multum, donatio simplex sit collata in filiumfam. an donatio facta diuisionis causa, *l. si filia §. si pater, fam. ercisc.* ita multum interest simplex emptio sit contracta dominij adquirendi causa, an sit emptio contracta pignoris habendi causa, quia hæc sit non tantum dominij adquirendi causa ut ait *l. 6. h. t.* quæ tamen est plerumque finis emptionis ut dominium adquiratur, *l. pen. §. ult. de contrah. empt.* quam sit seruandi sibi & habendi pignoris causa: & sit etiam hæc venditio pignoris habendi causa, non tam sponte prioris creditoris quam necessitate iuris, ut ait Papin. hoc loco, quia non est aliter quicquam laturus prior creditor à fideiussore, quem elegit atque conuenit, quam si ius pignoris ei vendiderit & transcripserit, *l. 2. C. de fideiussor.* ut Glossa recte interpretatur illa verba, *necessitate iuris.* Longe igitur dissimilis hæc emptio est, quæ sit pignoris causa, ab emptione simplici & mera. Id igitur inspicitur in emptione mera, quod scriptum est instrumento emptionis, hoc est, sola & nuda emptionis causa, quia nec alia est causa, quæ inspicere possit. At in emptione facta pignoris causa, non tam quod scriptum est, quam quod actum est, inspicitur, ut eleganter ait *l. 3. C. plus val. quod agit. quam quod sim. conc.* Id autem actum est, non ut fideiussor pignus emeret simpliciter, sed ut pignus obtineret & seruaret debitori, cui fidem etiam suam obstrictam habet iure mandati, quia mandato eius fideiussit, ergo principaliter facta hæc venditio est, ut ipse fideiussor pignus haberet, & bona fide seruaret debitori, & interim locum prioris creditoris subiret, quem absoluit. Et cum priori creditori potuerit posterior creditor offerre, consequens est, ut etiam possit offerre fideiussori, qui loco prioris creditoris substitutus est. Denique ita concludamus & statuamus: Posterior creditor non habet ius offerendi simplici emptori, cui prior creditor sua sponte pignus vendidit iure conventionis. Et hæc sit vna conclusio: sequitur alia. Posterior creditor habet ius offerendi emptori pignoris causa, cui scilicet prior creditor pignus vendidit, cum cogerebatur pignus in eum transferre. Et ratio differentię hæc est:

quia hac emptione necessaria ius pignoris non perimitur; illa autem emptione voluntaria & simplici sane ius pignoris perimitur. Est etiam alius casus, quo eadem ratione emptori pignoris secundus creditor offerre potest pecuniam, quam soluit, & pignus ab eo auferre, de quo casu est *l. 3. h. t. l. 1. C. si antiqu. cred.* Et casus hic est. Si debitor ipse vendat pignus, non simpliciter, scilicet, sed ut ex pretio priorem creditorem dimittat, & loco eius emptor succedat. Nam & hoc casu, quia simplex venditio non est, posteriori creditori ius est offerendi emptori, quia, ut ait *l. 3.* nihil refert debitor rem priori creditori obligatam alij obliget, an vendat prioris creditoris dimittendi gratia. At si alij obliget, ut scilicet facta versura, & ab eo accepta pecunia dimittat priorem creditorem, non est dubium posteriorem creditorem huic, à quo debitor versuram fecit, qua dimitteret priorem creditorem, & illum admitteret in prioris creditoris locum, à quo versuram fecit, ius habere offerendæ pecuniæ, & transferendi in se pignoris, *l. 12. §. à Titio, sup. tit. prox.* Ergo & æquum est, etiam si debitor pignus vendat, ut dimittat priorem creditorem, & in locum eius submittat emptorem pignoris, ut huic emptori, qui successit loco prioris, ut in *l. 3. C. de iis, qui in loc. prio. cred.* perinde atque ipsi creditori priori, posterior creditor habeat ius offerendæ pecuniæ, totius scilicet pecuniæ cum usuris omnibus medii temporis, veteribus & nouis.

#### Ad l. 7. de usuris:

Debitor usurarius creditori pecuniam obtulit: & eam cum accipere nolisset, obsignauit, ac deposuit. Ex eo die ratio non habebitur usurarum. Quod si postea conuentus ut solueret, moram fecit: nummi steriles ex eo tempore non erunt.

Initio huius legis ostenditur, debitorem certæ pecuniæ sub usuris, quem vocat debitorem usurarium, ex eo die non debere usuras, ex quo pecuniam obtulit creditori, & eam cum creditor accipere nollet, obsignauit in sacculo & deposuit tuto in loco, quia scilicet depositio pro solutione est. Ergo desinunt currere usuræ, ac si soluta esset pecunia in manum creditoris; quod & ostenditur multis locis iuris, *l. 1. in fi. h. t. l. si creditori, & l. acceptam, C. eod. tit.* *l. tutor pro pupillo §. ult. de adm. tut.* Mar. Tul. 6. ad Atticum, *Consistere, inquit, debuit usura, quæ erat in edicto meo, deponere volebant.* Significat depositionem pecuniæ sistere usuram, & 13. E pist. ad famil. *Atunt, inquit, se depositam pecuniam habuisse, id velim cognoscas, & si cognoueris eos neque ex edicto, neque ex decreto depositam habuisse, des operam ut usura Curio instituto tuo conseruentur.* Quia scilicet depositæ pecuniæ non debentur usuræ; non depositæ debentur; sed necesse est, ut tota pecunia, quæ debetur, sit deposita & obsignata, quoniam depositio partis non retardat totius pecuniæ usurarum præstationem, non sistit usuras totius sortis, *l. tutor §. 1. h. t.* verum addit Papini. in hac l. quod si post obsignationem totius pecuniæ publice factam, debitor à creditore interpellatus & conuentus, ut pecuniam solueret, moram fecerit, ex tempore moræ præstabit usuras, quas præstabat ante obsignationem & depositionem. Posterior mora debitoris purgat priorem moram creditoris, qui noluit accipere oblatam pecuniam, ut in *l. illud, de per. & comm. rei vend.* Sed hoc loco, ne fallamur, ponamus necesse est, debitorem post depositionem pecuniæ pecuniam recepiße, nec perseuerasse in depositione & oblatione, quod tamen omnino exigitur, *l. si ita quis §. Seia, de verb. oblig.* nam si debitor in depositione perseuerauerit, si depositam pecuniam loco non mouerit, creditor eum conuenire non potest, cui soluisse intelligitur, sed habet tantum utilem actionem depositi in depositarium, ut si sit deposita in æde sacra, in ædium; vel etiam habet earum pecuniarum utilem vindicationem in possessorem quemlibet, ut ostendit *l. acceptam, in fi. C. eod.*



Ad l. 20. de tut. &amp; rat. distrah.

*Alterius curatoris heredem minorem, ut maiore pecunia condemnatum, in integrum restitui placuit. Ea res materiam litis aduersus alterum curatorem instauranda non dabit, quasi minore pecunia condemnatum, si non sit eius aetatis actor, cui subueniri debeat, sed aequitatis ratione suadente, per utilem actionem ei subueniri, in quantum alter releuatus est, oportet.*

**P**rimi responsi species hæc est. Minor 25. annis duos curatores habuit, quorum vnus decessit, relicto herede alio quodam minore 25. annis, alter curator superest, viuendo vicit alterum, egit autem adolescens utili actione neg. gestorum, quæ solet dari in curatorem. Ea, inquam, egit cum curatore superstitite, & cum herede alterius curatoris, & ita egit vel iam factus maior, vel cum adhuc esset minor 25. annis, nondum finita curatione: nam & manente curatione, manente administratione, hæc actio intenditur recte in curatores vel heredes eorum, ut quæque res salua adolescenti esse definit, l. 4. §. ult. l. 16. §. ult. hoc tit. Et cum hac actione adolescens, ut dixi, egisset cum curatore superstitite & cum herede curatoris mortui, iudex quidem curatoris mortui heredem, qui minor erat ætate, ut posui initio, maiore pecunia condemnauit, curatorem autem superstititem minore pecunia, cum debuisset vtrumque pari pecunia damnare, nec ab eius sententia appellari potuit; finge, iudicasse eum vice Principis. Post vero heres curatoris mortui beneficio ætatis, quoniam erat minor ætate, aduersus sententiam iudicis, qua maiore pecunia damnatus erat adolescenti, in integrum restitutus est, quod de negotiis gestis lis restauraretur, & iterato eadem re disceptata & diminuta condemnatione ipse releuaretur. Releuandi verbo vititur Papinianus & sane in integrum restitutio nihil aliud est, quam releuatio lapsi captiue minoris ætate; quo etiam verbo in idiotismo vtimur, significantes restitutionem in integrum. At inde quaeritur: An herede defuncti curatoris releuato onere sententiæ beneficio restitutionis in integrum, adolescenti, qui egit neg. gest. restauretur etiam lis aduersus curatorem superstititem, quem dixi minore pecunia condemnatum, ut maiori condemnatur causa retractata ex integro? Et hoc quidem iustum est, si egit negotiorum gest. cum esset adhuc minor 25. annis. Nam & ipse quoque aduersus sententiam iudicis, qua curator minor condemnatus est, in integrum restitui potest, ipse restituitur aduersus curatorem, heres autem alterius curatoris restituitur aduersus ipsum, id est, minor aduersus minorem, quod fit recte, cum vterque eadem in re captus non est, l. 1. C. si maior. fac. alien. At si adolescens iam factus maior egit negotiorum gestorum, & obtinuit sententiam quam dixit, in eo cessat auxilium ætatis, quia maior factus egit negotiorum gestorum. Verumtamen, ut ostendit Papin. æquum est ex hac causa, quæ iustissima est, ex generali clausula, Si qua iusta causa videbitur, quæ est in edicto ex quibus caus. maior. releuato herede alterius curatoris pro modo eius, in quo releuatus est, etiam maiori, qui egit negotiorum gest. dari utilem actionem aduersus curatorem superstititem, id est, aduersus eum restitui & instaurari litem, in quantum heres alterius curatoris releuatus est. Et utilem actionem Papin. vocat actionem restitutoriam negot. gest. sicut muliere subducta, quæ intercessit pro alio, facta nouatione subducta & liberata beneficio Senatufc. Velleiani, vel etiam minori 25. annis, qui expromisit pro alio, subducto beneficio restitutionis in integrum, dicitur dari in veterem debitorem, qui nouatione fuerat liberatus, dari, inquam, utilem & restitutoriam actionem l. quamuis §. si conueneris. §. si Marcellus, §. si mulieri, l. aliquando §. ult. ad SC. Vellei. l. si Titius, in fine, de fideiuss. l. ult. de minor. Omnis actio restitutoria est utilis, quia ex æquitate datur, ut Papin. ait, æquitate suadente, non vero directo iu-

Arre, non mero iure competit. & hæc est sententia primi responsi, explosa merito Accursij sententia.

Ad §. non idcirco.

*Non idcirco actio qua post 25. annos ætatis intra restitutionis tempus aduersus tutorem minore pecunia tutela iudicio condemnatum reddiunt, inutilis erit, quod adolescenti curatores ob eam culpam condemnati sunt. Itaque si non iudicium & curatoribus factum est, per doli exceptionem curatores consequi poterunt eam actionem prestari sibi.*

**S**equitur alterum responsum, quod est in eadem lege, & quod etiam Vlpianus nominatim in testimonium vocauit, ipsius Papiniani verbis in l. si minoris, de administ. tut. prolatis; ideoque responsum etiam eo loci interpretatum erit facilius dare operam responso, cuius interpretes est Vlpianus & enarrator. Species hæc est. Finita tutela, adolescens curatores accepit, ut sit, qui etiam curatoribus adfidentibus liti & auctoribus egit tutelæ aduersus tutorem, eumque minore pecunia condemnauit culpa curatorum, qui minus deduxerant in petitionem, in tutela iudicium, quam pupillo deberetur, & ob hoc adolescens, id est, ob culpam curatorum egit cum curatoribus utili actione negotiorum gestor. in id, quod interest, tutorem pecunia minore condemnatum esse, & curatores condemnauit per iudicem: Quaeritur, an curatoribus condemnatis, per quos res adolescentis seruari potest, quoniam sunt soluendo, etiam salua sit & integra adolescenti restitutio in integrum aduersus tutorem, restitutio litis, restauratio litis post legitimam ætatem intra annum utilem, ut olim obtinuit, & hodie obtinet intra quadriennium continuum, & ad summum intra 25. annos & respondet Papinianus, etiam condemnatis curatoribus ob culpam, adolescenti saluum esse beneficium restitutionis in integrum aduersus tutorem minore pecunia condemnatum, & actionem negot. gesto. vel actionem iudicati, qua res adolescenti seruari potest à curatore non excludere beneficium restitutionis in integrum, ut l. etiam ei §. Imperator, de minorib. l. ult. C. si tutor vel curator. Neque obstat l. in causa, 2. de minor. quæ ait non competere restitutionem in integrum minori, si ei alia actio sit, si minori alia actio sit, prætorem se non debere interponere: huic est actio iudicati, qua suum seruare potest. Ergo non est restitutio in integrum. Abutuntur plerique omnes ea lege, & Accurs. sæpissime non animaduertens, eam legem non loqui de qualibet actione, quæ suppetat minori 25. annis, sed de iure dicendi, ipso iure nullum esse contractum, ipso iure nullum esse negotium, quod cum minore gestum est, ut in edicto de dolo his verbis. Si alia actio non sit. Constat etiam contineri ius dicendi, nullum est negotium gestum cum minore, aut cum pupillo, si gestum sit sine tutoris auctoritate, nec locupletior sit factus, nullum est ipso iure. Nullum est etiam negotium, si minoris prædia venierunt sine decreto, nullum ipso iure. vbi munitus est ipso iure, nihil indiget auxilio restitutionis in integrum, nec Prætor suam operam interponit in re non necessaria, quod exemplis demonstrat d. l. in causa, & l. 3. C. de tut. & curat. qui non satisf. & l. 2. C. de prad. min. quo etiam casu, hoc est, si ipso iure munitus sit, non dicimus etiam districte minori non posse dari restitutionem in integrum, sed non esse omnino necessariam, ut d. l. 2. nam quid erit vitii, etiam si tutus ipso iure restituatur in integrum? Breuiter ea lex loquitur tantum de ratione, hoc est, de iure dicendi negotium ipso iure nullum, quo casu verum est, minori superuacuum esse restitutionem in integrum. At si alia actio competat in eundem, vel in alium, qua minor suum conseruare possit: non ideo est superuacua statim & inutilis restitutio in integrum, ut in propo- sita specie, etiam condemnatis curatoribus, adolescentique parata in eos actione iudicati, adolescenti salua est restitutio in integrum aduersus tutorem, neque est inu-



tilis, ut Papinianus ait; quod sic ostenditur, quoniam, si curatores condemnati nondum iudicatum impleuerint, & actione iudicati conueniri cœperunt, per exceptionem doli mali conuenti actione iudicati consequuntur, ne prius soluant quod in condemnationem deductum est, quam eis adolefcentens cesserit auxilio restitutionis in integrum, quod habet saluum, quoniam auxilium restitutionis in integrum, ut transmitti in successorem potest, l. 6. de integ. restit. ita & cedi procuratori in suam rem, l. quod si minor, in princ. de minorib. Denique per exceptionem doli mali curatores hoc assequuntur, ut habeant actionem tutelæ utilem & restitutoriam aduersus tutorem, nomine adolefcentis impetrata restitutione in integrum. Atque ita restitutio in integrum maxime est utilis minori, ut scilicet eam cedat curatoribus condemnatis, qui alioquin non sint facturi iudicatum, aut ne id faciant opposita doli mali exceptione consequuntur, si conueniantur actione iudicati. Verum Vlpianus in d. l. si minori, addit ad Papianum verbum *promocantes*, ita scilicet ut curatores *promocantes*, id, quod dixi, consequantur per exceptionem doli mali. Quid hoc est, *promocantes*? Prouocat quicumque agit & agit non tantum actor, sed etiam reus, l. 1. de excep. Agere est commune verbum actoris & rei, sicut & rei nomen est commune vtriusque, & *promocandi* quoque verbum, vterque, dum de iure suo experitur, *promocat* & *proclamat* ad iudicium. Et ita verbum *promocantes*, illo loco accipitur sine vlla dubitatione, reiectis glossarum commentis, de appellatione à sententia, qua tutor vel curatores condemnati sunt, neque enim dicit Papinianus hoc curatores consequi per appellationem, sed per exceptionem doli mali: qui excipit, *promocat*. Et inde apparet etiam post sententiam exceptionem peremptoriam, qualis est doli mali in actione iudicati opponi & *promocari* posse. Nam etiam si dicatur in l. 2. C. sent. resc. non posse, & l. 8. C. de except. exceptionem peremptoriam opponi ante sententiam, tamen euenit innumeris casibus, ut opponatur etiam post sententiam in actione iudicati, ut in hac specie, & in l. 1. §. non tantum, h. t. l. si fideiussores §. ult. de fideiuss. l. tantum, ad Senat. sc. Macedon. l. Neseinius §. ult. de re ind. l. 1. C. de iur. & facti ign. vis videre, quam hoc sit verum? Etiam lex 2. de excep. ait, exceptionem excludere id, quod in condemnationem deductum est, quod, quid aliud est, quam exceptionem opponi post sententiam, post condemnationem in actione iudicati, quod non potest accipi, nisi de exceptione peremptoria: nam dilatoriam certum est omnino opponendam esse ante litem contestatam. Quærit autem Vlpianus in d. l. si minori, quoniam Papinatus posuit speciem, ut diceret condemnatos quidem fuisse curatores, sed nondum iudicatum fecisse, nec vero cogi facere, nisi primitus eis cedatur auxilium restitutionis in integrum aduersus tutorem, quærit, inquam, quid sit dicendum, si iam curatores iudicatum fecerint, & ait Vlpianus, hoc casu non videri adolefcenti saluam esse restitutionem in integrum aduersus tutorem, quia nihil ei abest cum curatores quod eius intererat, persoluerint, & si forte petat restitutionem in integrum aduersus tutorem, postquam rem consequutus est à curatoribus iudicatis, non de damno erit sollicitus, quod nullum fecit, sed de præda & lucro, quam ob rem non est comparata restitutio in integrum, comparata est damni præstandi & sarcienti nomine, non prædæ faciendæ causa. Præda est, bis idem exigere ab eodem vel ab alio. Sed dici tamen potest, ut subtiliter concludit Vlpianus, etiam si curatores iudicatum fecerint, nec quicquam absit adolefcenti, saluum ei esse auxilium restitutionis in integrum aduersus tutorem, non quidem, ut eius commodum ad eum redeat, cui nihil abest, sed ut eo iure & auxilio cesso curatoribus, si hoc velint, curatores à tutore minoris condemnato consequantur, quod eis abest, hoc est, quod adolefcenti ex sententia persoluerunt; nam & eo nomine tenetur adolefcentens curatoribus contraria actione neg. gest. ut

eis cedat restitutionis auxilium, & utilem actionem tutelæ aduersus tutorem, l. Stichum §. si mandato, de solut. Igitur dicemus, ut dicit l. cum is, de fideiuss. ideo adolefcentem, cui curatores satisfecerunt, habere auxilium restitutionis in integrum, quia tenetur ad hoc ipsum, ut id auxilium, & eas actiones, quæ eo auxilio instaurantur, cedat curatoribus suis: habet restitutionem, habet actionem utilem, non propter se, sed propter curatores, ut eis cedat, si velit: nam cogi non potest, nisi contraria actione negotiorum gestorum, quia iam iudicatum fecerunt.

#### Ad l. 6. de fideiuss. & nominator.

*Pupillus contra tutores, eorumque fideiussores alter iudex datus est. Officio cognoscentis conueniet: si tutores soluendo sunt, & administratio non dispar, sed communis fuit: portionum virilium admittere rationem ex persona tutorum.*

Species legis hæc est; plures erant tutores, qui singuli datis fideiussoribus singulis, cauerunt rem pupilli saluam fore: finita tutela, contra eos tutores simul atque fideiussores à Prætoris iudex datus est. Potuit hoc iure adolefcentens à tutoribus & à fideiussoribus partes petere diuisis actionibus apud eundem iudicem, potuit partem à tutoribus petere, partem à fideiussoribus tutorum. Hodie cogere totum petere prius à tutoribus, qui sunt rei principales; sed ante Non. Iust. potuit scindere actionem, & partem petere à reo principali, partem à fideiussoribus, l. 3. §. ult. de duob. reis, l. grege §. etiam, de pignor. l. reos, C. de fideiuss. l. 1. C. de fideiuss. tutor. sic igitur finita tutela pubertate, adolefcentens accepit iudicem contra tutores & fideiussores, partem scilicet petens à tutoribus eius, quod sibi abesse ostendit ex administratione tutelæ, partem à fideiussoribus, ac priusquam is iudex adiretur, & apud eum lis contestaretur, vita functus est: si post litem contestatam vita functus fuisset, non mutaretur iudicium, quia non est integrum mutare actionem post litem contestatam, nisi ex magna causa, l. edita, C. de eden. Non mutaretur ergo iudicium, non mutaretur actio, quæ cœpit in tutores & fideiussores eorum, sed non mutata actione in locum demortui iudicis, alius iudex daretur, qui substitutus iudex dicitur, l. si iudex, l. mortuo, de iudic. l. pen. C. de ped. ind. At quoniam ille iudex, quem pupillus acceperat contra tutores simul atque fideiussores, vita functus est ante litem contestatam, licet pupillo vel adolefcenti iudicium actionemque mutare, & ut fecisse proponitur, alium iudicem accipere contra fideiussores solos in solidum, omisit tutoribus: quo casu quæritur in hac lege pro qua parte quisque eorum fideiussorum condemnandus sit? An vnus damnari possit in solidum, si alij rei iudicati tempore soluendo non sint, licet fuerint tempore litis contestatæ? Et respondet Papinianus, eum in condemnatione fideiussorum modum, eamque legem esse seruandam, quæ seruaretur in tutoribus, si conuenti fuissent tutores. Conueniuntur autem fideiussores ex persona tutorum, ut ait in fine legis; ut pater, qui intelligitur fideiussisse pro filio decurione, dicitur conueniri ex persona filij, l. libertus §. filio, ad municip. ita fideiussor quilibet dicitur conueniri ex persona rei principalis. Ergo ad eum modum legemque, qua tenetur reus principalis, perinde & fideiussores tutorum easdem reputationes habent quas tutores, l. 5. hoc tit. Et ad eam rationem vsurarum pupillarium reuocantur, ut eas præstent, ad quas tutores reuocari solent, l. 3. hoc tit. l. 10. rem pupil. salu. for. Et similiter fideiussores tutorum eandem condemnationem sustinent, si contra eos solos sumptus sit iudex, quam sustinerent tutores, si conuenti fuissent actione tutelæ. At tutores,



tores si conuenti fuissent, etsi eorum administratio fuisset A  
indiuisa & commune periculum administrationis, si tamen  
omnes soluendo sint litis contestatae tempore, inter eos  
diuideretur actio pro virilibus portionibus, l. 1. §. nunc  
tractemus, de tut. & rat. distr. quia diuisionem actionis  
tutelae inter tutores, qui initio litis locupletes sunt &  
idonei, aequitas ipsius actionis, quae est bonae fidei, desi-  
derat maxime, cum ob id pupillus non distringatur di-  
uerfis iudiciis, quandoquidem ex Constitutionibus om-  
nes tutores ad vnum iudicem mittuntur, l. 2. de quibus  
ad eund. ind. l. 5. C. arb. tut. Et propterea, si conuenian-  
tur plures tutores, quorum indiuisa non dispar fuerit  
administratio, & quidam soluendo sint initio litis,  
aequum est inter eos diuidi actionem tutelae, vt singuli  
teneantur tantum in virilem portionem. Ergo etiam  
conuentis fideiussoribus eorum tutorum, qui conue-  
niuntur ex persona tutorum, licet non eadem actione  
vt puta tutelae, sed ex stipulatu, inter eos est diuidenda  
actio pro virilibus portionibus exemplo tutorum, vt  
quae diuisio fit in actione tutelae, eadem fiat in actione  
ex stipulatu, qua fideiussores conueniuntur. Denique  
tutores habent beneficium diuisionis, etiamsi indiuisa  
eorum administratio, indiuiduum officium fuerit, si mo-  
do omnes soluendo sint litis contestatae tempore. Ergo  
fideiussores eorum idem beneficium habent. Recte au-  
tem ponit Papinianus plarium tutorum plures fuisse  
fideiussores, singulos tutores singulos fideiussores dedisse,  
tot fuisse fideiussores, quot tutores: nam si vnus  
tutoris plures fideiussores fuerint, non habent benefi-  
cium diuidendae actionis: & ratio haec est, quia non est  
aequum, pupillum siue adolescentem distringi aduersariis,  
litibusque plurimis suae tutelae causa, cum non ipse  
contraxerit cum tutore, qui fideiussores dedit, sed in  
eum inciderit ignorans, omnino nesciens quid ageretur:  
qua de causa & actio tutelae non dicitur esse ex contra-  
ctu, sed quasi ex contractu, idque ostenditur in l. ult. in  
fin. rem pup. salu. fore. Distringeretur autem pupillus,  
si diuidenda ei esset actio in plures fideiussores, si diuisim  
illi agendum esset cum singulis: quia non vt tutores om-  
nes ad eundem iudicem mittuntur, vt ante dixi, quod  
ita constitutum est ex constitutionibus, non ita etiam  
fideiussores plures, si diuidenda esset actio, ad eundem iu-  
dicem non mitterentur, sed ad diuersos, atque ita distrin-  
geretur pupillus, d. l. ult. in fin. ideoque si plures sint  
fideiussores vnus tutoris, pupillus agit in solidum, quo  
cum vult; non est distringendus, sed in vnum fideiussore-  
rem, quem elegit, ei danda est actio in solidum, vt eum  
condemnet in solidum, sicut in tutorem quivnicus  
est, ageret in solidum: ita in quem libet fideiussorem  
vnus tutoris agit in solidum, excepto casu l. sequentis,  
quae explicabitur lib. 3. Et non tantum agit in solidum,  
sed etiam eum condemnat in solidum, quia non habet  
beneficium diuisionis, vel etiam, si pupillus egerit cum  
omnibus fideiussoribus vnus tutoris. Finge duos fuisse,  
si egerit cum duobus, & post litem contestatam vnus  
factus sit non soluendo, alterum proculdubio damnabit  
in solidum, etiamsi initio litis ambo soluendo fuerint,  
quia & vnus eligendi & condemnandi in solidum pu-  
pillo ius, potestasque fuit. Fateor alio agente, fideiussore  
habere beneficium diuisionis ex epistola D. Adriani,  
notissima etiam hodie tabellionibus, si omnes soluendo  
sint litis contestatae tempore, etiamsi deserint esse ante  
litem iudicatam: at pupillo agente in plures fideiussores  
vnus tutoris, nego tutoris fideiussores habere benefi-  
cium diuisionis, d. l. ult. si fuerint vt diximus fideiussore-  
res plures plurimum tutorum, vt tutores habent benefi-  
cium diuisionis, & habebunt quoque fideiussores eorum,  
quoniam ex persona tutorum conueniuntur, pro tuto-  
ribus condemnantur: quae est sententia huius legis sum-  
me notanda.

Ad l. 20. ad Senatusconf. Sillan.

*Heres qui veneni causam persequitur, res hereditarias  
urgentes ordinare, saluis probationum iudiciis non prohibetur.*

VT intelligatur haec lex, sic statuo, aliam esse qua-  
stionem veneni, aliam necis per vim illatae, quod  
patet ex l. seq. Quid vero interest veneno quis necatus  
sit, an vi, clam, vel palam? hoc maxime, quia si per vim  
dominus a familia necatus esse dicatur, Senatusconsulto  
Sillania. cauetur, vt non possit heres, si nolit sibi here-  
ditatem eripi a fisco, vt non possit, inquam, adire here-  
ditatem, vel quoquomodo acquirere ante quaestionem  
habitam de seruis, qui sub eodem testamento locove fuerunt,  
quo tempore dominus per vim occisus est, & ante sum-  
ptum supplicium de noxiis: post habitam quaestionem,  
post sumptum supplicium, & ultam necem defuncti,  
tunc adire hereditatem potest eius, qui necatus est, cum  
effectu adire potest, non ante. Quod si veneno a familia  
dominus clam necatus esset, heres non prohibetur adire  
hereditatem, aut petere bonorum possessionem, quia  
Senatusconsultum Sillanian. loquitur tantum de do-  
mino per vim occiso; non de occiso clam vi carminis  
aut veneno, l. 1. §. occisorum, l. necessarios §. ult. hoc tit.  
l. 9. C. de ijs quib. vt indig. Et consequenter, vt ait Pa-  
pinianus in hac lege, heres res hereditarias, urgentes,  
inquit, ordinare potest, vt puta luere pignora pretiosa,  
quae sunt ex bonis defuncti, vel reficere aedificia, quae  
ruinam minantur, vel seruos hereditarios pascere, aut  
in opus rusticum mittere, aut distrahere res hereditarias,  
quae magis onerant hereditatem quam fructui sunt. Haec  
sunt vrgentia negotia hereditaria. Vrgentia haec facien-  
do, sane videtur heres se pro herede gerere, atque ita  
sibi acquirit hereditatem. Nam gestio pro herede, est  
species adquirendae hereditatis, videlicet si hoc facerit  
animo heredis, vt declarat l. pro herede, de adquir. hered.  
verum ait, heredem qui veneni causam persequitur,  
res hereditarias urgentes ordinare non prohiberi Sena-  
tusconsulto quod non pertinet ad causam veneni: &  
non prohiberi saluis probationum iudiciis. Nec enim po-  
test distrahere aut manumittere seruum hereditarium  
probationi idoneum, ne subducatur quaestioni. Et bre-  
uiter, pendente causa veneni, quam heres persequitur,  
vt debet, vrgentia negotia hereditaria tractare potest, &  
necessaria, non omnia negotia hereditaria, quandiu  
pendet quaestio l. Cornel. de venef. tamen si adierit he-  
reditatem; vt potest pendente causa veneni, quod no-  
tandum. Nam hoc est praecipuum in hac lege. Si adie-  
rit, inquam, pendente causa veneni, non potest tractare,  
nisi ea negotia hereditaria quae vrgent maxime.  
Quid enim, si ipsum heredem apparet infudisse vene-  
num? quid si causam veneni non pertulerit? si deserue-  
rit? vel quid, si pertulerit lusorie & perfunctorie? qui-  
bus casibus hereditas fisco vindicatur. Igitur interim  
melius est res hereditarias integras seruare, quia fiscus  
venire potest; & eas tamen tractare interim, quae vrgent.  
Et haec distinctio fit inter causam veneni, & causam  
per vim illatae necis, cum dominus a familia necatus  
fuisse dicatur, vt si per vim, prohibeatur heres adire ante  
causam peractam; si veneno, non prohibeatur adire &  
tractare, quae vrgent, etiam nondum peracta causa vene-  
ni. Nam si quis dicatur necatus ab extraneo, non vtimur  
hac distinctione. Nam siue necatus sit veneno, siue per  
vim, heres non prohibetur statim adire hereditatem sibi  
delatam, licet postea debeat vlciisci mortem defuncti, ne  
ei vt indigno hereditas auferatur. Ceterum statim adire  
potest, quod Azo sentit recte, & probat l. eius qui §. ult.  
de iure fisci, l. eum qui §. bonis, de his quib. vt indig. Neque



quidquam obstat l. 6. & l. 9. C. eod. quoniam non pertinent ad hunc casum, cum quis est occisus ab extraneo, sed sunt aptandæ ad casum Senatusconsulti Syllaniani, cum quis dicitur occisus à familia sua, hoc est, à servis suis, ubi distinguimus fuerit occisus per vim an clam. At non distinguimus si dicatur occisus ab extero.

Ad l. 41. de mortis caus. donat.

*Quod statuliber uni ex heredibus de peculio dedit: ei qui accepit, in Falcidia ratione venit, & in hereditatis petitione, item ex Trebelliano restituitur. Ex peculio autem videtur dari, quod statuliber donatum accepit, & dedit. Et quod ab alio nomine ipsius eo presente datur: prope est ut ab ipso datum intelligatur.*

Constat in quartam partem hereditatis quam per legem Falcidiam, aut exemplo legis Falcidiae per Senatusconsultum Pegasianum, & hodie Trebellianum, heres habere debet, ea tantum imputare heredem, quæ quasi heres hereditario iure capit, non etiam ea, quæ capite iure legati, quasi legatarius vel iure fideicommissi, quasi fideicommissarius, l. si a me tibi, ad l. Falcid. non imputat etiam heres in quartam ea, quæ capit mortis causa, veluti conditionis implendæ causa, ut si quis heres institutus sit ex parte, vel si cui legatum relictum sit, aut data libertas testamento sub conditione, si heredi aut coheredi dederit decem, ea decem heres neque iure legati capit, neque iure fideicommissi, sed mortis causa, & ea non imputat in Falcidiam, quia non ea capit iure hereditario, imo nec iure testamenti, l. 8. si quis omiff. caus. test. sed dicitur generaliter ea capere mortis causa, quod & ei capio obueniat per occasionem mortis testatoris. Ergo multo minus imputabit in Falcidiam heres mortis causa capionem, hoc est, quod ei datur conditionis implendæ gratia. Et hoc ostendit aperte l. in ratione §. tamen si, & l. in quartam, in princ. & in fi. & l. id autem, ad l. Falcid. Et quod aliter scriptum in d. l. in quartam §. pen. iis fere verbis, sed & quod implendæ conditionis causa, fideicommissum heredi datur in ea causa esse admittendum, sciendum est, ut scilicet in quartam imputetur: nam hic est sensus, id, inquam est, falsum & subdititium. Nam & à Basilicis & à Pandect. Florent. abest. & prodit falsitatem in eo etiam satis verbum fideicommissi. Quoniam id, quod heredi datur implendæ conditionis causa, non est fideicommissum, sed generali nomine, quia non habet proprium, appellatur mortis causa capio, l. 31. hoc tit. & inter hanc mortis causa capionem & fideicommissum longa differentia est: fideicommissum inuitus præstat, qui eo oneratus est: mortis causa capio siue adimpletio conditionis dandi, est in arbitrio eius, cui est imposita conditio dandi, nec inuitus dare cogitur, & accipere, quod ei relictum est sub ea conditione, d. §. tamen si. Item de fideicommissio heres detrahit Falcidiam ex Senatusconsulto Pegasiano, non de mortis causa capione, l. 1. §. item si ita legatum, & l. acceptis, ad l. Falcid. Et in dicto §. item si ita legatum, ait, mortis causa capionem, non imputari in Falcidiam, quæ verba sunt alio sensu accipienda, quam quo nos deinceps frequenter, dicturi sumus imputari aliquid vel non imputari in Falcid. & quod Papinianus ait in hac lege, id, quod statuliber de peculio dedit heredi, imputari in Falcidiam. Duobus modis dicimus aliquid imputari in Falcidiam, Vno, cum numeratur inter ea, quæ patiuntur Falcidiam, quæ minuuntur lege Falcidia: ut in d. §. item si, l. si a seruo, & l. si quis, l. si a me, eod. tit. quod & hoc loco ita accipiendum esse in d. §. item si ita legatum, Accurs. notauit hoc loco, licet id explicet incondite & ineleganter. Ergo dum ait in d. §. item si ita legatum, mortis causa capionem non imputari in Falcidiam, hoc est, ex ea heredem non deducere Falcidiam. Altero autem modo, quo sensu locuturi su-

mus deinceps, imputari aliquid in Falcidiam, id est, numerari inter ea, quæ heredi explent, conficiuntque Falcidiam. Et hoc sensu etiam dicimus, mortis causa capionem imputari heredi in Falcidiam, exceptis certis casibus, de quib. infra tractabimus. Sicut & priori sensu in §. item si, mortis causa capionem non imputari heredi in Falcidiam, hoc est, non detrahi ex ea Falcidiam, excipiendus est casus, l. pen. C. eod. tit. excipiendus etiam hic casus, si seruo data & adscripta sit libertas sub conditione, si extraneo dederit ex periculo suo, quod fuit in bonis testatoris mortis tempore, l. 44. eod. tit. Ceterum illa iuris definitio, ut ea tantum heres imputet in Falcidiam, id est, ut ea tantum heredi explant Falcidiam, quæ iure hereditario capit, est generalis & certissima, quam tamen omnes Interpretes nostri tantum admittunt in Falcidia siue quarta, quæ per legem Falcidiam ex legatis deducitur, non etiam in quarta, quæ per Senatusconsultum Pegasianum, & hodie Trebellianum ex fideicommissis deducitur, & cruciant se in inveniendâ ratione differentiae, quæ nulla est: Nam hunc ego iampridem depuli & profligavi omnium Interpretum errorem, docens per omnia esse legata exæquata fideicommissis. & quod scripsit Vlpianus in l. 1. delegat. 1. non scripsisse eum in omnibus casibus existimo, deducto argumento ex inscriptione, sed in causa legis Falcidiae tantum, in qua non vult deduci aut separari legata à fideicommissis. Sed cum quaeritur, quæ heres computet in quartam siue in legem Falcidiam, quid imputet, inquam, in quartam, siue detrahat, ex legatis, siue ex fideicommissis, indistincte respondendum est, ut eas tantum res computet in quartam, quas capit iure hereditario. Nam constat & in quartam Pegasianam, quæ ex fideicommissis detrahitur, heredem non computare, quæ capit iure legati, l. filium, C. fam. erisc. nec quod capit causa mortis siue conditionis implendæ gratia, d. §. tamen si. Ergo nulla est differentia omnino inter hanc & illam quartam, hanc, quæ ex fideicommissis Senatusconsulto Pegasiano, & illam, quæ ex legatis lege Falcidia detrahitur: quia verum est, in neutra computari alias res, quam quæ iure hereditario obueniunt heredi. Et in hac re per omnia esse exæquata legata fideicommissis. Et d. l. in quartam, quæ in illum errorem sola omnes induxit, ut putarent faciendam esse differentiam inter quartam, quæ ex legatis detrahitur, & quartam, quæ ex fideicommissis, ne te decipiat, sic tibi me auctore accipienda est, ut ostendam modo plane atque dilucide explicata tota l. in quartam, quæ lex ait; In quartam hereditatis quam per legem Falcidiam heres habere debet, imputari eas res, quas iure hereditario capit, non quas iure legati vel fideicommissi, vel implendæ conditionis causa accipit, nam hæc, inquit, in quartam non imputantur. Primum accipe legem Falcidiam latissime, prout dilatata & extensa est Senatusconsultis vel constitutionibus: nam quæ erat tantum de legatis, Senatusconsulto Pegasiano porrecta est ad fideicommissa, & constitutione Severi ad mortis causa donationem, non ad mortis causa capionem, ut in hanc quartam vnde detrahatur, heres computet tantum ea, quæ iure hereditario capit optima ratione, quia omnis quarta, siue sit ex legatis, siue ex fideicommissis, siue ex donatione mortis causa, est quarta hereditaria, hoc est ex his omnibus debet habere heres saluam quartam hereditatis, Et si omnis quarta est quarta hereditatis, ergo in eam tantum imputatur, quod velut ex bonis hereditatis, ex bonis defuncti iure hereditario capitur. Non ergo computantur in quartam, siue ex legatis, siue ex fideicommissis vel aliunde detrahatur, ea, quæ heres capit iure legati, vel fideicommissi, vel conditionis implendæ causa, quæ extero iure capit, ut ait l. à patre, C. de collat. Et subiicit eadem lex: Sed in fideicommissaria hereditate restituenda, &c. quia articulus Sæd deceptit inter-



pretres. Sed non est discretiua particula superioris A  
sententiæ atque regulæ, sed coniunctiua, vt in aucto-  
ribus nostris & exteris sapissimè articulus (*sed*) non  
facit differentiam inter quartam, quæ detrahitur ex le-  
gatis, & quartam, quæ detrahitur ex fideicommissaria  
hereditate alteri restituenda, verum coniuncta scriptu-  
ra Iurisconsultus, vt regulam initio propositam ape-  
riat exemplis, ait, *In fideicommissaria hereditate resti-  
tuenda detracta quarta, siue legati, siue fideicommissi ver-  
bis quid datum sit heredi, scilicet habenti coheredem,*  
alioquin non posset legari heredi, hoc est: si quid præ-  
cipuum prælegatum præceptionis titulo ei relictum sit,  
præceptionis nomine, quoniam id capit duplici iure,  
partem à seipso iure hereditario, partem à coherede iu-  
re legati aut fideicommissi, l. legatum §. 1. de leg. 1. l. in fidei-  
commissariam §. ult. ad Senatusc. Trebell. l. cum qui §. ult.  
de his quib. vt indign. Eum imputare in Falcidiam par-  
tem, quam iure hereditario capit à se ipso non partem  
quam à coherede capit iure legati, vt in d. l. filium, C. fam.  
ercisc. & l. quod autem, ad l. Falcid. secundum regulam  
propositam initio l. in quartam. Item si aliquo deducto,  
vel retento, vel accepto, non demonstrata persona, à qua  
acciperet heres, vt si dixerit: *Rogo te acceptis ducentis re-  
stituere hereditatem meam* L. Titio. denique si quo dedu-  
cto, vel retento, vel accepto simpliciter heres rogatus sit  
restituere hereditatem, id quod deducere vel retinere  
vel accipere iussus est, imputat in Falcidiam, quia id to-  
tum à seipso iure hereditario ex bonis mortui capit, l. de-  
ducta §. acceptis, ad Senatusc. Trebellian. His traditis, qui-  
bus exemplis planior sit regula proposita initio l. in quar-  
tam, regulam illam magis ac magis explicans, vt in quar-  
tam, quæ detrahitur ex legatis aut fideicommissis impu-  
tentur ea tantum, quæ heres capit quasi heres iure heredi-  
tario, non aduentitia lucra. Ad extremum d. l. in quar-  
tam. regulam illam magis atque magis explicans, quod  
dixit initio, ea quæ heres capit conditionis explendæ cau-  
sa non imputari in quartam, id posito exemplo familia-  
ri magis dilucidum reddit in fine legis. Et nihil est præ-  
terea in l. in quartam. Versus penultimus spurius est, vt  
dixi. Verum ad hoc notandum est, quosdam esse casus,  
quibus etiam id, quod heres accepit conditionis explen-  
dæ causa, hoc est, quibus mortis causa capionem impu-  
tat in quartam. Vnus casus est in d. §. tamen si, si non figu-  
ra conditionis heres iussus sit accipere certam pecu-  
niam à fideicommissario Trebelliano, vt si testator  
non dixerit in hunc modum: *Rogo te heres restituere*  
*illi hereditatem, si tibi mille dederit*, sed dixerit hoc mo-  
do: *Heres, rogo te illi restituere hereditatem, acceptis*  
*ab eo 1000.* quæ verba non habent figuram conditio-  
nis, & acceptis ab eo 1000. titulo emptionis, ve-  
luti pretio restitutæ hereditatis, si hoc sensisse testato-  
rem appareat, heres eam pecuniam computabit in quar-  
tam: quia pretium est loco hereditatis, & pretium ha-  
bet vice hereditatis. Alter casus est in l. acceptis, eod.  
tit. si etiam citra figuram conditionis aut titulum em-  
ptionis acceptis à Caio 100. quæ scilicet contine-  
bant quartam hereditatis, rogatus sit Caio resti-  
tuere hereditatem: nam perinde est, ac si dixisset, ac-  
cepta quarta restituas ei hereditatem. Igitur etsi ea  
100. acceperit de manu Caij, tamen de hereditate ca-  
pere videtur, & consequenter, ea computat in quartam.  
Tertius casus & vltimus est in hac l. 41. si quis ser-  
uus, libere esse iussus, implendæ conditionis causa here-  
di dederit de peculio suo. finge, seruum liberum esse  
iussus sub conditione, si heredi dederit 100. & heredi  
decem de peculio dederit, quod tamen ei prælegatum  
non erat. Nam etsi peculium, quod seruo testamento  
manumisso prælegatum non est, ad heredem pertineat,  
l. 1. C. de pec. eius qui lib. tamen receptum est statulibe-  
rum, id est, seruum, cui relicta est libertas sub conditione  
dandi decem heredi, conditionem libertatis implere  
posse de peculio suo, siue heredi, siue alij dare iussus sit.

Respons. Papin.

l. 3. §. 1. & §. cum igitur, l. 13. §. 1. de statul. Et ratio  
hæc est, quia visum est prudentibus, id esse conceden-  
dum seruo, vt libertatis causa de peculio quasi de pa-  
trimonio suo libertatis conditionem impleat, l. si de-  
cem, eod. Nam peculium quasi patrimonium serui est,  
l. hinc queritur §. 1. l. peculium, de pecul. Et vt ex  
peculio, quod pertinet ad venditorem serui, seruus se  
redimere potest, l. 4. §. 1. de manum. cur non etiam  
concedamus seruo testamento manumisso sub conditio-  
ne dandæ certæ pecuniæ heredi, vt ex peculio suo, licet  
pertineat ad heredem, impleat conditionem & perue-  
niat ad libertatem? Id prudentes, vt ait d. si decem, existi-  
marunt posse concedi seruo sine iniuria dominorum.  
Quod autem ita seruus dat heredi de peculio implen-  
dæ conditionis causa, Papinianus ait hoc loco, heredem  
imputare in Falcidiam, totum scilicet quod accepit, si  
sit heres ex asse, vel pro parte sua, si sit heres ex parte,  
vt Glossa notat recte ex l. id autem, ad l. Falcid. Id vero  
hanc rationem habet, quia cum peculium quod præle-  
gatum non est seruo manumisso testamento, ipso iure  
pertineat ad heredem, id quod ex eo capit heres de  
manu statuliberi non mortis causa capere, sed iure he-  
reditario habere intelligitur, d. l. id autem. Ergo me-  
rito id imputabit in Falcidiam; & id cum habere iure  
hereditario patet, & probat adiiciens, *id quod heredi*  
*de peculio dat statuliber implenda conditionis causa, venire*  
*in portionem hereditatis*, vt in l. nec vltam §. sed etsi, in  
fi. de pet. hered. Ergo hereditarium esse; item venire in  
restitutionem hereditatis ex Senatusconsulto Trebel-  
liano. vt ait Papinianus hoc loco: Ergo hereditarium  
esse, & proficisci ex hereditate defuncti, & ab herede  
pro herede possideri; denique iure hereditario capi,  
iure hereditario haberi. Qua ratione & id etiam supra  
legitimum modum non capit, qui ex hereditate testa-  
toris solidum capere non potest, l. qui conditionis §. 1.  
hoc tit. Ergo est ex ea hereditate, & merito computatur  
heredi in quartam. Et hoc cum ostendisset Papinia-  
nus in hac lege, subiicit; *ex peculio datum videri, quod*  
*statuliber ab alio donatum accepit ac dedit, & non tantum*  
*quod ipse dedit heredi conditionis implenda causa, sed &*  
*quod alius dedit, nomine ipsius, præsentem eo.* Quibus ver-  
bis Papinianus nihil aliud significat, quam quocun-  
que modo peculium aduersum statuliber habuerit,  
vt ait l. 13. §. 1. de statulib. ex eo eum dare posse heredi  
conditionis implendæ causa, & quod dederit heredi im-  
putari in Falcidiam quasi hereditarium peculium, quasi  
hereditariam pecuniam. Nec obstat huic sententiæ Pa-  
piniani l. quod conditionis §. 1. hoc tit. quæ negat ex here-  
ditate esse id, quod dedit statuliber ex eo, quod quæsiuit  
post mortem testatoris, vel quod alius pro eo dedit de  
suo post mortem testatoris, quia scilicet non fuit in bonis,  
quæ testator habuit mortis tempore, non fuit in heredi-  
tate, quam reliquit moriens. Et sane verissimum est, nec  
aliter sentit Papinianus: nec enim quocunque tempore  
peculium habuerit acquisitum viuo an mortuo testa-  
tore, vult, quod ex eo dedit heredi imputari in Falcid-  
diam, quocunque tempore id quæsierit, sed quocunque  
modo acquisitum habuerit, dummodo id iam acquisitum  
habuerit mortis testatoris tempore, vel donatum sibi ab  
alio, & relatum in peculium, vel aliunde quæsitum, quod  
deinde det ipsi post mortem testatoris conditionis im-  
plendæ causa, vel alius nomine ipsius præsentem eo. Si  
alius pro eo daret de suo, frustra desideraretur eius præ-  
sentia: at si alius det de peculio eius, & nomine eius, exi-  
gitur præsentia eius, vt ipse dedisse videatur, sicut condi-  
tione cautum est, si decem heredi dederit: alioquin non  
videretur impleta conditio, quæ vti concepta est, ita  
impleri debet, l. qui heredi, de condit. & demonst. he-  
redi dare iubetur: ergo alij dando non implet conditio-  
nem, & ipse dare iubetur: ergo alius dando non implet  
conditionem, nisi det nomine eius præsentem eo, quia  
prope est, ac si ipse daret. Præsentem me quod sit

F ij



meo nomine & tacente, ego facere videor : præsente me, quod sit meo nomine & tacente, ego facere videor : præsente me, si quis stipuletur mihi, ego stipulari videor, & valet stipulatio, l. si procuratori, de verb. oblig. l. si dictum §. si præsente, de emittionib. denique quod alius pro eo dedit, de suo, vel quod ipse dedit, non ex peculio suo, quod habuerit mortis tempore extra hereditatem est, & heredi, qui id accepit mortis causa, non imputatur in Falcidiam, vt l. si mortis §. 1. qui & à quibus manum. Quod autem ipse vel alius pro eo dedit, eo præsente ex peculio, quod habuerit mortis testatoris tempore, quia id heres intelligitur capere iure hereditario, debet etiam id computari in Falcidiam.

#### Ad l. 22. de appell.

*Ad principem remissa cognitio, ab eo circumduci potest qui remisit.*

**P**ertinet hæc lex, sicut & l. 26. hoc tit. ad illam partem tituli huius, quæ est de relationibus, non ad partem de appellationibus, vt Glossa putat, quæ tota delenda est in hac lege. Nam iudex causam, de qua non pronuntiauit, nec pronuntiare audeat certas ob causas, certis quibusdam rationibus, per relationem remittit & reicit ad Principem, la rennoye au conseil priné. Et vt quamlibet interlocutionem mutare iudex, tollere & circumducere potest, l. quod iussit, de re iud. l. dicere, de recept. arb. ita & illam interlocutionem, qua censuit causam esse remittendam ad cognitionem Principis, mutare & circumducere potest. Et hoc est quod ait, *Ad Principem remissam cognitionem ab eo circumduci*, hoc est, obliterari, posse, qui remisit. Denique eum, qui rem ad Principem remisit cognoscendam, mutata voluntate ipsam causam disceptare posse, si modo ab eius notione non sit prorsus aliena. Basilica sic interpretantur: ὁ δὲ δικαστὴς ἀναπέμψας βασιλεὶ δέχνησιν ἐποδίσσας δὴναι τινὲν αὐτῷ. Index, qui remisit ad Principem cognitionem causam, eam ipse dirimere potest, nec transmittere ad Principem, vt initio constituerat, & dixerat vtrique parti. Verum addit l. 26. h. t. hoc fieri debere consentientibus partibus, non inuitis, si forte eorum inter sit, Principem causæ disceptatorem habere. Et idem statuere licet, si quis iudex quos censuerat remittēdos non ad Principē, sed ad Præfectum vrbi, vel alium iudicem, non quod causa ad eius cognitionem non pertineat, quia tunc plane non potest se interponere, sed debet causam remittere ad competentem iudicem, sed cum etiam notio ad eum pertinet, vt Diuum Marcum legimus apud Iulium Capitolinum Curatoribus regionum & viarum dedisse potestatem, vt vel ipsi punirent, vel ad Præfectum vrbi puniendos remitterent, & eos reicerent, quia vltra vectigalia quicquam ab aliquo exegissent, vt Præses quoque prouinciæ, militem, de quo statuere potuisset, si voluisset, criminis reum aliquando remitti ad ducem suum, vel magistrum militum, l. 3. de re milit. l. de militibus, de custod. reor. l. ult. de accusat. l. 1. C. de exhibend. reis. vt & Præses prouinciæ eum, qui deliquit in sua prouincia, de quo sane potuit statuere, interdum remittit ad Præsidem prouinciæ, ex qua ille oriundus est, l. non dubium §. ult. de custod. reor. Verum in ea sententia perstare non cogitur, sed de eo etiam, quem remittendum censuit ad alium iudicem, cum & ad ipsum notio pertineat, postea mutata sententia decernere potest.

#### Ad l. 219. de verb. signif.

*In conuentionibus contrahentium voluntatem potius quam verba spectari placuit. Cum igitur ea lege fundum vectigalem municipes locauerint, vt ad heredem eius qui suscepit,*

*A pertineret: ius heredum ad legatarium quoque transferri potuit.*

**C**vratōres reipub. vel magistratus municipales, agrum ciuitatis vectigalem, hoc est, quem solent municipales dare in emphyteusin, qui contractus est satis frequens, aut iure emphyteutico locari solitum, locauerunt in perpetuū, ea lege, vt ad heredes conductoris pertineret, soluto Reipubl. annuo vectigali & canone. Certissimum est, in hoc contractu heredem intelligi in infinitum per multas successiones, vt in l. 65. & 70. hoc tit. Igitur certum est ius ἐμφυτεύσεως, ex lege huius conuentionis siue contractus transferri in heredem heredis & vteriores heredes, aut bonorum possessores, quia loco heredum sunt. At quæritur, an transferri etiam hoc ius prædij vectigalis, siue ius emphyteuticum possit in legatarium, puta conductore, vel herede eius legante fundum vectigalem alteri, quo genere non legat proprietatem, quæ Reipubl. est, sed ius emphyteuticum, quod in eo agro habet. Et respondet Papinianus, ex hac conuentione & ius emphyteuticum posse transferri in legatarium, idque aliquatenus confirmat l. si domus 74. §. ult. de leg. 1. Nec obstat, quod in lege locationis, facta est mentio heredis tantum, non legatarij, & quod vt hereditatis nomine non continetur legatum, l. si Titius, de leg. 3. ita heredis nomine non videtur contineri legatarius, ergo lex conuentionis non continet legatarium, ac proinde emphyteusin non posse transferri in legatarium. Et si enim ita est si spectes verba; tamen ex mente contrahentium, quæ verbis potior est, Papinianus ait, ius emphyteuticum etiam in legatarium posse transferri, quia id actum videtur inter contrahentes, quod sit vulgo in locandis & conducendis agris vectigalibus, vt perpetua ea locatio esset, vtque transfret in quemlibet successorem ex supremo iudicio defuncti emphyteuticarij. Et hæc est sententia legis. Alciatus putat, etiam hoc ius in specie proposita posse transferri in donatarium. Ego subsisto: quia facile mihi persuadeo, videri quidem contrahentes, qui heredi cauerunt, etiam cauisse aliis successoribus, qui modo heredi similes essent, vt legatario vel fideicommissario, quia, vt heres est successor ex voluntate vltima & iudicio defuncti; sunt in hoc similes, heres & legatarius, in cæteris dissimiles; fateor; quia heres est successor iuris, legatarius successor rei. At non credam eos cauisse per omnia dissimili successori ab herede, vt puta donatario vel emptori qui successor est ex contractu, vel ex liberalitate viuentis, non ex vltima voluntate, l. de accessionibus, de diuers. & temporal. præscri. Non nego, quin ius emphyteuticum possit alii donari, aut vendi saluo iure vectigalis, l. 1. C. de fund. patrimon. lib. 11. Sed dico in specie proposita, neque ex verbis, neque ex mente contrahentium esse, vt, quod ad heredem pertinere cauemus, pertineat etiam ad successores heredi dissimiles per omnia. Et quod dicitur statuliberum, qui heredi dare iussus est, emptori dando, cui heres vendidit, implere conditionem, hoc lex xii. Tabul. nominatim induxit fauore libertatis, l. statuliberum §. ult. de statulib. & Ulpianus lib. regul. eod. tit. Porrexit lex nomen heredis ad emptorem & emptoris rursus nomen produxit ad omnem dominum statuliberi: proinde & heredis quoque nomen produxit & pertulit ad legatarium & donatarium, & emptorem, & omnem omnino, qui quoquomodo dominium in statulibero nactus est, vt ei dando, qui heredi dare iussus est, adipisceretur libertatem. Legis est augere & producere vim, & significationem verborum. Hæc est lex vltima huius libri. At hoc nondum est explicasse leges sumptas ex eo libro, sed explicandi etiam sunt loci, in quibus Papinianus libro 2. responsor. ab alijs auctoribus citatur.



Ad §. sed & quod Papinianus l. 7. de minoribus.

*Sed & quod Papinianus libro 2. Respons. ait, minori substitutum seruum necessarium, repudiante quidem hereditatem minore necessarium fore: & si fuerit restitutus minor, liberum nihilominus manere: si autem prius minor adiit hereditatem, mox abstentus est, substitutum pupillo seruum cum libertate, non posse heredem existere, neque liberum esse, non per omnia verum est, nam si non est soluendo hereditas, abstinente se herede, & Diuus Pius rescripsit, & Imperator noster, & quidem in extraneo pupillo, locum fore necessario substituto, & quod aut liberum manere, tale est, quasi non & heres maneat, cum pupillus impetrat restitutionem, posteaquam abstentus est; cum enim pupillus heres non fiat, sed utiles actiones habeat, si ne dubio heres manebit, qui semel extitit.*

**V**lpianus in l. 7. §. sed quod Papinianus, de minorib. refert, Papinianum hoc libro: tractasse hanc speciem. Finge: Quidam extraneus L. Titium minorem xvj. annis puberem vel impuberem, heredem instituit, & vulgariter ei substituit cum libertate Stichum seruum suum hoc modo: *L. Titius heres esto, si L. Titius heres non erit, seruus Stichus meus liber & heres mihi esto.* Hæc est substitutio vulgaris. Minor repudiavit hereditatem, & abstinuit hereditate, & confestim seruus vocatus est ex substitutione vulgari, & defuncto factus heres necessarius, simul ac factus est liber, quia cum libertate ei fuit relicta hereditas, nec sine libertate potuit relinqui. At postea minor restitutus est in integrum rescissa repudiatione, vel abstentione, ut hereditatem obtineret, quam inconsulto repudiavit, Papinianus ait, iure restitutionis in integrum cum ablaturum seruo bona hereditaria, quæ occuparat iure substitutionis; non etiam libertatem, quæ semel ei obtigit ex testamento, sed ablatis bonis nihilominus, inquit, liber remanebit. Et ita Papinianus respondit, quem reprehendit Vlpianus vel calumniatur, quasi voluerit Papinianus, quod sane non credo voluisse, propterea quod tantum scripsit liberum eum manere: liberum quidem eum manere, sed non heredem scripsisti, inquit, Vlpianus, liberum eum manere, non adiecisti etiam eum heredem manere. Ergo existimasti eum heredem non manere; quod falsum est, quia heres manet, qui semel extitit secundum regulam iuris, semel heres, est in perpetuum heres, l. ex facto §. ult. de vulg. substit. l. ei qui soluendo de hered. inst. Ergo liber & heres manet ipso iure, sed habet tantum nudum nomen heredis, quia heres est sine re, propterea quod minor ei rem abstulit per restitutionem in integrum; at iure & nomine sane heres est; & Prætor minorem in integrum restitutum non potuit facere heredem, quia Prætor non facit heredem, sed bonorum possessorem, §. quos autem, Instit. de bon. poss. Ergo minorem restitutum non facit heredem, sed tantum tuebitur eum tanquam heredem, non datis directis actionibus, sed datis utilibus actionibus, quia non est heres, sed ut qui extitit ex substitutione, non est heres, sed quasi heres, ideo utiles, id est, quasi hereditariæ actiones ei dantur, l. 2. §. inter dum, de vulg. substit. At quid dicemus de contrario, si prius minor 25. annis adierit hereditatem, mox abstentus sit beneficio restitutionis in integrum? Et hoc casu Pap. respondet, seruum substitutum non posse ad hereditatem venire ex substitutione vulgari, quia ea substitutio perempta est additione hereditatis instituti, l. post additam, C. de imp. & aliis substit. l. 6. C. de legat. l. 13. C. de fideicommiss. nec restituto minore aduersus additionem, restituitur substitutio, quæ interit semel. Non est regressus, ut Dialectici dicunt, à priuatione ad habitum; & consequenter respondet Papinianus, eum seruum non posse peruenire ad libertatem, quia ei relicta est à gradu substitutionis, & à semetipso, ut sublato eo gradu per additionem plane sit necesse etiam extinguere libertatem. Et alia est ratio l. 2. de manumiss. test. quia in eius legis

A specie seruo substituto vulgariter, libertas relicta fuit. & à primo & à secundo gradu, ideoque licet repellatur à secundo gradu, h. e. à substitutione vulgari, tamen non repellitur à libertate, sed ad eam peruenit ex primo gradu, quia utroque relicta fuit. At in proposito casu fuit tantum relicta libertas à secundo gradu, & ideo additio minoris, qui adiuit ex testamento, ex institutione, exclusit seruum tam hereditate quam libertate. Exclusit etiam legitimum heredem, quia ubi extitit heres ex testamento, remouetur legitimus. Consequens est igitur, ut in proposito casu fiscus vocetur ad ea bona, tanquam vacantia, ut in l. ult. de success. edic. At hoc quoque responsum vellicat Vlpianus, dicens non esse per omnia verum, esse partim verum, partim falsum. Nam in proposito casu, si hereditas soluendo non sit, & ideo periculum sit, ne bona veneant à creditoribus defuncti nomine, quod olim defuncto irrogabat infamiam, (id est certissimum, ex oratione pro Quintio & ex Instit. duobus aut tribus locis) ex rescripto Diui Pij & Anton. seruum substitutum minori etiam post additionem minoris, qui postea se abstinuit, vocari ad hereditatem iure singulari, famæ defuncti conseruandæ causa: ne scilicet, nullo existente herede, nempe excluso seruo substituto additione instituti ipso iure, & pariter excluso legitimo herede, & fisco utique non vindicatur hereditatem, quæ non est soluendo, ne bona veneant defuncti nomine, sed serui potius nomine: vocari seruum non tam ex substitutione, quæ exspirauit ipso iure, quam ex illo rescripto: sicut ex Nouel. Iustiniani, de hered. & Falcid. alio casu iure singulari post additionem substitutus vocatur. Et fit igitur seruus ille liber, & heres veluti ex testamento, quia rescriptum illud heredem facere potest. Princeps heredem facere potest, & vere facit, tanquam ex testamento, sed re ipsa non magis hereditatem quam infamiam consequitur, ut ait l. 3. C. Theod. de inoffic. test. quoniam serui nomine bona veneunt, atque ita seruus infamabitur, idemque liber nuper factus. Et sane à responso Papiniano hic casus excipiendus est, ergo huic responso non est locus aliter, quam si soluendo sit hereditas. Locus est elegantissimus: cætera sunt facilia.

D

Ad l. 20. de minorib.

*Papinianus lib. 2. Responsor. ait: exuli reuerso non debere prorogari tempus in integrum restitutionis statutum: quia abfuit, cum potuerit adire prætorem per procuratorem. Nec dixit, vel præsidem ubi erat. Sed quod idem dicit, & indignum esse propter irrogatam pœnam, non recte. Quid enim commune habet delictum cum venia ætatis? si quis tamen maior 25. annis intra tempus restitutionis statutum contestatus postea destiterit: nihil ei proficit ad in integrum restitutionem contestatio: ut est sapissime rescriptum.*

E

**I**dem ex eodem libro citatur in l. 20. eod. in hac specie: Minor 25. annis circumscriptus in negotio aliquo, deinde ex delicti causa relegatus in exilio consumpsit legitimam ætatem, & tempora petendæ restitutionis in integrum: Quæritur, an reuersus ab exilio possit restitui in integrum post tempora petendæ restitutionis in integrum, ob id, in quo circumscriptus fuit ante relegationem, prorogato ei tempore restitutionis in integrum, quo affuerit? (ut Florentiæ scriptum est prisco more, affuit pro abfuit, quod non intellexit Accursius, & ita in l. curator, de tut. & cur. datis, curator pupillo dari potest, si tutor eius affuerit pro abfuerit sine dubio.) Respondet autem Papinianus non posse eum restitui in integrum redeuntem, hac ratione, quæ etiam proponitur in relegato in l. sed etsi per procuratorem §. 1. quib. ex caus. maior. quia imputatur relegato, cur non intra tempora petendæ restitutionis in integrum per procuratorem eam petierit à Prætore: nam relegatus potuit facere procuratorem ad petendam restitutionem in integrum,



cur non fecit? Per procuratorem eam obtinisset à Pre-  
tore; non adiecit à Præsede, ubi erat, ubi pœna funge-  
batur. Et recte hoc non adiecit, nec reprehenditur, vt  
Glossa existimat ab Vlpiano, quia hoc non adiecit,  
quia nec potuit à Præsede prouincie, inquam relega-  
tus erat, impetrare restitutionem ex negotio gesto in  
vrbe, & non in ea prouincia: ergo non dixit ei impu-  
tari, qui non petierit restitutionem à Præsede prouin-  
cie, in quam relegatus erat, sed quod eam non petie-  
rit sibi dari in vrbe ipsa, & ciuitate quam retinuit à  
Prætoris per procuratorem suum. Verum Papinianus  
addit aliam rationem; quia indignum est, eum restitui  
propter pœnam exilii ei irrogatam, quod scilicet in exi-  
lio consumpserat tempus petendæ restitutionis. Hanc  
secundam rationem reprehendit Vlpianus: quia causa  
restitutionis separata est à causa pœnæ. & non obstat vilo  
modo altera alteri, sed causæ restitutionis obstat sola  
temporis præteriti ratio.

Ad §. Papinianus l. 8. de inoff. test.

Papinianus libro 2. Respons. ait, contra veterani patris fa-  
milias testamentum, esse inofficiosi querelam, etsi ea sola bona  
habuit quæ in castris quaeserat.

**I**N hoc §. ex libro secundo Responsor. Papiniani re-  
fertur, quod est facillimum; primo, contra testamen-  
tum veterani patrisfamil. in quo exheredauit filium,  
posse filio exheredato dari querelam inofficiosi testa-  
menti, etiam si is veteranus habuerit tantum bona ca-  
strensis, de quibus sit testatus iure communi, non iure  
militari intra annum missionis, quod est certissimum.  
Et caute ait; veterani patrisfamil. Nam contra filiifa-  
mil. testamentum, qui testatus est de castrensi pecu-  
lio non daretur querela inofficiosi testamenti, l. ult. C.  
cod. tis.

Ad §. vnde ead. l.

Non male Papin. lib. 2. responsor. refert, si heres fuit insti-  
tutus, & rogatus restituere hereditatem: deinde in querela  
inofficiosi non obtinuit: id quod iure Falcidia potuit habere,  
solum perdere.

**E**st etiam facile, quod est in §. vnde. qui egit que-  
rela inofficiosi testamenti & non obtinuit, perdit id  
omne, quod ex testamento ferre potuit iure legati,  
aut fideicommissi, vel iure Falcidiæ, vel alio modo vt  
in §. meminisse, ead. l. Finge, filium fuisse heredem in-  
stitutum & rogatum post mortem patris restituere he-  
reditatem L. Titio. est institutus, sed nihilominus age-  
re potest querela quasi exheredatus, quod mox roga-  
tus sit hereditatem restituere alteri: Et forte non suffi-  
ciet Falcidia legitimæ portioni. Finge, fuisse heredem  
ex parte tantum, & rogatum partem restituere con-  
festim, & ideo egisse querela aduersus fideicommissa-  
rium, quod eum posse probat l. 1. C. de inoff. testam. sed  
non obtinuisse, quid fiet? Perdet ne Falcidiam? sic vi-  
detur, vt in l. 5. §. pen. de his quib. vt indig. perdet Fal-  
cidiam, vt nihil ferat ex testamenti causa, ex testamen-  
to, qui testamentum in vanum accusauit & quantum in  
ipso fuit, euerit. Dodrans autem seruabitur fideicom-  
missario, nec cedit fisco, non fiet hæc iniuria fideicom-  
missario, vt ei fiscus auferat dodrantem, sed fiscus afe-  
ret tantum filio, qui non obtinuit quadrantem, id est  
Falcidiam, vt indigno.

\*\*\*\*\*  
**IACOBI CUIACII**  
**IVRISCONSULTI**  
**COMMENTARIA**  
in Lib. III. Responsorum  
Æmilij Papiniani.

Ad l. 68. de procur.

*Quod procurator ex re domini, mandato non refragante,  
stipulatur: inuito procuratore dominus petere potest.*



Vius legis est vnus tantum versus, maxime  
tamen operosus. Primum enim, quia in Basi-  
lic. lib. 8. tit. 2. sententia huius legis negatiue  
concipitur hoc modo; *Quod procurator ex re  
domini non refragante mandato stipulatur: inuito procuratore,  
dominus petere non potest*; videndum est, vtra sit verior,  
negatiua an affirmatiua. Etiam videndum est, quid sit ex  
re domini stipulari; & cur adiecta sint illa verba, *non re-  
fragante mandato*. & procurator, qui proponitur stipula-  
tus aliquid ex re domini, vtrum sibi sit stipulatus an do-  
mino? an quidquam intersit sibi, an domino stipulatus sit  
ac præterea videndum est, quo referantur, quidve signi-  
ficent illa verba, *inuito procuratore*? Prima & principalis  
questio, quæ profligabit cæteras omnes, est de veri-  
tate scripturæ, quoniam non affirmatiue, vt vulgo, sed  
negatiue legitur in Basilicis: *Inuito eo dominus petere non  
potest*, his verbis, *ἀνοκτος αὐτοῦ ἀπαρτεῖν οὐ δεσπότης ἢ δούλος*.  
Pro negatiua facit omnino l. possessio quoque §. ult. de ac-  
quir. poss. quæ de procuratore loquitur, qui rem emit ab  
aliquo mandato aut voluntate domini, nec distinguit ex  
pecunia domini emerit, an pecunia sua vel aliena; ergo  
loquitur etiam de procuratore, qui rem emit ex pecunia  
domini, vt sit plerumque, ex re domini, & stipulatus est  
duplam euictionis nomine; & tamen lex ait, re euicta  
actionem euictionis contra venditorem domino non da-  
ri inuito procuratore. vtitur iisdem verbis idem auctor,  
de euicta actionem ex stipulatu de dupla non dari domi-  
no inuito procuratore, hoc est, line cessione procuratoris,  
vt ipsa lex interpretatur. Cæterum cogitur eam cede-  
re per actionem mandati, & tamen eam actionem pro-  
curator parauit ex re domini, id est, ex pecunia domini  
empta re, & parauit sibi, atque quæsiuit eam actionem,  
quia emit sibi: alioquin si domino emisset, nihil egisset l.  
multum, C. si quis. alt. vel sibi. quia si domino emisset, ne-  
que sibi emisset, quia noluit sibi emere, & cessat volun-  
tas eius, qua cessante sibi non emisset, nec domino iure  
prohibente, quia alteri liber homo emit inutiliter. &  
quod ait d. l. multum, ei est simile, quod proponitur in  
l. si genero, C. de iur. dot. Pro negatiua etiam facit, quod  
si ex re domini parata actio procuratori domino compe-  
tit inuito procuratore, semper per procuratorem domino  
acquirerentur actiones; quia quicquid procurator gerit,  
id omne consistit in re domini, in administratione re-  
rum domini: & nihil interest, ex re dicatur, an in re, vt l.  
homo liber, §. 1. de acqu. rer. dom. & Græci hoc loco, *ἐν τοῖς  
πράγμασι τῶν δεσπότων*. At regula iuris est: Per procura-  
torem non semper nobis acquiri actiones l. 72. hoc tit. non  
semper. hoc est plerumque non acquiri, vt in l. solum  
§. per liberam, de pig. act. Initio ait, per liberam personam,  
veluti per procuratorem plerumque non acquiri actionem. &  
in fine, non semper acquiri actionem, sicut etiam in l. 5. C.  
de cont. stip. non semper ex nuda pactione actionem nasci, quæ  
regula iuris esse dicitur in l. iuris gentium, de pact. Regu-  
læ iuris constituuntur ex iis, quæ sunt plerumque, ἐν τοῖς  
πράγμασι. Tertio loco confirmatur etiam negatiua hoc ar-



gumento: iure singulari receptum est utilitatis gratia, propter crebrum & necessarium vsum creditæ pecuniæ, propter quam & pleraque alia singularia recepta sunt in credita pecunia, vt ait *l. singularia, de reb. cred.* vt scilicet ex causa creditæ pecuniæ indistincte, siue ea pecunia fuerit domini siue procuratoris, vt patet ex *l. 126. §. Chrysogonus, de verb. oblig.* vt inquam, ex ea causa domino ipso iure sine vlla cessione vt ait *l. 2. (per quas pers. nob. adq.)* vt inquam, ex ea causa domino ipso iure sine cessione procuratoris eo inuito acquiratur actio creditæ pecuniæ, si modo eius nomine credita sit: ipso iure dominus inuito procuratore habet actionem creditæ pecuniæ si certum petetur ex numeratione, siue conditionem ex mutui causa; ergo iure communi si nomine suo non domini procurator pecuniam domini det mutuam, vel etiam si ex alia causa procurator ex pecunia domini sibi querat actionem non domino; ea domino sine cessione procuratoris & mandato non competet, *d. §. Chrysogonus*. At specialiter etiam ea negatiua confirmatur ex eod. *§. Chrysogonus*. Nam ex illo § patet, etiam si libertus rem agens patroni sui, patroni mutuam pecuniam dederit & stipulatus sit, patrono eam pecuniam reddi, neque patrono acquiri actionem ex stipulatu, quia alteri liber homo stipulatur inutiliter, qualis est libertus qui iuri nostro subiectus non est, neque bona fide nobis seruit; neque acquiri liberti actionem ex stipulatu, qui non sibi est stipulatus: denique stipulando patrono nihil legit, vel etiam si libertus stipulatus sit, vt ille §. ponit, in vsuris, quas ait libertum sibi stipulatum videri, hoc casu patrono sine cessione liberti non datur actio ex stipulatu. Caterum libertus compelli potest, vt eam cedat per actionem mandati, vt in *d. l. possessio quoque §. ult.* At sine cessione ex stipulatione procuratoris sibi facta, dominus suo iure nullam actionem habet, etiam si eius pecunia fuerit, quam negotiatus est libertus. Denique ille §. ostendit, ex re domini sibi liberti stipulante inuito patrono, non dari actionem, & quod ille §. ait de vsuris, id confirmat exemplum, quo vtitur Glossa hoc loco, dum stipulari ex re domini interpretatur stipulari fructus vel vsuras ex re domini: fructus veluti partem fructuum vel certam pensionem locato prædio domini patrono partiario; vel constituta pecuniaria mercede, certoque pretio, (alii enim colunt nummis, alij colunt parte frugum locatori data, qui dicuntur coloni partiarij) vel etiam si stipuletur vsuras pecunia domini fœnori occupata, vt vult Accursus. si stipulatur ex re domini. Et vsurarum exemplum, vt dixi, confirmat ille §. *Chrysogonus*. Confirmare etiam Theoph. videtur in *§. de iis, Inst. per quas personas nobis acquir.* Bartolus hoc loco male reiiicit illud exemplum vsurarum, quod ex pecunia domini vsura non proueniat; non prouenit quidem pecuniæ vsura natura, *l. finanis, de rei vindic. l. vsura, de verb. signif.* Quia pecuniam pecunia naturaliter non generat; quæ ratione Aristoteles dicit, vsuram esse contra naturam; sed prouenit vsura tamen iure obligationis, & quasi fructus redditusve pecuniæ est, *l. 3. de usufr. ear. rer. l. alumno, de alimen. leg.* Ergo recte dices, ex re domini stipulari procuratorem, qui credita pecunia domini stipulatur vsuras, quia vsuræ pecuniæ fructus esse intelliguntur iure ciuili. Addamus etiam alia argumenta, ne videamur temere illam negationem admittere. Confirmatur belle negatio in libris Basil. ex eo quod, vt ex re mea mihi liber homo acquirat actionem, quam sibi vt quæreretur satagit nominatim, hoc tantum receptum est iure ciuili in libero homine, qui mihi bona fide seruit, qui se putat esse seruum, me etiam existimante eum esse seruum, qui quod stipulatur sibi ex re mea, mihi acquirit. Et hoc constitutum est, vt ait *l. iusto, de usurp. & usucap.* in eo tantum homine, qui bona fide nobis seruit, adeo, vt nec per liberum hominem, quem filium meum, & in mea potestate esse existimo, mihi ex re mea acquiratur actio, *l. per eum, in princip. de acquir. possess.* & ratio explicatur in *d. l. iusto*, cur per liberum hominem, quem possidemus vt

seruum, acquiramus ex re nostra, & tamen per liberum hominem, quem possidemus vt filiumfamil. non acquiramus ex re nostra. Vnde restat & per procuratorem meum non acquirere me actionem ex re mea. Et postremo cum negationem corroborem tot testimoniis, & argumenta adfirmatiua nuda sint, & destituta omni adminiculo, dicamus veriore esse negationem. Et, ne qua dubitatio redeat, legem hanc esse accipiendam de procuratore, qui ex re domini stipulatur partem fructuum locato fundo domini, vel qui stipulatur vsuras, credita pecunia domini, vel qui vendita re domini, stipulatur pretium dari sibi soli, vt *l. liber homo §. ult. de stipul. seru.* vel qui pecuniam domini mutuo dat suo nomine, & sibi reddi stipulatur. De procuratore igitur hanc legem loqui dicamus, qui ex re domini stipulatur, non refragante mandato, hoc est, etiam si hoc faciat voluntate domini vel mandato: vt scilicet, id, quod stipulatus fuerit, volente domino ex re domini, dominus inuito procuratore, id est, sine cessione actionis ex stipulatu petere non possit. Ex quo etiam apparet loqui Papinianum de procuratore, qui sibi stipulatus est ex re domini, alioquin non posset cedere actionem, & cessionis significatio inest illis verbis, *inuito procuratore*; atque ideo non loqui Papinianum de procuratore, qui domino stipulatur, vt custodite ait *l. 3. C. de contrah. stipulat.* an sibi stipuletur etiam ex re domini. Nam si domino absenti stipuletur, nihil omnino agit, vt ait *l. 3. C. de contrah. stipul. l. 3. C. de inutilib. stip.* Quoniam si præsentis stipuletur, præsens ipse stipulatus videtur, & valet stipulatio, eique actio competit quasi ex suo stipulatu, vt diximus in *l. quod statulib. de mort. caus. donat.* Alioquin qui domino, licet ex re domini, absenti stipulatur, nihil omnino agit, & prorsus inutilis stipulatio est, *l. quacunque, de obl. & act.* exceptis casibus certis, quibus ex æquitate datur domino utilis actio; quos adnotare hoc loco non est necesse, quoniam tota quaestio est de procuratore, non qui domino stipuletur, sed qui sibi stipulatur. Procurator etiam si stipulatur ex re domini, & voluntate, iussu, mandato domini absentis, non nihil agit, quia sibi acquirit actionem, eamque domino cedere debet & præstare cogitur actione mandati; alioquin domino ipso iure, neque directa, neque utilis competit actio procuratore stipulante sibi ex re domini. Et hoc quidem regulariter verum est, & hæc etiam lex habet formam, & speciem regulæ; sed quidam sunt casus, quibus & sine cessione domino competit utilis causa cognita, etiam si sibi procurator stipulatus sit, si stipulatus sit, vt sit, ex re domini, vt seruatur in omnibus stipulationibus Prætoris utilitatis causa, quoniam eas plerumque interponimus per procuratorem, veluti stipulationem iudicatum solui, vel de rato, vel damni infecti. In prætoris stipulationibus, inquit, *l. 5. de præst. stip.* (cuius pars est *l. damni §. ult. de damn. inf.*) non ergo in conuenientialibus, sed in Prætoris hoc obseruatur, inquit, contra regulam iuris, uti causa cognita non passim domino detur utilis actio, licet procurator suo nomine stipulatus sit; idque probat *l. in causa §. ult. & l. seq. h. r.* Additur etiam alius casus in *d. l. 5. de præst. stipn.* cum scilicet dominus ex contractu procuratoris ad exemplum institorie actionis, tenetur actione ex contractu, licet sibi contraxerit procurator, & sit procurator soluendo, nam cum is procurator veluti institor est, ex contractu eius, omisso procuratore, ei, qui cum eo contraxit, est utilis actio institoria in dominum, quam exposui ante lib. 1. in *l. liberti, in prin. de neg. gest.* Hoc vero casu æquum est, vt etiam ex contrario domino detur actio utilis in eos, qui cum procuratore contraxerunt, maxime si procurator non sit soluendo, nec si rem à procuratore seruare non possit, vt in *l. Iulianus §. si procur. de act. emp. l. 1. in fi. & l. 2. de inst. act.* Est etiam tertius casus singularis, si procurator militis, pecuniam militis mutuam det, & sibi



reddi stipuletur, nam receptum est fauore militiæ, vt & sine cessione militi competat actio utilis creditæ pecuniæ, l. si pecuniam, de reb. cred. sicut in tutore & curatore est receptum fauore minorum, vt si pecuniam pupilli crediderint & sibi stipulati sint, vel si ex pecunia pupilli sibi emerint fundum, vt pupillo detur repetitio creditæ pecuniæ etiam inuito tutore vel curatore, sine vlla cessione, vel utilis vindicatio rei emptæ sua pecunia, l. 2. quando ex fact. tutor.

Ad l. 32. de neg. gest.

*Fideiussor imperitia lapsus, alterius quoque contractus, qui personam eius non contingebat, pignora vel hypothecas suscepit: Et utramque pecuniam creditori soluit existimans indemnitati suæ, confusus prædijs, consuli posse. Ob eas res iudicio mandati frustra conuenietur, & ipse debitorem frustra conueniet, negotiorum autem gestorum actio utrique necessaria erit. In qua lite culpam estimari satis est, non etiam casum: quia prado fideiussor non videtur; creditor ob id factum ad restituendum iudicio, quod de pignore dato redditur, cum videatur ius suum vendidisse, non tenebitur.*

Sunt in hac lege duo responsa Papin. quorum primo adiungemus aliud ex eod. lib. quod est in l. 2. inf. de pignorib. secundo adiungemus aliud ex eod. lib. in l. 25. de pos. In ponenda specie primi responsi interpretes nullo modo inter se conueniunt. aliam speciem ponit Paulus Cast. aliam atque aliam incertus atque inconstans Odofredus, cæteri quique suam, nec vlli eam tenere videntur, propterea quod nec verba eius legis tenent, quod apparet potissimum in illis verbis; *Confusus prædijs*, quæ sic Paulus interpretatur, *retentis prædijs, repetitis*, quod, quis non rideat? alij, *confusus prædijs*, id est, *confuse obligatis*; alij *confusus prædijs*, h. e. *confuse liberatis & repignoratis*. Species verissima hæc est: Creditor, cui debebat quidam pecuniam ex duobus contractibus sub diuersis pignoribus vel hypothecis prædiorum, in vnum tantum contractum fideiussorem accepit, non in vtrumque contractum. Dico eum fideiussorem accepisse in vnum contractum, non in vtrumque. Pignora autem singula, siue prædia singula pignori accepisse in singulos contractus, non eadem in vtrumque contractum: nam si eadem prædia pignori creditor accepisset in vtrumque contractum, fideiussor conuentus non posset vlla pignora in se transferre, aut compellere creditorem, vt in se transferret, nisi soluta vtraque pecunia, quia in vtramque pecuniam eadem pignora tenentur creditori, & ita est proditum in l. 2. C. de fideiuss. At si singuli contractus sua habuere pignora, potuit fideiussor soluta pecunia, in quam fideiussit, eius contractus pignora ad se traducere, non soluta altera pecunia, in quam non fideiussit, & ita debuit versari in illo negotio, quia fideiussorat in vnum contractum tantum, debuit soluere pecuniam ex eo contractu debitam, atque ita ad se traducere pignora eius contractus, de altero contractu, alijsve pignoribus non curare. At, vt ponitur in hac l. fideiussor imperitia lapsus, ex vtriusque contractus causa, quamuis in vtrumque non fideiussisset, vtramque pecuniam soluit creditori, atque ita vtriusque contractus pignora, vtraque prædia à creditore suscepit titulo emptionis, vt fit, l. 2. l. 5. §. ult. de distrah. pign. In quo fuerit imperitia lapsus, valde diligenter quærent interpretes, non animaduertentes Papinianum ipsum, in quo ipse fideiussor fuerit imperitia lapsus, soluendo vtramque pecuniam, & liberando vtraque pignora, satis demonstrare, dum ait, *existimans indemnitati suæ confusus prædijs consuli posse*; In quo est imperitia lapsus, aut cur est imperitia lapsus? Quia, inquit, existimauit indemnitati suæ confusus prædijs consuli posse, non errauit in facto, vt quidam volunt, non

A ignorauit, se in vnam tantum causam fideiussisse, non in vtramque, sed minus perite suæ indemnitati prospexit, dum existimauit, se id quod solueret creditori melius seruare posse, confusa ratione vtriusque pecuniæ & vtriusque hypothecæ, & vtriusque prædijs communi calculo subiectis, quam discrete & separatim habita ratione contractus & hypothecæ cuiusque. Imperite: quia non potuit confundere & commiscere diuersorum contractuum causam. Itaque quod soluerit creditori suo nomine ex contractu in quem fideiussit, id ex pignoribus tantum eius contractus sibi seruare poterit per vindicationem & retentionem eorum pignorum, quasi in locum creditoris successerit, non etiam per vindicationem aut retentionem pignorum alterius contractus, quæ in eam causam non tenerentur: quod autem soluerit ex altero contractu, in quem non fideiussit, id neque poterit seruare ex pignoribus eius contractus, in quem fideiussit, quia in hanc causam obligata non sunt, neque ex pignoribus eius contractus in quem non fideiussit, quia tamen soluta pecunia ex eo contractu debita, in quem non fideiussit, pignora titulo emptionis acceperit, vt posuimus, ea tamen vt extraneus quilibet emptor accepit. Et alius quidem extraneus emptor ea teneret iure dominij, quasi emptæ à creditore iure conuentionis, vendente pignora iure suo; quoniam hoc casu euenit, vt docent Inst. vt qui non est dominus pignorum, puta creditor, transferat dominium eorum in emptorē. At ipse fideiussor, neque ea pignora iure dominij tenebit, quia non tam adquirendi dominij causa emit, quam vt suæ indemnitati confusus prædijs consuleret, neque tenebit etiam ea iure pignoris, quia vt extraneus emit, cum ei non debuissent ea pignora esse curæ, propterea quod in eorum causam non fideiussorat, & extraneus emptor pignorum tantum abest, vt succedat in pignus, id est, in ius pignoris, vt soluat potius & extinguat pignus: denique extraneus emptor aut in dominium succedit, aut nullo iure succedit. Igitur fideiussor neque caute, neque perite consuluit sibi, qui vtraque pignora redemit soluta vtraque pecunia, vt confusus & commixtis vtriusque pignoribus alia alijs subsidio essent seruandæ fideiussori indemnitatis causa, quod fieri nequit, quia non potest fideiussoris arbitrio confundi, quod diuisit & distinxit conuentionio contrahentium, vnde nec actione mandati contraria potest fideiussor sibi seruare solutam pecuniam ex contractu, qui personam eius non contingebat, hoc est, in quem non fideiussorat, nec mandatum ei erat, vt fideiuberet, quia res ea extra causam mandati est, extra negotium mandati, quod est gestum inter eum & debitorem, qui ei mandauit vt fideiuberet in vnum contractum tantum, non in vtrumque, vt vnus contractus tantum esset sponsor non vtriusque, vt de vno contractu curam susciperet, non de vtroque. Et similiter cum eo fideiussore debitor eadem ratione, oblata ea pecunia, non potest agere mandati directo iudicio, vt ea pignora recipiat, quæ fideiussor vltro redemit, cum eius contractus onus fideiussorem non respiceret; denique quantum attinet ad eum contractum, eius nomine fideiussor non intercessit, frustra cum fideiussore agit mandati, frustra agitur inepta actione & incongrua, inepta actio inanis est. Et vtrique in hac causa, quia cessat mandati actio vltro citroque, vtrique est necessaria actio negotiorum gestorum, vt ait; debitori, quia negotium eius est, vt pignora eius contractus recipiat oblata pecunia fideiussori, quam vltro soluit creditori, negotiorum gestorum actio vtrique necessaria est, debitori, vt pignora seruet. fideiussori autem, vt pecuniam, quam ex causa eius contractus soluit vltro recuperet à debitore. Potest tamen dici, fideiussorem habere retentionem pignoris, non tanquam pignoris iure, vt ante docui, sed per exceptionem doli mali, quod cui datur actio negotiorum gestorum, multo magis sit danda exceptio, vt l. inuitus §. 1. de reg. iur. Nam & si quis sola amicitia ductus pignora

amici



amici sua pecunia liberauerit, neque eorum dominium, neque in eis ius hypothecæ adipiscitur, sed pecuniam, qua soluit pignora repetere potest actione negotiorum gestorum, vel si pignora possideat, exceptione doli se defendere, ut non ea restituat debitori, antequam pecunia, quæ ea liberauit, ei restituta sit, *l. res, C. de pignor. l. 1. quibus mod. pign. vel hypot.* In actione autem negotiorum gestorum, qua fideiussor conuenitur, ait Papinianus, fideiussorem culpam præstare, si culpa eius ea pignora perierint, negotiorum gestorem, non tantum dolum, sed etiam culpam præstare, *l. si negotia, hoc tit.* fideiussor ergo conuenitur actione directa negotiorum gestorum, ut ea pignora reddat, si perierint culpa eius, condemnabitur in æstimationem litis, quia in hoc iudicium negot. gest. venit culpa, sed non venit etiam casus fortuitus, casus improuisus, casus maior. Itaque hic fideiussor culpam quidem præstabit, sed non casum fortuitum, quia est possessor bonæ fidei, qui stulte & imperite existimauit, suæ indemnitati consuli posse, confutis utrisque pignoribus: stultitia est imperitiæ, non mala fides. Malæ fidei possessor præstabit etiam casum fortuitum, ut *l. 6. §. etsi quis, hoc tit.* Et hoc est, quod ait Papinianus, fideiussorem non præstare casum fortuitum, scilicet, quia prædo fideiussor non est. Imperitus est, non prædo, id est, malæ fidei possessor. Et hæc quantum attinet ad pecuniam & pignora eius contractus, qui personam eius non contingebat. Sed quantum attinet ad pecuniam & pignus eius contractus, qui personam eius contingebat, hoc est, in quem fideiussorat, non est dubium esse vtro citroque mandati actionem, *l. si manda. vero §. 1. mand. l. 1. C. de dolo.* Vbi de dolo, hoc est, mandati, cui, cum sit bonæ fidei, ut omni actioni bonæ fidei, inest actio & exceptio de dolo, quod ita esse accipiendum perspicue docet *obs. 3. cap. 37.* Sed addatur etiam huius rei comprobandæ gratia, *l. 2. de pignor.* quæ est ex eod. vbi ait: fideiussorem teneri mandati qui soluit pecuniam, atque ita pignora suscepit, & in hanc actionem mandati etiam venire culpam, sicut ante dixi eam venire in actionem negotiorum gestorum. Adicit autem Papinianus in hac lege: Creditorem, qui ius pignorum vendidit, ut initio posuimus, non teneri debitori pigneratitia actione, ut pignora ei restituat: cum ei omnis pecunia soluta sit à fideiussore, quia suo iure ea vendidit, atque ita suum recepit; non teneri etiam ea actione pigneratitia fideiussorem, qui pignora emit, sed mandati tantum ut ea pignora restituat. Idem Papinianus eod. libro scribit in *d. l. 2.* quia, cum dixisset, fideiussorem teneri actione mandati reo principali, & in eam actionem venire culpam, exemplo creditoris, inquit, conuenti, scilicet pigneratitia actione, cum pignora non vendidit, & offertur ei omnis pecunia, *l. sicut, C. de pignor.* Subiicit non etiam exemplo creditoris fideiussorem teneri pigneratitia actione, licet in locum eius successerit, quia hæc non est successio vniuersi iuris veluti hereditas, sed successio in rem tantum & speciale ius pignoris, quæ est sententia dictæ *l. 2.*

#### Ad §. ignorante.

*Ignorante virgine mater à sponso filia res donatas suscepit, quia mandati vel depositi cessat actio: negotiorum gestorum agitur.*

**S**pecies hæc est in §. vlt. huius legis. Sponsus matri virginis sponsæ, ignorante virgine, res, quas ei donabat pro munere sponsalitia, tradidit matri puellæ. puella cum matre non agit actione mandati vel depositi, ut munera sponsalitia sibi reddat, quia nullum tale negotium intercessit inter filiam & matrem: & nihil ageret. inepte ageret, atque adeo frustra ageret in matrem mandati, quia non mandauit, ut ea munera acciperet à sponso; frustra etiam depositi ageret, quia non ea filia deposuit apud

Respons. Papin.

**A** matrem, sed recte ageret negotiorum gestorum, quia mater negotium ignorantis virginis gessit suscipiendo munera sponsalitia. Neque obstat huic responso *l. 25. de pos.* quæ dicit: *Patrem, qui ea munera susceperat de manu sponsi, puella emancipata teneri actione depositi, ut ea restituat;* Non obstat, cum sit coniungenda cum hoc §. vlt. quia ea est eiusdem ex eodem libro, sed dicta *l. 25.* est accipienda de filia, eademque sponsa, qua sciens & præsentem patre sponsalitia munera ei oblata accepit de manu sponsi de sponsaliorum, vel post eum die: videtur enim filia, quæ præsens erat, patri ea munera dedisse in depositi causam; cum ea dedit patri sponsus nomine sponsæ, præsentem sponsa, ut in *l. quod statuliber, de mort. causa donat.* Vis videre, quam fuerit præsens puella & sciens?

**B** Lex ait; res fuisse oblata puellæ. Offerimus tantum præsentem, cæterum fuisse traditas patri, tanquam, ut præsumimus, in depositi causam, & ideo heredem patris filiam teneri ait, non tantum ad exhibendum, ut ea munera exhibeat filia vindicatoræ, sed etiam actione depositi, quia fuisse deposita apud patrem intelliguntur. Hæc enim verba *l. 25. heres eius, ut exhibeat, recte conuenietur etiam actione depositi;* sic Græci recte interpretantur, ut heres patris non tantum teneatur ad exhibendum, sed etiam depositi.

#### Ad l. 45. de iudic.

*Argentarium, ubi contractum est, conueniri oportet: nec in hac dilationem, nisi ex iusta causa, dari, ut ex provincia codices adferantur. Idem in actione tutela placuit.*

**H**uius legis duæ sunt partes, vtraque probatur, ibi quemque conueniri posse, vbi contraxit, etiam si domicilium ibi non habeat. In prima parte sic ait: *Argentarium, ubi contractum est &c.* in qua parte comparat argentarium tutori, actionem tutelæ, qua tutor tenetur, actioni in factum, qua argentarius tenetur ex edicto Prætoris. vterque, ut actus sui & administrationis rationem edat & reddat; vtriusque officium est publicum & virile, non muliebre, ut de officio tutelæ scriptum est in §. 1. *Instit. de excus. tut. l. 16. de tut. & rat. distrab.* & de officio argentarii in *l. argentarius §. 1. & l. pen. de eden. l. si ventri §. in bonis, de reb. auet. ind. poss.* officio tutoris incumbit, ut actus sui rationes diligenter conficiat, & pupillo edat finita tutela: cæterum, si eas non exhibeat, pupillo hoc nomine tenetur actione tutelæ. Ede re rationes actus sui est exhibere librum rationum, & tutelam restituere, indemnemque pupillum præstare, *l. 1. §. officio, de tut. & rat. distrab. l. quidam, de eden. l. Lucius Titius §. tutela, de administr. tut.* Officio etiam argentarii siue trapezitæ incumbit, cum soleat non sine magno quæstu, multorum sæpe pecunias tractare, & cautiones, & rationes nummarias sane onanum, qui fidem eius quasi publicam sequuntur, (nam fides mensæ argentarii, fides publica est) officio, inquam, eius, incumbit, ut rationes actus & professionis suæ diligenter conficiat, ut perscribat quas, cuius pecunias, qua die, quoque Consule dederit, erogaueritve fœnori occupando vel alio modo, quas item acceperit, quas crediderit, quas obligarit nomine facto, hoc est, contracta obligatione nominis, quæ præcipue contrahebatur cum argentariis apud mensam in foro, vbi argentarii tabernas positas habebant: & inde *l. si plures, de pact. argentarii,* inquit, quorum nomina simul facta sunt, hoc est, cum quibus simul contracta est obligatio nominum: quæ species erat obligationis literarum siue scripturæ mensæ; ad quam obligationem nominum refero, *l. non figura verborum, de oblig. & act.* quoniam est ex Pauli 3. ad edictum, quo tractauit de hac obligatione nominum, quam ait non tam figura verborum contrahi, aut non tam scriptura contrahi, quam oratione, quam exprimit scriptura, ut plenissime eod. libro tractas



uit de rationibus argentariorum siue mensariorum & trapezitarum. Incumbit officio argentarii, vt perscribat, quas pecunias soluerit, quas receperit, siue constituerit se soluturum pro alio, & vt eas rationes edat iis, ad quos pertinent, hoc est, quos earum rationum contextus maxime contingit, vt eis instruant se, & tueantur causam suam, quam habent vel cum ipso argentario vel cum aliis. Hoc incumbit igitur officio argentarii, quod si non præstat, & maxime, si decernente Prætoris, vt edat rationes, postulanti morem non gerat, si eas non edat, aut si malitiose & perperam edat, in eum datur actio in factum ex edicto Prætoris de edendo, per quam damnatur quanti interest actoris, rationes sibi editas esse. Et hæc omnia probantur aperte in l. 4. l. 6. §. rationem, & §. ex hoc edicto, l. 9. in princip. §. numularios, l. 8. §. 1. l. argentarios §. cum autem, de eden. At, vt in aliis perseueremus, confert inter se argentarios & tutores, si plures tutores simul administrarunt tutelam, omnes debent rationes edere actus sui, aut vnius editioni subscribere: Idem placet in pluribus argentariis, qui tractarunt rationes ad alios pertinentes voluntate eorum, l. 6. §. 1. hoc tit. de eden. Item tutor, ibi vbi tutelam gessit conueniri oportet tutelæ iudicio, l. heres §. 1. hoc tit. l. neque §. ult. de procurat. l. 1. C. vbi de rat. ag. & vt eleganter Theodosius Imperator in Nouel. 2. de amota militibus fori præscriptione, ait, veteres leges specialiter fori præscriptioni contractus & negotia gesta & delicta subtrahere, hoc est, non vitur suo foro, non vitur privilegio sui fori, qui in alieno foro contraxit, in aliena provincia, aut negotia gessit alterius, aut in ea deliquit delictum aliquod. Et hoc est, quod dicunt vulgo, nos fortiri forum ratione contractus vel quasi contractus, vel delicti. Vnde si Senator populi Romani in provincia contraxerit, ex eo contractu, in ea provincia conueniri potest, l. interdum §. ult. hoc tit. Alioquin reiiicitur in urbem, in qua domicilium dignitatis habet, l. pen. de Senatuscons. Marcus Tullius 13. Epistol. ad fam. feceris mihi pergratum, si eos, quando cum Senatore res est, Romam reieceris. Item legatus ex provincia missus Romam, vel quis alius provincialis homo, si Romam contraxerit, Romam conueniri potest ex eo contractu, nec habet ius reuocandi in domum suam, il n'a pas droit de renuoy, id est, non habet præscriptionem fori, l. 3. §. omnes, l. si legationis, l. non alias, in princ. l. cum furiosus §. ult. hoc tit. Et sic tutor ibi conueniri potest, & debet, vbi tutelam administravit, atque ita quasi contraxerit cum pupillo, etiam si domicilium habeat alibi, nec potest posita hac præscriptione fori, ad forum, iudicemque suum reuocare: sed ibi iudicium tutelæ pati debet, vbi tutelam administravit, ibi tutelæ rationes edere pupillo & reddere. Ac similiter argentarius vbi argentariam mensam exercuit & administravit, ibi conueniri potest & compelli rationes edere per metum actionis in factum, l. 4. §. ult. de eden. l. heres §. 1. hoc tit. etiam si, forte fugitans litem, dicat se habere in alia provincia librum rationum. Neque enim hoc prætextu differendum est iudicium tutelæ in tutorem, si dicat tutor, se librum rationum non habere ad manus & in promptu, in mundo vt veteres loquebantur, non esse differendâ actionem in factum ideo quod dicat se ad manum non habere rationum codices, se non habere in hac provincia, non esse hoc pretextu differendas actiones, nisi ex iusta causa. Et hoc est, quod ait Papinianus hoc loco, argentarium vbi contractum est, hoc est, vbi argentariam fecit, & administravit, vbi hanc artem quæstuariam exercuit, conueniri oportere. Oportere; quia sicut, si ipse ibi conueniatur iudicium reculare non potest, vbi argentariam fecit; ita nec ipse potest compelli alibi edere rationes, quam quò loco mensam habuit & exercuit, l. 4. §. ult. de eden. Nec in hoc, inquit, dilationem dari, vt ex provincia codices rationum adferantur, nisi ex iusta causa, cognita, vt in Basil. m̃s aīnas διαποσκέμνns. idemque seruari in actione tutelæ, quia plerique aut tutores

aut argentarii morandi tantum aut frustrandi causa simulant, se alibi rationes habere. Itaque animaduertere debet iudex, an verum sit, eos rationes habere in alia provincia, in eam bona fide translatas, an dolo malo eas in aliam provinciam transfulerint, trahendi negotij gratia, vt si sint reuera & bona fide translatae in aliam provinciam, tum spatium eis detur, & dilatio ad eas perferendas, vt in l. 5. de eden. Omnis dilatio datur causa cognita, pro tribunali, quod est legitimum sedile iudicis, l. 4. de dilat. Glossa hoc loco male existimat, hæc verba Papiniani, vt ex provincia codices adferantur, esse posita pro exemplo iustæ causæ, & rectius Albericus ex iusta causa, si codices, inquit, alio sint translati ex necessitate: vt neget Papinianus ob causam perferendarum rationum ex provincia dari dilationem tutori vel argentario, nisi ex iusta causa, vt puta, si in aliam provinciam ex necessitate, non dolo malo translatae fuerint.

#### Ad §. nomine pupillæ.

*Nomine pupillæ tutoribus in provincia condemnatis, curatores puella indicatum Romam facere coguntur, vbi mutuum pecuniam mater accepit, cui filia heres extitit.*

Species hæc est. Mater, quæ in provincia domicilium habet, Romam mutuum pecuniam accepit, & contraxit, forte de mensa argentarii, filia pupilla ei heres extitit, quæ etiam in provincia domicilium habuit. Creditor, quæ mutuum pecuniam dederat matri in vrbe nomine pupillæ, tanquam heredis debitoris, conuenit tutores eius in provincia: actor sequitur forum & domicilium rei; est certissima regula iuris, non potuit creditor eos tutores nomine pupillæ conuenire Romam, quia Romam non venerat. Et quod dicitur ibi, quemque conueniri, vbi contraxit, ita verum est, si ibi inueniatur, non aliter, l. heres, in princ. huius tit. Ei autem creditori, qui in provincia egit cum tutoribus nomine pupillæ, tutores condemnati sunt, deinde finita tutela, antequam puellam indicatum fecisset, antequam soluisset creditam pecuniam Romam matri suæ, & pupillæ constitutis curatoribus, si curatores eius Romam inueniantur, ait eos Romam iudicati actione conueniri posse, quia & ibi potuissent conueniri, si inuenti fuissent, principali actione pecuniæ creditæ nomine. Nam vbi defunctus contraxit, aut heres eius, aut nomine heredis tutores vel curatores conueniri possunt, d. l. heres, in princ. Et hæc est sententia huius §. Vnde notandum est, condemnatum in provincia posse conueniri Romam iudicati actione, si & ibi iudicari & condemnari potuit ab initio. Et sic executio iudicati in provincia fiet Romam captis pignoribus, vt fit, si quæ ibi puella habuerit, nec requiritur iussus Præsidis, qui tutores condemnauit; quia quo loco quis conueniri potest principali actione, si alio loco condemnatus sit, conueniri etiam potest actione iudicati. Actio iudicati nihil aliud est, quam executio iudicati; alioquin is, qui condemnatus est in provincia, si Romam conueniri non potuit neque iudicati agi ibi potuit, vel è contrario aliquo loco agi iudicati, & alibi dicta sententia ad effectum perducere non potest, quam quò lata est sententia, sine iussu eius, qui sententiam tulit, vt in l. à Dino Pio §. 1. de re iudic. dum ait, sententiam Romam dictam Præsides in provincia exequi posse, si iussi fuerint, inquit, hoc est, si rogati fuerint. Nam iubere, vt est in Panegyrico Plinij, est adulationis, non imperij verbum, & verbum precarium non directum: vt cum dicimus; inbeo te saluere. Non potest Præsides extra provinciam suam pignora capere in causam iudicati, quod ipse iudicauit, vt nec mittere creditores in possessionem aliorum bonorum, quam quæ sub eius iurisdictione sunt, l. cum vnus §. pen. de reb. auct. ind. possid. sed potest rogare per literas alium iudicem, sub quo sunt



alia condemnati bona, ut ea pignori capiat sui iudicati exequendi gratia. Illud est notandum etiam ex hoc §. quod dixi probari in utraque parte; contractus rationem siue causam esse excipiendam à præscriptione fori, hoc est, præscriptionem fori siue reuocationem ad forum suum non habere eum, qui alio loco conuenitur, si modo in eo loco contraxerit, aut quasi contraxerit.

Ad l. 17. de relig. & sumpt. fun.

*Sed si nondum pater dotem recuperauerit: vir solus conuenietur, reputaturus patri, quid eo nomine præstiterit.*

Sciendum est ei, qui mulierem funeravit suis sumptibus, non donandi animo, non pietatis causa, sed quasi alienum negotium gerens, dari actionem funerariam, de recuperandis sumptibus factis in funus mulieris. Actio est Prætoria, & privilegiaria, l. pen. & ult. hoc tit. l. quasi-tum, de reb. aut. ind. possid. & datur hæc actio cessante alia actione, ut patet ex l. si quis, §. Labeo ait, hoc tit. datur, inquam, cessante alia actione & deficiente, ad similitudinem actionis negotiorum gestorum, d. l. si quis §. Idem Labeo, eod. in fin. quia & negotium defuncti gerere videtur, & cum defuncto quasi contrahere, cum eo, cui funus & iusta fecit, non cum herede eius, ut est eleganter scriptum in l. 1. hoc tit. Nam si cum herede eius quasi contraheret, si in funerando defuncto haberet animum gerendi negotii heredis, cessaret hæc actio funeraria, & in heredem ei competeret actio negotiorum gestorum, cuius contemplatione iusta defuncto fecit: sed quia negotium potius defuncti fecit, ipsius negotium gerere videtur, & cum eo quasi contrahere, ideo cessat hæc actio negotiorum gestorum: quia hæc actio negotiorum gestorum est tantum de negotiis gestis, quæ cuius, cum is viueret, vel cum moreretur fuerunt, in quatenus veniunt etiam ea, quæ negotiis cæptis illo viuo post mortem accesserunt, ut fractus, partus, fœtus, acquisitiones seruorum, l. 3. §. hæc verba, de negot. gest. Non ergo, ut patet ex illo loco, est actio negotiorum gestorum de negotiis, quæ post mortem alicuius geri cæperunt. Hoc autem negotium funeris defuncti geri cæpit, post mortem: ergo ex eo non est ipsa actio negotiorum gestorum: sed ad exemplum eius necesse fuit ex ea causa inducere & dare propriam actionem, quæ funeraria dicitur & funeraria passim in hoc tit. Et in proposita specie, cum quis funus duxit mulieris suis sumptibus, ei datur actio funeraria, de impensa funeris consequenda, in eum, ad quem dos mulieris peruenit. In patrem, si dos fuerit profectitia, & superuixerit filix pater: in maritum si dos fuerit aduentitia: in extraneum si fuerit dos receptitia, quia æquissimum est, ut ait l. prox. sup. æquissimum visum est veteribus, mulieres quasi de patrimoniis suis, de dotibus, funerari: quia & olim fere omne patrimonium mulierum consistebat in dotibus, l. assiduus, C. qui pot. in pign. nempe lege Voconia impediens, ne mulieres ditescerent, & dante frænos huic sexui: sicut Cato apud Liuium 34. pro l. Oppia: Date, inquit, Quirites frænos impotenti nature, & indomito animali: & paulo post: extemplo simul patres esse cæperint, superiores erunt. Quia igitur fere omne patrimonium mulierum consistebat in dotibus olim, ideo in hanc sententiam itum est consensu omnium iurisperitorum, ut de suis dotibus funerarentur, etiam si alia bona habeant, etiam si hereditatem habeant, ita scilicet. ut si heredem habeant, heres pro portione conferat in funus mulieris: si etiam, qui dotem eius lucratur, similiter pro rata conferat in funus mulieris, licet non sit heres, modo dotem lucretur: imo & cum hereditas mulieris non est soluendo, funeris impensa non sumitur ex inopi hereditate & minus idonea: sed ex dote, hoc est, repetitur ab eo, qui dotem lucratus est morte mulieris, non ab herede, l. 20. §. pen. l. 22. & 23. h. r. Nunc finge, Dotem

Respons. Papin.

A mulieris esse profectitiam, esse profectam à patre, & patrem filix superuixisse, extraneum mulieri funus fecisse suis sumptibus. pater si dotem recuperauerit à genero, tenetur extraneo, qui fecit impensam funeri, funeraria actione: quod si pater nondum dotem recuperauerit, ei maritus tenetur eadem actione, qui dotem habet, necdum restituit patri, & quod eo nomine præstiterit extraneo reputabit patri agenti de dote, hoc est, repetenti dotem profectitiam iudicio rei uxoriæ vel ex stipulatu: reputabit, id est, eo minus patri restituet ex dote, ut l. 29. §. 1. hoc tit. & hæc est sententia huius l. 17. reputare, est rabatre, ut l. si merces §. si vicino, loc. Si vicino ædificante obscurentur lumina cœnaculi, quod tu mihi locasti, vel si ostia aut fenestras cœnaculi corruptas tu non restituis, & mecum agas de pensione debita, reputationis, inquit, ratio habenda est, l. e pourray rabatre, & eo minus præstare de pensione. Ex diuerso autem, si pater, antequam dotem profectitiam recuperauerit, aliquid impenderit aut præstiterit in funus filix, l. 30. hoc tit. ait id patrem recipere à marito actione de dote, puta rei uxoriæ actione, vel ex stipulatu, hoc est, eo amplius recipere ex dote, eo amplius dotem recuperare à genero. Impensa enim funeris, ut ait lex sequens, æs alienum dotis est.

Ad l. 57. de cond. indeb.

Cum indebitum impuberis nomine tutor numerauit, impuberis conditio est. §. 1. Creditor, ut procuratori suo debitum redderetur, mandauit: maiore pecunia soluta, procurator indebiti causa conuenietur. Quod si nominatim, ut maior pecunia solueretur, delegauit: indebiti cum eo (qui) delegauit, erit actio quæ non videtur perempta, si frustra cum procuratore lis fuerit instituta.

Si tutor nomine pupilli per errorem soluerit indebitam pecuniam, puta maiorem pecuniam, quam pupillus debuit, initio huius l. Papinianus ait, conditionem indebiti pupillo competere, cuius nomine tutor indebitum soluit, aut plus debito: nec distinguit suam an pupilli pecuniam tutor soluerit, unde potest coniectura capi, quasi nihil interfit suam an pupilli pecuniam soluerit, modo soluerit pupilli nomine: quod etiam confirmat l. 6. §. ult. hoc tit. Sed hoc ita intelligi debet, si pupillus pubes factus ratam solutionem habuerit, aut si quasi re bona fide gesta eam pecuniam tutor pupillo reputauerit in iudicio tutelæ, ut tum pupillo conditio indebiti competat. Nam si pupillus solutionem eam non fecerit ratam, si eam pecuniam tutor pupillo non imputarit in reddendis rationibus, ipsi tutori hoc casu datur non pupillo: datur, inquam, tutori utilis conditio indebiti, utilis, non directa, quia non suo nomine sed pupilli soluit. Et ad hunc casum est referenda l. ult. §. 1. hoc tit. Eadem vero est ratio tutoris & procuratoris. Nam si procurator nomine domini soluerit per errorem bona fide indebitam pecuniam, domino ratum non habente, quod gessit procurator, ipsi procuratori datur utilis conditio indebiti, l. 6. in princ. hoc tit. domino autem ratum habente quod ita per errorem gessit procurator, ipsi domino competit conditio indebiti, perinde atque si ipse soluisset, l. si per ignorantiam, C. eod. tit. sicut si procurator suam vel domini pecuniam, (nihil refert) nomine domini crediderit, domino agnoscanti & approbanti nomen competit conditio creditæ pecuniæ. Ut in l. certi §. si nummos, de reb. cred. l. 126. §. Chrysogonus, de verb. obl. Reprobante vero domino nomen, quod fecit quodve contraxit procurator sua vel domini pecunia nomine domini, nulla competit domino conditio, sed procuratori domini competit utilis conditio creditæ pecuniæ, l. 4. C. si cert. per. Eadem est ratio conditionis indebiti & conditionis creditæ pecuniæ: eadem est ratio mutui & promutui. Inde-

G ij



biti solutio est promutuum, hoc, quasi mutui datio l. A

4. §. is quoque, de obl. & act. Et hæc cum tutor nomine pupilli, vel procurator nomine domini indebitam pecuniam soluit, suam vel pupilli, vel domini, vel cum hanc vel illam credidit, nomine pupilli vel domini. Quid autem dicemus è contrario, si quis tutori nomine pupilli quasi debitam pupillo, aut procuratori, nomine domini, quasi debitam domino, soluerit per errorem? hæc est quaestio §. 1. huius legis. Finge: creditorem mandasse debitori, ut debitam pecuniam solueret suo procuratori, procuratorem vero suum delegasse, ut eam pecuniam acciperet de manu debitoris sui, & debitorem procuratori per errorem soluisse maiorem pecuniam, puta 100. cum deberet 50. tantum. Queritur, in quem, ei qui soluit, competat condictio indebitæ pecuniæ, condictio superflui, quod soluit indebitum? vtrum ei competat in procuratorem qui accepit. an in dominum, qui mandauit ut solueret procuratori? Illud quidem est comperti & explorati iuris, quod hic Papinianus notat, in dominum competere condictionem indebiti, si nominatim procuratorem suum delegauit, ut illa 100. acciperet, hoc est, maiorem pecuniam, quam sibi debebatur: quam actionem, quæ ei, qui soluit, competit in dominum, repetitionemque indebiti soluti eleganter Papinianus ait non periri, si debitor elegerit initio procuratorem (quod notandum est) & cum eo frustra egerit condictione indebiti, hoc est, si victus fuerit, quod inepte ageret in procuratorem ea actione, quia hac debuit experiri in dominum, qui specialiter procuratorem delegarat, ut ab eo acciperet 100. id est, altero tanto amplius quam deberet: quo casu condictio indebiti est in dominum absque dubio, non in procuratorem. Si tamen frustra elegerit procuratorem, & succubuerit, non ideo intelligitur amisisse actionem siue condictionem: ineptæ aut inanis actionis electione, non amisit ideo condictionem in dominum. Ineptæ actionis electio actori non consumit actionem aptam, rei & proposito negotio competentem, l. fideius. de nego. gest. l. tutor §. adolescens, de adm. tut. cap. examinatum, extr. de indic. Miror quod Glossa in l. 1. si mens fals. mod. dix. quaerierit: an, qui ineptam actionem proposuit, & causa cecidit, possit agere actione propria & conueniente rei? Et respondet quidem posse recte id: nec tamen sciuerit tot locis auctorum eam sententiam comprobari posse, ut hoc §. 1. & supradictis ll. & supradictis. cap. Verum si nominatim creditor procuratorem in hoc non delegarit, ut maiorem pecuniam acciperet, sed simpliciter, ut pecuniam debitam acciperet, quam ei debitor numeraret, eam acciperet à debitore, cui mandauerat etiam creditor, ut eam pecuniam suo procuratori exsolueret: hoc casu Papinianus ait, debitori procuratorem teneri condictione indebiti: quod utique verum est ut Glossa supplet rectissime, si dominus ratum non habeat, quod gestum, quodque solutum plus debito est. Priore casu quum nominatim mandauit, ut 100. acciperet, quæ maior pecunia est, etiam si ratum non habuerit dominus, omnino tenetur condictione indebiti, quia nec necessaria est ratihabitio, ubi mandatum speciale intercessit. Hoc vero casu, cum simpliciter mandauit, ut pecuniam à debitore acciperet procurator, ut debitor numeraret procuratori, & numerauerit maiorem pecuniam per errorem, dominus non aliter tenetur condictione indebiti, quam si ratam solutionem fecerit: quia non intelligitur mandasse, ut plus debito acciperet. Ergo si ratum habuerit, in dominum dabitur condictio, debitor dominum condemnabit; si vero ratum non habuerit, ut est verisimile, etiam ratum non habiturum solutionem, soluenti competit condictio indebiti in procuratorem solum, l. 6. §. idem Labeo, & §. Celsus, hoc tit. l. si indebitum, rem rat. hab. l. 6. §. item quaeritur, de neg. gest.

Ad l. 40. de pignerat. act.

*Debitor à creditore pignus, quod dedit frustra emit: cum rei sua nulla sit emptio, nec si minoris emerit, & pignus petat, aut dominium vindicet: ei non totum debitum offerenti, creditor possessionem restituere cogetur.*

**H**uius l. tria sunt responsa, quibus licebit addere quartum ex l. pen. Ad primum responsum sciendum est, actionem pigneratitiam, quæ de restituenda possessione pignoris proponitur, debitori non aliter dari, quam si totum debitum soluat, vel offerat in iudicio, ut in l. si rem §. ult. hoc tit. vel eo nomine creditori satisfaciatur, d. l. si rem §. omnis, l. heredes §. idem observatur, fam. erci. Et hoc est, quod dicitur, indiuiduam esse pignoris causam, l. rem, de emitt. quia nec parte maiore pecuniæ soluta, villo modo vlla-ve ex parte pignus liberatur, & vel propter vnum assem, qui explendo debito superest, nexum tenetur ipsum pignus in solidum, l. 6. C. de dist. pign. Vniuersa pecunia soluta creditori vel oblata, ut dixi, pignus liberatur, & creditor actione pigneratitia cogitur restituere naturalem siue corporalem possessionem pignoris, quæ apud eum est, quia pignus solam possessionem naturalem, quæ etiam corporalis dicitur, ad creditorem transfert, ut in §. ult. huius leg. & l. 35. §. ult. hoc tit. l. 3. §. ult. ad exhib. Inde quaeritur hoc loco, quid sit dicendum, si debitor à creditore pignus vendente suo iure, pignus minoris emerit? Finge: in summa debiti esse centum, & debitorem pignus emisse 50. id est, altero tanto minore pecunia, an potest repetere possessionem pignoris actione pigneratitia? an potest dominium eius vindicare? Pignus enim manet in dominio debitoris, & eo liberato, in arbitrio est debitoris, vtrum malit agere in personam actione pigneratitia, & pignus petere à creditore, an agere in rem actione, & dominium vindicare, l. nec creditores, C. cod. Verum ad quaestionem propositam videmur posse respondere, alterutra actione debitorem uti posse, quia à creditore pignus minoris emit & pretium numerauit, videlicet, si creditori per omnia satisfecerit dato illo pretio, ex d. l. si rem §. omnis, in qua dicitur: Nasci pigneratitiam actionem, & competere debitori, si creditori satisfecerit pretio aliquo. Ergo, etiam si pretio minore, & siue hic creditor ab ipso debitore ceperit, siue ab extraneo emptore, & hoc ei satis fuerit, contentus fuerit: quo casu, nec quod amplius ei debetur à debitore petere potest, l. à diuo Pio §. si pignus, de rei iud. Nam ut & alio modo ait dictus §. omnis, si creditor, ut voluit sibi cauit, si ille a se assurance à son plaisir, competit debitori actio pigneratitia, licet creditor in hoc deceptus sit: in hoc, hoc est, in re ipsa, non circumscriptus dolo aduersarij, ut in l. 7. in fine, de exceptio. si fraus fuerit in re, non in persona debitoris. Et ita videmur posse non absque ratione quaestioni propositæ respondere. Attamen Papinianus longè aliud respondet hoc loco, nepe creditorem neque pigneratitia actione, neque rei vindicatione posse compelli restituere possessionem pignoris, nisi debitor totum debitum offerat, hoc est, etiam id quo minoris emerit. Sed ne obftet quod ante dixi, hoc ita intelligi debet, si creditori non satisfaciatur pretium, quo debitor pignus emit, & velit, quod amplius debetur, sibi præstari: nec enim compellitur venditioni stare, quæ nulla est, quia debitor emendo pignus, emit rem suam: & rei suæ emptio nulla est, quod constat ex innumeris locis iuris. Itaque, si debitori agenti pigneratitia, rem vindicanti creditor opponat hanc exceptionem: si non ea res pignori data, nec dum soluta omnis pecunia est: quæ dicitur exceptio pigneratitia, l. 6. §. idem scribit, commun. diuidund. frustra debitor replicabit de ea re minori pretio emptæ, quia emptio ipso iure nulla est, ut nec ex empto agere possit de ea re sibi præstanda. Et quia (quod notandum est) si extraneus à creditore pignus emisset minore pretio, quæ emptio va-



leret, semper in reliquum sortis debita debitor creditori tenetur, l. *quæsum* §. *ult. de distr. pignor. l. aduersus, C. de oblig. & action.* Equum vero est, in quo debitor tenetur alio emente minoris, & in eo teneatur ipse, cum emit minoris, nec eo creditori satisfecit. Quod autem dicitur, rei suæ emptionem non valere, hoc est, (quia rei nomen proprietatem significat & dominium) hoc, inquam, est proprietatis siue dominij rei suæ emptionem non valere. Nam si hoc agatur, vt debitor possessionem naturalem, quæ est apud creditorem pigneratitium siue hypothecarium emat, vel conducat certo pretio, forte vt in iudicio possessorio, quod habet cum alio, potior sit: nec enim semper dominus in iudicio possessorio potior est, l. *ad probationem, C. de loc.* hoc vero casu emptio vel conductio rei suæ valet, vt l. *si emptione §. rei suæ, de contrah. empt. l. 35. §. ult. l. 37. hoc tit.* creditori talia manente causa pignoris vel hypothecæ. Et errat vehementer Glossa hoc loco, quæ ait venditionem emptionem possessionis pignoris factam debitori à creditore non valere. Imo valet vt probaui ante: & male Glossa pro se adducit l. *seruum meum, de cond. ind.* quæ de emptione proprietatis rei suæ loquitur, non de emptione possessionis. Illud maxime obseruandum est, Papinianum in hoc primo responso loqui de debitor, qui pignus emit iure suo vendente creditore, qui emit minori pretio: nam si tanti emit quanti est summa, quæ creditori debetur, licet initio non valeat, pretio tamen soluto pignus liberatur, quod mox idem Papinianus ostendit in secundo responso huius legis, cuius species talis est.

#### Ad §. debitoris.

*Debitoris filius, qui manet in patris potestate, frustra pignus à creditore patris peculiaribus nummis comparat, & ideo si patronus debitoris contra tabulas eius possessionem acceperit, dominij partem obtinebit. Nam pecunia quam filius ex re patris in pretium dedit, pignus liberatur.*

**F**ilius, quem pater libertinæ conditionis habuit in potestate, cum pater L. Titio deberet certam pecuniam sub pignore, pignus iure suo vendente L. Titio, id ab eo emit de peculio profectitio, hoc est, ex re patris. Peculium filij profectitium est res patris, hoc est, in bonis, in patrimonio patris reuera: in quasi patrimonio filij, quamdiu patitur pater. Emit autem pignus ex pecunia peculij profectitij tanti, quanti erat summa debita L. Titio. Post filius in testamento patris iure exheredatus est, nec potuit rescindere testamentum per querelam inofficiosi testamenti. Hoc enim cum Accursio ponamus, licet reticeat Papinianus, satis tamen suggerit, dum ponit, Patrono patris præterito dari partis debitæ verecundiæ patronali, id est, legitimæ patronalis bonorum possessionem contra tabulas in heredem scriptum: quæ non daretur in filium heredem scriptum, nec exheredatum rescindentem testamentum per querelam, §. *sed nostra, Institut. de success. libert.* At ponamus, filium fuisse exheredatum cum effectu, quæ res etiam ei peculium auferit, l. *emptor §. ult. de rei vindic.* Exhereditatio auferit ius & nomen heredis, & ius peculij, hoc vt dixi, licet non dicat Papinian. vt omnia bene conueniant, ponamus necesse est. Multa nobis Papinianus subintelligenda & subaudienda reliquit, & plus habet in recessu quam in fronte, vt est in comprehensione rerum brevis. Aut sane ponamus: præmortuum fuisse filium, patrem superuixisse, & testamentum fecisse, inque eo extraneum instituisse, patronum omisisse. Aut ponamus quod etiam nimis obscure notat Glossa: Patrem filium instituisse ex parte, adiecto coherede extraneo, & filium repudiasse hereditatem patris, eiusque portionem accreuisse coheredi extraneo: quoniam hoc etiam casu patrono competit in coheredem, qui a sem habet portionis debitæ, bonorum possessio, l. *20. §. ult. de bon. libert.* Pono filium fuisse institutum ex parte: nam si institutus filius li-

**A**berti ex alse repudiauerit, tum patronus non vocatur in partem, sed in a sem, l. *6. §. pen. l. querit §. ult. eod. l. siue libertus §. ult. de iure patron.* Atque hic postremus casus non conueniet huic responso, quo tantum agitur de bon. possessione contra tabulas, quæ patrono datur in partem bonorum liberti, hodie trientem, olim semissem. Ita vero posita congruente specie ad hoc responsum, quaeritur: An in pignore, quod filius emit ex re patris, siue ex peculio profectitio, patronus iure bonorum possessionis contra tabulas habeat in pignore partem dominij: nam portio debita patrono deducitur ex singulis rebus, quæ in bonis liberti fuerunt tempore mortis, sicut Falcidia in l. *Planurum, ad leg. Falcid.* sicut legitima portio, quæ natura debetur liberis & Falcidia quælibet, deductio quælibet, l. *6. de pecul. leg.* Omnis deductio partis fit ex singulis corporibus, nisi aliud conuenit, vt sit plerumque inter eos, quorum res est. Et ad hanc quaestionem Papinianus respondet hoc loco, etiam in eo pignore patronum habiturum partem dominij. Bonorum possessio tribuit dominium, hoc est, effectum dominij tuitione Prætoris, l. *1. de bono poss.* Et ratio huius responsi hæc est: quia filiusfamil. emendo pignus ex re patris, in cuius potestate erat, id neque dominij sui facere potuit, neque patris, in cuius dominio iam erat, quia pignus semper manet in dominio debitoris, & hoc distat à fiducia, antiquo genere contractus. Denique emendo neque pignus suum fecit, neque patris, cum iam prius patris esset. Proinde nulla & superuacua emptio est. Caterum liberatum pignus intelligitur, quia tantum in pretium dedit, quantum erat in debito. Et in fine huius responsi, illo loco, *nam pecunia, quam filius ex re patris in pretium dedit, pignus liberatur*, ne fallamur, nam, non est particula causalis, quia etiam pignore non liberato patronus in eo haberet partem dominij, sed nam, est coniunctio repletiva vt Grammatica loquitur, & accipitur pro *caterum*, vt sæpe in libris nostris, vt sit sensus, emptio nem pignoris non valere, pignus tamen liberari: *caterum pignus liberatur, &c.* Et recte loquitur Papin. de filiof. Nam si filius emancipatus emisset suis nummis pignus, iure suo vendente creditore, valeret emptio, nec in eo patronus haberet partem dominij, quia desisset esse in liberti bonis. Recte etiam loquitur de peculio profectitio. Nam si filiusf. pignus emisset ex peculio castrensi, quod in re eius est, non patris, æque valeret emptio pignoris, nec in eo quicquam iuris patronus haberet, quod & Glossa notat rectissime. tota Glossa huius responsi est rectissima.

#### Ad §. ult.

*Soluta pecunia, creditore possessionem pignoris, qua corporalis apud eum fuit, restituere debet: nec quicquam amplius prestare cogitur. Itaque si medio tempore pignus creditor pignori dederit: domino solvente pecuniam, quam debuit, secundi pignoris neque persecutio dabitur, neque retentio relinquetur.*

**E**IN tertio responso siue §. ult. ostenditur, pignus quidē à creditore alij creditori suo pignori obligari posse, quod Græci dicunt *πνευρεχρειδέναι*, idque constat ex l. *grege §. cum pignori, de pign. l. 1. C. si pign. pign. dat.* Sed si debitor, qui dedit pignus primo suo creditori, soluerit omnem pecuniam, vtrique obligatio pignoris perimitur, & creditor primus debitori tenetur pigneratitia actione, vt pignoris possessionem restituat tantum, non vt quicquam amplius præstet, id est, (quod etiam Glossa intelligit) non etiam, vt liberet pignus à secundo creditore. Et ratio hæc est: quia ipso iure liberatur pignus, quod etiam in id duntaxat temporis dedisse intelligitur secundo creditori, quoad pignus in sua persona consistat: vbi definit in sua persona consistere pignus, soluta omni pecunia, etiam definit consistere in persona secundi. Nihil est apertius hoc responso: ei tamen opponitur l. *petenti, hoc tit.*



quæ dicit, creditorem primum debitori teneri, ut pignus liberet à secundo creditore. Sed necesse est, ut res intelligatur, apponi speciem ad l. *petenti*. Hæc est species, quæ frequenter occurrit. Creditori repetenti pecuniam, quæ ei debebam, cum præ manibus pecuniam non haberem, ut cum à me dimitterem & placarem quoquomodo, dedi res certas, ut sub earum pignore pecuniam, qua se indigere dicebat, conquireret & sumeret ab alio creditore: Aut eas creditor meus soluta pecunia postea recipit ab alio creditore, & mihi, maxime offerenti debitum, tenetur ad exhibendum, ut restituat eas res, non pigneratitia actione: quia eas res non pignoraui, sed permisi tantum, ut pignoreret alteri: Aut res illæ meæ sunt apud creditorem creditoris, & hoc casu creditor meus mihi tenetur, sed non ad exhibendum, quia eas res non tenet: non pigneratitia, quia, ut dixi, eas res ei non pignoraui: non commodati actione, ut in specie l. *si ut certo §. nunc videndum, sup. tit. prox.* quia eas res etiam ei non commodaui liberaliter & benigne, sed coactus dedi, ut tantisper eum placarem, ne me acerbius exigeret, & ut earum beneficio aliunde pecuniam sumeret, verum offerenti mihi pecuniam debitam creditor tenetur, ut eas res liberet à suo creditore, & mihi reddat, tenetur, inquam, mihi propria actione, ut ait l. *petenti*; hoc est, actione præscriptis verbis quasi ex nouo & proprio contractu, quasi ex negotio proprii contractus, ut ait l. *rogasti, de præscript. verb.* Et hæc est sententia legis *petenti*: verum vis nosse, quam nihil obstat huic tertio responso? Hoc responsum est de pigneratitia actione, quod negat soluta omni pecunia, creditorem quicquam amplius præstare quam possessionem naturalem pignoris, etiam si secundo creditori obligauit: Ergo non teneri eum pignus liberare à secundo creditore, quod etiam euauit ipso iure. Illa autem l. *petenti*, non est de pigneratitia actione, sed de propria quadam actione præscriptis verbis. Item in hoc responso primus & secundus creditor fuere pigneratitii creditores. In illa l. *petenti*, secundus creditor tantum fuit pigneratitius, non primus: & præterea in illa pignus datum est secundo creditori voluntate debitoris, in hoc responso non item. Proinde in illa l. maxime oblato debito creditori primo, pignus non soluitur, quod nexum est voluntate debitoris: in hac pignus soluitur omnimodo, quod nexum non est secundo creditori voluntate debitoris.

#### Ad l. 42. eod.

*Creditor iudicio, quod de pignore dato proponitur, ut superfluum pretij cum vñuris restituat, iure cogitur. Nec audiendus erit, si velit emptorem delegare: cum in venditione, qua fit ex facto, suum creditor negotium gerat.*

**O**stenditur in hac leg. creditorem, qui pluris pignus vendiderit, quam sibi debebatur, debitori teneri actione pigneratitia, quam Papinianus noster solet appellare actionem, quæ de pignore dato proponitur, ut hoc loco, & l. 2. de pign. l. *fideiussor, de neg. gest.* Creditorem igitur, qui pluris vendidit pignus debitori teneri actione pigneratitia, ut id, quo plus vendidit pignus, hoc est, superfluum pretij restituat debitori cum vñuris, inquit Papinianus, puta, iis, quas ex superfluo pretij percepit, si id forte scenori occupauit, vel quas non percepit, si in reddendo superfluo pretij moram fecerit, vel si id in vñus suos conuertit, l. 6. §. *ult.* & l. 7. *hoc tit.* Nec distinguit Papinianus, creditor pretium ab emptore acceperit, necne. Ergo siue acceperit pretium ab emptore pignoris, siue nondum acceperit, de superfluo reddendo debitori tenetur actione pigneratitia, ut l. *ult.* C. de distrac. pignor. l. in fraudem §. *si plus, de iure fisci*. Vbi creditor nondum pretium accepit, non est audiendus, inquit, inuito debitor, si velit ei emptorem pignoris delegare, puta, ut promittat debitori, sed id quo plus emit ei præstaturum. Delegare enim proprie est, vice sua alium reum, alium debitorem,

qui expromissor dicitur, siue intercessor mouandi causa, creditori dare, l. *delegare, de nomat.* Et in hac specie debitori creditor, qui pluris pignus vendidit, in superfluum pretij debitor est, ille vero creditor: & ita quoque hoc loco verbum delegare Græci accipiunt in Basil. dum aiunt, *ὑποχρεῶν μὴ οὐκ τῷ πρῶτῳ ἀλλὰ ἀποδοῦναι*. hoc est, emptorem substituere debitori: eidemque creditori, scilicet in superfluo pretij, quod ei creditor restitueret tenetur, idque fit stipulante debitore & emptore promittente superfluum se ei soluturum: quo genere creditor liberatur à debitore quasi nouata obligatione. Sed ut initio dixi, inuitus debitor non cogitur mutare creditorem, si malit sibi superfluum pretij solui à creditore, eodemque venditore pignoris. Inuitus non recedit ab actione pignoris, quam habet in venditorem pignoris: Inuitus non nouat eam obligationem neque commutat cum obligatione ex stipulatu in emptorem pignoris. Et hoc est, quod ait Papinianus: *nec audiendus erit si velit emptorem delegare*. Et ratio, qua utitur Papinianus hæc est, quia, inquit, in venditione qua fit ex facto, creditor suum negotium gerit. Sic habent Pandect. Flor. qua fit ex facto, sed perspicuum est scribi debere, qua fit ex pacto, ut in §. *contra autem creditor, Inst. quib. alien. lic. vel non*, hoc est, quæ fit iure conuentionis, l. 3. de distrac. pign. l. *contractus, l. 7. C. eod. tit.* In venditione igitur pignoris, quæ fit ex pacto, creditor suum negotium gerit, non debitoris, quæ fit ex pacto, creditor suum negotium gerit, non debitoris negotium, ut in l. *creditori §. sciendum, quib. pot. in pign. hab.* Si gereret negotium debitoris, non suum, nec vlla eius culpa interueniret, æquum esset liberari eum delegando emptorem, esset iniquum eum teneri ultra quam ut deleget emptorem, si nulla culpa in eo argui possit, qui negotium alienum gessit, non suum. Et hæc est sententia huius legis. Obicitur ei l. 24. §. *si vendiderit, hoc tit.* quæ dicit, nondum soluto pretio pignoris creditori, non esse cogendum creditorem actione pigneratitia ad solutionem superflui, sed vel expectare debitorem debere quoad emptor pignoris soluat pretium, vel si nolit expectare, mandandam ei esse & cedendam actionem ex vendito aduersus emptorem: actionem pretij: periculo tamen venditoris, creditoris periculo, qui vendidit, ut si forte nō vincat debitor aduersus emptorem, semper ei sit salua actio superflui aduersus creditorem, atque ita periculum litis institutæ ex mandato creditoris aduersus emptorem ipse creditor subeat. Mandare autem est delegare non minus, quam vice sua alium reum creditori dare ut l. *cum indebitum, de cond. ind. l. 11. C. de donat.* Ergo auditur creditor, qui delegat, hoc est, qui mandat actionem aduersus emptorem pignoris. Sed ut respondeamus: inter hæc duo genera delegationum multum interest: nam delegatio emptoris liberat creditorem, quia nouatur obligatio & substituitur vice creditoris alius debitor superflui: & ideo merito non satisfacit ea delegatio debitori, quæ liberat creditorem principaliter obligatum ad solutionem superflui: non satisfacit, inquam, creditor debitori delegato emptore, hoc solo quod emptorem delegare paratus est, quia hoc facit se exonerandi & absoluendi causa. Altera delegatio, h. e. cessio siue mandatum actionis ex vendito aduersus emptorem non liberat creditorem & satisfit debitori, si eam suscipiat periculo creditoris, h. e. saluo regressu, si non obtineat aduersus creditorem. Plane hoc modo quis dicat ei non satisfieri interim, dum non vult expectare quoad emptor soluat. Et ita mihi videntur clarius & certius in concordiam adduci posse hæc duæ leges hac differentia posita inter delegare emptorem, & delegare siue mandare actionem in emptorem: quæ est quarta solutio Accusii. cætera facile refelli possunt. Ita vero deum mandata actione aduersus emptorem periculum litis pertinet ad creditorem, si creditoris culpa arguatur, quod tardius pretium exegerit ab emptore pignoris, & interim emptor lapsus sit facultatibus. Nam si culpa à creditore abest, ut puta, si fortuito & repentino casu emptor suas facultates amiserit paulo post emptionem pi-



gnoris, de superfluo pretij nulla superest quaestio, cum debitor maneat obligatus creditori: quia, ut ait *l. quæsitum, de distract. pign.* ex necessitate facta venditio pignoris non liberat debitorem nisi pecunia percepta ab emptore pignoris: ubi ex necessitate fieri dicitur venditio pignoris, non quod fiat invito creditore, (nec enim creditor inuitus cogitur vendere pignus. *l. 6. in pr. huius tit.*) sed quod tunc maxime creditor debeat ad venditionem pignoris, cum aliter rem suam seruare non potest, sicut in *l. 2. de distr. pig.* necessitate iuris dicitur venditio fideiussori fieri, quod aliter à fideius. suum creditor consequi non possit, *l. 2. C. de fideiuss.*

#### Ad l. 19. de instit. act.

*In eum, qui mutuis accipiendis pecuniis procuratorem præposuit, utilis ad exemplum institutoria dabitur actio: quod aque faciendum erit, & si procurator soluendo sit qui stipulanti pecuniam promissit.*

**H**uius legis sunt quatuor responsa. In primo responso ostenditur: quod si procuratorem præposui, ut mutuam pecuniam acciperet mei causa, & accepit, creditori in me non datur actio institutoria directa, quia procurator ille institutor non est meus, cum non sit quaestui faciendo, seu quaestuariæ negotiationi præpositus, sed dari creditori in me utilem actionem ad exemplum institutoria actionis, ut idem Papinianus respondet *lib. 2. l. liberto, in princ. de neg. gest.* & confirmatur *l. in omnibus, de prat. stip. l. si mutuam, C. de instit. act.* Et verum illud est, etiam si procurator qui mutuam pecuniam accepit, & eo nomine stipulanti creditori cauit, soluendo sit, ut ab eo creditor suam pecuniam facile recuperare possit, si procurator soluendo sit, ut ait hoc loco, & probat *l. 6. §. 1. de neg. gest.* hoc latius exposui in *d. l. liberto*. Inde assumes quæ ad hunc locum pertinent. Illud tamen addendum, ut quemadmodum utili institutoria actione creditori dominus tenetur qui procuratorem præposuit mutuis pecuniis accipiendis: & similiter quemadmodum utili actione institutoria emptori dominus tenetur, qui procuratorem præposuit vendendæ certæ rei, ut in *l. Iulianus §. si procur. de action. emp.* Ita ex diuerso dicamus, creditorem vel emptorem domino teneri ex *d. §. si procur. vtili actione*, siue extraordinaria. Omnis actio utilis est extraordinaria: sed in hoc est differentia summe notanda, quod creditori dominus tenetur ut dixi, quasi institutoria actione, etiam si rem creditor seruare possit à procuratore, quia principaliter cum domino contraxisse intelligitur, qui nomine eius procuratori credidit. At ex diuerso domino creditor non tenetur utili actione, si dominus à procuratore suo rem seruare possit exemplo institutoria, *l. in omnib. de prat. stipul. l. 1. in fi. & l. 2. hoc tit. l. 1. §. sed ex contrario, de exercit. act.* quia scilicet principaliter dominus cum procuratore contraxit, nec alio auxilio indiget, si procurator soluendo est.

#### Ad §. si dominus.

*Si dominus, qui seruum institorem apud mensam pecuniis accipiendis habuit, post libertatem quoque datam, idem per libertum negotium exercuit, varietate status non mutabitur periculi causa.*

**N**otandum est, dominum teneri iure Prætorio in solidum institutoria actione ex contractu serui institutoris, quem præposuit mensæ nummulariæ ad pecunias accipiendas in omnem causam, ut argentarij siue nummularii solent: & teneri non tantum ex contractu habito cum illo institore in seruitute, quandiu seruus mansit, sed etiam ex contractu habito cum eo post libertatem in eodem actu, perseverante patroni voluntate: varietatem siue mutationem status non mutare causam periculi, hoc

**A** est, ob mutatum statum institutoris non desinere eorum, quæ gerit, periculum ad dominum pertinere ex edicto, de institutoria actione. Manumissione sola non desinit quis esse institutor: & hæc est sententia huius responsi. Obiicitur quod dispensator Calendario præpositus, hoc est, pecuniis exigendis & fœnerandis est institutor, ut in *§. ult. huius leg. l. §. ult. hoc tit.* & tamen manumissione desinit esse dispensator, *l. si quis seruo, de solut. l. pen. de reb. cred. §. item si adhuc, Instit. de mand.* At ut respondeamus, non est nouum quendam institorem separari à ceteris institutoribus: Magister nam præpositus est institutor, & tamen separatur passim in iure, ac præcipue in tit. *de exercit. act.* à ceteris institutoribus propter singularia quædam, quæ in eo recepta sunt, ut & illo Horatii loco, seu vocat institutor, seu nauis Hispana magister, institutor separatur ab institutore, & sic dispensator, licet institutor sit, separandus est à ceteris institutoribus. Nam & morte domini finitur dispensatoris officium, *l. pen. de reb. cred.* Non morte domini, officium institutoris facientis mercaturam, aut mensæ negotium exercentis, *l. 11. in princ. l. 17. §. si impubes, hoc tit.* Ac similiter manumissione officium serui dispensatoris finitur, non officium institutoris. Et ratio varietatis consistit in utilitate & necessario usu commerciorum, quo omnis hominum vita eget, vel mensæ argentariæ, quæ negotia exercentur per institores: nec tanti est dispensatio siue fœneratio pecuniarum cuiusque, ideoque facilius dispensatio finitur, quam commercii aut mensæ cura, quod maxime notandum.

#### Ad §. tabernæ.

*Taberna præpositus à patre filius, mercium causa mutuam pecuniam accepit: Pro eo pater fideiussit: etiam institutoria ab eo petetur, cum acceptæ pecunie speciem, fideiubendo negotio tabernæ miscuerit.*

**N**otandum est ex tertio responso, Patrem teneri ex contractu filii, quem præposuit tabernæ, h. e. mercibus exercendis: teneri institutoria actione, ut si filius ille mercium causa mutuam pecuniam accepit, ex ea causa pater tenetur creditor in solidum institutoria actione. Res est apertissima. An etiam institutoria actione tenetur, si apud creditorem, qui filio institore mercium causa credit, mercium gratia fideiussit pro filio? Et breuiter: an tenebitur institutoria, si fideiussit pro filio? quia obligatio valet, sicut cum dominus fideiubet pro seruo, *l. 1. §. quid ergo, quod iussu, l. si domino, ad SC. Vellei.* Respondet Papinianus, patrem non ideo minus teneri institutoria actione, quia fideiubendo pro filio institore non nouauit obligationem. Si nouasset, utique cessaret institutoria actio, ut in *l. habebat §. 1. hoc tit.* Sed ei obligationi miscuit aliam ex stipulatione siue fideiussione, quæ nunquam nouat principalem obligationem: fideiubendo miscuit tabernæ, negotio, τῷ τεγγμασίᾳ, acceptæ pecuniæ speciem, hoc est, creditum, τὸ δάνειον (& ut usurpem verba *l. §. pen. de exercit. act.* licet sint scripta alia de re,) pater non transtulit obligationem, sed adiecit. Erit igitur in arbitrio creditoris vtrâ actione malit experiri, in patrem institutoria, an ex stipulatu, ex fideiussionis causa.

#### Ad §. seruus.

*Seruus pecuniis tantum fœnerandis præpositus, per intercessionem as alienum suscipiens, ut institorem dominum in solidum iure prætorio non adstringet. Quod autem pro eo, qui pecuniam fœnerauit, per delegationem alij promissit: à domino rectè petetur, cui pecunia credita contra eum, qui delegauit, actio quaesita est.*

**D**ifferentiam facit Papinianus in *§. ult.* inter expromissionem, quæ fit nouandi animo per intercessionem, & eam, quæ fit per delegationem: & nisi rem quis



acutely inspiciat, vix assequetur sensum Papiniani. Videamus quemadmodum fiat expromissio per intercessionem, & quemadmodum per delegationem. Per intercessionem fit in hac specie: Seruus pecuniis tantum fœnerandis, siue Calendario præpositus est, non alij negotio, is seruus nouandi animo suscepit in se æs alienum, quod Titio Caius debuit. quæritur, an ex hoc facto, vt institutor obliget dominum actione institutoria (legendum *vt institutor*, non *vt institutorem*) & respondet, non obligari dominum ex ea causa. Rectissime: quia ea res nihil pertinet ad causam Calendarij, & institutoria actio non porrigitur ad ea, quæ institutor contraxit extra eam rem siue causam, cui præpositus est institutor, l. 5. §. *non tamen, hoc tit.* Hæc pars est apertissima. Videamus quemadmodum fiat expromissio per delegationem: fit autem hoc modo. Seruus Calendario tantum præpositus, cum rogaretur à L. Titio mutuum pecuniam dare sub fœnore, qua se Lucius Titius liberaret à suo creditore, à quo vrgebatur: si is seruus institutor non numerauit pecuniam Lucio Titio, sed creditori eius delegatus ab eo, cauit de soluenda pecunia, quam ei debet Lucius Titius, facta nouatione & suscepta in se obligatione Lucij Titij. denique institutor rogatus fœnerare pecuniam, non numerauit, sed delegatus cauit creditori, à quo vrgebatur is, qui mutuum pecuniam rogabat. hoc perinde est, ac si ei, id est, Lucio Titio pecuniam numerasset: quod patet, quia domino eius in L. Titium est actio creditæ pecuniæ, perinde atque si institutor pecuniam numerasset, quia L. Titius videtur ab institutore pecuniam accepisse, eum delegando. Denique ex hoc facto institutoris domino acquiritur condictio creditæ pecuniæ: ergo æquum est, vt ex eo obligetur actione institutoria: si ex actu institutoris & quæritur actio, æquum est, vt etiam ex eo contractu institutoria teneatur. Hæc est ratio inducenda actionis institutoria, l. 1. §. 1. *b. r.* Denique ex eo contractu dominus obligabitur ei, cui institutor delegatus est: At priore casu facta expromissione per nudam & simplicem intercessionem, ex actu institutoris, qui simpliciter intercessit pro alio non rogatus fœnerare pecuniam, nulla domino acquiritur actio: ergo neque ex eo actu obligatur institutoria actione. Res est aperta, si modo illo loco huius §. *Qui pecuniam fœnerauit*, non accipias *fœnerauit*, vt Interpretes in patiendi significatione, in qua nunquam accipitur, sed vt frequentissime in Pandectis Flor. si accipias *Qui pro Cui*; innumeris locis ita scribitur, *Qui id fecit pro Cui id fecit*, ergo qui pecuniam fœnerauit, id est, cui intelligitur fœnerasse: intelligitur autem fœnerasse ei, qui eum delegauit creditori suo, vnde etiam nascitur competitque domino actio creditæ pecuniæ. Denique qui delegat debitorem, pecuniam dare intelligitur, l. qui debitorem, de fideiuss. Et similiter, qui delegat creditorem siue fœneratorem, credere & fœnerare paratam pecuniam accipere creditur, l. 12. & 13. de nouat. Et hoc est, quod ait, *Quod pro eo cui pecuniam fœnerauit*, promittendo scilicet ei, cui delegatus est, per delegationem promissit, à domino petetur.

#### Ad l. 27. ad Senatusc. Velleian.

*Bona fide personam mulieris in contrahendo secutus, ob ea, qua inter virum & uxorem accepta pecunia gesta sunt, exceptione Senatusconsulti non submouetur.*

Quod attinet ad hanc legem, sciendum est, Senatusconsultum Velleianum irritas facere intercessionem mulierum, quas deceptæ facilitate sua aut fragilitate faciunt pro aliis, conuentis mulieribus ex causa intercessionis, quam fecerunt pro alio, data exceptione, qua repellant actorem, apud quem intercesserunt, si vti beneficio velint SC. Velleiani. Nec enim inuitis ipso iure hoc beneficium datur: dato denique eo non vtuntur mulieres, nisi profiteantur, se velle vti proposita exceptione SC. Velleiani. Et intercedere mulier videtur pro

alio, non tantum si fideiubeat vel expromittat, vel constituat pro alio, vel rem suam pignori obliget pro alio palam & aperte, sed etiam si tertio rem gerat intercedendi animo, fingens se rem suam agere, l. 4. & 19. C. eod. tit. Vt si cum alius accepturus esset mutuam pecuniam, ipsa interuenerit, & acceperit suo nomine, quam mox alii annumeraret & crederet, sane intercedere videtur pro alio. Et hoc casu mulieri ita demum subuenitur data exceptione Senatusconsulti aduersus creditorem, si creditor non ignorauerit quid ageret, quid ve moliretur mulier, vt in l. 11. & 12. & 19. §. ult. hoc tit. & in l. seq. §. ult. Nam si creditor ignorauerit mulierem rem alij gerere & bona fide ei pecuniam crediderit, tanquam in rem suam, & in vsus suos, licet mox acceptam eam pecuniam marito suo crediderit, cui tacite rem gerebat, cessat Senatusconsultum Velleianum, & creditori propter bonam fidem eius mulier obligatur cum effectu: & hoc est, quod ait in principio huius legis. *Bona fide personam mulieris in contrahendo secutus*, ob ea, qua inter virum & uxorem accepta pecunia gesta sunt, exceptione Senatusconsulti non submouetur. Et confirmatur l. vir uxori §. 1. hoc tit. Verum obiicitur l. 13. C. eod. tit. quæ dicit: eum qui mala fide credidit mulieri non ignarus in vsum mariti eam sumere mutuam pecuniam, non submoueri except. Senat. Velleiani, licet sciuerit quid mulier ageret. Sed, vt statim respondeam, ratio hæc est: quia in specie huius legis mulier non fuit interposita vel submissa à marito, vt vice locove eius mutuam pecuniam acciperet, sed vltro in vsum mariti sciente creditore, mutuum accepit: quo casu cessat Senatusconsult. Velleianum. At si fuisset mulier interposita à marito pecuniæ accipiendæ gratia, quam ipse erat accepturus (qui est casus, de quo tractamus in hac lege) & hoc sciuiisset creditor, proculdubio summoueretur exceptione Senatusconsulti Velleiani non si hoc ignorasset. hoc casu est constituenda differentia inter creditorem scientem & ignorantem, non illo casu d. l. 13. Item obiicitur quod est in prin. d. l. vir uxori, h. tit. Si mulier, quæ nihil debet marito, creditori mariti ex delegatione eius promiserit, submoueri creditorem exceptione Senatusc. Velleiani, etiam si bona fide secutus sit personam mulieris, existimans eam esse debitricem mariti. Sed eadem lex respondet, multum interesse, vtrum quis cum muliere ipsa primum contraxerit creditam pecuniam, an cum marito, vel cum alio primum, deinde ei mulier delegetur ab eo, cum quo primum contraxit. Nam hoc casu à creditore curiositas & diligentia exigitur, vt perquirat mulier, quæ delegatur, debitoris debetrix sic nec ne: & aliis casibus quibuscumque certis curiosos esse creditores oportet, id est, inquirere oportet, in quam rem rogentur pecuniam mutuam, l. 1. §. sed si acceperit, de in rem verso, l. ult. de exerc. act. Et ita cum is, qui principaliter contraxit cum creditore, delegat creditori mulierem tanquam debitricem suam, debet creditor, qui mulieris fidem sequitur, aut sequi vult, prius scrutari an vere sit debetrix delegantis, alioquin submouebitur exceptione Velleiani si conueniat mulierem. Priore vero casu, cum quis roganti mulieri pecuniam credidit ab initio (qui est casus huius legis) non exigitur, vt perscrutetur & quærat quid de ea pecunia mulier factura sit, alioquin nemo fœminæ auderet credere pecunias incertis animi mulieribus, l. 11. h. r. M. Tull. pro Rab. Post. non debuit is, qui dabat, quo ille pecuniam insumeret, quærere. Et ideo hoc casu dicimus creditorem non summoueri exceptione Senatusconsulti Velleiani, si ignorauerit mulierem rem alij administrare, & ita demum submoueri, si sciuerit, quid mulier ageret.

#### Ad §. cum serui.

*Cum serui ad negotiationem præpositi, cum alio contrahentes personam mulieris, vt idoneæ sequuntur, exceptione SC. dominum*



*dominum submeuet: nec videtur deterior causa domini per A  
seruum fieri, sed nihil esse domino quasitum, non magis quam  
si litigiosum pradium seruus, aut liberum hominem emerit.*

**S**ententia hæc est: Mulier intercessit pro eo qui cum seruo institore contraxit, puta, pro emptore mercium, cum seruus mercaturis faciendis præpositus esset, ex hac causa, domino per seruum acquiritur actio ex vendito in emptorem mercium, & actio ex stipulatu in mulierem, quæ fideiussit pro emptore: sed in emptorem acquiritur actio efficax, in mulierem actio inefficax & inanis per Senatusconsultum Velleianum. Ita est omnino. Verum potest obici: per seruum domini deteriorem conditionem fieri non posse, *l. melior, de regul. iur.* Deteriorem vero fieri accepto non idoneo fideiussore, puta, muliere, & adquisita actione inani. Huic obiectioni respondet Papin. hoc loco, & negat deteriorem fieri conditionem domini, eo quod seruus non acceperit idoneum fideiussorem, atque ita adquisierit inutilem actionem & inanem: cum enim facere conditionem domini deteriorem, qui facit, ut dominus quod habet non habeat, non qui facit, ut dominus quod non habet, nec habeat, ut qui non acquirit dominium certæ rei vel possessionem, *l. ult. C. de ac. poss. vel, quod idem est, qui acquirit inutiliter, puta, qui emit liberum hominem aut fundum litigiosum, quæ emptiones inutiles & irritæ sunt, quibus exemplis hic Papinianus utitur rectissime: & similiter, qui personam mulieris pro alio fideiubentis sequitur, quæ intercessio inutilis est. Et ita recte diximus in *l. heres §. ult. de per. her. lib. 2.* post litem contestatam petitori hereditatis non præstari vsuras fructuum, nec tamen eo fieri deteriorem conditionem actoris, qui litem contestatus est, contra regulam iuris: quia fieret per litis contestationem deterior conditio actoris, si per causam litis contestatæ desinerent deberi vsuræ, quæ ante deberi cœperunt. Verum hoc non fit *l. lite, inf. de usur.* sed quæ non cœperunt deberi ante litem contestatam, nec per litem contestatam incipiunt deberi, quo genere non fit deterior conditio actoris, sed neque melior. Denique aliud est non facere conditionem meliorem, aliud facere deteriorem. Qui non facit meliorem, non facit etiam deteriorem.*

#### Ad §. vxor.

*Vxor debtricem suam viro delegauit, ut vir creditori eius pecuniam solueret, si fidem suam pro ea quam delegauit, apud virum obligauerit: locum exceptio Senatusconsulti non habebit: quia mulier suum negotium gessit.*

**S**pecies hæc est: Vxor quæ Lucio Titio debebat aureos 100. marito suo mandauit, ut L. Titio creditori suo eam pecuniam solueret, & quotus esset maritus, vxor delegauit ei debtricem suam, quæ ei totidem debebat, puta 100. ut scilicet marito stipulanti promitteret, se eam pecuniam soluturam nouata obligatione tam mulieris quam etiam sua: qua ex causa mandati vxor marito tenebatur, quæ mandauerat marito ut solueret Titio, & vxor pro ea muliere, quæ delegauit marito suo, fideiussit apud maritum. Queritur: an aduersus maritum si conueniatur ex stipulatu, possit se tueri exceptione Senatusconsulti Velleiani? Et recte respondet non posse, quia pro suo negotio fideiussit, non pro alieno, *l. si dominus, hoc tit.* Illam quoque mulierem, quæ pro vxore expromisit, non uti auxilio S. C. ti Velleiani certissimum est, quia debtrix fuit vxoris, quæ eam expromittere iussit, quæ eam delegauit, & intercessit in rem suam, quia erat debtrix vxoris. Et mulieribus intercedentibus in rem suam non succurritur, *l. 2. 13. 22. & 24. in princ. hoc tit.* Non omnis fideiussio aut expromissio intercessio est: ut prima facie intercessio est, non secunda, ut puta, si fiat in rem suam, non in rem alienam,

#### Ad l. 18. de compensat.

*In rem suam procurator datus, post litis contestationem si vice mutua conueniatur, equitate compensationis utetur.*

**S**i procurator absentis conueniatur ob proprium debitum, quæro an possit actori compensare, quod is non sibi sed domino absentis debet? Et certum est, non posse compensare id, quod domino absentis debet, cum, qui suo nomine conuenitur, sed id tantum, quod sibi debet vice mutua non alij, *l. eius, C. de od. tit.* Compensatio est computatio vice mutua debitæ quantitatis. Et è contrario, si debitor conueniatur à procuratore creditoris, eadem ratione non potest compensare actori, quod sibi procurator debet, qui agit nomine alterius, sed id tantum, quod vice mutua ei debet, is cuius nomine procurator agit, ut in tutore proditum est, *l. pen. hoc tit.* Et hoc in procuratore in rem alienam est verissimum indistincte, siue iam litem contestatus sit nomine domini absentis, siue non. At in procuratore in rem suam quid dicemus? de hoc agitur in principio huius legis: procurator in rem suam est veluti emptor nominis, cautionis, obligationis, vel is cui donatum nomen aliquod & mandata actio creditæ pecuniæ, actio nominis: hic est procurator in rem suam, cui mandatum est, ut ageret in rem suam, ut sibi haberet, quod ferret ex condemnatione, tanquam emptum vel donatum, & in procuratore in rem suam, hæc lex dum ait, *in rem suam procurator datus post litis contestationem, &c.* ostendit, in eo esse faciendam distinctionem temporis hoc modo, ut si post litem contestatam procuratorio nomine procurator datus in rem suam conueniatur à reo ob proprium debitum, compensare possit quod domino actor debet, non si conueniatur ante litem contestatam, à reo ob proprium debitum. Et ratio hæc est, & ut sit necesse est, quia licet sit datus procurator in rem suam, tamen non ante intelligitur res sua esse, & sibi suo nomine deberi quasi principali creditori, quam litem inchoauerit, ut suam, & contestatus fuerit. Obiicies merito, imo & ante litem contestatam rem suam esse, & vtilem actionem habere suo nomine procuratorem datum in rem suam, *l. 6. & 7. C. de oblig. & action. l. procuratoris, de procur.* Nec procurator datus in rem suam potest reuocari, etiam si res sit integra, puta ante litem contestatam non potest reuocari, qui factus est procurator ad agendum in rem suam, quia reuocaretur emptio aut donatio perfecta, quod fieri nequit: & in eo valde errat Glossa, dum putat ante litem contestatam (tota glossa delenda est) posse reuocari procuratorem in rem suam. Et *l. 3. C. de donat.* quam adducit, est de procuratore in rem alienam, non in suam, ut scilicet non possit reuocari procurator in rem alienam his tribus casibus: si iam litem contestatus sit, si partem pecuniæ acceperit, si denuntiauerit creditori ut solueret. His tribus casibus non potest reuocari, quia res non est integra. Hi tres casus nihil pertinent ad procuratorem in rem suam, quoniam is nullo modo, nullove tempore reuocari potest, non magis quam emptio aut donatio, cuius causa eum procuratorem fecit in rem suam. Sic igitur colligo: etiam ante litem contestatam res videtur esse procuratoris dati in rem suam, quia reuocari non potest, & habet vtilem actionem suo nomine. Adde, & quia potest etiam ante litem contestatam alium facere procuratorem ad agendum, quasi principalis creditor: & quia, si moriatur ante litem contestatam transmittit actionem ad heredem suum, *l. ille, C. de donat.* Cur non idem esse dicimus in procuratore in rem suam, etiam si litem contestatus non sit, quia & ante litem contestatam hæc omnia habet? Difficile est, imo impossibile huic argumento respondere, & laudò plurimum Paulum Castrensem, qui fatetur, quamuis Papinianus dicat, *post litis contestationem*: tamen & ante



litis contestationem, procuratorem in rem suam per omnia haberi pro domino rei & creditore principali, ac proinde etiam compensare posse, quod ab eo à quo conuenitur ob proprium debitum potest petere, ut procurator in rem suam. Sed his verbis, *Post litem contestatam*, Papinianus proponit difficiliorem casum, in quo plus inerat dubitationis: quia dubitari poterat, an etiam id, quod iam petatum est in iudicio lite contestata, postea compensari possit dimissa petitione, dimisso priore iudicio? sed placet etiam id compensari posse, ne fiat contra regulam iuris, quæ non patitur litis contestatione deteriorem fieri conditionem actoris, *l. non solet, de reg. iur.* Et ita est proditum in *l. 8. hoc tit.* Hoc igitur initium huius *l. consentit cum l. 8.*

#### Ad §. creditor.

*Creditor compensare non cogitur, quod alij, quam debitori suo debet, quamuis creditor eius pro eo qui conuenitur ob debitum proprium velit compensare.*

**P**Eto à Lucio Titio quod mihi debet. meus creditor paratus est pro L. Titio compensare, quod ei debeo ut L. Titium dimittam: an cogor admittere compensationem? Minime, quia eius tantum pecuniæ iusta compensatio est, quam actor debet reo, non alij, *l. eius, C. eod. t.* Sed si creditor meus velit gratificari L. Titio debitori meo soluat pecuniam pro illo: Compensatio illa non est pro solutione, sed iusta compensatio tantum ut *l. 4. qui pot. in pign. hab.*

#### Ad l. 25. depof.

*Die sponsaliorum, aut postea. res oblatas puella, quæ sui iuris fuit, pater suscepit. Heres eius ut exhibeat, recte conuenitur etiam actione depositi. Qui pecuniam apud se non obfignatam, ut tantundem redderet, deposuit, ad usus proprios conuertit: post moram in usuras quoque iudicio depositi condemnandus est.*

**D**Væ sunt partes huius legis. Primam exposui in *l. fideiusor §. ult. de neg. gest.* Secunda pars est apertissima. Ego deposui apud te sacculum pecuniæ non obfignatum: Videor tibi facere potestatem utendi pecunia & conuertendi in usus tuos, quia non obfignavi sacculum pecunia plenum, ut scilicet tu mihi tantundem reddas, vel etiam palam pecuniam non obfignatam apud te deposui, ut non eadem, sed tantundem in genere mihi redderetur. si eam conuertisti ad usus tuos, aut est mutuum, aut depositum. Quæritur, utrum sit? quod magni interest scire. Nam si est mutuum, nec post moram eius pecuniæ debentur usuræ, quia non sunt deductæ in stipulatum, *l. 3. C. de usur. l. qui negotia, mand. l. Titius, de præscrip. verb.* si est depositum, ut in bonæ fidei iudiciis fit, debentur usuræ ex mora depositum est contractus bonæ fidei, *l. mora §. in bonæ fidei, de usur.* Et respondet Papinianus potius depositum esse, licet nonnihil degeneret à depositi conditione, quæ talis est, ut eadem pecunia reddatur in specie, quæ deposita est, non eadem quantitas in genere, ut sit in mutuo. Denique depositum est nonnihil accedens ad mutuum, sed tamen quod depositi iure potius censendum sit: secundum hoc dicit, ex mora eius pecuniæ deberi usuras.

#### Ad l. 7. mandati.

*Salarium procuratori constitutum, si extra ordinem petierit, considerandum erit: an laborem dominus remunerare voluerit, atque adeo fidem adhiberi placitis oporteat, an euentum litium maioris pecuniæ premio contra bonos mores procurator redemerit.*

**N**onnunquam procuratori suum salarium constituitur remunerandi laboris gratia. Constituitur autem non tantum pactione, sed etiam pollicitatione certæ quantitatis, puta, solo domino offerente & promittente, non interrogato, se daturum salarium certum, si bene rem gesserit & utiliter. Regulariter ex pollicitatione actio aut persecutio non est, sed excipiuntur casus quidam in *tit. de pollicitat.* & hic etiam casus: si dominus procuratori suo salarium polliceatur, & is, cui constitutum est salarium, appellatur salariarius in *l. 10. §. idem Labeo, hoc tit.* Non omnis procurator est salariarius, sed is tantum, cui constituit dominus salarium. Unde apparet procuratori non esse petitionem salarii, si constitutum non fuerit: quare maxime distat ab aduocato: nam aduocato honorarij petitio est, etiam si ei cautum non fuerit, *l. 1. §. in honorariis, de extraord. cog.* Et ratio differentie hæc est, ut infra demonstrabitur plenius, quia officium procuratoris constituitur mandato, quod est gratuitum, aduocati officium non est gratuitum. Petit autem procurator salarium, quod ei constitutum est non per actionem, sed per persecutionem, id est, extra ordinem, cognitione Prætoris vel Præsidis, ut omnia salaria & honoraria constat pertinere ad cognitionem Prætorum vel Præsidum, & extra ordinem petitione persecutione extraordinaria, *d. l. 1. ut fideicommissa Vlpianus lib. sing. reg.* scribit non peti per actionem sed in urbe cognitionem esse consulum vel Prætoris fideicommissarij: in prouinciis autem Præsidum prouinciarum, hoc est, extraordinariam persecutionem fideicommissorum, ut in *l. pecuniæ §. persecutionis, de verbor. signif.* Nec dicas cum interpretibus procuratorem salarium petere, quod ei constitutum est per actionem mandati ex *l. prox. in princ.* quia causa salarii nihil habet commune cum causa mandati, cum lite, cuius executio procuratori mandatur: & nominatim in *l. 56. §. salarium, hoc tit.* dicitur, procuratorem actione mandati non petere, ut sibi salarium constituatur: qui locus etiam probat, quod initio diximus, salarium constitui pollicitatione nuda, ut *l. ult. §. ult. de oblig. & act.* ubi mulier quædam ita scribit ad quendam: *Veni huc, tibi quamdiu vinam præstabo aureos decem: veni & præstabo tibi salarium*, id est, decem annuos. Quæritur: an ex ea scriptura, si ille venit, possit petere salarium? Respondit Scauola illo loco, iudicem æstimare debere ex causis & personis, an sit danda actio, id est, persecutio extraordinaria, actionis nomine accepto laxissime. Nam posset mulier eum vocare turpi ex causa ex qua non esset danda persecutio salarii. Denique ut posuimus initio, verum est salarium constitui nuda pollicitatione, & peti non actione proprie, sed persecutione extraordinaria, hoc est, interuentu ipsius Prætoris vel Præsidis, non ut sit in iudiciis ordinariis à Prætore vel Præside accepto speciali iudice. Et quod ait *l. prox. supr. Si remunerandi causa honor interuenerit*, id est, si salarium siue honorarium procuratori constitutum fuerit remunerandi laboris causa, esse mandati actionem, eo non significatur salarium peti actione mandati, sed etiam si salarium interueniat, nihilominus ex negotio gesto esse vltro citroque mandati actionem: salarium non esse mercedem, sed honorarium siue honorem: alioquin salariarius non esset procurator, quia procurator constituitur per mandatum, & mandatum nisi gratuitum nullum est *l. 1. hoc tit.* Nam, inquit, originem ex officio & amicitia trahit: hominum autem charitas & amicitia gratuita est, contraria officio, contraria amicitie merces. Hinc manifestum est, quam distet officium procuratoris, ab officio aduocatorum: qui ut Seneca ait in Hercule furente,

*Clamosi rabiosa fori iurgia vendunt,  
iras & verba locant.*

Nec ducuntur amicitia, ut procuratores, sed quæstu. Non loquor de procuratoribus huius temporis rapa-



zissimo hominum genere: sed de amicis, qui nobis absentibus rogatu nostro libenter suscipiunt defensionem litium nostrarum, & nobis suam operam accommodat. Officiū aduocati; non est amici officium, sed procuratoris, & sic vocatur à Marco Tullio *amicus voluntarius*: & negotiorum gestor sine mandato procuratori est adsimilis. Locatio est si interueniat merces, & pretium operæ; non si interueniat modicum salarium honoris gratia, l. 7. §. si mens. fals. mod. dix. si interueniat *αὐτὸς ὁ ἐγγυς*, & quod interueniat salarium, honorarium, *αὐτὸς ὁ ἐγγυς*, non ideo minus est mandatum, non ideo minus est vltro citroque actio mandati. Et hoc est quod ait l. prox. in prin. Si remunerandi gratia honor interueniat, id est, *αὐτὸς ὁ ἐγγυς*, nihilominus vltro citroque esse actionem mandati. Non ex ea constitutione salarij, quæ alia res est, sed ex ipso contractu: non ergo petitur salarium procuratori constitutum actione mandati, vel qua alia actione ordinaria, sed petitur extra ordinem, vt ait hæc lex. Et in d. l. 56. §. vlt. proditum est, extra ordinem, id est, cognitione Prætoris vel præsidialis, vt l. i. C. eod. tit. non accepto speciali iudice à magistratu, vt sit in iudiciis ordinariis, quia iure ordinario Prætor non cognoscit nec iudicat, sed dati iudicem specialem in quaque lite: at salario petito extra ordinem, Papinianus ait hoc loco; considerandum esse, hoc est, Prætorem vel Præsidem, apud quem petitur salarium, debere animaduertere, vtrum vere salarium dominus constituerit remunerandi laboris gratia, vt eius petitionem admittat: an vero malo more atque peruerso procurator euentum litis redemerit, puta, interposita cautione huiusmodi, quæ damnatur etiam in aduocatis, vt si vinceret, ferret tertiam vel dimidiam partem litis, quæ plerumque maioris pecuniæ est, quàm salarium, quod tenue esse solet atque modicum, cum honoris tantum gratia detur. Exiguū est semper, quod defertur tantum honoris ergo. Hæc pactio longe egreditur modum salarij solemnem, & est contra leges, contra bonos mores, nec ex ea Prætor vel Præses petitionem admittere potest l. 20. C. mand. l. item, C. de procurat. l. proxima, §. vlt. supr. hoc tit. quæ etiam ait Idem esse (quod notandum) si procurator ex euentu litis de proprietate rei, qualis fuit ea de qua ibi agitur, pactus sit sibi dari certam quantitatem, puta, quingentos aureos. quæ forte adæquent dimidiam, aut tertiam partem litis. Nam quid refert partem paciscatur, an quantitatem parti parem? nec cum Interpretibus vlla nobis vnquam est in hoc constituenda differentia.

#### Ad l. 56. mandati.

*Qui mutuam pecuniam dari mandauit, omisso reo promittendi, & pignoribus non distractis, eligi potest. quod vti liceat, si literis exprimatur, distractis quoque pignoribus ad eum creditor redire poterit. Etenim quæ dubitationis tollenda causa contractibus inseruntur, ius commune non laedunt.*

**S**I creditor ex mandato alterius L. Titio pecuniam crediderit sub pignorib. vel hypothecis, certum est hoc iure creditorem posse omisso debitore principali & omiſſis pignoribus mandatore conuenire, qui mandauit, vt pecuniam crederet, quod obtinuit ante Nouell. Iust. de fideiuss. & mandat. Nam ex ea Nouella non potest creditor eligere mandatore, sed creditori ius electionis, quod erat vetustissimum, adimit Iustinianus. At seruato iure veteri fingamus ita conuenisse, atq; etiā vt ait hoc loco, literis cautum fuisse, forte facto nomine. vt l. non figura, de oblig. & act. vel mandato contracto per epistolam, vt l. i. hoc tit. conuenisse, inquam, vt liceret creditori, omisso reo principali, & omiſſis pignoribus eligere mandatore, quod hoc iure vtique liceret, etiam si nihil de eo conuenisset. Inde quæritur: si creditor non eligat mandatore, vt conuentio permittit, sed eligat pignora, & minoris distrahat, an possit reli-

Respons. Papin.

**A** quum, quod credito deest, à mandatore petere? & potest quidem iure communi, l. reos, C. de fideiuss. sed quia conuenit hoc tantum, vt omisso debitore & omiſſis pignoribus possit eligere mandatore, non etiam, vt electis pignoribus possit redire ad mādatore: quod omiſſum est in conuentione, videtur creditori non licere, & minor esse electio permilla conuentione, quam sit electio permilla iure communi: imo ius commune conuentione restringi & coarctari. Sed aliud sequitur Papinianus hoc loco: quia conuentio illa ex abundanti facta est, cum ipso iure ita se res haberet. igitur superuacua conuentio est, & facta in hoc tantum, ne quis dubitaret de mente contrahentium, an in iure electionis ius commune seruari voluissent. Denique vt apparet perſpicue, eos velle sequi ius commune & permittere electionem creditori, & quæ dubitationis tollendæ gratia, eis *ἀντὶ τῆς ἀπορίας*, contractibus inseruntur, ius commune non laedunt, quæ sententia etiam repetitur in tit. de reg. iur. Ergo in specie proposita ius commune per omnia seruatur, non tantum in casu conuentione expresso, sed etiam in non expresso, in omni casu. Valde notandum est hodie (quia sublatum est ius electionis Nouella Iustiniani) illam conuentionem, vt liceat creditori omisso reo principali eligere mandatore, non esse superuacua, quia aliud Nouella constituit, & esse iustam, vel quod consentiat etiam cum iure veteri, quod contrahentes etiam post Nouellam si velint, vti possunt. Quidni? nec Nouellæ locus est, aliter quam si aliud non conuenerit. Hodie igitur, quia illa conuentio non est superuacua, etiam accipiemus stricte, nec aliud permittemus creditori, quam quod in ea scriptum est, vt omittat reum principalem si velit, & eligat fideiussorem vel mandatore, vt conuentio ea quam minimum recedat à Nouella: denique quod in ea erit omiſſum, pro omiſſo habebitur.

#### Ad §. fideiussor.

*Fideiussor, qui pecuniam in iure obtulit, & propter amentem eius, qui petebat, obſignauit, ac publice deposuit, confestim agere mandati potest.*

**F**ideiussor conuentus à creditore minore xxv. annis, debitam pecuniam ei obtulit in iure, hoc est, dixit se habere pecuniam in manu, & se paratum esse eam recte soluere, & ita in iure, ad tribunal Prætoris obtulit ei pecuniam, sed non tradidit, metu, ne minor eam perderet, & perditā pecunia restitueretur in integrum aduersus solutionem sibi factam, & rursus cogeret fideiussorem sibi soluere eandem pecuniam: hac ratione motus fideiussor obtulit minori pecuniam debitam, non tradidit, sed obſignauit & deposuit in æde sacra, vt in l. 7. de minor. l. 64. de fideiuss. Quæritur: an confestim possit fideiussor agere mandati aduersus reum promittendi, quod mandatu eius fideiussor: & respondet posse, nimirum, quia obſignatio & depositio pro solutione est, cum nunquam sit fideiussor eam pecuniam recuperaturus.

#### Ad §. non ideo.

*Non ideo minus omnis temporis bonam fidem explorari oportet, quod dominus post annos 5. prouincia reuersus, mox reipublica causa profecturus, non acceptis rationibus mandatum instaurauerit. Cum igitur ad officium procuratoris pertinerit, quicquid ex prima negotiorum gestorū administratione debuit ad secundam rationem transferre, secundi temporis causa priorem litem suscipiet.*

**D**ominus profecturus in prouinciam, Romæ procuratorem rerum suarum reliquit L. Titium, & reuersus ex prouincia post quinqueannium, mox Reip.

H ij



causa in alium locum profectus est non acceptis rationibus quinquennij à procuratore, videtur tacito intellectu restaurasse mandatum, quia neque exigit rationes, neque accepit. Non ponit id, dominum instaurasse specialiter, sed tacite, quod discesserit non acceptis rationibus. Nec sentit Papinian, reditioe domini ex prouincia reuocari mandatum: reuocatur enim redditione rationum quasi actu peracto, negotio confecto, non reditioe domini ex prouincia in urbem. Verum ut duæ sunt profectioes, ita quasi instaurato mandato duæ intelliguntur esse administrationes, & pro ratione profectioum distinguenda sunt tempora administrationis negotiorum absentis, siue procuratoris negotiorum absentis, ita ut quod ex prima administratione procurator domino se non debere non ignorat, id à seipso exigit, & transferat in rationem secundæ administrationis, ut scilicet quod in aliorum persona præstare debet, id præstet in suam, ut *l. si negor. hoc tit.* Denique ut quod debet ex prima administratione, id transferat in secundam, quæ cepit à secunda profectioe domini. Quamobrem in lite de secunda administratione veniet etiam ratio primæ administrationis, quasi translata in secundam, nec videbitur procurator liberatus prima, quod sit ei restauratum mandatum non accepta ratione primæ imo in omni contractu, ut ait *l. si mandati §. 1. hoc tit.* In utraque administratione utroque tempore se bona fide rem gessisse probare & præstare debet: & nihil est præterea in hoc §.

#### Ad §. salarium.

*"Salarium incertæ pollicitationis neque extra ordinem recte petitur, neque iudicio mandati, ut salarium tibi constituar."*

EX hoc loco (ut solent Imperatores uti libentius Papiniano quam cæteris) sumpta est *l. salarium, C. eod. tit.* sic legenda: *Salarium incertæ pollicitationis peti non potest.* Sententia hæc est: Salarium incertum, quod pollicetur dominus procuratori, puta hoc modo; feres non leue præmium, si bene gesseris rem meam, neque posse peti extra ordinem, ut solet peti, cum iure constitutum est, nec actione mandati, ut scilicet constituatur certum atque præstetur. Denique constitutio salarii incerti, nullius momenti est. Interdum & tutori constituitur salarium à Prætoribus, à testatore, vel à iudice, ut eo contentus non deprædetur pupilli bona, ut Demosthenes in Aphobum 1. orat. ait, patrem constituisse salarium tutori filij: sed exigimus, ut etiam salarium, quod tutori constituitur, sit certum; alioquin nihil agitur *l. à tutoribus §. ult. de administ. tut.* Votum quoque incertæ pecuniæ pontifices censent non valere apud Titum Liuium 35.

#### Ad §. sumptus.

*Sumptus bona fide necessario factos, etsi negotio finem, adhibere procurator non potuit, iudicio mandati restituere necesse est.*

PROcurator ad litem vel ad negotium sumptus fecit necessarios bona fide, euentus rei non est sequutus, non potuit optatum negotio finem imponere, an ideo non restituentur ei sumptus bona fide facti? Imo vero restituentur etiam si euentus non responderit, ut in *l. ex mandato, hoc tit. & l. 4. l. 11. C. eod. tit.* Idem est etiam in tutore, *l. 3. §. sufficit, de contr. iud. tut.* non idem est in negotiorum gestore, qui non rogatus, ultro se offert defensionem litis alienæ, & causa cadit. Hic quod ex condemnatione præstiterit sane recuperat, quia bona fide accessit ad negotium alienum: sumptus litis non recuperat, quia debuit exploratius litem alienam non rogatus defendendam suscipere, quod Glossa recte notat & exponit; & memini me tradere *lib. 2. ad leg. liberio, de negor. gest.*

#### Ad l. 82. pro socio.

*Iure societatis per socium are alieno socius non obligatur, nisi in communem arcam pecunia versa sit.*

POnit vnum ex sociis mutuam pecuniam accepisse, & cum quæreretur: an ex ea causa, alter socius obligatus esset: Respondet Papinianus, non esse obligatum eo nomine alterum socium, nisi pecunia versa sit in rem & in arcam communem: quod non ita est accipiendum, ut dicat alterum socium eo nomine creditori, qui mutuam pecuniam dedit alteri, socio non obligari aliter, quam si pecuniæ versa sit in rem aut arcam communem: neque enim hoc sentit Papinianus, quia etiam si pecunia, quam socius mutuam accepit, versa sit in arcam communem, alter socius eo nomine creditori non obligatur, cum quod nihil contraxit: sicut quum quis alius mutuam pecuniam sumit, & eam mox vertit in rem meam, ego creditori non teneor conditione, quæ de mutuo dato proponitur, vel qua alia actione *l. cum qui, C. si cert. pet.* Non quærimus in credita pecunia, ad quem ea pecunia peruenit, sed quis eam mutuam rogavit, quis contraxerit, ut hic solus obligetur. Etiam Seneca 5. de benef. *Pecunia ab eo petitur, cui credita est, quamuis illa ad me aliquo modo peruenerit.* At semper excipio ab hac definitione argentarios socios, in quibus ius hoc esse consuetudine receptum Cornificius scribit secundo ad Herennium, ut quod quis argentario expensum tulerit, id à socio argentarij in solidum repetere possit. Nec mirum, cum è diuerso, quod quis argentario acceptum tulerit, id socius argentarij in solidum repetere possit, ut aperte dicitur iure singulari esse constitutum in *l. si unus ex argent. in princ. sup. de pact.* Hoc iure singulari in argentariis tantum sociis receptum est, non in cæteris sociis. falsum igitur, quod Cynus & Baldus generaliter statuunt, socium communi nomine mutuum in solidum accipientem, alterum socium obligare creditori in solidum conditione creditæ pecuniæ, hoc est, creditorem, quod vni ex sociis expensum tulerit, id ab altero socio, cum quo non contraxit, in solidum repetere posse, quod receptum tantum est in argentariis sociis propter necessarium usum argentariorum & mensæ, propter utilitatem publicam, *l. quod prius, de pos.* sicut & pleraque alia constat esse recepta singularia in argentariis ex Nouel. 136. Verum quod attinet ad sententiam huius responsi, hæc verba Papiniani: *Iure societatis,* aperte demonstrant, hanc esse Papiniani sententiam, ut nomine æris alieni, quod socius fecit atque contraxit, ei socio alter socius non obligetur, nisi in communem arcam pecuniæ versa sit: nam hoc casu, quum pecunia in communem arcam versa sit, socio qui mutuam pecuniam sumpsit, alter socius obligatur, & tenetur actione pro socio, ut eius pecuniæ reputationem admittat in distrahenda societate, & deductionem ex arca communi, in quam ea pecunia versa est, videlicet, si præsentis die pecunia debeatur: vel si debeatur sub conditione, aut in diem, ut alter socius pro sua parte, ei qui mutuam pecuniam sumpsit caueat de indemnitate, & hac denique ratione fiat, ut quod in arcam communem versum est, ex communi arca solvatur, *l. 27. & 28. hoc t.* Omnis societas habet arcam pecuniamque communem, sicut omne collegium & omnis vniuersitas *l. 1. §. quibus, quod cuiusque vniuer.* At si ea pecunia, quam vnus ex sociis mutuam sumpsit, versa non sit in arcam communem, alter socius ei non obligatur iure iudicioque societatis, hoc est, actione pro socio. Atque ita apparet, quod vnus ex sociis pecuniam mutuam sumpsit non hoc quæri in hac lege, an alter socius creditori teneatur actione creditæ pecuniæ, sed hoc quæri tantum, an alter socius teneatur socio actione pro socio, ut nomen quod fecit socius, ratum habeat, patiaturque dissolui ex arca communi, quod



nequaquam faciet, nisi pecuniæ versæ sint in arcam communem societatis.

Ad l. 73. de contr. empt.

*Ad sacra terra motu diruta, locus adificij non est prophanus: Et ideo venire non potest.*

**C**ertum est loci sacri vel religiosi emptionem nullam esse, l. 6. in princ. l. 22. l. 51. hoc tit. §. ult. Inst. de empt. & vend. quia scilicet res sunt diuini iuris, non humani. Et ideo Papinianus ait in hac lege, si ædes sacra corruerit, si terræ motu aut vetustate aræ, quæ superest, emptionem non esse, quia area sacra permanet, nec diruto ædificio mutatur ius & conditio soli. Et hoc quidem est ex Papiniano nominatim relatum in Instit. §. locus, de rerum diuis. & confirmatur etiam Epistola Traiani ad Plinium: Si, inquit, sacra ædes esset, licet collapsa sit, religio eius occupauit solum. Victoria quidem locus definit esse sacer aut religiosus, non ruina ædificij, victoria fit prophanus l. cum loca, de relig. & sumpt. quod etiam Marc. Tullius indicat libro de signis, Hastabulas, inquit, M. Marcellus cum omnia victoria sua prophana fecisset, tamen religione impeditus non attingit. Et Virgilius in 12. Æneid.

*Quæue loca Antæda bello fecere prophana.*

Locus etiam, quem mortui illatio religiosum fecit, prophanus fit mortui reliquiis translatis in alium locum, l. cum diuersi, de relig. quam translationem ait lex impetrari debere, à Principe scilicet vel collegio Pontificum, ut in l. ossa, eod. tit. Et legenda est ad hanc rem Epist. Plinii ad Traianum, de transferendis mortui reliquiis. Nec omitam quod additur in d. l. cum in diuersis. Si in diuersis locis sepultum sit, vtrumque locum non esse religiosum quod vnius hominis sepultura, plura sepulchra efficere non possit, sed eum locum esse religiosum in quo quod principale est conditum & inhumatum est, vel ut in ead. l. dicitur, ubi quod est principale conditum est, id est, caput, cuius imago sit, inde cognoscimur. Sic enim recte in Florentinis est scriptum principale caput, cuius imago sit, non reliqui trunci: In pompa fimbrii scilicet circumfertur imago vultus tantum, quod inde cognoscamur potissimum. Et hanc rationem etiam adfert Arist. Problematum parte secunda, διὰ τῆς τοῦ κεφαλῆς τῆς ἰκόνος ποιεῖται, ὅτι μάλιστα μνῆσται. & ita recte illo loco principale, id est, caput, cuius imago tantum fieri soleat quod inde cognoscimur potissimum.

Ad §. intra maceriem.

*Intra maceriem sepulchrorum hortis vel cæteris culturis loca pura seruata, si nihil venditor nominatim exceptit, ad emptorem pertinet*

**S**epulchra olim, quod nemo ignorat, erant diuitibus propria & priuata in agris suis & suburbanis, seruis autem & inopibus erant communia atque publica: quæ ad urbem puticuli, ad municipia culinæ, quia ex 12. tabulis ius non erat, nec fuit vnquam iure civili populi Romani sepeliendi vel vrendi in vrbe, l. mortuum, C. de relig. l. 8. §. Diuus, inf. de sepul. viol. Sepulchra autem propria qui habebant in agris suis, plerumque macerie circumdare solebant, intra maceriem relictis hortis aut vineis, aut aliis culturis aut ædificiis. Et ipsa quidem sepulchra erant religiosa, quatenus corpus vel ossa condita erant, quatenus corpus humatum erat, nec enim totus locus sepulturæ destinatus, & forte, ut posui, materia reclusus, religiosus erat, nec qua fines sepulchri finiti erant in frontem & in agrum, & in ambitum quaque versus, ut est in l. 2. sepulchrum, sup. de relig. ut Celsus

Adefinit. Non totus locus est religiosus, qui sepultura destinatus est, sed eatenus duntaxat, quatenus humatum est. Loca igitur sepulchris coherencia vel adiacentia ædificia, horti, vineæ, cæteræque culturæ, etiam si positæ sint intra maceriem sepulchrorum, loca sunt pura, id est, profani iuris, l. locum, C. eod. tit. Et huc maxime pertinent antiquæ sepulchrorum inscriptiones, Romæ: Agrum siue hortum cum ædificio macerie inclusum posteris suis, & libertis libertabusque suis dominus consecrauit. Et Neapoli: Huius monumenti ius qua maceria clusum est cum taberna & cænaculo heredem non sequitur, nec intra maceriam humari quemquam licet. Hæc autem loca pura, quæ sunt intra maceriem sepulchri emptorem fundi siue agri totius sequi Papinianus ait, si ea venditor nominatim non exceperit. Nec mirum, cum & sepulchri locus sequatur emptorem si exceptus non sit. Nec obstat quod dicitur loci sacri nullam esse venditionem, quia etiam non ipse locus sepulchri vāniit, sed emptioni maioris partis accessit, puta agri totius l. 22. 23. 24. hoc tit. ut rei suæ nulla emptio, sed si fundi portiuncula sit mea emendo fundum totum, & partem meam videor emere, l. 13. tit. seq. Sic igitur locus sepulchri vendi specialiter non potest, accedere tamen potest venditioni maioris partis. Et ita eleganter Ambrosius lib. 1. de Abrahamo: Sæpe, inquit, cum alienationibus possessionum, venales fiunt quæ in iisdem locis sunt sepultura. Sed hoc ita in sepulchro procedit, si ad sepulchrum venditori vendito agro aut fundo aditus nullus superfit: Finge, sepulchrum esse in meditullio agri, nam si venditori sit aditus ad sepulchrum, fac sepulchrum positum secundum viam publicam, ius sepulchri venditor retinet etiam si id non exceperit in vendendo fundum, l. si mercedem §. 1. inf. de act. emp. In qua cum ita Labeo scripsisset: Si fundum vendidisti, in quo sepulchrum habuisti, nec sepulchrum tibi nominatim excepisti, parum eo nomine tibi cantum habes. notat Paulus, minime: si modo ad sepulchrum iter publicum transsit, hoc est, si habeat aditum ad sepulchrum venditor fundi, qui non exceperit sepulchrum, si habeat aditum per viam publicam, non amittit ius sepulchri. Cæterum excepto sepulchro in venditione fundi vel nominatim vel tacite, ut dixi, cum venditori superest aditus ad sepulchrum. Denique excepto tantum sepulchro, non videntur excepta loca pura, quæ sunt intra maceriem sepulchri. Et hæc est sententia Papiniani, dum ait, intra maceriem sepulchrorum hortis vel cæteris culturis.

Ad leg. ult. de in diem addict.

*Prior emptor post meliorem conditionem oblatam, ob pecuniā in exordio venditori de pretio solutam, contra secundum emptorem citra delegationem iure stipulationis interpositam agere non potest.*

**S**ententia l. huius hæc est. Si venditor emptori fundum in diem addiderit, hoc est, si ea lege fundum ei vendiderit, tradiderit ut si alius intra certum diem meliorem conditionem venditori offerret, ut puta, si pretio adiceret, fundus esset inemptus, & dominium eius abiret à priore emptore: hac lege interposita, alio, intra eum diem pretium adiciente, eique venditore fundum addicente, prior emptio irrita constituitur, & inter emptorem priorem & venditorem vltro citroque est actio empti & venditi, nimirum venditori in priorem emptorem est actio venditi, ut fundum restituat, & fructus medio tempore perceptos, l. item quod, l. Imperator, hoc. tit. Et retro, priori emptori in venditorem est actio empti, ut pretium restituat, quod ei prænumerauit, & sumptus necessarios, quos in rem emptam fecit medio tempore, d. l. Imperator. Priori, inquam, emptori eo nomine est actio in venditorem, non in posteriorem emptorem, qui meliorem conditionem obtulit. Prior in posteriorem nullam habet actionem, quia nihil cum eo contraxit: nul-



lam, inquam, habet actionem, nisi si posteriorem emptorem priori venditor delegauerit, & is posterior emptor nouatione facta priori promiserit se redditurū pretium, quod soluerat venditori, & sumptus in rem necessario factos. Et hoc est quod ait Papinianus in hac lege: *Citra delegationem iure stipulationis interpositam priori in posteriorem nullam esse actionem.* Delegatio peragitur per stipulationem, delegato scilicet promittente stipulanti ei cui delegatus est, l. 11. inf. de nouat. l. 1. l. pen. C. eod. Delegare est iubere debitorem nostrum, quod debet nobis, expromittere (quod verbum significat nouationem) creditori nostro stipulanti, quo genere fit nouatio obligationis, hoc est, in proposita specie liberatur posterior emptor à venditore, & obligatur priori emptori: potest etiam citra delegationem in posteriorem prior agere de pretio venditori soluto, si posterior constituerit se id soluturum, quod soluerat venditori, d. l. pen. C. de nouat. sed hoc genere non fit nouatio, l. item, l. ubi quis, de const. pec. l. si filiusfam. de in rem verso, l. 3. §. 1. de adm. rer. ad civit. pert. Potest etiam priori emptori venditor cedere actionem ex vendito aduersus posteriorem emptorem ob pretium, quod fecit posterior emptor, l. ult. C. quando fiscus, vel prin. sed hoc etiam genere non fit nouatio obligationis, l. 3. C. de nouat. Papinianus igitur hoc loco cum tantum casum expressit quo fieret nouatio obligationis.

#### Ad l. pen. de peric. & comm. rei vend.

*Habitationum oneribus morte libertorum finitis, emptor domus ob eam causam venditori non tenetur si nihil aliud conuenit, quam ut habitationes secundum defuncti voluntatem super pretium libertis prestarentur.*

**D**Vo sunt responsa in hac lege. Prioris species hæc est. Quidam in testamento liberis suis legauit habitationem in domo illa, quam post mortem testatoris heres vendidit sub onere præstandæ habitationis libertis secundum voluntatem testatoris: habitatio siue habitationis legatum, quod libertis relictum est, finitur morte libertorum, quia ius est personale quod non transit in heredem, l. si habitatio, sup. de usu, & habitat. Vnde queritur, an finito onere habitationis morte libertorum, quicquam heres ab emptore domus exigere possit: hac ratione quod minoris domum vendiderit propter onus habitationis, & nunc eo onere sublato morte libertorum, debeat ei præstari, vt intendit, quanto pluris ea domus nunc valet? Et respondet Papin. ob eam causam venditori emptorem non teneri, quia nihil sibi eo nomine cavit, & de se queri heres debet, qui in eum casum sibi non cauerit. Opus est cautione siue conuentione speciali, puta, vt remoto onere habitationis pretio aliquid adiciat emptor; alioquin, si hoc non conuenit, commodum finitæ habitationis pertinet ad emptorem domus secundum regulam huius tituli, vt post perfectam venditionem omne periculum & omne commodum pertineat ad emptorem; & sic legato, quod notandum, usufructu domus & herede vendente proprietatem, postea mortuo fructuario consolidationis commodum dicere pertineret ad emptorem proprietatis, non ad venditorem.

#### Ad §. ante pretium.

*Ante pretium solutum dominij questione mota, pretium emptor soluere non cogetur: nisi fideiussores idonei, à venditore eius euictionis offerantur.*

**S**ententia hæc est: actione ex vendito non cogi emptorem, cui res tradita est fide habita de pretio, soluere pretium venditori, si ei fiat statim in ipso limine siue exordio emptionis, controuersia dominij ab extra-

**A** neo quodam, nisi paratus sit venditor emptori dare secundum auctorem, hoc est, fideiussorem idoneum euictionis nomine. Hæc est sententia posterioris responsi, cuius auctoritas tacite refertur & comprobatur, in l. si post, C. de euict. alias venditor non satisfacit, sed repromittit tantum nuda cautione ob euictionem, nisi aliud conuenit nominatim, l. 4. l. empt. l. si dictum, inf. de euict. l. 1. §. stipul. de prat. stip. quod etiam olim in venditionibus caueri nominatim solebat, ne venditor daret fideiussores euictionis nomine, sed contentus esset emptor nuda repromissione: id, hodie etiā si omisū sit pro cauto habetur, & transit in ius commune, vt non aliter satisfacit de euictione venditor, quam si id nominatim conuenit inter emptorem & venditorem. Varro s. de lingua Latina: *Caueri lege certum est ab iis, qui prædia venderent vadesne darent, euictionis nomine, ne poscerentur.* At in casu proposito, cum in ipso limine venditionis mouetur emptori questio dominij, statim venditori emptor exprimit & extorquet satisfactionem per retentionem pretij, si cum eo venditor agat ob pretium ex vendito, nempe opposita exceptione doli mali, & ideo ponit Papinianus hoc loco: ante solutum pretium dominij questionem motam, quia post solutum pretium nulla ratio est venditori extorquendæ satisfactionis. Ait, *dominij questione mota*, sed idem est, si emptori moueatur questio hypothecæ, vt d. l. si post, inf. fin. Valde etiam notandum est, quod ait Papinianus, *eius euictionis*, non omnis euictionis generaliter, sed eius euictionis, quæ intentatur in ipso limine contractus: quod aperte demonstrat hoc casu, non generalem euictionis, satisfactionem extorqueri venditori, sed speciale eius euictionis quæ sit in ipso limine contractus, quo nihil est certius ex illis verbis *eius euictionis*: vt plane sint resupini Doctores, qui hoc loco concertant generalis an specialis euictionis nomine sit satisfaciendum emptori in hac specie. Non est autem aliena hæc sententia Papiniani ab hoc tit. de peric. & comm. rei vend. quia à regula huius tituli excipitur periculum euictionis, l. 1. C. de peric. & comm. rei vend.

#### Ad l. 41. de actionibus empti.

*In venditione, super annua pensatione pro aqua ductu infra domum Romæ constitutam, nihil commemoratum est. Deceptus ob eam rem ex empto actionem habebit. Itaque si conueniatur ob pretium ex vendito, ratio improvisi oneris habetur.*

**S**pecies l. 41. hæc est: domus Romæ constituta veniit. Quæ debuit fisco, vel ærario, annuam pensationem pro aquæ ductu, id est, pro forma aquæ ductus, quæ transibat infra eam domum, *ut dicitur in iuris oisus, subius eam domum.* Vt in l. cum seruus §. heres, de leg. 1. Fuit huius pensationis mentio pro forma aquæ ductus, siue pro aquæ forma, quod idem est, vt in l. si pendentes §. si quid cloacary, de usufr. l. 1. C. de aqua ductu lib. 11. Quibus locis etiam ostenditur: possessores per quorum prædia aquæ ductus transit pensare certum tributum, aquæ ductus rescindi & purgandi causa, & inde agrimensores, qui de limitibus agrorum scripserunt, Mago & alij quidam: *aquatrum*, inquit, *ductus per medias possessiones diriguntur, qui à possessoribus ipsis vice temporum repurgantur, propter quod leuia tributa persoluant.* In domo autem illa, quæ veniit, si venditor non dixerit emptori quod sciebat aut scire poterat & debebat, domum huic oneri esse subiectam pro aquæ forma, decepto emptori, qui id ignorabat, tenetur actione ex empto, vt vel præstet emptori, quanto minoris empturus esset, si id ita esse sciuiisset, vt in l. si minor, C. eod. tit. Quæ lex idem esse statuit, si venditor dixerit sciens vel ignorans, minus esse tributum aliudve quoddam, vel minorem esse capitationem prædij, quod notandum illo loco Capitationem dici etiam de prædijs, tributum soli etiam, Capitationem appellari, vt in l. ult. Cod. Theodos. sine censu vel reliquis fundum comparari non



posse. Ergo lex, ait, quod si venditor minus id tributum dixerit, quod maius esse postea inueniatur, siue sciuerit, siue ignorauerit onus prædij, aut oneris quantitatem certam, emptori tamen teneatur, quanto minoris actione ex empto. Ergo in hac specie emptori in venditorem, qui retineat onus ædium, competit actio ex empto quanto minoris, vel ut adiicit, si venditor agat cum emptore domus ob pretium, opposita exceptione doli mali, ut sit in secundo responso, *l. pen. de peric. & comm. rei vend.* habebitur ratio impropositi oneris, quod veluti ex improviso emerit, cum ante latuisset emptorem domus, hoc est, quanto minus ex pretio consequeretur venditor. Et hæc est sententia huius legis, cui merito potest opponi lex *si sterilis §. 1. hoc t.* Quæ differentiam facit inter venditorem ignorantem & scientem: ita, ut si venditor sciens de tributo non dicat, quod debet prædium quod vendit, istius reticentiæ causa emptori teneatur ex empto: ignorans autem si de tributo nihil prædixerit, ut non teneatur ex empto: & tamen ante nos indistincte diximus teneri venditorem, siue sciuerit, siue ignorauerit: Sed ita est, si quod ignorauerit, scire debuerit aut potuerit, si iusta non fuerit ignorantia eius, non si iusta fuerit ignorantia, ut in exemplo proposito in *d. l. si sterilis §. 1.* Si domus hereditaria erat quam heres vendidit, post aditam hereditatem, nam qui succedit in ius alterius, ignorantia habet iustam causam, nec statim scire potest conditiones & ius rerum hereditariarum, atque ita plane ignorans, qui vendidit domum hereditariam, & nihil dixit de tributo, quod debet, ignorantia eum excusat: At qui scire debuit, aut potuit pro sciente habetur, ut *l. pen. sup. ad Ser. ius. Macedon. l. si Titius, de fideiussor. l. 1. §. causa, de adul. edic.* ubi ait, venditorem teneri, quia potuit vitia rei venditæ nota habere, ut Marcus Tullius eadem de re scribens *3. de offic. vnus*, quia scire debuit, alter quia scire potuit: utrumque idem potest. Et ita Græci in *l. pen. de condict. causa data* illo loco: *Cum sciret, se invito domino uti*, hæc suppleunt, *γινώσκων, ἢ ὁφείλων εἰδέναι*, sciens vel scire debens, quia hæc sunt paria. Nec vero alia est ratio, cur nunquam ignorantia excuset venditorem vasorum, si vasa non sint integra, quod generaliter dicitur de omnibus vasis, non de doliis tantum in *l. sed addes §. 1. loc.* sed etiam de omnibus vasis in *l. 6. §. sed si vas, hoc tit.* ut si vasa vendita sint vitiosa, si non sint integra, ut semper eo nomine venditor emptori teneatur, etiam habens iustam ignorantiam causam, quoniam in venditione aliarum rerum, quæ non sunt integra, ignorantia aliquatenus excusat, *l. Iulianus, hoc tit.* Ignorantia in venditione vasorum, nunquam excusat, quoniam integra ea præstare semper debet, quo iure utimur. Integra vasa semper præstare debet venditor, quia scilicet scire potest facile, aut scire debet, quæ vasa habeat integra vel non. Non est adferenda hæc ratio quam alias audiui aliquem adferentem; quod in doliis curandis soleant optimi patres fami. adhibere summam curam & diligentiam, quod soleant ea picare & defricare, & insolare, ut non possint non vitia doliorum nota habere, quoniam hoc ita proditum est in quocunque vase, & singulare est in venditione vasorum.

Ad l. 2. de pignor. & hypoth.

**H**æc lex exposita est supra ad *l. fideiussor 32. de neg. gest.*

Ad l. 2. qui potior. in pign.

*Qui generaliter bona debitoris pignori accepit, eo potior est, cui postea prædium ex his bonis datur: quamvis ex cæteris pecuniam suam redigere possit. Quod si ea conventio prioris fuit, ut ita demum cætera bona pignori haberentur, si pecunia*

*de his quæ generaliter accepit, seruari non potuisset, deficiente secunda conditione, secundus creditor in pignore postea dato, non tam potior quam solus inueniatur.*

**H**uius legis duæ sunt partes. Primæ partis sententia hæc est: duo sunt creditores hypothecarij ex diuersis contractibus, alter prior altero, seu antiquior altero, & priori siue antiquiori generaliter omnia bona debitoris pignori seu hypothecæ obligata sunt, posteriori autem creditori specialiter ex eis bonis certum prædium: quæritur, uter in eo prædio potior sit? Is, cui id generaliter, an is, cui specialiter obligatum est? Et respondet Papin. privilegio temporis in eo prædio priorem esse eum, cui generaliter omnia bona obligata sunt, etiam si omisso illo prædio possit ex aliis bonis redigere suam pecuniam; mauult redigere ex prædio & repulso posteriore creditore, cui tantum id prædium specialiter & nominatim obligatum erat, quia scilicet in generali hypothecæ prioris inest specialis: proinde quasi singulæ res debitoris pigneratæ sunt, *arg. l. si chorus, in prin. de leg. 3.* Est autem in arbitrio creditoris ex rebus sibi obligatis, quib. velit, electis ad suum commodum peruenire, *l. creditores, de distraet. pign.* Et cum hoc responso Papiniani congruit etiam *l. generaliter, C. de distraet. pign.* Nec ab eo discrepat *l. 2. C. de pign.* quam obicit Accurs. hoc loco, quoniam in dict. *l. 2.* non ponitur eadem species generalis hypothecæ in priori creditore, & specialis in posteriore, qualis ponitur in prima parte huius responsi, ut perperam illa lex huius legis primæ parti obijciatur, quæ non eandem sed aliam speciem continet. Non eadem igitur in *l. 2. C. de pignor.* ponitur species, quæ in prima parte huius responsi, sed ea ipsa species, quæ mox à Papiniano subiicitur in secunda parte huius legis, videlicet primæ hypothecæ specialis & puræ, ac secundæ hypothecæ generalis & conditionalis in priore creditore, in posteriore autem specialis tantum; in specie idem constituit *d. l. 2.* quod Papinian. hoc loco. Est autem species talis. Priori creditori specialiter res quædam pignoratæ sunt subdita conventionione siue hypothecæ generali sub conditione, ut si ex iis rebus, quas specialiter creditor pignori accepit, integram pecuniam redigere non posset. tum cætera bona præsentia & futura persequeretur, quæ conventio vulgaris erat, hoc est, vulgo adiici solebat in hypothecis. Speciali hypothecæ solebat subiici generalis sub conditione ante *l. & quæ nondum §. 1. de pign. l. 9. de distraet. pignor.* Et quod hac conventionione vulgo agitur, atque solebat, ut ita demum generali hypothecæ ea creditor utatur, si specialis, quæ præcessit, non sufficiat, id etiam actum semper intelligitur, ubicunque speciali hypothecæ subiicitur generalis, etiam si omissa sit illa conditio, ut *d. l. 2. C. de pignor.* Quia quod vulgo fieri solet, si sit omisum suppletur, & subintelligitur: atque ideo æquale ius in bonis omnibus, quæ volet eligere, creditor exercere potest, sed prius æquum bonum est, ut excutiat specialem hypothecam, quoniam ita sensisse intelliguntur contrahentes, hoc est, egisse tacite, quod vulgo agi solet expresse in contrahendis hypothecis. Pono igitur priori creditori res certas specialiter fuisse pignori nexas, & si ex res non sufficerent redigendo seu seruando debito, cætera bona generaliter: Posteriori autem creditori ex cæteris bonis specialiter fuisse obligatas res certas, & ita posita specie, si priori creditori specialis hypotheca non sufficiat, hoc est, si existat conditio generalis, in cæteris bonis, prior potior est posteriore; at si priori sufficiat specialis, hoc est, si deficiat conditio generalis, posterior in speciali sua hypotheca ex cæteris bonis non tam potior, ut eleganter Papinian. ait, quam solus habetur, non concurrente alio creditore, quia deficit conditio hypothecæ generalis factæ priori creditori. Et hæc est sententia secundæ partis, huius *l.* in qua illo loco, *Ut ita demum cætera bona pignori haberentur, si pecunia de his quæ gene-*



aliter accepit seruari non potuisset; manifestum est, pro generaliter, esse scribendum specialiter, ut in marginis spatio quidam adnotauit: alias legi specialiter, non generaliter, & profecto rectissime: alioquin ita poneret conuenisse Papinianus, ut ita demum cetera bona pignori haberentur, quæ verba Cetera bona, demonstrant generalem hypothecam, ut l. 1. de distr. pign. Ut igitur ita demum generali hypothecæ locus esset, si de generali hypotheca pecunia seruari non posset, quæ conuentio esset inepta & ridicula; Accurs. cum illo loco legit generaliter, in secunda parte huius legis ex deprauata scriptura hausto errore, perperam ponit in priori creditore præcessisse generalem hypothecam, quod ponit etiam male in d. l. 2. C. de pig. Non est omittendum huic responso Papiniani locum esse, non tantum, si inter priorem & posteriorem creditorem sit cōtrouersia de iure hypothecæ, puta priore contendente, se etiam in generali hypotheca esse potiore, in posteriore negante, hac ratione, quia sufficit specialis, quæ præcessit, cuius intentio posterioris, scil. melior & verior est; sed etiam huic responso locum esse, si lis sit inter debitorem & creditorem, qui casus frequenter contingit, puta creditore, qui habet specialem & generalem hypothecam agente statim ex generali hypotheca, & debitore negante, ius esse creditori persequi generalem hypothecam, quandiu specialis iusta & idonea est, & sufficit seruando æri alieno: quod æquius est, licet subtili iure omiſsa conditione illa, creditor æquale ius habeat in omnibus bonis, quia generali hypothecæ, quæ subiicitur speciali, semper inest tacita conditio, si specialis idonea non sit, quia quod vulgo agi solet pro acto habetur. Obseruandum est etiam, secundam partem huius legis esse exceptionem primæ partis. Primæ enim partis definitio hæc est; priorem creditorem habentem generalem hypothecam præferri posteriori habenti specialem. Et exceptio secundæ partis hæc est; nisi prior creditor habuerit etiam specialem hypothecam, quæ præcesserit generalem, & conuenierit tacite vel expresse, ne vteretur generali, si sufficeret specialis, & sufficiat specialis: hoc enim casu in alia speciali hypotheca, quam posterior creditor habet, posterior creditor, ut ait, non tam potior quam solus habetur, quia sufficiente priori creditori sua hypotheca speciali, cetera bona ei non tenentur, ergo posteriori soli tenentur, quæ ex cæteris bonis ei specialiter obligata sunt: denique in eis posterior creditor est solus. Cui dicto Papin. Accursius obicit l. idemque §. si tibi, hoc tit. ubi si tibi generaliter obligauerim bona futura, quæ habiturus sum, & Titio specialiter fundum certum, quem acquisiturus sum, nondum adquisui, adquisito fundo illo lex ait, utrumque creditorem concurrere in pignore fundi, non solum in eo haberi Titium cui specialiter fundus obligatus est; nec te item solum haberi, tametsi ex pecunia debitoris tibi soli obligata, in quam habuisti generalem hypothecam, cum fundum debitor comparauerit, quæ est sententia d. §. si tibi. Sed Accurs. recte respondet in d. §. si tibi, duobus creditoribus, tibi & Titio simul eodem tempore ita fuisse nexa pignora, ut proposuimus, idcirco concurrere in persecutione fundi: In specie autem huius legis separatim diuersis temporibus, priori creditori res certas fuisse obligatas specialiter, etsi hæc specialiter obligata non sufficerent, res cæteras generaliter: posteriori autem creditori ex cæteris reb. res certas specialiter, & non concurrere utrumque in cæteris rebus, quia si deficit conditio generalis hypothecæ in persona primi, id est, si specialis hypotheca fuit idonea, sed & si existit conditio generalis hypothecæ, id est, si specialis hypotheca non fuit idonea, dicemus utrumque creditorem non concurrere, sed meliorem esse causam prioris, quia quum conditio existit, pignoris obligatio retrahitur atque recurrit ad præteritum tempus, quo de hypotheca sub conditione conuenit, & pro eo habetur, ac si ab initio pure

A contracta fuisset, ut probat aperte l. potior §. 1. hoc tit.

### Ad l. 3. de distr. pign.

Cum prior creditor pignus iure conuentionis vendidit, secundo creditori, non superesse ius offerenda pecunia conuenit. Si tamen debitor, non interueniente creditore pignus vendiderit, eiusque pretium priori creditori soluerit: emptori poterit offerri, quod ad alium creditorem de numis eius peruenit, & usura medij temporis: nihil enim interest, debitor pignus datum vendidit, an denuo pignori obligetur.

**L**Egis 3. de distr. pign. duæ sunt partes. Prioris sententia hæc est. Certum est, posteriori creditori esse ius offerendæ pecuniæ creditori priori cum interuſurio, id est, cum uſuris medij temporis, ut scil. posterior in pignore, quod utique diuersis temporibus obligatum est, potiora iura habeat adimpleto priori & absoluto, l. 12. §. simpliciter, & §. pen. qui pot. in pign. l. 1. C. eod. tit. At si prior creditor ex pacto pignus distraxerit, posteriori creditori non est ius offerendæ pecuniæ emptori, & auferendæ rei sibi olim pignoratæ, quia venditione pignoris rite facta iure creditoris, pignoris obligatio omnino perimitur in persona omnium creditorum, & res in emptorem transit libera, optimo iure. Et hoc quidem proponitur in prima parte huius legis, & in tit. C. si autem cred. pign. vend. Et aliis plerisque locis. At in secunda parte ostenditur, aliud esse dicendum, si debitor ipse, qui est dominus pignoris, non prior creditor pignus vendiderit, ut ex pretio satisfaceret priori creditori: nam hoc casu posteriori creditori ius est cum interuſurio offerendæ pecuniæ emptori, quæ ex arca emptoris peruenit ad priorem creditorem, quia emptor in prioris creditoris locum successit, & venditio pignoris facta à debitore non perimit ius pignoris secundi, l. 12. C. de distr. pig. Sicut nec si debitor versura facta tertio creditori accepta pecunia idem pignus obligauerit primi creditoris dimittendi gratia, ius secundi non perimitur, sed tertius creditor in locum primi succedit, & secundo ius est offerendi tertio, d. l. 12. §. à Titio stip. qui pot. in pig. hab. Hoc vero agitur semper, ut tertius succedat in locum primi, quādo primi dimittendi gratia pignus ei obligatur, non etiam, si simpliciter debitor à tertio creditore versuram faciat primi dimittendi gratia, non obligato ei eodem pignore, quia licet eius pecunia primus dimittatur, tamen non potest succedere in ius primi sine conuentione expressa pignoris, l. 3. quæ res pign. obl. pos. Atque ita, ut ait lex, melior est conditio emptoris quam tertij creditoris: nam qui emit pignus à debitore primi creditoris dimittendi gratia, omnino succedit in ius & locum primi: qui autem credit pecuniam debitori primi creditoris dimittendi gratia, non aliter succedit in locum primi, quā si de pignore conuenierit, ut tertius succederet in ius pignoris. Non est omittendum postremo, quod in hac secunda parte huius legis ait, dum tractat de venditione pignoris facta à debitore, dum ait, Si tamen debitor non interueniente creditore. Vnde notandū est, venditione pignoris à debitore facta auctore creditore, interueniente creditore & quodāmodo vendente pignus per interpositam personā debitoris, quo magis ei satisfiat, ut ait l. sicut §. illud, tit. seq. perinde esse, atque si ipse creditor iure suo pignus vendidisset, & posteriori creditori non esse ius offerendæ pecuniæ emptori, quia utriusque pignus perimitur ita facta venditione. Vbi autem interueniente creditore animo remittendi pignoris debitor pignus vendit, aut obligat tertio creditori, non est necesse secundum offerre pecuniam emptori vel tertio creditori, quia neque hic, neque ille succedit in locum primi, sed primo consentiente venditioni aut obligationi pignoris, ac pignus suum remittente, ipso iure secundi causa melior efficitur, l. Paulus, in prin. tit. seq. Et ex his potest intelligi quam sit verum, quod est in titulo de reg. iuris: aliud esse vendere, aliud vendenti consentire, ad quam regulam



creditor vendendo pignus etiam secundi pignus perimit, consentiendo autem vendenti debitori, pignus secundi non perimit. Et hæc sufficiant ad hanc legem, de qua etiam diximus lib. 2. ad l. 2. hoc tit.

Ad l. 4. de nauit. fœn.

*Nihil interest traiectionis pecunia sine periculo creditoris accepta sit, an post diem praestitutum, & conditionem impleant, periculum esse creditoris deserit. Vtrubiq; igitur maior legitima usura fœnus non debetur. Sed in priore quidem specie semper, in altera vero discussio periculo nec pignora vel hypotheca titulo maioris usura, tenebuntur.*

**I**llud in primis sciendum est, regulariter creditæ pecuniæ periculum pertinere ad debitorem, qui mutuam pecuniam accepit, & hoc esse, quod ait l. incendium, C. si cert. per. Incendium ære alieno non liberare debitorem; de quo solo ille titulus est: debitorem enim intelligit creditæ pecuniæ, non qualemcumq; debitorem, & æs alienum non quodcumque debetur quacumque ex causa, sed quod debetur ex crediti causa: alioquin falsa ea definitio esset. Et eodem sensu l. ult. C. de nauit. fœn. Naufragium non liberare debitorem, hoc est, debitorem creditæ pecuniæ: debitorem corporis certi quis nescit liberari naufragio vel incendio, si corpus debitum perierit sine culpa eius ante moram? At debitorem creditæ pecuniæ nullus casus liberat, etiam si confestim acceptam pecuniam incendio vel naufragio perdiderit, nec conuerterit in usus suos. Hoc vero vtrique verum est, nisi ita conuenerit, ut pecuniæ creditæ periculum pertineret ad creditorem ipsum, non ad debitorem, id est, ut amissa ea pecunia incendio vel naufragio, vel quo alio casu maiore, creditor ius crediti amitteret, nec quod credidisset repeteret. Hæc conuentio iusta est, ut fieri solet, quum impendit aut subest amittendæ pecuniæ creditæ, & periculi metus aliquis, ut quum athletæ vel gladiatori descensuro in arenam fœnerator mutuam pecuniam dat, qua se exerceat, ornet, & exhibeat & comparet ad pugnam ea lege, ut si non vicerit, nihil referat, nihil reddat. Quæ lex siue pactio periculum quod fuisset debitoris, transfert in creditorem, & iusta pactio est: vel quod etiam (quod sit frequentius) quum negotiatori trans mare nauigaturo fœnerator mutuam pecuniam dat qua instruat nauem, vel comparet merces ea lege, ut si naufragium fecerit, nihil reddat; neque vero solent nauigaturi negotiatores à fœneratoribus mutuam pecuniam sumere, nisi sub hac lege ut periculum, quod metuitur ex nauigatione maris, fœneratores in se recipiant: qua de causa cum dicimus nauticam pecuniam vel traiectionem vel maritimam, eam dicimus quæ periculo fœneratoris mutuo datur. Verum istud onus suscepti periculi fœnerator compensat cum usuris, quas contra sibi pacisci & cauere potest in infinitum, quantumvis licet maximas: in hunc casum scilicet si nauis salua redierit, vel, si ad portum appulerit quem petit: siue perierit nauis, aut pecunia vel merx ex pecunia comparata, ut sibi perierit, nec sibi sit repetitio pecuniæ. Olim potuit sibi pacisci infinitas usuras pro pretio suscepti periculi, ut Paulus scribit 2. Sentent. tit. 14. Infinitas quum dicimus, hoc dicimus, ut possit sibi pacisci duas, tres, quatuor, quinque centesimas, ut de fœneratore quoque est apud Iuvenalem:

*Quinas hic capiti mercedes exigit.*

Id est, ut quinas sortis centesimas exigit, idem possit sibi pacisci usuras ultra duplum, quoniam regulariter ubi usura æquauerunt sortem, ut si fors sit centum, & usura iam effecerint centum, quod est duplum, hoc est, alterum tantum, consistunt usurae nec ultra excurrunt, sed tamen pro præmio suscepti periculi creditori debentur etiam ultra duplum. Hoc quidem obtinuit iure veteri, de quo est hæc lex: nam hodie ex constitutione Iustiniani, is

Respons. Papin.

**A** qui credidit mutuam pecuniam suo periculo, qui credit nauticam pecuniam, non potest sibi pacisci vel stipulari infinitas usuras, sed usuram centesimam tantum, quæ scilicet incensus aureos quotannis reddit duodenos, & centesimo mense æquat sortem, non ut Accursius arbitratur duodecimo mense, etiam opinio iamdudum explosa est. In idiotismo centesima vlura est, *au denier huit & tiers*. Proinde ex constitutione Iustiniani, qui credit pecuniam suo periculo, non potest sibi cauere usuras maiores centesimis, ergo nec ultra duplum: nam usura, quæ accipiunt taxationem certam, puta finem centesimæ, vel bessis, vel semissis usura, semper etiam duplo finiuntur, id est, ne altero tanto amplius sorte inferantur aut debeantur. Denique ubi æquauerint sortem usura, quod deinde usuris supernumeratur, imputetur in sortem, minuat sortem, deducatur ex sorte. Et hoc quum creditor suscepit pecuniæ periculum: nam non suscepto pecuniæ periculo, creditor nullas usuras, sibi pacisceretur utiliter sine stipulationis vinculo l. 3. C. de usur. quia mutua pecuniæ usura non debentur ex pacto nudo sine vinculo stipulationis. At iure veteri adhibita stipulatione non potuit sibi cauere, nisi centesimam usuram creditor, qui non recipiebat in se pecuniæ periculum. Centesima usura fuit olim legitima usura in omnibus causis l. 2. C. Theod. de usur. Idemque patet ex §. pen. huius legis, & ex l. si pro mutua. C. si cert. per. in illo loco, *Usurarum tit. legitima tantum recte petitur*, sic legendum. Et legitimam vocat, quam paulo ante dixit centesimam. Ergo centesima usura, est legitima usura. At hodie creditor, qui non recepit in se periculum, non potest stipulari sibi centesimam usuram, sed semissem tantum, aut bessem, aut trientem, secundu[m] distinctionem Iustiniani in l. 5. C. de usur. Nec tamē ultra duplum hodie ut olim, ut in hac l. §. pen. l. si non sortem §. sup. duplum, de cond. ind. l. pen. C. de usur. Pro mercede autem & pretio suscepti periculi olim, ut dixi, creditor sibi infinitas usuras, & supra duplum cauere potuit: hodie centesimas tantum & intra duplum, & cauere sine stipulatione pacto nudo, ut in l. seq. & l. 7. hoc tit. quod etiam hodie locum obtinet. His cognitis non erit difficile, quod scribit Papinianus in hac lege; si modo, ut oportet, id omne, quod scribit accipiamus secundum ius vetus, quod obtinuit ante Iustinianum. Primum ait Papinianus: *Traiectionis siue nautica pecunia, cuius periculum creditor noluit suscipere, nunquam fœnus ei deberi maius legitima usura*. hoc est, maius centesima usura, quia usura maior centesima legibus non permittitur, nisi repensandi suscepti periculi gratia. Ergo qui periculum non suscepit, ei non potest deberi fœnus maius centesima legitima, & vulgari siue cōmuni usura. Item si nauticæ pecuniæ periculum suscepit creditor ad diem tantū & conditionem certam, non in omnē nauigationis tēpus, puta si nauis perierit intra trigessimū nauigationis diem, intra certum diem, ut in l. 6. h. r. Papinianus ait, hoc casu ante diem ei potest deberi usura maior centesima, si de ea conuenerit, puta, duæ, aut tres, aut quatuor centesimæ in infinitum: post diem vero periculi, quia periculum esse desiit creditoris, non possunt ei deberi usurae maiores centesima, nec ultra duplum. Addit Papinianus: *Nec pignora, nec hypothecas titulo maioris usura teneri*, quæ de re dubitari poterat, nam pignoris retentione sæpe seruamus usuras, quas alio remedio consequi non possumus, veluti usuras mutua pecuniæ creditæ ex pacto nudo, si & in eas pignus acceptum sit. Nam et si non possint peti ex pacto, tamen seruabuntur per retentionem pignoris, l. per retentionem, & l. pignor. C. de usur. Et similiter retentione pignoris secundum quasdam leges veteres, ut refert Iustinianus in l. pen. C. de usur. Usurae poterant seruari supra duplum, sed non etiam usurae maiores centesimis poterant seruari per retentionem pignoris, l. pretij, C. man. nec hodie, nec olim, nisi ex quibusdam legibus seruari poterant usurae supra duplum per retentionem pignoris, d. l. pen. Et hoc est, quod



ait Papinianus titulo maioris usura, hoc est, titulo illegitimæ usuræ, non posse retineri pignus vel hypothecam, non posse seruari illegitimas usuras per retentionem pignoris: illegitimas esse, quæ dupli finem excedunt, vel finem centesimæ. Sequitur §. penultimus.

Ad §. penult.

*Pro operis serui traiectione pecunia gratia secuti, quod in singulos dies in stipulatum deductum est, ad finem centesimæ, non ultra duplum debetur.*

**I**ncipit §. penultim. ab his verbis: *Pro operis serui*, & in Basil. & Flor. (nam antea perperam hæc verba aptabantur superioribus) cuius §. sententia hæc est: Cum creditor non susceperit periculum totius nauigationis, sed verbi gratia Roma in Salonæ portum tantum, vt in specie *l. pen. C. eod. tit.* qui portus est in Dalmatia, & cauet, vt salua naue in eum portum delata, sibi sanæbris pecunia reddatur Salonæ cum usuris grauissimis, de quibus conuenit, tum solet etiam seruum, qui nauiget, cum debitore mittere prosequendæ pecuniæ nauticæ gratia, vt naue salua delata in portum sua die, seruus eam pecuniā exigat cum usuris, ac si tardius soluat debitor eam pecuniā nomine in dies singulos. In hunc casum, hoc est, si non vt conuenit sua die seruo pecunia reddatur, *l. traiectione de obli. & act. l. qui Roma §. Callimachus, de verb. obligat.* Stipulatur autem hanc pecuniā, hanc pœnam pro operis serui, atque adeo in dies singulos, quia operæ sunt diurnum officium, *l. i. de oper. libert. pro operis*, inquam, serui, quibus caret propter moram debitoris, qua de causa & stipulatio operarum dicitur in extremo huius legis. Hæc autem stipulatio operarum, siue pro operis, quia interponitur discusso periculo post diem & conditionem, in quam creditor periculum suscepit, & vice usurarum cedit plerumque, vt *l. pœnam, sup. tit. prox.* Non potest excedere finem centesimæ, quæ legitima usura est, neque finem dupli, hoc est, altero tanto sorte maior esse non potest, quia stipulatio in id tempus confertur, quo periculum desit esse creditoris, qua de causa etiam stipulatio exigitur, nec pactum nudum ad augendam obligationem quicquam proficit. Sic apertissima videbuntur esse hæc verba, *Pro operis serui traiectione*, &c. quia stipulatio confertur in tempus, quo periculum desit esse creditoris, hoc est, post diem periculi, vt iam non possit deberi nisi centesima, quæ est communis usura, & intra duplum.

Ad §. vltimum.

*In stipulatione fœnoris post diem periculi separatim interposita, quod in ea legitima usura deerit, per alteram stipulationem operarum supplebitur.*

**P**ost diem periculi creditor vel pœnam stipulatur pro operis serui nauticæ pecuniæ exigendæ gratia secuti debitorem, vel stipulatur usuras, vel stipulatur vtrumque, ad finem tamen & modum legitimarum usurarum, vt si post diem periculi stipulatus sit bessem usurarum, qui stipulari potuit centesimam, quoniam hæc erat vulgaris & legitima usura, subdita alia stipulatione pro operis serui, poterit supplere, quod centesimæ usuræ deest, puta, trientem: Idemque est e contrario, si quod primum pro operis serui stipulatus est, minus sit centesima, nimirum quod deest centesimæ, suppleri potest per alteram stipulationem usuræ trientis. At si vel stipulatio usurarum, quæ interposita est ab initio sufficiat ad centesimam, si per eam creditori caueatur centesima usura, ei stipulationi non potest subiici altera, quia supplendæ tantum usuræ legitimæ, non etiam augendæ, alteram stipulationem subiici lex concedit.

Ad l. 15. de fundo dot.

*Dotale prædium, cuius vir possessionem retinuit post literas ad uxorem emissas, quibus dotis non fore prædium declarauit in matrimonio defuncta muliere, virum retinere placuit: quia mulier actionem ex pacto non habuit.*

**L**egis 15. de fundo dot. eadem est fors, quæ fuit superioris legis, quoniam neque hanc, neque illam glossæ, vel commentarij intellexerunt. Dotale prædium in hoc titulo, siue fundus dotalis est, cuius dominium marito per traditionem acquisitum est, *l. 13. §. dotale hoc tit. l. 5. inf. sol. matrim.* Ergo & in hac lege sic potius accipiamus dotale prædium, quod traditione, non vt Glossa & commentarij, quod conuentione sola constitutum est. Fateor constitui etiam conuentione sola, vt in *l. si ego 9. & l. si rem, de iure dot. l. creditor §. prædium, de act. emp.* Sed in lege de fundo dotali, de qua est hic titulus, tantum id prædium dicitur dotale, cuius lex alienationem prohibet, quod traditione constitutum est, & in specie huius legis, etiam traditione constitutum fuisse vel ex eo apparet, quod ait, Maritum post literas ad uxorem missas, quibus prædium dotale, dotis nomine non fore declarauit uxori, ait, eum maritum possessionem prædij retinuisse. Si possessionem retinet, ergo etiam ante tradita ei fuit. Denique species legis hæc est: Maritus inter cætera prædium sibi traditum à muliere accepit in dotem, dos aduentitia fuit, id est, non profectitia à patre mulieris, vel desit esse profectitia morte parentis, qui dotem dederat: deinde per literas ad uxorem scriptas maritus declarauit, id prædium se non habiturum in dotem, quod tamen in dotem acceperat, quæ literæ pro nuda pactione habentur, *l. qui negotia, ff. mand.* Si modo uxori gratum fuerit, quod maritus scripsit: hoc verò tantum maritus scripsit & declarauit per literas, cæterum uxori prædium non restituit, sed retinuit possessionem eius; restitutio prædij dotalis inutilis fuisset, quia instar donationis obtineret, *l. 1. C. si conf. matrim. dos sol.* Et donatio inter viri & uxorem constante matrimonio non valet: donatio autem, vt semper obtinuit ante Iustinianum, re, non nudo consensu, aut nuda pactione perficitur, re, id est, traditione, non nudo consensu nudo pacto, quo iure etiam vtimur, & vulgo dicimus: *Donner & retenir ne vaut*, nec vtimur noua constitutione Iustiniani, ex qua donatio perficitur sicut emptio nudo consensu. In hac specie igitur maritus, qui non restituit dotale prædium, sed id dotis non fore tantum scripsit, nihil donauit uxori, quia nihil tradidit, sed vt dixi hoc tantum pactus est per epistolam, ne prædium datum in dotem, doti esset, ex quo pacto solo non desit esse dotale, nec mulier ex eo pacto, vt ait Papinianus, actionem habet propter regulam iuris, ne ex eo pacto nudo obligatio nascatur vel tollatur. Vnde sequitur, mortua in matrimonio muliere, maritum, quamuis pactus sit doti non fore, prædium id retinere iure dotis, nec restituere heredi mulieris, quia dos fuit aduentitia, & mortua in matrimonio muliere, dotem aduentitiam constat ipso iure remanere apud maritum, & remanere semper, vt ait Vlpianus *lib. sing. reg. tit. de dot.* Semper, id est, siue existent liberi ex eo matrimonio, siue non extent. Et hoc quoque probant multæ admodum leges, *l. mulier, de cond. instit. l. Celsus, de usurpationib. l. ei qui mortem, de his quibus vt indig. l. 5. de bonis damnat. l. 23. de euiet. l. si ab hostib. §. vlt. sol. matrim. l. 1. C. si aduers. dot.* Ex alienis auctoribus etiam Cornutus in Persium: *Dos, inquit, à cine Romano data, non patrio dicta nomine, id est, dos aduentitia, si repudium non interuenerit, post mortem mulieris remanet apud virum.* Et imperitiæ arguuntur, qui hoc nesciunt in *l. si filia 20. in princip. fam. ercis.* idemque procedit in dote profectitia præmortuo patre, qui dotem dedit, superstiti filia &



genero: nam si postea filia moriatur in matrimonio, æque illa remanet apud maritum, quia desit esse perfecti-  
tia morte patris auctoris dotis: quod idem Vlpian. scribit  
eo loco, & probat *l. cum patrem, C. de iure dot.* Dixi autem,  
mortua in matrimonio muliere, dotem illam ipso iure re-  
manere apud virum, quoniam etiam si vir pactus non sit  
de dote lucranda in casum mortis mulieris, ipso iure ita se  
res habuit ante Iustinianum Imperatorem. Et quod hoc  
loco Græci interpretes fingunt, tale pactum interuenisse,  
& ex pacto maritum retinere prædium dotale, hoc est ex  
constitutione Iustiniani, quæ vetat mortua in matrimo-  
nio muliere citra speciale pactum, dotem cedere lucro  
mariti, sed iubet eam restitui heredi mulieris, *l. vn. §. illo  
proculdubio, C. de rei uxor. act.* Hoc, inquam, Græci affin-  
gunt ex constitutione Iustiniani, quia iure veteri superua-  
cuum est tale pactum, cum ipso iure ita se res habeat. Cæ-  
terum recte addunt Græci, *Si quo casu eius prædij poss. ssio ad  
heredem mulieris peruenerit*, id eum per exceptionem alte-  
rius pacti, ne prædium dotale esset, retinere posse, quia ex  
pacto, etiam si non nascatur actio, nascitur tamen exce-  
ptio iure prætorio, quod est notissimum, & ob id ipsum  
Papinianus ponit in hac lege, virum prædij possessionem  
retinuisse, & actionem tantum denegat heredi mulieris,  
qua prædium repetat ex pacto, quoniam nec mulier ipsa  
habuit: & ita hæc lex explicatur Accursii omni glossa  
obliterata.

Ad l. 7. de fideiuss. & nom.

*Si fideiussores, qui rem saluam fore pupillo caueant, tutorem  
& adolefcentem ut ante conueniret, petierunt, atque ideo stipulanti  
promiserunt se reddituros, quod ab eo seruari non potuisset: pla-  
cuit inter eos qui soluendo essent, actionem residui diuidi: quod  
onus fideiussorum susceptum videretur. Nam etsi mandato  
plurium pecunia credatur, æque diuiditur actio. Si enim quod  
datum pro alio, soluitur: cur species actionis æquitatem diui-  
sionis excludit?*

**P**lures sunt fideiussores vnus tutoris, qui cauerunt  
rem pupilli saluam fore. ij fideiussores finita tutela  
adolefcentem rogauerunt (quo verbo constat, contrahi  
mandatum, *l. i. §. rogatus, mand.* Et apud Virgil.

--- Orans mandata dabat.

Verbū oro, vel rogo, mandatum perficit, verbis rogo & reci-  
pio perficitur mādatur, si qui rogatus est recipiat se factur-  
um quod rogatus est. Denique verbo oro, & rogo, mandatū  
perficitur. Fideiussores igitur finita tutela adolefcentem  
rogauerunt, & impetrarunt, vt prius tutorem excuteret &  
conueniret, & ideo stipulanti adolefcenti promiserunt, se  
reddituros, quod à tutore seruare, & consequi non potuif-  
set, propter eius inopiam. Potuisset autem statim ab initio  
finita tutela adolefcentem conuenire vnum ex fideiussori-  
bus in solidum dimisso tutore sine metu exceptionis epi-  
stolæ Adriani, quæ inter plures fideiussores diuidit actio-  
nes, vt singuli conueniantur non in solidum, sed in par-  
tem virilem, quoniam huic epistolæ non est locus inter fi-  
deiussores vnus tutoris, id est, fideiussores vnus tutoris  
non habent beneficium diuisionis, *l. ult. rem pupilli salu.  
fore.* Et alia est ratio *l. 6. hoc tit. vt docui libr. 2. sup.* ex quo  
ducta est. At in hac specie, quia adolefcentem maluit conue-  
nire tutorem dimissis fideiussoribus, & quasi nouatione  
facta post pubertatem à fideiussoribus stipulatus est sibi  
reddi id, quod à tutore seruare non posset: si agat ex hac  
stipulatione posteriori, in id forte, quod à tutore seruare  
non potuit, quæ actio residui dicitur hoc loco, fideiussori-  
bus vti licet beneficio diuisionis, & desiderare, vt pro par-  
te virili tantum singuli conueniantur, si omnes, vt epi-  
stola Diui Adriani exigit, soluendo sint litis contestatæ tem-  
pore. Et ratio cur hoc casu fideiussores habeant benefi-  
cium diuisionis, quod non haberent, si conuenirentur ex  
priori stipulatione, rem pupilli saluam fore, hæc redditur  
à Papiniano hoc loco, quia videtur adolefcentem onus fide-  
Respons. Papin.

aiussorum suscepisse cum electo tutore, ab eis denū stipu-  
latum est residuum, id est, quanto minus à tutore conseque-  
retur. Onus inquam fideiussorum videtur suscepisse, pu-  
ta, si quis eorum rei iudicatæ tempore non esset soluendo,  
inopia eius oneraret adolefcentem, non cæteros confide-  
iussores siue collegas, qui id promiserunt nouissime, quod  
adolefcentem à tutore consequi non posset, & quod ij ita  
promiserunt, non pro tutore id promiserunt quasi fide-  
iussores, sed in rem suam, siue pro se, quoniam adolefcenti  
mandauerunt, vt prius tutorem excuteret, *l. si mulieri de-  
derim, ff. ad Senat. Vell.* Igitur nunc plures mandatores  
sunt in rem suam, non plures fideiussores tutoris. Placet  
autem non tantum inter fideiussores debitoris, sed etiam  
inter mandatores, puta, quorum mandato pecunia credi-  
ta est, vel quid aliud factum est, diuidi actionem ex epi-  
stola D. Adriani. Fateor epistolam tantum fuisse scriptam de  
fideiussoribus, sed ex æquitate, quæ eadem est in manda-  
toribus, atque in fideiussoribus, & ex auctoritate Papi-  
niani, epistola Diui Adriani porrigitur etiam ad plures  
mandatores. Nam, & hæc est ratio Papiniani, si plures  
mandatores creditori quod dedit pro alio solunt, aut sol-  
uere coguntur actione mandati, perinde atque fideiussor-  
es actione ex stipulatu, cur diuersa species actionis æ-  
quitatem diuisionis excludet? cur æquitas diuisionis non  
valebit in omnibus actionibus vel mandati, vel ex stipu-  
latu, vel aliis, quæ dantur in eum, qui pro alio obligatus  
est, & soluere tenetur? quæ verba Papiniani, ipse Iustinia-  
nus usurpat in *l. ult. C. de const. pec.* Definit etiam epistolam  
Diui Adriani pertinere ad plures reos constitutæ pecu-  
niæ, ergo & ad omnes, qui pro aliis pecuniam soluunt, si-  
cut & illud, vt sortis tantummodo damnum agnoscant,  
non usurarum. Pertinet ad omnes, qui pro aliis pecuniam  
soluunt, ad omnes intercessores, *l. quæro, ff. locat.* Quod  
ergo dicitur, singulos mandatores teneri in solidum, non  
pro virilibus portionibus, *l. ult. sup. quod iussu, l. si man-  
dati §. Paulus, & l. seq. §. duob. mand.* id sane in mandatori-  
bus excludit beneficium diuisionis, siue beneficium epi-  
stolæ Diui Adriani, non admittit, licet in dicto §. Paulus,  
subiciat, pluribus mandatoribus simpliciter condemna-  
tis, quorum rogatu pecunia credita erat, diuidi sententiā  
in personas, quoniam id obtinet in omnibus reis condem-  
natis, *l. i. & 2. si plur. vna sentent. condem. sint.* Sed primus  
Papinianus hoc loco auctor est producendæ epistolæ Di-  
ui Adriani etiam ad mandatores. Hoc debetur soli Papi-  
niano, cui & hæc laus tribuitur ab omnibus, quod auxerit  
& locupletarit ius ciuile: & quod mandatores fide-  
iussoribus coniunguntur in *d. l. ult. C. de const. pecun.*  
quasi omnibus competat beneficium epistolæ D. Adriani.  
Sane quod ad mandatores attinet, non est ex ipsa epi-  
stola, sed ex interpretatione Papiniani, cuius etiam ratio  
proponitur iisdem verbis in *d. l. ult.* Quandoquidem in ea  
loco horum verborum, *Æquitatis enim ratio diuersas spe-  
cies actionis excludere nullo modo potest*, ex hac lege nostra  
omnino est legendum: *Æquitatem enim diuisionis diuersa  
species actionis nullo modo excludere potest*, id est, qui pro alio  
soluere tenentur, quacunque actione conueniantur, siue  
mandati, siue ex stipulatu, siue ex constituta pecunia, siue  
qua alia, impetrare possunt, vt conueniantur singuli, non  
in solidum, sed pro virilibus portionibus, latius accepto  
beneficio Epistolæ Diui Adriani.

Ad l. 28. de donat.

*Hereditatem pater sibi relictam filia sui iuris effecta do-  
nanit: creditoribus hereditariis filia satisfacere debet, vel si  
hoc minime faciat, & creditores contra patrem veniant:  
cogendam eam per actionem præscriptis verbis, partem aduer-  
sus eos defendere.*

**A** It in *l. 28. de donat.* Hereditatem pater sibi relictam,  
&c. Est elegantissimum responsum. Pater donauit  
filia emancipatæ hereditatem Titij, à quo heres institu-



tus erat: filia emancipata, quia filia fa. donasset inutiliter. A In donando autem usus est nomine *hereditatis*, quod est iuris nomen, quo scilicet continentur omnia iura & actiones omnes, quas heres habet in alios, vel quibus ipse aliis obstrictus est. Continet *hereditatis* nomen non commoda tantum, sed etiam incommoda & onera hereditaria; denique omnia iura, continet, quae defunctus habuit, vel quae alij habuerunt in defunctum, bonaue defuncti, & funeris impensam, ceteraque onera, quae heredi incumbunt, neque enim semper est lucratiuum hoc nomen, sed saepe etiam detrimentosum, l. 2. §. 1. de legat. 2. l. *hereditatis appellatio, de verb. signific.* Nihil autem interest, donauerit hereditatem, an vendiderit, an legauerit. Nam & emptorem & donatarium & legatarium vicem heredis, id est, vicem suam obtinere vult, qui scilicet vendit vel donat B vel legat hereditatem sibi relictam ab alio, nihil, inquam, interest donauerit hereditatem an vendiderit, nisi quod ad speciem actionis attinet, siue modum & rationem compellendi emptoris hereditatis vel donatarii vel legatarii ad subeunda onera hereditaria: nam si vendiderit, actione ex vendito compellit emptorem hereditatis, ut se damno indemnem seruet, & defendat aduersus creditores hereditarios, l. 2. C. de her. vel act. vend. A creditoribus hereditariis emptor compelli non potest ad solutionem, quia nihil cum eis contraxit, vel quasi contraxit, & venire duntaxat possunt creditores hereditarii aduersus venditorem, qui quasi contraxit cum eis ad eundo hereditatem, quia heres est, & heres manet, etiam si hereditatem vendiderit; nec potest, qui semel heres extitit, desinere esse heres. Igitur cum eo sunt acturi creditores hereditarii, sed vel pro eo illis satisfacere debet emptor hereditatis, vel cauere de indemnitate aduersus eos, aut prestare id, quod interest actione ex vendito. Si donauerit hereditatem, donatarium in idem compelli actione praescriptis verbis, ut defendat, ut ait hoc loco, donatorem aduersus creditores hereditarios, vel praeter donatori id, quod interest. Nam actio praescriptis verbis semper concluditur in id, quod interest dari fieri-ve quod conuenit. Hoc igitur nomine donatori in donatarium est actio praescriptis verbis, quasi scilicet praescriptis verbis proprii contractus negotio gesto, qui nomine vacat, hoc actum sit inter donatorem & donatarium hereditatis, ut donatarius susciperet onera hereditaria, quod utique satis agit expressim donator, cum dicit se hereditatem donare: nam *hereditatis* nomen etiam onera comprehendit. Donat igitur non tantum lucra, sed etiam onera utraque coniunctim. Id vero non agit, qui donat res simpliciter, vel bona, vel corpora hereditaria, quia haec nomina non sunt nomina iuris. Quamobrem cum, cui donatae sunt res hereditariae, vel bona, vel corpora hereditaria, non sequuntur onera hereditaria, nisi ex incontinenti donator id nominatim paciscatur, quo etiam nomine eo casu donatori in donatarium est actio praescriptis verbis, ut impleat pactum, l. cum res, l. legem, C. de donat. eod. Quod tamen pactum necesse non est adici, si hereditatem donauerit, inest enim satis verbo hereditatis. Creditores autem hereditarii nullam actionem habent in donatarium, quia, ut ante dixi, nihil cum eis contraxit, vel quasi contraxit donatarius. Quod si quis legauerit hereditatem Titii sibi relictam per retentionem hereditatis, ex ordine legatarius ab herede compelli potest, ut caueat defensum iri heredem aduersus creditores hereditarios, ut l. cum filius, §. Lucio, de leg. 2. l. qui concubinam §. cum ita, de legat. 3. vel omisso isto ordine, omissa ista cautione, si eam hereditatem heres legatario praestiterit, vel si quo casu inconsulto herede possessio eius hereditatis ad legatarium peruenerit, adhuc aequum est heredi dari conditionem incerti, qua condicat vel possessionem, quae sine voluntate eius, vel per imprudentiam eius ad legatarium peruenerit, vel qua condicat cautionem omisam, ut in l. qui exceptionem, §. pen. de cond. indeb. l. 21. ad Senatusconsult. Treb. l. hoc Senatusconsultum §. 1. de usufr. earum rer. quae usu consumuntur. Et ex his apparet verum esse, quod initio

proposui, nihil interesse donauerit quis an vendiderit, vel legauerit hereditatem alteri, quod ad effectum attinet: interesse, quod attinet ad genus actionis, quo res ad eum effectum perducitur.

#### Ad l. 51. de fideiuss.

*Inter eos fideiussores actio diuidenda est, qui solidum & partes viriles fide sua esse iusserunt: diuersum erit verbis ita conceptis. Solidum aut partem virilem fide tua esse iubes? tunc enim ab initio non nisi viriles partes singulos debere conueniet.*

I N hac lege plura sunt responsa Papiniae, quae fere omnia pertinent ad beneficium diuisionis ex epistola D. Adriani. Hoc beneficium diuisionis, id est, diuidendae actionis, in personas competit pluribus confideiussoribus, qui ab initio singuli se in solidum obligauerunt, si omnes soluendo sint tempore litis contestatae, quo cum eis creditor agit: hoc eis dedit epistola D. Adriani, id est, Diui Pii, ut patet ex l. 49. §. quod si duo, in fi. tit. huius. Quod etiam relatum fuisse ex ea Epistola in edictum Praetoris, atque adeo idem beneficium fuisse confideiussoribus propositum edicto praetoris, docet Paulus 1. Sent. tit. de fideiuss. & spons. Quod etiam docuimus in l. 7 de fideiuss. fuisse porrectum ad plures mandatores, & ad plures reos constituta pecuniae, & vno verbo ad omnes, qui pro aliis pecuniam exsoluunt, & docebimus inferius, Nouel. Iust. etiam fuisse idem beneficium porrectum ad duos vel C plures conreos debendi, ad plures debitores principales, qui singuli obligati sunt in solidum, & pro se in solidum soluere tenentur. Recte autem hoc beneficium dari confideiussoribus qui singuli in solidum obligati sunt. Nam si ab initio singuli se obligauerint, in partem virilem tamen, nihil indigent isto beneficio, quod ipsi iam sibi patefecerint initio contrahendae obligationis, & de quo satis sibi cauerint & prospexerint. Et hoc est, quod ab initio huius legis: Inter eos fideiussores, qui in solidum & partes viriles, coniunctim fide sua esse iusserunt, ut vulgo dicitur: *Chacun pour soy, & vn seul pour le tout.* diuidi actionem pro virilibus portionibus ex epistola D. Adriani, quia manifestum est singulos ab initio se obligasse in solidum. At si disiunctim in solidum aut partes viriles fide sua esse iusserint, quia in disiunctiuis stipulationibus semper quod minus est adsumitur, quo minuitur obligatio debitoris, manifestum est ab initio singulos interuenisse in partem virilem tamen, quia cum disiunctim promiserint in solidum aut in partem virilem, utique sunt semper adsumpturi partem virilem, nec igitur ad hanc speciem quicquam pertinet epistola D. Adriani, cum satis hac in re fideiussores sibi prospexerint.

#### Ad §. fideiussor.

*Fideiussor qui partem pecuniae suo nomine vel rei promittendi soluit: quo minus residui diuisione facta portionis indicium accipiat, recusare non debet. Eam n. quantitatem inter eos, qui soluendo sunt, diuidi conuenit, quam litis tempore singuli debent. Sed humanius est, & si alter soluendo sit litis contestationis tempore, per exceptionem ei qui soluit succurri.*

S Equitur in §. 1. Fideiussor qui partem, & c. Recte itaque dixi initio, tempore litis contestatae spectari, an omnes fideiussores soluendo sint, ut si omnes confideiussores soluendo sint, diuidant inter se actionem, qua conueniuntur à creditore: nam & quantum debeatur tempore litis contestatae spectamus, ut quod eo tempore debitum apparuerit, diuidatur inter confideiussores, qui eo tempore idonei fuerint ex epistola Diui Adriani. Finge, duos fideiussisse apud creditorem in viginti pro vno debitore, & vnum soluisse partem suam virilem ante litem contestatam, id est, soluisse 10. suo nomine, vel nomine debitoris princi-



palis, nihil refert, deinde residuum peti ab utroque. Quæ-  
ro an is, qui soluit partem suam, recte conveniatur in par-  
tem residuam? quod videtur, quia eam quantitatem ex  
epist. Diui Adriani inter fideiussoribus, qui soluendo sunt,  
diuidi placet, quam litis contestata tempore singuli de-  
bent, litis contestata tempore singuli in hac specie de-  
bent decem in solidum. Ergo etiam obiecto creditori be-  
neficio epistolæ Diui Adriani singuli recte conveniuntur  
& condemnantur in quinque. Et sane ipso iure ita se res  
habet; sed Papinianus ait esse æquius & humanius, *quid-  
am*, ut est in Basil. ut dicamus eum, qui soluit pro sua  
parte ante litem contestatam, et si non liberetur ipso iure,  
sed pro altera parte, etiam maneat obligatus, quia ab ini-  
tione obligavit in solidum, liberari tamen eum, si alter  
soluendo sit per exceptionem doli mali, ut in l. 15. §. ult.  
*hoc tit.* Eo scilicet quod soluit toto imputato in partem  
suam, ut est in Basilicis, *ἡ αὐτὴ τὴν ἰδίαν μέρος*; non  
etiam eo, quod soluit imputato in partem utriusque, siue  
quod idem est, non deducto de sorte eo quod soluit, ut ait  
l. 37. *infra, de solut.* Quoniam si id quod soluit decederet  
de sorte, de summa, non de parte eius sola qui soluit,  
solutio partis quam fecit vnus ex fideiussoribus suo vel  
debitoris nomine, non ei soli proficeret, sed etiam  
confideiussori, id est, uterque liberaretur pro parte  
dimidia, & uterque in alteram partem dimidiam ma-  
neret obligatus. Atqui solutio ei soli proficit, qui eam  
fecit, quia solus ipse liberatur, non quidem ipso  
iure, sed per exceptionem doli mali. Atque ita  
quod is soluit, non dicemus decedere de summa, sed de  
parte summa, quæ eum contingit. Et ita quod ait d. l. 37.  
eum solum liberari, intelligere debemus ut liberetur per  
exceptionem. Sicut in l. qui res 98. §. *naibi Roma.* & l. qui  
hominem §. *stipulatus, de solut.* Dicitur eum liberari, quod  
est scriptum simpliciter & intelligendum, eum liberari per  
exceptionem, non iure ipso, alioquin illæ leges pugnarent  
cum aliis multis, sicut & d. l. 37. cum hoc §. & restat igitur  
confideiussorem hoc casu solum pro sua parte obligatum  
manere, & hoc recte notat d. l. 37. cuius tractatio est acu-  
tissima. Verum etiam, si vnus ex fideiussoribus soluerit  
partem dimidiam nomine debitoris principalis, non suo,  
quod & Papinianus proposuit initio huius §. nomine de-  
bitoris, nomine rei promittendi, tanquam debitoris ne-  
gotium gerens, quia cum fideiussor soluit partem nomi-  
ne debitoris, id perinde habendum est, ut ait d. l. 37. atque  
si è conuerso reus ipse soluerit eam partem nomine illius  
fideiussoris. Quam obrem siue suo, siue rei debendi nomi-  
ne vnus ex fideiussoribus soluerit partem, ipse solus, qui  
soluit, liberatur per exceptionem, quæ est sententia huius  
§. Et quod ait de duobus confideiussoribus idem hodie  
obtinere in duobus correis debendi, quia & iis dedit bene-  
ficio diuisionis fuit. in Nou. 99. Ante Iustinianum,  
vnus ex reis debendi secundum ius Digestorum soluendo  
partem, omnino non liberatur, neque ipso iure, neque  
per exceptionem; sed in reliquum obligatus manet,  
etiam si alter correat soluendo sit, l. si ex toto §. 1. de legat. 1.  
Nisi si ita conuenierit ne quid amplius ab eo ultra eam  
partem creditor peteret, ut in specie l. si creditores, C. de  
pact. Quo sane casu correat, qui soluit partem suam, libe-  
ratur omnino per exceptionem pacti vel doli mali, quæ  
concurrit semper cum exceptione pacti, liberatur, in-  
quam, per exceptionem pacti, etiam si alter correat sol-  
uendo non sit. At vnus ex fideiussoribus liberatur sol-  
uendo partem, etiam si nihil conuenierit, ne quid ab eo  
amplius peteretur, si modo alter confideiussor soluendo  
sit, vel etiam, si id conuenierit, licet alter soluendo non sit, ut  
in d. l. 15. §. ult. Et præterea animaduertendum est in hoc  
§. agi de fideiussore, qui soluit partem suam, partem viri-  
lem, ut in d. l. 37. Nam si minus virili soluit, recte Glossa  
sentit, non omnino eum liberari, sed in id quod deest parti  
virili obligatum manere, nisi scilicet pactus sit cum cre-  
ditore, ne quid amplius ab eo peteretur, ut in specie d. le-  
gis 15. §. ult. Quod si plus soluerit portione virili, procul-

A dubio & ipse liberatur pro sua parte, quia suam partem utri-  
que soluit, & quanto plus soluit, tanto minus etiam à  
confideiussore peti potest. Et stulte Angelus hoc loco se-  
ductus Glossa in verbo *soluit*, quæ tantum loquitur de eo,  
qui minus virili, non qui plus soluit, ait, *eum qui plus soluit,  
non liberari*, & argumento istius Glossæ, quæ hoc nun-  
quam cogitauit, se aduocatum Florentiæ vicisse apud iu-  
dicem certe imperitissimum, quo etiam nomine à cæteris  
Angelis reprehenditur.

## Ad §. duo.

*Duo rei promittendi separatim fideiussores dederunt: inui-  
tus creditor inter omnes fideiussores actiones diuidere non co-  
gitur. Sed inter eos duntaxat, qui pro singulis internene-  
runt. Plane si velit actionem suam inter omnes diuide-  
re, non erit prohibendum: non magis quam si duos reos  
pro partibus conueniret.*

**R**ecte dixi initio huius legis, beneficium diuisionis,  
dari confideiussoribus. ij sunt, qui pro vno vel pluri-  
bus debitoribus in causam vnus contractus, vnus obli-  
gationis fideiusserunt simul, vel separatim, nihil interest.  
Et ij sunt confideiussores, ut patet ex l. 48. *hoc tit.* Nam si  
fideiusserint in causam diuersorum contractuum, diuer-  
sarum stipulationum, quibus debitores separatim obstri-  
cti sunt, licet ex omnibus contractibus vna eademque pe-  
cunia debeat in solidum: tamen confideiussores non  
sunt. Diuersorum contractuum quibus debitores princi-  
pales tenentur, fideiussores, confideiussores non sunt, l.  
43. *hoc tit.* & ideo indulgendum non est eis auxilium di-  
uisionis. Finge, duo sunt rei debendi eiusdem pecuniæ, qui  
singuli stipulanti creditori separatim eam pecuniam se  
reddituros promiserunt, & singulos quoque fideiussores  
in singulas stipulationes singuli separatim dederunt. hi fi-  
deiussores, quia non sunt confideiussores, singuli in soli-  
dum conueniri, prout elegerit creditor, & condemnari  
possunt: nec inter eos inuito creditore diuidetur actio,  
quæ inter confideiussores diuideretur inuito creditore.  
At volente creditore nemo dubitat, quin, ut inter reos de-  
bendi actio diuidi potest parte petita à singulis, l. 3. §. ult.  
*sup. de duob. reis. l. reos, C. de fideiussor.* ita etiam possit cre-  
ditor sua sponte diuidere actionem inter fideiussores reo-  
rum, tametsi confideiussores non sint, quæ est sententia  
huius §. Adnotandum tantum est, hodie, quia etiam rei  
debendi inuito creditore habent beneficium diuisionis  
ex Nouel. 99. ex persona reorum etiam beneficium di-  
uidendæ actionis habituros fideiussores eorum; argumen-  
to l. pupillus, *sup. de fideiuss. tut.* Et vero ita est.

## Ad §. creditor.

*Creditor pignus distrahere non cogitur, si fideiussorem spe-  
cialiter acceptum omisso pignore velit conuenire.*

**E**xcepto responso huius §. cætera omnia sunt de be-  
neficio diuisionis, cuius sententia hæc est, breuis &  
facilis: creditorem, qui pignus & fideiussorem accepit,  
omisso pignore posse prius conuenire fideiussorem, quod  
notatur utique eum seruare debere hodie ex Nouella. 4.  
si pignus possideatur ab extraneo, ut scilicet prius conue-  
niat fideiussorem, quam persequatur pignus quod extra-  
neus possidet, atque distrahat, non si pignus ab ipso debi-  
tore possideatur: nam prius debet excutere pignus, quod  
debitor ipse possidet, quam experiri cum fideiussore, ex  
eadem Nouella. Quod autem ait in hoc §. creditorem  
omisso pignore fideiussorem conuenire posse, & addo, de-  
bere, si pignus possideatur ab extraneo, & supradicta  
Nouel. ita verum esse ait, si fideiussor simpliciter, si *ἀπλῶς*  
acceptus sit, id est, si non acceptus in id tantum, quod  
ex pignore redigi non possit, ut in l. omnis, C. de fideiussor.



& ita etiam simpliciter acceptus fideiussor dicitur in *l. A* *tra* *ius commune dotem constituisse, vel promississet, l. si causa §. 1. ff. de minor.* Ius commune est, ut mulier dotem constituat pro viribus patrimonij sui, & curatore auctore, si minor sit. hoc quæ fecit, non restituitur in integrum. Quæ secus fecit; id est, cauit dotem supra vires patrimonij sui, quia aberrauit à iure communi, restituitur in integrum. Potest etiam ad eandem regulam positam in *d. l. nihil consensui §. 1.* quem ex verbis & inscriptione scimus pertinere ad restitutionem minorum, potest, inquam, ad eam quoque poni congrua species ex hoc §. sed propinquior est quæ sumitur ex *l. in causa 11. §. 2. de minor.* Quoniam vtraque est ex eodem Vlpiani libro, & species hæc est: Adolescens siue minor xxv. annis paulo minore pretio fundum suum rite vendidit, nempe ex decreto Prætoris, & curatore auctore, paulo, inquam, minore pretio, non tamen infra dimidium iusti pretij: nam hic casus semper excipiendus est, an potest aduersus eam venditionem restitui in integrum, quasi deceptus? Minime; quia in ea venditione faciendæ ius commune obseruatum fuit, licet re ipsa deceptus sit paulo minore pretio accepto: nam ius commune est, ut liceat venditori quod minus est pluris vendere, si possit, & emptori quod pluris est minoris emere, *l. si voluntate, C. de rescind. vend.* Et in pretio constituendo possunt emptor & venditor citra dolum malum re ipsa se inuicem circumuenire, hoc est concessum naturaliter siue *ἐμποικῶς*, ut ait Nouel. 97. c. 1. Hæc scilicet est natura contractus emptionis & venditionis, ut vendat vnus quanto pluris, emat alter quanto minoris potest, & sibi quisque rem suam bene gerat citra dolum malum, ideoque prætextu minoris pretij, nec à minore iure facta venditio rescindi potest per restitutionem in integrum, quia non videtur captus & circumscriptus, qui iure communi vsus est.

#### Ad §. cum inter.

*Cum inter fideiussores actio diuisa, quidam post litem contestatam soluendo esse deserunt: ea res ad vnum eius, qui soluendo est, non pertinet, nec auxilio defendetur atatis actor. Non enim deceptus videtur iure communi vsus.*

**F**inge: diuisa est actio inter confideiussores, quod quidem desiderare possunt implorato beneficio epistolæ Diui Adriani quandocunque ante rem iudicatam, quia peremptoria defensio est, *l. 10. C. de fideiussor.* videlicet, si omnes soluendo erant litis contestatæ tempore, vel eo ipso tempore, vel post litem contestatam, ante rem iudicatam, desiderabunt diuidi actionem & singulos damnari in partem virilem tantum. Finge, inquam, omnes fuisse soluendo tempore litis contestatæ, & inter eos fuisse diuisam actionem, sed post litem contestatam vnum ex eis ad inopiam peruenisse. Queritur, quem inopia istius oneret, actorem, id est, creditorem, an confideiussorem? Et definit inopiam eius, qui lapsus est facultatibus suis, post litem contestatam onerare creditorem ipsum, non confideiussorem, licet creditor minor fuerit 25. annis. Quod habuimus etiam in *l. 7. de fideiuss. tut.* Nec poterit minori ex hac causa dari restitutio in integrum aduersus fideiussorem, quia restitutio datur minori decepto tantum: deceptus autem non videtur, qui iure communi vsus est, quam sententiam Papiniani usurpat Imperator ut solet sæpe libenter hoc auctore uti, in *l. ult. C. de in integr. restit.* quæ lex constat tantum hac sententia: *Non videtur minor circumscriptus, qui iure communi vsus est.* Et ibidem Græci notant esse antiquam regulam, *παλὰς τῆς ἐστὶν διατάξεως κανὼν.* Et sane antiqua est cum sit posita sub tit. *de reg. iur. antiq. l. nihil consensus §. 1.* Ius autem commune est, siue ius publicum, ut diuidatur actio inter fideiussores, qui sunt soluendo litis contestatæ tempore. Minor diuisit actionem inter fideiussores, qui erant soluendo litis contestatæ tempore: non videtur deceptus & circumscriptus, licet postea quidam ex eis exuti sint facultatibus. At si ab initio minor inter eos diuisisset actionem, qui tempore litis contestatæ soluendo non erant, hoc casu fateor ei subueniri beneficio ætatis per restitutionem in integrum, quia hoc casu iure communi non est vsus, quia imprudens inter inopes diuisit actionem, ut *l. seq. §. inter h. t.* Et potest quidem ad *l. ult. C. de in integr. restit.* poni species congrua ex hoc §. sed propior est & legi conformior species, quæ conficitur ex *l. mulier, C. de iure dot. & l. ult. C. de magistrat. con.* si coniungantur cum *d. l. ult. de in integr. restit.* Secundum quod paritas inscriptionis & subscriptionis in omnibus requirit. Et species hæc est. Mulier 25. annis minor, consensu iusti curatoris dotem marito dedit vel promissit pro modo facultatum suarum, & dignitate mariti familiæque suæ, non potest restitui aduersus dotem vel dotis promissionem, quia in ea constituenda vsa est iure communi. Recte data, recte promissa dote pro modo patrimonij sui auctore curatore, proinde auxilio ætatis non defendetur, quo minus ab ea dos exigatur, ut ait *d. l. mulier.* Licet culpa scribæ, qui inuentarium bonorum eius fecit, ei curator in minorem, quam dos fuerit, quantitatem cauerit, dato fideiussore rem puellæ saluam fore, quo nomine propter culpam scribæ, puellæ quidem est aduersus scribam actio in factum in id, quod interest ex Senatusconsulto, de quo in *d. l. ult. & in toto tit. de magist. conuen.* Sed non etiam restituitur mulier aduersus dotem semel iure communi constitutam pro viribus patrimonij, & consensu curatoris legitimi, quæ tamen restitueretur, si ultra vires & con-

#### Ad §. bonis.

*Bonis damnati fideiussoris fisco vindicatis, inter fideiussores actio postea si diuidi cæperit, ut heredis, ita fisci rationem habere oportet.*

**N**otandum est beneficium diuidendæ actionis non tantum confideiussoribus dari, sed etiam heredibus eorum, si ex eorum persona conueniantur, ut *l. 27. sicut, & l. 49. §. quod si duo, hoc tit.* Et non tantum heredibus, sed etiam quibuslibet successoribus eorum, ad quos bona eorum peruenierint: ergo etiam fisco, si fisco occupauerit eorum bona, ut puta, si vnus fideiussoris bona confiscata sint ex causa delicti, & creditor agat cum fisco quasi successore illius fideiussoris, vel cum altero confideiussore, si omnes soluendo sint litis contestatæ tempore. Fiscus semper est soluendo, & ideo nunquam dat fideiussorem, *l. 2. de fun. dot. l. 1. §. si ad fiscum, ut leg. nom. can.* Fiscus, inquam, si ceteri fideiussores soluendo sint, implorato beneficio epistolæ Diui Adriani, potest desiderare, ut singuli pro parte conueniantur; atque etiam, ut ipse tantum pro parte conueniatur ex persona damnati fideiussoris: Nam est perpetuum, quod dicitur in *l. fisco, de iure fisci*, fisco, qui in ius priuati succedit, iure priuati uti. Cæterum in hoc §. hæc verba, *damnati fideiussoris*, sic exaudire oportet: *damnati* ex crimine scilicet aliquo, ea pœna, quam sequitur publicatio bonorum, veluti morte, aut metallo aut deportatione, ut *l. 1. ff. de bo. dam. l. bona, de iure fisci*, & expunge Glossam hoc loco quæ dixit, etiam damnatum & confiscatum fideiussorem, si viuat, id est, si ultimo supplicio damnatus non sit, sed vel metallo, vel exilio, à creditore conueniri & condemnari posse. Quod omnino est falsum, quia damnatione illa tota obligatio perinde ac morte contra eum exstinguitur, *l. 47. h. tit.* & transfertur in fisco, & ita Bartolus recte, & alij: At non omnino recte quod aiunt, ad fisco non transire stipulationem conditionalem, qua verbi gratia deportatus tenebatur, si post deportationem conditio stipulationis exstiterit, cum



A creditor, quia futuri temporis vsuras stipulatus non est. Vnde generaliter constituimus: post nouationem obligationis vsuras non currere, vt ait *lex 18. hoc tit.* Et hoc inter cetera distat nouatio voluntaria, quæ fit per stipulationem, à nouatione necessaria, quæ fit per litis contestationem, alio vice debitoris iudicium accipiente, & contestante litem; quæ nouatio dicitur necessaria, quia iudicium redditur iniunctis. Hoc autem ideo dicimus distare nouationem voluntariam à nouatione necessaria, siue litis contestatione, quia lite contestata vsuræ currere non desinunt, *l. lite. sup. de vsur.* quæ est coniungenda cum dicta *leg. 18. hoc titulo*, quæ aliud statuit in nouatione voluntaria, qua interpolita negat currere vsuras. Sunt & multæ aliæ differentię inter nouationem voluntariam, & nouationem necessariam. Perit priuilegium exigendi, quod habuit creditor facta nouatione voluntaria, si modo abiciendi priuilegii animum habuerit, non etiam facta nouatione necessaria, *l. 29. hoc tit. l. questum, in fi. inf. de bon. auct. ind. possid.* Facta nouatione voluntaria pignora liberantur & hypothecæ, si hoc agatur, vt agitur plerumque, non etiam nouatione necessaria *d. l. 18. & l. 30. hoc tit. l. 1. C. etiam. ob chir. pec. pign.* Item nouatione voluntaria fideiussores & mandatores liberantur. *l. 4. C. de fidei.* non etiam facta nouatione necessaria, *l. 27. & 28. C. eod.* Ac postremo stipulatio pœnalis, vt puta, si creditor stipulatus sit pœnam, si ad diem pecunia soluta non esset, ea stipulatio perimitur facta nouatione voluntaria, *l. 15. hoc tit.* non facta nouatione necessaria, *l. 90. sup. de verb. oblig.* Non omitam quod in formula stipulationis propositæ hoc loco, *Quidquid ex vendito, dare facere oportet*, Basilica facere, interpretatur *et ego xiv*, non male imo rectissime: nam præstare facere est, *l. ex empto in princip. sup. de act. emp. l. si mandatu meo §. quoties sup. mandati.*

Prædiis à fisco diftractis, præteriti temporis tributum eorundem prædiorum onus emptorem spectare placuit.

**H** Vius legis sententia hæc est: Eum, qui emit prædia, à fisco, quæ quondam privati hominis fuerunt, debere præstare tributum, non futuri temporis tantum, sed etiam præteriti, quod ea prædia scilicet fisco debent, & nihil refert fiscus ea prædia vendiderit iure hypothecæ vel iure successionis, possessore damnato & confiscato, an possessor ipse vendiderit: nam emptor debet semper reliquum præteriti temporis, reliquum tributorum si prædia possideat, quoniam hæc tributa siue vestigalia ipsa prædia debent, non personæ. *l. Imperatores, sup. de publ. l. 2. C. de ann. & trib. lib. 10.* Demosthenes in Timocratem, εἰσφορὰς ὀφείλειν τὰ κτήματα, οὐ πώματα, tributa possessiones debere, non possessores. Aut quod idem est, Possessores debere nomine possessionum. Possessores quosque. Et Theodosius Imperator in Nouella, cuius thema tale est. *Neque domum diuinam, neque Ecclesiam, &c. omnem censum agrorum esse, non personarum.* omnem censum, inquit, id est, omne tributum. Omne tributum proinde sequitur quemcunque possessorem agrorum. Vnde in hac lege, tributum eorundem prædiorum onus est, ἐπὶ τῶν πρῶτων, tributum, quod sc. est eorundem prædiorum onus. Ac eadem ratione, cum dixisset *d. l. Imperatores*, emptorem, & quemlibet possessorem prædiorum reliqua, siue præteriti temporis tributum, soluere debere, subiicit, emptori tamen si ignorauerit, prædia esse obnoxia reliquis quam plurimis, quod il y eust beaucoup d'arrérages. Emptori, inquam, dari actionem ex empto aduersus venditorem, vt vel præstet venditor quanto minoris empturus erat, si id non ignorasset, vt in *l. si minore, C. de act. emp.* Nam in *d. l. Imperatores*, pro exemplo, iam olim ostendi esse legendum, *ex empto*: & hoc ipso libro idem Papinianus scripsit de actione ex empto, quod venditor celauerit emptorem

*Emptor cum delegante venditore pecuniam ita promittit, quicquid ex vendito dare facere oportet, novatione secuta, usuras neutri post insecuti temporis debet.*

**H**uius legis species hæc est : Luc. Titius emptorem sibi obligatum ex causa venditionis delegauit mihi creditori suo, vt quod sibi debet ex ea causa, id nouatione facta promitteret mihi stipulanti, hoc modo: *Quidquid te Lucio Titio, ex vendito dare facere oportet, id mihi dari, fieri spondeo?*

Finge autem, emptorem Lucio Titio venditori de-  
buisse pretium, & vsuras pretij post diem traditionis  
rei venditæ, vt in *l. Iulianus §. ex vendito, ff. de actioz. empt.*  
Ex castipulatione, quæ nouandæ obligationis causa in-  
terposita est, mihi quidem vsuræ præteriti temporis de-  
beantur, quæ venditori debebantur, sed quæritur; an  
etiam in futurum mihi vsuræ pretij debeantur, aut si  
mihi non debeantur, quod est verius, quia mihi in futu-  
rum non cauit, an debeantur venditori? Et responder  
Papinianus post factam nouationem vsuras insecuti tem-  
poris neutri deberi, id est, neque venditori deberi, qui in  
vniuersum recessit ab obligatione empti venditi, siue  
quia in eius, in venditoris scilicet persona, omnino no-  
uata est obligatio empti venditi; neque etiam deberi



onera tributorum. Idem scripsit Papinianus in *l. in A* *stip. act. l. in omnibus. de pret. stipulat. l. r. §. sed ex contrario, de exercit. act. & in d. §. si procurator*. Obseruandum est, actionem, quæ venditori competit, appellari *ex vendito*, quæ emptori *ex empto*. Sed quæ venditori competit appellatur interdum etiam *ex empto*. Id fit imperfecto quodam genere loquendi *ex empto* pro *ex vendito empto*. Nam perfecta ratio est, *Actio ex vendito empto*, quæ venditori competit, *actio ex empto vendito*, quæ emptori competit, & sic in *l. r. §. si seruus ext. emi. se mandau.*

Restant adhuc loci, ad quos nunc veniamus, quibus alij auctores sumunt testimonia ex hoc lib. 3. Responsorum, in quibus Papinianus citatur.

Ad §. si quis Titio l. 10. ff. mand.

*Si quis Titio mandauerit, ut ab actoribus suis mutuam pecuniam acciperet: mandati eum non acturum* Papinianus libro tertio Responsorum scribit: quia de mutua pecunia eum habet obligatum, & ideo usuras eum petere non posse, quasi ex causa mandati, si in stipulationem deducta non sunt.

**I**N l. 10. §. si quis Titio, & §. idem Papinianus, & §. si cui mandauero, mand. proponuntur tria responsa Papiniani nominatim ex hoc lib. 3. Respon. 5. Primi species hæc est. Cum me Titius rogaret mutuam pecuniam, ei mandavi, ut acciperet ab actore rerum mearum hanc pecuniam, id est, seruo meo dispensatore, & accepit. Quæritur, vtrum mihi Titius ex causa mandati teneatur, an ex causa mutui, quod magni interest scire, ut in *l. qui negotia 43. mand.* quia ex causa mandati usuræ; (nam iudicium est bonæ fidei) peti possunt, etiam si in stipulatum deductæ non sint. Ex causa mutui, quia est stricta actio, citra vinculum stipulationis usuræ peti non possunt, *l. 3. C. de usur. l. Titius, de prasc. verb. l. 10. §. sed vtrum, de in rem vers.* Quæ fuit etiam causa dubitandi apud eundem Papinian. hoc ipso libro in specie legis 25. §. ult. de pos. essetne actio depositi in hac specie, an actio creditæ pecuniæ: quoniam depositæ pecuniæ usuræ debentur etiam ex pacto nudo, creditæ autem pecuniæ non debentur ex pacto nudo sine stipulatione. Et in specie quidem proposita in *d. §. si quis Titio*, Papinianus respondet, Titium, qui mandato domini pecuniam ab eius actore accepit, non mandati actione domino teneri, sed condictione, quæ de mutuo dato proponitur, quia nihil refert ipse Titio eam pecuniam numerauerit; an actor, qui rem eius pecuniariam tractabat omnem, & ideo Titius usuris, etiam si quid de iis conuenerit inter dominum & Titium, non obstringitur citra stipulationem, quia non id agebatur, ut mandati contraheretur obligatio, sed creditæ pecuniæ, cuius usuræ non debentur citra stipulationem. Quod autem refertur ex eodem libro Papiniani in *d. §. idem Papinianus*.

Ad §. idem Papinianus ff. cod.

*Idem Papinianus libro eodem refert fideiussori condemnato: qui ideo fideiussit, quia dominus procuratori mandauerat, ut pecuniam mutuam acciperet: utilem actionem dandam, quasi in iudicium, quia & hic quasi preposuisse eum mutua pecunia accipiente videatur.*

**I**dem Papinian. scripserat in lib. 2. l. liberto, in princip. de negot. gest. videlicet de actione quasi in iudicium negotiorum gestorum, quia dominus, qui procuratori mandauit, ut pecuniam mutuam acciperet in negotia sua, tenetur non tantum creditori, qui pecuniam mutuam dedit, sed etiam fideiussori si soluerit. Et iam huius responsi partem in hoc libro habuimus & exposuimus satis in *l. pen. in princip. de inst. act.* Eique potest adiungi quod ex eodem libro 3. refertur in *l. Iulianus, §. si procurator, de act. emp.* Dominus procuratori suo mandauit, ut rem aliquam suam venderet: vendidit & cauit emptori euictionis nomine, dominus tenetur emptori quasi in iudicium actione ex empto, etiam si procurator, qui cauit emptori, soluendo sit, ut *d. l. pen.* Contra quoque emptor domino tenetur actione ex vendito, quod tamen ita demum verum est, si procurator, cui mandauit rem vendendam, non sit soluendo, ut exposuimus, in *d. l. pen.* & patet ex *l. 1. & 2. de in-*

Ad §. si cui mandauero ff. eod.

*Si cui mandauero ut à Titio stipuletur, potero cum eo cui mandavi, agere mandati, ut eum accepto liberet, si hoc velim, vel si malim in hoc agam, ut eum deleget mihi, vel si cui alij voluerò. Et Papinianus libro eodem scribit, si mater pro filia dotem dederit, eamque mandante filia, vel illico stipulata sit, vel etiam postea, mandati eam teneri, quamuis ipsa sit qua dotem dederit.*

**S**pecies §. si cui mandauero, versic. & Papinianus, hæc est: Si mater pro filia dotem dederit, & filia mandante illico, id est, initio dandæ dotis, vel postea, id est, ex interuallo, stipulata sit mater, à genere diuortio factæ dotem sibi reddi, quia stipulata est mandatu filia, mandati actione filia tenetur, quamuis ipsa dotem dederit de suo, vel ut liberet virum per acceptilationem, si quidem filia malit eum sibi obligatum esse, quam matri, atque ita liberatum eum à matre, velit mutata sententia sibi stipulanti promittere in casum diuortij, ut in *l. pen. de negot. gest.* Vel etiam mater tenetur filia mandati actione, ut virum deleget sibi, vel alij cui voluerit, vel diuortio facto, ut cedat sibi actionem ex stipulatu, vel si iam dotem exegit, ut sibi eam præstet, *l. 59. in princ. ff. usand.* Et notandum, quod ait Papinianus in eo responso, filia mandante matrem, quæ dotem dederat pro filia donandi animo, stipulatam dotem sibi reddi, & stipulatam vel illico tempore dandæ dotis, vel intermisso spatio: nihil referre igitur, statim stipulata sit, an postea: vnde apparet filiam aut matrem mandatu filia etiam ex interuallo recte stipulari dotem sibi reddi, nec necessarium esse, ut ea stipulatio interponatur initio contractus dotis. filia quandocunque dotem à se datam vel pro se datam recte stipulatur sibi reddi diuortio facto: at mater, quæ dotem dedit, non recte eam stipularetur ex interuallo sine mandatu filia cui dos acquisita iam est. Idque patet ex *l. ob res §. 1. de pact. dot.*

Ad §. Papinianus quoque l. 52. pro socio.

*Papinianus quoque libro tertio Responsorum ait. Si fratres parentum indiuisas hereditates, ideo retinuerunt, ut emolumentum ac damnum in his commune sentirent, quod aliunde quasierint in commune non redigetur.*

**S**I duo fratres consortes socij sint, qui patris hereditatem inter se pro indiuiso habeant communem, non omnia bona sua, quod quis aliunde adquisiuit, quam ex ea hereditate, id Papinianus respondet in commune non redigi. Rectissime: nam è contrario, quod quis eorum amisit ex bonis suis propriis, ex aliis bonis suis, id communi hereditati non reputat, *l. ex parte §. filius, famul. ercisc.* Et ita iam ante Vlpianus docuit ex rescripto Seueri. Si duo sint argentarij socij, quod quis eorum vel adquisiuit extra causam mensæ argentariæ, id in commune non redigi. Ergo etiam, si quis eorum amisit ex aliis bonis suis, id non imputari mensæ communi, ut sit eadem ratio inter eos tam lucri quam damni. Denique idem ius esse in cæteris sociis omnibus, qui sunt socij non vniuersorum bonorum, sed certorum, certæ rei, negotiationis, professionisque, quod est in argentariis sociis, qui tantum sunt socij mensæ argentariæ, & in cæteris qui argentariis sunt similes, quales erant coactores & nummularii, ii sunt parui



parui argentarij, qui partem tantum officij argentarij ex-  
tequuntur, quod de nummulariis liquet ex l. quidam §.  
pen. ff. de edendo, & de coactoribus etiam manifestum est,  
qui, postquam argentarij pro aliis auctionem fecerunt,  
ostiatim cogunt pecunias siue pretia, quæ fecerunt, qui li-  
citati sunt, vt fit hodie, qui & collectarii dicuntur in l.  
quisquis, C. si cert. pet. Ii sunt dicunturque etiam quodam-  
modo argentarii, vt in Glossis Philoxeni interpretatur  
etiam argentarius, coactor, quod etiam verbum Lati-  
num pro coactor, & etiam apud Hesychium. Κομάντωρ,  
qua voce quid significetur non interpretatur, sed dicit  
eam vocem tantum esse apud Rhinthonem in Medea.  
Sane est coactor, siue argentarius, siue argentarii mini-  
ster, vel adfecta, illius Rhinthonis auctoritate etiam He-  
sych. vtitur in verbo Κατάβεια, & Athenæus duobus in  
locis. Fuit poeta Tarentinus, similis Rabelesio nostro,  
qua de causa nebulo vocatur à Columella lib. 8. cap. 16.  
Ex Varr. lib. 3. de rer. rust.

Ad §. item ex facto eadem l.

Item ex facto consultum respondisse se ait, libro tertio Re-  
sponsorum: Inter Flauium Victorem & Vellicum Asianum  
placuerat, vt, locis emptis pecunia Victoris, monumenta fierent  
opera & peritia Asiani: quibus distractis, pecuniam Victor  
cum certa quantitate reciperet, superfluum Asianus acciperet,  
qui operam in societatem contulit. Erit pro socio actio.

**A** It in hoc §. Papinianus, recte contrahi societatem  
inter duos, vno conferente pecuniam, altero confe-  
rente artem tantum, vel operam suam, vt in hac ipsa lege  
§. 2. §. si in coeunda, & l. 1. C. eod. tit. §. de illa, Instit. de societ.  
Marcus Tullius pro Roscio Am. Non est captiosa, inquit,  
aut iniqua societas, vbi alter corpus, alter disciplinam in so-  
cietatem adfert. Exempla sumuntur ex dicto §. si in coeunda.  
Si pastori pascenda mea pecora dedi, ea lege, vt fœtus  
essent communes, ego confero rem, pastor operam tan-  
tum, & rata est societas, vt l. si pascenda, C. de pact. Item si  
politori meum agrum poliendum dedi, eis ἐργασίῃ, vt est in  
Basil. vt poliret meum agrum, ea lege, vt fructus essent  
communes: & addit rationem in §. si coeunda, cur iusta sit  
societas, vbi vnus confert rem vel pecuniam, alter artem  
vel operam suam? Quia, inquit, pretium artis operæ est  
leuamentum, sic iampridem ostendi, esse legendum traie-  
ctis literis, pro velamentum. Pretium autem artis operæ  
ue est leuamentum, Esse leuamentum, id est, æqua-  
mentum, libramentum, & amussim, vt apud Non.  
Marcell. Varro lib. 2. Plant. quæst. Amussim esse exa-  
men & leuamentum. Denique pretium artis vel operæ  
facere libramentum, æquilibrium, quod leuamentum di-  
citur, & tantum pollere artem, quam pecuniam vel rem,  
quam alter confert. Est & aliud exemplum in specie §.  
item ex facto, de qua Papinianus se ex facto consultum  
respondisse ait. Ex facto, quod Theophilus noster in §.  
ult. de fid. hered. interpretatur, οὐκ ἔστιν οὐκ εἰς τὸν, & sæpe hoc  
modo auctores nostri loqui solent, significantes otiosam  
quæstionem non esse, sed vñ forte natæ rei ita tu-  
lisse, vt de ea re quæreretur. Species vero illa est hu-  
iusmodi.

Inter me & te conuenit, vt loci quidam extra urbem  
mea pecunia emerentur: in quibus, cum esses faber, tua  
arte & opera fabricarentur monumenta & conditoria  
mortuorum, & monumentis venditis (constat enim pura  
monumenta, quæ nondum vlla religio occupauit vendi  
posse. l. 6. §. ult. de relig.) Conuenit igitur inter nos, vt  
venditis monumentis ego pecuniam quam contuli in  
emptionem locorum reciperem cum accessione certa  
(nam in hoc §. recte scriptum est, cum certa quantitate in  
Flor. & in Basilicis: οὐδ' ἐτέρᾳ διὰ τὴν ποσότητι.) vt igitur ego  
reciperem pecuniam, quam contuli in emptionem loco-  
rum cum accessione certa, tu haberes residuum pretii,  
quod ex venditione monumentorum redigeretur: Con-  
Respons. Papin.

tuli pecuniam, tu fabrillem operam tantum: & videtur in-  
ter me & te recte contracta societas distrahendorum mo-  
numentorum. Et ex hoc negotio est vltro citroque actio  
pro socio. Nec omitam in hoc §. illo loco, Bellicum Asia-  
num, recte scribi Vellicum. vt & in l. Julianus §. per contra-  
rium, de act. emp.

Ad §. Idem Papinianus ead. l.

Idem Papinianus eodem libro ait, si inter fratres volunta-  
rium consortium initum fuerit, & stipendia ceteraque sala-  
ria in commune redigi iudicio societatis: quamuis filius eman-  
cipatus hac non cogatur conferre fratri, inquit, in potestate  
manenti, quia etsi in potestate maneret, præcipua ea haberet.

**S** Vbiicitur statim in §. idem Papinianus, eod. lib. aliud  
responsum. In quo proponitur differentia vna inter  
societatem voluntariam & necessariam. Voluntariam  
contractus conciliat, & ex ea nascitur actio pro socio:  
Necessariam fortuna conciliat, & ex ea non nascitur actio  
pro socio, sed communi diuidendo, sicut ex voluntaria  
vtraque actio. Ex necessaria communi diuidendo tan-  
tum, non pro socio, vt si duobus communiter hereditas  
vel legatum obueniatur, l. 31. & seq. hoc tit. Vtramque socie-  
tatem significat M. Tull. in Quintiana, his verbis: Socius  
cui cum te voluntas congregasset, aut fortuna coniunxisset. Et  
infra, Cum eo tu voluntariam societatem coibas, qui te in so-  
cietate hereditaria fraudarat. Et sic voluntariam socie-  
tatem in l. virum §. in heredem, hoc tit. quod est, in hoc §. vo-  
luntarium consortium. In quo differentia quam initio pro-  
poni dixi, hæc est. Si societas sit necessaria, siue heredita-  
ria inter fratres, vt puta, si patri simul heredes exstiterint,  
frater emancipatus fratri in potestate manenti, id est, qui  
fuit in potestate patris morientis, non confert castrense  
vel quasi castrense peculium, sed id sibi habet, retinetque  
præcipuum, l. 1. §. nec castrense ff. de collat. bon. Quia etiam  
mansisset in potestate patris, id præcipuum retinisset,  
nec adquisisset patri. Ex quo generaliter definies, ea quæ  
fui non adquirunt patri, nec emancipatos conferre fratri-  
bus suis, cum quibus vocantur ad successionem patris,  
quod est verum. At si inter fratres coita sit voluntaria so-  
cietas omnium bonorum, etiam castrensia aut quasi ca-  
strensia bona in commune conferuntur, aut conferre co-  
guntur actione pro socio. In castrensisib. bonis, exempli  
gratia, Papinianus hoc loco numerat stipendia militaria:  
in quasi castrensisib. cetera salaria, quæ merito officij aut  
dignitatis tribuuntur de publico, vt l. ult. C. de inof. test. Et  
hæc est sententia §. idem Papinian. Sequitur aliud ex  
eodem libro Papiniani relatum in l. 4. §. eleganter, de lego  
commiss.

Ad §. eleganter. l. 4. ff. de leg. commissor.

Eleganter Papinianus libro tertio Responsorum. scribit: sta-  
tim atque commissæ lex est, statuere venditorem debere, vtrum  
commissoriam velit exercere, an potius pretium petere, nec  
posse si commissoriam elegit, postea variare.

**L** Ex commissoria, est pactum, quod venditoris causa  
adiicitur emptioni venditioni l. 2. hoc tit. puta, vt  
si ad diem conditum emptor non soluat pretium, res  
sit inempta, qua lege commissæ, id est, pretio ad diem  
non soluto, in arbitrio est venditoris ea lege eoue pacto  
vti, aut non vti: Nam si hoc malit, potest pretium petere  
post diem lege commissoria comprehensum, & non vt  
lege commissoria secundum regulam iuris, ex qua licet  
contemnere & remittere cuilibet ea, quæ sua causa in-  
troducuntur, l. pen. C. de pact. sed si semel ei legi re-  
nuntiarit venditor, si semel constiterit ea lege siue pa-  
ctione non vti, & post diem pretium petierit, postea va-  
riare, & ex pœnitentia eam legem siue pactionem exer-  
K



cerere non potest, ut in l. 7. hoc tit. cuius responsi hanc dico A  
 esse rationem. Quia non potest iterum variare, qui semel  
 variavit. Semel variatio admittitur in quibusdam causis  
 iure nostro, bis non item. Et in hac specie variare non po-  
 test venditor, qui iam variavit semel, cum legem commis-  
 soria, quæ placuerat initio venditionis post diem lege  
 commissoria comprehensum, non exercuit. Et spisse aut  
 vix permittitur vnquam cuiquam, ut bis variare liceat: &  
 præterea, quia venditor variare & mutare sententiam  
 non posset sine iniuria emptoris, cui à venditore semel  
 electo & petito pretio post diem ius emptionis firmo &  
 perpetuo iure acquisitum ac confirmatum est.

Huius responsi simile est, quod proponitur etiam ex  
 eodem libro in l. 1. de seru. export. Si venditor serui hanc  
 legem dicat in venditione, ut is seruus exportetur ab em-  
 ptore, nec Romæ moretur, ubi vānibat, venditor hanc B  
 legem remittere potest emptori & seruo, quia propter  
 eius securitatem dicta lex fuit, ne periculum subiret, quod  
 metuebatur à seruo nequissimo, cuius oculos ferre vel con-  
 spectum non poterat. Denique vnusquisque potest re-  
 mittere, quod sui causa sibi cauit, & ex hac lege 1. de seru.  
 export. & d. l. 4. §. eleganter, de lege commiss. sumes duo ap-  
 tissima exempla ad illam regulam iuris, ut vnusquisque  
 possit renunciare iis, quæ pro se introducta sunt; sed in  
 hoc exemplo posteriori dicemus etiam venditorem, si se-  
 mel emptori permiserit seruum Romæ retinere, non pos-  
 se variare, & ad eam legem redire, ne variatio bis admit-  
 tatur, quod absurdum est, ne iniuria fiat emptori. Præte-  
 rea in testimoniū vocatur etiam Papinianus ex cod. li.  
 in l. creditor §. si quis, qui potior in pign. hab.

Ad §. sciendum l. creditor 12. ff. qui pot. in pign.

Sciendum est secundo creditori rem teneri etiam inuito de-  
 bitore tam in suum debitum, quam in primi creditoris, & in  
 usuris suas, & quas primo creditori soluit. Sed tamen usura-  
 rum quas primo creditori soluit, usuris non consequitur. Non  
 enim negotium alterius gessit, sed magis suum. Et ita Papinia-  
 nus lib. 3. responsorum scripsit. Et verum est.

**H**uius §. sententia hæc est: Si duo sint creditores, qui-  
 bus idem pignus datum & obligatum sit, & poste-  
 rior creditor priori oblata pecunia cum usuris in locum  
 prioris successerit, & pignus sibi confirmarit, in quo ante  
 oblationem non erat potior, retinet id non tantum in  
 suum debitum, & in usuris sibi debitas, sed etiam in id de-  
 bitum, & in usuras, quas priori creditori soluit, & ob-  
 vtramque summam recte pignus distrahit etiam inuito D  
 debitore, ut in l. 5. in princ. de distrab. pign. Caterum in  
 usuras vsurarum, quas soluit priori creditori, pignus non  
 tenetur, quod est caput istius responsi, & confirmatur, l. 2.  
 C. de pignor. & hypothec. Ratio autem est hæc, cur pignus  
 non teneatur in usuras vsurarum quas soluit priori cre-  
 ditori, quia in soluenda sorte & usuris priori creditori  
 debitis, posterior creditor magis suum, quam debitoris  
 negotium gessit. Gessit quidem re ipsa negotium debito-  
 ris, quia soluendo eum liberavit à priori creditore, sed  
 animum tamen habuit gerendi sui negotii, id est, confir-  
 mandi sui pignoris. Et ideo sortis quidem solutæ priori  
 creditori usuræ currunt in persona posterioris, quæ curre-  
 rent in persona prioris, si ei satisfactum non esset, sed non  
 currunt etiam vsurarum solutarum usuræ. At si quis alius  
 non creditor negotium soli debitori gerens soluisset cre-  
 ditori sortem & usuras ei debitas, non tantum sortis, sed  
 & vsurarum solutarum usuras reciperet iudicio negotio-  
 rum gestorum, quia omnis pecunia quam pro alio soluit  
 vltro vice sortis fungitur, ut fit etiam in specie l. qui nego-  
 tiationem §. ex duobus, & §. vlt. de administrat. tut.

Ad §. si impuberis. l. illud quæritur de euid.

Si impuberis nomine tutor vendiderit: euidione secuta,  
 Papinianus lib. 3. Responsorum ait, dari in eum cuius tutela  
 gesta sit, utilem actionem, sed adiicit: in id demum, quod ratio-  
 nibus eius acceptolatum est. Sed an in totum, si tutor soluendo  
 non sit, videamus, quod magis puto. Neque enim male contra-  
 hitur cum tutoribus.

**S**i tutor pupilli nomine rem vendiderit ex utilitate pu-  
 pilli & bona fide, sic enim est ponendum ex l. cum plu-  
 res §. 1. de admin. tut. idemque tutor forte emptori cauerit  
 de euidione, secuta post finitam tutelam euidione, quæ-  
 rebatur, quis emptori ob euidionem teneretur, tutor qui  
 vendidit & cauit, an adolescens, cuius nomine venditio  
 facta est? Et respondet Papinianus, adolescentem teneri  
 utili actione ex empto euidionis nomine. Et utique sine  
 dubio adolescens eo nomine emptori tenetur in id, quod  
 rationibus eius acceptolatum est, & ut dicam vernacule:  
 Jusqu'à la concurrence de ce qu'il a recu du prix de la chose  
 vendue, usques au concurrent de la chose vendue par la red-  
 dition du compte, usques à la reddition du compte. Imo vero  
 adolescentem teneri in totum euidionis nomine, maxi-  
 me si tutor soluendo non sit. Qua in re magna est diffe-  
 rentia inter procuratorem, qui si vendiderit & cauerit, fi-  
 nita procuracione nullo modo liberatur ab emptore, &  
 tutorem vel alium, qui fungitur inuitus munere publico.  
 Procurator munere voluntario fungitur, quam in rem  
 velim vos relegere, quæ dixi lib. 1. ad leg. 3. §. in eum, de  
 admin. rer. ad civit. pert.

Ad §. vlt. seruo 113. de leg. 1.

Ineptas voluntates defunctorum circa sepulturam (velut  
 vestes, aut si qua alia superuacua, ut in funus impendatur)  
 non valere, Papinianus libro tertio Respons. scribit.

**M**artianus in hoc §. ait Papinianum respondisse, in-  
 eptas voluntates defunctorum circa sepulturam  
 non valere; ut si iubeant vestes, vel quæ alia impendi su-  
 peruacua in funus, aut (ut fiebat antiquitus) comburi se-  
 cum vestes suas. Et inde hoc tacite consequitur heredem  
 non esse indignum, qui his voluntatibus non obtempe-  
 rat, quæ ineptæ sunt; alioquin indignus est heres iure ve-  
 teri, qui non exequitur iustam voluntatem defuncti. Et  
 tamen videretur posse obici, quod in iustas impensas fu-  
 neris numerantur etiam vestimenta, ut in Basil. est scriptum  
 in l. funeris, sup. de relig. & quod pro veltigali datur: deni-  
 que quod in iustas impensas funeris numerantur vestes,  
 in l. 14. §. funeris, cod. tit. Et apud Virg. 6. Æneid.

Purpureasque super vestes velamina nota, Conyiciunt.  
 Sed hic Papinianus tantum respondet de vestibus, quæ  
 consumuntur superuacue & superuacue comburuntur, ut  
 in funere Achillis apud Homerum Odyss. 9, & apud Lu-  
 cianum in Nigrino idem refertur.

\*\*\*\*\*

**IACOBI CUIACII**  
**IVRISCONSULTI**  
**COMMENTARIA**  
 in Lib. IV. Responsorum  
 Æmilij Papiniani.

Ad l. 9. de Senatorib.

Filiam Senatoris nuptias liberti secutam, patris casus nō fa-



cit uxorem, nam quæstia dignitas liberis, propter casum patris A  
remoti à Senatu, auferenda non est.



Ec verba vt intelligantur, sciendum est, ex l. Julia & Papia, de maritandis ordinib. libertinā non esse iustam vxorem Senatoris, vel filii, aut nepotis Senatoris, non esse iustas nuptias inter libertinam & Senatorem, aut Senatoris liberos, l. 23. & 44. de ritu nupt. Et contra, non ex eadem quidem lege Iulia, vt plerique inconsideratè, sed ex Senatusconsulto & oratione Diui Marci, filiam quoque ac neptem Senatoris non esse iustam vxorem libertini hominis, l. 27. & 42. eod. rit. Vnde quæritur hoc loco: an tamen filia Senatoris, quæ libertino nupsit fiat iusta vxor, si postea pater eius Senator esse desierit, puta, si ob crimen aliquod Senatu motus sit, & rescribit Papinianus, eam non fieri iustam vxorem, quia etsi pater eius desierit esse Senator, ipsa tamen non definit esse Senatoris filia: nec enim dignitas natalium semel quæsitæ liberis eis auferitur ob casum patris, quod est æquissimum. Cui tamen responso obstare videtur, quod ex contrario dicitur in l. 27. eod. tit. de ritu nupt. libertinam, quæ nupsit Senatori fieri iustam vxorem, si maritus Senator esse desierit, si Senatu propter turpitudinem aliquam remotus fuerit. At reuera nihil obstat: est enim idem iuris in vtroque casu, siue Senator, aut Senatoris filius duxerit libertinam, siue filia Senatoris nupsit libertino; nam vt priore casu conualescunt, iustæque fiunt nuptiæ, si vir clarissimam, id est, Senatoriam dignitatem amittat: ita & posteriore casu iustæ fiunt nuptiæ, si filia Senatoris eam dignitatem amittat, vt si profiteatur impudicitiam apud Ediles, si corpore quæstum faciat, l. 47. eod. rit. At quandiu manet dignitas integra, iniustæ nuptiæ sunt, siue filia Senatoris nupsit libertino, siue filius Senatoris duxerit libertinam. Integra autem eis dignitas manet, etiam si pater, à quo eam dignitatem habent, ea dignitate exciderit. Nota aspersa patri, non pertingit filium vel filiam, denique non facit iustas nuptias, quas filius vel filia Senatoris contraxerit cum libertinæ conditionis hominibus.

#### Ad l. 4. de offic. adfess.

Diem defuncto Legato Caesaris, salarium comitibus residui temporis, quod à legatis præstitutum est, debetur: modo si non postea comites cum aliis eodem tempore fuerunt. Diuersum in eo seruatur, qui successorem ante tempus accepit.

Hæc lex celebratur plurimum, & vexatur ab interpretibus, necdū explicatur, & est repetitio brevis, l. 19. §. ult. locati. Constat inter omnes, Legatum Caesaris in hac lege esse Præsidentem prouinciæ, & Comites in hac lege esse adfessores & Consiliarios quos ex Italia secum Præses ducit in prouinciā, Comites sedendi. Est autem, quod notandum in hac lege, ἐπὶ πλείονι numerorum, quia cum de Præsidente loquitur, initio ait, Legato Caesaris: deinde pluratiuo numero, Legatis, non est existimandum alium esse legatum, alios legatos, sed de præsidibus aut de Præsidentum comitibus siue adfessoribus tota lex agit, & sunt frequentissimæ in iure nostro ἐπὶ πλείονι. Constat etiam ex l. administrantes §. 1. de excus. tut. Comitum siue Adfessorum certum fuisse numerū, quem Præsidius erat ducere in prouinciā, ne multi grauentur fiscum: Publico enim salario Adfessores fruebantur, vt ex contrario demonstrat l. ult. h. t. Ideoque in commentarium Principis, vel in ærarium referebantur, l. abesse, ex quib. cau. maior. Ils estoient couchez en l'estat. Et erat ei aduersus fiscum vel aduersus Rempublicam petitio salarij extraordinaria, vt l. 1. §. sed et si Comites. & l. 4. de extr. cogn. vno loco dicuntur Comites, altero, iuris studiosi, vt in l. 1. hoc rit. Quoniam omnes Adfessores magistratum erant Iurisconsulti, & Iuris studiosi & Iuriscons. idem est, sicut Respons. Papin.

σφοδρὸν & φιλόσοφοι, id est. Defuncto autē Præsidente prouinciæ (quæ est sententia huius legis) ante annum tempus, (erat enim plerumque annuus magistratus, vel ante id, quod decreta prouinciā ei lege aut Senatusconsulto finitum erat.) Defuncto, inquam, Præsidente ante legitimū tēpus prouinciæ, & administrationis suæ, Papin. docet hoc loco Comitibus siue Adfessoribus defuncti Præsidis deberi totius legitimi temporis salarium integrum: Salarium, inquit, residui temporis, quod à legatis præstitutum est, sic Florentiæ: sed affirmo esse illo loco paruum quandam transiectionem literarum duarum, & legendum: residui temporis quod Legatis præstitutum est, vt sit residui temporis quod præstitutum & finitum ac definitum est Legatis, id est, præsidibus vt prouinciā administrarent: nec enim præstitui salarium vnquam dicitur, sed præstitui dicitur tempus tantum, l. 1. de iure deliber. Et ita Marc. Tull. Proconsul. Ciliciæ epistola 8. lib. 2. & 7. lib. 15. ad Fam. optat, nequid accedat temporis ad id, quod lege & Senatusconsulto ei præstitutum & finitum erat, nequid temporis accedat ad annum mūnus: ne vt ait alio loco, lib. 2. tempus prouinciæ prorogetur: vnde & in fine huius legis agit de Præsidente, qui ante tempus præstitutum scil. successorem accepit: proinde nihil est certius quam præstitutum dici de tempore præsidatus, non de salario. Ita vero demum residui temporis salarium deberi ait Comitibus siue Adfessoribus, si residuo tempore aliis præsidibus operam suam non accommodauerint, si otiosi fuerint, quia per eos non stetit, quo minus iniuncto munere fungerentur, sed per casum præsidis, siue absentiam, vt veteres loquebantur, quo argumento in d. l. 19. §. pen. loc. Defuncto præside, vel alio quocunque qui conduxerat operas exceptoris, id est, scribæ siue notarii, vel operas alterius, nihil refert, vt in l. qui operas, cod. t. Defuncto, inquam, eo qui conduxerat operas exceptoris, siue librarii in certum tempus, dicitur exceptori deberi mercedem integram, si modo residuo tempore mercedem ab alio non acceperit, & alii operas suas non locauerit. Et in fine legis Papinian. ostendit rectissime in Adfessoribus præsidum siue Comitibus aliud esse dicendum, si præses vita defunctus non sit, sed ante tempus præstitutum, & præfinitum successorem acceperit, quoniam hoc casu Adfessoribus eius residui temporis salarium non debetur, & ratio hæc est: quia datio successoris & Præsidentis, & Comites eius expūxit ætario siue tabulario Principis, in quod relati erant, perinde ac si legitimum tempus expleuissent. hæc est sententia huius legis. Non quærit lex, an etiam heredibus Præsidis defuncti debeatur salarium residui tēporis, nam & Præsides erant salariarii, de eo vero non quærit, quoniam certissimum erat, deberi salarium residui temporis: potest tentari etiam, Adfessoribus defunctis, heredibus eorū deberi salaria etiam residui temporis, sicut proximis factorum scriniorum, qui & literarum & iuris periti erant non minus quam Adfessores, proditum est deberi salariū totius temporis heredibus eorum, si moriantur in l. 11. C. de prox. sacr. scrinior. lib. 12. Itemque defunctis fisci patronis eius anni, quo defuncti sunt integrum salarium transmitti in heredes eorū, l. post duos, C. de aduoc. diuers. ind. Et idem obtinuisse audio heredes Eguinarij Baronis aduersus consilium istius ciuitatis, fretos auctoritate Accursij in l. 1. §. Diuus, de extr. cogn. Vbi censet Doctoribus Iuris defunctis, eius anni, quo defuncti sunt, integrum salariū heredibus eorū transmitti debere: quod tamen ego nolim temere porrigi ad omnes salariarios, quia hoc privilegiū loco concedi solet, & in honorem memoriæ defuncti. Certe qui locauit operas suas in annum, si interim moriatur, non transmittit in suū heredem totius anni mercedem, sed neque miles totius anni stipendiū, l. 41. C. de re milit. neq; scriba quæstoris missi in prouinciā, vt fuisset pronuntiatum refert Plinius 4. Epist. in ea quæ incipit, Amas. Ergo etiam dicam, procuratori meo si constituerò salarium, eo defuncto hoc anno, heredibus eius



restitui temporis salarium non deberi, neque item ad hoc  
causam, quoniam hoc tantum in aduocato constitutum  
legimus, ut si quid perceptoris honorarii nomine, id here-  
des eius restituere non cogantur, quia per eum non stetit  
quamdiu vixit, quo minus causam perageret, l. 1. §. eius,  
de extraord. cognit. Nec item si legatus provincialis in le-  
gatione decesserit, antequam reuenteretur in patriam,  
sumptus, qui proficiscenti ei prerogati sunt, viaticum  
quod ei prerogatum est, vel legatium quod dicitur, he-  
redes eius non restituere tenentur, ut in l. legatus §. 1. de  
legatione. Denique quod Legatus provincialis vel aduoca-  
tus acceperit in antecessum, *à l'adance*: siue quod idem  
est, pro mutuo & ut Graci dicunt *ἐν προέχει*, quod pro-  
rogatum ei fuerit, si interim moriatur ante expletum in-  
iunctum munus, heredes eius id restituere non tenentur.  
Ceterum si nihil prerogatum sit, non possunt etiam pe-  
tore residui temporis salarium, quoniam hoc tantum pro-  
rogatum est; ne cogantur restituere tantum quod pro roga-  
tum est defuncto non restitunt ergo quod defuncto pro-  
rogatum est, obstat quod si prerogata sit nauis vectura,  
nauis amissa restituitur actione ex locato quod ei pro roga-  
tum est siue data pro mutuo, l. 15. §. item ff. loc. & in ante-  
cessum, ut Seneca loquitur. Ac similiter, si prerogata sit  
pensio domus, domo combusta, repetitur pensio quae pro-  
rogata est pro rata temporis, quo habitare non licuit, l.  
19. §. si quis cum in annum, eodem tit. Hac vere non sunt  
contraria iis, quae diximus, non repeti ab heredibus de-  
functi aduocati vel legati provincialis, quod eis sui labo-  
ris remunerandi causa prerogatum est. Quoniam supe-  
rioribus casibus per aduocatum, aut legatum provincia-  
lem non stetit quamdiu vixit, quo minus iniuncto munere  
fungerentur, idcirco ab eius heredibus nihil repetitur.  
Inferioribus autem casibus per locatorem operarum vel  
aedium stat propter casum & amissionem rei siue navis  
vel aedium, quo minus fidem contractus impleat. Et mul-  
tum interest, interierim ego, an res mea. Nam si ego inte-  
rierim, recte dicis per me non stetisse, qui quamdiu vixi  
fidem seruavi, quae non potest perducī ultra vitam meam,  
quoniam opera mea fuerat electa, quae non est eadem in  
herede meo. At si res mea interierit, vel quid aliud me vi-  
uo acciderit, quod me impediāt fidem contractus imple-  
re, si modo aduersarius meus id non effecerit, non attule-  
rit impedimentum, recte dicis per me stetisse, quod per  
aduersarium stetisse dicere non potes. Et rectissime Ac-  
cursius in l. pen. C. de cond. ob caus. dat. Pecuniam datam ob  
causam, ut fieret aliquid, non repeti, si casus fortuitus &  
fatalis, quo minus ea causa sequeretur, non culpa acci-  
pientis pecuniam, impedimento fuerit, ut ait lex pen. Hoc  
ita verum esse, ut ipse interpretatur, si casus is contigerit  
in persona dantis, ab eo, qui accepit, nihil posse repeti,  
non si is casus contigerit in persona accipientis pecu-  
niam. Sed male subiicit hanc exceptionem non obtinere,  
nisi in aduocatis, ut in l. 1. §. dominus, de extr. cognit. quo-  
niam hac in re aduocati nihil habent praeceptum, & de-  
buit dicere, nisi accipientis mors contigerit. Nam & hoc  
casu non potest repeti datum ob causam causa non se-  
cuta propter casum accipientis.

#### Ad legem 54. de aedilitio edicto.

*Actioni redhibitoria non est locus, si mancipium bonis con-  
ditionibus emptum, fugerit, quod ante non fugerat.*

**A**It, Bonis conditionibus emptum mancipium, quae ver-  
ba Accursius non intelligit, qui modo interpreta-  
tur, mancipium fuisse venditum à bono quodam viro & pro-  
bo, & modo, fuisse venditum mancipium probum & frugis  
modo, venditorem excepisse fugam mancipij, quae contingeret  
post venditionem, quae commenta omnia refeller perspi-  
cua & vera interpretatio, quam paulo post subiiciam. Si-  
cut & quod stultius quidam in Institutionibus, tit. de iis, qui

*serui sunt vel alij. iur.* Quo loco libetur dominus seruus,  
quo flagitiose vitur, vendere bonis conditionibus: bonis  
conditionibus venditum, interpretatur, Iusto pretio vendi-  
tum, nec audit Theophili interpretationem, quo nullus  
melior, aut antiquior Institutionum interpres, opponen-  
tem bonis conditionibus duras conditiones, quibus ser-  
uus qui venditur, oneratur, ut si valeat ea lege & conditio-  
ne, ut exportetur in longinquam provinciam, si valeat  
*ἐν ἐξορίῃ*, si valeat ea lege & conditione, ut nunquam  
manumittatur ab emptore, vel in vinculis habeatur; quae  
conditiones durae solent, imponi seruus nequam, l. 25.  
de statuliber. Iis conditionibus sunt oppositae bonae con-  
ditiones, quae non sunt durae, quae non onerant emptum  
venditum mancipium. Bonis conditionibus dicitur em-  
ptus, cui non sunt impositae durae conditiones, ut si seruus  
venierit simpliciter, nec tanquam fugituo imposita sit  
lex, ut vinculis, & in neruo & compedibus habeatur. Et  
ita quidem simpliciter venditus seruus si fugerit apud  
emptorem, qui ante non fugerat apud venditorem, cui-  
que etiam in vendendo nulla tanquam fugituo conditio  
imposita fuerat, venditor eo nomine actione non tenetur  
redhibitoria emptori, puta ut reddat pretium, quae est sen-  
tentia huius legis, & l. 3. C. de edil. actio. Quam cum ad-  
ducit Accursius hoc loco, in hoc solo bonus est Accur-  
sius. Et generaliter, vitia siue casus, qui coeperunt post  
venditionem, ad emptoris periculum non venditoris per-  
tinent l. Lucius, de emptione l. 1. C. de per. & comm. rei vend.  
Si venditus seruus fugerit ex pristino vitio, quod haue-  
rat apud venditorem siue contraxerat, neque id nomina-  
tim venditor exceperit, aut contra affirmauerit, eum fugi-  
tium vel erroneum non esse, proculdubio eo nomine ven-  
ditor emptori tenetur actione redhibitoria, si etiam post  
venditionem fugerit more suo pristino, ac pridem inue-  
terato, & ingenerato vitio. Cum autem dubitatur, vitium  
fugae antiquius sit venditione, necne, hac in re deficienti-  
bus indiciis antiquioris fugae, serui responso tormentis  
elicito credendum est l. 58. §. ult. hoc tit. Quia in se in-  
terrogatur, non in dominum, vel pro domino l. 7. de  
probat.

#### Ad legem 15. de ritu nuptiarum.

*Vxorem quondam priuigni coniungi matrimonio vitrico  
non oportet, nec in matrimonium conuenire nouercam eius,  
qui priuigne maritus fuit.*

**H**aec lex est de nuptiis prohibitis ratione affinitatis,  
quae quondam intercessit inter aliquos. Nam quam-  
diu manet affinitas quae contrahitur ex nuptiis, id est,  
quamdiu manent nuptiae, certum est nuptiam ab affine du-  
ci non posse. Ideoque quum tractatur de nuptiis prohibi-  
tis ratione affinitatis, tractatur tantum de iis, quae prohi-  
bentur in venerandam memoriam affinitatis, quae fuit  
inter aliquos, & docet in hac lege, non tantum inter eam,  
quae nurus aut socrus, & eum, qui socer vel gener fuit, ve-  
titas esse nuptias, sed etiam inter eam, quae nurus fuit vel  
socrus loco, non reuera nurus aut socrus, & eum, qui ge-  
neri fuit aut soceri loco non vere gener aut socer, ac pri-  
mum quidem eam, quae fuit vxor quondam priuigni, non  
esse vitrico iustam vxorem. Quia quam priuignus vitrico  
fuerit filii loco, sequitur eam, vitrico mariti, fuisse nurus  
loco, non nurum, sed nurus loco, & vicissim illi vitricum,  
non socerum, sed soceri loco fuisse: & vice versa, nouer-  
cam non esse iustam vxorem marito quondam priuignae  
suae, quia cum priuigna fuerit nouerca loco filiae, sequitur  
maritum priuignae, fuisse nouerca generi loco, & vicissim  
illi nouercam socris loco, & ideo nec debere eam in eius  
manum conuenire, ut Papin, scripsit hoc loco, & quidam  
codices retinuerunt, ut Tribonian. mutauit cum hoc lo-  
co, tum in l. ex parte §. 1. de verb. oblig. conuenire in  
matrimonium, quod conuentione solemnī in manum  
nuptiae contrahi desissent. Hac vero in sententia huius



legis quam interpres Harmeriopuli non animaduertit ab eo referri 4. Epitom. tit. *περὶ τῶν ἐπιεικῶν συναπτομένων*. At hæc Papiniani sententia hodie abrogata est decreto Innocentij in capit. *non debet*, ext. de consanguin. & affin. quo in primo tantum genere adfinitatis nuptiæ prohibentur, non in secundo vel tertio. Et personæ, de quibus in hac lege agitur, sunt in secundo genere adfinitatis, non in primo. Quod ut intelligatur, sciendum est: tria esse genera adfinitatis, possis facere quatuor vel quinque, sed rei propositæ cognoscendæ, satis erit tria facere. Primo genere cognati vxoris, sunt adfines marito, & vicissim cognati mariti sunt adfines vxori, & ii sunt proprie adfines, maritus & vxor non sunt adfines, cognati vxoris, & cognati mariti non sunt adfines, sed cognati vxoris sunt marito adfines: & retro, cognati mariti, sunt adfines vxori: ii sunt proprie affines. Secundo autem genere affines vxoris ex aliis nuptiis, quæ ante nupserat, sunt marito secundo adfinium loco, & vicissim adfines mariti ex aliis nuptiis, sunt vxori secundæ adfinium loco, ut in specie huius legis, nurus vxoris marito est nurus loco, & gener mariti, vxori est generi loco. Itaque personæ, de quibus hic agitur non sunt adfines primo genere, sed adfinium loco secundo genere. Tertio autem genere adfinitatis vxor secunda quondam generi mei vxoris mihi est adfinis loco: nam priuigna est mihi affinis primo genere, maritus priuignæ est mihi affinis secundo genere, non gener, sed quasi gener. Vxor autem secunda istius quasi generi est mihi adfinis loco tertio genere. Denique in tertio genere constituendo quatuor personæ interueniunt, in secundo tres, in primo duæ. Quamobrem à Græcis primum genus dicitur *ἐκ διγῆς*, secundum *ἐκ τετρίτης*, tertium *ἐκ τετραγῆς*, quod interueniant quatuor personæ. Sic etiam in tertio genere mulieri est adfinis maritus secundus, quondam nurus sui mariti: nam priuignus fuit ei affinis primo genere, vxor eius secundo, quasi nurus: maritus autem secundus istius, quasi nurus tertio. Et olim quidem erant vetitæ nuptiæ, non tantum primo, sed etiam secundo & tertio genere adfinitatis. Secundo vetantur in hac lege, & amplius in canone & hoc, 35. quæst. 2. & 3. quum dicitur, *Non posse matrimonium contrahi cum relicta patris vxoris suæ*, id est, cum nouerca vxoris quondam suæ, neque cum relicta fratris vxoris suæ, id est, cum fratria. sic vocatur vxor fratris, id est, cum fratria vxoris suæ, neque cum relicta filij vxoris suæ, id est, cum nuru vxoris suæ, qui casus est expressus in hac lege. Vetabantur etiam olim & vetantur & tertio genere adfinitatis in cap. de propinquis, ead. caus. & quæstione. At ex supradicto decreto Innocentij, illi canones antiquantur in d. c. non dicitur, & vetantur nuptiæ in primo tantum genere adfinitatis vsque ad tertium gradum inter eos, qui proprie sunt adfines: nam cæteri non sunt adfines, sed loco adfinium, & rectè quidem linea, siue directo limite in infinitum vetantur vtroque iure inter eos, qui parentum & liberorum locum obtinent, ut puta inter vitricum & priuignam, inter priuignū & nouercam, inter socerum & nurum, inter socerum & generum, quæ appellationes latissime patent, quia exerescunt veluti in pronurum & abnurum. Et sic de cæteris ut in l. prox. sup. hoc tit. l. 4. de grad. & affin. Intransuerso autem limite vetamur tantum ducere quondam vxorem fratris, vel quondam vxoris sororem, l. fratris, l. pen. & ult. C. de incest. nupt. Iure Pontificio, prohibitio extenditur ad quartum quasi gradum, quia proprie nulli sunt gradus adfinitatis, numerandi, scilicet, non ciuili more, ut in causa hereditatum & tutelarum, sed Pontificio more, id est, ut tardius procedant gradus iure Pontificio, quam iure ciuili. Cuius rei explicatio nihil amplius desiderat, & ita, ut cognati defuncti vsque ad quartum gradum non ducant eam, quæ defuncti vxor fuit, quo gradu defuncto sum cognatus, eodem sum affinis eius vxori. Et ex hac disputatione patet, quanta sit differentia, quam tamen auctores iuris Pontificij plerunque confundunt inter genera & gradus adfinitatis: & liquet etiam ex ea quid sit, quod In-

nocentius in cap. *non debet*, permittit nuptias in secundo & tertio genere adfinitatis, contra ius vetus, & contra hæc legem: nam & iure ciuili latius patebat prohibitio nuptiarum, propterea quod in nuptiis contrahendis non tam spectatur quid licet, quam quid deceat, ut l. 14. hoc tit. In nuptiis contrahendis naturale ius & pudor inspiciendus, & sola honestatis ratio est idonea.

#### Ad leg. 34. de ritu nuptiarum.

*Generali mandato quærendi mariti filiafamilias, non fieri nuptias, rationis est. Itaque personam eius patri demonstrari, qui matrimonio conseriserit, ut nuptiæ contrahantur necesse est.*

**S**ciendum est filiamfam. non esse iustam vxorem, si nupserit sine consensu patris, in cuius potestate est: unde quæritur hoc loco, an nuptiis videatur consensisse pater, si dederit filiaæ mandatum quærendi mariti, & illa optauerit, atque ita iunxerit sibi matrimonio aliquem, an iustæ sint nuptiæ? Minime, quia debuit eum, quem optauerat prius demonstrare patri, deinde facere nuptias consensu patris: neque enim illo generali mandato data fuit potestas faciendi nuptias, sed quærendæ conditionis tantum, ut Græci notant iis verbis: *ἐπιτρεῖται μόνον ἐπευθεῖν*. Qui etiam rectè ponunt mandatum fuisse filiaæ non proxenæ siue parario, in quo id multo certius erat verum. Et ipsi filiaæ dato eiusmodi mandato quærendi mariti non intelligitur ei permissum, ut nuberet inconsulto patre, & ita respondit Papinianus. Hoc responsum singulare est, in quod tamen inquiri possit, an iustæ sint nuptiæ, quas contraxit filiafamil. non adhibito patre, non consentiente patre, si eas pater posuerit in arbitrio filiaæ, si generaliter mandauerit, ut nuberet cuicumque vellet: & dico, etiam huiusmodi mandato, eas nuptias filiaæ permissas videri tantum, quas verisimile est, specialiter patrem permissurum fuisse, ut de generali hypotheca dicitur in l. 6. de pignor. Non ergo cum impari, cum ignobili & infami. Nul-  
**C**lus est adeo generalis sermo à quo tacite quædam non excipiantur ex mente loquentis, l. si cui, de seruitut. multa dicuntur *ὑπερβολικῶς*, à generali hypotheca, quædam excipiuntur, d. l. 6. & à generali mandato gerendorum negotiorum, l. mandato, de procurat. Et à generali quoque mandato quærendæ conditionis, vel contrahendarum nuptiarum.

#### Ad §. primum.

*Ream adulterij, quam vir iure mariti postulauit, non prohibetur post abolitionem vxorem denno ducere, sed etsi non iure mariti ream postulauit, iure contractum matrimonium videbitur.*

**C**ertum est maritum qui vxorem, quam dimisit, & damnauit adulterij iudicio publico, domum reduxit, teneri pœna legis Iulia de pudicitia, qua & quisunque alius tenetur, qui duxit damnatam adulterij l. mariti §. 1. ad leg. Iul. de adult. l. castitati, C. eod. tit. Et iniustæ sunt nuptiæ, iniusta vxor. denique neque ducere, neque reducere licet damnatam adulterij: rectè damnatam: Nam si maritus postulauerit tantum adulterij vxorem, inchoata accusatione, nec peregerit ream, siue damnauerit, sed ab accusatione destiterit, penitentia ductus, petita abolitione, quod exigit lex abolitionem, Cód. hoc casu non prohibetur eam reducere, l. sine metu, C. eod. Nec interest, ut ait hæc lex iure mariti eam postulauerit, quod est ius priuilegiarium, quo uti potest maritus à repudio, intra 60. dies utiles, & sine inscriptione, an postulauerit eam iure publico, siue iure extranei post 60. dies & cum inscriptione, ut in d. l. abolitionem, & l. 6. eod. tit. nam quoquo iure eam postulauerit, satis est ante damnationem, si impetrarit abolitionem, id  
K iij.



est, veniam omittendæ accusationis temere instituta, & reducendæ vxoris. Prior pars huius responsi est de eo, qui vxorem postulauit ream adulterii iure mariti, posterior de eo, qui postulauit iure extranei; illo loco; *sed etsi non iure mariti ream postulauit.* Et ex priori parte huius responsi, in posteriore sunt repetenda illa verba: *post abolitionem*, veluti *ὑπὸ τοῦ νόμου*. Quoniam utroque casu idem iuris est, vt postulata adulterii iure mariti, vel iure extranei possit reducere petita abolitione.

#### Ad §. inter priuignos.

*Inter priuignos contrahi nuptia possunt, etsi fratrem communem ex nouo parentum matrimonio susceptum habeant.*

**P**riuignos quos vocat hoc loco Theophil. ἀμιλο-  
γεσπῶν in §. mariti Instit. de nup. puta, filium vxoris ex alio marito, & filiam mariti ex alia vxore, ij inter se contrahunt iustas nuptias, vt patet ex hoc §. & ex d. §. mariti, & l. Titio, de verb. obligat. Inter se contrahunt iustas nuptias, tametsi ex nouo parentum matrimonio fratrem communem susceptum habeant, priuignum scilicet vterinum, & priuignam germanam, quo casu euenit, vt frater ille communis susceptus ex nouo parentum matrimonio possit dicere nupsisse sororem suam fratri suo, itemque vt alteruter ex priuignis possit dicere, fratrem aut sororem fratris sui, id est, fratris illius communis, non esse sibi fratrem aut sororem, quia compriuigni inter se non sunt fratres, non sunt cognati vel affines, sane nec affines sunt: quia cognati viri vxori tantum adfines sunt: non cognatis vxoris; & flexa vice, cognati vxoris viro tantum sunt adfines, non cognati viri; & vt glutine duo tigna iunguntur, sic nuptiis duæ cognationes iunguntur, ita tamen, vt extrema tantum & ora vel fines coniungi & copulari dicantur. Et hoc est quod ait l. 4. §. adfines, de grad. & aff. alteram cognationem ad alterius finem, id est, extremitatem accedere posse, non in totam cognationem irrepere & infundi. Quamobrem compriuigni inter se non sunt adfines, sed neque consoceri, id est, pater mariti & mater vxoris, ideoque inter se matrimonio iungi possunt: neque item filius mariti & mater vxoris: ideoque & ij matrimonio inter se iungi possunt, l. ult. §. gradu, de grad. & aff. Et generaliter duo cognati duabus cognatis iungi possunt, auunculus & nepos ex sorore duabus sororibus in c. quod super, ext. de cons. & aff. Sed quod notandum, non sunt cognati & adfines utique semper, quibuscum matrimonium cōtrahere non possumus, vt ij de quibus dicebamus in l. 15. h. t. non sunt proprie adfines, & tamen inter eos ex sententia Papin. vetitæ sunt nuptiæ, quia sunt loco adfinium, eorum scilicet qui parentum & liberorum locum habuerunt. Ergo prohibitio nuptiarum non semper est idoneum argumentum cognationis & adfinitatis, & impositio quoque priorum nominum cognationis, vel quasi adfinitatis, licet nulla subsit vel intercedat, non est idoneum argumentum adfinitatis, vt Ianitricæ, quæ dicuntur propria appellatione, id est, quæ duobus fratribus in eandem familiam nupsērunt, quæ ab Homero & Callimacho dicuntur εἰνατίδες inter se non sunt affines, quæ dicuntur à Græcis, nam Latini non habent proprium nomen ἀδελφὰς id est, duarum sororum viri inter se non sunt adfines.

§. ult. h. l. expositus est. in d. l. 9. de Senat.

#### Ad l. 62. cod. de ritu nuptiar.

*Quamquam in arbitrio matris pater esse veluerit, cui nuptum filia communis collocaretur: frustra tamen ab ea tutor datus eligitur. Neque enim intelligitur persona tutoris cogitasse: cum ideo maxime matrem prætulit, ne filia nuptias tutoris committeret.*

**Q**uod est initio legis 62. explicatur simul cum §. ult. Si pater intest. filia tutorem dederit, & nuptias

A eius, cum nubilus foret ætatis, permiserit arbitrio matris, eam mater nuptum collocabit quum volet pro dignitate familiæ & natalium, sed non poterit tamen, licet generaliter filia nuptias in eius potestate fecerit pater, eam collocare tutori ei dato, ne cohibeatur ratio reddendæ tutelæ. Pater potuisset tutori destinare aut despondere filiam, l. 36. h. t. mater non poterit; quia tantum abest, vt hoc voluerit pater, vt ideo maxime eius rei arbitrium permiserit matri, ne sibi vindicaret tutor, id commisit matri, ne committeret tutori filiam. Iustæ non sunt nuptiæ inter tutorem & quondam pupillam, quamvis adulta est, antequam tutor rationes reddiderit, & præterea exierint tempora petendæ restitutionis in integrum. Denique iustæ non sunt nuptiæ inter eum, qui tutor, & eamque pupilla ei fuit, nisi post 29. annum secundum nouam constitutionem Iustiniani. Et hoc est, quod ait in §. ult. tutorem, qui rationes curatori reddidit, pupillam suam ante constitutum tempus ætatis, id est, ante 29. annum ex Constit. Iustiniani, intra quem puella in integrum restitui potest aduersus tutorem, & rationes tutelæ retractare, etiamsi curatori redditæ fuerint, olim intra 25. annum & annum vtilem, vt in l. filius §. pen. de lib. & post. l. si patris, C. de interd. matr. Hodie intra 29. annum, quia pro anno utili Iustinianus substituit quadriennium continuum in Const. Cod. de temp. in integr. rest. Ergo ait, tutorem etiamsi rationes tutelæ curatori reddiderit, ante constitutum tempus ætatis, id est, ante 29. annum, pupillam suam, vxorem ducere non posse, etiamsi ex alio matrimonio iam suscepit liberos, & post susceptos liberos eum maritum amiserit. Denique sententia hæc est, neque virgini, neque mulieri ante constitutum tempus petendæ restitutionis in integrum, tutorem coniungi posse.

#### Ad §. mulier.

*Mulier liberti viri ac patroni sui mala ratione coniungitur.*

**Q**uod autem ait in §. mulier, mulierem liberti viri ac patroni sui mala ratione coniungi, hunc habet sensum, quem Glossa non percepit. Iustas non esse nuptias inter mulierem & libertum mariti defuncti, quod ostendit l. 3. C. de nup. Et hoc est, quod ait, *mulier liberti viri mala ratione coniungitur*, mala ratione, ἢ ἐν πᾶσι, malo more, l. cum seruus, in fine, mand. & quod at Patroni sui, non est patroni mulieris, sed viri mulieris, eiusdemque patroni liberti: & ita hic versus accipiendus est.

#### Ad l. 31. de iure dotium.

*Quod si non diuortium, sed iurgium fuit: dos eiusdem matrimonij manebit.*

**V**T intelligatur lex 31. quæ vno tantum versu constat, sciendum est, post diuortium redintegratis & renouatis nuptiis, & reducta vxore non damnata adulterii, tacite dotem renouatam videri, eam quæ fuit in priore matrimonio, nisi nominatim aliud actum & conuentum fuerit, ne eadem dos esset in secundo matrimonio, quæ fuit in primo. si nihil actum sit in contrarium, tacite eadem dos renouata intelligitur, quia mulier indotata in matrimonium rediisse non creditur, vt l. prox. sup. l. 40. h. tit. Quod utique verum est, etiamsi medio tempore mulier alii nupsērīt, deinde ab eo diuerterit & renouarit nuptias cum priore marito, l. 64. h. t. l. pen. §. vxor, sol. matr. Aliud tamen erit dicendum, si post diuortium dos aut dotalia instrumenta mulieri reddita fuerint, quod l. 40. hoc tit. significat his verbis: *non renouatis instrumentis*. Pro quib. Basilica: ἢ μὴ πρὸ ἀναγασθῆναι μὴ τὰ νομιμὰ, id est, necdum renouatis instrumentis. Aliud enim dicendum est, si post diuortium maritus mulieri cauerit de reddenda dote, vt in d. l. 64. quoniam his duobus casibus renouato matrimonio tacita dos non



renouatur, quæ reddita est, vel quæ cauta, sed opus est expressa renouatione dotis, ut res omnis restituatur in pristinum statum. Et hæc quidem quum verum diuortium intercessit, & post diuortium restauratum est matrimonium: at si non verum diuortium fuit, si non diuortio, sed iurgio potius abacta vxor fuit, si friuolusculum, quod Græci *ἀφαιρῶν*, vel *ἀφαιρῶν*, breuem iram, breuem offensam, Papin. ait in hac lege, hoc casu post iurgium reconciliata & reuersa vxore, idem matrimonium esse videri, ergo & dotem esse eandem, quasi nec dum fuisse omnibus oneribus matrimonii, quod ex l. 33. *supra*, tit. *proximo*, sic intelligi debet: Si non longo tempore iurgium illud siue dissidium durauerit, & interim res manserit integra, puta, neque reddita dote, neque aliis nuptiis mediis interpositis. Effectus autem eius sententia quis est? quem nostri non explicant, hic est. Quod post iurgium etiam si aliud actum & conuentum sit, puta, ne eadem dos maneret, quod conuenire plerumque solet & pacisci vir cum vxore, quam vult reducere, ut eam facilius reconciliet sibi: si igitur huius rei gratia paciscatur, ne eadem dos maneat, si velit vxor ad se reuerti, nihilominus eadem dos manet, & si data sit, retineri, si promissa, peti potest, infirmata illa conuentione, quæ donationis instar obtinet. Donatio autem inter eos, qui nec desierunt esse mariti, ob leue iurgium siue dissidium non valet, l. si liberis, inf. tit. *prox.* l. vir mulieri, de don. int. vir. & vxor. Denique hæc est differentia inter diuortium & iurgium: quod post diuortium si restaurato matrimonio id actum sit inter contrahentes, ne eadem dos maneret, ne restauraretur, rata est conuentio, quasi donatione facta medio tempore, quo inter eos nullum fuit matrimonium: post iurgium autem si reuersa vxore, vel ut reuenteretur idem conuenit, conuentio nullius momenti est, quia desit esse vxor, & vxori maritus donat inutiliter. Donat autem vxori, qui manente matrimonio donat ei dotem, restituit ei dotem, vel paciscitur, ne dos data, dos sit amplius, sed ut eam vxor habeat, quasi rem propriam pleno iure. ad hanc quæstionem pertinet quod scribit Vlpianus lib. sing. reg. tit. de dotibus. Dos, quæ semel functa est, amplius fungi non potest, id est, quæ semel fuit dos & desit esse, amplius dos esse non potest, nisi aliud matrimonium sit, id est, si ante verum diuortium fuerit, non si ante iurgium, & ait, dotem functam, ut Paulus primo Sent. functionem dotis pacto mutari non posse.

#### Ad l. 69. cod. de iure dot.

*Cum post diuortium, viro sciente, mulier in possessionem prædiorum, quæ in dotem promissæ, longo tempore fuerit: conuenisse tacite videtur, ne dos quæ promissa fuerat petatur, & si petere eam cæperit, pacti exceptione à muliere repellitur.*

**I**n titio huius legis speciem aliter Accurs. aliter Græci ponunt. Accurs. mulierem prædia in dotem promississe & tradidisse, Græci melius: Promississe, non tradidisse, & diuortio facto, eorum prædiorum, quæ promissæ mulier in dotem, petitionem marito competere: Græci, quia ita conuenerat: ut diuortio facto maritus dotem lucraretur, Accursius melius, quia culpa mulieris factum diuortium erat, ex utraque causa marito competit petitio prædiorum dotalium, etiam post diuortium. Sed cum Accursio melius erit ponere, culpa mulieris factum fuisse diuortium, sicut è contrario, ubi dos mulieri restituenda est, ponitur culpa mariti factum diuortium, l. si socero à genero §. Lucius, inf. sol. matr. Neque vero pacto solo dotem lucraretur maritus, non interueniente culpa mulieris: nec enim valet pactum, si conuenerit, ut dirempto matrimonio bona gratia, vel culpa mariti, maritus dotem lucraretur, ut docet recte Accursius in l. 1. de dote præleg. Ponamus igitur culpa mulieris factum fuisse diuortium, ideoque marito competere petitionem pro-

**A** missæ dotis, sicut retentionem traditæ dotis. Eo etiam casu traditæ dotis haberet retentionem, quæ species congruentior est. Alioquin, si non fuerit factum diuortium culpa mulieris, dotem promissam petenti marito mulier obiceret exceptionem doli mali, & diceret: *Dolo facis, qui petis, quod si dedero, mox à te repetitura sum*, ut in d. §. Lucius, nimirum, quia diuortio facto sine culpa mulieris, dos ad mulierem redit. Imò in hac specie recte considerabit mulier, quæ promissæ dotem diuortio facto sine vitio & culpa sua, ut maritus eam liberet per acceptilationem, l. 41. §. ult. hoc tit. Dum soluto matrimonio ponit generum dotem promissam à socero petere, sane congruam speciem apponi oportet, quia soluto matrimonio dos pertinet ad maritum, & ita vero, ut dixi, posita specie in principio huius legis, diuortio facto culpa mulieris, dos pertinet ad virum, non ad mulierem, & à viro exigitur, præterquam in casu ibidem exposito. Si post diuortium sciente & tacente marito ea prædia mulier longo tempore possederit, id est, decem annis inter præsentis, aut viginti inter absentes, ut Græci interpretantur, quia hoc casu marito petenti dotem obstat exceptio pacti, quia diuturna taciturnitas mariti, tacita pactio est, qua conuenisse videtur, ne dotem peteret, & taciti pacti eadem vis est, quæ expressi, l. 2. 3. 4. de pact. Et in proposito expressi vel taciti, vis hæc est, ut ne in dotis causa fuisse videatur, quod in dotem promissum est, ut in l. ult. §. ult. tit. seq.

#### Ad §. mulier.

*Mulier pecuniam sibi debitam à Scio cum usuris futuri temporis in dote promittenda demonstrauit. Eas quoque dotis portionem esse, quarum dies post nuptias cessit, rationis est.*

**M**ulier ante nuptias promissæ in dotem nomen Lucii Titij, id est, pecuniam sibi debitam à Lucio Titio, & usuras futuri temporis, id est quas in futurum deberet Lucius Titius, & ait quod mirum est, Papinianus eam promissionem siue conuentionem valere, & ex ea conuentione usuras eius pecuniæ fieri portionem dotis, quoniam placuit, ut non tantum nomen doti esset, sed etiam usuræ nominis futuri temporis: usuras, inquam, non eas tantum, quarum dies cessit post promissionem ante nuptias, sed etiam eas, quarum dies cessit post nuptias, quoniam in dotem dicta est illa pecunia sine distinctione vlla cum usuris futuri temporis. Denique id actum est, ut in dotem esset ea fors & usuræ futuri temporis cuiuscunque. Et vero si fiat ut conuenit, id erit iniquum & falsum, quod ostendit manifestissima ratione: quia si post nuptias usuræ fortis datæ in dotem computantur in dotem, dos nulla constituitur, propterea quod usuris post nuptias insecuti temporis imputatis in dotem, nulli supersunt fructus, aut quasi fructus dotis, qui seruiant oneribus matrimonij. Dos est repensatio, siue pretium onerum matrimonij, ideoque repensatrix à Martiano Capella appellatur. Nondum, inquit, est repensatrix data, id est, nondum data est dos. dos quæ est sterilis, & quæ non seruit oneribus matrimonij, nulla est, l. 76. in fine, hoc tit. dos quæ nullos fructus adfert viro, nulla est, quia non habet functionem suam. Denique sicut in dotem dato fundo, & fructibus futuri temporis nulla dos est, l. 4. tit. sequenti, ita nomine dato in dotem cum usuris futuri temporis nulla dos est. Aliud esset, si vel fructus tantum vel usuræ certæ pecuniæ datæ essent in dotem, tanquam fors quædam, cum hoc ageretur, ut pro oneribus matrimonij maritus nihil ferat, quod est contra naturam & functionem propriam dotis, nisi euidenter probetur id quoque actum inter contrahentes, ut & fructus & usuræ fundi vel nominis cederent fortis loco, & contentus esset maritus eo, quod redigeret ex usuris fructuum venditorum, vel ex usuris usurarum, vel etiam, nisi vxor in se receperit onera matri-



monij, vt *l. 4.* Nam cum ita placuit, vt nulla subiret onera maritus, sed mulier sua onera expediret, se aleret & suos homines suis sumptibus, tunc sane valet conuentio, vt non tantum fors, sed etiam vsuræ & fructus sint in dotem, & restituantur mulieri soluto matrimonio. At cum onera matrimonij sustinet maritus, & datur fundus in dotem, inutiliter paciscitur vxor, vt etiam fructus fundi sint in dotem, idemque dato nomine in dotem, si careat, vt & vsuræ eius nominis, in futurum quæ cederent, sint in dotem, nisi id actum sit, quod ante retuli, quod cum non ponatur actum in hoc §. sed simpliciter Lucii Titii aut Scii nomen cum vsuris futuri temporis promissum in dotem, puto Papinianum respondisse hoc modo, *eas quoque vsuras dotis portionem esse, quarum dies, post nuptias cessit, rationis non est.* Rationis non est: nam hoc sermone uti solent negatiue, vt in *l. 1. C. quo quisque ord. conuen. vos damno onerari, rationis non est,* & Marcus Tullius in Epistol. *De Volusio quod scribis, non est id rationis.* Et ita in *l. 2. de bon. eor. qui ante sentent.* perspicuis argumentis obseruatio vi. docet esse legendum, *rationis non est.* Sensus igitur responsi Papiniani dignissimus hic erit, nomine Lucii Titii cum vsuris futuri temporis promisso in dotem, eas vsuras, quarum dies ante nuptias post dotis promissionem cessit, portionem dotis esse, quo tempore nulla maritus subiit onera matrimonii, sed non eas quoque vsuras portionem dotis esse, quarum dies post nuptias cessit, ne dos sit sterilis, ne mulier indotata: rationis igitur non est, eas etiam vsuras, quarum dies post nuptias cessit, dotis facere portionem.

#### Ad §. vsuras.

*Vsuras dotis in stipulatum cum dote post diuortium deductas, ex die secundi matrimonij non esse prestandas, placuit, quia nec sortis exactio locum habere cepit. Medij autem temporis debebuntur.*

**S**peciem hoc quoque loco Græci aliter ponunt, aliter Accursius. Græci initio contrahendi matrimonij mulierem stipulatam soluto matrimonio dotem sibi reddi & vsuras certas, quo tardius sibi dos redderetur. Rectius Accursius, id stipulatam mulierem post diuortium, quod verba Papiniani probant manifesto, & restaurato matrimonio ac dote, actione ex stipulatu peti non posse vsuras dotis, pro ratione eius temporis, quod restaurationem matrimonij insequutum est, quia nec fors, id est, dos ipsa, quæ in stipulatum deducta fuit, restaurato matrimonio peti potest, *l. 13. sup. hoc tit. l. si mulier diuerterit, inf. sol. matrim.* Denique tota stipulatio perempta est renouato matrimonio, tota stipulatio reddendæ dotis cum vsuris certis, ubi cessat petitio sortis, cessat etiam vsurarum, *l. lecta, de reb. cred. l. 77. hoc tit.* Certum igitur est, post reuocatum matrimonium exstingui stipulationem dotis & vsurarum, atque adeo post restaurationem matrimonij, insecuti temporis vsuras peti non posse. At, vt subiicit, *medij temporis vsuræ debebuntur*, medij temporis, quod scilicet fuit inter primum & secundum matrimonium, quo etiam dos ipsa peti potuisset, vsuras peti posse à die diuortii in diem repetiti & renouati matrimonij: & peti posse quasi debitas, quod dies earum cesserit. Peti, inquam, posse etiam post secundum matrimonium, quæ est sententia huius §.

#### Ad §. in domum.

*In domum absentis vxore deducta, nullis in eam interea ex bonis viri sumptibus factis, ad exhibitionem vxoris promissas vsuras, reuersus vir improbe petit.*

**P**ater filiæ nomine secutis nuptiis promissit, se genero daturum dotem certam, & quoad eam dotem soluisset, vsuras certas ad educationem filiæ suæ, ad exhibitionem filiæ suæ, vt loquimur, *pour l'entretien*, vxoris

**A**eius; quibus scilicet vsuris gener vxorem suam pasceret, vestiret, tueretur, & homines eius, id est, seruos ei datos à patre, quos Cato vocat *receptitios seruos*, quos ipsa mulier sibi retinet, nec dat in dotem, retinet sibi & recipit inter bona *μαθήματα*. Sicut receptitii sunt serui extra dotem, non dotales, siue *μαθήματα*: denique socer genero promissit vsuras certas, quibus vxorem suam tueretur & exhiberet, hominesque eius, ceteraque onera vxoris expediret. Deinde filia absenti viro nupsit, quod fieri potest, si deducatur in domum viri absentis: nam consensus solus facit nuptias, & deductio in domum viri, & ita mulierem nubere absenti ostendit *lex §. sup. de rit. nupt.* Et cum esset in domo viri, non ex bonis viri, sed ex suis, vel patris bonis onera sua expedituit, se exhibuit & suos Papinianus ait, reuersum maritum dotem quidem petere posse, sed vsuras dotis improbe petere, id est, petenti obstare exceptionem doli mali, quia vsuræ ei ad exhibitionem vxoris promissæ erant, vt in *l. pen. ff. de acquir. hered.* Et ipse vxorem non exhibuit de suo, nullamque in eam fecit impensam. Et cum hoc responso congruit aliud ex eodem libro, quod est in *l. in insulam §. vsuras, inf. sol. matrim.* Quod suo ordine explicabitur. At hic vero quæritur, quid sit dicendum, si pater vel quis alius, qui viro dotem promissit pro muliere, non promiserit etiam vsuras, an vsuræ dotis viro debeantur? & videntur non deberi, quia, etsi ex parte mulieris actio ex stipulatu de dote sit bonæ fidei, ex parte tamen viri est stricti iuris: qua in re hallucinatur Accursius in *l. de diuisione, ff. sol. matrim.* Et in iudiciis strictis vsuræ non veniunt, aut debentur citra stipulationem, *l. Lucius Titius, ff. de præscri. verb. l. 10. §. si cui mandauero, mand.* Verum fauore nuptiarum, vt hoc loco Stephanus Græcus interpret respondet, recte constitutum est, vt & sine pacto vel stipulatione trientes vsuræ dotis marito debeantur, non quidem statim à contracto matrimonio, sed post biennium à die contracti matrimonij, *l. ult. §. prætereā, C. de iur. dor.* Ex stipulatione deberentur statim à die contracti matrimonij, ipso iure non debentur, nisi post biennium. Item ad hæc quæritur quid sit dicendum, si exhibuerit quidem & aluerit vxorem maritus suis sumptibus, sed vsurarum promissarum quantitas superat sumptus: An residuum promissor dotis retinere aut promissori restitui debeat, si solutæ dotis vsuræ fuerint? Et in hac re placet distinctio legis *creditor §. si inter, ff. mand.* vt si pater exhibitionem filiæ, quam suæ curæ fecerat data certa pecunia genero mandauerit tanquam procuratori vel dispensatori, patri residui petitio sit, si vsurarum quantitas excedat summam exhibitionis, vt in *l. pen. §. 1. de leg. 2.* At si nihil socer genero mandauerit, sed vsuras tantum ei promiserit in exhibitionem filiæ, residui ex vsuris, quod gener non consumpsit in vxorem, nulla petitio est. Quæ est elegans distinctio *d. §. si inter.*

#### Ad §. gener.

**E**. Gener à socero dotem arbitrato soceri certo die dari, non demonstrata re vel quantitate, stipulatus fuerat: arbitrio quoque detracto, stipulationem valere placuit. Nec videri simile, quod fundo non demonstrato, nullum esse legatum, vel stipulationem fundi constaret, cum inter modum constituenda dotis & corpus ignotum differentia magna sit: dotis etenim quantitas pro modo facultatum patris, & dignitate mariti constitui potest.

**S**i genero stipulanti socer promiserit, se certo die daturum dotem arbitrio soceri, vel, si gener à socero stipulatus sit sibi dotem dari arbitrio soceri, quæritur an sit utilis stipulatio, quoniam videtur in soceri arbitrio positum, an debeat, & quantum debeat dotis nomine, quod esset inutile & inane. Itemque videtur esse stipulatio incertæ & ignotæ rei: cum simpliciter stipulatur dotem non



non demonstrata re vel quantitate certa, sed dotem dari simpliciter arbitrio soceri? At verius est, non esse inutilem stipulationem, quasi ignota & incerta rei, quia ignota res in stipulationem non deducitur cum stipulationi inseritur arbitrium boni viri, quod semper certum & exploratum est; sicut æquitatis ratio semper est certa, cuius bonus vir est arbiter, atque sacerdos. Illa enim verba, *arbitrio soceri*, non pro libero & dissoluto arbitrio, sed pro arbitrio boni viri accipienda sunt, ut in *l. 3. C. de dotis promiss. l. 1. ff. de legat. 2.* ut scilicet dotem socer constituat pro modo suarum facultatum, & dignitate mariti. Hic est constituenda dotis modus quem patres servare debent atque tutores & curatores, ut in *§. sequ. & l. quaro, sup. hoc tit.* Plus adiecit Papinianus, etiam detractis illis verbis, *arbitrio soceri*, valere stipulationem, licet nulla res aut quantitas certa demonstrata fuerit, sed simpliciter socer genero dotem promiserit. Cui sententiæ, siue responso obstat *l. 1. C. de dot. promiss.* quæ stipulationem dotis nullam esse ait, si mulier marito stipulanti dotem promiserit, non demonstrata re aut quantitate certa. Obstat etiam quod dicitur, non valere stipulationem fundi, vel legatum fundo non demonstrato, *l. ita stipulatus, inf. de verbor. obligat. l. si domus, de leg. 1.* Quibus obiectionibus quemadmodum respondendum sit hoc loco, Papinianus submonet satis. Ex eo igitur dicamus, quod etiam omnes Græci interpretes dixerunt, & Accursio in mentem venit, multum interesse, an pater dotem promittat pro filia, ut in hoc §. an mulier ipsa, quæ nuptum dotem promittat pro sese, ut in *d. l. 1. C. de dot. promiss.* Nam pater debet dotem filiæ tanquam æ alienum, *l. qui liberos, sup. de ritu nup. l. ult. C. de dot. promiss.* Et quantum debeat non est incognitum, non est incertum vel obscurum: debet, enim & cogitur extra ordinem dotem filiæ constituere pro modo patrimonij sui & dignitate generi. Et hanc utique dotem, huncve modum dotis semper promittere intelligitur pater, qui pro filia simpliciter dotem promittit, non ergo dotem incertam. At quia nulla est dos certa, quam sibi ipsi mulier constituere debeat, aut cogatur, sed in arbitrio eius est, quam aut quantam velit marito dare vel promittere, modo omnia bona sua, ut in *l. 72. hoc tit. & leg. 4. C. eodem*, modo exiguam pecuniam, modo nullam, maxime si cui abunde suppetat prima dos formæ. Ideo mulier dotem promittendo simpliciter, non adiecta re vel quantitate certa, nihil agit, quia quantum promiserit non apparet, & leuiculæ rei præstatione defungi potest, quam sibi solam dotem esse dicat. Qua ratione etiam, si quis promittat aut leget fundum simpliciter, inanis stipulatio, inane legatum est, quia ignotum corpus promissum, aut relictum est, & ad rem omnium vilissimam atque leuissimam & ridiculam redigi ea promissio, idve legatum potest. Dos simpliciter promissa muliere, vel ab extraneo non à socero redigi potest ad obolum, fundus ad cespitem, glebulamque fortuitam: ut in Laureæ Tullius scribit.

*Fundum Varro vocat, quem possim mittere funda.*

Quamobrem si mandem, ut mihi quemvis fundum emas, inane mandatum est, *l. Quintus 48. in fi. ff. mand. ubi legendum, Ut mihi quemvis fundum emas, non tibi, in Flor. & c. Basil. recte, Mihi.* Igitur si mandem, ut mihi quemvis fundum emas, ridiculum est mandatum, quia mandato defungi potes emptione rei ridiculæ, modici pulveris, aut cæni, quod solo contineatur modo. Fundi finitio non est naturalis, sed posititia & arbitraria, *l. quod in rerum, §. pen. de leg. 1.* fundus est, quantumcunque libitum homini terrulæ fundum vocare. Ita vero demum inutilis est stipulatio ut legatum fundi non adiecto nomine vel demonstratione certa, si promissor vel testator nullos fundos habuerit in bonis: nam si quos constitutos vel finitos habuerit, valebit stipulatio & legatum, & ex eis fundis vnum præstabit heres vel promissor, quem elegerit, ut in *l. si domus, de leg. 1.* Et ita est accipiendum, quod in *l. ubi autem non apparet, ff. de verbor. obl.* inter stipulationes uti-

Respons. Papin.

A les numeratur stipulatio fundi sine propria appellatione vel demonstratione, quæ vice appellationis fungatur, cum scilicet plurium fundorum possessor simpliciter stipulanti fundum promittit: nam si cui nullæ opes, aut res soli sunt, fundum promittat, inanis stipulatio est, quia redigi potest ad rem ridiculam præstatio eius stipulationis. Nec alia est ratio domus simpliciter promissæ ab eo, qui nullam domum habet; nam etiam promissio domus redigi potest ad præstationem vilissimam, inutilissimam liminis siue tugurij. Verum longe alia est ratio hominis siue serui promissi, quam fundi vel domus: nam qui hominem promissit, simpliciter obligatur, siue homines habuerit in bonis, siue non. Idemque in legato, *l. legato generaliter, ff. de lega. 1.* Quia naturalis est finitio hominis, quæ arbitratu nostro mutari non potest, nec sunt in manu corpora deridicula, quæ pro homine obtrudi possint, non pusillæ etiam illæ & vanæ homuncionum species, qui sub terrâ videntur fodinis Germaniæ, & laborantium idem quod operarij, sed nihil promouentium, quos etiam manu prehendere impossibile est.

#### Ad §. nuptiis.

*Nuptiis ex voluntate patris puella cum filio tutoris iure contractis, dos pro modo facultatum, & dignitate natalium recte per tutorem constitui potest.*

V T pater debet filiæ dotem constituere pro modo facultatum suarum, & dignitate sua, atque mariti, quod dixit in superiori §. ita pupillæ tutor vel curator, quod ostendit in hoc §. & in *l. 6. hoc tit.* Pater dotem constituit de suis bonis: tutor vel curator de bonis puellæ, *l. si curatores, C. de admin. tut.* At sciendum est ex oratione M. Commodi & ex Senatusconsulto, tutorem vel curatorem pupillam suam vel adultam sibi vel filio suo despondere, aut matrimonio iungere non posse, nisi pater puellæ cum moreretur id se velle demonstrarit vel designauerit: nisi, inquam, eum filia suæ maritum destinauerit, vel desponderit, *l. tutor, & l. non est, ff. de ritu nup. l. si patris, C. de interd. matr.* Et secundum hoc Papinianus in hoc §. ponit, nuptias ex voluntate, id est, ex vltima voluntate patris puellæ iure contractas fuisse cum filio tutoris. Dotem autem à tutore puellæ fuisse constitutam ante nuptias, id est, antequam nubilis esset, antequam finita esset tutela, quæ nubili ætate finitur, id est, ætatis puellæ anno xii. completo. Ideo pono à tutore dotem puellæ fuisse constitutam ante nuptias, nondum finita tutela. Nihil quidem refert dos præcedat an sequatur nuptias, *l. 7. §. 1. hoc tit. & Paulus 2. Sentent. tit. de dotib. Dos, inquit, aut antecedit aut sequitur nuptias. Et ideo vel ante nuptias vel post nuptias dabitur: sed data ante nuptias, earum expectat aduentum:* nihil igitur refert, an dos data sit ante nuptias, an post nuptias. Sed dubitatur in hac specie, an à tutore iure constituta siue data sit; constat iure contractas esse nuptias: de dote quæritur an etiam iure constituta sit, qua constituta est à tutore, qui est pater mariti: quamobrem constituta videtur in rem tutoris, & regula iuris vetat, ne tutor auctor fiat in rem suam, *l. 1. ff. de auct. tut.* Et tamen Papinianus respondet, etiam ab eo tutore, qui est pater mariti destinati, vltima voluntate patris puellæ, recte dotem constitutam videri, siquidem legitime constituta sit, id est, arbitratu boni viri, pro modo facultatum & dignitate natalium. Et hoc, ut arbitror, fauore dotium atque nuptiarum admittitur, præsertim cum in dote constituenda tutor non tam rem suam filii ve sui egerit, quam boni viri officio functus sit, servato dotis modo legitimo, quo officio & illo remoto quilibet alius, vel tutor specialiter datus ad dotem constituendam, vel curator fungi debuisset.



## Ad §. patrona.

*Patrona dotem pro liberta iure promissam, quod extiterit ingrata, non retinebit.*

**I**N hoc §. proponitur alius fauor dotium & matrimonij, vt quamuis propter ingratitudinem liberti, vel libertæ, libertas quæ ei data est, & quæcunque donatio reuocari possit & rescindi, vt constat ex tit. Cod. de liber. & eor. lib. & ex tit. de reuoc. donat. Non tamen possit reuocari dos, quam patrona dedit viro pro liberta sua, quoniam vix posset reuocari sine iniuria & offensa viri, qui sustinet onera matrimonij, quique fiducia dotis matrimonium cum ea contraxit, & forte dote reuocata diuortio eam abigeret. Quod etiam confirmat l. dotem, C. de iure dotium. Eademque ratione, si mulier intercedendi animo, pro alia muliere dotem promiserit, & forte res etiam suas viro eo nomine obligauerit, ex hac causa non iuuatur Senatusconsulto Velleiano, l. si dotare, & l. ult. C. ad Senatus. Velleian. Multa alia, quæ fauore dotium & nuptiarum introducta sunt, colligere licet ex l. 9. §. si res, & l. 74. hoc tit. l. 1. l. Caius, inf. sol. matr. l. ult. sup. de ser. cor. & aliis plerisque locis. Et placet valde quod ait l. ult. C. ad Senatus. Velleia. fauore dotium & antiquos iuris conditores feueritatem legum saepe mollire solitos. Denique quod est in hoc §. & in §. nuptiis, fauores sunt & studia propensa iuris auctorum erga doctes mulierum.

## Ad §. cum res.

*Cum res in dotem æstimas, soluto matrimonio reddenda: summa declaratur, non venditio contrahitur. Ideoque rebus euictis, si mulier bona fide eas dederit, nulla est actio viro, alioquin de dolo tenetur.*

**I**N hoc §. subnotatur vna differentia inter dotem æstimatam & inæstimatam: si res æstimate dantur in dotem, vera venditio contrahitur, l. 10. §. si ante, hoc tit. l. 3. ff. loc. Non quidem simpliciter venditio contrahitur, sed cum hoc adiuncto, dotis causa: nam venditio dotis causa, non eodem iure est, quo venditio simpliciter contracta, l. 16. hoc tit. Ideoque euictis rebus, quæ æstimate in dotem datæ, id est, quæ venditæ sunt dotis causa, mulier viro tenetur ob euictionem, quasi venditrix, actione ex empto vel ex stipulatione duplæ, quæ in venditionibus euictionis nomine interponi solet. Verum diuortio facto, quod euictionis nomine ab ea maritus consequutus fuerit, si dos lucro eius non cedat, id mulieri restituere tenetur, etiam si exsuperet æstimationem rerum datarum in dotem, quia bono & æquo non conuenit, virum lucrari ex damno mulieris quicquam, d. l. 16. Et hoc de rebus æstimatis. Sin vero res inæstimate dantur in dotem, eis euictis, mulier viro non tenetur ob euictionem, quia dos non venditio contracta est: imo nec vlla actione marito tenetur, nisi scilicet, cum necesse non haberet, vltro marito cauerit de euictione, vt in l. 25. hoc tit. vel, nisi dotem dari promiserit, antequam daret. Quia dedisse non videtur quod promisit, quæ dedit quod marito habere non licuit, vt in l. 1. C. eod. tit. His duobus casibus exceptis, euictis rebus dotalibus, quæ inæstimate sunt, nulla actione mulier marito tenetur, si modo bona fide eas res marito dederit in dotem. Nam si mala fide, quas sciebat esse alienas, nec permanfuras apud virum, dederit in dotem, tenetur de dolo: non dicit teneri actione de dolo directa, quia famosa est actio, & in vxorem, vel eam, quæ vxor fuit, viro famosa actio non datur, in memoriam honoremque pristini matrimonij l. 1. & 2. rer. amot. Et perperam Græci hoc loco: *In eam quæ fuit*

**A** vxor, post desit esse per diuortium, dari actionem famosam, quia illæ leges aperte ostendunt, nec in eam, quæ fuit vxor, dari famosam actionem, veluti, furti ex antegesto, id est, ex eo quod gessit in matrimonio: ex post gesto non negarem dari. Tenetur ergo de dolo, quæ mala fide, sciens res alienas esse, viro dedit dotem, non directa actione doli, sed in factum verbis temperata, vt ait l. non debet, de dolo. Idque definit aperte l. 1. C. eod. tit. Leuior est verbis actio in factum, quæ rem gestam tantum narrat, nec nominatim notat dolum, re ipsa tamen est de dolo. Ponit autem hoc loco Papinianus vnum casum, quo etsi æstimate sint res datæ in dotem, tamen pro inæstimatis habentur. Puta, si conuenerit, vt eadem ipsæ res, quæ æstimate sunt, soluto matrimonio redderentur, eadem ipsa corpora, quæ æstimate sunt, quoniam hoc casu apparet res fuisse æstimate, non vt venditio contraheretur, sed vt quanti essent maritus animaduerneret, vt earum valor siue dignitas declararetur, vt in l. si inter, C. eod. tit. vt in l. cum pater, §. pater, de legat. 2. Et ita explicandus §. cum res.

## Ad §. in dotem. &amp; §. vlt.

*In dotem rebus æstimatis, & traditis, quamuis eas mulier in usu habeat, viri dominium factum videretur. §. vlt. Partum dotalium ancillarum dotis esse portionem conuenit, ideoque frustra pacisci virum, vt inter vxorem & se partus communis sit.*

**I**N §. penultimo notatur alia differentia inter dotem æstimatam & inæstimatam. Datis in dotem rebus æstimatis, quia vera venditio contrahitur, & earum dominium soli marito acquiritur ex causa emptionis, & acquiritur soli dominium, etiam si eas res relinquat in usu mulieris. Finge esse animalia, aut vestes, quæ datæ sint æstimate in dotem, & eas maritum vltro relinquere in usu vxoris, eas vxorem usu deterere, dominium acquiritur viro: atque ideo periculum etiam, si usu mulieris deteriores fiant, pertinet ad virum. l. æstimate, ff. sol. matr. nisi aliud pactum sit, vt in casu l. 1. C. sol. matr. Periculum rerum æstimarum pertinet ad virum, etiam si atterantur usu vxoris: ergo & commodum omne, quod ex eis rebus percipitur, aut percipi potest, pertinet ad virum, cuius periculo ancillæ sunt, vt cuius sit commodum, eius etiam sit incommodum. Finge datas esse in dotem ancillas æstimate, partus earum (quæ est sententia §. vlt.) pertinet ad virum, cuius periculo ancillæ sunt, cuiusque in dominio sunt solius, & generaliter siue dos sit æstimate, siue inæstimate, si id actum sit, vt periculum ancillarum dotalium pertineret ad virum, partus ancillarum sunt mariti, l. 18. sup. hoc tit. Et hæc de rebus æstimatis. Inæstimarum autem rerum, quas mulier dedit in dotem, dominium non est solius mariti, sed etiam mulieris, vt ait l. 75. hoc tit. Æstimarum dominium est solius viri pleno iure & firmo atque perpetuo, vt nunquam redeat ad mulierem sine facto viri: inæstimarum autem rerum non est viri perpetuo iure, sed diuortio facto, aut mortuo marito dominium ad mulierem redit, & periculum quoque dotis inæstimate, id est, corporum, quæ inæstimate sunt data in dotem, pertinet ad mulierem, l. 10. in princ. hoc tit. Ergo & commodum dotis inæstimate, quæ proprie dos est, pertinet ad mulierem. itaque recte in §. vltimo huius legis subiicitur, *Ancillarum dotalium*, ergo inæstimarum, sicut in tit. de fundo dotali; ergo inæstimate. Quoniam æstimatus non est dotalis: ancillæ æstimate non sunt dotalis. Ancillarum igitur dotalium inæstimarum partus pertinere ad vxorem, cuius periculo sunt ancillæ, & pertinere quasi partem dotis, nec cedere lucro mariti, quia, vt hodie constat inter iurisperitos, partus ancillæ non est in fructu; & fructus tantum dotis lucratur maritus, & suos facit pro oneribus matrimonij: operæ



ancillarum & mercedes operarum sunt in fructu, l. 3. de A  
oper. seru. l. mercedes, de pet. hered. Et ideo lucro mariti ce-  
dunt constante matrimonio, nec possunt esse pars dotis:  
sicut nec fundi dotalis fructus possunt esse pars dotis, nec  
nominum dotalium vsurae possunt esse pars dotis, vt dixi  
in §. 1. quia vsurae vicem fructuum obtinent, l. vsura, sup. de  
vsuris. Vt autem non valet conuentio hæc, vt rei dotalis  
fructus sint pars dotis, veluti opera mancipiorum dota-  
lium, vt sint pars dotis, nec vice mutata valet conuentio,  
vt partus mancipiorum, quos constat non esse in fructu,  
non sint pars dotis, vel sicut proponitur in §. ultimo, vt  
partim sint dotis, partim mariti proprii, id est, communes  
sive partiarj, quia hæc conuentio dotem minuit, & mera  
donatio est, quam facit vxor viro, vt lucrificat sibi &  
habeat partem partuum, hoc est, partem dotis, quod est  
inutile, quia inter maritos vetitæ sunt donationes, sicut si  
paciscatur maritus, ne dotis sit, quod semel doti dictum  
est, sed id sibi habeat mulier atque recipiat, inutilis con-  
uentio est, quia donationis instar obtinet, à viro colla-  
ta in vxorem, cum post dotem datam paciscuntur, vt mu-  
lier sit indotata, vt quod doti dixit, desinat esse in dotem,  
l. si liberis & l. quaris, tit. seq. l. vir mulieri, de donat. int.  
vir. & vxor.

#### Ad l. 26. de pactis dotalib.

*Inter focerum & generum conuenit: vt, si filia mortua su-  
perstitem anniculum filium habuisset, dos ad virum pertineret:  
quod si vivente matre filius obisset, vir dotis portionem vxore  
in matrimonio defuncta, retineret. Mulier naufragio cum an-  
niculo filio perijt: quia verisimile videbatur ante matrem, in-  
fantem perijisse: virum partem dotis retinere, placuit.*

**Q**Uod ad primum responsum attinet, species hæc est.  
Pater cum filia nomine dotem daret, pactus est  
cum genero, vt mortua in matrimonio filia superstite an-  
niculo filie ex eo matrimonio procreato, dos tota apud  
virum remaneret: mortua autem in matrimonio filia si-  
ne liberis, præmortuo forte iam ante anniculo filio, vt do-  
tis pars tantum dimidia ad virum pertineret, altera sibi  
redderetur. Finge, matrem & anniculum filium simul  
naufragio periisse, vel ruina, vel incendio vel aggressura  
latronum (non refert) Quæritur vtrum tota dos ad virum  
pertineat quasi præmortua vxore, an pars dimidia dun-  
taxat quasi præmortuo filio. Res videtur esse dubia &  
difficilis. quia non apparet quis prior excesserit è vita,  
mater an infans. si constaret priorem matrem decessisse,  
dos tota pertineret ad virum ex pacto dotali, si infantem,  
pars tantum, quid fiet? quid statuemus? Et Papinianus  
respondet, verisimile esse, tenellum infantem spiritum  
posuisse confestim, matrem diutius pertulisse casum nau-  
fragij, & filio superuixisse: & ideo partem tantum dotis  
ad virum pertinere, partem focero esse reddendam. Et  
sane quod statuit Papinianus, hoc semper verisimile &  
credibile est, non in infante solum, sed etiam in impubere  
quolibet, quoniam omnis ea ætas tenerrima & infirmissi-  
ma est, vt non possit diu colluctari cum morte, l. si mulier,  
inf. de reb. dubiis. Res siue quæstiones dubiæ vel ambiguae  
plerumque præsumptionibus iustis explicantur, vt in l. si  
fuerit, in fi. de reb. dubiis. & præsumptio hæc iusta semper  
& probabilis, & verisimilior est, prius mori impuberem  
quam patrem, aut matrem. Ergo in impubere & patre pariter  
mortuis, vel impubere & matre pariter mortuis vno casu  
repentino, nullus est labor, quia semper verisimile est,  
prius mori impuberem. In filio pubere maior est quæ-  
stio, quoniam in eo, cum extinguitur vna cum patre aut  
matre, quod magis præsumamus, non habemus: & ideo  
patre vel matre & filio pubere commorientibus, non  
quod vero similis sit frustra spectamus, sed quid sit hu-  
manius. Et quærimus secundum regulam iuris, vt in re-  
bus dubiis benigniorem interpretationem sequamur.

Respons. Papin.

**A**liquando autem humanius & benignius est credere si-  
ue fingere matrem aut patrem superuixisse filio puberi,  
vt in l. qui duos §. si cum filio. ff. de reb. dub. Si pater li-  
bertinus cum filio naufragio vel ruina perierit superstite  
patrono, cuius reuerentiæ & verecundiæ debetur legiti-  
ma hereditatis liberti mortui intestati sine liberis: Et hoc  
casu, quum incertum est, quis prior vita decesserit, liber-  
tus an filius eius, quem si constaret posteriorem decessisse,  
excluderetur patronus per filium quasi superstitem  
patri libertino, legitima hereditate liberti: Et ideo beni-  
gnius est credere patrem libertinum superuixisse filio, ne  
in re dubia & sub incerto temere hereditate legitima pa-  
tronus excludatur, quæ ei defertur mortuo liberto sine  
liberis. Et forte verissimum est in re ipsa eum esse mor-  
tuum sine liberis, puta, præmortuo filio. Itemque in l. ex  
facto §. si quis, ad Senatus. Trebel. Si heres rogatus resti-  
tuere hereditatem sub conditione, si sine liberis decederet,  
suscepto filio simul cum eo naufragio perierit, vel  
alio casu superstite fideicommissario, dicemus patrem  
superuixisse filio, ne in re adeo obscura, dubia & incerta  
temere pronunciemus contra fideicommissarium, & eum  
excludamus fideicommissio, quod forte iurum natura  
certum est ei iure deberi, quod filius ante patrem mor-  
tem obierit. In re dubia benigniorem interpretationem  
esse sequendam. Benignius autem esse, non fraudari pa-  
tronum vel fideicommissarium hereditate, aliter quam si  
liquido probetur filium superuixisse: aliquando verò  
contra, humanius est credere, non patrem superuixisse, vt  
illis duobus casibus, sed filium puberem. Et placet quod  
ait l. cum pubere, de reb. dub. humanius esse credere filium  
superuixisse: in his quæstionibus igitur non est quæren-  
da alia ratio quam humanitatis, vbi præponderat magis,  
& prout suggesserit, vel credere patrem superuixisse, vel  
filium, non patrem; atque ita fortunam seruasse ordinem  
naturæ, seniore prius extincto. Humanius autem est ita  
credere, filium superuixisse non passim, vt patet ex supe-  
rioribus casibus, sed si hic casus siue species proposita,  
aut res, quæ de agitur, suadeat aut non dissuadeat, vt in d.  
l. qui duos §. cum bello. Si cum filio pater eodem momento  
temporis interierit superstite matre & agnatis, beni-  
gnius est credere, hoc est, fingere & dicere ordinem na-  
turæ seruasse fortunam, vt in dubio matri faueamus, quæ  
in luctu est magno propter amissum maritum & filium  
potius quam agnatis. Item in d. l. qui duos §. ult. si cum fi-  
lio testamento patris ex asse herede instituto pater simul  
perierit, fauorabilius est dicere diutius vixisse filium, vt  
bona paterna filius transmittat ad heredes suos, quasi he-  
res extiterit patri ex testamento, & non simul cum patre,  
sed post patrem mortuus sit, quod tamen non dicerem  
dato filio coherede vel substituto, quoniam non abs re ille  
§. ult. ponit filium heredem institutum ex asse: nec dati  
substituti mentionem facit: nam dato coherede filio vel  
dato substituto, in dubio benignius est non eripere co-  
heredi ius ad crescendi, vel substituto ius substitutionis,  
quod forte reuera obtigit. æque naturæ ordinem serua-  
tum dicas, id est, superuixisse filium, si mater, quæ stipula-  
ta est dotem sibi reddi se vivente, mortua filia in matri-  
monio, cum filia simul moriatur, fere puncto temporis, vt  
ait Lucretius, ne in dubio temere maritus fraudetur lucro  
dotis, quoniam ex contrario ita intelligitur inter eum &  
focrum, vt præmortua matre dos remaneat apud virum,  
vt in §. cum inter, hac lege. & benignius est fauere marito  
quam heredi mulieris, l. quæ de pariter mortuis, ff. de reb.  
dub. Idem dicas in proposita specie, quia Papin. de infan-  
te tantum loquitur, non de filio pubere & matre simul  
defunctis. Dicam igitur filio pubere & matre pariter de-  
functis humanius esse credere filium superuixisse, vt dos  
vniuersa apud patrem eius remaneat, secundum conuentionem  
habitam inter focerum & generum, quam initio propo-  
sui. Et ita vides eum mortuis patre vel matre & filio pube-  
re, prout nos mouet benigna ratio, trahi nos in diuersam

L ij



sententiam, & modo statuere, superuixisse parentem, modo superuixisse filium. & ita cum vxor & maritus simul perierint, modo dicimus maritum superuixisse, ne dotis lucrum auferatur heredi mariti, vt in *d.l. qui duos §. si maritus, & l. si possessor §. 1. de relig.* vbi, vt hoc obiter admo- neam, errore fallitur Accursius, non intelligens ea verba, *Pro portione dotis*, nimirum ea sic accipiens, vt ex pacto in spe- cie eius legis, lucretur maritus portionem dotis, portio- nem tantum, non totam dotem, cum longe alia sit mens eius legis, quæ ea de re portionem nullam habitam ponit, sed de ea igitur statuit secundum ius commune. Statuit, inquam, secundum ius commune, quo dotem aduenti- tiam præmortua vxore maritus lucratur in solidum, at- que etiam profectitiam, si pater non superfit: & quum ambo simul perierunt, lex ait, priorem vxorem periisse videri, ideoque dotem totam pertinere ad heredem mari- ti, nimirum perempti post vxorem, sed pro portione, id est, *ἀναλόγως*, siue pro rata, pro portione cum debere con- ferre in funus mulieris. Quoniam in funus mulieris non tantum confert heres, qui mulieri extitit, sed etiam non heres, qui modo commodum dotis percipiat, ad quem modo dos mulieris peruenerit: & ita etiam hæc verba *pro portione* accipiuntur in *l. 1. §. ult. l. 20. §. libertus. ff. de bon. libert.* Sed pergamus ad alia: modo benignius est vxorem credere marito superuixisse, quum ambos simul idem casus oppressit, puta, si quid maritus vxori donauerit, hoc casu dicam, vxorem superuixisse, ne in re dubia temere in- firmetur donatio, quia forte & reuera posterior mortua est, atque adeo confirmatur donatio morte mariti, quæ antecessit, *l. cum hic status §. si ambo, de donat. inter vir. & vxor. l. si is cui, ff. de don. caus. mort.* Ergo varie de iisdem quæstionibus respondeamus, secundum speciem, quæ proponitur, prout humanitatis suggerit ratio, nec huius rei alia definitio est certior. Denique in iis quæstionibus primum spectamus quid sit verisimilius & sequimur, si id appareat, vt quum mater & infans naufragio simul perie- runt, sane verosimilius est, subito periisse infantem, dein- de matrem: & hoc sequimur, quod probabile & verisi- mile est. Quod si id non appareat, spectamus quod est hu- manius, & vt est in regula iuris: *Rapimus occasionem, quæ præbet benignius responsum.* Nam deficiente probabilitate, aut verisimilitudine, quæ sunt benigniora semper & om- nino in dubiis præferenda sunt, & vt est in historia Nice- tæ, *ἐν τοῖς ἀδελφοῖς καὶ ῥέπειν πρὸς τὸ φιλεῖν ἀδελφόν.* Et hac qui- dem ipsa benignitatis ratione ducti trahimur in diuersas

sententias, prout res fert qua de agitur, modo vt statua- mus filium superuixisse, modo patrem aut matrem, cum ambo simul perierint.

#### Ad §. vir dotem quam, &c.

*Vir dotem quam ex pacto filia nomine retinere potuit, si lapsus errore non retinuit: filiam, qua patris sola matri pro parte heres extiterit, apud arbitrum diuisionis non impro- be dotis perperam à patre soluta præceptionem desiderare constitit.*

**S**pecies secundi responsi hæc est: Inter virum & vxo- rem conuenit vt diuortio facto, vno pluribusve filiis relictis ex eo matrimonio, dotem maritus retineret, quæ conuentio valet, *l. 1. ff. de dote præleg.* Diuortio facto vna filia communi relictæ, vir qui filia nomine poterat retine- re dotem ex pacto dotali, per errorem facti eam dotem mulieri restituit: mulieri restituisse Cyrillus ponit, & alij omnes interpretes Græci. Et vulgo quoque hoc loco ita legitur: *Dotis perperam à patre matri soluta.* Deinde pater moriens filiam ex asse heredem scripsit. Mater autem, paulo post etiam moriens eandem filiam heredem scri- psit ex parte. Agit filia fam. ercisc. de bonis maternis diui- dundis cum coherede sibi à matre dato. Papinianus ait, in hoc iudicio per arbitram diuisionis, per arbitrum fa-

**A** milia ercisc. filiam præcipere dotem integram, quam ma- tri per errorem pater restituerat, cum potuisset & de- buisset eam retinere filia nomine, deinde præcepta dote reliqua bona materna erunt ab arbitro inter eos diuiden- da, pro portionibus hereditariis. Ponit autem filiam à pa- tre heredem institutam ex asse. Cur? Quoniam si ei cohe- redes pater adiecisset, vt fecit mater, ipsa filia in iudicio familia erciscundæ dotis præceptionem non haberet, certe nõ dotis integram, quia patri non extitit heres ex asse, neque forte partis, quia dotis functio & præstatio spisse aut vix scinditur; neque id actum est, vt eius esset retentio pro parte tantum. Cæterum melius erit, heredes patris cum filia coherede agere conditione incerti, id est, pos- sessionis conditione, quam retinere potuit, & per erro- rem non retinuit, quasi indebito soluto, vt fit in *l. qui excep- cep. §. si pars, de cond. indeb.* Ex hoc responso intelligimus

**B** dotis, quam diuortio facto pater errore lapsus restituit matri, cum posset eam ex pacto retinere, communis filia nomine, filiam si patri ex asse, matri ex parte heres extite- rit in iudicio familia erciscundæ, eius præceptionem desi- derare posse: hanc vero præceptionem desiderabit filia ex persona patris, quia etsi pater à matre, id est, ab vxore sua heres institutus fuisset ex parte, in iudicio familia erciscundæ, haberet præceptionem dotis temere restitutæ vxori post diuortium, siue perperam, id est per errorem: ergo & ex persona patris filia, quæ patri heres extitit ex asse, & matri ex parte, in arbitrio diuisionis, siue diuiden- dæ familia maternæ, habebit eius dotis præceptionem. Vnde notandum est, cum qui retentionem habet, non pe- titionem, vt habuit pater in hac specie, heredemve eius, si eam retentionem omiserit, restituta re, rursus eiusdem rei possessionem nactum retentione vti posse aut præceptio- ne, si quo casu contigerit, vt eam desiderare possit, quia præceptio retentionem imitatur. Petitionem autem nul- lam habere eum, qui retentionem tantum habuit. Ac ne eum quidem habere quasi indebito soluto, conditio- nem certi, de qua intelligenda *l. ex quib. ff. de cond. indeb.* dici tamen posse, cum heredemve eius habere conditio- nem incerti, id est, possessionis, quam retinere potuit, & errore lapsus non retinuit, vt in *l. qui exceptionem §. si pars, ff. de cond. ind. l. heres, ad Senat. sc. Treb.* Cur autem Papi- nianus ponat filiam heredem à patre institutam ex asse, si quæras, dicam hanc esse rationem, quia si à patre sicut à matre fuisset heres instituta ex parte tantum, dotis præ- ceptionem non haberet in iudicio diuisionis, quia eam ha- bet ex persona patris. Nam etsi filia nomine pater pactus sit, vt dotem retineret, sibi tamen pactus est, non filia. Pa- ter autem non nisi totius dotis retentionem siue præce- ptionem habuit, nec potuit partem retinere, partem resti- tuere. Hæc inconstantia reiicitur, & in hereditatibus, & in legatis, & in conuentionibus hereditas scindi non po- test, *l. 1. de acquir. hered. legatum scindi non potest, l. 4. de leg. 2. conuentio scindi non potest, l. in commodato §. pen. ff. commod.* quia non tantum solutio, sed etiam exactio par- tis, multa habet incommoda, *l. 3. ff. fam. ercisc.* Denique, vt debitor non soluit partem inuito creditore, ita creditor non exigit partem scisso credito inuito debitore.

#### Ad §. cum inter.

*Cum inter patrem & generum conuenit, vt in matrimonio sine liberis defuncta filia, dos patri restituatur: id actum inter contrahentes intelligi debet, vt liberis superstitibus filia defun- cta dos retineatur, nec superabitur portio dotis additamenti causa data, si postea nihil aliud conueniat.*

**P**roponit inter socerum & generum conuenisse, vt in matrimonio defuncta filia sine liberis dos socero redderetur, nihil præterea. Plus actum, minus dictum intelligitur. Nam ex contrario Papinianus colligit



id actum, vt superstitionib. liberis defuncta filia in matrimonio, maritus dotem retineret. Et ita pater vel extraneus, qui pro muliere dotem dedit, si pactus sit dotem sibi reddi in casum mortis, recte dicitur *ἐν τῷ ἀνπιδιασολῆς*, siue ex contrario sensu id actum videri, vt in casum diuortij, non ei sed mulieri dos redderetur, vt in §. *ult. h. l. c. l. cum dotem, in pr. sol. matr.* Eodem argumento Papin. vitur in interpretatione legis Iuliae de vi in l. 1. *sup. de offic. eius cui mand. est iurisd.* vt, quod ea lege nominatim cauetur, vt is prætor iudexve quæstionis, cui sorte obtigerit quæstio de vi publica aut priuata, possit eam, si proficiscatur, mandare. Ex contrario argumentatur Papin. à præsentem eam non posse mandari. Et similiter Paul. atque Vlp. in l. *ex eo, de testib. l. qui testamentum §. mulier, ff. qui testam. fac. poss.* ex eo quod lex Iulia de adulteriis, vetat adulterii dānatam testimonium dicere, colligunt ex contrario, etiam mulierem in iudiciis testimonij dicendi ius habere. Eodem argumento vtimur in testamentis, vt in l. 12. §. *idem respondit, domo instructa, de instruct. vel instrum. leg.* quod is, qui legauit domum instructam, excepit tamen argumentum & tabulas rationum, ex contrario, cætera omnia enim legasse videri, quæ sunt in supellectili, quibus in ea domo paterfam. fuit instructor. Et eodem fere modo M. Tull. pro Balbo: *Si exceptio, inquit, facit ne liceat, ibi necesse est licere, ubi non est exceptum.* Vtimur eodem argumento in sententiis iudicum, vt in l. 3. *(ex quib. caus. maio. cum proconsul decurionem biennio iubet abstinere ordine decurionum, ἐν τῷ ἀνπιδιασολῆς, quæ verba ipsa eo loci Basilica vsurpant; apparet post biennium iudicem remississe decurionatus prohibitionem; non est igitur mirum, si in conuentionibus eodem argumento vtamur, admitamus & approbemus.* Et tamen id non admittitur, si quid dictum sit vel scriptum ex abundanti, vt in specie l. *qui mutuat, ff. mand. exposita lib. 3.* Quod ex abundanti conuenerit, vt omisso pignore mandator eligi posset, non ideo prohibetur creditor electo pignore ad mandatorum redire: ex abundanti scriptura nullum ducitur idoneum argumentum. Item hoc argumentum ex contrario admittitur in casu eodem, non in diuerso, vt in specie legis *Bebius. h. t.* Si conuenerit inter socerum & generum, vt defuncta filia in matrimonio sine liberis partem tantum dotis generi retineret, fateor ex contrario, siue *ἡ γὰρ τῷ ἀνπιδιασολῆς*, vt & eod. loco Basilica loquuntur, id tacite actum videri, vt defuncta filia in matrimonio, qui est idem casus superstitionib. tamen liberis, totam dotem generi retineret, non etiam diuortio facto, quoniam hic casus diuersus est. Illud etiam argumentum admittitur, quod sensum efficit consentaneum & congruum, non absurdum, & dissentaneum, & longe alienum à vero aut mente scriptoris. vt Papin. lib. sing. *de adult. in fragmentis collectis à Lucinio Rufino: quod lex Iulia de adulteriis patri potestatem facit cum adultero occidendi filiam, quam habet in potestate, id ait, ex contrario non præstare argumentum, vt eam potestatem occidendi filiam lex Iulia dederit non habenti eam in potestate, quoniam certum erat iam pridem, eam potestatem patri dedisse legem Regiam, id est, Romuli. Sed id potius arguit adiectum esse in lege Iulia, vt videretur pater, qui sensus est congruentior, maiore æquitate ductus occidisse adulterum, qui nec filia suæ pepercerit. Postremo additur in hoc §. si dos fuerit ampliata post nuptias, quod sit recte, l. *si inter, hoc tit. pacta dotalia facta initio matrimonij, eadem, nisi aliud conuenerit, seruari in augmento dotis, in additamento dotis, vt in l. etiam, C. de iure dot.* Et nihil est præterea in hoc §.*

#### Ad §. conuenit.

*Conuenit vt mulier viri sumptibus, quoquo iret veheretur, atque ideo mulier pactum ad literas viri secuta, prouinciam, in qua centurio merebat petit, non seruata fide con-*

*uentionis, licet directa actio nulla competat, utilis tamen in factum danda est.*

**S**pecies hæc est: Inter virum & uxorem pacto nudo sin vrbe conuenit, vt mulier viri sumptibus quocunque ierit, veheretur: post maritus, cum in prouincia centurio mereret stipendia, scripsit uxori, vt ad se veniret. Illa pactum ac literas viri secuta (sic Græci legunt recte non ad literas) prouinciam petiit, id est, vt succurrant Accursio, in prouinciam profecta est, Basilica *προς αὐτὸν ἀπεζηλδε*, profecta, inquam, suis sumptibus non sumptibus viri. Quæritur: an de sumptibus recipiendis cum viro agere possit? Et videtur non posse, quia ex pacto nudo non nascitur actio, adeoque nec directa eo nomine mulieri dabitur actio. Sed æquum est dari utilem in factum prætoriam, quod est singulare responsum Papinianum. Cuius ratio hæc est, quia & citra illam conuentionem, siue remota illa pactio, vt eundem Papinianum huic responso subiecisse patet, ex l. *si quis pro uxore, de donat. inter vir. & vxor.* ubi in hanc rem Vlpianus allegat quartum responsum Papiniani, remoto, inquam, illo pacto, vt vxor quocunque iret, sumptibus viri veheretur, maritus uxori semper præstat sumptus itineris, quod modo faciat consensu mariti, atque ideo inter onera matrimonij numerantur etiam viatica, & sumptus itinerarij, nec pro vxore facti tantum, sed etiam pro hominibus eius siue ministerijs, sumptus omnes, viatica, vecturæ, vectigalia, siue portoria pro itinere aut transitu pontis, vt in l. *cum in plures §. pen. loc. Seneca 2. de Tranquillit. vitæ: Cogitans, inquit, & in pontibus quibusdam pro transitu dari.* Ludouicus Augustus & Lotharius Cæsar in suis legibus, *vt nullus ad palatium, vel in hostem pergens, tributum, quod transitarum vocant soluere, cogatur.* Recte autem dixi, dari uxori in specie proposita utilem actionem in factum prætoriam, quæ est omnium actionum extremum subsidium, quoniam cessat ciuilis actio præscriptis verbis, vt Isidorus recte notauit. Nec enim ita conuentio habita est, *do ut eas ad me*, ex quo contractu nasceretur actio ciuilis præscriptis verbis, sed *quocunque ibis dabo*, quæ pactio nuda est, quia neque datione vlla, neque facto sumpsit effectum, sed dictum est tantum; *Quocunque ibis, dabo sumptus quos feceris in itinere.* Igitur pactio nuda fuit, ex qua ciuilis in factum præscriptis verbis nunquam datur actio, sed prætoriam tantum, easibus certis exceptis à regula, ne ex pacto nudo nascatur actio. Igitur male Cyrillus & Anastasius dari uxori actionem præscriptis verbis, quæ ex contractibus tantum datur, qui ex datione vel facto sumpsit effectum, non ex pactis nudis, non etiam ex contractu, *facio vt des*, vt docet l. *naturalis, ff. de prescrip. verbis.* At recte idem Cyrillus, cessare etiam in hac specie actionem mandati, quia non fuit animus mandati contrahendi, cum miles per literas uxorem rogauit, vt ad se veniret, denique ex hoc pacto esset tantum utilem actionem in factum, de sumptibus recuperandis, & subintelligo prætoriam, non ciuilem.

#### Ad §. filia cum pro se.

*Filia cum pro se dotem promitteret, pepigit, vt si in matrimonio sine liberis decessisset, matri suæ dos solueretur, pacto filia nulla matri quaritur actio. si tamen heres puella matri pecuniam dotis soluerit, viro contra placita petenti dotem, abstat exceptio.*

**Q**Vinti responsi species hæc est: Mulier viro stipulanti promisit dotem, & pepigit, vt si in matrimonio sine liberis moreretur, si in matrimonio illiberis decederet, vt Tertulianus loquitur, matri suæ dos solueretur; mortua ea in matrimonio sine liberis, ex hac conuentione nulla matri quaritur vel competit actio vel exceptio, quia prorsus inutile est pactum, vel conuentio quælibet, quæ sit alteri absenti, l. *quo tutela 71. §. ult. de*







nare, vel ab eo accipere intelligatur. Ius igitur potestatis causam præstat inhibendæ donationis etiam inter socerum, & generum vel nurum. Vis videre quam hoc sit verum? Socrus genero vel nurui, vel contra gener vel nurus socroi donare non prohibetur, quia hic ius potestatis non vertitur, nulla enim fœmina familiæ potestatem habet, & inter socrum vel generum vel nurum donationem non prohiberi constat ex *l. 3. §. socroi, hoc tit. l. 26. C. eod. tit. l. 12. C. de donat. ante nupt.* Et hæc quidem dicimus de donatione directâ, quæ fit inter viuos; hanc dicimus prohiberi inter supradictas personas, inter maritos, scilicet socrum, socrum & generum vel nurum, si socer filium vel filiam in potestate habeat.

Nam si non inter viuos, sed mortis causa vir vxori, & contra vxor viro donauerit, donatio valet, quia in id tempus excurrit donationis euentus, quo vir & vxor esse desinunt morte donatoris soluto matrimonio, *l. 1. hoc tit.* neque enim mortis causa donatio perficitur antequam mors donatoris insecuta fuerit, *l. non videtur, inf. de mortis caus. donat.* Eademque ratione nurus vel gener mortis suæ causa socero donare non prohibetur, quia donatio cõfertur in tempus soluti matrimonij morte nurus, vel generi. At quæritur, an etiam è contrario valeat donatio, si socer mortis suæ causa nurui vel genero donauerit? Et *l. 26. in fi. hoc tit.* ait, valere donationem, quod non est vsquequaque verum, sed ita demum, si filius vel filia ante socrum vita decesserit, postea socer non mutata voluntate, quoniam donationis effectus excurrit in tempus soluti matrimonij morte filij vel filia. Et ita hoc ipso libro Responsorum Papinianum scripisse Ulpianus refert in *d. §. oratio*, & appingendum esse videtur responso huius legis, quo ex diuerso dicitur, donationem non valere, quam socer mortis suæ causa contulit in nurum vel generum, videlicet si socer decesserit superstiti filio vel filia, nec soluto matrimonio, quia morte soceri non soluitur matrimonium, atque ita eius donationis effectus excurrit in tempus constantis matrimonij, cuius ratione initio diximus, eam donationem prohiberi, & vt recte Accursius ait in *l. 1. §. Celsus, de dote preleg.* eo casu, id est, quum moritur socer ante filium vel filiam, donatio quam fecit nurui vel socero mortis suæ causa, accedit donationi inter viuos potius quam legato, aut donationi causa mortis. Et hoc est quod ait Papinianus hoc loco: *Mortis suæ causa genero vel nurui socrum frustra donare conuenit*: Et recte ait, *mortis suæ causa*. Nam mortis filij, vel filia causa non frustra donat socer nurui vel genero: quia donatio confertur in casum soluti matrimonij, *l. 11. de mort. causa donation.* Non tantum mortis nostræ causa recte donamus, sed etiam mortis alienæ causa, *l. 3. C. eod. tit.* Et addit Papinianus hoc loco: *Nihil interesse an socer filium vel filiam exheredauerit*, hoc est, non valere donationem mortis suæ causa factam nurui vel genero, si constante matrimonio socer mortem obierit, etiamsi filium vel filiam exheredauerit. Et ratio hæc est, quia ius potestatis exheredatione non tollitur, sed ius filij tantum, siue ius sui heredis, *l. 1. §. post duos, de suis & l. hered. l. si postumos §. si filiam, de liber. & postumis*. Et ius potestatis præstat causam improbandæ donationis. non igitur spes successionis, cum & exheredatis libertis, nec succedentibus, etiam improbetur donatio. Denique non spes successionis improbandæ donationis à socero factæ causam præstat, vt C. dofredus sentit male in *l. 3. hoc tit.* dum scribit, ideo socrum frustra donare nurui, quod ipse maritus, quia socero debeat, succedere, donare videatur: sed causa improbandæ donationis prima, est matrimonium, deinde ius potestatis: vnde si in emancipando filio vel filia, vel post emancipationem filij, aut filia, socer nurui vel genero donauerit mortis suæ causa, vel inter viuos, proculdubio donatio valet, quia ius potestatis cessat, aut solutum est, non etiam, si id fecerit tempore exheredationis, vel post exheredationem filij, vel filia: tunc enim donatio non va-

let, quia ius potestatis manet interim, nec solutum est exheredatione. Dixi in emancipando filio vel filia, vel post emancipationem, quia si post donationem, quæ non valet ab initio, emancipauerit filium vel filiam, donationis vitium emancipatio non corrigit, *l. cum hic statim, §. si confocer, hoc tit.* sicut nec diuortium postea secutum, nec mors donatarij, licet soluat matrimonium, vitium emendat donationis ante factæ, *d. l. cum hic status §. si diuortium, & l. & ideo §. 1. hoc tit.* Et multo minus id emendabit postsequuta exheredatio. Idem Papinianus subiicit hoc loco: Diuortij tamen causa omnino permissam esse donationem inter socrum & nurum vel generum, sicut inter virum & vxorem, qui cum discedunt bona gratia plerumque se mutuis muneribus afficiunt, & donatio valet, quæ ita fit diuortij causa, id est, sub tempore diuortij, non cogitatione futuri diuortij constante adhuc matrimonio. Valet igitur donatio diuortii causa facta, non tantum inter maritos, sed etiam inter socrum & nurum vel generum: valet indistincte, quia fit sub ipsum tempus soluendi matrimonij, id est, sub diuortii tempus, *l. 12. hoc tit.* Et hoc est quod Papinianus ait: *Diuortij species eadem ratione diuersa est*, diuersa scilicet est causa diuortii à causa mortis soceri. Nam ex hac causa socer nurui vel genero frustra donat, id est, in causam mortis suæ contingentis manente matrimonio, & filio vel filia superueniente. Ex illa autem causa, puta, diuortii, indistincte recte donat, & hoc ait: *In utraque specie sue causa fieri eadem ratione*. Dices, an igitur eadem ratio efficit contrarium, an eadem ratio infirmat & confirmat donationem soceri? Sic sane, eadem in genere, nempe ratio matrimonij, sed non eadem in specie, sed contraria: in donatione mortis causa ratio constantis matrimonij, in donatione diuortii causa, ratio soluti matrimonij. Et eodem sensu dicitur in *l. inter §. sacra, de verbor. obligat. liberandi & obligandi*. Contrariorum vnam eandemque causam esse, non quidem prorsus eandem: sed eandem, si in contrarium agatur, vt ait lex 153. *de regnl. iur.* in qua, *utrumque in contrarium actum*, ait illa lex 153. vt ecce, consensus obligationem efficit & liberationem, sed obligationem consensus primus, liberationem dissensus, id est, consensus secundus & contrarius, *l. prout, de solut.* Res vna obligationem efficit & liberationem, sed obligationem res data, liberationem res reddita. Verbis item obligatio acquiritur & liberatio, sed obligatio stipulatione, liberatio acceptilatione, *l. 8. §. acceptum, ff. de accept.* Vtraque fit verbis & stipulatio & acceptilatio, & sic in specie dicti §. *sacra*, rei promissæ qualitas obligationem facit & liberationem, sed obligationem, si talis sit, vt dari possit, veluti res profana, liberationem si talis sit, vt dari non possit, veluti res sacra, & ita explicandus est hic §.

#### Ad §. res in dotem.

*Res in dotem æstimatas consentiente viro mulier in usu habuit. Vsu deteriores si fiant, damni compensatio non admittitur: easdem res non potest mulier sibi, quasi donatas, defendere ex illis verbis, quibus donationes ei à viro legatæ sunt, cum eiusmodi species neque donari, neque auferri videtur.*

IN secundo responso huius legis Papinianus docet, res æstimatas in dotem datas, etiamsi consensu mariti eas vxor in usu habeat, non ideo minus perfecte mariti fieri quasi ex causa emptionis, vt in *l. cum post §. pen. de iure dot.* ex eodem libro, cui istud responsum commodissime coaptari potest. Igitur rerum æstimatorum, quæ datæ sunt in dotem, etiamsi eas vxor in usu habeat, dominium perfecte marito acquiritur: & ideo, si eas res perierint, aut deteriores factæ fuerint attritu vxoris, damnum est mariti, vt in *l. æstimata, inf. solu. matrim. l. 10. in princip. sup. de iure dot.* Nec potest maritus compensare damnum



cum dote vel cum fructibus perceptis post diremptum matrimonium, ut sit in specie *l. si constante §. pen. inf. sol. matrim.* ob damnum illatum aliis rebus mariti, & ob res donatas & amotas, & impensas *l. rei. §. 1. l. fructus §. ob donationes, eod. tit.* Et addit Papinianus, etiam usu earum rerum uxori permissio, non videri eas res uxori donatas, idque apparere ex legato rerum donatarum, quod vulgari modo ita relinqui solebat: *Qua unius uxori dedit, donari, l. si quando, de leg. 1.* Eo enim legato non continentur, quæ in usum maritus uxori concessit, nisi nominatim adiectum sit, *quaque ei in usum concessi, in l. uxori §. uxori, de legat. 3. l. uxori, ff. de auro & arg. leg.* Quod in usum conceditur, inquit, Papinianus in *h. leg. neque donari, neque auferri videtur*, neque donari à viro, neque auferri ab uxore. Nam ut non intelligitur amissum quod ablatum alteri non est, sicut recte est in Florent. scriptum, *ablatum, non oblatum, in l. nec utilem, ex quibus caus. mai.* ita nec ablatum intelligitur, quod amissum, puta donatum non est. & ita sunt intelligenda hæc duo responsa.

#### Ad l. 42. sol. matr.

*In insulam patre deportato, qui dotem pro filia dedit, actio dotis ad filiam pertinet. Post diuortium quoque patre damnato, qui dotem consentiente filia non petierat, æque dotis actio mulieris est.*

Primum responsum huius legis est, de dote filiafam. profectitia, id est, quam pater dedit, cuius quidem dotis diuortio facto bona gratia, aut culpa mariti, vel morte mariti soluto matrimonio, certum est repetitionem patri, qui eam pro filia dedit, competere, non soli quidem, sed adiuncta persona filia, id est, volente & consentiente filia. Quia communis res est, & communis actio est, *l. 2. §. 1. l. 3. hoc tit. l. 2. & l. filia C. eod. tit. l. Titia §. qui inuita, inf. de leg. 1. l. pater inf. ad leg. Falcid. l. qui hominem §. si gener, ff. de solut.* Et hæc quidem ita si pater viuat: nam si pater obierit ante vel post diuortium, vel ante mortem mariti, aut post mortem mariti, nondum repetita dote, soli filia dotis repetitio competit, etiam si exheredata sit à patre, non competit heredi patris, vel extraneo, vel suo, puta, fratri filia, sed competit soli filia, *l. un. §. videamus, & §. & hoc ex rei vxor. C. de rei vxor. act.* Idemque est si pater ante vel post diuortium, vel mortem viri, nondum repetita dote consentiente filia, in insulam deportatus fuerit, atque adeo expulsus ciuitate & confiscatus. Nam deportatio in insulam, est ciuitatis & bonorum amissio, & mors ciuilis, & perinde atque si pater excessisset à vita naturaliter, hoc quoque casu, cum in insulam deportatus est, Papinianus docet hoc loco dotis repetitionem soli filia competere, non fisco, quia dos est proprium patrimonium filia, *l. 3. §. ergo, de minorib. l. 16. de relig. l. 4. C. in quibus caus. pignus. tac. contr.* Proprium, inquam, patrimonium filia, quod neque heres, neque quasi heres aut successor patris ei auferre potest: imo ne pater quidem ipse qui dedit, inuita filia. Fiscum non sequuntur, quæ heredem non sequuntur: nam si heredem non sequuntur, consequens est, non computari ea in bonis confiscatis. Bene autem Papinian. ait: *qui dotem consentiente filia non petierat*: Quoniam, si ante deportationem patri filia consenserit, ut dotem peteret, mox deportatus sit in insulam, & ad peregrinitatem redactus atque egestatem, quasi successione actio translata est in fiscum, actio est fisci, non filia, & ita est proditum nominatim à Martino in *l. 10. de bonis damnat.* quem titulus iam pridem restituimus ex Basilicis, qui valde mutilus erat. Actio autem dotis est fisci, eo casu, sicut Græci interpretes recte notant, ea conditione scilicet, ut notant ad illam *l. 10. ut fiscus vice patris*, quemadmodum caueatur Nouel. 97. dotem conseruet mulieri, quam recuperauit iudicio dotis, eamque mulieri quandoque resti-

tuat, vel redintegranti matrimonium, vel nubenti alii. Neque huic sentent. quidquam obstat *l. si marito §. si voluntate, hoc tit.* quæ hoc loco imposuit Accurs. quod dicat, *ad exactionem dotis dato procuratore voluntate patris & filia, & re iudicata secundum procuratorem, iudicati actionem postea mortuo patre dari filia, non heredi patris.* ergo nec datur fisco, postea damnato patre, siue mortuo ciuilitur: cui nos ita respondemus: iudicato nouari actionem dotis, iudicato nouari priorem actionem, ut est proditum generaliter in *l. 3. §. pen. C. de usur. rei iud.* Denique actionem dotis transferri in actionem iudicati, re secundum dotem iudicata, & licet filia consenserit patri in actionem dotis, ut ea ageret per procuratorem, non tamen consensit in actionem iudicati, non consensit patri in actione iudicati noua. Ideoque filia est salua actio iudicati, in quam non consensit, nec quæ permisit priorem actionem videtur etiam permisisse posteriorem & nouam, sicut in *l. si procurator meus, ff. de procur.* Site feci procuratorem, ut ageres ex stipulatu meo nomine, & vigeris, actio iudicati mihi dabitur, non tibi, quia non feci etiam te procuratorem in actionem iudicati. At similiter filia quæ consensit patri in actionem dotis, non intelligitur consensisse, nisi id probetur etiam in actionem iudicati, ideoque filia potius quam heredi patris dabitur actio iudicati.

#### Ad §. fructus.

*Fructus ex prædiis, quæ in dotem data videbantur, bona fide perceptos, & mulieris oneribus ante causam liberalem adsumptos, quamuis seruam fuisse postea constiterit, peti non posse placuit. Sumptus vero necessarios & utiles in prædia, quæ dotalia videbantur factos, compensatis fructibus perceptis, ad finem superflui seruari conuenit*

Species hæc est: Liber homo cum aliena ancilla, quam existimabat esse liberam, errore lapsus contraxit matrimonium, & ab ea prædia quadam peculiaria forte, vel sui domini, in dotem accepit. Neque dos est, neque matrimonium: unde quaeritur an fructus ex ea quasi dote à viro bona fide percepti, & quasi in matrimonii onera, consumpti, cognito statu mulieris, & domino prædia vindicante, ut potest, *l. Proculus, ff. de iur. dot.* an domino restituendi sint fructus? Item an impensæ in res quasi dotales à viro factæ, in prædia quasi dotalia domino prædia vindicanti reputari possint? Et respondet Papinianus fructus compensandos esse cum impensis necessariis, & vtilibus factis in prædia, quæ dotalia videbantur, & si quid sit superfluum in impensis, id est, si minus sit in fructibus, plus in impensis, superfluum impensarum viro seruari per officium iudicis, vel per exceptionem doli mali, ut in *l. 23. hoc tit.* sicut fit in quolibet bonæ fidei possessore, *l. sumptus, & l. emptor, de rei vindic.* exposita à nobis lib. 2. Quid vero si plus sit in fructibus, minus in impensis? An superfluum fructuum domino reddi oportet? Respondeo fructus extantes esse restituendos, quatenus impensas exsuperant: consumptos non esse restituendos, aut eorum æstimationem, ut fit in quolibet alio bonæ fidei possessore, *l. certum, C. de rei vindic. l. questum, ff. de acquir. rerum domin. l. 4. §. post litem, ff. fin. regun. d. l. 4. §. lana, ff. de usurp. & usucap.* Et hæc, si iniustum fuerit matrimonium: nam si iustum matrimonium fuerit, impensæ factæ in res dotales non compensantur cum fructibus, sed fructus omnes eius temporis, quo stetit matrimonium, cedunt lucro mariti pro oneribus matrimonii. Impensæ autem necessariae ipso iure minuunt dotem, vel tota dote soluta imprudenter, condicuntur, ut in *l. 5. §. si dos, tit. seq.* Et vtilis impensæ repetuntur actione mandati, vel negotiorum gestorum ex Constitutione Iustiniani *de rei uxorie actione*, & illæ solæ impensæ cum fructibus compensantur, quæ factæ sunt fructuum quarrendorum gratia in annum, non in perpetuum rerum dotalium vtilitatem, *l. fructus §. ult. hoc tit. l. 3. tit. seq.*

Ad



## Ad §. vsuras.

*Vsuras numerata dotis ex stipulatu pater in matrimonio defuncta filia, si petat gener, qui residua dotis promissa fœnus stipulatus est, ita demum ad finem vice mutua debita quantitatibus compensationem opponere iuste videtur, si propriis sumptibus uxorem suam exhibuit. Alioquin si patris sumptibus exhibita sit, inanis vsurarum stipulatio compensationi non proderit.*

**T**ertii responsi species hæc est: Pater pro filia genero promissit dotem certam, puta, mille, numeravit autem partem tantum, partem, id est, quingenta, stipulatusque est mortua in matrimonio filia, eam partem sibi reddi, & quo tardius redderetur vsuras certas. Contra quoque gener, de patre siue focero, quoad residuam dotis partem soluisset, id est, residua quingenta, stipulatus est sibi dari vsuras certas. Mortua in matrimonio filia pater agit cum genero actione ex stipulatu, dotemque numeratam petit & vsuras. Gener ei opponit compensationem quantitatis vsurarum, quam vice mutua sibi debet pater ex stipulatione residua dotis. Quæritur an iusta ea compensatio sit? Et respondet Papinianus esse iustam, si modo maritus sustinuerit onera matrimonii, & suis sumptibus constante matrimonio uxorem exhibuerit. Et sane, adeo iusta est ea compensatio, ut & iure Pontificio, quod vsuris, quantum potest, aduersatur, approbentur vsuræ, quæ pensant onera matrimonii. Nam etsi eodem iure improbetur *ἀντίχρησις*, quia vicem vsurarum obtinet, c. i. & cap. contestatus, ext. de vsur. *ἀντίχρησις*, id est, pignus contractum ea lege, ut fructus pignoris creditor lucrifaciat vice vsurarum, nec imputet in sortem: tamen eo iure ea conuectio approbatur, si dotis promissæ nomine marito detur pignus eadē lege, id est, *ἐν ἀντίχρησει*, marito, inquam, sustinenti onera matrimonii cap. salubriter, eod. tit. ubi illo loco, *Non numerata dote, velim vos emendare numeranda dote.* Eademque ratione inuenio in c. i. ext. de feudis, recte beneficiarium siue vassallum dare beneficium siue feudum domino pignori, ea lege, ut fructus lucrifaciat, si modo dominus onera vassalli, vel seruitia, quæ vassallus obire debet, in se recipiat. At in specie proposita, si non mariti, sed patris sumptibus mulier exhibita & educata fuerit constante matrimonio, Papin. ait, inanem esse stipulationem vsurarum à genero interpositam, quia inest ei semper hæc conditio, si maritus exhibuerit & aluerit uxore, & ministeria eius, ut idem Papin. docuit in hoc libro in l. cum post §. in domum, sup. de iure dot. Denique vsuræ residua dotis intelliguntur genero promissæ ad exhibitionem vxoris, ergo vxore non exhibita non debentur, & inanis ea stipulatio est, ut nec compensationi proffit. Proinde vir patri præstabit vsuras tardius redditæ dotis. Viro autem pater nullas præstabit, vel feret expensas.

## Ad §. vltimum.

*Ad virum uxore post diuortium reuersa, iudicium acceptum ex stipulatione, quam extraneus, qui dotem dederit, stipulatus fuerit, non dissoluitur, nec officio iudicis absolutio continetur.*

**N**otandum est ad hoc responsum, multum interesse mulier dotem dederit, an extraneus pro muliere. Nam si extraneus dederit, & in casum diuortij stipulatus sit dotem sibi reddi, quæ dos receptitia vocatur, diuortio facto, committitur stipulatio, & ex ea semel parta actio inuito stipulatore non extorquetur: semel acceptum ex ea iudicium non dissoluitur, neque ipso iure, neque officio iudicis, neque remedio actionis: licet interim pendente iudicio renouatum matrimonium fuerit, ut in l. stipulatio, de iure dotium. At si mulier ipsa dederit dotem, & diuortio facto bona gratia, vel sine culpa sua egerit de dote, quod potest, etiam si nihil stipulata sit, post reintegrauerit Respons. Papin.

**A** cum eodem viro matrimonium pendente iudicio dotis, iudicium dotis, etiam si contestatum sit, dissoluitur, quod est in l. 19. hoc tit. Dissoluitur ipso iure iudicium rei vxoriæ, quod iam contestatum est, ut d. l. 19. vel quod post reconciliationem instituitur, ipso iure nullum est, quia iudicium rei vxoriæ est bonæ fidei, & iudiciis bonæ fidei tacite inest exceptio doli mali, l. 21. hoc tit. ut necesse non sit eam opponere. Iudicium autem ex stipulatu, quia olim erat strictum, non soluitur, aut submouetur ipso iure, sed opposita exceptione doli mali demum, ut in l. 13. sup. de iure dot. hodie ipso iure, quia Iustinianus actionem ex stipulatu de dote fecit bonæ fidei. Ea vero lex 13. cum sit Modestini ex libr. singul. de differentia dotis, facile credo Modestinum post verba l. 13. subiecisse, aliud esse dicendum in dote data ab extraneo: atque ita fecisse differentiam inter dotem datam à muliere, & dotem datam ab extraneo; cuius ratio hæc est. Quia ius quæsitum extraneo per diuortium inuito ei mulier auferre non potest redintegrato matrimonio, sicut in l. vlt. ff. de pact. Si per reum principalem, qui pactus est de non petenda pecunia, fideiussori eius sit quæsitæ exceptio pacti, ea fideiussori à reo principali postea auferri non potest, si forte paciscatur in contrarium de petenda pecunia, sicut in l. 2. C. de pignor. Si primo obligauim generaliter omnia mea bona: deinde secundo specialiter prædium ex meis bonis, specialis hypotheca non derogat generali, quia primo ex generali ius quæsitum est. Ius autem sibi quæsitum mulier remittere potest, quod etiam remisisse intelligitur redintegrato matrimonio, quia ratione etiam placet iudicium rerum amotarum solui redintegrato matrimonio, l. vlt. ff. rer. amot. Ex quo titulo etiam breuiter est explicanda lex 27.

## Ad l. 27. rerum amotarum.

*Rerum amotarum actio ob adulterij crimen, quo mulier pollicita est, non differtur.*

**S**ententia hæc est, Propter adulterij crimen, quod dimissæ vxori intendit maritus (quia non dimissam non potest accusare adulterij, sed prius debet eam dimittere; deinde accusare) non differri: iudicium rerum amotarum, quod contra eam semel instituit, aut parat instituere, iudicium ciuile, quia ea actio ciuilis rerum amotarum nihil præiudicat criminali. Puto hoc scripsisse Papin. de actione rerum amotarum *ἡ δὲ ἀντίχρησις*, ad differentiam actionis de dote, quia iudicium de dote sane differtur propter crimen adulterij, quod post diuortium maritus postulauit uxorem, l. adulterij, C. ad l. Inl. de adult. quia scilicet actio dotis quæ ciuilis est præiudicat iudicio criminali. Nam si iudicio dotis iudicabitur secundum mulierem, nempe ut dos ei restituatur, quasi sine culpa eius diuortio facto, utique præiudicabitur, eam non esse adulteram, quia adultera dote mulctatur. Denique præiudicabitur iudicio criminali, quod non est ferendum, quia grauius est iudicium. Breuiter dicamus, actio de dote differtur propter crimen adulterij, non actio rerum amotarum.

## Ad l. 26. de testam. tut.

*Iure nostro tutela communium liberorum matri testamento patris, frustra mandatur, nec si prouincia præses imperitia lapsus patris voluntatem sequendam decreuerit, successor eius sententiam, quam leges nostra non admittunt, recte sequetur.*

**I**n hac lege tria sunt responsa, quæ sola explicare liceat. Ad primum responsum notandum est: Tutelam esse virile, non muliebre officium, adeo ut nec matri testamento patris filiorum communium tutela mandari, nec mandata decreto iudicis confirmari possit, nec si forte Præses imperitia lapsus eam confirmauerit, decretum eius siue sententia rata est, quia est contra leges iuraque ciuilia: nec recte fecerit successor Prædis, si eam sententiā sequatur



quæ ipso iure nulla est, male eam probet. Et hæc est sententia primi responsi. Ad quod notandum est: decreto tantum Principis matri postulanti tutelam filij impuberis posse mandari, idque constat ex *l. ult. de tut. l. 2. §. quid si pater, ad Senatuscons.* Tertullianus in illo loco: *Nec legitime tutelam mater administrat*, legitime, id est, ex decreto Principis, hoc sensu, ut quæ filio impuberi neque tutorem petit, neque ipsa legitime tutelam administrat, id est, ex decreto Principis, amittat ius succedendi filio impuberi. Idemque constat ex *l. 2. C. quando mul. tut. offic. fungi. poss.* Et olim quidem mater tutelam filij postulare & impetrare potuit à Principe, non nisi deficientibus testamentariis tantum tutoribus & legitimis, *d. l. 2. & l. 3. eod. tit.* hodie non nisi deficientibus testamentariis tutoribus, quia legitimis tutoribus, id est, agnatis mater præfertur, ut in hæreditatibus ex Senatusconsulto Tertulliano, sic & in tutelis, ex Nouel. 118. Verum ex supradictis ll. & aliis plerisque Nou. Iustiniani, debet prius mater, quæ affectat tutelam filiorum, renuntiare beneficio Senatusconsulti Velleiani de intercessionibus mulierum: nam auctoritas tutoris in negotiis pupilli intercessio est, *l. 15. C. de adm. nist. tut. l. 6. C. de curat. fur.* quæ auctoritas interposita à matre inanis & inutilis esset, nisi renuntiasset Senatusconsulto Velleiano. Debet quoque ea mater vidua permanere, alioquin tutela remouetur, idemque est in auia ex Nouella Iustin. Nulla tamen lege aut cōstitutione adhuc effectum est, ut contra hoc Papiniani responsum iure pater in testamento matri filiorum communium tutelam mandarit, utue mandatam Prætor vel Præses iure confirmarit: sed contra nulla etiam lex vel cōstitutio vetat quin possit mater negotia filij gerere & attrectare, ut voluntarius procurator, ut negotiorum gestor, ex patris vltima voluntate, ut lib. 2. latius exposuimus ad *l. libert. §. pen. de negot. gest.*

#### Ad §. honoris causa.

*Honoris causa tutor datus non videtur, quem pater à cæteris tutoribus, quibus negotia gerenda mandauit, rationes accipere voluit.*

**H**onorarius tutor est is, qui honoris tantum, non honoris causa datus est, ut otiosus obseruaret gerentes tutelam, non gereret ipse *ἡ τιμὴ*, ut ait *l. 15. §. 6. d. p. l. 1. de excus. tut.* Denique qui honestatur nomine tutoris, non munere: nam & tutelæ delatio honor est, hereditas, hereditus institutio honor est: sicut legatum honor est, eadem ratione dictus honorarius, quia in cōstitutionibus Codicis sæpe honorarij Prætores vel Consules, vel Quæstores, qui nudū habent nomen honoris sine re, qui non versantur *ἐν τοῖς ἀρχαῖς*, in administratione Reipubl. vnde vulgo aliam faciunt dignitatem, legitimam & ordinariā, id est, *ἐμπερικτον*, quæ in actione consistit, aliam honorariam, quæ nihil agit, *l. 2. C. Theod. ad l. Iul. repet.* Et honorarium vinū quod honoris causa offertur, Cato de innocentia sua: *Cum essem in provincia legatus quam plures ad Prætores & Consules vinum honorarium dabant, nunquam accepi ne priuatus quidem.* Honorarius autem tutor est is, quem pater à cæteris tutoribus, quibus negotia pupillaria gerenda mādauit, rationes exigere & accipere iussit, quoniam hunc planetotum voluit versari in actione tutelæ, quem posuit supra rationes omnium, id est, totius tutelæ. Qui est honorarius tutor, debet quidem ab iis, qui negotia gerunt assidue, quod est sæpius rationes exigere, etiam si hoc ei non iniunxerit pater, *l. 3. §. 1. de admin. tut.* Sed cum id nominatim iniunxit, ut non modo sæpius, sed in singulos actus singulorum administratorū rationes excuteret, sane honorarius tutor non est, quæ est sententia huius legis. Imo vero ex tutoribus nullus est minus otiosus, quam qui rationes exigit, tractat, dispungit, conficit, hoc est, tutelæ summum negotium, quod qui attingit, non potest non attingere & cætera omnia. Effectus autem huius legis est,

quia honoraria tutela in numerum trium tutelarum, qui numerus excusat à quarta tutela, non computatur, hoc est, honoraria tutela & otiosa non computatur in oneribus, licet quandoque ad honorarios administratorum peticulum redundet, *d. §. 6. d. p. l. 1. de excus. tut. nupt.* Item quia prius excutiendæ sunt facultates eius, qui gessit & administravit tutelam, quam honorarij tutoris, *d. l. 3. §. 1.* Et ob id intererat scire, quis esset honorarius tutor.

#### Ad §. vltimum.

*Propter litem inofficiosi testamenti ordinandam, exheredatus filio, cui tutorem pater dedit, eundem à Pratore confirmari oportet. euentus iudicatus rei declarabit, utrum ex testamento B patris, an ex decreto Pratoris auctoritatem acceperit.*

**S**ciendum est, patrem etiam exheredato filio, quem habet in potestate, testamento tutorem dare posse, *l. 4. hoc tit.* At finge, filium à patre immerito exheredatum, non habuisse patrem iustas causas irascendi filio, & remouendi eum hereditate sua, & filium per querelam inofficiosi testamenti patrem intestatum facere, testamentum rescindere velle. querela inofficiosi testamenti hoc iure quod obtinuit ante Nouell. Iustin. 115, rescindit omnia, quæ in testamento sunt scripta, & testatorem prorsus intestatum facit, id est, non tantum heredis institutionem rescindit, quæ solum & quasi fundamentum testamenti est, sed etiā tutelam, & legata, & fideicommissa, & libertates, & tabulas pupillares, quia re iudicata secundum filium exheredatum, qui questus est de iudicio patris, totum testamentum præsumitur esse hominis male sanæ mentis, idcirco corrumpitur totum, *l. Papin. §. sed nec impub. & §. si ex causa, & l. qui repudiantis, de inoff. test.* At queritur utrum filius exheredatus, qui, cum sit pupillus solus, ex eo litigare non potest sine auctoritate tutoris, utrum agat querela inofficiosi testamenti auctore tutore testamentario, an auctore tutore legitimo. Finge patruum filio extare legitimum tutorem futurum ab intestato: videtur testamentarius auctor esse non posse, quandiu testamentum in ea causa est, ut rescindi possit per querelam: videtur etiam legitimus auctor esse non posse, quandiu spes est, ut iudicetur secundum testamentum contra filium exheredatum. sed quia potest etiam testamentum non rescindi filio non obtinente in querela, & contra, potest etiam rescindi filio obtinente, sub incerto tutius est eundem tutorem, qui testamento datus est, non per se auctorem fieri ad eam litem, sed ex decreto Pratoris pupillo dari. *Dari* ait lex proxima quæ sequitur, hæc lex, confirmari: nam & qui cōfirmat, dat, *l. pen. §. sed cum veteres, C. de necess. hered.* Dari igitur & confirmari à Pratore tutorem testamento datum ad ordinandam litem inofficiosi testamenti, ut, quemadmodum ait lex proxima, sine vllō præiudicio iustus tutor auctor pupillo ad eam litem fiat. Iustus autem tutor, antequam de iure testamenti iudicetur & de meritis filii exheredati, interim sane est testamentarius, cum aditam esse hereditatem defuncti ex eo appareat, quod agatur querela inofficiosi testamenti, quæ non nascitur ante aditam hereditatem, *l. Papinianus, §. si conditionis, de inoff. testam.* Et hoc distat à bonorum possessione contra tabulas, quæ datur filio præterito, non exheredato, & datur ut vulgo dicebant Iuricons. *contra tab. contra testamentum*, contra lignum, etiam ante aditam hereditatem nullo ex tabulis testamenti existente herede, *l. illud, & l. quod vulgo, de bon. possess. contra tab.* Euentus autem istius iudicii de inofficioso testamento, ut subiicit Papinianus, declarabit, is qui auctor ad eam litem pupillo fuit, utrum ex testamento, quo scriptus est & institutus tutor, an ex decreto Pratoris, quo confirmatus est, auctoritatem acceperit. Si non vicerit filius exheredatus, ex testamento videbitur tutor auctoritatem accepisse: si vicerit, ex decreto Pratoris ad eam litem tantum. Nam testamento rescisso per querelam, pro-



eul dubio ei succedit legitimus tutor, vt in l. si filia, hoc tit. A l. si impuberi, de tut. & cur. datis. Non est omitendum, hodie nullum esse locum quaestioni proposita in hoc §. quia ex supradicta Nouella Iustin. testamento rescisso per querelam, cætera firma manent, cætera omnia indistincte, hoc enim est verius, id est, tutela, legata, fideicommissa, libertates, secundæ tabulæ, sola heredis institutio rescinditur. Itaque in quaestione proposita tutor testamentarius plane auctor esse potest filio exheredato agenti querela inofficiosi testamenti, nec indiget confirmatione Prætoris, aut Præsidis, quia etiam rescisso testamento, tutor manet, & hoc est quod dicitur vulgo: *Ex causa exheredationis sue præteritionis, quæ scilicet pro exheredatione habeatur, vt si mater vel auus maternus silentio præterierit filium vel filiam, id est, si neque instituerit, neque exheredauerit nominatim, solam institutionem vitari: cætera quæ sunt scripta in testamento, manere: nam ea Nouella pertinet tantum ad exheredationem vel præteritionem, quæ pro exheredatione est, non etiam ad veram præteritionem, vt si pater filium præterierit, quo casu totum testamentum corrumpitur, & rescinditur per bonorum possessionem contra tab. exceptis legatis quibusdam, quæ certis personis relicta sunt, puta, liberis, aut parentibus, aut uxori vel nurui dotis causa, ex edicto de legatis præstandis.*

Ad l. 28. eod.

*Qui tutelam testamento mandatam excusationis iure suscipere noluit, ab his quoque legatis summonendus erit, quia filiis eius relicta sunt: modo si legata filij non ad affectionem propria, sed in honorem patris meruerunt.*

**I**N l. 28. de testamen. tutel. sunt tria responsa. Ex primo intelligimus: tutorem filio impuberi testamento datum, si, cum in arbitrio eius esset, vti vel non vti excusatione, & immunitate sua, quæ forte habet, nec prohiberetur legibus omiſſa excusatione vltro tutelam suscipere, maluerit tamen se excusare à tutela, indignum esse legato, quod ei eodem testamento relictum est, quia nisi aliud euidenter testator expresseſſet fidei remunerandæ causa, & quo libentius tutelam susciperet, legatum ei vt tutori relictum videtur, l. 33. inf. de excus. tut. Quamobrem si repudiat onus tutelæ, indignus est emolumento legati, quo prouocatus est ad tutelam suscipiendam: nec quidquam ad rem facit quod se excusauit. Id vero legatum, quamuis ei veluti indigno auferatur, tamen non cadit in fiscum, vt plerunque solent ab indignis legata hereditateſque transferri in fiscum, sed transfertur in pupillum, cuius vtilitatem tutor deseruit repudiata tutela iure excusationis, l. 5. §. amittere, de iis quibus vt indig. l. pen. C. de leg. quod ita accipi debet, si pupillus patri suo heres extiterit, alioquin pupillo exheredato, legatum non transfertur in pupillum, sed in heredem patris etiam extraneum, l. tutor petitus §. 1. de excus. tutor. Hoc autem loco Papinian. ostendit, tutorem, qui se excusat tutela, non tantum repelli à legato, quod ei relictum est, sed etiam ab eo, quod filiis eius relictum est, modo si relictum fuerit in honorem eius, & contemplationem & gratiam, non propria adfectione filiorum, quia & hoc quoque ei relictum videtur, quod eius contemplatione filiis eius relictum est, vt dos profectitia intelligitur, non tantum quæ data est à patre, sed etiam, quæ data est ab extraneo contemplatione patris, l. 5. §. 1. de iur. dot. Seneca 5. de Benef. Sed vt tanquam Iurisconsultus respondeam, mens spectanda est dantis beneficium: Ei dedit, cui datum voluit, si in honorem patris dedit, pater accepisse videtur beneficium. Iisdem verbis Papin. hoc loco: *Modo si legata filij non ad affectionem propria, sed in honorem patris meruerunt.* Ad hæc præter eos casus, qui vulgo notantur, quibus tutor, quamuis tutela se excusauerit, non repellitur à legato, sibi vel suis, sui contemplatione relicto, puta, si per eum culpamue eius non fiat, quo minus tutelam administret, vel si non ei vt tutori, sed alia adfectione

Respons. Papin.

legatum relictum sit, qui casus & à me supra subnotati sunt. Notandus est alius casus, quem vulgo non animaduertunt, quo etiam tutor qui se excusauit non repellitur à legato, videlicet, si antequam repelleretur pupillus decesserit. quod l. amicissimos, inf. de excus. tut. significat his verbis ex contrario sumptis: *Si adhuc vinceret pupillus.* Et ratio est aperta, quia non ante legatum amittit, quam ei auferatur, & causa auferendi sublata est morte pupilli. Eadem l. amicissimos ostendit, non repelli eum tutorem à substitutione pupillari, si pupillo suo substitutus fuerit in hunc casum; si impubes decesserit: quia non est verisimile: (vt ait:) *tunc demum eum testatorem substituere voluisse, si & tutelam suscepisset,* cum substitutionem illam contulisset in casum finitæ tutelæ, id est, in casum mortis pupilli. Sed recte animaduertit primus Ludovic. Rom. in consilio 207. hoc hodie post Nouell. Theod. de tutorib. cuius pars est in l. sciant, C. de legit. hered. ita verum esse, vt non excidat substitutione pupillari, si substitutus, qui se excusauit tutela, alium tutorem pupillo petierit, & dari curauerit intra annum viuo pupillo. Verum, inquam, est, vt non excidat substitutione pupillari, si tutorem pupillo petierit, alioquin excluditur substitutione pupillari, d. l. sciant. Verum quod idem Romanus ait, repelli quoque eum à substitutione precaria, id est, à fideicommissaria hereditate, relicta in eundem casum mortis pupilli, & repelli, non quod non petierit ei tutorem, sed quod recusauerit onus tutelæ. Quantum ad illam rationem, fateor eum non repelli ea ratione à substitutione precaria, siue fideicommissaria hereditate, l. ult. inf. qui pet. tut. Nec enim ob non petitum tutorem amittit quis bona patris quæ deferuntur substitutione precaria, sed bona pupilli tantum ex constitutione Seueri, quæ certum est deferri substitutione directa, quam pupillarem appellamus. Quantum vero ad hæc rationem non susceptæ tutelæ Romani nos scriptura fallit, quia hæc ratio repellit tutorem tantum à præſenti lucro, à præſenti legato, quo inuitatus est ad tutelam suscipiendam, non à lucro futuro post tutelam finitam, id est, post mortem pupilli, quia non est verisimile, id ei relinquere huius rei causa, quod etſi dicta l. amicissimos, ponat tantum in substitutione directa, tamen eadem ratio interuenit in precaria, de qua dixi ante, quia vtraque confertur, in tempus mortis pupilli. Præterea quod idem auctor scribit, hodie tutorem, qui se excusat, etiam legatum amittere, quod ei non vt tutori relictum est, quo magis tutelam obiret, sed alia adfectione, contra quam traditum sit in l. tutor petitus §. 1. & l. Nescennius, & l. seq. inf. de excus. tut. Quod, inquam, ait tutorem, qui se excusat, omne legatum amittere quacunque adfectione relictum, etiam si relictum sit vt cognato, non vt tutori, non fidei remunerandæ causa: id ait se dicere propter primam Nouellam Iustiniani, quæ non tantum heredis, sed etiam legatarij & fideicommissarij non obtemperantis voluntati testatoris, contumaciam ita punit, & in deuotionem ita mulctat, vt indignum eum faciat hereditate, legato, fideicommissis. quod ita statuit propter eam Nouellam, id vitiosum est, quia ea Nouella punit tantum eos, qui legata aut fideicommissa, aut libertates aliis relictas, post admonitionem iudicis intra annum soluere detrectant, non eos, qui onus sibi iniunctum veluti tutelam suo priuilegio subnixi, refugiunt, quia hoc faciunt iure publico, vt ait l. Iurisperit. §. ult. de excus. tut. Legatorum vero, aut fideicommissorum, aut libertatum præstationem nullo iure refugere possunt. Itaque horum separata ratio est, in quibus tamen ille vult idem ius seruari. Et præterea Nouellæ constitutiones semper sunt strictius accipiendæ, certe nunquam porrigendæ ad casus, quorum ratio sit diuersa, vt in proposito iam satis ostendi esse diuersum: quia tutelam refugio meo iure, meo priuilegio, & iure publico fretus, legatorum aut similium præstationem nullo iure refugio. In hunc errorem, & illum, & Bartolum, & Doctores omnes primus induxit Iacobus Beluſius summus aretalogus & commentator Nouellarum.

M ij



## Ad §. verbis.

*Verbis fideicommissi manumissus, non iure tutor testamentario datur: post libertatem itaque redditam, ex voluntate testatoris ad tutelam vocatur.*

**A** It in hoc responso, seruum proprium vel alienum, cui relicta est libertas verbis fideicommissi pure, testamento tutorem datum filio impuberi, non iure datum. Cur? quia scilicet, cum tutor detur verbis directis veluti: *ille tutor esto, illum tutorem do, l. i. tit. seq.* & Theophilo auctore in tit. *qui testament. tut. dar. poss.* & ab ipso testatore tutor protinus proficiscatur, ut ait lex 7. hoc tit. eo modo quem proposui, tutela seruo defertur, antequam ei libertas obtigerit, quod fieri non potest, quia seruus iustus tutor non est: ergo etiam si postea ab herede præstetur fideicommissaria libertas, quæ relicta est, non iure datus tutor videbitur, quia vitium tutelæ dationis, quod fuit initio, non emendatur ex post facto obtingente libertate, sed nihilominus *ex voluntate testatoris ad tutelam vocabitur.* Quibus verbis ut in §. ult. Papinian. significat, cum post acceptam libertatem ex causa fideicommissi confirmandum esse tutorem decreto Prætoris. Confirmatio sequitur voluntatem defuncti, & corroborat quod ab initio non valebat. Et sane ita est: *Omni non iure datum tutorem indigere confirmatione.* Et ita est accipiendus hic §. non esse iure datum: ergo indigere confirmatione, hoc necessario consequitur. Et idem opinor esse, si seruus sine libertate tutor datus sit, quia et si huic quoque tacite videatur relicta fideicommissaria libertas, *l. si hereditas §. ult. hoc tit. l. etsi non adscripta, C. de fideicom. libert.* tamen non iure datus tutor videtur. At obseruandum est maxime hoc interesse, tutor datus sit sine libertate, an adscripta libertate fideicommissaria: quia ex tutelæ datione non præsumitur data vlla libertas, cum expressim data est fideicommissaria, quia ut vulgo dicitur, expressum facit cessare tacitum, in *l. cum ex filio §. filio, de vulg. subst.* Et merito reprehenditur Accursius, qui hoc loco: *Cui etiam nominatim data fideicommissaria libertate, seruo tutori dato: in eodem adsumit directam libertatem ex tutelæ datione.* Et in cæteris quoque omnibus Accursij glossa in hunc §. ineptissima est, ideoque deleatur tota. At si seruus tutor datus sit sine libertate, si sit proprius seruus testatoris, potest defendi ex tacita voluntate testatoris, directam libertatem ei competere, ut in §. i. *Instit. qui testam. tut. dar. poss.* Quæ si adferat sibi atque vindicet, iure tutor datus videbitur, sed si adferat sibi fideicommissariam libertatem proprius, non alienus seruus, non iure tutor datus videbitur, & confirmatione indiget: est in arbitrio serui proprii testatoris, vel hanc vel illam sibi libertatem adferere & defendere, ut sit in specie *l. si quis seruo, ff. de manu. testam.* Quod Thaleus sentit in dicta *l. etsi non adscripta*, dum ait, *Eum qui abnuat fideicommissariam libertatem non continuo abnuere directam, & utrius maluerit seruo proprio adferriorem esse.*

## Ad §. vltimum.

*Impuberi libertopatronus frustra tutorem dabit: sed voluntatem eius, si fides inquisitionis congruat, Prætor sequetur.*

**I**n tertio responso ponitur alius casus, quo tutor non iure datus ex inquisitione confirmatur decreto Prætoris, habita inquisitione prius de moribus & facultatibus, ut si libertopatronus tutorem dederit, quod iure non facit, quia patri tantum habenti filium in potestate lex duodecim Tabul. permisit tutoris dationem. Et hoc est quod ait *l. impuberi, de administ. tut.* Tutelam testamento mandari iure patriæ potestatis. Sed istamen, quæ patronus tutorem dederit libertopatroni, si fides inquisitionis congruat, confirmabitur decreto Prætoris.

**A** Quod ita est accipiendum, si patronus libertum heredem instituerit, & quasi in rem magis, quam in personam tutorem dederit, ut *l. 4. tit. seq. non si exheredauerit*, quia nec à matre tutor datus filio exheredato siue præterito confirmatur *l. 4. hoc tit.*

## Ad l. vltim. ad legem Iuliam de adulteriis.

*Defuncta quoque socru, gener incesti postulabitur, ut adulter post mortem mulieris.*

**S**ententia hæc est: Ut post mortem mulieris adulteræ, adulterij accusari potest à quocunque marito vel extraneo, siue mulier mortua sit in matrimonio, siue in diuortio, *l. si similes, §. adulter. l. vim §. in matrimonio, hoc tit.* Ita post mortem socrus gener, post mortem nurus vitricus, post mortem noueræ priuignus, incesti accusari potest. Et quamuis in aliis multæ sint & magnæ differentiæ inter adulterium & incestum, puta quod incesti commune crimen aduersus duos simul intentari possit, non adulterij, *d. l. vim §. duos, & §. seq.* Quod in crimine adulterij serui torqueantur in caput domini, non in crimine incesti, *l. 4. & l. 17. de quæstion.* Quod crimen adulterij tollatur præscriptione quinquennij, incesti, non nisi præscriptione communi vicennij, *d. l. vim §. præscript.* Quod ignorantia iuris ciuile excuset incestum, iuris naturalis adulterium nunquam, quia iure naturali probum est, & ius naturale nemini licet ignorare, *l. adulterium, hoc tit.* Hac tamen in re qua de agitur in *l. ult. ut ex ea patet*, hæc duo crimina nihil inter se distant, quia generaliter proditum est, crimine, quod duorum est aut plurium commune, extincto in persona vnius (extinguitur autem morte) non extingui in persona alterius, *l. i. C. si reus vel accus. mort. fuerit.* Ex locis autem ex quibus alij Iurisconsulti ex hoc libro Papiniani testimonia sumunt, testat vnus tantum in *l. Papinianus, ff. loc.*

## Ad §. Papinianus. l. 15. locati.

**P**apinianus libr. 4. responsum ait, si vno anno remissionem quis colono dederit ob sterilitatem, deinde sequentibus annis contigit vbertas, nihil obesse domino remissionem, sed integram pensionem, etiam eius anni quo remisit exigendam. Hoc idem & in vectigalis damno respondit. Sed & si verbo donationis dominus ob sterilitatem anni remisit, idem erit dicendum: quasi non sit donatio, sed transactio. Quid tamen si nouissimus erat annus sterilis, in quo ei remisit? Verius dicetur et si superiores vberiores fuerunt, & scit locutor, non debere eum ad computationem vocari.

**I**nitio ostendit aliquando propter sterilitatem agri, quæ vocant æpoglar, sterilitatem anni, colonopensionis dandam esse remissionem, quam nos appellamus Rabais. Est verbum iuris, Columella primo de re rustica, cap. 7. Nam ubi sedulo cogitur ager, plerunque compendium, nunquam (nisi si cali maior vis, aut prædonis incessit) detrimentum affert, eoque remissionem colonus petere non audet. Plin. 9. Epist. 37. Nam priore lustro, quanquam post magnas remissiones, reliqua creuerunt. Et 10. epist. 24. Præterea continua sterilitates cogunt me de remissionibus cogitare. Datam autem vno anno remissionem propter sterilitatem Papin. respondit, nihil nocere eam remissionem domino, si sequentibus annis contigerit vbertas, quæ superioris anni sterilitatem & damna compenset: sed hoc casu, domino esse integram petitionem totius pensionis superioris anni, ut in *l. licet, C. eod. tit.* Et subiicit Papin. idem esse in vectigalis damno, id est, si propter sterilitatem prædij emphyteutici dominus emphyteutæ vectigalis, id est, canonis emphyteutici remissionem dederit, Basilica loco illorum verborum, *Idemque est in vectigalis damno*, aiunt, *ὅτι τὸ γὰρ ὅτι ἐν ἐμψυτῶν καὶ ἐστὶν.* Ad §. 9. leg. 19. loc. vide sup. ad l. 4. de officio adfess.





IA COBI CUIACII  
IVRIS CONSVLTI  
COMMENTARIA  
in Lib. V. Responsorum  
Æmilij Papiniani.

Ad l. 6. de confirm. tut. vel curat.

*Si filio puberi pater tutorem, aut curatorem dederit: contra inquisitionem prator eos confirmare debebit.*



VIVS legis verba secundum Florentinam editionem, qua nulla est melior hæc sunt: *Si filio puberi pater tutorem, aut impuberi curatorem dederit*: Recte: verum plenior esset oratio, si dixisset, *aut impuberi, vel puberi curatorem*: denique hoc modo: *Si filio puberi pater tutorem, aut impuberi vel puberi curatorem dederit*: nam ita se res habet. Pater vel avus paternus filio puberi vel nepoti puberi, non iure dat tutorem in testamento, quia lex XII. tabul. à qua parentes virilis sexus, & per virilem sexum descendentes, qui liberos habent in potestate, acceperunt ius dandi tutoris, ea lex sentit de tutore dando liberis impuberibus ætate parvis, qui per ætatem se defendere nequeunt, non de tutore dando puberibus: ergo puberibus iure non dantur tutores, quia tutoris datio iuris est, siue legis, nec quicquam licet ultra fines lege præscriptos de dandis tutoribus. Non dant etiã parentes liberis impuberibus vel puberibus iure curatorem in testamento, l. *peto* §. *mater*, de leg. 2. Quia lex XII. tabul. de tutore testamento dando loquitur, non de curatore, de tutela, non de curatione, illo loco: *tutela sua rei*. Proinde tutor quidem vel est testamentarius, vel legitimus, vel dativus: curator autem vel legitimus, vel dativus, nullus testamentarius. Et sicut in l. *ventri*, de tut. & cur. dat. dicitur, ideo ventri magistratum curatorem dare posse, non tutorem, quod de curatore constituendo edicto prætoris comprehensum sit, videlicet in titulo de ventre in possessionem mittendo: Et vero in edicto prætoris non potuit comprehendere, de tutore dando, vel constituendo, quia neque directo heredem prætor, neque tutorem facere potest, vel confirmare per se solus, sed ut bonorum possessorem pro herede habet, sic curatorem pro tutore. Et ad eundem modum dicimus, ideo curatorem testamento neque impuberi, neque puberi iure parentem dare, quia lex XII. tabularum tutorem tantum, dare permittit, l. 1. & 20. *sup. tit. prox.* Summa hæc sit: non iure dari testamento patris tutorem filio puberi, sed impuberi tantum, quem habet in potestate: non iure item dari curatorem testamento puberi vel impuberi: verumtamen non iure datum tutorem vel curatorem confirmari posse decreto prætoris vel prædis, id est, causa cognita: neque enim prætor semper sequitur voluntatem patris, non semper confirmat tutorem vel curatorem non iure datum à patre, l. 39. 10. *hoc tit.* sed aliquando reiecto tutore, E vel curatore à patre non iure dato, alium tutorem legitimo constituit, ut in l. 39. §. 1. & 2. de admin. tut. quæ est secunda lex huius libri. Denique non confirmat temere prætor tutorem, vel curatorem non iure datum à patre, non sine decreto. At confirmat sane eum sine inquisitione, l. 1. *hoc tit.* Eadem ratione & sine satisfactione rem pupilli saluam fore, eum ad tutelæ administrationem admittit, l. 3. *hoc tit.* Ratio hæc est, quæ traditur in Institutionibus *tit. de satisf. tut.* quia fides & diligentia eius satis ab ipso parente approbata est, ut de ea nihil amplius inquiri oporteat, vel cauere satisfato. & recte l. *amicissimos inf. de excusat. tut.* ait, parentes, id est, patrem, avum,

A proavum, patronum amicissimos & fidelissimos tutores liberis eligere solere. Longe alia est conditio matris & parentum, qui per matrem coniuncti sunt, ut aui, proavi materni, quoniam ab iis liberis nunquam iure datur tutor vel curator, sed neque datus confirmatur sine inquisitione, l. 2. *hoc tit. l. 4. sup. tit. prox.* Cur ita? an propter reverentiam debitam patri? minime. Primum enim reverentia debetur matri, & æque præstanda est omnibus parentibus cuiuscunque sexus & gradus, siue cognationis, non propter reverentiam patri debitam (ut quidam insanus ait.) Nam omnibus parentibus debetur reverentia. Deinde hanc reverentiam observant liberi, non magistratus. ex quorum inquisitione & arbitrio, non iure dati à parentibus tutores vel curatores confirmantur. An igitur, ut certatum volunt Glossæ & commentarij omnes, propter infirmitatem consilij & iudicij mulieris, quasi non valeat mater consilio satis ad tutorem filiis eligendum? Et hanc quoque repudio rationem: nam & idem quod in matre, ius est in avo aut proavo materno, in parentibus lineæ maternæ: & consilium quoque matris, hac in re non admodum improbari ex eo apparet, quod à tutore, quem illa dederit, si modo per inquisitionem idoneus sit pronuntiatus, satisfactio non exigitur, l. 2. *hoc tit.* sicut nec ab eo, quem pater dederit. Ratio differentiarum verior hæc est, quia maiores nostri plus semper tribuerunt iudicio & decreto eorum, qui potestatem habuerunt in liberos, quasi iure suo & imperio decerneret quidquid præceperint, voluerint, quidquid præceperint de pecunia & tutela suæ rei, ut nec fas esset magistratui temere ab eo recedere, quod ipsi decrevisset, non magis quàm à legibus ipsis: huiusque iuris vestigium remanere aliquod etiam soluta potestate & agnitione per emancipationem, quia & filio emancipato datus tutor à patre, qui iure non datur, cum non sit in potestate dantis, confirmatur tamen *ἀπλῶς*, id est, sine inquisitione, §. *ult. Inst. de tut. l. Neseñnius, de excusat. tut.* Et quod maxime notandum, cum finita patris adoptivi potestate per emancipationem, dicatur ex pristino iure nullum vestigium retineri, l. *in omni, de adop.* hic è contrario demonstrat, finita potestate patris naturalis, ex iure pristino quædam vestigia retineri. Et sane iure prætorio ius successionis retinetur, finita potestate patris naturalis, non adoptivi, §. *minus, Inst. de hereditat. quæ ab intest.* Et non tantum per filiumfam. sed etiam per filium emancipatum recte pater servum suum manumittit. Et fingitur idem esse homo, quod ad manumissionem attinet, non tantum pater & filiusfamil. sed etiam pater, & filius emancipatus, tametsi solum sit vinculum potestatis, l. 1. §. *ult. C. comm. de success.* Et hoc quoque retinetur, quo de agimus, ut tutor à patre datus filio emancipato sine inquisitione confirmetur, perinde ac si filiofamil. non iure datus esset. Non omitam in hoc tractatu de confirmando tutore, maxime notandum esse, confirmatos tutores testamento datos etiam si dativi potius esse censeantur, quam testamentarij (quia qui confirmat, dat, ut diximus in l. 26. §. *ult. sup. tit. prox.*) tamen protestamentariis haberi, & ideo legitimos tutores excludere, ut in l. 3. *hoc tit. & d. l. 26. §. ult.*

Ad l. 3. de admin. & per. tut.

*Tutores qui post finem tutelæ per errorem officij durantes rerum administrationem retinuerunt: nominum paternorum periculum, quæ post pubertatem adolescentis idonea fuerunt, prestare cogendi non erunt: cum actionem inferre non poterunt.*

IN hac lege sunt plurima responsa. Primi responsi species hæc est: Tutor extraneus post finem tutelæ, id est, post pubertatem adolescentis siue pupilli quondam, per errorem forte, dum putat officium suum protendi ultra pubertatem, in rerum administratione perseveravit. Queritur an agnoscat & præstet periculum nominum pater-



norum, id est, quæ fecit & contraxit pater pupilli, cui pupillus heres extitit, si ea nomina deteriora facta sint, post finitam tutelam pubertate pupilli, facultatibus scilicet lapsis debitoribus patris post finitam tutelam, qui tempore finitæ tutelæ in facultatibus idonei & locupletes: & si quidē tutor non perseverasset in administratione, proculdubio periculo eximeretur, post finem tutelæ nominibus factis deterioribus, *l. cum post mortem in princ. inf. hoc tit.* At in proposita specie, quia in administratione perseveravit, quia rerum administrationem retinuit post pubertatem pupilli, hoc magnam dubitationem facit, & nihilominus Papin. eum, etiamsi post pubertatem perseveravit in administratione, eximit periculo nominum paternorum, si modo tempore finitæ tutelæ debitores paterni, idonei & locupletes fuerint. Et ratio Papiniani hæc est, quia non potest ei imputari, quod debitores paternos post finitam tutelam non exegerit, cum eos non potuerit exigere finito officio tutelæ, nec adsumpto alio officio novo curatoris, vel procuratoris, actionem, inquit, non potuit inferre: nullam exigendi facultatem habet qui nullam actionem intendere potest, *l. 6. §. ult. de neg. gest.*

Posui initio tutorem fuisse extraneum, non abs re: nam si fuit cognatus pupillo vel affinis, vel libertus, in eo cessat Papiniani ratio, quia etiamsi nullum sit ei iniunctum officium, quod tribuat administrationem rerum pupilli vel adolescentis, tamen finita tutela, sine mandato potuit agere aduersus debitores pupilli præstita cautione de rato, *l. sed & hæc persona, ff. de procur.* Et ideo imputatur ei, si non egerit aduersus debitores pupilli, cuius sua sponte negotia administrabat post finitam tutelam, *l. 8. sup. de neg. gest.* Quod & Accursius recte notauit hoc loco, ratio est evidens. Obseruandum est etiam Papin. loqui de nominibus paternis, id est quæ pater pupilli fecit, *de ce qu'il luy estoit deu.* Nam si ea nomina fecerit tutor ipse, quocunque tempore deteriora fiant, in potestate adolescentis est, ea non agnoscere, vt periculum ad tutorem pertineat, qui ea contraxit, *l. cum quaeretur, sup. hoc tit.* Item obseruandum est, Papin. loqui de nominibus paternis, quæ vt ait, *post pubertatem adolescentis idonea fuerunt*, id est, de debitoribus paternis, qui post pubertatem adolescentis idonei fuerunt, siue qui aliquandiu idonei fuerunt eo tempore, quo pupillus adoleuit, aut pubes factus est, id est finitæ tutelæ tempore, sed postea defierunt esse idonei. Nam si durante tutela idonei esse defierunt, cessante tutore, dolo malo vel nimia negligentia, nec exigente debitores paternos, proculdubio periculum pertinet ad tutorem, *l. 2. C. arbit. tut. l. periculum, de reb. cred. l. ult. §. pen. de administ. rerum ad ciuit. perti.*

#### Ad §. curator.

Curator à patre testamento datus impuberis negotiis se per errorem immiscuit: postea à prætore tutoribus aliis datis, periculum futuri temporis ille, qui postea nihil gessit, non præstabit.

**R** Epetamus memoria primum, quæ diximus in *l. 6. de confir. tut.* non iure dari curatorem impuberi testamento patris, imo nec puberi. At finge: datum curatorem impuberi testamento patris per errorem, dum se iure datum putat, secundum voluntatem patris se negotiis pupilli immiscere, post non confirmari quidem eum à prætore, sed alium tutorem pupillo dari: an si alio tutore pupillo dato, curator ille hoc cernens continuo deferat negotia pupilli, quibus se immiscuerat per errorem, an futuri temporis periculo, quo nihil gessit, adstringitur? Et respondet Papin. non adstringi, quia eum ab administratione Prætor exclusit substituto alio tutore siue administratore præteriti temporis, quo gessit negotia impuberis, antequam alius tutor daretur: non est

dubium periculum ad eum pertinere, si quid male gesserit. quod si antequam alius tutor daretur, suum errorem ille curator cognouerit, & ideo errore comperto mox deseruerit negotia pupilli, quæ cœperat attingere, in §. seq. ostenditur.

#### Ad §. qui se negotiis.

*Qui se negotiis impuberis non iure tutor datus, secundum patris voluntatem immiscuit, errore comperto tutorem à prætore constitui consultius petet, ne forte, si rem cœptam deseruerit, fraudis vel culpa causa condemnetur, non idem seruatur, si quis ultro negotium alienum gesserit, cum satis abundeque sufficiat, vel in una specie per amici laborem domino consuli.*

**I**n hoc §. ostenditur: eum doli vel culpæ nomine teneri, si tutorem non petierit à prætore constitui in locum suum, si alio tutore non petito negotia deseruerit, quæ cœperat. Et ea re eleganter Papinianus in §. hoc docet, differentiam esse inter eum, qui quasi curator ex necessitate officij ad aliena negotia accedit, & amicum voluntarium, qui ultro suscipit gerenda aliena negotia. Quoniam hic, id est, negotiorum gestor, ea deferere quandoque impune potest, etiam non subrogato alio in locum suum, quia, inquit, *satis abundeque sufficit vel in una specie per amici laborem domino consuli.* Quæ verba ipsi Imperatores vsurpant, vt assidue Papin. verba vsurpant tanquam principis Iurisconsultorum in *l. tutori, C. de neg. gest.* Curator autem vel quasi curator, non potest negotia, quæ cœpit, deferere, non subrogato alio, nec intermittere: huic necessitas officij & muneris, vt ait *d. b. tutori*, finem administrationis facit. finis autem est legitima atas: illi autem, id est negot. gestori finem administrationis facit propria voluntas, videlicet vt Græci interpretantur, *ei μίσθωσεν*, puta, si non omnia negotia amici absentis ad curam suam reuocauerit, sed quæ scderent animo suo. Gestori est liberum scindere administrationem rerum alienarum, non tutori vel curatoris, vel procuratori ex mandato generali.

#### Ad §. heres.

**H**eres institutus qui non habuit substitutum priusquam hereditatem adiret quam impuberi restituere debuit, vita decessit. *(Cum hereditas in Italia esset, scriptus autem heres in provincia vita decessisset, tutores prouincialium rerum culpa nomine condemnandos existimauit: si causam testamenti non ignorantes utilitatem impuberis deseruerunt: nam hereditatis in provincia fideicomisso restituto, causam quidem inris expediri potuisse, rerum autem administrationem ad eos recidere debuisse, qui tutelam in Italia suscepissent.)*

**S**pecies huius §. hæc est. Quidam L. Titium, qui domicilium habebat in prouincia Lugdunensi, ex asse heredem instituit, atque ita ei coheredem non dedit, quia instituit ex asse, nec ei etiam directo substituit quemquam, sed ab eo petiit verbis precariis, verbis fideicommissi, vt restitueret hereditatem Mauius, qui erat impubes, agebat sed pluribus tutoribus, quoniam erat locupletissimus & ditissimus, aliis administrantibus res Italicas, aliis administrantibus res eius prouinciales, sitas in eadem prouincia Lugdunensi, in qua degebat, siue domicilium habebat heres scriptus: Finge, alios fuisse tutores datos rebus impuberis, quæ erant in Italia, alios rebus quæ erant in prouincia Lugdunensi, vt in §. rerum, *inf. l. pupilli, sup. de tut. & cur. dat.* Hereditatem autem illam fuisse in Italia, heredem vt dixi, domicilium habuisse in prouincia, ibique eum vita decessisse, priusquam eam hereditatem adiret & impuberi restitueret, culpa tutorum, qui per iudicem eum heredem oneratum fideicommissio restituendo impuberi, non coege-



runt adire & restituere hereditatem, dum vixit, quoniam Papin. ponit pro certo in hac specie, morte heredis intercidisse fideicommissum siue fideicommissariam hereditatem relictam impuberi, quod etiam confirmat, *l. ille quo, in fi. ff. ad SC. Trebell.* Et hoc posito & concessio, quæritur tantum Papinianus qui tutores culpæ nomine impuberi teneantur, quod heredem, dum vixit, non coegerunt adire & restituere hereditatem impuberi, vtrū tutores rerum Italicarum, an tutores rerum prouinciarum. Nobis tamen prius videndum est, & diligenter dispiciendum, cur morte heredis fideicommissum intercidit, quoniam in eo ex interpretibus cæcutiunt multi: nam etsi neque coheredem neque substitutum habuerit heres in hac specie, à quo sustineatur testamentum post mortem heredis scripti, & à quo fideicommissum peti possit, tanquam ab eo tacite repetitum ex rescripto Seueri & Antonini, de quo *l. licet, de leg. 1. & l. si Titio & Manio §. ult. de leg. 2. & l. 4. ad SC. Trebell.* tamen plerisque videtur, licet non sit coheres aut substitutus, à quo impuberi possit seruari fideicommissum hereditatis, id posse seruari ab herede heredis legitimo vel testamentario. Quod ego fieri posse nego, quia primus heres ex ea hereditate nihil iuris transmisit in heredem suum, cum nec eam hereditatem adierit: hereditas non adita, non transmittitur. In casu autem legis pen. §. ult. C. ad SC. Trebellian. §. quo §. Accursius vtitur in contrariam sententiam in *l. eam quam, C. de fideicommiss.* ad quam nos hoc loco reuocamus, in ea, inquam, *l. heres primus adierat eam hereditatem, sed antequam eam restitueret fideicommissario, vita decesserat, quo casu si nullum heredem reliquerit, ipso iure viles actiones in fideicommissarium transeunt, perinde atque si heres restituisset hereditatem, ex beneficio dictæ leg. pen. quia vtique non intercidit fideicommissum, quandoquidem heres adierat.* Si vero heredem reliquerit, eadem ratione is heres heredis fideicommissario tenebitur, *l. quamuis §. 1. l. si eius §. si quis, ad SC. Treb.* quia in heredem heredis transmissa est hereditas subiecta fideicommissio, transmissa, inquam, per aditionem primi heredis, quam interuenisse ponimus. Male etiam idem Accursius in *d. l. ille à quo §. 1.* ait, heredem heredis teneri adire & restituere fideicommissario hereditatem, si vel primum heredem prætor iusserit vel præses adire hereditatem, quamuis priusquam adiret, & antequam obtemperarit iussui prætoris, decreto prætoris, vita decesserat, quem errorem haurit ex *l. 4. C. ad Treb.* In qua tamen aperte proponitur heredem coactum adiisse, nec dicitur fideicommissario teneri heredem heredi, qui coactus adiit, sed dicit fideicommissario teneri coheredem. Et hæc est species *d. l. 4.* quam apponi necesse est, quoniam male posita fallit multos. Species hæc est: Quidam auiam suam & fratrem ex partibus heredes scripsit, & auiam rogauit, vt portionem suam cuidam extraneo restitueret, auia repudiavit hereditatem calliditate & fraude, vt ait *l. 4.* id est, in fraudem fideicommissarii, vt nepoti suo, eidemq; coheredi, à quo extraneo nominatim fideicommissum relictum non erat, potius accresceret portio institutionis suæ repudiata hereditate quàm adita hereditate ad extraneum perueniret ex causa fideicommissi, in gratiam nepotis eiusdemq; coheredis sui: quid inde factum est post repudiationem auia? Vt D. Pius fieri posse rescripsit contra reg. iur. *l. nam quod §. 1. ad Treb. l. 2. §. ult. de suis & leg. hered.* Postulante extraneo, prætor auiam coëgit adire, quod est contra regul. iuris, vt qui repudiavit, postea adeat, sed hoc prætor facit & inducit propter fideicommissarium, ne decipiatur. Postulante igitur extraneo prætor vt licet ex D. Pij rescripto, auiam coëgit adire, & adiuit igitur re ipsa, sed priusquam se pro herede gereret defuncta est, ex eo colligit non adiisse eam, dum scilicet, putat idem esse adire, & pro herede gerere. Qua in re fallitur. Nam licet pro herede gestio per se consistat, & pro herede gestione adquiratur etiam hereditas: tamen,

A omnem aditionem sequitur pro herede gestio. Si igitur auia coacta adierit hereditatem, & priusquam pro herede gereret, id est, priusquam attingeret res hereditarias & hereditatem restitueret fideicommissario ex SC. Treb. vita defuncta sit: quæritur an intercidit fideicommissum? quod videbatur dicendum prima fronte, quia neque id coheres, à quo nominatim legatum aut fideicommissum relictum non est, neque heres heredis, quia ad illum portio illa hereditatis non peruenit, quoniam statim à repudiatione accreuit coheredi, & nemo fideicommissio oneratur in id, quod ad eum non peruenit, sed quatenus peruenit tantum. Verum recte placet in ea lege coheredi portionem illam hereditatis accreuisse cum onere fideicommissi: quoniam post rescriptum Seueri & Antonini, de quo dixi ab initio, quo ab instituto, si heres non existat, ad substitutum hereditas transit cum onere fideicommissi, quasi tacite repetito fideicommissio à substituto, & similiter coheredi exemplo substituti repudiata coheredis portio accrescit cum onere fideicommissi, vt in *d. l. si Titio & Manio §. ult.* Et quidem cum onere integri fideicommissi in specie proposita, sine deductione Falcidiæ, quia auia, cuius portio ei adcreuit, coacta adiit, & placet coactum adire, atque adeo adeuntem periculo fideicommissarii amittere Falcidiæ ex SC. *l. 4. & l. qui totam, ad SC. Treb.* Verum aliter quam ponatur species in *l. 4. C. ad Treb.* Si antequam auia cogeretur adire, vita decesserat, ex eodem rescripto dicemus coheredi adcrefcere portionem hereditatis cum onere fideicommissi, salua Falcidia tamen, & à repudiatione coheredi protinus non adcrefcere portionem repudiatam, quoniam ea repudiatio conuelli potest & infirmari auia coacta adire post repudiationem, & ita est explicanda *d. l. 4.* Ex iis omnibus concludamus in specie huius §. herede mortuo ante aditam hereditatem fideicommissum intercidere, quia neque coheredem, neque substitutum habuit, qui debere possit fideicommissum tanquam à se repetitum, neque heres heredis, ad quem ea hereditas non peruenit, fideicommissario tenetur, puta, nec si ius deliberandi de adeunda vel non adeunda hereditate, primus heres in eum transmiserit, secundum constitutionem *l. cum in antiquiorib. C. de iure delib.* Quod est alius error Accursij, quia ius illud deliberandi est res hereditaria, non est ex ea hereditate quæ subiecta est fideicommissio, sed ea lege datur heredi heredis. Beneficium est legis quod datur heredi heredis morientis intra annum ante aditam vel repudiatam hereditatem, vt scilicet mortuo primo herede intra annum, dum deliberat & consultat de adeunda vel repudianda hereditate sibi delata, aut dum deliberare præsumitur ea de re, mortuo, inquam, eo intra annum, eadem deliberatio pernuttitur heredi eius, sed inuitum non obligat ad aditionem aut præstationem fideicommissi. Beneficium est legis, non commodum quod manet ex ea hereditate. Denique concludamus in specie huius §. fideicommissum non posse seruari à coherede vel substituto, qui nullus est, nullo modo etiam posse seruari ab herede heredis, qui obiit antequam adiisset hereditatem. Nunc dicere quis posset aut tentare alia ratione, quia superiores exclusæ & submotæ sunt: Fideicommissum non intercidere, quia herede scripto non adeunte, atque ita ab intestato vocato herede legitimo, deserto & destituto testamento, id fideicommissum heres legitimus præstare debet, quod tentari potest inscite ex *l. 2. §. ult. de suis & leg. hered.* quem locum Bartolus appellat scabiosum, propterea quod aperte ille locus ostendit, herede scripto, qui rogatus est restituere hereditatem, repudiante eam, transire ad legitimum heredem cum onere fideicommissi, quod est mirum, quia heres legitimus non est rogatus, quia fideicommissum relictum in testamento ab herede scripto, non videtur repetitum ab herede legitimo, nisi sit nominatim repetitum, vel nisi sit relictum simpliciter, id est, generaliter, vt in *l. eam quam, C.*



*de fideic.* Puta hoc modo, bona mea post mortem heredis instituti ad illum pertinere volo, quæ verba comprehendunt omnem heredem & testamentarium & legitimum, vel etiam, nisi in testamento sit adiecta clausula codicillaris, quæ est in *l. ult. C. eod.* Quid ergo dicemus, aut quomodo interpretabimur dictam legem 2. §. *ult. de suis & legit. her.* Dico aliam esse speciem illius legis & aliam huius §. In specie huius §. non ponitur heredem scriptum repudiasse hereditatem, sed antequam adiret vel repudiaret vita decessisse. In illa specie *d. l. 2. §. ult.* ponitur heredem scriptum repudiasse hereditatem, quod fit semper in fraudem fideicommissarii, ut in *l. 4. C. ad Treb.* Et in gratiam legitimi heredis, vel coheredis: ideoque hoc casu ad legitimum heredem hereditas transit cum onere, cui hoc struxit callide heres scriptus: sicut eadem ratione in *d. l. 4.* transit ad coheredem cum onere. & similiter igitur ad legitimum heredem cum onere. cui fraus structa est in necem fideicommissarii, aut cuius in rem legitimi heredis repudiatio facta est, cui profuit, cui bono fuit, & quidem sine deductione Falcidiae, si post repudiationem heres scriptus coactus adierit, ut in *d. l. 2. vel salua Falcidia*, si post repudiationem non fuerit coactus adire, ut in *d. l. 2. §. ult.* In qua dicitur potuisse cogi adire, non fuisse coactum. Et ut intelligatur species quam apponi necesse est *d. l. 2. §. ult.* Præmittendum est, quod in §. *penult.* proditum est, repudiante herede scripto ex asse ab intestato, proximum agnatum testatoris vocari ad legitimam hereditatem, non qui fuit proximus utique semper tempore mortis testatoris, sed qui fuit proximus, cum certum esse cepit, testatorem intestatum decessisse: quod in §. *ult.* declarat posita specie huiusmodi: heres scriptus rogatus alii restituere hereditatem, eam repudiavit, an statim ab intestato vocatur, qui proximior est defuncto tempore repudiationis? Minime, quia nondum certum est intestatum decessisse testatorem, propterea quod fideicommissarius ex rescripto D. Pij etiam post repudiationem potest cogere heredem ut adeat, & interim fieri potest, ut moriatur, qui erat proximior tempore repudiationis. Quod si ita eveniat, ad posteriorem, id est, ad ulteriorem agnatum legitimum hereditatem deferimus, cum onere tamen fideicommissi, quia in fraudem alterius & eius gratiam heres testamentarius repudiavit, qui fideicommissio oneratus erat. Denique ex iis apparet, non posse sustineri in specie huius legis fideicommissum, quasi debeatur ab herede legitimo, quia heres testamentarius non repudiavit, sed antequam repudiaret, vel adiret, decessit, quo casu hereditas transit ad legitimum sine onere fideicommissi. Quod autem ad questionem propositam attinet, nullus est labor. Recte Papin. respondit, tutores rerum provincialium culpa nomine pupillo teneri, quod heredem eum, dum vixit, non coegerunt adire hereditatem. Nam etsi ea hereditas fuerit in Italia, non in provincia, tamen heredem potuerunt cogere. Et vero ij soli debuerunt heredem cogere ad additionem & restitutionem ex Senat. Trebel. quia ea restitutio iuris est, non facti, id est, non est restitutio corporum hereditarium, quæ etiam non erant in provincia, sed in Italia, sed est restitutio iurium siue iuris uniuersi, quod defunctus habuit: & vno verbo restitutio transfert omnia iura in fideicommissarium, etiam si res hereditariæ præsentibus non sint, *l. restituta, & l. postulante §. sed & in huiusm. ad SC. Trebell.* Et hoc est, quod ait Papin. hoc loco, causam iuris restituto fideicommissio expediri potuisse in provincia, auctoribus tutoribus provincialibus in provincia, inquam, in qua heres oneratus fideicommissio domicilium habuit: nam fideicommissariæ hereditatis restitutio petitur, ubi heres domicilium habuit, *l. fideic. §. pen. de ind.* Et restitutio fit verbo tenus ipsi pupillo tutore auctore, vel fit tutori, si pupillus absit vel dari non possit, ut in *l. pen. C. ad Trebell.* quia & in restitutione exigitur vox fideicommissarii, ut desideret suo periculo adire hereditatem, & hoc si fecissent tutores provinciales, si causam iuris expediissent, deinde causa facti, id est, administratio

A rerum hereditarium recidisset ad tutores Italicos, quoniam bona erant in Italia. Denique cum causa iuris expediri debuerit per provinciales, quoniam heres in provincia domicilium habuit, non per Italicos, soli provinciales in culpa sunt, non Italici.

#### Ad §. aduersus.

*Aduersus tutorem, qui pupillum hereditate patris abstinuit, actionem denegari non oportet creditori, qui cum ipso tutore contraxit: quamuis tutor pecuniam in rem impuberis conuerterit.*

**H**uius §. species hæc est: Pupillus patri heres extitit, tutor expediendorum negotiorum hereditarium gratia in rem pupilli nomine pupilli mutuam pecuniam creditorem rogauit: creditor cum tutore contraxit, & ei mutuam pecuniam dedit, quam mox vertit in eam rem, in quam sumpserat. Post pupillus se abstinuit hereditate patris, quod potuit auctore tutore, etiam si se iam immiscuisset hereditati, *l. necessariis, de acquir. heredit.* Certum est post abstentionem, pupillum creditori non teneri, quia in rem eius versum esse desit, postquam se abstinuit omni re paterna, & versum non videtur, quod non durat versum, *l. i. §. versum, de in rem verso*, tamen pupillus, si se non abstinuisset, teneretur creditori utili actione creditæ pecuniæ, *l. 3. C. quando ex factis tunc pupil. ten. l. 2. C. de curat. fur.* quia pecunia credita est nomine pupilli, & processit in rem utilitatemque pupilli: at per abstentionem liberatur, quia desinit res eius esse, in quam versa pecunia est: unde quaeritur, an saltem creditori tutor teneatur? & Papinianus respondet: creditori tutorem teneri hac ratione, quia creditor cum tutore principaliter contraxit, personam eius fidemque secutus non pupilli. Et licet non ignoraret in rem & utilitatem pupilli rem geri, tamen tutorem sibi obligari voluit, quem non est cur dicamus liberari abstentione pupilli: denique abstentionem pupillum liberare utili actione, tutorem non liberare directa & principali actione creditæ pecuniæ, quamuis tutor sumpserit eam pecuniam & insumpserit in rem pupilli, & res ea pupilli esse desierit per abstentionem, quia in contrahenda mutui obligatione non inspicimus, in cuius rem vel nomen pecunia accipitur & vertatur, sed quis accipiat & cuius contemplatione ea detur & numeretur, *l. eum qui §. ult. si cert. pet.* Et hic creditor solum tutorem contemplatus est. Quod Papinianus scripsit his verbis cum tutore contraxit, proinde tutorem sibi principaliter obligare voluit, non pupillum, & ideo liberato pupillo per abstentionem, quod res eius esse desierit, non liberatur tutor, qui principaliter contraxit. Et hæc est sententia huius §. cui nihil omnino obstat lex 2. *hoc tit.* quæ post condemnationem tutoris conuenti à creditore hereditario, si pupillus se abstineat hereditate, ait, *nec in tutorem nec in pupillum dandam esse actionem indicati.* Quia scilicet in ea specie tutor conuentus est & condemnatus ex causa hereditaria ex contractu patris, cui pupillus heres extiterat, quo casu abstentio pupilli liberat utrumque, pupillum & tutorem, & tutorem etiam si pupilli nomine pro pupillo satisdederit creditori hereditario, quia ea obligatio pendet ex causa hereditaria. At in specie huius §. tutor tenetur ex suo proprio contractu, & origo obligationis non venit ex causa hereditaria, sed à tutore ipso primo, qui cum pecunia indigeret ad expedienda negotia pupilli pecuniam mutuam sumpsit, & cum eo solo creditor negotium contrahere voluit. Quæres quid dicendum si creditor pecuniam numerauerit tutori contemplatione pupilli, quid si creditor animo obligandi pupillum tutore auctore & contemplatione eius declarauit, se pecuniam credere tutori in rem pupilli? Sane hoc casu solus pupillus tenetur actione negotiorum gestorum, *l. si pupillus §. 1. de neg. gest.* Indistincte siue versa sit pecunia in rem pupilli, siue non, ut fufius explicui *lib. 2. ad l. liberte, in pr. ff. de neg. gest.*



gest. nec abstentione hereditatis paternæ pupillus liberabitur, quia ea obligatio non est hereditaria, quam creditor non cum patre, sed cum ipso pupillo contraxit.

#### Ad §. curatores.

*Curatores adolescentis, mutui periculi gratia, cautionem inuicem sibi præbuerunt, & in eam rem pignora dederunt cum officio deposito soluendo fuissent, irritam cautionem, esse factam ut pignoris vinculum solutum apparuit.*

**P**lures sunt curatores adolescentis, quorum cum sit commune & indiuiduum officium, commune etiam mutuumque periculum administrationis est, l. 3. C. de diuid. tut. Sicut est receptum in omnibus iis qui sunt collegæ in eodem officio, l. 2. eod. l. 11. ad munis. Fac curatores sibi inuicem datis pignoribus causisse mutui periculi gratia: si quid alter pro altero quandoque adolescenti præstaret, deposito officio certum est mutuum periculum finiri, si tempore depositi officij omnes curatores soluendo sint, l. 1. *Emilius, inf. hoc tit. l. 1. C. de diuid. tut.* Ergo & de mutuo periculo, quia interposita mutua cautio est inter curatores, consequens est eam finiri & interire, pignoraque dissolui, & pigneratitiæ actioni locum esse discussio mutuo periculo. Et hæc est sententia huius responsi.

#### Ad §. tutor datus.

*Tutor datus aduersus ipsam creationem prouocauit, heres eius postea victus, præteriti temporis periculum præstabit. Quia non videtur leui culpa contra iuris auctoritatem, mandatum tutela officium detrectare.*

**P**onit initio huius §. Papinianus, tutorem à creatione appellasse protinus. Creatio, nominatio, datio, ordinatio, idem est. An igitur protinus tutor à creatione appellare potest, antequam se excusauerit, & excusatio repulsa & reprobata fuerit, siquidem Accursio aliud iudicium est hoc loco scribenti, à creatione sola non appellari, contra manifestam sententiam l. 20. hoc tit. & huius §. i. pen. de tut. & curat. dat. l. cum in una §. tutor, de appell. Quibus omnibus locis ostenditur recte, datum tutorem statim appellasse, necesse quidem non habet statim appellare, atque datus & creatus est: necesse non habet. sic loquitur l. tutores, C. de excus. tut. & l. 13. in princ. inf. de excus. tut. Neque creati, inquit, à magistratibus, neque dati testamento necesse habent appellare. Et necesse non habent, post ordinem videlicet, quem hæc in re constituit constitutio Diui Marci separans tutelam à cæteris muneribus ciuilibus, puta, vt ad cætera munera ciuilia vocatus statim appellare necesse habeat: ad tutelam vocatus, necesse non habeat statim appellare, sed possit intra constituta tempora allegare excusationem & immunitatem suam, & tum demum appellare, cum non fuit recepta causa excusationis suæ, idque patet ex d. l. 13. Post igitur eum ordinem, tutor non habet necesse statim appellare, sed neque prohibetur tamen, si velit eo iure, quod obtinuit ante ordinem D. Marci, statim à creatione appellare prolata causa excusationis suæ. Et quod ait l. 1. §. si quis tutor ff. quando appell. sit. qua nititur Accursius, frustra tutorem appellare ante repulsam excusationem; hoc est, superuacuum & non necessariam esse appellationem, vt de suo herede dicitur scripto in testamento, aut vocato ab intestato, in eo esse superuacuum, & non necessariam aditionem, l. 7. sup. de inoffic. testam. l. in suis, ff. de suis & legit. hered. cum tamen possit adire, si velit tanquam extraneus, l. si duo, de adquir. hered. l. si filius, de collat. bon. l. 4. C. de inst. & subst. l. ult. C. de rep. heredit. Et similiter eodem suo heredi præterito, non esse necesse petere bonorum possessionem contra tabulas, quam tamen petit sæpe, nec perperam, l. is, qui in potestate i. de leg. præst. Finge igitur in specie huius §. tutorem à creatione appellasse, & pendente appellationis

Respons. Papin.

**A** causa mortem obuisse, post victum eius heredem fuisse, qua ex causa ait, præteriti temporis, quo cessauit administratio tutelæ, periculum præstare heredem tutoris, si quid mali per moram appellationis pupillo acciderit. Quod confirmat etiam l. si quis tutor §. ult. ff. de ritu nupt. l. 20. hoc tit. l. 2. ff. si tut. vel curat. appell. Et morte tutoris ideo finitur lis, siue causa appellationis, vt sciatur, medij temporis periculum heres præstare debeat, necne. Durat igitur lis propter periculum medij temporis, sicut alias dicitur, morte hominis petiti non finiri litem, propter periculum euictionis, vt sciatur, an sit commissa stipulatio euictionis nomine, l. utique, ff. de rei vindic. Iniquum autè est, vt periculum medij temporis non redundet ad heredem tutoris, quia, vt pereleganter Papinianus ait, *Non videtur leui culpa, contra iuris auctoritatem mandatum tutela officium detrectare.* Ad quam rationem male hoc loco Albericus notat, ideo Papinianum dicere: *quia non videtur leui culpa.* quia, inquit, ex leui culpa tutoris heres non tenetur, quod est manifesto falsum, quia cum hoc tantum proditum sit de culpa heredis propria, culpa leui, id est, vt ei non imputeretur, l. 4. inf. de fideiuss. tut. l. 4. inf. de magistr. conuen. quæ agit de culpa heredis, non de culpa tutoris. Hoc ex contrario argumentum præstat, heredi tantum imputari culpam tutoris: idemque est in herede magistratus. Et abundat negatio in l. 2. C. de magistr. conuen. sicut & in l. 1. C. de hered. tut. eam abundare Basilica patefaciunt, & Obseruatio 13. Non tenetur quidem heres ex quolibet dolo vel culpa lata tutoris, si nihil ad eum ex eo peruenerit, & ita est accipiendus §. aliquando, Instit. de perp. & temp. act. vt licet actio, quæ in heredem datur, ex contractu descendat, tamen in eum non veniat dolus defuncti, si nihil ex eo ad eundem peruenerit, quia ex delicto defuncti heres non tenetur, ad quem nihil peruenit: & in actione ex contractu delictum vertitur cum doli mali nomine agitur. Et ideo non est æquum heredem teneri commodati, depositi, mandati, tutelæ, negotiorum gestorum, id est, ex contractu, siue versetur dolus malus defuncti: neque enim ex quolibet dolo malo, aut lata culpa defuncti tenetur heres, sed ex eo tantum, quo cum detrimento pupilli tutor captauit lucrum sibi, vel alij, & auxit rem suam vel alienam, vt in d. l. 1. C. de hered. tut. De quo solo dolo, quo scilicet minuitur res pupilli vel dilapidatur, est accipiendum quod legimus, sæpe ex contractu heredem teneri in solidum, vel pro parte hereditaria ob dolum malum defuncti, etiam si nihil ad eum peruenerit, l. ex depositi, l. ex contractu, ff. de obligat. & action. l. si hominem §. datus ff. de pos. l. ad ea §. ult. de reg. iur. Neque enim heres ex contractu venienti actione tenetur ob quemlibet dolum defuncti, quia dolus delictum est, d. l. ex contractu, nisi quid ad eum peruenerit ex eo, vel nisi eo nomine lis fuerit contestata cum defuncto, vt in hoc §. & d. l. 1. At ex leui culpa tutoris proculdubio heres tenetur, quia ibi nullum delictum versatur. Alioquin ex contractu non tenetur, nisi hoc admittatur ex conventionione. Et præterea hoc loco non leui culpa est, non quælibet, & *τὴν ἐλαφράν*, nec enim puto Papinianum respexisse ad culpæ gradus, latam, leuem, leuissimam, sed tantum hoc voluisse, non quamlibet esse culpam, *n'estre pas peu de cas*, detrectare mandatum officium tutelæ, cunctari & trahere moras, atque ideo eo nomine merito teneri tutorem, vel, si interim decesserit pendente lite, heredem eius.

#### Ad §. rerum.

*Rerum provincialium tutores, in vrbe causas appellationis impuberum agentes, rerum Italicarum curatores ut impuberibus constituantur, ad officium suum reuocare debent: alioquin, si prius in prouinciam redierint, dolum aut culpam eorum in ea quoque parte index conueniet.*

**S**pecies hæc est: Tutores pupillo dati sunt in prouincia rerum provincialium tantum, qui & in Italia patri-

N



monium habuit. In prouincia tantum tutores rerum prouincialium accepit, quia nec à Præsede prouinciæ potuerint dari tutores rerum Italicarum. Officio tamen horum tutorum incumbit, ut si quando in urbem venerint forte agenda causæ appellationis pupilli, ut dum in urbe agunt rem pupilli, & dum ipsis commissum est, procurent, antequam redeant in prouinciam, pupillo curatores dari rerum Italicarum: curatores, quia tutorem habenti vix tutor datur & ita in l. 3. C. in quib. caus. tut. Tutore rerum prouincialium desiderante sibi curatores adiungi, qui administrent res Italicas, sed non male ex hac causa etiam propter diffusum patrimonium pupilli desiderabit ei tutores dari rerum Italicarum, l. propter, de excus. tut. Nam quod dicitur, habenti tutorem non dari tutorem, id ita procedit, ut non detur earumdem rerum, sed aliarum. Hoc vero, si prætermiserit tutor, cum in urbe agit causam appellationis pupilli nomine, merito à iudice condemnandus est doli vel culpæ nomine.

#### Ad §. patruus.

*Patruus testamento fratris filio tutor datus cum in Italia domicilium haberet, tam Italicarum rerum quam prouincialium administrationem suscepit: atque ita pecuniam ex venditionibus Romæ resectam, in prouinciam traiecit, & in calendarium pupilli conuertit: tutor in locum eius Romæ substitutus administrationem pecunia, qua non pertinet ad tutelam suam suscipere non cogitur.*

**H**æc proponitur species: Qui in Italia domicilium habet tutor, testamento simpliciter siue generaliter datus est impuberi opulentissimo, qui bona habebat tam in prouincia quam in Italia, & ut datus tutor esse intelligitur ad vniuersum patrimonium, l. propter §. ult. de excus. tut. ita vniuersi patrimonij administrationem suscepit, id est, tam prouincialium quam Italicarum rerum. Post, auctionem fecit Romæ quarundam rerum pupilli, quas habuit in Italia, & pecuniam ex ea venditione resectam vexit in prouinciam, & in calendarium pupilli conuertit, id est, fœnori pupilli nomine occupauit. Transtulit scilicet pretia quarundam rerum Italicarum in prouinciam, migravit ipse quoque transtulitque domicilium in prouinciam, quod necesse est ponamus eum fecisse secundum quod ius patitur, puta, ex rescripto & indulgentia Principis, non ignorantis, eum eius pupilli tutelam suscepisse, quæ mutatio domicilij non fiebat arbitrio cuiusque, ut hodie, sed ex permisso Principis tantum, causa Principi probata, cur vellet mutare domicilium, vel etiam ex iussu illius, veluti deducta colonia, l. 12. §. ult. ff. de excus. tut. l. 4. C. de iure fisci. Tutor ergo testamento datus relicta Italia, in qua domicilium habuit, migravit in prouinciam, & in eam quoque transtulit pecuniam resectam ex venditione quarundam rerum Italicarum facta Romæ. Quæ de causa Romæ in locum eius tutor substitutus est, quod is abiisset Italia, nec sufficeret utrique patrimonio administrando, ut in d. l. propter §. ult. Notandum, rerum Italicarum tutorem Romæ dari, ut in §. rerum, sup. Inde vero quaeritur, an eius pecuniæ, quæ traiecta est in prouinciam periculum pertineat ad tutorem postea constitutum rebus Italicis? Causa quaerendi & dubitandi hæc est: quia ea pecunia prodiit ex rebus Italicis. & respondet Papinianus, eum tutorem qui substitutus est rebus Italicis, eius pecuniæ, quæ traiecta est in prouinciam, quamuis confecta sit ex rebus Italicis, periculo & administrationis necessitate non teneri, quia traiectione desit in Italia domicilium habere, traiectione desit ad tutelam rerum Italicarum pertinere, sicut tutor testamento datus migratione, desit in Italia domicilium habere. Et hæc sunt quæ pertinent ad hunc §.

#### Ad §. curatores.

*Curatores testamento, vel tutores inutiliter dati, neque decreto Prætoris confirmati, negotia gesserunt. Vice mutua periculum prestare coguntur: cum officium sponte citra iuris adminiculum, iniuerint: & qui sunt idonei, decretum Prætoris curatores vel tutores constituentis implorare debuerunt.*

**M**utuum periculum, quod dixit sustinere curatores in §. curatores, sup. idem etiam sustinere ostendit in hoc §. Curatores non iure datos ut puta testamento, nec confirmatos decreto Prætoris vel Præsidis, si se sua sponte secundum testatoris voluntatem negotiis immiscuerint, ut in §. 1. & 2. sup. Et idem esse in tutoribus non iure testamento datis nec confirmatis, ut si sint dati puberi, vel ab eo, eave, qui quæue impuberem in potestate non habet, vel si non sint dati verbis directis: ergo & tutores, vel curatores non iure dati, nec confirmati, mutuum periculum agnoscunt non seruati detrimenti rebus minoris. Et ratio mutui periculi, id est, ratio non seruata rei minoris periculo in locum non idonei idoneum substituendi, hæc est, quia sua sponte citra iuris adminiculum, id est, cum iure non cogentur, officium tutelæ vel curæ iniierunt, & vtro se negotiis minorum implicauerunt, & quia de se queri debent, & sibi imputare, qui ex eis idonei sunt & locupletes, si sustineant onera aliorum, qui idonei non sunt, cum decretum prætoris vel præsidis implorare debuerint curatores vel tutores constituentis decreto: Prætor minus idoneos reiecit, & soli idoneo permisisset administrationem, & res minoris salua foret. hæc est elegans sententia huius §. Et præterea nota cum, qui confirmat tutores vel curatores testamento, non iure datos, constituere curatores vel tutores, dum ait constituentis: dare tutores vel curatores diximus in l. 26. §. ult. de testam. tut. Confirmati igitur dati sunt tutores, sed pro testamentariis habentur, ut præferantur legitimis, d. l. 26. §. ult. l. 3. sup. de confirm. tut. Alioquin legitimi eis anteponerentur, quoniam post legitimos datiui veniunt, nisi ut dixi habeantur pro testamentariis.

#### Ad §. tutoribus.

*Tutoribus idoneis diem functis, vice mutua periculum ad heredes eorum non redundat: quod non habuit locum officia tutelam anente.*

**I**am supra intelleximus ex §. curatores, primo, mutuum periculum finiri, si tempore depositi officij, puta, finita tutela vel cura impuberis pubertate, vel puberis legitima ætate, omnes tutores & curatores idonei fuerint, & locupletes, vltra pubertatem, & legitimam ætatem periculo mutuo tutores vel curatores non obstringi, etiam si ex eis quidam forte post pubertatem, post finem tutelæ vel curæ, in administratione peruerarit, l. Diui. sup. hoc tit. l. 2. C. in quibus caus. tue. hab. tut. vel cur. detur. Mutuum quoque periculum finiri in hoc §. nunc ostendit, si morte tutorum finita tutela fuerit, & omnes tempore mortis fuerint idonei, id est, pares soluendo, pares damno præstando. Nec enim mutuum periculum, quod locum non habuit manente tutela, id est, quod tutores non tenuit, in heredes eorum transit, ita ut si heredum aliquis fiat inops eius inopia oneret coheredes, quia heredes tutorum, tutores non sunt, l. 1. de fideiuss. tut. Mutuum ergo periculum tenet tutores ipsos tantum, heredes eorum non tenet, nisi quod cœpit ab ipsis tutoribus durante tutela. Quinimo vno ex tutoribus mortuo relictis contutoribus idoneis, heredem eius, postea contutoribus, relictis ad inopiam, peri-



tulum non tenet, quod defunctum non tenuit, recte dicam atque ostendam ex l. 1. C. quo quisque ord. conuen. Et idem dicendum est, hoc est, mutuum periculum finire, si morte pupilli, vel alio modo finita tutela, tempore finitæ tutelæ omnes idonei fuerint: finis tutelæ est finis mutui periculi, quod modo ante non habuerit locum, nec ceperit originem & initium, & ita liquido explicabitur hic §. Male Accurs. comminiscitur, tutores mortuos post depositum officium, atque ita tutelam finitam ante mortem tutorum, quoniam hoc lex non ponit, nec vero poni potest villo modo, cum spectet auctor noster Papinianus tempus mortis tutorum, quod utique non spectaret, si in vita officium deposuisset, sed spectaret tempus depositi officij. Itaque facebat Accursij Glossa.

#### Ad §. in eum.

*In eum qui tutelam gerere noluit, post ceteros qui gesserunt, actionem utilem tutela dari placuit. Quod tamen ex tutela non peruenit ad eos, qui se negotiis miscuerunt, sed communi negligentia periit: citra substitutionis ordinem, equaliter omnium periculum spectat.*

EX hoc §. intelligimus, tutorem vnum ex pluribus, qui nihil gessit, arbitrio, siue actione tutelæ teneri, vtili scilicet, non directa. Directa tenetur is, qui gessit & administravit tutelam, & is quoque heresve eius prius conueniendus est, quam alter, qui nihil gessit. Prius executiendæ sunt facultates eius, qui gessit, quam executiatur alter, qui nihil gessit, l. 3. §. 1. hoc tit. l. 6. C. arbit. tut. l. 3. C. de diuid. tut. l. 1. C. si tutor vel curat. reipub. causa abfuerit. Vtili autem actione tutelæ, cum directa esset inanis, propter inopiam eius, qui gessit, is tenetur, qui non gessit tutelam, cessationis & culpæ nomine, ut in l. 2. C. de hered. tut. l. 4. §. 1. rem pup. salu. fore. Hoc tamen ita procedit, si is, qui non gessit, non ignorauerit, se tutorem datum. Nam si hoc ignorauerit, nec si is, qui gessit, soluendo non sit, vlla actione tenetur. l. 8. C. de adm. tut. Idemque est, si non malitia, aut contumacia, sed errore, quod se iure excusatum crederet, ab administratione cessauerit. Quod Accursius hoc loco notat recte ex l. qui testamento, de excus. tut. Et hæc, cum ex tutoribus quidam administravit, quidam non administravit: nam si omnes cessauerunt ab administratione in totum, vel in partem aliquam, in ea re vel parte, in qua cessauerunt ab administratione, quæ negligentia eorum periit, æqualis est omnium culpa l. 2. C. si tut. non gess. Et ideo omnes tenentur vtili actione tutelæ citra substitutionis ordinem, ut ait Papinianus hoc loco, id est, non seruato ordine conueniendi prius vnum quam alterum, & nullo alteri quasi damni vicario substituto, sed omnibus principaliter obligatis vtili arbitrio tutelæ. Nec enim, quum par est omnium culpa, vllus conuentionis ordo seruatur, sed in potestate est adolescentis eligere, quem ex iis prius conueniat in solidum. Cum culpa est dispar, tum seruatur ordo conuentionis, id est, prius conuenitur is, qui male gessit, & rem pupilli perdidit, cuius culpa est maior, quam is, qui nihil gessit, cuius culpa minor est. Plus peccat qui facit, quam qui non facit. Quod maxime notandum est.

#### Ad §. tutores.

*Tutores pubere pupillo constituto, litem appellationis inchoatam, iussu consulum ob notitiam rei perfecerunt, cum iudicatum persequi non potuerunt, periculo culpa non subiunguntur.*

SENTENTIA hæc est & species huius §. Tutor Romæ inchoauit causam appellationis pupilli. Finge, eum à iudice, quem Consules dederant, appellasse ad ipsos consules, ut in l. 1. §. denique. ff. de appell. Et præterea finge, pen-

Respons. Papin.

A dente causa appellationis, pupillum adulescisse, atque ita finitam tutelam fuisse pubertate, & tamen iussu consulum tutorem, quod optime nosset rem, siue causam, de qua agebatur, litem perfecisse. Denique fac, post finem tutelæ coactum tutorem iussu consulum ob notitiam litis, litem perficere & reum condemnasse. sic ait, *Perficere litem*, ut perficere crimen; l. qui cum natu, in fin. de bon. libert. id est, peragere reum, perficere accusationem. Quæritur vero in hoc §. An post rem iudicatam à consulis instante tutore, si reus, qui condemnatus est, fiat non soluendo, hoc imputari tutori possit, quod cum eo non egerit iudicati actione? Et respondet rectissime Papin. non imputari, nec ob id tutorem subiici culpæ periculo: aperta ratione, quia finito officio tutelæ, nullam actionem pupilli nomine inferre possit sine mandato. Eadem est ratio huius responsi, quæ fuit primi responsi. Itaque ea duo responsa coniungi velim, quod eandem rationem habeant.

#### Ad §. ab eo qui.

*Ab eo, qui restitutionis auxilio non inuatur, quæstio culpæ tutorum conuentione remitti potest, nec donatum, sed transactum videtur negligentia tutorum.*

HÆC verba alicui prima fronte obscurissima videntur: Ab eo, inquit, id est, ab adolescente, non à maiore xxv. annis. Ab eo igitur adolescente, qui restitutionis auxilio non inuatur, qui impetrauit veniam ætatis à Principe, quod beneficium in idiotismo vocamus: *Bail de gouernement, quand on est déclaré majeur auant xxv. ans.* Veniam ætatis minori dat solus Princeps, ut in l. 3. in princ. ff. de minorib. l. 1. C. de iis, qui ven. atat. impetr. Ei cui datur venia ætatis, permittitur rerum suarum administratio, & curatione liberatur. hæc est vis veniæ ætatis, hic effectus, ut minorem liberet curatoribus, ut curatoribus auferat administrationem, & transferat in minorem. denique venia ætatis permittit minori administrationem rerum suarum, non etiam donationem, quia deminutio siue donatio non pertinet ad administrationem rerum suarum, sed ad amissionem. Ergo venia ætatis non permittit donationem minori. Venditio olim ei, qui meruisset veniam ætatis, erat permissa, etiam rerum immobilium & pignorat. Postea à Constantino Imperatore etiam ei venditio interdicta est sine decreto, l. 2. C. de iis, qui ven. atat. &c. Et deinde etiam pignorat. ei interdicta est rerum immobilium sine decreto à Iustiniano, l. 3. C. eod. tit. Donatio autem nunquam fuit permissa minori, siue obtinuisset veniam ætatis, siue non, nec cum decreto quidem, quod aperte ostendit l. ult. C. si maior fact. rat. al. hab. quæ lex est communis omnibus minoribus, siue impetrauerint veniam ætatis, siue non. Sic igitur statuamus: ei, qui impetrauit veniam ætatis, quod efficit, ut restitutionis auxilio non inuatur, in iis, quæ gesserit post veniam ætatis, pro maiore habetur, ei, inquam, permitti administrationem rerum suarum, non donationem, donationem nunquam fuisse permissam, nec cum decreto Prætoris. Porro ad administrationem rerum pertinent conuentiones, quæ fiunt transigendi & decidendi causa, non deminuendi. Ideoque ab eo, qui impetrauit veniam ætatis conuentione remitti potest quæstio culpæ tutoris. Finge, inter eum & tutores esse controuersiam de iis, quæ culpa tutorum in tutelæ administratione dicuntur admissa. quæstionem eam & controuersiam esse incertam & dubiam, ut plerumque est omnis quæstio culpæ. Difficilis est culpæ disquisitio, definitio, & probatio. Ideoque recte is, qui impetrauit veniam ætatis conuentione remittit tutoribus quæstionem culpæ, quia cum incerta sit ea quæstio & dubia, transigisse cum tutoribus, non donasse videtur. si donasset, nihil

N ij



ageret. Remissio illa transactio est, non donatio: si esset donatio non valeret, ut eadem ratione, si is qui impetravit veniam ætatis colono remittat pensionem ob sterilitatem, ea remissio transactio est, non donatio, ut ait l. 15. §. Papinianus, loc. Ergo valet. Denique utraque remissio rata est, si fiat ab eo, qui meruit veniam ætatis, quia restitutionis beneficio rescindi non potest: venia ætatis est amissio beneficii restitutionis in his, quæ post veniam ætatis gesserit, & permissio administrationis rerum suarum.

#### Ad §. negligentia tutorum.

*Negligentia tutorum periculo nominum, quæ pater usuris maioribus fecit, adscripto, pupilla quidem actionem calendarij prestare cogitur: exactas autem usuras tutela tempore, citra ullam compensationem retinet.*

**N**equæ Accursium, neque eos, qui ab Accursio profecti sunt, hunc §. intellexisse ex eo apparet, quod non explicant quid significetur his verbis: *Citra ullam compensationem retinet*, quæ verba sane obscura sunt, nec cur Papinianus ponat, patrem nomina fecisse sub usuris maioribus, quod sane frustra non ponit, imo ut memini in l. 49. §. ult. de sol. dubitationis causam pendere ex his verbis, *Sub usuris maioribus*, ita proculdubio in hoc §. omnis dubitatio ex eo pendet, quod Papinianus ponit, *Patrem pupilla nomina contraxisse usuris maioribus*, & usuras maiores dicit ex aduerso pupillarium usurarum, quæ exceptis casibus certis, quibus sunt centesima, leuiiores esse solent, ut puta, quincunces, aut trientes, aut si quæ aliæ leuiiores in provincia frequentantur, l. 7. §. ex ceteris. ff. hoc tit. Et ita ex aduerso pupillarium usurarum dicuntur maiores usuræ apertissime in l. 9. §. si tutor sub usuris, hoc tit. *Sub usuris*, inquit, *gravioribus quæ usuræ pupillares sunt*. Et species siue sententia huius §. hæc est. Pater, qui calendarium exercere solebat pecuniis fœnerandis, nomina fecit sub usuris maioribus, quam soleant esse usuræ pupillares, deinde moriens, filiam impuberem heredem reliquit datis ei tutoribus. Post mortem patris, nominibus paternis deperditis, puta, debitoribus factis non soluendo, & foro cedere coactis, pupilla agente sub tutoribus, si tutelæ iudicio eorum nominum periculum tutoribus adscriptum sit, quod negligentes fuerint in eis exigendis, cum erant idonei, certum est, pupillam tutoribus cedere debere actiones calendarij, vel nominum cautionem fœneratitiam, ut sit quotiescunque oneratur quis propter alium, l. 1. §. non tantum, l. cum pupillus, inf. de tut. & rat. distrab. l. si minoris, sup. hoc tit. l. 6. C. arb. tut. Neque vero tutoribus inanis ea actio erit aut inutilis, si quando debitoribus facultates ad soluendum acceperint, in quam utique venient usuræ post finem tutelæ insecuti temporis: Quid vero fiet de præteriti temporis usuris, quas tempore tutelæ tutor exegit, & rationibus pupillæ accepto tulit, utrum eas pupilla sibi retinebit, an hoc desiderante tutore contenta erit usuris pupillaribus, quæ leuiiores sunt. Hæc est quæstio huius §. Et respondet Papinianus, pupillam usuras exactas tempore tutelæ retinere citra ullam compensationem, id est, integras retinere, sine vlla diminutione, nequaquam facta compensatione, usque ad eam summam duntaxat, quæ concurrat cum usuris pupillaribus, ut scilicet id, quod plus est in usuris, quas exegit tempore tutelæ, quam in usuris pupillaribus, id tutoris lucro cedat, hoc non ita fiet, sed pupilla retinebit integras maiores usuras, quæ exactæ sunt tempore tutelæ. Compensationem igitur hoc loco Papinianus accipit, non pro contributione & compensatione duarum summarum debitarum ultro citroque, ut in titulo de compensationibus, sed simpliciter pro computatione quacunque & collatione duarum summarum, duarum usurarum maiorum & leuiorum, ut in l. Titia §. qui in vita, ff. de legat. 2. Ergo fru-

stra computabimus & conferemus usuras maiores, quas exegit, cum pupillaribus, quæ sunt leuiiores; ut id, quo pupillares exactæ usuræ superant, sibi habeat tutor, quoniam nihil ex his tutor sibi habere potest, sed integræ retinentur à pupilla. Et addendum, idem omnino seruari, si non sint paterna nomina, sed ab ipso tutore contracta: Præstabit enim tutor exactas usuras, si grauiiores sint, nedum pupillaribus satisfaciatur, l. 7. §. si tutor, hoc tit.

#### Ad §. adolescens.

*Adolescens tutoribus contentis, à quibus totum seruari non potuit, aduersus curatores qui tutelam ad se, negligentia non transtulerunt, integram actionem retinet: neque enim tutela iudicio consumptum videtur, quod alterius officij querelam habuit.*

**S**ententia huius §. hæc est. Post pubertatem finemque tutelæ adolescenti dati sunt curatores, quorum negligentia factum est, dum à tutoribus tutelæ rationem non exigunt, & interim tutores labuntur facultatibus, qui erant idonei tempore finitæ tutelæ, quorum, inquam, negligentia factum est, ut actione tutelæ à tutoribus adolescens totum non seruaret, quod sibi debebant ex tutelæ administratione: ait Papinianus eo nomine, nempe negligentia esse adolescenti in curatores saluam & integram vtilem actionem negotiorum gestorum, in id quod interest, quia suo periculo cessauerunt reposcere tutelam, & eam in se transferre à tutoribus rationibus acceptis, l. Amylius, inf. hoc tit. l. 2. C. de susp. tut. Ergo vtili actione negotiorum gestorum agat adolescens in curatores, ut scilicet, quod à tutoribus seruare non potuit, id à curatoribus consequatur, periculo inopiæ tutorum adscripto negligentia curatorum. Electio actionis tutelæ, quæ prius egit adolescens, non consumit vtilem actionem negotiorum gestorum, qui est finis huius §. Quia non idem hæc actio, quod illa continet. Illa continet querelam officij tutelæ, hæc continet officij curationis querelam male administratæ, alioquin si utraque actio idem contineret, alia aliam consumeret, l. habebat, sup. de inst. act. Quod autem Accursius notat, curatores non conueniri ex hac causa manente administratione, per l. actus, supra hoc tit. cui addi potest l. 2. & l. 12. C. de admin. tut. Verum quidem ita est si generaliter cum curatoribus agatur de ratione administrationis, quia absurdum est, administrationis rationem reposcere ante perfectam administrationem & peractam: at specialiter, ut quæque res adolescenti salua esse desinit, cum curatoribus agi posse constat manente administratione, l. cum curatore, hoc tit. l. 16. §. ult. ff. de tut. & rat. distr. l. 1. §. sed si pro tutore, infra de contr. act. tut. Ergo & in hac specie recte conuenientur curatores manente administratione specialiter, quod tardius in se translatis tutelæ rationibus rem suam à tutoribus adolescens seruare in solidum non potuerit.

#### Ad §. tutor qui tutoris.

*Tutor qui tutoris idoneum heredem conuenire pupilli nomine noluit, damni vicarius substituitur, ut is, qui non idoneum tutela tempore suspectum facere superedit.*

**E**x duobus tutoribus vno defuncto, relicto herede idoneo, si is heres postea tutoris superstitis negligentia, id est, dum heredem tutoris non exigit in tempore & mature, dum est soluendo, si postea fiat non soluendo, ad tutorem superstitem, qui negligens fuit in herede contutorem exigendo, dum erat idoneus, damnum vicarium redundat, sicut cum tempore tutelæ non idoneum contutorem, contutor suspectum non facit, aut tarde, aut lusorie facit, vicarium damnum ad eum redundat.



*l. 14. h. r. l. 2. C. de usur. pupill. quæ est sententia huius §. Et est ei locus etiam in tutore honorario, eoue qui nihil gerit. Nam & ad eum pertinet periculum contutoris, si suspectum eum non fecerit cum sensim laberetur facultatibus, aut perperam rem pupilli administraret, l. 3. §. 1. hoc tit. l. 1. C. si tutor non gess. Idemque seruatur in contutore aliarum rerum, non earundem diuisa tutela, l. 2. de diuid. tut. Damni vicarium substitui, hoc loco est quod in l. 3. C. quo quis. ord. con. damno vicario obstringi, & sic in §. in eum sup. substitutio est damni vicarij substitutio; substitui est in vicem eius poni à quo damnum seruari non potuit.*

#### Ad §. tutelæ.

*Tutela iudicium ita differri non oportet, quod fratris & coheredis impuberis idem tutelam sustineat.*

**T**utor datus est duobus fratrib. consortibus impuberibus, qui pro indiuiso possidebant communem hereditatem; vnus ex fratribus citius adoleuit, & liberatus est tutela. Quæritur an ex persona eius statim tutor tutelæ conueniri possit, non expectata pubertate alterius fratris consortis siue coheredis? & respondet posse conueniri. Ratio dubitandi, quam non percipiunt nostri interpretes, erat, quia communis inter eos erat res, quam idem tutor administrauit, communis hereditas, & ideo videbatur adolevens, qui citius pubuit, posse repelli hac exceptione, quod agat, non adiuncta persona consortis, quam exceptionem inuenio etiam aliquando probasse Constantinum l. 1. C. Theod. de dominio rei quæ poss. sed ante Constantinum, ei exceptioni locus non fuit, & hodie non seruatur ea l. Constantini, sed vtimur iure antiquo, vt recte agat consors pro sua parte non expectato consorte, l. 1. C. de consort. eiusd. lit. l. si petitor, de ind. Et hæc est vis & potestas huius. §. qui proprie & conuenienter adnotabitur ad illum titulum de consortibus eiusdem litis.

#### Ad §. vltimum.

*Quod peculio serui actoris, quem adolevens postquam res suas administrare cepit, manumisit, & retinuit, aut retinere potuit: in ratione reddenda, curatori per iudicem accepto feretur.*

**S**ententia hæc est. adolevens, postquam res suas administrare cepit, id est, qui maior factus est, vel qui impetrauit veniam ætatis, is, inquam, seruum actorem bonorum suorum siue dispensatorem, quod interpretes nostri non intelligunt, siue Columellam, vt veteres recte vocant, iure manumisit non adempto, siue non retento peculio, aut retenta peculij parte tantum, deinde agit cum curatore vtili actione negotiorum gestorum, vt rationem reddat administrationis. Papinianus ait, in ratione reddenda, seruum manumissum cum peculio, quod adolevens ei concessit, vel quod sibi retinuit, iudicem curatori accepto ferre: *Ill'en quittera*, quia non per eum adoleventi abest, sed per adolecentem ipsum, cui hoc patet, si meruerit veniam ætatis, non esse interdictam manumissionem seruorum, quia nec alienatio prædiorum ei interdicta erat ante l. 22 C. de iis qui ven. ætat. impetran. In qua Constantinus exigit decretum prætoris vel præsidis vt valeat donatio omnis extra causam liberatæ, etiam adhibito decreto, interdicta erat, vt diximus in §. ab eo sup. hodie quoque tentari potest post Constantinum, id est, post leg. 2. interdictam esse manumissionem seruorum rusticorum sine decreto, quia sunt pars prædiorum rusticorum, l. 3 sup. de diuers. & temp. præsc. & Nouel. 7. Et hæc de adolecente, qui liberatus curatoribus, rerum suarum administrationem suscepit. Alioquin adolevens seruum manumittere non potest

A sine curatoris auctoritate, & quam manumissionem, si fecerit curatore auctore, aduersus eam in integrum restitui non potest, nisi ex magna causa à Principe solo, si forte actorem manumiserit, vt in l. 10. sup. de minorib. quoniã actoris serui amissio plerumque est causa euerfionis totius familiæ, quoniã res omnes familiares nouit, l. ult. sup. de offic. præsid. Et quot sunt domini viri illustres, quibus plane res suæ incognitæ? sunt cognitæ solis actoribus, qui actum eorum gerunt, qui actum earum rerum gerunt quorum amissio ideo pertinet ad amissionem & euerfionem totius reifamiliaris.

#### Ad l. §. quando ex facto tut.

*Post mortem furiosi non dabitur in curatorem qui negotia gessit, iudicati actio: non magis quam in tutores, si modo nullam ex consensu, post depositum officium, nouationem factam & in tutorem vel curatorem obligationem esse translatam constabit.*

**I**nitio legis §. hæc proponitur species: Furioso curator datus est, qui furiosi nomine iudicium accepit, & condemnatus est, deinde morte furiosi, antequam iudicati ageretur, finitum est officium curatoris. Quæritur, an in curatorem detur actio iudicati? & respondet Papinianus, post mortem furiosi in curatorem, quamuis condemnatus sit, & iudicatus, non dari actionem iudicati, dari igitur in heredem furiosi; denique non in iudicatum, sed in non iudicatum, hoc casu dari iudicati actionem. Idemque esse addit Papin. hoc loco, in tutore condemnato pupilli nomine. Nam & in eum post depositum officium, veluti post mortem aut pubertatem pupilli, vel quem alium tutelæ finem, non datur actio iudicati, sed datur vtilis in pupillum, heredemve eius aut curatoris, vt aperte definit l. ult. ff. si quis caut. itemq; l. argentarium §. 1. sup. de indic. quæ tutorem condemnatum pupillæ nomine finita tutela, & in curatorem translata, ostendit non teneri actione iudicati, quamuis condemnatus sit, sed in curatorem transferri actionem iudicati, qui tutori successit absente puella, scilicet quæ erat in prouincia: curator autem forte fortuna inuentus fuit Romæ, vbi mater puellæ contraxerat, cui puella heres exstitit, ex qua causa tutor puellæ nomine in prouincia condemnatus fuerat, quæ est propria & vera species d. §. 1. Verum est etiam, in curatorem adolecentis condemnatum nomine adolecentis post legitimam ætatem, atque ita post depositum officium, non dari actionem iudicati, sed vtilem dari in adolecentem ipsum, l. 1. C. quando ex fact. tut. Quod obtinet non tantum in actione iudicati, sed etiam in actione ex stipulatu, vel de constituta pecunia, vel de certa pecunia credita, vel qua alia actione & obligatione, quam tutor vel curator pupilli, vel adolecentis, vel furiosi, vel prodigi, vel etiam Reip. citra nouationem contraxit, nomine eius, cuius negotia gessit, vt patet ex hac lege in §. tutor & l. ult. §. ult. vt leg. nom. cau. l. 28. in princ. sup. de adm. tut. l. cum quidam, C. eod. tit. l. 3. §. in eum, de adm. rer. ad ciuit. vt scilicet ij omnes post depositum officium omnium earum obligationum onera recte recusent. Duo tantum sunt casus, quibus post depositum officium tutor vel curator conueniri potest, ex causa obligationis pro eo, cuius tutelam vel curam contraxit, vel tutelam vel curam gessit, contractæ tempore administrationis: vnus casus hic est, si creditor eius, cuius tutelam vel curam gerit, pecuniam debitam cauerit nouatione facta, nouationem fecerit: nam ex ea causa etiam post depositum officium actio in eum datur, ne scilicet in damno versetur creditor, qui eius fide & expromissione contentus per nouationem reum principalem liberauit. Et ita de curatore Reip. nominatim proditum est in d. l. 3. §. in eum, vt & de tutore in h. l. si eius verba translata, & transiecta non essent: nam vt verba sunt collocata in hæc



lege ponit nouationem fecisse tutorem post depositum officium, cum ponere debeat, fecisse ante depositum officium: neque enim hic queritur, qui post depositum officium nouatione facta in se transfudit omnem obligationem, vice eius, cuius pridem tutelam gessit, an teneatur, quod erat extra omnem dubitationem, sed quod maxime dubitabatur, an, ut post depositum officium tutor ceteris obligationibus releuatur, quas suscepit tempore tutelæ pro pupillo, releuetur etiam obligatione pupillari, quam tutelæ tempore in se transfudit nouatione facta. Et ut palam initio h. l. agitur de curatore furiosi, qui eo uiuo, scilicet furioso, manente administratione se obligauit, suscipiendo iudicium pro eo, an post depositum officium, veluti post mortem furiosi, iudicati teneatur. Itaque consequens est & consentaneum, mox in hac ipsa lege agi de tutore, qui tempore tutelæ pro pupillo iudicati obligationem suscepit, an post depositum officium iudicati actione teneatur, quod & statim, quod sequitur in hac lege, exigit omnino, dum subiicit: tutorem, qui non facta nouatione se soluturum cauit, pecuniā quam pater, cui pupillus heres existit, condemnatus fuit, id est, qui constituit se soluturum pro pupillo, ut similiter de curatore Reip. dicitur in d. l. §. in eum, post finitam tutelam, hoc est, post depositum officium, recte recusare actionem constitutæ pecuniæ, quia scilicet constituto, quod contraxit tempore tutelæ, non fuit nouata principalis obligatio, l. si filius, sup. de in rem verso. Item illa §. ult. l. ubi quis, ff. de const. pecun. Et ideo creditori adhuc salua & integra est actio in debitorem principalem, unde luce clarius existit, sic esse restituenda suo loco verba huius legis: post mortem furiosi non dabitur in curatorem, qui negotia gessit, iudicati actio, non magis quam in tutorem post depositum officium, si modo nullam ex consensu nouationem factam, & in curatorem vel tutorem obligationem esse translatam constabit. Et ait, ex consensu nouationem factam, ad differentiam nouationis necessariæ, quæ fit iudicio accepto, qua tutor, ut ante dixi, post depositum officium, absoluitur. Voluntaria, id est, facta ex consensu, non absoluitur. Alius autem casus, quo tutor alij ex administratione tutelæ tenetur, etiam post depositum officium, ponitur in extrema parte h. l. Si tutor suo nomine pecuniam mutuam acceperit & verterit in rem pupilli, si inde pecuniam, in quam pater pupilli condemnatus est, cui pupillus heres existit, exoluit, atque ita pro pupillo iure hereditario obligato iudicati nomine, iudicatum fecerit: nam & ex hac causa post depositum officium in tutorem est actio creditæ pecuniæ, quia perinde atque facta nouatione voluntaria ex ea causa ipse solus tutor obligatur, ut in l. tutorem §. aduersus, sup. de admin. tut. nisi, ut eleganter subiicit, si creditor pupilli contemplatione credidit, ut pecunia verteretur in causam iudicati, si pupillum sibi obligari voluit, non tutorem, cui numerabat pecuniam, quo casu solus pupillus creditori tenetur, argum. l. si pupilli §. 1. de negot. gest. Non tutor tenetur post depositum officium: durante officio tutelæ non est dubium, eum pupilli nomine conueniri posse, l. i. §. sufficit, ff. de administ. tut. Et hæc est sincera interpretatio huius legis.

At circa eam multa queri possunt: ac primum quidem initio ait, post mortem furiosi, in curatorem nomine furiosi non dari iudicati actionem. Queritur potest, an uiuo furioso, in curatorem, qui condemnatus est nomine furiosi, detur actio iudicati? Et lex ipsa ex contrario significat dari: ac sane ita est hoc velle Papinianum, ut quo casu in curatorem uiuo furioso datur actio, in curatorem inquæ, condemnatum datur actio iudicati manente officio curationis, non detur etiam post mortem furiosi, quo casu veluti curatore condemnato, vel patre furioso, vel ipso furioso, antequam furorē corripere, quia cum furioso nulla actione agi potest, l. 2. sup. de condict. furti. l. 4. ff. de in ius voc. Necessè igitur est iudicati agi in curatorem: actio autem iudicati exercetur in bona, captis pignoribus, l. i. C. eod. tit. an ergo pignora curatoris capi possunt? Sic sane: si

scilicet agat contumaciter & iudicatum facere detrectet: sed quod præstiterit consequetur à furioso cum respue-rit, vel ab herede eius contraria actione negotiorum gestorum. Item queri potest, an tempore tutelæ condemnatus tutor nomine pupilli teneatur actione iudicati? & in tutore ita distinguendum est: aut se liti obtulit, aut non. Si se liti obtulit, id est, si cum posset pupillo auctor fieri ad iudicium accipiendum, ipse maluerit accipere, proculdubio ipse tenetur iudicati actione, l. 2. sup. de adm. tutor. Ergo ex causa iudicati, in causam iudicati pignora capi ex eius bonis possunt. Si se liti non obtulit, sed ex necessitate officij pro infante, vel absente pupillo, qui iudicio accipiendo idoneus non est, iudicium accepit, & condemnatus fuerit, ei succurritur, ut non detur in eum actio iudicati, d. l. 2. & l. pen. hoc tit. sed detur in pupillum, cum infantiam excesserit, vel abesse deserit, quo tempore idoneus est iudicio accipiendo, pupillus idoneus est litigator tutor auctore, ergo & eius bona pignori capi possunt in causam iudicati, ut l. i. C. de præd. min. Hoc, inquam, casu in pupillum datur actio & executio iudicati, excepto vno casu, si causa ex qua tutor condemnatus est, descendat ex contractu patris, cui pupillus heres existit. & post condemnationem tutoris pupillus tutore auctore se bonis paternis abstinerit: tunc enim nec in pupillum, nec in tutorem iudicati actio competit, d. l. 2. de administ. tut. l. ult. ff. si quis eam. Sed dabitur actio iudicati in substitutum pupilli, vel coheredem, vel alium successorem patris, qui successerit ex successorio edicto, l. ex contractu, inf. de re iudic. Sane in tutorem eo casu non competit actio iudicati, quia nec, si pupillus se non abstinerit, quum tutor iudicium accepit nomine infantis pupilli vel absentis, in eum eiusve bona non exercetur actio iudicati, imo nec in fideiussores eius, si iudicatum solui satis dederit tutor, d. l. 2. §. ult. de administ. tut. Quæ est accipienda de satisfatione iudicatum solui, quæ scilicet, ut satisfado de rato, ex edicto prætoris ante Iustinianum, etiam à tutore & curatore præstatur, §. tutores, Inst. de satisfad. hodie non præstatur ab eis ex Const. Iust. l. ult. §. defensionem, C. de administ. tut. l. i. §. sufficit, sup. de administ. tut. Cuius §. stylus aperte prodit, totum esse compositum à Triboniano secundum Constitutionem Iustiniani. Eadem vero distinctio, quam feci in tutore, seruatur in curatore adolescentis, ut si pro absente coactus iudicium acceperit, ipse iudicati non teneatur, si pro præsenteliti se obtulerit, ipse iudicati teneatur: Nam etiam eadem distinctio admittitur in procuratore, l. 4. inf. de re iud. l. Plantius, sup. de procur. nempe, ut in procuratorem voluntarium, id est, negotiorum gestorem detur actio iudicati, non in mandatarium siue procuratorem ex mandato.

Et postremo queri potest: an quod diximus tutorem vel curatorem ex sua administratione & negotio, quod cum alio contraxit vel quasi contraxit pupilli nomine, vel adolescentis, vel furiosi, vel prodigi, vel etiam Reipubl. non teneri post depositum officium, exceptis duobus casibus supra relatis, an id etiam locum habeat in procuratore? Et sane diximus lib. i. procuratorem, qua actione teneri cœperit tempore administrationis per causam administrationis, eadem quoque eum teneri post finitum mandatum, vel post depositum officium, nec releuari auxilio prætoris, l. 67. de procur. Et in hac re esse differentiam inter munera publica, veluti tutelam & curationem, quam inuiti suscipiunt, quæ ratio efficit, ut releuentur post depositum officium, & munera priuata, veluti procuratorem, quæ non nisi volenti defertur, quam differentiam memini me exponere lib. i. ad supra dictam l. 3. §. in eum, de adm. rer. ad ciuit. pert. coniunctam cum d. l. 67.

Ad l. ii. de suspect. tutorib.

Post finitam tutelam cognitio suspecti tutoris, quamvis pri-



*pridem recepta soluitur.*

**C**ertum est in tutorem vel curatorem, qui male aut fraudulenter in tutela vel cura versatur, esse ex XII. tabulis quasi publicam suspecti accusationem, qua id agitur, ut remoueatut vel tutela abeat, ut postquam abierit tutela, eum eo agi possit tutelæ iudicio, ut rationem reddat, vel rationibus distrahendis, actione rationum distrahendarum, ut in duplum reddat, quod per fraudem eius pupillo abest vel adolescenti, vel furioso, vel prodigo. Nunc finge, receptam semel fuisse accusationem cognitionemque suspecti tutoris lite cum eo contestata, receptumque tutorem inter reos, & pendente ac suspensa cognitione, suspensio crimine, non quidem morte tutoris (constat enim morte rei solui omne iudicium criminale, l. in Senatus. §. si propter, ad Senatus. Turp.) sed alio modo, veluti pubertate, aut adrogatione, aut deportatione, aut seruitute, aut captiuitate pupilli, finitam tutelam fuisse: finge, inquam, pendente iudicio suspecti tutelam finitam fuisse non morte rei, id est, tutoris, sed alio quocumque modo: Queritur, an soluatut perimaturque iudicium & cognitio suspecti tutoris pridem recepta? Et respondet Papin. solui atque perimi. Ratio dubitandi hæc erat, quia semel recepta cognitio criminalis viuo reo ex Senatusconsulto Turp. non temere soluitur sine abolitione, sed crimen suspecti tutoris facile soluitur, cum & ab eo accusator impune desistat sine abolitione, l. 1. §. suspecti, ff. ad SC. Tertull. Et ratio decidendi hæc est, quia finita tutela agi potest tutelæ iudicio, vel rationibus distrahendis, quibus ut agi possit, in hoc solum instituitur suspecti tutoris crimen: neque enim his actionibus, tutelæ scilicet & rationibus distrahendis agi potest, quamdiu tutor manet, sed tum demum, cum tutor esse desit, deposito officio finitaque tutela, & cuius criminis, si iam finita esset tutela, cognitio non reciperetur, l. 3. §. queri, hoc tit. eius quoque criminis, cum post receptam cognitionem tutela finitur, cognitionem durare non oportet, ut quæ alias non instituitur, nec daret finita tutela, argum. l. 6. ff. ut in possess. legat. l. Granius §. & puto, de fideiusso. Et ita est explicanda hæc lex pen. Ex ea vero, mihi temperare non possum, quin aperiam quam mihi sit suspecta scriptura §. si quis autem, Insti. de suspect. tut. vbi primo loco ait, ei, qui suspectus postulatut, nondum damnatus vel remotus est; quoad cognitio finiatut interdici administratione rerum pupilli, ut, inquit, Papiniano visum est. Quæ quidem sententia Papiniani nullo loco exstat, verissimum tamen est interdici administratione, interim postulato suspecto, vel nominatim à prætorè vel præfide, l. 7. C. cod. tit. vel tacite interdiciam videri, maxime curatore, qui interim administrat, dato in locum eius, l. quod si forte §. 1. de solut. Deinde subiicit eodem loco, semel suspectam suspecti cognitionem extinguere, si postea tutor vel curator, qui suspectus postulatut est decesserit. quo nihil erat certius: quis enim nescit, morte rei omnem cognitionem criminalem extinguere? At non erat æque certum, an etiam extingueretur semel recepta suspecti cognitio, si interim alio modo quam tutoris morte tutela finiretur. Vnde apparet in eo §. exprimi, quod erat certum, omitti quod æque non erat certum. Et prudentius Papinianus hoc loco omittit casum mortis tutoris: nec enim dicit; post mortem tutoris, sed generaliter, post finitam tutelam, ut intelligeremus & alio quocumque modo finita tutela extinguere suspecti cognitionem pridem receptam. Quæ de causa in d. §. si quis autem, suspicor insidere mendum vetustissimum, quod scilicet insederit & inoleuerit, & ab ipsa scriptura iuris auctoris, ut sit sæpe, vnde profluxit ille §. si quis autem. Nam Institutiones ductæ sunt ex Iurisconsultorum libris, excepta parte ea, in qua referatur ius nouissimum, quod Iustinianus introduxit. Denique existimo penitus insedisse hoc mendum, & pro decesserit scripsisse aut voluisse iuris auctorem scribere, esse decesserit. At cum perperam legeretur, decesserit, in eam ma-

**A**nifesta & clara, hæc fuit, ut opinor, causa non necessaria auctoritatem Papiniani transferendi in superiorem sententiam, de interdicenda administratione suspecto postulatuto, quæ subici debuit posteriori sententiæ, de cognitione soluenda, nimirum restitutæ hoc modo: Sed si suspecti cognitio suscepta fuerit, posteaque tutor vel curator esse decesserit, extinguitur suspecti cognitio, ut Papiniano visum est. & Papiniano nimirum visum est in hac l. pen. In eod. tit. Institutionum memini, me alias monere etiam alium errorem grauissimum insidere in §. seq. dum ait, tutorem, qui data pecunia ministerium tutelæ adquisierit vel redemerit, non tantum remoueri à prætorè ut suspectum, sed etiam remitti puniendum à prætorè ad præfectum vrbi. vbi manifestum est, ex l. 3. §. tutor, hoc tit. esse legendum, qui data pecunia ministeriis tutelam redemerit, ministeriis, id est, officialibus prætoris per quos fit inquisitio. Nam & illo loco veteres libri non habent, adquisierit. Et ostendam etiam alium errorem tertium in eod. tit. §. suspectus autem, vbi duobus locis pro Iulianus scripsit, scribendum est, Iulianus rescripsit, id est, respondit, ut in l. ex contractu, inf. de re iud. Quamobrem & eo loco id Theophilus vocat Iuliani amonitionem, id est, responsum siue rescriptio-nem. Et hæc est sententia huius legis.

#### Ad l. 28. de excus. tut.

*Tutor petitus, ante decreti diem si aliquod priuilegium quaerit, recte petitionem institutam excludere non poterit.*

**I**nitio huius legis ostenditur, tutore nominato & petito veluti à matre vel agnatis, aut libertò, ad excusationem id priuilegium eamue immunitatem tantum ei prodesse, quam habuit petitionis tempore, non quam post petitionem acquisiuit ante decreti diem, id est, antequam à prætorè, vel præfide causa cognita tutor decerneretur, ut in l. 2. §. pen. h. t. & l. pen. §. hoc circa, de iure immu. & l. 2. §. qui ad munera, inf. de vacat. mun. Ius liberorum vel ius corporis, aut collegij, aliudue priuilegium ostenditur excusare à tutelis & aliis muneribus ciuilibus, quod quis habuit, antequam vocaretur ad munera ciuilia, non quod postea quæsiuit. & ita postquam vocatus quis est in ius, priuilegium fori, quod deinde adquisiuit, nihil ei prodest, quia id non habuit, quo tempore in ius vocatus est, l. 7. sup. de iud. l. pen. sup. de iurisdic. Huic sententiæ & responso multa obicit Accursius hoc loco, l. qui autem, sup. si quis caut. l. 15. §. 1. h. t. l. non tantum §. vacare, h. tit. l. ab his onerib. §. auctis, & l. prætor §. si post, de vacat. mun. nec respondet quicquam. Primum l. qui autem, si quis caut. ad quam etiam ei conuenienter non apponit speciem, ait, si quis eum, qui in ius vocatus est, iudicio sisti promiserit quem vtrique sistere debet, in eadem causa non videri eum sistere, in eadem causa, si nouo priuilegio vtatur, quod quæsiuit post vocationem in ius; ergo licet vti priuilegio quæsito post vocationem in ius, & quodammodo ceptam litem; Sed non de quocumque priuilegio, non de priuilegio fori, non de priuilegio excusationis siue immunitatis loquitur, quo vti non licet, si quæsitum sit post vocationem in ius, vel post vocationem ad ciuile munus aut nominationem & creationem. Verum conueniens exemplum apponi oportet, quo non subuertantur aliæ auctoritates iuris, quæ cohærent, nec dissentiunt inuicem & obiter dissoluamus. Igitur l. qui autem, de alio priuilegio est, ut puta, si in capitali causa, qui reum sisti promisit, eum postea decurionem factum sistat, vtentem priuilegio curiæ in pœnis euitandis & tormentis. Nam hoc habent priuilegium decuriones, ne subiiciantur tormentis in causis capitalibus, ne subiiciantur pœnæ plebeiorum, quod est notissimum, l. moris §. pen. de pœn. Hunc igitur, qui sisti promisit, si postea decurionem factum sistat, non videtur sistere in eadem causa, quia priuilegio decurionatus vti potest, etiam si id adquisierit post vocationem in ius demum, vel cautionem iudicio sisti. Denique qui post hanc cautionem factus est



decurio, uti potest privilegio decurionatus in pœnis euitandis, sicut seruus sisti promissus in causa capitali, si sifatur liber factus, iure liberi hominis uti potest, ne subiiciatur seruilibus pœnis, *l. pen. ff. si ex nox. cau. ag.* Nam in capitalibus causis, ut aliter de seruo, aliter de libero homine vindicta sumitur; ita aliter de plebeio, aliter de decurione. Quamobrem qui seruum sisti promissit, non videtur eum sistere in eadem causa, si liberum sistat, vel qui plebeium sisti promissit, non videtur eum sistere in eadem causa, si decurionem sistat, maxime in iudiciis criminalibus. Privilegium fori vel excusationis statim vires suas exerit & exercet ab initio, eo tempore, quo quis vocatur in iudicium, vel ad munus ciuile. At privilegium in pœna euitanda vires suas exercet tempore accepti iudicii, ut probat *d. l. pen. non tempore delicti*, nisi congruat cum tempore iudicii accepti, siue litis contestatae, non tempore vocationis in ius, non tempore etiam rei iudicatae, ut in *l. 1. inf. de pœn.* quæ hoc modo in concordiam facile adducitur cum *d. l. pen. ut si quæ ratur*, cuius conditionis fuerit is, qui deliquit, dicamus, si conferatur tempus delicti cum tempore rei iudicatae, spectari tempus delicti, quod modo congruat cum tempore iudicii accepti: quod si non congruat & conferatur tempus delicti cum tempore iudicii accepti, spectari potius tempus iudicii accepti, siue litis contestatae. Nihil enim obstat huic responso *l. 15. §. 1. h. t.* ex qua tutor susceptam tutelam impuberis plebeij ignobilis & inhonorati, deponit, si postea fiat Senator, & excusatur, si fiat Senator populi Rom. quoniam, ut respondet, hoc est speciale in Senatoribus, ut superueniens senatoria dignitas, quam non habuit eo tempore, quo tutor petitus est & datus, liberet tutela plebeiorum; sicut & idem in aliis quibusdam receptum est, qui & accepta tutela excusantur in perpetuum, vel ad tempus incidente iusta causa, de quibus agitur in *l. 11. & 12. l. 30. in pr. & 40. h. t. l. verum §. ex facto, sup. de minorib.* ad quod etiam respicit *l. prator §. si post, de vacat. mun.* quam hoc loco etiam obiecit Accursius. Itaque eodem modo est respondendum *d. l. Prator, & d. l. 15. h. t.* Idem quoque Accurs. obiicit *l. non tantum §. vacare, h. tit.* quæ omnino congruit cum hoc responso. Ait n. accepta tutela non excusari tutorem, si postea immunitatem consequatur. Postremo male etiam obiicit Accurs. *l. ab his oner. §. auctis, de vac. mun.* quæ dicit, pauperem imparem oneri tutelæ ferendo, non excusari à muneribus ciuilibus, si pendente iudicio. quod hac de re agitur, auctus sit facultatibus, quod est longe diuersum ab eo, quod proponitur hoc loco. Hic enim agitur de causa excusationis superueniente post nominationem & petitionem tutoris: ibi agitur de causa excusationis præueniente. Et tamen in vtraque idem iuris est, ut neque superueniens profit ad excusationem, neque præueniens, veluti si pauper ante sententiam finitam sit auctus facultatibus, & ita facile liberabimur ab his omnibus, quæ nobis obiicit Accursius.

#### Ad §. quæ tutoribus.

Quæ tutoribus remuneranda fidei causa, testamento parentis relinquuntur, post excusationem, ab heredibus extraneis quoque retineri placuit, quod non habebit locum in persona filij, quem pater impuberi fratri coheredem, & tutorem dedit: cum iudicium patris ut filius, non ut tutor promeruit. Tutorem ad tempus exulare iussu excusare non oportet, sed per tempus exilij curator in locum ipse debet dari.

Iam ostendi lib. 4. ad l. 24. de test. tut. tutorem, qui se excusat à tutela, cum iure non prohiberetur tutelam suscipere, id quod sibi testamento patris relictum est, ut tutori fidei & laboris remunerandi gratia, amittere. Quod verum est, etiam si se in partem excusauerit, puta, pro parte rerum prouincialium, pro parte Italicarum susceperit tutelam. Nam & hoc casu totum amittit, quod sibi testamento patris relictum est fidei remuneranda causa, *l.*

*A etiam, de leg. 1.* Et ait hoc loco fidei remuneranda gratia, quæ verba Græci inepte accipiunt de fideicommissio relictio tutori, cum palam sit, ea esse de fide tutoris, ut loquitur *l. tutorem, de his quib. ut indign.* quam scilicet ingerenda tutela exhibet pupillo: & recte ait, fidei remuneranda gratia, quia si filio impuberi, alium filium maiorem 25. annis tutorem dederit, & coheredem etiam adiecerit, & si sese excusauerit tutela iusta ex causa, quæ recepta fuerit, non amittit portionem hereditatis, quia non fidei remuneranda gratia coheres adiectus videtur. Id enim promeruit, inquit, ut filius, non ut tutor, & tutor, qui se excusat, id tantum amittit, quod promeruit ut tutor, id est, fidei remuneranda gratia. Id autem quod amittit tutor ex ea causa, Papinianus ostendit hoc loco remanere apud heredem patris, nec transire in fiscum, quamuis id amittat tanquam indignus, & remanere apud heredem patris, etiam extraneum. quam in rem hic locus est singularis, alioquin videretur remanere apud pupillum, cuius utilitatem tutor deseruit repudiata tutela ex *l. 5. §. amittere, de ijs quib. ut indign. l. pen. C. de leg.* sed non aliter remanere apud pupillum, quam si heres patri existerit, ex hoc loco intelligitur. Male enim Doctores remanere apud heredem, sed mox restitui pupillo ex heredato. Et postremo notandum est, ex *§. ult. in locum tutoris ad tempus exulare iussi* ob crimen aliquod alium tutorem non dari, sed curatorem, quia datus in exilium temporale tutor esse non definit, *l. sine heredem §. ult. sup. de administr. tut.* Et regula iuris vetat tutorem habenti alium tutorem dari. Idcirco dabitur curator, non tutor: at in locum damnati tutoris exilio perpetuo, alius tutor datur, quia tutor esse desiit, ut in *l. seq. l. 3. C. qui tut. pet. poss. l. 3. C. in quib. caus. tut. hab.* & si tutor dari potest, multo magis curator, ut in *l. quod si forte §. quid ergo, de solut.* Exilium dicitur de deportatione proprie, quæ est capitis deminutio media *l. 2. inf. de pub. iud.* Hoc loco posset quis dicere, exilium dici de relegatione, quoniam distinguit inter exulare iussum ad tempus, & exulare iussum in perpetuum: ergo de relegato loquitur, non de deportato, quoniam deportatio non fit ad tempus, nulla capitis deminutio fit ad tempus. Relegatio non est capitis deminutio, deportatio est capitis deminutio, & ideo non est ad tempus, *l. 7. §. hæc est differentia, & l. 8. inf. de int. & releg.* At verius est, exilij nomine significari hoc loco, & deportationem & relegationem. Nam & per errorem iudicis quandoque deportatio, sicut damnatio in metallum, quæ est capitis deminutio eiusdem gradus, fit ad tempus, quo casu non habetur, pro capitis deminutione, *l. capitalium §. Diuus, de pœn.* Itaque deportatus ad tempus non definit esse tutor, ac proinde in locum eius dandus est curator, non tutor.

#### Ad l. 30. de excus. tut.

Iuris peritos qui tutelam gerere ceperunt, in consilium Principum adsumptos, optimi maximeque Principes nostri constituerunt excusandos, quoniam circa latus eorum ageretur, & honor delatus finem certi temporis, ac loci non haberet.

Regulariter superueniens privilegium, vel dignitas post petitionem ac dationem tutoris ceptamve tutelæ administrationem, nullam præbet excusationem, sed ut diximus initio *l. 28. hoc tit.* excipiuntur tutores, qui post ceptam administrationem tutelæ cooptantur in amplissimum ordinem, ut in *l. 15. hoc tit.* Excipiuntur etiam initio *h. l. 30.* Iurisconsulti, qui in consilium Principis adsumuntur, qui non tantum ne accipiant, sed etiam accepta tutela excusantur, ut *l. verum §. ex facto, de minor.* Et quidem in perpetuum, sicut Senatores, quia & is honor est perpetuus, id est, ut hoc loco Papinianus ait, certi temporis, vel loci finem non habet. Hoc Græci interpretes accipiunt de Quæstoribus sacri palatii, quos hodie Cancellarios appellamus: sed lex generaliter loquitur.



quitur de quibuscunque consiliariis intimi, sanctioris & arcani confessus Principis. Et hoc privilegio usum Arrium Manandrum Iuriconsultum, qui libros scripsit de re militari, susceptam tutelam deposuisse refert Vlpianus in *d. §. ex facto*. ex constitutione scilicet Seueri & Antonini, hos intelligit Papinianus hoc loco, cum nominat optimos maximos Principes suos, ut in *l. 8. in princ. §. ult. ff. de vacat. muner.* quorum & ipse Papinianus consiliarius fuit.

Ad §. cum oriundus ex prouincia.

*Cum oriundus ex prouincia, Roma domicilium haberet, eiusdem curator decreto Præsidis ac Prætoris constitutus, rerum administrationem utriusque suscepit. Placuit eum duas curationes administrare non videri, quod videlicet vnius duo patrimonia non videntur.*

Certum est tria onera tutelarum vel curationum à quarta præbere excusationem, *l. 1. C. qui num. tut.* Vnde si quis vnus adolescentis curationem suscepit, qui bona possideat in Italia, vbi domicilium habet, & in prouincia quoque vnde originem traxit, & omnium bonorum administrationem suscepit, cum esset idem tam à prætore datus bonis Italicis, quam à præside prouincialibus, ut in *l. pupillo, de tut. & cur. datis.* Quæritur, an hanc curationem pro ratione diuersorum bonorum tutor scindere possit, ita ut eam computet pro duabus, quandoquidem, si partis bonorum administratione se excusasset, puta, prouincialium, ut potuit *l. 10. §. 2. & 3. & l. 19. hoc tit. l. 2. C. eod. l. etiam, de leg. 1. eo casu* adolescenti dati duo curatores fuissent, vnus Italicarum, alter prouincialium rerum. Hic igitur, qui vniuersi patrimonij administrationem suscepit, omniumque bonorum, sustinet onus duorum. Videtur ergo hæc curatio haberi posse pro duabus. Et tamen aliud Papiniani iudicium est, qui respondet hoc loco, eam curationem pro vno tantum onere haberi, non pro duobus; optimâ ratione, quia vnus hominis non intelliguntur esse duo patrimonia, ergo nec duæ curationes, quia curationes patrimonij dantur, vnus, inquam, hominis viui, sicut nec mortui duæ hereditates esse intelliguntur, nisi militis, in quo specialiter constitutiones quasi duorum hominum duas hereditates faciunt, castrensem & paganam: testamentariam, & legitimam, si pro parte tantum testatus sit, *l. si certarum, ff. de milit. testam.* Sicut in impubere adrogato, si moriatur, cui præmortuus adrogator substituerit in secundum casum, intelligitur habere duas hereditates, testamentariam, id est, substitutionem pupillarem in quarta Antoniana, quæ ei debetur ex bonis adrogatoris: legitimam, in cæteris bonis, prout Accursius ponit speciem in *l. si adrogator, de adopt. nec male, cum in l. sed si plures §. ad substitutos, ff. de vulg. substit. miles* comparetur impuberi adrogato.

Sequitur in hac lege: *Qui privilegio subnixus est fratris curationem suscipere non cogitur.* Sententia huius versus hæc est: Immunitate & privilegio, quod quis habet, vti cum posse, etiam aduersus fratrem impubèrem, cui tutor datus est, quod & supra indicauit in *l. 28. §. 1.* Et Glossa ait, hoc loco, sic etiam in patre: Ego, sic non esse in patre, quia contra naturales stimulos facit, ut ait *l. 36. in fin. h. t. mag. tñv sēpēlū quonlū.* Impie igitur, qui se tentat excusare curatione vel tutela filij emancipati, veluti iure trium liberorum. In eo numero computato etiam ipso filio emancipato, cui tutor vel curator petitur, ut in specie *del. 36.* Nam, ut eleganter ibidem Græci notant, absurdum est, filium aduersus seipsum prodesse patri. *ἀπορροῦν τὸν υἱόν*, &c. Et rectissime sic eam *l. Græci* accipiunt, ut præmium, quod patri datur propter numerum liberorum, ei non denegetur, cum extero curator petitur: de Respons. Papin.

A negetur autem plane atque districte, cum filio curator petitur.

Ad §. vltimum.

*Patronus impuberi liberto quosdam ex libertis tutores aut curatores testamento dedit: quamuis eos idoneos esse constet, nihilominus iure publico poterunt excusari, ne decreto confirmantur.*

Sensus hic est: Si patronus libertum idoneum moribus & facultatibus colliberto heredi instituto, ut exigit *l. 4. sup. de confir. tut.* tutorem dederit testamento vel curatorem, qui licet iure datus non sit, cum datus sit ei, quem in potestate non habet, tamen decreto confirmari potest, *l. 28. §. ult. sup. de testam. tut.* Ne tamen decreto confirmetur, non prohiberi eum, se iure publico excusare à tutela colliberti, cui tutor à patrono datus est, veluti iure trium liberorum, aut iure trium tutelarum, quia ei soli liberto non licet vti illo iusto titulo excusationis, qui tutor vel curator datus est liberis patroni ex oratione Diui Marci, *l. 14. hoc tit. l. 5. C. eod.* non qui datur collibertis. Et addit Papinianus, *ne decreto confirmantur*, quia possunt allegare excusationem, antequam confirmantur. Exequi autem eam non possunt, nisi post confirmationem: executio esset præposita, *l. Caius, l. Nescennius, hoc tit.* sequitur ex eod. lib. *l. 14. de cur. fur.*

Ad l. 14. de curat. furios.

*Virum uxori mente capta curatorem dari non oportet.*

Sententia vero legis *14.* hæc est, Ne maritus uxori mente captæ curator detur, nihil præterea. Cuius sententia ratio hæc est, Ne cohibeatur ratio reddendæ curationis sanitate uxori reddita. Hæc sententia ex oratione Marci & Commodi ac Senatusconsulto de inhibendis nuptiis desumpta est. Qua ratione etiam maritus non datur curator uxori minori viginti quinque annis, aut datus, nisi se excusauerit, remouetur, *l. 1. hoc tit. l. 4. C. eod. l. 2. C. qui dare tutor. poss.* Eademque ratione nec socer nurui curator datur, *l. licet, C. eod. tit.* vnde videmur hoc loco iungere posse, quod ex eodem Papiniani libro refertur in *l. si quis tutor §. quid ergo, ff. de ritu nupt.* Nam eadem oratione & Senatusconsulto, de quo illò loco agitur, & ratione eadem, tutor prohibetur sibi vel filio suo coniungere eam, quæ pupilla sua fuit, ne cohibeatur ratio reddendæ tutela, *l. pen. §. sed videamus, eod. tit.* Sed videamus, an ad prohibitionem nuptiarum cum pupilla contrahendarum pertineat tutor, qui cum se excusare vellet iusta ex causa, quærendarum probationum causa distulit negotium, traxitque causam excusationis si interim pupilla adoleuit. Cuius quæstionis definiendæ causa ante omnia videndum est, an post pubertatem finitamque tutelam excusatio eius recipi possit. Nam si possit recipi & recipiatur, impune ducet pupillam uxorem, cui nullo modo est obligatus: si non possit recipi, non impune, non licite eam ducet uxorem, quia præteriti temporis periculum ad eum spectat & rationibus reddendis pupillæ obnoxius est; ratione exacti temporis, quo cessauit & moram traxit. Et ita hoc ipso lib. Papinianum respondisse Vlpianus refert in *d. l. si quis tutor.* Sed eius responsum improbat. Si negotium excusationis, non dolo malo, sed ex necessitate delatum fuerit, cum in promptu probationes non essent, iniquum est, propter hanc dilationem iustam non excusari eum post pubertatem pupillæ, vel nuptias impediri excusatione recepta.



Huic loco iungamus etiam alios, quibus Papiniani auctoritas in testimonium vocatur ex eod. libro, qui omnes sunt de tutelis: deinde à tutelis transeamus ad hereditates, ac primum iungamus l. 5. §. Papinianus ff. de administr. tut.

Ad §. Papinianus l. 5. de administr. tutor.

*Papinianus libro 5. Responsorum ita scribit: pater tutelam filiorum consilio matris geri mandauit, & eo nomine tutores liberauit: non idcirco minus officium tutorum integrum erit, sed viris bonis conueniet, salubre consilium matris admittere: tametsi neque liberatio tutoris, neque voluntas patris aut intercessio matris, tutoris officium infringat.*

**I**N hoc §. proponitur: patrem mandasse in testamento filiorum suorum tutelam geri consilio matris, & si quid ex consilio matris tutor fecisset, eo nomine eum liberari, nec obligari voluisse. Tale mandatum patris recte Papin. censuit non infringere aut deintegrare officium tutoris, quo minus gnaue & diligenter tutelam gerat, etiam sine consilio matris, aut non sequuto consilio matris, si videatur non esse ex re pupilli. Nam & in aliis ple- risque §§. eadem lex docet, patris voluntatem non esse se- quendam, vt si tutores datos iusserit esse ἀνεκλογιστός, id est, non obnoxios reddendis rationibus: vel si prohibuerit vendi res tempore perituras, bono tamen viro conueni- re salubre consilium matris admittere. Et alia est ratio l. Titium in princip. eod. tit. in qua non consilio fratris tan- tum, qui contutor erat, sed etiam opera, pater rem pupilli administrari voluit. Ideoque alteri sine altero alter recte nō soluit, quia non vni mandata est administratio ex sen- tentia tantum & consilio alterius, sed vtrique, ita vt in ea patru consilium præpolleret, qui & ipse tutor est. Est & alius elegantissimus locus in l. pen. §. quanquam, infra de reb. eor. qui sub tut.

Ad §. 1. l. 13. de rebus eor. qui sub tut.

*Quanquam autem neque distrabere, neque obligare tutor pupillare prædium possit: attamen Papinianus libro quinto re- sponsum ait, tutorem pupilli sine decreto Prætoris, non iure distrabere. si tamen, inquit, errore lapsus vendiderit, & præ- tium acceptum creditoribus paternis pueri soluerit: quandoque domino prædium cum fructibus vindicanti, doli non inutiliter opponitur exceptio, pretium ac medij temporis usuras, quæ cre- ditoribus debentur, non offerenti, si ex ceteris eius facultatibus eas alienum solui non poterit. Ego autem notauit: Et si solui po- tuerit, si tamen ille res saluæ erunt, ex quarum pretio eri alie- no satisfieri potuit, dicendum est, adhuc doli exceptionem ob- stare, si lucrum capiet pupillus ex damno alieno.*

**C**ertum est tutorem illicite vendere prædium pupil- lare sine decreto prætoris vel præsidis: Et si vendi- derit, venditionem ipso iure nullam esse, & quandoque pupillo competere vindicationem prædij non iure di- stracti & fructuum exstantium, & conditionem con- sumptorum, si quis mala fide emerit, l. 2. C. si quis ign. rem min. l. si prædium, C. de præd. min. At finge, errore iuris lap- sum tutorem, prædium pupillare vendidisse sine decre- to, & pretio liberaffe creditores paternos pupilli, quibus pecuniæ debebantur cum usuris. hoc casu responderet Pa- pinianus, quandoque prædium cum fructibus pupillo vindicanti obflare exceptionem doli mali, nisi pretium offerat, & usuras medij temporis, quæ creditoribus de- berentur, nisi pecunia eius dimissi & liberati fuissent, ma- xime, si ex aliis pupilli bonis creditores liberari non po- tuerint, sed ex eo prædio tantum; atque ita remedio siue æquitate exceptionis conseruatur venditio, quæ erat

A ipso iure nulla, aut sane rescinditur in integrum restitu- tis omnibus. Æquissimum responsum Papiniani, & ab Imperatoribus etiam nominatiū comprobatum in l. vte- re, C. de præd. min. imo & ampliatum à Paulo in d. §. quan- quam, vt ei locus sit, etiam si ex aliis pupilli bonis credi- tores liberari potuerint, ne pupillus lucrum capiet ex damno emptoris: quod plerunque faceret, si prædium vindicaret non reddito pretio, quod in rem eius versum est, nec reddito interfusorio. Adde, etiam sumptus melio- rati prædij ab emptore, emptori esse offerendos ex l. si prædium, C. de præd. min. offerendas esse meliorationes, quas Græci ἐμπευτέωσις vocant, non ἐμπευήματα, quo verbo labor significatur, non melioratio: nam in l. 3. C. de iure emphyt. Iustinianus meliorationes vocat detorta voce B Latina quasi imbonationes, vt in l. ult. C. de nouat. ἀνολα- τέωσις, vel vt alij ἀνευτέωσις, quod est non facta nouatio- ne, vel dixit ἐμπευήματα, quia pronuntiatum π vt β, ἐμπε- υήματα.

Ad l. 17. de iniust. rupt,

*Filio præterito qui fuit in patris potestate, neque libertates competunt: neque legata præstantur: si præteritus à fratrib. par- tem hereditatis auocabit. Quod si bonis se patris abstinnit, li- cet subtilitas iuris refragari videtur, attamen voluntas testa- toris ex bono & æquo tuebimur.*

**E**st singulare hoc responsum, meo tamen iudicio, in id, cum vim eius & potestatem non bene percipiunt interpretes, inani sermone imprudentia vtuntur. sunt verbosi & prolixi more suo, vt solent in re facili esse multi, in difficili muti, in angusta diffusi. Cuius rei ego sum optimus testis. In hoc autem responso non infumam, vt Ioannes Imola plusquam xxx. columnas, quas vocant maiores. Species legis hæc est: Pater, qui habebat tres fi- lios in potestate, testamento duos heredes instituit, ter- tium silentio præteriuic. Nullum est testamentum ipso iure, quia summum vitium testamenti est præteritio filii- famul. l. inter cetera, sup. tit. præx. Et nullum quidem est to- tum testamentum, vt neque institutio heredum valeat, neque libertates competant, neque legata præstentur, quod hoc loco sic ait Papin. vt in l. qui fundum, §. si tu ex parte, infra ad l. Falcid. in alia specie libertates compete- re & legata præstari. & in l. cum mater, sup. de inoffic. te- stam. illo loco, vt libertates & legata præstentur, subintelli- gitur verbum, competant, vt libertates competant: nec enim directæ libertates præstantur ab herede, sed dantur à testatore, l. pen. inf. de fideicom. lib. Legata autem quam- uis & ipsa relinquuntur verbis directis, & sint omnia di- recta, ab herede præstantur. Et ratio hæc est, quia ab he- rede præstanda sunt propter rationem Falcidiam, quæ in- teruenire potest in legatis, quæ causa est dandi heredi in- terdicti quod legatorum aduersus legatarium, qui lega- tum non ex voluntate heredis occupauit. In libertatibus autem non potest interuenire Falcidia, l. Papin. §. quarta, de inoff. testam. Sed ad rem. Filio præterito, qui fuit in po- testate patris, nihil ex iis, quæ testamento scripta sunt, va- let: nec exceptis quibusdam personis legata præstantur, l. is qui in potestate est, inf. de leg. præst. Ait, qui fuit in patris potestate: Nam filio emancipato præterito iure ciuili testamentum valet, sed rescinditur iure prætorio per bo- norum possessionem contra tabulas, non tamen, vt & omnia, quæ in eo testamento scripta sunt, infirmantur: nam & exceptis personis in ti. de lega. præst. puta, li- beris, parentibus, vxori, nurui legata præstantur. Item- que portiones hereditatis, & substitutio pupillaris in eo testamento scripta valet, & legata à substituto relicta, non exceptis tantum personis, sed omnibus præstantur, l. ex duobus §. ult. ff. de vulg. substit. Et ratio differentia hæc est: Quia ius ciuile, quo subnixus est filiusfamul.



præteritus, durum est & asperum, quia nihil omnino conferuat eorum, quæ in testamento scripta sunt: ius prætorium, quo solo nritur filius emancipatus præteritus, benignius est, & ideo nec evertit omnia, sed conferuat, quæ conferuari bonum & æquum est. In iure prætorio æquitas dominatur: in iure ciuili, summum ius. Quod autem diximus quodque proponit Papinian, initio huius legis, filiofamil. præterito totum patris testamentum nullum esse; sane prorsus ita est, si filius præteritus suo iure utatur, si, ut ait in proposita specie, partem hereditatis tanquam ab intestato à fratribus heredibus institutis auocet. Quod utique faciet agendo petitione hereditatis pro sua parte, si fratres ei faciant controuersiam hereditatis, in quo iudicio iudex ei partem hereditatis pro indiuiso restitui iubet, *l. 7. sup. si pars heredit. pet.* vel si fratres ei non faciant controuersiam hereditatis, agendo familiæ eriscundæ, quo iudicio partem pro diuiso consequetur, *l. 1. §. etsi possessor, eod.* Denique petitione hereditatis præteritus filiusfamil. auocat partem pro indiuiso, actione familiæ eriscundæ partem pro diuiso, quod nostri non tradiderunt, nec perceperunt. Ponit Papinian, duos fratres fuisse heredes institutos: nam si extranei instituti fuissent, eis filius præteritus auocaret assem, id est, totam hereditatem, quasi ipso iure testamento nullo. Si fratribus institutis, & multo magis extraneis institutis. Quod si fratribus institutis heredibus, filius præteritus suo iure non utatur, id est, si abstineat se bonis patris, etiam ipso iure nullum est testamentum secundum regulam Catonianam, sed, ut subiicit, ex æquo & bono tuebitur. In cuius verbi etiam vsu mirum est quam laborem. Ex bono & æquo tuebitur voluntas patris, *la volonté du pere sera gardée.* Recte, voluntas patris, non testamentum: nam ex æquo & bono sustinetur voluntas patris, non tanquam testamentum iustum & solemne, & quidem ex æquo & bono sustinebitur voluntas patris iure ciuili. Quidni? nam, quod notandum, iure prætorio non est dubium, heredibus scriptis, etiam si testamento filius præteritus sit, modo testamentum sit obsignatum septem testium signis, quæ signa veniunt ex iure prætorio, dari bonorum possessionem secundum tabulas, quæ bonorum possessio erit cum re & cum effectu, ut Vlpianus scribit *lib. regul. tit. 23. & 28.* Erit, inquam, cum re, si non sit alius, qui iure ciuili heredibus scriptis hereditatem euincat, puta, si filius præteritus taceat, at iure ciuili, ex æquo & bono non tuebitur voluntas defuncti, si taceat filius præteritus tantum, sed si, ut est in hac lege, palam profiteatur bonis se patris abstinere. Et ratio est differentiæ, quia ut ante dixi, ius ciuile asperius est iure prætorio. & ita ex irritis vel nullis codicillis libertas seruis non debetur, aut competit, si heredes simpliciter eos morari sinat in libertate, sed ita demum, si nominatim codicillos ratos habeat, vel actu aliquo ut in *l. 5. ff. rem ratam hab.* demonstret se codicillos ratos habere, puta, aliquid præstando ex eis, *l. cum quasi §. ult. ff. de fideicom. lib.* At hic quæritur, an etiam extraneis heredibus institutis, si filius præteritus bonis se abstinere, ex æquo & bono tuenda sit voluntas testatoris? Equidem puto non abs re, imo consulta opera posuisse Papinian, speciem in fratribus, non in extraneis heredibus institutis. Inter fratres tuitionem voluntatis paternæ benigne admisisse, ut in *l. nonnunquam, ff. de collat. bonor.* Quod bonis paternis disputatur inter fratres, dicitur benigniore sententiam esse sequendam; extraneis igitur heredibus institutis, non admittemus eandem benignitatem, & summo iure ciuili cum eis agemus, quo ipso iure nullum est testamentum, etiam filio præterito se abstinente bonis, & veluti ab intestato inferioris gradus cognato dabimus beneficium edicti successorij, repulsis heredibus scriptis, etiam si bonorum possessionem secundum tabulas acceperint, quia eam inferioris gradus cognatus constituet sine re.

Item quæritur, quod lex ait, de filio præterito, ut si se

Respons. Papin.

A abstineat voluntatem patris tueamur, an locum etiam habeat in postumo præterito? Et dico locum habere multo magis, quia postumo præterito ab initio testamentum valet, *l. 3. §. ex iis, hoc tit.* Facilius ergo conualefcet, si deinceps ruptum sit agnatione postumi, videlicet postumo abstinente se.

Item quæritur, an hæc lex sit abrogata, quatenus dicit, filio præterito nec libertates competere, nec legata præstari, quasi ex Nouella. 115. cuius sententiam Irnerius appinxit in extremo tit. *C. de lib. prat.* quasi scilicet ex ea Nouella sola institutio sit nulla filio præterito à patre, cætera omnia valeant. Et non pœnitet me in ea opinione permanere, in qua fui semper, & fuit Petrus & Azo, & Alciatus, & Accursius etiam ipse, non hoc quidem loco, sed in suprad. Nou. 115. ut existimem eam Nouellam tantum pertinere ad causam exheredationis, & ad præteritionem, quæ pro exheredatione habetur, non ad eam præteritionem, de qua agitur in hac lege, quæ pro exheredatione non habetur. Et rursus eam Nouellam pertinere ad querelam inofficiosi testamenti tantum, quæ exheredatis competit, vel præteritis, qui pro exheredatis habentur, non ad querelam iniusti testamenti, quæ competit filiofamil. præterito, non ad querelam rupti testamenti agnatione postumi, non ad bonorum possessionem contra tabulas, quæ filio emancipato præterito competit. Semper enim Nouellæ constitutiones restrictius accipiendæ sunt, nec iurisprudenti cōuenit ex vno verbo præteritionis, non per se posito, sed adiuncto exheredationi, ut in *d. Nouel. 115.* tanquam ex vno fragmine fortuiti ligni statim arietem vel testudinem ædificare velle, qua oppugnetur vel expugnetur maxima pars Digestorum, nō vno verbo, ut ait *l. si quando, C. de inoffic. testam.* totum ius testamentorum ciuile & prætorium, multis vigiliis excogitatum & inuentum, temere sublatum esse credere. Parentum alij sunt virilis sexus, per virilem sexum descendentes, ij silentio liberos exheredare non possunt, sed debent eos nominatim exheredare. Itaque silentium eorum, id est, præteritio pro exheredatione non habetur, ac proinde, quasi nō sit liberis satisfactum, qui vel instituendi sunt, vel exheredandi, totum testamentum nullum est etiam hodie. Alij sunt parentes fœminini sexus, vel per fœmineum sexum descendentes, & ij liberos silentio exheredare possunt, id est, horum præteritio pro exheredatione habetur, *§. ult. Instit. de exhered. lib.* Nec iniustum aut nullum testamentum ea præteritio facit, cum pro exheredatione sit: sed in eorum arbitrio est, si velint instituere querelam inofficiosi testamenti, *l. non putamus, in pr. de bonor. poss. cont. tab.* videlicet, si ea exheredatione tacita, ommissa fuerit causa silentij, siue exheredationis, quod dicitur elogium, vel si, quæ expressa est, probata ab herede non fuerit, vel si adscripta ea non fuerit causa ex numero earum, quem certum constituit suprad. Nouel. Denique ex ea Nouellâ per querelam inofficiosi testamenti solam institutionem rescindi, cætera confirmari & conferuari, legata, fideicommissa omnia, libertates, tutelas, adsignationes libertorum. An etiam consistit substitutio pupillaris, quæ plerumque non consistit, si non consistat institutio? An igitur etiam substitutio pupillaris conferuatur? sic videtur, ad exemplum eius æquitas, quam sequitur Prætor, data bonorum possessione contra tabulas emancipato præterito, & ad exemplum eius, quod definitur in *l. 2. §. quisquis, de vulg. substit.* videlicet, ut etiam rescissa institutione pupillaris substitutio seruetur. Nouellâ constitutionis ius est generale in querela inofficiosi testamenti, cui olim tantum fuit locus ex Adriani decreto quodam, non admodum probato à Iuriscōsultis vno speciali casu, quum marer per errorem de morte filij ex castris accepro falso nuntio filiū præterisset, *l. cum marer, ff. de inoff. testam.* Aliis omnib. casibus ante Nou. querela inofficiosi testamenti tanquam maxime ciuilis totum testamentum infirmat. Extra rem autem est, quod quærunt iidem homi-



nes, an mortuo filio vel postumo præterito, viuo vel mortuo patre, patris voluntas tuenda sit? quoniam hæc quaestio non est eius loci, sed l. 7. & 8. *sup. tit. prox. & l. postumus, hoc tit.* Nec cum quaestione huius loci vllō modo, nisi velis stultus videri, tibi permiscenda: quoniam non vtriusque quaestionis eadem definitio est, vt nec liceat, quod in vna definitum est, ex eo argumentari ad aliam, quod tamen hic perpetravit Accursius; & non est dubium, quin etiam ceteri. Illud quoque quaerunt extrarem, an testamentum manifesti feneratoris quod ex cap. 2. *de usuris*, in 6. ipso iure nullum sit, si exactum fœnus non reddiderit, an conualescat, si post factum testamentum reddiderit: ad quam tamen quaestionem Iurisperiti respondere debent ex regula Catoniana, non conualescere, nulla lege aut æquitatis ratione scripta, ab ea nos regula deterrente; & tamen Ioanni Andreae aliud iudicium est.

Ad l. 22. de leg. præst.

*Bonorum possessione contra tabulas testamenti præterito emancipato filio data, scriptus heres alter filius, qui possessionem accipit, vel iure civili contentus non accipit, legata præcipua non habebit.*

**L**Egis 22. species hæc est. Pater, qui habebat duos filios, vnum in potestate, alterum emancipatum, eum quem habuit in potestate, ex parte heredem scripsit, eundemque filio prædā quædam prælegauit, emancipatum vero præterit; Papin. ait in arbitrio esse filij heredis instituti ex parte, emancipato petente bonorum possessionem contra tabulas; vtrum velit quasi commissio & aperto edicto per fratrem emancipatum, simul cum eo eandem possessionem contra tab. accipere, perinde ac si institutus non esset, hac via ei patefacta per fratrem emancipatum, an vero omiſsa bonorum possessione contra tabulas, iure civili, veluti ab intestato se bonis immiscere paternis, & quæ erat quaestio, ait, siue hanc, siue illam, viam elegerit filius heres institutus, eum non habiturum prælegata præcipua. Et ratio hæc est: quia tamen ex edicto in hoc titulo proposito filio emancipato præterito data bonorum possessione contra tabulas, legata filiis conferuentur, non tamen conferuantur iis filiis, eive filio, qui commissio edicto de bonorum possessione contra tabul. simul cum fratre emancipato præterito bonorum possessionem contra tabulas accipit, vt l. 5. §. *omnibus, hoc tit.* quia omisit causam testamenti, in quo prælegata sunt relicta, & impugnauit testamentum simul cum fratre petita bonorum possessione contra tab. Eademque ratione, si filius heres institutus non acceperit bonor. possessionem contra tab. sed contentus fuerit iure civili, quo, relicto testamento per bonorum possessionem contra tab. datam fratri emancipato præterito, pro suo iure, pro sua parte patri heres extitit, & hoc quoque casu prælegata præcipua non habet, quia & hic omisit causam testamenti, in quo sunt relicta, & elegit causam intestati. Et ita omnino hæc l. accipienda est, nec ei quicquam obstat l. *virilis* §. *si quis ex liberis, hoc tit.* in quo ait, *Aliquo ex liberis vel parentib. herede instituto ex parte, & prælegato ei relicto: filio autem emancipato præterito, illi filio vel parenti, cui portio hereditatis & prælegatum relictum est, conseruari tam portionem hereditatis, quam prælegatum.* Ad finem scilicet modumque virilis portionis, ne plus ferat quam filius emancipatus præteritus, quoniam, vt respondemus, in eo §. agitur de eo, qui venit ex causa testamenti, qui ex iudicio testatoris amplectitur portionem hereditatis & prælegati. In hac autem lege agitur de eo, qui omiſsa causa testamenti vel ab intestato venit iure civili, id est, iure legitimo, vel iure prætorio, accepta bonorum possessione contra tab. Ideoque nihil omnino iure testamenti, quod repudiavit, præcipuum habere potest: nec enim est sup-

**A**plendum cum Accursio, eum legata præcipua non habere vltra virilem portionem, quia ne minimum quidem ex iure præcipere potest, quod omisit: ne minimum quidem ei præcipere licet, quia omittit causam testamenti, & sequitur causam intestati.

Ad l. 9. de collat. bonorum.

*Filius emancipatus intestati patris bonorum possessionem accepit: nepos ex eodem in familia retentis, semissem hereditatis cum emolumento collationis habebit. Idem nepos si postea possessione intestati patris accipiat, fratri post emancipationem patris quaſito, & in familia retento bona sua conferre cogetur.*

**Q**uidam habebat filium emancipatum, & nepotem ex eo in potestate sua, in familia sua. mortuus est intestatus. morte eius nepos factus est sui iuris, quia non potest recidere in potestatem emancipati, §. 1. *Instit. quib. mod. ius pat. pot. sol.* Certum autem est mortuo auctore, vt posuimus, in successione eius, neque præferri filium emancipatum nepoti, qui auctoris suus heres est, neque nepotem, quamuis sit auctoris suus heres, præferri filio emancipato, id est, patri suo, sed vtrique simul dari bonorum possessionem, vnde liberi, ex edicto nouo de coniung. cum emancip. lib. l. 1. §. *quis ex iis, ff. si tab. testam. nulla ex tab.* Cuius quidem edicti auctor fuit Iulianus Iurisperit. l. *qui duos, inf. de coniung. cum emanc. lib.* Namque Iulianus auctoritate Adriani & Senatus, prætoris edictum perpetuum redegit in ordinem atque composuit, l. *pen. C. de cond. ind. l. 2. §. si quid igitur, C. de vet. iur. enucl.* quod præter Eutropium etiam Aurelius Victor scripsit, is scilicet, qui nondum editus est longe diuersus ab edito, & sunt eius verba hæc: *Iulianus, inquit, iuris urbani præstans scientia, quippe primus edictum, quod varie inconditeque à prætoribus proferebatur, in ordinem composuit.* In eo autem componendo adiecit, quæ voluit ex auctoritate Principis eiusdem & Senatus, vt Digestis Tribonianus aspersit, quæ voluit ex auctoritate Iustiniani, & inter cætera Iulianus adiecit edictum illud notum de coniungendis cum emancipato liberis. Igitur in specie proposta per bonorum possessionem vnde liberi, pater & filius bona communis parentis inter se partiuntur ex æquo, & non tantum communis parentis bona, sed etiam patris emancipati bona propria, quæ habuit pater moriente parente communi, neque enim aliter filius emancipatus cum nepote ex eo retento in potestate aui, cui soli iure civili debetur tota hereditas aui, sed iure prætorio filius emancipatus non aliter cum nepote filio suo, qui auctoris suus heres est, succedit, quam si bona propria in commune redigat atque conferat, *il faut qu'il rapporte.* denique nepos ex eo semissem hereditatis auitæ habebit cum commodò collationis bonorum paternorum: hoc est, semissem bonorum aui defuncti, & semissem bonorum viuentis patris. Nunc finge, ex eodem filio emancipato non tantum illum nepotem esse, quem auus retinuit in familia, sed etiam aliū nepotem, quem filius quaſiuit post emancipationem, & in sua familia habuit, & filium hunc mori intestatum, vtrumque vero nepotem eius tanquam patris sui accipere bonorum possessionem vnde liberi, quaeritur an is, qui fuit in potestate aui, & nunquam fuit in potestate patris sui, debeat alteri qui fuit in potestate patris sui bona propria conferre? & respondet, debere, quia hoc est consequens & necessarium, vt frater, qui sui iuris est, etiam si non emancipatione, sed morte aui sui iuris effectus sit, nec vnquam fuerit in potestate patris sui, bona tamen propria conferat fratri retento in patris potestate, si cum eo velit concurrere in successione patris. Consequens esse ait l. 1. in pr. necessarium, l. 2. in pr. h. t.



## Ad l. 5. de collat. dotis.

*Filius emancipatus qui possessionem contra tabulas accipere potuit, intestati patris possessionem accepit, atque ita filia, quæ mansit in potestate, cum eiusdem familia fratre heres instituta, possessionem intestati patris errorem fratris emancipati secuta, accepit: dotem scripto fratri conferre non cogetur: cum ea possessio frustra petita sit, & filia fratris voluntatem finis virilis partis reuincat: id est: ut omnes trientes habeant, & bonorum possessio unde liberi fingatur pro contra tabulas esse petita.*

**S**ciendum est: filiam soluto matrimonio dotem profectitiam conferre fratribus emancipatis vel suis, cum quib. accipit patris bonorum possessionem contra tab. vel vnde liberi, l. 4. C. de collat. Quod est verum indistincte, siue sit sua heres patri, siue emancipata & extranea heres. semper debet filia fratribus suis dotem profectitiam conferre, si cum eis velit venire ad bona patris per bonorum possessionem vnde liberi, vel per bonorum possessionem contra tab. Excipitur tantum vnus casus, si heres instituta sit, & commissio edicto beneficio præteriti fratris acceperit cum eo, ut potuit, bon. poss. contra tab. & minus aut certe non plus tulerit ex bonorum poss. contra tab. quam habebat ex testamento patris; hoc casu non confert dotem fratri, quia cum ex iudicio, vel ex testamento patris plusquam virilem portionem non habeat, nullo incommodo, nulla iniuria fratrem adficit, & causa postulandæ collationis est iniuria & incommodum, quo quis afficit fratrem, l. 1. §. pater, & §. seq. l. si filius, sup. de collat. bonor. l. 3. hoc tit. Hoc cognito finge: qui habebat duos filios, vnum emancipatum, alterum in potestate, & vnam filiam æque in potestate, pro filia dotem dedit, deinde testamento filiam & filium retentum in potestate, heredes instituit ex æquis partibus, alterum filium emancipatum præterit; Hic errore lapsus, cum putaret patrem intestatum decessisse, veluti ab intestato accepit bonorum possessionem vnde liberi, cum debuisset accipere quasi testamento præteritis bonorum possessionem contra tabulas. Alter quoque frater & filia, qui testamento heres instituti erant, acceperunt bonorum possessionem vnde liberi, errorem secuti fratris emancipati, ut alij ab alijs sæpe impellimur in eundem errorem; inde quæritur in hac lege, an filia fratribus dotem conferre debeat? Quod videtur, quia simul cum eis accepit bonorum possessionem vnde liberi ab intestato, nec venit ex testamento patris. Verum ne error ei noceat & petitio agnitioque bonorum possessionis vnde liberi, quæ etiam inutilis est, Papin. ait, eam perinde haberi, atque si commissio edicto per fratrem emancipatum præteritum, cum eo accepisset bonorum possessionem contra tabulas. Ergo dotem non conferre debet, quia heres instituta est, l. 3. hoc tit. & non plus, imo minus ex bonorum possessione contra tabulas, quam ex institutione consequitur. Nam ex institutione habet semissem, ex possessione bonorum, trientem tantum, id est, virilem portionem, quia cum sint tres fratres, bonorum paternorum faciendi sunt tres trientes, ut singuli habeant trientem. Et hoc est quod ait, *filiam voluntatem patris*, ut legendum est, *non fratris, habentem, retinere finis virilis partis*, id est, ad finem trientis, non ad finem semis, ex quo heres instituta erat. In consuetudine Papiniano est sic loqui, finis virilis partis, ut finis peculij, l. debitor, de compensat. finis legitimæ vsuræ, l. 1. §. pacto, de pign. finis quadrantis, l. 15 §. cum fideicommissum, ad leg. Falcid. ut M. Cato de re rustica, cum agit de oleis, oleribus, & reliquis seminibus ferendis; *Operito terra radicem finis.*

## Ad §. filia.

*Filia quæ soluto matrimonio dotem conferre debuit, moram collationi fecit. Viri boni arbitratu cogentur vsuras quoque dotis conferre, cum emancipatus frater etiam fructus conferat, & filia partis suæ fructus percipiat.*

**I**N fine huius legis ostenditur, filiam, quæ post solum matrimonium moram facit in dote conferenda fratribus, quibuscum succedit patri, petita bonorum possessione contra tabulas, vel vnde liberi, ex tempore moræ vsuras quoque dotis debere conferre viri boni arbitratu, qui locus est singularis. Et ait Papinianus, eam ex tempore moræ vsuras dotis conferre viri boni arbitratu, respiciens ad edictum, quod prætori iubet collationem fieri viri boni arbitratu, l. 2. §. de illis, l. si quis filium §. ult. sup. tit. prox. Equissimum autem est & congruentissimum viri boni arbitrio, eam conferre vsuras dotis ex mora, cum & partis suæ, in quam succedit patri, fructus percipiat. Eademque ratione filius emancipatus bona propria confert cum fructibus ex tempore moræ, quia & partis suæ fructum percipit. fructum percipiendorum ratio exigit, ut & vicissim præstentur vsuræ, vel fructus rerum, quæ conferendæ erant, ut in l. curabit, C. de act. emp. l. Iulianus §. ex vendito, sup. eod. tit.

## Ad l. 41. de oper. libert.

**L**iberatus qui operarum obligatione dimissus est, atque ita liberam testamenti factionem adsequutus est, nihilominus obsequi verecundia tenetur. Alimentorum diuersa causa est: cum inopia patroni per inuidiam libertum conuenit.

**L**ibertus qui libertatis causa operas patrono iurauit, vel promisit, operarum obligatione dimittitur, soluitur, liberatur, si eas redemerit à patrono stipulante quotannis promisso pretio, vel mercede certa pro operis, ex qua stipulatione proculdubio patrono pretij siue mercedis operarum petitio competit. Verum ob eam rem quod pecuniam officio cariorem habuerit, ex l. Ælia Sentia patronus amittit ius patronatus, quod habuit in bonis liberti ex 12. tabul. vel ex leg. Iulia & Papia, vel ex edicto prætoris, & libertus nanciscitur liberam testamenti factionem, l. 4. & 6. C. eod. tit. l. ult. ff. qui & à quib. man. lib. non fit. l. Iulianus, tit. seq. & in Constitutione Græca Iustiniani de iure patron. quæ est l. 4. C. de bon. libert. Ideoq; libertus in testamento patroni impune præterire potest, etiam extraneis heredibus scriptis, quia nactus est liberam testamenti factionem. Patronus ius patronatus amittit vitio suo, quod pretium operarum prætulit officio, id est, officialibus operis, non tamen amittit patronus ex hac causa etiam obsequi pietatis, honoris, reuerentiæ, quæ ei libertus debet iure naturali, sed nihilominus, ut eleganter ait Papin. hoc loco, debet libertus obsequi verecundiæ, id est, verecundiæ patronali, ut est in l. si patronus, inf. de donat. Ab obsequiis autem Papinianus hoc loco separat alimentorum præstationem, ut in l. si quis à liberis §. vtrum, ff. de lib. agnos. Quoniam subiicit Papin. aliam esse causam alimentorum: neque enim patronus, si lapsus facultatibus se alere non possit, alendus est à liberto, quem obligatum habet in pretium vel mercedem annuam operarum, d. l. si quis à liberis §. si quis à liberis, vbi eleganter hunc libertum, qui redimit operas à patrono, & se eo nomine patrono obligauit ait, Marcellum exequare ei, qui suis pecuniis, suis nummis redemptus est. vtrumque habere liberam testamenti factionem, & non audiri patronum, siue ab hoc, siue ab illo se ali desideret. Et hoc est quod ait Papinianus hoc loco, *Diuersam esse causam alimentorum*, diuersam scil. ab obsequiis: nam



obsequia is libertus debet, non alimenta patrono, *quam*, A inquit, *inopia patroni per invidiam libertum conuenit*, id est, cum liberto inops patronus, dum queritur se ab eo non ali, apud omnes invidiam cumulat & facit; neque enim ideo magis inuitus ei is libertus alimenta præstabit. Nam sufficere videtur patrono ad alimenta pretium, siue merces operarum, cui præstandæ libertus patrono obligatus est. Et hæc est perspicua & vera interpretatio huius legis, cui nihil refragari inde apparet, imo omnino cum ea consentire d. §. *si quis à liberti*: cui item nihil refragari l. 1. *C. de tit. ad eam* adhibita congrua interpretatio & sana monstrabit aperte. ait d. l. 1. Solere conueniri inter libertum & patronum, vt pro operis aliquid præstetur. Pro operis præteritis scilicet, vt Azo recte, & iam debitis. Et *aliquid*, veluti rem aliquam aut æstimationem: nam aliud pro alio volenti creditori soluitur recte, l. *si quis aliam*, ff. de solut. Pretium autem operarum debitum siue præteritarum, quas indixit patronus, necdum præstitit libertus, pretium, inquam, earum operarum de quo non conuenit, ait eadem l. quasi ex venditione ab inuito liberto parato præstare operas, quas debet, peti non posse; quia debitor aliud pro alio non soluit inuitus, nisi scilicet vno casu extra ordinem ad alendum patronum, si pecunia indigeat qua tueatur se toleretque vitam suam: non loquitur ea lex de pretio omnium operarum etiam præteritarum & futurarum, de quo conuenit inter patronum & libertum venditis operis, quod constat peti posse, l. 4. *C. de tit. Ceterum* ob eam rem patronum amittere ius patronatus, & ius petendorum alimentorum, defectis aut euerfis suis facultatibus. Præterea obseruandum est in hac lege Papinianum loqui de eo liberto, qui operarum obligatione dimissus est: maluit dicere *dimissus* quam *liberatus*, maluit vt speciali quam generali nomine. Nam & stulta est glossa, quæ *dimissus* interpretatur *manumissus*, & in reliquis etiam omnibus suis similis, præterquam in eo, quod timide vno loco adserit, & ante probaui Papinianum ab obsequiis separare præstationem alimentorum. dimittitur libertus obligatione operarum à patrono, in vicem operarum stipulante pretium vel mercedem annuam pro operis; liberatur eadem obligatione aliis plerisque modis, nec tamen, vt cum dimissus est ab ipso patrono, adsequitur liberam testamenti factionem, vt si libertæ nuptiis consenserit patronus, liberta operarum obligatione liberatur, non iure patronatus, l. *sicut hoc tit. l. 11. C. de tit. Idemque* est si libertus beneficio liberorum liberetur operarum obligatione. Nam ex l. *Iulia* libertus, qui duos filios in potestate habuit, *natos, natasve*, sic lego in ipsa l. *Iulia in l. qui libertinus, h. tit. de qua in l. 6. C. de tit. à se natos, natasve*, quia adoptiui liberi non prosunt ad absolutionem operarum; vel etiam eadem obligatione ex eadem lege *Iulia* liberetur libertus, qui vnicum filium quinquennem habet; nec tamen vsquam dicitur liberis sublati habere liberam testamenti factionem, quos postea forte amiserit, cum tamen etiam amissi ex lege *Iulia* ei prosint ad soluendam obligationem operarum. Et in liberto, qui quinquennio maiorem filium habet, id etiam esse singulare Titus Liuius scribit libro 45. ne in quatuor tribus urbanas censeatur & describatur, sed in rusticas, quæ honoratiores erant, propter ius suffragiorum & honorum & stipendiorum, & quod in eas essent descripti nobiles & ingenui homines. verba Liuij hæc sunt: *In quatuor urbanas tribus libertini erant descripti, præter eos quibus filius quinquennio maior esset.*

Item operarum obligatione liberatur liberta, si ad eam dignitatem perueniat, vt inconueniens sit & indecens eam patrono præstare operas, vt puta, si Augusta eam adsciuerit propter ingenij elegantiam aut texendi peritiam, vel aliam industriam, vel egregiam formam, l. *interdum, hoc tit. quo* argumento

Frederico Duce Sueuorum, qui feudi nomine fidem alij domino debuit, facto Imperatore, cum quæreretur, an ea fide per dignitatem Imperij Fridericus solutus esset, quod videretur indignum, fidem eum exhibere alij domino, cui exhibent omnes, qua de re agitur in fragmentis feudorum ab Azone collectis & seruatis; posset dici, ipso iure per dignitatem & culmen Imperij eam feudi fidem intercidisse: at eadem aut simili ratione libertam solutam operarum obligatione nemo diceret, & patronum eius ius patronatus amisisse, eamque nactam liberam testamenti factionem. Non ergo omnis, qui quæve operarum obligatione liberatur, & liberam consequitur testamenti factionem, sed is tantum, qui ea liberatur pretio vel mercede à patrono redemptis operis, quæ est sententia huius legis.

#### Ad l. 25. qui & à quib. man.

*In fraudem creditorum testamento data libertates, prioribus creditoribus dimissis propter novos creditores irrita sunt.*

Certum est irritas esse libertates directas, quæ à debitor in testamento dantur in fraudem creditorum. At quid si debitor creditores, quos fraudare voluit, dimiserit & absoluerit, ac deinde alios creditores novos, quos fraudare noluit, quum in testamento libertates dedit, habere cœperit, & eodem testamento manente decesserit; an propter novos creditores libertates irritæ sunt? Videntur non esse irritæ, quia non horum posteriorum creditorum fraudandorum debitorum debitor consilium iniit, sed priorum, qui erant tempore testamenti, qui cum iam sint dimissi & adimpleri, nec iam fraudati sint, fraus omnis expuncta est, & abolita solutione, & in directis libertatibus testamento datis, non tantum euentus damni, sed etiam consilium fraudis exigitur, l. 1. *C. qui man. non poss.* Noui autem creditores, licet euentu fraudati sint, quum hereditas soluendo non est, tamen ex consilio & destinatione debitoris fraudati non sunt, itaque libertates ratæ sunt, & ita omnino est proditum in l. 15. *qua in fraud. cred.* Aliud tamen sensisse Papin. videtur in hac l. *Quamobrem* notam huic sententiæ Papiniani apposuit Paulus, non esse eam veram, si simpliciter accipiatur, nec esse veram, nisi priores creditores, qui fraudati erant pecunia posteriorum dimissi sint, quo casu posteriores succedunt in locum priorum, qui initio & consilio & euentu fraudati erant: & si succedunt in locum illorum, eodem ergo iure vtuntur quo illi fuissent vsi, si dimissi non fuissent. Et extat hæc Pauli nota in l. 16. *inf. qua in fraud. cred.* Et secundum eam notam ad hunc casum hæc lex coangustanda est, nec generaliter accipienda, eamque vero simile est fuisse Papiniani mentem, maxime cum & idem placuerit optimis maximis Imperatoribus suis, l. *ait prætor §. ita demum, inf. qua in fraud. credit.*

#### Ad l. 15. de muner. & honor.

*Es si filium pater decurionem esse voluit, tamen defuncto, honores, qui filio decurioni congruentes post mortem patris obtigerunt ad onus coheredis filij non pertinent, cum ei decurioni sufficientes facultates pater reliquerit.*

Certum est, patrem, cuius voluntate filius decurio factus est quasi fideiussorem pro filio Reip. obligari, si quid filius in Republica male gesserit, delato sibi honore aut munere aliquo publico, l. 2. l. 17. §. *filium sup. ad municip.* Et non tantum patrem Reipub. obligari, sed etiam heredes eius, l. 1. *C. de decurionib. lib. 10.* Quod vtique verum est, si iam obligatio cœperit à defuncto, vt si viuo patre honores, aut munera quædam publica congruentia decurioni, filio delata sint, in quib.



male versatus sit. Nam si quos honores post mortem patris, vel munera susceperit, quia eorum nomine nunquam fuit obligatus pater quoad vixit, nec eius heres, *l. Lucius §. idem respondit heres, sup. ad munic.* Et multo magis in specie *h. l. 15.* si pater moriatur relicto eodem filio herede, & ei extraneo coherede adiecto, atque ita relicto filio idoneo patrimonio idoneis facultatibus; deinde post mortem patris filio honores obtigerint, in quibus gerendis male versatus sit, eo quidem nomine ex sua persona ipse tenetur, coheres eius non tenetur, quia non est hereditaria obligatio.

Ad §. item qui Reip. Inst. de excus. tut.

**T**Res erant loci & omnes de tutelis in quibus auctores alij ex hoc libro sumpserunt auctoritates, sed iam à me supra explicati sunt. Addi tamen volo, quod est etiam de tutelis in §. *item qui Reip. Inst. de excus. tut.* eum, qui cœpta tutela abesse cœpit Reipub. causa, excusari ab administratione, quamdiu abest: tutorem tamen esse non desinere, ideoque nec tutorem, sed curatorem qui administret interim in locum eius dari, ut in locum ad tempus exfulare iussi, *l. tutor petitus 2 §. ult. sup. de excus. tut.* Reuersum autem tutelæ administrationem statim recipere, neque ab ea anni vacationem habere, quoniam, ut refertur eo loco Instit. Papinianus in hoc libr. 5. Respons. ait, annum vacationis, qui datur absentibus Reip. causa, postquam reuersi sunt, pertinere ad nouas tutelæ, nouaue munera ciuilia, non ad eas tutelæ, quas pridem cœperant, antequam peregre profiscicerentur Reip. causa, *l. 10. & pen. sup. de excus. tut.* pertinere annum, ut ait *l. 10. & pen. sup. de excus. tut.*



# IACOBI CUIACII

## IVRISCONSULTI

### COMMENTARIA

in Lib. VI. Responsorum  
Aemilij Papiniani.

Ad l. ult. ff. de iur. & fac. ignor.

*Verba legis hæc sunt: Impuberes sine tutore agentes nihil posse scire intelliguntur.*

**N**ihil posse scire Papinianus dissolute dempta conjunctione, respiciens ad solemnia verba cretionis, heres esto, cernitque in diebus centum proximis quibus scieris poterisque; apud Vlpianum lib. reg. tit. 22. & Marc. Tull. 1. de oratore, vel etiam respiciens ad edictum successorium, ex quo dies admittendæ bonorum possessionis ij tantum computantur quibus is cui delata est hereditas, sciuit potuitque bonorum possessionem admittere, *l. 2. ff. quis ord. in bon. poss. seru. l. 1. de bon. poss. fur.* Quod perinde est ac si diceret: dies cretionis, siue adeundæ hereditatis & admittendæ bonorum possessionis esse vtilis. Nam dies continui etiam nescienti cedunt, *l. genero, sup. de iis qui notant. infam.* vtilis cedunt ei tantum, qui sciuit & potuit. Porro alia est scientia iuris, alia scientia facti: vtram exigimus in eo, cui hereditas aut bonorum possessio delata est, iuris an facti, an vtriusque? Constat scientiam tantum facti exigi, ut dies adeundæ hereditatis, vel admittendæ bonorum possessionis cedant, puta, ut sciat eum, cuius hereditas vel bonorum possessio defertur, esse mortuum, & se heredem scriptum vel, pro-

**A**ximum agnatum vel cognatum esse, non currunt ei centum dies, *l. 2. C. qui adm. ad bon. p. ff.* Scientiam iuris non exigimus. Nam, etsi nesciat proximum agnatum vocari ad hereditatem intestati, nihilominus ei dies cretionis siue aditionis cedunt, modo facti ignarus non sit, *l. 1. hoc tit. l. in bonorum, inf. de bonor. possessionib.* Excipiuntur impuberes sine tutore agentes, id est, qui sine tutore sunt: iis enim non apposita, vel non interueniente tutoris auctoritate, dies non cedunt, quia nihil scire, nihil posse intelliguntur sine tutoris auctoritate: nihil scire, id est, non scire factum, non scire eum mortuum, & se heredes scriptos, quoniam hac in re scientia iuris non spectatur, sed scientia facti tantum: nihil scire igitur, id est, plane nescire factum, nihil etiam posse facere sine tutoris auctoritate, puta, adire hereditatem non posse: capere consilium adeundæ hereditatis, quæ res est & animi simul, siue consilij, & facti, *l. 20. ff. de adq. her.* non posse non apposita tutoris auctoritate admittere bonor. poss. ex edicto prætoris. Tutoris auctoritate suppletur iudicium consiliumque pupilli, *l. quamvis §. infans. ff. de adq. poss. l. pupillus, de R. l.* Et ut municipes intelliguntur scire, quod scit actor municipum, siue curator Reip. *l. 14. ff. ad municip.* quæ sententia pertinet etiam ad causam hereditatis & bonorum possessionis, & consequenter cedunt dies Reip. quibus municipum actor sciuit delatam esse Reipub. hereditatem aut bonorum poss. ita pupillo cedunt dies, quibus tutor sciuit, & hoc est quod ait *l. 7. §. ult. de bon. poss.* Dies, quibus tutor sciuit, cedere placet, pupillo nimirum. Et valet argumentum ab actore municipum ad tutorem, ut in *l. qui solidum §. etiam de leg. 2. & à Rep. ad pupillum, & è contrario, l. 3. C. de iure Reip. lib. 11.* Et constat etiam pupillum tutore auctore posse adire hereditatem & bon. poss. admittere, *d. l. 7. §. pen. l. pupillus. ff. de adq. her.* in qua etiam impuberes per se, id est, sine tutoris auctoritate, dicuntur nihil scire, nihil posse decernere: & decernere dicit, ut in *l. is qui heres §. ult. eod. tit.* quod veteres cernere: neque enim, cernere est, se cernendum dare, siue facere, ut se omnes cernant heredem esse, sicut Varro ait, sed cernere hereditatem est decernere & constituere se hereditatem amplecti, & se heredem esse velle, ut quod veteres cernere ferro, quos Virg. est imitatus, nunc dici decernere auctor est Seneca 8. Epistolarum: & respiciens quoque Philoxenus in glossis ad formulam cretionis, quæ est apud Vlpianum, cernitque interpretatur & *§. ignorans*, quod non est facito, ut videant te esse heredem; sed amplectitor hereditatem & apprehendito. Valde notanda est hæc interpretatio & species, ad quam aptavi hanc Papin. sententiam his verbis, *posse scire*, acceptis *ἀνδράσι*; quoniam & palam in Basilicis ponuntur *ἀνδράσι, δυνάμει ἢ νόμῳ*: *Posse vel scire.* Aliæ namque sunt species siue causæ, quibus pupillus etiam scire intelligitur & posse, puta, cum egressus infantiam & pubertati proximus, committit, in leges dolo malo: qua ex causa etiam nonnunquam deportatur, vel in seruitutem redigitur, §. *item finitur, Inst. quib. mod. tut. fin.* vel ut ex xii. tab. apud Gell. 11. cap. 18. & Plin. 18. *Manifesto furto prehensus, aut frugem aratro quasitam furtim noctis parisse vel secuisse convictus, Prætoris arbitratu verberatur.*

**E** Quas pœnās utique non sustineret, si pro ignorante in iis causis haberetur. Deinceps igitur hanc Papinian. sententiam referamus tantum ad causam adquirendæ hereditatis vel bonorum poss. quæ verba illa dissoluta, accipienda pro coniunctis *posse scire*, demonstrant, quâdoquidem ad adeundam hereditatem vel admittendam bonorum possessionem, dentur centum dies, quibus scierit quis potueritque. scierit mortem testatoris, & potuerit adire hereditatem.



Ad leg. 35. de ritu nup. & l. 40. de admin. tut.

*Filius familias miles matrimonium sine patris voluntate non contrahit.*

**I**ustæ non sunt nuptiæ, quas filiusf. contrahit sine voluntate patris, in cuius potestate est. Hoc est certissimum in pagano filiofam. an etiam in milite idem esset, dubitabatur, ut pleraque alia hoc ipso libro idem auctor eleganter docet, contra reg. iuris esse recepta favore, privilegio, iure militiæ, l. centurio, ff. de vulg. substit. & l. 49. ff. de manum. ff. testam. At Papinianus definit hoc loco, nec filiumfam. militem iustum matrimonium contrahere sine voluntate patris, ne privilegium militiæ porrigamus ad contemptum & iniuriam patris, quia neque militia liberatur patris potestate, §. filiusfam. Inst. quib. mod. ins. patr. pot. l. 7. C. de patr. pot. Nec ideo minus obsequitur verecundiæ paternæ vel maternæ, l. 1. ff. de obseq. parent. prest. Et rursus, non ideo minus alimentis parentibus, si egeant, præstandis obstringitur, l. 5. §. à milite, ff. de lib. agnos. Et in multis quoque aliis ius commune milites sequuntur. Nam neque incertæ personæ possunt legare, §. incertis vero, Inst. de leg. neque ex eorum testamento legata debentur, nisi deducto aë alieno, l. 1. §. denique, ad Trebell. Nec bonorum possessio militis ultra præstituta tempora peti potest, l. in fraudem §. ult. de milit. testam. Neque captatoriæ institutiones in militum testamento scriptæ valent, l. 11. C. de hered. instit. Nec quicquam efficiunt testamento manumittendo servos contra l. Æliam Sentiam, vel aliam legem, l. 3. de manum. ff. testam. l. si à milite §. 1. in fraudem, in princip. de milit. testam. Nec in eorum testamento scriptæ conditiones iurisiurandi vel conditiones inhonestæ recipiuntur, sed remittuntur, d. l. si à milite §. pen. Nec quod quis sibi adscripsit in testamento militis valet, l. ult. ff. de iis quæ pro non script. hab. nec intercidit fideicommissum à legatario relictum militis testamento, legatario repudiante, l. 9. ff. de usufr. leg. Nec valet à militibus facta alienatio testamento, vel inter vivos fundi dotalis contra l. Iuliam. Miles sequitur ius commune in tutoris datione. Et sequitur in l. 40. de admistr. tut. aliud, in quo etiam milites ius commune sequuntur, puta, in tutoris datione: centurio testamento iure curatorem non dat filio impuberi vel puberi, sicut nec paganus, l. 6. sup. de confirm. tut. Sed datus decreto prætoris confirmari potest: quod si non fuerit confirmatus, & ideo nihil gesserit, cessatio officij perperam iniuncti & demandati testamento, ad periculum eius non pertinet, quia neque dolus ea cessatio est, siue contumacia, neque culpa vel ignavia. Nec obstat privilegium quod militibus datū est, ut quoquomodo facta ab iis testamenta rata sint, quoniam id privilegium non potest porrigi ad alienam iniuriam. Fieret autem iniuria curatori non iure dato, nec confirmato, si cessationis, quæ iustissima est, ratio ei reddenda esset, qua ratione dicitur etiam militem non posse dare tutorem filio manenti in potestate aui, l. 2. sup. de testam. tut. l. cum filiusfam. l. miles ita §. nec tutorem, ff. de milit. testam. Ne fiat iniuria auo in cuius potestate nepos est ex filio milite, ne ius aui minuatur, quod fieret, si liceret patri ei nepoti tutorem dare. Privilegium quod datum est militibus, datum est constit. Principum, qui non solent vlla privilegia dare cum iniuria cuiusquam, l. nec auo, C. de emancip. lib. l. 1. Cod. Hermog. de testam. Traianus apud Plinium. Privilegia iniuriæ primatorum à me dari non solere. & quo magis hoc confirmet addit Papinianus in hac lege, privilegium illud testandi quoquomodo, quod militibus datur, propter imperitiā iuris, ut est nominatim scriptum initio tituli de milit. testam. in Inst. privilegium, inquam, illud habet tantum locum in bonis mi-

**A**litum, ut si quid minus perire, minusve legitime de bonis suis constituerint, rata sit eorum suprema voluntas, data imperitiæ venia, quoniam ius militibus ignorare permixtum est: non si quid oneris alij testamento imposuerint minus legitime, ut si tutorem vel curatorem liberis suis non iure dederint, si filio quem non habent in potestate tutorem dederint: quia & tutela, ut eleganter ait in fin. d. l. 40. iure patriæ potestatis datur, non iure aut privilegio militiæ. Ideoque nec miles, ei quem non habet in potestate, iure tutorem dat, non iure iungit officium onusve tutelæ alteri, si filium non habeat in potestate. Est lex elegantissima.

Ad l. ult. de iis, quæ in test. delentur.

**B** pluribus tabulis eodem exemplo scriptis, unius testamenti voluntatem eodem tempore dominus solemniter complevit. si quasdam tabulas in publico depositas abstulit, atque deleuit, quæ iure gesta sunt, præsertim ex cæteris tabulis, quas non abstulit, res gesta declaratur, non constituentur irrita. Paulus notat, sed si ut intestatus moreretur, incidit tabulas: sed hoc approbavit, hi quæ ab intestato venire desiderant, scriptis auocabitur hereditas.

**C**ertum est vnum testamentum posse pluribus exemplis scribi, l. vnum, sup. qui test. fac. poss. l. Sempronius, de leg. 2. l. si in duobus, ff. quemadm. test. aper. Sueton. in Tiberio testamentum, inquit, ante biennium fecerat, alterum suū, alterum liberti manu, sed eodem exemplo. Et sic contractus solent scribi duobus authenticis, & cuique contrahentium dari suum authenticum, l. qui tabulas, de furt.: & in pragmatica sanctione Iustiniani, quæ subiecta est Nouellis Iuliani c. 21. Quod si testamentum sit pluribus tabulis scriptum, pluribus authenticis obsignatum, sane vnum est testamentum. nunc finge: Ex eis tabulis testator quasdam deposuit in publico, veluti in æde sacra, aut in tabulario ciuitatis, vel sanctuario Principis: deinde eas abstulit & deleuit vel incidit, an irritum est testamentum? Minime: si non cæteras tabulas, ex quibus res gesta declaratur, etiam deleuit. Et hoc cum scripsisset Papinianus, Paulus notat, aliud esse dicendum, si probetur, eum eo animo vnas tabulas deleuisse & cancellasse, ut intestatus moreretur, cuius rei probatio exigitur à legitimis heredibus, qui vocantur ab intestato, quam si impleuerint, proculdubio hereditatem euincunt heredibus scriptis: euincunt, inquam, legitimi heredes non fiscus, ut in l. 1. §. pen. ff. si tab. test. nulla ext. Si deleuit, quod heredes scriptos iudicaret indignos, fiscus auocat hereditatem, ut l. pen. hoc tit. si heredes scriptos non iudicauit indignos, sed maluit intestatus mori, & hoc consilio, animoque deleuit vel intercidit, confregitque tabulas, legitimi heredes auocant hereditatem excluso fisco.

Ad l. 70. de hered. inst.

**E** captatoriæ institutiones non eas Senatus improbanit, quæ mutuis adfectionibus indicia pronocauerunt: sed quarum conditio confertur ad secretum alienæ voluntatis.

**C**aptatoriæ institutiones, & captatoria legata, vel fideicommissa improbantur Senatusconsulto quodam, ut patet ex hac lege, & ex l. seq. & ex l. 1. in si. ff. de iis quæ pro non script. hab. non ex SC. Liboniano, ut Glossa ait, quod non est de captatoriis institutionibus vel legatis, sed de testamentariis, qui sibi quid adscribunt in alieno testamento, sed alio quodam SC. Quæ autem sint captatoriæ institutiones Græci interpretes intellexerunt: ex Latinis nemo intellexit, id est, istam legem nemo ex iis intellexit præter Marianum Socinum Iuniorem: cæteri omnes captatorias institutiones interpretantur



pretantur esse eas, quæ conferuntur in arbitriū alterius, veluti; ille mihi heres esto, quem Titius voluerit; quo genere, cum nihil capteretur, plusquam manifestum est, captatoria illam institutionē non esse vitiosam, tamen est, non ex SC. quo vitari diximus & improbari captatoriā institutionem, sed ex veterum Iuriconsul. sententia constantissima, vt ait *l. 3. h. t.* quia testamentum est sententia mentis, voluntatis, iudicij nostri, non mentis, aut voluntatis, iudicij alieni. Nam vt & Philosophi dicunt, motus animorum nostrorum non possunt consummari per motū alieni animi. Non sunt etiā captatoriæ institutiones, vt Papin. hoc loco, quæ mutuis adfectionibus iudicia prouocauerūt, vt cum duo se inuicem heredes scribunt vel iisdem tabulis, vel suis quisque separatim; tu me tuis tabulis, ego te vicissim meis adfectione mutua, quia est in Nouella Valentiniani de testamentis, non possunt dici captatoriæ institutiones, quas similis affectio & simplex religio testantium sine calliditate vlla prouocauit; at captatoriæ institutiones definiuntur hoc loco, *quarum conditio confertur ad secretum alienæ voluntatis*. Conditionales igitur institutiones sunt, & si conditionales, conditio earum in futurū tempus confertur. Nam quarū conditio confertur in præsens vel præteritum tempus, proprie conditionales non sunt, *l. cum ad ad præsens, ff. de reb. cred. l. cum in fundo, ff. de inu. rupt. test.* quia ex euentu non pendent, sed earū euentus siue effectus statim existit vel non existit, quia, vt Philosophi dicunt, omnis sermo collatus ad præsens vel præteritū tempus, ita est verus aut falsus. Captatoria autem institutio confertur in id tempus, quo is qui testatur, heres scribetur vel instituetur testamento eius, quem ipse heredem instituit. Nam secretū alienæ voluntatis hoc loco nihil aliud est, quam alienū testamentum. Secreta iudiciorum in *l. si quis test. §. ult. ad leg. Aquil.* id est, testamenta. Exemplum vero huius rei est in *l. 1. ff. de his quæ pro non scrip. quæ ex parte me L. Tit. in tab. suis heredem scribet, ex ea parte mihi L. Tit. heres esto.* Quod scribit, plane captat & ambit hereditatem L. Titij & hamum iacit, itaque tanquam captatoria institutio pro non scripta habetur SC. Inest his verbis conditio collata in testamentum alienum, ac si dixisset, *si me L. Titius heredem instituerit, L. Titius mihi heres esto.* Nihil vero refert, si quis capteret alienam hereditatem, quo modo exposui, an alij, veluti hoc modo, *quæ ex parte L. Titius Caium heredem scribet, ex ea mihi heres esto. l. seq. in fi.* Et hæc institutio tanquam captatoria inutilis est ex sentent. SC. Quid enim refert si quis capteret vel aucupatur sibi, an alij? Item nihil refert, eum cuius quis sibi hereditatem captat, utrū sibi heredem instituat, an alium forte ei carissimum, veluti hoc modo: *quæ ex parte me Luc. Titius heredem scribet, ex ea parte mihi Manius heres esto.* Plus dico; idem esse dicendum si quis alij hereditatem capteret, necnon & aliū sibi heredem faciat, quā eum, cuius hereditatem alij aucupatur & captat, veluti hoc modo: *quæ ex parte L. Titius Caium heredem scribet, ex ea parte mihi Manius heres esto.* Omnes hæ institutiones quas proposui, quasi captatoriæ, inutiles sunt ex sententia Senatusconsulti. Eleganter vero in Basilicis dicuntur institutiones factæ repensationis gratia *χρεὶν ἀμειβομένων*, id est, repensandi futuri nondum accepti beneficij gratia. Nam quæ repensant iā acceptum beneficium, probatissimæ sunt: imo plerūque hereditates & legata nobis non sine causa obueniunt, ob meritum aliquod nostrum vt ait *l. 9. pro soc.* Captatoria institutio est repensatio beneficij ante beneficium. Ab iisdem Basilicis captatoriæ institutiones dicuntur *χρεὶν ἀμειβομένων*, gratiæ repensatrices, vt loquitur etiam Electra apud Sophoclem, *ἡ πάντας φίλοπτος ἀμειβομένη χρεὶν*, ad filias Messenorum: Gratia, inquam, repensatrices, futuræ scilicet. Nam institutiones quæ fiūt gratiæ præteritæ referendæ & repensandæ causa, non sunt captatoriæ, nec Senatusconsulto, vllaue lege improbantur, veluti, *quæ ex parte me L. Titius heredem scripsit, ex ea parte mihi idem*

Respons. Papin.

*Lucius Titius heres esto. Vel, Si me L. Titius heredem scripsit, idem mihi heres esto. l. mulier §. ult. de cond. instit. vel hoc modo, quæ ex parte L. Titius Caium heredem scripsit, ex ea parte mihi idem L. Titius heres esto. Vel, vt in l. sequ. & in l. 2. hoc tit. hoc modo, quæ ex parte me Titius heredem scripsit, ex ea parte Manius mihi heres esto.* Vnde non est auferranda vox *Manius*, fateor: in quam me tamen suspiciōne deduxit olim Antonij Augustini præstantissimi Iuriconsulti scriptum de captatoriis institutionibus, vel etiā hoc modo, vt omnibus exemplis superioribus collatis in futurum paria reddam collata in præteritum vtiliter, hoc inquam modo, *quæ ex parte L. Titius Caium heredem scripsit, ex ea parte mihi Manius heres esto.* Omnes hæ institutiones ratae sunt, & secundum hæc recte dicitur in *l. Clemens, §. ult. hoc tit.* non esse captatoriam institutionem, si quis ita scripserit, *quanta ex parte me à Titio heredem institutum recitasset, ex ea parte Sempronius mihi heres esto.* Nam institutio Sempronij confert in tempus exactū, in tempus præteritum, id est, in testamentum Titij ante factum. Recitationem autem futuram eius testamēti, quod nullam prorsus iniicit suspiciōne captatoriæ institutionis, neque tamen aliter institutio Sempronij ad effectum perducitur, quam si is, qui Sempronium heredem fecit, testamentum Titij recitauerit, quia institutioni Sempronij inest conditio futuræ recitationis Titiani testamenti. Et obserua quod dicitur in *d. l. Clemens, §. ult.* heres recitare testamentum, in quo heres scriptus est, & alij etiam nuncupare. Ambrosius 9. Epistol. *quomodo testamentum nuncupat, qui mortem testatoris negat?* Porro his exemplis apparet captatorias institutiones non esse eas, quæ ad præteritum tempus conferuntur, quia nec proprie conditionales sunt, vt captatoriæ, nisi alia conditio extrinsecus sit eis inserta, vt conditio recitationis testamenti in *d. l. Clemens.* & in iisdem exemplis institutiones non gratiam repossunt vt captatoriæ, sed referunt, cum beneficium acceptum consequantur, non corripiunt aliena bona, sed sua promunt, non dant hereditatem suam in hamo sub conditione, si sibi & suam dederit is, quem heredem scripsit, quæ captatoria institutio est tincta visco, vt Varro loquitur: & hoc modo captatorium legatum est, quod ita relinquitur: *quantum mihi L. Titius legauerit, tantum ei do lego.* Non si ita relinquitur, *quantum mihi L. Titius legauit, tantum ei do, lego.*

## Ad legem 78. de hered. instit.

*Qui non militabat bonorum maternorum quæ in Pannonia possidebat, libertum heredem instituit: paternorum, quæ habebat in Syria, Titium. Iure semisses ambos habere constitit, sed arbitrum diuidende hereditatis supremam voluntatem factis adiudicationibus, & interpositis propter actiones cautionibus, sequi salua Falcidia, scilicet vt quod vice mutua præstarent, doli ratione quadranti retinendo compensetur.*

PRimum responsum huius 1. est intellectu quidem facile, sed explicatu sane difficile, maxime in extremo, cum agit de Falcidia compensando eo, quod coheredes vice mutua præstauerunt, adeo vt Vlpianus qui cætera omnia eius responsi diligentius interpretatus est in *l. 35. sup. hoc tit.* omiserit eam partem extremam. Credo quod facilius intelligi quā verbis explanari possit: loquitur autem in eo responso Papinianus de testatore pagano, quoniam ait, *qui non militabat.* Cur de pagano? non quia ponit eum in instituendis heredibus separasse species bonorum, & alium fecisse heredem bonorum paternorum, alium maternorum, quoniam, quod de eius voluntate institutio statuit de partibus hereditariis, & de prælegatis, quæ inuicē præstant heredes, idem seruatur in milite, si miles alium fecerit heredem bonorum paternorum, alium maternorum, vel alium rusticorum, alium vrbianorum, vel alium Italicorum bonorum, alium prouincialium, vt in *l. certarum, in pr. ff. de milit. testam.* non etiā si alium bono-



rum castrensum, alium paganorum, ut in §. i. *eiusdem l.* A  
Sed si, ut ponitur in hac specie fecisse, paganus, vel miles  
alium fecerit paternorum, alium maternorum heredem,  
idem seruatur in milite, quod in pagano, quod ad por-  
tiones hereditatū & prælegata attinet. Sed quod ponit  
speciem in pagano, hoc ideo facit, quoniam in extremo  
loquitur de Falcidia, quæ habet locū in testamento pa-  
gani, non in testamento militis, *l. 12. de milit. testam. l. 7.*  
*C. ad leg. Falcid.* Et hæc est vera ratio, non quam Glossæ  
notant, quam refutat satis *d. l. si certarum, in pr.* Species  
autem hæc est: Paganus duos heredes instituit: primum  
bonorum paternorum, secundum maternorum bonorū.  
Paterna bona faciunt quadrantem, materna faciunt do-  
drantem totius hereditatis: fac hereditatem esse qua-  
dringentorum, & paterna bona facere centum, materna  
trecenta. Ipso iure certarum rerum certorumue bonorū  
heredes institui non possunt, neque à pagano, neque à  
militē, & qui ita instituti sunt, ut proposui, perinde ha-  
bentur, ac si non adscriptis rebus partibusque certis he-  
redes instituti essent. Sunt igitur ipso iure heredes æ-  
quis partibus, & singuli habent semissem omnium bono-  
rū, tam paternorum quam maternorum, non spectata  
nec comparata inuicem æstimatione bonorū tam pater-  
norum quam maternorum, ex quibus inuicem heredes  
instituti sunt, ut in *d. l. 35. & l. 10. h. t. & d. l. si certarum.* Ve-  
rum, quod ipso iure non fit, id est, subtili iure, officio iu-  
dicis familiæ eriscunda, cognoscentis inter eos de di-  
uidenda hereditate, fieri poterit, ut voluntas suprema te-  
statoris impleatur. Primo adiudicatis bonis paternis in  
solidum, secundo bonis maternis, quod fieri tamen non  
potest, nisi quia singuli ipso iure semissem habent in om-  
nibus bonis, nisi primus secundo cedat, & præstet se-  
missem, quem habet in bonis maternis, & vicissim secun-  
dus primo semissem, quem habet in paternis, quoniam  
vice mutua prælegasse singulis testator videtur, secundo  
partem, quam primus haberet in bonis maternis, primo  
partē, quam secundus haberet in bonis paternis. Proinde  
iure prælegati primus secundo præstat centū quinquaginta,  
id est, semissem trecentorū, secundus primo præ-  
stat quinquaginta, vel facta compensatione ad finem cō-  
currentis quantitatis, puta, quinquaginta, primus solus  
secundo præstat centū. compensatio pro præstatione est.  
Atque ita quidē fit, ut bona materna secundus capiat par-  
tim iure hereditario, siue iure institutionis à seipso, par-  
tim iure legati à coherede; & similiter primus bona pa-  
terna ut capiat partim iure hereditario, partim iure lega-  
ti. Verū officio eiusdem iudicis familiæ eriscunda cog-  
noscentis, cautionem sibi inuicem primus & secundus  
præbere debent datis fideiusoribus, hac formula; *quod*  
*amplius ceperint quam per legem Falcid. liceat, reddi.* Quæ  
stipulatio Falcidiæ dicitur in *l. 70. ad l. Falcid.* quia &  
prælegata patiuntur Falcidiam, *l. 15. §. pen. eod. tit. l. à co-*  
*herede, C. eod. tit.* Potest autem fieri, ut post factas adiudi-  
cationes relictorū siue diuisorum bonorū à testatore in-  
ter primum & secundū emergat l. Falcidia, postea emer-  
gente ære alieno, quod tum latebat, vel emergente onere  
legatorum prolati codicillis, qui tum celabantur, vel  
emergente simul utroque onere æris alieni & onere le-  
gati, ideoque sub incerto hanc sibi inuicem cautionē præ-  
bere debent ut si postea emergente Falcidia, alterū, alte-  
ri appareat prælegatum ultra dodrantem præstitisse, id  
quod præstitit amplius ex ea stipulatione sine cautio-  
ne recipiat non est dubiū de ea cautione. accipienda esse  
hoc loco hæc Papiniani verba: *interpositis cautionibus.*  
Idque patet satis ex *d. l. 35.* id est, commentario huius res-  
ponsi, in quo & Vlpianus, dum Papinianu producit  
testem, proculdubio hoc Papiniani responsum intel-  
lexit. At autem Papinianus, *has cautiones vice mutua esse*  
*interponendas propter actiones.* Quid hoc est, propter actio-  
nes? nimirum propter æris alieni personales actiones, ut  
loquitur *l. 1. §. si heres, ad Senatusc. Treb.* id est, propter  
actiones hereditarias, quas emergentes postea creditores

hereditarij intendunt, in heredes singulos pro heredita-  
riis portionibus, id est, pro semisse omnium bonorum,  
non habita ratione rerum prælegatarum, quæ nec ha-  
benda est, quia æs alienum hereditatem sequitur, non  
legata vel prælegata *d. l. 35. l. 1. C. si cert. petatur.* Item pro-  
pter actiones legatorū emergentium, postea prolati co-  
dicillis diu celatis, quæ actiones hereditariarū loco sūt,  
*l. hereditariarum, inf. de oblig. & action.* Nunc finge: His  
peractis apud iudicem familiæ eriscunda ex inopinato  
emeruisse codicillos, in quibus erant ab heredibus pri-  
mo & secundo extraneo legata 120. sicut Glossa; quam  
postea valde approbamus, ponit speciem, & extraneum  
egisse in heredes pro hereditariis portionibus, id est, pro  
semisse totius hereditatis, & singulis abstulisse 1x. atque  
ita recepisse suum, id est, cxx. & remansisse apud secun-  
dum ducenta quadraginta, partim iure hereditario, par-  
tim iure legati; & similiter apud primum remansisse  
xi. partim iure hereditario, partim iure legati.  
Hoc casu, quia primo ad Falcidiam sui semissis qui est  
1. id est, quadrans ducentorum defunt xxx. quia iure he-  
reditario remanent apud eum xx. quæ tantū imputat in  
Falcidiam: non imputat autem in Falcidia alia xx. quæ  
apud eum iure legati remanent, aut non cogitur imputa-  
re, *l. 15. §. pen. l. 32. in fine, l. in quartam, inf. ad leg. Falcid.*  
Ideo queritur, an si ex stipulatione Falcidiæ repetat à se-  
cundo coherede suo xxx. quæ defunt suæ Falcidiæ, sum-  
moueatur exceptione doli mali, quæ in strictis iudiciis  
æquitatem cōpensationis inducit? *§. in bonæ fidei, Instit. de*  
*action.* Et verius est, eum ratione exceptionis doli mali  
debere cōpensare pro modo concurrentis quātutatis xx.  
quæ à coherede iure prælegati vice mutua percepit, ea,  
inquā, xx. debere etiam compensare cum Falcidia, quam  
repetit à coherede, id est, vltro ea etiam xx. imputare de-  
bere in Falcidiam, si suum prælegatū retinere velit. Cō-  
pensatio est imputatio voluntaria, & contra imputatio  
est compensatio necessaria. Ita vero primus à secundo re-  
petet x. tantum supplendæ Falcidiæ gratia. Et hoc est,  
quod ait Papin. hoc loco, scil. *ut quod vice mutua presta-*  
*ret doli ratione quadranti retinendo,* id est, Falcidiæ reti-  
nendæ, *compensetur.* Quorū verborum enarrationem  
omisit Vlpianus in *d. l. 35.* qui tamen cætera omnia huius  
responsi enucleate & diffuse in ea l. executus est, & ad  
hæc quidem verba vltima huius responsi quod apposui  
exemplum, Glossa apposuit rectissime, si modo cxx. quæ  
ponit deberi, dicamus deberi, quod totidem sint in lega-  
tis, ut exigit etiam Glossa superior ad illum locū, *propter*  
*actiones,* non quod totidem sint in ære alieno heredita-  
rio. Nam si cxx. sint in ære alieno, quia bona non intel-  
liguntur nisi deducto ære alieno, non intelligitur fuisse  
in bonis defuncti, nisi ccl. xxx. ex quibus singuli, cum ip-  
so iure habeant semissem, id est, cxl. cuius semissis centū  
quadraginta videlicet Falcidia est xxxv. & primus secū-  
do iure prælegati præstiterit centū duntaxat, manifestū  
est apud eum residere xl. id est, quinque; amplius Falcidia,  
quinque supra Falcidiam, & hoc igitur casu locū Falcid-  
iæ nō esse. Et hæc ita Dynus recte & subtiliter distinxit  
E primus. in ære alieno exemplū apponi debet alio modo,  
quā posuerit Glossa. Finge: in hereditate credebantur ef-  
fe ci. bona materna centū, paterna quinquaginta. secun-  
dus maternorum heres institutus est, primus paternorū,  
& bonis eis adiudicatis officio iudicis familiæ eriscunda  
secundū voluntatem defuncti, extitit creditor heredita-  
rius, cui defunctus debuit centum, denique apparuit po-  
stea in ære alieno esse centum, quo detractō patet singu-  
los ipso iure heredes esse ex viginti quinque, cuius portio-  
nis Falcidiam certū est esse sex & quadrantem, quā tan-  
tum abest, ut habeat primus, ut detractō ære alieno à sin-  
gulis pro semisse. i. quinquaginta à singulis detractis,  
nihil apud eum remanserit, apud secundū remanserint  
quinquaginta partim iure hereditario, partim iure lega-  
ti: nūc si prim⁹ repetat ex stipulatione interposita Falcid-  
iæ à coherede, repellitur ratione doli, opposita compen-  
sa-



ne eius, quod à coherede vice mutua percipit: atque ita institutio primi redditur inutilis. Hoc responso explicato, debeo & volo eam rationem compensationis quam inducit Papinian. aliis legibus confirmare, veluti *l. heredi, inf. de us quib. ut indign. l. deducta §. accept. inf. ad Treb. l. Nescimus, filio, inf. ad leg. Falcid. l. filium quem, C. famil. ercisc.* nec non debeo earum omnium legum speciem & sententiam explicare, sed leg. *heredi & l. deducta §. accept.* quoniam sunt ex sequenti libro Responsorum interpretationem differam in suum ordinem & locum: ceterarum ill. quia sunt ex aliis auctoribus mihi interpretatio hoc loco praestanda est: ac primo legis *Nescimus, inf. ad leg. Falcid.* Valde placebit species eius legis, quæ talis est: Mater quæ habebat filias tres, primam, secundam & tertiam, eas heredes instituit ex æquis partibus, ut singulæ haberent trientem, & à singulis legata inuicem dedit, veluti à prima legauit secundæ & tertiæ præstandas res quasdam, aut pecunias, & vicissim à secunda legauit primæ & tertiæ, rursus à tertia primæ & secundæ, verum à prima etiam legauit extraneis, à secunda & tertia nihil legauit extraneis. Primæ portio, id est, triens oneratus est legatis, tam sororibus, quam extraneis relictis. Subdiuidimus trientem illū primæ in duodecim vncias, & fingamus ab ea extraneis legatas vncias quinque & semunciam sororibus totidem omnibus, igitur à prima fuisse legatas vndecim vncias. Falcidia eius portionis subdiuisa in duodecim vncias est trium vnciarum, in eam imputat vnciam, quæ apud eam remanet iure hereditario, quia ab ea tantum sunt legatæ vndecim vnciæ, nunc desiderat adhuc duas vncias, quæ Falcidiæ defunt. certū est eam posse vnam detrachere ab extraneis, sed quæritur, an etiam possit desiderare, ut & vnam vnciam detrahat à sororibus, à quibus & ipsa vice mutua legata percipit, & si possit eam vnciam desiderare ipso iure, an submouenda sit per exceptionem doli mali, inducta compensationis æquitate mutui prælegati cum illa vncia: & rursus si submouenda sit exceptione doli mali, ut definiemus statim, an eo casu possit duas vncias quæ Falcidiæ eius defunt deducere ab extraneis? Et respondet posse quidē ipso iure eam uti Falcidia etiam aduersus sorores, quia id quod ab iis vice mutua percipit iure prælegati, non proficit legatariis, quo minus Falcidiam patiantur, id est, non imputantur in Falcidiam, sed tamen repellitur exceptione doli mali si à sororibus vice mutua iure prælegati acceperit vnciam quam deducere desiderat. Et hoc cum ita definisset Paulus in *d. l. Nescimus*, quærit, an cū nihil deducat à sororibus, tunc deducere possit ab extraneis duas vncias, quæ suæ Falcidiæ defunt? & respondet, non deducere nisi vnam vnciam, hoc est, tantū quantum deduceret, si & ex legatis sororum Falcidiam deduxisset; quoniam æquum non est, ut commodum, quod fert ex mutuo prælegato sororum oneret extraneos, & augeat Falcidiam legatorum eis relictorum. Et hoc est, quod ait in *d. l. Nescimus*, primam non imputare extraneis integrum prælegatum, quod præstitit coheredibus, id est, vncias quinque & semunciam, id est, id quod dedisset sororibus, si nihil ab eis vice mutua percepisset, & perinde igitur rem esse, ac si à sororibus deduxisset vnciam, & præstitisset eis tantum vncias quatuor & semunciam, licet præstitit prælegatum vniuersum, id est, quinque vncias & semunciam, ratione compensationis Falcidiæ. Ratio compensandæ Falcidiæ cum prælegato vice mutua percepto, quam inducit Papin. in *l. 78. de hered. instit.* confirmatur *l. Nescimus, ad l. Falcid.* quam heri exposui. Confirmatur etiam *l. filio, eod. tit.* cuius species hæc est: Pater vel mater filium & filiam heredes scripsit, sic ea *l. initio* proposuit simpliciter. Proponamus igitur etiam nos simpliciter, parentem filium & filiam heredes scripsisse, postea apparebit non scripsisse æqualiter, ut Glossa ait, sed inæqualiter, ut est in Basilicis, *divois*. Singulis autem legata inuicē dedit pater, quæ proprio nomine dicuntur prælegata &

Respons. Papin.

A præcipua & præceptiones, sed longe minus filia legauit quam filio, quia scil. filium heredem scripsit, exempli gratia, bonorum Italicorum, filiam bonorum prouincialium, quæ longe minoris pretij sunt. separatæ hæc species bonorum pro prælegatis accipiuntur, ut in *l. 35. sup. h. r.* At non tantum filia minus prælegauit, sed etiam in bonis, quæ prælegauit filia, est domus creditori hereditario pignerata in centum, quam & filia legauit adiecto hoc onere, ut, si libertus filij sui ea centum persolueret, vtrique domus esset communis, filia & liberti filij. Cæterum non libertus, quia nec aduersus eum creditor vllā actionem habuit, sed heredes, exigente, & urgente creditore ei soluerunt centum pro hereditariis portionibus, & domum vinculo pignoris liberauerunt, quo ære alieno detracto, apparuit, quanta portio hereditatis esset. Finge: in hereditate fuisse ducenta, singulos igitur ipso iure quasi sine partibus scriptos heredes fuisse in centum, cuius portionis Falcidia siue quadrans est *25*. Illud etiam apparuit deducto ære alieno, bona Italica, quæ filio relicta & ei adiudicanda sunt, esse *180*. bona prouincialia quæ filia adiudicanda sunt, esse, *20*. quamobrem filia dicit, se in damno versari, nec habere integram Falcidiam semissis totius hereditatis, ex quo ipso iure heres est, id est, non habere *25*. integra, sibi adhuc deesse *15*. quia habet tantum iure hereditario decem, quæ imputat in Falcidiam, alia decem, quæ iure legati accipit à fratre

C iure ipso, non cogitur imputare in Falcidiam, quia in Falcidiam ea tantum imputantur, quæ iure hereditario capiuntur, non quæ iure legati, vel alio iure, nisi nominatim aliud cauerit testator, ut si ideo dixerit, se legatum dare heredi, ut integra legata præstaret, *l. quod autem, inf. ad leg. Falcid.* Et consequenter filia ipso iure recte postulat *15*. à fratre, quæ suæ Falcidiæ defunt, sed repellitur per exceptionem doli mali, opposita compensatione eius, quod à fratre integrum iure prælegati acceperit, aut sane id à fratre prælegatum integrum non consequetur, nisi & ipsa vicissim soror fratri suum præsterit integrum, quoniam æquum non est, integrum ferre quenquam, quod vicissim integrum referre vel inferre nolit. Et hoc est

D quod ait *d. l. filio, FILIAM non aliter prælegatum quod ei datum est accepturam si Falcidiam expleat, quam si voluntati defuncti obtemperauit, fratri solidum prælegatum præstando*. Vulgo etiam in Florentinis in ea lege corrupte legitur, *soluendum pro solidum*, ut recte notauit Alcianus *5*. Parerg. Solidum est integrum prælegatum, intactum, illibatum, sine imminutione Falcidiæ, quod vniuersum dicitur in *l. Nescimus*. Igitur in specie proposita, decem, quæ vice mutua iure legati soror acceperit à fratre, compensant Falcidiam finis cōcurrentis quantitatis, & quinque tantum supplendæ Falcidiæ à fratre desiderat. Et ita explananda ea lex est. Sequitur alia, qua eadem ratio compensationis comprobatur *l. filium quem, C. famil. ercisc.* omnium, quæ sunt in Codice longe difficillima, omnium quæ sunt in iure pro sua breuitate opulentissima iuris, cuius ego speciem & sensum verissimum & clarissimum iam sæpe professus sum me accepisse prima ætate à primo Iuriconsulto, cuius vita omni laude confecta. Primū in ea lege, quod ait initio, *Filiū quem habentem fundū*. deinde in fine. *Quod à ceteris in eo fundo soluitur sup. quartam, habens reddere cōpellitur*. Est *οὐκ ὀλίγη* frequentissima in iuris auctoribus, & in exteris quoque, quā plerumq; generat longior verborum tractus, ut in eo plane non sit laborandum: sed neq; in eo laborandū, quod iure filius fundum habuerit. Nam cum subiiciat ea *l. filium partem prædij capere à semetipso iure hereditario*, partem à coheredibus iure legati, quæ varietas iuris & possessionis propria in prælegato est, *l. eum qui §. ult. ff. de iis, quibus ut ind.* Plusquam manifestum est, filium habuisse fundum iure prælegati, ut & Ioannes sensit recte, nec sane aliter pertineret ea *l. ad tit. famil. ercisc.* sub quā posita est, quam si statuas, filio fundum prælegatum esse, quia constat prælegata præstari arbitrio iudicis fami-



lia eriscunda cognoscentis. Miseri sunt, qui vel iure peculij, vel iure nescio quo retentionis, vel iure legati per vindicationem, vel alio, quam prælegati, filium habuisse fundum ariolantur. Et species l. hæc est: pater, qui habebat septingenta in bonis, filios suos tres, numero primum, secundum, tertium, & extraneos quatuor, quartum, quintum, sextum, septimum heredes scripsit ex æquis partibus: & primo, cui forte eum princeps patris nomine donauerat, & ab omnibus heredibus fundum prælegauit dignum 28. Deinde eundem primum filium suum rogauit sub conditione: *si nauis ex Asia veniret*, portionem suam hereditatis restituere fratribus, secundo & tertio, & extraneis coheredibus quarto & quinto tantum, non etiam sexto & septimo. Portio cuiusque facit centum, quoniam sunt septingenta in bonis, & omnes septem ex æquo scripti heredes sunt. Portio, inquam, cuiusque facit centum, cuius Falcidia est 25. Fundum autem primus capit partim iure hereditario à semetipso pro parte septima, partim iure legati à coheredibus omnibus pro reliquis partibus: existente conditione fideicommissi, primus, à quo duo fratres, secundus & tertius, & duo extranei coheredes, quartus & quintus, quod eis relictum est fideicommissum portionis primi petunt; is primus scil. Falcidiam ex fideicommissio deducere desiderat, iuxta Senatusconsultum Pegasianum, vel hodie Trebellianum, ut dodrantem tantum suæ portionis restituat fideicommissariis, id est, secundo, tertio, quarto & quinto. Quæritur, quid in eam Falcidiam imputare debeat? Et certum est, iure eum in Falcidiam imputare partem tantum septimam fundi, quam à semetipso iure hereditario percepit. Et hoc est quod ait l. eum hereditariam partem fundi in quartæ ratione retinere, id est, imputare in Falcidiam. Denique cum fundus, ut posui, dignus sit 28. in Falcidiam imputat 4. hæc est septima pars fundi, quam à seipso capit iure hereditario. An vero etiam imputat in Falcidiam partes fundi, quas à coheredibus secundo, tertio, quarto, quinto, vice mutua percipit iure legati? Percipit autem à singulis quatuor ab omnibus, in summa sexdecim, & non imputat proprie ea sexdecim in Falcidiam, sed compensat Falcidiæ retinendæ ex portione sua, quam etiam retinere desiderat, & deducere in restituenda ea portione. Iunge nunc illa sexdecim, quæ à coheredibus, quibus rogatus est restituere portionem hereditatis, vice mutua percipit, & Falcidiæ compensat pro modo concurrentis quantitatis: iunge, inquam, ea sexdecim cum illis quatuor, quæ iure hereditario à semetipso capit, & Falcidiæ imputat, fiunt 20. & desunt adhuc Falcidiæ quinque, quæ deducet ex portione hereditatis quam ex fideicommissio tenetur restituere coheredibus duobus fratribus suis, & duobus extraneis, residuum eis restituere cōpelleretur, id est, nonagintaquinque. At quid fiet reliqua parte fundi prælegati, quam capit à coheredibus sexto & septimo, quibus vicissim non est rogatus restituere portionem hereditatis: nam fundum prælegatum fuisse primo ab omnibus coheredibus initio recte proposui. Quid igitur fiet octo, quæ sunt residua in fundo, quæque accipit à sexto & septimo? Et sane, ut ea lex ostendit, ea octo, neque imputat Falcidiæ siue quartæ, neque compensat, sed ea habet supra quartam portionis suæ, siue supra Falcidiam, ut in l. 15. §. pen. inf. ad leg. Falcid. dicitur, matrem heredem institutam ex parte fideicommissum sibi relictum percipere supra quartam portionis suæ, & l. 91. eod. tit. in fideicommissaria hereditate restituenda, extra quartam id esse, quod heres oneratus fideicommissio à coherede accipit, iure legati videlicet, si non ei rogatus est hereditatem, siue portionem hereditatis restituere, sed extraneo. Ea igitur octo in specie proposita filius lucrifacit, & habet ultra Falcidiam, quia fideicommissio non continetur prælegatum, quum heres ex parte rogatur restituere partem siue portionem hereditatis, ut proponit de industria, d. l. filium quem. Nam si simpliciter rogetur restituere portionem,

A nullo alio adiecto, etiam prælegatum fideicommissio continetur, nec habetur supra quartam, l. Marcellus §. quid, ff. ad Senatusc. Treb. Idemque ostendit l. in fideicommissaria §. ult. eod. tit. ubi ponit, heredem institutum ex parte, cui dato legato rogatus est restituere portionem hereditatis alteri, non restituere, inquit, quia dixit, portionem hereditatis, id quod à coherede accipit iure prælegati, id est, prælegatum fideicommissio non contineri; id tamen quod capit à seipso in re prælegata iure hereditario cadere in fideicommissum, ubi necesse est addas ex l. filium, quem, vel imputari in Falcidiam: denique portionem fundi prælegati hereditariam filius aut debet restituere fideicommissariis aut imputare in Falcidiam.

#### Ad §. L. Titio 1.

*Lucio Titio ex duab. partibus, Publ. Manio ex quadrante scriptis heredibus: assem in dodrante esse diuisum, respondit: modum enim duarum partium ex quadrante declarari. Quod veteres nummis Titio legatis; nummorum specie non demonstrata, caterorum legatorum contemplatione, receperit.*

IN specie secundi responsi h. l. proponitur: testator, tametsi omnis hereditas soleat distribui in duodecim vncias, quod hoc numero plerumque significetur vniuersitas, ut ait August. 20. de Civ. Dei. suam tamen hereditatem distribuisse in 9. vncias tantum, quoniam potest sane paterfam. qui de re sua testatur, in tot partes, quot voluerit vel plures vel pauciores hereditatem suam distribuere, l. 13. §. paterfam. hoc tit. At plerumque solemnibus distributio hereditatis fit in duodecim vncias, quæ assis appellatione continentur, quod equidem omnes scire arbitror: quoniam prima res, quæ nota esse debet accedenti ad iuris civilis studium, ea est distributio assis, id est, §. ult. l. 50. h. t. siue §. hered. Inst. eod. tit. aut certe totus liber Volusij Martiani de distributione assis, cuius quidem assis duodecima pars est vncia. Siculum nomen, quo significabatur as vnum, ut Iulius Pollux scribit 9. Et ab vncia reliquas partes, non eadem ratione nomina imposita habere Varro scribit 4. de lingua Latina, sed alias nomen habere à quota parte assis quam heri didici ab vno ex vobis peritissimo huiusce artis Diophantum appellare, partem cognominem, ut sextantem à sexta parte assis: quadrantem à quarta: trientem à tertia: semissem à dimidia, id est, semis asse; alias vero nomen habere à numero vnciarum, ut quincuncem & septuncem; quincuncem, quia numerus quaternarius in asse partem quotam non facit, septuncem, quia, ut Remmius Polemo ait in poemate de poderibus, quod dimidium superat, pars esse negatur, pars scil. quota vel cognominis: alias vero nomen habere à deptione partis, ut bes, quæ olim des, à deptione trientis, ut Aufonius ait: Tertia defuerit si portio, quid reliquum? des. Dodrans à demptione quadrantis, dextans à demptione sextantis, deunx à demptione vnciæ.

Cum vero testator ita heredes scripsit, ut est in hoc secundo responso: *Primus ex duabus partibus, secundus ex quadrante heres esto*, assem videtur distribuisse in dodrantem, quia primus videtur institutus ex semisse, qui diuisus in duas partes, duos quadrantes facit, & ita in ea heredum institutione duas partes ut accipiamus, comparatio quadrantis infra adscripti secundo declarat atque postulat, sicut nummis legatis, quo exemplo Papinianus vtitur, id est, legato nummorum relicto, legato nummorum certo numero, ut in l. si seruus plurium §. ult. ff. de leg. 1. Quoniam legatum nummorum, non adiecto numero, sane nullum & ridiculum est. Nummis igitur centum legatis, vbi distincte & simpliciter, nummorum qualitate non demonstrata, deinde alij legatis quinquaginta nummis sestertiis, veteres iuris auctores coniecebant & priori fuisse legatos centum nummos sestertios, ut in d. l. si seruus plurium, §. ult. dicitur: *Summarum quæ sequuntur scripta spectanda esse, quotiens non apparet*



quales nummi ante alij legati sint, & l. nummis, ita de legatis 3. contextum testamenti spectandum esse. & l. 44. de manum. testam. Contextum totius scripturae testamenti. Sic igitur adscriptis primo duabus partibus simpliciter, spectanda est pars, quæ deinde specialiter & nominatim adscripta est secundo, quæ quoniam est quadrans, & primo duos quadrantes recte colligimus adscriptos, id est, semissem, atque adeo assem à testatore diuisum in dodrantem, quæ diuisio quadrantis minor est solemnī & legitima diuisione assis. verum ad eam legitimam diuisionem assis, etiam ita heredes scripti ipso iure siue iuris potestate reuocantur seruata eadem proportionē, neipse dupla, vt altero tanto plus habeat primus, quam secundus, puta, besse adscripto primo, & triente secundo, quia paganus, de quo, vt primum responsum, & reliqua huius legis responsa accipienda sunt, partium testatus, partium intestatus decedere non potest. Et sic in d. l. 13. §. pater, in duobus tantum heredibus scriptis ex quadrante, as quidem diuisus est à testatore in semissem tantum, sed iure ipso singuli heredes sunt ex semisse. Ac similiter primo scripto ex semisse, secundo ex quadrante, as diuisus quidem est in dodrantem tantum, sed ipso iure primus feret bessem, secundus trientem, quia quantum de asse dimiuit testator, tantum ipso iure accrescit prorata, id est, ἀνὰ μέρος, & seruata proportionē geometrica, causa testati trahente ad se causam intestati, sicut è contrario nonnunquam causa intestati trahit ad se causam testati, vt in specie l. pen. ff. de iniur. rupto.

#### Ad §. filiis.

Filiis heredibus æquis partibus institutis, ac postea fratris filio pro duabus vnciis: unum assem inter omnes videri factum, placuit, & ex eo 10. vncias filios accepisse: tum enim ex altero asse portionem intelligi relictam, cum asse nominatim dato, vel duodecim vnciis distributis, residua portio non inuenitur. Nihil autem interest, quo loco sine portione quis heres instituat, quo magis assis residuum accepisse videatur.

**D**Vo sunt filij æquis partibus heredes instituti, ac postea filius fratris pro sextante, quæritur iuris potestate quantum filij habituri sint? Et recte respondit Papinian. dempto sextante, qui filio fratris nominatim adscriptus est, ex eo quod superest, id est, ex dextante filios habituros æquas partes. Ne dicas modum partium filiorum declarari ex sextante adscripto filio fratris, vt in superiori specie: quod si verum esset, as videretur diuisus in semissem tantum, & iuris potestate omnes trientes haberent: sed ne hoc dicas, quoniam longe diuersa hæc species à superiori est. In illa primus scriptus est ex duabus partibus, in hac filij scripti sunt sine partibus, quoniam nihil interest dixerim filij æquis partibus heredes sunt, an filij heredes sunt: quia & hoc sermone æquis partibus heredes scripti intelliguntur, denique siue hoc, siue illo modo scribantur, ex æquis partibus scribuntur. In illa autem specie superiori assem testator distribuit in dodrantem tantum; in hac specie assem totū solēnter distribuisse intelligitur in 12. vncias. Ideoque in hac specie singuli filij ferunt quincuncem, filius fratris sextantem, qui adscriptus ei est. Ne etiam dicas, testatorem in hac diuisione excessisse 12. vncias, & filiis dedisse assem integrum æquis partibus, filio fratris ex altero asse, qui dupondium dicitur, vt assipondium pro asse, dupondium pro duobus assibus siue 24. vnciis, tripondium pro tribus assibus. Nam as, pondus, & libra, idem est. Videtur igitur filio fratris ex altero asse dedisse sextantem. Qua ratione vteremur quidem, si filij nominatim ex asse heredes essent scripti, hoc modo: filij ex asse æquis partibus heredes sunt, vel etiam, si vnus esset scriptus ex semisse, alter item ex semisse nominatim, vel si vnus ex triente, alter ex besse, quo genere totus as erogatur & distribuitur: at non ita in hac specie filij scripti proponuntur, sed simpliciter sine partibus certis, quo

**A** casu eadem ratione non vitur, ideoque subiicit, nihil interest quo loco sine partibus filij scripti sint, priore an posteriore, vt in l. quo loco sup. hoc titulo, vel hoc modo scilicet, filij heredes sunt, filius fratris ex sextante heres esto. vel è conuerso: filius fratris ex sextante heres esto, filij heredes sunt, quia quocunque loco filij scripti sint sine partibus dempto sextante, omnino residuum assis, id est, dextantem accepturi sunt, quæ est sententia huius responsi: cui nihil obstat l. quam opponit Accursius, 47. §. 1. sup. hoc tit. In qua filia non proponitur heres scripta sine parte, sed ex asse adiecto coherede postumo vel postuma, si postuma nasceretur ex quarta parte, id est, ex quadrante, si postumus nasceretur ex dimidia, & quarta, id est, nouem vnciis, ex dodrante, vt in l. quidam, tit. l. seq. & si ex dimidia & ex sexta, id est, ex besse in l. 13. §. pen. sup. hoc tit. ex quo in testamento Augusti apud Suet. in fi. Augusti & in Tiberij c. 25. legendum est. Augustum Tiberium scripsisse ex dimidia & sexta, & Liniam ex 3. male vulgo ex dimidia & sextante. quamuis idem sit, sed esset inepta locutio. Nam & ita M. Tullius 13. Epist. ad familiares.

**B** Heres ex parte dimidia & tertia as capito, id est, ex dextante. Porro in specie dictæ l. 47. nato postumo fiet diuisio paternæ hereditatis inter filiam & postumum pro ratione Geometrica, ita scilicet, vt quia filia scripta est ex asse, postumus ex alterius assis dodrante, id est, filia ex 12. vnciis, postumus ex nouem, quæ ratio est sesquitertia, vt maior etiam sit filiæ portio, sesquitertia. id est, vt quarta parte amplius habeat quam postumus. nata autem postuma, quia filia scripta est ex asse, postuma ex quadrante, quæ ratio est quadrupla, vt maior sit filiæ portio quadruplo; postumo vero & postuma natis simul, similiter quarta parte, vt maior sit filiæ postumi portio, postumi autem quam postumæ, vt maior sit portio triplo: quia postumus ex nouem, postuma ex tribus vnciis proponitur scripta, quæ ratio est tripla, filia autem, vt habeat tantundem, quantum vterque postumus & postuma, puta, filia semissem, postumus trientem & semunciam, id est, dimidiam vnciam, postuma sesquiunciam, id est, vnciam & semunciam. Et hæc est sententia l. 47. cui quemadmodum abrogauerit Iustinianus in l. cum questio, C. de leg. & aliis plerisque legibus similibus, similem proportionem exacte seruantibus, Geometrica introducta ratione huic aduersa, quæ Arithmetica dicitur propter præsumptam voluntatem defuncti, ego fusius ostendi in d. l. 47. quoniam est Africani.

#### Ad §. vltimum.

Seius Manium ex parte, quam per leges capere possit heredem instituit: ex re vel qua Titium si Manius solidum capere poterit: Titius adiectus aut substitutus heres non erit.

**S**pecies hæc est: Seius testator ita heredes scripsit, Manius ex parte, quam per leges capere poteris, heres esto: Titius ex reliqua parte. Finge, Manius solidum assem capere potest, quid habebit Titius? nihil prorsus, quia nihil est reliquum. Et vt excludat omnino Titium ait, eum neque venire, vt adiectum, id est, vt coheredem, vt in l. 85. ff. hoc tit. l. verbis §. qui cum plures, tit. seq. Nec venire vt substitutum, Manius accipiente solidum. Sed subiicitur ex eodem Papiniano, in eodem libro ex l. seq. si non dixerit, Titius ex reliqua parte heres esto, sed hoc modo: Manius ex hac parte quam per leges capere poteris, heres esto, Titius heres esto, & Manius assem capere possit, tantundem habebit Titius in altero asse, quantum habebit in primo Manius, atque ita ratione reuocata ad assem, id est, dupondio reuocato ad assipondium, singuli ferent semisses: sed vt est scripta l. sequens & in Florentinis, & in aliis plerisque, in ea est manifesta commutatio personarum, quoniam pro Manius scribendum est Titius, & pro Titius, Manius. Nec omittendum quod subiicitur in l. 80. ex cod. lib. 6. Resp. Si vt initio proposui, Manius sit hæ-



rescriptus ex parte, quam per leges capere posset, Titius ex reliqua parte, & Mauius nihil omnino capere possit ex ea hereditate, quasi in totum incapax, tum Titium vocari, ut substitutum Mauij in assem siue hereditatem totam, licet ibi addere, vel vocari ut coheredem, nihil refert, in assem deficiente Mauius: Nam reliquæ partis appellatione etiam as continetur, ut in *l. Julia de residuis*, residui aut residuorum appellatione totum continetur, *l. 4. §. hac lege, & §. seq. ff. ad leg. Iul. repet. item in specie l. 2, C. eod. tit. & l. 95. & 160. de verb. signific. & l. cum optio, ff. de opt. leg.*

Ad l. 7. de vulg. & pup. subst.

*Verbis civilibus substitutionem post quartum decimum annum ætatis frustra fieri conuenit, sed qui non admittitur ut substitutus, ut adiectus heres quandoque non erit, ne fiat contra voluntatem, si filius non habeat totum interim, quod ei testamento pater dedit.*

**V**erba civilia hodie non ambiguntur esse verba directæ, veluti: *heres esto*, quibus aduersa sunt verba precaria, veluti: *Rogo ut hereditatem illi restituas*. Dici non potest, quam multa scripserint interpretes, dum digladiantur inter se, & quarunt, quæ sint verba civilia, sed omnem dubitationem sustulit hodie Vlpiani liber regularum, in quo sub titulo de fideicommissis, fideicommissum definitur, *Omne quod non verbis civilibus, sed precatine relinquitur*. Vnde liquet verba civilia esse verba directæ, legitima, imperatiua, quibus leges uti solent, & testatores perinde ac leges, quum volunt: quia & testamentum lex est. Quamobrem recte dicam, hanc legem esse de substitutione pupillari à patre pagano facta verbis directis, filio impubere herede instituto ex asse, veluti in hunc casum & modum: *si filius heres erit & intra 25. annum vita excesserit, Manius ei heres esto*: Nam quod quidam hanc substitutionem, cuius formulam proposui, frustra non fieri dicunt, quod intra pubertatem moriente filio valeat, *l. in pupillari, hoc tit.* non pugnat cum hac lege: quæ frustra eam fieri non dicit intra pubertatem, sed post pubertatem moriente filio. Nihil igitur interest, incipiat substitutio à pubertate, hoc modo: *si filius heres erit & post 14. annum decesserit*, an comprehendat etiam pupillarem ætatem, ut supradicto modo: *si filius meus impubes heres erit, & intra 25. annum decesserit, vel intra 15. vel intra 20.* nihil refert. Nihil etiam interest ea substitutio fiat usque ad certam ætatem, ut in superioribus exemplis: an compendio, veluti hoc modo: *si filius heres erit & quandoque decesserit*, non expressa certa ætate. Compendio est legendum in *l. precibus, C. de imp. & al. substitut.* id est, compendio orationis, ut in *l. Manius, §. duorum, de legat. 2.* Nam compendiosa substitutio in iure non dicitur. militaris etiam substitutio, quam formantur recentiores, in iure non dicitur, sed militare testamentum tantum, & duæ sunt tantum directarum substitutionum species, siue fiant à pagano, siue à milite, & siue compendio fiant, siue expressim. Duo tantum sunt substitutionum casus, ut loquitur *d. l. precibus*. duo euentus, ut *l. 4. hoc tit.* duæ causæ, ut *l. cum ex filio §. filio, hoc titulo*. Denique duæ substitutiones directæ, quia duo tantum earum casus, euentus vel causæ; casus primus, & casus secundus, ut est in *d. l. precibus*. Casus primus est casus non adquisitæ hereditatis, in quem fit substitutio vulgaris, nempe hic casus, *si heres non erit*. Casus secundus est casus adquisitæ hereditatis, in quem fit substitutio pupillaris, nempe hic casus, *si heres erit*, quæ fit pupillo tantum à patre, vel parente, in cuius potestate est, quoad pubescat, & ad exemplum pupilli, etiam puberi mente capto, quoad resipiscat. Vulgaris substitutio est testamentum patrisfamil. Pupillaris substitutio est testamentum filiifamil. impuberis, vel mente capti, quod parens in cuius potestate est, ei fecit, nec enim queunt sibi facere testamentum propter ætatem vel

mentis lapsum. Pupillaris autem substitutio verbis directis facta, illis tribus modis, quos retuli ante, à patre scilicet qui non militabat, filio impuberi heredi instituto ex asse, etiam si longius quam pubertatis tempus comprehendat, expressim, vel compendio, tamen finitur pubertate: testamentum est quod finitur tempore, *d. l. in pupillari, hoc tit. l. si frater, C. de fideicommiss. finitur*, inquam, pubertate, adeo ut nec post pubertatem, licet à testatore in longius tempus producta sit, valeat iure fideicommissi, ut Azo sensit recte. Aliis aliud iudicium est, quorum sententiam male ab iis instituti Pontifices etiam in ius suum retulerunt, *c. Rainutius, ext. de testamen.*

At nullo iure eam substitutionem post pubertatem valere hæc lex demonstrat satis, dum ait, *eam substitutionem verbis civilibus post 14. annum ætatis*, id est, post pubertatem filij, frustra fieri conuenire, id est, constare inter omnes. Constans hoc decretum omnium Iurisperitorum. Nam substitutionem eam post pubertatem nullius momenti esse, articulus frustra demonstrat, quem familiare & amicum est Papiniano usurpare in re per omnia inutiles & nullas, *l. fideiussor, de neg. gest. l. iure, l. qui tutelam §. ult. de testam. tut. l. 5. de dot. coll. & multis aliis locis*. Frustra igitur, hoc est, neque in totum valere, neque in partem, ut mox subiicit in ead. lege, sed eo articulo etiam latius accepto, neque iure directo valere, neque iure fideicommissi. Cur non iure directo? quia non potest pater filio puberi heredi instituto substituere verbis directis in secundum casum, id est, ut si heres extiterit, & intra aliquod tempus decesserit, alius ei sit heres, *§. ult. Instit. de pupill. substitut.* quia faceret testamentum hoc genere ei, qui sibi potest facere, cum sit pubes: ea enim substitutio testamentum est, quod iure patriæ potestatis pater facit filio, sed filio tamen nequeunti per ætatem de re sua testari, id est, filio impuberi, proinde eius testamenti finis est pubertas, *l. ex facto §. item quaro, hoc tit.* sicut Carbonianæ bonorum possessionis, quæ etiam pupillo datur, finis est pubertas, *l. 3. §. puberi, de Carbon. edicto*. Eius, inquam, testamenti finis est pubertas, quia filius pubertate adeptus est ius testandi, & nemo iure facit testamentum, aut iure dat heredem alij, qui sibi heredem facere potest.

Cur autem ea substitutio post pubertatem non valet iure fideicommissi? Quia pater noluit facere fideicommissum, id est, substitutionem precariam, quia verbis directis non precariis usus est. potuisset verbis precariis substituere filio puberi, & extraneo cuilibet hoc modo: *Heres esto, rogo te, ut si intra 25. annum, vel quandoque decesseris, hereditatem Lucio Titio restituas*. rata est substitutio precaria, *l. coheredi, §. cum filio, hoc tit.* Sed pater quod potuit non fecit, & quod non potuit, fecit, ac proinde nihil egit. Nam & ita libertas data verbis directis, veluti, *liber esto*, seruo alieno, quæ iure data fuisset verbis fideicommissi, verbis precariis, neque iure directo valet, neque iure fideicommissi. Eadem ratione lex *si seruus §. si seruus, de legat. 1.* Quo argumento usus est recte in hanc sententiam Raphael Cumanus, licet in seruo proprio aliud sit, *l. generaliter §. si seruo, de fideicommiss. lib.* Ut vero magis atque magis demonstraret Papinianus, eam substitutionem directam frustra fieri post pubertatem filij, subiicit, substitutum quandoque neque ut substitutum admitti ex asse, mortuo filio pubere, neque ut adiectum coheredem ex parte: imo multo minus admitti, ut adiectum coheredem, hac ratione, quia si ut adiectus coheres admitteretur in partem hereditatis, veniret etiam viuo filio contra voluntatem patris, qui filium interim dum viveret solidum habere, & heredem ex asse esse voluit. Et cum substitutus non admittatur mortuo filio post pubertatem, tamen si ut substitutus habeat voluntatem patris, multo minus admittetur ut coheres, quia ut coheres non habet voluntatem patris. Dubitari tamen poterat, qui non admittitur in assem, an admitti possit in partem saltem? qui non ut substitutus, an ut adiectus? ut in



*l. qui non militabat, in fine. l. Lucius, sup. tit. prox.* Nam in specie *leg. si pater familias, & l. seq. sup. tit. prox.* substitutus vocatur in partem tanquam adiectus, & olim quoque, quod etiam alij notarunt ex *Vlpiano lib. regul. tit. 22.* heres institutus his verbis, *Titius heres esto, cernitoque in diebus centum proximis, & si non creueris, tunc Menius heres esto.* Ita institutus heres non cernendo, sed pro herede gerendo in partem admittebat substitutum, unde etiam quæri poterat in specie huius legis, an saltem in partem admitteretur substitutus post pubertatem? Verum in hac specie adeo inutilis nullaque substitutio est post pubertatem, ut neque in totum, neque in partem substitutum admittat, & neque iure directo, neque iure fideicommissi, ut supra dixi, salua Falcidia heredi legitimo, cuius rei etiam ex contrario manifestissimum argumentum præbet *lex centurio, hoc tit. & d. l. precibus.* Nam si privilegium militiæ facit, ut substitutio à milite facta verbis directis post pubertatem valeat iure fideicommissi, consequens est, ibi eam non valere iure fideicommissi, ubi nullum est privilegium, ubi ius commune servatur, ut in testamento pagani. Et hac sententia nihil est certius. vna tantum est lex, quæ aduersus eam obici potest, *l. Scævola 76. ad Senatusc. Trebell.* Cuius species hæc est: Pater filium impubere testamento ex assè heredem scripsit, & codicillis ei substituit in secundum casum, hoc modo, *si heres erit, & intra pubertatem decesserit, tunc ei primus, secundus, & tertius heredes sunt.* Plures substitutos dedit, quos etiam inter se inuicem iisdem codicillis directo substituit in primum casum, id est, vulgari modo: deinde mortuo patre, & filius mortuus est intra pubertatem superstitite matre, quæ se agit pro herede filij ab intestato ex *Senatusconsulto Tertull.* quia substitutio tam pupillaris quam vulgaris reciproca inutilis est, quoniam facta est codicillis, in quibus directo hereditas dari non potest secundum reg. iuris, sed testamento tantum, ergo subtili iure mater heres est ab intestato, & substitutio omnis, quæ scripta est codicillis verbis directis, nullius momenti est. At benigna interpretatione placet, matrem legitimam heredem filij, veluti ex causa fideicommissi substitutis obligari, ut deducta Falcidia, eis restituat filij hereditatem, & consequenter placet substitutionem vulgarem, qua substituti pupillo inuicem iisdem codicillis substituti sunt, iure fideicommissi sustineri, & porrigi ad fideicommissum hereditatis filij quod à matre accipiunt, ut scilicet vno substitutorum mortuo, qui supersunt totum occupent: quæ est species & sententia legis. Et sic videmus in specie huius legis, substitutionem pupillarem factam verbis directis, quæ iure directo valere non potest, propterea quod est scripta in codicillis, sustineri iure fideicommissi. cur non, inquires, & in specie huius legis sustinetur iure fideicommissi? Reddenda est ratio differentię perspicuæ, quæ talis est, quoniam in specie huius *leg. 7.* substitutio egreditur pupillarem ætatem, quoniam proponitur ita facta; *Quandocumque filius decesserit, vel si intra 25. annum decesserit.* substitutio hæc palam egreditur pupillarem ætatem, plane egreditur finem pupillaris substitut. In specie legis *Scævola*, non item, quoniam ita dixit, *si intra pubertatem decederet.* Ac præterea in specie huius *l. 7.* filius proponitur decessisse post pubertatem, atque ita substitutio prorsus euanuisse & expirasse: In specie *l. Scævola*, proponitur filius decessisse intra pubertatem, & ne concidat omnino testamentum filij quod pater ei fecit, si moriatur intra pubertatem, testamentum eius siue substitutio, quæ non potest valere ut testamentum pupillare iure directo, valet ut codicillus pupillaris ab intestato, & propter pupillum: inter ipsos quoque pupilli substitutos valet substitutio reciproca, facta vulgari modo iure eodem. Quod si in specie *l. Scævola* pupillus decessisset post pubertatem, sane omnis substitutio intercidisset, nec vlllo iure consisteret, quia ut testamentum, ita codicillos nemo iure potest facere alij qui sibi ipsi potest

A facere: esset enim absurdum quem puberi, & sanæ mentis facere testamentum, vel codicillos, quod tamen contingeret, si mortuo filio post pubertatem diceret in specie *l. Scævola*, hoc detracto, quod mortuus est post pubertatem, testamentum, quod ei facit pater, valere ut codicillos.

#### Ad l. 15. de vulg. & pup. subst.

*Centurio filiis, si intra quintum & vigesimum annum ætatis sine liberis vita decesserint, directo substituit, intra quatuordecim annos etiam propria bona filio substitutus iure communi capiet: post eam autem ætatem ex privilegio militum, patris duntaxat cum fructibus inuentis in hereditate.*

QVod Papinianus dixit in *l. verbis civilibus, sup.* quam exposui ante, substitutionem pupillarem filio impuberi factam à pagano verbis directis, si puberem ætatem egrediatur, post pubertatem, nec in partem, nec in totum valere, & ut adiecimus, nec iure directo, nec iure fideicommissi; id nunc idem Papinianus in hac lege ostendit in mili. e per omnia locum non habere. Nam si centurio filiis impuberibus vel filio impuberi substituerit verbis directis in secundum casum, hoc modo, *si intra 25. annum sine liberis vita decesserit, mortuo filio intra pubertatem, ait, iure communi, quo omnes vtuntur, & pagani, & milites, substitutum capere etiam bona filij propria, quibus verbis significatur, substitutum admitti iure directo, quo quidem iure non tantum capit bona patris, id est, quæ filius accepit à patre, sed etiam bona filij propria, quæ ei postea obuenerint, l. sed si plures §. à substituto, sup. hoc tit.* Et hoc casu nulla est differentia inter pagani & militem, quum filius mortuus est intra pubertatem. At mortuo filio post pubertatem, magna existit differentia inter militem & pagani: nam si miles filio substituerit directo ultra pubertatem, ut in specie proposita, in secundum casum; Post pubertatem mortuo filio, ait, substitutum ex privilegio militum, patris duntaxat bona capere cum fructibus inuentis in hereditate, non bona propria filio. Privilegium militum, quod ius singulare est, opponit iuri communi, & his verbis, *patris duntaxat bona substitutum capere cum fructibus inuentis in hereditate:* plane significat, substitutum non admitti iure directo, sed fideicommissi iure. Nam si admitteretur iure directo, caperet etiam bona filij propria. At fideicommissio siue substitutione precaria bona tantum patris tenentur, non bona filij propria. Quod manifestius apparet in filio exheredato, cui nihil reliquit pater, à quo fideicommissum relictum nullius momenti est, quia in causam fideicommissi eius, qui fideicommissio oneratur, bona propria non veniunt, quod & aperte idem Papinianus scribit in *l. coheredi §. quod si heredem, hoc tit.* & quod ait, substitutum etiam capere fructus inuentos in hereditate patris, hanc rationem habet, quia fructus inuenti in hereditate patris, bonis paternis adnumerantur & fideicommissio continentur, id est, ij qui maturi erant tempore mortis patris, vel ab ipso patre percepti, & in horrea repositi, *l. 2. ff. ad leg. Falc.* Nec in contrarium quidquam moueri debemus *l. in fideicommissaria & l. ita tamen §. 10. & l. postulante §. ult. inf. ad Trebell.* quæ omnes leges fideicommissio fructus contineri negant, quoniam omnes illæ ll. loquuntur de fructibus, qui immaturi erant tempore mortis patris, vel qui ad heredem sati & percepti sunt post mortem patris, antequam mora fieret fideicommissio. Ii non continentur fideicommissio, quia nunquam fuerunt in patris hereditate, quæ fuit tempore mortis. Quod ergo ait Papinianus in hac lege, substitutum filio mortuo post pubertatem capere tantum bona patris cum fructibus inuentis in hereditate patris, hoc certissimum argumentum præstat, eam substitutionem post pubertatem non



valere directo, licet facta sit directo, sed valere quasi fideicommissum: non valere ut directam, sed ut precariam substitutionem: non valere iure communi, quo sane post pubertatem nullo iure consisteret, ut docuimus in *d. leg. verbis*, sed ex privilegio militum sustineri iure fideicommissi. Et ita accipiendum est quod dicitur in *l. 5. & l. cum filiafamil. l. miles ita heredem §. extraneo, ff. de milit. testam.* & in *l. testamento, in fi. C. eod. tit.* militibus scilicet proprio privilegio pramioque militiæ substituere licere etiam heredibus extraneis in secundum casum, verum hoc ius exerceri in his duntaxat bonis, quæ à milite ad eum, cui substituit, pervenerunt, non etiam in his bonis, quæ heres habuerit propria, vel postea adquisierit, nempe, quia ea voluntas militis iure tantum fideicommissi sustinetur, & in fideicommissum tantum cadunt bona testatoris, & hoc evidentius est expressum in *l. precibus, C. de impube. & aliis substitut.* quæ tota hoc loco nobis perspicue explicanda est.

Miles testamento filium impuberem heredem instituit, quem habuit in potestate mortis tempore, eique directo substituit; videndum est, quem in casum ei directo substituerit; & duos eadem lex, ut & *l. Lucius inf. hoc tit.* docet esse directarum substitutionum casus, qui & euentus dicuntur & causæ. Primum casum non acquisitæ hereditatis, in quem fit vulgaris substitutio, omnibus & ab omnibus testamenti factionem habentibus. Secundum vero casum acquisitæ hereditatis, in quem fit substitutio pupillo tantum à parente, in cuius potestate est, quoad pubescat, & exemplo pupilli etiam puberis mente capto, quoad resipiscat. Vulgaris substitutio est testamentum, quo paterfamilias primo gradu heredum destituito & vacante, sibi alium heredem facit. Pupillaris est testamentum quod parens filio facit vel nepoti, quem habet in potestate nequeunti de re sua testari, propter pupillarem ætatem, vel propter insaniam. Itemque vulgaris substitutio finitur aditione hereditatis primo loco graduque scripti, vel erectione, vel etiam ex constitutione D. Marci, pro herede gestione, ut Vlpianus refert *lib. reg. tit. 22.* Pupillaris autem, vel quæ ad imitationem eius fit mente capto, finitur pubertate vel resipiscencia, & temporarium testamentum est, quod pater filio facit, & hæc de vulgari substitutione. Primum agitur in dict. *l. precibus*, si miles filio impuberi, quem habet in potestate substitueret in primum casum, ita ut, si heres non existeret, Lucius Titius heres esset, & filius heres extiterit patri, ac deinde vita decesserit ante pubertatem, vel post pubertatem superstite matre, certi iuris est, matrem filio ab intestato succedere ex Senatusconsulto Tertull. & substitutum omnino excludere, quia vulgaris substitutio exspiravit patris hereditatem amplectente filio, ut *l. 6. C. de imp. & aliis substit. l. 6. C. de legat. l. 13. C. de fideicommiss.* Et constitutione diuorum fratrum, quæ definit controuersiam illam veterem, quæ fuit inter Crassum & Mutium in causa Curiana, quæ scilicet definit in vulgari substitutione, quæ fit filio impuberi, inesse tacitam pupillarem, & in hac vicissim illam, *l. 4. hoc tit. l. 4. C. eod. tit.* huic, inquam, constitutioni locus non est, si filio impubere defuncto supersit mater: nam etsi exspirauerit vulgaris expressa, tamen non exspiravit tacita pupillaris, cuius casus & conditio existit filio impubere defuncto: & tamen substituto venienti non ex expressa, sed ex tacita pupillari mater præfertur, ex sententia Papiniani comprobata in *l. ult. C. de institut. & substitut.* Datum hoc est luctui & mærori matris, ne quæ filium amisit, ex tacito quodam intellectu, tacitaque interpretatione, & bonorum filij damnum faceret. Et hoc est quod dicitur tacitam pupillarem non excludere matrem à beneficio Senatusconsulti Tertull. & è contrario tamen, tacita vulgaris, quæ inest expressæ pupillari excludit matrem, optima ratione, quia per vulgarem substitutionem, non filij, sed patris hereditas defertur, cui vxor legitima heres non

est, & ita Accursius recte in *d. l. ult.* Hæc de vulgari substitutione.

Quid autem dicemus si filio impuberi, quem habet in potestate, miles directo substituerit ultra pubertatem in secundum casum? *L. precibus*, censet non esse distinguendum ei in secundum casum substituerit usque ad certam ætatem, veluti, si intra 25. annum vita decesserit, an vero substituerit compendio, id est, compendio orationis, non expressa certa ætate, puta hoc modo: *quandocunque decesserit filius meus, L. Titius heres esto*: nam siue hoc, siue illo modo substituerit, mortuo filio intra pubertatem superstite matre, ex eadem lege dicemus, substitutum, si velit adire filij hereditatem ex testamento, ex substitutione pupillari, præferri matri, quæ iure legitimo ab intestato contendit, se filij heredem esse, quia legitima successio cedit testamentariæ, *l. quandiu, inf. de acquir. hered.* At filio mortuo post pubertatem superstite matre, quia substitutio pupillaris post pubertatem iure directo non valet, mater ab intestato ipso iure filio succedit, sed ex privilegio militum veluti ex causa fideicommissi mater substituto hereditatem siue bona patris duntaxat restituere tenetur, etiam non deducta Falcidia, quia lex Falcidia in testamentis militum locum non habet veluti ex causa fideicommissi. hæc sunt verba legis *precibus*, quæ non similitudinem faciunt, sed approbationem & confirmationem huius sententiæ, ut substitutio, quæ in secundum casum à milite filiofamil. verbis directis facta est in longius tempus, id est, ultra pubertatem, ultra suum finem ex privilegio militum valeat iure fideicommissi. in bonis igitur patris duntaxat, quæ filius testamento patris consequutus est. Bona enim quæ post mortem patris sibi proprie adquisiuit, mater retinet ab intestato, nec restituit. si post pubertatem ex privilegio militum substitutio valeret iure directo, nihil retineret mater, alioquin fieret iniuria filio, in cuius arbitrio est, postquam egressus est decimumquartum annum de re sua testari, vel non testari, videlicet si testamentum ei pater veluti privilegio quodam militis faceret, & præriperet ei libertatem testandi. At privilegia militum non oportet porrigi ad alienam iniuriam *l. impuberi, sup. de administ. tutor.* In hac igitur quæstione hic terminus hæreat, substitutionem in secundum casum verbis directis filio impuberi agenti in potestate à patre pagano vel milite factam ultra puberem ætatem expressa certa ætate, vel in infinitum, compendio orationis, filio mortuo intra pubertatem valere iure directo, & substitutum occupare omnia bona propria & paterna. Filio autem mortuo post pubertatem, à pagano factam substitutionem nullo iure consistere; substitutum nihil ferre, à milite factam, iure fideicommissi sustineri. Et ideo substitutum ferre bona paterha, sed hæc sola, non etiam bona filij propria. communis interpretum definitio hæc est. Eam substitutionem post pubertatem, si facta sit à pagano, valere iure fideicommissi: si à milite, valere iure directo. qua sententia nihil est ineptius, & tamen ut dicebam nudius tertius, Pontifices eam in ius suum retulerunt, sed eorum non est magis verum atque hoc Papiniani responsum quod proponitur in *l. verbis civilibus, & in hac leg. centurio.* Et liquet etiam aliam pæne similem, sed in contraria specie differentiam esse inter paganum & militem ex *l. Antoninus, ff. de fideicommissar. libert. l. neque §. ult. & seq. inf. de milit. testam.* Primum in hac specie contra rationem fit ex privilegio militum, ut quod fideicommissum non valet, iure fideicommissi, sustineatur iure directo, in pagano nullo iure. species hæc est: Miles heredem instituit, eique substituit in primum casum, vulgari modo, & tam ab herede instituto quam à substituto, seruo libertatem & hereditatem dedit per fideicommissum. Post, heres institutus & substitutus vterque subita morte perierunt, antequam adirent hereditatem: ergo ipso iure nihil ex iis, quæ testamento scripta sunt, valet, & libertas igitur corrumpit fideicommissaria, & hereditas cum liber-



tate data per fideicommissum. Sed tamen ex privilegio militum decreuit Anton. libertatem & fideicommissariam hereditatem tuendam esse, ac si fideicommissio data esset: nec tamen idem dici possit in pagano, quod ad hereditatem fideicommissariam attinet, quia intercidisse intelligitur non adita hereditate ab instituto vel substituto, sed tamen etiam in testamento pagani Antoninus confirmauit libertatem tantum, quæ est species d. l. Antoninus.

Ad legem 23. de vulgari & pupil. substitut.

*Qui plures heredes instituit, ita scripsit: eosque omnes inuicem substituo. post aditam à quibusdam ex his hereditatem, uno eorum defuncto si conditio substitutionis extitit alio herede partem suam repudiante ad superstites tota portio pertinebit: quoniam inuicem in omnem causam singuli substituti videbuntur. Vbi enim quis heredes instituit, & ita scribit, eosque inuicem substituo: hi substituti videbuntur, qui heredes extiterunt.*

**I**N hac lege proponitur species huiusmodi: Quatuor extranei heredes instituti sunt primus, secundus, tertius & quartus. Idemque inuicem substituti sunt his verbis, *eosque omnes inuicem substituo*, quæ est substitutio vulgaris mutua & reciproca, ut ait l. 4. hoc tit. Primus, secundus & tertius hereditatem adierunt, & post aditam hereditatem tertius vita decessit, & portionem suam transmisit ad heredem suum: deinde quartus portionem suam repudiavit post mortem tertij. Quæritur, quartæ portio an ex substitutione reciproca non tantum pertineat ad primum & secundum heredes superstites, sed etiam ad heredem tertij vita defuncti. Et respondet Papinianus, ad solos heredes superstites pertinere pro rata partium, ex quibus instituti sunt, ad primum scilicet & secundum, qui directo & principaliter testatori heredes extiterunt, non etiam ad heredem tertij, qui non principaliter, sed per successionem testatori heres extitit. Et responsi sui hanc rationem reddit Papinianus, quoniam inuicem in omnem causam singuli substituti intelliguntur. non dicit singulos esse substitutos inuicem, & in utramque causam, id est, & in primum, & in secundum casum, quia secundus casus, siue substitutio pupillaris non cadit in extraneum, sed hoc dicit: singulos videri substitutos in uniuersam siue totam causam substitutionis vulgaris sine vlla diminutione, vel rescissione, vel concursu alterius, quam eius, qui directo ex testamento testatori heres extitit, quia, ut subiicit: *Ita tantum substituti videntur, qui heredes extiterunt*; directo scilicet & principaliter, id est, qui in testamento heredes scripti sunt & portiones suas adquisierunt, l. coheredi §. 1. inf. hoc tit. non etiam heredes heredum. Heres heredis non est directo siue principaliter heres testatoris, l. ult. ff. de legat. 3. non est proximus heres, l. sciendum, de verbor. significat. non est heres ex testamento, vel ex iudicio testatoris, l. 8. §. ult. hoc tit. Ergo si solum vocantur ex substitutione vulgaris reciproca recurrente & commeante, qui testatori ex testamento principales & proximi heredes extiterunt. Spes substitutionis non transmittitur ad heredem, l. quoties, ff. de adquir. hered. l. si ex pluribus, ff. de suis & legit. Ratio sumenda est ex veteri regula, quia hereditas vel hereditatis portio non adquisita ex institutione vel ex substitutione ad heredem non transfertur, ne scilicet plus iuris transferatur in heredem, quam defunctus habuerit, & ita hoc Papiniani responsum cum cæteris fere omnibus interpretibus libenter accipio, qui tamen rationem Papiniani ne attingunt quidem, in qua tota vis consistit legis siue responsi. Et libenter ita accipio hoc responsum, quod videam & omnes idem, in eadem specie respondisse Paulum in l. Lucius, §. ult. hoc tit. Quidam Germani aliter hoc responsum accipiunt, nempe ut dicant, vno ex pluribus he-

**A** redibus institutis & inuicem substitutis defuncto, priusquam adiret hereditatem, eos solos in portionem eius venire, qui adierunt, non etiam eum, qui repudiavit, specie posita hoc modo. Qui primum, secundum, tertium, quartum heredes instituit, ita scripsit: *eosque omnes inuicem substituo*. primus & secundus adierunt hereditatem, tertius mortem obiit priusquam adiret hereditatem, atque ita conditio substitutionis vulgaris extitit: quartus autem repudiavit partem suam, atque ita etiam in parte quartæ conditio substitutionis vulgaris extitit. de quartæ parte qui repudiavit, quid fiet? dicunt non quæri in hac lege, sed de parte tertij mortui ante aditam hereditatem, utrum scilicet tota pertineat ad coheredes, primum & secundum, puta, qui adierunt, an etiam ad quartum qui repudiavit. Et Papinianum dicunt respondere, nihil ex portione tertij ad quartum pertinere, qui repudiavit, sed ad primum tantum & secundum, qui adierunt, totam portionem tertij pertinere pro rata, & quo magis verborum dispositio congruat huic sensui quem adstruunt, mutant interpunctionem, & verissimum quidem id esset responsum. Sed non ita in hac lege ponendam esse speciem liquet ex eo, quod Papinianus ait, vnum ex iis, qui adierunt defunctum, illi perperam defunctum ante aditam hereditatem. Et quod superstites heredes Papinianus opponit defuncto heredi, nimirum quia controuersia fuit inter heredes defuncti & superstites heredes testatoris: illi perperam superstites opponunt superstiti, id est, ei qui repudiavit, de cuius etiam parte non fuit cur minus quæreret Papin. quæ de parte mortui ante aditionem, neque vero, si ea fuisset species, etiam de ea omisisset quærere. Itaque permaneamus in superiori interpretatione.

Ad l. 41. eod.

*Coheredi substitutus, priusquam hereditatem adiret, aut conditio substitutionis existeret, vita decessit. ad substitutum eius, siue ante substitutionem, siue postea substitutus sit, utraque portio pertinebit. nec intererit, prior substitutus post institutum, an ante decedat,*

**S**pecies primi responsi hæc est: Qui primum & secundum heredes scripsit, ita eis substituit in primum casum, vulgari modo: *si primus heres non erit, secundus in partem locumque eius heres esto, si secundus heres non erit, L. Titius heres esto*. Secundus vita decessit, antequam hereditatem adiret, & antequam conditio substitutionis existeret, id est, antequam primus repudiaret hereditatem, vel moreretur ante aditam hereditatem. Deinde primus repudiavit, vel vita excessit, non adita hereditate. Papinianus ait, ad L. Titium, qui secundo substitutus est, pertinere non tantum portionem secundi, sed etiam portionem primi, cui secundus substitutus fuit, quasi substitutus primo & secundo substitutus esse intelligatur, & hoc est quod dicitur, vulgo, *substitutum substituto, esse instituto substitutum*, ut l. si Titius, sup. hoc tit. Quod & in Inst. tit. de vulg. substit. dicuntur Seuerus & Anton. rescipuisse sine distinctione. quid sit sine distinctione Papinianus declarat in hoc responsio. Nempe, quia nihil interest L. Titius substitutus sit secundo, antequam secundus substitueretur primo, an post substitutionem secundi factam primo. Item, quia nihil interest, secundus post primum moriatur an ante primum. Videbatur Luc. Titius non esse substitutus in utramque partem, nisi quum erat substitutus vltimo loco post substitutionem secundi, ut proposui exemplum; sed idem est, si fuerit substitutus primo loco ante substitutionem secundi hoc modo: *Primus & secundus heredes sunt, si secundus heres non erit, L. Titius heres esto, si primus heres non erit, secundus heres esto*. Et rursus videbatur L. Titius non admitti in utramque partem, in secundi partem, nisi secundo moriente vel repudiante post primum, id est, post



delatam secundo portionem primi. Sed idem est, si secundus moriatur ante aditam hereditatem, vel repudiet ante primum. Et in summa: Nō spectato ordine scripturæ vel ordine successionis deficiente primo & secundo L. Titius iure substitutionis vtriusque partem capiet. Et hæc in vulgari substitutione, per quam heres testatori constituitur: nam in pupillari substitutione, per quam heres constituitur pupillo non testatori, ordinem successionis spectari, & distinctionem adhiberi pro ratione successionis ostendit *l. qui habebat, hoc tit.* cuius species necessario explicanda est. Pater, qui habebat filium & filiam impuberes, filium heredem instituit, filiam exheredauit: filio in secundum casum substituit filiam, ita ut si intra pubertatem decederet, filia ei heres esset, filia autem exheredata (certum est exheredata vel exheredato fieri posse substitutionem pupillarem, fieri posse testamentum usque ad pubertatem, *l. sed si plures §. ad subst. hoc tit.*) filia igitur exheredata, si intra pubertatem, vel ut ait Scauola, in *d. l. qui habebat*, si antequam nuberet, id est, antequam nubilis esset, decederet, substituit uxorem & sororem suam. ea verba, *antequam nuberet*, sic necessario accipienda sunt, antequam nubilis esset, quia substitutio pupillaris non potest egredi nubilem ætatē. In aliis causis facile patiar his verbis significari diem nuptiarum, non nubilem ætatem, tamen id quoque olim fuerit controuersum inter iuris auctores, sed controuersiam definiuit Iustinianus in *l. sancimus, C. de nuptiis*. in causa substitutionis pupillaris natura & conditio eius exigit, ut accipiantur ea verba de ætate, non de die nuptiarum. ergo & filio instituto in secundum casum substituit filiam, & filia exheredata in eundem casum substituit uxorem & sororem suam. Quid deinde contigit post mortem testatoris? filia prior decessit impubes, sic recte habent Florentini, non pubes, deinde post filiam filius etiam decessit impubes: quæritur, an ut filia, sic etiam filij hereditas pertineat ad uxorem & sororem testatoris, quia filia tantum substituta sunt? Et respondet Scauola, non pertinere, non reddita ratione, ut solet. Substitutus igitur substituta filia non intelligitur esse substitutus filio, & hoc ideo, quia filia nunquam fuit delata filij hereditas; cum ipsa prior decesserit, alioquin si prior filius decessisset & filia ei heres extitisset ex substitutione pupillari, proculdubio postea etiam mortua filia impubere vtriusque hereditas pertineret ad sororē & uxorem testatoris. Itaque qui ordo successionis non seruatur in substitutione vulgari, spectatur in pupillari. Et ratio differentia hæc est, quia in specie leg. *qui habebat*, omnino deficit vel extincta est substitutio pupillaris, quæ filio facta est moriente substituta ante filium, & ideo filia hereditas, non iam pertinet ad substitutam, quæ nulla est, sed ex Senatusconsulto Tertulliano ab intestato redit ad matrem solam, id est, uxorem testatoris: filia autem hereditas, quæ prior decessit pertinet ad vtramque, uxorem & sororem testatoris iure substitutionis. Res est perspicua.

In specie autem huius legis, non omnino deficit substitutio vulgaris facta primo, moriente secundo ante primum, quia si postea moriatur, etiam primus non adita hereditate iure substitutionis L. Titius vtramque partem occupat, quoniam pars secundi primo coheredi suo etiam inuito adcreuit, *l. si quis heres, ff. de adquir. hered.* nec ante L. Titius ad vtriusque partem admittitur, quam vacauerit pars vtriusque. Et in hoc Papiniani responso illo loco: *priusquam hereditatem adiret, aut conditio substitutionis existeret, illud aut subdisiunctionem, id est, falsam & mendacem disiunctionem facit, ut solent plurimum loqui nostri auctores, alioquin mortuo secundo post aditam hereditatem, antequam primus repudiaret, deinde repudiante primo, videretur ad L. Titium pertinere secundi portio, quod est falsum, quia in persona secundi aditione expirauit substitutio vulgaris,*

A & consequenter primi etiam portio eo casu ad L. Titium non pertinet, quia vtriusque pars non vacat.

Ad §. ex his verbis.

*Ex his verbis: eosque inuicem substituo, non adeuntis portio scriptis heredibus pro modo sibi vel alij quaesita portiois deferitur.*

Hoc loco docet Papinianus, quod docuit etiam supra in *l. qui plures heredes*, ex substitutione vulgari reciproca non adeuntis, siue repudiantis portionem, deferri scriptis tantum heredibus pro rata partium, ex quibus heredes scripti sunt, qui & portiones suas adierint, vel adquisierint sibi vel alij, puta, patri vel domino, in cuius potestate permanferunt: nam si seruus vel filius exierint potestate patris vel domini, post vnus coheredum hereditatem repudiarit, portio eius iure substitutionis non pertinebit ad patrem vel dominum, quamuis ei filius vel seruus suam portionem adquisierit, sed pertinebit ad filium emancipatū vel seruū manumissum, quia aliter quam in contractibus, in quibus tempus duntaxat contractus spectatur, in testamentis non tantum testamenti tempus spectatur, sed etiam tempus delatæ hereditatis vel legati, *l. que legata, de reg. iur. l. si solus §. ult. in fi. de adquir. hered.* Igitur in specie proposita spectatur tempus, quo deferitur portio hereditatis, portio heredis non adeuntis, ut si eo tempore filius vel seruus fuerit in potestate patris, ea portio per filiū aut seruū patri aut domino adquiratur, si non fuerit in eius potestate, si emancipatus ante fuerit, aut seruus manumissus, ut sibi adquiratur. Et quod in hac substitutione, quæ vice mutua fit inter coheredes vulgari modo obtinere dicimus, idē per omnia seruatur in substitutione pupillari hoc modo concepta: *quisquis mihi heres erit, idem filio meo impuberi heres esto.* Nam ex hac substitutione neque vocatur pater, qui per filiū, neque dominus, qui per seruū heres extitit, videlicet si filius, vel seruus eo tempore, quo conditio substitutionis existit, id est, quo moritur impubes, exierit potestate patris vel domini, ut Azo recte notauit ad *l. 8. §. ult. hoc tit. & l. 3. hoc tit.* Nam filio vel seruo manente in potestate patris vel domini, si conditio substitutionis pupillaris existat, patri vel domino certū est per filium vel seruū adquiri hereditatem pupillarem. Illud etiam certum est, neque ex hac substitutione pupillari admitti heredem heredis, *d. l. 8. §. ult. & l. 10. in princ. hoc tit.* neque ex illa substitutione vulgari, qua coheredes inuicem substituuntur, ut docuimus in *d. l. qui plures, supra.* quæ ut hic §. est etiam de substitutione vulgari reciproca. Cæterū in illa *l. qui plures*, heredes superstitēs opponuntur heredi coheredis mortui post aditam hereditatem. In hoc autem §. velim heredes scriptos & superstitēs opponi fisco, ut scilicet dicat, substitutos inuicem coheredes præferri fisco. maxime, cum & ob id potissimum fiat substitutio reciproca, ne portio non adeuntis fiat caduca, *l. vn. §. 1. C. de cad. toll. l. 1. C. de iis, qui ante apert. tab. l. miles §. ult. ff. de legat. 2. l. 5. hoc tit.*

Ad §. cum filia.

*Cum filia, vel nepoti qui locum filij tenuit, aut post testamentum cepit tenere, parens substituit: si quis ex his mortis quoque tempore non fuit in familia, substitutio pupillaris fit irrita.*

Multa sunt & olim fuerunt ante Iustinianum differentia inter filium, & filiam, cæterosque liberos. Filij præteritio nullum faciebat testamentum: filia vel nepotis præteritio, non idem, §. 1. *Instit. de exher. liber. l. ult. C. de liber. præter.* Filius exheredandus erat nominatim: filia, nepos & cæteri liberi exheredari poterat inter



ceteros hoc sermone; ceteri exheredes sunt, d. §. Item filius non potuit institui sub omni conditione, non sub casuali, sed potestatiua tantum, quæ in eius potestate esset: filia, nepos & ceteri sub omni conditione institui poterant, quam differentiam etiam hodie valere verum est, l. 4. l. 6. §. 1. sup. tit. prox. Sicut & illam differentiam manere constat, aut nouiter introductam esse à Iustiniano, ut filius vel filia, rogatus rogataue hereditatem restituere, aut oneratus onerataue legatis aut fideicommissis non imputet in Falcidiam fructus medio tempore perceptos, quos tamen nepos imputat, & ut filio quoque vel filia remittatur cautio fideicommissi, vel onus remittendæ cautionis fideicommissi, quæ tamen non remittitur nepoti, l. iubemus, C. ad Senatus cons. Trebell. Itē filius trina emancipatione, & trina manumissione exhibet potestate patris: filia, nepos & ceteri vna manumissione, & vna emancipatione, l. 8. §. ult. sup. de iniur. rupt. rest. Hæc sunt vel fuerunt discrimina, hæ differentie inter filium & filiam & nepotem, ceterosque liberos. At in causa pupillaris substitutionis in hoc §. hoc loco, cum filia vel nepoti, voluit ostendere Papinianus nullam esse differentiam inter filium & filiam vel nepotem ceterosque liberos, eam substitutionem fieri posse quibuscunque liberis, qui modo sunt in potestate testatoris, filio & filia & nepoti nō recasuro in potestatem patris, l. 2. sup. hoc t. Et in omnibus his liberis, quibus fit substitutio pupillaris, exigi, ut vtroque tempore sint in potestate testatoris, tempore testamenti, & tempore mortis testatoris: nam, ut patrisfamil. testamentum irritum fit capitis deminutione, ita & filiifamil. & filiafamil. vel nepotis qui est in potestate aui, nec morte aui est recasurus in potestatem patris sui. Id, inquam, testamentum, id est, substitutio pupillaris, irrita fit capitis deminutione filij vel filia, vel eius nepotis, veluti emancipatione vel adrogatione, l. nec ei §. 1. de adopt. l. pater. ff. de capt. & postl. Et integram orationem Papiniani hanc fuisse opinor. Non solum cum filio, sed etiam cum filia vel nepoti & ceteris qui sequuntur in hoc §. non solum cum filio, inquit, sed & quum filia vel nepoti, qui locum filij tenuit, puta, filio mortuo iam ante testamentum aui, vel post testamentum, inquit, tenere cepit, puta, in locum filij viuo aui, mortui post aui testamentum succedente nepote ex l. Velleia. Denique quum nepoti non recasuro in potestatem filij patris sui, cum inquam, filia, vel tali nepoti parens substituit in secundum casum, si quis ex his omnibus, & testamenti & mortis quoque tempore non fuerit filius, vel filia vel nepos, vel si alij datus dataue fuerit in adoptionem, substitutio pupillaris irrita fit, nulla facta differentia inter liberos.

Ad §. quod si heredem.

Quod si heredem filium pater rogauerit, si impubes diem suum obierit, Titio hereditatem suam restituere: legitimum heredem filij, salua Falcidia, cogendum patris hereditatem ut ab impubere fideicommissio post mortem eius dato, restituere placuit. Nec aliud seruandum, cum substitutionis conditio puberem ætatem verbis precariis egreditur. Quæ ita locum habebunt, si patris testamentum iure valuit: alioqui si non valuit, ea scriptura quam testamentum esse voluit Codicillos non faciet, nisi hoc expressum est. Nec fideicommissio propria facultates filij tenebuntur. Et ideo si pater filium exheredauerit, & ei nihil reliquerit: nullum fideicommissum erit. Alioquin si legata vel fideicommissa filius acceperit: intra modum eorum, fideicommissum hereditatis à filio datum, citra Falcidiam rationem debebitur.

Non potest hic §. coaptari superiori §. vlllo modo, & tamen ut quibusdam verbis quæ præcesserunt, coaptetur hic articulus, quod necessario exigit, ac sane hic §. est coaptandus l. verbis civilibus, hoc tit. Quasi scilicet Respons. Papin.

ita Papinian. scripserit vno tenore, ut integram eius sententiam exponamus paucis adiectis siue interiectis quæ etiam ipsum Papinianum interieciſſe credimus, quibus verbis ea lex huic §. coagmentetur. hæc sunt verba legis, verbis civilibus substitutionem post 14. annum ætatis frustra fieri conuenit. quibus verbis significat, puberi parentem frustra directo substituere in secundum casum: & sequentibus in d. l. verbis, Sed qui non admittitur ut substitutus, ut adiectus heres quando non erit: nec in partem hereditatis substitutum admitti. post quæ verba Papinianum credibile est adieciſſe, quod etiam adiicitur in §. ult. Instit. de pupill. subst. hoc tamen esse parenti permisſum, ut non tantum impuberem, sed etiam puberem filium, & non tantum suum, sed etiam emancipatum per fideicommissum roget non directo si impubes, vel si pubes diem suum obierit, Titio hereditatem suam restituere, quo præmisso recte infert in hoc §. quod si heredem filium pater rogauerit & c. hoc sensu, ut si filius heres institutus à patre rogatus sit, si impubes vita decederet, hereditatem Titio restituere, quo genere à filio impubere post mortem eius Titio fideicommissum relinquitur, id est, fideicommissaria hereditas, sic enim accipienda sunt hæc verba huius §. ut ab impubere fideicommissio post mortem eius dato, & c. id est, fideicommissio hereditatis paternæ, non de fideicommissio rei cuiusdam certæ, ut Glossa voluit, & alij plerique. Si igitur à filio herede instituto post mortem eius, si impubes moreretur, fideicommissum hereditatis paternæ Titio relinquatur, mortuo filio impubere, ad fideicommissi restitutionem obligari legitimum heredem filij, & debere patris hereditatem Titio restituere retenta Falcidia. Idemque seruari ostendit, si fideicommissum illud, siue substitutio illa precaria egrediatur puberem ætatem: ut si filius quandocunque decesserit, vel si intra 25. annum decesserit, rogetur hereditatem Titio restituere. Nam & hoc casu fideicommissum hereditatis à filio relinquitur post mortem eius, & ideo filij puberis heres legitimus vel testamentarius, quoniā pubes potuit sibi facere testamentum, salua Falcidia cogitur Titio restituere patris hereditatē, quasi relicto fideicommissio ab herede heredis, id est, post mortē heredis, quod fit recte. Et hæc ita se habent, ut hoc §. docet Papinianus. Si iure factum sit testamentum: nam si iure non sit factum, id est, si in eo defuerint solemnia iuris, nihil ex iis, quæ testamēto scripta sunt, valet. Nec ergo valet illa substitutio precaria, nec ex ea Titio debetur fideicommissum hereditatis, quia nec iure codicillorum testamentum sustineri aut tueri potest, l. ex ea scriptura, in princ. ff. qui testa. fac. poss. l. 1. ff. de iure codicill. l. fideicommiss. §. 1. de leg. 1. Denique testamētum quod non valet ut testamentum iure directo, nec valet ut codicillus iure fideicommissi, nisi hoc sit expressum, id est, nisi in testamento sit adiecta clausula codicillaris, veluti hoc modo hoc meum testamentum omni iure valere volo, ut in d. l. ex ea scriptura §. 1. omni iure, id est, directo & precario: omni iure, id est, ut vel testari vel ut intestati voluntatē iure codicillorum. Nam & codicilli ab intestato fieri possunt, vel etiā hoc modo: hoc meum testamentum etiam vice codicillorum valere volo: ut in l. 3. ff. de milit. testam. vel etiā, ut in l. Lucius, §. ult. de legat. 2. vel ut in l. cum pater §. filius matrem, cod. tit. Non adiecta clausula codicillari testamētum nullo iure consistit, nec quæ in eo sunt scripta verbis fideicommissi vlllo iure consistunt. Addit tamen Accursius vnam exceptionem scribens, etiam non adiecta clausula codicillari, huiusmodi testamētum, si factū sit inter liberos, si non iure factum sit, & solemniter, seruari vice codicillorum, ex l. ult. C. famil. ercisc. Quod ita debet intelligi de cōmodis ipsorum liberorum agatur: puta, si illo testamento pater inter eos bona sua distribuierit; quia licet iure factum non sit testamentum, quasi iure reciproci fideicommissi conseruantur ei portiones vel bona, quæ eis testamento pater adscripsit, non etiam, quæ exteris lega-



uit, nisi aliud suadeat voluntas testatoris probabilis, *l. in testamento, ff. de fideicommiss. liber.* Et postremo additur in hoc §. fideicommissum illud hereditatis, quod à filio relictum est Titio, continere tantum bona patris, non bona filij propria, quod exposui in *l. Centurio.* In fideicommissum cadunt ea tantum bona, quæ à testatore ad heredem peruenierunt, non bona heredis propria; hoc est alienum à natura & iure fideicommissi: alioquin & ab exheredato filio, cui nihil pater reliquit; fideicommissum hereditatis relictum valeret in bonis scilicet filij. Quod tamen est absurdum, quia neque ab exheredato, neque à substituto eius, si ei substituerit pater in secundum casum, quicquam relinqui potest, nisi heredem institutum ei substituerit, ut *l. in ratione §. ult. ff. ad leg. Falcid.* At si quid exheredato filio pater reliquit titulo legati vel fideicommissi, pro modo eius quod reliquit, fideicommissio hereditatis obligari potest integro præstando, non retenta Falcidia. Citra Falcidiæ rationem, id est, non retenta Falcidia, quia soli heredes habent retentionem Falcidiæ, non legatarij vel fideicommissarij, *l. lex Falcidia si interuenerit §. ult. inf. ad l. Falcid.* fideicommissum hereditatis ab exheredato filio, cui aliquod legatum est relictum, id vocat, si rogetur filius, cui legatum relictum est, ut Titium sibi heredem faciat, vel ut Titio bona sua relinquat, restituat, præstet, cui fideicommissio obligatur eatenus, quatenus patitur modus legati, *l. ex pacto §. non tantum, ad Senatus. Trebell.*

#### Ad §. qui discretas.

*Qui discretas portiones coniunctis pluribus separatim dedit, ac post omnem institutionis ordinem ita scripsit; quos heredes meos inuicem substituo: coniunctos primo loco vice mutua substituere videtur; quibus institutionum partes non agnoscantibus, ceteros omnes coheredes admitti.*

**S**pecies hæc est §. qui discretas. Quidam heredes instituit numero sex, hoc modo, primus, secundus & tertius ex semisse heredes sunt: quartus & quintus & sextus, ex altero semisse heredes sunt, & post institutionem heredum ita scripsit: quos heredes meos inuicem substituo, si quis eorum heres non erit. In hac specie omnes heredes simul omnibus inuicem substituti non videntur, ut in specie *l. qui plures heredes. & l. Lucius §. ult. hoc tit.* Ideoque primo repudiante, vel moriente ante aditam hereditatem, portio eius non defertur omnibus qui adierunt, puta, secundo, tertio, quarto, quinto & sexto, sed secundo & tertio tantum, qui separatim instituti, & primo coniuncti sunt. At secundo etiam ipso & tertio partes suas repudiantibus, tunc quartus, quintus & sextus ad illorum partes admittantur; ac similiter repudiante quarto, quintus & sextus, qui ei coniuncti sunt in institutione vocantur: & his omnibus repudiantibus quarto, quinto & sexto: primus, secundus & tertius vocantur. Denique duo facti videntur gradus substitutionis reciprocae, in primum siue vulgarem casum: ac primum inuicem substituti, qui sunt primo loco coniuncti, primus, secundus, tertius; deinde ceteri coheredes coniuncti, vnius personæ potestate funguntur, *l. plane in princ. ff. de legat. 1.* Et confirmat valde hoc responsum Papiniani *l. 1. §. si quis ex nepotibus, ff. de coniung. cum emancip. liber.* quam Accursius adducit hoc loco, ex edicto nouo bonorum possessionis contra tabulas, vel vnde liberi, filio emancipato coniunguntur nepotes ex eo retenti in potestate aui: at vno ex nepotibus repudiante, portio eius adcrefcit alteri nepoti, quasi coniuncto, non filio patri eorum; at utroque nepote repudiante, adcrefcit filio. Eadem est ratio iuris adcrefcendi & substitutionis. Quamobrem exemplo iuris adcrefcendi recte notat Antonius Goueanus primo, secundo & tertio, coniunctis in institutione nulla adscripta parte, ut si dixerit:

**A** primus, secundus & tertius: quarto autem quinto, & sexto, coniunctim heredibus institutis ex parte certa, veluti ex semisse, primo repudiante ceteros omnes coheredes admitti iure substitutionis reciprocae: quia scilicet primus, secundus & tertius non intelliguntur esse coniuncti, cum in certam partem non sint coniuncti; non sunt coniuncti re, qui sine re scribuntur, & inanis per se sola verborum coniunctio est, *l. item quod, §. 1. sup. tit. prox.* Qua de causa caute Papinianus posuit hoc loco discretas portiones separatim coniunctis pluribus datas, & in §. seq. cuius species huius proxima est, patrem & filium pro parte coniunctim heredes institutos. Nam ut ad eius §. sequentis interpretationem accedam, & in specie huius §.

#### Ad §. qui patrem.

*Qui patrem & filium pro parte heres instituerat, & inuicem substituerat: reliquis coheredibus datis post completum assensum ita scripsit, hos omnes inuicem substituo. Voluntatis sit questio, commemoratione omnium patrem & filium substitutioni coheredum miscuisset, an eam scripturam ad ceteros omnes transtulisset. Quod magis verisimile videtur propter specialem inter patrem & filium substitutionem.*

**P**roponuntur pater & filius, qui scilicet emancipatus erat pro parte, heredes instituti coniunctim. tota species hæc est: Marcus pater, & Marcus filius ex quadrante mihi heredes sunt, quos inuicem substituo. Titius ex sextante heres esto. Caius ex quadrante heres esto. Mauius ex triente heres esto. Atque ita distributo & completo assensu toto subiecit: hos omnes inuicem substituo. Repudiante patre portionem suam, quaeritur, an ad portionem eius non tantum filius, qui ei coniunctus est in institutione, sed & ceteri coheredes admittantur? Si dixisset, hos heredes meos inuicem substituo, ut in superiori §. ad portionem vacantem solus filius, quasi coniunctus admitteretur, sed quia dixit: hos omnes inuicem substituo, ea vox peremptoria, omnes, ut Valentinianus ait in *Novell. de praescript. 30. annorum*, facit ut videantur omnes omnibus inuicem substituti, ut & in *l. Lucius §. ult. hoc tit.* Et appellatione omnium comprehendit etiam patrem & filium. Quod tamen Papinianus ait, non esse verisimile, propterea quod inter patrem & filium specialem substitutionem reciprocam testator facit, ut sequenti substitutione hisce comprehensa verbis: hos omnes inuicem substit. plane non videatur patrem & filium comprehendisse, sed reliquos coheredes tantum, Titium, Caium, Mauium. At repudiante patre & filio in partem eorum recte dicam ceteros omnes admitti, non iure substitutionis, quoniam patri & filio vice mutua substituti non sunt, sed iure adcrefcendi: Titio autem repudiante Caium & Mauium admitti iure substitutionis reciprocae in portionem Titij, non etiam patrem & filium, quia separatae substitutiones sunt, vna specialis patris & filij, altera generalis omnium, sed omnium reliquorum heredum eis patre & filio nequaquam admissis. Specialis substitutio derogat generali. Quod si specialis substitutio inter patrem & filium facta non fuisset, sane appellatione omnium etiam pater & filius continerentur, nec ut coniuncti separatim inducerent ius substitutionis, sed deficiente vno, ad portionem eius venirent ceteri omnes, & ita est explicandus hic §. Nec obstat responso huius §. *l. ult. inf. ad Senatus. Trebell.* quam Bartolus obiicit, quoniam alia est species huius §. longe alia illius *l.* In specie huius §. prima substitutio, quæ facta est inter patrem & filium, & sequens substitutio, qua omnes inuicem substituti sunt, vtraque eiusdem generis substitutio est, nempe vulgaris reciproca. Et eiusdem generis substitutionem factam inter aliquos specialiter generali sermone eodem testamento



repeti & iterari non est verisimile in specie *d. l. ult.* Prima & sequens substitutio diuersi generis sunt, diuersaque conditionis: prima, qua duos fratres inuicem substituti sunt, est directa substitutio vulgaris: sequens, quae facta est omnibus fratribus, si quis eorum post aditam hereditatem vita decesserit sine liberis, est substitutio precaria siue obliqua, & non est absurdum vel incongruum, semel vno genere inuicem substitutos, & alio deinde genere substitui, semel substitutos directo, & deinde substitui precario, semel substitutos in primum casum directo, deinde substitui in secundum casum precario. Et ita est lex illa ab isto §. distinguenda.

#### Ad §. coheres.

*Coheres impuberi filio datus, eidemque substitutus, legata secundis tabulis relicta perinde praestabit, ac si pure partem, & sub conditione partem alteram accepisset. Non idem seruabitur alio substituto. nam ille Falcidia rationem induceret, quasi plene sub conditione primis tabulis heres institutus: tamen si maxime coheres filio datus, quadrantem integrum obtineret. Nam & cum legatum primis tabulis Titio datur, secundis autem tabulis eadem res Sempronio: Sempronius quandoque Titio concurrat.*

**P**ertinet hic §. ad materiam contributionis, qua nulla est difficilior in iure: huius §. duas facio partes. In priori agitur de coherede substituto filio impuberi in secundum casum, à quo scilicet & in primis & in secundis tabulis, id est, in institutione & in substitutione legata relicta sunt, & ex substitutione pars pupilli ad eum peruenerit, si incatur ratio legis Falcidia confundere debet & contribuere eam partem cum parte sibi adscripta in primis tabulis, confundere item debet, contribuere, commiscere, subicere communi calculo relicta à se legata in primis tabulis, & legata à se relicta in secundis, quoniam perinde habetur, ac si pure ex parte heres institutus esset, ex parte sub conditione: Finge autem, Lucium Titium heredem institutum pure ex sextante, & sub conditione ex triente, & ab vnaquaque parte iussum esse dare legata, Lucius Titius pro eo habetur, ac si semel heres scriptus fuisset ex semisse, iunge sextantem trienti, exit semis. Ideoque pro eo habetur L. Titius, atque si ex semisse heres scriptus fuisset, nec enim semissem scindere potest separato sextante à triente, proinde separare etiam non potest legata à se relicta ex sextante & legata à se relicta ex triente, sed confusis portionibus & confusis legatis earum portionum in omnibus rationem legis Falcidia inire & componere debet, *l. 1. §. penul. ff. ad l. Falcid. l. quidam, C. de iure deliber.* Et eadem ergo ratione coheres substitutus coheredi confundit partem, ex qua ipse, & partem, ex qua coheres institutus fuit, quae ad eum peruenit ex causa substitutionis: confundit legata à se relicta primis secundisque tabulis, quia & hic coheres, idemque substitutus coheredi institutus esse videtur ex parte pure, ex parte sub conditione, *d. §. pen.* Et hoc in substitutione pupillari seruari docet prior pars huius §. Et in substitutione vulgari, *l. 1. §. id, quod ex substitutione, in princ. ad l. Falcid.* & in vtraque substitutione, *l. qui fundum §. qui filium, ad l. Falcid.* Si igitur ex parte pupilli & ex parte sua, qui pupillo eidemque coheredi substitutus est, Falcidiam seruare non possit confusis partibus & legatis utetur beneficio legis Falcid. sed si ex parte pupilli, quae ad eum peruenit integra ex substitutione pupillari Falcidiam seruare possit, non utetur beneficio legis Falcidia in parte, ex qua heres scriptus est, tamen si ea pars onerata vel exhausta sit legatis: pars integra, quae accedit onerata vel exhausta replet partem oneratam vel exhaustam, & cessat Falcidia in parte onerata, si pars, quae accedit impleat Falcidiam. At, quod maxime no-

**A** tandum, non idem erit è contrario, si pars eius onerata non sit, & ex substitutione pupillari ad eum pars onerata perueniat, id est, si pars onerata ex substitutione accedat integra: nam hoc casu partes & legata non confunduntur. Partium & legatorum ratio separatur, & ex parte onerata detrahitur Falcidia, perinde ac si remanisset apud pupillum, *d. l. qui fundum §. qui filium.* atque ita pars onerata, quae iure substitutionis accedit parti integrae, non repletur per partem integram cui accedit, & hoc est, quod Dd. verissime definierunt, si portio non grauata accedat grauatae, contributioni locum esse: sin autem portio grauata accedat non grauatae, contributioni locum non esse, & ratio differentiae haec est, quia non potest eadem portio & principalis & accessionis locum obtinere: partem, quae accedit accessionem esse: partem cui acceditur principalem esse: accessionis autem esse replere, non repleti, augere non augeri.

**B** In posteriore parte huius §. agitur de extraneo non coherede, filio impuberi substituto, & alio coherede eidem filio dato, quo casu, si legata relicta sunt à substituto, & à coherede, & conditio substitutionis extiterit mortuo filio intra pubertatem, non confunduntur eorum partes, non confunduntur legata ab eis relicta, sed separatim in substituto, & separatim in coherede pupilli ponitur ratio legis Falcidia, quia coheredes pupilli & alius substitutus pupilli qui coheres non est pupilli, coheredes sunt inuicem & substitutus pupilli quasi scriptus sub conditione, coheres pupilli quasi scriptus pure. Denique coheres pupilli tam substituto pupilli est coheres quam ipsi pupillo: In singulis autem coheredibus certum est separatim rationem legis Falcidia ponendam esse, *l. in singulis ff. ad leg. Falcid.* separatis portionibus, separatis legatis, ergo secundum haec, si pars pupilli, quae ad substitutum peruenit, exhausta vel onerata sit legatis, substituto competit beneficium legis Falcidia: tamen si coheres pupillo datus totius hereditatis totorumque bonorum integram Falcidiam habeat, id est, quartam partem. Coheredes autem esse non tantum eos, qui iisdem tabulis scripti sunt, sed etiam eos, quorum alter primis, alter secundis tabulis heres scriptus est, veluti coheredem primis tabulis pupillo datum, & aliam substitutum secundis tabulis, eidem pupillo datum Papinianus probat hoc argumento, quod collegatarii etiam sint, quorum alteri res legatur primis tabulis, alteri eadem res secundis tabulis, ut in *l. plane §. si coniunctim. inf. de leg. 1.*

#### Ad §. cum pater.

*Dum pater impuberi filiae, quae nouissima diem suum obiisset, tabulas secundas fecisset, & impubes filia, superstitie sorore pubere, vita decessisset, irritam esse factam substitutionem placuit: in persona quidem prioris, quia nouissima decessit: in alterius vero, quia puberem aetatem compleuit.*

**I**n §. pen. haec proponitur species: Pater duas filias impuberes heredes instituit, & ei, quae intra pubertatis annos nouissima diem suum obiisset L. Titium substituit, quae est substitutio pupillaris facta ei, quae suprema moreretur. Et hoc genere inter sorores ius legitimarum hereditatum pater custodiri vult, *l. vel singulis, hoc iur.* Hoc scilicet voluit, ut in partem eius, quae prior moreretur ab intestato veniret soror superstites, ac deinde etiam altera sorore moriente intra pubertatis annos, ut L. Titius vtriusque sororis portionem caperet, & posterioris & prioris, inuentam in hereditate posterioris, *l. qui duos, de reb. dub.* Quid contigit? vna ex sororibus impubes vita decessit superstitie altera iam pubere, hoc casu Papinianus ait, irritam esse substitutionem pupillarem, in vtriusque persona defunctae impuberis, quia licet videatur intra pubertatem nouissima decessisse,



quæ impubes decessit sorore iam adulta, reuera tamen nouissima non decessit, quæ alteram superstitem reliquit, & ideo in eius persona expirauit substitutio pupillaris, substitutum excludente iure legitimo ex mente testatoris sorore superstitite, *l. 25. hoc tit. l. pen. C. de impub. & ali. substitut.* In persona autem superstitis esse irritam etiam substitutionem, quia puberem ætatem exegit, compleuit: substitutio pupillaris finitur pubertate. Quod adeo verum est in testamento pagani, vt nec vis substitutionis post pubertatem verti possit in causam fideicommissi, vt docuimus, in *l. verbis civilibus, & l. Centurio, hoc tit.* & hæc quum vna ex sororibus impubes decessit superstitite altera iam pubere. At contra si pubes prior decessisset forte instituto herede extraneo, non sorore superstitite, deinde soror superstes impubes decesserit, tunc sane dicerem substitutum venire in partem impuberis, quæ nouissima diem suum obiit, & ad hunc casum recte accommodatur *l. heredes §. cum ita, inf. ad Senatuscons. Trebellian.* Quod si vtraque pubes decessisset, certo certius est prorsus euauisse substitutionem, & in nullam partem vocari substitutum. quod si vtraque impubes decesserit, vel eodem momento vel diuersis, verum est substitutum vtrique succedere ex substitutione pupillari, *d. l. pen. & l. qui duos.* Quia & qui substituitur nouissimo morienti, vtrique in eundem casum substitutus intelligitur, videlicet, si vterque moriatur impubes, *l. ex duobus, hoc tit.* Sequitur §. ult.

#### Ad §. vltimum.

Non videri cum vitio factam substitutionem his verbis placuit: *ille filius meus, si, quod abominor, intra pubertatis annos decesserit: tunc in locum partemue eius Titius heres esto: non magis quam si post demonstratam conditionem, sibi heredem esse substitutum iussisset. Nam & qui certa rei heres instituitur, coherede non dato, bonorum omnium hereditatem obtinet.*

**P**ater filio impuberi substitutionem pupillarem fecit his verbis: *Ille filius meus, si, quod abominor,* (quod etiam addebant in substitutione vulgari, *l. 4. C. de impub. & aliis subst. l. Lucius, de hered. instit. l. Lucius §. filiam, de legat. 2.*) *Ille, inquam, filius meus, si, quod abominor, intra pubertatem vita decesserit, tunc in locum partemue eius Luc. Titius heres esto.* Hæc substitutio vitiosa esse videtur, vel vt ait, videtur esse facta cum vitio, videtur ei inesse vitium. Albericus est valde suauis quum legit vno verbo, *conuictio*, id est, iniuria & contumelia. Videtur, inquam, huic substitutioni inesse vitium, quia scilicet dixit, *in locum partemue eius*, quæ verba substitutioni vulgari magis congruunt, non pupillari, vt ex *l. quum quis §. Seiam, de leg. 3. l. 3. l. ult. C. de hered. instit. l. 4. C. de impub. & ali. subst.* Quia vulgari substitutione sibi heredem testator facit, pupillari substitutione pupillo heredem facit, non sibi. Et his verbis: *in locum partemue eius*, quam scilicet ei dedi, de suis bonis sibi heredem facere videtur, nec tamen ideo improbatur substitutio pupillaris, quia nec improbaretur, si palam ita dixisset: *ille filius meus, si intra pubertatem decesserit, tunc Luc. Titius mihi heres esto.* Substitutio rite concepta est, vt in *l. si ita scriptum §. cum filio, inf. de bonorum possess. secund. tab. l. 1. l. 46. hoc tit.* Ideoque non male M. Tullius 2. de Inuent. substitutionem pupillarem ita concipit, *Si filius ante morietur quam in tutelam suam venerit, tum mihi ille secundus heres esto.* Ergo quem quis hoc modo sibi heredem iussit, idem etiam erit heres filio impuberi, & non tantum patris bona capiet, sed etiam bona filij propria iure substitutionis pupillaris, sicut & qui ex re certa solus heres instituitur, & cæteras res omnes capiet, *l. 1. §. si ex fundo, sup. tit. prox.* Voluntas testatoris interpretatione adiuuanda est, & mendis vitiiisque sublati conser-

uanda quantum potest: menda non vitiant voluntatem testatoris: Vitia non vitiant *l. 1. tit. seq.* Si facta sit substitutio sub conditione impossibili, vel alio mendo, sic in Florentin. recte, non vitatur. Mendum circumscribitur, vt in *l. 34. sup. tit. prox.* Deleatur Glossa hoc loco; quæ parte hæc verba Papiniani, *post demonstratam conditionem*, quæ sunt proculdubio de conditione substitutionis pupillaris, si intra pubertatem decesserit, male accipit de alia extranea conditione. Deinde deleatur etiam, quæ parte ponit in specie *h. l.* filium nominatim heredem institutum non fuisse, sed tacite institutum videri, ex his verbis, *in locum partemue eius*, quia hoc si ita esset, id est, si ita res processisset, non valeret testamentum; propterea quod tacita filij institutio, tacitum testamentum non valet, *l. 19. & 65. sup. tit. prox.* Et filius haberetur pro præterito, *l. 16. in fin. huius tit.* Et vt multi Dd. dicunt contra Glossam, & contra Bartolum Glossæ assecclam, verba conditionalia non inducunt dispositionem. Liberi positi in conditione non sunt in dispositione, quod probat recte *l. Gallus §. idem resp. & in §. in omnibus, sup. de lib. & post. l. filiusfam. §. cum quis, de legat. 1. l. ex facto §. ex facto, inf. ad Senat. Trebell.*

#### Ad l. 24. de condit. instit.

**Q**ui ex fratribus meis Titiam consobrinam uxorem duxerit ex besse heres esto: qui non duxerit, ex triente heres esto. Vno testatore consobrina defuncta, ambo ad hereditatem venientes semisses habebunt, quia verum est, eos heredes institutos, sed emolumento portionum euentu nuptiarum discretos.

**Q**ui habebat duos fratres, ita eos heredes instituit: *qui ex fratribus meis Titiam consobrinam nostram uxorem duxerit, (iure ciuili consobrinorum nuptiæ licitæ sunt) ex besse heres esto: qui non duxerit, ex triente heres esto: qui scilicet duxerit, vel non duxerit post mortem meam.* Finge: Mortua est consobrina viuo testatore, hoc casu ambo fratres in partes æquales vocantur, non in partes inæquales, bessem & trientem: sed singuli venientes ad hereditatem fratris semisses habebunt, quia verum est eos esse heredes institutos, sed portionibus inæqualibus discretos ex euentu nuptiarum tantum, quæ cum euenire non possint præmortua consobrina, nec per heredes factum sit quo minus euenirent, consequens est eos esse redigendos ad æqualitatem, vt in *l. 2. §. si quis ita, de bonor. possess. secund. tab.* Idemque l. proxima superius docet respondendum esse, si testatori consobrina superuixerit, & neutri nubere voluerit quod est certissimum. Quid tamen dicemus, si post mortem testatoris consobrina cum parata esset alterutri nubere, neuter eam ducere voluerit? Et Azo idem & hoc casu esse respondendum censet, fallaci colore, quasi scilicet pure heredes instituti sint, & ex euentu nuptiarum tantum discretæ inter eos portiones hereditariæ, id est, quasi institutio sit pura, discretio partium conditionalis, id est, collata in euentum nuptiarum. Ego dicerem & institutionem vtriusque factam esse sub conditione, si quis eorum consobrinam uxorem duceret post mortem testatoris, & ideo neutro volente eam uxorem ducere, cum ipsa parata esset nubere, quia per eos stat quo minus conditio impleatur, institutionem in vtriusque persona prorsus deficere, quod non possumus negare, & l. prox. sup. significat aperte illo loco: *non quia ipsi ducere noluerunt.* Cuius mens est vt non aliter ambo semisses habeant, quam si vel consobrina mortua sit viuo testatore, vel post mortem eius neutri nubere velit, non etiam, si per eos fiat, quo minus alterutri nubat, & confirmatur hæc distinctio *l. 4. C. de cond. insert. l. in testamento, ff. de cond. & demonstr.* Conditionalem vero institutionem esse etiam demonstrat dicta *lex 2. §. si quis an-*



tem, ff. de bonor. poss. ff. secund. tabul. & l. quotiens §. si quis tamen, de hered. instit.

Ad l. 12. de milit. test.

*Milites n. ea duntaxat, quæ haberent scriptis relinquunt.*

**A** It Papinianus, milites scriptis heredibus ea duntaxat relinquere, quæ haberent: quod Papinia. scripsit, ut patet ex l. 11. §. ult. cui hæc applicatur, cum dicat, milites enim subicitur ratio in hac lege §. ult. legis præcedentis: unde dico hoc scripsisse Papinianum de militibus filiis, vel de militibus patribus, qui se filiosfamil. esse existimant ignorantes mortem patris: si sola bona castrensia habent, aut se habere existimant. Idcirco & ea sola bona scriptis heredibus relinquunt, & ita hic locus explicandus est, non etiam bona pagana, quæ eis ignorantibus morte patris obuenerunt. At si sciant se esse patresfamil. factos morte patris, & non tantum castrensia, sed etiam pagana bona habere, credo eos heredibus scriptis relinquere omnia sua bona, nisi aliud sensisse eos proberur.

Ad l. 27. eod.

*Centurio secundo testamento postumos heredes instituit, neque substitutos dedit, quibus non additis ad superius testamentum se redire testatus est. Cetera quæ secundo testamento scripsit, esse irrita placuit: nisi nominatim ea confirmasset, ad priorem voluntatem reuersus.*

**S**pecies huius legis hæc est: Centurio testamento primo, finge, commilitonem heredem instituit: Deinde mutata voluntate, secundo testamento postumos heredes instituit, quod haberet uxorem prægnantem, nec eis substitutos dedit, si non nascerentur, sed eis non natis se ad primum testamentum redire testatus est, quo commilito erat heres scriptus: non natis postumis, puta, abortu facto, irrita sunt omnia, quæ secundo testamento scripserat, vel scripta sunt, nisi nominatim ea confirmauerit, puta, non natis postumis, testando se ad primum testamentum redire. Ita ut à commilitone in eo herede scripto, præstentur etiam legata aut fideicommissa secundo testamento relicta, alioquin irrita sunt legata & fideicommissa, quæ est sententia huius legis elegantissima. Verum in ea deleta tota glossa Accursij illo loco: quibus non aditis, legendum est, quibus non editis, id est, non natis postumis ad superius testamentum Centurio se redire testatus est, quod confirmant alij quidam libri, qui propius vero habent, aditis, non additis, & alij qui plane habent: quibus non natis, sed retineamus viciniorem scripturam, quibus non editis & omnia erunt plana.

Ad l. 36. eodem.

*Militis codicillis ad testamentum factis, etiam hereditas iure videtur dari. quare si partem dimidiam hereditatis codicillis dederit, testamento scriptus ex æsse heres partem dimidiam habebit: legata autem testamento data communiter debebuntur.*

**I**n primo responso legis 36. eod. ait Papinianus: militis codicillis ad testamentum factis, etiam hereditas iure videtur dari. Ad testamentum facti codicilli dicuntur, etiam si testamento confirmati non sint, l. 5. §. qui principale, ff. de us. quibus v. indign. Itaque glossa male codicillis ad testamentum factis, id est, confirmatis, male etiam alter, codicillis ad testamentum factis, id est, iuxta testamentum, quoniam hac oratione certum est significari tantum codicillos factos ab eo, qui & sibi testamentum fecerit, & codicillos pertinentes ad causam te-

stamenti, l. 1. §. hoc interdictum, de tab. exhib. l. 2. §. ad causam, ff. quemadm. testam. aper. l. 3. §. qui codicillos, de Senatus. Sillan. vel, ut idem aliter dicamus, codicillos, qui quasi pro parte testamenti habentur, l. quidam, de iure codicill. veluti, quod supplendo, vel corrigendo testamento fiunt. Certum autem est paganum codicillis iure hereditatem non dare verbis directis vel adimere, etiam si codicilli testamento confirmati sint, quæ regula iuris per manus esse tradita dicitur in l. quod per manus, ff. de iure codicill. Scanola, ff. ad Senatus. Trebell. At miles iure dat, vel adimit hereditatem verbis quibuscunque, verbis precariis vel directis in codicillis & qualibet voluntate nuda, ut patet ex hoc responso, & l. in fraudem, §. 1. hoc tit. Finge: Miles testamento L. Titium ex æsse heredem instituit, eumque oneravit legatis, deinde codicillis ita scripsit: *Caio Seio ex semisse heres esto.* videtur miles tantum Luc. Titio ademisse, quantum dedit Caio Seio in codicillis. ambo igitur ad hereditatem veniunt iure directo, & ex voluntate militis semisses capiunt. Legata autem data testamento, licet à solo L. Titio data sint, æquum est ut communiter ea præstent Luc. Titius & C. Seius pro virilibus portionibus, ut quatenus ablatum est Luc. Titio, eatenus releuetur & exoneretur præstatione legatorum, ut in l. cum pater, §. cum exist. de leg. 2. l. Plantius, ff. de condit. & demonstr. quæ in glossa corrupte citatur ex tit. ad l. Falcid. cum sit ea lex, Plantius, non quæ est in tit. ad l. Falcidiam, sed quæ est in tit. de cond. & demonstr. quæ hoc probat, & hæc est sententia huius responsi. Bartolus hoc loco patrem paganum liberis facientem testamentum ex æquat militi, quasi scilicet possit etiam pater paganus liberis directo hereditatem dare in codicillis, quod merito refellit Angelus Perusinus ex l. ex parte §. 1. ff. familia ercisc. quæ manifesto probat, patrem, qui verbis directis in codicillis bona sua filiis suis distribuit, intestatum decessisse: ergo testamentum non valere iure directo. Neque à parte Bartoli facit l. consultissima §. ex imperfecto, C. de testam. quo §. sæpe abutitur, dum eum accipit latius quam oportet, quoniam quod ad rem propositam attinet, dum in eo §. dicitur, ex imperfecto testamento tenere voluntatem patris inter liberos. Imperfectum testamentum non vocat codicillos, quibus directo data sit hereditas, qua de re agimus, sed, ut quæ præcedunt in ea lege ostendunt apertissime, imperfectum testamentum id vocat, quod non subscriptum neque signatum est à testibus, quod etiam si eo vitio laboret, non etiam si omni vitio laboret, tenet inter liberos.

Ad §. miles.

*Miles castrensiū bonorum, & non castrensiū, diuersis heredibus institutis, postea castrensiū bonorum alios heredes instituit: prioribus tabulis tantum abstulisse videtur, quantum in posteriores contulerit, nec videtur mutare, etsi prioribus tabulis unus heres scriptus fuisset.*

**E** Miles primo testamento L. Titium castrensiū bonorum, Caium paganorum heredem fecit. postea mutata voluntate, secundo testamento Sempronium bonorum castrensiū heredem fecit pro parte, mutasse superius testamentum intelligitur bonis castrensiū à Caio translatis ad Sempronium, quod paganus facere non potest. Paganus non potest pro parte mutare testamentum, sed si quid velit mutare, debet omnia ex integro mutare, l. heredes, §. si quid post, sup. qui test. fac. poss. Militi hoc permittitur, quasi bona castrensia & bona pagana, duorum hominum duas hereditates & duo testamentum faciat, l. si certarum §. 1. hoc t. Adeo ut nec coheredes sint ij, quorum vnum miles scribit heredem paganorum, alterum castrensiū. non sunt coheredes, quia duæ sunt hereditates veluti duorum hominum, & duo



testamenta, qua de causa, nec inter eos est ius ad crescendi, nec iudicium famil. erisc. l. heredes §. i. famil. erisc. l. si filius §. castrensum, ff. de bon. libert. Et addit Papinian. nec videtur mutare, etsi prioribus tabul. unus heres scriptus fuisset. Nec videtur mutare, id est, non videtur aliud dicendum esse, aut non est mutandum responsum, si ponamus militem testamento vnum tantum fecisse heredem omnium bonorum, non duos, ut posuimus, diuisis castrensis & pagani, deinde secundo testamento L. Titium fecisse heredem castrensum bonorum, quia & hoc casu scripto in primo testamento tantum abstulisse videtur, quantum contulit in L. Titium secundo testamento ex castrensis heredem scriptum. Itaque apud scriptum primo testamento remanebunt tamen bona pagana, vtrumque testamentum ponitur factum verbis directis. Et duo igitur sunt testamenta: nam miles potest plura testamenta facere, l. quarebarur, h. t. quam l. male tamen obicit Accurs. hoc loco, quoniam ibi miles in secundo testamento nominatim expressit, se primum testamentum fideicommissi tamen & codicillorum vim habere velle, ideoque non sunt duo testamenta. male etiam obicit l. Centurio, h. t. quam supra exposuimus, quoniam ibi miles, non duo, sed vnum tantum testamentum facere voluit.

## Ad §. miles.

*Miles in supremis ordinandis, ignarus uxorem esse pregnantem, ventris non habuit mentionem. post mortem patris filia nata ruptum esse testamentum apparuit: neque legata deberi. si qua vero medio tempore scriptus heres legata soluisse: vtilibus actionibus filia datis, ob improuisum casum esse renouanda. Nec institutum, cum bona fidei possessor fuerit, quod inde seruari non potuisset, prestari.*

**M**iles ignorans uxorem esse pregnantem, in testamento postumum silentio prateriuit, L. Titium heredem instituit, & ab eo legata reliquit. agnatione postumæ rumpitur testamentum militis propter prateritionem, & irrita sunt omnia, quæ in eo testamento scripta sunt. Ergo nec legata aut fideicommissa ex eo testamento debentur. At quid si medio tempore antequam postuma agnasceretur, L. Titius heres institutus bona fide ignorans uxorem testatoris esse pregnantem legata à se relicta soluerit? & hoc casu ait, postumæ dari vtilem actionem siue conditionem indebiti, ut repetat legata perperam soluta & indebite. Nec etiam est nouum, ut quod alius soluit, alius repetat l. 5. de cond. indeb. Et si forte postuma solida legata ab iis quibus heres institutus ea persoluit, recipere non potuerit, propter inopiam eorum, quia non sunt soluendo, rectissime ait periculum huius rei non pertinere ad heredem institutum quia bonæ fidei possessor fuit, & bona fide soluit, & bonæ fidei possessor in id tantum tenetur, quo locupletior factus est. & idem respondit in questione l. 3. de cond. indeb. Ad malæ fidei possessorum proculdubio huius rei periculum pertineret, & in petitione hereditatis veniret in solidum, l. 13. §. ult. de petit. hered. l. Papin. §. ult. de inoff. testam. l. 4. §. pen. ff. si cui plus quam per l. Falcid. illo autem loco huius responsi, ob improuisum casum legata esse renouanda, siue repetenda, improuisum casum vocat agnationem postumi, quod d. l. 3. de cond. ind. nouam & inopinatam causam, & inopinatam fortunam, l. 4. inf. ut in poss. legat. Ideo autem ponit militem ignorasse uxorem esse pregnantem, atque adeo minime cogitasse de postumo vel postuma nascitura, quia, si scisset uxorem esse pregnantem, prateritio postumi haberetur pro exheredatione, nec agnascendo postuma rumperet testamentum, quia non est praterita, sed censetur esse exheredata, l. sicut, C. eod. tit. Paganus pater debet liberos exheredare nominatim, miles potest tacite exheredare,

A sicut & mater pagana & auus maternus paganus, quia & horum prateritio pro exheredatione habetur, quod Institutiones docent.

## Ad §. veteranus.

*Veteranus moriens testamentum iure communi, tempore militia factum, irritum esse voluit: & intestatus esse maluit. heredum institutiones ac substitutiones in eodem statu mansisse, placuit. Legata vero petentes, exceptione doli mali secundum ius commune summoneri, cuius exceptionis vires ex persona petentis æstimantur. Et alioqui potior est in re pari causa possessoris.*

**S**pecies huius §. hæc est: Miles testamentum iure communi fecisse proponitur, non more & iure, tempore militia, deinde post missionem cum veteranus esset, id est, militia dimissus, moriens dixit, se intestatum mori, & id testamentum irritum esse velle, quod fecerat in militia iure communi: nuda hæc voluntas non facit irritum testamentum. ut nuda voluntas non perficit testamentum, ita nec euerit, l. pen. §. ult. ff. de bonor. poss. sec. tab. Et secundum hoc institutiones & substitutiones in eo testamento scriptæ valent, quamuis dixerit, se intestatum mori velle, nec fiscus institutis aut substitutis potest eripere hereditatem, quia testator veteranus non iudicauit eos heredes esse indignos, aut non mereri suam voluntatem, quo casu fiscus succederet, sed tantum dixit se mori velle intestatum. qua de re diximus in l. ult. ff. de iis qua test. del. Ergo heredes instituti & substituti, heredes permanent. Institutio & substitutio iure consistit, quæ non potuit eueri nuda voluntate, minusque solemniter. At quæritur, an etiam legata eo testamento relicta valeant & debeantur, qua de re merito dubitatur, quia licet hereditas nuda voluntate non possit adimi, adimuntur tamen legata nuda voluntate, non quidem ipso iure, sed beneficio exceptionis doli mali legatario petenti legatum contra nudam voluntatem defuncti, opposita exceptione doli mali, ut in l. 3. in fi. ff. de adim. leg. & l. ex parte, eod. t. quæ cum sit ex eod. lib. cum hoc §. videtur coniungenda, & ita in specie proposita ait: Institutiones quidem & substitutiones in eodem statu manere, at legata petentes submoueri posse exceptione doli mali, & eleganter. qui locus est satis obscurus, eius exceptionis quam legatario heres opponit petenti legatum, vires æstimandas esse ex persona actoris, id est, ex persona legatarij, qui legatum petit actione ex testamento: nam si talis sit persona legatarij, ut verisimile sit legatum ei testatorem omnimodo præstari voluisse, omni iure etiam ab intestato: Finge, esse alumnus aut sanguine proxime coniunctum, quem is viuus vnice dilexerit: eo casu nullæ erunt vires exceptionis doli mali, & legatarius consequetur legatum. sed si non talis sit persona legatarij, efficax erit exceptio doli mali, & in pari causa secundum regulam iuris melior erit conditio possessoris, id est, heredis. fortuna dat litem secundum possessorem in re pari: fœlix qui possidet in re pari, hæc est sententia huius loci. At quod plane est extra eum locum, quod tamen interpretes in hunc locum coniiciunt, si non agat legatarius, sed agat heres repetendo legatum quod per errorem soluit, omissa exceptione doli mali, tum dicimus vires exceptionis, quam legatarius opponeret heredi, non æstimari ex persona actoris, sed ex persona rei, id est, legatarij, ut & in specie l. pen. §. ult. de bon. poss. sec. tab. quæ est species huius §.

## Ad §. vltimum.

*Miles iure communi testatus, postea testamento iure militia super bonis omnibus facto, post annum militia vita*



*vita decesserat prioris testamenti, quod ruptum esse constabat non redintegrari vires constitit.*

**M**iles iure communi testamentum fecit, postea fecit secundum testamentum iure militiæ, & mortuus est intra annum missionis: certum est testamentum factum iure militari post missionem à militia valere eodem iure intra annum, si testator moriatur intra annum missionis *l. quod constitutum, l. testamenta, l. quod dicitur, hoc tit.* Quia igitur intra annum missionis mortuus est, testamentum secundum quod fecit iure militiæ valet, & primum testamentum quod semel secundo ruptum est, non conualefcit, non restituitur, quia scilicet, secundo testamento ut ponit hoc loco, iure militiæ testatus est de omnibus suis bonis. Alioquin si secundo testamento tantum testatus esset de bonis castrensisibus, utrumque testamentum valeret, id est, maneret in suo statu, ut in *§. 1. h. l.*

Ad l. penult. eod.

*Filiusfam. equestri militia oratus, & in comitatu Principum retentus, cingi confestim iussus, testamentum de castrensi peculio facere potest.*

**C**ingi, inquit, iussus, gladio scilicet, nam hoc est, proprium militis cingi gladio, & male in *l. antiqui, sup. si pars hered. pet. legitur, cinctos Senatores*, quia Senatoribus non licebat cingi gladio, nisi quum in provinciam mittebantur cum iure gladii, iis licebat gestare gladium, sed eo loco legendum est, *Senatores Cincios*. fuit Cinciorum familia Romæ. Ad rem. Filiusfam. factus est eques & cinctus gladio & retentus in comitatu Principis, ei proficiscenti ad comitatum Principis, & aspiranti ad equestrem militiam, pater aliquid dederat in vicem castrensis peculij: nam castrense peculium dicitur etiam quod proficiscenti ad militiam datur, licet nondum relat us sit in numeros, nondum cinctus, ut loquitur lex *25. & 38. hoc tit.* & Castrense peculium esse quod datur proficiscenti constat ex *l. 3. de bonis proscip. l. 3. sup. de don. inter vir & uxor*. Inde quæritur, an confestim atque cinctus est, possit testari de castrensi peculio ex privilegio militiæ? Respondet, posse: sed vox *confestim* est traiecta: nam ita est reponenda, *confestim atque cingi iussus est*: & antequam cingatur, suscipiatque habitum militarem, siue baltheum, non potest testari iure militari, nisi si cinctus est in *l. 25. & 38. §. 1. hoc tit.* vel nisi cingi iussus est.

Ad l. 86. de adqu. vel omit. hered.

*Pannonius Auitus, cum in Cilicia procuraret; heres institutus ante vita decesserat, quam heredem se institutum cognosceret: quia bonorum possessionem quam procurator eius petierat, heredes Auiti ratam habere non potuerant: ex persona defuncti restitutionem in integrum implorabant. qua stricto iure non competit, quia intra diem additionis Auitus obisset. Diuum tamen Pium contra constituisse Mæcianus libro questionum refert in eo qui legationis causa Romæ erat. Et filium qui matris delatam possessionem absens amiserat, sine respectu eius distinctionis restitutionem locum habere, quod & his humanitatis gratia obtinendum est.*

**P**roponitur in primo responso huius l. Pannonium Auitum cum esset procurator Cæsaris in Cilicia (male Alciatus, Publium Antoninum pro Pannonium) atque adeo abesset Reip. causa, Romæ ab aliquo heredem institutum fuisse, & vita decessisse, priusquam hoc cognosceret, & infra aliis verbis eiusdem ponderis dicit, eum decessisse intra diem additionis, qui dies est centum

Respons. Papin.

dierum vtilium, quibus scierit potueritque adire, ut in formula cretionis, & in *l. 3. §. & si heres, sup. de minor. l. si Titio §. 1. ff. quando dies leg. ced.* & edicto quoque pratoris de iure deliberandi, non præfiniuntur adeunda vel repudianda hereditari pauciores quam centum dies, *l. 2. de iure deliber.* & ita etiam diem additionis accipere oportet in *l. pen. §. si filius, de iur. & fact. ign.* male autem Glossa diem additionis accipit pro tempore intra quod petenda est bonorum possessio sec. tab. quanquam & ipsa ab extraneis heredibus petenda sit intra centum dies ex successorio edicto, quæ dies petitionis dicitur, *l. inter. ff. qui satisfat. cog.* nam additionem hereditatis nunquam inuenies accipi pro agnitione vel petitione bonorum possessionis: non abutuntur nostri auctores temere verbis iuris, verbis legitimis, nec permiscunt temere legitima verba Prætoris: sed non nego, quod de aditione dicitur posse transferri etiam ad agnitionem bonorum possessionis. Male etiam glossa statuit ex *h. l. & ex l. 1. C. de rest. milit.* diem additionis cedere ignoranti, quod est omnino falsum: est enim utilis non continuus, nec sane villo modo est expressum vel hac, vel illa. Persequamur quam inchoamus speciem. Auitus procurator Cæsaris in Cilicia, atque adeo absens Reip. causa institutus, decessit antequam sciret se heredem esse. At procurator quidam voluntarius, id est, negotiorum gestor, amicus eius eo absente Reip. causa & ignorante in vrbe nomine eius petierat bonorum possess. sec. tabul. Adiri non potest hereditas per procuratorem, *l. 20. ff. hoc ti.* bonorum possessio peti potest per procuratorem etiam ignorante herede instituto, & sine mandato eius, *l. 3. §. adquirere, inf. de bonor. possess.* sed ut ibidem ostenditur, non aliter competit bonorum possessio, quæ petita est, non aliter acquiritur heredi instituto, quam si intra petitionis diem heredis rati habitio subsequatur, ut *l. seruo inuito, §. 1. inf. ad Trebell.* & si forte heres, antequam petitionem ratam haberet, vita decesserit, heres heredis ratam habere non potest, quia in eum non transit bonorum possessio, quæ defuncto quæsitæ non fuit, ut *l. 7. rem rat. hab. l. 4. C. qui admit. ad bon. possess.* Ergo in specie proposita, neque heres institutus ratam eam petitionem habuit, quam fecit amicus voluntarius, neque heres eius ratam habere potest. At quæritur hoc loco: an is heres ex persona defuncti possit petere restitutionem in integrum, ut scilicet omissam hereditatem vel bonorum possessionem adquirat? & sane stricto iure ex persona defuncti heredis instituti, heres eius in integrum restitui non potest, quia is defunctus est intra diem additionis, id est, priusquam cognosceret se heredem esse, & dies ille non cedit, nisi scienti, cum postea tota re cognita integrum ei esset adire intra centum dies nondum amisso iure suo. Igitur quum decessit nondum vlla in re captus aut latus fuit, nullamque habuit causam petendæ restitutionis in integrum: itaque eam in heredem non transmittit. Si decessit, postquam cognouit se heredem esse, & post diem additionis vel petitionis cum reipubl. daret operâ, nec per absentiam intra præstituta tempora adire posset hereditatem aut petere bonorum possessionem, hoc casu restitutio in integrum à defuncto transferebat in heredem, veluti actio quælibet, *l. non solum, sup. de restit. in integr. l. 1. C. de test. mil.* At quia decessit intra diem additionis, stricto iure restitutionem in integrum, quæ ei non competit, non potuit transmitti ad heredem suum, nec igitur ab herede peti potest ex persona defuncti, & ex sua persona nullo modo, cum ei nunquam delata fuerit hereditas, quæ tamen delata fuit defuncto, nondum quæsitæ, & ita se res habet summo iure, mero & subrili iure. Sed aliud benigne constituisse Diu. Pium Papinia, ait Mæcianum Volusium referre in libris questionum, scilicet de fideicommissis, ut in *l. propen. inf. de usufr.* In specie non eadem quam proposui, sed perquam simili, quæ talis est. Quidam legationis causa Romæ erat, ubi

R.



negotium publicū agebat patriæ vel municipij sui, qui A  
& Reip. causa abesse intelligitur, l. legati, ff. ex quib.  
caus. maiores. Et Romæ decessit, priusquam sciret sibi  
delatam matris hereditatem ex SC. Orfitiano, vel bo-  
norum possessionem ex persona eius. heres desiderabat  
restitui in integrum, quasi defunctus in captionem in-  
ciderit propter absentiam & ignorantiam, ut scilicet ab  
eo amissam bonorum possessionem vel hereditatem  
ipse acquireret, quod stricto iure non recte desidera-  
bit, quia restitutio in integrum non competiit defuncto  
intra diem aditionis, ergo neque heredi eius compete-  
re potest: & tamen Diuus Pius sine respectu superioris  
distinctionis, id est siue intra, siue post diem aditionis  
vel petitionis filius decesserat, constituit, restitutioni in  
integrum locum esse ex persona defuncti, quasi & de- B  
functo competierit, quæ tamen ipso iure non compe-  
tiit, cuius constitutionis humanitatem, beneuolentiam,  
benignitatem, Papinianus etiam censet esse porrigen-  
dam ad propositam speciem. In vtraque specie dandam  
restitutionem in integrum heredi, quasi ex persona de-  
functi, licet stricto iure, (opponit strictum ius humani-  
tati) defuncto non competierit, quum defunctus est in-  
tra diem aditionis, iuris sui ignarus. Duplex est ratio,  
vna absentia Reipub. causa, altera iusta ignorantia: alte-  
ra tamen ratio non sufficeret: est enim hoc ius singulare  
& benigne receptum. quod tamen non est trahendum  
ad consequentias, ut quam minimum fieri potest, rece-  
damus à iure stricto & scripto, l. qui negotia, ff. mand. l.  
peregre, §. quæsitum, de acquir. possess. Et obseruandum est  
illo loco huius legis, refert, in eo qui legationis causa Ro- C  
mæ erat. & filium, legendum & filio, ut in vulgatis libris,  
non & filium, ut in Florentinis, non & in filio, sed & fi-  
lio, vno tractu, quasi sit vna species, legendum est, refert  
in eo qui legationis causa Romæ erat & filio, qui matris de-  
latam possessionem. hoc igitur loco non notari duas spe-  
cies, vnam absentie legationis Reip. causa, alteram ab-  
sentie cuiuslibet, ex causa probabili, ut Dd. vaticinan-  
tur, sed vnam tantum notari speciem, quam exposui de  
legato patriæ suæ, qui Romam venerat, & interim ibi  
matris delatam bonorum possessionem amiserat, mo-  
riens non cognita morte matris: non ergo cuiuslibet ab-  
senti idem dabimus, sed absenti Reip. causa tantum, non  
etiam idem dabimus minori defuncto intra diem ad-  
itionis vel petitionis, quoniam nec infanti hoc datur, D  
l. si infanti, §. sin vero, C. de iure deliber. in quo valde fal-  
luntur interpretes nostri. Hæc est sincera huius respon-  
si interpretatio.

#### Ad §. rei.

*Rei perduellionis hereditatem suspensa cognitione filius emancipatus, cui de patris innocentia liquet, potest quærere.*

**R**eus perduellionis si moriatur in reatu, crimen non  
extinguitur, hoc est notissimum, l. ult. ff. ad leg. Iul.  
maiest. sed post mortem eius cognitio peragitur. At sus-  
pensa, inquit, cognitione, ut in l. pen. C. de crim. exp. he-  
redit. suspensio crimine, l. pen. inf. de accus. quæritur, an  
filius emancipatus, cui de patris innocentia liquet &  
constat certo, hereditatem eius adire possit aut acquire-  
re bonorum possessionem? Et respondet Papinianus,  
posse, quia iuris sui certus est, incertus & dubitans non  
posset adire, l. cum falsum, sup. hoc tit. certum iuris sui,  
certo animi iudicio ad aditionem hereditatis accedere  
oportet, vel ad petitionem bonorum possessionis, qua  
de causa dicitur pupillus non posse adire sine tutoris  
auctoritate, quia nihil scire intelligitur, aut nullius rei  
esse certus aut compos, sed si postea forte damnaretur  
innocentis patris memoria iniquo iudicio, fiscus ei au-  
ferret hereditatem.

#### Ad §. vltimum.

*Pro herede gessisse filium placet, qui moriens, comperto matrem suam intestato vita decessisse, codicillis petit ab herede suo, ut maternorum bonorum seruum manumitteret, ac sibi parentibusque suis in possessionem matris monumentum extrueret.*

**S**equitur in §. vltimo, hereditatem adquiri non tan-  
tum adeundo, sed etiam pro herede gerendo, quod  
est notissimum, & docet in hoc §. vlt. pro herede gerere  
eum videri filium, qui cognita morte matris intestatæ,  
moriens & ipse postea, codicillis petit ab herede suo,  
ut maternorum bonorum, seruum manumitteret, vel ut  
monumentum extrueret in prædio materno sibi paren-  
tibusque suis. quæ verba in titulis monumentorum  
sunt frequentissima, quoniam iis indiciis plane moriens  
demonstrauit se agnoscere & amplecti maternam here-  
ditatem, proinde transmittit eam ad heredem suum,  
tanquam adquisitam. Idem etiam erit, si moriens testa-  
mento sua bona materna alij reliquerit, ut in l. si adeat,  
C. de iure deliber. Itaque adquisitio hereditatis siue gestio  
pro herede, aut geritio, non est tantum actus viuentis,  
sed etiam morientis.

#### Ad l. 27. si quis omisi. caus. testamenti.

*Mater secundis tabulis impuberi filio substituta, locum edicti facit, si omisso testamento legitimam hereditatem filij possideat. Idem iuris erit & si filio heres data sit, & substituta.*

**A**d speciem huius initij adnotemus: quod si te-  
stamento heres institutus sit is, qui & ab intestato  
testatori heres esse potest, & ab eo legata relicta sint, eo  
non expresso, ut & ab intestato deberentur, ut in l. eam,  
C. de fideicom. vel non adiecta clausula codicilla-  
ri, & is in fraudem legatariorum prætermisso testamen-  
to, prætermissa institutione ab intestato, hereditatem  
totam, partemve eius possidere cœperit, ut legatarij ca-  
rerent legatis, quæ sane non debentur iure ipso, non a-  
dita hereditate ex testamento, id est, destituto, & deser-  
to testamento, prætor ex hoc edicto, quod hic proponi-  
tur, calliditati eius occurrit, data in eum legatariis vtili  
actione, quasi ex testamento, perinde atque si ex testa-  
mento adisset hereditatem, tamen si repudiauert cau-  
sam testamenti, & ab intestato rem tenere cœperit, quod  
primo responso huius legis ostenditur non seruari tan-  
tum in testamento principali, tamen si edictum præto-  
ris de principali tantum testamento loquatur, sed etiam  
ex sententia edicti, in testamento pupillari, quod pater  
filio pupillo fecit, ut si filio impuberi substituta sit ma-  
ter in secundum casum, & ab ea legata relicta sint, & fi-  
lio impubere mortuo, omissa substitutione pupillari, o-  
miso testamento pupillari, maluerit mater iure inte-  
stati ex Senatusconsulto Tertull. filij hereditatem am-  
plecti, nihilominus vtilibus actionibus iis tenetur,  
quibus in substitutione siue testamento pupillari legata  
relicta sunt. Et addit Papinianus, Idem esse, si mater filio  
impuberi coheres adiecta & substituta sit, & mortuo fi-  
lio impubere, partem hereditatis, quæ filio obuene-  
rat noluerit mater capere iure substitutionis, sed eam  
possederit ab intestato ex Senatusconsulto Tertull.  
Nam & edictum prætoris, non tantum eum complecti-  
tur, qui hereditatem ex testamento repudiavit totam,  
sed &, qui partem vel rem vnam hereditariam eamque  
possidet ab intestato, l. 1. in princ. §. non quatinus, l. etsi  
non totam, hoc tit.



## Ad §. in sententiam.

*In sententiam edicti, propter legatorum causam frater incidisse non videbatur, qui filium suum substitutum impuberi testamento fratris non emancipauit, sed ab intestato per eum bona possidere cepit.*

Secundi responsi species hæc est pulcherrima: frater meus filio impuberi suo heredi instituto, in secundum casum substituit filium meum sub conditione, si eum emanciparem, ut mihi per eum non acquireretur hereditas, quæ conditio erat olim frequentissima in institutione filij alieni, ut docui ad Africanum in l. 46. de hered. instit.

Ab eodem autem filio meo in secundis tab. in substitutione pupillari frater meus legata reliquit. ego filio fratris mortuo intra pubertatem nolui filium meum emancipare, ut ex substitutione pupillari caperet hereditatem: sed ab intestato per eum bona filij fratris possidere cepi: recte ait: *Bona, non hereditatem, quia nolui filij fratris mei heres esse iure legitimo, qui eram ei proximior, & malui filium meum venire ab intestato me deficiente, petita scilicet bonorum possessione unde cognati, quia ante Iustinianum in legitimis hereditatibus successioni non erat locus, sed deficiente proximo herede legitimo, sequentes vocabantur, non ut legitimi, quia legitimus legitimo non succedit, sed vocabantur ex parte unde cognati, §. placebat, Instit. de leg. agn. success.* Et Paulus 4. Sentent. tit. 8. Sed per filium meum, postquam is agnouit bonorum possessionem unde cognati, me iubente, vel ratum habente, ut in l. 1. C. qui admitti, ego ea bona possidere cepi: Quæritur, an me legatarij conuenire possint, quasi commiserim in edictum: Posset tentari, posse legatarios me conuenire, non quidem ex verbis edicti, quæ sunt de herede scripto, & filius meus scriptus est, non ego, sed ex sententia edicti, quia nihil interest, ego an filius meus heres scriptus sit, l. 1. §. 1. l. si filius meus, hoc tit. At verius est me non incidisse in sententiam edicti, ac proinde legatariis non teneri, quia quod dicitur, nihil interesse, ego an filius meus heres institutus sit, quod ad vim edicti attinet ita procedit, si per filium meum ex testamento hereditatem meam adquirere potuerim, & omiſſa causa testamenti filij nomine ab intestato bonorum possessionem acceperim, vel per eum ab intestato bonorum posses. adquisierim, ut in supradictis ll. At in specie proposita, per filium meum ex testamento hereditatem adquirere non potui, quia institutioni filij mei vel substitutioni fuit inserta conditio emancipationis, & ideo non committo in edicti sententiam, si eum nolo emancipare, id est, si eum nolo sibi hereditatem adquirere, sed malo ei cedere proximo loco successionis ab intestato, ut veniat ad bona patrue- lis siue consobrini sui ex parte unde cognati, eaque mox mihi per eum adquiratur non per memetipsum. Nec obstat quod dicitur, conditionem quæ in nostra potestate est, quæ vno verbo dicitur Potestatiua, pro pura haberi, l. 1. §. qui sub conditione, h. t. & conditionem emancipationis esse in potestate mea, quoniam hoc ita verum est, si illa conditio mihi imponatur: at cum filio meo imponitur, si te pater emancipauerit, profecto casualis est conditio, non potestatiua, neque enim patri inuito filius extorquere emancipationem potest.

## Ad §. vltimum.

*In eum, qui testamento scriptus heres non fuit, si fraudis consilio cum heredibus scriptis participato, legitimam hereditatem solus possideat, actio legatorum ex sententia praetoris dabitur.*

Respons. Papin.

A EX verbis edicti legatariis tenetur heres, siue legato- rum actio datur in heredem scriptum, qui omiſſa causa testamenti ab intestato possidet hereditatem. Ex sententia autem & mente edicti datur etiam quando- que actio legatorum in non scriptum heredem, veluti in legitimum heredem, qui id egit dolo malo cum here- de scripto in fraudem legatariorum, ut repudiaret here- ditatem ex testamento, atque ita tota hereditas ab inte- stato ad eum perueniret. hoc casu etiam in heredem le- gitimum competunt viles legatorum actiones: hoc ta- men ordine seruato, ut si heres scriptus pecunia accepta à legitimo herede testamenti causam omiserit, ipse prior conueniatur à legatariis, & excutiat, & post eum le- gitimus heres, qui cum eo fraude participauit: si gra- tuito omisit testamentum, ut prior conueniatur heres legitimus, l. 2. l. 4. l. 10. §. vlt. hoc tit. l. 1. C. eod. tit. Posui he- reditatem totam ad heredem legitimum peruenisse, ut Papinia, solum eum, inquit, hereditatem possidere, quia si partem tantum hereditatis possideret heres legiti- mus, maxime gratis, pro ea duntaxat parte teneretur re- pondere legatariis, l. 10. in princ. & l. 24. hoc tit.

## Ad l. 4. de SC. Syllan.

*Qui postumos heredes instituerat, non natis postumis, uxorem secundo loco scripsit heredem cum à familia neca- tus diceretur, vxor diem suum obierat, heredes mulieris a- ctiones ex constitutione sibi dari postulabant: eos ita demum audiendos esse respondi, si mulier quam in utero nihil gesta- re constabat, propter Senatusconsultum hereditatem adire noluit, alioqui pregnantem ea defuncta, nullam iniuria querelam interuenisse.*

I N hac l. hæc species proponitur: quidam postumos he- redes instituit, eisque si non nasceretur, uxorem sub- stituit, & cum is à familia necatus diceretur, vxor mor- tua est ante aditam hereditatem, quæritur: an ad here- dem suum vxor tranſmiserit viles actiones heredita- rias, ut l. prox. §. pen. sup. hoc tit. ostenditur, si heres metu SC. Syllan. id est, metu amittendæ hereditatis, quoniam SC. Syllan. cauetur, ut heredi fiscus hereditatem auferat quasi indigno, si, cum testator à familia necatus dice- retur, eius hereditatem adierit apertis tabulis testamen- ti, antequam de seruis quæstio haberetur, si, inquam, he- res metu Senatuscons. Syllaniani hereditatem non adie- rit, & pendente eius rei inquisitione diem suum obie- rit, in heredem suum stricto iure non transmittere actiones hereditarias, propter regulam iuris quæ di- ctat, hereditatem non aditam, in heredem non trans- mitti, l. vn. §. in nouissimo, C. de cad. toll. l. 6. in fi. & l. 7. sup. de inof. test. l. 1. C. Theod. de legit. hered. l. 2. C. Hermog. de success. Sed transmittere tamen in heredem consti- tutione quadam Principum h. l. demonstrat, nisi ma- lis in ea, ut est in nonnullis libris, & videtur esse re- ctius, legere ex substitutione, non ex constitutione. Et ra- tio dandarum vtilium actionum hæc est, ne fiat iniuria heredi instituto vel substituto, quem SC. impediuit & deterruit ab adeunda hereditate, si interim defunctus nihil transmittat ad heredem suum, qui voluit quidem adire, sed impeditus fuit SC. quia noluit cum pericu- lo adire. unde quæritur in hac lege, an etiam non edi- tis postumis, mortua vxore ante aditam hereditatem, quod metu SC. territa fuisset ab adeunda hereditate, quod maritus à familia necatus diceretur: an audien- di sint heredes vxoris, qui ex substitutione viles actio- nes sibi dari postulant? Et ita distinguit Papin. ut, si quidem cum vxori liqueret, se nihil gestare in vtero, solius Senatuscons. metu non adiret hereditatem, tum ut intelligatur in heredes suos, si interim mor- tua sit, transmississe viles actiones hereditarias, sed si,

R ij



cum existimaret se esse prægnantem, vel propter farcosin vteri; quæ vulgo *mola* dicitur à Medicis, vel qua alia ratione, vel etiam si cum reuera esset prægnans, hereditatem non adierit, non tam metu Senatusconf. quam quod sciret non posse adiri hereditatem à substituto, quamdiu institutus speratur, vt in *l. cum quidam*, §. 1. & seq. sup. de acqu. hered. l. antiqui. l. illud. si pars heredit. per. l. 4. in fi. inf. de bonor. poss. contra tab. l. pen. §. ult. ff. unde legitimi, hoc casu nihil in heredem suum transmittit, quoniam aliud fuit impedimentum adeundæ hereditatis, quam metus Senatusconfulti, spes scilicet nascituri postumi, quod reuera esset prægnans, aut se esse existimaret, hoc, inquam, casu, nihil in heredem suum transmittit, ergo nec directas, nec viles actiones, quod maxime congruit cum *l. prox.* §. ult. sup. quia nec etiam recte & iuste queri heres potest sibi vel defunctæ iniuriam fieri, si ab ea nihil ad se transmittatur, quod his verbis significat Papinianus dum ait: *Eo casu nullam iniuriæ querelam intervenire*. Plus dico, etiam non esse subueniendum uxori, vel heredi eius, exemplo filij vel heredis eius, si postumus præteritus dum speratur, dum testamentum est in causa rumpendi, ei fuerit impedimento in adeunda hereditate, quia filio subueniri æquum est, propterea quod omni modo, id est, siue nascatur postumus, siue non, patri heres aut bonorum possessor futurus est, quæ est ratio legis *ventre. sup. de acquir. hered.*

Ad leg. 21. eod.

*Propter veneni quæstionem tempus petenda possessionis non profertur, cum eo quoque suspensio crimine recte petatur. Aliud senatui placuit, cum à familia dominus necatus dicitur, seruorum videlicet causa: quorum libertatem quæstionis habenda gratia negligi necesse est.*

**N**otandum est multum interesse, vtrum dominus per vim à familia, aut præsentem familia, quod perinde est, necatus esse dicatur, an veneno, aut veneficio siue vi carminis: nam si dominus vi aperta à familia necatus esse dicatur, ex Senatusconsulto Syllan. hereditas eius adiri non potest, antequam de seruis, qui sub eodem testamento fuerunt, qui, vt veteres dicebant, *subfuerunt*, quo tempore dominus occisus est, quæstio habita sumptumque de noxiis supplicium fuerit, qui vel occiderunt, vel auxilium domino non tulerunt. Cuius iuris duplex est ratio, ne heres facinus familiæ occultet propter suum compendium, dum mauult seruos noxios habere vt distrahat, quam pœna eos consumi, l. 3. §. non tantum, hoc tit. Notatur & altera ratio initio huius l. ne forte seruis quibusdam testamento manumissis competat libertas, si hereditas statim adeatur ante quæstionem de familia habitam sumptumque supplicium, & necesse sit, si res ita procedat, de liberis hominibus quæstionem haberi, tanquam de seruis neglecta eorum libertate, quam melius esset non negligi, quoniam liberi homines vix quæstioni subiiciuntur: sed tamen necesse esset hoc casu eos subiicere quæstioni, cum à familia necatus dominus esse dicitur, & hoc est quod ait, *seruorum causa*, quorum libertatem quæstionis habendæ gratia negligi necesse est: *quorum libertatem*, quæ scilicet competet statim, si statim liceret adire hereditatem, & quorum libertatem negligi necesse est, & tamen melius esset eam non negligi. Quod si dominus veneno necatus esse dicatur, clam & per insidias, non per vim, heres non prohibetur statim adire hereditatem aut bonorum possessionem petere suspensa cognitione huius criminis, l. 1. §. occisorum, l. necessarios §. ult. l. prox. sup. hoc ti. l. 9. C. de iis quib. vt indign. quia aduersus venenariorum, vel veneficorum insidias quid auxilij familia vel quisquam ferre potest? Nihil prorsus: & ideo domino extincto eo modo clanculum etiam non habetur quæstio de ser-

uis qui sub eodem testamento fuerunt. Et hæc est sententia huius responsi.

Ad §. neptis.

*Neptis quæ possessionem auia petierat, mortem eius, interfectam sciens, non defenderat: fidei commissum, quod auia ex alio testamento nepti debuit, in restituendis fisco bonis non esse deducendum placuit. dolus enim heredis punitus est. si autem negligentia mulier emolumentum bonorum amiserit, fidei commissum esse retinendum, integrato iure debiti, rationis est.*

**S**ciendum est, heredem posse adire hereditatem occiso testatore, etiam si nondum vltus sit necem testatoris, id est, si modo non à familia, sed ab alio occisus esse dicatur, l. eius §. ult. inf. de iure fisci. l. eum qui, §. bonis, inf. de iis quibus vt indign. neque huic sententiæ refragatur l. 6. C. eod. tit. quoniam, vt ibi ostenditur, ea l. pertinet ad Senatusconsultum Sillan. id est, ad casum domini à familia necati, aut qui à familia præsumitur esse necatus, vel familiæ opera, vel conuiuentia, de quo casu non est hoc secundum responsum, sed si post aditam hereditatem non vlciscatur heres, & defendat necem defuncti siue sciens, siue ignorans, vindictam & defensionem omiserit, indistincte ei aufert hereditatem fiscus, vt indigno. verum quæritur, an, si forte defunctus heredi debuerit fidei commissum ex alio testamento, quæ actio fidei commissi alio testamento relictæ à defuncto aditione confusa & extincta fuit, quia debitoris hereditatem creditor adiuit, creditor, inquam, adiuit hereditatem debitoris fidei commissi: quæritur erepta ei per fiscum hereditate, quod inultam reliquerit eadem defuncti, an saltem ei ea actio restituenda sit, quæ aditione quidem confusa est? Sed æquum videtur, vt redintegretur ablata ei, si adiit hereditatem. Et distinguit Papin. hoc loco, vt in *l. heredem*, inf. de iis quib. vt indign. Aut sciens heres dolo malo inultam reliquit eadem defuncti, & tunc confusa actio non restituitur, vt dolus eius puniatur. Aut ignorans negligentia quadam non inquisit nimirum in genus mortis defuncti, mortem eius inultam reliquit, hoc casu, quia dolus abest, æquum est ei, actionem confusam restitui & redintegrari, & ex hereditate fisco restituenda deduci & retineri fidei commissum, quod ei defunctus debet: & huic responso lex, quam obicit Accurs. nullo modo aduersatur l. duo, in fi. sup. t. prox. quia non loquitur de actione confusa per aditionem, quæ tamen, quod notandum, herede ommissa causa testamenti hereditatem adeunte ab intestato, confunditur, si quid heredi defunctus debuerit, nec sane restituitur, quia hereditas ei non aufertur.

Ad §. vlt.

*Prædis iniquitate reis illata tadis absolutis heredibus qui non defunctorie debitum officium impleuerant: quamuis non pronocassent, hereditatem auferri non oportere visum est.*

**N**otandum est ex vlt. responso h. l. non auferri hereditatem heredi, vt indigno, si reos cædis defuncti postulauerit, & peregerit sedulo, non defunctorie, non dicis causa, licet absoluti rei fuerint iniquitate iudicis, nec ipse heres à sententia appellauerit. Ab herede exigimus, vt crimen illatæ cædis peragat & perducatur ad sententiam, non etiam, vt vincat, quoniam hoc etiam in eo non est, non item vt victus appellet. Neque huic responso quidquam obstat l. 6. C. de iis quib. vt indign. quoniam in eius l. specie heres vicit & condemnauit auctorem cædis, & ideo, si condemnatus appellet, sane erit in dolo aut magna negligentia, nisi appellationem perfe-



quatur. In hac autem specie heres non vicit, heres non habet sententiam, quæ pro se faciat, nec necesse habet appellare aut litigare perucacius: Et nihil est præterea in hac lege.

Ad l. 75. de leg. 2.

*Miles ad sororem epistolam quam post mortem suam aperiri mandauit. talem scripsit: scire te volo donare me tibi aureos octingentos. fideicommissum deberi sorori constitit, nec aliud probandum in suprema cuiuslibet voluntate: placet enim consistere fideicommissum ac si defunctus cum eo loquatur, quem precario remuneratur.*

**D**Vo sunt breuia responsa in hac lege. In primo ostenditur recte fideicommissum relinqui, etiam si nemo rogetur præstare fideicommissum, id est, si cum herede non loquatur testator, sed cum fideicommissario, ut in l. peto, h. t. *Peto Cai Sei, contentus sis centum aureis, vel ut in specie h. legis: Scire te volo donare me tibi aureos octingentos.* Dono, est verbum directum, l. Aurelius §. Titius Seio, de liber. leg. At in hac specie verbum dono pro precario accipitur, quia scriptum est in epistola, in qua nihil directo scribi potest, & quæ ob eam rem dicitur epistola fideicommissaria, l. cum quis, §. Seie, tit. seq. l. 7. qui testam. fac. poss. Et ideo, ex voluntate militis qualis fuit testator in hac specie, vis eius verbi, dono conuertitur in causam fideicommissi, ut in l. precibus, in fi. C. de impub. & ali. substit. & l. centurio, de vulg. substit. Nec igitur idem esset in pagano. Nec obstat quod subiicit: non esse aliud probandum in cuiuslibet suprema voluntate. Ergo nec in pagani voluntate, quoniam hoc ad speciem eandem fideicommissi non respicit, quæ proponitur initio huius legis, sed ad generalem definitionem, quam subiicit, fideicommissum consistere & si defunctus, sic esse legendum iam pridem ostendi ex Græcis, non, ac si defunctus: consistere igitur fideicommissum, et si defunctus cum eo loquatur, quem precario remuneratur, id est, cui fideicommissum relinquit, non cum eo à quo relinquit, puta, herede, ut in exemplo d. l. Peto Cai Sei, sis contentus illa re, vel pecunia, &c. ubi nullum est verbum directum, vel etiam, ut in l. fideicommissa, §. si quis ita, tit. seq. Cai Sei sufficit tibi illa res, ubi etiam nullum est verbum directum, quod inflecti necesse sit; vel etiam, ut apud Paul. initio 4. Sent. volo tibi illud præstari, ubi est verbum precarium volo, & ibi quoque idem Paulus generaliter definit, eum, qui fideicommissum relinquit, cum eo cui relinquit, loqui posse.

Ad §. pro parte.

*Pro parte heres institutus cui præceptiones erant relicte, post diem legatorum cedentem, ante aditam hereditatem, vita decessit. partem hereditatis ad coheredes subditos pertinere placuit. præceptionum autem portiones, quæ pro parte coheredum constituerunt, ad heredes eius transmitti.*

**N**on ignoratis quod sæpissime iactaui, heredem institutum ex parte, cui prælegata siue præceptiones relicte sunt, partem prælegatorum accipere à coheredibus iure legati, partem à semetipso iure hereditario, l. in quartam, ff. ad leg. Falcid. l. legatum §. 1. sup. tit. prox. Nunc finge: tres heredes instituti sunt ex æquis partibus, primus, secundus, tertius, adeoque inuicem substituti sunt, & primo quidem prælegata data sunt. primus deinde moritur ante aditam hereditatem, & post diem cedentem prælegatorum, id est, post mortem testatoris, vel, ut olim, post apertas tabulas ex l. Papia, vel post existentem conditionem legatorum. Certum est portionem eius hereditariam ad coheredes pertinere iure substitutionis reciproce. de prælegatis quæritur,

**A**n ea pertineant ad heredem primi iure transmissionis, quod post diem eorum cedentem vita decesserit, quæ cessio diei facit, ut legata transmittantur ad heredem: verum ut Papin. respondet hoc loco, non transmittuntur integra, sed deducta portione hereditaria, quam in eis legatis habet pro rata suæ portionis, quæ pars pertinet ad substitutos coheredes, residuum ad heredem primi, quod pro parte coheredum habuit iure legati. Huic responso valde obstat l. qui filiabus, §. ult. & l. seq. sup. tit. prox. & l. cum resp. C. de leg. ubi proponitur heres institutus ex parte, cui prælegata data sunt, se abstinere hereditate tantum, non prælegatis, & capere prælegata integra vel transmittere ad heredem suum, non deducta portione hereditaria, quasi tota capiantur iure legati, cumque spreuit hereditatis portionem, quæ sibi adscripta est: eo casu prælegata non diuerso iure capiuntur, sed vno tantum iure: & ut respondeamus, recte ponitur in illis ll. heres omisisse hereditatem, quo casu totum prælegatum retinet, quoniam separauit hereditatem à prælegato, spreuit hereditatem & elegit legatum. At in specie huius responsi heres non omisit, nec repudiavit hereditatem, non separauit eam à prælegato, sed mortuus est ante aditam hereditatem, quum consultabat, & deliberabat, id est, antequam sibi prælegata retineret, neglecta hereditate, antequam separaret hereditatem à prælegato, & ideo totum prælegatum in heredem non transmittitur, sed partes tantum, quæ ex persona heredum constituerunt. Et ita Accursius statim, sine ambagibus respondit in l. filio, sup. tit. prox. At hic tres adfert solutiones. secunda est ea, quam attuli & verissima. Prima hæc est: hic agi de substituto coherede, ibi de non substituto coherede, & iure substitutionis etiam prælegati portionem hereditariam ad substitutos pertinere: iure adcrendi, non item, quam differentiam refellit l. Sextilia, tit. seq. Tertia autem solutio constituit differentiam inter suum & extraneum heredem, quam differentiam etiam euertit l. questum §. duobus, sup. tit. prox. Ergo permancamus in secunda.

Ad leg. 22. de adim. & transf. leg.

*Ex parte heres institutus, etiam legatum acceperat: eum testator inimicitias grauissimis persecutus, cum testamentum aliud facere instituisse, neque perficere potuisset, præterit hereditaria quidem actiones ei non denegabuntur, sed legatum si petat, exceptione doli mali submonebitur.*

**M**Emoria repetendum est quod habuimus in l. militis, §. veteranus, sup. de testam. milit. cum quo & hanc legem diximus esse coniungendam, Hereditatem testamento datam nuda voluntate non adimi, sed alio testamento solenni & iure perfecto. Legatum autem adimi, etiam nuda voluntate minusve solenni, non quidem ipso iure, sed beneficio exceptionis doli mali oppositæ legatario petenti legatum. hæc differentia inter hereditatem & legatum aperte demonstratur in hac lege. Finge: Heredi instituto ex parte prælegata data sunt, & post testamentum inter eum heredem & testatorem capitales & grauissimæ inimicitie intercesserunt, quibus adductus testator cum alio facto testamento eum heredem instituisse mutare, id non potuit perficere morte præuentus, atque ita eum heredem præterit, id est, non ut constituerat exheredauit. Papinianus ait, ei heredi hereditarias actiones competere sine metu illius exceptionis, quia hereditas ei adimi non potuit nuda voluntate. Eundem autem heredem petentem legatum repelli exceptione doli mali. Petentem legatum officio iudicis fam. eriscundæ exceptione doli mali, quasi adempto legato pro parte coheredum, ut in l. pen. §. pen. hoc tit. quæ est sententia huius legis. Ne autem dixeris in hac specie, in hereditate fisco locum esse, quoniam



hoc vetat oratio Diui Pertinacis, de qua in §. pen. *Instit. quib. mod. test. infirm.* Et ita Iulius Capitolinus in Pertinace: *legem, inquit, tulit, ut priora testamenta non prius essent irrita, quam alia perfecta essent, ne ob hoc fiscus aliquando succederet.* Ergo ne dicas in hereditate fisco locum esse. Et ad hoc dicendum minime te compellat *l. hereditas. C. de his, quib. ut indig.* in qua testator propterea declarauit heredem à se scriptum indignum & immerentem esse, quod hic non declaratur. Itaque in illa specie vocatur fiscus, non in hac specie. Ad id quoque dicendum minime te compellat *l. cum quidam, de iis, quibus ut indig.* in qua proponitur testatorem secundum testamentum solemniter perfecisse, licet in eo scripserit heredem incapacem nesciens, & ideo primo testamento scriptum heredem non habere supremam voluntatem defuncti, quamobrem fiscum vocari in locum incapacis, nec excludi à primo herede, qui non habet supremam voluntatem defuncti. In hac autem specie heres scriptus primo testamento videtur habere supremam voluntatem defuncti, cum nulla alia super sit voluntas, nullum aliud testamentum, quod sit perfectum, & ideo fisco locus non est in hac specie. Ne dixeris etiam in legato, quod heredi ademptum intelligitur, fisco locum esse, quia etiam si capitales inimicitiae interuenerint inter legatarium & testatorem, & ideo legatum ei præsumamus testatorem noluisse præstari, tamen fisco locus non est, nisi vno casu, qui proponitur in *l. si inimicitia. ff. de iis, quib. ut indig.* videlicet, si legatarius testatori mouerit controuersiam status, si vindicauerit in seruitutem, quod est caput petere testatoris, quoniam eo modo impugnatur testamentum, ut *l. 16. eod. tit.* Et ideo ut indignus repellitur ab eis, quæ ei testamento relicta sunt quoquo titulo id impugnauit: si ut indignus repellitur, ergo in locum eius venit fiscus: fiscus est successor indignorum & ingratorum heredum.

Ad legem 15. de his quibus ut indignis.

*Heredi, qui falsos codicillos esse dixit, neque obtinuit, hereditas non auferitur, si tamen aliquid à coherede codicillis acceperit, eius actio denegabitur: itaque si bonorum inter heredes diuisionem defunctus codicillis fecerit, partes quidem hereditarias, in quibus legatum consistere non potuit, tenebit: sed Falcidia beneficio non utetur; si tantum in amissis portionibus erit, quod Falcidiam æquitate compensationis recusaret.*

Sciendum est eum, qui testamentum falsum dixit, nec obtinuit, & à testamento repelli, & à codicillis ad testamentum factis, & in locum eius quasi indigni fiscum vocari, quia vtrumque instrumentum & testamenti scilicet & codicillorum improbasse & coarguisse videtur: qui totum improbat atque coarguit, & partem improbat. Codicilli autem pro parte testamenti habentur. Verum aliud dicendum è contrario, si codicillos tantum esse falsos dixerit nec obtinuerit: non enim hic repellitur à testamento, sed à codicillis tantum, quia non videtur etiam testamentum improbasse, *l. 5. §. qui principale, hoc tit.* Qui partem improbat non continuo & totum improbat: & ideo, ut hoc loco Papin. ait, ei à fisco hereditas testamento data non auferitur. verum si codicillis prælegatum ei relictum sit, id ei fiscus ut indigno aufert & eripit, non quidem integrum, sed pro partibus tantum, quas à coheredibus accepit iure legati. Partem autem, quam à semetipso accepit iure hereditario, quod pro ipsius parte legatum consistere non possit, ut in *l. eum, qui §. ult. h. t.* eam partem retinet quasi ex testamento principali. hoc cognito, Finge: Testator, qui mille habuit in bonis, duos in testamento heredes scripsit æquis partibus, primum & secundum, codicillis autem inter eos coheredes bonorum suorum diuisionem fecit: pri-

mo adsignatis rebus Italicis quæ dignæ erant ducentis, secundo prouincialibus quæ erant dignæ octingentis. Ipso iure ij heredes habent semisses omnium bonorum, id est, singuli quingenta, cuius portionis Falcidia siue quadrans est 125. At vice mutua videtur testator eis prælegasse, primo partem, quam secundus haberet in rebus Italicis, id est, centum: secundo autem partem, quam primus haberet in rebus prouincialibus, id est quadringenta, *l. ex facto proponebatur, de hered. inst.* Atque ita fit officio iudicis familiaris eriscunda cognoscentis, ut res Italicæ primus capiat, partim iure hereditario à semetipso, partim iure legati à coherede secundo, & similiter secundus res prouinciales. At si idem primus codicillos, in quibus illa prælegata sunt sibi & coheredi facta inter eos diuisione bonorum, falsos dixerit, nec obtinuerit, fiscus ei auferet semissem rerum Italicarum, quem ex codicillis à coherede accepit iure legati: alterum semissem, id est, centum primus sibi retinebit iure hereditario veluti ex testamento, quod non accusauit. Ex semisse autem rerum prouincialium, quem primus secundo coheredi suo iure legati præstare debet, si velit retinere, quod Falcidia portioni suæ deest: nam & Falcidia retinetur ex prælegatis, *l. 15. §. ult. ad l. Falcid. l. à coherede, C. eod. tit.* Defunt Falcidia portioni suæ 25. quoniam ipso iure Falcidia portionis cuiusque est 125. & is centum duntaxat habet iure hereditario. Si igitur velit retinere illa 25. ex semisse bonorum prouincialium coheredi præstando, repellitur per exceptionem doli mali, opposita compensatione eius, quod vice mutua percipit à coherede, quia semis rerum Italicarum, qui est centum, quem à coherede vice mutua percipit, & amisit sua culpa temere accusando codicillos, abunde supplet, quod iure ex Falcidia semisse rerum prouincialium deducere desiderat. Et de hoc genere compensationis satis iam ante diximus in *l. qui non militabat, de hered. inst.* explicata *l. Nefennius. & l. filio, ad l. Falcid. & l. filium quem, C. fam. erisc.* quibus etiam eadem ratio compensationis approbatur. Et hæc est huius responsi sententia.

Ad legem 76. de condit. & demonst.

*Fideicommissum à filiis relictum, si quis ex his sine liberis diem suum obierit, adoptionis commento non excluditur.*

Sententia hæc est: Conditionem, si sine liberis decesserit, de liberis naturalibus intelligi, non de adoptiuis, alioquin nullum non fideicommissum sub ea conditione relictum eluderetur & excluderetur commento adoptionis. Commentum vocat, quia adoptio est imago naturæ, *l. filio, de liber. & post.* Calphurnius Flaccus in declamationibus, *Adoptio, inquit, sancta res est, quæ beneficium naturæ & iuris imitatur.* Aufonius:

*Imitatur adoptio prolem,*

*Quam legisse inuenerat, quam genuisse velit.*

Adoptiui igitur commentitij sunt liberi. Improbatur igitur in hac lege adoptio, quæ fit in fraudem fideicommissarij. Et sic in *l. cum ratio, §. ex bonis, ff. de bon. damn.* Portiones quæ liberis seruantur ex bonis damnatorum dicuntur ita demum seruari etiam liberis adoptiuis: si non fraudis causa facta sit adoptio: & in *l. liberrus, §. in adoptiua, ad municip.* significatur ideo ius originis in suscipiendis muneribus ciuilibus adoptione non mutari, quia inest adoptioni suspicio fraudis, quasi fiat in fraudem Reipubl. ciuiliū munerum euitandorum causa: & omnino recte. M. Tull. pro domo sua: *In adoptione neque calumniam, neque dolum, neque fraudem adhibendam esse.*

Ad leg. 6. de collat. dot.

*Pater filium emancipatum heredem instituit, & filiam*



exheredauit, quæ inofficiosi lite perlata partem dimidiam hereditatis abstulit, non esse fratrem bona propria conferre cogendum, respondit: nam & libertatem competere placuit.

**H**uius l. sententia hæc est. Pater filium emancipatum ex assè heredem instituit, filiam quam retinuerat in familia exheredauit. filia egit querela inofficiosi testamenti, & fratri euicit semissem hereditatis paternæ, eumque semissem habet iure testati: alterum semissem frater habet iure testati. Nam etsi ab initio paganus non possit esse pro parte testatus, pro parte intestatus, tamen ex postfacto, maxime per querelam inofficiosi testamenti, pro parte fieri potest intestatus & pro parte manere testatus, vt in *l. nam etsi parentibus* §. *ult. l. mater, l. circa, sup. de inoffic. testam.* Et in hac specie, in qua hoc quæritur, an debeat filius emancipatus sorori conferre bona propria & vicissim soror, an debeat fratri conferre dotem profectitiam, respondetur neutrum teneri conferre: optima ratione, quia inter fratres, tunc demum collationi locus est quum eodem iure veniunt ad bona patris, puta omnes per bonorum possessionem contra tabul. vel bonorum possess. vnde liberi, vel etiam per querelam inofficiosi testamenti extraneis heredibus scriptis, & in totum rescisso testamento per querelam, *l. vt liberis, C. de collat.* non etiã collationi locum esse, si diuerso iure veniant ad bona patris, vt est in *l. seq. hoc tit. l. filium* §. *videamus, sup. de bon. poss. cont. tab.* In hac autem specie veniunt iure diuerso, soror iure testati, frater autem iure testati, qua ratione & libertates testamento relictæ omnimodo valent, quia testamentum consistit pro parte, & libertas diuidi non potest. Legata autem valent pro parte, *l. indicata, inf. de exec. rei iud. l. cum filio, in pr. de leg. 2. l. cum duobus, de inoff. testam.* Ergo in hac specie cessat collatio inter fratrem & sororem.

Ad l. filiusfam. 8. si tab. testam. nullæ exst.

*Filiusfamilias vt proximus cognatus, patre consentiente, possessionem agnouit. quamuis per conditionem testamenti datam, quod in patris potestate manserit ab hereditate sit exclusus: tamen utiliter possessionem agnouisse videbitur, nec in edicti sententiam incidet, quoniam possessionem secundum tabulas non agnouit, cum inde rem habere non poterit, nec in filij potestate conditio fuerit, nec facile pater emancipare filium cogi poterit.*

**I**n huius legis specie proponitur quidam filium cognati sui heredem instituisse sub hac conditione, si à patre emancipatus esset, quoniam erat in potestate patris hanc adiecit conditionem, dum apud filium bona sua permanere cupit, non per eum patri acquiri manentem in familia & potestate eius. Quamobrem testatores sæpe filiorum alienorum institutioni eam conditionem adiciunt, vel perosi patrem, vt in *l. si quis in suo* §. *ult. C. de inoff. testam.* vtque apud Plinum 8. Epist. Curtius quidam perosus generum suum dicitur filiam generi sui, neptem suam heredem instituisse sub conditione, si esset manu patris emissa, ne ad illum bona sua peruenirent: vel etiam quod testatores nonnunquam male suspicentur de moribus patris, vt in *l. filijs, C. de inoffic. testam.* Neque enim temere bona nostra relinquimus eis, quos suspicamur ea per luxum statim consumpturos. Et sic in *d. l. filijs*, proponitur mater filios suos heredes instituisse sub conditione emancipationis, quod secus suspicaretur de moribus mariti: sed erat etiam olim in matre alia maior ratio, qua adducta filium institueret sub conditione emancipationis, quia nec marito donare poterat constante matrimonio, nec maritum heredem institueret ex l. Papia. Ergo nec filium qui esset in potestate mariti, quia marito quæreretur statim, vt *l. 3. §. verbum, de donat. int. vir. & vx.* Eandem conditionem apponunt

**A** extranei plerumque quum filios alienos heredes instituant, vt in hac l. & *l. quidam, ff. de hered. instit. l. 3. §. etsi heres, de minorib.* Sed frequentius in iure proponitur mater aut auia sub ea conditione filium heredem instituire vel nepotem, aut filio nepotivè donare inter vivos, vt in *l. ult. sup. de per. hered. l. Diui, de iure codic. l. duos, l. auia, de cond. & demonstr. l. 3. C. de instit. & subst.* Et apud Sueton. in Vitellio: filium, inquit, à matre heredem sub hac conditione institutum, si de patris potestate exiisset, manu emisit. Institutioni sub ea conditione conceptæ, plerumque adiciebatur dies centesimus: si à patre intra dies centum emancipatus erit, vt in *d. l. 3. §. etsi heres, de minor.* quia intra centum dies cernenda & adeunda hereditas erat. non ergo dies decimus adiaci vulgo solebat, vt Glossa ponit hoc loco. In donatione autem inter vivos collata in filium alienum vel in filium proprium à matre sub eadem conditione adiciebatur qualibet alia dies, veluti si intra biennium emancipatus erit, vt *l. 1. C. de donat. quæ sub modo.* Et ex iis quidem apparet, quam sit falsa doctorum quorundam opinio, qui existimarunt etiam ante Constantinum, id est, ante *l. 1. C. de bon. mat. filiumfamil.* non quæsiisse bona materna, quia si ei non quæsiuit bona materna, superuacua & inepta est conditio emancipationis, quam institutioni filij plurimum inserit mater. Et sane ante Constant. filiumfamil. patri quæsiisse etiam hereditatem maternam pleno iure probat *l. 6. in pr. & l. filiusfam. de adquir. hered. l. 1. §. qui operas, ad Senatusc. Tertul. l. 3. §. verbum, de donat. int. vir. & vx. l. 1. C. de lib. exh.* Et hoc probat etiam Accursius ipse, & Stephanus alter Græcorum Accurs. in *d. l. 1. C. de bon. matern.* His cognitis, fac quod filius sororis meæ, cui ego sum auunculus, filium meum consobrinum suum heredem instituit sub conditione, si à me in dieb. centum emancipatus esset, & ab eo multa legata reliquit, ac me nolente filium emancipare, filius coactus est omittere causam testamenti, ad quam peruenire non potest ob defectum conditionis testamento datæ, quæ in eius potestate non est. Omisso testamento mihi tanquam proximiori cognato, nempe auunculo, delata est successio defuncti ab intestato, vt in *l. 6. C. comm. de success.* Quam tamen successionem ego omisi aut repudiavi, vt filius meus, qui sequentem gradum occupat, ad ea bona veniret, vt proximus cognatus, me omitteente successionem, qui cum gradu præcedebam, atque ita consentiente & cedente patre filius ab intestato agnouit bonorum possessionem vnde cognati, & iure patriæ potestatis per eum ego cæpi ab intestato possidere bona filij sororis meæ. quæritur in hac l. an filius meus inciderit in edictum, si quis omissa causa testamenti, atque ideo, an teneatur legatariis perinde, atque si ex testamento bonorum possessionem secund. tabulas accepisset? quod videtur dicendum, quia omisit causam testamenti, quam tamen amplecti potuit etiam pendente conditione emancipationis, non quidem adita hereditate, quia adiri non potest ante conditionem impletam, sed petita bonorum possessione secund. tabulas, quam utique prætor dat etiam pendente conditione, *l. 2. §. si sub cond. l. 5. & 6. de bonorum possess. secund. tabul. l. inter omnes, qui satisf. cog.* Ergo videtur ei imputari posse, quod non agnouerit bonorum possessionem secund. tabulas, quam potuit etiam suspensa conditione agnoscere: denique videtur conueniri posse à legatariis, perinde atque si accepisset bonorum possessionem secund. tabulas, iuxta sententiam edicti, si quis omissa causa testamenti. Aliud tamen Papinianus respondet in hac l. cui coniungenda est *l. mater* §. *1. si quis omissa caus. test.* quæ idem statuit, filio alieno instituto sub conditione emancipationis, quod hæc filiofamil. instituto sub eadem conditione, vt in specie proposita, non intelligatur filiusfamil. incidisse in edictum, qui omisso testamento, id est, omissa bonorum possessione secund. tabulas, ab intestato agnos-



uit bonorum possessionem vnde cognati. Et ratio huius responsi hæc est, quia is tantum incidit in edictum, qui causam omittit testamenti, quam cum re, id est, cum effectu amplecti potuit: at filius meus cum à me non emanciparetur in diebus centum, causam testamenti cum effectu amplecti non potuit. Nam etsi bonorum possessio secundum tabulas ei data foret pendente conditione emancipationis, tamen sine re constitueretur, & sine effectu postea conditione defecta, puta, non secuta emancipatione, cuius conditio non fuit in potestate filij mei, nec mihi inuito extorqueri potuit emancipatio, quia patris potestas est res inæstimabilis, vt *l. filiusfam. §. 2. de leg. 1. l. 4. de emancip. lib.* Et ait, facile patrem emancipare filium non cogi, quia existunt certæ causæ, propter quas nonnunquam extra ordinem non iure ipso pater cogitur filium emancipare, vt in *l. ult. si quis à par. man. erit. l. nonnunquam, de adop. l. si cui leg. de cond. & demonstr. l. pen. sup. de curat. fur.* Recte autem Vlpianus *lib. sing. reg. t. 23. & 28.* bonorum possessionem, aut cum re dari, aut sine re. Cum re, si is qui accipit cum effectu bona retineat: sine re, cum alius iure civili euincere hereditatem potest, vt si suus heres sit, inquit: Intestati bonorum possessio sine re est, quoniam suus heres euincere hereditatem iure legitimo potest, & ita in *l. filius, C. de inoff. test.* dicitur filiis à matre institutis sub conditione emancipationis, patrem, qui conditioni non obtemperat, cum re bonorum possess. secund. tabul. non accipere videri. Accipere quidem bonorum possess. secund. tabulas, quia nihil est quod facilius concedat prætor cuilibet petenti, sed accipere sine re. Et ita à nobis Diuus Ambrosius 9. Epist. *Sunt heredes sine re, sunt & cum re: vt viuente testatore qui scripti sunt, heredes sunt sine re. & infra, heredis nudum nomen habent. & infra, tanquam clausis tabulis cernunt hereditatem, rem non possident.* Et ex iis quidem facile, quæ sit sententia huius legis intelligi potest, dum ait, filiumfamil. scilicet, à cognato, veluti à consobrino, vt posui speciem, non à matre, vt Glossa ponit, heredem institutum sub conditione emancipationis, omissa causa testamenti, quod non emanciparetur à patre, agnouisse ab intestato bonorum possessionem vnde cognati, non vnde legitimi vt Glossa tentat, quia non de matris, sed de cognati hereditate quæritur: agnouisse igitur bonorum possessionem vnde cognati, patre consentiente & filio cedente locum, nimirum malente patre per filium, quam per se ea bona ab intestato possidere, quandoquidem per se venire potuit pater tanquam proximior cognatus, sed maluit filium venire ex successorio edicto, quo Papin. ait, tametsi hereditate ex testamento exclusus sit, defecta conditione emancipationis testamento datæ, id est, non sequuta emancipatione intra dies centum, tamen vtiliter, quod etiam Glossa nescit vt explicari debeat vtiliter, id est, cum re, in Basil. *duo quæ*, ab intestato agnouisse vt proximum cognatum bonorum possessionem vnde cognati, nec incidisse in edictum, *si quis omissa causa testamenti*, propter causam legatorum aut fideicommissorum, quod non agnouerit bonorum possessionem secund. tabulas, quia, inde, inquit, rem obtinere non potuit, id est, ex parte secundum tabulas, quoniam ex ea parte bonorum possessio futura erat sine re non impleta conditione emancipationis: denique filium habuisse iustam causam omittendi testamenti, ex quo nomen nudum heredis capeßere tantum potest, non rem obtinere. Notandum est hanc legem esse de bonorum possessione vnde cognati, nec tamen alienam à titulo qui talis est, si tabulæ testamenti nullæ extabunt, vnde liberi, tametsi non sit de bonorum possessione vnde liberi, sed de bonorum possessione vnde cognati, quia huius tit. duæ sunt partes, vna generalis, si tabulæ testamenti nullæ extabunt: altera specialis, vnde liberi: & hæc lex, etsi non pertineat ad specialem, pertinet tamen ad generalem. Postremo notan-

dum est etiam huic responso locum esse, si filiusfam. à cognato heres institutus sub ante dicta conditione, nec coheredem, nec substitutum habuerit: nam si vel hunc vel illum habuerit, vt in specie *l. filius, C. de inoff. test.* sine re videbitur agnouisse bonorum possess. vnde cognati. in specie *l. filius*, coheredem vel substitutum habuerit necesse est, cum de querela inoffic. testa. in ea agatur, an pater eam filij nomine intendere possit non emancipato filio. Nam querela inoffic. testamenti non datur contra testamentum, non datur contra lignum, vt dicitur de bonorum possessione cont. tab. quæ datur contra testamentum, etiam si nullus heres extiterit ex testamento, sed datur contra heredem, qui adierit hereditatem ex testamento. Cum ergo quæatur, an agi possit querela, in specie illius *l.* existit igitur aliquis heres primus aut secundus, in quem agi possit eo iudicio. Et breuiter summa sententia *l. filius*, hæc est: filiisfamil. à matre heredibus institutis sub conditione emancipationis, non emancipantem patrem filiorum nomine, neque bonorum possessionem secundum tabulas cum re accipere posse, neque agere posse querela inoffic. testamenti aduersus coheredes vel substitutos filiorum, quoniam non iniuriæ causa, sed vt consulere filiis, mater institutioni filiorum eam conditionem præposuit, & ideo pater, qui forte acceperat bonorum possessionem secundum tabulas, sed sine re, rem tenetur restituere coheredibus vel substitutis. Quod autem nos dicimus, cum re, vel sine re, heredem aut bonorum possessorem, id etiam alij auctores imitantur sumentes à nobis, vt Velleius Paterculus 2. dum ait: *Sillani imaginem Tribunitia potestatis sine re reliquisse.* & Ouid. 3. *Amorum*, de illo Deo:

*Aut sine re Deus est, nomen frustra que timemus,  
Nudum nomen habet.*

#### Ad l. 9. vnde cognati.

*Octauus gradus agnato iure legitimi heredis, etsi non extiterit heres possessio deferatur, vt proximo autem agnato, quamuis extiterit heres, non deferatur.*

In hac l. proponuntur duo responsa: & in priore differentia est inter cognatos & agnatos, quod agnati in infinitum, etiam si decimo vel vltiore gradu sint ab intestato, ad hereditatem vocantur iure civili, id est, ex XII. tabul. vel ad bonorum possessionem, vnde legitimi, quæ edicto prætoris comparata est, agnatorum gratia. Nam legitimos prætor vocat agnatos, quos lex vocat ad hereditatem, vt ipse similiter, ad bonorum possessionem. Denique ab intestato agnati veniunt gradatim vsque in infinitum, vel iure civili, vel iure prætorio per bonorum possessionem vnde legitimi, *l. 2. §. agnati, de suis & legit. §. pen. Inst. de suc. cog.* Et deficientibus agnatis, ad hereditatem etiam in infinitum ex XII. tabul. vocabantur gentiles, id est, ingenui homines ex ingenuis parentibus orti, qui eiusdem essent nominis, licet non eiusdem familiæ: agnati sunt eiusdem nominis & familiæ, & habent easdem imagines: *mesmes armes*. gentiles sunt eiusdem nominis tantum, non eiusdem familiæ, vnde rectissime, quos in Timæo Plato vocat *ὁμόνους*. M. Tullius interpretatur gentiles: & ipse etiam eadem ratione dicit se esse gentilem Seruij Tul. regis. Verba 12. tab. quibus vocantur gentiles ex Vlpi. hæc esse didicimus: *si agnatus nec esset, gentilis familiam habeto*. Hodie iura gentilicia in vsu non sunt, sed iura agnatitia tantum, quæ porriguntur in infinitum. Proinde octauus vel decimus vel vltioris gradus agnato deferatur hereditas, vel bonorum possessio vnde legitimi, etiam si iure legitimo heres non extiterit, vt Papinia. ait hoc loco, id est, etiam si hereditatem non adierit iure civili, vel se pro herede gesserit. At eidem agnato octauus, noni vel decimus gradus



gradus, non defertur bonorum possessio vnde cognati, quamvis & cognatus sit. Quia qui est agnatus, & cognatus est, non contra: tamen decimi gradus agnato non defertur bonorum possessio vnde cognati, etiamsi iure legitimo heres extiterit, ut cœpi dicere, id est, etiamsi hereditatem adierit ut agnatus, non poterit accipere bonorum possessionem, ut cognatus, qui est octavo aut decimo gradu, quia ultra sextum gradum, nec agnatis quidem (licet iure civili hereditatem adierint) quasi cognatis defertur bonorum possessio, sed intra sextum gradum tantum. Non est novum, ut qui iure civili heres extitit, velit etiam accipere bonorum possessionem. Plerique melius sibi iurique suo prospici putant auxilio prætoris quam iure civili, ideoque non satis habent adiisse hereditatem iure civili, sed petunt etiam bonorum possessionem sicut in tit. de Carb. edicto, ostenditur, eum, qui accepit bonorum possessionem edictalem, nonnunquam petere bonorum possessionem decretalem, qualis est Carboniana. Et vice versa. At bonorum possessio vnde cognati, non datur cognato octavi gradus, licet iure civili heres extiterit, quia hæc bonorum possessio sextum tantum gradum cognatorum completitur, & ex septimo gradu duas personas videlicet sobrinum natum vel natam, non totum septimum gradum, l. 1. §. hac autem, h. t. §. ult. Inst. de succ. cogn. Et ratio cur tantum prætor cognatorum fecerit sex gradus vel solum septem, propter duas illas personas hæc est. Quia ultra eum fere gradum cognatorum, rerum natura cognatorum vitam vel gradum consistere non patitur, l. non facile, in pr. inf. de grad. & affin. vel ut Paulus ait 4. Sentent. quia ulterius per rerum naturam, nec nomina cognatorum propria inveniri, nec vita succedentibus prorogari potest. Et hac ratione sex tantum vel septem gradus cognatorum, sex vel septem gradus cognationis constituuntur: & l. Julia & Papia finitur cognatio usque ad sextum gradum quo capite dant maritis solidi capacitatem. Si cognati, inquit, inter se coierunt usque ad sextum gradum, apud Vlp. lib. reg. tit. de solidi capac. & l. Julia publicorum iudiciorum, ex qua aduersus cognatos inuiti testimonium non dicunt, nominantur tantum sobrinus, id est, consobrini filius & sobrinus natus, non quod excusentur etiam à perhibendo testimonio aduersus cognatum cognati priorum graduum, sed quod finiatur cognatio in persona sobrini, & sobrinus nati, hoc ex sexto gradu, & ex septimo adsumpto tantum sobrinus vel sobrina nato natave, l. 4. sup. de test. Et in l. Julia repetundarum, ut ei, qui in magistratu est, à sobrinis impune pecuniam accipere liceat, id est, ab omnibus cognatis usque ad sextum gradum, cui ex septimo licet addere sobrinum natum, l. 1. ad l. Jul. repet. Et in l. Cornelia de iniuriis, ut de iniuriis non iudicet, qui ei, qui agit iniuriarum, sobrinus erit, cui ex septimo gradu addi potest sobrinus natus, significatur ulteriorem iudicare posse, quasi sit extra numerum cognatorum, l. 5. in prin. de iniur. Ideoque quod ad istud responsum attinet breviter constituamus, ut adoptio in adoptionem & adrogationem diuiditur, adoptionis nomine accepto pro genere & specie, ita cognatio diuiditur in agnationem & cognationem: cognati diuiduntur in agnatos & cognatos, qua ratione recte dicitur eos, qui agnati sunt, & cognatos esse, non utique autem cognatos omnes & agnatos esse, ut in l. Iurisc. §. 1. de gradib. & affin. ut patruus meus, mihi agnatus & cognatus est; auunculus cognatus est tantummodo, non agnatus, quia agnatus me contingit per patrem, cognatus per matrem. ergo patruus, id est, frater patris, mihi agnatus & cognatus est: at frater matris, id est, auunculus mihi cognatus non agnatus est. Agnatus eiusdem nominis est, & familiæ; cognatus eiusdem nominis & familiæ non est, quia tamen, qui agnatus est, & cognatus est, cognati nomine accepto genera-

Respons. Papin.

A liter; ideo agnato ab intestato non tantum defertur hereditas & bonorum possessio vnde legitimi, quæ proprie agnatis competit, sed etiam bonorum possessio vnde cognati, cum & ipsi sint cognati: sed hoc interest, quod bonorum possessio, vnde legitimi, defertur agnato cuiuscunque gradus, etiamsi iure civili non adierit hereditatem: bonorum possessio vnde cognati, defertur tantum agnato sexti gradus, & ex septimo gradu duabus personis tantum sobrinus sobrinave, nato natave. ultra eum gradum easque personas ne agnato quidem defertur bonorum possessio vnde cognati, sed intra eum gradum sane defertur agnato bonorum possessio vnde cognati, etiamsi iure civili heres extiterit ut agnatus, quasi ex abundanti etiam accepta bonorum possessione vnde cognati.

#### A §. fratris.

*Fratris filius pro parte heres institutus, cum patrum surdum esse contenderet, atque ideo testamentum facere non potuisse, possessionem, ut proximus cognatus accepit, ex die mortis, temporis haberi rationem placuit, quia verisimile non videbatur tam coniunctum sanguini, defuncti valetudinem ignorasse.*

B Onorum possessio vnde cognati, quæ agnatis & cognatis defertur, petenda est intra centum dies ex edicto successorio, numerando à tempore mortis eius, cuius de bonis agitur, l. 3. hoc tit. l. 1. §. si intra, tit. seq. Hoc cognitio fac, quod filius patris testamento patruus institutus est adiecto coherede extraneo, & dicit filius fratris neque se, neque coheredem ex testamento hereditatem adire posse, quod surdus fuerit patruus, surdus non fuisse testamenti factionem, ut in l. 6. §. 1. & l. 7. qui test. fac. poss. quod obtinuit ante constitutionem Iustin. id est, ante legem discretis, C. qui test. fac. po. Et ideo filius fratris quasi nullo testamento, cum re videtur agnosce re bonorum possessionem vnde legitimi, vel vnde cognati, si hoc maluerit, intra centum dies, scilicet utiles, quibus scierit sibi ab intestato deferri patruus hereditatem. Centum dies cedunt scienti, non ignorantibus causam intestati, siue causam ab intestato delatæ hereditatis: cedunt ergo ei centum dies statim à morte patruus, quia præsumitur sciuisse aduersam valetudinem, id est, surditatem patruus, non est, inquit, verisimile tam coniunctum sanguini defuncti valetudinem ignorasse, sicut dicitur etiam non ignorasse conditionem, & statum capitis sui cognati, l. si filium, C. de lib. causa. Item non esse verisimile, proxima necessitudine coniunctum ignorasse ætatem cognati, l. 7. C. de in integr. resti. min. Et hæc est sententia huius responsi.

#### Ad l. ult. de success. edit.

*Inferioris gradus cognatus beneficium edicti successorij non habuit, cum prior ex propria parte possessionem accepisset, nec ad rem pertinuit quod abstinendi facultatem ob auxilium ætatis prior cognatus acceperat: igitur fisco vacantia bona recte deferri placuit.*

E Proximioris gradus cognatus, puta, frater, cum esset minor 25. annis ab intestato agnouit bonorum possessionem vnde proximi cognati: deinde beneficio ætatis in integrum restitutus est, ut se illis bonis fraternis abstinere. Quæritur, an inferioris gradus cognatus ad ea bona admittatur ex successorio edicto? Et respondet Papinianus, non admitti, quia prior cognatus illum prorsus exeludit ab initio semel agnita bonorum possessione vnde cognati, & non est regressus cuiquam ad ius, quo semel exclusus est, siue beneficium successorij edicti ita demum da-



tur sequentis gradus cognatis, si priores omiserint, aut repudiau-erint bonorum possessionem, si eam non petierint intra constituta tempora, non etiam, si eam semel agnouerint, licet postea abstenti sint, unde sequitur fisco ea bona deferri tanquam vacantia & ἀλλήγουμτα. Deficiente successorio edicto fiscus vocatur, quod l. 1. in princip. hoc tit. demonstrat, dum ait: Præto-rem præstitueret tempus iis, quibus defert bonorum possessionem, & dare inter eos successionem, ut creditores scire possint, utrum habeant cum quo congregiantur, an vero vacantia bona fisco sint delata, & in §. qui semel, ubi quis noluit amplecti sibi delatam bonorum possessionem ut proximiori, iam cepisse eam ex edicto successionem ad alios pertinere, aut fiscum inuitare. In hac specie fiscus inuitatur, quia nemo est ad quem bonorum possessio cum effectu pertineat. ad priorem cognatum cum effectu non pertinet, quia abstinuit se beneficio restitutionis in integrum. Ad inferiorem cognatum etiam non pertinet, quia semel exclusus est. Ad coherentem quoque prioris cognati, vel ad substitutum prioris verbis fideicommissi (substitutio enim recte fit etiam ab intestato) etiam non pertinet aut non competit ius vindicandorum eorum bonorum, quia nullum coherentem eiusdem gradus, aut substitutum habuisse proponitur in hac lege: si habuisset coherentem vel substitutum fideicommissarium, is proculdubio in vacantem portionem fisco potior esset, l. si minor. sup. de adq. hered. l. si pupill. sup. ad SC. Treb. l. ex contractu, de re iud. Quod & Græci notant recte hoc loco 45. Basil. Cum ergo nullus supersit, ad quem cum re pertineat bonorum possessio intestati, in hac specie consequens est, fisco bona deferri tanquam vacantia. Et hæc est species & sententia huius responsi. Itaque Glossæ omnes delendæ sunt. Quatuor tantum sunt leges, quæ huic responsi opponuntur. opponitur l. 1. §. si quis adita, ad SC. Tertull. l. 2. §. si bonorum, eod. tit. l. 6. §. si filius, de bon. libert. & quarto l. 2. §. interdum, de vulg. substit. In l. 1. §. si quis adita, ad SC. Tertull. hoc proponit, quod si filius intestatæ matris ex Senatusconsulto Orfitiano adiecit hereditatem maternam, vel agnouerit bonorum possessionem unde legitimi, quem constat præferri omnibus agnatis mulieris ex Senatusc. Orfitiano, quamuis non sit agnatus matris, sed cognatus tantum, deinde vero abstinerit se bonis maternis per restitutionem in integrum, tum ait, agnatos defunctæ vocari ad hereditatem. Cur ergo eodem exemplo, si prior cognatus agnouerit bonorum possessionem, deinde abstinerit se beneficio restitutionis in integrum, non vocatur ad successionem sequentis gradus cognati, perinde atque si prior nunquam agnouisset bonorum possessionem, cur fiscus vocatur illo excluso? Non est alia querenda ratio, quam eā, quæ proponitur in d. §. si quis adita, quia verba SC. Orfitiani extensiuæ sunt, ut loquitur l. filij, §. 1. eod. tit. Extensiuæ & παρατεταγµενæ, id est, tractum temporis habent, extenduntur scilicet & prorahuntur in annum, intra quem petenda est liberis bonorum possessio, l. 1. §. largius, hoc tit. nimirum, quia ita sunt concepta verba Senatusconsulti Orfitiani, si nemo filiorum, eorumve, quibus simul legitima hereditas defertur, ubi obiter exponamus eorumve quibus simul, puta, nepotum ex filiis iam ante mortuis, qui concurrunt cum auunculis & materteris, iure, ut vulgo dicitur, representationis: si nemo igitur filiorum eorumve, quibus simul legitima hereditas defertur, volet eam hereditatem ad se pertinere, ius antiquum esto, id est, tum agnati defunctæ mulieris vocantur ad hereditatem legitimam. Verbum illud voluit, extensiuum est, id est, tractum temporis habet, & admittit pœnitentiam, variationem usque ad annum, constituentis modo se velle, modo se nolle heredem esse, & satis est, si nunc nolit heres esse, licet aliquando voluerit

esse, ut ius antiquum locum habeat, id est, ut veniant agnati defunctæ in hereditatem legitimam. Eadem ratio reddenda est circa Senatusc. Tertyll. ad d. l. 2. §. si bonorum, filius defuncti præfertur matri defuncti. Ita est, sed si filius defuncti emancipatus petierit & agnouerit bonorum possessionem unde liberi, atque ita excluderit matrem defuncti, deinde abstinerit se bonis paternis per restitutionem in integrum, an mater defuncti vocabitur, quæ semel exclusæ fuit? sic videtur, quia & Senatusc. Tertyll. verba fuerunt extensiuæ, si nemo defuncti filiorum hereditatem ad se pertinere volet, tum mater defuncto heres esto. Verba edicti successorij non sunt extensiuæ. Proinde alia est ratio successionis inductæ Senatusconsulti Tertyll. longe alia ratio successionis inductæ edicto successorio. Verum obstat etiam huic responsi l. 6. §. si filius, de bonis libert. Filius liberti præfertur patrono in successione legitima liberti intestati, & si filius liberti adierit hereditatem, atque adeo patronum excluderit, deinde abstinerit se bonis, abstinerit se per restitutionem in integrum, an patronus vocabitur? lex ait, patronum vocari, & pro excluso non haberi per aditionem filij liberti. Sed ut respondeamus, utitur his verbis, poterit quis patronum admittere, id est, poterit hoc dare reuerentiæ & verecundiæ patronali, quæ est ratio illius responsi. Sicut & hoc datur reuerentiæ & verecundiæ patronali in l. qui duos §. si cum filio, de reb. dub. ut patre libertino, & filio eius commorientibus vno eodemque momento, pater intelligatur superuixisse filio, ne patronus excludatur, qui excluderetur, si filius intelligeretur superuixisse patri, secundum ordinem naturæ, quem in aliis causis fortuna sequi intelligitur, & prius extinxisse patrem quam filium, sed non ita intelligitur fortuna seruasse ordinem, si interueniat patronus, nisi perspicue probetur filium superuixisse patri. Postremo lex 2. §. interdum, de vulg. & pupill. substit. quidam extraneum heredem instituit, filium exheredauit, & exheredato substituit in secundum casum, id est, pupillariter, deinde heres institutus repudiavit testamentum, destituito testamento principali, quod contingit per repudiationem heredis instituti, sane corrumpit pupillare testamentum. At finge, heredem institutum, qui repudiavit, cum esset minor xxv. annis, postea fuisse in integrum restitutum adeundi causa, an conualescit substitutio pupillaris? sic videtur. & ratio eius rei propria hæc est, quia quo tempore heres institutus repudiavit primum, deinde adiuit, nondum erat delata pupilli hereditas ex substitutione pupillari, quia pupillus vixit: sed delata fuit pupillo mortuo post aditionem heredis instituti, quo casu substitutus vocatur, & dantur ei utiles actiones persequendæ substitutionis pupillaris. At si mortuus fuisset pupillus ante aditionem heredis instituti, sane substitutus non vocaretur ad bona pupilli, sed proximus agnatus siue legitimus heres pupilli ab intestato. hæc si examinaueris, intelliges quam dissentiant quæ Azo Accursi. & Placentinus comminiscuntur.

Ad l. 49. de manumiss. testam.

Testamento militis ita manumissam: Samiam in libertate esse iussi. directam libertatem iure militia cœpisse placuit.

Præter alia multa, quæ in hoc lib. Pap. docuit data esse præmia militiæ ostendit in hac lege à milite in testamento directam libertatem ancillæ iure datam videri his verbis: Samiam in libertate esse iussi, licet ante non iusserit eam esse liberam. In pagano autem aliud esse, quia datio libertatis directæ non recte confertur in præteritum tempus, sed in præsens tantum, ut liber esto, liberum esse iubeo: in milite



voluntatem nudam spectamus, non verba. Voluntas A quælibet militis statuentis de rebus suis, pro iusto & legitimo iudicio est. Itaque in hac specie, iure militæ directæ libertas data videtur.

Ad legem 18. §. ultimo, de iure fisci.

*Papinianus tam libro sexto quam undecimo Responsorum scribit, ita demum publicam auferri pecuniam ei, qui cum erat creditor, in solutum pecuniam accepit, si aut sciebat cum accipiebat, publicum quoque esse debitorem: aut postea cognovit, antequam consumeret pecuniam. Sed placet omnimodo ei pecuniam auferendam esse, etiamsi ignorauit cum consumeret. & postea quidam principes directam actionem competere ablata pecunia rescipserunt, ut & Marcellus libro 7. Digesti scribit.*

**R** Estat vnus locus tantum, quo Marcianus vtitur Papiniani auctoritate in l. 18. §. ult. de iure fisci. In hac specie debitor fisci & priuati cuiusdam creditoris, priuato creditori pecuniam debitam soluit, nec superest ei, vnde etiam fisco quod debet soluat: quaritur, an fiscus iure sui privilegij, quo inter omnes creditores chirographarios primum locum tenet, priuato creditori solutam pecuniam auferre possit, vel extraordinario remedio: ut in l. 5. Cod. de privileg. fisci. Et Papinianus cum hoc libro, tum etiam 11. perseverans in eadem sententia, non aliter fisco permittebat, auocare pecuniam recte solutam priuato creditori, quam si priuatus creditor scisset debitorem suum, fisci quoque debitorem esse, vel, si cognouisset, antequam consumeret solutam pecuniam, ignoranti creditori bona fide acceptam pecuniam fiscum auferre non posse, sed hæc distinctio Papiniani inter scientem & ignorantem Marciano & Marcello displicet, qui indistincte dant fisco persequutionem pecuniæ alij creditori solutæ, creditori tamen restituta pristina actione in debitorem principalem & in fideiussores, l. 20. hoc tit. restitutis etiam pignoribus, si qua interuenerint, l. 21. eod. tit.



## IACOBI CUIACII IVRISCONSULTI COMMENTARIUS in Lib. VII. Responsorum Æmilij Papiniani.

Ad l. 57. de usufr. & quemadmod. qu. vtat.

*Dominus fructuario prædium, quod ei per usufructum seruiebat, legauit, atque prædium aliquandiu possessionem legatarius restituere filio, qui causam inofficiosi testamenti recte pertulerat, coactus est, mansisse fructus ius integrum ex post facto apparuit.*

**I**n primo responso proponitur dominus proprietatis in testamento suo prædium legasse, quo verbo significatur proprietas prædij, l. Titio, qui erat dominus usufructus, id est, qui in eo prædio usufr. habebat, vel ut eleganter scribit Papinianus, cui prædium per usufructum seruiebat. Alia est seruitus, per quam homo homini seruit, alia per quam prædium prædio, alia per quam prædium homini seruit, veluti, per usufructum, vel per vsum, vel per habitationem. Item testator proponitur extraneo herede instituto filium exheredasse, & filium recte per-

Respons. Papin.

tulisse querelam inofficiosi testamenti, quomodo idem Papinianus locutus est in l. 16. §. ult. de inoffic. testam. pertulisse querelam inoffic. testamenti, hoc est, hereditate petita ex causa inofficio. testam. heredi scripto euicisse hereditatem, & fecisse patrem intestatum rescisso testamento: atque ita Lucium Titium possessionem prædij, in quo usufructum habuit, quod aliquando possederat ut dominus, fuisse coactum restituere filio, ut vero domino prædij, veroque heredi ab intestato. Fructuarius per usufructum solum non possidet prædium, in quo usufructum habet, sed quasi possidet ius tantum vtendi, fruendi, l. acquiritur §. ult. de acquiren. rer. domin. l. 1. §. quod ait, quor. legat. l. aut prator §. 1. ex quibus caus. mai. l. 3. §. ult. vnde lib. Aliud est possessio, aliud usufructus, l. ult. D. uti possid. Plurimis rebus, inquit Apuleius

**B** 1. Apol. possessione caremus, usu fruimur. Proinde in causa possessionis siue interdicto etiam uti possidetis propriarius est potior aduersus fructuarium, & ita filius exheredatus, qui tenuit & pertulit causam inofficiosi testamenti aduersus heredem scriptum, recte fructuario auocat possessionem prædij, quam tenet iure legati, quia per querelam inofficiosi testamenti, non tantum heredis institutio, sed etiam legata infirmantur & fideicommissa, & libertates, & omnis omniino scriptura, vel nuncupatio testamenti, & aliud quodcumque ad causam testamenti pertinet, ut semper obtinuit ante Iustinianum, l. Papinianus §. pen. de inoffic. testam. At ius usufructus Lucius Titius retinet integrum, quoniam id non habet ex hoc testamento, sed alio iure, & ut ex post facto testatorem intestatum decessisse apparuit, licet data secundum filium exheredatum; ita simul ex post facto apparuit acquisitione dominij, id est, proprietatis, quæ & confusio dicitur & consolidatio, extinctum usufructum non fuisse. Sententia, quod maxime notandum est, dicta in causa inofficiosi testamenti retrahitur, quia creditur defunctus quasi furiosus aut demens non habuisse testamenti factionem, l. qui repudiatis §. ult. de inoffic. testam. l. nec fideicommissa, de leg. 3. Et in hanc rem est singulare istud responsum, dum vult re iudicari

**D** secundum eum, qui egit querela inofficiosi testamenti, omnia æstimari ex post facto, perinde, atque si ab initio nullum fuisset testamentum. Neque vero huic responso obstat lex si tibi, quibus mod. usufr. amitt. quam opponit Accursius, quia in eius legis specie, reuera usufructus extinctus fuit consolidatione. In huius responsi specie ex post facto apparuit, non fuisse extinctum consolidatione, id est, cum re, & vtiliter fructuario iure legati quæsitam prædij fructuarij proprietatem non fuisse. Inepte etiam Accursius huic responso opponit leg. euidenter, D. de except. rei indic. qua definitur, contra æquitatem esse, imo & contra naturam condemnationis esse, ut condemnatio proficiat condemnato. Nam & in specie proposita sane non proficit condemnato, condemnatio scilicet fructuarij, ut filio testatoris prædij possessionem restituat, fructuario non proficit, cum ei eripiat proprietatem & possessionem: non proficit etiam fructuario in hoc, ut nunc saluum habeat usufructum, quoniam non ex condemnatione eum habet, sed ex pristino iure. Ad hæc notandum, quod non debuit Glossa omittere, hodie ex Nouel. Iustiniani huic responso locum non esse, quia hodie querela inofficiosi testamenti legata non infirmat, sed heredis institutionem tantum. Et hoc est quod dicitur, ex causa exheredationis vitari institutionem, cætera firma manere. Usufructus igitur in hac specie reuera extinctus est consolidatione, siue proprietatis acquisitione, quæ contingit iure legati, nec filio, qui pertulit querelam inofficiosi testamenti legatarius possessionem prædij restituere tenetur, quam habet ex legati causa, quod querela inofficiosi non infirmat.

S ij



## Ad §. per fideicommissum.

*Per fideicommissum fructu prædiorum ob alimenta libertatis relicto partium emolumentum ex persona vita decedentium ad dominum proprietatis recurrit.*

**T**estator libertis suis per fideicommissum reliquit certorum prædiorum vsumfructum, cum hac adiectione, *ob alimenta*: heredes facta distributione pro rata *an sola liure*, ex fructu eorum prædiorum libertis alimenta præstiterunt; deinde vnus ex eis libertis alimentariis siue fructuariis ob alimenta, vita decessit: queritur, vtrum partis eius emolumentum adcreseat cæteris collibertis superstitibus, an ad heredes testatoris, vel ad heredem recurrat, qui proprietatis est dominus? Et ait, partium emolumentum ex persona vita decedentium ad dominum proprietatis recurrere. Si simpliciter libertis suis prædiorum vsumfructum legasset nullo alio adiecto, vno deficiente pars eius adcreceret aliis, quia omnibus coniunctim vsumfructus relictus esse intelligitur. sed quum relictus est vsumfructus, hoc adiecto, *ob alimenta*, apparet non plus eorum quenquam testatorem habere voluisse, quam quo vitam suam toleraret. Itaque portio deficientis eius cæteris non adcrevit, quibus suppetit ex fructu prædiorum quo tolerant se. Et vt in agris limitatis dicitur cessare ius alluionis, *l. in agris, de adquir. rer. domin.* quod quidem ius alluionis comparatur iuri adcrescendi, *l. si Titio fructus, in fine, hoc tit.* ita recte dicam, in vsumfructu limitato ad finem alimentorum, cessare ius adcrescendi ex hoc responso, quod singulare est. Et recte in causa vsumfructus dixit, partium emolumentum, vt in *l. Manius §. pen. de leg. 2. l. 3. §. & generaliter, & l. ult. si cui plusquam per leg. Falcid. l. Imperator, ad Trebellian.* illo loco Cæsaris, *sine magno commeatu & emolumento*, id est, sine frugibus, sine annona militari, lib. 1. de bello Gall. Proprie dicimus fruges emolere, vnde emolumenti nomen. Persius.

*Messe tenuis propria vine & granaria fas est, Emole*  
In *l. 4. de alim. leg.* quam adducit Accursius, recte idem Accursius notat, non vsumfructum prædiorum libertis relictum, sed prædia ipsa pleno iure in causam, & nomen alimentorum, cibariorum, vestiariorum; & ideo quod plus est in re ditibus, quam in necessariis alimentis ad libertos pertinere, quibus plena proprietas prædiorum relicta est, non ad heredem. proponitur in ea *l. 4.* libertis fideicommissum Græce relictum in hanc sententiam, *Libertis, libertabusve quos inter viuos testamento vel codicillis manumisi, vel manumifero, dari volo prædia, qua habeo in insula Chio, vt ipsimet percipiant alimenta, cibaria, vestiaria suo iure, tanquam domini scilicet*, sed hoc loco, neque Norimbergæ, neque Florentiæ scriptum est recte. in vno libro *ἐπιμαρτυρῶ*, in altero *ἐπιμαρτυρῶ*, perspicue est legendum *ἐπιμαρτυρῶ*. v. ad Modestinum. x. Resp.

## Ad leg. 11. vsumfruct. quemadm. caueat.

*Vsu quoque domus relicto, viri boni arbitrato cautionem interponi oportet: nec mutat si pater herede filio simul habitare cum uxore legataria voluit.*

**S**ententia huius responsi hæc est, non eum tantum, cui vsumfr. relictus est vel legatus, sed etiam eum, cui vsum nudus, verbi gratia domus vsum nudus relictus est, debere cauere heredi, se vsum boni viri arbitrato, quæ est cautio prætoria, de qua est hic titulus, & ostendit hoc loco Papinianus hanc cautionem præstari heredi vel heredibus, etiam si quis vxori legauerit vsum domus, ita vt cum ea heredes filij sui habitarent, vt simul cum ea eadem domo heredes filij sui vtrentur. An vsum

**A**ria vxor heredibus cauere debet boni viri arbitrato vt frui, cum heredes ipsi sint vsuarij: sic videtur Papin. quia heredes non sunt nec possunt esse legatarij, *l. si mulieri, de vsumfr. adcresc.* Sed vxor sola legataria est, & ideo cauere debet heredibus filiis suis, tametsi eos secum habeat eadem vtentes domo. Recte autem ponit vsum fuisse legatum matri. Nam si fuisset legatus patri eadem lege, vt simul cum eo heredes filij habitarent, pater non caueret filiis suis cautione ista. Patri hæc cautio remittitur, *l. ult. §. hoc proculdubio, C. de bon. qua lib.* at matri non remittitur, vt in *l. 6. §. illud, C. de sec. nupt.* Quod proprie significat hæc lex pen. Nec in id tamen animum aduertunt: Itaque quod *d. l. 6. C. de sec. nupt.* exigit à matre cautionem fructuariam præstandam liberis, hoc esse ex iure veteri, vt patet ex hac *l. pen.* non ex iure quodam nouo.

## Ad l. 33. fam. ercisc.

*Si pater familias singulis heredibus fundos legando, diuisionis arbitrio fungi voluit: non aliter partem suam toleres præstare cogetur, quam si vice mutua partem nexu pignoris liberam consequatur.*

**H**uius legis species & definitio hæc est. paterfamilias non pater, vt dicunt, sed paterfam. non filios, sed duos quosdam sibi heredes instituit, puta primum & secundum, & singulis fundos prælegauit. Diuisionis, inquit, arbitrio functus in *l. si cogitatione C. eod. t.* præueniens officium arbitri diuidendæ hereditatis: facito autem in bonis fuisse duos fundos, Liuian. & Cornelian. Liuian. esse liberum, Cornelianum esse pignoris nexu obligatum, Liuianum primo legasse, Cornelianum 2. Primo secundus iure legari debet præstare partem, quam habet in fundo Liuiano, & vicissim secundo primus debet præstare partem, quam habet in fundo Corneliano, quia ipso iure ex æquis partibus heredes sunt, *l. ex facto proponebatur, de hered. instit.* At vt definit Papin. non aliter primo secundus debet præstare partem, quam habet in fundo Liuiano, quam si vice mutua à primo acceperit partem fundi Cornelianiani solutam nexu pignoris: partem alteram, quam secundus in eo fundo habet iure hereditario ipse reluet, repignerabit, soluet pignore de sua pecunia. denique ita definit, fundum Cornelianum esse luendum de communi, vt in *l. rem sup. h. t.* neque distinguit Papin. in *l. rem*, vtrum scierit testator fundum Cornelianum esse pignori obligatum, an hoc ignorauerit, quoniam huic distinctioni locus non est in prælegato à coherede coheredi relicto: nam societas hereditaria exigit, vt coheredes communiter fungantur onere luendi pignoris. Sed huic distinctioni tantum locus est in legato ab herede extraneo relicto, *l. si res, de leg. 1. §. sed et si rem oblig. Instit. de leg.* Nam si testator scierit rem legatam extraneo esse pignori nexam, heres eam luere debet in solidum: si ignorauerit, luitio eius pignoris incumbit legatario. In prælegatis hac distinctione non vtimur: sed indistincte dicimus, rem prælegatam coheredem quemque debere luere pro sua parte, neminem in solidum. Et male Accur. in *d. l. rem*, eam distinctionem produxit etiam ad prælegata, in quibus si locum haberet, proculdubio eam iuris auctores non omisissent.

## Ad l. 8. de vsumfr.

*Æquis per fideicom. relictis, post moram factus quoque præstabitur vt fructus, sed factus secundus vt causa, sicut partus mulieris.*

**A**it Papin. æquis per fideicommissum relictis post moram heredis, heredem præstare non equas tantum, sed & factus editos post moram: factus præstare



tanquam fructus equorum, vt *l. 39. inf. h. t.* Post moram etiam præstare fœtus secundos, id est, fœtus fœtum tanquam causam, non tanquam fructus, quia fructus fructuum esse non intelliguntur: sicut nec vsura vsuræ, nec accessio accessionis, *l. neque hoc tit. l. heres, de pet. hered.* Et sic notat Papin. hoc loco, quæ sit differentia inter fructum & causam, quod pertinet ad illam partem tit. de fructibus & causis. Post moram heredis præstat heres non tantum fructum, sed & causam omnem, & quid sit fructus, quid causa exemplis declarat: fœtus primus, est fructus: fœtus secundus, est causa: quia fructus fructus non est. Ac simili modo ancillis per fideicommissum relictis, post moram qui editi sunt partus ex ancillis præstantur: & partus partuum tanquam causa, vt in *l. partum, l. Paulus, in prin. & §. ult. h. t.* tanquam causa, inquam, non tanquam fructus, quia partus hominis non intelliguntur esse in fructu, *l. in pecundum, hoc tit.* Noli autem in *d. l. 39.* dum ait, *equis legatis, post moram heredis fœtus deberi*, noli id accipere, de equis alienis tantum, vt Glossa, quasi scilicet equis propriis legatis fructus debeantur statim ab hereditate adita propter leg. *42. h. t.* quæ ait, fundo legato per fideicommissum fructus post adquisitionem ex causa fideicommissi dominium perceptos ex fundo ad fideicommissarium pertinere, licet maior pars anni præterierit, antequam cederet dies fideicommissi. Neque enim ideo fructus diuiduntur inter heredem & fideicommissarium, sed omnes præstantur fideicommissario, quicumque ex terra percipiuntur post adquisitionem ex causa fideicommissi dominium verum. vbi post adquisitionem ex causa fideicommissi dominium, non significat post aditam hereditatem, sed post traditionem fundi, vt *l. qui ususfr. sup. si ususfr. pet.* Et dominium ibi non est proprium dominium, quia ex causa fideicommissi dominium non transit, sed possessio, ex causa fideicommissi non transit dominium proprietatis, sed dominium possessionis tantum. Et ita *l. 42. explicanda est ex d. l. qui ususfr.* Et consequenter, quod subiicit *d. l. 39. h. t.* de equitio legato, male etiam Glossa accepit de equitio alieno: tantum in ea lege 39. ex lib. 9. differentiarum Modestini proponitur vna differentia inter legatum equorum, & legatum equitij, quod equis legatis fœtus tantum debeantur legatario, editi post moram heredis, legato autem equitio, quod & *ἰσπορώσιον* dicitur, & à Iurisconsultis nostris etiam dicitur polia, haras, troupes de poulains, in *l. adiles, §. ult. de adil. edic.* equitio, inquam, legato debentur etiam fœtus editi ante moram heredis: & ratio differentiarum hæc est, quia equorum nomen positione est plurale, sed potestate est singulare, quoniam ex certis corporibus singuli legati intelliguntur. Continet igitur legatum equorum certa corpora, quæ nec augmentum, nec diminutionem recipiunt, proinde eorum legatum fœtus incremento non augetur. Equitium autem est nomen positione quidem singulare, sed potestate vniuersale & *παντοίων*, quod continet plura & incerta corpora, quæ sunt huic vni nomini subiecta. Hoc nomen & augmentum & diminutionem recipit, & augetur quidem maxime fœtura: fœtura adcrefcit equitio non equis: proinde legato aut petitioni equitij insunt fœtus primi & secundi, non iam vt fructus vel causa, sed vt partes rei principalis, quæ legata est, & non officio iudicis in petitionem veniunt, sed iure & potestate actionis, quod actum sit de equitio præstando. Et non hic tantum fructus veniunt, qui accesserunt post mortem testatoris, sed & qui post testamentum factum; & non ij tantum, qui accesserunt post moram, sed & qui accesserunt ante moram. Eandemque differentiam eodem libro Modestinus ostendit esse inter legatum ouium & legatum gregis ouium in *l. seruus leg. in fine, de leg. 3.* quæ coniungenda est cum *d. l. 39. huius tit.* Ouius legatis non debentur agni & arietes editi ante moram: grege ouium legato, debetur agni & arietes, etiam-

A si mora heredis nulla intercefferit. Eademque differentia est inter hereditatem & res singulas: quæ sunt in hereditate. Nam hereditatis nomen est etiam vniuersale, nomen vniuersi iuris, quod recipit accessionem & decessionem, & maxime augetur accessione fructuum vel causarum, ac proinde, qui petit hereditatem hoc modo, si paret hereditatem meam esse, petit etiam fructus, & causam omnem quocunque tempore hereditati accreuit post factum testamentum, *l. item veniunt §. item non solum, de petit. hered. l. pecunia §. 1. de verb. sign.* In actione in rem, qua res singula petuntur, non insunt fructus, nisi specialiter petantur, *l. 2. C. de petit. hered. l. 10. h. t.* Qui igitur rem aliquam suam esse petit, non intelligitur etiam petere fructus vel causam eius rei, puta, partem aut fructum secundum, sed in ea actione officio iudicis veniunt tantum fructus, qui post litem contestatam, id est, post moram percepti sunt, aut percipi honeste potuerunt. Eademque est ratio actionis ex testamento aut persecutionis fideicommissi singularum rerum. Nam & in ea actione fructus, & causa venit post litem contestatam tantum, id est, post moram; denique post moram enati fructus vel enata causa fideicommissario debetur. Qui vero editi & percepti sunt fructus vel causa ante litem contestatam, cedunt lucro heredis, hoc est certissimum, & comprobatur multis legibus, *l. si quis bonorum, l. cum seruus §. 1. l. quesitum §. ult. de leg. 1. l. 26. de leg. 3. l. generaliter §. proinde, de fideic. libert. l. 1. & ult. C. de usur. & fruct. leg.* Et in hac *l. 8.* apertissime, cum ait, fructus aut causam fideicommissario non præstari, nisi eos, qui sunt editi post moram, & *d. l. 39.*

Ad *l. 41. de adm. & peric. tut.*

Qui plures tutores habuit: vnum qui soluendo non fuit, rationem actus sui vetuit reddere, quoniam eius liberatio, quod ex tutela percepit, aut dolo contraxit, non est relictæ: tutores qui suspectum facere neglexerunt, ex culpa recte conueniuntur, tutor enim legatarius ex culpa, qua testamento remissa est, non tenetur.

D A Dolescens, qui plures habuit tutores, iam sua tutela factus, testamentum fecit, & ex eis tutoribus vetuit vnum actus sui rationes reddere, vel vetuit, ne heres ab vno ex tutoribus exigeret rationem actus sui: videtur ei legasse liberationem obligationis contractæ ex administratione tutelæ, sed non plenam liberationem. Nam his verbis videtur testator ei tantum remississe rationem culpæ aut negligentia, non etiam si quid dolo malo fecisset, aut si quid ex rebus pupilli per se haberet, aut conuertisset in suos vsus. potuit quidem & hæc remittere, id est, totam tutelæ obligationem & damnum; denique omne incommodum, quodcunque ex tutela sensit, vt in *l. 5. §. Iulianus, hoc tit. l. si quis, l. Aurelius §. Titius, de lib. leg.* Potuit in plenum liberare tutorem. Quid ni? Sed hoc fecisse aut voluisse non intelligitur quod vetuerit rationes actus sui ab eo exigi: nam vetuisse tantum intelligitur scrupulosius & examius exigi ab eo rationes: voluisse, non haberi rationem negligentia: dolum malum non intelligitur remississe, aut quod percepit tutor ex rebus pupilli. Ideoque ex eo infert Papinianus, si is tutor, cui hæc non intelliguntur remissa, sed quod culpa tantum admixta aut negligentia, soluendo non sit, atque ita non possit præstare heredibus adolescentis, quod adolescenti dolo malo eius abest, vel quod ex rebus eius perdidit male, ceteri tutores heredi tenentur culpæ nomine, quod eum tutorem suspectum facere supersederint, quæ est definitio huius responsi. An vero eis tutoribus heres debeat mandare siue cedere actiones aduersus illum tutorem, qui soluendo non est. Accursius tractat. Et verius est tamen, nō



esse mandandas, quia tenentur ex propria culpa, quod suspectum non fecerunt, *l. 2. C. de cont. ind. tut.* ex culpa contutoris non tenentur, quæ remissa est, & multo minus ex dolo, sed ex propria culpa, quod cum dolo se verfaretur in actu suo, eum non remouerint, & suspectum non postulauerint.

Ad l. 5. de iure codicillorum.

*Ante tabul. testamenti codicilli facti non aliter valent, quam si testam. quod postea factum est, vel codicillis confirmetur: aut voluntas eorum quocunque indicio retineatur, sed non seruabuntur ea, de quibus aliter defunctus nouissime iudicauit.*

**I**N hac l. Papin. ait, codicillos factos ante testam. non aliter valere, quam si postea testamento facto specialiter confirmati sint: quæ Papin. sententia refertur Instit. in §. non solum, de codic. Quidam male dicunt eam non extare, cum sit hæc ipsa quæ ponitur in *l. 1. 5.* Nam dum ait, factos codicillos ante testam. non aliter valere, quam si testamento postea facto, vel aliis codic. confirmetur: hoc specialem confirmationem exigit, quæ scripta sit in testam. vel aliis codic. Potest quis plures codic. facere, plura testam. non item. Verum fateor in hac l. 5. addidisse Tribonianum hæc verba: *Aut voluntas eorum quocunque indicio retineatur*, non iudicio, sed indicio legendū est; non iudicio vt Glossa, sed indicio vt Florentini, quibus verbis non exigitur omnino specialis confirmatio, sed satis esse dicitur, si voluntas codicillorum factorum ante tabul. testam. quocunque indicio, quocunque signo retineatur, id est, si quocunque argumento approbetur in ea voluntate defunctum perseuerasse, & ea verba Tribonianus addit ex rescripto Seueri & Antonini relato in d. §. non solum. Nam ex eo rescripto codicilli valent, licet specialiter confirmati non sint testamento postea facto, si modo defunctum quocunque indicio appareat à voluntate in prioribus codic. expressa non recessisse, sed animaduertendum illud rescriptum loqui tantum de voluntate precaria, id est, de fideicommissis relictis in codic. qui facti sunt ante testam. fideicommissa debentur ex nuda voluntate, ex nutu, ex coniectura sola. At si quid in eis codicillis sit scriptum directo, si sint in eis relicta legata, aut libertates, aut tutelæ, quæ omnia relinquuntur verbis directis, verbis ciuilibus, & non specialiter confirmati sint testamento vel codicil. postea factis, quæ sunt in eis directis verbis scripta pro non scriptis habentur, vt est in *Epistol. Plinij ad Annium, lib. 2.* Ideo specialis confirmatio exigitur etiam hodie, specialis confirmatio codicil. exigitur post rescriptum vt directæ scripturæ valeant, *l. 6. C. cod. l. 2. 2. §. qui codicillos, D. ad legem Cornet. de fals.* Codicilli autem post testam. facti, non indigent confirmatione, sed ius testamenti sequuntur, *l. 3. §. ult. hoc tit.*

Ad l. 76. de leg. 2.

*Cum filius diuisis tribunalibus actionem inoff. testam. matris pertulisset, atque ita varia sententia iudicium exstissent: heredem qui filium vicerat pro partibus, quas aliis coheredibus abstulit filius, non habiturum præceptiones sibi datas, non magis quam ceteros legatarios actiones, constituit: sed libertates ex testam. competere placuit, cum pro parte filius de testam. matris litigasset, quod non erit trahendum ad seruitutes, quæ pro parte minui non possunt: plane petetur integra seruitus ab eo, qui filium vicit: patris autem æstimatio præstituitur, aut separatus erit filius pretio accepto seruitutem præbere, doli summonebitur exceptione legatarius, si non offerat patris æstimationem: exemplo scilicet legis Falcidia.*

**H**Æc lex continet plura responsa, & primum quidē satis est difficile. Quæstio hæc etsi hodie locum non habeat, cum ex Nouella Iustiniani, rescisso testamento per querelam inofficiosi testamenti, legata & libertates conseruantur in solidum, & sola heredum institutio vitatur, tamen disceptatio & definitio eius quæstionis vsui esse potest in aliis plerisque causis. vertitur autem ea circa hanc speciem: Mater in testamento filium exheredauit, aut quod idem est, mater præterituit, & plures heredes extraneos scripsit. Vni autem eorum heredum prælegauit certa quædam prædia, & aliis plerisque non heredibus etiam legata reliquit, & libertates quibusdam seruis suis. Post mortem matris filius exheredatus aduersus omnes heredes scriptos egit Romæ apud Centumuiros, & pertulit quæstionem inofficiosi testamenti, non egit simul aduersus omnes heredes scriptos vno tribunali, sed diuisis tribunalibus: nam Centumuirosum iudicia, vt ex Rhetoribus didicimus, erant diuisa in varia tribunalia, & singula tribunalia constitisse viris septem, argumentum præbet, quod querela inofficiosi testamenti modo dicitur centumuirale iudicium, vt in *l. Titia, de inoffic. testam.* modo septemuirale iudicium, vt in inscriptionibus *l. 7. & 28. & 31. cod. tit.* Et siquidem corpus vniuersum Centumuirosum spectes, iidem sunt iudices in hac causa, quam mouet filius exheredatus de testamento matris inofficioso aduersus omnes heredes scriptos: si tribunalia spectes, diuersi iudices sunt. Porro vno tribunali filius aduersus vnum ex heredibus, cui prædia erant prælegata, non recte pertulit querelam inofficiosi testamenti, quia heres ille filium vicit: aliis autem tribunalibus aduersus ceteros heredes recte pertulit querelam inofficiosi testamenti cuiuslibet partibus eorum: quam varietatem iudiciorum citra iniquitatem vllam sæpe efficit comparatio meritum filij & heredum, quum heredes diuersi iuris, diuersæ conditionis sunt, *l. nam et si parentibus, §. ult. & l. circa, de inoff. testam.* Atque ita in proposita specie filius vno iudicio victus est: vno tribunali siue consilio, cæteris vicit, & rem abstulit, ac proinde pro partibus tantum eorum, quos vicit, matrem intestatam fecit, pro parte autē eius, quem non vicit, imo à quo superatus est, mater testata permansit. Non apparebat ab initio matrem fuisse pro parte intestatam, cum de omni re sua iure testata sit, sed ex post facto apparuit, vt in *l. dominus, in prin. de usufr.* Ex quo sequitur legata ab omnibus heredibus relicta testamento matris deberi pro parte tantum eius, qui filium vicit, pro partibus cæterorum extincta esse legata: denique solida non deberi, minui per querelam inofficiosi testamenti recte perlatam pro parte. Idemque statuendum est de prælegato prædiorum heredi relicto, qui filium vicit, vt pro parte eius consistat legatum, quam scilicet caput iure hereditario, non pro partibus coheredum, quas eis filius exheredatus abstulit, veluti ex causa intestati. Et hoc est quod ait, heredem, qui filium vicerat, pro partibus, quas aliis coheredibus abstulit filius, non habiturum præceptiones sibi datas, id est, prælegata prædiorum, non magis quam ceteros legatarios actiones legatorum scilicet habituros pro partibus eorum, quos filius vicit. Rescisso igitur testamento pro parte per querelam inofficiosi testamenti, pro ea parte legata irrita constituuntur, vt in *l. cum duobus, C. de inoff. test.* Vnde quæritur, an etiam libertates, quæ seruis testamento matris datæ sunt, irritæ constituantur, & ait, non fieri irritas libertates, quamdiu vel vnus heres existit, qui ex testamento partem hereditatis possideat, sed omnimodo integras libertates competere: non possunt competere nisi integræ, quia indiuiduæ sunt. Nemo potest esse pro parte liber, pro parte seruus, *l. duob. de lib. caus. l. iudicata, de except. rei indic.* Proinde libertates consistunt in solidum, tamen si filius non obtinuerit in solidum contra testamentum matris, sed pro parte tan-



tum ait, quamvis legata constet non deberi nisi pro parte, libertates ex testamento competere placuit. Placuit scilicet principibus studiosis libertatum, fauorabiliter, ut integræ competere potius quam integræ intercederent, quoniam alterutrum erat necesse constituere, vel intercedere in totum, vel competere in totum, quoniam sunt indiuiduæ, & fauorabilius est eas conseruare: & ait, libertates ex testamento competere, directas scilicet quæ proprie competere dicuntur ipso iure ex ipso testamento: fideicommissarias autem præstari ab heredibus. Et quamuis, ut patet ex *d. l. cum duob.* in hac specie præstari etiam debeant fideicommissariæ libertates, non tamen sine distinctione præstantur, nec sine modo aliquo, qui inferius explicabitur. Inde vero queritur hoc ipso loco, an etiam si testamento matris legatæ sint seruitutes prædiorum, puta via, vel actus vel aqueductus, illud legatum, an in totum consistat? quod videbatur eadem ratione, qua consistunt libertates seruorum & conseruantur integræ, quia ut libertates seruorum, ita seruitutes prædiorum indiuiduæ sunt, nec pro parte minui aut præstari possunt, *leg. via sup. de seru. l. 1. §. usus. ad leg. Falcid.* Et quod dixit de libertatibus seruorum competere eas omnimodo rescisso testamento pro parte, hoc ait, non esse trahendum ad seruitutes prædiorum, quamuis & ipsæ indiuiduæ sint: eadem causa diuersa habet effecta. Causa indiuidua libertatum, ut semper integræ competant, quia eis etiam est adiunctus fauor, qui non est adiunctus tuendis seruitutibus prædiorum. Causa autem indiuidua seruitutum, ut non semper integræ competant, sed penitus interdicant: nam si is, cui seruitus prædii legata est, rescisso testamento pro parte integram seruitutem petat ab eo herede qui filium vicit, atque adeo ex testamento solus heres existit, repellitur exceptione doli mali legatarius, si estimatione facta legati, non offerat victori pretium quo redimat partes legati, quas ceteris filius abstulit, recte per lata querela, videlicet, si idem filius paratus sit, quantum in se est seruitutem vendere & præbere, id est, cedere, accepto pretio. Quod si nolit filius seruitutem vendere, etiam hoc casu seruitutis legatum intercidit, quia non potest seruitus præstari nisi integra, & integra non potest præstari redempta parte à filio, quam si nolit distrahere, restat inutile esse legatum seruitutis. Duobus igitur casibus intercidit legatum seruitutis, si filius nolit seruitutem cedere, nec pecunia accepta, & si eo volente cedere, pecunia accepta legatarius non offerat pecuniam, id est, partem estimationis legatæ seruitutis. Et hoc Papinianus ait, fieri exemplo *l. Falcidiæ*, nec id explicat, sed explicandum nobis est ex *l. 7. & l. sis, qui §. ult. ad leg. Falcid. & l. pure §. 1. de doli except.* Si sit legata seruitus prædii quam constat non recipere diuisionem, & locus existat legi Falcid. quam constat minuere singula legata, quid fiet? nam ea seruitus pro parte minui non potest, proinde non potest heres ex ea retinere Falcid. Sed si legatarius petat ab herede integram seruitutem, repellitur exceptione doli mali, si non offerat heredi quartæ partis, id est, Falcidiæ estimationem, & eadē est ratio, si seruitus prædii sit legata & legata minuatur per querelam inofficiosi testamenti recte perlatā pro parte tantum. eadem etiam ratio seruabitur, si testamento matris, de quo agitur, relictæ sint fideicommissariæ libertates. Diximus ante de directis: dicamus nunc de fideicommissariis. Finge duo sunt heredes instituti à matre & rogati seruum manumittere, filius exheredatus agit querela inofficiosi testamenti aduersus vtrumque heredem, & diuisis tribunalibus vnum vicit, ab altero victus: Seruus petit sibi præstari fideicommissariam libertatem ab eo, qui filium vicit, & repellitur exceptione doli mali, vel officio iudicis, ut ait *l. indicata, de except. rei indic.* quoniam vel hoc vel illo remedio idem possumus obtinere, id est, vel per officium

A iudicis, vel per exceptionem doli mali, ut in *l. bona fide, noxal. act. l. plane, de per. hered. l. sumptus, de rei vindic.* Si igitur seruus petat fideicommissariam libertatem ab eo qui filium vicit, repellitur, vel illo remedio, si ei non offerat pretium, quo redimat à filio serui parem: neque enim potest præstare fideicommissariam libertatem nisi redempta parte serui à filio, *l. grani, & seq. de iur. cod.* secundū quam est accipiendum, quod ait *l. per. eod. tit. eorum*, quæ pro parte præstari non possunt, id est quæ indiuidua sunt, nihil eorum præstandum: puta, si relictæ sit seruitus prædii, vel libertas fideicommissaria, nisi scilicet offeratur æstimationis partis. Et secundum hæc etiam apparet quod Papin. dixit ante de libertatibus, eas ex testamento competere, omnimodo de directis tantum libertatibus esse accipiendum, quæ proculdubio ex testamento competunt, nulla victori præstita æstimatione partis: Nam in fideicommissariis libertatibus idem iuris est, quod in seruitutibus prædiorum, quod etiam est adnotandum ad *l. cum duob. in fine. C. de inoff. test. ex dict. l. indicata.*

#### Ad §. Lucio.

*Lucio Sempr. lego omnem hereditatem Publii Mæuii. Sempronius ea demum onera suscipiet, quæ Mæuianæ hereditatis fuerunt, & in diem mortis eius, qui heres Mæuii extitit, perseuerarunt, sicut vice mutua præstabuntur actiones, quæ præstari potuerunt.*

C Quid vulgo iactatur, & est scriptum in *l. si hereditatem, supr. mand.* legatum acquisitum nunquam damno esse posse. Et hoc distare legatum ab hereditate, quia hereditas interdum damnosa est perpetuo: verum causa legati non est semper lucratiua, aliquando legatum detrimentosum & onerosum est, ut quum legatur mensa argentaria, & plus est in ære alieno, quam in quæstu *l. seq. §. mensa, inf.* vel etiam ut in specie proposita in hoc §. *Lucio*, si quis alij leget omnem hereditatem, quæ morte Publii Mæuii ad se peruenit, legato continentur etiam onera & incommoda omnia hereditatis Mæuiianæ. Hanc enim vim habet nomen hereditatis, *l. hereditatis appellatio, de verb. signif.* ut in hereditate vendita proditum est in *leg. 2. §. sicut, de hered. vend.* & in hereditate donata inter viuos, *leg. hereditatem, D. de donat.* Et ideo in specie proposita legatarius, cui relictæ est hereditas Mæuiiana, debet cauere heredi testamento scripto de indemnitate, puta se indemnem eum damno seruaturum & releuaturum oneribus Mæuiianæ, *l. qui concubinam §. cum ita, tit. seq. & d. §. mensa.* Et hoc modo legatarius suscipiet omnia onera & incommoda hereditatis Mæuiianæ, quæ admodum Glossæ non animaduertit, sed excogitauit tantum, ut nouatione facta legatarius promittat se soluturum creditoribus, quibus Mæuiiana hereditas obstricta est, nec tamen inutilem modum vel incongruū. At plerumque auctores nostri in similibus causis remedio cautionis de indemnitate præstitæ heredi efficiunt, ut legatarius in se suscipiat omnia onera, & vicissim etiam heres debet legatario præstare omnia commoda hereditatis Mæuiianæ, & credere actiones, quas habet, inque eum transferre. Non dantur legatario actiones ipso iure, sed creduntur ab herede, cui ipso iure competunt; non dantur etiam in legatarium ipso iure actiones, quibus hereditas Mæuiiana obstricta est; & nec vlla onera hereditatis Mæuiianæ in eum transeunt, nisi ab eo suscipiantur interposita vel præstita heredi cautione indemnitis, quam utique præstare necesse habet, si velit frui commodis hereditariis, nec enim commode potest separare commoda ab incommodis, & hæc recusare, illa complecti. Suscipiet autem legatarius onera hereditatis Mæuiianæ interposita illa cautione



onera, inquam, quæ in diem mortis testatoris, qui Mæ-  
uio heres extitit, perseverant, non ea onera, quibus iam  
testator perfunctus est. Et vice mutua legatario præsta-  
buntur ab herede actiones, quæ in eum diem supersunt,  
non quas iam ante testator recte pertulit. Et huc valde  
pertinet species *leg. pen. §. quæ marito, hoc tit.* quæ talis  
est. Mater filios & extraneos quosdam heredes scripsit;  
filiis prælegavit hereditatem, quæ sibi à marito obue-  
nerat, patre eorum, ea lege & conditione: *ut omne onus  
hereditatis agnoscerent, tam in præteritum quam in futu-  
rum.* His vñ est verbis: *nec non etiam onus, quo ipsa mater  
post mortem mariti, eam hereditatem onerasset.* Queritur,  
*an si quid mater solvisset, dedisset, in quod tenebatur ea he-  
reditas, si quid, inquam, solvisset vel dedisset post mortem  
mariti, cum ipsa fructus percepisset, id ad onus filiorum per-  
tineret?* quo loco perspicue sunt traiecta verba Scauolæ,  
& ita reponenda, ut quæstionem proponat hoc modo:  
*an si quid mulier solvisset, dedisset post interitum mariti, cum  
ipsa fructus cepisset, ad onus eorum pertineret?* Hoc ergo  
queritur, quibus mater legavit eam hereditatem, dan-  
do, soluendo, satisfaciendo, filij agnoscere debeant qui-  
bus ea hereditas prælegata est, quod maxime interest  
scire, propter heredes extraneos. Nam si filij ea agnos-  
cere debent de suo, coheredibus suis tenentur reddere  
quæcunque mater solvit: & sane videntur debere ea o-  
nera agnoscere, quoniam dixit mater: *ut omne onus a-  
gnoscerent, tam in præteritum quam in futurum.* At Sca-  
uola responderet, ea tantum onera filiis imposuisse ma-  
trem videri, quibus leuata hereditas nondum esset, non  
ea, quibus mater iam absolvisset hereditatem, maxime  
cum & ipsa hereditatis fructus interim percepit, nec eos  
filiis referuauerit, ut cum fructibus compensentur onera.  
Est elegantissima species.

#### Ad §. dominus.

*Dominus herede fructuario scripto fundum sub condi-  
tione legavit, voluntatis ratio non patitur, ut heres ex cau-  
sa fructus emolumentum retineat, diuersum in cæteris præ-  
diorum seruitutibus, quas heres habuit, responsum est, quo-  
niam fructus portionis instar obtinet.*

**N**Otatur in hoc §. vna differentia inter vsumfru-  
ctum & seruitutem prædialem. Nam si quis ex-  
cepto milite, dominus fundi heredem instituerit eum,  
qui in eo fundo vsumfructum habet, & fundum alij le-  
gauerit sub conditione, fructuarius autem hereditatem  
adierit, aditione confunditur & interit vsumfructus, &  
existente conditione legati, legatario debet præstare  
plenam proprietatem fundi, non deducto, non retento,  
non redintegrato vsumfructu, qui semel extinctus est  
aditione, consolidatione, confusione, comparatione  
domini: nam adeundo adquisiuit proprietatem, id  
est, dominium fundi. Adquisitio dominij perimit  
vsumfructum, ut nec possit restitui, nec redintegra-  
ri fundo legatario præstito. Et hoc ita in vsumfructu pro-  
cedit.

Verum non idem dicemus in seruitute prædij, si do-  
minus fundi, in quo vicinus habet seruitutem itineris  
exempli gratia, non vsumfructum, vicinum heredem  
instituerit, & eum fundum Titio legauerit sub condi-  
tione. Nam existente conditione Titium petentem fun-  
dum repellat heres exceptione doli mali, si non patia-  
tur fundo iterum imponi iter, si non patiatur serui-  
tutem redintegrari, quæ aditione confusa est, *l. 18.  
de seruit. l. legatum §. ult. sup. tit. prox. l. Manius §. pen.  
h. t.* Hæc vna est differentia inter vsumfructum &  
seruitutem prædij, cuius rationem paucis verbis, sed  
subtilibus Papin. explicat in hoc §. & dicit, eam pen-  
dere ex voluntate testatoris, quia voluntas testatoris  
hæc est, ut fundus legatario præstetur integer cum suo

**A** emolumento, quod vtrique consistit in fructu, non ut  
præstetur nuda tantum & inutilis proprietas fundi de-  
tracto vsumfructu. Voluntas testatoris declaratur ex scri-  
pto, *l. illud §. ult. de iur. codicill.* Scripsit autem testa-  
tor, se fundum legare, quo nomine significatur plena  
& sola proprietas, *l. si Titio, l. si alij, de vsumfr. leg.* sicut  
serui nomine significatur plena proprietas, plenum do-  
minium, *l. 26. hoc tit.* & nomine cuiuscunque rei vel  
corporis. Et hoc est, quod dicitur vsumfructum partis  
fundi instar obtinere, *l. qui vsumfruct. de verb. obl.* &  
effectum partis in casibus plerisque, *l. si Titio §. 1. de vsum-  
fr.* quæ dum ait: *vsumfructum in quibusdam casibus ef-  
fectum partis non obtinere.* Significat in aliis plerisque  
obtinere, non in omnibus. Et merito, quia emolu-  
mentum rei continet: parum enim mihi profuerit rei  
proprietas, nisi re ipsa utar fruatur. At seruitus fundi par-  
tis fundi instar non obtinet: fundum non præstat, qui  
detrahit vsumfructum; contra fundum præstat, qui de-  
trahit, & sibi retinet iter in eo fundo, ex quo apparet  
vsumfructum obtinere vicem partis, non iter: ideoque  
heres, cuius in fundo legato vsumfructus fuit ante adi-  
tam hereditatem, fundum præstabit non retento, vel re-  
dintegrato vsumfructu, quem habuit ante: at heres qui  
habuit in fundo legato iter ante aditam hereditatem  
fundum non aliter præstabit, quam si legatarius sibi ius  
itineris in eo fundo constituat quod habuit ante. Fundi  
appellatio plenum fundum significat, non etiam libe-  
rum fundum siue optimum maximum, *l. seruo legato §.  
si fundus, tit. prox.* Et hæc est ratio quam proposuit Pa-  
pinianus. Restat tantum, ut videamus, cur idem ponat,  
fundum fuisse legatum sub conditione, nunquid idem  
non est, si legatus sit pure? Sane in vsumfructu est idem,  
quem constat non redintegrari: sed in seruitute prædij  
non est idem, quia si fundus, in quo heres habuit  
iter, fuerit pure legatus, per vindicationem, non per  
damnationem, & legatarius agnouerit legatum, aditio-  
ne seruitus non intelligitur esse confusa, quia recta via  
dominium fundi, quod fuit iacentis, nec dum aditam he-  
reditatis, postea aditam hereditate, ad legatarium, qui a-  
gnouit legatum, transit, nunquam factum heredis, ergo  
nunquam facta confusione, *l. 80. hoc tit. l. si à Titio, de  
furt.* At si fundus per vindicationem fuerit sub condi-  
tione legatus, ut in hoc §. & post aditionem conditio le-  
gati extiterit, proculdubio aditione confusa seruitus  
est, puta interim fundo facto heredis, sed retinetur per  
exceptionem doli mali, quæ retineretur ipso iure, quasi  
non confusa, si pure fundus fuisset legatus. Itaque  
male Dd. omnes in hoc §. hæc verba: *sub conditione e-  
xistimant abundare, quasi scilicet idem sit fundo pure  
legato.*

#### Ad §. heres.

*Heres meus Titio dato, quod ex testamento Sempronij  
debetur mihi, cum iure nouationis, quam legatarius idem-  
que testator antea fecerat, legatum ex testamento non  
debeatur: placuit falsam demonstrationem legatario o-  
besse, nec totum falsum videri, quod veritatis primor-  
dio adiunatur.*

**L**Egavi legatum, quod mihi ex testamento Sempro-  
nij debetur. Id vero tum mihi iam non debebatur ex  
testamento Sempronij, sed ex stipulatu, iure nouationis,  
queritur, an heres legatario teneatur cedere actionem  
ex stipulatu, in quam per nouationem actio ex testamē-  
to transfusa est, licet legata tantum videatur actio ex te-  
stamento, cum legatur, quod sibi deberetur ex testamen-  
to Sempronij? Et respondet Papin. esse præstandam a-  
ctionem legatario, actionem, inquam, ex stipulatu, ut  
consequatur quod testatori deberetur ex testamento  
Sempronij, quia falsa demonstratio non vitiat legatum,



& quod etiam ea demonstratio, quod sibi deberetur ex A testamento Sempronij, non est omnino falsa, si initium & originem obligationis spectemus: non est, inquam, in totum falsum, quod adiuuatur primordio veritatis: & mutata etiam non est persona debitoris aut creditoris, sed causa tantum obligationis, perempta omnino obligatione veluti per acceptilationem, sane nihil legatario deberetur, nullum esset legatum *l. si sit. §. ult. sup. tit. prox.* At nouatione facta non omnino perimitur obligatio, sed noua constituitur, & sic nouatione facta non perimitur legatum liberationis, quoniam idem obligatus manet, non quidem ex veteri, sed ex noua causa, quæ originem capit à veteri, *l. ult. §. ult. de lib. leg.* Acceptilatione autem perimitur legatum liberationis, quasi superuacuum & inutile, *l. si id quod, eod. tit.*

Priusquam veniam ad reliqua responsa huius l. 78. addam ad secundum responsum, quod est in §. *Lucio Sempronio*, quod antea à me prætermisum est.

Loquitur in §. *Lucio* de legatario, cui quis legauit hereditatem, quæ sibi à Mæuio obuenerat, quem, ait, debere suscipere onera, quæ fuerunt Mæuiana hereditatis, & vicissim ei deberi præstari actiones, quæ fuerunt in hereditate Mæuiana, & in diem mortis testatoris perseverarunt, ipso iure ei, & in eum non dari actiones ex causa hereditatis Mæuiana, sed vel cedi, vel suscipi. Addamus idem esse in fideicommissario. Nam si heres rogatus sit L. Titio restituere hereditatem Mæuianam, ei & in eum ipso iure ex SC. Treb. restituta ea hereditate non transeunt actiones, sed cedendæ & suscipiendæ sunt, quia intelligitur esse fideicommissum speciale, non vniuersale (in quo tantum locus est SC. Treb.) intelligitur esse fideicommissum pecuniarium, non fideicommissaria hereditas. Et hoc probat *l. cogi §. sed etsi miles, inf. ad SC. Treb.* & docet hoc ita procedere in pagano, non in milite. Et valde notandum est ex eo §. *sed etsi miles*, in §. *sed & si quis*, qui eum præcedit, cum eadem fere verba proponantur, negatiue esse legendum: non transire actiones, omnino hoc sensu, vt si heres rogatus sit restituere hereditatem, quæ testatori à Seio obuenerat, hereditatem Seianam, & heres non hanc tantum hereditatem, sed vniuersam hereditatem testatoris suspectam dicat, & adire recuset, quia placet, quod Papin. dixisse ait: ex SC. Treb. non transire actiones in eum, cui hereditas Seiana relicta est & restituta. Ideo vt transeant actiones, heredem à prætore esse cogendum adire hereditatem defuncti, & restituere L. Titio non tantum hereditatem Seianam, sed vniuersam defuncti hereditatem. sic proculdubio ei & in eum transibunt actiones.

Item ad responsum quod est in §. *heres*, hoc addi velim ex eo maxime esse notandum, nouatione non omnino extinguere memoriam & causam pristinae obligationis. Nam post nouationem non in totum falsum dicit, qui sibi dicit deberi ex pristina causa, quæ nouata est, quoniam hæc oratio adiuuatur primordio veritatis: Ac præterea nouæ obligationi insunt eadem causæ & conditiones quæ veteri, *l. 1. §. plane*, vt *leg. nom. cau. l. 4. sup. de usur.* Nunc venio ad quintum responsum, quod est in §. *seruus*. & hoc tantum explicabo & alterum breuissimum.

#### Ad §. seruus.

*Seruus pure manumissus, cui libertas propter impedimentum iuris post aditam hereditatem non competit, quod status eius extrinsecus suspenditur, forte propter adulterij questionem: ex eodem testamento neque legata, neque fideicommissa pure data sperare potest, quia dies inutiliter cedit.*

Respons. Papin.

Sciendum est, diem libertatum testamento relicta-  
rum non cedere à morte testatoris, vt cæterorum legatorum, sed ab adita hereditate demum, cuius rei causa pendere dicitur ex natura libertatum in *l. vn. §. libert. C. de cad. toll.* quia scil. libertates personis coherent, & in heredem non transferuntur, vt plane frustra sit, si quis dicat diem earum cedere ante aditam hereditatem. Propterea enim institutum est vt cæterorum legatorum dies cederet mortis tempore, vt, si herede moram aditioni faciente interim moriantur legatarij, non idcirco minus legata transferant in heredes suos. Cum autem libertatum natura hæc sit, vt non possit transferri in heredes, inutile est dicere, diem earum cedere ante diem aditæ hereditatis, ex quo omnia, quæ in testamento pure relicta & adscripta sunt, valent & competunt, aut præstari debent *l. 32. in pr. sup. h. t.* His autem consequens est, vt & dies legatorum relictorum seruis, quibus libertates adscriptæ sunt, non cedat ante aditam hereditatem: alioquin inutilia essent legata, si dies earum cederet antequam libertates competere, quia seruis propriis inutiliter legatur sine libertate: denique dies eorum legatorum cederet inutiliter *l. 8. inf. quando dies leg. ced. l. 4. C. de legat.* Quod etiam euenire ostendi, vt scil. inutiliter cedat dies legatorum relictorum testamento manumissis, si seruo relicta sit libertas sub conditione, & legatum pure, & tempore aditæ hereditatis, quo legatum cedit, pendeat conditio libertatis, quia si postea existente conditione libertatis competat seruo libertas, tamen legatum ei non debetur, quoniam dies eius semel cessit inutiliter, cum adhuc esset libertas inpendente, in suspensio, nimirum quia suspensa fuit conditio testamento adscripta, quæ nondum extiterat. Proinde suspensa fuit ex ipso testamento, & ex ipsa scriptura testamenti. Verum idem esse Papin. ostendit in hoc §. si libertas suspendatur extrinsecus, id est, extra causam testamenti, vt si pure, & recte quidem testamento data sit libertas, sed exterior aliqua causa vel ratio iuris moretur libertatem, veluti quæstio adulterij ex *l. Iulia*, quæ lex iubet intra 60. dies diuortij propter quæstionem adulterij, suspendi libertates seruorum vxoris, & mariti, & parentum eorum, quos scil. eis in vsum & ministerium dedit. Verbo suspendi videtur, dum hoc enarrat *l. ult. C. ad l. Iul. de adult.* sicut hic §. eodem verbo videtur. Pingit, vt res sit clarius, post diuortium vxorem à viro postulari ream adulterij, & intra 60. diem diuortij patrem vxoris mori, testamento pure data libertate seruis filia in ministerium datis, & eisdem quoque seruis relictis legatis quibusdam, & mox adiri patris hereditatem, tamen suspenduntur libertates testamento datæ, quoad finita sit quæstio adulterij, vt de seruis possit haberi quæstio: & ne, si admittamus statim competere libertates ab adita hereditate, subducantur quæstioni. Suspenduntur ergo libertates datæ testamento etiam post aditam hereditatem, non ex testamento ipso, cum pure & iure datæ sint, sed extrinsecus propter cognitionem adulterij, & ideo dies legatorum eis relictorum inutiliter cedit tempore aditæ hereditatis, quia eo tempore libertates eorum in suspensio erant ex *l. Iulia*. Et licet postea ad eam perueniant finitis 60. diebus, vel finita quæstione adulterij, vt in *l. prospexit, ff. qui & à quibus man.* tamen legata, quæ semel cesserunt inutiliter, non conualescunt, vt in *l. ult. in fi. sup. commu. prad.* Et errauit Rogerius, qui existimauit post purgatam innocentiam & finitam quæstionem adulterij, etiã legatum deberi, quem vellicat Accursius: dum ad hæc verba Papin. ex testamento, neque legata, neque fideicommissa pure data sperare potest, ita scribit. Audi Rogeri, si ipse dicit, ante purgatam innocentiam. Ipse autem est Papinianus: & merito eum refellit, quia sane legata euadunt, quæ cesserunt inutiliter, & quæ non fuerunt

T



in suspenso, vt libertates. Et præterea legatorum dies cedit, quamuis eorum præstatio extrinsecus suspendatur, *l. cum illud, in fine, ff. quando dies legat. cedit.* Sed in hac specie cessisset inutiliter. At libertatum, quæ extrinsecus suspenduntur, dies non cedit, antequam impleta sit conditio iuris, quæ libertati impedimento est, quia & frustra diceremus libertates antecedere, cum inheredes non transmittantur. Et serua, nos opponere conditiones iuris extrinsecus suspendentes libertatem, conditionibus ex ipso testamento venientibus, non ab alio, quam ab ipso Papin. instructi, in *l. conditiones, de cond. & dem. & d. l. cum illud, in fine, & à Paulo in l. 6. eod. tit.* Et hæc quidem est vera & perspicua interpretatio huius responsi. alia interpretatio quam Glossa adfert ex *l. his verbis §. interdum, sup. de hered. instit.* de seruo accusato adulterij in dominam, quæ ait, ante finitam cognitionem à domina eiusdem criminis postulata, quoniam id crimen semper est duorum, inutiliter seruum cum libertate heredem institutum. Ea vero species non congruit cum hoc responso, in quo ponitur suspendi libertates. in casu §. *interdum* non suspenditur libertas, sed prorsus irrita constituitur. Et interpretationi quam adhibuimus, & probauimus, nihil obstat *l. pen. C. de iis quib. vt indig. quæ finita quæstione cadis à familia domino illata, ait, & libertates & legata competere, quæ interim in suspenso fuerunt, quia in ea specie interim suspensa fuit aditio hereditatis ex Senatusconf. Syllaniano.* In hac specie adita fuit hereditas, & legatorum eo tempore dies cessit inutiliter, quia libertas nondum competebar, sine qua seruus proprius testatoris legati incapax est. Non obstat etiam *l. 1. C. qui non poss. ad liber. peru.* quæ ait, seruum damnatum in vincula temporalia, dum ea pœna fungitur, non posse capere sibi relictam libertatem vel legata, finito tempore pœnæ capere posse, quia vt recte notat Accursius, non id dicit, eum capere posse quod ei relictum est quum erat in. vinculis, quoniam dies eius cessit inutiliter, sed quod relinquitur expleto tempore pœnæ, quoniam dies eius cedit vtiliter.

#### Ad §. pater.

*Pater cum filia pro semisse herede instituta, sic testamento locutus fuerat: peto cum morieris, licet alios quoque filios susceperis, Sempronio nepoti meo plus tribuas in honorem nominis mei: necessitas quidem restituendi nepotibus viriles partes, præcedere videbatur, sed moderanda portionis, quam maiorem in vnius nepotis personam conferri voluit, arbitrium filia datum.*

**S**pecies hæc est. Sempronius filiam heredem instituit, & adiecit, rogo te filia, vt, quum morieris, hereditatem meam restituas filiis, quos susceperis, & si plures suscipias, quam habeas modo, vt Sempronio potissimum plus ex bonis meis tribuas, quam aliis, in honorem nominis mei, id est, quod is Sempronius mihi sit cognominis, cui etiam Sempronio est nomen, vt in antiquo testamento L. Cuspидij. Consobrinis meis, & Lucio præcipue, quod is nomen meum ferat, dari volo; &c. vt in testamento Lyconis apud Diog. Laert. *Quæ sunt in vrbe & in Egina, do lego Lyconi, quod is nomen meum ferat.*

In hac specie Papin. ait, necessitatem filia initio impositam videri filiis suis nepotibus testatoris restituendi viriles partes hereditatis, sed posterioribus verbis, cum non sit finita Sempronio certa portio, arbitrium filia datum videri moderandæ portionis Sempronij ex bono & æquo, ita vt aliquanto plus habeat quam virilem. arbitrium opponit necessitati, necessitatem imponit heredi, qui nepotibus certam portionem ascribit. Nam preces testatorum permixtæ sunt necessitati: arbitrium autem reliquit heredi, qui nepotibus non ad-

cribit certam portionem. Idèoque arbitrio boni viri mater portionem eam Sempronij moderabitur, vt ex sententia defuncti plus aliquanto Sempronius habeat, quam virilem portionem, cæteri nepotes habeant virilem partem.

#### Ad §. non iure.

*Non iure tutore dato mater legauit, si consentiat, vt decreto prætoris confirmetur, & prætor non idoneum existimet: actio legati non denegabitur.*

**C**ertum est, tutorem pupillo datum, per quem stat, quo minus tutelam suscipiat, amittere legatum sibi relictum vt tutore, fidei remunerandæ gratia, quod iam docuimus *lib. 4. & 5. ad l. qui tutelam, in princ. de test. tut. & l. tutor petitus §. 1. de excus. tut.* Vice versa igitur, si per tutorem non stat, quo minus suscipiat tutelam, sed alia quæpiam causa ei impedimento sit, non amittet legatum, vt in specie proposita hoc loco. Mater filio impuberi in testamento tutorem dedit: non iure eum dedit: quia tutoris datio est legis, vel eius cui eam lex dedit, *l. muto §. tutoris, de tutel.* porro lex 12. tab. non permisit eam matri, sed parenti tantum dedit, qui impuberes haberet in potestate, *l. 1. de test. tut.* Et hoc est quod dicitur tutelam mandari iure patriæ potestatis *l. impuberi, de administrat. tut.* Mater autem liberos non habet in potestate, & vt eleganter ait Leo Philosophus in Nouel. 25. *solius virilis persona in potestate est filius.* Quasi dicat scilicet soli matri respondere, veluti ex diuerso nomen filii fam. Verum tutor datus à matre in testamento decreto prætoris ex inquisitione confirmari potest, si modo datus sit heredi instituto, *l. 2. de conf. tut. l. 4. de test. tut.* Confirmatus autem erit darius tutor, non testamentarius, nec enim testamento iure datus est. Nunc facito tutorem à matre datum legato ei adscripto consentire, vel desiderare, vt à prætore confirmetur, sed prætorem habita inquisitione morum eius & facultatum, & causa cognita, neque eum iudicare idoneum, neque confirmare velle, an amittet legatum, quod ei mater adscripsit: minime, quia onus tutelæ non refugit, quantum in ipso est, non remouetur etiam vt suspectus, alioquin repelletur etiam à legato, *l. quid autem, de excus. tut.* Sed non admittitur, non confirmatur, & per prætorem, non per eum stat, quò minus tutelam gerat: aliud est non admitti, aliud extrudi, excludi vel remoueri, & hæc est sententia huius §.

#### Ad §. qui Mutianam.

*Qui Mutianam cautionem, alicuius non faciendæ causæ interposuit: si postea fecerit, fructus quoque legatorum, quos principio premitti necesse est, restituere debet.*

**M**utiana cautio cõposita est à Quinto Mutio Scæuola, vt eius cautionis remedio caperent statim legatarij vel fideicommissarij, quæ sibi relictæ essent sub conditione non faciendæ aliquid, quæ nisi morte legatariorum expleri non posset, vt remedio cautionis adhibito repræsentarentur legata conditionalia ante conditionem impletam, quod vtilitas exigebat introduci, propterea quod legata relictæ sub conditione non faciendæ aliquid, veluti sub conditione non eundi Romæ, non intelliguntur impleta, antequam mortuus sit legatarius. itaque legatario nihil prodesset, si expectaretur mors eius, si differretur præstatio legati in diem mortis eius. Remedio igitur cautionis Mutianæ repræsentantur statim, quam quidem legatarij præstant iis, quorum interest, vt ait *l. seruo §. si testator, ad Senatusc. Trebell.* Puta heredi vel legatario, à quo fideicommissum alij relictum est, vel quia etiā in



hereditariis, hæc cautio necessario recepta est coheredi, aut substituto, ad quos iure civili deficiente conditione non faciendi, puta secus faciente legatario, legatum aut fideicommissum, aut hereditas pertinere potest, l. 7. & 18. de cond. & dem. Et non est ea cautio, nuda repromissio, nuda stipulatio, quoniam huic stipulationi siue cautioni, adhibendi etiam sunt fideiussores, vel repromissioni addendum est iusiurandum, & hypotheca rerum suarum, ut in Nouel. 22. Cauent autem legatarii cautionem Mutianam hoc fere modo: *Non facturos se, quæ ne facerent conditioni legato preposita tantum esset, aut si quid aduersus eam fecissent, rem pecuniamve legatam cum fructibus vel usuris vel quanti ea res erit, quæ de agitur, tantam pecuniam ei, ad quem ea res pertinet restitutum iri.* Dixi rem vel quanti ea res est ex l. cum sub hac, de condit. & demonstr. & adieci, cum fructibus ex l. heres §. qui post, eod. tit. & ex hoc §. vel cum usuris, si pecunia legata sit, ex Nouel. 22. Et quamuis non caueat nominatim legatarius de fructibus restituendis, tamen commissâ stipulatione, id est, si postea fecerit, quod non facere iussus est, etiam fructus restituere debet medio tempore perceptos, de quibus restituendis etiam initio accipiendi legati, ut caueret compelli potuit, ut Papinian. ait hoc loco, quod etiam scripsit quasi certissimum in libris definitionum, dist. l. heres §. qui post. Et ratio hæc est: quia quod cautioni vulgo adici solet, cuique adiciendo, is qui cautionem præbet, cogi potest, si sit omissum, non habetur pro omisso, sed pro adiecto, ut l. ult. C. quæ res pign. oblig. poss. l. ult. C. de fideiuss. Sequitur responsum penultimum.

#### Ad §. variis.

*Variis actionibus legatorum, simul legatarius uti non potest, quia legatum datum, in partes diuidi non potest, non enim ea mente datum est legatariis pluribus actionibus uti: sed ut laxior eis agendi facultas sit, ex una interim quæ fuerat electa legatum petere.*

**H**oc penultimum responsum est accipendum de legato per vindicationem secundum ius vetus, quod ita relinquitur, *illi do, lego, vel capito, rem illam sumito, tibi habeto*, quoniam cum dicat, ex variis actionibus legata peti posse, huius tantum legati nomine, quod per vindicationem relinqueretur, comparatæ erant variæ actiones, ac similiter, quæ leges dicunt legatorum plures actiones secundum ius vetus, sunt omnes accipiendæ de legatis per vindicationem, l. huiusmodi, §. ult. & quæ illam sequitur, l. si seruus leg. §. cum homo, sup. tit. prox. l. 3. C. de leg. l. 4. C. de usur. & fructib. leg. Et iis quidem, quibus ita legatum est, datur actio in rem, & actio in personam, id est, ex testamento: dari etiam eis actionem ad exhibendum, vel actionem in factum constat ex l. quod legatum, sup. de ind. l. si heres rem legatam, sup. hoc tit. Dari etiam in suo casu interdictum quod legatorum, sed hoc interdictum datur etiam ex alio genere legati, veluti per damnationem, l. 1. §. si quis ex morte, in fine, quod legat. nom. Illæ actiones superiores erant tantum ex legato per vindicationem, nam ex legato per damnationem, veluti heres damnas esto illi dare rem illam, vel heres illi dato rem illam, erat tantum actio ex testamento, quæ est in personam. at hodie Constit. Iustin. id est, l. 1. C. comm. de leg. ex omni genere legatorum aut ex eorum causa tres sunt, tres competunt actiones. Actio in rem, id est, vindicatio rei, quæ adsertio dominij est, lis dominij, ut ait lex eniñtis, de usur. Et actio in personam, qua legatarius adserit sibi rem legatam deberi ex testamento. Et præterea actio hypothecaria, qua legatarius persequitur res alias hereditarias quasi tacito iure pignori sibi obligatas legati Respons. Papin.

**A** nomine, si legatum ipsum consequi non possit Quæ actio hypothecaria primum prodita est à Iustin. Iure enim veteri nulla fuit tacita hypotheca legatorum nomine & nulla hypotheca, nisi quam forte testator ipse constituisset legatariis in ipso testamento, ut in l. non est mirum, de pignor. act. l. fundus, de ann. leg. l. Lucius, de adim. leg. Proinde in potestate legatarij est rem legatam vel quasi suam petere rei vindicatione, vel quasi alienam, sed sibi debitam conditione: neque hic earum actionum concursus est nouus, aut incongruus, cum & ex aliis plerisque causis hæc duæ actiones concurrant, licet videantur aduersæ, veluti ob res furtiuas, vel ob res amotas diuortij causa, l. 3. §. 1. de condit. furt. l. ob res, ff. rer. amot. Sed in his causis est propria quædam ratio, ut hæc duæ actiones dentur odio furum, quo pluribus actionibus teneantur, §. scitaque, Instit. de act. Quæ ratio est valde obscura, aut sane enucleatu difficilis admodum, sed hic non est locus enucleandi eam. verum quia ille concursus harum actionum in illis causis admittitur odio furum, vel quasi furum, puta, coniugum, qui res amouerint diuortij causa, recensemus etiam alias causas, in quibus nullum subest odium reorum, & tamen iis duabus actionibus tenentur. Mulier res dotales persequitur actione in re ut suas, vel actione hypothecaria ut alienas, l. in rebus, C. de iure dot. Donator res donatas inter viuos, si omissa sit infinuatio, persequitur vindicatione, vel cōditione l. pen. C. de donation. l. 38. C. de Episc. & cleric. Itemque lege donationis nō impleta, donator res donatas inter viuos persequitur hac vel illa actione l. 1. C. de donat. quæ sub mod. Itemque res donatas mortis causa ex pœnitentia reuocat, vel vindicatione, vel conditione, l. qui mortis, ff. de mort. caus. donat. Et est in potestate eius vtra actione vti malit, qua actione agere maluerit. Causam siue rem nostram sæpe malumus alienam videri, & petere ut alienam, non ut nostram. Quidni? ut in l. penult. quand. appell. fer. At ut ostenditur, potissimum in hoc §. simul his actionibus, quæ legatariis competunt, legatarij non possunt vti in solidum vel in partem: in solidum, quia defunctus semel duntaxat legatum ad eos peruenire voluit, non in partem, quoniam legatum, quod vnum est, scindi non potest, quæ sententia & rei legatæ, & actionis diuisionem inhiere, l. 4. sup. hoc tit. Variæ dantur actiones iis, quibus legatum est per vindicationem: & hodie omnibus legatariis & fideicommissariis, non ut omnibus simul experiantur, ut ait, sed ut latior sit eis agendi facultas. Cæterum vna eligenda est, vna contenti esse debent, nec vna electa, est regressus ad alteram, ut in l. quod in heredem §. 1. de tribut. act. Neque huic responso quicquam obstat lex 1. §. quia autem, ff. quod legat. vbi legatarius proponit simul diuersas actiones; petitionem hereditatis, & interdictum quod legatorum, & admittitur, quia scilicet protestatio eius rem omnem emendat, neque enim est audiendus, qui varias instituit actiones, quod interdum facere cogitur, dum in dubio est animus, incertus iuris aduersarij sui, non aliter, inquam, est audiendus, quam si protestetur, se ex vna tantum earum velle consequi simpliciter quod eum contingit. Protestatio igitur rem omnem emendat.

#### Ad §. vltimum.

*Repetendorum legatorum facultas ex eo testamento solutorum danda est, quod irritum esse post defuncti memoriam damnatam apparuit: modo si à legatis solutis crimen perduellionis illatum est.*

**S**ententia responsi vltimi hæc est: heres soluit legata bona fide testamento relicta, & ex post facto apparuit testamentum irritum esse, ac proinde ex eo legata, quæ



soluta sunt, non fuisse debita, ut in specie quam ponit de memoria testatoris damnata post mortem eius ob crimen perduellionis, prodicionis aduersus Rempub. vel Principem, qua damnatione irritum fit eius testamentum, l. 6. §. *sed ne eorum, de ini. rup. & irr. testam.* Et in Carthaginensis synodi canone 82. qui ostendit etiam ex ea causa irritum fieri testamentum. Damnatur memoria mortui, ut quod pauci sciunt, omnibus notum fiat. Bartolus refert in l. 1. C. *de req. reis*. Dantis poetæ celeberrimi fuisse damnatam memoriam post mortem, quod ex professo edito libro de potestate Imperij, qui superioribus annis in lucem editus est, Imperatoriam potestatem & maiestatem extulisset supra Pontificiam. Damnatur, inquam, memoria mortui, vel etiam viui, quum interdicitur eius nomen posteris, ut eleganter Mamertinus ait in Panegyri. ad Iul. Cum si forte Consul fuit, nomen eius fastis eximitur & eripitur, ut de Eutropij memoria damnata scriptum est in l. 17. C. *Theod. de pœnis, erepto* inquit, *splendore eius & conspectu & à tetra illunio, & à commemoratione nominis eius, ex cœnosis sordib. vindicato, ut eiusdem vniuersis actibus antiquitatis omnia mutescant tempora, & inf. Omnes statuæ eius & omnia simulachra aboleantur*: hoc est damnare memoriam. In proposito autem damnata testatoris memoria, quia irritum est testamentum, & apparet indebita fuisse legata, quæ soluta sunt, Papinianus recte respondet hoc loco, *legatorum solutorum repetitionem dari*. Cui vero? heredi vel fisco, ad quem transeunt bona damnati, & heredi quidem scripto, si de suo soluit legata, fisco autem, si heres soluit de hereditate. Et ita docte Accursius distinguit ex l. *quod si possessor, ff. de pet. hered.*

#### Ad l. 91. de leg. 3.

*Prædiis per praeceptionem filia datis, cum reliquis actorum & colonorum ea reliqua videntur legata, quæ de redditu prædiorum in eadem causa manserunt, alioquin pecuniam à colonis exactam & in calendarium in eadem regione versam reliquis non contineri, neque colonorum neque actorum, facile constabit, tamen si nominatim actores ad filiam pertinere voluit.*

**F**inita lege cum filius 78. de leg. 2. accedamus ad leg. prædiis, quæ est 91 de leg. 3. in qua plura sunt responsa. Initio legis proponitur pater filia pro parte heredi instituta prælegasse certa prædia cum reliquis colonorum & actorum, & actores quoque ipsos. Actores sunt, qui & villici dicuntur, serui præfecti rei rusticæ & rationibus prædiorum l. *penult. in princ. de adim. legat.* Reliqua vero actorum sunt, quæ resident, siue restant debita domino, ex eo actu, eaque administratione, & cura prædiorum. Coloni sunt, qui prædia conduxerunt mercede siue pensione certa. Reliqua autem colonorum sunt pensiones siue mercedes, quas reliquati sunt, & domino debent ex causa locationis, quæ in idiotismo vocamus, *Arreages*. Et plerunque reliqua hæc vel actorum vel colonorum probantur ex scriptura domini prædiorum, qui computatis rationibus actorum siue colonorum subscribit manu sua, tot esse in reliquis, id est, tot nummos accepta superare expensa, & imparem esse rationem accepti & expensi. Reliquationi aduersa est paratio. Et ita probari reliqua, quæ debentur ostendit lex *Ausidius infra, hoc titulo*. At quaeritur initio huius legis, an legato reliquorum contineantur etiam pecuniæ, quas actores vel coloni cum reliquati essent, iam dominus prædiorum ab eis exegerat, & in calendarium conuerterat, id est, fœnori occupauerat in ea regione, cuius cura ad seruos actores pertinebat? Et ait, eas pecunias non contineri legato, quas exegit paterfamil. & fœnori collocauit, sicut nec eas, quas exegit & habet in condito, id est, quas recondidit in area, vel in horreo, d. l. *Ausidius*.

**A** Exacta & condita separantur à reliquis, §. *pariter, in hac lege*, quia exactione & solutione deserunt esse reliqua; Legatis reliquis colonorum vel actorum contineri tantum ea, quæ de redditu prædiorum in ea causa manserunt, id est, eam tantum pecuniam, quam adhuc coloni vel actores debent ex actu sui vel ex locationis causa, & actiones eo nomine competentes aduersus colonos, quæ præstari possunt, esse præstandas & cedendas legatario, ut in l. *cum filius § primo, sup. tit. prox.* dixit idem auctor, legata hereditate Mæuiana, legato contineri eas tantum actiones, quæ hereditariæ manserunt, cedique & præstari possunt, non quas iam testator ipse pertulit; Plus ait lex *Seia §. prædia, de instrum. vel inst. leg.* non contineri etiam legato reliqua colonorum, qui iam finita conductione coloni esse deserunt, & colonia, id est, agro conducto discedentes, de reliquis pensionum domino cauerunt nouatione facta; quia post finitam conductionem nouatione facta deserunt esse reliqua colonorum: coloni plerumque erant liberi homines, actores siue villici sunt serui patrisfamil. Columella lib. 1. cap. 7. *Omne genus agri tolerabilius esse sub liberis colonis, quam sub villicis seruis habere*. Quos paulo post vocat actores. Quamuis autem, ut proposuimus initio, actores filia legati sint in hac specie, & reliqua colonorum, quæ dominus exegit, translata sint ad rationes actorum, versa pecunia in calendarium eius regionis, quod actores exercebant pro domino, tamen ea reliqua legato non continentur. Et breuiter summa legis hæc est: Legatis reliquis colonorum vel actorum non contineri reliqua colonorum, quæ dominus transtulit ad actores, quæ verit in calendarium, quod tractabant actores; ac similiter non contineri reliqua actorum, quæ iam exegit, licet actores ipsos etiam legarit. Et recte posui, testatorem ipsum exegisse reliqua, quoniam si post mortem testatoris ea exegit heres, sane legato continentur, d. l. *Ausidius, in fine*. Quæ scilicet vsque in diem mortis testatoris in eadem causa manserunt, non quæ ipse testator exegit & auertit alio. iterum dicam summam legis vim hanc esse, legato actorum non contineri reliqua colonorum, quæ dominus transtulit ad actores. nec reliqua actorum, quæ dominus ipse exegit, sed quæ nondum exacta sunt eo viuo, vel quæ post mortem eius exacta sunt ab herede in fraudem legatarij.

#### Ad §. ex his verbis.

*Ex his verbis: Lucio Titio prædia mea illa cum prætorio, sicut à me in diem mortis meæ possessa sunt, do: instrumentum rusticum, & omnia quæ ibi fuerunt, quod domus fuisset instructior, deberi conuenit, colonorum reliqua non debentur.*

**Q**uidam legauit certa prædia cum prætorio, quæ est habitatio domini speciosa & voluptaria, sicut ea in diem mortis suæ possedisset, & ait, legato contineri omne instrumentum patrisfamil. omne id, quo domus in ea villa fuit instructior, vel in eo prætorio. Idemque omne instrumentum prædiorum, omne instrumentum rusticum, quoniam plenissimum est legatum, quia dixit, *sicut à me in diem mortis meæ possessa sunt*, quæ verba continent omne instructum, & omne instrumentum: sed non continent etiam reliqua colonorum, non continent nomina ex causa locationis, quod congruit omnino cum l. *qui habebat §. ult. inf. hoc tit.* Legato igitur prædiorum quantumlibet amplo, quantumvis pleno, non continentur reliqua colonorum, sed leganda sunt specialiter, siquidem adhuc testator ea ad legatarium peruenire voluerit. Quamobrem & ea specialiter fuisse legata proponitur initio huius legis, & l. *Seia & l. prædia, de inst. & inst. leg.* Et sic in §. sequ. ostenditur, legata officina purpuraria cum seruis institutoribus & pur-



puris, quæ in diem mortis ibi essent, non contineri A  
pretia purpuræ iam exacta, & condita in arca, nec pre-  
tia, quæ emptores debent, nec pretiorum reli-  
quas partes.

Ad §. Titio.

*Titio Seiana prædia, sicuti comparata sunt, do, lego, cum  
essent Gabiniana quoque simul vno pretio comparata, non  
sufficere solum argumentum emptionis respondi: sed inspi-  
ciendum, an literis & rationibus appellatione Seianorum  
Gabiniana quoque continerentur, & utriusque possessionis  
confusi reditus titulo Seianorum acceptolati essent.*

**I**N hoc §. ostenditur, cum, qui emerat prædia Seiana B  
& Gabiniana vno pretio, confusis scilicet vniuersis  
prædiis, confuse constituto pretio, legasse prædia Seia-  
na, sicut comparata essent, hoc modo: *illi lego prædia Se-  
iana, sicut à me comparata sunt*, & dubitari, an Gabini-  
ana etiam prædia legato contineantur, quod posset quis  
tentare argumento emptionis, quod vno pretio simul  
empta sint. Sed eleganter ait, hoc argumentum non suf-  
ficere, nisi accedat aliud, puta, nisi etiam ex rationibus  
testatoris appareat, eum Seianorum prædiorum appel-  
latione, etiam Gabiniana comprehendisse, hoc est, redi-  
tus, quos & redactus vocat, & resectus: & eo nomine  
proprie nostri auctores significat pensiones atque mer-  
cedes redactas ex locatione prædiorum, nisi, inquam, re-  
ditus vtrorumque prædiorum testator consueuerit con-  
fuse rationibus suis acceptos ferre sub nomine & titulo  
Seianorum prædiorum. Argumentum optime ducitur  
ex rationibus defuncti, ut in *l. seruis urbanis, hoc tit.  
l. 1. ff. de reb. dub. l. Seia §. Tyranna, inf. de inst.  
& inst. leg.* Et ex hoc loco apparet, in quæstione  
voluntatis defuncti non sufficere vnum argumentum,  
vnam coniecturam, exigi plures, ut in *l. librorum  
§. quod tamen, hoc tit.* ut qui chartas legauit, videat-  
ur legasse libros, hoc non præsumemus ex vno ar-  
gumento, sed ex pluribus, puta, quod dixerit, *chartas  
vniuersas meas do, lego*, & quod alias chartas quam  
libros non habuerit, & quod studiosus studio legauit.  
Hæc tria argumenta efficiunt, ut chartarum legato  
contineantur libri, vnum non sufficeret: nec debet iudex  
vnquam temere ex vna coniectura voluntatis defuncti,  
quicquam de ea decernere. sic etiam in §. *balneas*, qui  
sequitur.

Ad §. balneas.

*Balneas legata domus esse portionem constabat. quod si  
eas publice præbuit, ita domus esse portionem balneas, si per  
domum quoque intrinsecus adirentur, & in usu patris fa-  
milie vel uxoris nonnunquam fuerunt, & mercedes eius  
inter ceteras meritoriorum domus rationibus accepto fe-  
rebantur, & vno pretio comparata vel instructa communi  
coniuncta fuissent.*

§. Penult. Qui domum possidebat, hortum vicinum adibus  
comparauit, ac postea domum legauit. si hortum domus cau-  
sa comparauit, ut amœniorem domum ac salubriorem possi-  
deret, aditumque in eum per domum habuit, & adium hor-  
tus additamentum fuit: domus legato continetur.

**D**omo legata dicuntur deberi balnea, quæ sunt in  
ea domo, & publice præbentur quadrante, ut sole-  
bant olim, si modo concurrant multa argumenta, qui-  
bus de balneis quoque legandis sub appellatione do-  
mus testatorem quoque sensisse appareat, ut puta, si per  
domum in balnea intrinsecus aditus sit, si in usu priua-  
to nonnunquam fuerint testatoris & uxoris eius, si re-  
ditus balneorum & pensiones rationibus accepto tuler-  
it, sub nomine meritoriorum domus. Meritoria domus

sunt loca domus, quæ particulatim locari solent, ut sta-  
bula, canacula, ergastula, diuersoria, tabernæ, balnea:  
item, si vno pretio balnea fuerint comparata cum do-  
mo, vel si fuerint instructa communi coniuncta, id est,  
communi contextu. Vtitur quatuor argumentis, qui-  
bus vult probare eam fuisse voluntatem defuncti, ut  
legato domus cederent balnea. Vnum agumentum non  
sufficit, plura exiguntur, alioquin legato domus cedunt  
tantum priuata balnea, non etiam, quæ publice præ-  
bentur omnibus. Et huc pertinet, quod ait Paulus 3:  
Sent. *Domo legata, eius balneum, quod publice præbe-  
tur, nisi alias separetur, legato cedit*, id est, nisi separatim  
balnei reditus rationibus acceptolati sunt. Et simili mo-  
do in §. *penult. h. l.* recte docet domus legato contineri  
hortum vicinum, si cum domus causa comparauit, ut a-  
mœniorem ac salubriorem domum possideret: ac præ-  
terea, si per domum in hortum aditus fuerit: denique si  
hortus fuit additamentum & accessio domus, non ali-  
ter, quoniam ex vno argumento non recte ducitur præ-  
sumptio voluntatis. eodemque modo in §. *ult.*

Ad §. vltimum.

*Appellatione domus insulam quoque iniunctam domui  
videri, si vno pretio cum domus fuisset comparata, & v-  
triusque pensiones similiter acceptolatas rationibus osten-  
deretur.*

**O**stenditur domo legata contineri insulam domui C  
iniunctam, id est, vicinam, proximam, adiacentem,  
ut ait *l. si finita §. item, quid dicemus, de dam. inf. & l. qui  
domum, sup. loc.* quoniam insula quæ dicitur, non est ali-  
j ædificio continua, alioquin ea habitatio non esset insu-  
la; vicina ali-  
j ædificio potest esse, & proxima ac adiacēs,  
non adhiērens. Domo igitur legata, videri etiam legatam  
insulam vicinam, si modo vno pretio cum domo com-  
parata sit: ac præterea, quoniam hoc vnum non sufficit,  
si a testatore & domus, & insulae pensiones simul rationibus  
acceptolatas sunt sub titulo domus. Denique ex §. *balneas*,  
& §. *pen.* & §. *ult.* atque etiam ex §. *Titio*, intelligimus, ex  
coniectura voluntatis, quæ modo subnixa sit multis ar-  
gumentis, non vnico tantum, & balneum quod publice  
præbetur, & hortum, & insulam vicinam partes domus  
esse censerī, & legato domus contineri, non aliter. Ad-  
cursius rationes nesciuit esse in his omnibus locis, ratio-  
nes expensī & accepti, quas conficit sibi quisque dili-  
gens paterfamil. ex quibus eruitur sæpe mens defuncti.  
Oseruandum etiam est in §. *ult.* quoniam in Pandectis  
Florentinis ita legitur: *Appellatione domus insulam quo-  
que iniunctam domui videri, nec additur legatam.* & pro  
videri, quoniam hæc verba sæpe coninuantur, legen-  
dum esse, deberi. Nam idem mendum inoleuit duobus  
locis. Videri pro deberi, in *l. pen. & ult. inf. de dote præleg.*  
Et apud Senecam 2. natur. quæstion. *Si cum sanitas, in-  
quit, videatur esse de fato, cum veteres habeant, si sanitas  
debetur fato, debetur & Medico, per cuius manus benefi-  
cium fati ad nos peruenit.* Et sic explicanda est lex 91.  
de leg. 3.

Ad leg. 9. de ann. leg.

*Fundus, quem paterf. libertis legatorum nomine, qua in  
annos singulos relinquit, pignus esse voluit: ex causa fidei-  
commissi rei seruanda gratia recte petetur. Paulus notat:  
hoc admittendum est, & in aliis rebus hereditariis, ut & in  
eas legatarius mittatur.*

**I**N hac l. proponitur, patronum libertis in annos sin-  
gulos per fideicommissum legatum reliquisse certæ  
quantitatis, & ob hanc causam certum fundum libertis  
pignoris iure obligatum esse voluisse, pignus testamēta



to recte constituitur, l. 1. *C. comm. de leg. l. non est mirum, sup. de pig. act. l. Lucius, inf. de alim. leg.* Et ideo Papinianus ait, cum fundum recte peti, id est, vindicari actione hypothecaria, siue Seruiana; rei seruandae gratia ex causa fideicommissi, id est, ut cum fundum legatarij possideant ex causa legati, per fideicommissum relictum, sicut loquitur etiam l. 5. §. si plures, inf. ut in poss. leg. hoc ita si legatarij heres legatorum nomine cauere detrectet, quoniam, quae relinquuntur in annos singulos, legata conditionalia sunt, l. 1. §. si in annos, ff. ad leg. Falcid. Idcirco de iis praestandis, cum conditio extiterit, heredem legatariis cauere oportet, aut licebit legatariis exercere speciale pignus, & exequi quod testamento constitutum est, & fundum persequi ac possidere legatorum seruandorum causa. Et hoc cum scripsisset Papin. notat ad eum Paulus, quae nota admodum singularis est, etiamsi legatariis in testamento prospectum sit speciali pignore, non idcirco tamen minus & praetorium pignus constitui posse in aliis reb. hereditariis, herede non cauente & legatariis non satis faciente pignore testamentario, quod fiet missis legatariis iussu magistratus in possessionem aliarum rerum, legatorum seruandorum causa. Pignus praetorium concurrere posse cum pignore testamentario, nec cautionem testatoris laedere aut tollere vulgarem cautionem legatorum praestandam ex edicto praetoris, quod maxime notandum est. Nam argumento huius loci tentari potest, etiam legatariis a testatore constituto speciali pignore, eos in ceteris rebus hereditariis exercere posse ius taciti pignoris, quod eis Iustin. dedit in l. 1. *C. commun. de leg.* Id enim ante Iustin. non habuerunt. Nam l. creditorib. ff. de separat. est accipienda de praetorio pignore, quod missio in possessionem constituit, non ut Accursius sensisse videtur, adducta l. 1. *C. comm. de tacito pignore*, quod facile constat, legatariis Iustin. dedisse primum. Et idem Accurs. etiam in hanc rem falso in l. 5. *sup. §. postquam, ff. ut in poss. leg.* legatarios iure taciti pignoris praeferrere chirographariis creditoribus, quia certo certius est legata non deberi, nisi deducto a re alieno, & adimpleris omnibus creditoribus, ne ex testamento quidem militis, l. 1. §. denique, ff. ad SC. Treb. Ergo omnes creditores, etiamsi non sint hypothecarij proculdubio praeferruntur legatariis, quamuis hodie hypothecarij omnes sint legatarij. Verum quod dixi tentari posse, vel dicam modo vere dici posse, legatariis in testamento constituto speciali pignore, speciali hypotheca, eos etiam ius tacitae hypothecae quod dedit Iustinianus exercere posse in aliis rebus hereditariis, videlicet, si rei seruandae causa non sufficiat pignus speciale, argum. l. 2. ff. de pignorib. Vbi, si cui sit constituta specialis & generalis hypotheca, dicitur, non posse eum exequi generalem, vel excutere, nisi cum specialis non est idonea: sed si specialis sit idonea, abstinere debere a ceteris bonis, licet & ea generaliter pignori nexa habeat eiusdem crediti nomine. Et nihil est praeterea quod ad hanc leg. pertineat.

Ad legem 24. de usu, & usufructu leg.

*Vxori fructu bonorum legato, foenus quoque sortium, quas defunctus collocauit, post impletam ex Senatusconsulto cautionem praestabitur. Igitur usuras nominum in hereditate relictorum ante cautionem interpositam debitas, velut sortes in cautionem deduci necesse est. Non idem seruabitur nominibus ab herede factis. Tunc enim sortes duntaxat legatario dabuntur: aut, quod propter moram usuras quoque reddi placuit, super his non cauebitur. §. Scorpum seruum meum Sempronia concubina mea seruire volo: non videtur proprietates serui relictas, sed usufructus.*

**S**ciendum est Senatusconsulto caueri omnium rerum, Scorpiumque bonorum quae in reb. nostris sunt, vsum-

A fructum legari posse, & constitui interposita cautione de restituendis rebus eiusdem generis & qualitatis, l. 1. *hoc tit. l. 1. sup. de usufr. ear. rer. quae usu. con. l. usufr. inf. ad l. Falcid.* Ergo & earum rerum, quae sunt in abusu, id est, quae utendo depereunt & consumuntur, quoniam in bonis nostris sunt, ut pecunia, quae assidua contrectatione & permutatione quasi consumitur, legari potest usufructus, & vero constitui quasi usufructus, vel quasi vsum, remedio cautionis Senatusconsulto introducta. nimirum cauente usufruario vel fructuario, cum morietur aut capite minuetur, tantam pecuniam reddi heredi, quantam in vsum acceperit. Proinde omnium bonorum legato usufructu, detracto a re alieno & detracta Falcidia, cuius rationem ante omnia haberi oportet, etiam eorum bonorum usufructus legato continetur, quorum proprie non est vsum, sed abusus, ut vini, olei, frumenti, pecuniae numeratae, siue nominum & cautionum foeneratitiarum, quarum proprie non est vsum, l. 3. *sup. de usufr. ear. rer. quae usu. con.* Nec hodie, si illa cautio adhibeatur, est locus argumento ex contrario, quod est in Topicis. Si quis alij usufructum suorum bonorum legauerit, cellis viniariis & oleariis plenis relictis, non debere eum existimare, id ad se pertinere, quod vsum, non abusus legatus sit, & earum rerum, quae in cellis continentur, abusus est, non vsum, quoniam remedio cautionis, de qua ante dixi, etiam in eis rebus quasi usufructus constitui potest. Finge, vxori testatorem legasse usufructum omnium bonorum: secundum ea, quae diximus, legato continetur etiam usufructus nominum, quae fecit testator vel heres eius. Ideoque actiones vxori praestandae sunt, ut exigat sortes, quas testator vel heres foeneri occupauit praestita cautione ex Senatusconsulto, de tanta pecunia reddenda, quandoque mortua, aut capite deminuta erit. At quaeritur hoc loco, an etiam eius pecuniae, earumve sortium foenus siue usure in cautionem Senatusconsulti deducendae sint? Et Papinianus ita subtiliter distinguit: Aut testator nomina fecit, id est, foenus contraxit, aut heres eius. Si testator; aut quaeritur de usuris quae iam debite erant, ante quam praestaretur cautio Senatusconsulti, & haec quoque usurae tanquam sortes, id est, quasi sortes effectae in cautionem postea interpositam deducuntur, & ex cautione finito usufructu restituuntur heredi. Aut quaeritur de usuris quae post cautionem interpositam currere & deberi coeperunt, & haec cedunt lucro vxoris, non tanquam sortes, sed tanquam fructus sortium in bonis mariti inuentarum, nec in cautionem vel restitutionem veniunt, quia vsum nominum legatus est, in vsum & fructu nominum sunt usurae, quae cedunt post constitutum quasi usufructum, id est, post interpositam cautionem Senatusconsulti. Usura est quasi fructus siue redditus sortis, d. l. 3. *de usufr. ear. rer. quae usu. con.* l. usura, de usur. l. Titius, in pr. ff. de praescript. verb. Quod si heres nomina fecit, non testator, usurae quae debentur heredi vxori defuncti non praestantur, quia numquam fuerunt in bonis testatoris. Quod praeter hunc locum etiam aperte ostenditur in l. postulante, §. ult. ff. ad Senatusconsult. Treb. quam miror Accurs. omisisse.

E Igitur si heres nomina fecit, usurae debentur heredi, non legatario, cui usufructus legatus est omnium bonorum, quia illae usurae nunquam fuerunt in bonis defuncti. Sortes autem debentur legatario, quas occupauit heres & vertit in calendarium, quia verum est eas fuisse in bonis testatoris. Verum adiicit, deberi tamen vxori post moram heredis, siue post litem contestatam earum sortium usuras, quas heres occupauit, non iure legati, quia legato non continentur, sed quia placuit mulctari moram & frustrationem heredis praestatione usurarum, ut in actionibus bonae fidei, & in actione ex testamento, quae legati nomine instituitur, vel in persecutione fideicommissi, d. l. usur. de usur. l. qui solidum, l. si quis seruo, de leg. 2. l. Diuus §. 1. ad l. Falcid. & tot. tit. C. de usur. & fruct. leg.



Itaque super eis vsuris, quæ infliguntur heredi propter moram, vxori etiam nihil cauere necesse est, sed super iis tantum quas restitutura est quandoque finito vsufuctu. Cauemus super iis tantum, quæ restitutori sumus. Et eadem est prorsus ratio vsurarum & fructuum. Nam fructus inuenti in hereditate, fructus maturi, veniunt in restitutionem fideicommissariæ hereditatis tanquam res principalis fideicommissio comprehensa, fructus maturi qui erant tempore mortis, l. 9. ad l. Falcid. l. Centurio, de vulg. substit. Fructus autem immaturi vel percepti ab herede vel sati, non veniunt in restitutionem fideicommissi, sed cedunt lucro heredis omnes, si mora nondum intercesserit, quia non nisi post moram debentur legatorum aut fideicommissorum vsuræ vel fructus vel causæ, l. in fideicom. l. ita tamen, §. 1. & d. l. postulante, §. ult. ad Senat. conf. Treb. Hoc exposito subiicit Papinian. quendam ita legasse per fideicommissum, quoniam verbum volo, quo vitur, est precarium; Serapium serui meum Sempronia concubina mea seruire volo. Et his verbis ait, quod est apertissimum, concubinae legatum serui vium fructum videri, non proprietatem; verbum seruire vsum significare non dominium; aliud esse seruire, aliud in seruitute esse, quod & Rhetores tradunt. Liber homo mercenarius seruit, nec tamen seruus est. Redemptus ab hostibus redemptori seruit, quoad reluerit se & repignerauerit, quoniam vinculo quodam naturali redemptori tenetur obnoxius. Redemptus, inquam, ab hostibus, redemptori seruit, nec tamen est seruus. Manumissus à proprietario seruit fructuario, quândiu durat vsufuctus, nec tamen seruus est. Idemque dici potest de capto ab hostibus, vt dixi: Idem dicendum est de capto à prædonibus, vel addicto ob æs alienum, nihil est apertius.

#### A l. 6. de seruit. leg.

Pater filia domum legauit, eique per domus hereditarias ius transeundi præstari voluit, si filia suam domum habitet, viro quoque ius transeundi præstabitur, alioquin filia præstari non videbitur. Quod si quis non vsum transeundi personæ datum, sed legatum seruitutis esse plenum intelligat: tantundem iuris ad heredem quoque transmittetur. Quod hic nequaquam admittendum est: ne quod affectu filia datum est, hoc & ad exteros eius heredes transire videatur.

EX ea l. 6. de seruit. leg. intelligimus, iter non tantum esse seruitutem prædiorum rusticorum, sed aliquando etiam esse seruitutem vrbanoꝝ, vt in l. iter. sup. comm. prædior. quæ & in hoc esse differentiam ostendit, quod iter in prædiis vrbanis constituatur ea lege, vt is, cui seruitus conceditur, interdum tantum eat, non noctu, vt non cogatur, qui seruitutem debet, apertam ianuam relinquere nocte tota, quod esset importunum & iniuile: at in prædiis rusticis ita constitui, vt eat quocunque tempore volet. Ac præterea ex hac l. 6. intelligimus, iter non semper esse seruitutem prædiorum, sed aliquando personarum seruitutem, siue hominum, ex voluntate testatoris. Quare domo filia legata, & in eam domum itinere per domus hereditarias, Papinianus ita distinguit: Aut pater filia legauit ius personale, id est, vsum transeundi per domus hereditarias, & quamuis hoc ius non transeat ad filia heredes extraneos, cum sit personale, tamen viro quoque eius mulieris ait, transitum esse præstandum, si mulier habitet domum legatam, alioquin non videri mulieri præstari. Nam vt domus, ita transitus debet esse in promiscuo vsu viri & vxoris, l. 4. §. mulieri, & l. 9. de vsu & hab. Aut pater legauit filia iter, id est, seruitutem prædialem, quam deberent domus hereditariae domui legatæ, quod vocat, plenum seruitutis legatum. Et hoc casu constat ius transeundi per domus hereditarias in domum legatam, transmitti ad heredes filia, iuxta id quod dicitur in l. non solum, 2. §. tale, de liberat.

A leg. si personæ cohæret id quod legatur, id non transire in heredem: si non cohæret, transire. Concludit autem Papinia. in extremo huius legis: Cum adfectu filia pater ei darius transeundi per domos hereditarias, personæ, non prædio hoc ius datum videri, nec transire ad heredes extraneos filia, videlicet, si vt recte Accurs. rem temperat, aliunde heredes aditum ad domum legatam habeant. Nam si aliunde non habeant aditum ad domum legatam, necessario etiam heredibus extraneis, ad quos domus legatum transmittitur, sine dubio aditus præstandus est, sine quo domus legata habitari non potest, l. damnas §. 1. sup. tit. præd. quia vero heredes tantum extraneos Papinianus excludit, potest tentari ius affectu filia datum, transire ad nepotes ex ea, quia eo iure excluduntur hoc loco soli extranei: & idem reperi esse receptum in priuilegio personarum dato mulieri, l. maritum, & l. etiam, sup. sol. matr. l. 1. C. de priuileg. dot. & Nouel. 91. l. 2. C. Theod. de sponsal. Ex quibus locis, si coniungantur, apparebit priuilegium etiam si sit personale, non transire quidem ad heredes extraneos, vel exteros, sed ad filios tamen transire.

#### Ad l. 8. de dote præleg.

Vir vxori, quæ dotem in mancipiis habebat, pecuniam pro dote legauerat, viro viro mancipiis mortuis, vxor post virum vita decessit. Ad heredem eius actio legati recte transmittitur: quoniam mariti voluntas seruanda est.

IN l. 8. de dote præleg. proponitur hæc species: Vxor dote habuit in mancipiis quibusdam. vir ei legauit certam pecuniam pro dote. mortuis mancipiis dotalibus, constante matrimonio quaeritur, an deinde morte viri soluto matrimonio pecunia legata pro dote mulieri debeatur? Posset dici non deberi: quod sit legata pro dote, quæ nulla est, mortuis seruis dotalibus, qui soli erant dotalis. Et tamen respondet, vxori deberi pecuniam à marito legatam pro dote. Et vitur hac ratione, quoniam mariti voluntas seruanda est, l. 1. §. si quis vxori, l. 6. hoc tit. maritus autem voluit, certam pecuniam dari vice dotis, nec mutauit voluntatem seruis dotalibus mortuis eo superstite, sed perseuerauit in ea voluntate, etiam consumpta dote vxoris, vt ei adnumeraretur certa pecunia in vicem dotis, quæ tunc nulla erat. & aliud est dotem legare, aliud pro dote certam pecuniam. Si dotem legasset, nihil deberetur mortuis seruis dotalibus, quoniam legauit certam pecuniam pro dote, quamuis nulla sit dos, ea pecunia deberetur, quia adiectio illa pro dote superuacua est: nam etsi indotata fuerit mulier, non vitiat ea adiectio legatum. Valde placet mihi concisa illa ratio & simplex, quoniam voluntas mariti seruanda est.

#### Ad leg. 2. de instr. vel instrum. leg.

Cum pater pluribus filiis heredibus scriptis, duobus præceptionem bonorum alia præter partes hereditarias dedisset, pro partibus cohæredum viriles habituros legatarios placuit.

PATER filiis pluribus ex disparibus partibus heredibus institutis, duobus ex eis prælegauit bona, quæ ab auia ei obuenerant; & prælegare ex hoc loco recte poteris interpretari esse, præter hereditarias partes præceptionem dare. Si igitur pater duobus ex filiis heredibus institutis prælegauit ea bona, nemini incognita est conditio prælegatorum. heredes prælegata capiunt partim iure hereditario, partim iure legati l. in quartam, ff. ad leg. Falcid. Ea igitur bona filii capiunt partim iure hereditario, partim iure legati. Iure hereditario à semetipsis pro hereditariis portionibus: iure autem legati à cohæredibus, à fratribus consortibus, pro virilibus portionibus.



Et hoc est quod ait Papinian. initio huius legis, quod A congruit omnino cum l. 67. §. ult. de leg. 1. Varietatis ratio est obscura, ut videtur, hoc est, cur iure hereditario capiant ea bona pro hereditariis portionibus, iure legati pro virilibus portionibus. sensus hic non est: filiis, quibus ea bona prælegata sunt, fratres confortes teneri pro hereditariis portionibus, quoniam constat eos teneri pro hereditariis portionibus, ex quibus heredes instituti sunt; Sed sensus hic est: quod ab eis filij ceperunt iure legati, id eos inter se partiri pro virilibus portionibus; nimirum quia in legati causam vocati sunt æqualiter, non ut in hereditatem inæqualiter. Et hæc est vis huius responsi, ad quod additur in §. ult.

#### Ad §. dotes.

*Dotes prædiorum quæ Græco vocabulo ἐνδύματα appellantur, cum non instructa legantur, legatario non præstantur.*

**P**Rædiis legatis, legato prædiorum non contineri ἐνδύματα, siue dotes prædiorum, videlicet, si prædia simpliciter legata sunt. Nam si instructa prædia legata sunt, etiam prædiorum dotes, siue ἐνδύματα legatario debentur. Dotes, inquit, prædiorum, quæ Græce appellantur ἐνδύματα. Ita est ut in l. 3. §. Lucius, de leg. 1. sive ἐνδύματα. Et in Novel. la 128. & l. 7. Cod. Theod. de pistoribus. Et Græci ad leg. 10. ff. qui, & à quibus manum. liberi non fiant, τὰς ἐν τῷ ἐνδύματι περιέχουσιν ἐνδύματα. Atticos vocasse ἀποσκευάς, nunc vocari ἐνδύματα, Libanius & Hesychius ex Aristophane; Instrumenta scilicet prædiorum, & quæcunque prædij causa reponuntur in horreis, quæ pertinent ad usum & necessitatem prædij, reposita dixit, l. si mihi Mania, in fin. sup. de legat. 3. quod Columel. 1. Villicus, inquit, exhortandus est ad instrumentorum & ferramentorum curam: ut duplicia, quam numerus servorum exigit, reposita & reposita custodiat. Sed non est omittendum, instructis prædiis legatis, legato contineri ἐνδύματα, siue dotes prædiorum, sed non contineri tamen reliqua colonorum vel actorum, quod ante idem docuit in l. prædiis §. 1. de leg. 3.

#### Ad l. 19. de pecul. legato.

*Cum dominus servum vellet manumittere professionem edi sibi peculij iussit: atque ita servus libertatem accepit. res peculij professioni subtractas non videri manumisso tacite concessas apparuit.*

**D**ominus volens servum manumittere inter viuos, prius iussit edi sibi professionem peculij, id est, ἐνταγέτω, & quasi inventarium rerum peculiarium, & inspecta ea professione, eo repertorio rerum peculiarium servum manumisit. Tacite videtur ei concessisse peculium, quod id ei specialiter non ademit, §. peculium, Inst. de leg. At quæritur, quoniam is servus non ex fide bonam professionem peculij edidit, sed subtraxit res quasdam, an etiam dominus videatur ei tacite concessisse res peculiares, quas servus dominum celavit dolo malo, & professioni subtraxit? Et respondet Papinia. eas res, quæ professioni subtractæ sunt, manumisso tacite concessas non videri, idque apparuisse ex postfacto, detecta fraude servi, quia nemo intelligitur concessisse quæ ignoravit, quæque dolo malo adversarij subtracta sunt, l. tres fratres, sup. de pact. Et ita est explicandum initium huius l. Male Accursius ponit speciem, dum ponit servum non subtraxisse professioni res certas, sed dominum ipsum exemisse peculio res certas, reliquas concessisse servo tacite, quoniam hanc speciem verba non ferunt. Male etiam Germanus quidam Iurisconsultus, qui ex actione professionis peculij accipit pro ademptione peculij, quod nemo unquam nisi temere dixerit: vult dominus

scire quid sit in peculio, an ideo videtur adimere peculium: minime vero. Initium autem h. l. sane nihil pertinet ad titulum, quoniam non est de peculio legato, sed de peculio concessio inter viuos, sicut etiam initium l. 2. sup. tit. prox. quam heri exposuimus, nihil pertinet ad titulum, ideoque & huius legis initium, & ultius, coniungi debet cum sequentibus, ne à re proposita errare videatur. Et initio quidem huius legis coniuncto cum §. 1. differentia constituitur inter manumissum inter viuos & manumissum testamento. Nam manumisso inter viuos tacite concessum videri peculium, si ademptum non sit: manumisso autem testamento non aliter concessum peculium videtur quam si ei sit specialiter legatum, d. §. peculium. Cuius differentie ratio hæc est, quia inter viuos, cum manumittit dominus servum, nec peculium alij dat, nec sibi recipit, tacite igitur concedit manumisso. Testamento autem peculium cum uniuerso iure suo heredi dedisse videtur, quod seruo vel alij non legauit, quamobrem ponit in §. 1.

#### Ad §. testamento.

*Testamento data libertate, peculium legauerat: eundemque postea manumiserat; libertus ut & nominum peculij actiones ei præstarentur, ex testamento consequetur.*

**M**anumisso in testamento fuisse specialiter legatum peculium, alioquin manumissum peculium non sequeretur; sed subiicit manumissum testamento, cui legatum est peculium, postea ab eodem domino fuisse manumissum inter viuos representata libertate, ut sæpe testatores etiam legata, quæ testamento reliquerunt, ipsi dum viuunt, legatariis præstant & representant: & sic ponit postea eundem servum ab eodem domino fuisse manumissum inter viuos non adempto peculio, quo casu non dicam quod dixi ante, etiam tacite peculium seruo concessum videri, quoniam excipiens hic casus, propterea quod iam ante ei dominus peculium legauerat in testamento. Igitur libertatem quidem servus accipit inter viuos: peculium autem non nisi ex testamento iure legati, quo iure consequetur, ut sibi heres etiam cedat actiones nominum peculiarium aduersus debitores peculiares: & vice versa canebit legatarius heredi defensum iri, cum aduersus creditores peculiares, canebit de indemnitate, l. 18. hoc tit. Peculium est nomen iuris sicut hereditas: qua de causa peculium sequi debet omnis obligatio peculiaris, quæ scilicet est in peculio, vel cui peculium obstrictum est: omnis obligatio actiua & passiva, l. 1. §. per contrarium, de dote præl. l. frater à fratre, de cond. indeb. Ad hæc notandum ex hoc §. 1. manumissione serui non extinguui legatum peculij, quod ei relictum est. Hoc tamen pugnare videtur cum l. 1. & 2. hoc tit. Sed quod etiam Glossa intellexit, ibi agitur de seruo alij legato cum peculio, quo casu, manumisso seruo à testatore post factum testamentum, & serui & peculij, tanquam accessionis legatum extinguitur. Nam cum principales res perimuntur, necesse est etiam extinguui ea, quæ accessionis locum obtinent: hic autem seruo legatum est peculium tantum, quo casu peculium non obtinet vicem accessionis, sed rei principalis, quæ sola seruo legata est, & ideo manumisso seruo non extinguitur legatum peculij, quia tunc vicem accessionis vel sequelæ peculium non obtinet.

#### Ad §. vltimum.

*Filius familias cui pater peculium legauit, servum peculij viuo patre manumisit; servus communis omnium heredum est exemptus peculio, propter filij destinationem: quia id*



*idpeculium ad legatarium pertinet, quod in ea causa, moriente patre inueniatur.*

**S**pecies & sententia §. ult. hæc est: Pater filiofam. peculium legauit, filius seruum peculiarem manumissit viuo patre sine voluntate patris, hæc manumissio licet inutilis sit, vt in *l. seq. & l. filius, infr. de iure patron.* filio tamen quandoque nocebit præmortuo patre. Nam is seruus omnium heredum communis erit, tanquam peculio exemptus, non quidem re ipsa aut iure ipso, sed facto, & destinatione filij, qui eum manumissit, & in hoc §. post hæc verba. *seruus communis omnium heredum*, est, addendus est articulus, *qui exemptus peculio*. Denique id tantum peculium legatum intelligitur, quod in eadem causa fuit in diem mortis patris. In qua tamen per filium factum est, quantum in eo fuit, ne is seruus permanferit. Manumissio igitur inutilis nocet manumissori, nocet etiam legatario, si alij seruus aut peculium sit legatum, vt *l. 3. §. ult. sup. tit. prox.* Et additur ex Marciano in *l. seq.* nihil interesse, manumissio præcedat, an sequatur legatum peculij, nihilque interest, ante legatus sit seruus, cum peculio scil. & titulo peculij, & deinde manumissus, an contra hæc non esse distinguenda. Et tamen Alphenus in *l. duo filij, ff. de manumiss.* accurate separat atque distinguit, & palam multum interesse ait, planeque videntur inter se dissidere Marcianus & Alphenus in *l. duo filij*. Certe Marcianus, dum ait, nihilque interesse, notat aliquem, qui aliquid interesse dixerit. At videamus quomodo probabiliter in concordiam adduci possint. res est difficilis & abdita pluribus. Lex *duo filij*, ponit patrem filio legasse peculium, & viuo patre filium manumississe seruum peculiarem, proponit eandem speciem, & tamen ait, videndum & distinguendum esse, vtrum prius testamentum fecerit pater, quam filius seruum manumitteret, an postea. Priore casu, seruum legato peculij contineri, & libertum esse filij manumissoris: posteriori casu non contineri legato peculij, & seruum esse communem omnium heredum patris: Quod cum dicit, plane demonstrat falsum esse, quod Glossa adstruit hoc loco in eius *l. specie*. Vtilem serui manumissionem fuisse, factam scil. ex voluntate patris. Nam si utilis esset & efficax, non esset illo posteriore casu is seruus communis omnium heredum, sed sua frueretur libertate: ac præterea, si esset utilis manumissio, multo magis priore casu is seruus legato peculij non contineretur, & tamen contineri dicitur in ea lege. Itaque nihil agit Accurs. dum dissidij componendi causa fingit hoc loco inutilem fuisse manumissionem, factam scilicet voluntate patris: illam utilem fuisse. Probabilius dici potest, huic distinctioni locum non esse, cum agitur de peculio legato, sed indistincte, legato peculij non contineri seruum peculiarem, quem filiusfamil. manumissit viuo patre: contra hanc distinctionem locum esse quum quæritur, an ex ea manumissione libertas seruo competat: nam si pater filio prius legauit peculium, quam filius seruum manumissit, is seruus legato quidem peculij continetur ex sententia & mente patris, quia eo tempore quo legauit peculium, reuera is seruus erat in peculio, sed ex sententia & destinatione filij, quæ post insequuta est, quia eum seruum manumissit, is seruus exemptus est peculio facto legatarij, nec legato continetur. nihil est certius. At manumissio serui licet ab initio fuerit inutilis, conualescit, & manumissus libertus efficitur filij manumissoris, quia ex post facto apparuit, manumissorem fuisse dominum serui, cedente die legati peculij: & regula Catoniana, quæ verat, conualescere ea, quæ ab initio inutilia sunt, non habet locum in libertatibus, *l. generaliter §. si hominem, de fid. libert. l. si priuatus §. ult. qui & à quibus manumiss. lib. non fiunt*. Nam regula Catonianæ pertinet tantum ad ea, quæ ce-

Respons. Papin.

**A** dunt à morte testatoris: libertates non cédunt à morte, sed ab adita hereditate, & hæc de priori casu.

Sequitur altera pars distinctionis propositæ, si post manumissionem serui peculiaris, pater filio legauit peculium hoc casu, neque ex sententia filij, nec ex sententia patris, seruus legato peculij continetur, quem filius noluerit habere in peculium, & iam ante iusserat esse liberum, ideoque nec libertas ei ex manumissione filij competit, quia apparuit, filium non fuisse dominum, quoniam à patre non intelligitur ei legatus seruus, quem iam peculio filius subduxerat. Itaque titulis sub quibus hæc *ll.* positæ sunt, inspectis, vti oportet, quia vt Diuus Hieronymus dixit: *Tituli sunt clauis legum sine scriptura*. dicemus illam *l. duo filij, ff. de manumiss.* locum habere, si de manumissione serui quærat: hanc autem Marciani legem, si de peculio legato quærat. Et quod ait Papinianus seruum esse communem omnium heredum, non esse verum indistincte, sed ita verum, si manumissio legatum antecessit. Quod autem subiicitur ex Marciano, ne vtamur superiore distinctione, pertinere tantum ad peculium legatum, cui legato is seruus nullo casu inest, vel inspecta destinatione filij, alioquin nec priore casu effectus liber esset, cum tamen *l. duo* dicat, eum esse libertum filij manumissoris, ergo liberum.

#### Ad l. 9. de supel. leg.

**C** Legata supellectili, cum species ex abundant per imperitiam enumerentur, generali legato non derogatur, si tamen species certi numeri demonstrata fuerint, modus generi datus in his speciebus intelligitur. Idem seruabitur instructo prædio legato, si quadam species numeri certum acceperint.

**I**nitio huius *l.* quæritur, supellectili legata vel instructo prædio generaliter, si species quadam supellectilis vel instructi enumerentur, an generi per speciem derogetur? Et Papin. ita distinguit, Aut species quadam supellectilis vel instructi ex abundanti per imperitiam, id est, dum testator putat non esse eas in supellectili, vel in instructo enumeratæ sunt, & tunc legato generis legato supellectilis vel instructi nihil derogatur, quod ex Papiniano Vlpianus retulit in *l. quasitum, §. pen. sup. de inst. vel instr. leg.* Aut consulto consilio enumeratæ sunt species certo & custodito numero, & tunc legato generis derogatur, & ea tantum legatario debentur, quæ specialiter enumerata sunt. legatum supellectilis vel instructi minuitur. Priore casu exigo, vt propria nomina specierum, quæ legantur non exprimantur, vt *d. §. pen.* Nam si exprimantur, etiam si per imperitiam, si relinquuntur nominatim, illæ solæ species debentur, *l. cum de lanionis, §. qui fundum, eod. tit. de inst. leg.* Qua de causa, non abs re in *l. heres, §. 1. sup. de leg. 3.* dicitur: duas statuas marmoreas nominatim fuisse legatas, & non deberi legatario cæteras statuas marmoreas, licet omne marmor ei legatum sit. Et notandum maxime ex *d. l. cum de lanionis §. pen.* etiam longam & diligentem enumerationem specierum derogare generi, modum facere generi, quoniam non frustra fieri intelligitur, quæ sit prolixæ, & accurate, & diligenter, non ex abundanti. Et additur in hac lege: Legato supellectilis cedere etiam supellectilem auream vel argenteam, vel argento inclusam, argento coopertam, cedere aureas vel argenteas mensas, & candelabra, & lectos argenteos, quæ tamen olim non erant in supellectili. Quia veteres non utebantur, vterant seueriores atque iustiores, supellectili aurea vel argentea, sed lux posterioris seculi etiam eius materiæ supellectilem usurpauit, *l. 1. §. ult. l. 7. hoc tit.* Et id refert etiam Papin. ex Odyss. Hom. Cuius tamen verba non proponit, lib. 23. *Vlysses lectum, quem adificauerat ex olea virentis truncis,*

Y



ornasse auro & argento, variasse auro vel argento, quem A Penelopa, inquit, recognoscendi viri signum accepit. Et Penelopa dicit, ut Plautus & Cicero, non Penelope, & recognoscendi viri signum, ut Homerus.

Σήματ' ἀνὰ γυναικός, &c. Ex quo etiam hoc loco non est legendum *lectum viuentis*, sed *lectum virentis*. Legata igitur suppellectile non spectamus materiam, sed speciem, quoniam legato continetur omnis suppellex cuiuscunque materiae, ut d. l. 7. Excipitur tantum in §. ult. supellex argentea, quam testator pignori accepit, vel cuiuscunque alterius materiae, non argentea modo, sed cuiuscunque alterius materiae supellex, pignori accepta, quoniam hæc legato non continetur: quia aliena est supellex, non testatoris, sicut seruis legatis non continentur pignori accepti, l. seruos autem §. 1. de leg. 3. Prædiis legatis non continentur prædia pignori accepta, l. qui habebat, eod. tit. Quia aliena sunt prædia. Pignus non transfert dominium, nisi scilicet pignus fuerit in usu & mancipio creditoris voluntate debitoris, id est, nisi sit pignus, quod veteres fiduciam vocabant. Nam fiduciæ dominium transferebatur in creditorem. Qua de causa & cum debitor legauit seruos suos, Paulus lib. 3. sentent. tit. de legat. scribit, non contineri seruos, quos debitor fiduciæ dedit: quia sui esse deserunt. Ergo legata supellectile etiam debetur legatario supellex, quæ fiduciaria est testatori. Quod est proprium genus pignoris, quo mutatur dominium, sed ut ait: sed si propositum sit pignus tantum propter contractus fidem & restituendæ rei vinculum, si opposita sit pignori supellex, non fiduciæ genere, sed propter contractus fidem & restituendæ rei vinculum, tum legato non continetur, quia non est in dominio creditoris. Et interim serua finem contrahendi pignoris, propter, inquit, contractus principalis fidem, & restituendæ rei vinculum.

#### Ad leg. 8. de alim. & cibariis leg.

*Pecunia sortem alimentis libertorum destinata, vnum ex heredibus secundum voluntatem defuncti præcipientem, cauere non esse cogendum, ex persona deficientium partes coheredibus restitui placuit. Ob eam igitur speciem post mortem omnium libertorum, indebiti non competit actio: nec utilis dabitur. Diuersa causa est eius, cui legatorum diuisio mandatur. Nam ea res præsentem ac momentariam curam iniungit. Alimentorum vero præbendorum necessitas oneribus mensuris atque annuis, verecundiam quoque pulsanibus adstringitur.*

**T**estator pluribus heredibus institutis, vnum ex eis præter portionem hereditariam præcipere iussit pecuniæ quantitatem certam, ita ut ex incremento eius pecuniæ siue ex vfuris eius sortis quotannis, vel quot mensibus, vel quotidiebus alimenta præstaret libertis testatoris, quo genere libertis per fideicommissum alimenta legasse intelligitur: verum si ex libertis quidam vita decedat, quæritur, quia in eius persona finitur fideicommissum, alimentorum partium emolumentum ex persona deficientis, ex persona libertorum deficientium, ad quem pertineat? Et ostendit pertinere ad heredem, cui prælegata pecunia est, alimentis præstandis destinata, ut l. dominus, §. ult. sup. de usufr. pertinere ad eum solum, non ad coheredes. Proinde nec in præcipienda ea pecunia cauere coheredibus debet ex persona libertorum causa decedentium, partes coheredibus restitui, hoc cauere non debet, quia partes deficientes ad eum solum recurrunt, non ad coheredes quod & Diuum Pium constituisse proditum est in l. diuus, ff. si cui plus quam per leg. Falc. Quinimo mortuis omnibus libertis, atque ita finito onere præstandorum alimentorum, coheredibus ob eam causam non competit aduersus eum repetitio pecuniæ quasi indebitæ, quod scilicet causa,

propter quam eam pecuniam præcipere iussus est, finita sit: non competere, inquam, coheredibus repetitionem eius pecuniæ quasi iam non amplius debitæ coheredi, sed quasi eius commodò omnem eam pecuniam cedere. Et adiicit, nec vtilem eius pecuniæ coheredibus conditionem dari, vel indebiti, vel sine causa, vel quasi ex tacita cautione: denique coheredes nulla actione posse coheredi eam pecuniam auferre, etiam si finitum sit onus fideicommissi iniunctum coheredi. Et ait diuersam esse causam eius, cui legatorum diuisio mandatur, qui & minister dicitur in l. 17. de legat. 2. & dispensator in Nouel. Marciani de testamento cler. aliam esse causam heredis certam pecuniam præcipere iussu ad alimenta libertorum, & extranei iussi diuidere legata testamento relicta. Et rationem diuersitatis adfert subtilissimam: Ei cui legatorum diuisio mandatur, præsens & momentaria cura mandatur, ut scilicet statim impleat exequaturque voluntatem defuncti. Qua de causa & clericis quibus non licet suscipere tutelam vel curationem minorum, ne reuocentur à ministerio facto, l. generaliter, C. de episc. & cler. & Nouel. 123. Diuus Cyprianus in epistola ad clerum & plebem Furnis constitutam: *Iam pridem; inquit, in consilio episcoporum statutum sit, ne quis de clericis, & Dei ministris tutorem vel curatorem testamento suo constituat: quando singuli diuino sacerdotio honorati, & in clerico ministerio constituti, non nisi altari & sacrificijs deservire & precib. atque orationibus vacare debeant.* Clerici igitur, quamuis tutores vel curatores esse non possint pupillorum vel adolescentum, licet tamen eis esse executoribus & dispensatoribus testatorum (ex Nou. Leonis Philosophi 68. nimirum, quia, ut Papinianus ait, ea res præsentem & momentaneam curam exigit, nec clericum adstringit & detrahit: Admodum leue & momentaneum est onus, cuius remunerandi causa, sane non videtur testator ei quidquam reliquisse, sed tantum electa probitate eius diuisionem ei legatorum iniunxisse, indixisse: ideoque si quis ex legatariis mortuus sit ante diem legati cedentem, legatum non sit dispensatoris, sed pertinet ad heredem. Idque heres à dispensatore, si penes se habeat, repetere potest, quasi ei indebitum, aut quasi apud eum sit sine causa. At maius est onus heredis, qui pecuniam præcipere iussus est, ex cuius vfuris libertis alimenta annua vel menstrua, mensurna, ut Cornificius loquitur, vel diaria distribuat, quia plerumque longo tempore durat ea functio siue præbitio, & sæpe, si in eo munere exequendo heres se præbuerit tardior, aut difficiliorem, id est, in præstandis alimentis, quæ dilationem non ferunt, ea res verecundiam eius pulsat, id est, pudorem ei iniicit, & irrogat infamiam, aut parit inuidiam. Itaque grauis & molesta est ea prouincia sanè plurimum, & ideo pensandi huius oneris grauissimi causa, placuit non onerari heredem etiam cautione, aut restitutione partium deficientium, & quasi ex mente defuncti pro legatario eum haberi, non pro nudo dispensatore alimentorum. Quæ est sententia huius responsi, cui locus est non passim in qualibet alia specie adsimili, sed in ea solum modo ipsa quam proponit, videlicet si heres sit, qui à testatore pecuniam præcipere iussus est ad alimenta libertorum vel aliorum, veluti pauperum aut orborum. Nam si ab omnibus heredibus relicta sunt alimenta & ut sit, vnum ex coheredibus elegerint, cui pecunia daretur, ex cuius vfuris aleret alimentarios, & præberet eis annua vel menstrua, hic sane, etiam si idem onus sustineat, quia nihil habet ex iudicio defuncti, cum non sit electus à defuncto, sed ab heredibus, cauere debet heredibus, qui eum elegerunt, se redditurum partes eius pecuniæ, ut quisque ex libertis decesserit, l. 3. hoc tit. Et eo nomine tenetur etiam coheredibus conditione indebiti, vel sine causa.



## Ad l. 23. de liber. leg.

*Procurator, à quo rationem exigere heres prohibitus, eo-  
que nomine procuratorem liberare damnatus est, pecuniam  
ab argentario debitam ex contractu, quem ut procurator  
fecit, iure mandati cogetur restituere, vel actiones præ-  
stare.*

**H**æc lex est apertissima, & videtur coniungenda es-  
se cum *l. qui plures, sup. de administr. tut.* Nam sicut  
in ea *l. hoc ipso libro 7.* Papinianus docuit, herede pro-  
hibito à tutore defuncti rationem exigere, non videri  
tutori remissum, quod ex tutela percepit & penes se ha-  
bet: Ita in hac lege docet, herede prohibito rationem  
exigere à procuratore negotiorum defuncti, eoque no-  
mine procuratorem liberare damnatum, non videri ei  
remissam pecuniam, quam exegit ab argentario ex con-  
tractu, quem cum eo habuit ut procurator, & actione  
mandati eum posse compelli eam pecuniam heredi re-  
stituere, quam penes se habet ex negotiorum admini-  
stratione, vel si nondum exegerit, debere eum heredi  
cedere actiones, quia domino per procuratorem, cum  
sit libera persona, acquisitæ non sunt. Et hæc est senten-  
tia huius legis, cui tamen non erit locus, si nominatim  
testator id etiam ei remiserit, quod ex negotiorum ad-  
ministratione percepit & penes se habet, ut docuimus  
in *l. qui plures*, & probat *l. cum ita, sup. hoc tit.* Alioquin  
hoc nequaquam remissum esse intelligitur.

## Ad l. 23. de adim. leg.

*Pater inter filios facultatibus diuisis, filiam ex ratione  
primipili commodorum trecentos aureos accipere voluit: ac  
postea de pecunia commodorum possessionem parauit: nihilo-  
minus fratres & coheredes sorori fideicommissum præsta-  
bunt, non enim absumptum videtur, quod in corpus patri-  
monij versum est cum autem inter filios diuiso patri-  
monio res indiuisæ ad omnes coheredes pertinere voluisset,  
ita possessionem ex commodis comparatam diuidi placuit ut  
in eam superflui pretij filia portionem hereditariam acci-  
piat: hoc enim eueneret in bonis pecunia relicta.*

**P**ater officio arbitri functus cum filios heredes suos  
instituisset ex disparibus partibus, vel ex paribus, ni-  
hil refert, bona sua inter eos diuisit, & filia prælegauit  
per fideicommissum ex ratione commodorum primi pi-  
li aureos trecentos. Ea ratio commodorum primipili  
erat opulentissima, sed ex ea tantum voluit filiam ferrè  
CCC. aureos, ea commoda non debentur nisi post fini-  
tam primipili administrationem, *l. 1. C. de primipilo, libro  
12.* quia dum militat, non commoda, sed stipendia ap-  
pellantur. Primipilus est primus centurio totius legio-  
nis, quem sequebantur sexaginta centuriæ, ut Dion.  
Halycarn. scribit, lib. 10. ut Vegetius, quatuor centuriæ,  
& capiebat is centurio primipili totius legionis merita,  
ut idem Vegetius ait, commoda, stipendia, & annonas  
militares, eaque omnia erogabat, quamobrem eo nomi-  
ne erat obstrictus Reipub. ad reddendas rationes, sed fe-  
rebat etiam à Rep. non stipendia tantum, dum milita-  
bat, sed etiam honoraria & commoda post militiam siue  
emerita. Pater igitur ex ratione commodorum primipi-  
li, quæ erant in hereditate filia per fideicommissum re-  
liquit CCC. aureos. Verum post testamentum factum  
pater ex pecunia commodorum primipilatus, quæ plu-  
ris erat quam trecentorum aureorum, ut dixi, possessionem  
quoque quandam plus emit ex pecunia illa com-  
modorum, quam commodis primipilatus acceptam fe-  
rebat in rationibus suis: Queritur, an videatur filia fi-  
deicommissum ademisse, quod trecentos aureos filia re-  
lictos ex ea ratione, & ampliore summam permutauit  
ex ea comparata possessione aliqua? Et respondet Papi-  
Respons. Papin.

**A**nianus, ademptum filia fideicommissum non videri, si  
pecuniam primipili commodorum consumpsisset &  
perdidisset male. Sane ademptum videretur legatum,  
quod non extat: at consumptum non videtur, quod in  
corpus patrimonij versum est, id est, quo comparata pos-  
sessio est, quæ verba à Papiniano etiam in quæstionibus  
vsurpata sunt, *l. idem seruandum, de leg. 2.* Verum cum  
hac sententia prima specie pugnat omnino *l. alteri, inf.  
hoc tit.* Quam Accursius tamen non notauit, aut disti-  
mulauit, quæ *l. fusius* explicabitur suo loco. Nam est ex  
9. Resp. Ea, inquam, lex euidenter statuit, ademptum ef-  
se legatum prædij, prædio vendito, licet pretium reda-  
ctum sit in corpus patrimonij. Nihil est quod facilius  
expediri possit. In *l. alteri*, legauit prædium: in hac *l.* le-  
gauit pecuniæ certum numerum: facilius extinguitur  
legatum prædij siue cuiuscunque corporis certi, speciei  
certæ, quam pecuniæ. Nam certa pecunia legata, non  
corpora numerorum, sed quantitate spectamus, *l. 12 de  
legat. 2.* Quantitas autem semper inest in bonis, *l. 88. de  
verb. signif. l. deducta §. acceptis, inf. ad Trebel.* Trecentos  
aureos habet, qui ne teruncium quidem habet, si modo  
habeat prædium dignum trecentis, quia ea quantitas re-  
fici potest ex bonis, quæ habet. Igitur non est mirum, si  
in hac specie pecunia commodorum primipili versa in  
prædij comparisonem, consistit semper eius pecuniæ  
legatum, quia intelligitur inesse hereditari quantitas,  
quæ spectanda est: Et nunc finge, patrem diuiso patri-  
monio inter filios, adiecisse, ut si quæ res indiuisæ re-  
manissent, hæc ad omnes heredes filios suos pertinerent,  
fundus, qui comparatus est post testamentum factum,  
indiuisus remansit, an ad omnes pertinebit pro virilibus  
portionibus: si sint heredes ex æquis partibus, vel pro  
hereditariis portionibus: si sint heredes ex imparibus  
partibus? Et respondet, non omnino eum fundum per-  
tinere ad omnes, quia comparatus est ex pecunia com-  
modorum primipili, ex qua filia prælegata sunt trecenta,  
quamobrem filia præcipiet eum fundum ad finem  
trecentorum, quæ ei prælegata sunt: *Pour autant val-  
lant.* Superfluum pretij, si fundi pretium superet trecentos,  
inter se partientur pro virilibus portionibus, vel  
pro hereditariis, ut dixi, Quomodo nihil obstat *l. sco-  
gitatione, C. fam. etc.* quam adducit Accursius. Nam  
etiam si ea pecunia commodorum primipili remansisset  
in hereditate, nec ex ea comparatus fuisset fundus, & am-  
plior fuisset trecentis, ut & initio proposui fuisse am-  
pliolem & opulentiolem, ratione eorum commodorum,  
præceptis trecentis à filia, superfluum pecuniæ in-  
ter se diuiderent fratres ad eundem modum, id est, pro  
hereditariis portionibus. Et id est, quod in extremo hu-  
ius legis proposuit Papinian.

## Ad l. 1. de reb. dub.

*Fundum Manianum aut Seianum Titio legauerat, cum  
vniuersa possessio plurium prædiorum sub appellatione fun-  
di Maniani rationibus demonstraretur: respondi, non vi-  
deri cetera prædia legato voluisse defunctum cedere, se fundi  
Seiani prædium à fundi Maniani pretio non magna pecunia  
distingueretur.*

**I**n *l. 1. ff. de reb. dub.* hæc proponitur species: Qui  
habebat prædiolum, quod fundum Mæuium ap-  
pellabat, & huic adiuncta pleraque alia prædia, quæ  
omnia etiam possidebat nomine fundi Mæuii, eorum-  
que omnium prædiorum redditus sub nomine fundi  
Mæuii rationibus suis ferebat acceptos; denique vni-  
uersitatem illam prædiorum vocabat fundum Mæuia-  
num, & specialiter prædiolum vnum, non magni pre-  
tij, hoc nomine insignibat: hic vero alij legauit disun-  
ctum fundum Mæuium aut Seianum, quem ipse le-  
gatus eligeret: nam ponendum est electionem da-



tam legatario, veluti fundo Mæuiano aut Seiano legato per vindicationem. Quæritur autem, de quo fundo Mæuiano testator senferit, vtrum de latifundio & possessione, quæ plura prædia complectebatur, an de prædiolo Mæuiano tantum? *Quorumvis* rem dubiam facit, sed Papinianus subtiliter respondet, homonymiam illam esse dissoluendam ex comparatione fundi Seiani, cuius quidem aut Mæuiani eligendi testator legatario potestatem facit: nam si fundi Seiani pretium non magna pecunia distinguatur à pretio fundi Mæuiani, exiguioris, si tanti sit vnus fundus quanti alter fundus, aut non multum inter se pretio & dignitate distent, tunc testator videtur legatario reliquisse, vtrum ex iis mallet, Seianum an prædiolum Mæuianum, quia non intelligitur eum Seiano comparasse fundum Mæuianum, qui erat amplissimus & latissimus, & cuius pretium longe superabat pretium fundi Seiani. Ex diuerso, si fundus Seianus adæquat latifundij pretium, quod testator etiam nomine fundi Mæuiani possedit vniuersum, tum id latifundium testator videtur posuisse in electione legatarij, non fundum Mæuianum pretio longe inferiorem, quod dixi prædiolum Mæuianum: quoniam comparatio & electio apte & conuenienter non fit, nisi in his rebus, quæ inter se dignitate siue quantitate pares, aut non valde dispares sunt, & vt Philof. dicunt *ἐν τοῖς κοινωτάτοις ἔχοντες ἀνάγκη*. in his, quæ inter se societatem & communionem quandam habent, aut affinitatem quandam. Nam si res legata sub disunctione, vtram ex eis legatarius elegerit, valde dispares sint atque discretæ, frustra electio legatario data videtur, & ea tantum potius dicitur esse legata, quæ longe pretio exuperat alteram: vt si tibi legauero fundum Titianum, qui erat dignus mille, aut fundum Tusculanum, qui erat dignus quinque, quem ipse eligeres: aut si ita legauero tibi, hunc vel illum per vindicationem, quo genere videor tibi tribuisse electionem, sane in legato tantum videtur esse fundus Titianus, qui est dignus mille, quem proculdubio tui electurus es. Et huius rei argumentum præbet *l. si ita relictum §. pen. sup. de leg. 2.* Ergo in proposita specie, ex comparatione, contentione, collatione fundi Seiani intelligitur, quis fundus Mæuianus legatus sit exiguus, an amplius, sicut in *l. ult. §. ult. sup. de trit. vin. & oleo leg.* Cum legato vino amphorario, *du vin frêlaté*, & vino Amineo, & Græco, & dulcibus omnibus, cum dubitaretur, an portiones tantum dulces essent legata, an vero etiam cibi dulces, vt vua passæ, palmæ, fîscus, caricæ. Labeo recte respondet ex collatione vini amphorarij, Amineci, Græci, ea tantum dulcia legata videri, quæ portiones essent: comparatio adiunctarum rerum dubitationem omnem tollit. Et ita explicandum est hoc responsum Glossis omnibus oblitteratis.

#### Ad l. 77. de cond. & demonst.

*Auia* quæ nepotem sub conditione emancipationis pro parte heredem instituerat, ita postea codicillis scripsit: *hoc amplius nepoti meo, quam quod eum heredem institui, lego prædia illa: conditionem emancipationis repetitam videri placeat: quamuis auia nullam in legatis, vt in hereditate, substitutionem fecisset. Nam & cum seruus pure quidem liber, heres autem sub conditione scriptus, & si heres non existerit, legatum accipere iussus est: in legato repetitam videri libertatem D. Pius rescipit.*

**I**nitio huius legis hæc proponitur species. Auia nepotem pro parte heredem instituit sub conditione emancipationis, id est, si emancparentur à patre, & si heres non esset auia in defectum conditionis alium ei substituit, deinde codicillis ei pure prælegauit certa prædia, non repetita conditione emancipationis, non

**A** repetita etiam substitutione, ac proinde ei substituit in hereditate, non in legato, quia in legato non repetitur substitutionem. Quæritur, an etiam in legato intelligatur repetisse conditionem emancipationis? Et ait Papinianus in legato eandem conditionem repetitam videri ex voluntate defuncti, quæ etsi aliis modis declarari possit, vt in *l. ult. §. ult. ff. de doli excep.* tamen in specie proposita, vt proponitur à Papin. fuerat voluntas testatoris apertius declarata his verbis, quibus codicillis prædia prelegata sunt: *Hoc amplius nepoti meo, quam quod eum heredem institui, lego prædia illa: hæc verba, hoc amplius, hanc scripturam iungunt superiori scripturæ testamenti, & vim repetitionis habent, repetuntque eandem conditionem, ac si iuncta scriptura ita testator dixisset, heres esto ex semisse, si te patet emancipauerit, hoc amplius quam quod te heredem institui, lego tibi prædia illa.* hæc verba: *hoc amplius, repetit*. sed non repetunt etiam substitutionem subiectam: nec igitur deficiente conditione substitutum ad legatum admitteremus, sed ad portionem hereditatis tantum. Et subiicit eodem modo, seruo pure relicta libertate & hereditate sub conditione aliqua & heres non esset legato ei relicto, in legato repetitam videri ei libertatem, idque ait D. Pius rescipisse: quod Marcianus alio loco scribit D. Pius rescipisse fauorabiliter in *l. Diuus de man. testam.* rescipisse, inquam, in legato repetitam videri libertatem, quæ institutioni præposita est, vt scilicet seruus perueniret ad libertatem, nec intercideret legatum, quod constat seruo proprio inutiliter relictum sine libertate esse, *l. 6. C. de leg.* hoc, inquam, rescipisse fauorabiliter, sed suffragante etiam voluntate testatoris, qui non intelligitur seruo voluisse legare inutiliter, quod tamen faceret, si non intelligeretur repetita libertas. Idemque ex hoc libro Papin. à Marciano repetitum iisdem verbis in *l. cum seruus, ff. de cond. inst.* In qua ex hoc loco plusquam manifestum est, initio illius legis non esse legendum, vt vulgo in omnibus, *in legato repetitam videri conditionem, vt D. Pius rescipit, sed, in legato repetitam videri libertatem D. Pius rescipit.* Nam non potest videri in legato repetita conditio adscripta in institutione, aut si repetita videtur & defecerit, tam legatum quam institutio intercedit, & tamen **D** legatum valere ait, deficiente conditione institutionis, quasi relictum sub contraria conditione, si heres non esset, id est, si deficeret conditio institutionis, & merito valere legatum, quia libertas ei competit, quasi repetita etiam in legato, vt *l. Trebatius seq. de hered. inst. d. l. cum seruus, de man. test.*

#### Ad §. Mutiana.

*Mutiana cautio locum non habet, si per aliam conditionem actio legati differri possit. §. 2. Titio si mulier non nupserit, heres centum dato: quam pecuniam mulieri eidem Titius heres restituere rogatus est, si nupserit mulier: die legati cedente, fideicommissum petet, remoto autem fideicommisso legatarij exemplum Mutiana cautionis non habebit.*

**H**oc demonstrato Papin. tractat aliquid breuiter de cautione Mutiana, de qua memini me dixisse eundem auctorem tractasse in *l. cum filius, §. qui Mutianam, sup. hoc tit.* Et iis, quæ illo loco diximus de cautione Mutiana, cuius utilitas consistit in conditionibus legatorum vel fideicommissorum, vel hereditatum, quæ in non faciendo conceptæ sunt, vt *l. 7. ff. h. tit.* his, inquam, quæ illo loco diximus addendi sunt duo casus, qui proponuntur hoc loco, quibus non est locus Mutianæ cautioni. Ac primum quidem ei locus non est, si per aliam conditionem quæ vel in faciendo, vel in



dando consistat, legati petitio differatur. Finge, legatum relinqui sub conditione, *si Capitolium ascenderis*, vel *si heredi decem dederis*, & *si Alexandriam non ieris*, etiam si paratus sis prestare cautionem Mutianam, te Alexandriam non iturum, non capies legatum antequam impleueris aliam conditionem, quæ in dando, vel in faciendo consistit: conditio quæ consistit in non faciendo, quasi quodam modo impletur præstita cautione Mutiana: quæ in dando vel faciendo non nisi re ipsa: & hæc, quia legato coniunctim adscripta est, differt legati petitionem. Non est etiam locus cautioni Mutianæ in specie §. seq. legauit Titio centum sub conditione, *si Mæuia non nuberet*, & sub eadem conditione. Titium rogauit, ut Mæuiæ 100. restitueret: mulier statim petit fideicommissum non præstita cautione Mutiana, quia ea conditio mulieri remittitur, quæ inhibet nuptias, *l. Titio 71. §. Titio*, & *l. mulieri*, *h. tit.* adeo ut etiam si nupserit Mæuia, petere fideicommissum possit. Propter mulierem autem etiam Titius die legati cedente, legatum petet, ut id mulieri restituat, quod tamen non posset petere, si ab eo sub eadem conditione de restituenda pecunia Mæuiæ, si non nuberet, fideicommissum non esset relictum mulieri, id est, si Titio tantum legata essent 100. si Mæuia non nuberet, nec fuisset oneratus fideicommissum sub eadem conditione de restituenda pecunia Mæuiæ, si non nuberet. Petit igitur legatum propter fideicommissariam, quod remota fideicommissaria non peteret, ne præstita quidem quasi Mutiana cautione, veluti, daturum se operam, ne Mæuia nubat, & si Mæuia nupserit pecuniam legatam se heredi redditurum, quia Mutiana cautio in his tantum conditionibus locum habet, quæ non nisi morte legatarii expleri possunt, *l. Titio fundus*, hoc t. hæc autem conditio, de qua agitur, *si Mæuia non nupserit*, expleri potest viuo legatario, si Mæuia moriatur superstiti legatario. Eademque est ratio legis *hoc genus*, *inf. hoc tit.* Atque ita his duobus casibus non est locus Mutianæ, aut quasi Mutianæ cautioni. Et postremo in hac *l.* proponitur elegantissima species, quæ talis est.

## Ad §. vlt.

Pater exheredata filia tutores dedit: eosque si mater eius impubere filia constituta vita decessisset, ad rem gerendam accedere iussit: cum uxori mandatum esset, ut moriens decies filia communi restitueret, non sub conditione tutores videbuntur dati: nec si quid aliud interea puella quasisset eius administratione prohiberi, cautio vero fideicommissi matri remissa, quocunque indicio voluntatis cautio legatorum vel fideicommissorum remitti potest. Itaque si cautionis non petenda conditio legato vel fideicommissum præscribatur: conditionem ea res non faciet, non enim deficiet, si quis cauere desiderauit, onere cautionis non secuto, quod aduersus inuitum hodie iure publico sequi non potest, postquam remitti posse cautionem placuit.

Pater filiam impubere exheredauit, non notæ causa, sed bona mente prudentique consilio, ut ei consuleret, ut in *l. multi*, *sup. de lib. & post.* Quod & postea declarauit in ipso testamento. Nam filia exheredata tutores dedit, & uxorem heredem institutam rogauit, ut si vxor vita decederet, filia impubere constituta, ei moriens decies restitueret, qui ingens est pecuniæ numerus, id est, decies centena millia, *vn million.* Ac præterea si mater decederet filia impubere constituta, tum tutores iussit accedere ad rem gerendam, vetuit interim dum viueret mater eos rem gerere filia: Quæritur, an videantur tutores dati sub conditione, si mater decederet relicta filia impubere? Et ait, dationem tutoris esse puram, tutores datos non videri sub conditione, ideoque si qua bona aduentitia obuenerint filia, post mor-

tem patris ea tutores administrare posse, non etiam bona paterna, quæ impuberi filia relicta sunt per fideicommissum à matre herede instituta, quia prohibiti sunt ea bona administrare usque adeo, donec mater moreretur. Dices, frustra prohibitos esse administrare bona paterna, quia viuente matre filia nulla habuit bona paterna, quæ fuit exheredata. Dicam tamen non frustra esse prohibitos, quia his verbis: *ne accedant ad rem gerendam ante mortem matris*, prohibiti intelliguntur, ne à matre cautionem fideicommissi exigant, de restituendis decies, nimirum post mortem. Etiam viuente matre se immiscerent tutores administrationi bonorum patrum relictorum filia per fideicommissum sub conditione, *si exigerent cautionem fideicommissi præstandi existente conditione*, quam tamen non possunt exigere, quia prohibiti sunt ad rem administrandam accedere, ad quæ utique accederent, si cautionem exigerent. Est igitur ea prohibitio indicium remissæ cautionis Prætoris fideicommissi seruandi causa, quam constat hodie quocunque indicio voluntatis remitti posse. Hæc sunt verba Papiniani quæ sumpsit ex constitutione Diui Marci, id est, *ex leg. 2. C. ut in possess. leg.* ex qua innumeris locis ff. proditum est hodie: *Quocunque indicio voluntatis testatoris remitti posse cautionem legatorum, aut fideicommissorum in diem vel sub conditione relictorum, quæ interponi solet ex edicto Prætoris.* Denique ea prohibitio, ut non ad rem gerendam accedant viua matre, non facit conditionem, ut videantur dati tutores sub conditione, quoniã aliam rem pupillæ iure administrabunt, aliam rem aduentitiam gerent: sed vis eius prohibitionis hæc est, ut remittant matri tantum cautionem fideicommissi. Et breuiter, his consequens est, *legato vel fideicommissum præscriptam conditionem*, ut ait, præscribi dicitur etiam in *l. pater*, §. *conditionem*, hoc tit. & *l. dominus*, de *pecul. leg.* quod est apponi legato vel adscribi, ne vos fallat Accursius, cuius Glossæ delendæ sunt: legato, inquam, vel fideicommissum apponi vel adscribi conditionem si legatarius cautionem legati non petierit ab herede, non minus deberi legatum, si legatarius cautionem petierit ab herede, quia non videtur defecta conditio, quæ nulla est: sed iis verbis, *si legatarius non petierit cautionem ab herede*, non videtur legato adscribi conditio, sed remitti heredi onus cautionis. Ideoque, etiam si legatarius desideret sibi cauere, capiet legatum, quoniam & id frustra desiderat, quia iure publico ex constitutione Diui Marci hodie cautio remitti potest, quocunque indicio voluntatis. Hodie, inquam, quoniam ante eam constitutionem non potuit remitti, quia testator non potest facere, ne leges vel edicta in suo testamento locum habeant, *l. nemo*, de *leg. 1.* nisi id ei specialiter lex permittat. Ideoque aliæ cautiones non possunt remitti in testamento, hæc potest remitti, quia id permittit constitutio Marci & Commodi.

## Ad l. 100. de condit. &amp; demonstr.

Titia, si non nupserit, ducenta, si nupserit, centum legauit. nupsit mulier: ducenta, non etiam centum residua petet, ridiculum est enim eandem, & ut viduam & ut nuptam admitti.

Certum est mulieri remitti conditionem viduitatis vel cœlibatus, quasi vtilitati publicæ repugnantem, ut puta, si mulieri legetur sub conditione, si non nupserit, & illa nupserit, ex *l. Iulia Miscella* mulier perinde admittetur ad legatum, atque si vidua permansisset, idque in hoc titulo probat *l. cum ita legatum*, & *l. hoc modo*, & aliæ complures. Quo cognito, fac, mulieri, si non nupserit, legari ducenta, & si nupserit, centum duntaxat: Quæritur, an si nupserit, utrumque legatum capiat, id est, trecenta? & subtiliter respondet Papinianus



eam capere tantum 200. id est, amplius legatum, tanquam viduam, licet reuera non sit vidua, quæ nupsit: tanquam viduam, inquam, quia fingitur conditioni paruisse, l. mulier, hoc tit. Alia autem 100. quæ si nuberet ei legata sunt, eam non posse capere, altero legato debere esse contentam. Id autem proculdubio electura est, quod est amplius, non capere igitur eam vtrumque legatum, quoniam ridiculum esset eandem, & vt viduam admitti ad 200. & vt nuptam admitti ad 100. Ridicula sunt vitanda, l. iam dubitari, ff. de hered. inst. Restat etiam l. 56. ad Senatusc. Trebell.

#### Ad l. 56. ad Senatufconsultum Trebellian.

*Filiam fratribus, certis rebus acceptis hereditatem restituere pater voluit. ante restitutam hereditatem in possessionem hereditatis filiam quoque mitti placuit. Cum autem interea filij res bonorum in solidum distraxissent, item alias pignori dedissent, hereditate postea restituta constitit, ex eo facto caterarum quoque portionum venditiones, item pignora confirmari.*

**C**uius species hæc est: Pater filiam heredem instituit ex parte, & rogauit acceptis certis rebus, quas vtrique pro sua parte imputabit in Falcidiam, hereditatem, id est, portionem suam restituere fratribus coheredibus suis. Certum est, post recitationem testamenti heredes scriptos in testamento, etiam si dicatur iniustum aut ruptum aut falsum, interim, dum ea querela disceptatur, mitti posse in possessionem rerum hereditariarum, quas defunctus possedit mortis tempore, ex edicto Diui Adriani, l. ult. inf. de appellat. recip. l. 26. C. Theod. quorum appell. non recip. hodie ex constitutione Iustiniani, id est, ex l. 3. C. de edic. Diui Adri. toll. At quæritur, an una cum fratribus coheredibus suis etiam mitti possit in possessionem rerum hereditariarum filia, qua onerata est fideicommissio restituenda fratribus portionis sue hereditaria? Et ait, ante restitutam hereditatem posse, & ipsam vt heredem scriptam cum fratribus mitti in possessionem hereditatis ex edicto Diui Adriani. missis autem omnibus heredibus in possessionem, si forte fratres res quasdam hereditarias in solidum vendiderint, & alias in solidum pignori obligauerint, etiam si in solidum eas neque iure vendiderint, neque pignerauerint, sane non iure pro portione sororis citra voluntatem eius, tamen sorore postea restituente fratribus hereditatem, id est, portionem suam retentis certis rebus, quas retinere iussa est, quasque fratres neque distraxerunt, neque pignerauerunt, rectissime Papi. ait ex post facto apparere iure venditas & pigneratas à fratribus alias res fuisse etiam pro portione filiae quæ postea eis restituta est ex causa fideicommissi, restitutionem hereditatis retrotrahi, & pro eo haberi, ac si restitutio hereditatis præcessisset venditionem & pignorationem: ac proinde conualescere pignus venditionemque, non quidem directo, quæ non constitit ab initio pro portione filiae, sed ex æquo & bono, vt in l. si Titio, ff. de pign. Et ait, id apparuisse ex eo facto, quod alias dicit, & dicunt alij, ex post facto, ex euentu, ex accidente, ex eo quod postea contigit. Nam & in l. pen. §. pater, ff. de castr. pec. est scriptum, ex facto, pro ex post facto. Et hæc est sincera interpretatio huius responfi.

#### Ad §. 1. l. 10. de vsu. & habit.

*Sed si xñs sit relicta, an vsus sit videndum. Et Papinianus lib. 7. Responforum ait, vsu esse, non etiam fructum relictum.*

**S**i sit xñs legata certæ rei. refertur Pap. eo loci respondisse, vsu nudum legatum videri, non vsu fructum, xñs nomine significari vsu nudum, vt si

**A** xñs domus, xñs tñs diuidas legata sit. Ambiguum est nomen, & multiplex: nam & fructum significat, vt illo loco Ciceronis, Sum xñs tñs tñs, xñs tñs, Attici nostri, id est, sum fructu tñs, mancipio vero, Attici nostri. Significat etiam commodatum in Basil. quod alias dicitur vtendum datum, & apud Aristot. §. Ethic. dum enumerat contractus voluntarios, vbi male Heliodorus interpres Aristot. xñs accipit pro locatione & conductione: cum quis, inquit, certa mercede domum suam, vel animal suum vtendum dedit, quo in errore versatur etiam Eustrachius, quoniam eo loco aperte Aristot. xñs id est, commodatum separat à µοδῶς, id est, locatione & conductione. at cum legatur xñs domus, xñs prædij, Papinian. responderet, nudum vsu, non vsu fructu. legari, xñs µοδῶς non xñs xñs tñs, vel ἐπιχρηµάτιον.

#### Ad §. ult. l. 12. de fundo inst.

*Idem Papinianus l. 7. Responfor. ait: instructis hortis filio legatis, mater argentum muliebri filia legauerat: respondit, etiam id argentum muliebri, quod in hortis habuit, vt ibi esset instructior, ad filiam pertinere.*

**C**erti iuris est instructo fundo legato, non tantum deberi instrumentum fundi, sed etiam instrumentum patrisfam. vel matrisfam. qui quæve testatur, quod in eo fundo habuit, vt esset instructior: plenius esse legatum instructi quam instrumenti, d. l. 12. §. sed si fundus hic. Ergo si materfam. filio legauerit hortos instructos, legato continetur argentum muliebri, quod in hortis habuit factum vel infectum: puta, vasa argentea, aut menfas argenteas, quod ipsa, inquit, in hortis habuit, vt ibi esset instructior: nisi scilicet. specialiter argentum muliebri alij mulieri legauerit: legatum est mulieri conueniens, muliebria muliebri: vt proponitur etiam filio legasse hortos instructos, filiae argentum muliebri, quo casu proculdubio est generi per speciem derogatum, vt in l. seruis urb. §. ult. de leg. 3. Et filiae, cui legatum est argentum muliebri, id etiam legatum videtur, non tantum quod alibi habuit mater, sed etiam quod habuit in hortis, vt ibi esset instructior. Generi per speciem derogatur, si alij legetur genus, alij species: imo etsi eidem genus & species, secundum distinctionem tamen & diuisionem à nobis explicatam in l. 9. sup. de sup. leg. Et ita instructi legatum, vel instructorum hortorum legatum quod relictum est, minuitur per legatum quod specialiter filiae relictum est nomine argenti muliebris. Nec obstat l. si generaliter, C. qui pot. in pign. hab. quæ specialem hypothecam constitutam vni creditorum, ait, non derogare generali hypothecæ, quæ alij creditori ante constituta fuerat: generi ergo per speciem non derogari. Sed hoc ideo, quia ex generali hypotheca iam priori creditori ius quæsitum erat, quod ei auferri non potest inuito. Ei autem cui genus ante legatum est, nullum ius quæsitum erat viuo testatore, cum testator legatum generis minuit, ex eo genere detrahendo speciem, vel species certas, & alij legando. Et hæc est sententia huius §.

#### Ad §. Papinian. leg. 12. de instr. leg.

*Papinianus quoque l. 7. Responfor. ait, sigilla, & statua adfixa, instrumento domus non continentur, sed domus portia sunt, qua vero non sunt adfixa, instrumento non continentur, inquit: suppellectili enim adnumerantur excepto horologio aereo, quod non est adfixum. Nam & hoc instrumento domus putat contineri, sicut prothyrum domus, si velamen est, inquit, instrumento domus continetur.*

**I**n quo refertur ex eodem libro Papinia. sigilla, si gna habentia formam hominum, vel deorum, sigilla,



inquam, & statuas adfixas domui vel non adfixas, non cedere legatario, cui legatum est instrumentum domus. Instrumento domus, affixas non contineri: quia pars sunt domus. Si pars domus, ergo non instrumentum: nam pars inest toto. instrumentum non inest ei rei, cuius instrumentum est. Optatus Mileuitanus 2. aduersus Parmenianum: *si ornamentum est, inquit, corporis, pars corporis non est, aut si pars corporis: dos igitur aut instrumentum, aut ornamentum non est.* Ac præterea pars domus & domus quasi eadem res est, l. 7. de except. rei iudic. Quod & Aristoteles tradidit. At instrumentum cuiusque rei necesse est rem aliam esse, & alterius generis, atque ea res quæque sit, cuius instrumentum sit, quæ est est definitio l. ult. hoc tit. Quod Philosophi exprimunt his verbis, το εργατόν, ἔργον ἐστὶ τὸ ἑνὲν ἐστὶν. Magentinus in 1. prior. Anal. quæ ratione in d. l. ult. statuit, scaphas non esse instrumentum nauis, quia & ipsa nauis est nec genere distat à triremi, vel alia oneraria naue, sed mediocritate tantum: & consequenter fundus fundi instrumentum esse non potest, §. ea vero huius leg. Homo liber hominis liberi instrumentum esse non potest, at seruus serui instrumentum esse potest: nā instrumentum instrumenti esse potest, §. sed an instrumenti, sup. & multo magis seruus potest esse instrumentum liberi hominis: nam & instructo continetur: quo plus quam instrumento continetur. Instrumento prædij continetur tantum instrumentum, quod prædij gratia comparatum est. Prædio autem instructo legato continetur & instrumentum prædij & domini, quo instructior est in eo prædio, quodve in eo prædio habet vñs sui causa. Denique plenius est instructi quam instrumenti legatum, §. sed si fundus, hoc loco. & instructo prædio legato continentur etiam serui rustici vel urbani, si instructum prædium urbanum legatum sit, §. idem Celsus, & seq. h. l. Ideo autem seruus liberi hominis, vel serui instrumentum esse potest, quia iure civili, imo & prætorio serui pro nullis habentur, & sunt ἀνεκδοτοι, vt Theophilus loquitur, l. 1. de iure delib. & pecudibus exæquantur, l. 2. sup. ad leg. Aquil. Verum è contrario tamen ne quid omittam, nunquam euenit iure, vt homo liber sit instrumentum, vel ministerium serui. Quod vero ait Papinianus: sigilla vel statuas adfixas partem domus esse, ergo instrumentum domus non esse propter rationes, quas explanavi ante, id videtur pugnare cum l. pen. de verb. sign. quæ negat statuas adfixas esse ædium: ergo nec partem vel quasi partem ædium esse, nec venire in emptionem, venditionem, aut in legatum ædium, quod hæ statua non perficiant ædes. Partes sunt quæ perficiunt totum, statua non perficiunt ædes: ergo partes non sunt ædium, sed habentur tantum ornatus causa. Sed animaduertendum est, Papinianum hoc loco agere de statu domui adfixis, inædificatis, iniunctis, immolitis, quæ & sustinendo oneri ædium sunt, atque adeo partes ædium, quia perficiunt ædes, quum onera ædium sustineant, vt statua quæ dicebantur τελαμῆνες. Illo autem loco agitur nominatim de statu adfixis basibus struētilibus, quæ scilicet fiunt ex calce & cæmentis, non de adfixis domui: hæ neque sunt pars domus, neque instrumentum domus, quoniam ornamentorum tantum causa habentur: Et multum interest inter partes, & ornamenta, & instrumenta, §. si domus, h. l. vbi Iurisconsultus refert Celsum dixisse, inter instrumentum & ornamentum multum interesse, & addere licet, similiter, & inter instrumentum vel ornamentum, & partem multum interesse. Et hæc de sigillis vel statu adfixis, nunc dicamus de non adfixis.

Ea negat etiam Papin. instrumento domus contineri, quia supellestili adnumerantur. Supellex autem non domus, sed domini instrumentum est, quia domini gratia comparatur, vt mensa, lecti, candelabra, delphines, & alia innumera. Ac proinde supellex cedit quidem instructo, quod complectitur etiam instrumentum patris-

A fam. si domus instructa legetur: at supellex non cedit etiam instrumento domus tantum legato, §. supellex. & §. proinde si fundus, h. l. & l. 15. §. 1. l. 16. in pr. h. t. Breuiter hæc est sententia Papin. sigilla & statuas adfixas domui, non cedere instrumento domus, sed adfixas partem esse domus; non adfixas esse in supellestili. Deinde subiicit Papinianus horologium tamen æreum, ex ære scilicet, rotundum quod scaphium Marciānus Capella appellat in Geometria: horologium, inquam, æreum, si non sit adfixum domui: nam adfixum pars est domus, cedere instrumento domus, quia, meo quidem iudicio, id Papin. existimauit maxime pertinere ad munitionem domus, vt scilicet, nota essent horarum spatia. Nam domus quid fuerint in vrbe, multi ignorant: domus indigebant in vrbe munitione, quia erant amplissima & sumptuosissima ædificia, idcirco paucissima in vrbe domus: insula verò sparsa in vrbe innumera, vt constat ex Sexto Ruffo, & Publio Victore, qui regiones vrbis descripserunt, & in Exquilina regione ponunt domum Aquilij Iurisconsulti: & Plinius initio 17. Aquilium illa domo quam iuris scientia fuisse clariorem. Et in eadem regione domum M. Crassi, & Quinti Catuli, & domum Crassi idem Plinius magnificam fuisse, Catuli aliquanto præstantiorem, Aquilij pulcherrimam. Idem Papinianus ait, οὐδὲν γὰρ domus, si velamen sit contineri instrumento domus. Si velamen sit, id est, si non cohæreat domui, sed appendatur prælimini: nam si lnnini adhæret, magis domus portio quam instrumentum esse intelligitur. Et ita est accipiendum quod est in l. pen. de verb. signif. quod & huic loco aduersari videtur: ædium esse, id est, partem ædium esse prothyrum, quod in ædibus vtrumque fieri solet, vt recte illum locum doctissimus Augustinus emendat, quoniam corrupte in Florentinis est scriptum, quod in ædibus iterum fieri solet, nullo sensu. Igitur partem ædiū esse ait, prothyrum: quod in ædibus vtriusque fieri solet, id est, quod in ædibus intra & extra inædificari solet: nam & prothyrum fuit extra & intra, sicut οὐράλιον, vt vel locus Euangelij indicat Marci 14. de Diuo Petro, qui prodit eis οὐράλιον. Quod demonstrat fuisse interius ostium, constat porta, postibus siue angulis, limine, superlimine, lineam, le dessus de la porte, quod vocant οὐράλιον, & antelimine, quod οὐράλιον. Et nihil est præterea in hoc §.

Ad §. Papinian. ead. l.

Papinianus quoque prædiis instructis legatis, mancipia non contineri, quæ temporis causa illic fuerunt, ac non eo animo eos transtulit pater familias, vt aut fundi aut suum instrumentum faceret.

A Dfirmo ex eodem libro Papiniani esse quod refertur in hoc §. idque probabo inferius liquido: vt instructo prædio legato, domo scilicet, vel fundo legato, non contineantur serui, qui temporis causa in eo prædio sunt, vt ibi maneant aliquantulum, non vt cedant instrumento prædij, non etiam vt cum dominus ipse, in prædium venerit, eis fiat instructior. Ergo instructo non continentur serui, quos dominus in prædio habuit temporis causa: quia nec fundi nec suum instrumentum fecit, vt l. 2. C. de verb. sign. Non, inquit, eo animo eos transtulit in prædium vt prædij vel suum instrumentum, eo in loco faceret, sed temporis tantum causa, veluti custodia aut certæ operæ causa, & continentur tamen instructo, quæ ibi testator tum non habuit, id est, testamenti tempore, si modo habere consuevit, & ad tempus alio transmisit, quia non desierunt esse in instrumento suo vel fundi. Finge, esse actorem prædij, quem misit in prouinciam vt in prouincia ordinatis quibusdam negotiis rediret ad idem prædium, eundemque actum, & cum is actor esset in prouincia, testatorem legasse præ-



dium instructum, an legato continebitur actor, qui ab-  
est vel nondum rediit: Sic videtur: optima ratione, quia  
eius causa & conditio siue actus commutatus non est:  
Et subiicitur etiam respondisse Papinianum: instructis  
horreis legatis contineri etiam vina quæ ibi testator  
habuit, vt ibi ea consumeret vsus sui causa, non etiam ea,  
quæ ibi habuit in horreis, in horreo vinario, in apotheca  
vt vteretur alibi: puta, in alio prædio, quoniam ea ibi  
non habet, vt se eo in locis instruat, sed vt eo in loco  
ea haberet in deposito ad vsum loci alterius, non eius-  
dem. Quod etiam comprobatur §. *proinde si fundus, & §.*  
*instructo autem fundo, in hac l.* In quo ostenditur simili-  
ter instructo prædio legato, venire etiam libros, quos  
ibi paterfamil. habuit, & bibliothecam, vt quoties veni-  
ret, vteretur, sed non contineri etiam apothecam libro-  
rum quos ibi posuit, vt alibi vteretur. Idemque confir-  
mat *l. i. C. de verb. signific.* Sed ob stare videtur *l. 15. §. 1. hoc*  
*tit.* quæ dicit: *domo instructa legata, non videri legata vi-*  
*na.* addita hac ratione: *quia domus vinis instructa intelligi*  
*non potest.* Verum obseruandum, eam absolute dicere: *vi-*  
*na non videri legata*, qui sermo est accipiendus secun-  
dum alias leges, quia cum sit absolutus suppletionem  
facile recipit, nempe hoc modo, vt dicamus in eo loco  
agi de vinis, quibus in ea domo dominus non instruebatur,  
non vtebatur, quibus vinis sane nec domus instru-  
cta dici potest, quia non iis vtitur.

Ad §. idem respondit. eod.

*Idem respondit, domo per fideicommissum relicta cum sup-  
pellectili Claudio Hieroniano clarissimo viro ab Umbrio  
Primo, & mensas & ceteram suppellectilem, quam in hortis  
paterfamilias in proconsulatum profecturus contulerat, vt  
tutius loco essent, contineri.*

**P**Ræterea additur ex eodem libro: Legata domo cum  
suppellectile, etiam eam suppellectilem deberi, quam  
testator in proconsulatum profecturus in hortos con-  
tulerat tutelæ causa, atque ita domo transtulerat in hor-  
tos tutelæ causa, quia non ideo intelligitur etiam ea se-  
parasse à reliqua suppellectile, cum tutelæ tantum causa  
ad tempus eam separauerit. nam dicimus legata domo  
cum suppellectile, etiam eam suppellectilem deberi quam  
domo transtulit in hortos ad tempus, vt tutius loco  
esset: nam & eadem ratione mancipia aut vina non in-  
telligitur separasse à prædio, cuius gratia comparata  
sunt, si ad tempus tutelæ causa ea alio transtulerit, Et  
iamdiu in hoc §. ostendi, me malle legere hoc modo.  
*domo per fideicommissum relicta cum suppellectile à Claudio  
Herminiano, Clarissimo viro Umbrio Primo, quoniam le-  
gi Claudium Herminianum quem propterea etiam vi-  
rum clarissimum vocat, fuisse proconsulem Cappado-  
ciæ apud Tertullianum in lib. aduersus Scapul. quem  
etiam hoc loco ideo ait profecturum in proconsulatum  
mensas & ceteram suppellectilem in hortos contulisse:  
& ex eodem auctore didici cum in ea prouincia vita de-  
cessisset, suscepta fide in Dominum nostrum Iesum Chri-  
stum. Hunc igitur pono virum clarissimum proconsu-  
lem Claudium Herminianum morientem in prouincia,  
Umbrio primo legasse domum cum suppellectile, & le-  
gato cedere mensas, & ceteram suppellectilem, quam  
domo mouit & transtulit in hortos, vt tutius loco  
esset, quoniam hanc translationem fecit ad tempus  
tantum.*

Ad §. idem respondit theriacam eod.

*Idem respondit theriacam quoque, & cetera medicamen-  
ta, quæ secessus causa dominus ibi habuit & vestem propter  
secessum ibi depositam, instructo fundo legato inesse.*

**S**equitur ex eodem libro, fundo instructo cedere the-  
riacam, quod medicamentum aduersus ferarum ve-  
nena valet, & erat frequens in ea ætate, vt de eo pro-  
prium librum Galenus scripserit. Theriacam igitur &  
cætera medicamenta, quæ in eo fundo secessus causa  
testator habuit, & vestem similiter, quam ibi propter se-  
cessum depositam testator habuit, legato cedere, vt in §.  
*proinde si fundus, sup.* Ex quo magis, atque magis demon-  
stratur semper instructi plenius esse legatum quam in-  
strumenti: nam instrumento fundi legato, sane non ce-  
deret vestis, non cederent medicamenta. Deinde ponit,  
domo instructa legata cum omni iure suo, contineri ser-  
uos ostiarios & topiarios, si in ea domo sint viridaria, vt  
ait *l. 8. sup.* quoniam horum opera est in exprimendis va-  
riis animalium figuris in viridariis. Contineri etiam  
diætarios, quorum ministerio paterfamil. vtitur in diæ-  
ta, in cœnaculo, triclinio: & aquarios, qui aquam defe-  
runt. Si de mulieribus nomen accipitur in malam par-  
tem, cui nos in idiotismo præposuimus *m* literam, addi-  
ta *m* maquarij, quos veteres aquarios, & aquariolos, sunt  
mulierum impudicarum sordidissimi asseclæ. Veteres  
cum Veneri operarentur aquæ ministerio vulgo vte-  
bantur. Cic. pro Cælio: *ideone aquam adduxi, vt ea tu*  
*inceste vterere?* Lampridius in Commodio: *aquam gessit*  
*vt lenonum minister.* Hos omnes, inquam, si domui tan-  
tum deseruiant, quæ instructa legata est, legato contine-  
ri, artifices autem eos non contineri, quorum opera cæ-  
teris quoque prædiis exhibentur. Vno verbo, non con-  
tinentur artifices, qui sunt in vsu promiscuo variorum  
prædiorum, qua in re merito reprehenditur Papinia-  
nus, quia satis est, si ij artifices proprie sint domui lega-  
tæ destinati: nam cætera prædia eos à domo veluti mu-  
tuantur, §. *si quis eodem instrumento, sup. l. item §. 1. de le-  
gat. 3.* Si igitur domus causa parati sint artifices, domus  
instructa legato continentur, licet aliis quoque prædiis  
commodentur, supra ait: *licet alia prædia mutuantur eos à*  
*domo.* Vnde ita definias commodatum & mutuum: *com-*  
*modatum est mutuum ad vsum, non ad abusum: mutuum*  
*autem proprie est commodatum ad abusum.* Debit Vlpia-  
nus addere etiam Papiniano cum dixit, contineri ostia-  
rios, topiarios & cæteros, non debuisset addere taxatio-  
nem, videlicet domui deseruientes: nam etsi aliis præ-  
diis deseruiant, modo domui præcipue sint destinati,  
legato continentur. Igitur tantum debuit dicere, *domui*  
*deseruientes.* Et ita Paulus 3. Sent. *Domo, inquit, cum om-*  
*ni iure suo sicut instructa est legata, urbanam familiam,*  
*item artifices, & ostiarios, ita emendauit, & zetarios, id*  
*est, dietarios, & aquarios eidem domui seruientes le-*  
*gato cedere.*

Ad §. idem resp. domo, eod.

*Idem respondit domo instructa legata, mensas eboreas, &  
libros non contineri. Sed & hoc falsum est: nam omne quid-  
quid in domo fuit, quo instructor ibi esset paterfamilias,  
continetur. Suppellectilem autem patrisfamil. instrumen-  
tum esse nemo dubitat.*

**R**eprehenditur etiam Papinianus in eo, quod dixit,  
legato domus instructa non contineri mensas ebo-  
reas, quia omnis supellex continetur: non contineri item  
libros, quos ille habuit studiorum suorum causa, quo-  
niam & hi continentur legato, §. *instructo item, sup.* Vnde  
etiam apparet quam sit plenum legatum instructi. At in  
eo tamen approbatur valde quod Papinian. dicitur scri-  
pisse eodem libro Respons. 7. quem solum nominauit  
ante in §. *Papin. i.* Quamobrem superiora omnia respon-  
sa eiusdem recte vindicamus eodem libro. Scripisse au-  
tem, domo instructa legata, non contineri merces, quæ  
sunt venales, non contineri pignora inuenta in ea domo,  
quoniam



quoniam non sunt domus, neque domini instrumenta, cum temporis tantum causa ibi habeantur ut in l. 1. C. de verb. sig. Sed addit solemnem exceptionem: nisi aliud suadeat voluntas defuncti, ut in specie, quam proposuit, si is qui testatus est, sit mercator & fœnerator locupletissimus, & totidem filias habeat, quot filios, & 2. filios habeat, totidemque filias, eosque filios & filias heredes scripserit, filiis prælegauerit domum instructam, quia plenissimum prælegatum fecisse intelligitur, qui plures facultates vel ampliores relinquebat. Et hoc est quod ait, *facilem iudici voluntatis coniecturam fore, cæteris patris facultatibus examinatis*. Et postremo in §. Papin. 3. legatis rebus omnibus, quæ in domo essent, non videri legatas cautiones debitorum, id est, nomina, non videri legatas emptiones seruorum, id est, instrumenta emptionis seruorum nondum traditorum. Vnde etiam apud Paulum 3. Sent. ita alias ostendi esse legendum: *omnibus quæ in domo essent legatis, cautiones debitorum emptionesque seruorum legato non cedere*. Sed addit Papinian. vulgarem exceptionem, nisi aliud suadeat voluntas testatoris, ut si seruos ipsos legauerit. hoc casu etiam intelligitur legasse emptiones seruorum quæ sunt in ea domo, quod autem est in §. ult. iam ostendi in l. 9. de suppellect. leg. esse etiam ex hoc lib. septimo.

✿ : ✿✿ : ✿✿✿ : ✿✿✿ : ✿✿✿ : ✿✿✿ : ✿✿✿

# IACOBI CUIACII

## IVRISCONSULTI

### COMMENTARIUS

in Lib. VIII. Responsorum  
Æmiliij Papiniani.

Ad l. 34. famil. erciscundæ.

*Servos inter coheredes tempore diuisionis æstimatos non emendi, sed diuidendi animo pretiis adscriptos videri placuit: quare suspensa conditione mortuos, tam heredi, quam fideicommissario deperiisse.*



T vero septimus, ita octauus liber totus est de legatis & fideicommissis. nulla in iure quæstio diffusior, quod Digesta plane demonstrant, in quibus extenditur illa quæstio in septem libros. Huius legis speciem & sententiam proponam, ut vere à Græcis interpretibus perscripta & exposita est: Quidam duos heredes scripsit Caium & Mæuium, Caium rogauit sub conditione ut hereditatē, id est, portionem suam Sempronio restitueret. pendente conditione fideicommissi heredes sumpserunt arbitrum familiæ erciscundæ, qui inter eos hereditatem diuideret: in ea hereditate erant serui, quos arbiter facta eorum æstimatione Caio in solidum adiudicauit, ea lege, ut is vicissim certam pecuniam Mænio coheredi numeraret pro parte, quam Mæuius in eis seruis habuit. Post, serui mortui sunt suo fato pendente, vel ut ait suspensa conditione fideicommissi: deinde extitit conditio fideicommissi. Quæritur, an Sempronio fideicommissario, Caius teneatur ex causa fideicommissi cum cæteris rebus, quæ ei pro sua parte obtigerunt in diuidenda hereditate, & seruos præstare iam mortuos aut pretium eorum, quod Sempronius intendit, quasi scilicet Caio perierint serui, non sibi, hac ratione, quia eos seruos Caius in solidum per adiudicationem æstimatos accepit, & qui quid ita per adiudicationem iudicis accipit, emptor est, l. 7. §. si debitor, tit. seq. Emptori autem cuique perit res emptæ, non alij. Dices ad hæc, partem tantum seruorum emisit Caium à coherede diuisionis causa, facta ad-

Respons. Papin.

A iudicatione, & seruos quidem totos fuisse æstimatos ut oportet, l. Manius §. ult. hoc tit. l. si idem, §. ult. supr. de iurisdic. Cæterum non ideo totos emptionis iure possideri à Caio, sed pro parte coheredis tantum, non pro parte sua. Dicam etiam quæri tantum de parte, quæ emptionis iure possidetur, cui perierit, seruis sua morte defunctis: nam partem hereditariam fideicommissario periisse constat, l. mulier, §. sed enim, ff. ad Senatusconsult. Trebel. De altera parte, quam à coherede Caius accepit beneficio adiudicationis, de ea tantum quæritur, heredi an fideicommissario, Caio an Sempronio perierit? Caius dicit, sibi nec pro ea parte seruos deperiisse, quia eos non emit simpliciter, sed diuisionis causa, alio iure esse emptionem simplicem, alio emptionem diuisionis causa, sicut de donatione etiam proditum est in l. si filia §. si pater, hoc tit. Et de emptione dotis causa, l. quoties, de re iudic. Et de emptione pignoris causa, l. 2. de distract. pign. quæ multum distant à donatione vel emptione simplici: Caius dicit, se emisit partem illam coactum necessitate adiudicationis factæ à iudice communionis dirimendæ causa, aliud esse emere simpliciter, aliud emere per adiudicationem iudicis, hanc emptionem esse necessarium, illam voluntariam, l. si pign. h. t. Hanc non tam emendi quam diuisionis causa fieri. Ei qui simpliciter emerit, rem emptam perire in solidum: at ei, qui per adiudicationem emerit, rem adiudicatam, puta, seruos adiudicatos in hac specie, & certis pretiis adscriptos, ut loquitur Papinian. transcriptos & venditos, ut in l. quasi-tum, §. peto, de leg. 3. non perire ei soli, non perire soli heredi onerato fideicommissio restituendæ hereditatis, sed perire tam heredi quam fideicommissario: heredi pro quadrante Falcidiano: fideicommissario pro dodrante, ut Græci recte interpretantur his verbis: ἵνα τὸ τετράριον μέρους. Denique hæc verba Papin. *perire seruos tam heredi quam fideicommissario*, sic interpretantur, ut scilicet quadrantem damni agnoscat heres, dodrantem autem fideicommissarius. Et secundum intentionem Caij Papinianus etiam respondit. Et omnino hæc est sententia huius responsi: hæc sententia Papin. qui etiam hoc ipso libro in l. cum pater, §. hereditatem, de leg. 2. similiter respondit non adstringi vnum ex heredibus rogatum restituere hereditatem periculo nominum ei attributorum, si deteriora facta sint, aut periculo prædiorum adiudicatorum, si deperierint, & omnino ille §. comprobatur nostram interpretationem. In ea igitur permancamus, & transeamus ad eam speciem & interpretationem quam Accurs. & fere omnes Latini interpretes & commentarii & secuti sunt. Quidam duos heredes scripsit, & ab eis per fideicommissum seruos hereditarios Tizio legauit sub conditione, heredes sumpserunt arbitrum famil. erciscundæ & arbiter (pendente conditione fideicommissi ij serui communes heredum sunt,) vnus ex heredibus æstimatos in solidum adiudicauit, ut potuit, cum sua causa, l. 1. 2. §. res, hoc tit. admissa scilicet licitatione eius heredis. Is vero heres pretium, quo seruos licitatus est emit à coherede: coheredi non soluit, sed cauit soluturum se, si deficeret conditio fideicommissi, si non essent ei restituendi serui fideicommissario. Serui mortui sunt pendente conditione fideicommissi. Papinianum aiunt definire hoc loco, eos seruos periisse tam heredi quam fideicommissario, & fideicommissario quidem periisse, quia fideicommissum conditionale aut legatum perire constat, si pendente conditione res, quæ verbis legati aut fideicommissi relicta est, extincta sit, l. necessario §. 1. ff. de peric. & comm. rei vend. Et ideo fideicommissarium non habere fideicommissi persequutionē: heredi autem periisse dicunt, id est, ut interpretantur, ei, cui pretium licitationis cautum est, cui coheres cauit per stipulationem, quia desit ei deberi pretium quod cautum est: heredi autem alteri, cui serui adiudicati sunt, non periisse, quia et si videatur eos emisit, non tamen emptionis principaliter,

X



sed diuisionis negotiū gessit, atque contraxit: si simpliciter emisset, ei periissent serui, & pretij nomine teneretur ex cautione. Itemque, si in diuisione emisset tantum dubium euentum conditionis, quod Accursius notauit ex *l. propter, h. t.* Qua de causa hæc verba legis, nō emendi animo seruos pretijs adscriptos, sic accipienda esse censet Accursius. nō emendi scilicet spem: sic enim in Glossa legēdum, non speciem. *spem*, vocat incertum euentum cōditionis præscriptæ fideicommissio. Multæ autem sunt & magnæ rationes, quæ nos eam reicere, nec admittere compellūt. Primum, quia pretium licitationis solui solet statim, auctio scilicet & licitatio fieri solet præsentī pecunia, quod hodie exacte seruatur, *l. à D. Pio §. sed si emptor, ff. de re indic.* Græca fide, *κατ' ἐνὸς πον*, vt Ausonius loquitur, iuxta illud Varronis *δὲ καὶ λέγει*, quod omnino feruere ait, nemine habente fidem cuiquam. Ei autē, qui licitatione vicit & rem abstulit, solet cauēri de indemnitate, *d. l. propter*. Non autem ipse cauere. Causisse tamen eum de pretio, non soluissē præsentem pecuniam: quod illi ponunt mera positio est, quia de eo lex nihil dicit, nequidquam etiam de spe empti, sed de seruis tantum emptis diuisionis causa. Deinde etiam si res gesta esset, vt illi ponunt, tamen falsum est, mortuis seruis adiudicatis pretium non deberi, quia non desit deberi ex stipulatione certis modis, certis & custoditis numeris. Desinit deberi quod ex stipulatione debetur, *l. obligat. §. 1. de obligat. & act.* inter quos modus hic non est. Præterea quæ vrgent maxime, hæc verba legis *tam heredi quam fideicommissario deperisse*, ex collatione fideicommissarij necessario accipienda sunt de herede, qui debet fideicommissum, & de fideicommissario cui debetur: de herede, inquam, cui adiudicati sunt serui, nō de herede, cui pretium deberi consingunt: & consequenter lex accipienda est, non de fideicommissio seruorum singulari, sed de fideicommissio vniuersali, id est, de fideicommissio hereditatis: nam si in fideicommissio soli serui essent, soli fideicommissario deperiissent, non etiam heredi, Falcidia non interueniēte, quia in fideicommissio singulari non simpliciter & semper interuenit Falcidia, at semper interuenit Falcidia in fideicommissio hereditatis, *l. in singulis, ad l. Falcid.* etiam si quis partem tantum hereditatis restituere rogatus sit, ex qua heres scriptus est, quia in singulis heredibus separatim ponitur ratio *l. Falcidiae, d. l. in singulis*. Quamobrē recte Papin. dixit, *seruorum periculum esse commune*, heredis scilicet pro quadrante, & fideicommissarij pro dodrante. Omitto tres interpretationes, quas ultra istam quæ communis est, adhibere tentant, vna tantum approbata Alberici hoc loco. Quoniam sunt silentio & contemptu dignæ, teneamus veram, præter quam etsi nihil hodie didicerimus, frustra à nobis positam operam existimare non debemus.

Ad *l. 54. de donat. int. vir. & vx.*

*Vir vsuras promissæ dotis in stipulatum deduxerat, easque non petierat, cum per omne tempus matrimonij sumptibus suis vxorem & eius familiam vir exhiberet: dote prælegata sed & donationibus verbis fideicommissi confirmatis: legato quidem dotis vsuras non contineri videbatur, sed titulo donationis remissas.*

**I**N *l. 54. de donat. int. vir. & vx.* hæc proponitur species: Vxor viro stipulanti promisit dotem certam, & quo tardius eam solueret, vsuras certas, cui stipulationi vsurarum certi & explorati iuris est inesse tacitam hanc conditionem, *si maritus suis sumptibus vxorem exhibuerit, & familiam eius*, id est, *seruos vxoris, si sustinuerit onera matrimonij*. Nam si in vxorem nullos sumptus fecerit, vsuræ ei ex stipulatione non debentur, quæ promissæ intelliguntur ad exhibitionem vxoris, *l. cum post, §. in domū, de iur. dot. l. in insulam §. vsuras, sol. mat.* Porro vir vsuras dotis per omne tēpus matrimonij, quod diu stetit, nul-

**A** las exegit, tacite videtur donasse & remississe vsuras dotis, arg. *l. cum post, in pr. de iur. dot.* quæ tamē donatio iure ciuili non valet, *l. si quis pro vxore §. si vxor, h. tit.* vbi ex Iuliani sententia dicitur, *remissionem vsurarum dotis quas vxor viro stipulanti promisit, esse donationem illicitā, si maritus sustinuerit onera matrimonij, si exhibuerit vxorem & homines eius suis sumptibus*. Et tamen quod posset obici ex eodē Iuliano refertur in *l. ex animo, §. ult. & l. de fructibus, hoc tit.* fructus & vsuras licitā facere donationem. Sed vt tota res paucis explicetur, hoc est scriptum nō de fructibus donatis, sed de fructibus, qui ex re donata, & vsuris, quæ ex pecunia donata percipiuntur, quoniam & fructus lucratur vir aut vxor, cui donata res est, quos sua opera, & suis sumptibus percipit: lucratur item vsuras, quas ex pecunia donata sua cura & suo periculo redegit, *l. fructus, sup. de vsuris, d. l. ex animo, §. ult.* At remissio vsurarum dotis, quam maritus fecit, qui sustinet onera matrimonij, sane illicita donatio est, & donatio fructuum dotis, si ex iis vsuris vel fructibus donatarius locupletior factus sit, quas vel quos potius debuit inferre marito sustinenti onera matrimonij, non sibi habere & lucrifacere, quod etiam nō faciet, quoniā remissio vsurarum dotis, vel fructuum dotis, quibus vir vel vxor locupletior facta est, illicita donatio est, *l. pro oneribus, C. de iur. dot. l. si fructus, C. de donat. inter vir. & vxor.* Quod etiā aperte probat hæc lex, dum remissionem vsurarum demonstrat non valere, nisi confirmata sit, dum demonstrat, eam indigere cōfirmatione. Confirmari autem potest remissio vsurarum dotis, quæ in stipulatum deductæ sunt à marito ex cōstitutione Seueri & Antonini & Senatusconsulto, si maritus durante voluntate proficiatur è vitā, *l. cum hic status §. siue autem, hoc tit.* Nam quod Papinianus existimasse dicitur in *l. Papinianus, hoc tit.* quæ est satis difficilis, orationē Seueri & Antonini pertinere tantum ad rerum donationem, id est, traditionem vel mancipationem, quibus modis donatio perficiebatur, non etiam ad rerum promissionem, puta, si quid vxori stipulanti maritus spoponderit donandi animo, hanc scilicet stipulationem non confirmari, non conualescere ex oratione Seueri, etiam si maritus durante eadem voluntate vita decesserit, ideòque mariti heredem ex ea stipulatione non posse contineri, quæ est sententia legis *Papinianæ*. Quæ quidem nō excludit remissionem obligationis factam donandi animo, sed obligationem tantum contractam donandi animo. Nec eidem sententiæ Papin. quidquam obstat *lex cum h. c. status §. 1. h. t.* dum ait, mortuo donatore durante voluntate ipso iure res donatas fieri donatarij, & obligationem esse ciuilem. Quod ait, & obligationem esse ciuilem, pugnare videtur cum *d. l. Papin.* Verum ea verba sic accipienda sunt, ipso iure silentio & morte donatoris infecuta res donatas adquiri donatario, res donatas autem, & cessas actiones, siue nomina, donatario facto procuratore in rem suam, ipso iure in donatarium transire, & ciuiles obligationes esse, ex quibus iure ciuili cum effectu donatarius experiri possit, si in eadem voluntate donator, qui eas cessit, perseverauit in diem supremum. At si quid donandi animo stipulanti promiserit, si se obligauerit viro vel vxori, licet in eadem voluntate perseverauerit in diem supremum, hæc stipulatio non conualescit ex oratione Seueri, excepto vno casu: si interposita sit alimentorum causa, *l. si stipulata, h. t.* vbi annuum siue menstruum nihil aliud significat, quam alimenta, vt *l. quedam, de pact. dot.* Si stipulanti vxori vir promiserit alimenta, vel cōtra, fauore alimentorum potest dici, hoc casu stipulationem conualescere, ex oratione Seueri & Antonini, vel confirmari etiam potest remissio vsurarū dotis per fideicommissum, si maritus heredem rogauit nominatim, ne vsuras dotis ab vxore exigeret, vel etiam, vt est in specie hoc loco proposita, si dorem vxori prælegauerit, & generali sermone donationes à se in vxorem collatas per fideicommissum cōfirmauerit, herede rogato, ne eas ab vxore reuocaret.



vel etiam per legatum hoc modo : *quæ viui uxori dedi, A donavi, in usum concessi, ei eripi nolo, ut in l. si quando, de leg. 1. l. uxori, de leg. 3.* In specie proposita dotem prælegando, quam vxor promisit, remittit obligationem dotis, non obligationem vsurarum, quia vsuræ non sunt pars, sed fructus dotis, *l. 3. de vsufr. earum rer. quæ usu consum.* At titulo donationis, id est, generali capite confirmatarum donationum omnium, verbis fideicommissi etiam vsuras dotis remittit, confirmatve earum donationem & remissionem tacitam, quam arguit longum silentium, quoniam posuit, per omne tempus matrimonij siluisse virum, nec exegisse vsuras dotis. Confirmatio donationum generalis non tantum expressas, sed etiam tacitas donationes confirmat. Et hæc est sententia huius responsi. Multum vero interest, donatio facta inter maritos confirmetur ipso iure, id est, oratione Seueri, an à testatore donatore per legatum aut fideicommissum. Nam quæ confirmatur, ipso iure retrotrahitur, quæ confirmatur legato aut fideicommissum, non item, *l. donationes, C. de don. int. vir. & vxor.* quæ ipso iure confirmatur, capitur ut donatio, quæ supremo iudicio donatoris, ut legatum vel fideicommissum, *l. ex verbis, C. eod. tit.*

Ad §. ult. l. 70. & l. 71. de leg. 2.

§. ult. l. 70. *Cum autem rogatus quicquid ex hereditate supererit post mortem suam restituere, de pretio rerum venditarum alias comparat, diminuisse, quæ vendidit, non videtur.*

L. 71. *Sed quod inde comparatum est, vice permutati dominij restitueretur.*

**H**eres rogatus est restituere post mortem suam, non hereditatem absolute, sed quidquid ex hereditate superesset, superfluum hereditatis. Quibus verbis tacite testator dat facultatem heredi diminuendi ex bonis, quia non rogat eum, ut bona omnia restituat post mortem suam, sed quidquid ex bonis superfuisset tantum. Et sane potest etiam heres ex bonis bona fide, quid libuerit, quid voluerit, diminuere arbitratu boni viri, non maligne interuertendi fideicommissi causa, *l. deducta §. ult. l. mulier §. ult. l. Imperator, l. Titius, inf. ad Senatusc. Treb.* Et ex *Novel. Iustin. 30.* quæ hoc certo fine taxauit, heres ita rogatus potest tantum diminuere ex bonis ad finem dodrantis, ut quadrans fideicommissario saluus sit. At in hac specie in *l. pro. §. ult. sup.* cuius hic Papinia. versu s appendicula est, ostenditur, diminuisse ex hereditate heredem non videri, quod vendidit quasdam res hereditarias, & ex pretio earum alias comparauit, quia non est diminutum, quod in corpus patrimonij verum est, *l. pater, de adim. leg.* Et ideo subiicitur in hac l. 71. ex Papin. Res ex ea pecunia comparatas contineri fideicommissum, & post mortem heredis esse fideicommissario restituendas, quia, ut ait Papinianus, *vice permutati dominij hoc est id est, pro eo habetur, atque si heres rem hereditariam cum alia re permutasset, & alteram submisisset in alterius locum.* Sententia igitur hæc est: Reparatas aut permutatas res ex pretio rerum hereditariarum venire in restitutionem fideicommissi, de quo agitur. Verum huic sententiæ duæ leges opponuntur, *l. sed etsi, §. 1. de per. heredit.* quæ ait, eum qui hereditatem ad alium pertinentem bona fide possidet, si rem hereditariam distraxerit, & ex pretio aliam comparauerit, restituere vero heredi, qui agit aduersus eum petitione hereditatis, debere pretium, quod redegit ex re hereditaria, non rem comparatam ex pretio: At hic dicimus non pretium fideicommissario esse restituendum agenti fideicommissaria hereditatis petitione, sed rem comparatam ex pretio. Hæc videntur inter se pugnare. Accursius respondet, hic heredem ex pretio comparasse aliam rem nomine hereditario, ibi suo nomine. Quæ distinctio Ac-

Respon. Papin.

curfij Bartolo displicet: placet Immolæ & Reinerio, placebit quoque omnibus, si ita intelligatur secundum mentem Accursij, quam calumniatur ille: Si bonæ fidei possessor vel heres ex pretio rei hereditariæ rem suam causa comparauerit, ut rem verteret in suum patrimonium, ut ait *d. l. sed si lege §. 1.* non quod hereditati ea res utilis aut necessaria esset, tum in petitionem hereditatis vel fideicommissi venire pretium, non rem ipsam comparatam ex pretio. Et sic in *l. seq. h. tit.* si ex pretio rei hereditariæ venditæ heres proprios creditores dimiserit, proculdubio pretium cadit in fideicommissum: sed si rem ex pretio comparatam verterit in hereditatem, si interfuerit hereditatis eam comparari, atque adeo hereditatis gratia comparata fuerit ex pretio rei hereditariæ, tum verum est, rem comparatam, non pretium venire in petitionem hereditatis, vel fideicommissi, quasi permutatione facta rei hereditariæ cum alia re, & altera re submissa in locum alterius. Opponitur etiam sententiæ huius legis *l. cum pater, §. dulcissimis, inf. h. tit.* Vbi quia testator legat fratribus bona materna, non videtur etiam ea bona legare, quæ ex pecunia materna comparauit. Sed hoc ideo, ut breue faciam, quia voluit tantum legare fratribus bona quæ cum eis communia habuit, quæ erant profecta à matre. Idque apparet ex verbis testamenti, quæ proponuntur in *d. §. dulcissimis.* Communia non sunt, quæ ex pecunia communi comparantur, quæ ex communi pecunia quis comparat sibi, *l. 4. C. comm. vtriusque iudi.* Sed hac de re fusius tractabimus in *l. cum pater.*

Ad l. 77. de leg. 2.

*Cum pater filios eorumque matrem heredes instituisset, ita scripsit: peto à te filia, ut acceptis ex hereditate mea in portionem tuam centum aureis, & prædio Tusculano, partem hereditatis restituas matri tuæ, respondi, prædium quidem hereditarium iudicio diuisionis, de communi filiam habituram, pecuniam autem de parte sua retenturam.*

**E**xplicabo nunc legem, qua nulla est in iure æque referta acutissimis Papiniani responsis, ex quibus duo tantum interpretabor: ea vero est *l. 77. de leg. 2.* Et primum ex iis responsum pertinet ad hanc speciem. Pater filium & filiam, & eorum matrem heredes instituit, & filiam rogauit his verbis: *Rogo te filia, ut partem hereditatis, ex qua te heredem institui, restituas matri tuæ acceptis ex hereditate mea in portionem tuam centum aureis & fundo Tusculano.* Fundus Tusculanus est communis omnium heredum, hoc est certum. Eum igitur fundum proculdubio filia est acceptura de communi, partim iure hereditario, partim iure legati, non de parte sua, quia is fundus totus non est in parte sua. Quæritur, an etiam similiter pecuniam, id est, 100. aureos sit acceptura de communi, partim iure hereditario, partim iure legati, an de sua parte iure hereditario totam? Tentari posset etiam pecuniam esse accipiendam de communi, quia pater dixit, ut eam pecuniam acciperet ex hereditate sua, quod videtur esse ex communi patrimonio inter heredes suos. Est quæstio elegantissima ad quam ita Papin. respondet. Filiam quidem fundum capere partim iure hereditario à semetipsa, partim iure legati à coheredibus officio iudicis familiæ eriscundæ cognoscentis, hoc est, fundum Tusculanum totum eam capere iudicio fam. ercif. Quod iudicium diuisionis vocat, non de parte sua, quia in parte sua, non est totus, sed de communi. Pecuniam autem totam eam capere, de parte sua iure hereditario, non de communi, partim iure hereditario, partim iure legati, quia eius pecuniæ quantitas parti eius inesse intelligitur, licet in hereditate inuenta nulla pecunia fuerit, quia in pecunia, quæ legatur, vel quam heres retinere iubetur vel accipere, vel præcipe-

X ij



re, non corpora nummorum spectantur, sed quantitas, quæ semper bonis inesse intelligitur, l. 88. de verb. sig. Quod idem respondit etiam lib. 9. in l. deducta, §. acceptis, ff. ad Senatuscons. Treb. Igitur pecuniam totam accipiet iure hereditario, de sua parte. Nec obstat quod pater dixit, ut eam pecuniam acciperet ex sua hereditate, quoniam hereditatem accepit pro portione hereditatis, quam ei reliquerat, quoniam in usu iuris est ita loqui, & partem hereditatis vocare hereditatem. Parti nomen dare totius, ex usu consuetudinis est, hæc est sententia huius responsi. Transeo ad ea, quæ ei opponuntur. Opponitur primum huic responso l. heredes, §. ult. adhibita lege seq. sup. fam. ercisc. Quo loco dicitur, coheredi prælegata certa pecunia, certo numero nummorum, siue pecunia in hereditate inuenta sit, siue non, eam pecuniam ei esse conficiendam de communi, & præstandam officio iudicis fam. ercisc. Quod etiam confirmat Paulus 3. Sent. initio tit. de leg. his verbis: per præceptionem unum ex heredibus nummi legati, qui domi non erant, officio iudicis fam. ercisc. à coheredibus præstabuntur. fac, tres esse heredes ex æquis partibus, & unum esse prælegatos 500. aureos, coheredes ei præstabunt ducentos, aut de communi vendunt rem hereditariam, & pretium quod redegerint ex venditione ad finem 300. aureorum, coheredi præstabunt. Verum ut respondeam, multum interest coheredi sit prælegata pecunia à coheredibus, an coheres retenta vel accepta certa pecunia, nulla demonstrata persona dantis, hereditatem restituere rogatus sit. Priore casu pecunia ei præstanda est de communi, posteriore casu ipse pecuniam retinet de parte sua, & accipit à semetipso iure hereditario totam, quia ea summa parti suæ inesse intelligitur, nec intelligitur ei esse legata à coheredibus: denique totam eam quantitatem capit iure hereditario, & si lex Falcidia interueniat, totam imputat in Falcidiam, l. acceptis, in fi. inf. ad leg. Falcid. & d. l. deducta §. acceptis. Partes autem fundi, quas à coheredibus accepit, qui pro eis partibus sunt domini fundi, non imputat in Falcidiam, quia eas capit iure legati, sed eam tantum partem fundi imputat in Falcidiam, quam à semetipso capit iure hereditario, quoniam placet in Falcidiam tantum imputari ea, quæ iure hereditario capiuntur, non quæ alio iure, l. quod autem, & l. seq. & l. in quartam, inf. ad leg. Falcid. Male Accurs. eam etiam filiam pecuniæ partem accipere à coheredibus contra manifesta verba legis, quæ dicit, pecuniam filiam accipere totam de parte sua, ergo à semetipso, non à coheredibus. Inepte etiam idem Accurs. huic responso opponit l. si fundum sub conditione §. si libertus, supra, tit. proximo. quod hic legatarius capiat totum fundum, cui legatus esse intelligitur, ibi seruos legatos capiat pro quincunce tantum non totos. Inepte, inquam, quoniam id genus legati, de quo ibi agitur, nihil cum eo, de quo hic agitur, ad finem aut propinquum habet, & quæ opponuntur & committuntur inuicem, inepte committuntur, nisi inter se habeant adfinitem, & quasi paritatem aliquam. Primum igitur ibi legatarius non fuit coheres, hic fuit coheres: Item serui legati sunt ibi ab heredibus instituti ex quincunce tantum, non à patrono, qui heres institutus erat ex septunce. Ergo seruorum quincunx duntaxat legatus est, hic vero totus fundus generaliter legatus est ab omnibus heredibus, sed pro parte legatarij inutile est legatum, quia heredi à semetipso inutiliter legatur. Alioquin idem deberet legatum pro ea parte, & deberetur eidem, quod fieri nequit: verum & pro ea parte tantum fundum coheres retinet iure hereditario, pro reliquis partibus iure legati, l. legatum §. 1. sup. tit. prox.

Ad §. eorum.

Eorum quibus mortis causa donatum est, fideicommitti

A quoquo tempore potest, quod fideicommissum heredes salua Falcidia ratione, quam in his quoque donationibus, exemplo legatorum, locum habere placuit, præstabunt: si pars donationis fideicommissio teneatur, fideicommissum quoque munere Falcidia fungetur: Si tamen alimenta præstari voluit, collationis totum onus in residuo donationis esse. Respondendam erit ex defuncti voluntate, qui de maiori pecunia præstari non dubie voluit integra.

Sciendum est à donatariis mortis causa posse fideicommissum relinqui, quia legatariis comparantur, & donationes causa mortis legatis, l. Seia. de dote præleg. l. cum hi §. idem erit dicendum, de transact. l. ab eo, C. de fideicommissis. A donatariis autem inter viuos fideicommissum relinqui non potest, l. cum quis decedens, §. pater, inf. tit. prox. Et à donatariis quidem mortis causa Papin. ait in §. 1. huius legis. fideicommitti posse quoquo tempore, id est, vel donationis tempore, vel alio tempore. Et subiicit hic, fideicommissum heredes salua Falcidia ratione, quam in his quoque donationibus exemplo legatorum locum habere placuit, præstabunt. Quid hoc sibi vult, heredes, inquit, præstabunt fideicommissum, quod relictum est, tamen non ab heredibus, sed à donatariis mortis causa; hoc est falsum, heredes præstare fideicommissum relictum à donatariis mortis causa, quia non heredes rogati sunt, sed donatarij. Hi igitur soli fideicommissio præstando obligati sunt, an falsa scribit Papinianus? quid dicemus? nimirum hanc esse mentem Papiniani, ut & omnes volunt, heredes præstare donatariis fideicommissum, id est, quod fidei donatariorum mortis causa commissum est, ut alteri restituerent: Aut breuius, heres præstare donatariis donata causa mortis post mortem donatoris, quæ sunt subiecta fideicommissio, deducta tamen Falcidia, si hereditas sit exhausta vel onerata legatis, quia placuit, inquit, Papin. id est, placuit Diuo Seuro exemplo legatorum, & in donationibus causa mortis legi Falcidiæ locum esse, l. 2. C. de mort. caus. donat. l. §. C. ad leg. Falcid. Donatarij autem, si passi sint Falcidiam, tanto minus fideicommissario præstabunt, ipsi non habent deductionem Falcidiæ ex fideicommissio, sed quod ex donatione mortis causa Falcidiæ nomine heres deduxit, etiam fideicommissum minuit, l. pœnales, §. ult. ad l. Falcid. l. Plantius §. ult. de condit. & dem. monst. l. facta §. si Titius, ad Treb. l. si mihi Stichus, sup. tit. proximo. l. §. inf. si cui plusq. per l. Falcid. Male Haloander hoc loco pro heredes, legit, heredi, nihil est mutandum, sententia est congrua, si sic accipiatur ut docui esse accipiendam. Hæc autem quæ hætenus dixit Pap. in hoc §. 1. præfationis vice, ut in præfatione, ut Theophi. loquitur, dixit. quod autem præcipue agit iis præfatis & cognitis, hoc est, ut doceat, si non res omnes, quæ donatæ sunt mortis causa per fideicommissum à donatariis relinquantur, sed pars donationis, veluti tertia aut dimidia, donationem mortis causa etiam hoc casu, & per consequentias fideicommissum quoque minui per legem Falcid. quam inducunt heredes. Nihil igitur interesse donatio tota, an pars donationis fideicommissio contineatur. Nam etsi fideicommissio contineatur pars tantum tertia donationis, etiam ex ea parte heredes deducunt Falcidiam, & eo minor pars tertia fideicommissario præstat, quod adhuc satis est apertum. Verum addit quod est caput huius responsi, aliud esse dicendum, si neque donatio, neque pars donationis fideicommissio contineatur, sed donatarius rogetur fideicommissario non præstare res donatas, aut partem rerum donatarum, sed alimenta, vel annua dena alimentorum nomine. Hoc enim casu diminuta donatione per leg. Falcidiam non diminuitur fideicommissum alimentorum, sed de residuo donationis, si sufficiat præstationi alimentorum, alimenta integra, integra annua dena fideicommissario præstantur. Et hoc est quod ait, collationis onus, id est,



alimentorum præstationem, in residuo donationis esse siue consistere, & hoc efficere non fauorem alimentorum, sed voluntatem defuncti, qui non de donatione aut parte donationis alimenta integra præstari voluit, sed de maiori pecunia, id est, de patrimonio toto donatariorum, quod ideo Glossa vocat *onus extrinsecum*, & omnes Dd. etiam, qui non aliam linguam didicerunt, quam illam quam didicit Accursius. Onus est extrinsecum, quoniam non ex donatione, vel ex parte donationis relictum est, sed extrinsecus ex omni patrimonio donatarij. Itaque diminuta donatione per legem Falcidiam, concludit, non minui fideicommissum alimentorum, videlicet, si residuum donationis, quod superest deducta Falcidia, sufficiat integræ præstationi alimentorum, vel si non sufficiat integræ, id omne esse præstandum alimentario, quod est in residuo donationis sine diminutione. Quod etiam confirmat *l. liberto §. i. ff. de annuis leg. & l. maritum §. ult. ad leg. Falcid.*

#### Ad §. mater.

*Mater filiis suis vulgo conceptis dotem suam mortis causa donando stipulari permittit, cum aliis heredibus institutis, perisset à filiis, viro dotem restituere: totum viro fideicommissum dotis deberi, si Falcidia ratio non interuenerit; Ideo retentionem dotis virum habere placuit. Alioquin Falcidia partem heredibus, à filiis ex stipulatu cum viro agentibus, ex dote esse, per in factum actionem reddendam.*

**I**N hoc §. agitur etiam de fideicommissio relicto à donatariis causa mortis, & de donatione causa mortis minuenda per legem Falcidiam, vt & in §. i. Mater cum dotem daret marito, permittit filiis suis vulgo quæsitis eam dotem de marito stipulari in casum mortis suæ, id est, si ipsa prior moreretur in matrimonio. In eum quoque casum mortis suæ filiis donando dotem: denique dotem donando spuriis mortis causa. deinde in testamento aliis heredibus institutis & filiis merito præteritis, vt nec iure queri possint de inofficioso testamento matris, qui alioquin si essent immerito præteriti, tamen si sint spurij, possent queri de inofficioso testamento, vt est proditum *sup. in tit. de inoffic. testam. l. suspecta §. de inofficioso, eod. si sint immerito præteriti, quæ præteritio pro exheredatione habetur*. Mater igitur testamento aliis heredibus institutis & filiis merito præteritis, ab iisdem filiis marito fideicommissum reliquit, rogando eos, vt dotem quam eis donauerat mortis causa marito restituerent, potuit eorum quibus mortis causa donauerat fideicommittere quoquo tempore, vt dixi in §. i. id est, non tantum tempore donationis, sed etiam postea in vltima voluntate vt in hoc §. Per fideicommissum igitur filius ademit donationem causa mortis, non per penitentiam, ne hoc dixeris cum Glossa, alioquin si penitentia reuocauit donationem causa mortis, fideicommissum à filiis relictum non valet. Ita posita hac specie, adhibenda hæc distinctio est. Aut legis Falcidiæ ratio interuenit hereditate exhausta vel onerata legatis & fideicommissis, & donatione causa mortis supra dodrantem: aut non interuenit ratio legis Falcidiæ. Si non interuenit ratio legis Falcidiæ, quæ minuat donationem causa mortis subiectam fideicommissio, tunc totam dotem filij marito restituere tenentur, & eo nomine si dotem habeant, maritus cum eis agere potest ex causa fideicommissi, & multo magis si dotem non habeat, sed habeat maritus ipse, & illi cum marito agant ex stipulatu, qui illis stipulantibus promissit initio contrahendi matrimonij soluto matrimonio morte mulieris dotem reddi, multo magis dabimus marito retentionem dotis, opposita exceptione doli mali, cui damus actionem & exceptionem damus multo magis, *l. inuitus §. i. de regul. iur.* At si legis Falcidiæ ratio interueniat, quæ minuat donationem causa

**A** mortis, quæ minuat dotem filij cum marito recte & vtiliter agent ex stipulatu sine metu exceptionis, vt scilicet vel ex dote partem Falcidiæ, id est, dotis quadrantem maritus reddat quem heredes efflagitant iure Falcidiæ, quemque mox à filiis reuocabunt actione in factum, id est, vtili actione in rem, vindicato quadrante, vt in §. *Menio, inf. in hac l. & l. pen. C. ad leg. Falcid.* Residua dotis dodrantis retentionem maritus habet, non totius dotis lege Falcidia interueniente. Et hæc est interpretatio huius §. satis obscuri. Ex quo insuper notanda est vna differentia inter legata & donationes causa mortis, ante constit. Iustiniani, id est, ante *d. l. penult.* heredes legatorum Falcidiam sibi seruabant, non per vindicationem, sed per retentionem legatorum, *l. i. §. i. l. i. §. i. l. i. §. i. inf. ad leg. Falcid.* Ideoque legatario occupante vacuam possessionem rei legatæ sine voluntate heredis, heredi dabatur interdictum quod legatorum, vt adipisceretur possessionem rei legatæ, & sibi seruaret Falcidiam per retentionem possessionis, *l. i. C. quod legat.* donationum autem mortis causa Falcidiam heredes, vt seruant hodie sibi & olim quoque teste Iustin. in *d. l. penult.* seruabant eam sibi per vindicationem, siue per actionem in factum, quæ vtilis vindicatio est, quoniam possessio rerum donatarum iure constituta erat apud donatarium, non apud heredes, vt nec possent heredes earum donationum Falcidiam sibi seruare per retentionem possessionis, quam obrem necesse fuit eo decurrere, vt heredibus subueniretur data vtili Falcidiæ vindicatione aduersus donatarios, qui iusti sunt possessores rerum donatarum. Et ita in specie proposita, vbi donatarij recuperauerunt dotis quadrantem à marito, confestim heredes eum quadrantem ab eis donatariis reuocabunt vtili & extraordinaria vindicatione, quæ & in hoc §. & in tit. *de rei vindicat.* sæpe dicitur actio in factum, *l. in rem §. quacunque, l. quæ religios. l. cum autem, eod. tit.* Eadem ratio efficit, vt interdictum quod legatorum non pertineat ad donationes causa mortis, quia ius possessionis rerum donatarum mortis causa, non pertinet ad heredes, sed ad donatarios, nec vt legata, ita donationes causa mortis præstantur ab heredibus, sed *quævis* ab ipso defuncto proficiuntur, & transeunt in donatarium. Et hoc est satis adnotasse ad hunc §.

#### Ad §. furdo.

*Surdo & muto, qui legatum accipit, vt cum moritur restituat, recte mandatur: nam & ignorantes recte adstringuntur fideicommissio, quibus ignorantibus emolumentum ex testamento quaritur.*

**I**N hoc §. ostenditur à legatario furdo & muto fideicommissum relinqui posse, vel quod idem est, potest legatario furdo & muto recte mādare, vt cum morietur, rem legatam præstet & restituat alteri. mandari, inquit, mando est verbum fideicommissi, §. *mando, inf. l. aui a §. pater, de condit. & demonstr.* Ergo hoc dicit in hoc §. ab ignorantibus fideicommissum relinqui posse. Ignorantes fideicommissio adstringi posse. Nam furdus & mutus pro absentibus & ignorantibus habentur, *l. ult. de verbor. signif. l. 29. §. ult. comm. diuid.* Nec sine ratione est quod ignorantes fideicommissio adstringantur. Nam & ignorantes, inquit, ex testamento emolumentum legatorum adquirunt, id est, actionem legatorum, *l. si à furioso, de obligat. & action. l. filiusfamil. sup. qui testam. fac. poss. l. ult. C. quando dies leg. cedat.* Rerum autem legatarum dominium adquirunt agnitione, id est, cum agnoscunt legatum & amplectuntur: vel traditione, cum accipiunt legatum ab heredibus, *l. ei qui ita, de cond. inst. l. cum vero in fin. de fideicommiss. libert.* Ergo rerum legatarum dominium adquirunt scientes, non ignorantes, actionem legatorum etiam ignorantes. Atqui, quod posset obici, res legata



dicitur esse legatarij ignorantis vel deliberantis, l. si par-  
tem, in fine, sup. quemadm. seruit. amitt. l. magis §. fun-  
dum, sup. de reb. eorum, qui sub tut. vel cur. Verum hoc  
ideo, quia cum actio ignoranti adquiratur, propemo-  
dum & res ipsa adquiri videtur, nam in vfu est, vt &  
nostrum siue proprium esse dicamus id, de quo actio-  
nem habemus, l. 15. §. quod annus, ad leg. Falcid. l. 15. de  
reg. iur. sequitur aliud responsum.

#### Ad §. hereditatem.

*Hereditatem filius cum moreretur, filiis suis, vel cui ex  
his voluisset, restituere fuerat rogatus, quo interea in insu-  
lam deportato, eligendi facultatem non esse pœna peremptam  
placuit, nec fideicommissi conditionem ante mortem filij he-  
redis existere: viriles autem inter eos fieri, qui eo tempore  
vixerint, cum de alijs eligendi potestas non fuerit.*

**H**Vius §. species hæc est: Pater filio heredi instituto  
electionem dedit, vt filiis suis, qui nepotes sunt  
patris, id est, filiis nepotibus suis, vel cui ex iis vellet,  
cum moreretur, hereditatem restitueret. Post mortem  
patris filius in insulam deportatus est ex delicti causa,  
deportatione amisit testamenti factione, quia desit esse  
ciuis, & factus est peregrinus, non tamen amisit ius eli-  
gendi, cui liberorum hereditatem paternam restitueret,  
quia electio pendet ex animi iudicio, quod in eo post  
pœnam manet integrum, & facti est electio potius  
quam iuris. Idcirco capitis deminutione, minore scilicet,  
veluti deportatione, non amittitur: deportatus  
amittit ea, quæ sunt iuris, non ea quæ sunt facti, l. lega-  
tum, inf. de cap. minut. Et hoc Papiniani responsum no-  
minatim ex hoc libro etiam in testimonium attulit Vl-  
pianus in l. ex facto §. si quis rogatus 2. ad Senatus. Trebel.  
vbi ex hoc loco etiam iamdiu docuit observatio tertia,  
in locum illorum verborum, cui liber factus fideicommissum  
restitui velit, (quoniam deportatus non fit seruus,  
vt expectari debeat eius libertas, sed retinet libertatem,  
& ciuitate plectitur sola) esse legendum aut reponen-  
dum, cui liberorum fideicommissum restitui velit. Proinde  
huius fideicommissi conditio, vt Papinia. ait, non ex-  
istit ante mortem filij naturalem, licet deportatus sit  
quia & post deportationem potest eligere, cui libero-  
rum fideicommissum restitui velit: moriente filio is  
quem elegerit, vocabitur ad hereditatem fideicommissa-  
riam, ceteri excluduntur: si neminem elegerit, omnes  
vocabuntur ad hereditatem pro virilibus portionibus,  
vt in l. vnum ex familia, §. si duos, sup. hoc tit. Aliud ta-  
men dicendum esset, vt docet Vlpianus supradicto lo-  
co, filio damnato in metallum, quæ maxima est capitis  
deminutio, vt deportatio, minor capitis deminutio.  
Maxima in omni iure morti comparatur semper, quæ  
plectit ciuitate, & libertate, quæ seruum & peregrinum  
facit, minor autem non semper morti comparatur, non  
in hac specie, non etiam in specie legis, sed si mors, de do-  
nat. inter vir. & vxor. non etiam in specie legis si interce-  
dat, de condit. & demonstrat. Ideoque deportatus ius eli-  
gendi non amittit: damnatus in metallum ius eligendi  
amittit, & statim fideicommissi persecutio filius eius cõ-  
petit, non expectata morte naturali patris, quæ iam  
contigisse intelligitur: nec post damnationem editi li-  
beri ad fideicommissum admittuntur, d. §. si quis rogatus.  
post damnationem reliqui liberi ad fideicommissum  
admittuntur, quia conditio fideicommissi, quæ semel  
extitit, nunquam resumitur, l. pater, §. ult. de condit. & de-  
monstrat.

#### Ad §. qui dotale.

*Qui dotale pradium contra l. Iuliam vendidit, vxori  
legatum dedit, & emptoris fideicommissit, vt amplius ei pre-*

*tium restituat, emptorem fideicommissi non teneri constabat, si tamen accepto legato, mulier venditionem irritam fa-  
ceret, eam oblato pretio, doli placuit exceptione summoneri.*

**N**Otissima est l. Iulia de fundo dotali, quæ vetat fun-  
dum dotalem alienari vel pignerari à marito,  
quamuis maritus, eius fundi dominus sit: sed dominus,  
non quidem simpliciter, sed dotis causa. Quid igitur si  
maritus fundum dotalem quandoque vendiderit, &  
tradiderit emptori, & ab eo pretium acceperit, potestne  
hæc venditio quandoque soluto matrimonio mulieri  
esse fraudi? Minime vero, quoniam ex l. Iulia vxor solu-  
to matrimonio irritam venditionem facere potest, vin-  
dicato fundo ab emptore, nec oblato & reddito pretio,  
quod emptor marito intulit, quia illicita venditio est,  
l. 3. C. de rei vindicat. l. si sciens, C. ad Senatus. Vell. Sed si  
maritus vendidit quidem & tradidit fundum dotalem,  
sed pretium nondum acceperit ab emptore, quæ est spe-  
cies huius §. Nam falso fingunt, maritum accepisse pre-  
tium ab emptore. Ponamus igitur, maritum fundum  
dotalem vendidisse, & tradidisse, pretium nondum ac-  
cepisse, & morientem legasse vxori ab herede rem cer-  
tam, & hoc amplius, ponamus emptoris qui nondum  
pretium soluerat fidei commississe, vt vxori pretium res-  
titueret & solueret. Hoc casu emptor quidem fidei-  
commissio non tenetur. Idque constat inter omnes, quia  
scilicet vxore irritam faciente venditionem, expost fa-  
cto apparuit, emptorem marito pretium non debuisset:  
nec enim de pretio tenetur emptor, cui res empta euin-  
citur, l. 5. l. si fund. C. de euiction. Apparet igitur, empto-  
rem non fuisse debitorem mariti, debitor fideicommissio  
tenetur, quia ex constitutione Diui Pij etiam à debitore  
fideicommissum relinqui potest, l. si pecunia, sup. tit.  
prox. l. cum quis decedens 35. §. pater, in fine, tit. seq. At hic  
emptor debitor non fuit mariti, nihil etiam ei dedit ma-  
ritus, vt eum fideicommissio obstringere possit. cui nihil  
dederis, non est recipiendum, vt eum rogando obliges,  
l. 6. in fine, tit. seq. De suo quemque largiri oportet, non  
de alieno. Verum in proposita specie vxore irritam fa-  
ciente venditionem fundi, & vindicante fundum dota-  
lem ab emptore post mortem mariti emptor oblato pre-  
tium, quod ab eo vxori venditoris relictum est per fidei-  
commissum, vltro oblato pretio, quod initio extorqueri  
non potuit, quia eum fideicommissio non teneri constabat,  
vltro tamen oblato pretio mulierem vindicantem  
fundum dotalem repellet exceptione doli mali, si doceat  
eam agnouisse legatum, quod ei maritus reliquit  
ab herede; quia irritam facit venditionem vindicando  
fundum, facit contra voluntatem testatoris, cui tamen,  
cum legatum agnouerit, parere necesse habuit, quia  
in fideicommissio dicendo amplius, vt scilicet emptor  
amplius vxori pretium restitueret & repræsentaret,  
quod verbum amplius tantundem valet, quantum, hoc  
amplius, l. qui ita, de dote præleg. l. si seruus legatus, §. si  
ita sup. tit. prox. In fideicommissio dicendo amplius vel  
hoc amplius, testator satis demonstrauit, se ideo vxori le-  
gatum rei certæ relinquere ab herede, & pretium fundi  
venditi ab emptore, ne venditionem rescinderet, ne  
venditionem faceret irritam; & vinciendo, connecten-  
do legatum rei certæ cum fideicommissio pretij, hoc ar-  
ticulo amplius demonstrauit, causam sibi esse eam relin-  
quendi pretij, & legandæ rei certæ: causa autem relin-  
quendi pretij, quæ alia est, quam ne fundum vxor auo-  
cet emptori? Ergo & eadem est causa legati, vt ratam fa-  
ciat emptionem venditionem fundi dotalis; denique hic  
articulus amplius, repetit legatum; ac si dixisset amplius  
quam quod vxori ab herede meo legavi, emptor ei restituito  
pretium fundi dotalis, quem tibi vendidi, & legato ea ratio  
adiicit causam, quæ fideicommissio inest. Eadem verba  
hoc amplius, vel simpliciter amplius, sæpe magnam vim  
habent magnamque motum. Alias adiciunt diem vel



conditionem, *l. si tibi pure, tit. seq.* alias adiiciunt collegatarium, *l. 13. tit. seq.* alias adiiciunt vires & robur legato inutili, *l. legata inut. sup. tit. prox.* Denique magni momenti sunt in hoc responso, conficiunt totum negotium, quia legato priori relicto ab herede adiiciunt causam, quæ inest fideicommissio. Reiciantur Glossæ omnes & commeta Doctorum ad ni Glossas, qui ad Papianum suppleant, quæ Papiniano non venisse in mentem verba eius produnt satis: neque enim in necessariis ex Papiniani breuitate quicquam vnquam solemus desiderare, superuacuis caret *τὸν ἀπὸ τοῦ*, sed certe minus non dicit quam quod dici oporteat. Et cogor ob eandem causam hoc loco retractare id, quod in §. 1. huius legis eorum vestigia subsequutus verba Papiniani prætergressus sum; Si ex donatione causa mortis heres Falcidiam detrahatur, siue à donatario causa mortis tota donatio, siue pars donationis per fideicommissum alii relicta sit, minuitur fideicommissum. Fac, vt res sit aperta, donationem esse ABC, fideicommissum B, Falcidiam heres detrahatur non solum de AC. sed etiam de B. quod est fideicommissio. Minuitur ergo fideicommissum nec præstatur integrum, licet potuerit ex residuo donationis præstare integrum. Verum aliud dicendum est, si fideicommissio neque donatio, neque pars donationis contineatur, sed donatarius rogetur alii, verbi gratia, annua dena præstare alimentorum nomine, & patiat donatarius Falcidiam, quia dicendum est, præstationem annuam non consistere in donatione tota, sed in residuo donationis, quod superest deducta Falcidia. Quod si abunde sufficiat præstationi annuæ, integram eam præstari sine diminutione: Fac, in donatione esse fundum ferentem annua sexaginta, in fideicommissio annua 10. Falcidiam abstulisse quartam partem fundi, quæ ferebant annua 15. ex residuo fundo fideicommissario, siue alimentario integre annua 10. præstabuntur, non fauore alimentorum, sed vt ait ex d. §. 1. ex voluntate defuncti, qui de maiori pecunia haud dubie præstari voluit integra alimenta, nunquam relinquuntur alimenta alii, nisi ex maiori redditu quodam, ex maiori pecunia, quæ resideat, aut relinquatur ei qui oneratur fideicommissio. In exemplo autem proposito maior est pecunia residua, quia residet apud donatarium tres partes fundi quæ fuerunt 45. quotannis. Ergo annua dena integra alimentario præstabuntur: si eadem aut minor sit pecunia residua, proculdubio tunc minuetur etiam fideicommissum alimentorum, & hoc est verius & conuenientius verbis Papiniani, quibus nunquam vitur irreligiose, quam quod Dd. tradunt, quos sequebar in d. §. nudius tertius, accipientes maiorem pecuniam pro toto patrimonio donatarii, & nihilominus admittentes diminutionem fideicommissi, si residua pecunia non sufficiat integre præstationi, quod est absurdum & incongruum: nam si debentur ex toto patrimonio donatarii; ergo non diminuuntur, etiam si donatario diminuatur, nec sufficiat integre præstationi alimentorum.

#### Ad §. Mauius.

Mauius debitori suo reus stipulanti mandauit, vt Titio, cui mortis causa donabat, pecuniam debitam solueret; cum sciens dominum vita decessisse, Mauius pecuniam dedisset: non esse liberationem secutam, constituit: nec si Mauius soluendo non esset, in Titium adiectionem solidi vel iure Falcidie dandam esse: quia mortis causa cepisse non videretur. Dixerim probandum foret, si Mauius ignorans dominum vita decessisse, pecuniam errore lapsus dedisset; tunc enim portio iure Falcidie reuocaretur.

**D**ebitori meo mandauit inter viuos, non per fideicommissum, vt Titio statim vel me viuo pecuniam debitam solueret: non mandauit, vt etiam ei solueret post

A mortem, sed vt statim vel me viuo pecuniam mihi debitam solueret L. Titio, cui eam donabam mortis causa: ego mox vita defunctus sum, mandatū morte mea finitū est: (Mandatū finitur morte mandantis, *l. mandatū, C. mandati*. Sicut iussū morte iubentis, *l. si per epistolam, ff. de acquir. hered.* & cessit tutela morte cedentis apud Vlpian. tit. de tutelis.) Et in specie proposita si quidem debitor meus sciens mortem meam, atque adeo finem mandati, soluerit L. Titio, non liberatur, *l. ult. de solut.* in qua sic est legendum, vt probauit omnibus obseruatio prima; *Ei autem cui iussi debitorem meum soluere, & illud soluere, est subdistinguentum.* post mortem meam non recte soluitur, quia mandatū morte dissoluitur. At si debitor meus ignorans me vita decessisse; per errorem pecuniam soluerit L. Titio, ex æquo & bono liberatur, *l. inter §. 1. mand. l. pen. sup. de reb. §. cred. recte, Inst. de mand.* Quibus præmissis finge: ego vita decessi, morte mea finitum est mandatū pecuniæ soluendæ Titio, finita & extincta donatio causa mortis, quia donatario ea pecunia recte solui non potest post mortem meam. Finge, inquam, mandatarium debitorem meum non ignorantem mortem meam pecuniam L. Titio soluisse: non liberatur, vt præmissi, & ideo heredi meo tenetur ex stipulatione, vel ex alia causa, ex qua mihi tenebatur, sed si forte soluendo debitor non sit, si inanis sit actio propter eius inopiam, quam in eum heres meus intendit, an heredi meo est actio in L. Titium, qui pecuniam accepit à sciente, vt scilicet eam pecuniam reddat totam, vel saltem partem Falcidiæ, quod interueniat ratio legis Falcidiæ, & heres desideret Falcidiam etiam ex donatione causa mortis secundum constitutionem D. Seueri, de qua diximus in §. 1. Et respondet Papinianus heredi nullam esse actionem in Titium, quia cum eo nullum negotium gessit, & pecuniam non habet ex mea donatione causa mortis, quæ extincta fuit morte mea, sed eam pecuniam habet ex donatione inter viuos debitoris, qui intelligitur ei donasse, quod sciens indebitum soluit, *l. cuius per errorem, de reg. iur.* Aliud dicendum est, si ignorans mortem meam bona fide animo exequendi mandati mei, ei soluerit, nam hoc casu heres agat actione in factum, vt dixi in §. mater sup. id est, vtili vindicatione Falcidiæ: heres Falcidiam à L. Titio reuocabit quasi donatario causa mortis, quia eodem loco res esse censetur, ac si L. Titius eam pecuniam accepisset ex donatione causa mortis, propter errorem & ignorantiam soluentis. neque dicas ignorantiam debitoris prodesse L. Titio contra leg. inquisitum, de iur. & fa. ign. quia imo nocet, cum patiat Falcidiam L. Titius, quam non pateretur, si sciens debitor ei soluisset.

#### Ad §. cum pater.

Cum pater fideicommissum prædiorum ex testamento matris filia deberet, eandem pro parte ita heredem instituit, vt hereditatem fideicommissio compensaret, eademque prædia filio ex hereditate dari voluit; quanquam filia patris hereditatem suscipere nolisset; fideicommissum tamen ab hereditibus esse filio præstandum; ad quos hereditatis portio, quam accepit filia, redierat, placuit. Quod si alium filia substituisset, eum oportere filio fideicommissum reddere.

**H**uius species hæc est: Pater filiæ suæ emancipatæ prædia quædam debuit, aut debet prædia quædam à se herede instituto testamento vxoris, eidem filiæ, verbis fideicommissi relicta. Idem vero pater in testamento suo filium exheredauit, filiam adiectis coheredibus extraneis heredem instituit ex parte, ea lege vt hereditatis partem compensaret cum fideicommissio prædiorum, quod ei pater debuit ex testamento matris; filio autem exhereditato, ab eadem filia supradicta prædia fideicommissum reliquit; deinde mortuo pater filia re-



puclauit hereditatem paternam, & portio eius adcreuit A  
coheredibus, vel, vt loquitur, portio quam accepit, id  
est, quæ ei testamento adscripta est, rediit ad coheredes:  
redire dicitur hereditas non tantum ad agnatos iure le-  
gitimo, vt l. 3. *si quis omiſſa cauſa teſtam. l. Iuriſcōſultus, in*  
*princ. de grad. & adſin.* ſed etiam ad coheredes iure ad-  
creſcendi. Portio igitur filiæ repudiantis adcreſcit co-  
heredibus, vel etiam tranſfertur ad ſubſtitutum, ſi quem  
filix ſubſtitutum dederit pater, & ſubſtitutus præfertur  
coheredib. l. 2. §. *ſi duo, inf. de bon. poſſ. ſecund. tab.* niſi aliud  
ſuadeat voluntas defuncti, vt in l. *quidam, ff. de vulg. ſubſt.*  
Duo autem ſunt, quibus ſupradicta prædia heredes pa-  
tris debent. Nam & ea debent filiæ ex teſtamento ma-  
tris, quo à patre herede ſcripto ea prædia filiæ per fidei-  
commiſſum mater reliquit, & eadem quoque debent  
filio exheredato ex teſtamento patris, quo à filia herede  
ſcripta eadem prædia filio exheredato per fideicommiſ-  
ſum pater reliquit. verum, hoc loco agitur tantum de  
fideicommiſſo illo prædiorum, quod relictum eſt teſta-  
mento patris, & debetur filio exheredato. Et quamuis  
filia à qua relictum eſt filio exheredato, hereditatem re-  
pudiauert, tamen non ideo minus prædia deberi filio  
exheredato ait, nimirum deberi à coheredibus, quibus  
portio filiæ adcreuit, vel à ſubſtituto filiæ, qui portio-  
nem filiæ occupauit iure ſubſtitutionis, fideicommiſſa  
ab herede relictæ videri repetita à ſubſtituto & à cohe-  
redib. qui quaſi ſubſtituti cum ſuo onere conſequuntur  
adcreſcentem portionem, videlicet poſt reſcriptum Di-  
ui Seueri, de quo in l. *licet, ſup. tit. prox. l. 61. in ſi. hoc tit. l.*  
*4. C. ad Senatuſc. Trebell.* Quod non obtinuiffe ante Se-  
uerum liquet ex Celſo, qui fuit longe antequam Seue-  
rus rerum potiretur, l. 29. *hoc tit.* Quoniam iure veteri,  
quod vni ex coheredibus nominatim fideicommiſſum  
erat, ita demum videbatur teſtator præſtari voluiſſe, ſi  
ille heres exiſtiſſet, quod ſi non exiſtiſſet, portionem il-  
lam vacantem adcreſcere coheredibus ſine onere fidei-  
commiſſi, obuenire ſubſtitutis ſine onere fideicommiſſi.  
Quod igitur hoc loco ait, *placuit*, ſic interpretati debe-  
mus, vt & in §. *1. h. l. placuit Diuo Seuero.* De fideicom-  
miſſo eorundem prædiorum filiæ relicto teſtamento  
matris hoc loco non agitur, quia de eo minus dubita-  
batur, & conſtabat coheredibus & ſubſtitutis, ad quos  
redit portio heredis repudiantis, incumbere onus æris  
alieni, quod defunctus debuit heredi, qui repudiauit,  
quique ſoluit æ illud ſuum compenſare cum heredita-  
te, l. *cum ab vno, ſup. hoc tit.* Sed ab eo vel ea coguntur co-  
heredes vel ſubſtituti ea prædia redimere, ſi ea velit ven-  
dere iuſto pretio, & præſtare filio exheredato, aut eo-  
rum æſtimationem, vt in l. *non dubium, §. ult. tit. ſeq.* Quā-  
obrem recte ſtatuunt Dd. hoc loco contra Hugolinum,  
nihil huic reſponſo derogari per Nouel. 39. *de reſtitut.*  
vel authenticam, *res quæ, C. comm. de leg.* quæ vetat inui-  
to fideicommiſſario alienari, ergo & legari directo vel  
per fideicommiſſum, ea quæ ſunt fideicommiſſo ſubie-  
cta ſiue obnoxia. Nam & ea quoque prædia inuita filia  
non tranſeunt ad filium exheredatum: neque enim ea  
ſubſtitutis vel coheredibus diſtrahere compellitur; ve-  
rum ea nolente diſtrahere, filio exheredato præſtatur  
æſtimatio. In extremo verſu huius §. Haloandet male  
legit *filia*, pro *filio*. ſecutus ſum Florentinam ſcripturam.  
Alterum reſponſum eſt in §. *euiſtis*, cuius ſpecies hæc  
eſt.

#### Ad §. euiſtis.

*Euiſtis prædiis, quæ pater, qui ſe dominum eſſe crediderit,  
verbis fideicommiſſis filio reliquit, nulla cum fratribus &  
coheredibus actio erit. ſi tamen inter filios diuiſionem fecit,  
arbitræ coniectura voluntatis non patietur, eum partes cohe-  
redibus prælegatas reſtituere, niſi parati fuerint & ipſi patris  
iudicium fratri conſeruari.*

Pater filios heredes inſtituit, vni ex eis per fideicom-  
miſſum à coheredibus reliquit prædia quædam alie-  
na, quæ ſua eſſe credebat. dominus filio euiſit prædia.  
Quæritur, an habeat filius eo nomine actionem aliquam  
aduerſus fratres conſortes, quod ſibi ea prædia habere  
non liceat, quæ ab eis legauit pater? Et reſpondet, ei cum  
fratrib. nullam eſſe vel competere eo nomine actionem.  
Obiicies ſtatim, imo eſſe petitionem fideicommiſſi, quia  
etiam ſi quis errore lapſus coniunctis perſonis rem alie-  
nam reliquerit, cuius ſe dominum eſſe credebat, legari  
aut fideicommiſſi petitio eſt, l. *cum alienam, C. de leg.* vel  
ſi reliquerit vxori l. *quoties inter, de aur. & arg. leg.* vel  
alij tali perſonæ, vt ait d. l. *cum alien.* puta alumno, vt in l.  
*in teſtament. inf. de ſid. libert.* vel heredi ſcripto, l. *heredi,*  
*inf. ad Trebellian.* quia manifeſta eſt affectio defuncti er-  
ga heredem, quem donauit honore præcipuo inſtitutio-  
nis. Ergo ſiue quis ſciens, ſiue ignorans rem alienam le-  
gauerit coniunctæ perſonæ, vel alij tali perſonæ, legari  
petitio eſt. Idque eſt veriſſimum. At vero contra obi-  
ciam & reſpondebo, filio etiam hoc loco non denegari  
petitionem fideicommiſſi, ſi nondum præſtitum eſt, ſed  
euiſtis prædiis, quæ ei præſtita ſunt ex cauſa fideicom-  
miſſi, denegari actionem de euiſtione in id, quod inter-  
eſt, prædia euiſta non eſſe aduerſus coheredes: nam he-  
redes legatariis vel fideicommiſſariis, quibus res certa  
relicta eſt, de euiſtione non tenentur, l. *ſi à ſubſtituto, in*  
*fin. l. ſi legati ſerui, ſup. tit. prox.* quia legatarij & fideicom-  
miſſarii ſunt lucratiuæ rei poſſeſſores, vt ait Paul. §. *Sen-*  
*tent. tit. 11.* Et hæc eſt ſententia prioris partis huius §.  
Subiicit in poſteriori parte, aliud eſſe dicendum, ſi pa-  
ter filios heredes inſtituerit, & inter eos bonorum ſuo-  
rum diuiſionem fecerit, quod facit certas res ſingulis  
prælegando, vt in l. 3. §. *quidam, inf. ad Trebell. l. 33. ſup.*  
*fam. erciſc.* vt rectiſſime Accuſ. in l. *nomen §. ult. tit. ſeq.*  
prælegauit, ſic interpretatur, per diuiſionem adſignauit,  
vel attribuit. Et illa quidem l. 33. *fam. erciſc.* omnino  
congruit cum hac poſteriori parte huius §. Ex quo ap-  
paret non omni ex parte hoc reſponſum eſſe ſingulare,  
quod tamen omnes noſtri Dd. tradunt. Ex his vero ſe-  
quitur, officio arbitri famil. erciſ. ſiue diuidendæ here-  
ditatis contineri in ſpecie propoſita, vt vnicuique filio-  
rum res, quæ relicta ſunt & diſtributa à patre, ſolida  
præſentur. Quod fiet, quia ſingula res hereditaria ſunt  
communes inter filios iure ipſo, & ſinguli in ſingulis  
rebus hereditariis habent partes hereditarias. Id, in-  
quam, fiet facta inuicem permutatione partium: nam vt  
elegantè ait §. *hereditatem, infra hac l. permutatio par-*  
*tium rerum communionem diſcernit.* atque ita genere per-  
mutationis diuiſio bonorum quam pater facit, & inter  
filios ad effectum & emolumentum perducitur: ex hac  
permutatione autem exemplo emptionis & venditio-  
nis, cui proxima & adſinis eſt, naſcitur euiſtione no-  
mine actio præſcript. verbis, l. 1. & 2. *C. de rer. permut. l. ſi*  
*familia, C. famil. erciſc. l. ſi fratres, C. comm. vtriuſq. ind.*  
Quamobrem ex voluntate patris operam dabit iudex  
familia erciſcundæ, vt ita demum partes prælegatæ co-  
heredibus præſentur, ſi & ipſi vice mutua partes ſuas  
præſent, & in ſe viciffim detrimentum & periculum  
euiſtione recipiant, vt æquum in omnium filiorum per-  
ſona conſeruetur iudicium, & voluntas ſiue diuiſio  
patris. Et hoc vult in poſteriori parte huius reſponſi.  
Totius ſumma hæc ſit. Facta & perfecta diuiſione bo-  
norum inter filios; quaſi ex permutatione alios aliis te-  
neri de euiſtione. vni legata re certa vna vel pluribus,  
alios de euiſtione non teneri. Neque primum obſtat  
huic definitioni l. *non quocunque, §. 1. ſup. tit. prox.* quam  
obiicit Accuſius, quia non dicit, heredem legatario rei  
certæ, certiue corporis teneri de euiſtione, ſed legatario,  
qui non ex cauſa legati, ſed ex alia cauſa lucratiua  
rem legatam nactus eſt, quamdiu eam rem tenet ex alia  
cauſa lucratiua, non eſſe legati petitionem, quia regula-  
riter



riter traditum est, duas causas lucratiuas in eundem ho- A  
minem & eandem rem concurrere non posse, §. *si res a-*  
*liena, Inst. de leg.* sed si forte ea res, quam nactus est ex alia  
causa lucratiua ei euincatur, tum incipit legatario esse  
petitio legati finita causa lucratiua. Et ea est sententia §.  
1. vnde apparet eū §. esse de actione legati, nō de actione  
euictionis. Nihil etiā obstat *l. scimus §. 1. C. de inoff. test.* quā  
ibidem opponit Accursius, ex qua filio euicta legitima  
portione, quæ ei relicta erat; datur querela inofficiosi  
testamenti, vel supplementi actio. Hoc nihil obstat, quia  
*d. l. scimus*, de filio exheredato loquitur; hoc autem loco  
agitur de filio herede instituto, cui euictis prædiis lega-  
tis, non euincitur portio legitima, cum supersit institu-  
tio, quæ sufficit ad portionem legitimam. nihil etiam su-  
periori definitioni obstant leges, quæ loquuntur de ho-  
mine incerto legato, veluti hoc modo, *seruum illi dato*,  
de homine generaliter legato, vel de qua alia re genera-  
liter legata, quo casu eius rei, quam elegerit & præstite-  
rit, heres euictionem præstat, quia non videtur præsti-  
tisse quod ita præstitit, vt habere legatarius, & perpetuo  
iure possidere non possit, *d. l. si à substituto §. 1. l. si domus*  
*§. 1. eod. tit.* qui est accipiendus etiam de legato generis, *l.*  
*qui concubinam, §. si heres, tit. seq. l. heres, de euict.* Hoc  
enim loco non agitur de re legata generaliter & indi-  
stincte, sed de re certa legata specialiter, certis prædiis, &  
satis est talem rem præstari, qualis est, quod & M. Tul-  
lius prodidit 3. offic. *In mancipiorum venditionibus*, in-  
quit, *venditorum fraus omnis excutitur; qui enim scire de-*  
*buit de sanitate, de fuga, de furtis, præstat edicto edilium.*  
Hereditum alia causa est, id est, heredes non tenentur præ-  
stare, sanum esse seruum legatum, quod tamen vendito-  
res præstare debent ex ædilitio edicto, vt in *l. si à substi-*  
*tuto §. 1.* ac similiter heredes non præstant euictionem  
serui legati specialiter. Ac postremo notandum est, non  
abs re initio huius §. Papinianum posuisse, patrem igno-  
rasse prædia, quæ filio verbis fideicommissi reliquit, a-  
liena sed sua esse existimasse, quoniam si sciens aliena  
prædia legauerit, coniectura voluntatis exigit, vt cohe-  
redes præstent euictionem, quia omnino ea filium vo-  
luit habere, qui sciuit esse aliena & legauit. Totum facit  
hac in re voluntas defuncti, qui onerare coheredes potuit.  
Et hoc Accursius notat recte in *l. Stichus, inf. de v. s. leg.*

#### Ad §. Pater.

Pater certam pecuniam exheredata filia, verbis fideicom-  
missi reliquit, eamque nuptura dotis nomine dari voluit, fi-  
lio dotem stipulante, cum filius minorem dotem dedisset, su-  
perfluum esse filia reddendum constabat. Diuortio quoque  
secuto, fideicommissum filiam recte petituram, vt actio stipu-  
lationis sibi præstetur, quoniam verisimile non erat, patrem  
interponi stipulationem voluisse, quo filia post primas nuptias  
indotata constitueretur, caterum si postea nuberet ad se-  
cundas nuptias cautionem extendi non oportere.

Pater filiam exheredauit, filium heredem instituit,  
eumque rogauit, vt exheredata filia sorori suæ cum  
nuberet trecentos aureos daret dotis nomine, marito  
numerandos, à quo marito iussit etiam, vt idem filius sti-  
pularetur soluto matrimonio dotē sibi reddi. Filius au-  
tem nubenti sorori non dedit trecentos aureos, sed du-  
centos tantum dotis nomine; inuenio tam optimo viro,  
qui ea dote contentus esset, & vt iusserat pater, stipula-  
tus est eam dotem ducentorum soluto matrimonio sibi  
reddi. Queritur, an residua centum, quæ sunt in fidei-  
commissis, filia debeantur? Et respondet deberi, nec fi-  
lium minuere posse fideicommissum dotis, quod taxata  
certa quantitate filia reliquit pater, etiam si industria  
sua effecerit, aut gratia, vt nuberet soror in familiam cla-  
ram & ditem: fratris esse, bene collocare sororem, nihil-  
que ei exheredata detrahare, maxime vero ex eo, quod  
Respons. Papin.

dotis nomine reliquerit pater: nam & pater ipse post te-  
stamentum factum, si minore pecunia filiam in matri-  
monium collocasset, residuum fideicommissi filia debe-  
retur, *l. 22. in fine, hoc tit.* Rursus queritur, si diuortio sol-  
uatur matrimonium, an maritus cogatur actione ex sti-  
pulatione filio dotem reddere? Quod videtur, quia iussu  
patris filius generaliter stipulatus est soluto matrimonio  
dotem sibi reddi. Sed quia non est verisimile, patrem,  
qui filium iussit stipulari, voluisse post primas nuptias  
filiam indotatam manere, filia iure fideicommissi conse-  
quetur, vt frater sibi cedat actionem ex stipulatione aduer-  
sus virum, vel si iam frater dotem exegerit à viro, vt eam  
sibi restituat; denique coniectura voluntatis & pietatis  
paternæ non patitur, vt in alium casum sit filio efficax  
repetitio dotis ex stipulatione, quam in casum mortis  
filia, non etiam diuortii, & eadem ratione, nec in casum  
mortis mariti, ne mulier maneat indotata, arg. *l. 15. sup.*  
*de pact. dot.* Diuortio igitur aut morte mariti soluto ma-  
trimonio, dos filia integra seruatur, qua iterum nubat:  
iterum nubet si velit, & qua forte si nubat eidem vel alij,  
inuita ea non licebit filio de nouo marito stipulari, solu-  
to matrimonio dotem sibi reddi, quia de primis tantum  
nuptiis cogitasse videtur pater, non de secundis, vt scili-  
cet de primo marito dotem stipularetur, non de secun-  
do: & secundus potest esse idem ipse redintegrato ma-  
trimonio. Et ita in illa lege notissima bones, §. 1. de verb. si-  
gn. dicitur hoc sermone, *quum nupta erit*, significari pri-  
mas, non secundas nuptias. Et hæc est sententia huius  
responsi summe notanda, quam equidem nolim temere  
produci ad quamcunque aliam speciem dissimilem. Et  
valde displicet Cyni & Bartoli opinio, qui eam produ-  
cunt ad hanc speciem quasi similem, quæ usu contingit  
sæpe. Testator iussit die obitus sui dari ciuibus vel colle-  
gis, vel pauperibus, vel aliis certam pecuniam: non erit,  
inquiunt Cyn & Bart. ea pecunia, nisi semel præstanda;  
quo anno obierit mortem testator, non sequentibus: hoc  
est falsum. Dissimilis enim est species, & ius etiam dissi-  
mile: Nam aliud est iubere heredem stipulari dotem,  
quæ nuptura filia relinquatur, quod de prima vice, qua  
filia nupserit, intelligitur, quia non quotannis hæc res  
agitur, sed semel tantum cum voto perpetuæ & indiui-  
duæ consuetudinis, vt in *l. 1. de iur. dot.* Aliud vero est iu-  
bere heredem dare aliquid certis personis die obitus  
sui, vel die natalis sui, nihil refert, quæ res quotannis  
fungi & repeti potest. Et vero verisimile etiam est, testa-  
torem non in primum annum id dedisse, sed & in se-  
quentes annos. Et ita etiam proditum est in *l. cum quidā,*  
*l. annua §. vlt. l. pen. ff. de ann. leg.* Sunt leges elegantissimæ  
Videamus etiam, an verum sit, quod hic Accurs. notat,  
non esse sequendam voluntatem testatoris, si in specie  
proposita expressim in omnem casum soluti matrimo-  
nij, diuortij scil. vel mortis alterutrius, iusserit filium  
dotem stipulari. Mouetur duplici ratione. Vnam sumit  
ex fauore dotis; At vt respondeam, fauor dotis non adeo  
est magnus, vt non possit pater initio constituendæ do-  
tis legem subiecta stipulatione dicere suæ rei quā velit,  
antequam dos fiat, *l. quotiens, sol. matrim.* Itaque & hanc  
legē dicit suæ rei mox vertendæ in dotem, vt eam dotē  
maritus quoquomodo soluto matrimonio restituat fi-  
lio stipulanti. Quidni? Alteram rationem ducit Accurs. ex  
eo iure, quo portio legitima debetur filiis & filiabus. At vt  
respondeā, debetur gratis tantū portio legitima, non in-  
gratis & male meritis, qualem fuisse filiam in hac specie  
exhereditatio demonstrat, quam iniustam esse pronuntia-  
tum non fuit; nec enim proponitur, filiam egisse quere-  
la inofficiosi testamenti & causam tenuisse. Ideoque non  
est, cur, si hoc nominatim expresserit pater in testamen-  
to, dotem stipuletur filius sibi reddi in omnem casum, &  
recte etiam agat in omnem causam, siue casum. Sequitur  
aliud respons. in §. à filia.



## Ad §. a filia.

*A filia pater petierat, ut cui vellet ex liberis suis prædia restitueret. Vni ex liberis prædia fideicommissi viua donauit, non esse electionem propter incertum diem fideicommissi, certa donationis videbatur. Nam in eum destinatio dirigi potest, qui fideicommissum inter ceteros habiturus est, remota matris mortis electione.*

**P**ater filiam heredem instituit, & eam rogauit, ut cui vellet ex suis filiis prædia quædam cum moreretur, restitueret. electionem dedit filia, ut cui vellet cum moreretur ex suis filiis ea prædia restitueret: filia autem cum viueret, vni ex filiis prædia fideicommissi donauit. Prædia fideicommissi dicit, ut contra fideicommissum prædiorum, in l. cum pater, sup. Quæritur, an hæc donatio, quam viua fecit filia, contulitque in vnum ex filiis pro electione, sit firma & certa, quæ nec reuocari possit? Et respondet Papinian. hanc donationem non esse electionem certam & immutabilem, quia electio collata est in diem incertum, puta, cum moreretur filia heres, l. 1. §. dies, ff. de cond. & demonst. Quæ dies incerta conditionem facit, l. dies, eod. tit. Quæ quidem conditio non existit ante mortem filia, §. hereditatem, supr. in hac l. Quocirca omne spatium vitæ liberum est filia ad eligendum, quem volet ex filiis, cui prædia fideicommissi restituat vsque dum moriatur, & quamdiu variare & mutare electionem potest. Electio siue donatio prædiorum non est pro electione aut donatione certa, vel, ut loquitur, non est pro electione certæ donationis, sed est pro destinatione tantum & designatione quadam fideicommissarij infirma & instabili, quoniam interim variare potest filia, & a destinato recedere. Incerti fideicommissi, conditione uel incerta suspensi certa electio esse non potest, antequam conditio extiterit, puta, in casu proposito, antequam contigerit mors filia, quæ si contingat non mutata voluntate, tum proculdubio destinatio illa conuertitur in electionem & donationem certam atque stabilem, quoniam durauit ea voluntas filia vsque ad mortem: & igitur fideicommissum prædiorum capiet, quem filia destinauit, nec remouit quandiu vixit: sed si mutata voluntate alium, antequam moreretur, delegerit, destinatio illa prioris filij, irrita constituitur, l. vnum ex familia, in pr. & §. rogo, sup. h. tit. Itemque si is, quem filia destinauit prior moriatur; deinde filia, irrita destinatio est, & nemine alio electo omnes liberi superstitēs ad fideicommissum inuitantur: at si is quem destinauit filia superuixerit, nec filia donationem siue destinationem reuocauerit, & mutauerit, is, ut dixi, solus fideicommissum obtinebit. Ex quo apparet, destinationem quam viuis heres fecit, & direxit in eum, qui remota matris electione, id est, matre neminem eligente, fideicommissum inter ceteros habiturus est, prorsus inutilem non esse, quoniam is, qui destinatus est, id est, cui prædia filia donauit, si filia superuixerit, ceteros excludet fideicommissio, tanquam electus à matre, quæ donationem non mutauit. Et hoc est quod ait, nam in eum destinatio dirigi potest, qui fideicommissum inter ceteros habiturus est, remota matris electione. His verbis refellit, quod obliici poterat, Eam destinationem esse inutilem: nec enim est inutilis, inquit, si conferatur in eum, qui neminem eligente matre, fideicommissum prædiorum habiturus sit. Inter ceteros, id est, vnum ex filiis. Accursius etiam obliicit l. post mortem, C. de fideic. quæ post mortem heredis certæ personæ relictum fideicommissum, ait; ab herede representari posse, id est, heredem viuum id præstare posse de tracta Falcidia, si ratio legis Falcidia interueniat. Sed hoc ita, si, ut dixi, certæ personæ fideicommissum relictum sit præstadium post mortem heredis, cui sit omnino præstandum, si coheredi superuixerit. At si vni ex liberis

**A** quem elegerit heres, relictum sit fideicommissum post mortem heredis, frustra representatur fideicommissum vni, quod eiforte postea non debebitur herede mortuo, tametsi heredi superuixerit, puta, si postea alium heres elegerit. Eligendi arbitrium quod heredi datur, quodque confertur in tempus mortis heredis, ambulatorium est. Eligendi arbitrium currit & recurrit toto tempore vitæ heredis, quoniam interim dum viuit, integrum ei est subinde variare, & alium atque alium eligere.

## Ad §. fidei.

*Fidei heredum meorum committo, ne fundū Tusculanū alienent, & ne de familia nominis mei exeat. secundū voluntatem eos quoque inuitatos intelligendum est, quibus heredes extranei fideicommissariam libertatem reddiderunt.*

**T**estator fidei heredum commisit, ne fundum Tusculanum alienarent extra familiam nominis sui, his verbis: fideicommissum fundi reliquit familia nominis sui, & constat quidem post agnatos vocari ad fideicommissum libertos orcinos, id est, qui directo in testamentum manumissi sunt, vel qui manumissi sunt inter viuos, l. ult. C. de verb. sign. quia per manumissionem assumuntur in nomen familiamque domini. Laetant. de vera sap. Seruus liberatus, inquit, patroni nomen accipit tanquam filius. Tertull. de resurrect. carnis: Manumissus, inquit, patroni nomine, atque tribu & mensa honoratur. Certum igitur est, hos libertos ad fideicommissum vocari, quia sunt de nomine testatoris. At quæritur, an etiam ad fideicommissum vocentur ij, quibus testator reliquit fideicommissariam libertatem ab heredibus extraneis, id est, qui non sunt de familia & nomine testatoris, quoniam hi manumissoris, id est, heredis extranei nomen accipiunt, tanquam patroni, non testatoris. Patronus heres, non testator, §. qui autem, Inst. de sing. reb. per fid. rel. Qua in re hoc loco pueriliter loquitur Accurs. oblitus d. §. Inst. & male etiam in medium allata l. pater, inf. tit. seq. quæ non de hoc quærit, an fideicommissio contineantur manumissi per fideicommissum, sed an liberti libertorum, quæ de re est disquirendi alius locus in hac l. nempe in §. libertis. Verum secundum ea, quæ diximus, ad fideicommissum relictum familiae nominis sui, non videntur admitti manumissi ab herede extraneo per fideicommissum, quia non vocantur nomine testatoris, sed nomine heredis extranei. Aliud tamen respondet Papin. in hoc §. ex voluntate testatoris ducens coniecturam, cui etiam manumissi per fideicommissum sunt suorum libertorum loco, ac si directa manumissione eos in suum nomen adsumpsisset. reuera alterius nominis sunt, opinione testatoris habentur pro libertis eiusdem nominis, quia eis ipse dedit libertatem, heredes reddiderunt, non dederunt, ipse gratuitam, heredes debitam, l. 1. C. de libert. & eor. lib. Quamobrem, & qui libertis legat alimēta, etiam ea legare videtur iis, qui sunt manumissi per fideicommissum, id est, quibus dedit fideicommissariam libertatem. l. 2. ff. de alim. leg. quia eos habuit pro suis libertis, licet reuera sui non sint liberti, sed manumissoris, l. qui ex causa, ff. de bon. libert.

## Ad §. fidei tuæ.

*Fidei tuæ committo vxor, ut des, ut restituas filia mea, cū morieris, quicquid ad te quoquo nomine de bonis meis peruenit. Etiam ea quæ post codicillis vxori dedit, fideicommissio continebuntur. Nam ordo scripturæ non impedit causam iuris ac voluntatis, sed dos prælegata retinebitur, quoniam reddi potius videtur quam dari.*

**V**xorem maritus rogauit, hoc modo: Quicquid ad te quoquo nomine de bonis meis peruenit, peto resti-



*tuas filia mea cum morieris*; Queritur, an fideicommissio contineatur, quod satis est generale & amplum, cum dixerit, quid quid quoquo nomine, etiam dos quam vxori prælegauit: Respondet non contineri, quia dotem vxori reddit potius quam dat: rem vxori reddit, non suam dat. Qua ratione etiam Vlpianus vtitur in *l. 2. §. mulier, de dote præleg.* Et Paul. §. Sentent. tit. 1. Eademque ratio efficit, vt prælegatum dotis vxori relictum non patiatut Falcidiam, *l. sed & ususfr. §. dos, ad leg. Falcid.* Idemque, vt dote vxori prælegata, & petita à filio præterito bonorum possessione contra tab. vxor non redigatur ad virilem portionem, *l. virilis §. si quid vxori, de leg. præst.* Ergo hoc fideicommissio dos prælegata non continetur: sed an continetur hoc fideicommissio, quod postea codicillis vxori legauit, aut reliquit: & hoc ait contineri, quamuis postea vxori reliquerit, quia ordo scripturæ non spectatur, sed ius & causa legati, & voluntas testatoris, qui verbo *quidquid peruenerit*, plane demonstrauit, se velle etiam futurum tempus comprehendere, quod falsum esse coarguit distinctionem, qua Accursus vtitur in *l. cum virum, C. de fideicommiss.* vt fideicommissio relicto eius, quod peruenerit ad heredem, contineatur, quod eo tempore ad eum iam peruenerat, non quod postea peruenerit. Hoc falsum esse hic §. docet, quia *peruenerit*, etiam futurum tempus complectitur. aliud dicendum esset, si dixerit, quod vxori dedi: nam fideicommissio non continebuntur, quæ postea dederit, vt in *l. vxori, §. vxori, tit. seq.*

## Ad §. volo.

*Volo prædia dari libertis meis, quod si quis eorum sine liberis vita decesserit, partes eorum ad reliquos pertinere volo: collibertum patris eundemque filium, ex voluntate substitutionem excludere placet.*

Quidam libertis suis prædia per fideicommissum reliquit, eosque in eo fideicommissio verbis precariis inuicem substituit sub conditione, *si quis eorum sine liberis vita decesserit*. Inter libertos sunt duo, patet & filius colliberti simul ab eodem patrono manumissi. mortuo patre queritur, an locus sit substitutioni præcariæ, id est, an pars, quam is habuit in prædiis fideicommissi iure posterioris fideicommissi, iure substitutionis ad omnes libertos pertineat. Et negat Papin. pertinere, quia defecit conditio substitutionis: neque enim defecit sine liberis, qui filium naturalem, id est, quæsitum in seruitute, collibertum suum superstitem reliquit, hic cæteros collibertos excludet, & efficit, vt posterioris fideicommissi siue substitutionis conditio deficiat, atque adeo solus vocabitur in partem patris sui. Et hoc Papiniani responsum nominatim ad testimonium vocatur ab Vlpiano in *l. ex facto §. si quis rogatus, ad Senatus. Trebell.* Et ratio responsi, vt & superiorum fere omnium, quantum Papinianus ipse significat, proficiscitur ex voluntate defuncti, cuius introspectandæ & eruendæ Papinianus est artifex acutissimus, quia in conditione substitutionis verisimile est, testatorem cogitasse etiam de liberis collibertis, qui naturales sunt, non iusti, cum eos priore gradu ad fideicommissum prædiorum inter cæteros vocauerit. Et ita etiam in specie *l. ult. sup. de iur. delib. & l. pen. §. Dama, hoc tit.* filiorum appellatione continentur etiam filij naturales & colliberti ex voluntate testatoris, Quæ tamen utique semper an eadem sit, hoc Vlpianus in *d. §. si quis rogatus*, ait, deprehendi posse ex dignitate & conditione testatoris. Ex dignitate, vt si sit honestissimus paterfam. qui nullo loco numeret filios naturales, hic creditur liberorum vel filiorum appellatione iustos, non naturales intellexisse. Ex conditione, vt si ipsi testatori iidem sint, humilesque natales, & mores, & abiectior animus, vt eodem loco numeret liberos

Respons. Papin.

A iustos & naturales, aut certe hos ponat superiore quam illos, vt nonnullorum mores sunt, iuxta id quod scribit Appollonius Rhodius lib. 1. Hunc vero facile dicam liberorum appellatione, naturales comprehendi voluisse. Denique vt definiit Vlpianus supradicto loco, an liberorum appellatione contineantur naturales, voluntatis quæstionem esse. Quæstio igitur facti, non iuris, *l. ex verbis, C. de don. int. vir. & vxor.* Quæ in æstimatione iudicis est, non Iurisperiti, in disquisitione Rhetoris, non Iurisperiti, *l. voluntatis, C. de fideicommiss. l. 2. C. plus val. quod ag. quam: l. 12. §. sed etsi Papinianus, de instr. leg. l. mora, de usur.* Et ideo quod Iustinianus, in *l. generaliter, §. ult. C. de instr. & substit.* hanc conditionem fideicommissi, *si sine liberis decesserit*, accipit de iusta sobole, hic ex voluntate testatoris modum & finem accipere debet, quæ non patitur, vt id sit perpetuo verum. Sequitur aliud responsum in §. curatoris.

## Ad §. curatoris.

*Curatoris sui frustra fideicommissa videbantur, vt heredi fratri negotiorum gestorum rationem redderet. Quamquam igitur testamento cautum esset, vt cum ad statum suum frater peruenerit, ei demum solueretur, tamen sub curatore alio fratrem agentem recte placuit actionem inferre, cum illis verbis fratri potius consultum videtur, quam solutio quæ iuste fieri potuit, delata.*

Certum est, à debitore fideicommissum relinqui posse ex constit. Diui Pij, *l. si pecunia, sup. tit. prox. l. cum quis decedens §. pater, in fine, tit. seq.* puta vt debitor det, soluat, restituat aliquid, non heredi. Nam frustra fidei debitoris committitur, vt quod debet soluat heredi, quia heres iure hereditario cum satis obligatum habet. Ideoque si fidei curatoris mei committam, vt negotiorum gestorum rationem reddat fratri heredi meo, quæ est species huius §. inutile fideicommissum est, & consequenter frustra huic fideicommissio tempus adiicio, puta, *vt fratri heredi meo rationem reddat, cum frater meus ad statum peruenerit*, id est, ad 25. annum. hanc ætatem vocat statum, vt Græci ἀγὼν vt *l. cum de atate, sup. de probat. l. pen. C. quando dies legi. ced.* quod hic sit olescendi siue crescendi finis: adolescentes ab olescendo dicti sunt. Quamuis igitur tempus huic fideicommissio adiecero, poterit tamen frater heres meus etiam ante tempus, antequam venerit in ætatem, id est, in statum, rationes & reliqua, quæ semper nomine rationum continentur exigere à curatore meo, auctore curatore suo vti oportet, *l. 2. C. qui legit. pers. standi in ind. hab.* Et rationem hanc tradit Papinianus, quia nec supradictis verbis, vt rationem reddat heredi, cum venerit in statum ætatis, moram redditioni rationum & solutioni reliquorum iniicere volui, sed fratri potius consulere meo, ne ante iustam ætatem repetita pecunia abuteretur; potui quidem nominatim differre solutionem reliquorum ex administratione data debitori liberatione ad tempus sine laxamento aliquo & iustitio temporario, *l. Aurelius §. centum, inf. de liberat. leg.* sed in dubio magis videor tempus adieciisse pro herede meo, *l. cum tempus, de R. T.* Quapropter si frater, meo consilio meaque prudentia vti nolit, ei licebit ante tempus quod finiui, debitorem meum exigere.

## Ad §. ab instituto.

*Ab instituto extraneo prædia libertis cum moreretur, verbis fideicommissi reliquerat, & petierat, ne ex nomine familia alienarentur: substitutum ea prædia debere ex defuncti voluntate, respondi. Sed utrum confestim, an sub eadem conditione, voluntatis esse quæstionem, sed coniectura ex voluntate testatoris capienda, mors instituti expectanda est.*



**C**ertum etiam illud est, fideicommissum relictum ab instituto, deberi etiam à substituto, ex tacita voluntate defuncti; & ita definit constitutio Seueri & Antonini, ut docui in §. cum pater, sup. At finge, ab herede instituto cum moreretur, vel post mortem eius relictum fideicommissum fuisse, & institutum repudiata hereditate substituto locum fecisse. Queritur: an statim fideicommissi representationem à substituto desiderare possint ij, quibus relictum est, an vero expectare debent mortem heredis instituti, id est, an conditio fideicommissi relictum ab instituto intelligatur etiam repetita à substituto, à quo & fideicommissum repetitum intelligitur. Et Pap. ait, in coniectura voluntatis testatoris questionem esse positam, quid is senserit introspectendum esse, in dubio expectandam esse mortem heredis instituti, quasi eadem conditione à substituto repetita, quia fieri potest, ut fideicommissarij moriantur viuo herede, quo casu fideicommissum intercideret, l. hereditate §. ult. de iure fisci. Et hæc sententia huius responsi, cui opponitur l. sub conditione, ff. de hered. inst. quæ ait, sub conditione heredi instituto, si testator substituatur, nisi eandem conditionem repetat, pure substituisse videri. Conditionem igitur adscriptam instituto non videri repetitam in substituto. Nihil est quod tam facile expediri possit: Loquitur in ea lege de conditione imposita heredi instituto. Hæc non intelligitur tacite repetita in substituto: alia est substituti, alia instituti persona: & proinde alia institutionis, alia substitutionis causa. Hoc autem loco agitur de conditione imposita fideicommissario ab herede instituto, quæ intelligitur etiam repetita à substituto, quia vna est fideicommissarij persona, vel si plures sint coniunctim pro vna habentur, pro vna igitur causa fideicommissi, nisi probetur aliud sensisse testatorem. In dubio hoc responsum esse sequendum. Quod autem ait Accurs. repetitam non videri conditionem, si testator simpliciter repetierit legatum aut fideicommissum, hoc falsum esse coarguit l. in repetendis, tit. seq. falsum, inquam, generaliter, nam potest specialis aliquis casus existere, quo repetita conditio non intelligatur, ut si repetitio eius inutile legatum aut fideicommissum faciat, l. si quis à filio, l. seruo alieno §. ult. sup. tit. prox. l. ult. inf. de fideic. lib. Quæ exceptio, & in tacita repetitione locum habet.

#### Ad §. mensæ.

*Mensa negotium ex causa fideicommissi, cum indemnitate heredum per cautionem susceptum, emptioni simile videtur, & ideo non erit quarendum, an plus in ære alieno sit, quam in quæstu.*

**M**ensa argentaria per fideicommissum relictæ in hoc §. ostenditur, fideicommissum contineri etiam onera mensariæ, siue nummulariæ negotiationis, sicut hereditate Mæuiana relictæ onera contineri dictum est, in l. prox. §. Lucio, sup. quia & hereditatis, & mensæ nomen non est corporis, sed iuris nomen, quod complectitur & commoda & incommoda: & omnino is, cui mensa argentaria per fideicommissum relictæ est, cauere debet heredi de indemnitate, ut ait hoc loco interpositis stipulationibus, ad exemplum stipulationum emptæ & venditæ hereditatis. Et hoc est quod ait, hoc negotium esse emptioni simile. Emptioni scilicet vniuersi cuiusdam iuris, ut emptioni hereditatis, fideicommissum non solet esse damnosum, verum hoc fideicommissum potest esse damnosum, si mensa plus debeat, quam ei debeatur, vel ut ait, si plus sit in ære alieno negotij mensarij, quam in quæstu, & quæstum ut Græci κέρμα accipit pro fœnore. Mensæ igitur nomen non pro mensa ipsa accipitur, sed eo nomine significatur ius omne mensæ. Denique mensa nomen est iuris sicut hereditas. Neque idem dicen-

**A** dum est in taberna argentaria. Nam tabernæ nomen, et loci nomen, nomen ædificij non iuris, quocirca qui legat aut vendit tabernam argentariam, vel ædificium legat vel vendit si suum sit, vel si publicum sit ædificium, ut pene erant omnes tabernæ argentariæ, quæ erant circa forum Romanum, legasse aut vendidisse intelligitur ius, quod in eo ædificio habet. Nam plerumque earum tabernarum solum erat publicum, vsus concedebatur priuatis, l. qui tabernas, de contr. empt. Et ideo si tabernæ solum sit publicum, qui vendit aut legat tabernam, non quod est publicum legare, aut vendere intelligitur, sed ius suum, id est, vsus tabernæ quem habet, d. l. qui tabernas, de contr. empt. Et hoc sensu apud Liuium 26. Annibal dicitur, tabernas quæ circa forum erant, venire iussisse. At quæro, an legata, aut argentarias, vendita, quod etiam hic Bartolus tractat, taberna purpuraria, vel ferraria, vel qua taberna negotiatoria, merces legato aut venditione contineantur? Et dicam non contineri omnino: nec mouebor l. cum taberna, sup. de pignor. quæ dicit, taberna pignerata & merces, quæ in ea sunt pigneratas videri esse; sed hoc ideo, quia plerumque pretium tabernæ non respondet debitæ quantitati, ut puta, cum sit vilissimum ædificium, ut plane inter creditorem & debitorem actû videatur, ut in fidem creditæ pecuniæ non vilissima taberna, vilissimum ædificium pignori sit, sed merces, quæ in eo sunt ex voluntate contrahentium. Tabernæ nomine non locus significatur, sed merx, quæ in eo loco sita est.

#### Ad §. pater filia:

*Pater filia mancipia, quæ nubenti dedit, verbis fideicommissi prestari voluit partus susceptos, etsi matres ante testamentum mortuæ fuissent, ex causa fideicommissi præstandos respondi, nec aliud in uxore confirmatis donationibus pridem obseruatum est.*

**A**d hunc §. sciendum est, donationem à patre collatam in filium, quem habet in potestate, vel in filiam, quam æque habet in potestate, iure ciuili non valere, quia idem sibi met donasse videtur. Quâdoquidem idem homo esse intelligitur pater & filiusfam. vinculum patriæ potestatis vnâ personam constituit. Concedit quidem pater filiosfam. peculium quandoque, sed concessio peculij, donatio non est: nam & finitur morte patris. Fauore tamen nuptiarum receptum est, ut si det pater filiafamilias dotem, teneat datio, ut donatio, fiatque dos proprium patrimonium filia, nec finiatur, filiaue proprietate abscedat morte patris. Alias donatio facta inter patrem & filium filiamve fam. iure non valet, ac ne confirmatur quidem silentio solo & morte patris, l. 2. §. ult. D. pro her. l. 1. §. i. inf. pro don. Confirmari tamen potest alia ratione, ut puta, rati habitione expressa vel tacita post emancipationem filij vel filia. Nam emancipato potest donare, ergo & ratam facere donationem, quam fecit ante, quum filius erat in familia & sacris paternis, l. donationes, §. pater, de donat. l. siue emancipatis; C. eod. tit. Item retento filio filiaue in potestate, verum est donationem ei factam posse confirmari vltimo iudicio patris, si specialiter eam confirmarit verbis legati, id est, directis, aut fideicommissi, l. pen. inf. de collat. dot. l. qui concubinam in princ. & l. item legato in tit. seq. l. 2. C. Gregor. fam. ercisc. Et ita accipiendum est, quod Paulus scribit §. Sent. tit. 11. in hunc modum: pater, inquit, si filiosfam. aliquid donauerit, & in ea voluntate perstiterit, si decesserit, id est, declarans se in ea voluntate perstare: morte patris donatio conualescit. His cognitis, facito patrem nubenti filiafam. donasse ancillas aliquas in ministerium, ut fit plerumque, l. prospexit, D. qui & à quibus. man. lib. non fiant. Eamque donationem in testamento confirmasse, per fideicommissum herede rogato, ut filiam sineret



illas ancillas sibi habere & possidere; destinatio animi A  
 erga filiam ante fuit ea concessio ancillarum, in vsum si-  
 ue ministerium potius quam donatio, nunc vero etiam  
 donatio non est, sed fideicommissum: confirmatio do-  
 nationis inutilis facta verbis fideicommissi vel legati  
 non est donatio, sed legatum vel fideicommissum, inter  
 quæ multum interest. At re ita gesta, vt proposui; Quæ-  
 ritur, si ancillæ filiæ donatæ ante testamentum patris,  
 quod confirmat donationem verbis fideicommissi, vita  
 decesserint, nunquid ex causa fideicommissi partus ea-  
 rum filiæ debeantur? Et respondet Papin. deberi, & ra-  
 tio, quam non explicat, hæc est, quia vt ancilla precario  
 rogata, id etiam agitur, vt partus sit precarius, si quem e-  
 diderit, *l. 10. inf. de precar.* vt ancilla empta & partus  
 emptus intelligitur, *l. si quod ex Pamphila, h. s. l. non quod-  
 cumque §. Iulianus, sup. tit. prox.* Ita etiam donata ancilla,  
 quamuis in computationem donationis partus non ve-  
 niat, cum scilicet quæritur de modo donationis, an ex-  
 cedat legem Cinciam, quæ modum imposuit donatio-  
 nibus *l. in adib. §. ex rebus, & l. cum de modo, inf. de don.*  
 Tamen ancilla donata id agitur, vt & partus donatione  
 contineatur: ergo quasi confirmata verbis fideicommissi  
 ancillarum donatione partus filiæ præstantur, partus filiæ  
 omnes præstabitur, qui ex ancillis donatis susceptæ fue-  
 rint: ancillæ autē nō præstabitur quia in rerū natura esse  
 desierunt ante testamentum: & idem esset, si in rerū na-  
 тура esse desissent post testamentum viuo testatore. Imo  
 & idem, si post mortem testatoris ante moram heredis, *l.*  
*cum res §. ult. sup. tit. prox.* Id vero quod ita respondit  
 Papin. ad quæstionem propositam subiicit, etiam pri-  
 dem obseruatum fuisse in don. inter vir. & vx. *Pridem*, id  
 est, ante orationem Seueri & Antonini, & SC. quod  
 eam insequutum est, de quo multoties fit mentio potis-  
 simum in titulo illo, *de don. inter. vir. & vx.* Ex qua ora-  
 tione siue Senatusconsulto donationes factæ inter ma-  
 ritos confirmantur morte sola & silentio donatoris, si  
 modo non mutauerit voluntatem, si non ademerit res  
 donatas. Nam ante eam orationem, morte sola non con-  
 firmabantur, sed necessaria erat morientis donatoris  
 confirmatio, expresso genere legati aut fideicommissi,  
 quo casu confirmatio porrigebatur quidem ad partus  
 donatarum ancillarum, quia sunt portio donationis: si-  
 cut ancillarum dotalium partus dicuntur esse portio  
 dotis, *l. cum post §. ult. de iure dot.* Sed non porrigebatur  
 etiam ea confirmatio ad omnes fructus rerum donata-  
 rum, quia pro parte donationis fructus non sunt, &  
 quia iure legati aut fideicommissi ea donatio confirma-  
 batur ex iudicio speciali donatoris, & conualefcebat, nō  
 iure donationis, *l. ex verbis, l. donationes, C. de don. inter  
 vir. & vx.* & ideo non retrotrahebatur ad tempus, quo  
 primum donatio facta fuit, vt fructus interim percepti  
 ad donatarium pertinerent, sed valebat tantum ex die  
 mortis testatoris, sicut legatum & fideicommissum. Et  
 hoc quidem pridem obtinuit. At hodie post orationem  
 Seueri & Antonini morte donatoris tacite, vel speciali-  
 ter confirmata donatione inter virum & uxorem per le-  
 gatum aut fideicommissum, pro donatione habetur, nō  
 pro legato aut fideicommissio, quamuis dixerit se legare  
 aut fideicommittere, & ideo retrotrahitur, nisi forte  
 inutilis fuerit ob aliam causam, veluti ob causam omissæ  
 insinuationis, vt Iustinianus declarat in *d. l. donationes*,  
 qui & ea lege primus idem seruari voluit in donatione  
 inter patrem & filium filiamve famil. quod statuerat su-  
 prædicta oratio in donatione inter virum & uxorem.  
 Ex quo euidenter apparet, totum hoc responsum Papi-  
 niani pertinere ad ius antiquum, quod obtinuit in do-  
 nationibus inter patrem & filium fa. ante constitutionē  
 Iustiniani, & in donationibus inter maritos ante oratio-  
 nem supradictam, quæ est sincera interpretatio huius  
 responsi. Delendæ sunt omnes Glossæ Accursij, quibus  
 fingit, patrem non donasse ancillas filiæ, sed dedisse in

dotem. deinde legasse per fideicommissum, & ideo etiā  
 ancillarum æstimationem filiæ deberi, quasi re aliena le-  
 gata, quia ancillæ sunt in bonis mariti dotis causa. Pri-  
 mum non animaduertit esse desuisse in bonis mariti,  
 quia vita functæ proponuntur ante testamentum. deinde  
 etiam Papinian. non dicit, ancillas patrem dedisse in  
 dotem, sed dedisse simpliciter, quod est, donasse. Com-  
 paratio rerum donatarum vxori, qua Papinianus vtitur,  
 demonstrat satis: comparat enim res donatas filiæ rebus  
 donatis vxori, quod vtraque donatio sit inutilis. Et ita  
 quoque Dynus sentit, cuius & Bartolus ipse sensum ait  
 esse satis bonum. Debuit dicere eum olim esse bonum &  
 verum. Hoc tamen Dynus perperam adiecit; mortuo pa-  
 tre per fideicommissum confirmata donatione ancillarum  
 etiam fructus præteritos filia debet, veluti mercedes opera-  
 rum, retroacta donatione, quia, vt dixi, non valet vt dona-  
 tio, secundum ius de quo Papin. tractat, quod obtinuit  
 ante Iustinianum, sed vt fideicommissum, ergo non re-  
 trotrahitur, *d. l. ex verbis.* & partuum alia est causa, quia  
 & ij vt donati sic per fideicommissum filiæ relictæ intel-  
 liguntur. Præterea si ancillæ essent datæ in dotem, nec  
 viuientibus ancillis ea res indigeret confirmatione, nec  
 vtiliter per fideicommissum filiæ relinqueretur, quia  
 res filiæ propria est, quamuis sit in potestate, *l. 3. §. ergo, de  
 minorib.* & rei propriæ inutile fideicommissum est, *l. pro-  
 prias, C. de leg.* Dos, tametsi in bonis sit mariti constante  
 matrimonio, si legum subtilitatem spectes, reuera tamen  
 & naturaliter permanet in dominio vxoris, *l. quamuis,*  
*sup. de iur. dot. l. in reb. C. eod. tit.* Et iisdem fere verbis,  
 quibus *l. quamuis*, Boetius in Topica Cic. Dos, inquit,  
 licet matrimonio manente, in bonis sit mariti, est tamen in  
 iure vxoris: & post diuortium velut res vxoria peti potest.  
 Papinian. etiam non dicit, ancillarum æstimationem fi-  
 liæ deberi, quod illi comminiscuntur, imo cum hoc tan-  
 tum dicit, partus filiæ esse præstandos, qui matribus su-  
 peruixerunt, satis negat, matrum nomine, quæ ante te-  
 stamentum mortuæ sunt, quicquam peti posse. Bre-  
 uius, vt dixi, erat alterum responsum, quod est in §.  
*hereditatem.*

#### Ad §. hereditatem.

D Hereditatem post mortem suam rogati restituere, nomi-  
 num periculo, qua per diuisionem obtigerunt inter cohere-  
 des interpositis delegationibus, non adstringuntur: non magis  
 quam prædiorum, cum permutatio rerum discernens com-  
 munionem interueniet.

Sciendum est inter coheredes diuisionem prædio-  
 rum fieri mutuis permutationibus partium, vt *l. si fi-  
 lia, §. si pater, sup. fam. ercisc.* Nominum autem, id est, aris  
 alieni diuisionem inter coheredes fieri mutuis delega-  
 tionibus interpositis, *l. tale pactum, §. post diuisionem, D.  
 de pact.* quod & hic Papinianus aperte demonstrat, vt  
 ecce, si mihi sit coheres Titius, & ei prædium Tuscula-  
 num diuisione obtigerit, mihi autem Seianum, ego par-  
 tem quam iure hereditario habeo in fundo Tusculano,  
 E permutabo cum parte quam coheres habet in fundo  
 Seiano, vt hac via habeam Seianum, totum, & ille etiam  
 Tusculanum totum. Vel si agatur de integro nomine  
 Sempronij mihi attribuendo, & de nomine Mæuij at-  
 tribuendo coheredi in solidum; ego delegabo coheredi  
 Mæuium pro mea parte, & is vicissim pro sua parte  
 mihi delegabit Sempronium: sic nominum diuisio sic  
 interpositis delegationibus prædiorum, interpositis  
 permutationibus. Hoc cognito, finge: vnus ex heredi-  
 bus rogatus est hereditatem, id est, portionem suam ex-  
 traneo non coheredi restituere, post mortem suam diui-  
 sione facta, quomodo eam fieri prædixi, ex nominibus  
 attributis in solidum, vel prædijs adiudicatis in solidum  
 quadam perierunt; Quæritur, cui perierint, an perie-



rint fideicommissario: Sane pro parte hereditaria, quam heres fideicommisso oneratus in prædiis vel nominibus habuit, *l. mulier, §. sed enim, D. ad Treb.* At pro parte adiudicata vel attributa videntur heredi, qui oneratus est fideicommisso, deperisse, quia pro ea parte illam ex permutatione habuit, quæ vicem emptionis obtinet, *l. i. C. comm. vtriusq. iud.* Verum, quia non tam voluntaria quam necessaria fuit ea nominum rerumque permutatio, ut ait lex, *si pignori, D. fam. ercisc.* quippe cum fieret communionis dirimendæ causa, diuisionis causa, quæ sociis etiam inuito extorquetur: nemo enim inuitus in communionem venit, inuitus communione discedit, æquum est, ut nec pro ea parte periculo nominum vel rerum fideicommissario heres obstringatur, scilicet pro dodrante, quem restituit, quod omnino congruit cum *l. 34. sup. fam. ercisc.* quæ est ex hoc ipso libro, & videtur esse coniungenda cum hoc responso. Ipsi etiam coheredes inuicem, licet permutationis, & quasi emptionis genere, diuisionem bonorum fecerint, vel ex conuentione, vel ex iudicio testatoris, vel arbitrio iudicis fam. ercisc. periculum & damnum fatale siue fortuitum, detrimenta fatalia inuicem non præstant, *l. 21. in. princ. de euct.* periculum tamen euctiõis inuicem præstant, ut dixi in *§. euctu, sup.* at fideicommissario heres, nec periculum euctiõis præstat, *l. euctiõne inf. ad SC. Treb.*

#### Ad §. filia mea.

*Filia mea præcipiat sibi que habeat, volo rem matris sue: fructus quos medio tempore pater percipiet, nec in separato habuit, sed absumpsit, vel in suum patrimonium conuertit, non videntur filia relictæ.*

**I**vre veteri ante edictum Constantini, quod est in *l. i. C. de bon. maternis*, ut cætera omnia bona aduentitia, ita etiam bona materna, per filium aut filiamf. patri adquirebantur pleno iure: Ex edicto Constantini, vsus fructus tantum eorum bonorum patri acquiritur, quod & generaliter Iustin. admittit in omnibus bonis aduentitiis. Iuri autem veteri conueniens est, quod proponitur in hoc §. patrem filia rem matris, id est, bona materna, quæ per filiam ad se peruenerant pleno iure, quasi rem suam legasse per fideicommissum, quoniam dixit, *volo*, quod est fideicommissi verbum, & quæstio vertitur in eo tantum, num etiam fideicommisso contineantur fructus; quos ex bonis maternis pater medio tempore percipit: Et respondet Papin. non contineri fideicommisso fructus, quos pater absumpsit, vel quos in proprium patrimonium conuertit, puta, ex fructibus prædio sibi comparato, quoniam hi fructus in eadem causa non manserunt; At fideicommisso contineri fructus, qui in eadem causa manserunt integri, qui absumpti non sunt, qui in aliam speciem versi non sunt, quos scilicet pater in separato habuit, in condito, quos in horrea reposuit, & habuit mortis tempore: hi cum hereditate materna filia restituenti sunt iure fideicommissi; rectissime, quia & in fideicommissariam quamcunque hereditatis restitutionem veniunt fructus exstantes, fructus in horrea reconditi, fructus inuenti in hereditate, fructus maturi, *l. centurio, sup. de vulg. subst. l. o. D. ad leg. Falc.* Idemque est non tantum in hereditate materna, sed etiam in qualibet alia hereditate, quæ patri per filium aut filiamfam. quæsitæ, deinde filio vel filiafam. à patre relicta fuerit. Et nihil est præterea in hoc §.

#### Ad §. dulcissimis.

*Dulcissimis fratribus meis, auunculis aut tuis quæcunque mihi supersunt in Pamphilia, Lycia vel ubicunque, de maternis bonis concedi volo, de qua cum his controuersiam*

**A** habeas. Omnia corpora materna hereditatis, quæ in eadem causa domini manserunt, ad voluntatem fideicommissi pertinent. Ex iisdem igitur facultatibus percepta pecunia, & in corpus proprii patrimonij versa, item iure diuisionis propria facta non præstabitur, cum discordiis propinquorum sedandis prospexerit, quas materia communio- nis solet excitare.

**S**pecies hæc est: quædam mulier filium heredem instituit, & ab eo verbis fideicommissi fratribus suis auunculis scil. filij reliquit, quæcunque sibi superessent de bonis maternis, adiecta causa, adiecto elogio, *ne qua filio cum auunculis suis per causam eorum bonorum controuersia esset*, quibus verbis plane demonstrauit, se tantum fratribus bona materna reliquisse, quæ communiter cum iis possidebat pro indiuiso, non etiam quæ possidebat pro diuiso vel iure proprio. Fac diuississe eos inter se quædam ex bonis maternis, quædam indiuisa reliquisse; indiuisa in fideicommissum veniunt, non etiam ea, quæ iure diuisionis mulieris propria sunt effecta. Rursus fac mulierem percepta pecunia numerata ex bonis maternis, percepta pecunia communi, possessionem sibi comparasse, eamque vertisse non in commune, sed in corpus proprii patrimonij: res ex communi pecunia comparata non est communis, sed emptoris propria, *l. 4. C. comm. vtriusque iud.* Papin. hoc loco communia separat à propriis, ac rursus alia facit propria iure diuisionis, alia propria iure emptionis, vel alio iure. Omnia, inquam, corpora maternæ hereditatis, quæ in eadem causa domini manserunt, id est, quæ in promiscuo dominio sororis & fratrum fuerunt, quæ communia fuerunt inter matrem & auunculos, ad voluntatem fideicommissi pertinent, id est, fideicommisso continentur, quod reliquit fratribus. *Ex eisdem ante, inquit, facultatibus percepta pecunia, & in corpus proprii patrimonij versa*, puta, ex ea pecunia comparato prædio, itemque corpora diuisionis iure, matris propria facta non præstabitur ex causa fideicommissi. Denique ea tantum bona fideicommisso continentur, quæ si manerent communia inter filium & auunculos, controuersias inter eos excitare possent, id est, bona, quæ mater cum fratribus suis communia habuit, scilicet in iis bonis, quam partem habuit pro indiuiso, eam fratribus suis reliquisse intelligitur, non tam ut eis quam ut filio consuleret suo, ne quam, sicut dixi, cum eis controuersiam haberet: distinctio dominiorum sedat controuersias, communio excitat immensas: idemque in *l. re communi, D. de seruit. urb. prad.* Multo sune plures sunt lites inter consortes, quam inter dissortes: sed quia pauci sunt socij consortes, si conferantur cum immensa multitudine aliorum, qui separatim propria bona possident, ideo paucae lites ex communione nasci videntur. verum, si inter omnes ciues communio esset, & consortium omnium rerum, ut Socrates voluit introducere, sane inter eos multo plures essent lites, quam nunc sunt, iure gentium distinctis rerum dominiis.

#### Ad §. pater pluribus.

*Pater pluribus filiis heredibus institutis, moriens & clauas & annulum custodia causa maiori natu filia tradidit, & libertum eidem filia, qui præsens erat, res quas sub cura sua habuit, assignare iussit. commune filiorum negotium gestum intelligebatur, nec ob eam rem apud arbitrum diuisionis præcipuam causam filia fore.*

**P**ater, qui plures filios habebat & filias, eos heredes instituit, & filia maiori natu tradidit clauas & annulum signatorium custodia causa, & eidem filia libertum, qui præsens erat, iussit assignare vestem vel argentum, vel alias res quas sub cura sua libertus habuit. Ad-



signare est annulo obsignatas præbere adseruandas. **A** Queritur, an videatur pater filie prælegasse quæcunque clausa, obliterata, obsignata essent: quod possit quis tentare, sumpta coniectura ex traditione clauium & annuli: cur. n. tradidit, nisi ut ne quid ex his rebus amitteret. Et eadem ratione, morituri, ei, quem sibi esse heredem volebant, solebant tradere annulos suos signatorios, nisi forte quem eo genere bona sua captantem, & coram hiantem deludere volebant vana spe hereditatis, tradito annulo signatorio, & interea tamen tabulis alio herede scripto, ut Valer. Maxim. ostendit ad finem 7. lib. Iustinus siue Trogus 12. quod iam moriens Alexander præclusa voce exemptum digito annulum Perdiccæ tradidisset, ex eo plerisque existimasse, & si non voce nuncupatum, iudicio tamen Perdiccam heredem electum. Aut ut Cornelius Nepos & Diodorus Siculus scribunt, Perdiccæ regnum commendauit, quoad liberi Alexandri, vel quoniam ambigitur an liberos reliquerit, quoad Aridas Alexandri frater ex alia matre in suam tutelam peruenisset. Zonaras in fine suæ historiæ. & Nicetas sub principium suæ, regni concessi *ὁνδρῆς* esse *καὶ γράμματα πατρὸς*. Argumentum esse voluntate patris accipere annulum signatorium. quod etiam confirmat 1. Machabeorum cap. 6. Vnde etiam dici posset filie patrem tradidisse claues & annulos in rem filie propriam, siue præcipuam, ut præcipuo quodam munere afficeret filiam, nec frustra eam elegisse, cui claues & annulos committeret, cuique iuberet assignari res à liberto administratas se viuo. Verum aliter respondet Papinianus, non videri scil. patrem filie maiori natu claues & annulos tradidisse custodiæ causa, ut sibi soli haberet clausa omnia & obsignata, sed ut sibi & fratribus suis coheredibus ea seruaret, & commune negotium gereret. Itaque in diuidenda hereditate arbitrio iudicis familiæ eriscundæ, nihil in eis rebus præcipuum habebit filia, sed ex æquo diuidentur inter eam & fratres. Pater maiori natu custodiam detulit tanquam prudentiori, non ut plus ferret quam fratres ceteri. Est elegantissimum responsum.

#### Ad §. cum imperfecta.

*Cum imperfecta scriptura inuenitur: ita demum verbum legati vel fideicommissi, quod præcedit vel sequitur, ad communionem adsumitur si dicto scriptum congruat.*

**E**X hoc §. intelligimus, aliquando ex imperfecta scriptura deberi legatum aut fideicommissum, ut si dixerit testator: *Caio fundum Tusculanum dari volo*; & si subiecerit *Manio decem*, non repetitis superioribus verbis, *dari volo*, manca videtur esse oratio; itemque, si scripserit in hunc modum: *Caio fundum Tusculanum, Manio decem dari volo*. Ex hac scriptura debetur fundus Tusculanus Caio: verbum *volo*, quod præcedit aut sequitur, adsumitur ad communionem, id est, quod Grammatici dicunt reperitur *ἐν τῇ φωνῇ*, ut in l. 10. sup. de pact. dor. Huius patet rationis, ne se viuo petatur, neve constante matrimonio dos petatur, interpretatio sumitur repetitis his verbis, *se viuo καὶ κοινῇ*, ut est in Basil. eod. loco. adsumptis prioribus verbis ad communionem, ut Papin. loquitur. verbum, inquit, quod præcedit vel sequitur ad communionem adsumitur: quo sermone significat *ἐν τῇ φωνῇ*, quod fit dupliciter, vel à præcedenti verbo, vel à sequenti verbo legati aut fideicommissi. Hoc tantum exigitur, ut dicto, id est, ei, quod dixisse testator intelligitur, nec scripserit perfecte, scriptum congruat, id est, ut salua sit ratio recti sermonis, l. unum ex familia §. pen. sup. h. t. Conseruanda est ratio recti sermonis, l. Plautius inf. de auro, & arg. legat. vnde si ita scripserit exempli gratia, *L. Titio centum dari volo*, & subiiceret, *Caius fundi Seiani*, nihil præterea, Caio nihil debetur, quia in eo sermo-

ne est stribiligo, nec vlla congruentia est superior, nulla communio, quæ imperfectam orationem supplere possit, Res est satis aperta.

#### Ad §. filius matrem.

*Filius matrem heredem scripserat & fideicommissa tabulis data cum iurisiurandi religione præstari rogauerat: cum testamentum nullo iure factum esset, nihilominus matrem legitimam heredem cogendam præstare fideicommissa respondi. Nam enixa voluntatis preces ad omnem successionis speciem porrectæ videbantur.*

**E**X iniusto vel irrito testamento nihil deberi certum est, nec legati, nec fideicommissi iure, etiam si verbis fideicommissi relictum sit, nec testamenti, nec codicillorum iure iniustum, id est, minus solemne, aut irritum testamentum pro codicillis non habetur, nisi testamento sit adiecta clausula codicillaris, vel nisi heredes legitimi ad quos rediret hereditas ab intestato, rogati probentur: alioquin legitimi heredes, nihil eorum quæ in testamento inutiliter relicta sunt præstare tenentur, l. 81. inf. h. t. l. fideicommissa 11. §. 1. t. seq. l. ex ea scriptura, D. qui testam. fac. poss. l. 1. sup. de iure cod. l. ex testamento, C. de codic. Ab hac sententia excipiendus est casus, qui proponitur in hoc §. Casus hic est; Filius matrem iniusto testamento heredem scripsit, eamque adhibita iurisiurandi obtestatione oneravit fideicommissum, vel hoc verbo, *ἐορκῶ*, ut l. 2. C. communia, de leg. quod verbum Alciatus male diuinit. est simplex verbum *ἐορκῶ*, id est, *adiuro te*, ut des Titio fundum illum, & dicitur, *ἐορκῶ*, ut *ἐορκῶ*, *liquido iuro*, vel etiam his verbis, ut l. 3. de iure fisci. Per Deum rogo te mater fundum illum L. Titio restituas, vel ut in §. 1. de fideicom. heredit. Instit. Per salutem Principis rogo te mater rem illam L. Titio præstare. Quod perinde est ac si diceret: Per Deum à quo pendet salus Principis, l. qui per salut. de iure iur. Finge igitur, matrem cum iurisiurandi obtestatione rogatam fuisse fideicommissum præstare, & matrem filio heredem fuisse non ex testamento, quoniam erat iniustum, sed ab intestato ex SC. Tertull. An præstabit fideicommissum de quo obiurata est? Sic videtur optimâ ratione: quia, inquit, *enixa voluntatis preces, omni nixu effuse preces filij ad omnem successionis speciem porrectæ videbantur*. Porrectæ videntur, id est, siue ex testamento, siue ab intestato mater filio succederet, ut omniniodo fideicommissum præstaret, valde vult, qui quid per iurisiurandi religionem, ut fiat, obsecrat, & obtestatur, ut in Nov. 48. Cæcull.

*Dum aliquid cupiens animus prægestit apisci, Nil metuit iurare, &c.*

Omninio igitur fideicommissum veluti etiam ab intestato relictum, à matre præstabitur. Et notandum est, matrem solam fideicommissum obligari, non etiam matre repudiante sequentes, qui succedunt in bona filij, quia rogati non sunt, l. 1. §. ult. tit. seq.

#### Ad §. mandò.

**E***Mandò filia mea pro salute sollicitus ipseus, ut quoad liberos tollat, testamentum non faciat, ita enim poterit sine periculo vivere; fideicommissariam hereditatem sorori coheredi non videri relictam apparuit, quod non de pecunia sua testari, sed obtentu consilij derogare iuri, testamentum fieri prohibendo, voluit.*

**P**ater duas filias heredes instituit, & de vna filia ita cauuit: *Mandò filia mea de salute ipsius sollicitus, ut quoad liberos tollat testamentum non faciat, ita enim poterit sine periculo vivere*. Hæc sunt verba testatoris. Queritur, an his verbis portionem hereditatis filie, si ea filia sine liberis vita decederet, pater per fideicommissum



reliquisse videtur forori coheredi eius. Mando est verbum fideicommissi, verbum precarium. Et respondet tamen Papinianus his verbis nihil pro fideicommissio significari, quia hæc verba: *solicitus pro salute ipsius*, & illa, *ita enim poterit sine periculo vivere*, consulentis verba sunt, non fideicommittentis; consilium pro fideicommissio non habetur, quoniam qui consilium dat, de re sua pecuniave, non testatur, sed rem alienam quemadmodum geri expediat, monet & demonstrat. Fideicommissum autem est species decernendi de re pecuniave sua. Mando autem verbum est commune & consulentis & fideicommittentis, & procuratorem constituentis, l. 2. §. ult. sup. mand. Et consiliarium quidem verbum non obligat, l. testatorem §. 1. tit. seq. l. generaliter §. si petitam, de fideicom. lib. fideicommissarium verbum obligat & necessitatem imponit, ut in l. proxi. §. pater, sup. Itemque id quo procurator constituitur, & contrahitur obligatio mandati vltro citroque. Consuluit autem filia pater in hac specie, ne testamentum faceret, antequam liberos suscepisset, metuens ne si extraneos filia palam heredes nuncuparet, hi filia non darent spatium tollendorum liberorum, vitæ eius comparatis insidiis, & properata fatali necessitate. Et ideo subiicit pater, *ita enim poteris sine periculo vivere*. Sine periculo insidiarum scilicet, ut in §. sin autem, Inst. de pup. subst. Ita vero pater obtentu consilij prohibendo filiam testari, ut Papinianus ait, sane voluit derogare iuri publico, quo cauetur vnicuique libero homini & ciui Romano, esse liberam testamenti factionem, in XII. Tab. & in l. Falcidia. Voluit, inquam, derogare iuri publico, sed nihil egit, quia illud consilium non tenet filiam. nihil etiam ageret, si citra consilium iuri publico & formæ antiquitus constitutæ derogare vellet, l. nemo potest, sup. tit. prox. l. Cerdonem, D. de oper. lib. l. 5. §. Iulianus, de adm. tut. l. testandi, C. de testam. l. 1. §. proculdubio, C. de Lat. lib. toll. Sed hoc ita intelligi velim, si directo heredem suum prohibeat facere testamentum, quem forte heredem scripsit ex asse, quo genere nihil agit; quia contra ius publicum libero homini nititur auferre ius faciendi testamenti; sed si hanc prohibitionem acceperit pro fideicommissio, valebit ut fideicommissaria voluntas & precaria, sicut in specie l. qui filium, in princ. ad SC. Trebell. Pater filium & filiam heredes instituit, & de filia ita cauit, ut proponitur illo loco; *mando tibi, ut quoad liberos susceperis testamentum non facias*, non sunt consiliaria verba illo loco, sed fideicommissaria. Et ita in ea specie decreuit Antoninus Imperator, per fideicommissum supradictis verbis rogatam filiam videri, ut hereditatem fratri restitueret, quia per hoc quod prohibuit eam testari, videtur eam rogasse, ut fratrem coheredem suum faceret heredem. Quod etsi nemo iure rogari possit liber homo, ut illum faciat heredem, tamen ex SC. qui ita rogatus est, intelligitur esse rogatus de hereditate restituenda, exstatque sententia huius SC. in l. ex facto, ad Trebell. & l. filiusfam. §. ut quis, sup. tit. prox. In hac igitur specie filia intelligitur esse rogata rem hereditariam restituere, si sine liberis, si illiberis decesserit, ut Tertullianus loquitur, restituere fratri coheredi suo, retenta scilicet Falcidia, de qua poterit testari.

#### Ad §. rogo.

Rogo te filia bona tua quandoque distribuas liberis tuis, ut quisque de te meruerit: videtur omnibus liberis, & si non equaliter promeruerint fideicommissum relictum, quibus matris electione cessante, sufficiet, si non offenderint, eos autem quos mater elegerit fore poriores si soli promeruissent, existimaui. Quod si neminem elegerit, eos solos non admitti, qui offenderunt.

Pater filiam heredem institutam oneravit fideicommissio his verbis: *Rogo te filia mea, bona tua quandoque*

distribuas liberis tuis, ut quisque de te meruerit. His verbis iniecit conditionem fideicommissio, quæ non potest existere ante mortem filia, ut in specie §. hereditatem & §. a filia, sup. in hac lege. Quia liberum est filia, quamdiu viuit, eligere quem vel quos volet ex liberis suis de se bene meritis, & quorum electionem fecerit etiam mutare, si ipsi mutauerint mores in deterius, & male meriti erga matrem esse cœperint. His, inquam, verbis omnibus, non parte eorum; *Liberis tuis quandoque bona tua distribuas, ut quisque de te meruerit*, vltimo scilicet sine vitæ tuæ meritorum ratio habetur die vltimo, quod qui hodie est bene meritis, potest cras male mereri. Imo pessime, & sic homo videtur *κατὰβολὴν ζῶν*. Et hæc est vis eorum verborum: nam verbum hoc *quandoque*, solum eandem vim non haberet. facito matrem rogatam quandoque hereditatem restituere, fideicommissum ab eo petetur, cum primum potuerit restituere, cum erit ei commodum: nec mors matris exspectabitur, l. rogo, inf. quand. dies leg. ced. Verum secus erit, si dixerit, *liberis tuis quandoque distribuas, ut quisque de te meruerit*. His etiam verbis, matri non permisit electionem plenam, sed arbitrio boni viri, non permisit arbitrium plenum, sed boni viri, ut in l. 11. §. si fid. ti. seq. Ideoque bene meriti liberi duntaxat ad fideicommissum inuitantur, & ij quidem omnes simul, licet æqualia non sint omnium officia: ut è contrario male meriti repelluntur omnes, licet omnium non sit par offensa aduersus matrem, quia illud ipsum offendere vel promereri semper idem est, licet offensa, aut merita sint disparia: male meriti sunt qui offenderunt. Bene autem meriti dicuntur duobus modis, vel qui non offenderunt, ut in l. 22. C. de offic. test. l. 20. inf. de man. test. vbi Bartolus non ineleganter, *Meruisse eum, quem non apparet demeruisse*. Nam & eo sensu Quid. dixit demeruisse. sed in Bartolo est corrupte scriptum dememuisse vel deminisse, pro demeruisse, & pro, meruisse, cum lex agat de meritis: vel etiam bene meriti dicuntur & multo magis, qui promeruerunt benefaciendo. Et hi quidem & illi promiscue vocantur ad fideicommissum, si neminem elegerit mater, non etiam male meriti. & in l. cum quidam, sup. h. t. dum ait. Si neminem elegeritis, à quo fideicommissum relictum est iis, quos dignos putaret, omnes admitti. Omnes dignos intelligere oportet, non indignos, ingratos, & male meritos. At si mater eligere velit, primum frustra elegerit male meritos: deinde, ex bene meritis, frustra etiam, ut opinor, prætulit illos qui non offenderunt his qui promeruerunt: At recte iis etiam illos commiscuerit. frustra etiam ex iis qui promeruerint, quosdam delegerit, cæteros præterierit. Nam præteriti & omitti à matre ad fideicommissum inuitantur. quæ est sententia huius responsi.

#### Ad §. donationis.

Donationis prædiorum epistolam ignorante filio, mater in æde sacra, verbis fideicommissi non subnixam, deposuit, & literas tales ad adituum misit: *Instrumentum voluntatis meæ post mortem meam filio meo tradi volo. Cum pluribus heredibus intestato diem suum obisset, intelligi fideicommissum filio relictum, respondi: non enim quæri oportet cum quo de supremis quis loquatur, sed in quem voluntatis intentio dirigitur.*

Mater ignoranti filio donauit prædia per epistolam, in qua nulla erant verba fideicommissi, quibus rogarentur heredes filio ea prædia præstare, sed ita erat simpliciter scriptum in epistola; *Fili mi scias me tibi donare illa prædia*. Eam epistolam ignorante filio deposuit in æde sacra, data epistola ædituo seruanda in æde sacra: deinde ad ædituum (au Secretain) cui ædis sacre custodia credita est, misit tales literas, *instrumentum voluntatis*



*voluntatis mea, quod in æde sacra deposui, post mortem meâ filio tradi volo.* quibus verbis ostendit se nolle donationem prædiorum effectum habere, nisi post mortem suâ. Ergo quasi fideicommissum valere, non quasi donationem inter vivos, vel causa mortis: nam & donatio inter vivos vel causa mortis ignoranti non fit, *l. absenti, infra de donat. l. inter mortis, infra de mort. caus. donat.* Fideicommissum etiam ignoranti relinquitur, & acquiritur, *§. surdo sup.* cui est similis, quod ibi prætermisi, sententia apud Paulum 4. *Sent. tit. 1.* Quod igitur ignoranti donamus post mortem nostram, fideicommissum est, non donatio, ut in *l. miles, in principio, h. tit.* In qua huic simile responsum proponitur ex *lib. 6. & vtroque ostenditur, fideicommissum valere, etiamsi verba non dirigantur ad heredes, qui fideicommissum adstringuntur, sed ad eum solum, cui fideicommissum relinquitur, ut in specie proposita in epistola ad filium, deposita apud æditum, æditus ex fideicommissum non tenetur, sed ex deposito, ut in l. Publia, sup. depos.* Verum ex fideicommissum filio tenentur heredes instituti matris testamento, licet rogati non sint, quia, ut ait: *non queri oportet cum quo de supremis quis loquatur, sed in quem voluntatis intentio dirigatur,* id est, cui relinquatur legatum absolute aut fideicommissum, ut Græci *τελειος*, ut in *l. 3. §. ult. de mun. & honorib. l. 5. de testam. milit. l. 5. C. de iys, quib. ut indig.* In quib. locis sunt qui suppleant, *supremis iudicijs seu voluntatibus* inepte, cum dicatur absolute. sic igitur dicimus ex fideicommissum filio teneri heredes institutos à matre. Nam omni adseueratione confirmo, quod in quibusdam legi, in contextu huius §. sic esse legendum, *cum pluribus heredibus institutis diem suum obiisset, institutis scilicet testamento:* nam si intestata mater diem suum obiisset, filius eius heres esset ex SC. Orphitiano, nec consisteret fideicommissum prædiorum heredi à semetipso relictum: at testamento mater heredes alios instituit, & filium præterivit, prædijs ei relictis per fideicommissum, quæ satis abundeque sufficiunt ad quartam debitæ portionis, quæ excludit querelam inofficijsi testamenti, hoc scilicet iure, *l. Papinianus §. quarta, de inoffic. testam.* hoc, inquam, iure. quoquo titulo relicta sit quarta. Neque huic responso obiiciatur *l. donationes §. pen. inf. de donat.* ubi arca quædam in æde sacra deposita apud æditum ea lege, ut eam solus is, qui deposuit, tollat, ut eam æditus ei soli tollere permittat, qui deposuit, vel post mortem eius L. Titio heredi sperato, ut ponit. Et recte respondet Papinian. qui est auctor illius *l.* non videri celebratam donationem, id est, non videri L. Titio donatam arcam, quæ deposita est apud æditum ea lege, ut eam sineret solum se tollere, vel post mortem suam L. Titio donatam fuisse arcam, sicut hoc loco proponitur donata fuisse prædia filio per epistolâ, nec proponitur instrumentum ullum donationis depositum in æde sacra, quod L. Titio tradi oporteat. Itaque neque donationis iure, neque fideicommissi, neque vlllo alio iure illa arca Lucio Titio debetur, cui exportare quidem licet eam arcam, sed non sibi eam habere, sed restituere heredibus depositoris.

#### Ad §. libertis.

*Libertis prædium reliquit, ac petit ne id alienarent, utq; in familia libertorum retinerent: si excepto uno cateri partes suas vendiderint, qui non vendidit caterorum partes, quibus non dedit alienandi voluntatem, integras petet. Eos enim ad fideicommissum videtur inuitasse; qui iudicio paruerunt, alioquin per absurdum erit, vice mutua petitionem induci, scilicet, ut ab altero partem alienatam quis petat, cum partem suam alienando perdidisset, sed hoc ita procedere potest, si pariter alienauerit. Caterum prout quisque prior alienauerit, partem posterioribus non faciet, qui vero tar-*

Respons. Papin.

*A* dius vendidit, in superiorum partibus fecisse partem intelligitur: at si nemo vendiderit, & nouissimus sine liberis vita decesserit, fideicommissi petitio non supererit. Cum inter libertos ad prædij legatum liberta quoque fuisset admissa, quod patronus petit, ut de nomine familia non exiret, heredem libertæ filium partem prædij, quam mater accepit, retinere visum est.

*H*uius responsi quaestio est satis difficilis. Finge: Patronus libertis suis primo, secundo, tertio, quarto, fundum legauit, & eos rogauit, ne fundum alienarent, his verbis: *Rogo vos, ne fundum quem vobis legavi ab alienetis, sed in familia & nomine vestro retineatis.* Idem est nomen, eademque familia patroni & libertorum, ut do-  
*B* cui supra in §. fidei heredum. Sed longe amplior est familia patroni, quia non tantum libertos continet, sed etiam cognatos & alios quosdam, de quibus dicemus in extremo huius recitationis. verum satis habuit patronus cauere, ne fundus ille alienaretur extra familiam libertorum, ut in *l. filius fam. §. Diui, sup. tit. prox. l. pater §. duobus, tit. seq.* si modo in eo §. habeas, ut habent Florentini, utique habuit Accurs. ipse, *de nomine meorum libertorum*, scilicet non de nomine meo. Denique consulere libertis tantum suis patronus voluit, dum vetuit ne fundum legatum alienarent ex familia libertorum, quo genere intelligitur fideicommissum collibertis tantum reliquisse in hunc casum, si quis eorum alienaret partem suam exterò. Nam hæc verba: *ut fundum in familia libertorum retineant*, habent vim fideicommissi, quod confertur in libertos, qui partes suas non alienarunt extra familiam, iis scilicet debetur pars, quam eorum aliquis alienarit extra familiam. fac, excepto primo, ceteros partes suas exterò vendidisse citra consensum primi: nam si primus consenserit venditioni, aut quod tātundem potest, si subscripserit, non potest partem eorum persequi, vel consequi iure fideicommissi, nec pretia quæ acceperunt, *l. nihil §. 1. sup. tit. prox. l. pen. §. insulam, infra h. t. l. quoties. i. C. de fideicommiss.* Neque obstat *l. si fundum per fideicommissum, in prin. sup. tit. prox.* quam obiicit Accurs. & quæ dicit, non ideo minus fideicommissum fundi deberi fideicommissario, quod heres eum fundum vendiderit fideicommissario præsentem, & adsignante instrumentum venditionis suo sigillo, quia ea *l.* non loquitur de eo, qui consentit venditioni, sed qui præsens adest ut testis, vel ut signator. Præsentia & sigillum pro consensu non habetur, ut in *l. Tit. §. Lucia, sup. h. tit. l. Caius, de pigner. act.* Et longe aliud est signare, aliud subscribere: nam subscriptio pro consensu habetur, *l. fidei iussor §. pen. sup. de pignor. l. Titius, §. ult. sup. quib. mod. pign. solu.* Plus est subscribere quam signare. Nam subscribere quid est? subscribere non est nomen nudum suum scribere, sed & scripto signare, significare, cui rei, cuique negotio subscribat, ut *Novella 126.* Subscriptio constat duobus aut tribus versibus. Quia verò, ut initio proposui, primus neque consensit venditioni factæ collibertis, neque ipse vendidit partem suam, collibertorum partes quas vendiderunt exteris iure fideicommissi persequi, & eo nomine agere aduersus collibertos potest: fideicommissi persecutio datur ei, vel eis, qui iudicio defuncti paruerunt, id est, qui non alienauerunt partes suas exteris. Nam si omnes partes suas exteris vendiderunt, nulli competit repetitio fideicommissi, ut *d. l. quoties & Nov. 159.* quia, ut eleganter docet Papin. alioquin absurdum erit me tecum agere, quod partem tuam exterò venderis, cum & ipse idem fecerim: absurdum me tecum agere quod obsequium defuncto non præstiteris, quod nec ipse præstiti: me id in te reprehendere, in quo mihi indulsi. Sed hoc ita procedere ait, si omnes pariter uno eodemque tempore eum fundum exterò vendiderint, hoc casu consumitur fideicommissum: secus est dicen-



dum, si diuersis temporibus separatim partes quisque suas vendiderit. Nam si primus partem suam prior extero vendiderit, ceteri, qui nondum partes suas vendiderunt, admittuntur ad petitionem fideicommissi, id est, ad partem alienatam à primo. Tum deinde, si secundus partem suam extero vendiderit, tertius & quartus qui nondum partes suas vendiderunt, admittuntur ad partem secundi, non etiam primus, qui & ipse etiam partem ante extero vendiderat, eoque genere ceciderat iure fideicommissi. Et hoc est quod ait Papinianus, eum, qui prior vendidit, non facere partem posterioribus, id est, eius personam non numerari in partibus faciendis fideicommissi, siue portionis secundi, quam scilicet post primum secundus extero vendidit: non venire igitur primum in partem portionis secundi, sed integram partem secundi peruenire ad tertium & quartum. Partem, inquam, secundi, quam in fundo habuit iure legati, & post primum vendidit extero, non etiam partem quam secundus fecit antea tertio & quarto in parte primi, id est, non trientem, quem secundus tulit ex parte primi, & simili modo, similique ratione post primum & secundum tertio quoque vendente partem suam extraneo, solus quartus, qui nondum vendidit suam iure fideicommissi admittitur ad portionem, quam tertius in fundo habuit iure legati, & vendidit extero, non etiam ad partem, quam tertius, cum nondum vendidisset suam, fecit quarto in portione secundi, vel secundo & quarto in portione primi. Denique sic statuamus: collibertorum partes alienatas exteris, quas acceperunt ex causa fideicommissi, qui nondum partes suas vendiderant, eas eos optimo iure retinere, etiam si postea partes suas vendiderint. Optimo, inquam, iure retinere, & ut opinor etiam transmittere ad heredem extraneum: nam etiam si quam partem emerunt à collibertis, eam transmittunt in extraneum heredem, *l. pater, §. quindecim, tit. seq.* Quia testator suam quemque partem duntaxat vetuit extero vendere, quæ obuenit ei iure legati, non partem emptam à collibertis, quibus iure vendita est, cum sit vendita in familia libertorum, & statim atque quis eorum partem suam colliberto vendidit, defecit conditio fideicommissi. Conditio autem semel defecta non resumitur, *l. pater, §. ult. sup. de condit. & demonstrat.* Ex his igitur apparet, quid sit quod ait Papinianus hoc loco: Eum, qui tardius vendidit partem suam, ut puta, tertium, ut Glossa ponit, recte, ei, qui non vendidit, id est, quarto, facere partem in partibus superiorum, id est, in partibus primi & secundi: nec quam semel tulit partem ex eis partibus, etiam si postea vendat partem, quam in eo fundo habet iure legati, quartum ei adimere, & auocare posse, sed partem tantum venditam.

Ad hæc quæro, quid si & postremus omnium quartus, partem suam æque extraneo vendiderit? quem casum palam non attingit Papinianus, quia, ut arbitror, constabat nulli superesse fideicommissi petitionem, & re pro eo haberi, atque si ab initio omnes pariter fundum extero vendidissent, cum omnes sigillatim extero vendiderunt. Nouissimi venditio erit consumptio fideicommissi. Item quæro, quid sit dicendum, si nemo partem suam vendiderit, & nouissimus moriatur sine liberis, relicto herede extraneo? Hunc casum attingit Papinianus, & ait etiam hoc casu non superesse fideicommissi petitionem, quia scilicet ex libertis supremo moriente sine liberis, re transmissa ad extraneos heredes, nullus superest ex familia libertorum. Ponendum igitur, partes collibertorum quod & ipsi decessissent sine liberis, peruenisse ad eum, qui nouissimus diem suum obiit, alioquin liberi libertorum ad fideicommissum vocarentur, nouissimo heredem relincente extraneum. Nam prohibita alienatione extra familiam, censetur etiam prohibita institutio extranei heredis, *l. peto §. ult. sup. hoc tit. l. 8. §. ceterum, C. de sec. nup.* Item quæro, an etiam liberi libertorum ad fideicommissum vocentur? Fac, inter eos libertos,

A quibus fundus legatus est, esse libertam, quæ filium suscepit, hic matri extraneus heres est, quia patris non matris familiam sequitur: Quæro, inquam, an in parte fundi, quam mater accepit ut liberta, filius eius, quamuis matri sit extraneus heres, præferatur aliis libertis, qui eandem familiam & idem nomen habent, quod ipse tamen filius non habet? Et subiicit Papinianus, filium libertæ præferri collibertis, quamuis non sit ex eadem familia, his verbis: *Cum inter libertos ad prædij legatum liberta quoque fuisset admissa; quod patronus petijt, ut de nomine familia non exiret, heredem libertæ filium partem prædij, quam mater accepit, retinere visum est.* Quæ verba nolo diuelli à superioribus, nec ex illis confici alium §. quoniam ad eandem speciem pertinent, ut & Glossa sensit, quæ ad hæc verba: *de nomine familia*, subaudit, *libertorum*: Videtur ergo hæc mens fuisse testatoris, ut liberti partes suas conferrent suis liberis quibuscunque, vel suis, vel extraneis liberis, aut his deficientibus collibertis: quam interpretationem voluntatis etiam Papinianus introduxit in specie *l. cum acutissimi, C. de fideic.* Alium heredem extraneum excluderent colliberti, sed non filium heredem extraneum. Denique collibertis præferuntur liberi legatiorum, etiam si non sint ex eadem familia. Et ita demum videtur exstitisse conditio fideicommissi, si quis eorum libertorum, vel libertarum, quibus fundus legatus est, non liberis suis aut collibertis, sed aliis extraneis partes suas reliquerunt. Familiæ nomen in hoc genere fideicommissi aliquando latius accipitur. Nam & emancipati ad fideicommissum vocantur licet mutarint familiam, *l. peto §. ult. sup. hoc tit. l. filius familias §. cum pater, sup. tit. prox.* Et is, qui fuit gener, vel nurus, quamuis hi omnes reuera ex eadem familia non sint, quia plerumque ex opinione nostra nobis sunt pro familiaribus: & Iurisconsulti est secundum iudicium & opinionem nostram accipere, augere, & producere significationem verborum. Postremo quæro, si cum primus, secundus, tertius partes suas extero vendidissent, & ita quæsitæ esset quarto fideicommissi petitio, qui non vendidit partem suam, & mox antequam peteret fideicommissum, vita decesserit quartus sine liberis, relicto herede extraneo, an transmiserit in heredem extraneum petitionem fideicommissi? Et definitur in *l. seq. §. pen.* qui suo ordine latius explicabitur, eum transmississe petitionem fideicommissi, cuius dies eo viuo cesserat etiam ad extraneum heredem.

#### Ad §. cum existimaret.

*Cum ex existimaret ad solam consobrinam suam bona peruentura: codicillis ab eo factis pluribus fideicommissa reliquerat, iure successionis ad duos eiusdem gradus possessione deuoluta: rationibus aequitatis & perpetui edicti exemplo pro parte dimidia mulierem releuandam respondi: sed libertates ab ea præstandas, quas intercidere damni causa durum videbatur.*

E Sequitur ut exponamus §. cum existimaret, in quo hæc proponitur species & quæstio. qui existimabat ab intestato iure cognationis bona sua omnia peruentura ad consobrinam, ignorans se habere etiam patruum vel auunculum magnum, id est, matris suæ patruum vel auunculum, qui eodem gradu est quo consobrina, nempe quarto, & æque cognatus ac consobrina: codicillis factis ab intestato, pluribus fideicommissis & fideicommissariis libertates à sola consobrina reliquit, quod existimabat solam sibi successuram iure prætorio, siue iure cognationis. post mortem eius non consobrina tantum, sed etiam auunculus magnus ab intestato pro partibus æquis ei successerunt, accepta bonorum possessione unde cognati: Quæritur, an ij, quibus fideicommissa in codicillis relicta sunt à consobrina



sola consobrina teneatur in solidum? Quod videtur, quia ea sola nominatim rogata est fideicommissa prestare, & ad eam solam scripti sunt codicilli. Et sane ipso iure ita est, eam solida fideicommissa prestare debere: & tamen Papinianus respondet æquitate subnixus aliter, nempe consobrinam onere fideicommissorum pro parte dimidia esse releuandam, quam ei abstulit concursus auunculi magni: hoc exigere rationem æquitatis, ne oneretur supra dimidiam, quæ dimidiam tantum accepit, quam etiam credibile est testatorem oneraturum non fuisse tot fideicommissis, si existimasset non ad eam solam omnia sua bona peruentura. hoc etiam exigere ait exemplum edicti perpetui. Et credo Papinianum intelligere edictum prætoris de bonis libertorum, quo à liberto herede instituto extraneo, patrono præterito, & patrono perente bon. poss. cont. tabul. liberti, & euicte dimidiam partem bonorum liberti, ut ante Iustinianum obtinuit, heres scriptus pro parte dimidia, quam ei aufert patronus, releuatur præstatione legatorum & fideicommissorum, & pro ea tantum parte dimidia, quam sibi retinet, legatarius & fideicommissarius obstringitur salua Falcidia, quod patet ex l. *Plautius, de condit. & dem. l. 20. §. libertus, de bon. libert.* Et eodem exemplo, si filius exheredatus per querelam inofficiosi testamenti, vel filius præteritus per bonorum possessionem contra tabul. heredi scripto euicerit partem dimidiam, heres scriptus pro ea parte, quæ euicta est, præstatione legatorum & fideicommissorum exoneratur, l. *etsi contra, in fi. de vulg. l. 11. §. Imperator, inf. ad leg. Falcid.* At rursus queri potest, an is qui partem aufert heredi scripto, pro ea parte legatariis, ac fideicommissariis teneatur? Et dicemus incunctanter, pro ea parte legata & fideicommissa intercidere, quia is, qui ad alteram partem venit, rogatus non est, & quia ad eam venit suo iure, non beneficio iudiciove defuncti. Idque comprobat etiam l. *prox. in princ. sup. & l. cum duobus, C. de inoffic. testam.* Et male Accursius hoc loco, fideicommissa ab utroque præstari pro partibus hereditariis: quia certo certius est, fideicommissa intercidere pro parte eius, qui propter cognationem suo iure cum muliere concurrat in successione intestati, quo nomine etiam Accursium reprehendit Paulus Castrensis. Nec obstat huic sententiæ lex militis, in prin. sup. de milit. test. quæ merito potest obici, nec tamen obicitur, quoniam in ea lege is, qui partem hereditatis aufert heredi instituto ex asse, legata testamento relicta præstat pro parte sua quam euicit. Quod pugnare videtur cum superiore sententia. Sed ideo præstat legata pro parte sua, quia si inspiciatur diligenter species huius legis, eam partem aufert ex iudicio defuncti militis, qui post testamentum factum in quo alium heredem scripserat ex asse, eum codicillis ad testamentum factis heredem scripsit ex semisse, priori in testamento scripto adempto semisse, quo casu ambo præstant legata communiter. Quid enim iustius est, quam ut iudicium conseruet & impleat, qui ex iudicio defuncti ad hereditatem venit? In legibus autem supradictis, qui partem aufert heredi scripto, vel heredi aut successori legitimo, quem solum sibi heredem aut successorem fore defunctus arbitrabatur, suo iure venit, non ex iudicio defuncti, & idcirco, nec iudicio defuncti adimplendo obstringitur: hæc longe sunt diuersa, iure suo, & iudicio defuncti, l. *cum ab uno, sup. hoc tit. l. illud in princ. sup. de iure codicill. l. post emancipationem, tit. seq.* cuius quidem legis necessario nobis hoc loco sententia explicanda est, quoniam ea lex responso huic opponi solet. Cum filia suscepta post emancipationem patris existimaret patrum solum sibi heredem fore ab intestato iure agnationis, excluso auunculo, qui cognatus est, & ignoraret etiam patrum sibi cognatum esse, non agnatum, nimirum soluta agnatione per emancipationem patris, factis codicillis ab intestato patrum rogauit, ut partem dimidiam hereditatis auunculo restitueret, &

Respon. Papin.

amplius agros duos, & aliis quoque pluribus ab eodem patruo fideicommissa reliquit: utroque succedente ab intestato per bonorum possessionem unde cognati, patruo & auunculo, quoniam sunt cognati eiusdem gradus. Scauola in eadem l. *post emancipationem* ait, non consistere quidem fideicommissum hereditatis, quod auunculo relictum est, quia suo iure partem hereditatis obtinet ab intestato; consistere tamen fideicommissum agrorum pro parte patru; fideicommissa quoque aliis à patruo relicta patrum debere in solidum prestare, nec releuari pro parte, quamuis præter opinionem defuncte euicta sit ei pars, quod pugnat omnino cum iis, quæ ante dicta sunt de releuando herede pro parte onere legatorum aut fideicommissorum. At breuiter respondendum est, id quod scribit Scauola ita se habere directo & summo iure, & ad ius civile siue ius summum spectare Scauolam, ut & Marcellum in simili specie in l. *pen. sup. de iur. codicill.* sed ut ad Marcellum in d. l. *penul. ita ad Scauolam addendum est: imo dumtaxat partem à patruo deberi, secundum rationem æquitatis, quam Papinianus spectat & notat in hoc responso & secundum exemplum prætorij edicti. & huic distinctioni inter ius civile & æquitatem prætoriam etiam Accursius acquiescit, & à nobis latius explicata est ad Africanum in l. 15. de iure codicill.*

Non est omittendum, quod hoc loco Papinianus, cum dixisset consobrinam pro parte dimidia, quam ei fecit auunculus magnus, esse exonerandam præstatione fideicommissorum, subiicit, *libertates tamen ab ea esse præstandas*, libertates scilicet fideicommissarias: Nam directæ codicillis factis ab intestato iure non dantur. libertates igitur fideicommissarias à consobrina esse præstandas in solidum: nisi dixerimus, libertatibus quoque præstandis pro parte tantum consobrinam alligari, coheredem autem eius non alligari pro sua parte, ut d. l. *illud, de iure codicill.* sic fiet ut libertates, quæ pro parte præstari non possunt, quæ indiuiduam causam habent, l. *duobus, de liber. caus.* recidant in irritum, quod esset durum & iniquum. Durum, inquit, videbatur libertates intercidere causa damni, id est, ob causam damni, quod mulieri, à qua relicta sunt adfert concursus heredis legitimi. Verum addendum est ad Papin. seruum, qui petit à muliere fideicommissariam libertatem, debere ei offerre pretium, quo mulier redimat à coherede serui partem, deinde manumittat. Alioquin seruus repellitur exceptione doli mali, vel officio iudicis, l. *iudicata, ff. de except. rei iudic. l. qui graui, & seq. de iure codicill.* Quod exposuimus etiam supra ad primum responsum proximæ leg. Biuium datur mulieri ad consequendam partis æstimationem, exceptio doli mali, & officium iudicis, siue prætoris fideicommissarij. Etiam non omittam, male Accursium edictum perpetuum, de quo hoc loco agitur, interpretari, ut edictum semper ubique generale, ut simili errore apud Cicer. 2. de legib. Diagoræ Thebani legem perpetuam, Adrianus Turnebus vir magnus, legem generalem interpretatus est. Potest idem esse perpetuum & generale, fateor: sed non omne generale perpetuum est, nec contra omne perpetuum generale. Perpetuum dicitur tantum comparatione temporarij: generale comparatione specialis vel singularis. Perpetuum autem prætoris edictum fecit lex Cornelia, de qua Dio, 36. & Asconius in oratione pro Cornelio, ex quo scilicet omnes prætores perpetuo idem ius dicerent: edictum enim antea erat annuum, & ipsius quoque prætoris imperium erat annuum, §. 1. *Inst. de perp. & temp. act.* Et pro varietate prætorum varia quoque erant edicta, nisi si quod forte caput translatum per omnium edicta ambulabat. At lege Cornelia hodie prætores ex perpetuis & similibus edictis ius dicunt, non ex annuis, quæ posuerint ipsi suo arbitratu.



## Ad §. pater qui filio.

*Pater qui filio semissem dederat, & sororibus eius impuberibus quadrantes, quibus fratrem tutorem dedit, ita fuerat locutus, fili contentus eris pro tuo semisse aureis ducentis, & vos filia pro vestris quadrantibus, centenis; Vice mutua liberis fideicommissum hereditatis reliquisse non videbatur, sed æstimationem, ut à parentibus frugi fieri solet, patrimonij sui fecisse, nec idcirco fratrem iudicio tutela bonæ fidei rationes quandoque præscriptione demonstrata quantitatis exclusum.*

**I**N §. sequenti, hæc proponitur species: Pater filium heredem scripsit ex semisse, & duas filias impuberes ex quadrantibus singulas, iisdemque fratrem tutorem dedit. Deinde ita cavit: *fili contentus eris pro tuo semisse ducentis aureis & vos filia cõtenta eritis pro vestris quadrantibus singula centenis aureis.* Quæritur, an vice mutua, videatur liberis fideicommissum hereditatis reliquisse, puta, ut frater sororibus semissem restitueret, & vicissim sorores fratri alterum semissem, id est, duos quadrantes? Et respondet Papin. in hac specie, nihil de mutuo fideicommissio significari, cuius nec vlla utilitas esset. Imo quod ridiculum esset, ut ait *l. si fundus, infr. ad l. Falcid.* si quantum frater daret sororibus, tantum ferret ab eis, & vice versa. Verum ea cautione eoue sermone per post adscriptas filiis suis partes hereditarias dicimus, patrem fecisse videri patrimonij sui æstimationem, idque totum æstimasse quadringentis aureis, quod & plerumque, ut ait, parentes frugi, id est, boni patres, facere solent quibus vires sui patrimonij in numerato sunt & in comperito. Quia tamen falli possunt, ideo nihil ea æstimatio officit veritati, si reuera pluris sit patrimonium, quam id æstimauerit, aut si minoris sit, ut *l. 15. §. ult. sup. ad l. Falcid. l. si fundum §. si libertus, sup. tit. prox. l. 1. C. arb. tu.* Et ideo, si in hac specie sorores à fratre tutelæ iudicio exigent rationem plusquam ducentorum aureorum, non poterit frater se tueri exceptione quantitatis demonstratæ à patre, quia in quantitate ineunda falli potuit pater, sed ex bonæ fide sororibus ratio reddenda erit: & maxime notandum ex hoc loco, tutelæ iudicio contineri tutelæ administratæ rationes bonæ fidei, id est, reuocatæ rationes ad veritatem, ut scilicet reddantur finita tutela, & bonam fidem & veritatem idem esse.

## Ad §. Titio fratri.

*Titio fratri suo Mænius hereditatem Sej, à quo heres institutus erat, post mortem suam restituere rogatus, eodem Titio herede scripto, petit, ut moriens Titius tam suam quàm Sej hereditatem Sempronio restitueret, cum ex fructibus medio tempore perceptis fideicommissi debitam quantitatem Titius percepisset, æris alieni loco non esse deducendum fideicommissum respondi, quoniam ratione compensationis percepisse debitum videbatur. Plane si ea lege Mænius Titium heredem instituat, ne fideicommissum ex testamento Sej retineat, Falcidiam compensationi sufficere sed iniquitatē occurrere. Prudentius autem fecerit, si ex testamento fratris hereditatem repudiaverit, & intestati possessionem acceperit, nec videbitur dolo fecisse, cum fraudem excluserit.*

**I**N §. Titio hæc proponitur species: Seius Mænium heredem instituit & oneravit fideicommissio his verbis: Rogo te Mæui, ut post mortem tuam hereditatem meam ad Titium fratrem tuum peruenire facias: Mæuius eundem Titium fratrem suum heredem instituit & rogavit, ut moriens ipse Titius tam suam, id est, ut ipsius Mæuij, quam Sej hereditatem Sempronio restitueret. Quod attinet ad Mæuij hereditatem, utilis institutio, vtile fideicommissum est: quantum vero attinet ad

**A** Sej hereditatem, etiam pro quadrante, quam ex Seiana hereditate Mæuius retinere potuit iure Falcidiæ, utilis institutio, vtile fideicommissum est. At pro dodrante Seianæ hereditatis, quem Mæuius moriens cepit debere Titio fratri suo, inutilis institutio est, quia creditor debitori frustra legat & relinquit, quod ab eo creditor ex alio testamento petere potest, *l. unum ex familia 69. in pr. sup. h. t. l. si debitor, infr. de lib. leg.* Et consequenter, inutile est fideicommissum, quia à creditore frustra alij relinquitur, quod ei creditori deberetur, *l. 3. si rem, tit. seq.* Deditur autem ei, nempe Titio dodrās Seianæ hereditatis ex testamento Sej iure fideicommissi à Mæuiio relictæ, quem sibi Seius heredem fecerat. Et ideo in specie proposita, in ponenda ratione legis Falcidiæ, primum deducit Titius dodrantem hereditatis Seianæ tanquam æs alienum, quod sibi Mæuius ex testamento Sej debebat. Nam hoc est certissimum, antequam ineatur ratio legatorum & fideicommissorum & legis Falcidiæ deduci debere omne æs alienum defuncti. Sic igitur deducit Titius fideicommissum sibi debitum ex testamento Sej vsque ad dodrantem, deinde ex reliquis bonis Mæuij omnibus detrahet Falcidiam, & residuum restituet Sempronio, *l. 6. & 8. C. ad l. Falc.* Ab hac definitione, quæ certissima est, excipiuntur in hoc §. duo casus, quibus etiam, quod attinet ad totam hereditatem Seianam, utilis institutio, vtile fideicommissum est. Vnus casus hic est. Si post mortem Mæuij fructus à Titio dum vixit medio tempore percepti ex bonis Mæuij, efficiant pretium dodrantis Seianæ hereditatis, qui ei debetur ex testamento Sej. Nam hoc casu fructus cum debito compensatur, & ratione compensationis Titius fideicommissum, quod ei debebatur ex testamento Sej, percepisse intelligitur, ut in *l. 15. §. quod annus, ff. ad l. Falcid.* Et hoc est, quod ait in hoc §. *cum ex fructibus medio tempore perceptis fideicommissi debitam quantitatem Titius percepisset; æris alieni loco non esse deducendum fideicommissum respondi, &c.* Hoc igitur casu Sempronio post mortem suam Titius heresve eius, qui ad vicem Titij propius accedit, restituet vtramque hereditatem Mæuiam & Seianam, deducta Falcidia, nisi & fructus medio tempore percepti Falcidiam etiam repleant, & debitum Sej, & debitum scilicet & Falcidiam, quia fructus medio tempore perceptos ante diem restituendæ hereditatis placet imputari in Falcid. *l. in fideicommissariam, ff. ad S. C. Treb.* Et eo modo restituere tenetur integram Mæuiam & Seianam hereditatem. Alter casus, quo etiam, quantum attinet ad hereditatem Seianam, utilis institutio, vtile fideicommissum est, qui proponitur in hoc §. illo loco; *Plane si ea lege Mænius Titium heredem instituat, hoc est, si Mæuius Titium fratrem suum heredem instituerit ea lege, ne in ponenda ratione legis Falcidiæ deduceret fideicommissum ei debitum ex testamento Sej, æris alieni loco, sed compensaret cum Falcidia quam retineret ex vtrisque bonis Mæuij & Sej, dodrantem vero vtrorumque bonorum Sempronio restitueret.* Nam seruanda est ea lex & voluntas Mæuij, idque obtinebit & consequetur Sempronius apud arbitrum legis Falcidiæ, non remedio cautionis Mutianæ, ut Rogerius voluit: non remedio propriæ cautionis, de implendo modo, ut Accurs. voluit, quia neque modus, neque conditio vlla iniicitur institutioni, quum ab instituto testator petit, ne debitum deducat, sed compenet cum Falcidia, Verum id Sempronius consequetur, ut ait *l. 12. infr. ad l. Falc.* remedio exceptionis doli mali, quam opponet Sempronius Titio, fideicommissum debitum ex testamento Sej cõtã voluntatem Mæuij deducere & reputare volenti, videlicet si tantum Titius habeat in Falcidia, quantum est in quantitate fideicommissi debiti Titio ex testamento Sej. Et idem comparat *l. 1. cum fideicommissum, ff. ad l. Falcid. & l. Lucius §. maritus, in fin. ff. ad S. C. Trebel.* Duo sunt casus, quos expo-



fui. Priore casu fideicommissum Titio debitum ex testamento Seij compensatur non cum Falcidia, sed cum fructibus medio tempore perceptis ex æquitate. Posteriore casu compensatur cum Falcidia ex iudicio defuncti, ex lege quam defunctus dixit, & utroque casu compensatio fit, Vel hoc, cum l. Falcidia, non quâcunque sit Falcidia minima vel maxima, Vel illo casu cum fructibus. Non quancumque sint fructus, ut Accurs. voluit, sed compensatio fiet pro modo concurrentis quantitatis, quod est pari pecunia, l. 15 §. quod annus. Nam si quid amplius sit in debito, quam in fructibus vel in Falcidia, tamen id dodranti detrahatur, tanquam æs alienum, d. l. 15 §. cum fideicom. Verum hoc posteriore casu Papin. ait, iniquitatem & fraudem aliquidque occurrere, & errorem in hoc negotio: sed, inquit, iniquitatem occurrere, sic legendum, quam postea vocat fraudem, erat, inquit, hic dolo aliquis, iniquitas aliqua, quod sic demonstrat, quia est testator, qui fideicommissum debitum iubet compensari cum Falcidia, palam non prohibeat Falcidiam, quod etiam non potuit ante Iustin. Nouel. l. nemo, sup. tit. prox. l. 15 §. 1. inf. ad l. Falc. tamen quodammodo fraudem fecit legi Falcidiæ, eamque re ipsa labefactauit, atque conuulit. Nam si verbi gratia, plus non sit in Falcidia quam in debito, Titius iure Falcidiæ nihil habere videbitur, quandoquidem quod Falcidiæ ratione deducit, id iam ei debebatur ex testamento Seij, nec desiderat deberi. Quamobrem occurrente fraude & iniquitate eiusmodi, Papin. Titio prudens consilium dat, ut repudiato testamento Mæuij fratris sui, qui superstites nullos liberos reliquit, ab intestato eius hereditatē possideat: atque ita se expediat insidiis paratis à Mæuio. Poterit autem omissio testamento fratris hereditatem ab intestato amplecti ex hac causa, impune & citra metum edicti, si quis omissa causa testamenti, quoniam in illud edictum is tantum incidit, qui dolo malo in fraudem legatariorum vel fideicommissariorum omissa causa testamenti ab intestato possidet hereditatem: nam hoc Titius non facit dolo malo in fraudem aliorum, sed fraudis sibi structæ vitandæ potius, & iniuriæ à se propellendæ causâ, ob quam, plane licet omittere testamentum quasi suspectum & insidiosum, & venire ab intestato, ut l. 42. de adq. heredi. l. 6. §. si patronus, si quis omissa causa testam. hered. ab intest. adier. Et ita est explicandus hic §.

#### Ad §. à te peto.

*A te peto maritè, si quid liberum habueris, illis prædia relinquis, vel si non habueris, tuis siue meis propinquis, aut etiam libertis nostris; non esse datam electionem, sed ordinem scriptura factum substitutioni respondi.*

**V**XOR à marito herede instituto prædia quædam legauit per fideicommissum, his verbis: *Rogo te, ut illa prædia liberis tuis relinquis, si quos liberos habueris tempore mortis, vel si liberos non habueris, ut ea relinquis tuis vel meis propinquis, vel libertis nostris.* Quæritur, an possit maritus ex iis quos vxor demonstrat, quos volet eligere, quibus prædia relinquat? Et eleganter respondet Papinianus, nullam electionem esse datam marito, sed in fideicommissio prædiorum factam esse substitutionem. Constat ut heredibus, ita legatariis & fideicommissariis substitui posse, l. ut heredibus, sup. tit. prox. & liberis substitutos propinquos mariti, & propinquos mariti substitutos propinquos vxoris, propinquos vxoris substitutos communes libertos ordinem scripturæ factum substitutioni, id est, substitutioni impositum esse ordinem scripturæ, qui sequendus sit. Idque apparet ex primo gradu substitutionis, quia dixit, *si liberos non habueris*, quare & sequentes gradus eodem modo accipiendi sunt. Ergo ordinem scripturæ sequamur, sic

A sane, nisi cum refragatur voluntas defuncti, ut in §. fidei tua, sup.

#### Ad §. vltimum.

*Vicos ciuitati relictos, qui proprios fines habebant, ex causa fideicommissi non ideo minus deberi placuit, quod testator fines eorum significaturum, & certaminis formam, quam celebrari singulis annis voluit alia scriptura se declaraturum promisit, ac postea morte præuentus non fecit.*

**T**estator ciuitati vicos quosdam legauit per fideicommissum: & mox deinde alia scriptura dixit, se significaturum fines eorum vicorum & certaminis formam, quam celebrari in eis vicis quotannis vellet, nec tamen vquam significauit postea morte præuentus. Quæritur, an ideo minus debeatur fideicommissum prædiorum? Et ait, non ideo minus deberi, quia fuit omni ex parte perfectum: & pollicitatio illa, se significaturum fines & genus certaminis, quod ibi quotannis vellet celebrari, pro superuacua est. Quod superuacuum est, non vitiat legatum aut fideicommissum: quæ abundant non vitiant scripturam. Et ita explicato hoc responso incongrue plane videbuntur ei oppositæ leges, quæ opponuntur in Glossa, quas mitto, quia nihil habent commune cum hoc responso. Non est omittendum hoc responsum Papiniani celebrari, & in testimonium vocari ab Imperatore in l. pen. de inst. & substit. trahique eius rationem ad hanc speciem: *Ille mihi heres esto secundum condiciones infra scriptas*, nullas condiciones infra scripsit, non ideo minus erit heres. Nam utique pure heres institutus videbitur, quia pollicitatio illa conditionum superuacua est, ergo inanis. Vicos autem legatos ciuitati, rusticos intelligit, ut in tit. C. lib. 11. ut nemo ad suum patr. suscipiat vicos vel rusticanos eorum. Vici constant ex villis diuersorum hominum quod plerumque sint castello domini insignes, etiam castella vocantur. Pagorum appellatio latius patet, ut cum Cæsar Heluetiam ait, fuisse diuisam in quatuor pagos, en quatre pays, contrees, ut etiam Plinius dixit Pagum Gesorianum, le pays des Grisons. Pagus, pays, contree, ut hodie constat, & in testamento Caroli Magni, Pagus Turonicus, Pagus Niuernensis, Pagus Cabilonensis, Châlons: & in vita Gelasij, Pagus Lemouicus, Limosin, Absolui legem pulcherrimam, quam qui tenet, multa preclara & singularia tenet.

#### Ad l. 10. de ann. legat.

*Seio amico fidelissimo, si voluerit, sicut meis negotiis interueniebat, eodem modo filiorum meorum interuenire, annuos senos aureos, & habitationem, qua vitur, præstari volo, non ideo minus annua Seio pro parte hereditaria viuentis filia deberi placuit, quod ex tribus filiis Titia, duo alii heredibus institutis vita decesserunt: cum tam labor, quam pecunia diuisionem reciperent.*

**P**rimi responsi species hæc est: Titia duos filios pueros, & filiam quoque puberem vnam heredes instituit ex æquis partibus, & Seio negotiorum suorum procuratori, si vellet etiam eodem modo post mortem suam filiorum suorum negotia procurare, & eorum rebus interuenire, legauit per fideicommissum senos aureos annuos, & habitationem, qua gratuito utebatur viua Titia, quæ habitatio alioquin finiretur morte Titij, si non legaretur, si eadem non esset heredum voluntas, ut habitatione frueretur. l. Lucius, ff. de don. Post mortem Titia duo filij vita decesserunt, extraneis heredibus institutis, sorore superstite, cuius dumtaxat negotia Seius administrabat. Nam filiorum negotia translata sunt ad heredes extraneos: Quæritur, an Seio debeantur seni aurei annui? Et respondet Papinianus, ei non deberi



annuam illam præstationem senum aureorum, nisi pro A parte hereditaria filiarum, cuius solius negotia gerit, id est, binos aureos tantum ei deberi. *Quia, ut labor, inquit, ita pecunia diuisionem & diminutionem recipit.*

Minuitur labor Seij mortuis filiis, & eorum partibus translatis ad heredes extraneos, ergo minuenda est annua præstatio, quæ Seio relicta est pensandi laboris causa. Operæ numero diuiduntur, l. libertus, qui post. inf. de oper. libert. Tres autem olim erant Seij operæ, quæ tribus filiis præstabantur, hodie vna tantum est opera, quæ filiarum superstiri præstatur: ergo & qui olim erant ter bini aurei, hodie erunt bini tantum, quæ est sententia huius responsi elegantissima. Recte ponit Papinianus, filios instituisse extraneos heredes. Nam si sororem heredem instituisset, neque minueretur labor Seij, neque annua præstatio; quod & hic Bartolus obseruauit recte: quod si omnes filij superstites essent, nec tamen vellent vti opera Seij in negotiis suis, proculdubio Seio per quem non stat quo minus eorum negotia gerat, deberetur præstatio annua, nisi filij haberent iustam causam improbandæ operæ Seij l. Mania, inf. hoc tit. Quid enim si fraudulenter Seius negotia gerat: annua præstatio ei relicta est fidei remunerandæ gratia, non si fides eius deficeret & collaberetur, quod & Titia demonstrauit, cum in legando ita dixit, vt proponitur hoc loco, *Seio amico fidelissimo.* Huic autem responso Papiniani vnum tantum est, quod probabiliter opponi possit, quod sumitur ex l. annua, in prin. inf. hoc tit. l. Caio §. 1. l. Stichus §. ult. de ali. leg. l. 1. C. de leg. In omnibus his legibus eadem fere species proponitur: Annua alimenta legata sunt Titio, si moraretur cum matre aut filio & herede defuncti, vel quoad moraretur cum eo & cum ea. Conditioni paruit L. Titius, habitauit cum filio vel matre defuncti, deinde mortuus est filius vel mater superstiti L. Titio, an post mortem filij vel matris annua L. Titio debentur? Et constat inter omnes deberi, quia verisimile est, testatorem sensisse de perpetua præstatione, quamdiu viueret L. Titius. Cûr & in specie proposita non interpretemur annuam præstationem Seio perpetuo relictam, & integram eam Seio deberi etiam post mortem filiorum? Rationem expediet l. illis libertis, ff. de cond. & demonstr. quoniam euident est, Titiam propter filiorum vtilitatem annua Seio legasse, vt negotiis eorum interueniret, quibus in alios translatis & finitis in persona filiorum, morte eorum, nulla amplius superest causa percipiendi legati. Nam etsi legatarium propter filij aut matris vtilitatem appareat, cum filio aut filia morari voluisse in specie supradictarum legum, quæ huic opponuntur, vt scilicet legatarius esset in actu vel obsequio, vel ministerio filij aut matris defuncti, hoc casu morte filij, vel matris finiretur annua præstatio; sed in dubio ei, cui annua alimenta legantur, si moretur, vel quoad moretur cum filio vel matre defuncti, eo genere videtur relicta habitatio certa in vsum eius, vt apud illum scil. vel illam moraretur, apud aliquem ex heredibus testatoris. Illud non est prætermittendum, quid sit dicendum in specie proposita, de habitatione Seio relicta. Nam de annuis rescribit tantum Papinianus ea deberi pro parte duntaxat hereditaria viuientis filiarum; de habitatione nihil rescribit, quæ etiam relicta fuit Seio, vt negotiis filiorum interueniret: credo, habitatio est indiuidua, vt rectissime sentit Accurs. in l. penult. §. si vsum inf. ad leg. Falcid. nec pro parte præstari potest: non possum domum, aut cænaculum aut membrum pro parte habitare, pro parte non habitare, facta sunt indiuidua, pecunia est diuidua. Quamobrem annua quidem pecuniæ præstatio diuidetur mortuis duobus filiis, sed non præstatio habitationis.

## Ad §. medico.

*Medico Sempronio, quæ viua præstabam dari volo, ea videtur relicta, quæ certam formam erogationis annua, non incertam liberalitatis voluntatem habuerunt.*

**M**edico mulier legauit per fideicommissum, quæ viua ei præstabat; non præstabat autem ei certam erogationem annuam, puta, tot aureos, vel tot culleos vini, vel tot pondo argenti, sed modo hac, modo illa re: & modo largius, modo parcius quotannis modicum munerabatur. Quæritur, ex causa fideicommissi supradicti, quid ei debeatur. Respondet nihil deberi: quia incertum est fideicommissum, & incerta liberalitatis voluntas. Et nota fideicommissum liberalitatem appellari, vt in l. cum non facile, ff. si quis, plusq. per l. Falcid. Legatum aut fideicommissum rei incertæ inutile est, l. cum post, §. gener. sup. de iur. dot. Paulus 3. Sent. tit. de legatis. Legatum nisi certa rei sit, nullius est momenti, & ita salarium incertæ pollicitationis dicitur non deberi, l. qui mutuum §. salarium, mand. nec votum incertæ pecuniæ, apud Titium Liuium 31.

## Ad §. vxori.

*Vxori præter id quod à me viuo annui nomine accipiebat, aureos centum dari volo, annuum videtur, & semel centum aureos reliquisse.*

**V**xori per fideicommissum legauit, præter id quod viuis annui nomine ei præstabat, centum aureos. Quæritur, vtrum semel tantum, an quotannis centum aurei præstandi sint? Et respondet, semel tantum esse præstandos, quia nihil pro centenis aureis significauit, sed tantum dixit, vt præter annua, quæ viuis vxori præstabat, quæ etiam vult ei præstari post mortem, eo amplius ei præstentur centum aurei, non annui quidem, quoniam hoc non dixit, sed vt semel tantum inferantur, annua tamen deberi post mortem eius, quæ præstitit viuis. Nam cum dixit, præter, comprehendit etiam fideicommissum annuum, quod viuis præstabat, & præter significat vltra, vt apud Sueton. in Aug. Præterquam Decembri mense, quo scilicet constabat frequentatos fuisse ludos Saturnaliorum lusibus aliis, festis, profestisque diebus. & l. 1. in fine sup. de pigner. act. qui æs pro auro pignori dedit, tenetur contraria actione pigneratitia præter stellionatum, quam fecit. Et stellionatus crimine renetur, & contraria pigneratitia, nec ea vox semper exceptionem facit.

## Ad §. vltimum.

*Libertis dari volo, quæ viua præstabam, & habitatio præstabitur, sumptus iumentorum non debebitur, quem actori domina præstare solita fuit utilitatis sua causa. Ideo nec sumptum medicamentorum medicus libertus recte petet, quem vt patronam eiusque familiam curaret, acceptabat.*

**L**ibertis reliquit, quæ viua præstabat: etiam habitatio, quam præstabat, eis debetur, vt in l. Sempronio, tit. seq. vt & cætera, quæ eis præstabat annua in vsum scilicet, & vtilitatem eorum. Nam fideicommissum etiam non continentur ea, quæ libertis præstabat vtilitatis suæ causa, veluti sumptus iumentorum, quos liberto actori præstabat excurrenti ad negotia sua: vel sumptus medicamentorum, quos liberto Medico præstabat, vt se familiamque suam curaret. Medicus olim ipsemet conficiebat medicamenta, non, vt fit hodie, ab alio confici imperabat. Quamobrem recte Paulus 3. Sentent. tit. de



leg.instrumento medico legato, legato cedere omnem apparatus conficiendorum medicamentorum.

Ad leg.25.de vsu & usufructu leg.

*Qui fructus prædiorum uxori reliquit, post mortem eius prædia cum redditibus ad heredes suos redire voluit, imperitia lapsus nullum fideicommissum dominus, neque proprietatis, neque fructus ad eos reuerti dedit. Etenim redditus futuri non præteriti temporis demonstrati videbantur.*

**V**Xori legauit fructus siue vsufr. prædiorum, & verbis fideicommissi declarauit se velle, vt post mortem vxoris fructuaria, prædia cum fructibus redirent ad heredes suos, quod vtique fieret ipso iure, etiam si hoc non dixisset, quia morte fructuariae finitur vsufructus, & reuertitur ad proprietariū suum, siue consolidatur, id est, solida proprietas heredum fit. Et ait, tale fideicommissum nullum esse; propter illam rationem quam attigi, quia heredes mortua fructuaria suo iure prædia & fructus habituri sunt. Inutiliter mihi relinquitur, quod meo iure habiturus sum, citra speciem legati, l. cum pater §. curatoris. sup. de leg. 2. l. post emancipationem, de leg. 3. Sensit vtique testator hoc loco de fructibus futuris post mortem fructuaria, vt redirent ad heredes, non de fructibus præteritis, quos fructuaria percipisset; sed, vt ait, iuris imperitia lapsus testator ita legauit frustra & inutiliter quod & citra legatum ad heredes perueniret. Et hæc est sententia huius legis.

Ad l.vxori meæ 9.de dote præleg.

*Vxori meæ fundum Cornelianum, & quæ nuptura obtulit æstimata in speciebus restitui volo. Respondit non æstimatum prædium in dotem datum, exceptum non videri, sed vniuersa dote prælata rerum æstimatarum pretium non relictum; verum ipsas res, quales inuenirentur.*

**V**xor marito in dotem dedit fundum Cornelianum inæstimatum, & alias plerasque res æstimatas. Fundus inæstimatus proprie dicitur dotalis, l. unica §. in fundo, C. de rei vxor. act. quia licet sit in bonis mariti dotis causa constante matrimonio, tamen soluto matrimonio plerumque is ipse fundus mulieri reddi debet, nec interrim à marito alienari potest. Alia est conditio fundi vel alterius rei æstimatæ, quoniam si fundus æstimatus sit, vel quæ alia res in dotem oblata, soluto matrimonio liberatur maritus, si malit mulieri soluere æstimationem, non rem ipsam, l. 11. §. ult. de iur. dot. Et fundum æstimatum maritus alienare potest, quia pro emptore habetur. & lex Iulia de fundo dotali, de inæstimato loquitur, non de ætimato. Hoc cognito finge, maritum, qui ab vxore in dotem fundum Cornelianum acceperat inæstimatum, & alias plerasque res æstimatas, mandasse heredibus suis, vt post mortem suam eas res æstimatas mulieri restituerent in speciebus ipsis, ac si initio inæstimatæ fuissent. Queritur, an etiam is ipse fundus, qui inæstimatus est mulieri reddi debeat; an vero satis sit, eius fundi æstimationem mulieri solui, quod posset quis tentare, quoniam qui iubet æstimatas tantum res in speciebus ipsis restitui, non quidem adiecta illa taxatione tantum, sed qui de ætimatis tantum rebus loquitur, vt mulieri restituantur in speciebus ipsis, potest videri aliud sensisse de fundo inæstimato, vt non in specie ipsa restituatur, sed liberum sit heredibus offerre fundi pretium. At Papinia aliud iudicium est, qui & fundū ipsum inæstimatum vult mulieri restitui, non pretium, quasi noluerit testator mutare ius & conditionem fundi inæstimati, sed fundi tantum æstimati, vel aliarum rerum æstimatarum. Itaque vniuersa dos mulieri restituenda est in speciebus ipsis, tales quales fuerint tempore soluti

A matrimonio, quales inuenirentur, inquit: quibus verbis significat, & deteriores factas recte restitui, vt d. l. 11. in pr. & l. 12. de iure dot. Potuit enim maritus constante matrimonio eas res vsu detetere. Et hæc est sententia huius responsi.

Ad legem 3. de instruct. & instrum. leg.

*Fundum instructum libertis patronus testamento legauit, postea codicillis petit, vt morientes partes suas fundi superstitibus restituerent, nec instructi mentionem habuit: talem in causam fideicommissi deductum videri placuit, qualis fuerat legatus, sed medij temporis augmenta fœtum, & partuum, item detrimenta fatalium fideicommissio contineri.*

**L**egauit patronus libertis suis fundum instructum, & verbis fideicommissi petiit ab eis, vt morientes partes suas fundi superstitibus restituerent, id est, in eo fundo eos inuicem precario substituit: & dixit, partes suas fundi, non partes suas fundi instructi. Sed quod dixit in legando, se libertis legare fundum instructum, id in fideicommissio ad communionem adsumitur, & repetitum intelligitur, vt in l. cum pater §. cum in perfecta, sup. de leg. 2. vt scilicet morientes liberti partes suas fundi instructi, vt legatus est, superstitibus restituant. Itaque qualis fundus legatus est, talis etiam in fideicommissum deductus esse intelligitur. Logicum est quod Bartolus dixit hoc loco, & iisdem fere verbis vsurpat Valerius in epist. ad Ruffinum, ne ducat vxorem, quæ exstat inter opera D Hieronymi: Logicum est, inquam, talia esse subiecta qualia præmiserint prædicata: vt in proposito, tale erit fideicommissum, quale fuit legatum: fuit legatum fundi instructi: & fideicommissum igitur erit fundi instructi. Et subiicit Papinianus quod est satis difficile, fideicommissio huiusmodi contineri augmenta fœtum & partuum, & detrimenta fatalium, quæ verba non intelligens Martinus, tentabat vt Accursi. notat, addita negatione hoc loco legere fideicommissio non contineri, perperam, quia etsi instrumento non contineantur pecora fundi, quæ scilicet in fundo paterfam. habuit, vt ex eis pecoribus, vt ex grege pecorum fructus caperet, vel negotiaretur venditis fœtibus pecorum, l. de grege, hoc t. continentur tamen instructo, l. 2. C. de verbor. signif. Et hic proponitur legatus instructus fundus. patet latius instructi nomen, quam instrumenti legatum. Ergo instructo continentur etiam fœtus pecorum fundi, qui submissi gregem retinent, & retentant, l. deducta §. hereditatem, ff. ad Trebell. l. 11. §. si serui, de iur. dot. Addit Paulus 3. Sentent. tit. de leg. etiam instructo contineri pecora, quæ patrifamil. instruendarum epularum gratia in fundo comparata sunt. Ergo & fœtus eorum, quibus latius instruuntur epulæ patrifamil. qua Pauli sententia ductus valde probo, quod omnes libri veteres habent Varonis 2. de re rustica, cum, qui parat pecus, scire debere in grege, quot fœminas habeat, quot parere possunt, quot arietes, quot utriusque generis soboles, quot epula sint alienanda: quæ postrema verba nullum non vexant, sed intelligere oportet, quot epulæ instruendæ sint hominibus distrahendæ. Nam & epulæ singulariter antiquos posuisse Festus scribit. Constat etiam instructo contineri mancipia, quæ in fundo habuit paterfam. sui cultus & ministerij causa, & vxores & natos, vt ait l. quæsitum, §. contubernales, h. t. vxores & infantes, §. vxores quoque, in eadem, l. quæsitum. Vulgari sermone infantes accipiens pro natis, vt D. Hieronymus in Genesim ait, sua ætate Romanæ omnes filios vocatos infantes, vt scilicet in idiotismo nostro, enfant. Denique partus ancillarum, quæ in fundo instructo sunt, partus, nati, infantes & ipsi instructo continentur. Et huc valde pertinet lex penult. inf. hoc titulo, quæ ostendit etiam medio tempore agnata, a



testamento facto scilicet in diem mortis testatoris, instructo cedere. Quid vocat agnata? nisi fœtus & partus. Ergo recte etiam Papinianus ait hoc loco, *medij temporis*, à die scilicet mortis testatoris in diem fideicommissi cedentem, *augmenta fœtuum & partuum fideicommissi contineri*. Et addit, *ut augmenta*, ita etiam detrimenta fatalium, quæ alij vocant damna fatalia, quæ ex improviso contingunt, nec evitari possunt, fideicommissi contineri. Quid hoc est? augmenta scilicet augere instructi legatum: detrimenta fatalia minuire? puta, si suo fato deperierint pecora, vel mancipia, vel fœtus aut partus, instructum recipere augmentum & deminutionem. Et ita hoc primum responsum explicatum est. Sequitur aliud.

Ad §. minor.

*Minor viginti annis instructa prædia consobrina sua dari voluit, & quosdam seruos prædiorum viuis manumisit. Non idcirco serui manumissi præstabuntur, quod ad libertatem peruenire non possunt. Idem iuris est, cum ex quavis alia causa libertas non competit.*

**M**inor viginti annis, cui per l. Eliam Sentiam non licet seruum manumittere nec inter viuos, nisi vindicta, causa probata apud consilium prætoris vel præsidis, nec testamento, consobrina sua legauit instructa prædia quædam. In instructo istorum prædiorum erant serui, quos viuis post testamentum manumisit inutiliter, libertas seruis non competit. Vel finge, manumisit eos vtiliter causa probata consilio, sed extrinsecus superuenit alia causa, quæ libertati impedimento est, veluti quæstio adulterij, vt in l. cum filius, §. seruus, sup. de leg. 2. Quæritur, an ij serui, qui à testatore non iure, aut frustra manumissi sunt, instructo prædiorum cedant? Et respondet Papinian. non cedere recte, quia destinatione testatoris instructo exempti sunt, etiam si ea destinatio ad effectum perducta non fuerit, vt in l. 19. §. ult. inf. de pec. leg. Et hoc quoque modo instructi legatum vel fideicommissum deminutionem recipit. Nec obstant tres leges, quas Accurs. in medium profert, tanquam huic responso contrarias, l. seruum filij §. si idem, de leg. 1. l. si seruus legatus §. si seruus, eod. tit. l. qui testamento, de leg. 2. l. cum ita §. ult. de opt. leg. In iis omnibus ostenditur, eodem seruo legato, & manumisso inutiliter non perimi legatum serui. Distinctio aliqua adhibenda est, vt hæc leges cum hoc responso in concordiam adducantur. An adhibebimus hanc distinctionem, qua vtitur Glossa in d. l. qui testamento. Aut antiquius est legatum serui manumissione, vt in hoc responso, & tunc manumissio, quamuis sit inutilis, argumentum est adempti aut deminuti legati: aut manumissio inutilis, cuiusve conditio defecit postea, nihil refert, antiquior est legato, & vtile legatum est. Sed hanc distinctionem refellit d. l. seruum filij §. si idem. quæ legatum antiquius facit manumissione, & tamen statuit vtile esse legatum? An igitur, ita distinguemus vt Accurs. hoc loco. Aut specialiter seruum legauit, & legatum vtile est, etiam seruo manumisso, modo sit manumissio inutilis, alioqui legato præponderat manumissio. Aut generaliter seruum legauit, ac manumisit inutiliter, & legatum inutile est. Hanc distinctionem etiam refellit d. l. cum ita, §. ult. quæ seruo legato generaliter & manumisso sub conditione, deficiente conditione libertatis ait: etiam in eo seruo legatum consistere, & eligi eum seruum posse ab eo, cui homo generaliter legatus est. An igitur potior erit hæc vltima Accurs. distinctio? Aut eodem testamento legauit seruum, & inutiliter manumisit eadem scriptura, eodem tempore, & quasi momento, & non videtur tam cito à legato recenti, quod fecit iuncta scriptura penitus recessisse, sed ita demum, si libertas seruo competere pos-

sit. Aut testamento seruum legauit & manumisit inter viuos, vt in hoc responso, & hoc plane videtur fecisse consulta opera, legati adimendi aut minuendi gratia. Multum interest duobus instrumentis quid fiat, diuersisque temporibus, an instrumento vno, tempore vno, l. quingenta, sup. de probat. coniuncta l. plane §. sed si non corpus, sup. de leg. 1. Et hæc probabilior distinctio est. Sequitur l. 9. de alim. & cib. leg.

Ad l. 9. de alim. leg.

*Alio herede instituto, ita scripsi: à te peto Cai Seii, quicquid ex hereditate mea redegeris, illis alumnis meis des, singulis denos aureos eandemque summam penes te esse volo, cuius ex incremento eos alere, te volo, reliquum restitues Numerio conliberto nostro. Respondi quamuis distrabere bona Caius Seius alio scripto herede non possit, tamen eum alumnis relictam pecuniam, vt seruet ac restituat intra Falcidiam recte petiturum, quod de superfluo probari non potest.*

**I**n l. 9. de alim. legat. proponitur testator L. Titium heredem instituisse; deinde C. Seium, quem neque heredem instituerat, nec ei quidquam legauerat, fecisse dispensatorem siue curatorem & executorem certa in re, de qua mox dicemus, supremæ voluntatis suæ. Idem etiam dicitur minister, ἐπιτερος, & ὑπαργός in Basilicis, vt memini me dicere lib. 7. ad l. 8. hoc tit. λειτεργός. Cuius pars etiam est de executore supremæ voluntatis, & apud Diogenem Laertium in testamento Theophrasti & Stratonis ἐπιμελητής τῶν, &c. Et hoc causam dedit Bartolo in hac præcipue l. suo pte ingenio multa querendi, excogitandi, adinueniendi de executoribus supremarum voluntatum, cuius traditiones pleraque hæc de re in mores abierunt, licet nulla certa lege subnixæ sint, sed ingenio tantum illius hominis, quoniam de executoribus testamentorum pauca legibus prodita sunt, quæ sola decreui etiam paucis explicare. Et leges nihil fere dant executoribus supremarum voluntatum mores dant hodie nimium.

Cum igitur in hac lege proponatur testator Caium Seium elegisse executorem suæ voluntatis, videamus, qua in re eum elegerit & fecerit executorem. Nimirum petiit ab eo, vt auctioni siue venditioni bonorum suorum interesset, vel præesset, & quidquid pecuniarum ex ea venditione redigeret Caius Seius, ex eo in primis reseruaret, & seponeret alumnis testatoris singulis denos aureos, non annuos, quod perperam additur in quibusdam codicibus, sed singulis semel dumtaxat attribuendos, eamque summam, puta, triginta aureorum, si erant tres alumni, testator Caium Seium penes se habere voluit, & ex eius summæ incremento alumnos alere & tueri, superfluum autem incrementi Numerio restituere colliberto. Incrementum vocat usuram supradictæ summæ triginta aureorum. Usura est incrementum sortis, πλεονασμός, vt dixerunt 70. Leuit. 25. Reliquum autem quod redactum est ex venditione rerum hereditariarum, sane voluit testator L. Titium heredem institutum suo iure sibi habere: hæc est testatoris suprema voluntas. Et primum quidem constat Caium Seium, non posse facere auctionem bonorum, quia heres non est, hoc munus est heredis, non dispensatoris vel executoris. Et hoc Papinianus ponit pro certo atque confesso. Sed quæritur, an Caius Seius ab herede petere possit alumnis relictam pecuniam, vt eam secundum voluntatem testatoris alumnos seruet & restituat, alendo eos ex usuris eius pecuniæ salua heredi Falcidia, si locum habeat: nam ex relicto alimentorum Falcidiam detrahi constat, l. hereditatem, & l. Diui, ff. ad l. Falcid. Et hic locus aperte probat, id esse verissimum, dum ait, intra Falcidiam, id est, salua heredi Falcidia, relictam pecuniam alumnos eis à Caii Seio esse



esse seruandam intra Falcidiam, id est, citra Falcidiam, quæ heredi salua esse debet, vt in Glossa *intra*, id est, *citra*: sicut retro *citra* pro *intra*, sæpissime apud Cornelium Tacitum legitur. Quæstioni autem propositæ Papinian. ita respondet: Caium Seium ab herede posse petere pecuniam destinatam alimentis alumnorum testatoris, quod fauorem alimentorum extorsisse apparet ex eo, quod Papinian. subiicit, *C. Seium non habere etiam petitionem superflui usurarum eius pecunia, quod Numerio relictum est*. Quia extra causam alimentorum alumnis præstandorum vel extra quam aliam piam causam, vt probat *l. nulli, C. de episc. & cler.* nudo executori in heredem nulla est actio; nam & causa alimentorum, piis causis adnumeratur, maxime si pauperibus relinquuntur alimenta, *l. nulla, hoc tit. & Nouel. 131.* illo loco, *ἡς ἅλω-χον τρεφῶν*, &c. In alimenta, inquit, pauperum & in alias pias causas, neque quidquam amplius de nudo executore supremæ voluntatis legibus proditum est præter id, quod iam habuimus *sup. in l. 8.*

#### Ad §. eum quoque.

*Eum quoque libertum inter eos, quibus cibaria, item vestiarius patrona, quæ viua præstabat, reliquit, re-  
ste fideicommissum petiturum existimari, qui annuos viginti aureos & menstruum frumentum, atque vinum acceptauit.*

**H**ic priori responso Papinian. subiicit aliud, quod ad longe aliam speciem pertinet quam superius, & vulgo confunditur male cum superiore. Patrona per fideicommissum reliquit libertis suis cibaria & vestiaria, quæ viua præstabat. Inter libertos est vnus, cui viua præstabat annuos 20. aureos, & menstruum frumentum atque vinum. Quæritur, an huic etiam liberto ex superiore fideicommissio debeantur 20. aurei annui & frumentum vinumque menstruum quod viua ei præstabat? Posset dici non deberi, quia non hæc libertis reliquit per fideicommissum, sed cibatum & vestitum, cibaria, & vestiaria. Et tamen Papinianus ait, Eum libertum ex causa fideicommissi ferre id omne, quod acceptauit à viua, id est, annuos aureos 20. & menstruum frumenti, vinique certum modum, certam erogationem, quam viua faciebat: & falsam demonstrationem non officere fideicommissio, quod omnino congruit cum *l. Titia §. ult. sup. de ann. leg.* vulgo non intelligunt quæ sit vis, aut qua in re consistat vis huius responsi. Acceptare, quo verbo utitur, est verbum proprium præstationum annuarum, vt in *l. Seio §. ult. de ann. leg. l. qui nominibus. §. ult. D. de admi. tut. l. tale §. post diuisionem, sup. de pact.*

#### Ad l. 24. de liberat. leg.

*Cum heres rogatur debitorem suum liberare, de eo tantum cogitatum videtur, quod in obligatione manserit; itaque si quid ante tabulas apertas fuerit solutum, ad causam fideicommissi non pertinebit, quod autem post tabulas apertas ante aditam hereditatem ab eo, qui voluntatem defuncti non ignorauit, fuerit exactum, dolo proximum erit, ideoque repeti potest.*

**T**estator heredem rogauit, vt debitorem suum, id est, debitorem heredis proprium, non debitorem testatoris liberaret; debitor ante apertas tabulas testamenti, cum ignoraret sibi liberationem legatam, ignoraret id etiam heres, heredi bona fide soluit. Quæritur, an postea cognita voluntate testatoris, debitor soluti conditionem habeat tanquam indebiti? Et respondet non habere, quia de eo tantum cogitasse testator videtur, quod in obligatione mansisset, non quod esse desisset

Respon. Papin.

**A** solutione citra dolum heredis: vt hic ponitur dolo caruisse heres, qui ignorabat tenorem testamenti, clausis tabulis testamenti, necdum apertis. Nam si dulus heredis interueniat, vt si post apertas tabulas cognita voluntate testatoris, quod sibi debitor debuit, qui ignorat voluntatem testatoris, exegerit, propter dolum heredis qui fraudem fecit voluntati testatoris, & distulit aditionem, vt exigeret debitorem contra voluntatem defuncti, hoc casu debitori conditio indebiti competit: differentiam igitur facit inter scientem & ignorantem voluntatem defuncti, quia in illo dulus est, in hoc nullus dulus est, & tamen in *l. si quis §. 1. sup. de leg. 1.* dicitur indistincte, heredem seruum proprium à se legatum si manumiserit, legatario teneri, siue scierit, inquam, siue ignorauerit à se legatum. Ne dicas, vt Glossa ibi, heredem seruum manumisisse post aditam hereditatem: idem erit, si manumiserit ante aditam hereditatem. & verius est, sic esse definiendam rem omnem, facto heredis legatum perimi non posse, veluti inanumisso seruo legato, siue scierit, siue ignorauerit esse legatum. & in specie huius l. etiam facto heredis non perimi legatum liberationis, sed facto debitoris soluentis, si ignorans soluerit ignoranti, legatum perimitur, non etiam si ignorans soluerit scienti.

#### Ad l. 24. de adim. leg.

*Legatum sub conditione datum, cum transfertur, sub eadem conditione transferri videtur, si non conditio prioris persona cohæreat. Nam si quis uxori, sublatis liberis legauerit, repetita conditio non videbitur, quæ fuit in persona mulieris necessaria.*

**I**n principio legis 24. ostenditur, legatum relictum sub conditione, si adimatur & transferatur in alium, translatum videri sub conditione, nisi, inquit, prioris legatarij personæ conditio cohæreat, vt, quo exemplo utitur, si uxori legatum sit sub conditione, si liberos susceperit, etiam si legatum illud translatum sit in aliam mulierem, non intelligitur repetita esse eadem conditio, si & alia mulier liberos susceperet, quia ea conditio cohærebat personæ vxoris, quasi maxime necessaria in persona vxoris ex *l. Papia*, vt beneficio liberorum caperet legatum, cuius ex *l. Papia* alioquin incapax est ex testamento mariti. Quamobrem & ea conditio frequenter adscribitur legato vxori relicto, *l. 9. & 25. & 60. inf. de cond. & demonstr.* In persona alterius mulieris, quæ erat capax, nec indigebat beneficio liberorum, non fuit ea conditio necessaria: ideoque nec repetita intelligitur. Et cum hac sententia Papinia. congruit omnino *l. Caium, in pr. sup. de adim. leg. & l. 94. inf. de cond. & demonstr.* Verum obstat huic sententiæ *l. sub conditione, sup. de heredib. instit.* quæ ait, conditionem adscriptam heredi instituto, non videri repetitam in substituto, in quem videtur transferri hereditas. an aliud est in hereditate, aliud in legato? Minime vero, sed hoc ideo ita est proditum in *d. l. sub conditione*. quia in substitutum non transfertur hereditas. Alioquin transfertur cum omni suo onere, cum omni causa sua, sed ei datur directo: & idem dicerem in substituto legatarij. Noli igitur separare hereditatem à legato, sed separa substitutum legatarij aut heredis instituti ab eo, in quem transfertur hereditas mutata voluntate, eodem testamento, vel alio, aut legato, vel fideicommissio.

#### Ad §. pater.

*Pater hortos instructos filia legauit, postea quadam ex mancipiis hortorum uxori donauit, siue donationes confirmavit, siue non confirmavit, posterior voluntas filia legato potior erit. Sed & si non valeat donatio, tamen minuisse filia legatum pater intelligitur.*



**P**roponit, testatorem hortos instructos filiae legasse, postea seruum, qui erat in instructo vel instrumento hortorum, donasse vxori inter viuos, etiamsi donatio non sit confirmata ultimo iudicio donatoris, id est, etiamsi inutilis sit, deminutum intelligitur esse legatum hortorum instructorum, etiam donatio inutilis, sicut manumissio inter viuos minuit legatum. Et posterior voluntas, id est, donatio collata in vxorem, legato filiae est potior, id est, legato filiae seruus donatus eximitur, licet donatio effectum non habuerit. Et coniungi omnino debet hic locus cum l. 3. §. ult. sup. de instr. leg. & obserua testatorem ex instructo hortorum vxori donasse alio instrumento, nempe inter viuos, & in eo seruo legatum esse inutile, licet donatio inutilis sit: secus esset dicendum, si eodem testamento donasset eodem instrumento, vt l. ult. §. ult. de aur. & arg. leg. Proponitur quaedam legasse cuidam vniuersa ornamenta sua. Deinde eodem testamento iussisse ornamenta quaedam sua infumi in funus & condi, forte sarcophago, & huic voluntati non paruissse heredes, quod potuerunt impune, non consumpsisse ea ornamenta, an debentur ei, cui vniuersa sunt ornamenta legata, an cedunt lucro heredum? Et dicitur: in eis ornamentis, quae consumi iusserat legatum consistere. Quod eadem scriptura non penitus minuisse videtur, sed ita demum si ornamenta consumerentur, quod confirmat distinctionem à nobis heri approbatam. De donatione autem inter virum & vxorem confirmata testamento sunt repetenda quae dixi in l. 54. de donat. inter vir. & vxor. & l. cum pater §. pater filia, de leg. 2.

Ad l. 16. de his, quib. vt ind.

*Cum tabulis secundis pater impuberi filio fratris filios coheredibus datis substituisse, ac substituti fratris filij post mortem pueri matrem eius partus subiecti ream postulassent, vt hereditatem patris legitimam obtinerent: vultis auferendam esse partem hereditatis ex causa substitutionis, respondi, quia ex testamento sententiam secundum se dictam non haberent.*

**I**nitio huius legis hæc proponitur species. Pater filio impuberi, quem habet in potestate heredi instituto substituit ex parte in secundum casum, quæ substitutio pupillaris appellatur, id est, pupillare testamentum, substituit ex parte filios fratris qui impuberi sunt fratres patrueles, & alios quosdam. Post mortem patris, mortuo etiam filio intra pubertatem, filij fratris testatoris, matrem pupilli ream fecerunt suppositi partus, ita scilicet vindicantes sibi totam hereditatem patris ab intestato, qui non accusata matre pupilli suppositi partus ex testamento pupilli, id est, ex substitutione pupillari tulissent tantum partem, tãquam substituti in partem duntaxat. Nam si substituti fuissent in assem, iure substitutionis laturis assem, omnino nihil profuisset accusatio suppositi partus, sed ideo eam instituerunt, vt irritum facerent testamentum pupillare, & ab intestato patris totam hereditatem obtinerent. Et sane si in ea accusatione obtinuissent, proculdubio totam patris hereditatem ab intestato vindicassent & exclusissent coheredes sibi adiectos in testamento pupillari. At si non obtinuerunt in accusatione suppositi partus, qui hac via captabant assem, & partis delatæ ex substitutione pupillari damnum facient, quia substitutione sunt indigni, qui eam oppugnaverunt, negando eos, quibus facta est substitutio, quæ non potest fieri nisi liberis in potestate constitutis, l. 2. de vulg. & pupill. subst. Negando, inquam, eos esse liberos defuncti, quod utique negant, qui dicunt matrem supposuisse partum, l. 1. §. ult. de Carbon. edic. denique qui captabant totum, & partem amittunt, quam alioqui obtinuissent. Sic sæpe fallun-

tur aucupes & venatores, dum nimiam prædā affectant, quibus etiam Poëtæ solent comparare captatores alienorum testamentorum. Et est vera vox illa vulgo iactitata:

*Qui duos lepores insequitur, is neutrum capit.*

Pars autem hereditatis pupillaris, quæ aufertur filiis fratris tanquam indignis, proculdubio cedit in fiscum l. 9. in fin. hoc tit. Quæ vt indignis auferuntur, proprio nomine vocantur *ereptitia*, quod à fisco ea eripiantur plerumque exceptis duobus vel tribus casibus.

Ad §. quoniam stuprum.

*Quoniam stuprum in ea contrahi non placuit, quæ se non patroni concubinam esse patitur, eius qui concubinam habuit, quod testamento relictum est, actio non denegabitur, id est, in testamento Cocceij Cassiani clarissimi viri, qui Rufinam ingenuam honore pleno dilexerat, optimi maximique Principes nostri indicauerunt, cuius filiam, quam alumnam testamento Cassianus nepti coheredem datam appellauerat, vulgo quasitam apparuit.*

**Q**uidam Senator pop. Rom. Rufinam ingenuam mulierem pleno honore dilexit, id est, vxorem legitimam habuit. honore isto pleno secernitur vxor à concubina, item legato, §. pen. sup. de leg. 3. l. donationes sup. de don. l. 13. C. de postlim. ren. ab host. l. 8. C. de ope. liberr. neque. n. concubina, si alterius, quam patroni sit concubina, matrisfa. id est, vxoris legitimæ honestatem habet, quamuis iure licito habeatur in l. probrum, de rit. nupt. Et hoc maxime concubina distat ab vxore dignitate, seu honestate. *Honore pleno*: Itaque concubina non est vxor, sed vxorem imitatur, vt ait Iulianus in Nou. 17. Concubinatus non est matrimonium, sed imitatio matrimonij aut semimatrimonij, nec tamen est illicita. Imo legitima coniunctio, quod nostri ignorant quomodo fiat, quia non sunt in vsu concubinæ hodie, nisi in montanis quibusdam regionibus. Ergo & matrimonium & concubinatus, vtrique legitima coniunctio est, l. in concubinato, in fi. de concub. Cum concubina stuprum non committitur, etiamsi is, qui eam habet, non sit eius patronus. Patronus dicitur honestius libertam habere concubinam, quam matremfam. id est, vxorem iustam, l. 1. §. 1. sup. de concub. Sed tamen & non patronum dicimus habere posse concubinam impune, nec cum ea stuprum committere. Et hoc est quod ait §. huius initio, *stuprum in ea non contrahi, quæ se non patroni concubinam esse patitur*. Quæ se patroni concubinam esse patitur, hoc est certum, quia honestius à patrono habetur vt concubina, quam vt materfam. Sed & in ea stuprum committi non placet, quæ se non patroni concubinam esse patitur: non patroni, id est, exteri nomine infinito, vt fit sæpe, vice nominis vsurpato. Senator igitur pop. Rom. vt initio posui, Rufinam in matrimonio habuit, & post mortem Rufinæ, filiam eius, id est, priuignam suam in concubinatu adsumpsit, in matrimonium non potuisset, non est vitrico coniubium cum priuigna; nec soluta adfinitate morte vxoris, quod Institutiones docent: & sæpe fit, vt cum qua non est iustum matrimonium, sit tamen iustus concubinatus, quod non eodem honore habeatur concubina, quo iusta vxor, non eodem numero, vt in l. 1. §. qui autē, & §. ult. & l. ult. sup. de concubin. Contra, videtur in hac specie Senatori cum priuigna non fuisse iustum concubinatum, quia fuit ingenua, nata nimirum ex Rufina ingenua muliere, l. quod ex liberta, C. de oper. libert. legend. *quod ex libera*. Cū ingenua autem muliere nec iustus concubinatus est, d. l. in concubinato, sup. de concub. vt & Vopiscus refert, Aurelianus Imperatorem concubinas ingenuas habere vetuisse. At ita respondet, imo & in concubinato haberi pos-



se ingenuam, quæ vulgo corpore quæstum fecerit, d. l. in concubinato. Et in hac quoque specie, ut Papinianus ait, apparuit supradictam pruinam, vulgo quæstum, siue quæstum, ut habent Florentini propius vero, sed deficiente verbo fecisse, quod supplendum est, apparuit, inquam, supradictam pruinam, vulgo quæstum fecisse, ut in extremo huius responsi esse legendum, iam pridem ostendi. Iure ergo Senator eam habuit in concubinato, & consequenter iure eam ut concubinam Senator testamento ex parte heredem instituit sub appellatione alumnæ, adiecta coherede nepte eiusdem Senatoris. Iustæ enim concubinæ plus habent hac in re, quam habuerint iustæ vxores. Ante Iustinianum, vxores non habebant, nisi beneficio liberorum solidi capacitatem ex testamento mariti, concubinæ habebant. Cum concubina igitur est testamenti factio, ut hic locus aperte demonstrat, & solidi capacitatem habet concubina, ut dixi, & habuit ante Nou. Iust. de natur. lib. Cum concubina est testamenti factio, quia stuprum cum ea non contrahitur: cum stupro cognita virgine vel vidua non est testamenti factio, nec si militare testamentum sit, sed quod ei relinquitur, fiscus occupat, l. muliere, sup. hoc tit. l. miles ita §. mulier, de milit. testam. Et hæc est sententia huius 2. responsi. quam Papin. confirmat ex decreto Seueri & Antonini, quos solet optimos maximos Principes appellare.

#### Ad §. vltimum.

Cum heredis nomen, mutata voluntate paterfam. incisis tabulis induxisset, atque ideo fisco portionis emolumentum adiudicatum fuisset; eam rem legatariis non obesse, qui retinuerant voluntatem D. Marco placuit, & ideo cum suo onere fisco succedere.

**T**estator qui plures heredes scripserat, inciso lino, quo iunctæ erant tabulæ testamenti, hoc est incisis tabulis, ut ait, mutata voluntate, vnius heredis nomen deleuit. Quo facto, quia eum iudicauit indignum sua hereditate, fiscus in eius portionem successit, & successit cum onere legatorum ab eo herede relictorum & fideicommissorum & libertatum, vt D. Marcus decreuit, cuius etiam decreti sit mentio in l. cum quidam, h. tit. Et forma decreti exponitur in l. pen. de iis, quæ in testam. delent. Cum onere, inquam, legatorum, quia legatariorum nomina etiam testator non deleuit. Legatarij retinuerunt voluntatem, is solus heres non retinuit voluntatem, cuius nomen inductum & deletum est. Et generaliter tandem obtinuit ex omnibus causis caduca fieri cum onere, l. quidam §. quotiens, de leg. 1. l. in facto, §. vlt. de condit. & demonstr. l. 3. §. cum ex causa, l. dicitur, inf. de iure fisci. l. 2. §. vlt. si quis aliq. test. prohib. l. cum fisco, de Senat. Syllan. Maxime autem obseruandum est in specie hoc loco proposita, testatorem vnius tantum heredis nomen induxisse & deleuisse, non omnium heredum testamento scriptorum, ex quo euidenter apparet noluisse eum mori intestatum; vt in l. 2. sup. de iis, quæ in testam. del. Nam si voluisset intestati exitum facere, non vnius, sed omnium heredum nomina circumscripisset: at sane si omnium heredum nomina circumscripserit, voluntatis quæstio est: vtrum voluerit intestatus decedere, quod si voluisse eum probauerint legitimi heredes, qui veniunt ab intestato, scriptis hereditatem auferent excluso fisco, nec hoc casu legata, aut fideicommissa debentur; quia probauerunt eum mori voluisse intestatum, & legata etiam ab intestato fuisse relicta non proponitur, l. vlt. sup. de iis, quæ in test. delent. l. 1. §. pen. inf. si tab. testam. null. ext. Paulus 4. Sent. tit. de intestator. successio. nibus. vt est legendum, in collatione legis Dei cum iure ciuili populi Rom. cuius auctorem facio Licinium Rufinū, vbi referuntur maxime ad hanc rem apposita hæc Pauli verba: Intestati sunt & qui linum, vt intestati decederent, Respons. Papin.

**A**bruperunt. Et rursus quæstio est voluntatis, cum omnia heredum nomina deleuit, an heredes scriptos iudicauerit esse indignos sua hereditate, quod in dubio præsumitur, nisi aliud probent legitimi heredes, vt supra diximus, & fiscus in locum heredum scriptorum succedit cum onere legatorum. In dubio adsumitur benignior sententia, ne intercidant legata aut fideicommissa, quæ interciderent, si in dubio res intelligeretur deducta ad causam intestati, l. pen. sup. de iis, quæ in test. delentur.

#### Ad leg. 93. de condit. & demonstratione

**B** Mater filio suo coheredes sine ulla conditione filias ipsius dedit, ac petiit, ut filias suas emanciparet, ita ut curatores à præatore acciperent. filij videri fidei commississe placuit, ut eas sui iuris constitutas, ad hereditatem anie peruenire pateretur, nec ad rem pertinere, si portionem filiarum iure substitutionis quæssisset.

**C**um in superiori lege ex Vlpiano propositum esset, fideicommissum, quo heres vel legatarius rogatur filios suos emancipare, iure quidem directo ratum non esse, quia scilicet patria potestas inestimabilis res est, vt l. filias fam. §. secundum, de leg. 1. sed agnito legato vel hereditate extra ordinem, id est, auctoritate Principis compelli eum posse, vt filios emancipet, ne circumueniatur voluntas testantis, quam utique circumuenit, qui agnoscit legatum & hereditatem, & id tamen, cuius contemplatione legatum vel hereditas relicta est, implere debet prolato in eam rem rescripto quodam Diui Seueri; nunc in hac lege ex Papin. eiusdem rescripti species & sententia proponitur, quæ talis est. Mater filium suum, & filias ipsius, vt in hac lege, vel filios ipsius, vt in lege superiori, sed nihil refert, id est, neptes, vel nepotes suos heredes instituit omnes pure, nec nepotum vel neptium institutioni adiecit conditionem emancipationis; si à patre emanciparentur, sed omnes pure heredes instituit, & eos inuicem substituit vulgari modo, scilicet in primum ealium verbis directis; deinde filium rogauit, vt eos nepotes neptesve emanciparet, ita vt emancipati curatores à præatore acciperent, qui erant minores 25. annis; nec rogauit etiam filium, vt eis restitueret portiones hereditarias eis in testamento ante adscriptas, & filio per eos easve adquisitas iure patriæ potestatis, vel iure substitutionis vulgaris. Nam quod maxime notandum est, in electione & arbitrio est patris substituti, filiis suis, quos habet in potestate, vtrum malit ex eorum persona acquirere hereditatem iure patriæ potestatis, iubendo eos adire hereditatem, an non iubendo, ex sua persona eam acquirere iure substitutionis vulgaris, quæ vice mutua facta proponitur. Et in hanc rem est valde singularis l. Iulianus, in fine, sup. si quis om. sa causa, testamenti: & tamen, ut Papinianus ait, filius rogatus emancipare filios ipsius coheredes ei datos, tacite rogatus videtur post emancipationem illis filiis restituere portiones eorum, siue eas quæsserit iure potestatis, siue iure substitutionis. Quo enim emancipatio, nisi vt eis restituat portiones eorum? Quo rogatur eos emancipare, nisi vt mox eis restituat portiones eorum sibi adquisitas quoquo iure? cum in eius arbitrio fuerit, hoc vel illo iure eas acquirere. Itaque & portiones eorum post emancipationem restituere debet sine mora, alioquin ex mora præstabit fructus & vsuras, vt in superiori lege. Et hæc est sententia huius responsi; congruens omnino cum rescripto Seueri, quod proponitur in superiori lege, & aliud ex alio lumen faceratur, congruens etiam omnino cum l. quamuis, C. de fideicommiss.



## Ad l. 101. de condit. &amp; demonst.

*Pater Senerinam Proculam Elio Philippo cognato nuptiis testamento designauit. eidem filia pradium, si Elio Philippo nupsisset, verbis fideicommissi reliquit, quod si non nupsisset, idem pradium Philippo dari voluit, nondum viripotens puella diem suum obiit, respondi, cum in conditionibus testamentorum voluntatem potius quam verba considerari oporteat, Elio Philippo fideicommissum ita datum videri, si ei Procula defuncti filia nubere noluisse, quare cum ea prius quam viripotens fieret, vita decesserit, conditionem extitisse non videri.*

**A**gredimur l. 101. de condit. & demonst. quæ continet quinque responsa: tribus primis hoc agitur, ut tribus exemplis propositis ostendat, in conditionibus, quæ testamentis adscribuntur, voluntatem potius testatorum spectari, quam verba. Primum exemplum tale est. pater filia impuberi, quam testamento nuptiis Philippo destinauit, filia, inquam, impuberi destinata Philippo, cum nubilus esset ætatis, prædium legauit per fideicommissum sub conditione, si Philippo nupsisset, & sub contraria conditione, si Philippo non nupsisset, idem prædium Philippo legauit: post mortem patris filia Philippo non nupsit, quia & ipsa mox mortem obiit impubes, nec dum facta viripotens, siue viripariens, ut esse dicendum quosdam existimare Festus refert, credo, quia viripotens dicitur, de matre valido apud Plautum in Persa. Certum autem est filiam legatum in heredem suum non transmississe, quia pendente conditione vita decessit. At quæritur, an legatum Philippo debeatur? Si verba spectas conditionis, debetur; quia verum est, filiam ei non nupsisse: sed si voluntatem testatoris spectas, ita demum Philippo datum videtur legatum, si filia cum nubilus esset & viripotens, ei nubere noluisse. Cum ergo nondum facta viripotens vita decesserit, non intelligitur extitisse conditio legati, Philippo relictæ, & consequenter legatum Philippo non debetur. In conditionibus defuncti voluntas scripto potior est, & primum locum obtinet, & regit conditiones, l. in conditionibus, sup. h. tit. Quod in fideicommissis plerumque seruatur, ut in eis plus valeat voluntas, quam scriptum aut nuncupatum, quod est, l. cum virum, C. de fideicom. l. pen. sup. de leg. 1. In directis hereditatibus, & legatis sane olim potius sequebantur scripta & formulæ inhærebant, ut patet ex l. commodissime, de lib. & post. l. si alij, sup. de usus. leg. l. ille aut ille §. 1. sup. de leg. 3. At meo iudicio ex sententia Iustiniani, voluntas dominatur in omnibus, ut ait, l. cum questio, in fine, C. de legat. vbi, in omnibus, id est, non tantum in fideicommissis aut conditionibus, sed etiam in hereditatibus & legatis, ut declarat idem Papin. in quæstione. 1. huius legis. nec ineleganter cum alia de re agitur, quam de directa scriptura siue oratione, puta, quid rerum prouincialium appellatione testator intellexerit, l. ex facto proponebatur, §. rerum, sup. de hered. instit. totum, inquam, facit voluntas defuncti. Nam quid senserit, spectandum. Male autem quidam notant in specie proposita; in fideicommissio prædij filia substitutum fuisse Philippum vulgariter. Nam si Philippus filia substitutus esset, in vtrumque casum admitteretur, siue nolle ei filia nubere, siue non posset per ætatem, ut fit substitutione heredum vulgari, l. 3. C. de hered. instit. Qui tamen Philippus negatur admitti ad fideicommissum hoc loco in posteriorem casum, videlicet filia mortua, antequam nubere posset. Multum distat substitutus ab eo, in quem transfertur legatum aut fideicommissum, quod memini me attingere in l. 24. in pr. de adim. leg. Qui substituit, non mutat voluntatem collatam in priorem: qui transfert mutat voluntatem, substitutioni non inest ademptio, transpositioni inest, l. 5. sup. de adim. leg. Et in specie propo-

**A**lita, in defectum conditionis filia ademptum legatum, & in Philippum translatum intelligitur, sed quia non defecit conditio adscripta filia, cum decesserit priusquam implere conditionem posset, nec igitur in Philippi persona legati translatio locum habet. & Baldus immerito pudorem & silentium iniecit Ticini, quod Paulus Castrensis refert cuidam Doctore iactanti, se in materia vltimarum voluntatum, de omni re, quæ in quæstionem vocaretur ex tempore respondere posse, cum quæssisset ab eo, quo loco iuris nostri proponeretur casus, quo substitutio vulgaris in legatis complecteretur vnum tantum casum, si prior legatarius nolle, non etiam alterum casum, si non posset, & obmutescenti ostenderet hanc legem quasi id proponeret, in qua tamen, ut patefecit, nulla substitutio fuit. Impostura iactantiam elusit.

## Ad §. ita.

*Ita fideicommissio dato, volo restituas, si sine liberis decedas, conditio deficit ex voluntate, vel vno filio superstite relicto.*

**S**equitur aliud exemplum in §. 1. quod demonstratur in conditionibus interpretandis voluntatem potius testatoris considerari, quam verba: fideicommissio dato ab herede sub conditione, si heres sine liberis decederet, si heres vnum tantum filium reliquerit superstitem, si verba spectas, extitit conditio fideicommissi, quia non reliquit liberos, sed liberum tantum, ut saepe Iustin. loquitur, & nonnunquam Quintilianus, *Liberi & parentis is est affectus in cæco*. At si voluntatem spectas, conditio fideicommissi defecit, quia vel vno filio superstite, verisimile est testatorem noluisse fideicommissio locum esse, ut l. ex facto §. si quis, inf. ad Treb. l. 6. §. pen. C. epd. tit. l. 4. C. quando dies leg. ced. Et sub pluratiuo numero, si sine liberis, testatorem etiam singularem comprehendisse, quod & vsus loquendi admittit, l. non est sine liberis, de verb. signific. Diuus August. 16. de ciuitate Dei. *In Latina, inquit, lingua consuetudine liberi dicuntur filij, etiam si non sint vno amplius*. Et ab hac igitur defuncti voluntate, verba prorsus abhorrent.

## Ad §. conditionum.

*Conditionum verba, quæ testamento præscribuntur, pro voluntate considerantur: & ideo cum tutores testamento dati, quoniam interea puer adoluerat, id egerint, ut curatores ipsi constituerentur, conditio fideicommissi talis præscripta; si tutelam in annum 18. gesserint, defecisse non videbitur.*

**T**ertium exemplum, quo etiam ostenditur, in conditionibus voluntatem testatoris spectari, non verba, proponitur in §. conditionum. Testator filio suo impuberi tutores dedit, & legatum eis reliquit sub hac conditione, si tutelam filij gessissent in annum octauum decimum; qui est finis plenæ pubertatis, tutores dati tutelam non gesserunt in eum annum, quia nec potuissent. Finitur enim tutela pubertate incipiente, quæ in mare incipit ab annis 14. completis, in fœmina 12. sed filio pubere facto id egerunt & curarunt tutores, ut ipsi curatores eidem filio constituerentur & confirmarentur. Inuiti non coguntur, cuius tutelam gesserunt, finita ea curam suscipere, §. qui tutelam, Inst. de excus. tut. sed sua sponte eam susceperunt, ut in l. Caius, de excus. tut. l. 13. §. vlt. de tut. & rat. distr. l. 3. §. quæri, de susp. tut. l. cum hereditas, de admin. tut. Idque fecerunt tutores conditionis fideicommissi siue legati sibi relictæ fidei remunerandæ gratia, implendæ gratia: neque tamen eam impleuerunt, si verba spectas, quia non tutelam, sed curam gesserunt. At si mentem spectas, testatoris conditionem imple-



uisse intelliguntur. Testatoris, inquam, qui abusus est A  
tutelæ nomine, ut vulgus, & nonnulli alij auctores, id  
producendo ultra pubertatem inchoatam, usque ad ple-  
nam atque perfectam: plena pubertas incipit in mare ab  
annis 18. in fœmina à 14. l. adrogato §. 1. sup. de adopt. l.  
Mela. sup. de alim. leg.

Ad §. focrus.

*Socrus nūri fideicommissum ita reliquerat, si cum filio  
meo in matrimonio perseverauerit. diuortio sine culpa viri  
post mortem socrus facta, defecisse conditionem respondi: nec  
ante diem fideicommissi cedere, quam mori cœperit nupta  
vel maritus, & ideo nec Mutianam cautionem locum ha-  
bere, quia morte viri conditio possit existere.*

**I**N §. pen. h. l. proponitur hæc species: focrus nūri fi-  
deicommissum relinquit sub hac conditione: si cum filio  
meo in matrimonio perseveraueris, vel, nūri tot lego, si  
cum filio meo in matrimonio perseverauerit. Quæ condi-  
tio vi ipsa in non faciendo consistit, ac si dixisset, si non  
diuorteris à filio meo. Post mortem focrus, si culpa viri  
diuortium fiat, conditio pro impleta habetur, & fidei-  
commissi petitio mulieri competit, l. 5. ff. quond. dies leg.  
ced. At si diuortium fiat sine culpa viri, conditio fidei-  
commissi defecisse intelligitur. Existisse autem condi-  
tionem dicere non possumus ante mortem mulieris vel  
mariti, quamdiu dissidio siue diuortio solui matrimo-  
nium potest. Existit conditio moriente muliere in ma-  
trimonio, quia ut dixi, τῇ θανάτῳ, ut ipsa, in non facien-  
do consistit, ut in l. si ita legatum, inf. h. tit. l. ult. inf. quan-  
do dies leg. Et ideo in heredem mulieris, qua moriente  
conditio existit, fideicommissi persecutio transmittitur.  
Existit etiam conditio moriente marito in matrimonio,  
& uxori superstiti fideicommissi persecutio competit.  
Denique impleri ea conditio potest, non tantum morte  
mulieris, sed etiam morte viri. Quia igitur morte alte-  
rius, quam mulieris, cui fideicommissum relictum est,  
puta, morte mariti conditio fideicommissi impleri po-  
test, ex eo recte colligit Papin. in hoc §. pen. non admitti  
mulierem ad petitionem fideicommissi oblata cautione  
Mutiana, qua promittat, se in matrimonio perseveraturam,  
quia cautio Mutiana in his tantum conditionibus  
locum habet, quæ non nisi morte legatarij solius vel fi-  
deicommissarij expleri possunt, non etiam in his condi-  
tionibus, quæ expleri possunt, non mortuo tantum le-  
gatario, sed etiam viuo, l. auia §. Titio, l. cum tale §. 1. l.  
Titio fundus, l. hoc genus, h. t. l. seruo inuito §. si testator, ff.  
ad Treb. Dices forte in hac specie ominosum esse & in-  
faustum expectare mortem mariti, & ideo mulieri pe-  
tenti fideicommissum oblata cautione Mutiana non  
posse obici rem lucuosam & ominosam, conditionem  
impleri posse ea viuamortuo marito, ut in l. cum tale, in  
princ. Nec sane hoc mulieri obici posset offerenti cau-  
tionem Mutianam, quod morte mariti possit impleri  
conditio, nisi ab ipso testatore satis euidenter in casum  
mortis mariti fideicommissum esset collatum ut fidei-  
commissum, quo de agitur in hoc §. relictum sub hac  
conditione: si cum marito in matrimonio perseveraueris,  
quod quid aliud est, quam si sola mors eos disiunxe-  
rit? Satis igitur manifesto contulit fideicommissum in  
mortem alterutrius. Denique videtur mulieri & post  
mortem mariti fideicommissum relinqui, ut in l. hoc ge-  
nus, hoc tit. Proinde mors mariti expectanda est, quod  
mulierculæ ominosum quidem est, sed testator ita cau-  
uit, quod si non cauisset, aut si præsumeretur non cau-  
uisse, sane hunc casum, hancue rem abominaretur, ut in  
d. l. cum tale. Glossæ sunt valde suaves, in hac re inter-  
pretanda.

Ad §. vltimum.

*Fideicommissa menstrua & annua sub ea conditione liber-  
to relicta, quamdiu res patroni filia gesserit: etsi præstare  
necesse est filia prohibente res suas administrari: tamen vo-  
luntatem filia mutante conditionem resumunt: quoniam  
plura sunt.*

**I**N §. vltimo huius legis sequitur hæc species: Patro-  
nus liberto relinquit fideicommissa menstrua & an-  
nua, quamdiu filia patroni negotiis interueniret, vel  
quod idem est, si filia suæ negotiis interueniret. filia in  
rebus suis non vult uti opera liberti, nec habet iustam  
B causam improbandæ operæ liberti; hoc casu constat li-  
berty menstrua & annua deberi, quia per eum non stat,  
quo minus conditionem impleat, l. Mania, sup. de ann.  
leg. At quaeritur si postea filia mutata voluntate velit li-  
bertum accedere ad sua negotia, & is recuset, quod se-  
mel ab ea reprobatus libertus fuerit, an ei menstrua &  
annua debeantur? Et respondet, non deberi, quasi con-  
ditione defecit: conditio enim eadem sæpius resumitur  
& repetitur, quia plura sunt legata menstrua & annua,  
l. 10. 11. & 12. D. quando dies leg. ced. l. 4. & l. 11. sup. de ann.  
leg. Quamobrem plurali numero Papin. dixit, fideicom-  
missa, non fideicommissum, & ideo quocunque anno  
libertus conditioni non obtemperauerit, filia volente  
uti eius opera, ei menstrua, & annua non præstabuntur.  
C Eadem conditio plurium legatorum sæpius resumitur,  
vnus autem legati conditio semel defecit vel impleta  
non amplius resumitur, l. quidam, & l. rogo, D. de fideic.  
libert. l. 3. §. Stichus, de statulib. l. ult. C. de condition. insert.  
in illo loco, quod semel repudiatum est ab eo, in cuius per-  
sona conditio impleri debuit, redintegrari minime concedi-  
mus, id est, conditio semel impleta non resumitur, quia  
vnum fuit legatum, non plura.

Ad l. §. ad l. Falcid.

*Verbis legati vel fideicommissi non necessarie ciuitati re-  
linquitur, quod ex causa pollicitationis præstari necesse est.  
Itaque si debiti modum testamento dominus excessit, super-  
fluum duntaxat Falcidia minuetur. Quare nec fideicom-  
mitti legatarij poterit. Quod si dies aut conditio legatum  
fecerit, non utilitatis æstimatio, sed totum peretur quod da-  
tum est, nec si viuo testatore dies venerit, aut conditio fuerit  
impleta, fiet irritum quod semel competit.*

**A**D l. §. ad leg. Falcid. notandum est, ex pollicitatio-  
ne nuda, quam quis vltro facit & irrogatus priua-  
to cuidam neminem teneri: imo nec Imperatori, l. ult.  
sup. qui test. fac. poss. at ciuitati teneri, Reipublicæ, munici-  
picio Rom. etiam si nuda pollicitatio fuerit, quæ habeat  
iustam causam; sed etsi causam non habeat si modo cœ-  
perit facere, quod pollicitus est, quod cœpit facere  
Reip. causa, id perficere tenetur, l. 1. & 3. D. depollicit. Ex  
quo sequitur, eum, qui ciuitati, quid præstare necesse  
E habet ex causa pollicitationis, id est, qui ciuitati obli-  
gatus est (obligatio est necessitas) non necessarie, ut  
Papinian. id est, eum frustra ciuitati legare, aut per fi-  
deicommissum relinquere, quod ei debet. Quod ve-  
rum est, etiam si ciuitati debeat ex alia causa, vel pri-  
uato, non ciuitati. Et ideo legatum Falcidiæ non  
subiici. Dico nihil referre ciuitati debeat, an priuato,  
quia ius commune hoc est, debitorem creditori frustra  
legare id, quod ei debet, l. si debitor, l. legari §. ult. de liber.  
leg. Et ideo legatum Falcidiæ non subiici, quia inutile  
est legatum, & creditorem cui debitor legauit quod ei  
debuit, si quid eius fideicommissum sit, fideicommissio  
non teneri, quia nihil capere ex testamento videtur.  
Et hoc quidem ita procedit, si plus non sit in legato,



quam in debito, quia nulla utilitas legati futura est, l. *Manius, sup. de leg. 2.* Nam si plus sit in legato, quam in debito, constat non esse inutile legatum, & Falcidiam pati, si ealocum habeat. Plus autem in legato potest esse vel summa, vel tempore, aut conditione. Inter quæ est nonnulla differentia. Nam si plus fuerit summa, ut si debitor qui centum creditori debuerit, legauerit centum quinquaginta, in superfluo tantum, id est, in 50. legatum consistit, ita ut superfluum tantum petatur actione ex testamento, reliqua centum actione creditæ pecuniæ. Itemque ut superfluum tantum minuat lege Falcidia interueniente. Et ut pro modo tantum superflui fidei committi legatarij possit, fideicommissio onerari legatarius possit. Quod si tempore plus fuerit, ut si debitor, quod debet in diem vel sub conditione, pure legauerit, non tantum commodum representationis, vel eius æstimatio, quod etiam interusurium vocamus, & Græci *εμπερισσοδον*: non tantum inquam commodum representationis, sed etiam tota pecunia iure legati ex testamento peti potest, quia tota repræsentatur. Et in hoc consentiunt Paulus in l. *debitor, sup. de leg. 2.* & Papin. hoc loco, dum ait, non utilitatis æstimationem, id est, non tantum interusurij æstimationem, sed totum peti quod datum est actione ex testamento. Falcidia autem detrahitur tantum ex commodum representationis, ex interusurio, l. 5. §. *si quis creditori, hoc tit.* Et pro modo quoque interusurij tantum fideicommissio legatarius onerari potest, l. 7. §. *ult. de leg. 3. l. 2. in fi. de dote preleg.*

Addit autem Pap. hoc loco, in hoc casu, cum in legato plus est tempore, quam in debito, totius pecuniæ legatum utile esse, etiam si viuo testatore dies pecuniæ, quæ legata est pure venerit, aut conditio extiterit, quod est, si debitum factum fuerit purum, non ideo minus legatum esse utile, quia semel ab initio fuit utile, nec fit irritum, quod semel constitit, vt Papinianus ait, cuius sententia ex hoc loco etiam relata est in Instit. §. *ex contrario, de legat.* Et hac in re Papinianus dissentit à Paulo omnino: nam Paul. in d. l. *debitor*, existimat irritum & inutile esse legatum, quod in eam causam recidit, à qua incipere nō poterat, ut incipere non poterat legatū debitæ pecuniæ, si pure relinqueretur pecunia, quæ pure debebatur: ergo & si quæ debebatur in diem vel sub conditione, legata sit pure, viuo postea testatore debito puro effecto, die veniente, aut conditione impleta, quia in eam causam recidit, à qua incipere non poterat; existimat Paulus, inutile esse legatum. Sed eius propositio est admodum infirma: nam nunquam constitit inter Iuriconsultos, an irrita fierent ea, aut non fierent, quæ ab initio vtilia fuerunt, si in eum casum recidant, à quo incipere & consistere initio non poterant, vt patet ex l. 2. §. *ex iis, l. existimo. l. pen. inf. de verb. obligat.*

Dico autem, utile esse legatum in casu proposito ex Papin. sententia, etiam si post factum testamentum viuo testatore dies venerit, aut conditio fuerit impleta, vt scilicet recte petatur actione ex testamento, non etiam vt Falcidiam admittat. Ne hoc dicamus, quia nullum ei iam inest commodum medij temporis, nullum emolumentum pecuniarium, l. *si creditori, in fine, de legat. 1.* Et eadē ratione, nec vt fideicommissi legatarij possit, l. 3. §. *si rem, de leg. 3.* Et ita recte Paulus Castrensis. Nouus quidam interpretes huius tituli aliter, & pessime, quia inconsiderate scripsit, Falcidiam admitti & fideicommissum, quum viuo testatore dies venerit, aut conditio extiterit.

#### Ad l. 57. ad Senatusc. Treb.

*Heredes mei quicquid ad eos ex hereditate bonisue meis peruenierit, id omne post mortem suam restituant patrie mee Colonia Beneuentanorum: nihil de fructibus pendente conditione perceptis petiitum videri constitit.*

**I**N lege 57. ad Senatusc. Trebel. tria sunt responsa. In primo testator heredes rogauit, vt quidquid adeos ex hereditate bonisue suis peruenisset, id omne post mortem eorum restituerent patriæ suæ. Colonia Beneuentanorum, quam legimus in libro veteri de coloniis popul. Rom. deduxisse Claudium Neronem Cæsarem. Ita vero fideicommissio relicto, & per fideicommissum ciuitate substituta heredibus: Quæritur, an fructus medio tempore ab heredibus percepti fideicommissio contineantur, quod posset tentari, quia dixit generaliter, *quidquid ex hereditate bonisue meis, id omne*: Aliud tamen Papiniano videtur, & recte, vt in l. *quod his verbis, sup. de leg. 3.* Quia non de fructibus restituendis sensit testator, quos heredes sibi habere voluit, sed de eo tantum quod hereditatis esset: fructus autem non hereditati, sed rebus ipsis accepto feruntur, l. *in fideicommissariam, sup. hoc tit.* verum quod non est omittendum fructus medio tempore percepti, id est, pendente conditione fideicommissi heredi imputantur in Falcidiam d. l. *in fideicommissariam, l. deducta §. ante diem, D. h. t.* Et ideo hi fructus Falcidiam submouent, si tantum sit in eis, quos heres percepit pendente conditione fideicommissi, quantum in Falcidia, quia iure hereditario percepti sunt, l. *mulier §. si heres, h. t.* Et pertritum illud est, in Falcidiam imputari quæcunque iure hereditario capiuntur. Excipiuntur tantum ab hac definitione filij à patre rogati restituere hereditatem sub conditione aliqua, qui fructus medij temporis perceptos non imputant in Falcidiam, licet hoc pater iussit, sed eos sibi retinent supra Falcidiam: Quod est beneficium Zenonis Imperatoris datum filiis in l. *iubemus, C. eod. tit.* & eo iure vtimur. Proponitur autem hoc loco fideicommissum relicto ciuitati Beneuentanorum, quia sic euenerat, verum nihil refert ciuitati, an priuato relicto sit. Et huic responso nihil obstat l. *Ballista, hoc tit.* Quæ, vt iam pridem docuit Obseruatio 4. non est de hereditate restituenda ex fideicommissio, sed ex cautione conuentionali, quam constat recidere incrementum fructuum ex mente contrahentium à die interpositæ cautionis, & ita vero in l. *pater §. pen. de leg. 3.* Si testator iubeat filios prædia conseruare successionis suæ, si & ea de re iubeat inuicem sibi cauere, non est fideicommissum, sed contractus, obligatio. Contractus recipit incrementum fructuum: fideicommissum non recipit incrementum fructuum perceptorum pendente conditione. Sequitur aliud responsum in §. *cum ita.*

#### Ad §. cum ita.

*Cum ita fuerat scriptum: fidei filiorum meorum committitur, ut si quis eorum sine liberis prior diem suum obierit, partem suam superstiti fratri restituat, quod si uterque sine liberis diem suum obierit, omnem hereditatem ad neptem meam Claudiam peruenire volo: defuncto altero, superstiti filio, nouissime autem sine liberis: neptis prima quidem facta propter conditionis verba non admitti videbatur: sed cum in fideicommissis voluntatem spectari conueniat, absurdum esse respondi, cessante prima substitutione, partis neptis petitionem denegari, quam totum habere voluit auus, si nouissimus frater quoque portionem suscepisset.*

**P**ater duos filios, primum & secundum rogauit, vt si quis eorum sine liberis prior diem suum obierit, partem suam superstiti fratri restitueret, quod si uterque sine liberis diem suum obierit, vt partes suas siue hereditatem totam nepti restituerent. Primus diem suum obiit, vno filio superstiti relicto, ac proinde in eius parte fideicommissi conditio defecit, vt sup. habuimus, in l. *pater §. 1. de condit. & demonstr.* Denique quasi defecit conditio cessat, vt ait, substitutio facta primo, id est, substitutio fideicommissaria, substitutio precaria, fideicom-



missum restituenda pars, post secundus obiit sine liberis, quæritur, an substitutio locum habeat, ut ex ea portio secundi pertineat ad neptem? Si verba substitutionis spectes, substitutio locum non habet, quia uterque filius non decessit sine liberis, sed nouissimus tantum, & neptis ita substituta est, si uterque sine liberis vita decederet. At si voluntatem spectes, quæ etiam in fideicommissis potissimum intucunda est, l. cum virum, C. de fideicom. videtur testator ad neptem voluisse partem pertinere, cum & ad eam totam hereditatem pertinere voluerit: si in partem primi secundus ex fideicommissis succederet, primo defuncto sine liberis: quod cum non euenerit, sed primo successerit filius suus, deinde secundo moriente sine liberis, æquum est, aut verisimile est, voluisse testatorem hoc casu eam venire in partem secundi, quam illo casu voluit venire in totum: Concludit igitur Papinia. neptem in portionem secundi substitutionis iure admitti, & excludere filium fratris, qui iure legitimo contendebat se patris heredem esse. Et hæc est species, & definitio huius §. sane peritissima, & tamē vexatur miſerum & miserum in modum ab interpretibus propter l. pen. C. de impub. & aliis substit. Quæ videtur cum hoc responso pugnare ex diametro: dum scilicet illi non possunt implere, quod profitentur in tradenda differretia, quæ est inter speciem hoc loco propositam, & speciem d. l. pen. neque enim utroque loco eadem species, nec quæstio vertitur eadem, ut non mirum si nec sit utriusque definitio eadē, sed aduersa. In leg. pen. ut eam paucis enarrem, proponitur, patrem duobus filiis impuberibus hereditibus institutis, primo, & secundo ita substituisse verbis directis, si uterque impubes decesserit, Luc. Titius heres esto, quæ dicitur substitutio pupillaris, & primo decedente intra pubertatem, superstiti altero, in eius partem fratrem superstitem iure legitimo ab intestato succedere, non L. Titium iure substitutionis, quia nondum decessit uterque impubes, & qui ita substituit, si uterque impubes decesserit, sane voluit inter fratres conseruare ius legitimarum hereditatum, ut in l. qui duos, de vulg. & pupil. substit. quæ est sententia leg. penult. In ea quidem fuit substitutio directa, in hoc §. precaria. Sed hæc differentia nihil pertinet ad rem: hæc iuris differentia, differentiam non facit ullam, nihil etiam pertinet ad rem, si dicas, ut Glossa, conditionem precariæ substitutionis in hoc §. extitisse in persona fratris supremi morientis, quia decessit sine liberis, in l. pen. in persona supremi morientis defecisse substitutionem pupillarem, quia adoleuerat. Substitutio pupillaris finitur adoleſcentiæ siue pubertate, quod idem est, quia, inquit, adoleuerat, quod tametsi lex non dicat, facile concedo, quia nihil interest adoleuerit, an non adoleuerit: nam etsi non adoleuerit in partem fratris defuncti impuberis, frater etiā impubes ab intestato vocabitur excluso substituto, quia pater, ut dixi, qui eis ita substituit, si uterque impubes decesserit, voluit inter fratres conseruare ius legitimarum hereditatum. Vera & liquida ratio differentiæ in eo consistit, quod in specie legis penult. substitutus venit contra verba, si uterque, & contra voluntatem etiam testatoris, qui cogitauit, ut ait lex, primo decedente fratrem suum in eius portionem succedere, id est, qui inter fratres voluit conseruare iura legitimarum hereditatum, & idcirco substitutus excluditur, cui neque scriptum, neque voluntas patrocinator. In specie autem huius §. substitutus venit quidem contra eadem verba, si uterque, sed non venit etiam contra voluntatem testatoris, qui cum totam hereditatem adscripserit substituto vel nepti substitutæ, utroque filio decedente sine liberis, non videtur ei denegasse partem, nouissimo tantum decedente sine liberis, & idcirco patrocinatorē voluntate substitutum admitti. Nihil est euidentius.

## Ad §. vltimum

Peto à te vxor charissima, uti cum morieris hereditatem meam restituas filiis meis, vel vnicorum, vel nepotibus meis vel cui volueris, vel cognatis meis, si cui voles excepta cognatione mea. Inter filios respondi, substitutionem fideicommissi factam videri, circa nepotes autem (&) ceteros cognatos, facultatem eligendi datam, ex ceteris autem cognatis, si nepotes superessent, non recte mulierem acturam propter gradus fideicommissi præscriptos: deficiente vero gradu nepotum, ex cognatis, quam velit personam eligi posse.

**R** Esponsum vltimum est ad aliquid simile ei, quod habuimus in l. cum pater §. pen. de leg. 2. Maritus vxorem heredem institutam rogauit, ut cum moreretur, hereditatem restitueret filiis suis, vel vnicorum, vel nepotibus suis, id est, testatoris, vel cui vellet nepotum, vel cognatis suis, si cui vellet ex tota cognatione testatoris. Circa filios primum non videtur matri testator dedisse electionem, quia non adiecit, cui vellet, simpliciter dixit, vel vnicorum, quomodo filios ad fideicommissum vocasse videtur, vel vnum eorum qui superessent, vel qui superesset moriente matre, ut in l. si fundum sub conditione §. his verbis, de leg. 1. Circa nepotes autem & cognatos testatoris manifestum est, mulieri electionem datam, ut cui vellet ex nepotibus, vel cui vellet ex cognatis restitueret hereditatem. Sed animaduertendum est ordinem scripturæ factum substitutioni precariæ, ut in d. l. cum pater, §. pen. nempe ut filiis deficientibus, moriente vxore hereditas restituatur nepotibus, quos elegerit, & deficientibus nepotibus, cognatis, quos elegerit, qui duo sunt gradus substitutionis precariæ diligenter obseruandi.

✽: ✽✽: ✽✽✽: ✽✽✽: ✽✽✽: ✽✽✽: ✽✽✽

## IACOBI CUIACII

## IVRISCONSULTI

## COMMENTARIUS

in Lib. IX. Responsorum

Æmilij Papiniani.

Anno 1579.

## Ad l. 31. de minorib.

Si mulier posteaquam heres extitit, propter atatem abstinendi causa in integrum restituta fuerit, seruos hereditarios ex fideicommissis ab ea recte manumissos, retinere libertatem respondi, nec erunt cogendi viginti aureos pro libertate retinenda dependere, quam iure optimo consecuti videntur. Nam et si quidam ex creditoribus pecuniam suam ante restitutionem ab ea recuperassent, ceterorum querela contra eos qui acceperunt ut pecunia communicetur, non admittetur.



**E** Xordium facio à l. 31. de minor. Totus hic liber est de fideicommissis. Et non de fideicommissis tantum rerum singularum, sed etiam de fideicommissariis hereditatibus, & de fideicommissariis libertatibus. Hæc lex præcipue est de fideicommiss. libert. cuius hæc est species. Mulier minor 25. annis testamento heres instituta, in quo ab ea verbis fideicommissariis seruis hereditariis libertates relicte erant, ex testamento hereditatem adiuit, & ut in eo præscriptum erat ex causa fideicommissi seruis præstitit libertatem, post beneficio ætatis à prætorē in integrum restituta est, ut se abstineret hereditate quam adiuerat



inconsulte, forte quod ab initio ei videbatur esse magna & luculenta hereditas, postea apparuit esse exigua, nec sufficiens æri alieno. Quæritur, an serui ab ea ex fideicommissio recte manumissi, post eius abstentionem retineant libertatem, vel an pro retinenda libertate pretium sui, id est, singuli 20. aureos inferre debeant iis, quorum interest, puta iis ad quos bona redeunt, herede testamentario abstinente se. Dubitationis causa hæc est, quia non debetur libertas ex testamento, ex quo nullus heres existit, *l. 1. C. de fideicom. libert.* Et nullus videtur ex testamento heres extitisse, quandoquidem qui in eo scriptus est, se abstinuit bonis, quia prætor pro herede non habet eum, qui se abstinuit bonis, vel hereditate, *l. 6. §. ult. & l. pen. §. pen. de bon. libertor. l. 2. §. si bonorum, inf. ad Senatuf. conf. Tertul.* Hæc est dubitationis causa. Verum, quia iure civili heres manet qui semel ex testamento adiit hereditatem, licet postea abstinuerit se per restitutionem in integrum, heres, inquam, manet, sine re tamen, heres nomine, non re, *l. cum quasi §. sed et si suus, D. de fideic. libert.* Et quia verum est, ex causa fideicommissi post aditam hereditatem, antequam heres abstinenti causa restitutus esset in integrum, recte ab eo herede seruis præstitas esse libertates, ideo & hi quoque liberi manent, ut ille heres manet, ita & ab illo manumissi serui liberi manent, imo nec pro retinenda libertate iis necesse est pretium sui, id est, 20. aureos inferre bonis, ut hoc loco respondit Papinianus: quia, inquit, libertatem optimo iure consecuti sunt: optimum scilicet fideicommissi ius est, sicut Vlpianus *lib. sing. regularum tit. de legat.* scribit, optimum esse ius legati per damnationem, cui etiam in omnibus fere iuris nostri articulis ius fideicommissi assimilatur. Optimum autem ius legati per damnationem Vlpianus dixit, quod summe notandum est, per comparationem, non simpliciter, quod quæ res per damnationem legari possunt, ut res alienæ, non possunt etiam legari alio genere legati, veluti per vindicationem aut præceptionem, aut sinendi modum, aut simili modo. Qua ratione etiam ius fideicommissi optimum dici potest, quia ut Vlpianus ait *qua per damnationem legari possunt, & per fideicommissum relinqui possunt.* Verum in hac lege Papinianus, ius fideicommissi non dixit esse ius optimum, per comparationem, sed simpliciter: non quod non sit etiam optimum ius cuiusunque legati, sed quod ius fideicommissi æque sit optimum ius, atque ius cuiusunque legati, quodque ius fideicommissariæ libertatis, de qua agit, idem omnino sit, atque ius directæ. Directa autem libertas testamento relicta seruo competit statim ab adita hereditate sine facto vel opera heredis, & retinetur. porro etiam postea herede abstinente se, nec pro abstinentente se eius seruo, vel heredi quidquam cuiquam dependere necesse est, *l. in integrum, sup. h. t.* quam l. esse accipiendam de directâ libertate, non, ut Glossa voluit, de fideicommissaria, illa verba demonstrant: *Qui ad libertatem aditione heredis perueniunt*, quia ad directam tantum serui perueniunt aditione hereditatis, ad fideicommissariam non aditione heredis statim, sed præstatione demum, & manumissione ab herede facta. Verum fideicommissaria libertas quam heres seruo præstitit, à seruo retinetur, etiam herede postea abstinentente se, nec necesse est eius retinendæ vel conseruandæ causa seruo vel heredi quidquam dependere, vel refundere iis, ad quos ea res pertinet: optimum ius seipso contentum est, nec quidquam quærit, aut desiderat amplius quo melius fiat. Denique optimum ius dixit Vlpianus sup. dicto loco comparative, hoc vero loco Papinian. simpliciter siue *δεπικώς*, ut & Imperator in *l. 1. C. de usur.* ex stipulatione usuras optimo iure deberi, non quod magis ex stipulatione quam officio iudicis, vel ex nudo pacto suis casibus optimo iure debeantur, sed simpliciter, quod ex stipulatione optimo iure debeantur, atque ita æquitatem M. Tull. in *Partitionibus* modo spectari sim-

pliciter, modo ex comparatione, in quibus causis, quid sit æquius, melius, æquissimumve quæri solet. Et ex iis, quidem planum fit huic loco omnino non conuenire, etiam *d. l. 1. C. de usuris.* distinctionem quam affinxit Accursius inter ius bonum, melius, & optimum; omne ius si simpliciter sequamur, optimum ius est. Male etiam idem Accurs. in specie proposita seruos ex causa fideicommissi manumissos ab herede post aditam, nec dum beneficio abstentionis derelictam hereditatem, libertos non esse heredis qui manumisit, sed libertos esse orcinos ex *l. cum quasi §. quarendum, sup. de fideicom. libert.* Quia is §. de eo seruo non loquitur, quem heres manumisit, antequam se abstineret hereditate, sed de eo quem nunquam heres manumisit, qui ex constitutionibus Principum, si ei fuerit relicta fideicommissaria libertas, ipso iure post abstentionem heredis ad libertatem perducitur, perinde atque si directo ex testamento libertatem consequutus esset, & consequenter libertus sit orcinus, non libertus manumissoris: quia nullus est libertus orcinus, nullus est libertus, ut eleganter ait *l. 4. in p. inf. de bon. libert.* mirum, quia quem ademit orcinus, nullus est. At in specie proposita, serui certum manumissorem habent, nempe heredem ipsum, qui eos manumisit post aditam hereditatem, antequam se abstineret. Proinde certum & iustum patronum habent, qui utique etiam post abstentionem, ut heres iure civili manet, quemadmodum ante diximus, & patronus etiam manet, nec amittit libertum quem quæsiuit semel iusta manumissione, quia nec eo videtur locupletior factus: locupletior enim non est factus, qui libertum adquisiuit, *l. nemo prado §. 1. de regul. iur.* Sed de Accurs. Glossis satis. Illud potius adnotemus, quod de pretio seruorum Papinianus scribit hoc loco, singulos seruos non esse cogendos pro libertate retinenda, quam optimo iure consequuti sunt, inferre viginti aureos: quoniam hoc erat legitimum & vulgare pretium cuiusunque serui, *l. cum ex falsis inf. de manum. testam. l. 1. Papin. §. ult. & l. seq. de inoffic. testam. l. si fundum §. si libertus, de leg. 1. l. 2. C. de fideicom. libert. l. 4. C. de seru. fug.* Quamobrem vectigal vicefimæ quod pro seruo manumisso ex l. Manlia, ærario inferebatur, ut Liuius scribit 7. & Arrianus 2. in Epictetum, recte dixeris constituisse vno aureo tantum. Quod autem *l. ult. C. de cond. ins. tit. & l. si quis argentum, C. de donat.* seruus æstimatur quindecim aureis tantum, ea vero mediocritas non iusta æstimatio est. mediocritas conficitur ex dodrante, & iustitia minor est quadrante tantum, quam rationem & in legatorum mediocritate, & constituendo modo, legem Falcidiam sequi constat. Etiam illud notandum est, quod à simili responsum suum hoc loco confirmat. Papin. de conseruanda libertate recte & optimo iure manumissi. In specie proposita, Fac eundem heredem, priusquam se abstineret hereditate, quibusdam creditoribus hereditariis pecunias debitas ex hereditate bona fide soluisse? Recte soluit: ergo etsi postea abstinuerit se iis, quæ de libertatibus respondi supra, consequens est, ut solutam pecuniam creditores sibi habeant, & retineant in solidum, nec eam communicent cæteris creditoribus hereditariis, qui sibi non vigilarunt. Eleganter Scæuola in *l. pupillus, in fin. qua in fraud. credit.* ius civile vigilantibus scriptum esse: Et additur in Basil. *ἀλλ' ἐὰν τοῖς βαρέως κοιμημένοις, χάλκεον ὅπλον κοιμημένοις.* Non iis qui altum dormiunt, quod confirmat *l. summa §. 1. D. de pecul. & l. 2. C. de ann. except.* Præcepta viuendi sapientes dant, quibus ciues vtantur, non quæ negligent. Et rursus eleganter *l. 6. §. 1. inf. de reb. aut. ind. possid.* alterius creditoris negligentiam vel cupiditatem ei, qui diligens fuit, id est, qui sibi vigilauit, qui suum exigere anteuerit, nocere non debere, & *l. ult. C. de pos. industriam* desidia pœnas soluere non debere. Postremo quod erit breuissimum, excutiamus ea, quæ huic responso obici solent. Sunt autem duo potissimum, vnum est de legatis, quæ







num facit sententia iudicis, ut ante diximus, vel beneficium Principis, puta, restitutio natalium, non in quibus quis natus est, sed in quibus omnes homines fuerunt nondum naturali, neque civili, iure descripto, nondum discreta libertate à seruitute, quum eadem erat conditio omnium hominum idemque ius, l. *Imperialis, C. de nupt.* Manumissio autem ante Iustinianum, nunquam quemquam ingenuum fecit, ergo inepte ingenuum pro manumisso accipit in alio testamento, scilicet, quam quo relictum est fideicommissum, Postremo quod idem Accursus. Papinian. obiicit, hanc conditionem impositam ingenuo homini, id est, qui postea ingenuus pronuntiatus est, videlicet fideicommissum pecuniario relicto sub conditione, *si ex eo testamento, in quo etiam liber esse iussus est, ad libertatem pervenerit.* hanc, inquam, conditionem esse impossibilem, quia liber & ingenuus amplius liber fieri non potest. Conditionem autem impossibilem in legatis & fideicommissis, quod est notissimum, pro non scripta haberi: & fideicommissum igitur in hac specie deberi quasi purum, ac proinde solutum, postea repeti non posse. Conditionem impossibilem ipso iure impletam videri, l. 4. §. *ult. inf. de condit. inst. conjuncta l. Mutiana §. ult. inf. de cond. & demonstr.* Ea, inquam obiectio Accursij huic loco accommodari nullo modo potest, quia nullam speciem aut figuram impossibilis conditionis habet hæc conditio. quæ seruo testamento manumisso adscribitur, *si libertatem in testamento obtinuerit*, impossibilis conditio est, quam statim ex ipsa figura verborum & specie prima sentimus, intelligimus, per rerum naturam existere non posse, veluti, *si cælum digito tetigeris: si plantis summa sydera contigeris*, apud Propertium: *si mare ebiberis*, §. *si impossibilis, de inut. stipul.* Cuiusmodi non est hæc conditio, *si ad libertatem ex testamento pervenerit*, qui scilicet testamento manumissus erat, licet postea per errorem aut sordes iudicis ingenuus pronuntiatus sit: ergo impossibilis hæc constitutio non est: nec amplius est insistendum in ea obiectione Accursij, à quaramen is se expedire non potest.

#### Ad l. 3. de probat.

*Cum tacitum fideicommissum ab eo datur qui tam in primo quam in secundo testamento pro eadem parte vel postea pro maiore heres scribitur, probatio mutata voluntatis ei debet incumbere qui convenitur, cum secreti suscepti ratio plerumque dominis rerum persuadeat, eos ita heredes scribere, quorum fidem elegerunt.*

**L** Ex est de tacito fideicommissum, quo verbo significatur fraus, ut nomine tacite pecuniæ creditæ, quæ ideo creditur tacite, quod non possit iure palam credi, puta ei cui adnumeratur, est, quod in fraudem legum ei, qui capere non potest, ei qui testamenti factionem non habet, qui instabilis est, tacite testator reliquit, secreto ad se vocato herede & rogato incapaci fideicommissum restituere, heredeque dante fidem, tam testatori, quam fideicommissario, plerumque cautione interposita, se ita facturum contra leges ut testator iussit. Id verò tacitum fideicommissum constat redigi in fiscum ex Senatusconsulto Plautiano, nec apud heredem remanere, qui fraudis particeps est, deberi ei cui relictum est, quem leges incapaces fecerunt. Hoc cognito: finge: Testator primo testamento duos heredes scripsit ex æquis partibus, Caium & Titium, & à Titio tacitum fideicommissum reliquit incapaci, electa fide eius heredis, eoque herede fidem accommodante. Deinde idem testator mutato testamento primo, secundum fecit, quo primum rumpitur, ut constat: & in secundo eundem Titium, à quo primo tacitum fideicommissum reliquerat, heredem scripsit ex eadem parte, veluti ex

A semisse, vel ex maiori parte, veluti ex besse, aut etiam ex asse, neque in secundo testamento cum tacite quidquam rogavit, neque in eo repetiit tacitum fideicommissum, quod reliquerat primo iam rupto per secundum. Hinc quæritur, an fideicommissum quod proponitur relictum primo testamento incapaci in fraudem legum, pertineat ad fiscum? Videtur non pertinere, quia primum testamentum, in quo relictum est fideicommissum, in irritum recidit: ergo & tacitum fideicommissum non est repetitum in secundo testamento. Denique non intelligitur esse relictum, & tamen Papinianus respondet, fideicommissum pertinere ad fiscum, hac ratione elegantissima, quia præsumitur testator, qui mutavit testamentum, nec mutavit tamen heredem, *secreti ab eo suscepti*, ut ait, id est, tacitæ fidei interpositæ causa, ut fraudi suæ maiorem nubem obiceret mutasse testamentum, & ut fideicommissum mutatum esse intelligeretur, quod tamen omnino præstari volebat, seque heres cauerat omnino præstiturum. Denique quum mutatur testamentum nec heres mutatur, erat in eo fraus magna quædam. Et hoc est quod ait, *cum secreti suscepti ratio*, id est, tacita fides, *plerumque dominis rerum*, id est, testatoribus, *persuadeat eos ita heredes*, quorum fidem scilicet tacitam elegerunt, ut Greci interpretantur eleganter, *οἷς ἀπὸ τῆς ἀπορρήτου ἡμῶν ἐδωκόμεν πίστιν*, quibus semel secretam voluntatem nostram commisimus. Et ait, plerumque hoc facere testatores: ex eo quod plerumque fit, ducuntur præsumptiones ut in l. 9. h. t. Ait similiter, quia plerumque tam heredibus nostris quam nobismetipsis cauemus, ergo præsumimur semper cauisse etiam heredibus nostris quia igitur præsumptio à fisco facit, recte ait, eo nomine à fisco heredem conveniri posse & cōdemnari, ut fideicommissum restituat, nisi scilicet heres probet testatorem mutata voluntate, nec fideicommissum incapaci illud præstari voluisse, præsumptio quæ facit à fisco, transfert onus probandi in heredem, ut in l. generaliter, §. *si petitur, in fine D. de fideicom. libert.* heredis est probare mutatam esse voluntatem testatoris in fideicommissum, quam mutatam dicit, ut in l. 22. h. t. l. *fideicommissa*, §. *si rem, de leg. 3.* Et congruit omnino cum hoc responso l. *Statius, D. de iure fisci.* quam tamen Accursius hoc loco huic responso aduersam facit, quod dicat in fine, ex cautione præstita incapaci, ab herede qui tacitā fidem accommodavit fideicommissum præstari debere. Sed nihil est quod tam facile expediti possit: non enim vult fideicommissum præstari incapaci ex cautione siue stipulatione, sed fisco: quia fiscus succedit in locum incapacis, & quod non potest incapax capere, capit ipse fiscus iure suo & occupat, ne cedat lucro heredis, qui fraudi participavit, & hæc est sententia huius responsi.

#### Ad l. 51. 63. de leg. 1.

*Domus hereditarias exustas, & heredis nummis exstructas, ex causa fideicommissi post mortem heredis restituendas, viri boni arbitrati sumptuum rationibus deductis & adificiorum aratibus examinatis, respondi.*

**H**odie explicabimus l. 58. & 61. de leg. 1. quia huicem nexæ & colligatæ sunt, & pertinent proprie ad fideicommissa rerum singularum. Sunt enim ambæ de ædibus hereditariis per fideicommissum relictis, herede rogato eas restituere post mortem suam, quod fideicommissum constat esse conditionale, leg. 61. infr. de leg. 1. leg. 4. inf. quando dies leg. ced. Et si forte eas ædes post mortem testatoris sine culpa heredis incendium consumpserit, & heres suis sumptibus eas restituerit, constat ædes post mortem heredis fideicommissario, si heredi superuixit



esse præstandas, quia restauratæ ædes, eadem ædes esse intelliguntur, *l. seruitutes § si sublatum, sup. de seruit. urb. pred. l. Paulus § domus, & l. ult. sup. de pignor.* Eadem inquam, esse intelliguntur, vel ratione soli, quod idem semper mansit, nec absumptum est, quia solum maxima est pars ædium, *l. qui res §. ult. inf. de solut.* verum post mortem heredis ædes petenti fideicommissario, ab herede heredis scilicet, obstat exceptio doli mali, nisi refundat sumptus, quos heres fecit in restorationem ædium igne consumptarum, quos quidem sumptus, eleganter Papinia ait hoc loco æstimari boni viri arbitrato ex bono & æquo, & examinatis, inquit, *atque ædificiorum*, id est, *quantitatibus siue modulis, pro ætatibus*, quod est rectissimum. habent, *quantitatibus* codices quidam, in quibus scilicet. Glossa subiicit locum vocabuli huic rei propriè accommodati, quo usus est Papinian. Nam ut Græci *ἡλικίαν* sumunt non tantum *ἀπὸ τοῦ χρόνου*, sed etiam *ἀπὸ τοῦ μεγέθους καὶ μικρῆς*, ut Grammatici docent: Ita proculdubio Latini *ætatem* accipiunt etiam pro quantitate, mensura, magnitudine corporis cuiusque. Hoc ergo vult Papinia. sumptuum factorum in restituendis ædibus rationem haberi pro modo, siue mensura ædificiorum, quæ restaurata sunt, qualiter scilicet ædificia habent, qualive materia constructa sint: nec enim vnquam quantitas sola spectatur sine qualitate, & iis sumptibus ab herede retentis siue deductis, noua ædificia fideicommissario præstari debent. Denique hoc loco, ætatem ædificiorum accipio pro ætate statuque præsentis, non pro ea ætate, eoque statu, quo in futurum hæc ædificia duratura sunt, Nam in iure, præsentia rerum pretia spectamus, non quæ fuerunt olim, *ut l. 3. §. Diui, de iure fisci, l. 2. C. de pat. qui fil. distrax.* Et multo minus ea pretia, quæ futura sunt spectamus; si non spectamus præterita: præterita enim sunt certa, futura incerta, & ut nos ipsi censetur ex ætate præsentis non futura, *l. 3. inf. de censib.* Ita & domicilia nostra, resue nostræ omnes. Merito igitur ætatem ædificiorum accipio, non pro perpetuitate, sed pro quantitate, & quod Vitruuius ait, lib. 2. cap. 8. cuius scriptura satis est explicatu difficilis. Cum parierum communium, qui facti sunt ex molli cemento, arbitri sumuntur, ut scilicet qui eos fecit à vicino impensas communis diuidendo iudicio, pro parte consequatur, in *l. si ædibus, inf. de dam. inf.* arbitros non æstimare eos parietes quanti facti sunt, sed ex pretio locationis singulorum præteritorum annorum deducere octogesima, & ita ex reliqua summa partem reddi iubere pro iis parietibus, sententiamque pronuntiare, eos parietes, non posse plusquam 80. annos durare: parietes, inquam, cæmentitios: lateritios enim parietes tanti semper æstimari, quanti facti sunt olim nulla facta deductione. Quod, inquam, Vitruuius ita scribit, huic legi & interpretationi nostræ nullo modo aduersatur: nec enim lex nostra dicit, duntaxat sumptuum rationem haberi ad amissum æstimationis quantitatibus ædificiorum, sed etiam boni viri arbitratu, *vir, inquit, boni arbitratu, sumptuum rationibus deductis.* quæ verba boni viri arbitratu, sane multa comprehendunt multaque requirunt, puta, ut deducto veterum ædificiorum pretio, deducto rudum pretio, id tantum quo amplius restitutio ædificiorum constat, æstimetur. Et ut etiam in æstimatione ineunda, deducatur rudus rediuium, quod ex veteribus ædificiis in noua coniectum est, ut in *l. emptor §. ult. sup. de dam. infest.* Item quod Vitruuius ait, ut pro qualitate structuræ sumptus vel pluri, vel minoris æstimentur, & lateritia quidem structura, quæ modo stat ad perpendicularum, nec excurrit extra coria. (corium in structuris est *λίθων συνεχὴς ἐμπόλη*, Vitruuius.) Cubilia, coagmenta sua, tanti semper æstimetur, quanti olim facta est nullo deducto, sin autem cæmentitia sit structura, in æstimatione facienda sumptuum, non quanti opus faciendum loca-

Respons. Papin.

tum est, æstimetur. Hic est Vitruuij sensus. Sed si anno primo, quo sumpti sunt arbitri communi diuidendo, ineatur sumptus æstimatio, deducatur sumptus pars octogesima: si anno secundo, duæ octogimæ: si anno tertio, tres: si quarto, quatuor: & sic deinceps, quoad peruentum sit ad annum octuagesimum, quo structura cæmentitia nullo est in pretio. Et hæc etiam quæ ille auctor prodidit in specie proposita, esse spectanda non nego, quis enim sanus & siccus id negaret, etiam qualitatem ædificiorum spectandam esse, sed id dico significare Papinianum his verbis, *boni viri arbitratu*: quæ latissime manant, non illis, & *ædificiorum ætatibus examinatis*, quæ verba non respiciunt ad genus structuræ, non ad perpetuitatem aut vetustatem ædificiorum, sed ad quantitatem siue mensuram, quam & Græci & Latini ætatem vocant, vel Hesychio teste, qui *ἡλικίαν*, interpretatur *μέγεθος τοῦ σώματος καὶ μέτρον τοῦ π.* res est perspicua admodum.

Nunc illud maxime obseruandum est, quod initio posui, sine culpa heredis incendium contigisse: nam si culpa heredis interuenerit, proculdubio non potest reputare fideicommissario sumptus erogatos in restitutionem ædificiorum, ut ostenditur in *l. seq.* Nam quod sua culpa conrigit, æquum est, ut heres restituat de suo, nec id reputet fideicommissario. Obseruandum etiam illud est, quod initio posui, heredem restituisse ædes exustas post mortem testatoris. Nam si viuo testatore ædes, quas reliquit per fideicommissum, exustæ sint, & viuis testator eas restituerit & instaurauerit, sane nulli sumptus fideicommissario reputari possunt, & integrum fideicommissum debetur, quia non ipse testator eas ædes destruxit, alioquin videretur mutasse voluntatem, & ademisse fideicommissum, ut in *l. 65. §. ult. inf.* sed eas destruxit casus fortuiti incendii inuito testatore, ergo integrum ius fideicommissi permanet. Preterea illud etiam notandum est, heredem, aut heredem heredis, qui per errorem fideicommissario tradidit ædificia, nulla facta retentione sumptuum, quos fecit in restitutionem ædificiorum, quæ ignis absumpserat, eum, inquam, heredem posse uti aduersus fideicommissarium conditione incerti, de indebito soluto, aut plus debito soluto, conditione incerti, id est, conditione possessionis, quam retinere potuit sumptuum ratione, ut in *l. qui except. §. si pars, de cond. indeb. l. heres, inf. ad Senatus. Trebel. l. 2. de cond. tritic.* Conditione, inquam, incerti, ut ait *l. 60.* non etiam conditione certi, puta, conditione pecuniæ, quam impendit in extructionem ædificiorum, de qua conditione certi est accipienda lex *si in arca, de cond. indeb.* quam huic *l. 60.* tamen Accurs. opponit non animaduertens *l. 60.* esse de conditione incerti: illam de conditione certi, & hanc non competere, illam competere heredi, qui per imprudentiam nulla facta retentione sumptuum, noua ædificia fideicommissario tradidit: & ita eas duas leges nihil inter se pugnare, nec vero posse pugnare, cum & ambæ sumptæ sunt ex eodem Iuliani libro 39. DD. atque ita sunt coniungendæ.

Postremo illud etiam summe notandum est, quod addit Papinianus in *l. 61.* in qua separat sumptus, quos pendente conditione fideicommissi heres necessarius fecit in reficiendis, non dico in restituendis, sed in reficiendis vel fulciendis ædificiis, à sumptibus quos fecit in restaurandis consumptis ædificiis. Denique in *l. 61.* separat sumptus, quos heres fecit in reficiendis stantibus ædificiis, à sumptibus, quos fecit in instaurandis consumptis ædificiis. Nam hos simul reputat fideicommissario arbitratu boni viri, quia necesse non habuit heres restaurare ædificia. Illos autem sumptus non reputat fideicommissario, quia necesse ei fuit facta tecta ædificia fideicommissario seruare. Verum in *d. l. 61.* vulgo perperam legitur hoc modo,

Bb ij



*sumptus autem in reficienda domo necessarios à legatario factos, perperam, inquam, legitur, sumptus necessarios à legatario factos in reficienda domo. Nam si in reficienda domo legata, sumptus fecit ipse legatarius, quam inceptum & inconcinnum aut dissentaneum est subicere, ei legatario petenti legatum, eos sumptus non reputari, quos ipse fecit. Sane enim non reputantur mihi sumptus, si quando reputantur, quos ego feci, sed quos fecit alius: reputatio fit à reo actori, non ab eodem actore actori. Ergo perspicuum est, & necessario consequens ex l. 58. ex qua dependet lex 61. ita esse legendum in l. 61.*  
*sumptus autem in reficienda domo legata necessario factos, ab eodem herede scilicet, non in restauranda, sed in reficienda petenti legatum, cuius postea conditio exitit, non esse reputandos.*

Ad leg. 78. de leg. 2.

*Qui solidum fideicommissum frustra petebat, herede Falcidia obiciente, si partem interim solui sibi desiderauerit, neque acceperit, in eam moram passus intelligitur.*

**S**equitur ut exponamus l. 78. lib. 2. de leg. quæ quidem tota pertinet ad fideicommissa rerum singularum, quæ continet quinque responsa admodum brevia, quæ hac hora profligabuntur. Primum responsum est de fideicommissario, qui solidum fideicommissum sibi restitui petit sine deminutione, & cui heres ratione Falcidiæ subnixus opposita exceptione doli mali contradicit, se non debere solidum restituere, sed dodrantem tantum, ut ipse quadrantem habeat saluum & incolummem, quem iure Falcidiæ retinere desiderat. Is sane fideicommissarius lege Falcidia interueniente, qui solidum fideicommissum petit, plus non petit, alioquin iure isto causa caderet; plus, inquam, non petit, quia ipso iure solidum ei debetur, sed ut eleganter Papinianus ait, frustra petit. denique non plus petit, sed frustra, quia petitionem solidi elidit exceptio doli mali, per quam Falcidia inducitur, l. heres, inf. ad SC. Treb. l. 15. in pr. & l. 16. & l. 80. in fi. inf. ad l. Falcid. Verum videamus an fideicommissario, qui solidum fideicommissum petit, non habita ratione legis Falcidiæ, saltem mora fieri videatur in dodrante restituendo, & hoc responsum argumentum præbet nec moram ei fieri in dodrante restituendo, quia non dodrantem, sed solidum petit, quod interueniente Falcidia heres iuste recusat. Moram non facit, qui iuste recusat, aut refugit aliquid, qui iuste litigat, l. si quis solutioni, de usur. l. qui sine dolo, de reg. iur. sed si fideicommissarius interim, dum excuritur ratio legis Falcidiæ, desideret dodrantem sibi restitui, qui non potest non deberi, nec restituatur ei dodrans: ex eo tempore quo heres postulanti fideicommissario dodrantem restituere detrectauerit, non etiam ab initio litis, heres moram fecisse fideicommissario intelligitur. Multum interest scire, à quo tempore heres moram fideicommissario facere incipiat: nam ex tempore moræ fideicommissariis debentur usuræ fideicommissorum & fructus, §. etiam inf. in hac l. 2. C. de usur. & fruc. leg. l. 3. C. in quib. causis in integ. rest. non est necess. Debentur commoda omnia, l. 39. §. fructus, l. quæsitum §. ult. sup. tit. prox. l. 84. inf. h. t. Ac præterea ex tempore moræ periculum rerum per fideicommissum relictarum pertinet ad heredem frustratorem, qui scilicet moram fecit, d. l. 39. §. fructus, & l. 3. C. de usur. & fruc. leg. Et hæc quidem de primo responso sufficiant. sequitur alterum quod est in §. 1.

Ad §. cum post mortem.

*Cum post mortem emptoris venditionem Reipublicæ prædictorum optimus maximusque Princeps noster Seuerus An-*

*gustus rescindi, heredibus pretio restituto iussisset, de pecunia legatario, cui prædium emptor ex ea possessione legauerat, coniectura voluntatis pro modo æstimationis, partem soluendam esse respondi.*

**L**ucius Titius prædia quædam Reip. siue ciuitatis cuiusdam bona fide emit à curatore Reip. & moriens ex eis prædiis, quæ emit, id est, ex vniuersa illa possessione plurium prædiorum Reip. quam vocant, *οἰκονομίαν* & *μετοχὴν*, & compossessionem, Caio Seio vnum prædium legauit per fideicommissum. Post mortem L. Titij Imperator Seuerus ex causa in integrum restituit Remp. aduersus venditionem. Respublica minorum iure uti solet, ut minores, ita Resp. aduersus ea, quæ administratores gesserunt male, in integrum restitui possunt, l. pen. C. quib. ex caus. mai. in integ. rest. l. pen. C. de iure Reip. l. 1. C. de off. eius qui vic. alt. ind. obr. Atque ita Imperator Seuerus venditionem eorum prædiorum rescindi iussit, atque decreuit, restituto pretio heredibus L. Titij. Omnis restitutio in integrum est reciproca, iussit Remp. prædia recipere, ac simul pretia restituere heredibus emptoris, qui prædiorum pretia acceperunt, pro rata prædij legati. Quæritur, an fideicommissarius partem æstimationis petere possit, partem pretij, quanti est prædium legatum? Et respondet Papin. posse, sumpta coniectura ex voluntate testatoris, qui utique fideicommissario vel prædium, vel æstimationem eius præstari voluit: non tenentur quidem heredes fideicommissario de euictione, l. prox. §. euictis, sup. nec teneri etiam eos, de euictione Papin. ait, sed ex causa fideicommissi iudicioque defuncti, cum prædij legati pretium receperint, ut id fideicommissario restituant, cæterorum prædiorum pretia sibi retineant, quæ redhibuerunt Reip. Et hæc est sententia secundi responsi.

Ad §. etiam resp.

*Etiam Respublica fideicommissi post moram usuras præstare cogitur, sed damnum si quod ex ea re fuerit secutum, ab his sarcindum erit, qui post dictam sententiam, indicatum soluere supersederunt. Nec aliud seruabitur in litis sumptibus, si ratio litigandi non fuit: ignauiam etenim prætendentes audiri non oportere. Quod in tutoribus quoque probatur.*

**I**n tertio responso ostenditur, ex mora præstandorum fideicommissorum usuras debere non tantum priuatum, qui heres institutus est, & oneratus fideicommissis, sed etiam Remp. si heres instituta sit, & ab ea sint fideicommissa relictæ: nam hodie receptum est, quamlibet Remp. heredem institui posse, quod tamen olim non obtinuit, ut patet ex Plinij Epistolis & lib. reg. Vlp. quia Respublica est incertum corpus, ut nec vniuersi ciues cernere hereditatem, nec pro herede gerere possint, ut heredes fiant. verum alio iure utimur. ergo ut hoc loco proponitur, si Resp. sit heres instituta, & ab ea sint fideicommissa relictæ, & mora fiat in eis præstandis, etiam Resp. fideicommissariis debet usuras, & fructus, & commoda omnia ex tempore moræ, sed damnum quod ob eam Respublica patitur, id omne Reip. præstabunt actores Reip. vel administratores, vel magistratus qui post sententiam dictam, ut ait, de restituendo fideicommissio, indicatum soluere supersederunt. iudicatum facere supersederunt, id est, qui post condemnationem & tempora iudicati in soluendo moram fecerunt. Quo casu & usuræ & fructus & commoda omnia fideicommissario debentur à tempore litis contestatæ usque ad sententiam: quum Resp. moram fecit post sententiam & tempora iudicati soluendi, l. 3. sup. de usur. Dico non tantum post sententiam, sed & post tempora iudicati, quia post sententiam tempus iudicati faciendi est immutæ à dependendis



vsuris: iusti dies, qui dantur iudicato faciendo sunt immunes à dependendis vsuris, *d. l. 3. l. in bona fidei, C. eod. t. l. ult. §. pen. C. de vsur. rei iud.* quia cum iusti illi dies dentur humanitatis gratia, vt eleganter ait *l. si cum militi §. ult. sup. de compens.* cum, inquam, iusti dies dentur, vt in *Basil. de iur. iur. l. w.* expertes igitur debent esse omnis inhumanitatis, ac proinde immunes à dependendis vsuris. Et hæc quidem ita se habent omnia, quæ ante diximus ad hoc responsum, si actores Reip. habuerint iustam causam litigandi aduersus fideicommissarium, si ante condemnationem in mora non fuerint, vt sc. post condemnationem demum mora facta, & post tempora iudicati vsuræ & fructus fideicommissario debeantur à die litis contestatæ in diem sententiæ latæ. Nam si actores Reip. temere iudicium acceperunt, si vitio litigauerunt, ex tempore moræ siue litis contestatæ, fideicommissario debent, aut debet Resp. vsuras & commoda omnia in diem solutionis nullo iustitio intermisso, id est, nullis iustis diebus intermissis, *d. l. 3.* Debentur etiam fideicommissario sumptus litis, in quos damnari more iudiciorum solet is, qui temere litigauit & succubuit, *l. cum qui temere, sup. de iud. l. 1. §. 1. D. de vac. mun. l. 3. C. qui accus. non poss.* Sed hæc omnia detrimenta, vel vsuræ, vel fructuum, vel aliorum commodorum, quæ ob moram fideicommissario præstantur, vel sumptuum litis, hæc damna omnia res publica imputat actoribus vel administratoribus & magistratibus Reip. qui rem summam, rem communem male gesserunt, quoniam non tantum doli, sed etiam ignauia, id est, culpæ etiam leuis nomine Reip. tenentur. Quod verbum *ignauia*, Glossa non intelligit, id est, culpam leuem, cui aduersa est diligentia. denique administratores Reip. non tantum doli, sed etiam culpæ nomine tenentur, & ignauiam suam prætendentes non sunt audiendi vt eo minus Reip. teneantur: nam & ignauia pœnam luunt, *l. magistratus, D. de adm. rer. ad ciuit. pert.* Quod hoc loco Papin. confirmat à simili, si tutor culpam præstat pupillo, sane etiã leuem, *l. quidquid, C. arb. tut.* & actor reip. igitur, quoniam similis & pene eadem est causa conditioque pupilli & Reip. *l. o. de appel. l. 6. inf. ne de statu def.* Et nihil est præterea in hoc 3 responso.

#### Ad §. prædium.

*Prædium pater de familia liberorum alienari verbis fideicommissi prohibuit. Supremus ex liberis qui fideicommissum petere potuit, non idcirco minus actionem in bonis suis reliquisse visus est, quod heredem extrarium sine liberis decedens habuit.*

**P**Enultimi responsi species hæc est: qui habebat quatuor liberos, primum, secundum, tertium, quartum, prædium eis legauit, idque verbis fideicommissi, non nudo præcepto vetuit alienari extra familiam liberorum. Nudum præceptum, ne alienetur prædium extra familiam liberorum, nullius momenti est, sed id tantum præceptum quod fit adhibitis verbis fideicommissi. quum dicit *verbis fideicommissi* excludit nudum præceptum. Denique hoc addit, *verbis fideicommissi* non nudo præcepto prohibuisse patrem, ne prædium illud alienaretur extra familiam, non quidem suam omnem, sed extra familiam liberorum. Ita vt si quis eorum liberorum partem suam alienaret extero, cæteri fratres eam partem sibi vindicarent iure fideicommissi: donec ad eum qui nouissimus superesset, & cæteros viuendo vicisset, totius prædij proprietas veniret. Nunc facito, ad nouissimum ex liberis morte cæterorum totum prædium rediisse, aut actionem eum adquisisse vindicandarum partium, quas fratres habuerunt in eo prædio, qui relictis extraneis heredibus sine liberis vita functi sunt, vel qui viui partes suas alienarunt.

Respons. Papin.

**A** Rursus facito, postea etiam nouissimum ex liberis vita decessisse sine liberis extraneo herede relicto: Queritur, an is ad heredem extraneum quem reliquit, transtulerit dominium prædij vel actionem fideicommissi pro partibus fratrum? Et respondet Pap. transtulisse, quasi scilicet iam extincta omni familia liberorum, quasi liberis omnibus extinctis sine liberis, vt in *l. prox. §. libertis, sup.* quasi nullo superstiti ex familia liberorum, cui fideicommissi petitio competere possit, *l. 2. C. quando dies leg. ced.* denique quasi extincto fideicommissio. Res est perspicua. Restat vltimum responsum.

#### Ad §. vltimum.

**B** *Si creditor ab eo, qui testamentum fecit, domum acceptam iure pignoris vendidit, contra emptorem fideicommissi causa, tamen si voluntatem defuncti non ignorauit, nihil decernetur.*

**S**pecies hæc est: Testator domum quam creditori pignerauerat, L. Titio per fideicommissum reliquit: creditor cum ei pecunia non solueretur, vendidit pignus, iure pignoris vendidit domum, emitque eam, qui non erat ignarus fideicommissi: Queritur, an L. Titio fideicommissario aduersus emptorem competat persecutio fideicommissi, quasi non debuerit emere domum, quam sciebat esse fideicommissio subiectam? Et respondet fideicommissario aduersus emptorem nullam competere actionem, nihilque à Prætoris vel Principis posse decerni, quo rescindatur emptio venditio iure & bona fide perfecta: neque enim scientia sola rei alienæ, aut scientia sola fideicommissi mala fides est, *l. generaliter, sup. de noxal. action.* Imo etiam prohibita alienatione domus verbis fideicommissi, huic responso Papi. locus foret, id est, prohibitio non noceret creditori, non impediret venditionem domus iure pignoris, *l. filius, §. Diui, sup. tit. prox.* heredem non nego fideicommissario teneri, si modo fideicommissarius doceat, eum fuisse ignauum & negligentem in luendo pignore, quod & Glossa hic adnotauit recte. & hic est finis huius legis.

#### Ad l. 10. de alim. leg.

**D** *Cum vnus ex heredibus certam pecuniam præcipere iussus esset, de cuius sorte libertis alimenta præstaret: heredem quoque heredis ad præceptionem admitti placuit: si tamen plures heredes heres haberet, intentionem quidem defuncti prima facie refutari: sed aliud probari non oportere. Quid enim si cæteros heredes suos euitauit, & quietam ac verendam atque etiam idoneam, libertis consulens, domum sequi maluit? Et ideo ab omnibus heredibus heredis alimenta præstabuntur.*

**I**N primo responso legis 10. hæc proponitur species. Testator pluribus heredibus institutis, vnum ex eis præter portionem hereditariam præcipere iussit certam summam sub onere præbendorum libertis alimentorum quotannis ex vsuris eius summæ vel sortis, quo genere intelligitur liberis suis alimenta annua per fideicommissum reliquisse, vt in *l. 8. hoc tit.* Mortuo autem eo herede, qui oneratus est præbitione alimentorum, constat idem onus sequi heredem heredis, si vnum tantum heredem reliquerit ex asse, vt quem fors sequitur primo heredi legata per præceptionem, eum etiam sequatur onus, quod naturali rationi conueniens est. At quid fiet, si primus heres, à quo libertis alimenta relicta sunt, plures reliquerit, inter quos ea pecunia siue fors destinata alimentis libertorum diuisa sit pro hereditariis portionibus, an omnes heredes tenent onus libertis præbendorum alimentorum? Quod prima facie Papin. ait, intentionem testatoris non pati, qui per vnum alimenta præ-

Bb iij



stari voluit, quod & commodius peragitur per vnum, l. 3. h. t. Verum, vt idem subiicit, aut vt adsignificat *necessitati succumbimus*, vt ait l. pen. in fine, sup. de excus. tut. quam ne dij quidem superant, & omnino cogimur, ne pereat fideicommissum alimentorum, statuere omnes heredes, qui primo heredi extiterunt fideicommissio teneri, tamen si huic definitioni videatur refragari voluntas testatoris: sed refragatur prima facie, vt ait, prima ratione, καὶ τὸ πρῶτον λόγον, vt Philosophi dicunt, non secunda ratione, forte cum vt idem Papin. ostendit, testator cuitatis cæteris heredibus suis, non tam eum heredem, quem elegit, elegit à quo præstarentur alimenta libertis, non tam personam eius heredis elegit, quam quietam & verecundam & idoneam eius domum, consulens libertis suis. *Domus* appellatione significat familiam & posteritatem, quæ ei succedet, legitimam: & quietam est ea domus, quæ non est amans litium: verecunda, quam pudet detrectare pia & fida obsequia defuncto, veluti alimenta, quæ defunctus præstari iussit: quam rem etiam l. 8. h. tit. ait, pulsare verecundiam heredis, percutere verecundiam heredis, siquidem ea præstare detrectet alimentariis. Idonea autem domus, quæ est locuples & luculenta. Et cum hoc elegatissimo Papin. responso congruit l. alimenta, in princ. h. t. Verum obseruanda in hoc proposito maxime ea differentia est, quam statuit in l. 8. quamque exposui lib. 7. inter heredem scilicet, qui de prælegati sorte, hoc est, de incremento siue vsuris eius fortis, iubetur alimenta præstare, & nudum ministrum siue dispensatorem, aut præbitorem alimentorum, cui nihil legatum est, quoniam onus nudum dispensatoris extinguitur cum persona, quia nulli alij rei quam personæ iniunctum est: onus nudi dispensatoris cum persona perit, l. si ita expressum, inf. de cond. & dem. Quam in rem Bartolus & Albericus etiam non male adducunt in medium l. cuius bonis, D. de cur. fur. quæ dicit, curatorem bonis datum, id onus non transferre in heredem suum, & l. tutela, sup. de tut. quæ dicit tutelam iure hereditario non transmitti in heredem tutoris. Onus autem legatario iniunctum sequitur heredem vel heredes eius, ad quos etiam legatum transit, nec tam personale quam reale onus est, id est, onus rei, vel summæ legatæ.

#### Ad §. verbis.

*Verbis fideicommissi pure manumisso, præteriti quoquoque temporis alimenta reddenda sunt, quamuis tardius libertatem recuperauerit, nec heres moram libertati fecerit, tunc enim explorari moram oportet, cum de vsuris fideicommissi queritur, non de ipsis fideicommissis.*

**T**estator seruo suo pure libertatem per fideicommissum reliquit, eidem quoque seruo pure alimenta certorum nummorum annua dedit: quæ quidem alimenta iure quidem seruo non debentur, antequam perueniret ad libertatem: seruo meo nihil vtiliter lego sine libertate, qua fruatur iam, l. ex parte §. seruum, D. fam. erci. l. seruus, C. de leg. præstari ei quidem possunt alimenta fauorabiliter etiam nondum manumisso extra ordinem officio iudicis, vt in l. seruos, inf. h. t. l. seruus, sup. de ann. leg. l. seruo alieno §. 1. de leg. 1. neque enim seruis testamentorum omnia iusta commoda denegantur, vt Symmachus ait in Epist. ad Theodosium, sed quæ officio solo iudicis præstantur, non iure obligationis: sane non sunt in obligatione, neque debentur proprie, l. ult. sup. de eo quod certo loco. Heres autem in hac specie, à quo libertas seruo & alimenta relicta sunt, neque moram fecit in præstanda libertate, neque in præstandis alimentis, seruo nimirum cessante in petitione fideicommissi, nec interpellante heredem: sed tardius heres interpellatur à seruo, tardius etiam seruo præstitit libertatem, tardius eam ab herede seruus receperat, vt loquitur,

quod genus loquendi notandum est, pro accepit ab herede. mora fit fideicommissariæ libertati in personam, id est, interpellato herede, nec satisfaciente interpellationi: in rem non fit non interpellato herede vsquequaque secundum distinctionem legis cum vero §. apparet, ff. de fideic. libert. quam citat Accurs. Queritur autem in hac specie: An præteriti temporis ante præstitam seruo libertatem, quæ tardius præstita est, vt dixi, ex die aditæ hereditatis alimenta seruo manumisso debeantur? Quod non videtur prima facie, quia heres non fuit in mora. Verum aliud iudicium Papin. est, optima ratione, quia in præstatione fideicommissi nihil refert, heres fuerit in mora, necne: nam etsi non fuerit in mora, omnimodo fideicommissio & præteriti & futuri temporis obstringitur ab eo die quo dies fideicommissi cessit, vt l. libertis §. 1. ff. hoc tit. Et quod vulgo iactatur, spectari, obseruari, explorari moram heredis, id tantum pertinet ad vsuras fideicommissorum & cætera commoda, vt diximus heri ad l. 78. de leg. 2. quæ scilicet vsuræ vel commoda non currunt, nisi ex mora heredis, quæ tum fit, quum interpellatus heres ea non soluit. non etiam pertinet ad fideicommissa ipsa, quæ debentur omnino à die, quo cesserunt, etiam si heres nulla fuerit in mora. Et hæc est sententia huius responsi.

#### Ad §. vltimum.

*Alimentis viri boni arbitrati filia relictis ab herede filio pro modo legata dotis quam solam pater exheredatæ filia nubenti dari voluit, atque pro incrementis ætatis, eam exhibendam esse respondi, non pro viribus hereditatis.*

**P**ater filium heredem instituit, filiam exheredauit, quoniam voluit, eam esse contentam dote certæ quantitatis, quam ei à filio herede instituto legauit cum nuberet: filia plerumque exheredatur contemplatione dotis datæ vel relictæ, quod ea ei sufficiat, l. emptor §. ult. sup. de rei vindic. l. qui volebat, sup. de hered. instit. hoc amplius idem pater præter dotem scilicet filiæ alimenta præstari iussit, quoad nuberet, præstari, inquam, iussit viri boni arbitrati, quæ quidem alimenta, etiam si relicta non essent, frater teneretur præstare sorori, quæ se aliter tueri non possit, l. 4. sup. ubi pupil. educ. deb. Hæc autem verba, viri boni arbitrati, certam quantitatem exprimunt, non incertam, l. 1. sup. de leg. 2. quia æquitas semper est certa, cuius bonus vir magister est, & quasi sacerdos: nec tamen statim cuilibet liquido apparet, quem modum alimentorum filiæ in hac specie constitui oporteat. Ideoque declarat Papinianus hoc loco, quasi instruens bonum virum, quem testator moderatorem fecit, vt alimentorum modum filiæ constituat non pro viribus hereditatis, quia filia exclusæ est per exheredationem, sed pro modo dotis filiæ legatæ, hoc est, non pro facultatibus defuncti, sed pro facultatibus filiæ, quæ in sola dote consistunt, vt plerumque bona mulierum dicuntur in sola dote consistere, l. assiduis, C. qui pot. in pign. hab. Itemque, vt modum alimentorum constituat pro incrementis etiam ætatis puellæ, prout scilicet ætatem ampliauerit, vt ait lex alimenta §. Basilica, ff. hoc tit. Denique virgini pro modo dotis legatæ, quasi ex vsuris dotis, & pro ratione ætatis alimenta præstabit, vsque adeo, dum ierit nuptum: nuptiis contractis & dote soluta filiæ, maritoui filiæ nomine, finitur alimentorum legatum.

#### Ad leg. 25. de adimen. leg.

*Alteri ex heredibus præceptionem prædij dedit, mox alteri præstari aduersus debitorem actiones ad eum finem mandauit, quo prædium fuerat comparatum, cum post ea prædij*



*distracto citra ullam offensam eius, qui præceptionem acceperat, pretium in corpus patrimonij redisset, non esse præstandas actiones coheredi, respondi.*

**Q**uidam duos heredes instituit, primum & secundum: primo prædium prælegauit, ut hoc haberet præcipui titulo, quod quidem prædium ipse emerat ducentis aureis. Secundo autem etiam titulo præcipui iussit cedi actionem, & præstari aduersus magnæ pecuniæ debitorem hereditarium, ad finem tamen pretij ducentorum aureorum: post factum testamentum testator prædium ultro distraxit. non prouocatus, non lacesitus vlla graui offensa heredis, cui prædium prælegauerat, & pretium ex prædij venditione redactum retulit in corpus patrimonij sui: Queritur, mortuo testatore, an primo sit præstandum prædium prælegatum, aut æstimationis eius, secundo æque an sit cedenda actio ad finem pretij supradicti prædij: Et respondet Papinianus, utriusque heredi legatum ademptum videri, & pretium prædij, quod rediit in corpus patrimonij, inter heredes diuidi pro portionibus hereditariis. Obscura videtur esse admodum ratio huius responsi, faciemus perspicuam sine negotio. Primum dico; ademptum legatum videri primo, quia testator prædium nuda & mera voluntate alienauit, non urgente necessitate ingratis, ut ait *l. rem legatam, hoc tit. l. fideicommissa §. si rem, d. leg. 3.* Testator qui rem legatam vendidit urgente necessitate, non videtur adimere legatum: at qui nuda voluntate rem legatam vendidit, videtur adimere legatum: proinde primo ademptum videtur legatum prædij, secundo etiam suum legatum ademptum videtur, quia causa legati deficit. Ideo enim testator secundo legauit partem nominis ad finem æstimationis prædij, ut æqualitatem constitueret inter heredes, ut id prædium æquo animo finiret secundus habere primum coheredem suum, quæ causa cessat primo adempto legato. Vnde consequens est, quasi cessante causa, & secundo ademptum esse legatum, quod est singulare responsum Papin. nunquam memoria obliuiscendum. At contra hoc responsum tentari potest ex *l. pater, hoc tit.* neutri esse ademptum legatum, quia pretium, quo prædium testator distraxit in corpus patrimonij rediit. ut posuimus. Et non videtur absumptum, quod in corpus patrimonij est versum, quod latius exposui lib. 7. ad *d. l. pater.* At ut dissidium omne componatur inter hanc & illam *l. animaduertendum est, l. pater* loqui de pecunia legata, hanc leg. de prædio legato. Facilius autem prædij, quam pecuniæ legatum extinguere vel adimi, aut ademptum intelligi, quia pecunia semper hereditati inest, non quidem eadem species pecuniæ, sed quantitas pecuniæ, summa, potestas, facultas, *la valeur.* Quantitas dicitur in *l. 1. de contrah. empt. summa. in l. si pœna §. si falso, de cond. indeb. potestas in l. ideoque, D. de eo quod certo loco, facultas, in Epistolis ad Atticum: Natura, inquit, nummorum & facultas: natura, c'est la loy: facultas, la valeur.* Denique pecunia, id est, quantitas semper inest in bonis, id est, mille aureos habere videtur, qui prædia habet digna mille aureorum. prædium autem, quod distraxit testator, plane hereditati abscessit, nec videtur inesse hereditati, licet pretium eius insit, puta, redactum in corpus patrimonij, & ita ad *l. pater,* respondendum est. Ad *l. 25. de adim. leg.* quam nunc exposuimus hoc vnum est, quod addi maxime velim in illa lege, hæc verba, *testatorem prædium distraxisse, quod uni ex heredibus prælegauerat citra ullam offensam eius, cui prælegauerat,* hæc inquam verba, *citra ullam offensam,* non esse otiosa: nam si apud testatorem heres, qui prædium per præceptionem acceperat, in graui offensa fuerit secundum distinctionem *l. 3. §. ult. adhibita l. 4. cod. tit. ei soli nocet, quod prædium testator distraxit, id est, ei soli intelligitur ademisse prædium, qui eum offenderat, non etiam secundo coheredi, in*

quem testator iratus & infensus non fuit. ideoque in ea *l. Papin.* adicit, eum distraxisse prædium primo legatum citra ullam offensam primi, volens demonstrare testatorem pariter erga utrumque murasse voluntatem, quod attinet ad legata, quæ eis dedit, quod attinet ad legatum prædij primo relictum, & quod attinet etiam ad legatum nominis secundo relictum ad finem æstimationis prædij. Idcirco ut conditio heredum ex æquaretur, ut sit in *l. 12. D. de cond. & dem.* idcirco ut eadem æqualitas perseveret, ut eadem sit amborum heredum conditio, adempto vni legato, & alij quod relictum est ademptum esse censetur, nec peiori conditione vnus habetur quam alter, cum pariter in utrumque testator fuerit adfectus, ut hoc breuiter etiam Glossa notauit, & rectissime.

#### Ad l. 2. de reb. dub.

*Ciuiibus ciuitatis legatum vel fideicommissum datum ciuitati relictum videtur.*

**E**rgo ciuibus ciuitatis certæ datum legatum vel fideicommissum, non certis ciuibus, sed incertis ciuibus, ciuitati vel Reip. quod etiam incertum corpus est, relictum videtur. Idemque est si testator dixerit in hunc modum: *Ciuiibus meis illud do, lego:* quoniam illud ciuitati suæ legasse videtur, ut patet ex *l. pen. §. ciuibus, sup. de leg. 2.* Et contra quoque ciuitati relictum, ciuibus relictum videtur, sicut cognationi relictum, cognatis, *l. si cognatis, D. h. r.* Sunt enim hæc coniugata ciues & ciuitas: cognati & cognatio. Res autem dubia fuit, quia dici poterat non ciuitati vel Reipublicæ, sed singulis ciuibus legatum relictum, qua interpretatione admissa, ciues non quasi ciuitas vel respub. sed quasi certi homines ad legatum vocarentur, *l. cum Senatus, D. hoc tit.* Et ideo legati diuisio inter eos fieret, in viriles, id est, pro virilibus portionibus, ut in *l. si quid relictum, & l. ciuitatibus, sup. de leg. 1.* Et in antiqua inscriptione: *Statuam Mercury ob honorem quinquennale posui, cuius dedicatione dedi populo viritim denarios singulos.* vel etiam si perexiguum esset legatum, quod intelligeretur esse relictum singulis ciuibus, quod distributum in singulos ad nihilum redigeretur, ridiculum magis est, quam vtile legatum, argumento legis, *si domus, de leg. 1. l. cum post §. gener, de iure dot.* Verum, sane verius est, testatorem, qui ciuibus certæ ciuitatis legauit, voluisse legare non singulis, sed vniuersis ciuibus, siue vniuersitati ciuium, quæ vno nomine ciuitas appellatur: neque enim ciuitatem dicimus singulos ciues, nec quod ciuitati legatum esse intelligitur, id dicimus singulis ciuibus deberi, *l. sicut §. 1. sup. quod cuiusque vniuers.* Et rursus, ciuitatem etiam non dicimus domiciliorum collocationem, & conjunctionem einctam moribus, non τὸ οἰκηθῆναι, sed vniuersitatem ciuium & inquilinorum iisdem vtentium legibus & moribus. Nam inquilinos siue incolas facio partem ciuitatis ex Arrio Didymo apud Eusebium 15. *de præpar. Euang.* definiēte ciuitatem τὸ ἑνωμένον τοῖς πολιτοῖς αἵμα, confociationem; confortiumue inquilinorum & ciuium: quamobrem non ciuium, sed hominum. M. Tullius ciuitatem definit esse concilium cœtumque iure sociatum. Et Plato, πᾶσι τοῖς ἀνθρώποις κατὰ νόμον ἢ αὐτὸν ὄντων. Ineptus autem est Azo, qui hoc loco, *ciuibus,* interpretatur *administratoribus ciuitatis,* quem & ineptiores alij plerique sequuntur. Quis enim nescit latius patere ciuium nomen, nec solos administratores Reipub. esse ciues? Censebant illi administratores ciuitatis esse instar ciuitatis, & ideo facile admittebant, legatum datum administratoribus ciuitatis, ciuitati datum videri: nec tamen animaduertebant, etiam ciues vniuersos non tam esse instar ciuitatis, quā ciuitatem ipsam, & multo magis vniuersis ciuibus reli-



Etum, ciuitati relictum videri: At fateor etiam administratoribus ciuitatis non nominatim relictum legatum, ciuitati relictum videri, sed nolo ad eos tantum hanc legem coangustari. Ergo siue ciuibus vniuersis legatum detur, siue administratoribus ciuitatis, ciuitati dari videtur, sicut quod generaliter datur sacerdotibus, siue clericis certæ ecclesiæ, ipsi ecclesiæ dari videtur, vt in *l. annua §. 1. sup. de ann. leg.* quod sacerdoti & ἱερωτάται, & libertis, qui certo in templo ministerium præbent, templo legari videtur, quia non personæ legatariorum nominatim designatæ sunt, sed templi ministerium tantum. Habita igitur in primis est ratio templi non personarum, quæ templo ministerium præbent, quamuis ad eas sermonem direxerit testator: sicut quod episcopo legatur ab extraneo, puta hoc modo: *Episcopo illius ecclesiæ prædica illa do, lego*, non personæ episcopi, quæ nec proprio nomine est demonstrata, sed ecclesiæ legatum videtur, *l. 41. quæ est Græca constitutio de episcopis & clericis. can. pontificis 12. quæst. 3. cap. requisisti, de Testam.* quoniam legatarius non est is, ad quem sermo dirigitur, sed corpus siue collegium propter quod cuiusue intuitu & contemplatione legatum relinquitur, vt in *l. si filiofam. inf. de cond. & demonstr. l. pen. C. de iur. delib.*

Ad legem 78. de condit. & demonstrat.

*Cum pupillus aut tutor eius conditionem in personam pupilli collatam impedit: tam legati quam libertatis iure communi conditio impleta esse videtur.*

**D**Vo sunt huius leg. responsa. quod ad primum responsum attinet, fac, pupillo herede instituto libertatem aut legatum relictum sub conditione collata in personam pupilli, & pupillum non pati, vt conditio impleatur, pupillum impedire conditionem ne impleatur, & per hoc ne libertatem aut legatum præstet. Quæritur, an conditio habeatur pro impleta secundum ius commune: quod proponitur in *l. in iure, de reg. iur.* Et respondet Papinianus, haberi pro impleta, quod subtilius examinandum est. Id quidem sane sine dubio verum est, si conditio collata in personam pupilli consistat in facto, veluti, *si pupillo biennio seruierit*, vel, *si cum pupillo moratus fuerit*, quoniam, vt ea conditio impleri potest in personam pupilli citra interuentum vel auctoritatem tutoris, ita & à pupillo solo impediri potest, quominus impleatur, & habebitur pro impleta, *l. si seruus 10. de solut.* At si conditio in datione consistat, quæ collata est in personam pupilli, veluti, *si pupillo decem dederit*, non potest impediri eius conditionis effectus à pupillo solo, quia nec in personam pupilli solius impleri potest, citra interuentum tutoris, ne scilicet datio, vt ait *d. l. si seruus* ex imbecillitate pupilli pereat, id est, ne datum pupillo soli, pupillus mox dissipet, atque disperdat, quo pertinet etiam *l. 13. hoc tit.* Sed si interueniente tutore, auctore tutore, pupillus recuset accipere oblatam pecuniam, tum sane hæc conditio, quæ in datione & acceptione consistit, pro impleta habebitur: & ita qualis qualis sit conditio, adhibita hac distinctione pro impleta habebitur. At quod dicitur, iure communi conditionem pro impleta haberi, si per eum stat, in quem conditio collata est, vel in cuius personam implenda est, id patet etiam ex *l. 14. hoc tit.* Legatum relictum est sub hac conditione, *si statuas illas in municipio posuerit*, & legatarius paratus quidem est eas ponere, sed locus à municipibus non datur, conditio habetur pro impleta, & statim legati petitio est. In antiquis inscriptionibus solet notari locus ponendarum statuarum, vel exstruendi monumenti datus decreto decurionum, vt intelligatur iure statuas esse positas, vel exstructum monumentum. Id vero notatur vulgo his singulis & singulariis literis, *une l. & trois DDD*, quæ singula ita explananda sunt, locus

**A** decreto decurionum datus, quod integra oratione in Brundisina inscriptione legitur Græca huiusmodi, τὸ πον τὸ βελῆς εἰς τὰς τὰς ἀφισταμένης, loco dato decreto curia. Et apud Diogenem Laert. in Empedocle, Ἀνεγνὸς τὸ ἀφισταμένης ἀπὸ τῶν ἀφισταμένων, τὸ βελῆς εἰς κατὰ μὲν. Acrone, inquit, petente locum à decurionibus ad exstructionem monumenti paterni. Aliquando locus dabatur indulgentia Pontificum ob religionem soli, vt in alia inscriptione antiqua, INDVLGENTIA PONTIFICVM LOCVS DATVS EST. Et ita in *d. l. 14.* si quod locus non detur decreto decurionum in municipio, legatarius non ponat statuas, conditio pro impleta habetur. Et hoc est certissimum.

Ad §. disiunctiuo.

*Disiunctiuo modo conditionibus adscriptis, alteram defecisse non obeit, altera vel postea impleta. Nec interest in potestate fuerint accipientis conditiones, an in euentum collata.*

**F**Inge, legatum datum sub conditione disiunctiua, hoc pacto: *si heredi decem dederit, aut, si Capitolium ascenderit.* Disiunctio non habetur pro coniunctione, quoniam vnā ex iis conditionibus impleri satis est, quam volet legatarius impleri, vtramque impleri nihil attinet, *§. pen. Institut. de hered. instit.* Et notat Papinian. hoc loco, nihil interesse vtrum conditiones sint potestatiuæ, vt in exemplo proposito, an casuales, sicut Iustinian. loquitur, veluti, *illi centum do, lego, si nanis ex Asia venerit, aut, si Titius consul factus fuerit.* Alteram conditionem impleri satis est, & tametsi quandoque disiunctio pro coniunctione accipiat, vt in *l. sepe, de verb. signific.* non tamen ita accipietur hoc loco, nec duplici conditione legatarius oneratus esse intelligitur. Casuales conditiones sunt, quæ in euentum conferuntur. Potestatiuæ quæ sunt in arbitrio & potestate accipientis. Et accipere conditiones dicitur hoc loco, is, cui imponuntur & adscribuntur cuiue dantur: nam & conditiones in hoc titulo sæpe dari dicuntur. Posset tentari si vtraque conditio, quæ adscripta est disiunctiuo modo sit potestatiua, à legatario vtramque esse implendam, quod ei sit in facili vtramque implere, quoniam vtraque pendet ex arbitrio eius & libidine: sed nihil interesse ait, inter hæc duo genera conditionum, an ergo erit in electione legatarij, vel fideicommissarij, implere conditionem quam voluerit? Sic videtur, & patet ex *d. §. penult.* eliget legatarius quam volet, vt impleat, alteram omittat. Verum huic sententiæ obstat *l. sub diuersis, sup. hoc tit.* quæ, si sub diuersis conditionibus legatum disiunctim relictum sit, legatarium, ait, parere debere nouissimæ conditioni, non cui voluerit. Sed vt respondeam, ibi disiunctim, est separatim, diuersis partibus testamenti; vt si prima parte testamenti legetur sub vna conditione; deinde ima parte eidem etiam legetur eadem res sub alia conditione, hoc casu nouissimæ conditioni parere necesse habuit: in legatis nouissimæ scripturæ valent, aliter quam in libertatibus, *l. si mihi & tibi §. ult. de leg. 1.* Hoc autem loco disiunctim, siue disiunctiuo modo, est quidem separatim, sed eadem parte testamenti, eodemque tenore continuato orationis, quo casu legatarius paret priori, aut posteriori pro arbitrio. Hic est finis huius *l.* Sequitur longe celeberrima in hoc ipso titulo.

Paulo antequam venirem, scripto viri cuiusdam doctissimi admonitus sum, quod dixi non ita dudum in *l. 78. de leg. 2. §. etiam*, explicans breuiter sententiam *leg. 3. de usur.* iniquum videri, vt scilicet Resp. quæ iustam habuit causam litigandi, si moram faciat post condemnationem & tempus iudicati, vsuras dependat à tempore litis contestatæ ad sententiam, vsuras dependet, inquam,



quam, hoc ne iniquum videatur, imo æquissimum, nempe sicut est in regula iuris, ut unicuique mora sua noceat, ut unusquisque moræ suæ pœnam sufferat: hanc vero esse pœnam moræ factæ post tempora iudicati, post indulgentiam iusti temporis, ut is, qui moram fecit, retro à die interpellationis in diem sententiæ præster vsuras, quasi scilicet & retro intelligatur fuisse in mora, quamvis re vera non fuerit in mora, nisi post tempora iudicati, quasi, inquam, & retro intelligatur fuisse in mora, qui nec iudicato paret, nec agnoscit gratiam humanitatis causa lege sibi dati temporis conquirendæ pecuniæ, & iudicato faciendo? Hæc est pœna ex decreto Marci Antonini, quæ proponitur in *d.l.3.* ut quasi retro agatur mora, damneturque iudicatus quasi mora facta etiam antefententiam post interpellationem.

Ad legem 102. de condition. & demonstrat.

*Cum auus filium ac nepotem ex altero filio heredes instituisset, à nepote petiit, ut si intra annum trigessimum moreretur, hereditatem patruo suo restitueret, nepos liberis relictis intra ætatem superscriptam decessit vita, fideicommissi conditionem coniectura pietatis respondi defecisse, quod minus scriptum, quam dictum fuerat, inueniretur.*

**S**pecies huius legis, hæc est: Quidam filium & nepotem ex alio filio iam defuncto heredes scripsit vel nuncupavit, qui & ab intestato ei pariter heredes extitissent, & nepotem rogavit, ut si intra trigessimum annum ætatis vita decesserit, portionem suam filio, id est, patruo suo restitueret. Deinde nepos intra eam ætatem vita decessit relictis liberis & patruo superstitibus. Quæritur, an patruo fideicommissi debeatur? Et ante Papinianum utrique respondissent alij iuris auctores patruo fideicommissum deberi, cum sit ei relictum simpliciter post mortem filij fratris, quæ contigit intra præscriptam ætatem: At primus Papinian. qui mirum in modum auxit suis coniecturis suæque prudentia admirabili, & locupletavit ius civile: primus, inquam, Papinian. induxit in hoc genere fideicommissi tacitam conditionem inesse: si nepos sine liberis vita decederet, quæ defecit relictis liberis, nimirum capta coniectura à verisimili, ex intentione voluntatis aui, eiusdemque testatoris, & pietate pia, qua duci videtur auus non tantum erga nepotem, sed etiam erga pronepotes ex eodem nepote. Itaque hoc casu verosimilius est, minus scripsisse testamentarium, id est, scriptorem testamenti: plus dixisse, vel dictasse, vel nuncupasse testatorem: testamentarium omisisse conditionem illam: aut sane testatorem ipsum minus scripsisse, plus scribere voluisse, quæ est sententia huius responsi. Et similem coniecturam interpretationemve etiam in aliis causis alij Iurisconsulti admittunt, ut plus dictum, minus scriptum intelligatur: ut scriptum suppleatur interpretatione, ut in *l.1. §. ex fundo, & l. quotiens §. 1. de hered. instit. l. unum ex familia §. pen. de legat. 2.* Quo exemplo audet Papinianus & eandem interpretationem introducere in specie proposita, & quum ait, minus scriptum quam dictum inueniri, tacite significat, hanc sententiam siue coniecturam suam non esse sine exemplo: denique non esse inauditam & nouam, quod & in aliis plerisque causis iuris auctores interpretantur, plus dictum, quam scriptum. Celebratur autem hoc responsum Papiniani ab Imperatore Iustiniano in *l. cum acutissimi C. de fideic. l. generaliter §. cum autem, C. de inst. & subtit.* Sed longe alia ratione in eis constitutionibus Iustinianus proponit aut refert speciem quasi positam à Papiniano, quam ponatur hoc loco. Sane non quasi nepos patruo auitam, ut proponit Papinian. & exposui initio, sed quasi filius alij cuilibet post mortem suam paternam hereditatem restituere rogatus sit: idque facit Iustinianus vel ex ampliore responso Papiniani quam Respons. Papin.

**A** sit relatum hoc loco, vel alio in Digestis, vel per frequentias responsi Papiniani, ut si in partem nepotis intelligitur testator pronepotes ex eodẽ nepote, qui modo superuixerint nepoti, quod requiritur, ut in *l. ex pacto §. si quis autem, inf. ad Trebell.* Eos, inquam, prætulisse filio proprio: ita etiam intelligatur in partem locumque filij sui nepotes, aut pronepotes, aut abnepotes descendentes ex eodem filio prætulisse cuilibet fideicommissario, etiam ecclesiæ, ut quidam censent recte, tametsi fideicommissio expressim non iniecerit conditionem: *si filius sine liberis diem suum obierit*, quod & Iustinian. in supradictis constitutionibus ad hoc exemplum statuit locum habere generaliter, puta, hæc est generalis definitio, puta, inquam, ut semper quicumque parentes quibuscunque fideicommissariis vel liberis, vel extraneis, fideicommissum reliquerint à liberis cuiuscunque sexus vel gradus, vel conditionis, ac proinde, etiam à liberis naturalibus, ut exprimit Iustin. in *d.l. generaliter*. vel ut quidam sentiunt non male, etiam à liberis adoptiuis, qui iure heredes instituti sunt, quibusue legatū aut fideicommissum speciale relictum sit sub onere fideicommissarii restituendi post mortem suam, huic fideicommissio facite insit hæc conditio, *si sine liberis vita decesserit*, id est sine iustis liberis: nam naturales liberi fideicommissariū non excludunt, nisi appareat hanc fuisse voluntatem defuncti, ut docui lib. 8. *ex l. cum pater §. volo, de leg. 2.* Atque ita hereditate, legato, fideicommissio relictio liberis sub onere restituendi post mortem suam, cum, ut ait *l. cum acutissimi*, liberos restitutionis post mortem oneri subegit, ubi scribendum, *subiecit* ex vestigiis antiquæ scripturæ: eo, inquam, casu non separamus naturales liberos à iustis, sed indistincte dicimus non aliter liberos vel iustos, vel naturales, fideicommissio, quo onerati sunt obstringi, quam si sine liberis vita decesserint, quamvis expressim ea conditio adscripta non sit. At interpretatione tacitæ vel expressæ conditionis huius, proculdubio separamus liberos iustos à naturalibus, & dicimus, deficere eam conditionem susceptis iustis liberis, non etiam susceptis liberis naturalibus tantum. *d.l. generaliter in fine*, illo loco, *sine iusta sobole*, & multo minus accersitis liberis adoptiuis, ut *l. fideicommissum, hoc tit.* Etiam illud obseruandum maxime est, huic responso Papiniani locum esse in liberis heredibus, aut legatariis, aut fideicommissariis, non in extraneis, etiam si parentes sint testatoris. vel cognati, ut Bartolus & alij notant: nam si patrem vel fratrem vel extraneum heredem scripsero, & rogauero post mortem suam hereditatem aliis restituere simpliciter, non intelligitur fideicommissio inesse conditio, si sine liberis decesserit, quia in extraneo cessat pietatis coniectura, & quia de liberis tantum testatoris loquuntur Papinian. & Iustinianus: liberi autem testatoris non sunt, qui nascuntur ex patre eodem, vel ex matre eadem, ex fratre vel extraneo, sicut nec ipsi pater, frater extraneus testatoris sunt liberi, *sicut mihi non es ex liberis, nec liberi tui sunt mihi ex liberis*. Illud quoque obseruandum est, huic responso locum non esse in fideicommissio præstando post mortem liberorum, non in eo, quod in vita liberorum præstari debet, quia singulare est Papiniani responsum. ergo sine lege id nobis procurdere, vel ampliare non licet. Et ita Ioannes sentit recte in *d.l. cum acutissimi*, & probat Bartolus optima ratione, quia si fideicommissarium prætulit testator liberis ipsis viuentibus in casum diemue certum, & multo magis liberorum liberi, quia non debent deterioris esse conditionis liberi, quā liberorū liberi, *l. pen. §. nam licet. C. de bon. matern.* Item obseruandum est, fideicommissum, de quo agimus, exspirare postea agnatis liberis ei, qui fideicommissio oneratus est, non etiam, si iam liberis heredibus, aut legatariis tempore testamenti nati sint liberi, nec hoc ignorauerit testator: quia manifestum est testatorem, qui hoc non ignorauerit eis liberis prætulisse



fideicommissarium. Et aperte *d. l. cum acutissimi* loquitur de iis tantum liberis, de quibus non cogitavit testator. Hæc sunt verba legis, *quod scilicet nondum essent in rerum natura*. Postremo ad hæc quaeritur, quia ex Nouella Iustiniani 123. quæ repetita est ex lege 52. quæ est lex Græca, *C. de episc. & cleric. fideicommissum relictum ab herede vel legatario sub conditione, si sine liberis decesserit*, non debetur, tametsi heres aut legatarius decesserit sine liberis, si modo monachus aut clericus factus fuerit, & bona subiecta fideicommissio in pias causas consumpserit, vel reliquerit, quasi monasterium aut Ecclesia, cui se deuouit, sit ei loco filij naturalis, nisi scilicet fideicommissum ab eo relictum sit in redemptionem captiuorum, vel in exhibitionem pauperum: quod utique debetur etiam sine liberis defuncto eo in clericatu vel monachismo. Quæ est sententia huius Nouellæ. sed ut initio dixi, quia id ita cauetur ea Nouella, Quaeritur, an ad hanc Nouellam etiam porrigi possit responsum Papiniani? ut scilicet tacita conditio, quæ liberis adscripta intelligitur, *si sine liberis decesserint*; defecisse intelligatur liberis monachis, aut clericis effectis, quod Glossa quidem putat in *d. l. cum acutissimi*. Verum tamen non est, ut ostendam multis rationibus. Primum, quia ius singulare non temere producendum est ad alias species sine lege singulari, ergo nec responsum Papiniani quod singulare est, nec Nouella Iustiniani, quæ etiam iure singulari conditionem fideicommissi, quæ reapse extitit, pro defecta habet. Item quia Nouellæ locus etiã est, extraneis heredibus institutis, ut patet ex contextu eius. Huic responso non est locus, extraneis heredibus institutis, ut ante demonstraui, quæ varietas efficit, ne conuenire inuicem possint responsum Papiniani, cumque eo congruentes Iustiniani constitutiones duæ, & supradicta Nouella repetita ex *d. l. 52.* Item, quia si responsum Papiniani trahamus ad eam Nouellam, eueniet, ut duo singularia concurrant in eandem speciem, puta, ut fideicommissio insit conditio, quæ non est expressa ex hoc responso, & ut defecisse conditio intelligatur, quæ extitit ex supradicta Nouella. Duo autem singularia vix aut ne vix quidem concurrunt in eandem speciem auctore Accursio in *l. cum post §. generaliter, de iure dot.* Non omitam eius Nouellæ sententiam posuisse Irnerium in *C. sub tit. ad Senatuscons. Trebell.* his verbis, quæ referri & aptari debent ad initium legis iubemus, quæ præcedit: hæc sunt verba, *nisi rogati restituere datum dotis causa, vel propter nuptias donationis, vel relictum sub conditione nuptiarum, vel liberorum, monasterium, vel alium locum venerabiliter ingrediantur*. Nihil addi amplius oportet: nam quæ sequuntur verba, vulgo in ea pagina Codicis Irnerij, *sine restitutio, siue substitutio fiat supradictis conditionibus, siue in redemptionem captiuorum, seu in egenorum alimenta*: Hæc, inquam, postrema verba absunt à veteribus libris, nec agnoscuntur ab Accursio vel aliis interpretibus, & falsa etiam eorum verborum sententia est: nam multum interest substitutio, siue restitutio, id est, fideicommissum relinquatur in redemptionem captiuorum, vel in alimenta pauperum, quoniam huius fideicommissi petitio est, etiam herede clerico effecto, vel monacho, si ille liberis fuerit, ut Tertullianus loquitur, si orbus fuerit: an vero fideicommissum relinquatur in aliam causam personamue profanam, quia huius fideicommissi ex ea Nouella petitio non est herede clerico facto vel monacho, nullis relictis liberis. Itaque oblitteranda sunt ea postrema verba.

Ad legem 14. ad legem Falcidiam.

*Pater filiam quæ à viro diuerterat, heredem pro parte instituit, & ab ea petit, ut fratri & coheredi suo portionem hereditariam acceptam deducta sexta restitueret, admissa*

*compensatione dotis in Falcidia ratione. si pater dotem consentiente filia non petiisset, Falcidiam quidem iure hereditario, dotem autem iure proprio filiam habituram respondi, quia dos in hereditate patris non inueniretur.*

Continet hæc lex tria responsa, quorum ad primum quod attinet, sciendum est diuortio facto bona gratia, vel culpa mariti, vitio mariti, aut morte mariti soluto matrimonio, dotem profectitiam, quam pater dedit pro filia de suo, patrem non posse repetere, nisi adiuncta & consentiente filia, quam habet in potestate: nam si sit emancipata filia, propria dotis repetitio est: si sit filiafamil. communis est dos, communisque repetitio dotis, ut nec pater sine filia, nec filia sine patre possit agere aduersus quondam maritum de recuperanda dote, *l. 2. §. 1. & l. 3. sup. sol. matrim. l. 2. & l. filia, C. eod. tit. l. Titia, §. qui inuita, de leg. 2. l. qui hominem §. si gener, inf. de solut.* Quod si antequam dotem repeteret pater voluntate filia, vita decesserit pater, tum dotis actio proprie pertinet ad filiam, eamque dotem filia, quamuis patri heres extiterit, repetit, non iure hereditario, quia iam non intelligitur fuisse in bonis patris, sed magis in bonis filia: dominium filia præpollet, *l. 4. sup. de collat. bon. l. 1. §. ult. l. ult. ff. de coll. dot. filiifamil. proprium habent peculium castrense, vel quasi castrense: filiafamil. dotem etiam profectitiam, maxime mortuo patre, & viuo patre communem, magisque filia quam patris, etiam profectitiam dotem. Ergo filia, quæ patri heres extitit, qui nondum repetita dote vita decessit, non repetit dotem iure hereditario, vel in eam non transfertur repetitio dotis iure hereditario, quia non inuenitur in hereditate patris, sed in bonis filia. Ideoque eam repetit iure proprio, ut lex ait hoc loco, iure suo, ut in *l. 81. ff. pro soc.* quia & exheredata eam repeteret. Vis scire quam non repetat eam iure hereditario, sed suo iure, etiam exheredata eam repeteret, *l. si socer §. 1. inf. sol. matrim. l. vn. §. videamus, C. de rei uxor. act.* Quibus præmissis, finge: filiafamil. pro qua pater marito dotem dederat, diuortium à marito fecit bona gratia, vel vitio mariti: post diuortium dote, voluntate filia uti oportet à patre nondum repetita, pater filiam & filium heredes instituit ex æquis partibus, & filiam pure rogauit, ut partem, id est, sensualem restitueret fratri & coheredi suo, non quidem deducta quarta, id est, sesquuncia, *vn. once & demie*, quæ tamen ex lege Falcidia deducenda retinenda est, quoniam in singulis heredibus separatim ponitur ratio legis Falcidia, *l. in singulis, inf. hoc tit.* Sed rogauit eam restituere partem suam fratri, deducta sexta tantum, id est, vncia, & ut semunciam, quæ Falcidia deest, compensaret cum dote, quam pro ea dedit pater: hæc est voluntas patris vltima. Quaeritur, an hæc compensatio admittenda sit supplendæ Falcidia gratia, hoc est, semunciae. Et respondet, huiusmodi compensationem non esse admittendam. Nec enim heres quisquam cogitur compensare in Falcidia rationem, quod alius ei debet, non testator, & post diuortium mortuo patre, qui dotem voluntate filia nondum petierat, soli filia maritus, à quo diuortit, dotem debet, *l. in insulam, in princ. sup. sol. matrim.* quæ maxime ad hunc locum pertinet. Itaque dotem quidem filia à marito recipiet iure suo, quasi sibi debitam, iure propriae obligationis, propriae actionis de dote sua recuperanda; Falcidiam autem, id est, sesquunciam integram recipiet iure hereditario, siue iure testamenti, ut ait *l. qui duos, de vulg. subst. l. si legatus, ff. ad Trebellian.* Falcidia iure hereditario siue iure testamenti percipitur. Et hæc quidem est sententia huius responsi & species. Posui patrem vita decessisse, quod & vulgo ponunt fere omnes, voluntate filia nondum repetita, vel petita dote, quia verba illa huius legis, *si pater dotem consentiente filia non petiisset*, sic accipio, si nullo modo dotem petiisset, & recuperasset, si tacuisset, ut & in *d. l. in insulam*. Hæc ver-*



ba, pater qui dotem consentiente filia non petierat, hoc significant, nullo modo petiisse aut exegisse patrem. denique aliud est dicere, si pater dotem non consentiente filia petierit, quo sermone significatur quidem petiisse patrem, sed non consentiente filia, non efficaciter, non uti oportet: aliud dicere, si pater dotem consentiente filia non petierit, quod est simpliciter, si prorsus dotem non petierit, aut petens satis non egerit. Inde quaestiones tres existunt; primum quid sit dicendum, si pater priusquam moreretur dotem exegerit consentiente filia: an hoc casu admittenda erit compensatio eius, quod Falcidia deest cum dote, quam secundum ius vetus non recepta distinctione noua Iustiniani, quae est in *l. ult. C. comm. utr. ind.* filia post mortem patris, propriam & praecipuam habitura est? Et mihi quidem videtur admittendam esse compensationem, quia exacta dote voluntate filiae, proculdubio rediit in bona patris, atque adeo in hereditate patris inuenitur, quod demonstrat *l. 10. ff. de bon. damn.* quae est una ex istis, quas Basilica Digestis restituerunt: nam ante Basilica etiam Florentinae Pandectae erant imperfectae, sed dos rediit isto casu in bona patris, cum sua causa scilicet, ut filiae dos seruetur integra & imminuta, quoad alij nubat, vel cum eodem redintegret nuptias, *l. 81. sup. pro soc.* Rursus, & haec est secunda quaestio, quid sit dicendum, si sine voluntate filiae pater dotem exegerit, deinde vita decesserit? Et videtur idem dicendum prima facie, quia dos facta est in bonis patris per restitutionem mariti. Idem, inquam, videtur dicendum esse, ut scilicet in ratione Falcidiae compensatio admittatur dotis, non totius utique dotis, sed pro modo vnciae, quam filia solam deducere iussa est, quia eatenus consumitur, minuiturve actio dotis, quae filiae aduersus maritum competit, cum non iure pater dotem exegerit, id est, quum eam exegit inuita filia, *l. si cum dote, §. si pater, inf. sol. matrim.* videlicet, si amplior sit dos quam vncia: Superfluum autem dotis, quo dos amplior est vncia, mulier suo iure persequitur, & repetit à marito, *l. Titia §. qui inuita, sup. de legat. 2.* Maritus autem, quod mulieri restituerit, mox repetit per conditionem sine causa à coherede mulieris pro deinceps, qui ad eum peruenit partim iure hereditario, partim iure fideicommissi. Sola vncia mulieri seruatur, *l. qui hominem §. si gener, inf. de solut.* Et ideo superfluum, quod filia consequitur à marito iure suo, non compensabitur cum eo, quod Falcidia deest. Et hoc, ut dixi, si amplior sit dos quam vncia, quae sola remanet apud filiam ex iudicio restitutoris: quod si eadem sit quantitas dotis & vnciae, tum sane totam dotem filia compensat cum eo, quod Falcidia deest, quia eius dotis nomine nullam actionem efficacem aduersus maritum habet, quamuis patri soluerit dotem inuita filia, quoniam quidem tantum filia cepit ex bonis patris, quantum doti satis est; & ideo compensare debet dotem, nec petere à viro cum eo, quod ei dedit pater, id est, cum vncia, *d. l. si cum dote §. si pater.* Idemque dicendum est, si vncia quam ex sua portione retinet filia, maior sit dote. fac, dotem non pluris esse, quam semunciam: nam & hoc casu, non est filiae utilis, & efficax actio dotis aduersus maritum qui dotem soluit patri sine filia, cum plus ea filia ceperit ex bonis patris, quam sit in dote: & ideo semunciam, quanti est dos, compensare debet cum semuncia, qua Falcidiam suppleri desiderat. Tertia quaestio haec est, quid sit dicendum, si pater dotem petierit lite contestata aduersus maritum? Alioquin non videtur petiisse qui litem contestatus non est, ut recte Glossa notat ex *l. amplius, rem rat. hab.* Quid igitur sit dicendum, si pater dotem petierit cum marito lite contestata, & antequam dotem exigeret, & exprimeret à marito, vita decesserit? Facile est respondere huic quaestioni. Respondeo, idem iuris esse in dote petita à patre, quod in dote exacta, eandemque distinctionem adhibendam esse, videlicet vtrum pater

Respons. Papin.

A petierit dotem volente filia, vtrum patre interim mortuo, filiae etiam secuta condemnatione mariti, propria sit exactio dotis, nec in heredem patris aut coheredem pro parte suam transmittatur, quod ostenditur recte in *l. si marito §. si voluntate, sup. sol. matrim. l. vn. §. & hoc C. de rei vxor. att.* Nam non omnes actiones, quae contestatae sunt à defuncto, transeunt in heredem, ut actio dotis à patre contestata volente filia, non transit in heredem patris, sed exactio est propria filiae: & ideo hoc casu non admittitur haec compensatio, quia filia dotem habet proprio iure, non beneficio patris. An vero pater dotem petierit inuita filia, ut tum admittatur secundum subdistinctionem ante propositam in dote exacta sine voluntate filiae in secunda quaestione. Et haec quidem omnia ita procedunt, si pater initio dandae dotis, ut in *l. quotiens, sup. sol. matrim.* stipulatus non sit diuortio facto, dotem sibi reddi: nam si stipulatus sit sibi reddi, propria est actio patris, non communis patri & filiae, non propria filiae, atque adeo transfertur in heredem, etiam in filiam, si heres extiterit patri, pro qua parte extiterit, & compensatio admittetur, quia capit partem dotis iure hereditario.

Ad §. auiā.

*Auiā nepotibus heredibus institutis fideicommissit, ut omiſſa retentione quae per Falcidiam ex alio testamento competit, solida legata fratribus & coheredibus solueret. Recte datum fideicommissum respondi: sed huius quoque onus in contributionem venire.*

SPECIES haec est: habeo quatuor nepotes, primum, secundum, tertium, quartum. Ex iis nepotibus L. Titius extraneus quidam duos sibi heredes instituit, tertium & quartum, & ab eis legata dedit primo & secundo, & aliis forte extraneis, ita ut legis Falcidiae ratio intercederet. postea ego nepotes quatuor mihi heredes institui, & tertio ac quarto fideicommissi, ut solida legata ex testamento Lucij Titij fratribus & coheredibus suis primo & secundo soluerent, quamuis interueniret Falcidia, non retenta Falcidia. denique ut Falcidiam sibi competentem ex testamento Lucij Titij primo & secundo fratribus & coheredibus suis condonarent, & remitterent: & aliis quoque fideicommissis vel legatis oneraui eosdem nepotes meos, tertium & quartum, ita scilicet, ut ex meo testamento sicut ex testamento Lucij Titij, eis competat beneficium legis Falcidiae: Papinianus ait hoc loco, in ineunda ratione legatorum & fideicommissorum, quae à tertio & quarto dedi, etiam ceteris fideicommissis contribui & connumerari onus illud fideicommissi, ne scilicet eius testamenti iure, quod Lucius Titius fecit ex legatis in eo fratribus relictis, primo & secundo deducant Falcidiam, quae eis iure competit. Et hoc est quod ait Papinianus, huius quoque fideicommissi onus, ne vtantur Falcidia, in contributionem venire, siue in computationem legis Falcidiae. Contribuere legata aut fideicommissa est, in ineunda ratione legis Falcidiae, ea communi calculo subicere, *l. ii. §. quae situm, sup. h. tit.* Ideoque quanta est Falcidia, quae tertio & quarto ex testamento Lucij Titij competet de legatis primo & secundo relictis, tantum testamento meo à tertio & quarto per fideicommissum reliquisse videor primo & secundo: & fideicommissum valet: *fideicommissum, inquit, recte datum respondi.* Cur vero recte, non simpliciter? quia rem vel ius heredis sui nemo non recte legat, *§. non solum, Instit. de legat.* etiam sinendi modo, ut Vlpianus scribit *lib. reg. cod. tit.* Sicut & recte constat, seruum heredis manumitti testatorem prohibere, perinde ac si suus esset seruus, *l. 9. §. ult. inf. de man. testam.* Sed idcirco maxime Papinianus respondit, recte datum fideicommissum, quia datum ita est, id est, citra fraudem

Cc ij



legis Falcidiae, quam excogitauit testator. Nam etsi non possit testator cauere, etsi non possim ego cauere, ne in meo testamento Falcidiae ratio habeatur, sed solida legata ex eo praestentur sine deductione Falcidiae, etsi hoc frustra caueam in fraudem legis Falcidiae secundum ius verus, quod obtinuit ante Iustin. *l. seq. §. ult. l. Scimus, hoc tit. l. nemo potest, de leg. 1.* sine fraude tamen legis recte caueo, ne heredes quodammodo ex alieno testamento competentem sibi Falcidiam deducant, quia non id ago, ut fraudem faciam legi Falcidiae, sed ut hoc beneficium siue fideicommissum numerem nepotibus meis mihi carioribus. Verum enimvero, ut subiicit Papin. hoc quoque inter cetera fideicommissum lex Falcidia minuet, quae in meo testamento locum habet, ut si quarta tertio & quarto de legatis primo & secundo relictis competens ex alieno testamento sit centum, verbi gratia, ex ea quarta iure testamenti mei tertius & quartus deducant 25, quasi re sua aut iure suo legato: nam non solum ad res proprias testatoris legatas lex Falcidia pertinet, sed etiam ad res alienas, *l. 1. §. non solum, hoc tit.* Ergo & ad res heredis, iurave heredis legata, ut patet ex hoc responso, non quidem ita ut Falcidia deducatur ex rebus alienis, aut ex rebus heredis legatis, sed ex pretio earum, quod ex bonis defuncti dominis rerum praestatur: legata enim debebantur ex bonis testatoris, non ex alienis bonis. Legatum est delibatio hereditatis testatoris, non hereditatis bonorumve alienorum, *l. legatum, sup. de leg. 1.* & inde, non delibata hereditas, id est, non onerata legatis, apud D. Ambrosium oratione quadam funebri: & eodem sensu, *Illibatus quadrans in l. 20. §. Pap. fam. ercis.* heredes igitur, à quibus testatorem aut ius eorum legauit duplici deductione utentur: nam & pretium rei, rursus sui deducunt, & rem inferent bonis testatoris, quae commixta aliis bonis defuncti, si omnia efficiant quadringenta verbi gratia, & legata sunt quadringenta, rursus heredes ex hac summa deducunt centum. Et haec est sententia & propria species huius responsi, quam & secundo loco attingit Accursius. Paulus & Alexander aliam speciem composuerunt, nempe hoc modo: nam & haec nobis examinanda est. L. Titius, qui in bonis habuit quadringenta, me heredem instituit habentem quatuor nepotes, primum, secundum, tertium & quartum, & duobus ex eis nepotibus meis, primo & secundo à me legauit quadringenta, si legis Falcidiae beneficio uti volo, non praestabo primo & secundo intacta & integra 400. sed trecenta tantum, ut centum salua habeam & sana, iure Falcidiae. Verum antequam inirem & ponerem rationem legis Falcidiae, mihi deducerem illa centum, facto testamento eosdem nepotes quatuor, mihi heredes institui ex aequis partibus, & rogavi tertium & quartum, ut solida 400. ex testamento L. Titij fratribus & coheredibus suis, primo & secundo soluerent, nec Falcidia vterentur, qua alioquin uti possent ex persona mea. Nam non tantum heredi Falcidiae deductio est, si oneratus sit legatis, sed etiam heredi heredis, *l. 10. C. cod. tit. l. 1. §. 1. inf. quod legat.* Et insuper eosdem nepotes meos, tertium & quartum aliis oneraui legatis & fideicommissis, ita ut lex Falcidia locum habeat, fideicommissum illud quod ab eis relictum est primo & secundo valere constat, quia lex Falcidia heredis causa lata est. nec fraus sit legi Falcidiae, si ius suum deminuat heres, sibi vel successori suo, fraus sit heredi non legi, *l. potest, hoc tit.* fideicommissum igitur valet, sed perinde erit atque si primo & secundo, hoc notandum, legassem 50. à tertio & quarto, & commixtis atque confusis his quinquaginta cum aliis legatis, quibus oneraui tertium & quartum, si omnia excedant dodrantem portionum tertio & quarto adscriptarum, etiam ex illis 50. tertius & quartus Falcidiam detrahent, id est, decem cum dimidio. Lege autem Falcidia non interueniente 50. praestabunt primo & secundo, pro portionibus hereditariis suis, non centum.

A Et ita illi componunt speciem, quam non recipio, propterea, quod hac ratione fit, ut primo & secundo, non ut caui, soluantur solida legata, id est, plena & integra, ut aliae leges loquuntur, sed pro partibus tantum tertij & quarti. Quandoquidem primus & secundus pro partibus suis hereditariis Falcidiam, quam mihi debuerunt, contribuunt conferuntque bonis meis, *l. 1. §. si debitor, hoc tit. l. si ei cui vendidi §. ult. sup. de emet.* ut quod ego eis debeo, deducunt bonis, sic ex diuerso, quod ipsi mihi debent, contribuunt bonis. Proinde sola legata, id est, quadringenta, primus & secundus non consequuntur, sed 350. tantum, non interueniente scilicet Falcidia in portionibus tertij & quarti, vel Falcidia interueniente 340. & vnum cum dimidio. In ea autem specie, quam initio proposuimus, & magis probamus, primus & secundus solida legata consequuntur, non interueniente Falcidia, vel ea interueniente deminuto tantum, & rescisso legatorum quadrante, id est, quadrantis quadrante deducto tantum: itaque verbis Papiniani sane prima species accommodatior est.

#### Ad §. vltimum.

*Duobus impuberibus substitutum, utrique heredem existentem, in alterius hereditate Falcidia non utri conuenit, si de bonis alterius impuberis quartam partem hereditatis patris, qua ad filios peruenit, retineat. Quod si frater fratri legitimus heres extitit, & impuberi supremo substitutus, portio quidem paternorum bonorum, quam intestatus puer accepit, rationi Falcidia non confundetur, sed quartam eius tantum portionem substitutus retinebit, quam impubes accepit, qui substitutum habuit.*

S Equitur tertium & vltimum responsum, quod est in *l. 4. ad leg. Falc.* Pertinet ad materiam contributionum, qua nulla est subtilior in iure, & quae potissimum tractatur in *l. 11. huius tit.* Duae autem sunt partes huius tertij responsi, una est de substituto à patre duobus filiis impuberibus in secundum casum, quae substitutio pupillaris appellatur. Secundus casus est casus mortis, quae illis contingat, priusquam exceßerint ex ephebis, priusquam pubuerint. Altera vero pars est de substituto à patre in eundem casum, ei tantum, qui supremus moreretur. Primae partis species haec est: Pater qui habebat 400. in bonis, primum & secundum filios suos impuberes heredes instituit ex aequis partibus, eisque singulis separatim L. Titium substituit in secundum casum, quae, ut dixi, est substitutio pupillaris: primi partem onerauerat legatis supra modum legitimum, secundi partem non onerauerat, quia scilicet à primo legauerat ducenta. legata relictà à primo absumunt igitur portionem primi & exhauriunt, quae est ducentorum; à secundo autem nihil legauerat, aut legauerat centum duntaxat. nondum solutis legatis utroque moriente intra pubertatem, vnus post alium, vel commoriente utroque simul, substitutus utrique heres extitit ex substitutione pupillari; Quaeritur, an ex portione primi, quae onerata est legatis, substitutus possit deducere Falcidiam, cum portio secundi, quae est integra, aut non delibata supra modum ei sufficiat ad Falcidiam bonorum, quae pater reliquit mortis tempore? Et respondet Papinianus in prima parte huius responsi, substitutum in portione primi, quamuis onerata sit legatis, nulla Falcidiae deductione uti posse, hac ratione, quia legata contribuuntur & commiscuntur tam à primo quam à secundo relictà, simul & portiones hereditariae primi & secundi, quae commixtio & confusio palam facit nullam in hac specie incidere quaestionem legis Falcidiae, quia portio secundi, quae est integra, quae non est onerata substituto, sufficit ad quartam Falcidianam, & mortuis impuberibus



substitutus comparatur ei, qui primo loco institutus est, *l. i. §. si coheredes, l. ii. §. si filio, & §. quasitum, h. tit. & l. qui fundum §. ult. ff. ad leg. Falcid. l. coheredi §. coheres, sup. de vulg. subst.* Substitutus igitur, quum extitit conditio substitutionis, reuocatur ad intellectum institutionis, ut illæ leges loquuntur, id est pro instituto habetur primis tabulis. Institutus autem ex vtriusque partibus, vna parte onerata, altera non item, proculdubio confunderet & commisceret vtrasque partes, partiumque onera; ac deinde facta confusio componeret rationem legis Falcidiae. Ergo & instar instituti substitutus confunderet partes heredum institutorum, & legata ab eis relicta. Quo facto apparebit legem Falcidiam in hac specie locum non habere, quæ est sententia primæ partis. neque huic responso quicquam officit, quod in materia contributionum Dd. statuunt, & ego semper prædicaui esse verissimum, ut ad 29. questionum, id est ad *l. ii. h. t. & ad 6. respons.* id est, ad *l. coheredi §. coheres, de vulg. subst.* Ita vero statuunt, quum portio integra accedit adiungiturque onerata, contributioni portionum & onerum locum esse: cum vero onerata accedit integræ, contributioni locum non esse ex *d. l. i. §. si coheres, & l. ii. §. si filio, & §. quasitum, & l. quod si alterutro, hoc tit.* Hæc definitio, quam habeo pro verissima, nihil obstat huic responso, ut cœpi dicere, quia in specie proposita neutra portio neutri accedit, sed vtrique portio est æque principalis, & directo ac principaliter, quasi vna hereditas vñve patrimonium substituto obuenerit ex substitutione pupillari, & ideo contributioni locus est, perinde atque si in primis tabulis ex asse heres institutus esset, licet prius ei obuenerit portio onerata, quam integra; Et quæ supradictis locis tractantur, de contribuendis vel non contribuendis legatis, ad ea tantum legata pertinent, quæ relinquuntur à pupillo herede scripto, & à substituto eius, vel à duobus vni pupillo substitutis, vel ad ea, quæ relinquuntur singulis heredibus institutis contribui scilicet debeant, necne, vel ad ea, quæ relinquuntur ab instituto herede eodemque substituto, vel à pupillo, & coherede eius extraneo eodemque substituto: nihil autem pertinent supradicti loci ad ea, de quibus hic agitur, quæ scilicet relinquuntur à pupillis duobus heredibus institutis, quibus vnus idemque substitutus heres extitit, à quo nihil legatum est. Et de prima parte hætenus. In secunda parte huius responsi: duobus impuberibus institutis, & vnus portione onerata, non etiam alterius proponitur substitutus non vtrique datus, ut in prima parte, sed ei tantum, *qui supremus moreretur*: quo casu, si vnus post alium fungatur vita, priori defuncto frater superstes iure legitimo ab intestato heres existit, & eo postea moriente intra pubertatem, substitutus in bona eius vocatur: in quibus bonis tamen inueniat portionem prioris, quæ ei obuenerit iure legitimo ab intestato ut consanguineo, tamen eam non confundit, aut contribuit cum portione posterioris, id est, eius qui supremus mortuus est. Fac, portionem prioris esse integram, portionem posterioris oneratam, substitutus in portione posterioris, quam ex substitutione capit, Falcidiam inducere potest, licet pars prioris Falcidiae sufficiat atque largiatur, quia partem etiam prioris partis substitutus non capit ex substitutione, cum substitutus priori non fuerit, nec posterior eam habuerit ex testamento patris, sed lege ad eum redierit ab intestato, ut fraterna, non ut paterna hereditas, & ab eo deinde transierit in substitutum iure substitutionis, non quæ facta est priori, quæ facta nulla est, sed quæ facta est supremo morienti, *l. sed si plures §. ad substitutos, sup. de vulg. subst.* Hæc tantum portiones confunduntur, quæ sunt eiusdem hereditatis, veluti hereditatis paternæ, non quæ sunt aliæ atque aliæ, hereditatis veluti fraternæ, & paternæ. Et rursus hæc tantum portiones confunduntur, quæ ex eodem te-

stamento capiuntur, non quarum vna ex testamento, altera ex lege, inspecta origine diuerso iure. Nam etsi pater cogitauerit portionem eius, qui prior vita decederet ex lege peruenturam ad posteriorem ab intestato, *l. pen. C. de impub. & aliis substitut. l. vel singulis, sup. de vulg. subst.* non est tamen ea cogitatio patris, ne tacita quidem substitutio, itaque portionem fratris qui prior decessit, frater superstes capit, non veluti ex testamento patris, sed veluti ex *l. i. 2. tabularum, iure intestati.* Quod hic locus aperte demonstrat. Substitutus igitur in hac specie, si portio supremi morientis, si portio posterioris onerata sit legatis, eius portionis quadrantem deducet, id est, fescunciam, & præter hunc quadrantem etiam habebit integram portionem intestati prioris inuentam in bonis posterioris, id est, qui nouissimus è vita excessit, quod & aliquando fieri idem Papinianus notat in *l. ii. §. quod vulgo, sup.* illo loco: Potest euenire, ut substitutus longe plus habeat quarta paternæ hereditatis. Sane id euenit in specie proposita; nam habet substitutus septuncem & fescunciam. Vtramque autem partem huius responsi Cyrillus Græcus interpres breuiter complexus est his verbis: *Εἰ μὲν ἰδίᾳ ἐπέσῃ τῶν δύο αὐτῶν ἡ βίον ἡλικία, τὰς ἡμετέρας κοινῶς τρεῖς καὶ δύο φελλήνιος; εἰ δὲ τῶν ὅσων τελευτῶν π, καὶ χειρισμῶν. Si quis, inquit, singulis duobus impuberibus substitutus sit, communiter habetur ratio legis Falcidiae, si vero ultimo morienti, separatim.* Ad hæc obseruandum est in specie primæ partis nihil interesse filij impuberes simul mortui sint ruina vel naufragio, an vnus post alium: vtroque enim substitutus in ratione Falcidiae confundit & permiscet vtriusque partem & vtriusque partis legata. At in specie secundæ partis, huic responso locus est ita demum, si vnus post alium vita decesserit, ut tum scilicet non fiat confusio & contributio partium vel onerum. Nam si pariter eodem momento filij perierint impuberes, confusionem admitteremus, ut in prima specie, quia vterque intelligitur supremus decessisse, & substitutus vtrique succedit ex iudicio patris, & substitutione pupillari, quam eis fecit pater, *l. qui duos, sup. de reb. dub. l. ex duobus, sup. de vulg. subst.* vbi satis ostendi ad Africanum non aliud esse dicendum in substitutione precaria, non esse in hac re separandam substitutionem directam à substitutione fideicommissaria, contra quam hic Glossa adnotauit, explicata ratione, *l. eum qui, & l. heredes §. cum ita, inf. ad Treb.* quibus subnititur Glossa, quem etiam *§. cum ita*, meminisse exponere fufius superiore libro responforum. Ergo cum substitutionem pater fecit pupillarem ei tantum, qui supremus impubes moreretur; distinguimus, vtrum simul ambo vita decesserint casu quodam, an diuersis temporibus; & eandem distinctionem seruari volumus, si ita pater liberis substituerit: si ambo intra pubertatem decesserint, vel si vterque intra pubertatem decesserit, ut patet ex *l. qui duos, sup. de vulg. subst. & l. pen. C. de impub. & ali. substit.* Nam si diuersis temporibus moriantur discretis partibus hereditariis, inducitur ratio legis Falcidiae in portione posterioris, non in portione prioris, nec ideo minus in portione posterioris, si onerata sit, quod portio prioris non sit onerata. At si eodem tempore simul decesserint, rationi Falcidiae partes hereditarias, partiumque legata contribuimus & confundimus, communive calculo subicimus in computanda ratione bonorum & legatorum, quod & Accursius tradidit recte hoc loco, cuius Glossæ omnes in hunc locum rectissimæ sunt, præterquam in illa parte, qua separat substitutionem directam à fideicommissaria, ut docui in *d. l. ex duobus.* Idæque Antonius Polit. enarrauit in hunc locum, nisi nescio quamente in formulis cōcipiendis substitutionis pupillaris sexies scripisset, *in pubertate, si in pubertate decesserit, pro si in pupillari aetate.* nam puberi in secundum casum directo substitui non potest, *§. ult. Instit. de pupill. subst.* Et



quod etiam crediderim esse vitium eius, qui expresse-  
rat male, quod ille descripserat bene, nisi etiam quum  
ita substituit liberis impuberibus; si ambo mortui essent,  
desiderasset singulis ita substitui contra quam propo-  
natur in *d. l. pen. C. de imp. & ali. substit. & l. qui duos, de  
vulg. substit.* Et hic est finis legis 14.

Priusquam veniam ad l. 58. ad SC. Treb. debeo satis-  
facere duobus ex vobis veri iuris studiosissimis, quo ge-  
nere & omnibus satisfaciam, quibus resident adhuc  
hæitationes quædam iuxta ea, quæ diximus ad pri-  
mum responsum, l. 14. ad l. Falcid. Ac potissimum ad eas  
tres quæstiones, quas proposui post expositam speciem  
huius responsi. Et ad primam quidem quæstionem,  
quod dixi, de dote à patre exacta consentiente filia, ut  
compensetur cum Falcidia, quia inuenitur in bonis pa-  
tris; ibidem obiicitur, prælegata etiam inueniri in bo-  
nis testatoris, & tamen non computari in Falcidiam  
pro ea parte, quæ à coherede accipitur, ut in *l. in quar-  
tam, eod.* At respondeo, dotem filiæ fuisse prælegatam  
nusquam proponi, quia ex bonis patris filia dotem au-  
fert tanquam præcipuam, & quasi non transmissam in  
vtrumque heredem institutum, sed in se tantum in as-  
sem, *l. vnic. §. & hoc, C. de rei uxor. act.* Quod etiam olim  
obtinuisse certissimum argumentum præbet noua di-  
stinctio, quam hac in re introduxit Iustinianus in *l. ult.  
C. com. vtriusq. iudic.* Deinde etiā si dos prælegata esset,  
aut pro prælegata haberetur, dicerem totam eam com-  
pensari in Falcidiam, quia tametsi pars, quæ iure lega-  
ti capitur in prælegato à coherede non imputetur, siue  
non computetur in Falcidiam, compensatur tamen, *l.  
Nesennius, l. filio, eod. tit. l. 58.* ad quam mox aggredior, §.  
*acceptis, ad Treb. l. filium quem, ff. famil. ercisc.* Aliud est  
computare, aliud compensare. Et hæc duo accurate  
semper distinguenda sunt, non confundenda, aut quod  
Dd. faciunt commutanda. Quod autem dixi ad secun-  
dam quæstionem, si tanti sit, quod filia ex bonis patris  
deducere iussa est, id est, si tanti sit vncia, quam dedu-  
cere iussa est, quanti est dos, vel etiam si amplius sit, fi-  
liam dotem compensare cum Falcidiæ residuo, quod  
sibi suppleri desiderat. Ibidem quæritur, vnde eam do-  
tem habeat filia, & quo iure? Et respondeo, filiam eam  
dotem ex bonis patris habere videri, quod ex bonis pa-  
tristantum fert, vel amplius iure hereditario, vel iure  
legati, & idcirco compensat cum dote: denique agno-  
scendo hereditatem vel legatum, amittit propriam ac-  
tionem dotis, qua in maritum à quo diuertit, frustra  
agit, *l. si cū dote, §. si pater, sol. matrim.* & quod in here-  
ditate vel legato amplius habet, lucrificat. Item quod  
quæritur, quatenus filia compenset dotem, ut habeat  
seiscunciam? scribendum est, *seiscunciam, non sexunciam?*  
Respondeo eam compensare totam dotem, quia posui  
non esse eam ampliorem semuncia, quæ Falcidiæ deest,  
aut non esse ampliorem vncia, quam filia retinere iussa  
est. Postremo quod dixi ad tertiam quæstionem (secun-  
da fuit de dote à patre exacta non consentiente filia,  
prima de dote exacta consentiente filia) de dote petita  
à patre, non etiam exacta, idem iuris esse in dote petita,  
quod exacta, id per fusorie dictum esse, cætera, quæ tra-  
didi, ostendunt, & sane mutandum est. Nam si pater do-  
tem exegerit consentiente filia, compensatur, si pe-  
tierit tantum consentiente filia, non exegerit, non  
compensatur, quia propria est exactio filiæ, *l. si mari-  
to §. si voluntate, sol. matrim. l. vn. §. & hoc, C. de rei uxor.  
act.* Quod si pater dotem petierit tantum non consen-  
tiente filia, eadem quoque ratione, quia filiæ exactio  
est propria, non compensatur: & multo maiori ratione  
(quod vnus ex illis accurate animaduertit) ne sit de-  
terioris conditionis, quæ non consensit patri petenti,  
quam quæ consensit: quod eueniret, si hæc non com-  
pensaret, illa compensaret, & esset absurdum atque in-  
congruum.

Ad l. 58. ad Senatusc. Trebell.

*Deducta parte quarta restituere rogatus hereditatem,  
priusquam restitueret hereditario debitori heres extitit,  
quoniam actio ea confusa per Trebellianum redintegrari  
non potest, pecunia quoque debita dodrans, ex causa fidei-  
commisssi petatur, sed in eum diem, quo actio confusa est  
usura præteriti temporis quæ in obligatione, vel in officio  
iudicis fuerunt, computabuntur, posteriores ita demum, si  
mora fideicommisso facta sit.*

Sunt in hac lege plura responsa. Primum & secundū  
quoniam breuissimum, exponam: primi species hæc  
est: Sempronius me heredem scripsit & pure rogauit,  
primum responsum est de puro fideicommisso, quod  
maxime ad rem facit, sequentia de fideicommisso in  
diem. Pure igitur me rogauit, ut deducta Falcidia Lu-  
cio Titio hereditatem restitue rem: in hereditate erant  
nomina debitorum, quorum vni per aditionem heres  
extiti, antequam L. Titio restituerem Sempronij heredi-  
tatem, aditione extincta & confusa est actio heredi-  
taria, quæ mihi in eum debitorem competebar iure he-  
reditario, quia eiusdem pecuniæ factus sum creditor &  
debitor, *l. Stichum §. aditio, de solut. & l. seq. hoc tit. l. de-  
bitori, C. de pact.* Quæ actio ita confusa redintegrari non  
potest, per Senatusconsultum Trebellianum L. Titio  
restituta hereditate scilicet, quoniam Senatusconsultum  
Trebellianum transfert tantum in fideicommissarium  
actiones, quas heres habet, & quibus obstrictus  
est, id est, actiuas & passiuas. passiuas, ut loquuntur, quæ  
scilicet nunc sunt in hereditate, §. *qui post, in hac lege,*  
& in *l. sequ. l. si mulier §. ex asse, de iur. dot.* Actiones au-  
tem, quæ desierunt esse in hereditate, Senatusconsultum  
Trebellianum, ex quo restituitur hereditas fidei-  
commissario Trebelliano, neque transfert, neque re-  
dintegrat, quia Senatusconsultum illud est de transfe-  
rendis tantum actionibus hereditariis, non de redinte-  
grandis, quæ cum sint extinctæ per confusionem, nec  
transferri possunt igitur in fideicommissarium Trebel-  
lianum, & ideo deficiente auxilio Senatucōsultri, equū  
est subueniri fideicommissario, ne amittat commodum  
eius actionis, quæ in hereditate fuit mortis testatoris  
tempore. Quamobrem Papinianus ait, exemplo cæte-  
rorum bonorum & eius quoque actionis siue pecuniæ  
debitæ iure fideicommissi, deducta Falcidia, ut cauit  
Sempronius, debere L. Titio restituere dodrantem, do-  
drantem sortis, itemque dodrantem vsurarum eiusdem  
pecuniæ vsurarum, inquam, præteriti temporis, quæ  
fuerint in obligatione, vel officio iudicis vsq; in diem,  
quo confusa est obligatio, ut ait, id est, quo debitoris  
hereditarii hereditatem adiui: nam & ea obligatio vsu-  
raria, hereditaria est, *l. postulante §. sed & in huiusmodi,  
hoc tit.* Ergo eius dodrans in restitutionem fideicom-  
missi venit. Ab eo autem die, quo confusa est obligatio,  
vsuræ consistunt, neque debentur fideicommissario  
pro dodrante, quod rursus officio iudicis à me deberi  
incipiant, aut forte ex mora præstandi fideicommissi,  
quod interpellanti fideicommissario sine causa recu-  
sem restituere hereditatem fideicommissariam. Medi-  
um autem temporis inter diem confusæ obligationis, &  
diem moræ, nullæ debentur vsuræ, quia sublata per  
confusionem, quæ pro solutione est, obligatione prin-  
cipali, sublata etiam est obligatio vsurarum, quæ illius  
sequela & accessio est. Quæ est sententia huius respon-  
si, in quo & hoc maxime notandum, quod vsuræ, quæ  
sunt in obligatione, Papinianus separat ab vsuris, quæ  
veniunt officio siue arbitrio iudicis, quia etsi quæ ve-  
niunt officio iudicis, quandoque deberi dicantur, ut in  
*l. mora §. in bona fidei, sup. de usur.* tamen proprie non de-  
bentur, quia non sunt in obligatione, *l. ult. sup. de eo*



quod certo loco l. qui per collusionem, §. ult. de act. emp. l. non A  
quidquid, de indic. Et leges infligendarum earum iudici-  
bus tribuunt copiam, non imponunt necessitatem: in  
obligatione autem sunt usuræ ex stipulatione in causis  
stricti iuris, vel ex pacto certis casibus: & paucis in stri-  
ctis iudiciis, vel ex lege in omnibus iudiciis: nam & le-  
ge obligamur, l. obligamur §. 1. de oblig. & action. ut in  
causa iudicati: nam usuræ rei iudicatæ sunt legitimæ &  
certæ, non arbitrariæ: in arbitrio autem iudicis sunt  
usuræ ex mora in bonæ fidei contractibus, & in legatis, ac  
fideicommissis, l. 3. C. in quib. causis rest. in integ. non est  
necess. & in pollicitationibus factis Reip. ob causam, l.  
1. inf. de poll. & interdum etiam ante moram in bonæ fi-  
dei iudiciis, ut in l. 12. §. si mihi, sup. mand. Iis etiam adda-  
mus, quod est perbreue & exiguum in §. 1.

#### Ad §. cum hereditas.

Cum hereditas ex causa fideicommissi in tempus resti-  
tuenda est: non idcirco nominum periculum ad heredem per-  
tinebit, quod heres à quibusdam pecuniam exegerit.

**H**eres in tempus, vel ut ait, §. qui sequitur, post  
tempus, quod idem est, puta post biennium roga-  
tus est hereditatem restituere L. Titio, & interim quæ-  
dam nomina hereditaria fœneratitia exegit intra bien-  
nium, quædam non exegit: quæ exegit fœnora, non ve-  
niunt in restitutionem fideicommissi, ut patet ex §. seq.  
cuius quæstio elegantissima est, quia ea ex iudicio de-  
functi exegit, qui voluit integro biennio, quantum  
posset ex hereditate emolumentum percipere, salua rerum  
substantia: nec enim deminutio heredi onerato fidei-  
commissum post tempus restituendo, permittitur, l. mu-  
lier §. si heres, hoc tit. & Nouella 39. Quæ autem nomina  
non exegit, veniunt in restitutionem fideicommissi, ve-  
luti usuræ futuri temporis, & nomina, quæ non exegit,  
veniunt in restitutionem fideicommissi, & veniunt  
qualia qualia sint: nec enim heres præstare debet, ea  
esse integra & idonea, ut si forte sine culpa heredis de-  
teriora facta sint, debitoribus facultatibus euersis, pe-  
riculum eorum in se recipiat & agnoscat: nec enim ag-  
noscit: quod tamen fideicommissarius heredi obiicie-  
bat, desiderans, ut periculum nominum non exacto-  
rum, ad heredem pertineret, & dicens, cur tu hæc no-  
mina non exegisti, illa exegisti: cur his intervallum de-  
disti, non illis? Quod obiicit frustra: nam etsi illa exegis-  
set, si omnia exegisset, non fecisset meliorem, imo dete-  
riorem conditionem fideicommissarii, quia tanto mi-  
nus restitueret. Itaque ex eo solo culpa in herede cul-  
pari non potest, quod alia fœneratitia: nomina enim  
proprie dicuntur de cautionibus fœneratitiis: quod  
alia, inquam, nomina exegerit, alia non. Et recte in l.  
periculum, sup. de reb. cred. periculum nominum ad eum  
tantum pertinere, cuius culpa deteriora ea facta esse  
probetur, non etiam ad eum qui vacat culpa. Denique  
heres nisi culpā, merito existimat omnia alia sibi inde-  
bita esse, quæ est sententia l. §. Nec aduersus eam quic-  
quā facit l. cum quereretur, sup. de adm. tut. quam obiicit  
Accurs. quia non loquitur de nominibus hereditariis,  
sed de nominibus factis à tutore: nam & nomina here-  
ditaria velim separari ab iis, quæ heres fecit ex pecunia  
hereditaria, & suo nomine stipulatus est, quæ heres si-  
bi imputat in Falcidiam, & si quid sit ultra Falcidiam,  
ultra quam ius non habet deminuendi fideicommissi,  
ut notatur in suprascripta Nouella 39. In eo eam dabit  
electionem fideicommissario, quam dat tutor pupillo,  
in d. l. cum quereretur & l. tutor qui repertorium §. si tutor  
pec. eod. tit. ut aut tota nomina, quæ heres contraxit ag-  
noscat fideicommissarius, aut tota repellat, nec sit in  
eius potestate integra sibi habere, & deteriora imputa-  
re heredi, eaque ita diuidere & scindere, quoniam sa-

rius est aut in totum, quod fecit heres in contrahendis  
nominibus eum approbare, aut in totum improbare.

#### Ad §. qui post.

*Qui post tempus hereditatem restituere rogatur, usuræ  
à debitoribus hereditariis perceptas, quarum dtes post mor-  
tem creditoris cessit, restituere non cogitur, quibus non  
exactis omnium usurarum actio, nam hereditaria stipu-  
latio fuit, ex Trebelliano transferetur. Et ideo nec inde-  
biti repetitio erit. Ac similiter hereditario creditori, si medi-  
temporis non soluantur usuræ, fideicommissarium in his  
quoque Trebellianum tenebit, nec ideo querela locus erit,  
quod de fructibus heres, quos iure suo percipiebat, fœnus non  
soluerit. Quod si fœnus heres medi tempore soluerit, eo no-  
mine non erit retentio, cum proprium negotium gessit,  
quippe sortem reddere creditori coactus, fideicommissario  
nihil usurarum medi tempore imputabit.*

**S**equitur ut exponamus §. qui post tempus, quod est  
Stertium responsum huius legis, cuius §. duæ sunt  
partes. Vna est de actionibus, quibus defunctus aliis te-  
nebatur obstrictus, altera est de actionibus siue obliga-  
tionibus, quibus defunctus alios sibi habebat obstrictos.  
Denique prima est de debitoribus hereditariis, secun-  
da de creditoribus hereditariis: In prima parte tracta-  
tur de fructibus, usuris, pensionibus ab herede medio  
tempore perceptis, ante diem fideicommissi, id est, an-  
tequam venisset dies restituendæ hereditatis ab herede  
per fideicommissum alij relictæ: denique agitur in  
prima parte, de fideicommissum hereditatis relicto in  
conditionem: nihil refert, æqui istud facio, an scilicet  
veniente die restituendi fideicommissi, aut existente  
conditione, fructus, usuræ, pensiones interim perceptæ  
ab herede fideicommissarium sequantur, & in restitui-  
tionem veniant? Loquitur tantum de fideicommissum in  
diem, puta relicto post biennium. Sed idem est in fidei-  
commissum conditionali, ut dixi, hæc facio paria. At à fi-  
deicommissum in diem vel in conditionem longe dispa-  
ro fideicommissum purum siue præsentis die relictum.  
Nam fructus sati à defuncto nec demessi, qui immaturi  
erant mortis tempore, ab herede percepti ante moram,  
per negligentiam & ignauiam fideicommissarii non in-  
terpellantis heredem, fideicommissarium non sequun-  
tur, nec imputantur in Falcidiam, sed heredis lucro ce-  
dunt, ut docui lib. 7. ad l. 8. de usur. quia scilicet non he-  
reditati, sed ipsis corporibus hereditariis hi fructus ac-  
cepto feruntur, & in Falcidiam tantum imputantur,  
quæ ex hereditate sunt, & in fideicommissum æque ve-  
niunt ea tantum, quæ hereditatis sunt, sed ij tantum fru-  
ctus sequuntur fideicommissarium, qui percipiuntur post  
moram factam restitutioni fideicommissi, quæ omnia  
demonstratur in l. in fideicommissarium, l. mulier §. si he-  
res, l. postulante §. sed & in huiusmodi quæstione, sup. h. tit.  
Hi etiam fructus fideicommissarium sequuntur, qui in-  
uenti sunt in hereditate mortis tempore, puta recondi-  
ti in horrea, vel qui maturi erant, & mox demetendi  
mortis testatoris tempore, quoniam ij pars hereditatis  
sunt: Ij hereditati accepto feruntur, qui inibi erant ut  
demeterentur, l. 9. sup. ad leg. Falcid. l. centurio, in fi. de  
vulg. substit. Et hoc de fructibus. At usuræ pecuniarum  
à defuncto collocatarum, vel mercedes, aut pensiones  
locationum factarum à defuncto fideicommissarium  
sequuntur, fideicommissario debentur omnimodo ex  
mortis tempore in tempus restitutionis, d. §. sed & in  
huiusmodi, vel in tempus, quo principalis obligatio  
sublata fuerit, ut in primo responso h. leg. Et ratio hæc  
est, quia earum usurarum pensionumue actiones here-  
ditariæ sunt, quandoquidem exordium sumpserunt à  
defuncto: ergo concedendæ sunt fideicommissario, cui  
relicta est hereditas, id est, quidquid esset heredita-



rium. In vſuris autem perceptis, non ex contractu defuncti, ſed ex contractu heredis, qui nummos hereditarios ſœnori occupauit, & in fructibus ſimiliter ſatis ab herede & perceptis, nulla eſt differentia, quia certum eſt, neque eas vſuras, neque eos fructus contineri fideicommiſſo, propterea quod heres ſuo periculo pecuniam hereditariam ſœnori occupauit, & ſuo quoque periculo, ſuaque impenſa prædia hereditaria ſeuit, curauit, & coluit, & hereditariæ hæ actiones ſiue obligationes non ſunt, ideoque nihil eo nomine heres fideicommiſſario præſtat, niſi mora interceſſerit *d. §. ſed & in huiusmodi*. Obligationes quæ non ſunt hereditariæ, non cadunt in fideicommiſſum hereditatis, quod & lex quæ ſequitur, *l. debitor*, demonſtrat, quoniam quidem, vt iam pridem oſtendi, in ea legendum eſt, *quoniam hereditaria non eſt actio*. idcirco ſcilicet nihil eo nomine fideicommiſſario præſtatur, ſortes tamen, quibus ſumptis ex hereditate heres ſœneratus eſt, proculdubio præſtat fideicommiſſario, *l. vxori, de vſufr. leg.* Et hæc de puro fideicommiſſo. Videamus quid iuris ſit in fideicommiſſo relicto in diem vel in conditionem: & certum eſt fructus medio tempore perceptos ex tempore mortis, in diem, quo exſtitit conditio, aut venit dies fideicommiſſi, non venire in reſtitutionem, niſi fuerint maturi mortis tempore, vel reſpoſiti in horrea, vt *d. l. centurio*, in qua fuit fideicommiſſum in diem, vel niſi mora heredis interceſſerit. Sed cæteri fructus, qui non veniunt in reſtitutionem fideicommiſſi, ſi heres oneratus fideicommiſſo non ſit ex filiis, quoniam filij excipiuntur à Iuſtiniano in *l. iubemus, C. eod. tit.* imputantur heredi, non veniunt quidem in reſtitutionem, ſed imputantur heredi in quartam & quartæ fructus, quia eos heres habet ex iudicio defuncti, qui tantisper eum hereditate perſui voluit, vel vt ait in ſecunda parte huius §. eos heres iure ſuo, id eſt, iure hereditario interim percepit, *d. l. in fideicommiſſarium, l. mulier §. ſi heres, h. t.* Et conſtat in Falcidiam imputari omnia ea, quæ capiuntur ex iudicio teſtatoris, ſi iure hereditario, non alia vlla, ſiue agatur de Falcidia hereditatis, ſiue de Falcidia legatorum, aut fideicommiſſorum ſpecialium, *l. quod autem, l. in quartam, ſup. ad leg. Falcid.* Exemplo autem fructuum vſuræ, quas medio tempore percepit à debitoribus hereditariis, cedente earum vſurarum die poſt mortem teſtatoris in reſtitutionem non veniunt, ſed imputantur in Falcidiam, quaſi perceptæ certo iudicio defuncti, §. *ante inf. vſuræ* vicem fructuum obtinent, *l. vſuræ, ſup. de vſur. l. poſtulate §. ſed & in huiusmodi*, in illo loco, *ſane pro fructu, &c. ſup. hoc tit.* Vſuræ, inquam, vicem fructuum obtinent iuris poteſtate, non naturæ, *l. ſi nauis, ſup. de rei vind.* nec enim vſuræ natura proueniunt, quaſi pecunia gignente pecuniam, ſed ex obligatione deſcendunt, vel ex officio iudicis. Vſura eſt quaſi fructus & reditus pecuniæ, *l. 3. ſup. de vſufr. ear. rer. qua vſu conſum. l. Titius, de præſ. verb.* Sunt incrementum pecuniæ, *l. alio, de aliment. leg. m. novæ quæ ſc. x. s. o. v. s. Lenit. 25.* Et idem etiã dicendū. eſt in penſionibus prædiorum ruſticorum vel vrbano- rum, quæ defunctus locauit, quas ſcilicet penſiones, antequam dies cederet fideicommiſſariæ hereditatis, die earum penſionum cedente poſt mortem teſtatoris, heres medio tempore percepit, *d. §. ante*, quia penſiones prædiorum etiã pro fructibus accipiuntur, *l. penſiones, de vſur. l. 7. §. de penſionibus, ſup. ſol. matrim. l. ancillarum, & l. mercedes, ſup. de petit. hered.* Et ruſticorum quidem prædiorum penſiones incunſtanter dicimus pro fructibus accipi, cum ſint pretia fructuum, quos prædia ferunt naturaliter. De penſionibus prædiorum vrbano- rum magis dubitatur, an habeantur pro fructibus, quia ex prædiis vrbaniſ nulli fructus natura proueniunt, ſed ex obligatione tantum locati & conducti: ſed has quoque penſiones placet accipi pro fructibus, & here-

A di qui eas accepit imputari in Falcidiam, nec fideicommiſſo contineri. Et hæc de fructibus, vſuris, penſionibus ab herede perceptis ante diem cedentem fideicommiſſi, quo ſit reſtituenda hereditas. Nunc videamus, quid fiat de illis, quos, quaſue heres non percepit tempore reſtituendæ hereditatis? Et hoc caſu videntur etiã nonnihil diſtare fructus ab vſuris, & penſionibus: nam fructus nondum percepti, qui ab herede ſati ſunt, vel qui pendebant immaturi tempore mortis teſtatoris, in reſtitutionem non veniunt, niſi mora facta ſit reſtitutioni fideicommiſſi, quia non hereditati, vt dixi ante, ſed iſtis rebus hereditariis accepto feruntur, *l. in fideicommiſſariam, hoc tit.* At vſurarum & penſionum nondum exactarum actiones in reſtitutionem veniunt, etiã ſi dies earum ceſſerit poſt mortem teſtatoris ante moram heredis, vel reſtitutionem fideicommiſſi, quia hereditariæ actiones ſunt, quatenus originem ceperunt à defuncto. Quamobrem heredi non cõpetit conditio indebiti, ſi vſuris vel penſionibus non deductis, quarum dies iam ceſſerat poſt mortem teſtatoris, hereditatem reſtituerit ex Senatusconſulto Trebelliano, quia non intelligitur plus debito reſtituiſſe, quod Papinian. hoc loco ſignificat his verbis, *& ideo nec indebiti repetitio erit*; non erit ſc. heredi qui reſtituit hereditatem his vſuris, vel penſionibus non deductis: ne dicas, vt Gloſſa, *non erit debitori, qui ſoluit heredi vel fideicommiſſario*. Illud etiã certiffimū eſt, earum vſurarū vel penſionum actiones fideicommiſſariū ſequi, quarū dies tempore reſtitutæ hereditatis nondum ceſſerat, C forte quia erant debite ſub conditione, quæ nondum exiſterat, *l. ita tamen §. actiones, ſup. hoc tit.* At quæro. an etiã fideicommiſſarium ſequantur vſuræ, vel penſiones, quarum dies iam ceſſerat viuo teſtatore? Et vt ſequi videantur magnum nobis præbent argumentum in hoc loco hæc verba Papiniani, *quarum dies poſt mortem creditoris ceſſit*. Secundum quæ etiã accipienda ſunt hæc verba *d. §. ante, Cum poſtea ceſſiſſet dies*, nempe dies vſurarum aut penſionum, non dies fideicommiſſi, vt ibi Gloſſa notat, quæ etiã illa verba accipiendo de die vſurarum, vt accipienda ſunt, ex hoc §. fruſtra exigit moram debitorum, cum vſuræ pecuniæ creditæ citra moram debeantur ex ſtipulatione, vt & hoc §. ſignificat, dum ait, *nam hereditaria ſtipulatio fuit*, ſtipulatio vſurarum ſcilicet. Igitur actiones vſurarum, quarum dies iam ceſſerat ante mortem teſtatoris, fideicommiſſario competunt, vel ſi ab herede perlata ſint & exactæ, in reſtitutionem veniunt vt ſortes, quaſi ſortes effectæ, *l. vxori, de vſufr. leg. l. qui negotiationem §. ult. de adminiſt. tut.* Sortes vero non ambigitur eſſe reſtituendas, quia fuerunt in hereditate mortis tempore, qua de cauſa in §. i. h. l. nomina, vel accipi oportet pro cautionibus ſœneratitiis, vt *l. ult. in pr. C. de pact. conn. ſuper dote: l. qui filium, ſup. de legat. 3.* pecuniæ, inquit, deſtinatæ nominibus faciendis, id eſt, contrahendo ſœnori, nimirum, quia pecuniæ creditæ vſuræ non debentur, niſi ex ſtipulatione; vel, vt olim obtinuit, nomine facto ad menſam argentarij. vbi æra perſcribuntur vſuraria, vt Plautus ait, in Truce hiſ duobus modis, ſtipulatione ſcilicet & nomine facto ſœnus contrahetur, *l. ſi plures, ſup. de pact. vel ſi in d. §. 1.* nomina tam pro vſuris quā pro ſortibus accipias, ſeparandæ tibi ſunt vſuræ à ſortibus. At dicendum ſortes exactas ab herede in reſtitutionem venire, & non exactarum actiones, ita vt earum actionum periculum heres fideicommiſſario præſtare non cogatur: vſuras autem exactas, quarum medio tempore dies ceſſit, in reſtitutionem non venire, quoniam teſtator voluit, vt interim eas heres ſibi haberet: non exactas autem vſuras concedi fideicommiſſario, quales quales ſint earum actiones, herede non agnoſcente earum periculum, nec præſtante debitores eſſe idoneos & locupletes. Vt vſuræ ſint exactæ ab herede, ne reſtituantur,



tur, aut cedant fideicommissario, omnimodo requi-  
ro: nam si petita tantum sint ab herede, etiam si petiti-  
onem sequuta sit condemnatio, id est, etiam si debitor  
condemnatus sit heredi, dico fideicommissario exactio-  
nem competere, non heredi, argumento *l. si marito §. si  
voluntate, sup. sol. matrimon.* Quod & suapte pruden-  
tia nullo loco adnotato ita sentit Angelus Perusinus.  
Hæc sunt quæ pertinent ad primam partem quæ notan-  
da sunt. Venio ad secundam partem, quæ est de usurariis  
creditoribus hereditariis. Et rursus diuiditur in duas  
partes, quarum una est de herede, qui non soluit usuras  
creditoribus hereditariis, quarum dies cessit medio tē-  
pore post aditam hereditatem ante diem fideicommissi  
cedentem: altera pars est de herede, qui eas soluit. De  
prima, primum dicamus. Si ante diem fideicommissi ce-  
dentem medio tempore heres non soluit usuras credi-  
toribus hereditariis; tamen si earum dies cessisset medio  
tempore: lege quidem Falcidia non interueniente onus  
istud soluendarum usurarum sequitur fideicommissariū  
ex Senatusconsulto Trebelliano, cui restituta est heredi-  
tas: nam eo Senatusconsulto cautum est, ut actiones quæ  
heredi & in heredem competunt, ei, & in eum dentur  
restituta hereditate, *l. i. b. t.* Eadem igitur est ratio usur-  
rarum non exactarum ab herede, & non solutarum: ead-  
em ratio commodi & incommodi: nam & non exacta-  
rum commodum de quo egit supra, & non solutarum  
incommodum, sequitur fideicommissarium. Et hoc est  
quod ait initio secundæ partis huius §. At similiter cum  
dixisset de commodo non exactarum, quod sequitur fi-  
deicommissarium, subiicit de incommodo non soluta-  
rum, & id quoque similiter sequi fideicommissarium, ser-  
uata eadem ratione in commodis, & in incommodis, ut  
nec sint commoda sine oneribus, nec onera sine cōmo-  
dis: Et subiicit, onus usurarum medijs temporis non so-  
lutarum ab herede creditori hereditario usque adeo fi-  
deicommissarium sequi, cui postea ex SC. Trebel. resti-  
tuitur hereditas, ut nec queri fideicommissarius aut ex-  
postulare cum herede possit herediue vitio aut culpæ  
dare, quod ex fructibus medio tempore perceptis eas  
usuras non soluerit. Hæc querela fideicommissarij, iu-  
sta non est aduersus heredem, quia heres fructus iure  
optimo & iure suo percepit, & ex iudicio defuncti suos  
fecit, sine onere ullo, ut nec debuerit ex eis ultro solue-  
re usuras creditoribus hereditariis, quæ est sententia  
Papiniani in prima parte secundæ partis. cui tamen ob-  
stare videtur lex *scribit, sup. b. t.* quæ ostendit de fructi-  
bus medio tempore perceptis debere heredem replere  
fideicommissum, quod interim casus quidam deminuit,  
vel absumpsit. Et tamen hic dicitur, de iisdem fructi-  
bus heredem ultro non debere subire onus soluendarū  
usurarum medijs temporis. Sed speciem & sententiam  
integram *d. l. scribit*, priusquam respondeam, me aperi-  
re operæ pretium est. Testator, qui quadraginta habe-  
bat in bonis, heredem rogauit, ut post mortem suam  
hereditatem L. Titio restitueret. heres medio tempore  
ex fructibus rerum hereditariarum percepit quadrin-  
genta, quanti fuit hereditas mortis testatoris tempore,  
& est etiam hodie. Queritur, vtrum fideicommissario  
heres restituere debeat octingenta, vel quadringenta. Et  
certissimum est, satis esse 400. fideicommissario restitui  
quæ in hereditate fuerunt, quia fructus medio tempore  
perceptos heres imputat in Falcidiam, & id, quod am-  
plius est in fructibus, quantum quantum sit, lucrifacit  
sibi ex iudicio defuncti. Hinc finge aliam speciem. Me-  
dio tempore ex hereditate deperiisse trecenta improui-  
so quodam casu, hoc nomine regulariter heres, qui cul-  
pa vacat, fideicommissario non tenetur, ut præstet quod  
non habet, quod vis quædam maior eripuit & absor-  
buit, *l. mulier §. sed enim, hoc tit.* At in proposita specie,  
cum ex fructibus medijs tēporis heres tulerit 400. Qua-  
ritur, an ex fructibus fideicommissario teneatur resti-

Respons. Papin.

tuere 300. quæ deperierunt, an teneatur damnum fidei-  
commissi refarcire ex fructibus medijs temporis: quod  
illa lex ait Celsum diu multumque tractasse & vexasse,  
& nouissime, id est, post longam & diligentem disqui-  
sitionem vel tractationem, Celsum statuisse hoc casu ex  
æquo & bono damnum, quod contigit fideicommissio-  
eum debere agnoscere & refarcire, ad quem etiam fru-  
ctuum medijs temporis emolumentum redijt. id est, he-  
redem. Debere igitur heredem fideicommissario sup-  
plere 300. de fructibus medijs temporis, ut pro rata dam-  
ni, quod medio tempore contigit, quodque sustinet fi-  
deicommissarius, & emolumentum fructuum sentiat.  
quæ est quæstio & sententia *l. scribit*. Et ut respondeam,  
satis apparet longe diuersam esse quæstionem & spe-  
ciem *l. scribit*, ab ea, quæ hoc loco proponitur, & ta-  
men vtramque dirimi ratione eadem, ut, quod est se-  
cundum naturam, quem sequuntur damna, onera, in-  
commoda, eundem etiam sequantur lucra, commoda, e-  
molumenta pro portione, & contra, ut non sequantur  
damna eum, quem lucra non sequuntur. Ead-  
em ratio modo onerat fideicommissarium, ut in hoc  
§. *qui post*. modo releuat, ut in *d. l. scribit*. Non possunt  
autem esse contraria, quorum eadem causa & ratio est,  
diuersa species. Non possunt esse contraria, quæ una  
eademque ratione cōstituntur. At rursus superiori sen-  
tentia Papiniani quam exposui, quæ proponitur in  
prima parte secundæ partis, opponitur, *l. ult. §. ubi au-  
tem, & §§. sequent. C. de bon. quæ lib.* Ex quo loco Ac-  
cursius efficit, cum aduentitia hereditas obuenerit filio-  
famil. patrem, in cuius potestate est, quamuis ad eum  
fructus pertineat & usus, nuda prædictas ad filium, de  
fructib. tamen non soluere usuras creditorib. heredita-  
riis. Male. Consentit enim ea etiam lex cum ratione ea-  
dem, quæ & hoc loco, & in *d. l. scribit*, secundum na-  
turam postulat, ut cui adiiciuntur commoda, iniungan-  
tur etiam incommoda, quasi commodum & incommo-  
dum, labor & voluptas, dissimillima natura, ut Titus  
Liuius ait §. societate quadam inter se naturali iuncta  
sint. Et secundum hanc regulam iuris naturalis in *d. l.*  
*ult.* definitur, patrem, ad quem fructus hereditatis, quæ  
obuenit filiofamil. pertinet, sustinere etiam damna &  
sumptus litium, si quæ sint lites hereditariæ, & onera  
legatorum, & urgente ære alieno hereditario, id patrem  
quamprimum debere dissoluere ex bonis hereditariis,  
ne usuræ crescant; aut sane de fructibus quos percepit,  
usuras soluere creditoribus hereditariis; & æs alienum  
idcirco dissoluere ex bonis hereditariis; quia, ut ibi-  
dem notat Iustinianus, bona non intelliguntur esse, nisi  
quæ supersunt deducto ære alieno, *l. ii. de iure fisci, l.*  
*usufructu, sup. ad l. Falcid. l. subsignatam §. bona, de verb.*  
*sign.* Et Quintil declamat. 273. *bona porro quæ sunt? ut*  
*opinor*, inquit, *& quæ detractis alienis deprehensa sunt.*  
Et rursus, *ut opinor*, inquit, *detracto ære alieno omni, de-*  
*tractis oneribus bonorum, quod residuum ex patrimonio*  
*fuisse. Nam patrimonij in alium transitori ea ratio est, ut*  
*primum credito satisfiat.* Et hæc tenus quidem de herede,  
qui non soluit creditori hereditario usuras medijs tē-  
poris, id est, de prima parte secundæ partis. Sequitur  
alia de herede, qui soluit usuras medio tempore ante  
diem fideicommissi cedentem, ante restitutionem fidei-  
commissi, quem Papinianus ait, quod maxime notan-  
dum, in restituenda hereditate solutas usuras retinere,  
aut reputare fideicommissario non posse, & eo minus  
restituere, hac ratione, quia soluendo usuras medijs tē-  
poris suum proprium negotium gessit, quoniam ipse  
solus usuris eo tempore tenebatur obstrictus: fideicō-  
missarij autem, cui nondum tenebatur, nullo modo po-  
test videri gessisse negotium. Quæ ratione etiam subii-  
cit, heredem, si forte medio tempore per iudicem coa-  
ctus sit creditori hereditario soluere fortem, siue caput,  
*le principal*, non posse eum medijs temporis inter solutio-

dd



nem sortis, & restitutionem fideicommissi, vsuras reputare fideicommissario, hac ratione: quia, si eas quas ante solutionem sortis soluit creditori, non reputat fideicommissario, quod suum negotium gesserit, nec eas quoque reputabit, quas nec soluit quidem ipsi creditori, sed absoluto creditore sibi retinere desiderat, quasi vice creditoris sortem quidem solutam heres reputat fideicommissario, & eo minus ex causa fideicommissi restituit, *l. ita tamen §. actiones, in fi. hoc tit.* vel restituta hereditate ex Senatusconsulto Pegasiano, interueniente lege Falcidia, eam sortem pro dodrante à fideicommissario petit, ex stipulatione partis, & pro parte, de qua in *Instit. tit. de fideic. hered.* quo quidem modo accipienda est lex. *l. C. ad Senatusc. Trebell.* vsuræ veteres, quas heres soluit, non reputat fideicommissario; ergo, nec vsuras nouas, quas post solutam sortem creditori hereditario ad vicem & exemplum creditoris sibi retinere desiderat, quasi successerit in locum creditoris: nec enim successit in eius locum, quia coactus ei soluit ex causa propriæ obligationis. Et alia est ratio, vnde possit sumi argumentum in contrarium. Alia, inquam, est ratio secundicreditoris, de quo in *l. 12. §. sciendum, sup. qui pot. in pign. hab. & l. secundus, C. de pign.* secundi, inquam, creditoris, qui sortem & vsuras soluit primo creditori, vt pignus quod vtrique obligatum erat, sibi confirmaret, quoniam hic soluit vltro, non coactus, non obligatus, & ideo debitori imputat vsuras, quæ præstandæ fuissent primo creditori, si ei non satisfacisset, non etiam vsurarum solutarum vsuras, quia vt illis locis ostenditur, suum magis quam debitoris negotium gessit. Gessit quidem etiam negotium debitoris, quia eum liberavit à primo creditore, sed suum gerere negotium magis in animo habuit, vt sibi pignus confirmaret, in quo primus creditor erat potior & potentior. si solius debitoris negotium gessisset, etiam vsurarum solutarum vsuras probe desideraret iudicio negotiorum gestorum, quasi omni pecunia sorte effecta. Eademque ratio est eius, qui prædium emit à non domino, quod creditori nexum erat, & agenti creditori actione hypothecaria soluit vltro sortem & vsuras, vt sibi possessionem prædij confirmaret, magis quam vt liberaret debitorem, *l. emptor, sup. de rei vind.* At quum heres non vltro, sed coactus quasi solus obligatus in eam rem medio tempore sortem soluit, post sortem solutam nullas vsuras reputabit fideicommissario, quia nec reputat ante solutas vsuras. Et hæc ita distinguenda sunt, accurate & subtiliter, atque explicanda. Posui autem initio, heredem coactum soluisse, heredem coactum fuisse per iudicem creditori reddere sortem ante restitutionem fideicommissi, vt Papin. etiam ponere, satis medijs temporis commemoratio demonstrat. Et recte quidem ponitur coactus sortem soluisse ante restitutionem fideicommissi: nam regulariter post restitutionem fideicommissi non potest heres cogi soluere creditoribus, sed adiuuatur exceptione restitutæ hereditatis, *l. ita tamen §. qui ex Trebelliano, h. t.* Post restitutionem, inquam heres non cogitur soluere, nisi scilicet res vrgeat, vt in specie *l. cum hereditas, h. t.* quoniam adhuc heres etiam post restitutionem directis actionibus tenetur & conuenitur efficaciter ex magna causa, puta, si absit fideicommissarius, cui restituta est hereditas, & periculum sit ne actio tempore pereat. Ex hac nimirum causa etiam post restitutionem, cogitur heres soluere creditori, cui instat finis actionis suæ, nisi mature quod debetur repeteret, nisi mature exigeret quod debetur. Alias directæ actiones post restitutionem in heredem, inefficaces sunt, & efficaces tantum sunt vtilis, quæ ex Senatusconsulto Trebelliano, translata sunt in fideicommissarium, cum quo tantum solo congruere debent creditores hereditarij. Et hic est finis huius §.

Quæ diximus ad §. qui post tempus *l. deducta, ad Trebell.*

tantimomenti sunt, vt si forte per biduum, quod intermisi, vobis memoria exciderunt, & censeris ea repetenda, vestræ memoriæ, vt suggeram meo iudicio æquum censeatis, sed vix excidisse putem, quia satis perspicue ea tradidisse videor, præterquam id forte quod pertinet ad eum locum, quo Papinian. ait, fideicommissariū non posse imputare heredi, quod de fructibus medio tempore perceptis creditoribus non soluit vsuras medijs temporis, quatenus in eum scilicet locum Accursius notat, aliud esse in herede, aliud in patre, quod, vt mihi satisfaciam & vobis, repetere libet, & facere breuius apertiusque. Et quæso quò argumento Accursius dicit, aliud esse in patre? quia inquit, pater non soluit vsuras ex fructibus bonorum aduentitiorum filij sui, *l. vlt. §. ubi autem in vnum, C. de bon. qua lib.* Hoc vero si ita est, non est ergo aliud in patre, sed idem omnino, quod in herede, qui etiam ex fructibus fideicommissariæ hereditatis, vltro vsuras soluere non tenetur. Debit Accursius dicere, quia pater soluit vsuras ex fructibus bonorum quæ aduenerunt filiosam. vt est expressum in *d. §. ubi autem in vnum, aut §. seq.* Et ratio eadem, vt me dicere memini, quæ ratio naturalis est, hanc differentiam facit atque constituit inter patrem & heredem, vt scilicet, non ad filium, sed ad patrem pertineat onus soluendarum vsurarum, ad quem etiam pertinet omne emolumentum, omnis fructus aduentitiæ hereditatis. At similiter, vt non heredem sed fideicommissarium sequatur onus soluendarum vsurarum, quem etiam sequitur omne emolumentum fideicommissariæ hereditatis. Qua in re etiam illud considerandum est, maius esse ius patris, quod est ius fructuarij, quam ius heredis onerati fideicommissio: quia ius patris est perpetuum, id est, quamdiu vixerit: ius heredis plerumque est temporarium. Possit esse etiam perpetuum, non nego, sed plerumque est temporarium, maxime id, de quo agitur in hoc §. qui post. quo rogatur non post mortem suam, sed post tempus aliquod certum hereditatem restituere. Itemque patris sunt omnes fructus aduentitiæ hereditatis, non tantum quos ipse percepit, sed etiam quos à filio, vel ab alio perceptos postea nactus est, *l. 12. §. Iulianus, de usufr.* Heredis autem non sunt fructus; quos fideicommissarius vel alius percepit post diem fideicommissi cedentem, tametsi eos postea heres consequatur, & casu quodam nanciscatur, id est, possessionem eorum, quia, qui semel fructus facti sunt fideicommissarij, sine facto eius fideicommissarij fieri heredis non possunt, *l. 11. de reg. iuris.* Varro 2. de re rust. cap. 1. Quod enim atterius fuit, id vt meum fiat, necesse est aliquid intercedere, fieri necesse est ex parte eius, qui dominium habet, quo ab eo dominium discedat, & transferatur in alium, nec enim suapte sponte dominium mutatur. Nunc veniamus ad §. nummis.

#### Ad §. nummis. 3.

Nummis centum acceptis, hereditatem rogatus restituere, totam pecuniam iure Falcidia percipere videtur. Et ita Dini Hadriani rescriptum intellectum est; tanquam si ex bonis nummos retenturus fuisset, quod tunc quoque respondendum est, cum pro parte hereditatem coheredi suo restituere rogatur. Dinersa causa est prædiorum pro hereditaria parte retentorum; quippe pecunia omnis de portione retineri potest. Prædiorum autem alia portio non nisi à coherede, qui dominium habet, accipitur. Cum autem prædia maioris pretij, quam portio hereditatis essent: in superfluo prædiorum petenti fideicommissario Falcidiam interuenire visum est, Concurrentem enim pecuniam compensari placuit.

**D**Vas facio partes huius responsi; prima est, de rogato restituere hereditatem accepta certa pecunia, altera, de rogato restituere hereditatem acceptis certis



prædiis hereditariis. Et primæ partis verba hæc sunt: *Acceptis centum nummis hereditatem restituere rogatus, totam pecuniam iure Falcidia percipere videtur.* In Florentinis vox *centum*, perpetam iteratur, iteratio perturbat sensum, nec ullum sanum admittit, sensus hic est. Heres rogatus est acceptis centum extraneo hereditatem restituere, non demonstrata persona eius, à quo acciperet, sed simpliciter rogatus est acceptis centum extraneo hereditatem restituere; Lex ait, tota ea centum heredem imputare in Falcidiam, quasi iure hereditario, iure testamenti, iure Falcidiæ, (quæ tria idem possunt) percepta, perinde est atque si retentis centum ex bonis hereditariis in portionem suam rogatus esset alij restituere hereditatem, ut plane nihil interfit, dixerit testator, *retentis centum*, vel *perceptis*, vel *deductis*, vel *detrahtis*, an *acceptis*, tantum. potest accipere, quantum retinere, quæ retinere iussus est, computat in Falcidiam: ergo & quæ accipere iussus est, quibusque acceptis petitus est restituere hereditatem. Quod & D. Adrianum constituisse, ait hoc loco, & in *l. acceptis, sup. ad l. Falcid.* D. Pium, in *l. 4. eod. tit.* D. Antoninum, in *l. facta §. rescripto, inf. h. t.* Diuum ergo Antoninum Pium, qui & Adrianus dictus est, postquam fuit adoptatus in familiam & nomē Adriani Imperatoris, unde & quæ passim dicitur Epistola D. Adriani de fideiussoribus, est D. Pij, *l. si in testamento §. quod si, de fideiuss.* Et quod dicitur in *l. 3. sup. si pars heredit. pet.* Adriano ostensam fuisse mulierem, quæ vno partu quinque pueros ediderat, Iulius Capitolinus id adscribit Diuo Pio. Quod idem in *l. 3. §. diuus, de sep. viol.* D. Adrianum vetuisse intra vrbes mortuos sepelire, idem Capitolinus tribuit D. Pio, & similiter quod D. Adriano in *l. si de vi, de publ. iudicijs*, id tribuitur D. Pio in *l. 5. §. 1. ad leg. Iul. de vi publ.* nimirum his omnibus locis D. Pius Adrianus appellatur iure adoptionis. Huic autem constitutioni D. Pij, de qua agitur hoc loco, ut heres, quæ accipere iussus est, imputet in Falcidiam, locus est, non tantum, si, ut proposui, testator simpliciter dixisset, *Peto ut acceptis centum hereditatem Mævio restituas*, non demonstrata persona dantis. Quæ centum generaliter verum est heredi imputari in Falcidiam, perinde ac si ea restituere iussus esset ex hereditate. Sed est etiam supra dictæ constitutioni locus, si testator demonstraerit personam dantis, nempe hoc modo, *Peto ut acceptis à Mævio centum hereditatem Mævio restituas*, vel etiam palam adscripta conditione, *Peto, ut si tibi Mævius dederit centum, hereditatem Mævio restituas*. Hoc quoque casu constitutioni D. Pij locus est, non quidem generaliter, ut priore casu, sed duobus tantum casibus, quorum primus hic est: Si ea pecuniā, quam heres à Mævio accipere iussus est, contineat Falcidiam & consulta opera testator eam pecuniam dari iusserit, ut Falcidiæ loco cederet, quod patet ex *l. cum quo §. ult. l. quod autem, in fi. l. si heres, sup. ad leg. Falcid.* & *d. l. facta §. rescripto, hoc tit.* nisi scilicet, de ea pecunia alij restituenda testator heredem rogauerit, ut in specie *l. acceptis, sup. ad leg. Falcid.* Alter casus hic est, quo etiam acceptis à Mævio centum, hereditatem rogatus restituere Mævio, eam pecuniam imputat in Falcidiam, videlicet, si eam pecuniam heres accipere iubeatur à Mævio, veluti pro pretio hereditatis, atque ita hereditatem Mævio vendere, quia pretium loco hereditatis est. Ergo ut hereditas iure testamenti capitur. Quæcumque aut iure testamenti capiuntur, siue iure hereditario, imputantur in Falcidiam, non quæ alio iure capiuntur, *d. l. in quartam*. Et ita Celso, & Iuliano placuisse dicitur in *l. in ratione §. tamen si, sup. ad l. Falcid.* quia hic casus non fuit comprehensus constitutione D. Pij. & exceptus igitur est auctoritate tantum Celsi & Iuliani. Et quod maxime notandum in §. *vendere d. l. in ratione, ex §. tamen si, illo loco* quia non nostri causa capit id pretium ex *d. §. tamen si per-*

Respon. Papin.

spicuum est, legendum esse, quia non mortis causa capit id pretium, sed iure hereditario se capit, quia pretium vice hereditatis est, & ideo imputari in Falcidiam. si mortis causa caperetur, non imputaretur in Falcidiam. Exceptis autem his duobus casibus, quos exposui, si quis, sub conditione rogetur Mævio restituere hereditatem, si Mævius ei centum dederit: vel si conditionem facere voluit, qui rogavit, ut acceptis à Mævio centum hereditatem Mævio restitueret: conditionem facere voluntas, non sermo testatoris, *l. 2. sup. de iis quæ pæn. nom. rel. l. in conditionibus §. 1. de condit. & demonstrat.* Si igitur sub conditione manifesta vel tacita iubeatur accipere à Mævio centum, & ei restituere hereditatem, iure communi heres ea centum non computat in Falcidiam, licet Falcidiam expleant, sed habet ea supra Falcidiam, quia nec iure hereditario ea capere intelligitur ex hereditate, vel ex iudicio defuncti, ut solidū fideicommissū præster, sed capit ea iure mortis causa capionis: capit sc. ea mortis causa, quasi conditionis fideicommissi implendæ gratia ei data, numerata à Mævio *d. §. tamen si, d. l. in quartam §. ult.* & constat ea tantum imputari in Falcidiam, quæ capiuntur iure hereditario, vel ex iudicio defuncti Falcidiæ compensandæ causa, non quæ capiuntur iure legati, vel fideicommissi, vel mortis causa. Et in *d. l. in quartam*, quæ huic definitioni aduersantur, verba huiusmodi: *Sed quod conditionis implendæ causa fideicommissum heredi datur, in eadem causa esse admittendum, sciendum est.* Hec, inquam, verba recte absunt, & à Florentinis, & à Basilicis, & videretur etiam ea satis indicant, quod mortis causa capione, id est, datum & acceptum à fideicommissario conditionis implendæ causa, fideicommissum appellat, quo nihil ineptius *l. quod mortis causa capitur, ff. de mort. causa donat.* Mortis causa capio, id est, datum conditionis implendæ causa & acceptum, non habet speciale nomen, ut legatum vel fideicommissum, sed demonstratur communi nomine: mortis causa capionis commune est nomen, quia quidquid capitur per occasionē mortis alterius, siue hereditas sit, siue legatum, siue fideicommissum, siue datum conditionis implendæ causa, mortis causa capio est, sed specialiter commune nomen sibi fecit proprium datio quæ fit conditionis implendæ gratia. Et ad hæc notandum est multum interesse, acceptis à Mævio centum vi, aut figura conditionis, non veluti pro pretio hereditatis, non animo compensandæ Falcidiæ, hos enim casus semper excipio, rogetur heres aut legatarius partiaris hereditatem Mævio restituere, qui nihil ante ceperit ex testamento, id est, cui nihil ante quicquam in testamento relictum fuerit, an Mævio iam heredi scripto, aut coheredi, aut legatario, quia priore casu centum capiuntur mortis causa, non iure fideicommissi; posteriore casu iure fideicommissi, *l. 11. §. cum esset, d. leg. 3.* Et ratio differentiæ hæc est perspicua admodum. Cum ab herede iubetur certam pecuniam accipere vel à legatario, facilius admittimus interpretationē fideicommissi, ut scilicet his verbis intelligatur oneratus fideicommissio, qui honoratus est hereditate vel legato, ut *d. §. cum esset*. Cum autē iubetur accipere ab extraneo, cui nihil ante testator reliquit, eam pecuniam dicimus eum capere, non iure fideicommissi; quod nec ab illo relinqui potuit, cui nihil dum reliquit testator, sed mortis causa, *d. l. acceptis, ad leg. Falcid.* Sequitur in hac *l.* supradicto responso siue constitutioni Diui Pij locum esse, non tantum si heres rogetur accepta certa summa alij restituere hereditatem, sed & si rogetur coheredi suo restituere, ut scilicet, & cum coheredi suo rogatur partem hereditatis restituere accepta certa summa, totam eam summam imputet in Falcidiam, quia totam eam, non de communi, sed de sua parte, qui rogatus est eam partem coheredi restituere, retinet iure suo, iure hereditario: siue inuenit eam in parte sua, siue ex parte sua, ex rebus

Dd ij



partis suæ eam restituere & comparare possit: tantum A nummorum etiam, non nummatus habere videor, quā- rum ex rebus meis cogere & efficere possim. Et mox in secunda parte addit aliud esse dicendum, quod & lib. 8. dixit idem Papinianus in *l. cum pater, in princ. de leg. 2.* si quis retentis vel acceptis certis prædiis partem hereditatis coheredi suo restituere rogetur, quo casu, quia prædia ea prælegata esse videntur, partem quidem prædiorum, quam iure hereditario capit à semetipso, ut heres, imputat in Falcidiam; partem vero, quam à coherede accipit iure legati non imputat in Falcidiam, ut ostendit hoc loco, sed tamen compensat eam cum Falcidia, quam deducere desiderat ex sua portione, aut si nolit compensare, à coherede nihil capit, *l. Nescennius, l. filio, sup. ad leg. Falcid. l. heredi, sup. de iis quib. ut indig. l. qui non militabat, vbi exposui late, de heredi. inst. l. filium, C. fam. ercisc.* Quæ leges nihil huic loco aduersantur, quo ait Papinianus *diuersa causa est prædiorum pro hereditaria parte retentorum*: quia Papinianus de imputatione loquitur, & ait, partem, quæ à coherede accipitur iure legati, non imputari in Falcidiam. Illæ leges loquuntur de compensatione, de æquitate compensationis, & dum interpretes omnes confundunt imputationem cum compensatione, nesciunt sane quomodo se expediant ab his supra dictis legibus, easque cum hoc loco, similibusque componant, & concilient. Sed magna est differentia. Imputatio, quod à memetipso capio: compensatio, quod vice mutua à coherede capio. imputatio est compensatio coacta, compensatio est imputatio voluntaria, nec enim compensabo inuitus, sed si velim non compensabo, quæ ex re tantum amittam, quod vice mutua à coherede percipere potuissem. Imputatio fit ipso iure: compensatio opposita exceptione doli mali. Itaque in specie proposita, si prædiorum, quæ heres retinere iussus est, partes ambæ sufficiant Falcidiæ, & vnā imputet, quod necessario facit, & alterius compensationem vellet admittere, nihil deducit Falcidiæ nomine: si non sufficiant Falcidiæ, deducit quod Falcidiæ deest. Etiam explicat Papinianus elegantem rationem differentiarum inter pecuniam & prædia. Nam rogatus restituere coheredi partem hereditatis accepta certa pecunia, pecuniam, inquit, omnem in solidum de portione sua retinere potest, nec retinet de communi; quia quantitas ipsa pecuniæ siue *agria*, ut Aristoteles vocat, quæ sola pecunia spectatur & valet, non corpore, semper est in portione hereditatis, licet nec nummus quidem sit in ea, *l. 12. de leg. 3. & l. 88. de verbor. significat.* Ergo iure hereditario tota ea pecunia retinetur, siue coheredi siue alij restituere iussus sit, & consequenter tota imputatur in Falcidiam. At prædiorum, quæ retinere iubetur in restituenda coheredi hereditate, vnā quidem portionem sumit de parte sua iure hereditario, aliam vero portionem non sumit de parte sua, sed de parte coheredis, qui pro ea dominium habet, & sumit alteram partem à coherede iure legati, ergo non imputat in Falcidiam vtrāque partem, *d. l. in quartam*, & exposita ratione differentiarum, subiicit Papinianus, quod nostri non intellexerunt: *Cum autem prædia maioris pretij, quam portio hereditatis essent, in superfluo prædiorum petenti fideicommissario Falcidiam interuenire visum est.* Quorum verborum sensus hic est, & hic maxime adhibendi sunt animi: si quis rogatus sit partem hereditatis coheredi restituere retentis prædiis quibusdam, quæ maioris pretij sunt, quam pars hereditatis, quam coheredi restituere iussus est: fac, partem quam coheredi restituit, esse centum, prædia esse trecentorum: non desiderabit quidem is qui rogatus est suam partem restituere, deducere Falcidiam ex sua portione, cum portio prædiorum, id est, centum & quinquaginta, quæ capit iure hereditario, abunde sufficiat: imò superet Falcidiam suæ partis: verum coheres, cui rogatus est partem suam restituere ex superfluo prædio-

rum, ut ait, id est, ex eo quo prædia, pro portione sua pluris sunt quam pars hereditatis, quæ ei restituitur ex hyperocha, qui est, *la plus valeur*, ex eo quod plus dat ipse quam vice mutua recipit, nimirum ex 50. quæ est præualentia prædiorum, si & aliis legatis portio sua onerata sit, Falcidiam deducere potest ex 50. non etiam ex 100. cum pars eius efficiat centum & quinquaginta in prædiis quam habet: non, inquam, ex 100. quia hæc centum, quæ præterea habet in parte prædiorum sua compensare debet cum illis centum, id est, cum parte hereditatis, quam à coherede iure fideicommissi accipit. Et hoc est, quod ait in fine huius responsi: concurrentem legati prædiorum cum fideicommissio hereditatis quantitatem compensari, & superfluum tantum, quod est in legato prædiorum Falcidiam pati. Itaque coheredem, qui fideicommissum hereditatis à coherede petit, non vniuersam suæ partis prædiorum æstimationem legato expensam ferre, sed eo minus, quod à coherede fideicommissi nomine accipit, ut in *d. l. Nescennius, & l. filio*, & aliis ante allatis, quæ de hoc genere compensationis loquuntur. Et hæc est sententia huius responsi.

#### Ad §. hereditatem.

*Hereditatem post mortem suam exceptis redditibus restituere rogatus, ancillarum partus non retinebit, nec foetus pecorum, qui summissi gregem retinent.*

C TESTATOR rogauit heredem, ut post mortem suam hereditatem alij restitueret exceptis redditibus, quos quidem apud eum heredemve eius remanere, & ab eo retineri voluit, nec fideicommissario restitui, qui nec ei restituerentur, si non fuissent excepti, ut plane superuacuum fuerit eos excipere. At quaeritur, an heres eius herede, editos ante diem fideicommissi cedentem? Et respondet Papinianus, non posse ab eo retineri partus ancillarum; fructus quidem prædiorum posse retineri medio tempore perceptos: partus ancillarum medio tempore editos, non posse retineri, sed fideicommissario esse restituendos. Ratio hæc est, quia partus ancillarum in fructibus vel redditibus non computantur, *l. mulier §. sed enim, sup. hoc tit.* Fructus & redditus idem est, ne quis ea Doctorum nostrorum exemplo distinguat, *l. qui fructus, l. quidam, de usufr. leg. l. 12. de alim. legat.* vetus autem fuit quaestio, an partus ancillæ esset nec ne in fructu, disceptata inter Scæuolam & Brutum vel M. Tullio teste *1. de finibus*. Scæuola dicebat partum ancillæ esse in fructu, Brutus non esse. Et obtinuit Bruti sententia, quod non possit homo hominis in fructu esse, *l. vetus, sup. de usufr. earum rer.* naturam fructus comparasse hominum causa: gignentia ut vocantur, produxisse hominum causa, id est, fructus, mundum, & omnia, quæ in eo sunt fecisse hominum causa: quod & diuinæ literæ docent, & Stoici loquuntur & Iurisconsulti nostri, qui omnes imbuti sunt à Stoicis, *l. in pecudum, sup. de usufr. rerum naturam non fecisse hominem hominis causa*: si hominem fecisset hominis causa, omnes homines sub eodem genere non continerentur, quod dictum absurdum est, omnes homines non essent homines, quia semper, ut Philosophi dicunt, id cuius causa quid comparatur, alterius est generis, quam sit id, quod comparatur eius causa: verba Philosophorum hæc sunt: *Α ἐὶ τὸ ἐν ἑαυτῷ ἔστι τὸ ὅ ἐν ἑαυτῷ ἐστίν.* Est quidem naturalis quædam cognatio inter homines, *l. 3. de inst. & iur.* sed non ideo tamen natura aliter in alterius fructu vel instrumento est. Huic autem responsio Papin. obstat *l. uxorem §. sorori, sup. de leg. 3.* vbi Scæuola ait, partus ancillarum, quæ à legatario post mortem eius, alij per fideicommissum relictæ sunt, viuo legatario editos non contineri fideicommissio, non esse fideicommissario restituendos, quos tamen Papinianus



ait hoc loco fideicommissario esse restituendos, nec posse retineri ab herede; Et is Scævola, qui est auctor d. l. uxorem, quamvis non sit ille Publius Scævola, qui hac de re cum M. Bruto concertavit, sed Quint. Cerbidius Scævola, qui fuit sub Antoninis Imperatoribus, tamen sua gentis, siue familiae ad opinionem propius accedit in §. forori, dum non quidem statuit, partus computari in fructibus, quod tum non obtinebat prævalente Bruti sententia; sed dum vult partus sequi ius fructuum, licet non sint in fructibus, ut scilicet non tantum fructus medio tempore percepti, quod constabat inter omnes iuris peritos, lucro heredis cedant, nec fideicommissio contineantur, sed etiam partus ancillarum, ut idem sit in iis, quod in fructibus, quod & idem Scævola probat in l. pen. de op. leg. Et huic opinioni accedit Paulus in l. 14. de usur. in qua lege hoc velim vos adnotare, post inscriptionem hanc, *Paulus libro 14. responsorum*, sequi initium tale in Florentinis, *Respondit Paulus moram in soluendo fideicommissio factam partus quoque ancillarum restituendos, ubi manifeste legendum, respondit, non Paulus, cum satis intelligitur ex inscriptione. Respondit post moram in soluendo fideicommissio, non tantum fructus prædiorum, sed etiam partus ancillarum esse restituendos, quod est verissimum, & constat apud omnes Iurisconsultos. De partibus tantum erat & est controuersia inter IC. natis ante moram vel ante diem fideicommissi cedentem. Et ait in §. d. l. 14. heredem rogatum post mortem suam hereditatem restituere sine redditu, sine redditu, quod in hoc responso Papin. est, exceptis redditibus, vel etiam heredem simpliciter rogatum restituere hereditatem nulla addita exceptione: & qui istud facit in §. ult. d. l. 14. non restituere partus editos ante diem fideicommissi cedentem, quia etsi partus non sint in fructu sine redditu, ut & idem Paulus subindicat in d. l. 14. & propalam fateretur 3. Sent. tit. de leg. dum ait: Ancillæ usufructu legato partum eius ad fructuarium non pertinere. Sed quia ex sententia Pauli, partus ius fructuum sequuntur. & ideo ut fructus medio tempore percepti, ita partus medio tempore editi, ex sententia Pauli, non veniunt in restitutionem, non cadunt in fideicommissum, sed heredi imputantur in Falcidiam, quasi percepti ex iudicio defuncti, sicut fructus, ut & idem Paulus ait in l. 24. §. r. sup. ad leg. Falc. Denique obtinuit quidem sententia Bruti, partum non esse in fructu, atque ideo non pertinere quidem ad fructuarium, aut similem fructuario quemquam, veluti patrem aut maritum, l. plerumque §. si serui, de iure dot. Nec ab ea sententia Bruti discedunt Cerbidius Scævola & Iulius Paulus, quæ iam inualuerat, ut scilicet non sequerentur partus fructuarium: sed non etiam obtinuerat & inualuerat in fideicommissis aut similibus causis, partus non sequi ius fructuum. Itaque possumus dicere ex sententia Scævolæ & Pauli, partus non sunt in fructibus, sed ius fructuum sequuntur tantum, quia in re dissentiant ab Vlpiano & Papin. manifesto: nam Vlp. in d. l. mulier §. sed enim, h. t. & Papin. hoc loco ita sentit, partus non sequi ius fructuum, nec retineri ab herede ut fructus, sed restitui fideicommissario. Contra Paulus & Scævola, partus ius fructuum sequi, nec restitui fideicommissario, sed retineri ab herede, & imputari in Falcidiam, quorum sententia æquior est. Paulum notas scripisse in responsa Papin. notissimum est, & in eius scriptis aculeum fixisse, ubicumque patebat rima quædam. Delenda sunt Glossæ huius §. quod tamen in hoc ipso §. addit Papin. in fideicommissi restitutionem venire fœtus pecorum, qui submissi gregem retinent, id est, qui substituantur, ut sit ex agnatis, *ἐκ τῶν ἐπιγενομένων*, in locum de mortuorum vel inutilium aut vitiosorum capitum: in eo siquidem consentiunt omnes Iurisperiti, quia fœtus submissi, fructibus non computantur, sed rebus ipsis hereditariis, l. plerumque §. si serui, de iure dot. Inutilia tamen & vitiosa pecora, in quo-*

rum locum alia submissa sunt, in fructibus computantur, & retinentur ab herede, l. vel inutilium, sup. de usufr. Antonius Goueanus ad legem 24. sup. ad leg. Falcid. est valde suavis, qui & verba Papin. qui submissi gregem retinent, refert tam ad partus ancillarum, quam ad fœtus pecorum, ac si familia ancillarum sit veluti grex quidam, qui sit supplendus ab herede ex agnatis numerum, ut grex pecorum, quod nusquam exstat, cum & suppleri vix possit numerus ancillarum ex agnatis: nec enim ea est in ancillis, quæ in pecoribus fecunditas: & gregem tamen seruorum h. quoque dicunt, qui improprie & figurate loquuntur: Ut gregem venalium, gregem amicorum, gregem Philosophorum, non nostri auctores.

#### Ad §. ante diem.

*Ante diem fideicommissi cedente fructus & usura, quas debitores hereditarij, cum postea cessisset dies, soluerunt, item mercedes prædiorum ab herede perceptæ, portionis quadrantis imputabuntur.*

**H**uius §. sententia hæc est: heredem post tempus rogatum restituere hereditatem, imputare in Falcidiam fructus medio tempore perceptos, & usuras vel pensiones exactas à debitoribus hereditariis, vel à conductoribus prædiorum hereditariorum, quarum dies postea, id est, post mortem testatoris medio tempore cessit ante diem fideicommissi cedentem. Id vero iam satis exposuimus sup. in §. quæ post, & nunc hoc tantum obseruari velim, Papinianum §. ante diem, subnectere superiori §. ut differentiam constituat inter fructus medio tempore perceptos, & fructuum similes usuras atque pensiones, quæ in Falcidiam imputari ait, & partus ancillarum similiter editos medio tempore, ante diem fideicommissi cedentem, ante moram, quos in Falcidiam imputari noluit in superiori §. sed fideicommissario restitui, contra quam Paulus sentiat in d. l. 24. ad l. Falcid. Quæ observatio euidenter demonstrat, quam sit futile & commentitium, quod Accursius ait, in superiore §. agi de partibus editis post moram, quod nemo siccus dixerit, & sequitur.

*Cum autem post mortem suam rogatus hereditatem restituere, res hereditarias distrahere non cogatur, sortium quæ de pretiis earum redigi poterunt, usura propter usum medij temporis percepta non videbuntur: denique nec periculum mancipiorum aut urbanorum prædiorum præstare cogatur, sed nihilominus usus & casus eorum quadrantem quoque minuit.*

**C**uius loci sententia hæc est: non posse fideicommissarium, cui post mortem suam heres rogatus est hereditatem restituere, obicere & exprobrare heredi, quod medio tempore res hereditarias non distraxerit, atque ita quas percipere poterat usuras maximas ex pretio rerum hereditariarum non perceperit: huic querelæ locum non esse, si modo absit dolus vel lata culpa; quæ dolo proxima est, ipsius heredis, ut l. mulier §. sed enim, D. ad senat. Trebell. nec heredem, qui dolo caret huius rei rationem debere fideicommissario reddere, cur res hereditarias non vendiderit, & pretia fœnorum collocauerit: denique non teheri heredem fideicommissario perinde atque si usuras percepisset, quas percipere potuit ex pretiis rerum hereditariarum, propter usum medij temporis, si eas res vendidisset: non teneri, inquam, vel in hoc ut eas usuras imputet in Falcidiam, quasi perceptas, quamvis non sint perceptæ, tantam diligentiam ab herede non exigi, ut medio tempore vendat res hereditarias, & ex venditione redacta pretia



seniori occupet, & procurat fideicommissario, non est  
 æquum heredem constitui vel inuitum fieri veluti pro-  
 curatorem fideicommissarij, vt eleganter ait lex postu-  
 lante, in fi. sup. h. t. Et notat ex illo loco, propter vsum me-  
 dij temporis vsuras inferri, propter vsum sortis. & inde no-  
 men vsura est incrementum, quod accedit sorti propter  
 vsum sortis. Et addit Papin. etiam si medio tempore  
 mancipia hereditaria sua morte functa sint, vel si prædia  
 hereditaria exusta sint casu quodam fatali, huius rei he-  
 redem fideicommissario rationem non reddere, non  
 præstare periculum, non præstare casum fortuitum, aut  
 fatale detrimentum, vt in d. §. sed enim, l. 3. in pr. sup. de  
 inst. & inst. leg. Imo etsi prædia hereditaria medio tem-  
 pore vsu capta sint sine facto & culpa heredis, eo etiam  
 nomine heres fideicommissario non tenetur, d. §. sed  
 enim, in fi. verum, vt Papin. ait, in extremo huius respon-  
 si: nec periculum mancipiorum vel prædiorum urbanorum  
 præstare cogitur, quæ de hereditate exierunt morte vel  
 incendio, vel alia vi maiore vel vsucapione sine culpa  
 heredis: totum illud quidem periculum non pertinet ad  
 heredem, sed commune est heredis & fideicommissarij:  
 nam & ob eos casus fatales, eamve vsucapionem, Falcidia  
 heredi minor efficitur, & dodrans, qui fideicommissa-  
 rio restituendus est. Commune igitur est detrimen-  
 tum, quia tanto minus heres fert iure Falcidiæ, & fidei-  
 commissarius iure fideicommissi, propterea quod bona  
 hereditaria deperdita ac deminuta sunt medio tempore  
 sine culpa heredis. Et hoc est, quod ait in fine huius §.  
 vsum & casum eorum, id est, mancipiorum, & prædio-  
 rum urbano-um, quadrantem quoque id est, non do-  
 drantem tantum, sed etiam quadrantem, id est, Falcidia  
 deminuere. Vsum vocat vsucapionem, vt in l. deni-  
 que, & seq. & l. ait prætor, sup. ex quib. caus. mai. Casum  
 autem vocat damnum fatale, casum fortuitum, quod  
 SC. de petit. hereditatis, SC. Adrianum, deperditum &  
 deminutum: nam deperditum est, quod desinit esse inter-  
 dum natura; deminutum quod vsucaptum est, l. deperdi-  
 tum, sup. de petit. heredit. itemque in edicto, ex quibus  
 causis maiores, cuius initium ita emendandum in Pan-  
 dectis Florentinis, aut suppleendum: Si cuius quid de bonis  
 deminutum erit, vt l. 2. C. de rest. in integr. Et in Basilicis  
 eodem loco, τὰ μειωθέντα τὰ περιουσια τῆς ἀρχῆς. Et demin-  
 utum accipe de eo, quod est per vsucapionem, vel  
 non vtendo amissam: & ita hic locus explicandus est, in  
 quo etiam Glossam deleri volo, eaque reiecta penitus  
 recipi vnus Alberici interpretationem, qui & postrema  
 verba huius §. sic tandem interpretatur, id est, inquit,  
 commune est periculum heredis & fideicommissarij. nec ta-  
 men ipse Albericus vllusve interpretum intellexit, quid  
 esset vsus, quidve casus.

#### Ad §. quod ex hereditate.

Sequitur vt exponamus §. penult. & nos istam legem  
 absoluiamus tandem. verba §. pen. hæc sunt: Quod ex  
 hereditate superfuisset cum moreretur restituere rogatus,  
 fructus superfluos restituere non videtur rogatus, cum  
 ea verba deminutionem quidem hereditatis admittant,  
 fructuum autem additamentum non recipiant. Quæ verba  
 hanc præ se ferunt sententiam: si testator heredem ro-  
 get, post mortem suam restituere non hereditatem sim-  
 pliciter, vel quod ad eum ex hereditate bonisve perue-  
 nerit, sed quod ex hereditate superfuerit tempore mor-  
 tis heredis; his verbis heredi permitti deminutionem &  
 alienationem rerum hereditariarum, quæ modo fiat bo-  
 na fide, iusta causa impellente heredem ad distractio-  
 nem aut pignorationem tam propriarum quam heredi-  
 tatarum rerum pro rata portione, non dolo malo, non  
 malitia mala fraudandi & interuertendi tantum fidei-  
 commissi causa, vt in l. Titius, & l. mulier §. cum propa-

retur, hoc t. Quod subtilius & diligentius Iustin. expli-  
 cat adhibita noua distinctione in Nouella 108. de restit.  
 Cuius sententia ab Irnerio relata est in tit. ad Senatuse.  
 Treb. incipiens ab his verbis: contra rogatus. Denique  
 superscriptis verbis testatoris hoc agi, vt medio tempo-  
 re ex hereditate deminuat heres, quæ volet, & id tantum  
 fideicommissario restituat, quod supererit die fidei-  
 commissi cedente. At quum quæreretur, an etiam in re-  
 stitutionem venirent superflui fructus, id est, quod ex  
 fructibus rerum hereditariarum superesset die fidei-  
 commissi cedente, Papin. respondisse: quod ex fructibus  
 superest die fideicommissi cedente, non venire in resti-  
 tutionem, hac ratione, quia hæc verba: Peto vt quod ex  
 hereditate supererit, quum morieris illi restituas, ad-  
 ditamentum, inquit, siue augmentum fructuum non re-  
 ciipiunt, sed deminutionem tantum hereditatis heredi  
 permittunt: hæc vero ratio responso discrepat aut ma-  
 xime disconuenit: nam si ea verba fructuum superfluo-  
 rum additamentum non recipiunt, id est, si heredi non  
 adiciunt, quod ex fructibus superest mortis tempore,  
 consequens est, id esse fideicommissario restituendum,  
 cum non retineatur ab herede. Et ita omnino idem Pa-  
 pin. scripsit in quæst. l. 3. §. nonnunquam, sup. de vsur. vid.  
 fructuum perinde atque bonorum superfluum in resti-  
 tutionem venire. Et verisimile non est, aliud sensisse Pa-  
 pin. in quæstionibus, aliud in responsis: constantes sunt  
 habitus intellectus in erudito homine, perinde atque  
 habitus voluntatis. Itaque vel suadente ratione, qua vti-  
 tur Papin. quia, inquit, ea verba: fructuum additamen-  
 tum non recipiunt, hoc loco, quod iam pridem ostendi,  
 omni adseueratione esse legendum adfirmo, fructus su-  
 perfluos restituere videtur rogatus: vt scilicet, qui rogatus  
 est post mortem suam restituere, quod ex hereditate su-  
 perfuerit, non tantum restituat, quod ex bonis superest,  
 quæ tenuit interim, sed etiam quod ex fructibus supe-  
 rest in horreo reconditum, quod percepit, detracta ne-  
 gatione, quæ perperam irrepsit in contextum, & mirum  
 in modum vexauit nostros. Duo præcipue sunt casus, qui-  
 bus fructus medio tempore percepti, qui regulariter nõ  
 sunt in causa restitutionis, vel omnes, vel qui extant die  
 fideicommissi cedente, restituendi sunt. Vnus casus hic  
 est: si testator specialiter expresserit, l. in fideicommissariis,  
 sup. h. t. Alter casus hic est: si testator id ita senserit, licet  
 non expresserit, voluntas testatoris totum facit, vt ait  
 eleganter l. ex facto proponebatur, sup. de her. inst. Et non  
 tantum expressa voluntas, sed etiam tacita & præsum-  
 pta, non tantum sermo, sed etiam mens animi: Et omni-  
 no in testamentis idem est, expressisse, & intellexisse l.  
 88 de legat. 1. l. 6. de adsign. lib. Sed quantum ad rem pro-  
 positam attinet, de sententia testatoris, quod dico, appo-  
 sitis exemplis planum facere debeo. Ac primum si testa-  
 tor legatario deducta re vel quantitate certa, residuum  
 quod ad eum ex hereditate peruenisset, iusserit fidei-  
 commissario restituere, hoc casu legatarius, id quidem  
 quod deducere iussus est, retinebit cum fructibus, non  
 etiam residuos fructus, quos forte percepit medio tem-  
 pore, sed & residuum restituet cum fructibus: nam hæc  
 videtur fuisse sententia defuncti, qui cauit, vt deduceret  
 tantum rem aut quantitatem certam & residuum resti-  
 tueret, l. 2. §. ult. de dote præleg. legatarius non vtitur Fal-  
 cidia: Eadem est sententia testatoris, si præstationem siue  
 restitutionem fideicommissi distulerit in tempus, non  
 heredis, vt interim fructus suos faceret, sed fideicom-  
 missarij gratia, vt ei consuleret, ætate paruo forte: puta  
 si pupillo fideicommissum relictum in tempus puberta-  
 tis, quo suæ tutelæ erit suæque potestatis, l. si ita relictum  
 §. Pegasus, de leg. 2. Et eadem multo magis est mens de-  
 functi in specie l. 3. §. cum Pollidius, de vsur. si mater bo-  
 na mente filia impubere præterita, & alio herede in-  
 stituto, & rogato filia hereditatem restituere, cum ad  
 annos pubertatis peruenisset, iusserit cum heredem



retinere certū prædiū, palāque declarauit, se ideo fidei-  
 commissi restitutionem differre in tempus pubertatis,  
 quod heredi magis fidem habeat, cui bona fide resti-  
 tuenda committit, quam tutoribus filiæ datis testamen-  
 to patris, vel lege, vel decreto iudicis. Hoc sane casu  
 omnes fructus, qui ab herede sunt percepti medio tem-  
 pore in fideicommissum cadunt ex voluntate defuncti.  
 Voluit enim mater meliore loco esse rem filiæ, quam si  
 tutoribus ea res committeretur: porro tutoris fructus  
 filiæ seruassent: ergo & heres, cui res filiæ committun-  
 tur, earum rerum fructus filiæ seruare & restituere debet  
 die fideicommissi cedente, in Falcidiam & Falcidiæ  
 fructus imputato prædio, & fructibus prædij, & dedu-  
 cto si quid desit Falcidiæ. Idemque est in specie, de qua  
 agitur hoc loco, & in d. l. 3. §. nonnunquam. si testator post  
 mortem heredis iusserit restitui, quod ex hereditate su-  
 peresset: nam etsi aliud sit proprie hereditas, aliud fru-  
 ctus rerum hereditariarum, l. in fideicommissariam §. 1. b.  
 tit. tamen nomine hereditatis hoc sermone testator, qui  
 interim dedit heredi arbitrium deminuendæ heredita-  
 tis, videtur etiam superfluos fructus comprehendisse, ut  
 scil. ubi viuus heres, quod libuisset, ex hereditate demin-  
 uisset: tum moriens omne, quidquid non tantum ex  
 bonis, sed etiam ex fructibus resideret & superesset, fi-  
 deicommissario restitueret, Et hoc est, quod ait in d. §.  
 nonnunquam, iure voluntatis fructus superfluos restitui,  
 quasi scil. testator voluerit heredem esse contentum de-  
 minutione medijs temporis, quam ei in Falcidiam impu-  
 tari constat, l. Marcellus §. res, sup. b. tit. Vnde sic statuo:  
 cui non licet deminuere hereditatem, licet retinere fru-  
 ctus superfluos, quos ipse percepit, ut in d. l. quod his  
 verbis, de leg. 3. & l. heredes, in princ. sup. hoc tit. nisi ut ante  
 dixi, aliud senserit testator. Cui autem licet deminuere,  
 non licet retinere fructus superfluos: nimia licentia  
 coercenda est. Deminutio non permittitur ei, qui post  
 mortem suam vel post tempus iubetur restituere heredi-  
 tatem, vel quod ex hereditate ad eum peruenerit: con-  
 tra deminutio permittitur ei, qui iubetur post tempus  
 restituere, quod ex hereditate superfuerit. Itaque mul-  
 tum interest, hoc vel illo modo concepta sint verba fi-  
 deicommissi, nihil tamen interest, dixeris, quod, an quid-  
 quid, quæ cum distinguunt Glossæ & Dd. scuticæ minus  
 securi esse videntur: nihil, inquam, interest dixeris: quod  
 ex hereditate, an quod ex bonis. Vtraque appellatio idem  
 potest, & coniungi sæpe solet *ἐν πνεύματι*, ex heredi-  
 tate, bonisve, d. l. quod his verbis, d. l. heredes, hereditatis  
 bonorumve possessio, l. 3. de bonor. poss. l. 3. de iure codicill.  
 l. si Titio pecunia, de legat. 1. Et in notis siue singulis, quæ  
 collegit Innocentius & Paulus Diaconus quatuor literis  
 primoribus cuiusque vocis, H. B. V. P. Nihil etiā attinet  
 hæc distingui benignum ius à iure summo: refello quæ-  
 cunque scripsit Glossa in d. §. nonnunquam, ne videatur  
 hic §. pen. vti scriptus est dissidere à §. nonnunquam: Nihil  
 igitur attinet hic distinguere ius summum ab æquitate,  
 cum totum ius pendeat ex voluntate defuncti, quæ di-  
 stincte obseruanda & exsequenda est. Nihil etiam atti-  
 net distingui voluntatem à voluntate, quasi alia fuerit  
 voluntas testatoris in specie huius §. pen. alia in §. non-  
 nunquam, quod nusquam apparet, & manifestò falsum  
 est, vbi eadem voluntas fuit, idem animus testatoris,  
 & ne tantillum quidem distat vna species ab altera: ni-  
 hil etiam attinet distinguere fructus consumptos ab ex-  
 stantibus, cum euident sit; utrobique agi de fructibus  
 superfluis siue residuis, qui exstant, an fideicommissio  
 contineantur. Et verum est, fideicommissio contineri, &  
 veritati subiicienda sunt verba §. pen. detracta negatio-  
 ne, ut dixi: Quod autem additur in §. ult. huius legis, ad  
 idem genus fideicommissi pertinet;

Ad §. ultimum huius legis.

*Heres eius, qui bonorum superfluum, post mortem suam restituere fuerat rogatus, pignori res hereditarias datas, si non in fraudem id factum sit, liberare non cogitur.*

Cum heres post tempus aliquod siue post mortem  
 suam rogatur restituere quod ex hereditate super-  
 fuerit, ei heredi medio tempore, ait, licere res heredi-  
 tarias pignori obligare, quia deminutio & alienatio ei  
 permixta intelligitur, quorum utroque etiam pignera-  
 tio continetur, l. ult. C. de reb. alien. non alien. Et si medio  
 tempore vendere potest, & pignere multo magis, si  
 alienatio siue venditio ei permittitur, & pignratio igitur,  
 l. 9. §. 1. sup. de pignor. l. ult. C. eod. tit. l. 1. C. rem alien. ge-  
 rent. non interd. Et sicut, quæ medio tempore vendidit  
 heres bona fide redimere non cogitur, ut fideicommissa-  
 rio præstata nec quæ medio tempore pignerauit, re-  
 luere & repignerare compellitur: reluat fideicommissa-  
 rius si velit. hoc tantum exigitur ab herede, ut bona fide  
 vendat vel pigneret, non in fraudem fideicommissarij,  
 ut ait in §. ult. non in euersionem fideicommissi, l. mulier  
 §. cum proponeretur, hoc tit. non interuertiendi fideicom-  
 missi causa, l. Titius hoc tit. non minuendi fideicommissi  
 causa malitia mala, l. etsi lege §. quod autem quis, sup. de pe-  
 tit. heredit. Illud valde notandum est, diuersam esse cau-  
 sam heredis, qui simpliciter hereditatem, aut quod ex  
 hereditate ad eum peruenerit post tempus restituere ro-  
 gatus est: nam etsi medio tempore res hereditarias pi-  
 gnori opponere possit, quia fructus rei est, vel pignori  
 dare licere, l. ult. de usur. tamen die fideicommissi ceden-  
 te eas res, de suo liberare & repignerare, & fideicom-  
 missario saluas & incolumes præstare cogitur.

Ad l. xxvi. quando dies leg. cedat.

Sequitur ut exponamus l. 26. quando dies leg. Sunt in  
 ea tria responsa, ex quibus hodie duo priora explica-  
 bimus. Primi verba hæc sunt: *Firmio Heliodoro fratri  
 meo dari volo quinquaginta ex redditu prædiorum meorum  
 futuri anni, postea non videri conditionem additam, sed  
 tempus soluenda pecunia prolatum videri respondi, fructi-  
 bus fini pecunia relicta non perceptis, ubertatem esse necessa-  
 riam anni secundi.*

Primum in contextu, quod ait, *postea non videri*, de-  
 prauatum est, scribere enim oportet, *propter ea non vide-  
 ri*, id est, propter ea verba testatoris, quæ proposuit, ut in  
 §. seq. ait propter hæc verba: propter ea autem verba, *Fir-  
 mio Heliodoro*, &c. ait fideicommissum non esse condi-  
 tionale, ea verba non facere fideicommissum conditio-  
 nale. Et rursus quod ait, *fini relicta pecunia*; sic moris est  
 Papinian. soli loqui, ut memini me ostendere in l. 6. de dot.  
 col. lib. 7. ut Cato de re rustica, *operito terra radicibus fini*,  
 & alio loco, *Ansarum infirmarum fini*. Ut autem intelli-  
 gatur hoc responsum, sciendum est, ad heredem legatarij  
 vel fideicommissarij, non aliter legatum aut fideicom-  
 missum transmitti, nisi si post diem legati vel fideicom-  
 missi cedentem legatarius vel fideicommissarius vita de-  
 cesserit; legatorum autem vel fideicommissorum, quæ  
 pure vel in diem certam relicta sunt, hodie cedere, sub-  
 blata l. Julia, & Papia. & à Iustin. restituto iure antiquo;  
 statim morte testatoris; exceptis quibusdam quorum  
 dies cedit ab adita hereditate demum, ut si legetur  
 usus, ususfructus, habitatio, vel si seruo legato aut seruo  
 testamento manumisso: Eorum autem, quæ sub condi-  
 tione relicta sunt, diem cedere, vel etiam, quæ relicta  
 sunt in diem incertam, qui pro conditione habeatur,  
 diem cedere, quum conditio extiterit, effectus cessionis,  
 diei est transmissio. Itaque si legato relicto pure vel in



diem certum viuo testatore legatarius vita decesserit, legatum ad heredem suum non transmittit. Idemque est de legato sub conditione, si legatarius vita decesserit, antequam conditio existeret viuo vel mortuo testatore: quæ est summa huius tituli. Quamobrem in eo sæpe de legatis plerisque disceptatur, vtrum pura sint an conditionalia, vt in hoc primo responso, de legato siue fideicommissum ita relicto: *Illi dari volo quinquaginta ex redditu pradiorum meorum futuri anni.* Quod fideicommissum Papinianus ait, non esse conditionale, sed diem tantum eius soluendæ pecuniæ esse prolatum in futurum annum post menses aut vindemias: mora suspendi fideicommissum, non conditione: magnam esse differentiam inter moram, quam adfert prolatio diei, quo soluat fideicommissum, & conditionem, l. quod pure, h. t. l. pen. C. eod. tit. l. heres, sup. de cond. & demonstr. l. 1. de legat. 2. Itaque mortuo legatario siue fideicommissario statim post mortem testatoris, legatum ad heredem legatarii transmitti, quod non sub conditione relictum est, sed in diem certum. Et hic est effectus huius responsi. Quod autem addit Papinian. est valde notandum, si forte futuro anno, in quem contulit præstationem fideicommissi fructus non prouenerunt fini relictæ pecuniæ, id est, si eo anno fructus percepti non efficiant 50. quæ relictæ sunt, quod deest fideicommissum esse supplendum ex fructibus sequentium annorum, sicut propter sterilitatem aut calamitatem aliquam, si quo anno colonus minus redegerit ex fructibus, quod inferat locatori mercedis nomine, si fructus non prouenerunt fini mercedis, id ei colonus repletur & reputatur ex vbertate sequentium annorum, l. ex conducto §. Papinian. sup. loc. Verum huic Papiniani responso opponi potest l. 5. sup. de tritico, oleo, & vino leg. & l. si debitor, §. 1. de contr. empt. quæ sunt coniungendæ, quoniam ambæ sunt eadem de re siue quæstione, & ex eodem libro Iuliani, & in eis dicitur, *Legato aut vendito certo pondere, certæ mensura, ex eo, quod ex fundo natum erit, hōno scil. hoc anno, non anno est superiore anno: hōno, hoc anno veluti legatis aut venditis vini amphoris decem, vel olei metretis decem aut frugum, siue frumenti modis decem, ex eo, quod ex fundo hōno natum erit, si quinque duntaxat hōno prouenerint, ait, non amplius deberi quam quinque.* Et tamen hoc loco dicitur, *legatis 50. ex redditu vel fructu pradiorum futuri anni, & collectis tantum decem,* verbi gratia, non sola 10. deberi legatario, sed & residuum ex vbertate sequentium annorum esse supplendum. Ratio differentiæ rem omnem explicabit, quæ talis est. Hic legata est pecunia certa, puta 50. Cuius pecuniæ quantitas non minuitur, si minores fructus ex fundo prouenerint. Illic legati sunt fructus ad modum certum, qui nascerentur. Postrema verba taxationem faciunt, vt, *si non tot nascerentur, nec tot deberentur.* quoniam utique minores sunt fructus anno sterili vel infæcundo. huius legati de quo agitur in hoc responso, taxatio est pecuniæ certæ quantitas, quæ nunquam disperit deminuiturque. Illius legati taxatio est, quod ex fundo hoc anno nascitur vel natum erit. Et rursus hoc legatum purum est, vt recte Papinianus respondit: illi conditio inest; puta, si fundus decem reddiderit, vel amplius decem, quasi scilicet velit, vt si minus reddiderit, id tantum præstetur legatario, quod reddiderit. Verum obseruandum est maxime, multum interesse, legentur decem amphoræ vini, soluendæ duntaxat semel ex vino, quod hoc anno nascetur, ex vino hōno: an ex fundo simpliciter, quod ex fundo nascetur, aut ex vino quod ex fundo nascetur, quod fere idem est, siue dixerit amphoras decem legauit ex eo, quod nascetur in fundo, siue amphoras decem, ex vino, quod in fundo nascetur semel soluendas vel quotannis nil refert: nam hoc casu si vindemia non respondet legato, cum dixit ex vino quod hoc anno ex fundo nascetur, ex anno superiore vel inferiore legatum non sup-

pletur ex anno, id est, superiore anno, vel etiam ex inferiore anno legatum non suppletur, vt in d. l. 5. de trit. vino, & oleo leg. Posterioribus casibus quum dixit, *ex vino, quod ex fundo nascetur,* legatum suppleri debet, etiam si primo anno post mortem testatoris fundus minus tulerit, quam legatum videatur. Et ratio hæc est, quia non certian ni fructus, veluti huius anni demonstrati sunt, & onerati legato, sed omnium annorum simul his verbis generalibus, *ex fundo.* Denique generaliter demonstrati sunt fructus fundi omnium annorum, l. inter §. pro quo, sup. de verb. oblig. l. ex eo, sup. de tritico & oleo leg. l. 16. §. 1. de ann. leg. l. Lucius, sup. de aliment. legat.

B

Ad §. cum ab heredibus.

*Cum ab heredibus alumno centum dari voluisset testator, eam pecuniam ad alium transferri, vt in annum vicesimum quintum trientes vsuras eius summa perciperet alumnus, ac post eam ætatem sortem ipsam: intra 25. annum eo defuncto, transmissum ad heredem pueri fideicommissum, ab eo peti non posset, penes quem voluit pecuniam collocari, propter hæc verba, Eamque alumno meo post ætatem superscriptam curabis reddere, fideicommissum ab heredibus petendum, qui pecuniam dari stipulari debuerunt. Sed fideiussores ab eo non petendos, cuius fidem sequi defunctus maluit.*

**T**estator puero alumno suo centum per fideicommissum reliquit, quam pecuniam siue sortem iussit collocari fœnori apud L. Titium trientibus vsuris, quæ quotannis reddunt quatuor, c'est au denier trente-trois, & un quart. quoad scilicet puer ille ad iustam ætatem peruenisset, id est, 25. annorum; post quam ætatem ad ipsum L. Titium, quod notandum collato sermone, iussit eam pecuniam reddi alumno, his verbis: *eamque alumno meo post ætatem superscriptam curabis reddere.* Alumnus intra 25. annum vita decessit; Quæritur, an ad heredem alumni transierit fideicommissum, id est, fors alumno per fideicommissum relicta? Et respondet transiisse. quia purum non conditionale fideicommissum fuit. Simile ei, quod propositum est initio, quodque proponetur in §. seq. Cuius scilicet, solutio tantum prorogatur in diem certum, quo scilicet fideicommissarius peruenit ad annum 25. Et alia est ratio legati vel fideicommissi, de quo agitur in l. si Titio h. t. & l. si cui legetur, §. hoc autem, sup. de leg. 1. quæ leges huic responso solent opponi, quoniam in illis legibus, testator ita legauit, *Caio Seio cum erit annorum 14. vel 25. nihil refert, illam rem siue quantitatem do, lego, aut dari volo,* quod legatum conditionale est. Ideoque si ante eam ætatem vita decesserit, non transmittit legatum ad heredem. In specie proposita testator non ita legauit, vt in illis legibus, sed ab initio pure legauit; deinde protulit diem soluendi legati, nempe hoc modo: *Caio Seio centum do, lego, quæ præstari ei volo, quum ad iustam ætatem peruenierit, & interim Lucio Titio occupari fœnori trientario.* Itaque nihil illæ habent commune cum hoc responso. Illud non est omittendum, quod addit Papinianus, heredem alumni fideicommissum ab eo non petere, apud quem pecunia fœnori occupata est, id est, a L. Titio, quoniam hæc verba, quæ ad L. Titium directa sunt, *eamque pecuniam alumno meo post ætatem superscriptam curabis reddere;* vim fideicommissi non habent, l. Iulianus 66. §. 1. de leg. 3. verbum, *curare,* fideicommissum non facit, fideicommissum necessitatem iniungit: verbum illud cohortatur tantum ad diligentiam aliquam: vt quum ad amicum scribimus, vt curet nobis pecuniam, quomodo frequenter loquitur M. Tullius. & ita etiam hæc verba stipulationis, *decem dari curari.* sane non obligant promissorem ad dandum 10. absque, l. ult. §. ult. sup. de rebus cred. l. illa, §. 1. inf. de verb. oblig. Itaque heres alumni fideicommissum



sum debet petere ab heredibus, qui in collocanda pecunia Lucio Titio stipulari debuerunt, cum alumnus ad iustam ætatem peruenisset, vel quum intra eam ætatem vita decessisset, eam pecuniam reddi, debuerunt heredes à L. Titio, cui fœnerauit eam pecuniam ex voluntate defuncti, stipulari pecuniam reddi alumno in diem testamenti præscriptum, vel sibi potius, quam redderent alumno, vel heredi alumni; & stipulari debuerunt sine satisfactione, id est, non exactis fideiussoribus, qui locus maxime notandus est: quia nunquam oneratur satisfactione is, cuius fidem testator elegit, & approbauit, ac sequutus est, ut in tutore testamentario dato à patre receptum est, qui non satisfacit rem pupilli saluam fore, quia electio patris pro satisfactione est, quia uero pater quodammodo pro eo satisfecisse intelligitur, cuius fidem secutus est, l. 4. & 17. C. de testam. tur. Lucij autem Titij fidem in specie proposita ipse testator elegit: ergo onerandus non est L. Titius satisfactione, sed sufficit cautio nuda, si stipulantibus heredibus repromittat pecuniam reddi, cum venerit dies fideicommissi alumno relicti. Perperam autem interpretes hoc loco tractant de executore testamenti, de quo memini me dicere satis in l. 8. sup. de alim. leg. quasi scilicet, Lucius Titius, cui pecunia datur utenda mutua sub usuris trientibus, sit executor testamenti, quo nihil est absurdus. Itaque nos ea de re nihil tractabimus.

#### Ad §. vltimum.

*Pater annua tot ex fructu bonorum, quæ uxori legauit, accessura filij patrimonio, præter exhibitionem, quam æque matri mandauit, ad annum ætatis eius 25. uxorem præstare voluit, non plura, sed vnum esse fideicommissum certis pensionibus diuisum apparuit. & ideo filio intra ætatem præscriptam diem functo, residui temporis ad heredem fideicommissum eius transmitti, sed non initio cuiuscunque anni peti pecuniam oportere, quod ex fructibus uxori datis pater filio præbere voluit. ceterum si pecuniam annuam pater alimentis filij destinasset, (non) dubie persona deficiente, causa præstandi videtur extincta.*

**H**oc vltimum responsum pertinet ad speciem huiusmodi. Pater filium heredem instituit, & bona quædam uxori legauit sub onere fideicommissi, ut scilicet vxor filio præstaret annua decem ex fructibus eorum bonorum, quod notandum; ac præterea, ut filium aleret, exhiberet, educaret vsque dum ad 25. annum ætatis peruenisset. Hac specie proposita Papin. ait, vnum esse fideicommissum omnium annorum ad 25. vsque ætatis filij, non plura fideicommissa: quod quidem ait, *πενς ἀπὸ τῶν ἀγαθῶν*, ad differentiam annuorum legatorum, vel fideicommissorum, quæ relinquuntur nomine alimentorum. Ea enim non vnum, sed plura legata, vel plura fideicommissa esse intelliguntur, l. 10. & 12. & 20. h. t. l. 4. de ann. leg. & l. 11. eod. l. pater §. vlt. sup. de condit. & demonstr. l. 45. quæ est consti. Græca, C. de episc. & cler. In hac autem specie, annua decem filio patrem non reliquisse alimentorum nomine, ex eo apparet, quod præter annua decem, etiam ei alimenta ab uxore præberi voluit, atque mandauit vsque ad annum ætatis eius 25. quod etsi non mandasset, ut rectissime sensit Accurs. in l. codicillis, sup. de annuis leg. etiam non esset vero simile, testatorem à legatario annua reliquisse nomine alimentorum heredi suo omnium bonorum domino, sed potius in plures pensiones vnum fideicommissum diuisisse legatarij exonerandi causa, quoniam grauior est vnus summæ magnæ persolutio. Igitur multum interest annua legentur nomine alimentorum in gratiam legatarij; an non alimentorum nomine, sed ut prospiciatur heredi, ne urgeatur ad solutionem statim totius summæ fidei-

Respons. Papin.

**A** commissio comprehensa, sed eam restituat per partes siue pensiones. Et sunt hic etiam adnotandæ aliæ differentiae. Annua quæ alimentorum nomine relinquuntur, misericordiæ causa relinquuntur, ut ait l. qui bonis, D. de cess. bon. videlicet, ut consulatur legatario fortasse consumpturo statim, & abligurituto, si qua magna summa ei præstaretur, non minutatim per partes in dies vel menses, vel annos ei dispensarentur plura legata & sufficientia præbita, ut Columella vocat, siue de mensa præbita. prouidentia testatoris hoc facit, cui legatarij mores incogniti non sunt, quique alioquin integram summam representari iussisset. Annua vero, quæ alimentorum causa non relinquuntur, sane ita relinquuntur gratia heredis, vel legatarij, à quo relinquuntur, ne semel urgeatur ad solutionem vnus summæ, quæ curatu difficilis sit, sed diuersis pensionibus eam exsoluat, d. l. 12. hoc. tit. in illo loco, *nisi forte euident sit voluntas testatoris, ut annuas pensiones ideo diuidens, quoniam non legatario consultum, sed heredi prospectum voluit, ne urgeretur ad solutionem*. puta, quum relinquuntur vsque ad diem certum, ut in specie proposita. Alimenta autem plerumque relinquuntur in perpetuum, id est, dum viuet alimentarius, sed relinqui etiam possunt ad tempus l. cum autem, §. sed et si non fuerint, sup. de transact. & in multis aliis l. titulorum de ann. leg. & de alim. leg. Præterea alimenta, quæ relicta sunt, cum vita legatarij aut fideicommissarij finiuntur, nec in heredem eius transmittuntur, quia personæ coherent, ac proinde deficiente personâ, extinguuntur, ut Papinianus ait in extremo huius legis, idque patet ex d. l. cum hi §. modus, de transact. l. in singulos, de ann. leg. Mors alimentarij liberatio est eius, à quo alimenta relicta sunt. Et hac ratione quodammodo moriens alimentarius tot heredi legat annua, quot ab herede ei legata erant. Martial. locus 9. Epigram. ad Bithyn. inquit;

*Nil tibi legauit Fabius, Bithynice, cui tu  
Annua si memini millia sena dabas.  
Plus nulli dedit ille queri, Bithynice, noli  
Annua legauit millia sena tibi.*

**B**ithynicus dum captaret hereditatem Fabij, ei solebat annua millia sena dare, quo postea moriente nihil ex testamento eius consecutus est, spe sua frustratus, sed ramen ille eum deridens ait; eum consequutum esse morte Fabij annua millia sena, quæ heredi eius haudquaquam præstare compelleretur, neque deberetur, etiam si Fabio deberentur ex alieno testamento. Legatum autem vel fideicommissum, quod proponitur hoc loco ab uxore filio relictum, post patrem moriente filio; in heredem filij transmittitur, quoad præstitutum tempus exierit, quo filius si viueret compleisset iustam ætatem, l. 20. h. tit. quia non alimentorum causa, annua 10. filio relicta sunt: & ideo fideicommissum morte filij non extinguitur. Denique hoc fideicommissum est purum, nec titur alia differentia ex alia, hoc, inquam, fideicommissum, de quo agitur in hoc vltimo responso, est purum, cuius dies cedit ex die mortis testatoris, solutio tantum confertur in tempus, ut in superioribus duobus responsis, diuisa in plures pensiones annuas exonerandi legatarij gratia. Glossa obiter dixit, *heredis pro legatarij*, quoniam non ab herede, sed à legatario annua filio relicta proponuntur. Annorum autem in alimenta relictorum primi anni purum est legatum siue fideicommissum, cuius dies cedit statim à morte testatoris, sequentium annorum legatis hæc conditio inest, *si legatarius uiuat*. Denique sequentium annorum legata conditionalia sunt: nam mortuo legatario sequentium annorum annua heredi eius non debentur, l. 4. sup. de ann. leg. l. 1. §. si in annos, sup. ad l. Falcid. Postremo fideicommissum, quo de agitur hoc loco, quo filio relicta sunt annua decem, non potest peti initio cuiusque anni, sed expectanda est collectio

E 6



fructuum, expectanda sunt messes aut vindemia, quoniam id fideicommissum diuisis pensionibus pater præstari iussit ex fructibus bonorum vxori relictorum: ergo non ante peti potest, quam coacti sint fructus atque percepti, quod & Papinianus notat diligenter hoc loco. At annua legata vel fideicommissa destinata alimentis, peti possunt initio cuiusque anni, l. 12. hoc tit. l. 1. C. eod. tit. Sed & ea annua, quæ non sunt destinata alimentis, vt ex contrario hic locus argumentum præstat, peti possunt initio cuiusque anni, si non sit additum, vt ex fructibus præstarentur. De legatis tantum tracto, non de stipulationibus, quibus annua stipulamur dari, vel annuam pecuniam, quoniam notissimum est hac in re, alio iure esse stipulationes, alio legata. Et rationem differentiarum fufius exposuimus in l. 16. de verb. oblig. Illud non omittendum, quod Accursius hoc loco negat, vxori relicto victu & vestitu, victum ei non deberi initio cuiusque anni, quod falsum esse coarguit d. l. 12. h. t. & l. 1. C. eod. quæ dicunt, alimenta quæ vtique verbo victus significantur, peti posse initio cuiusque anni vel mensis, prout distribuenda ei alimenta censuerit iudex, cum id maritus non expresserit, l. si cui, de ann. leg. l. pen. de alimen. leg. Et ita Albericus sentit recte. venter, vt vulgo dicitur, dilationem non patitur. Quamobrem nec tempora iudicati faciendi seruantur in alimentis constituendis, l. 2. inf. de re iudic. Vestiarium autem petet vxor, quum erit ei ex vsu & commodo suo: vt relictum in habitationem non petitur statim præsentis die, sed quo die est commodum solui, quo scilicet die debetur pensio habitationis, l. 12. §. si in habitationem, hoc tit.

#### Ad l. 42. de oper. libert.

*Cerdonem seruum meum manumitti volo, ita vt operas heredi promittat. non cogitur manumissus promittere, sed & si promiserit, in eum actio non dabitur, nam in iuri publico derogare non potuit, qui fideicommissariam libertatem dedit.*

**C**ERDO, vt opinor, non est artificij nomen, vt Glossa sentit, non est sutor veterarius, παλαιός, vt Græci vocant, veteramentarius, veterinallus, sed est proprium nomen serui, vt apud Apul. 2. Miles. Cerdus quidam nomine, negotiator accessit. Huic autem Cerdoni seruo dominus ab herede extraneo reliquit fideicommissariam libertatem, Ita, hæc sunt verba testatoris, vt operas heredi promitteret, quæ verba, ita vt, quod fuit mihi sæpe vsui in multis casibus, modum faciunt, non conditionem, vt & ex hoc loco patet, & ex l. libertas §. hæc scriptura, de man. testam. l. Titio centum §. 1. sup. de condit. & demonstr. Igitur seruo confestim præstanda est libertas ex causa fideicommissi, quod purum esse intelligitur, non conditionale, quod sub modo esse intelligitur, non sub conditione. Modus impletur post præstationem legati: sed quæritur, an post præstitam libertatem manumissus cogatur operas heredi promittere, quemadmodum testator cauit? Et respondet, non cogi, quinimo promittentem heredi stipulanti non obligari, id est, vt Glossa ait rectissime, promittere coactum, quia si post manumissionem ultro donandi animo promiserit operas, proculdubio obligatur, l. Campanus, D. h. t. Et recte etiam posui, ab extraneo herede seruo fuisse relictam fideicommissariam libertatem. Nam si sit relicta à filio, filius manumisso ex causa fideicommissi, potest donum, munus, operas, quas nos appellamus, iurces, quod & ex iureiurando debeantur, non minus quam ex stipulatione, imponere: filius, inquam, manumisso ex causa fideicommissi potest donum, munus, operas imponere, hac ratione, quia & directo manumisso & liberto orcino operas posset imponere quasi patroni filius, l. si filius, in pr. inf. de fideicom. liber. Ratio autem huius responsi hæc est, quia non potuit testa-

tor iuri publico derogare, iubendo, vt manumissus ab herede ex causa fideicommissi heredi promitteret operas, vel iuraret, l. nemo potest, de leg. 1. Non potest facere testator, ne ius publicum locum habeat, l. restandi, C. de testam. l. 5. §. Iulianus, de admin. tut. Quintil. declamat. 373. Potentius, inquit, est quod in albo legis, quam quod in testamento. Ius autem publicum hoc loco vocat constitutiones Principum, quibus cauetur cessare persecutionem, siue petitionem operarum aduersus eos, qui ex fideicommissi causa manumissi sunt, etiamsi eas coacti promiserint, l. 7. §. rescriptum, h. t. l. 2. l. mater, C. eod. tit. l. qui ex causa, tit. seq. l. videndum, de leg. 1. nec mutat, quod is, qui manumisit ex causa fideicommissi patronus est. Cur ergo, inquires, iure licito non imponet operas manumisso, vel munus, vel donum? Nempe, quia non gratuitam, sed debitam libertatem præstitit, quia libertatem præstitit, quam non potuit non præstare, vt sit ea accepto ferenda potius defuncto, quam manumissori.

#### Ad legem 50. de manumissis testamen.

*Quod D. Marco pro libertatibus conseruandis placuit, locum habet irrito testamento facto, si bona venitura sint, alioquin vacantibus fisco vindicatis, non habere constitutionem locum, aperte canetur. Seruos autem testamento manumissos, vt bona suscipiant, iure cautionem idoneam offerre, non minus quam ceteros defuncti libertos, aut extrarios declarauit, quod beneficium minoribus annis heredibus scriptis, auxilium bonis præstitutum more solito desiderantibus, non auferetur.*

**P**ERTINET hæc l. 50. ad genus illud succedendi in vniuersa bona defuncti, quod introduxit constitutio D. Marci ad Popilium Rufum, de quo genere successionis est in Instit. tit. de eo cui lib. cau. bon. add. Et de eo similiter agitur in l. 2. 3. 4. tit. seq. & l. 6. & l. ult. C. de manumiss. testam. Si heres scriptus testamento, quo seruis directæ libertates vel fideicommissariæ datæ sunt, nolit adire hereditatem ex testamento, nec repudiata causa testamenti vllus existat, qui ab intestato eam hereditatem adire velit, forte ob grande æs alienum, quo ea premitur hereditas, & creditores hereditarij in eo sint, vt defuncti nomine bona possideant, & auctionem eorum bonorum faciant sub hasta & præcone, quæ res si fieret, maxime læderet existimationem, memoriamque defuncti: ideo ne interdicant libertates, quæ sane ipso iure interdicunt destituto testamento & deserto ab herede scripto, ne lædatur existimatio defuncti, eius nomine bonis à creditoribus distractis, vt inquam, conseruentur libertates, simul atque existimatio defuncti, constitutio Diui Marci permittit iis, quibus libertates testamento datæ sunt, vel vni eorum, vel liberto testatoris, quem scilicet viuus manumiserit, vel etiam extraneo libero homini, vt à prætore vel præside postulet bona vniuersa defuncti sibi addici libertatum tuendarum gratia, ne pereant, oblata & præstita satisfactione, vel alia cautione idonea, creditoribus hereditariis satisfactum iri, qua additione bonorum impetrata, inhibetur auctio eorum bonorum, quia defensor idoneus existit, qui respondeat creditoribus, qui assimilatur etiam bonorum possessori, l. 4. §. is autem, tit. seq. Et si forte non cauerit creditoribus, etiam creditoribus perinde atque si eis cauisset, in eum dantur viles actiones, quasi ex stipulatione tacita, l. 3. tit. seq. Et de hac re hoc loco Papinianus ita scribit, constitutioni D. Marci locum esse libertatum tuendarum gratia testamento, in quo datæ sunt, destituto ab herede, & irrito facto. Si bona, inquit, venitura sint. nisi existat aliquis cui ea addicantur, quasi heredi testamentario, aut bonorum possessori. Nam si bona venitura non sint à creditoribus, si non vigeant creditores hereditarij, si bona, puta, soluendo sint,



si locuples & luculenta hereditas, atque adeo nemine herede existente ex testamento, vel ab intestato, ea bona fiscus vendicat, & agnoscat tanquam vacantia ex l. Julia, l. quidam §. quotiens, de leg. 1. quæ dicitur lex Julia caducaria ab Vlpiano libro sing. reg. tit. de bonor. possess. tum vero cessat constitutio Diui Marci, id est, libertates seruis non competunt, neque debentur. Et hoc est quod ait, *alioquin vacantibus bonis fisco vindicatis, non habere constitutionem locum*. Idque ait aperte, caueri ipsa constitutione. Et hoc idem probat etiam lex 4. §. eadem, tit. seq. sed indiget interpretatione, quoniam prima specie in d. l. 4. Vlpianus secum ipse pugnare videtur: namque primum ait, constitutioni locum esse, id est, competere libertates non tantum, si extraneus quilibet bona sibi addici postulat libertatum conseruandarum gratia, vt à Diuo Marco studiosus libertatum postulauit Popilius Rufus, ad quem ea constitutio Diui Marci dirigitur, quæ nusquam exstat alibi integra quam in Institutionibus. Innumeri sunt loci singulares in Institutionibus, quo libello iuris neque pulchrior, neque facilius ullus est, nec dispositior; & præter illam constitutionem, cuius verba in Institutionibus integra referuntur, quæ non exstant alibi, etiam inuenies in eo tit. esse singulare, quod ait, quandoque libertates dari mortis causa. Verum ad rem. Non tantum, vt cœpi dicere, constitutioni locum esse, si extraneus sibi addici postulet, sed etiam si quæ creditores possidere & distrahere concupiscunt, fiscus agnoscat. Post additur in d. §. eadem, quod videtur pugnare cum superiori dicto, alia ratione fisco agnoscere bona, id est, non instantibus creditoribus, non vrgentibus aut opprimentibus creditoribus, paucis aut nullis existentibus creditoribus, constitutioni locum non esse, id est, non competere libertates. Vnde infert hoc modo. *Quare etsi caducis legibus bona delata sint, idem erit probandum, vbi iam pridem ostendi esse legendum: quare etsi caducariis legibus, id est, Julia & Papia, bona fisco delata sint, vt vacantia scilicet, probandum erit non esse constitutioni locum, id est, non competere libertates: & bona delata caducariis legibus, vt dixi, vocat bona vacantia, vt d. l. quidam §. quotiens, de legat. 1. Bona vacantia sunt, quod notandum, quæ nec heredes, nec creditores ulli persequuntur. Popilium autem Rufum, ad quem scripta est constitutio hæc accipio pro extrario libero homine Philosopho studioso libertatum tuendarum, petente sibi addici bona propter libertates, non vt Theophilus, pro seruo testamento manumisso, quia serui, binomines non erant, *ils n'auoient point deux noms*. Et quod est in l. 6. & l. ult. C. de testam. manumiss. etiam extraneo postulante bona ei addici posse, libertatum conseruandarum causa. Id ex hac l. 50. liquet manare ex constitutione ista Diui Marci; qui etiam extrario fecerit potestatem petendi additionem bonorum. Et in hanc rem est hæc lex singularis, quæ etiam fiscum vtique admisit sine satisfactione, vel satisfactione. Fiscus nunquam satisfat, quia semper est locuples, l. 1. §. si ad fiscum, sup. vt leg. nom. cau. nec mirum, si constitutio etiam admisit extraneum quemlibet, cum libertatum causa sit publica, l. si quis rogatus, tit. sequ. l. 4. D. ne de statu def. Additur in extremo huius legis, *quod beneficiū minoribus annis heredibus, scriptis, auxiliū bonis præstitutum more solito desiderantibus, non auferetur*. Beneficiū scilicet huius constitutionis, hic est sensus, non auferitur iis, qui à domino libertatem acceperunt, si heredes scripti minores 25. annis initio abstinerint se bonis, deinde post factam additionem bonorum, libertatesque seruis conseruatas, vel præstas, restituti sint in integrum adeundorum bonorum, adeundæ hereditatis causa: neque enim seruis ideo auferentur libertates, quæ semel competierunt, nec patroni, qui semel eorum effecti sunt, mutabuntur, vt d. l. 4. §. 1. quoniam aduersus libertates non ex-*

Respon. Papin.

tenditur restitutio in integrum, l. 11. §. ult. de m. n. rib. Et ait, *auxiliū bonis præstitutum*, id est, auxiliū generali edicto de minoribus præstitutum, & præfinitum minoribus, vt ad bona, quibus se inconsulto abstinerunt, restituti in integrum, regressum habeant. Hæc vero est secunda interpretatio Accursij rectior quam prima, quam tamen Græci sequuntur 48. Basil. vt scilicet è conuerso minoribus heredibus scriptis initio hereditatem adeuntibus: deinde beneficio restitutionis abstinentibus se, post audiantur qui bona sibi addici desiderant libertatum conseruandarum gratia. Male. nam hoc frustra desideraturi sunt, quia libertates semel competierunt adita hereditate, nec eis restitutio in integrum quicquam officit heredibus restitutis abstinenti causa, l. 3. C. de testam. manumiss. Et hæc est vera interpretatio huius legis.

#### Ad l. 23. de fideicom. libert.

*Fideicommissaria libertas prætextu compilata hereditatis, aut rationis gesta non differtur.*

Initio legis hoc proponitur. Seruus, cui per speciem fideicommissi libertas pure relicta est, dicitur expilasse hereditatem iacentem, vel rationes gessisse hereditarias iacente hereditate, & conturbasse. Quæritur, an ideo differenda sit præstatio libertatis, quoad purgatis rationibus, & maleficio, quod ei obicitur, absolutus fuerit. Denique quæritur, an suspensa cognitione maleficij sit ei representanda libertas ex causa fideicommissi. Et ait, moram non esse faciendam eo prætextu puræ libertati. quod & Diuus Marcus constituit, l. si pure, inf. hoc tit. l. 1. §. sed si fideicommissaria, si quis test. lib. esse iuss. fuerit. l. pen. C. de crim. expil. hered. l. 4. C. de testam. manumiss. Neque obstat l. quam opponit Accurs. l. 5. C. de leg. cum qua consentit l. 48. sup. ad Trebell. quæ dicunt, non habere legatarium petitionem rerum legatarum, quas furatus est. Primum respondeo, hoc verum esse, si legatarius postquam furti damnatus est eas res petat, quas ante subriperat, frustra enim petit, non si suspensio crimine furti, nec dum facto, siue peracto eas res petat, arg. l. pen. D. de accusat. Deinde ex eo, quod illis l. continetur, male infertur, non recte peti fideicommissariam libertatem ab eo, qui res aut rationes hereditarias interuertit. Id enim non interuertit, quod petit.

#### Ad §. fideicommissariam.

*Fideicommissariam libertatem ab herede non præstitam, cogendus est heredis heres, qui restituit ex Trebelliano Senatusconsulto hereditatem, præstare, si eius personam eligat, qui manumittendus est.*

Heres, à quo relicta est seruo libertas per fideicommissum, vel heres eius, heres heredis, si hereditatem alij restituerit ex S. C. Treb. quæritur, an cogatur eum seruum manumittere, translata iam hereditate in fideicommissarium Trebellianum? Sic videtur Papinia. vt heres etiam post restitutam hereditatem, aut heres heredis cogatur eum seruum manumittere, videlicet, si seruus ab eo manumitti malit, quam à fideicommissario Trebelliano, quia is seruus fideicommissio hereditatis non continetur, l. apud Iuliam. sup. h. r. quæ lex recte ait idem seruari in persona fideicommissarij Trebelliani, quod in persona emptoris. Nam si eum seruum quis ab herede emerit, si hoc malit seruus, cogitur eum heres, idemque venditor redimere & manumittere, l. 15. sup. hoc tit. l. generaliter §. ult. h. t. l. Titius, de act. empr. Hoc relinquitur in arbitrio seru, vt eligat, quem volet manumissorem, quoniam sæpe interest manumitti po-

E c ij



rius ab vno quam ab alio, pro varietate morum, quibus manumissores præditi sunt, vel etiam pro ætate, quoniam interest manumitti potius à sene, cui non diu edat operas officiales libertatis causa, quam à iuvene, d. l. 15.

#### Ad §. seruum.

*Servum peculij castrensis, quem pater fideicommissi verbis à legitimis heredibus filiis liberari voluit, filium militem, vel qui militavit, si patris heres existit, manumittere cogendum respondi, quoniam proprium manumississe defunctus post donationem in filium collatam existimavit: portionem enim à fratre domino fratrem eundemque coheredem citra damnum voluntatis redimere non cogendum, nec ob eundem errorem cetera quæ pater in militia profecturo filio donavit, fratri qui mansit in potestate conferenda: cum peculium castrense filius etiam inter legitimos heredes præcipuum retineat.*

Nemo ambigit in castrensi peculio filiisfam. numerari, quod filio in militiam profecturo pater donavit, l. castrense, inf. de cast. pec. Donatio inter patrem & filiumfam. regulariter quidem non valet, sed si fiat in causam peculij castrensis omnino valet, quia filius in castrensi peculio pro patrefamil. habetur, l. 2. sup. ad SC. Maced. Nunc finge, filiofamil. proficiscenti in militiam, arma, equos, ornamenta, & multa alia patrem donasse, & inter cetera etiam servum calonem, siue caculam, ungoniat, & ei seruo codicillis reliquisse fideicommissariam libertatem à duobus filiis, quos habuit tanquam legitimis heredibus ab intestato, vno milite aut veterano, id est, militia iam functo & emerito, altero pagano. Queritur, an si vterque filius patri heres existerit ab intestato, an ab utroque libertas fideicommissaria peti possit? Et respondet, à filio tantum milite peti posse, cui is servus à patre donatus est in castrensi peculio. Nec obstat, quod pater eum servum à filiis, ut posuimus, manumitti iussit, quia error in eo fuit patris, qui eum servum in dominio suo mansisse perperam existimavit post donationem collatam in filium, id est, qui existimavit eam donationem non valere, quæ valet optimo iure, quum sit in causam castrensis peculij. Et hoc errore falsus quasi proprio seruo pater à filiis legitimis heredibus reliquit fideicommissariam libertatem, quam à filio serui domino tantum relinquere potuit, quia alter filius in eo seruo nihil iuris habet. Itaque is solus, qui serui dominus est, servum manumittere cogitur, nec propter errorem patris, ac si servus patris proprius fuisset, qui non fuit: & proinde communis utriusque filij iure hereditario, ut eum manumittat filius miles, aut veteranus, non cogitur redimere portionem fratris, qui eius serui castrensis nulla ex parte dominus est, quia non fuit communis servus fratrum, sed filij militis aut veterani proprius in solidum. Verum quod hoc loco tradidit Papinianus, emendanda sunt Papiniani verba, dum ait: *Portionem enim à fratre domino fratrem, eundemque coheredem citra damnum voluntatis redimere non cogendum.* Illud enim, domino, glossa est. Dominus enim fuit serui, qui redimere portionem à fratre non cogitur, non is à quo redimere non cogitur, quem tamen si addas, domino, facis dominum. Itaque perspicuum est illud, domino, irrepsisse in contextum, & ait, citra damnum voluntatis, ut damnum conditionis, l. Imperator, sup. ad Treb. hoc sensu, quod valde notandum est, quod non cogatur frater dominus serui à fratre portionem redimere, ut eum manumittat, secutus errorem patris potius quam veritatem, non ideo fieri contra voluntatem patris, id est, hoc fieri citra damnum voluntatis paternæ, quia non intelligitur voluisse

qui erravit in iure, l. si per errorem, de iurif. l. 116. §. ult. de reg. iur. Qua de causa ut subiicit, nec is error patris efficit, qui servum donatum filio ex causa castrensi putat proprium suum esse, non filij, cui donavit proprium in solidum, uti est. Is, inquam, error non efficit, ut filius ille non habeat eum servum, ceteraque omnia bona castrensia, quæ pater ei donavit, præcipuum ab intestato: Is, inquam, error non efficit, ut ea bona conferat fratri pagano: imo sibi retinebit propria in solidum, ut l. 1. §. nec castrense, de collat. bon. l. 54. ad Trebell. l. cum duobus §. idem Papin. pro soc. Nec obstat quod dicitur, errorem testatoris facere ius, l. 3. in fi. sup. de supell. leg. quoniam hoc dicitur de errore facti, quo non læditur ius publicum, ut in exemplo ibi proposito, si vasa argentea, quæ sunt in supellectili, rationibus testator referat in argento, non in supellectili, propter errorem testatoris, legato argento, ea vasa continebuntur, quia error, id est, voluntas illa testatoris, errantis scilicet, pro iure est: error hic est index voluntatis non iniustæ, aut iuri publico adversæ: At hic est error iuris maxime adversus iuri publico, ut manserit servus proprius, quem donavit ex causa castrensi, & ut conferatur fratri à fratre, utque habeatur pro communi inter fratres, qui errores sunt stultissimi. Etiam illud adnotandum, irrepsisse mendum aliquod illo loco: *Qui mansit in potestate*, quo significatur, paganum mansisse in potestate, & ex contrario igitur fratrem militem fuisse solum potestate, quod est falsum, alioquin non esset legitimus heres, sicut proponitur hoc loco. Ac præterea non fuisse eum emancipatum, nequaquam proponitur, nec potest dici, militia solui patriam potestatem, l. filiusfam. de ritu. nupt. l. 7. C. de pat. potest. §. filiusfam. Instir. quib. mod. ius pat. potest. amit. Quinimo necessario ponendum est, etiam militem mansisse in potestate, ut etiam si sit in potestate, in eo ius istud singulare observemus, ut sit ei castrense peculium proprium patrimonium, quod habiturus est præcipuum mortuo patre, nec collaturus fratri. Igitur mendum hoc quoque loco dum ait, *Qui mansit in potestate*, aliquod irrepsit, & videtur esse legendum, *Qui mansit in paganis*, ut loqui alij auctores solent, esse in puerilibus annis, in senioribus, novissimis, Et etiam in l. 7. de reg. iur. ius nostrum non patitur eundem hominem in paganis, id est, qui sit in paganis, non in militibus. Atque ita exposuimus tria responsa huius legis.

#### Ad §. etiam fideicommissaria.

*Etiam fideicommissaria libertas à filio post certam ætatem eius data, si ad eam puer non pervenit, ab herede filij præstituta die reddetur. Quam sententiam iure singulari receptam ad cetera fideicommissa relicta porrigi non placuit.*

Quod ad §. penult. attinet, in eo proponitur, patrem à filio impubere codicillis factis ab intestato seruo libertatem fideicommissariam reliquisse. Pono filium fuisse impuberem, quia Papin. eum puerum vocat illo loco, si ad eam puer non pervenit. Et hoc sane multum facit ad §. ultimum, qui simul cum isto explicandus est: A filio igitur impubere reliquisse fideicommissariam libertatem his verbis, *illum servum cum filius meus ad 14. annum ætatis pervenerit, manumitti volo.* Hæc verba in se conditionem continent, si filius effectus fuerit annorum 14. Et tamé mortuo filio intra pubertatē, intra eam ætatem nondum facto annorum 14 placet heredem eius filij seruo debere præstare libertatem ex causa fideicommissi præstituta die. *Præstituta die*, id est, quæ die eam ætatem filius attigisset, si vixisset, quod ait fuisse receptum iure singulari, hoc est favore libertatis, ut in l. 10. C. eod. tit. l. si ita scriptum, sup. de manum. test. l. 19. D. de statutib. favore libertatis conditio defecta pro impleta



habetur. Defecta enim conditio est, qua qui mortuus est intra annum 14. sane non intelligitur esse annorum 14. aut fuisse, *l. si Tirio, sup. quando dies leg. ced.* Sed pro impleta habetur favore libertatis, impleto tempore quo, si vixisset filius, seruo ea libertas debita & praestita fuisset, ut è contrario favore piae causae, conditio impleta nonnunquam habetur pro defecta in Nouella 23. quod exposui hoc ipso libro in *l. cum auus, sup. de cond. & demonstr.* Multa contra iuris rigorem, contra communes regulas iuris pro libertatibus benigne recepta sunt, instituta à maioribus favore libertatum *l. generaliter §. si quis seruo, h. t. l. in bello §. manumittendo, inf. de capt. & postl. ren. l. pœnales, in fi. sup. ad l. Falcid. §. ult. Instit. de don.* Philosophia amplectentel libertatem, ut eleganter ait lex *pen. C. de ijs quibus, ut indign.* Philosophia scilicet Scoica, in qua versantur omnes Iurisperiti nostri, & cuius verbum hoc est apud Diog. Laertium *φῶλον ἢ δεσποτία. C'est mauuaise chose que d'auoir un maître.* Idem vero non seruatur in fideicommissio pecuniario, quod in libertate, eidem seruo relicto sub eadem conditione: quum filius erit annorum 14. nam filio mortuo intra pubertatem, fideicommissum extinguitur, quasi defecta conditio. Libertas quidem & fideicommissum simul relicta sunt eidem seruo, & sub eadem conditione, sed libertatis conditio pro impleta habetur, fideicommissi pro defecta. Quae est sententia *§. pen. cui nihil obstat lex Firmio, §. 1. sup. quand. dies leg. ced. vel. l. pen. C. eod. tit.* Quoniam ut ostendi in *d. l. Firmio*, id purum fuit non conditionale fideicommissum: Eodem vero modo si adscripta sit libertati & fideicommissio pecuniario hæc conditio, *si heredi decem dederit, cum eidem seruo relinqueretur libertas simul & legatum vel fideicommissum sub conditione, si heredi decem dederit, seruus non dederit heredi, sed heredi heredis*, quantum ad libertatem attinet, conditio pro impleta habetur: quantum ad fideicommissum pecuniarium, pro defecta: est similis ratio & causa *l. sub. diuersis §. ult. l. cum ita, in fi. sup. de condit. & demonstr.*

## Ad §. ult.

Seruum à filio post quinque annos, si eo tempore mercedem diurnam filio praestitisset manumitti voluit. biennio proximo vagatus non praestiterat, conditione defectus videbatur, si tamen heres filius, aut tutores eius ministerium serui per biennium elegissent, eam rem ex praterito, quod per heredem steterisset, impedimento residuae conditioni non esse constituit.

**I**N specie quoque *§. ult. huius l.* conditio defecta pro impleta habetur, sed hoc interest, quod in *§. pen.* pro impleta habetur iure singulari; in ultimo, iure communi. Quo argumento, quia siue libertati siue fideicommissio aut legato adscripta sit conditio, semper habetur pro impleta. In specie *§. ultimi*, puta, cum per heredem, in cuius persona conditio sit, stat aut mora fit quo minus impleatur, communis hæc est regula iuris, *l. in iure, de reg. iur.* quod ius commune vocat Papin. in *l. cum pupillus, in princ. sup. de condit. & demonstr.* ad differentiam scil. iuris singularis, de quo dixit in *§. pen. h. l.* nam hic sane *§. ult.* omnino coniungendus est cum initio *d. l. cum pupillus*. Hoc loco ait, *filius aut tutores.* & illo quoque loco ait, *pupillus aut tutor.* Et rursus cur illa in *l. cum pupillus* ait, *Tam legati quam libertatis conditionem impletam videri, nisi ad differentiam eius quod proposuit in §. pen. non ut libertatis, ita legati conditionem impletam videri.* Denique ius singulare proponitur in *§. ult.* coaptato cum *d. l. cum pupillus*, ius commune. Et cohæret etiam hic *§. ult. cum pen.* quia vterque est de filio impubere, & ex coniunctione vtriusque exoritur & emergit illa differentia inter ius singulare & ius

**A** commune: & ea quoque contentientia in eo, quod vtroque iure conditio defecta habetur pro impleta, iure singulari favore libertatis: iure communi culpa pupilli vel tutoris, in cuius personam conditio collata fuit. Et vtraque species *§. pen. & ult.* est de pupillo, propterea quod conditio confertur in maiorem ætatem heredis, adultam puta, vel iustam. Vnde apparet ex *§. ult. in d. l. cum pupillus*, proprie ita esse ponendam speciem: Pater à filio impubere post quinquennium, seruum manumitti, & legatum certum ac fideicommissum ei praestari voluit sub conditione: *si tempore toto quinquennij is seruus filio diurnam mercedem praestiterit, ex sua industria & locatione operarum, ex suo questu diurno.* Seruus triennio diurnam pensionem siue mercedem filio praestiterit, **B** biennio autem proximo feriatu & vagatus, inquit, per orbem terrarum, filio nihil intulit: sane conditio libertatis defecisse intelligitur, & perempta igitur spes fideicommissariae libertatis. hoc est extra omnem controuersiam: At si seruus feriatu & vagatus non sit, sed per biennium filius vel tutor, per biennium illud filius, vel tutor eius ministerium serui elegerit, & diurnae pensioni praestulerit, conditio tam libertatis, quam legati, aut fideicommissi pro impleta habetur, quia per filium aut tutorem, quod idem est, in cuius personam collata conditio fuit, stetit, quo minus conditio impleteretur. Iure ergo communi pro impleta habetur, non iure singulari, quia non tantum libertas, sed etiam legatum seruo deberi Papinianus ait. in fine huius legis, ait, eam rem, quod biennio proximo seruus filio ministerium praestauerit, non diurnam mercedem, ministerium praestante filio vel tutore, quam mercedem ex praterito tempore, ex triennio scilicet, quo seruus conditioni paruit, non esse impedimento residuae conditioni, id est, eam rem non efficere, ut minus videatur seruus paruissse conditioni biennio residuo, quia per filium stetit, quo minus & eo biennio pareret conditioni. Hoc est maxime notandum.

## Ad leg. 35. de statulib.

**N**on videbitur per statuliberum non stare, quo minus conditio libertatis existat, si de peculio, quod apud venditorem seruus habuit, pecuniam conditionis offerre non possit: ad alienum enim peculium voluntas defuncti porrigi non potuit. Idem erit etsi cum peculio seruus venerit, & venditor fide rupta peculium retinuerit: quanquam enim ex empto sit actio, tamen apud emptorem peculium seruus non habuit.

**S**ententia leg. 35. de statulib. pertinet ad hanc quaestionem vel speciem: Seruo directe libertas data est sub conditione, *si heredi decem dederit.* Inter omnes constat, & proditum est in iure locis innumeris posse statuliberum, id est, cui directe data libertas est, sub conditione dandi decem, dare ea rō. de peculio, si quod habuit apud testatorem à testatore concessum conditionis implendae causa, *l. 3. §. 1. h. t. l. 3. §. ult. sup. de condit. cau. data.* Et hoc quidem est benigne receptum & probatum iuris peritis omnibus, ut statuliber ex eo peculio dando quasi ex suo patrimonio suaue pecunia perueniat ad libertatem, coniectura facta voluntatis domini, quasi voluerit dominus, ut & posset ea rō. dare ex peculio suo tacite, *l. 17. hoc tit. l. in bello, §. si statuliber, de capt. & postl. ren.* At finge, nunc, seruum non apud testatorem habuisse vllum peculium, sed habere coepisse apud heredem, ei constitutum ab herede, & heredem statuliberum vendidisse, quod potest, *l. 25. h. t.* vendidisse autem sine peculio, statuliber conditionem libertatis implere potest in persona emptoris, dando emptori rō. quod est ex xii. tabul. *l. 29 hoc tit.* & apud Vlpianum *lib. reg. tit. de statuliber.* At quaero, an eam conditionem



possit seruus implere supra pecunia, sumptis 10. ex peculio, quod habuit apud heredem eundemque venditorem. Et certum est, non posse seruum implere conditionem ex aliena pecunia. Peculium autem illud alienum est, quia id seruus non habuit apud testatorem, sed apud heredem habere cepit, sine quo statuliberum heres vendidit. *Ad alienum peculium*, inquit Papinianus, id est, quod alius statulibero constituit, non testator, voluntas defuncti non porrigitur. quod receptum est ex tacita voluntate defuncti, ut statuliber dando de peculio, expleat conditionem libertatis. Id pertinet tantum ad peculium, quod habuit apud testatorem, non quod habuit apud heredem eundemque venditorem: vel etiam pertinet ad id, quod nunc habet apud emptorem. An igitur seruus quod ex peculio heredis dare non possit, qui id sibi excepit in vendendo seruo: an videbitur per eum non stare, quo minus conditio libertatis existat, id est, an conditio habebitur pro impleta, & statim liber erit? Et respondet, non videri per statuliberum non stare, sic est Florentiae scriptum rectissime: & male adnotarunt, qui Pandectas illas exprimi curauerunt, secundam negationem abundare: rectissime enim, ut scriptum est hoc modo: *non videbitur per statuliberum non stare*, id est, stat per statuliberum, quo minus conditio libertatis existat, quia etsi non possit dare ex peculio heredis, dare aliunde potest, aliunde pecuniam corradere potest, qua data conditionem libertatis expleat. Et hæc est sententia Papiniani. cui prima specie plurimum aduersatur *L. 3. §. si quis seruum, hoc tit.* Seruus iussus est dare decem, & liber esse. cum heres vendidit sine peculio, non erit statim atque venditus est, liber, quasi prohibeatur dare de peculio, hoc ipso quod sine peculio venditus sit, sed tunc liber erit, quasi conditione habita pro impleta, cum ab herede prohibebitur peculium tangere. At Papin. negat, eum liberum fore, quod peculium non possit attingere, quod primum cepit habere apud heredem, & apud testatorem nunquam habuit. Sed ut perspicue respondeam abolita Glossa, in *§. si quis seruum*, agitur de peculio, quod habuit apud testatorem, ex quo implere conditionem potest: & si prohibeatur ab herede, conditio merito pro impleta habetur, & statim liber existit: & in hunc locum hoc ita recte animaduertit Benedictus Plumbinus, qui proprie affectauit scribere in hos titulos de libertatib. solus: nec abs re, quoniam sunt vtilis, & conducunt maxime omnibus partibus iuris nostri, ut plane sit stultus, qui non & eis quoque titulis vult dare operam. At in *§. si quis seruum*, ut dixi, agitur de peculio, quod apud testatorem seruus habuit, ex quo si prohibeatur ab herede, ne 10. sumat conditionis implendae causa, conditio habetur pro impleta, non statim hoc solo, quod seruum vendidit sine peculio. In hac autem *l. Papinianus* tractat de peculio, quod non apud testatorem seruus habuit, sed apud heredem, ex quo non potest sumere quicquam implendae conditionis causa, cum non testatoris, sed alius, id est, heredis peculium sit. Et addit Papinianus, idem esse dicendum, si heres seruum vendiderit cum peculio, quod apud eum seruus habuit, non apud testatorem, sed fide contractus rupta emptori non tradiderit, quo nomine tenetur emptori actione ex emptio nomine doli mali, quod fidem ruperit, quod & peculium vendiderit, nec tradere velit. actio ex emptio est bonae fidei, dolus malus vindicatur actione bonae fidei, fides rupta vindicatur actione bonae fidei, ut *l. 1. C. de dolo*. actione mandati, de qua eam legem esse accipiendam probat observatio tertia, & actione depositi, *l. ei apud quem, depof.* Et ideo seruus, tametsi ex peculio, quod apud heredem habuit, non apud testatorem, dare non possit decem, & implere conditionem, quod necdum habet etiam apud emptorem, quia etsi emptor actionem habeat ex empto ad peculium, ut sibi tradatur, quod venit cum

seruo; non tamen videtur habere peculium. Et in hoc casu vitatur regula leg. 15. *de regul. iur.* quae dicit, eum videri rem habere, qui actionem habet ad rem recuperandam, ut *l. si quis de vi, de acquir. possess.* quoniam aliud est in peculio, quod ut intelligatur esse peculium, exigit naturalem siue corporalem traditionem, *l. nec statim, de pecul.* Seruus, inquam, non ideo, quod non possit dare de illo peculio, quod habuit apud heredem, necdum habuit apud emptorem, dicere non potest, per se non stare, quo minus conditio libertatis existat, sed per heredem, qui peculium detinet mala fide, atque ideo se pro libero habendum esse, quasi conditione impleta. Denique nihil interesse, vendiderit heres seruum sine peculio, an cum peculio, sed fide rupta peculium retinuerit, nec tradiderit emptori; utroque casu per statuliberum stare videri, quo minus conditio existat, quamuis non possit eam implere ex peculio heredis. Valde notandum est, quod ait Papinianus, *voluntas defuncti*. Quae verba palam faciunt sententiam vulgo receptam, ut statuliber de peculio, quod apud testatorem habuit, conditionem implere possit, esse subnixam voluntate defuncti tacita, nec eius sententiae aliam esse rationem. Ad alienum, inquit, peculium voluntas defuncti non porrigitur, qui scilicet voluisse intelligitur, ut seruus conditionem impleat de peculio, quod apud se habuit ex concessu suo, atque permisso: quod etiam lex. 17. *huius tit.* ostendit, dum ait, id concedi statulibero sine iniuria dominorum, id est, citra damnum voluntatis dominorum.

Ad leg. pen. qui sine manu. ad liber. peru.

*Mancipia mater filiae donauerat, ut filia curaret ea post mortem suam esse libera. cum donationis legi non esset obtemperatum, ex sententia constitutionis D. Marci libertates obtingere matre consentiente respondi. quod si ante filiam mater vita decessit, omnimodo,*

In hac lege Mater filiae donauit inter viuos seruos aliquot ea lege & conditione, ut eos filia post mortem suam manumitteret, vel quemadmodum proponit Papinianus, *ut curaret filia post mortem suam eos esse liberos*, puta testamento vel codicillis data eis vel relicta libertate. verbum, *curaret*, non facit fideicommissum, non fidem implorat, sed diligentiam aliquam tantum. Idque habuimus in *leg. Firmio, §. 1. sup. quand. dies leg. ced.* Quod quidem fideicommissum, nec potuisset relinqui a donatario inter viuos, *l. cum quis, §. pater, de leg. 3.* Itaque hæc verba: *ut filia curaret ea post mortem suam mancipia donata, esse libera*, legem efficiunt donationi, & imponunt donationi conditionem siue modum potius, non fideicommissum constituunt. Queritur autem, an filia mortua seruus non relicta libertate, serui ipso iure ad libertatem perducantur sine manumissione? Quod frustra in quaestionem deduceretur, si constaret ea lege donatos cessante donatario, & vita decedente, non manumissis seruis, seruos fieri ipso iure liberos ex constitutione Marci & Commodi ad Aufidium Victorinum, cuius saepe fit mentio in libris nostris. Si igitur constaret ex ea constitutione seruos donatos ea lege, cessante donatario ipso iure eripi ad libertatem, frustra quaeretur in hac lege, an sint ipso iure liberi. Sed ea constitutio, ut iam pridem ostendi, pertinet tantum ad seruos venditos ea lege ut ab emptore manumittantur, qui cessante emptore, ipsa constitutione, ipso iure ad libertatem eripiuntur sine manumissione, *l. Paulus, §. 1. inf. de lib. caus.* nihilominus emptorem patronum habent, perinde atque si ab eo manumissi fuissent. Quod pene est incredibile, ut qui non manumisit, sit patronus: & ex ea constitutione tamen ita est, *l. 3. hoc tit. l. sed si hac lege, in princ. sup. de in ius voc. l. 3. §. 1. de suis*



*& legit. hered.* non pertinebat autem ea constitutio ad A seruos donatos ea lege. De veditis tantum loquebatur, vt patet ex *d. l. Paulus §. 1.* non de donatis ea lege, vt manumitterentur à donatario. Itaque non pertinebat constitutio proprie ad donatos, idque intelligere licet ex eo, quod Scæuola respondit in *l. qui Romæ §. Flauius, de verbor. obligat.* qui quidem Scæuola vixit ætate eorum Imperatorum Marci & Commodi, & in seruis donatis exigit omnimodo manumissionem donatarij, quasi constitutio eorundem Imperatorum, quod & verum est, non pertineret ad donatos, sed ad venditos tantum. Sed postea Papin. qui postea possedit palmam Iurisprudentiæ, quem etiam constat, multa adinuenisse noua, & mirum in modum amplificasse ius ciuile, a Papiniano, inquam, ea constitutio porrecta est hoc loco, etiam ad seruos donatos ea lege, non ex verbis quidem constitutionis, sed vt ait, ex sententia constitutionis, quod & donati ea lege eundem mercantur fauorem consequendæ libertatis cessante donatario. Neque dicat quisquam ipsum sibi Papin. refragari ex *l. seruus ea lege, in fine,* quam obicit Accursius, *sup. de seru. export.* qui tamen secum ipse pugnare videretur, si in ea lege ita legeretur, *Quod si vt manumitteretur,* vt legit Glossa: Sed Florentinæ Pandectæ non sic habent, non habent, *Quod si vt manumitteretur,* sed, *quod ne si pœna causa exportaretur.* Quod autem Papinianus constitutionem Marci & Commodi porrexit etiam ad seruos ea lege donatos, id etiam postea Imperator Alexander comprobauit in *l. 1. C. si manc. ita fuerit alien.* Quin etiam interpretatione prudentum postea porrecta est ea constitutio ad casum pecuniæ datæ pro capite, & quasi pro pretio serui, vt à domino manumitteretur: nam & hic non manumittente domino, qui pretium serui accepit, meretur eundem fauorem consequendæ libertatis ipso iure ex sententia, non ex verbis constitutionis, *d. l. Paulus §. 1. l. 4. C. si manc. ita fuerit alien.* Denique ad hos etiam duos casus porrecta constitutio est, nec tamen eam nobis licet porrigere ad alios casus sine lege, sine auctoritate, vt sane constat eam nondum esse porrectam ad negotium do, vt facias, do tibi pecuniam non quasi pretium serui, sed do tibi pecuniam, vt seruum manumittas, an te cessante fiet liber? minime, *l. naturalis, §. at cum do, de præscript, verb.* non porrigitur etiam ad seruum legatum vt manumitteretur, *l. si fundum sub cōdit §. Stichum, de leg. 1.* Verum hoc admissio etiam ad donatos inter viuos eadem l. constitutione Marci & Commodi porrigi, quod, vt dixi, initio non obtinuit, sed inualuit auctore Papiniano qui id introduxit, consequens est in specie proposita, si filia superuixerit matri, deinde vita decesserit seruis sibi à matre donatis non manumissis, omnimodo eos fieri liberos, id est, etiam inuitis heredibus matris aut filie, quorum voluntas non est exquirenda. Sin autem mater superuixerit filia, sed ita demum ex constitutione fieri liberos, si mater non mutarit voluntatē: nam venditor vel donator, qui hanc legem dixit venditioni aut donationi, vt venditi aut donati serui manumitterentur intra certum tempus, potest acta pœnitentia iubere, ne manumittantur, forte emergente causa quæ seruos faciat indignos libertate. Itaque cum mater, quæ donauit seruos, superuixit filie, quæ legem donationis non impleuit, non protinus serui fiunt liberi, sed ita demum, si mater perseueret in eadem voluntate, *l. 3. hoc tit. l. 3. sup. de seru. export. l. 1. l. ult. C. si manc. ita fuerit alien.* Neque obstat lex prima huius tituli; si mutauerit venditor voluntatem, nihilominus libertatem competere, quoniam, vt primo loco notauit Accursius & sequuntur Græci interpretes, loquitur quidem *l. 1. de venditore,* qui mutauit voluntatem, & porrigi potest ad donatorem; sed de venditore, qui mutauit voluntatem, & postea decessit sine villo herede, qui obicere possit, venditorem aut donatorem

mutasse voluntatem, & sibi iniuriam fieri, si eripiantur serui ad libertatem: nam hoc casu nullo existente herede venditoris aut donatoris, seruo libertas competit ex constitutione, quia potest competere sine iniuria cuiusquam.

Ad l. 35. de liber. causa.

*Seruos ad templi custodiam, quod edificari Titia voluit, destinatos, neque manumissos heredes esse constituit.*

**T**itia herede instituto templum ædificari iussit, & ad custodiam eius templi seruos aliquot suos deputauit, vt in *l. seruos, sup. de alimen. leg.* & in quibusdam antiquis inscriptionibus legitur, nec eos seruos manumissit: voluit igitur vt serui manerent. Quæstionis est cuius serui maneant, heredis ne Titia an templi, siue Dei, cuius templum est vel erit, quum edificatum erit, quasi scilicet templo legati sint, qui ei custodiendo destinati sunt? Et prudenter Papinianus respondit, eos seruos esse heredis, non templi, quia nec consecrati sint templo, nec dedicati, nec legati. Denique non possunt manumitti nisi ab herede: legati aut consecrati proculdubio eius Dei serui essent, cuius templum foret, vt Martiales Larini, & in Sicilia, *ministri Veneris Ericynæ,* apud Marcum Tullium in Cluentiana, & in diuinatione in Quint. Cæciliū, de Agonide quadam in seruitutem adiudicata Veneri. Nihil est præterea in hac lege. Sequitur *l. 82. de regul. iur.*

Ad l. 82. de regul. iur.

**E**X hoc loco est restituenda inscriptio *l. donari, de donation. In qua repetitur hæc regula,* sed male attribuitur *lib. 10.* Ergo ita restituatur ex hoc loco, quod sequentia probabunt manifestius, vt sit ex nono, non ex decimo, & *l. quidam, eodem tit.* quæ sequitur *l. donari,* separata, à *l. donari,* vt in Basilicis, & in vulgaribus editionibus, non vt perperam in Florentinis, cōmista cum *l. donari,* vt sit ex libro decimo. Denique, vt lex *donari* sit ex nono, & quæ sequitur lex *quidam,* ex decimo: ac deinde, quæ interposita vna valde pusilla subsequitur, lex *donationes,* sit ex duodecimo Responsorum. nam semper Tribonianus in digerendis responsis, seruauit ordinem librorum. Fateor autem propriam speciem huius regulæ esse sumendam ex lege *Cerdonem,* quam non ita dudum exposuimus, *sup. de oper. liber. coniuncta l. Campanus, eod. tit.* In lege, *Cerdonem* Papinianus ait, seruum ab herede manumissum ex causa fideicommissi non cogi operas heredi promittere, etiamsi id iusserit testator, & promittere coactum ex stipulatione non teneri, ergo neque cogitur ex testamento, neque ex contractu: non cogitur, inquam, hæc sunt verba *l. Cerdonem,* sed vt Campanus ait in *d. l. Campanus,* cuius Iurisconsulti sit etiam mentio in *l. inuitus §. 1. de fideicom. libert.* si seruus, cum sciret se operas recusare posse, obligari se passus sit consueta opera, non est inhibenda operarum petitio, quia, inquit, donasse videtur, vt in hac regula ait, *donari videtur.* Quod & subiecisse Papinianum responso legis *Cerdonem* hic locus indicat, qui est ex eodem libro, quo Papinianus ait, *Donari videtur, quod nullo iure cogente conceditur.* Donasse scilicet videtur seruus ex causa fideicommissi manumissus, operas suas heredi, qui cum nullo iure cogeretur, nec ex voluntate defuncti, nec ex stipulatione, quæ interposita est, operas heredi præstare, vltro eas ei concessit, atque promissit. Et addatur, quod ex eodem libro Papiniani refertur in *l. si cui legatum, de condit. & demonstrat.*



Ad l. si cui 92. de cond. & dem. eo loco. Papin.  
quodque.

*Papinianum quoque libro nono Responsorum scribere referebam, non esse cogendum emancipare filios suos.*

**L**egatarius rogatus emancipare filios suos, agnito & accepto legato non cogi eos emancipare: non cogi, scilicet iure ordinario, vel secundum vulgarem formulam iuris, id est, iure directo, ut ait lex *filiusfamilias. §. secundum. sup. de leg. 1.* quæ verba, *secundum vulgarem formulam iuris*, quidam male applicant §. præcedenti, cum sit initium sequentis; Et secundum vulgarem formulam iuris, id est, iure ordinario, legatarius non cogitur filios suos emancipare, quia patria potestas est inestimabilis, est enim res sancta. Cogi tamen potest, ut ait l. *si cui legatum*, iure extraordinario, id est, auctoritate Principis, ut eadem lex declarat. Et ideo si ultro pater eos emancipauerit, nihil eis donare videtur, quia donari id tantum videtur, quod nullo iure cogente conceditur, & cogi hic potuit aliquo iure, puta, extraordinario. Vnde in hac regula, *nullo iure*, sic accipio, neque ordinario, neque extraordinario, neque naturali, neque civili, neque ex contractu, neque ex testamento. Et hic est finis huius libri.



# IACOBI CUIACII

## IVRISCONSULTI

### COMMENTARIUS

in Lib. X. Responsorum  
Æmilij Papiniani.

Ad l. 8. de pactis.

*Maiores esse partem pro modo debiti, non pro numero personarum placuit. quod si æquales sint in cumulo debiti, tunc plurium numerus creditorum preferendus est; in numero autem pari creditorum, auctoritatem eius sequetur prætor, qui dignitate inter eos præcellit; si autem omnia vnde que in vnam qualitatem concurrant, humanior sententia à prætore eligenda est; hoc enim ex Diui Marci rescripto colligi patet.*

**S**olent heredes scripti vel legitimi, qui se nolunt implicare negotiis hereditariis, nec temere sibi delatam hereditatem adire, forte pluribus creditoribus defæneratam: solent, inquam, priusquam hereditatem adeant, creditoribus hereditariis coactis in vnum, cum eis agere & tractare, si se velint hereditatem adire, ut habeant cum quo experiantur. & qua parte debiti contenti esse velint, facta gratia residuæ partis, & de qua conuenerit, de ea cum eis pacisci, transigere, decidere, atque ita adire hereditatem. Exempli gratia; pacisci de dimidia parte tantum soluenda, & non soluenda altera dimidia, post aditam hereditatem, ut in l. *qui habebat §. 1. ff. de manum. testam.* puta, ut cui debentur centum, ei solvantur 50. tantum: cui mille, 500. tantum: quam pactionem etiam fieri cum sectore, siue emptore bonorum, creditoribus bona debitoris proferibentibus, & distrahentibus sub hasta & præcone, adhibito etiam quæstore Theophilus noster scribit in *tit. de success. sub. qua sieb. per bon. possess.* & probatur l. *Imperator. inf. hoc tit.* Necessè autem est, eam pactionem fieri communi consensu omnium creditorum,

**A** & omnibus præsentibus, vel si forte dissentiant, aliis contentis dimidia parte debiti, aliis desiderantibus dimidiam & sextam, aliis dimidiam & tertiam. Olim quidem sibi quisque creditor rem getebat, sibi que pacifcebatur cum herede debitoris suo arbitratu, nec alterius pactio siue consensio alteri nocebat. Sed hodie ex constitutione Diui Marci, de qua agitur hoc loco, quum inter se dissentiunt creditores in hac re, in modo pactionis, decretum interponit prætor vel præses, quo statuit, maioris partis creditorum sententiam atque consensum cæteris esse sequendum, & ut ferant omnes ab herede portionem, quam statuerit maior pars creditorum; residuæ partis gratiam faciant, ut in l. *prox. §. ult. sup. l. si præcedente §. 1. inf. mand.* Maiorem autem partem creditorum Papin. ex constitutione D. Marci, definit hoc loco, non numero personarum, sed pondere & cumulo debiti; ut si sint decem creditores hereditarii, & quatuor ex ijs longe plus debeatur, quam reliquis sex, illorum quatuor sententia præualet, & prædominatur, atque adeo, si sint parati cum herede decidere dimidia parte debiti, & dimidia quoque cæteri contenti esse debent. Quam rationem etiam Iustinianus censet esse sequendam in l. *ult. C. qui bon. ced. poss.* quum non bene conueniat inter creditores, an debitori concedant dilationem quinquennii quam postulat, an magis admittant cessionem bonorum quam offert. Nam & hanc quæstionem dirimit maior pars creditorum, quæ valeat pondere & quantitate debiti, non numero, quoniam eius partis magis interest, vel quoniam res, qua de agitur, magis ad eam partem creditorum pertinet, magisque eorum interest pactionem iustam fieri aliquam cum herede. Caius quoque eodem exemplo maiorem partem heredum, qui adierunt hereditatem, quibus res à defuncto deposita, restituenda est, accipit, æstimat, meretur non ex numero personarum, sed ex magnitudine portionum hereditariarum, l. *si plures, in pr. D. de pos.* Dico qui adierunt: nam in ea l. hæc verba, *si maior pars adierit*, non sunt accipienda secundum Glossam hoc modo, *si maior pars heredum repetierit depositum* sed si adierit hereditatem. Huic maiori parti, quæ adiit, restituendum esse depositum, non expectatis cæteris heredibus, ut recte est in Basilic. scriptum, *εἰς τὴν τὸ μέγαν μέρος ὀνεισιένθη*, &c. si, inquit, maior pars adierit hereditatem depositoris. Numero autem Papin. non aliter æstimat maiorem creditorum partem ex mente constitutionis D. Marci, quam si creditores omnes sint pares in summa debiti, in quantitate, cumulo debiti, vincit quantitas debiti numerum, sed si non sit alia maior pars, vincit numerus. Quod quidem ita verum est, si disparis numeri diuersæ sententiæ fuerint: nam si sententiæ diuersæ sint paris numeri, ut si ex 10. quinque declarent esse contentos dimidia parte debiti, quinque desiderent dimidiam & sextam, *si ils sont partis*, ut loquimur, ea sententia superior est, eamque in decernendo prætor sequetur, in qua fuerint creditores dignitate excellentiores, id est, quoniam in eo verbo hæret Accursius, *dignitate*, id est, honestate, ut Cicero definit, & cultu, & honore, & verecundia digna auctoritate. Sin autem, ut ait, omnia vndique in vnam æqualitatem concurrant, si & numero personarum, & quantitate debiti, & dignitate omnes creditores pares sint, tum ait, humaniorem sententiam prætori eligendam esse: puta, eius partis creditorum, quæ debiti parte minore contenta est: prætoris est humaniorem sententiam sequi & eligere: sicut & imperiale & regium esse dicitur, humaniorem sententiam sequi in l. *ult. inf. C. de comm. seruo manum.* Etiam simili modo in iudiciis priuatis, vel publicis iure nostro, ubi par est sententiarum numerus, ea sententia præualet, quæ reum absoluit vel alleuat, *il n'y a point de partage*: quoniam ea sententia præualet, quæ pro reo facit, *l'inter pares, de re indic. l. si pars, de inoff. testam. l. si præses, de pæn.*



de pœn. Excepris iudiciis liberalibus, in quibus præualet A  
sententia, quæ pro libertate facit ex l. Petronia, & con-  
stitutione D. Pij, l. lege, de manumiss. & d. l. inter pares.  
Alias ea sententia potior est, non quæ pro actore, sed  
quæ pro reo facit. Inde vero legimus sæpe in auctoribus  
nostris, reos absolutos paribus sententijs. qui mos fuit &  
Latinorum, & Græcorum. Euripides in Electra: *Lex*  
*inquit, est, vincere semper reum paribus sententijs*, & in  
Iphigenia in Tauris: *vincere reum, qui accepit sententias*  
*pares pro se*. Et fauorabilior est reus, quam actor, quod  
dixi paulo ante; etiam huiusmodi pactiones à creditoribus  
fieri bona debitorum distrahentibus ex l. Impera-  
tor, hoc tit. & ex Theoph. nostro. Ad id etiam pertinet  
l. 1. de primi. cred. vel vt Florentiæ l. cum bona, de reb.  
auct. ind. poss. quæ vult in distractione, siue autione  
bonorum debitorum, si plures existant qui velint esse  
bonorum emptores, & quasi successores debitorum, vt  
eis & in eos competant omnes actiones, pactione prius  
habita cum creditoribus soluendæ tantum certæ partis,  
præferri extraneo & cognato creditorem, cuius res agi-  
tur, si quis ex multis creditoribus bona emerit, & in se  
recipere velit onus soluendi æris alieni cæteris credito-  
ribus pro parte, de qua conuenerint. creditor ad licita-  
tionem admittitur, l. 2. C. si in causa iud. pig. cap. sit.  
& potior est cognato debitoris, quia rem suam perse-  
quitur. Extraneo autem parato emere bona, & pacisci  
cum creditoribus, potior est cognatus debitoris. si ido-  
neus sit, & eo, quod conuenerit soluendo, non impar.  
Et hoc est quod ait l. Imperator, hoc tit. Si creditores  
parati sint partem ex bonis licet ab extraneo, bonorum  
emptore scilicet consequi, si parati sint pacisci de certa  
parte debiti, residua remissa & condonata, rationem  
habendam prius necessariarum personarum, id est, co-  
gnatis potius vendenda esse bona quam extraneo, si  
idonei sint cognati, id est, si sint soluendo, si habeant  
vnde soluant partem debiti, qua creditores profitentur  
se fore contentos. Quod si ex creditoribus plures sint,  
qui ea bona emere velint, inter creditores, d. l. cum bona,  
ait, in emptione bonorum præferri eum, cui maior pe-  
cunia debetur, quia scilicet eius interest magis. sicut hoc  
loco, in dicendis sententijs, quora parte cum herede an-  
te aditam hereditatem creditores decidere debeant, vt  
eum impellant ad adeundum, dicitur eorum sententiam  
præualere, quibus maior pecunia debetur. & hic est sen-  
sus d. legis cum bona, quam Accursius assequutus nullo-  
modo est. Denique tota ea l. cum bona, est de bonorum  
emptoribus, qui autionantur bona debitoris, quæ cre-  
ditores venditioni exposuerunt & proscripserunt vter  
utri præferatur, si plures sint parati bona à creditoribus  
emere, quæ distrahunt sub pactione certa, & vt Basilica  
habent illo loco, tota est *ἡ περὶ ἀπολύσεως τῆς τῶ ἀρχαίου*,  
id est, de prælatione in emendis bonis debitoris, quæ  
venit sub hasta. variū & multiplex est ius *ἀπολύσεως*,  
quod habet quis in emendis bonis debitoris, quæ à cre-  
ditore distrahuntur, de quo in d. l. cum bona. Item quod  
habet dominus in emendo iure emphyteutico, id em-  
phyteuticario volente vendere, de quo in l. 3. de iure  
emphyt. quod item habet agnatus vel dominus in emen-  
do feudo, de quo in libris feudorum. quod habet item  
vicarius conuicario volente fundum vendere: nam con-  
uicarius extraneo præfertur in emendo fundo, de quo  
iure *ἀπολύσεως* est in lib. 11. C. tit. non licere habitatoribus  
metropolitanis, *μικροκαρίας*, id est, magni vici, &c. Et po-  
stremo ius *ἀπολύσεως*, quod habet in venditione, &  
distractione pignorum antiquior creditor, de quo est ti-  
tulus, qui pot. in pign. hab.

Ad l. 33. de neg. gest.

Hereditas viri defuncti, uxorem, quæ res viri tempore nu-  
Respons. Papin.

priarum in sua potestate habuit, compilata hereditatis postu-  
lare non debet. prudentius itaque faciet, si ad exhibendum  
& negotiorum gestorum, si negotia quoque viri gesserit, cum  
ea fuerit expertus.

IN hac l. ostenditur, crimine expilatæ hereditatis ab  
herede non posse accusari uxorem defuncti, quæ  
constante matrimonio res viri scilicet omnes in sua po-  
testate, & in sua manu habuit atque administravit, vt  
hodie habent pleræque domina malo more, quæ viuo  
marito res mariti in sua potestate habent, post mortem  
eius non potest rea postulari expilatæ hereditatis, quod  
etiam ostendit l. pen. D. de crim. expil. hered. & l. 4. C.  
eod. tit. l. quamuis, G. de furt. Et ratio hæc est, quia nec  
compilare videtur vxor vel furari, si attrectat quod vi-  
uus maritus in eius potestate posuerit. Verum earum re-  
rum nomine, vt subiicit in hac lege, heres potest agere  
cum vxore defuncti ad exhibendum. Prudentius, in-  
quit, fecerit, si omisso crimine expilatæ hereditatis, e-  
gerit ad exhibendum, & exhibitas res vindicauerit: vel  
etiam, quod addi potest, si egerit petitione hereditatis,  
cum res vxor possidet pro herede vel pro possessore:  
vel, vt ait, si egerit heres cum ea vxore negotiorum ge-  
storum, cum ea gesserit negotia omnia viri, viro dedito  
ignauia: & ait, prudentius fecerit, si egerit his actio-  
nibus omissa actione, siue accusatione expilatæ heredi-  
tatis, si elegerit aptam actionem, & negotio, quo de  
agitur, competentem. Inepta actio frustra instituitur,  
& efficit sæpe, vt bona causa amittatur, l. fideiussor, hoc  
tit. l. 1. D. si mens. fals. mod. dix. Et tamen inepta actio,  
quæ semel instituta est, non consumit aptam & congruam  
actionem, quod notandum est, l. cum indebitum, de con-  
dict. indeb. & maluit etiam Papinian. dicere, compilata,  
siue, concipitata hereditatis, cum hoc loco, tum in l. 23.  
in pr. de fideic. libert. quod alij omnes dicunt expilatæ.

Ad l. 57. mandati.

Mandatum distrahendorum seruorum, defuncto, quæ  
mandatum suscepit, intercidisse constitit, quoniam tamen  
heredes eius errore lapsi, non animo furandi, sed exequendi,  
quod defunctus sua cura fecerat, seruos vendiderant, eos  
ab emptoribus vsucaptos videri placuit. Sed venalitiarum  
ex pronuncia reuersem Publiciana actione non utiliter a-  
cturum: cum exceptio insti domini causa cognita detur,  
neque oporteat eum, qui certi hominis fidem elegit, ob erro-  
rem aut imperitiam hereditatem adfici damno.

AD hanc l. præmittam, quod & ipse Papinian. præ-  
misit, morte mandatoris siue domini, qui sui cau-  
sa quid alteri negotij mandauit, vel morte mandatarij,  
siue procuratoris mandatum dissolui, mandatum inter-  
cidere, l. inter, in pr. l. & seq. §. morte, sup. hoc tit. Mor-  
te, inquam, naturali vel etiam ciuili, id est, capitis de-  
minutione, argum. l. cum quis, in prin. de solut. & l. post-  
liem, sup. de procur. quæ modo mors contigerit re inte-  
gra, id est, negotio nondum inchoato. nam post nego-  
tium inchoatum mors huius vel illius non soluit man-  
datum. Symmachus 1. Epistol. venerabilis, inquit, Iu-  
liani sanctio stare procuratorum insit officia causarum do-  
minis viuentibus inchoata. Et ea constitutio Iuliani est in  
l. nulla, C. de procur. Eodem vero modo dicimus etiam  
iustum re integra extingui morte eius, qui iussit, l. si per  
epistolam, D. de acquir. hered. & si legitimus tutor alij  
tutelam in iure cessit, & moriatur, vel capite minuatur,  
cessitiam etiam tutelam extingui, ex Vlp. lib. reg. tit. de  
tut. Hoc præmisso, veniamus ad speciem huius legis.  
Species est de venalitario quodam, id est, de mangone,  
& quasi mercatore seruorum venalium, quos solet eme-  
re vt vendat, non vt sibi habeat, qui & venalitijs dici-  
tur à M. Tullio, & Suet. Tranq. atque etiam vt Græcis  
ff



*κατασκευαστοῦ* in l. ult. D. de adil. edic. illo loco: ex venalitia  
 nouitiorum empti, id est, à mangone emptum seruū no-  
 uitium; cum tamen propius sit; ea verba, ex venalitia,  
 sic accipere de lapide, vel de pergula mangonis, de loco,  
 non de homine, vt apud Petronium: *Erat*, inquit, *ve-*  
*nalitium titulis pictum*. Denique de venalitiario species  
 hæc est. Quidam venalitiarius Roma profecturus in  
 prouinciam nouitiorum cœmendorum causa L. Titio  
 mandauit vt seruos, quos Romæ relinquebat suo no-  
 mine venderet, quos quidem mango errans existima-  
 bat esse suos, qui eos emerat à non domino bona fide,  
 nec dum vsuceperat: sic est ponenda species, vt inferius  
 demonstrabitur. Luc. Titius mandatarius mortuus est  
 antequam seruos vendidisset, & antequam mango ex-  
 prouincia reuerteretur: heres autem L. Titii seruos  
 vendidit, lapsus errore iuris, vt ait, id est, mandatum  
 morte L. Titii existimans non esse finitum. heres igitur  
 L. Titii seruos bona fide vendidit, & tradidit bonæ fi-  
 dei emptori, non animo furandi, alioquin essent furti-  
 ui, & plane non possent vsucapi, quos tamen subinfert  
 fuisse vsucaptos postea ab emptore: verum heres L. Ti-  
 tii illos vendidit animo exequendi mandati, quod pu-  
 tabat non esse extinctum, quod, vt ait eleganter, defun-  
 ctus suę curæ fecerat, quod defunctus vsuceperat. Per  
 traditionem eorum mancipiorum heres L. Titii domi-  
 nium non transtulit in emptorem, quia finito mandato  
 morte mandatarii, ius vendendi seruos heres non ha-  
 buit. Verum fac, eorum seruorum dominium postea  
 emptorem adquisisse per vsucapionem possidendo le-  
 gitimo tempore; Quæritur, an reuersus mango ex pro-  
 uincia recte agat cum emptore, qui seruos vsu suos fe-  
 cit, Publiciana in rem actione, quæ solet dari bonæ fi-  
 dei possessori amissa possessione, eius rei vindicandæ  
 causa quam ante possedit bona fide, nec dum vsucepit?  
 Quid est Publiciana actio? utilis rei vindicatio, quæ  
 tanquam domino datur ei, qui rem bona fide possedit,  
 nec dum vsucepit, amissa possessione, aduersus extra-  
 neum, non dominum, ad quem possessio peruenit, &  
 aliquando aduersus dominum, inuenta & proposita in  
 edicto, vt est in *Instit. tit. de act. on.* à Publicio Prætore,  
 id est, à Quinto Publicio, quem Prætorem Urbanum  
 fuisse cum M. Iunio ex Cluentiana intelligimus. Vide-  
 tur autem in specie proposita, mangonem aduersus em-  
 ptorem qui seruos vsucepit, non utiliter agere Publi-  
 ciana actione, quia emptor vsucapione seruorum do-  
 minium adquisiuit, quod ipse mango non habet: &  
 ideo agentem mangonem actione Publiciana excludere  
 potest opposita exceptione iusti dominii, l. pen. & ult.  
*sup. de Publ. in rem. act.* Regulariter actio Publiciana  
 non datur aduersus iustum dominium: vsucapione ius-  
 tum dominium acquiritur, quod legitimum dominium  
 vocat Varro, 2. de re rustica, cap. 10. In emptionibus, in-  
 quit, dominum legitimum sex fere res perficiunt: si heredi-  
 tatem iustam adiit: si, vt debuit, mancipio ab eo accepit,  
 à quo iure civili potuit, aut si in iure cessit, cui cedere po-  
 tuit, & id ubi oportuit aut si vsucepit: aut si è prada sub co-  
 rona emit: tumue cum in bonis sectione cuius publice ve-  
 nit. Denique iustus & verus dominus potior est fictitio,  
 qualis est mango, qui seruos bona quidem fide emit, &  
 possedit à non domino, sed nondum vsucepit. Non abs-  
 re posuimus, mangonem non fuisse verum dominum  
 seruorum, sed bonæ fidei possessorem, & possessionem  
 amisisse venditis seruis ab herede mandatarii, antequam  
 vsucapionem impleffet: alioquin hic frustra tractaretur  
 de Publiciana actione. Non posuimus mangonem siue  
 venalitiarium fuisse verum dominum, quia dominus  
 ab emptore vsucaptis seruis dominium amisisset, & ac-  
 tionem in rem directam bonæ fidei possessor, qui est  
 fictitius dominus, & cui datur actio fictitia, quasi vsu-  
 ceperit, quod non vsucepit, nempe Publiciana actio,

nec seruis ab emptore vsucaptis eam actionem amittit:  
 plus potest fictio iuris quam veritas. Et Papin. quoque  
 hoc loco concludit, mangonem ex prouincia reuersum  
 contra emptorem, qui seruos vsucepit, Publiciana acti-  
 one utiliter acturum, sic est legendum, *utiliter acturum*  
 sine negatione, vt in Basil. *καλῶς κινῆ τὴν πρὸς βελικιανήν*,  
 vel, *non inutiliter acturum*: non vt Florentiæ perperam,  
*non utiliter acturum*. Quod & sequentia verba perspi-  
 cue euincunt: ait enim mox Papinianus, mangonem v-  
 tiliter agere Publiciana, quia nec ei obstat exceptio ius-  
 ti dominii, quod quæsiuit emptor, quippe quia ea  
 exceptio non datur passim & temere, quocunque casu  
 agente non domino aduersus dominum, non certe in  
 casu legis culpa, *sup. de rei vindic.* non in casu legis siis  
 cuius, *sup. ex. quib. cau. maior.* non in casu legis & gene-  
 raliter, de noxal. actionib. non in casu l. 2. de except. non  
 in casu l. si quis rem, de except. rei indic. non etiam in  
 proposito casu, quia exceptio iusti dominii datur non  
 temere, vt dixi, sed causa cognita & bene perpen-  
 sa, id est, ita demum, si iusta causa subsit dandæ eius exceptio-  
 nis, quæ nulla subest in casu proposito. Imo in casu pro-  
 posito nulla est causa repellendi mangonem data exce-  
 ptione iusti dominii, cum non debeat ei, qui certi ho-  
 minis fidem elegit in distrahendis seruis, puta L. Titii,  
 error nocere, vel imperitia heredum, inscitia heredis L.  
 Titii; cum non oporteat, inquit, mangonem, qui certi  
 hominis, puta L. Titii fidem elegit, vt eos seruos venderet,  
 ob errorem & imperitiam heredis L. Titii affici damno. Ita-  
 que si mangoni agenti Publiciana emptor, qui seruo-  
 rum dominium adquisiuit vsucapione, opponit exce-  
 ptionem iusti dominii, ea exceptio à mangone submo-  
 ueri poterit, opposita replicatione in factum vel doli  
 mali: quod non sit æquum, sibi stultitiam officere he-  
 redis mandatarii, cuius solius fidem elegerat in ex-  
 cquendo mandato.

#### Ad l. i. in quib. caus. pign.

*Senatusconsulto, quod sub Marco Imperatore factum  
 est, pignus in insula creditori datum, qui pecuniam ob resti-  
 tutionem edificij extruendi mutuam dedit, ad eum quo-  
 que pertinebit, qui redemptori domino mandante nummos  
 ministravit.*

IN hac lege ostenditur ex Senatusconsulto, siue ora-  
 tione Diui Marci, quæ elicuit Senatusconsultum, do-  
 mum, quæ corruerat aut exusta fuerat, restituta pecunia  
 creditoris, creditori tacite pignori esse obligatam, qui  
 eam pecuniam domino aræ numerauit ad domum re-  
 stituendam, vel qui domino mandante redemptori  
 subministravit, Redemptori, id est, *ἀρχιτεκτονί*, vel ei,  
 qui domum restituendam conduxit, *τῷ ἐργολάῳ*, vt est in  
 Basil. Eidem creditori eodem Senatusconsulto datur  
 priuilegium in actione personali. Priuilegium exactionis  
 nis, quæ *est le premier pay.* vt l. ventri, § 1. de pr. u. cred.  
 vel de rebus aut. indic. possid. l. creditor, D. de reb. cred.  
 Puto etiam eodem Senatusconsulto datam tacitam hy-  
 pothecam ei, qui cessante domino domum alienam re-  
 stituit & restaurauit, quoniam & huic inuenio ex ora-  
 tione Diui Marci dari priuilegium exactionis inter cre-  
 ditores chirographarios. l. cum duobus §. iacm respondit.  
*sup. pro socio.* At quæret aliquis, an etiam detur tacita hy-  
 potheca ei, cuius pecunia domus, quæ vitium faciebat,  
 resecta est? Et dicam, non dari tacitam hypothecam  
 ei, qui credidit ad domum reficiendam, non re-  
 stituendam, sed hoc tantum ei dari, vt si de pi-  
 gnore vel hypotheca conuenerit nominatim, in ea  
 præferatur etiam antiquioribus creditoribus hypoteca-



riis aut chirographariis, vel iure expressæ hypothecæ, quam nullam chirographarii habent. Facimus igitur differentiam inter restituere domum, & reficere, ut in l. 58. & l. 61. de legat 1. Plus sane multo est restituere, quam reficere: & perperâ Bartolus hoc loco restitutionem interpretatur refectionem. Rursus quæret aliquis, an is cuius pecunia domus emptæ est, habeat in ea domo tacitam hypothecam? Et hunc quoque negabo habere tacitam hypothecam, & dicam tantum habere expressam, de qua conuenienter specialiter, vel generaliter, l. 17. C. de pigno. l. licet. C. qui pot. in pign. hab. Et quod ante dixi de eo, cuius pecunia domus resecta est, forte non probaui. Id patet ex l. interdum, qui pot. in pign. hab. Et, cuius pecunia domus resecta est comparo eum, cuius pecunia domus emptæ est, quia neuter habet tacitam hypothecam, & necesse est, ut sibi caueat pignus vel hypothecam, si velit, quia à lege non habet tacitam: neque tamen id etiam probes ex eo, quod legitur in argum. Mostellar. Comed. Argentum, inquit, mutuum acceptum dicit pignus emptis adibus. quoniam pignus ibi accipitur pro arrabone, non pro hypotheca. Caterum si is, cuius pecunia domus comparata est, expressim sibi cauerit hypothecâ, ex emplo eius, cuius pecunia domus resecta est, in ea hypotheca præfertur antiquioribus, d. l. licet, d. l. interdum, & Nouel. 97. Excipiendus tamen est pupillus, quod fauor eius ætatis expressit: nam si pupilli pecunia res comparata est, in ea re pupillus habet tacitam hypothecam ex constitutione Seueri & Antonini, l. 3. inf. de reb. eorum, qui sub tut. vel cur. l. pen. C. de seruopign. dato man.

Ad l. 67. de euct.

*Emptori post euictionem serui, quem dominus abduxit, venditor eundem seruum post tempus offerendo, quo minus præstet quod emptoris interest, non recte defenditur.*

**P**ROponitur in hac l. seruum venditum, à non domino, dominum emptori iure, iudicioque euicisse & abduxisse. non euicit rem qui vicit, nisi & abduxit rem vel abstulit, l. euicta §. 1. l. habere, l. si proare §. ult. h. z. Plus est euincere quam vincere: sicut plus est emigrare quam migrare. Marc. Tullius de iure dicundo: domo eius emigrat, atque ab eo exit: nam iam ante migrauerat. plus est eradicatus quam radicitus. Plautus in Mostel. omnia ergo malefacta vestra reperi non radicitus quidem hercle, verum etiam eradicatus. Post abductum autem emptori seruum à domino, quæritur, an venditor, qui euictionis nomine tenetur emptori ex empto in id, quod interest, an liberetur si post aliquod tempus, si post euictionem transacto aliquo tempore, offerat eundem emptori agenti ex empto, redemptum forte à domino, vel qua alia ratione quæsitum? Et ait Papinian. quod venditor seruum venditum euictum offerat emptori, non ideo liberari venditorem, nec defendi recte, nisi etiam præter seruum offerat quanti interest emptoris, eum sibi seruum euictum non esse, eumve sibi interim habere non licuisse. quæ est sententia huius responsi. Neque huic responso quicquam obstat l. fideiussor, de doli except. quam opponit Accursius, cuius Glossam omnem esse abolendam, sequentia demonstrabunt, quoniam ea l. fideiussor suffragatur potius huic responso atque consonat: namque ait fideiussorem euictionis nomine cōdemnatum pro venditore: venditor est primus auctor: fideiussor, secundus auctor, & neuter potest defugere auctoritatem emptore agente de euictione; fideiussorem, inquam, euictionis ait non liberari, si prædium euictum offerat emptori, & omnia, quæ iure empti continentur, nisi & pro damnis satisfaciat emptori: quid aliud est, quam nisi emptori pro eo quod interest,

Respons. Papin.

**A** satisfaciat? Id, quod interest, est damnum datum, vel lucrum interceptum: atque ita plane ea lex congruit cum hoc responso. dices, fideiussorem etiam offerre id, quod interest in specie leg. fideiussor. Quoniam, ut ait, offert omnia, quæ iure empti continentur. Omnia, est verbum peremptorium, ut Valentinianus ait: imo dicam, hæc verba, omnia quæ iure empti continentur, non complecti quantum interest prædium euictum non esse, sed complecti ea quæ dicuntur, cetera venditionis, ut solent dicere nostri auctores, cetera litis, cetera cognitionis, l. magis §. si pupillus, de reb. eor. qui sub tut. l. si duo §. si quis iurauerit, de iureiur. quæ dicuntur etiam reliqua, quæ per consequentias emptionis propria sunt, l. §. de action. emp. puta, ut rei venditæ vacuum possessionem tradat, ut caueat de euictione, de sanitate, de noxiis, ut purget se de dolo malo, d. §. si quis iurauerit, l. i. de rer. permut. Et illis verbis, omnia non contineri etiam quod interest propter euictionem, finis legis demonstrat, qui exigit, & fideiussorem pro damnis emptori satisfacere, quæ scilicet attulit euictio, id est, pro eo, quod interest, quod non obtulit. Magis videtur huic responso obstare l. si vero §. ult. solu. matrim. quæ maritum, quæ negotia gerens mulieris, vel inuita muliere manumisit seruum dotalem, quem quidem maritum eo nomine constat etiam manente matrimonio lege Iulia obligatum esse mulieri conditione ex l. Iulia, ut æstimationem mulieri præstet hereditatis liberti, id est, serui dotalis manumissi, quæ scilicet ad eum quasi ad patronum peruenierit. Maritum, inquam, liberari ait, si non æstimationem præstet hereditatis mulieri, sed res ipsas hereditarias offerat, & tradere mulieri malit. Et hoc benigne admitti, ut liberetur tradendo res ipsas, cui ex verbis legis Iuliæ tenetur tradere æstimationem rerum. Cur ergo & in specie proposita hoc non benigne admittimus, ut offerendo seruum euictum venditor liberetur iudicio empti venditi? Et summa ratio hoc exigit: nimirum, quia in damno versatur emptor, cui etiam non offertur quod interest, id est, damnum quod fecit seruo euicto, ob amissas serui operas, vel mercedes, vel acquisitiones: nec vlla hac in re est differentia, quod quidem Glossa notat inter actionem ex stipulatione duplæ interposita euictionis nomine, quæ semel commissæ non perimitur, nisi solutione duplæ, l. habere, in fine, hoc tit. & actionem ex empto ob euictionem, in quantum emptoris interest, quæ etiam semel nata, non denascitur vel intercidit, nisi solutione & præstatione damni, quod euictio attulit emptori. At in dicta l. si vero §. ult. nullo damno afficitur mulier, cui maritus præstat res ipsas hereditarias, quæ ad eum perueniunt ex bonis liberti, id est, nihil amplius mulieris interest, & satisfat ei in solidum. eademque ratio est legis si fundus §. si pluris, de pignor. Si debitor conuentus actione hypothecaria noluerit creditor pignus restituere, & ideo damnatus sit præstare litis æstimationem creditori, quanti creditor iurasset in litem; subtili iure ex lege duodecim Tabul. scilicet tit. de de reb. indic. propter auctoritatem rei iudicatæ debet præstare integram litis æstimationem, quam creditor iuratus fecit, forte immensam, & æstimauit ac probauit iudex, si quidem velit liberari hypotheca. Verum humanius est, ut ait, dicere hypotheca liberari, hypotheca exonerari, etiam si non offerat quanti litis æstimata est, quod plerumque est immensum & pænæ vicem obtinet, sed offerat id omne, quod reuera creditori debet, id est, sortem & vsuras, quia hoc præstito, & solutis sumptibus litis, qui semper victori restituuntur, reuera nihil amplius creditoris interest, nihil præterea damni superest, quod creditor facere videri possit: & in æstimatione eius quod interest spectamus veritatem, non quantitatem comprehensam iureiurando in litem, quæ plerumque

Ff ij



superat iustam æstimationem: spectamus utilitatem, id est, quod vere interest, non pœnam, l. 4. §. in eum, de dam. infes. Et æstimatio iurisiurandi in litem quasi pœnaria est, quia, excedit veram æstimationem.

Ad l. 86. de adquir. hered.

*Eum bonis se miscere convenit, qui remoto familia vinculo pro herede gerere videtur. Et ideo filius, qui tanquam ex bonis matris, eius, cuius hereditatem suscepit, agrum ad hereditatem patris pertinentem, ut maternum ignorans possedit, abstinendi consilium, quod in bonis patris tenuit, amisisse non videtur.*

**N**emo est, qui nesciat, suos heredes proprie vocari, qui ipso iure statim post mortem parentis heredes existunt, eosque etiam inuitos & ignorantes non adire hereditatem, quam amplecti cupiunt, nec pro herede gerere, sed miscere se, vel immiscere se bonis quasi rei suæ: extraneos autem heredes non existere statim, sed fieri adeundo, vel pro herede gerendo. Adire vel pro herede gerere, est acquirere hereditatem, in miscere se, est iam acquisita vti: Adeo, vel pro herede gero tanquam qui non fuero ante dominus. Immisceo me tanquam qui fuero ante dominus. Denique quod in extraneo est pro herede gestio, id in suo herede est immisio, l. & si quis §. plerique, sup. de religiof. Verum quibus modis extraneus intelligitur se pro herede gessisse, vel non gessisse, iisdem etiam suus heres intelligitur miscuisse se aut non miscuisse. Et hoc est, quod ait initio huius legis, *eum bonis patris se miscuisse convenit*, id est, constitit inter omnes iurisperitos, *qui remoto familia vinculo pro herede gerere videtur*: familiæ vinculum vocat patriam potestatem. Sui non sunt, nisi qui eo vinculo in familia deuncti sunt, remoto familiæ vinculo: emancipatione, vel alio modo legitimo sui heredes fiunt extranei. Hoc igitur ait, quo modo emancipatus filius videretur pro herede gerere, eodem suus videbitur miscere se bonis patris, vel hereditati paternæ. Atqui filius emancipatus vel heres extraneus non videtur se pro herede gerere, qui utitur re hereditaria, quasi non hereditaria: sicut è diverso videtur se pro herede gerere, qui utitur re non hereditaria per errorem quasi hereditaria, l. si quis extraneus §. 1. sup. & l. seq. infra. Ergo & suus heres non videtur se bonis immiscere, qui utitur re hereditaria, quasi non hereditaria, veluti re paterna, quasi materna. Fac, filium suum cepisse consilium abstinendi se bonis paternis, non etiam maternis, & ignorantem fundum paternum possedisse tanquam maternum, non videtur mutasse consilium abstinendi se bonis paternis, non videtur miscuisse se bonis paternis: nihil nocet error ei, qui existimavit maternum esse, quod erat paternum, l. cum falsa, C. de iur. & fac. ign. Notandum tamen est, aliquo casu filium videri se immiscuisse bonis paternis, quo tamen extraneus non videtur se pro herede gessisse, ut si servum paternum filius manumiserit, videtur se miscuisse, l. Iulianus §. si servum, hoc tit. Si vero extraneus servum defuncti nondum agnita hereditate manumiserit, atque ita nullo iure manumiserit, qui nondum heres effectus erat, non videtur se pro herede gessisse, l. 1. C. de iur. deliber. Facilius videtur miscere se, qui ipso iure heres existit, quam pro herede gerere se, qui ipso iure heres non existit. Ad summam, res eo redit, ut non quemadmodum iisdem modis, quibus extraneus se pro herede gerere videtur, etiam suus videatur miscere se: quod proponitur initio huius legis, non ita etiam quomodo omnis suus miscere se intelligitur, & extraneus pro herede geret.

Ad § Pupillis.

*Pupillis quos placuit oneribus hereditariis esse liberandos, confusas actiones restituere oportet.*

**S**ententia hæc est: Pupillus post aditam hereditatem extranei liberatur oneribus hereditariis, si consilium amiserit retinendæ hereditatis: & liberatur pupillus quantum existimo ipso iure, mutata voluntate, ex edicto Prætoris, sicut post immixtionem hereditatis paternæ mutato consilio ipso iure liberatur, etiam non petita restitutione in integrum, l. impuberibus, l. necessariis, sup. hoc tit. At post aditionem pupillo liberato oneribus hereditariis, æquum est, ut ait, restitui actiones aditione confusas & extinctas, quas in defunctum habuit ante aditionem, ut scilicet eodem loco sit res omnis, quo fuisset non adita hereditate, integrato iure debiti, quod aditio, id est, concursus iuris debitoris & creditoris in vnam personam consumpserat; & eodem modo æquum est reintegrari servitutes confusas aditione, quas scilicet prædijs pupilli prædia defuncti debebant, l. 18. de serv. l. si heres §. ult. ad Trebell. l. si servus Titij, de leg. 1. l. cum filius §. dominus, de leg. 2.

Ad §. quidam l. 30. de donat.

**Q**uidam in iure interrogatus, nihil sibi debere tutoris heredes respondit. Eum actionem iure amisisse respondit: licet enim non transactionem, sed donationis hac verba esse quis accipiat, attamen eum qui in iure confessus est, suam confessionem infirmare non posse.

**P**rimæ responsi, species quam nostri interpretes nullo modo assequuti sunt, hæc est. Heredes tutoris acturi contraria actione tutelæ aduersus minorem 25. annis, iam puberem factum, & ignorantes, an aliquid vicissim ex administratione tutelæ defunctus pupillo deberet, ne plus petendo in periculum inciderent, & damnum sentirent aliquod ob eam rem: quia, qui plus petit causa cadit, & plus petit, qui non habita ratione compensationis, id est, non compensato vel deducto eo, quod ipse vicissim debet, totum petit, quod ei debetur, ut recte Paulus ait. 2. Sentent. tit. 4. in fine, & l. 4. de compensation. Ideo in iure, id est, quo loco prætor more maiorum ius dicere solet, Prætor ipse, à quo heredes tutoris postulabant contrariam actionem tutelæ aduersus minorem, priusquam conciperet formulam actionis desiderantibus heredibus tutoris, interrogavit minorem, nunquid ei heredes tutoris debeant, qui respondit, nihil sibi debere. Queritur an iure & merito minor amiserit directam tutelæ actionem quam forte habet, quod respondit nihil sibi deberi. Dicebat se non amisisse, quia id donandi, non transgendi animo in iure respondisset, & donationem nullam valere factam à minore 25. annis, etiam si veniam ætatis impetraverit, ut & ex ipso Papiniano discimus in l. tutores §. ab eo, de administrat. tut. & confirmat l. ult. C. si maior factus var. alien. hab. Transactio valeret aliquo dato vel promisso, vel retento, ut l. transactio, C. de transactio. puta, si quid heredes tutoris minori darent, aut promitterent, ut actionem tutelæ remitteret, vel si quid ipse minor eo nomine ab heredibus tutoris retineret: At donatio non valet, siue remissio actionis tutelæ facta donandi animo. At Papin. etiam si quis illa verba, *nihil sibi debere heredes tutoris*, donationis, non transactionis verba esse accipiat, quæ quidē donatio non valet, id est, etiā si quis dicat illa verba non facere transactionem, quæ posset valere, sed facere donationem, quæ non posset valere, tamen respondit, non posse eū, qui in iure confessus est sibi nihil deberi,



*confessionem suam infirmare* idemque remissionem actionis valere, non vi donationis, sed vi confessionis in iure factæ, quia confessio in iure facta apud Praetorem pro re iudicata habetur, quasi in iure, id est, loco iuris reddendi proprio, & competenti: partes iudicis agente in seipsum eo, qui confitetur, quæ partes iudicis cum non possint alio loco agi, quam constituto legē vel more, consequens & verum est, nec eum, qui confitetur alio loco quam in iure, pro iudicato haberi. Et huc pertinet *l. post rem, de re iudic. l. 1. §. proinde, si quid in fraud. pat.* Et quod est in 12. tabul. aeris confessi rebusque iure iudicatis, iure, id est, ubi oportet comparatur in ea lege confessioni res iudicata, sed confessionem tamen sequi solet sententia iudicis confessioni compar, *l. 5. inf. de confessis, l. 5. de custod. reor. l. qui sententiam, C. de pœn.* Atque ita is, qui confitetur, fit, ut videatur damnatus duplici iudicio, suo, & iudicis, nec iterari iudicia caret exemplis. Breuiter hic est sensus huius responsi, ut quamuis illa verba, *nihil sibi debere*, quæ dixit in iure minor viginti quinque annis, non accipiantur pro transactione, sed pro donatione, quæ non valet, tamen confessio in iure facta non possit infirmari, quasi scilicet donandi animo remissa actione tutelæ, ea res non valeat ut donatio, sed ut confessio in iure facta. Neque obstat, quæ obici posset *l. cum donationis, C. de transaction.* quæ donationem valere dicit, quia remittitur actio tutelæ, quia accipienda ea lex est, ut patet ex similibus eiusdem tituli legibus quamplurimis, de donatione vel transactione, quia remittitur actio tutelæ, quæ fit à maiore 25. annis. Denique in hac specie remissio actionis valet vi confessionis, non vi donationis, quia facta est à minore 25. annis. Potest etiam huic responso opponi lex *3. C. de repud. heredit.* Quæ lex è conuerso, vice versa & mutata, si transigendi, non donandi causa in iure profiteatur suus heres maior 25. annis, ut in *l. 4. eod. tit.* se hereditatem patris quam iam agnouit, & per immisionem adquisiuit, non petiturum, ait, neque eam transactionem valere, quia nihil datum vel promissum, vel retentum est, ut ponit, neque professionem valere non petendæ hereditatis, licet ea professio facta sit in iure, quia hereditas semel adquisita repudiari non potest. Donari potest à maiore viginti quinque annis: Et pactum donationis causa interpositum valet. At quia interpositum est transactionis causa, neque ut transactio valet, nullo dato, vel promisso, vel retento, neque ut repudiatio hereditatis in iure facta. Ergo potest dici & in specie proposita, neque donationem valere factam à minore, neque confessionem, licet facta sit in iure. Et hanc legem, quæ valere confessionem dicit, nec posse irritam fieri, pugnare videri cum *d. l. 3. verum*, quæ post legem tertiam statim sequitur quarta, rem omnem explicat, & respondet tacite huic responso Papinianus hoc modo, ut quod dicitur hoc loco, confessum pro iudicato haberi, vel quod idem est, confessionem in iure factam, non posse infirmari, quia instar est rei iudicatæ, hoc ad eum tantum pertineat, qui fatetur se debere, aut sibi non debere, non ad eum, qui repudiat in iure, profitendo se renuntiare bonis, qui repudiat hereditatem in iure, quam semel adquisiuit, quia ea repudiatio, etiam si fiat in iure, non valet. Repudiamus enim delata, non adquisita, *l. 1. §. decretalis, de success. edic. l. Titia §. Lucio, de legat. 2.*

#### Ad §. donationem.

*Donationem quidem partis bonorum proxima cognata viuentis, nullam fuisse constabat. verum ei, qui donauit, ac postea iure pratorio successit, quoniam aduersus bonos mores, & ius gentium festinaisset, actiones hereditarias in totum denegandas respondit.*

**A** IN hoc secundo responso ostenditur, non valere donationem partis bonorum cognati viuentis, & ignorantis factam ab eo, qui eius successionem sperat. Addidi, *ignorantis, ex l. 2. in fine, sup. de iis quib. ut indign. & l. ult. C. de pact.* Cur non valeat ea donatio, causa est turpis præsternatio eius, qui donat, quod iure nondum ad se peruenit, nec forte vnquam peruenturum est, & præmatura atque improba spes illa successionis, cum adhuc viuat is, cuius de bonis donat. *Præmatura & improba* appellatur in *l. 1. §. si impuberi, de collat. bonor. l. 2. §. interdum, de vulg. substitut.* & à Seneca, nefaria, & *l. ult. C. de pact. acerbissima spes.* nefaria igitur donatio est, & contra bonos mores, contraque ius gentium, ut ait hoc loco: *contra bonos mores*, ciuitatis Romanæ scilicet, & *contra ius gentium*, id est, contra bonos mores gentium omnium, rationemque diffusam in omnes gentes. qua ratione, furtum dicitur esse *probrum*, & *prohibitum*: nam *probrum* à prohibendo dicitur, furtum, inquam, esse *probrum* iure naturali, in definitione furti, quæ existat in *l. 1. de furt. & in l. probrum, de verbor. signific.* furtum autem est de alieno donare, *l. si ignore §. 1. de furt.* de alieno igitur donare partem bonorum, eamque viuenti domino alij mancipare solemniter per æs & libram, quo genere pono in hac specie fuisse perfectam donationem partis bonorum cognati viuentis. Alioquin non tam ratione turpitudinis nulla donatio esset, quam quod imperfecta esset: nec enim ante Iustinianum donatio nudo consensu perficiebatur, sed mancipatione, vel traditione, vel cessione in iure, quo iure etiam vtimur, *Donner & recevoir ne vaut.* Qui autem dum præmature inhiat bonis cognati viuentis, ita donauit, ut dixi, mancipando alij partem bonorum cognati viuentis, si postea ei cognato successerit ab intestato agnita bonorum possessione unde cognati, non tantum ea pars, quam donare festinauit, ei auferatur ut indigno, & fisco vindicatur, sed etiam omnia bona, denegatis in totum hereditariis actionibus, ut ait hoc loco, & *l. seq. & l. 2. in fine, sup. de iis quibus ut indign.* Nec restitutis confusis actionibus si quid ei cognatus debuit, *l. heredem, eod. tit.*

Denique, qui præmature partem donauit, totum amittit. Neque huic sententiæ quicquam obstat *l. rescriptum, eod. tit. de iis, quib. ut indign.* Quoniam alia est ratio heredis, qui post mortem testatoris, vel eius, de eius bonis agitur, subripuit partem hereditatis, aut rem aliquam hereditariam, antequam adiret hereditatem: huic enim heredi ea tantum pars, cuiusve partis tantum Falcidia auferatur quasi indigno & applicatur fisco, quam subripuit; quoniam hic in parte tantum peccauit, autre hereditaria quam subripuit: ille de quo agitur hoc loco, peccauit in totum, quia donando partem inhiavit totam quasi esuriens lupus, & spe deuorauit totum, & ob id etiam toto indignus est. Non obstat etiam huic responso *l. 1. 4. C. de capt. & postl. ren.* quæ, (ut eius speciem & sententiam perstringam paucis) matre capta ab hostibus, si filius hereditatem eius adierit, vel ex eius hereditatis causa cum alio aliquid præmature transegerit, nondum accepro certo nuntio de morte matris: deinde filius vita decesserit, & post filium mater decesserit apud hostes, ait, nihil officere, quod filius gessit viua matre, filiis sororis, quo minus ad materteræ successionem admittantur, quæ post filium vita functa est apud hostes; ac proinde bona non vindicari fisco, sed iure retineri à filiis sororis, quia scilicet ad eos bona iure meritoque perueniunt, neque se egerunt pro indignis successionibus materteræ. Itaque fisco locus non est. Si peruenissent ad filium præmortua matre, qui viua matre transegerat de bonis cum alio, vel adierat bona, tum sane fisco locus esset. Nihil etiam obstat huic responso lex *si quis seruum, de action. emp.* ubi venditor serui, qui ante traditionem eum manumisit, recte promittit emptori stipulanti quidquid ex hereditate liberti ad se peruenierit testi-



tutum iri. Libertus viuit, & tamen hæc conuentio viuo eo admittitur: sed hoc ideo, quia venditor iudicio empti in hoc tenetur, vt id promittat inuitus, quod dixi, nec ipse festinauit, sed emptor sibi consulens & prospiciens in futurum. Nihil etiam obstat l. 2. §. *illud potest*, sup. de heredit. vend. ex qua male efficiunt, nondum delatam substituto hereditatem impuberis, recte vendi contra l. 1. eiusd. tit. quia ille §. de delata hereditate loquitur, quæ vendi potest, non, de non delata. Et quod ait ille §. *maxime si delata sit*, taxationis vim habet, vt ita demum recte vendatur hereditas, si delata sit. Nihil etiam obstat l. qui superstitis, sup. de acquir. heredit. vbi, qui viuentis hereditatem repudiavit post mortem eius, eam non prohibetur adire, excluso fisco, quia is sane, qui repudiavit præmature, non inhiavit hereditatem viuentis. Nihil etiam obstat lex 7. §. *pen. de pact.* quæ recte ait, filium viuo patre pacisci cum creditore paterno, ne quid petat, vel ne totum petat, quia hic etiam non inhiat bonis paternis, sed rem gerit patris; denique gerit, quod ex re est patris, nec satagit suam rem. Postremo nihil etiam obstat l. *pen. in fine, de castr. pecul.* quæ ait; si viuo filio pater testamento manumiserit seruum castrensis peculij, seruo libertatem competere præmortuo filio, siue intestatus filius decesserit, quo casu peculium reddit ad patrem, l. 2. *cod. tit.* siue testatus decesserit, si destitutum sit & irritum factum testamentum eius, puta, non adita hereditate ab herede scripto. Quo etiam casu bona castrensis filij, pater qui superuixit occupat iure peculij. Primum, nihil obstat ea lex, quæ vult competere libertatem datam viuo domino: at hoc responsum non vult valere donationem factam viuo domino. Nihil obstat primum, quia vt ait, hoc fauorabiliter admittitur, vt competat libertas: deinde quia qui testamento manumittit, vt posuimus manumisisse patrem, magis cogitat de suis bonis, quam inhiat alienis; Vis scire quam hoc sit verum; finge, patrem non manumisisse testamento, sed inter viuos, puta, vindicta seruum castrensis peculij, sane hoc casu nec præmortuo filio intestato libertas competit: vt ostendit eadem l. *pen. §. ult.* illo loco: *non tamen, si vt heres seruo vindictam imposuit.*

## Ad l. 20. de manumiss.

*Causam minor xx. annis, qui seruum donatum manumittendi gratia accepit, ex abundanti probat post Diui Marci linteras ad Aufidium Victorinum. etenim si non manumiserit, ad libertatem seruus perueniet. non idem in fideicommissaria libertate iuris, cuius causam minor debet probare. nam libertas, nisi ita manumisso, non competit.*

**I**N hac l. sunt tria responsa, quæ omnia pertinent ad constitutionem, siue ad rescriptum Diui Marci & Commodi ad Aufidium Victorinum præfectum vrbis, de seruis venditis, vel etiam ex sententia constitutionis, de seruis donatis libertatis causa, vt scilicet ab emptore vel donatario manumittantur. Quod ad primum responsum attinet, certum est, ex lege Ælia Sentia quæ lata fuit Augusti temporibus, minorem 20. annis seruum suum inter viuos vindicta manumittere non posse, nisi causam se habere manumittendi iustam probauerit in consilio Prætoris, vel Consulis, vel Præsidis prouinciæ. Consilio iudicis lex Ælia Sentia existimauit indigere eum, qui parum firmo consilio valet, parumve ætate firma l. 4. sup. de seru. export. firma vel firmata ætas, vt Poeta loquitur, & nostri quoque Imperatores, non est in mare ante xx. annum, l. 1. C. Theodos. de iis qui ven. atat. impet. Iusta autem ætas siue legitima non est ante xxv. annum, nec in mare, nec in sceminis, Ad rem. Huic capiti legis Æliæ Sentia locus est, non tantum, si minor

**A** xx. annis, vltro libertatem præstare seruo suo gratuitam velit, sed & si debitam ex causa fideicommissi, vt puta, quod legato sibi relicto rogatus sit seruum suum manumittere: nec enim eum potest manumittere ex fideicommissi, nisi causa cognita apud consilium Prætoris, vel Consulis, vel Præsidis prouinciæ probetur, & ostendatur, plus aut tantum esse in legato, quantum in pretio serui. Nam si vilius est legatum, seruo vix consilium permittet manumissionem, & fideicommissum, quod alias dicitur necessitatem iniungere vel imponere, l. cum filius §. pater, de leg. 2. hoc casu necessitatem non iniungere, nec agnito legato, quia non potuit testator derogare legi Æliæ Sentia, l. nemo, de leg. 1. l. Cerdonem, de oper. libert. Et hoc quidem proponitur in hoc responso inter cætera, itemque in l. si rogatus, tit. seq. In qua monendi estis, vulgares libros, & Basilica rectius sic habere, *minor annis xx. male Florentinæ, minor annis xxv.* quoniam illa lex pertinet ad l. Æliam Sentiam, & idem habet omnino, quod hoc responsum primum: atque adeo docet, quod & hic proponitur, aliud esse dicendum, si seruus minori xx. annis donatus sit ea lege, vt eum manumitteret, si donatus sit libertatis causa: nam si minor eos, qui sunt in consilio prætoris, doceat, seruum esse donatum libertatis causa, hæc est ratio manumittendi iustissima, nec alia exquiritur, l. illud §. 1. tit. seq. imo & consilio, hæc manumissionis causa allegatur ex abundanti, vt ait, hoc loco, sic loqui solet, vt & in l. legata, de supellect. leg. in meioribus: quia etsi hæc causa non sit allegata consilio, vel allegata si forte non sit probata consilio, aut si consilium in ea causa probanda, & manumissione permittenda cunctetur, protinus seruus ipso iure eripitur ad libertatem ex constitutione Marci & Commodi ad Aufidium Victorinum, cuius sententiam etiam Papinianus porrexit ad seruos donatos, suprad. l. pen. inf. qui sine man. ad libert. Et eleganter Vlpianus in d. l. si rogatus, tit. seq. cunctante consilio, cunctante iudice cum suo consilio, in cognitione & probatione istius causæ, quæ iustissima est, quod seruus donatus sit libertatis gratia, constitutionem D. Marci superuenientem istam iudicis cunctationem dirimere & amoliri repræsentata libertate. Sequitur secundum responsum.

## D

## Ad §. Puellam.

*Puellam ea lege vendidit, vt post annum ab emptore manumitteretur. quod si non manumisisset; conuenit uti manum iniceret, aut decem aureos emptor daret. non seruata fide, nihilominus liberam ex sententia constitutionis fieri respondit, quoniam manus iniectio plerunque auxilij ferendi causa interuenit. itaque nec pecunia petetur, cum emolumentum legis voluntatem venditoris secutum sit.*

**V**Endita est ancilla ea lege, vt post annum manumitteretur ab emptore, & adiectum est in conuentione, vt si emptor non manumisisset ancillam, venditori in eam manus iniectio esset, vel uti emptor pro vt eligeret, pœnæ nomine venditori daret decem aureos. Quæritur, an ad hanc conuentionem pertineat constitutio Diui Marci ad Aufidium Victorinum? Et videtur non pertinere: nam lex venditionis non est præcisa, vel stricta, non est scilicet concepta absce, vt omnino ancilla manumittatur, sed vt vel manumittatur, vel si non manumittatur, pœnæ nomine emptor venditori inferat aureos decem, aut in eam venditori sit manus iniectio. Et tamen Papinianus ait, ex sententia constitutionis, non ex verbis, sicut & superiore casu dixit in l. pen. qui sine man. ad lib. ex sententia constitutionis idem esse statuendum in seruis donatis, quod in venditis ea lege. Ergo & similiter hoc casu, ex sententia constitutionis post annum, cessante emptore in manumittenda ancilla, ancillam fieri liberam ipso iure ex constitutione, &



ideo nec pœnam 10. aureorum committi, quia, vt eleganter ait *l. ult. C. si manc. ita fuerit alien.* qua sane hoc secundum Papiniani responsum comprobatur, quia, inquit, *conditionis potestate*, sic est legendum in *d. l. ult.* non *potestatem*, id est, vi ipsa pacti adiecti, vt puella manumitteretur, pacti, inquam, adiecti venditioni, vt puella manumitteretur, *factum manumittentis representatur.* vis ipsa pactionis representat factum manumittentis, supplet factum manumittentis. *Conditionis potestatem* vocat *d. l. ult.* quod hoc loco Papinianus vocat *emolumentum legis*, id est, *duarum* legis, id est, pactionis adiectæ venditioni, id est, vim pactionis adiectæ venditioni sequi voluntatem venditoris, & ancillam facere liberam statim. Itaque in *d. l. ult.* conditio accipitur pro lege venditionis, siue pactione, vt in *l. pen. eod. tit. l. Paulus respondit, in princ. D. de lib. causa.* Ergo emolumentum legis vt ait Papinianus hoc loco, id est, vis ipsa & potestas legis datæ venditionis, vt puella manumitteretur, sequitur voluntatem venditoris, & liberam facit puellam, perinde atque si ab emptore manumissa esset, vt *l. 3. D. qui sine man. ad lib.* Quod autem sibi venditor lege venditionis, vt initio posuimus excepit manus iniectionem, si ancilla non manumitteretur, vel si pœnæ nomine non darentur 10. aurei, non ideo, vt docet hoc loco Papinianus, actum intelligitur, vt ancilla in dominium venditoris redeat, & serua permaneant, sed potius, vt manu iniecta liceat venditori auxilium ferre ancillæ, & eam eximere ab iniuria perpetuæ seruitutis contra voluntatem suam, qui voluit eam manumitti post annum. Et eleganter manus iniectionis, inquit, non dominij vindicandi scilicet, sed auxilij ferendi causa plerumque interuenit, vt scilicet, quis eximatur ab iniuria. Tribuni plebis manu iniecta ciues eximebant ab iniuria Consulium. creati autem sunt tribuni plebis auxilij ferendi causa. Et ita aperte in *l. pen. in fi. de seru. export.* manus iniectionem sibi reseruare venditores mancipij venditi causa, vt id vindicent ab iniuria & eripiant auxilij causa, quo quidem auxilio iam non indiget, quæ ipso iure fit libera: libertas satis eam vindicat ab iniuria, quæ ipso iure competit. Est quidem tam manus iniectionis, quam libertas comparata pro mancipio, vt eximatur ab iniuria, sed vbi concurrunt libertas, & manus iniectionis, potior est libertas, vt ait *d. l. pen.* manus iniectione potior est libertas: melius est remedium, siue auxilium libertatis potentiusque, quam manus iniectionis. Et ita hic locus explicandus est. Quod autem Accursius in hoc responso opponit *l. seruum ea, in fi. de seru. export. & l. qui Roma §. Flavius, de verbor. significat.* id quemadmodum expediendum sit iam ostendi supra libro 9. explicatis illis legibus ad *leg. pen. qui sine man. ad lib. peru.* restat tertium responsum, quod pertinet ad istam constitutionem, quod sequitur.

## Ad §. vltimum.

Tempore alienationis conuenit, vt homo libertatis causa traditus post quintum annum impletum manumitteretur, & vt certam mercedem interea menstruam praberet. conditionem libertati mercedes non facere, sed obsequio temporaria seruitutis modum præstitutum esse respondi. neque enim in omnibus libertatis causa traditum comparari statulibero.

Venditus aut donatus est seruus ea lege, vt post quinquennium manumittatur à donatario vel emptore, & vt interim donatario vel emptori præbeat, certam mercedem menstruam, vt in *l. 23. §. ult. de fid. lib.* Si eam mercedem menstruam medio tempore seruus non præbuerit; Queritur, an & ad hoc genus conventionis pertineat constitutio D. Marci ad Aufidium Victorinum, vt seruus liber fiat post quinquennium, non præstitis mercedibus mensuris intra quinquennium? Et respondet sta-

tim, liberum fieri, subtiliter, etiam si non præstiterit menstruam pensionem emptori vel donatario, quia hæc conditio non est imposita libertati, vel hic modus non est impositus libertati, vt scilicet emptor eum manumitteret, si interim seruus præstaret pensionem menstruam, vel, vt ita eum manumitteret, vt interim seruus præstaret pensionem menstruam: res inquit, sic acta non est, libertati nulla est imposita conditio, nullus impositus modus, sed obsequio tantum, & seruitio quinquennij certus modus est præstitutus, ac si dixisset, *volo te emptori hoc modo seruire seruitutem interim, vt ei quot mensibus, tot inferas ex tuis operis.* Denique ea conditio siue modus non est impositus libertati, sed obsequio seruitutis temporariæ, definito genere modoque obsequij. Quod quidem obsequium constat medio tempore seruum libertatis causa traditum, debere emptori vel donatario. Breuiter, impositus est modus, qui & conditio quandoque dicitur, obsequio interim debito non libertati. Idcoque etiam eo modo non impleto libertas competit, quæ neque conditionalis est, neque modalis, vt *l. Imperatores, inf. de manum. testam.* Nec obstat, inquit, Papinianus, quod seruus traditus libertatis causa comparatur statulibero, & statulibero scilicet inest conditio vel mora, alioquin esset liber, non statuliber. An igitur, quia comparatur statulibero, dicam & in hac specie, libertati eius, qui traditus est libertatis causa, inesse conditionem, si medio tempore seruerit? dico comparari quidem posse statulibero eum, qui traditur alij libertatis causa, manumissionis causa, sicut & statulibero comparatur is, cui fideicommissaria libertas relinquitur, qui dicitur quasi statuliber, *l. rogo, l. non tantum §. qui per fideicommissum, de fid. libert.* Vterque est quasi statuliber, & qui traditur alij, vt manumittatur, & cui donatur fideicommissaria libertas: quoniam sicut statulibero dicitur esse implicitus casus libertatis, *l. ult. si ex nox. cau. ag.* ita illis implicitus est casus libertatis: & quasi medij generis sunt homines, inter seruos & liberos. verum, vt respondet Papinianus non in omnibus comparantur statulibero, sed in quibusdam, puta, vt deterior eorum conditio non fiat, sicut nec eorum, qui reuera sunt statuliberi, *l. statuliberum, inf. de statulib. l. is qui ex causa, & d. l. non tantum §. qui per fideicommissum, de fideicommiss. libert.* In omnibus autem non comparari statulibero, sic demonstro: statulibero libertas datur directo, & sub conditione semper, vel in diem, statulibertas directa est, & suspenditur semper ex conditione: illis autem libertas non datur directo, sed iniungitur alij, atque mandatur, vt eam det, neque huic mandato semper additur conditio vel dies, vel modus, vt in specie proposita, nulla conditio, nullusve modus libertati additus intelligitur, sed obsequio tantum siue seruitio temporario.

## Ad l. pen. si libertus ingenuus esse dic.

Patronum post quinquennium sententiæ pro ingenuitate dictæ, quo ignorante res indicata est, non esse præscriptione temporis submouendum respondi.

Sciendum est sententiam dictam pro ingenuitate non posse retractari post quinquennium vlla ex causa, *l. 2. sup. de iure iur. annul. l. 29. §. ult. de lib. causa.* Ab hac sententia in hac lege penult. excipitur tantum vnus casus, si pro ingenuitate dicta sententia sit alio quodam agente, vt in *l. hoc tit. non agente patrono, sed ignorante patrono*: ignorantem non officere præscriptionem quinquennij, ignorantem patronum posse agere præiudiciali actione, etiam post quinquennium in eum, qui ingenuus pronuntiatus est, & deregere forte collusionem, quam is exercuit cum aduersario, vt ingenuus pronuntiaretur, vt *l. 2. inf. de collus. deteg.* Et nihil est præterea in hoc responso. Opponit tantum Accursius *l. ult. in*



*fine, C. de præscript. longi temp.* quæ ait, in præscriptione longi temporis, id est, 10. aut 20. annorum, non esse spectandam scientiam vel ignorantiam domini: nam siue dominus sciuerit, siue ignorauerit rem suam possideri ab alio, ei præscriptio longi temporis nocet: Et tamen hic dicitur, ignorantia præscriptionem non nocere quinquennij. Quid ni vero? nam illa lex vlt. loquitur de præscript. longissimi temporis; præscriptionem breuissimi temporis, puta, quinquennij, non est æquum nocere ignorantibus.

Ad l. 48. de acquir. possess.

*Prædia cum seruis donauit, eorumque se tradidisse possessionem litteris declarauit. si vel unus ex seruis, qui simul cum prædiis donatus est, ad eum, qui donum accepit, peruenit, mox in prædia remissus est, per seruum prædiorum possessionem quasitam ceterorumque seruorum, constabit.*

Sciendum est, donationem secundum ius, quod obtinuit ante Iustinianum, fieri quidem posse per epistolam, vt l. Aquilius, & l. Lucius, sup. de don. & l. 5. & 13. C. eod. tit. sed non perfici, nisi translatio dominio, puta traditione, aut quasi traditione, l. 6. C. eod. t. l. 2. C. de crim. stell. l. quadam, sup. de rei vindic. vel, vt olim solebat, cessione in iure, aut mancipatione; & alia est ratio emptio- nis, venditionis, quæ perficitur nudo consensu, imple- tur & consummatur traditione: donatio non perficitur nudo consensu, sed perficitur simul & impletur tradi- tione. In specie autem huius legis facta est donatio præ- diorum per epistolam, sed nondum intelligitur esse per- fecta etiam si per epistolam declarauerit donator, se ea prædia tradidisse, quia ea epistola, siue declaratio pro pacto nudo habetur, vt in l. 15. de fundo dot. l. qui negotia, sup. mand. l. Paulus respondit, in pr. sup. de lib. caus. Et certi iuris est, traditionibus, non nudis pactis dominia rerum transferri, l. traditionib. C. de pact. Itemque traditionem non pactione fieri, sed datione possessionis naturali. At finge: absens ego per epistolam tibi donauit prædia cum seruis, & me ea tibi tradidisse scripsi & declarauit; at reuera naturaliter ad te possessio eorum prædiorum non peruenit, & vnus tantum serui ex iis, qui in prædiis morabantur, possessio ad te peruenit, quem mox in præ- dia illa remisisti. Quæritur, an videaris & ceterorum seruorum, simul ac prædiorum possessionem nactus: sic Papiniano videtur, nempe, vt per eum seruum, quem semel nactus es, & quem in prædia donata remisisti, vt ea possideret tuo nomine, videaris possidere prædia & reliquos seruos, idque constat inter omnes, l. 1. §. veteres, h. t. Quæ est sent. h. l. Malo in fin. l. vt aliis plerisque locis Papin. loquitur, legere, constitit, quod quidam Codices habent, quam constabit. Ponendum autem est in specie, quam proposui, vnus ex seruis prædiorum possessio- nem ad te peruenisse me volente, alioquin prædo esses, si me nolente rei donatæ aut venditæ, aut promissæ possessionem nactus esses, l. si ex stipulatione, sup. h. t. Po- sui etiam absentem me donasse, absentemue declarasse per epistolam me tibi tradidisse possessionem, quod so- lum per se pro traditione non est, nec præsumi potest, aut fingi pro traditione esse repugnante natura, quæ nõ patitur, vt nulla interueniente persona interposita, ab- sens quicquam tradat alteri in manus: fictiones & præ- sumptiones conuenire naturæ oportet: at si præsens præsentis, & in re præsentis epistolam scripsero, qua con- tineatur, me tibi rem tradidisse, sane ea scriptura, siue actus facile intelligitur pro traditione, vt l. 1. §. pen. & l. quod me §. si venditorem, h. t. Et ita accipiendum est, quod de traditione instrumentum emptio- nis compre- hensa proditum est in l. 2. C. eod. tit. Præsens autem res est, quam tenemus, vel cui insidemus, vel quam intue- mur, vt d. §. si venditorem, quam oculis aduersam habe-

mus. Et huius distinctionis quæ vulgo recepta est, ratio illa est, quia fictiones, quæ naturæ non congruunt, prorsus reiiciuntur: sicut & de confessionibus, quæ fiunt in iure, proditum est in l. confessionibus §. 1. & l. seq. §. vlt. & seq. §. 1. de in iure faciend. vt si dicam, me filium esse adolescentis, si maritum mortuæ mulieris, inanis confessio est. Et ita si absens prædium tibi donem, quod situm est, vbi tu es, & scribam, me tibi prædium tradidis- se, quod propter absentiam meam nec fecit, nec facere potuit per rerum naturam, nisi nuntio missio, aut procu- ratore, ea scriptura inanis est, quia natura scripturæ re- pugnat. At si præsens præsentis scribam in te præsentis, vel, si quis alius me volente scribat, me tibi eam rem tra- didisse, etiam si reapse non tradiderim, hæc scriptura pro traditione est; quia, quod continet, non abhorret à fa- cultate naturali. Et simili modo, si tibi præsentis stipuler dari, vel fieri, facile quis fingat aut præsumat te stipula- tum esse, quod præsens fueris, tibi que facile dederit vtilem actionem ex stipulatu, vt l. si procuratore, de verb. obl. l. si dictum §. si præsentis, de enict. non etiam si stipuler tibi absenti, l. 3. C. de contrah. stip. l. 3. C. de inur. stip. quia natu- ræ conuenienter fingi non potest stipulatum esse; & ha- buisse sermonem tecum eum, qui absuit. Et eadem ra- tione, si absens peregre scripsero, me tibi stipulanti pro- misisse, inanis scriptura est, quia stipulatio non potest fieri inter absentes: verba sunt præsentium tantum. Sed si præsens te præsentis id scripsero, me promississe tibi stipulanti, licet reuera tu stipulatus non sis, stipulatio præsumitur iure perfecta, l. 1. & l. pen. C. de contrah. sti- pul. Et ita intelligenda est l. sciendum, de verb. obligat. si quis scripserit se promississe, omnia videri iure perfecta, & solemniter acta, videlicet, si res gesta sit inter præsen- tes, alioquin non fingitur actum, quod agi per naturam non potuit. Quibus argumentis potest dici, si re gesta inter præsentis tabellio scripserit mihi, à te numeratam esse pecuniam in creditum, vel in solutum, nihil refert, scripturæ standum esse, quasi pecunia reuera numerata, licet testes dicant se solutionem, aut numerationem nul- lam vidisse, quod Bartolus sensit hoc loco, si modo id ita tabellio scripserit volentibus nobis, alioquin tabellio falsi reus est, qui ita scribit absentibus & nolentibus nobis. Et hæc sunt quæ pertinent ad hanc legem.

Ad l. 45. de vsurp. & vsucap.

*Præscriptio longæ possessionis ad obtinenda loca iuris gen- tium publicæ concedi non solet. Quod ita procedit, si quis ad- ficio funditus diruto quod in littore posuerat, aut dereli- querat adificium: alterius postea eodem loco extructo, occu- panti datam exceptionem opponat. Vel si quis quod in fla- minis publici diuerciculo solus pluribus annis piscatus sit, alterum eodem iure prohibeat.*

Initio legis ostenditur, præscriptionem longi tempo- ris, id est, x. annorum inter præsentis, & xx. inter ab- sentes, non dari ad retinenda siue obtinenda loca publi- ca iuris gentium. Obtinere plus est, quam tenere. Tene- mus cum primum nacti sumus possessionem, deinde ob- tinemus, l. clam, sup. tit. prox. Imo nec tenuisse videmur, nisi obtineamus, l. non videtur, eod. tit. Loca autem pu- blica iuris gentium vocat flumina & littora, quæ vsu communia sunt omnium hominum, l. 7. §. quod si toto, de acquir. rer. dom. §. littorum, Instit. de rer. diuis. Nec vlla gens est tam barbara, vt poeta ait, quæ arenæ hospitio prohibeat, primaque vetet consistere terra. Quamobrem & his duobus exemplis Papinianus vtitur, quibus pro- positioni initio positæ ostendat esse locum, vno de litto- ris vsu, hoc modo, si quis funditus diruto adificio quod in littore posuerat, aut deserto adificio, id est, si postquam æ- dificium possidere desiit quod posuerat, & longo tem- pore possederat, alij eodem loco ædificanti, supradicta præscriptionem,



prescriptionem, siue exceptionem opponat, quod ibi A ipse longo tempore ædificatum habuerit: nec enim ei qui possidere desit, hæc præscriptio dabitur, quoniam ædificio dilapso, vel derelicto, quasi iure postliminij locus recidit in pristinam causam, & perinde publicus est iurisdictionum, ac si in eo nunquam inædificatum fuisset, *l. quod in littore, sup. de adq. rer. dom. l. in tantum, in pr. sup. de rer. diuis.* Proinde is locus funditus diruto ædificio, idue ædificium, si non dirutum sit, sed pro derelicto habitum à domino, occupanti conceditur, *l. i. infra pro derelicto.* Seruus in illum locum,

----*Hospitio prohibemur arena.*

Occupantis, inquit, est possessio littoris. Exigit autem Papinianus vt funditus dirutum sit ædificium, id est, fundamenti fini: nam si pars ædificij super sit, eius manet, cuius fuit: vel etiam exigit, vt non dirutum ædificium pro derelicto habitum sit. quo loco male Accursius ponit disunctionem, vel, accipit pro coniunctione. Proponat autem verba Papiniani fere iuxta vulgarem scripturam, quæ melior hoc loco est quam Florentina. Cum proposuisset initio regulam, non dari præscriptionem longi temporis ad obtinenda loca publica iurisdictionum, subiicit proposito vno exemplo. *quod ita procedit, inquit, si quis ædificio funditus diruto, quod in littore posuerat aut dereliquerat, ædificio alterius postea eodem loco extructo, occupanti dictam exceptionem opponat.* Hoc tantum mutata vulgari, quod scribo; *dictam, non datam exceptionem, id est præscriptionem longi temporis, vel longæ possessionis, quam initio nec dari solere proposuit, quod est perspicue rectum.* Ædificij etiam nomine hoc loco comprehendendo omne ædificium, quod sit positum in littore, vel in mari, aut flumine publico: ergo comprehendendo etiam moletriam, de qua & Dd. tractant hoc loco, & idem in ea statuo, quod in quolibet alio ædificio. Sequitur alterum exemplum de vsu fluminis, *si quis quod in fluminis publici diuerticulo pluribus annis, id est, longo tempore, piscatus sit, qui nunc piscari desit, nec persequeretur in possessione piscandi, eodem loco, alterum piscantem eodem iure vt prohibeat, id est, publico iurisdictionum opposita supradicta præscriptione longi temporis.* Præscriptiones opponuntur, vel exceptiones non agentibus tantum in iudicio, sed etiam tentantibus aliquid in præiudicium alterius: vt exceptionem non numeratæ pecuniæ constat opponi, etiam si nondum agatur. Hoc vero casu, etiam illa præscriptio non admittitur, nec potest prohibere illa præscriptio piscari volentem, cum ille alter piscari desit eodem diuerticulo. Et huic responso Papiniani nota est & vexata satis, quæ opponitur *l. si quisquam, ff. de diuers. & temp. præscript.* In qua sunt eadem verba, sed adfirmantia; alterum scilicet eodem iure vt prohiberi posse, quæ hic vi ipsa sunt negantia; alterum eodem iure vt prohiberi non posse, nullus tamen in eo dissidio componendæ labor. Nam *l. si quisquam,* accipienda est de eo, qui est in possessione piscandi certo quodam fluminis publici diuerticulo, qui alium eodem loco piscari volentem prohibet recte, atque submouet præscriptione longi temporis. Contra hæc lex, vt superiore exemplo de vsu littoris posui, desuisse possidere ædificium eum, qui id posuerat in littore: nec enim possidetur, quod in rerum natura esse desit, quod funditus dirutum est, nec etiam quod pro derelicto habetur, *l. quod seruus, ff. de stipul. seru.* Ita sane consequens est, hoc posteriore exemplo poni eum, qui longo tempore certo fluminis diuerticulo piscatus erat, intermisisse piscationem, & desuisse possidere, quod sibi longo tempore parauerat, ius piscandi in flexu illo, & diuerticulo fluminis: ideoque eodem loco piscari volentem non posse prohiberi, quia locus rediit in pristinam causam: & nunc non priuatus, sed publicus est iurisdictionum. Et ita Ioannes & Angelus sentiunt recte, & Accurs. quoque breuiter: Solue, inquit, hic non erat in possessio-

Respon. Papin.

ne, ibi erat, nihil est rectius. postremo quod additur in hac lege, *post mortem* &c. hanc sententiam exprimit.

#### Ad §. post mortem.

*Post mortem domini seruus hereditarius, peculiij nomine rem cepit tenere, vsucapionis primordium erit tempus hereditatis adita: quemadmodum enim vsucapitur, quod ante defunctus non possedit?*

SI seruus hereditarius iacente hereditate, alioquin non diceretur hereditarius, igitur nondum adita, peculiari nomine, quod seruus peculiatu esset, à defuncto rem emerit, & tenere cœperit post mortem domini, ante aditam hereditatem, vt dixi, non procedere eius rei vsucapionem, si forte fuerit aliena, & bona fide empta, antequam aliquis heres extiterit adita hereditate, vsucapionis primordium esse tempus aditæ hereditatis, quia possessio non cœpit à defuncto, cœptam possessionem & vsucapionem à defuncto, & ante aditam hereditatem impleri, *l. cœptam, hoc tit. l. qui cum §. ult. inf. pro empt. l. cum miles, sup. ex quibus caus. mai.* non cœptam à defuncto non inchoari ante aditam hereditatem. Quod verum quidem est iure communi, sed iure singulari aliud esse receptum idem Papinianus scribit in *l. prox. §. nondum, sup. hoc tit.* nec alia ratione hic locus cum illo sine calumnia conciliari poterit. Et verisimile est, finem huius l. imperfectum aut mutilum esse, quoniam verisimile est, subieciisse Papinianum, aliud esse receptum iure singulari.

#### Ad l. 12. pro emptore.

*Missio legatario in possessione, res pro emptore vsucapitur, salua prætorij pignoris causa.*

EX hac lege intelligitur prætorium pignus constitui creditore vel legatario misso in possessionem bonorum debitoris, vel bonorum hereditarium, ex edicto, & ex primo decreto prætoris, vt in *l. 2. C. de prætor. pign.* Quo genere à debitore vel herede possessio bonorum non transfertur in eum, qui missus est in possessionem, sed custodia tantum & obseruatio bonorum, id est, possessori, qui debitor est, vel heres, creditor vel legatarius custos apponitur, *l. 5. in pr. sup. vt in poss. leg. l. 3. §. ult. sup. de adq. poss.* Nam primo decreto creditor vel legatarius non iubetur possidere, neque fit possessor, sed iubetur esse in possessione, & aliud est esse in possessione, aliud possidere: sicut aliud est esse in feruitute, aliud feruum esse. Et hoc quidem maxime distat prætorium pignus à conuentionali: nam conuentionalis pignoris naturalis possessio transfertur in creditorem, *l. cum & sortis §. ult. sup. de pign. act. l. per feruum, in pr. sup. de adq. poss.* Denique constituto & tradito pignore ex conuentione, debitor possidere definit. Constituto autem pignore ex primo decreto prætoris, debitor possidere non definit: verum post primum decretum si debitor non satisfaciat creditori, quo iure vtitur etiam hodie, secundo decreto prætor possessionem bonorum transfert in creditorem vel legatarium, simul ac præbet occasionem vsucapionis, *l. prætoris, in pr. & l. si finita §. Iulianus, de damno infec.* vbi dominum accipere oportet, cum ait: creditorem secundo decreto dominum fieri, pro possessore, non proprietario, quia vt prætor non facit heredem, sed facit bonorum possessorem, ita nec dominum facit, aut facere potest, id est, proprietarium, sed dominum possessionis tantum, id est, possessorem, heredem & proprietarium facere est solius iuris ciuili, non honorarij. Itaque primo decreto facit creditorem in possessione bonorum debitoris, secundo facit possessorem. vsucapio autem facit dominum iure ciuili. In hoc tamen prætor-

Gg



rium pignus & conuentionale inter se conueniunt, A  
quod sicut debitor rem pignori datam ex conuentione,  
quam forte pro emptore bona fide possidebat, etiam  
translata possessione in creditorem, vsucapere potest  
eam rem, quia quantum ad vsucapionem attinet, non  
intelligitur debitor, qui cepit possidere, desisse possi-  
dere, hoc est, vsucapio procedit, & impletur, etiam si re-  
apse non possideat, qui dimisit possessionem creditori, l.  
1. §. per seruum corporaliter, sup. de acquir. poss. ita &  
multo quidem magis constituto prætório pignore de-  
bitor vel heres, pro emptore vel pro herede vsucapere,  
vel inchoatam vsucapionem implere potest, salua causa  
prætōrij pignoris, vt ait, sicut, & rem pignori datam ex  
conuentione debitor vsucapit salua causa pignoris con-  
uentionalis, quia neque conuentionalis, neque prætōrij  
pignoris causam vsucapio perimit, quia nihil quicquam  
eum dominio, quod vsucapione quaeritur, commune  
pignus habet. Denique res vsucapitur cum sua causa, l. 1.  
§. cum pradium, sup. de pign. l. vsucapio; C. eod. tit. l.  
2. tit. seq. l. iusto §. non mutat, sup. de usurpat.  
& vsucapion.

#### Ad l. 40. de re iudic.

*Commodis præmiorum, quæ propter coronas sacras præ-  
stantur, condemnato placuit interdici, & eam pecuniam in-  
re pignoris in causam iudicati capi.*

Hæc lex est etiam de pignore, non tamen conuen-  
tionali, vel, vt superior, de prætório, sed de eo,  
quod in causam iudicati capitur, quod discretionis cau-  
sa interpretes nostri vocant iudiciale, cum & id, quod  
prætorium est, sane etiam iudiciale sit, & vtrumque ius-  
su prætōris constituatur, vel præsidis, sed non ex  
edicto vtrumque: prætorium ex edicto, iudiciale  
extra ordinem, l. si pignora, sup. de euict. Et do-  
cet hoc loco Papinianus in causam iudicati, id est, iudi-  
cati exequendi gratia, posse capi iure pignoris etiam  
commoda præmiorum, quæ, inquit, propter sacras coronas  
præstantur, videlicet, si qua commodata iudicato compe-  
tant ob victoriam, quam ex sacris certaminibus domum  
reportauit. Commodis, inquit, præmiorum, quæ propter co-  
ronas sacras præstantur: nam qui vincebant sacris certa-  
minibus, veluti Olympicis, coronabantur, l. 1. C. de  
Athletis, l. 6. §. Vlpianus, sup. de excus. tut. l. spem, C. quæ res  
pign. oblig. poss. Alij, vt nostis, frondibus oleastri, alij lau-  
ri, alij pinus, alij apij more Græcorum, quorum etiam  
vox coronæ, est mera Græca. Ac præter istam coronam  
etiam de publico victoribus præstabantur annonæ an-  
nuæ vel mensuræ, quod pensitandi verbum demon-  
strat in d. l. spem. & Vitruuius initio 9. scribens, Victores  
è Republica constitutis vestigalibus perpetua vita frui. Et  
hæc quidem vestigalia, hæc commodata siue præmia,  
ἐπὶ θλά, siue annonæ publicæ possunt capi in causam iu-  
dicati, iudicato prohibito ea percipere, & quo die ea  
præstari solent, executore rei iudicatæ ea auferente iu-  
dicati faciendi causa. Quo argumento dici potest, etiam  
commoda, quæ clericis præstantur posse capi, & in cau-  
sam iudicati conuerti. Et probatur hoc etiam in capite 2.  
ext. de fideiuss. Itemque stipendia militum, quoniam l.  
stipendia, C. de exsec. rei iudic. sub conditione tantum ve-  
tat stipendia militum pignori capi, si alia ratio suppetat,  
qua rem iudicatam magistratus exequantur, & perdu-  
cant ad effectum. quam conditionem etiam apponimus  
commodis athletarum vt non possint capi in causam  
iudicati, nisi quum alia bona condemnato non super-  
sunt. Ex conuentione verò constat hæc omnia commo-  
da pignori iure non obligari, d. l. spem.

#### Ad l. 21. de priuileg. cred.

*Antiochenisum Cælesyria ciuitati, quod lege sua priuile-  
gium in bonis defuncti debitoris accepit, ius persequendi  
pignoris durare constituit.*

Hæc quoque lex est de pignore, non tantum de  
conuentionali vel prætório, vel iudiciali, sed de  
eo, quod lege datur, quod tacitum pignus dicitur, vt  
Antiochiæ splendidissimæ ciuitati Cælesyriæ, curuæ  
vel Cælesyriæ ad differentiam Syriæ Phœnicis & alia-  
rum Syriarum; Antiochiæ, inquam, lex sua propria de-  
dit priuilegium in bonis defuncti debitoris; defuncti,  
non viuentis, id est, dedit tacitam hypothecam in bonis  
defuncti debitoris, sicut in l. simile, inf. ad municip. dicitur,  
fiscum habere priuilegium in bonis debitoris, id est,  
tacitam hypothecam, quod & priuilegium dicitur in l.  
2. C. de seruopign. dat. man. Est sane priuilegium hoc fisci,  
vt habeat tacitum pignus, vt tacite ei sint pignerata bo-  
na debitoris, etiam viuentis, quoniam idem priuile-  
gium non habet quælibet Respu. nisi quæ id accepit  
nominatim à Principe, vt ait d. l. simile, & l. 2. C. de iure  
Reip. lib. 11. vel quæ id habet sua lege, & more vetusto, vt  
habuisse Antiochiam ciuitatem Cælesyriæ, ait, non  
quidem in bonis viuentis, vt fiscus: sed defuncti tantum  
debitoris. Quod priuilegium Antiochiæ etiam durare,  
hoc loco Papin. ait, quid hoc est, etiam durare? nempe  
non esse sublatum edicto Seueri Imperatoris, quo om-  
nia iura & priuilegia eum Antiochenis ademisse, eo  
quod in bello ciuili Nigri Nigrum iuissent, Aelius  
Spartianus scribit in Seuerio, & in Anton. Caracalla;  
post adempta Antiochenis priuilegia, tamen hoc priui-  
legium tacitæ hypothecæ Papin. ait durare, quoniam id  
habuit ea ciuitas lege sua. Ratio igitur hæc est, quia tan-  
tum ea ademit Seuerus Antiochenis, quæ dederat ipse,  
vel data ab aliis Principibus initio sui Imperij confir-  
mauerat. Ita quod sit hodie, est vetustissimum, vt soleant  
Principes initio sui Imperij, confirmare omnia priuile-  
gia, omnes immunitates, quod in iure nostro scriptum  
est, & scriptum esse pauci animaduertunt in l. 6. quæ  
Græca est, de excus. tut. quo loco agit de immunitate &  
priuilegiis philosophorum, quæ eis, inquit, confirma-  
uit D. Seuerus, παρελθὼν ἐν δὲς ἐπὶ τῷ ἀρχαῷ διατάγματι τὰς  
ὑπαρχίας, πρὸς, ἢ ἀπὸ τῆς ἐξουσίας ἡ βελούσων: statim atque prin-  
cipatum adeptus est, suos honores & immunitates confir-  
mauit. Quod quidem esse ex instituto Tiberij Impc-  
ratoris Suetonius scribit, & Aurel. Victor in Tito. Ade-  
mit ergo Seuerus Antiochenis sua beneficia, aut Prin-  
cipum superiorum, non ademit, quæ ea ciuitas lege sua  
& more patriæ recepto antiquius ea habuit & exercuit;  
non ademit igitur ius taciti pignoris, quod habuit in  
bonis defuncti debitoris lege sua. Et hæc ratio signifi-  
catur his verbis: Quod lege sua priuilegium in bonis de-  
functi debitoris accepit. Recte enim editio Florentina  
expressit illud, quod, cum accentu graui. Et hic sane est  
sensus huius legis, quem & Basilica conseruarunt & ex-  
presserunt his verbis, Ἀποχὰ ἡ τῆς ἀνείας κοίτης τὸ νόμιμον  
ἔχει, ἵνα ἐνέχῃ λαβεῖν ἐν τῶν πρεσβυτέρων αὐτῶν: Antiochia  
Cælesyriæ priuilegium habet, vt si debitor eius vita decesse-  
rit, pignora capiat ex bonis eius crediti seruandi causa, licet  
de pignore nihil conuenerit, scil. male igitur Alciatus  
hanc legem accipit de iure περιμήσιος, quasi lex diceret,  
in persequendo pignore conuento, singulos Antioche-  
nos præferri extraneis creditoribus hypothecariis,  
etiam antiquioribus. Quod hæc lex nullo modo dixit,  
quæ non est de iure prælationis, non de hoc priuilegio,  
sed de iure & priuilegio tacitæ hypothecæ. Male etiam  
Accurs. hanc legem accipit de eodem iure περιμή-  
σιος, in quo tamen longe aliter, quam Alciatus sta-  
tuit, & tradit hic, Papinianum velle, ciuitatem vi priui-



legij, quod accepit sua lege, vel à Principe, non præferri A  
priuato antiquiori creditori hypothecario. Accursius  
nullum dat ciuitati priuilegium, Alciatus dat aliquod,  
sed non quod erat in mente Papiniani.

Ad l. 19. de iure fisci.

*Denique non esse præstandas vsuras, cum pecunia reuo-*  
*catur, conuenit; quoniam res, non persona conuenitur.*

C Errum est fiscum in actione hypothecaria habere  
priuilegium tacitæ hypothecæ ex suis contracti-  
bus, vel ex causa tributorum, non ex omnib. causis, vt  
demonstrat *l. rescriptum, sup. de pact.* Et iure tacitæ hypo-  
thecæ non habet priuilegium, vt præferatur cæteris an-  
tiquioribus: denique pro priuilegio habet tacitam hypo-  
thecam, sed non etiam, vt iure tacitæ hypothecæ ex-  
cludat priores creditores hypothecarios. Denique in  
actione hypothecaria non habet nisi priuilegium &  
prærogatiuam temporis, si fiscus sit prior, erit potior in  
hypotheca, si posterior, seruabit suum ordinem. At in  
actione personali fiscus habet priuilegium, & primum  
locum obtinet inter omnes creditores chirographarios,  
etiam antiquiores: nam & hoc idem priuilegium ex-  
actionis in actione personali habet quælibet Resp. *l. quod*  
*quis, & l. pen. sup. de reb. auct. ind. possid. vel de priuileg.*  
*cred. l. 1. C. qui pot. in pign. hab.* Et ideo si quis ex aliis cre-  
ditoribus occupet suum repetere à debitore, integrum  
est fisco, solutam creditori pecuniam reuocare, & repe-  
tere iure priuilegij sui, vt *l. prox. §. ult. §. p. l. s. C. de priuileg.*  
*fisc.* Reuocat ergo fiscus, quod solutum est alij credito-  
ri, cui ipse est anteposendus, & reuocat sortem tantum  
ei solutam, non etiam, vt ait hoc loco, eius sortis vsuras;  
quod creditor interim ea pecunia vsus sit, quia, inquit,  
res, non persona conuenitur, id est, fiscus non agit in per-  
sonam creditoris, qui festinauit suum repetere quasi sibi  
obligatum, sed agit in pecuniam ipsam, quæ soluta præ-  
mature creditori est, non habita ratione priuilegij fisco-  
lis, eamque pecuniam vindicat. Constat autem in actio-  
nibus siue persecutionib. in rem vsuras non venire, sed  
in actionibus in personam tantum, *l. si nanis, de rei vin-*  
*dic.* Pertinet etiam ad hoc idem priuilegium exactionis,  
quod fiscus habet, *l. 37. huius tit.*

Ad l. 37. eodem.

*Quod placuit fisco non esse pœnam petendam, nisi credito-*  
*res suum recuperauerint: eo pertinet, ut priuilegium in pœ-*  
*na contra creditores non exerceatur, non ut ius commune*  
*priuatorum fiscus amittat.*

O Stenditur, priuilegium exactionis fiscum habere  
si suum persequatur, quod sibi abest, non si perse-  
quatur pœnam ex causa delicti. Nam antiquiores credi-  
tores chirographarii potiores sunt fisco, pœnam perse-  
quenti, non rem, vel pecuniam suam. Et hoc est, quod  
dicitur, pœnam fiscolem esse post creditores, *l. in summa,*  
*l. Statius §. ult. hoc tit. l. 1. C. pœn. fisc. cred. præfer. lib. 10.*  
Creditores antiquiores scilicet, quoniam æquius est sub-  
ueniri antiquiori creditori de damno sollicito, qui  
suum repetit, quam fisco affectanti lucrum ex præstatio-  
ne pœnæ, quod aduentitium lucrum est. Verum si pœ-  
næ debitio sit antiquior credito, sane hoc casu fisco non  
auferetur, quamuis certet de lucro, ius commune priua-  
torum, vt ait, opponens; ius commune, priuilegio, id est,  
pœna exsoluenda prius erit fisco, quam pecunia poste-  
riori creditori, vt *l. ult. §. pen. C. qui potior. in pign. hab.* At-  
que ita prærogatiua temporis facit, vt qui de lucro cer-  
tat, potior sit eo, qui certat de damno. Et ita hæc lex ex-  
plicanda est Et nihil est præterea in *lib. 10.*

Respons. Papin.

IACOBI CUIACII  
IVRISCONSULTI  
COMMENTARIUS  
in Lib. XI. Responsorum  
Æmiliij Papiniani.

Ad l. 41. de pact.

*Intra illum diem debiti partem mihi si solueris, acce-*  
*ptum tibi residuum feram, & te liberabo. licet actionem non*  
*habet, pacti tamen exceptionem competere debitori con-*  
*stitit.*



Pecies huius legis hæc est. Conuenit nudo  
pacto inter debitorem & creditorem, non, vt  
stulti fingunt, in ipso tempore credendæ pec-  
uniæ, alioquin pactum forinaret actionem,  
& daretur actio ex pacto, quod tamen lex negat, sed id  
ita conuenit postea, intermisso aliquo spatio temporis,  
ita scilicet conuenit, vt, si debitor intra certum diem solue-  
ret creditori partem debiti (sermo est conditionalis) quod  
plerumque paciscuntur creditores, qui pecunia egent,  
creditor ei residuum acceptum ferret, vel quod idem est,  
residuo eum liberaret per acceptilationem. forte credi-  
tor, qui pecunia indigebat ante diem soluendæ pecu-  
niæ, si debitor rei vellet intra diem breuiorem soluere,  
& repræsentare partem debiti, pactus est, se residui gra-  
tiam facturum debitori, & eum liberaturum residuo per  
acceptilationem. Quæritur an debitor intra eum diem  
agere possit, vt per acceptilationem residuo liberetur  
oblata scil. parte debiti, alioquin qua fronte id desidera-  
ret? oblata igitur parte debiti, de qua conuenit, & cre-  
ditore nolente partem oblatam accipere? Et respondet  
Papinianus, nullam debitori eo nomine competere  
actionem, quia ex pacto nudo non nascitur actio, sed  
quia nascitur exceptio: si post oblationem partis, quam  
creditor recusauit, creditor totum petat, & agat in soli-  
dum, debitor se tueri potest exceptione pacti conuenti,  
vel doli mali; nuda oblatione pactum non transire, non  
verti in contractum, vt actionem pariat, sed datione &  
obsignatione, *l. qui mutuâ §. 1. mand. l. 9. C. de solut.* Ac-  
cursius & Doctores male ponunt, à debitore fuisse da-  
tam & solutam partem debiti: nam si soluta esset quasi  
pacto nudo iam perducto ad effectum, & in contractum  
conuerso, do, vt facias, do partem debiti, vt mihi residuum  
acceptum feras, tum debitori competet proculdubio  
actio præscriptis verbis in creditorem, vt se residuo li-  
beret per acceptilationem; quia, vt nihil refert, quod  
& Doctores fatentur, statim atque pactus sum, stipuler;  
an postea, vt mihi competat actio, ita nihil interest;  
dem statim, an postea: & quod ait *l. petens, C. de pact.* in  
stipulatione quæ sequatur, statim, inquit, id ad eam le-  
gem satis ostenci quo referendum sit Obseruatio 10.  
nam ex eo non sequitur, quin, si id, quod pactus  
sum longo tempore, post deducam in stipulationem,  
mihi pariam actionem ex stipulatu. Quidni? datio-  
ne vel stipulatione pactum sumit effectum, *l. diui-*  
*sonis, hoc tit.* Ergo in specie proposita nihil interest  
conditio pacti, si solueris partem debiti citatore die,  
nihil interest ea pacti conditio impleatur statim, an  
postea: nam & conditio postea impleta retro re-  
currit, *l. potior, qui potior. in pign. hab.* Denique  
pactum transit in contractum, & in obligationis ci-  
uilis causam, vel statim, vel postea pacti conditio-  
ne impleta, vnde nascitur actio, quia iam non est.

Gg ij



factum, sed contractus. At quia in hac specie non A fuit impleta conditio pacti, non fuit soluta pars debiti, de qua conuenerat, sed oblata tantum; ideo ait, *offerenti*, quia nondum res pacti fines egressa est, id est, nondum transit in contractum, sed stetit intra finem pacti; ex eo pacto non esse actionem debitori, ut liberetur, sed exceptionem tantum, secundum vulgarem regulam toto hoc titulo diffusam: ex pacto exceptionem dari, non actionem.

Ad l. 19. de compensat.

*Debitor pecuniam publicam seruo publico citra voluntatem eorum soluit, quibus debitum recte solui potuit: Obligatio pristina manebit, sed dabitur ei compensatio pecunij finis, quod seruus publicus habebit.*

**D**ebitor Reipub. vel fisci (nihil refert) pecuniam debitam ex contractu Reipub. (sic est ponendum, non ex contractu serui publici, serui Reipub.) seruo publico soluit eam pecuniam citra voluntatem eius, qui praepositus est administrationi rerum ciuitatis, puta, curatoris Reipub. non recte soluit: ergo nec se liberauit à Repub. Curatori Reipubl. recte soluisse. seruo publico sine voluntate curatoris Reipublicae non recte soluit: ergo se non liberauit, & pristina obligatio manet, atque adeo integra est Reipublicae actio in debitorem, qui, cui non debuit, soluit, perinde, atque si nemini soluisse. Verum, ut monet Papinianus hoc loco, si cum eo agatur nomine Reipubl. quia ex negotiis gestis cum seruo publico, sicut quilibet alius dominus, Respubl. tenetur de peculio, quod peti posset à Republ. actione de peculio, id est, quod seruo publico solutum à Republ. repeti posset actione de peculio, non in solidum, sed in peculium tantum, quatenus ferunt vires peculij. Item si agatur nomine Reipub. ex pristina obligatione Reipubl. compensari potest, *peculij finis*, ut ait, id est, *peculio tenus*, quantum peculij tenus, quod arcus genus est, intendi potest, ut in l. si sine herede §. Modestinus, de administ. tut. Itaque si tantum sit in peculio, quantum soluit seruo citra voluntatem administratoris Reip. nulla Reipubl. actio competit: si minus sit in peculio, superflui tantum petitio Reipub. superest. etiam Reip. vel fisco compensatio opponi potest, *idem*, & l. ult. hoc tit. l. aufertur §. quod in compensationem, de iure fisci. & opponitur in hac specie Reipub. compensatio peculij finis, ut ait, quia Resp. agit ex suo contractu, quod initio posui: nam si Resp. ageret ex contractu serui, quum seruo solutum est, ex eo contractu nolente Republ. ut l. quod seruus tit. seq. l. quod seruus, inf. de solut. si inquam, Resp. ageret ex contractu serui, solidum compensaretur, quod seruo solutum est, non peculij finis. Idque probat aperte l. si cum filiofam. in princ. hoc tit.

Ad l. 53. locati.

*Qui fideiussor extitit apud mancipem pro colono publicorum praediorum, qua maniceps ei colono locauit, Reipublica non tenetur, sed fructus in eadem causa pignoris manent.*

**L**ex est de eo, qui conduxit praedia publica, quem mancipem vocat, ut l. 11. C. de uectig. & comm. Aggenus 2. de limitib. constituendis: *Mancipibus*, inquit, *agros Reipublicae conducentibus in annos centenos*. Et Festus: *Maniceps est, inquit, qui quid à populo conducit*. quia manu sublata. ut sit in auctionibus significat, se esse auctorem conductionis. Ponit autem hoc loco Papinianus, mancipem praedia publica colono locasse: nemo prohibetur, quod conduxit alij locare, quod quidem vocant ablocare, l. 6. C. de locat. quia non tantum vti, sed etiam frui

conductoris permixtum est. Ponit igitur mancipem praedia quaedam publica colono locasse, *baillé à ferme*, colonum autem mancipi cauisse de mercede sua die soluenda, dato fideiussore: Quæritur, an Reip. sit actio in fideiussorem. Et ait non esse, quia fideiussor se Reip. non obligauit, sed mancipi: fideiussor cum Rep. non contraxit, vel administratoribus eius, sed cum mancipe. Ideoque nec in colonum ullam actionem habet, cum quo etiam non contraxit: si non in colonum, nec in fideiussorem eius igitur. At fructus praediorum tacite sunt Reip. pignori obligati, quisquis eos perceperit, pro mercede, scilicet, quam maniceps, siue publicanus, quem hic Graeci norant posteriores vocasse *commercium*, pro mercede, inquam, quam maniceps Reipub. cauit, perinde atque si eos fructus maniceps percepisset, ut l. si in lege §. 1. hoc tit. l. in praedis, inf. in quib. cau. pign. vel hypoth. tac. cont. l. 3. C. eod. tit.

Ad l. 9. de praescript. verb.

*Ob eam causam accepto liberatus, ut nomen Titij debitoris delegaret, si fidem contractus non impleat, incerti actione tenebitur. itaque iudicis officio non vetus obligatio restaurabitur, sed promissa praestabitur, aut condemnatio sequetur.*

**S**pecies hæc est. Te debitorem meum accepto liberaui. Sea lege, ut mihi vice tua delegares nomen debitoris tui. contractus est, non pactum: quia ego iam coepi facere. Pactum est, si causa non subit, id est, datio vel factum, sed nuda & simplex actio tantum, nudum solumque placitum dandi, vel faciendi. ut faciam, ut des, pactum est: facio ut des, contractus est, ut hoc loco, te accepto libero, ut tu mihi cedas nomen debitoris tui, utrumque est facere. l. si mandatu §. quoties, supra mand. negotium igitur ita gestum est, facio, ut facias, te accepto libero, ut mihi deleges nomen debitoris tui. pro pecunia, quam mihi debebas masui per delegationem sequi nomen debitoris tui, ut in l. 68. §. ult. D. de emitt. At finge: ego te accepto liberaui, & tu non mihi delegas nomen debitoris tui. mihi in te competit actio praescriptis verbis, quasi ex articulo facio ut facias: quæ quidem actio datur in hoc, ut vel mihi cedas nomen debitoris tui, vel, ut Papinianus loquitur, ut promissam praestes, *ἀρχαίως*, pro promissionem, sicut missam pro missionem, & Cyprianus remissam pro remissionem: ut igitur mihi promissam praestes, ut scilicet mihi cedas nomen debitoris tui, vel praestes id quod interest. Quae de causa hæc actio dicitur incerti actio, quia persequitur id quod interest, cuius æstimatio non est certa, quia pendet ex facto, non ex iure, l. quatenus, de reg. iur. l. ult. de prat. stip. Verum an officio iudicis ego, qui egi praescriptis verbis, compelli possum, ut satis habeam, si reponas te in veterem obligationem, quam acceptilatio mea sustulit ipso iure. Possum id satis habere ultro, si velim, & agere in id tantum, ut vetus obligatio restituatur aut restauretur, qua tu mihi tenebaris, ut l. si mulier, & l. si accepto, sup. de condit. caus. data. l. licet, inf. de iur. dot. Sed hoc iudicio praescriptis verbis non possum compelli officio iudicis, ut id satis habeam: sed, quoniam nihil aut parum hic potest officium iudicis in strictis iudicis, quod ego ago, id mihi omnino praestandum est, hoc est, vel obligatio, quæ promissa est, vel id quod interest, ut & l. 5. hoc tit. proponitur duobus locis aut tribus, actione praescriptis verbis non hoc agi, ut reddas, quod accepisti, cum tamen possem agere conductione ob rem dari, si vellem, sed non id ago actione praescriptis verbis: verum ut mihi praestetur id quod interest, quanti mea interest à te vicissim dari, aut fieri id, de quo conuenit, & fidem eandem mihi seruari, quam ipse prior exhibui dando vel faciendo.



## Ad l. i. de pignor.

*Conuentio generalis in pignore dando bonorum, vel postea quasitorum recepta est. In speciem autem aliena rei collata conuentione, si non fuit ei, qui pignus dabat debita, postea debitori dominio quæsto. difficilis creditor, qui non ignorauit alienum, utilis actio dabitur. Sed facilius erit possidenti retentio.*

**I**N Pandectis Florentinis hæc lex i. adscribitur libro 11. In Noricis autem & vulgaribus adscribitur libro 2. quam inscriptionem veriorē esse arbitror, quoniam lex, quæ sequitur, est ex tertio. Et Tribonianus in disponendis prudentum sententiis vel opinionibus sequi solet semper ordinem librorum, unde eas sententias vel opiniones sumit: primo loco dans eas, quæ sunt ex primo, deinde eas quæ sunt ex secundo, & sic deinceps, nisi cum vnius scripto interfuerit aliquid ex alio. Sunt autem in hac l. i. responsa quinque. In primo proponitur differentia vna inter generalem obligationem pignoris, & specialem. Generalis est obligatio, si quis obliget præsentia bona & futura, si quis obliget, quæ habet, habiturusve est, quæ generalis obligatio vulgo recepta est, quamuis nunc non sint in bonis debitoris, quæ quandoque habiturus est, quia collata obligatio in tempus intelligitur, quo in bonis debitoris erunt, vt l. & qua nondum §. i. hoc tit. l. ult. C. de remiss. pign. Ergo generali obligatione, exceptis his rebus, quæ enumerantur in l. 6. & sequentibus, hoc tit. continentur non tantum, quæ debitor habet in bonis, sed etiā, quæ postea adquisierit, licet nunc ea non habeat in bonis: Specialiter autem possum quidem obligare fructus, qui ex fundo, vel ex pecore meo nascentur, vel partus, qui ex ancilla mea, tametsi nondum sint in bonis meis, ob id ipsum, quod nec sunt, quia intelligitur obligatio collata in tempus, quo mihi nascentur fructus vel edentur, l. & qua nondum, in princip. l. potior §. pen. inf. qui pot. in pign. Itemque possum specialiter pignori obligare rem mihi debitam siue nomen debitoris mei, l. 3. §. i. D. qui pot. in pign. l. si conuenerit, sup. de pigner. actio. l. nomen, C. quæ res pign. oblig. poss. Quod & in hoc responso Papinianus significat illo loco: si non fuit ei, qui pignus dabat, debita. Item specialiter pignori obligare possum rem mihi pigneratam, in qua habeo ius pignoris, l. grege §. cum pignori, hoc tit. vel etiam eam rem, in qua vsumfructum habeo, l. 11. §. vsumfructum, & d. l. & qua nondum, in princip. hoc tit. vel etiam rem, in qua habeo ius emphyteuticum, vel ius superficiarium, l. tutor §. ult. sup. de pigner. act. l. etiam superficies, D. qui pot. in pign. vel etiā rem, in qua habeo ius possessionis partæ bona fide, & iusta ex causa, l. si ab eo, inf. h. tit. Quod quidem ius videtur ius ἐμβατευτικὸν appellari in l. 3. §. si ius, de reb. eor. qui sub tut. Denique rem alienam, in qua habeo ius pignoris, vel ius vsumfructus, vel ius emphyteuticum, vel ius superficiem, vel ius possessionis, pignori obligare possum, quia non rem ipsam obligo, quam non habeo in bonis meis, sed ius, quod in ea re habeo. Rem autem alienam, in qua nihil iuris habeo, & quæ mihi non debetur, possum quidem pignori obligare sub conditione, si in dominium meum peruenerit, l. si furtiuus §. aliena, hoc tit. Pure autem & specialiter rem alienam, in qua nullum ius habeo, & quæ mihi non debetur, pignerare non possum sine voluntate domini, l. si seruum quem, in fine, D. de act. empt. l. sed etsi lege §. si quis res sua, sup. de petit. heredit. l. aliena, sup. de pignerat. act. Et si eam rem alienam forte pignerauero, non est pignus. Et tamen rem alienam, vt constat inter omnes, vendere possum, l. rem alienam, de contr. empt. quæ nobis explicanda est ex libr. 5. Vlpiani ad Sabinum. Hoc est obseruandum in primis, & initio hoc proponi ex Sabino: Rem.

Respons. Papin.

**A** alienam distrahere quem posse nulla dubitatio est, quæ sententia, quod videretur dura, aspera, & iniqua, vt & l. 1. C. de comm. rer. alien. ait, satis illicitam esse venditionem rei alienæ, ideo eam sententiam Sabini statim Vlpianus sic explicat: nam hæc verba Papiniani, Vlpiani sunt: nam, inquit, emptio est & venditio: ergo vtroque actio empti & venditi: sed res emptori à domino auferri & euinci potest, quia scilicet venditio rei alienæ, ius domini non mutat, & reuocata à domino, euictionis nomine, emptori est regressus aduersus venditorem actione ex empto, vel ex stipulatu. In hoc igitur consistit differentia inter pignus & venditionem, quod rei alienæ pignus non est, rei alienæ emptio, venditio est. Et ratio differentie est, quia pignore contracto, vel conuento hoc agitur, vt res sit obligata, obnoxia, nexa: nemo autem potest obligare rem alienam, in qua nihil iuris habet: venditione autem hoc non agitur, vt res obligetur emptori, nec vt dominium rei transeat in emptorem, nisi interueniat mancipatio, sed vt possessio tantum transeat in emptorem, quam venditor habet præstita cautione euictionis nomine, & de dolo malo, l. 1. de rerum permut. Potest rei alienæ mea esse possessio: Ergo & eius rei emptio, venditio est, cuius possessionem tantum habeo, non dominium. Solius domini est pignori obligare: vendere non est solius domini, sed etiam possessoris. Et quod dicitur in l. 9. §. 1. hoc tit. quod emptionem venditionemque recipit, etiam pignorationem recipere, id est ita supplendum, ne latius accipiatur, quod nostrum emptionem & venditionem recipit, etiam pignorationem recipere potest. neque enim id locum habet in re aliena, quæ venditionem recipit, non pignorationem: sed ea sententia locum tantum habet in eo, quod nostrum est iure domini, vel iure vsumfructus, vel iure pignoris, vel quo alio iure vsum fructum possum vendere, ergo & pignerare: quo argumento vitur l. 11. §. vsumfructum, hoc tit. At quaeritur in hoc primo responso, si rem alienam specialiter pignori obligauero, in qua nihil habebam iuris, & quæ mihi non debebatur, quæ obligatio iure non consistit, & vitiosa est ab initio, an tamen conualescat postea, si eius rei dominium adquisiero, ita vt vel utilis actio hypothecaria creditori detur? Et responderet Papinianus, creditori, si scierit rem esse alienam, quæ sibi pignori opponeretur, vix prætorem daturum vtilem actionem hypothecariam, possit dare quasi conualuerit pignus dominio adquisito debitori, sed difficiliter dederit, vix dederit scienti creditori. facilius autem & sine cunctatione hoc casu, creditori, qui ignorauit, rem esse alienam dederit vtilem hypothecariam, quia quod vulgo dicitur, id quod ab initio non valet, ex post facto non conualescere, quod audio quotidie obici. Vt facesset deinceps eiusmodi regula, cuius adeo frequens obiectio est, statuendum eam esse regulam summi iuris, vt omnes, quæ sunt in titulo de reg. iur. sunt veræ regulæ & de rigore iuris, & ita omnes accipiendæ sunt. Vnde obicienti eam regulam, duorum alterutrum contra obici potest. Primum, vitari regulam, si sit lex specialis, quæ statuatur conualescere, quod initio vitiosum fuit. vt ecce, donatio inter virum & uxorem ab initio non valet, sed conualescit morte donatoris ex oratione Antonini. Regule derogat specialis constitutio vel lex. Vel etiam in plerisque causis licet respondere, quod initio vitiosum est, ex post facto non conualescit. directio non conualescit, fateor, sed conualescit ex causa æquitatis suadente, prætor dante, non directam quidem actionem, cui obstat rigor iuris, sed vtilem actionem, cuius parens est æquitas: vt in hac specie, si rem alienam ignorantem creditori pignori opposuero, & postea eius rei dominium nactus fuero, quasi pignus conualuerit acquisitione domini, creditori prætor dabit vtilem actionem, siue vtilem hypothecariam contra debitorem, qui eam

Gg iij



rem possideret iam ut suam, nec agenti creditori debitor probe resistit & aduersatur, alioquin ex mandacio suo argueretur, qui eam rem pignori posuit quasi suam, si nolleret eam vindicari à creditore, vel utili hypothecaria, quæ est ratio Pauli elegantissima in *l. rem alienam, in fi. sup. de pign. act.* Utilis actio bifariam accipitur in hoc titulo. Vno modo, pro actione hypothecaria directa, quæ & Seruiana dicitur & quasi Seruiana & utilis Seruiana, & nonnunquam pignoratitia. utilis, inquam, actio dicitur, pro hypothecaria directa. quæ tamen ipsa actio omnino comparatur actioni Seruianæ, quæ directo competit locatori tantum, de rebus coloni pignori obligatis pro mercedibus fundi, ad cuius exemplum actio hypothecaria datur. cuilibet creditori hypothecario. & comparata actio hypothecaria actioni Seruianæ, quæ locatori tantum datur, est utilis Seruiana, vel quasi Seruiana, ut in *§. cum prædium, inf. h. l.* Altero modo utilis actio accipitur pro utili hypothecaria, ut in primo responso coniuncta *l. cum res, C. si res alien. pign. data sit.* Denique hypothecaria collata cū Seruiana, utilis est, collata cū utili hypothecaria, directa. potest ad exemplum utilis actionis, quæ & ipsa datur ad exemplum directæ, formari alia actio utilis, id est, actionis utilis. actio utilis, ut Publiciana actio est utilis, quæ datur ad exemplum directæ vindicationis, *l. in honorariis, inf. de obligat. & action.* Est tamen quædam Publiciana utilis, id est, quasi Publiciana, *l. nec quasi, de rei vindic.* & collata quidem Publiciana cum directa vindicatione, utilis vindicatio est: collata cum utili Publiciana, directa est.

Scienti autem creditori, ut ad responsum redeam, rem esse alienam, quam debitor pignori opponebat, re postea facta in bonis debitoris, Papinianus ait, vix prætorum daturum utilem hypothecariam, si pignus creditor non possideat. Et facilius, si creditor possideat eam rem, daturum retentionem rei, beneficio exceptionis doli mali aduersus debitorem agentem directa vindicatione, qua dominium petitur, quod postea adquisiuit. Et similem casum, quo pignoris retentio est, non persecutio per hypothecariam dabit paulo post *l. 1. quæ est ex eod. lib. inf. quib. mod. pign. vel hypoth. solu.* & dat alium *l. 1. C. etiam ob chirog. pec. pign. ret.* ex qua pignoris ex alia causa obligati etiam ob chirographariam pecuniam retentio est, non etiam persecutio, id est, actio hypothecaria; facilius datur retentio quam persecutio. Hanc autem sententiam Papi. ut rei alienæ, quam debitor pignori opposuit, quæ obligatio iure non consistit, postea dominio debitori quæsito, creditori maxime ignorantibus detur utilis hypothecaria, nedum retentio, difficile scienti, hanc, inquam, sententiam Papiniani nostri comprobatur etiam Paulus in *l. rem alienam, sup. de pign. act.* reddita ratione, quam exposui ante. Verum idem non admittit Paulus isto casu, si res aliena pignori frustra obligata à debitore sine voluntate domini, postea eius rei dominus debitori heres extiterit. Hoc enim casu, Paulus ait, non videri pignus conualescere, nec ignorantibus creditori dari utilem hypothecariam, aut agenti creditori probe & merito resistere dominum, qui pignorationi rei suæ non consensit. At in proposito casu debitor ipse pignori consensit siue pignerauit rem ipsam, cuius postea dominus effectus est: atque adeo improbe resistet, quo minus rata habeatur pignoratitia, quam ipse fecit. Ergo Paulus differentiam facit inter hunc & illum casum, & adfert illam rationem differentie quam notavi. Verum animaduertendum est postea libris differentiarum, ea ipsa differentia exposita, quam Paulus tradit in *d. l. rem alienam*, Modestinum (qui longe fuit post Paulum: nam ad ætatem peruenit Gordianorum) docere in *l. si Titio, hoc ti.* idem obtinuisse tandem, & hoc posteriore casu, domino rei succedente debitori: atque ita utroque casu pignus, non directo qui-

dem conualescere, ut ait *d. lex si Titio*, sed dari creditori utilem hypothecariam, utilem pignoratitiam, hoc est, utiliter conualescere: nec sine ratione postea obtinuit idem hoc posteriore casu, quia æquum est heredem facere ratum quod defunctus gessit, quamuis id gesserit sine sua voluntate, *l. 3. C. de reb. alien. l. si ab eo, C. de lib. caus.* Postremo quod in specie, de qua tractat Papinian. in hoc primo responso, ait, facile dari creditori retentionem rei, tam scienti quam ignorantibus, ei nihil obstat *lex cum vitiose, inf. hoc tit.* quæ ait, pignore vitiose vel inutiliter contracto, retentioni pignoris locum non esse, etiam, inquit, si bona creditoris ad fiscum pertineant, quoniam ea lex de pignore est accipienda, quod ex post facto non conualuit tutione Prætoris, ut de fundo dotali, quod exemplum est appositissimum, quem maritus obligauit contra *l. Iuliam*, cuius pignoris nec retentio est, etiam si bona debitoris, ut etiam videtur legendum in *l. cum vitiose, ex l. 2. de fundo dot.* ad fiscum pertineant, qui semper est locuples, & semper est soluendo, vel bona creditoris, non est locus retentioni, quia pignoris causa vitiosa permansit. At in hoc responso agitur de pignore, quod ex æquitate conualuisse intelligitur, cuius retentio est, & non retentio tantum, sed etiam persecutio maxime ignorantibus creditori. Ait Modestinus in *l. cum vitiose* quæ pro regula est, quoniam est ex libro Regularum, *cum vitiose vel inutiliter contractus pignoris intercedat, retentioni locum non esse.* hæc est regula, quam amplificat subiiciens, *nec si bona creditoris ad fiscum pertineant*: & nullo verbo immutato breuiter sensus hic est: Pignore vitiose, vel inutiliter contracto, neque persecutionem, quod est certissimum, neque retentionem pignoris creditori esse, neque fisco, qui creditori successit: creditore forte damnato in metallum, aut deportato, hoc est fisco iure suo quodam proprio non retinere pignus, quod priuatus creditor, cui successit vitiose contraxit, nec retinere potuit, sed fisco uti iure priuati creditoris, quod congruit cum *l. 6. in pr. D. de iure fisci, & l. 2. de fundo dot. l. 1. §. 1. D. quib. mod. pign. vel hypoth. solu.* Vitiose autem contrahitur pignus, ut puta, si prædium dotale pignori detur contra legem Iuliam, ut si res pupilli aut adolescentis pignori detur sine decreto contra orationem D. Seueri, vel si quæ res pignori detur supra modum legitimæ vsuræ contra legem Gabiniam, *l. 4. inf. de natur. fœn. l. pretij, C. mand.* Inutiliter autem contrahitur pignus, ut puta, si res aliena pignori detur, vel res litigiosa. hoc modo creditor repellitur exceptione litigiosa, *l. 1. §. ult. D. quæ res pignor. oblig. poss.* vel hac exceptione, *quod ea res in bonis debitoris numerata pecunia tempore non fuerit*, ut *l. 3. h. tit. l. qui prædium, C. si aliena resp. gn. data sit.* Priore casu, quum pignus datum est contra legem, creditor repellitur ipso iure, lex vitiosum pignus facit, exceptio iusta, inutile & inefficax; & neque vitiosi, neque inutilis pignoris retentio est cuiquam, ac ne fisco quidem, nisi ex causa interueniente prætore, quasi quodammodo conualuerit. Et ita explicanda est *l. cum vitiose*. Veniamus ad secundum responsum huius legis.

#### Ad §. Seruo.

*Seruo pignori dato, peculium eius creditor, citra conventionem specialiter super eo conceptam, frustra distrahit. Nec interest quando seruus domino peculium adquisierat.*

**I**N secundo responso legis primæ ostenditur, seruo à domino pignori obligato, non videri etiam pignoratitium peculium serui, nisi ita actum sit nominatum; & ideo non posse distrahi peculium à creditore: seruum posse distrahi iure pignoris, nec quicquam interesse, peculium id domino adquisitum sit, antequam seruum pignori obligaret, an postea: nam quoquo tempore



adquisitum sit, pignori non tenetur, nisi ex manifesta A alia conuentione. Denique peculium non sequitur creditorem, cui seruus pignatur, sicut nec legatarium, cui seruus legatur tantum, l. *si legatus*, D. de pecul. leg. nec emptorem, l. *quotiens*, de contrah. empt. & in fructibus fundi pignati aliud dicimus, quam in peculio serui pignati: nam fructus fundi pignati tacite pignori esse creduntur, si modo percepti sint à debitore, vel herede eius, l. 3. C. in quibus causis pign. vel hypoth. pro qua l. in §. seq. Accursius adducit male l. in prædijs, inf. eod. tit. quæ lex non est de fructibus fundi pignati, sed de fructibus fundi locati. Itemque partus editi ex ancilla pignata, tacite pignori esse creduntur, si dominium eorum ad debitorem peruenerit, vel heredem eius, l. 2. Paulus §. 1. D. hoc tit. l. 1. C. de part. pignar. At peculium serui pignati tacite, non intelligitur esse pignori obligatum. Et ratio hæc est, quia fructus vel partus, ex re ipsa quæ pignata est, natura proueniunt, & nascuntur. Peculium non nascitur ex seruo ipso, sed ex industria eius, vel negotiatione, vel aduentitio lucro, & peculium res separata est à seruo, nec accessio quidem est serui: ne hoc dixeris, nisi quum seruus pignatur aut venditur, aut legatur cum peculio. tum accessionis locum obtinet, l. 2. D. de pecul. leg. l. 2. D. de pen. leg. At si sine peculio legetur, pigneretur, aut vendatur, sane falsum est, peculium esse accessionem serui: quod tamen hoc loco Angelus imprudenter admittit, & adstruit, alioquin semper peculium sequeretur suum venditum, aut pignatum, l. *libertorum* §. ult. de leg. 3. Sequitur tertium responsum.

#### Ad §. cum prædium.

Cum prædium pignori daretur, nominatim ut fructus quoque pignori essent conuenit. eos consumptos bona fide emptor utili Seruiana restituere non cogetur: pignoris etenim causam nec usufructu perimi placuit, quoniam questio pignoris ab intentione domini separatur, quod in fructibus dissimile est, qui nunquam debitoris fuerunt.

PROponitur in specie huius §. fundum simul ac fructus, qui ex fundo nascerentur, fuisse pignori obligatos: quæ conuentio non est superuacua, quia non sunt fructus omnes fundi tacite pignati, si ea conuentio non interuenerit, sed ij tantum, ut dixi in secundo responso, qui percipiuntur à debitore, vel herede eius, quia perceptione facti sunt in bonis debitoris. At qui percepti sunt ab alio, veluti à bonæ fidei emptore, cui debitor vel alius fundum creditori obligatum distraxit, non sunt pignori, nisi ex conuentione expressa; At quæadmodum hoc loco proponitur, ubi conuentio expressa intercessit, ut fructus fundi pignati & ipsi pignori essent, si sint percepti ab emptore bonæ fidei, cui debitor vel alius fundum vendidit, ita distinguendum est: Aut ij fructus, quos percepit bonæ fidei emptor, extant, aut consumpti sunt. si extant, eos simul ac fundum emptor creditori agenti utili Seruiana, id est, hypothecaria restituere cogitur, l. *si fundus* §. in vendit. in fine, inf. hoc tit. maxime, ut ait, si fundus credito non sufficiat, si minoris sit fundus, quam id. quod debetur creditori, tum etiam fructus creditori restituendi sunt, & veniunt fructus extantes in actionem hypothecariam, quia & ipsi fructus nominatim pignati sunt creditori, ut proponitur: & licet nunquam in bonis debitoris fuerint, tamen ex fundo nati sunt, qui in bonis debitoris fuit: sed si consumpti sunt, puta, si eos emptor consumpserit, non tenetur creditori actione hypothecaria eos fructus restituere, eorumve æstimationem. Qui bonæ fidei emptor est, fructus perfecte & ad plenum suos facit consumptione, l. *quæstum*, in fine, de adquir. rer. dom. l. *sequitur* §. *lana*, de usurp. & usuc. §. *si quis à non domino*, in-

fit. de rer. diuis. Consumptio plenum dominium tribuit bonæ fidei possessori. extantium non est plenus dominus, quia vindicari à domino possunt, l. *certum*, C. de rei vindic. Consumptorum autem nulla repetitio vel actio est in bonæ fidei possessorem: ex quo sequitur, consumptione adquisito domino fructuum, perimi pignus, quo fructus tenebantur obnoxij ex conuentione expressa, quia eorum nomine creditori nulla superest actio hypothecaria. Inane est pignus, cuius nulla est actio. Atqui huic sententiæ, quamuis sit verissima, obicit Papinianus, quod vulgo dicitur, usufructuione, quæ est etiam species acquisitionis domini pignus non perimi, cur tamen perimitur consumptione, inquit? Quærit rationem differentię: nam differentia negari non potest. Consumptione fructuum pignus perimitur: usufructuione fundi pignus non perimitur, neque conuentionale, neque prætorium, l. *iusto* §. non mutat, D. de usurp. & usufructuione. l. *usufructu*, C. de pignorib. l. *missio*, D. pro empt. l. 2. D. pro her. Pignus prætorium neque interpellat usufructuionem, neque interpellatur, aut perimitur usufructuione. Eademque est ratio conuentionalis pignoris: ideoque creditori usufructu fundo pignato, vel quā alia re, integra est actio hypothecaria aduersus eum, qui usufructu perimitur quidem pignus & actio hypothecaria præscriptione longi temporis, vel longissimi aduersus omnes, l. *creditor*, D. de diuersis tempor. præscript. l. 7. & ult. C. de obligat. & action. l. 19. C. de enict. l. 1. & 2. C. si adu. cred. sed non etiam perimitur usufructuione anni in immobilibus, aut biennij in immobilibus, quod fuit usufructuionis tempus legitimum ex XII. tab. quod sequuti sunt semper in Rep. usque ad Iustinianum. Dominium, id est proprietas acquiritur usufructuione, non liberatio pignoris, quia res usufructu & alienatur alio quoque modo cum sua causa: dominium à pignore seiunctum & separatum est, itemque ab usufructu, vel alio iure, quod rei cohæreat, l. *locum*, §. pen. de usufr. d. §. non mutat. Vis videre, quam ius pignoris, vel ius usus fructus, vel aliud ius, quod rei cohæreat, sit seiunctum à iure domini? fieri potest, & fit plerumque, ut in eadem re vnus habeat ius domini, alter ius pignoris, vel usufructus, vel emphyteuseos, vel superficiem, nulla igitur dominium cum hisce iuribus societate coniungitur, & aliud iuris est in legato operarum serui, quod usufructu seruo perimitur, l. 2. de usufr. leg. quod ad hoc responsum notat Accursius subsistens in ratione reddenda, quæ talis est: qui legatum operarum serui debuit, non seruus, sed heres quasi dominus. & debere desijt igitur amisso dominio serui, puta, usufructu seruo, nec porro is debet legatum operarum, qui seruum usufructu perimitur, quia ab eo legatum relictum non est. Ususfructum vero non debet dominus, sed fundus vel res, in qua ususfructus constitutus est. Quamobrem nec mutatione domini, sed mutatione rei, usufructus perimitur, & pignus similiter, quia rei cohæret, l. *sicut*, in princip. D. quib. mod. pign. vel hypoth. sol. Verum adnotandum est ad hæc, hodie usufructuione transformata à Iustiniano, & prolata in longius tempus, iuri antiquo consequens esse, rerum immobilium pignus perimi usufructuione Iustiniana, quia hodie non completur usufructuione rerum immobilium nisi longo tempore, id est, decem annis inter præsentem, & 20. inter absentes, quo etiam perimitur pignoris causa rerum etiam mobilium usufructuione, quæ hodie est triennij: olim ante Iustinianum fuit anni, & eius iuris vetustissimi etiam vestigium remansit in l. cum sponsus §. pen. de Pub. in rem. act. illa loco, nondum amiculo. rerum, inquam, mobilium usufructuione Iustiniana, contra quam Accursius sentiat etiam hodie perimi etiam pignationem hisce rationibus: nam præscriptionem longi temporis, quæ hodie usufructuione est, inuenio requiri tantum in rebus immobilibus ad tollendam actionem hypothecariam, non in mobilibus;



& par est atque conueniens productionem temporis factam à Iustiniano, qua omnium rerum vsucapionem produxit in longum tempus, eandem vim habere in mobilibus, quam immobilibus, vt & directam vindicationem perimat, & hypothecariam, ac si iure veteri (quod est verisimile obtinuisse) etiam rerum mobilium pignus perimeret prescriptio triennij. Secundum hæc autem quæ diximus, Papinianus, hoc loco statuit, consumptione fructuum pignus extinguí, quamuis & eo genere bonæ fidei possessor dominium fructuum adquisit, vsucapione tamen prædij pignus non extinguí, redita ratione differentie huiusmodi, quia facilius dominij acquisitione perimitur pignus fructuum perceptorum ab alio, qui nunquam fuerint debitoris, quam pignus prædij, quod fuit semper in bonis debitoris. Et hæc est sententia huius responsi, ad quod multa quærit Accurs. sed ex eis iam enarratio huius responsi multa profligauit. Restant quædam quæstiones Accurs. ad hoc responsum, de quibus tractabimus die proxima. Ex tertio responso, quod est in l. 1. de pign. intelleximus, fundo & fructibus, qui ex eo nascerentur, nominatim pignori obligatis, fructus perceptos à bonæ fidei emptore, si extent venire in actionem hypothecariam, si consumpti sint, non venire. Consumptione perimi pignus fructuum, quasi infirmius, quod fructus illi nunquam fuerint in bonis debitoris. Vsucapione tamen, quæ non minus perficit dominium fundi, quam consumptio dominium fructuum, non perimi pignus fundi, quia semper fundus fuit in bonis debitoris, & firmitus est in fundo ius pignoris, quam in fructibus. Ad hæc duæ ab Accursio quæstiones proponuntur.

Prima quæstio Accurs. hæc est. Vsucapto fundo si creditor ab eo, qui vsucepit actione hypothecaria fundum auocauerit, vt potest, quia pignus non est peremptum vsucapione, an creditor debitori offerenti pecuniam debitam, teneatur actione pignoratitia, quæ de pignore restituendo datur, vt restituatur debitori absoluto creditore? Mouet dubitationem, quia fundus desit esse in bonis debitoris, & vsucapione factus est alterius: neque tamen ideo debitori si offerat debitum, deneganda est actio pignoratitia: nam etsi ab initio debitor in causam pignoris rem alienam tradidisset, vel si rem alienam à debitore pignori oppositam, creditor per iniuriam & sordes, vel per errorem iudicis domino abstulisset, edita actione hypothecaria, quamuis pignoris obligatio non consistat, tamen soluta omni pecunia debita, debitori aduersus creditorem competeret actio pignoratitia, vt est proditum in l. 9. §. pen. sup. de pign. act. l. rescriptum §. pen. D. de distr. pign. Et si hoc ita procedit, cum pignus non consistit, puta, re aliena pignori data, & multo magis, quum pignus consistit, puta, re sua pignori data, quæ postea vsucapta sit: nam quodcunque per obligationis occasionem euenit, quodcunque per occasionem contingit obligationis qualis qualis, iustæ vel iniustæ à debitore interpositæ, id æquius est debitori, quam creditori proficere, d. l. rescriptum §. 1. arg. l. is, qui alienum, D. de solut. & l. qui alienam, in princ. de eniñ. nec quidquam interest debitor mala, an bona fide rem alienam quasi pignori dederit: nam & prædoni, id est, malæ fidei possessori, & furi datur actio pignoratitia soluto debito, l. si pignore §. si prædo, sup. de pignor. act. sicut datur etiam prædoni, & furi commodati actio, quia & interest eius, eo quod domino tenetur, l. commodare, & l. seq. sup. commod. l. 1. §. si. prædo. D. de pos. quas etiam Accurs. addit hoc loco. Et ita explicita est prima quæstio. Altera quæstio Accursij hæc est, an restituta re pignoratita debitori per actionem pignoratitiā ei, qui eam rem vsucepit, vlla sit actio cum debitore qui rem recuperauit? Et constat esse in rem actionem, vsucapio parit in rem actionem, & locupletat eum, qui vsucepit cum damno alterius, l. 18. coniuncta. l. seq. sup.

A ex quib. cau. maior. Ergo frustra rem à creditore reperierit debitor actione pignoratitia omni pecunia soluta, si postea dominus, id est, qui eam rem vsucepit, eam à debitore iure suo vindicet? Sane ita est, frustra reperierit rem pignoratitia iudicio, si is, qui vsucepit iure suo uti velit: neque enim vlllo remedio potest se debitor tueri aduersus eum, qui rem vsucepit: non si forte creditor in accipienda pecunia debita, debitori cessit actione hypothecaria. Hoc remedium non est idoneum, quia, vt & Accursius animaduertit, inutilis ea cessio est: nec enim, vt & idem Accursius præcidit in l. ult. C. de hered. vel act. vend. cedi potest actio hypothecaria sine principali, nec nisi omni iure nominis cessio, vt in l. pen. inf. de distr. pign. l. emptori, sup. de heredit. vend. Competere quidem potest actio hypothecaria quibusdam casibus ei, qui desit habere personalem, vt in l. 1. & 2. C. de luit. pign. & l. debitor, D. ad Trebell. sed non potest cedi, aut competere actio hypothecaria, ei qui nunquam habuit in seipsum, nec cedi ei potest vtiliter, quoniam cessione confunderetur, eodem & debitore & creditore constituto eiusdem pecuniæ: ergo & hypothecaria eidem debitori vtiliter cedi non potest. Nec obstat lex in creditore, D. de eniñ. quoniam in ea l. actio personalis non ceditur debitori, sed emptori pignoris, non proponam speciem, quoniam est apertissima. Nihil etiam obstat l. mulier, D. qui pot. in pign. cuius species necessario exponenda est. Mulier marito dedit fundum suum in dotem, quem creditori pignerauerat. post mortuæ vxori in matrimonio ex testamento heredes extiterunt maritus & liberi, ex eo & ex alio marito nati: creditor actione hypothecaria vindicat fundum à marito, qui eum iuste possidet ex causa dotis, quoniam præmortua vxore dotem lucratur, & aduentitiam & profectitiam, si pater non sit; & creditori vindicanti fundum actione hypothecaria maritus offert pecuniam debitam. oblatione debiti creditor remouetur à vindicatione pignoris, ab actione hypothecaria, & remoueretur etiam offerente iniusto possessore, l. Paulus §. ult. inf. quib. mod. pign. vel hypoth. solu. quæ est coniungenda cum d. l. mulier. Non tamen iniustus possessor offerendo pecuniam, creditorem etiam cogere potest, vt sibi cedat ius nominis, iniustus possessor creditorem remouere potest à vindicatione pignoris, cogere non potest ad cessionem nominis, quia qui iniuste possidet cessionarius, vel procurator in rem suam iustus esse non potest. maritus est iustus possessor, prædo non iuste possidet; at maritus quia iustus possessor est, vt paulo prius dixi, creditorem compellere potest, vt sibi cedat ius nominis, non tantum vt recedat à pignore, sed etiam vt sibi cedat ius nominis, personalem actionem scilicet, quia cum maritus sit morte vxoris factus plenus dominus fundi dotalis, consequenter non potest ei in suo fundo cedi ius pignoris: res mea non potest mihi esse pignori, l. neque pignus, de reg. iur. At recte marito ceditur actio personalis aduersus coheredes, id est, liberos ex se & alio natos. ceditur marito, fautor. Sed vt respondeam, quum marito ceditur, non ceditur debitori in solidum, sed debitori pro parte tantum hereditaria, atque adeo non ceditur pro sua parte, pro qua cessio inutilis esset ratione confusionis, sed ceditur actio personalis pro partibus coheredum, & recte. Preterea notandum est, non posse etiam aduersus vsucapionem debitorem eo se remedio tueri, quod protulit Accursius hoc loco, nec Bartolus probat, videlicet, si debitor creditori rem pignoratam dederit in solutum, quia hoc modo debitor rem gesserit domini, id est, eius qui vsucepit potius, quam creditoris vel suam: nam actionem vtilem negotiorum gestorum de pretio in se domino parauerit, si dominus ratam faciat dationem in solutum, l. 3. C. de neg. gest. Est enim datio in solutum similis emptioni & venditioni, vel dominus ratâ non faciat dationem



dationem in solutum, ei in creditorem parauerit efficacem in rem actionem pignore dato in solutum, creditore iam non possidente iure pignoris, sed titulo pro soluto: ac proinde sublato iure pignoris, etiam rei alienæ datio in solutum, sicut venditio, valet; & alio iure est solutio, alio datio in solutum. Solutio rei, pecuniæ alienæ non valet nec liberat debitorem pristina actione, *l. etiam, l. qui sibi, de solut.* datio in solutum liberat pristina actione, etiam si res aliena data sit, sed re euicta creditori competit actio ex empto de euict. *l. 4. C. de euict.* quia datio in solutum emptioni venditioni adsimilatur. Et ita sunt definiendæ hæc duæ quæstiones Accursij.

#### Ad §. pacto.

*Pactio placuit, ut ad diem usuris non solutis, fructus hypothecarum usuris compensentur fini legitima usura, quamvis exordio minores in stipularum venerint, non esse tamen irritam conventionem placuit, cum ad diem minore favore non soluto, legitima maiores usura stipulanti recte promitti potuerunt.*

**I**N §. pen. proponitur hæc species; Creditor crediti nomine accepit hypothecas, & stipulatus est usuras trientes ad diem certum solui, addito pacto, ut si debitor ad diem non solueret usuras trientes, fructus hypothecarum creditor compensaret, & retineret in vicem usurarum, *fini* tamen, ut ait, *legitima usura*, id est, centesimæ, non supra centesimam: nam & quod supra modum licitum excederet, quod centesimam excederet, pro non adiecto esset, *l. pecunia, & l. placuit, D. de usur.* Et Papin. ait, hanc pactionem, ut minoribus usuris ad diem non solutis, fructus hypothecarum retinerentur ad finem centesimæ usuræ, qua nulla est grauior, hanc pactionem esse iustam & ratam: nam stipulatio maiorum usurarum sub conditione concepta, si minores, de quibus initio conuenit, ad diem non soluantur, valet, ut ait, idemque repetit Papinian. hoc ipso libro in *l. pecunia, & §. 1. inf. de usur.* si rata est illa stipulatio, rata quoque est quæ ei similis est pactio superior: & quamuis non sit quidem ex ea pactione petitio usurarum, erit tamen retentio hypothecarum siue fructuum ad finem legitimæ usuræ, ut *l. per retentionem 4. & l. pignorum, C. de usur.* Quæ est sententia h. §. Dixi, quod excedit legitimam usuram esse inutile, & pro non adiecto haberi: & ideo pacto placuisse, ut fini tantum legitimæ usuræ fructus hypothecarum usuris compensarentur. Quid igitur si sit contracta ἀντίχρησις, ut vocatur ab auctoribus nostris, id est, ἀντί τῶν τοῦ κῶν χρεῖσιν, puta, si actum sit, ut fructus hypothecarum retineantur, & compensentur in vicem usurarum, hæc conuentio vocatur ἀντίχρησις, & valet iure ciuili, etiamsi quo anno fructus excedant finem legitimæ usuræ, propter incertum prouentum fructuum, qui sæpe frustrantur dominos, *l. si ea lege, C. de usur.* Verum in specie proposita non est contracta ἀντίχρησις, quia non est actum simpliciter, ut fructus in vicem usurarum perciperentur, nullis ante usuris in stipulationem deductis, quo genere ἀντίχρησις contrahitur, sed actum est, ut in vicem usurarum, quæ in stipulationem deductæ erant, si non soluerentur ad diem, fructus retinerentur ad finem legitimæ usuræ, quæ res indicat, animum fuisse creditori contrahendi fœnoris, non contrahendæ ἀντίχρησεως, quia quum ἀντίχρησις cōtrahitur, nullæ usuræ specialiter in stipulationem deducuntur.

#### Ad §. vltimum.

*Cum pradium vxor viro donasset, idque pradium vir Respon. Papin.*

**A** pignori dedisset, post diuortium mulier possessionem prædij sui recuperauit, & idem prædium ob debitum viri pignori dedit. In ea duntaxat pecunia recte pignus à muliere contractum apparuit, quam offerre viro debuit meliore prædij facto, scilicet si maiores sumptus quam fructus fuissent, quos vir ex prædij percepit. Etenim in ea quantitate proprium mulier negotium gessisse, non alienum suscepisse videtur.

**I**N §. vlt. proponitur. vxor prædium viro donauit, idque vir creditori suo pignori dedit: donatio prædij non valet, quæ facta est constante matrimonio. Ergo nec pignus valet, quia rei alienæ pignus nullum est. At finge, diuortio facto mulier prædium vindicauit, utpote neque donatione valente, neque pignore *l. si sponsus §. vlt. & l. si sponsa ff. de donat. int. vir. & vxor.* Et rursus mulier ipsa idem prædium ob debitum viri, à quo diuerterat, pignori obligauit. Intercessit igitur pro marito: nam datio pignoris intercessionem facit, *l. quamuis, in pr. sup. ad Velleian. l. 4. C. eod. tit.* Sed finge rursus, marito debere mulierem sumptus meliorati prædij, quos vir fecit in prædium, quamdiu eo fructus est, ut prædium faceret melius & luculentius. Finge igitur, mulierem debere marito meliorationes, ut loquimur, prædij donati, quod ipsa reuocauit, forte quia ij sumptus longe exuperant fructus à viro ex prædij perceptos. Et hoc casu compensata concurrente quantitate fructuum perceptorum, & meliorationum factarum in prædium, in superfluo sumptuum, quod viro mulier debet, consistit pignus prædij constitutum à muliere propter debitum viri: neque pro ea quantitate, id est, pro superfluo sumptuum pignus infirmatur Senatusconsulto Velleiano, quia in ea quantitate mulier non intelligitur intercessisse pro marito, sed suum negotium gessisse, quia erat obligata marito, ut in *l. si mulieri dederim, sup. ad Senatusc. Velleian.* Illud maxime notandum est, sumptus meliorati prædij vxori, quæ prædium donatum reuocat, reputari vtiles scilicet, vel necessarios, ut in *l. sed si vir, §. si vir, de donat. inter vir. & vx. l. si autem §. pen. in fi. D. de rei vind.* sicut eos quoque sumptus conductor reputat locatori, *l. pen. sup. loc. & bonæ fidei emptor venditori, d. l. si autem §. pen. l. si prædium, C. de præd. minor.* non etiam malæ fidei emptor, *l. 3. & vlt. §. pen. C. comm. de leg.* Sumptus ergo meliorationum non reputari vxori, sed compensari, ut ait, cum fructibus à marito medio tempore perceptis: nam fructus ex prædij donato suis operis adquirentis maritus sane suos facit, *l. fructus, D. de usur.* sed compensat cum meliorationibus. Qua in re hic §. maxime notandus est.

#### Ad l. 3. qui pot. in pign. hab.

*Creditor acceptis pignoribus, quæ secunda conuentione secundus creditor accepit nouatione postea facta, pignora prioribus addidit. Superioris temporis ordinem manere, primo creditori placuit, tanquam in suum locum succedenti.*

**T**Ria sunt responsa in hac l. 3. quæ explicabimus, & primi quidem species est huiusmodi: Fundum Tusculanum meum Titio primum, qui mihi crediderat centum aureos, in eam summam obligavi; deinde eundem fundum obligavi Caio secundo creditori; post nouatâ obligatione, qua tenebar Titio, aliis centum aureis mihi ab eo creditis, & vtrâque pecunia cumulatâ in eandem summam & obligationem; eidem Titio eundem fundum Tusculanum cum aliis quibusdam fundis pignori obligavi; auxi posteriorem obligationem quantitate debiti, & additis aliis pignoribus; ve-



rum feci hanc nouationem post obligationem contractam cum Caio, ut Caius videatur esse prior in causa pignoris fundi Tusculani. Quæritur, in distractione & persecutione fundi Tusculani, tam Caio quam Titio obligati, an Caio Titius potior sit? Quod prima facie non videtur, quia tametsi exordio Titius fuerit prior in hypotheca fundi Tusculani, postea tamen cœpit esse posterior nouatione facta. Et tamen aliud Papinia. iudicium est, qui respondet, Titium esse potio-rem in fundo Tusculano, quasi nouatione facta mutarit obligationem tantum, aucta quantitate debiti, & additis aliis pignoribus, non etiam locum & ordinem suum, non priuilegium prærogatiuamque sui temporis. Quod attinet ad causam fundi Tusculani pro primis centum aureis obligati, quia, ut ait, in eius pignoris causa, in suum ordinem, & locum Titius successisse intelligitur, id est, in priorem locum; aut noua obligatione locum pristinum non amisit, vel amissum mox recepisse. Et hæc est Papiniani sententia, quam ex hoc ipso libro Marcianus refert in l. 12. §. Papinian. hoc tit. hoc addito ex eodem responso, quod hoc loco relictum est imperfectum, Posteriore creditore, id est, Caio non offerente pecuniam debitam Titio, nec hac ratione succedente loco Titij, sibi que confirmante pignus, Titium iure suo posse distrahere fundum Tusculanum. Ita ut primam tantum pecuniam, quod maxime notandum, expensam ferat, id est, prima centum, quæ mihi credidit, antequam eundem fundum obligarem Caio, non etiam secundam pecuniam, id est, alia centum, quæ postea credidit mihi: quoniam in prima tantum pecunia iure hypothecæ persequenda, non in secunda, Caio Titius præfertur. Itaque si Titius ex distractione, vel venditione fundi Tusculani redegerit 120. debet centum expensa ferre, quasi à se mihi credita primum, & 20. quæ supersunt restituere Caio secundo creditori. Qua actione vero? Non conditione ex lege, non officio iudicis, non actione in factum, ut incertus, & hæsitans Accurs. tradit, sed utili hypothecaria, quasi superfluo, id est, eo, quod plus esset in pretio fundi Tusculani Caio obligati, cui idem fundus pigneratus est, ut in l. pen. h. t. ubi illud superfluum eleganti nomine appellatur *hyperocha, la plus value*. Igitur illa 20. quæ supersunt, persequetur Caius actione hypothecaria, quasi *ὕπερ ὅτι* fundi sibi obligati. Nec ab hac sententia discrepat, quod ex eodem Papin. proponitur in l. 1. tit. seq. Nam & in eius l. specie fundo specialiter Titio obligato in centum, deinde Caio generaliter omnibus bonis, ac postea nouatione facta etiam Titio obligatis omnibus bonis, ob alium, vel ob eundem contractum, Titius iure suo eum fundum vendere potest, & ex pretio ferre centum duntaxat. superfluum si quod sit, seruare Caio, cui cetera bona omnia pignerata sunt prius quam sibi. & lex ea tantum tractat de venditione cæterorum bonorum à Titio non iure facta, quæ bona Caius à quocunque possessore persequi potest actione hypothecaria: nullam vero in personam actionem habet in Titium eo nomine, puta quod cætera bona non iure vendiderit. Et hæc tantum pertinent ad primum responsum.

#### Ad §. cum ex causa.

*Cum ex causa mandati prædium Titio cui negotium fuerat gestum, deberetur priusquam ei possessio traderetur, id pignori dedit: post traditam possessionem idem prædium alij denno pignori dedit. prioris causam esse potio-rem apparuit, si non creditor secundus pretium ei, qui negotium gesserat, soluisset. Verum in ea quantitate quam soluisset, eiusque usuris, potio-rem fore constaret: nisi forte prior ei pecuniam offerat. quod si debitor aliunde pecu-*

*niam soluisset, priorem præferendum.*

**S**ecundi responsi species hæc est: mandauit tibi, ut prædium mihi emeret. emisti & tibi traditum est tuo, non meo nomine. si meo nomine, meum esset effectum, l. si procurator, D. de acqui. rer. dom. l. qui mihi, D. de donat. At quia tuo nomine tibi traditum est, traditione factum est tuum, non meum, sed tu id mihi ex causa mandati tradere debes, & cum tradideris, tunc fiet meum, l. res, D. de acqui. rer. dom. l. 2. C. de iis, qui à non dom. manum. sunt. verum antequam traderes, id ego prædium Titio pignori dedi, ut ait, id est, pacto obligavi, non dedi re ipsa, id est, non tradidi, & ita, pignori dare, sæpe accipitur in iure nostro, sicut in dotem dare, dandi verbo demonstrato placito, demonstrata conuentione, non traditione corporali. Ergo prædium, quod mandatu meo emisti, antequam id mihi tradidisses pignori obligavi, & valet obligatio, quia prædium, etsi nondum sit meum est tamen mihi debitum ex causa mandati, l. 1. in pr. sup. de pignor. At finge: postea tu mihi prædium, quod emer-  
**B**as, quodque iam Titio pigneraueram, tradidisti, & post traditionem idem ego prædium Caio denno pignori dedi, & tradidi; Quæritur, quis in eo prædio iure hypothecæ sit potior, Titius, an Caius? mouet quæstionem, quod Caio priori pignus tradidi, Titius, prior est conuentione, Caius traditione; & constat, quamuis Caio priori res tradita sit, Titium ei præferri, cui conuenta, non tradita est, l. 12. §. ult. D. h. t.  
**C** Et aliaratio est in venditione, si primo fundum vendidero, secundo vendidero & tradidero, hoc casu secundus est potior, quia traditio eum fecit dominum rei venditæ, l. qui tibi, C. de hered. vendit. In pignore autem traditio nihil facit, nihil adijcit, nec eo quicquam magis augetur ius pignoris, sed melius semper ius eius est, potentiუსque cui prior res pacto obligata est, ex quo pacto nascitur actio iure prætorio: est pactum legitimum: melius, inquam, semper est ius eius, cui priori res pacto obligata est, licet tradita non sit, traditio non auget ius pignoris. Verum quod ait Papin. hoc loco, In pignore priuilegio temporis Titium esse potio-rem, hoc, quemadmodum idem explicat subtiliter, ita procedit, si tu, qui prædium mihi emisti mandatu meo pretium venditori soluisti ex tuis vel alienis nummis: nam si pretium soluisti ex nummis Caij, quos scilicet Caius mihi credidit sub pignore eiusdem prædij, ut ex eius nummis venditori solueretur pretium, hoc casu certum est Caium in ea pecunia & usuris me-  
**D**dij temporis esse potio-rem, quia eius pecunia prædium comparatum sit, idemque prædium eo nomine ei specialiter pignori nexum, ut in l. licet, C. qui pot. in pign. l. 13. C. de pign. l. 5. §. plane, sup. de trib. act. l. potior, h. t. in pr. & Nou. 97. Hoc igitur casu Caium præferri Titio, nisi, ut subiicit, Titius Caio eam pecuniam offerat. Hoc enim modo Titius succedit in locum Caij, & sibi confirmat pignus. Et hæc est sententia huius responsi ab Accursio non intellecta, qui fingit me procuratori, cui mandauit, ut prædium emeret, idem prædium pignerasse, quod lex nullo modo dicit, vel subiicit.  
**E** Item fingit, procuratorem pretium prædij soluisset de suo, cum lex dicat, id soluisset, hoc est, numerasse: scilicet, soluere, pro numerare, & contra, numerare, pro soluere: cum, inquam, lex dicat, pretium soluisset, id est, numerasse, secundum creditorem procuratori, ut id scilicet procurator solueret venditori, non quasi debitum procuratori, cui nihil debuit quique debitor ipse tantum fuit prædij ex causa mandati ante traditionem. Quod autem statuit Accurs. dominio prædij procuratori adquisito per traditionem, procuratorem habere retentionem quasi pignoris loco quoad sibi pretium soluatur, si id dedit de suo. Id equidem facile concederem exemplo l. Iulianus, §. offerri, sup. de act.



*emp.* Res mea mihi non potest esse pignori, fateor: sed potest esse quali pignori, si mihi ius sit rei meae retinendae, quam alij debeo, *d. §. offerri.* Sed dicerem male id Accursium colligere ex *l. 1. tit. seq.* quam adducit, quae non loquitur de procuratore, qui rei dominium adquisiuit, quem potius excludit ea lex, & secernit his verbis *citra emptionem*; sed loquitur de procuratore voluntario, qui rem amici sui suis nummis pignore liberauit, cui dat eius rei retentionem, non persecutionem iure pignoris. Restat tertium & vltimum responsum, est quae breuius.

#### Ad §. vltimum.

*Post diuisionem regionibus factam inter fratres, conuenit, ut si fratres agri portionem pro indiuiso pignori datam a creditore suo non liberasset, ex diuisione quaesita partis partem dimidiam alter distraheret. pignus intelligi contractum existimari, sed priorem secundo non esse priorem, quoniam secundum pignus ad eam partem directum videbatur, quam ultra partem suam frater, non consentiente socio non potuit obligare.*

**F**acito, fundum esse communem inter fratres, primum & secundum, & omnia bona paterna pro indiuiso. Primus partem suam dimidiam, quam in eo fundo habuit pro indiuiso, creditori suo obligare potest, non etiam partem alteram, quam habet frater etiam pro indiuiso sine voluntate socij pignere potest. Hoc est notissimum, *l. 1. C. si commu. res pign. data sit.* Pone igitur primum obligasse partem suam pro indiuiso, & postea accepto arbitro familiae eriscundae, vel communi diuidendo, & diuisione bonorum facta inter fratres consortes, certis regionibus eum fundum fratres inter se partitos ex aequo: post hanc diuisionem, ne dicas eam tantum partem esse obligatam creditori primi, quae obligit primo, diuisio non mutat causam pignoris, sicut nec usufructus, nec venditio, nec alienatio vlla; Ab initio autem ante diuisionem pars fundi eius dimidia pro indiuiso creditori obligata fuit. Ergo & post diuisionem eadem pars creditori pro indiuiso obligata manet, quo fit, ut non tantum partis, quae in eo fundo obligit primo, sed etiam partis quae obligit secundo, pars dimidia, dimidia dimidia pro indiuiso creditori maneat obligata: Et ita est proditum in *l. 7. §. vlt. inf. quibus modis pign. vel. hypot. solu.* Et ratio haec est, quia primus, non quam partem in fundo nunc habet, quae certa est, & certis finibus siue regionibus circumscripta pignori obligauit, sed eam, quam tunc habuit: habuit autem tum partem etiam in fratris consortis parte, quae nunc ei obligit, partem pro indiuiso scilicet, quae pars incerta est, quia non potest sensibus percipi, aut digito demonstrari: sed percipitur intellectu tantum, & abstrahitur: pars pro diuiso oculis percipitur, & certum & tangi potest, pars pro indiuiso nec cerni, nec tangi potest, & occupat totam rem, *l. placet, sup. quib. mod. usus. amitt. l. 1. §. hoc interdictum uti possid.* Quamobrem proponitur in specie huius §. in diuisione fundi conuenisse inter fratres, ut si primus non lueret fundi partem a creditore suo, cui eam obligauit pro indiuiso; secundo ut liceret partis quae ex diuisione obligit primo partem dimidiam pro indiuiso distrahere, permixta distractio eius partis, quod maxime notandum, est argumentum contracti pignoris, id est permissum secundo intelligitur, ut eam partem distraheret iure pignoris, si cessaret primus in luenda parte dimidia pro diuiso partis certae, quae obligit secundo, quam utique debet primus ei praestare immunem & liberam, quasi obligatus de euictione: nam diuisio vicem emptionis obtinet, *l. 1. C. comm. utriusq. ind.* Erit autem

Respons. Papin.

**A** secundus in eo pignore potior creditore primi, quamuis creditor primi sit prior, quia scilicet, ut etiam docet in *l. 2. huius tit.* secundus in eo pignore non tam est potior, quam solus, id est, in eo pignore creditor primi, secundo non concurrat. Denique secundus in eo est solus, quia scilicet non partem iam obligatam creditori suo primus secundo pignerauit intelligitur permixta distractione, in qua creditor est prior & potior, sed partem, quam neque pignerauit, neque pignere potuit creditori, inuito secundo fratre suo, id est, partem dimidiam pro indiuiso, quae ex diuisione obligit primo; sic haec pactio siue conuentio accipienda est, cuius argumentum praebet, quod praemissa distractio est secundo: nam si diceres videri pigneratam secundo partem dimidiam pro diuiso partis, quae obligit primo, videretur id pignus directum ad eam partem, quae obligata est creditori primi, nec in ea potior esset secundus. Et ita explicanda est haec lex.

#### Ad l. 4. de distract. pign.

*Cum soluenda pecunia dies pacto profertur, conuenisse videtur, ne prius vendendi pignoris potestas exerceatur.*

**I**n hac lege ostenditur, prolato die soluendae pecuniae pacto conuenito, ne pecunia, qua debetur petatur intra certum diem, siue id ita conuenierit ab initio, siue aliquanto post creditam pecuniam, etiam tacite prolatum videri ius vendendi pignoris in eam causam obligari, nec posse distrahi pignus ante diem soluendae pecuniae, quod confirmat etiam *l. 6. §. 1. quib. mod. pign. vel. hypot.* Aliquid tamen interest, pactum sit perpetuum, puta, ne omnino pecunia petatur, an temporale, puta, ne petatur intra certum diem; nam si pactum sit perpetuum, id etiam pacto tacite inest, ne creditor sit persecutor pignoris, & tollitur actio hypothecaria per exceptionem pacti, *l. si tibi §. de pignore, sup. de pact.* Actio hypothecaria nascitur ex pacto ipso iure, quasi legitimo pacto, id est, iure praetorio: non tollitur autem actio hypothecaria pacto conuenito ipso iure, ut actio furti, vel iniuriarum ex duodecim tabulis *d. l. si tibi, §. 1.* sed opposita exceptione pacti, *d. §. de pignore.* At si pactum sit temporale, quo dies soluendae pecuniae differatur vel proferatur, videtur tantum dilata vel prolata venditio pignoris, non etiam persecutio, quia creditoris interest pignori incumbere, ut in tuto sit creditum, *l. quaesitum, sup. de pignor.* Plus est cautionis & securitatis in pignore, quam in persona, *l. 25. de reg. iur.* in re quam in persona, *l. eos, C. de pignor. §. furti autem, Institut. de obligation. qua ex delict.* Quamobrem, non persequendi, sed vendendi pignoris tantum potestatem Papinianus ait hoc loco ante diem soluendae pecuniae exerceri non posse.

#### Ad leg. 1. quibus modis pign. vel hypothec. soluitur.

*Debitoris absentis amicus, negotia gessit & pignorat contra emptionem, pecunia sua liberauit, ius pristinum domino restitutum videtur. Igitur qui negotium gessit, utilem sibi Seruianam dari non recte desiderabit, si tamen possideat, exceptione doli defenditur.*

**I**n hac lege sunt tria responsa; in primo ostenditur, procuratorem voluntarium siue negotiorum gestorem, qui amici sui pignora creditoribus obligata suis nummis liberauit, ius pristinum amico restituisse, id est, pignora ita liberauit, ut nec ei eo nomine teneantur obnoxia, nec eius propria efficiantur, sed plena & libera

Hh ij



domino restituantur. Ideoque nec earum rerum, quas amici causa liberauit persecutionem ei dari, quasi taciti pignoris iure per actionem hypothecariam, si eas non possideat, vel si possessionem earum amiserit, sed dari retentionem tantum, si eas res possideat opposita exceptione doli mali, domino eas res vindicante, quoad dominus pecuniam absoluerit, qua res liberauit: habet etiam eius pecuniæ repetendæ actionem negotiorum gestorum, *l. res, C. de pignor.* Et recte ponit Papinianus, eas res negotiorum gestorum liberaffe, retulisse, repignerasse *citra emptionem*: nam si eas emit à creditore iure suo distrahente pignora, si emit, ut extraneus quilibet, dominus rerum efficitur, & earum persecutionem habet amissa possessione, non iure pignoris, sed iure dominij directo. Et alia est causa fideiussoris, vel secundi creditoris, qui emit pignora à primo creditore, quoniam ij dominium pignorum non nanciscuntur, sed succedunt tantum in locum creditoris, à quo pignora redemerunt, quia non tam acquirendi dominij, quam in se transferendorum pignorum causa, ea pignora emissæ videtur, ut *l. 2. & l. 5. §. ult. & l. 6. sup. tit. prox. l. 3. sup. qua res pign. oblig. poss.* Et habent igitur actionem hypothecariam, non directam vindicationem.

#### Ad §. cum venditor.

*Cum venditor numerata sibi parte pretij prædium, quod venerat, pignori accepisset, ac postea residuum pretium emptori litteris ad eum missis donasset, eoque defuncto donationem quibusdam modis inutilem esse constabat: in re pignoris fiscum frustra petere prædium, qui successerat in locum creditoris, apparuit, cuius pignoris solutum esse partem prima voluntate donationis constabat, quoniam inutilem pecuniæ donationem lex facit: cui non est locus in pignore liberando.*

Secundi responsi species hæc est: prædij venditi à me & traditi pretium mihi emptor pro parte soluit, & reliqui pretij idem prædium pignori dedit. post emptori per epistolam donavi reliquum pretium, reliquam partem pretij, quo modo donationem recte fieri ostendi libro superiore ad *l. 48. de adquir. possess.* Et donatione residui pretij, cuius nomine prædium obligatum est, constat solui pignus, solui pactum pignoris, ut ait, & prædium liberari. At quid fiet, si post mortem meam constiterit, eam donationem quibusdam modis, rationibusve inutilem esse vel ex *l. Cincia*, quæ fuit de donationibus, vel ex constitutionibus. Facito, me donasse post contractum capitale crimen, quæ donatio sequuta condemnatione inutilis est ex constitutione Seueri & Antonini, *l. post contractum, D. de donat.* & me capitis fuisse damnatum, ac proinde fiscum mihi successisse, quod etiam hoc loco proponitur; Quæritur, an fiscus possit prædium persequi actione hypothecaria, quasi per donationem inutilem non soluto vel perempto pignore? Et Papinianus ita respondet, *iure pignoris fiscum frustra petere prædium apparuit*, id est, visum mihi est, ut in *l. 3. §. sup. qui pot. in pign.* Prioris causam potior em esse apparuit. Cur vero fiscus frustra prædium petit iure pignoris? Cur frustra agit actione hypothecaria? quia ut declarat lex, siue constitutio Seueri & Antonini, lex pro constitutione, ut in *l. tutor, sup. de pign. act. & l. lex, C. de administ. tut.* quia, lex, inquit, donationem tantum pecuniæ siue residui pretij inutilem & irritam facit, non etiam liberationem pignoris, quæ donationi inest, quia ea liberatio non nascitur ex donatione ipsa, quæ inutilis est, sed ex nuda voluntate & pactio- ne, quæ utilis est, licet donationi inutili insit: nam et si residui pretij donatio non valet, ut donatio, valet tamen ut nuda voluntas, nudave pactio, *l. Modestinus,*

*A D. de donat.* sicut acceptatio inutilis valet ut pactio, *l. an inutilis, de acceptilat. l. si unus. §. pen. de pact. l. cum emptor, de rescind. vend.* Pacto autem certum est remitti pignus, nec eam solam remissionem pignoris, quæ fit pacto, videri esse donationem, *l. 18. quæ in fraud. credit.* qua ostenditur, recte virum uxori, vel contra, uxorem viro remittere pignora, quia ea remissio non intelligitur esse donatio, propterea quod integra manente principali obligatione, nihil ob eam rem ex patrimonio eius, qui pignus remittit, abscedit, nec de suo quicquam largitur. Huic autem responso Papiniani Accursius opponit *l. debitum, C. de remiss. pign.* qua se expedire nequit. lex ait, debito remisso per inutile pactum, & debiti, & pignoris remissionem nullam esse. nihil est facilius, per pactum inutile remissæ sortis non remittitur pignus, fateor; at per donationem inutilem, ut hoc loco, pignus remittitur, non donationis, quæ est inutilis, sed pacti potestate, quod non est inutile, quamvis inutili donationi insit. Et ita ad eam legem respondendum est, Glossa omni circumscripta Accursij.

#### Ad §. vltimum.

*Defensor absentis cautionem indicatum solui prestitit. in dominum iudicio postea translato, fideiussores ob rem indicatam, quos defensor dedit, non tenebuntur, nec pignora quæ dederunt.*

In tertio responso & vltimo hoc proponitur: qui in iudicio offerebat se vltro defensioni debitoris absentis, ante litem contestatam, ut debuit, cauit actori, indicatum solui, datis fideiussoribus, qui & in eam causam pignora obligauerunt. Notissima est regula iuris, neminem idoneum & locupletem videri defensorem esse litis alienæ sine satisfactione huiusmodi, quæ proponitur multis in locis, ut *tit. de proc. & de reg. iuris.* Finge, debitore reuerso pendente iudicio, iudicium, ut fit, omne in eum translatum esse: Papinianus definit translatione iudicij defensorem & fideiussores, & pignora liberari, nec posse, condemnato debitore in defensorem, vel in fideiussores committi stipulationem indicatum solui, videlicet si actor translationem iudicij factam in dominum, non ignorarit, quam ei esse significandam probat *l. si ante, D. iudicat solui.* Et hoc iure vtimur. & hæc est sententia huius responsi vlt. Cui nihil obstat quam opponit Accursius, *l. in causa §. sed ex parte, D. de procurat.* quia hoc loco loquitur Papinianus de defensore rei, qui satisfecit indicatum solui, in quem stipulatio non committitur, si iudicium translatum sit in dominum. Illo autem loco agitur de procuratore actoris, qui satis accepit, non qui satisfecit indicatum solui, quæ stipulatio committitur postea iudicio translato in dominum, & à procuratore ea stipulatio transit in dominum, hoc loco, *qui satisfecit, omne litis commodum & incommodum in dominum transfert, & se, fideiussoresque suos exonerat.* Illo etiam loco, *qui satis accepit omne litis commodum & incommodum in dominum transfert, ergo & stipulationem indicatum solui, sibi à reo factam, in iudicio in re.* Nulla igitur repugnantia est; nihil est apertius. Potest autem alia differentia constitui inter procuratorem siue defensorem rei, & procuratorem actoris, ex *d. l. si ante*, quæ est de procuratore rei, & ex *l. Iulianus, sup. qui sat. fid. cog.* quæ est de procuratore actoris. Et vexata est mirum in modum hæc differentia ab Accursio, & interpretibus, quæ constitui debet & declarari perspicue ac breuiter omisso longo sermone hoc modo: defensor rei qui satisfecit indicatum solui, si postea fiat procurator accepto mandato, ut defendat reum, in eum condemnato reo stipulatio non committitur, quia non est eadem causa, & conditio personæ promissoris, qui



satisfecit, quæ fuit interponendæ stipulationis tempore, quo tempore fuit defensor sine mandato, nunc est verus, & iustus procurator. hoc de defensore. Procurator autem ex parte actoris voluntarius, qui non habebat mandatum, qui à reo satis accepit iudicatum solui, si postea mandatum acceperit à domino, ut ageret, vel pergeret agere, & rem exequi condemnato reo stipulatio committitur, quia eadem mansit causa personæ promissoris, quæ fuit initio: quod satis est, licet non eadem sit causa actoris. Et ita ea differentia explicanda est.

#### Ad l. 68. de euct.

*Cum ea conditione pignus distrahitur, ne quid euictione secuta creditor præster: quamvis pretium emptor non soluerit, sed venditori cauerit, euictione secuta nullam emptor exceptionem habebit, quo minus pret. em. soluat.*

**I**N hac l. proponuntur duo casus, quibus venditor emptori non tenetur de euictione. Vnus casus hic est, si creditor pignus vendiderit non iure communi promissa euictione, sed iure creditoris, iure pignoris non cauta vel promissa euictione, ut definitur præcipue in illo tit. *C. creditor euict. pign. non deb. lib. 8.* Denique si creditor pignus vendiderit, ut id suo periculo emeret, qui emeret, nec mancipio ei daretur: nam is tantum tenetur de euictione, qui mancipio dedit, vel promissit, & se dominum emptorem facere palam professus est. Plautus in Persa. *Suo periculo is emat, qui eam mercabitur, Mancipio neque promittet, neque quisquam dabit.* Quamobrem in l. 4. h. t. Vlpianus videtur scripsisse hoc modo, *an is, qui mancipio vendidit, fideiussorem ob euictionem dare debeat, an repromittere tantum nuda cautione?* nam is, qui mancipio non vendidit, non tenetur de euictione, nisi nominatim cauerit duplam aut simplam euictionis nomine ut & Varro scribit 2. de re rustica cap. 10. Qui autem mancipio vendidit, facta solemnī mancipatione rei venditæ solemniter per æs & libram, ut olim solebat, etiam si nihil cauerit, tenetur de euictione: nam mancipio cauet vel promittit, ut Paulus loquitur, satisfecit, nisi aliud conuenerit, *vadem ne daret, ut in lege mancipiorum addi solitum*, etiam idem Varro scribit 2. de lingua Lat. *satisfecit promittit*, id est, dato fideiussore, qui & auctor secundus dicitur, quæ satisfecit Ciceroni 5. ad Atticum epist. 1. est *satisfecit secundum mancipium*. Verum ad rem. Creditor iure suo vendendo pignus mancipio neque promittit: & ideo non tenetur emptori de euictione. Verum fac ita esse, creditorem scilicet pignus vendidisse iure suo, & emptorem pretium nondum soluisse, sed cauisse de soluendo pretio; an euictare, si ex cautione ab emptore venditor petat pretium, tueri se emptor potest exceptione rei euictæ & ablatæ à domino: id est, an emptor, & si non habeat actionem de euictione, qui emit à creditore lege pignoris, habeat tamen exceptionem doli re euicta, & retentionem pretij? Et respondet Papinianus, nec retentionem pretij eum habere, quia euictionem pignoris nullo modo, nulla via venditor præstare debet, quia id iure pignoris vendidit, non iure communi. Alter casus, qui proponitur in responso siue §. sequenti hic est.

#### Ad §. creditor.

*Creditor, qui pecunia nomen debitoris per delegationem maluit, euictis pignoris, quæ prior creditor accepit, nullam actionem cum eo, qui liberatus est, habebit.*

**S**I debitor creditori nomen sui debitoris in solum dederit, & delegauerit, quo casu creditorem etiam eius nominis pignora sequuntur, l. empt. sup. de hered.

**A** vend. l. pen. sup. de distract. pign. Euictis etiam pignoribus creditori, de euictione illi in debitorem nulla actio competit, quod proponitur in secundo responso huius legis. Et ratio hæc est, quia venditor nominis, cui similis est is, qui nomen dat in solum, l. eleganter, sup. de pign. act. l. 4. C. de euict. non præstat periculum euictionis, sed id periculum pertinet ad emptorem, l. periculum, sup. de pign. Et in hoc tenetur tantum venditor nominis, ut præstet nomen esse, actionem esse debitorem esse: non ut præstet nomen esse idoneum, debitorem esse idoneum, non ut præstet pignora esse in bonis debitoris, quia tale ius cedit & vendit quale habuit, nec optimum id ius esse præstare debet, l. si plus §. pen. hoc tit. l. si nomen, sup. de hered. vend. Eadem vero est sententia huius loci, quæ responsi Pauli, quod est in l. periculum, sup. de pign. quod Glossæ non animaduertunt. Recte tamen & vere notat eum, qui nomen debitoris sui in solum dedit creditori suo, pignoribus creditori à domino euictis, ei debere cedere contrariam actionem pigneratitiam in debitorem suum, quod rem alienam pignerauerit. Idemque creditor, qui pignus iure suo vendidit, debet præstare emptori, l. in creditore, hoc tit.

#### Ad l. 9. de vsuris.

*Pecunia fœnebris intra diem certum debito non soluto dupli stipulatum in altero tantum supra modum legitimæ vsuræ respondi non tenere. quare pro modo cuiuscumque temporis superfluo detracto, stipulatio vires habebit.*

**I**N primo responso huius legis, proponitur pecunia credita conuenisse interposita stipulatione, ut ad diem pecunia non soluta pœnæ nomine duplum præstaretur. debitor mutua centum acceperat, si ea intra annum non solueret, promissit ducenta. hæc stipulatio partim utilis est, partim inutilis, non tota inutilis, sed pro ea tantum parte, quæ in duplo, id est, in altero tanto, quod in stipulationem deductum est, vsuram legitimam; puta, centesimam excedit, nec pars inutilis vitiat eam partem, quæ est utilis, quæ non excedit modum licitum, ut in l. placuit, & l. pœnam, h. t. l. cum allegas, & l. eos §. si quis autem, C. eod. tit. Itaque post annum, si non soluerit ad diem, si non soluerit intra annum, ut placuit, non statim debentur altera centum, ne fraus fiat legi Gabinia, & constitutionibus, quæ vsuris modum imposuerunt, sed ex die interpositæ stipulationis, ut in l. lecta, in fi. sup. de reb. cred. pro modo annorum quibus cessauerit debitor in soluenda sorte: ex stipulatione debentur vsuræ legitimæ tantum, ut puta, si triennio cessauerit, vsuræ siue pœnæ nomine debentur triginta & sex tantum, qui finis est legitimæ, id est, centesimæ vsuræ, quæ in centum quotannis reddit XII. ex singulis centenīs nummīs duodenos nummos quotannis efficit. Et hæc est sententia huius loci, quod & lib. 3. resp. idem Papin. se respondisse scripsit, ut Vlpianus refert in l. Iulianus §. ibid. Papin. sup. de act. emp. Respondit autem, ut opinor hoc loco, & similiter, quod ibi Vlpianus refert, si conuenerit, ut ad diem pretio non soluto, venditori duplum præstaretur, nimirum hanc conuentionem in fraudem legum, quæ vsuris modum fecerunt, videri adiectam, quod legitimam vsuram excedit, & quod ad excessum illum attinet, inane conuentionem esse, longeque aliam esse rationem: nam & hoc addidit Pap. esse rationem pactiois siue legis commissoria, puta ut ad diem pretio non soluto res fiat inempta, non ut duplum præstetur, quia hoc modo, fœnus illicitum non contrahitur, ut superiore, sed lex tantum iusta dicitur venditioni, ut si non soluat emptor venditori pretium ad conditum diem; res ad emptorem reuertatur, in qua conuentione nulla est species fœnoris. Porro ex hoc responso intelligimus, quod inutiliter adiicitur in stipulatione vsurarum supra modum



legitimum non vitare eam stipulationem usurarum, quatenus utilis esse potest, ad finem legitimæ usuræ scilicet. Denique stipulationem partim esse inutilem, partim utilem, nec utile vitari per inutile. Obstat lex Græce *item*, D. de fideiussorib. quam citavit hoc loco Accurs. quæ l. ostendit, fideiussorem, qui pro debitore obligato in decem promittit quindecim, nulla ex parte teneri, neque in decem, in quæ tantum, si promississet, teneretur utiliter, neque in 15, vel ut loquitur ea lex, omnino non obligari, ut in l. 4. §. 1. rem pup. salu. fore, Basilica *ἐὰν ὅλως*, nullo modo obligari, quæ verba tamen pessime Alciatus cauillatus est §. parerg. statuens, fideiussorem non teneri in plusquam debeat debitor; puta, in quindecim, sed teneri in decem, in quæ tenetur reus, nec utile vitari per inutile, per excessum aut superfluum, quod omnino repugnat & verbis legis & rationi, quæ paulo post declarabitur, quoniam lex ait fideiussores omnino non obligari. ac similiter in Institutionibus dicitur præcise, fideiussorem non obligari si reo promittente quinque, ipse promittat decem. Quod quid aliud est, quam nullo modo obligari nullave ex parte obligari: Et inutilem adiectionem vitare utilem? Verum, ut omnis controuersia dirimatur, separare debemus eum, qui pro se ipso promittit, in qua stipulatione utile per inutile non vitatur, ut l. 1. §. sed similibi, de verb. obl. hunc, inquam, separare debemus ab eo, qui pro alio promittit. In qua stipulatione vel leui de causa ille non obligatur, & facile in eo utile vitatur per inutile: nam hoc est singulariter receptum in iis omnibus, qui pro aliis obligantur stulte, veluti fideiussoribus, mandatoribus, expromissoribus, reis constitutæ pecuniæ, nempe, ut si in duriores causam adhibeantur, puta, in maiorem & ampliorem quantitatem, prorsus non obligentur vlla ex parte, si vel minimum vitium insit intercessioni, quod mirum videri non debet; nam & in aliis plerisque causis fortunæ eorum, quæ plerumque miserrima est, singulariter iura subueniunt, quod docet, obseruatio 20. c. 34. multis argumentis. Non omitam verum esse, quod Glossa notat hoc loco, Papinianum dixisse *dupli stipulationem*, pro, dupli stipulationem, ut in l. uxori, §. ult. de leg. 3. l. 3. C. de inut. stip. ut actionem ex stipulatu more veterum: actionem ex stipulatione, ut sponsum pro sponsione & actionem ex sponso l. sciendum §. dictum, de adil. ed. l. 7. inf. de verb. sign. Et forte etiam initio huius legis more veteri Papin. pecuniam *faciebrem*, dixit, pecuniam mutuam simpliciter, quæ & ab initio fuit sine usuris, & post etiam diem soluendæ pecuniæ palam usurarum mentio facta non est, sed duplæ fortis tantum: & id ita Theologi accipiunt etiam quod est scriptum Deuteron. 15. *pauperi fœnus fœnerabis*, ubi D. Augustinus: *δύνατον δυνῆσθαι εἰς*, Certe, inquit, cum operam misericordiæ præcipiat, non utique usurarum crudelitas suscipienda est, quamvis fœnoris verbo usus sit.

#### Ad §. usurarum.

*Usurarum stipulatio, quamvis debitor non conveniatur, committitur, nec inutilis legitima usura stipulatio videtur sub ea conditione concepta, si minores ad diem solutæ non fuerint, non enim pœna, sed fœnus vberius iusta ratione sortis promittitur. Si tamen post mortem creditoris nemo fuit, cui pecunia solueretur, eius temporis inculpatam esse moram constituit, ideo si maiores usura prioribus petantur, exceptio doli non inutiliter opponitur.*

**I**N §. sequenti initio proponitur usurarum stipulationem committi sua die, etiam non interpellato debitore, quia dies satis debitorem interpellat, hoc est verissimum, l. traiecitia, de oblig. & act. l. diem, de verb. obl. l. 4. §. ult. de lege commiss. l. 12. C. de contrah. stip. l. 2. C. de iure emphyt. Et hoc posito initio huius §. subiicit Papin. & te-

**A** petit, quod etiam scripsit in l. 1. §. pen. sup. de pignor. valere stipulationem legitimæ usuræ factam sub conditione, si minor usura, de qua initio convenit, ad diem non solvatur, quia, inquit, non pœna, sed fœnus vberius sortis, iusta ratione promittitur. separat pœnam ab usura, & tamen l. Caius, & l. Seia, inf. h. tit. pœnam vocat si ob non solutas sua die minores usuras grauiiores infligantur. Verum hic, ut arbitror pœnam accipit pro usuris usurarum, negans id agi hac conventionione, ut minores usuras currere non desinant, sed quo tardius solvantur, earum usurarum usura præstentur, quod est illicitum. usurarum usura nunquam fuerunt permixtæ, quæ est ratio dubitandi in l. cum quidam, D. hoc tit. sed ut ait, hac conventionione id tantum agitur, ut usura minores, si sua die, si statuta die non solvantur, in posterum currere desinant, & deinceps ex die cessationis, ut præscribit l. cum quidam, usura vberiores præstentur fini legitimæ usuræ. hic ergo est sensus: non usurarum minorum, si non soluerentur, usura sunt promissæ, sed usura sortis grauiiores sunt promissæ, iusta ratione, id est, ratione moræ & conditionis impositæ stipulationi, & ita quoque Græc. hunc locum accipiunt: *ἔτι γὰρ τόκους τῶν καὶ ὀκτὶ ἐπὶ πρῶτάδου, ἀλλ' ὡς ἀξέσιν πλείονα, καὶ νόμιμον τόκον*. Non videtur, inquit, promissæ usurarum usuras, sed sub conditione tantum maiorem, & legitimam usuram; quod est rectissimum. At postremo subiicit, excusari promissorem a maioribus usuris, si post mortem creditoris non fuerit, cui ad diem solueret minores usuras, nondum adita hereditate eius, & cunctantibus heredibus, ut in l. diem, D. de verb. obl. Et ideo postea, heredibus adeuntibus, & ex stipulatione petentibus maiores usuras, ob stare merito exceptionem doli mali, quod, medij temporis mora sit inculcata, ut ait: Neque huic postremæ sententiæ quicquam obstat l. 18. §. ult. inf. h. tit. quæ post traditionem rei venditæ mortuo venditore, cui incertus est successor, si emptor quod debet pretium non deposuerit & consignauerit, qui rem venditam accepit, non ideo minus currere usuras prætij medij temporis: nec mirum, quoniam emptor cæpit esse in mora viuo venditore, cæpit esse in culpa viuo venditore rem accipiendo, nec soluendo pretium. Nihil etiam obstat l. ult. tit. seq. pœnam committi traiecitia pecuniæ non solutæ, si mortuo debitore incertus sit successor, quia ibi ponitur, (ut respondeam) non fuisse, qui solueret: hic autem ponitur fuisse, qui solueret, non etiam cui solueretur; quæ longe diuersa species est, diuersaque ratio.

Quod dixi nudius tertius ad finem l. 9. de usur. eâ quoniam dixi breuius & properantius, quam res postulabat, ut sæpe cogor præfestinare præterlabente hora, mihi videor debere interim me exponere, quod dixi me daturum duo responsa tantum.

Si post mortem creditoris ideo non sint ad diem solutæ minores usura, quod incertus esse successor creditoris, medij temporis grauiiores usura, quæ in stipulationem deductæ erant, effecta non debentur, quia petentibus obstat exceptio doli mali. Hoc proponitur in extremo d. l. 9. quod pugnare videtur cum l. 18. §. ult. eod. tit. quæ ait, post traditionem rei venditæ & mortem venditoris, cui incertus successor fuit, nihilominus a debitore deberi medij temporis usuras pretij. Cur tam varie? Ratio differentia hæc est, quia in specie legis §. mora non cæpit fieri creditori: nec igitur ex mora ei usura deberi cæperunt, sed mora facta est post mortem creditoris, ad diem non oblati minoribus usuris, quæ mora extra omnem culpam est: mora inculcata est, ut ait cum nec cæperit a defuncto creditore, nec potuerit incipere ab alio, nullo dum extante cui minores usura soluerentur, ut nec culpam merito debitor possit, cur eas usuras non consignauerit interim, & deposuerit in æde sacra, ut fiebat apud sacerdotem & Aedituum. Ea tan-



tum mora, hoc est tarda solutio nocet, quæ dolo, vel culpæ coniuncta est. In specie autem l. 18. mora cœpit fieri viuo venditore, quæ mora culpæ coniuncta est, cum debuerit emptor, qui re empta fruebatur, qui fructus percipiebat, soluere pretium, aut eo non soluto, vsuras pretij venditori dependere: fructuum perceptorum ratio, & vicissim vsuras præstari desiderat, l. Iulianus §. ex vendito, de act. emp. l. curabit, C. eod. tit. l. 5. §. ult. de dot. collat. Ex mora igitur vsuræ in ea specie viuo venditori deberi cœperunt. Quamobrem & post mortem venditoris iure hereditario debentur venditoris heredibus, etiam eius temporis, quo incertus venditori successor fuit, l. cum pater, eod. tit. quia interim hereditas iacens defuncti locum obtinuit, l. non minus, in fi. sup. de hered. instit. Et consequenter merito culpari potest emptor, qui iam contraxit culpam viuo venditore, qui pretium interim non consignat & deponit in æde sacra vel tabulario ciuitatis. Sola depositio cum excusaret à dependendis vsuris pretij, si non est, cui offerat pretium, puta, iacente hereditate. Si est cui offerat, etiam ei debet offerre omnino, nec sola depositio sine oblatione sufficit, l. 2. C. de usur. Illud etiam cum fine d. l. 9. pugnare videtur, quod dicitur in l. ult. de nau. fœn. pœnam non solutæ pecuniæ sua die committi, etiam si ea dies illuxerit post mortem debitoris nullo adhuc ei existente certo successore, & deliberantibus heredibus. Sed, vt respondeam, longe diuersa ea species est, quia in ea ponitur non fuisse debitorem, aut heredem debitoris, & fuisse cui solueretur: quo casu ipso iure pœna committitur sine interpellatione, quæ fiat in personam, ex eo solo, quod die soluendæ pecuniæ, cum existat cui soluat, nullus existat, qui soluat. Contra in specie l. 9. eo die, qui primus fuit soluendarum minorum vsurarum, est qui soluat, non est cui soluat, & merito culpari non potest, qui nulli soluit, cum nullus existit cui soluat. Et ita hæc explicanda sunt.

#### Ad leg. 79. de leg. 2.

*Quæ fideicommissa moriens libertis viri debuit, eorumdem prædiorum suis quoque libertis fructum reliquit. Iuris ignoratione lapsi, qui petere prædia ex mariti testamento debuerunt, secundum fideicommissum inter ceteros longo tempore perceperunt. Non ideo peremptam videri petitionem prioris fideicommissi constituit.*

**L**egis species hæc est: Vxor heres instituta à marito rogata est, vt quum moreretur libertis mariti prædia quædam restitueret, & moriens vxor, tam suis quam mariti libertis vsumfructum eorum prædiorum per fideicommissum reliquit; poterant & debebant mariti liberti ab herede vxoris prædia petere iure primi fideicommissi relictæ testamento patroni: sed iuris ignoracione lapsi, vt ait, vna cum libertis vxoris petierunt eorum prædiorum vsumfructum ex testamento vxoris, & longo tempore vsumfructum perceperunt. Ignoratio iuris, quod Glossa non videt, in eo fuit, quod liberti mariti existimarint primum fideicommissum pendere ex mera voluntate mulieris, & non necessitate iuris contineri, sed pudore tantum & conscientia mulieris, vt olim obtinuisse scriptum est in Institutionib. tit. de fideic. hered. vtque Seneca scripsit: *Religiosum hominem sanctumque solere fideicommissa tueri*; quæ nondum scilicet vlllo iuris vinculo continebantur, vel ex quibus nondum dabatur actio siue persecutio. Queritur autem in hac lege an perceptione secundi fideicommissi ex testamento mulieris, perempta sit persecutio primi fideicommissi ex testamento viri? Et responderet non esse peremptam. Recte, quia iuris ignorantia suum petentibus non nocet, l. 7. & 8. de iur. & facti ignor. Suum autem est & quodcunque debetur, l. 15. §. quod aut, ad l. Falc. Et

quamuis longo tempore secundum fideicommissum perceperint ex testamento vxoris, nec quicquam exegerint ex testamento viri, primi fideicommissi petitio non perimitur præscriptione longi temporis, l. neque, C. quib. non obijc. long. temp. præsc. Hæc est ratio huius responsi. Verum huic responso Accursius opponit l. 3. in pr. D. si quid in fraudem pat. & l. Claudius, sup. de adq. heredit. Quod ad l. 3. attinet; primum in ea agitur, de facti, non de iuris ignorantia: quoniam in ea non est legendum, *an ius ignoranti*, vt vulgo, sed vt in Florentinis, *an ignorantia eius*. Deinde in ea, species proponitur huiusmodi: libertus, qui viuus multa bona alienauerat in fraudem patroni, vt eo minor portio ad patronum perueniret; moriens patronum heredem instituit ex semisse, ex debita portione debuit patronus ommissa institutione petere bonorum poss. contra tab. quasi institutus ex modica parte, ob deminutiones à liberto factas in fraudem eius: sed cum eas esse factas nesciret, quæ ignorantia facti est, non iuris, liberti hereditatem adiuit; aditione ius bonorum possessionis contra tab. amisit, & consumpsit, quia agnouit voluntatem defuncti: an etiam amisit actionem Fabianam, de quo in illo titulo agitur, qua patroni reuocare solent quidquid gestum est in eorum fraudem? Et ait lex, eum amisisse etiam actionem Fabianam, quia acquieuerit voluntati liberti, & non simpliciter: quia factum ignorauit: nec enim facti ignorantia nocet, vel in damnis, vel in compendiis siue lucris, sed quia vitio & culpa sua factum ignorauit, dum temere adiuit hereditatem, re omni & totius hereditatis causa non bene perpensa, quod & ea lex significat his verbis; *Patronum sibi imputare debere*, hoc est, de se queri debere, stultitiæ suæ hoc acceptum ferre debere. Curiositas, prudentia & diligentia desideratur in eo, qui hereditatem aditurus est, quia in re etiam legib. ei dantur certa tempora ad deliberandum. At si non vtitur diligentia, sibi imputet, si quid damni senserit inconsulto adita hereditate. Idemque putarem dicendum, si patronus iuris ignorantia lapsus, liberti adierit hereditatem, quia in compendiis iuris error nocet, non in damnis rei suæ, d. l. 8. de iur. & fac. ign. Et hereditas liberti compendium est, quoniam patronus non est creditor, etiam si sit instituendus ex legitima parte non ideo est creditor, l. 6. in fi. D. ad l. Corn. de falsis. Vis hoc tibi perspicue monstrari? Si esset creditor, si deberetur ei legitima quasi creditori, alienata in fraudem suam reuocaret actione Pauliana, quæ creditoribus competit, nec indigeret propria actione, id est, Fabiana, vel Caluisiana. Et eodem modo respondendum est ad l. Claudius. qui per errorem facti adiuit hereditatem ex testamento secundo, quod erat inutile, cum debuit adire ex primo, quod erat vtile, in quo ab eodem heres scriptus erat, non potest redire ad primum testamentum, & rem amittit, quia temere & inconsulto adiuit & seipsum ipsemet decepit. Idque Imperator Seuerus decreuit, vt ait d. l. Claudius. Eadem est ratio l. filium emancipatum, eod. tit. filius emancipatus in testamento heres institutus à patre, per errorem facti, existimans in testamento faciendo patrem desipuissè mente, & ideo inutile testamentum esse, vana simplicitate deceptus, quæ semper obest, l. 3. sup. ad Senat. Maced. ab intestato bonorum possessionem vnde liberi accepit, quæ non competebat existente testamento iusto; ius omne suum amisit, & substituto dato in testamento, locum fecit suo vitio, quia consultare etiam atque etiam deliberare debuit, antequam ab intestato bona patris adiret.

#### Ad l. pen. de dot. collat.

*Pater nubenti filia quasdam res præter dorem dedit, eamque in familia retinuit, ac fratribus suis conditione, si dorem*



& cetera, quæ nubenti tradidit contulisset, coheredem adscripsit. Cum filia se bonis abstinuisset, fratribus res non in dotem datas vindicantibus exceptionem doli placuit obstare, quoniam pater filiam alterutrum habere voluit.

**H**oc responsum elegantissimum est. facti species huiusmodi est: Pater filiam nubenti, quam habebat & retinebat in potestate, præter dotem bona quædam donauit: dotis datio valet, donatio ipso iure non valet inter patrem, & filiamfam. Deinde pater testamento filios suos heredes scripsit, eadem filia coherede adiecta, non pure, sed sub hac conditione, si dotem & donationem, hoc est cetera præter dotem, quæ nubenti donauit fratribus suis in commune conferret. Post mortem patris filia se abstinuit paterna hereditate: certum est, non posse fratres filiam dotem auferre, quæ iure consistit, & quam nec pater ipse ei posset auferre aut minuere, *l. filia C. sol. matrim.* quia cœpit esse proprium patrimonium filiam, *l. ult. h. t.* At quæritur, an fratres filiam auferre & vindicare possint cetera bona, quæ præter dotem pater filiam donauit, quæ donatio ipso iure non consistit, vt initio proposui. Et ait, ea bona vindicantibus fratribus, obstare exceptionem doli mali, quod ea petant contra voluntatem defuncti, vt *l. apud Celsum §. præterea D. de doli except. l. anniculo, de mort. caus. donat.* quia pater defunctus filiam alterutrum habere voluit, aut donationem & dotem, aut portionem hereditatis, qua cum se abstineat filia, restat, vt dotem & donationem retineat ex voluntate patris. Donatio autem à patre in filium vel filiamfamilias collata, licet non valeat ipso iure, & destinatio animi sit potius quam perfecta donatio, vt eleganter ait lex *11. C. de donat.* conualescit tamen officio iudicis familiæ eriscundæ cognoscentis, si in extremum mortis diem pater in eadem voluntate perseuerauit, *l. filia cuius, C. fam. erisc. l. 2. C. Greg. eod. tit. Paulus §. Sentent. tit. de donat.* Pater, inquit, si filiosfam. aliquid donauerit, & in ea voluntate perseuerans decesserit, morte patris donatio conualescit. Etiam illud notandum est, eam dotem vel donationem à filia herede instituta, nec abstinente se, non conferri fratribus, sed præcipuam retineri, *d. l. filia cuius, l. 1. & 7. C. de collat. l. 3. in pr. sup. h. t. l. si filius qui mansit, sup. si quis omis. can. test. l. Pomponius, sup. fam. mil. etc.* Nec huic sententiæ obstat *l. si donatione, C. de collat.* quoniam ea lex pertinet ad liberos patri intestato succedentes, non ad liberos patri succedentes ex testamento. In successione testati, nec dos, nec donatio confertur, quod probant supra dictæ ll. Quamobrem institutioni filiam recte ponitur hoc loco adscriptam fuisse conditionem, si fratribus conferret dotem & donationem, quoniam in successione testati, non est locus collationi dotis vel donationis, nisi hoc iusserit pater. In successione autem intestati simul dos & donatio confertur fratribus simul ab intestato succedentibus, *l. 4. 12. 13. & 16. C. de collat.* nisi filia abstineat se bonis paternis, *l. ult. h. t.* Cur vero ex testamento non fuerit collationi locus, vt obtinuit semper ante Iustinianum: ab intestato autem fuerit collationi locus, fuerit conferenda dos & donatio, ratio hæc est, quia liberi ex testamento veniunt ad hereditatem patris, non vt liberi, sed vt extranei, quia eodem iure posset venire quilibet extraneus, si scriptus esset. Denique liberi in testamento veniunt non iure liberorum, non vt liberi, sed iure communi vt extranei, *l. 1. §. Pomponius, D. de Carb. edic. l. 10. C. de collat.* & inter extraneos coheredes nulla est ratio constituendæ æqualitatis remedio collationis & vice mutua collatis bonis. Ab intestato autem liberi sane veniunt vt liberi, iure proprio, non communi, id est, iure fraternitatis: inter fratres consortes summa ratio hæc est constituendæ æqualitatis, collatis commixtisque bonis propriis cum bonis paternis. Nomen ipsum fraternitatis per se nihil aliud est, quam æqualitas & communiō, *l.*

*A* verum in pr. sup. pro socio, *l. 2. C. de off. diu. ind.* Et in Panegyri. Flauienſium, quod est incerti auctoris: Fratrum, inquit, nomine & communitas apparet & æqualitas. Quæ ratio differentiæ maxime notanda est.

Ad l. 19. quæ in fraud. cred.

*Patrem, qui non expectata morte sua fideicommissum hereditatis materna filio soluto potestate restituit omiſſa ratione Falcidia plenam fidem ac debitam pietatem secutus exhibitionis, respondi non creditores fraudasse.*

**Q**antum attinet ad hanc legem, illud est extra omnem controuersiam actione Pauliana ex edicto in hoc titulo proposito, atque etiam interdicto quod fraudatorium appellatur, rescindi & reuocari quæcunque in fraudem creditorum alienata sunt. Hoc cognito, finge. Pater heres institutus ab vxore, & rogatus post mortem suam, cum morte sua filij communes sui iuris effecti essent, illis hereditatem maternam restituere, non expectata morte sua filios per emancipationem sui iuris fecit, & mox eis restituit totam hereditatem matris vxoris suæ, non deducta Falcidia, omisso commodo SC. Pegasiani. Quæritur, an hæc plena restitutio hereditatis patris, à creditoribus paternis rescindi & reuocari possit actione Pauliana? Et responderet, non posse, quia non videtur fraudasse creditores, qui plenam fidem & plenum obsequium testatori præstat, qui plenum officium & debitam pietatem sequutus, vt ait, filiis fideicommissum restituit. Quod ostenditur etiam in *l. prox. inf. & l. 5. §. pen. de donat. inter vir. & vx. l. qui totam, sup. ad Treb. l. fideicommissum, sup. de cond. indeb. l. 1. C. ad l. Falc.* Plinius 5. Epist. Illius testatoris, inquit, hoc munus, illius liberalitas, nostrum tamen obsequium vocetur. Quod de se scribit vltro præstante ex voluntate testatoris, quod iure non debuit. Plenam autem fidem præstitit pater testatori, quia sine deductione Falcidiæ totam hereditatem filiis restituit ex voluntate testatoris. lex Falcidia est contra voluntatē testatoris, *l. Titia, sup. ad l. Falc. d.* Et præstitit quoque debitam pietatem exhibitionis, vt ait, id est, restitutionis fideicommissi: nam & exhibere & exhibitio significationem restituendi habent, *l. Iulianus §. quantum, ad exhiben. l. pacto, C. de pact. l. ult. C. de ad. act.* Cur vero debitam pietatem? Quia etsi non esset pater nisi post mortem suam rogatus restituere hereditatem, tamen & filiis emancipatione sui iuris effectis, eam debuit restituere, quia mater, quæ iussit restituere hereditatem post mortem patris, non tam spectauit modum, quo filij fierent sui iuris, quam finem. Et quocunque igitur modo filij fiant sui iuris, siue morte patris, siue emancipatione, ex mente testatoris fideicommissum eis restitui debet, *l. si ita esset, sup. quando dies leg. cedit, l. 11. §. si cui, de leg. 3. l. mulier, in pr. ad SC. Treb.* Pietas est obtemperare voluntati defuncti: vt contra impietas non obtemperare, *l. penult. §. illo, C. de neces. ser. her. inst.* & debita pietas in hac specie, non gratuita, quia & filiis, si emanciparentur, fideicommissum hereditatis relictum videtur. Denique hæc restitutio fideicommissi siue exhibitio, vt loquitur, est præsentis debiti solutio, non donatio, non repræsentatio debiti collati in diem, vel in conditionem: alioquin locus esset actioni Paulianæ, si vel donatio esset, vel repræsentatio, *l. ait Prator §. si cum in diem, & l. omnes §. ult. h. t.* Glossa non intellexit hanc legem, quæ tamen est facillima.

Ad l. 29. de except. rei iudic.

*Indicata quidem rei præscriptio coheredi, qui non litigauit, obstare non potest, nec in seruitutem videtur peti post rem*



rem pro libertate indicatam nondum ex causa fideicommissi manumissus, sed pratoris oportet in ea re sententiam seruari, quam pro parte victi prestare non potest: nam, & cum alterum ex coheredibus inofficiosi questio tenuit, aut etiam duobus separatim agentibus alter obtinuit, libertates competere placuit: ita tamen, ut officio iudicis indemnitati victoris futurique manumissoris consulatur.

**I**N hac lege duo proponuntur casus, quibus contra regulam iuris res inter alios iudicata aliis nocet. Primus casus vertitur circa speciem huiusmodi. Duo sunt heredes, primus & secundus, qui iure hereditario seruum communem habent: cum primo solo seruus agit de fideicommissaria libertate prestanda, quam sibi relictam dicit testamento defuncti, & agit apud Prætorem fideicommissarium, qui de fideicommissis cognoscit; habet etiam seruus ex hac causa per se aditum ad Prætorem, & hoc nomine causam orare potest, *l. de libertate, D. de fideicom. lib. l. mulier §. non est, ad Senatuscons. Trebell. l. Titius, de action. emp. l. vix certis, de indic.* Et Prætor quidem fideicommissarius, quem seruus adiit, fideicommissariam libertatem seruo præstari iussit, verum antequam præstaretur, alter heres, puta, secundus, aduersus quem seruus non constiterat, vel quem in ius non vocauerat, eum seruum suum esse vindicat iure hereditario, an potest repelli exceptione rei iudicatæ pro libertate? Et prima facie videtur rei iudicatæ inter alios exceptio non ob stare ei, qui non litigauit, quia non potest Prætor inter alios iudicando aliis nocere, *l. is qui fundum, de v. s. f. l. Claudius, in fine sup. qui pot. in pigno. hab.* Posui seruum à primo, qui litigauit cum seruo ex causa fideicommissi, & iussu prætoris nondum fuisse manumissum: nam si manumissus fuisset, secundus videretur liberum hominem factum iussu prætoris petere in seruitutem, nec admitteretur, nec audiretur. At quia nondum est manumissus, quia res est integra, non videtur eum secundus ex libertate in seruitutem petere: denique recte eum vindicare videtur. Verum aliud statuit Papinianus, ostendens melius esse & æquius fauore libertatis sententiam Prætoris tueri, & exequi etiam aduersus coheredem, qui non litigauit, id est, secundum; vt & sententia inter alios dicta ei præiudicet, & seruo libertas præstetur, quæ cum non possit præstari pro parte primi tantum, quem seruus vicit, consequens est, ne intercidat libertas, & pro parte secundi eam debere præstari, vtroque seruum manumittente: denique solidam plenamque libertatem, quæ nec scindi potest seruo esse præstandam, alioquin sententia Prætoris recideret in irritum, quod & comprobabat Papinianus exemplo simili; Si testamentum, in quo relicta est libertas pro parte tantum, rescissum sit per querelam inofficiosi testamenti, agente filio exheredato, pro parte constiterit: nam querela potest facere intestatum pro parte tantum, hoc etiam casu certum est, libertatem directam seruis competere, vel vno tantum herede ex testamento existente, & pro parte tantum non ex asse testatore facto partim intestato, partim testato. Quod etsi fieri non possit ab initio, potest tamen fieri ex euentu, & fideicommissariam quoque libertatem esse præstandam. Idque proditum est in *l. 6. sup. de dot. coll. & l. cum filius, in pr. de leg. 2. l. cum duobus, C. de inoffic. testam.* Et receptum etiam hoc est fauore libertatis: nam legata vel fideicommissa pecuniaria in eo testamento relicta pro parte, qua rescissum est testamentum querela inofficiosi, irrita constituuntur: libertates autem omnino conseruantur, *d. l. cum filius*, libertates sunt indiuiduæ, legata diuiduæ; Et simili modo, quod est aliud exemplum, si duo separatis iudiciis hominem in seruitutem petant, singuli pro parte dimidia, & vno iudicio homo liber, altero seruus pronuntietur, superior erit libertatis ratio. Ridiculum enim est arbitrari vtramque sententiam valere, & ad emolumentum perducere debere Respons. Papin.

**A** pro parte dimidia ducto tertio ab eo, qui vicit; pro altera parte defensa libertate, quia libertas scindi non potest. Sabiniani quidem existimabant in hac specie, eum hominem trahi debere in seruitutem potius, quam in libertatem, conseruata sententia, quæ dixit, contra libertatem, & reiecta sententia, quæ dixit pro libertate: & Iulianus, qui ex Sabinianis fuit, se etiam huius opinionis esse nominatim scribit in *l. duobus, sup. de lib. caus.* Verum, contra quam se sensisse Iulianus scribit, additur in ea lege, non ex Iuliano igitur, sed ex alio, ex quo vero, nisi ex Marcello, qui notas scripsit in Iulianum? Additur ergo ex Marcello, commodius esse contra opinionem Sabinianorum, fauore libertatis seruum ad libertatem perducere ab vtroque domino, parte pretij præstita victori, viri boni arbitrato. Nam & idem inuenio Marcellum adnotasse ad Iulianum in quaestione de seruo communi, ab vno ex dominis manumisso testamento aut vindicta; nam manumissionem quasi inutilem non admittebant Iulianus & alij nonnulli, quod non possit pro parte libertas competere; adnotasse, inquam, Marcellum, commodius esse & hoc casu, seruum liberum fieri ab vno tantum ex dominis manumissum, præstita tamen alteri domino parte pretij & coacto altero domino vendere partem suam, & manumissionem comprobare *l. 1. C. de comm. ser. manum. l. domino, sup. ad Senatuscons. Syllan. l. si seruus communis, de vulg. substit. in qua l. hæc verba: quod si neque à patre, neque à pupillo fuerit redemptus, quæ subiiciuntur verbis Iuliani, proculdubio sunt ex Marcello, qui in Iulianum notas scripsit, sicut in d. l. duobus, hæc verba: commodius autem est fauore libertatis, proculdubio sunt ex Marcello. Et sententiam Marcelli hoc loco Papinianus comprobare euidenter, qui & similiter superioribus casibus censet officio iudicis indemnitati eius heredis, qui non litigauit de libertate cum alio coherede, seruo contendente & vicente; item indemnitati eius heredis, qui vicit in querela inofficiosi testamenti, victo coherede pro sua parte esse consulendum, oblata parte pretij; ac tum demum seruum ab vtroque communi consensu debere manumitti, quæ sententia est huius responsi. Et notandum in eo maxime genus loquendi, quo Papinianus vtitur illo loco: cum alterum ex coheredibus inofficiosi questio tenuit. Quæ verba sunt expresse accipienda hoc modo, quum inofficiosi testamenti questio ab altero ex coheredibus obtenta sit, & deuicta aduersus filium exheredatum. Tenere est obrinere, vt in *l. ult. h. tit.* sicut Florentiæ legitur in *l. cum falsis, de manumiss. testam. M. Tull. pro C. lio; Scaenolam dixisse causam apud centumuiros, non tenuisse. Et Horatius;**

*Quo responsore & quo causa teste tenentur.*

Et sæpissime in libris nostris. Et hæc de primo casu, alter casus, quo res inter alios iudicata aliis præiudicat, notatur in *§. seq. in fine huius legis.*

#### Ad §. si debitor.

*Si debitor de dominio rei, quam pignori dedit, non admonito creditore causam egerit, & contrariam sententiam acceperit, creditor in locum victi successisse non videbitur: cum pignoris conuentio sententiam præcesserit.*

**D**ebitor creditori fundum pignori dedit, post de proprietate huius fundi cum alio litigauit iudicio in rem, quæ lis dominij dicitur in iure, & contra debitorem pronuntiatum est, fundi eum non esse dominum; Queritur, an res iudicata inter debitorem & extraneum de dominio fundi pro extraneo contra debitorem, noceat creditori? Et distinguendum est; Aut sciuit creditor, admonitus forte à debitore ipso, debitorem experiri de proprietate fundi, & hoc casu creditori agenti hypothecaria aduersus eum, qui debitorem vicit, & fundum euicit, obstat exceptio rei iudicatæ, quamuis inter alios



iudicatæ, *l. pen. de re iud.* Ratio hæc est, quia creditore A  
 sciente & consentiente, scientia & taciturnitas consen-  
 sum imitantur. Quia, inquam, creditore sciente & con-  
 sentiente, de iure, quod ex persona debitoris habuit, iu-  
 dicatum est, hac ratione etiam creditori obstat exceptio  
 rei, quamvis inter alios iudicatæ. Excipiuntur tantum  
 duo casus in *l. 5. C. de pign.* si debitor victus sit, quod lu-  
 sorie causam egerit & perfunctorie, quod colluserit cū  
 aduersario suo, & se vinci passus sit: nam collusio debi-  
 toris creditori nocere non debet. Et alter casus, qui ex-  
 cipiendus est, hic est; si debitor victus non sit causa co-  
 gnita, sed ex præscriptione & edicto peremptorio, quod  
 iudicio defuerit, quod contumax fuerit. Extra hos duos  
 casus, exceptio rei iudicatæ inter debitorem & extra-  
 neum de proprietate pignoris, scienti creditori nocet.  
 Aut, quæ est altera pars distinctionis, si creditor ignora-  
 uit debitorem experiri de pignoris proprietate; & hoc  
 casu res iudicata aduersus debitorem, nullum præiudi-  
 cium creditori facit, & omnimodo salua est creditori  
 actio hypothecaria aduersus victorem, probanti credi-  
 tori fundum eo tempore, quo pignus contrahebatur, in  
 bonis debitoris fuisse, *l. 3. C. de pign. l. 4. §. pen. de appellat.*  
 Sententia non perimit ignorantiam causam pignoris anti-  
 quioris, sicut nec vīucapio vel alienatio; nec enim cre-  
 ditor, qui ignorauit debitorem pari controuersiam de  
 proprietate, successisse intelligitur in locum victi debi-  
 toris, qui ante sententiam à debitore fundum pignori  
 acceperat. Ponendum igitur est, pignoris conuentio-  
 nem esse antiquiorem sententia, & ita sententiam igno-  
 ranti nihil nocere nec perimere pignoris causam; nam si  
 post sententiam sequatur pignoris conuentio, in locum  
 victi debitoris successisse creditor intelligitur, & nocet  
 ei exceptio rei iudicatæ, vt in *l. si mater, §. ult. hoc tit.* De-  
 nique hoc casu inutile est pignus, quasi re aliena pigne-  
 rata, quamvis ante pronuntiatum sit alienam esse, ante-  
 quam pignori daretur.

#### Ad l. 121. de verb. oblig.

Ex ea parte cautionis, dolumque malum huic rei pro-  
 missionique abesse, abfuturumque esse, stipulatus est  
 ille; incerti agetur, stipulationis utiliter interponenda  
 gratia.

C Oninet hæc l. quatuor responsa admodum bre-  
 uia. Et vt statim atque paucis quod initio proponi-  
 tur, expediamus: solet omnium stipulationum siue cau-  
 tionum extrema parte subiici hæc clausula, *dolum ma-  
 lum abesse abfuturumque esse, l. 22. §. 119. & 135. hoc tit. l. 1.  
 si cum fundus, de contrab. empt. l. 3. C. de recept. arb.* quæ sti-  
 pulationum nouissima clausula dicitur, *l. nouissima, D.  
 iudicat. solui.* & honestatis formula D. Ambrosio *5. offic.*  
 Et hæc clausula tam honesta, non potest non esse utilis,  
 sed quæ præcedunt clausulæ siue partes, vel ex parti-  
 bus, quæ præcedunt, quædam potest quandoque esse  
 inutilis, quæ tantum abest, vt vitiet hanc partem, id est,  
 clausulam doli, quæ vtilissima est & honestissima, vt ab  
 ea potius vel confirmetur, vt *l. 1. §. 1. C. de rei vxor. act.*  
 vel corrigatur ex ea clausula doli, data in promissorem  
 actione incerti, quæ proprie dicitur actio ex stipulatu,  
 vt partem stipulationis conceptam inutiliter emendet,  
 & concipiat denuo, seque obliget vtiliter. Omnes oblig-  
 ationes actione incerti condicuntur, quia iura sunt  
 λόγῳ θεωρητά, quæ cogitatione sola percipiuntur: non  
 sunt corpora certa, vt certi actione condici possint, *l. 5.  
 §. 1. de usufr. car. rer. quæ usu consum. l. 3. §. ult. si cui plusq.  
 per leg. Falcid.* Et hoc vult tantum Papinianus in primo  
 responso huius legis, quod Glossa non intellexit.

#### Ad §. mulier.

*Mulier ab eo in cuius matrimonium conueniebat, stipula-  
 ra fuerat ducenta, si concubina tempore matrimonij consue-  
 tudinem repetisset. nihil causa esse respondi, cur ex stipulatu  
 qua ex bonis moribus concepta fuerat, mulier impleta condi-  
 cione, pecuniam adsequi non posset.*

H Ic §. est de stipulatione pœnali à muliere, quum  
 nubebat interposita sub hac conditione viro pro-  
 mittente: *si tempore matrimonij tua concubina consuetudi-  
 nem repetieris, ducenta mihi dari spondes? spondeo.* Honesta  
 stipulatio est, quæ coerct legitimæ vxori contra bonos  
 mores concubinam superducentem, vel quam habuit  
 ante nuptias, reducentem: ac proinde ex hac stipulatio-  
 ne, si quid secius vir fecerit, mulieri pœnæ pecuniariæ,  
 quam in stipulationem deduxit, petitio est: nam etsi nul-  
 la pœna, quod sciam legibus constituta sit in eum, qui  
 præter vxorem sibi adsciscit concubinam, tamen pro-  
 brosum hoc & illicitum est, nec minus turpe, quam duas  
 vxores eodem tempore habere. Nam & concubina vxor-  
 em imitatur, vt eleganter Iulianus ait in *Non. 18.* nullæ  
 sunt hodie concubinæ; honestum erat concubinæ no-  
 men, non scorti nomen, aut vulgaris mulieris, quæ se  
 prostitueret in vulgarem Venerem: nec tamen licebat &  
 vxorem & concubinam habere: & vxorem & quasi vxor-  
 em. Paulus *3. Sent.* *Eo tempore, inquit, quo quis vxorem  
 habet, concubinam habere non potest.* Hæc etiam sunt verba  
 Pauli, *concubina igitur, inquit, ab vxore solo delectu sepa-  
 ratur,* id est, vt habenti vxorem non licet habere aliam  
 vxorem, sic nec aliam concubinam, quia concubina  
 quasi vxor est & ab vxore sola delectatione & destinatio-  
 ne animi separatur, vt in *l. pen. sup. de concub.* Et vt arbi-  
 tror ex edicto Prætoris, vt infamia notatur, qui duas  
 vxores habet eodem tempore, vel duas sponfas, *l. 1. de iis,  
 qui notant. infam.* Ita, qui eodem tempore habet vxorem  
 & concubinam, ex sententia edicti, non ex verbis, infam-  
 iam incurrit: sicut ex sententia edicti notatur etiam,  
 qui eodem tempore habet sponfam & vxorem, *l. quid  
 ergo, §. si alteri, de iis qui not. inf.* Eadem vero ratione si vx-  
 or à viro, vel vir ab vxore stipuletur pœnam sub condi-  
 tione, si culpa eius diuortium factum erit, honesta stipula-  
 tio est, & congruens bonis moribus, & valet intra mo-  
 dum pœnæ legitimæ, *l. 19. hoc tit.* Nam diuortij culpa  
 punitur pecuniariter legibus Iulia & Papia, & vt ait *d. l.  
 19. pœnis legum contenti esse debemus.* quod etiam ostendit  
*l. vn. C. de sentent. qua pro eo quod interest profer.* Non  
 debemus esse asperiores legibus ipsis: pœnæ legitimæ  
 sunt iuris publici, & iuri publico priuatorum conuen-  
 tione derogari non potest. Itaque in casum diuortij facti  
 coniugis culpa pœnæ stipulatio non valet supra legitimum  
 modum. In priori casu vxori superductæ concubi-  
 næ pœnæ pecuniariæ stipulatio non habet modum cer-  
 tum, quia cōcubinatuui siue pellicatuui nulla pœna pecu-  
 niaria legibus constituta est, sed pœna infamiæ tantum  
 ex sententia edicti Prætoris, vt dixi paulo ante. Reii-  
 cienda autem opinio est Bartoli & aliorum qui male  
 ducto arg. ex hoc §. existimant, valere stipulationem,  
 si de aliquo stipuler pœnam sub conditione, *si alea vn-  
 quam luserit;* nam etsi honesta sit stipulatio, tamen nihil  
 interest mea, quod ad rem meam familiarem attinet, lu-  
 dat ille alea, necne; Et ideo, si nec subsit causa interpo-  
 nendæ huius stipulationis, ex ea stipulatione actio nulla  
 competit. Et in specie huius §. stipulatio valet, non tam  
 quia honesta est, quam etiam quia coniuncta est utilita-  
 ti stipulantis, ne res domestica laboret, vel ne occidat,  
 vt plerunque contingit, amicarum & pellicum iniuria.  
 Recte enim sapiens:

*Cum coniux tibi sit, ne res & fama laboret,  
 Vitandum ducas inimicum nomen amica.*



Sic est legendum; Quæ res etiam maxime honestas mulieres exasperat, ἀγλαίαν ποιεῖ, ut est in *Nov. 22*. Et multo magis reiicienda est opinio eorum, qui generaliter statuunt, valere stipulationem certæ pœnæ, etiam si nihil stipulantis inter sit, nec stipulandi vlla causa subsit. Apagere istam opinionem: Nam etsi ex stipulatione pœnali detur actio, tamen si nihil actoris inter sit, *l. inter, §. alteri, hoc tit. l. cum pœna, de recept. arbit.* aliter quam ex stipulatione, vel ex alio contractu, qui sit de re pecuniaria, de re familiari, ex quo non datur actio, nisi ei cuius interest, *l. qui fundum, sup. loc. l. si procuratorem §. mandati, sup. mand.* quo sensu M. Tullius ait, actiones exprimi ex damno & iniuria cuiusque; actiones rei persecutorias scilicet, non pœnales: nam pœnam persequitur & is, cuius nihil interest, siue cui nihil abest de suo; non tamen ex pœnali stipulatione datur actio, si nulla causa præcesserit negotij ita contrahendi, si nulla causa intercedente ex abrupto, ut stulti solent, ita stipuler, *si quis hodie* (non demonstrans certam personam) *in Capitolium ascenderit, 10. dare spondes?* nam hoc exemplum quod ita proponitur in *l. a Titio, sup. hoc tit.* si sani sumus, ita accipiendum, si qua mihi causa fuerit ita stipulandi & cauendi, veluti causa damni, quod facturus sum ex alia conuentione, *si quis hodie Capitolium ascenderit*, sicut in aliis duob. exemplis, quæ proponuntur in *d. l. a Titio: si qua mihi nupsit dotis nomine tor dabis?* causa stipulationis est dos, sine qua nolo ducere uxorem, & ferre onera matrimonij; & in alia stipulatione, *si quis à me decem petierit, decem dabis?* causa stipulandi est debitum, & metus creditoris, cui debeo 10. Denique harum trium stipulationum, quæ proponuntur in *d. l. a Titio*, causa est indemnitas, quam stipulator captat, alioquin stipulatio sine causa interposita, non valet, *l. 2. §. circa, de dol. excep. l. si stipulatus esses, de fideiuss.* Et quod dicitur in *l. si quis Sempronium, de hered. instit.* si Titius vel si quis, nihil refert, *Capitolium non ascenderit*, sane ideo valet institutio, quia hanc conditionem testator non adscribit, ut suum testamentum conferat in arbitrium alterius, quod nec posset vtiliter, sed ex causa aliqua, quæ pendet ex illa ascensione Capitolij. Sani homines naturam imitantur: & ut natura nihil facit frustra, ita nec homo sanus & siccus. Ac propterea huiusmodi conditio, *si Capitolium ascenderit*, quod notandum, quæ frequens legitur in iure nostro, non est conditio, quam vllus forte vnquam negotiis suis inferuerit, sed conditio hypothetica, quæ passim ab auctoribus vsurpatur; eadem ratione, qua Titij, Mæuij, Caij nomina hypothetica. Non omitam quod ad sermonem Papiniani attinet, qui affectauit vnus ex omnibus quodammodo more prisco scribere, scripsisse eum tam hoc loco quam in *l. 15. de ritu nupt.* *Mulier ab eo in cuius manu conueniebat, idque mutasse Tribonianum, pro manu, reposito matrimonio, in matrimonium conueniebat.* Quod sua ætate in desuetudinem abiissent conuentiones in manum, per quas iustæ uxores & matresfam. fiebant, ut Vlpianus ostendit in *lib. reg. & ut in l. 9. in pr. de usur.* Sic hoc loco Papin. dixisse, *stipulatum pro stipulationem*, dum ait, ut in Florentinis scriptum est rectissime, nec debuit notari asterisco ut mendum: *nihil causa esse respondi, inquit, cur ex stipulatu, quæ ex bonis moribus concepta fuerat.* prisce & eleganter, non ad stipulatum quod præcedit, sed ad stipulationem, quam intelligebat, relatis iis verbis, *quæ ex bonis moribus concepta fuerat.* quæ figura dicendi vocatur ἀναφορά. Pergamus ad *§. pen.* cuius sententia hæc est.

#### Ad §. in Insulam.

*In insulam deportato reo promittendi, stipulatio ita concepta, cum morieris dari? non nisi moriente eo committitur.*

#### Respons. Papin.

**A** Stipulatus sum à te, *quum morieris mihi decem dari*. His verbis significatur mors naturalis, non mors civilis, quæ contingit deportatione in insulam. Et ideo nec committitur stipulatio, si bonis ademptis deportatus in insulam, & ad peregrinitatem redactus fueris: sed committitur te moriente, & claudente fati diem extremum. At dicere quis possit, nec te moriente stipulationem committi, quia deportatione tota obligatio perimitur, & naturalis & civilis, ut ait *l. si debitori, de fideiuss. l. 2. l. tutelæ §. ult. de cap. minut.* Imo, ut respondeam, non perimitur obligatio simpliciter, quia transit in fiscum, ad quem deportati bona transeunt, sed perimitur contra deportatum duntaxat, quia fiscus ei in iura & bona vniuersa succedit, *l. 3. ad leg. Iuliam pecul. l. ult. §. ult. C. de sentent. pass.* Qua ratione deportatus in plerisque causis pro mortuo habetur, quia alius in eius quasi mortui locum succedit, quod docet *l. actione §. publicatione, sup. pro soc.* non quia ciuium numero esse desit simpliciter, alioquin omnes peregrini pro mortuis haberentur, quod stultum est dicere; pro mortuo habetur is tantum, qui exiit omnibus bonis, qui nudus exulat, non qui vestitus exulat, ut ita dixerim. Verum in hac stipulatione, de qua agitur hoc loco, hæc verba, *quum morieris*, proprie accipimus de morte naturali, non de civili, non ex mente contrahentium tantum, quod notandum, sed quia deportatus sibi videtur mori, non alij, non stipulatori. Quid ergo si non sit deportatus, quæ est media capitis deminutio, sed damnatus in metallum, quæ est maxima capitis deminutio: illa peregrinum facit, non seruum, hæc plane seruum facit, & seruum pœnæ, non hominis vllius? Et hic sane, qui damnatur in metallum videtur mori sibi & aliis omnibus, ut in *l. intercedit, sup. de cond. & demonst.* Et stipulatio hæc, de qua hic agitur, committitur in eum, ad quem bona peruenerunt, *l. tutelæ, §. pen. de ca. minu.* Maxima capitis deminutio semper morti adsimilatur. Deportatio non semper. Nec abs re est, quod Papin. de deportato tantum loquitur, sicut nec abs re est, quod loquitur tantum de stipulatione ita concepta, *quum morieris, dabis*, quæ utilis est, quia ex ea obligatio incipit à promissore in ipso moriendi articulo. Concepta autem stipulatio post mortem promissoris ante Iustinianum erat inutilis, quia non incipit à defuncto vel moriente, ac proinde non debet in heredem transmitti.

#### Ad §. vltimum.

*Ex facto rei promittendi doli stipulatio heredem eius tenet, sicut ex cæteris aliis contractibus: veluti mandati, depositi.*

**I**n hoc §. ostenditur, ex clausula doli, de qua dictum est initio, subiecta stipulationi, non tantum promissorem teneri, si quid fecerit dolo malo, sed etiam heredem eius in solidum, etiam si nihil ad eum ex delicto, siue dolo defuncti peruenerit, id est, etiam si ob dolum defuncti locupletior ad eum hereditas non peruenerit, commissam stipulationem in defunctum transmitti in heredem. Et idem hoc, ut subiicit, seruari in strictis stipulationibus, & in cæteris omnibus contractibus bonæ fidei: nam & stipulationem nominat inter contractus bonæ fidei. Nā & ex causa depositi, & mandati & commodati, & tutelæ, & negotiorum gestorum, ob dolum defuncti heres teneretur in solidum, si solus heres sit, vel si plures sint heredes, singuli tenentur proportionibus hereditariis, *l. ex depositi, & l. ex contractibus, sup. tit. prox. l. ad ea §. ult. de R. I. doli clausula stipulationem, contractum bonæ fidei facit, arg. l. pen. de mort. cau. donat. & l. 3. C. de except.* Verū in *Instit. tit. de perp. & temp. except.* dicitur, aliquando ex contractibus contra heredem non competere actionem, quum testator dolose versatus est, & ad heredem eius



nihil ex eo dolo peruenit, regulariter competere in herede, aliquando non competere, ut ait: Quod tum proprie euenire tandem cognoui, quum ob dolum defuncti nihil actori abest ex suis bonis, *l. 1. C. de hered. tut.* Si quid abest, si quid damni senserit actor, proculdubio heres defuncti ex dolo eius ab eo actore in solidum conueniri potest, si vnus fuerit heres ex asse, vel si plures pro hereditariis portionibus. Sed si nihil actori absit, nihil est causæ, cur heredes conueniant, quia nihil eius interest. Nā & quæso, quod erit extremum, & perbreue, cur heredes eius, quem viuum nemo eo nomine interpellauit, placet non teneri pœnali actione, veluti furti, aut iniuriarum, nec mixta actione, quatenus pœnam persequitur, veluti damni iniuria ex *l. Aquilia*, & vi bonorum raptorum: non pœnali, inquam, etiam si quid ad heredes peruenierit: nō mixta autem, nisi quatenus ad heredes peruenierit ex dolo defuncti, nec excepta quidem actione vi bonorum raptorum, quæ etsi edicti verbis non detur de eo, quod peruenit ad heredes, *l. 2. §. ult. vi bon. rapt.* dari tamen potest non inutiliter. Hoc vero qua ratione ita placet, ne heredes teneantur pœnali, vel mixta actione ex dolo defuncti, nisi quia pœnali actione actor non persequitur rem, quæ sibi absit, sed pœnam tantum, quæ est extra rem familiarem, in quam æquum non est heredem innocentem succedere, *l. si hominem §. 1. de pos. l. pen. de nou. op. nunt.* In precario & in societate serua, quod iam pridem meminisse me adnotasse in hunc locum.

Ad *l. 1. de duob. reis stip.*

*Reos promittendi vice mutua fideiussores non inutiliter accipi conuenit. Reus itaque stipulandi actionem suam diuidere si velit, neque enim diuidere cogendus est, poterit eundem, ut principalem reum, item qui fideiussor, pro altero existit, in partes conuenire, non secus ac si duos promittendi reos, diuisis actionibus conueniret.*

**D**Vo rei promittendi sunt, qui eandem pecuniam stipulanti promittunt, aut promississe intelliguntur, singuli in partem virilem simul atque in solidum, *chacun pour soy, & vn seul pour le tout.* Quorum ius & conditio hæc est, ut quem ex eis elegerit stipulator, conuenire & exigere possit in solidum. Duos dicimus etiam pro pluribus, quasi isto primo numero duorum procedente ceteros, quod sit, ut Anatolius ait, *ἀεὶ μὲν δύο καὶ ὅτι*, quasi fundus; & ita duos reos, qui dicit, intelligit etiam plures. Et in primo responso huius legis ostenditur, reos promittendi vice mutua, id est, alterum pro altero vicissim apud creditorem fideiubere posse. Videamus, quæ sint effectus huius mutuae fideiussionis. Primum hac ratione fit, si duo rei promittendi apud stipulatorem vice mutua fideiusserint, ut idem sit reus principalis & fideiussor eiusdem pecuniæ, & ut possit stipulator si velit vnum ex eis conuenire tanquam reum principalem pro virili parte sua, & tanquam fideiussorem pro parte conrei, diuisis, & dispartitis actionibus in partes duas, vel etiam, ut possit vnum ex eis conuenire in solidum tanquam reum principalem, vel tanquam fideiussorem: & si quidem tanquam fideiussor vel solidum vel partem pro conreo soluerit, in conreum habet actionem mandati, quod semper solet præcedere fideiussionem: nec enim quisquam fideiubet sine mandato eius, pro quo fideiubet. Vnde inter debitorem & fideiussorem eius semper contrahitur obligatio mandati; inter fideiussorem autem & creditorem obligatio ex stipulatu, quoniam fideiussio non fit nisi per stipulationem: Item hac ratione fit, quod conrei scilicet vice mutua fideiusserint, ut vnus ex eis conuentus tanquam fideiussor (hic est alius effectus mutuae fideiussionis) non tantum compensare possit quod sibi stipulator debet, sed etiam quod idem stipulator debet conreo, quia conuenitur

ut fideiussor nomine conrei, fideiussor compensat vtrumque, quod sibi vel quod conreo debetur, *l. 4. & 5. sup. de comp. ij* sunt duo effectus mutuae fideiussionis, qui non existunt si omissa sit fideiussio mutua. Quod sic demonstro: si conrei vice mutua non fideiusserint, nec socij sint, soluenti suo nomine, nulla actio est in conreū, nec mandati, quia inter eos non est contractum mandatum, nec negotiorum gestorum, ut Ioannes scripsit male, quia conreus soluendo suum negotium gessit, non alienum, ut se liberaret obligatione, qua tenebatur obstrictus, *l. si pro parte, in fine sup. de in rem versō.* ei, qui suum negotium gessit, absurdum esset dare negotiorum gestorum in alium. Si conrei, qui vice mutua non fideiusserint, sint socij, puta, ex contractu societatis, soluenti competit in socium actio pro socio, ut agnoscat partem pecuniæ solutæ, & imputet sibi, *l. 1. C. de duob. reis.* Item si conrei vice mutua non fideiusserint, nec socij sint, is quem elegerit & conuenierit stipulator non potest compensare, quod stipulator debet conreo, *l. prox. inf. h. t.* Si socij sint, potest compensare quod stipulator socio debet ex causa societatis, quasi & sibi debitum, non quod debet ex alia causa, si forte non erant socij omnium bonorum. Et ex iis quidem effectis intelligimus satis, quare dicat; *non inutiliter reos promittendi vice mutua fideiubere*, & non esse inutilem mutuam fideiussionem; nimirum, quia parit hæc duo effecta. Item quod iis effectis tantum sit locus in conreis, qui socij non sunt, intelligimus ex eo, socios frustra vice mutua fideiubere, quia ius societatis in iis tantum præstat, quantum in alijs, qui non sunt socij, mutua fideiussio. Ex iis etiam intelligimus, conreos non videri vice mutua fideiubere, nisi hoc ita actum sit. Quod indistincte verum est, siue socij sint, siue non: nam & in socijs, ut dixi, inutilis mutua fideiussio est, cum sufficiat ius societatis quod mutuae fideiussioni consimile est, & non socij non possunt videri iniucem fideiussisse, nisi nominatim interposita stipulatione, & restipulatione, *fideiubet: fideiubeo*: nec enim alio modo fideiussio contrahitur: & à Græcis duo rei promittendi dicuntur *ἀλληλόγιστοι*, non quod vice mutua fideiussores sint, etiam si id cautum non sit, sed quod, ac si essent vice mutua fideiussores singuli non in suam partem tenentur tantum, sed & in partem conrei. verum principali proprioque nomine propter suam obligationem, non fideiussorio nomine, si iniucem non fideiusserint. Nec obstat huic sententiæ, quod interuenientibus duobus reis promittendi, videatur alter pro altero intercedere, *l. vir uxori, in fine, ad Senatusf. Vell. & ideo, si mulier & Titius constituantur duo rei promittendi, mulieri succurritur, quasi intercesserit pro alio, Senatusconsulto Velleiano*, quod infirmat intercessionem mulierum. Dico hoc nihil ob stare, quod cum duo se constituunt reos promittendi, alter pro altero intercedere videatur, quoniam aliud est intercedere, aliud fideiubere. Intercedere est genus: fideiubere species. Fideiubemus vno duntaxat modo, si stipulanti adpromittamus pro debitore mandatu eius: Intercedimus, si vel fideiubemus, quod est proprie adpromittamus, vel si expromittamus, quod est aliud, puta, per notationem in nos translata principali obligatione, & liberato priori debitore, vel si res nostras pignori obligemus pro alio, vel si constituamus nos soluturos pro alio, vel si mandemus alij pecuniam credi, vel si eiusdem pecuniæ ex eodem contractu nos cum alio reos faciamus, & debitores principales in partem virilem & in solidum, ut *l. inter eos, inf. de fideiuss.* & alijs plerisque modis intercedimus, qui comprehenduntur Senatusconsulto Velleiano de intercessionibus mulierum. Male autem Ioannes, conreos socios recte videri vice mutua fideiubere: nam quod statuit in non socijs, ut non videantur vice mutua fideiubere, nisi ita expressum sit solemnī stipulatione, ut debet, ita de-



buit Ioannes idem statuere etiam in sociis, quanquam A  
in eis inutilis sit mutua fideiussio, vt dixi supra. Denique detracta ea distinctione inter socios, & non socios, vera est sententia Ioannis, cuius argumenta collegit Accursius in *dist. l. vir uxori*. Et examinaui omnia illa argumenta ad Africanum in eandem legem *vir uxori*. Illinc assumes, quæ ad eam pertinebunt. quanquam res non egeat multis argumentis, cum & hæc lex aperte demonstret, reos non videri vice mutua fideiubere, nisi ita accepti sint nominatim: & ratio quoque euident est, quod fideiussio contrahatur per stipulationem expressam. Possime autem Martinus indistincte dixit, co-reos vel non socios semper videri vice mutua fideiubere. Ex iis etiam intelligimus, verissimum esse, præmissa propositione eiusmodi, reos promittendi inuicem fideiubere posse. Inde colligit Papinianus, quod initio B  
attingi, si inuicem fideiusserint, stipulatorem, si velit, diuidere actiones posse, conuento vno ex conreus pro parte, actione creditæ pecuniæ, vt reo principali, & pro parte altera actione ex stipulatu, vt fideiussore conrei: Si velit, inquit, nec enim cogendus est diuidere actiones, quod frustra Papinianus adiciere videtur. Nam in arbitrio & electione fuit creditoris ante Iustinianum in *Novella 4.* quem priorem conueniret reum principalem, an fideiussorem; nec potuit cogi prius conuenire reum quam fideiussorem. Ergo manifestum est, nec cogi potuisse diuisis actionibus partem exigere à reo, partem à fideiussore, sed totum ab hoc vel ab illo exigere potuisse. Cur ergo monet nos, non esse cogendum diuidere actiones & partem exigere veluti à reo, partem à fideiussore, quod erat euidentissimum? Hoc mihi nullus expediet, nisi qui animaduertet illam, quam ante Iustinianum principum constitutiones creditori dabant electionem, vt si vellent, statim excuteret & exigere fideiussorem, nec cogeretur prius excutere reum principalem, prius experiri cum reo principali, vel saltem diuidere actionem, hanc, inquam, electionem Papin. non admodum probasse, vel ipso Iustiniano teste, qui magni Papiniani auctoritate vitur in eadem *Novella*, scil. si præsens esset reus principalis, & locuples: nam & hoc casu, cur excuties potius fideiussorem, qui habet præsentem reum & idoneum? Quod & Mar. Tullius vltima ad Attic. ait habere quandam *duorum, vne honte*, si quis fideiussorem prius appellet quam debitorem, qui præsens est & soluendo. At fideiussorem eundemque correum eiusdem pecuniæ, vt in specie proposita, Papinianus facile concedebat sine distinctione statim conueniri posse in totum, vt reum, vel vt fideiussorem: vel diuisis actionibus in partem, vt reum, in partem, vt fideiussorem, sicut illo loco: *non secus ac si duos promittendi reos diuisis actionibus conueniret*, significat & vnum ex reis, quod addi potest ex l. quam mox adferam: vnum, inquam ex reis, vel fideiussorem eius pro parte conueniri posse, & alterum reum vel fideiussorem eius pro altera parte diuisis actionibus. l. 3. §. 1. b. t. l. inter, §. duo, D. de fideiuss. Difficilius autem Papi. permittebat partem debiti peti à debitore principali, partem à fideiussore eius, qui conreus non esset, si reus principalis erat præsens & idoneus, existimans, honestius esse totum prius à debitore idoneo & præsentem peti, quam à fideiussore, quod tamen alij auctores permiserunt, l. grege §. etiam, de pignorib. l. 1. C. de fid. tut. l. reos, C. de fideiuss. Papinianus vt sermonis, ita iuris antiqui fuit studiosissimus, & iure antiquissimo, vt testatur Iustinianus in eadem *Novella*, hæc libera electio creditori non fuit experiundi cum quo vellent in solidum, vel diuisis actionibus, quæ postea data est Constitutionibus innumeris, & nouissime adempta *Novella Iustina*. restituto iure antiquo, & approbata Papin. sententia, quæ omnia maxime notanda sunt. Alterum responsum non est tanti laboris tantique momenti.

## Ad §. 1.

*Cum tabulis esset comprehensum, illum & illum centum aureos stipulatos: neque adiectum ita, vt duo rei stipulandi essent: virilem partem singuli stipulari videbantur. & e contrario cum ita cautum inueniretur; tot aureos recte dari stipulatus est Iulius Carpus, spondimus ego Antoninus Achilleus & Cornelius Dius, partes viriles deberi, quia non fuerat adiectum singulos in solidum spondisse, ita vt duo rei promittendi fierent.*

IN altero responso ostenditur, reos stipulandi non esse eos, de quibus ita instrumento scriptum est: Primus & Secundus centum stipulati sunt; spondit L. Titius. rei stipulandi sunt, quibus eadem pecunia deberetur singulis in solidum, cuiusmodi non sunt ij, de quib. cautum est hoc modo; ille & ille stipulati sunt, spondit ille, nisi sit adiectum: ita vt duo rei stipulandi essent, quia ambigua ea oratio est, ille & ille stipulati sunt. Quid enim stipulati sunt, an singuli viriles, an singuli solidum? ambiguus est sermo, qui duo sensa habet, vel recipere potest: & in ambiguis id accipimus, quod stipulatoribus nocet, l. stipulatio ista §. in stipulationib. sup. tit. prox. Itaque hoc casu non singuli in solidum stipulati videntur, sed in partem virilem tantum. Et e contrario, si ita scriptum sit, ille centum aureos dari stipulatus est, spondimus ego L. Titius, & C. Seius, nec sit adiectum, ita vt duo rei promittendi essent, non sunt duo rei promittendi L. Titius & C. Seius, id est, singuli viriles partes debent, non solidum. Et obseruanda maxime hic est vna differentia inter duos vel plures fideiussores, & plures, qui se principaliter obligant. (fideiussores, sunt accessiones) Nam acceptis pluribus fideiussoribus id agitur plerumque, vt singuli in solidum teneantur, §. si plures; Institut. de fideiuss. Sed si ita agatur, vt dixi, habent beneficium diuisionis ex epistola D. Adriani, cum sint omnes soluendo litis contestatæ tempore, d. §. si plures. Potest agi nominatim, vt singuli fideiussores in partem tantum teneantur, l. 10. inf. de fideiuss. Sed si hoc dictum non sit, plerumque actum intelligitur, vt singuli in solidum teneantur. At quum plures se principaliter obligant in summam certam, vt apparet ex hoc responso, in dubio plerumque id actum intelligitur, vt viriles tantum partes debeant singuli, non solidum. Et ratio differentia inter plures fideiussores & plures reos, debitores principales. hæc est, quia singuli fideiussores accedunt obligationi in solidum, quam reus principalis contraxit, cuius locum singuli obtinent, l. 4. D. de fideiuss. At plures rei principales non accedunt alij obligationi, quæ sit contracta in solidum. Et ideo nisi aliud cautum sit, plerumque id actum intelligitur, vt viriles tantum partes debeant. Ratio est euidentissima. Postremo ex hoc responso apparet, duos reos stipulandi vel promittendi esse, de quibus specialiter actum est: vt duo rei stipulandi vel promittendi essent, licet solemniter singuli non sint stipulati, vel solidum non promiserint. Id vero specialiter agi necesse est in specie huius §. ambiguitatis tollendæ causa; alioquin non videntur esse duo rei, si nulla sit ambiguitas, id est, si constet de mente contrahentium, forte ex tractatu ante habito inter eos. Duo rei stipulandi sunt, qui rogant, spondes? Duo rei promittendi, qui respondent, spondemus, vel spondeo, l. 4. hoc tit. Duos reos facit animus contrahentium, l. his verbis, hoc tit. l. cum appareat, loc. At hodie ex *Novella 99.* generaliter dicimus, non fieri duos reos tacito intellectu, sed nominatim tantum & specialiter hoc expresso, vt singuli in solidum teneantur. Sed licet ipso iure in solidum teneantur, tamen si omnes sint præsentem & idonei, habent beneficium diuisionis, vt pro parte tantum condemnentur, sicut fideiussores plures



& mandatores, & rei constitutæ pecuniæ. In principio obseruandum est proponi hanc propositionem, reos promittendi vice mutua fideiussores non inutiliter accipi. Cur dicat non inutiliter, ostendi satis aperte. prolati effectis mutua fideiussionis, & ostendi cur dicat, accipi, nimirum, quia non accepi nominatim vice mutua: fideiussores duo rei promittendi inuicem fideiubere non videntur, quæ fuit sententia Ioannis rectissima, si non addidisset hanc exceptionem: *nisi socij sint*. Nam & rei promittendi, qui socij sunt, non intelliguntur vice mutua fideiubere, nisi id cautum sit nominatim, id est, nisi accepi sint vice mutua fideiussores, & vero frustra etiam inuicem fideiusserint. Ex hac propositione, quam posuit Papinianus initio huius legis inferri: si duo ei vice mutua fideiussores accepi sint, posse creditorem si velit, vnum ex duobus pro parte conuenire, vt reum principalem, pro parte, vt fideiussorem correi, diuisis actionibus. Si velit, inquit quod confirmat etiam l. 3. §. 1. eod. tit. & l. grege §. etiam, de pignorib. l. reos, C. de fideiuss. & mandat. l. 1. C. de fideiuss. int. si velit, inquit, & subinfert: cur dixerit, si velit, neque enim, inquit, actionem diuidere cogendus est, in parte scilicet, vt partem exigat, tanquam à reo, partem tanquam à fideiussore. Cur vero non est cogendus, cedo perspicue? Quia scilicet beneficium diuisionis ex epistola D. Adriani datur pluribus fideiussoribus, vel mandatoribus credendæ pecuniæ, ex epistola, inquam, Diui Adriani, cuius est frequentissima mentio in iure nostro, quam nec ignorant rabelliones, datur pluribus fideiussoribus, vel mandatoribus creditæ pecuniæ, vt in partes singuli conueniantur, non in solidum, licet in solidum teneantur si modo omnes sint presentes, & locupletes litis contestatæ tempore, §. si plures, Instit. de fideiussorib. Idem beneficium non datur reo & fideiussori. Quod probat aperte l. si plures §. ult. de fideiussor. quā omiseram, hoc est, nō cogitur creditor inuitus partem crediti petere à reo, partem à fideiussore diuisa actione, quia inter reum & fideiussorē non est locus epistolæ D. Adriani, siue beneficio diuisionis, sed totum potest petere, prout elegerit, secundū ius quod obtinuit ante Iustinianum, vel à reo, vel à fideiussore. Et inde subiicit Papinianus hoc loco: non secus ac si duos promittendi reos, diuisis actionibus conueniret: subiicit, inquam, idem esse in duobus reis promittendi: nam creditor si velit, potest partem petere ab vno, partem ab altero diuisis actionibus, vt in l. 3. §. 1. eod. tit. l. inter eos §. duo, de fideiussor. si velit, inquam, quia creditor non cogitur inter duos reos promittendi diuidere actionem pro partibus, quia beneficium epistolæ Diui Adriani non pertinet ad duos reos promittendi: & vt ad duos reos promittendi pertineret, primus fecit Iustinianus in Nouella 99. ante Iustinianum, hoc est iure Digestorum vt loquuntur, beneficium epistolæ D. Adriani non pertinebat ad duos reos promittendi, id est non poterat compelli creditor, vt pro partibus ageret si mallet agere in solidum in vnum ex duobus reis: & eam ob rem, ante Iustinianum vno ex duobus reis soluente partem, nullo modo liberabatur neque ipso iure, neque per exceptionem obligatione reliquæ partis, etiam si alter concursu soluendo esset, l. si ex toto §. 1. de legat. 1. Sed fideiussor, quia inter fideiussores locum habebat beneficium diuisionis, qui soluerat partem, liberabatur per exceptionem obligatione reliquæ partis, l. inter eos §. 1. de fideiuss. Et hæc est sincera sententia huius responsi, quæ nemini, vt puto non videtur esse facillima.

Ad l. 32. de fideiuss.

*Amis si ruina pignoris, damnatum tam fideiussoris, quam rei promittendi periculum spectat. nec ad rem pertinebit,*

A fideiussor ita sit acceptus: quanto minus ex pretio pignoris distracti seruari potuerit: istis enim verbis etiam totum contineri conuenit.

Hæc lex continet 4. responsa. In primo responso ostenditur: si res pignori data creditori ruina vel incendio perierit, perisse eam rem debitori & fideiussori eius. Debitori, vt domino: Pignoris causa non mutat dominium, æquum est domino cuique suam rem perire: debitori ergo perit, vt domino, l. pignus, C. de pign. act. fideiussori autem eius perit, vt domini locum obtinenti, l. 4. h. tit. Ex quo sequitur, amisso ruina pignore, creditorem non amittere crediti actionem. Ruina est casus fortuitus, casus fortuiti non imputantur creditori, l. quæ fortuitis, & l. pignor. C. de pigner. act. Dolus & culpa creditori imputantur, & amissio pignoris, quæ contingit dolo aut culpa creditoris, debitorem & fideiussorem eius liberat, l. sicut, C. de pign. non quæ contingit casu fortuito. Addit Papinianus neque fideiussorem debitoris liberari pignore ruina perempto, vel alia vi maiore siue casu fortuito, licet fideiussor ita acceptus sit. Quanto minus ex pignore creditor seruare potuerit; quasi nihil superfit, quod minus seruauerit: nam, vt ait, & minus seruasse intelligitur, qui nihil seruauit, l. illud §. minus, de trib. act. l. 32. & 150. de verb. sign. Igitur & ita acceptus fideiussor tenetur, licet nihil superfit ex pignore, quod casus maior absumpsit.

Ad §. inter.

*Inter fideiussores actione diuisa, condemnatus si deserit esse soluendo, fraus vel segnitia tutoribus, qui indicatum persequi potuerunt damnum dabit. quod si diuisam actionem inter eos, qui non erant soluendo, constabit, pupilli nomine restitutionis auxilium implorabitur.*

Si plures sint fideiussores debitoris certissimum est, singulos ipso iure teneri in solidum, vt paulo ante ostendi, sed si omnes presentes sint & idonei litis contestatæ tempore, habent beneficium diuisionis ex epistola D. Adriani, vt in singulos diuidatur actio pro virilibus portionibus, quo beneficio vtuntur confideiussores etiam aduersus pupillum creditorem, vt hic locus ostendit, qui in hanc rem est singularis. Fac igitur, pupillo agente aduersus fideiussorem diuisam fuisse actionem inter fideiussores in portiones viriles, qui presentes & locupletes erant & post condemnationem vnum forte ex fideiussoribus, dum tutores creditoris cunctantur & procrastinant agere iudicati, desisse esse soluendo facultatibus euersum, quod plerumque in atomo contingit miseris mortalibus. Huius inopia & infortunium nihil onerat confideiussorem, quia erat soluendo litis contestatæ, imo & rei iudicatæ tempore, sed inopia huius quæ contigit post damnationem, onerat tutores, quorum vitio factum est, vt ille, dum erat in facultatibus, non exigeretur in tempore: fraus, inquit, & segnitia, id est, dolus & culpa tutorum eis damnum dabit, quod notissimum est. Debent enim tutores præstare dolum & culpam, l. contractus, de regul. iuris l. qui solidum §. etiam, de leg. 2. Quæro quid sit dicendum, si medio tempore post litem contestatam, ante rem iudicatam ille deserit esse soluendo? Et vt respondet, hoc casu sane periculum pertinet ad pupillum ipsum, non ad confideiussores, non ad tutores, quia nihil imputari tutoribus potest, cum ante rem iudicatam agere non potuerint, & exigere pecuniam, l. tutores, in princ. & §. tutores, de adm. tut. Imo nec restitui in integrum eo nomine pupillus potest, l. 7. de fideiuss. tut. l. prox. §. pen. sup. hoc tit. Quia, inquit, non videtur esse deceptus pupillus, qui iure communi usus est, id est, qui diuisit actionem inter fideiussores, qui soluendo erant litis con-



testatæ tempore, licet postea defierint esse. At si diuisa A  
per imprudentiam fuerit actio inter fideiussores, qui  
omnes soluendo non erant litis contestatæ tempore,  
certum est hoc casu pupilli vel adolescentis nomine im-  
plorari posse auxilium restitutionis in integrum aduer-  
sus diuisionem actionis inconsulto factam, quæ fieri non  
debit, quia hoc casu minor deerrauit iure communi,  
qui inter quos non debuit, diuisit actionem: Beneficio  
restitutionis in integrum minori restituitur actio plen-  
ior in eos fideiussores, qui soluendo erant litis conte-  
stata tempore, in locum eorum; qui eo tempore soluendo  
non erant. Ac præter beneficium restitutionis inte-  
gra est pupillo vel adolescenti actio in tutores, vel in  
curatores, si qua eorum culpa arguatur, l. 3. C. si tutor B  
vel curat, interu.

#### Ad §. fideiussores.

*Fideiussores à colonis datos etiam ob pecuniam dotis præ-  
diorum teneri conuenit, cum ea quoque species locationis  
vinculum ad se trahat: nec mutat confestim, an interiecto  
tempore fidem suam adstrinxerunt.*

**I**N hoc §. ostenditur, fideiussores datos simpliciter  
in causam locationis à colonis siue conductorib. præ-  
diorum, non tantum videri datos ob pensiones, vt l. si  
à colono, inf. h. tit. sed etiam, vt ait, ob pecuniam dotis  
prædiorum, id est, ob æstimationem instrumenti prædi-  
orum, quod coloni à locatore æstimatum acceperant, vt  
in l. 3. sup. loc. cit. ea lege, vt finita locatione eius instru-  
menti pretium reddant locatori. Debet locator agri co-  
lono etiam præstare instrumenta, & vasa agri siue colo-  
niæ necessaria, veluti dolia & alia, quæ enumerantur in  
l. sed addes §. illud, sup. loc. Fac igitur, locatorem præ-  
diorum dedisse instrumenta prædiorum colono æstima-  
ta: fideiussores dati à colono non tenentur tantum ob  
mercedes, sed etiam ob æstimationem instrumen-  
torum datorum colonis, quæ instrumenta vocan-  
tur dotes prædiorum. Et idem Papin. in l. 2. de  
inst. vel inst. leg. dicit, ea instrumenta, easue dotes  
prædiorum Græco vocabulo appellari *ἐνθήκας*. Re-  
cte igitur in Basilic. hic est expressa huius §. senten-  
tia breuiter: ὁ ἐγγυητής τῆς μισθώσεως καὶ τῶν ἐν τῇ μισθώσει  
ἐνθήκων, fideiussor coloni etiam nomine enthecarum agri te-  
netur. Ideo autem ait, fideiussores, quos dedit colonus, te-  
neri etiam ob pecuniam dotis prædiorum, qui dotis prædi-  
orum causa ex locatione nascitur, & locationis vincu-  
lum, id est, obligatio, causa locationis hanc quoque  
speciem ad se trahit siue comprehendit, id est, huic con-  
tractui inest, non ager tantum, sed & agri omne instru-  
mentum, omnis dos; veluti, vt locator prædiorum co-  
lonis præstet non tantum prædia, sed etiam instrumen-  
ta & dotes prædiorum, & coloni reddant finito tem-  
pore conductionis, d. §. illud. & adiecit Pap. nihil inte-  
resse confestim fideiussor interuenerit initio locationis  
in causam locationis, confestim, siue ex continenti, an  
interiecto tempore, siue ex interuallo. Et ita accipien-  
dum est, quod vulgo dicitur, fideiussorem vel præcedere  
vel sequi obligationem principalem, vt nihil intersit, quo  
tempore præcedat vel sequatur: sicut nihil interest, quo  
tempore pecuniæ creditæ stipulatio interponatur, con-  
festim, an ex interuallo, l. 3. §. ult. & l. 5. ad Macedon.  
l. 6. §. ult. & l. 7. tit. prox. inf.

#### Ad §. vltimum.

*Plures eiusdem pecunia credenda mandatores, si vnus  
iudicio eligatur, absolutione quoque secuta, non liberantur:  
sed omnes liberantur pecunia soluta.*

**E**X §. vltimo intelligimus rem admodum singularem,  
differentiam veterem, quæ fuit inter plures fidei-

ussores, vel plures reos debendi, & plures mandato-  
res, quam sustulit Iustinianus in l. ult. C. eod. tit. sed e-  
ius differentie vestigium certissimum residet in hoc §.  
ult. Differentia hæc est: Si sint plures mandatores cre-  
dendæ pecuniæ, liberum est creditori vnum eligere, &  
conuenire in solidum, sicut & vnum fideiussorem è  
multis; nondum est differentia. verum electione vnus  
mandatoris, & litis contestatione, omnes non liberan-  
tur, id est, electo vno mandatore, & iudicio dictato in  
eum, neque reus liberatur hoc solo, neque cæteri man-  
datores, l. reos, C. eod. tit. quæ etiam de mandatoribus  
tantum loquitur, vt hic §. Res ergo ita se habet, ele-  
ctione vnus mandatoris sola, & litis contestatione om-  
nes non liberari, id est, nullum liberari, nec reum prin-  
cipalem; nec cæteros mandatores, etiam si ille qui ele-  
ctus est, iudicio absolutus sit. Sed solutione demum  
omnes liberantur, cum satisfactum est creditori. De  
mandatorib. loquitur Papinianus hoc loco, vt l. reos.  
quoniam aliud erat, quam in mandatoribus; in duob.  
reis debendi, vt patet ex d. l. ult. quoniam electione  
vnus fideiussoris vel vnus rei debendi, vt in l. 2. sup.  
de duob. reis, etiam non expectata solutione, protinus  
cæteri omnes liberabantur. Quæro, quæ fuit differen-  
tia? Ratio differentie, quam nondum me tradidisse me-  
mini, hæc est, quia mandatores tenentur iudicio bonæ  
fidei, id est, mandati, quo iudicio æquum est, ne ante  
solutionem liberentur, qui absoluti non sint, ne cre-  
ditor in damno versetur. At fideiussores & duo rei te-  
nentur stricto iudicio, id est, ex stipulatu: diuersitas iu-  
diciorum constituit differentiam inter mandatores &  
fideiussores, vel reos debendi: fideiussores & rei de-  
bendi tenentur stricto iudicio, quo creditor, qui agit  
in vnum omittis cæteris, quia cogit se in angustum stri-  
ctumque iudicium, non potest ea res ei præiudicare.  
Hæc est ratio differentie summe notanda.

#### Ad l. 96. de solut.

*Pupilli debitor tutore delegante pecuniam creditori tu-  
toris soluit. Liberatio contigit, si non malo consilio cum tu-  
tore habito hoc factum esse probeatur. Sed & interdicto fran-  
datorio tutoris creditor pupillo tenetur, si eum consilium  
fraudis participasse constabit.*

**S**Ciendum est, debitorem pupilli recte soluere id  
quod ei debet, tutori eius, l. quod si forte §. 1. & l. so-  
lutam, hoc tit. & soluentem tutori liberari ipso iure, l.  
tutores §. tutela, & §. ult. de administ. tut. liberari ipso  
iure, etiam si tutori soluerit sine iudice. Nam constitu-  
tio Iustiniani sententiam iudicis exigit, non quum tu-  
tori, sed quum pupillo soluitur tutore auctore, vt ad-  
uersus solutionem ita factam, nunquam possit impetra-  
ri restitutio in integrum, & debitori, qui soluit, plen-  
issima contingat liberatio & securitas. Et quod dicitur  
in ea constitutione Iustini. l. sancimus, C. de adm. tut.  
& §. at ex contrario, Instit. quib. alien. licet, licere tutori  
vel curatori debitorem pupillarem soluere, sic est acci-  
piendum, debitorem pupilli solutionem facere tutori vel  
curatori accipienti pupilli vice, cui debitor præsentem pe-  
cuniā offert, & soluere in animo habet, atque adeo cui  
soluit tutore auctore potius, quā tutori: quæ solutio, vt  
in totum debitorem absoluat, & securum faciat, nec per in  
integrum restitutionem irrita constituatur, Iustinian.  
exigit, vt etiam ea solutio pupillo fiat, vel numeretur  
pecunia tutori vice pupilli, etiam iudice auctore. solu-  
tio ita facta non reuocabitur, nec beneficio restitutio-  
nis in integrum, siquidem facta sit pupillo, vt dixi, &  
tutore, & iudice auctore, videlicet si qua pecunia solu-  
atur pupillo, quæ semel inferenda sit, vt puta, lega-  
tum, si pupillo soluat ex testamento, vel si fors solu-  
atur ex chirographo, vel ex obligatione nominum, ne



aduersus solutionem hanc detur quandoque minori restitutio in integrum, exigitur à Iustin. tum tutoris, tum iudicis sententia, atque auctoritas pronuntiantis solui pecuniam pupillo, si qua pecunia debeatur, quæ semel inferenda sit. Nam ex eadem constitut. reditus, & vsuræ, & mercedes locationum, quarum solutio diuidi solet pensionibus, puta, vt soluantur vel quotannis vel quot mensibus, vel trino quoque mense, vt sit, hæc ita recte pupillo soluantur tutore auctore etiam sine iudice, & sine periculo, & metu restitutionis in integrum aduersus solutionem pensionum huiusmodi. Et ratio hæc est: quia graue esset his de causis toties iudicem adire. Et ita explicanda est hæc constitutio Iustiniani. Hoc cognito, finge: debitor pupilli, cum vellet soluere tutori eius à tutore delegatus est creditori suo, puta, vt oblatam pecuniam solueret creditori tutoris, & soluit: Quæritur, an liberetur? Et respondet Papin. liberatum videri debitorem pupilli, qui delegante tutore, & mandante soluit creditori tutoris, nimirum, quia tutori soluitur recte, & tutori solutum videtur, cum ei solutum est, cui tutor solui iussit *l. cum iussu*, & *l. solutam*, h. t. l. 167. §. qui iussit, de reg. iur. Verum huic responso addit Papin. hanc exceptionem: si non malo consilio cum tutore habito hoc factum esse probetur, si cum tutore fraudem non participauerit, vt in Basil. si in ea re non interuenerit dolus malus vtriusque, debitoris scilicet & tutoris. Nam si dolus vtriusque interuenerit, non tantum eo nomine in tutorem est actio tutelæ finita tutela, qua dolus malus vindicatur, cum sit actio bonæ fidei, sed, vt Accurs. sentit recte, ex generali edicto, quod est de minorib. 25. annis, restituitur pupillo pristina actio in debitorem. Et hoc igitur casu, id est, si debitoris dolus, si collusio interuenerit, si in fraudem pupilli id ex compacto egerint inter se debitor & tutor, vt pecunia perueniret ad creditorem tutoris, debitor liberatur quidem ipso iure, qui creditori tutoris soluit mandatu tutoris, sed pupillo restituito in integrum, ex hac causa actione vtili debitor conueniri potest, id est, restitutoria actione: non est in plenum liberatus, in quem utilis siue restitutoria actio decerni potest, l. 5. sup. de restit. in integr. At quid fiet si dolus (nam superiora sunt apertissima) tutoris interuenerit, non etiam dolus debitoris pupilli qui mandatu tutoris soluit creditori tutoris, si quantum in debitore est, res gesta fuerit bona fide, nullo colludio habito cum tutore, quo casu debitor omnimodo liberatur, nec aduersus eum minor restitui potest in integrum: si denique non cum debitore, sed cum creditore suo, cui debitor pupilli bona fide soluit, tutor fraudandi pupilli consilium inierit ei delegato debitore pupilli, quid fiet? Et tunc subiicit Papin. superesse pupillo in creditorem tutoris, qui pecuniam accepit à tutore pupilli, interdictum fraudatorium, si fraudem participauerit, vt posui, cum tutore. potest addi, vel actionem Paulianam. Nam utroque remedio reuocatur & rescinditur, quod tutor gessit in fraudem tutelæ, siue pupilli, cui ex tutelæ administratione obligatus erat, sicut quod quilibet alius debitor gessit in fraudem creditorum, reuocatur actione Pauliana, quæ proponitur in l. 1. sup. qua in fraud. credit. vel reuocatur interdicto fraudatorio, quod proponitur in l. 10. in pr. eod. tit. de quo etiam fit mentio in l. si postulante, sup. ad Treb. & l. 1. C. Theodos. de restit. in integrum. Et inter hæc duo remedia, hæc est differentia. Pauliana reuocat dominium rei, vel pecuniæ alienatæ in fraudem creditoris, l. 14. eod. tit. qua in fraud. cr. creditor scilicet vindicat, & petit rem alienatam in fraudem suam, esse debitoris, etiam si ea res ei pignervata non sit: Actio Pauliana vindicatio est rei, non qua petat creditor rem suam esse, sed qua petat rem esse debitoris, quam alienauit in fraudem, §. item si quis in fraudem, Instit. de actionib. Interdictum autem fraudatorium reuocat possessionem: interdicta omnia sunt de possessione, non de proprietate: ergo interdictum fraudatorium est de possessione, l. ult. §. pen. eod. tit. in illo loco: possessionem restitui oportere: Nam quod notandum, tota ea lex ult. sicut & l. ex ijs, & l. Cassius, eod. tit. quæ omnes sunt ex libro 6. interdictorum Venuleij, æque omnes sunt de interdicto fraudatorio, & licet actionem nominent, tamen intelligunt interdictum fraudatorium, vel actionem in factum ex causa interdicti fraudatorii. Sequitur alia & grauissima differentia, quæ tollit magnas cōtrouersias. In Pauliana actione veniunt fructus medij temporis, id est, à die alienationis, in diem iudicij accepti, quo dictata est actio Pauliana & contestata. Perceptos post acceptum iudicium certo certius est venire in cōdemnationem. Sed de quo dubitari poterat, etiam percepti ante acceptum iudicium medio tempore post alienationem veniunt in actionem Paulianam, l. 10. §. per hanc actionem, & §. præterea, eod. tit. Et ratio redditur in l. videamus §. in Fabiana, de usur. quia prætor id agit data actione Pauliana, vt perinde omnia sint, atque si nihil alienatum esset: ac propterea verbum, restituas, quod in ea re usurpat, plenam significationem habet, vt fructus quoque restituantur medij temporis. At in fraudatorium interdictum fructus medij temporis non veniunt, sed ij tantum, qui percepti sunt post iudicium acceptum, post litem contestatam, d. l. ult. §. non solum, quæ tota est, vt dixi, de hoc interdicto, quia nulla alia ratione possum explicare, & in concordiam adducere cum l. 10. §. per hanc actionem, quæ dicit, fructus medij temporis in restitutionem venire, quam si dicam, non utroque loco de eadem actione agi, sed in illo de Pauliana actione, in hoc de interdicto fraudatorio, in quo fructuum exinde tantum ratio habetur, ex quo iudicium acceptum est: non retrorsum, sed prorsum secundum regulam propositam in l. 3. de interdict. in interdictis restitutorijs ex eod. die rationem fructuum haberi, quo edita sunt, non retro, à qua regula tantum excipitur interdictum vnde vi, l. 1. §. ex die, sup. vnde vi, qui §. est coniungendus cum d. l. 3. Excipitur etiam ab ea regula interdictum vnde vi, d. l. videamus §. in Fabiana. Totam autem eam l. ult. esse accipiendam de interdicto fraudatorio, non tantum inscriptio demonstrat, sed etiam verba §. non solum, quæ respiciunt ad verba interdicti fraudatorii proposita in d. l. 10. Verba sunt huiusmodi, Quæ L. Titius fraudandi causa in bonis quibus de ea re agitur fecit; legendum, in bonis quib. de agitur, vt in §. si fraudator d. l. 10. non, in bonis quib. de ea re agitur, vt Florentinæ. §. inquam, non solum, respicit ad ea interdicti verba, dum ait, fructus, qui tempore alienationis solo cohererebant, quia pars sunt rei alienatæ, venire in restitutionem, quia, inquit, in bonis fraudatoris fuerunt, respiciens ad verba interdicti: medio autem tempore perceptos fructus non venire, quia inquit, in bonis non fuerunt. Ex hac distinctione inter actionem Paulianam & interdictum fraudatorium patet & lucet discrimen, quod est inter l. 10. §. per hanc, & §. præterea, & l. ult. §. non solum, quod dirimere nostri nulla ratione possunt, nec expedire possit aliter quisquam, quam separata actione ab interdicto fraudatorio. Verum ad rem, in specie proposita hoc loco, qui debitor erat pupilli ex causa tutelæ, in fraudem pupilli creditori suo iussit solui pecuniam pupillo debitam, & sciens creditor tutoris eam pecuniam accepit; Si sciens tutor scienti creditori suo, suam vel sibi debitam pecuniam soluisset in fraudem pupilli, & cæterorum creditorum, proculdubio locus esset actioni Paulianæ, & interdicto fraudatorio, l. 2. & 3. eod. tit. Et multo magis, si pupilli pecuniam propriam, vel pupillo debitam soluerit sciens, aut solui iusserit scienti creditori suo in fraudem pupilli, locus erit iisdem actionibus rei restituendæ gratia. Ac præterea ex

torium reuocat possessionem: interdicta omnia sunt de possessione, non de proprietate: ergo interdictum fraudatorium est de possessione, l. ult. §. pen. eod. tit. in illo loco: possessionem restitui oportere: Nam quod notandum, tota ea lex ult. sicut & l. ex ijs, & l. Cassius, eod. tit. quæ omnes sunt ex libro 6. interdictorum Venuleij, æque omnes sunt de interdicto fraudatorio, & licet actionem nominent, tamen intelligunt interdictum fraudatorium, vel actionem in factum ex causa interdicti fraudatorii. Sequitur alia & grauissima differentia, quæ tollit magnas cōtrouersias. In Pauliana actione veniunt fructus medij temporis, id est, à die alienationis, in diem iudicij accepti, quo dictata est actio Pauliana & contestata. Perceptos post acceptum iudicium certo certius est venire in cōdemnationem. Sed de quo dubitari poterat, etiam percepti ante acceptum iudicium medio tempore post alienationem veniunt in actionem Paulianam, l. 10. §. per hanc actionem, & §. præterea, eod. tit. Et ratio redditur in l. videamus §. in Fabiana, de usur. quia prætor id agit data actione Pauliana, vt perinde omnia sint, atque si nihil alienatum esset: ac propterea verbum, restituas, quod in ea re usurpat, plenam significationem habet, vt fructus quoque restituantur medij temporis. At in fraudatorium interdictum fructus medij temporis non veniunt, sed ij tantum, qui percepti sunt post iudicium acceptum, post litem contestatam, d. l. ult. §. non solum, quæ tota est, vt dixi, de hoc interdicto, quia nulla alia ratione possum explicare, & in concordiam adducere cum l. 10. §. per hanc actionem, quæ dicit, fructus medij temporis in restitutionem venire, quam si dicam, non utroque loco de eadem actione agi, sed in illo de Pauliana actione, in hoc de interdicto fraudatorio, in quo fructuum exinde tantum ratio habetur, ex quo iudicium acceptum est: non retrorsum, sed prorsum secundum regulam propositam in l. 3. de interdict. in interdictis restitutorijs ex eod. die rationem fructuum haberi, quo edita sunt, non retro, à qua regula tantum excipitur interdictum vnde vi, l. 1. §. ex die, sup. vnde vi, qui §. est coniungendus cum d. l. 3. Excipitur etiam ab ea regula interdictum vnde vi, d. l. videamus §. in Fabiana. Totam autem eam l. ult. esse accipiendam de interdicto fraudatorio, non tantum inscriptio demonstrat, sed etiam verba §. non solum, quæ respiciunt ad verba interdicti fraudatorii proposita in d. l. 10. Verba sunt huiusmodi, Quæ L. Titius fraudandi causa in bonis quibus de ea re agitur fecit; legendum, in bonis quib. de agitur, vt in §. si fraudator d. l. 10. non, in bonis quib. de ea re agitur, vt Florentinæ. §. inquam, non solum, respicit ad ea interdicti verba, dum ait, fructus, qui tempore alienationis solo cohererebant, quia pars sunt rei alienatæ, venire in restitutionem, quia, inquit, in bonis fraudatoris fuerunt, respiciens ad verba interdicti: medio autem tempore perceptos fructus non venire, quia inquit, in bonis non fuerunt. Ex hac distinctione inter actionem Paulianam & interdictum fraudatorium patet & lucet discrimen, quod est inter l. 10. §. per hanc, & §. præterea, & l. ult. §. non solum, quod dirimere nostri nulla ratione possunt, nec expedire possit aliter quisquam, quam separata actione ab interdicto fraudatorio. Verum ad rem, in specie proposita hoc loco, qui debitor erat pupilli ex causa tutelæ, in fraudem pupilli creditori suo iussit solui pecuniam pupillo debitam, & sciens creditor tutoris eam pecuniam accepit; Si sciens tutor scienti creditori suo, suam vel sibi debitam pecuniam soluisset in fraudem pupilli, & cæterorum creditorum, proculdubio locus esset actioni Paulianæ, & interdicto fraudatorio, l. 2. & 3. eod. tit. Et multo magis, si pupilli pecuniam propriam, vel pupillo debitam soluerit sciens, aut solui iusserit scienti creditori suo in fraudem pupilli, locus erit iisdem actionibus rei restituendæ gratia. Ac præterea ex



rea ex hoc facto etiam in tutorem tanquam in fraudatorem competit actio ex eodem edicto. Nam edicto non tantum datur actio in eum, qui à fraudatore accepit, ut rem alienatam restituat, vel possessionem, sed etiam in fraudatorem ipsum, l. 1. & l. ult. §. 1. eod. tit. Ergo ex hoc facto in tutorem pupillo competit actio ex eodem edicto, & in creditorem quoque tutoris, qui fraudem participavit, qui turpiter facit, ut ait l. si postulante, ad Trebellian. turpiter fecit, qui fraudem participavit, id est, qui fraudis conscius est, qui cum fraudatore negotiatur, fraudem vero non ipse facit, sed debitor. Ideoque nec de dolo actio unquam fuit in eum qui quid à fraudatore accepisset sciens, quia dolum ipse non facit, licet turpiter accipiat ab eo, quem non ignorabat esse fraudatorem, aut fraudandorum creditorum animum habere. Et M. Tullius i. ad Atticum, de actione Pauliana sentit, cum ait, *Creditoribus Publii Varii egisse cum fratre Caninio de his rebus, quas à Vario fratre eius dolo malo traditas mancipio acceperat.* Et ideo in l. 1. quæ in fraud. credit. dicitur prætorum necessario proposuisse actionem Paulianam: quasi scilicet deficiente alia actione, quia in fraudatorem, & in participem fraudis nulla ex hac causa civilis fuit, aut sane fuit inanis actio in participem, non fuit actio civilis, vel prætoria, quia dolum non fecit: non fuit etiam in fraudatorem, quia bonis fraudator exutus est, & spoliatus. Quandoquidem de actione Pauliana danda, vel interdicto fraudatorio nunquam tractatur, nisi quum creditores missi sunt in possessionem bonorum debitoris, eaque distraxerunt, aut mox distracturi sunt; cum in eo res est, tum reuocant alienata in fraudem actione, vel interdicto, non alia vlla actione, deficiebat omnis alia actio etiam in fraudatorem, qui bonis spoliatus est, bonis possessis & distractis: sicut bonis cessis, facta cessione bonorum, aut bonis publicatis debitor liberatur: sed ex eo edicto etiam in fraudatorem datur actio, vel pænæ causa, ut ait d. l. ult. §. ult. ut scilicet carcere & vinculis contineatur, quod res non restituat, quas nec restituere potest, qui exutus est omnibus bonis; in fraudatorem est quasi pænaria actio: electio autem est pupilli vel adolescentis cum quo agat cum tutore vel cum creditore tutoris, quoniam si duo inter se colluserunt in necem pupilli, delegato debitor pupilli: Hoc quod postremo dixit, probat l. 3. & ult. C. si tutor. vel cur. pup. intern. Non est illud omittendum, quod Papinianus in hoc responso loquitur de creditore tutoris, qui consilium fraudis participavit, ut in eum pupillo sit actio Pauliana, vel interdictum fraudatorium: nam in creditorem tutoris ignorantem, quid ageret vel moliretur tutor, non actio Pauliana, vel interdictum fraudatoriū, quia creditor suum recepit: non ergo id, quod recepit, habet ex causa lucrativa l. ult. §. in maritum, eod. tit. l. ex promissione, de oblig. & act. In eo qui quid accepit ex causa non lucrativa separamus scientem ab ignorante, & ignorantem non teneri dicimus, sed scientem tantum. In eo autem, qui quid accepit ex causa lucrativa, non separamus scientem ab ignorante: uterque tenetur Pauliana actione, vel fraudatorio interdicto, l. 6. §. simili modo, quæ in fraud. cred. l. pen. C. de reuoc. iis, quæ in fraud. credit. Et hæc sunt, quæ pertinebant ad primum responsum h. l.

#### Ad §. si cum pupilla.

*Si cum pupilla magistratui, qui per fraudem pupillo tutorem dedit heres exstisset, tutores eius cum adolescente transegerunt: eam transactionem pupilli ratam habere noluit. nihilominus erit tutorum pecunia liberata, nec tutores contra adolescentem actionem, nec utilem habebunt, qui suam recipiunt. Plane si adolescens pecuniam restituere maluerit, rescisso quod gestum est, actionem utilem in pupillam heredem magistratus accipiet.*

Respons. Papin.

**A**D 2. responsum illud sciendum est in primis, quod si magistratus municipalis, siue diuuir pupillo per fraudem tutorem dederit minus idoneum, vel si à tutore dato non exegerit cautionem rem pupilli saluam fore, & pupillo aliquid absit ex administratione tutelæ suæ, quod seruari non possit à tutore vel à fideiussore tutoris, vel ab eo, cui quid tutor alienauit in fraudem tutelæ, tum in subsidium, magistratus municipalis pupillo tenetur in id, quod interest actione in factum, quæ eam ob rem dicitur subsidaria, ex oratione Traiani, l. pen. C. de magistr. conuen. quæ actio datur etiam in heredem ex dolo vel lata culpa defuncti magistratus. non ex leui culpa, ut vulgo existimant, l. 2. C. eod. tit. l. 4. & 6. sup. eod. tit. Quod tamen in leui culpa dubitatione non caret, ut alibi ostendi. Cæterum, quia ea actio in factum, quasi pœnalis actio est, ut ait l. ult. sup. eod. tit. Ideo æquum est, ut non temere, sed causa cognita, id est, ex causa tantum detur in heredem magistratus, qui tutorem dedit, & omisit cautionem rem pupilli saluam fore, nec bene pupillo prospexit. sicut temere etiam non datur actio in heredem magistratus, qui non curauit postulanti vicino caveri damni infecti ædium vicinarum, quæ vitium faciunt; Ad quam speciem pertinere d. l. 6. de magistr. conueniendis, demonstrat inscriptio legis coniunctæ l. 4. §. in eum, & §. ult. sup. de dam. infec. cuius eadem inscriptio est. Et utraque igitur lex est, non de magistratu, qui omisit cautionem rem pupilli saluam fore, sed de magistratu, qui omisit cautionem damni infecti, quâquam in utroque idem ius sit, & possit quod de vno dicitur licenter transferri in alterum. Hoc cognito, finge: magistratus per fraudem tutorem dedit pupillo cuidam: magistratui filia puella heres exstiterit; iure hereditario pupilla heres magistratus tenetur pupillo iam facto adolescenti actione in factum subsidaria, qua tenebatur defunctus magistratus. Ideoque ex ea causa tutores pupillæ cum adolescente transegerunt, data ex arca sua adolescenti pecunia certa pupillæ nomine heredis magistratus, pupillam suis nummis liberauerunt tutores; an etiam liberauerunt inuitam? Fac eam transactionem non habere ratam; an nihilominus transactione liberata esse intelligitur? Et respondet liberatam videri etiam inuitam & detrectantem probare, quod fecerunt tutores eius nomine, quia scilicet, non possumus quidem inuiti deteriorem conditionem facere, cæterum etiam inuiti meliorem conditionem facere possumus, veluti soluta pecunia eo inuito & vetante, l. solutione, & l. soluere, h. tit. l. soluendo, de neg. gest. vel supposito expromissore, qui nouandi causa in se transferat obligationem debitoris, atque ita liberato debitor inuito, eodemque innox supposito expromissore liberto per acceptilationem l. si debitor tuus, h. tit. vel inuito seruo data libertate, l. ult. C. de test. tut. vel inuito domino per seruum adquisito lucro quodam l. etiam, de adquir. rer. dom. l. quemad. de iure dot. l. seruus vetante, de verb. obl. Utilitatis ratio hoc suadet, ut & beneficia detur etiam inuitis & nolentibus, & ut in iis non sequamur, quod in similib. causis obtinet, puta, ut donatio vel legatum non adquiratur inuito, ut inuito non acquiratur bonorum possessio, ut inuito non assignetur libertus. Propter utilitatem, inquit Varro libris de lingua Latina, dissimilitudines potius, quam similitudines sequimur; quacumque usus causa ad vitam sunt adsumpta, in iis utilitatem quarimus, non similitudinem. in donatione & legato, & bonorum possessione & assignatione liberti est causa, qua causa inuito beneficium non quaratur, quia donatio vel legatum, vel assignatio liberti non intelligitur esse sine facto eius, cui donatur, legatur, assignatur sine acceptione eius vel admissione. Hæc non sunt *μωμεσις*, sine acceptione, vel agnitione. Illa superiora sunt *μωμεσις*, quia in liberatione non exigitur factum eius, qui liberatur seu iure, vel ære alieno:

KK



sed neque in acquisitionibus seruorum factum domini, quia sufficit factum seruorum. Et placet valde, quod in hanc rem dixit Leo in *Novella 102. duplex beneficium accipere eum, qui cogitur beneficium accipere*. In specie igitur proposita res ita est, pupillam tutores sua pecunia etiam inuitam liberasse, ac proinde eam pecuniam ei reputare posse contrario iudicio tutelæ, *l. 1. §. praterea & l. ult. de con. tut. act.* vel opposita exceptione doli mali, si pupilla agat directam tutelæ, non habita ratione pecuniæ pro ea solutæ, *l. si opera, sup. de doli except.* nisi forte si quid pupillæ probetur interfuisse eam pecuniam non solui, *l. cum pec. de neg. gest.* Ex eo, quod ita statuit Papinia in §. 1. etiam efficitur, non habere tutores in adolescentem, cui soluerunt pecuniam, conditionem indebiti, neque directam, neque utilem; quia *adolescens*, inquit, *suum recuperauit*. Et repetitio scilicet siue conditio nulla est ab eo, qui suum recepit, *l. repetitio, de cond. indeb.* tametsi, ut addit eadem lex, ab alio, quam à vero debitore, nomine tamen veri debitoris solutum sit. Et ad summam res ita se habet: si debitor liberatur, qui soluit pro se, vel pro alio, vel si is liberatur, pro quo soluit, non est conditio indebiti: si debitor non liberatur, ut si non mutata omnino specie tutor, vel quis alius soluerit suo nomine per errorem, non pupillæ nomine, locus est conditioni indebiti, *l. si nomine §. 1. l. si non sortem, §. filio famil. & §. si decem, l. cum is §. 1. de cond. indeb. l. §. C. eod. tit. l. qui hominem §. ult. h. t. de solut.* Nunc quæro, quid sit dicendum, si adolescens, cui tutores soluerunt ex causa transactionis malit pecuniam restituere tutoribus, & ex causa aliqua, vel etiam sine causa, restituatur in integrum, quod prætoribus nonnunquam accidit, ut etiā sine causa minores restituantur in integrum, aut superuacua; si igitur adolescens ex causa vel sine causa restituatur in integrum aduersus transactionem oblata pecunia, quam acceperat? Et non est dubium, hoc casu adolescenti dari actionem in pupillam heredem magistratus, quod est in fine huius §. Et utilem actionem, id est, restitutoriam. Omnis actio restitutoria est utilis, rescissa transactione, per quam ipso iure ea actio fuerat extincta, interposita, ut sit, stipulatione Aquiliana, & acceptilatione subsecuta: hoc modo transactio ipso iure perimit omnem obligationem.

#### Ad §. soror.

*Soror, cui legatum ab herede fratre debebatur post mortem legati questionem transegit, ut nomine debitoris contenta legatum non peteret. Placuit quamuis nulla delegatio facta, neque liberatio secuta esset, tamen nominis periculum ad eam pertinere. Itaque si legatum contra placitum peteret, exceptionem pacti non inutiliter opponi.*

**I**N hoc §. proponitur species huiusmodi: Pater filiae forte exheredata legatum dedit à filio herede instituto, filia egit de legato actione ex testamento aduersus fratrem, & nondum finita lite transegit ea de re ita cum fratre nuda pactione, ut frater ei cederet nomen cuiusdam debitoris hereditarij, quod cum erat bonum nomen, & ipsa à lite discederet, & legatum omitteret. nuda pactio est, quia nulla ex parte sumpsit effectum, quia neque frater sorori nomen debitoris delegauit, aut cessit, neque ipsa interposita Aquiliana stipulatione & acceptilatione subsequuta fratrem liberauit obligatione contracta ex legati causa. Re ita gesta & transacta inter fratres: quæritur, an nominis illius de quo conuenit, periculum pertineat ad sororem, forte postea debitore facto non soluendo, euerso facultatibus? Et respondet Papinian, periculum nominis pertinere ad sororem, & si pergat legatum petere, aut si repetat legati petitionem, summoueri eam exceptione pacti. Ex quo apparet, quod est summe notandum, pactionem nudam habitam inter heredem & legatarium, etsi non liberet he-

redem ipso iure, quia ex pacto nudo neque nascitur obligatio, neque liberatio, transferre tamen periculum eius rei, de qua pactum conuentum est, in legatariū. quod non nouum quidem & iniquū videatur, confirmabo exemplo consimili. oblatio nuda rei, pecuniæ debitor sine depositione & obsignatione, non liberat debitorem ipso iure, attamen periculum rei pecuniæ oblatae transfert in creditores, *l. stipulatus sum, de verb. oblig.* Et ita hoc tertium responsum explicandum est, in quo posui initio fuisse bonum nomen debitoris tempore habitæ conuentionis, alioquin quodammodo huic responso obstaret lex, quā adducit Accursius. *sicū dotem, §. si mulier, sol. mat.*

#### Ad §. cum eodem.

*Cum eodem tempore pignora duobus contractibus obligantur, pretium eorum pro modo pecunia cuiusque contractus creditor accepto facere debet, nec in arbitrio eius electio erit, cum debitor pretium pignoris consortioni subiecerit. Quod si temporibus discretis superfluum pignorum obligari placuit: prius debitum pretio pignorum iure soluetur, secundum superfluo compensabitur.*

**Q**ui debebat mihi 20. ex duobus contractibus, ex duabus causis, ex stipulatione 10. ex testamento 10. dedit mihi pignus in vtramque causam, quod ego pignus iure meo vendidi sexdecim. Quæritur, an sit in arbitrio meo, in quam causam voluerim pignoris pretium, id est, 16. accepto referre? hæc est quæstio huius §. Et Papin. ita distinguit: aut eodem tempore in vtramque causam debitor pignus obligauit, aut discretis temporibus: si discretis temporibus, ut puta, si in causam legati primum obligauit pignus, deinde interiecto tempore eiusdem pignoris superfluum, quod nos vocamus *ὑπερπῶν, la plus valant*, in causam stipulationis obligauit. hoc casu pignore distracto sexdecim, ut posui, decem imputantur in primum seu antiquius debitum, & sex in secundum debitum, residuorum quatuor petitione creditori salua, *l. creditor 2. sup. de reb. cred.* si eodem tempore pignus obligauit debitor in vtramque causam, pretium quod redegit creditor ex venditione pignoris, acceptum referre debet, ut ait, *pro modo, pro rata pecunia cuiusque contractus*, id est, *ἑκατόν, ut scilicet imputer in primum debitum octo, & in secundum totidem*, quoniam vtriusque causæ pars summa est: neque enim est in arbitrio creditoris in vnam tantum causam imputare pretium pignoris, quod, inquit, *debitor consortioni subiecit*, id est, quod simul & communiter obligauit in vtrāque causam. ratio est elegantissima, & distinctio quoque. Verū valde obstat huic distinctioni, siue responso *l. Imperator §. in iis, sup. hoc t.* Sententia huius §. hæc est: Creditor cui debentur vsuræ ex stipulatione, & aliæ vsuræ ex pacto, ex stipulatione ciuilitate, ex pacto naturaliter: ex diuersis contractibus, ex causa diuersorum contractuum etiam si vsurarum quantitates sint dispares, pretiū pignoris, ut illo loco ostenditur, imputat æqualiter in vtramque causam, nō pro rata, ut exempli gratia: si xxiv. debentur ex pacto, xii. ex stipulatione, & pretium pignoris fuit decem & octo, nouem pacto imputabuntur, & stipulationi totidem, non pro rata xii. pacto, & vi. stipulationi. Valde videtur ob stare §. *in iis, h. t.* Sed res mihi ita explicanda esse videtur, ut dicamus in d. §. *in iis* agi de vsuris, quæ diuersis temporibus pactæ vel conuentæ sunt, quod est certū, & in quas pignus æqualiter obligatū est, nō in has vsuras pignus totū, in illas *ὑπερπῶν*, siue superfluum, & placet omnibus vsuris imputari æqualiter pretiū pignoris, quod etiā æqualiter constitutū siue contractū est. Hoc autē loco, nec in prima parte propositæ stipulationis, discretis temporibus pignus contractū est æqualiter, sed in vnā causam ad finem sortis integræ; in alteram ad finē *ὑπερπῶν*, ergo inæqualiter. Inæqualis causa pignoris & inæqualis imputationem exigit. nec item in secunda parte distin-



Etionis pignus contractum est discretis temporibus, sed A vno eodemque tempore. Et ubi contractum & temporum diuersorum par causa est, omnib. summis pretium pro portione imputatur, id est ἀναλογως, vt ait l. 8. b. t. Hinc apparet ratio.

#### Ad §. cum institutus.

*Cum institutus deliberaret, substituto pecunia per errorem soluta est. ad eū hereditate postea deuoluta, causa conditionis euanescebat, qua ratio facit, vt obligatio debito soluitur.*

**D**eliberante herede instituto, debitor hereditarius soluit per errorem substituto, antequam substitutioni locus esset: Indebitum soluit; Quæro, an id quod soluit condicere possit, quamuis post longam deliberationem & consultationem heres institutus repudiaret hereditatem, & substituto locum fecerit? Et ait, cessare conditionem indebiti, quia ex euentu apparuit substituto indebitum non fuisse solutum. Denique causa conditionis euanescebat, & debitor omnimodo liberatur: nam hæc sunt consequentia: si non est conditio indebiti, ergo debitor liberatur. cui simile est exemplum, quod ponitur in l. sub conditione, sup. de cond. indeb. & l. cum is, §. qui hominem, sup. hoc tit. Debeo tibi aliquid sub conditione, idque tibi per errorem soluo pendente conditione. Indebitum soluo; verum si post solutionem conditio extiterit, non dabitur mihi conditio indebiti, quod ab initio videbatur esse indebitum, quia ex euentu apparuit non fuisse indebitum. Et hic est finis huius legis. Sequitur l. 2. rem ratam haberi, cuius verba hæc sunt.

#### Ad l. 2. rem rat. hab.

*In stipulatione de rato habendo non est cogitandum rei promittendi vel stipulandi compendium, sed quid interfuerit eius qui stipulatus est, ratum haberi quod gestum est.*

**L**ex est valde difficilis. Glossa, & qui ab ea profecti sunt cæteri omnes, in eam adferunt sex interpretationes, nec in qua potius consistant, habet. In omnibus nihil nisi culpe manifeste, & intolerabiles, planeque repugnantes verbis auctoris. danda nobis est opera, vt sensus eius omnibus in facili, & in aperto esse videatur. Sciendum est, rem ratam dominum habiturum, & neminem amplius petiturum, plerumque stipularem, qui conuenit a procuratore vero, vel falso nomine creditoris, vel domini, siue conueniatur in iudicio, siue extra iudicium, vt in l. interdum, l. amplius, l. si commissum, in fine, l. si sine iudice, b. t. Et interdum etiam is, qui agit, a defensore absentis, eandem stipulationem stipulatur, id est, de rato habendo, atque interponit, vt in l. 6. & l. 8. §. ult. illo loco: vel aduersus procuratorem, b. t. l. non solum §. si status, & seq. usque ad finem legis, & l. seq. §. sed & is, de procur. Et in iudicio quidem hæc stipulatio interponitur ex edicto Prætoris, prætoriam stipulatio est, d. l. interdum, hoc tit. Et causa interponendæ eius hæc est, ne quis impunè sæpius eadem de re conueniatur, l. 8. §. ult. hoc tit. ne rursus dominus vel creditor retractet, quod actum est, l. non solum §. est & casus, de procur. ne bis idem præstet debitor vel possessor, l. si sine §. Iulianus, hoc tit. denique, vt tutiore loco sit, qui contrahit cum procuratore absentis, l. 12. b. t. Concluditur autem hæc stipulatio his fere verbis, quod compendij facio: si creditor vel dominus ratum non habuerit, cuius tu nomine agis aut contrahis, quanti ea res est, tantam pecuniam dabis, l. 3. l. 8. §. ult. b. tit. Et in multis aliis locis, ubi statim ambigitur, quemadmodum ea verba, quanti ea res est, accipienda sint. Sunt enim ἀμείβομαι, & incertam quantitatem continent, vt

Respon. Papin.

ait l. 2. §. incertum, de prat. stip. Sunt verba πολὺν καὶ ὀλίγον. Alias enim referuntur ad veritatem, id est, ad quantitatem veram eius, quod stipulatoris interest, quod interdum plaris est, quam rei pretium verum & iustum, qua de agitur principaliter, l. 1. de action. emp. modo inquam, plaris est quod interest, quam verum rei pretium, vt d. l. 1. modo minoris, l. 9. §. ult. ad exhib. Et ita quidem hæc verba accipiuntur in actione, quæ ex stipulatione iudicio fisci tanti competit, quanti ea res est, l. 2. §. ult. qui satisf. cog. & in stipulatione damni infecti & iudicatum solui, quæ quanti ea res est concluduntur & concipiuntur, d. l. 2. §. incertum. & in actione in factum, quæ datur, quanti ea res est in magistratum municipale, qui non curauit postulanti cauere damni infecti, l. 4. §. in eum, de dam. inf. & in actione in factum, quæ datur quanti ea res est in falsum tutorem, ei, qui illo auctore frustra cum pupillo contraxit, l. 7. §. 1. quod fals. tut. auct. His actionibus continetur utilitas actoris, & veritas, id est, vera utilitas, siue quod in veritate actoris interest (utilitas, & id quod interest idem est semper) siue quantitas vera eius quod ob eam rem actori abest de suo, vel quod lucratus non est: non etiam continetur quantitas quantacunque ab actore æstimata & petita, non pœna. Quantitas quæ egreditur veritatem pœna est. Alias vero hæc verba non referuntur ad id quod interest, sed ad verum rei pretium, vt in actione furti, l. in furti actione, ff. de furt. & in actione vi bonorum raptorum, l. prætor §. hæc autem, vi bon. rapt. In quibus actionibus duplatur vel quadruplatur, non id quod interest, sed verum rei pretium, quamuis ita concludantur, quanti ea res est. Itemque in actione ex stipulatione duplæ interposita eiectionis nomine, ad quam pertinet l. 179. de verb. significat. & in actione in duplum, ex edicto de publicanis, ad quam pertinet l. 192. eod. tit. Alias ea verba referuntur non tantum ad id quod interest, quod proprie consistit circa rem tantum, de qua principaliter agitur: sed etiam ad omne quodcunque compendium, & omne damnum etiam, quod extrinsecus actori contingit, vt in l. 2. §. ult. de eo quod certo loco, de qua dicemus inferius. Alias ea verba referuntur, non ad rei pretium, non ad id quod interest, vel circa rem, vel extra rem, sed ad quantitatem infinitam, quantumcunque actor æstimarit iureiurando in litem; & ad pœnam etiam, etiam si nihil reapse actoris intersit, vt si per calumniam egerit, si calumniosam actionem instituerit. Et ita ea verba accipiuntur in actione in factum, quæ datur quanti ea res est: ea sunt verba edicti: in eum, qui in ius vocatum vi exemit, l. pen. §. 1. ne quis in ius voc. & in actione in factum, quæ datur in eum, qui ius dicenti non obtemperauerit, etiam si nihil intersit aduersarij, l. 1. §. ult. si quis ius dicenti non obtemper. Hæ actiones meram pœnam, vt ait d. lex 1. non utilitatem, id est, non quanti res ea est, non quanti reuera actoris interest, continent, sed et si nihil actoris intersit, continent quantitatem, quam actor iuratus æstimauerit. Varie igitur ea verba in iure accipiuntur: Et inde quæritur, quemadmodum in stipulatione, rem ratam haberi, accipienda sint? Et Papinianus ait hoc loco, in stipulatione de rato, ea verba referri ad id, quod interest stipulatoris ratum haberi, quod actum est, non ad compendium, inquit, stipulatoris vel promissoris, quod minime spectandum esse ait, manifeste compendium separatur ab eo quod interest, vt & l. Titium §. altera, & l. qui negotiatione, de administ. tut. & Theophilus noster, qui separat in §. plus, de action. τὸ διαφέρειν, id est id, quod interest, ab eo, quod τὸ κέρδος vocat, id est, compendium. Et differentia siue separatio hæc est, quia id quod interest versatur circa rem, qua de agitur: compendium venit extra rem prorsus. Vel aliter: id quod interest, est utilitas, quæ circa rem consistit: compendium est utilitas, quæ consistit extra rem. Exempli gratia, alioquin non posset

Kk ij



res intelligi: si à procuratore conuentus stipuler, dominum rem ratam habiturum, domino rem ratam non habente, & denuo agente mecum de eadem re vel pecunia, mea interest ob sumptus quos facio in litem, quam mihi dominus intendit, eosque repeto à procuratore, vel fideiussore eius, qui cauit de rato: nam hæc cautio iurisdicatio est; eos, inquam, sumptus repeto actione ex stipulatu de rato, siue sine dominus vicerit, siue non, *l. si sine § Marcellus, hoc tit.* Sumptibus litis possunt addi sumptus itinerarij, id est, viatica, quæ impendo in ius peregre proficisci coactus vocante domino, qui quod gestum est, ratum non habet, *l. cum, qui temere, de iudic.* Et hi omnes sumptus significantur in *l. 18. hoc tit.* his verbis: *prout inter sit agentis quod litigat, quod consumit, quod advocat, consultores scilicet & patronos.* Vel hos sumptus solos repeto actione ex stipulatu de rato, vel præter hos sumptus etiam repeto, quod domino ratum non habenti damnatus solui, quod addit *d. l. 18.* aut quod procuratori solui. Quia in re seruandæ sunt distinctiones huiusmodi, vt res omnis perspicue intelligatur, ex *d. l. si sine*: Aut falso procuratori solui, cui nihil mandatum erat. Aut vero, & aut sine iudice solui, aut interueniente iudice, nimirum ex sententia iudicis. Si sine iudice falso procuratori solui debitum, vel indebitum, nihil refert, & dominus vel creditor ratam solutionem non habuerit, id est, si dominus de eadem re vel pecunia rursus mecum egerit, siue vicerit, siue non vicerit, præter sumptus litis actæ cum domino: repeto etiam actione ex stipulatu de rato id, quod procuratori falso solui, vel quia indebitum solui, vel quia, si debitum solui, ea solutio me debito non liberauit, *l. si quis offerenti, de solut.* sed neque sententia, qua domino agente & superato absolutus sum, me liberauit ab obligatione naturali, *l. 8. §. 1. hoc tit.* Sequitur altera pars distinctionis. si ex sententia iudicis debitum vel indebitum falso procuratori solui, ab eo quidem procuratore non repeto, quod ei per iudicem solui, quia soluti ex causa iudicati repetitio non est, etiã si maneat obligatio naturalis, *l. cum putarem, famil. ercisc. l. si fideiussor §. in omnib. mand.* Non repeto, inquam, quod falso procuratori solui ex sententia iudicis, tamen si damnatus tantundem soluerim domino ratum non habenti, quod actum est inter me & falsum procuratorem. Id autem, quod domino damnatus solui, etiam à domino non repeto, qui ratum non habuit, propter eandem rationem, quia soluti ex causa iudicati repetitio non est. Id, inquam, à domino non repeto, cui solui, sed id repeto à falso procuratore ex stipulatione de rato, *d. leg. 18.* illo loco; *quod damnatus soluit, & l. 3. §. ult. hoc tit.* Hæc de falso procuratore. Si vero procuratori solui, nihil interest iudicio coactus ei soluerim, an sine iudicio, sine iudice: nullo enim casu repeto quod ei solui, tamen si dominus solutionem ratam non fecerit, & lite re integrata forte me vicerit, quia iure non potuit me vincere. qui vero eius procuratori solueram, nec me potuit domino condemnare iudex, nisi per imprudentiam, vel iniuriam, quam æquum non est mihi præstare procuratorem aut fideiussorem eius, ideoque nec ab eo repeto, quod domino solui damnatus per iniuriam iudicis, *d. l. si sine §. cum autem.* Iniuriam quæ mihi facta est, penes me manere, quam ad verum procuratorem, & eundem promissorem de rato transferri, æquius est, *l. exceptione, de fideiuss. l. si per imprudentiam, de emptione.* Denique à vero procuratore ex cautione de rato, quod ei solui vel domino, non repeto, quia domino solui per iniuriam iudicis, & quod ei solui, iure solui, sed repeto litis sumptus tantum, quos feci in litem mihi motam à domino. Idemque erit si dominus, qui solutione rata non habita, quam vero procuratori feci, iudicio mecum expertus est, & litem amiserit, quoniam & hoc casu quod solui vero procuratori, non repeto, sed sumptus litis tantum, quos à domino forte seruare non possum,

*d. l. si sine §. Marcellus.* His distinctionibus postremo addamus hanc regulam; Quotiens à falso procuratore repeto quod ei solui, simul & id repeto quod ex re, pecuniaue ei soluta, aut circa eam rem medio tempore lucri facere non potui, nec feci, veluti fructus fundi, aut vsuras pecuniæ. Nam in æstimatione eius quod interest, non tantum damni dati habetur ratio, sed etiam lucri intercepti, vt generaliter definitur in *l. unica, C. de sentent. que pro eo quod interest profer.* Et specialiter in causa stipulationis de rato proditum est in *l. si commissæ, hoc tit.* dum ait, Commissam stipulationem de rato in tantum competere, in quantum stipulatoris interest, quod ita interpretatur, id est, quantum actori abest, quantumque lucrari potuit, si dominus ratum habuisset. Non habetur ratio compendij, quod facere potuit extra rem, qua de agitur, sed vt dixi, lucri, quod circa rem ipsam versatur, quodve sit ex re ipsa, veluti vsura, aut fructus, aut id quo pluris hodie res ipsa est, quam fuit eo tempore, quo eam falso procuratori soluit. Compendium hoc loco pro extrario compendio accipitur, cuius rationem non haberi in æstimatione eius quod interest, certum est. Exempli gratia, si dicam me ex re procuratori soluta medio tempore potuisse negotiari, & ingentem quæstû facere, in stipulatione de rato non habebitur ratio incrementi negotiationis, compendij negotiationis, quod extrinsecus contingere potuit, *l. ult. de peric. & comm. rei vend. l. si sterilis §. quum per venditorem, de act. emp.* sed in stipulatione de rato id tantum cogitandum erit & spectandum, quod stipulatoris circa rem ipsam interest, qua de agitur. Et eleganter in *d. §. cum per venditorem.* qui est arx huius quæstionis, separat vtilitatem, quæ extra rem est, ab ea, quæ circa rem consistit, vt & Seneca id distinguit *l. de benefic. Omnia ista, inquit, extra rem sunt, vt nec circa rem sint,* vt quemadmodum in æstimatione vtilitatis, id est, eius quod interest, non habetur ratio damni dati, nisi quatenus quid actori abest ex re sua, aut sibi debita, vt si mihi absit triticum, quod emi per moram venditoris, quod hodie forte pluris est, quam fuit venditionis tempore, eius damni ratio habetur in actione ex empto, quæ datur in id quod interest, non etiam ratio habetur huius damni extrarij, si quod mihi triticum non traderetur, serui mei fame interierint, aut iumenta, quod damnum consistit extra rem ipsam quæ venit, *d. §. quum per venditorem.* Ita vero vt damni, ita in æstimatione eius quod interest, habetur ratio lucri intercepti huius tantum, quod mihi res ipsa, quæ in contentionem venit, sua vi attulisset, non eius lucri quod compendium dicitur, quod extrinsecus facere potui mercaturis faciundis, excepto vno tantum casu, qui est in *l. 2. §. ult. de eo quod certo loco.* si agatur de nautica, siue traiectione pecunia, in quo iudicio legitimus modus vsurarum, vel modus legitimus eius quod interest, non obseruatur, sed venit omne quodcumque compendium facere creditor potuit, & omne damnum quod fecit, etiam quod consistit extra rem: sicut veniunt etiam vsuræ immensæ & immodicæ, & supra duplum. In traiectione pecunia alia est ratio, quæ nullum seruat modum, propter pensionem periculi grauissimi, quod creditor in se suscepit. De hoc autem compendio extrinsecus est accipiendum, quod ait Papinianus hoc loco: *in stipulatione de rato non esse cogitandum compendium rei promittendi vel stipulandi,* id est, compendium eius, cum quo agitur ex stipulatione de rato, qui promisit, de rato, vel compendium actoris siue stipulatoris: vno verbo, non esse spectandum compendium rei vel actoris, vt in Basil. *τὸ κέρδος τῆς συναγομένης ἢ τῆς συναγομένης, lucrum rei vel actoris.* Coniunxit vtrumque, reum, vel actorem, id est, promissorem vel stipulatorem, vt ostenderet ex stipulatione de rato, stipulatorem neque compendium consequi posse, quod facturus erat extra rem, si dominus ratum habuisset, veluti ex incremento negotiationis, neque etiam



consequi posse compendium, quod promissor, id est, A fallus procurator fecit extra rem ipsam, quam ab stipulatore exegit, ut puta, si promissor ex negotiatione eius rei, quam exegit, magnum aliquod emolumentum consequutus fuerit, vel si se ea re, vel pecunia liberauerit imminente sibi pœna quadam graui ex contractu quodam, ut in l. *Imperator §. si centum, de legat. 2.* Huius compendij quod procurator fecit extra rem, quam ei stipulator soluit vel præstitit in reuocanda ea re per actionem de rato, ratio non habetur, nec venit in restitutionem, quia satis est stipulatori procuratorem restituere rem ipsam, & quod ex re ipsa ferre & lucrari stipulator potuit. Et ita hæc lex est accipienda.

Ad l. 20. de iure fisci.

*Sed reuocata pecunia in fideiussorem liberatum utilis actio dabitur.*

Sciendum est, priuilegium fisci hoc esse, ut in exigenda pecunia sibi debita, quemadmodum Paulus ait §. *Senten. tit. de iure fisci*, primum locum obtineat ante omnes creditores, chirographarios scilicet, siue personales, ut in actione in personam potiora iura habeat, & in actione in rem multo magis, id est, Seruiana, ut l. *eos, C. qui pot. in pign.* quia scilicet persequitur tacitam hypothecam, quam habet ex suis contractibus omnibus, l. *2. C. in quibus caus. pign. vel hypoth. tac. contr.* & ex causa tributorum, l. *1. C. od. tit.* non ex omnibus causis, l. *rescriptum, sup. de pact.* Nam quod dicitur in l. *aufertur §. fisci, inf. hoc tit.* fiscum semper habere ius pignoris, sic est accipiendum semper, ex suo contractu, non ex omni causa, sed ex causa tributorum tantum, vel ex causa æris sui, siue contractus & obligationis suæ, quod ius fiscale dicitur in l. *10. sup. de manum.* Sic igitur statuamus, fiscum potiora iura habere in actione in personam, & in actione in rem, siue hypothecaria, & præferri omnibus aliis creditoribus chirographariis in vtraque actione, & multo magis in hypothecaria, quam ipse habet, non creditores, quibuscum contendit: & præferri, inquam, omnibus aliis creditoribus chirographariis etiam antiquioribus, etiam priuilegium habentibus aduersus alios post fiscum, non aduersus fiscum, l. *quod quis, sup. de reb. auct. iud. poss. siue priuileg. cred.* hypothecariis creditoribus antiquioribus fiscus non præfertur: in hypothecis fiscus non habet nisi priuilegium, quod ei tempus dedit, quodque dat omnibus, l. *si pignus, sup. qui potior. in pign. hab.* In hypothecis fiscus habet ius commune, non proprium, aut præcipuum aliquod: At chirographariis creditoribus etiam antiquioribus præfertur, d. l. *quod quis*, sicut & Respublica quælibet, l. *pen. C. de priuileg. credit.* Commune igitur hoc est priuilegium fisci & Reipublicæ. Itaque debitor, qui debet pecuniam fisco, & aliis plerisque creditoribus chirographariis, debet prius pecuniam soluere fisco, quam alij creditori chirographario, etsi forte fisco præuenerit alius creditor priuatus eiusdem debitoris, cui debitor prius soluit quam fisco, eius pecuniæ, quam soluit quantitatem fiscus pro modo sui debiti, si eius intersit, ut puta, si aliunde suum seruare non possit, ei, cui præmature debitor soluit, auferre potest utili actione in factum iure sui priuilegij, l. *5. C. de priuileg. fisci.* Idque verum est omnimodo reiecta distinctione Papiniani, inter scientem & ignorantem. Nam Papinianus ignoranti priuato creditori, id est, qui ignorauit eum, à quo pecuniam sibi debitam accipiebat, & fisci debitorem fuisse, nolebat Papinianus ignoranti pecuniam auferri à fisco, sed scienti tantum. Quam distinctionem hoc ipso lib. 11. fecerat & libro quoque 6. sibi constans, l. *18. §. ult. sup.* sed recepta ea distinctio non est. Igitur siue scienti, siue ignoranti soluerit debitor ei, cui soluta est pecunia, antequam fisco satisfactum esset, ea-

dem pecuniæ quantitas, non species eadem à fisco auferri potest actione utili in factum, quasi in rem. Verum post sublatam priuato creditori pecuniam à fisco, solutionemque rescissam, creditori restituitur actio vetus, actio utilis scilicet in debitorem principalem ex Constitutionibus: sicut rescissa ex promissione mulieris, quæ intercessit pro alio, constat ex Senatusc. Vell. actionem restitui in veterem debitorem. Et ita hoc casu reuocata pecunia à fisco, quæ soluta prius fuerat priuato creditori, creditori restituitur actio utilis in veterem debitorem, in principalem debitorem: atque etiam, ut ostenditur in hac l. 20. in fideiussorem eius liberatum ipso iure scilicet, sed non omnino liberatum, quia restituitur in eum hoc casu utilis actio: vtraque est actio utilis, id est, restitutoria, quia directam solutio consumpsit ipso iure. Proinde vtraque est utilis non directa, quæ restituitur, vel in debitorem principalem, vel in fideiussorem eius, à fisco solutione rescissa; & tamen illa, quæ restituitur in debitorem principalem dicitur actio directa in l. *18. §. ult.* Sed videndum est, quo respectu. Dicitur directa per comparisonem eius actionis, quæ in fideiussorem restituitur, quæ non est principalis actio, sed accessoria: illa autem directa, id est, principalis, quia datur in reum principalem. Proinde illo loco, directa actio non opponitur utili, sed accessoria actioni, siue fideiussoria. Ceterum vtraque est utilis, & restitutoria: directa & principalis, idem est, sicut directo & principaliter idem, l. *ult. de leg. 3. §. ult. Inst. quod cum eo. qui in al. potest.* Sequuntur duo loci nondum explicati, in quibus ab aliis auctoribus ex eodem libro Papinianus in testimonium vocatur. Vnus est in l. *11. §. ususfructus, de pignor.*

Ad §. ususfructus l. 11. de pignoribus.

*Ususfructus an possit pignori hypothecæ dari, quæstum est, siue dominus proprietatis conuenerit, siue ille, qui solum ususfructum habet. Et scribit Papinianus libro 11. Responsorum, tuendum creditorem, & si velit cum creditore proprietarius agere, non esse ei ius uti frui inuito se, talis exceptione eum prator tuebitur: si non inter creditorem, & eum ad quem ususfructus pertinet, conuenerit, ut ususfructus pignori sit. Nam & cum emptorem ususfructus prator tueretur, cur non & creditorem tuebitur? Eadem ratione & debitori obiicietur exceptio.*

Hæc est sententia Papin. ususfructum posse obligari pignori, tam à domino proprietatis quam ab usufructuario, à domino plenæ proprietatis scilicet, puta, ut fundi sui ususfructus pignori sit, non proprietas, ut in l. *15. in prin. hoc tit.* Dico à domino plenæ proprietatis. Nam dominus nudæ proprietatis, non potest pignere proprietatem, quæ alterius est, l. *6. C. de usufr.* In domino proprietatis plenæ dubitabatur, an posset ususfructum pignori vel hypothecæ dare: hac ratione, quia ususfructum pignerando, pignorare videtur, quod non habet, quodve suum non est, l. *quod nostrum, sup. de usufr.* quia, qui habet proprietatem etiam solidam & integram, ius separatum ususfructus non habet, quia nemini suus fundus seruit, l. *5. si usufructus per. l. in re communi, de seruit. vrb. prad.* Sed ut hæc dubitatio submoueat, etiam dominus proprietatis, qui ususfructum pignori dat, non pignerat seruitutem usufructum, quam nec habet in re sua (ususfructus est ius alienis rebus utendi, non suis) sed pignerat perceptionem & commodum fructuum, factum, non ius. Sicut & fructuarius, qui usufructu pignerat, an pignerat ius seruitutis ususfructus? Minime vero, quia personæ eius cohæret, ut nec ab ea auelli possit, sed pignerat tantum perceptionem & emolumentum fructuum, l. *ususfr. de iure dot. l. si postulauerit §. iubet, ad leg. Jul. de adulter.* In fructuario autem dubitabatur, an possit ususfructum pignori



clare hac ratione, quia fructuarius non est dominus fundi, sed tamen & fructuario idem permittitur, quia & vsumfruct. vendere potest, & emptorem prætor tueretur aduersus fructuarium, & proprietariū ipsum. Quod autem ex bonis nostris venditionem recipit, & pignorationem recipit, l. 9. §. 1. hoc tit. l. ult. C. eod. tit. l. vn. C. res al. geren. non interd. rer. suar. alien. Vsumfructus venditionem recipit, vendente fructuario scilicet, ergo & pignorationem. Quæ ratio, quia cessat in eo, qui nudum vsum habet, recte sequitur, vsumfructum, vt vendere, ita pignere vsum non posse, l. 11. de usu & habitat. Quia in vsum nihil est corporis, quod capi possit: in vsumfructu est commodum fructuum, qui corporales sunt. Itaque nulla ratione vsum nudus locari aut vendi, aut pignerari potest: si non vendi, ergo nec pignerari potest, vt contra vsumfructus; si vendi, & pignerari igitur. Nec obstat, quod fructuarius non est dominus fundi, quia nec fundum pignorat, aut pignere potest, l. 6. C. de usufr. Nomine fundi significatur proprietas, & nomine rei cuiusque, nomine iumenti, nomine vasis, vel alterius rei: sed fructuarius pignorat vsumfruct. tantum, & non ius seruitutis, sed perceptionem fructuum, quam iure seruitutis in fundo habet, in qua habetur pro domino, l. 8. in pr. de reb. auct. ind. possid. Fructuarius, inquit, etiam dominus esse intelligitur, quæ verba respiciunt ad edictum prætoris de bonis possidendis & distrahendis. In quo dominus nominatur, vt vel Quintiana oratio docet, in qua ex edicto illo hæc referuntur: *dominum inuitum detrudere non placet.* qui vocat dominum non proprietarium tantum, sed etiam fructuarium. Vnus est dominus proprietatis, alter dominus vsumfructus, & in eadem re quandoque sunt tres, aut quatuor domini, vnus dominus proprietatis, alter vsumfructus, alius dominus possessionis, alius dominus *ἐμπεριστατός*, vel superficiei; domini nomen latissime manat. Vt igitur emptorem vsumfructus, qui emit à fructuario, ita creditorem, cui fructuarius in debiti causam vsumfructum pignori dedit, prætor tueretur aduersus proprietarium, si agat ius illi non esse inuito se vtendi fruendi, data exceptione huiusmodi, vt hoc loco proponitur: *si non inter creditorem & fructuarium conuenerit, vt vsumfructus pignori esset.* Quæ exceptio datur etiam in fructuarium, si à creditore vindicet vsumfructum actione negatoria, cui vsumfructum ante pignori dedit. Neque huic sententiæ Papiniani quicquam obstat, l. 6. C. de usufr. quæ non negat, vsumfructum à fructuario pignerari posse, sed proprietatem. Et res exigit, vt tota ea l. exponatur. Quæstio hæc est, an maritus fundum in dotem datum possit pignori obligare? Et l. distinguit: Aut mulier dedit in dotem vsumfruct. fundi tantum, & tunc maritus non potest fundum obligare, id est, proprietatem, quo nomine proprio etiam lex vitur: At si fundum siue proprietatem fundi mulier dederit in dotem, pacto interposito, vt morte mariti soluto matrimonio æstimatio fundi mulieri restitueretur (non est legendum in ea lege, *eadem possessio*, sed, *vt æstimatio restitueretur*) Denique si proprietas fundi æstimata data sit in dotem, maritus constante matrimonio potest eam pignere, quia fuit æstimata. si fuisset inæstimata, nec alienare potuisset, nec pignere ex l. *Iulia, de fund. dot.* Quod manifesto demonstrat, illo loco legendum, *æstimatio*, non per scribiliginem, *eadem possessio*. Alter locus est parui momenti, qui est in l. *cetera* §. *sed & si quis*, de leg. 1.

Ad §. sed & si quis, l. 41. de leg. 1.

*Sed & si quis ad opus Reipubl. faciendum legauit, puto valere legatum. Nam & Papin. lib. 11. Responsum refert, Imperatorem nostrum, & Diuum Senerum constituisse, eos, qui Reipublica ad opus promiserint, posse detrudere ex*

*adibus suis urbanis atque rusticis, & id ad opus vti quia hi quoque non promercij causa id haberent.*

**C**ertum est ex edicto Vespasiani, vt in l. 2. C. de adif. priuat. Et ex Senatusconf. quod factum est Adriani temporibus, Ofilio Auiola, & Cornelio Pansa Coss. vt est in pr. d. l. *cetera de leg. 1.* cautum esse, ne deformetur ruinis vrbium aspectus, ne possint legari ea, quæ iuncta sunt ædibus, veluti tigna iuncta ædibus, marmora, ostia, columnæ, statuae, tegulae. Nam si valeret legatum, utique detrahendæ hæc res essent, & præstandæ legatario, quod esset deforme ciuitati. Huic Senatus. Constitutiones addiderunt, vt etiam iuncta ædibus non possint detrahi *promercij causa*, id est, negotiationis causa. Addiderunt eadem Constitutiones, vt tamen is, qui promisit se opus facturum Reipub. possit detrudere suis ædificiis, quod iungat operi publico, quod ipse facit: quia id non facit *promercij causa*, sed ornandi publici ædificij causa, quod ex hoc Papiniani libro refertur in d. §. *sed si quis*. eoque argumento dicitur etiam ad opus Reipub. faciendum posse legari Reipub. vel ei, cui iniungitur onus operis publici perficiendi, ea, quæ iuncta sunt ædibus testatoris. Et hic est finis huius libri.

## IACOBI CUIACII

### IVRISCONSULTI COMMENTARIUS in Lib. XII. Responsum Æmilij Papiniani.

Ad l. 35. famil. ercisc.

*Pomponius Philadelphus dotis causa prædia filiae, quam habebat in potestate tradidit, & reditus eorum genero solui mandauit: an ea præcipua filia retinere possit, cum omnes filios heredes instituisset quærebatur. Iustam causam retinende possessionis habere filiam, quoniam pater prædia, de quibus quærebatur, dotis esse voluit, & matrimonium post mortem quoque patris steterat, respondi: Filiam etiam, quæ naturaliter agros tenuit, specie dotis, cuius capax fuisset, defendi.*



**N** hac l. hæc proponitur species: Pater filiamfam. certa prædia donauit dotis causa: donatio valet, quæ facta est filiafam. dotis causa, sicut dotis datio: alioquin donatio aperte collata in filium, filiamve famil. non valet: nemo sibi ipsi donat. Et idem esse censetur homo, pater & filiafam. aut filiusfam. Atque adeo propter vinculum illud patriæ potestatis, quod vnam ex patre & filia vel filio personam facit, regulariter non consistit donatio inter patrem & filium, filiamvefamil. l. 11. C. de donation. In donando autem pater filiam mandauit, vt prædiorum donatorum reditus marito solueret genero suo, quo plane demonstrauit, se ea prædia donare dotis causa, non vt ipsa prædia marito in dotem essent, sed fructus eorum prædiorum. Deinde pater testamento omnes filios, & illam quoque filiam heredes instituit, & vita decessit constante matrimonio filiam. Quæritur filia cum fratribus veniente ad hereditatem patris ex testamento, an iudicio famil. erciscundæ in diuidenda hereditate paterna, prædia sibi donata dotis causa retinere possit præcipua, nec teneatur ea conferre in commune? Et videtur filia non posse ea prædia retinere præcipua extra portionem hereditatis, quia filia donata sunt, non in



dotem data: dotem præcipuam retineret utique non dubie, quia dotis datio valet à patre quæ fit filiæ, quam habet in potestate. Donationem autem videtur filiam non posse retinere præcipuam, quia nulla donatio est, quæ nec morte patris sola confirmatur, secundum ius, quod obtinuit ante Iustinianum, id est, ante *l. donationes, C. de donat. inter vir. & vxor.* Et ante eam legem, donationem à patre collatam in filium vel filiam famil. nec morte patris, vel silentio solo confirmari patet ex *l. 1. §. 1. ff. pro don. & l. 2. §. ult. inf. pro her.* Et omnino ita se res habet: est una tantum exceptio, nisi appareat patrem in extremum vitæ diem in eadem voluntate perseverasse, *l. pen. inf. de collat. dot. l. si filia cuius, C. famil. ercisc. l. 2. C. Gregor. eod. tit.* Quo casu etiam confirmatur tota donatio officio iudicis fam. ercisc. cognoscentis: qui tuetur extremam voluntatem patris, non ipso iure, *d. l. filia.* Aut interdum minuitur donatio etiam officio eiusdem iudicis, ut puta, si inofficiosa fuerit, quæ lædat alios liberos, *l. 2. C. de inoffic. donat.* Videbatur ergo hac ratione, filiam prædia sibi donata non posse retinere præcipua, quia non apparebat in eadem voluntate patrem perseverasse. At contra Papinianus existimat, eam donationem, licet nulla perseverantia patris appareat, filiam retinere titulo præcipui vel excipui, quia scilicet non est simplex donatio, sed donatio dotis causa. Alio iure est donatio simplex, alio donatio dotis causa. Donatio simplex non eodem iure est, quo dos. Donationis causa dotis, & dotis idem ius est: & ita legimus aliud esse donationem simplicem, aliud donationem diuisionis causa, *l. si filia §. si pater, hoc tit.* aliud esse venditionem simplicem, aliud venditionem dotis causa, *l. quotiens, D. de iure dot. vel pignoris causa, l. 2. de distract. pignor. vel diuisionis causa, l. prox. sup. hoc tit.* In specie igitur proposita, ut Papinianus ait, filia iustam habet causam retinendæ possessionis prædiorum, nempe causam dotis, speciem dotis, ut ait, cuius filia est capax, quæ non esset capax donationis simplicis propter vinculum patriæ potestatis. Et speciem dotis dicit, ut speciem legati, *l. si filia §. Papinianus, hoc tit. & l. Manius, de leg. 2.* & speciem fideicommissi, in constitutione Diui Marci, *de eo, cui libert. caus. bona addic.* quæ est in Institut. Dos fratribus confertur, & communicatur ab intestato, non ex testamento, *l. 3. in pr. de collat. dot. l. si filius, qui mansit. ff. si quis omiff. caus. testam. l. 1. l. 7. C. de collat.* Cur conferatur ab intestato, non conferatur ex testamento, rationem differentia præcipuam memini me reddere superiori libro *ad leg. pen. de collat. dot.* Dos ergo non confertur ex testamento, id est, quum patri succedunt fratres ex testamēto. Ergo nec donatio dotis causa, quæ pro dote habetur. Et in hac specie filia cum fratribus patri successit ex testamento, ut posui initio, non ab intestato, & ideo dotem non confert fratribus; vel donationem dotis causa quæ pro dote est, sed eam filia titulo dotis, specie dotis, præcipuam retinet & possidet naturaliter, ut ait, naturaliter, inquam, quasi res dotales. Vxor domina est rerum dotalium naturaliter, maritus ciuilitur: domina est seu possessrix rerum dotalium naturaliter, maritus ciuilitur, *l. in rebus, C. de iur. dot. l. sciendum §. si fundus, qui satisd. cog.* Non est omitendum, huic legi siue responso Papiniani, quod iam satis explicatum est, derogare Nouellam Iustin. 18. *de triente & semisse*, quæ etiam ex testamento introducit dotis & aliorum bonorum collationem inter fratres, qua de causa & in Basilicis hæc lex omiffa est. Pergamus ad legem, *cum sex menses, de adil. edic.*

Ad l. 55. de ædil. edic.

Cum sex menses utiles, quibus experiundi potestas fuit, redhibitoria actioni præstantur, non videbitur potestatem experiundi habuisse, qui vitium fugitini latens ignora-

uit: non idcirco tamen dissolutam ignorantiam emptoris excusari oportebit.

**L**Ex est de actione redhibitoria, quæ actio ex edicto Ædiliū Curulium datur emptori ob vitium, morbumue rei venditæ, quod latebat venditionis tempore, venditor nouerat & reticuerat, emptor ignorauerat. In hoc datur scilicet, ut venditione rescissa, omnia in integrum restituantur, venditor recipiat rem, quam vendidit & tradidit, emptor pretium, quod ei numerauit: aut liberetur obligatione ex vendito, si nondum numerauit, & inde redhibitoria actioni nomen. Redhibere, verbum est commune recipientis venditoris, & reddentis emptoris: & contra Plautus in Mercatore dixit: *se redhibere, si non placet*, id est, venditor dixit se recepturum rem venditam, si non placeret emptori, quæ conuentio iure recepta est, *l. 6. ff. de rescind. vend.* Et sic dictum est, reddere, & redhibere, ut præbere, & perhibere. Hæc autem actio redhibitoria non est perpetua, sed finitur sex mensibus vtilibus, id est, quibus emptori experiundi potestas fuerat, intra quod tempus si non egerit emptor redhibitorio iudicio, repellitur præscriptione temporis supradicti, quam præscriptionem sumpserunt ædiles ex legibus Platonis *lib. 11.* Tempus autem illud vtile sex mensium, hoc loco Papinianus docet numerari ex die, quo emptor vitium cognouit, ut Plato eodem *lib. 8. τὸν πρῶτον τῶν περιμένων. quum emptor vitium cognouerit*, nec enim tempus vtile cedit, aut currit ignoranti, sed continuum tempus tantum, *l. genero, sup. de iis. qui not. inf. l. 2. quis ordo in bon. poss. seru.* Vtile tempus est, quo experiundi potestatem habet is, cui actio competit, *l. 1. de diu. temp. præscript.* Ignorans autem non videtur habere experiundi potestatem, *l. annus, de calumn.* Quod ergo dicitur in *l. sciendum §. ult. hoc tit.* tempus sex mensium cedere ex die venditionis, non est verum, si latens vitium emptor ignorauerit: puta si ignorauerit seruum quem emebat esse fugitiuum, vel erronem. Verum tamen, quod eo loco ostenditur, & scribitur in *l. sciendum §. ult. hoc tit.* si dissoluta & supina fuit ignorantia emptoris, ut puta, si nescierit, quod populus sciebat, si nesciebat *περὶ ἵππων*, id est, voces de via collectas, dissoluta ignorantia non est ferenda, *l. 6. ff. de iur. & facti ignor.* Dissoluta ignorantia prope scientiam est, *l. si fideiussor, in prin. sup. mand.* Et hoc est, quod ait Papinianus hoc loco, dissolutam ignorantiam vel ignorationem emptoris excusari non oportere.

Ad l. ult. de suis & legit.

Pater in instrumento dotali comprehendit filiam ita dotem accepisse, ne quid aliud ex hereditate patris speraret: eam scripturam ius successionis non mutasse constitit. Priuatorum enim cautionem legum auctoritate non censeri.

**E**X hac l. ult. notandum est, quod si pacto dotali cauerit pater, ut filia dote contenta esset, & nihil præterea desideraret ab intestato ex hereditate patris, quæ conuentio hodie frequens est, ea conuentio non onerat filiam, non nocet filiæ, non mutat ius publicum, quo ab intestato filia ad hereditatem patris vocatur, quæ manfit in potestate ex xii. tabul. *cautio priuatorum*, inquit, *legum auctoritate non censetur*, id est, non habet legum auctoritatem aduersus leges ipsas, & iura publica, quæ est certissima regula iuris, nisi quatenus leges permittunt, & cautiones approbant, *l. ult. §. ult. C. de temp. appell.* Valet pactio, ne aduersario si condemnatur liceat appellare, ne liceat uti communi auxilio appellationis, quod sic appellatur in *l. 3. §. ult. rem. rat. hab. Commune auxilium appellationis.* quia ea lex legum austeritatem (sic habent omnes veteres) permittit, aut finit mitigari



inter consentientes, inter conuenientes. *pacta iusta iuri præstant*, ut ait Cicero, & Cornificius, quæ legibus non sunt improbata scilicet; exempli gratia, actionem, quæ ipso iure competit, iusti pacti elidit exceptio, hoc est certissimum, & ita pactum iuri præstat: hoc autem genus pacti, de quo agitur hoc loco etiam improbat in *l. 3. C. de collat.* Et hoc Papiniani responsum meo iudicio intellexit Imperator in *l. si quando §. 1. C. de inoffic. testam.* dum hanc pactionem improbat, ut filius certis rebus acceptis, à patre contentus sit, nec exheredatus agat querela inofficiosi testamenti, hac ratione reddita, quia meritis magis filij sunt prouocandi, ad obsequia parentum, quam pactionibus adstringendi. Quam rationem adfert ex Papiniani responso, & videtur fuisse huic responso subditam, eandemque refert Paulus 4. *Sentent. tit. de inoffic. quer.* Non est omittendum, hodie tamen iure Pontificio, hanc pactionem, ut filia sit contenta dote, nec quicquam amplius petat ex bonis parentis, nec quicquam amplius speret ex bonis paternis, iustam esse, atque admodum seruandam, si modo iure-rando filia sit confirmata, *c. 2. de pact. in 6.* Et ita quoque aliud genus pacti, quod vno verbo appellatur à Græcis, pactum *ioqueciæ*, puta, ut filia, quam pater collocat in matrimonium, ex suis bonis ferat eandem portionem, quam frater, ut ferat æqualem portionem. pactum *ioqueciæ*, quod improbat *l. pactum, C. de pact.* Leo tamen Imperator postea probauit, & probasse postea intelligo nuper Senatum in *Novell. 19.* Qui etiam in ea testatur nunquam *d. l. pactum*, qua pactum æqualis portionis, æqualis successionis inter fratres improbat, vfu fuisse receptam: non omnia, quæ legibus scripta sunt, vel à Iurisconsultis, vel ab Imperatoribus, vsus approbauit.

#### Ad l. 31. de donat.

*Donationes in concubinam collatas non posse reuocari conuenit. Nec si matrimonium postea inter eos fuerit contractum, ad irritum recidere, quod ante iure valuit. An autem maritalis honor & affectio pridem præcesserit, personis comparatis, vitæ coniunctione considerata, perpendendum esse respondi: neque enim tabulas facere matrimonium.*

**I**nitio primi responsi ostenditur, donationem collatam in concubinam valere, nec reuocari posse, *l. 3. §. Diuus, & l. si prædialia, sup. de donation. inter vir. & vx.* Quia in re satis compertum est omnibus, distare concubinam ab vxore. Nam donatio collata in vxorem reuocari potest, quasi improbata iure ciuili, quæ sola differentia non est inter concubinam & vxorem. Nam & ex testamento mariti olim, id est, ante Iustinianum vxor solidum capere non poterat, *l. ult. C. Th. de legit. hered.* concubina solidum capere potuit ex amici sui testamento, siue vice coniugis, *l. cum tabulis §. quoniam, de iis quib. ut indign.* Per leges non licet tam liberalibus nobis esse in vxorem, quam in concubinam. Si liceret esse liberalibus, extemplo profusi & prodigi in eas essemus, quia tanta animi propensio hominibus sanis non est in concubinam, quæ iustos liberos non pariat: infani quid agant, non spectant, dantur frena coniugibus, non concubinis, & ut ait *d. l. ult. reprimendus est potius quam incitandus coniugalis fauor.* Posset ea ratio differentiarum dilatarī, sed nolo, fugiens prolixitatem. Inde quæritur hoc loco; an donatio collata in concubinam, postea fiat irrita, si concubina vxor ducatur: quo genere liberi naturales ex concubina suscepti, fiunt iusti liberi, si procedente affectione, ut est in *Institutionibus*, quæ fuit in concubinato, ducatur in matrimonium. An igitur donatio facta concubinæ irrita sit, si postea vxor ducatur? Quod videtur dicendum secundum opinionem illorum, qui ea, quæ ab initio constiterunt, corrumpi, & irrita fieri putant, quum in eum casum reciduat, à quo

**A** incipere non potuerunt. Quæ opinio obtinet in quibusdam casibus, ut *l. existimo, l. si sub vna §. 1. de verbor. obligat. l. pro parte, sup. de seruitut. l. 3. de iis, qua pro non scrip. non obtinet tamen in omnibus casibus, ut ait recte *l. pen. §. ult. de verbor. obligat.* non in casu *d. §. ult.* non in casu *leg. si qua, in pr. & l. oratione, in fine, de ritu nupt.* non in casu *l. 3. C. de interdic. matrim. int. pup.* Iure contractum matrimonium superueniens casus non dissoluit, qui ei tamen fuisset impedimento, si extitisset ab initio. Non obtinet etiam in casu proposito: nec enim donatio iure facta concubinæ irrita fit postea, si vxor ducatur. Et ut ait *l. 85. §. 1. de reg. iur.* nouū nō est hoc, ut quæ semel vtiliter constituta sunt, durent, etiam si casus aliquis extiterit postea à quo incipere non potuerunt. Et ratio differentiarum inter hos & illos casus, cur iis, quæ initio vtilia fuerunt, casu superueniente aliquo non euanescant, illis euanescant: nunc explicanda est ratio causæ, inquam, huius differentiarum & varietatis consistit in eo, quod omnibus illis casibus, ex eodem tempore, ea de quibus agitur, vires non accipiunt, sed quædam ex præsentī, quædam ex futuro. & quod id solum tempus intuentum est, ex quo potissimum vires accipiunt, non aliud tempus quodcumque *l. 22. tit. seq. l. non oportet, de leg. 2.* ut in seruitutibus adquirendis spectatur tempus, quo constituuntur, non tempus, quod antecessit, puta, quo in stipulationem deductæ sunt, nondum constitutæ & impositæ prædiis, non tempus etiam, quod constitutam seruitutem insequutum est. Quamobrem, quæ initio fuit vtilis seruitutum stipulatio, resoluitur & perimitur, si tempore, quo constituuntur seruitutes, casus aliquis existat, quo in stipulationem deduci non potuissent, si idem casus extitisset ab initio interponenda stipulationis, *d. l. existimo, d. l. si sub vna, d. l. pro parte.* Et contra, seruitutes, quæ iure constitutæ & acquisitæ sunt, ex accidenti, & post facto interciderē non possunt, *d. l. pen. §. ult. de verbor. obligat.* Et similiter in omnibus acquisitionibus rerum vel possessionum tempus spectatur, quæ eas apprehendimus: hic enim est vltimus finis, quem nobis proponimus, vltimus effectus rei, quæ geritur: ac proinde tempus spectatur quo eas adquirimus & apprehendimus, non quod antecedit, vel sequitur: quod raptō vel instanti tempore est vtile, inutile est, si ex tempore acquisiti dominij vtile non fuerit, si finem optatum non habuerit: contra, tempore acquisiti dominij, quod vtile est, id neque antecedens, neque subsequens tempus corrumpere potest, §. item contra, *Instit. de inut. stipul. l. 1. §. ult. & l. 2. de iūm. actūque prin. l. si de eo fundo §. pen. de acquir. possess.* In legatis autem & fideicommissis tempus spectatur, quo dies eorum cedit, quia ex eo tempore demum vires accipiunt, & ideo, quorum dies cessit vtiliter, ex post facto interciderē non possunt: quorum autem dies cessit inutiliter, sane intercidunt, licet testamēti tempore vtilia fuerint, *l. 3. de iis, qua pro non scrip. hab.* Neque obstat huic sententiæ *l. 5. sup. ad leg. Falcid.* in qua Papin. ait, vtile esse legatum, quod vtile fuit testamenti tempore, puta in hoc casu scilicet, si debitor, quod debet sub conditione, vel in diem, creditori pure legauerit, licet postea debitum purum esse cœperit conditione debiti existente ante diem legati cedentem.*

**E** Quæ sententia Papin. etiam probatur in *Institutionibus*, à Caio scilicet in *tit. de legat. §. ex contrario.* Excipiendus est hic casus hac ratione, quia huius legati, de quo agit Papinianus in *d. l. 5.* dies non cedit prorsus inutiliter, quandoquidem præter actionem creditæ pecuniæ legatario creditori comparatur actio ex testamento, si malit creditum repetere ex testamento, quam ex stipulatu, vel conditione certi: vtilitas quædam est in laxiore agendi facultate, *l. cum filius §. variis, de leg. 2.* Nec recte ut opinor in hoc casu à Papiniano dissensit, ut certe dissensit Paulus in *l. debitor, de legat. 2.* Nam ea tantum legata, quæ ab initio constiterunt, interciderē æquum



æquum est, quorum dies prorsus inutiliter cedit, non si ad aliquid vel tantillum cedat vtiliter. Porro in matrimonio & in donationibus tempus exstans, siue præsens intuemur, quo perficiuntur, non tempus instans siue futurum, quo forte peruenerunt in eam causam, à qua incipere non poterant, quia suo tempore vtiliter vires acceperunt, vt in specie huius legis & in d. l. si qua, & l. oratione, de ritu nupt. & l. 2. C. de interdic. matr. int. pupill. Illud obseruandum est maxime in specie proposita, cum, qui volebat reuocare donationem collatam in concubinam, Iurisconsulto proposuisse duas rationes, quarum vtra quærebat reuocare donationem posset, vel an neutra posset. Ac primum hanc adferebat causam reuocandæ donationis, quod concubina vxor postea esse cœpisset, quam Papinianus reiecit statim. Adferebat & hæc causam reuocandæ donationis, quod & tempore factæ donationis, cum ea muliere tabulas nuptiales, siue instrumenta dotalia confecisset, quam causam etiam reiecit Papinianus. Quia tabulæ solæ nuptiales matrimonium non faciunt, quod est verissimum, l. neque sine nuptiis, C. de nupt. Matrimonium facit destinatio animi, siue consensus nudus, quem mox absque dubio etiam sequitur omnis honor & adfectio maritalis. Concubina, vt Paulus dixit in Sententiis, ab vxore separatur solo delectu, id est, solo animo, l. ult. de concub. quem vtrique animum comitatur semper honor & dignitas & adfectio plenior, d. l. cum tabulis & quoniam, l. item legat. §. pen. de leg. 2. l. 8. C. de oper. libert. l. 13. de postl. & red. ab hostib. Honor, inquam, plenior, siue honestas matronæ: nam concubina si alterius, quam patroni sui concubina sit, matrisfam. siue matronæ honestatem non habet, quamuis concubinatus sit legitima coniunctio, l. probrum, de ritu nupt. Et recte Lysias aduersus Eratosthenem, concubinam cum vxore collatam, esse ελάττωτος ἀξίας, longe minoris dignitatis. An autem mulierem quis habuerit vxoris loco, an concubinæ, eius animum eleganter Papinianus ait hoc loco esse æstimandum & perpendendum, facta comparatione vtriusque personæ, & considerata vitæ coniunctione: nec enim præsumitur ingenuus in matrimonium habuisse libertinam, sed in concubinatum potius: non præsumitur etiam ingenuus ingenuam habuisse in matrimonium, quæ corpus suum ante vulgo publicauerat, quæ corpus aluerat corpore, l. in libere, de ritu nupt. nec item eam, cui in domo non detulit honores & ministeria congruentia dominæ (sic vocatur vxor legitima & materfamil.) vel quam mensa dignatus non est, atque cubili, nisi quandoque rei causa; quod notatur in cap. illud, de presumpt. Spectanda etiam est fama & opinio vicinorum, l. si vicinas, C. de nupt. & d. cap. illud, si in agnoscendis liberis constat spectari opinionem vicinorum, l. filium, de iis qui sunt sui, vel alieni iur. Solæ adfectio, quæ iis signis & argumentis deprehenditur, solus animus nuptias facit, nec quicquam amplius exigitur ad nuptias perficiendas, consummantur & implentur concubitu, adhibito ritu solemnī, vt olim sacrificio facto, vt scribit Vlpian. in lib. regul. & auspiciis aduocatis, vt hodie interueniente ιερωσύνη, la benedictione, qua etiam prima ecclesia vsa est, & deductione in domum mariti, consummatum & impletur hoc modo; perficiuntur solo consensu, vt emptio impletur traditione & numeratione, perficitur nudo, soloque consensu: & vt venditio, ita matrimonium quoque perficitur consensu collato in præsens tempus, non in futurum. quam in rem sunt comparata quasi formalia & τυπικά verba, accipis, accipio, aut iis similia, in cap. o. & pen. de sponsal. & matrim. & Lombardus 4. distinct. 27. & Thomas 3. quæst. 44. Hæc verba, volo, cupio, opto, vel quæ alia, quæ non sunt ad finia illis, accipio, accipis, non sunt idonea ad nuptias perficiendas, quia nec ad sponsalia constituenda, quod est notandum, quæ fieri debent his verbis: accipiam, accipies, d. cap. pen. capit. 3. 4. de spons. d. nœr. Quod

Respons. Papin.

A omne & catholica ecclesia probat.

#### Ad §. species.

*Species extra dotem à matre filia nomine viro tradita, filia, quæ præsens fuit, donatas, & ab ea viro tradita videri respondit, nec matrem offensam repetitionem habere, vel eas recte vindicare, quod vir cauisset extra dotem vsibus puellæ sibi traditas, cum ea significatione non modus donationis declaratur, nec ab usu proprietas separatur: sed peculium à dote puella distingueretur: indicem tamen æstimaturum, si mater iure contra filiam offensa, eas reuocare velit, & verecundia materna congruam, bonique viri arbitrio competentem ferre sententiam.*

**B** N secundo responso huius legis hæc proponitur species, Filia nubente mater marito eius extra dotem, eiusdem filia nomine, quæ præsens erat, tradidit res certas, veluti monilia quædam in honorem nuptiarum, vt addit Paulus §. Sentent. eod. tit. expressa ea sententia Papiniani, quæ proponitur initio huius responsi, filia scilicet eas res matrem donasse, & mox filiam marito eadem tradidisse videri. Species, inquit Paulus, extra dotem à matre præsentē filia genero tradita donationem perfecisse videntur. Quod, inquam, alij traditur meo nomine, ego accipere & mox alij tradere videor, l. 141. in fi. tit. seq. Sed in hac specie celeritate coniungendarum inter se actionum, id est, actuum duorum, vna actio occultatur & subripitur, vt ait l. 3. §. ult. sup. de don. int. vir. & vx. nimirum occultatur donatio & traditio earum rerum, quæ primum filia facta esse intelligitur: & mox easdem res à filia traditas fuisse marito: celeritate coniungendorum extremorum medium occultatur aut transcenditur, retransacta breui manu, vt nostri auctores loquuntur, vt Titus Liuius 32. Transcendo medio summis continuatis imis. neque enim possunt duo extrema esse sine medio, quod vel fingatur, vel intellectu apprehendatur, quod Philosophis notissimum est. Vt autem filia extra dotem eas res mater donasse videtur, quæ filia nomine tradidit marito eius præsentē filia; ita res quas parens suis nummis emit filia nomine, aut vir vxoris nomine, filia vel vxori donasse videtur, l. cum hic statutus §. 1. sup. de don. int. vir. & vxor. l. 1. C. de reuoc. don. l. filia cuius, C. fam. erisc. videlicet si eas ei tradidit, vt l. o. C. de donat. inter vir. & vxor. vel argumento huius responsi, si eas alij tradidit eius nomine ea præsentē. dixi, extra dotem matrem marito res tradidisse. ideo dixi, extra dotem, quia quod dotis causa filia nomine marito traditur, ei confestim acquiritur iure tituloque dotis. Quod autem extra dotem marito traditur puella nomine, soli puellæ acquiritur donationis titulo pleniore, & vindicari à filia potest, vel peti quandoque actione ad exhibendum, vindicandi causa, l. si ego, in fi. sup. de iur. dot. nisi id actum sit, vt in dominium mariti transeat, & quasi contracta fiducia, soluto matrimonio puellæ restituatur. Quo casu puellæ diuortio facto conditio earum rerum competit, non vindicatio, nec veniunt etiam hæc res in actionem de dote, d. l. si ego §. dotis. In qua ostenditur eas res, quæ sunt extra dotem in usu mulieris *μαρτράκια* appellari, & vt ait, Gallico vocabulo, *peculium mulieris*, quo etiam hodie Aquitani vtuntur. Gallico igitur vocabulo hoc loco Papin. vtitur, dum res extra dotem filia donatas à matre, peculium vocat filia. Illud maxime notandum est, quod efficiat præsentia filia; hoc enim efficit, vt filia mater donasse eas res, & filia viro tradidisse intelligatur, quas mater filia nomine tradidit viro, puta, dicendo, hæc tibi tradit filia mea. Qua ratione inuenio etiam alteri, qui modo præsens fuerit, nos stipulari vtiliter: quia ipse stipulatus est voce nostra, & ipsi promissum videtur, ac proinde vtilem ex stipulatu actionem habet, l. si procuratori, de verbor. oblig. Et quod dicitur, neminem vtiliter

LI



alteri stipulari posse, hoc ita dicitur, si ille alter absit, ut in l. 3. C. de cont. stipul. l. 3. C. de inutil. stip. non si praesto sit. Eodemque modo emptor, qui praesenti venditori denuntiavit, ut liti assistat, quae movetur emptori de proprietate rei emptae venditae, l. si ideo, in fi. sup. de evict. ut & formulae, quae auctor, id est, venditor laudatur, quando on le somme a garent: haec verba demonstrant, quando te in iure conspicio, postulo an auctor fias, si vous ne prenez point à garentaige, si tu veux estre garent. Fit ergo denuntiatio praesenti, facienda est praesenti in personam: la sommation de garent se doit faire à la personne du vendeur, ou à son procureur luy present. Sed satis videtur etiam denuntiare praesenti, qui denuntiat procuratori eius eo praesente, non si eo absente: si eo praesente, denuntiatio valet, perinde atque si in personam eius facta fuisset, l. si dictum §. si praesente, de evict. At persequamur speciem huius responsi, nondum enim expleta est. Mater parapherna filiae nomine genero tradidit, filiae ea donasse videtur, & innox filia tradidisse marito; cauit autem matri siue sociui gener, se ea parapherna accepisse in usus puellae. Post offenso animo matris, & alienato à filia, vult ipsa reuocare parapherna, quae tradidit marito, vult ea condicere aut vindicare hac ratione: quod ea tradiderit tantum in usus filiae & quasi commodauerit, ut & maritus cauit se ea accepisse vñbus puellae. Et Papin. ait, hanc rationem matris non esse idoneam, non esse masculinam his verbis, in usus filiae, non est impositus modus donationi, non est restricta donatio, puta, ut earum rerum filia domina non fieret, sed ut eis tantum vteretur quamdiu libuisset matri; imo dominium earum rerum videri translatum in filiam, nec his verbis fuisse separatum usum à proprietate, sed sub nomine usus etiam intelligi proprietatem, ut accidit etiam in specie l. ult. sup. de usufr. earum rer. quae usu consum. sed his verbis fuisse separatum peculium filiae, id est, parapherna à dote, quoniam parapherna sunt, quae extra dotem mulier in usu habet in domo mariti. Denique his verbis hoc actum est, ut à dote discernentur parapherna, non ut usus à proprietate. Hac igitur ratione non poterit mater reuocare donationem: sed non negat, quin possit eam reuocare ex causa ingratitudinis, si nata sit offensio matris ex filiae iniuria, & magna ingratitudine. Vetusissimum ius hoc est, ut donationes reuocentur ex causa ingratitudinis, quae modo probata sit iudici, ut l. pen. & ult. C. de reuoc. don. Et ita si mater iudici probauerit ingratitudinem filiae examinatis meritis filiae, Index, ut eleganter ait Papinianus, debet verecundiam maternam congruam, & boni viri arbitrio competentem ferre sententiam. Verecundiam maternam, dicit, ut verecundiam paternam l. filiusfamil. de castr. pecul. Quoniam vna & aequalis reuerentia omnibus parentibus seruanda est, l. 6. de in ius voc.

#### Ad §. pater qui filiae.

Pater qui filiae, quam habuit in potestate, mancipia donavit, & peculium emancipatae non ademit, ex post facto novationem videbatur perfecisse.

**D**onatio à patre collata in filiam familias, ipso iure non valet, & res donatas interim filiafamil. habet & tenet, non ut proprias, sed ut peculiares, quia donatio non valet: denique eas habet in peculium consentiente patre, verum ea donatio potest conualescere ex bono & aequo ex post facto, veluti filia emancipata, non adempto peculio, in quo sunt res donatae, quod etiam probat l. siue emancipatis, C. eod. tit. Constat etiam, eam donationem confirmari officio iudicis familiae eriscundae, si filia non emancipata, pater moriens in eadem voluntate perseverauerit, ut exposuimus in l. 1. huius libri 12.

#### Ad §. eiusmodi.

Eiusmodi lege deposita in aede arca, ut eam ipse solus, qui deposuit, tolleretur, aut post mortem domini Aelius Speratus, non videri celebratam donationem respondi.

**D**eposita est arca nummaria in aede sacra apud Aedituum vel sacerdotem templi, ut solere fieri ostendit l. si reus, de procurat. l. ait Prator, de minor. l. 4. in princ. de statulib. l. 1. §. si pecunia, in fi. depos. l. 1. §. si in autem, C. de commun. seru. manum. Solere fieri ἀσφαλείας χάριν, ut addit Dio Chrys. λόγῳ ῥοδίακῳ. deposita autem ea arca est à domino ea lege, ut sibi soli redderetur, vel post mortem suam Aelio Sperato; Quæritur, an videatur dominus eam arcam Sperato donasse mortis causa? Responderet, non videri donasse, quia nullum extat argumentum, nulla significatio donationis, aliter quam si Sperati nomine arcam deposuisset, serva hanc arcam Sperato, l. 6. C. de donat. in vir. & uxor. vel si instrumentum donationis in aede etiam deposuisset, quo significasset se post mortem suam velle arcam Sperato restitui, quo casu valeret donatio iure fideicommissi, l. cum pater §. donationis, de legat. 2. At neutrum horum intercessit in hac specie, sed lex tantum dicta est Aedituo depositario, ut non alium sinat arcam tollere quam se, vel Speratum post mortem suam. Speratus est adiectus solutionis gratia, non est donatarius: & si forte Aedituus ei, ut potest, etiam inuitis heredibus domini restituerit arcam, heredes domini eam à Sperato vindicabunt, quia non intelligitur ei esse donata. Ipse vero Speratus, cum sit adiectus solutionis gratia tantum, repetendae arcae in Aedituum nullam actionem habet, l. 10. de solutionib. neque dixeris habere utilem actionem depositi ex l. pen. C. ad exhib. quia ea l. pen. dat utilem actionem depositi ei, cuius res propria ab alio deposita est sub hac lege, ut ei restitueretur: haec arca, qua de agitur, non fuit Sperati. Neque etiam idem contendas ex l. Publica, in pr. sup. depos. quoniam ea lex de filio loquitur, non de extraneo, qualis fuit Speratus. Et species haec est; Mulier cum proficisceretur ad maritum, deposuit arcam clausam apud amicum ea lege, ut eam sibi redderet, vel post mortem suam filio suo ex alio marito: muliere defuncta intestata, secundo marito nulla dabitur actio repetendae arcae nomine, sed dabitur filio eius: nec enim est novum, ut per parentes filiis etiam parentur utiles actiones, ut satisfiat affectioni summæ parentum. Igitur is solus filius, qui nominatus est, repetet arcam utili depositi; solus, inquam, non coheredes eius, si plures fuerint filij, qui matri intestatae heredes existerint ex Senatusconsulto Orfit. Quod non ita in extraneo, veluti in Sperato, procedit.

#### Ad §. ultimum.

Rata donationes esse non possunt post crimen perduellionis contractum: cum heredem quoque teneat, etsi nondum postulatus vita decesserit.

**P**ertinet hic §. ad id, quod definitur in l. post contractum, sup. hoc tit. quae est valde celebris inter nostros. quod, inquam, ita definitur in ea lege, est ex constitutione Seueri & Antonini, cuius etiam sit mentio in l. ex iudiciorum, D. de accus. l. ult. C. ad l. Iul. in aet. Et ex qua etiam constitutione sumpta est sententia huius §. Post contractum capitale crimen, donationes factas ab eo, qui crimen contraxit, non valere, si donatoris condemnatio sequuta sit, non valere, habent Pandectae Florentinae recte: sed non recte, nisi condemnatio secuta sit, cum sit scribendum, si condemnatio sequuta sit, non nisi: nam vel affirmatè legendum est, valere, nisi condemnatio



sequuta sit, vel ut in Basil. non valere si condemnatio sequuta sit, quod est rectius. Et in ea constitutione crimen capitale accipere oportet non stricte, ut in *l. transigere, C. de transact. l. ult. C. si reus, vel accus. mort. fuer.* Pro crimine, quod irrogat poenam sanguinis, siue ultimum supplicium, sed etiam pro crimine, cuius poena est exilium vel seruitus poenae, & publicatio bonorum omnium, ut *l. 2. D. de public. iud.* Certissima autem illa definitio est, donationes inter viuos factas post contractum capitale crimen non valere, & reuocari a fisco, si postea ex causa eius criminis donator condemnatus sit. dico, post contractum capitale crimen, post reatum. id est, postquam iudicio reus postulatus est: nam et si, cum nondum reus postulatus esset, is, qui crimen admisit, donationem fecerit, donatio non valet, & reuocatur a fisco, si postea reus postulatus, reus factus & condemnatus sit. quia donasse praesumitur suspitione reatus futuri, poenaeque futurae, & in fraudem fisci. Ante contractum capitale crimen donationes factae inter viuos valent, quia factae sunt sine suspitione poenae ab innocente, & citra fraudem fisci, *l. 7. tit. seq. l. cum hic status §. si maritus uxori, sup. de donat. inter vir. & ux. l. res uxori, C. eod. tit.* illo locutione tempus criminis. & in *l. 9. §. 1. C. de bon. proscript.* in simili loco: ante tempus criminis & reatus. quae verba in vtraque lege desumpta sunt ex *l. 1. C. Theod. de bon. proscript.* Ergo ante crimen factae donationes omnimodo valent. Et hoc maxime distant donationes inter viuos a donationibus causa mortis: nam donationes causa mortis, etiam si factae sint ante contractum capitale crimen, secuto crimine & damnato donatore non valent, quia donationes causa mortis legatis comparantur: & constat legata capitis damnato testatore irrita fieri, *d. l. 7. tit. seq. vbi Accurs.* recte a donationibus causa mortis excipit donationem, quae eis similima est, a viro collatam in uxorem, quia etiam si ea donatio a viro collata in uxorem donationi causa mortis cōparetur, propterea quod donatoris morte sequuta demum completur & confirmatur. quae ab initio non valet, *l. 1. 2. C. ad leg. Falcid. d. l. cum hic status §. 1.* placet tamen Constantino, eam donationem, quam vir contulit in uxorem, non fieri irritam (hoc primus voluit Constantinus) marito ex poena mortuo aut facto seruo poenae, *d. l. res uxoris, d. l. 9. C. de bon. proscript.* si modo vxor vidua permanferit: hoc enim vxori dat Constantinus pro praemio pudicitiae, ut ait. Ergo idem non est dicendum e contrario, si vxor viro donauerit, quod vxor ultimo supplicio postea, aut in metallum damnata fuerit: res enim viro donatas, quasi iure communi irrita facta donatione per damnationem vxoris, per capitis damnationem, viro fiscus aufert, qui & caetera bona aufert vxori, quia hoc casu, quum vxor donauit viro, iuri communi nominatim derogatum est: nec viduitatis in mare tanta sunt praemia, quanta in foemina, quod maxime notandum est. Notandum etiam est supradictae constitutioni Seueri & Antonini locum esse non tantum si per donationem, sed etiam, si quocunque alio modo post contractum capitale crimen res alienatae sint in fraudem fisci, *l. in fraudem, in prin. de iure fisci. l. ult. C. ad leg. Iul. maiest. & d. l. ex indiciorum, inf. de accusat.* vbi alienationibus iunguntur etiam manumissiones seruorum; quia idem ius est & in manumissionibus factis post contractum capitale crimen, ut non valeant, non competant libertates, si condemnatio secuta sit. Denique idem ius est in alienationibus & in manumissionibus: separatio tamen nominum, quae fit in *d. l. ex indiciorum, & in d. l. ult.* atque etiam in *l. prospexit, inf. qui & a qu. b. man. l. b non fiant & in l. ult. §. sed quia, C. communia de leg.* demonstrat, manumissiones alienationes omnino non esse, quia scilicet, qui manumittuntur non transeunt in dominium alterius. quatenus tamen manumissi dominio nostro abeunt, recte manumissio comparatur alienationi supradictis locis, & in *l. alieno*

Respons. Papin.

A §. si fideicommissum, inf. de fideicommiss. libertat. l. ult. C. de reb. alien. non alien. Et tamen in emancipationibus liberorum, quae fiunt post contractum capitale crimen, idem ius non est, quod in manumissionibus seruorum: valent enim emancipationes, quasi studio & adfectu liberorum factae neglectis bonis, quae per eos adquiri possent, non fraudandi fisci causa. *l. cum quidam, D. de iure fisci.* & ita explicanda est *l. post contractum.* Male Accursius & alij omnes, excepto Odofredo accipiunt *d. l. post contractum*, siue constitutionem Seueri & Antonini, ut post contractum capitale crimen, donationes factae ante damnationem valeant, etiam si postea damnatio secuta sit; & ut ea tantum non valeant, quae fiunt post damnationem. Quae interpretatio inepta & vitiosissima est, quia nec verba *l. post contractum*, nec lex *ex indiciorum*, nec *l. ult. C. ad l. Iul. maiest.* quae congruunt inuicem, hunc sensum admittunt. Et si hic fuisset sensus Imperatorum, non dixissent frustra, post contractum capitale crimen, sed, post damnationem. Ac praeterea donationes factae post damnationem, ut non valeant. Hoc vero constitutio illa Imperatorum primum non efficit, sed ius vetustissimum hoc est, ut sententia & damnatio statim vires suas exerat, & praecupet poenae executionem, mortem, seruitutem, publicationem bonorum *l. quod ad statum, l. qui ultimo, inf. de poen.* hoc non obtinuit, sed constitutio effecit, ut & ante damnationem post contractum capitale crimen donationes factae inter viuos non valerent, si postea damnatio sequeretur. Et ita solus Odofredus eam constitutionem accepit recte; nihil est euidentius. Addamus constitutioni huic locum esse in omni crimine capitali, etiam perduellionis: nam post contractum crimen perduellionis, donationes factae etiam non valent, si condemnatio sequuta sit ex eadem constitutione supradicta *d. l. ex indiciorum, l. ult. C. ad l. Iul. maiest.* Sed hoc in crimine perduellionis speciale est, quod accusatio memoriae & condemnatio sequi potest post mortem eius, qui crimen perduellionis contraxit, quae si sequatur etiam post mortem, donationes ab eo ante reatum & damnationem factae post contractum crimen perduellionis irritae sunt, quae est sententia huius §. *ult.* Et heredibus, qui crimen perduellionis, quo arguitur defuncti memoria, non purgaerint, hereditatem aufert fiscus, *l. ult. inf. ad l. Iul. maiest. l. 4. C. de heretic.* Crimen perduellionis heredes tenet. Itemque crimen repetundarum, & peculatus residuorum. & si qua sint similia crimina, quae pecuniae ablatae perfectionem habeant, *d. l. ex indiciorum.* non quidem, quod notandum, ut memoria damnetur defuncti ex crimine repetundarum, vel simili, quae damnatur tantum ex causa perduellionis, sed tantum ut & post mortem eius, qui in ea crimina incidit, exigantur pecuniae ablatae, aut poenae pecuniariae. Alia autem crimina nullo modo heredes tenent mortuo eo, qui ea admisit ante damnationem. Est etiam hoc speciale in crimine perduellionis, quod emancipationes liberorum a perduelle factae post contractum illud crimen non valent, si accusatio & condemnatio sequuta sit viuo eo, vel post mortem eius, nihil refert, *l. qui quis §. emancipationes, C. ad l. Iul. maiest.* quae tamen emancipationes valent, si factae sint post contractum aliud crimen, ut dixi ante. At quaero, quid sit dicendum, si donationes factae sint ante contractum crimen perduellionis? Et quia Papinianus ait hoc loco: post contractum crimen perduellionis, ex contrario significat factas ante crimen esse ratas. Idemque demonstrat *d. l. cum hic status §. si maritus uxori*, qui §. est de donationibus factis ante crimen perduellionis, vel antequam donator sibi mortem conscisceret ob conscientiam sceleris cuiusdam, quas si vir alij, quam vxori fecerit inter viuos, valent, non si mortis causa, quia damnatione irritae fiunt donationes mortis causa, sicut legata, ut dixi supra. Et dannatur & que post mortem, qui sibi turpiter

L l ij



mortem confeiuit ductus conscientia sceleris antea acti, & qui quid commisit contra Rempubl. vel contra maiestatem ipsius Principis. Recte enim alia scelera siue crimina dicuntur extingui mortalitate in *l. ult. inf. ad l. Iul. maiest.* Mortalitate nomine significata morte, quam fors & conditio humana adfert, & mortalis hominum natura. Nam morte sibi adscita nullum crimen extinguitur. At ut ostenditur in *d. §. si maritus uxori* si vir donationem fecerit uxori quasi inter viuos ante contractum crimen perduellionis, vel antequam mortem sibi adscisceret, donatio non valet, quia instar obtinet donationis causa mortis, cum morte tantum donatoris confirmetur; instar obtinet donationis causa mortis siue legati, ac proinde damnatione irrita fit. Ac postremo hoc est etiam speciale in crimine perduellionis, quod post contractum crimen perduellionis, nec ante nec post reatum, id est, post accusationem, perduelli debitor eius soluit recte, *l. ult. C. ad leg. Iul. maiest.* aut iure ei soluisse non intelligitur, si vel post mortem memoria eius damnata sit, & interdictum posteris nomen. Et tamen post contractum aliud crimen capitale: imo & post reatum reo debitor bona fide soluit recte, *l. auferitur §. in reatu, D. de iure fisci.* Alioquin plerique innocentium, id est, qui postea declarabuntur innocentes, & absoluentur, interim necessario sumptu egerent, si suum quod est, non possent recipere iure à suis debitoribus, *l. reo, inf. de solut.* Et hic est finis quaestionis.

#### Ad l. 36. de liber. caus.

*Dominus qui obtinuit, si velit seruum suum abducere, litis aestimationem pro eo accipere non cogetur.*

**H**aec sententia apertissima est: si dominus seruum suum esse petierit liberali iudicio, qui erat in possessione libertatis, & vicerit eum, statim veluti manu in eum iniecta seruum abducere posse, nec cogi pro eo oblatam litis aestimationem accipere, id est, non cogi eum vendere: litis aestimatio est similis venditionis emptioni, *l. 3. pro empt. l. ult. quib. ex caus. in poss. eatur. l. si propter, rer. amot.* Alio iure est is, cui seruus noxae deditus est sententia iudicis, qui quidem postquam deditus est seruus, eum ducere & iure dominij retinere non potest, si seruus corrasa pecunia, & quaesita ei offerat aestimationem damni, quia oblata aestimatione damni, siue noxae quam ei seruus fecit, etiam inuito eo liber fit auxilio praetoris, *§. 1. Instit. de noxal. act.* quia & non sua sponte factus est dominus serui deditio, sed magis necessitate quadam noxalis iudicij, qui desiderabat tantum sibi damnum, siue noxae aestimationem praestari, non seruum. Qua ratione etiam eleganter Graeci vtuntur in *l. 8. inf. sup. de noxal. action.* Si seruus communis plurium L. Titio damnum dederit, & Lucius Titius velit agere noxali actione cum vno ex dominis serui, is, quem elegit, si velit evitare actionem noxalem, quae in eum daretur in solidum, debet ante litem contestatam Lucio Titio cedere partem, quam habet in seruo: atque ita desinet teneri noxali actione, quia desinit esse dominus: ac praeterea Lucius Titius etiam aduersus ceteros dominos amittet noxalem actionem, quia socius in socium nunquam agit noxali actione: & Lucius Titius factus est socius ceterorum, adquisita in seruum parte dominij: non habet etiam Lucius Titius in socios actionem communi diuidendo, ut scilicet pro partibus suis damnum faciant, quoniam damnum quod dedit seruus, siue maleficium serui antiquius est communione, & ideo non venit in causam communionis. Verum *d. l. 8. concludit*, aequius esse Lucio Titio dari actionem communi diuidendo, ut pro rata partium sociorum suorum, si damnum praestetur, quod intulit seruus. Et ratio red-

**A**ditur à Graecis elegantissima, aequum esse dari ei communi diuidendo, quia non tam factus est dominus sua sponte, quam necessitate iudicij noxalis, *ἐπὶ ἐξ ἐκείνης, ἀλλ' ἀνάγκη τῆς νοξάλιας*, non quaesuit dominum serui sua sponte, sed ex natura iudicij noxalis: at qui dominum serui vindicauit, adserens se esse dominum, & obtinuit, non ideo prohibetur seruum abducere quod pro eo offeratur aestimatio, ut illo loco proponitur: & longe est alia ratio huius atque illius. Et ita vero legatarius cui homo, vel res certa legata est, non cogitur pro ea oblatam aestimationem accipere ab herede, nisi ex iusta causa, sed destitute agit, ut sibi ea res ipsa praestetur, quae legata est, *l. si domus §. qui confitetur, Et seq. de legat. 1.* Ac similiter is, qui rem emit, non cogitur pro ea accipere aestimationem, vel quanti sua interest, sed venditor praecise cogitur ei rem tradere, si eius tradenda facultatem habeat: nam & donationem perfectam nuda conuentione ex constitutione Iustiniani, ipse Iustinianus ait, in se habere necessitatem traditionis, quae necessitas, ne quis cauetur, est simplex & absoluta, id est, sine exceptione, sine adiunctione. Id vero de donatione est in *§. alia, Institut. de donat.* Et quod ait *l. contractus, C. de fide instrum.* venditori impositam esse necessitatem contractum perficere, id est, rem tradere, & implere contractum, vel id, inquit, quod interest emptoris persolvere; ibi vel, non facit exceptionem vel adiunctionem. adiunctio exceptio est, quae fit hoc modo: *neceffe est te dedas hostibus, si non vis fame perire; vel, nisi manuis fame perire.* Et ita si dixisset, *neceffe est venditori rem tradere, si nolit praestare id, quod interest, vel, ni malit praestare id, quod interest*, sane non esset simplex necessitas & absoluta, sed cum exceptione; at quum dicitur, *neceffe esse venditori rem tradere, vel praestare id, quod interest*, ostenditur, alterutrum esse necesse simpliciter & absolute prout emptor elegerit, & res tulerit. Et ita nominatum Paulus 1. Sentent. si id, quod emptum est, inquit, *neque tradatur, neque mancipetur, venditor cogi potest, ut tradat, vel mancipet.* Placet valde quod ait *l. ult. C. de fideicommiss. libert.* stultum esse iudicem, qui damnat in aestimationem eum, qui rei restituendae facultatem habet, quae de agitur. Neque huic sententiae, quae communis est, repugnat quod ait *l. 1. in princ. de action. empt.* si res vendita non tradatur, agi ex empto, quanti rem habere emptoris interest; nam quod statim subiicit; *interdum pluris interesse, quam res valeat vel empti sit*; sane ostendit hoc casu praecipue emptorem, si sapit acturum in id, quod interest, quod pluris est, alioquin si minoris interest, sane acturum praecise ut venditor cogi potest, cuius tradendae potestatem habet, & ita ea lex explicanda est. His exceptis ex aduerso opponuntur duo alia exempla contraria, vnum ex *l. 13. §. ult. de re indic.* alterum ex *l. non cogendum §. 1. de procurat.* Dicamus primum de *l. 13. §. ult.* in ea ait, eum qui promissit damni infecti, verbi gratia, puta prohibere se, ne in ea re damnum stipulator patiat, prohibere se, ne quod ex ruina, aut vitio aedium, quod aedes faciunt, vel minantur, damnum stipulator patiat, si non faciat quod promissit, si non prohibeat, non accuret, in pecuniam numeratam condemnari, id est, in id, quod interest, ut *l. stipulationes 72. de verb. oblig.* nec cogi praecise facere quod promissit. Et ita seruari ait in omnibus faciendi obligationibus, ut promissor si defecerit in faciendo, damnetur in id, quod interest: sed hoc ideo, quia integrum promissori non est facere, quod promissit damno iam illato stipulatori, lapsu aedium forte: at re integra sane ad faciendum compelli potest, si hoc malit stipulator: sicut heres ad praestandam rem legatam compelli potest, nec liberatur offerendo litis aestimationem inuito legatario, quia aliud pro alio solui non potest inuito creditori, *l. 2. §. mutui, de rebus credit.* Praestare facere est, *l. si fundum certo*



die, de verb. oblig. Et sic heres iussus facere opus Reipubl. non liberatur offerendo pecuniam Reipubl. ut ipsa faciat, l. 11. §. ult. de delegat. 3. Ac similiter donator, ut ante diximus, & venditor rem donatam aut venditam tradere coguntur. His addatur etiam dominus, qui rem concessit in feudum, præcise eam tradere cogitur. Et ut nominatim scriptum est in 4. Feud. tit. 15. dominus feudi non liberatur præstando id, quod interest. Denique quicumque rem debet, non liberatur offerendo rei pretium, alioquin aperta erit via pœnitundini & perfidiæ post contractum perfectum cuiusque volenti ab eo recedere inuito altero, si detur potestas offerendæ pecuniæ pro re debita. Nec verum est, quod quidam dicunt, incivile esse ad faciendum cogi eum, qui paratus est subire litis æstimationem. Quæso, an est incivile suū exigere, atque etiam efflagitare? Quis hoc dicat? & pœperam in id adducunt l. nec temere, C. de iure deliber. quæ ait, neminem cogi emere, aut donatum accipere, aut hereditatem adire. sic sane, quia in hoc obligatus non est. Cæterum si obligatus esset, sane cogeretur, nec posset frangere fidem contractus. Et observandum est in leg. 11. 12. & 13. de re indic. proponi quatuor casus, quibus alia re, vel causa in obligationem deducta, sit condemnatio in id, quod interest. Primi casus ratio hæc est, quia ad diem fieri aliquid convenerat, & factum eo die non est, quod alio die fieri mihi stipulatori inutile est. Idcirco damnatur reus in id, quod interest, l. 11. Secundi casus ratio hæc est; quia rei debitæ restituendæ facultatem debitor non habet, d. l. 12. Tertijs casus ratio hæc est; quia quum quis promissit satisfacere, & fideiussorem dare, nihil in satisfactionis promissione aliud venire potest, quam quod interest stipulatoris, ex sententia Proculi, l. 112. & l. seq. §. ult. de verb. oblig. Quia plerumque difficilis ac molesta, ac pene impossibilis est præstatio satisfactionis, l. omnes præterea, C. de episc. & cler. & l. 6. sup. si cui plusqu. per leg. Falci. Et hic tertius casus proponitur in d. l. 13. in princip. id est, in parte 1. Quartus casus proponitur in parte 2. in §. ult. Is nempe quem exposui ante, cuius ratio hæc est, quia res non est integra, ut prohibeat quis & arceat damnum, quod datum iam est, quod erat in obligationem deductum, idcirco necessario recurritur ad æstimationem pecuniariam. Contextus autem illius §. ult. d. l. 13. valde depravatus ita restituendus est: *si quis promiserit prohibere se, ne quod damnum ex ea re stipulator patiat, & faciat, id est, prohibeat, facit quod promissit, &c.* quæ initio aliter erant proposita, nempe hoc modo, *si quis promiserit prohibere se: ut aliquod damnum stipulator patiat, & faciat, quoniam non est scribendum, ut aliquod damnum stipulator patiat, sed scribendum est, ne quod ex ea re damnum stipulator patiat, addito semicyclo, siue virgula, & faciat, facit quod promissit: sin minus, quia non facit quod promissit, in pecuniam numeratam condemnatur.* Idque glossema, quod insertum est eo loco in Pandectis Florentinis aperte demonstrat his verbis: *ita habeatur.* Proponuntur duæ lectiones in hoc §. Prior falsa est: posterior vera, quod glossema probat, dum ait, *ita habeatur, hoc est, ita legatur: ne quod ex ea re damnum stipulator patiat, &c.* cui simile glossema observaui apud Arnobium 3. contragentes; *Si tempus, inquit, significatur hoc nomine Græcorum ut interpretes autumant, quod χρόνος est, illud χρόνος oportet scribere Latino caractere. habeatur, χρόνος caractere Græco. nullu est Saturni nomen, inquit. Illud, habeatur χρόνος, Græco caractere, quod ita scriptum legi in Bibliotheca regia glossema est, quo emendatur superior scriptura Latini characteris. Quod idem sepe efficit in libris Varronis, de re rustica, quæ sæpe inserta est & intexta in manuscriptis litera L. ut Victorius testatur, & legi in eadem Bibliotheca, in qua litera interpretanda multi laborant. Admonemur, ut legamus eo modo, non alio:*

A nam litera illa L. significat, legatur. Et hæc de dictal. 13. §. ult. Restat tantum lex non cogendum, §. 1. de proc. quæ ait, procuratorem qui cauit iudicatum solui, quæ cautio, ut scitis, tres clausulas habet, de iudicato faciundo, de re defendenda, & de dolo malo, l. 6. indicat. solui. eum, inquam, non cogi præcise iudicium accipere & rem defendere, ex Sabini sententia. Sed si iudicium accipere detrectet, agi posse ex clausula, siue ex stipulatione de re defendenda, & in eo iudicio æstimari, iusta fuerit necne causa recusandi iudicij, ut si iusta fuerit, reus absoluat, quia non simpliciter promissit rem defendere, sed arbitrio boni viri: & boni viri arbitrio congruum est, ut inuitus rem non defendat, qui iustas causas excusationis adfert. Atque ita hoc casu, nec cogitur iudicium accipere, nec stipulatio ob rem non defensam commissa esse intelligitur, ut l. vir bonus, ind. solui. Sin autem iniusta causa fuerit recusandi iudicij, non cogitur quidem præcise iudicium accipere, sed condemnatur, quanti ea res est ex stipulatione iudicatum solui. Dico autem hoc Sabinum non scripsisse de quocunque procuratore siue defensore, sed de eo tantum, qui non cogitur defendere, ut patet ex l. mutus §. qui non cogitur, de proc. cui coheret dictal. non cogendum. Quis vero non cogitur defendere? Is qui non egit alieno nomine, is qui non prouocat alium alieno nomine ad iudicium. ego non cogor te defendere, si quis tecum agat, si non ago cum eo tuo nomine, si quam fidem suscepi, eam impellere debeo: fidem autem aut defensionem absentis inuitus suscipere non cogor, si non ago eius nomine, l. inuitus, C. eod. tit. Et si forte caueo iudicatum solui, Labeo quidem existimauit, me præcise compelli posse ad defendendum, & iudicium accipiendum, nisi si qua causa mihi iusta esset recusandi iudicij, & tractu temporis res actoris non esset peritura, ut quia temporalis actio non esset, quam inter sit actoris vel contestari tantum cum defensore præscriptionis interrumpendæ gratia. Verior tamen est Sabini sententia, ut etiam si caueo iudicatum solui, non cogar iudicium accipere & reū defendere, id est, litem contestari, sed agi tantum mecum possit ex stipulatione ob rem non defensam. Et ratio Sabini hæc fuit; quia edicto prætoris expressum non est, ut ille, qui non cogitur defendere, etiam si cauerit iudicatum solui, iudicium accipere compellatur. Verum aliud dicendum est in eo, qui cogitur defendere absentem, puta, in eo, qui agit absentis nomine. Nam si is quo cum agit absentis nomine, inuicem etiam cum eo absentis nomine agere velit, & mutua petitiones sint, sane edicto Prætoris expressum est in l. seruus §. ait prætor, eod. tit. cum cogi defendere absentem, alioquin non admitti ad agendum, l. mutus §. pona, eod. tit. l. actionem, C. eod. tit. l. 1. sup. de nomi oper. nuntiat. Defendere autem ille non videtur, nisi caueat iudicatum solui, secundum quam cautionem a Prætoribus postulante aduersario, cui cauit, districtè compelli potest ad iudicium accipiendum, litem contestandam, rem defendendam, etiam si paratus sit ex stipulatione iudicatum solui, subire litis æstimationem, & præstare quanti ea res est, nisi iustam causam habeat iudicij recusandi, aut iusta ex causa remoueat a domino, quæ est sententia legis sed & ha §. pen. eod. tit. quæ videbatur pugnare cum d. l. non cogendum. Verum addamus etiam eum, qui datus est procurator ad litem defendendam, si dominus pro sciente & consentiente, id est non contradicente cauerit iudicatum solui, sane, ut etiam est edicto expressum in l. 8. §. ult. eod. tit. eum, inquam, cogi præcise iudicium accipere cum illa exceptione, nisi iustam causam habeat recusandi iudicij, quales multæ proponuntur in d. l. 8. §. ult. & aliquot legibus sequentibus, quæ tamen etsi iustæ sint causæ, nullius momenti sunt, quum aliqua est captio actoris propter temporis tractum; quoniam hoc casu, etiam si iustam causam habeat ces-



fandi, omnimodo cogitur iudicium accipere, ne actio pereat actori, *l. 12. eod. tit.* Quod exemplum Labeo sequebatur etiam in eo defensore, pro quo sciens dominus non cauit iudicatum solui, sed defensor ipsemet, de quo, quod nihil esset edicto comprehensum, ideo reprehensus Labeone Sabinus, qui fuit diuersæ scholæ, sensit, nullas esse partes prætoris ad compellendum eum rem defendere abscisse. Vnde apparet, non de quolibet defensore Sabinum loqui. Illud tamen addi oportet, cum quoque defensorem, pro quo nesciente dominus cauit iudicatum solui, proculdubio nec compelli iudicium accipere, nec agi cum eo posse vlla actione, quia nihil cauit, neque ipse, neque dominus ipso sciens, sed dominus, qui cauit eo nesciente & detrectante defensionem, ex ea cautione conueniri potest, vel fideiussor eius, *l. 14. eod. tit.*

Ad l. 4. de separat.

*Creditoribus, qui ex die, vel sub conditione debentur, & propter hoc nondum pecuniam petere possunt, æque separatio dabitur, quoniam & ipsis cautione communi consulitur. Legatarios autem in ea tantum parte, quæ de bonis seruari potuit, habere pignoris causam conuenit.*

Sciendum est, edicto prætoris proposito in hoc titulo promitti beneficium separationis bonorum postulantibus creditoribus defuncti intra quinquennium ab aditione hereditatis, ut in *l. 1. §. quod dicitur, hoc tit.* videlicet, si heres soluendo non sit, & futurum sit, ut patiatur possessionem & venditionem bonorum. Quo beneficio causa cognita, ut oportet, à prætore concessio, creditores hereditarij separantur à creditoribus heredis, & bona hereditaria à bonis heredis, & in bonis hereditariis creditores hereditarij, id est, creditores defuncti, potiores & soli sunt, ut nec ea attingere possint creditores heredis, nisi si quid adimpletis creditoribus hereditariis, superfuerit ex bonis defuncti, *d. l. 1. §. item sciendum, hoc tit.* Sed creditores heredis in suum debitum habent bona heredis, in quorum possessionem herede non soluente etiam mittuntur soli, submotis creditoribus defuncti. Creditores autem defuncti mittuntur in possessionem bonorum hereditariorum, crediti sui seruandi causa, ut pro pignore ea habeant. quod pignus prætorium dicitur, quia ex ordine & edicto prætoris constituitur. Atque ita fit dato beneficio separationis bonorum defuncti & heredis, ut vnum patrimonium, quod scilicet aditio hereditatis genere quodam fecerat vnum, quasi diuidatur in duo, & ut vna persona, quæ fingitur esse heredis & defuncti, quasi diuidatur in duas: hic est effectus separationis. Inter creditores autem hereditarios siue defuncti connumerantur etiam legatarij, quamuis à defuncto eis deberi non incipiat, sed ab herede. Nam & legatarij, quotiens heres non est soluendo, possunt impetrare separationem bonorum, *l. pen. hoc tit.* Eoque referri potest, quod ait *l. hereditariarum, inf. de obligat. & act.* hereditariarum actionum loco haberi actiones legatorum, quamuis ab herede incipiant: non in omnibus causis scilicet, sed in causa separationis bonorum, ut æque eam impetrent causa cognita legatarij, atque creditores defuncti. Docet autem Papinianus hoc loco, etiam hoc beneficium siue commodum separationis dari creditoribus hereditariis, quibus debetur ex die, vel sub conditione, licet nondum pecuniam petere possint. non ergo tantum creditoribus hereditariis, quibus præsentī die debetur, sed etiam iis, quib. ex die, vel ex conditione debetur. ergo & iis, quib. legatum est ex die vel sub conditione. Nam, ut diximus, in causa separationis bonorum legatarij connumerantur creditoribus hereditariis, aut loco eorum habentur. Et rationem hanc subiicit Papi-

quia iis creditoribus, quibus debetur ex die, vel sub conditione communi cautione consulitur, quotiens scilicet heres soluendo non est: nam hic est casus, qui tractatur in hoc tit. Quoniam, inquit, & ipsis cautione communi consulitur. Quid vocat cautionem communem? vel cautio communis hoc loco accipitur pro prætorio pignore, quod constituit missio in possessionem, vel pro satisfactione de soluendo debito, cum dies venerit, aut conditio extiterit, vel pro utroque remedio per consequentias, id est, vno trahente aliud, & consequente. Ac primum quidem in *l. 6. sup. quib. ex caus. in poss.* Paulus ait, creditores conditionales in possessionem bonorum debitoris mitti solere, quo genere pignus prætorium constituitur, ut dixi, *l. missio, pro empt.* Et vel vno qualicunque creditore missio in possessionem, ea missio siue cautio pignus est, cautionis species, & longe melior cautio, quam cautio personalis, *l. 25. de regul. iur.* Ea, inquam, missio siue cautio pignoris omnibus creditoribus prodest, vel vno tantum missio in bona etiam conditionalibus creditoribus, qui in rem fit, & generaliter non in personam, ut *l. cum vnus, sup. tit. prox.* Qua de causa Greci eam missionem vocant, τὴν κατὰ τὸν νόμον τῶν δανεισῶν, id est, generalem possessionem creditorum. Et eadem ratione hoc loco videtur appellari cautio communis, quod innuit etiam id, quod paulo post in *h. l.* Papin. quum de legatariis loquitur, eam cautionem communem pignoris causam vocare videtur, pignoris prætorij scilicet, non pignoris, quasi ex tacita conuentione, quod Iusti. dedit legatariis in cæteris reb. hereditariis, *l. 1. C. comm. de leg.* Quod tamen Accurs. sensit, quum in ea verba, pignoris causam, hoc loco appinxit *l. 1. male*, quia Iustinianus palam profitemur, se primum esse auctorem dandæ legatariis tacitæ hypothecæ, tacitæ pignoris inuicem conuenti, ut plane Accursio sit necesse longe à vicinia veritatis errare. At quod dicimus etiam cautionem communem hoc loco Papinianum accipere videri pro prætorio pignore, etiam à vero videtur errare, quia creditores conditionales vel in diem: dehinc quum dicam, creditores conditionales, idem existimate me dicere de iis, quibus debetur in diem. Creditores igitur conditionales idem Paulus, qui scripsit in possessionem mitti solere, *d. l. 6. ait in l. pen. eod.* in possessionem non mitti. Quod sic velum componi & accipi, ut conditionales creditores non mittantur in possessionem cum effectu, quia nec possunt bona ex edicto vendere, antequam dies vel conditio venerit *d. l. pen. l. Fulcinius §. si in diem, eod. tit.* nec si à debitore prohibeantur venire in possessionem ex decreto Prætoris, in eum habent interdictum restitutorium, de quo in *tit. ne vis fiat ei, qui in poss. missus est*, vel actionem quanti ea res est, quam habent ij. quibus præsentī die debetur, si non admittantur ad possessionem, si prohibeantur ingredi possessionem: de qua potissimum actione est *d. l. pen.* nec possunt etiam creditores conditionales interim desiderare caueri sibi de restituendo debito, cum dies venerit aut conditio extiterit. Hoc enim tantum permittitur officio iudicis in iudiciis bonæ fidei, etiam si non alia causa sublit, quæ urgeat, exigendæ cautionis, *l. in omnibus, sup. de iudic.* Sed in hoc prouidentia est, quod possit interim labi facultatibus, *l. quotiens §. si semel, de pecul. l. si constante §. quotiens, sol. matrim. l. quod si in diem, de petit. heredit. l. Seia, de mortis caus. domat.* non tantum in iudiciis bonæ fidei officio iudicis, sed etiam in legatis vel fideicommissis ex die vel sub conditione relictis, de quibus caueri interim sibi recte desiderant legatarij ex edicto prætoris, non officio iudicis: ex edicto prætoris, inquam, proposito tuendarum supremarum voluntatum gratia. Eaque cautio legatorum, quæ legatariis ex edicto præstat, cautio vulgaris dicitur in *l. filius famil §. Dini, de leg. 1.* id est, cautio communis, vltata & ordinaria, eadem forma,

B

C

D

E



qua cautio iudicatum solui dicitur cautio siue satisfactio communis in *l. pen. quæ est Greca, de procurat. xxiij. in d. c. na*, solita satisfactio in *l. Pomponius §. sed etsi quis, sup. de procurator*. Quæ una est differentia inter creditores & legatarios, quoniam his cauetur interim, non illis. Et ex ea differentia pendet etiam & proficiscitur altera: quia legatarij conditionales, si eis non caueat heres, effectu mittuntur in possessionem bonorum, ut si res exegerit, etiam bona vendantur. Creditores autem, quum eis interim caueri non oporteat pro soluendo debito, non est consentaneum non cauente debitore, quasi debitoris contumaciæ coercendæ causa, quæ nulla est, mitti in possessionem bonorum. Solent mitti, ut ait *d. lex 6. mos hic est*, non ius, quia frustra mittuntur, cum & non admitti impune possint, & sequi venditio non possit, antequam conditio extiterit. Vnus tamen casus est, quo non frustra mittuntur in possessionem pendente conditione: hic casus tractatur in hoc titulo: si heres debitoris soluendo non sit, si suspectus sit conditionalibus creditoribus. & aliis omnibus: hoc enim casu ex edicto prætoris pro soluendo debito, etiam conditionalibus creditoribus cauere heres debet, ex edicto, inquam, prætoris in hunc casum composito, de quo in *l. si creditores, sup. tit. prox.* Aut, ut ibidem ostenditur, si heres cauere recuset, pignus prætorium constituitur cum effectu, missis creditoribus in possessionem bonorum hereditariorum. Ac postea ex ordine distractis bonis, atque in hanc rem & finem, ut ostendit hoc loco Papinianus, separatio bonorum postulat, ut separatim fiat missio, separatim venditio: Quia hoc casu, id est, quum heredis bona soluendo non sunt, etiam conditionalibus creditoribus ait, nedum præsentibus, communi cautione consulitur, id est, cautione soluendæ pecuniæ sua die, qua non præstita consequatur prætorium pignus, ex *d. l. si creditores*. Sed & hoc casu alia differentia existit inter creditores & legatarios, quam hoc loco Papinianus indicare voluit. Differentia hæc est: creditores defuncti bona, quæ separauerunt beneficio Prætoris possident vniuersa, atque distrahunt in solidum debitum; legatarij autem, qui cum iis concurrunt, id tantum habent in causam pignoris prætorij, non præstita cautione vulgari; & id tantum distrahunt quod, absolutis creditoribus defuncti, superest ex bonis defuncti, si quid superest, *l. pen. hoc tit.* quod ex bonis defuncti seruari potuit post impletos & absolutos creditores defuncti. Et ratio est euident, quia legata non debentur, nisi deducto ære alieno, id est, postquam satisfactum est creditoribus defuncti. Quod & *l. Falcidia, & Senatusconsult, Pegasiano*, expressum fuisse probat *l. 1. §. hæc verba; Si quis plus quam per leg. Falcid. & l. successor, C. ad leg. Falcid.* si quod superest, sufficiat legatariis, solidum adquirent, si non sufficiat, portionem tantum adquirent, ut ait *d. l. pen.* Non lex Falcidia tantum, sed & æs alienum minuit legata, aut sane nihil omnino adquirent, si nihil superest, & evanescent legata. Et ista interpretatione huius legis, totiusque quæstionis, nihil est enucleatius. Non est prætereunda insolens illa loquutio Papiniani, *creditoribus, qui debentur ex die vel sub conditione*, ut in Florentinis scriptum est, non male. Ea scilicet forma, qua solui creditores dicuntur, quum eis pecunia soluitur, & à Papiniano deberi dicuntur, quum eis pecunia debetur, & nihil est præterea. E responsis libri 12. quæ nobis supersunt restant tantum duo, quæ sunt in *l. 3. rem rat. hab.* In priore est negotij aliquid, in posteriore nihil. Prioris species hæc est.

Ad l. 3. rem rat. hab.

Cum minor xxv. annis, creditor pecuniam recuperare vellet, interpositus procurator debitori de ratum habendo cauit: restitutione in integrum data, neque indebiti condi-

tionem, neque stipulationem committi constabat. Idemque eveniret si falsi procuratoris actum minor annis ratum habuerit. Et ideo ita cauendū erit, precedente (quidem) mandato, si ille in integrum restitutus fuerit, heresue eius, aut is, ad quem ea res, qua de re agitur, pertinebit, quanti ea res erit, tantam pecuniam dari, mandato vero non interueniente, vulgaribus verbis de rato habendo. Hac quoque prudentius inter consentientes adstringentur, alioquin si non conveniat, nec creditor minor consentiat, actionem dari oportebit. Falsus procurator de ratum habendo cauit, atque ita dominus à sententia iudicis procuratore victo pronocavit. Stipulationis defecisse conditionem, apparuit, cum ad auxilium commune superatus confugisset. Quod si dominus, qui ratum non habuit, pecuniam exegerit, stipulatio de rato committetur in eam pecuniam, quam dominus accepit, quamvis nihil procurator accepit.

Creditor minor xxv. annis, cum pecuniam sibi debitam recipere vellet, debitore parato eam solvere, procuratori in eam rem specialiter constituto mandavit, ut eam pecuniam reciperet: minor quidem non potest facere procuratorem ad agendum in iudicio sine curatoris auctoritate, *l. neque, C. de proc.* quia nec ipse potest agere sine curatoris auctoritate: actorem non facit, qui ipse agere non possit, *l. liberto §. pen. de negot. gest.* Libertum non facit, qui ipse liber non est, *l. qui poena, de manum. ff.* At minor xxv. annis, extra iudicium omnia, quæ ad se pertinent, exceptis paucis, gerere & administrare potest sine curatore, quem etiam inuitus non accipit in res suas omnes generaliter. Ita etiā extra iudicium potest procuratorem facere, non adhibito curatore. Et in summa, quod per se potest, & per procuratorem potest, quod non per se, nec per procuratorem. Recte igitur procuratori mandavit, ut oblatam à debitore pecuniam reciperet, quod & procurator fecit, debitori incerto vel ignaro de mandato præstita cautione de rato. Pecuniam autem exactam pertulit ad dominum minorem xxv. annis, dominus accepit: post acceptam pecuniam, ut & in Basilicis expressum est: *ἡ δὲ ἀπαρτί τῶν ἑσῶν*, minor eam pecunia perdidit & restitutus est in integrum aduersus solutionem mandatu suo procuratori factam, qui quidem procurator, ut dixi, debitori cauerat de rato in recipienda pecunia ex conventionione scilicet. Sicut quum res inter debitorem & procuratorem agitur extra iudicium, proditum est in *l. interdum, inf. hoc tit.* solere interponi cautionem de rato habendo ex conventionione, non iam ex edicto prætoris. Ex hoc facto pendet quæstio huiusmodi, an debitori, restituto minore in integrum, compèrat conditio indebiti aduersus minorem vel aduersus procuratorem, si forte ommissa sit stipulatio de rato, quia si interposita sit, ut proponitur, conditio indebiti perimitur, *l. si sine iudice, hoc tit.* vel an debitori competat actio ex stipulatione de rato, quæ interposita est aduersus procuratorem? Et respondet Papinianus, neutram competere, nec conditionem indebiti, non interposita stipulatione de rato, non competere conditionem indebiti, quia debitor liberatur, qui vero procuratori soluit, *l. 6. §. Celsus, de condict. indeb.* liberato conditio non datur: & eadem ratione non competere debitori actionem ex stipulatione, quia liberatus est, quia solutio suum effectum habuit: liberatus est etiam, minore postea ratum non habente, quia rati habitio non consideratur in eo, qui mandavit, *d. §. Celsus*. Et hoc amplius, quia pecuniam exactam à procuratore recepit: ac præterea, ubi non interposita stipulatione de rato, condictioni indebiti locus non est, nec eam stipulationem interpositam committi placet, quia in locum conditionis interponitur, *l. si sine iudice, & l. ult. in fine, hoc tit.* Et consequentiā semper hæc sunt, non competet conditio indebiti, si ommissa esset stipulatio de rato: ergo si interposita sit stipulatio, committitur. Et cum hoc scripisset Papinianus de vero procuratore, qui mandatum habet, addit sta-



tim, idem euenire in falso procuratore, qui mandatum non habet, vt scilicet si interposita cautione de rato, pecuniam debitam minori xxv. annis exegerit, & minori restituerit: atque ita accepta pecunia minor solutione ratam & gratam habuerit, & post pecunia deperdita incóluto, aduersus solutionem & ratihabitionem in integrum restitutus fuerit beneficio ætatis, neque debitori indebiti condictio competat, quo casu alias solet competere, neque actio ex stipulatu de rato, eadem ratione, quia debitor liberatus est, quia solutio quam ratam habuit dominus, effectum habuit semel. Quamobrem Papinianus suadet, vt debitor, si in hunc casum, quo minor restituitur in integrum, sibi cautum esse velit, atque prospectum, stipulationi de rato, quam de vero procuratore, qui mandatum habet in soluenda pecunia, creditori minori debita, stipulatur, adiciat hanc clausulam verbis solemnibus stipulationis de rato: *si ille in integrum restitutus fuerit heresue eius, aut is ad quem ea res, qua de agitur, pertinebit, quanti ea res erit, tantam pecuniam dari. Aut, inquit, is ad quem ea res pertinebit.* recte Accursius, veluti bonorum possessor aut fideicommissarius Trebellianus. Nam & is successor minoris in integrum restitui potest, l. 6. sup. de in integr. restit. Et obseruandum est in hac clausula noua, omnem successorem vnuerſi iuris significari, non successorem rei, veluti emptorem, aut donatarium, aliter quam in vulgari & solemni stipulatione de rato, in qua his verbis: *Ratum habiturum eum, ad quem ea res pertinebit, l. si sine §. si in stipulatione, l. procurator, hoc tit.* continetur etiam emptor, l. 16. §. ult. hoc tit. & omnes venientes à domino personæ, l. 8. §. ult. hoc tit. Et similiter mandato minoris non interueniente, & falsi procuratoris, qui pecuniam exegit actu comprobato à creditore minore xxv. annis, propter incertum restitutionis in integrum, vt loquitur lex *si Titius, sup. de fideiuss.* consultius est vulgari stipulationi de rato, eandem clausulam addere, *si ille in integrum restitutus fuerit, &c. mandato, inquit, non interueniente, consultius & prudentius est vulgaribus verbis stipulationis de rato, illam quoque clausulam addere, adstruere, id est, adnectere inter consentientes, inter conuenientes, vt & non, nisi ex conuentione, quum soluitur procuratori extra iudicium, omnis hæc stipulatio interponitur, d. l. interdum.* Et ex hac quidem clausula, *si ille in integrum restitutus fuerit,* si post ratihabitionem minor restituatur in integrum, vel successor eius, stipulatio committitur in id, quod stipulatoris, id est, debitoris, interest, non si omiſsa sit hæc clausula, si in hunc casum sibi non prospexit, vt consulit Papinianus & suadet. & hætenus quidem omnia sunt satis aperta in hoc responſo. Quod sequitur in fine huius responſi, *alioquin si non conueniat, nec creditor minor consentiat.* omnibus obscurissimum videtur, etiam ea verba obscurissime interpretantur, maxime ab Accursio, cuius tamen mentem Doctorum commentarij satis declarant. At si vis perspicue hæc verba intelligere, mittere argutias, consecrare simpliciter. Veritatis, vt inquit Seneca Trag. *simplex oratio est.* Alioquin hoc loco non significat absurdum, vel contrarium, sed diuersum, quasi mutata specie, scilicet accipitur pro *ceterum*, vt sæpiſſime in his libris. Hoc igitur vult Papinianus, cæterum, si non conueniat, quod non est, si non adstruatur, & connectatur illa clausula, *si ille in integrum restitutus fuerit,* quo tamen modo accipiunt ea verba, *sed si non conueniat,* id est generaliter, si vulgaris stipulatio de rato prorsus omittatur, quæ interponi solet ex conuentione, quum debitor procuratori soluit extra iudicium, d. l. interdum. nec creditor, inquit, minor consentiat, id est, ratum non habeat, quod sine mandato procurator exegit à debitore, si ratam non habeat solutionem factam falso procuratori, actionem dari oportebit, id est, condictionem indebiti aduersus procuratorem, vt defi-

nitur etiam in l. creditoris, C. de condict. indeb. quæ & actio condictionis dicitur in l. 1. C. eod. tit. & alio quodam loco Papiniani, actio simpliciter. locum alium esse scio similem, vbi sit non meminisse, forte vos meministis. Nam in Papiniano similiter inuenimus quodam loco actionem accipi, pro condictione indebiti. Hæc autem sententia huius versus maxime congruit cum iure, vt vbi omiſsa est stipulatio de rato, id est, si non conuenierit. quod ait, condictio indebiti competat; sicut vice mutata, vbi illa stipulatio interposita est, condictio cessat, l. si sine, & l. ult. in fine, hoc tit. In posteriore responſo hoc tantum proponitur: falsum procuratorem egisse aduersus debitorem L. Titij præstita cautione de rato ex edicto Prætoris. hoc casu, ex iussu prætoris, & superatum fuisse, iudice pronuntiante, nihil deberi Lucio Titio, cuius nomine agebat sine mandato. Lucium vero Titium ab ea sententia appellasse, quasi re ad se pertinente. Et ait, hoc casu non committi stipulationem de rato, quia, vt ait, conditio stipulationis defecit, nimirum, quia Lucius Titius ratum habuit, quod gestum est in iudicio inter falsum procuratorem & debitorem: appellatio eius quod actum est, tacita ratihabitione, siue tacitus consensus est, l. 2. C. de filiisf. & quem ad. pro iis, pater ten. lib. 11. Ratum habemus non tantum verbis, sed etiam actu & tacite, l. 5. h. r. l. ult. de bon. poss. Quid verba curem, inquit Tullius, cum facta videam? Quod si L. Titius non appellauerit, sed per iudicem pecuniam debitam exegerit, tunc sane stipulatio de rato committeretur in id, quo Lucio Titio damnatus debitor soluit, vt in l. 18. hoc tit. illo loco: *quod damnatus soluit.* Atque ita stipulatio de rato committitur in procuratorem, qui victus est, quique nihil accepit, nihil expressit à debitore. Et hic est finis huius libri.



# IACOBI CUIACII

## IVRISCONSULTI

### COMMENTARIUS

in Lib. XIII. Responsorum  
Æmilij Papiniani.

Ad leg. 20. de compensat.

Ob negotium copiarum expeditionis tempore mandatum, curatorem condemnatum pecuniam iure compensationis retinere non placuit: quoniam ea non compensatur.



Ob negotium copiarum, &c. Copias vocat viuendi causam, copias vituales, quæ in castra perferuntur, vt Cassiodorus ait in Pſalm. 21. & 77. Et inde cauponæ nomen Festo, Caupona, inquit, taberna à copiis dicta. Copiarum autem negotium expeditionis tempore mandatur curatoribus annonæ, quos fecerit Princeps vel Respub. qui *συναντῶντες, & ἀπὸναι*, dicuntur, qui si forte conueniantur nomine Reipub. civili actione residuæ pecuniæ, vel mandati vel condictione furtiua, & condemnentur ex ea causa, quod frumentariam siue annonariam pecuniam abusi sint, actioni iudicati, si quid vicissim iis Respublica vel fiscus debeat, non possunt opponere compensationem, sed quam primum Reipubl. eam pecuniam restituere debent, quæ est sententia huius responſi, & l. aufertur §. vt debitoribus, de iure fisci, l. 17. sup. hoc tit. l. 1. C. eod. tit. Pecunia igitur ex ea causa Reipublicæ debita non compensatur. Et ratio hæc est, quia, vt eleganter ait l. 2. §. frumentaria, inf. de administrat. rer. ad ciuitat.



*rer. ad ciuitat. pert. quia, inquit, necessaria omnibus Rebus* A  
*annonaria pecunia, moram solutionis accipere non potest.*  
 Dixi ex hac causa conuentos actione iudicati non posse  
 opponere compensationem sibi inuicem à Repub<sup>l</sup>. de-  
 bitæ pecuniæ: actione iudicati, inquam, quoniam lex  
 ait, curatorem condemnatum. Ex quo intelligitur alias  
 actioni iudicati opponi compensationem posse, licet  
 priori iudicio opposita non fuerit, vt in *d. l. 17. & in l.*  
*2. C. eod. tit.* Neque vero huic responso obstat *d. l. 17.*  
 cum ait, condemnatum ex eo, quod ædilitatis tempo-  
 re arctiorem præbuerit annonam, actioni iudicati pos-  
 se opponere compensationem, quia, vt eadem l. ostendit,  
 dum adiicit hæc verba: *frumentaria pecunia debitor*  
*non videtur*, eal. non de debitore loquitur pecuniæ  
 frumentariæ, vel annonariæ destinatæ copiis milita-  
 ribus, sed loquitur de ædile curuli, qui populo arctio-  
 rem annonam præbuit, id est, qui non tantum præbuit,  
 quantum oportuit, quiue sibi ex ea retinuit aliquid, &  
 in vsus suos conuertit, qui eo nomine recte conuentus  
 condictione furtiua, recte opponit compensationem  
 sibi à Repub. inuicem debitæ pecuniæ, quia non est de-  
 bitor pecuniæ delegatæ frumento, vel annonæ compa-  
 randæ, sed est debitor annonæ, panum ciuiliū, qui po-  
 pulo erogari solebant: est debitor annonæ quam inter-  
 uertit, nec publice, vt debuit, erogauit, & compen-  
 sationis ius denegatur tantum debitori pecuniæ anno-  
 nariæ. Notandum, condictioni furtiue opponi com-  
 pensationem posse vt in *l. 10. §. quotiens, h. tit.* vbi le-  
 gendum tamen est hoc modo, *id est, etsi condicatur ex*  
*causa furtiua*; vt quodam loco ostendi. Condictioni  
 furtiue opponi compensatio potest, non actioni pœna-  
 li furti, hoc nusquam inuenies. opponi potest actioni,  
 quæ rem pecuniamue persequitur, quæ aëtori abest,  
 non actioni, quæ persequitur pœnam etiam pecunia-  
 riam, vel in ciuili: vel in criminali iudicio. Et in *d. l. 17.*  
 etiam ostendi recte in Florentinis esse scriptum, *adilita-*  
*ris tempore*, id est, tempore gerendæ ædilitiæ potestatis,  
 vt & Basil. ἐν τῷ ἀρχαιότητι, & male veteres & nouos  
 quosdam interpretes legere, *edulitatis tempore*, quæ vox  
 Latina non est, & corrupte in Alexandro Seuerō Lam-  
 pridij, cum vilitatem populus Rom. ab eo peteret. quidam  
 edulitatem habent, id est, cum populus posceret viliori  
 pretio addici species annonarias, frumentum, vinum,  
 oleum: vt in Commodō, vilitatem proposuit, inquit,  
 ex qua maiorem penuriam fecit. quod plerumque con-  
 tingit, vt quum cara est annona, si magistratus proponat  
 vilitatem, eo fiat carior. Recte etiam in hac l. 20. Basil.  
 hoc loco ὁ λαὸς ἡγεύσας ἐπὶ τῶν αὐτῶν ἐν καὶ ὅς ἐστιν ἐπὶ τοῦ  
 id est, qui accepit pecuniam ad coemptionem expeditionis tem-  
 pore. id est, ad coemptionem copiarum, & specierum  
 militarium, quas etiam inuitis prouincialibus coëmit  
 suo pretio, vt in *tit. Cod. vt nemini lic. in coempt. specier.*  
*se excus.* Boëtius 1. de consol. accerbat famis tempore  
 grauis, atque inexplicabilis indicta coemptio. Coemptio  
 frumenti scilicet extorta venditione ab inuitis. Planus  
 des sic vertit, τῷ καὶ ὅς τῷ ἀμύσας λιμῶ.

Ad l. 17. de iis, quib. vt indig.

*Heredem, qui sciens defuncti vindictam insuper habuit,*  
*fructus omnes restituere cogendum existimaui, nec probe*  
*desideraturum, actionem confusam restitui: deceptum au-*  
*tem ignoracione facti, bonæ fidei possessoris defensionem habi-*  
*turum, ante motam scilicet controuersiam, si ratio fructuū*  
*subducatur, nec improbe confusam actionem reddi postula-*  
*entium.*

Respons. Papin.

**S**I heres post aditam hereditatem non vleiscatur ne-  
 cem testa<sup>oris</sup>, iure scilicet & legibus, eo qui testato-  
 rem occidit, reo cædis postulato & peracto vsque ad  
 sententiam, certum est indistincte siue scierit necatum  
 fuisse testatorem, siue ignorarit, fisco ei, vt indigno  
 potiundæ hereditatis eam hereditatem auferre, qui non  
 defendit necem defuncti: sic punitur non tantum dol-  
 us, sed & negligentia heredis, qui non inquisiuit in  
 genus mortis testatoris. Sed quæritur, adempta à fisco,  
 & erepta hereditate, an etiam fructus omnes, quos  
 percepit, aut percipere potuit, post aditam heredita-  
 tem fisco restituere debeat: Ac præterea quæritur, an  
 vicissim ei sint restituendæ, & redintegrandæ actiones,  
 quas habuit in defunctum, quasque aditio hereditatis  
 confudit, atque peremit: Quod item quæri potest de  
 seruitutibus prædiorum, quum prædium hereditarium  
 prædio heredis ante aditionem seruitutem aliquam de-  
 buit, quam aditio confuderit. Et ad quætionem hu-  
 iusmodi Papinianus distinguit inter scientem & igno-  
 rantem, vt fecit etiam lib. 6. in *l. propter §. 1. de Senatusc.*  
*Syllan.* In hereditate auferenda non distinguimus inter  
 scientem & ignorantem; at in fructibus auferendis,  
 quos percepit heres post aditionem, & in restituendis  
 heredi obligationibus vel seruitutibus, quas aditio  
 confudit, distinguimus inter scientem & ignorantem.  
 Scientem dicimus omnes fructus restituere: omnes, id  
 est, quod lex ipsa ostendit satis aperte, quoquò tempo-  
 re perceptos aut percipiendos ante vel post motam à  
 fisco controuersiam bonorum: sciens omnes fructus re-  
 stituit, quos percepit ante vel post, quia malæ fidei pos-  
 sessor est. Et certum est, malæ fidei possessorem etiam  
 fructus cum ipsa re præstare, *l. certum, C. de rei vindicat.*  
 vbi etiam ex hoc loco, omnes fructus, sic oportet accipe-  
 re, quod nostri non tenent, quos scilicet percepit, aut  
 percipere potuit, ante vel post litem contestatam, an-  
 te vel post controuersiam motam. ne dicas omnes, vt in  
*l. bonæ fidei, de adquir. rer. dom.* id est, & eos qui sponte  
 nascuntur, & eos qui satione & cura nostra proferun-  
 tur, quo modo posset vox, omnes, accipi; nempe, omnes,  
 qui vel satione prodeunt, vel nulla satione, aut cura, vt vi-  
 ridarij poma, vt sylua, ligna: aut pecudum lac, quod Vir-  
 gilius in Culice vocat, *Agrestum bonam sortem, curam-*  
*que securam*, quia etsi ij omnes fructus in restitutionem  
 veniant, tamen non respicit hoc loco ad eam differen-  
 tiam fructuum, quum dixit, omnes, sed ad tempus, quò  
 perciperentur, aut percipi potuissent, vt scilicet tem-  
 poris nulla distinctio fiat. Eadem vero ratione, quia ma-  
 læ fidei possessor est, scienti non restituuntur actiones  
 vel seruitutes prædiorum aditione confusa, non inté-  
 gratur ei ius debiti, vel seruitutis pristinæ, *l. indignum,*  
*sup. hoc tit. & l. prox. §. bonis, inf. l. 1. C. eod. tit. l. ein-3*  
*§ ult. inf. de iur. fisc.* Hæc de sciente. Ignorantem, qui  
 deceptus ignorantia facti existimauit, testatorem sua  
 morte functum, non violenta, *βίασι δυνάτων*, ait, non re-  
 stituere cum re ipsa fructus perceptos ante motam con-  
 trouersiam & consumptos: quia bonæ fidei possessor  
 est. fructus, inquam, perceptos suo labore, impensa  
 cura sua: nam *αὐτομάτως* fructus placet restituere etiam  
 bonæ fidei possessorem, quocumque tempore proue-  
 nerint, *l. fructus, de usur.* non fructus, ἡπρασμένους, mul-  
 to sudore paratos, vt Ouidius ait vndecimo:

----- Multo sudore parentes.

*Dura lacertosi fadiebant arua coloni.*

Post motam autem controuersiam à fisco, fructus per-  
 ceptos, aut qui percipi potuerunt bonæ fidei possessor  
 restituit, quia post motam controuersiam comparatur  
 malæ fidei possessori, *d. l. certum*. Placet etiam, igno-  
 ranti actiones vel seruitutes confusas aditione, ablata

Min



hereditate à fisco esse restituendas. Et hæc est sententia huius responsi. ait, *heredem qui sciens defuncti vindictam insuperhabuit*; quo verbo in his libris solus Papinianus utitur: *insuperhabuit*, pro neglexit & omisit, ut in l. sunt persona, de relig. & sumpt. fun. propter utilitatem publicam, inquit, strictam rationem iuris insuperhabemus. Et Imperator quoque in l. 2. C. si omissa sit causa testam. iudicium defuncti non insuperhabuit, ut perspicue emendauimus, id est, non omissam causam testamenti, cui opponit causam irriti facti testamenti ratione iuris, non repudiatione, vel insuper habitatione heredis. Eadem voce utuntur etiam Apuleius, & Symmachus, & A. Gellius, & vetus interpret Panareti, qui animam suam diligit, insuperhabebitur, id est, despicatur & contempitui ducetur. Sunt in eo interprete multa antiqua & elegantia verba, quæ temere mutanda non sunt, ut illud, *insuperhabebitur*, & *infrunitus*, pro insipiens, quod est duobus in locis, quo Cato & Seneca duobus locis utitur, *infruniti*, inquit, est ostentare diuitias, ut est apud Festum in verbo *frunisci*, & Matisconensis concilij can. 19. Sequitur lex 15. ad l. Falcid. quæ continet multa oracula Papiniani.

#### Ad l. 15. ad leg. Falcid.

*Quod bonis iure Falcidia contribuendum est à debitore, cui mortis causa pacto debitum remissum est, in factum concepta replicatione retinebitur.*

Quod ad primum responsum attinet, sciendum est, non tantum ex legatis & fideicommissis, sed etiam, ut Seuerus constituit, ex donationibus causa mortis, quæ instar legatorum sunt, Falcidiam de trahi, herede legatis, fideicommissis, donationibus causa mortis onerato supra dodrantem, l. 5. C. eod. tit. l. 2. C. de mort. caus. donat. Qua de causa ut legata, ita donationes causa mortis in ponenda ratione legis Falcidiæ bonis hereditariis contribuuntur, commiscuntur, connumerantur, quæ moriens testator reliquit, ut l. Seia §. ult. inf. de mort. caus. don. ut scilicet, ea inter se partiantur heres, & legatarij, fideicommissarij, donatarij mortis causa, pro quadrante & dodrante: ita ut heres iure Falcidiæ ex vniuersis bonis ferat quadrantem, dodrantem præter legatariis fideicommissariis, vel donatariis causa mortis sibi habere sinat. Donatio causa mortis est, non tantum si rem meam donandi animo tradidero mortis causa, sed & si debitori meo pacto cum eo habito, quod Græci vocant συγγρηπτικὸν δέσµησιν, pecuniam debitam remisero mortis causa, id est, ut non peteretur, si is mihi superviuisset: contra, ut peteretur, si ego ei superviuisset, si eum viuendo vincerem. Ergo & me præmortuo, debitor eam pecuniam quasi donatam mortis causa bonis meis contribuere & computare, & Falcidiæ subiicere debet, si l. Falcidiæ ratio interueniat, nempe ut heres ex ea pecunia retineat xxv. si in debito fuerint centum, quod remissum est mortis causa. Et hic maxime notanda est differentia vna inter legata & donationes causa mortis: nam Falcidia quidem locum habet in omnibus, verum ex omnibus non eodem seruat, aut retinetur modo: legatorum enim hoc iure, quod obtinuit ante Iustinia. id est, ante l. pen. C. eod. tit. legatorum, inquam, Falcidia seruatur, vel fideicommissorum, non ut hodie ex ea constitutione Iustiniani, etiam per actionem, id est, vindicationem, aut repetitionem Falcidiæ, sed per retentionem tantum legatariis ab herede legata petentibus, ut fit, opposita exceptione doli mali, vel in factum, si ea solida petant sine diminutione Falcidiæ, ut l. seg. & l. 80. inf. h. t. l. heres, D. ad Treb. Qua retentione si forte non utatur heres remedio

exceptionis, qui non ignorauit Falcidiam interuenire, sane videbitur Falcidiam legatariis remisisse, & noluisse uti beneficio legis, quæ eius causa lata est, ut ait l. potest, h. t. Alia ratio est donationum mortis causa, quia non petuntur ab herede ut legata: non præstantur ab herede ut legata, sed ab ipso donatore, eodemque testatore per traditionem aut mancipationem præstari iam & perfectæ sunt, dum is vixit; & ideo earum retentione Falcidiæ causa uti heres non potest, quia eas penes se non habet. Quamobrem ne Falcidiam earum rerum, quæ mortis causa donatæ sunt, amittat, necessario danda est heredi aduersus donatarium Falcidiæ repetitio, aut vindictio, quia retinendi eas res facultas nulla ei suppetit, quod ita semper obtinuit & obtinet vel Iustiniano auctore in d. l. pen. quasi, ut ait, ipso iure Falcidia earum rerum semper manserit in bonis testatoris, derogare nec testator potuit. Idque comprobatur etiam l. cum pater §. mater, & §. Mamio, de legat. 2. Et ex hac differentia inter legata & donationes causa mortis, quæ euidentissima est, nascitur alia, quod interdictum quod legatorum pertinet ad legata, ut beneficio interdicti possessionem legatorum, quam nacti sunt legatarij sine voluntate heredis, ab iis recuperet vel adipiscatur retinendæ Falcidiæ causa, quoniam eius tantum habet retentionem, non petitionem. verum ad donationes causa mortis interdictum non pertinet, quia ex donationibus causa mortis, heres Falcidiæ petitionem habet, l. 1. §. si quis mortis, quod legator. l. 1. C. eod. tit. Itaque in specie proposita heres à debitore, cui totum debitum testator remisit mortis causa, recte petet quadrantem debiti iure Falcidiæ, quem vel iure Falcidiæ habere debet: & si debitor heredi agenti opponat exceptionem pacti, quasi toto debito sibi pacto remisso, heres posita replicatione doli mali, vel replicatione in factum hoc modo: quod iure Falcidiæ sibi quadrans debitus ex donatione mortis causa, non potuerit pactione remitti: quæ replicatio auxiliatur actioni, atque ita ex summa debita Falcidiam heres retinebit atque deducet; per actionem igitur, non per exceptionem: nam replicatio actionis adminiculum est. actio est telum, exceptio clypeus: replicatio aliud telum. actione igitur siue replicatione doli mali, vel in factum inducetur Falcidia & retinebitur ab herede ex donatione debiti facta mortis causa. Papin. dixit, replicatione in factum concepta, nec addidit, vel replicatione doli: quoniam satis constat, ubi illa est, & hanc esse, concurrere semper replicationem doli, vel actionem, vel exceptionem doli cum actione, vel exceptione, vel replicatione doli. Actiones tamen, exceptiones, replicationes in factum, verbis temperari, nec in eis fieri mentionem doli mali, l. non debet, sup. de dolo malo. leuiiores esse verbis: vi tamen ipsa esse de dolo malo, & fide mala. In factum concepta, ait Papinianus, id est, in factum comparata, l. 4. §. si à Titio, de doli except. in factum composita, §. 1. Infir. de except. quam eodem loco recte Theophilus ait, opponi συγγρηπτικὸς, ut Glossæ Philoxeni, in factum conceptas, interpretantur συγγρηπτικὸς, in quibus tamen corrupte legitur, facto conceptas. συγγρηπτικὸς, id est, exposita narratione rei gestæ simpliciter; & omiſſa atrocitate verborum, non notato dolo, aut fraude rei, vel ut ait l. cum mota, C. de transact. præscriptis verbis demonstrata re gesta, hoc est, vno verbo, in factum, ut l. 1. C. de renoc. iis, quæ in fraud. cred. sicut negotium gestum erit, id est, in factum. Veram ὁδὸν ἀρετῆς verba huius responsi, ut sensus sit apertior: quod debitori testator pacto conuento mortis causa debitum donauit & remisit Falcidiæ seruandæ causa, bonis hereditariis testatoris contribuendum & conferendum est, ut heres qui Falcidiam ex eo debito retinere desiderat & repetit, eam retineat & re-



petat aduersus exceptionem pacti, qua se defendit debitor opposita replicatione doli mali, vel in factum, quod non potuerit ei ultra dodrantem mortis causa debitum remitti: sic heres exiget à debitore quadrantem, dodrans debiti tantum apud debitorem remanebit. Hæc est sententia huius responsi. Male Accurs. semel ponit speciem in liberatione legata, quia manifestum est Papinian. loqui de donatione causa mortis, & liberatione legata, non actionis vel replicationis iure heres Falcidiam retineret, sed iure exceptionis, debitore, cui liberatio legata est, agente ex testamento, vt ab herede accepto liberetur, l. 3. §. nunc, l. 7. §. 1. de liber. leg. Male etiam Accurs. tentat heredem ipsum debitori pacto conuento debitum remisisse mortis causa: nam si heres ipse remisit debitum, plusquam manifestum est, non cadere eam remissionem in rationem legis Falcidiæ, de qua tamen hic agitur. Male etiam Accurs. quum Papin. ponit, pacto fuisse remissum debitum mortis causa, ait, idem esse, si acceptilatione remissum sit debitum mortis causa. Quod fit quidem recte, vt in l. mortis causa capitur §. Iulianus, inf. de mort. caus. donat. l. quærebatur, inf. hoc tit. quia acceptilatio, etiam si non possit fieri sub conditione expressa, potest tamen fieri sub tacita, l. actus, de reg. iur. quæ quidem inest acceptilationi factæ mortis causa. Sed si testator acceptilatione mortis causa debitum remisit, & l. Falcidia locum habeat, hoc casu non est heredi necessaria replicatio doli, vel in factum, sed de Falcidia experiri potest, Falcidiam repetere aut vindicare potest sine metu exceptionis, quia nulla exceptione se tueri debitor potest, quandoquidem ab initio acceptilatio in quadrante non intelligitur constituisse, sed in dodrante tantum, vt nominatim est proditum in d. l. quærebatur.

#### Ad §. frater.

*Frater cum heredem sororem scriberet, alium ab ea, cui donatum volebat, stipulari curauit, ne Falcidia vteretur, & vt certam pecuniam, si contrafecisset, præstaret: priuatorum cautionibus legibus non esse refragandum constituit: & ideo sororem in re publico retentioem habituram, & actionem ex stipulatu denegandam.*

**S**pecies hæc est: frater sororem heredem scripsit, & ab ea multa legata legauit, vel donauit mortis causa supra modum legis Falcidiæ; & cum nollet sororem vti beneficio legis Falcidiæ, nec tamen posset vetare palam, ne Falcidia vteretur, l. nemo potest, de leg. 1. interposuit L. Titium, cui fundum, verbi gratia, mortis causa donauerat, qui stipularetur ab sorore, eam Falcidia non vsuram, aut si vteretur, certam pecuniam sibi daturam pœnæ nomine. Ita Græci ponunt speciem recte hoc loco, videlicet sororem promississe pœnam, vt aiunt, μέλλοντι λαβεῖν μετὰ δάντατον δωρεάν, accepturo donationem post mortem, donatario mortis causa, quod latius memini me exponere in Nouella 1. Iustiniani. Quæritur an si heres Falcidia vtatur, committatur stipulatio pœnalis? Videri potest heres sequuta voluntatem fratris, quæ interposito à fratre, id stipulanti promissit: & sane si post mortem fratris idem promississet, se non vsuram Falcidia, vel si contra faceret, daturam pecuniam pœnæ nomine, committeretur stipulatio, l. quod quis, inf. hoc tit. l. ult. C. eod. tit. l. si patronus §. 1. de donat. Et ratio hæc est, quia vnique licet de commodo suo detrahere: ergo heredi licet non vti Falcidia, quum ea locum habet, puta, post mortem testatoris. Lex Falcidia heredis causa data est, d. l. potest, h. t. Ergo heres ea non vti potest. At quia viuo testatore id promissit heres scriptus vel scripta, antequam vllum ius sibi competere, antequam Falcidiæ casus existeret, Respons. Papin.

**A**stipulatio interposita esse videtur, non vt iuri priuato, quod nullum erat, sed vt iuri publico derogaret, id est, legi Falcidiæ. Et ideo ipso iure stipulatio non valet, dico ipso iure, quoniam Papinian. destricte ait, *actionem ex stipulatu denegandam*. Igitur mortuo fratre integra est heredi Falcidiæ retentio ex donatione causa mortis, & legatis omnib. & fideicommissis, vt nec stipulatori ea conuentio, nec vlli alij proficiat, quo minus patiatur Falcidiam. Priuatorum, inquit, cautione legibus non esse derogandum. in l. ult. inf. de suis & legit hered. priuatorum cautionem legum auctoritate non censeri: quo argumento, quia lex legi derogare potest, priuata causa legi derogare non potest. Ergo legis auctoritate non censetur. Quod in Basil. huius secundi responsi sententia relata est, nec omissa, id satis validum argumentum præbet, etiam hodie quod ex Nouella Iustiniani potest facere testator, ne lex Falcidia in suo testamento locum habeat, eam tamen pactionem, de qua hic agitur, nullam vim habere.

#### Ad §. non idcirco.

*Non idcirco minus Falcidia rationem in ceteris annuis legatis admitti visum est, quod primo ac secundo anno sine vlla detractioe fuisset legatario soluta.*

**S**equitur aliud responsum, quod tertio loco positum est in l. 15. ad l. Falcid. Finge: Lucio Titio legata sunt annua centena, in alimenta forte. plura sunt legata. primi anni legatum est purum, cuius dies cedit statim à morte testatoris: sequentium annorum legata sunt conditionalia, quatenus inest eis hæc conditio, si legatarius viuat, quia talia legata morte legatarij finiuntur, l. 4. & l. 11. de annuis leg. l. 10. & 12. & 20. quando dies leg. ced. l. 1. §. si in annos, sup. hoc tit. Porro heres Lucio Titio primi & secundi anni legata soluit in solidum sine detractioe Falcidiæ, quam certum erat locum habere. Quæritur, an & sequentium annorum heres cogatur plena, integra, solida legata soluere, non detracta Falcidia, qui priorum annorum iam cepit soluere legata integra? Et respondet, non posse cogi. Detrahit igitur Falcidiam, cui locus est, ex sequentium annorum legatis. quæro, an etiam ex sequentium annorum legatis detrahit Falcidiam pro legatis primi & secundi anni? Et distingo: Aut ea legata vltro primo & secundo anno solida soluit sciens prudensque, animo omittendæ Falcidiæ, & in eis legatis specialiter plenioris fidei testatori exhibendæ gratia, pleniorisque obsequij: Et hoc casu pro iis nihil detrahit, sed pro sequentium annorum legatis tantum. & ratio est euidentis. Aut ea legata solida soluit non animo omittendæ Falcidiæ: & tunc ex reliquis legatis Falcidiam detrahere potest etiam pro iis, quæ iam soluit, vt constat ex l. prox. quæ sequitur, & loquitur etiam de pluribus legatis vni relictis, sicut hic §. puta, de pluribus rebus vni legatis, quia tot sunt legata, quot sunt res, l. 5. sup. de legat. 2. Et adicit in l. sequenti, idem esse, si vno legato tantum relicto partem dimidiam soluerit integram, quam vtique nemo dicet solui animo omittendæ Falcidiæ: nam ex reliqua parte totius legati Falcidiam retinere potest, hæc vero dicimus de pluribus legatis vni relictis: nam si pluribus plura relictæ sint, & heres vltro quibusdam soluerit legata in solidum sine vlla detractioe, ex cæterorum quidem legatis poterit Falcidiam detrahare, l. 6. C. eod. vbi legendum, vltro, non vltra, sicut & in l. si pignori, in si. fam. l. erisc. Florentini recte vltro, alij haud recte, vltra. Ex cæterorum, inquam, legatis Falcidiam detrahare potest pro rata cæterorum legatorum, non etiam pro iis, quæ aliis legatariis solida & integra soluit. Et ratio hæc est, quia sui quisque non alieni legati Falcidiam pati debet, M m ij



quum autem vni plura legata sunt, & in vno legato omnium Falcidiam legatarius patitur, suorum, non alienorum legatorum Falcidiam patitur: nec conqueri potest, quod in vno legato omnium patiat Falcidiam, maxime quum legata consistunt in pecunia numerata, quamquam & idem sit in pluribus rebus vni legatis, vt in l. sequen. Quod autem ait d. l. 6. in fi. heredem, qui soluit quibusdam solida legata, aliorum legata iure Falcidiæ deminuere posse, nec inuitum aliis præstare solida: recte Theodorus notat, abrogatum esse Iustinia. Nouel. 1. quæ vult, eum, qui solida legata quibusdam legatariis soluere cœpit, & cæteris similiter solida debere persolvere, quasi approbata in omnibus voluntate testatoris, & legatariis omnibus remissa Falcidia, nisi, vt ait, heres deceptus fuerit iusta ignorantia facti, vt quemadmodum in ea Nouella ait Iulianus Antecessor, si mirabile aliquid extiterit, quod deminuat patrimonium defuncti, veluti inopinatum æs alienum defuncti, mirabile vocat, quod in ea Nouel. Iustinia. *mirabile* neque tamen ex ea Nouella etiam efficias probe, vni pluribus legatis relictis, & quibusdam ei solutis in solidum, & cætera eidem esse soluenda in solidum: alioquin dicendum esset cum Accurs. & hunc §. abrogatum esse, & leg. quæ sequitur, quod est falsum: quia Nouella loquitur de pluribus legatis pluribus personis relictis, non de pluribus legatis vni relictis: & ius nouum restrictius accipiendum est, non ampliandum. Itaque verius est, heredem, qui vni quædam legata soluit in solidum, eo facto non videri omnium legatorum Falcidiam vni eidemque legatario relictorum remisisse: sicut, nec si vnus legati partem dimidiam soluisset integram sine diminutione, qua comparatione utitur l. proxima, quæ sequitur, plura legata vni relictæ quasi quodammodo vnum sunt. Male etiam Accursius ad illa verba, *sine vlla detractioe*, quæ supponunt heredi facultatem fuisse detrahendæ Falcidiæ, si voluisset, sed noluisse vti facultate quam habuit, & quædam legata solida exsoluisse. Addit ad illa verba, *sine vlla detractioe*. & *sine cautione*, inquit, *de restituendis legatis*, si Falcidia emergeret. de qua cautione est totus titulus qui sequitur, & solet vocari, *cautio Falcidiæ*. Supplet igitur Accursius, & sine vlla cautione soluta fuisse legata. male, vt dixi, quoniam vbi heredi facultas est detrahendæ Falcidiæ, vt puta, quum certum est & liquidum Falcidiam locum habere, huic cautioni locus non est, l. 3. §. *si in plures*, tit. seq. frustra dicit omissam cautionem, quæ etiam interponi non potuit: at non frustra Papinianus dicit, omissam Falcidiam, quæ detrahi potuit. Male etiam Accursius in contextu legit, *quod primo ac secundo anno sine vlla detractioe fuisset legatario soluta*, & illa verba, *fuisset legatario soluta*, sic interpretatur, quod fuisset soluta ratio, quæ poterat retineri, id est, Falcidia, ac si Papinianus inepte scripsisset, sine detractioe Falcidiæ, Falcidiam fuisse solutam: & sane rectius Florentini, *fuissent legatario soluta*, legata, scilicet primi & secundi anni, non *fuisset*. Idem Accursius male & *ἀνεγρόντων* opponit l. 1. C. de fideicom. quæ si hoc diceret, solutis integris legatis aut fideicommissis quibusdam annuis, & sequentium annorum eidem integra legata solui debere, sane recte opponeretur & nobis facefferet negotium, sed sine hac adiunctione, *integris*, & *integra*, ait d. l. 1. solutis vni quibusdam legatis annuis simpliciter, & sequentium annorum legata eidem solui debere, quasi approbato iudicio defuncti, licet forte ab initio inutilia fuerint: quod non pugnat cum hoc responso, in quo de Falcidiæ ratione agitur. In ea l. 1. de Falcidia nihil agitur. Male etiam Antonius Goueanus, qui & proximum superius responsum male interpretatus est, in hoc responso ponit speciem de legato relictæ annua, bima, trima die, &

A *trois payes, dans trois ans*, quod non plura, sed vnum est legatum, diuisum tribus pensionibus annuis, l. Firmio, §. *ult. quando dies leg. ced.* nec quot sunt pensiones, tot sunt legata: denique vnus legati pensiones non sunt legata, sed partes legati, plura legata annua, & plures pensiones sunt fateor, vt in l. 47. hoc tit. quæ promiscue dicit legata annua, & pensiones annuas: sed contra plures pensiones non semper sunt plura legata. De pluribus autem legatis agi in hoc §. illa verba manifesto demonstrant; in cæteris annuis legatis. non ergo de legato relictæ annua, bima, trima die, vel etiam quadrima die, & quinto anno, in plures dies annuas pensiones, quamquam, quod notandum est, & in legato relictæ annua, bima, trima die, quadrima die, quinto anno, sexto anno, vt opinor, idem iuris sit, vt locum habente lege Falcidiæ, si heres cum posset ex omnibus pensionibus Falcidiam statim deducere, d. l. 3. §. *si in plures*, ex quibusdam sciens vltro non deduxerit, non ideo possit videri & cæterarum pensionum Falcidiam remisisse, Falcidia etiam incerta, nec dum emergente, vel apparente. Dico nihil distare legata annua à legato relictæ in pensiones plures: nam & prima legata primorum annorum soluuntur integra accepta cautione Falcidiæ, de qua in tit. seq. soluuntur, inquam, integra, interim, dum veniat annus, quo contra legem Falcidiam aliquid vltra dodrantem debeat, & cum is annus venit, retro omnia legata singulorum annorum lege Falcidiæ minuuntur, quod constat ex l. 1. §. *si in annos*, & l. 47. & l. 73. §. *magna*, hoc tit. Nam post longum tempus, post aliquot annos Falcidiam induci non est nouum, quæ ante non fuit inducta, l. 58. hoc tit. Ita vero & vnus legati pensiones primæ integræ soluuntur, quum incertum est lex Falcidia locum sit habitura necne, & ex postfacto si emergat Falcidia, minuuntur, quæ est meo iudicio sententia l. 32. §. *annua*, hoc tit. dum ait, legato relictæ annua, bima, trima die, non tantum ex posterioribus pensionibus, vel annis, quibus scilicet emerit Falcidia, quibus extulit caput, sed etiam ex superioribus annis, retrorsum legis Falcidiæ rationem haberi, licet superiorum annorum pensiones integræ solutæ sint, quod & ratio suadet: & male tamen ille, nondum existente nec emergente Falcidia. In quo casu, quem ante proposui, in annuis legatis, haud perseuerat cum eis conferens legatum relictum annua bima, trima die, aut sane delirat. ait, *ultimo anno non expectato nondum emergente Falcidia*, de omnibus pensionibus eam detrahi. quod est ac si diceret, Falcidiam detrahi ante Falcidiam, ante casum Falcidiæ. Tunc enim duntaxat non expectatur vltimus annus, & statim ex omnib. legatis vel pensionibus detrahitur Falcidia, quum certum est, eam locum habere, d. l. 3. §. *si in plures*, non quum dubitatur, vtrum lex Falcidia locum habitura sit, nec ne, & tamen cum esset incertum, eam locum habere, si heres ex quibusdam legatis vel pensionibus vni debitis non deduxerit Falcidiam, non ideo & ex cæteris non debet deducere, vt Papinian. responderet hoc loco. Res non carebat dubitatione. Dubitationem enim faciebat, quod heres, qui locum habente Falcidia, vel in quibusdam legatis, ea non vtitur, eam penitus omisisse & iudicium defuncti in totum approbasse videatur, quæ dubitatio tanta est, vt & in legatis pluribus personis relictis, id hodie voluerit Iustinianus obtinere in Nouel. 1. Et præterea, quod ille ait, hoc posito, non etiā cōcesso à nobis, nondum legem Falcidiam emeris in specie huius §. nullam esse in hoc §. dubitandi causam, quasi primi & secundi anni legata interim heres debuerit omnimodo integra persolvere. Id etiam non placet: quoniam ea res maxime fuit controuersa inter iuris auctores; aliis, prima legata interim solida solui volentibus, quorum sententia magis est in vsu: aliis volentibus statim ex omnibus legatis Falcidiā



detrahi, æstimatis legatis conditionalibus, quanti veni-  
re possunt, l. 45. §. 55. hoc tit. Minus etiam placet diffe-  
rentia, quam statuit inter res & summas plures vni le-  
gatas, vt quibusdam rebus solutis sine detractioe, ex re-  
liquis Falcidia seruetur per retentionem, etiam pro iis,  
quæ iam solutæ sunt: ex summis autem, per actionem,  
non animaduertit, quod ad effectum attinet (*quant à la  
maniere de proceder, il y a difference.*) nihil interesse ipso  
iure per actionem fiat aliquid, an per exceptionem, l.  
nihil interest, de regul. iuris. non animaduertit etiam iure  
isto regulariter Falcidiam detrahi ex legatis quibuscun-  
que per retentionem tantum, non per actionem, nisi si  
quæ res sint in legatis, quæ iam apud legatarium fuerint  
mortis tempore, vt in specie leg. lineam, h. r. de linea  
margaritorum, tracta serie margaritorum, linea diuite,  
vt Martialis loquitur, quæ iam erat apud legatarium:  
contra in donationibus causa mortis regulariter Falci-  
diam seruari per actionem, nisi si quæ res donatæ apud  
defunctum vel heredem fuerunt, vt in §. prox. supr. Et  
postremo male etiam idem statuit hoc velle Papin. in  
hoc §. ex posterioribus legatis, quæ Falcidia dant causam,  
etiam pro superioribus quæ integra soluta sunt, Falcidiam  
retineri. Quod Papin. non dicit, nec dici potest indistin-  
cte, vt initio ostendi, id est, non, nisi constet animum  
non fuisse omittendæ Falcidiæ heredi, qui superiora le-  
gata soluit integra, & voluit tantum Papinianus defini-  
re, quod etiam est primum, an pro rata posteriorum le-  
gatorum posset retineri Falcidia; an posteriora legata  
posset reuocari ad exemplum priorum, quæ integra  
soluta sunt, non etiam an ex posterioribus legatis, & pro  
rata priorum detrahi Falcidia posset. Et hæc sunt quæ in  
eum §. dicenda erant.

#### Ad §. quod auus.

Quod auus ex causa tutela nepoti debuit, cum auus nepos  
solus heres exiitisset, ratio Falcidia si poneretur, in re alie-  
no bonis deducendum respondi. nec ad rem pertinere, quod  
heredem auus idemque tator rogauerat, vt si sine liberis an-  
te certam ætatem decederet, tam hereditaria quam propria  
bona restitueret: non enim ex hoc hereditatem debito com-  
pensatam videri: cum vel ideo maxime declaratur non esse  
compensationem factam, quoniam heredem suum habere  
propria bona defunctus ostendit. Plane si conditio fideicom-  
missi fuerit impleta, fructus hereditatis post mortem aui  
percepti, pari pecunia debito tutela compensabuntur, sed  
quænam heres nepotis de bonis duntaxat, quæ moriens auus  
reliquit retinebit.

Quartum responsum est in §. quod auus, in quo pro-  
ponitur species huiusmodi. Auus, qui nepoti de-  
buit mille ex administratione tutelæ, nepotem heredem  
instituit ex asse, & non oneravit quidem legatis, vt  
vulgo fingunt, sed rogauit tantum, vt si sine liberis intra  
xxv. ætatis annum vita decederet, L. Titio hereditatem  
aui, atque etiam bona propria omnia restitueret. Quod  
ad bona aui attinet, fideicommissum valet: quod ad bo-  
na propria heredis, fideicommissum nõ valet, l. coheredi  
§. quod si heredem, de vulg. substit. in illo loco: nec fideicom-  
misso propria facultates filij heredis instituti tenebuntur, &  
l. 5. cum filius fam. l. miles ita §. extran. sup. de milit. testam.  
l. precibus, in fi. C. de imp. & aliis substit. quia non potest  
testator heredem suum onerare per fideicommissum su-  
pra id quod ei dedit: in suis bonis potest eum onerare  
fideicommissio, non in bonis heredis propriis: fac vero  
nepotem medio tempore, id est, post mortem aui, &  
ante diem fideicommissi cedentem adita hereditate, ex  
ea fructus percepisse, & post diem fideicommissi cessisse  
impleta conditione fideicommissi, id est, nepote mortuo  
sine liberis intra xxv. annum: Si habeatur ratio legis  
Falcidiæ inter heredem nepotis, & L. Titium, qui fidei-

A commissum petit, videtur heres nepotis duplici dedu-  
ctione vti posse. Primum, vt bonis aui deducat quod  
auus nepoti debuit ex causa tutelæ. id est, mille. Nam in  
ponenda ratione legis Falcidiæ, id est, in computando  
onere æris alieni, & quantitate bonorum, quæ deducto  
ære alieno supersunt, & onere fideicommissi, constat  
ante omnia bonis deduci omne æs alienum defuncti, &  
cum creditor debitori heres exitit, etiam quod defun-  
ctus heredi debuit, quia etli additione confusa sit obli-  
gatio & actio, retentio tamen & deductio debiti, non est  
interclusa vel interempta, l. qui fundum §. si quis here-  
dem, hoc tit. l. 6. & 8. C. eod. tit. l. vn. §. igitur, C. de rei vxor.  
act. Ergo in specie proposita heres nepotis potest dedu-  
cere ex bonis aui, quod auus nepoti debuit, quod initio  
huius §. proponitur, & eo deducto, deinde ex residuo  
bonorum aui potest deducere Falcidiam. Ergo duplici  
deductione vtitur. Dices, non posse debitum tutelæ de-  
duci bonis, quia debito tutelari, inquires, Falcidia, com-  
pensatur, quam ex bonis aui iure hereditario capit ne-  
pos vel heres eius. Dicam Falcidiam nunquam debito  
compensari, nisi ex manifesta voluntate defuncti, vt in  
§. seq. & in l. 18. hoc tit. l. mulier §. si heres, l. in fideicommis-  
saria, l. deducta §. ante, inf. ad Trebell. At in hac specie  
non est manifesta voluntas testatoris, qui voluerit Fal-  
cidiam debito compensari, id est, non liquet hoc voluisse  
testatorē, certe hoc non cauit nominatim. Non dee-  
rat, qui diceret, voluisse auum Falcidiam compensari,  
nec deduci bonis, hoc argumento, quia & bona propria  
nepotis, quæ ipse administrarat vt tutor, simul atque  
bona hereditaria iusserit nepotem L. Titio restituere,  
quasi facta confusione vtrorumque bonorum. Verum  
Papinianus idem argumentum in illum retorquet va-  
lentius, dicens vel eo maxime auum voluisse videri, vt  
bonis suis hereditariis nepos propria deduceret, atque  
adeo debitum proprium, nec hereditatem suam, heredi-  
tatisue suæ Falcidiam debito compensaret. Quod rogan-  
do nepotem, vt tam hereditaria quam propria bona re-  
stitueret, ostenderit, nepotem habere bona propria se-  
parata à bonis hereditariis, proinde nepotem ea bona in  
separato habiturum & deducturum bonis aui, & debi-  
tum tutelæ igitur. Nam & quod ei debetur, proprium  
eius est, l. 79. de leg. 2. Sic igitur concludamus: in ponenda  
ratione legis Falcidiæ ante omnia deduci æs alienum  
quod auus ex causa tutelæ debuit nepoti heredi suo.  
Sed huic conclusioni tamen addamus hunc modum,  
siue hanc exceptionem, vt si fructus à nepote medio  
tempore percepti ex bonis aui sufficiant debito tutelari,  
tunc nepos bonis aui illud debitum non deducat, sed  
fructus cum illo debito compenset, vt Papinianus ait  
hoc loco. Atque etiam idem Papinianus in l. cum pater  
77. §. Titio, de legat. 2. etiam fructus ait cum debito com-  
pensari pari pecunia, id est, pro modo concurrentis  
quantitatis, ita scilicet, vt si in fructibus fuerint mille,  
vel plusquam mille, autis bonis ob debitum tutelæ ni-  
hil deducatur: si autem plus sit in debito tutelæ, quam  
in fructibus, quos interim percepit, quemadmodum hoc  
loco proprie esse ponendam speciem ex ea conicio,  
quod de fructibus etiam computandis in Falcidiam ni-  
hil Papinianus scribit, tum id quod plus est in debito  
tutelari, sane deducit heres nepotis bonis aui: deinde ex  
iisdem bonis aui, quæ habuit auus mortis tempore, iuxta  
definitionem l. in quantitate, hoc tit. deducit Falcidiam  
ex bonis aui, inquam, non ex bonis propriis nepotis,  
quia bona tantum aui, non bona nepotis fideicommisso  
tenentur. Quam rationem, quæ verissima est, solus Al-  
bericus hoc loco attingit. Et hæc est sincera interpreta-  
tio huius responsi, quæ neque addit ei, neque aufert  
quidquam. Verum ad hæc si quæras, an si fructus medio  
temporis non tantum debito, sed etiam Falcidiæ suffi-  
ciant, in totum vel in partem aliquam, etiam debeat ne-  
pos, aut heres nepotis fructus imputare in ratione Falci-



diæ, sibi que acceptam facere Falcidiam, si compensatis A debito fructibus tantum superfit adhuc ex fructibus, quantum Falcidiæ satis est, vel pro modo superfluum fructuum? Dicam certissimum esse fructus ex hereditate medio tempore perceptos, quia percipiuntur ex iudicio defuncti, in Falcidiam & Falcidiæ fructus imputari, ut §. *fructus, inf. & l. 18. hoc tit. & l. si mulier §. si heres, & l. in fideicommissariam, ad Trebell. & l. deducta §. ante, eod.* quas supra adduxi, non suo loco: Nam erant tantum hoc loco adducendæ, ut ex eis probaremus, fructus medio tempore perceptos imputari in Falcidiam & Falcidiæ fructus. Vno tantum idoneo argumento possit quis tentare, nepotem in Falcidiam hodie fructus non imputare, quia nepoti ea Falcidia debetur vice quartæ legitimæ portionis, quæ etiam dicitur debitum bonorum subsidium, *l. si totas, C. de inoffic. donat.* quam Iustinianus ait in *l. scimus §. repletionem, C. de inoffic. testam.* sumi & repleti directo ex substantia ipsa, & hereditate testatoris, non ex aduentitio lucro, veluti ex substitutione, vel ex iure adcrendi, puta, ususfructus, inquit Iustinianus in *d. §. repletionem, ex iure adcrendi ususfructus.* Igitur si forte exheredato, cui legatus est fundus, ususfructus obuenerit iure adcrendi, quod explicandum est ex *l. 3. §. ult. sup. de usufr. adcrefc.* Nam ususfructus, qui ad proprietatem redit ex consolidatione, non iure adcrendi, videtur esse ex ipsa substantia testatoris, quia redit sine nouo iure, sponte, natura que sua. Et de iure adcrendi ususfructus loquitur in eo §. *repletionem*, non de iure adcrendæ hereditatis, quia filius exheredatus proponitur, non de iure adcrendi legati, quia collegatarium habuisse non proponitur: quæ interpretatio maxime notanda est; si autem ex substitutione vel ex iure adcrendi, vel in summa ex alio quocunque aduentitio lucro, non est replenda quarta legitimæ portionis; ergo nec ex perceptione fructuum medij temporis, qui etiam aduentitij sunt, nec directo ex ipsa hereditate proficiuntur, *l. in fideicommissariam §. 1. inf. ad Trebell.* Et tamen nos dicimus, nepotem fructus medij temporis imputare in Falcidiam, quod quid aliud est, quam ex fructibus replere Falcidiam, quæ vicem obtinet in nepote legitimæ portionis: at ut respondeamus, constitutio illa Iustiniani non de nepote loquitur, sed de filio aut filiis. In filio autem speciale hoc est ex constitutione Zenonis, ut fructus medij temporis non imputet in Falcidiam, *l. iubemus, C. ad Trebell.* & hoc amplius ex constit. illa Iustiniani, ut nec alia vlla aduentitia lucra imputet in Falcidiam. Et ita *l. scimus*, locum habet tantum in filiis, de quibus solis etiam loquitur, & patre, non in cæteris liberis. Quinetiam filios iis consequens & vero consentaneum est, fructus non imputare in debitum, quod pater eis debuit, vel non compensare cum alio quocunque debito, quod & hic Paulus Castrensis tradit.

Postremo querit Accursius hoc loco, si fructibus medio tempore perceptis ex bonis aui compensatis cum debito, & imputatis in Falcidiam: quid vero interest, inter compensare, & imputare? Quos imputo in Falcidiam, meam Falcidiam voco: quos compenso cum debito, meum debitum non voco: in substitutionem significat: cum, retributionem: si, inquam, fructibus medio tempore perceptis, compensatis cum debito, & imputatis in Falcidiam, tantum adhuc superfit ex fructibus, quantum est in bonis propriis heredis; an etiam bona propria veniunt in restitutionem fideicommissi, vel si minus sit in fructibus, qui supersunt, an pro modo superfluum fructuum bona propria in fideicommissi restitutionem veniunt: Hæc est quæstio Accursij, ad quæ respondet tum hoc loco, tum in *l. coheredi §. quod si heredem, de vulg. substit.* hoc casu etiam bona propria cadere in fideicommissum: & ab Accursio vna raptum lex est, quæ facere videatur, *l. Imperator §. pen. de leg. 2. Quæ, ut breuiter speciem ponam, loquitur de herede institu-*

to ex semisse, verbi gratia, & rogato post certum tempus, vel post mortem suam, ut ait, coheredi restituere tertiam partem bonorum propriorum, & ait, eum fideicommissum obligari, etiamsi plus sit in ea portione tertia, quam in semisse, si modo fructus medio tempore percepti ex semisse suppleant id, quod plus est in tertia. At ea lege nihil mouemur, quia in illa specie heres partem tantum bonorum propriorum restituere iubetur, in hac specie omnia bona propria. Item in illa heres non rogatur restituere etiam bona hereditaria: in hac rogatur etiam bona hereditaria restituere, nimirum oneratur heres: Et si ob causam fructuum medio tempore perceptorum ex bonis hereditariis, intelligat ex sententia Iurisconsultorum etiam in propriis fructibus fideicommissum consistere, utique maluerit heres repudiare hereditatem, & intestatum facere testatorem, (quod & plerique heredes faciebant, ante legem Falcidiam, ut est in *Instit.* nolentes pro nullo aut minimo lucro adire hereditatem) & hic etiam nolit heres sub incerto & temporario fructuum prouentu, adita hereditate omnia sua bona, tam propria quam hereditaria in periculum deducere extraneo restituendi iure fideicommissi. Melius igitur esse, & verius in specie proposita constituere fideicommissum, quod ab initio non constitit in bonis propriis heredis, nec ex post facto conualescere, etiam si fructuum quantitas præter debitum & Falcidiam adæquarit etiam bona propria, alioquin exueretur heres tam hereditariis, ex quibus neque debitum deduxit, neque Falcidiam, ut ostendimus, quam bonis propriis, & quodammodo ei erepta illo testamento videtur testandi facultas, quod perdurum est. Et in hoc responso nihil est præterea.

#### Ad §. cum fideicommissum.

*Cum fideicommissum ex voluntate matris, à patre moriente debitum filio pater cum hereditate sua, quam in filium conferebat, compensari voluit: quod filio debetur, si ratio Falcidiæ ponere ceperit, fini quadrantis, quem ex bonis patris cum effectu percepit, compensabitur, atque ita superfluum aris alieni dodranti tantum detrabatur.*

V ENIO ad interpretationem §. *cum fideicommissum.* Falcidiam, quam in superiori specie §. *quod annus*, diximus non compensari debito, id est, cum eo, quod testator heredi debuit, quod eam fuisse voluntatem testatoris liquido non appareat: in specie h. §. contra dicimus, quia voluntas testatoris manifesta est, Falcidiam debito compensari. Species hæc est. Vxor maritum heredem instituit, & rogauit, quum moreretur filio communi hereditatem restituere. pater filio herede instituto voluit, & cavit hereditatem suam compensari debito fideicommissariæ hereditatis vxoris, quod moriens filio debiturus est, eundemque filium oneravit legatis, ita ut lex Falcidia interueniat in ponenda ratione legis Falcidiæ officio iudicis (nam & iudex dicitur in *l. cum Titio, hoc tit.*) vel officio arbitri, qui dari solet ad ineundam, & computandam rationem legis Falcidiæ, *l. 1. §. cum dicitur, tit. seq.* seruabitur voluntas defuncti, & ratione doli exceptionis, ut ait *l. 12. hoc tit.* quæ scilicet heredi volenti debitum legatariis reputare, opponi potest, quia facit contra voluntatem testatoris, iuxta *l. apud Celsum §. præterea, de doli except.* vel potius, quia exceptio doli suppletur officio arbitri, si omiſſa sit à legatariis, quasi tacite huic negotio inſit, ut in *l. unum ex familia §. sed si vno, de leg. 2.* Ratione, inquam doli exceptionis, & tacite compensationis, quæ inducitur officio arbitri, hereditatis cum debito compensatio fiet, atque ita debitum bonis paternis non deducetur, nec reputabitur legatariis, ut *d. l. 12. & l. cum pater §. Titio, in secunda parte, de leg. 2. & l. Lucius §. maritus, inf. ad Treb.* Compensatio



autem fiet, ut Papinianus ait hoc loco, *fini quadrantis*, hoc est, *Falcidia*, quæ ex hereditate patris filius cum effectu percipit. sicut in superiore §. dixit, fructus debito compensari *pari pecunia*, id est, fini quantitatis fructuum. Ergo si in Falcidia plus, vel tantum sit, quantum in debito fideicommissi in ponendaratione legis Falcidiæ, debitum filius non deducet, non detrahet bonis patris. si plus sit in debito fideicommissi, superfluum dodranti deducet, & quod inde restabit solum præstabit legatariis: fac, in bonis patris esse quadringenta, in debito 100. filius iure Falcidiæ deducet centum, iure crediti nihil, quia creditum Falcidia compensat: si non compensaret, deduceret 175. 100. iure debiti, 75. iure Falcidiæ ex trecentis. Et hæc est sententia huius §. Nihil admodum refert, dixerit testator velle se debitum hereditate sua compensari, an nolle se debitum legatariis reputari, ut *d. l. 21.* Nam quocumque iudicio voluntatis eam compensationem ad finem Falcidiæ fieri subindicat, §. *quod annus*. Indicium autem est satis apertum, si veterit testator debitum legatariis reputari. Quid enim est hoc aliud, quam vetare debitum retineri & detrahi suis bonis: & iniquum, atque ineptum est dicere, si veterit debitum legatariis reputari, tum quantulamcumque Falcidiam compensationi sufficere: nam omnis compensatio fit semper ad finem concurrentis quantitatis, paris quantitatis duntaxat, *l. cum alter, sup. de comp. l. 4. C. eod.* nec unquam maior summa compensata est minori, nisi quoad concurrentem quantitatem. Igitur, & verito herede legatariis debitum reputare, si in bonis fuerint 400. in debito 150. dicam centum compensari cum Falcidia, quæ ex bonis cum effectu apud heredem remansura est, residua autem 50. dodranti detrahi. Ait autem Papin. *Falcidiam cum effectu ex hereditate percipi*, quia ab herede iure perpetuo retinetur, & post multum tempus detrahi potest, *l. 58. h. tit.* nec auelli ei vlla ratione potest: dodrans etiam percipitur ab herede, sed non cum re, non cum effectu, quia præstari eum & erogari legatariis oportet. Ratio autem dubitandi in specie proposita hoc loco hæc erat: quia pater, qui Falcidiam debito compensari iubet, quodammodo fraudem facit legi Falcidiæ. quo argumento? quia si tantum sit in debito, quantum in Falcidia, heres Falcidiam retinere non videtur, quia quod Falcidiæ nomine retinet, iam ante ei debebatur: & tamen receptum est hac in re, lege potiorum potentiorumque esse voluntatem testatoris, quæ tamen alias consulta opera Falcidiam minuere, vel auferre non potuit ante Iustinianum, ut in §. *1. & ult. h. l.* nempe, quia præsumimus fraudandæ legis animum non habuisse patrem, qui eam compensationem indixit. Et hoc existente casu, tutius erit vtiliusque filio, ut idem Papin. suadet in *d. l. cum pater §. Titio*, repudiato testamento patris, si ab intestato hereditatem patris possederit. Quod citra metum edicti, si quis omissa causa testamenti, facere potest, cum id non faciat, ut eos circumscribat, quibus quid ex testamento deberi potuit, si repudiatum non fuisset, sed ut fraudem à se propulset, atque propellat, *d. §. Titio*. Potest autem hodie tentari argumentum eorum, quæ favore filiorum constituta sunt, in *l. iubemus, C. ad Trebell. & l. scimus, C. de i. off. testam.* quæ de re diximus ante, ut scilicet fructus medio tempore perceptos, vel alia aduentitia lucra filij non imputent in Falcidiam, tamen si id iusserit pater, ita nec filios inuitos, etiam si hoc iusserit pater, debito Falcidiam debere compensare, quæ locum obtinet quadrantis legitimæ portionis, quæ vulgo dicitur deberi iure naturæ. Sicut & Paulus Castrensis in superiore §. dixit, non sine ratione, nec cum alio debito filios compensare fructus medio tempore perceptos, quod omnimodo constitutiones filiorum lucro cedere volunt: neque enim lucrari viderentur, quod cum suo debito compensare cogerentur. Et illud etiam,

A quod posse tentari supra dixi, audeat Accursius affirmare prima, tertiaque interpretatione ad hunc §. illud ipsum hunc §. velle, ut scilicet inuito & vetante patre filius debitum bonis paternis deducat, nec compenset cum Falcidia. sed merito ab omnibus explosa vtraque interpretatio est. Alia ratio dubitandi ad hunc §. perperam adsumitur ex *l. 14. hoc tit.* quod dicat, frustra iubere patrem Falcidiam cum dote compensare filiam heredem institutam, quia in specie dictæ *l. 14.* non dotem pater, quam ipse debuit filiæ, iubet compensari, sed quam maritus debuit filiæ, quod iussum inutile est: non possum inducere compensationem eius, quod non ipse debeo, sed alius, sicut nec eius, quod non mihi debetur, sed alij, *l. eius, C. de compens.* Et nihil amplius est in hoc §. Sequitur §. *ex donationibus*, qui erit breuissimus.

#### Ad §. ex donationibus.

*Ex donationibus in uxorem collatis, quod heres eius reddere viro cogitur, in bonis mulieris non erit: nam ita fit locupletior, ut tanto pauperior esse videatur. quod autem heres inde minuit, viro non perit.*

Q Via in ponenda ratione legis Falcidiæ per arbitrium legis Falcidiæ bonorum quantitas æstimatur, monet nos Papinianus in hoc §. in bonis defuncti non esse, quod defunctus vel heres eius alij reddere debet, id enim æri alieno connumeratur, quod in primis bonis detrahi oportet. Et ideo in bonis defunctæ vxoris non esse res à viro, qui vxori superuixit, ei donatas, quia heres vxoris viro eas reddere debet, propterea quod donatio non valet, & cogi potest, ut reddat conditione sine causa, vel ex iniusta causa, non quidem, ut eas reddat in solidum, sed eatenus, quatenus vxor ex donatione locupletior facta est, *l. si sponsus §. ult. & l. seq. sup. de donat. inter vir. & vxor.* Ratio dubitandi hæc erat, quam obiciebant legatarij heredi vxoris, volenti deducere bonis, quod à viro vxori donatum. viro restituere debet, quia, hæc erat ratio, qua legatarij utebantur, æs alienum ideo deducitur, quod tanto pauperior videatur defunctus fuisse. At ex donatione vxorem factam esse locupletiorum: alioquin, si non esset facta locupletior, donatio valeretur, nec reuocari posset conditione sine causa, ut putat, si donata mulier male consumpsisset, *d. l. si sponsus §. pen.* consumptione huiusmodi donatio conualescit & confirmatur. Quod si facta est locupletior, non pauperior igitur: & si non pauperior, ergo in ære alieno, bonis donatio deducenda non est: laudanda est ea ratio, ut subtilis, fugienda, ut minus subtilis, quoniam ut eleganter ait Papinianus, *vxor ita fit locupletior, ut tanto pauperior esse videatur*, quia condici ei potest reuocata donatione, quasi dicat, his opibus à viro in se collatis, vxorem inopem esse, & heredi eius abesse videri id in quo viro obligata est, *l. si quis mandato, de negot. gest.* Reddere autem heres vxoris debet res pecuniasve donatas vxori & consumptas. Nam extantes vindicari possunt, non in solidum, sed in quantum vxor locupletior ex eis facta est, *d. l. si sponsus §. ult. l. de his, C. de donat. inter vir.* ut si donata sint vxori centum, & vxor l. x. soluerit creditori suo. atque ita se pœna, vel vsuris liberauit, alia xl. male consumpsit. l. x. quæ versa sunt in rem vxoris, quibusve vxor intelligitur facta locupletior esse, viro restitui oportet, non xl. ea enim viro quasi domino pereunt, *l. id quod donatum, eod. t.* Præterea reddere heres vxoris debet quodcumque ex rebus donatis ipse consumpsit bene vel male. Nam consumpta ab herede post mortem vxoris nullo modo pereunt viro, quia vir heredi donatum noluit. Et hoc est, quod ait in fine huius §. *Quod autem heres inde minuit, id est, consumpsit bene vel male, viro non perit.*



## Ad §. fructus.

*Fructus pradiorum sub conditione verbis fideicommissi relictos, in causa fideicommissi non deductos, heres in ratione Falcidia sic accepto facere sibi cogitur, ut quartam, & quartam fructus ex die mortis, bonorum quæ mortis tempore fuerunt, habeat, nec ad rem pertinet, quando Falcidia lex admissa sit. Nam etsi maxime post impletam conditionem fideicommissum locum habere cœpit, tamen ex die mortis fructus quadrantis apud heredem relinqui necesse est.*

**I**nitio huius §. in vulgaribus & in Florentinis Pandectis ita scriptum est: *fructus pradiorum sub conditione relictos, cum sit legendum, fructus pradiorum sub conditione relictorum. Relictorum, non relictos, ut in Basilic. δι' κερπιδι τῶν ὑπὸ αἰρεσιν ληπτέων ἀρχῶν.* Et in Cyrilli interpretatione, *δι' κερπιδι τῶν ὑπὸ αἰρεσιν ληπτέων ἀρχῶν: fructus pradiorum sub conditione relictorum.* Et ita etiam legunt Albericus & Imola, & nihil est euidentius. Species autem & sententia huius responsi hæc est: Testator ab herede instituto multa prædia Lucio Titio sub conditione per fideicommissum reliquit: heres medio tempore, id est, post mortem testatoris, & ante diem legati cedentem, siue pendente conditione fideicommissi fructus percipit. post impletam conditionem fideicommissorum si interuenerit lex Falcidia, Papinianus ait, heredem fructus medio tempore perceptos imputare in Falcidiam & Falcidiæ fructus, quod est verissimum, l. 18. §. ult. hoc tit. l. qui 400. §. ult. hoc tit. Et in hoc titulo plures alij sunt loci, quibus id manifestum sit, l. Papinianus §. unde, de inoffic. testam. l. mulier §. si heres, inf. ad Trebellian. fructus autem omnes, quos heres medio tempore percipit, id est, pendente conditione fideicommissorum, quasi iure hereditario percepti, imputat in Falcidiam & Falcidiæ fructus, præterquam eos, qui maturi erant mortis testatoris tempore, qui quasi pars prædiorum veniunt in restitutionem fideicommissi, l. 9. h. tit. Regula igitur hæc sit: cæteros omnes fructus, quos heres percipit pendente conditione fideicommissorum imputari in Falcidiam, & Falcidiæ fructus, quoniam omnimodo heres debet habere saluam quartam partem hereditatis, & quartæ partis fructus, quartam, inquam, saluam & illibatam. cuius regulæ duæ sunt exceptiones. Vna hæc est, si filius heres institutus sit. Nam, ut ante dixi, fructus filius non imputat in Falcidiam, nec restituit fideicommissario, l. iubemus, C. ad Trebell. Est beneficium Zenonis Imperatoris, quod solis filiis datur, non aliis liberis. Altera exceptio hæc est: si specialiter rogatus fuerit fructus restituere medij temporis, l. in fideicommissariam, ad Trebell. qua de causa in hoc §. ponitur, fructus non fuisse deductos in causam fideicommissi, non imputarentur heredi in Falcidiam, sed in fideicommissi restitutionem venirent, non tantum percepti post impletam conditionem fideicommissorum, sed etiam percepti pendente conditione. Nā cū de iis sit regula superior, & exceptiones ei subiectas de iisdem esse necesse est: quod tamen quidam imprudenter negauit: & quod attinet ad fructus Falcidiæ, in quos imputari dixit fructus ex prædiis sub conditione per fideicommissum relictis medio tempore perceptos, ait, nihil interesse, quo tempore lex Falcidia emergere & locum habere cœperit, quia non ex eo die tantum, quo Falcidia locum habere cœpit, sed etiam retro fructus Falcidiæ heredi debentur, puta, ex die mortis testatoris, quia & retro Falcidia cœpisse intelligitur, fac, post impletam conditionem fideicommissorum Falcidiam emeruisse, non ex eo die tantum Falcidiæ fructus heredi debentur, sed & retro ex die mortis testatoris, quia quasi retro acta conditione fideicommissorum, & retro Falcidia trahitur, & recurrit ad tempus mortis testatoris. *fideicommissum*, scriptum est in

A Florentinis pro *fideicommissorum*, κατὰ οὐκοντιῶν, ut in l. 19. de heredit. instit. pretium pro, pretiorum. & ait, *fideicommissorum*, quia quot prædia relictæ sunt, tot sunt fideicommissa, l. 5. de leg. 2. Hæc est sententia h. §. Et tantum videtur obstare l. 30. & 73. inf. hoc tit. cum ait, *fructus perceptos post mortem testatoris ad lucrum heredis pertinere*: nam ex eo recte colliges, heredem igitur fructus non imputare in Falcidiam. Verum ut respondeam, illæ leges non loquuntur de fructibus legatorum aut fideicommissorum ex die, vel sub conditione relictorum, qui medio tempore ab herede percipiuntur, quos constat interueniente Falcidia, in Falcidiam imputari, sed loquuntur de aliis fructibus rerum hereditariarum, non legatarum, vel etiam de fructibus legatorum sub conditione relictorum, qui pari quantitate facta imputatione in Falcidiam, supersunt, quos omnes constat heredis lucro cedere, nec imputari in Falcidiam, nec proficere legatariis, siue non augere hereditatem, quia in bonis mortis tempore non fuerunt, quod solum tempus spectari visum est in exquirenda quantitate bonorum, d. l. 73. Ineptissimus autem est Accursius, qui scribit hoc loco, in Falcidiam imputari fructus fatis mortis testatoris tempore: postea fatis, non imputari, quia certo certius est, fatis mortis tempore, si & maturi erant hereditati imputari, l. o. sup. hoc tit. hereditatem augere. Immaturos autem vel fatis post mortem, & perceptos ex fideicommissis conditionalibus, vel in diem, cum ea fideicommissa Falcidiæ subiiciantur, Falcidiæ imputari. Sequitur §. penultimus.

## Ad §. fideicommissum.

*Fideicommissum portionis supplenda gratia, pro qua matrem filius heredem instituit, eidem matri datum ratione Falcidia minuitur. Et eam pecuniam mater supra quartam portionis suæ percipiet.*

**F**ilius matrem heredem instituit ex minori parte quam efficiat quarta legitimæ portionis, quæ dicitur vulgo deberi iure naturali, adiecto matri coherede: & quia portio illa, quam adscripsit matri, non implebat portionem legitimam, ideo supplendæ legitimæ, & debitæ portionis causa, ut in Basilic. εἰς ἀναπληρωσιν τῆς κερπιδιᾶς καὶ νομίμου μερὸς: implendæ debita & legitimæ portionis gratia, matri etiam verbis fideicommissi, ut impleteret ei legitimam, fundum prælegauit. Ita sunt accipienda illa verba, *supplenda portionis gratia*: nam absurda est glossæ interpretatio, *supplenda*, id est, augendæ portionis hereditariæ gratia: fundum autem illum mater partim iure hereditario capit à seipsa, pro modo portionis sibi adscriptæ, partim à coherede iure fideicommissi. Hoc est ius prælegati, hæc conditio seu natura prælegati, ut diuerso iure capiatur, l. eum qui §. pen. de iis, qui b. ut indig. Facito, coheredi matris cōpetere beneficium legis Falcidiæ: competere etiam matri. In singulis heredibus separatim poni rationem legis Falcidiæ certissimum est, l. in singulis, inf. hoc tit. Verum quæritur, an etiam coheres possit detrahere Falcidiam ex parte fideicommissi matri relictæ, quam à coherede mater accipit iure fideicommissi: Et respondet, detrahere posse: recte, quia & prælegata Falcidiæ subiiciuntur, l. qui non militabat, sup. de heredit. instit. l. à coherede, C. ad leg. Falcid. Quod autem ex ea parte, detracta Falcidia à coherede supererit, rursus quæritur, an mater id debeat imputare in Falcidiam, si & ipsa in parte hereditatis sibi relictæ Falcidia uti velit? Et ait non imputari quod superest ex ea parte in Falcidiam sibi competentem, nimirum, quia iure fideicommissi id capit, & in Falcidiam ea tantum imputantur, quæ iure hereditario capiuntur, non quæ iure legati, vel fideicommissi, vel alio iure, l. Nesennius, & l. quod autem, & seq. & l. in quartam, hoc tit. Quod iam



iam pridem ostendi esse verum in quacunque Falcidia, non ea tantum, quæ directo detrahitur, sed etiam in ea, quæ detrahitur ex fideicommissaria hereditate, ex Senatusconsulto Pegasiano, & hodie Trebelliano. Nam & in hanc ea tantum imputantur, quæ iure hereditario capiuntur, quod ostendit Observatio 8. Et quod ait vexata illa lex 1. de leg. 1. per omnia ex æquata esse legata fideicommissis, non in omnibus dicit esse ex æquata, sed id scripsit Vlpianus, cum ostendere vellet, ex æquata esse legata fideicommissis in imputatione Falcidiæ, non in omnibus causis: & fideicommissis dixit, generaliter comprehendens tam fideicommissa hereditaria, quam fideicommissa pecuniaria, hac sententia, ut quæ imputantur in Falcidiam, quæ detrahitur legatis, ea etiam & quidem sola imputentur in Falcidiam, quæ detrahitur ex quibuscunque fideicommissis. At non omittendum est, in quartam legitimæ portionis, quam dicunt deberi iure naturæ, quæ scilicet excludit querelam inofficiosi testamenti, imputari etiam ea, quæ iure legati, vel fideicommissi capiuntur, §. ult. Institut. de inoffic. testam. Quamobrem & in hoc §. ult. ponitur, *supplenda eius quarta gratia fideicommissum relinqui*. Idque aliquando etiam Iustinianus ipse probavit, sed mutavit tamen ad extremum in *Novella 115.* & in eam quartam ea tantum imputari vult, quæ iure hereditario capiuntur, siue titulo institutionis, quod idem est. Cæterum, quia in Falcidiam, quam mater ex legatis à se relictis retinere desiderat, non imputat, ut diximus, id quod à coherede capit iure prælegati, ideo Papinianus ait, eam pecuniam, quam scilicet à coherede consequitur iure fideicommissi, matrem habituram supra quartam, id est, supra Falcidiam suæ portionis, ut in *l. filium quem, C. famil. ercis.* Id habens, inquit, *supra quartam*, id est, id neque imputans in quartam, neque compensans cum quarta, & in *l. in quartam, hoc tit. extra quartam*, id est, quod à coherede accipitur, non imputatur in Falcidiam, id est, in quartam Falcidianam. Restat §. ultimus.

#### Ad §. ultimum.

*Quarta, quæ per l. Falcidiam retinetur, æstimatione, quam testator fecit, non magis minui potest, quam auferri.*

**I**N ponenda ratione legis Falcidiæ apud arbitrum Falcidiæ, bona, quæ moriens testator reliquit, æstimantur vero & præsentis pretio, *l. 42. 62. & l. seq. inf. hoc tit.* Vero, inquam, pretio, id est, non formali pretio, ut ait *l. 62.* id est, non impositio pretio, quod quisquam fecerit pro libidine, vel affectione sua. Basil. formale pretium vocant, *πρωτότυπον διατίμησιν*, id est, *formalem æstimationem*, quam scilicet format & fingit sibi quisque, non inspecta vera facultate & dignitate rei. Non ergo etiam æstimanda sunt bona pretio, quod fecerit ipse testator, æstimato forte suo patrimonio trecentis, quod in veritate dignum est quadringentis; quam æstimationem, si sequeremur, Falcidia minueretur heredi: vel patrimonio, quod erat quadringentorum, æstimato octingentis, quam æstimationem si sequeremur, Falcidia prorsus auferretur heredi & absumeretur. at huius æstimationis ratio non habetur in ponenda Falcidia, *l. si fundum, §. si libertus. sup. de leg. 1.* sicut nec in aliis causis, *l. 1. C. arbit. tut.* Ergo æstimatio testatoris Falcidiam neque minuit, neque aufert. Nec post Nouellam Iustiniani, quæ dat potestatem testatori interdiciendæ Falcidiæ, hodie dicam æstimatione à testatore sui patrimonij facta, non statim interpretabor, voluisse eum ob id prohibere Falcidiam. quod vel pluris, vel minoris bona æstimauerit, non dicam eum voluisse derogare l. Falcidiæ, quia falli potuit in æstimandis suis bonis, nec duci studio abrogandæ Falcidiæ. *Qua in re hallucinatur Accursius hoc loco, dum ait, ex ea Novella, hodie æsti-*

Respons. Papin.

*matione patrimonij facta, Falcidiam abrogari; quia hoc voluisse testatorem ex sola æstimatione, quam fecit, non ducitur idoneum argumentum. Et hic est finis huius legis.*

#### Ad l. ult. de obseq. parent. vel patr. præst.

*Liberta ingrata non est, quod arte sua contra patronum voluntatem vitetur.*

**C**ertum est, libertis datam libertatem rescindi, libertis redactis in seruitutem, si ingrati fuerint erga patronos, id est, si violauerint obsequia debita patronis. *Qua de causâ & sub hoc titulo de obseq. præst. patr. tractatur de libertis, quos patroni accusant ut ingratos reuocandæ manumissionis causâ, l. 3. & 4. & hoc loco. cuius accusationis exitus & effectus est, seruitus, capitis diminutio maxima liberti, §. 1. Instit. de cap. dem. & vel levis offensa sufficit, levis causa ingratitudinis, l. 2. C. de lib. & eorum lib.* At nulla est causa offensa, ne levis quidem, si libertus artem quam nouit, quaque tolerat & tuetur se vitamque suam, exerceat inuito patrono, si vetanti patrono ne eam exerceat, morem non gerat, veluti artem medicinæ, vel negotiationem aliquam licitam, quia nec iure eum patronus prohibet ab arte vel negotiatione licita, *l. 2. l. quæro, sup. tit. prox. l. 45. inf. tit. prox.* & si forte prohibeat patronus, veluti ne libertus medicinam faciat, qui medicinæ peritus est, forte quod & ipse patronus medicus sit, ductus æmulatione quadam, vel lucris studio, ut multo plures haberet sibi imperantes medicinæ gratia, si inquam, hoc vel illo studio libertum medicum prohibeat medicinam facere, & indicat ei quasdam alias operas, quas sibi exhibeat, ob eam rem non obtemperante liberti, non iudicium ingrati in libertum patrono dabitur, sed iudicium operarum tantum, in quo venit æstimatio operarum, *l. medicus, inf. tit. prox.* In qua lege & illud præclarum est, quod ait, à libertis esse exigendas liberales operas, non seruiles operas, puta, ut eum sinat patronus, dum ei dat operam, valetudinis & honestatis suæ rationem habere, nec excruciet eum indictis operis continuis, assiduus, & ut sinat, inquit, eum acquiescere meridiano tempore, quod Latinis est *meridiari*, & *μεσημεριάζειν* similiter Græcis, quod populo Rom. & patribus quoque illis rerum dominis, gentique togatæ, fuisse solemne Procopius indicat 3. de bello Vandalico, quum illis meridianibus narrat urbem Romam captam fuisse ab Alarico Gothorum rege, *ἀπὸ τῶν, inquit, ὅπου ὡς τὸ εἰκὸς, ἡμέραν μέσσην.* Omnibus, inquit, meridianibus, ut solent, post prandium. Varro de re rustica, si non diffunderem, inquit, meo institutio somno meridie, vivere non possem. Quod autem ait eadem *l. medicus*, patronum medicum prohibuisse, ne libertus eadem arte vteretur, ut ipse multo plures sibi imperantes haberet, de quo sermone Alciatus, & Duarenus aliquid scripserunt, ius tam nouus videri non debet: nam imperare & inbere est commune nomen ægroti & medici. Obstetrix quæ mulier medica est apud Terentium in *Andr. act. 3. sc. 2.* quod iussi ei, inquit, dari biber, & quantum imperant, date. scribendum est, biber, non bibere, ut *1. Tuscul. Ganymedem à diis raptum propter formam, ut Ioni biber ministraret*, ex veteribus: nam impressi perperam dicunt, ut *Ioni pocula administraret*, & Gaius Fannius: *domina eius, inquit, ut ad villam venerat, inibat biber dari.* & Cato: *date huic mulieri biber, iracunda est*, apud Charisium. Verum transeamus ad *l. 8. de public. & vectig.*

#### Ad l. 8. de public.

*Fraudati vectigalis crimini ad heredem eius, qui fraude*

N n



contraxit, commissi ratione transmittitur. Sed si unus ex pluribus heredibus rem munem causa vectigalis subripiat, portiones cæteris non auferuntur.

**L**oquitur Papinianus in hac lege de crimine fraudati vectigalis, quod vno verbo dicitur, κλεπτοτελωνία & σβεπείσις, illud à Græcis interpretibus, hoc in glossis Philoxeni; vt si quis negotiator merces subiectas præstationi vectigalis publici & munificas suppresserit, nec ad publicanos lege Censoria, vt oportet, professus fuerit, cuius criminis pœna hæc est, vt merces in commissum cadant, id est, committantur fisco, recidant in fiscum, nisi forte per errorem transferit negotiator improffis mercibus, nisi per errorem in commissum incidat: nam hoc casu merces ei restituuntur, nec retinentur à fisco, si modo duplum vectigal inferat, hoc casu duplo vectigali publicanos contentos esse oportet. Et interea tamen duplo ille error, illaque incuria plectitur. Etiam ignorantia sæpe plectitur in iure nostro, quod & definitio legis demonstrat. & id quod dixi de duplo vectigali proponitur in l. ult. §. Diu quoque fratres, hoc tit. hoc autem crimen fraudati vectigalis, ait Papinianus hoc loco ad heredem eius, qui crimen contraxit, transmitti, id est, & heredem eius teneri commissi ratione, id est, non nisi commissi ratione, videlicet etiam si viuo reo nihil ea de re cum eo actum sit, heredem, inquam, teneri, vt merces commissæ, quæ perueniunt ad eum (nam hoc ponendum est omnino) quibusque locupletior factus est, ei auferantur. Et hoc est quod ait, hoc crimen transmitti ad heredem commissi ratione, vt scilicet commissum, quod habet, ei eripiat, sicut & peculatus, & residuorum, & repetundarum crimen dicitur ad heredem transmitti, etiam si viuo reo accusatio mota non sit, & transmitti ratione subreptæ pecuniæ, quæ peruenit ad heredem, l. ex iudiciis, inf. de accusat. l. ult. inf. ad l. Jul. pecul. Et quod hic ait Papin. id ipsum est, quod proponitur in l. commissæ, inf. hoc tit. commissæ vectigalium ad heredem transmitti: quia, inquit, quod commissum est, statim ipso iure definit esse eius, qui fraudem contraxit, & publico acquiritur, publico vindicatur. Ea propter commissi persecutio etiam heredem adficit. Et de hoc quoque genere commissi est accipienda l. i. inf. de iure fisci. Quo loco ait, nuntiationem siue delationem fieri ad fiscum, quotiens aduersus commissum factum est, aduersus leges Censorias, scilicet quas Censores dicunt in locandis publicis vectigalibus. Varro de re rustica: Greges ouium ad publicanos profitentur, ne si inscriptum pecus pauperit, lege Censoria committant. Verum additur in hac lege, si plures fuerint heredes eius, qui in commissi pœnam incidit, & vnus ex eis rem munem vel non immunem vectigalis causa, rem obnoxiam vectigali subriperit, in eum solum transmitti pœnam, quia nihil peruenit ad cæteros, nullæ sunt portiones, quæ auferri possint cæteris coheredibus. Et rem munem dicit rem munificam, vt in l. 4. §. 1. inf. h. tit. quod est muneri publico & vectigali subiectum. Plautus in Mercatore, gratum me & munem forte, non memorem, vt quidam libri scribunt, id est, officiosum & munificum, vt Festus interpretatur. Porro aliæ res sunt munes, aliæ immunes à præstatione vectigalis: vt in militia alij sunt milites munifices, l. 18. de verbor. signif. & apud Festum, qui explent munera militaria: & munifices Iulius Firm. recte σβεπείς interpretatur lib. 1. vnde & in epistola Diui Pauli ad Corinth. Δὲ ἑσμεν σβεπεί, Dei sumus munifices; alij autem sunt immunes, beneficiarij, principales: vt in mulieribus, aliæ mammæ munifices, quæ lacte abundant, vel mammæ mimæ, quibus lac deficit, apud Plin. & Varr. Si igitur ex pluribus heredibus eius, qui crimen fraudati vectigalis contraxit, vnus rem munem causa vectigalis, id est, vectigali & commissio obnoxiam subriperit, in eum solum transfertur crimen defuncti, nihil

petitur à coheredibus: coheredibus, inquit, portiones non auferuntur, quia nullæ portiones ex eo crimine ad eos perueniunt. Et quod notandum, communis etiam earum heredum non est, quoniam statim dominio fraudatoris abscedit, l. commissæ, inf. hoc tit. Quo argumento recte dices, vulgo & in Basil. etiam hoc loco, male scriptum esse, rem communem, quia non est communis inter heredes, sed statim facta est fisci. Recte Florentini, rem munem. Papiniano placent antiqua verba, & antiquæ rationes loquendi, vt fini peculij, fini quadrantis, & in superhabere, & betere.

Ad l. 42. de mort. caus. donat.

**S**eiā, cum bonis suis traditionibus factis, Titio cognato donationis causa cessisset, vsumfructum sibi recepit & conuenit, vt, si Titius ante ipsam vitā decessisset, proprietatem ad eam rediret, si postea superstitibus liberis Titij mortua fuisset, tunc ad eos bona pertinerent. Igitur si res singulas heredes L. Titij vindicent, doli non inutiliter opponetur exceptio. bona fidei autem iudicio constituto, quærebatur, an mulier promittere debeat, se bona cum moreretur, filiis restitutam? incurreret hæsitatio non extorquenda donationis, quæ nondum in personam filiorum initium acceperat: sed nunquid interposita cautione, prior donatio, quæ dominio translatopridem perfecta est, propter legem in exordio datam retinetur, non secunda promittitur? Vtrum ergo certa conditionis donatio fuit, an quæ mortis consilium ac titulum haberet? Sed denegari non potest mortis causa factam videri. sequitur vt soluta priore donatione, quoniam Seiā Titio superstes fuit, sequens extorqueri videatur. Muliere denique postea diem functa, liberi Titij, si cautionem ex consensu mulieris acceperint, contributioni propter Falcidiam ex persona sua tenebuntur.

**I**n hac l. sunt duo responsa, quæ simul explicabuntur: prioris hæc est species: Seiā donationis causa L. Titio cognato suo, bonis suis cessit in iure, perficitur donatio etiam cessione in iure, l. i. C. Hermog. de don. si & exhibitio & traditio rerum, quæ donantur, corporalis interueniat, quæ peragitur, eas res accipiente & vindicante eo, cui ceduntur, & prætor addicente, apud quem sit cessio, id est, in iure. Perficitur ergo donatio cessione in hac specie, & traditione, eoque modo donatario acquiritur & quidem plenum dominium, nisi donator sibi receperit vsumfructum, vt in hac specie proponitur, Seiā sibi recepit, & retinuisse vsumfructum. Cessione ergo & traditione, nuda tantum proprietatem transit in Titium: donationi autem subiecta hæc lex, & conuentio est, vt si Titius prior moreretur, eorum bonorum proprietatem ad Seiā rediret, quæ conuentio valet, l. 2. C. de donat. quæ sub modo. ac præterea, si post mortem Titij Seiā moreretur superstitibus filiis Titij, vt tunc ad eos ea bona pertinerent. hæc est conuentio, quæ donationi adiecta est in exordio, vt ait, id est, ex continenti, siue tempore donationis: Titius præmortuus est, relictis heredibus, id est, filiis, qui & ei heredes extiterunt; nam illo loco huius legis, heredes L. Titij, id est, filij, heredum appellatione filij significantur, vt in l. 6. §. 1. de bon. libert. Heredibus eius D. Marcus opem tulit, id est, filiis eius; nam id, quod agitur in ea lege, habet tantum locum in filiis, & in l. ex facto §. ult. ad Trebell. hæc conditio, si sine herede moriaris, sic accipitur, sine liberis. Porro filij L. Titij, & heredes, si eorum bonorum, quæ Seiā Titio donauit, res singulas à Seiā vindicent, vt possunt ipso iure, quia per cessionem & traditionem earum rerum dominium Seiā transtulit in Titium, cui heredes extiterunt: si, inquam, eas res vindicent sigillatim, repellentur, vt ait, opposita exceptione doli mali, quia contra legem dictam dona-



tioni & contra conuentionem eas res petunt, quia conuenit, vt mortuo Titio, ad Seiam superstitem proprietas rediret; Sed quia, & hoc conuenit inter Seiam & Titium, vt mortua Seia, ea bona ad filios Titij pertinerent; Queritur, an interim, dum uiuit Seia possint heredes L. Titij desiderare cauere sibi ab ea, de restituendis bonis post mortem suam? Mouet Papinianum, quod vindicationi opposita exceptio doli mali iudicium in rem, quod non erat bonæ fidei, fecerit bonæ fidei; nam vt Dorotheus auctor τὸ πλάττει, hoc loco definit, opposita doli mali exceptio omni modo bonæ fidei iudicium facit, nimirum, quia, vt Dialectici dicunt, exclusio vnius contrarij, positio est alterius. Porro dolo molo contraria est bona fides, l. 3. in fin. pro soc. Excluso igitur dolo malo, necesse est iudicium fieri & peragi ex fide bona, ac si ab initio mota fuisset actio bonæ fidei. Quod & quodammodo confirmat l. 3. de excep. dum ait, replicationem doli oppositam iudicium tutelæ facere bonæ fidei, quia scilicet quamuis actio tutelæ sua natura sit bonæ fidei, prætoræ actioni tutelæ nominatim adiciente exceptionem vel replicationem doli, quæ etiam non adiecta inesset bonæ fidei iudicio, l. sed & si ideo, sol. matr. tunc tamen non tam videtur actio tutelæ per se bonæ fidei esse, quam fieri beneficio & potestate exceptionis, aut certe, quam maxime fieri bonæ fidei, adiectione exceptionis doli expressa. In bonæ fidei autem iudiciis quum nondum dies venit præstandæ rei, pecuniæve, constat recte agi ad cautionem interponendam interim, de re pecuniæve soluenda cum dies venerit. l. in omnibus, sup. de iudic. l. si constante §. quotiens, sol. matr. quæ cum illa coniungenda est, l. quotiens §. si semel, de pecul. l. quod si, de pet. hered. In hac igitur specie, an recte intendunt filij L. Titij, Seiam officio iudicis cauere oportere, bona cum moretetur sibi restitutum iri? Quod videtur, quia actionem in rem, quam filij instituerunt aduersus Seiam, opposita exceptio doli mali bonæ fidei actionem fecit: & vt diximus, in bonæ fidei actionibus officio iudicis huiusmodi cautiones interponuntur. Verum ne hoc admittat & concedat Papin. mouetur alia ratione, quæ est subtilissima, quia si filij L. Titij inuitæ Seia illam cautionem extorqueant, inuitæ donationem extorquent, quod non potest fieri, nec ex persona Titij, quia morte eius resoluta & reuocata donatio est: nec ex persona filiorum, quia nondum in persona eorum donatio initium accepit uiuente Seia. nemo inuitus donat alteri: si inuitæ Seia posset extorqueri cautio illa, inuitæ donatio extorqueretur, quoniam cautio illa, promissio donationis est, ergo non potest extorqueri, neque exprimi Seia inuitæ. Et hoc Papinian. vt faciat euidentius, querit, quid sit dicendum, si filij Titij ex consensu Seia, ultro oblatam, non extortam cautionem acceperint; vtrum cautione huiusmodi prima donatio, quæ collata est in Titium, retinetur, id est, vtrum cautio illa non est promissio secundæ donationis factæ filiis Titij, sed primæ donationis factæ Titio, quæ reuocata fuit morte Titij, retentio & renouatio, puta, conuentionis in ea adiectæ, vt post mortem Seia bona pertinerent ad filios Titij, quæ etiam filiis proficere potuisset, l. quodcumque §. si ita quis, de verb. oblig. nisi & principalis donatio reuocata esset: nam principali donatione reuocata, & conuentio ei adiecta nulla constituitur. Vtrum igitur eo ipso quod eam cautionem Seia ultro præstitit, videatur perseverasse in donatione prima, & lege ac conuentione ei adiecta in continenti? an vero Seia præstita illa cautione intelligitur secundam donationem tenuisse & promississe filiis Titij. Et hoc subindicat esse verius, cautionem Seia sponte præstitam, secundam donationem esse factam filiis Titij stipulantibus. nondum est satis. Queritur rursus, vtræque donatio prima & secundæ, sitne donatio inter viuos facta sub lege &

Respons. Papin.

A conditione certa, an donatio causa mortis? Et ait, non posse negari mortis causa donationem factam videri; quia conditiones donationis, sunt conditiones, quæ non solent adiici, nisi donationibus causa mortis. Et ex eo subtiliter efficit Papin. resumpta prima questione, an inuitæ Seia à filiis Titij cautio supradicta extorqueri possit, quæ est principalis questio, resumpta, inquam, ea questione principali ex definitione subsequetium aliarum duarum questionum Papin. efficit, resoluta donatione prima morte Titij, Seia non posse extorqueri illam cautionem, quia ea cautio, secunda donatio est, & nemo inuitus donare cogitur. Quod ergo dicitur in bonæ fidei iudiciis agi posse ad interponendam cautionem illam, non pertinet ad cautionem quæ donatio est, aut donationis promissio: sed ad cautionem, quæ simplex securitas, non donatio est, quod maxime notandum est. At subiicit Papinian. quod si ultro Seia cum non posset cogi, eam cautionem præstitit filiis Titij, postea Seia mortua iisdem filiis superstitibus, consequi ex superioribus & inferri, quia ea cautio donatio est causa mortis, siue promissio donationis causa mortis, in ea donatione filios Falcidiam pati, si lex Falcidia interueniat: vel vt ait contributioni propter Falcidiam filios Titij teneri, vt in l. 15. in prin. ad l. Falcid. dixit, bonis contribui propter Falcidiam debitum remissum mortis causa. & in secundo responso huius legis, bonis contribui donationes Falcidia causa. In donationibus causa mortis, quæ instar legatorum sunt, lex Falcidia locum habet ex constitutione Seueri, l. 2. C. de mort. caus. donat. l. 5. C. ad l. Falcid. l. cum pater §. 1. de leg. 2. l. 1. §. in mortis, si cui plus quam per leg. Falcid. quam constitutionem Seueri intelligit in secundo responso huius legis, illo loco: non ad aliam constitutionem pertinere; D. Seueri scilicet. In donationibus autem inter viuos locum Falcidia non habet, l. 27. h. r. Quod & in secundo responso huius legis ostenditur; cuius species hæc est.

#### Ad §. cum pater.

Cum pater in extremis vita constitutus emancipato filio quadam sine vlla conditione redhibendi donasset, ac fratres & coheredes eius bonis contribui donationes Falcidia causa, vellent, ius antiquum seruandum esse respondi. Non enim ad aliam constitutionem pertinere, quam qua lege certa donarentur, & morte insecuta quodammodo bonis auferrentur, spe retinendi perempta: eum autem, qui absolute donaret, non tam mortis causa, quam morientem donare.

Pater filio emancipato quadam donauit sine vlla conditione redhibendi, reddendive. donatio est inter viuos, non mortis causa, licet, vt ait, in extremis vitæ constitutus eam donationem fecerit filio emancipato: donatio mortis causa habet certas conditiones redhibendi, reddendæ rei donatæ, si donator conualescat, si donatorem donationis prænituerit, si prior donatarius decesserit, l. 16. & 30. h. r. l. non omnis, sup. de reb. cred. §. At donatio nullam habuit conditionem redhibendi; ergo fuit donatio inter viuos, non mortis causa. Ex quo efficitur, in ea donatione Falcidiam locum non habere, sed in ea seruari ius antiquum, id est, quod in omnibus donationibus seruabatur ante constitutionem Seueri, quæ etiam Falcidiæ subiecit donationes tantum mortis causa, non donationes inter viuos, & donationes mortis causa subiecit Falcidiæ, non nisi facto testamento, quia facto testamento recte donationes causa mortis comparantur legatis, non ab intestato, vbi nulla comparatio legatorum existit, l. si filius, de leg. præst. Quod & hic Græci recte notarunt. Sed hodie ex constitutione Gordiani, id est, ex l. 2. C. eod. tit. etiam ab intestato in donationibus causa mortis, sicut in fideicommissis ex con-

Nn ij



stitutione D. Pij lex Falcidia locum habet, quod plenius ostendit caput. 6. Observat. 20. Concludit ergo Papinian. in specie secundi responsi, constitutionem Scueri pertinere tantum ad ea, quæ certa lege donarentur, & morte insequuta donatoris quodammodo bonis auferrentur, spe retinendi perempta mortuo donatore. In hac specie non fuisse donationem ita factam, sed filio emancipato patrem absolute & pure donasse. Nec mutare quod decumbens donarit, mortique proximus, quia non ideo tam mortis causa donauit, quam moriens donauit. Denique moriens donauit sed inter viuos, non mortis causa: nam & moriendi momentum vitæ deputatur, non morti. Quod valde notandum est.

#### Ad l. 21. de manumiss.

*Seruum dotalem vir, qui soluendo est, constante matrimonio manumittere potest. si autem soluendo non est, licet alios creditores non habeat, libertas serui impeditur, ut constante matrimonio deberi dos intelligatur.*

**S**ciendum est, legem Iuliam prohibere alienationem fundi dotalis: de fundo loquitur, non de seruo dotali: de alienatione, non de manumissione. Nam seruum dotalem marito, qui modo locuples & soluendo sit, proculdubio, quia dominus est, seruum dotalem manumittere licet in testamento, vel inter viuos constante matrimonio, etiam inuita vxore, l. 3. C. de iur. dot. l. 1. & ult. C. de ser. pign. dat. & eius serui dotalis, quem manumiserit patronus efficitur, & ad legitimam hereditatem eius vocatur, l. intestat. §. 1. sup. de suis, & legit. hered. Verum si liberto heres extiterit ab intestato iure legitimo, vel ex testamento, debet etiam constante matrimonio vxori restituere portionem bonorum liberti, quæ debetur iure patronatus conditione ex l. Iulia, l. hac actio, sol. matr. l. filius §. ult. ad l. Corn. de fals. Cætera bona liberti, quæ ad eum peruenerunt restituit soluto matrimonio, iudicio seu actione dotis, l. dotalem, sup. sol. matrim. & ipsius quoque serui, ut certum est, æstimationem, quem manumisit, licet æstimatus in dotem datus non fuerit. Et hoc de marito locuplete, qui seruum dotalem manumisit. Sed si maritus egenus & non soluendo sit, frustra manumittit seruum dotalem, quia libertati obstat lex Ælia Sentia, quæ in fraudem creditorum datam libertatem irritam & nullam facit ipso iure, l. 27. inf. qui & à quibus manum. Nam etsi alios creditores maritus non habeat, semper tamen seruo dotali, quum non est soluendo, intelligitur dare libertatem in fraudem mulieris, quæ est creditrix, id est, cui etiam constante matrimonio dos debetur, quum maritus incipit labi facultatibus, l. constante, sol. matr. l. ubi, C. de iur. dot. Et dos, quæ alias non repetitur, nisi soluto matrimonio, hoc casu, nempe marito urgente ad inopiam, etiam manente matrimonio reperti potest, aut cautio exigi idonea de dote restituenda soluto matrimonio, d. l. si constante, §. quotiens, & c. l. pen. ext. de donat. inter. vir. & vx. quia de dote iudicium bonæ fidei est. & ut sup. diximus, in omnibus bonæ fidei iudiciis ante diem præstandæ pecuniæ, in hoc agi potest, ut cautio interponatur. Vulgo ex hac lege notant, rem mobilem datam in dotem alienari posse, quod equidem verum esse arbitror, qualiscunque res mobilis seu mouens fuerit. Sed id parum apte ex hac l. colligi dico: quia aliud est manumissio, de qua hic agitur: aliud alienatio. alienatio est mutatio dominij l. 1. C. de fund. dot. manumissio non est mutatio dominij. Et obseruandum in d. l. 1. C. de fun. dot. quod ait, alienationem esse omnem actum, per quem dominium transfertur eis verbis non tam proponi definitionem alienationis, quàm significari omnem omnino alienationem fundi dotalis l. Iulia prohiberi, ut in l. sed si maritus §. ult. inf. qui & à

**A** quib. man. liberi non fiant. quæ l. sed si maritus, & l. prospexit, eod. tit. & l. ex iudiciorum, de accusat. manifesto separant alienationem à manumissione: adeo autem verum est res mobiles, vel se mouentes l. Iulia non contineri, ut nec res omnes immobiles contineantur, sed res soli tantum, ut est proditum in Instit. tit. quib. alien. licet, vel non. Quæ cohærent solo, hæc tantum res alienari vel obligari non possunt inuita vxore; ac ne volente quidem vxore, in prouinciis: hodie nec in Italia, nec in prouinciis ex constitutione Iustiniani, de rei vxoriæ actione, cuiusmodi sunt fundi, & ædes, & ædificiaque omnia. Hæc sunt res soli, quæ l. Iulia continentur: nam etsi l. Iulia de fundo tantum loquuta videatur, tamen idem ius est in ædibus, l. 13. in pr. sup. de fun. dot. sicut l. xii. Tab. quæ est de fundo tantum biennio vsucapiendo, pertinet etiam ad ædes, ut M. Tull. docet in Topic. & in Orat. pro Cæc. Non pertinet autem l. Iulia ad superficiem ædium dotalium: pertinet ad ædes dotales, sed non ad superficiem ædium, l. si ex lapidicinis, de iure dot. quia superficies est quidem res immobilis, sed non res soli, ut ædes ipsæ integræ. Ergo l. Iulia non pertinet ad res omnes immobiles, & multo minus ad res mobiles vel se mouentes, veluti seruos dotales vel pecora dotalia, nisi forte serui dotales partes faciant fundi dotalis, ut seruus rusticus, frutex, ut per ridiculum vocatur, qui pars fundi sit, l. 3. de diu. temp. præscrip. l. hac editali §. illud, C. de sec. nupt. & Novel. 7. nam l. Iulia pertinet etiam ad partem prædij, l. 13. §. 1. sup. de fun. dot. Transeamus ad l. 10. de diuers. temp. præscr.

#### Ad l. 10. de diu. & temp. præscr.

*Intra quatuor annos vacantium bonorum delator facta denuntiatione destitit. post quatuor annos secundo delatori venienti, prior nuntiatio, quo minus præscriptione temporis summoneatur, non proderit: nisi prioris præuaricatio detegatur, quo declarato præscriptio, sed & negotij quæstio perimetur.*

**T**ota lex est de præscriptione quadriennij, qua repellitur fiscus, vel quiunque agit fisci nomine, qui vindicat bona vacantia, id est, bona sine domino, vel potius bona defuncti domini, quorum nullus successor extitit, bona ἀκληρονόμητα, quæ alius nullo iure possidet, vindicat ea fiscus intra quadriennium ex l. Iulia caducaria, l. quidam §. quotiens, de leg. 1. Quod & Vlpian. scribit lib. reg. tit. de bon. poss. Si post quadriennium ea vindicat à possessore, etsi sit iniustus possessor, repellitur præscriptione quadriennij, quasi post quadriennium meliore causa possessoris in pari causa, l. 1. C. de quad. præscr. Cæterum præscriptio illa quadriennij interruptitur, & perpetuatur actio fiscalis denuntiatione eorum bonorum facta fisco à delatore, & lite contestata cum possessore: litis contestationem exigo, si modo delator non destiterit à lite. Nam si destiterit, & litem inchoatam deseruerit, non intelligitur interrupta esse præscriptio quadriennij, quia qui destitit à lite, nec litem inchoasse videtur. Et ideo lite destituta à priore delatore, si alius post quadriennium ea bona fisco deferat, præscriptione quadriennij submouetur, quæ pro interrupta non est, arg. l. 1. §. ult. de iur. fisci. Papin. hoc loco vititur verbo destitit, quod est, prorsus deposuit animum litigandi, ut l. destitisse, de iure fisci. Aliud enim dicendum est, si prior delator traxit negotium tantum, non destitit: nam & ultra quadriennium tracta causa bonorum vacantium deferri, aut peragi potest, d. §. ult. At si destitit prior delator, alius delator post quadriennium non admittitur, excepto vno tantum casu, si alius delator prioris delatoris præuaricationem arguerit & conuicerit: nam detecta præuaricatione, ei non obstat præscriptio quadriennij, & reus pro conuicto habetur,



maxime si priorem delatorem probetur fuisse pretio A corruptum, ut præuicaretur & se vinci pateretur à possessore bonorum vacantium, §. ult. & l. eius qui, & l. in fisci, eod. tit. l. 1. C. de sent. adv. fisc. lat. non rec. lib. 10. Et hoc est quod ait Papinianus hoc loco, prioris præuicatione detecta præscriptionem quadriennij perimi: sed & perimi negotij quæstionem, quia scilicet possessor bonorum vacantium, qui priorem delatorem corrumpit, pro conuicto, & condemnato habetur.

Ad §. quadriennij.

*Quadriennij tempus, quod bonis vacantibus nuntian-* B *dis præscriptum est, non ex opinione hominum, sed de substantia vacantium bonorum dinumeratur. Quatuor autem anni post irritum testamentum factum & intestati possessionem ab omnib. repudiatam, qui gradatim petere potuerunt, vel temporis finem, quod singulis præstitum est, computabuntur.*

I N hoc §. additur, quadriennium aut quadriennij tempus non ex opinione hominum dinumerari, sed de substantia vacantium bonorum, id est, non ex die, quo homines existimauerunt ea bona vacare, & id scilicet fisco forte denuntiauerunt, sed ex eo die, quo in veritate ea bona vacare cœperunt, nullo existente herede, aut successore defuncti, nullisque creditoribus ea bona persequentibus, ut l. 50. sup. de man. test. l. 1. §. Diuus, inf. de iure fisci. l. pen. C. de bonis vac. lib. 10. de substantia, inquit, bonorum vacantium, id est, de vero nomine substantiæ bonorum vacantium, ut in l. Arrianus, C. deliber. causa. Ex quo scilicet id nomen vacantium bonorum, eamque appellationem adepta sunt, ex eo scilicet die quatuor anni dinumerantur & computantur. Quod & ita esse declarat manifestius in §. ult. huius legis, ut si post irritum factum testamentum, id est, post repudiatam hereditatem ab herede scripto, vel omisam, id est, non aditam intra constituta tempora, & post repudiatam quoque intestati hereditatem, aut bonorum possessionem ab agnatis, cognatis, patronis, consortibus, viro, vel vxore, vel etiam post omisam ab his omnibus intestati successionem, id est, D iis omnibus tempore exclusis quod singulis præfinitum est ad successionem amplectendam, ab eo die, quo percensitis omnibus gradibus successionis apparuerit, nullum successorem existere, ab eo, inquam, die, quadriennium computatur. Et hoc distat maxime hæc causa fiscalis de bonis vacantib. ab aliis fiscalibus causis, quæ non perimuntur, nisi præscriptione vicenij, l. in omnib. inf. hoc tit. quia in iis causis vicennium numeratur à die nuntiationis, quo primum bona fisco delata sunt, l. 1. §. pen. de iure fisci. In causa autem bonorum vacantium quadriennium numeratur, etiam ante diem nuntiationis, si iam ante percursis omnibus gradibus constitit, nullum defuncto successorem extare: post omnes enim vocatur fisco lege Iulia ad bona vacantia intra quadriennium ex eo tempore, quod diximus connumerandum. Huic legi adiungenda est l. 38. de iure fisci, quæ ex eodem libro est etiam de bonis vacantibus.

Ad l. 38. de iure fisci.

*Fiscus in questione falsi testamenti non obtinuit, priusquam autem ea quæstio decideretur, alio nuntiante, bona postea vacare constitit. fructus post primam litem absumi non oportuisse, respondi: neque enim ad Senatusconsulti beneficium, scriptum heredem pertinere controuersia mota.*

C Vius hæc est species: Quidam delator siue accusator bona quædam fisco denuntiauit quasi vacantia, dicens falsum testamentum esse, ex quo, qui hereditatem bona fide possidebat, existimabat, & vero contendeat, se defuncto heredem esse: & in quæstione falsi testamenti non obtinuit re iudicata secundum possessorem in testamento heredem scriptum: pendente autem falsi testamenti cognitione, necdum finita, alius quidam delator, eadem bona fisco denuntiauit quasi vacantia non ex causa falsi testamenti, ut prior delator, sed ex alia causa, veluti iniusti, aut rupti testamenti, vel quod incapax aut indignus heres esset scriptus in testamento; & post finitam quæstionem falsi testamenti, in qua, ut diximus, prior delator non obtinuit, hic posterior probauit bona vacare, & obtinuit. Queritur, ex quo tempore possessor eorum bonorum fructus fisco restituere debeat, utrum ex die, quo prior lis mota & contestata est, in qua delator siue accusator fisci nomine non obtinuit, an ex die cœptæ posterioris litis; in qua accusator siue delator obtinuit? Est quæstio elegantissima, & responsum valde singulare: Respondet Papinianus, à die, quo prior lis contestata est, quamvis in ea fisco non obtinuerit, fructus fisco esse restituendos; quos possessor percepit, vel quos cum percipere potuit, non percepit, quia bonæ fidei possessor post litem contestatam, motamque controuersiam, malæ fidei possessori similis est: post litem contestatam omnes C possessores pares sunt, l. sed etsi lege §. si ante litem, de perit. her. l. 1. C. eod. tit. Et post motam priorem litem possessori, semper de hereditate, & perpetuo facta controuersia est, nullo intermisso intervallo temporis, quod fuerit vacuum à lite fiscali eorum bonorum causa. Nam finita priore lite, posteriore stringebatur eiusdem fisci nomine, in qua fisco eum condemnauit. Ergo à die prioris litis, in diem condemnationis secutæ ex posteriore lite, fisco fructus restituere debet. Nam ut ait, beneficium Senatusconsulti, Adriani scilicet, de petitione hereditatis, ut in d. l. 1. quod scilicet datur bonæ fidei possessori, ut scilicet fructus consumptos restituere non teneatur, pertinet tantum ad fructus consumptos ante litem motam, non ad consumptos post litem motam, l. heredem, sup. de iis quib. ut indign. l. certum, C. de rei vind. Ergo æstimatio fructuum, fisco, qui posteriore iudicio vicit, à tempore prioris iudicii omnimodo præstanda est, quanti in litem iuratum fuerit, quod plerumque immensum & iniquum pretium est: vel si interim possessor ideo fructus absumpserit, quod tempore essent perituri, quanti reuera fuerint, l. item veniunt §. quod si quis, sup. de perit. hered. Et hæc est sententia primæ partis huius legis. Recte autem posui posteriorem delatorem, non ex eadem causa fisco nuntiasse vacare bona, ex qua agebat prior, sed ex alia, quia ab alio delatum ex eadem causa alius deferre non potuit, l. si tamen §. ult. sup. de accus. l. ubi de crimine, C. eod. nisi prior destiterit, nec peregerit litem, & posterior veniat intra constituta tempora, vel etiam prioris præuicatione detecta, post legitima tempora, id est, post quadriennium: non enim admittitur post quadriennium, nisi prioris præuicationem detexerit, ex l. 101. de diuers. tempor. præscript. Posui etiam speciem in bonæ fidei possessore: Nam malæ fidei possessor omnes fructus restituit quocunque tempore perceptos, vel percipiendos ante vel post litem motam, d. l. heredem, d. l. certum. Post litem vero motam, ut dixi, omnes possessores pares sunt, quantum attinet ad fructuum restituendorum causam, non in omnibus causis. Nam ut hoc demonstrem duob. exemplis, re, qua de agitur, facto perempta post litem contestatam, bonæ fidei possessor non præstat fatum & mortalitatem, malæ fidei possessor plerumque eam præstat, l. illud, sup. de perit. hereditat.



Item possessor non restituit, quod seruus, quo de agitur, ei interim adquisierit ex re sua, malæ fidei possessor & hoc quoque restituit, l. 20. sup. de rei vindic. l. 1. C. eod. tit. l. per seruum donatum, sup. de acquir. rer. domin.

#### Ad §. delatoria.

*Delatoria opera non esse functum respondi, qui fisci pecuniam, quam alius tenebat, ad sui temporis administrationem pertinere, quamvis probare non potuisset, contendit, quoniam propriam causam egerit.*

**D**elator est, qui agit causam fiscalem spe præmij, quod erat vulgo quadruplum, & inde delatori quadruplatoris nomen. Denique delator est, qui spe præmij agit causam fiscalem, non qui agit causam propriam. Ille delator, si non obtineat, notatur infamia tanquam calumniator & συκοφάντης, l. 2. in princ. hoc tit. l. nostris, C. de calumniat. Is, qui propriam agit, si non obtineat, non notatur. Et ideo, ut in hoc §. proponitur, qui detulit, verbi gratia, à curatore Reip. qui sibi in ea administratione Reipubl. successit, detineri pecuniam fiscalem, quæ ad sui temporis administrationem, atque adeo ad suum periculum pertinebat, ut l. 3. §. 1. inf. de admn. rer. ad ciuit. pert. nec obtinuit, non habetur pro delatore, nec fit infamis, quia principaliter id sua, non fisci causa fecit. Delator non est, qui protegendæ suæ causæ gratia, aliquid nuntiat, ad fiscum, siue defert, l. 47. inf. hoc tit.

#### Ad l. 8. ad leg. Iul. maiest.

*In questionibus læsæ maiestatis etiam mulieres audiuntur. Coniurationem denique Sergij Catilina (Fulvia) mulier detexit, & M. Tullium Consulem indicium eius instruxit.*

**L**ex 8. ad leg. Iul. maiest. docet, non tantum infames, qui plerunque ius accusandi non habent, aut deferendi, vel milites, qui etiam propter sacramentum ius accusandi non habent, vel seruos etiam dominos suos deferentes, hos omnes tamen audiri in questionibus læsæ maiestatis, l. prox. sup. Sed non hos tantum, sed etiam mulieres, ut ait, quæ alias causas deferre non possunt, l. deferre, inf. de iure fisci. causam læsæ maiestatis deferre posse, & in ea audiri propter publicam utilitatem. Et ita Papinianus hoc loco scribit, Fulviam mulierem detexisse coniurationem Sergij Catilinæ, & M. Tullium Consulem indicium, id est, delationem eius mulieris instruxisse, & edocuisse insidias paratas Reip. Iulia, habent, non Fulvia, Florentini, & Dorotheus auctor τῆς πλάτους, & Gratianus 15. q. 3. ut in veterib. libris scriptum est, Iulia pro Fulvia. Sed Fulvia esse rectius & verius præter Sallustium, Annæus Seneca siue Florus ostendit libro 4. Tanti, inquit, sceleris indicium per Fulviam emerfit. Et Plutarchus in Cicrone: πῶτο φούλβια γυνὴ ἐπηγγέλε τῷ Κικέρωνι: Et Appianus 2. de bell. civil. φούλβια ἐκ ἀφανὲς ἐμύνησε τῷ Κικέρωνι. ἐκ ἀφανὲς legendum, id est, non ignobilis mulier, non ἐκ ἀφανὲς; nam & Plutarchus ait, fuisse τῶν ὀρθάνων, & Sallustius nobilem mulierem, quod Grammatici male accipiunt in malam partem, quasi nobile scortum.

#### Ad l. 12. ad leg. Cornel. de fals.

*Cum falsi reus ante crimen illatum aut sententiam dictam vita decedit, cessante Cornelia, quod scelere quæsitum est, heredi non relinquitur.*

**S**icut in l. 8. de public. & vectigalib. supra dixit idem Papinianus, fraudati vectigalis crimen ad heredem transmitti commissi ratione, id est, ratione rerum fisco commissarum, quæ ad heredem perueniunt, etiam si ea de re non sit actum cum defuncto, vel condemnatus ob eam rem defunctus non sit, ut puta, si vita deceffit ante illatum crimen aut sententiam dictam. Ita falsi crimen mortuo falsario ante crimen illatum, id est, ante accusationem, vel post accusationem, ante condemnationem hoc loco ait, ad heredem transmitti, sed ratione tantum lucri, quod ex eo scelere defunctus fecit, & transtulit ad heredem. Nam quod scelere quæsitum est, semper heredi etiam innocenti fisco auferit, l. Lucius, inf. de iure fisci, l. in heredem, sup. de calumniat. l. quod diximus §. ult. sup. de eo, quod metus causa, ne heres scelere alieno ditetur, ut ait l. unica, C. ex delict. defunct. in quant. hered. conven. Crimen quidem ipsum falsi extinguitur morte falsarii, & pœna l. Cornelie non transmittitur ad heredem eius, quod hoc loco significat his verbis, cessante Cornelia, sed turpe lucrum heredi auferitur. Quod & in omnibus criminibus generaliter obtinet, l. defuncto, de publ. ind. l. sicuti, de reg. iur. si plures sint heredes, singulis eius, quod scelere quæsitum est, portiones auferuntur, nisi id totum vnus ex heredibus subripuerit aliis, ut in d. l. 8. de publ. quæ cum hac lege commodissime coniungi potest. Hic est finis huius libri 13.

## IACOBI CUIACII

### IVRISCONSULTI

### COMMENTARIUS

#### in Lib. XIV. Responsorum

#### Æmilij Papiniani.

#### Ad leg. pen. de his, quæ ut indign.

*Si gener socerum heredem reliquerit, taciti fideicommissi suspicionem sola ratio paterne affectionis non admittit.*



**H**uius legis verba hæc sunt, quod sequitur, ex Claudij notis ad 30. librum D. Scæuolæ huius tit. l. ult. est. Et vulgo male, ex ijs duabus legibus conficitur vna. Basilica eas diuiserunt rectissime. Species autem l. penult. hæc est. Maritus cum per leges ei non liceret vxorem heredem instituere, quia lex Iulia & Papiæ vxorem ex testamento viri, & contra, virum ex testamento vxoris, solidum capere vetat, ideo non vxorem heredem instituit, quæ est incapax, sed heredem instituit socerum, id est, patrem vxoris. Queritur, an sola institutio soceri sit iusta præsumptio taciti fideicommissi à socero vxori relictæ in fraudem legis Iuliæ & Papiæ, cui facile illudi poterat per tacita fideicommissa & clancularia; Videtur præsumptio taciti fideicommissi duci posse ex adfectione soceri erga filiam, affectione paterna, qua motus socer induci potuerit ad fidem tacitam interponendam restituendæ hereditatis filiæ. Præsumptio hæc facit, ut non tam videatur pater reip. heres generi, quam administrator taciti fideicommissi. Et sane si hoc probaretur manifestissimis probationibus, ut exigit l. 3. §. tacita, inf. de iure fisci. socerum tacitam fidem interposuisse restituendæ hereditatis filiæ, cuius ea est incapax, socero sane, ut indigno hereditatem fisco auferre posset, l. 1. C. de iis, qui se def. lib. 10. Verum recte ait Papinianus, ex eo solo non duci iustam præsumptionem taciti fidei-



commissi, leuissimum id argumentum, leuissimam presumptionem esse & obscurissimam, non manifestissimā. Sola, inquit, ratio paternæ affectionis erga filiam, quæ nupsit testatori, non admittit, non inducit, suspicionem taciti fideicommissi. Et ita hanc legem secundo loco accipit Accursius recte, & eam quoque eodem modo enarrant & explicant Basilica: fere ita: quamuis vxorem heredem instituere non possim, tamen si partem eius heredem instituero, non ideo induco suspicionem legari, aut fideicommissi vxori inutiliter relictæ, in fraudem scilicet legis Iuliæ & Papiæ. Itaque tacito fideicommissio probando non sufficiunt quælibet præsumptiones, sed manifestissimæ requiruntur semper, quoties ex præsumptionibus, indiciis, coniecturis, argumentis extrinsecus probationes adsumuntur, l. 3. §. præterea, de suspect. tut. l. pen. C. de contr. & committ. stip. Et certæ, inquam, præsumptiones ac iure proditæ & probatæ, l. indicia, C. de rei vindic. l. cum citra, C. de iur. dot. Quod est maxime notandū. Nā non præsumptio sufficit, quā quis sibi adingit vel adūbrat, sed præsumptio, de qua nominatim mentio fit in iure, nec enim liberum nobis est comminisci præsumptiones, aut coniecturas: huiusmodi autem præsumptiones quas requirimus, nemo est, qui non videat, quam non sit promptum, & facile præstare. Ideoque recte etiam Quintilianus scribens de tacitis fideicommissis declamat. 325. ait, *natura esse difficile tacitum fideicommissum probare.*

#### Ad l. ii. de assign. libert.

*Alimentorum causa libertos filiis attributos, filiis assignandos non videri respondi. cum ea ratione libertis consuli patronus voluerit, quo facilius voluntatis emolumentum consequatur saluo iure communi.*

**S**ciendum est, patronum, qui plures liberos habet. Si in potestate, si vni ex eis libertum, vel libertos suos assignarit, ad eum solum, cui assignati sunt liberti, ius patronatus pertinere, quod potissimum consistit in hereditate bonorumue possessione liberti, exclusis fratribus, quibus assignati non sunt. Nec enim fratres aliter admittuntur ad bona liberti fratri assignati, quam si is frater repudiauert, vel omiserit successionem liberti, aut capitis libertum sibi assignatum accusarit, aut sine liberis vita decesserit. Nec enim ad extraneos heredes transmittit libertos sibi assignatos, fratribus superstitionibus, sed ad liberos tantum. Quod & verba Senatusconsulti demonstrant propositi initio legis i. h. tit. & §. sed is cui, ead. l. & l. 3. §. si capitis, de bon. libert. vbi Accursius rectissime notauit, quoniam vitiatus est contextus vulgo, atque etiam in Florentinis, alias ita legi, *alter frater cui assignatus non est potest succedere, &c.* Eam scripturam & ipsa iuris ratio, & Basilic. aperte verissimam esse demonstrant. At Senatusconsultum propositum in l. i. huius tit. non hunc tantum casum excipit, si is cui assignatus est libertus, sine liberis vita decesserit, sed & generaliter, si is cui assignatus est libertus, in ciuitate esse desierit, ut puta, si in insulam deportatus fuerit, nullis relictis liberis & fratrib. superstitionibus. Nam & hoc casu superstitibus eius liberi excludunt patruos, & retinent libertos paternos, licet pater per deportationem amissa ciuitate ad peregrinitatem redactus fuerit, & subierit magnam capitis deminutionem: deportato auferuntur bona, etiam si habeat liberos: liberti conseruantur liberis, & iura patronatus igitur, l. eorum, inf. ad leg. Iul. maiest. l. 4. sup. de iure patr. l. 4. §. si deportatus, de bonis libert. Verum huic sententiæ valde obstat l. 3. sup. de interd. & re leg. quæ ait, eum qui ciuitatem amisit, veluti deportatum, liberis suis non tantum adimere hereditatem suam, quam fiscus occupat, sed etiam libertos suos. Verum obseruandum est, eam leg.

**A** 3. scriptum esse ab Alpheno vetere Iuriconsulto secundum strictam rationem iuris, quæ olim obtinuit, & viuo Alpheno. Nam hoc iure liberi eius, qui ciuitatem amisit, veluti deportati, retinent tantum ea quæ à genere eistribuantur, vel stirpe, & à ciuitate, & à rerum natura, veluti legitimas hereditates consanguineorum vel agnatorum, atque tutelas eas retinent, quas accipiunt à maioribus, non à patre, id est, à genere & stirpe; verum non retinet ea, quæ à patre ad eos peruentura erant, si deportatus non fuisset: non retinent bona vel legitimam hereditatem patris: non retinent legitimam hereditatem libertorum paternorum; nec in hac causa deportatus mortuo comparatur, sicut nec in specie l. intercidit, de condit. & demonstr. l. sed & si mors, de donat. inter vir. l. ex ea §. in insulam, de verb. oblig. Nō in omnibus causis deportatus mortuo comparatur, in hac causa nullo modo, secundum rigorem iuris. Mortuo enim patri suo fato utique liberi heredes existerent, libertisque paternis: patre deportato non item. Et hæc quidem in libertis ita se habent summo iure; ut dixi, veteri iure, de quo Alphenus scripsit: sed postea benigne placuit, ut liberi hereditatem legitimam, non patris quidem, quoniam bona patris deportati publicantur, sed liberti, vel libertorum paternorum retinerent. Idque placuit supradicto Senatusc. quod proponitur in d. l. i. hoc tit. ut apertissime demonstrant illa verba, *utique si sex liberis, quis in ciuitate esse desisset, neque ei liberi vlli essent.* Quæ verba satis ostendunt eum, qui desijt esse in ciuitate, libertos, quos ipse habuit non adimere. Deinde benignissime, ut ait l. 4. sup. de iure patron. Seuerus & Antonino placuit, ut etiam liberti eius, qui perduellionis damnatus esset, quod est omnium maximum crimen, liberis eius conseruaretur: hoc in illis benigne constitutum est, in his benignissime, quoniam vel in crimine perduellionis, iuris rigor obseruandus esse videbatur: qui tamen remittitur, quod ad libertos attinet, siue iura patronatus libertorum perduellis & condemnari ex ea causa. Ego hic libenter quæserim, quid opus fuerit Senatusc. quo adprobaretur assignatio liberti vel libertorum facta vni ex liberis? Senatusconsultum factum fuit Claudij Imperatoris temporibus. Cur ante Claudium? Ante SC. non licuit patri libertum assignare vni ex filiis remotis fratribus? Ratio hæc fuit, quia ut pacto mutari non potest ius legitimum hereditatum, l. ult. inf. de suis & legit. hered. ita nec testamento: quod non potest fieri pacto, nec testamento, & è contrario, l. pactum, sup. de pact. quod non in instrumento, nec testamento, ut ecce, nemo testamento suo efficere potest, quo minus se mortuo filij sui sibi inuicem, id est, fratres fratribus ab intestato succedant. Ac similiter non potest efficere, ne post mortem suam, liberto suo intestato defuncto, ei liberto omnes liberi ab intestato succedant. Ius enim commune, quod vocat Papin. in hac lege, ius publicum hoc est, cui derogare testator non potuit, l. 15. §. 1. ad leg. Falcid. quod tamen agit, qui vni ex liberis libertum suum assignat, ut is solus exclusis fratribus ad liberti hereditatem vel bona admittatur: & ideo SC. opus fuit, quo ea assignatio comprobaretur, id est, quo permetteretur testatori derogare iuri communi, & iuri patronatus, quod ab intestato commune est omnibus liberis patroni. Ius igitur SC. huius singulare est. Quæ de causa & in l. ult. §. ult. h. tit. ait Iurisc. diligenter esse obseruandum finem SC. nam ius singulare, quod recedit à iure communi, strictius accipiendum est. quamobrem ait, non posse libertum assignari in diem certum, sed debere assignari in perpetuum. Quoniam Senatus, inquit, huic negotio finem proposuit, quem sequi oportet stricte & destitute. Quem finem? Ut scilicet is, cui assignatus est libertus, in eum diem iura patronatus solus obtineret, quod desineret esse in ciuitate, vel morte naturali,



vel deportationē, quod maxime notandum est. In hac autem l. 11. vni ex filiis, cui liberti attributi sunt alimenterum causa, id est, ut is alimenta libertis præstaret, erogaret, distribueret, quæ patronus eis relinquebat, ei, inquam, filio hoc modo non videri adsignatos libertos. Nam adsignatio libertorum fit filij causa: hæc autem libertorum attributio fit libertorum causa, ut habeant à quo alimenta percipiant & petant, nec à singulis petendo destinguantur, ut ait l. 3. de alim. leg. *Ils feroient trop empeschez, si à singulis heredibus, vel à singulis filiis minutatim cogantur alimenta petere: melius est, habere vnum à quo solo alimenta petant, quam destringi petendo à singulis, ut in l. ult. rem pub. salu. fore.* & apud Ann. Florum elegantet, eos, qui per insidias volunt capere urbem aliquam, prius urbem destinguere incendiis: pour les empescher à esteindre le feu. proinde aliud est adsignare libertum simpliciter, aliud adsignare alimenterum causa, quæ est sententia huius legis: adsignare, & attribuire idem est: adsignare nomina in l. ult. de distrab. pign. attribuire nomina in l. 3. fam. ercisc. sequitur l. 3. de manumiss.

Ad l. 3. de manumiss. quæ seruis ad vniuersit. &c.

*Servus civitatis iure manumissus, non ademptum peculium retinet, ideoque debitor ei soluendo liberatur.*

Nemo est, qui nesciat, seruum priuati hominis, manumissum inter viuos, retinere peculium, quod habuit, si ademptum non sit, nec necessarium est, ut nominatim ei cõcedatur, satis est si non adimatur, videtur ei data libertas simul & peculium, quod habuit, l. vn. C. de pec. eius qui libert. meruit. §. peculium, Institut. de leg. ut & hac lex 3. ostendit, idem esse in seruo ciuitatis iure manumisso. Iure, id est, decreto ordinis, & auctoritate Præsidis, ut l. 1. & l. 2. C. de seruis Reipublic. man. *Servus civitatis, inquit, iure manumissus inter viuos retinet peculium, quod ei Respub. non adimit.* Ex quo efficit, debitorem peculiarem ei recte soluere, soluendo liberari, nec quod soluit condicere posse: quod vsque adeo verum est, ut etsi ademptum sit manumisso peculium, debitor peculiaris ei soluendo liberetur, si modo ignorauit ademptum ei esse peculium: quod Accursius hic notauit recte. concessio peculio aut non adempto, quod idem est, nullus est labor, quoniam in confesso est, omnib. debitorem peculiarem ei soluendo liberari. Et obseruandum, nos loqui tantum de manumisso inter viuos. Nam manumisso testamento non videtur concessum peculium, quod non est ademptum, nisi nominatim legatum sit, d. l. unica. Et ratio differentia euidens est: quia qui manumittit inter viuos, neque peculium sibi retinet aut recipit, neque in alium transfert: ergo manumisso relinquere videtur. At qui manumittit testamento, id transferre videtur in heredem suum, cum vniuerso iure, si id nominatim manumisso non legauerit.

Ad l. 51. de man. testam.

*Testamento centurio seruos suos venire prohibuit, ac peti prout quisque meruisset eos manumitti, libertates utiliter datas, respondit, cum si nemo seruorum offenderit, omnes ad libertatem peruenire possunt, quibus per offensam exclusis, residui in libertatem perueniunt.*

Miles seruos suos alienari prohibuit ab herede in testamento, & rogauit heredem, ut prout quisque eorum promeruisset, eos seruos manumitteret. Quæritur, an his verbis, iure sit data eis fideicommissaria libertas. dubitationem facit, quia placet testamento

seruis libertates dare nominatim, §. libertas, Institut. de leg. quod esse ex l. Fusia Caninia Vlpian. scribit lib. reg. tit. 1. & Paulus 4. sent. tit. ult. Qua de causa & quid sit nominatim explicatur in l. 24. & 47. hoc tit. quia scilicet in testamentis nominatim manumittere licet, & in testamento etiam militis hoc locum habuisse argumentum præbet §. incertis, Institut. de leg. qui ne militem quidem ait, incertæ personæ potuisse legare, & incerta quodammodo est, cuius nomen non adscribitur. In specie proposita nomina seruorum non sunt expressa. Et ideo quæritur, an sint eis utiliter datæ libertates? At quod eadem lege Caninia cautum erat, ne quis testamento omnes seruos suos manumitteret, nō habuisse locum in testamento militis hic locus arguit, quo proponitur centurio seruos suos, prout quisque meruisset, heredem testamento manumitti iussisse: atque adeo omnibus dicitur deberi libertas fideicommissaria, si omnes bene meriti sint de herede, aut non male meriti, quod satis est, non indigni libertate. Omnib. videtur data libertas contra Caniniam legem: non habuit igitur locum in testamento militis. Si tamen non omnes bene meriti sint de herede: ait, bene meritos, aut non male meritos tantum esse manumittendos, indignos & immerentes repellendos. Quæ autem omnibus generaliter testamento militis, vel cuiuscunque, quanquam non cuiuscunque utiliter per legem Caniniam, sed militis tantum, quæ, inquam, omnibus generaliter testamento videtur dari libertas, satis videtur dari nominatim, l. Titius, sup. de lib. & post. In hac igitur specie, iure data est libertas, quia data est omnib. quæ omnib. iure dari potuit à milite, & quia etiam à milite dari debuit nominatim, & nominatim data intelligitur, quæ data est toti familiæ, si modo promeruisset heredem.

Ad §. cum ita.

*Cum ita testamento adscriptam esset, serui, qui sine offensa fuerunt liberi sunt, conditionem adscriptam videri, placuit, cuius interpretationem talem faciendam, ut de his in libertate danda cogitasse non videatur, quos pœna coercuit, aut ab honore ministrandi, vel administranda rei negotio remouit.*

Superius responsum est de fideicommissaria: hoc vero de directa libertate data testamento, hoc modo: serui, qui sine offensa fuerunt liberi sunt, id est, qui quamdiu vixi sine offensa fuerunt, qui me non offenderunt, contra quos offensus non fuit: sic accipienda sunt ea verba testatoris, serui, qui sine offensa fuerunt, liberi sunt: verba illa, liberi sunt, sunt directa: & præterea libertas, quæ data est superiori responso, est pura. quoniam hæc verba, quæ diriguntur ad heredem scriptum, prout quisque meruerit, pro boni viri arbitrio accipiuntur, l. fideicommissaria, 3. §. 1. tit. seq. l. 20. hoc tit. l. 11. §. sed et si, de leg. 3. Boni viri autem arbitrium est certum, nec inest ei vlla mora vel conditio, sed statim est certum, sicut æquitas est certa, cuius magister est bonus vir, l. 1. de leg. 2. Hæc autem manumissio, serui, qui sine offensa fuerunt, liberi sunt, conditionalis est, ut ait, quia hæc ei iniecta esse conditio intelligitur, si me testatorem non offenderunt. Et ideo hi tantum vocantur ad libertatem, qui non offenderunt testatorem, non cæteri qui offenderunt: & definit, qui offendisse intelliguntur, qui locus est singularis. Offendisse dominum intelliguntur, quos pœna coarguit, quos vinxit compedibus pœnæ causa, quos compunxit notis pœnæ causa, qui stygum dicuntur, & à Tertulliano subuerbisti, qui ont flestris au visage, ut Galli loquuntur, non stigmati, vst Alciatus tentat. Nam stigmati non dicitur à stigmate, sed ab ordine quodam, serie, versu. Offendisse etiam dominum dicitur,



dicatur, quem dominus remouit à dispensatione & actu rerum, administratione rerum suarum, id est, quem noluit amplius esse actorem rerum suarum, qui erat summus honor in familia. Offendisse etiam dominum intelligitur is, quem remouit ab honore ministrandi, honor est accumbenti domino ministrare cibos aut procula, aut stare ad cyathum, vel prægustatorem esse, qui locus est singularis.

Ad l. 2. ne de statu def. post quinq. quær.

*Non esse libertatis questionem filiis inferendam, propter matris vel patris memoriam, post quinquennium à morte non retractatam conuenit. Nec in ea re, quæ publicam tutelam meruit, pupillis agentibus restitutionis auxilium tribuendum est, quod quinque annorum tempus, cum tutores non haberet, exceßerit. Præscriptio quinque annorum, quæ statum defunctorum tuetur, specie litis ante mortem illata non fit irrita, si veterem causam, desistente, qui nouit, longo silentio finitam probetur.*

**S**enatusconsultum, de quo agitur in *h. t. ne de statu defunctorum post quinquennium quæretur*, quod factum esse opinor D. Marci temporibus, præscriptione quinquennii repellit eum, qui post quinquennium quam defunctus est, qui ut liber in diem mortis vixit sine controuersia, sine interpellatione, de statu capitis questionem mouet, adserens eum non ingenuum, sed aut seruum suum, aut libertinum fuisse. Quæ de re non agit quidem, nec agere potest principaliter in defunctum, quia cum defuncto nulla est lis. In defunctum liberale iudicium non est, *l. principaliter, C. de lib. caus.* Sed agit de ea re propter aliam causam, veluti propter peculium siue bona, quæ defunctus reliquit, quæ ad se tanquam dominum aut patronum eius pertinere contendit, vel propter filios eius: Finge, defunctam esse matrem, propter cuius conditionem asserat, filios ex ea natos seruos suos esse, quod mater sua esset ancilla: & auditur quidem post mortem matris intra quinquennium, non post quinquennium, nisi seruus fugitiuus fuerit, qui se pro libero gesserit, ut Athenio & Spartacus duces seruili belli, *l. ult. C. eod. tit. l. 1. C. de long. temp. præscript. quæ pro lib.* Nam de fugitiui statu quæri potest etiam post quinquennium mortis eius, & post vicennium, *d. l. ult.* At si seruus fugitiuus non fuerit, qui communi opinione dum vixit pro libero habitus est, & agat de statu L. Titij viuentis, quasi filij defuncti: fac, matrem L. Titij mortuam in ciuitate ante quinquennium, quam dicis ancillam tuam, atque adeo L. Titium filium eius, seruum tuum fuisse, tibi agenti de statu L. Titij viuentis post quinquennium mortis matris, ne præiudicium fiat matris statui, obstat quinquennij præscriptio, quia non potest quæri de statu L. Titij viuentis, quin & de statu quæretur matris eius defunctæ ante quinquennium, *l. 2. C. eod. tit.* Et hoc est quod ait, *non esse libertatis questionem filiis inferendam*, hoc est, non esse filios petendos in seruitutem, propter matris memoriam, quæ dicitur fuisse ancilla petitoris, videlicet, si hoc intendat petitor post quinquennium mortis matris, quæ communi opinione vixit semper ut libera. Et additur in hac lege, *vel patris, propter matris, vel patris memoriam*, quæ verba, *vel patris*, prima specie videntur abundare, quia non à patre, sed à matre seruitutem trahimus, aut libertatem, & sicut natus ex libero & ancilla seruus est, quod constat inter omnes, *l. partum, C. de rei vind.* ita natus ex seruo & libera, liber est, spectata conditione matris, non patris, *l. Senecus, inf. de decur. l. 1. C. de mulier. quæ se prop. ser. iunxer. §. 1. Institut. de ingen.* quia natus ex seruo & libera habetur pro spurio, siue vulgo quæsito, hoc est, nato incerto patre. Nā ser-

Respons. Papin.

**A**uus incertus homo est, ac pene nullus iure ciuili: ut ergo natus ex incerto patre, non matre, quæ nunquam potest esse incerta, sequitur conditionem matris, quæ certior est parens: ita natus ex seruo incerto homine & libera, pro spurio habetur, *l. 3. C. sol. matrim. l. 6. C. de suis & legit. hered.* Si igitur semper spectanda est conditio matris, siue fuerit libera siue serua, cur hic Papin. de patris conditione mentionem iniecit? propter matris, inquit, *vel patris memoriam*, & conditionem scilicet, ut *l. 2. C. eod.* ait, propter matris conditionem, nec addit vel patris. At ut hoc expediamus, dico, ut ex seruo & libera liber nascatur, hoc esse ex constitutione Alexandri Seueri introductum fauore libertatis, *d. l. Senecus, de decur.* cuius Imperatoris tempora, non attingit Papinianus. Nam iure veteri ex seruo & libera natus, deterioris parentis conditionem & memoriam sequebatur: sicut & ex peregrino & ciue Romana natus, ut Vlp. scribit *lib. regul.* Cui iuri prorsus simile est illud, quod in legib. Niuernensium exprimitur his verbis, *le manuais emporte le bon*, id est, nati sequuntur deteriorem conditionem parentis. Nam ut hoc magis atque magis probem, & quod hodie placet, natum ex ea, quæ libera concepit, ancilla peperit, liberum esse, spectato conceptionis potius quam partitionis siue editionis tempore: id olim non obtinuit. hodie obtinet ex constit. & extortum dicitur fauore libertatis à Paulo 2. *Sentent. tit. de lib. agnosc.* Iure enim veteri tempus editionis tantum spectabatur, non conceptionis, *l. 9. ad municip. & Caius 1. Instit.* hodie etiam conceptionis tempus fauore libertatis, *l. 5. de statu hom.* ubi placuit, Principibus scilicet. Nam aliud erat iure veteri. Quod autem additur in hac lege, valde singulare est: nec pupillos, qui intra quinquennium de statu defuncti agere supersederunt, etiam si ideo supersederint, quod tutores non haberent, restitui posse in integrum aduersus præscriptionem quinquennij, ut post quinquennium à morte, ea de re agant, quia libertas, ut ait, publicam tutelam meretur aduersus omnes, nec mirum, cum dicatur libertas esse res publica, *l. si quis rogatus, sup. de fideic. libert.* unde quod publica utilitatis gratia in *l. si hereditas §. ult. de test. tut.* in eadem specie est, *libertatis gratia, l. etsi non adscripta, C. de fideic. libert.* unde & olim cui libet agere licuit pro libertate cuiuslibet, ut est in *Instit. tit. de iis per quos agere poss.* Tit. Liuius. 3. *In iis, qui adseruntur in libertatem, quouis lege agere potest*, id est, publica actio est. Pupillorum etiam fauor est magnus, *d. l. si hereditas §. ult. l. 3. §. præterea, de susp. tut. l. 1. §. ult. sup. de vstr. l. pen. C. de necess. seru. l. pen. C. de ser. pign. dat. manum.* Et pupillorum causa sicuti libertatum etiam publicam tutelam & curam mereri dicitur, *l. 2. sup. qui pet. tut. l. 2. §. tractari, ad Tertull. l. 19. C. Theod. de decur.* sed præponderat & præualet libertatis fauor, quia libertatum causa ad multo plures pertinet, eique posthabetur pupillorum causa, & pupillis etiam hac iure Respublica comparatur *l. si mater, C. ne de statu def. & fiscus, l. 1. in prin. hoc tit.* ut eis non subueniatur post quinquennium, ut aduersus eos omnes præscriptio quinquennij currat, nec aduersus eam restitui possint in integrum: & si in pupillis hoc iuris est, & in minoribus xxv. annis multo magis idem dicendum erit: si in hac causa non parcitur pupillis, nec puberibus igitur minoribus 25. annis. Neque obstat *l. ult. C. in quib. caus. in integ. rest. non est necess.* quam adfert Accursius, quæ ipso iure tuetur minores aduersus præscriptiones omnes temporum, quoniam, ut breue faciam, ea lex loquitur de præscriptionibus, aduersus quas minoribus solebat tribui auxilium restitutionis in integrum: at aduersus hanc præscriptionem quinquennij, non potuit tribui auxilium restitutionis in integrum. Præterea notandum est huic præscriptioni quinquennij locum non esse, si ante mortem eius, de cuius statu quæritur, lis



mota fuerit, quoniam perageretur post mortem propter A  
causam euictionis, vel propter causam bonorum, aut  
propter causam filiorum defuncti, l. 3. C. eod. tit. l. 2. C.  
de adfert. toll. excepto vno casu, nisi qui mouit litem vi-  
uenti, antequam is moreretur, ab ea destiterit, & longo  
silentio sopita ea lis fuerit, quoniam nec mota fuisse in-  
telligitur hoc casu, l. 10. inf. de diu. temp. prescr. Et hoc  
est quod ait in hac lege, *prescriptio quinquaginta annorum, qua  
statum defunctorum tuetur, &c.*

Ad l. 13. quib. ex caus. in possess. eatur.

*Ad cognitionem Imperatorum à præsede prouincia remis-*  
*sus, & si in ceteris litibus Roma defendere se non cogitur, B*  
*tamen in prouincia defendendus est. Nam & exilio tempo-*  
*rario puniti, si defensor non existat, bona vaneunt.*

PRæsides prouinciæ causam aliquam remisit ad cogni-  
tionem Imperatoris, in urbem, forte ex appellatio-  
ne, vt in l. 22. & 26. inf. de appell. an in urbem quum ve-  
nerit, qui appellauit, & remissus est ad Principem, co-  
gitur se in vrbe defendere, nō in hac lite tantū, sed & in  
ceteris omnibus, si in vrbe conueniatur à creditoribus.  
Et ait, non cogi, sed in ea tantū re se defendere cogitur,  
quæ remissa est ad Principē, idque patet ex l. 2. §. ei quo-  
que, sup. de iud. Verū in ceteris litibus, etiā si sit in vrbe,  
defendendus est in prouincia, vbi domicilium habet,  
aut si non defendatur per procuratorem, creditores  
possunt mitti in possessionem bonorum, & bona distra-  
here, vt in l. 1. inf. eum qui appell. in prou. def. Nam vt  
subiicit, & damnatus exilio temporario, puta, relega-  
tus ad tempus, vel qui exilii causa solum verterit, vt erat  
expressum in edicto prætoris, vt Quintiana ostendit, si  
non defendatur in prouincia, vbi domicilium habet,  
bona eius vaneunt, quia imputatur ei quod procurato-  
rem aut defensorem, quem potuit relinquere, non reli-  
querit, l. Papin. de minor. l. sed et si per Prætores §. 1. ex  
quib. caus. maior.

## IACOBI CUIACII

### IVRISCONSULTI

### COMMENTARIUS

in Lib. XV. Responsorum  
Æmilij Papiniani.

Ad l. 29. de test. tut.

*Ex sententia SC. Liboniani, tutor non erit, qui se testa-*  
*mento pupillo tutorem scripsit. Cum autem patris voluntas*  
*hoc ipsum manu sua declarantis ambigua non esset, nec ad-*  
*mittendam excusationem, quam iure publico habebat: quo-*  
*niam promississe videbatur, nec vt suspectum remoueri.*

**C**ertum est ex Senatusconsulto Liboniano, fa-  
cto Tiberij Imperatoris temporib. teneri  
quasi falsarium, licet falsarius non sit, pœna  
legis Corneliæ de falsis, nisi veniam à Prin-  
cipe, vel senatu impetrauerit eum, qui alienum testa-  
mentum scripsit dictante testatore, si hereditatem, vel  
legatum, vel fideicommissum sibi adscripserit, quamuis  
id iussu testatoris fecerit, idque etiam sibi inutiliter ad-  
scripserit, quoniam pro non scripto est quod quis sibi  
adscribit in alieno testamento, l. 1. inf. de ius, qua pro non  
scrip. hab. SCtum loquitur de hereditate tantū, & lega-  
to, & fideicommissio & libertate, quod quis sibi adscri-  
psit, cum adhibitus esset ad scribendum alienum testa-

mentum. Sed ex sententia Senatusconsulti idem iuris  
est, si scriptor testamenti, cum esset ex liberis testatoris,  
sibi adscripserit adsignationem liberti, l. 22. §. qui libert.  
ad leg. Cornel. de fals. Ex sententia, inquam, Senatuscon-  
sulti, non ex verbis, quia adsignatio liberti, neque le-  
gatum, neque fideicommissum est, l. 7. inf. de adsignat.  
lib. Et similiter ex sententia Senatusconsulti tenetur  
scriptor testamenti alieni, qui sibi adscripsit mortis cau-  
sa capionem, vt puta, qui legato alij relicto adscripsit  
conditionem sibi dandæ pecuniæ, qua pecunia demum  
data peruenit ad legatum legatarius, & capi dicitur ea  
pecunia mortis causa, quæ datur conditionis implende  
gratia. Ergo ex sententia Senatusconsulti tenetur etiam  
is, qui legato alij relicto adscribit conditionē sibi dandæ  
pecuniæ certæ, hoc est, qui sibi abscribit mortis causa  
capiōem, d. l. 22. §. pen. Ex sententia, inquam, Senatus-  
consulti, non ex verbis, quia mortis causa capio, neque  
legatum, neque fideicommissum est, sed proprie quæ-  
dam capiendi species, quæ commune nomen mortis  
causa capionis, fecit suum proprium, l. 31. de mort. caus.  
donat. l. 8. inf. si quis omiff. cau. test. Ex sententia etiam  
Senatusconsulti hoc loco ostenditur, teneri scriptorem  
alieni testamenti, qui & in iure sæpe dicitur testamenta-  
rius, id est, scriptor alieni testamēti, & ennoio in glos.  
Phylaxeni. Teneri, inquam, testamentarium (ex senten-  
tia dico Senatusconsulti) qui sibi adscribit tutelam filij  
impuberis testatoris. Ex sententia, non ex verbis, quo-  
niam & tutela, legatum aut fideicommissum pecunia-  
rium non est: ergo sicut legatum sibi abscribit inutiliter,  
ita & tutelam. Denique ex testamento tutor esse non  
potest, præterquam (hic enim casus est excipiendus) si  
testator ipse manu sua specialiter declarauerit, se eum  
tutorem esse velle, aut probare quæcunque is scripsisset,  
se dictante his verbis, *quod Luc. Titio dictanti, & recogno-*  
*ui.* Hoc casu tutor dabitur non ex testamento quidem  
protinus ipso, sed ex confirmatione, & decreto præto-  
ris, vel Præsidis, quoniam prius inquirendum est, an sit  
idoneus, l. uxori §. 1. inf. ad l. Cornel. de fals. nam & hoc  
casu, qui sibi adscripsit legatum, legatum capit, quum  
testator specialiter subscripsit, *quod illi dictanti & reco-*  
*gnoui, l. 1. §. inter, & l. 15. §. plane, eod. tit.* Tutor autem  
tum maxime dabitur ex inquisitione, decreto Prætoris  
vel Præsidis in casu excepto, quum eodem testamento  
alij tutores pupillo instituti non sunt: nam si cum eo alij  
sint in testamento tutores instituti siue dati, facilius ille  
curator dabitur & adiungetur aliis tutoribus, quam  
tutor, quoniam semper datiuā tutela testamentariæ ce-  
dit, vt & de legitima tutela dicitur in l. 9. §. 1. inf. de  
tut. & rat. distr. Et qui confirmatur tutor testamento  
datus, datiuus est, non testamentarius proprie, l. 5. tit.  
seq. Et de huiusmodi casu, quem excipiendum esse dix-  
imus, ita respondit Papinian. hoc loco, *vt propter spe-*  
*cialem subscriptionem testatoris, cum alij tutores dati sunt,*  
*& is, qui se tutorem cum aliis scripsit tutoribus curator ad-*  
*iungatur ex inquisitione.* Et adiicit: *Eum hoc casu, qui se*  
*tutorē scripsit, nulla excusatione uti posse, etiamsi quam ha-*  
*beat probatam iure publico, vel propter numerum liberorū,*  
*vel propter aliam iustam causam, nullo modo potest se excu-*  
*sare à tutela, quā sibi adscripsit, excusationē, quam habuit,*  
*amittit.* In sumuario Bartoli ad hanc legē corrupte *exe-*  
*cutionem amittit, pro amittit excusationem.* Cur vero  
excusationem amittit, quam habuit iure communi, iu-  
re publico? quia promississe, inquit, videtur, id est, fidē  
patri dedisse, se eam tutelā administraturū, & cōsensisse  
voluntati patris, qui se eo iubente tutorem scripsit. Cer-  
tū autē est eos, qui patri promiserūt, se tutelā admini-  
straturos, nulla ratione excusari posse, l. 15. quæ incipit  
*quod vbi §. 1. inf. de excus. tut.* Nuda igitur promissio auf-  
fert ius excusationis: nuda promissio, amissio excusatio-  
nis est. Nec obstat l. quū quis decedēs 30. in princ. inf. de leg.  
3. quā hic obicit Accursius. Ex qua hoc tantū efficitur,



ex nuda promissione, vel professione actionem non nasci. Si quis, ut enarrem speciem breuiter, rem suam sibi legatam, quod legatum est inutile, & à se per fideicommissum alij relictam in iure profiteatur, se fideicommissario præstiturum, & nihil facturum contra voluntatem defuncti: nam ea professio nullam fideicommissario actionem parit, sicut nec, ut rectissime Bartolus notauit, si quis rem meam me consentiente alij legauerit, is consensus nullam legatario actionem parit, consensus me non obligat ad rem meam alij præstandam, quia nudus consensus est. Hoc efficitur ex d. l. *quum quis decedens*, ergo nihil efficitur, quod pugnet cum hoc responso, in quo hoc tantum dicitur, nudam promissionem promittentem adimere ius excusationis, quod habuit ex iure publico. Vtrumque est verum, & quod hic & illic dicitur, nec aduersum alij aliud. Pergamus igitur ad alia. Addit in hac lege, non posse etiam eum, qui se tutorem scripsit, remoueri à tutela, vel cura ut suspectum: Quum speciali subscriptione testator omnia probauit, quæ dictauit ei, & omnia recognouit, ut diximus ante: videbatur posse remoueri ut suspectus, quod ultro videatur affectasse tutelam: imo non ultro affectauit, sed iubente testatore, ac deinde etiam manu sua subscribente, & factum approbante. Suspectus dicitur, qui operam suam ingerit inuito, l. *qui omnia* §. 1. de procurat. inuito, non qui volenti. Et hæc est sententia h. l.

Ad l. ult. si quis al. testa. prohib.

*Virum qui non per vim nec dolum, quo minus uxor contra eum, mutata voluntate, codicillos faceret, intercesserat, sed (ut fieri adsolet) offensam agra mulieris maritali sermone placauerat: in crimen non incidisse respondi, nec ei, quod testamento fuerat datum, offerendum.*

**C**ertum est ex constitutione Adriani, de qua in hoc titulo agitur, coerceri crimen prohibiti per vim aut dolum, vel extorti testamenti, aut codicilli. Quomodo? nimirum à fisco ablata hereditate vel legato, vel fideicommissio, veluti indignis, ut ait l. 2. C. eod. tit. veluti indignis eis, quibus testamento relictum est aliquid, videlicet si per vim vel dolum testatorem prohibuerint mutare testamentum in quo aliquid eis relictum est: vel si prohibuerint testatorem facere codicillos, quibus adimere volebat relictum his legatum aut fideicommissum, si per vim aut dolum id egerint, ne hoc perficeret testator, forte dum scriptorem testamenti vel codicillorum, quem testator adsciuit, vel testes, quos rogauit, eximunt aut morantur, vel ludificantur quo minus veniant: merito iis ut indignis fisco aufert, quod relictum est, quia supremam defuncti voluntatem non habent: crimen est, si interueniat vis aut dolus, non si blanditiæ, aut illecebræ. Nam blanditiis, non prohibemur elicere hominum voluntates, benignitatem, *in eod. l. ult.* Et ideo si maritus, quæ est species huius legis, cui quid uxore testamento legauit, uxore legatum ei adimere volente, non vi adhibita, creptis testibus aut erepro, vel expulso testamentario, non dolo malo, veluti dolois persuasionibus, aut calliditate quadam, mora, aut impedimento aliquo obiecto testibus vel testamentario, ne venirent, ne introirent, sed maritali sermone, ut ait, utque ex hoc ipso loco est scriptum in l. ult. C. eod. hoc est, blando sermone uxorem agram animi & offensam atque infensam sibi placauerit, atque ita effecerit, ne quod decreuerat, ad effectum perduceret, puta, ne mutaret voluntatem, ne codicillis legatum adimeret: hoc vero ait extra crimen esse, nec ob eam rem marito legatum esse auferendum ut indigno. in aliis plerisque causis blanditiæ maritales vel uxoriæ cohibentur & reprimuntur, l. 1. C. Theod. de inf. pænis *et al.* veluti lege Iulia & Papia, quæ virum & uxorem

Respons. Papin.

**A** inter se solidum capere vetat, & lege Solonis receptare ciuili populi Romani, quæ non vult inter virum & uxorem consistere factas donationes. His legibus sane cohibentur blanditiæ maritales, alioquin in immensum donaret alter alteri, & in solidum bona sua relinqueret alteri, sed in specie proposita, non est quod blanditiæ, aut cohibeantur aut reprimantur.

Ad l. 18. de his quæ ut indign.

*Eum, qui tacitum fideicommissum in fraudem legis suscepit, eos quoque fructus quos ante litem motam percepit cogendum restituere respondi, quod bona fidei possessor fuisse non videtur, exemplo bonorum fisco vindicatorum, post motam de tacito fideicommissio controuersiam, ante pretia fructuum percepta cum usuris esse restituenda respondi, sed omnium fructuum, quorum pretia percepta fuerant, quod si fructus in usu habuit, eorum pretia tantum restitui satis erit. Sed Diuus Seuerus bonorum tacite relictorum, citra distinctionem temporis, fructus duntaxat debere, non etiam usuras eorum benigne decreuit, quo iure utimur.*

**I**n hac lege sunt tria responsa de tacitis fideicommissis, in primo responso idem ostenditur fere, quod in proximo superiore: malè fidei possessorem omnes fructus debere restituere petentibus hereditatem, etiam eos, quos ante litem motam percepit, aut percipere potuit. Et ideo heredem, qui tacitam fidem interposuit, tacitumue ministerium suscepit in fraudem legum incapaci restituendæ hereditatis, quia prædo & malæ fidei possessor est, l. *prædonis*, sup. de pet. hered. fisco cum hereditariis bonis etiam fructus debere restituere ante litem motam perceptos, aut consumptorum fructuum pretia, exemplo, inquit, bonorum fisco vindicatorum, id est, sicut bona fisco vindicantur ex causa taciti fideicommissi, ita & eorum bonorum fructus, etiam qui percepti sunt ante motam litem. Quod autem sequitur in hoc ipso responso, post motam de tacito fideicommissio controuersiam, est etiam de fructibus perceptis ante motam litem: & his verbis post motam controuersiam, hoc tantum significatur, à tempore litis contestatæ, pretiorum, quæ percepit ante litem contestatam, distractis fructibus, venditis fructibus, & in sortem reductis cuiuscunque generis fructus fuerint, quoniam ait, omnium fructuum, usuras præstare heredem à tempore litis contestatæ, qui tacitam fidem interposuit, ut in fraudem legis incapaci hereditatem restitueret: à tempore, inquam, litis contestatæ. Eius vero temporis quod præcessit litis contestationem usuras nullas præstare; crescit mala fides ex litis contestatione & contumacia possessoris fisco non restituentis hereditatem, & usurarum quoque additamento plebitur: & dixi, distractis fructibus, quia si is heres fructus non distraxerit, sed in usu suo habuerit & consumpserit, nec eos in æs redegerit, satis est fructuum ante litem motam consumptorum pretia restitui sine usuris pretiorum. Et hoc quidem ipso iure ita se habet. Itaque se respondisse Papinianus scribit ante decretum Seueri, quod subiicit: nam postea Seuerus specialiter in casu proposito, id est, fisco bona tacite relictæ vindicante satis habuit, citra distinctionem temporis, hoc est, non solum ante tempus litis contestatæ, sed & post litem contestatam, pretia fructuum, qui venierunt ante litem contestatam, sola fisco restitui sine usuris, id est, nec usuras debere à tempore litis contestatæ, sicut nec eius temporis quod præcessit litis contestationem. Idque ut ait, Seuerus, ita benigne decreuit in gratiam heredum fisco suo non fauens. Nec pugnat cum hoc decreto lex, cum quidam §. in tacito, sup. de usur. quæ heredi, quæ



tacitam fidem accomodauit, dicit, auferri vsurarum A  
emolumentum, quia de vsuris loquitur, quas heres per-  
cepit à debitoribus hereditariis, non de vsuris fructu-  
um distractorum. Quia vero id tantum, benigne, vt ait,  
Seuerus decreuit in causa taciti fideicommissi: & quod  
benigne decretum est in vna causa, ad consequentias  
trahi non oportet, *l. qui negotia, mādari*. ideo illo ca-  
su excepto, alias regulariter statuimus, si agatur peti-  
tione hereditatis, malæ fidei possessorem à die litis con-  
testatæ pretia fructuum ante litem percepta cum vsuris  
debere restituere, etiam si ex ea pecunia locupletior fa-  
ctus non sit, quia hi fructus auxerunt hereditatem. Et  
perinde ac cetera bona in hereditatis petitione inveni-  
niunt, id est, petita hereditate, & ipsi principaliter pe-  
titi videntur, vel pretia eorum, *l. 1. C. eod. tit. l. item ve-  
niunt §. fructus, l. illud §. prado, l. heres furiosi, §. ult. sup.  
de pet. hered. l. 2. C. eod. tit.* Et ideo eorum fructuum vel  
pretiorum, quæ ex iis redacta sunt, quia petiti intelli-  
guntur petita hereditate quasi pars hereditatis, vsuræ  
eorum fructuum officio iudicis in petitionem heredita-  
tis accedunt, quasi fructuum principaliter petitorum  
fructus. In petitionem hereditatis, inquam, non in con-  
ditionem fructuum specialem, vel in specialem in rem  
actionem, *d. l. 2. l. neque, sup. de vsur.* Et rationem di-  
uersitatis inter actiones memini me latius exponere lib.  
2. *ad d. l. heres furiosi §. ult.* quam differentiam actionū  
etiam recte obseruauit Accursius in *d. l. neque*. Et hæc  
de fructibus perceptis ante litem contestatam à malæ fi-  
dei possessore. Post litem vero contestatam fructibus  
aut pretiis fructuum perceptis, quoniam hi fructus pe-  
titi non sunt, qui nondum erant in rerum natura, nec  
principaliter venerunt in iudicium petitionis heredi-  
tatis, accedunt officio iudicis: si accedunt, ergo eorum  
vsuræ non præstantur, quia accessionis accessio esse non  
potest, *d. l. heres furiosi, §. ult. d. l. neque*. accessio rei  
principalis est accessio, hoc est, rei petiti principaliter,  
qualisqualis ea res sit, non accessionis. Et hæc de malæ  
fidei possessore. Bonæ fidei possessor (vt hoc quoque  
exponamus, quamuis prætermittatur à Papiniano) fru-  
ctuum aut pretiorum consumptorum ante litem con-  
testatam, nec ex tempore litis contestatæ vsuras præstat,  
quia nec fructus ipsos, nec pretia eorum præstat, sed  
eos tantum fructus, quibus locupletior factus est, qui-  
bus adoleuit ante litem, & ex die litis motæ, eorum vsu-  
ras, quibus auctior & locupletior factus est, vsuras ex  
die litis contestatæ. *l. 1. C. de pet. hered. l. illud §. in bonæ  
fidei, & d. l. heres furiosi, eod. tit.* Post litem vero con-  
testatam, quod ad fructuum rationem attinet, qui perci-  
piuntur post litem, idem iuris est in bonæ fidei & malæ  
fidei possessore, *l. sed etsi lege, §. si ante, de pet. hered. l.  
38. de iur. fisci*. In distractis quoque rebus hereditariis  
ante litem motam Vlpianus hanc differentiam inducit,  
interpretans *l. 1. C. de his quæ vt indig. in l. item veniunt  
§. ceterum, de pet. hered.* Quod ex die distractionis rerū  
hereditariarum, iam non loquimur de fructib. sed de  
corporib. siue prædiis hereditariis, aut de rebus immo-  
bilibus: quod, inquam, ex die distractionis, ex  
die distractarum rerum hereditariarum, quæ ser-  
uari poterant, malæ fidei possessor vsuras præstat ex  
die venditionis, vel res ipsas, atque fructus earum, si  
hoc malit actor, vel quanti in litem actor iurauerit, qui  
omnimodo vult res sibi restitui & fructus earum. Rerū  
autem distractarum, quæ seruando seruari non pote-  
rant, quæ onerabant magis hereditatem quam fructui  
essent, malæ fidei possessor vsuras præstat ex die tantum  
litis contestatæ. Et ita accipit Vlpianus *d. l. 1. C. eod. tit.*  
Bonæ fidei autem possessor omnium rerum, si locuples  
factus sit, præstat vsuras ex die tantum litis contestatæ,  
nunquam ex die venditionis, *l. 1. C. de pet. hered.* Et hæc  
est huius quæstionis summa definitio.

## Ad §. bonis.

*Bonis vniuersis ex causa taciti fideicommissi fisco restituti-  
tis, heredem onus æris alieni non spectare conuenit: nec aliud  
seruatur morte non defensa. Si quid tamen ob aditam here-  
ditatem, actionibus aut seruitutibus confusis, amiserit, au-  
xilium restitutionis non merebitur.*

**I**N secundo responso h. l. ostenditur, hereditatem ob  
causam taciti fideicommissi fisco vindicari cum onere  
æris alieni, onera æris alieni sequi fiscum, qui aufert  
hereditatem, quia fiscus heredis locum obtinet, fiscus  
est heres re, non nomine: heres scriptus, qui tacitam  
fidem accomodauit, heres est nomine, non re, quia  
qui semel adeundo extitit heres, non desinit esse heres,  
licet ei vt indigno auferatur hereditas, siue emolumen-  
tum omne hereditatis, *l. ex facto §. ult. sup. de vulg. &  
pup. subst.* Et adiicit Papinianus in hoc secundo responso  
idem seruati, si fisco hereditas vindicetur ob causam  
inultæ necis defuncti, heredi erepta hereditate veluti  
ab ingrato & indigno, quod non vindicarit necem de-  
functi, quæ causa confiscandorum bonorum iustissima  
est, quondam etiam publico Francorum conuentu pro-  
bata secundum leges Romanas, vt nominatim scribit  
Aimonius monachus hist. Francor. 4. ca. 28. *Secundum  
leges Romanas*, inquit, *quæ sanciant paterna hereditate  
decidere eos, qui interfecti non vindicant necem*. Et ex hac  
quoque causa, vt diximus, bona in fiscum rediguntur  
cum onere æris alieni, eadem ratione, quia fiscus suc-  
cessor est vniuersi iuris, & heredis vicem obtinet, id-  
circo respondere debet omnibus creditoribus heredi-  
tariis. Excipitur tantum æs alienum, quod defunctus  
debit heredi, qui postea indignus pronuntiatus est.  
Id enim quod heredi debuit additione hereditatis con-  
futum est & extinctum, nec euicta hereditate à fisco  
heredi restitui actionem, sicut nec seruitutem prædii-  
rum additione confusam, æquum est, quoniam malæ fi-  
dei possessor est, qui tacitam fidem accomodauit, vel  
qui sciens non est vltus necem defuncti: bonæ fidei pos-  
sessori confusæ actiones & seruitutes restaurarentur, re-  
stituerentur & redintegrarentur, *l. prox. sup. l. propter §.  
1. de Senatusc. Syllan. l. eius §. ult. de iure fisci*.

## Ad §. vltimum.

*Pro parte heres institutus, prædij legatum acceperat, &  
in hereditate non capienti restituendi tacitum ministerium  
susceperat. quanquam legatum pro ipsius parte non consti-  
tisset, ideoque portionem istam pro herede possideret, tamen  
ei prædium integrum esse relinquendum respondi. neque enim  
rationem iuris ac possessionis varietatem inducere diuisio-  
nem voluntatis.*

**T**ESTATOR Lucio Titio heredi instituto ex parte fun-  
dum prælegauit. nemo est, qui nesciat prælegati  
ius hoc esse, vt pars eius possideatur pro herede, pars  
pro legato, id est, vt diuerso iure caplatur, partim iure  
hereditario, partim iure legati, *l. in quartam, ad l. Fal-  
cid.* At si pars hereditatis L. Titio auferatur vt indigno  
ex causa taciti fideicommissi: Quæritur, an etiam ei au-  
feratur pars fundi prælegati, quam iure hereditario  
possidere videtur? Et respondet, nullam partem fundi  
ei auferri, quia ablata portione hereditatis, iam non  
iure prælegati, sed iure legati totum fundum habere  
videtur, vt extraneus, non vt heres, quia nec pro here-  
de instituto habetur, qui non sui, sed incapacis gra-  
tia institutus est, vt ei mox restitueret bona. Fiscus igitur  
auferet, quia & tacitam fidem L. Titius accomoda-  
uit tantum in hereditate, id est, in portione heredita-  
tis, non in legato; alioquin & legatum fiscus auferret.



Quum quis rogatur, quod maxime notandum est, portionem restituere simpliciter & absolute, etiam prælegatum totum fideicommissum continetur: cum portionem hereditatis rogatur restituere, non continetur fideicommissum pars prælegati, quæ à coherede iure legati capitur, *l. Marcellus §. quidam. l. 1. in fideicommissariam §. ult. ad Treb. l. filium quem, C. fam. etc.* Itaque in proposita specie recte definit Papinianus, rationem iuris ac varietatem possessionis, ut ait, quod scilicet diuerso iure capi videatur prælegatum, partim hereditario iure, partim iure legati, euicta portione hereditatis, eam rationem iuris, ac varietatem, & eam subtilitatem iuris non inducere diuisionem voluntatis, id est, non scindere legatum, sed integrum legatum L. Titio esse præstandum, sicut eueniret, si nullo dato tacito fideicommissum L. Titius ultro repudiasset portionem hereditatis, non prælegatum: nam & hoc casu totum prælegatum consequeretur, *l. 17. §. ult. & l. 18. l. quaesitum §. duobus, sup. de leg. 1. l. cum respon. C. de leg.* quia separare voluit L. Titius hereditatem à legato, hereditatem respuere, legatum amplecti. Aliud tamen dicendum est, si L. Titius ante aditam vel repudiatam hereditatem, dum deliberat, vita decessisset, quoniam hoc casu totum prælegatum non transmitteret in heredem, sed partem tantum, quæ à coherede capitur iure legati, quia mortuus est priusquam separaret hereditatem à legato, *l. miles §. ult. de leg. 2.* Post hanc legem 18. male huic libro tribuitur *l. Caius de manum. ff.* quam Basilica rectius indicant esse Pauli non Papiniani, & lex quoque ipsa, illo loco: *Paulus respondit: & non esse Papiniani etiam ex eo patet, quod lex quæ præcedit legem Caius, sit ex definitionibus Papiniani, & definitiones non solent præcedere responsa Papiniani, sed subsequi, hic est ordo Pandectarum.* Itaque omissa hac lege transitum faciamus ad *l. 2. de iure aur. annul.* Sed priusquam ad eam legem veniamus, quæ est de iure aur. annulorum, quæ nobis ex ordine suggeritur, apertius explicabo, quod habemus in *l. 18. §. ult. de his, quib. ut indign.* dum ait in specie proposita §. ult. rationem iuris ac varietatem possessionis non inducere diuisionem voluntatis. Hæc verba faciamus dilucidiora. heredi ex parte prælegato fundo, ratio iuris inducit varietatem possessionis, & varietas possessionis inducit diuisionem voluntatis. ratio iuris, quia scilicet pro parte hereditaria eius, cui fundus legatus est, legatum inutile est, quasi heredi à semetipso relictum, quasi à seipso sibiipso debitum; quod fieri nequit, ut quisquam sibiipso quicquam debeat, *l. legatum, §. 1. de leg. 1.* Hæc ratio iuris inducit varietatem possessionis, id est, efficit, ut partem prælegati is heres possideat iure legati, partem iure hereditario, non iure legati, quia pro parte legatum non consistit. Et rursus hæc varietas possessionis inducit diuisionem voluntatis testatoris, qui totum fundum ad heredem peruenire voluit iure legati, quia pars tantum ad eum peruenit iure legati, non etiam pars altera. Verum portione hereditatis heredi ablata ex causa taciti fideicommissi, cessat illa ratio iuris, quia non capit aut non retinet portionem hereditatis, atque adeo cessat varietas possessionis, & consequenter indiuisa voluntate testatoris, indiuisoque legato totus fundus capitur iure legati, nec redigitur in fiscum, quia heres tacitam fidem interposuit in portione hereditatis tantum, non in legato. Et fideicommissum quidem portio hereditaria capaci relicto utiliter, sane nec fideicommissum totum legatum contineretur, sed pars hereditaria tantum, *l. in fideicommissariam §. ult. ad Treb. aut imputaretur in Falcidiam, l. filium quem, C. fam. etc. l. in quartam, ad l. Falcid.* at fideicommissum portio hereditaria incapaci tacite relicto, quod fiscus eripit, nulla pars legati fideicommissum continetur, quia heres scriptus, cui aufertur portio hereditatis, totum fundum capit iure legati, ut extraneus, nec iam ut heres, quia non est heres cum re, sicut si ultro repudiasset por-

tionem hereditatis. Et ita hæc verba illius legis sunt explicanda. His verbis nihil videtur esse apertius. nunt veniamus ad *l. 2. de iur. aur. annul.*

#### Ad l. 2. de iure aur. annul.

*Intra quinque annos pro ingenuitate sententia dicta, rescissa fuerat. victum annulorum aureorum beneficium, quod ante sententiam pro ingenuitate dictam acceperit, ac deposuit, non retinuisse respondi.*

**D**icta pro ingenuitate sententia sciente patrono, pro veritate habetur, & ingenuum facit eum, qui ingenuus pronuntiatus est, *l. ingenuum, sup. de statu hom.* Sed si postea probetur, de ingenuitate actum per collusionem, & colludente ac præuaricante aduersario, pronuntiatus, eum fuisse ingenuum, causa ingenuitatis denique retractari potest intra quinquennium, non post quinquennium, *l. pen. inf. si ing. esse dic. l. 20. §. ult. de lib. cau.* Intra quinquennium vero retractari potest, si viuatur, qui ante ingenuus pronuntiatus est, iustorie agente aduersario: si viuatur, inquam, non etiam post mortem eius: imò & viuo eo, quæ cœpit retractari causa ingenuitatis extinguitur, si moriatur pendente cognitione, ex oratione D. Marci, *l. 1. §. sed interdum, inf. ne de stat. defunct.* Et quod dicitur, de statu defunctorum posse quæri intra quinquennium mortis cuiusque, verum est, si is vixerit ut liber communi opinione hominum tantum, non etiam si liber & ingenuus pronuntiatus sit: nam huius status post mortem reuocari in dubium nullo vnquam tempore potest: dum viuatur, in dubium reuocari potest intra quinquennium retractata eadem causa, ex iusta aliqua causa, ut puta, sicut dixi, si priore iudicio per collusionem ingenuus pronuntiatus sit, *l. 2. inf. de collus. deteg.* Hoc cognito, fac retractata causa ingenuitatis, sententiam pro ingenuitate olim dictam fuisse rescissam intra quinquennium, eo, qui ingenuus pronuntiatus fuerat priore iudicio, posteriore iudicio pronuntiato libertino, aliquo detegente collusionem prioris iudicii, quoniam quilibet admittitur ad collusionem detegendam, *d. l. 2. §. ult.* quæritur, an si hic, qui posteriore iudicio, rescisso priore libertinus pronuntiatus est, & redditus suæ conditioni pristinae, an si ante sententiam priorem pro ingenuitate dictam, habuerit ius aureorum annulorum, an libertinitati suæ, reddatur eum eodem iure aureorum annulorum, quod habuit ante? Et respondet, eum restitui libertinitati, non iuri, non honori, non beneficio aurei annuli, hac ratione: quia, ut ait, *ius aureorum annulorum deposuit*, id est, eo honore se abdicauit, affectata ingenuitate, atque adeo sæpe fit, ut qui captat plus, quam sibi iure competat, id etiam amittat quod iure sibi competit, ut in specie *l. 16. de iis, quibus ut indign.* qui non iure captat assem, & semissem amittit, qui ei iure competebar. Quo argumento possumus uti quotidie in causis plerisque. Et vero in hac *l. 2.* pridem se ita respondisse Papinianus ait. respondit autem libro 1. quod extat in *l. 1. huius tituli*, ubi & eadem ratione dicitur, eum, qui ingenuus pronuntiatus est, postea rescissa pronuntiatione, iudicio acto de integro, non admitti ad legatum alimentorum, quod libertis patronus reliquerat restitui quidem libertinitati, sed non restitui commodum libertinitatis, quia eo se abstinuisset intelligitur affectata ingenuitate.

#### Ad l. 53. de fideiussoribus.

*Capitis repositi fideiussores, ex contractu citra ullam prescriptionem à creditore, qui rem postulauit, recte conueniuntur.*



**S**ententia hæc est : Creditorem , si debitorem suum reum fecerit capitis , & pendente cognitione criminis capitalis cum eo agat ex crediti causa , repellere a debitore præscriptione huiusmodi ( hæc erit formula.) *Quod me in maius periculum vocaveris amittendorum omnium bonorum meorum* , quasi dicat , non est æquum te reposcere pecuniam debitam pendente iudicio capitali , qui hoc agis , ut omnia mea bona publicentur. Debitor ergo hac exceptione uti potest. Quæritur , an ex persona debitoris eadem exceptione fideiussor eius uti possit ? Et respondet , non posse , quia ipse fideiussor etiam de suo capite non periclitatur : & est admodum singulare responsum. Cui non obstat *l. ex persona* , sup. hoc tit. *l. omnes* , de except. quia non hoc definiunt aut volunt , omnem exceptionem , quæ debitori competit , & fideiussori competere. Hoc enim est falsum , sed exceptionem , quæcunque fideiussori competit ex persona debitoris , etiam inuito debitore competere fideiussori , veluti exceptionem doli mali , *l. 16. hoc tit. l. fideiussori* , sup. de donat. non tamen omnis exceptio , quæ debitori competit , & fideiussori competit , non quæ cohæret personæ debitoris , vel rei , qua de agitur , *l. 7. sup. de except.* non exceptio si non bonis cesserit , quum debitor cessit bonis , *§. ult. Institut. de replic.* Non etiam in hac specie exceptio hæc , quam aliter concipiamus , eodem sensu tamen , si non in ea causa sit debitor , ut capitis deminutionem & bonorum ademptionem patiatur. Hæc exceptio dabitur debitori reo postulado capitis , non fideiussori eius : nam & capitis deminutione ademptis bonis debitor liberatur , fideiussor non liberatur , *l. 1. C. de fideiuss. l. 11. C. de except. de capitis reo* est etiam ex eodem libro *l. pen. de accus.* quam breviter explicabimus.

#### Ad l. pen. de accus.

*Capitis reus , suspensio crimine , causam fisco deferre non prohibetur.*

**D**amnatus capitis , quod certum est , causam fisco deferre non potest , non est iustus delator , *l. 18. de iure fisci*. At capitis postulatorem tantum , nondum damnatus , suspensio crimine , deferre causam fiscalem non prohibetur , sibi novos honores petere prohibetur , *l. reus* , inf. de munerib. & honor. *l. 1. C. de reis post. lib. 10.* fisco causam deferre non prohibetur , quandiu est in reatu , nec dum damnatus , & hoc loco , suspensio crimine dicit , ut *l. propter de Senatus. Syllan.* quod suspensa cognitione , *l. Papin. §. de adquir. hered. l. pen. C. de crim. expil. heredit. ante eventum cognitionis* , *l. pater §. ex quadrante* , de doli except.

#### Ad l. penult. de publi. iud.

Accusatore defuncto , res ab alio , indicante præside provincia peragi potest. Ad crimen iudicii publici persequendum frustra procurator interuenit : multoque magis ad defendendum , sed excusat ones absentium ex Senatusconsulto , indicibus allegantur , & si iustam rationem habeant , sententia differtur.

**P**riimum ostendit , defuncto accusatore , non reo (nam morte rei extinguitur crimen , *l. defuncto* , sup. h. tit. rem ab alio apud eundem iudicem peragi posse , an & reum ? an defuncto accusatore & res & reus apud eundem iudicem peragi potest ? Sic videtur , licet mortuo accusatore reus abolitionem impetraverit , ut nomen eius eximeretur numero reorum : nam & post abolitionem impetratam reus repeti potest eiusdem criminis , intra 30. dies vtilis à die impetratæ abolitionis , *l. 3. §. ult. l. si tamen §. ult. tit. seq.* hoc est apertissimum. At sequitur aliud in hac lege , ad crimen publici iudicii persequendum

**A** frustra procuratorem interuenire , hoc est , accusationem criminis publici iudicii per se instituendam , per procuratorem institui non posse. civiliter agimus per procuratorem recte , criminaliter haud recte , *l. 1. inf. an per alium caus. appell. l. tunc conuenit* , C. de accus. *l. 2. C. ad leg. Fabiam* , de plag. *l. 16. ad l. Cornel. de fals. l. ult. C. ubi Senatores vel clar. Paulus §. Sentent. Crimen* , inquit , quod vindicta , aut calumnia iudicium expectat , per alios intendi non potest. Et cum dixisset Papinianus , ad accusandum iudicio publico frustra procuratorem dari , adiicit , multo magis ad defendendum eum , qui reus postulatur iudicio publico. Cur ait , multo magis ? Quia scilicet præsentia rei magis , quam actoris necessaria est , ut reus componatur cum testibus , dicimus , *confronte qu'il soit* , & ut ex ore eius & vultu iudex veritatem eruat. Regula hæc sit in criminalibus causis , neque ad accusandum , neque ad defendendum procuratorem dari posse , sed causam agi oportere per ipsum accusatorem ipsumque reum. Excipiuntur tantum illustres viri , tam legitimi , quam honorarii , qui non omne quidem criminale iudicium , sed iudicium tantum criminale iniuriarum possunt agere per procuratorem , sed necesse est , initio , ut ipsi si accusent iniuriarum , inscribant in crimen , & condemnatio quoque in eorum persona facienda est , *l. ult. C. de iniur.* Quod datur etiam in eodem iudicio criminali iniuriarum Episcopis & Presbyteris in *Novel. Valentiniani* , de Episc. ind. Additur hoc loco etiam , excusationes absentium reorum vel accusatorum posse allegari per alios , per amicum , per procuratorem voluntarium , quod in idiotismo est , *exonier* , quod verbum non ex Græco venit , ut quidam somniant , sed ex Barbaro Latino , *exidoneare* , hoc est allegare , cur non sit quis idoneus modo sistendi se in iudicio , cur impediatur venire in ius. Non possumus igitur per procuratorem accusare , vel defendere crimen , sed possumus absentiam causam allegare , & ut loquuntur , *exidoneare absentem* , & si iustæ causæ videbuntur , sane iudicium differetur , quod Papinianus ait esse ex Senatusconsulto , ut absentia possit excusari per alium , quod ostenditur etiam in *l. inter* , sup. hoc tit. Adde ad Papinianum , in capitalibus criminibus , non in omnibus criminibus , sed in capitalibus tantum , non tantum absentiam posse per alium excusari , sed etiam innocentiam , tota causa acta per alium , qui suscipiat rei defensionem vltro , sua sponte , sine mandato rei , qui periculi rei commiseretur , quoniam aperte proditum est in *l. seruum §. publice* , de procur. in capitalibus criminibus quemlibet pro absente verba facientem , & innocentiam eius purgantem audiri. Idque esse ordinarium , id est , legitimum & constitutum quoque ab Alexandro Severo , videlicet in *l. 3. C. de accusat.* Innocentiam nomen non totam causam criminalem complectitur , sed eam tantum , quæ capitalis est , nec nouum scilicet videri debet : nam & quilibet appellans pro eo , qui ducitur ad supplicium , qui non vult appellare , forte auditur , *l. non tantum* , de appellat. Si auditur , qui appellat pro eo , qui ducitur ad supplicium , suæ salutis nullam rationem habens , cur non audietur etiam , qui paratus est excusare innocentiam absentis , nec reatum quo tenetur curantis , maxime in causa capitali , ut dixi : nam in crimine non capitali non auditur , qui absentis innocentiam purgare paratus est , *l. miles §. ea qua* , ad leg. *Iul. de adult.* Hoc tantum receptum est in capitalibus criminibus , quia honestum est expedire salutem desperati hominis. Et nihil est præterea in hac lege.

#### Ad l. 39. ad l. Iul. de adult.

*Uim passam mulierem , sententia præsidis provincia continetur , in l. Iulia de adulteris non commississe respondit : licet iniuriam suam protegendam pudicitia causa , confestim marito renuntiari prohibuit.*



**I**nitio ostenditur non posse adulterij, nec stupri accusari eam, quam vi fuisse compressam constat ex sententia iudicis, qua forte damnatus est raptor: denique non fuisse adulteram eam, in quam per vim adulterium commissum est, quia mens est, quæ peccat, non corpus. Nec mutat, ut scribit Papinianus, quod mulier eam iniuriam confestim viro non renuntiavit, aut ab aliis renuntiari non permisit. Pudor ei fuit renuntiare, nec quod voluerit postea factumque probaverit, videtur celasse maritum, sed ut tegeret, siue protegeret pudicitiam suam, ut & in Basil. ἐπυθεῖσα τὸ γάμος, ayant honte de ce qui luy estoit advenu. Recte Epigraphus in Terent. Veniam fieri tribus modis, vi, casu, ignorantia. nihil est facilius.

#### Ad §. nupta.

*Nupta quoque muliere, tametsi lenocinij vir prior non postuletur, adulterij crimen contra adulterum ab extraneo poterit inferri.*

**I**n §. 1. ostenditur, constante matrimonio ab extraneo quolibet, quoniam hoc crimen publicum est, adulterum posse adulterij accusari, etiam si prius maritum, qui retinet uxorem in matrimonio non postularit, ut lenonem, & productorem vxoris suæ. De adultero loquitur, quem dicit etiam manente matrimonio ab extraneo posse adulterij accusari, etiam non probato lenocinio mariti, cui est adfinis, qui retinet adulteram. De adultera non loquitur, quia etiam aliud iuris est in adultera, quæ retinetur in matrimonio, nec potest ab extraneo adulterij accusari, nisi prius extraneus maritum reum fecerit, & arguerit lenocinij, l. constante, sup. hoc tit. Quæ differentia inter adulterum & adulteram, proculdubio est ex lege Iulia, quæ propter pudorem viri constante matrimonio noluit temere traduci mulierem, quam is probat & retinet. Ignominia est quædam, & fuit semper in ore vulgi, quod & hodie iactatur, ut Artemidorus indicat lib. 2. ibi, γυνή σέ, & c. Adulteræ igitur, quæ māsit in matrimonio lex propter virum pepercit, nisi vir leno iudicaretur: adultero autem non pepercit. Rata igitur hæc differentia est, ab extraneo adulterum statim etiam constante matrimonio accusari posse: adulteram non ante posse, quam lenocinium mariti arguatur ab eo, qui vult accusare adulteram. Verum adnotandum est, hodie ex constitutione Imperatoris Constantini sublatam esse hanc differentiam inter adulterum & adulteram: nam ex ea constitutione constante matrimonio adulter, vel adultera ab extraneo, vel à propinquo quolibet accusari non potest, ne sit in potestate, & libidine cuiusque bene concordantia matrimonia conturbare, & infamare, sed soluto matrimonio à quolibet publice. Constante autem matrimonio adulter, vel adultera non potest accusari, nisi à patre mulieris, vel à fratre, vel à patruo, vel ab auunculo, l. quamvis, C. eod. tit. quoniam has quatuor personas iustus & verus dolor, & familiæ suæ dedecus ad accusationem impellit. Itaque facile admittuntur etiam manente matrimonio. Extraneum autem ad accusationem impellit, vel odium criminum, vel audacia & proteruita, quæ utique cohibenda est, maxime maritis bene concordibus. Eadem constitutio permisit etiam marito, & id quidem marito in primis, ut constante matrimonio uxorem ex suspitione ream faceret adulterij, ex suspitione, inquam, quia deprehensam, aut damnatam adulterij maritus citra crimen, pœnamque lenocinij in matrimonio retinere non potest, suspectam adulterij tamen retinere potest, l. 2. C. eod. Et suspectam quoque accretentam accusare ex eadem constitutione potest: ante quam tamen olim, neque retentam adulteram maritus accusare potuit, ne ex suspitione quidem, neque ea retenta adulterum, l. 11. C. eod. tit. l. miles §. volenti, sup. hoc

**A** tit. qui quidem §. ut & is, qui præcedit, qui sequitur, est accipiendus de marito accusatore, quem ait, neque retentam accusare posse, neque eum, cum quo suspicatur eam adulterium commisisse, de marito, inquam, accipiendus est, non de extraneo: nam extraneus, ut in hoc §. 1. ostenditur, etiam retenta muliere in matrimonio, adulterum accusare potest, maritus neque adulteram, quam retinet, neque adulterum. Et ita quoque eum §. esse accipiendum, & d. l. 11. argumentum præbent Basilica, à quibus abest d. l. 11. & d. §. volenti. quod sint abrogata ea iura constitutione Constantini, atque etiam Iustiniani, ex qua etiam retentam in matrimonio ex suspitione marito accusare licet, non etiam dimissam & reductam, l. si vxor §. ult. hoc tit. Reduci potest, non, quæ deprehensa vel damnata est, sed quæ suspecta dimissa est, quæ suspicio & criminatio omnis aboletur, si reducatur, ut, quod Poëtæ fingunt, suspecta adulterij Procris, ut maritus eius Cephalus ait apud Ovid.

--- Dum census dare me pro nocte,  
non, promitto, sed legendum, pro nocte.

--- Muneraque augendo, tandem dubitare coegit.  
Paulo post.

Redditur, & dulces (cum Cephalo) concorditer exigit  
annos, 7. Metamorphos.

#### Ad §. in matrimonio.

*In matrimonio quoque defuncta uxore, vir iure adulterum inter reos recipi postulat.*

**O**stenditur in hoc §. etiam mortua muliere in matrimonio ante accusationem & reatum, maritum intra constituta tempora posse adulterum, qui superuixit, lege Iulia reum postulare. Et ratio hæc est, quia crimen commune duorum, quale est adulterium mortuo vno, in mortui quidem persona extinguitur, sed non etiam in persona superstitis, l. ult. hoc tit. l. 1. C. si reus vel accus. mort. fuer.

#### Ad §. nupta.

*Nupta, prius quam adulter damnetur, adulterij non postulat, si nuptias denuntiatio vel ad domum mulieris missa non præcessit.*

**S**equitur in hoc §. mulierem ex adulterio, quod in priore matrimonio admisit, postquam secundo viro nupsit, non posse accusari, antequam adulter conuictus & condemnatus fuerit, vno casu excepto, si nupsit alteri post denuntiationem criminis, non dico post accusationem, sed post denuntiationem criminis: nam hoc casu etiam ab ipsa accusator incipere potest, posthabito adultero, quod etiam l. Iulia nominatum comprehensum est, l. 1. l. 2. in pr. l. miles, §. licet, l. qui vxori, & seq. hoc tit. l. si dum, C. eod. Sed si ante denuntiationem criminis in priore matrimonio admissi, alij nupsit, accusator ab adultero incipere, non nupram iam alij statim incescere, si vidua permanserit, in arbitrio est accusatoris, à quo velit incipere, ab adultero, an ab adultera, verum utrumque simul accusare non potest, ut postea demonstrabimus in §. duos. Et notandum, quod hoc loco scribit Papinianus, satis esse denuntiationem criminis fieri, non ad iudicem, sed ad mulierem, & necesse etiam non esse denuntiationem fieri in personam mulieris, fieri aut mitti posse ad domum mulieris voce præconis, vel ad fixo libello ad domum, ob portum, ut xii. tabul. loquuntur, quia nemo inuitus de domo sua extrahitur, ut vel in ius vocetur, vel aliquid in personam eius denuntietur, satis est denuntiationem fieri ad domum, l. 4. §. retiens, de damn. inf. quæ coniungenda est cum l. 19. & l. 21. de in ius voc. l. §. 1. quod vi aut clam l. 13. de excus. l. 1.



§. 1. de agnosc. lib. 1. 2. C. de annal. except. In quibus locis omnibus denuntiatio recte fit ad domum, & l. 1. C. Theod. si certum per. Nouel. Theodos. 1. de inuasoribus. Quod sequitur in §. mulierem, est apertissimum.

Ad §. mulierem.

*Mulierem ob latronum societatem exulare iussam, citra pœna metum in matrimonio retineri posse respondi, quia non fuerat adulterij damnata.*

**M**ulier damnata adulterij in matrimonio citra lenocinij crimen & pœnam retineri non potest, hoc est certissimum ex l. Iulia. At damnata quasi latronum focia, impune, ut ait, in matrimonio retineri potest: nam nec ideo habetur pro adultera, quod cum latronibus coierit societatem. Idemque est, si quolibet alio crimine mulier damnata fuerit, cuius pœna non soluat matrimonium, præterquam si crimine adulterij, hæc honeste in matrimonio retineri non potest.

Ad §. præscriptione.

*Præscriptione quinque annorum crimen incesti coniunctum adulterio non excluditur.*

**R**egulariter crimina extinguuntur præscriptione xx. annorum, l. si quis, C. ad leg. Cornel. de fals. quo iure utimur hodie omnino, ut post vicennium non audiatur accusator. At crimen adulterij simplicis, quod contractum sit sine incesto, aut sine vi, breuiori tempore constringitur, & l. Iulia non tam fuit seuera, quam par erat adulterij criminis executio: nam & ad accusationem adulterij non admittebantur minores xxv. annis, qui ad alias accusationes admittuntur, & pœna adulterij non erat capitalis, & eludebantur multis præscriptionibus, & multis exceptionibus, l. ita cordi, C. eod. & simul ambo mas & fœmina non poterant accusari adulterij, sed ordine accusandi erant, quia forte absolutio prioris, & tacite absoluit alterum, nec interim alter traducitur frustra. Ac præterea ex l. Iulia adulterium simplex in adultero tollitur præscriptione quinque annorum continui, in adultera præscriptione sex mensium vtilium. Ita tamen, ut non egrediantur quinque annorum continuum, possunt sex menses viles siue iudicialij superare quinque annorum, possunt & minus quinque annorum contineri, puta, biennio tantum, l. mariti §. sex mensium, hoc tit. l. 3. C. eod. l. 1. §. accusationem, inf. ad Turpill. In definienda præscriptione temporis, quo crimen adulterij extingui placuit silentio, lex Iulia fauet adultero minus quam adulteræ, sexui imbecilliori: quia breuior plerumque est præscriptio sex mensium vtilium, quæ datur adulteræ, quam quinque annorum continuorum, quæ datur adultero. Dixi adulterium simplex: nam adulterium per vim illatum nulla præscriptione perimitur. Adulterium quoque iunctum incesto nulla temporis præscriptione perimitur, quia nec vis, aut incestum simplex vlla præscriptione perimitur, quæ est vna differentia inter adulterium & incestum. adulterium perimitur præscriptione quinque annorum, aut sex mensium, incestum non nisi præscriptione vicennij, ut cætera crimina. Notatur etiam alia differentia inter incestum & adulterium in §. duos & in §. pen. & ult.

Ad §. duos. & §. penult.

*Duos quidem adulterij, marem & fœminam propter commune crimen, simul non iure, nec à viro postulari conuenit. Cum tamen duobus denunciatum fuisset, ab eo, qui po-*

*stea desistere volebat, abolitionem esse necessariam in utrinque personam respondi.*

§. 4. Incesti commune crimen aduersus duos simul intendi potest.

**Q**uod commune crimen incesti aduersus duos simul ab eodem intentari potest: commune autem crimen adulterij aduersus duos ab eodem simul intentari non potest, l. si maritus 2. §. ult. l. nihil §. ult. h. tit. Quod & l. Iulia de pudicitia nominatim cautum fuisse proditum est in l. reos, C. eod. tit. Et in hanc rem, ex hoc loco etiam Papiniani auctoritate utitur Marcianus in l. 1. §. atqui, inf. ad Senatus. Turpill. Ergo uterque mas & fœmina simul accusari, ne iure quidem mariti potest. Cohibuit lex in hac causa nimium accusatoris studium, duos simul deferentis, nec voluit temere ambos traduci, quia prior potest absolui. alia crimina communia simul omnia ab eodem deferri possunt. Sed notanda hic est differentia inter denuntiationem & accusationem: mas & fœmina uterque simul adulterij ab eodem accusari non potest. utrique tamen crimen denuntiari potest, etiam extra iudicium: & in denuntiatione, atque in accusatione hoc tamen commune est, ut non tantum accusatio, sed etiam denuntiatio, eum, qui desistit ab accusatione, vel denuntiatione, & tergiuersatur, obliget pœnæ Senatus. Turpilliani, si desistat sine abolitione, id est, sine venia omittendæ accusationis, vel denuntiationis semel inchoatæ. Itaque necessaria est abolitio non tantum in persona accusatoris, sed etiam in persona denuntiatoris nondum progressi ad accusationem. Quod sequitur in hac lege (aliud esse in incesto, quod & aliud est in omnibus criminibus.) incesti commune crimen aduersus duos intentari posse, id Marciani notis tribuitur ad Papinianum in l. qui pupillam §. ult. sup. hoc tit. Summa hæc sit, aut secunda differentia hæc sit, adulterij crimen simul aduersus duos ab eodem intentari non posse: incesti crimen posse. Quæro quid sit dicendum, si iunctum sit incesto adulterium? hoc non definitur hoc loco, sed argumento eorum, quæ ante dicta sunt, & mox dicentur in §. ult. dicemus adulterium incesto coniunctum simul aduersus duos intentari posse, quia quoties duplex est crimen, sumere oportet quod in altero ex duobus iura durius constituerunt; nam & hoc sequimur, & adsumimus in 3. differentia inter adulterium & incestum, proponitur in §. ultimo.

Ad §. ult.

*De seruis quæstionem in dominos incesti postulat, ita demum habendam respondi, si per adulterium incestum esse contractum dicatur.*

**Q**uod in crimine adulterij serui torquentur in caput domini, vel dominæ, l. si postulauerit §. haberi, h. tit. non in crimine incesti, non in crimine stupri, non in aliud quodcumque crimen præterquam maiestatis. hæc igitur est 3. differentia, quod in crimine adulterij serui torquerentur in dominos: in crimine incesti non item, l. 4. & 17. inf. de quæst. & in l. 17. quæ est ex libro seq. rationem explicabimus. Quid vero si incesto sit iunctum adulterium, an serui torquentur in caput domini? Et in §. ult. torqueri posse ostenditur, ut in l. si quis viduam, inf. de quæst. nam quoties iuncta sunt crimina, id ut diximus adsumimus, quod in alterutro durius constitutum est, sicut in præscriptione temporis, §. præscriptione, sup. & in duobus reis simul postulandis. Quod diximus de incestu seruos torqueri non posse in dominos, pugnare videtur cum eo, quod M. Tullius scribit in Milone his verbis: de seruis nulla lege quæstio est in dominum nisi de incestu, ut fuit in Clodium, inquit, quoniam incestum illud fuit etiam adulterium, ut idem M. Tullius ait, in pulvinaribus sanctissimis comprehensum fuisse. Et semper adsumimus,



adsumimus, quod in alterutro crimine durius est receptum vel constitutum.

Ad l. 13. ad l. Cornel. de fals.

*Falsi nominis vel cognominis adfueratio, poena falsi coercetur.*

**I**nitio huius l. 3. ostenditur, falsi nominis vel cognominis adfuerationem lege Cornelia quasi falsum coerceri, puta, si quis falsum sibi nomen, vel cognomen imposuerit in fraudem alterius, ut Græci interpretes suppleant rectissime, *Ἐπὶ τῇ ἀλλοτρίᾳ τῶν ὀνμάτων ἀπατήσῃ*. & Paulus §. *Sent. eod. tit.* quo quid alienum interciperet vel possideret: nam sine fraude & captione alterius liber homo non prohibetur sibi mutare, nomen, l. 1. C. de mut. nom. sicut nec scutorum *ἀλλοτρίων*, quæ sic vocat Vegetius, *digmata*. Domus Franciæ mutauit sæpius *digmata*. Primum enim habuit tres coronas, non bufones: deinde lilia innumera, & postremo ex constit. Caroli Sexti lilia tantum tria. Quo exemplo & unusquisque sibi potest mutare *digma*, sine fraude alterius potest sibi mutare nomen, & scuti sui *digma*. Seruus autem homo huius rei arbiter non est: seruus non est dominus sui nominis: seruus sibi mutare nomen inuito domino non potest sine iniuria domini, d. l. 1. Plautus in Milite glorioso.

*Iniuria est, inquit, falsum nomen possidere, Philocamæsum postulas, at istud non decet, & meo adeo hero iniuriam facis.* Denique iniuriam domino facit, qui seruo mutat nomen vel qui seruus ipse sibi mutat nomen.

Ad §. ordine.

Ordine decurionum decem annis aduocatum motum, qui falsum instrumentum cognoscente præside recitauit, post finem temporis dignitatem respondere recuperare, quoniam in Corneliæ falso recitato, non factum, non incidit. Eadem ratione plebeium ob eandem causam exilio temporario punitum, decurionem post reditum recte creari.

**Q**uaritur hoc loco, an lege Cornelia falsi reus sit aduocatus, qui Præside provincie sedente pro tribunali & causas cognoscente, sciens prudensque apud eum falsum instrumentum recitauit, quod acceperat à suscepto, id est, à cliente suo, cuius causam defendebat: Et an si ex ea causa aduocatus, cum esset etiam decurio ciuitatis suæ, ordine remotus fuerit in decem annos, an expleto decennio redeat in ordinem, in curiam, & pristinam dignitatem decurionatus recipiat? Et respondet, recipere hac ratione, quoniam, inquit, in Corneliæ falso recitato, non factum, non incidit. Sic rectissime & in Florentinis, atque in Basilic. quoniam in Corneliæ falso recitato, non factum, non incidit. Quibus verbis significatur l. Cornelia de falsis teneri eum, qui falsum fecit, non qui recitauit: ac proinde aduocatum illum, ut falsarium lege Cornelia de falsis damnatum non videri, quum ordine motus est in decennium ob eam causam: nam si damnatus videretur lege Cornelia, sane non posset recipere pristinam dignitatem, reuerti in curiam non posset, nec finito tempore poenæ, quia damnatus iudicio publico, quale est iudicium legis Cornel. de fals. infamis est, l. infamem, sup. de pub. iud. l. 4. §. adulterij, coniuncto §. ad tempus, infra, de re milit. Infamia, quæ semel iniusta est, nunquã aboletur sine speciali beneficio Principis. Omnis infamia est perpetua, & infami neque aditus, neque reditus patet ad dignitates, l. 8. inf. de interd. & rel. l. 1. inf. ad leg. Iul. de vi priu. & l. 8. C. de decur. lib. 10. l. 2. C. de dign. lib. 12. Marc. Tullius pro Cluentio: Turpi iudicio damnati, in perpetuum omni honore ac dignitate priuantur. Tertullianus de spectaculis: Damnati, inquit, ignominia

Respons. Papin.

& capitis minutione arcentur curia, rostris, senatu, equite; ceterisque honoribus omnibus, simul & ornamentis quibusdam. In specie igitur huius §. ideo post decennium decurio in curiam redit, quia non fuit damnatus lege Cornelia; non fuit damnatus publico iudicio, sed extraordinario, ex causa non famosa: si famosa causa damnationis fuerit, finito tempore non aliter recipit pristinam dignitatem, quam si grauiore poena, quam sit lege præscripta, affectus sit, quoniam durior poena, durior sententia, cum eo de fama & existimatione conseruanda transactum videtur, l. ordine, ad municip. l. quid ergo §. poena, de iis qui not. infam. Si ergo clementiore, aut legitima poena affectus sit ex causa famosa, puta ordine motus ad tempus, etiam finito tempore poenæ infamia perdurat, l. 3. in princip. & l. 5. inf. de decurion. l. 4. §. ad tempus, inf. de re milit. Et ita quidem obtinuit fere ante edictum Antonini Imperatoris, de quo in l. 3. inf. de decurion. l. 1. C. de iis, qui in exil. dati vel ordin. moti sunt, libro 10. quod edicto præcepit Antoninus, quacunque ex causa famosa, vel non famosa, quis ordine motus sit ad tempus: ne posthac, inquit, quoniam antea aliud obseruabatur facta distinctione causæ famosæ, & non famosæ, sed iam nunc indistincte, ne posthac ultra tempus poenæ prorogetur infamia contra sententiæ fidem, sed statim, qui expleuit tempus poenæ, redeat in curiam, & sit decurio, ut fuit ante poenam, non etiam suscipiat novos honores in Republica, si causa famosa fuerit, quia qui rediit in curiam perfunctus poena sua, nouis honoribus tanto tempore abstinere debet, quanto decurionatu caruit, d. l. ordine, & l. 2. C. de iis, qui in exil. dati, libro 10. si causa non fuerit famosa, ut in specie proposita, expleto tempore poenæ, non tantum decurionatum recipiat, sed etiam ad novos honores admitti potest. His consequens est, quod subicit Papinianus, & aduocatum plebeium, non decurionem, qui ob recitatum in iudicio falsum instrumentum ad tempus relegatus est, quæ poena non est capitis diminutio, finito tempore post reditum decurionem recte creari posse, siue Senatorem municipalem, quod idem est, quasi integræ famæ & existimationis virum, quia in legem Cornel. de falsis ob eam causam commississe non videtur.

Ad leg. ult. ad l. Iul. repet.

*Qui munus publice mandatum accepta pecunia ruperunt, crimine repetundarum postulantur.*

**S**ententia hæc est: eos, quibus publicum munus iniunctum est, si pecunia corrupti in eo munere exequendo, in fraudem Reipublicæ segniter aut malitiose se gesserint, teneri iudicio publico ex l. Iulia repetundarum, cuius poena est infamia & exilium plerunque, l. 7. §. ult. hoc tit. vel quadrupli redhibitio, l. 1. C. hoc tit. Ita tamen, ut corruptori, quia turpiter pecuniam dedit, nec data pecuniæ repetitio competat, l. 2. 3. 4. sup. de cond. ob turp. caus. sed quadruplum, vel totum redigatur in fiscum, vel diuidatur, ut plerunque solebat, inter accusatorem & fiscum. Vtitur autem Papinianus antiquo verbo *ruperunt*, pro *corruperunt*, quo & lex XII. tabul. vsa est, & lex Aquilia, l. si seruus §. inquit, ad leg. Aquil. l. qui tabulas, in fin. sup. de furt. Et munus corrumpere eum significat, qui eo fungitur, si corrumpatur ipse, quo minus eo fungatur bene, & sordescat accepta pecunia.

Ad leg. 4. ad Senatusc. Turpill.

*Mulier, quæ falsi crimen iniuria propria post interpositam denuntiationem desistens omisit, ex Senatusconsulto Turpilliano teneri non videtur. Post abolitionem idem*

Pp



*crimen ab eodem, in eundem instaurari non potest.*

**P**otest dici probabiliter, quod & quidam dixerunt, in hac lege sic esse legendum addita negatione *mulier, quæ falsi crimen non iniuriæ propriæ*, quod iam Marcianus in l. 1. §. *accusationem*, hoc tit. refert, Papinianum respondisse, mulierem, quæ idcirco ad falsi accusationem non admittitur, quod suam suorumve iniuriam non persequatur: nam regulariter mulier non potest accusare, nisi suam suorumve iniuriam persequatur, non si publicam tantum vindictam persequatur. mulier igitur quæ idcirco non potest accusare falsi, quod suam iniuriam non persequatur, si tamen denuntiationem criminis, vel accusationem intulerit, id est, si non iure intulerit, & mox poenitentia ducta destiterit non impetrata abolitione à iudice, ideo ea non plectitur lege Petronia, siue SC. Turpil. quod est factum in tergiuersatores, qui scil. ab accusatione temere desistunt. loquitur illo loco Marcianus ex Papin. responsis, de ea, quæ intulit falsi crimen, non iniuriæ propriæ causa. Quamobrem & hic videtur esse legendum, *non iniuriæ propriæ*. At sane nihil mutandum est hoc loco: nam & Dorotheus sine negatione legit eodem modo, *ἢ τὸ πρὸς τὴν ἑαυτῆς κακίαν*. Potuit vtrumque Papin. respondisse, non incidere in Turpilianum mulierem, quæ desistit sine abolitione, siue suæ iniuriæ causa, siue alienæ accusationem instituerit. Et vero cum hoc loco id respondisset, in ea, quæ falsi crimen intulerat suæ iniuriæ causa, hoc est, quæ iure intulerat, huic responso subiecisse Papin. videtur, quod est relatum in d. §. *accusationem*, idem multo magis esse dicendum, si non suæ iniuriæ causa falsi crimen intulerit. Ergo siue propriæ, siue non propriæ iniuriæ causa mulier falsi crimen denunciauerit reo, vel intulerit, etiam si destiterit non petita abolitione, non petita venia omittendæ accusationis, non plectitur Senatusconf. Turpiliano. Et ratio hæc est euentissima, quia nec si iusta sit accusatio mulieris, mulier nunquam subscribit in crimen, nec de calumnia tenetur, parcutur imbecillitati sexus, l. de crimine, C. qui accus. non poss. l. 2. C. de calum. Verissima autem est illa definitio, eos de quorum calumnia quæri non potest, nec si desistant ab accusatione, & tergiuersentur non petita abolitione, non incidere in Senatusconf. id est, eos, de quorum calumnia quæri non potest, nec posse quæri de tergiuersatione eorum, l. in Senatusc. §. eos, hoc tit. Ergo nunquam mulier incidit in Senatusconsultum Turpilianum; vno tantum casu excepto, nisi mulier cum reo turpiter depecta sit accepta pecunia, atque ita destiterit, vt recte Theodorus accepit leg. pen. C. eod. tit. nam hoc casu, & de mulieris, propter turpitudinem, & propter turpem depectionem, quæ depectio semper dicitur in malum: de mulieris, inquā, & de cuiuscunque calumnia vel tergiuersatione, de qua alias quæri non potest, propter turpem depectionem quæri potest, propter auaritiam & lucri cupiditatem accusatoris desistentis: excepto hoc vno casu, de eorum tantum tergiuersatione quæri potest, de quorum etiam calumnia quæri potest, & ij si desistant non impetrata abolitione, in poenam Senatusc. Turpilliani incidunt, non tantum si accusationem inchoarint, sed etiam si crimen duntaxat denunciauerint, l. vim §. duos, ad leg. Iul. de adult. non etiam si comminati tantum sint, se denuntiuros vel accusaturos: nam ij impune desistunt, vt in l. seq. l. quæsitum, in princip. sup. ad leg. Iul. de adult. Et definitioni dicti §. eos, vt impune desistat ij, de quorum calumnia quæri non potest, iam pridem ostendi nihil obitare l. abolitionem, C. ad leg. Iul. de adulter. quæ ait, maritum ab accusatione adulterij impune non desistere. Recte: quia & de mariti calumnia quæ modo manifestissima sit quæri potest, l. is cuius §. ult. sup. de adult. In extremo huius legis, ait, post abolitionem idem

**A** crimen ab eodem, in eundem instaurari non potest. Sententia hæc est: qui impetrata speciali abolitione destitit ab accusatione, non potest rursus poenitentia actus, eundem reum eadem causa repetere, vel si repetat, repellitur præscriptione desertæ accusationis, l. 4. C. eod. tit. nec aliter potest reum repetere instaurato eodem crimine, quam si id specialiter Princeps concefferit, l. 3. C. eod. tit. l. 1. C. de abolit. Alium accusare vel eundem alio crimine accusare non prohibetur qui destitit petita abolitione: At qui destitit non petita abolitione, nec eundem, nec alium quenquam vnquam damnatus Senatusconsulto Turpilliano, eodem vel alio crimine reum deferre potest, l. 2. hoc tit. l. quæsitum §. ult. sup. ad leg. Iul. de adult. l. abolitionem, C. eod. Hoc dicimus de abolitione speciali, vt qui eam impetrauit, non possit eundem reum repetere ex eadem causa: nam concessa abolitione generali à Principe, vel Senatu, vt fit plerunque, nemine postulante, ob hilaritatem aliquam, rei ab iisdem accusatoribus possunt repeti intra triginta dies; non coguntur eos repetere, sed si velint repetere, possunt intra xxx. dies, quod Accurs. notauit: & aliæ leges huius tituli demonstrant.

## IACOBI CUIACII IURISCONSULTI COMMENTARIUS in Lib. XVI. Responsorum Æmilij Papiniani.

Ad l. 2. de veter. & milit. succes.

*Bona militis intestati defuncti castrensis fisco non vindicantur: cum heres legitimus ad finem quinti gradus extitit, aut proximus cognatus eiusdem gradus intra tempus possessionem acceperit.*



**M**Æc l. accipienda est de milite capite damnato ex delicto militari, non communi, qui intestatus vita decessit. de eo accipiendam esse, argumentum præbet vicinitas l. 1. quæ de eod. est. & quod hæc l. 2. quærit, an fisco veniat in bona militis exclusis agnatis & cognatis, quod non quæreret, si fisco locus esse non posset: atquin fisco locus esse non potest, aut esse videri, nisi milite damnato capitis. Ac præterea totum hunc librum 16. certissimum est esse de reis capitalium criminum. Ergo & hæc l. 2. accipiat de milite capite damnato ex militari delicto, & vt ait l. 1. intestato defuncto. Docet ergo Papinianus hoc loco, milite capite damnato, & intestato defuncto ad bona castrensis fisco non vocari, sed fisco anteponi agnatos, non in infinitum, vt fit in successione paganorum: sed vsque ad quintum gradum duntaxat. Denique fisco anteponi agnatos in bonis castrensibus vsque ad quintum gradum duntaxat, & iis deficientibus cognatos vsque ad eundem gradum, eodemque quoque gradu comprehensio in hunc numerum. Hoc si miles intestatus decesserit. Sin autem damnatus miles testamentum fecerit, quod ex constitutione Adriani ei permitti solet; sententia damnatis de bonis castrensibus tantum hoc casu etiam in bonis castrensibus heres testamentarius fisco præfertur. De bonis igitur castrensibus, miles, qui



capitis damnatus est, testamentum facere potest, permittente eo in sententia, qui damnauit, non etiam de paganis bonis. Imo si quod de paganis ante fecerit testamentum, protinus damnatione irritum fit. Ab intestato autem in bona pagana fiscus statim vocatur, non in castrensis, si extent agnati vel cognati ad finem quinti gradus. Quæ omnia comprobantur partim hac l. 2. & partim l. si quis, in pr. §. miles, de leg. 3. l. cum hic status §. si miles, de donat. inter vir. & uxor. l. 6. §. sed & si quis, de iniusto rup. testam. l. ex militari, sup. de mil. testam. l. & militibus, C. eod. tit. Verum quod hæc lex significat, post agnatos & cognatos quinti gradus fiscum vocari ab intestato, pugnare videtur cum d. l. 6. §. eius qui, in fine, & cum l. 2. C. de hered. dec. vel mil. quæ ll. fisco præferunt in successione intestati deficientibus agnatis, vel cognatis, conturbinales, & commilitones, siue legionem aut vexillationem, in qua merebat miles. Verum illæ ll. loquuntur de milite non damnato: hæc vero l. de milite damnato capitis ex delicto militari. In damnati bona castrensis, fiscus ab intestato agnatis, & cognatis, qui sunt ultra quintum gradum, & legionis atque vexillationi præfertur. In non damnati militis bona omnia pagana vel castrensis ab intestato succedunt agnati in infinitum, & cognati usque ad sextum vel septimum gradum, sicut in paganorum successione receptum est, §. ult. Inst. de success. cognat. Et post eos coniux, & post coniugem legio aut vexillatio succedit fisco remoto, fiscus post omnes vocatur. Hæc omnia obtinent in milite damnato ex causa militari; in milite damnato ex communi delicto sequimur ius commune successionum ab intestato. Commune delictum est veluti adulterium, stuprum, furtum, plagium: militare delictum est veluti armorum balienatio, vel amissio turpis, seditio, contemptio disciplinæ militaris, emanatio, & his similia.

#### Ad l. ult. de publ. iud.

Generi seruis à socero veneficii accusatis, præses pronuncia patrem calumniam intulisse pronunciauerat. Inter infames patrem defunctæ non habendum, respondi: quoniam etsi publicum iudicium inter liberos de morte filia constitisset, citra periculum pater vindicaretur.

Sunt quidam accusatores, de quorum calumnia queri non potest, l. in SC. §. eos, inf. ad Turpil. ut mulieres, quæ suam vel suorum iniuriam persequuntur, l. 2. C. de calumniator. vel heredes, qui iussu defuncti veneficii accusante eum, quem sibi venenum infudisse defunctus cavit, d. l. 2. vel filius, qui persequitur cædem patris, l. 4. C. eod. tit. vel maritus, qui iure mariti ex suspitione aliqua iusta, non calumnia, aut malitia mala ac manifesta uxorem accusat adulterij, l. iure mariti, & l. quamuis, C. ad l. Int. de adult. Quod & de patre similiter dici potest, qui iure patrio accusat mæchum filia. Nam & in hac lege dicitur, patrem, qui filia veneno necata ira & dolore cæco incensus seruos generi sui accusat veneficii, extra periculum esse calumniae, ac si forte præses prouinciæ pronuntiarit patrem calumniam intulisse, qui accusauit seruos generi veneficii, non notari tamen patrem infamia, quia etsi liberos homines pater veneficii accusasset, non probato crimine pater non haberetur pro infami calumniatore. Pater, inquit, vindicaretur citra periculum calumniae: iustus enim & grauis dolor eum excusat: inconsultus calor calumnia vitio caret, ut eleganter ait l. 1. §. queri, inf. ad Senatus. Turpill. Et sententia prædis, quam ne dixeris, nullam esse aut iniustam, ut vulgo, valet enim ea sententia, qua pronuntiauit præses patrem calumniam intulisse: verum non irrogat infamiam patri. Cur ait? quia non pronuntiauit, eum esse calumniatorem, sed calumniam intulisse: potest quis

Respons. Papin.

A inferre calumniam, nec tamen calumniari, aut calumniandi animum habere: sicut mendacium dicere potest quis, nec tamen mentiri: non temere quis iudicatur calumniator fuisse, nisi iudex dixerit fuisse, & hoc ipso verbo usus fuerit, es calumniator, vel, calumniatus es. Si absoluto reo, simul & de consilio accusatoris iudex ita pronunciauerit adseuerantius, calumniatus es; proculdubio hæc sententia irrogat infamiam, sententia, inquam, non interloquutio, l. 1. §. sed non utique, ad Senatus. Turpill. l. verbum, C. quib. ex caus. infam. irrog. Sin autem ita pronunciarit: calumniam intulisti, vel ut est in epist. Cælij ad Cicer. calumniam tulisti: Scito, inquit, C. Sempronium Rufum calumniam maximo plausu tulisse, quod M. Tuccium reum lege Plantia de vi fecit: Si pronunciarit igitur calumniam intulisse vel tulisse, hæc sententia non irrogat infamiam, quia perinde est ac si dixisset, mendacium dixisti; vel, quod proposuisti non probauisti; vel, quod proposuisti verum non est, quia non adseuerat calumniatorem esse, nisi qui dicit conceptis verbis, calumniator es, vel, calumniatus es, l. 3. C. de calumniar. Ac præterea tentari potest accusato seruo non potuisse de calumnia accusatoris queri, sicut nec seruo accusato adulterij, constat non posse queri de lenocinio accusatoris, l. quoniam, C. ad l. Int. de adult. Et ideo addit Papinianus hoc loco, nec libero homine quasi veneficio à patre accusato, queri posse de calumnia patris, quia pater citra periculum calumniae persequitur necem filia. Si accusato libero homine nullum est periculum calumniae, quia pater accusator est, & multo magis seruo accusato nullum est periculum calumniae patri: & altera ratio est, quæ excludit periculum calumniae, quia seruus nulli potest accusatori referre aliud crimen, vel calumniae puta, vel lenocinij. Et ita hæc lex explicanda est. Quod autem tractat Accursius in hac lege, an furti damnatus innocens infamis fiat, actio furti est famosa, hoc est certissimum, sed quod tractat, an etiam infamis fiat innocens, qui furti damnatus est, collatis inter se duabus legibus atque commissis, quæ inuicem pugnare videntur, l. non potest, sup. de furr. l. si furti, C. quib. ex caus. inf. irrog. primum dico, non posse ea de re tractari illæsa auctoritate rei iudicatæ, quia res iudicata pro veritate habetur: & ideo nec debere ea de re frustra tractari, & damnatum furti etiam innocentem infamiam sequi. Et quod ad pugnam earum legum attinet, ita distinguendum ex l. quid ergo §. pen. sup. de iis, qui not. inf. circumscripta admodum magna glossa Accursij inutili & inconstanti ad d. l. si furti. Diuisio & distinctio hæc est: si damnatus fur est iudicio ciuili, quod pecuniarium est in duplum, vel quadruplum, vel triplum, ut inf. ostendam, etiam si durior sententia fuerit, quæ irrogat pœnam pecuniariam tantum, ut si in quadruplum condemnarit eum, vel triplum, qui damnari tantum debuit in duplum; sententia etiam durior irrogat infamiam, d. l. non potest, & d. l. quid ergo §. pen. Si damnatus est iudicio extraordinario, pœna extraordinaria, quæ non est pecuniaria, qua etiam furtum posse vindicari constat, l. interdum, §. qui furem, l. ult. sup. de furr. veluti si damnatus sit fustium animaduersione, sententia durior non irrogat infamiam. Et ita est accipienda d. l. si furti: nam quod ait, mulierem damnatam furti, quod ipsa fecit citra fustium verbera, famæ damnum subisse: significat & demonstrat, eam fuisse fustibus cæsam, non mulctatam pœna pecuniaria, quod & Basilica ponunt, nec tamen fustium ictum eam fecisse infamem, l. neminem, C. eod. tit. sed causa furti, facti scil. l. ictus, sup. de iis qui not. inf. Et facto furto, dico pœnam fustium non esse duriolem, quæ absoluit etiam pœna pecuniaria dupli vel quadrupli. At ut ponitur in eadem lege, si ipsa mulier furtum non fecit, sed apud ipsam ignorantem res furtiua comperta & concepta sit, quæ sita & inuenta sit, & obeam causam mulier fustibus cæsa fuerit, durior sententia videtur cum

Pp ij



ea transactum de existimatione conseruanda. Et hoc casu damnata furti concepti non fiet infamis: alioqui furti concepti damnatus pœna pecuniaria, quæ fuit in triplum, vt Aulus Gellius scribit lib. xi. cap. vlt. famofus efficitur. Paulus 2. *Sentent. tit. vlt. furti quocunque genere damnatus famofus efficitur.* quocunque genere, id est, vel manifesti, vel non manifesti, vel concepti, vel oblatti. Hæc sunt quatuor furtorum genera: in furto concepto maxime, si res furtiua apud ignorantem concepta fuerit, durior est ictus fustium quam damnatio tripli, *l. in seruorum, in si. inf. de pœn.* quæ lex non est accipienda de quocunque genere furti. Sed ad eam ex d. l. seq. commodissime potest exemplum poni, in ignorante. ob casum furti concepti fustibus cæso, hic non fit infamis, quia durior pœna affectus est: compensatur durior pœna cum conseruatione existimationis, quæ remanet integra.

#### Ad l. vlt. de accusat.

*Alterius prouincia reus apud eos accusatur, apud quos crimen contractum ostenditur, quod etiam in militibus esse obseruandum, optimi Principes nostri generaliter rescripserunt.*

**H**oc tantum ostenditur, in qua quis prouincia crimen contraxit, in ea accusari, & damnari eum posse, licet alterius prouinciæ sit, indistincte, siue paganus sit, siue miles, non habet præscriptionem fori, non potest reuocare domum, *il ne peut demander son renuoy*, quoniam vt vulgo dicitur, *ratione criminis sortimur forum*, *l. 7. §. pen. & vlt. hoc tit. l. 1. C. vbi de crimin. agi. oport.* Sed ait Papinianus, optimos Principes idem rescripisse generaliter esse seruandum in militibus, vt ibi puniantur, vbi crimen admiserunt. Optimos Principes, id est, Seuerum & Antoninum, vt patet ex l. 3. de re milit. vbi idem refertur ex rescripto Seueri & Antonini nominatim. Idque confirmat etiam l. 1. C. ad l. Corn. de fisco. & Theodosi. *Non. 2. de amota militibus fori præscriptione*, dum ait, *vetere quoque leges fori præscriptionibus delicta subtrahere, nec pati aliquem, qui quid in prouincia aliqua criminosè commiserit, eis se præscriptionibus defendere.* Notandum tamen est, ex causa, Præsidentem prouinciæ, in qua crimen contractum est, reum posse remittere ad præsidem prouinciæ, vnde is homo est, *l. non dubium, tit. seq. vel militem posse remittere ad ducem suum, aut magistrum militum, maxime si militare crimen fuerit, veluti desertio militiæ, non commune, d. l. 3. l. de militib. tit. seq. l. 1. de exhib. reis.*

#### Ad l. 17. de quæst.

*Extrario quoque accusante, seruos in adulterij quæstione contra dominum interrogari placuit, quod D. Marcus ac postea Maximus Princeps indicantes secuti sunt. Sed & in quæstione stupri serui aduersus dominum non torquentur.*

**Q**uod diximus superiori libro ad l. *vim passam §. vlt. ad l. Iul. de adult.* In adulterij quæstione seruos interrogari, & torqueri posse in caput domini vel dominæ, verum est, non tantum patre vel marito accusante, vt l. patre, sup. hoc tit. l. 3. C. ad l. Iul. de adult. sed etiam, vt ait initio. h. l. accusante extrario. Inter extrarium & extraneum, & exterum Papin. & cæteri auctores iuris nullam differentiam faciunt: licet Festus fecerit aliquam. Id autem, vt quocunque accusante adulterij serui possint torqueri in caput domini, Papini. scribit hoc loco, etiam D. Marcum & Maximum principem, id est, Septimium Seuerum iniudicando secutos. Rem igitur

carere dubitatione. Et tamen in quæstione incesti, quod non sit iunctum adulterio, & in quæstione stupri certum est, seruos non posse torqueri contra dominum, sicut nec in aliis quæstionibus criminalibus vel ciuilibus, *l. 4. hoc tit.* Ammianus Marcellinus 28. *Mancipia*, inquit, *squalore diuturno marcescentia, in domini caput ad usque ultimum lacerabat exitium: quod, inquit, in stupri quæstione fieri vetuere clementissima leges.* Ex quo loco manifeste apparet, Basilica perperam hoc loco scribere adfirmate, & in quæstione stupri seruos torqueri aduersus dominos. Hoc enim receptum est in quæstione adulterij, non stupri, vel incesti, quæ sunt crimina ad finia adulterio. Hoc in quæstione adulterij primum lege Iulia permitti cœpit patri vel domino tantum accusatori, vt idem Papin. scribit libro singulari de adult. vt scilicet quemadmodum idem ait, pater, ac maritus dolorem animi sui diligentius, & iniuriam lecti genialis ac domus non translatitè persequerentur: diligens quæstio permittitur patri, vel domino lege Iulia, etiam torris seruis in dominos. Sed postea: *quoniam*, inquit, *non facile tale delictum sine ministerio seruorum (aquariolorum) admitti creditum est, ratio eo perducit, vt etiam extraneo accusante mancipia quæstioni tormentorum à iudicibus subiicerentur.* quanquam eadem non sit ratio in extraneo, quæ fuit in patre vel domino, sed tamen & extraneo accusante idem obseruarunt Principes, & iudicauerunt præter legem Iuliam.

#### Ad §. de quæstione.

*De quæstione, inquit, suppositi partus, vel si petat hereditatem quem ceteri filij non esse fratrem suum concedunt: quæstio de seruis hereditariis habebitur, quia non contra dominos ceteros filios: sed pro successione domini defuncti queritur. Quod congruit ei quod D. Hadrianus rescripsit. Cum enim in socium cadis socius postularetur, de communi seruo habendam quæstionem rescripsit, quod pro domino fore videretur.*

**I**us verus hoc est, vetus Senatusconsultum, vt Cornelius Tacitus ait 2. *Annal.* vt excepto crimine adulterij sicut diximus, & excepto etiam crimine perduellionis, & crimine quoque fraudati census, fraudati tributui, cuius causa pertinet ad summam Rempubliam, exceptis his tribus criminibus, vt l. 1. §. in causa, hoc tit. l. vir sup. de iud. l. 1. C. de quæst. regulariter serui non torqueantur in caput domini: non, quia non possit verum inueniri, vt M. Tullius ait pro Milone, & pro Deiotaro, non quod in quæstione dolor veram vocem etiam ab inuito seruo elicere non possit, sed quia indignum videtur esse, & domini morte ipsa tristius, dominorum salutem seruulorum voci committi, vt in l. seq. §. index. Idem hoc ius vetus commemorat Dio 55. & alij plerique auctores, *ἐκ ἐξέιναι δ' ἄλλον κατὰ δεσπότην βασινοῖς δ' ἔναι.* At si quærat de hereditate, ad quem pertineat ab intestato, forte L. Titio dicente se esse filium defuncti, aliis filiis contendentibus L. Titium supposititium esse, vel simplicius, fratrem suum non esse: atque ideo si quærat de supposito partu, vel de fide generis, vt in l. seq. §. index. propter hereditatis emolumentum, tum in hac quæstione de seruis hereditariis quæstio haberi potest, quia non videntur torqueri in caput dominorum, id est, cæterorum filiorum, *l. 2. h. t. l. 13. C. eod. tit.* sed videntur torqueri, & torquentur potissimè pro successione domini defuncti, vt constet, qui sint ei iusti successores. Et hoc ita proponit Papin. in hoc §. Hoc verò etiam cessante & illa ratione contra ius vetus ex constitutione Iustin. obseruandum est: si non sit controuersia de iure hereditatis, puta, si constet, ad quos pertineat hereditas, sed sit controuersia de rebus quibusdam, sint hereditariæ nec ne, de do-



minio singularum rerum, etiam & ea de re quæri potest per tormenta seruorum hereditariorum, seruorum communium inter heredes, qui rerum hereditariarum notitiam habent, quanquam periculum sit ne respondeant aduersus heredes dominos suos, præstito tamen prius iureiurando calumniæ ab eo, qui ex ea causa seruos hereditarios postulat in quæstionem dari, *l. ult. C. eod. tit. coniuncta l. 1. C. de iureiur. propt. calumn. l. ult. §. licentiam, inf. de iur. de lib. & N. 1.* quia ut in hac specie, cum quæritur de corporibus hereditariis euenire potest, ut & pro dominis serui hereditarij respondeant. Nec ab simile est, quod ex rescripto Adriani subiicit Papin. hoc loco, vno ex dominis occiso, & altero domino facto reo cædis, de communi seruo quæstionem haberi posse, quia etsi interrogetur in caput domini qui cædis alterius domini reus postulatus est, magis tamen id pro salute fore, vel ultione domini occisi, creditum est, atque ideo permissum, *l. etsi certus §. pen. de Senatusc. Syllan.* Et nullorum magis interest quam dominorum, salutis suæ causâ hoc permitti: nimirum, ut in quæstione cædis à domino illatæ seruus communis pro domino audiatur in dominum: non etiam temere in omnibus aliis quæstionibus, sed in hac graui causa tantum, quum socius socium occidisse dicitur, *l. 13. in fi. C. eod. tit.* Et ex constitutione Iustin. de qua dixi supra in alia etiam causa, si ambigatur de rebus hereditariis inter coheredes. Nam & hoc casu de seruo communi quæstio haberi potest. Et hoc colore non vera ratione etiam dicitur in *l. 2. C. Theod. ne prat. crim. maiest. seru. dom. accus. crim. perduell.* quod ad salutem Principis artinet, dicitur, seruos audiri contra dominum, quia pro salute domini rerum, id est, principis, interuenire videntur; quia hoc crimen, inquit, tendit ad dominos communes omnium.

#### Ad §. vltimum.

*De seruo in metallum damnato quæstionem contra eum qui dominus fuit, non esse habendam respondi. nec ad rem pertinere, si ministrum se facinoris fuisse confiteatur.*

Quod est in §. *ult. h. l.* amplificat regulam iuris veteris, ut nec contra eum, qui dominus fuit, & non est, seruus interrogari vel torqueri possit, in memoriam prioris domini. ergo nec in emptorem, nec in venditorem, ut *l. seq. §. seruus, l. etiam, sup. hoc tit. l. 14. C. eod. tit.* quare amouetur fraus & abrogatur, quâ veteri iuri quandoque fecerunt Augustus & Tiberius, eo, quem torqueri volebant in caput domini, prius venire iussu actori publico, ut Tacitus scribit 2. & 3. *Annal. & Dio. 55.* nam & in veterem dominum serui torqueri non possunt. Ac similiter si seruus damnatus sit in metallum ex crimine aliquo, quo genere sit seruus pænæ, & definit esse eius, cuius fuit, *l. aut damnum §. ult. de pæn.* & antequam damnetur in metallum, ut ait hoc loco, torqueri non potest, in memoriam prioris domini, nec si confiteatur, se ministrum esse, inquit, ac plane conscium & participem facinoris à domino pristino commissi: atque ita ministerij ratio, quæ in causâ adulterij seruos admittit contra dominum, vel dominam extraneo accusante, ut ex Papin. sup. retuli. Ea ratio vbique non valet, & probabilis tantum non necessaria ratio est, quales sunt innumeræ in iure nostro, quod qui nescit, aut diffitetur, se iuris peritum non esse profiteretur. In memoriam prioris dignitatis non torquetur, qui desit esse decurio, *l. ult. de decur.* Et sic in memoriam prioris domini non torquetur seruus in priorem dominum, neque istud decet; memoriæ debetur honos aliquis. In honorem matrimonij prioris non datur actio famosa in eam, quæ vxor fuit, ex causâ quæ cæperit constante matrimonio, *l. 2. sup. rerum amor.* In honorem & in me-

moriam idem est. At enim memoriæ tantum bonæ hinc honos debetur, non infamatæ, non damnatæ memoriæ. Ideoque seruus licet torqueri non possit in priorem dominum, cuius adhuc interger est status, tamen in priorem dominum qui damnatus est ignominia, & capitis minutione ademptis bonis, torqueri potest, *l. 1. §. item Nummio, hoc tit.* quia memoriæ eius nullus honos debetur, memoriæ infamis.

#### Ad l. 34. de pænīs.

*Seruus in opus publicum perpetuum, ac multo magis temporarium non datur. Cum igitur per errorem in opus publicum fuisset datus, expleto tempore domino seruum esse reddendum respondi.*

In hac l. proponitur, seruos sententia iudicis in opus publicum perpetuum non dari, id est, non solere dari, aut non iure dari, & multo magis, inquit, non dari in opus publicum temporarium, quamuis dicat, multo magis, non tamen hoc argumentum est à minori ad maius, sed à maiori ad minus secundum Dialecticos, à quibus Iurisconsulti imbuti sunt, cum sint Stoici omnes, non secundum Rhetores. Proinde sic argumentatur Papin. si pæna operis publici perpetui seruo ob delictum non infligitur, quanto magis credibile erat infligi posse, quia & maior pena videtur esse, multo minus infligitur leuior, puta, operis publici temporarij: vel quod idem est, multo magis non infligitur leuior. siue dixeris multo minus infligitur leuior, siue multo magis non infligitur leuior, utroque modo negas infligi. seruus, inquit, in opus publicum perpetuum, ac multo magis temporarium non datur. Et sic in *l. pen. sup. de publ. ind. si non datur procurator ad accusandum, multo magis non datur ad defendendum, vel quod idem est, multo minus datur ad defendendum.* Et in *l. aut damnum §. 1. hoc tit.* si præses provinciæ non potest reo permittere liberum mortis arbitrium, puta, ut se necet quoquo genere voluerit, vel in pelui secta vena, vel alio; sed ut necet tamen se omnimodo: si, inquam, præses provinciæ non potest permittere reo liberum arbitrium mortis, quoniam hoc est solius principis, ut apud Sueton. in Domit. & apud Tacit. sæpe, multo magis nec veneno necare præses provinciæ reum potest: quoniam est pæna turpis & illegitima. sic legitur vulgo, multo magis nec, in *d. l. aut damnum §. 1.* rectius quam in Florentinis, multo magis vel. Vel concipiatur argumentum hoc modo: nihil refert, si præses non potest permittere liberum mortis arbitrium, multo minus veneno necare. Et sic in *l. 4. C. de prad. minor.* si minor xxv. annis non potest prædia sua vendere sine decreto prætoris aut præsidis, multo magis nec donare. Nam & in illa lege veteres libri ostendunt sic esse legendum, multo magis donare, nec alio quoquo modo transferre. Vel sic dicamus, si minor non potest prædia vendere sine decreto, multo minus donare. At contra, si non in negando, sed in confirmando argumentaris hoc modo, ut *l. Barbarius, sup. de off. prator.* si populus seruo potest præturam decernere, multo magis Imperator; non est argumentum à maiori ad minus, ut superiora, sed à minori ad maius, quod tantum valet ad adfirmandum, non ad negandum: contra illud quod est à maiori ad minus valet ad negandum, non ad adfirmandum. Et ut hoc breuiter perstringam, à maiori est quum quod magis est credibile, adsumitur ad probationem: à minori, quum quod minus est credibile aut probabile, adsumitur ad probationem. Quorum rerum neque totius artis non debet iuris peritus esse ignarus, sed tinctus saltem esse debet, & nosse locos, atque habere in numerato, alioquin ludit operam, sed ad rem. Videamus cur seruus non detur in opus publicum perpetuum vel temporarium pænæ causa? Credo, & verum est, quia hæc pæna in seruo non est pæna: nec enim fit eius



causa deterior; imo quandoque dum subtrahitur seruitio durioris domini, & publico operi mancipatur siue vinculis, fit melior: non est igitur pœna. Qua ratione etiam hic Græci interpretes vtuntur. pœna operis publici perpetui in libero homine grauissima est, quæ ciuitate mulctat, & deportationi in insulam comparatur, *l. 17. sup. hoc tit. l. 1. C. eod. tit.* denique capitis media deminutio est. In seruo autem nulla est pœna. Item operis publici temporarii in libero homine pœna est, quia non multum distat ab specie seruientium, qui inuitus publico operi nauat operam, non tamen est capitis deminutio, quia neque libertate plectitur, neque ciuitas, *l. 6 C. de caus. ex quib. inf. al. non irrog.* In seruo autem pœna operis publici temporarii, nulla omnino est pœna. Pœna igitur operis publici non est communis liberis hominibus & seruis, non cadit in omnes, sed est liberorum hominum propria: vt contra, vinculorum perpetuorum pœna, propria seruorum est, non liberorum hominum, *l. seq. 35. hoc tit. l. 6. & 10. C. eod.* At pœna metalli, siue in opus metalli est communis liberorum hominum & seruorum, *l. si quis aliquid, §. qui se, hoc tit. l. 11. C. eod. tit. l. 17. §. vlt. de quæst. l. 5. de manum.* Et hæc pœna metalli sœdine in liberis hominibus maxima capitis deminutio est in seruis mutatio domini in deterius, quia etsi serui nec libertatem habeant, nec ciuitatem, aut caput vllum, quod damnatione in metallum amittere possint, tamen in deteriorem & teterrimum dominum decidunt, abeunt à priore, quem habuerunt ante damnationem, & serui fiunt pœnæ, non fisci, non Cæsaris, non Reipubl. non vllius certi hominis: sed quod miserum est, fiunt serui pœnæ, cruciatus, tormentorum, catenarum, *l. aut damnatum §. inter eos, & §. vlt. hoc tit.* Quod autem ait Papin. in opus publicum perpetuum seruos non damnari, pugnare videtur cum *l. in seruorum, hoc tit.* quam opponit etiam Accursius, quæ, vt breuiter eam exponam, seruum ita damnatum, vt domino reddatur sub pœna vinculorum, si dominus nolit eum nebulonem recipere forte, nec sit, qui eum emere velit, ait, dandum esse in opus publicum perpetuum. Ergo, inquit, forte seruus damnatur in opus publicum perpetuum: imo, ea lex nihil pugnat, quia non proponit seruum damnatum fuisse in opus publicum, sed domino reddi iussu sub pœna vinculorum, vt ei perpetuo in vinculis seruiret, quæ pœna in seruo legitima est. Et hunc tamē seruum ita damnatū, non in opus publicum, quod nō potuit, sed in vincula, si à domino & omnibus derelinquatur, si nullus existat, qui seruitio eius vti velit, cui possit sub pœna vinculorum seruitutē seruire, nō necessario seruus datur vel in opus metalli, vt *l. 5. de manumiss. & l. si quis aliquid §. qui se, hoc tit.* vel datur in opus publicum perpetuum: & hoc modo fit seruus pœnæ, vel potius seruus publicus: At si à domino non derelinquatur, si dominus eum recipere velit sub pœna vinculorum, sub lege habendi eum semper in vinculis, in compedibus, remanet in eius dominio & potestate, nec fit alterius, licet vincula ei iniecta sint, *l. aut damnatum §. vlt. hoc tit.* nullis autem vinculis iniectis, si in opus publicum perpetuum tradatur, nullam sustinet pœnam, nullum onus domini seruitio grauius. Ergo hoc genere seruus non punitur. Denique frustra datur simpliciter sine vinculis in opus publicum perpetuum, & multo minus datur in opus publicum temporarium, quod seruitium tempore leuius est. Quod si forte aliquando eueniat, vt seruus damnetur in opus publicum temporarium per imperitiam iudicis, toleratur quidem sententia nec rescinditur, arg. *l. 23. hoc tit. & l. 7. §. ad tempus, de interd. & releg.* Sed vt Papinianus ait hoc loco, expleto tempore, domino redditur, vt ei præbeat operas, nec iam amplius publico, quoniam ab eius dominio non discessit: vel etiam si per imperitiam iudicis seruus damnetur in opus publicum perpetuum, sane

tunc curabit dominus rescindi sententiam: quoniam eius interest, ne in perpetuum careat operis serui, & sic dominus sine re:

#### Ad §. eos quoque.

*Eos quoque pœna delatoris ex sententia Senatusc. teneri respondi, qui per suppositam personam delatori causam dederunt.*

**H**Oc loco ostendit Papin. eum qui per suppositam personam delatori, siue accusatori causam dedit, id est, qui supposuit aliquem, qui mandaret delatori causam capitalem deferendam, quique delatorem siue accusatorem instrueret allegationibus & probationibus, eum, inquam, qui hoc ministerio vtitur ad mandandam alteri accusationem, delationemve capitalis criminis, deserta accusatione teneri, perinde atque defertorem ipsum, qui ab accusatione destitit. Teneri, inquam, vt ait, ex sententia Senatusconsulti Turp. non ex verbis, quia Senatusconsultum tantum loquitur de accusatore & mandatore desistente. At sententia Senatusconsulti porrigitur etiam ad mandatorem mandatoris, de quo hic locus est accipiendus. Et hic Papin. locus proculdubio significatur in *l. 1. §. incidit, ad Senatusc. Turp.*

#### Ad l. 3. de sent. pass. & rest.

*In insulam deportati bona fiscus, pœna remissa retinuit. creditores ex ante gesto non habere cum eo, qui debitor quondam fuit, actiones constitit. Quod si bona cum dignitatis restitutione concessa recuperauerit, vtiles actiones necessarie non erunt, cum & directæ competunt.*

**I**N hac lege proponitur deportatum in insulam indulgentia Principis fuisse restitutum ciuitati, quam per deportationem amiserat, & famæ quoque simul amissæ, ac dignitati suæ. Solius principis est restituere ciuitati & famæ, *l. Imperialis, C. de nuptijs l. si qua, C. ad Senatusc. Tertull.* At fuisse eum restitutum ciuitati tantum & famæ, non etiam bonis, quæ semper deportato adimuntur omnia, & coguntur in fiscum, non fuisse, inquam restitutum bonis, vt plerumque non solet fiscus restituere, quæ semel in eum ceciderint, ne innocentem quidem confiscato forte ex causa contumaciæ, vt *l. 2. C. de requir. reis.* Et certum est deportatum restitutum ciuitati & dignitati beneficio Principis, non etiam bonis, non teneri creditoribus ex eo, quod gessit vel contraxit ante damnationem, quia de portatione, quæ est species capitis deminutionis, desit esse debitor, & actiones translatae sunt in fiscum, ad quem bona perueniunt, *l. si debitori, sup. de fideiuss. l. 2. §. 1. & l. tutelæ §. vlt. de cap. minut. sup.* vel fisco non vtente iure suo, & non vindicante bona deportati, vt potest, creditores cum deportato, qui bona retinet negligente fisco, non habent quidem directas actiones, quia ipso iure capitis deminutione liberatus est, sed habent vtilis, quia bona ei adempta non sunt reipsa, iure adempta sunt, quia pertinent ad fiscum, sed per negligentiam fisci apud eum remanserunt. Ideo tenetur vtilibus actionibus respondere creditoribus suis, *l. 14. §. vlt. sup. de int. & rel.* quæ est vna ex eis, quas ad eum titulum, qui inutilis est, restituiumus ex Basilicis. Et quod dicimus de actionibus quibus deportatus obstrictus fuit ante sententiam, idem obtinet in iis, quas habuit ante sententiam, vt scilicet ei auferantur, & transeant in fiscum, sicut cætera bona, *l. 5. C. eod. tit.* Et hoc est, quod pertinet ad priorem partem huius legis. Ex posteriori parte huius legis notandum est, quod si forte magno beneficio Principis, deportatus pristinum statum, pristi-



nam dignitatem cum bonis omnibus specialiter recipere-  
rauerit, tunc ei, & in eum competunt directæ actiones,  
eædem, quæ competeabant ante sententiam, nec viles  
hoc casu siue restitutoriæ actiones ei sunt necessariae,  
quia ipso iure restitutio bonorum & actionum restitu-  
tio est, l. 4. C. eod. tit. l. 21. inf. de verb. signific. Quod  
vsque adeo verum est, vt etsi restitutus bona respuat, si-  
bi à Principe concessa & restituta, non ideo minus ip-  
so iure redeat in obligationem creditorum, non ideo  
magis exuatur actionibus, l. 2. hoc t. l. pen. C. eod. Et no-  
ta quod ait, non esse necessarias actiones viles, quum  
directæ competunt. Quod ostendit etiam l. si heres insti-  
tutus, sup. ad Trebell. & l. 1. de Public. in rem act. Posui  
in hac posteriore parte, eum fuisse restitutum cum bo-  
nis omnibus, vt & l. 2. huius tituli exigit bona omnia  
restitui, vt & actiones restituantur in eum directæ, quia  
si restituantur tantum ei res quædam, veluti domus illa,  
& ille fundus, dicente principe: *Restituo te ciuitati &  
dignitati, & illis adibus, & illi fundo, quem possedisti  
prius ante damnationem.* Hoc casu actiones ex ante ge-  
sto, id est, ex tempore præcedente sententiam, ei, vel  
in eum nullæ competunt, sed fisco sequuntur, ad quæ  
bona peruenerunt, l. 3. C. eod. tit. Hoc ita, si res quæ-  
dam, si corpora quædam bonorum ei restituantur, sicut  
dixi. Nam si pars bonorum ei restituitur, non designa-  
tis certis rebus, veluti dimidia pars aut tertia, quam par-  
tem cognominem Arithmetici vocant, nostri Doctores,  
partem quotam, puta, his verbis: *restituo te dimidia par-  
ti bonorum: vel restituo te tertia parti bonorum:* tunc pro  
ea parte, quæ restituitur, ei & in eum competunt pri-  
stinæ actiones, dicta l. 3. C. eod. tit. Multum igitur inte-  
rest, rebus quibusdam restituatur, an parti bonorum:  
sicut multum interest ex rebus certis quis heres institua-  
tur, adiectis aliis heredibus, qui pro legatario habetur,  
an ex parte certa, qui pro herede habetur, non pro le-  
gatorio, l. pen. C. de hered. instit. Multum item interest,  
rogetur heres restituere hereditatem retenta re, aut re-  
bus certis, quo casu omnes actiones hereditariæ tran-  
seunt in fideicommissarium Trebellianum, an vero re-  
tenta quarta parte, quo casu actiones diuiduntur inter  
heredem & fideicommissarium pro quadrante & do-  
drante, l. si legatus §. multum, sup. ad Trebell. Actiones,  
inquam, creditorum, non etiam actiones legatorum,  
quibus tenetur solus fideicommissarius in solidum, cui  
restituitur dodrans hereditatis, optima ratione, quia  
cum aduersus legatarios heres saluum & integrum qua-  
drantem, id est, integram Falcidiam habere debeat,  
non debet eam ideo minus habere integram, & illiba-  
tam, sine onere legatorum, quod dodrantem fideicom-  
missario restituere teneatur. Dico dodrantem, cum ro-  
gatus est assem restituere. Nam si rogatus sit semissem  
restituere hereditatis, hoc casu non tantum actiones  
creditorum, sed etiam actiones legatorum diuiduntur  
inter heredem & fideicommissarium pro semissibus, l.  
1. §. pen. & ult. ad Treb. l. 2. C. eod. tit. l. etiam §. 1. sup.  
vt legat. nom. cau. Idemque est si heres rogetur restituere  
trientem vel bessem, non assem, quæ iuris principia  
certissima sunt, & sæpe memoria retinenda, quoniam  
facile excidunt.

Ad l. 39. de iure fisci.

*Bona fisco citra pœnam exilij perpetuam adiudicari sen-  
tentia non oportet.*

**D**isplicet mihi & omnibus interpretatio Accursij  
ad initium huius legis, quod accipit de deporta-  
tione, cum sit necessario accipiendum de relegatione,  
vt perspicue demonstrabo. Omnino enim hoc vult: *ci-  
tra pœnam exilij perpetuam*, id est, non irrogata relega-  
tionis pœna in perpetuum, sed ad tempus tantum, dam-

**A**nati bona non esse confiscanda, id est, neque omnia  
bona, neque partem bonorum vllam. Et ideo non nisi  
relegato in perpetuum, partem bonorum adimi posse,  
vt patet ex l. 4. sup. de interd. & releg. quæ ait, (sic enim  
explicanda est) *relegatos omnia bona retinere præter ea, si  
qua eis adempta sint sententia iudicis.* Quod ita explicat  
mox, nam, eorum, inquit, *qui in perpetuum exilium da-  
ti sunt, vel relegati, potest quis sententia partem bonorum  
adimere.* In perpetuum exilium datos, proculdubio vo-  
cat relegatos in perpetuum, non deportatos. Et quod  
sequitur, *vel relegati*, interpretatio est illorum verbo-  
rum, *in perpetuum exilium dati.* Illud, *vel* vt sæpe occur-  
rit in iure nostro, est, *ὁὐδὲνα πὺς διασώζειν πῦρος.* Et ita hoc  
loco: *citra pœnam exilij perpetuam*, id est, citra relega-  
tionem perpetuam, bona damnati non sunt adiudican-  
da fisco: citra relegationem perpetuam, quia relegati  
ad tempus bona nulla ex parte publicari possunt, l. 7.  
§. ad tempus, sup. de interd. & releg. Facit ergo differen-  
tiam inter relegationem perpetuam, quæ adimere po-  
test partem bonorum, & relegationem temporariam,  
quæ nullam partem bonorum adimere potest. Quæ dif-  
ferentia cum non possit fieri in deportatione, quia om-  
nis deportatio est perpetua, nulla temporaria, l. 18. eod.  
tit. quæ est etiam ex restitutis auxilio Basilicon, nulla  
capitis deminutio est temporaria, l. capitalium §. Diuus,  
de pœn. ex eo manifesto apparet illa verba: *citra pœnam  
exilij perpetuam*, quæ sunt scripta ad differentiam exilij  
temporarij, posse tantum accipi de relegatione, non de  
deportatione, quæ nulla est temporaria: nulla denique  
capitis deminutio est temporaria. Nec obicias, quod  
damnari quis potest in metallum ad tempus: ergo capi-  
te minui ad tempus. Nam damnatio in metallum, pro-  
culdubio capitis deminutio est, quia plectit & ciuitate  
& libertate. Damnari quis potest in metallum ad tem-  
pus ex l. sine præfinito, de pœn. quæ ait, *damnato aliquo  
in metallum simpliciter, non præfinito tempore, imperi-  
ritia damnantis non adiecto, in perpetuum, neque  
ad tempus, illud ait, decennium præfinitum videri.*  
Nam, vt respondeam, concedo damnari quem posse in  
metallum ad tempus, & hoc esse frequentissimum, &  
non adscripto tempore, damnatum videri in decennium,  
sed tamen ita damnatus in perpetuum capite minuitur,  
quia in perpetuum ciuitatem amittit, & libertatem  
tantum retinet, quod aperte ostenditur in d. §. Diuus,  
& l. aut damnum §. in ministerium, eod. tit. Et alia est ra-  
tio serui damnati ad vincula, sententia iudicis non præ-  
finito tempore, qui in perpetuum damnatus intelli-  
gitur, non in decennium, quia durius agitur cum seruis,  
& solemnne hoc erat, seruos reddi dominis sub pœnâ  
vinculorum l. in seruorum, l. si quis aliquid §. qui se, sup.  
de pœn. l. seruos, C. eod. tit. In liberis hominibus pœnæ  
interpretatione molliendæ sunt, vt ait l. interpretatione,  
de pœn. in seruis interpretatione exasperandæ potius  
quam molliendæ sunt. Concludamus igitur, exilium  
esse accipiendum initio huius legis, non proprie pro de-  
portatione, vt in l. 2. de publ. ind. quia deportatio nulla  
est temporaria, sed improprie exilium esse accipiendum  
pro relegatione, vt apud eundem Papinianum exilium  
temporarium est relegatio, non certe deportatio, l. fal-  
si §. 1. ad leg. Corn. de fals. l. 13. quib. ex caus. in poss. Et  
sequitur in hac lege:

Ad §. eum qui

*Eum qui periculum communis condemnationis diuidi  
postulauit, quod participes indicati soluendo essent, renoca-  
tis alienationibus, quas fraudulenter fecerunt, non vide-  
tur causam pecunie fisco nuntiasse, respondit.*

**I**dem ostendit hoc loco, quod ostendit in l. proxima  
§. ult. sup. lib. 13. delatorum numeronon habere eum,



qui causâ proprię protegendę gratia fisco nunciat causam pecuniariâ, atque adeo vinci eū posse sine periculo calumnię, quod delator nunquam euitat. Et species hæc est: plures sunt condemnati fisco ex eadem causa in vnam summam, hoc adiecto in sententia & expresso, *vt si quis eorum soluendo non esset, pro eo ceteri soluere tenerentur*. vnus ex eis postulauit diuidi sententiam, & condemnationem pro virilibus portionibus, dicens participes & collegas esse soluendo, si modo reuocentur alienationes, quas fecerunt in fraudem fisci, & quum ab eo desideraretur, vt probaret collegas alienasse bona sua in fraudem fisci, id non potuit probare. An fit infamis quasi delator? Minime, quia hoc dixit, & proposuit suę causę protegendę gratia, ne supra virilem inferret fisco. Ita vero, vt posui hoc loco, necesse est ponere speciem, quam etiam explicauit Accurs. male. Plures scil. vna sententia fuisse damnatos, ita vt pro eo, qui soluendo non esset, ceteri tenerentur, quoniam si generaliter damnati forent, & simpliciter, vt ponit Accurs. eo non addito, vt quod ab altero seruari non posset, alter suppleret de suo, proculdubio hoc casu periculum sententię non excussis facultatibus singulorum, ex æquo inter eos diuiditur pro virilibus portionibus, nec inopia vnus onerat ceteros, l. 1. §. *quoties*, sup. de app. l. 1. & 2. C. *si plures vna sent. cond. sint*. Et nihil est præterea in lib. 16. Imo supersunt adhuc duo loci, quib. Marcianus ex eodem libro vtitur Papin. auctoritate, qui breuiter explicabuntur. Vnus in l. 1. §. *ult. de req. reis, vel abs. dam.*

Ad §. ult. l. 1. de requir. reis.

*Sed & Papin. lib. 16. responsor. scripsit, requirendum ad notatum si prouincia præsidem intra annū adierit, & satis obtulerit, non esse locum mādatis, vt bona fisco vindicentur: nam etsi intra annum mortuus sit, criminis causa expirat & perit, & bona eius ad successores transmittuntur.*

**E**X quo intelligimus, reum criminis capitalis absentem & profugum, non damnari quidem, sed adnotari inter reos, vt requiratur, & fieri, vt loquuntur, requirendum, bonis interim fisco subsignatis, nondum publicatis, quæ nec publicantur ante damnationem, si intra annum, ex quo publice adnotatio innotuit, venerit, adierit iudicem, & satisfecerit iudicio sisti. Imo nec si intra annum moriatur, bona confiscantur, sed ad eius heredes legitimos transeunt, & morte eius, quæ contigit intra annum, cum criminis quæstio, tum bonorum quæstio perimitur, l. 1. C. eod. tit. l. 2. C. *si pend. appell. mors interuen.* Si non venerit intra annum, & purgarit se, vel si non mortuus sit intra annum, post annum bona subsignata fisco, proculdubio & occupantur à fisco, quasi publicata, quasi publica, l. ult. hoc tit. l. 2. C. eod. Alter locus est in l. 3. de bon. eorum, qui ante sent. vel mort. sibi consc. vel au. eorr.

Ad l. 3. de bon. eorum, qui ante sentent. &c.

*Qui rei postulati, vel qui in scelere deprehensi, metu criminis imminētis mortem sibi consciuerunt, heredem non habent. Papinianus tamen lib. 16. responsor. ita rescripsit, vt qui rei criminis non postulati, sibi manus intulerint, bona eorum fisco non vindicentur, non enim facti sceleritatem esse obnoxiam, sed conscientie metum in reo, velut confesso teneri placuit: Ergo aut postulati esse debent, aut in scelere deprehensi, vt si se interfecerint bona eorum confiscentur.*

**S**ententia hæc est: bona eius, qui sibi mortem consc. iuit, fisco vindicari, si reus postulatus, vel in scelere capitali deprehensus, & *αυτοπόρως*, vel *εν έργω*, metu criminis imminētis, mortem sibi consciuerit, non

**A** aliter: Nam si quis, cum non esset in reatu, cum non esset reus postulatus, non in flagranti crimine deprehensus se interfecerit, non ideo bona fisco vindicantur, & vt ait Papin. facti sceleritas, id est, *απορία*, vt veteres Glossæ interpretantur *απορία*, sceleritatem, iniquitatem, est priscum vocabulum, quo significatur fœditas & turpitudine facti, & nefandissimum scelus iniussu Dei, à quo animus datus est, ex hominum vita migrare, & assignatum à Deo munus humanum defugere & deferere. Et tamen illa facti sceleritas legib. non plectitur, sed conscientię tantum metus, & quasi tacita confessio rei: in qua causa is tantum est, qui cum esset in reatu sibi ipsi manus intulit, Et ita hic locus explicandus est.

**IACOBUS CUIACIUS**  
**IVRISCONSULTUS**  
**COMMENTARIA**  
in Lib. XVII. Responsorum  
Æmilij Papiniani.

Ad l. 42. de pactis.

**C** Inter debitorem & creditorem conuenerat, vt creditor onus tributum prædij pignorat non agnosceret, sed eius soluendi necessitas debitorem spectaret, talem conventionem quantum ad fisci rationem, non esse seruandam respondit: pactis etenim priuatorum formam iuris fiscalis conuelli non placuit.



**V** vs l. sententia hæc est: debitor creditori prædium tradidit, vt id haberet & possideret iure pignoris, addita lege siue pactione huiusmodi, vt tributum, quod prædium fisco debet, debitor exsolueret, non creditor. Quæritur, an ideo dicendum sit, fis-

**D** cum non posse conuenire creditorem tributorum nomine, quod aliud placuerit inter eum, & debitorem, vt non ipse creditor, sed debitor munere tributorum fungeretur. Et ait, eam pactionem non lædere ius fisci, ius fiscale: fiscum posse conuenire creditorem, qui possidet prædium iure pignoris. Nam tributum onus est possessoris cuiuscunque, non domini, nisi possideat, l. *Imperatores*, inf. de publican. & creditor pignorat prædij possessor est naturaliter, & iure pignoris, l. 3. §. *ult. inf. ad exhib.* Et quidem solus possessor, quia debitor eo animo pignus tradidit, vt possessionem dimitteret, & transferret in creditorem, l. *per seruum*, in pr. inf. de adq. rer. dom. l. *cum & sortis* §. *ult. de pign. act.* Ergo creditor debet prædij pignorat, quod possidet, tributum agnoscere & fisco persolvere: fisco non delegato ad debitorem, quia pactio habita inter eum & debitorem, non potuit labefactare aut conuellere ius fisci, sicut nec ius priuati alterius cuiusquam, l. 3. in princ. tit. seq. Eadem hac in re est causa priuati ac fisci, nec quidquam datur fisco, quod non detur etiam priuato. Pactio habita inter duos non nocet tertio, qui pactioni non interfuit. Recte autem ait Papinianus, quantum ad fisci rationem attinet, eam pactionem non esse seruandam: Nam quantum attinet ad debitorem & creditorem, proculdubio seruanda est inter eos, ita vt quod soluerit creditor fisco tributorum nomine, à debitore recipiat, debitor creditori rependat, l. *epistola* §. *pactum*, b. r. & quantum ad debitorem & creditorem attinet, ea pactio congruit



congruit omnino cum iure communi, quo soluta fisco a  
à creditore dicuntur augere sortem, l. 6. C. de pign.  
Quod & hic Accursius notauit recte.  
Ex libro 18. nullæ sumptæ sunt 11.



# IACOBI CUIACII

## IVRISCONSULTI

### COMMENTARIUS

in Lib. XIX. Responsorum  
Æmiliij Papiniani.

Ad l. 3. ad l. Rhod. de iactu.

*Quum arbor, aut aliud navis instrumentum, remo-  
uendi communis periculi causa deiectum est, contributio  
debetur.*



O G V N T V R scpe, qui in mari nauigant or-  
ta graui tempestate ventorum imbriumque  
procella, vt commune, quod imminet nau-  
fragij periculum euitent, leuare nauem facta  
iactura mercium, vel sarcinarum, quæ magis nauem  
onerant, vt Nemefius ait libro de natura hominis, απο-  
βολαι της φορητων πειν πους ναυτας λιμενι περιπτοντας: de  
consilio scil. & sententia omnium, qui in naui sunt, &  
domino quoque ipso mercium, quas iactari placuit, na-  
uis exonerandæ gratia, primum incipiente iactum, vt  
nominatim est scriptum in l. Rhodia his verbis: αποβολης  
εις την θαλασσαν γινομενης ο εμπορος παρως ρησιστω. Hoc ve-  
ro casu dominis mercium vel sarcinarum, quæ iactæ  
sunt in mare, ex eadem lege Rhodia, quæ vetustissima  
est, & recepta vbiq; gentium, damnum quod fecerunt  
sarciri debet ad collationem, contributionem, symbo-  
lum vocaris iis omnibus, quorum res beneficio iacturæ  
saluæ remanserunt: quia natura æquum est, partici-  
pes esse damni eos, qui beneficio damni, quod alter ac-  
cipit, sua conseruauerunt: Æquum est ex aliena iactura  
non conseruari res nostras nobis gratuito sine ali-  
quo dispendio, & communicatione damni, & vt ele-  
ganter ait l. 2. §. cum in eadem, h. t. Id tributum, id est,  
eam contributionem, obseruatæ res debent, non per-  
sonæ, sed res, quia liberarum personarum, qui in na-  
ui fuerunt, nulla æstimatio est: salus liberi hominis in-  
æstimabilis est, vel, vt ait, l. pen. §. ult. inf. de don. Con-  
templatio salutis certo modo æstimari non potest. Ergo con-  
seruati homines liberi, conseruata salus liberorum ho-  
minum in contributionem non venit, quia inæstimabi-  
lis est. Conseruatio seruorum & aliarum rerum æstima-  
bilis est. hæ igitur res contribuere debent, quod saluæ  
superfuerint beneficio iacturæ, non etiam liberi homi-  
nes pro capite suo quidquam conferre debent. Contri-  
butio autem fit pro rerum seruatarum & iactarum pre-  
tio præsentis, & fit non tantum à dominis conseruata-  
rum rerum, sed etiam à domino nauis, pro nauis seruata-  
tæ pretio d. §. cum in eadem, atque etiam, vt hoc loco  
Papin. ostendit, & l. 5. hoc tit. pro pretio arboris cæsæ  
siue mali, qui & κητιονον dicitur, si cæsa sit arbor na-  
uis periculi amouendi causa, iuxta illud Lucani 9.

*Arboribus cæsis flatum effudere prementem.*

Vel etiam pro pretio clauis vel anchoræ, vel antennarum,  
si seruata sint cornua antennarum, vel pro pretio  
aliorum quorumcunque instrumentorum, quæue ser-  
uata sunt, vt si qua instrumenta nauis eruta, fracta, de-  
iecta sint, nauis & mercium seruandarum, & periculi  
propulsandi gratia. Et ita in l. Rhodia nominatim scri-  
bitur.

prum est, μετὰ της εζαρτίας, quo nomine significatur om-  
ne instrumentum nauis, vsitato etiam Venetis hodie.  
Cum ergo instrumento omni nauis, nauem in contri-  
butionem venire; instrumento deiecto debetur contri-  
butio, vel fracto vel eruto. Instrumentum vero seruata-  
tum simul cum naue debet contributionem, & definitur  
etiam eo capite legis Rhodiæ pretium nauis cuius-  
que, pro quo conferri debet pretium nauis vetustæ, &  
specialiter pretium nauis capacis decem millium mo-  
diorum id est, quæ tollat modiorum decem millia, quæ  
vocat, τὴν χηλιαδα τοῦ μοδίου. Et Dio 56. χηλιμερὲς,  
qualis erat plerumque omnis nauis oneraria, Vlp. lib.  
sing. regul. Naue, inquit, Latinus ciuitatem Romanam  
accepit, si non minorem, quam 10. millia modiorum nauem  
fabricauit, id est, τὴν χηλιαδα τοῦ μοδίου. Pertinet lex  
Rhodia non ad naues longas veluti triremes, sed ad o-  
nerarias, quæ sunt fabricatæ mercaturæ causâ, veluti  
Corbitæ, & inde frequens in hoc titulo mentio mer-  
cium nauibus impositarum. Valde autem notandum est,  
quod ait hoc loco, remouendi communis periculi causa, si  
deiecta cæsa sit arbor, si cæsus malus, vel defectum aliud  
instrumentum nauis, deberi contributionem. Si facta  
sit deiectio, inquit, vel amissio instrumenti remouen-  
di communis periculi causa. Nam si citra metum peri-  
culi exarmauerit aliquid in naui nauta, aut vis quædam  
modica tempestatis, id vectores aut mercatores sarciri  
non debent, sed id tantum, quod exarmauit metu im-  
minentis periculi, & voluntate vectorum aut mercato-  
rum, siquid ultro exarmauerit, id citra voluntatem ve-  
ctorum, nec urgente periculo villo, id nautæ sarciri  
non debent: sicut nec si faber, cuius opus locasti, mar-  
culum vel incudem fregerit, id imputabitur tibi, id sar-  
ciri non debes, l. 2. §. si conseruatis, hoc tit. Notandum  
etiam est, non tantum contributionem fieri facta iactura  
certarum mercium nauis leuandæ causa, sed etiam  
propter iactum, vel propter vim tempestatis, vt addi-  
tur in lege Rhodia aspergine, vel falsugine maris deterio-  
riorib. factis aliis mercibus; quæ in naui remanserunt,  
vt scilicet damnum sarciantur, tam harum quam illarum  
mercium dominis, ex collatione cæterorum, quorum  
merces saluæ, integræ, illesæ sunt, l. 4. §. ult. hoc. tit.  
Et damnum asperginis in lege Rhodia significatur his  
verbis: Εαν ἐν της ζαλης. ζαλην vocat procellam, πμβη τον  
κορον βρεχθιναι. Item contributio fit naui expugnata  
à piratis, vt scilicet redimatur nauis communi pecunia,  
cum mercibus, quæ simul abductæ sunt & ereptæ, l. 2.  
§. si nauis, h. tit. Item contributio fit mercibus leuandæ  
nauis gratia transiectis in scapham, quæ subsequi ple-  
rumque nauem solet, si postea scapha submersa sit: nam  
dominis mercium illarum, quæ in scapham transiectæ  
sunt, postea scapha demersa, perinde atque si merces iac-  
tæ essent in mare, contribuere debent cæteri, qui in  
naui merces suas saluas habent, l. 4. in pr. h. tit. Deni-  
que contributio fit amissis mercibus iactura vel trans-  
iectione facta in scapham nauis leuandæ, & mercium cæ-  
terarum conseruandarum gratia, vt damnum sarciantur  
dominis mercium, vel etiam mercib. aspergine deterio-  
rib. factis, vt & hoc dandum sarciantur dominis mercium  
vitiatarum, aut ruptarum, vel etiam naui, vt diximus,  
expugnata à piratis vel hostibus, vt redimatur cum  
mercibus pro rata ære collato. Naufragio vero facto &  
naue proflus amissa, non est contributioni locus, l. 4.  
§. 1. & l. 5. h. tit. Etiam si quis forte merces suas ex nau-  
fragio liberauerit, vel profundo extraxerit per vrina-  
tores siue celymbarios, vel etiam seruauerit in scapha,  
vel carabo (carabus, καραβος, καράβιον) quæ fere idem  
est, quod scapha, que vous appelez caravelle, quæ se-  
quitur magnas naves, & eius vsus etiam in magno flu-  
mine: chelandii vsus est in paruo flumine tantum, vt in  
Auarico flumine Biturigum. commune enim est nomen  
vrbis & fluminis, cuius parui fluminis nautæ etiam id



genus nauigij chelandium vocant, vt Cedrinus in historia, *vn chelant*. Naue autem amissa, licet forte quædam merces seruata sint, non esse contributioni locum etiam Paulus scribit 2. *Sen. eod. tit.* vbi & illud generaliter definit, *collationis intributionem ob iacturam non nisi naue salua fieri debere*. Nempe caput hoc legis Rhodię, de quo in hoc tit. potissimum agitur, de iactura est tantum, non de naufragio: aliud fuisse caput legis Rhodię de naufragio subindicat *l. 9. h. tit.* in qua proponitur libellus Eudemonis Nicomedensis oblatus Antonino Imperatori, quo querebatur naufragio facto in Italia, se direptum fuisse, vt ait *ἐν τῇ Ἰταλίᾳ*, à publicanis Cycladum insularum, in quas eiecta erant reliquię naufragij quædam: quæ insulæ, vt glossa ait, non sunt etiam in Italia, vbi sint nemo scit. Et respondisse Imperatorem Antoninum, eam rem, id est, rectene publicani diripuerint reliquias naufragij necne, iudicari oportere lege Rhodia, quam omnes populi libenter sequuntur in controuersis nauticis, videlicet si deficeret, aut non repugnaret *l. Romana.* forte *l. Rhodia* non probabat, quod Iuuenalis ait, *res fisci est ubicunque natat*. Sed licebat vniciuique impune, id est, nullo tributo publicanis illato, nullaue parte naufragij, naufragium suum colligere, quod & Antoninus scripsit in *l. ult. inf. de inc. ruin. & naufr. & l. 1. C. de naufr. lib. 11.* In nauticis autem quæstionibus omnibus, etiam legem Rhodiam esse sequendam, nisi si qua in re ab ea ius ciuile populi Rom. dissideret, etiam Senatu comprobante, Augustus vt nominatim ait *l. 9. & Tiberius, & alij, & Vespasianus & Traianus* decreuerunt.

#### Ad l. 43. de oper. libert.

**A**it l. libertum operis obligatum, qui debet operas patrono ex iureiurando, vel ex stipulatione, militia nomen non dare sine iniuria patroni: Quod certum est, militia nomen dare non posse, ne patrono fiat iniuria, ne patronus careat operis sibi debitis, patroni consensum exigere, vt amittat operarum actionem, alioquin libertus militia remouebitur. Nam etsi libertus ius aureorum annulorum impetrauerit inuito patrono, vel patroni filio, vel natalibus restitutus fuerit, hæc beneficia ei adimuntur, ne fiat iniuria patrono, *l. 3. inf. de iur. aur. ann. l. 2. in fin. l. pen. & ult. de nat. rest.* Imperatores Diocletianus & Maximianus in *l. 4. C. de eman. lib. In cuiusquam iniuriam beneficia aliis tribuere moris nostri non est, & iudei in l. 1. C. Hermogeniano, de test. beneficia citra cuiusquam iniuriam decernere petentibus, minime solemus. vbi citra, pro intra vt apud Cor. Tac. sæpe. Et similiter Traianus ad Plinium: *Privilegia priuatorum iniuria à me dari non oportet*. Libertinus militia non prohibetur, sed seruus tantum: libertinus nomen militia dare potest, *l. ult. C. de lib. & eor. liber.* sed non nisi consentiente patrono, si ei debeat operas: si non debeat, etiam non consentiente patrono, & si forte ingratitudinis arguatur aduersus patronum, aut filium patroni, priuilegio militia non defenditur, quo minus in seruitutem retrahatur propter ingratitudinem, *d. l. ult.* nam etiam militibus aduersus parentes & patronos ratio pietatis constare debet, *l. 1. de obs. par. & pat. prest. l. 5. §. à milit. inf. de lib. agnos.* quæ præcepta sunt officiorum laudatissima.*

#### Ad l. 23. de appell.

*Ex consensu litigantium citra compromissum à præfide prouincia iudice dato, victus potest pronocare.*

**A**D hanc l. sciendum est, aut quod iam sciunt omnes quasi notissimum, memoria repetendum, à sententia iudicis delegati, quem præses prouinciæ de-

dit, posse appellari ad eundem præsidem, vel ad successorem eius, qui ei successit in imperio. *l. 1. inf. quis & à quo appel.* A iudice autem compromissario, quem ex compromisso litigantes adierunt à sententia iudicis compromissarij appellari non posse, quanquam hodie alio iure vtimur: at iure ciuili à sententia iudicis compromissarij appellari non potest, *l. non disting. §. item cum à iudice, sup. de recept. qui arb. recep. & l. 1. C. eod.* Et ratio est euident, quia frustra appellaretur à sententia iudicis compromissarij, cum neque pariat actionem iudicati, neque exceptionem rei iudicatæ, *d. l. 1. & l. 2. sup. eod. t. de rec. qui arb. & ideo quia ex sententia iudicis compromissarij, id est, recepti arbitri, non nascitur obligatio, nec iudicati actio, nec exceptio; qui eum ad-eunt, solent inuicem pœnam promittere, quod est constipulari & compromittere vicissim alter alteri pœnam, si quis non steterit sententiæ arbitri, vt metu pœnæ stetur sententiæ arbitri, & in non obtemperantem derur actio ex stipulatu pœnæ nomine. Queritur inde an à iudice editio appellari possit, sic appellatur à M. Tullio pro Plancio, & quis is sit Seruius exposuit in Eclog. Virg. 3. Is est, quem præses prouinciæ dedit, non ex suo arbitrio, sed ex petitione, editione, & consensu litigantium, de quo etiam agitur in *l. pen. C. de recep. arbit. l. 1. C. vbi & apud quem cognoit. rest.* Ab eius autem sententia, vt definit hoc loco Papinian, appellari potest, quia nihil distat à iudice delegato. Quid enim interest, delegarit præses eum, quem ipse elegit, an eum, quem partes elegerunt, si modo eum elegerint citra compromissum: nam hoc loco Florentini perperam habent, *citra compromissum*, alij recte, *citra*, vt Basilic. *χωρίς*, id est, sine. nam si ex compromisso editus sit, ab eius sententia appellari non potest, si sine compromisso editus sit, & datus à præfide partibus postulantibus, ab eo appellari potest ad præsidem, qui dedit.*

#### Ad §. cum procurator.

*Cum procurator Cæsaris, qui partibus præsidis non fungebatur, in lite priuatorum ius dandi iudicis non habuisset: frustra pronocatu ab ea sententia constitit, qua non tenebat.*

**P**ROCURATOR Cæsaris, alias rationalis dicitur, & in Basilicis semper *κατολίκος*, quod vniuersam rem Cæsaris tractet & administret. Singuli autem constituuntur in singulis fere prouinciis procuratores Cæsaris, & hic procurator Cæsaris habet iurisdictionem inter fiscum & priuatos in causis pecuniariis, *l. nec quidquam, in prin. sup. de offic. procons.* Iurisdictionem non habet inter priuatos in lite priuatorum, nisi partibus præsidis in prouincia fungatur, Iurisdictionem etiam non habet inter fiscum & priuatos in causis capitalibus, nisi præsidis vicem tueatur & sustineat, *l. 2. C. de pœnis. l. 4. C. ad l. Fab. de plag. l. 8. C. de sent. passis.* Iurisdictionis pars est iudicis dandi licentia, iudicem delegare posse, *l. imperiū, supra, de iurisd.* Iudicem ergo procurator Cæsaris dare potest inter fiscū & priuatū in causis fiscalibus pecuniariis, non inter priuatos, & si quem iudicē forte dederit inter priuatos, isque sententiam dixerit, ab ea sententia frustra appellatur, cum sit dicta à iudice non iure dato, vel à non iudice potius, *l. 1. C. de pedan. iud.* quæ est sententia huius §. congruens cū *d. l. 1.* Inter priuatos iudicem dare, vel de causis capitalibus cognoscere ad præsidis prouinciæ iurisdictionem spectat. At crimine pœnaque extincta morte rei ante damnationem, vel etiam post condemnationē facta à præfide viuo vel mortuo reo, succedunt partes procuratoris Cæsaris, vt damnati aut mortui in reatu bona vindicet fisco, & cognoscat de bonorū causa: de reatu non potest cognoscere, de bonis potest cognoscere, quia ciuilis quæstio hæc est & pecuniaria, *l. de functo, sup. de publ. iud. l. 1. 2. 3. C. vbi*



*causa fise.* Vlpianus lib. 9. de offi. procons. tit. ad l. Fab. Legis inquit, Fabia de plagio in provinciis presidum cognitio est. Nec aliter procuratori Cæsaris hæc cognitio iniungitur, quam si presidis partibus in provincia fungatur: Sane, inquit, post sententiam de plagio latam, procuratoris partes succedunt. Deinde subiicit Vlpianus: insula tamen Creta, ut emendauit, procuratori specialiter datum constitutione Antonini, ut ex l. Fabia posset cognoscere de plagio, & l. Iulia tantum de adulteriis coercendis. Hinc quaeritur, quando videatur procurator Cæsaris fungi partibus. Presidis? Ne dicas, ut Accurs. in l. 1. C. de ped. ind. & l. 4. C. ad l. leg. Fab. procuratorem Cæsaris tunc fungi partibus presidis, quum priuati quidam in lite, quam habent inter se, se iurisdictioni eius subiiciunt, quia non in eo obtinet, agitur partes presidis, sed in ea tantum lite inter priuatos consentientes iurisdictionem exercet, l. 1. sup. de indic. Ne etiam dicas, eum fungi partibus presidis, quum praeses ei mandauit iurisdictionem suam; neque lex ei detulit: lex Iulia iudiciorum, l. 6. sup. de iurisd. Et constat etiam mandari à praeside non posse cognitionem causarum capitalium, quæ lege datur praesidi, non iure magistratus competit, l. 1. sup. de off. iud. cui mand. est iurisd. At tunc certe procurator Cæsaris tuetur vicem presidis siue partes, quum mortuo praeside, à Principe, qui lex viua esse dicitur, moderamen provinciae ei temporis causa datur: vel etiam, quum ab initio à Principe ei provincia regenda committitur, quæ non habet praesidem, ut in l. 1. sup. de tut. & cur. dat. l. 1. C. de offi. eius, qui vicem alt. iud. gerit. Fuerunt enim quædam provinciae quandoque sine praeside, quæ à solo procuratore Cæsaris regebantur, ut duæ Mauritaniae, & Rhetia, & Noricum teste Cornel. Tac. 1. histor. Et quandoque neque à praeside, neque à procuratore Cæsaris regebantur quædam, sed à Primipilo. Idem Corn. Tacit. 4. Annal. Olenius è Primipilaribus regendis Frisiis impositus. Ouid. 4. de Ponto, ad Vestalem. in quo lemmate ex veteribus addendum est, Primipilum. Ad Vestalem Primipilum.

*Missus Euxinas, quoniam Vestalis ad aras,  
Vt positus reddas intra sub axe locis.*

#### Ad §. filiumfam.

*Filiusfamilias, cum aduersus patrem eius de bonis, quæ per ipsum poterat adquiri, pronuntiatum esset, respondi, non nisi patris nomine potuisse pronocari.*

**Q**uædam erant bona per filiumfamil. quæ sita patri iure potestatis, quæ cum persequeretur pater & peteret à possessoribus, aduersus eum pronuntiatum est. filius eius potest appellare à sententia etiam sine mandato patris, l. sed & hæc pers. sup. de procur. sed nomine patris, non suo, quia res iam sua non est, ac ne momento quidem fuit sua, l. placet, de adq. hered. sed res est patris. Effectus huius rei hic est, quod debeat appellare intra triduum, qui si causa eius esset propria, si suo nomine vellet appellare, deberet appellare intra biduum, l. 1. §. in propria, inf. quand. appell. sit.

#### Ad §. vltimum.

*Eum, qui cognouit edictum peremptorium secundum ordinis causam dati, placuit non recte pronocasse, cum in eius potestate fuerit, ante diem prestitutum pro tribunali respondentem, aut defensum edicti denuntiationem rumpere.*

**E**X §. vlt. huius legis intelligitur, eum, qui in causis ciuilibus post litis contestationem per contumaciam iudicio abest, & damnatus ex cremodicio, quam

Respons. Papin.

**A** vocem, & forum retinet, quasi desertalite, post diem prestitutam edicto peremptorio, quo adesse iubetur, si iudicio abest, nec venerit prædicta die, & cognouerit edictum, eum, inquam, absentem, qui ex contumacia ita damnatus est, non posse appellare, quod approbant multæ admodum leges præter hunc §. vlt. l. & post peremptorii §. vlt. sup. de indic. l. liberto §. pen. de negot. gest. l. 1. C. quorum appell. non recip. l. properandum §. cum autem, C. de indic. Verum exigimus, ut ei innotuerit edictum peremptorium, quo euocatus est in iudicium ad diem certam. Exigimus ut edictum peremptorium vel fuerit publice propositum, publice affixum, quoniam non potest causari ignorantiam eius, quod publice affixum est. Denique cognoscere videtur quisque & intelligere, quod publice propositum est loco celeberrimo clavis literis. Ergo exigimus ut edictum vel sit propositum, vel ut non propositum venerit in notitiam eius, perlatis ad eum litteris vel denuntiationibus; Alioquin si edictum peremptorium, neque propositum, neque ei notum factum sit, sententia in eum absentem dicta, ipso iure nulla est, l. 1. §. pen. inf. quæ sent. sine appell. rescind. Itemque exigimus, ut edictum peremptorium interponatur, ut ait, secundum ordinis dati causam, id est, secundum solemnem formulam ordinis legibus dati, vel solemnem ordine edictorum peracto, ut ait l. si prator, sup. de indic. Nam tria edicta vel litteræ aut denuntiationes tres debent, aut solent præcedere edictum peremptorium. Et hæc est forma siue causa ordinis dati in contumaci faciendo & damnando. Ut autem, qui damnatus est ex contumacia, non possit appellare, pœna contumaciæ hæc est, & contempti magistratus: & ut ait hoc loco, imputatur ei, quod cum potuerit edicti denuntiationes abrumpere, non abruperit, sistendo se iudicio ante diem prestitutum edicto peremptorio. Fuit enim in eius potestate ante diem prestitutum iudicio adesse, per se, aut per procuratorem, respondere per se, aut defendi à procuratore, quod cum non fecerit, cum neque venerit ad diem, neque miserit procuratorem, de se queri debet, si litis damno coerceatur, ut in l. contumacia, de re iudic. id est, si damnato neque detur commune auxilium appellationis, neque restitutionis in integrum. Sed hoc dum exprimit Pap. vitur valde prisco & Attico tamen genere loquendi, dum ait, cum in eius potestate fuerit ante diem prestitutum pro tribunali respondentem, aut defensum edicti denuntiationem rumpere. Cum; inquit, in eius potestate fuerit respondentem aut defensum, quo genere loquendi ferine omnes auctores vtuntur. est σολοικισμός, neque tamen σολοικός, quale exstat simile in §. vlt. Institur. de action. qui quidem §. ita legitur in omnibus veteribus, etiam ab Angelo Aretino & cæteris: eum quoque qui creditoribus bonis cessit, si postea aliquid adquisierit, quod idoneum emolumentum habeat, ex integro creditores cum eo experiantur. quæ oratio congruere non videtur, aut cohærere, neque tamen reiicienda est, quoniam ἀρχαϊσμός est, & frequentissimum genus loquendi etiam apud Ciceron. & Sallust.

#### Ad l. pen. de re mil.

*Ex causa desertionis notatus ac restitutus, temporis, quod in desertione fuerit, impendiis expungitur. quod si ratio constiterit neque desertorem fuisse apparuerit: omnia stipendia citra temporis finem redduntur.*

**I**N hac lege ostenditur, desertorem militiæ damnatum & notatum infamia, etiam si indulgentia Principis militiæ restitutus fuerit, ut solet ex prima desertione tantum, l. 5. §. desertor, hoc tit. non restitui tamen stipendiis, quæ vocat impendia etiam, veteri vocabulo,

Q q ij



stipendiis, inquam, eius temporis, quo in desertione A  
fuit, quod & aperte constitutum est in l. 5. C. eod. Ideo-  
que si militiæ tempus legitimum, quod est viginti an-  
norum, l. ult. C. de iis qui non impl. stip. lib. 10. in de-  
sertione impleuerit, priuatur emerito, l. 3. §. qui mili-  
tia, sup. hoc tit. sed, vt subiungit, si ratio innocentie  
constiterit, vt plenius est scriptum in l. 1. §. ult. de quest.  
id est, si non desertorem fuisse apparuerit, omnia stipen-  
dia accipiet citra finem temporis, citra distinctionem  
temporis, vt idem loquitur in l. cum qui, de iis quibus  
vt indign.

Ad l. 16. de castr. pec.

*Dotem filiofamilias datam vel promissam, in peculio ca-  
strensi non esse respondi. nec ea res contraria videbitur ei,  
quod D. Hadriani temporibus filium suum militem uxori he-  
redem existisse placuit, & hereditatem in castrense pecu-  
lium habuisse, nam hereditas aduentitio iure quaritur;  
dos autem matrimonio coherens oneribus eius ac liberis  
communibus, qui sunt in ani familia confertur.*

**I**N hac l. ostenditur, dotem ab vxore datam vel pro-  
missam, vel dictam filiofamilias militi marito suo,  
non esse in castrensi peculio filiofamil. sed in aduentitio:  
recte alioquin dos non acquireretur patri, in cuius po-  
testate filius est, & tamen patri dotem acquiri æquissi-  
mum est, quia ad eum pertinent onera matrimonij filij  
sui, nam & nurus & nepotes ex eo matrimonio procrea-  
ti familiam eius sequuntur, & ab eo omnes alendi &  
exhibendi sunt cum hominibus eorum, l. si filia §. si fi-  
lius familias, famil. ercis. ibi dos esse debet, vbi sunt onera  
matrimonij, l. si is qui §. 1. sup. de iure dot., l. si maritus,  
sup. famil. ercis. l. actione §. ult. sup. pro soc. Dose  
enim nihil aliud est, quam repensatio onerum matrimo-  
nij, vel collatio pecuniæ, quæ fit mulieris nomine pro  
oneribus & impendiis, quæ sustinet maritus vel pa-  
rens, in cuius potestate maritus est, matrimonij causa,  
l. dotis, sup. de iure dot. l. pro oneribus, C. eod. tit. Et hoc  
est, quod ait Papinianus hoc loco, dotem conferri pro  
oneribus matrimonij ac liberis communibus, filij scili-  
cet & nurus, qui omnes sunt in potestate & familia pa-  
tris sue aui, patris filio, aui cæteris: nam & nurus, quæ  
conuenerat in manum filij, veniebat in familiam & po-  
testatem soceri, & vt Caius scribit in Institutionibus,  
aui mortuo, si filius in eius potestate non erat, nurus  
sua heres erat: quia neptis loco erat. Stulte Accursius  
tentat hoc loco, verbum, conferri, traducere ad bonus  
collationis bonorum priorum, quo ex edicto Pre-  
toris fratres funguntur inuicem, qui ab intestato veni-  
unt ad bona defuncti parentis, quia de eiusmodi col-  
latione non cogitauit Papinianus, quæ sit fratribus co-  
heredibus ab intestato, vel successoribus, sed loquitur  
Papinianus de collatione dotis, quæ fit marito pensan-  
dorum onerum matrimonij causa. Huic autem senten-  
tiæ Papiniani ob stare videtur quod idem refert ex res-  
cripto Diui Adriani cum hoc loco, tum in l. Diuus, sup.  
hoc tit. hereditatem, quæ ex testamento vxoris obuenit  
filiofamil. militi castrensi peculio adnumerari: nam cur  
& dos filiofamil. militi data, vel promissa ab vxore non  
adnumeratur castrensi peculio? Et rationem differentie  
hanc esse Papinianus docet; quia dos cohæret matri-  
monio, cuius onera sequuntur patrem, cohæret oneribus  
matrimonij, quæ sustinet pater. ergo acquiri de-  
bet patri, quæ non posset acquiri, si deputeretur in ca-  
strensi peculio. Hereditas autem vxoris, quæ obuenit  
filiofamil. militi. aduentitio iure quaritur, id est, extra  
causam matrimonij obtingit filio: neque enim his ver-  
bis, aduentitio iure, significat, hereditatem vxoris esse  
in aduentitio peculio, quæ proculdubio est in castren-

si, vt Adrianus rescripsit, sed eam hereditatem extrin-  
secus, siue extra causam matrimonij obuenire & acqui-  
ri filio. Aliud est aduentitium ius, longe aliud aduenti-  
tium peculium, quod notandum. Verum aliter quam  
Diuus Adrianus constituerit in hereditate vxoris, con-  
stitui videtur in l. 6. hoc tit. In seruis ab vxore filiofamil-  
ias militi donatis manumittendi causa, quæ donatio  
valet inter virum & vxorem manumissionis causa, alio-  
quin non valeret, nec inter virum militem, & vxorem,  
l. 2. C. de donat. inter vir. & vxor. Seruis autem donatis  
ab vxore filiofamilias militi manumissionis causa, d. l. 6.  
ostendit ita esse distinguendum, quum quaritur sint  
in castrensi peculio, nec ne? Aut vxoria siue coniugali  
adfectione eos seruos donauit, & non sunt in castrensi  
peculio, neque serui, neque liberti: proinde nec pos-  
sunt manumitti sine permisso patris, & manumissi  
permisso patris, sunt liberti patris, non filij, l. filius fa-  
miliæ, sup. de iure patron. Aut eos seruos vxor ad castra  
eunti marito donauit manumittendi causa, vt habiles  
ad militiam libertos haberet, serui sunt inhabiles, & hoc  
casu liberti in castrensi peculio computantur. Eadem  
distinctio adhibetur in donatis ab vxore filiofamil. mi-  
liti aliis rebus mortis causa, quæ donatio etiam licita  
est, vel alio iure licito, vel in legatis, l. 8. hoc tit. Nam  
& legatorum quorundam inter se vir & vxor capaces  
sunt, vt constat ex lib. sing. regularum Vlpiani. At in he-  
reditate vxoris relicto testamento filiofamil. militi ma-  
rito suo, hac distinctione Diuus Adrianus non utitur;  
Quid ita? quia lege Iulia & Papia, quæ obtinuit ante  
Theodosium, id est, l. 2. C. de infirm. pœnis cœlibat. non  
potuit vtiliter viro relinquere hereditas testamento vxor-  
is, vel contra, adfectione coniugali, quam lex Iulia &  
Papia cohibuit: ac ne militiæ quidem causa herede in-  
stituto marito, ante tempora Diui Adriani, qui fauore  
militiæ primus rescripsit, militiæ causa maritum ab vx-  
ore heredem institui posse ex asse. Responsum est ad-  
modum singulare, & ita accipiendum omnino, quod  
valde notandum studioso iuris antiqui. Hæc de vxore  
heredem instituyente maritum militem. Nunc tractem-  
us de agnato vel cognato.

Ad §. hereditatem.

*Hereditatem castrensi peculio non videri quesitam res-  
pondi quam frater patruelis in alia prouincia stipendia me-  
rens, fratri patrueli, cum quo nunquam militauit, relin-  
quit. Sanguinis etenim ratio, non militia causa, maritum  
hereditatis accipienda præbuerat.*

**S**I agnatus, vel cognatus testamento suo agnatum mi-  
litem, qui est in potestate patris, veluti fratrem pa-  
truellem, vel cognatum militem, veluti consobrinum  
heredem instituerit, distinguendum est, vtrum militiæ  
contemplatio, & ratio meritum præbuerit, & causam  
accipiendæ hereditatis, vt ait in 2. responso huius legis,  
puta, quia erant commilitones: commilitio, id est, ca-  
strensi collegio augente necessitudinem & caritatem, vt  
ait l. pen. in prin. h. r. Et tunc hereditas agnati vel cognati  
comilitonis proculdubio computatur in castrensi  
peculio, l. 1. & 5. C. eod. lib. 12. Aut non erant commi-  
liones, quia testator, vel erat paganus, vel in alia pro-  
uincia merebat stipendia: & tunc hereditas non com-  
putatur in castrensi peculio, quia non castrensis notitia  
vel adfectio eam elicuit, vt l. 8. hoc tit. non militie, sed  
sanguinis causa tantum. Sanguinem hoc loco etiam pro  
agnatione accipit, vt in l. vel si sanguine, sup. de manu-  
miss. testam. l. si adulterium §. 1. sup. ad leg. Iul. de adul-  
t. l. pen. C. de legit. hered. l. 40. C. Theodos. de iis, qui super  
relig. contr. Quintilian. declam. 321. Fratrem suum potuit  
aliquis occidere, non obstitit tacita natura, nō sanguinis ius.



Quod notandum: nam alias plerumque ius sanguinis restrictius refertur tantum ad ius cognationis, quod venit per fœminas, non ad ius agnationis, ut in illa regula, *intra sanguinis nullo iure civili dirimi possunt*. Caue acceperis, iura sanguinis latissime, quoniam id tantum verum est in cognationis iure. Et hæc de hereditate delata filiofamilias militi, vel ab vxore, vel à cognato: si ab vxore, distinctione non utimur: si à cognatis, distinctione utimur. Notandum etiam in aliis rebus mobilibus, quæ cognatis, vel quæ à matre vel à patre: nam & quæ ob causam militiæ à patre filiofam. fit donatio, valet, l. 23. §. 1. *sup. de fideicommissis libert.* quæ, inquam, res mobiles à cognatis, vel à matre, vel à patre, vel etiam quæ ab vxore iure licito donantur, certis casibus utimur etiam distinctione, & inspicimus utrum militaturo, siue eunti ad castra, illæ res donatæ sint, quæ castrensi peculio adnumerantur, l. 6. hoc tit. l. 3. §. secundum, *sup. de donat. inter vir. & vxor. l. 3. C. de bonis proscript.* Paulus 3. *Sententiar. castrense peculium est, inquit, quod in castris adquisiuit, vel quod profecturo ad militiam datur.* Inspicimus ergo utrum res donatæ sint proficiscenti ad militiam, & sint in castrensi peculio, an vero iam militanti donatæ sint, quæ non temere militari, siue castrensi peculio adnumerantur, nisi donationi commilitium causa præbuerit, vel nisi, ut in l. 3. hoc tit. donentur ad comparandas res militares, vel castrenses, militanti necessarias. Qua de causa in l. 11. hoc tit. ubi definitur castrense peculium, illa verba, *in militia agentis*, quod attinet ad eas res, quas parentes vel cognati donant, strictius accipienda sunt de iis tantum, quæ donant per causam commilitij, vel ad comparandas res militares aut castrenses. Et de mobilibus rebus hoc dicimus, ut diximus initio, vel se mouentibus, puta, seruis aut equis, vel iumentis, quia prædia donata à parentibus vel cognatis, licet donata sint eunti in militiam, numquam connumerantur castrensi peculio, l. 1. C. eod. tit. l. si filius C. famil. ercisc.

#### Ad l. 5. de censibus.

Cum possessor vnus, expendendi negotij causa, tributorum iure conueniretur, aduersus ceteros, quorum æque prædia tenentur, ei, qui conuentus est, actiones à fisco præstantur: scilicet, ut omnes pro modo prædiorum, pecuniam tributi conferant, nec inutiliter actiones præstantur, tametsi fiscus pecuniam suam recuperauerit, quia nominum venditorum pretium acceptum videtur.

Plures sunt in vno vico vel territorio possessores prædiorum. fiscus tributorum iure, quæ vniuersa prædia eius vici debent pro rata, vnum ex vicanis siue rusticanis, qui locupletissimus erat, elegit & conuenit in solidum pro vniuersis possessoribus, expediendi, ut ait, *negotij causa, pour auoir plus tost fait, pour expedier*, ne destingeretur in plures, ut in l. 3. §. apparet, *de administrat. l. ult. sup. rem pup. sal. for. Tributorum*, inquit, iure, id est, eo iure, quo tributa omnia vnus territorij iure suo fiscus, vel ab vno possessore exigere potest pro omnibus; quo iure etiam utimur hodie. Nec hoc valde, aut ne minimum quidem refragatur l. 1. C. ut nullus ex vic. pro alt. lib. 11. l. iubemus, C. de omni ag. deser. eod. lib. l. nullam, C. de execut. & exact. Id quod dixi tribui fisco iure tributorum, non refragatur his legibus. Quoniam hæc leges, vel loquuntur de priuatis debitis, ne vnus pro alio conueniatur, non de publicis, non de onere publico tributorum, vel de iniuriosa exactione vnus ob tributa omnium, puta, quæ fit non cessis, vel mandatis actionibus aduersus ceteros ei, qui in solidum exigitur. Causa tributoria quædam præcipua habet, ut fisco tributa persequenti compensatio opponi non possit. Hoc sit primum, l. aufertur §. ut debitoribus, *de iure fisci*. ut in causa tributorum serui torquantur in dominos, l. 1. §. in cau-

A *sa sup. de question.* Quia, ut ait, *in tributis sunt herui* Reipubl. ex Demosthen. & Æschyne, qui ea vocant *vevea τῶν πειρημάτων*. Ut item vniuersa bona possessoris tributorum nomine tacite obligata sint, ut l. 1. C. in quibus causis pign. vel hypoth. tac. nec enim semper fiscus habet tacitam hypothecam, l. rescriptum, *sup. de pact.* nisi ex suis contractibus, l. aufertur §. fiscus, *de iure fisci*. Item, ut in fisci potestate sit, qui alias electionem non habet & arbitrium prius agendi hypothecaria, quam personali, ex causa tamen tributorum possit prius agere hypothecaria, quam personali, ut in §. vlt. huius legis. Et postremo, ut vnum possessorem tributorum iure conuenire possit pro omnibus, citra iniuriam tamen: puta cessis ei, quem exegit in solidum suis actionibus, personali & hypothecaria aduersus ceteros possessores, ut omnes pro modo prædiorum, quæ possident, pecuniam tributi conferant, l. in fraudem, §. qui pro alio, *sup. de iure fisci*. Facta cessione actionum, non videtur ille iniuriam pati, qui exigitur pro omnibus: at dices, quod etiam dicit Pap. hoc loco, *nullas habet fisci actiones quas cedere possit*, quia solutis tributis pro omnibus, tollitur omnis obligatio? Denique inutilis est cessio actionum, quæ nullæ sunt. Quod utique verum est, si ex interuallo post solutionem cederentur actiones, non si cedantur ex continenti, vel ante solutionem, non etiam si in soluendo conuenerit, ut cederentur, & postea cessæ sint, quia pretium potius venditarum & cessarum actionum ex causa venditionis solutum, quam actiones fiscales peremptæ videntur, ut in l. Modestinus, *sup. de solution. l. cum pupillus, sup. de iur. & rat. dist.* Et ita respondit recte Papinianus hoc loco ac subtiliter. Sequitur in hac lege.

#### Ad §. qui non habita, & §. vlt.

Qui non habita ratione tributorum, ex causa fideicommissi prædia restitunt, actionem ex D. Pij Antonini literis habent, quam legato quoque soluto locum habere voluit. Pro pecunia tributi, quod sua die non redditum, quo minus prædium iure pignoris distrabatur, oblata moratoria cautio non admittitur. Nec audietur legatarius contradicens ob tributa præteriti temporis, quod heres soluendo sit, & is qui tributis recipiendis præpositus fuerat.

Heredi, qui ex causa fideicommissi vel legati, prædia restituit, vel soluit fideicommissario, vel legatario, non habita ratione tributorum, præteritorum scilicet id est, non exacta à legatario cautione soluendi tributi, quod iam prædia fisco debere cæperant, heredi, inquam, hoc casu in legatarium ex rescripto D. Pij Antonini competere actionem, id est, conditionem indebiti. Actio hic simpliciter est conditio indebiti, ut in l. 3. *sup. rem ratam haberi*. Quod & ibi diximus. Heredi igitur in legatarium competere conditionem indebiti, quasi plus debito soluerit, qui soluit non exacta cautione indemnitis, ut l. si quis à fideicommissario, *sup. de condit. indeb.* Ante rescriptum Diui Pij heres habebat tantum retentionem legati, non repetitionem. Ex eo sequitur, tributorum præteritorum nomine heredem, qui prædia non possidet, quæ soluit legatario, à fisco conueniri posse omisso legatario, qui prædia possidet, quia scilicet ea prædia heres possidet eo tempore, quo dies tributorum cessit, & ea debere cæpit, antequam solueret legatario, l. cum seruus §. heres, *de legat. 1.* Denique heres à fisco conueniri potest personali actione: verum potest & fiscus, si hoc malit, ut in §. vlt. huius legis, legatarium, qui prædia possidet, conuenire actione hypothecaria, etiam si heres soluendo sit, vel susceptor tributorum, qui in eis exigendis remissior, aut tardior fuit. Itaque ex causa tributorum potest, si velit, fiscus prius agere hypothecaria, quam personali, & eligere quam volet actionem: nam & leges quæ fisco adiungunt electionem, non loquuntur



de causa tributorum, sed de aliis causis, ex quibus fisco quid debetur, *l. Moschis, sup. de iure fisci. l. i. C. de conven. fisc. deb. lib. 10.* Non auditur etiam legatarius, cum quo fiscus agit hypothecaria ob tributa præterita, si offerat cautionem de indemnitate, & de soluendo tributo, si id forte fiscus servare non potuerit ab herede. Cur non au-

*Tp. 21p. 26p.*

ditur offerens cautionem? quia offerre eiusmodi cautionem subterfugere est, & ludificari fiscum. Hæc cautio quæ offertur frustratoria & moratoria est, id est, trahit & moratur negotium fisci. Deo optimo maximo sit laus, hic est finis responsum.



# IACOBI CUIACII I.C. IN LIB. I. DEFINITIONVM

ÆMILII PAPINIANI COMMENT.

Anno 1580.

Ad l. i. D. de legibus.

*Lex est commune præceptum, virorum prudentiam consultum, delictorum, quæ sponte vel ignorantia contrahuntur, coercitio, communis Reip. sponsio.*



**I**N libris Definitionum Papinianus proposuit, & accurate interpretatus est varias regulas iuris antiqui, nec obsoleti tamen: nam Definitiones vocat regulas iuris, & sententias generales, ut in *l. i. de reg. Cat.* Regula Catoniana vocatur definitio, quæ dictat, ea quæ ab initio in testamento inutiliter relinquuntur, ex post facto non conualescere. Et in *l. mora, de usur. ex lib. 4.* Regularum Martiani, proposita hac regula, moram ex persona fieri, non ex re, id est, interpellatione debitoris, non ex solo tempore tardæ solutionis: subiicitur, huius rei difficilem esse definitionem, id est, eam regulam lubricam & periculosam esse, ut de qualibet iuris regula traditur in *l. omnis definitio, de reg. iur.* quia nulla est regula in iure civili perpetua, nullâ quæ non aliquando vitari, labefactari, & subverti parte aliqua possit: quia ius constituitur de singulis rebus siue causis, & singularum causarum nulla est notio siue definitio certa, ut ait Aristot. At definitionum nomine Papin. in hoc significatu usum esse, vnus locus satis indicat ex *lib. 2. l. cum ex pluribus, de solut.* in qua proposita regula, quæ ordine componit causas, in quas indistincte solutum ab eo, qui debuit ex pluribus causis, prius potiusque solutum esse intelligitur, subiicit eum ordinem fecisse, & ita definiuisse veteres *lib. 2. definitionum.* Proponuntur ergo his libris definitiones, siue regulæ veterum prudentum, quorum prudentia semper maiore in pretio habita sit: vel, ut etiam ait in eod. lib. in *l. in tabulis, de statulib.* proponuntur iurisprudentum veterum auctoritates: nam hæc auctoritates veterum regulas iuris fecere. Et apud L. Rufinum *2. reg. in l. 74. de heredib. instit.* auctoritas Galli Aquilij regulam fecit, introduxit quæ, quæ fuit probata ab Aquilio, ac deinceps ab omnibus, ut qui solus heres institutus est excepto fundo, vel usufructu, pro eo habeatur, ac si ex asse simpliciter heres institutus fuisset sine vlla exceptione. Auctoritas Aquilij veteris Iurisconsulti hanc regulam introduxit. Proponuntur igitur his libris regulæ iuris veteris, nec tamen mortui, non iu-

**B**ris noui. Nam & ita titulus vltimus Digestorum est, *de diuersis regulis iuris antiqui, non nouioris*, quod nondum exstabat, nondum exierat, & ponitur ille tit. in calce Digestorum, quod seruandum, ut definitiones Papiniani post quæstiones & responsa vltimo loco, quia regulæ iuris sunt iuris colophones, ut Epicurus quoque canones suos vocabat colophones, auctore Laetio, ut non plane sit statim à primo studioso iuris præpostere danda opera regulis, quæ etiam desiderant, eruditissimum interpretem. Ab hac vero significatione Definitionum, quam sequi Papin. dixi, non te dimoueat quæ prima est ex *lib. 1. defin.* lex proponitur, nempe *l. i. de leg.* quamuis nihil aliud contineat, quam definitionem legis dialecticam, non regulam iuris. Nam neque nouum neque absurdum est, libris regularum inseri definitiones dialecticas, quibus demonstraretur *το τε ἢν εἶναι*, cuiusque rei, de qua regula est, quam enarrare iuris auctor instituit. Inseri etiam definitiones nominum, quæ veriloquia dicuntur, in quib. IC. tanquam Stoicos mirum in modum sibi placuisse compertissimum est. ut *lib. 4. reg.* Marcianus definit, quid sit sanctum, & vnde dicatur, *l. sanctum, de rer. diuis.* Inuenies & in tit. *de reg. iur.* definitionem hereditatis ex arte confectam, quæ breuiter complectitur hereditatis propriam potestatem: *hereditas, inquit, est successio, &c.* Inuenies & in *lib. 1. Reg.* Modest. definitionem matrimonij, *l. i. de rit. nupt.* & definitionem acceptilationis in *l. i. de accept. acceptilatio est per mutuum interrogationem, &c.* Inuenies etiam *lib. 1. defin.* Vlpian. definitionem Iustitiæ & Iurisprudentiæ, *l. 10. de instit. & in.* Et in his ipsis libris Papin. non tantum legis definitionem, sed iuris civilis, & iuris Prætorij, *l. 7. eo tit.* Inuenies etiam in iisdem lib. diuisionem actionis, petitionis, persecutionis, id est, diuisionem actionis in actionem, petitionem, persecutionem, *l. 28. de oblig. & act.* & in libris regul. quos alij composuerunt alias præterea diuisiones actionum, *l. 52. eo. tit.* diuisiones seruitutum, *l. 1. de seruit.* diuisiones adoptionum, *l. 1. de adopt.* Cuius enim rei regulam iuris auctores proponere constituunt, & interpretari, ea res prius quid sit absolute, & breuiter explicant, quæque sint eius rei species: deinde proposita regula etiam singulis verbis eius aptant exempla & interpretationes: nec omittunt regulæ extensiones siue ampliationes, nec vitia vel exceptiones, ut patet ex *l. 40. D. de cond. indeb.* in qua ex libris regul. proponitur regula primum, deinde extensiones, & similiter exceptiones, *l. 7. de iur. codicil. l. 31. coniuncta l. 33. de adopt. l. 119. de leg. 1. l. vlt. ex quibus caus. maior.* Quamobrem non omnes



leges, quæ sunt ex libris definitionum, vel regularum, vel ὁρίων, ut Quintus Murius Scævola inscribit suos, sunt regulæ, sed notæ potius ad regulas, vel amplificationes, vel exceptiones magnæ ex parte, vel interpretationes.

Definitio autem legis, quæ prima ex primo libro definit. Papinia. datur, hæc est in l. 1. de legib. lex est commune præceptum, &c. quam definitionem esse ad verbū è verbo expressam ex Demosthene, quod Marcianus subiicit in l. 2. aperte demonstrat. Nam, inquit, sic Demosth. orator definit, νόμος ἐστὶ, &c. Locus Demosth. est in orat. in Aristogitonem. Sed Marcianus omisit in l. 2. quod eo loco dixerat Demosth. legē esse κοινὸν πρᾶγμα, & Papin. vertit, commune præceptum, quæ verba deinde latius idem Demosth. interpretatur. πάντων τῶν πόλεων, omnibus par & æquabile præceptum, ὃ πάντας ἀποδέχεται, cui omnes obtemperare decet. & paulo post, πόλεως συνθήκη κοινὴ καὶ ἢν πᾶσι ἀποδέχεται τοῖς ἐν τῇ πόλει, secundum quod vivere convenit omnes eos, qui in eadem ciuitate versantur. Hoc est commune præceptum, Capito antiquus IC. dixit, generale iussum: quibus verbis demonstratur, quod ait lex 8. hoc tit. iura, non in singulas personas, sed generaliter & communiter constitui. Ergo his verbis separatur lex à priuilegiis, non à iure singulari, quod definitur in l. 16. hoc tit. nam & ipsum ius singulare, quod dicitur commune ius, commune præceptum est, sed singulare dicitur, quod sit contra subtilitatem, contra rigorem iuris ex utilitate & æquitate proditum & receptum in ciuitate: communiter quod sit ἀπὸ τῶν ἀρχαίων, ut ius singulare SC. de assignandis libertis, quod quis negauerit esse ius commune? Ius singulare conditionis furtiuæ, qua contra rigorem iuris dominus condicit rem suam, ius singulare libertatum. Sequitur in definitione, virorum prudentum consultum, ut Demosth. δὲ συµφρονῶν τῶν ἀρχαίων. Sequitur, delictorum, quæ sponte vel ignorantia contrahuntur, coercitio. Demosth. ἐπαυρόθυμα τῶν ἑκουσίων καὶ ἀκουσίων ἀμαρτημάτων. nihil refert dixeris coercitio, aut correctio: nam coercitio quid aliud est, quam correctio & castigatio. Illi, qui in hac definitione Papin. reponunt correctio pro coercitio, quod Demosth. dixerit ἐπαυρόθυμα, quam non magna aut insipida ceruice sunt. Lex igitur coercet non tantum, quæ consulta opera & dolo malo, sed plerunque, quæ per ignorantiam admittuntur, coercet culpam, & errorem, & casum. Quod patet ex l. 2. in fi. de term. moto. vbi ait, nominatim eum, qui per ignorantiam lapides finales, qui existimabantur esse sacri, abstulerit, verberib. coerceri, & l. ult. §. Dini quoque fratres, de publican eum, qui per errorem in commissum incidit, vectigal in duplum fisco aut publico pendere, si commissas ipso iure merces recipere velit, & l. eum, qui, C. ad l. Corn. de sicar. & Nouella Valent. de homicidio casu facto: quo iure vitimur, eum, qui casu homicidium fecerit puniri, nisi propere veniam meruit, non simplici rescripto Principis, sed adnotatione principis, qui scilicet manu sua subscripserit: & l. qui ades, de incendi. ruina, &c. ex 12. tab. eum, qui ædes aut aceruum frumenti combusserit casu quodam, teneri in duplum, vel extra ordinem coerceri. Coercetur ergo legibus nō tantum conscientia, sed etiam ignorantia. Et lege Dei omnipotentis sex ciuitates eliguntur exiliis eorum, qui non sponte, sed per ignorantiam, vel iactu lapidis vel impulsu manus, si telum manu fugerit magis, quam iecerit, ut erat scriptum in antiquis actionibus vel eorum, qui ioco, aut lasciuiā citra inimicitias, infelicitate magis, quam voluntate peccarunt. & tamen non sunt sine crimine: etiam error crimen est, quia lege Dei relegantur in perpetuum in eas sex ciuitates, tres cis Iordanem, & tres ultra Iordanem. Quæ de re latius Hieron. i. aduersus Pelagianos. Et relegationis quoque eius, qui per lasciuiam alij mortis causam præbuisse, dum sago eum iactat, exstat exemplum in l. 4. §. 1. ad l. Corn. de sic. Recte igitur Papinianus ait, legem esse coercionem delicto-

rum, quæ sponte vel per ignorantiam contrahuntur. Et postremo addit, communis Reip. sponso. Demosth. πόλεως συνθήκη κοινὴ, Arist. sæpe in Rhet. & in Polit. ὁμολογία, & ὁμολόγημα πόλεως κοινόν, & similiter Dion. Hal. συνθήκη εἶναι κοινὸν πόλεων, leges esse communes sponsoes sine conventiones Rerumpub. sine ciuitatum, non partis eorum, qui ciuitates incolunt; lex enim est commune præceptum, communis sponso omnium: & recte l. de quibus, h. tit. leges nulla alia ex causa nos tenere, quam quod populi iudicio receptæ & usu probatæ sunt, id est, communis sponsoe populi: & idem ipse Arist. 2. Polit. ὁ νόμος ἐδεῖται βίβλιν εἶναι πρὸς τὸ πείθεσθαι πρὸς τὸ εἶδος, id est, lex nullam vim habet, qua compellat homines, ut sibi pareant, nisi eam quam assumit ex more recepto, ex consuetudine, quæ non conualefcit, nisi diuturno tempore: atque adeo recte Demetrius, legem nihil aliud esse, quam consuetudinem scriptam, consuetudinem autem esse legem non scriptam, illiteratam. ὁ νόμος συνήθεια ἑγγεγραφοῦ, συνήθεια δὲ ὁ νόμος ἀγγραφος.

#### Ad l. 5. de transactionibus.

Cum Aquiliana stipulatio interponitur, quæ ex consensu redditur, lites, de quibus non est cogitatum in suo statu retinentur: liberalitatem enim captiosam interpretatio prudentum fregit.

Sciendum est, acceptilatione non omnem tolli obligationem, sed eam tantum, quæ verbis contracta est, veluti per stipulationem, vel per iusiurandum, l. 4. de transact. l. & per iusiurandum, inf. de acceptil. vel olim per dictionem dotis, æque solemnibus verbis conceptam, cuius exempla multa sunt in tit. de iure dot. Nam verba illa, quæ in illo tit. occurrunt frequenter, pradiatilla, vel tot millia doti tibi erunt, sunt ex formula dictionis dotis. Cur autem per acceptilationem tantum tollitur verborum obligatio? quia acceptilatio verbis fit, exempli gratia, acceptum fers acceptum fero, acceptum habes? Habeo. Acceptum facis? Facio. Et sic obligatio constituitur per stipulationem, & sic liberatio per acceptilationem, & vtrumque fit verbis solemnibus. Verbis autem tolli non potest, nisi quod verbis contractum est, l. 1. §. acceptum, de accept. iuxta id, quod definitum est in l. prout 80. D. de sol. prout quidque contractum est, ita & solui debere, nimirum, ut eo genere absoluiamur, quo nos obligamus, quod naturæ congruit omnimodo. Nec enim vincit solui potest, si quod aliud vinculum quemve alium nodum soluas, quo ipse deuinctus non est, si alio vel nullo: sed si tantum eum nodum soluas, quo vincit ipse tenetur, & eo modo quo eum colligasti, sed contrario. eodem modo tollitur obligatio, quo contracta est, eodem in genere scilicet, sed contrario tamen: ut ex Aristotele intelligimus, contrariorum eandem esse vim, sed contrariam tamen. at si quis velit etiam re aut consensu, aut litteris, non verbis contractas obligationes per acceptilationem perimere, remedio, & cautione ea uti debet, quam inuenit Gallus Aquilius Iurist. ut eas obligationes, quæ re aut consensu, aut litteris, non verbis contractæ sunt, nouet, & immutet in verborum obligationem interposita stipulatione, quæ ab inuentore Aquiliana dicitur, cuius formula exstat in Instir. & in l. & uno §. 1. inf. de acceptil. ac deinde stipulationem ipsam Aquilianam perimat subdita acceptilatione, ut in l. 4. hoc tit. Remedio nouationis Aquilianæ omnis obligatio quodquomodo contracta acceptilatione tollitur, licet nihil solum sit. Hoc enim distat acceptilatio ab apocha: nam acceptilatio liberat, etiam si pecuniā soluta non sit: apocha, id est, professio solutæ pecuniæ non aliter liberat, quam si & reuera soluta sit, l. 19. de accept. l. 13. C. de solu. Differentia inter apocham & acceptilationem maxime notanda est.



Ignoratio eius Ludouicum Regium, virum eruditissimum nostra memoria senatu exclusit, ac postea dolore repulsæ totus se in philosophia abdidit, & in ea consenuit: Solet autem Aquiliana stipulatio subiici pacto conuento de non petenda pecunia, *l. ult. C. de acceptil.* Et notandum maxime consilium quod dat Paulus in *l. pactus, hoc tit.* vt pacto de non petenda pecunia non tantum subiiciatur stipulatio Aquiliana & acceptilatio, sed etiam stipulatio pœnalis, si creditor fregerit & ruperit fidem pacti, vt in *l. pen. h. r.* Cui vtile est subiicere vtramque stipulationem, vt scilicet, quod ostendit *d. l. pacto*, rescisso pacto de non petendo, & quæ id pactum subsequuta est, rescissa stipulatione Aquiliana & acceptilatione, forte beneficio restitutionis in integrum, tum ex altera stipulatione pœna peti possit, antequam agatur iudicio restitutorio & rescissorio, quæ alioquin nulla peti posset, sed impune liceret resilire à pacto beneficio restitutionis. Consultius igitur est vtramque stipulationem pacto subiicere, vt si hoc malit debitor, exigat pœnam. Nam in eius potestate est, vtramque stipulationem interposita, vt vel se quasi ipso iure liberatum per acceptilationem defendat, atque adserat, vel ac si non liberatus, persequatur pœnam, & deinde subeat iudicium restitutorium, quæ est sententia *l. vbi pactum, C. eod.* Formula autem stipulationis Aquilianæ generaliter concepta est, ita vt omnes omnino præcedentes obligationes nouet: *Quidquid te mihi, ex quacunque causa dare, facere oportet præsens, in diemue* &c. vt, inquam, omnes nouet, & perimat subdita etiam generali acceptilatione: *Quodcumque ego tibi promisi stipulatione Aquiliana, habes ne acceptum? Habeo acceptum.* Fateor stipulationem aliquam Aquilianam & acceptilationem fieri posse in specie & partem tantum *l. 3. C. eod. tit.* At si facta sit generaliter, vt cõposita est à Gallo, dico per eam omnes præcedentes obligationes nouari, & acceptilatione subsecuta perimi, vt in *l. actione, l. vt responsum, l. vti pactum, C. eod. tit. l. 13. C. de solut.* Et hoc pro regula tradi in *l. quæ præcedit*, apparet ex eis verbis, & hoc iure vtimur. Ex iure, quo vtimur, plerumque regula fit: regula ergo proponitur in *l. 4.* In hac autem *l. 5.* proponitur huius regulæ interpretatio, quæ docet, eam regulam esse accipiendam de his tantum obligationibus, de quibus actum est, vt debitori stipulatione Aquiliana, & acceptilatione remitterentur, vt *l. 6. D. de acceptil.* non de obligationibus, de quibus non est cogitatum, puta, quas ignoraret is, qui interposuit Aquilianam stipulationem vel acceptilationem, vt & de pactis dicitur in *l. 9. §. qui per fallaciam, & §. seq. hoc tit. l. tres fratres 35. sup. tit. prox.* & vbi que ratio eadem est tam in stipulatione Aquiliana, quam in pactis. Nam & stipulatio Aquiliana ex consensu redditur, vt ait Papinianus hoc loco, id est, ex consensu interponitur & datur, vt *l. 1. §. pen. sup. tit. prox.* Cautio vel stipulatio, vt dari, & reddi dicitur recte. Nam & reddere per se dandi significationem habet, & canere stipulanti nihil aliud est, quam satisfare vel reddere. Quia ergo ex consensu redditur stipulatio Aquiliana, id est, quia ita satisfatur ex consensu: ergo in eam veniunt hæ tantum obligationes, in quas consensum est, quamuis stipulatio Aquiliana sit generaliter concepta: ceteræ obligationes, in quas consensum non est, in suo statu manent. Et ita superiorem regulam veteres prudentes interpretati sunt, & ea interpretatio, vt eleganter Papinianus ait, *captiosam liberalitatem fregit*, captionem omnem, quæ erat in generali sermone, amputauit: captiosa est generalis stipulatio Aquiliana, & acceptilatio, captiosa liberalitas, si eius sermo generalis spectetur, non mens, & cogitatio creditoris, quando quidem ita creditor caperetur, deciperetur, incideret in fraudem, vt in *l. quæro, inf. de act. empt.* Obseruandum est, liberalitatem vocari decisionem litium: & proprie quidem liberalitas est, si Aquiliana stipulatio & acceptilatio interuenerit donationis

A causa, vt in *l. 1. hoc tit.* qui, inquit, donationis causa rem certam & indubitatam remitti liberalitate. Nam si non liberalitatis, sed transactionis causa lites sunt deductæ in stipulationem Aquilianam, ea non est plena liberalitas, quia transactione non remittuntur lites, nisi aliquo dato, vel promisso, vel retento, *l. transactio, C. eod. tit.* coniuncta *l. 3. C. de repud. hered.* Aliud est donatio, longe aliud transactio, *l. si uno, inf. loc. l. quidam 29. §. 1. inf. de donat. l. tutores §. ab eo, inf. de admin. tut.*

Ad l. 37. & 39. de reb. creditis.

B Cum ad præsens tempus conditio confertur, stipulatio non suspenditur, etsi conditio vera sit, stipulatio tenet, quamuis tenere contrahentes conditionem ignorent. Veluti si Rex Parthorum viuit, centum dare spondes eadem sunt, & cum in præteritum conditio confertur. Itaque tunc potestatem conditio obtinet, cum in futurum confertur.

I N hac *l.* proponitur regula iuris, quam Modestinus proposuit *4. Regularum l. 100. de verb. obligat.* Regula hæc est: conditionem collatam in præsens vel præteritum tempus, sub qua facta est stipulatio, non suspendere stipulationem, non differre, non morari obligationem, quod est eam conditionem non habere conditionis potestatem propriam. Nam conditionis propria & præcipua potestas, est suspendere, differre, morari. Hanc potestatem non habet conditio, quæ refertur ad præsens, vel præteritum tempus. Ergo non est proprie conditio: Conditionis definitio hæc est: *conditio est causa, quæ suspendit actum, quoad ex post facto confirmetur.* Hæc definitio cadit tantum in conditionem, quæ in futurum confertur, veluti, *si naus ex Asia venerit*, non cadit in eam, quæ confertur in præteritum, veluti, *si Lucius Titius Consul fuit*, vel in præsens, veluti, *si L. Titius Consul est.* Ergo ea, quæ confertur in præsens, vel præteritum tempus, proprie conditio non est: & definitio conditionis in eam non cadit, quoniam statim verum aut falsum est, *L. Titium fuisse Consulem*, vel *Consulem esse*, vt Dialectici dicunt; omnem affirmationem, aut negationem conceptam in præsens aut præteritum tempus, statim veram aut falsam esse. Ideoque si conditio concepta in præsens tempus, veluti, *si Lucius Titius Consul est: si Rex Parthorum viuit, si naus in portu stat*, si falsa sit tempore interpositæ stipulationis, statim nulla stipulatio est: Si vera sit, statim tempore interpositæ stipulationis, id est, si Titius Consul sit eo tempore, si Rex Parthorum viuat, si naus stet in portu, statim stipulatio tenet, neque eius effectus, siue emolumentum, siue obligatio vel petitio villo modo differtur, quamuis contrahentes rei veritatem ignorent, quamuis nesciant conditionem veram esse, *l. 28. de verb. obligat.* quia non spectatur, an illi sciant conditionem tenere & deberi, sed an alij homines scire potuerint, vel an hominum natura scire potuerit deberi, vt Scæuola ait, in *l. seq. & debitu iri*, vt ait idem Scæuola, hoc est, debitum iri statim, si sub ea conditione contrahentes concipiant stipulationem: sic enim illud *debitu iri* accipiendum est: si ita concipias stipulationem scilicet, quam nondum concepisti. Nam si iam concepisti stipulationem, satis est, quod hominum natura scire potest, iam deberi ex stipulatione pecuniam, quod conditio sit vera: in hominum rerumque natura præterita & præsentia omnia sunt certa, non etiam futura, nisi quæ futura sunt, iam cœperint fieri & informari; vt statim atque mulier concepit, in rerum natura certum est, quot nascituri sunt. Et hoc est quod ait *l. sed et si restituatur §. 1. sup. de iudic.* in rerum natura omnia esse certa, cum futura vtrique fierent, proculdubio omnia præsentia, & præterita in rerum natura sunt certa, sed & futura cum fierent, inirentur & informarentur, certa iam sunt in rerum natura, non antequam fierent.



ferent. Et bene in rerum natura: nam cognitio rei futura non est certa in hominum natura, quandoquidem est supra captum hominum, cognitio presentis vel preterita rei non superat captum hominum. Et serua diligenter, quod in hominum natura certum est, & in rerum natura certum esse: è contrario tamen, quod in rerum natura certum est, ut quotus fœtus sit in utero pregnantis mulieris, non est etiam certum in hominum natura. & hæc est sententia d. §. 1. Effectus autem superioris regulæ pertinet non tantum ad stipulationes conditionales, & quasi conditionales, sed etiam ad multa alia. Nam & qui petit ex stipulatione facta sub conditione collata in presentis vel preteritum tempus, etiam si ignorauerit tenere conditionem, plus non petit: qui ex stipulatione facta sub conditione collata in futurum tempus, plus petit, l. 36. hoc tit. si agat antequam cognouerit, aut certum sit, conditionem existisse. Hæc dicitur proprie conditio, siue stipulatio conditionalis, quæ confertur in futurum. Illa quæ confertur in presentis, vel preteritum, dicitur quasi conditio, vel quasi conditionalis stipulatio, & ut Græci loquuntur, αἰρετικοφανής, non est αἰρετική. In conditionalis spectatur scientia nostra, non naturæ: in quasi conditionalis naturæ, non nostra. Cuius differentia auctor est Stephanus hoc loco. Quasi conditionalis stipulatio nouat priorem obligationem, si vera sit conditio, quia pro pura habetur: conditionalis autem non nouat statim priorem obligationem, ut l. 36. hoc tit. l. quotiens, de nouation. Sub quasi conditione filiofamil. à patre herede instituto, iustum testamentum est: Sub conditione iniustum quasi preterito filio suo, l. institutio, §. ult. de condit. institut. Sub quasi conditione herede scripto in posteriori testamento, superius rumpitur statim, si vera sit, aut non rumpitur, si falsa sit: Sub conditione autem non potest statim constitui superius testamentum ruptum sit, necne, quia eius euentus in dubio est, si non sit, l. cum in secundo, de ini. rupt. test. Item sufficit patrono, si sub quasi conditione heres instituitur, non si sub conditione, l. 3. §. si patronus, de bon. libert. Sub quasi conditione relictum legatum transmittitur in heredem, non relictum sub conditione. Et, ut idem Stephanus addit hoc loco: usus in stipulationem deductæ quasi conditionalem, statim currere incipiunt, non si deductæ sint in stipulationem conditionalem, quæ proprie conditionalis dicitur, non καταχρηστικός. Ut illa confertur in presentis, vel preteritum tempus.

#### Ad leg. 74. de contrahenda emptione.

*Clauius traditis, ita mercium in horreo conditarum possessio tradita videtur, si claues apud horrea tradita sunt: quo facto confestim emptor dominum & possessionem acquiritur, etsi non aperuerit horrea. quod si venditoris merces non fuerint, usucapio confestim inchoabitur.*

**N**emo est, qui nesciat, à venditore eius rei, quam vendidit, fieri debere traditionem possessionis vacuæ, non occupatæ ab alio, aut impeditæ: & non tradentem teneri actione ex empto: & tradere nihil aliud esse, quam possessionem cedere rei venditæ, & transferre in emptorem, quo genere transfertur etiam dominium rei in emptorem, si venditor dominus sit, si non, præstatur occasio usucapionis emptori bona fide accipienti, dominium non transfertur, quod non habuit venditor, qui rem tradidit, l. traditio, de acquir. rer. dom. l. qui rem alienam, de mort. caus. donat. Traditio autem fit non tantum naturaliter re mobili data de manu in manum, vel emptore inducto in possessionem prædij, sed fit etiam multis aliis modis ciuilibus, non tantum fit naturaliter, ut dixi, sed etiam ciuilitè aliis modis, quibus res non tradita naturaliter, fingitur esse tradita, quorum vnus proponitur in hac lege, aptandus, ut ar-

Definit. Papin.

**A** bitror cum aliis ad generalem illam definitionem, quæ initio posui, de possessione rei venditæ à venditore tradenda emptori: modus autem qui in hac l. proponitur, hic est, si venditor venditis mercibus, quæ in horreo repositæ erant, claues horrei tradiderit emptori: si vendito vino, quod erat in cella vinaria conditum, in horreo vinario, claues horrei tradiderit emptori, licet emptor non aperuerit horreum: sola clauium traditio pro mercium, aut vini traditione habetur, ut etiam demonstratur aperte in l. 2. C. de peric. & comm. rei vend. & l. 1. C. de crim. expil. hered. Ideoque traditis clauibus horrei, in quo est merx, quæ venit, statim in emptorem transfertur possessio mercis, & per hanc dominium mercis, siue venditor eius dominus fuerit, & solutum etiam sit ei pretium, aut eo nomine satisfactum, aut ab eo fides habita de pretio, alioquin dominium non transfertur, antequam de pretio ei sit cautum aut satisfactum, l. 19. h. tit. vel si venditor mercium dominus non sit, in emptorem transfertur possessio, & præstatur ei occasio usucapionis merces alienas, quoniam statim emptor usucapionis conditio inchoat: statim incipit usucapere, ut loquitur l. 1. de adq. poss. Traditionibus & usucapionibus dominia rerum acquiruntur, l. traditionibus, C. de pact. traditionibus, si factæ sint à domino ex iusta causa, iustoque titulo. usucapionibus, si traditiones factæ sint à non domino. Et traditionibus, iure gentium: usucapionibus, iure ciuili. Verum, ut ostenditur hoc loco, ut clauium traditio, pro traditione mercium habeatur, necesse est, claues tradi apud horreum, in quo sunt merces venditæ, in re presenti, in conspectu horrei, alioqui clauium horrei traditio non habetur pro traditione rerum, quæ sunt intus, quæque venierint: necesse est claues tradi ob horreum, ante horreum, in re presenti. Et ita columnæ venditæ, quæ propter magnitudinem ponderis vix loco moueri possunt, ita demum traditæ videntur, si in re presenti, siue in rem presentem consenserint contrahentes emptor & venditor, & dixerit venditor se eas columnas tradere emptori, ut eas tolleret & asportaret, cum vellet. Vel etiam fundus venditus, in quem emptor nondum inductus est, non aliter traditus videtur, etiam si dixerit venditor, se eum tradere, quam si in re presenti dixerit, se fundi venditi possessionem tradere emptori, aut si prohibuerit ingredienti emptori vim fieri, ut l. 1. §. pen. & l. quod meo §. si vend. & l. pen. §. ult. de adq. poss. His omnibus modis possessio, cum res peragitur in rem presentem, translata videtur in emptorem, & emptor videtur rei adquisisse possessionem non animo, non effectū solo, sed etiam corpore perinde, atque si apprehendisset merces, aut vasa vinaria, aut columnas, aut ingressus fuisset fundum. Et idem dicendum, si in re presenti mandatu emptoris procuratori eius rei venditæ possessio tradita sit, quia & hoc casu emptor videtur adquisisse possessionem animo suo, & corpore, non corpore procuratoris: cum coram in re presenti iussit procuratori suo tradi, præsens ipse videtur scil. accepisse non procurator. Potest possessio adquiri corpore alieno, hoc est verum, sed ita posita specie emptor videbitur eam adquisisse suo corpore, quia præsens in re presenti dixit, volente venditore, ut ingrederetur vel caperet possessionem rei venditæ, d. l. 1. §. pen. præsentia corporalis contrahentium: vel oculi emptoris, vice contrationis, vice apprehensionis, vice σωματικῆς ἀφ᾽ ἑῶς funguntur: quo genere etiam hodie videmus beneficij Ecclesiastici possessionem quæri, pro foribus ædis sacræ, actis ea de re confectis, aut procul è conspectu eius fastigijs, quod in æde summa tintinabulis relictum est. Sic in l. quarundam, eod. tit. dicitur possessionem traditam videri, & non solum animo, sed & corpore uti oportet quæ sitam videri, si empto aceruo lignorum, si strue lignorum empta, aut emptis vniuersis amphoris vini, quæ simul eodem loco compositæ erant voluntate ven-

R r



Auctoris, emptor iis rebus custodem apposuerit, si voluntate venditoris, lignis & amphoris custodem apposuerit, vel etiam si venditor ipse, rebus emptorem custodem apposuerit, venditor rei venditæ custodiam præstare debet ante traditionem, *l. 1. 2. & 3. de per. & comm. rei vend.* Verum si à se custodiæ translationem faciat in emptorem, hæc translatio custodiæ nihil aliud est, quàm translatio possessionis, & in fine *d. l. quarundam*, esse scribendum autumò, *utrobique corporis genere quodam possessio aestimatur*, id est, utroque casu aut venditorum lignorum, aut amphorarum vini quodammodo corpore possessio quæ sita videtur, licet custodia tantum translata sit in emptorem, & similiter is, qui emit materiam ad ædificandum, veluti trabes, aut tigna, si eas trabes, cave tigna voluntate venditoris signauerit, traditæ ei esse videntur, si vel signauerit eas, & suo quodam signo pernotauerit, *l. quod si neque, in fi. de peric. & com. rei vend.* Vbi recte Accursius, non exposita tamen ratione differentia, notauit aliud esse dicendum in vino vendito, vino scilicet vendito, si emptor vasa vinaria signauerit, vinum traditum non videri. Hoc verissimum esse arbitror, siue vinum iam degustatum sit & probatum, siue non sit degustatum. Primum si vinum degustatum non sit, quamuis vasa vinaria signauerit emptor, vinum traditum non videtur quia nondum perfecta venditio est, *l. 1. §. 1. de per. & com. rei vend.* Et ideo periculum vini ad venditorem pertinet, non ad emptorem, si vinum acefcat, vel mucescat, vel effundatur forte pertusis vasis. Et quamuis traditio posset præcedere emptionem venditionem, *l. siue autem §. 1. de Public. in rem act.* tamen id agi non videtur, ut quis tradat antequam vendat, aut perficiat venditionem, nisi appareat euidenter, quoniam præposterum est. Denique signante vasa vinaria, emptor non videtur degustatione renuntiasse, non videtur vinum probasse, quod in iis vasis est. Itaque imperfecta adhuc venditio est, cum scilicet ita veniat vinum, ut degustaretur, quod plerumque fit, & quod vix vnquam fit aliter, ut ait *l. 4. §. si auersione, eod. tit.* Verum, si quando vinum vaneat auersione, *en gros, & en bloc*, omne forte quod est in amphoris, ita, ut non degustetur, siue vasa sint signata ab emptore, siue non, perfecta emptio est, & vini periculum statim pertinet ad emptorem, *l. qui officij §. ult. h. t.* Quod si vinum degustatum sit, & post degustationem vasa emptor signauerit, Trebatius quidem dicebat, vinum traditum videri, ut de trabibus signatis diximus. Sed Labeo rectius, non idem esse statuendum in vino, quod in trabibus, aut lignis, quia trabes non possunt alio fine signari, quam ut traditæ videantur: vasa vinaria signantur sigillo impresso in operculo, ne mutetur vinum potius, quam ut traditum videatur, nisi appareat eam fuisse mentem contrahentium, ut hæc signatio pro traditione esset, quæ est sententia *l. 1. §. si dolium, de per. & commo. & c.* quem §. accipio de dolio signato etiam post degustationem, quia de dolio signato ante degustationem iam dixerat paulo ante in §. 1. alioquin bis idem quasi iuncta scriptura frustra positum videretur, & in §. 1. *ut certum*, & in §. *si dolium, ut controuersum*. Et de hac quidem specie traditionis civilis hæc teneamus. Notandum etiam est, tradito instrumento originis siue emptionis fundi, *le titre*, quod etiam dicitur instrumentum auctoritatis in *l. ult. C. de pign. act.* tabellæ auctoritatis à Seneca: tradito, inquam, instrumento auctoritatis fundi venditi, genere quodam, & possessio fundi tradita videtur, *l. 1. C. de donat. l. pen. §. 1. de legat. 3.* Et hoc quidem genere ut arbitror possessio fundi tradita videtur, etiam si non in re præsentis instrumentum emptionis fundi traditum sit, quia auctoritatem fundi habemus pro fundo ipso. Nam & similiter non exigimus rem præsentem, si dominus iubeat te rem suam, quam apud te habes, retinere iure empti. Nam etsi hoc non iusserit in re præsentis, quia iam rem habes apud te, hic iussus domini pro traditione

possessionis habetur, licet, ut dixi, non consenserit in re præsentis, *l. si rem, in prin. de euit. l. 3. §. interdum, & l. si seruus, inf. de acquir. posses. l. absenti, de donat. l. quidam, de rei vindic.* Nihil refert relinquatur res apud emptorem, quam iam habet, vel ex causa depositi, vel commodati, an transferatur in eum possessio, *l. o. C. commu. utriusque ind.* Idemque dicendum, si rem meam nomine tuo me volente in censum referas quasi tuam, vel si ego rem meam tuo nomine in censum referam; nam & hoc pro traditione cedit, etiam si census non fiat in re præsentis, *l. 7. & 8. C. de donat.*

Ad l. 8. de iur. & facti ignor.

*Error facti nec maribus quidem in damnis vel compendiis obest. Iuris autem error nec fœminis in compendiis prodest. Ceterum omnibus iuris error in damnis omittenda rei sua non nocet.*

**D**efinitio iuris, quæ proponitur in *l. regula*, quæ sequitur, iuris ignorantiam cuique nocere, facti ignorantiam non nocere, ad hæc *l. 8.* manifeste pertinet, quæ eam regulam latius interpretatur, & docet, ignorantiam facti maribus aut fœminis neque nocere in dānis amittendæ rei suæ, neque in compendiis adquirendæ rei cuiusque nobis delatæ ex causâ lucrativâ. hoc necesse est, ut appositis exemplis faciam euidentius. In damnis amittendæ rei suæ errorem facti non nocere, ut si errans in facto, nescius te seruum meum esse, & à te quasi à libero homine pecuniam debitam exegi in iudicio, hæc ignorantia non efficiet, ut tui dominium amittam. Denique quod te errans in facto olim habuerim pro libero, non ideo tui dominium amitto, *l. non ideo, C. eod. tit.* Itē si filius, qui se abstinuit hereditate paterna, quæ suspecta ei erat, maternam autem hereditatem agnouit, agrum paternum possideat veluti maternum, cum ignorat esse paternum, quod est ignorare factum, hæc ignorantia non efficiet, ut filius videatur damnosam hereditatem patris agnouisse, ut tunc sustineat incommoda hereditatis paternæ, *l. 5. C. eod. tit. l. cum bonis, de adq. hered.* Item si pecuniam, quam existimabam me tibi debere, quum ignorarem alium me liberasse, alium pro me tibi soluisse, iussu tuo alij promiserò, cui id donare volebas. Hæc quoque ignorantia non efficiet, ut pecuniam meam amittam, ut pecunia quam promisi, mihi inuito extorqueatur, *l. Iulian. de dol. except.* Et hæc sunt exempla de damnis. In compendiis autem adquirendæ rei cuiusque etiam errorem facti non nocere, ut si ignoras cognatum meum vitâ decessisse intestatum sine liberis & agnatis, non petierim bonorum possessionem unde cognati intra centesimum diem: hæc quoque ignorantia non me excludet commodo bonorum possessionis, neque efficiet, ut cognita morte cognati bona eius non adquiram, *l. 1. hoc tit.* Denique error facti neque in damnis neque in compendiis erranti nocet: & excipio tantum errorem, siue ignorantiam facti supinam, & dissolutam vitio & magna negligentia nostra quæ sita, ut in *l. 6. hoc tit.* ut in specie *l. 3. in pr. si quid in fraud. patr. & l. Clodius, & l. filium emancipatum, D. de adq. hered.* cum scilicet erat in potestate nostra, vel mediocri, aut minima adhibita diligentia cognoscere factum, quod eleganter Græci vocant τὸ τῆς ὑποθέσεως ἀπὸ τῆς αἰτίας, cum erramus ut Arist. ait, cum erat in nobis diligentibus esse, & peritis facti facillimo negotio. In damnis male Accursius vitur exemplo indebiti soluti per ignorantiam facti: nam si solui indebitum, iam feci damnum rei meæ. Et quod dicitur in damnis errorem facti non nocere, de damnis futuris intelligitur, non de his, quæ iam contrigerunt: errorem facti non dare nobis damnum, sed non restituere etiam nobis damnum, quod iam fecimus. Et in compendiis hoc exemplo uti conuenientius est, quia si indebitum,



quod solui per errorem facti condicere volo, hoc ago ut adquiram denuo, quod amisi semel, nec tamen minus hoc agam solutumque condicam, mihi nocet error facti, quia nec in compendiis denuo acquirere volentibus nocet. Vnde sic statuamus: si indebitum promisero, tuebor me errore facti ne soluam, ne pecuniæ promissæ, nondum amissæ damnum faciam: si indebitum soluero etiam tuebor me errore facti, quo magis id quod solui & amisi, vel solutione alienavi, condicam, & mihi denuo adquiram. compendium facio, si adquire quæ mea non sunt, licet quandoque mea fuerint. Damnum facio si quæ mea sunt, aut mihi debita (nihil refert) non recipio, aut non retineo: & error facti præstat utrumque ne damnum faciam, id est, ut meum retineam vel recipiam, & ut lucrum faciam. *l. 1. ut adquiram, quod amisi, quodve nunc primum mihi offertur ex causa lucratiua.* Et hæc de errore facti, in quo, ut ostendi, non distinguuntur damna à compendiis. In errore iuris distinguuntur damna à compendiis. Nam in compendiis volentibus scilicet, acquirere maribus vel fœminis iuris error non prodest, id est, iuris error nocet, & impedimento est: in damnis suum petentibus, aut retinere & seruare cupientibus, iuris error non nocet: exemplum in fœmina est apertissimum: si soluto matrimonio morte mariti dotem petat, non repellitur, quia rem suam persequitur, etiam si non fecerit inuentarium bonorum mariti ignara constitutionis Leonis 110. quæ hoc iubet. At si persequatur lucrum nuptiale ex donatione propter nuptias, repellitur, nec potest se tueri prætextu ignorantie eius constitutionis, quia compendium captat, non damnum præcauere tentat. Item si per errorem iuris fœmina antiquioribus creditoribus cesserit, & prius eis satisfieri permiserit, dum ignara iuris nescit dotium causam esse præcipuam, & præferri aliis creditoribus etiam antiquioribus, ab eis dotem suam reuocabit, ne in damno amittendæ dotis suæ error iuris ei noceat. Sin autem lucrum nuptiale persequatur, in qua persecutione non habet eadem priuilegia, quæ in dotis repetitione, *l. assiduis, in fi. C. qui potior. in pign.* Priuilegium tamen temporis commune eam habere constat, si antiquior sit at si forte per errorem iuris non vtatur priuilegio temporis in persequendo lucro nuptiali, & cedat imprudens, stulta posterioribus creditoribus, eisque ante satisfieri permittat, nihil lucri nuptialis nomine eis auferri potest, quia in lucris error iuris non prodest, & hoc exemplo Harmenopulus vtitur. *Epitomarum, tit. 16.* Sic igitur statuamus: errorem iuris neque maribus, neque fœminis nocere in damnis amittendæ rei suæ, vel sibi debitæ ex causa obligationis, ut in *l. qua fideicommissa, de leg. 2.* exposita. *11. Respons. l. 3. §. si quis ignorans, de Senatusc. Syllan. l. ult. C. de iuris & fac. ign.* In compendiis autem errorem iuris & maribus & fœminis nocere, ut puta, persequentibus lucra nuptialia, ut dixi. Itemque, ut hoc aliis exemplis faciam manifestius, persequentibus donationes actis minime insinuatæ, uti oportet, hoc colore, quod imperitia lapsi eas non insinuauerint, *l. 3. C. Theodos. de sponsal.* Item vsucapere volentibus, *l. 4. hoc tit. ut ecce, neque mas, neque fœmina vsucapere potest quod à pupillo sine tutoris auctoritate emit per errorem iuris, dum putat valere emptionem, l. nunquam, in prin. de usur. & vsucap. l. 3. §. si à pupillo, pro empt.* Item condicentibus indebita soluta iuris error nocet; nam neque mas, neque fœmina potest condicere quod indebitum per iuris ignorantiam soluit, ut in *l. prox. §. pen. & ult. l. cum quis, C. eod. tit. l. error, C. ad l. Falcid.* quia qui condicit quod soluit, id agit, ut adquirat quod amisit, nō ut quod suum est, non amittat. Denique sollicitus est de lucro, non de damno. Erranti in iure subuenitur, ne suum amittat, non etiam ne amiserit, ne damnum faciat, non etiam ne fecerit: damna facta qui infecta facere studet, lucrum captat, non damnum futurum amolitur. Ea-

Definit. Papin.

A demque ratio interuenit, si quis quid aliud damni fecerit per errorem iuris, ut si apud iudicem errans in iure inconsulto confessus fuerit, & ex confessione in damnum inciderit, *l. 2. de confess.* videlicet si confessus fuerit in iure vel in iudicio, quia confessio tantum facta in iure vel in iudicio, fraudi & damno esse potest confitenti, non facta extra iudicium: quam distinctionem, an confessio in iudicio facta sit, an extra iudicium, hoc loco Accursius inepte coarctauit ad regulam propositam. Nam siue quis in iudicio, siue extra iudicium damnum passus sit per errorem iuris, obtentu eius erroris non refarcitur ei damnum quod fecit semel. Idemque est si quis per ignorantiam Senatusconsulti Macedoniani pecuniam suam amiserit, credendo eam filiofamil. *l. 3. in princip. ad Macedon.* Item si per ignorantiam iuris duxerit uxorem eam, quæ nondum eluxerat priorem maritum, *l. liberorum §. ult. sup. de his qui not. inf.* Error iuris obstat damno ne contingat, non etiam quod iam contingit, restituit. Alioqui erranti lucro esset ignorantia iuris. Et eadem ratione error iuris nocet petentibus bonorum possessionem post tempora præstituta, hoc pretextu quod ignorauerint legibus bonorum possessioni petendæ, præstituta esse tempora, *l. 1. h. t. l. 3. C. eod. l. iuris, C. qui admitti ad bon. poss.* Itemque bona aut hereditatem persequentibus, quam alio modo imperitia & stultitia sua, id est, ignoratione iuris amiserint, *l. 2. eod. tit. l. ult. C. qui petant tut.* Satis iam exemplorum habemus. nunc adnotemus, ab hac definitione de errore facti & iuris, quam diximus promiscue locum habere in fœminis & maribus, excipiendi sunt quidam, quibus iuris error nec in compendiis nocet, aut in persecutione lucrorum siue acquiritorum: Neque enim nocet minoribus 25. annis, siue sint mares siue fœminæ, *l. 2. & l. quamuis, C. eod. tit. non etiam militibus, l. prox. §. si filius familias, hoc tit. l. 1. C. eod. tit. l. ult. C. de iur. deliber.* Iis enim personis ius ignorare permissum est. Quandoque etiam error iuris in compendiis rusticis non nocet, maxime si non habuerint copiam Iurisconsulti, ut ait *l. prox. §. sed iuris.* Et hoc probatur etiam *l. pen. C. qui admitti ad bon. poss. ut à me emendata est Observatio 17.* Nam & rusticis ius plerunque ignorare permissum est. Minutius Felix in Octauio: *Agrestibus, inquit, non est datum intelligere ciuilia, ἀγροῖν οὐτε δῖνας οὐδ' εἰδέναι, ἔτε δέμους.* Non nocet etiam nec in compendiis error iuris captanti modicum compendium, ut in specie alibi à me exposita *l. de die §. si seruus, qui satisf. cogant. & l. 1. §. 1. ut in poss. leg.* Non nocet fœminæ, si ignara Senatusconsulti Libonia nisi sibi legatum adscripserit, quamuis non sit modicum compendium legati, quia scilicet hoc ita nominatim fuit expressum SC. Liboniano, ut parceretur fœminæ ignoranti Senatuscons. alioqui amitteret legati emolumentum, *l. Diuus §. pen. ad l. Cornel. de fals.* Non etiam nocet fœminæ, si ighara iuris sui seipsam detulerit fisco quasi incapacem capiendi legati, quæ vere erat capax, *l. 2. §. ult. de iure fisci.* Et hi sunt casus, quos significat lex proxima §. 1. dum ait, *in quibusdam mulieri etiam acquirere volenti subueniri propter imperitiam iuris.* his personis & casib. exceptis, cæteris error iuris in compendiis nocet: in damnis, minime nocet. Huic postremæ sententiæ obicit Accurs. *l. 2. C. de in ius voc. ubi ignorantia iuris coercetur damno & pœna pecuniaria 50. aureorum, si libertus irreuerens patronum in ius vocauerit sine venia prætoris, nihil est facilius.* Regula de qua tractamus, est de ignorantia iuris ciuilis, legum ciuiliū, Senatusconsultorum, edictorum, receptarum sententiarum iuris prudentium, de ignorantia, inquam, iuris ciuilis omnibus cogniti vulgo, iuris ciuilis propositi in albo, iuris ciuilis promulgati propalam. At *d. l. 2.* est de ignorantia iuris naturalis, quod & Accurs. attingit. Si quis obren-dat, se nescire reuerentiam debere parentibus ac patronis, quod perinde est, ac si quis dicat se incestum, aut

Rr ij



adulterium, aut furtum, quæ probra sunt iuri naturali, A commississe per ignorantiam iuris naturalis, quod nemo potest prætere, quia nemo nescit ius naturale, *l. si adulterium §. 1. & seq. ad l. Iul. de adult.* Elegans est sententia Menandri, non licet ignorare leges naturæ. Has enim leges natura ipsa attripimus, hausimus, expressimus: nec in damnis etiam amittendorum omnium bonorum nostrorum & publicandorum, earum legum ignorantiam quonquam excusat; causari iuris ciuilibus ignorantiam quidam non improbabiler possunt: iuris naturalis nemo. Et ita hæc omnis definitio explicanda est.

Ad l. 63. de ritu nupt.

*Præfectus cohortis, vel equitum, aut tribunus, contra interdictum eius provincie duxit uxorem, in qua officium gerebat, matrimonium non erit; quæ species pupilla comparanda est, cum ratio potentatus nuptias prohibuerit. Sed an huic quoque si virgo nupsit, non sit auferendum, quod testamento relictum est, deliberari potest: Exemplo tamen pupilla nupta tutori, quod relictum est, potest mulier consequi: pecuniam tamen in dotem datam mulieris heredi restitui necesse est.*

Pertinet hæc lex ad id, quod definitum est, mandatis Principum, eum, qui in provincia officium publicum administrat, veluti præsidem, aut proconsulem, aut procuratorem Cæsaris, aut præfectum cohortis, vel legionis, vel equitum, aut tribuum militum, quamdiu eo officio in provincia fungitur, prouincialem mulierem uxorem ducere, vel filio suo nuptum collocare non posse, aut consentire filio suo eam uxorem ducenti, *l. 38. & 57. sup. hoc tit. l. 3. §. 1. inf. de don. inter vir. & vx.* Et hoc loco, contra interdictum, id est, contra mandata Principum, quæ dant iis, quos mittunt in prouincias publici officij administrandi causa, quib. eis interdunt nuptiis eiusmodi, *l. 65. inf. hoc tit. l. 2. §. 1. de his, quæ ut indig. l. 6. C. de nupt.* Si uxorem duxit prouincialem, qui in provincia officium administrat, vel si consenserit filio suo uxorem ducenti in ea prouincia, iustum matrimonium non est, & liberi ex ea coniunctione procreati, iusti & legitimi liberi non sunt. Et speciem hanc iniusti, & illiciti matrimonij Papin. hoc loco comparat matrimonio, quod ex Senatusconsulto vel oratione Marci & Commodi, tutor filiusue tutoris prohibetur contrahere cum pupilla quondam sua, vel patris sui, *l. Senatusc. & l. seq. l. 66. & l. seq. inf. hoc tit. & in C. tot. tit. de interd. matrim. inter pupill. & tutor. vel curator. & filios eor. & c.* Comparatio recta est: nam utrumque matrimonium est prohibitum, utrumque iniustum & illicitum, & ut ait, in utroque ratio prohibitionis eadem, ratio potentatus scilicet: nam si prohibita ea matrimonia non essent, sæpe puellis inuitis & imprudentibus, maxime locupletioribus matrimonia extorquerentur per impressionem & terrorem potestatis, quod maxime interest Reipubl. ne fiat: potentatus maiorve potestas, & inæqualitas personarum libertati impedimento est, quæ potissimum exigitur in contrahendo matrimonio, *l. 2. C. de iunt. stip.* Vbi non est ea libertas nec matrimonium est; non videtur autem ea esse libertas inter magistratum, & eam, quæ subiecta iurisdictioni eius est: inter eum qui cum imperio & potestate est & priuatam mulierem; inter tutorem & pupillam, quæ utique semper reueretur & formidat eum, qui tutor est vel fuit, & facile ab eo circumscribi potest, aut terreri. In oratione Marci & Commodi, quæ prohibuit nuptias inter tutorem & pupillam, prohibitionis alia redditur ratio, ne rationes reddendæ tutelæ cohibeantur, quib. reddendis tutor obstrictus est, puella ducta in matrimonium, ne eiusmodi coniunctione fraudem administrationis suæ tegere labores, ne

pupillæ in re familiari circumscribantur eiusmodi coniunctione, ab iis, qui rationes gestæ tutelæ restituere debent, ut in *l. seq. & l. pen. §. sed et si filiusfam. hoc tit. l. si tutor, C. de interd. matr.* Ea ratio continetur oratione Marci, ut ait *l. penult.* neque tamen omnino necessariâ est, sed probabilis tantum, alioqui quicumque scæminæ esset obnoxius rationib. reddendis, non posset eam ducere uxorem ante redditas rationes, quod tamen est falsum. Ergo non ea tantum fuit ratio prohibitionis, sed & alia: nihil vetat eiusdem iuris plures esse rationes; & ratio quidem proxima est ratio potentatus, & melior igitur. Nam ut cum quæritur quid sit, quid quæque res sit, melius est reddere genus proximum, quam remotum, ita cum quæritur quare sit, melius est reddere proximam quam remotam rationem, quo proximior est, eo & propior negotio proposito, magisque necessaria. Comparatione autem facta utriusque matrimonij, quod tutor contrahit cum pupilla, vel qui officium administrat in prouincia cum prouinciali muliere, quærit Papinianus, an & sicut pupillæ non iure nuptæ tutori, non auferret fiscus, quod ei testamento mariti relictum est, quamuis, maritus iustus non sit, *l. 2. de his, quæ ut indign. ita & prouinciali mulieri, quæ nupsit officium gèrenti in prouincia, non auferat fiscus, quod ei testamento maritus reliquerit?* Et ait, deliberari posse, id est, rem non carere dubitatione, quoniam facilius videtur, nos debere parcere pupillæ quæ capru facilis fuit, quam prouinciali cuiilibet mulieri. Et tamen concludit Papin. idem iuris esse in utroque matrimonio siue casu, ut scil. quod relictum est mulieri testamento mariti iniusti, id ei fiscus ut indignæ, quasi deliquerit, quia contraxit illicitum matrimonium, auferre non possit, etiam si sit ex asse heres scripta testamento viri, *d. l. 2.* Huic conclusioni Papiniani multa obstant. Obstat *l. 1. unde vir & vxor.* quæ generaliter statuit propter illicitum matrimonium nihil capi posse ex bonis viri vel vxoris, nec ex testamento adiri posse hereditatem, aut peti bonorum possessionem secundum tabulas, nec deficientibus cognatis ab intestato peti posse bonorum possessionem unde vir & vxor, si iniustum, & illicitum sit matrimonium, id est, si neque sit maritus, neque vxor iusta: & nos tamen dicimus pupillam, quæ nupsit tutori, prouincialem, quæ nupsit præfecto regionis, posse capere ex testamento tutoris vel præfecti, nec quod cœperit, ei auferri à fisco. Obstat etiam *l. 13. inf. de his, quæ ut indig.* cuius species hæc est. Quidam in adulterio Sempronie damnatus, postea Semproniam, quæ & ipsa damnata non fuerat, duxit uxorem, & heredem scripsit. Idem Papinianus ait hoc loco, eam non esse uxorem iustam, non esse iustum matrimonium. Et ideo lucrum hereditatis ad eam non pertinere, sed vindicari fisco ablatum ut indignæ: & vice versa, si talis mulier talem virum heredem instituerit, viro auferri hereditatem ut indigno. Obstat etiam *l. vxori maritus 27. de vssu. legato,* quam obicit Accursius hoc loco. Species hæc est: maritus vxori legauit vsumfructum omnium bonorum suorum, alio herede instituto, & alia quædam, & dotem. heres mulieri vsumfructum concessit per errorem facti. post biennium apparuit iniustam uxorem esse, iniustum matrimonium; Quæritur, an heres possit ab ea repetere quod præterito tempore percepisset ex testamento iniusti mariti: & respondet Scævola illo loco hoc tantum repetere ab ea heredem posse quod fructuum nomine percepisset. De omnibus aliis rebus, quæ legata erant, & de dote nihil respondet, quo plane significat, cætera legata heredem non posse repetere à muliere, sed fiscum repetere. At vsumfructum, & quod eo nomine percepisset, heredem posse repetere à muliere, non fiscum. quæ est sententia *d. l. 27.* Ut omnibus respondeamus obseruandus est modus,



quem in hac l. Papinian. addit, prouinciali mulieri, quæ A nupst præfecto verbi gratia, tribuno legionis, qui modus addi potest, & vero debet in qualibet alia specie illiciti matrimonij. Modus hic est: si virgo nupst, quem modum & comparatio pupillæ exigit. Hic modus ostendit, tenellæ ætati esse parcendum, quæ decepta fuit à viro & illecta in nuptias illicitas. Quod etiam est proditum nominatim in l. ult. de legat. 1. ei ætati esse parcendum, vt non auferatur ei, quod ceperit ex testamento mariti. Virgo non tantum est integritatis nomen, sed & teneræ ætatis: si virgo ergo nupst, id est, similis pupillæ ætate, si in vtraque specie vtraque fuerit tenella puella. Ex contrario igitur sequi maiori 25. annis, & robustæ ætati non esse parcendum, si hoc vel illo modo, vel alio quouis illicitum matrimonium contraxerit. B Huic ætati, id est, mulieri huius ætatis firmatæ, quasi indignæ esse auferendum quodcumque adquisiuit ex testamento mariti iniusti, etiam si ius ignorauit, quia iuris error nec fœminis maioribus 25. annis in compendiis prodest. Et de fœminis vtique eius ætatis sūt accipiendæ superiores 11. tres, non de fœminis tenellæ ætatis, de quibus hæc lex loquitur, quas respicit solas. quibusue parcat solis. Cur vero d. l. 27. de usufr. leg. usufructus relictus iniustæ vxori redit ad heredem non ad fiscum: alia legata & dos, vt dixi, redit ad fiscum, vsus fructus repetitur ab herede: quia scilicet hoc est perpetuum in iure, vt nunquam usufruct. redigatur in fiscum, l. 9. eod. tit. & l. si Titio, in pr. sup. de usufr. In quarum legum specie usufructus legatum, quod erat in causa caduci, legatario defecto viuo testatore non redit ad fiscum. Nuda proprietas vel plena redit ad fiscum: ex suis causis, usufructus nudus nunquam, alioqui in perpetuum proprietas constitueretur inanis & inutilis. Et hæc de fœminis. De maribus dicimus, quod eis plerumque ex testamento vxorum iniustarum adquisitum est, fiscum auferre, d. l. 2. de his, quæ vt indign. d. l. ult. de legat. 1. Nam & infames fiunt, qui contraxerunt illicitum matrimonium & extra ordinem cœrentur, vt de tutoribus est proditum, qui duxerunt pupillas, l. 66. inf. hoc tit. vel etiam iure ordinario coercentur ex l. Iulia de stupro, l. 7. ad l. Iul. de adult. Sed & in maribus hæc additur exceptio in l. qui contra, C. de incest. nupt. nisi lubrico ætatis lapsi sint, vel errore acerrimo decepti, sicut scriptum est in omnibus libr. veteribus, legunt Albericus & omnes Dd. Nam & Caius Marius apud Priscianum antiquissimus poëta, clarissimus aduolat Hector, & apud Charisiū Ennius celerissimus equitū. Si igitur mares lapsi sint lubrico ætatis, vel capti errore acerrimo, non auferetur eis à fisco vt indignis, quia veniam merentur, quod ceperunt ex testamento iniustæ vxoris. Papinianum autem hoc loco quum dixisset, neque pupillæ, quæ nupst officium gerenti in prouincia, à fisco auferri quod quæsiuit ex testamento iniusti mariti, adiecisse eundem Papin. auferre tamen fiscum huic marito posse quod accepit ex testamento iniustæ vxoris: & hanc posuisse differentiam inter marem & fœminam indicat, quod sequitur in fine legis, pecuniam tamen in dotem datam mulieri heredi restitui necesse est. Quib. verbis significat, fiscum tamen huic marito non auferre dotem, quā ab ea accepit, legatum auferre, aut hereditatem, quam ex testamento eius accepit, dotem non auferre, sed mulieri vel heredi mulieris mortuæ in matrimonio, vel post diuortium dotem restituendam esse: heredi, inquam, agenti ex stipulatu, vt in l. vn. §. maneat, & §. illo procul dubio, C. de rei vx. act. dos est restituenda heredi mulieris. Quæro cur etiam apud heredem mulieris non remaneat, quod ea mulier viro in testamento legauit: nimirum, quia id mulier ad heredem suum pertinere noluit, sed ad virum, cui reliquit, vir autem relictus indignus est. Ergo fisco locus patet excluso marito & herede mulieris. At dotem voluit pertinere ad here-

dem suum quandoque soluto matrimonio, quæ non remisit dotis repetitionem. Verum contra potest obici, etiam his casibus, dotem non pertinere ad mulierem vel heredem mulieris, quia scriptum est, dotem datam propter illicitum matrimonium caducam fieri, l. 38. 61. sup. h. tit. Et priore quidem casu, eo, qui officium gerebat in prouincia, ducente prouincialem mulierem, dotem caducam fieri ex constitutione Seueri indicat Constitutio quædam Gordiani à me prodita lib. Obser. 1. quæ etiam vult, ne ex ea causa dos semel fisco commissæ marito restituatur, etiam si post depositum officium nouo cōsensu iustæ nuptiæ effectæ sint, iuxta l. 65. hoc tit. l. 6. C. de nupt. Vix vnquam fisco reddit quod semel occupauit, l. 2. C. de requir. reis. Et sane vt respondeam fateor marito non reddi dotem à fisco, quib. casibus dos remaneret apud eum, si iustum esset matrimonium. At sane quibus casibus rediret ad mulierem vel ad heredem mulieris, à fisco mulieri restituenda est. Potior est causa mulieris dotem persequentis quam fisci: & mulieri vtique dotem esse restituendam probat, d. l. si tutor, C. de interd. matr. etiam imperitæ iuris siue nescientis illicitum esse matrimonium, ne rei suæ damnum faciat propter ignorantiam iuris: ergo & heredi eius. Hinc quæritur, an idem sit dicendum in reb. à muliere iniusto marito donatis, quæ donatio ipso iure valet, quia non est maritus, non est vxor, non est dos, non est matrimonium? Quæ in re pugnare videtur l. si ex voluntate, C. de don. int. vir. cum l. cum hic status, in fi. eod. tit. Nam hæc l. dicit, donata ab indignis ablata, fisco vindicari, si illicitum matrimonium fuerit, & vtitur exemplo tutoris, qui duxit pupillam. Illa autem lex ait, donata pupillæ esse restituenda, fisco igitur non vindicari. Et sane exemplo dotis pupillæ restituenda sunt quæ donauit ablata marito vt indigno, d. l. si ex voluntate. non omnia quæ auferuntur vt indignis rediguntur in fiscum, sed conferuntur in alios, l. 4. §. amittere, de his quæ vt indign. l. pen. C. de leg. At non æque sunt tutori restituenda, quæ tutor donauerit, sed ea quoque tutori, ne recipiat & reuocet, vt indigno à fisco auferenda sunt. Et de his tantum fisco vindicandis, quæ tutor donauit, non quæ pupilla, intelligere dictam l. cum hic status. vero similis est.

#### Ad l. 27. ff. de pact. dotal.

Si liberis sublati, reuersa post iurgium per dissimulationem, mulier, veluti venali concordio, ne dotata sit conueniat, conuentio secundum ordinem rei gesta moribus improbanda est.

Hæc lex pertinet ad generalem illam definitionem iuris inter virum & vxorem donationes non valere, quæ moribus recepta dicitur, vt in l. 1. de donat. inter vir. & vx. ita etiam in h. l. dum ait morib. improbanda est, & eam quoque regulam siue definitionem iuris Rufinum lib. 6. reg. & Modestinum lib. 7. reg. & Paulum lib. singular. regul. proposuisse & explicasse constat ex l. 27. & 41. & 43. de donat. inter vir. & vx. Et quæ ratio eius regulæ redditur in l. 3. eod. tit. ne concordia inter maritos pretio conciliari videatur. eadem ratio redditur in hac l. à Papin. his verbis, veluti venali concordio dixit concordium & pax. Species l. 1. hæc est mulier à viro discessit per dissimulationem diuortij, non fuit igitur verum diuortium, sed simulatum, forte & dissidium friuolarium, quod & friuolum dicitur, & per diminutionem friuusculum, l. cum hic status, §. si diuortium, inf. de donat. int. vir. De quo verbo non debemus laborare, quin nobis sufficit, quod scribit Isidorus lib. Etymol. friuolum esse cum eo animo separatus, vt rursus ad se inuicem reuertatur, nam friuolum, inquit, est velut quassa & fluxa mentis non stabile dissidium. At vero nec probabile



fuit, mulierem eam discessionem fecisse diuortij animo, non est probabile eam discessionem, quæ non diu durauit verum diuortium fuisse, l. 3. inf. de diuor. maxime quia matrimonium liberis subnixum erat, vt eleganter loquitur l. 1. §. pen. de liber. exhib. Liberi communes firmius astringunt vinculum matrimonij, & adaugent magis charitatem coniugum inter se. Arist. 8. Ethicorum, οὐδεὶς ποὺν εἶναι τὰ τέκνα, liberos esse nexum inter virum & uxorem. Idcirco, inquit, facilius diuortio separantur, qui non habent liberos, quo pignore in matrimonio contineantur. Denique liberorum omnium ratio & fides & pietas tollit omnem suspicionem veri diuortij. Et hac solum de causa puto Papin. notasse, eam mulierem sublati liberis communibus, id est, existentibus liberis communibus, non elatis, vt glossa, id est, mortuis, sed melius existentibus liberis ex eo matrimonio procreatis, se ab ædibus subduxisse mariti, vt argumentum notaret non veri diuortij, quia exstabant liberi: nec vlla alia est ratio, cur dixerit sublati liberis, cur hanc circumstantiam notarit, quam quod ex ea collegerit, non fuisse verum diuortium. Postea vero marito volente cum ea veterem gratiam reconciliare, eamque domum reducere, ipsa non aliter reuerti potuit, quam si veluti redempta isto pretio reconciliatione atque concordia, maritus ei dotem, quam dederat, restitueret, vel quam promiserat caueret se non petitem, ita vt indotata esset. Quæritur, an ea conuentio valeat? Et ait, non valere quia species donationis est, quæ constante matrimonio non valet, si fiat inter virum & uxorem. Et inter eos matrimonium cõstituisse certum est, quia ea separatio siue discessio iurgium fuit non diuortium, & iurgio non soluitur matrimonium, l. 32. de iure dot. Denique vt ait, secundum ordinem rei gestæ. Scæuola diceret, secundum ea quæ proponuntur, secundum ea quæ in consultationem deducuntur: secundum ordinem rei gestæ, id est, sicut rem gestam fuisse proponitur, factum vocat rei gestæ ordinem, vt in l. 3. §. ult. de donat. int. vir. & vxor. illo loco, eum rei gestæ ordinem futurum, secundum igitur factum, quod propositum est eam conuentionem non valere, ne mulier dotata sit, quia mera donatio est, quæ manente eodem matrimonio inter maritos consistere non potest: dos constante matrimonio permutari si sit ex re mulieris, vel dari vel augeri & ampliari potest, l. 21. & 24. hoc tit. l. ita constante 8. de iur. dot. l. 7. de tutor. dat. Minui autem dos constante matrimonio, vel tolli, auferri, reddi, repeti non potest, exceptis certis causis, quarum quædam enumerantur in l. 37. §. 1. de iur. dot. Alias constante matrimonio dos minui, tolli, auferri, repeti non potest, quoniam redditio, aut diminutio instar donationis habetur. Potest & sine dote ab initio matrimonium contrahi, quid ni? l. ult. C. de don. ant. nupt. Sed quod semel contractum est matrimonium, dote data vel promissa, nec diremptum, nulla conuentione fieri potest, vt sit sine dote. Si vero diuortio fuerit diremptum, & in redintegrando & renouando matrimonio conuenerit, ne mulier dotata esset, conuentio improbat, quia non est facta constante matrimonio, sed initio matrimonij noui contrahendi, eo die quo nouum matrimonium reconciliatum est, quo iure sit donatio quælibet. l. 27. ff. de donat. inter vir. & vx. & l. vir mulier eod. l. 31. de iure dot. At quia in specie posita idem matrimonium mansit, nec iurgio diremptum est, ea conuentio improbat, & mulier dotata manet, eadem dos manet, sicut & matrimonium idem.

Ad l. 42. de administ. tutor.

Ex pluribus tutoribus in solidum vnum tutorem index condemnauit in rem suam, iudicatus procurator datus, pri-

A uilegium pupilli non habebit, quod nec heredi pupilli datur. Non enim causa, sed persona succurritur, quæ meruit præcipuum fauorem.

Pertinet hæc l. ad regulam illam, quæ etiam ex lib. reg. Modest. proponitur in l. priuilegia de reg. iur. priuilegia siue beneficia, quæ personæ præstantur, quæ personæ cohærent, non transire ad heredem eius personæ, vel ad alium quemlibet, priuilegia: quæ causæ præstantur, quæ rei, negotio, generi actionis, priuilegia realia transire, non personalia. Hæc est regula & definitio iuris, ad quam hoc loco apponitur exemplum in persona pupilli, cui in tutelæ actione datur constitutionibus Principum priuilegium exactionis, vt præferatur cæteris creditoribus tutoris, vtque tantisper, dum ei satisfactum sit ex bonis tutoris, cæterorum creditorum actiones differantur, l. ex facto, sup. de pecul. Persona pupilli, vt ait Papinianus, meruit hunc præcipuum fauorem. Omne beneficium personale præcipuum est, non commune. Quamobrem heredi pupilli idem priuilegium non datur, vt in l. 1. §. Idem principes, ad l. Corn. de fals. l. dabimus, §. ult. de reb. aut. iud. poss. vel de priuileg. creditor. Nec distingo inter heredem pupilli extraneum & filium. Nam & filio pupilli quem postea genuit, idem priuilegium non datur, vt aperte demonstrat l. pen. §. 1. de rit. nupt. Ergo heredi pupilli, quamuis in eum transeat actio tutelæ, idem priuilegium non datur: actio tutelæ in eum non transit cum priuilegio, nec si filius sit pupilli: & multo minus transit in procuratorem pupilli factum in rem suam, vt in hac specie: si pupillus ex pluribus tutoribus, qui tutelam administrant, vt potest, vnum elegerit & conuenerit, atque cõdemnauerit in solidum, debet ei cedere actionem tutelæ, aduersus collegam vel collegas, quo genere eum faciat procuratorem in rem suam, id est, in rem propriam ipsius procuratoris, l. 2. §. ult. famil. erc. sc. l. si quis in rem, de procur. Competit igitur actio tutelæ ei, cui cessa est, sed sine priuilegio: priuilegiaria actio tutelæ non ceditur, sed simplex, quod non transit in successorem totius iuris, qui tamen propius accedit ad vicem defuncti, vt Cic. ait 2. de legib. & ostendit l. heres, ff. de v. sucap. Denique quod non transit ad heredem, qui totius successor est, quique eadem intelligitur esse persona cum defuncto, vt ait Nouella, de iure iur. à moriente præstit. & in successionem vnius rei, vel vnius actionis transit multo minus. Coniungenda autem cum hac omnino est l. cum pupillus 21. de tut. & rat. distrab.

Ad leg. cum pupillus. 21. de tutel. & rat. distrab.

Cum pupillus tutela actione, contra tutorem alterum, tutori, quem index in solidum condemnauit cessit, quamuis postea iudicatum fiat, tamen actio data non intercidit, quia pro parte condemnati tutoris, non tutela reddita, sed nominis pretium solutum videtur.

QVæ de eadem specie tractat, nempe de vno ex tutoribus pupillo condemnato in solidum, cui pupillus cessit actionem tutelæ aduersus collegam, quam cessionem in hac l. 21. Papinia. ostendit esse utilem, quamuis postea ex causa iudicati sit, qui condemnatus est, solidum pupillo soluerit, quod omnes tutores pupillo debebant ex tutelæ administratione, quia solutio eiusmodi non intercidit inquit, actio tutelæ quæ tutori, qui solidum soluit, ex causa iudicati data, id est, cessa est, vt in l. 1. C. de satisfat. lis quæ ei data est, id est, cessa & mandata. Denique cessio actionis tutelæ facta à pupillo, non est inutilis, quia, inquit, pro parte condemnati tutoris, non tutela redditur, &c. Vbi plusquam manifestum est esse scribendum, quia pro parte non condemnati tutoris, non tutela reddita videtur, id est, pro eius



parte, pro collegæ parte, qui condemnatus non est, non videtur solum pupillo ex causa tutelæ, alioqui inutilis esset cessio, sed pro eius parte, *nominis pretium*, id est, actionis tutelæ pretium pupillo numeratum videtur, quasi ex causa emptionis, ut idem dixit in l. 5. de censibus, l. Modestinus, de solut. l. cum is, de fideiuss.

Ad l. i. de iniusto, rupto, & irrito facto testam.

*Testamentum aut non iure factum dicitur, ubi solemnia iuris defuerint, aut nullius esse momenti, cum filius, qui fuit in patris potestate, præteritus est: aut rumpitur alio testamento, ex quo heres existere potuit, vel agnatione sui heredis: aut in irritum constituitur non adita hereditate.*

**D**E causis, quæ vitiant testamentum hæc lex proponit regulas iuris civilis quatuor. Prima hæc est: Testamentum, in quo defunt solemnia iuris, non iure, aut non rite factum esse, atque adeo inutile esse, quoniam testamentum solemnitatem iuris desiderat. Testamentum, solemnibus voluntas est. Solemnia ergo iuris civilis intelligit. Nam & hæc regulæ quatuor & cæteræ, quæ in his libris continentur, sunt regulæ iuris civilis, non prætorij: & solemnia iuris civilis potissimum consistebant in emancipatione familiæ facta inter testatorem & emptorem familiæ, adhibito libripende, qui æs appenderet, quod pro familia emptor inferebat, emptor imaginarius, & in solemnibus nuncupatione testamenti, ut Vlpian. exposuit lib. sing. reg. Quintil. in Inst. Non dixerim, inquit, testamentum, cui libripens, & emptor familiæ, & cætera iure necessaria deerunt. In solemnibus non pono signa testium, quia non desiderantur iure civili, sed iure prætorio, ut scilicet testamentum sit obsignatum 7. testium signis, prætorè alioqui non daturo heredi scripto bonorum possess. secundum tab. Et iure quoque factum testamentum, & rite esse potest, licet signatum non sit, l. si quis legatum, inf. ad l. Corn. de falsis. Secunda regula; nullum esse testamentum, in quo filius qui est in potestate testatoris, præteritus est, id est, neque heres institutus, neque nominatim exheredatus; licet legata ei adscripta sint. De qua regula, & Martianum tractasse secundo regul. constat ex l. ult. tit. super. Idem etiam inutile & iniustum testamentum dicitur. Nam hoc est summum vitium testamenti, præterire filium familiæ. & principale ius, quod exigitur in ordinandis testamentis, ut ait l. inter cætera; tit. sup. Tertia regula: rumpi testamentum, quod ab initio iustum fuit, mutatione vel agnatione sui heredis. Mutatione, si postea aliud testamentum factum sit, ex quo, ut ait, heres existere possit, & interdum etiam si non iure; non rite; non solemniter factum sit, ut si aliud testamentum factum sit iure militari, vel si in posteriore testamento is sit scriptus, qui ab intestato rem obtinere potest, l. 2. hoc tit. l. hac consultissima §. si quis, C. de testam. Atque etiam si ex posteriore testamento, nemo heres extiterit, prius rumpitur. Denique neutrum consistit: non prius, quia ruptum est: non posterius, quia irritum est, quando ex eo nemo heres extitit, ut quando heres scriptus repudiavit, vel conditione defectus est, l. 16. hoc tit. Ut posteriore rumpatur prius satis est, si ex posteriore heres existere potuerit, licet non extiterit. Ambulatoria enim est voluntas, usque ad extremum vite spiritum, l. 4. de adim. leg. Quintil. in declam. sublatum, inquit, dicant prius testamentum posteriore, neque ego non confiteor, si iure factum sit: hoc est, si testamentum sit, quoniam ple-

rumque exigimus, ut posterius iure sit factum, exceptis duob. casibus notatis ex l. 2. hoc tit. Et sequitur potentissimam esse defuncti proximam quamque voluntatem. Agnatione autem sui heredis rumpitur testamentum si post mortem testatoris, vel post testamentum ei suus heres agnascatur, qui testamento præteritus sit, id est, neque institutus heres, neque uti oportet exheredatus, & non agnatione tantum sui heredis, sed quasi agnatione, ut si mortuo filio superstiti patre, vel emancipato, nepos ex eo in eius locum succedat & subintret, l. 13. hoc tit. vel si filius ex prima vel secunda emancipatione manumissus, ut olim fiebat, reuertatur in potestatem patris. Quod etiam idem Vlpian. exposuit eod. lib. regul. quod non ita fiebat in filia, cæterisque liberis, qui una emancipatione exhibant de potestate patris, nec desiderabantur tres, ut in filio, (quem morcem etiam hodie Moscouia obseruat) l. 8. §. ult. hoc tit. His duobus modis testatori, quasi agnascitur heres suus, & rumpit testamentum, in quo silentio præteritus est. **Q**ui agnationem, & quasi agnationem dicit, ut qui contractum, & quasi contractum, qui impossibilem conditionem, & quasi impossibilem: qui possessionem, & quasi possessionem, qui actionem Seruianam, & quasi Seruianam. nihil etiam refert, suus heres naturalis agnascatur, vel quasi agnascatur, veluti ex iusta vxore, vel ex nuru, quæ sit in manu filiam. an suus heres non naturalis, veluti per adoptionem vel adrogationem, l. 8. in pr. hoc tit. vel, ut olim per conventionem in manum. Nam & vxor, quæ conuenerat in manum mariti, sua heres, & filia loco marito erat, ut Caius scribit. 3. Inst. & Aulus Gell. noct. Attic. lib. 18. cap. 6. Quarta & vltima regula hæc est: irritum testamentum per omnia constitui non adita hereditate ab herede, qui in eo scriptus est, in l. penult. §. i. de bonor. possess. secund. tab. l. 5. de manum. testam. Idem desertum dicitur testamentum, & destitutum. Irritum igitur sit testamentum in totum, si repudietur ab herede. Nec dubito quin addiderit Papinianus huic definitioni, vel etiam irritum fieri capitis diminutione quacunque eius, qui testamentum fecit. Qua de re in l. 6. §. irritum, h. tit. singulæ causæ, siue species vitiantorum testamentorum, singula vitia, singulis appellationibus singulisque regulis distincta & definita sunt. Et hæc sunt vitia, quæ testamentum infirmant.

Ad l. 34. de heredib. instit.

*Hereditas ex die vel ad diem non recte datur, sed vitio temporis sublato manet institutio.*

**A**lia sunt vitia his à Papin. subiecta, quæ testamentum non infirmant, ut in hac l. 34. de hered. instit. si in testamento pagani heres nominatim instituat ex tempore tertio, vel ad tempus certum, veluti heres esto, post decennium quam maior, vel heres esto usque ad 10. annos. Quo genere non recte heres instituitur, non recte hereditas datur, quia quod in bon. portione pagano non licet, ut de vna portione testetur, de alia non testetur, ut in vna habeat hereditatem testamentarium, in altera legitimam: non licet etiam ei in temporis spatio. ut post mortem suam parte temporis sit testatus, parte intestatus, l. miles ita §. 1. de milit. testam. hæc, quæ sunt priuantia naturæ sunt inter se contraria, testatus & intestatus, l. 7. de regul. iur. Et in quo subiecto vnum contrariorum est, non potest etiam esse alterum. Quod autem iure singulari receptum est, ut miles partim testatus, partim intestatus esse possit, hoc colore receptum est, quasi miles habens bona duorum generum, castrensia & pagana, duorum hominum vice fungatur, pagani & militis, ut paganus sit testatus, & ut miles intestatus, vel contra, l. si certarum, inf. de milit. test. Paga-



nus tantum vnius generis bona habet. Quamuis autem ex tempore vel ad tempus non recte instituat heres, tamen institutio propterea non vitatur, quia vitium illud temporis, quod significat illis verbis, *vitio temporis sublato*, tollitur & circumscribitur, & pro non adiecto habetur: & vitium est potius testatoris, quam vitium testamenti: vitia testatoris non infirmant testamentum, quia menda potius sunt & errata testatoris, l. 1. ff. de condit. inst. vitia personæ non rei: vitia testamenti testamentum infirmant. Et ita in d. l. 1. sub conditione impossibili, vel alio mendo, vt in Florent. recte factam institutionem non vitari: sub conditione impossibili, vel quasi impossibili, vt l. 14. & 15. eod. tit. quia ea institutio pura habetur, l. 50. §. pen. hoc tit. ea conditio pro impleta habetur, l. 4. §. ult. de condit. inst. coniuncta l. *Muciana* §. ult. de condit. & demonstrat. sub alio mendo veluti ex certo tempore, vel ad certum tempus, vel sub falsa causa, falsa demonstratione, vel falso mendo. Nam & hæc vitia non vitant testatoris voluntatem, quia vitia testatoris sunt, non testamenti, vel etiam si seruus proprius liber esse iussus ita heres instituat, si liber erit heres esto. Nam mendosa est illa adiectio, si liber erit cum directo sit manumissus. At hæc quæro, cur tamen heres possit institui sub conditione, an quia pendente conditione videtur paterfam. esse intestatus? hoc nego, quia quamdiu pendet conditio, non est certum, testatus an intestatus sit, sed ex postfacto, ex euentu hoc declaratur, & siquidem conditio extiterit, retroagitur conditio, atque recurrit, & testatus è vita migrasse intelligitur. Si defecit conditio, intelligitur nunquam fuisse testatus, & intestatus è vita migrasse, atque ideo sub incerto conditionis euentu etiam interim heredi pendente conditione prætor dat bon. poss. secundum tab. non expectata conditione, l. 2. §. 1. & l. 6. ff. de bon. poss. sec. tab. præstita tamen cautione, vel substitutis. vel iis, qui irritato facto testamento per defectum conditionis ab intestato venire possunt, l. inter, qui satisf. cog. Tempus vero certum, neque retro duci potest, neque porro inspicitur, vt puta, cum tempus certum inspicitur & obseruatur, ex quo vel ad quod quis heres institutus est, vt in testamento militis post vel ante tempus qui scriptus est, non intelligitur heres esse, vel fuisse. Non est omitendum, quod ait Accurs. hoc loco, idem esse in libertate & hereditate, vt etiam si testamento data sit libertas vsque ad diem certum temporis, adiectio circumscribatur, & pro non scripta habeatur, d. l. libertas, & l. seq. de man. test. Et in Comædia Plauti, quod Stichus seruo dicitur, *sume elentheriam in hunc diem, te nihil morabor, & abi quo lubet*, non est manumissio, sed commeatu & licentia in eum diem, se gerendi pro libero. Neque liber, neque heres quisquam est temporarius: sicut dicitur etiam de filio in l. *quasitum*, de adopt. per adoptionem puta, non posse fieri filium temporarium. At quum ex die datur libertas, tum differentia est inter libertatis donationem & donationem hereditatis, quia ex die data libertate temporis adiectio non circumscribitur, l. 17. §. ult. & l. seq. §. ult. l. 23. §. ult. de manu. test. In hereditate data ex die, diei adiectio circumscribitur, quia hereditatis nullum aliud initium esse potest, quam tempus mortis eius, de cuius bonis agitur: mortuo enim succedit statim, aut potest succedere aliquis vel lege vel testamento. Libertatis autem initio quodcumque tempus idoneum est, non tempus mortis solum domini, vel aditæ hereditatis, nisi pure sint data libertates.

Ad l. 79. de hered. instit.

*Quod si non sit reliqui facta mentio. tantumdem in altero asse habebit Mæuius, quantum Titius in primo.*

**P**ertinet hæc lex ad id, quod ex lib. regul. Vlp. definitum est in l. 50. §. ult. h. t. Hereditatem plerumque diuidi in 12. vncias, quia sc. hoc numero plerumque significatur vniuersitas, & vt ait idem Vlp. illo loco: hæc 12. vncia assis appellatione continentur: Quod & Remnius Palemo tradit:

*Nunc dicam solide, qua sit diuisio libra, Sine assis, nam sic legum dixere periti, Ex quo quod soli capimus perhibemur habere.*

Per translationem Vegetius dixit assem pro vngula equi, purgabis, inquit, assem, epied, libro de re veterinaria. Plerumque autem ait Vlp. quia non semper 12. vncias esse vel fieri oportet, sed ex voluntate testatoris quandoque sunt plures, quandoque pauciores, l. 13. §. 1. h. t. vt in specie huius l. 79. Titium heredem scripsit ex portione, quam per leges capere possit, & Mæuium simpliciter hoc modo, *Mæuius heres esto*, duo asses fient, id est, 24. vnciæ, vt singuli habeant 12. si Titius assem capere possit, vel etiam duobus assibus reductis ad vnum assem, dupondio reducto ad assipondium, singuli habebunt semissem. Et hoc si Mæuius fuerit simpliciter institutus, non si fuerit institutus ex residua parte, quia Titio existente capace assis, Mæuius nihil habiturus est, quia residua pars nulla est. quod in responsis latius exposuimus ad l. superiorem cui hæc implicira est.

Ad l. qui duos 42. ff. de vulg. & pup. substit.

**C**ui duos impuberes filios heredes reliquerat, ita substituit, si ambo mortui essent, deinde pueri post mortem patris, simul perierunt. Due hereditates substituto deferuntur: sed si diuersis temporibus vita decedant in hereditate nouissimi pueri, eius fratris, qui ante mortuus est, hereditatem substitutus inueniet. Sed in ratione Falcidia, pueri prioris hereditas non veniet, nec substitutus amplius, quam fescunciam iure testamenti desiderabit. legata quoque quæ à substituto eius filij data sunt, qui prior intestato decessit ad irritum recidunt.

**D**e rebus dubiis, vel ambiguis, & maxime de commorientibus, varias fuisse conditas regulas, & definitiones à Iurisconsultis, constat ex l. 16. 17. 18. 22. de reb. dub. & l. 34. ad Treb. & l. 26. de mort. caus. don. Quæ omnes sunt ex lib. reg. Martiani Iurisc. Commorientes dicuntur, qui simul pereunt naufragio, vel alio casu, ita vt non videatur superuixisse alter alteri. Ad eas regulas Iurisc. de commorientibus pertinet hæc l. 42. Cuius species est de duobus filiis impuberibus à patre heredibus institutis ex æquis partibus, quibus pater L. Titium directo substituit in hunc casum, si ambo impuberes mortui essent, quæ est substitutio pupillaris, siue pupillare testamentum, quod pater filiis fecit: & ab eodem substituto in eum casum pater plerisque multa legata reliquit. Et ostenditur in hac l. multum interesse, vtrum ambo filij diuersis temporibus vita decesserint vnus post alium, an simul vno ictu, vnoque impetu commortui sint, ruina vel naufragio. Nam si non diuersis temporibus vita decesserint, sed simul iis filiis post mortem patris commorientibus casu quodam, duæ hereditates duorum pupillorum substituto deferuntur, substitutionis iure, quasi substituto vtrique simul morienti, quia non apparet vter vtri superuixerit. Sed si hoc appareat, vt si diuersis temporibus vita decesserint, prior mortuo superstes succedit legitimo iure ab intestato, quia pater, qui substitutum vocauit in hunc casum tantum, si ambo impuberes mortui essent, ius legitimæ hereditatis inter fratres seruari voluit. Deinde vero posteriori mortuo succedit substitutus substitutionis iure, si hoc & intra pubertatem mortuus sit, si mortuus sit impubes. Cæterum vna est hereditas, cui substitutus succedit, non vt priore casu duæ hereditates, licet in hereditatibus



dicatæ posterioris, cui succedit, inueniatur hereditas prioris, quæ hereditati posterioris accessit iure legitimo, non iure testamenti paterni. Eademque differentia seruatur, si pater duobus filiis impuberibus ita substituerit, si uterque impubes decesserit, l. pen. C. de impub. & aliis subst. vel si substituerit ei, qui nouissime morietur, ut l. vel singulis, & l. ex duob. h. t. l. qui duos, de reb. dub. quibus ll. quæ refragari videbatur, ea iam sunt profligata in Responsis Pap. ad l. heredes § qui ita, ad Treb. & ad l. 14. §. ult. ad leg. Falc. vel ad Afric. in d. l. ex duob. Sic igitur statuamus: siue duob. filiis impuberibus pater ita substituat, si ambo impuberes decesserint, vel, si uterque impubes decesserit, vel etiam hoc modo, ei qui nouissime impubes morietur, dicimus, multum interesse simul, an diuersis temporib. fratres impuberes vita decesserint. Nam primo casu, si pariter & simul mortui sint, utriusque hereditas id est, duæ hereditates duorum pupillorum substituto deferentur ex testamento pupillari, quod pater pupillis fecit. Secundo autem casu, cum ordine vita decesserint, substituto tantum defertur ex testamento pupillari hereditas filij postremo defuncti, sed auctior & locupletior hereditate fratris præmortui legitima. Ex hac differentia nascitur alia, quæ pertinet ad legata quæ initio posui fuisse plurima à substituto primo casu relicta. Et quod ad rationem legis Falcidiæ attinet, cui ea legata subiiciuntur, primo casu, id est, si ambo simul perierint, ex legatis à se relictis in testamento pupillari, vel quod idem est in secundis tab. substitutus, si sit oneratus, detrahit quadrantem totius hereditatis paternæ, perinde ac si à patre heres institutus esset ex asse, quia & assem substitutus capit iure testamenti: id est, iure substitutionis: Et merito hac in causa substitutus instituto comparatur, l. 11. §. si filio, & l. quæstum, ad l. Falc. l. prox. §. coheres, h. tit. l. quod fundum §. ult. ad Treb. Et ideo si ex vnius pupilli hereditate substitutus saluum quadrantem habeat totius hereditatis paternæ, nihil detrahit ex hereditate pupilli alterius, quia in ponenda ratione legis Falcidiæ duæ illæ hereditates duorum pupillorum commiscuntur, & confunduntur, l. 14. §. ult. ad l. Falc. Secundo casu, si pueri diuersis temporibus vita decedant quem solum casum ut & aduertit, Accurs. qui intelligit hanc legem. recte tractat hic Papin. cum diuersis temporibus diem suum obierint, hoc, inquam, casu pro parte eius, qui prior vita decessit, substitutio fit irrita, l. prox. §. pen. sup. h. t. Igitur & pro eius parte legata à substituto relicta ad irritum recidunt, ut ait in extremo h. l. testamentum, quod fit irritum, per omnia fit irritum, l. pen. §. 1. de bon. pos. contr. tab. & irritum fit testamentum non adita hereditate, siue si noluerit heres adire hereditatem, siue non potuerit, veluti, conditione defectus, sub quaheres institutus erat. Quæ ratione, & in specie proposita irritum fit testamentum pupillare, pro parte eius, qui prior excessit à vita, quam partem ne substitutus adire possit, frater superstes impedit, cui ea pars defertur iure intestati, iure legitimo, quod inter fratres pater seruari voluit. Pro parte autem posterioris, id est, qui postremus vita decessit, testamentum pupillare, siue substitutio pupillaris valet, & pro ea parte legata debentur à substituto, salua tamen eidem substituto Falcidia, id est, quarta semissis, quæ est fescuncia semissis competentis posteriore mortuo. As enim continet 8. fescuncias, ergo semis continet 4. & semissis quarta siue Falcidia est fescuncia. In eam vero Falcidiam, id est, in fescunciam substitutus non imputat hereditatem fratris præmortui, quam inuenit in bonis posterioris, cui soli ex substitutione succedit, quia ea hereditas præmortui filij aduentitio iure quæsitæ est, nimirum ab intestato, non ex iudicio patris: & ea tamen, quod vulgo notum est, in Falcidiam imputantur, quæ capiuntur ex iudicio testatoris, id est, iure testamētī, l. quod autem, ff. ad l. Falc.

Definit. Papin.

Qua de causa & Falcidia hoc loco dicitur capi iure testamenti, id est, iure substitutionis testamento factæ: & alibi Falcidia dicitur esse comodum testamenti, l. omnes, ff. ad Treb. quia iure testamenti, iure hereditario percipitur, non aduentitio iure. Quæ non imputaret in Falcidiam institutus, non imputat etiam substitutus, quia primo & secundo casu substitutus instituto comparatur. Itaque supra fescunciam, quam substitutus detrahit ex semisse posterioris, iure substitutionis habebit etiam integrum & illibatum semissem prioris. Et hoc est quod ait in h. l. cum diuersis temporib. pueri non pariter mortui sunt (quem solum casum tractat) in rationem Falcidiæ pueri prioris hereditatem non venire, id est, capere eam à substituto integram, non pro ratione Falcidiæ dodrante eius portionis legatis erogato, quæ pro ea parte in irritum reciderunt, nec imputata quoque ea parte hereditatis in rationem Falcidiæ, in quam venit sola hereditas posterioris, quam ex testamento prior accepit: sed ex hereditate tamen posterioris, si onerata sit legatis substitutum detrahare fescunciam iure Falc. ut in d. l. 14. §. ult. ad l. Falc.

#### Ad l. 80. de legat. 2.

Legatum ita dominium rei legatarij facit, ut hereditas heredis res singulas. quod eo pertinet, ut si pure res relicta sit, & legatarius non repudiarit defuncti voluntatem, recta via dominium, quod hereditatis fuit, ad legatarium transeat, nunquam factum heredis.

In hac l. proponitur hæc regula, legatum ita dominium rei legatarij facit, ut hereditas heredis res singulas, &c. Loquitur de legato pure relicto, ut infra ait, ut si pure res relicta sit. non loquitur de legato relicto sub conditione, sicut nec altera regula, quæ huic subseruit ex lib. 9. reg. Modest. in l. omnia, sup. h. tit. Omnia quæ testamentis sine die, vel conditione adscribuntur, id est, quæ pure relinquuntur, ex die aditæ hereditatis præstantur. Ergo non loquuntur etiam hæc regulæ de legato relicto ex die, vel ad diem: nam & legatum aliter, quam hereditas recte datur ex die vel ad diem, l. ult. C. de leg. & legatarius temporalis fit dominus rei legatæ quod in herede esset absurdum. Et ea est differentia inter heredem & legatarium summe notanda. Legati autem titulo, & iure rei legatæ dominium adquiri ait hoc loco, ut l. quotiens §. ult. de pecul. l. 1. in fi. de Public. in rem act. l. 3. §. si rem, tit. seq. l. 7. C. de leg. l. 2. C. quando dies leg. ced. est ex lege. 12. tab. ut legato dominium adquiratur, uti quisque legasset, &c. Sed ita legato ait adquiri dominium legatario rei legatæ, ut hereditate, id est, titulo & iure hereditatis heredi adquiruntur (quod est etiam ex 12. tab.) res singulæ hereditariæ. quam definitionem sic explicat, ut heres dominium rerum hereditariarum adquirit adita hereditate, cum dixit se heredem esse velle, & ea aditio retrahitur ad mortis tempus testatoris, ut & ex mortis tempore defuncto heres esse intelligatur, l. heres, de adquir. her. Cuius rei argumentum profert l. si ex re §. ult. de stipul. seru. ex iure Pontificio, quod heres, aut quod heredis familia ex die mortis functa esse intelligatur, nondum pura, nondum expiata: Heres igitur ex aditione fit dominus rerum hereditariarum, & intelligitur fuisse à morte testatoris, quia aditio retrahitur: & ad eundem modum legatarius dominium rei legatæ adipiscitur agnito legato, cum dixit, se amplecti liberalitatem defuncti, l. ei qui ita, de condit. inst. l. cum vero, in fi. de fideic. libert. Ceterum agnitio legati retrahitur ad tempus aditæ hereditatis ab herede instituto, quo tempore demum cœpit legatario deferri legatum, l. seruum filij §. 1. l. si tibi homo §. cū seruus, tit. prox. Cedit dies legati, quod notandum, ut possit transferri in heredem (hic est effectus cessionis) à

Si



morte testatoris: deferatur legatum, ut vel repudiari, vel agnosci possit ab aditione heredis: ante aditionem non deferatur, id est frustra repudiatur, frustra agnoscitur: acquiritur autem dominium rei legatæ ab agnitione legatarij, cum dixit se non aspernari aut repudiare legatum. Et hoc est, quod ait *l. omnia, h. tit.* quam dixi subseruire omnino huic regulæ, *omnia quæ testamentis sine die, & conditione ascribuntur, ex die adita hereditatis præstantur*, id est, ex eo die deferuntur, & si repudiata non sint, si agnita sint, ex eo etiam die adquisita esse dicuntur, retroacta ad eum diem agnitione legati. Denique ut aditio heredis retrotrahitur ad tempus mortis testatoris, ita agnitione legatarij retrotrahitur ad tempus aditæ hereditatis, non ultra: quia non sequitur recursum siue retractum etiam aditionis, sicut sidera, quæ retrahuntur ad punctum certum, nec tamen eius puncti ductum sequuntur, qui retro trahitur: ita vero fit, ut ab adita hereditate legatario rei legatæ dominium acquisitum videatur, dominium scilicet quod ante fuit testatoris dum vixit, & post mortem eius, ante aditam hereditatē, quod fuit iacentis hereditatis & vacuæ, quæ quidem hereditas iacens, non minus, quam heres qui adiuit, ante aditionem, domini, id est defuncti vicem sustinet, *l. heres, de usurp. & usuc. l. hereditas, de adq. rer. dom. l. non minus, de hered. instit. l. denique, §. quæsitum, quod vi aut clam.* Agnitione igitur legatarius acquirit dominium quod fuit hereditatis, non quod fuit heredis, quia nunquam fuit heredis res legata, sed ut ait, *recta via. l. 3. §. si rem, tit. seq.* ait, *statim recta via.* Igitur & statim ab hereditate iacente dominium intelligitur transiisse in legatarium, nunquam factum heredis: sicut nec serui directo manumissi in testamento heres intelligitur unquam dominium habuisse, *l. si iussit, in fi. de furi. & ita in l. à Titio, eod. tit.* Similiter dicitur *recta via* ea, quæ legantur ab eo, qui legauit, & ab hereditate, quæ eius vicem sustinet, ad eum, cui legata sunt, transire, nec villo momento consistere in dominio heredis, *l. 9. §. sed & creditor, sup. de pecul.* dominium igitur rerum legatarum, non nisi scientibus acquiritur, nempe agnoscantibus, actiones tamen personales legatorum, fateor etiam ignorantibus legatariis adquiri. aliud est actio personalis, aliud dominium, *l. si à furioso, de obl. & act. l. filius, si qui testā. fac. pos. l. cum pr. §. furdo, h. t. l. ult. quand. dies leg. ced.* Ac proptremo ne quid obiciatur, omnino notandum est, quæ diximus hactenus locum habere tantum in legato vindicationis, de quo hæc lex accipienda est, veluti, *illud tibi do, lego, illam rem capito, habeto*: nam legatū damnationis, veluti, *heres damnas esto illi illud dare*, non acquiritur per agnitionem legatarij, sed per traditionem heredis damnati, & quæsitum traditione dominium non retrotrahitur ad tempus aditionis heredis, sed ad tempus moræ heredis: ac propterea interim ante traditionē aditione hereditatis heredis factum esse intelligitur. Ex quibus principis certissimis sequuntur effectus copulantes, & de hoc genere legati per damnationem est accipienda, *l. 18. de seru. & l. legatum, §. ult. tit. prox.* vel etiā de legato per vindicationem conditionali, vel in diem, non de pure relicto, de quo solo egimus hactenus.

Ad l. 79. de condit. & demonst.

*Heres meus, cum morietur Titius, centum ei dato, purum legatum est, quia non conditione, sed mora suspenditur, non potest enim conditio non existere. §. 1. Heres meus cum ipse morietur, centum Titio dato, legatū sub conditione relictum est, quamvis enim heredem moriturum certum sit, tamen incertum est, an legatario viuo, dies legati non cedat, & non est certum ad eum legatum perueniturum. §. Qui post Mucianam cautionem interpositam legatum accepit, si contra cautionem aliquid fecerit stipulatione commissa etiam fructus heredi restituet: hoc enim legatarius, & in*

*exordio cauere cogitur. §. 3. Quamvis ususfructus cum morietur legatarius inutiliter legetur: tamen conditionis Muciana remedium, ususfructu quoque sub conditione alienius non faciendi legato, locum habet. §. 4. Quod in fraudē legis ad impediendas nuptias scriptum est nullam vim habet, veluti Titio patri centum, si filia quam is habet in potestate, non nupserit, heres dato, vel filiofam. si pater eius uxorem non duxerit, heres dato.*

**Q**uæ proponuntur initio h. l. pertinent ad generalem illam definitionem iuris antiqui, qua utimur, neglecta l. Papia: Legatorum, quæ pure vel in diē certum relicta sunt, diem cedere ex mortis testatoris tempore: eorum vero, quæ sub conditione relicta sunt, diem cedere, cum conditio extiterit, quam Vlp. ponit *lib. sing. reg. tit. de legatis*, Et consequenter pertinet etiā ad regulam Catonianam, ut quæ legata ab initio non valent, non conualescant ex postfacto: quæ locum tantum habet in legatis, quorum dies cedit à morte testatoris, non conditionalibus legatis, *l. cetera §. 1. de leg. 1.* neque enim ad alias, quam ad alias regulas iuris referri potest, quod a initio huius l. purum esse legatū, quod ita relinquitur, *heres meus, cum morietur Titius, centum ei dato*, Quod sane purum est legatum, quia certum est Titium moriturum, atque statim à morte testatoris legatum deberi incipit, *l. 9 ut legat. nom. cau. & quandoque mortuo Titio præstandum est legatum heredi eius, l. 4. quando dies leg. ced. & deberi quidem incipit statim, non tamen peti potest etiam statim, quia etsi non conditione, mora tamen certi temporis legatum suspenditur, quoad moriatur Titius: non omne quod debetur statim, & peti statim potest, quia differtur scilicet petitio ex causa, d. l. 9. Conditio suspendit obligationē & petitionē: mora suspendit petitionem non obligationē: conditio transmissioni impedimento est, ne scilicet à legatario ius legati transeat ad heredem eius: mora transmissioni impedimento non est. ac similiter conditio delegationi impedimento est, ne scilicet ius legati possit cedi alteri, *l. legata sub condit. h. tit.* mora non obstat delegationi, vel cessionem legati. Denique magna est differentia inter conditionem & moram, *l. 1. D. de leg. 2. l. 6. quando dies leg.* At ut sequitur in §. 1. si legatū ita relinquatur *heres meus quum morieris, Titio centum dato, vel Titio hoc vel illud facito*, conditionale legatum est, quia etsi heredem moriturum certū sit, tamen non est certum, vter sit prior moriturus, heres an Titius legatarius, quæ res suspendit omnino causam legati. Si enim prior moriatur heres superstiti legatario, verum est heredem heredis statim teneri legatario. At si prior moriatur legatarius superstiti herede, heredi legatarij, heres, à quo legatum relictum est, non tenetur, quia legatarius decessit antequam dies legati cederet, id est, ante mortem heredis, ante conditionem impletam: & ideo nihil legatarius transmissit ad heredem suum, *l. 1. §. dies, h. t. & d. l. 4. quando dies leg. ced. l. 12. §. ult. de leg. 2. l. ult. C. de contr. stip.* Priore casu, qui proponitur initio h. l. certum est, legatū debiturū iri, atque adeo videtur etiā deberi statim, quia quæ omnino extitura sunt, pro presentibus habentur, & videntur deberi statim. Qua ratione & mors cuique dicitur esse præsens: omnis dies cuique esse supremus dies. Posteriore casu, certum non est legatum debitum iri, quia legatario heres superuiuere potest, quo casu inutile legatum efficitur: priore casu dies est certus, posteriore incertus, qui pro conditione habetur, *l. dies, hoc tit.* Quod sequitur in hac l. in §. qui post, pertinet etiam ad legata conditionalia, non quidē ad ea, quæ relinquuntur sub conditione dandi aut faciendi aliquid, sed ad ea, quæ relinquuntur sub conditione non faciendi, veluti, *Titio centum lego, si Stichum non manumiserit*, quæ quidem plurimū ab illis distant. Neque enim illa, quæ relinquuntur sub conditione dādi vel faciendi, villo remedio capi aut peti possunt, antequā conditio fuerit impleta. Hæc*



autem quæ relinquuntur sub conditione non faciendi, A capi & peti possunt remedio stipulationis Mucianæ, quam C. Mucius excogitauit. Vnde si legatarius eam offerat & caueat datis fideiussoribus se non facturum, quod ne faceret in cōditionem legati deductum est, aut si secus fecerit, se rem legatam heredi redditurum cum fructibus medio tempore perceptis, hoc remedio statim perueniet ad legatum, quamuis sit conditionale, l. 7. & 18. h. tit. alioquin erit expectanda mors legatarij, quia antequam ea contigerit, nō est certum non fecisse eum, quod facere vetitus est, quia cōditiones in non faciendi conditionem, non possunt expleri, nisi morte legatarij, l. Titio fundum, h. t. Solet autē legatarius etiam cauere de fructibus restituendis, vt dixi ante, & ostenditur in l. cum filius, de leg. 2. Sed & si in cautione ommissa B sit mentio fructuum restituendorū, forte per obliuionē cōmissa stipulatione Muciana, hoc loco ostendit in eam fructus rerum legatarum venire rupta cautionis fide: quod cautioni vulgo adijci solet pro adiecto habetur, si omissum sit, non pro omisso, l. ult. C. quæ res pign. l. ult. C. de fideiuss. De cautione Muciana etiam est quod subiicit in §. pen. si ita legetur vsusfruct. quum morietur legatarius, purum quidem est legatum, sed inutile, quia & constitutus vsusfruct. morte legatarij extinguitur, quia ius est personale, quod cum persona extinguitur: & consequenter perperam, & quasi ridicule confertur in mortem, quod morte perimitur, l. 5. de vsufr. leg. Sed si vsusfructus relinquatur sub conditione non faciendi C aliquid, conditionale est legatum, & valet, quia etsi ea conditio non expleatur nisi morte legatarij, quæ extinguit legatum, tamen legatarius ad legatum statim peruenire potest prestita cautione Muciana: remedio cautionis Mucianæ fiet vtile legatum, quod alioqui esset inutile, quæ est sententia §. pen. etiam referri potest ad cautionem Mucianam §. ult. vt intelligamus, si mulieri legatum relictum sit sub conditione, si non nupserit, vel si viro relictum sit sub conditione, si uxorem nō duxerit, legatarium posse peruenire ad legatum, etiam non præstita cautione Muciana, quia l. Iulia, quæ Miscella appellatur, ea conditio viduitatis remittitur, quasi publicæ vilitati repugnans, l. hoc modo, hoc tit. l. 2. §. tractari, ad Tertullian. Itaque post mortem testatoris intra annum, vt definiuit lex Iulia, ille legatarius nuptias contrahere, & nihilominus non habita ratione conditionis adscriptæ legato, legatum capere potest. Verum post annum si viduus aut vidua permanferit in annum post mortem testatoris, post annum non aliter capere potest, quam si præstiterit cautionem Mucianam se non nupturum, non ducturum uxorem, quod lex Iulia cauit & probauit etiam Iustin. in Nouella 22. Et hoc quidem ius sequimur non tantum si conditio viduitatis conferatur in personam legatarij nominatim, veluti, lego Titio centum, si uxorem non duxerit, sed si ea conditio conferatur in personam patris, in cuius potestate legatarius est hoc modo, lego Titio centum, si pater eius uxorem nunquam duxerit, vel si conferatur in personam filij, quem legatarius in potestate habet, vt, lego Titio centum, si filius eius uxorem non duxerit, vel, si filia eius non nupserit. D Nam & hæ conditiones circumscribuntur & remittuntur, quia scilicet sunt adscriptæ in fraudem l. Miscellæ per simulationem legati relictæ patri, quod relinquere voluit filio sub ea conditione, vel contra, & inspecta calliditate testatoris perinde est, atque si ei sub ea conditione legasset nominatim, cui legatum & quæsitum voluit, & ideo intra annum poterit capere legatum, etiam si pater vel filius, qui in conditione positus est, nuptias contraxerit. Ponit speciem in patre, qui filium habet in potestate, & in filio, qui est in potestate patris: nam aliud est in emancipato vel extraneo quolibet, vt si ita legauero, lego Titio centum, si Seia non nupserit. Hæc species legati nihil pertinet ad l. Iuliam Miscellam, nec Definit. Papin.

aliter Titius perueniet, ad legatum, quam si Seia vidua permanferit, l. mulieri, hoc tit. Qui ita legauit nullam fraudem excogitauit aduersus l. Iuliam Miscellam.

\* Ad l. 28. de oblig. & act.

Actio in personam inferitur, petitio in rem, persecutio in rem, vel in personam, rei persequenda gratia,

Propositurus Papinianus regulas, quæ multæ sūt de actionibus, vt in his libris regularum non esse insolitum fieri ostendi initio huius libri, diuisit actionem in d. l. 28. in actionem, petitionem, persecutionem. Actionem dixit inferri in personam rei persequendæ gratia. Proprie ita accepit actionem & specialiter: est enim actionis nomen generale & speciale vt adoptionis & cognationis. Petitionem inferri in rem, quæ & petitoria actio dicitur, & inde nomen petitioni hereditatis, quia in rem actio est. Persecutionem autem inferri in rem vel in personam. Ergo actione conuenio personam, affirmans eam mihi dare aliquid aut facere oportere. Petitione conuenio rem ipsam, asserens eam rem meam esse, quæ ab alio possidetur: persecutione conuenio vel rem vel personam. Et vt hæc quoque definitionibus explicemus. Actio est ius, quod sibi debeat rite & ex ordine in iudicio persequendi. Petitio est ius, quod suum est, id est, in dominio suo iudicio rite persequendi. Persecutio autem est ius quod suum, quodve sibi debitum est extra ordinem iudicio persequendi. Nam persecutio dicitur tantum de actionibus extraordinariis, l. pecunia §. actionis, de verb. sign. vt de persecutione fideicommissi, quod vt Vlpian. scripsit in regulis, petitur cognitione & interuentu ipsius magistratus, non apud iudicem datum per formulam. In iudiciis extraordinariis formulæ non obseruantur, id est, iuris ordo, l. actio, de neg. gest. vt item de persecutione salarij, quod non petitur per formulam, sed cognitione magistratus, l. salarium sup. mand. Et ita hæc tria verba distinguenda sunt in stipulatione de rato, l. procurator, rem rat. hab. Neminem petiturum, cui ea de re actio, petitio, persecutio sit: & in stipulatione Aquiliana, l. & vno, de accept. Quarcunque rerum mihi tecum actio, quæque aduersus te petitio, vel aduersus te persecutio est: & in l. 49. de verb. sign. In bonis connumerari, quæ sunt in actionibus, petitionibus, persecutionibus. Et apud Cornif. 2. ad Herenn. quaritur in translationibus, inquit, num aliquis eius rei act. onem, petitionem, executionem habeat, nihil est mutandum. Nam persecutio passim in iure executio appellatur. Quamuis autem hæc sint definitiones actionis, petitionis, persecutionis, admonendi tamen sumus, eas facile confundi, commutari, vel communicari earum verbis latius acceptis. Nam & in definitione actionis verbum debendi complectitur etiam, quæ nostra sunt, si ab alio possideantur, lata significatione, in d. l. pecunia, §. debetur. & in definitione petitionis suum recte quis dicit latissime, & quod sibi debitum est, vt in l. repetitio, de cond. indeb. & sæpe in illo tit. quia suum recepit, id est, sibi debitum Et definitio quoque persecutionis accommodari potest ad omnia iudicia, omnesque actiones, quoniam hodie omnia iudicia sunt extraordinaria, id est in nullis obseruantur formulæ, mores, ritusue iudiciorum antiqui proditi iure ciuili, omnia iudicia sunt extraordinaria, §. ult. Institutionibus, de interdictis, non quod ordinaria, solemnia, formularia sint sublata, si quis his vti malit, quibus plerumque vti consultius esset, & nescio an desuetudo formularum plus auxerit, quam minuerit lites, sed quod extraordinaria iudicia magis frequententur omni ordine sublato à iudicijs, sicut à cæteris negotiis: nam & à testamentis hodie exulat ordo iuris, vt vere possis dicere omnia testamenta non ius



re facta esse, quia in omnibus desunt ritus & solemnia iuris, deest æs & libra.

Ad l. 123. de verb. oblig.

*Si flagitij faciendi vel facti causa concepta sit stipulatio, ab initio non valet.*

**I**N hac lege melius est accipere verbum *flagitij* generaliter, ut regula congruat cum eo, quod generaliter definitur in l. *generaliter*, eod. tit. Generaliter nouimus turpes stipulationes nullius esse momenti. Et ait, *ab initio non valet*, id est, statim non valet ipso iure, etiam si postea flagitium admissum non sit: vel etiam si admissi flagitij poena legibus extincta sit.

## IACOBI CUIACII IURISCONSULTI COMMENTARIUS in Lib. II. Definitionum Æmilij Papiniani.

Ad l. 7. D. de iustit. & iure.

*Ius ciuile est, quod ex legibus, plebiscitis, Senatusconsultis, decretis Principum, auctoritate prudentium venit. §. 1. Ius prætorium est, quod Prætores introduxerunt adiuvandi vel supplendi, vel corrigendi iuris ciuilis gratia, propter utilitatem publicam, quod & honorarium dicitur, ad honorem prætorum sic nominatum.*

**E**c lex secundum editionem Florentinam est ex libro 2. definit. Papin. quæ declarat quid sit ius ciuile, & quid prætorium. At secundum vulgarem editionem, sane ea l. 7. lib. 1. definition. vindicanda est, quod equidem verum esse arbitror. Nam & cæteræ fere omnes ll. huius tit. sunt ex aliorum auctorum vel lib. 1. Instit. vel lib. 1. regul. vel lib. 1. iuris Epitomarum. Ergo & hanc verisimile est fuisse ex lib. 1. definitionum. Præterea ut Papin. lib. 1. exposuit ante omnia, quid esset lex, ita verisimile est, quod præstat lex 7. & eodem libro antequam iuris regulas exqueretur, exposuisse eum, quid esset ius ciuile, quid prætorium. Sunt enim hæ definitiones præparatoria quædam ad regulas. Et credo etiam Vlpian. regulas iuris inchoasse à partibus iuris ciuilis, quas complectitur definitio proposita in hac l. 7. Est enim definitio cōfecta per partitionem. At ita verisimile est Papin. libros suos definitionum & regularum inchoasse non tantum à definitione legis, sed etiam iuris ciuilis atque iuris prætorij, nec eius rei explicationem reieciisse in lib. 2. Ait autem Vlpian. initio regularum, ius ciuile, quod & positium appellatur ex pluribus partibus cōstat, scil. legibus, plebiscitis, Senatusconsultis, constitutionibus Imperatorum, & similiter iure honorario, inquit, quod est edictum prætoris, vel proconsulis, id est, edictum urbanum, vel prouinciale, & ex responsis iuris peritorum. Et his partibus explicatis, ait Vlpian. se ad studia iuris regulas exequi velle, & ita priusquam regulas iuris exqueretur Papinian. quæ sumuntur ex variis partibus iuris, vel ciuilis, vel prætorij, exposuit nobis, quid esset ius ciuile per partitionem his verbis, *ius ciuile est, quod ex legibus, plebiscitis, Senatusconsultis, &c.* Verum Vlpian. supr. d. loco in partibus iuris numerat etiam edicta magistratuum, quæ tamen hic Papin. conficiens definitionem iuris ciuilis per partitionem omittit. Partem etiam iuris ciuilis Vlp. facit edicta magistratuum in Instit. ex quibus est §. *scriptum*,

**A** Inst. de iure nat. gent. & cin. Et Cicero in Topicis, ubi etiam per partitionem definit ius ciuile. Ac solus ipse etiam partibus iuris ciuilis adnumerat res iudicatas, & morem, & æquitatem, quas tamen omisit omnes Papin. in hac definitione, quamuis & eam conficeret per partitionem, quod vitiosum esse merito quis dixerit, nisi cur eas partes Papin. omiserit ostendatur. Et facilis huius rei absolutio erit, si dicamus à Papin. definiri scriptum tantum & merum siue legitimum ius ciuile, scriptum ius ciuile. Nam ut in d. §. *scriptum*, cum proposuisset ante ex Vlpian. Instit. ius ciuile constare ex scripto, & sine scripto: mox subiicit definitionem iuris scripti. Ita cum eadem diuisio iuris ciuilis ante proposita fuisset ex eodem Vlpiano in l. 6. consequens erat, statim & primum tradi definitionem iuris scripti, quod & positium siue positium dicitur. Ius non scriptum, cuius partes sunt mos, æquitas, æterum iudicatarum constantia, est ius *ἀνομία, ἀπεικον*, non positum. Merum autem ius ciuile, quod legitimum dicitur, l. *sed cum patronus*, §. *honorum*, de bo. poss. l. ult. §. ult. de bon. poss. cont. tab. à Papin. definiri, etiam subiecta iuris prætorij definitio demonstrat in hac l. quid enim euidentius, quam voluisse Papin. ius ciuile separare à iure prætorio? Et ideo ius prætorium siue edicta magistratuum, quod idem est, non inseruit definitioni iuris ciuilis cōfectæ ex partibus, cui definitioni iuris ciuilis inserit ius prætorium, miscet ius vtrūque, miscet quæ separat Papin. Neque enim definit Papinian. ius ciuile vniuersum, cuius pars est etiam prætorium, & ius quoque ciuile nonnunquam dicitur, ut in illo loco Cicero. pro Cæc. quod denique ad ius ciuile, &c. loquentis de prætorij edictis, & ius prætorium, quod manat ex edicto vel interdico prætoris, quod & *ἐμμία* dicitur à Theoph. in tit. de interd. vna vox esse iuris ciuilis in l. seq. Cicero lex loquens, & ius prætorium ius ciuile subsequi in l. *scio*, de testib. l. 1. §. ult. de capt. & post. l. 39. de noxal. act. Et ius prætorium ad legem estimari apud Varronem de ling. Lat. & Prætorum Tullius in ll. iuris ciuilis custodem esse, qui idem par ratione definitioni iuris ciuilis, cum admiscet res iudicatas & morem & æquitatem, non ius tantum scriptum definit, ut Papin. sed vniuersum ius ciuile siue scriptum, siue non. Non scripti iuris ciuilis pars est mos & consuetudo, quæ tacito & illiterato populi cōsensu & quasi conuentu obtinuit: non scripti etiā iuris pars est æquitas, quæ scripti iuris interpretatio est, & moderatio & emendatio, ut Aristoteles ait, *ἐπὶ τῷ ὀρθῷ*, id est, quod deest iure ciuili, quod litteris non potuit comprehendere. Æquitas denique iuris scripti interpretatio, moderatio, emendatio est, posita in arbitrio boni viri, periti bene iudicandi, ut in re dubia pro ratione temporis, loci, causarum, personarum, æquitatem sequatur potius, quam ius scriptum: ea æquitas neque in totum scripta est, neque in totum scribi potest: est enim infinita regula æquitatis. Non scripti iuris ciuilis pars etiā sunt res iudicatas, id est, res quasi tritura quadam fori & vsu iam diu recepto semper eodem modo in similibus causis iudicari solitæ, iuxta id quod dicitur in l. *nam Imperator*, D. de ll. in amb. quitatib. quæ ex legibus proficiuntur, rerum perpetuo iudicatarum similiter auctoritatem, vim legis obtinere: obserua quod ait, *perpetuo & similiter*: nam ut Tullius ait lib. 1. de inuent. solitarij alicuius aut rari iudicati nullum momentum est. nec à iudicato simpliciter argumentum valet, sed à sæpius iudicato, vel à perpetuo iudicato, l. 1. §. *hoc autem*, inf. ad Syllan. Et similiter ait, *non varie*, ut l. *nonnunquam*, ad Trebell. nam ex vario iudicato ius vel argumentum certum constitui, aut duci non potest. Iudicatum autem perpetuo & similiter, iudicatum quod numero & tempore valet, partem facit iuris non scripti, in his causis, in quibus ius scriptum deficit, eaque pars dicitur mos iudiciorum sæpissime, & ius iudiciorum, l. 3. C. de dotis promiss. & mos legum.



*l. 2. C. de transactio.* Alius est mos maiorum siue ius populi: alius mos iudiciorum & legum. Non scripti etiam iuris ciuiliis nemo negat partem esse ius gentium, quod & naturale dicitur, & morum etiam appellatione continetur, ut in *l. 8. & in l. sororis, de rit. nupt.* nec libertinam matrem vel sororem vxorem duci posse, quia hoc ius, inquit, moribus, quod est iure gentium, non legibus introductum, quia, ut ait in *l. adoptiuus §. 1. eod. tit.* in nuptiis contrahendis ius naturale inspicitur, quod est ius gentium, pudor naturalis, non merum ius ciuile, non ius legitimum. Et similiter in *d. l. sororis*, si quis eam duxerit, quam moribus prohibemur vxorem ducere, incestum committere iure gentium; quo fit perspicuum morum appellatione significari ius gentium, & vniuersi iuris ius gentium pars dici potest. Et inde M. Tullius *3. de offic. quod ius gentium est*, inquit, & *ius ciuile esse debet.* Et alibi in Partitionib. *legis esse propria etiam ea, quae sine litteris, aut gentium iure, aut maiorum more retinentur.* Verum non partes iuris non scripti, sed partes iuris scripti tantum hac definitione Papin. complecti voluit. Noluit etiam, ut diximus, confundere ius prætorium cum iure ciuili, quamuis id ipsum, quod prætorium est, ciuile sit, non quidem specialiter, sed generaliter. Specie n. plurimum inter se differt ius ciuile & prætorium. Et ius quidem prætorium ita definiuit, quod prætores scil. vrbani & peregrini, introduxerunt adiuuandi, supplendi, corrigendi iuris ciuiliis gratia, propter utilitatem publicam, quæ mater est iuris ciuiliis, quæ non contenta iusto fœtu suscepit alium, qui primum fœtum adiuuaret, suppleret, corrigeret. Tres sunt virtutes iuris prætorij, adiuuare ius ciuile, supplere, corrigere. Definitio iuris ciuiliis est à partium, definitio iuris prætorij, ab effectuum enumeratione. Adiuuat autem ius ciuile prætor, cum id subsequitur, cum id tuetur, atque confirmat; ut cum suis heredibus, vel agnatis ab intestato dat bonorum possessionem vnde liberi & vnde legitimi, & cum heredibus institutis iure perfecto testamento dat bonorum possessionem secundum tab. & aliis plerisque modis, §. 1. *Instit. de bon. poss. l. sed cum patrono, D. eod. tit. legum*, inquit, *tuendarum causa prætor dat bonorum possessionem.* Supplet autem ius ciuile, cum quod ei deest quodue legibus omissum est, quantum potest aliqua ex parte implet: ut cum fœminas, quas in successione intestati lex Voconia excludit iure graduque agnatorum, nec vocat inter cognatos, saltem prætor vocat data bonorum possessione vnde cognati. quæ de re §. *media, Instit. de legit. agnat. succes.* primum ait, Prætor corrigere asperitatem iuris ciuiliis; deinde proprio verbo vsus, non corrigere, sed quod deerat implere. Et similiter *l. quia actionum, de præscr. verb.* ait, actiones legibus proditas, actiones ciuiles; si lex iusta ac necessaria sit, prætor supplet in eo quod legi deest. datis actionibus vtilibus, actionibus in factum, exigente æquitate & utilitate rerum, legi accommodatis. Supplet item quodammodo ius ciuile, cum agnatus vel gentilis, qui legitimus est curator furiosi aut mente capti, ad eam rem inhabilis est, quasi deficiente curatore legitimo, deficiente iure ciuili, alij permissa bonorum furiosi administratione, *l. sape, de curat. furios.* Corrigit autem ius ciuile, cum id palam oppugnat & emendat, ut cum postumum alienum, id est, qui suus heres testatori futurus non est, heredem institutum, quem ius ciuile repellit, quasi incertam personam, §. *postumus. Instit. de legat.* prætor ad bona testatoris vocat, data bonorum possessione secundum tabul. §. 1. *Instit. de bonor. poss. l. postumus, de inoffic. testam. l. 3. de bon. poss. sec. tab. l. 1. §. si filius in adoptionem, & l. si extraneo, de vent. in poss. mitt.* Item cum liberos capite deminutos, quos ius ciuile proculdubio repellit ab hereditate parentum, prætor rescissa capitis deminutione vocat ad bonorum possessionem contra tab. *l. ult. vnde lib. d. l. sed cum patrono §. pen. l. 3. §. si emancipatus, de bon.*

*poss. cont. tab. l. si aliquis, C. Theod. de bon. poss.* Item cum liberto testato, vel ab intestato relinquirente suum heredem non naturalem, puta, filium adoptiuum, quo casu ius ciuile omnimodo patronum excludit à liberti bonis, prætor patronum vocat in semissem, data bonorum possessione contra tab. vel contra suum heredem non naturalem. His modis prætor corrigit ius ciuile propagam. Denique hæc sunt vires, hæc effecta iuris prætorij. Quod subiicit Papin. etiam ius honorarium nominari in honorem prætorum, ut & in *Inst. ait Theophil. εἰς τιμὴν ἀρχόντων*, qui & ipsi honorati sunt atque dicuntur apud Ouid. *Verbaque honoratus libera prætor habet.* Quare etiam bonorum possessores dicuntur etiam honorarij successores. Addi velim ad ea, quæ superius dixi de correctione iuris ciuiliis. locum, quem omisi, in quo id proponitur, prætores scil. ius emendare in §. 1. *Inst. de succes. libert.* vbi ait, ea in re iniquitatem iuris ciuiliis prætorum emendasse.

Ad l. pen. de vsufr. accresc.

*Cum singulis ab heredibus singulis eiusdem rei fructus legatur, fructuarij separati videntur, non minus quam si æquis portionibus duobus eiusdem rei fructus legatus fuisset, vnde fit, ut inter eos ius adcrefcendi non sit.*

**H**æc l. pertinet ad id, quod generaliter definitur ex auctoritate & sententia Celsi in *l. 2. h. t.* Inter eos quibus eiusdem rei vsusfruct. legatus est, toties esse ius adcrefcendi, quoties ab initio singuli solidum habent, concursu partes faciunt, non si ab initio singulis legatariis partes adscribantur aut adscriptæ intelligantur, id est, inter eos esse ius adcrefcendi, si vtroque concurrente & agnoscente legatum vsusfruct. inter se partiantur, non etiam si ab initio ipse testator inter eos vsusfruct. partiatur adscriptis partibus. Et ius adcrefcendi est ius obtinendi totius vsusfructus, quem quis non repudiavit, collegatarius eius repudiavit, vel amisit. Et ex hac definitione Celsi intelligimus, inter re coniunctos esse ius adcrefcendi, ut si ita legauit: *Primo & Secundo fundi illius vsusfr. do lego*, vel ita, *Primo fundi illius vsusfructum do lego, Secundo fundi eiusdem vsusfr. do lego. §. si eadem res, Instit. de legat.* Priore exemplo Primus & Secundus etiam verbis coniuncti sunt, posteriore exemplo verbis sunt disiuncti & separati. Vtroque re coniuncti sunt, quia ab initio singulis pro indiuiso fundi solidus vsusfruct. relictus videtur. Denique iudicio testatoris indiuisus est vsusfructus, nec diuidetur nisi concurrat vterque & amplecti legatum velit. Ex eadem definitione intelligimus, inter disiunctos re non esse ius adcrefcendi, etiam si verbis forte coniuncti sint, ut si ita legauerit, *Primo & Secundo fundi illius vsusfruct. æquis portionibus do lego*, non sunt re coniuncti, quia ab initio singuli partes habent, non solidum: & ideo, nec inter Primum & Secundum hoc casu versatur ius adcrefcendi, sed repudiante primo vsusfruct. portio eius recurrit ad proprietatem, non etiam adcrefcit alteri portioni vsusfructus. Quod in hac l. pen. demonstrant hæc verba, *si æquis portionibus duobus eiusdem rei fructus legatus fuisset. & separatos eos esse nec inter eos versari ius adcrefcendi.* Ergo inter verbis tantum coniunctos, non etiam re, non est ius adcrefcendi. Hoc est verissimum, cum hac exceptione tamen, nisi appareat aliud sensisse testatorem, puta. partes designasse potius, quas facerent concursu, quam ipsum fecisse, ut in specie *l. 16 §. ult. de leg. 1.* Cum legauit mihi & postumis ex virilibus portionibus, adscriptis portionibus, nullo nato postumo totum legatum vindicabo iure adcrefcendi. Atqui non fuimus re coniuncti, quum singulis sint adscriptæ partes viriles? Respondeo testatorem non tam adscripsisse partes viriles, ut nos separaret, quam ut demonstraret, pluribus



postumis natis non vnam mihi partem, & postumis alteram se dare velle, sed singulis viriles, vt in *l. 7. & 8. de reb. dub.* Alioqui nuda verborum nominumve coniunctio ius adcrendi non parit, quoniam plerumque non tam coniunxisse testator, quam celerius dixisse videtur, *l. 66. de hered. inst.* cum scilicet re legatarios disiunxit, id est, cum adscripsit eis partes ab initio nominatim. Et idem est si intelligatur ab initio partes adscripsisse, vt & hic Papinianus ostendit in hac specie, si duobus heredibus institutis Titio & Mæuio, à Titio testator vsumfructum legauerit primo, & à Mæuio eiusdem fundi vsumfructum secundo, quia hoc casu intelligitur testator singulis legatariis partes ab initio reliquisse, quas scilicet singuli heredes pro portionibus hereditariis singulis legatariis præstare tenentur, quia vt subiicitur in *l. ult.* cum alius legatarius ab alio herede vsumfructum vindicat, id est, quia singuli legatarij vindicant partes ab heredibus singulis, quæ singulis relictæ videtur, non solidum, & ideo inter eos quasi re disinctos ius adcrendi nõ versatur in *l. ult. cum pro, quia*, vt in Basilicis. Nihil igitur interest Primo & Secundo coniuncta oratione legetur vsumfructus fundi æquis portionibus adscriptis, an vero singulis legetur à singulis heredibus, quoniam hi & illi re disincti sunt, & non concursu partes faciunt, sed habent eas statim ab initio ex iudicio testatoris. Et ideo non est inter eos ab initio ius adcrendi.

Ad *l. 59. de cond. indeb.*

*Si fideiussor iure liberatus, soluerit errore pecuniam, repenti non oberit, si vero reus promittendi per errorem, & ipse postea pecuniam soluerit, non repetet: cum prior solutio, quæ fuit irrita, naturale vinculum non dissoluit, nec ciuile, si reus promittendi tenebatur.*

**P**ertinet hæc lex ad regulam illam, vulgo iactatam, *errore & imprudentia soluti repetitionem esse, consulto soluti donationem, non repetitionem esse*, *l. 53. de reg. iur. l. 1. hoc tit.* errore, inquam, facti, qui soluenti indebitum non obest: error iuris obest, *l. cum quis, C. de iur. & fac. ignor. l. error, C. ad l. Falcid.* Nec enim errorem cum dicunt simpliciter iuris auctores, alium quam errorem facti intelligunt. Et est plane importunus, qui *d. l. 53.* scripsit esse accipiendam de errore iuris, relata ad actionem Fabianam, ad quam etiam sane proprie pertinet. Sed non aptanda est ad eam actionem Fabianam eo modo, quo eam ille aptauit ex *lege 5. si quid in fraud. patr.* sed hoc modo, vt si libertus errore soluerit indebitam pecuniam, repetitio liberto competat per conditionem indebiti, nõ patrono per actionem Fabianam, quia qui errauit, noluit fraudare patronum, sed si consulto soluerit, quia donasse videtur in fraudem patroni, actio Fabiana, quæ solum reuocet, patrono competet. Sicut in *l. 6. eod. tit.* dicitur eandem actionem patrono competere, si libertus consulto sciens prudensque filiosam, pecuniam crediderit contra Senatusconf. Maced. in fraudem patroni, quia donasse intelligitur filiosfamil. scientem credere, donare est, perdere est, vt ait *l. 4. §. Iulianus, ad Maced. & l. filiusfam. de donat.* Hoc cognito, finge; qui fideiussor pro reo promittendi, solus ipse iure liberatus est, non etiam reus promittendi, reus promittendi mansit obligatus. Quod euenit si fideiussor cum creditore paciscatur, ne à se pecunia petatur, quia pactum fideiussoris reo non prodest, *l. fideiussoris, de pact.* fideiussori prodest non quidem, vt iure ciuili liberetur, quia pacto non potest tolli ciuilis obligatio, sed vt liberetur iure prætorio per exceptionem pacti conuenti. Idem etiam euenit, si fideiussor tempore liberatus sit, vt puta, cum fideiussisset in diem certum tantum, vt in *l. fideiussor, §. ult. D. mand.* Nam & hoc casu reus omni iure obligatus

**A**manet, fideiussor iure prætorio liberatur per exceptionem pacti conuenti vel doli mali, *l. oblig. §. 1. versic. placer, de obligation. & action.* Et ita in hac lege hæc verba, accipienda sunt, si fideiussor iure liberatus, id est, iure prætorio, vt *l. 3. §. 1. de constit. pec. per exceptionem pacti vel doli*, non iure ciuili. Nam liberato fideiussore iure ciuili, & reus omnino liberatur. Fac vero fideiussorem tutum exceptione pacti conuenti vel doli mali, per errorem creditori suo nomine pecuniam soluisse, pacti non reminiscens, solutione huiusmodi videtur tam se, quam reum promittendi liberasse omni obligatione, & ciuili & naturali: solutione tollitur omnis obligatio, id est, & naturalis & ciuilis. Et quamuis pactione fideiussoris reus non liberetur, solutione tamen liberatur: sane solutione vera, cum & solutione imaginaria, veluti, acceptilatione fideiussoris etiam reus liberetur & tota soluitur obligatio, *l. 13. §. etiam si fideiussori, de accept.* Quid tamen dicimus in specie proposita, si fideiussor per errorem soluit ignarus exceptionis pacti, vel heres fideiussoris quæ se tueri poterat, & solum condicat quasi natura indebitum, quod potest, *l. cum is §. 1. hoc tit.* potest, inquam, condicere, quia exceptio pacti vel doli, quam habuit, dat repetitioni locum: pacto enim etsi non tollatur ciuilis obligatio, tollitur tamen naturalis, *l. Stichum §. naturalis, de solut. l. qui exceptione §. ult. coniuncta l. si non sortem §. libertus, hoc tit.* Solutione autem fideiussoris irrita facta per conditionem indebiti, ex euentu apparet, nec retro villo modo fuisse liberatum reum promittendi, qui fideiussore pacifcente, & ciuili & naturali iure mansit obligatus, fideiussor iure ciuili tantum, *l. qui hominem §. ult. de solut.* Itaque post solutionem à fideiussore factam per errorem, si huius solutionis ignarus reus promittendi per errorem creditori soluerit eandem pecuniam, condictio quidem indebiti fideiussori dabitur, quia natura non debuit: reo promittendi, non dabitur vt definit Papin. hoc loco, quia reus promittendi, quod soluit, & naturaliter, & ciuilitate debuit, nec solutione fideiussoris, quæ ad irritum redacta est, sublata est naturalis vel ciuilis obligatio, quæ reus promittendi tenebatur obstrictus: prior, inquam, solutio, id est, solutio fideiussoris, quæ fuit irrita facta per conditionem indebiti, naturale vinculum non dissoluit, quo reus promittendi tenebatur ex stipulatione. **D**Vinculum naturale & ciuile dixit, significans obligationem, quæ etiam definitur esse iuris vinculum. Verum si definitioni addatur, quod additur in Institutionibus, *iuris vinculum, quo necessitate adstringimur, alicuius rei soluenda*, obligatio ciuilis definitur, non naturalis, quoniam naturalis sola necessitate soluendi non adstringit. Denique definitur tantum ea obligatio, quæ parit actionem, quæque proprie est obligatio. Nam vt eleganter ait *l. in vendentis, C. de contr. empt.* nulla est obligatio quæ necessitate non adstringit contrahentem. Et ex hoc loco non male Baldus colligit, ex stipulatione, quæ scilicet reus promittendi tenebatur nasci vinculum naturale, obligationem naturalem, quod & Accursius probat in *l. 1. §. penult. de pactis.* quia stipulatio etiam consensum habet, & ex consensu interponitur, vt ait *l. 5. de transact.* Et vt solus consensus etiam nudus siue pactio nuda parit actionem, aut obligationem naturalem, & sicuti dicitur quis ex stipulatione iure ciuili teneri, non ex eo sequitur & iure naturali eum non teneri. Sicut in *l. solueret, de solut.* cum dicitur iure ciuili constitutum esse, vt liceat etiam ignorantis inuitique conditionem meliorem facere: an ideo inferes, non idem esse constitutum iure naturali; minime. Nam & ita scriptum est in *l. soluendo, de negor. gest.* & naturalem & ciuilem ratione suadere, vt & ignorantis & inuiti melior conditio fieri possit, vt si quis soluat pro alio inuito & ignorante, quod is reuera debet. Quod autem dicitur in *l. indebitam, hoc tit.* fideiussorem, qui intercessit pro eo, qui nec



ciuilitur, nec naturaliter obligatus erat, quem fideiussionis causa constat nullo modo teneri, quia nulla subest obligatio principalis, si tamen is fideiussor suo nomine soluerit per errorem, habere conditionem indebiti, quia, inquit, iure gentium, id est, natura indebitum soluit; ex eo non sequitur ex nulla stipulatione nasci obligationem naturalem, quoniam nascitur sane ex utili stipulatione: sed ex eo tantum colligitur, ex ea duntaxat stipulatione, nec naturalem obligationem nasci, nec ciuilem, quæ adhibetur accessionis loco, nulla existente principali obligatione. Et ita verissimum est, quod Accursius & Azo existimauit, etiam ex utili obligatione naturalem obligationem nasci, quod & lex hæc aperte demonstrat.

Ad l. 6. ff. quando ex facto tut.

*Tutor interposito decreto pratoris actiorem reliquit, secundum eum sententia dicta, iudicati transfertur ad pupillum actio, non minus quam si tutor obtinisset.*

Certum est, tutore vel curatore aduersa valitudine vel senio ætatis, vel alia necessitate & iusta causa impedito, quo minus præsto adesse pupillo, & omnia negotia eius, quæ late diffusa sunt, administrare possit, si nec sit in promptu, ut pupillus tutore auctore sibi procuratorem faciat, vel quia pupillus abest educatus peregre apud matrem, vel, quia nondum fieri potest, id est, quia minor est septennium, tum à tutore vel curatore suo periculo interueniente decreto prætoris vel præsidis, actorem eligi posse vel adiutorem, qui sibi suppetias ferat in administrandis negotiis pupilli: actorem ad litem agendam. Et inde nomen, ut indicat *l. liberto §. pen. de neg. gest.* dum ait, matrem, non habere ius filio suo constituendi actoris litem causa suo periculo, quod solus tutor habet; mater autem non potest esse tutor. Ergo nec actorem dare filio impuberi litem causa, quia nec ipsa filij nomine recte agit. Nec enim verum est, quod Theoph. scribit in §. *ult. Inst. de curat.* actorem dici, quod apud acta constituatur, sub gestorum publicorum testificatione, alioqui & procurator siue defensor constitutus apud acta, iuxta *l. vnic. C. de satisfd.* actor dici possit, quod nemo dixerit. Actorem igitur ad litem agendam: adiutorem vero ad cætera negotia pupilli administranda, ut in *l. solet, de tutel.* Tutor ex sua persona ante litem contestatam procuratorem dare non potest, qui agat nomine pupilli: quia non est dominus litis, *l. neque, C. de procurat.* actorem vero interposito decreto prætoris dare potest suo periculo. Duo exiguntur, ut decretum interponatur prætoris, actorem constitutum & electum à tutore approbantis: & ut tutor in se recipiat omne periculum eius, quod is actor gesserit, administrarit, egerit, *l. decreto, de administrat. tut. l. 10. C. eod. l. 10. qui tut. dare, l. 1. C. de actor. à tut. vel curat. dando.* Et quemadmodum tutore agente pupilli nomine, & secundum eum dicta sententia, certum est, actionem iudicati pupillo dari, cuius nomine egit: ita hoc loco Papinian. ostendit, secundum actorem à tutore relictum, qui alia negotia procurabat, dicta sententia actionem iudicati transferri ad pupillum, actionem competere pupillo. Unde & consequens est, & damnato actore actionem iudicati in pupillum, non in actorem dari, ut executio iudicati fiat in pupilli bonis, ad quem ea res pertinet, non in bonis actoris, sicut & in tutore seruatur, ne suum officium ei damnosum sit: Regula hæc erat: quotiens tutor ipse iudicium accipit, vel dictat pupilli nomine, non pupillus tutore auctore forte propter absentiam vel infantiam pupilli, actionem iudicati dari pupillo & in pupillum, *l. 2. de administ. tut. l. 4. §. tutor, de re indic. & l. seq. l. 1. C. eod. tit.* Et regulam esse satis demonstrat *d. l. 2.* dum ait, id multis rescriptis fuisse declaratum, actionem iudicati

A cum tutor egit pupilli nomine, dandam esse pupillo & in pupillum. Ex multis & crebris rescriptis & constitutionibus fiunt regulæ iuris. Et ita quod dicitur sæpe constitutum in *l. nuda, C. de contrah. stip.* ex pacto nudæ actionem non nasci, id appellatur regula iuris in *l. iurifgentium §. ut puta, de pact.* Et hanc regulam quidem, quam proposuit Papi. hoc loco, extendit etiam ad actorem decreto prætoris & tutoris periculo constitutum, ut perinde atque si tutor egisset actio iudicati detur pupillo & in pupillum.

Ad l. 22. de manumissionibus.

*Nepos ex filio, voluntate aui: ut filius voluntate patris, potest manumittere, sed manumissus patris, vel aui libertus est.*

I In hac lege ostenditur, seruum patris vel aui, vel seruum peculiarem à filio famil. vel à nepote ex filio, consentiente patre vel auo vindicta apud prætorem manumitti posse. Quod & *lib. 1. Reg. Modestinus* scripsit in *l. si consentiente, hoc tit.* hoc addito, ut valeat manumissio ob patris consensum seu iussum, etiam si filius fuerit minor 25. annis, nec causam manumissionis probauerit consilio prætoris vel præsidis: Hoc item addito, quod & hic Papinianus ait, manumissum libertum patris, vel nepotis: nimirum, quia pater ipse eum manumississe intelligitur, *l. matrimony, sup. de rit. nupt. l. si quis §. 1. qui, & à quibus manum.* Regula iuris hæc erat: seruum vindicta manumitti per alium non posse. Quæ regula adeo vera est, ut nec vxor per maritum, nec mater per filium vindicta seruum suum manumittere possit, quia ea manumissio est actus legitimus, & nullus actus legitimus expletur per alium. Et hoc in manumissione ita definitur in *l. pen. de manumiss. vind.* Paulus 1. Sent. tit. 20. *filius famil.* inquit, *iussu patris manumittere potest: matris vero, non potest.* nec pater per filium emancipatum, nec item pater per filiamfam. quasi muliere non idonea ad exequendum actum legitimum, & multo minus auus per nepotem ex filia, quia eum non habet in potestate: hoc tantum datum est patri vel auo. Et hæc tantum exceptio ad superiorem regulam addenda est: ut pater per filiumfam. auus per nepotem ex filio quem habet in potestate seruum manumittere possit, quia vinculum potestatis facit, ut vnus homo intelligatur esse pater & filius, auus & nepos, & filij vox intelligatur esse vox patris, vox nepotis, vox aui, §. *ei vero, & §. post mortem, Inst. de iur. stipul.* vox filij dicitur esse vox patris, ratione potestatis, quæ vnā personam constituit ex duabus, sicut manumissio quæ ex vna duas personas facit, ut ait *l. si Pamphilo, de opt. legat.* Erat igitur hæc in re differentia inter filiumf. & filiamf. Nam per filiamfam. pater non poterat manumittere: per filiumfam. poterat, quæ tamen differentia tollitur à Iustiniano in *l. 1. §. ult. C. comm. de manumiss.* Nam & per filiam pater quocunque modo seruum manumittere potest. Erant etiam iure veteri, multæ aliæ differentiæ inter filium & filiam: filia furiosi vel capti ab hostibus suo arbitrio cuicunque nubere poterat: filius non poterat vxorem ducere sine permisso Principis. Ad quam differentiam pertinet *l. 8. sup. de pact. dotal.* sed & hæc tollitur à Iustiniano in *l. si furiosi, C. de nupt.* Item filius trina mancipatione exibat potestate patris: filia vna mancipatione tantum, *l. verum, §. ult. de iniust. rupt. testam.* quæ etiam differentia, cum solemnibus mancipationum exoleuit. Item filij non filiar præteritio nullum faciebat testamentum patris: filius nominatim erat exheredandus, filia non item, sed & inter cæteros exheredari poterat his verbis, *cætera exheredes sunt*: filia sub omni conditione heres institui poterat. filius sub ea tantum conditione, quæ esset in eius potestate, non quæ penderet ex casu, *l. sum, l. sed etsi, de*



hered. instit. l. 1. §. sciendum, de suis & legitim. heredib. Et hæc quidem postrema differentia non inuenitur esse sublatā. Cæteræ sublatae sunt, ut Instit. docent in tit. de exher. lib. & l. pen. & ult. C. de liber. prat.

Ad l. 36. de statuliberis.

In tabulis secundis filio seruum data libertate substitutum iure statuliberi prudentes munierunt, quod utilitas recepit: scilicet ut cum sua causa alienaretur, ne patris testamentum puer filius rescindat. Quæ iuris auctoritas, citra delectum ordinis, ad secundum quoque vel tertium substitutum porrecta est.

In hac lege proponitur hæc definitio & auctoritas Iurisprudentium, seruum à patre filio impuberi cum libertate substitutum in secundis tabul. statuliberi causam obtinere. Ea substitutio vocatur substitutio pupillaris, quæ fit in secundum casum hoc modo, si filius impubes decesserit, Stichus liber & heres esto, & dicitur etiam testamentum pupillare, & hoc loco testamentum patris, quod scilicet pater non sibi, sed filio fecit, l. Papin. §. sed nec, de inoffic. testam. Hanc autem definitionem ait Papinianus utilitatem rerum extorsisse, quia ipso iure statuliberi causam non nanciscitur, non obtinet seruus, antequam adita sit hereditas ex testamento, in quo libertas ei directo relicta est in diem, vel sub conditione, l. 2. §. 1. & l. statuliberum §. ult. hoc tit. Qua ratione etiam hoc loco Dorotheus utitur. Nondum autem adita est, imo nondum adiri potest hereditas ex testamento pupillari pupillo viuo. Ergo interim seruus ei substitutus cum libertate iure statuliber non censetur, sed exigente utilitate pupilli prudentibus placuit, cum haberi pro statulibero post aditam hereditatem patris, etiam ante aditam hereditatem pupilli ex testamento pupillari, in quo libertas relicta est. Et confirmatur hæc iuris auctoritas siue definitio l. 2. §. sed si in tabul. & §. ult. hoc tit. l. ult. §. ult. de vulg. subst. l. pater filio, de her. instit. Utilitatis causa hæc est, ne à pupillo forte alienato seruo, antequam casus substitutionis existat, infringatur spes libertatis, si non haberetur pro statulibero, sicut & reuera non est statuliber, atque ita testamentum pupillare euanescat, quod pupillo esset inutile: & id tamen alienatio serui efficeret, id est, infringeret spem libertatis, rescinderet testamentum pupillare nisi haberetur pro statulibero, id est, nisi intelligeretur ei implicitus esse casus libertatis, ut ait l. ult. si ex nox. caus. agat. etiam ante hereditatem aditam pupilli ex substitutione pupillari. Qualitas statuliberi siue statulibertatis est immutabilis & inseparabilis, ac seruus, cui adhæret, perpetuo sequitur, siue alienetur, siue vfucapiatur, siue manumittatur interim: alioquin si non haberetur pro statulibero venditus seruus, maneret seruus emptoris, nec posset eius iussu adire hereditatem pupilli existente casu substitutionis, quia sine libertate compelli non potest. At veris est, cum pupillo cum libertate necessarium heredem fore, existente casu substitutionis, & alienationem siue venditionem recidere in irritum, quia cum sua causa alienatus esse censetur, id est, cum causa quasi statulibertatis. Et addit Papinianus, ut & d. l. 2. §. ult. h. tit. nihil referre, quo ordine, vel gradu seruus cum libertate filio impuberi substituitur primo an secundo, vel tertio, potest pater vel sibi, & filio impuberi facere plures gradus substitutionis, l. potest, de vulg. subst. & citra delectum ordinis vel gradus. Papin. ait initio propositæ iuris auctoritati, id est, definitioni locum esse.

Ad leg. 45. de acquir. vel amit. possess.

Licet neque seruum, neque colonum ibi habeamus.

Pertinet hæc l. ad definitionem illam Proculiano-  
rum vulgo receptam, ut ait l. 1. §. quod vulgo, de vi & vi arm. Definitio hæc est, æstiuorum & hibernorum saltuum possessionem nudo animo retineri, videlicet cum eos saltus, ubi pecus pasci solet æstate vel hieme, quos Græci vocant ἀλσέα, vel ἀλση, νομας, νομαδεῖα, & νέμω, & posteriores νομας, cum scil. eos saltus certis temporibus anni relinquimus, nec eis insidemus corpore nostro vel alieno, veluti corpore serui vel coloni, atque ita cum eos omnimodo relinquimus, nemine nostrorum in eis relicto: corpore quidem eos non possidemus, sed non ideo amittimus possessionem. Nam ut ait Papinian. licet neque seruum, neque colonum ibi habeamus, eorum possessionem solo animo retinemus, ut l. 3. §. saltus, hoc tit. Paulus §. Sent. possessionem, inquit, nudo animo retinere possumus, sicut in saltibus æstiuis & hibernis contingit: idque etiam verum esse ostenditur in l. sequen. tametsi alius nobis absentibus clam eos saltus fuerit ingressus animo possidendi, quamdiu scil. ab eo possessionem occupatam ignoramus. Nam, ut non potest nobis adquiri possessio nisi corpore & animo, l. 3. in princ. hoc tit. ita nec tolli nobis, nisi in qua vtrunque in contrarium actum sit, l. 8. h. tit. repetita in l. fore quibuscumque, de reg. iur. Non potest tolli nobis possessio fundi, nisi corpore & animo inde digrediamur, nisi corpore discedamus possessione simul, & definamus habere animum possidendi, quem utique animum non definimus habere, quandiu ignoramus alium possessionem occupasse. Quum vero hoc rescimus, alium sc. possessionem rei nostræ occupasse, non possumus non despondere & depocere animum possidendi, l. 25. §. ult. h. tit. si modo suspicemur repelli nos posse & excludi ab eo, qui incubat rei nostræ, animus labascit suspitione, & perinde est, ac si nos ille repulisset vel expulisset: utroque genere deficit nobis & delinquit animus. Et ita in specie l. 6. §. ult. & l. 1. hoc tit. dominus fundi, qui ad nundinas abiit nemine in fundo relicto, si forte cum esset in itinere, quum reuerteretur in fundum, aliquis clam occupauerit possessionem fundi, non definit fundum possidere, cuius possessionem retinet, solo animo videlicet, antequam vel reuersus repellatur, vel re cognita metuens repulsam, vel vim maiorem, inducat animum in fundum non reuerti. species est elegans, qui redeuntem repellit vi possidet, ut l. 1. §. siue autem, de vi, & vi arm. qui domino nolente reuerti metu repulsæ, & vis maioris, possessionem retinet, quam domino absente occupauit, clam possidet. Vtroque genere vitiose, & tenetur interdictis, de vi vel de clandestina possessione. Et placet etiam hac in re species l. licet, C. eod. si prædiorum tuorum possessionem desertam aliquandiu non coluisti, non animo quidem derelinquendi, sed metu, dum forte times periculum aliquod vel ab incurso hostium, vel à contagio grassantis morbis, & nemo eam possessionem occupauit, à quo suspiceris te posse repelli, non omisisti possessionem, sed animo retinuisti. l. licet, de prædiis loquitur, non de saltibus. Nam quod dicitur & definitur de saltibus æstiuis vel hybernis, recte ait d. l. 1. §. quod vulgo, id dici exempli gratia: quoniam idem est in omnibus aliis prædiis, omnium prædiorum possessionem solo animo, sola mente, affectione, voluntate, ut nostri auctores varie loquuntur, proposito, cogitatione, opinione, & similiter Græci, ψυχῇ, λογισμῷ, διαθεσῇ, προαιρέσει. Denique omnium prædiorum possessionem solo animo retinemus si ex eis non hoc animo, non hac mente recedamus, ut possessionem derelinquamus: Et recte quod ait l. 3. §. quod si seruus, h. tit. nos possidere, donec aut nostra voluntate discessimus, aut vi deiecti sumus. Ex hac definitione intelligimus, corpore solo non amitti possessionem, nisi accedat etiam animus amittendi, quia nudo animo retineri potest. nudo etiam & solo animo amitti potest, l. 3. §. in amittenda, h. t. ut si fundum, quem meo nomine possidebam,



debam, incipiam possidere alieno nomine, veluti quasi precario, sola destinatione animi possessionem, quæ mea erat amitto, & alium possessorem ministerio meo facio. Nam is possidet, cuius nomine possideo *l. quod meo, h. tit.* Et quod dicitur in *d. l. 8. & in l. fere, de reg. iur.* possessionem, ut non acquiritur nisi corpore & animo, ita non amitti nisi corpore & animo. articulus *fere*, qui est supplendus etiam *l. 8.* quique eam regulam temperat, satis perspicue demonstrat, eam comparationem claudicare non nihil. Nam corpore quidem non amittitur possessio sine animo. Cæterum & ex hac parte claudicat, solo animo amittitur sine corpore. Et rectissime Ioannes, quem & Græci sequuntur interpretes: in amittenda possessione, si à corpore incipias, & animum requiri, si ab animo, solum animum sufficere. Et hoc maxime distat possessio à dominio: nam dominium solo animo non amittitur, sed certis præscriptisque modis iure gentium vel civili, veluti traditione, mancipatione, cessione in iure, *l. 17. §. 1. h. t. l. ius autem, de pact.* Ius agnationis, inquit, non posse pacto repudiari vel dicto, ut si agnatum meum dicam, me nolle esse mihi agnatum, non ideo definit esse meus agnatus, sicut, inquit, si quod meum est, dicam nolle meum esse, non ideo definit esse meum, propter voluntatem, facto opus est meo: nuda voluntas, nudumve pactum, non sufficit, *l. traditionibus, C. de pact. l. quod nostrum, de reg. iur.* Varro 2. de re rustica. quod alterius fuit, ut id fiat meum, necesse est, aliquid intercedere.

Ad l. 49. de adq. vel amit. poss.

*Possessio quoque per servum, cuius ususfruct. meus est ex re mea, vel operis servi acquiritur mihi, cum naturaliter à fructuario teneatur, & plurimum ex iure possessio mutatur.*

**P**rima definitio hæc est, per servum, in quo vsumfr. habemus, non proprietatem, sed possessionem nobis adquiri ex duabus causis tantum, ex suis videlicet operis, quas habemus in fructu, & ex re nostra, ut in §. non solum, *Inst. per quas personas.* Nec huic definitioni obstat, quod fructuarius non possidet, sed proprietarius solus, *l. acquiritur, in fi. sup. tit. prox.* Et absurdum videtur, ut per servum possessio nobis adquiratur, quem non possidemus, *l. homo liber, in fi. eod. tit.* Et ut huic obiectioni respondet Papinian. superioris definitionis hanc esse rationem ait, (duplicem rationem affert,) quia fructuarius scilicet ius utendi fruendi, quod est ius incorporale quasi possidet, *l. ait prator §. 1. ex quibus causis mai. l. 3. §. ult. de vi & vi arm.* Et servus quoque, non quidem civiliter, id est, animo domini, animo proprietarii, sed naturaliter possidere intelligitur, *l. naturaliter, in princ. h. tit. M. Tull. pro Cæcinnâ: Cæcinnam prope vsumfructum possidere non negas?* Ergo hominem, in quo vsumfr. habet fructuarius, naturaliter possidere intelligitur, & proprietarius siue dominus per eum. Ac proinde non est absurdum, si dicamus & per servum fructuario adquiri possessionem, quia & eum possidet quodammodo. Ac propterea non est absurdum, ut adquiramus possessionem per eum, quem non possidemus. Filiumfa. non possidemus, & tamen per eum adquirimus possessionem, *l. 1. §. per eum, sup. h. t.* Præterea, & hæc est altera ratio, si servus ex iis duabus causis fructuario adquirit ea, quæ sunt iuris, veluti dominium & obligationem & actionem, quod est certissimum: ergo & possessionem. Nam & possessio fructuarij, naturalis scilicet siue corporalis, plurimum ex iure mutuatur: magis quidem est facti quam iuris, sed tamen & ex iure plurimum habet: nam & in pari causa fructuarius potior est eo, qui ei controuersiam facit, & interdicta possessoria ei dantur, si forte prohibeatur uti frui, *l. 3. §. unde vi, de vi & vi*

Definit. Papin.

**A** arm. Ac præterea iure suo fructuarius omne emolumentum rei percipit; & consequenter acquirit etiam per servum ex supra dictis causis. Ergo & in possessione fructuarij naturalis est iuris aliquid.

Ad §. 1.

**S**ecunda definitio hæc est; Per filium, aut servum nostrum peculium, quod ei concessimus non possideri civiliter, sed corporaliter tantum, & naturaliter, peculium non haberi non possideri. verba sunt de possessione civili, ut in stipulatione Aquiliana, sed teneri, quod verbum est naturalis possessionis. Cur vero peculium non possident civiliter, cum sit eis quasi proprium patrimonium voluntate patris vel domini, cum dicantur etiam domini servi peculiarij, id est, servi vicarij, & peculium omnino obtineant quasi domini? Rationem ostendit Papinianus, quia possessio civilis, non tantum corporis est, imo magis est iuris, quia possidetur animo domini, & nullius iuris, præterquam ex causa castrensi, vel quasi castrensi filiusfamil. vel servus obtinendi capax est, ne momento quidem temporis, quin id confestim adquirat patri vel domino, *l. quod dicitur, de verb. oblig. l. placet, de adq. hered.* Ergo fieri non potest, ut videatur filiusfam. vel servus peculium possidere civiliter, ut in *l. quod servus, hoc tit.* sed possidet naturaliter, & dominus per eum.

Ad §. vltim.

**T**ertia & vltima definitio hæc est: Per liberam personam, id est, per procuratorem possessionem adquiri, etiam nobis ignorantibus, si eam apprehendat nostro nomine, quam definitionem *l. 1. & 8. C. eod. tit. & Paulus §. Sentent. tit. 2.* ait, vtilitatis ratione fuisse receptam, ne scilicet interim possessio vacet, ut fufius explicat *l. 1. §. per procuratorem, hoc tit. & auctoritate prudentum fuisse receptam, l. 41. tit. sequen.* Denique in adquirenda possessione per procuratorem, ab initio quidem voluntas nostra requiritur & animus, requiritur mandatum, ut rem emat, & traditam accipiat procurator. Alioqui nec possessio sine mandato acquireretur domino, *l. nisi ratum habenti, l. communis, hoc tit. & Paulus, sup. d. loco Sentent.* Ab initio igitur mandatum nostrum requiritur & voluntas, *l. ea quæ, sup. tit. prox.* Sed non requiritur etiam scientia, ut scil. postea sciamus traditam fuisse procuratori possessionem. Et hoc distat possessio ab vluapionis causa. Nam per procuratorem ignorans incipit quidem possidere, sed non etiam vluapere, si forte procuratori res tradita sit à non domino, non incipit vluapere, antequam scierit eam rem procuratori fuisse traditam, *d. l. 1. C. eod. tit. l. si emptam, tit. seq.* Distat etiam multum possessio ab obligatione. Possessio acquiritur per procuratorem: obligatio & actio non acquiritur per procuratorem, sed per eos tantum, qui sunt in nostra potestate. Nam per liberam personam, qualis est procurator, excepta causa mutui & pignoris traditi, aut contracti in causa mutui, *l. solutum, §. per liberam, de pign. act. l. per procurat. sup. de procur. l. 1. C. per quas pers. nobis adquir.* Denique obligationes & actiones nobis non adquiruntur per procuratorem, sed mandati iudicio quasitas actiones nobis cedere & præstare tenentur. Itaque si rem procurator emerit, & traditam acceperit, statim possessionem domino acquirit, actionem evictionis nomine, si forte res euincatur ab alio contra venditoré domino non acquirit, sed mandati iudicio eam cedere compellitur. Dominus eam obligationem vel actionem non acquirit ipso iure, sed mandati actione adquirere potest. quæ est sententia §. vlt. huius l.

T



## Ad leg. II. de diuers. &amp; temp. præscr.

*Cum heres in ius omne defuncti succedit, ignoratione sua defuncti vitia non excludit: veluti cum sciens alienum illum, illo, vel precario possedit: quamuis enim precarium heredem ignorantem non teneat, nec interdicto recte conueniatur, tamen vsucapere non poterit, quod defunctus non potuit. Idem iuris est, cum de longa possessione quaritur, neque enim recte defendetur, cum exordium ei bona fidei ratio non teneatur.*

**D**efinitio, quæ proponitur in hac l. est etiam de possessione, & extat in l. pen. C. de adq. poss. Vitium possessionis à defuncto contractum heredem sequi. Vitia possessionis tria sunt, vi possidere, clam possidere, precario possidere, quoniam his tribus modis mala fide possidemus, vt ait Donatus Homerus grammaticorum. Hæc vitia, si cœperint à defuncto, heredem comitantur. Succedit enim in vniuersum ius defuncti, quod est non in commoda tantum, sed & in incommoda: non in virtutes tantum, sed & in vitia: neque in bonam fidem tantum, sed & in malam. & vt bona fides defuncti prodest ad vsucapionem, vel longam possessionem, quamuis heres sciat rem alienam esse, continuatio vsucapionis non impeditur heredis scientia, l. heres eius, de vsurp. & vsucap. ita vero mala fides defuncti heredi nocet, quamuis ignoret rem alienam esse: heres, inquit Papin. ignoratione sua defuncti vitia non excludit. Papin. noster nunquam dixit ignorantiam, sed ignoracionem semper. Et subiicit exemplum, *veluti cum sciens alienum illum illo vel precario possedit*, vbi quæso quid est, *illum illo*, aut quid portendit potius? vel illum, illo, vel vt scriptum est in Florent. quibus nulli sunt vetustiores, nulli castigatiores, & sicubi incastigati, ita tamen scripti, vt castigatæ lectioni inueniendæ occasionem præbeant. Diuinum est munus editio hæc Pandectarum. Nam leuat nos magna parte quæstionum & dubitationum illatarum frustra ab interpretibus; earum denique beneficio ius nostrum mirum in modum illustratum est: In illis vero atque etiam in omnibus manuscriptis, hoc loco ita scriptum est, *veluti cum sciens alienum illum, illo, vel precario possedit*, manifeste mendo, quod equidem creatum opinor ex notis iuris male explanatis, quibus hæc significabantur, *cum sciens alienum vel vi vel precario possedit*. & ita est legendum. Sensus autem hic est, vitium defuncti, qui rem alienam, vel vi, vel clam, vel precario possedit, heredem sequi & afficere. Dubitari poterat, an huic definitioni locus esset, cum defunctus rem alienam precario possederat. Ratio dubitandi hæc erat, quia precarium non transit in heredem, sicut nec societas, nec mandatum: precarium, siue precaria possessio non transit in heredem, id est, quod defunctus possedit precario, heres etiam non possidet precario: precarium non transit in heredem eius, qui precario rogauit & possedit, quia ei duntaxat non etiam heredi eius concessa est precaria possessio, l. cum precario §. ult. sup. de precar. Et ideo nec heres eius ex sua persona tenetur interdicto de precario, vt rem restituat, ex persona defuncti tenetur ad restituendum, si rem habeat, aut dolo fecerit, quo minus haberet, vel ad se perueniret, l. quasitum §. ult. de precar. l. 2. C. eod. Ex sua autem persona non tenetur interdicto de precario, quia precarium ad eum non transit, sed finitur morte eius, qui precarium rogauit. Verum si heres sciens pergat eam rem sibi possidere, tenetur interdicto de clandestina possessione, de quo in l. 7. §. Iulianus, comm. diuid. quia clam possidet non precario, tenetur etiam rei vindicatione. Et eleganter Paulus §. Sentent. tit. de interd. heres, inquit, eius, qui precariam possessionem tenebat si in ea manserit, magis dicendum est, clam videri

**A** possidere: nullæ enim preces eius videntur adhibitæ, & ideo, inquit, persecutio eius rei semper manebit, nec interdicto locus est: interdicto scil. de precario. Et hoc est quod ait Papinian. hoc loco, precarium heredem ignorantem non tenere, nec interdicto de precario recte conueniri. Ignorantem ait, non quod idem non sit in sciente: nam & scientem precarium non tenet, sed quia de herede ignorante est quæstio, an ei scientia defuncti noceat, quo minus rem vsucapere possit. Et quamuis heres eam rem precario non possideat, sicut defunctus, sed forte pro herede, ignorans esse rem alienam, existimans hereditariam esse, quamuis eam possideat bona fide, tamen non potest eam vsucapere, quia nec defunctus potuit eam vsucapere, quam precario possidebat, l. ult. C. commun. de vsucap. Precaria quidem possessio in heredem non transit, sed vitium & mala fides defuncti in heredem transit, & ideo non potest eam rem vsucapere, quamuis ignoret eam alienam esse. Et subiicit Papin. huic definitioni locum esse non tantum cum de vsucapione, sed & cum de possessione longi temporis, quaritur, id est, 10. inter præsentis & 20. annorum inter absentes, quæ olim in prouinciis locum habuit, & non minus quam vsucapio, quæ erat anni vel biennij tantum, bonam fidem possessoris exigebat, & exigit etiam hodie. Nam & in causa longæ possessionis mala fides defuncti ignorantem heredi nocet, nec recte defenditur heres præscriptione longi temporis, cum exordium, inquit, quod cœpit a defuncto bona fide non tueretur: nam in initio & ad vsucapionem & ad longam possessionem bonam fidem intercedere oportet. Hæc definitio est tantum de herede, qui successor est iuris, & porrigi potest etiam ad bonorum possessorem: nam & hic successor est iuris vniuersi: non est, inquam, hæc definitio, nisi de successore iuris vniuersi: nam idem non est in successore rei: veluti in emptore, hic enim si bona fide emerit, nec vtatur accessione temporis ex persona venditoris, ei mala fides venditoris non nocet, quia ad vicem eius propius non accedit, sicut heres, nec in vniuersum ius vniuersasque qualitates eius successit, l. an vitium, hoc tit. l. apud Celsum §. de auctoris, de doli except. l. 1. C. de præscript. longi temp. Alius est successor iuris. Alius successor rei, l. quedam §. is autem, sup. de edendo, l. 9. de exception. l. 15. C. de donat. §. legatariis, Institut. de testam. Successor iuris est successor vitiorum defuncti, non successor rei.

## Ad leg. 124. de verborum obligationib.

*Insulam intra biennium illo loco edificari spondes? Ante finem biennij stipulatio non committitur, quamuis reus promittendi non edificauerit, & tantum residui temporis sit, quo edificium extrui non possit: neque enim stipulationis status, cuius dies certus in exordio fuit, ex post facto mutatur, idque & in stipulatione iudicio sistendi causa facta placuit, scilicet vt ante diem stipulatio non committatur, si certum esse cœperit parere stipulationi residuo tempore non posse.*

**H**æc lex pertinet ad regulam l. 186. de reg. iur. quæ talis est: cum certum tempus, certusve dies obligationi additur, nisi eo tempore vel die præterito agi non posse. Quam & Vlpianus retulit lib. 1. regul. in l. cedere, de verb. significat. his verbis: *vt i quis in diem certam stipulatus est, statim quidem cedere diem, sed nondum venire*, id est, statim deberi, statim nasci obligationem, & ex præsentis tempore vires accipere, sed stipulationem non committi, & ex ea agi non posse, antequam dies venerit, atque etiam præterierit, §. omnis, Institut. de verbor. obligat. Qua de causa, qui ante diem agit, non dicitur nihil agere, quia ei debetur, quod petit: sed dicitur male agere, quia plus petit tempore, sicut & qui plus



petit quantitate, male agere dicitur, *l. 4. de compensat.* Et similiter, qui tempore plus petit, *l. 1. §. ult. quan. dies ususfr. leg. cedat.* male agit, quia incidit in periculum plus petitionis: qui nihil agit, ab omni periculo securus est. Porro huic regulæ hoc loco Papin. ostendit locum esse, etiam si antequam dies venerit, certum esse cœperit, non posse expleri, quod in stipulationem deductum est. Fac me stipulatum domum ædificari certo loco intra biennium, an ex stipulatu agere possum ante finem biennij, cum ex biennio superest mensis duntaxat, intra quem certissimum est domum ædificari non posse, an statim, atque id certum esse cœperit, possum agere ex stipulatu? Minime: *status, inquit, stipulationis, cuius dies certus in exordio fuit, ex post facto mutari non potest, tota stipulatio fuit collata in biennium completum: ergo biennij finis expectandus est, quia nec ante verum est, intra biennium ædificium extructum non esse, quam totum biennium exierit, & effluxerit: statum stipulationis dici pro natura, conditione, qualitate stipulationis, vt *l. 7. §. pen. tit. seq. l. 17. de condi. furt.* Idemque est in stipulatione iudicio sisti, si exempli gratia, eum, qui Romæ est, stipuler Lugduni in iudicio sisti intra Calen. Maïas. Nam etsi 4. Calen. Maïas is nondum pedem Romæ extulerit, vt plane certum sit, eum intra triduum Lugdunum venire non posse, & sese iudicio sistere, tamen ex stipulatione nondum agi potest, antequam Calendæ Maïæ venerint & præterierint, quia tota obligatio fuit collata in Calendas Maïas, *l. si eum, §. 1. sup. si quis caution.* Neque huic sententiæ Papiniani quicquam obstat *l. 14. hoc tit.* quia & stipulatio, quæ in ea l. proponitur ita concepta simpliciter, domum ædificari, non committitur, antequam tempus præterierit, intra quod domus ædificari potuit vel debuit, quod quidem tempus ei stipulationi simpliciter conceptæ tacite inesse intelligitur, *l. 73. h. t. l. quotiens, de oper. libert. & d. l. 186.* Utrobique igitur non committitur stipulatio antequam is dies præterierit, intra quem domus ædificari potuit vel debuit, etiam si iam ante constiterit domum ædificari non posse residuo tempore, quod superest. Itaque congruit *l. 14. cum hac l.* Magis tamen videtur ob stare, *l. 72. §. ult. h. t.* quæ ait, eandem stipulationem domum ædificari committi etiam, antequam tantum temporis præterierit, quanto domus ædificari potuit: Nempe statim atque interpellatus promissor, vt inchoaret ædificium, moram fecit. Pugnat *d. l. 72. §. ult. cum d. l. 14. & fuit in ea dissensio inter iuris auctores, vt ostendi in d. l. 14. reiecta distinctione Ioannis, quam tamen postea quidam asserere conati sunt ineptissime. At non pugnat d. l. 72. §. ult. cum sententia hac Papinia. quia Papinian. loquitur de stipulatione, cui ab initio nominatim dies additus est, is dies omnino est expectandus, antequam committatur stipulatio, vel agatur ex stipulatu. Illa *l. 72. §. ult.* loquitur de stipulatione, domum ædificari, cui dies additus non est: nec mutat quod tacite inest, quia in iure non est eadem ratio taciti & expressi, nisi perraro.**

#### Ad l. 28. de nouationibus.

*Fundum Cornelianum stipulatus, quanti fundus est postea stipulor, si non nouandi animo secunda stipulatio facta sit, cessat nouatio, secunda vero stipulatio tenet, ex qua non fundus, sed pecunia debetur: itaque si reus promittendi fundum soluat, secunda stipulatio iure non tollitur: nec si litem actor ex prima contestetur, deinde meliore vel deteriore facto sine culpa debitoris postea fundo, præsens æstimatio fundo petito recte consideretur, in altera vero ea æstimatio venit, quæ secunda stipulationis tempore fuit.*

**H**æc l. pertinet ad id, quod definitur in *l. 3. §. in hac, commod. & l. vinum, de reb. cred. & l. ult. de condi. Definit. Papin.*

*erit. & l. hominem 37. mand.* In actione stricti iudicij, tempus litis contestatæ spectari, cum quæritur quanti ea res sit qua de agitur, quæ in re actio stricti iudicij plurimum distat ab actione bonæ fidei. Nam in actione bonæ fidei plerumque æstimatio respicit tempus rei iudicatæ, ad quod etiam formula eius actionis refertur, *d. §. in hac.* Et species huius legis hæc est: stipulatus sum mihi dari fundum Cornelianum; postea ex interuallo ab eodem stipulatus sum mihi dari quanti fundus idem est. i. æstimationem fundi, non nouandi animo, sed vt vtrumque mihi daretur, fundus & pecunia. Pecuniam vocat hoc loco Papinian. verum fundi pretium. Nam vt his verbis, *quanti ea res est*, modo verum pretium significatur, modo id, quod interest aut pœna, vt ostendi in *l. 2. rem ratam habere. 11. respons.* ita etiam pecuniæ verbo modo significatur verum & iustum rei pretium, vt hoc loco: modo id, quod interest vel pœna certa, vt *l. stipulationes, de verb. oblig. l. si quis ab alio §. ult. de re ind.* Titus Liuius lib. 3. *sisti reum pecuniamque, nisi sistatur, pro populo promitti.* Igitur in specie proposita duæ obligationes, duæ stipulationes sunt. Vna fundi, altera æstimationis; ideoque soluto fundo, altera stipulatio iure non tollitur, id est, neque ipso iure tollitur, quia nec in eius stipulationis causam fundus solutus est, neque per exceptionem pacti conuenti, vel doli mali, quia id actum non est, vt ex posteriore stipulatione non ageretur: iure, Basilica interpretantur *id est argu. vt in l. ubicunque, de fideiussor.* Ac similiter lite contestata ex priori stipulatione, id est, fundo petito altera stipulatio non perimitur, & ex vtraque agi potest, quia cessat nouatio. Hoc tantum interest, quod est præcipuum in hac lege, inter effectum prioris & posterioris stipulationis, quod ex prioris, si agatur conditione triticaria ad æstimationem scilicet, puta, vt si non fundus, qui stipulatione continetur, saltem fundi æstimatio præstetur, tum præstari debet officio iudicis, non quanti fundus fuit tempore interpositæ stipulationis, sed quanti est cum petitur, i. tempore litis contestatæ, vt in *d. §. in hac, d. l. vinum, d. l. ult. de condi. trit. d. l. hominem.* quæ omnes ll. etiam sunt accipiendæ de conditione triticaria ex stipulationis causa, qua persequimur rei æstimationem deductæ in obligationem. Et hæc definitio ita procedit, nisi aliud conuenerit. Nam si de tempore conuenerit, id sane potius spectabitur, id est, si conuenerit, cuius temporis æstimationem præstari oporteret, vt mox declarabitur, quum tractabimus de posteriore stipulatione. Item nisi dictum sit, quo tempore fundus daretur. Nam id tempus spectare oportet in æstimando fundo, quo dari debuit *d. l. vinum, & d. l. ult.* Vnde est sumenda ratio *l. cum quis, de oblig. & action.* vt ad Africanum demonstratum est *lib. 3. nam ea l. cum quis* est Africani. Alioqui si dictum non sit, quo tempore fundus daretur, tempus litis contestatæ spectatur secundum superiorem definitionem: siue vt ait, post stipulationem primam, melior siue deterior factus sit fundus sine culpa promissoris. Nam si culpa vel mora promissoris interuenerit, æstimatio fundi reducitur ad tempus, quo culpa debitoris nondum interueniente, fundus nondum erat deterior, non ad tempus culpæ vel moræ debitoris, quo pluris fuit fundus, vt in *l. pen. in fin. de condi. trit.* Nam & mora culpa est, *l. si seruum §. sequitur, de verb. oblig.* Et ob id solet à me ita definiiri mora, culpa debitoris, non respondentis ad interpellationem creditoris. Et hæc de prima stipulatione. Nunc dicamus de secunda, aut de effectu secundæ stipulationis. Si agatur de secunda stipulatione ita concepta, *quanti fundus est*, dari præstari debet quanti fuit fundus, tempore interpositæ stipulationis, non tempore litis contestatæ, quia illa verba, *quanti fundus est*, præsentis temporis, id est, temporis contractus demonstrationem habent, *l. scribit §. isem scribit, de aur. & arg. leg.*



Proinde quasi ex conuentione eius temporis æstimatio debetur, non eius temporis, quo lis contestata est, pretium cuiusque rei pro tempore est. Itaque multum interest scire, cuius temporis æstimationem seruari oporteat: Et in prima quidem stipulatione seruiatur tempus litis contestatæ: in secunda tempus contractus, quæ est sententia huius l. cui tamen in eo quod ait, ex prima stipulatione, tanti fundum æstimari, quanti fuit tempore litis contestatæ, quod & homine petito seruari ostendit d. l. hominem, & vino petito d. l. vinum, & frumento vel oleo petito & cæteris rebus d. l. ult. de cond. tritic. quæ omnino consentit cum d. l. vinum. in eo, inquam, & illis l. & legi nostræ aduersari videtur l. pen. de cond. tritic. Aduersari igitur l. pen. & l. ult. aduersari inter se l. vicinæ & quasi coniunctæ. Quia in re dici non potest, quantopere iamdiu laborent Doctores nostri nec quicquam, non animaduertentes quod erat perspicuum satis in l. ult. quæ vt dixi omnino congruit cum l. vinum, debitorem non fuisse in mora vel culpa. Quod in hac l. aperte proponitur illo loco, *sine culpa debitoris*, atque etiam in d. l. hominem. Sed vini, exempli gratia, non existente copia, & debitore, qui vinum mutuum acceperat, parato soluere æstimationem, quam & creditor ipse petit conditione triticaria, de eo tantum quæri & litigari, cuius temporis æstimatio præstanda sit, vtrum contractus habiti, an rei iudicatæ, an litis contestatæ, cum scilicet non est dictum, quo tempore vinum redderetur. Et aiunt omnes litis contestatæ tempus spectari, vel litis contestatæ tempore spectari quanti vinum fuerit, & eius temporis æstimationem creditori esse præstandam. At in specie l. pen. debitor fuit in mora, nec fuit paratus soluere hominem, qui petebatur conditione triticaria. Ideoque si post moram, si post litem contestatam ille homo factus sit pretiosior, tanti homo æstimatur, quanti fuit rei iudicatæ tempore si viuat, vel si interim mortuus sit quanti fuit mortis tempore, quod tempus recte ait esse accipiendum *en πάτεi*. i. tempus mortis non esse accipiendum pro momento moriendi, sed aliquanto latius, ne spectato nouissimo tempore vitæ, nouissimo spiritu, quandoque ad exiguum redigatur pretium serui, veluti si forte seruus mortiferè vulneratus fuerit. Qua de causa id tempus potius spectatur, quo mortiferam plagam seruus accepit, quo longe pluris erat, quam litis contestatæ tempore, quia post litem contestatam factus erat pretiosior. Et hæc de homine post moram pretiosiore facto. Quod si deterior factus sit post moram, vt si eluscatu sit, tunc subiicit l. pen. siue is homo viuat, siue non, æstimationem esse reducendam ad tempus moræ, quo pluris fuit, atque ita plectendam esse moram debitoris. Denique l. pen. tota est de faciendâ æstimatione post moram debitoris. l. ult. l. vinum, & similes sunt de æstimatione faciendâ ante moram debitoris, aut cum nulla intercedit mora debitoris. Quod & Stephanus Græcus interpres notat expresse ad d. l. vinum, his verbis partim Græcis, partim Latinis: *τὸ πρὸς νόμον ἐνδε μὴ μὲν παρὰ τὸ πῶς γνήσεται*. id est, hoc autem, intellige, ubi moram reus non fecit. Hoc etiam memini me exponere latius ad d. l. hominem, & ad l. 50. de verb. oblig. Quod profligat omnes quæstiones, quæ frustra agitantur vulgo in d. l. vinum.

#### Ad l. 97. de solutionibus.

Cum ex pluribus causis debitor pecuniam soluit, vtriusque demonstratione cessante, potior habetur causa eius pecunie, quæ sub infamia debetur, mox eius quæ pœnam continet; tertio quæ sub hypotheca vel pignore contracta est: post hunc ordinem potior habebitur propria, quam aliena causa, veluti fideiussoris. Quod veteres ideo definierunt, quod veri simile videretur, diligentem debitorem admoni-

atum, ita negotium suum gestarum fuisse, si nihil eorum interueniat, vetustior contractus ante soluetur. Si maior pecunia numerata sit, quam ratio singulorum exposcit, nihilominus primo contractui soluto, qui potior erit, superfluum ordini secundo vel in totum, vel pro parte minuen- do, videbitur datum.

Qvod proponitur in hac l. definitionem esse veterum ipsemet Papin. nominatim ait in b. l. Definitio autem est de debitore, qui cum eidem creditori deberet ex pluribus causis, ex pluribus nominibus, certam pecuniam soluit, nec dixit, in quam causam eam pecuniam solueret, nec item creditor dixit, in quam causam pecuniam acciperet. Potuit id debitor exprimere, & solutioni dicere certam legem, vel debitore cessante potuit creditor statim in ipso negotio edicere, cui potius causæ suæ debito eam pecuniam acceptam ferret. Quæ tamen in re ita debet versari, atque versaretur ipse in suo debito soluendo: nec, verbi gratia, quod soluitur acceptum ferre debet debito, quod est in controuersia; nec debito, quod pro alio fideiussit: nec debito, cuius dies nondum venit, l. i. b. tit. vbi ex Basilicis iamdiu ostendi, omnino ita esse legendum, non in id debitum, quod est in controuersia; id est, probe non faciet creditor, si quod soluitur, acceptum ferat in debitum quod liquidum non est. Vtroque vero cessante & debitore & creditore, vtroque tacente, vel, vt Papin. ait, *cessante vtriusque demonstratione causæ*, ita veteres definierunt, id videri solutum, quod ex causa famosa debeat, veluti furti vel mandati potius, quam quod debetur ex causa non famosa, vt l. 7. b. tit. Causa existimationis prima & summa causa est, tum post eam causam id, quod debetur sub pœna, solutum videtur potius, quam id quod debetur sine pœna, l. 4. hoc tit. Tertio loco id, quod debetur sub pignore, quam quod debetur sine pignore. Quarto loco id, quod debet is, qui soluit principaliter suo nomine potius, quam quod debet fideiussorio nomine, d. l. 4. Potior est causa, quæ durior est, & grauior, & quæ magis onerat debitorem, quaque absolui eum quantocius maxime interest. Et inter duriores causas prima, & summa est causa famosa. Secunda causa pœnalis. Tertia causa hypothecaria. Quarta causa principalis & directa: prægrauat enim me magis, quod meo nomine principaliter, quam quod alieno nomine debeo. Et quem ordinem diligens debitor in admonendo creditore seruare dicitur soluendo pecuniâ, eundem seruasse semper præsumitur, si neque debitor, neque creditor demonstrarit, in quam causam pecunia indistincte soluta solueretur, vel acciperetur. Quid autem fiet, si nulla interueniat causa durior, nullum nomen quod contractum sit sub infamiæ periculo, vel sub pœna, vel sub pignoribus, vel alieno nomine puta fideiussorio. Denique quid si omnia nomina similia sint? Et recte ait, tunc solutum videri in vetustiore causam, id est in antiquius debitum, & quæ Græci dicunt *γενεσιότερα χρεα*, Galli, *plus anciens debtes*, vt in l. 5. in prin. & l. 24. & l. 89. §. ult. b. t. Et ad hanc definitionem respiciens Modestinus in l. 77. hoc tit. ait, in libertino nullum esse antiquius debitum debito operarum, quas promissit patrono, sine quibus non peruenisset ad libertatem; hæc est prima obligatio, quam manumissus contrahit; ergo antiquior: nam debita contracta in seruitute manumissum iure ciuili non sequuntur, l. serui, de obl. & act. Quid rursus fiet, si maior pecunia soluatur, quam debeatur ex singulis causis? Fac nullam esse causam, ex qua debeantur plusquam centum, & solui centum & quinquaginta, non demonstrata causa, & ait centum imputari primo ordini, id est, causæ primæ, causæ famosæ, si ex ea centum debeantur: superfluum autem, id est, 50. imputari secundo ordini, secundæ causæ, & sic deinceps secundum definitionem veterum, quæ est sen-



tentia huius l. In ea in hoc fallitur tantum Accurf. quod A  
ponat ad hanc definitionem pertinere l. si in duab. 104. de  
reg. iur. quæ longe alio respicit: nimirum ad causarum agen-  
darum ordinem, non ad ordinem soluendarum pecu-  
niarum. ordo causarum agendarum hic erat; ut causa de  
maiore summa præponeretur minori, nisi si qua incide-  
ret causa existimationis, causa famosa, veluti de furto,  
aut de vi. Nam hæc extra ordinem agebatur, & inde ap-  
pellatio extraordinarij rei in epist. Cælij, ad Cic. & de  
seruando isto ordine in causis agendis etiam est lex que-  
dam lib. 9. C. l. penul. si pendens. appellat.

Ad l. 10. de publicis iudiciis.

*Inter accusatorem & reum cognitione suscepta excusa-  
rio pro absente iustis rationibus admittitur, ne per triduum  
per singulos dies ter citatus reus damnetur, vel de accusa-  
toris absentis præsentis reo calumnia pronuntietur.*

**I**N hac l. proponitur ratio eius definitionis, quæ sta-  
tuit: post litem contestatam inter accusatorem & reum:  
si reus vel accusator absit, pro absente excusationem ius-  
tis rationib. admitti. Quæ definitio Senatusconsulto  
tribuitur in l. pen. §. ult. h. r. Iustis, inquam, rationibus,  
ut ait hoc loco, quod est in d. §. ult. si iustas & idoneas  
rationes absentis procurator habeat, quas iudicibus al-  
legare possit. Admissa autem excusatione absentis rei  
vel accusatoris differtur cōdemnatio: alioqui absens ex  
contumacia condemnari statim posset, quoniam litem  
contestatus est. Litis contestatio hoc loco significatur  
his verbis, *cognitione suscepta*: nec enim iudex cognitio-  
nem suscepit antequam litem partes susceperint, quod  
fit per contestationem & narrationem negotij ex vtra-  
que parte. litem suscipit litigator, cognitionem vero  
iudex statim atque lis suscepta est ex vtraque parte, l. pen.  
sup. de iurisdic. ante litem contestatam absens condem-  
nari non potest, l. 6. C. de accus. l. absentem §. aduersus,  
de pœn. At quia post litem contestatam absens condem-  
nari potest, si per triduum, per singulos dies ter citatus,  
non respondeat, nec sui præsentiam faciat: ideo iustæ  
excusationes absentis, quæ allegari possunt per procu-  
ratorem, l. absens, sup. de procur. admittuntur differen-  
dæ & cohibendæ condemnationis causa, si existat pro-  
curator vel amicus voluntarius, qui excuset absentem  
quod in foro vocant *exonier*. Et hoc est, quod ait hoc  
loco, *ne per triduum per singulos dies ter citatus reus da-  
netur, vel de accusatoris absentis præsentis reo calumnia  
pronuntietur*. Ideo admittitur excusatio absentis prolatis  
iustis rationibus, ne ex calumnia damnetur reus ab-  
sens, vel etiam ne accusator absens præsentis reo calum-  
nia damnetur, qui destitit à lite suscepta. Legendum est  
hoc loco, *ne per triduum*, ut & in Basil. *ὅτι τὸν τριῶν* &c.  
male in Florent. scriptum est, *nec per triduum*. Mos au-  
tem hic erat quem Glossæ non perceperunt, qui seruabatur  
& in legibus promulgandis trinundino, aut in trinundinum,  
& in die dicenda reis æque in trinundinum, ut indicat Cic.  
oratione pro domo sua. Denique mos hic erat, ut absens reus,  
vel accusator post litem contestatam trinundino adesse iuberetur,  
id est, singulis tribus nundinis siue mercatibus solemnibus per sin-  
gulas nundinas intermisso, ut fiebat, spatio dierum 9. &  
vnaquaque vice ter repetito nomine absentis voce præ-  
conis, quæ vox legis dicitur, ut Iulianus interpretatur  
in Nouel. 69. vel à Demosthene pro Ctesiphonte, *vox  
patriæ communis*. Et hunc morem latius exposuit Ob-  
seruatio 20. Ne igitur hoc more non seruato, vel absens  
reus damnetur, vel absens accusator ut calumniator:  
ideo Senatusconsulto cautum est, differendæ condem-  
nationis causa, iustas causas absentis si allegentur, ad-  
mittendos esse suspensa condemnatione. Quæ est sen-  
tentia huius legis.

Ad l. 41. D. de pœnis.

*Sanctio legum quæ nouissime certam pœnam irrogat iis,  
qui præceptis legum non obtemperauerint, ad eas species  
pertinere non videtur, quibus ipsa lege pœna specialiter  
addita est. nec ambigitur in cetero omni iure speciem generi  
derogare. nec sane verisimile est, delictum vnum eadem lege  
varijs æstimationibus coerceri.*

**H**Æc lex proponit euidenter regulam eiusmodi,  
quæ est in tit. de regul. iur. 80. In toto iure generi  
per speciem derogari, & illud potissimum haberi, quod  
ad speciem directum est. Et proponit hæc lex ad eam re-  
gulam exemplum tale. In extrema parte legum plerum-  
que solet generaliter addi pœna certa, si quis aduersus ea  
fecerit sciens dolo malo, capitali esto, vel, tot populo dare  
damnas esto. Vltima clausula legum est pœna, quæ infligi-  
tur migrantibus à lege, siue non obtemperantibus  
præceptis legis; & ea pars vltima legum appellatur san-  
ctio, & ab ea leges ipsæ sanctæ dicuntur, quasi sanctio-  
ne subnixæ, l. sacra §. proprie, de rer. diuisione. Tull. 2. de  
Inuent. *Maxime conseruandam eam legem esse, quæ dili-  
gentissima & sancta est.* & 3. ad Att. *vix ullam esse legem,  
quæ non ipsa se sepiat difficultate abrogationis*, id est, san-  
ctione aliqua. Pertinet autem ea pars, siue sanctio, quæ  
generalis est ad omnia capita legis, & ad omnes species,  
quæ lege continentur, quibus similiter non est adscrip-  
ta pœna certa & propria. Nam ad eas species, quibus  
pœna lege specialiter adscripta est, clausula illa, siue  
sanctio generalis non pertinet; pars siue pœna specialis  
derogat generali: ut in certo omni iure ait Papinianus  
receptum esse, speciem generi derogare & detrahere,  
quod multis exemplis demonstrari posset, petitis ex l.  
10. de manum. testam. l. 9. de supell. leg. l. 12. §. ult. de  
instruc. & inst. leg. & innumeris aliis locis. Ac præterea  
ait Papinianus non esse verisimile legem voluisse, idem  
crimen siue delictum coerceri duplici pœna; nimirum  
speciali & generali. vnius criminis vna lex est, vna pœ-  
na, vnum iudicium. Qua de causa & Senatus censuit,  
ob vnum crimen neminem posse pluribus legibus reum  
fieri, l. Senatus, sup. de accusat. Idque arbitror censuit  
tempore Titi Vespasiani. Nam ut Sueton. scribit, *Titus  
Imperator, ut delatores coerceret, vetuit inter cetera de  
eadem re pluribus legibus agi*: alioqui vni delicto duplex  
pœna infligeretur, quod iniquum est. Ideoque cum cer-  
to capite legis vni delicto addita est pœna specialis, pœ-  
na sanctione subscripta ad illud delictum non pertinet:  
quoniam est iniquum, vnius delicti duplicem esse pœ-  
nam. Hoc loco addam definitionem Papin. ex hoc lib.  
2. quæ non est quidem relata in D. sed quam nobis con-  
seruauit L. Rufinus in eo lib. quo contulit ius ciuile  
populi Romani cum lege Dei data per Moysen populo  
Iudaico, & eam fuisse positam scribit lib. 2. Definit. sub  
tit. de indic. id est, de condem. Nam hi libri Definit. erant  
distincti titulis. Definitio hæc est: *per hominem liberum  
noxæ deditum, si tantum acquisitum sit, quantum damnum  
dedit, manumittere cogendus est à prætore, qui noxæ dedi-  
tum accepit, sed fiducia iudicio non tenetur*. Hæc est defi-  
nitio Papin. quæ loquitur quidem de libero homine  
noxæ dedito, sed idem seruari in seruo noxæ dedito o-  
stendit aperte §. dominus, Instit. de nox. act. nempe ser-  
uum noxæ deditum ei, cui noxam nocuit, id est, cui  
damnum dedit, manumitti auxilio prætoris, si quæsita  
pecunia is seruus nouo domino, cui deditus est sarcie-  
rit & soluerit damnum, id est, præstiterit damni æsti-  
mationem, manumitti eum oblata æstimatione damni,  
nec reuerti ad priorem dominum, cuius dominio in  
perpetuum abcessit. Sicut si quis amiserit dominium  
rei suæ vfucapione, ac deinde is, qui vfucepit ea rem,  
habeat pro derelicto, sane dominium non reuertetur.



ad priorem dominum, à quo discessit in perpetuum, sed A  
adquiretur occupanti iusto titulo, nempe pro derelicto. Et est vale suavis in quadam epist. nouiter impressa M. Ant. Muretus, qui ludit IC. & cum ea quæstio ei proposita fuisset de eo, qui rem vsucepit, quam postea pro derelicto habet, magnifice respondit sibi videri æquum esse, vt ea res redeat ad priorem dominum. Ratio autem huius definitionis à nobis propositæ hæc est, quod nouus dominus, cui seruus noxæ deditus est, magis voluerit sibi damnum sarciri, quam dedi seruum, quodque seruum in noxam acceperit, non tam sua sponte, quam coactus necessitate quadam noxalis iudicij. qua ratione etiam Græci vtuntur, vt dixi in speciel. 8. de noxal. act. quod item iudex in primis etiam damnum sarciri iusserit: ita enim solet iudex pronuntiare noxali iudicio, vt docent Institut. Pub. Manium (qui est dominus serui couentus noxali actione) propter delictum serui L. Titio (qui est is cui damnum datum est à seruo) in decem aureos condemno, aut noxam dedere. Præcedit æstimatione damni in x. aut xx. aut centum aureos, vt & præcedere ait l. 6. sup. de re iudic. præcedit inquit, æstimatione damni, & in condemnatione est: noxæ deditio sequitur: & in præstatione magis est, quam in condemnatione. Denique in condemnatione tantum est æstimatione damni. Quamobrem & noxæ dedito est integrum satisfacere iudicato præstita æstimatione litis, & ita se ab eo liberare, cui noxæ deditus est, & ei inuito interuentu prætoris extorquere libertatem. Denique sub tit. de iud. docuit Papin. etiam libero homini noxæ dedito ob causam iudicati, non facti post deditioem, integrum esse facere iudicatum, & se liberare ab eo, cui deditus vel addictus est. noxæ dedi olim poterant etiam liberi homines, l. 3. §. proinde, de lib. hom. exhib. §. ult. Institut. de nox. act. quod & Paulus apud, eundem L. Rufinum significat lib. fing. de adult. dum ait, marito licere occidere deditum liberum hominem deprehensum in adulterio uxoris. locus ille intelligitur de dedito libero homine, quia de seruo & libertino iam sup. dixerat. proinde etiam liberi homines noxæ dedi poterant. Verum multum distabat noxæ deditio serui à noxæ deditioe liberi hominis, quia serui deditio faciebat eum seruum eius; cui dedebatur: at noxæ deditio liberum seruum non faciebat. Imo nec pignoris aut fiduciæ vinculo necessebat liberum hominem. Nam vt Paulus ait, liber homo pignori vel fiduciæ dari non potest. perstringam paucis differentiam inter pignus & fiduciam. Pignus est pignus, quod transfert solam possessionem in creditorem: fiducia est pignus, quod transfert etiam dominium in creditorem sub lege remancipandi, post solutam omnem pecuniam, quod & Paulus ostendit in sent. & Isidor. in originibus suis. Noxæ igitur deditio non necit liberum hominem iure pignoris aut fiduciæ. Qua de causa in superiori definitione Papin. ait, oblata æstimatione damni, eum, cui liber homo deditus est, non compelli hominem manumittere. Nā & manumitti dicitur deditus vel addictus, vel obætatus. Non omnis qui manumittitur, manumittitur ex seruitute, sed vel ex nexu, vel ex deditioe, vel ex additione: non compelli, inquam, eum manumittere fiduciæ iudicio oblata æstimatione litis, quia nulla fiducia contracta est, sed compelli extra ordinem per prætorem ipsum vel præsidem, non iure ordinario data actione & iudice speciali.

Ad l. 17. de castr. pecc.

Pater, qui castrense peculium intestati filij retinebit, as alienum intra modum eius, & annum utilem iure prætorio soluere cogitur. Idem si testamento scriptus heres extiterit, perpetuo civiliter ut heres conuenietur. Pater à filio milite

vel qui militauit heres institutus, testamenti causam omisit, & castrense peculium possidet, legitimi heredis exemplo cogetur ad finem peculij perpetuo legata præstare. Quod si filius post annum quam militare deserat, iure communi testamento facto vita decessit, ratione Falcidia retinebitur quarta. ceterum si testamenti causam pater omisit, cam peculium creditoribus soluendo non esset, nihil dolo videbitur fecisse, quamuis temporis incurrat compendium.

Q Vod attinet ad l. 17. de castr. pecul. certissima iuris definitio est, nec villo modo, vt male tradit Accurs. abrogata per Nouel. 18. Et definitio hæc est: filii fam. militis intestati defuncti, nullis liberis vel fratrib. superstitib. vt recte additur, & singulariter in §. Instit. quib. non est permiff. fac. test. bona castrensia patri eius superstiti deferri vt peculium, quod retro intelligitur fuisse in bonis patris, vt ait l. pen. h. t. Deferri, inquam, patri vt peculium, cuius retro fingitur dominium habuisse, non vt hereditatem. testari autem filii fam. militis, patre herede instituto bona castrensia ex testamento patri deferri vt hereditatem. Hæc definitio proponitur multis in locis, l. 1. & 2. & 9. & l. pen. h. tit. l. 1. §. siis cui bona, de collat. bon. l. ult. ad Tertull. l. in eo, de adq. rer. dom. Et ratio euidentissima huius definitionis hæc est: quia iure antiquo, quod obtinuit ante constitutiones Principum, peculium castrense filii fam. non minus acquiritur patri, quam peculium paganum. Et nouissime ex constitutionibus Principum, hoc priuilegium militiæ datum est, vt de castrensi peculio possit filius fam. miles statuere suo arbitrio, perinde atque si pater fam. esset, quo priuilegio quamdiu vitur filius fam. nullum in eo peculio ius patri competit. Quamobrem si de castrensi pecul. testetur filius fam. vt potest, vel in militia, iure militari, vel post missionem iure communi, si, inquam filius fam. testetur de castrensi peculio, atque ita suo iure vtatur, & extraneum heredem instituat, pater in eo peculio nihil iuris habet, vel si patrem ipsum heredem instituat, pater id occupat & retinet, vt extraneus quilibet iure hereditario, non iure prætorio, non iure antiquo, non iure peculij, sin autem de eo peculio filius fam. testamentum non faciat, & moriatur intestatus, quia suo iure vsus non est, pater secundum ius antiquum postliminij cuiusdam similitudine, vt ait l. pen. hoc tit. id peculium sibi vindicat, quasi sibi adquisitum: id peculium occupat iure suo, iure patriæ potestatis, iure peculij, non iure hereditario, quod est extraneum ius. Et hæc est sententia huius definitionis. Porro ex hac definitione & differentia sequitur, quod proponit Papinian. initio h. legis. Intestato mortuo filio fam. patrem creditoribus filij teneri iure prætorio actione de peculio, non in solidum, sed intra modum peculij, siue quod idem est ad finem peculij, id est, eatenus quatenus peculium patitur: vno verbo, peculio tenus, & teneri creditoribus intra eum modum, & intra annum utilem tantum, vt in peculio pagano seruari solet, l. 1. quando de pecul. actio annal. fit. Nam mortuo filio familias intestato peculium castrense eodem iure est quo paganum: testato autem filio fam. & patre herede instituto, patrem adita hereditate iure ciuili, non iure prætorio, creditoribus teneri in solidum & perpetuo, non pro modo bonorum castrensium: & perpetuo, non intra annum, tamquam heredem filij scilicet legatariis autem si filius à patre herede instituto legata reliquerit, patrem teneri, non in solidum, sed fini hereditatis siue peculij castrensis, quod ad eum peruenit iure hereditatio ex testamento filij, quia nec ex testamento militis legata debentur ultra vires hereditatis, legata debentur tantum ad finem hereditatis, deducto eo, quod creditoribus debetur, l. 1. §. denique, ad Trebell. æs alienum debetur supra finem hereditatis, si adita sit ab herede scripto: legata nunquam debentur, nisi ad finem hereditatis, quod scilicet superest



deducto ære alieno; verum pro quæstu hereditatis, quod superest deducto ære alieno pater legatarijs tenetur perpetuo, quia actio legatorum, actio ex testamento perpetua actio est & civilis; ac præterea ex legatis pater non deducit quartam ratione legis Falcidæ, quia in testamento militis Falcidia cessat, & legata debentur, si eis bona sufficiant, *l. 7. C. ad l. Falcid.* In testamento autem eius, qui militia dimissus & sacramento solutus est, id est, in testamento veterani, Falcidia locum habet, etiam si vita decesserit intra annum missionis, *l. ad veterani, ad leg. Falcid.* In testamento, inquam, veterani, quod fecit post missionem iure communi. Nam in testamento, quod fecit in militia iure militari, si moriatur intra annum missionis, *l. Falcidia* non habet locum, quia intra annum testamentum valet iure militari, perinde atque si in militia diem suum obiisset. Sed si post annum missionis moriatur, etiam in eo testamento, quod in militia fecit, *l. Falcidia* locum habet, si moriatur post annum missionis, *l. si post, & l. si miles, ad leg. Falcid. l. si certarum §. ult. de mili. test.* Sciendum autem est, his omnibus, quæ diximus hactenus, locum esse non tantum, cum pater à filiofam. milite aut veterano heres institutus hereditatem adiuit ex testamento, sed etiam cum omissa causa testamenti, id est, repudiata hereditate filij ex testamento, atque ita filiofam. intestato facto per repudiationem patris, bona castrensia pater possidet iure peculij. Item ea quæ diximus, obtinet etiam hoc casu, exemplo scilicet eius, qui omisso testamento, in quo erat institutus, bona possidet iure legitimo, & iure hereditario ab intestato, ex edicto, *si quis omiff. caus. testam. d. l. si certarum §. pen.* Pater filiofam. testamentarius heres esse potest: legitimus heres esse non potest ab intestato, sed hoc casu legitimi heredis exemplum sequitur, si **C** omissa causa testamenti retineat bona castrensia iure peculij, perinde atque si ea retineret iure hereditario ab intestato. Et hoc igitur casu perinde atque si adisset hereditatem filij ex testamento, in eum legatorum actio datur perpetua, ut ait hoc loco & comprobat *l. de libertatibus §. 1. si quis omiff. caus. test.* sed datur legatorum actio ad finem peculij tantum, id est, pro quantitate hereditatis quæ superest absolutis creditorib. filij. Nec Falcidiæ locus est, si testamentum filiusfamil. fecerit iure militari, & in militia vita decesserit, vel intra annum missionis, honeste, non ignominiose; sed si decesserit post annum missionis, vel si post missionem iure communi testamentum fecerit, licet intra annum vita decesserit, Falcidiæ locus est, quamvis pater omisso testamento bona possideat ut peculium, non ut hereditatem, quia pro eo habetur, ac si adisset ex testamento, nec repudiasset testamentum ex superiore edicto, *l. duo §. ult. si quis omiff. l. 1. §. ad eos, sup. ad l. Falcid.* Et hoc est, quod ait Papinianus illo loco, quod si filius post annum, quam militare deserat, iure communi testamento facto vita decessit, &c. In extremo huius *l.* ponit Papinianus vnum casum. vnam exceptionem, qua quidem pater institutus à filiofam. milite, omiffa causa testamenti, si bona filij castrensia possideat iure peculij, legatorum nomine non tenetur. Casus hic est: si pater ideo noluerit ex testamento adire hereditatem filij, quod ea hereditas, id est, peculium castrense creditoribus filij soluendo non esset, quia, qui obeam causam repudiat testamentum, nihil dolo facit, sed prospicit sibi tantum, ne implicetur æri

**A** alieno filij, & edictum si quis omiffa causa occurrat tantum dolo & calliditati heredum repudiantium testamentum in necem & fraudem legatariorum, *l. 1. si quis omiff.* Pater vero hoc casu non repudiavit testamentum hoc animo, ut legatariis fraudem faceret, sed ut fraudem à se depelleret, & onus æris alieni, quod facere potest impune, & citra metum illius edicti, *l. cum pater §. Titio, in fin. d. legat. 2. l. Papin. §. quarta, de inoff. test. l. 4. de acq. hered. l. 6. §. si patronus, si quis omiffa causa testam.* Sane pater incidisset in fraudem, si adisset hereditatem ex testamento filij, quæ erat onerata ære alieno nimis, quia adeundo, creditoribus filij se obligasset in solidum, etiam si hereditas non esset soluendo, quia semper intelligitur esse soluendo hereditas, quæ inuenit heredem, qui adierit ex testamento, *l. libertus qui, de bon. libert.* Ergo & hoc casu repudiato testamento non fraudandi alterius causa, sed ne ipse fraudaretur, sane interdicunt legata, quia non adita hereditate ex testamento non debentur; & commodum temporis etiam acquirit pater, quia creditoribus filij, de peculio non tenetur perpetuo, sed intra annum utilem tantum, ut proposuit initio: Atque ita hoc casu repudiato testamento, ut ait, temporis breuioris, quo conueniri potest à creditoribus, compendium incurrit. Et quamvis istius temporis compendium incurrat, quod non perpetua, sed temporaria actione pater filij creditoribus teneatur, qui repudiavit ipsius testamentum, tamen non tanta habetur ratio lucri temporarii, ut non propterea statuamus impune repudiari à patre testamentum filij bonis occupatis iure peculij, ac si intestatus decessisset vita, quem & repudiatio intestatum facit.

Ad l. 83. de reg. iuris.

*Non videntur rem amittere, quibus propria non fuit.*

**A**liorum exempla ad hanc regulam displicent. vtratribus quæ non afferunt Latini interpretes: Creditores non videntur amittere rem pignori datam, quibus propria non fuit. Et ideo amiffi pignoris periculum pertinet ad debitorem, qui dominus mansit, non contracta fiducia, *l. cum & sortis, §. ult. de pigner. act.* amiffi, inquam, pignoris periculum pertinet ad debitorem tanquam dominum, non ad creditorem, si sine culpa eius res amissa sit, *l. amiffi, in princ. de fideiuss. & l. pignus, & l. quæ fornicitis, C. de pigner. act.* Et ad hunc locum, hoc exemplo Græci interpretes vtuntur apud Harmenopolum 3. *Epitom. tit. 9.* Potest etiam apponi aliud ex *l. 1. §. eum qui, & l. 3. §. utifru, de vi, & vi arm.* si quis prohibeatur ingredi & incipere possidere fundum, non videtur vi deiectus aut detrusus ex fundo, nec habet interdictum unde vi, quia is tantum deicitur, qui amittit possessionem, non amittit autem possessionem, cuius nondum propria fuit. At aliud exemplum ex *l. sed & si constante, de donat. inter vir.* donatio rei alienæ, quam forte suam esse maritus existimabat collata in uxorem valet, quia ea tantum donatio iure civili prohibetur, quæ maritum pauperiorem facit, id est, per quam maritus rem suam amittit: non videtur autem amittere, quod proprium eius non fuit. Explicitus est Papin. Definitionum liber 2. & vltimus, 12. calend. Maij 1580.



# IACOBI CVIACII I.C.

## AD LIB. I. ÆMYLII PAPINIANI

### DE ADVLTERIIS COMMENT.

Adl. 13. D. de testibus.

*Quæsitum scio, an in publicis iudicijs calumnia damnati testimonium iudicio publico perhibere possunt, sed neque lege Remmia prohibentur, & Iulia lex de vi & repetundarum, & peculatus, eos homines testimonium dicere non vetuerunt: verumtamen quod legibus omissum est, non omit-  
tetur religione iudicantium, ad quorum officium pertinet eius quoque testimonij fidem quod integræ frontis homo dixerit perpendere.*



APINIANVS scripsit duos libros de adulteriis, & librum quoque singularem de adulteriis. Inter quos aliquid interest. nam libri duo de adulteriis sunt ad l. Iul. de adult. id est, ad omnia capita Iulix, quæ erant plurima, nec omnia respiciebant ad causam, pœnam, vel iudicium publicum adulterij, siue stupri, sed alia erant capita de fundo dotali non alienando, Paulus 2. Sent. lege inquit, Iulia de adulterijs cauetur, ne dotalè prædium maritus inuita uxore alienet: & alia de diuortijs certo modo ritumque faciendis, l. 1. in fine, unde vir & uxor. lex, inquit, Iulia de adulterijs nisi certo modo diuortium factum sit, pro infecto habet, & aliud quoque fuisse caput l. Iulix ait l. 19. de rit. nupt. de compellendis parentibus, liberos suos, quos habent in potestate, collocare in matrimonium filiabus dote constituta. Et ita libros Vlpiani de adulteriis aliter inscriptos fuisse ad l. Iuliam, de adulter. intelligimus ex inscriptione legis 17. & 19. & 25. inf. ad l. Iul. de adult. quo modo libros Papin. de adult. sic accipere debemus, ad leg. Iul. de adulter. id est, ad omnia capita. Nam & ex hoc libro dabuntur leges de fundo dotali, & de diuortijs. Liber autem singularis Papiniani de adulteriis fuit tantum de exercitio publici iudicii, ex l. Iul. de adult. non de omnibus capitibus l. Iulia. Et prima quidem, quæ est in D. offert ex primo ad l. Iul. de adult. est, l. 13. D. de testib. cui adiungam ex lib. sing. l. 14. eod. Porro certum est adulterij damnatum, vel damnatum iudicio publico ex l. Iulia testem produci vel testimonium dicere in iudicio publico non posse, l. qui testamento §. mulier, qui testam. fac. poss. l. 18. hoc tit. Quod obtinet etiam in alio quolibet damnato aliquo iudicio publico, veluti repetundarum, aut de vi, aut peculatus, quia infamis fit, & propter infamiâ testis esse, inque iudicio testimonium perhibere vetatur, l. 3. §. lege, & l. 16. hoc tit. l. 6. §. 1. ad leg. Iul. repet. Qua de causa, ut M. Tullius scribit in prætura urbana, Verres callide cum esset legatus Dolabellæ in prouincia Siciliæ, & furtorum ac flagitiorum multorum in ea prouincia commissorum non modo particeps, sed etiam princeps, noluit rationes legationis suæ reddere, nisi condemnato prius repetundarum & electo Dolabella qui poterat eum reprehendere, ne post damnationem Dolabella in se posset testimonium dice-

re. Quod si publico damnatus in iudicio testimonium dicere & perhibere non potest, & in testamento multo minus testis, vel signator esse potest, l. qui testamento §. cum qui, qui testam. fac. poss. quia testamenta, quibus patresfam. statuunt & decernunt de vniuerso iure suo solemniter, maxime requirunt selectos & classicos assiduosque testes, non qualescunque, non proletarios: quin & proprie auctore Festo, classici dicuntur testes, qui signandis testamentis adhibentur. Huius autem rei argumentum est, quod mulier si non sit damnata adulterij, in iudicio testis esse potest, in testamento non potest, d. l. qui testa. §. mulier, & l. 18. hoc tit. Recte igitur dicimus, iudicio publico damnatum, qui in iudicio testis esse non potest, & multo minus in testamento adhiberi posse: & in iudicijs, & in testamentis testes adhibendi sunt integræ opinionis, alioqui ut ait l. 14. testamentum neque iure ciuili valet, ut ex eo adiri hereditas possit, neque iure prætorio, quod hac in re subsequitur ius ciuile, ut bon. possessio secundum tab. dari possit, si infames signandis testamentis adhibiti sunt. Testium infamia corrumpit testamentum, quod maxime notandum. Ex eo autem quod dicitur, iudicio publico damnatum in iudicio testimonium publice dicere non posse, colligitur, ex eo crimine damnatum quod publici iudicii non est, non prohiberi in iudicio testimonium dicere, quia non ex crimine damnatus est, cuius accusatio pateret omnibus, sed ex crimine, quod habet causam priuati iudicii, non publici. Et hoc sane verum est, si damnationem ex crimine non publico, non sequatur infamia, ut l. infamem, D. de iud. pub. At quid si damnationem sequatur infamia ex crimine non publico, an damnatus testis adhiberi potest in iudicio vel testamento? Hæc est quæstio h. legis. Fac, calumniæ causa in iudicio publico, non iudicio publico, sed priuato damnatum esse aliquem in iudicio, puta, quod iudicio publico malitiose aliquem accusarit per calumniam: iudicium de calumnia commissum in iudicio publico, non est publicum, tamen irrogat infamiam, l. 1. de his, qui not. inf. illo loco, qui in iudicio publico calumnia præuocationis uel causa, quid fecisse indicatus erit. Quibus verbis duo tantum casus norantur: si quis in iudicio publico, calumniæ causa damnatus fuerit, quod falsum crimen intendisset; & si quis in iudicio publico, præuocationis causa, puta, quod prodisset causam cum reo colludens, damnatus sit. Denique si cuius de calumnia vel de præuocatione, in iudicio publico sit pronuntiatum, recte in iudicio publico: nam in causa priuati iudicii calumniæ damnatus, puta, quod litem priuatam egerit calumniose, infamis non fit, l. 5. C. de calum. Quæritur ergo hoc loco, an in iudicio aliquo publico damnati accusatores testimonium perhibere possint. In alio, maxime iudicio publico, quod in alium intenditur? Et videntur hi, qui damnati sunt calumniæ causa in iudicio, posse testimonium perhibere etiam iudicio publico, quod intenditur in aliquem, quia lex Remmia, quæ calumniatores coercet, qui scilicet in iudicio publico calumniati



calumniati sunt, lex Remmia, ut est proditum hoc loco, & l. i. ad Senatusc. Turpill. & in oratione, M. Tullij pro Rosc. Amerino, ubi tamen vulgo male Memmia, pro Remmia, ut hi duo loci Digestorum peruincunt, ex qua familia (ne quis arguat nullum talem fuisse Romæ) nomen etiam est Quinto Remmio Palæmoni, qui scripsit artem Grammaticam & librum de ponderibus: quia igitur l. Remmia, quæ coercet eos, qui in iudicio publico calumniati sunt, eos non facit intestabiles, id est, testimonium dicere non vetat in aliis causis; ideo videntur testimonium dicere posse etiam in iudicio publico, & non tantum, quia lex Remmia, quæ proprie in eo lata est, sed etiam quia l. Iulia de vi, & lex Iulia repetundarum, & l. Iulia peculatus, vel aliæ leges publicorum iudiciorum, non vetant eos testimonium dicere, qui in his publicis iudiciis sunt calumniati. Per leges igitur licet eis testimonium dicere, & tamen, quia perinde sunt infames, qui in iudicio publico calumniæ causa aliquid fecisse iudicati sunt, atque ij, qui iudicio ipso publico damnati sunt vel de adulterio, vel de vi, vel repetundarum, & quum est, testimonium eorum repelli, quia infames sunt. Cur damnatorum iudicio publico testimonium repellitur: propter infamiam, ut ait l. 3. §. lege, hoc tit. Ergo eadem ratione repelli debet testimonium, qui in iudicio publico calumniæ damnati sunt, licet nominatim legibus facti non sunt intestabiles. Et ideo quod legibus omissum est, vel Remmia vel legibus publicorum iudiciorum, ut eleganter hic ait Papinianus, suppleri debet iudicantis religione, legibus quidem non repelluntur à testimonio, sed officio iudicum, quia & ad eorum officium pertinet, inquit, etiam eius testimonij fidem perpendere, seu perpenso consilio excutere, quod homo integre frontis dixerit. Non dicit hominem integre frontis figurate pro homine integre famæ, opinionis, dignitatis, sed proprie admodum hominem integre frontis citra metaphoram dicit pro homine, qui frontem integram habet, id est, non compunctam notis, non inscriptam aut inustam litteris, ut habent calumniatores, qui in iudicio publico calumniati sunt, quorum fronti ex l. Remmia inuri solebat litera K, quæ calumniam significabat, vel simplex aut duplex, quod significabat calumniæ causam, ut veteres scribere solebant. quod in idiotismo appellatur *flestrir le front*. Et hoc iamdiu meminimus me comprobare ex Plinio in Panegyrico ad Traianum scribente de delatoribus, de calumniatoribus, quos Traianus expulerat & multauerat bonis, nunc, inquit, non ut antea ex sanguine illam & ferream frontem, ne quicquam vulneratam punctis præbeant, & notas suas rideant. Et ex ead. oratione pro Rosc. Amer. M. Tull. quò loco agit de l. Remmia, & de calumniatoribus; Crura, inquit, nemo vobis suffringet, sed ego hos bene noni, litteram illam, cui vos adeo inimici estis, ut etiam litteras omnes oderitis, ita vehementer ad caput affigam, ut postea neminem alium nisi fortunas vestras accusare possitis, hoc est, vobis cruci quidem non affigent, sed fronti affigent litteram K. In crucem sublatis crura suffringi solebant, ut duobus illis latronibus, qui suffixi sunt cum Domino. idè in ead. oratione, si luce canes latrent, quum Deos salutat aliquis venit, opinor iis crura suffringentur, quod acres sint etiam tum cum suspicio nulla est, quasi velit dicere, & vobis crura esse suffringenda, quod temere instituat accusationes sine vlla suspitione. Et idem Philip. 13. Plantum perire non posse, nisi crura ei fracta sint, id est, nisi ut erectus detur cruci. Et Plautus in Pœnulo, continuo is me crurifragum fecerit. Eam litteram fuisse K, simplex vel duplex indicat Iuliani Misopogon aduersus Antiochenos dum ait, optat Deus Antiochenis infligere duplex K K, quod vicinas ciuitates calumniati sunt. Sensus ergo huius l. hic est; si iudices nec quod integre frontis homo testimonium dixerit temere recipiunt incognita causa, multo minus id recipient, quod dixerit calumniæ causa

Papin. de Adult.

A in iudicio publico damnatus, cuius frons vulnerata est & inscripta. Et eadem ratione dicere possumus, extra ordinem damnatum criminaliter, ex crimine non publico, ex causa furti, vel iniuriarum, vel vi bonorum raptorum, vel ex alia causa, crimine stellationatus, vel crimine expilata hereditatis, quæ iudicia publica non sunt, quia infamis sit, l. quid ergo §. ult. de his qui not. infam. l. lite, C. eod. l. infamem, de publi. indic. infamem officio iudicis esse à testimonio iudiciario repellendum, quia ut dixi, nec iudicio publico damnati alia ratione legibus remouentur, quam propter infamiam. Hoc dico de damnato criminaliter ex furto, ut in l. ult. de furr. vel ex alio crimine non publico: nam damnato ciuilitate, ut actione furti vel iniuriarum, vel vi bonorum raptorum, vel de dolo malo, vel depositi, mandati, tutelæ, pro socio, licet eæ omnes actiones famosæ sint, & damnatum infamem faciant, tamen non dixerim, eum repelli à testimonio iudiciario vel testamentario; nec iure ipso, nec officio iudicis, quia hoc tantum reperitur scriptum de ijs, qui criminaliter damnati sunt ex causa famosa; ciuilitate damnati iudicio non publico non repelluntur à testimonio. Inter cætera hoc ad extremum notandum ex hac l. in calumniatores qui in iudicio publico calumniati erant, ex l. Remmia non fuisse iudicium publicum. Hoc hæc l. manifeste ostendit, alioquin frustra quæreretur, an testimonij dictionem habeant, quia generaliter verum est, damnatos iudicio publico testimonij dictionem non habere. Ergo ex hac l. Remmia liquido constat, non fuisse iudicium publicum, accusationem publicam. Quod tamen affirmavit Accurs. male in l. 1. §. 1. ad SC. Turpill.

Ad l. 12. de fundo dotali.

C Etiam dirempto matrimonio prædium dotale esse intelligitur.

Hæc l. pertinet ad caput l. Iulia de adult. de prædium dotali non alienando inuita muliere, ut & l. 2. §. 12. 14. h. t. quæ omnes sunt ex Vlp. vel Pauli libris de adult. Idque ostenditur ea lege 12. non tantum constante, sed etiam soluto matrimonio dotale prædium esse videri, quoad scilicet restitutum sit mulieri, vel heredi eius, utique si ea in causa est, ut restitui debeat mulieri vel heredi eius, l. 3. h. tit. Sunt enim plerique casus, quibus soluto matrimonio dos in restitutionem non venit, sed quum est in causa restitutionis, sane etiam post solutum matrimonium, quod fuit dotale prædium & dotale esse intelligitur, quoad restitutum sit. Ex quo sequitur interim prædium illud alienari non posse, quod & l. 1. h. tit. probat, dum ait, morte mariti dirempto matrimonio prædium dotale transire ad heredem mariti cum suo iure, cum causa & conditione sua, ut alienari non possit. Idemque probat l. 13. §. heredi, h. tit. si morte mulieris solutum est matrimonium, nec tamen potest maritus post mortem mulieris prædium dotale alienare, quod heredi mulieris restituendum est; sed perinde ac mulieri & heredi eius idem auxilium præstatur, puta, repetitio vel vindicatio prædij alienati; vindicatio re scissoria alienationis, l. cum pater §. qui dotale, de leg. 2. Et huc etiam valde pertinet quod ait l. si post, sol. matr. herede mulieris agente de dote, mortua muliere, cum viro vel parente eius; eadem interuenire & seruari in dote restituenda, quæ ipsa muliere agente obseruari solent, puta, ut iisdem diebus dos reddatur, ut eadem retentiones ex dote fiant, & non ultra facultates maritus damnetur: neque enim quod & regula iuris non patitur plus commodi heredi suo mulier relinquit, quam ipsa habuit; itemque ut nec mortua muliere viro permittatur alienatio fundi dotalis. priuilegium solum exactionis vel hypothecæ mulieris non sequitur, nisi sit filius,

Vu



*l. unica, C. de priuil. dot. l. ult. §. exceptis, C. qui pot. & No-  
uel. 9. 9.* Ex hac etiam Papin. sententia sequitur, nec soluto  
matrimonio dotale prædium vsucapi posse, quia in *l. Iulia*  
alienationis verbo etiam vsucapio continetur, *l. si  
fundum, b. tit. l. tametsi, sol. matr.* Verum etiam est, dotale  
prædium vsucapi non posse, aut adquiri possessione  
longi temporis: nec ob stare quā obicit Accurs. *l. in reb.  
dotalibus §. omnis, C. de iure dot.* Quin reiectis omnibus  
Accursij rationibus, quæ perquam inanes & nugaces  
sunt, lex, *in reb.* non hoc docet, soluto matrimonio fun-  
dum dotalem vsucapi posse, sed docet actionem de dote  
siue repetitionem dotis excludi præscriptione temporis  
legitimi. Denique non docet, vsucapione adquiri do-  
minium fûdi dotalis, vel adquiri actionem in rem, quæ  
actio siue lis solius domini est, *l. eni c'tis, sup. de vsur.* sed  
adquiri exceptionem temporis contra mulierem here-  
deinve eius soluto matrimonio dotem repetentem,  
quæ ex quo repetitio ei competere cœpit, diu cessauit  
in repetitione dotis. Verba legis hæc sūt: *Omnis exceptio  
temporalis siue per vsucapionem induc'ta, siue per decem,  
siue per viginti annorum curricula, vel 30 aut 40. opponi-  
tur mulieribus dotem repetentibus ex eo die, quo eis actio de  
dote competere cœpit: vsucapio vero illa parit exceptionem  
tantum possessori, non actionem in rem, non dominium.* De-  
nique ea lex loquitur non de dominio adquirêdo fundi  
dotalis, qui est effectus vsucapionis, sed de adquirenda  
præscriptione vsucapionis, siue exceptione temporali  
aduersus repetitionem dotalis fundi.

## Ad §. 1.

*Soceri voluntas in distrahendo prædio dotali nulla est.*

**L** Ege Iulia voluntate vxoris, fundus dotalis alienari  
potest, quia inuita tantum vxore alienatio prohibe-  
tur, non etiam volente, §. 1. *Instit. quib. alien. voluntate,*  
inquam, vxoris, non etiam voluntate soceri, id est, pa-  
tris mulieris; soceri voluntas in alienando fundo do-  
tali nulla est, sola enim voluntas mulieris alienationem  
confirmat, hodie ex constit. Iustiniani, *de rei vxor. act.*  
etiam voluntas vxoris in distrahendo fundo dotali nul-  
la est: sed Papinianus hoc scripsit secundum ius suæ  
ætatis. Vbiq; vero de fundo inæstimato loquimur,  
quia hic solus est dotalis; qui non est æstimatus: qui  
autem est æstimatus, non est dotalis, quia in dotis causa  
æstimatio sola est, non fundus.

## Ad l. 7. de diuortijs.

*Si pœnituit eum, qui libellum tradendum diuortij dedit,  
iisque perignorantiam mutata voluntatis oblatu est, dura-  
re matrimonium dicendum est: nisi pœnitentia cognita sit, qui  
accepit ipsum, voluit matrimonium dissolvere: tunc enim  
per eum qui accepit. soluitur matrimonium.*

**I** Nitio huius lib. satis ostendi à tractatû l. Iul. de adul.  
non abhorreere quæstionem de diuortijs, quod & in-  
scriptio *l. 8. & l. 9. b. tit.* demonstrat, in qual. 9. quod  
proponitur nullum diuortium ratum esse, nisi septem  
ciuib; Romanis puberibus adhibitis factum sit, præ-  
ter libellum eius, qui diuortium facit. Hæc omnia ver-  
ba ipsa sunt *l. Iulia de adult.* quæ certo modo diuortia  
fieri iussit, ut ait *l. 1. in fin. unde vir & vxor,* quam legiti-  
mam obseruationem diuortij faciendi appellat *l. 36. sup.  
tit. prox.* Suetonius in Augusto, qui auctor fuit *l. Iulia*  
de diuortijs, diuortijs modum imposuit. Et serua quod  
ait *l. Iulia,* nullum esse diuortium ratum, id est, omne di-  
uortium pro infecto haberi, nisi factum sit 7. ciuib; Romanis  
puberibus adhibitis, id est, præsentibus, ut in  
testamentis legitimis 7. custodito numero, & ciuib;

A Romanis, alioqui non essent classici testes, & puberi-  
bus. Nam impuberes testimoni perhibendi ius nulla in  
causa habent. *Semper,* inquit, *puberibus præsentibus;*  
aliud dixeris si dixeris, *pube præsentem,* ut Festus ostendit.  
Omnem enim populum significaueris. Plautus Pseud,  
*pubi præsentem, in concione. i. populo. Septem* (inquit) *præter  
libertum eius, qui diuortium faciet,* id est, qui remittet  
libellum diuortij, & plerumque per libertum fiebat.  
Vnde illud Iuuenalis;

*Collige sarcinulas dicet libertus & exi,  
Iam gravis es nobis, & sape emungeris, exi  
Ocyus, & prospera, sicco venit altera naso.*

Ut etiam per libertum solebant principi libellum desi-  
deria sua & preces continentem offerre, *l. 57. §. 1. de rit.  
nupt. l. 6. de interd. & releg.* Et rei postulati per libertum  
mittere defensionem, & se purgare, apud Corn. Tac. 3.  
annal. & heredes per libertum recitare testamentum  
apud Suet. in Tib. c. 23. Non est autem internuncius, qui  
& à veterib; dicebatur annuncius, non est, inquit, in-  
ternuncius negotij cuiusque & interpres in eo negotio  
testis idoneus: sicut nec patronus nec executor litis, *l.  
ult. de testib.* Itaque præter libertum, per quem nuncia-  
tur vxori, ut res suas procuret, ædibus facebat, tradi-  
turve vxori vel marito libellus diuortij, etiam septem  
testes *l. Iulia* requirit, in eum scilicet numerum liberto  
non computato. Diuortium est contractus, *l. si vxor,  
sup. de ind. l. iuris gentium §. ut puta, de pact.* Contractus,  
qui nudo consensu perficitur. Ergo & per nuncium &  
per epistolam inter absentes. Et ita in specie huius *l.*  
recte ponam mandasse maritum nuncio, veluti liberto  
suo, ut libellum diuortij perferret ad vxorem, & liber-  
to profecto iam ad vxorem, mox pœnitentia maritum  
mutasse voluntatem; libertum vero ignarum mutatae  
voluntatis peregrisse mandatum, & libellum diuortij  
vxori tradidisse. Quo casu Papinianus ait quasi nuncio  
non remisso, neque facto diuortio durare matrimo-  
nium, quia re integra mandatum pœnitentia reuoca-  
tum fuit, ut *l. si vero §. 1. mand. l. 4. §. 1. de manum. vind.  
l. sis, qui bona §. ult. de adq. hered.* Offerendo igitur li-  
bellum diuortij, quantum ad maritum attinet, qui re  
integra mutauit voluntatem, libertus nihil egit. Cæte-  
rum si mulier, quæ libellum accepit, simul cognita pœ-  
nitentia mariti, non accipiat pœnitentiam, ac ma-  
lit exire matrimonio, ipsa videtur causam dedisse  
diuortio, non maritus, feretque pœnas iniusti  
diuortij, si nullam aliam causam habuerit, sine  
causa diuertere delictum non modicum est: nec quod  
impunitum remanet, *l. si ex causa §. si mulier, sup. de  
minor.*

## Ad l. 41. de solutionibus.

*Reo criminis postulato interim nihil prohibet recte pecu-  
niam à debitoribus solui, alioqui plerique innocentium ne-  
cessario sumptu egebunt.*

**C** Vm hoc lib. Papinianus doceret, reo adukerij po-  
stulato, debitores recte pecuniam soluere penden-  
te cognitione, pendente reatu, adiicit generalem ratio-  
nem, & cuicumque alij reo postulato recte solui; alio-  
qui plerique innocentium necessario sumptu egerent, si  
eis debita solui non possent, quod esset perdurum. Et *l.*  
quæ sequitur ostendit, hoc etiā Paulū scripsisse lib. 3. *de  
adult.* Ac similiter retro eum, qui reus postulatus est suis  
creditoribus æque soluere recte, modo bona fide sol-  
uat, vel eis soluatur non in fraudem fisci, *l. aufertur §. in  
reatu, de iure fisci.* Alioquin pecuniæ solutæ reuocarētur  
à fisco. Plinius 3. epistol. *de repetundarum* reo pronuntia-  
tū, inquit, *ut pecunia, quas debitores soluerent creditoribus  
reuocarētur, &c.* sed de pecunijs loquitur præceptis fisco.



Et congruit omnino l. deferre §. ult. de iure fisci. Excipitur ab hac generali sententia Papin. is. qui perduellionis reus postulat est, quia is neque soluit recte, & ei recte quoque non soluitur, ut in Codice relatum est ex Marciano in fine, tit. ad l. Iul. maiest. Excipitur etiam is, qui profugit & iudicio adesse detrectat. nam dicitur, debitores ei non posse quicquam soluere, ne ita qui soluant, fugam eius instruant, l. ult. §. ult. de requir. reis. Ceterum reo criminis postulatō non profugō, præterquam si postulatus sit perduellionis, debitores solvunt recte. Idemque creditoribus suis soluit recte.

Ad l. 2. de accusat. & in script.

*Certis ex causis concessa est mulieribus publica accusatio, veluti si mortem exequatur eorum, earumque in quos ex lege testimonium publicorum iudiciorum inuita non dicunt. Idem & in lege Cornelia testamentaria Senatus statuit, sed & de testamento paterni liberti, vel materni mulieribus publico iudicio dicere permissum est.*

**P**apinianus lib. 1. de adulter. cum doceret, regulariter mulieri publico iudicio neminem accusare licere, ut l. 1. & 8. hoc tit. sicut nec populari actione experiri, l. 6. supra, de popul. action. ac ne lege quidem Iulia de adulteriis mulierem iniuriam suam persequi posse, iniuriam lecti sui, iniuriam a viro violati matrimonij, ut l. 12. C. ad leg. Iul. de adulter. quia l. Iul. de adult. masculis tantum dedit facultatem accusandi iure mariti; foeminis idem privilegium non detulit, quæ differentia iure civili inter maritum & uxorem semper servata fuit. Quum, inquam, hoc doceret Papin. hoc lib. & illud quoque simul docuit, aliis tamen ex causis, mulieri Senatū permittere publicam accusationem persequenti suam vel suorum iniuriam: ut puta, si mortem vel necem exequatur eorum earumve, in quos ex lege Iulia publicorum iudiciorum inuita testimonium non dicit: & ij quidem quales sint, ex ipsa l. Iulia publicorum iudiciorum docet l. 4. sup. de testib. Mulier inuita testimonium non dicit aduersus cognatos vsque ad sextum gradum, nec ex septimo gradu aduersus sobrinum, sobrinaue natum natamue, qui etiam est finis cognationis in edicto vnde cognati, l. 1. §. hac autem, sup. vnde cogn. nec aduersus affinium certas personas, veluti aduersus socerum, generum, vitricum, priuignum, quæ appellationes latissime patent, & in quos mulier inuita testimonium non dicit. In eos etiam inuitus iudicio publico testimonium non dicit libertus mulieris, aut libertus mariti eius, aut libertus parentum, liberorumve eius, aut libertus patroni, patronæve eius, quod necesse est, ut exemplo planius faciam. Consobrinus vel consobrina aduersus consobrinum inuitus inuitæ testimonium non dicit, nec ei denuntiari potest. Ac similiter aduersus consobrinum testimonium non dicit libertas consobrini, nec libertus parentum, aut liberorum eius, nec viri, aut uxoris libertus, aut libertus patroni patronæve eius. Et eodem modo, sicut socer vel socrus aduersus generum inuitus inuitæ testimonium non dicit, ita nec libertus socii vel sociæ, vel libertus parentum aut liberorum eius: nec libertus viri, aut uxoris, nec libertus patroni, aut patronæ eius. Et ita accipienda & explicanda sunt hæc verba l. Iul. quæ sunt in d. l. 4. testib. ne liberti ipsius affinis scilicet vel cognati inuito denuntietur testimonium, & ne liberti ipsius, inquit, liberorumve eius, parentum, viri, uxoris, item patroni patronæ. Ea verba sic, ut proposuit interpretanda sunt, & de omnibus personis, in quas inuiti testimonium dicere non coguntur, sunt etiam accipienda hæc leges, l. vestem, de iur. l. 1. §. si servus bona fide, de question. l. 22. C. de fide instrum. Itemque l. Iurisconsultus §. 1. de gradib. & aff. Sed maxime animus, advertendus ad id, quod ait cal. Iul. publico-

Papin. de Adult.

**A**rum iudiciorum, contra affines & cognatos testimonium inuiti dicere non coguntur: nam non est legendum, agnatos, sed cognatos, ut apud Paul. §. Sent. aduersus adfinem, inquit. & cognatum inuiti testes interrogari non possunt. Et ratio, cur potius legamus cognatos quam agnatos est evidens, quia non solum contra agnatos, sed etiam contra cognatos inuiti testimonium non dicunt vsque ad 6. gradum, qui cognationis finem, & quasi terminum facit. Debit igitur non agnatorum nomine uti, quod est speciale, sed cognatorum, quod est generale: nam & agnati cognati sunt. Contra cognati omnes agnati non sunt. Ac præterea agnatio infinita est, nec villo certo fine graduum circumscribitur, l. pen. §. 1. vnde cogn. §. ult. Institut. de success. cognat. Et si contra agnatos, inuiti testimonium denuntiari non posset, hoc ius in infinitum extenderetur, sicut ius agnationis; & tamen huius iuris lex Iulia certum finem esse voluit. Cognatorum autem vel agnatorum, si accipiantur, quatenus cognati sunt simpliciter, certa finitio est graduum & certa gradatio. Porro his personis, in quas inuiti testimonium non dicunt, addit Vlpian. lib. de officio procons. quo tractauit de iudiciis criminalibus, non civilibus, nec admittamus distinctionem Glossæ in l. inuiti, de testib. addit, inquam, Vlp. etiam publicani, qui sunt occupati exigendis vectigalibus, inuiti in iudicio publico testimonium non dicunt: inuiti venire non compelluntur ad testimonium perhibendum; item qui non detrectandi testimonij causa aberit, inuitus testimonium non dicit, sed, is, tantum, qui detrectat ferre testimonium & occultat se; inuitus etiam testimonium non dicit, qui publice præbendum aliquid exercitui conduxit. Et subicit in d. l. inuiti, sed nec pupillis testimonium denuntiari potest, quasi scilicet inuitis pupillis non possit denuntiari, volentibus possit, quod est falsum: nam nec volentes audiuntur, l. 3. §. lege, eod. tit. Ac sane videtur Papin. scripsisse, sed nec patroni testimonium denuntiari potest aduersus libertos, denuntiatur semper inuitis. Nam in l. Iulia publicorum iudiciorum d. l. 4. eod. tit. additum fuisse ostendit, ut ne patroni patronæve aduersus libertos cogantur testimonium dicere; quoniam inter eos est necessitudo quadam, ut hodie receptum est, esse necessitudinem quandam inter vassallum & dominum. Hoc etiam cauerit. **D** Julia, ut ne inquit patroni patronæve cogatur aduersus libertos testimonium dicere. Quo loco tamen perperam a nescio quo interprete inserta sunt hæc verba, nec liberti aduersus patronos, scilicet coguntur testimonium dicere. Spuria sunt hæc verba, non l. Iul. neque liberti aduersus patronum, non potuerunt esse hæc verba in eo capite, l. Iul. quod est de his tantum, qui inuiti testimonium non dicunt, volentes dicunt quia non est iis omnino testimonium interdictum, qui inuiti testimonium non dicunt: non potuit l. Iulia admiscere libertos, quia constat huius generis libertos non esse; quum nec volentes audiatur aduersus patronos, vel patronorum liberos, l. 3. §. lege, eod. tit. l. libertorum, C. eod. tit. Quæ de causa nec parentum nec liberorum l. Iulia, in eo capite mentionem facit: Cur non adiecit lex Iulia, nec inuitos testimonium dicere contra parentes vel liberos? quia ij nec volentes audiuntur aduersus parentes vel liberos, l. 5. C. eod. tit. Paulus §. Sent. aduersus se inuicem liberi vel parentes nec volentes ad testimonium admittendi sunt, quia rei veræ testimonium, necessitudo personarum corrumpit plerumque. l. Iulia separat eos, qui inuiti testimonium non dicunt, ab ijs, quibus omnino interdicitur testimonium, ut nec volentes audiantur, ut ostendit Vlpian. lib. 9. de off. procons. & de ijs qui inuiti testimonium non dicunt erat l. Iul. caput 87. & de ijs, quibus omnino interdicitur testimonium erat caput 88. quo capite nominatim libertis aduersus patronos, patronasve & liberos eorum, testimonium interdicitur omnino, his verbis, his omnibus hæc l. in reum testimo-

V ij



nium dicere ne licet, qui se ab eo parente eius liberauit, quiue impuberes erunt, &c. vt in l. 3. §. lege, D. de testib. Et ijs addidit Vlpian. etiam eos, qui recensentur in d. l. 3. §. lege, post libertos, quibus omnino interdicitur testimonium aduersus patronos, patronasve & liberos eorum. supradictis verbis addidit etiam eos, qui essent impuberes, quoniam & ijs omnimodo interdictum est testimonium, & eos, qui publico iudicio damnati, nec in integrum restituti essent, & eos qui in vinculis ob reatum custodiave publica essent, & eos qui vt cum bestiis depugnarent, suas operas locassent, præterquam eos, qui iaculandi causa in circo maximo in urbem missi essent, itemque eos, qui palam corpore quæstum fecissent, & postremo eos, qui ob dicendum, vel non dicendum testimonium pecuniam accepisse iudicati essent: non dicimus ijs inuitis non denuntiari testimonium, sed his omnino interdici testimonium. ex ijs sunt liberti. Ergo in l. 4. perperam liberti miscenturiis, quibus inuitis testimonium non denuntiatur, verum mulierem vt eorum mortem persequi licet, l. Cornel. de sicar. & benefi. in quos inuita testimonium non dicitur ex l. Iulia, vt proponitur hoc loco; quod etiam permitti Senatusconsulto ostendit l. 2. C. de calum. Sic & eorum mortem, & multo quidem magis mulier exequi & vlcisci potest iudicio publ. in quos nec volens testimonium dicere potest, velati parentum mortem, aut liberorum aut patroni patronave, aut liberorum patroni patronave, vt in l. 1. hoc tit. lex 1. quod obseruadū pertinet ad eos, in quos mulier nec volens testimonium dicit, quorum mortem vlcisci potest: l. 2. pertinet ad eos, in quos inuita testimonium non dicit, quorum mortem vlcisci potest. Eadem vero ratione & eodem vt opinor Senatusconsulto mulier suam vel suorum iniuriam persequi potest, lege Cornelia testamentaria, id est, de testamentis falsis, vel de aliis instrumentis. Nam l. Corn. quæ ab initio fuit de falsis testamentis, postea porrecta fuit ad omnia instrumenta falsa. Igitur mulier reum facere potest l. Cornel. testamentaria i. de falsis testamentis vel instrumentis, si suam vel suorum iniuriam persequatur, quod Senatusconsulto fuisse permissum mulieri hic locus ostendit, & l. 5. C. qui accus. non poss. exterorum iniuriam non potest persequi l. Corn. testamentaria, l. 19. C. ad l. Cor. de fals. sed suam vel suorum, id est cognatorum, vel affinium iniuriam, si sua vel suorum interfuit. Et vt subiicit Papin. non tantum testamentum patris aut matris iudicio publico falsum dicere potest, si quid eius interfuit, sed etiam testamentum liberti paterni vel materni, si ea res ad eam pertineat. Certum est etiam, mulierem lege Fabia de plagiaris, suam & suorum iniuriam persequi posse, l. 5. C. ad l. Fab. de plagiar. & generaliter quolibet alio publico iudicio potest accusare, l. de crimine, C. de his qui accus. non poss. vel etiam populari actione, vel interdicti si sua interfuit, l. 3. §. sed & si mulier, de lib. hom. exhib. Excipitur tantum causa adulterij, quia leg. Iulia, de adult. mulier nec suam nec suorum iniuriam exequi potest, vt initio dixi l. 1. C. ad l. Iul. de adult. nec ex constitutionibus quidem (puta ex nouissima constitutione Constantini, de iis qui adult. accusare poss. id est, l. quamuis, C. ad l. Iul. de adult. quæ patri accusationem permittit, non etiam permittit matri: patruo, non amicitæ, auunculo, non materteræ.

#### Ad §. pupillis.

Pupillis ex consilio tutorum, patris mortem, item pupillæ aui sui mortem, exequi concessum est, lege autem testamentaria: nam de patris quidem testamento pupillis agere Diuus Vespasianus permisit: sed quasi non exhibeantur tabula, per interdictum possunt experiri.

Postremo subiicit Papin. etiam pupillis, quibus regulariter, nec publico iudicio accusandi, nec populari actione agendi ius est, d. l. 6. de popul. act. licere tamen exequi iudicio publico mortem patris vel aui sui ex consilio tutorum, l. Corn. de sicariis. vel etiam licere exequi falsum testamentum patris, si eorum interfuit, l. Corne. testamentaria. Quod & permisisse Vespasianum ait ex consilio æque tutorum, vt Paulus scribit, Sent. tit. de iure fisci, ætati eius pupilli, qui accusat testamentum falsum patris, si non obtineat, subueniri, maxime si consilio tutoris, vt oportet, actionem instituit. Pupillis vtriusque sexus licet exequi suam vel suorum iniuriam, quod additur in Basilicis, τῆς ἀνέκτου ἐκτελέας τὸν αὐτὸν hic demonstras, legendum, pupillis ex consilio tutorum patris mortem: item pupillæ & aui mortem exequi concessum est. Et legendum Item, non autem. & infra: sed si non exhibeantur tabula, per interdictum non quasi. &c. hoc sensu: si pupillis non exhibeantur tabulæ paterni testamenti, ab eo à quo supprimuntur, pupillis vtriusque sexus liceat agere interdicto de tabulis exhibendis, quauis sit quasi popolare interdictum, quia agitur tanquam de instrumento publico, non tanquam de instrumento proprio, l. 2. in prin. §. quemad. testam. aper. & concurrit quoque interdictum de tabulis exhibendis cum iudicio publico, ex l. Cor. testamentaria, l. 4. sup. de pub. iudic. l. 3. §. si quis dolo, de tabul. exhibend. Nam & interdictum de libero homine exhibendo, quod constat esse popolare, certum est dari pupillis pro parente, vel cognato, vel affine suo, d. l. 3. §. sed si mulier, de lib. hom. exhib. & generaliter pupillis dari quamlibet actionem popularem, si res ad eos pertineat, l. 6. de popul. action. Quamobrem ita videtur argumentari, pupillis suæ iniuriæ causa, vel suorum dantur popularia interdicta, cur non dabuntur eisdem ex eadem causa publica iudicia, veluti ex l. Cor. de sicar. vel l. Corn. testamentaria? Quibus exemplis utitur, suæ suorumque iniuriæ persequendæ gratia.

#### Ad l. 2. de cust. reorum.

Si quis seruus capitali crimine postuletur, lege publ. iudiciorum cauetur, vt sistendum vel ab extraneo satisfactio promittatur, qui si non defendatur, vt in vincula publica conuicti iubetur, vt ex vinculis causam dicat. Solet itaque tractari an postea domino permittendum sit, oblata satisfactione seruum vinculis liberare, dubitationem auget editum Domitiani quo cautum est, abolitiones ex SC. factas ad huiusmodi seruos non pertinere. Nam & lex ipsa prohibet eum absolui, priusquam de eo iudicetur. Sed hac interpretatio perdura & nimium seueræ est in eo cuius dominus absens fuit, vel quod per inopiam illo momento temporis satisfactionem implere non potuit. Neque enim pro indefenso delictus recte dici potest, qui dominum presentem non habuit, vel habuit paratum defendere, pauperem tamen. Quod utique facilius admitti poterit, si non post longum temporis spatium hoc desideretur.

Quod proponitur initio huius legis, est de seruo capitali crimine reo postulado, veluti ex l. Iul. de sicar. quæ pertinet etiam ad seruos, l. hos accusare §. omnibus, de accus. & inf. l. ult. sup. de pub. iud. Pertinet l. Cornel. de sic. etiam ad seruos & peregrinos, quod & Cuius ostendit in Cluentiana, vel etiam ex l. Iul. de adulter. ex qua in seruos capitale crimen fuit. Nam & Vlpia. 3. de adult. scribit, seruos adulterij accusari posse, l. 5. tit. prox. & de seruis adulterij accusatis quæstionem haberi posse postulante accusatore, l. si postulauerit, in prin. ad l. Iul. de adult. Quod Papin. scripsit lib. 2. de adult. l. ult. sup. de calumn. & idem Vlp. eod. lib. Non tamen ita seruos adulterij accusatos quæstioni subiici aut torqueri oportere, vt inde moriantur, sed ita de iis quæstionem haberi oportere, vt salui sint innocentia & absolutioni, vel supplicio, l. quæstionis, de quæstion. id est, vl-



rimo supplicio, si nocentes inuenti fuerint, crimen adulterij exasperatur in seruos. Nam in liberos homines crimen adulterij ex l. Iulia non fuit capitale. Quia in re differentia est inter liberos homines & seruos. Neque iis, quæ diximus obstat d. §. omnib. l. hos accusare. quod dicat pœnam capitis non conuenire seruorum pœnis, quia non eam pœnam intelligit, quæ vitam adimit, vel quæ facit seruum pœnæ, sed eam, quæ adimit libertatem vel ciuitatem, quam cum nullam seruus habeat, sane eam pœnam sustinere non potest, verum ultimo supplicio plecti potest, atque etiam damnari in metallum, quo genere exit dominio domini, & fit seruus pœnæ, l. 17. §. ult. de question. & l. aut damnum §. ult. de pœn. l. 11. C. eod. tit. Et deportatio in seruo, in l. 21. C. Theodos. de heret. est damnatio in metallum, deportatio in metallum, alioqui deportatio in insulam, qua puniri solent ciues Romani, non cadit in seruum, relegatio tamen cadit in seruum, l. 2. qui & à quib. manum: l. 2. C. de sepulc. viol. l. 1. C. Theod. de mulierib. quæ se propr. seruus. Et ita est accipiendum, quod ait §. omnib. esse pœnam capitis aliquam, quæ seruis conuenit, sicut relegatio, exempli gratia, deportatio in insulam seruis non conuenit, sicut relegatio, quæ scilicet seruis recte conuenit. Sic enim ea verba accipienda sunt, vt in d. §. omnibus, vt in l. pen. de vsucap. in contractu emptionis & venditionis pro soluto vel pro emptore non posse vsucapere eum, qui non emit, sicut in cæteris contractibus, in quibus scilicet pro soluto potest vsucapere, & qui non contraxit. Quum autem seruus capitali crimine reus postuletur, Papinianus ostendit hoc loco, l. Iul. pub. iudiciorum, quæ generalis est, lege de omnibus publ. iudiciis cauere, vt pro eo seruo defensor admittatur non tantum dominus, sed & procurator domini, vt l. seruus, de publ. iud. l. Lucius, de appell. & quilibet extraneus nomine domini, vt opinor, argum. l. serui, de appell. Quia in re etiam differentia est inter seruum & liberum hominem, & quam Modestinus lib. 6. differentiar. notasse coniecturam facit l. si seruum, sup. tit. prox. quæ est ex eodem lib. Nam liber homo, qui præsens est, in crimine capitali per alium defendi non potest, l. pen. §. ult. de public. iudic. Seruus præsens per dominum vel per alium nomine domini defendi potest, l. 19. de pœnis. Verum, qui defensionem eius serui suscipit, lege Iulia publicorum iudiciorum satisfacere iubetur iudicio sisti seruum, eumque sistere, cum vsus exegerit, l. si seruum, sup. tit. prox. l. 2. C. de accusat. Si ita non defendatur seruus capitali crimine postuletur, in vincula publica conici eadem l. iubetur, vt ex vinculis causam dicat. Quia in re alia etiam differentia existit inter liberum hominem & seruum: Nam liber reus postuletur, non aliter iure ciuili in vincula publica conicitur, vt ex vinculis causam dicat, quam si confessus sit, l. 5. hoc tit. l. 4. ad l. Iul. maiest. Cum vero seruus, quem dominus, vel alius non defendit in vincula publica coniectus est, quæritur, si postea dominus offerat satisfactionem iudicio sisti seruum, & defensionem, an audiatur, an possit seruum vinculis liberare? Ratio dubitandi sumitur ex edicto quodam Domitiani, de quo & Paulus tractauit lib. singul. de adulter. l. Domitianus, inf. ad Turpill. quod autem eo edicto cauetur, sciendum est, quandoque ob res prospere gestas aduersus hostes, & propagatos fines imperij, vel ob publicam gratulationem, vel in honoré Principis, vt in l. sed & si per prætorē §. si feriae, sup. ex quib. caus. mai. l. abolitio, & l. seq. sup. ad Turpill. extra ordinem populo indici ferias, iustitium, claudi fora, & abolitionem reorum fieri, & laxari vincula reis ex Senatusconsulto, non Turpilliano, vt hic Glossa annotauit, quod non fuit de feriis vel abolitionibus reorum, sed de accusatorum preuaricationibus, vel tergiuersionibus; non ergo ex Senatuscons. Turpill. nec ex vilo S. C. pro re nata facto, l. si interueniente, ad Senatus. Turpill. quo publica hilaritas & quies indicitur, & rei cateere vinculisque soluuntur

exuunturque reatu, non quidem in perpetuum, sed tantisper, dum feriæ finitæ sunt, dum publica lætitia finita sit, qua finita rei possunt repeti intra 30. dies vtilis, à tempore finitarum feriarum numerando, l. bund priuatum, §. ult. ad Turpill. verum ex edicto Domitiani feriæ & abolitiones non pertinent ad seruos nihilue alleuant seruos, qui rei postulati vinculis publicis continentur, quia & eos l. Iul. pub. iudiciorum iubet esse in vinculis, donec de iis pronuntietur, donec iudicium finiatur, vt est legendum in d. l. Domitianus. Abolitiones, publicæ feriæ & hilaritates pertinent tantum ad liberos homines, quæ est quarta differentia hac in re inter seruos & liberos homines. Et cum hoc loco, tum in d. l. Domitianus, lex ipsa est lex Iul. publicorum iudiciorum, non vt glossa vult edictum Domitiani. Verum exemplo edicti Domitiani, vt serui non soluuntur vinculis ob publicam abolitionem, ita nec videntur esse soluendi vinculis ob feriam & intempestiuam dominorum defensionem & satisfactionem, quam offerunt post vincula seruorum. Hæc est ratio dubitandi, quæ vim maximam habet, si quod Domitianus edixit, licet porrigere ad hunc casum indistincte per interpretationem, quæ tamen perdura perque nimium seuera est. Ideoque concludit, non temere quidem, sed ex iusta causa post vincula seruis iniecta dominos defensionem, & satisfactionem offerentes admitti, vt serui dominis reddantur vinculis absoluti, eorumque dominus pergat eos defendere. Quid enim si absentia domini fuerit in causa vt non potuerit in tempore satisfactionem offerre, antequam seruo vincula imponerentur? quid etiam si ei præsentibus obstitit inopia, quo minus satisfactionem impleat; vix enim reperiuntur, qui pro inope velint fideiubere, §. nominissime, Instit. de susp. tut. qui ita explicandus est, aliter quam vulgo ait eum tutorem, qui tutelam per fraudem administrat, etiam si satis offerat, nempe quia locuples est, & in facili est ei inuenire fideiussores, qui caueant rem pupilli saluam fore, etiam si diues sit, atque satis offerat, remouendus est duplici ratione, quia satisfactio non mutat maleuolum propositum tutoris, sed diutius grassandi in re familiari facultatem præstat. Subiicitur altera ratio: suspectum enim tutorem eum esse putamus (sic est legendum, auctoribus omnibus lib. antiquis, ) qui moribus talis est, vt suspectus sit, quamuis locuples sit & assiduus, & fideiussores dare paratus: sicut è contrario, etiam si sit pauper, modo sit fidelis & diligens, non est remouendus quasi suspectus. Et huc pertinet etiam lex si procuratorem §. si ignorantes, mand. quæ ita explicanda est. Conuerti fideiussores per iniuriam iudicis condemnati sunt & soluerunt, nec appellauerunt à sententia iudicis, an possint actione mandari repetere quod soluerunt? Sic videtur: nisi paupertas eis obstitit, quo minus appellarent: an vero paupertas te vetat appellare à sententia iudicis? sic sane, quia non est facile pauperi inuenire fideiussores, qui dandi sunt ab eo, qui appellat; non facile est pauperi implere satisfactionem, quæ est implenda ab eo, qui appellat in pœnam certam, si non iure appellasse pronuntiatum fuerit, de qua satisfat. Paulus §. Sentent. tit. de cautionib. & pœn. appellat. Ergo si paupertas vel absentia domino obstitit, quo minus seruum defenderit impleta satisfactione, atque ideo, seruus fuerit coniectus in vincula publica, æquum est postea venientem dominum paratum satisfacere & defendere admitti, seruo vinculis absoluto: maxime, si non post longum temporis spatium veniat, sed non ita multo post vincula serui, quia nec videtur seruum indefensum reliquisse, cui aut paupertas obstitit vel absentia, quo minus idoneè defenderit. Et hæc est sententia Papin. ad quam hoc etiam addendum hoc loco, idem seruari in priuatis iudiciis, quod dixit hactenus seruari in publicis iudiciis, quibus reus seruus postuletur: Idem seruari



In priuatis iudiciis, quæ ob noxam seruorum intenduntur ex noxali actione, l. 2. §. ult. si ex nox. caus. agat. Et postremo in §. ult. b. 1. proponitur Senatusconsult. quo cauetur, reum postulatam de vi, exempli gratia, qui cauit iudicio sisti, qui vadimonium promisit datis fideiussoribus, ut oportet, in diem certum, & postea eo die se iudicio exhibuit paratum suscipere, & contestari litem, non posse alio crimine, puta de adulterio antea commissio accusari, vel reum recipi eo ipso die & iudicio, quod alij rei conditum est, quia non huius criminis ergo, quod ei denuntiatur non erat in iudicium venit, sed alterius criminis defendendi instructus venit, non illius. Et hoc quoque nominatim Papinia. scribit seruari in priuatis causis, ut scilicet, qui cauit iudicio sisti in causa legatorum, exempli gratia, si statim conditoque die se iudicio sistat, & mox conueniri non posse ex alia causa, veluti ex empti aut venditi causa, nisi res tempore peritura sit, id est, nisi dilatio sit peremptura actionem quæ forte temporalis est: alioqui non cogitur aliud iudicium accipere, qui alterius iudicij causa venit, nisi, ut diximus ex hoc temporalis actio in periculum cadat, l. 1. §. ult. de feriis. Quo pertinet locus ille egregius Titi Liuij 39. quum de Bacchanalibus scribit: *Tanta, inquit, fuga ex urbe facta erat, ut quia multis res & actiones peribant, tempore scilicet, cogerentur pratores per Senatum res in tertium diem proferre, donec quaestiones de Bacchanalibus à consulibus perficerentur.* Et eodem modo, ut Suetonius scribit. D. August. *ne quod negotium mora claberetur, id est, ne qua actio tempore periret, triginta amplius dies qui honorariis ludis occupabantur actui rerum suæ causis audiendis accommodare.* Dixit in hoc §. hominibus sub fideiussore factis pro reis qui satisfecerant iudicio sisti, ut seruum sub custodia officij factum in l. 1. C. ad Turpillian. id est, seruum officiali custodiendum datum, & seruum apud verum dominum factum, l. 1. C. de furt. & in possessione factum aliquem, pro in possessionem missum, l. si fideicommiss. ut in poss. legat. in possessionem fieri, mitti in possessionem, ut Græci interpretes loquuntur in §. quod autem, Institut. de usucapion. Id valde confirmat l. 17. §. quod autem, ad l. Iul. de adult.

#### Ad l. 6. ad l. Iul. de adult.

Inter liberas tantum personas adulterium stuprumque passas l. Iul. locum habet, quod autem ad seruas pertinet & legis Aquilia actio facile tenebit & iniuriarum quoque competit, nec erit deneganda pratoria quoque actio de seruo corrupto, nec propter plures actiones parcendum erit in huiusmodi crimine reo. Lex stuprum & adulterium promiscue, & *κατάχρηστος* appellat, sed proprie adulterium in nuptam committitur propter partum ex altero conceptum composito nomine, stuprum vero in virginem viduamque committitur, quod Græci *φθορὰν* appellant. Filijfam. maritus ab eo, qui sui iuris est in ea lege non separatur. Diuus quoque Adrianus Rosciano præscripsit & innito patre filium hac lege reum facere posse, maritus etsi duos reos ex alio crimine habeat, poterit iure viri tertium accensare, quoniam ea causa non cadit in numerum ceterarum.

#### Ad l. 20.

Patri datur ius occidendi adulterum cum filia, quam in potestate habet. itaque nemo alius ex patribus idem faciet: sed nec filius familias pater.

#### Ad l. 22. eod. tit.

Nec in ea lege naturalis pater ab adoptiuo separatur. In accusatione filia vidua non habet pater ius præcipuum. Ius occidendi patri conceditur domi sua, licet ibi filia non ha-

bet, vel in domo generi, sed domus & pro domicilio accipienda est, ut in lege Cornelia de iniur. sed qui occidere potest adulterum, multo magis contumelia poterit iure afficere. Ideo autem patri, non marito mulierem, & omnem adulterum permissum est occidere, quod plerumque pietas paterni nominis consilium pro liberis capit. Ceterum mariti calor & impetus facile decernentis fuit refranandus.

**I**n l. 1. ostenditur l. Iulia vindicari adulterium tantum vel stuprum, quod passæ sunt liberæ mulieres, non quod ancillæ sunt perpassæ: sed domino violatæ ancillæ competere ciuilem actionem ex l. Aquilia, si quis impuberem & immaturam virginem ancillam stupravit, quasi, & corpori eius quod plerumque fit, damnum dederit, quod & Paulus scripsit *1. sentent. c. 13.* vel etiam si quis maturam, & tempestiuam viro ancillam alienam corruperit, competere domino actionem iniuriarum, quasi sibi iniuria facta, *si stuprum, de iniur.* vel etiam si quis suaserit ancillæ alienæ, ut stuprum vel adulterium committeret, domino competere actionem prætoriam serui corrupti in duplum, quanti ob eam rem ancilla deterior facta est: non deest igitur ciuilis actio, qua dominus vlciscatur adulterium, vel stuprum illatum ancillæ suæ. Et quod notandum non omnes hæ actiones tres, l. Aquiliæ, iniuriarum, serui corrupti simul, ex vno facto descendunt vel competunt, sed ut distinximus ex suo quæque facto, imo & adhuc ultra has actiones domino datur extra ordinem criminale iudicium, maxime ob deintegratam ancillam, quæ integra erat a viro l. ult. de offic. præsid. Et hoc est, quod ait Papin. hoc loco, propter plures actiones ciuiles, quæ domino competunt vitiatæ ancilla sua in eiusmodi crimine reo non esse parcendum, id est, non esse remittendam coercitionem extraordinariam. Ciuiles actiones non perimunt criminale coercitionem, dico extraordinariam, quoniam ex l. Iul. domino publica accusatio non competit vel alij contubernali conseruo quoque, id est, marito ancillæ, cui ancilla coniuncta est, nullam inuenio actionem ciuilem, vel accusationem dari; sed domino tantum, & interdum extraordinariam accusationem. Vindicatur quidem lege Iulia adulterium etiam in vxore vulgari, id est, prostituta in vulgarem libidinem, in quâ si vidua esset, stuprum impune committeretur, l. 22. C. eod. tit. Vindicatur etiam adulterium in vxore iniusta, quam quis in matrimonio habet, ut si ciuis Romanus peregrinam vxorem duxerit, iuxta id quod Pap. 15. resp. apud L. Rufinum ciuem, sine connubio peregrinam in matrimonio habere, i. e. iniustas esse nuptias, iniustam vxorem. Potest esse matrimonium sine nuptiis, hoc est, sine connubio. Ex quo intelligitur, quid intersit inter nuptias & matrimonium. Imo vindicatur etiam adulterium in concubinam, quia legitimam vxorem imitatur, ut Iulian. ait *Non. 28.* Et ideo viceconiux in antiquis inscriptionibus appellatur: nullus vitur hodie concubinis. Nam in iure concubina est quasi vxor: concubinatus est quasi conjunctio legitima. Quia igitur concubina vxorem legitimam imitatur, etiam in ea adulterium vindicatur: sed neque in ea, neque in vxore vulgari, neque in vxore iniusta vindicatur iure mariti à marito scilicet, sed iure extranei. vir eam accusat non iure mariti, quod ius priuilegiarium est, sed iure extranei, ut quilibet de populo: at in contubernali, id est, quasi vxore serui, adulterium à seruo non vindicatur, l. 23. & 24. C. eod. tit.

Sequitur in hac l. 1. Iulianum promiscue & indifferenter uti adulterij & stupri nominibus, & *κατάχρηστος*, per abusionem, ut eo capite, quo plectitur, qui adulterij damnatam vxorem duxerit; quo continetur etiam stupri damnata, & adulterij nomen vtrumque vitium significat, l. 2. §. quod ait, h. t. & eo capite, quo plectitur qui pro comperto stupro, id est, adulterio



pretium acceperit, *l. 20. §. testibus, h. t. & eodem exemplo* A  
in *l. 7. & l. 11. §. 1. adulterij accusari, adulterij pœna tene-*  
ri, id est, stupri. Et similiter *l. 2. C. eod. tit.* in muliere stu-  
pro cognita adulterij nomen dicit, & infra quoque stu-  
prum ponit pro adulterio, in *l. 2. §. pen. h. t.* illo loco: *sine*  
*vllius stupri probatione*, id est, *adulterij*. Proprie autem  
adulterium, vt ait, committitur in nuptam, nomine tra-  
cto ex eo, quod (quam originem tradit solus Papin.) ex  
altero quam ex legitimo marito partus concipiatur,  
quasi adulterium sit conceptio partus ex altero. Stuprū  
autem committitur in virginem, aut viduam, quod in-  
quit, Græci *φθορὰν* vocant. Philostratus vocauit *αἰνὰν*  
*τὸν ζώνος*, crimen zonæ. Stuprum autem quidam dici put-  
tant ab stupeo, id est, miror, iuxta id quod Cæcilius ait  
apud Nonium, *nomen virginis nisi mirum est deintegrat-*  
*ur*. Stuprum igitur quasi mirum quoddam: vt mon-  
strum à moneo, probrum à prohibeo, *l. probrum, de verb.*  
*signific.* furtum natura esse probrum in definitione furti,  
*l. 1. de furt.* furtum iure naturali prohibitum esse.

Sequitur in hac l. lege Iulia non separari filiumfam.  
maritum à patrefamilias. Vtrumque adulterum vel  
adulteram iure mariti accusare posse, & filiumfam. etiā  
inuito patre, quia vindictam proprii, & maximi doloris  
exequitur, *l. filium, h. t.* Inuito patre ex constitutione A-  
driani, vt ait hoc loco. Constitutione opus fuit, quia  
iure non potuit inuito patre, sicut nec agere hodie iniu-  
riarum inuito patre, *l. sed si vnus, §. filiofam. de iniur.*  
quamuis ea actio sit, dicaturque proprii doloris actio  
à Valent. *Novel. de libert. & eorum successionib.* &  
à Tull. pro Cæcinnæ. Non tamen potest filius-  
famil. agere iniuriarum, & exequi iniuriam sibi  
illatam inuito patre, quia deficit constitutio, quæ etiam  
filiofamil. permiserit cuiuscunque iniuriæ actionem in-  
uito patre. Item quia *l. Iul. non separat patremfam. ma-*  
*ritum à filiofam.* Ideo dicimus vtrumque deprehensum  
domi suæ adulterum sine fraude occidere posse, depre-  
hensum in re ipsa, modo eius conditionis sit, vt occidi  
possit: nam marito non omnem adulterum occidere li-  
cet, quem deprehendit in actu ipso, sed infumem tan-  
tum, vel seruum, vel libertum suum, vel vxoris, vel pa-  
rentum, aut liberorum eorum, *l. 24. §. 1. h. tit.* Ait enim,  
eum quem occidere licet, non patrifam. tantum, sed &  
filiofam. occidere licet. At in patre, qui deprehendit fi-  
liam in adulterio, quantum ad verba *l. Iul. artinet*, vi-  
detur esse aliqua differentia. Nam patrifamilias datur  
ius occidendi adulterum & filiam, quos deprehendit,  
quam modo habeat in potestate, non filiam emancipa-  
tam, siue sit pater naturalis siue adoptiuus. Quod tamen  
quantum ad verba *l. Iul. artinet*, non datur patri filio-  
fam. *l. 2. & 22. h. t.* quia filiam non habet in potestate,  
imo nec potest habere, qui suæ potestatis non est, qui est  
filiusfam. *l. 21. h. tit.* Seneca 3. de clam. *non potest quisque*  
*alium in manum suam recipere, qui ipse in alia manu est.*  
Qua ratione Seneca efficit filiumfam. adoptare non posse.  
Verum Paulus 2. *Sentent.* scribit, etiamsi hoc non ferant  
verba *l. Iul. idem tamen esse permittendum patri filio-*  
*fam.* vt adulterum cum filia deprehensum, id est, v-  
trumque interficiat. Quod postremo additur in hac le-  
ge pertinet ad id quod cauetur *l. Iul. publicorum iudi-*  
*ne eodem tempore quis de tribus reis diuersis publ. iu-*  
*dicis quærat, nec tres accuset ex diuersis criminibus*  
*publicis simul eod. tempore, nisi suarum iniuriarum*  
*causa.* Sic est legendum, *de tribus reis*, non de duobus in  
*l. hos accusare §. lege, de accusat.* quod ostendi & probaui,  
& confirmat omnino *l. cum rationibus, C. qui accus. non*  
*poss.* Proximus est delatori siue *triballo*, sic appellatur sy-  
cophanta, qui plures quam duos eodem tempore dela-  
tos habet, diuersis iudiciis publicis vt *l. 7. sup. de accusat.*  
Tertium ei deferre non licet, nisi suam, vel suorum in-  
iuriam persequatur, vt ostendit hoc loco, *si iure viri ma-*  
*ritus adulterij tertium accuset*: hæc iniuriarum perfe-

quutio in numerum accusationum non computatur.  
*Iure viri*, dixit, vt *l. si vxor, §. si quis uxorem, h. t. l. 16. eod.*  
quod frequentius est iure mariti, quod ius præcipuum  
est. Præfertur enim maritus intra 60. dies viles à die di-  
uortij omnibus aliis, qui ad accusationem eiusdem adul-  
terij veniunt, etiam patri mulieris adulteræ, *l. 2. §. ult.*  
*hoc tit.* quod & priuilegium dicitur in *l. 2. §. sexaginta,*  
*hoc tit.* Et quod dicuntur pater & maritus ius æquale  
habere in accusatione adulterij in *l. 15. hoc tit.* verum est,  
quo ad extraneos: nam & pater aduersus extraneos in  
accusatione adulterij ius præcipuum habet, *l. 4. §. 1. l. 14.*  
*§. ult. hoc tit.* Inter se vero pater & maritus ius æquale  
non habent, quia pater postponitur marito.

Et his addamus, quod est in *l. 22.* nam 20. iam explica-  
ta est. Iam exposuimus in accusatione viduæ filia non  
habere patrem ius præcipuum. adulterij accusari potest  
vidua commissi in matrimonio scilicet, veluti post di-  
uortium, aut post mortem mariti, *l. 5. & 11. l. 2. §. de-*  
*functo, h. tit.* in accusatione viduæ pater non præfertur  
extraneo, si iudici adulterij extraneus iustior accusator  
videatur, cum agetur de accusatore constituendo, quod  
iudicium *diminatio* dicitur. Hæc est sententia huius loci  
in *l. 22. §. 1. si modo ita legatur, in accusatione, vel, in accu-*  
*sationem.* (quoniam tota l. est de adulterio.) Verum an  
ita recte legatur subsisto & multis validis rationibus  
moueor vt existimem, non recte legi *in accusatione*, vel  
*accusationem*. Primum quia in accusatione nuptæ filia  
non inagis, quam viduæ pater collatus cum marito ius  
præcipuum habet, id est, siue agatur de accusanda nupta,  
siue vidua, pater collatus cum marito ius præcipuum  
non habet: postponitur enim marito. Confertur tota  
hac lege pater cum marito non cum extraneo, & colla-  
tum quoque cum extraneo patrem, falsum est in viduæ  
filia accusatione non habere ius præcipuum: alioqui  
pater nunquam haberet ius præcipuum in accusatione  
filia, quia non nisi viduam accusare potest: non potest  
accusare nuptam, nec ipse nec alius, quamdiu matrimo-  
nium manet, *l. constante, h. t.* quia probatam à viro &  
quiescens, matrimonium alius turbare & inquietare  
non debet, quæ ratio habet locum in patre, *l. 1. §. ult. de*  
*lib. exhib.* Bene concordantia matrimonia, inquit, non  
esse turbanda iure patriæ potestatis. apud Nonium  
Afranius, *optimas bene conuenientes, & concordēs nuptias*  
*repente viduas faciat pater.* Hoc non potest facere, non  
potest etiam pater vel auus accusare nuptam primo ma-  
rito, in quem peccasse dicitur: ita nec eandem diuortio  
facto potest accusare, si secundo marito sit nupta ante  
denuntiationem adulterij commissi in priore matrimo-  
nio: nec nuptam igitur secundo viro accusari posse, nisi  
prius condemnatus sit adulter, *l. 2. & 5. h. t.* Propterea vt  
hoc loco legam, *in occasione viduæ filia*, non, *in accusatio-*  
*ne*, suadent omnia præcedentia, omnia sequentia, quæ  
sunt de iure occidendæ filia deprehensæ cum adultero,  
quod ius pater solus præcipuum habet; nec enim marito  
vlllo modo deprehensam in adulterio vxorem interfici-  
cere licet per *l. Iul.* imo nec adulterum generaliter, nisi  
domi suæ deprehensum: non deprehensum etiam in do-  
mo socii, *l. 24. h. tit.* Pater autem quemlibet adulterum  
cum filia, quam habet in potestate vno impetu ambos  
occidere potest, & non tantum domi suæ, sed etiam do-  
mi generi deprehensos. Quo cap. monet Papin. hic do-  
mum accipi pro qualibet habitatione, siue domicilio:  
alias domus nomine proprietas significatur, *l. lege Cor. §.*  
*domum, de iniur.* Quam differentiam Plautus seruat in  
milite glorioso, *ostium*, inquit, *hoc mihi est domicilium,*  
*Athenis domus.* At in occasione viduæ filia deprehensæ  
in adulterio siue stupro, pater nullum ius præcipuum,  
aut singulare habet. Et ita quoque Græci interpretes  
Basil. hoc loco legunt *in occasione*, non *in accusatione*: red-  
dita hac ratione, quia in viduam stuprum committitur,  
non adulterium. lex Iul. ferrum dedit patri adulterij



tamen vlciscendi causa, non stupri. Denique ius præcipuum interpretantur ius occidendi & adulteram filiamfam. Igitur non caret mendo, quod ex Paulo refertur apud L. Rufinum, ita Marcellum scripsisse in vidua, si adulterum deprehensum pater occiderit, & filiam incontinenti licito iure hoc factum, legendum enim est, illicito iure. Nam cum ante dixisset nuptam filiam & adulterum deprehensos patrem occidere posse, & subiciat statim, in vidua autem, &c. sane diuersum ius in vidua statuit, quia dixit autem non item; quod & naturali rationi conueniens est, vt facile quidem detur ferrum patri in nuptam, quæ genialem lectum polluit, & iniuriam marito fecit. Ratio differentiarum inter patrem & maritum hæc est. Cur in occidenda filia ius præcipuum habeat pater, non maritus? quia si per legem Iul. liceret marito uxorem occidere deprehensam, si omnem adulterum deprehensum, sape nemini parceret vnquam: magnos enim æstus patitur, qui veterem matrimonij consuetudinem, qui pudorem cubilis, qui spem liberorum expugnatam esse videt: *magnus furor est*, vt quidam ait in *tragædia, iratus amor*. Et similiter l. 29. §. Imperatores, hoc tit. difficillimum esse iustum dolorem temperare: patri autem, qui non tanto furore concitatur, lex non aliter permittit adulterum occidere, quam si & filiam occiderit incontinenti, & quasi vno ictu, vno veru, quia lex vix aut perraro euenturum arbitrata est, vt pater occidendæ filia tristissimum ministerium obierit: & libidinosa mulieres verentur hodie magis maritum, imo fratrem, quam patrem: plerumque enim patris pietas consilium pro liberis capit & parcit adultero, vt parcat filia. Cæterum mariti calor & impetus facile non discernentis fuit refrænandus. Qua ratione etiam D. Marcus apud Lampridium, nolens in rebelles agi seuerius: non placere sibi, inquit, in Imperatore vindictam sui doloris, quæ etsi iustior fuit, semper acrior videtur. Neque est omittendum argumentum à minore ad maius quo vtitur Papinianus in l. 22. si patri, inquit, licet adulterum vna cum filia occidere, quos deprehendit in ipsa turpitudine, & multo magis licet ei adulterum contumelia afficere, veluti exfecto viro rescissisque naribus, erubus, cæterisque similibus.

## IACOBI CUIACII IVRISCONSULTI COMMENTARIUS in Lib. II. Æmilij Papin. de Adulteriis.

### Ad l. 9. de calumniatoribus.

De seruo, qui accusatur, si postuletur, questio habetur, quo absoluto in duplum pretium accusator domino damnatur, sed & citra pretij æstimationem, queritur de calumnia eius: separatim est etenim calumnia crimen à damno, quod in seruo propter questionem domino datum est.

### Ad l. 6. de quæst.

Patre vel marito de adulterio agente & postulantibus, de seruis rei vt questio habeatur, si vere causa perorata testibus prolatis, absolutio sequuta fuerit, mancipiorum quæ mortua sunt, æstimatio habetur. Sequuta vero damnatione, quæ supersunt, publicantur.

§. 1. Cum de falso testamento queritur, hereditarij serui

A possunt torqueri.

### Ad l. 8. de diuort.

Ditus Adrianus enim, qui alienam uxorem ex itinere domum suam duxisset & inde marito eius repudium misisset, in triennium relegauit.



Partinet l. 9. ad illud caput l. Iuliae, quod l. 27. §. ult. ad l. Iul. de adult. significat fuisse nonum caput, quo cauetur postulante eo, qui seruum accusat adulterij, de eodem seruo questionem haberi posse, siue ipse accusator voluerit interesse questioni, siue noluerit, vt eodem capite expressum est. cuius verba proponuntur initio d. legis 27. nam & accusator interesse potest questioni rei, sicut & questioni seruorum rei, parentum ve eius interesse potest, tam reus ipse, quam accusator: & interrogationes fiunt per patronos, d. l. 27. §. questione. Iudices autem, qui l. Iulia quærunr de adulterio, quod seruus fecisse dicitur, seruum accusatum imprimis æstimare debent, quanti sit, vt eadem lex præcipit, & seruo absoluto tantam pecuniam, quanti seruum æstimarunt, & alterum tantum, id est, duplum, accusatorem præstare iubere debent, & præstare ei, ad quem ea res pertinet, puta, domino aut bonæ fidei possessori aut creditori, cui is seruus pignorat est, quia & creditoris interfuit, de seruo temere questionem non haberi, d. l. 27. §. 1. Et hoc quidem genere pænæ, calumnia accusatoris coercetur ciuilitè, vt l. dominus, C. eod. tit. de calumniatoribus. Ac præter hanc ciuilem coercionem in duplum pretium duplamve æstimationem serui, qua facitur damnum in questione defuncti serui, vel facti deterioris, etiam criminaliter lege Remmia coercetur calumnia accusatoris. Denique coercetur ciuili & criminali iudicio: nam vt ait hoc loco, separata est criminis causa à causa ciuili damni domino illati, quæ causa ciuilis est. hæc respicit vtilitatem priuati hominis, illa criminalis, vigorem publicæ disciplinæ, l. 9. §. quod illicita, de publica. Igitur hoc loco, citra pretij æstimationem, id est, vltra, vt apud Cicer. in oratione ad Brutum: natura, inquit, in omni verbo posuit acutam vocem nec vna plus, nec à postrema syllaba citra tertiam.

Ergo, vt ait Papinianus, citra æstimationem dupli pretij id est, vltra, etiam in accusatorem absoluto seruo criminalis accusatio competit: & ita cum actione in factum ciuili, quæ proprie in hoc titulo proponitur in eum qui pecuniæ causa per calumniam negotium alij fecit, vel non fecit, ciuili, aut criminali iudicio, quæ actio est intra annum in quadruplum, post annum in simplum, cum ea, inquam, actione de calumniatoribus, quæ est ciuilis, concurrat etiam criminale iudicium, quia non est vtriusque eadem causa, l. penult. hoc tit. Et notandum hic est, maxime interesse, an de seruo adulterij accusato questio habeatur, qua de re agimus præcipue, an de seruis accusatis, qui torquentur contra dominum, vt specialiter receptum est in crimine adulterij. Regulariter serui non torquentur in dominum. Priori enim casu, quum seruus accusatus est adulterij, & questioni tormentorum subiectus, absoluto seruo accusator in duplum domino damnatur. Posteriori casu, quum torti sunt serui eius, qui accusatus est adulterij, absoluto reo accusator domino damnatur ciuilitè in simplum tantum, id est, quantæ pecuniæ serui ante questionem fuerunt, quantæ pecuniæ in his damnum datum fuerit, factumve sit, d. l. 27. in fin. l. 3. C. eod. & vtrumque, id est, duplum vel simplum in suo casu petitur conditione ex l. Iul. de adult. non alia actione, l. 28. sup. eod. tit. Ad priorem casum pertinet vt dixi nonum caput l. Iuliae, de quo in d. l. 27. à principio usque ad §. haberi. Ad posteriorem casum pertinet 10. caput



10. caput l. Iul. de quo agitur à §. *haberi usque ad §. ult.* A  
 qui §. ult. vtrique capiti communis est, quod glossæ in l.  
 27. nesciunt discernere. Huic vero legi coniungenda est  
 l. 6. de *question. ex cod. lib.* quæ tamen pertinet tantum ad  
 10. caput l. Iul. non ad nonum, & ait, *de seruis rei postula-*  
*ri adulterij questionem haberi contra dominum, patre vel*  
*marito accusante.* Hoc est certissimum ex cap. 10. an &  
 extraneo accusante, non quidem ex l. Iulia, sed ex consti-  
 tutione, vt ex l. 17. *hoc tit.* Quod & Papinianus scripsit  
 lib. sing. de adult. apud L. Rufinum reddita hac ratione,  
 quia non facile adulterium potest admitti sine ministe-  
 rio & conciliatura seruorum. Quæ ratio est tantum pro-  
 babilis, non necessaria, vt sunt pleræque rationes Iure-  
 consul. quod pauci animaduenerunt, aut nolunt ani-  
 maduertere: quia vbi de iure constabat, non erant ad-  
 modum solliciti rationis constituti & recepti iuris: con-  
 tenti erant probabili. Et eiusmodi est ratio in Instituti-  
 onibus, quæ vixat plurimos in tit. de *fiduc. tit.* Et hanc  
 rationem, quod tale delictum vix possit admitti sine mi-  
 nisterio seruorum, esse probabilem, ex eo apparet, quod  
 alioqui & in aliis criminibus, quorum minister domi-  
 no seruus fuisset, posset torqueri aduersus dominum,  
 quod tamen falsum est, d. l. 17. §. *ult.* Ait autem Papinia-  
 nus hoc loco sequuta absolutione rei, causa vere pero-  
 rata, id est, non perfunctorie, non iustorie, non dicis cau-  
 sa, æstimationem seruorum, qui in quæstione mortui,  
 vel facti sunt deteriores, domino eorum deberi, in sim-  
 plum scilicet: & hoc loco, pro æstimatione habetur malo,  
 æstimatio debetur, vt est scriptum in l. 28. ad l. Iul. de  
 adult. Sequuta autem damnatione rei, veluti relegatio-  
 ne in insulam, quæ legitima & frequentior fuit pœna  
 adulterij, ex l. Iulia, serui eius qui damnatus est, qui in  
 quæstione defuncti non sunt, publicantur ex l. Iulia. cuius  
 rei ratio redditur in d. l. 27. §. *ubet*, quia si serui redi-  
 rent in potestatem rei, obdurarent in quæstione, nec ef-  
 ferrent vnquam, vel hiscerent quicquam aduersus  
 dominum. Idcirco vt intrepide verum dicant post  
 quæstionem & domini damnationem, dominum mu-  
 tant, & fiunt serui publici, serui ciuitatis. Huic  
 vero casui, quo scilicet iure singulari in crimine  
 adulterij serui torquentur aduersus dominum, Pa-  
 pin. addit alium casum in hac l. 6. sicut & in l. 17. §. 1. *hoc*  
*tit.* de quo ibi accuratius disserui: & satis in respon-  
 sis, in quo etiam casu serui quodammodo aduersus do-  
 minum torqueri videntur, vt in quæstione falsi testa-  
 menti, quod fecisse dicitur dominus serui quum de eius  
 successionem agitur, serui hereditarij torquentur. Sequi-  
 tur in l. 8. de *diuortijs*, exemplum non iure, imo per-  
 quam iniuriose facti diuortij. Quidam vxorem alie-  
 nam, non habentem animum à marito suo diuertendi  
 quum ei ea mulier occurrisset in itinere, perduxit in do-  
 mum suam, & mox id egit, vt è domo sua priori marito  
 mitteret libellum diuortij, & sibi eam retinuit in ma-  
 trimonio. Res gesta est exemplo & more malo, atque  
 iniuri, & quasi raptus speciem habet. Ideoque in hac  
 l. 8. recte, vt Papinian. refert eum hominem D. Adriana  
 nus relegauit in triennium: audaciam hominis multa-  
 uit relegatione triennij. id tamen olim plerisque Impe-  
 ratoribus excidit, & regibus etiam nostra memoria in  
 Anglia, vt & ipso die nuptiarum abducerent nouam  
 nuptam, & sibi haberent vxorem.

#### Ad l. 8. de adulteriis.

*Qui domum suam vt stuprum adulteriumve cum alie-  
 namatrefamilias, vel cum masculo fieret, sciens præbuerit,  
 vel quæstum ex adulterio vxoris suæ fecerit, cuiuscunque  
 sit conditionis quasi adulter punitur.*

§. Appellatione domus habitationem quoque significari  
 palam est.

Papin. de Adult.

#### Ad l. 10. de adul.

*Mater autem familias significatur non tantum nupta  
 sed etiam vidua.*

§. 1. *Mulieres quoque hoc capite legis, quod domum præbue-  
 runt, vel pro comperto stupro aliquid acceperunt, tenentur.*

§. 2. *Mulier, quæ euitandæ pœna adulterij gratia, lenocinium  
 fecerit, aut operas suas in scenam locauit, adulterij accusari  
 damnarique ex S. C. potest.*

SEquitur demum l. 8. & 10. ad Iul. de adult. in eis legi-  
 bus proponitur aliud caput l. Iul. de adult. quo caue-  
 tur, lenonem quoque, quasi adulterum puniri eadem  
 pœna, qui sciens dolo malo domum suam præbuit, vt  
 stuprum vel adulterium in ea committeretur cum alie-  
 na matrefamil. vbi Papin. demonstrat, matrisfam. nomi-  
 ne contineri non tantum nuptam, sed etiam viduam,  
 quia de adulterio & stupro lex loquitur nominatim. Et  
 domum quoque interpretatur Papin. legem Iuliæ acci-  
 pere pro qualibet habitatione, quomodo etiam domum  
 accipi in cap. 2. l. Iul. quod fuit de iure præcipuo, quod  
 pater habet occidendi adulterum & filiam, deprehensos  
 domi suæ, vel domi generi, vbi etiam domus accipitur,  
 pro qualibet habitatione, etiam si non sit propria habi-  
 tantis, l. 22. *hoc tit.* Ac præterea eodem cap. l. Iul. eadem  
 pœna plectitur, qui quæstum fecit ex adulterio vxoris  
 suæ, vel qui pro comperto adulterio pretium accepit, vt  
 liberaret deprehensum: siue maritus sit, siue alius, & cu-  
 iuscunque conditionis & dignitatis sit, immo & cuius-  
 cumque sexus sit: nam in l. Iul. (qui) sic accipitur, *quæve*,  
 vt in l. 1. §. 1. de *constit. pecun.* Ergo & mulier quæ do-  
 mum præbuit, & quæ pro comperto stupro pretium  
 accepit, tenetur. His additur in §. *ult. l. 10.* Senatuscon-  
 sultum quod pertinet ad l. Iul. quia pœna l. Iul. infames  
 fœminæ non tenentur, vt quæ lenocinium fecerunt, aut  
 faciunt, quæ ex edicto Prætoris notantur infamia: vel  
 quæ operas suas in scena locauerunt artis ludicræ &  
 saltandi cantandive causa: vel quæ palam corpore quæ-  
 stum quæsiuerunt. Sed si vltro consulta opera, in frau-  
 dem l. Iul. ad euitandam pœnam adulterij, quæ erant  
 matresfamil. lenocinium facere cœperint, aut in scenam  
 prodire mercede conductæ, hoc casu ex Senatusconsul-  
 to adulterij accusari & damnari possunt, facto scilicet  
 Tiberij temporibus: nam & Cornelius Tacit. scribit. 2.  
 annal. sub Tiberio grauib. decretis cœrcitam fuisse li-  
 bidinē fœminarum, & cautum, ne corpore quæstum fa-  
 cerent, quibus auus aut pater, aut maritus eques Roma-  
 nus esset: atque ita ne hoc genere professo turpitudinis  
 euitarent pœnam l. Iul. adulterio impositam. & Suet. in  
 Tiberio, *fœmina*, inquit, *famosa ad euitandas legum pœ-  
 nas, iure ac dignitate matronali, vt exoluerentur, lenoci-  
 nium profiteri cœperant, eas omnes ne refugium in tali frau-  
 de cuiquam esset, exilio affecit.* Et huius Senatusconsulti  
 pars est in l. 14. §. 1. *hoc tit.* dum ait, ex Senatusconsul-  
 to de ea re facto, si vir infamandæ vxoris suæ causa adul-  
 terum subiecerit, vt ipse deprehenderet, atque ita infamaret  
 mulierem, & virum & mulierem adulterij crimine teneri: alias l. Iul. vt dixi, infames fœminas, etiam si  
 nuptæ essent similibus personis, crimine adulterij ac-  
 cusari vel damnari non posse; quasi indignas censuræ  
 eiusmodi, quæ matrumfamil. honestatem, & nomen a-  
 tmiserunt propter infamiam. Neque cum his pugnat lex  
 si *uxor §. sed & in ea, h. tit.* quæ ait, etiam in vulgari vxore  
 adulterium vindicari, quia non loquitur de infami mu-  
 liere: non omnis mulier vulgaris, id est, quæ prostituit  
 se in vulgarem libidinem est infamis. Loquitur ille §.  
 cum vxorem vulgarem dicit de ea, quæ libidinis causa  
 vulgo se præbet multis, contempto honore matrimonij,  
 contempta religione matrimonij, quæ infamis non est,  
 antequam deprehensa sit, vel iudicio publico damnata,



quæ propalam propudiosa est, & alit corpus corpore, etiam si damnata nondum sit, quæ licentiam stupri professæ est apud Ædiles more prisco, vt Cornel. Tacit. ait eod. loco, ipso iure infamis est, l. 3. §. lege, de testibus, l. palam, de rit. nupt. solaque, vt ait Ouidius, famosam culpa professæ facit. Et hæc proprie meretrix dicitur, quod mereatur captiui, non etiam illa, quæ sine pretio facilis & proha ad libidinem est, nec dum deprehensa vel damnata, quæ nec matrisfam. nomen amittit. Et perperam Glossa hoc loco metu d. l. si. vxor, adulterij, interpretatur stupri, quum sit proprie accipiendum adulterium: non ergo adulterij dicendum, id est, stupri.

Ad l. 8. & 10. ad Senatusc. Turpill.

*Abolitio aut publice fit ob diem insignem aut publicam gratulationem. Aut priuatim a tore postulantē: Tertio genere fit ex lege abolitio, accusatore mortuo, vel ex iusta causa impedito, quo minus accusare possit, abolitione autem facta non retractabitur in iudicio repetendo, de mariti iure, Trīginta dies repetendi rei Diuus Traianus vtiles esse interpretatus est: ex die scil. quo feria finita sunt. Et Senatus censuit eos dies cedere quibus quisque reum suum repetere possit. Hoc autem repetendi rei tempus non aliter cedit, quam si accusator quoque potuit adire.*

Certum est, in pœnam S. C. Turpil. incidere eum, qui aliter, quam abolitione facta desistit ab accusatione adulterij, l. 1. §. accusationem, h. t. quia prodidit l. Iuliam: & puniri quasi tergiversatorem, vel quasi calumniatorem, nisi si vt in specie l. 11. inf. h. t. post rei postulationem præscriptione legitimi temporis exclusus, causam adulterij perferre non potuerit. Quam sententiam Papin. in l. 11. glossæ non assequuntur. Reus postulatur, priusquam causa perferatur, postulatur reus, cum siue in iudicio, siue extra iudicium postulatur inter reos recipi, l. 1. §. in matrimonio, ad l. Iul. de adul. Et hoc quidem postulatur vel dato iudici libello accusationis, vel querela apud acta deposita, l. 8. C. de accusat. Postea vero causa perferitur lite contestata, lite & cognitione suscepta, & mox eo, cuius nomen delatum est recepto inter reos. nunc post rei postulationem, si accusator, quo minus causam adulterij perferat, impediatur obiecta præscriptione temporis, quod tardius venerit ad accusationem, vel præscriptione sex mensium vtillum, vel præscriptione 60. dierum vtillum, vel præscriptione quinquennij continui, quæ præscriptiones leg. Iulia comparatæ sunt aduersus accusationem adulterij, atq; ita submotus præscriptione, si destiterit, sane non incidit in pœnam S. C. Turpill. vel l. Petroniæ, quæ ead. de re fuit, & calumnia eius non punitur, vt ait l. 11. eius calumniam non puniri lege Remmia scilicet: nam alias, qui desistit ab accusatione adulterij sine abolitione, non tantum incidit in pœnam S. C. Turpill. & l. Petroniæ, sed etiam vt calumniator l. Remmia puniri potest, vt hæc l. 11. ostendit, & Plinius 6. epist. dum refert Imperatorem denuntiasse, se de calumnia accusatoris cogniturum, nisi causam peregerit & pertulerit. At excusatur is, qui obiecta sibi præscriptione temporis à causa adulterij perferenda submotus est. Et ita est accipienda l. 11. Alias, qui sine abolitione desistit ab accusatione adulterij, puniri potest, vel vt tergiversator S. C. Turpill. & l. Petronia, vel vt calumniator l. Remmia, non tantum, si causam adulterij perlatam deferat post litem contestatam, sed etiam si ante litem contestatam desistat post dationem libelli accusatorij, & delationem & postulationem rei, l. pen. h. t. l. 7. C. qui accus. non poss. Ac præterea ex ead. lege, damnato l. Petronia vel l. Remmia, ius accusandi non superest, l. 2. §. l. 40. in fin. sup. ad l. Iul. de adul. l. abolitionem, C. eod. tit. Quæ de causa propter hæc omnia, sc. quæ

retuli lib. de adult. Papin. proposuit tria genera abolitionum, quorum nullo fretus accusator, si deseruerit institutionem accusationem, incidit in pœnam S. C. Turpill. & l. Petroniæ, vel l. Remmiæ. Alia est abolitio publica & indulgentia generalis, quæ fit ex S. C. pro re nata facto, vt in l. 12. h. tit. l. 2. sup. de cust. reor. ob diem aliquem insignem, inquit l. 8. forte die natali, siue conditæ vrbs, vel memoria victoriæ præclaræ cuiusdam, quæ celebrari solebat quotannis certo die, eare insignito, vel ob publicam gratulationem factam in honorem Principis, forte principe aucto liberis, vt in l. 1. Cod. Theod. de indulg. crimin. Constantino aucto Crispo & Helena conceditur generalis abolitio & criminum indulgentia, vel etiam ob rem prospere gestam aduersus hostes, extra ordinem indictis feriis, indicta publica lætitiâ, & carcere vinculisque absolutis reis minorum criminum: nam maiorum non soluantur ob publicam hilaritatem, vel abolitionem. Alia est abolitio priuata, quæ conceditur postulanti accusatori à magistratu, apud quem agit, & nihil aliud est, quam venia omisæ accusationis, inconstituto, temere susceptæ: & dari solet à magistratu redditis causis, cur eam omittere velit, causa cognita pro tribunali vtraque parte præsentate, nec magistratus hanc cognitionem alij mandare potest, l. 1. §. abolitio, h. tit. Quia specialiter ei S. C. data est, l. 15. in fin. de iure fisci, quod magistratui lex vel Senatus dat specialiter, id non potest alij mandare: quoniam iure suo ei non competit, sed iure legis. Reddendas esse causas abolendæ accusationis etiam Plinius indicat 7. epist. & lib. 6. Bithyni, inquit, accusationem Varennij & temere inchoatam omisisse narrantur; legatus causas abolite accusationis exposuit. & lib. 6. à parte, inquit, heredum intrauerunt duo, omnino postulauerunt, vt omnes heredes agere cogerentur, aut sibi quoque desistere permetteretur. Caesar ex consilij sententia iussit denuntiari heredibus, vt aut agerent, aut singuli approbarent causas non agendi, alioqui se de eorum calumnia pronuntiatum. Tertium genus abolitionis fit ex l. Iulia de vi, puta accusatore mortuo, vel ex iusta causa impedito, quo minus causam perferre possit, forte ratione ciuiliū officiorum, vt in l. 15. §. pen. h. tit. & ob eam rem abolito nomine rei, vt l. 3. §. ult. sup. de accus. Et vt breuiter perstringam differentiam, quæ est inter ea genera abolitionum: Prima fit ex S. C. vel placito Principis. Secunda fit ex decreto iudicis. Tertia fit ex l. Iul. Rursus, prima fit nemine postulante ob publicam lætitiâ, quam indicit Senatus vel princeps, secunda fit postulante accusatore, tertia postulante reo. At cuiuscunque generis sit abolitio, post eam idem reus repeti potest, id est, iterato potest reus fieri. Nam publica abolitio primum, quæ fit ex S. C. vel placito Principis, suspendit & differt crimen, non etiam soluit: nam vt ostendit l. 10. ex die, quo feria finitæ sunt intra 30. dies, ab alio vel ab eodem reus repeti potest, non post 30. dies, vt & Paul. scripsit 5. Sent. tit. de abolit. eos dies 30. vt ait l. 10. Traianus Imperator interpretatus est esse vtiles & iudicarios dies, non continuos dies, id est, vt Senatus censuit, in numerum dierum 30. eos tantum dies cedere, quibus accusator non impeditur iudicem adire, & quibus reus iterato accusari potest, id est, quibus reus secum agendi potestatem facit. Quæ ratione in l. 15. §. ult. h. tit. dicitur, quod si post abolitionem antequam reus repereretur intra dies 30. vtiles, alia abolitio superuenerit, dies 30. computantur, non ex superiore, sed ex posteriore abolitione, quia vtiles sunt dies, & non continui. Et hoc de publica abolitione. Ac similiter abolitione facta ex l. Iul. reus repeti potest ab alio intra 30. dies vtiles; d. l. 3. §. ult. de accusat. Idemque erit concessa priuata abolitione: nam & reus repeti poterit, & id quidem quandoque vel ab alio, & permissu principis etiam ab eodem, vt in l. 1. C. de abolit. quod inferius latius explicabitur. Verum ex iis prius generaliter




constituamus, huiusmodi abolitiones esse temporarias A non perpetuas, & crimen suspendere non perimere, crimen diluere non absoluere. Et ita Suet. refert, D. Augustum diuturnorum reorum (& ex quorum sordibus nihil aliud quam voluptas inimicis quareretur) nomina aboluisse: an in perpetuum? minime, sed conditione proposita, ut si quis reum repetere vellet, parem poenam & par periculum subiret. Et simili modo Domitianum reos, qui ante quinquennium apud ararium pependissent, vniuersos discrimine liberasse facta abolitione: an in perpetuum? minime, quia intra annum eosdem repeti permisit ea conditione, ut accusatori, qui causam non teneret, exilium poena esset. Domitianus idem effecit, quod Augustus, & loquitur illo loco Suetonius de diuturnis reis, quique diu in reatu manserant, arario nexi B pecuniae nomine, vel quorum bona eo nomine, nullo pro iis intercedente, ut idem ait in Claudio, in vacuum, id est, tanquam vacantia; venum exposita pendebant sub edicto praefectorum ararii ex l. praedictoria, inquit, quae scripta est scilicet de praedictoribus, id est, de iis quorum praedia arario tenentur. Nam in glossis Philoxeni praedictor est, qui nexus est ob aes debitum arario publico, cum suis bonis, quod valde facit ad inscriptionem l. res, de iur. dot. quae est ex tit. de praedictoribus, & illo loco Suetonij in Claudio. Illa verba in vacuum sic interpretor, quasi vacantia bona reorum, quae in publico venalia suspenduntur fisci nomine, non ut Alciatus in parergis, in vacuum, id est, frustra, ut Graeci, inquit, expriment & perperam, quia Graeci nostrum frustra nunquam ita expriment. Dicunt enim *διανεως* vno verbo non *εις νερον*. Quod autem diximus de abolitione, quae fit C ex Senatusconsulto, vel ex l. Iul. ut post eam reus repeti possit intra certa tempora, idem etiam obtinet in abolitione priuata data accusatori ex edicto praefidis. Nam & hoc casu quandoque reus ab alio repeti potest, l. 2. §. ult. sup. de accusatione. Atque etiam ab eodem permisso Principis, l. 1. §. 1. hoc tit. Ex his apparet, longe aliud esse abolitionem aliud absolutionem reorum: absolutio securitatem & liberationem plenissimam praestat, non abolitio illa. Absolutio, inquam, liberationem plenissimam & perpetuam praestat exceptis tribus casibus: si probatur causam vere peroratum non fuisse, id est, prauiaricatum priorem accusatorem fuisse, vel si probetur iudicem corruptum pecunia reum absoluisse, vel si posterior accusator suum dolorem, suam iniuriam exequatur, l. 3. de prauiar. l. 7. §. 1. de accusat. l. 3. §. ult. sup. ad l. Iul. de adult. Non est omittendum, quod additur in hac l. 10. postquam iure mariti quis adulterum vel adulteram accusauit adulterij, existente publica abolitione, & finitis feriis marito repetente reum, vel ream intra 30. dies eod. iure eum eamve repeti, id est, iure mariti, ut l. 7. hoc tit. Nec repetito iudicio & crimine retractari, aut reuocari in dubium ius priuilegiumque mariti, quo initio praelatus est ceteris omnibus, tametsi interea 60. dies marito dati ad consultandum praeterierint. Et hoc si reum adulterij repetere velit. Nam inuitus repetere, non cogitur reum, qui exemptus est ex reis interueniente publica abolitione, l. 12. hoc tit. Nec post abolitionem prohibetur etiam uxorem, quam fecerat ream adulterij, a se dimissam domum reducere, l. generalis §. 1. de rit. nupt. Nec quod dico, inuitum non repetere reum, ei quidquam obstat l. pen. h. tit. quamuis dicat etiam eum teneri Senatusc. Turpill. qui post abolitionem reum non repetit. Cogitur ergo repetere, ut videtur. Sed non ita est, quoniam l. pen. de eo tantum loquitur, qui reum postulatuerat, non etiam litem contestatus fuerat, impletis solemnibus accusationis, & causa perlata, qui etiam si interueniat publica abolitio, tenetur Senatus. Tupil. nisi persequatur crimen, & peragat reum, quia abolitio Papin. de Adult.

publica pertinet tantum ad ea crimina, quae perlata sunt, non ad ea quorum accusatio nondum perlata, & cognitio suscepta est, l. 2. C. de gener. abol. Et ita est accipienda d. l. pen.

Ad l. 4. de bonis damnatorum.

Et omnes omnino maritus saluas actiones habet contra fiscum.

Dote caduca facta, siue publicata ob delictum mulieris ait, marito aduersus fiscum seruari omnes actiones: publicari enim dotem, cum sua causa: & ideo eadem petitiones, eadem exceptiones & retentiones ex dote marito competunt aduersus fiscum, fisco vindicante dotem, quae competeret mulieri, vel heredi eius diuortio facto repetenti dotem, l. si post, l. si maritus, sup. sol. matrim. Nam & fiscus vicem heredis obtinet, l. 2. C. ad l. Iul. de vi. Dos caduca fit ex quinque legibus tantum publicorum iudiciorum, siue publicatur, l. Iulia maiestatis, l. Iulia vis publ. ced. Pompeia, de parricid. l. Cornel. de beneficiis, l. Cornel. de fisco l. h. tit. secundum quam est explicanda l. si conjuncte, §. ult. sol. matrim. Et in ea l. h. tit. maxime obseruandum est, Vlpianum l. Corneliam de ficiariis & beneficiis diuidere in duas, quoniam quinque numerat l. 8. non erant nisi quatuor: nisi l. Corneliam diuiseris in duas, vnam de ficiariis scilicet feceris, alteram de beneficiis, quibus locis vfurasse possit optime scio. Lege autem Iulia de adult. sicut nec vlla alia lege dos caduca non fit, nec marito cedit, nisi pro parte sexta, ut Vlpianus scripsit, lib. singul. reg. tit. de dotib. & indicat l. cum mulieri, sol. matrim. l. m. les §. socer, ad l. Iul. de adult. Et ita est accipiendum, quod Horatius ait, doti metuere deprehensam, quia iure veteri parti dotis tantum metuit, hodie etiam secundum ius quo vtimur, & metuit vniuersae doti, l. ult. C. ad l. Iul. de adult. & cap. plerumque, de donat. inter vir. & vxor.



## IACOBI CUIACII IURISCONSULTI

in librum singularem Pap.  
de Adulteriis.

Ad l. 11. ad l. Iul. de adult.

Miles, qui cum adultero uxoris suae pactus est, solui sacramento deportarique debet.



Errum est l. Iul. de adulter. teneri, ut aliam quemlibet, ita maritum, qui pro comperto adulterio pretium accepit, vel qui pactus est quocumque pretio, quod post sibi daretur, ut adulterum dimitteret, forte pacto subiecta stipulatione, l. 7. & 8. de eo quod met. causa, l. mariti §. plebitur, h. t. Is autem tenetur lenocinij poena, quae eadem est atque adulterij. Dices, imo tenetur longe grauiore poena, quoniam Papinianus ait, hoc loco militem, qui id fecerit, qui cum adultero uxoris suae deprehensio pactus fuerit, exauctorari, hoc est, sacramento solui, & quidem cum ignominia, ut in l. 5. §. miles, de iis, qui not. inf. Et praeterea deportari in insulam, quod est pati mediam capitis deminutionem, quam l. Iul. vulgo neque pariebantur adulteri, neque lenones, sed relegationem, quae non est capitis deminu-



rio, aut adensumptionem tertie partis bonorum. Verum plerumque omne crimen exasperatur in militem, l. 7. in fi. ad l. Iul. maiest. l. quidam inf. depen. Et ita ex causa huius criminis, etiam grauius miles plectitur, quam paganus. Et hoc loco pactum cum adultero militem accipio certo pretio, vt in edicto prætoris, de his qui not. inf. si quis furti pactus sit, non gratuito sed certo pretio accepto à fure, l. furti §. pactus, de his, qui not. inf. Male enim Accurs. statuit hoc loco, eandem esse pœnam eius, qui adulterum gratia dimisit, manifeste contra verba legis mariti §. plectitur, h. tit. quæ ait, ad legem Iuliam non pertinere, id est, l. Iulia non coerceri eum, qui gratis dimisit deprehensum adulterum, siue maritus sit, siue alius, quia lenocinium l. Iul. coercet, & leno non est, nisi qui pretium accipit pro comperto stupro siue adulterio, vel qui pretium turpiter paciscitur, non qui deprehensi commiseretur, eumque dimittit illæsum, non qui negat se, cum eo velle agere, qui vltro hoc negat, l. si maritus §. si negauerint, hoc tit. Non qui contemnit suum matrimonium, quique contaminatione non indignatur, l. 2. §. lenocini, h. tit. Quid enim vetat, quem deprehenderis, gratuito dimittere? nulla lex vetat: cuique misericordie esse licet. Igitur vltro gratis adulter impune dimittitur. Nec obstat quod dicitur, nec gratuito licere pacisci de adulteriis, l. transigere, C. de transact. l. de crimine, C. ad leg. Iul. de adult. non licere, inquam, transigere vel pacisci. Inter quæ duo hoc interest, quod transactio nulla est gratuita: pactum potest esse gratuitum. Verum, quod dicitur, de præuicatore tantum dicitur, vt indicat d. l. de crimine, id est, de eo, qui prodit institutam accusationem ex pacto, & colludio habito cum aduersario; non etiam de eo, qui non vult adulterum accusare, sed vltro & gratis dimittit aut dissimulat iniuriam suam, nulla habita pactione cum alio, sed vltro & sua sponte.

#### Ad §. militem, qui sororis filiam

*Militem, qui sororis filiam in contubernio habuit, licet non in matrimonium, adulterij pœna teneri rectius dicitur. Ea quæ inter reas adulterij recepta esset, absens defendi non potest.*

**L**ocus hic est singularis, & interpretatione dignus. Ait, auunculum militem, qui sororis filiam in contubernio habuit, stupro scilicet sibi cognitam, vt idem ait in l. 14. de his, quæ vt indignis, sicut Latini solent accipere cognitam, & cognoscere, vt memini me legere apud Herinogenem notantem hunc locum ex Menandro, cognovit me. Auunculum igitur militem, qui sororis filiam habuit in contubernio, non in matrimonio teneri pœna adulterij, id est, stupri & incesti: vel vt Tullius in Miloniana, stupri incesti: quia videlicet non videtur errasse in iure ciuili, quod vetat coniungi auunculum cum sororis filia. Permittitur quidem militi ius ciuile ignorare, sed non videtur id ignorasse in hac specie, qui sororis filiâ clam habuit in contubernio. Nam quod eam habuit clam, arguit conscientiam eius, aliter quam si habuisset eam palam in matrimonio. Vnde & palam pleraque licent, quæ clam non licerent. Palam licet ambire magistratum, non clam. Seneca 5. epist. Senatusconsultis plebifque scitis sana exercentur & publice iubentur, vt in arena. Sequitur, vetita priuatim quadam commissa capite lueret, tunc quia palam fecere, laudamus. auunculus non habuit sororis filiam in matrimonio, nō habuit etiam in concubinato. Quæ est species & imitatio matrimonij, vt diximus sæpe, sed eam habuit in contubernio, vt ait hoc loco, & in l. 14. Hanc vulgo vocant focariam: non vxorem non concubinam, vt in l. 2. C. de donation. inter vir. & vxor. Honestum est vxoris, & concubinæ nomen, focariæ non item, quæ sic appellatur, quod plerumque habeatur per causam speciemque culinæ: nam & μαγειρίας

**A** & μαγειρίας Diuus Hieronym. interpretatur focarias. 1. Samuelis cap. 8. quas & Varro intellexit 2. de re rustica, dum ait, mulieres ad focum afferre ligna, & cibum coquere. Quid autem est, quod ait Papinianus hoc loco, auunculum eam habuisse in contubernio, licet non in matrimonio, & licet non habuerit in matrimonio, sed in contubernio, tamen puniri. Quid hic facit illud, licet, an grauius est habere in matrimonio? non vtique. Imo nonnunquam excusatur, qui cognatam in matrimonio habuit propalam, l. vlt. de rit. nupt. quia nemo videtur tam impudens & audax, vt quam non potest habere in matrimonio, habeat palam sine errore aliquo, vel facti vel iuris ciuilis: & qui errat, non contemnit ius. Proinde maius est delictum eius, qui clam habet in coitu aliquâ, quam qui palam in matrimonio, quoniam hic errore duci præsumitur. Existimo omnino scribendum esse hoc loco, non licet, sed scilicet matrimonio: quia si palam sororis filiam in matrimonio, puta per errorem iuris ciuilis, vel per errorem facti habuit, sane miles excusatur, l. 38. h. tit. Quo loco ait, incesti crimen aliquando & in maribus, vt in militibus scilicet, vel minoribus xxxv. annis, quibus ius ciuile ignorare permissum est, tractari humanius quam adulterij, si modo, inquit, incestum per matrimonium illicitum contractum sit. Et ponit etiam exemplum in sororis filia, quoniam, qui ita contrahunt, non nisi errantes in iure id facere videntur: nemo præsumitur esse adeo stultus: & loquitur d. l. 38. §. 1. de incesto iuris tantum. Aliud est incestum iuris naturalis, siue iuris gentium, quod contrahitur inter parentes & liberos in infinitum, & inter nouercam & priuignum, inter vitricū & priuignam, inter socerum & nurum, inter socrum & generum, qui nunquam non inter se habentur naturalium parentum & liberorum loco. Incestum autem iuris ciuilis contrahitur cum iis, qui ex transuerso nobis coniuncti sunt, l. vlt. de rit. nupt. Vnde in sororis filiam incestum committitur iure ciuili, non iure gentium. Id palam ostendit d. l. 38. quæ loquitur initio de incesto iuris gentium, in §. 1. de incesto iure ciuili, non de incesto iure naturali, siue iure gentium. Neminem enim excusat iuris naturalis ignorantia, l. 2. C. de in ius voc. Non excusat mulierem, non ætate minorem, non militem. Et ideo nullus excusatur ab incesto iuris gentium. Non loquitur etiam ea l. de adulterio: nam & ab adulterij crimine nemo excusatur: neque ætas, neque sexus, neque conditio, aut professio, quenquam excusat à crimine adulterij, quia iure naturali probum est, l. probum, de verb. fig. & natura turpe. Lactant. in Epitome Instit. corrumpere alienum matrimonium etiam communi iure gentium damnatur, id est, iure gentium probum est; dicitur enim probum à prohibendo in eadem l. 38. h. t. Ait, quod & superiora confirmant, incestum, quod per illicitam matrimonij coniunctionem admittitur, excusari solere, si error iuris, vel error facti allegerit, & si nondum quicquam reum postularit, id est, vt Vlpianus ait, apud L. Rufinum eod. lib. sing. de adulter. si nondum reus fuerit præuentus à delatore, si nemo eum postularit, & allegerit errorem iuris vel facti, excusari solet, vel sexu, vel ætate, vel etiam militia, vel vt ait puniendi correctione, quæ bona fide interueniat puniendi, id est, hominis incesti, siue eius, qui incestum admisit correctione, quæ bona fide interueniat, vt puta, si errore cognito bona fide corrigat factum, & abstineat huiusmodi coniunctione toto animo, quod est bona fide non simulata. Quod & hoc ipso libro scribit Papin. apud L. Rufinum, nempe ei, qui sororis filiam per errorem duxerit vxorem (& loquitur de errore facti, quum ignorauit eam fuisse sororis filiâ) antequam præueniretur à delatore, si bona fide, si serio ea coniunctione abstinerit, pœnam remitti: quia qui errore cognito, vt ait, dirimit coniunctionem, eius voluntatis fuisse creditur, vt si sciuisset, se in eo necessitudinis gradu positum, non fuisset tale matrimonij copula-



nurus: pœnitentia & correctio est argumentum, contraxisse eum tale matrimonium inuitum: videtur inuitus fecisse, qui mox corrigit factum, vt Aristot. ait. 3. Ethic. Et hic probat se noluisse, qui corrigit factum pœnitentia actus. Quod etiam confirmat l. 3. C. de incest. nupt. & vsque adeo etiam verum hoc est in errore facti, vt & is error excuset ab incesto iuris gentium, si modo errore comperto, antequam reus postuletur, statim se eo matrimonio abstinerit, diuortio facto bona fide citra dissimulationem, vt in d. l. 38. §. idem Imperatores. dum ait post diuortium, quod cum nouerca priuignus bona fide fecit, cum qua fuerat & fecerat contra ius gentium. Igitur quia correxit factum errore comperto, non admittendam accusationem incesti.

Addam his tantum quod est in §. ea que. ex hoc loco liquido constat, lege Iulia crimen adulterii non fuisse capitale. Id fecerunt capitale nouissimæ constitutiones Theodosiani & Iustiniani Codicis: nam ius vetus nunquam fecit capitale: dum ait, *eam que inter reos adulterij recepta est, absentem defendi non posse*, quia vt defendi absens possitis, qui semel inter reos receptus est, quod non fit nisi post litem contestatam, tamen hoc tantum admissum est in capitalibus criminibus, l. *seruum* §. *publice*, de procurat. l. 3. C. de accusat. Hoc non admittitur in crimine adulterii, ergo non est capitale, alioqui admitteretur defensio absentis recepti inter reos. Et quod ait Accurs. hoc loco etiam absentem inter reos recipi posse, non est verum indistincte & generaliter, sed ita demum, si post litem inchoatam & contestatam abesse cœpit, l. *adulteram*, C. de adult. quia & absens damnari potest, l. *inter*, de pub. iudic. si damnari, & inter reos recipi: is autem qui litem contestatus non est, neque inter reos recipi absens, neque condemnari potest, l. *absentem*, de pœn. sed adnotatur requirendus, vel vt aliter loquimur, fit requirendus in tit. de requir. reis.

#### Ad §. focer cum nurum, &c.

*Socer, cum nurum adulterij accusaturum se libellis præfidi datis, testatus fuisset, maluit accusatione desistere, & lucrum ex dote magis petere. Quaritur an huiusmodi commentum eius admitti existimes? Respondit, turpissimo exemplo is, qui nurum suum accusare instituisse, postea desistere maluit, contentus lucrum ex dote retinere, tanquam culpa mulieris dirempto matrimonio. Quare non inique repellitur, qui commodum dotis, vindicta domus suæ præponere non erubuit.*

**I**N hoc §. hæc proponitur species: Facto diuortio inter filium & nurum culpa nurus, focer nurum libellis præfidi prouinciæ datis se accusaturum adulterii testatus & minatus est, vt in l. 5. inf. ad Senatusc. Turpillian. Proponitur quidam libello principi dato, falsum se obiecturum minatus esse, ab hac comminatione impune desistere licet, l. 5. à datione libelli accusatorii non comminatorii, qui & libellus inscriptionis dicitur & delationis & accusationis, vel à denuntiatione criminis facta reo, non licet impune desistere sine abolitione, l. *vim* §. *duos h. t.* quia in desistentem est constituta pœna, quasi in tergiuersatorem lege Petronia & Senatusc. Turpill. etiam si litem contestatus non fuerit, l. *pen. inf. ad Senatusc.* Turpill. l. 7. C. *qui accus. non pos.* Is vero focer post supradictam comminationem ab accusatione nurus destitit, id est, ab accusandi proposito, & maluit ex dote lucrum persequi, quasi culpa nurus dirempto matrimonio. Donatus in eum locum Virgilii, & hoc prætexit nomine culpam, verbo. inquit, *iuris, usus est.* Sic enim definitum est, culpam mulieris esse, quum pudoris causa peccauerit. Socer igitur mutata sententia & omiffa accusatione adulterii criminali, quasi culpa mulieris dirempto matrimonio, id est, propter adulterium mu-

Papin. de Adult.

**A**lieris, maluit lucrum ex dote persequi, videl. ciuili actione, quæ dicebatur actio de moribus, & ob culpam grauiorem, siue mores grauiiores, id est, ob adulterium, quod dissidio causam dedisset, competeat ei actio in sextam partem dotis: hodie tota dos amittitur atque etiam hypobolon: ob alios autem mores mulieris, qui collati cum adulterio dicuntur leuiiores, actio de moribus competeat in octauam partem dotis, auctore Vlp. lib. sing. reg. Et de hac actione de moribus sunt hæc leges, l. 1. sup. de pact. dotal. l. rei indicata §. 1. l. cum mulier, & l. viro, sol. matr. l. ult. C. de repud. l. 1. C. Theod. de dotibus, l. 1. C. Theo. *Victum ciuilitur, criminaliter agere posse.* Quaritur autem, an eiusmodi focer commentum, id est, solertia, siue vt hic Græci interpretantur, sophisma, qui omiffa instituta accusatione adulterij mauult lucrum dotis persequi, an admitti debeat? Et eleganter responderet Papin. turpissimo exemplo eum desistere à priori proposito, ob lucrum dotis, quod magis capiat, quia scil. vindicta domus suæ pecunias siue lucrum dotis præferre non erubescit, quod est turpe & sordidum, omnis scil. *αἰσχροπρεσία*, est turpitudine, l. 2. de senator. senatu motus propter turpitudinem id est, *αἰσχροπρεσία*, puta damnatus iudicio publ. repetundarum. Nam eadem est huius l. 2. sententia, quæ l. 15. sup. de testib. Et sic M. Tullius l. ad Attic. si causam absolutionis queris, inquit, *egestas iudicium fuit & turpitudine*, id est *δωροδοξία* & *αἰσχροπρεσία* Est autem huic simile argumentum, quo vtitur idem Papinianus in l. *Iulianus*, sup. si quis omiffa causa testam. dum ait, *non carere dolo eum, aut non esse ferendum qui honore proprio omisso propter compendium, aliam institutionem mauult.* Nam & ita non est ferendus focer, qui honore proprio omisso, quem initio vlscisci recte instituerat, mauult sequi lucrum dotis: non potuit focer utroque iudicio experiri, puta, iudicio ciuili de moribus & iudicio criminali ex l. Iul. sed alterutro tantum, vt est proditum in d. l. 1. C. Theod. *Victum ciuilitur, &c.* Ratio hæc est, quia etsi iudicium de moribus pecuniam persequatur, id est, partem dotis, tamen & vindictam persequitur, perinde atque iudicium criminali, quod præcipue solam vindictam exequitur, & vnus criminis duæ vindictæ, duo supplicia esse non debent. Qua ratione nec de iniuriis licet experiri ciuilitur & criminaliter, sed alterutro duntaxat modo, l. 6. de iniur. quia & ciuilis iniuriarum actio vindictæ magis, quam pecuniæ persequutionem habet, l. 2. §. *si emancipato*, de coll. bonor. Et ita non potuit focer utroque iudicio experiri, & electo criminali, non potest variare & transire ad ciuile, ductus lucri auiditate, turpi exemplo.

#### Ad §. adulterii reum.

*Adulterij reum intra quinque annos continuos à die criminis admissi, defuncta quoque muliere, postulari posse palam est.*

**R**egulariter crimina finiuntur vicennio continuo, vt crimen homicidii, crimen falsi, & alia innumera, quæ nisi instituatur intra 20. annos, quod iure vitimur, reus est securus, l. *querela*, C. ad l. Corn. de fals. At crimen adulterii breuiore tempore finitur, nempe quinquennio continuo, quod vt vicennium in aliis criminibus numeratur à die commissi criminis, l. 5. C. eod. fi. Et intra illud quidem quinquennium 60. dies vtiles dantur marito & patri, intra quos si veniant ad recusationem adulterii, vel reum vel ream accusaturi, præferuntur cæteris omnibus, qui ad eandem accusationem iure pub. venire volent. Post dies autem 60. extraneis marito quoque patri, vt extraneis iure communi & publico, non præcipuo, aut priuilegiario, dantur alii quatuor menses vtiles accusandæ adulteræ, scilicet numerandi tam marito & patri etiam agentibus intra 60. dies,



vel intra alios 4. menses, quam etiam extraneis: numerandi, inquam, à die diuortio soluti matrimonii, quod mulier contaminasse dicitur, si post alii nupserit, vel à die commissi criminis, si vidua permanferit, l. 29. §. *sex mensium*, & §. *seq. h. tit.* & ita scilicet vt illi sex menses vtilis non excedant quinquennium continuum à die commissi criminis, vt tamen si ita res ferat, finiantur illi sex menses vtilis etiam intra quinquennium, videlicet, vt dixi, quum de adultera accusanda agitur: nam adultero accusando à die commissi criminis, semper totum quinquennium continuum delatori siue accusatori cedit. Et in hac re l. Iulia fauet magis adulteræ, vt imbecilliori, quam adultero: nam adulter non nisi quinquennio cōpleto securus est: adultera etiam ante quinquennium completum liberari potest, videlicet si sex menses vtilis intra illud quinquennium præterierint, l. 1. §. *accusatione*, infr. ad Turpil. Et Papin. ait hoc loco, adulterum accusari posse intra quinquennium continuum à die commissi criminis, etiam defuncta muliere adultera, etiam si mulier superstes non sit, vt in l. *vim* §. *in matrimonio*, & l. *ult. inf. hoc tit.* Est quidem hoc crimen adulterii commune duorum, sed iudicium non est commune duorum: imo nec duorum esse potest, sed alius post alium reus fieri debet, prout delator elegerit, nisi mulier alii nupserit ante criminis denuntiationem. Hoc enim casu ab adultero accusator incipere debet, l. 5. l. *si maritus* 2. §. *ult. l. mihi* §. *ult. l. vim* §. *duos*, h. tit. l. *reos*, C. eod. tit.

Ad §. quidam accusare volebat.

*Quidam accusare volebat adulterij mulierem, & postulabat, ne sibi computarentur dies, quos in custodia fecisset, me hoc admittente extitit, qui mihi contradiceret, cuius opinionem an tu probes, rogo maturius mihi scribas. Respondit, opinionem tuam & verba legis & sententiam adiuvant, cui placuit vtilis dies accusatori computandos esse, id est, quibus potuit accusationis solemnia implere, sine dubio dies quibus quis in custodia fuit, extra computationem vtilium dierum existimanti tibi constitutos, contradici debuit. Sexaginta dies qui marito accusante vtilis computantur, feriatis quoque diebus, si modo facultatem præsidis adeundi accusator habuit, numerari certum est, quoniam de plano quoque libellus dari potest. Quod privilegium si amisit, non prohibetur intra alios quatuor menses querelam suam apud iudicem deferre.*

**A**dulteræ accusandæ iure communi sunt præscripti sex menses, quæritur, an in id temporis cedant dies, quos vt ait, qui accusatus erat adulterij, in custodia fecisset. Fac fecisse eum in custodia duos menses, an ii computantur in numerum sex mensium? Facere dies, aut menses ait eleganter, vt in l. 1. 4. de statulib. annum in fuga fecerat. Iulianus antecessor constitutione 15. *Præses* pronuncia, inquit, postquam desiderit esse præses, in ead. pronuncia 50. dies fecerat: Et in antiqua inscriptione: cum marito fecit menses 10. dies 15. Ad quæstionem vero propositam respondet Papin. eos dies accusaturo non computari, quos in custodia fecisset, quia sex menses l. Iul. præscripsit vtilis, non continuos: & vtilis ii sunt, quibus potuit solemnia accusationis implere, puta inscriptiones & satisfationes. vt in l. 1. C. ad Turpill. apud Ammianum Marcellinum lib. 14. cum accusatore flagitaret, & solemnia, &c. Quid vocat solemnia accusationis? libelli inscriptionem & satisfationem de lite exequenda, d. l. 1. quæ quidem solemnia non potest implere, qui publica custodia coercetur. Ergo hi dies non computantur, quos egit in custodia. Et ostenditur in §. prox. 60. dies, qui dantur marito volenti accusare iure mariti, remotis aliis accusatoribus ad consultandum, vt Corn. Tac. de eo. crimine scribens 2. annal. 69. dies viro

**A**d consultandum datos: eos dies 60. etiam esse vtilis. Nam eos tantum computari, quib. adeundi præsidis & dandi libelli accusatorii accusator facultatem habuit, non eos dies, quibus præses aliis distentus occupationibus in publico sui copiam non fecit, vt in l. 6. eo. tit. l. 1. §. *dies, quando appell. sit* Potest tamen accusator, si copiam sui publice faciat præses, eum adire etiam die feriato, die non iudiciario, porrecto ei libello accusatorio de plano. Nec enim necesse est, eum adire pro tribunali die iudiciario, die sessionis præsidialis, ideoque sessionum dies, quas Græci vocant *δικαστήριον*, quibus pro tribunali sessionum iuit præses, non numerantur, vt in l. 2. §. *dies, ff. quis ordo in bon. poss.* Sed etiam alii dies numerantur, quibus præses sessionum non iuit pro tribunali, si modo sui copiam publice fecerit, quia libellus etiam potest dari de plano, puta, stanti præsidii aut transeunti de plano, quod Modestino est *χάρις*, in l. 13. de excusat quod illo loco non intellexit Auguft. Aliud est pro tribunali aliquid expedire, aliud per libellum, quod fit etiam de plano, l. 9. §. 1. sup. de offic. proconsul. l. 2. C. *quemadmodum aper.* Quod si vt subiicit, intra 60. dies vtilis maritus non instituerit accusationem adulterij iure suo, non prohibetur intra reliquos quatuor menses æque vtilis accusationem instituere aduersus mulierem, sed iure communi, iure publ. vt extraneus, non iure præcipuo post 60. dies. Nam in diuinationis causa, qui potior videbitur accusator, marito poterit anteferri, d. l. 6. C. eod. tit.

**C**

Ad §. quærebatur, an iure mariti possit.

*Quærebatur, an iure mariti possit accusare vir eam feminam, quæ cum ei desponsata fuisset, alij in matrimonium à patre fuisset tradita? respondit, nonnam rem instituere huiusmodi accusatorem existimo, qui adulterij crimen obicere desiderat, propter hoc tantum, quod priori sibi desponsata puella, à patre in matrimonium alij fuerit tradita.*

**N**otandum est, sponsam ab sponso adulterij, siue stupri accusari posse iure mariti, iure præcipuo, vt præferatur omnibus, non quidem ex l. Iul. sed ex rescripto Seueri & Antonini, quia neque matrimonium qualecunque, neque speciem matrimonii violare licet, l. si uxor §. *Diuis*, & §. *pen. hoc tit. l. 7. C. eod. tit.* Quod & ita recte Paulus interpretatus est lib. singul. de adulr. apud L. Rufinum. Et hoc quidem ita se habet, si post sponsalia sponsa cum alio stupri consuetudinem habuerit, non si alii nupserit auctore patre, vt hic proponitur, quia, extra crimen, hoc est, si alii nubat, nec fidem sponso promissam præstet, & conueniri tantum potest pater qui eam priori desponderat actione ex sponso in id quod interest, vel in pœnam, de qua conuenierit, si nuptiæ non sequerentur. Quod & veteres Latinos sequutos ex Neratio & Seruio Iurisconsultis A. Gellius lib. 4. refert, antequam Latini l. Iul. donarentur ciuitate Romana. Nam inter ciues Romanos, nec matrimonium, nec species matrimonii vinculo pœnæ adstringi poterat, l. Titia, de verbor. obli. Quod tamen non probat Nouel. Leonis Philosophi 18. quæ vult sponsalia posse obstringi vinculo pœnæ, & non sequutis nuptiis secundum fidem sponsaliorum, pœnæ conuentæ exactionem esse: vel si de pœna conuentum non sit, agi posse in id quod interest, quo iure vtimur hodie.

**E**

Ad §. defuncto marito adulterij rea,

*Defuncto marito, adulterij rea mulier postulat. Quæ propter impuberem filium vult dilationem ab accusatore impetrare, an debeat audiri? Respondi, non videtur mihi confugere mulier ad istam defensionem, quæ aetatem filij præstendit ad eludendam legitimam accusationem. Nam non*



*utique crimen adulterij, quod mulieri obicitur infanti a præiudicat, cum possit & illa adultera esse, & impubes defunctum patrem habuisse.*

**P**ROponitur mulierem quandam, quæ defuncto marito relicto filio impubere postulabatur adulterij ab extraneo forte iure publico, desiderasse accusationem differri in tēpus pubertatis filii infantis, ne præiudicium interim fieret statui infantis, si forte ipsa damnaretur. an iustum est hoc desiderium mulieris? minime: quia quæstio adulterij simplex nō potest præiudicare infanti. Potest enim & iustus esse filius & mater adultera. Nam ut dicebat Messalina Iulia huiusmodi mulieres non nisi nane plena vectorem ferunt, & recte ponit, maritū fuisse defunctum; nam viuo marito, viuo patre, non quæretur, an differenda esset quæstio status pueri in tempus pubertatis, quia viuo patre nunquam differtur, sed post mortem tantum patris, si puero moueatur quæstio status. Recte etiam ponit mulierem fuisse adulterij postulatam, ut in *l. Titia, de Carbon. edic.* nec actum fuisse vlla alia dere; nam quod notandum quodque Accursius non intellexit, si cum esset quæstio de bonis paternis, de hereditate paterna, mulier missa fuerit in possessionem bonorum defuncti mariti ventris nomine, & dicatur partum ex adulterio concepisse, sane hoc casu differenda est accusatio adulterij, ne præiudicium fiat partui ex rescripto Adriani, *l. 18. de vent. in possess. mitt.* Male autem in Florentinis hoc loco ex vno § facti sunt duo, quandoquidem ita vno spiritu legendum est, *defuncto marito adulterij rea mulier postulat, &c.*

#### Ad §. volenti.

*Volenti mihi ream adulterij postulare eam, quæ post commissum adulterium in eod. matrimonio perseverauerit, contradictum est. Quæro, an iniuste responsum sit? Respondit, ignorare non debuisti, durante eo matrimonio, in quo adulterium dicitur esse commissum, non posse mulierem ream adulterij fieri, sed nec adulterum interim accusari posse.*

**I**N hoc §. ostenditur, ante diuortium neque adulteram posse ream fieri adulterij commissi in matrimonio, quod nondum diremptum est, neque adulterum. Quod ita intelligendum est, ut non possit reus vel rea à marito fieri durante matrimonio, ut *l. 2. eod. tit.* Denique hic §. est accipiendus de marito accusatore, qui vult accusare adulterum vel adulteram, antequam dimiserit adulteram, quod non potest. Nam ab extraneo, etiam durante matrimonio, non quidem adultera, ne temere statim bene conueniens matrimonium turbetur, sed adulter reus fieri potest, *l. constante, l. vim §. 1. h. tit.* ubi hoc quemadmodum hodie accipiendum sit ex constitutionibus, satis explicui ad responsa. Nam ex constitutionibus hodie licet marito & patri, auo, & patruo, & auunculo, manente matrimonio, mulierem ex suspitione ream facere ut purget se, & doceat innocentiam suam id est, non tantum culpa, sed etiam suspitione vacare, siue suspitionis causa idonea, *l. quamuis, C. eod.*

#### Ad §. licet ei mulier.

*Licet ei mulier; qui in suspitionem adulterij incidit, nupsisse dicatur, non ante accusari poterit, quam adulter fuerit conuictus, alioquin ad hoc vel maxime viri confluent, volentes bene concordatum sequens matrimonium dirimere, ut dicant cum adultero mulierem nuptias contraxisse.*

**H**VIUS §. sententia hæc est; mulier, quæ adulterij causa, à marito dimissa & repudiata est, si mox alii nupserit ante denuntiationem criminis, ne temere se-

quens matrimonium bene conueniens dirimatur. (non potest mulier accusari adulterij, antequam adulter sit conuictus, quod multæ leges huius tituli ostendunt, ut *l. 2. & 5. & l. si maritus §. ult. h. tit.*) Mulier ergo dimissa ob adulterium, si mox alii rite nupserit, non ante potest accusari, quam adulter conuictus & damnatus fuerit, etiamsi ei ipsi adultero mox iterum nupserit post libellum diuortii missum à priore marito ob causam violati matrimonii. Quod ita intelligendum est, etiamsi mox nupserit ipsi adultero, quem scilicet maritus suspectum habet, nondum probauit esse adulterum, nondum conuicit, nondum damnauit, ut *l. 40. h. tit. inf.* Nam si conuictus sit adulter, matrimonium illud secundum quod conit inter adulterum & adulteram distrahitur tanquam iniustum & illicitum, ut est nominatim prædictum in *l. Claudius, de his, quæ ut indign.* & probatur etiam cap. 51. concilii Treuirensis, quod corrupte quidam vocant Triburense. Et ita quoque generaliter definiuit Leo Pontif. Maxim. cap. 5. ext. de eo, qui duxit in matrim. quam prius polluit per adult. nullus, inquit, ducat in matrimonium quam prius polluit adulterio. Et D. August. lib. de nupt & concupiscentia, ad Valerium Comitem, fieri, inquit, verum connubium non potest quod prius adulterium fuit. Quæ verba Augustini apud Gratianum Can. 31. quæst. 1. & ex Grat. apud Lombard. 4. Sent. dist. 35. perperam, imò pessime leguntur detracta negatione. Dico autem adultero condemnato, matrimonium distrahi protinus, quod cum adultera contraxit post solum prius matrimonium, etiamsi ipsa indemnata fuerit, *d. l. Claudius*: quod si & ipsa damnata fuerit, multo magis; quia nulli alii omnino cum adulteri damnata & probrosa femina connubium est, ut ostenditur §. ult. huius *l. mariti §. 1. h. tit. l. 1. §. 1. de concub.* Nouissimi autem canones hoc ius, quod semper olim obtinuerat, in ecclesia strictius accipientes, non aliter ex hac causa volunt distrahi matrimonium, quod scilicet prius fuit adulterium, nisi si viuentem priore coniuge in casum mortis eius, præmatüre pepigerint inter se de futuris nuptiis, quod non potest negari esse contra bonos mores iuris gentium, nedum iuris ciuilibis, vel etiamsi in necem prioris coniugis vterque vel alter eorum conspirauit, ut è medio sublato viro, inter se coniungerentur, vel etiam nisi durante priore matrimonio inter se adulter & adultera impudenter matrimonium contraxerint. His tribus duntaxat casibus censent matrimonium ex ea causa esse dirimendum, ut prædictum est in 31. quæst. 1. can. re-latum & sequ. & c. 3. c. 5. c. 6. de eo, qui duxit in matrim. quam, &c. Et valde notandum quod dicitur in cap. 5. matrimonium contractum inter adulterum & adulteram manente priore matrimonio, puta viuo priore coniuge, etiamsi post solum prius matrimonium morte coniugis, in eo longo tempore perseverauerint, puta, decem annis, ut ponit, vel etiam plures liberos ex ea coniunctione susceperint, non confirmari tale matrimonium. Denique non confirmari diuturnitate temporis, quo stetit post solum prius matrimonium, neque numero liberorum, quia multiplicitas proles ita susceptæ, magis eorum crimen exaggerat, & diuturnitas temporis crimen non minuit, sed augeat. Quam rationem existimo locū habere in specie proposita in *l. qui in provincia §. 1. de rit. nupt.* si sororis filia ignara iuris ciuilibis, cum collocaretur ab auia sua, nupserit auunculo, & diu inter eos tale matrimonium steterit, & ex eo plures liberos susceperint, neque in ea specie rescripto Marci & Commodi, quod proponitur in *d. l. qui in provincia*, tale matrimonium confirmatur, quod imò re cognita statim dirimendū est, ut in *l. 38. §. 1. hoc tit.* Dicitur crimen incesti iure ciuili commissi nonnunquā remitti, sed distrahi illicitam coniunctionem. Et paulo post, *incestas nuptias confirmari non solere*, ideoque illo rescripto confirmatur tantum status liberorum, id est, liberi à Principe moti



multis rationibus, non vnica: neque enim illegitimi temere faciendi sunt legitimi, moto, inquam, multis rationibus, ignorantia puellæ, diuturnitate temporis, quo fuerat in matrimonio illicito, & numero liberorum, à Principe, inquam, liberi sunt legitimi, & vt parentibus iure legitimo heredes existere possunt. Matrimonium non confirmatur, ergo distrahitur.

Ad §. mulier cum absentem.

Mulier cum absentem virum audisset vita functum esse, alij se iunxit: mox maritus reuersus est. Quæro quid aduersus eam mulierem statuendum sit? Respondit, tam iuris quam facti quæstionem moueri. Nam si longo tempore transacto sine ullius stupri probatione falsis rumoribus inducta quasi soluta priore vinculo, legitimis nuptiis secundis iuncta est, quod verisimile est deceptam eam fuisse, nihil vindicta dignum videri potest. Quod si ficta mariti mors argumentum faciendis nuptiis probabitur præstitisse, cum hoc facto pudicitia laboret, vindicari debet pro admissi criminis qualitate. §. 1. Ream adulterij uxorem duxi, eam damnatam, mox repudiani, quæro an causam dissidij præstitisse videor? Respondi, cum per legem Iuliam huiusmodi uxorem retinere prohibearis, non videri te causam dissidij præstitisse patam est. Quare ita ius tractabitur, quasi culpa mulieris facto diuortio.

IN §. penult. huius l. quæritur, quid sit statuendum, de ea muliere, quæ cum audisset absentem virum vita functum esse, alij nupsit, si prior vir fuerit reuersus, an tenetur lege Iulia? Et Papinianus ait, hanc quæstionem tam iuris esse quam facti, hoc est, hanc quæstionem facto implicitam esse, vt Iulianus loquitur in l. cū duobus, sup. pro soc. vt Boetius i. de differentiis Topicis, hypothesein esse quæstionem factis personis & aliis circumstantiis implicitam, vel vt loquitur Alphenus in l. si ex plagis §. in clino, ad l. Aquil. ius esse positum in facto, in causa. Nam in quæstione proposita, vt Papin. eleganter declarat, si longo tempore transacto, cuius definitio est in arbitrio iudicis, quo mulier expectauit virum absentem, sine vlla probri suspicione vixerit, & falso rumore decepta, quasi soluto priore matrimonio, alij nupsit bona fide, extra crimen est. Sed distrahenda secunda coniunctio est ex sententia Papiniani, vt opinor, & restituenda mulier priori reuerso marito. Quam sententiam & Leo Pontif. probat, cum prior maritus per captiuitatem abfuit, Can. 1. 34. qu. vlt. Leo autem Imperator etiam adulterij pœna eam, quamuis mens non peccauerit, teneri censuit, No. 33. vid. si antequam certum nuncium de morte viri acciperet, alij nupsit, etiam si nimis credula bona fide nupsit diu expectato marito, quia debuit expectare certum nuncium. Aliter in No. 22. vt si vel quinquennio maritum expectauerit, secundæ nuptiæ consistent. & primæ solutæ intelligantur. Quam sententiam Iustin. vel potius Tribonianus quamuis eam nondum edidisset No. 22. & eam tantum parturiret, inseruit in ff. l. 6. de diuort. vt character orationis euidenter arguit. Et designauit etiam his verbis, post constitutum tempus, id est, post quinquennium in l. 8. de capt. Marito autem absente per militiam idem prope Iust. constituit in No. 117. quod Leo imperator in marito absente per captiuitatem, derogata ad aliquid hac in rel. vxor, C. de repud. & Nouel. 22. Ante cōstitutiones principum receptum erat captiuitatem mariti statim solui matrimonium, vt seruitude, l. 1. de diuort. l. si ab hostibus, l. si quis, sol. matrim. l. in bello §. in medio, de capt. & postlim. ren. Nisi cum erat maritus patronus, captiuitate patroni eiusdemque mariti non soluebatur matrimonium, l. eo iure §. vlt. de rit. nupt. Et interueniente militia mariti per bonam gratiam dissolui poterat matrimonium, quia tempus militiæ erat satis longum, l. vlt. de donat.

A int. vir. & vxor. Neque enim explebat quisquam stipendia; nec fiebat emeritus, nisi anno 20. hoc erat iustum militiæ tempus. Et iusta igitur causa propter longam absentiam, bona gratia dissoluendi matrimonij: per causam alterius absentiæ, nec iure veteri licebat temere & inculpate abire matrimonio, sed ex sententia Papiniani hoc loco proposita, mulier quæ falso rumore perlato post longum tempus de morte mariti alij nupsit, non tenetur l. Iulia, quia dolo caret. quæ vero dolo malo alij nupsit, ficta morte prioris mariti, proculdubio tenetur l. Iulia, pro qualitate criminis. Et ita ostendit Papin. quæstionem propositam in facti qualitate esse positam, nec tam de iure quæri, quam de facto.

Ad §. vlt. Ream adulterij.

SEquitur in hoc §. Eum qui duxit uxorem eam, quæ erat rea adulterij commissi in priori matrimonio, mortuo scilicet priori marito, & qui postea damnatam eam dimisit, eum non videri diuortii, siue dissidii causam præstitisse, quia nec per l. Iul. adulterij damnatam in priori matrimonio retinere potuit; ac proinde culpa mulieris potius diruptum matrimonium dicemus, & consequenter secundum ius, quod obtinuit tempore Papiniani auctore Vlpiano lib. sing. regul. & apud Boëtium auctore Gaio lib. 2. Instit. in singulos liberos si extent, hic secundus maritus sextas ex dote retinere potest, vsque ad mediam partem duntaxat dotis. Recte posui, mortuum fuisse priorem maritum, cum ille duxit ream adulterij. Nam viuo priore marito, nec rea adulterij ab alio vxor duci potest, l. reas, de ritu nupt. Quæ distinctio valde notanda est, alioqui hic §. pugnaret cum d. l. reas.

CEX LIB. SINGVLARI ἀτυνομικῆ  
extat tantum lex vnica tit. de via publica, & si quid in ea gestum esse dicatur.

Ediles curules studeant, & quæ secundum ciuitates sunt via, vt utique adaquentur. & effluxiones non noceant domibus, & pontem faciant ubicunque oportet. Studeant autem, vt proprii parietes, & aliorum aliquid, quæ circa domos ad viam publicam ducunt, non labilia sint: quatenus vt oportet emundent domini domorum & construant. Si autem non emundauerint, neque construxerint, mulctent eos quoad ilabilia faciant. Curent autem, vt nullus effodiat vias, neque subruat, neque construat in viis aliquid. Si autem seruus quidem fuerit, ab obuiante fustigetur; si liber demonstretur adilibus: adiles autem damnificent secundum legem, & quod factum est dissoluant. Construat autem vias publicas unusquisque secundum propriam domum: & aqua ductus purget, qui sub dio sunt, id est, cælo libero: & construat ita, vt non prohibeatur vehiculum transire. Quicumque autem mercede habitant: si non construant domus ipsi construentes computent dispendium in mercedem. Studeant autem vt ante ergasteria nihil proiectum sit, vel propositum: praterquam si fullo vestimenta siccet: aut tecton trochos exterius ponat, ponant autem & hi, vt non prohibeant vehiculum ire. Non permittant autem rixari in viis, neque stercorea proicere, neque morticina, neque toria iacere. Translatum Pifis.

PRæter lib. de adult. Papinianus scripsit lib. singularem, ex quo est hæc l. vnica, de via publica, & c. quem appellauit ἀτυνομικῆ, & fuit de curatoribus viarum publicarum, siue vt Varro loquitur, de Viocuris, quos Græci ἀτυνομίους vocant, posteriores dixere patres ciuitatum, vt Vlpianus scribit in orationem Demosthenis contra Timocratem. De his sæpe fit mentio in Nouell. & in



in C. multos collegi locos in Novel. 85. & in l. 3. C. de iis, qui sponte munera suscep. lib. 10. Quibus locis ostenditur, olim etiam patres civitatum habuisse curam operum publicorum omnium: curam igitur viarum publicarum & operum: Idem & patres simpliciter dicuntur in l. ult. C. Indeis, ubi legendum, patris honorem, id est, patris civitatis l. 12. Græca, C. de hæreticis dicuntur & curatores reip. ut Basil. interpretantur in l. ad curatores, de damno infect. l. 1. C. de solut. & liberat. lib. 11. l. ult. de off. adfess. Sunt magistratus minores, curatores reipubli. publicarum viarum, & operum publicorum: ergo habent iurisdictionem, habent adfessores d. l. ult. habent multæ dictionem aduersus inobedientes, ut ostendit hæc lex Papin. Ab iis omnibus quos supra diximus separantur ædiles, & nomine & administratione. Nam ædiles dicuntur ἀρχαῖοι, ut Theoph. docet §. proponebat, Inst. de iure natur. gen. & civ. illi vero dicuntur ἀσυνόμοι, differunt administratione quoque, nam ad ἀρχαῖοις pertinent iura rerum venalium: Theophrast. lib. de legib. apud Suidam: duorum potissimum curam incumbere adilibus, ut rite omnia & ordine gerantur in foro, & ut fraudes tum emptorum, tum venditorum coerceantur. Verum ad ἀσυνόμοις pertinet cura viarum & operum publicorum. Vlpianus interpres Demosthenis ex Platone ut opinor ἀρχαῖοις, inquit, est qui inspicit res venales in foro: ἀσυνόμοις, qui curat munditiem civitatis, & à nobis dicitur pater. Proinde ut in hac l. ostendit. curant ἀσυνόμοι, ut viæ puræ sint & mundæ. ut viarum cumuli non lædant ædificia, & construantur ponticuli, ubi res exigit in publico per quos populo iter sit, & ne parietes ædium ven-

trem faciant in publicam viam, ut fulciant sufflaminibus & tibicinibus, & ne quid proiciatur, aut obruat in viam publicam, quod itineri vel actui vehiculorum impedimento sit, ne quis viam publicam aperiat, aut fodiat, vel obruat, ut deteriorem faciat, ne ædificet in via publica nisi publicè, ut ait l. fluminum, de damno infect. idque auctoritate publ. veluti principis. Publicè ædificare est ædificare auctoritate publica, ut publicè consecrare est consecrare auctoritate publica, puta per principem aut pontificem, l. 4. §. sacra, de rer. d. u. & inter cetera (quod ait in hac lege) ne ædiles sinant in viam publ. proici sordes. Id etiam ex nescio quo auctore Græco inuenies scriptum, de ἀσυνόμοις. apud Suidam eos curam habuisse sordium proiciendarum. B Plutarchus quoque in præceptis politicis, dum scribit de iis, qui apud Thebanos dicebantur τελεάρχαι, qui idemerant, ἀσυνόμοι. Ex quibus intelligitur, quanta sit differentia inter ἀρχαῖοις & ἀσυνόμοις. Non inficior tamen, ut evenit sæpe, vni deferri duo munera publica, ita esse factum, ut idem esset ἀρχαῖος, siue ædilis, & ἀσυνόμος, seu curator viarum aut itinerum civitatis. Suet. in Vespas. Vespasianum adilem Caesar succensens propter curam verrendis viis non adhibitam. luto opplere iussit, quia scilicet Vespasianus non tantum erat ædilis, sed etiam curator viarum, ut hanc rem referens nominatim ait Dio libro 68. cuius hæc sunt verba: lutum, inquit, cernens in publica via, iussit proici in vestem Vespasiani, qui tunc erat adilis, & curator viarum, & ita duplici munere functus. Proinde ille etiam locus indicat esse differentiam inter ἀσυνόμοις, & ἀρχαῖοις. C Vide Obseruat. lib. 22. cap. 31.

*Finis II. libri Papiniani de Adulterijs.*







# INDEX RERVM AC VERBORVM

## IN RECITATIONIBVS COMMENTARIISQVE

### IACOBI CUIACII IN QVÆSTIONES, RESPONSA,

definitiones & libros de Adulteriis & *ἀδουτοῦν* Æmilij  
Papiniani, contentorum.

*Cuius prior numerus Librum vel Quæstionum, vel Responsorum, vel Definitionum, vel de Adulteriis  
notat, & secundus columnam, literæ a, b, c, d, e, seriem distinctarum columnarum.*

#### A



- Abdicare** se, est dicere nolle se amplius magistratum esse, & gerere. *Responsum*, columna, 2. a
- Abdicatio** num eadem sit in Proconsule, & quolibet prouincie rectore, atque in magistratu urbano ac municipali, sicut in legato Caesaris, ibidem.
- Abdicare** se tutela, est se amplius tutorem esse nolle, ibidem.
- Abdicare** se tutela est dicere se amplius tutorem esse nolle, ibidem.
- Abdicare** se nequit legitimus tutor. 1. resp. 2. c. cedere tamen potest in iure. ibid. 2. c.
- Abdicare** se conanem magistratu prohibere posse Senatui, 1. resp. 2. c. b.
- Abdicare** lege aliud est, aliud cedere. 1. resp. 2. c.
- Abdicatio** legitimi magistratus non valet, ibidem.
- Abdicationis** exempla, quo ad Imperatorem, sunt Diocletianus & Maximianus, item constitutio quadam Cælestini, quo ad summum Pontificem, 1. resp. 2. c.
- Abdicatione** hodie non utimur. 13. quæst. 364. c. Quomodo fiebat olim. ibid.
- Abigeatus** est casus fortuitus & damnum fatale cui resisti non potest. 8. q. 80. b. c.
- Abiuratio** depositi. *Vide* depositum.
- Abolitio** duplex est: publica & priuata, 2. de adult. 671. c. d. 672. a. b. c. 673. a. aliud est Abolitio, & longe aliud abolitio reorum. 2. de adulter. 662. c.
- Abolitio** criminis à reo obtenta impetrata, 15. resp. 587. c.
- Abolitio** 2. de adulter. 672. c.
- inter Abortum & abortum** differentia quæ. 19. q. 366. c. d.
- Abolitio** reorum ab abolitione differt. 2. de adulter. 672. c. & 673. a.
- Abortum & abortum** in quo differunt. 19. quæst. 511. 566. c. d.
- Absentia** in capitalibus, ac innocentia per alium excusari potest. 15. resp. 588. d. e.
- Absens** an per procuratorem hereditatem adire possit. 20. qu. 611. c.
- Absens** res. *Vide*, Res præsens.
- Absentis** nomine an cogi possit heres adire & restituere. 29. qu. 611. c. 612. a.
- Absentis** procurator si cõueniatur ob proprium debitum, an actori compensare possit, quod is non sibi, sed domino absentis deberet. 3. resp. 114. a.
- Absenti** restituitur hereditas per nuntium vel per epistolam, 3. qu. 77. d.
- Aduersus Absentem** festinare iudex non debet, graue sententiã dare. 2. resp. 48. c.
- inter Absentes** contractus recte contrahuntur. 3. quæst. 73. c.
- pro Absentibus** habentur surdus & mutus. 7 resp. 332. c.
- Absentibus** aliquibus ceteris præsentibus, an iudex officio suo fungi & sententiam dicere possit. 2. resp. 54. c. causa dubitationis quæ ibidem & 333. a.
- Abolutio** 2. de adulter. 672. c.
- Abstentio** soli pupillo prodest. 3. q. 90. d. e.
- Abstentio & repudiatio** in quo differunt. 20. qu. 601. a. b.
- Abstentio & separatio** in quo differunt. 3. qu. 88. a. b.
- Abstinerere & immiscere** sunt verba iuris pretorii 18. qu. 482. b. Repudiare & adire sunt verba iuris ciuilibus, ibidem.
- Abstulisse** litis æstimationem quid est. 17. qu. 465. b.
- Absumptum** non videtur quod in corpus patrimonii versum est. 399. c. d. 9. re. d.
- Absumptum** non videtur quod in corpus, patrimonii retinetur. 20. q. 606. d. 607. a. b.
- Absumptum** non videtur quod in corpus pretii versum est. 20. qu. 606. c.
- quæ Abundant** in conuentionibus vel testamentis nihil nocent, imo profunt magis, 27 qu. 688. d.
- Abundant** multa in stipulationibus, 27. q. ibidem.
- quod ex Abundanti** adicitur, pro nihilo est. 18. qu. 507. b. c.
- Abusus** est absumptio rei, & priuatio vsus. 17. qu. 448. c. d. Quid est vsus 17. q. ib. c.
- Acceptare** est verbum proprium præstationum annuarum. 8. resp. 371. c. d.
- Acceptilatio** an in vsufructu valeat 17 qu. 437. d.
- Acceptilatio** quid distat ab apocha. 1. resp. 8. c.
- Acceptilatio** non fit per procuratorem, nisi remedio nouationis. 28. qu. 767. c. d.
- Acceptilatio** in quo distat ab apocha. 1. resp. 8. c.
- Acceptilatione** perimitur legatum liberationis. 7. resp. b. c.
- in Acceptilationibus & nuncupationibus** sunt symbolum æs & libra. 28. q. 769. a.
- Accessio** alia nulla esse potest, eius quod officio iudicis accedit. 2. resp. 61. c.
- Accessionis** accessio non est, ne infinitæ sint præstationes. 2. resp. 61. c. & d. & 15. re. 584. c.
- Accessio** rei principalis est accessio. 15. resp. 584. d.
- Accessionis** est augere, non augeri. 29. q. 791. a.
- Accipere** perperam est intercipere. 12. qu. 347. a.
- Accipere** videtur qui mandat accipi. 28. qu. 754. a.
- Accrescendi** ius cessat ubi est transmissio loci. 19. qu. 546. c.
- Accrescendi** ius quid est. 2. definit. 630. c. 631. a.
- Accrescendi** ius quid est. 17. qu. 445. c.
- Accrescendi** ius. *Vide* ius accrescendi.
- Accrescendi** ius valet inter solos coheredes. 13. qu. 367. c.
- Accursus** male confundit incapacem cum indigno. 16. quæ 425. c. Indignus capere potest, sed non retinere. ibid. d. Secus in incapaci. 425. d.
- Accursus** non intellexit, quid sit exigere cautionem. 19. qu. 563. c.
- Accursus** propter Philosophiæ peritiam à Cuiacio commendatur. 15. qu. 391. d.
- ad Accusandum** si procurator non datur, multo magis non datur ad defendendum. 1. resp. b. 602. c.
- Accusare** non potest infamis. 2. qu. 27. c. nec iudex esse. ibidem.
- an Accusare** possit patronum libertus iure mariti. 36. qu. 842. d.
- Accusationis** incerto non procedunt tempora bonorum possess. certo Accusationis tantum tempora cedunt. 13. quæst. 355. a. b.
- Accusationem** extraordinariam qui deserit, an incidat is in pœnam SC. Turpiliani, & si damnatur, vtrum infamia notetur. 1. resp. 32. c. d.
- Accusator** dicitur cum reo contestari, non contra. 3. q. 75. b.
- Accusatore** defuncto an & rei & reus apud eundem iudicem peragitur. 15. resp. 571. c.
- Acquirere** an quis aliquid quod est hereditatis, possit per seruum hereditarium. 15. qu. 391. c.
- Acquiritur** possessio tantum scienti. 23. qu. 641. d.
- Acquirendi** domini, alia est ratio, alia possessionis, & alia ratio amittendi domini. alia possessionis. 9. qu. 209. b.
- Adiutorium** quæstoris est dignitas. 13. quæst. 371. b.
- in Acquirendo** duo sunt (inquit Æmil Ferretus) extrema, vnum ex persona eius, à quo acquiritur, alterum ex persona eius cui acquiritur. 17. qu. 478. c.
- Acquirere** volentibus iuris ignorantia non prodest. 19. qu. 516. b.
- Acquisita** non repudiantur, sed delata. 11. r. 445. d.
- Acquisitio** quid est. 19. qu. 517. c.
- Acquisitio** domini vsufructum perimit. 7. resp. a. 289. d.
- Acquisitio** hereditatis, seu gestio pro herede, non tantum est actus viuientis, sed & morientis. 6. resp. 262. b.
- Actio** ex empto non deficit, deficiente actione ex stipulatu ob cuius actionem. 28. qu. 724. d. e.
- Actio** Pauliana. *Vide* actio utilis.
- Actio** iudicati est executio iudicati. 3. resp. 100. d.
- Actio** iniuriarum specialis est querela. 14. qu. 376. c.
- Actio** utilis minori. 2. resp. 780.
- Actio** non datur ei cui nihil interest. 2. resp. 47. c.
- Actio** stellionatus neque publicis iudiciis, neque priuatis actionibus continetur. 1. resp. 16. b.



# Index rerum ac verborum

- omnis Actio restitutoria est utilis. 28. qu. 722. c.
- Actio rei uxoris est bonæ fidei. 11. q. 287. d. c. quod naturale est, iure civili non perimitur. 18. qu. 515. d.
- Actio iudicati, quando exercetur. 5. resp. 205. d. c.
- Actio rerum amotarum. 11. qu. 302. b.
- Actio de dote. 11. qu. 302. c.
- Actio mandati. *Vide* actio negotiorum gestorum.
- omnis Actio utilis est in factum. 28. qu. 742. b.
- Actio Publicana quid est. 10. resp. 453. c. Quis eius auctor. ibidem.
- Actio iniuriarum non transmittitur in heredem nisi post litem preparatam & contestatam. 14. qu. 376. c.
- Actio inepta frustra instituitur, & sæpe efficit, ut bona causa amittatur. 10. resp. 452. c.
- Actio tutori solidum soluenti ex culpa administratæ tutelæ, aduersus contorem, an utilis sit pro parte pecuniæ solutæ. 1. resp. 18. d. c. Ratio differentiæ quæ. 19. a.
- Actio non datur ex pacto nudo. 27. quaest. 703. b.
- Actio dotis *Vide* dotis actio.
- Actio petitoria. 1. definit. 646. b. c. & seq.
- Actio in rem. ibid.
- Actio in personam. ibid.
- Actio quid est. ibid.
- omnis Actio rescissoria vel restitutoria est utilis. 28. qu. 722. c.
- omnis Actio restitutoria est utilis. 13. qu. 350. c. b. & 28. qu. 742. b.
- omnis Actio utilis est in factum, & contra, diciturque actio Pauliana, 29. qu. 671. b. & 28. qu. 742. b.
- omnis Actio utilis est decretalis, & ex æquitate competit, directa ipso iure, 2. qu. 35. b.
- Actio iniuriarum non transmittitur in heredem, nisi post litem contestatam. 14. qu. 376. c. d.
- Actio est in personam, petitio est in rem, persecutio est extraordinaria, 28. quaest. 761. a. b.
- Actio in personam non finitur longo tempore. 20. qu. 596. c.
- Actio in rem, quid est. 26. qu. 673. c.
- Actio iudicati in inficiantem crescit in duplum, in confitentem datur in simplum tantum. 8. qu. 190. d.
- Actio maior minorem tollit. 12. q. 344. d.
- Actio mandati datur fideiussori, qui soluit, aduersus principalem debitorem. 9. qu. 209. c.
- Actio mixta est, quæ rem & pœnam persequitur. 11. qu. 306. d. c.
- Actio negotiorum gest. datur, etiam non finita omni administratione. 25. quaest. 664. c.
- Actio præscriptis verbis cur introducta. 8. qu. 176. e. 177. a. huius definitio notanda est. ibid. hæc similis est actioni civili. ibidem.
- Actio præscriptis verbis quo fine datur 2. qu. 44. a. b. Actio præscriptis verbis Cuiacio est duplex. 2. qu. ibidem.
- Actio publiciana quid est 10. qu. 277. c. d.
- Actio publiciana, dicitur à Publico prætoris, qui eam primus introduxit 6. q. 137. c.
- Actio cui datur, ei multo magis exceptio. 19. qu. 561. e.
- Actio institoria, *Vide* Institoria actio.
- Actio furti iure domini quando domino competit. 12. q. 349. b. c.
- Actio cui datur, ei & exceptio datur. 3. r. 96. e. & 8. resp. 331. c.
- Actio rerum amotarum ibi cessat, ubi matrimonium, 11. q. 309. a.
- Actio arbitraria imitatur strictam actionem. 20. qu. 593. b. c.
- Actio utilis magistratui, quod solidum soluit, cum duo essent magistratus, datur aduersus collegam, pro quo soluit 2. q. 40. a. b.
- Actio utilis quare non datur nominatori solidum soluenti aduersus suum collegam. 1. resp. 18. c. d.
- Actio utilis in factum prætoris, est omnium actionum extremum subsidium. 4. resp. 178. d. c.
- Actio nulla dabatur in pupillum ante constitutionem D. Pli. 28. qu. 744. c. d.
- Hodie ex constitutione D. Pli. in pupillum datur Actio utilis. ibidem.
- Actio utilis dicitur dari ad exemplum directæ actionis, & cur. 2. re. 45. c.
- Actio utilis est in factum, & retro, omnis actio in factum est actio utilis. 2. resp. 47. d.
- Actio utilis est extraordinaria. 3. re. 106. c.
- Quæ differentia hic notanda est. ibidem. 109. c.
- Actio restitutoria est utilis rescissa transactione. 11. resp. 517. c.
- Actio quæ instituitur à patrono aduersus libertum, qui cum sine venia prætoris in ius vocauit. 1. re. 7. c.
- Actio quomodo in nominatorem magistratus datur, si is non fuerit idoneus, & quando talis conueniendus. 1. resp. 23. a. b.
- Actio ad exhibendum cui datur. 12. q. 342. c.
- Res præsens saltem vindicatur. ibidem.
- Actio bonæ fidei quid est. 11. qu. 279. d.
- Actio cessans facile restituitur, actio vero extincta nunquam, nisi ex noua causa, tunc ea dicitur nasci, & non restitui. 11. quaest. & 17. q. 309. a. & 17. q. 456. c.
- Actio dotis hodie quando nascitur. 18. qu. 490. d.
- Actio est intentio eius, qui ad iudicium prouocat. 5. q. 109. b.
- Actio ex nudo pacto non nascitur. 2. qu. 64. d.
- Actio ex vendito rationem vindictæ non recipit. 28. qu. 725. d. c.
- Actio Fabiana cui datur, & cui Caluissiana 14. qu. 349. a. b. Fabiana datur in eos, qui iure possident. ibid. c.
- Actio furti datur ei, cuius interest, & in id, quod interest. 8. q. 180. a.
- Actio furti datur non tantum domino, sed etiam non domino. 12. qu. 340. c. 341. a. quæ differentia inter dominum & non dominum. ibid. 341. a.
- Actio hypothecaria quæ. 20. qu. 581. e.
- Actio iniuriarum generalis finitur actione, dissimulatione & denuntiatione. 14. qu. 377. c. d.
- cum Actio civilis ex præscriptis verbis suppetat, ad interdictum de precario non est necesse ire. 18. qu. 514. d.
- Actio euictionis, re euicta, contra venditorem domino non datur, inuito procuratore. 3. resp. 92. c.
- Actio publiciana. *Vide* Publiciana.
- Actio funeraria est prætoris & priuilegiata, & quando datur. 3. resp. 101. b. c.
- Actio stellionatus. *Vide* Stellionatus.
- Actio non datur exemplo exceptionis. 19. qu. 561. e.
- Actio non nascitur ex naturali obligatione, qua pupillus tenetur. 18. qu. 514. c.
- Actio non datur ex pactis, ex contractibus vero datur. 28. qu. 748. c.
- Actio publiciana aduersus extraneum præcipue est prodita 6. quaest. 138. a. & aduersus dominum inefficax. ibid. 138. a.
- Exceptio domini obstat actioni publicianæ. 6. quaest. 138. a. b. Octo casus sunt quibus, actio publiciana vtiliter datur aduersus dominum rem suam possidentem. ibid. 138. b.
- Actio publiciana fingit eum vssucepisse, qui non vssucepit. 10. q. 278. e. actio vero rescissoria fingit eum non vssucepisse, qui vssucepit, & hæ actiones. scil. publiciana & rescissoria dicuntur fictitiæ. 10. q. 272. a.
- Actio rerum amotarum quæ est. 11. q. 307. c. d.
- Actio rerum amotarum est conditio. 11. q. ibidem.
- Actio rerum amotarum constante matrimonio non est inter virum & uxorem. 11. qu. 309. a.
- Actio restitutoria quæ extincta veluti restituitur, est utilis. 28. q. 742. a.
- Actio semel extincta non restituitur. 17. qu. 456. c.
- Actio tutelæ non datur nisi finita tutelæ administratione. 25. qu. 664. d.
- Actio tutelæ quid est. 11. q. 318. e.
- Actio nulla iure competit ad alienatam in fraudem filiorum vel parentum renocanda. 14. qu. 389. b. & 390. b.
- Actio bonæ fidei quid est. 11. q. 279. d.
- Actio in factum competit argentario. 3. resp. 98. c.
- Actio tutelæ competit tutori. ibid.
- Actio institoria, vel quasi institoria quæ. 2. resp. 45. c. d.
- Actio ex stipulatione pœnali. 27. quaest. 681. a.
- Actio iudicati unde oritur. 1. resp. 9. c.
- Actio stricta. 2. resp. 63. b.
- Actio tutelæ ob quam datur. 2. resp. 52. a.
- Actio tutelæ non dicitur esse ex contractu, sed quasi ex contractu. 2. respon. 81. b. c.
- Actio utilis creditæ pecunæ datur miliri sine cessione. 3. resp. 94. e. 95. a.
- Actio utilis domino, quando & in quos datur. ibidem.
- Actio iniuriarum generalis finitur actione, dissimulatione & denuntiatione. 14. qu. 377. d.
- Actio ex empto & actio ex stipulatu in quo differunt. 7. qu. 159. a. b. c. d. & 28. qu. 725. b. c.
- Actio de dote in quo differat ab actione rerum amotarum. 4. resp. 180. c. d.
- Actio bonæ fidei est petitio hereditatis. 2. resp. 63. b.
- Actio institoria. *Vide* institoria actio.
- cui Actio competit, is tempore utili habet experiundi potestatem. 12. resp. 528. b.
- Actio non semper ex nuda actione nascitur. 3. resp. 92. c. d.
- Actio per liberam personam non acquiritur. 2. resp. 56. c.
- Actio pignoratitia quomodo debitori datur. 3. resp. 104. a. b.
- Actio præscriptis verbis semper concluditur in id quod interest dari seu fieri quod conuenit. 3. resp. 135. c.
- Actio quæ venditori competit dicitur ex vendito, & quæ emptori ex empto. 3. resp. 145. a.
- Actio restitutoria est utilis, & ex æquitate datur. 2. resp. 77. b. c.
- Actio stellionatus est criminalis. 1. resp. 16. b.
- Actio stellionatus neque publicis iudiciis, neque priuatis actionibus continetur. ibidem. c.
- Actio stellionatus priuatis actionibus non continetur, & quam istæ actiones priuata. ibidem.
- Actio an prius reddenda sit in fideiussorem magistratus, qui non gessit, an in nominatorem eius, qui gessit rem eius magistratus, quam in collegam, qui eam rem non gessit. 2. q. 38. b. c.
- Actio iudicati quando exercetur. 5. resp. 205. c.
- Actio cum furioso nulla. ibid. c.
- Actio doli inest actionibus bonæ fidei. 11. qu. 279. d.
- Actio civilis rerum amotarum criminali nihil præiudicat. 4. resp. 175. c.
- Actio danda est ex damno & iniuria cuiusque. 2. resp. 48. a.
- Actio dilatoria opponi debet ante litem contestatam, peremptoria vero ante & post.



# in Quæstion. & Respons. Papin.

2. resp. 79. c.  
 Actio est telum, exceptio clypeus, replicatio aliud telum & adminiculum actionis.  
 3. resp. 138. c. d.  
 Actio ex nudo pacto non nascitur. 4. ref. 172. b.  
 Actio ex stipulatu de dupla domino non datur re cuius. 3. resp. 92. d.  
 Actio ex vendito emptro, venditori competit, actio vero ex empto vendito, emptori competit. 3. resp. 144. a.  
 Actio furti est actio famosa. 1. ref. 176.  
 Actio hypothecaria nascitur ex pacto, ipso iure. 11. resp. 488. c.  
 Actio infertur proprie in personam rei persequenda gratia. 1. definit. 646. b.  
 Actionis furti poena est mera poena, non commixta rei persecutioni. 12. q. 341. d.  
 Actionis iniuriarum species est querela inofficiosi testamenti. 5. q. 117. d. e.  
 Actionis diuersae species aequitatem diuisionis excludere non potest. 3. ref. 134. d.  
 Actionis exemplo datur exceptio. 19. qu. 561. c.  
 Actionis diuersas species aequitatis ratio excludere non potest. ibid. e.  
 Actionis ineptæ electio actori non consumit actionem aptam rei, & competentem proposito negotio. 3. resp. 103. c.  
 Actori in rem non obicitur compensatio. 28. q. 756. a. Secus hodie. 758.  
 Actionem in emptorem delegare siue mandare, & delegare emptorem, quomodo differunt. 3. ref. 108. d. e.  
 Actionem eligere aptam & negotio, de quo agitur, competentem, prudentia est. 10. ref. 452. b.  
 Actoris qui habet ad rem recuperandam, is rem habere videtur. 9. ref. 446. a.  
 in Actionem strictam vsuræ non veniunt. 2. resp. 63. b.  
 Actionem tollit confusio non exceptionem. 31. qu. 818. d.  
 Actionem competere aliud est, aliud dare, vel decernere actionem. 2. q. 37. c.  
 Actionem mutare non est integrum post litem contestatam, nisi magna ex causa. 2. resp. 80. c.  
 Actionem cessare est sopiri actionem, non extingui. 11. q. 309. a.  
 in Actionem in re specialem vtrum veniat fructus post litem contestatam percepti, & quid de ante perceptis. 2. ref. 63. a.  
 Actionem criminalem intendere non potest qui cecidit civili. 1. q. 287. d. e.  
 Actionem ineptam qui proposuit, & causa cecidit, an possit agere actione propria & conueniente rei. 3. ref. 103. c.  
 inter Actionem rerum amotarum & actionem de dote, differentia quæ est. 4. resp. 180. c.  
 ad Actionem proficiunt pacta incontinenti facta. 10. q. 253. c.  
 inter Actionem ex stipulatu, & actionem ex emptro dif. 7. q. 659. a. b. & 28. q. 725. b. q. a. b. inter Actionem ex stipulatione & actionem ex emptro. dif. 7. q. 159. b. c. d.  
 inter Actionem Paulianam, & interdictum fraudatorium differentia quæ. 11. resp. 513. c. 514. a. excipitur interdictum vnde vi. 11. re. 514. b.  
 Actione empti an teneatur emptor qui manumissit. 37. q. 684. c.  
 qua Actione quis potest petere æstimationem serui. ibidem & 685. a.  
 Actione ex vendito an emptor cogatur soluere pretium venditori. 3. re. 123. c.  
 Actione tutelæ agi non potest cum aliquo, nisi prius tutor esse designat. 12. quæst. 332. c.  
 Actione incerti condicuntur omnes obligationes. 11. ref. 501. d. e.  
 qua Actione tenentur diuini. 9. quæst. 240. c.  
 in Actione tutelæ, quæ diuisio sit, num ea-

dem fieri debeat in actione ex stipulatu. 3. resp. 81. a.  
 Actione negotiorum gestorum tenetur tutor creditoribus, etiam nondum finita tutela. 25. q. 664. c.  
 vtrum Actione furti vel mandati teneatur is qui alteri dedit res quasdam in cistam vt ad alium perferret, id non fecit, sed retinuit. 1. ref. 14. d.  
 Actione directa quando tutor tenetur, & quando vtili actione. 5. ref. 199. b. c.  
 in Actione ex vendito an satisfandam sit emptori euictionis generalis vel specialis nomine. 3. re. 124. b.  
 Actione iurisiurandi in factum, qui tenetur an & constituendo teneatur. 8. quæst. 176. b.  
 Actionem qui intendere non potest, iste facultatem exigendi non habet. 5. re. 189. b.  
 in Actione de moribus ciuili admittitur compensatio criminum parium, in actione de moribus criminali non admittitur. 11. qu. 289. a. b.  
 in Actione de peculio non spectatur tempus iudicii inchoati, aut intermedii, sed iudicati. 9. q. 201. d. e.  
 in Actione rerum amotarum multa delicta pari compensatione tolluntur. 11. quæst. 302. c.  
 in Actione ex stipulatu, quæ diuisio sit, num eadem fieri debeat in actione tutelæ. 2. re. 81. a.  
 Actione negotiorum gest. qui potest aduersus vnum agere principaliter non potest aduersus alium agere actione mandati. 9. q. 211. d.  
 Actione præscriptis verbis quando quis tenetur, quando non. 8. q. 180. c. 181. a.  
 Actione ex stipulatu deficiente ob euictionem, non deficit actio ex emptro. 28. qu. 724. d.  
 in actione arbitraria arbitrium iudicis non est latissimum. 11. qu. 280. a.  
 Actione institoria an pater teneatur, si pro filio fideiussit apud creditorem, qui filio institori mercium causa credidit. 3. resp. 110. c. d.  
 in Actione personali, priuilegia æstimantur ex causa debiti, in hypothecis ex tempore. 9. q. 215. d.  
 in actione iudicati nomine pupili teneatur, Tutor tempore tutelæ condemnatus. 5. resp. 206. a.  
 ab Actione pignoris non recedit inuitus. quam habet in venditorem pignoris. 3. ref. 108. a.  
 Actiones priuatae sunt tantum ciuiles. 1. re. 16. c.  
 Actiones vtilis necessariae non sunt, cum directæ competunt. 16. re. 605. a.  
 Actiones quæ competunt societatibus voluntariæ & necessariae. 3. resp. 146. b.  
 Actiones quæ hisce societatibus competunt. ibid. Marcus Tullius, de vtraque societate vtriusque facit in Quintiana. ibidem.  
 Actiones personales legatorum etiam ignorantibus legatariis acquiruntur. 1. definit. 624. b.  
 omnes Actiones præter actionem depositi, compensationem hodie patiuntur ipso iure. 9. qu. 217. d.  
 Actio depositi eam non admittit. 9. quæst. ibidem.  
 omnes Actiones in rem, aut quasi in rem arbitrariae sunt. 20. qu. 589. c.  
 Actiones ficticiae sunt Publiciana actio & rescissoria actio. 10. qu. 271. c.  
 omnis Actio utilis est in factum. 28. qu. 742. b.  
 Actiones nunquam iis dantur, quorum non interest, & e contra. 2. re. 48. a.  
 Actiones aut bonæ fidei sunt, aut strictæ, aut arbitrariae & strictæ, aut arbitrariae aut non. 20. q. 589. c.

Actiones vtilis occurrunt iniquitati. 18. q. 493. d. c.  
 Actiones & obligationes actiua & passiuæ, an pro rata eius, quod cui restituitur, in eum transeunt. 19. q. 573. c.  
 Actiones odiosae non restituuntur. 3. qu. 69. c.  
 Actiones per procuratorem non semper nobis acquiruntur. 3. resp. 92. d.  
 Actiones legis specialiter mandari non possunt. 1. q. 9. c.  
 Actiones arbitrariae imitantur potius strictas actiones quam actiones bonæ fidei. 20. q. 594. b. c.  
 Actionibus bonæ fidei vindicatur dolus. 11. q. 279. c.  
 in Actionibus arbitrariis, nunquam datur cautio, sed tantum in bonæ fidei actionibus. 10. q. 593. b.  
 quæ sunt in Actionibus, petitionibus, persecutionibus, ea in bonis connumerantur. 1. definit. 646. d.  
 in Actionibus arbitrariis cautio ante diem non exigitur. 20. qu. 593. b. c. secus in bonæ fidei iudiciis cautio exigitur ante diem. ibid.  
 in Actionibus bonæ fidei latissima est iudicis sententia seu iudicium. 11. q. a. b.  
 in Actionibus legitimis nemo ex iure Quiritium possessionem suam vindicare audeat, sed ad interdictum venit, Vti possidetis, vel vtrubi. 26. q. 673. b.  
 Actionibus bonæ fidei inest actio doli, exceptio doli, omnis exceptio. 11. quæst. 279. c.  
 Actionibus arbitrariis nulla inest exceptio, nec omnia suppletur officio iudicis. 20. qu. 594. b.  
 Actor sequi debet forum & domicilium rei. 3. resp. 100. c.  
 Actor interdum necessario constituitur a tutore, & quando. 2. resp. 52. c.  
 Actor non tantum agit, sed & reus. 2. ref. 79. b.  
 Actor inuitus num agere cum eo compellatur, qui defensionem liris se offert reo absente. 2. ref. 5. b. Hæc est Accursii sententia & verissima, & cur. ibid.  
 Actor ex aliena iactura lucrum facere non debet, ne ex alieno incommodo suum augeat commodum. 2. ref. 65. b.  
 vt Actor idem sit & reus ex eadem causa, natura non patitur. 27. q. 697. c.  
 Actoris serui amissio plerumque est causa euerfionis totius familiae. 5. resp. 204. a.  
 Actoris non ita est necessaria presentia quem rei. 15. resp. 588. a.  
 Actor rem sine iureiurando æstimanti fides non habetur. 12. q. 324. b.  
 Actorem non facit qui ipse agere non potest. 2. ref. 53. c.  
 Actorem constituere non potest is, qui ipsemet agere nequit. 12. ref. 544. b.  
 Actorem non facit, qui ipse iudicare nequit. 2. resp. 53. c.  
 ab Actore ciuitatis ad tutorem pupilli argumentum valet. 15. qu. 407. c. d.  
 ab Actore municipum ad tutorem valet argumentum. 6. resp. 244. c.  
 Actores qui & villici dicuntur serui præfecti rei rusticæ & rationibus prædiorum. 7. resp. 297. c.  
 plus Actum, minus dictum intelligitur. 4. resp. 170. c.  
 quod actum non est, id pro certo haberi non potest. 2. q. 57. c.  
 Acta Cæsaris conseruari vel otii vel quietis causa, quantumuis ipso iure nulla fuerint. 2. resp. 57. a. b.  
 Actus legitimi an in totum vitientur, qui recipiunt diem vel conditionem expresse. non etiam qui tacite. 28. q. 766. d.  
 Actus seruitus est agendi iumentum vel vehiculum. 7. q. 146. c.  
 Actus legitimus per alium non expletur.



# Index rerum ac verborum.

2. definit. 654. b.  
 Actus legitimi peraguntur solemnibus verbis & testibus praesentibus. 28. q. 766. c. & 767. a.  
 Ad exhibendum actio. Vide actio ad exhibendum.  
 Ad reuocanda alienata in fraudem filiorum vel parentum, nulla competit actio iure. 14. q. 389. b. Ratio quare. ibid.  
 Ademptio substitutioni non inest. 8. resp. 377. c.  
 Addictio bonorum an peti possit ab extraneo. 9. resp. 439. d.  
 Adire vel pro herede gerere, est acquirere hereditatem, miscere se vero est hereditatem iam acquisita. 10. resp. 417. b.  
 Adire & repudiare sunt verba iuris civilis. 18. qu. 482. b. immiscere & abstinere sunt verba iuris praetorii. ibidem.  
 Adire hereditatem. Vide Hereditas.  
 Aditio, est modus acquirendae hereditatis. 14. q. 377. a.  
 Aditio hereditatis retrahitur ad tempus mortis testatoris, agnitio legatarii ad tempus aditae hereditatis, non ultra. 1. definit. 643. a. b. c. dominium rerum legatarum non nisi scientibus acquiritur. ib.  
 Aditio est tacita approbatio eorum, quae defunctus gessit. 3. q. 98. c.  
 Aditio est hereditatis dies. Vide Hereditatis dies.  
 in Additionibus hereditatem pro symbolo fuerunt percussiones digitorum. 28. qu. 769. a.  
 Administratio non est adeunda sine satisfactione. 2. qu. 37. a.  
 Adolescens. Vide minor, Vide pupillus.  
 Adolescenti pecuniam qui credit. Vide ius crediti.  
 Adollescenti scientia curatoris non nocet. 15. q. 410. d.  
 in Adolescente dignitas interdum facit, ut magistratus ei honorem officii indulgeat. 1. resp. 34. b.  
 Adoptatus in ciuitate in qua vitam non accepit, an adoptione mutet eam ciuitatem in qua vitam accepit, & cum alia ciuitate augeatur. 1. resp. 24. b.  
 si Adoptetur ignobilis à nobili, an nobilis fiat. 36. q. 832. d. c.  
 Adoptio est imago naturae. 6. re. 270. d.  
 Adoptio fraude carere debet. 1. resp. 28. c. & 6. resp. 270. c.  
 Adoptio mutat statum hominis. 36. quaest. 833. c.  
 Adoptio genus non mutat, gentem mutat. 36. q. 833. d.  
 Adoptio quae fit in fraudem fideicommissarii, improbat. 6. resp. 270. d.  
 Adoptio filiorum in Gallia non est frequens & cur. 23. q. 648. d.  
 Adoptio sancta res est, quae beneficium naturae & iuris imitatur. 6. resp. 270. d.  
 Adoptio vel adrogatio filii in Gallia hodie est in usu. 13. q. 648. c.  
 Adoptio est remedium fortunae teste Seneca. 23. q. ibidem c.  
 Adoptio locum habet in his, in quibus natura potest. ibidem.  
 Adoptio & emancipatio est minima capitis diminutio. 17. qu. 442. c. d.  
 omnis Adoptio est causa cognita vel auctoritate principis. 23. qu. 648. c. Olim auctoritate populi lege curiata non licebat plures Adoptare. ibidem.  
 Adoptio & origo faciunt ciuem. 1. resp. 24. b. c.  
 Adoptio est imago naturae & imitatio, imago non potest naturae & veritati caliginem offundere. 12. qu. 333. d.  
 Adoptio est ius civile, veritas est ius naturae. ibidem.  
 an per Adoptionem acquiratur nobilitas. 36. q. 832. d. c.  
 in Adoptione nulla calumina, nulla fraus,

Pap. de Adult.

nullus dolus adhiberi debet. 1. ref. 28. c.  
 Adoptiuus exheredatus semper saluam habet quartam. 29. q. 776. a. b.  
 Adoptiuus filius cur patris naturalis originem sequatur, ratio quare. 1. ref. 28. d.  
 Adoptiuus sunt liberi commentitii. 6. resp. 270. d.  
 Adoptiuus patris finita potestate nullum ex pristino vestigium retinetur. 36. qu. 831. d. c.  
 inter Adoptiuum & naturalem filium differentia quare. ibidem. c.  
 Adrianum Senatusconsultum. Vide Senatusconsultum.  
 D. Adriani Epistola scripta de fideiussoribus. 3. resp. 134. a. b. ex aequitate porrigitur ad plures mandatores. ibid.  
 Adrogari olim potuit pubes sine curatoris auctoritate. 29. q. 77. c. Hodie non potest ex Constitutione Claudii. ibidem.  
 Adrogatio perimit agnationem. 29. quaest. 773. b.  
 Adrogatio ius legitimae hereditatis mutat, gentem, familiam, nomen, sacra, quae omnia tutoris auctoritas non temere abolere debet. ibidem.  
 Adrogatio. Vide Adoptio.  
 in Adfessore curatoris ciuitatis, & Adfessore praefidis differentia, & quare eius ratio. 1. ref. 7. b. Quam rationem Hugolinus sequitur. ibid.  
 Adfessores sibi optare potest praeses provinciae, Legato autem dantur Adfessores à Senatu. 1. resp. 4. c.  
 Adfessores publico salario fruebantur. 4. ref. 149. c.  
 Adfessoribus petitio salarii erat extraordinaria aduersus fiscum. ibid.  
 Adsignare & attribuire idem est. 14. resp. 575. b.  
 Adsignare libertum simpliciter, aliud est; aliud Adsignare alimentorum causa. ibid.  
 c. adsignare & attribuire, idem est ibidem.  
 Adsignare est annulo obsignatas res praebere adseruandas. 8. resp. 351. a. Exempla quaedam de annuli traditione. 8. ibidem.  
 Aduersa sunt pandectae omnium partium orationis. 23. q. 651. c.  
 Aduersa valetudo sine sensu doloris esse nequit. 14. q. 381. d.  
 Adulationis verbum est iubere, non imperii verbum. 3. resp. 100. d.  
 in Adultera tollitur crimen adulterii praescriptione sex mensium utilium. 15. resp. 591. c. d.  
 inter Adulterum & adulteram iure veteri, differentia quare est. 15. resp. 589. b. c. Ea hodie ex constitutione Imperatoris Constantini abrogata est. ibid.  
 Adulterum quem occidere marito licet. 2. definit. 667. c. 1. de adult. 685. c.  
 Adulterium est crimen iure gentium. 11. q. 287. b.  
 Adulterum maritus filiusfamil. inconsulto patre, domi suae comprehensum iure occidere potest. 5. q. 119. c.  
 Adulterium. Vide Stuprum. Vide Incestum.  
 Adulterium cadit in puberem tantum. 3. q. 99. b.  
 Adulterium non cadit in impuberem. ibidem.  
 inter Adulterium & incestum differentiae quare. 4. resp. 186. b.  
 Adulterio incesto iuncto, an serui torquentur in caput domini. 15. respons. 592.  
 Adulterium. Vide Incestum, supra.  
 Adulterum deprehensum cum adultera vno ictu permissum est marito occidere. 36. q. 842. b.  
 inter Adulterium & incestum in iure differentia quare est. 36. q. 835. c.

inter Adulterium & incestum, differentia quare. 15. resp. 590. & seq.  
 Adulterium est nomen generale comprehendens stuprum & incestum. 36. q. 838. c. d.  
 Adulterium gentium probum est. 36. qu. 287. a.  
 Adulterium, vel stuprum tantum, quod passae sunt liberae mulieres non quod ancillae sunt perpessae, Lege Iulia vindicatur. 1. de adulter.  
 Adulterium proprie committitur in nuptia, stuprum in virginem aut viduam. 1. de adulter. 685. & seq.  
 in Adulterii crimine serui torquentur in caput domini, non crimine incesti. 4. re. 286. b.  
 Adulterii venia fit tribus modis. 15. resp. 588. c. 589. a.  
 Adulterii vi compressa mulier accusari nequit, acceperit. ibidem.  
 Adulterii crimen aduersus duos inf. aduersas adulterum & adulteram eodem tempore. 15. resp. 591. c. d.  
 Adulterii qui omissa instituta accusatione mauult lucrum dotis persequi, an admitti debeat. 2. de adult. 667. c.  
 Adulterii crimen tollitur praescriptione quinquennii. 4. resp. b. & 15. resp. 186. b. 591. c.  
 Adulterii accusari non solet vir. 11. quaest. 289. a. iure Codicis non potest, mulier potest. 31. quaest. 816.  
 ab Adulterii accusatione maritus impune non desistit. 15. resp. 593. c. & 596. a.  
 Adulterii tantum vlciscendi causa, non stupri Lex Iulia ferrum dedit patri. 1. de adulter. 686. 687.  
 Adulterio grauius est incestum. 36. quaest. 840. b.  
 in Adulterio maritus qui uxorem, comprehensam occidit leuius punitur. 36. q. 841. b. & ei remittitur poena, lege Cornelia. ibidem.  
 Adulterio homines comprehensos, quos occidere licet. 5. q. 119. c. d.  
 pro Adulterio semper accipitur in iure probum. 11. q. 287. & 36. q. 837. b.  
 in Adulterio deprehensam filiam, cur liceat patri occidere, non marito. 36. q. 841. d.  
 Adulteria mulieris quomodo puniuntur. 11. q. 286. c.  
 Aduocatus & procurator in quo differant. 3. resp. 116. a. b.  
 Aduocatus quantum differat à procuratore. ibidem.  
 Aduocatus & decurio quis poterat esse. 2. q. 25. c. 26. a.  
 Aduocatus in qua causa quis fuit vnus partis antequam fieret praetor, in ea ius dicere nequit. 1. q. 5.  
 Aduocatus si quis fuerit in causa vnus partis antequam esset praetor, de ea post praetura ius non dicet, sed mandabit saltem iurisdictionem ad eam causam. 1. q. 6. a.  
 Aduocati officium non est amici officium, sed procuratoris est officium amici. 3. resp. 116. c. 117. a. Cicero eum vocat amicum voluntarium. ibid. 117. a.  
 Aduocati officium quid, distat ab officio procuratoris. 3. resp. 116. d. c.  
 Aduocati non ducuntur amicitia ut procuratores, sed quaest. 3. resp. 116. c. 117. a.  
 Aduocato est petitio honorarii, etiam si ei nec constitutum nec cautum sit. 3. resp. 116. a.  
 Aduocato ex causa aduocationibus & postulationibus, interdici, est prohiberi postulare pro aliis, adesse litigatoribus. 1. resp. 12. d.  
 Edes sacra si corruerit, arez, quae superest, emptio non est, & quare. 3. resp. 121. a.  
 Edes solum superficiem continent, adificium proprie est superficium. 10. qu. 250. c.  
 Edes, in quibus nouum opus sit, si sint com-

Y y iiij



# in Quæstion. & Respons. Papin.

munus inter duos, aut plures, vtrum nuntiatio facienda sit omnibus, an satis sit fieri vni ex omnibus sociis. 3. q. 96. d. si *Ædes* sacra esset, licet collapsa sit, religio eius occupauit solum. 3. ref. 121. a. b. *Ædium* pars maxima est solum. 9. respons. 391. a. *Ædibus* iuncta legari cautum fuit ex edicto Vespasiani, & cur. 11. ref. 526. a. b. *Ædibus* iuncta detrahi cautum fuit Constitutionibus, & cur. ibidem. si quid *Ædificet* socius, an etiam est ius prohibendi per operis noui nuntiationem. 7. q. 156. e. *Ædificium*. Vide *Ædes*. *Ædificium* est pars, *Ædes* totum. 10. 250. c. *Ædificii* appellatio latior est, quam *ædium*, *ædificia* enim alia urbana, alia rustica sunt, *ædes* vero tantum prædia. 10. qu. 246. c. *Ædificio* nondum *ædificato* seruitus imponi potest, & cur. 2. resp. 70. a. inter *Ædilem* plebis & procuratorem rei frumentaria vel curatoris frumenti creandi, quæ est differentia. 1. resp. 13. c. *Ædilitium* edictum. Vide edictum *ædilitium*. *Ælia* Sentia lex. Vide lex *Ælia* Sentia. *Æmylius* Papinianus, alias vocatur & Papinianus. maxime à Græcis, in princ. q. 1. b. qui eius discipuli fuerunt. ibid. 1. b. c. *Æmylius* Papinianus præceptor fuit Africanus, teste Lampridio, in præf. q. 1. b. alii volunt Africanum Iuliani discipulum fuisse. ibid. b. Iulianus Papiniano est antiquior. ibid. 1. b. c. *Æmilius* Papinianus. Vide Papinianus. *Ænigmata* in iure quedam notanda. 19. q. 572. b. c. d. Iuuenalis dixit ius habere sua *Ænigmata*. ibid. *Æquitas* merum ius compensationis inducit. 19. q. 536. c. 537. a. *Æquitas* postulat incidente aliquo casu significationem verborum augeri. 19. qu. 546. c. *Æquitas* summa est summa ratio. 8. qu. 168. c. *Æquitatis* ratio diuersas actionis species excludere non potest. 3. re. 134. d. *Æquitatis* ratio semper est certa. 4. respon. 163. a. *Æquitatem* diuisionis cur diuersa species actionis excludat. 2. r. 134. b. *Æs* alienum defuncti ex legibus. 12. tabularum debet diuidi inter heredes pro hereditatis portionibus. 14. quæstion. 382. a. *Æs* omne alienum defuncti prius deduci debet antequam ineatur ratio legatorum, fideicommissorum, & legis Falcidiae. 8. r. 362. b. *Æs* alienum cum legatis confundi non debet. 29. qu. 785. c. 786. a. c. d. Differentia legatorum & *æris* alieni quæ. 786. a. *Æs* alienum defuncti debet diuidi lege. 12. tabular. inter heredes pro hereditariis portionibus. 14. q. 382. a. b. *Æris* alieni hereditarii diuisio, quomodo inter coheredes fieri debeat. 1. ref. 10. d. *Æris* alieni deductio semper præcedit deductionem Falcidiae. 19. q. 534. b. in *Ære* alieno plus est, quam in quæstu. 7. r. 288. c. nisi *Ære* alieno deducto, legata non debentur. 19. q. 537. d. e. *Æstimantur* omnia ex utilitate, necessitate, voluptate. 2. ref. 69. c. *Æstimatio* non reducit ad tempus venditionis, sed sumitur ex tempore euictionis. 7. q. 159. a. *Ætas* hominis plerumque est oscura & incerta. 10. q. 276. e. *Ætas* iusta seu legitima non est ante. 25. annum nec in mare nec in fœmina. 10. resp. 461. c.

*Ætas* pro quantitate accipitur à Latinis. 9. resp. 391. b. *Ætas* quænam à decurionatu excusat cum nulla *ætas* alias excusationem ab aliis honoribus recipiat. 1. ref. 36. c. *Ætas* in eo non expectatur, qui fulgeat virtutibus & moribus polleat. 1. ref. 346. *Ætas* 70. ann. vtrum à muneribus ciuilibus excuset, & à quibusnam. 1. ref. 36. b. & à quibus honoribus non. ibidem. *Ætatis* miseratio quandoque iudicium perducit ad mediocrem pœnam. 19. quæst. 517. a. *Ætatis* veniam minori dat solus princeps. 5. resp. 200. c. *Ætatis* progressus ab eximia ætate expectari non debet. resp. a. 34. b. *Affectus* accipitur quandoque pro benigna & humana animi propensione erga aliquem. 27. q. 678. b. c. *Affectuum* & officiorum obliuisci dementia est. 14. q. 372. e. *Affinis*, & quo gradu defuncto sum cognatus, eodem sum *Affinis* eius vxori. 4. ref. 153. c. *Affines* & cognati non sunt vtique semper, cum quibus matrimonium contrahere non possumus. 4. resp. 155. c. *Affinitatis* gradus nulli sunt proprie numerandi. 4. ref. 153. d. *Affinitatis* genera sunt tria. 4. ref. 153. a. b. c. d. Hæc à Græcis, quomodo dicantur. 4. ref. ibid. 153. c. *Affirmatio* aut negatio in præsens aut præteritum tempus concepta, secundum dialecticos statim vera aut falsa est. 1. definit. 624. b. c. *Agere* est commune verbum actoris & rei. 2. resp. 79. b. *Agere* ordine, hodie licet vel extra ordinem, quia omnia iudicia hodie sunt extraordinaria. 26. q. 673. c. *Agere* lege nemo potest alieno nomine. 1. q. 7. b. & 28. q. 584. d. *Agere* est commune verbum actoris & rei, sicut rei nomen commune vtriusque est. 2. resp. 79. b. *Agere* lege est commune reorum & iudicium. 28. q. 768. c. *Agere* non tam est quam exigere, 2. quæst. 31. d. qui *Agere* nequit, actorem constituere non potest. 12. resp. 544. b. *Agendi* cum nominatore, maior est ratio, quam cum collega quodam. 2. quæstion. 38. d. e. quicumque *Agit*, prouocat, & non tantum actor *Agit*, sed & reus. 2. resp. 79. b. *Agi* cum dicimus, tacitam voluntatem non expressam intelligimus, nisi adiciamus nominatim. 2. qu. 65. a. an *Agi* ex ea stipulatione potest, in qua dies omissa est, nonne hic error stipulationem vitiat. 2. q. 57. d. e. *Agi* quod vulgo solet, pro *Acto* habetur. 3. ref. 124. a. b. *Agnatio* ex vna stirpe manat, genus ex pluribus. 3. q. 83. c. *Agnatio* finitur adrogatione, & perimitur ius legitimarum hereditatum. 29. quæst. 773. b. *Agnationis* species est stirps. 13. q. 364. c. & 29. qu. 803. c. *Agnationis* species quæ sunt. ibidem. *Agnationis* ius ad masculos refertur. 19. r. 617. a. *Agnationem* conficit vna stirps. 3. q. 83. c. *Agnationem* perimit adrogatio. 29. quæst. 803. c. *Agnatione* posthumi præteriti testamentum rumpitur. 16. q. 413. a. *Agnatione* posthumi vel posthumæ, non rumpuntur codicilli ab intestato facti. 19. q. 526. d. e. *Agnatione* sui heredis, testamentum ab ini-

tio iustum rumpitur postea. 1. defin. 619. c. *Agnatione* vel quasi agnatione rumpitur testamentum. 12. q. 638. a. *Agnatitia* iura porriguntur in infinitum, & in vsu sunt. 6. resp. 274. c. *Agnatus* & cognatus in quo differunt. 6. r. ibid. d. *Agnatus* est frater & patruus, & tamen non sunt sui. 29. q. 804. a. *Agnatus* vel est in transuersa linea, vel in directa. ibidem. *Agnati* lugendi sunt secundum pietatis rationem. 2. q. 31. b. c. *Agnati* bonorum possessionem intra centum dies petunt, parentes & liberi intra annum. 13. qu. 354. c. *Agnati* cognati sunt, contra cognati agnati non sunt. 1. de adult. 678. & seq. *Agnati* ab intestato gradatim veniunt, vtique in infinitum. 6. resp. 274. d. *Agnati* sunt eiusdem nominis & familiæ easdem habent imagines, gentiles vero sunt tantum eiusdem nominis, diuersæ familiæ. ibid. e. vnde Vlpianus si agnatus non esset, gentilis familiam habeto. ibidem. Hodie iura gentilitia in vsu non sunt; sed tantum iura agnatitia. ibidem. *Agnati* nobis sunt proximiores, quam gentiles & certiores. 3. q. 83. c. qui *Agnati* sunt, hi & cognati esse dicuntur, & vtique non omnes cognati & Agnati sunt. 6. ref. 675. d. *Agnatis* deficientibus ad hereditatem vocantur gentiles. 6. resp. 674. d. *Agnitio* legatarii ad tempus adita hereditatis retrahitur, non vltra. 1. definit. 643. a. b. c. *Agrestibus* (icquit Minutius Fœlix) non est datum intelligere ciuilia. 1. definit. 630. c. d. quod in Albo legis est, potentius est, quam quod in testamento. 9. ref. 438. a. *Alciati* error, Tit. de officio prædis. 1. ref. 4. c. *Aliena* lis. Vide lis aliena. *Alienæ* rei sola scientia, aut fideicommissi, non est mala fides. 9. r. 396. c. *Alienam* rem nemo obligare potest, in qua nihil iuris habet. 11. r. 476. a. *Alienam* rem quis distrahere potest. ibidem. b. *Aliena* res. Vide Res aliena. *Alienare* rem litigiosam. Vide Litigiosa res. *Alienare* est rei hereditariæ dominium in alium transferre. 19. q. 569. c. 570. a. de alieno largiri non licet, sed de suo. 8. resp. 334. c. *Alieno* nomine nemo lege apere potest. 1. q. 7. e. & 28. q. 768. c. ad *Alienata* in fraudem creditorum reuocanda à debitore competit actio Pauliana. 14. q. 359. d. ad *Alienata* in fraudem filiorum vel parentum reuocanda, iure nulla actio competit. 14. quæst. 389. a. Ratio quæ ibidem. *Alienatio* est domini mutatio. 13. r. 567. *Alienationis* species est solutio. 19. quæst. 521. c. *Alienatione* prohibita videtur prohibita hæredis institutio. 19. q. 560. a. ad *Alimenta* libertorum certam pecuniam præcipere ab herede. 7. re. 310. a. *Alimenta* præteriti temporis ante præstitam seruo libertatem, quæ tardius præstita est, seruo manumisso debentur. 9. resp. 397. c. 398. a. b. quæ *Alimentorum* causa non relinquuntur, ea annua non ad solutionem vnus summæ, sed diuersis pensionibus exolui debent. 9. resp. 436. a. b. *Alimentorum* causa piis causis adnumeratur & quando. 8. ref. 370. c. 371. a. *Alimentorum* nomine annua relicta, misericordiae causa relinquuntur. 9. r. 435. c. 436. a.



# Index rerum ac verborum.

- Alimentarius mortens** tot heredi legat annua, quot ab herede ei legata erant 9. re. 436. a. b. Exemplum Marcialis hoc loco. 9. resp. ibid. b.
- Alimentarii mors** est liberatio eius, à quo alimenta relinquuntur. ibidem.
- Aliud pro alio se fieri nequit inuito creditore.** 12. resp. 538. c.
- Aliud pro alio solui non potest.** 4. quæst. 105. a.
- Aliud pro alio solui potest volenti creditori, item & constitui.** 8. q. 176. a.
- per Alium multo minus potest, quod quis per se suo nomine non potest.** 2. respon. 49. c.
- Allegatio lenocinii** onerat maritum, sed non exonerat uxorem, quandoque uterque puniuntur. 11. qu. 288. d.
- Alterius quod fuit, ut id fiat meum, aliquid interuenire necesse est.** 2. defi. 637. c.
- de Alterutro dictum quando locum habet & quando non.** 17. q. 482. b. c.
- Alumni heres an fidei commissum non petat ab eo apud quem pecunia fœnori occupata est.** 9. resp. 434. c. d.
- in Alumnos, educatores sunt perinde affecti ac patres.** 19. q. 548. c.
- Ambigua oratio est, quæ pluribus modis accipi potest.** 5. qu. 107. c. 108. a. b.
- omnis Ambigua aut obscura ratio tendicula est, quæ ei, qui tendit potius fraudi esse debet.** 5. q. 108. a. b.
- Ambigua res præsumptionibus iustis explicantur.** 4. resp. 167. d.
- Ambigue qui loquitur in eo dolus est, ut in eo, qui obscure.** 5. q. 108. a.
- Ambigue loquitur qui si utrum dixerit non apparet.** ibid. m.
- Ambiguitas in venditionibus & locationibus & etiam in stipulationibus, est contra eum qui ambigua oratione usus est contra stipulatorem, & venditorem & locatorem.** 5. q. 109. a. b.
- Ambiguitas orationis soluitur discrimine veri & falsi.** 19. q. 538. d. e.
- Ambiguus est sermo, qui duo sensa habet, vel percipere potest.** 11. re. 508. a.
- in Ambiguis iuris quæstionibus, in quibus de religione, vel de alia publica utilitate quid vertitur, restricta ratio, teste Papiniano, insuper habetur.** 8. q. 169. b.
- stricta ratio est, ut in re pari sit potior causa prohibentis.** ibid. c.
- in Ambiguis quod est commodius, sequendum erit.** 12. q. 339. a. b. diuisio quæ fit numero, commodior est. ibid.
- Ambulatoria voluntas. Vide Voluntas.**
- Amicus amicum heredem instituit.** 19. qu. 529. d.
- Amisio serui actoris plerumque est causa euerisionis totius familiae.** 5. r. 204. a.
- Amisum vni non intelligitur, quod alteri ablatum non est.** 4. resp. 177. a.
- Amittere rem aliud est & rem ei non esse ablatam.** 13. qu. 347. a.
- Amittendi vsufr. rationes quot nam sunt, & quæ.** 17. q. 444. a.
- quod non Amittitur, inutiliter repetitur.** 17. q. 444. c.
- ex Amicitia omnia æstimamus, vel ex utilitate, vel ex necessitate, vel ex voluntate.** 2. resp. 68. c.
- Amori æterno nullus est similis, nullus maior affectus.** 11. q. 311. a.
- Amotarum rerum actio. Vide Actio.**
- quid Amouerit si vir uxori, aut uxor viro Constante matrimonio, an non dabitur actio rerum amotarum.** 11. q. 303. d.
- Ampliare quid nobis non licet sine lege.** 9. resp. 404. d.
- Ampliandum non est ius nouum, sed restrictius accipiendum.** 13. resp. 551. b.
- Amplius & hoc amplius, hæc verba in iure habent magnam vim, & magnum momentum.** 8. resp. 334. c.
- Amisus est examen & leuamentum 3. resp. 145. c.**
- Ancilla emptæ & partus emptus intelligitur.** 8. resp. 347. a.
- Ancillæ partus, hodie non est in fructu.** 4. resp. 166. c.
- ob. Ancillam violatam domino competere civilem actionem.** 1. de adult. 685. a. c.
- Ancillarum dotatum partus dicuntur esse portio dotis.** 8. resp. 347.
- Ancillæ sunt in bonis mariti dotis causa.** ibidem.
- Ancillarum partus in fructibus vel redditibus non computantur.** 9. re. 426. c. d.
- Anima est causa vitæ.** 23. q. 658. a. & quæ vinimus. ibidem.
- Anima in statu suo semper est etiam postquam corpore exiuit.** ibidem. verba Diui Augustini quæ. ibidem.
- Anima est communis cum brutis, non animus.** ibidem.
- Animus & Anima in quo differunt.** ibidem.
- Animo solo non amittitur dominium.** 23. qu. 645. c.
- qui Animaduerti iubet in aliquem, gladio puniri iubet.** 1. qu. 16. b.
- Annonæ publicæ ratio utilitati priuatae præfertur.** 1. resp. 13. c. 14. a.
- Annus varie computatur pro subiecta materia, & quando hodie Annus incipit.** 11. qu. 398. c.
- Annus dotalis quando incipit ex die traditionis, & quando ex die nuptiarum.** 11. q. 292. c.
- Annus luctus.** 2. qu. 31. d.
- Annus vacationis, qui datur absentibus recip. causa, postquam reuersi sunt, pertinet ad nouas tutelas, 5. respon. 223. b. c.**
- Anni singuli per singulos liberos remittuntur Lege Iulia & Papia.** 1. resp. 33. b.
- Anni tot diminuntur legi annuarie, quot quis habet liberos.** ibidem.
- Annorum numerus ab optima indole non exigitur.** 1. resp. 34. b.
- Annæ est interdictum, quod vi aut clam est.** 13. q. 360. c.
- Annua, quæ alimentorum nomine relinquuntur, misericordie causâ relinquuntur.** 9. resp. 435. c. 436. a. quæ vero alimentorum causa non relinquuntur, ea Annua non ad solutionem vnius summae sed diuersis pensionibus exolui debent. 9. resp. 436. a.
- Annua lex. Vide Lex annuaria.**
- Annui magistratus sunt proconsules.** 1. resp. 4. c.
- Annuli traditio.** 8. resp. 351. a. b. c.
- Annulorum aureorum ius à liberto impetratum.** 1. resp. 14. c. 15. a.
- Annulorum aureorum ius. Vide ius aureorum anulorum, infra.**
- antridogv si interueniat, locatio non est.** 3. resp. 117. a. b.
- Antiquitas iuris plerumque refertur ad Leges 12. Tabularum.** 14. q. 366. c.
- Antonin. Caracalla fuit parricida, cuius iussu Papinian. noster est occisus, dñ parricidam excusare volebat.** 1. qu. 16. a.
- Antoninus Imper. lege cauit, ne quis in patria sua imperium obtineret.** 1. re. 6. d.
- Apocha quid distat ab acceptilatione.** 1. resp. 8. ibidem.
- Apocha quibus verbis fit. dicitur etiam Apocha proffissio solutionis.** ibidem.
- cum Appellare non posset defensor, quando non appellaret non culpatur.** 2. resp. 48. c. 49. a.
- Appellatio ædificii latior est, quam ædium, ædificia enim alia urbana, alia rustica sunt: cedes vero tantum urbana prædia.** 10. qu. 367. b.
- Appellatio monumenti varia est.** 10. q. 262. b. c. accipitur abusue & pro sepulchro.
- ibidem.**
- Appellatione rei. mobiliū continentur etiam momentes, quæ per se mouentur.** 23. q. 640. d.
- Aqua legata.** 2. resp. 70. d.
- Aquæ ius est personale.** ibidem.
- Aquæ seruitus lege venditionis an imponi possit fundo vendito.** 2. resp. 69. d.
- Aquæ seruitus constitui potest, aqua nondum inuenta, & cur.** 2. resp. 69. c.
- Arbiter quid est.** 10. qu. 250. c.
- an Arbiter secundi compromissi auditorium suscipere cogatur.** 3. q. 100. c.
- Arbiter & bonus vir idem est, & quis dicitur.** 11. q. 331. a.
- Arbiter non addicitur, sed sumitur, eligitur, & ita recte arbiter ex compromisso aditur.** 3. q. 72. c. d.
- Arbiter in adiudicandis bonis sequi debet voluntatem patris.** 2. resp. 72. b. quænam illa sit voluntas & diuisio patris quam arbiter seu iudex familiaris circumscribere debeat. ibid.
- Arbitri sententia rem iudicatam non facit.** 2. resp. 55. c.
- ad Arbitrium seu iudicem res transactione finita nihil pertinet.** 2. resp. 74. a.
- Arbitros refugit bona pietas in diuisione patrimonii.** 2. resp. 73. c. 74. a.
- Arbitrium iudicis non est latissimum in actione arbitraria.** 11. q. 280. a.
- Arbitrium boni viri stipulationi inseritur.** 4. resp. 162. c. 163. a.
- Arbitrio iudicis non omne quod in iudiciis accidere potest debetur, & est in obligatione.** 4. q. 103. b.
- Arbitraria iudicia. Vide Iudicia bonæ fidei.**
- in Arbitrariis actionibus nunquam datur cautio, sed tantum in bonæ fidei actionibus.** 20. q. 593. b. c.
- Arbitrariæ actiones. Vide Actiones arbitrariæ.**
- Arbores an sint in fructu.** 11. q. 299. d. in sylua data in dotē, hæc distinctio notatur, an sit cædua, an non cædua. ibidem.
- Arbores sunt superficies fundorum, hinc appellatio superficies latior, quam ædificii.** 10. q. 250. c.
- Arbor origini cedit, non alimento.** 7. qu. 147. d. e.
- Area est maxima pars domus, superficies vero minima, si cum solo confertur.** 10. qu. 550. 6.
- Argentaria & tutela comparantur.** 3. resp. 98. c.
- Argentarius etiam dicitur congestor, coactor.** 3. resp. 144. c. 145. a.
- Argentario dilatio non datur ob causam perferendam rationum ex provincia, nisi ex iusta causa.** 3. resp. 100. a.
- Argentarii & tutoris comparatio.** 98. c.
- Officium vtriusque est publicum & virile.** ibidem.
- Argentarii qui dicuntur.** 9. q. 212. e. hi erant ratiocinatores optimi. ibidem. quorum usus est necessarius, sed quandoque periculofus. 213. b. verba Senecæ de hisce ibidem.
- Argentarii officio quid incumbit.** 3. resp. 98. e. 99. a.
- Argentariorum socii.** 3. resp. 120. c.
- Argentariorum & mensæ usus necessarius propter utilitatem publicam.** ibidem.
- de Argentariis iudiciis 3. resp. 99. c. & 100. a.**
- apud Argentarios in pecunia deposita, quæ ratio habetur eorum post priuilegia, & quæ ante priuilegia.** 9. q. 214. c.
- Argumentum ab actore manicipum ad tutorem valet.** 6. resp. 224. a. b.
- Argumentum à 1. publ. ad pupillum valet, & c. contrario.** ibidem.
- Argumentum à maiori ad minus tantum valet ad negandum, Argumentum vero à minori ad maius ad affirmandum.** 16. resp. 601. d. e.



# in Quæst. & Respons. Papin.

Argumentum passionis tacite est diuturna acceptatio vsurarum totius pecuniæ. 1. resp. 11. c.  
 Argumentum ab actore ciuitatis ad tutorem pupilli valet. 15. qu. 407. d.  
 Argumentum à coniugatis affirmatiuè non valet, quod & Quintilianus non magno-  
 pere probat. 27. q. 705. b. secus vero si negatiue. ibidem.  
 Argumentum à coniunctis ad diuisa an semper locum habeat. 9. q. 235. a.  
 Argumentum à solutione ad constitutum. 8. q. 175. e. constitutum est instar solutio-  
 nis, in multis, non per omnia. 176. a.  
 Argumentum à stipulatione ad legatum in iure frequens est. 17. q. 473. a.  
 Argumentum à toto ad partem non valet, a patre vero ad totum valet. 7. qu. 160. b. c.  
 Arithmetica proportio seruatur in compa-  
 rationibus. 11. q. 296. a.  
 Arithmetica proportio quæ est. ibidem.  
 Armata vis. *Vide* Vis.  
 Arma armis repellere licet. 26. q. 682. c.  
 Arrha dicitur & pactum & contractus. 10. q. 257. d.  
 Arrogatio & emancipatio est minima capi-  
 tis diminutio, an liberat quoque obliga-  
 tionibus præcedentibus. 9. q. 232. d.  
 Artis seu operæ pretium est leuamentum. 3. resp. 145. c.  
 Artem Grammaticam scripsit Quintus Remmius Palæmon. 1. de adult. 653. a.  
 Articulo *Ex*, significatur causa, articulo *propter*, occasio, & sic aliud est causa, aliud occasio. 27. q. 677. b.  
 Articulus *sed*, non est semper discretius, item nec *sed* & semper est coniunctius. 3. q. 74. d.  
 Aspectus vrbs ne ruinis deformetur cau-  
 tum fuit, ne adibus iuncta legari possint. 11. ref. 526. a.  
 Asperum & iniquum sæpe ius ciuile est. 16. q. 413. a.  
 Assignmentem libertorum non aufert ex-  
 hereditatio. 2. ref. 67. b.  
 Athenagoras dicitur in dotem dedisse cen-  
 tena millia sestertium. 11. q. 290. a.  
 Atriarum sunt hi ad quos pertinet cura, mundicies & nitor atrii. 33. q. 290. a.  
 Atrium vnde dictum. 33. q. 824. c.  
 Atrociora delicta. *Vide*, delicta.  
 Attribuere & assignare idem est. 14. resp. 575. b.  
 Avaritia stulta, mortalium discernit pro-  
 prietatem & possessionem. 26. q. 635. a.  
 in Auctionibus, quis præferatur. 7. quæst. 153. d. e.  
 Auctor quam differentiam facit inter *Ex* & *per*, vt immiscet se, qui ex hereditate cepit aliquid, non immiscet se, qui per hereditatem aliquid capit. 8. q. 195. e.  
 Auctores iuris suas rationes sæpe adstrin-  
 gere solent. 18. q. 515. d.  
 Auctoritas iuris, an sit in iudicis potestate. 1. resp. 21. c. 22. a.  
 quæ quis Auctoritate priuata constituit separanda ab iis, quæ publica. 2. re. 57. a.  
 Auditores iuris olim Papinianistæ dice-  
 bantur, eique festum diem celebrabāt. in proœm. q. 3. d.  
 Augere & producere vim & significatio-  
 nem verborum legis est. 2. r. 88. c.  
 Augeri an possit significatio verborum *Vide* Verborum significatio.  
 Augmenta augere, instructi legatum, detri-  
 menta fatalia minuere, quid hoc est. 3. re. 369. a.  
 Augustus Cæsar auctor fuit legis de diuor-  
 tiis. 1. de adult. 675. c.  
 Aureorum annulorum ius. *Vide* Ius aureo-  
 rum annulorum, infra.  
 in Aui potestate qui fuit, nunquam fuit in potestate patris sui, an is debeat alteri qui fuit in potestate patris sui bona pro-

pria conferre. 5. ref. 218. d. c.  
 Auxilium restitutionis non datur lucri fa-  
 ciendic causa cum damno alterius. 13. qu. 350. d.  
 Auxilium libertatis potentius est, quam manus iniectionis. 10. ref. 463. c.  
 Axioma dialecticorum est, id quod dicitur aut est verum aut falsum. 2. qu. 64. b.

## B

**B**Alnea quæ sunt in domo legata, an de-  
 beantur. 7. resp. 229. c. 230. a.  
 Bella olim prætores administrabant, vnde Tabernaculum prætorium dictum. 1. resp. 3. d.  
 in Bello si quis ceciderit, & si corpus eius non compareat, an lugebitur. 2. quæstio. 32. b. c.  
 Bellicum vere testamentum est, quod non atramento scriptum, sed sanguine, non in charta, sed in mucrone. 19. q. 525. a.  
 Beneficia iuris mentientibus non imper-  
 tiuntur. 9. q. 240. c.  
 Beneficia principum latissime sunt inter-  
 pretanda. 2. q. 55. 6.  
 Beneficium bonorum possessionis secun-  
 dum tabulas nemini debet esse captio-  
 sum. 5. quæstio. 115. a. estque multi-  
 plex. ibidem.  
 Beneficium diuisionis quod est. 10. quæst. 274. d.  
 inter Beneficium cessionis & diuisionis dif-  
 ferentia quæ est. 12. qu. 328. c. 329. a.  
 Huius ratio quæ. ibidem.  
 Beneficium diuisionis an habeant plures fi-  
 deiussores vnus tutoris. 12. quæst. 330. a. b. c. d. e.  
 Beneficium diuisionis in personas compe-  
 tit. 3. ref. 13. b.  
 Beneficium diuisionis porrigitur ad om-  
 nes, qui pro aliis pecuniam exoluunt. ibidem.  
 Beneficium excussionis tantum tribuitur  
 iis, qui inuiti munera ciuilia suscipiunt. 1. resp. 41. e. 42. a.  
 Beneficium principis vtrum in fraudem  
 publicam explicari possit. 1. responf. 38. d.  
 Beneficium proprie liberalitatis non est  
 facultas necessaria. 19. qu. 534. b.  
 Beneficium non est nec liberalitas quod  
 necessitate fit. ibidem.  
 Beneficio prætoris an hoc consequi pote-  
 rit, vt intelligatur medio tempore vsuca-  
 pionem impleuisse. 3. q. 71. c. 72. a.  
 Beneficia aliis tribuere in cuiusquam in-  
 iuriam moris non est. 19. responf. 612. c.  
 Bene meritis qui hodie est, potest cras ma-  
 le mereri. 8. ref. 354. a.  
 Bene meriti quibus modis dicuntur. 8. ref. 354. b.  
 Benigna interpretatio strictæ scripturæ  
 addenda est ex aliis legibus. 2. responf. 65. c.  
 Benignior interpretatio est sequenda in re-  
 bus dubiis. 4. ref. 168. b.  
 quæ Benignius responsum præbet occasio, eam rapinus. ibidem. c.  
 Bibliotheca an debeatur instructa domo  
 legata, & an contineatur apotheca li-  
 brorum, quos ibi posuit testator. 7. resp. 321. ab.  
 Blanditiæ maritales quomodo cohiben-  
 tur. 15. resp. 581. c. d.  
 Bona fides in quibus causis & contra-  
 ctibus exigitur. 23. quæstio 650. c. d.  
 Bona fides, & arbitrium boni viri idem est. 19. q. 570. d.  
 Bona fides possessoris exigitur in vsucapio-  
 ne. 23. qu. 650. c.  
 Bona fides in omnibus contractibus exi-  
 gitur, & quando. ibidem.

in emptione & venditione Bona fides  
 exigitur, & contractus & traditionis  
 tempore. ibidem.  
 sententia Proculianorum quæ ibid. 6. i. e.  
 item & Sabinianorum. ibidem.  
 Bona fides maxime desideratur in contra-  
 ctibus bonæ fidei. 28. quæst. 726. a. b.  
 & nullus contractus est, qui recipiat  
 dolum, qui non infirmetur. ibidem.  
 Bona fides, quid est. 12. quæstio. 330. c. 331. a.  
 Bonæ fidei nomen complectitur omnem  
 causam. 2. q. 137. c.  
 Bonæ fidei actionibus inest actio doli, ex-  
 ceptio doli, omnis exceptio. 11. quæstio. 279. d.  
 in Bonæ fidei actionibus tantum cautio  
 datur, nunquam datur in actionibus arbi-  
 trariis. 20. q. 593. c.  
 Bonæ fidei actio. *Vide* Actio bonæ fi-  
 dei.  
 in Bonæ fidei contractibus, vel quasi con-  
 tractibus, ex mora vsuræ debentur officio  
 iudicis. 2. q. 45. a. b.  
 in Bonæ fidei iudiciis vsuræ veniunt post  
 moram, fructus vero etiam ante moram. 27. qu. 690.  
 Bonæ fidei iudicia & stricta in quo diffe-  
 runt. 9. q. 216. c. d.  
 in Bonæ fidei iudiciis cautio exigitur ante  
 diem. 20. q. 593. c. d.  
 Bonæ fidei iudicia. *Vide* Iudicia bonæ fi-  
 dei.  
 in Bonæ fidei iudiciis vsuræ veniunt officio  
 iudicis ex sola mora. 2. responf. 63. b.  
 notandus casus, in quo vsuræ non ve-  
 niunt. ibidem.  
 inter Bonæ fidei & malæ fidei possessorem  
 nulla differentia est post litem contesta-  
 tam, Secus vero ante litem contestatio-  
 nem. 6. q. 128. d. c.  
 Bonæ fidei possessor ante litem contesta-  
 tam culpa sua si rem amiserit, an culpam  
 præstabit. 12. q. 322. c. si dolo malo pos-  
 sidere desierit post litem contestatam, an  
 pro possessore habeatur. ibid. 325. b.  
 quanti condemnabitur. ibidem.  
 Bonæ fidei possessor Senatusconsulto Ha-  
 driano, neque lucro, neque damno affi-  
 citur. 28. q. 719. c.  
 Bonæ fidei possessor. *Vide* Possessor: bonæ  
 fidei possessores.  
 an Bona militis vel pagani qui sibi turpi-  
 ter mortem consciuerunt cum heredes  
 habeant, caduca fiant. 14. q. 383. a.  
 an Bona propria quoque in restitutionem  
 fideicommissi veniunt. 13. responforum  
 555. c.  
 Vsuræ veteres & nouæ in quo differunt. 2. ref. 66. c.  
 Bona eius qui sibi mortem consciuit, fisco  
 vendicantur. 16. qu. 607. c. 608. a.  
 Bona pietas arbitros refugit etiam in diui-  
 sione patrimonii. 2. ref. 73. c. 74. a.  
 Bona relegati ad tempus, nulla ex parte  
 publicari possunt. 16. resp. 605. c. 606. a.  
 Bona vacantia quæ sunt. 9. responf. 439. c.  
 Bonorum cessio. *Vide* Cessio bonorum.  
 Bonorum partis distractio sub hasta præ-  
 conis. *Vide* Distractio bonorum.  
 Bonorum possessio Carboniana quibus da-  
 tur. 13. q. 358. c. d. e.  
 Bonorum possessio decretalis quæ est. 15. q. 408. d. c.  
 Bonorum possessio edictalis quæ est. 15. qu. ibidem.  
 Bonorum possessio edictalis & decretalis. ibidem.  
 Bonorum possessio est ex edicto prætoris. 13. q. 357. d.  
 Bonorum possessio contra tabulas, an de-  
 tur, filio instituto ex modica parte. 14. qu. 389. c. 390. a.

an Bonorum



# in Quæstion. & Respons. Papin.

an Bonorum possessio contra tabulas detur patrono præterito, qui etiam eodem testamento præteritus est. 13. q. 369. b.  
 Bonorum possessionem secundum tabulas an filius à patre institutus poterit aliquando petere. 15. q. 360. d.  
 Bonorum possess. contra tab. quibus datur, & contra quos. 15. q. 356. d.  
 Bonorum possessio unde legitimi, habetur pro bonorum possessione contra tabulas. 14. q. 388. a. b.  
 Bonorum possessio contra tabulas, & quærela inofficiosi testamenti, in quo differunt. 356. d. e. & 357. a.  
 Bonorum possessionis secundum tabulas beneficium nemini debet esse capiosum. 1. 6. a. estque multiplex. ibidem.  
 Bonorum possessionem dat prætor legum tuendarum causa. 2. defin. 629. e. 630. a.  
 Bonorum possessionem an petere possint, furdi, muti, cæci, & municipes. 15. qu. 406. c. d. & c.  
 à Bonorum possessione quid distat possessio rerum. 3. q. 63. b.  
 Bonorum possessio. Vide Possessio bonorum.  
 Bonorum possessor loco heredis est. 2. r. 88. a.  
 Bonorum possessorem facit prætor, non heredem. 2. ref. 89. d.  
 in Bonorum quantitate exquirenda ratio Falcidiae redigitur ad tempus mortis. 9. q. 203. d.  
 Bonorum separatio. Vide Separatio.  
 in Bonorum vacantium causa quadriennium numeratur, in aliis causis vero vicennium à die nuntiationis. 13. resp. 569. d.  
 de Bonis vacantibus, causa fiscalis quid distet ab aliis fiscalibus causis. 13. ref. 569. c.  
 Bonorum venditio. Vide Venditio bonorum.  
 contra Bonos mores stipulatio concepta non valet. 28. q. 726. b. Vide Stipulatio.  
 qui se Bonis miscuit, & is qui non miscuit in quo differunt. 3. q. 90. e. 91. a.  
 inter Bonorum possessionem edictalem & decretalem differentia quæ sunt. 14. qu. 386. c.  
 Brevia esse debent omnia initia. 28. quæst. 719. a.

C

**C**Aduca quæ dicuntur. 16. q. 425. a.  
 Caduca fideicommissa. 15. quæstion. 401. d.  
 Caduca hereditas. 16. qu. 428. c.  
 Caducariæ leges. Vide Leges Caducariæ.  
 in Caduci causa, quæ legata sunt. Vide Legata.  
 an Cæcus testamentum facere possit. 15. qu. 406. c.  
 Cæcus an bonorum possessionem petere possit, & an ei dies petendæ possessionis cedat. 15. q. 406. c. 407. a.  
 Cæcus an bonorum possessionem petere possit, & an ei cedant dies petendæ possessionis, quia non cernit quod agatur. ibid. 406. c.  
 Cæcus an possit facere testamentum. ibidem.  
 Cæcis quid concessum est, & quid non. 15. qu. 406. c. 407. a.  
 Cæsar in provincias mittit legatos, unde legatum Ciliciæ, legatum Lugdunensis provinciæ. 1. ref. 3. c.  
 Cæsar validiores & ferociiores provincias in sua potestate retinuit, paciores vero reliquit senatui, & cur. 1. respons. 3. c.  
 Cæsaris Locati qui sunt. 1. resp. 3. b.  
 Cæsaris acta. Vide acta Cæsaris.  
 Calvisiana actio. Vide Actio.  
 Calumniæ nulla in adoptione, nulla fraus, nullus dolus adhiberi debet. 1. respons. 28. d.

de Calumniæ commissæ in iudicio publico, non est publicum iudicium, sed infamiam irrogat. 1. de adult. 671. b. c.  
 Calumniæ damnatus notatur infamia. 1. resp. 13. b.  
 Calumniæ damnati infames sunt. 1. resp. 34. c.  
 Calumniæ iudicium expectans crimen, per alios intendi non potest. 15. resp. 588. a.  
 Calumniæ iurandum. Vide Iurandum.  
 Calumniatoris & mandatoris an eadem sit pœna eademque infamia, sicut mandatoris & homicidæ. 1. resp. 13. c.  
 Calumniatores qui in iudicio publico calumniati sunt, coercet lex Remmia. 1. de adult. 653. a.  
 Capiō mortis causa. 9. ref. 425. b.  
 Capitatio dicitur hic de prædiis, alias de tributo solo intelligitur. 3. resp. 124. c.  
 quidquid Capitatur per occasionem mortis alterius, mortis causa Capiō est. 9. resp. 425. b.  
 Capitalet causam tantum innocentia nomen, non totam criminalem complectitur. 15. resp. 588. d. e.  
 in Capitalibus non tantum absentia, sed & innocentia per alium excusari potest. 15. resp. 588. c. d. Innocentia nomen causam capitalem tantum, non totam criminalem complectitur. 15. resp. 588. d.  
 Capitis pœna quæ est. 1. q. 15. c.  
 Caput liberum quis dicitur. 11. quæst. 313. a. b.  
 Capitis postulatus tantum, nondum damnatus, causam fiscale deferre potest, quamdiu est in reatu. 15. respons. a. b. 587. d. e.  
 Capitis status. Vide Status.  
 qui plus Capiat, quam iure sibi competat, id quoque, quod iure sibi competit, amittit. 15. ref. 586. d.  
 Captatoria fideicommissa. 6. ref. 226. c.  
 Captatoria institutio, est repensatio beneficii ante beneficiū. 6. r. 229. c. alias 227.  
 Captatoria legata. 6. ref. 226. c.  
 Captatoriæ institutiones. 6. resp. 226. c. & seq. col.  
 Captatoriæ institutiones quæ sunt. 6. resp. 229. alias 227. a. b. hæc in quod tempus conferantur. ibid.  
 Captivitatis hora iungitur horæ mortis & retro. 29. q. 805. b.  
 Captivitate amissam patriam postliminio recuperari. 1. resp. 27. d. c.  
 an Capto reuerso ab hostibus restituatur vsucapio iure postliminii, ut fingatur medio tempore possedisse. 3. quæstion. 70. a.  
 Carboniana bonorum possessio quibus datur. 13. q. 358. c. d. e.  
 Carboniana bonorum possessio finitur pubertate. 13. q. 369. b.  
 Carbonianæ bonorum possessionis finis est libertas. 6. ref. 253. d. c.  
 Carboniana bonorum possessio. Vide Possessio bonorum.  
 Castrense peculium quod est. 16. quæstion. 433. d.  
 Castrense peculium quid est. 6. respons. 259. c.  
 Castrense peculium dicitur etiam, quod proficiscenti ad militiam datur, quamvis nondum relatus sit in cinctorium numerum. ibid.  
 Castrense peculium vel quasi peculium est proprium filii fam. patrimonium. 2. resp. 67. b. c.  
 Castrense peculium & peculium paganum in quo differunt. 14. quæstion. 388. c. d.  
 Castrense peculium. Vide Peculium.  
 an in Castrensi peculio computetur, quod vxor filios fam. in castris donauit, vel legati, vel institutionis iure. 16. quæstion. 433. b. c.

in Castrensi peculio, decretum Dni Adriani & Constitutiones fecerunt, ut miles & filios fam. pro patribus fam. haberentur in castrensi peculio. 11. qu. 322. c.  
 Casuales conditiones quæ sunt. 9. respons. 402. c.  
 Casus impronissus in legatis. 6. respons. 257. c.  
 Casus nullus debitorem creditæ pecuniæ liberat, & cur. 3. respons. 129. b.  
 Casus fortuitus. 9. respons. 430. c.  
 Casus fortuiti creditori non imputantur. 11. respons. 510. a. b.  
 dolus & culpa ei imputatur. ibidem. b.  
 Casus, qui post venditionem reperiuntur ad emptoris periculum pertinent. 4. ref. 152. b. c.  
 Canina prohibebatur consulum petere quod reus esset repetendarum. 1. respons. 31. c. d.  
 sic Cicero contra Rullum. ibid.  
 Catoniana regula, ad quæ legata pertinent. 15. quæstion. 39. c. d. & 396. c.  
 Catoniana regula. Vide Regula Catoniana.  
 Cauponæ nomen unde deductum. 13. resp. 546. c.  
 Causa aliud est, aliud occasio. 27. qu. 677. c.  
 in Causa bonorum vacantium quadriennium numeratur, in aliis causis vero vicennium à die denuntiationis. 13. resp. 569. d.  
 Causa falsa. Vide Falsa causa.  
 Causa filiorum in omni iure potior est cæteris. 14. qu. 371. e.  
 Causa & fructus in quo differunt. 7. ref. 283. a.  
 Causa quid sit, & quid fructus. ibidem.  
 Causa inopinata in legatis. 6. respons. 257. c.  
 Causa lucratiua quæ est. 23. quæstion. 936. a.  
 item onerosa quæ. ibidem.  
 Causa lucratiua & causa onerosa in eandem personam & in eandem rem concurrere possunt. 23. quæstion. 636. b. c.  
 Causa lucratiua quæ sit. 23. quæstion. 636. b. c.  
 Causa onerosa quæ sit. 23. quæstion. 636. b. c.  
 in qua Causa quis Aduocatus fuit vnus partis, antequam fieret prætor, in ea ius dicere nequit. 1. qu. 6. d.  
 singulare exemplum extat in Nouel. 158. ibidem.  
 ex Causa eadem natura non patitur, ut idem sit actor & reus. 27. quæstion. 697. d.  
 Causas inter duriores prima & summa Causa famosa. 2. defin. 644. c.  
 Causa constituta pecuniæ incipere debet ante legationem, & non in ipsa legatione. 3. q. 73. c.  
 Causa est omne, quod actor esset habiturus, si reus ei satisfecisset tempore litis contestatæ. 6. quæstion. 134. b.  
 Causa quo iure in actione in rem præstatetur post litem contestatam. 6. quæstion. 135. c.  
 Causa & origo constitutæ pecuniæ inspicere debet. 3. q. 73. c.  
 Causa ex qua codicilli valent, est testamentum, & codicilli non possunt esse causa, ex qua testamentum valeat. 152. quæst. 391. c.



# Index rerum ac verborum

- Causa possessoris in re pari melior est.** 7. qu. 158. a. b.
- Causa possessoris quando melior est & quando durior, quam causa petitoris.** 11. q. 285. a.
- Causa prohibentis melior & potior est in re pari.** 7. qu. 158. c.
- Causa testati trahit causam intestati, & contra.** 14. q. 378. c. 379. a.
- Causam possessionis nemo sibi ipsi mutare potest.** 6. q. 127. c. d. & 26. quæstion. 671. d. c.
- bonæ Causæ sæpe est mala instantia.** 20. qu. 581. a. b.
- duæ Causæ lucratiuæ in eandem personam & in eandem rem concurrere non possunt.** 17. q. 453. b. & 23. q. 636. a. b.
- duæ Causæ lucratiuæ in eundem hominem & eandem rem concurrere non possunt.** 8. ref. 339. a. 338. c.
- Causæ lucratiuæ. Vide Lucratiuæ.**
- in quibus Causis melior conditio fœminarum videtur esse.** 31. q. 815. d.
- Cautio finitur pubertate.** 29. q. 775. d.
- Cautio numquam datur in arbitriis, sed tantum in bonæ fidei actionibus.** 20. qu. 593. b. c.
- Cautio exigitur ante diem in actionibus arbitriis.** ibid.
- Cautio finitur pubertate.** 29. q. 775. d.
- Cautio est res incerta & obligatio.** 19. qu. 560. c. 561. a.
- Cautio ante diem non exigitur in actionibus arbitriis.** 20. q. 593. b. c. Secus in bonæ fidei iudiciis cautio exigitur ante diem. ibidem.
- Cautio iudicatum solui quæ est.** 2. quæst. 195. & est realis. ibidem.
- Cautio vero iudicio fitti, est personalis. ib.**
- Cautio legatorum quibus sit præstanda.** 28. q. 729. b. c. & c.
- Cautio Muciana dicitur remedium duobus in locis.** 18. q. 494. c.
- Cautio Muciana est fideicommissorum satisfactio.** 19. q. 563. b. c.
- Cautio Muciana, à quo inuenta, & proprie quæ.** 18. q. 494. b. in quibus locum habet hæc cautio. ibid. c. & in quibus non. ibid.
- Cautio Muciana in quibus locum habet, & in quibus non.** 14. q. 372. b. c.
- Cautio Muciana. Vide Muciana cautio.**
- Cautio pignoris est missio in possessionem seu in bona.** 12. ref. 542. a.
- Cautio priuatorum auctoritatem legum non habet aduersus iura publica.** 12. resp. 528. c.
- plus Cautionis est in re seu in pignore, quam in persona.** 11. ref. 488.
- Cautionum exigere quid sit, Accursius non intellexit.** 19. q. 563. d.
- Cautionum prætoriarum aliæ sunt nudæ cautiones, aliæ satisfactioes.** 5. quæstion. 116. c. d.
- Cautionem communem quid Papinianus vocat.** 12. re. 542. a.
- Cautionem conferri, quid sit. Vide Conferre.**
- Cautione Muciana oblata an legatarius consequetur legatum.** 18. q. 496. c.
- Cauere vtiliter in iure, est satisfactio Cauere.** 5. q. 116. c. d.
- quod Cauti sibi, sui causæ, quilibet remittere potest.** 3. re. 147. b.
- Cautius negoriari disce, ait Tyberius.** 14. ref. 383. c.
- Cautum non videtur, quoties vitiose Cautum est.** 3. q. 100. c.
- qui Cecidit ciuili, non potest actionem intendere criminalem.** 11. quæstion. 287. d. c.
- Cedere, mandare, exhibere, in iure idem est.** 2. q. 23. d. c.
- Cedere lege aliud est, aliud abdicare lege.** 1. resp. 2. d. c.
- Cedere diem legati, quid est.** 18. q. 485. a. d.
- Cedere diem quid est.** 15. q. 395. d. legata à morte testatoris cedunt. ibidem. plura legata dicuntur esse etiam, quibus adscripta est dies certa, non incerta, quoad cessionem attinet, iam statim cedunt à morte testatoris. ibid.
- Cedere dies quid est.** 15. qu. 488. a.
- quod Cedit inutiliter, postea non conualescit.** 2. q. 55. d.
- Celeritas fati non est obnoxia pœnæ, sed conscientia criminis.** 14. q. 383. d.
- Cenotaphium quid sit.** 10. q. 264. c. Separatur à monumento. ibid.
- Cenotaphii & monumenti separatio.** ibidem.
- à Cenore prædia publica locari solebant in quinquennium.** 1. re. 42. c.
- Centesima vsura olim fuit legitima vsura in omnibus casibus.** 3. resp. 130. b.
- Centurio testamento iure curatorem non dat filio impuberi vel puberi, sicut nec paganus.** 6. re. 233. c.
- Cernere hereditatem, est decernere & constituere se hereditatem amplecti, & se heredem esse velle.** 6. ref. 224. c.
- quod certum est in hominum natura, id quoque in rerum natura Certum erit, nec vice versa.** 1. defin. 606. c.
- pro Certo haberi non potest, quod actum non est.** 2. q. 57. d.
- Cessare actionem est sopiri actionem, non extingui.** 11. q. 309. a.
- Cessio illa Constantini Imperatoris Syluestro Pontifici facta, secundum Bartol. valet, Nicolaus vero de Cusa Cardinalis eam reprobatur.** 1. resp. 2. c. Augustinus Steuchus librum edidit, in quo conatur probare dictam Cessionem Diui Imper. Constantini esse veram. ibid.
- Cessio bonorum est beneficium legis Iulie, quod debitores liberat molestia carceris.** 9. q. 238. c.
- Cessionis beneficium & beneficium diuisionis in quo differant.** 12. quæstion. 329. a. b.
- Cessionis effectus dici est transmissio.** 9. re. 432. d. c.
- sine Cessione, actio utilis creditæ pecuniæ datur militi.** 3. re. 94. c. 95. a.
- Chartarum legato an libri contineantur.** 7. re. 299. c.
- Chirographum dicitur cautio, quælibet etiam liberatoria, apocha, acceptilatio.** 11. q. 282. d. c.
- Chlamidis vel gladii ius non habuerunt Proconsules.** 1. ref. 4. d.
- χρησας, nomine significatur nudus vsus.** 7. re. 318. a. b. Item fructus. ibid.
- Cicero dicit, conseruari acta Cæsaris, vel otii & quietis causa, quantumuis ipso iure nulla fuerint.** 2. re. 57. a. b. c.
- Cicero in Topicis ius ciuile per partitionem diuidit.** 2. defin. 648. a.
- Cicero. Vide Marcus Tullius.**
- Cilicia imperium.** 1. resp. 4. d.
- Cincia lex. Vide Lex Cincia.**
- Cincii Senatores qui.** 6. re. 260. c.
- Cingere est deglubere, discingere.** 5. q. 94. c. d. item Cingere arborem est detrahere corticem. ibidem.
- Cingi gladio proprium est militis.** 6. resp. 260. c. quando Senatoribus Romæ gladium gestare licebat. ibidem. c.
- Citra vocabulum, pro intra, & rursus intra pro citra sepissime apud Cornelium Tacitum legitur.** 8. resp. 379. c.
- Ciuem non solum origo facit, sed & adoptio.** 1. resp. 24. b. c.
- Ciuem neque incolam facit sola possessio.** 1. resp. 27. a.
- Ciues & Ciuitas sunt coniugata.** 9. ref. 400. b. c.
- Ciuilis obligatio quid est.** 28. quæstion. 748. d.
- ciuilis ratio. Vide Ratio.**
- Ciuilia intelligere non est datum agrestibus.** 1. defin. 630. c.
- Ciuitas, in qua adoptatus vitam accepit, an adoptione mutetur, & cum alia ciuitate augeatur.** 1. re. 24. b. Num in vtraque Ciuitate, tunc quis munera ciuilia facere possit. 1. ref. 24. d. e.
- Ciuitas quomodo definitur ab Arrio Didymo apud Eusebium.** 9. respon. 400. c.
- Marcus Tullius & Plato quomodo eam definiunt.** ibidem.
- Ciuitatis Actor. Vide, Actor ciuitatis.**
- Ciuitatis & famæ restituere solius principis est.** 16. re. 604. c.
- Ciuitates aliæ (præterquam Ciuitas Romana) loco priuatorum habentur, nec crimine peculatus tenetur quis, ob peccuniam Ciuitati subieptam.** 1. respon. 15. d.
- in duabus Ciuitatibus num aliquis eodem tempore, eodem honore fungi possit.** 1. resp. 25. a. & quæ Ciuitas alteri præferri debeat. ibid. 26. b.
- Coactor argentarius.** 3. resp. 145. a.
- Codicilli ab intestato facti, non rumpuntur agnatione posthumi vel posthumæ.** 19. qu. 526. d. c.
- Codicilli ab intestato fieri possunt.** 19. qu. 526. d. c.
- Codicilli pro parte testamenti habentur.** 6. re. 255. c.
- Codicilli vt valeant, testamentum causa est, & Codicilli non possunt esse causa ex qua testamentum valeat.** 15. q. 391. d.
- Codicilli sunt sequela testamenti, & ex eo vires accipiunt, nec è contra.** 15. quæst. 391. d.
- Codicilli nullam ordinis solemnitatem desiderant.** 1. de finit. 537. b. c.
- Codicillorum iure teneri non potest testamentum nisi exprimat.** 6. resp. 248. c. d.
- Codicillos plures potest quis facere, plura vero testamentum non item.** 7. re. 285. b.
- Codicillis hereditas dari nequit verbis directis, precariis potest.** 15. quæstion. 391. c.
- Codicillis nomen heredis recte scribitur, hæres vero non recte instituitur.** 17. qu. 451. b. c.
- in Codicillis quinque testes requiruntur, sic quoque in testamentis rusticorum.** 15. q. 394. c.
- Coercitio modica est mixti imperii, grauis vero meri, nec cuiquam permessa.** 1. qu. 16. c. 17. a.
- Cognatus eiusdem nominis & familiæ non est, agnatus vero eiusdem nominis & familiæ est, cur.** 6. resp. 275. d. c. & quid differunt hi in successione. ibid.
- Cognatus inferioris gradus an ad bona cognati proximioris gradus admittatur, ex edicto successorio.** 6. respon. 276. c.
- Successorio edicto deficiente fiscus vocatur.** 277. a.
- Cognatus est iure nature homo homini.** 10. qu. 266. b.
- Cognatus, & quo gradu defuncto sum cognatus, eodem sum affinis eius vxori.** 4. ref. 153. c.
- inter Cognatum & agnatum, differentia quæ.** 6. resp. 274. d.
- Cognati viri tantum vxori affines sunt, non cognatis vxoris, & vice versa.** 4. respon. 155. b. c.
- Cognati lugendi sunt secundum pietatis rationem.** 2. q. 30. c.
- Cognati ad tutelam vel curam non vocantur.** 13. q. 354. c.
- Cognati & affines non sunt vtique semper, cum quibus matrimonium contrahere non possumus, & cur.** 4. ref. 155. c.
- non omnes Cognati, agnati sunt.** 6. ref. 275. d.
- Cognati duo duabus cognatis iungi possunt.** 4. ref. 155. c.



# in Quæstion. & Respons. Papin.

Cognati agnati non sunt. 1. de adulter. 679. a. b.  
 Cognati & cognatio sunt coniugata. 9. re. 400. c.  
 Cognatio ad sextum gradum finitur lege Julia & Papia 6. re. 275. c.  
 Cognatio legitima est agnationis species. 29. q. 803. c. 804. a.  
 Cognationis ius ad fœminas refertur. 19. ref. 616. c. 617. a.  
 Cognatorum certa finitio est graduum & certa gradatio 1. de adult. 679. b.  
 due Cognationes nuptiis iunguntur, sicut duo ligna glutine. 1. r. 155. b.  
 Non solum contra agnatos, sed etiam contra Cognatos, inuitè testimonium non dicitur vsque ad sextum gradum, qui cognationis finem & quasi terminum facit. 1. de adult. 679. a.  
 Cognitor in re sua nemo potest, & sibi ipsi consilium dare. 1. q. 10. d.  
 Cognitio rei futura non est certa in hominum natura, cognitio vero presentis vel præteritæ rei captum hominum non superat 1. defin. 624. c. quod in hominum natura certum est, id quoque in rerum natura certum erit, nec vice versa. ibid.  
 Cognitio de remouendis suspectis tutoribus, quæ prætori & Proconsuli tribuitur, eius legato quoque non competit, nisi speciali mandato. 1. qu. 10. b.  
 Cognitio sensus non est ante sensum. 6. q. 121. d.  
 an Coheredes patris possint cum aliquo agere petitione hereditatis, qui ex rebus hereditatis pecuniam confecit eamque possidet. 6. qu. 125. b.  
 Collega prius conueniri non debet, ante eum qui rem male gessit. 1. re. 41. c. d.  
 inter Collegam & fideiussorem alicuius, quis prius conuenitur, Collega an fideiussor. 1. re. 17. c. 18. a.  
 pro Collega suo quilibet eorum obligatur, licet duo sint tamen unus magistratus. 1. ref. 17. d. e.  
 Collega. Vide Fideiussor. Vide Nominator. duo Collegæ sunt correi debendi in muneribus ciuilibus, secus in magistratibus. 1. re. 18. a. b.  
 Colono interdum pensionis remissio datur propter sterilitatē anni. 4. resp. 186. d. c.  
 Coloni partiarum vnde dicti. 3. re. 93. c.  
 Coloni qui dicuntur, & reliqua eorū, quæ sunt. 7. re. 297. d. an legato reliquorum contineantur etiam pecuniæ, quas Coloni sunt reliquati. ibidem. exacta & condita reliquis separantur. ibidem. 298. a.  
 Colunt quidam nummis, alii Colunt parte frugum locatori data, vnde Coloni partiarum dicti. 3. ref. 93. c.  
 Commemoratio temporum plura legata facit. 17. q. 342. c.  
 Collusoria lis non est lis. 20. q. 583. d. c.  
 Commendatio mortui non est iusta sepultura. 9. q. 217. b.  
 Commendatitiæ epistolæ non obligant. 9. qu. 134. c. d.  
 Commendo aliud est, aliud mando 19. qu. 551. a. b.  
 Commendo verbum an sit precarium. ibidem.  
 Commendo non facit fideicommissum. ibidem.  
 Commendare deprauatum in Commodari. 9. q. 197. c.  
 Commendare corpus mortui terræ, est deponere. 9. q. 197. c. aliud est sepelire, aliud Commendare. 217. b.  
 Commendare est deponere, teste Papiniano. ibidem.  
 Commendo non facit fideicommissum. 551. a. b.  
 Commendatitiæ epistolæ non obligant. ibidem.

Commentaria Cuiacii in libros quæstionum intitulantur Opus posthumum, in princ. quæst.  
 Commentatitii libri sunt adoptiui. 6. ref. 270. d.  
 commercium rei fiscalis est, rei priuata Principis non est commercium. 10. qu. 260. a.  
 commercium rei religiosæ nullum est. 8. q. 196. a.  
 commercio hominum religio exemit loca sacra. 10. q. 261. b.  
 Commissoria lex. Vide Lex Commutatoria.  
 Commodatum est mutuum ad vsum, non ad abusum, mutuum vero proprie est commodatum ad abusum. 3. 1. 322. b. c.  
 Commodatarius qui fidem fallit non sit infamis. 9. q. 218. a.  
 Commoditates quas nemo debet augere alieno detrimento. 28. q. 744. b.  
 suum Commodum nullus ex alterius incommodo augere debet. 3. re. 65. c.  
 Commodum cuius sit, eiusdem etiam sit incommodum. 4. re. 16. b. c.  
 Commodum representationis legato in est. 16. q. 423. c. cur seruo alieno via adfundum domini non recte legatur 16. q. ibi.  
 Commoda cui adiiciuntur, eidem quoque incommoda iniungi necesse est. 9. resp. 420. b.  
 Comorientes qui dicuntur. 1. defin. 640. d.  
 commune crimen emporis & venditoris, quando ab utroque defendi potest, & quando si dilui nequeat, in utroque puniri. 1. re. 23. c. & quæ sententia Cypriani. ibid. 23. c.  
 commune delictum quod est. 16. re. 597. b. militare vero delictum quodnam dicitur. ibidem.  
 commune an communi seruire possit. 7. q. 149. d.  
 commune votum filium ad patris hereditatem vocat, patrem vero ad filii bona tantum miserationis ratio, vel solatii ratio. 14. qu. 372. c. d.  
 commune ius. Vide Ius commune.  
 an Communis fundus communi seruire potest. 7. qu. 148. a.  
 communia separantur à propriis, & alia sunt propria iure diuisionis, alia propria, iure emptionis. 8. re. 350. b.  
 communio dominiorum excitat immensas controuersias, distinctio vero sedat controuersias. ibid. d.  
 Communio & separatio sunt contraria. 2. re. 55. a.  
 Communio est societas iuris eiusdem non pro solido, sed pro partibus indiuisis. 27. q. 710. d.  
 Communio iuris quæ separatim intelligi potest. 2. resp. 55. a.  
 Communione inter omnes ciues introducere voluit Socrates. 8. re. 350. c.  
 Communione iuris nullam esse indiuiduorum, quid hoc sit. 2. ref. 55. a.  
 Comparatio argentarii & tutoris, huic competit actio tutelæ, illi actio in factum 3. re. 95. c. officium vtriusque est publicum & virile. 3. re. 98. c.  
 Comparatio rerum adiunctarum omnem dubitationem tollit. 7. resp. 313. d.  
 Comparatio legatorum & stipulationum est frequentissima. 2. q. 62. c.  
 Compendium quid differt ab eo, quod interest. 11. re. 520. d.  
 Compendiis iuris error fœminis non nocet. 1. defin. 628. b.  
 Compensare & imputare in quo differant. 9. resp. 425. b.  
 Compensare aliud est, aliud Computare. 9. resp. 413. c.  
 Compensare an actori possit procurator absens si conueniatur ob proprii debitum, quod is non sibi sed domino absenti de-

beat. 3. resp. 414. a.  
 an Compensari potest quodcumque peti potest. 20. q. 595. c. d.  
 Compensatio quæ est. 3. q. 78. d.  
 Compensatio vicem solutionis obtinet. 10. qu. 136. d. e.  
 Compensatio fit in Gallia ex Rescripto Principis nominatim. 3. q. 78. d.  
 Compensatio conditioni furtiue opponi potest, non actioni pœnali furti. 13. r. 545. c.  
 Compensatio est computatio vice mutua debitæ quantitatis 3. ref. 114. a.  
 Compensatio est imputatio voluntaria, & contra imputatio est Compensatio necessaria. 6. ref. 232. c.  
 Compensatio actioni in rem non obicitur. 28. q. 756. c. secus hodie. ibid.  
 Compensatio non datur occupantibus perperam possessionem alienam. ibidem.  
 Compensatio criminum parium admittitur in actione de moribus ciuili, in actione de moribus criminali non admittitur 11. q. 289. a.  
 Compensatio semper fit ad finem concurrentis quantitatis, pars quantitatis dumtaxat. 13. resp. 557. b.  
 Compensatio est debiti & crediti contributio. 3. q. 78. d.  
 Compensatio generaliter fit ipso iure in omnibus iudiciis tam strictis, quam bonæ fidei. ibidem.  
 Compensatio fit non cuiuslibet debiti, non incerti, non controuersi, sed liquidi, confessi. 3. q. 78. d. & debiti presentis pure. 3. qu. 81. c.  
 Compensatio non opponitur in actionibus in rem, sed actionibus in personam tantum. 28. q. 756. c. secus hodie. ibid. 758. a.  
 Compensatio obligationem imminuit. 3. q. 78. c.  
 Compensationis ius merum æquitas inducit. 19. q. 536. c.  
 Compensationi locus non est in vindicationibus. 28. q. 756. d.  
 Compensationem non admittit actio depositi. 9. q. 217. c. Omnes alie actiones Compensationem hodie patiuntur ipso iure. ibid.  
 pari Compensatione tolluntur delicta mutua in actione rerum amotarum. 11. q. 302. a.  
 in Compensatione qui totum petit, male petit. 3. q. 78. c. d. quibus modis plus petitur. ibid. c. Alciatus male. ibid.  
 Competere est actionem nasci. 2. q. 37. c.  
 Competere actionem aliud est, aliud dare vel decernere actionem. 2. q. 38. a.  
 Compromissi dies proferri potest ex conventionione. 3. q. 101. c.  
 an Compromissi secundi arbitri suscipere cogatur auditorium. ibidem.  
 Computare aliud est, aliud Compensare. 9. ref. 413. b. c.  
 Conanus. Vide Franciscus Conanus.  
 Concubina non est vxor, sed eam imitatur. 8. ref. 374. b. c.  
 Concubina quid differt ab vxore. ibidem.  
 Fautor conjugalis potius est reprimendus quam instigandus. 12. re. 529. d. e.  
 Concubina vxorem imitatur. 11. re. 502. b.  
 hæc ab vxore solo delectu separatur. ibid. & quasi vxor est, sola animi destinatione separata. ibidem.  
 Concubina ab vxore separatur solo delectu. 12. resp. 531. b.  
 Concubina & Focaria in quo differunt. 33. qu. 824. c. 825. a. b.  
 in Concubinam donatio collata, an postea fiat irrita, si Concubina vxor ducatur. 12. resp. 529. d. e.  
 cum Concubina stuprum non committitur. 8. resp. 374. c.  
 Concubina. Vide Focaria.  
 Concubinatus non est matrimonium, sed imitatio matrimonii. 1. re. 374. b.  
 Concubinatus est legitima coniunctio. 12. re. 531. c.



# Index rerum ac verborum.

- Concubinatus non est matrimonium, sed imitatio eius. 8. ref. 374. c.
- Condemnatio iudicis conventioni congruens, est exequenda, & cur. 1. re. 374. c.
- Condemnatio vitrum sequi debet confessionem etiam in iure factam. 1. re. 9. b. c. unde oritur actio iudicari. ibid.
- Condictio est actio stricta. 2. re. 63. b.
- Condemnatio ex contumacia an ius appellandi sit. 2. re. 49. b.
- Condicere nemo potest rem suam. 11. qu. 301. d. c.
- Condictio id alicui potest, quod sine causa ad eum peruenit, vel quod non habuit effectum. 2. q. 41. d.
- Condictio directa cui datur. 28. q. 719. a. b.
- Condictio furtiva datur creditori adversus debitorem. 9. qu. 236. c. hæc est duplex. ibid. d. cui datur. ibidem.
- Condictio furtiva est tantum de re nostra, & datur domino in non dominum. 12. q. 347. d.
- Condictio furtiva melior est, quam negot. gestor. & quare. 12. q. 348. b.
- Condictio furtiva soli domino competit iure domini, actio vero furti iure possessionis. ibid. d. c. furtum sit solius possessionis. ibid.
- Condictio furtiva quibus modis tollitur. 10. q. 245. c. 246. a.
- Condictio indebiti quid est. 28. quæst. 719. a. b.
- Condictio indebiti datur tantum ignorantibus & errantibus non scientibus. 2. qu. 43. c. & 8. q. 175. b. datur etiam improvidis. 8. qu. 175. b.
- Condictio quid est. 11. qu. 278. b.
- Condictio indebiti ex æquo & bono est introducta non lege aliqua. 2. qu. 42. a.
- Condictio indebiti tantum perperam solvendi paratur. 6. q. 131. c.
- Condictio indebiti an ei competat qui debitum solvit per ignorantiam iuris. 19. q. 520. b. c.
- Condictio indebiti pupillo competit, cuius nomine tutor debitum solvit. 3. resp. 102. c.
- Condictio indebiti. Vide Indebitum.
- Condictio quæ repetitur est conditio incerti. 19. q. 560. c.
- Condictio extero datur ob causam, causa non secuta, non autem vindictio. 10. qu. 273. d.
- Condictio tantum erranti datur, non donanti. 10. qu. 263. a.
- Condictio ob rem dati de re, quæ nostra fuit, non est, ut conditio indebiti, hæc datur non domino in dominum. 12. qu. 334. d.
- Condictio utilis cui competit. 28. q. 719. b.
- Conditionis indebiti parens est æquitatis ratio. 8. q. 171. d.
- Conditionis indebiti & creditæ peccuniæ eadem est ratio sic mutui & promutui. 3. ref. 102. c. 103. a.
- Conditionis & petitionis hereditatis differentia quæ. 2. resp. 63. b.
- Conditioni locus est ex omnibus causis, quæ iure non effectum habuerunt secuta per errorem solutione. 2. q. 41. d.
- Conditioni furtivæ compensatio opponi potest. 3. resp. 545. c.
- in Conditionem furtivam quid venit. 12. q. 341. c.
- Conditionem furtivam tollit moræ purgatio. 10. q. 246. c.
- Conditæ & exactæ à reliquis colonorum separantur. 7. resp. 297. d.
- Conditio quando est vera aut falsa. 1. defin. 606. c.
- Conditio liberorum hodie par est. 13. qu. 348. a.
- Conditio potestativa quæ est. 13. quæst. ibidem.
- Conditio casualis quæ est. ibid.
- Conditio mixta quæ est. ibid.
- Conditio est mora in quo differunt. 34. q. 829. a.
- Conditio sceminarum deterior est quam masculorum. 31. q. 815. d.
- Conditio tacita non est. Conditio. 27. qu. 712. c.
- Conditio potestativa quæ. 13. qu. 348. a.
- Conditio casualis quæ est. ibid.
- Conditio mixta quæ. ibid.
- Conditio nascendi infamem non facit, sed ratio tantum vitæ & instituti, est turpis & nocens. 1. resp. 32. c. 33. a.
- Conditio domini per servum deterior fieri non debet. 113. a.
- Conditio sceminarum in quibus causis, videtur melior esse. 31. q. 815. d.
- Conditio, quæ probationem iniungit, non est in nostra potestate. 3. q. 83. c.
- Conditio, quæ semel defecit, non restituitur. 28. q. 777. c.
- Conditio quid est. 17. q. 470. c. & 411. c. euentus est, qui casu contingit. ibid. 471. c.
- Conditio secundum Bartolum quæ est. ibid. 470. c.
- Conditio quæ semel extitit, non resumitur. 17. q. 472. a.
- Conditio retardat vsum servitutis, aut finit. modus vero non retardat. 7. q. 146. b. c.
- Conditio inexplicabilis est, quæ existere non potest. 2. q. 64. a. b.
- Conditio iniqua alteri per alterum inferri non potest. 1. q. 18. d.
- Conditio matris in servitute spectari debet, non patris. 14. re. 577. c. mater nunquam potest esse incerta. ibidem.
- Conditio hodie non in omnibus retrahitur. 23. q. 649. c.
- Conditio tacita non efficit legatum conditionale. 18. q. 514. a.
- Conditio existens posterioris novat stipulationem prioris, & in eam transfunditur, ut sola posterior valeat. 2. q. 65. a.
- Conditio est dies incertus, qui existere potest vel non ibidem. Reus postulat in scriptio libelli. 36. q. 844. a.
- Conditio est dies incerta. 28. q. 830. d. & dies incerta est Conditio aut Conditionis instar. ibid.
- Conditio est dies incertus. ibid.
- Conditio eius, qui litem contestatus est, deterior non sit, quod litem contestatus sit, sed plerumque melior. 2. r. 62. a.
- Conditio emptoris melior est, quam tertij creditoris. 3. re. 128. c.
- Conditio fideicommissi, quæ semel extitit, nunquam resumitur. 8. re. 333. c.
- Conditio impossibilis in legatis & fideicommissis pro non scripta habetur. 9. respons. 389. a.
- Conditio impossibilis ipso iure impleta videtur. ibid.
- Conditio legati semel defecta vel impleta nunquam resumitur. 8. r. 380. c.
- Conditio num eadem sit calumniatoris & instigatoris. 1. re. 13. c.
- Conditio possessoris melior est, quam non possessoris. 6. resp. 258. d.
- Conditio potestatem obtinet, cum in futurum confertur. 1. defin. 624.
- Conditio quid est. ibid.
- Conditio quando pro impleta habeatur secundum ius commune. 9. re. 401. c. & quando non. 9. re. 444. c. 445. a.
- Conditio quæ publicæ utilitati repugnat, remittitur lege Julia, quæ miscella dicitur. 1. defin. 645. c.
- Conditio semel defecta non resumitur. 8. re. 357. c.
- Conditio, si sine liberis decesserit, de quibus liberis est intelligenda. 6. re. 270. b.
- Conditio suspendit obligationem & petitionem, mora non suspendit. 1. defin. 644. c.
- Conditio transmissioni impedimento est, mora non est. ibidem.
- Conditio delegationi impedimento est mora non obstat ei, vel cessione legati. ibidem.
- Conditionis adiectio est tacita exhereditatio. 15. q. 391. c.
- Conditionis tempus tantum spectatur, iure veteri, hodie vero tempus conceptionis favore libertatis. 14. re. 578. b. fauor pupillorum est magnus. 17. q. 562. d.
- Conditionem tacitam facit voluntas sicut expressa. ibidem.
- Conditionem deteriorem inuiti facere possunt, & quando meliorem. 11. re. 516. d.
- Conditionem quando facit dies incertus, & quando non. 828. b.
- inter Conditionem & moram, quam adfert prolatio diei, quo fideicommissum solvatur differentia quæ. 9. re. 432. c. 433. a.
- Conditionem parentis deteriorem sequuntur nati. 14. re. 578. a.
- Conditionem in testamento facit dies incertus. 34. q. 828. b.
- Conditionem non facere meliorem, aliud est, aliud facere deteriorem. 3. respons. 113. c.
- inter Conditionem & moram differentia quæ. 1. defin. 644. c.
- inter conditionem & modum, quæ differentia. 17. q. 470. a.
- sub Conditione sed non sub qualibet conditione filius familias à patre institui potest. 16. q. 411. b.
- Conditione pendente, contractus recipit incrementum fructuum perceptorum, fideicommissum vero non. 8. re. 382. c.
- sub Conditione dandi vel faciendi, vel non faciendi legata relicta. 1. defin. 644. c.
- an Conditione tollatur obligatio. 7. quæst. 146. a.
- in Conditione quod est, est quoque in petitione & obligatione. 2. q. 64. c. d.
- Conditione mora non suspenditur. 34. q. 329. a.
- Conditione deteriori non debent esse liberi, quam liberorum liberi. 9. re. 404. c.
- sub Conditione heres. vide Heres. Vide Filius
- Conditiones casuales quæ sunt, & quæ potestativæ dicuntur. 9. re. 402. c.
- Conditionales creditores in possessionem non imitantur cum effectu. 12. re. 542. c.
- quandoque mittuntur. ibid.
- Conditiones non in faciendo conceptæ expleri nequeunt, nisi morte legatarii. 1. defin. 644. d.
- quæ Conditiones sunt contra leges 5 C. 16. q. 411. c. d. & quæ contra bonos mores. ibidem. d. c.
- in Conditionibus defuncti voluntas scripto potior est. 8. resp. 377. c.
- Conditionale legatum non transmittitur. 28. qu. 733. a.
- Conditionalia legata, vel in diem incertum relicta non cedunt à morte testatoris, sed cum conditio extiterit post mortem testatoris. 15. q. 396. c.
- Conditionales institutiones. 6. r. 229. b.
- Conditionalia legata ex post facto confirmantur, pura vero non. 15. q. 399. c.
- Conditionalia legata non faciunt, quæ tacite insunt. ibidem.
- Conductio & locatio sine pecunia numerata non consistit. 2. q. 43. d.
- Coductio est procurationis species. 1. r. 34. c.
- Coductio rei suæ quando valet. 3. r. 105. a.
- Coductor est is, qui accipit fructum vel fructum, hæc defin. est Cuiacii. 8. q. 178. c.
- Coductor est is, qui ædes conduxit, dat mercedem. ibidem. b.
- Conductor est veluti procurator. 1. r. 34. c.
- Conductor vectigalium civitatis à tutelis non excusatur. 1. re. 37. c.
- Conductoris est accipere, locatoris dare. 8. qu. 178. c.
- inter Conductorem vectigalium civitatis & conductorem fisci quæ est diff. 1. r. 38. a. b.



# in Quæst. & Respons. Papin.

Conductores vestigialium fisci à tutelis aliisque muneribus exculantur, item publicani. 1. r. 37. d. horum facultates conductonis nomine tacite fisco obligatae sunt. *ibid.*  
 Conferre est bona propria paternis miscere. 3. q. 93. b. à cautione Conferri est canere de cōferendo datis fideiussoribus. *ib.* 2.  
 Confessio similis est solutioni. 19. q. 520. e.  
 Confessio in iure facta est instar rei iudicatae & infirmari non potest. 10. r. 459. d.  
 Confessione, nihil est magis contrarium, quam error facti. 19. q. 520. e.  
 an Confessionem in iure factam sequi debeat condemnatio. 1. ref. 8. c. d. & 9. c.  
 Confessionem partis sequi debet sententia iudicis. 2. ref. 74. a.  
 Confessum pro iudicato habetur. 10. resp. 459. d.  
 Confideiussores sunt, qui pro vno vel pluribus debitoribus in causam vnius contractus fideiussurunt, simul vel separatim, nihil interest. 3. ref. 138. b.  
 Confideiussores. Vide, Diuisionis beneficium.  
 Confideiussoribus diuisionis beneficium datur. *ibidem.*  
 Confiteri minus est quàm Proferri. 1. r. 8. c. qui Confirmat dare solet. 5. ref. 188. d.  
 Confirmare est sequi iudicium testatoris, quod non fiat sine inquisitione. 11. qu. 311. c.  
 Confirmare tutorem est dare, unde tutor datus. *ibidem.* d. magistratus municipalis, an habeat ius dandi tutoris. *ibidem.*  
 quis Confirmari dicitur. 11. q. 311. c.  
 Confirmatio corroborat, quod ab initio non valet. 4. ref. 185. b.  
 Confusio quid est. 37. q. 753. b.  
 Confusio obligationem pignoris non tollit, solutio tollit *ibi.* Contractus quid est. 10. q. 253. e.  
 Confusio quando tollit obligationem, quando non. 37. q. 853. b. c. & seq.  
 Confusio est concursus debiti & crediti in eandem personam. 28. q. 743. d. e.  
 Confusio quandoque pro solutione est. *ibid.*  
 Confusio tollit actionem, non exceptionem. 31. q. 818. d.  
 Coniecturas Accursius interpretatur, testes & tabulas, sed verius est Coniecturam esse, quæ ex manifesto signo ducitur secundum Hermogenem. 15. q. 394. b.  
 Coniugalis fauor potius est reprimendus, quam mitigandus. 12. re. 529. d. e.  
 Coniugata sunt ciues & ciuitas, sic cognati & cognatio. 9. resp. 400. c.  
 à Coniugatis argumentum. Vide argumentum.  
 Coniunctio legitima est, concubinatus. 8. re. 374. c.  
 Coniunctio facit nos pares, disiunctio facit nos dispares. 8. quæstion. 174. a. pro coniunctione disiunctio aliquando accipitur. 9. resp. 402. b. c.  
 à Coniunctis ad diuisa argumentum, an semper locum habeat. 9. q. 235. a.  
 pro coniunctis accipiuntur aliquando disiuncta. 27. q. 701. a.  
 non fit ex Coniunctis, quod non fit ex singulis. 27. q. 688. c.  
 Coniunctis legum capitibus recte fit rerum interpretatio. 9. q. 212. a.  
 Connubium verum fieri non potest, quod prius adulterium fuit. 2. de adulter. 681. b.  
 Connubium. Vide Matrimonium.  
 Conquestor argentarius. 3. ref. 145. a.  
 non omnis Conreus est socius. 28. q. 762. c.  
 Consanguinitas est agnationis species. 29. q. 803. e.  
 Consensio siue pactio alterius alteri nocere non debet. 10. re. 449. c. 450. a.

Consensus patris, quem taciturnitas imitatur, in nuptiis precedere debet. 10. q. 268. d. e. iussus patris in nuptiis rem precedat, rati habitio lequetur. *ibidem.*  
 Consensus vnius alteri nocere non debet. 1. qu. 18. c.  
 Consensus tacitus populi legem obliterat. 2. q. 46. e.  
 Consensus solus facit nuptias, & deductio in domum viri. 4. re. 162. a.  
 Consensum imitatur taciturnitas. 1. r. 25. b.  
 Consensum habet stipulatio, & ex consensu interponitur. 1. deff. 633. a. b.  
 Consensum aliquando imitatur taciturnitas, aliquando dissensum. 11. q. 291. d. e.  
 inter Consensum & dissensum taciturnitas medium est. 7. q. 157. d. e.  
 pro Consensu non habentur presentia & sigillum. 8. re. 356. d.  
 Consensu matrimonium perficitur. 12. re. 531. d.  
 Consentire vendenti aliud est, aliud vendere. 3. ref. 128. c.  
 Consiliarium verbum non obligat. 8. re. 353. a. b.  
 Consilium mutare nemo potest in alterius fraudem. 3. q. 92. c.  
 Consilium sibi ipsi præbere nemo potest. 1. q. 10. d.  
 Consilium non obligat, nisi aliud suadeat voluntas. 19. q. 553. d. e.  
 Consilium potest esse maleficium, non potest esse contractus vel legatum, vel fideicommissum. *ibid.*  
 Consistere aliud est, aliud contineri. 17. q. 460. c.  
 Consobrinorum nuptiæ iure ciuili licitæ sunt. 6. resp. 254. c. d.  
 Consolidationis ius an locum habeat, deficiente iure accrescendi. 17. q. 439. a. b.  
 inter Confortes multo plures sunt lites quàm inter dissortes, & cur. 8. re. 350. d.  
 Consortium omnium rerum introducere voluit Socrates inter omnes ciues. 8. r. 351. a.  
 Constantini Imperatoris cessio Syluestro Pontifici facta. Vide Cessio.  
 Constituit quis etiam pro seipso, fideiubet nemo pro se ipso. 27. q. 692. c.  
 Constituire seruitutem, aliud est, aliud promittere. 7. q. 145. b.  
 Constituire in libris nostris ponitur pro consistere, consistere, 20. q. 602. a.  
 Constituire apud Lucretium, est pro constituere. 20. q. *ibidem.* b.  
 Constituire. Vide Recipere.  
 Constitui aliud pro alio potest volenti creditori. 8. q. 75. d. e.  
 Constitutio D. Marci & edictum paroris in quo differunt. 28. q. 726. b.  
 Constitutio specialis vel lex regulæ derogat. 11. re. 476. e.  
 Constitutio D. Marci extraneo quoque fecit potestatem petendi additionem bonorum. 9. ref. 439. a.  
 Constitutio D. Pij nil obstat, quæ vult semel tantum deberi eandem rem sæpius legatam. 17. q. 454. b.  
 Constitutio D. Pij finitur pubertate. 29. q. 755. d. e.  
 Constitutioni D. Marci quando locus est. 9. ref. 438. d. e. & c. hæc quando cessat. *ibidem.*  
 Constitutionem nullam optimi principes dabant in medium sine auctoritate & sententia Iurisperitorum. 19. quæst. 542. d.  
 Constitutiones Principum abolere decreuit Macrinus Imperator iuris peritissimus, vt ex iure ageretur, non ex Rescriptis. 2. q. 28. a.  
 Constitutiones à iure separandæ. 1. resp. 16. a.  
 Constitutiones quæcumque ius vetus emendant, hæc strictè sunt accipiendæ. 3. quæst. 69. a.

Constitutiones sunt potiores iure. 13. q. 354. d.  
 Constitutiones principum sunt sententiæ vel opiniones Iurisperitorum. 19. qu. 548. c. sicut etiam iudicium, sunt sententiæ *ibid.* Opiniones alia sunt certæ sententiæ & irreprehensibiles, alia verisimiles. *ibid.* 549. c. Hinc Iurisperiti scripserunt libros opinionum. *ibid.*  
 Cur error testatoris legato officit. *ibid.* 550. b.  
 Constituta pecuniæ causa. Vide Causa constituta pecuniæ.  
 Constitutum est instar solutionis in multis non per omnia. 8. q. 176. a.  
 Constitutum instar solutionis est. *ibidem.*  
 Constitutum. Vide Recipere.  
 Consuetudo legem abrogat. 2. q. 46. d.  
 Consuetudo est pro lege, vbi lex deficit. *ibidem.* e.  
 Consuetudo est lex non scripta, lex est Consuetudo scripta. 1. deff. 622. a. b.  
 Consuetudo & mors pro lege habentur. 2. qu. 46. c. d.  
 Consuetudine potior lex est. 2. q. 46. c.  
 Consul habet ius gladii ius vero relegandi non. 1. q. 14. d.  
 Consul viro indignum non est propriæ toris nomen est. 1. re. 3. b.  
 Consulatum petere prohibebatur is qui reus esset repetundarum. 1. re. 31. c. d.  
 Consumpti minime quando dicuntur. 8. q. 187. e. 188. a.  
 Consumptio plenissimum ius tribuit. 23. q. 649. d. e.  
 Consumptio plenum dominium tribuit bonæ fidei possessori. 1. re. 479. c.  
 Contentiosa iurisdictio. Vide Iurisdictio.  
 Contentiosa iurisdictio quæ est. 1. q. 7. d. hæc vbi exercetur. *ibidem.*  
 Contestari litem pro alio est iudicium suscipere pro alio, & quasi expromittere. 9. q. 243. d.  
 Contestatio litis & petitio idem est in iure. 9. q. 197. e.  
 Contestato litis. Vide Litis contestatio.  
 Contignatio est lignorum contextura, comparata ædium tegendarum causa. 7. qu. 197. e.  
 Contineri aliud est, aliud consistere. 17. q. 460. c.  
 Continentia causæ diuidi hequit. 2. re. 56. c.  
 Continuatio vsucapionis non impeditur scientia heredis. 2. deff. 659. b. heres ignoracione sua defuncti vitia non excludit. *ibid.* c.  
 Continuum tempus ignoranti tantum reddit. 12. re. 518. b. is cui actio competit, tempore vult habere experiundi potestatem. *ibid.* dissoluta ignorantia prope scientiam est. *ibidem.*  
 Continui & vales dies quando cedunt & quando non. 6. resp. 223. e.  
 Contracta obligatione principali, obseruatur tempus dati vel conuenti pignoris. 3. q. 183. d.  
 Contractus bonæ fidei. Vide bonæ fidei contractus.  
 Contractus propter conuentum valent. 10. q. 253. c.  
 Contractus recte contrahitur quoque inter absentes. 3. q. 73. c. d.  
 Contractus depositi vocatur sacer Contractus à Poeta Iuuenale, Sacrum depositum, &c. 9. q. 217. d.  
 Contractus conclusio est stipulatio. 8. qu. 183. d. e.  
 Contractus pignoris cum inutiliter intercedat, retentioni locus non est. 11. re. 478. a.  
 Contractus est conuentio, ex qua datur actio. 28. q. 748. c.  
 Contractus recipit incrementum fructuum perceptorum pendente conditione, fideicommissum vero non. 8. re. 382. c.



# Index rerum ac verborum

- Contractus nullus est, qui recipiat dolum qui non infirmetur. 28. qu. 726. b.
- Contractus est contrarium pacti. 28. qu. 748. c.
- inter Contractus & iudicia differentia quæ est. 5. qu. 109. d.
- Contractus est species conuentionis. 10. qu. 253. c. 254. a.
- nullus Contractus non cadit in stipulationem. 23. qu. 651. c.
- Contractus causa est excipienda præscriptione fori. 3. ref. 100. c.
- Contractus tempus spectatur in stipulatione. 1. quæst. 424. b.
- ad Contractum proficit pactum. 10. qu. 257. d.
- ex Contractu priuati an poena fisco debetur. 2. ref. 55. d. c.
- Contractuum omnium pandecta est stipulatio. 15. qu. 397. c. 398. a.
- in Contractibus bonæ fidei bona fides maxime desideratur. 28. qu. 726. c.
- in Contractibus omnibus exigitur bona fides, & quando. 23. qu. 650. c.
- ex Contractibus nascitur obligatio civilis & naturalis, ex pactis obligatio naturalis tantum. 10. qu. 254. a.
- ex Contractibus datur actio, ex pactis vero non datur. 28. qu. 748. c.
- Contractibus conuentio dat legem. 27. qu. 701. c.
- à ceteris Contractibus, stipulatio in quo differat. 10. qu. 265. d.
- vbi quis Contrahit, ibi & conueniri debet. 3. ref. 100. c.
- vbi Contrahit quis, ibi conuenitur, nec reuocare domum potest. 3. qu. 73. d.
- vbi Contrahit defunctus, ibi heres eius, aut nomine ipsius Tutores conueniri possunt. 3. ref. 100. d. c.
- Contrahere fiduciam, est vendere filium ea lege, vt mihi emancipetur, & à me mittatur. 5. qu. 111. c.
- Contrahere fiduciam est legem addere venditioni, vt redimere liceat. 14. qu. 373. d.
- Contrahentium voluntates potius quam verba, in conuentionibus spectari debent. 2. ref. 88. c.
- Contrahentium mens verbis potior est. ibidem.
- Contrarium an eadem ratio efficiat in donationibus. 4. ref. 176. c.
- Contrarii vnus exclusio, est alterius positio. 13. ref. 365. a.
- Contraria esse nequeunt, quæ vna eademque ratione conueniuntur. 9. r. 430. a.
- Contrariorum eadem disciplina. 4. ref. 176. c. 11.
- Contrariorum vna eademque causa est, non quidem prorsus eadem, sed eadem, si in contrarium agatur. ibidem.
- vnus Contrarium in quo subiectus est, non potest etiam esse alterum. 1. defin. 638. a.
- Contrariorum eadem est disciplina. 7. qu. 491. a.
- Contrariorum eadem ratio. 4. ref. 176. c.
- hæc quæ sunt priuantia natura sunt inter se contraria. 1. defin. 638. e.
- Contractare semper est loco mouere. 26. quæst. 666. d.
- sine Contractatione furtum vtrum fiat. 1. ref. 14. d. 10. r. 100. c. 101. d.
- Contribuere legata aut fideicommissa est in ratione legis Falcid. incunda, ea cum muni calculo subicere. 9. ref. 408. d.
- Contributio quid est. 29. qu. 785. d.
- Contributio locum quando habet, & quando non. 6. ref. 252. a. ratio eius differentia. ibidem.
- Contributio ob iacturam mercium naufragii vitandi gratia, quando locum habet, & quando non. 19. respons. 609. b. c.
- collationis Contributio ob iacturam non nisi salua fieri debet. ibidem.
- Contributioni quando locus est, & quando non. 6. ref. 2, 2. ratio differentia quæ ibidem.
- Controuersia inter duos orta de quibusdam seruis, quos vnus eorum possidebat, alter dicebat sibi deberi ex causa depositi, & an ex ea sententia fisco poenæ petitio sit. 2. r. 55. d. c.
- Contumacia eius damno coercetur. 2. ref. 49. b.
- Contumacia quid est. 2. quæst. 34. c. magna Negligentia est lata culpa, & fere idem quod dolum. ibidem.
- Contumacia litis damno coercetur, 2. ref. 49. b.
- ex Contumacia condemnatus an possit appellare. 2. ref. 49. b.
- Contumax dicitur à contemnendo. 8. qu. 165. c.
- Contumax est qui non respondet in iure. 8. qu. ibidem.
- Contumax est is, qui contemnit, & originem habet teste Nonio, à contemnendo. 2. ref. 47. d. c.
- Cōtumax & superbus in quo differant. 1. 8. 165. c. si habeas, quod respondeas, nec respondeas superbus es, ibid. & quod aliis superbia est, erga Prætores est Contumacia. ibidem.
- Contumax frater, oblata cautione pristinum ius recipere potest. 3. qu. 95. b.
- Contutor qui pro tutore conuenitur, quando in vsuras conuenitur, & quando non. 12. qu. 328. c. d.
- Contutor qui pro contutore suo soluit, an pupillus ei debeat cedere actionem suam aduersus contutorem. ibidem.
- pro Contutore Tutor non conuenitur, eo inexcusso, qui rem pupilli gessit & perdidit, & quando conueniendus. 1. ref. 41. d.
- quæ Conualefcere non possunt. Vide Iurium, inutiliter.
- Conueniri ibi debet quis, vbi contrahit. 3. ref. 100. c. d.
- Conuenta & pacta. 10. qu. 253. c. 254. a. actio utilis quæ est. 13. qu. 347. a.
- Conuentio tacita est fides tacita. 1. ref. 23. c.
- Conuentio est genus, cuius species duæ sunt contractus & pacta. 10. qu. 253. c.
- Conuentio legem dat contractibus. 27. qu. 701. c.
- Conuentio precarii pro traditione habetur, nuda vero scriptura non. 16. quæst. 422. c. 423. a.
- Conuentio vnus alterum non liberat. 8. qu. 769. b.
- Conuentio nuda non obligat, lex vero obligat. 1. ref. 11. b.
- Conuentio iusta an sit seruanda, quæ scilicet iure non improbat. 1. respons. 9. c.
- Conuentio vel obligatio vtrum executionem habeat forensem citra iudicis sententiam paratam. 1. ref. 10. c.
- Conuentioni congruens iudicis condemnatio, est exequenda. ibidem.
- Conuentione nuda nemo fit dominus liberi hominis, sicut nec cuiuslibet rei. 3. qu. 66. c.
- Conuentione restringitur ius commune. 3. ref. 118. a.
- Conuentione priuatorum facile mutatur priuatum ius, 2. quæst. 21. c.
- Conuentionum formula est stipulatio. Vide stipulatio.
- in Conuentionibus vel Testamentis quæ abundant nihil nocere, imo prodesse magis. 27. qu. 688. d.
- in Conuentionibus contrahentium voluntates potius quam verba spectari debent. 2. r. 88. b. c.
- Conuento eo, qui dolo amisit possessionem, non liberatur possessor. 28. qu. 759. c.
- Conuenio possessore liberatur is, qui possessionem amisit. 28. qu. ibidem.
- Copias Papinianus vocat viuendi causam, copias victuales. 13. ref. 546. d. c. vnde nomen caupone Festo. ibidem.
- Coqui sunt focarii, qui in caupona ministerium præbent vel in stabulo. 33. quæst. 824. c.
- Corium in structuris Vitruuio quid est. 9. ref. 391. c.
- Cornelia lex. Vide Lex Cornelia.
- inter Corpus & quantitatem differentia quæ. 17. qu. 455. a.
- Corpora permutationem non recipiunt. 4. qu. 105. a. b.
- Corporum solutio. Vide solutio.
- Correus an liberetur principali reo deportato. 9. quæst. 233. a. b.
- Creatio in iure passim dicitur nominatio, & nominator creator. 2. qu. 38. c.
- Creatio, nominatio, datio, ordinatio in iure idem est. 5. ref. 195. c.
- Credere est facere. 27. qu. 679. b.
- Creditæ pecuniæ vsuræ non debentur ex pacto nudo sine stipulatione. 3. ref. 143. c.
- Crediti ius. Vide ius crediti.
- Creditor inuitus pignus vendere non cogitur. 3. ref. 109. a.
- Creditor, qui pignus & fideiussorem accipit, quando pignus, & quando fideiussorem conuenire potest. 3. ref. 128. d. c.
- an Creditor posterior habeat ius offerendi priori creditori, & ei, qui à priori creditore emerit. 3. ref. 128. b. c.
- Creditor nouatione facta an cogatur mutare obligationem. 2. ref. 50. b. c.
- prior Creditor generalem habens hypothecam, præfertur posteriori specialem habenti. 3. ref. 126. c. & seq.
- prior Creditor prior est posteriori. 2. ref. 74. c.
- Creditor in venditione pignoris quæ sit ex pacto, suum negotium gerit non debitoris. 3. ref. 108. c.
- Creditor si debitori heres extiterit, confunditur obligatio aditione hereditatis. 37. qu. 853. a. b.
- Creditor quando dolum & culpam simul præstare tenetur. 9. qu. 237. a. b.
- Creditor si non eligat mandatorem, sed pignora, & minoris distrahatur, an possit reliquum, quod credito deest à mandatore petere. 3. r. 117. d. & seq.
- Creditor, an in possessionem omnium bonorum patris latitantis mittatur ex edicto Prætoris rei seruandæ causa. 9. quæst. 200. b.
- Creditor, cui pignus surripitur, actionem furti habet aduersus extraneum, & aduersus debitorem dominum rei furtiua. 9. qu. 306. b. Furtum est interuasio rei, hoc est proprietatis alienæ, vel possessionis, vel vsus, vel vsusfructus, vel hypothecæ alienæ. 9. qu. ibidem.
- Creditor non potest plus habere, quam habuit debitor. 20. qu. 584. d.
- Creditor qui bona fide credit pecuniam adolescenti ignorans scilicet retinet ius crediti. 28. quæst. 747. c. d. Qui vero sciens forte luxurioso adolescenti, hic ius crediti non habet. ibidem.
- priuati Creditoris, & Reipublicæ diuersa ratio est. 1. ref. 23. b.
- Creditori volenti aliud pro alio recte soluitur. 5. ref. 221. b.
- Creditori debitor iure non legat. id quod debet. 19. qu. 532. c.
- Creditori soluere est dare, soluere vero procuratori creditoris est facere. 27. qu. 699. c.
- Creditori non imputantur casus fortuiti. 11. ref. 510. b. Dolus & culpa ei imputantur. ibidem.
- Creditori inuito pro debitore soluere potest extraneus. 1. ref. 11. d.
- inter Creditorem scientem & ignorantem,



# in Quæst. & Respons. Papin.

differentia quæ. 3. resp. 112. c.  
inter Creditorem patris & pupillum qui bona vendiderunt, triplex est differentia. 25. qu. 664. c. d. & c.  
Creditore inuito aliud pro alio solui nequit. 12. resp. 538. e.  
Creditores testatoris & Creditores heredis in quo differunt. 17. q. 555. b. c.  
Creditores implere est soluere creditoribus 14. qu. 382. d.  
Creditores conditionales in possessionem bonorum debitoris mittuntur 2. respon. 542. c.  
Creditores chirographarii quando antiquiores, fisco sunt potiores. 11. respon. 471. d. c.  
inter Creditores & legatarios differentia quæ. 12. ref. 543. a.  
Creditores conditionales si in possessionem mittuntur cum effectu. 12. respon. 542. c. d. & seq.  
Creditores non videntur amittere rem pignori datam, quibus propria non fuit. 2. definit. 650. c.  
Creditores legatarii sunt potiores. 19. qu. 537. c.  
Creditorum onera. Vide onera creditorum.  
Cretio est modus acquirendæ hereditatis. 14. quæst. 377. a.  
inter crimen adulterii, & crimen repetundarum differentia quæ est. 36. quæstion. 838. d. c.  
Crimen adulterii tollitur præscriptione quinquennii, incesti vero, non nisi præscriptione communi vicennii. 4. respon. 186. b.  
Crimen commune emptoris & venditoris, quando ab utroque defendi potest. Vide commune crimen.  
Crimen extraordinarium quodnam est. 1. resp. 16. d.  
Crimen falsi. Vide Falsi crimen.  
Crimen morte rei extinguitur. 15. respon. 587. c. res ab alio apud eundem iudicem peragi potest ibid. an defuncto accusatore, & res & reus apud eundem iudicem peragitur. ibid.  
Crimen peculatus tantum intenditur in furem pecuniæ publicæ populi Romani. 1. ref. 15. d. aliæ ciuitates loco priuatorum habentur, nec crimine peculatus tenetur quis, ob pecuniam ciuitati subreptam. ibidem.  
an eCrimen perduellionis contractum donationes factæ, 12. resp. 537. a. b.  
Crimen stellionatus quando est famosum, & quando non. 1. ref. 17. a. b.  
Crimen stellionatus. Vide stellionatus.  
Crimen turpe æquum est, ut sequatur poena turpis. 1. ref. 20. a.  
in Crimen vocatus priscos honores retinet, ante finitam litem adipisci nequit. 1. ref. 31. b. c.  
Crimen nullum extinguitur morte sibi adscita. 12. resp. 537. b.  
ante Crimen contractum, si sint factæ donationes quid iuris. 12. respon. 534. c. 535. a. & seq.  
Crimen quod proprio nomine caret, dicitur stellionatus. 8. q. 181. d.  
Crimen, quod duorum aut plurium est commune, extinctum in persona vnus, non extinctum in persona alterius. 4. ref. 187. b. c.  
Crimen, quod vindictæ aut calumniæ iudicium, expectat, per alios intendi non potest. 15. resp. 587. c. 588. a.  
Criminis causa inspicere debet, quæ crimen facit famosum. vel non. 1. ref. 17. b. c.  
Criminis vnus duæ vindictæ & duo supplicia esse non debent. 2. de Adult. 698. c.  
Criminis ratione sortimur forum. 599. c. d. 582. d. memoriæ debetur honos. 16. re. 598. c. d.

Crimine aut poena ius naturale neminem excusat, si crimen sit atrocius. 19. quæst. 517. a.  
de Crimine fraudati vestigialis, quid statuit Papinianus. 13. re. 563. c. d.  
Crimina extinguuntur præscriptione viginti annorum. 15. respon. 591. c. post vicennium non additur accusator. ibid.  
Crimina extraordinaria à Rhetore in Declarationibus dicuntur crimina inscripta, & cur. 1. re. 6. d. c.  
Crimina morte extinguuntur. 12. resp. 577. c. d.  
Crimina inscripta quæ sunt. 1. resp. 16. d. c.  
Crimina extinguuntur præscriptione 20. annorum. 15. re. 591. c. crimen adulterii simplicis in adultero tollitur quinquennio continuo. ibidem. in adultera præscriptione sex mensium vitium 15. resp. 591. d.  
Criminibus poena non imponitur arbitrio iudicis sed lege constituitur. 1. respon. 22. a.  
Criminale, iudicium morte rei soluitur. 5. resp. 207. a.  
Criminale iudicium qui elegit consumit ciuile. 11. quæst. 290. d.  
Cuiacius tollit menda in titulo de sepulchris violatis. 8. quæst. 196. a.  
Cuiacius fatetur regulariter creditorem habere electionem. 9. q. 207. c.  
Cuiacius Libros Quæstionum orditur ab inuocatione Dei, in princip. quæst. 1. a. b.  
Cui datur actio, ei multo magis exceptio. 19. q. 561. c.  
Cui nihil datur, is rogando obligari non potest. 557. a.  
Cuius nulla bona sunt, eius & nullum testamentum est. ibid.  
Cuius nihil interest, actio ei non datur. 2. re. 48. a.  
Culpa imputatur creditori. 1. resp. 510. b.  
Culpæ disquisitio, definitio & probatio est difficilis. 5. resp. 200. c.  
inter Culpam & dolum differentia quæ est. 12. q. 329. a.  
Culpam purgat oblatio velati moram, sed non maleficium. 10. quæst. 246. d.  
in Culpa qui iunguntur, in poena separari non debent, ut ait D. Cyprianus. 1. resp. 24. a.  
ex Culpa lata si quid perierit. Vide perire.  
Culpa. Vide Diligentia.  
Culturæ pars stercoratio. 2. re. 69. c.  
Cupio est fideicommissi verbum. 19. qu. 551. a.  
Cupio, volo, rogo, mando, & peto, hæc verba sunt precaria non directa. 29. qu. 550. c. 551. a.  
Curare verbum. Vide Verbum curare.  
ad Curam vel tutelam non vocantur cognati. 13. qu. 354. c.  
Curationis finis est legitima ætas. 5. resp. 190. c.  
Curator fisci quibus ius dicit, & quibus Curator Reipub. 1. re. 6. a.  
Curator furioso petere potest bonorum possessionem, non quidem edictalem sed decretalem, & cur. 15. quæst. 408. c. d. Quid si Curator furiosi decretalem non petierit. 409. a.  
Curator frumenti conuenti. Vide procurator rei frumentariæ.  
Curator rei frumentariæ, si condemnatur quasi eius pecuniæ debitor, an poterit opponere compensationem eius pecuniæ quam ei iniucem debet respublica vel fiscus. 1. ref. 13. e.  
Curator Reipublicæ dicitur & pater ciuitatis in iure. 1. ref. 6. a.  
Curator, Reip. seu debitor rei, frumentariæ an uti possit compensatione eius pecuniæ, quæ sibi vicissim respublica debet. 1. re. 14. a.  
Curator Reipub. emancipatus filius pro patre factus, fideiubere non cogitur. 1.

respon. 44. b.  
Curator reip. an teneatur creditoribus, etiam post depositum officium. 1. re. 43. c.  
Curator reip. & procurator fisci, vel Cæsaris qui differunt. 1. re. 5. 6. a.  
Curator vel quasi curator non potest negotia, quæ cepit, deferere, nec intermittere, alio non subrogato. 5. re. 190.  
Curator bonis non constituitur nisi voluntarius. 1. ref. 41. c. & nisi magna ex causa Princeps aliud velit. 1. re. ibid.  
Curator est legitimus, vel datiuus. 5. resp. 187. b. c.  
Curator & tutor in quo differunt. 11. qu. 315. e.  
Curator vel tutor quando conueniri potest post depositum officium. 5. re. 204. c.  
Curator cur datur ventri non Tutor ex edicto Pratoris. 11. q. 310. b.  
Curator est loco domini. 19. q. 557. d. c.  
Curator non datur testamento Tutor datur. 19. q. ibidem.  
Curator cur ventri datur, non Tutor. 19. qu. 547. c.  
Curator datur omnibus, qui suis rebus superesse nequeunt. 15. q. 407. b.  
Curator. Vide minor, pubes, pupillus.  
sine Curatoris auctoritate puberes obligantur. 15. q. 409. d.  
Curatoris bonorum possessionem petentis furioso scientia non nocet, tutoris vero scientia nocet pupillo. 15. q. 408. d.  
Curatoris dandi testamento ius non est patris. 19. q. 547. c.  
Curatoris pignora non capi possunt. 5. re. 205. c. 206. a.  
Curatoris scientia non nocet adolescenti. 409. d.  
Curatoris Reipublicæ officium quale. 1. re. 6. a. b. & seq.  
Curatori Reipubl. an adhibere possit in consilium vir eiusdem ciuitatis. ibidem.  
inter Curatorem voluntarium & coactum differentia quæ. 1. re. 40. a. & seq.  
in Curatore distinctio notanda. 5. re. 206. c. d.  
plures Curatores bonis constituuntur: quidam rem defuncti attigerunt, quidam non, queritur, an coguntur creditores prius agere cum iis, qui rem attigerunt, quam cum aliis. 1. re. 42. b.  
Curatores an dentur puberibus. 15. quæst. 410. c.  
duobus Curatoribus frumenti parandi à Repub. ordinatis, queritur, si vnus in munere fraudulenter versatus sit, an alter pro altero conueniri possit. 1. resp. 41. b. c. Qui rem male gessit, prius conueniatur, quam collega. ibid.  
Curatoribus rei frumentariæ data fuit pecunia publica omnibus in solidum, an igitur data sit eis pro virilibus portionibus, & separatis, ut non sit curæ commune periculum, & quid dicendum. 1. re. 42. a.  
Curatoribus condemnatis, per quos res adolescentis seruari potest, an etiam salua sit adolescenti restitutio in integrum aduersus tutorem. 1. re. 78. b. & seq.  
sine Curatoribus olim puberes adrogabantur, 29. quæst. 772. c. Hodie non potest ex constitui. Claudii. ibidem.  
Currus quadrigæ non cedit, ut pars vel accessio. 16. q. 420. d. c.  
Custodia, aliud est, aliud possessio. 29. qu. 670. c.  
Custodia depositæ pecuniæ tantum est, non vsus. 9. qu. 215. o.  
Custodiam & diligentiam qui quem dicit præstare, hic dicit ex opposito præstare omnem culpam. 18. qu. 501. c.

D

**D**amnare ad ferrum est damnare ad gladium. 1. q. 15. e.  
Damnatur quis aut ex causa famosa, aut non famosa. 2. qu. 25. c. 26. a.



# Index rerum ac verborum.

- Damnatio iudicis est, poena vero solius legis iure ordinario. 1. r. 20. d. e.
- Damnatio in metallum est maxima capitis diminutio, morti comparatur, amittitur civitate & libertate. 8. r. 333. d. damnatus in metallum ius eligendi non habet, secus in deportato. ibidem.
- quæ per Damnatorem legari possunt, & per fideicommissum relinqui possunt, 9. resp. 385. c. quem Orcus ademit nullus est. ibid. 386.
- Damnatus depositi, sit quidem infamis, sed à testimonio non repellitur. 1. r. 20. c.
- Damnati iudicio publico testimonii iudicii vel testamentarii dictionem non habent. 1. de adult. 674. a. b.
- Damnatus quis ex causa famosa aut non famosa. 1. q. 25. c. 26. a.
- Damnatum sequitur infamia. 1. ref. 21. c.
- Damnatorum iudicio publico testimonium cur repellitur propter infamiam. 1. de adult. 672. b.
- Damnatorum liberis an servetur ius patronatus, quod habuit qui damnatus est capitali iudicio. 17. c. 28. a.
- Damnatum fatale. 9. resp. 429. c.
- Damnatum decidere est pacisci, quæ pactio actionem de furto perimit. 10. q. 253. d.
- de Damno qui certat an potior sit eo qui de lucro certat. 10. resp. 471. c.
- Damna post mortem testatoris illata sustinet heres, sic & lucra. 9. quæst. 205. a.
- Secus in nominibus factis deterioribus seu melioribus. ibidem. Ratio huius differentiae quæ. ibidem.
- Damna illa a post mortem sustinet heres. 9. quæst. ibidem.
- Damna & onera quem sequuntur, eundem & emolumenta sequi necesse est, & contra. 9. re. 419. c. 420. a.
- Dare est viuentium, relinquere morientium. 19. quæst. 531. c. d.
- Dare solet qui confirmat. 5. re. 188. d.
- Dare non tantum est dominium transferre, sed & facere tantum. 27. q. 679. c.
- de verbo Dari scripsit Papinianus, non tantum significare effectum transferendi dominii, sed & factum nudum sine effectum. 27. qu. 679. d.
- Dandi verbum, modo factum significat tradendæ possessionis, modo effectum proprietatis. 27. q. 686. d.
- Dantis beneficium mens spectari debet. 4. resp. 183. c.
- quæ Dantur nominatim lege, mandari non possunt. 1. q. 7. c.
- Datio, curatio, nominatio, ordinatio, in iure idem est. 5. re. 195. c.
- Datio tutoris mandari non potest. 1. qu. 9. d.
- Datio tutoris non est iurisdictionis, sed iuris. 11. quæst. 311. c.
- Datio tutoris est legis vel eius, cui eam lex dedit. 7. r. 294. b.
- Datio Tutoris. Vide Tutor.
- inter Dationem libertatis ex die, & hereditatis differentia quæ est. 1. definit. 639. d.
- Datiua tutela testamentaria cedit. 15. resp. 580. d. nuda promissio auferit ius excusationis. 15. resp. ibidem c. suspectus tutor dicitur, qui operam suam inuito ingerit. 581. b.
- Datus in exilium temporale tutor esse non definit. 5. re. 210. b. secus de perpetuo exilio. ibid.
- Datus Iudex. Vide Iudex.
- Datus Tutor. Vide Tutor.
- Datiuus Tutor. Vide Tutor.
- Datum cui nihil est, non recipitur, ut is rogando obiget. 8. re. 334. c.
- Debere & posse verba, promiscue in iure vsurpantur. 3. q. 74. c. d.
- Deberi desit quod ex stipulatione debetur. 8. resp. 325. b.
- quod semel Deberi cœpit, certis modis desinit.
- Debetur ciuilitate peti potest, naturale debitum peti nequit. 18. q. 513. d.
- quod debetur alicui pare, frustra legatur, quod vero sub conditione Debetur, recte legatur. 18. q. 500. c.
- Debetur id tantum proprie quod peti potest. 18. q. 513. d.
- quod Debetur statim, an & peti statim potest. 1. def. 644. b.
- Debitor si à creditore pignus vendente suo iure, pignus minoris emerit, quid. 3. resp. 104. b.
- si Debitor creditores, quos fraudare voluit, dimiserit, ac alios novos quos fraudare noluit, habere cœperit, an propter novos creditores libertates irritæ sunt. 5. resp. 222. b. excipitur vnus casus, ibidem. & 223. b. c.
- Debitor certæ pecuniæ creditori condemnatus appellat, mox transigit cum creditore de remittenda pecuniæ parte, hac conditione, ut si reliquam partem creditori non solueret denominato tempore, totam summam præstaret, an pecunia in condemnationem deducta debetur, nec ne questionis est. 1. resp. 9. a. b. & seq.
- Debitor certi corporis liberatur naufragio, vel incendio & quomodo. 3. re. 147. b.
- Debitor creditori frustra legat id quod ei debet. 8. re. 380. d. & quando hoc procedit. ibid. d. plus in legato potest esse vel summa, vel tempore aut conditione ibid. d. e. & 381. a.
- Debitor liberatur vero procuratori solutis, nec liberato conditio datur. 12. re. 544. d.
- Debitorem pupilli tutor liberare potest, & quando. 2. re. 53. c. quod negot. gesto. nequit. ibid. b.
- qui Debitor principalis est & fideiussor pro seipso esse non potest. 27. qu. 692. d.
- Debitor. Vide Reus.
- quod Debitor per errorem soluit, an id condicere possit. 11. respons. 519. b.
- omnis Debitor iuris possessor est. 6. quæst. 125. a.
- si Debitor pignus surripuerit, & creditor cum eo egerit furti, vel conditione furtiua, an debito imputet, quod ea actione percepit. 9. q. 237. c.
- Debitor aliud pro alio non soluit inuito. 5. re. 221. b.
- Debitor principalis refundere debet, quod mandator aut fideiussor soluit. 3. quæst. 102. d. e.
- Debitor ob incendium ære alieno non liberatur. 3. resp. 129. b.
- Debitor inuito creditorem mutare non cogitur, si malit sibi superfluum solui à creditore. 3. ref. 108. a.
- Debitor creditori iure non legat, id quod debet. 19. q. 532. c.
- ex persona Debitoris an eadem exceptione fideiussore eius vri possit. 15. r. 587. a. b.
- Debitori an competat actio ex stipulatione de rato, vel conditio indebiti, quæ aduersus procuratorem interposita est. 12. ref. 544. d. e.
- Debitorem creditæ pecuniæ nullus casus liberat. 3. re. 129. b.
- Debitorem creditæ pecuniæ non liberat naufragium. ibid.
- qui Debitorem delegatum pecuniam dare intelligatur. ibidem.
- Debitore liberato deportatione, an etiam fideiussor eius liberetur, quem antequam deportaretur dederat. 9. q. 231. c. verum hoc non semper euenit & quare, ibidem.
- Hi qui fideiussorem dant vel accipiunt, quid respiciant, ibidem. Quibus remediis principalis debitor liberatur, an etiam iisdem fideiussor liberetur. ibidem.
- pro Debitore inuito, extraneus soluere potest creditori. 1. resp. 11. c. d. Sic quod
- que pro debitore soluet creditori inuito & quomodo. ibidem.
- Debitum naturale peti nequit. 18. q. 513. d.
- inter Debitum sub conditione & debitum sub die incerto differentia quæ. 8. quæst. 172. b.
- Debiti prioris omissa commemoratio an alicui nocere possit. 10. q. 596. d. e.
- Decepto minori tantum restitutio datur. 3. resp. 140. b.
- Decipere voluerunt, qui apertius loqui potuerunt nec loquuti sunt. 5. q. 107. d.
- Decretalis honorum possessio. Vide Bonorum possessio.
- Decretum D. Adriani & constitutiones feruunt, ut miles & filiusfam. pro patribusfam. haberentur in castrensi peculio. 11. q. 322. d.
- sine Decreto Prætoris minor prædia vendere non potest. 16. re. 602. d.
- sine Decreto Prætoris Tutor illicite vendit Prædium pupillare. 5. re. 213. d.
- Decreta principum ius non faciunt, nisi quæ inualuerunt. 29. q. 794. c.
- Decurio factus minor. 25. annis. Vide minor.
- Decurio & Aduocatus quis poterat esse. 1. qu. 25. c. 26. a.
- Decurio in crimen vocatus, Decurionatus honorem retinet, nec tormentis & plebeiorum poenis subiici potest. 1. r. 31. c.
- Decurio factus filius familias voluntate patris, an pater filio Reipublicæ obligetur ex nuda voluntate. 1. ref. 25. a. b.
- Decurio non semper infamia notatur ad tempus motus, & cur. 1. re. 20. d.
- Decurio relegatus vel ordine motus ad tempus ex crimine aliquo, an expleto tempore Decurionatum recipiat. 1. re. 19. c. d. e. ratio quæ. ibid. d.
- Decurio an suæ ciuitatis vestigialia exercere prohibeatur. 1. re. 34. c. d.
- à Decurionatu quænam ætas excuset. 1. re. 36. c.
- Decurionem creari, & Decurionem esse differunt. 1. resp. 20. c.
- Decuriones infames esse nequeunt, & cur. 1. r. 34. c. 35. a. secus in damnatis calumniæ. 34. c.
- Decuriones quæ priuilegia habent præ cæteris. 1. re. 208. c.
- Decurionibus sordida munera non tribuuntur. 1. re. 28. a.
- Decurionatus honos in quibus differt à cæteris honoribus. 1. re. 36. c.
- ad Decurionatum num impubes ex causa admittantur, ad alios vero honores non, & cur. 1. resp. 35. c.
- à Decurionatu suscepto ad alium honorem, an aliqua sit intercapedo. 1. re. 36. c.
- Deducere, reputare & compensare, in quo differunt hæc verba. 28. q. 757. b.
- Deductio in domum viri & consensus nuptias faciunt. 4. re. 162. a.
- Deductio æris alieni semper præcedit deductionem Falcidiæ. 19. q. 534. a. b.
- Deductio partis fit ex singulis corporibus, nisi aliud conuenit. 3. ref. 106. b.
- sola Deductio in domum mariti non facit nuptias, nec sola dotis promissio sponsalia. 10. q. 270. c.
- Defendere est pro herede litem subire. 18. q. 492. b.
- Defendere se, vitamque suam & salutem tueri prouocato permittitur. 1. ref. 7. c.
- Defensiones à iure naturali permittuntur. 1. resp. b.
- Defensor litis. Vide Procurator.
- Defensor nemo est idoneus alienæ litis sine satisfactione iudicati solui. 9. q. 209. c. d.
- Defensor nemo est idoneus sine satisfactione. 11. qu. 308. a.
- si Defensor ab ea sententia non appellauerit tanquam culpæ reus num teneatur absenti iudicio negotiorum gestorum. 2. respons.



# in Quæstion. & Respons. Papin.

2. resp. 48. c.  
 Defensor, qui non appellavit, non culpatur cum non posset appellare, & cur. ibidem. & 49. a. b. & seq.  
 Defensor ultro veniens post litem cum reo contestatam, an sit condemnandus. 2. re. 50. a.  
 Deferrri dicitur ea hereditas, quæ acquiri vel repudiari potest. 2. re. excipiuntur duo casus, & qui. ibid. b.  
 Definitio in iure periculosa, in princip. quæst.  
 Definitio eius quod interest, quæ est, 12. q. 341. c.  
 Definitionis Legis explicatio. 1. definit. 621. a. & seq.  
 Definitio futuri quæ. 29. quæst. 667. c.  
 Rerum mobilium furtum fit, immobilium non. 26. q. 669. c. Veteres volebant etiam rei immobilis furtum fieri, quæ sententia hodie est abolita. ibid. Possessionem rei mobilis etiam ignorans amittit. ibid. furtum etiam fit ignorant. ibidem. Inficiatio depositi, abiuratio depositi non est furtum, sed contractatio. ibidem.  
 Definitio meri imperii quæ. 1. q. 12. e.  
 Definitio in iure periculosa est. 1. definit. 619. c.  
 Definitio iuris civilis est à partium enumeratione. 2. def. 649. c.  
 Definitio iuris prætorij est ab effectuum enumeratione. ibidem.  
 omnis Definitio est periculosa, in princip. quæst.  
 Definitio in iure periculosa est. in princip. q.  
 Definitiones seu regulæ veterum prudentum hisce libris definitionum proponuntur. 1. def. 619. c.  
 Definitiones non solent præcedere responsa Papiniani, sed subsequi. 15. resp. 585. c.  
 Possessionis varietas ac ratio iuris quando divisionem voluntatis inducit, & quando non. ibid.  
 Definitiones Papin. post quæstiones & responsa sunt ultimo loco. 1. def. 620. b.  
 Definitiones regulæ appellantur. in princip. quæst.  
 in Definitionum libris Papinianus accurate interpretatus est varias regulas iuris antiqui. 1. definit. 619. b.  
 Defunctus ubi contraxit, ibi heres eius, aut nomine ipsius Tutores conveniri possunt. 3. resp. 100. c. d.  
 Defuncti vitia non excludit heres ignoracione sua. 2. defin. 659. b. c.  
 Defuncti omnis voluntas rata constituitur cum semel adita est hereditas. 20. quæst. 621. b.  
 Defuncti voluntas in conditionibus scripto potior est. 8. resp. 377. b. c.  
 qui contra Defuncti iudicium agit in iure semper repellitur exceptione doli mali. 17. quæst. 478. c.  
 Defuncto infamiam olim irrogabat venditio bonorum. 2. resp. 901. b.  
 Defuncto quod prorogatum est, an heredes eius restituere cogantur. 4. re. 151. b.  
 differentia quæ. ibidem. Accursus hic. ibidem.  
 Deglubere, discingere, est cingere. 5. quæst. 110. c.  
 Delata repudiantur non adquisita. 10. ref. 459. c.  
 Delator quis est. 13. re. 571. b.  
 inter Delegare emptorem & Delegare siue mandare actionem in emptorem, differentia quæ est. 3. r. 108. d. e.  
 Delegare verbum à Græcis quomodo accipitur. 3. ref. 108. a.  
 Delegare est iure debitorem nostrum, quod nobis debet, expromittere. 3. respons. 113. a.  
 Delegare est vice sua alium reum, alium debitorum creditori dare, qui expromissor siue intercessor novandi causa dicitur. 3. resp. 107. c. 108. a.  
 id proprie Delegari dicitur, quod iure proprio alicui non competit. 1. q. 11. c.  
 Delegatio peragitur per stipulationem. 3. ref. 113. a.  
 Delegatio est abolitio & finis causæ furtivæ. 10. q. 247. c.  
 Delegatio est mandatum, quo debitor iubetur id, quod debet alij, promittere. ibidem. d.  
 Delegationem sequitur novatio. 10. quæstion. 247. c.  
 per Delegationem quomodo fit expromissio. 1. ref. 10. c. d. e.  
 Delegationibus interpositis quomodo fit divisio. 1. resp. 10. c. d. e. & quomodo non interpositis Delegationibus. ibidem.  
 Delegatus iudex executionem suæ sententiæ non habet, sed tantum cognitionem & audientiam. 15. q. b. c.  
 Delegatus iudex delegare non potest. 1. q. 6. d. e.  
 Delictum est nomen ambiguum quia & maleficium & culpam, stultitiam, negligentiam, & c. significat. 10. qu. 246. d.  
 Delictum commune, est veluti adulterium stuprum, furtum, plagium. 16. re. 597. b.  
 Delictum militare est armorum ab alienatio, vel turpis seditio, contemptio disciplinae militaris, evasio & his similia. ibidem.  
 Delicta paria mutua compensatione tolluntur. 11. q. 288. c.  
 Delictorum coercitio lex est. 10. quæst. 247. a.  
 in Delictis atrocioribus quilibet habetur pro libero, nec parere cogitur, si compellatur ad facinus. 37. q. 851. b.  
 Dementia est officiorum & affectuum obliuisci. 14. q. 372. e.  
 Deminuere est veluti rem hereditariam pigiori obligare vel prædio hereditario servitutem imponere. 19. qu. 571. b.  
 Deminuere hereditatem cui non licet, licet retinere fructus superfluos, quos ipse percepit. 9. ref. 431. c.  
 cui Deminuere licet hereditatem fructus superfluos retinere non licet. ibidem.  
 Deminutio cui permittitur, & cui non. ibidem.  
 Demonstratio falsa non extinguit legatum nec facit. 18. qu. 508. d.  
 Denuntiatio & prohibitio in quo differunt. 6. q. 138. b.  
 Denuntiatio fit ante traditionem, prohibitio vero initio traditionis. ibidem.  
 Denuntiatio novi operis in personam quæ fit ad domum. 3. q. 97. e.  
 Deportatio est liberatio quæ per sonam soluit non rem. 9. q. 233. a.  
 Deportatio est media capitis diminutio. 9. q. 230. d. e. relegatio vero non est capitis diminutio. ibidem. Fiscus est veluti successor. ibid.  
 Deperditum est, idem denotat, quod in rerum natura esse desit, deminutum vero, quod vscupatum est. 9. re. 429. c.  
 Deponere est corpus mortui terre commendare. 9. q. 217. b.  
 Deportatio in insulam est civitatis & bonorum amissio, & mors civilis. 4. resp. 177. c.  
 Deportatio in insulam cadit in ciues Romanos, relegatio in servum. 1. de adult. 682. b.  
 Deportatio est perpetua, nulla temporaria. 16. resp. 606. b.  
 Deportatio liberat ab omni obligatione. 9. quæst. 231. a.  
 Deportationis propria quæ. 9. quæst. 230. d. e. & seq.
- Deportationis verbo publicatio omnium bonorum semper continetur. 13. quæst. 362. a.  
 Deportationis verbum multa secum trahit. 9. qu. 230. d. e. & seq.  
 Deportatus ius eligendi habet. 8. respons. 333. c. d.  
 Deportatus amittit saltem ea, quæ sunt iuris, non ea, quæ facti. ibid.  
 Deportatus ius eligendi non amittit. ibidem.  
 Deportatus & relegatus in quo differunt. 9. quæst. 230. c. d.  
 Deportati cum oneribus. 9. quæst. 231. a.  
 Deportatio est quasi mors. ibidem.  
 Deportato reo principali an liberetur fideiussor, pignus, correus, 9. quæst. 233. a.  
 in Deposita pecunia apud Argentarios quæ ratio habetur eorum post privilegia, & quæ ante privilegia. 9. q. 214. c. d.  
 Depositæ pecuniæ non debentur vsuræ ex nudo pacto. 3. re. 143. c.  
 Depositæ pecuniæ vsuræ etiam ex pacto nudo debentur. ibidem.  
 Depositæ pecuniæ vsus non est sed custodia tantum. 9. q. 215. c.  
 Depositæ pecuniæ non debentur vsuræ, non depositæ debentur. 2. ref. 174. b.  
 Depositarii quando habent privilegium exactionis, & quando non. 9. q. 215. c.  
 Depositarii, qui vsuras accipiunt, quid differunt ab his, qui non accipiunt. 9. qu. 216. e. & seq.  
 Depositarii sunt, qui pecuniam depositam accipiunt, Depositores vero, qui dedunt. 9. quæst. 215. b. c. Vlpianus interpretatus est Depositarios esse Depositores. ibidem.  
 Depositio pecuniæ significat sistere vsuram. 2. resp. 76. c. d.  
 Depositio pro solutione est. ibidem.  
 Depositum quid est. 9. q. 218. a.  
 Depositum est gratuitum, & deponere pecuniam sub vsuris est credere & non deponere. 9. q. 214. b.  
 Depositum sacrum appellatur à Iuvenale Poëta. 9. q. 217. e. & seq.  
 Depositum consistit ex custodia, non ex vsu. 9. q. 219. e. & seq.  
 Depositum custodiæ causa contrahitur. ibid. 220. d.  
 si Depositum privilegium cessat, an cessat etiam actio depositi. 9. q. 216. b.  
 Depositum inficiator proximus est furi. 11. q. 301. c.  
 Depositum damnatus non repellitur à testimonio. 1. resp. 201. c.  
 Depositum substantia sine estimatione consistit. 10. q. 272. c.  
 Depositum contractus est sacer contractus. 9. q. 217. d.  
 qui Depositum fidem fallit, fit infamis, secus commodati, illa est privilegiaria, hæc non. ibidem.  
 Depositum inficiatio, abiuratio depositi, non est furtum sed contractatio. 26. quæst. 669. c. & seq.  
 Depositum actio compensationem non admittit. 9. qu. 217. d. omnes aliæ actiones eam patiuntur hodie ipso iure. 9. qu. 217. d.  
 Depositum contractus vocatur sacer contractus. ibid.  
 in Donatione vsuræ debetur ex mora. 3. re. 115. d.  
 Deprecor est fideicommissi verbum. 19. q. 551. a.  
 Desertio litis. 2. resp. 491. b.  
 Desidero est fideicommissi verbum. 19. qu. 551. a.  
 Desinit deberi, quod ex stipulatione debetur. 8. resp. 325. b.  
 Destinatio animi matrimonium facit, siue consensus nudus. 12. ref. 531. b.  
 Desperari hominis salutem expedire hoc.



# Index rerum ac verborum.

- nestum est. 15. resp. 588. e.  
 Destitutum testamentum pro non facto  
 habetur, & destituitur, si heres non adeat.  
 11. qu. 315. e.  
 Deterior est, conditio foeminarum, quam  
 masculorum. 31. qu. 815.  
 Detrahare emptioni est ab ea recedere, ad-  
 iicere contractui emptionis est intacta  
 substantia emptionis aliquid de accessio-  
 nibus, de pedissequis emptionis pacisci.  
 10. qu. 255. b. c.  
 in Detrimentum alterius nemo potest mu-  
 tare sententiam. 3. quaest. 94. b.  
 cum Detrimento alieno nemo debet suas  
 commoditates augere. 28. qu. 744. b.  
 Detrimenda fatalia minuere quid sit. 8. re.  
 369. a.  
 Dialecticorum axioma est, id quod dicitur  
 aut est verum aut falsum. 2. qu. 64. b.  
 Dictio vtrumque quomodo intelligenda,  
 eiusque explicatio. 8. qu. 511. b.  
 minus dictum plus actum intelligitur. 4. r.  
 170. c.  
 Dies compromissi proferri potest ex con-  
 uentione. 3. qu. 101. b. c.  
 Dies incerta est conditio aut conditionis  
 instat. 28. qu. 730. d.  
 Dies libertatis cedit ab adita hereditate.  
 11. qu. 397. c.  
 Dies legatorum quando cedit. 1. definit.  
 624. c.  
 Dies cedere quid est. 15. qu. 407. c. 408. a.  
 Dies incertus est conditio. 27. qu. 691. b.  
 Diem proprium non habet legatum purum,  
 & non continetur vulgari clausula.  
 ibidem.  
 si Dies expressus non est, omissus intelli-  
 gitur. 2. qu. 57. d.  
 Dies nonus in funere sollemnis est. 1. quaest.  
 30. b.  
 Dies actionis & dies petitionis hereditatis,  
 idem est quoad initium, non quoad fi-  
 nem attingit. 5. qu. 115. b. Dies aditionis fini-  
 tur. 100. diebus, petitionis Dies est per-  
 petuus hoc est, finitur. 30. annis. ibi-  
 dem. c.  
 Dies incertus conditionem in testamento  
 facit. 34. qu. 828. b.  
 Dies incertus dicitur conditio. ibi-  
 dem.  
 Dies legati cedit à morte testatoris, vfu-  
 fructus vero ab aditione hereditatis. 18.  
 qu. 510. c. d.  
 Dies incertus est conditio. 34. qu. 828. d.  
 Dies incertus quando faciat conditionem  
 vel non. 34. qu. 829. a.  
 Dies libertatum testamento relictarum,  
 quando cedit. 7. resp. 189. a. b.  
 Dies viles & continui, quando cedunt, &  
 quando non. 6. resp. 223. e.  
 Diem referre est anteferre, antequere  
 diem iubendo, ut partes in illum diem ad-  
 sint. 1. qu. 18. b.  
 in Diem certum ubi quis stipulatus est sta-  
 tim Dies sedit, sed nondum venit. 2. de-  
 fin. 660. e.  
 Diem cedere quid est. 15. qu. 395. d.  
 ex Die quidquid sit, sit & in diem. 7. qu.  
 144. b.  
 nouem dierum spatio luctus celebratur. 2.  
 qu. 30. b.  
 Differentia quæ est inter eum, qui quasi cu-  
 rator ex necessitate officii ad aliena ne-  
 goria accedit, & amicum voluntarium.  
 qui vltro suscepit aliena negotia geren-  
 da. 5. r. 190. b.  
 Differentia inter expromissionem quæ  
 fit nouandi animo, vel per interces-  
 sionem, & inter eam, quæ per dele-  
 gationem. 3. resp. 108. d.  
 Differentia opinionum Pegaff & Sabini,  
 magna est, à Papiniano composita, 2. qu.  
 62. c.  
 Digestorum iure quadam permittuntur  
 quæ Constitutionibus nouissimis prohi-  
 beat. 36. qu. 838. a.  
 Dignitas non potest emi. 13. qu. 371. b.  
 Dignitas alia est ordinaria, alia honoraria.  
 4. ref. 181. d.  
 Dignitas legitima ea est quæ in actione  
 consistit, honoraria quæ nihil agit. ibi-  
 dem.  
 Dignitas eius qui nihil admisit, qui in-  
 nocens est, qui patris, non suo vitio  
 laborat, impedienda non est. 1. resp.  
 32. c.  
 Dignitas & reuerentia oris, vultus, indolis,  
 aliquem interdum promouent ad hono-  
 res. 2. resp. 33. d.  
 Dignitas in adolescente interdum facit,  
 ut magistratus ei honorem officii in-  
 dulgeat, & cur. 1. ref. 34. b.  
 Dignitas natalium semel libris quæ sita, eis  
 non aufertur ob patris causam. 4. resp.  
 149. a. b.  
 Dignitas post dationem tutoris neminem  
 excusat. 5. resp. 210. c. Quinam hic  
 excipiuntur, ibidem. e.  
 Dignitas oris. 1. resp. 33. d.  
 Dignitas non emitur, ut militia, cum hæc  
 non est armata, sed ciuilis, adiutorium,  
 Quæstoris. 13. qu. 371. b.  
 Dignitas nulla est, cui onus non cohæreat,  
 ibidem.  
 Dignitas separanda est à conditione perso-  
 nae. 36. quaest. 835. a.  
 Dignitatis seu reuerentia oris definitio  
 quæ. 1. resp. 33. d.  
 Dignitatis status. Vide Status.  
 quibus Dignitatibus quis sit sui iuris sine  
 capitis diminutione. 17. qu. 444. d.  
 Dilatio datur causa cognita pro tribunali,  
 quod est legitimum sedile iudicis. 3. ref.  
 100. a.  
 Dilatoria actio opponi debet ante litem  
 contestatam. 2. resp. 79. c.  
 Diligentiam & custodiam qui quem dicit  
 præstare omnem culpam. 18. quaestio.  
 301. c.  
 Dimidium quod superat, pars esse negatur.  
 6. ref. 234. d.  
 Directa conditio cui datur. 28. qu. 719. a. b.  
 Directa libertas, quando dari videtur. 9.  
 ref. 387. d.  
 Directa & imperatiua verba quæ sunt. 19.  
 qu. 528. c. & 529. a.  
 Directæ hereditates cedunt à morte testa-  
 toris, cur non etiam fideicommissaria &  
 precaria. 15. qu. 398. b.  
 Disce cautius negotiari, ait Tyberius. 14.  
 qu. 390. c.  
 Discrepare est commune verbum reorum  
 & iudicum. 28. qu. 765. a.  
 Discingere est cingere. 5. qu. 110. c.  
 Disiuncta aliquando pro coniunctis acci-  
 piuntur. 27. qu. 701. a.  
 Disiunctio facit nos dispares, coniunctio  
 facit nos pares. 8. qu. 699. c.  
 Disiunctio interdum pro coniunctione ac-  
 cipitur. 9. resp. 402. b. c.  
 Dispensator. Vide Seruus dispensator.  
 Dispensatoris officium finitur morte do-  
 mini, non morte domini officium insti-  
 toris mercaturam facientis, aut mensæ  
 officium exercentis. 3. resp. 110. b.  
 Dispensatores testamentorum esse possunt  
 Clerici. 7. resp. 310. b. c.  
 pro Disputare accipitur in iure verbum,  
 Tractare. 1. resp. 1. a. b.  
 Disquisitio, definitio & probatio culpæ est  
 difficilis. 5. resp. 200. c.  
 Dissensus, Vide consensus.  
 inter Dissensum & consensum taciturnitas  
 medium est. 4. quaestio. 157.  
 d. e.  
 Distinctio dominiorum sedat controuer-  
 sias, communio vero excitat immensas.  
 8. re. 350. d.  
 Distinctio Ioannis gl. in crimine stellio-  
 natus verissima quæ. 1. resp. 17. b.



# in Quæstion. & Respons. Papin.

- Diuus Adrianus vetuit intravrbes mortuos sepeliri.** 9. resp. 423. c.
- Diuus Hieronymus Papinianum cum Diuo Paulo comparat, dum diuinum ius cum humano confert. In proœmi. qu. 3. c. d.**
- Doctores disputationes instituentes, Tractatores vocantur** 1. resp. a. b.
- Dodrans fideicommissario seruator, nec fisco cedit.** 2. resp. 91. d.
- Dolor est luctus vel amissa vxoris vel amissi viui** 14. qu. 383. c.
- Dolor corporis quis.** 14. qu. ibidem.
- Dolus tutoris pupillo neque nocet, neque prodest** 30. quæst. 597. c. 598. a. Quando locus sit huic regula, & quando non. ibidem.
- Dolus vindicatur actionibus bonæ fidei.** 11. quæstio 280. d. Actio bonæ fidei quid est. 11. qu. 279. d.
- Dolus creditori imputatur.** 11. re. 510. b. c.
- Dolus Tutoris pupillo nocet.** 15. quæst. 408. d.
- Dolus & culpa in quo differunt.** 12. quæst. 329. b.
- Dolus est in eo, qui obscure loquitur, ut in eo, qui ambigue.** 5. quæst. 103. d. c.
- Dolus pro possessione est.** 2. resp. 64. a.
- Doli exceptio iudicium strictum facit bonæ fidei.** 11. quæst. 278. c. 279. a.
- Doli actio. Vide, actio.**
- Doli exceptio. Vide, exceptio.**
- cuius Dolo quis rapuit, alter tenetur vi bonorum raptorum, non furti.** 12. q. 345. b.
- ex Dolo communi si quid perierit. Vide Perire.**
- Dolo malo qui possidere desit, is aliquid possidere intelligitur.** 2. ref. 63. c. 64. a.
- Domicilium num faciat sola domus possessio, in aliena ciuitate comparata.** 1. resp. 31. c.
- Domicilium non facit, possessio domus, quæ in aliena ciuitate comparatur.** 1. re. 27. a.
- Domicilii & cæli cuique libera est electio.** 1. resp. 30. a.
- Domicilii patria in iure magis spectatur quam originis.** 24. qu. 662. d.
- Dominium rei vsucapione mutatur, pignus vel vusfructus non mutatur nec perimitur.** 23. qu. 656. d. c.
- Dominium plenum bonæ fidei possessori tribuit consumptio.** 11. re. 480. a.
- Dominium mutare non solet locatio.** 19. quæst. 523. d.
- Dominium non amittitur nuda voluntate.** 9. qu. 209. b.
- Dominium rei mutat vsucapio.** 23. quæst. 656. d. c. Pignus vel vusfructus non mutat rei Dominium. ibid.
- Dominium rerum æstimatarum in dotem datarum, etiam si vxor eas in vsu habeat, marito perfecte acquiritur.** 4. respons. 176. c.
- Dominium & possessio non differunt.** 7. quæst. 147. c.
- Dominium non mutat pignoris causa.** 11. resp. 510. a.
- inter Dominium & possessionem differentia quæ est.** 23. qu. 745. c.
- Dominium tribuit possessio bonorum.** 3. resp. 106. b.
- an Dominium traditione transferatur pro induiso.** 7. qu. 163. d.
- rei Dominium non mutatur vsucapione.** 23. qu. 656. d. c.
- Dominium contributionem non impedit.** 27. qu. 711. d.
- ad Dominium non transit stipulatio semel acquisita fructuario.** ibid.
- Dominium ignorantis domino acquiritur per seruum, possessio scienti & volenti acquiritur.** 23. quæst. 642. d.
- Dominium non amittitur solo animo.** 23. qu. 645. c.
- Dominium proprietatis quid.** 8. quæst.
168. b. c.
- Dominium vusfructus.** ibidem.
- Dominium possessionis.** ibidem.
- Dominium plenum seu plenissimumque.** ibidem.
- Dominii quatuor sunt genera.** 8. quæstio. ibidem.
- Dominii in iure nostro sunt quatuor genera.** ibid.
- Dominii quatuor sunt genera in iure, Dominium proprietatis, vusfructus, possessionis & Dominium plenum seu plenissimum.** ibid.
- Dominii acquisitio vusfructum perimit.** 7. resp. 289. d.
- Dominii acquirendi, alia est ratio, alia est possessionis, & alia ratio amittendi Dominii, alia possessionis.** 9. q. 209. b.
- Dominii exceptio obstat actioni Publiciana.** 6. q. 137. c. 138. a.
- in Dominio debitoris semper manet pignus.** 3. resp. 106. b. c.
- à Dominio quid distat possessio.** 2. defin. 657. b.
- Dominia rerum transferuntur traditionibus, non nudis pactis.** 10. resp. 465. b.
- Dominia rerum adquiruntur traditione & vsucapione, & quomodo.** 1. defin. 626. b.
- Dominiorum distinctio sedat controuersias, communio vero excitat immensas.** 8. resp. 350. d.
- Dominus liberi hominis nullus fit nuda conuentione, sicut nec cuiuslibet rei.** 3. qu. 66. c.
- Dominus est qui non est possessor, & qui est possessor non Dominus est.** 29. qu. 674. c. 675. a.
- solus Dominus litis procuratorem ad litem facere potest.** 1. q. 5. c.
- semper Dominus in iudicio possessorie non potior habetur.** 3. resp. 105. a.
- Dominii conditio per seruum deterior fieri non debet.** 3. resp. 113. a.
- Dominii solius est pignori obligare, vendere non solius Dominii est, sed etiam possessoris.** 11. resp. 476. b.
- Domino quando competit actio furti iure domini.** 12. q. 341. a.
- Domino vel patri heredis institui aut legatarii fideicommissi potest.** 9. q. 224. d.
- Legari vero non.** ibidem.
- à non Domino inutiliter resectio postulat.** 3. qu. 102. a.
- inter Dominum & vassallum quomodo diuidendi sunt fructus, feudo commisso & aperto.** 11. qu. 301. b.
- Dominum offendisse quando quis dicitur.** 14. respons. 576. c.
- inter Dominum & non Dominum differentia quæ.** 12. qu. 341. a.
- Dominum esse plus est quam patrem.** 15. qu. 391. d.
- Domus meritoria, sunt loca domus quæ particulatim locari solent.** 7. respons. 299. d. c.
- Domus prothyrum, si velamen sit, an contineatur instrumento domus.** 7. respons. 320. c.
- Domus accipitur pro qualibet habitatione.** 2. de adult. 689. c.
- Domus, sola possessio, in aliena ciuitate comparata, num domicilium faciat.** 1. resp. 31. c.
- Domus partes sunt solum & superficies.** 23. qu. 637. c.
- Domus instructa legato, an contineantur mensæ eboreæ, item libri quos ibi habuit testator studiorum suorum causa.** 7. resp. 322. c.
- qui Domum suam ut in ea stuprum fieret, præbuerit, ut conficiat criminis punitur.** 1. de adult. 689. c.
- Domus pars an sint statuarum affixæ.** 7. r. 319. d.
- Domus appellatione an insula quoque Domui iuncta debeat.** 9. re. 300. c.
- Domus appellatio significat familiam & posteritatem, quæ ei succedet.** 9. respons. 397. b.
- Domus instrumento an statuarum domui affixæ contineantur.** 7. resp. 319. b.
- an Domui adfixum sit horologium, & an sit prout eiusdem.** 7. re. 320. b.
- Domum restituere & reficere in quo differunt.** 10. resp. 455. a.
- Domo instructa alicui legata, excipiuntur tantum tabulæ rationum & argentum.** 4. resp. 171. b.
- Domo instructa legata, an veniat etiam bibliotheca, & an contineatur apotheca librorum, quos ibi posuit testator.** 7. resp. 322. c. 323. a.
- Domo legata an hortus vicinus debeat.** 9. resp. 300. b.
- Domo legato an etiam vicina insula legata videatur.** ibidem.
- Domo legata an balnea quæ sunt in ea domo quoque debeantur.** 7. resp. 299. c.
- Domo legata cum suppellectile, an etiam ea suppellex debeat, quæ domo translata est in hortos ad tempus.** 7. resp. 322. c. 323. a.
- apud Donatarios, non apud heredes possessio rerum donatarum, iure constituta est.** 8. resp. 332.
- Donare de alieno aut vouere, licet voluntate domini, testamentum facere de bonis alienis non licet.** 14. qu. 381. a.
- Donare est omne ius à se alienare.** 18. qu. 515. b. c.
- Donare plus est quam locare.** ibidem.
- Donari videtur, quod nullo iure cogente conceditur.** 9. re. 448. c.
- Donat nemo propter necessitatem rei familiaris, ut ea se absoluat, dum premitur.** 19. qu. 534. c. d.
- Donatio inter virum & vxorem constante matrimonio non valet.** 3. resp. 132. c. perficitur re id est traditione & consensu. ibidem.
- Donatio inter viuos quid distat à Donatione mortis causa.** 12. resp. 535. b.
- Donatio mortis causa non perficitur, nisi mors donatoris insecuta fuerit.** 4. r. 175. b.
- Donatio, quam orbus in extraneum contulit, num postea reuocari possit liberis adnascantibus.** 1. resp. 12. c.
- Donatio in quo differat à precario.** 7. qu. 151. c. 152. a.
- Donatio non potest reuocari.** ibid.
- Donatio nulla est inter virum & vxorem, nec proprietatis nec possessionis, quibusdam causis exceptis.** 10. q. 271. b.
- Donatio inter amicos permittitur.** ibidem.
- Donatio collata in concubinam, an postea fiat irreta, si concubina vxor ducatur.** 12. resp. 529. c. 530. a.
- Donatio diuorui causa facta num valeat.** 4. resp. 176. a. b.
- Donatio & precarium in quo differunt.** 7. q. 151. c. 152. a.
- Donatio simplex collata in filiumfam. & Donatio perfecta diuisionis causa facta, in quo differant.** 2. resp. 75. c.
- Donatio causa mortis sit tribus modis, & quomodo.** 15. quæ 392. c. Hac penitentia reuocari potest. ibidem.
- Donatio est contractus, qui pacto perficitur.** 10. qu. 260. b.
- Donatio hodie quidem perficitur nudo consensu.** 29. qu. 809. d.
- Donatio mortuo donatore, quando retrahatur, & quando non.** 29. quæst. 811. c.
- Donatio prædiorum pro fideicommissio habetur.** 29. qu. 553. c.
- Donatio, quam viua filia fecit, & contulit in vnum ex filiis pro electione, an sit firmum.**



# Index rerum ac verborum

- ma & certa, quæ nec renouari possit. 8. 1.341. a. b.
- Donatio causa mortis, quæ est. 13. respon. 547. c.
- Donatio an valeat, si focer mortis suæ causa genero donauerit. 4. resp. 175. b.
- Donatio & precarium in quo differunt. 7. q. 151. c. 152. a.
- Donatio perficitur nudo consensu 29. qu. 809. d.
- Donationis improbandæ causæ quæ sunt. 4. resp. 175. d.
- Donationis improbandæ causam ius potestatis præstat. ibidem. c.
- Donationis inhibendæ causam ius præstat. 4. ref. 174. e. & 175. d.
- Donationis viciū non corrigit emancipatio. 4. resp. 176. a.
- inter Donationem mortis causam, & inter viuos Donationem differentia quæ 4. re. 174. e. 175. a.
- Donationem licitam an habeant fructus & vsuræ. 8. ref. 326. a.
- Donationem non facit nuda ratio. 29. q. 809. d.
- ad Donationes meras tantum lex Cincia pertinet, non ad remunerationes inestimabiles beneficij. 29. qu. 811. c.
- Donationes causa mortis & legata in quo differant. 8. d. e. 331. d. e.
- Donationes causa mortis legatis comparantur. 8. ref. 330. a.
- Donationes factæ ante contractum crimen perduellionis. 12. ref. 535. b. c.
- Donationes si factæ sint ante contractum capitale crimen, quid iuris. 12. resp. 534. 535. 536.
- in Donationibus propter nuptias idem modus obseruatur ac in dotibus. 11. quæstion. 290. a.
- in Donationibus retentio vsusfructus habetur pro traditione. 9. qu. 809. d.
- in Donationibus mortis causa legi Falcidia locus est, exemplo legatorum. 8. re. 330. c.
- in Donationibus an eadem ratio contrarium efficiat. 4. resp. 176. b.
- Donator non tenetur in id, quod interest, de euictione, venditor vero tenetur in omne id, &c. 2. resp. 64. d. e.
- Dono est verbum directum, aliquando pro precario accipitur. 6. ref. 267. d.
- Dormitor dicitur fur nocturnus. 12. qu. 344. b.
- Dos fratribus confertur & communicatur ab intestato, non ex testamento. 12. resp. 527. c.
- Trupe olim æstimabatur nubere sine Dote. 11. qu. 289. e.
- Dos profectitia quæ est. 8. qu. 107. d.
- Dos semper in iure constituitur traditione rei, non verbis. 11. qu. 292. d. Annus dotalis, quando incipit ex die traditionis & quando ex die nuptiarum. ibidem.
- Dos quid est. 11. qu. 385. c.
- Dos dicitur versura in Gallia prouincia Delphinatus. 11. q. 385. c. & 394. b.
- Dos quomodo constituitur. 9. quæst. 223. d.
- Dos profectitia quid est. 10. qu. 277. e.
- Dos an etiam contineatur fideicommissio, quam testator vxori prælegauit. 8. resp. 343. b.
- Dos tacita non renouatur, renouato matrimonio. 4. resp. 159. b. & seq.
- si Dos mulieri restitui debet, quando diuortium factum videtur culpa mariti. ibidem.
- eum & Dos sequi debet, quem onus matrimonij sequitur. 18. qu. 488. b.
- Dos quæ pondere, numero, mensura continetur, non est statim reddenda. 11. qu. 283. c.
- Dos ibi non est, vbi non sunt nuptiæ. 10. q. 268. c.
- tota Dos verum ad virum pertineat quasi præmortuo filio, an pars dimidia saltem, quasi præmortua vxore. 4. resp. 167. c.
- Dos caduca fit ex quinque legib. tantum publicorum iudiciorum. 2. de adult. 694. b. c. Omne crimen plerumque exasperatur in militem. ibid.
- Dos aduentitia ipso iure apud maritum remanet. 3. respon. 132. d. e. hoc multæ leges probant. ibidem.
- Dos aut antecedit, aut sequitur nuptias. 4. resp. 164. c. d.
- Dos constante matrimonio minui vel tolli non potest, exceptis certis causis, quæ in l. 73. §. 1. de iure dot. enumerantur. 1. definit. 635. c. d.
- Dos data propter illicitum matrimonium caduca fit. 1. defin. 634. b. c.
- Dos est proprium filiarum patrimonium. 4. resp. 177. d.
- Dos est repensatio siue pretium onerum matrimonij. 4. respon. 160. d. hæc à Martiano Capella dicitur repensatrix. ibidem. 160. d. & seq.
- Dos fratribus confertur & communicatur ab intestato, non ex testamento. 12. resp. 527. d.
- Dos quæ semel functa est, amplius fungi non potest. 4. ref. 159. c.
- Dos semper debet esse certa. 4. respon. 163. c.
- Dotis actio recuperandæ dotis quando mulieri nascitur & quando non. 18. qu. 489. d. e. & seq.
- Dotis portio esse dicuntur partus ancillarum dotium. 8. resp. 346. e. 347. a.
- Dotis causa in bonis mariti sunt ancillæ. 8. ref. 348. a. b.
- Dotis actio hodie quando nascitur. 18. qu. 348. b. c.
- Dotis legatum Falcidia non minuitur. 13. qu. 358. a.
- Dotis & vsurarum stipulatio extinguatur post renouatum matrimonium. 4. resp. 161. c.
- Dotis retentionem si leno non habet potestne agere de moribus. 11. q. 288. d.
- Dotis partem dimidiam an retinere possint liberi heredes scripti. 1. resp. 1. e.
- Dotis sola promissio non facit sponsalia. 10. qu. 270. e.
- Dotis functio non potest mutari. 2. qu. 216.
- in Dote data sylua. Vide Sylua.
- Dotem si mulier intercedendi animo pro alia muliere promiserit, & forte etiam suas viro eo nomine obligauerit, ex hac causa non adiunatur Senatuscons. Velleiano. 4. resp. 165. b.
- an Dote reddere filio actione ex stipulatu maritus cogatur, si diuortio soluitur matrimonium. 8. ref. 339. e. & seq.
- Dotem filiarum debet pater tanquam alienum. 4. resp. 163. b.
- in Dote quod filiarum datur, statim fit proprium eius patrimonium. 2. respon. 67. b.
- Nullæ olim erant nuptiæ sine dote. 11. qu. quæst. 289. c.
- in Dote Athenagoras dicitur dedisse centena millia sestertium. 11. quæst. 290. a. b. Senatus in gratiam Scipionis quadraginta millia constituit, in dote. ib.
- Dotem quam pater semel filiarum famil. constituit ei auferre vel minuere non potest, nisi vno casu. 14. qu. 388. e.
- in Dote res mobilis data alienari potest. 13. resp. 567. e.
- in Dote vel peculium si quid filiarum famil. detur, quid interest. 2. resp. 67. b.
- verum Dote mulier dederit, an extraneus pro muliere interest. 4. ref. 179. e.
- inter Dote à muliere datam, & Dote ab extraneo datam differentia quæ. 4. ref. 180. a.
- Quantum deferretur lucris marito ex pacto Dotis, tantum deferretur mulieri ex donatione propter nuptias. 11. q. 289. d.
- Dotem qui viro promisit pro milite, non promiserit quoque vsuras, an vsuræ dotis viro debeantur. 4. ref. 162. b.
- inter Dote æstimatam & Dote inæstimatam differentia quæ. 4. resp. 165. c. d. & seq.
- Dotem filiarum constitui pietas paterni nominis exigit. 37. q. 850. d.
- Dotem à nuru acceptam pater, an filio exheredato recte legat. 18. quæst. 487. c.
- in Dote petenda nihil obest mulieri ignorantia iuris. 19. q. 518. e. & seq.
- de Dote iudicium bonæ fidei est. 13. resp. 567. d. e.
- erga Dotes mulieris, fauores & studia auctorum iuris sunt propensa. 4. resp. 165. c.
- Dotes prædiorum legato continentur, instructis prædiis legatis. 7. resp. 305. c.
- in Dotibus modus qui obseruatur, idem est in donationibus propter nuptias. 11. qu. 290. a.
- in Dotibus consistebat olim omne patrimonium mulierum. 3. resp. 101. d.
- Dotale prædium ne maritus inuita vxore alienet, lege Iulia de adulter. cauetur. 1. de adult. 671. c.
- Dotale prædium est, cuius dominium marito per traditionem est adquisitum. 3. resp. 132. a. b.
- Dotalis annus quando incipit. Vide Annus dotalis.
- Dotalis fundus. Vide Fundus dotalis.
- Dotalis res. Vide Res dotalis.
- Dotalium rerum vxor naturaliter dominata est, maritus ciuilit. 12. resp. 527. d.
- Duabus iniuriis propositis minor optanda est. 12. qu. 336. d.
- in Dubio melius est credere contra fiscum. 15. q. 501. c.
- in Dubis rebus benignior interpretatio est sequenda. 4. ref. 167. e.
- Dubitatio ignorantiam imitatur. 2. qu. 43. c.
- Duæ causæ lucrativæ in eandem rem & personam eandem concurrere non possunt. 17. qu. 453. d. quid si duorum testamentis eadem res mihi legetur. 17. quæst. ibidem. d.
- Duæ negationes in hisce libris frequenter ponuntur pro vna negatione. 28. quæst. 732. c.
- Duæ res lucrativæ in eandem personam & in eandem rem concurrere nequeunt. 23. qu. 636. a.
- Duæ res sibi inuicem causæ esse nequeunt eodem modo. 19. qu. 391. e.
- Duntaxat particula denotat exclusionem. 2. resp. 66. d.
- Duplex beneficium accipit is qui beneficium accipere cogitur.
- Duplum quid sit. 12. quæstion. 341. c. & seq.
- Duo fideiussores sunt duo rei debendi. 2. q. 40. b.
- Duo rei debendi sunt, qui parem obligationem in solidum susceperunt singuli. 27. qu. 700. b. Et quorum vno electo alter liberatur. ibidem.
- Duumiri qui sunt & vnde. 9. quæ 240. e. 241. a. Hi habent ius dandi tutores. ibid.
- Qua actione tenentur Duumiri. ibidem.
- Duumiri & magistratus municipales idem est, hi magistratus sunt annui. 1. re. 17. d. pro Duumiro quis obligetur. ibidem. e. vtriusque officium est indiuiduum & commune. 1. resp. 18. a. b.

E

E Boreæ mensæ an contineantur legato domus instructæ. 7. re. 322. e.



# in Quæst. & Respons. Papin.

Edere rationes actus sui est exhibere librū rationum, tutelam restituere, & pupilum indemnem præstare. 3. re. 98. c.  
Edere est libello completi & dare. 14. qu. 375. e. 376. a.  
Edictalis bonorum possessio. Vide bonorum possessio.  
contra Edictum adilitium pacisci est iuri publico derogare. 2. q. 23. a.  
Edictum, ex quibus causis maiores, &c. tantum erat de ciuitate Romana, postea ad quascunque ciuitates Constitutionibus porrectum. 1. ref. 15. e.  
Edictum de alterutro quandolocum habet, & quando non. 17. q. 482. c.  
Edictum perpetuum male interpretatū & intellectum ab Accursio. 8. r. 360. d.  
Edictum Pratoris perpetuū fecit lex Cornelia. 8. resp. 360. e.  
Edicti successorij verba non sunt extensiva, verbi Senatusconsulti Orficiāni & Tertulliani sunt extensiva. 6. ref. 277. d. e.  
Edicto successorio deficiente fiscus vocatur. 6. resp. 277. a.  
Edicto de noui operis nuntiatione consulitur vicino aduersus vicinum, quicquid de suo molitur, quod vicino nocet. 3. qu. 96. a. b.  
Edicta magistratuum sunt pars iuris civilis Vlpiano auctore. 2. definit. 647. e.  
Edictis Pratorum tantum pacta obseruantur. 10. qu. 253. c.  
Editio Pandectarum Florent. est diuinum munus Iacob Cuiac. 2. definit. 659. c.  
Edititius Iudex quis dicitur. 19. ref. 612. b. c. d. Quid distat à iudice delegato. ibidem.  
Educatores in alumnos sunt perinde affecti, ac patres. 19. quæst. 548. c.  
Edules ex vox barbara. 1. ref. 14. b.  
Eius quod officio iudicis accedit, alia accessio nullā esse potest. 2. r. 612. c.  
Eius quod interest definitio. 12. quæstion. 341. c.  
Electio heredis infirmatur nuda voluntate. 19. quæst. 534. c.  
Electio necessaria non est liberalitas. 19. quæst. 534. c.  
Electio promissori permissa est aut tacite, aut nominatim. 9. qu. 199. d.  
Electio necessaria non est liberalitas. 19. quæst. 534. c.  
Electio quid est. ibidem.  
Electio heredis confirmatur morte sola. 19. qu. 531. a.  
Electio celi & domicilij cuique libera est. 1. resp. 30. b.  
Electio inepta actionis actori non consumit actionem aptam rei, & competentem proposito negotio. 3. respons. 103. c.  
Electio in quæstionibus cuius est, & cuius responsorum causis. 1. re. 1. c.  
Electio patris quandoque pro satisfactione est. 9. resp. 435. a. b.  
Electio faculta necessaria non est beneficium propriæ liberalitatis. 19. quæst. 533. c.  
Electio ius sublatum est Nouella Iustiniani de fideiusorib. & mandator. 3. ref. 118. b.  
qui Elegit criminale iudicium, consumit civile. 11. qu. 290. d.  
Eligentes extraordinaria, ordinaria decidimus. 11. qu. 290. d.  
Eligere actionem aptam & negotio, de quo agitur, competentem, prudentia est. 18. resp. 452. a. b.  
Eligendi heredi perpetua est voluntas, quandiu viuit. 19. q. 531. b. c.  
Eligendi ius non amittit deportatus. 8. re. 333. c.  
Elugere & lugere in quo differunt. 2. qu. 31. d.

Emancipare filium quando pater cogitur & quando non. 11. quæst. 321. a.  
Emancipare est vendere filium. 5. quæst. 111. c.  
Emancipatio & arrogatio est minima capitis diminutio, an liberat quoque obligationibus præcedentibus. 9. quæst. 232. d.  
Emancipatio vitium donationis non corrigit. 4. resp. 176. a.  
Emancipatio & adoptio est minima capitis diminutio. 17. qu. 444. c.  
Emancipationis credicionem repetisse an quis intelligatur in legato. 7. respons. 314. a.  
Emancipatus filius, cui de patris innocentia certo constat, an hereditatem eius adire, aut possessionem bonorum acquirere possit. 6. resp. 261. d. e.  
Emancipatus filius & suus in quo differunt. 3. quæst. 67. e. 68. a.  
Emancipatus filius circa causam transiſſionis & suus heres in quo differunt. 16. qu. 412. e. 413. a. & seq.  
Emancipatus filius pro parte factus curator reipub. fideiubere non cogitur, & cur. 1. resp. 44. b.  
Emancipatus sciens bonorum possessionem adquiret, suus ignorans. 16. quæstion. 413. c.  
Emancipatus filius. Vide Filius.  
Embryon, an sit animal. 19. quæstio. 565. d. & seq.  
Emere simpliciter, aliud est, aliud Emere per adiudicationem iudicis, hæc Emptio est necessaria, illa voluntaria. 8. respons. 324. b.  
Emigrare plus est quam migrare. 10. resp. 455. c.  
Emolumentum in iure accipitur pro fructibus, frugibus, annonis. 17. quæstio. 436. a. b.  
Emolumenta quem sequuntur, sequi necesse est damna & onera. 9. resp. 420. a.  
Emphyteuticum ius an alij donari possit aut vendi, saluo iure vectigali. 2. resp. 88. d.  
Emphyteuticum ius an possit transferri in legatarium. ibid. b. & seq.  
Emptio necessaria, & Emptio voluntaria. q. 8. resp. 324. b.  
Emptio vel conductio rei suæ, quando valet. 3. resp. 105. a. b. Error Gloss. qualis. ibid.  
Emptio simplex contracta dominij adquirendi causa, & Emptio facta seruandi sibi & habendi pignoris causa multum differunt. 2. resp. 75. c.  
Emptio non est aræ, cum ædes sacra corruit. 3. resp. 121. a.  
Emptio & venditio sine pretio non est. 2. qu. 43. d. & seq.  
Emptio simplex quomodo differat ab aliis emptionibus. 2. resp. 75. c.  
Emptio rei suæ nulla est. 3. respons. 104. a. b.  
Emptio simplex sit, quid interest, an Emptio dotis causa. 2. resp. 74. c.  
Emptio Vide venditio.  
Emptionis substantia est pretium. 10. qu. 254. d. e.  
Emptionis causa. Vide Stipulatio.  
Emptionis similis est permutatio. 28. qu. 724. c.  
Emptioni detrachere, est ab ea recedere, adicere contractui Emptionis, est intacta substantia Emptionis, aliquid de accessionibus de pedissequis Emptionis pacisci. 10. qu. 256. b. c.  
Emptio mutatur pretio empto. ibidem.  
Emptionis venditionis substantia consistit ex re & pretio. 10. quæstion. 250. d.  
in Emptione & venditione bona fides, exigitur, & contractu & traditionis tempo-

re. 23. qu. 650. c. d.  
in Emptione mera quid inspicere debet & in Emptione quæ sit pignoris causa. 2. resp. 75. d.  
in Emptione bonorum præfertur is, cui maior pecunia debetur. 10. ref. 451. c.  
Emptor & venditor, quando simul puniuntur. 1. resp. 23. c.  
Emptor, siue sciat, siue ignoret, indistincte tenetur, sed cum moderamine. 3. ref. 124. d. e. & seq.  
ab Emptore an, si conueniatur nomine cuius actionis pro sua parte, exceptione doli mali opposita, poterit desiderari ab Emptore, ut sibi cedat Emptor actionem aduersus coheredem, qui pro sua parte nihil soluit. 8. q. 186. d.  
Emptor & venditor in quo differunt. 27. qu. 677. d.  
an Emptor teneatur actione empti, qui manumissit. 27. quæst. 683. e. qua actione quis potest petere restitutionem ferui. 27. qu. 684. d.  
ubi Emptor fecit contra legem venditionis, an venditori sit pœnæ persecutio in stipulationem deductæ. 27. quæstion. 681. a.  
Emptor contractui legem dicit, non venditor. 5. q. 110. a.  
Emptor. Vide Venditor.  
Emptoris conditio melior est quam tertij creditoris. 3. resp. 128. c.  
Emptoris nomine quilibet successor rei significatur ex tabul. Heredis nomine successoris. 2. resp. 67. e. 68. a.  
Emptori licet quod plurius est, minoris emere si potest, & venditori licet quod minus est plurius vendere. 3. ref. 140. b.  
Emptori competit actio ex empto vendito. 3. ref. 144. a.  
Emptori ob cuius actionem quis teneatur, tutor an adolescens in rei venditione. 3. ref. 148. a. b.  
Emptorem delegare, & delegare siue mandare actionem in Emptorem, in quo differunt. 3. ref. 108. d. e.  
Enumeratio personarum semper vires partes facit. 21. q. 629. b.  
Episcopus executionem sue sententiæ non habet, sed tantum cognitionem & audientiam, & cur. 1. responsorum. 9. c.  
ab Episcopis res iudicata, ad effectum perducere debent, à Præsidibus. 1. resp. 9. c.  
Epistola fideicommissaria quid est. 19. qu. 554. c.  
Non est qualibet alia epistola. ibid.  
Epistola diui Adriani tantum scripta est de fideiusoribus, sed ex aequitate porrigitur quoque ad plures mandatores. 3. ref. 133. e.  
Epistolæ beneficium diui Adriani, an ad duos reos promittendi pertineat. 11. ref. 509. b.  
Epistolæ commendatitiæ non obligant. 19. quæst. 551. b.  
Epitheta Papiniani eiusque laudes & ornamenta quæ: in præmio. quæstion.  
Æquitatis ratio est parens conditionis indebiti. 8. quæst. 171. d.  
Equis legatis foetus post mortem editi tantum debentur, Equitio vero legato foetus quoque ante mortem editi debentur, & cur. 6. quæst. 136. d.  
ex Equitibus Romanis sumebantur Præfides. 1. ref. 4. e.  
Equitio legato foetus ante mortem editi debentur. 6. quæst. 116. d.  
Eradicatus plus est quam radicatus. 10. resp. 455. c.  
Eremodicium. 2. resp. 49. b.  
Erogari non minus debet, quam mandatū



# Index rerum ac verborum.

- Art. 2. resp. 51. Quid si plus. ibid. Modus seruandus quis. ibid.
- de Erogatione pecuniæ, scientia Ioannis veteris glossatoris, quæ 2. resp. 10. ibidem.
- num Erogationis finem faciat testatoris voluntas. ibidem.
- Erranti datur condictio, non donanti. 10. qu. 263. a.
- qui Errat non contemnit ius. 2. de adult. 696. a.
- Error proprie est ignorantia facti. 16. qu. 516. b.
- Error Alciati, qui est in titulo de officio præfidiis. 1. resp. 4. c.
- Error facit legatum aut fideicommissum inutile. 19. quæst. 548. c.
- Error facti non obstat vsucapioni. 3. qu. 655. c.
- Error iuris eam impedit. ibidem
- Error facti quando nocet & quando non nocet. 1. definit. 628. & seq.
- Error facti, & nihil est magis contrarium confessioni quam Error facti. 19. quæst. 520. c.
- Error facti, nec maribus quidem in damnis vel compendiis obest. 1. definit. 628. & seq.
- Error falsæ causæ non parit vsucapionem, si errorem traditio non creauerit. 23. qu. 651. b. c.
- Error iuris ciuilibis militem excusat. 36. qu. 839. c.
- Erranti in facto venia datur. ibidem. c.
- Error iuris quando locum habet, & excusat. 14. quæst. 390. d.
- Error iuris condicentibus indebita soluta nocet. 1. definit. 629. c. Qui condicit quod soluit, id agit, vt adquirat, quod amisit, non vt quod suum non est, amittat. ibidem.
- Error iuris in compendiis, quandoque rusticis non nocet, maxime si iurisconsulti copiam non habuerint. 1. definit. 630. b. c. Sententia Menandri est non licere ignorare leges naturæ. 1. def. 631. a.
- Error iuris, quando nocet & quando non, item error facti. 1. definit. 628. & seq.
- Error iuris gentium non remittitur. 36. qu. 836. d. e.
- Error iuris nocet in compendiis, non in damnis rei suæ. 11. resp. 496. b.
- Error iuris. Vide iuris error, infra.
- Error testatoris cur legato officit. 19. qu. 550. a.
- Error testatoris, quando facit ius. 9. resp. 442. a.
- Error Triboniani. 9. quæst. 217. c.
- per Errorem, solum a debitore, an id condicere possit. 11. resp. 519. b.
- per Errorem si quis plus quam deberet, soluisset, in quemnam tunc actio competat, quaeritur. 3. re. 111. a. b. c.
- per Errorem si quis procuratori, nomine domini quasi debitam pecuniam domino, soluerit, quid. 3. resp. 102. e. 103. a.
- Errore soluti repetitio est, & consulto soluti donatio non est, repetitio est. 2. definit. 651. c. d.
- Euincere plus est quam vindicare. 2. qu. 31. c. d.
- Euincere plus est quam vincere, & emigrare plus quam migrare. 10. resp. 455. c. Sic eradicatus plus est quam radicitus. ibidem. d. exemplum extat apud Plautum. ibidem.
- re Euicta actio Euictionis contra venditorem domino datur inuito procuratore. 2. resp. 92. c.
- An Euicta re iure pignoris, possit vterque heredum conueniri ab emptore ex stipulatione interposita nomine Euictionis. 8. qu. 186. a. b. causa pignoris est indiuidua. 8. qu. 185. e. 186. a.
- Euictio est adminiculum emptionis, & à Iustiniano vocatur pedissequa *ὑποκατάστημα*, emptionis. 10. quæ. 594. c. pretium substantia emptionis. ibid.
- Euictionis fundi alia est causa, alia Euictæ partis, & quæ sit differentie ratio. 7. qu. 161. b. c.
- in Euictionis iudicium venit omne id quod interest, atque omnes sumptus, quibus res Euicta melior facta est. 2. resp. 64. c. d.
- Euictionis generalis vel specialis nomine, an sit faciendum emptori in actione ex vendito. 3. resp. 124. c.
- de Euictione quando venditor non tenetur. 11. resp. 491. b.
- de Euictione non tenetur donator in id quod interest. Venditor vero tenetur. 2. resp. 64. d.
- ob Euictionem deficiente actione ex stipulatione non deficit actio ex empto. 28. quæst. 724. c.
- ob Euictionem quis teneatur emptori, tutor, an adolescens in rei venditione. 41. 148. a. b.
- Ex abundanti scriptura nullum dicitur idoneum argumentum. 4. re. 171. a. b.
- Exactio periculo exactoris fieri solet. 1. re. 28. a.
- Exactiois priuilegium quando depositarii habent & quando non. 9. quæstion. 215. c.
- Ex articulo significatur causa. 27. quæst. 677. c.
- Ex & per in quo differunt. ibidem. & 195. c.
- Exacta & condita à reliquis colonorum separantur. 7. re. 297. d. e.
- Exactiois priuilegium quando habet fiscus. 10. resp. 471. c.
- Exceptio quid est. 1. resp. 31. c. 32. a.
- Exceptio pacti taciti vtrum creditoribus obstat. 1. resp. 11. b.
- Exceptio temporalis minoribus non nocet, sed ea, quæ tempore ipso iure pereunt. 3. qu. 68. c.
- Exceptio est clypeus, actio est telum. 13. resp. 550. c. d.
- Exceptio cui datur non continuo etiam ei datur actio. 19. qu. 561. c.
- Exceptio doli mali opponitur improbæ petitioni, 27. qu. 663. d. e.
- si Exceptio facit ne liceat, ibi necesse est licere, vbi non est Exceptio. 1. q. d. c.
- Exceptiones insunt semper aut intelliguntur actionibus bonæ fidei, vel suppletur officio iudicis. 19. qu. 593. b.
- Exceptio nulla inest in actionibus arbitrariis, nec omnia suppletur officio iudicis. 20. quæst. b. ibidem.
- Exceptio domini obstat actioni Publiciana. 6. qu. 138. a.
- Exceptio vbi non est, ibi necesse est licere. 1. q. 11. d. e.
- Exceptio doli inest bonæ fidei actionibus. 11. qu. 279. d.
- Exceptio iusti domini non datur temere, sed causa cognita & bene perpena. 10. r. 454. a.
- Exceptio datur ex pacto, non actio. 11. re. 472. d. e.
- Exceptio doli iudicium strictum facit bonæ fidei. 11. q. 278. c.
- Exceptio est defensio iuris opposita intentioni aduersarii. 34. qu. 829. b. c.
- Exceptio est defensio iuris opposita intentioni aduersarii, quæ est vel perpetua, vel temporaria, vel ambigua. 8. quæstion. 172. c.
- Exceptio & replicatio datur iure prætorio. 10. qu. 253. b.
- Exceptio pacti actioni bonæ fidei inest, 10. quæstion. 255. c. Quæ pacta valent ad Exceptionem & non ad actionem. ibi. Cuiacius censet Glossam Accursij hic in verbo agente, esse defendendam. ibidem. e. interpretatio hic notanda. ibidem.
- Exceptio pacti stipulationi inest. 11. quæst. 279. a.
- Exceptio datur ei, cui datur actio. 8. resp. 331. c.
- Exceptio reo competes fideiussori prædest. 28. qu. 733. a.
- Exceptio exemplo actionis datur. 19. qu. 561. c.
- Exceptionis exemplo actio non datur. ibidem.
- Exceptionem non tollit confusio, sed actionem. 31. quæst. 818. e.
- Exceptionem doli opposita, per officium iudicis est *ἀκούσθητον*. 2. resp. 64. b. c.
- Exceptiones quædam sunt perpetuæ, & quæ istæ. 8. qu. 170. c. 171. a. quædam temporariæ & quæ istæ. 8. quæst. ibid. qui tutus est Exceptionem temporaria, ante tempus soluens, an repetere potest, an conditionem indebiti habet. ibidem.
- quæ differentia est inter Exceptionem perpetuam & temporalem. ibidem.
- quædam Exceptiones sunt ambiguae. ibid. 171. c.
- Exceptiones seu paragraphæ earum rerum, quarum nullæ prodita sunt actiones, legibus donantur. 19. quæst. 572. b. c.
- Exclusio vnius contrarii, si alterius positio. 13. resp. 565. a.
- Excusatio ab honoribus si sit. 1. resp. 36. d.
- Excusatio à decurionatu ætas 55. annorum; ab aliis honoribus nulla ætas excusat. ibidem.
- Excusatio tutelæ. 5. re. 211. b.
- Excusatio munerum. Vide Vacatio.
- Excusationis vel fori priuilegium, quando vires suas exercet. 5. resp. 290. a.
- Excusationis beneficium tantum tribuitur iis, qui inuiti munera ciuilia suscipiunt. 1. resp. 42. a. vbi pro *excussione*, lege excusationis.
- Excusationibus variis & diuersis reus vti potest, actor non. 11. q. 285. b.
- ex Edicto Vespasiani cautum est, ne aspectus deformeretur vrbis ruinis, nec legari possint ea, quæ ædibus iuncta sunt. 11. re. 526. a. Huic Senatusconsulto constitutiones addiderunt, vt iuncta quoque ædibus detrahi nequeant. ibidem.
- Executio sententiæ. Vide Sententia.
- Executio sententiæ iudicis dati est pars iurisdictionis. 1. quæstion. 5. d.
- an Executor sit sola Lex pœnæ infamiae. 1. resp. 22. b.
- Executor quis in pœna relegationis vel remotionis ab ordine & cur. 1. resp. ibidem.
- Executori nudo in heredem nulla est actio. 8. resp. 371. a.
- Executores testamentorum esse possunt Clerici. 7. resp. 310. a. b.
- Exemplo actionis datur exceptio. 19. qu. 561. c. Exemplo vero exceptionis actio non datur. ibid.
- Exequitur iudicatum officio iudicis appellationis, & quomodo. 1. resp. 10. a. b.
- Exercere nomen aliud est, aliud locare. 6. qu. 132. b.
- Exheredare est adimere hereditatem ei, qui eam sperat ex lege vel edicto prætoris. 12. qu. 333. a.
- quando Exheredari potest posthumus. 16. qu. 415. a.
- Exhereditatio est silentium matris, non silentium patris. 13. quæstion. 357. c.
- Exhereditatio tacita est conditionis adiectio. 15. quæst. 391. c.
- Exhereditatio quando valet, & quando non valet. 13. qu. 364. c.



# in Quæst. & Respons. Papin.

Exheredatur filius adoptivus, naturalis non item. 11. qu. 311. a.  
 Exheredatio in patronum non cadit. 14. qu. 371. a.  
 Exheredatio non valet, nisi fiat testamento rite perfecto. 13. qu. 363. c.  
 Exheredatio aufert ius & nomen heredis, & ius peculii. 3. resp. 105. c.  
 Exheredatio non aufert omnia liberis. 2. resp. 67. b. c.  
 Exheredatio non aufert ius sepulchrorum. ibidem.  
 Exheredatio casum militiæ non aufert. 2. resp. ibidem.  
 Exheredatio non aufert obsignationem libertorum. ibidem.  
 Exheredatio non aufert ab intestato iura libertorum. 2. resp. 67.  
 Exheredatio non aufert omnia liberis. 2. resp. 67.  
 Exheredatio est infamia. Vide infamia.  
 Exheredationis tres formæ constituuntur, & quæ illæ. 14. qu. 373. b.  
 Exheredatione filii non aufertur ius dotis filiz à patre datæ. 2. resp. 67. b.  
 Exheredatione filii tollitur ius filii, siue ius sui heredis, ius vero potestatis non tollitur. 4. resp. 175. d. c.  
 pro Exheredatione habetur præteritio. 13. quæst. 364. a.  
 pro Exheredatione habetur silentium militis. 6. resp. 257. c.  
 pro Exheredatione quando præteritio habetur, quando non. 5. resp. 216. a. b.  
 pro Exheredatione habetur posthumi præteritio. 6. resp. 257. c.  
 Exheredatione quis desit esse suus. 13. qu. 364. c. 365. a.  
 Exheredatus patronum non expellit. 13. qu. 368. d.  
 Exheredatus qui egit, nec obtinuit, pro mortuo habetur. 14. qu. 381. d. c.  
 si Exheredatus egit aduersus vnum ex heredibus, & non obtinuit, an à legato repellitur. 1. qu. 120. d.  
 an Exheredatus ad bona liberti patris naturalis admittatur. 13. qu. 364. c. 365. a.  
 Exheredatus seu præteritus filius à milite in testamento, an filius ad bona libertorum auctorum admittatur. 3. quæst. 364. a.  
 Exheredatus filius & heres institutus in quo differunt. 18. qu. 493. a. b.  
 Exheredatus filius qui cum sit pupillus, solus ex eo litigare non potest sine Tutore, vtrum agat querela inofficiosi testamenti auctore Tutore testamentario, an legitimo. 4. resp. 182. c.  
 Exheredati filii victoria in querela inofficiosi testamenti, excludit heredem scriptum & quomodo. 2. resp. 58. c.  
 quæ Exheredati retinent, si parentes luceant. 2. qu. 30. b. c.  
 Exheredato filio an pater agere potest iniuriarum suo nomine. 5. qu. 118. b. c.  
 Exheredato filio victoria patris prodest. 2. resp. 58. b. c.  
 qui Exhortatur, eum mandatoris opera non fungi. 1. resp. 13. c.  
 Exhibitio fidei commissi, id est, institutio. 11. resp. 498. c.  
 ad Exhibendum actio. Vide Actio ad exhibendum.  
 Exhibitio & Exhibere significationem restituti habent. 11. resp. 498. c.  
 Exigere plus est quam agere. 19. qu. 563. c.  
 Exigere cautionem quid sit, Accursus non intellexit. ibidem.  
 Exigere est satis accipere. ibidem.  
 Exigendi facultatem non habet, qui actionem intendere non potest. 5. respon. 189. b.  
 Exigendi priuilegium quod creditor habuit, facta donatione voluntaria, perit,

non item necessaria nouatione. 3. resp. 142. a. b.  
 quæ Exiguntur, vt quis impune faciat iniuriam vlciscendi. 15. quæstion. 104. c. d.  
 Exiguum est semper, quod defertur tantum honoris ergo. 3. resp. 117. c. Partem paciscatur quis, quid refert, an quantitatem parti parem. ibidem. in hoc nulla est differentia. ibidem.  
 Exilium dicitur de deportatione, quæ est capitis diminutio media. 5. resp. 210. c.  
 Exilium dicitur quoque de relegatione. ibidem.  
 in Exilium temporale datus, non definit esse tutor. ibidem. b.  
 Existencia sui heredis, seu ἀνάπαυσις illa est quæ iuris intellectum habet. 3. qu. 84. d.  
 Experiri commune est reo & actori. 3. qu. 81. d.  
 Expilata, hereditatis crimen est famosum & turpe. 1. resp. 17. a.  
 Explicatio legis sextæ D. de seru. exportand. 27. qu. 680. c. 681. a.  
 Explicatio legis si sit §. 1. D. de legat. 1. 18. qu. 507. c. 508. a.  
 Explicatio legis Nescennius & legis Filio D. ad leg. Falcid. 6. responf. 231. & seq. & leg. filium. Cod. famil. eriscund. ibidem.  
 Explicatio l. si vnquam. C. de reuocand. donat. & §. vltim. l. 40. D. de pact. 1. resp. 11. & 12.  
 Explicatio leg. qui habebat. D. de vulg. & pupill. substitut. 6. re. 245. b.  
 Explicatio speciei in l. mulier. D. qui pot. in pign. 11. re. 482. b. c.  
 Explicatio leg. cum pater. 77. de legat. ij. 8. resp. 326. c. & seq. vsque 364. c. d.  
 Expofitio §. in fideicommissaria. l. si debitor. 45. D. de fideicommiss. libert. 12. qu. 336. a. b.  
 Expofitio legis post emancipationem. D. de legat. ij. 8. resp. 359. c. 360. a.  
 si Expressus non est dies, omiffus intelligitur. 2. qu. 37. d. c.  
 Expressum facit cessare tacitum. 4. resp. 185. c.  
 Expromissio quomodo fit per delegationem. 3. resp. 110. c. 111. a.  
 Expromissio per intercessionem quomodo fit. ibidem. a. quomodo fiat per delegationem. ibidem.  
 Expromissio est vera nouatio. 9. quæst. 242. c. 243. a.  
 Expromissio accedit dum nouatione, fideiussio accedit sine nouatione. ibidem.  
 Expromissio quæ fit nouandi animo, per intercessionem, & ea quæ fit per delegationem, quomodo differunt. 3. resp. 110. & 111.  
 Expromissio quæ fit nouandi animo, vel per intercessionem, in quo differat ab Expromissione quæ per delegationem fit. 3. resp. 108. c. 109. a.  
 Expromissio non est semper intercessio. 3. resp. 113.  
 Expromissor dicitur quasi fideiussor. 9. qu. 242. c. 243. a.  
 Expromissor liberat reum principalem, fideiussor non, nouatio fit expromissione, non fideiussione. 10. qu. 275. b.  
 Expromittere in iure quid est. 9. quæstion. 242. c.  
 Expromittere est debitum fufcipere pro alio. 9. quæst. 243. d.  
 qui Expromittit pro alio, is, pro quo Expromittit, liberatur, qui vero pro alio se soluturum promittit, is, pro quo constituit, non liberatur. 8. qu. 173. a.  
 Extincta actio non restituitur. 11. quæst. 309. a. b.  
 Extraneus pro debitore inuito soluere potest. 1. respon. 10. Sic quoque pro debitore soluet creditori inuito & quomo-

do. ibid.  
 Extranei heredes quibus modis adquirunt hereditatem. 3. qu. 84. d.  
 Extranei in iure non dicuntur se immiscere, sicut & necessarii non dicuntur se pro herede gerere, aut adire vel hereditatem certere. 8. qu. 194. b. c.  
 in Extraneo quod est pro herede gestio, id in suo herede est immistio. 10. responf. 457. b. c.  
 Extraneo an fit potestas petendi addictionem bonorum. 9. resp. 439. d.  
 inter Extraneum & fratrem, quoad successionem estne differentia? 3. quæstion. 87. d.  
 quod in Extraneis seu voluntariis est pro herede gerere, id in necessariis se immiscere. 8. qu. 194. b.  
 an Extraneis heredibus institutis, si filius præteritus bonis se abstineat, ex aquo & bono tuenda sit voluntas testatoris. 5. resp. 215. d. Et an hæc quoque locum habeant in posthumo præterito. ibi. 216. a.  
 Extraordinarium crimen quodnam est. 1. resp. 16. d.  
 Extraordinaria munera continet vocatio; non ordinaria. 2. qu. 56. c.  
 Extraordinaria crimina dicuntur crimina inscripta à Quintiliano. 1. responf. 16. d. c.  
 Extraordinaria iudicia. Vide Iudicia.  
 in Extraordinariis iudiciis formula non obseruantur. 1. definit. 646. c.  
 Extraneus institutus & filius in quo differunt. 3. qu. 9. c.  
 Duo Extrema sine medio esse nequeunt. 12. resp. 532. c.

F

**F**abiz Legis de plagio. Vide lex Fabia.  
 Fabiana actio quando locum habet, & quando non. 11. resp. 496.  
 Fabiana actio. Vide actio.  
 Facere plus est quam dicere. 16. qu. 428. b.  
 Facere & facultas an sint eiusdem generis. 9. qu. 239. a.  
 Facere verbum omnem omnino faciendi causam complectitur, dandi, soluendi, & c. 27. qu. 679. c. d.  
 de verbo Facere scribit Papinianus eo significari non tantum factum, sed etiam ius. ibidem.  
 Facere est credere. ibid.  
 Faciliores sunt voluntates in rebus suis legandis, quam alienis comparandis, onerandisque heredibus ad emptionem rei. 19. quæstion. 550.  
 Facilius est retinere, quam constituere seruitutem. 7. qu. 149. a. & retentio facilius est, quam adquisitio. ibid.  
 quos par Facinus coinquinat & æquat, si milis pœna vtriusque comitari debet. 1. resp. 23. c. 24. a.  
 Factum infectum reddi non potest. 9. qu. 198. c.  
 qui Factum mox corrigit, is videtur iniurius fecisse. 2. de adult. 596. c. 697. a.  
 Factum pro Fatum. 14. qu. 383. d.  
 in Factum appellatio est actionis, non nomen actionis. 1. re. 47. d.  
 quod Facti est naturale est. 18. quæst. 515. c. d. quod naturale est, iure ciuili non perimitur. ibidem.  
 Facti species, in l. 81. D. de furt. resp. 1. 15. d. c.  
 Facti error. Vide error facti.  
 in Facto erranti venia datur. 36. quæstion. 839. c.  
 Facta alia sunt, quæ rei vniuersæ cohærent, alia quæ personæ tantum. 27. qu. 703. c.  
 cum quis Facta videat, verba non sunt curanda. 13. resp. 554. d. o.



# Index rerum ac verborum

Facultas & facere an sint eiusdem generis.

9. q. 239. a.

Facultas necessaria electionis non est beneficium proprie liberalitatis. 19. quæstion. 534. b.

Facultates eius tutoris, qui tutelam gessit, prius excutiendæ sunt, quam honorarij tutoris. 4. ref. 182. a.

Falcidia lege usufructus minuitur. 7. qu. 142. c.

Falcidia ex prælegatis quoque retinetur. 2. ref. 270. b. c.

Falcidia non minuitur legatum dotis. 13. quæst. 358. a.

Falcidia in quo fideicommissio interuenit, & in quo non interuenit. 8. ref. ponf. 325. c.

Falcidia quo casu interuenit si onerata portio accedat onerata. 29. qu. 796. d.

Falcidia liberis debetur. 3. ref. 106. a.

vna Falcidia seruatur in Tabulis patris & filij. 19. quæst. 770. b. c. d.

Falcidia detrahatur ex bonis paternis. 3. q. 86. b.

Falcidia Lex. Vide Lex Falcidia.

Falcidia ratio in quantitate bonorum exquirenda, redigitur ad tempus mortis. 9. quæst. 203. c. d.

Falcidia subiciuntur prælegata. 13. resp. 560. c. d.

Falcidia retentionem habent soli heredes non legatarij. 6. ref. 249. b.

Falcidia legi fraus non fit, sed heredi, si ius suum diminuat. 9. respons. 489. d. c.

Falcidia legi locus est in donationis mortis causa exemplo legatorum. 8. resp. 330. c. d. c.

Falcidiam num detrahat fideicommissarius generalis. 9. q. 226. a. b.

in Falcidiam ea tantum imputantur, quæ iure hereditario capiuntur, nisi testator aliud cauerit. 6. re. 232. c.

in Falcidiam ea tantum imputantur, quæ iure hereditario capiuntur. 19. quæst. 538. d.

in Falcidiam imputatur quodcumque iure hereditario capitur. 20. q. 591. c.

in Falcidiam an imputentur fructus medio tempore percepti ab heredibus. 8. resp. 382. c.

in Falcidiam imputatur quod statuliber de peculio dar heredi. 2. respons. 83. c.

in Falcidiam imputantur ea, quæcumque iure hereditario capiuntur. 8. respons. 382. c.

in Falcidiam imputari. ibid.

duobus modis aliquid imputatur in Falcidiam. ibidem.

in lege Falcid. vel in computatione patrimonij vel bonorum semper deducitur ante omnia, quod impensum est in confessione inuentarij. 9. qu. 214. d. e. hi sumptus post mortem domini necessarij sunt. ibidem.

Falcidia vti solius heredis est. 9. quæst. 227. b.

Falcidia si heres vtatur, an stipulatio pœnalis committatur. 13. resp. 549. d.

Falcidia vti non tantum est deducere quadrantem, sed etiam æs alienum. 14. qu. 382. c. d.

in Falcidiam ea tantum imputantur, quæ capiuntur ex iudicio testatoris. 1. definit. 641. c.

Falcidia dicitur esse commodum testamenti. ibidem.

qui Fallitur, venia dignus est. 8. q. 565. a.

Falsarius quis est. 12. q. 346. c.

Falsi est pœna legitima, periurij vero nulla. 9. q. 214. d. e.

Falsus procurator quis dicitur. 12. q. 347. b. c.

Falsum testamentum. Vide Testamentum. inter Falsi & inofficiosi quæstionem differentia quæ est. 5. q. 120. c. d.

Falsi pœna est legitima. 8. q. 185. a. b.

Falsi crimine tenetur, si quis duobus eandem rem in solidum vendiderit, diuersis contractibus. 181. c. d.

à Falso periurium in iure separatur. 8. qu. 185. a. b.

Falsa causa legatum non vitiat. 18. quæst. 506. c. Superuacanea nunquam nocent. 18. q. 506. b. c.

Falsa causa vfucapioni non officit. 23. qu. 651. b.

Falsa demonstratio legatum non vitiat. 7. resp. 290. e.

Falsa demonstratio non extinguit legatū, sed non etiam facit. 18. q. 508. d.

Falsa causæ error. Vide Error falsæ causæ.

Famæ & ciuitati restituere solius Principis est. 16. resp. 604. c.

Famam non restituit tempus. 1. respons. 20. b.

Famæ restituit princeps. ibidem.

Familia quæ est, eiusque diuisio. 16. quæst. 420. a. b. quis in ministerio esse dicitur. ibidem.

Familia tota plerumque euertitur amissione serui actoris. 5. ref. 204. a.

Familiam mutat adrogatio. Vide adrogatio.

Fasces sex habuerunt Præsides, de Consulibus dubitatur an plures haberent. 1. ref. 3. c.

Fascibus quando Proconsules utebantur, & quando non. 1. re. 4. c. d.

Fatalia detrimenta minuire quid sit, 8. ref. 369. a.

Fati celeritas non est obnoxia pœnæ, sed conscientia criminis. 14. q. 383. d.

Fauores & studia sunt propensio iuris auctorum erga doctores mulieris. 4. ref. 165. b.

Feria publicæ & hilaritates & abolitiones non pertinent ad seruos sed tantum ad liberos homines qui carcere vinculisque soluntur in publica latititia. 1. de adult. 682. e. 683. a.

ad Ferrum damnare est damnare ad gladium. 1. qu. 16. b. c.

Feudo commissio & aperto fructus inter dominum & vassallum, quomodo diuidendi sunt. 11. quæstion. 301. d.

Fictio iuris plus potest, quam veritas. 10. ref. 454. a.

Fictio legis Cornelie plenior est fictione postliminij. 23. qu. 658. d.

Fictio legum veritate potentior est. 29. qu. 807. e.

Fictiones duæ sunt, postliminij, & legis Cornelie. 23. qu. 658. d.

Fictiones & præsumptiones naturæ conuenire oportet. 11. resp. 465. c. Quæ non congruunt reiciuntur sicut & de confessionibus. 466. a.

Fideicommissaria libertas sub conditione seruo relicta. Vide iura statulibero- rum.

Fideicommissaria libertas. 2. qu. 53. b.

Fideicommissariæ hereditates. Vide Hereditates.

qui Fideicommissariam libertatem abnuit, non continuo abnuere directam. 4. resp. 185. d.

Fideicommissarius Trebellianus. Vide Trebellianus fideicommissarius.

Fideicommissarius Falcidiam non exercet. 20. q. 620. c. d. e.

Fideicommissarius generalis num Falcid. detrahat. 9. qu. 226. c.

si Fideicommissarius conueniatur ea persona heredis, vtetur Falcidia, quæ heres vti poruisset. ibidem.

Fideicommissarius an partem æstimationis

petere possit, an partem pretij, quanti est prædium legatum. 9. respons. 394. b.

Fideicommissarius est, cui fideicommissum relinquitur. 9. quæst. 215. c. accipitur quoque interdum pro herede, vel legatario. ibidem.

Fideicommissarium an vsuræ sequantur, vel pensiones, quarum dies iam cessat viuo testatore. 9. respons. 418. b.

Fideicommissarij præsentia an sit necessaria in hereditatis restitutione. 20. q. 611. c.

Fideicommissario non præstantur fructus, nisi hi qui post mortem eduntur. 7. r. 284. b.

Fideicommissario dodrans seruatur, nec fisco cedit. 2. ref. 91. d. e.

ad Fideicommissarium quando spectat litis periculum. 20. q. 600. e.

Fideicommissarium verbum obligat & necessitatem imponit. 8. ref. 352. c. 353. a.

in Fideicommissarium onus legatorum ab herede rerum transit. 9. quæst. 226. c.

Fideicommissarij & legatarij sunt possessionis rei lucratiuæ. 8. resp. 338. b.

Fideicommissarij fructus. Vide Fructus.

de Fideicommissarij hereditatibus & libertatibus, agit liber nonus Responsorum. 9. resp. 384. c.

an Fideicommissum relinqui potest à patre hereditatem vel legatum ab eo adquisitum, per filium familias, & per seruum iure potestatis. 9. q. 227. d.

Fideicommissum an patrio debeatur, si nepos intra trigessimum annum ætatis vita decessit relictis liberis, & patrio superstite. 9. ref. 403. c. d.

an Fideicommissum faciat nutus, annuendo tempore mortis. 19. quæstion. 551. b. c.

Fideicommissum facit nuda voluntas & tacita. 19. quæst. 551. b. c.

Fideicommissum non tam verba faciunt, quam voluntas defunctorum, etiam nuda voluntas & tacita fideicommissum facit. ibidem.

Fideicommissum tacitum probare natura est difficile. 14. ref. 572. e. 573. a.

Fideicommissum facit tutoris scientia, opinio non. 19. qu. 553. d.

an ad Fideicommissum vocentur libertorum liberi. 8. resp. 357. c.

Fideicommissum non facit verbum eom- mendo nec commendatio. 14. quæstion. 551. b. c.

Fideicommissum relinqui potest legatario. 20. quæst. 600. Legatum relinqui non potest. ibidem.

Fideicommissum non recipit incrementum fructuum perceptorum pendente conditione, contractus vero accipit. 8. resp. 382. b. c.

Fideicommissum libertatis scriptæ in cœdicillis scriptis tantum, & missis ad filium an & à filio & à filia peti possit. 19. qu. 526. a. b.

Fideicommissum quid sit. 19. q. 534. e. 535. a.

Fideicommissum facit inutile error. 19. q. 548. c.

an fideicommissum induci possit, ex illis verbis, non dubito te liberis communi- bus bona redditurum. 19. q. 552. e. 553. a.

Fideicommissum est in petitione, non in vindicatione. 8. q. 501. c.

Fideicommissum hereditatis à legitimo herede relinqui potest, bonorum posses- sore, & alio quolibet successore. 20. qu. 623. c. 624. a.

Fideicommissum interuercere quid est. 20. qu. 608. a.

ad fideicommissum an vocentur ij, quibus testator reliquit Fideicommissariam li- bertatem, ab heredibus extraneis. 8. resp. 341. b. c. 342. c.

an Fideicommissum tacite relictum inca- paci in solidum heredi eripiat. 15. qu. 402. b. c.

Fideicom-



# in Quæstion. & Respons. Papin.

Fideicommissa quæ auctor vocat caduca. 15 q. 402. d.  
 Fideicommissum tacitum quid est. 15. quæst. 401. c. d.  
 per Fideicommissum quæ relinqui possunt. 9. r. 385. c.  
 Fideicommissum ab ignorantibus quoque relinqui potest. 8. r. 332. d. c.  
 Fideicommissum à legatario surdo & muto relinqui potest. ibid.  
 Fideicommissum ex constitutione D. Pij à debitore quoque relinqui potest. 8. resp. 334. c.  
 Fideicommissum necessitatem iniungit. 9. r. 434. c.  
 Fideicommissum quid est. 6. r. 237. b.  
 Fideicommissum, quod proponitur relictum primo testamento incapaci in fraudem legum, an pertineat ad fiscum. 9. ref. 389. c. 390. a.  
 Fideicommissum rei propriæ inutile est. 8. r. 348. b.  
 Fideicommissum relinqui potest à donatariis mortis causa. 8. resp. 330. b. c. secus à donatoriis inter viuos. ibid.  
 Fideicommissi aut rei alienæ scientia sola, non est mala fides. 9. r. 396. b.  
 an Fideicommissi petitio competat his, qui sunt ex familia prioris testatoris. 19. q. 136. b. c.  
 Fideicommissi persecutio an competat familiæ, quod extero fundus sit alienatus. 19. q. 555. b.  
 ex Fideicommissi causa an libertus viuente herede possit petere proprietatem fundi. 19. q. 553. b. c.  
 an in Fideicommissi restitutionem veniant bona propria. 13. r. 555. c.  
 Fideicommissi conditio quæ semel extitit nunquam refumitur. 8. r. 333. c.  
 Fideicommissi ius optimum est per damnationem. 9. resp. 385. c.  
 Fideicommissi verbum est mando. 8. r. 332. d. & 352. c.  
 Fideicommissi verbum est mando, non directum. 3. q. 83. a.  
 Fideicommissio astringi possunt ignorantes. 8. r. 352. c.  
 Fideicommissio onerari non potest debitorum portio. 12. q. 335. d.  
 Fideicommissio onerari potest legatum patrone relictum. ibidem.  
 Fideicommissio oneratus legatarius an detrahebat falcidiam. 9. q. 226. a.  
 pro Fideicommissio haberetur donatio prædiorum. 26. q. 553. c.  
 de Fideicommissio heres detrahit falcidiam ex Senatusc. Pegasiano. 2. r. 83. c.  
 in Fideicommissio præstando si legatarius moram facit, an Fideicommissum apud legatatum remaneat. 9. q. 229. c. 230. a.  
 in Fideicommissio singulari falcidia non simpliciter & semper interuenit, in fideicommissio hereditatis vero semper hæc interuenit. 8. r. 325. c. d.  
 Fideicommissio an contineatur etiam dos, quam testator vxori prælegauit. 8. r. 342. c. 343. a.  
 Fideicommissio num contineantur fructus, quos ex bonis maternis pater medio tempore percepit. 8. r. 349. d. e.  
 Fideicommissa legatis per omnia sunt exæquata. 2. resp. 83. c. d. & 13. resp. 560. c. 561. a.  
 ex Fideicommissi causa, cui superfluum hereditatis restituitur, an is sit Trebellianus fideicommissarius. 19. q. 560. c. 561. a.  
 Fideicommissa aut legata contribuere est in ratione legis falcidiæ ineunda, ea communi calculo subiicere. 9. resp. 408. d.  
 Fideicommissa captatoria. 6. resp. 226. c. quibus Fideicommissa in codicillis relicta sunt à consobrina in iis sola consobrina in solidum teneatur. 8. respons.

358. c. 359. a.  
 Fideicommissa tueri solet religiosus homo & sanctus. 11. r. 495. c. an perceptione secundi Fideicommissi perimatur primum ex testamento relictum. ibid. & 496.  
 Fideicommissa an sint iuris ciuilibus. 14. q. 385. a.  
 Fideicommissorum antequam ratio ineat, prius omne as alienum defuncti deduci debet. 8. r. 362. a. b.  
 an Fideicommissorum vel legatorum fructus præstatur ex die mortis ante mortem. 6. q. 156. b.  
 Fideicommissorum satisfactio. Vide cautio Mutiana.  
 Fideicommissorum verba propria quæ sunt. 19. q. 550. c.  
 de Fideicommissis rerum singularium agit totus liber nonus Responsorum. 9. resp. 384. c. & seq.  
 in Fideicommissis vsuræ ex mora debentur. 20. q. 578. c.  
 Fideicommissi potest patri vel domino heredis institui aut legatarij. 9. quæst. 224. d.  
 Fideicommissi non potest à patre vel domino heredis. ibidem.  
 Fideicommissi potest domino vel patri heredis institui aut legatarij. ibid.  
 Legari vero non. ibid.  
 Fideiubere aliud est, aliud intercedere. 3. r. 111. c. 112. a. Fideiubere est species, intercedere genus. ibid.  
 si pro alio Fideiusserint, mas & foemina, mas in solidum tenetur. Secus in maiore & minore pro alio, ubi maior non tenetur in solidum. 10. q. 278. a. b. c.  
 Fideiussor non est semper intercessio. 3. ref. 113. c.  
 Fideiussio obligationem non nouat. 1. resp. 43. b. c.  
 Fideiussor non liberat reum principalem. 10. q. 275. b.  
 Fideiussor cur datur? cur accipitur? quid respiciunt qui fideiussorem dant siue accipiunt? 9. q. 231. d. e.  
 Fideiussor est adpromissor, non expromissor, Reus responsæ siue constitutæ pecuniæ neque adpromissor, neque expromissor. 8. q. 172. c. e. 173. a.  
 quod Fideiussor aut mandator soluit, debitor principalis refundere debet. 3. quæst. 102. d. c.  
 Fideiussor an confestim possit agere mandati, aduersus reum promittendi, quod mandato eius fideiusserit. 3. respons. 138. b. c. d.  
 Fideiussor an iisdem remedijs liberatur, quibus principalis debitor liberatur. 9. q. 231. d. c.  
 Fideiussor debitoris an liberetur, debitore liberato deportatione, quem antequam deportatur dederat. ibidem.  
 Fideiussor qui pro debitore deportato intercessit, ex causa præcedente deportationem, an teneatur. 9. quæst. 231. & seq.  
 Fideiussor adhibitus futuræ obligationi quem filiusfamilias accepit, si post emancipetur filius, & tunc ea obligatio nasci incipiat, vtri teneatur patri an filio. 230. 233. & seq.  
 Fideiussor, nominatur vt collega pro magistratu municipali siue quomodo diuuiro & quo ordine conueniantur. 1. r. 17. c. 18. a.  
 an Fideiussor post deportationem datus à deportato ex causa, quæ deportationem præcessit obligetur. 9. q. 17. c. 18. a.  
 Fideiussor & reus in quo differunt. 28. q. 742. b. c. d.  
 Fideiussor an liberetur principali reo deportato. 9. q. 232. a. b.  
 Fideiussor inops recte recusatur. 3. q. 100. c. d.  
 Fideiussor conuenitur ex persona rei prin-

cipalis. 2. r. 82. d. c.  
 Fideiussor culpam quidem præstat, non etiam casum fortuitum, & cur. 3. r. 97. b.  
 Fideiussor. Vide Expromissio, Expromissor.  
 Fideiussoris obligatio extinguatur confessione. 27. q. 692. c. d.  
 Fideiussori venditio fieri dicitur, iuris necessitate, cum creditor suum aliter ab eo consequi non possit. 3. resp. 104. a.  
 Fideiussori aduersus confideiussorem non datur actio utilis. 1. r. 18. c. d. & cur non datur actio utilis. ibid. 19. a.  
 Fideiussori prodest exceptio reo competens. 28. q. 732. c. 733. a.  
 Fideiussori solidum soluendi cur actio utilis ei non datur aduersus confideiussorem. 1. r. 18. c. ratio differentia quæ. 1. r. 9. a.  
 Fideiussor an simul cum principali debitor liberatur, iisdemq; modis & remedijs. 9. quæst. 231. d. c.  
 Fideiussori cõparatur nominator. 2. q. 40. c.  
 Fideiussori utilis actio non datur aduersus fideiussorem. 1. r. 18. b. c.  
 an in Fideiussorẽ magistratus, qui non gestit, an in dominatorem eius, qui gestit rem eius magistratus, reddenda prius actio sit, quam in collegam, qui eam rem non gestit. 2. q. 38. d.  
 Fideiussor qui partem pecuniæ suo nomine vel rei promittendi soluit, quo minus residui diuisione facta, portionis iudicium accipiat, recusare don debet. 3. r. 136. d. e.  
 inter Fideiussorem & collegam alicuius, quis prius conuenitur, collega an fideiussor. 1. r. 17. & 18.  
 Fideiussorem & pignus qui accipit, quado pignus, & quando fideiussorem conuenire potest. 3. r. 138. c.  
 Fideiussores duo, sunt duo rei debendi. 2. q. 40. c.  
 Fideiussores diuerforum contractuum, quibus rei principales tenentur confideiussores non sunt. 3. r. 138. b.  
 Fideiussores liberantur nouatione voluntaria, non etiam necessaria. 3. r. 348. d. e.  
 Fideiussores beneficium diuisionis habent ex epistola diui Hadriani, hodie quoque Tabellionibus notissima. 2. r. 81. d. e.  
 Fideiussorum quisque loco tutoris pro qua parte condemnatur, & an vnus in solidum damnari possit. 2. r. 80. d.  
 de Fideiussoribus epistola diui Hadriani scripta. 3. r. 134. a. b.  
 Fides mensuræ argentarij, fides publica est. 3. resp. 98. d.  
 Fides rei constitutæ non est frangenda. 8. q. 176. c.  
 Fides tacita est tacita conuentio. 1. r. 23. c.  
 Fiduciæ vel pignori dari non potest liber homo. 2. defn. 667. c. d.  
 Fiduciam contrahere quid sit. Vide Cõtrahere fiduciam negligentia magna est lata culpa & fere idem quod dolus. 2. q. 34. b. c.  
 Filius & pater in iure pro vna persona habentur. 1. r. 31. e.  
 si Filius emancipatus nõ caueat de conferendis, paterna tamen appetat, vel etiam ea pro sua portione possideat. 3. q. 93. d. hic per inopiam cauere de conferendo non potest, aut per contumaciam. ibid.  
 Filius hereditatẽ se abstinentibus, an etiam esset petitio operatum præteritarum. 20. q. 619. b.  
 Filiusfam. à patre institui potest sub conditione, sed nõ sub qualibet conditione. 16. q. 411. b. Ceteri liberi sub qualibet conditione institui possunt. ibid. c.  
 Filius à patre exheredatus, quado repellitur à bonis liberti, & quand non. 13. q. 363. c. Idem dicendum de præterito à matre. ibid. e.  
 Filius ex contubernio & ex cõcubinaru est naturalis, ex matrimonio est legitimus & naturalis, ex adoptione est legitimus nõ naturalis, ex scortatione vero neque



# Index rerum ac verborum.

- est legitimus, neque naturalis. 27. quæst. 678. b. c.
- Filius inuito patre, potest ne iniuriam prosequi. 5. q. 101. d. Differentia est utrum quis dicat inofficiosum testamentum, an falsum. ibid. 119. d.
- Filius rege agit de inofficioso patris testamento, & contra pater. 14. q. 371. d. e. Causa filii & patris est eadem. ibid.
- Filius, recte sub conditione institui nequit, filia vero nepos caterique liberi possunt. 13. q. 348. a.
- Cur filius à cæteris separatur. ibidem.
- Hodie par conditio liberorum est. ibid. 348. a.
- Filius. Vide Liberi.
- Filius adoptiuus. Vide Adoptiuus.
- Filius præteritus seu exheredatus. Vide Exheredatus.
- Filius emancipatus. Vide Emancipatus.
- an Filius à patre institutus poterit aliquando petere bonorum possessionem, secundum tabulas. 13. q. 361. c. d.
- Filius emancipatus, cui de patris innocentia certo constat an hereditatem eius adire, aut possessionem bonorum acquirere possit. 6. r. 261. c.
- Filius an prius conueniri debeat ex sua persona ob rem male gestam, quam patrem ex persona filii, qui in rem male gestam prius consenserat. 1. r. 25. a. b.
- Filiusfam. an patri quoque bona materna pleno iure acquirat. 6. r. 272. b.
- Filius ex hereditate, qui cum sit pupillus solus, ex eo litigare non potest sine tutore, utrum agat querela inofficiosi testamenti auctore tutore testamentario, an legitimo. 4. r. 182. c.
- Filius emancipatus an cogitur cauere pro patre Curatore Reipubl. Rempub. saluam fore. 1. r. 44. b. c.
- Filius ex iustis nuptiis procreatus, conditionem patris sequitur. 1. r. 29. a.
- Filius patris non matris familiam sequitur. 8. r. 357. e.
- Filiusfamilias, qui voluntate patris Decurio factus est, an pater pro filio Reipub. obligetur ex nuda voluntate. 1. resp. 219. a. b.
- Filiusfamilias si pactus est sibi, utrum pactum eius patri prodest necne. 1. resp. 8. a. b.
- Filius solius virilis personæ in potestate esse dicitur, teste Leone Philosopho. 7. r. 294. b. c.
- Filij communis num. negotia matri committi, & à patre iniungi possunt. 2. resp. 52. c.
- Filii negotia an mater gerere possit sine patris consensu. 2. r. 52. d.
- an Filio instituto ex modica parte, detur bonorum possessio contra tabulas. 14. q. 390. a.
- si Filio heredi instituto substituitur pater nec filiam adire iubeat, sed ipsemet ex substitutione adeat, an legata à filio relicta præstabit. 16. q. 418. e. 419. a.
- an & à Filio, & à filia peti possit fideicommissum libertatis scripte in codicill. scriptis tantum, & missis ad filium. 19. quæst. 526. c. 527. a.
- inter Filium Exheredatum & hæredem institutum differentia quæ. 18. q. 493. a.
- inter Filium emancipatum & suum differentia quæ. 18. q. 481. e. 482. a.
- inter Filium & patrem in querela inofficiosi differentia quæ. 14. q. 371. e. 372. a.
- inter Filium & extraneum institutum differentia. 3. q. 90. c.
- inter Filium præteritum & patronum præteritum differentia quæ est. 12. quæst. 335. a.
- Filium ad patris hereditatem vocat commune votum, patrem vero ad filii bona tantum miserationis ratio, vel solatiu ratio.
14. q. 372. c.
- inter Filium & alium differentia quæ, iure veteri. 2. defin. 654. d.
- inter Filium, filiam & cæteros liberos, quæ differentia fuerunt olim ante Iustinianum. 6. r. 246. c.
- Filii exheredati à patre, retinent quædam iura, & quæ sunt illa. 2. q. 30. d.
- Filii exheredati victoria in querela inofficiosi testam. excludit heredem scriptum & quomodo. 2. r. 58. c. d. Ratio differentia redditur à Papiniano. ibid. d.
- Filii famil. proprium habent peculium castrense vel quasi castrense, filiafam. vero dotem etiam profectitiam. 9. responf. 406. b.
- Filiorum appellatione continentur quoque filii naturales. 8. r. 343. c.
- Filiorum causa in omni iure potior est cæteris. 14. r. 363. c.
- Filios hereditate paterna decidere, qui patris interfecti necem non vindicant. 15. r. 584. b.
- Filia fratribus an dotem conferre debeat. 5. r. 119. d.
- Filia senatoris, quæ libertino nupsit, an fiat iusta vxor, si postea pater eius mortuus fuerit. 4. ref. 187. b.
- Filia, an vna cum fratribus etiam mitti possit in possessionem rerum hereditariarum quæ onerata est, fideicommissio restituendæ fratribus portionis suæ hereditaria. 7. r. 317. b. c.
- Filia quod in dotem datur, statim sit proprium eius patrimonium. 2. r. 67. b.
- in Filia occidenda pater, cur ius præcipuum habeat, non maritus. 1. de ad. 685. c. 686. a.
- si Filiafam. quid detur in dotem, vel in peculium, quid interest. 2. r. 67. b.
- Fingere id necesse non est, ubi suppletionem non est opus. 7. q. 161. d. e.
- Fines possessionum interdum perturbantur & permutantur possessorum consensu. 2. r. 71. d. e.
- Finium probationes, sunt publica monumenta in agris sculptræ. 2. r. ibid. b.
- Finito ad infinitum nulla est proportio. 8. q. 177. d.
- Finito mandato obligatio non finitur. e. q. 20. c.
- Finitio fundi non est naturalis, sed posititia, & arbitraria. 4. r. 164. c.
- Fiscalis ius priuatorum pactis conuelli non potest. 2. q. 20. c. 21. a.
- Fiscalis pœna est post creditores. 10. resp. 471. d.
- Fiscalis causa de bonis vacantibus, quid distet ab aliis fiscalibus causis. 13. responf. 569. d.
- Fiscalis res. Vide Res.
- Fiscales stationes publicè interest non confundi, & rationes procuratorum Cæsaris. 3. q. 79. c.
- Fiscalia prædia. Vide Prædia.
- Fiscus in hypothecis habet ius commune, non proprium. 11. r. 523. d.
- Fiscus est veluti successor deportati cum oneribus. 9. q. 231. a.
- Fiscus quando priuilegium exactionis habet. 10. r. 471. c.
- an Fiscus tenetur præstare prælegata heredi indigno relicta. 16. q. 429. b. quæ est natura prælegati. ibidem. si heredi auferatur hereditas, ut indigno, qui necem defuncti ultus non sit, an prælegatum præstabitur. ibidem.
- Fiscus an possit prædium persequi actione hypothecaria, quasi per donationem inutilem, non soluto vel perempto pignore. 11. r. 489. d.
- Fiscus an veniat in bona militis, exclusis agnatis & cognatis. 1. r. 596. d.
- Fiscus in actione personali an primum locum obtinet inter omnes creditores chirographarios, etià antiquiores. 10. r. 471. b.
- Fiscus semper est soluendo & locuplet. 11. r. 478. b.
- Fiscus semper habet ius pignoris, quomodo accipiendum est. 11. r. 523. b.
- Fiscus si bona agnouit, est vice heredis. 5. r. 141. a.
- Fiscus succedit in locum incapacis. 9. ref. 390. d.
- Fiscus tantum aufert filio, qui non obtinet quadantem ut indigno. 2. r. 91. d. e.
- Fiscus est successor indignorum & ingratum heredum. 6. r. 269. d.
- Fiscus habet tacitam hypothecam in bonis debitoris. 10. r. 470. a.
- Fiscus loco heredis est. 4. r. 174. a.
- Fisci priuilegium quale sit. 11. responf. 523. b.
- Fiscus præfertur chirographariis creditoribus etiam antiquioribus. ibid.
- Fiscus, qui in ius priuati succedit, iure priuati utitur. 3. r. 140. c.
- Fiscus nunquam satisfacit, quia semper est locuplet. 9. r. 439. d.
- Fiscus semper est soluendo, & fideiussorem non dat. 3. r. 140. d.
- Fisci conductor & conductor vectigalium in quo differant. 1. r. 38. b.
- Fisci quando sunt potiores creditores chirographarii. 11. r. 471. d.
- Fisco vendicantur bona eius qui sibi mortem consciiuit. 16. r. 607. c. 608. a.
- an Fisco eripiente hereditatem heredi scripto, debeantur legata. 16. q. 429. c. d. quibus casibus hereditas cum onere sit caduca. ibid.
- Fisco vel Reipublicæ non tam datur quam priuatis. 1. r. 23. b.
- an Fisco pœna debetur ex contractu priuati. 2. r. 55. d. e.
- inter Fiscum & heredem differentia quæ. 3. r. 141. a.
- Cuiacius hanc differentiam partim admittit, & partim non admittit. ibidem. 141. a.
- contra Fiscum in dubio melius est credere. 15. q. 402. a.
- Fiscum non esse per omnia heredis loco. 3. r. 141. a.
- per Fiscum alicui hereditate erepta, quod eadem defuncti inultam reliquerit, an ea saltem ea actio sit restituenda, quæ additione quidem confusa est. 6. r. 266. b. c.
- quidquid fit ex die, fit & in diem. 7. qu. 144. b. c.
- quæ non fiunt rite propalam, si rite per consequentiam, & tacito intellectu. 9. q. 221. a. b.
- Florentinorum Pandectarum editio est diuinum munus. 2. defin. 659. c.
- Focaria nec est vxor nec concubina. 2. de adult. 695. d. e.
- Focaria quid differt à concubina. ibid. & 696.
- Quatuor olim erant conditiones vxoris, concubinæ, focariæ & meretricis. ibid.
- Focaria. Vide Concubina.
- Focarii, qui in caupona ministerium præbent, vel in stabulo, sunt coqui. 33. quæst. 824. c. 825. a.
- Fœmina filii sui impuberis tutrix aut curatrix esse nequit, nisi speciali concessione à Principe impetrata. 36. r. 52. c. d.
- Fœmina ex causa adulterii æque punitur, ac masculus. 36. q. 837. a. b.
- Fœminæ olim erant in perpetua tutela. 11. q. 316. b.
- Fœminæ libertæ liberantur tutela patronorum iure quatuor liberorum ex Lege Papia: quæ hoc ius non habebant, erant sub tutoribus. ibid.
- Fœminæ virilibus officiis, non funguntur, nec obligationibus obstringuntur. 10. q. 275. b. c. quæ differentia inter mulierem & minorem, 276. a. ratio differentia quæ est. ibid. d.
- Fœminæ natura est obsequi, maris impe-



# in Quæstion. & Respons. Papin.

- rares* 31. quæst. 815. d.  
 Fœminam non excusat ius naturale, nec  
 minorem 25. annis. 19. q. 517. a  
 Fœminæ. Vide mulieres, infra.  
 Fœminarum conditio est deterior quam  
 masculorum. 31. q. 815. d.  
 Fœminarum conditio in quibus causis me-  
 lior esse videtur. ibid.  
 Fœminis non nocet iuris error in compen-  
 diis. 1. defin. 628. b. c.  
 Fœneratores an nullum prædium possi-  
 deant. 1. resp. 16. d.  
 Fœneratores plerumque omne patrimon-  
 ium in pecunia habent. 1. r. 26. d.  
 Fœneratoris manifesti testamentum, quan-  
 do nullum est & quando conualecat. 5. r.  
 217. a.  
 Fœtus ex equis & equitis legati editi quã-  
 do debentur & quando non. 6. q. 139. d.  
 Formulæ non observantur in iudiciis ex-  
 traordinariis. 1. defin. 646. c.  
 Formularia iudicia. 1. defin. 646. c.  
 Forum sortini solemus ratione contractus,  
 vel quasi contractus, vel delicti. 3. resp.  
 98. c.  
 Fori vel excusationis priuilegium, quando  
 vires suas exercet. 5. r. 209. a.  
 Forum sortitur ratione criminis. 16. resp.  
 599. c.  
 omnis Formamateriæ aduenit in ipsa ge-  
 neratione. 29. q. 790. c.  
 Fortuiti casus creditori non imputantur  
 11. resp. 510. a. b.  
 Fortuna inopinata in legatis. 6. r. 257. c.  
 Franciscus Connanus reprehenditur à Cu-  
 iacio dicente Connanum ipsum virum esse  
 doctissimum, sed non iuris. 10. quæst.  
 276. d.  
 Frater agnatus seu consanguineus excludit  
 matrem, mater fratrem, frater cognatum.  
 367. c.  
 Frater contumax, oblata cautione pristi-  
 num ius recipere potest. 3. q. 95. b.  
 Frater non est suus, & est tamen agnatus.  
 26. q. 803. d. e. & seq. Patruus vero est  
 agnatus, & non tamen suus. ibid. Nepos,  
 si filius præcedat, non est suus, sed est  
 agnatus. ibid. Agnatus vel est in trans-  
 uersa linea, vel indirecta. ibid. cur li-  
 beri defuncti excludant parentes defun-  
 cti. ibid.  
 Frater & extraneus in quo differunt quoad  
 successionem. 3. q. 87. d.  
 Fratris vxor dicitur fratria. 4. r. 153. c. d.  
 Fraus commento adoptionis admitti non  
 debet. 1. resp. 28. d.  
 Fraus non fit legi Falcidiæ, sed heredi, si ius  
 suum diminuat. 9. r. 409. d. e.  
 Fraudis suspicio in notorum festinatione,  
 an in nuptiis contrahendis interueniat.  
 1. resp. 28. c.  
 Fraudis suspicio num cesset in nepote sus-  
 cepto in adoptiua familia ex adoptiuo fi-  
 lio. 1. r. 28. d. e. & 29. a.  
 in Fraudem filiorum vel parentum ad alic-  
 nata reuocanda, iure nulla actio compe-  
 tit. 14. q. 389. b. c.  
 in Fraudem creditorum data libertas, ipso  
 iure irrita est. 13. r. 567. c. d.  
 in fraudem creditorum ad alienata reuo-  
 canda, competit Pauliana. 14. q. 389. a.  
 in fraudem alterius nemo consilium muta-  
 re potest. 3. q. 92. c.  
 non Fraudatus eo quod habet non videtur  
 quis, nec etiam fraudatus eo, quod non  
 habet. 31. q. 818. b.  
 de Fraudati vestigialis crimine, quid statuit  
 Papinianus. 13. r. 563. c. d.  
 Friuolaria noxia, Friuolaria rixa. 4. resp.  
 174. b.  
 Friuolum vnde deductum. ibid.  
 Friuolum (inquit Isidorus) est velut quassæ  
 & fluxamentis non stabile dissidium.  
 1. defin. 634. d. e.  
 Friuolsulum vnde deductum. 4. r. 174. b.
- Fructuarius in quibus distat à domino.  
 11. q. 300. b.  
 Fructuarius an possit vsumfructum piguo-  
 ri dare. 11. resp. 524. c. d. In vsum nihil est  
 corporis, quod capi possit, in Vsumfructu  
 est commodum fructuum, qui corpora-  
 les sunt. ibid.  
 Fructus à malæ fidei possessore cõdici pos-  
 sunt, an tunc quoque vsuræ veniant. 6. q.  
 137. b. c.  
 Fructus diuiditur inter proprietarium &  
 fructuarium pro rata eius anni, quo fi-  
 nitus est vsumfructus. 11. q. 300. a. fru-  
 ctuarius in quibus distat à domino. ibid.  
 300. b.  
 Fructus in arbitriis actionibus an veniant  
 ex mora, & quid in strictis action. 20. q.  
 593. b. c.  
 Fructus inter dominum & vasallum quo-  
 modo diuidendi sunt, feudo commisso &  
 aperto. 11. q. 301. b.  
 omnes Fructus potestate conuentionis mu-  
 lieri cedunt, quos maritus percipit tem-  
 pore diuortij. 11. q. 263. c. d.  
 Fructus superflui à quo retineri possunt. 9.  
 re. 431. b.  
 Fructus fructus non est. 7. respons. 282.  
 c. 283. a.  
 Fructus qui semel facti sunt fideicommissa-  
 rii, sine eius facto heredis fieri nequeunt.  
 9. r. 422. c.  
 Fructus omnes restituit malæ fidei posses-  
 sor. 13. r. 570. c.  
 Fructus rerum hereditariarum & hereditas  
 differunt. 9. r. 431. a. b.  
 Fructus maturi & immaturi, distinctio  
 quæ. 7. r. 303. a. b.  
 inter Fructus prædiorum & parvus ancilla-  
 rum differentia Papiniani quæ. 19. quæst.  
 564. c.  
 Fructus recte dicitur pars fundi, vel post  
 sementem. 565. a.  
 Fructus maiores dicuntur dupli fructus,  
 qui in vindicationem veniunt. 6. quæst.  
 135. a. b.  
 Fructus num certum corpus augeant, vt eo  
 corpore petito, & ipsi petiti intelligan-  
 tur. 2. r. 63. a. b.  
 Fructus ab vsuris in quo differant. 6. quæst.  
 136. b.  
 inter Fructus perceptos ante petitam here-  
 ditatem, & inter fructus, qui post peti-  
 tionem hereditatis percipiuntur diffe-  
 rentia quæ. 2. resp. 61. b. Ratio huius dif-  
 ferentiæ qualis. ibid.  
 Fructus vsuris nouis dumtaxat compen-  
 santur. 2. r. 66. d.  
 Fructus ante moram plerumque veniunt  
 in bonæ fidei iudiciis. 20. q. 590. b.  
 Fructus medio tempore percepti ab here-  
 ditibus an fideicommissis contineantur. 8. r.  
 382. b. An & hi in Falcidiam impoten-  
 tur. ibid.  
 Fructus aut causa fideicommissario non  
 præstantur, nisi hi, qui post moram edun-  
 tur. 7. r. 284. b.  
 Fructus pretij pecuniæ vsura est. 2. resp.  
 62. d. e.  
 an Fructus legatorum vel fideicommissio-  
 rum præstantur ex die mortis ante mo-  
 ram. 6. q. 136. b.  
 an Fructus penultimi anni in computatio-  
 nem veniunt, sicut vltimi anni. 11. quæst.  
 297. c. 298. a.  
 Fructus & vsuræ an licitam habeant dona-  
 tionem. 8. r. 326. a. Vsuræ non sunt pars,  
 sed fructus dotis. 8. r. 327. a.  
 Fructus ex dote à viro bona fide percepti,  
 & quasi matrimonij onere consumpti, an  
 domino sint restituendi. 4. r. 378. c.  
 Fructus extantes vindicantur, consumpti  
 condicuntur. 2. r. 62. c.  
 Fructus non hereditati, sed rebus ipsis ac-  
 cepto feruntur. 8. r. 382. a.  
 Fructus percepti ante petita hereditatem,
- quomodo petiti intelliguntur. 2. resp.  
 61. d. e.  
 Fructus percepti post petitam hereditatem  
 quomodo petiti intelliguntur. 2. resp.  
 61. d. e.  
 Fructus superflui extantes an fideicommissis  
 contineantur. 9. r. 431. b.  
 Fructus maturi fundi pretium augent. 19.  
 q. 564. b. & hereditati imputantur. ibid.  
 564. b.  
 Fructus non veniunt ante litem contesta-  
 tam in actione in rem, in bonæ fidei iu-  
 diciis veniunt. 11. q. 280. b. vsuræ ante  
 moram non veniunt in bonæ fidei iudi-  
 ciis: fructus veniunt. ibid.  
 Fructus pendentes sunt pars fundi. 19. q.  
 564. b.  
 Fructus pendentes rebus immobilibus an-  
 numerantur. ibid. cum sint hi pars rei  
 immobilis. ibid.  
 Fructus percepti ante litem contestatam,  
 cur in actionem bonæ fidei conueniunt.  
 6. q. 136. b.  
 Fructus soluti prædioni quasi indebiti con-  
 dici possunt ab eo, qui soluit. 6. quæstio.  
 133. c. 154. a.  
 Fructus vel vsuræ regulariter non veniunt  
 in fideicommissariam hereditatis restituti-  
 onem. 20. q. 591. a.  
 in Fructu homo esse non potest, & cur. 6. q.  
 134. c.  
 inter fructum & causam quæ differentia.  
 7. r. 282. c. 283. a. & quid sit fructus, &  
 quid causa, exemplis declarat actor.  
 ibid. 283. a. b.  
 Fructuum vsuræ. Vide Vsuræ.  
 Fructuum diuidendorum ratio quæ serua-  
 tur inter virum & vxorem, an ea quoque  
 seruetur inter fructuarium & proprietari-  
 um. 11. q. 309. a.  
 Fructuum vicem obtinent vsuræ, nec ab his  
 separari debent. 27. q. 690. c.  
 Fructuum perceptorum incrementum, pen-  
 dente conditione, contractus recipit, fi-  
 deicommissum vero non. 8. r. 382. c.  
 Fructuum perceptorum vsuræ post litem  
 contestatam vtrum præstantur, & an hoc  
 in vtroque possessore, tam bonæ quam  
 malæ fidei locum habeat. 2. r. 63. d. e.  
 Fructuum vicem vsuræ obtinent, potestate  
 iuris non naturæ, & ex obligatione des-  
 cendunt. 9. r. 417. c. d.  
 Fructuum diuisionis fundorum quomodo fa-  
 cienda. 11. q. 286. b. c. & seq.  
 Fructuum vicem obtinet vsura. 6. quæst.  
 136. a.  
 de Fructibus perceptis post litem contesta-  
 tam vsuræ præstantur ab vtroque posses-  
 sore, De perceptis vero ante litem conte-  
 statam aliquatenus tantum. 2. r. 63. c. d.  
 à Fructibus separantur vsuræ tribus casib.  
 20. q. 590. b.  
 à Fructibus vsuræ quid distant. 6. quæst.  
 136. a.  
 an pro Fructibus accipiantur pensiones  
 prædiorum rusticorum & vrbiorum.  
 9. r. 417. c. d.  
 à Fructibus partus separari. 6. q. 134. a. &  
 19. q. 565. d. e.  
 Frui est fructus percipere, quæ res diuisionem  
 recipit. 7. q. 142. a.  
 Frui pro parte possumus, vti pro parte non  
 possumus. 7. q. 142. b. vsumfructus in  
 fruendo consistit, ceteræ seruitutes in  
 vtendo. ibid.  
 Frustra nihil facit natura, nec homo pre-  
 dens. 10. q. 268. a.  
 Frustratio. 2. resp. 49. a.  
 Frustrator à Papiniano dicitur contumax,  
 & cur. ibid.  
 Fugge vitium, cum antiquius sit venditione,  
 responsio serui tormentis elicitio, explo-  
 randum est. 4. f. 462. c.  
 quod fuit alterius (inquit Varro de re ru-  
 stica) vt id fiat meum aliquid interuenire



# Index rerum ac verborum

- neceſſe eſt. 2. definit. 657. b.  
 Functio dotis pacto mutari non poteſt. 2. q. 21. b.  
 an Fundus communis communi ſeruire poteſt. 7. q. 149. b.  
 Fundus non eſt vinea ſimpliciter, ſed & arbuſtum. 11. q. 297. b.  
 Fundus ſterilis ſit ſæpe noſtra induſtria fertilis. 2. r. 70. a.  
 Fundus in Italia eſt iſ qui fert & meſſes & vindemias, poma & nuceſ. 11. quaſtion. 297. b.  
 Fundus fundi inſtrumentum eſſe non poteſt, & cur. 7. r. 319. a.  
 Fundus inſtructus legatus. Vide Inſtructum. Vide Legatum.  
 Fundi ſunt quidam, qui quotannis fructus ferunt, quidam vero, qui biſ in anno, quidam denique ſunt, qui non quotannis, ſed poſt aliquot annos fructus proferunt: quomodo fructus diuidantur. 11. quaſt. 299. a.  
 Fundi appellatione, an plenum dominium ſignificetur. 18. q. 511. e.  
 Fundi redditus ex melle conſtat. 2. r. 68. e.  
 Fundi ſtipulatio ſine propria appellatione, an numeretur inter ſtipulationes viles. 163. e.  
 Fundi legatum. Vide Legatum. Legare.  
 Fundum in dotem datum an maritus pignori obligare poteſt. 11. r. 555. d.  
 inter Fundum deteriore & minorem differentia quæ. 7. q. 160. d.  
 Fundum dotalem ſi maritus vendiderit, poteſt ne hæc venditio mulieri eſſe fraudi. 8. r. 334. a.  
 ex Fundo communi duorum ſi uſusfructus debeatur, & vnus tantum ex eis conueniatur, an in ſolidum condemnabitur. 7. q. 143. b.  
 Fundo inſtructo an theriaca cedat. 7. reſp. 320. e.  
 in Funere nōnus dies eſt ſolemnis. 2. quaſt. 30. b.  
 in Gallia compenſatio ſit ex reſcripto principis nominatim. 3. q. 78. d. e.  
 Funeraria actio. Vide Actio funeraria.  
 qui Funeravit mulierem ſuis ſumptibus, non pietatis cauſa, ei datur actio funeraria de recuperandis ſumptibus in funus mulieris factis. 101. b. c.  
 Funeris impenſis, verſus Virgilij. 15. reſp. 148. c. d.  
 Funeris impenſa eſt æs alienum dotis. 3. r. 102. c.  
 Funecta familia heredis ſi ſit, purganda erit & expianda, quod non ſit ſine actu. 2. q. 29. a.  
 Fur quis dicatur. 2. q. 48. d.  
 Fur manifeſtus & improbus & atrocior. Vide Raptor.  
 Furem nocturnum occidere licet, & Fur nocturnus peior eſt, quam interdiarius. 12. q. 344. a. hic à Comiciſ teſte Seneca, dicitur dormitator, & quare. ibidem. b.  
 Furibus proximi ſunt inſiciatores depoſiti. 11. q. 101. e.  
 Furibus proximi conditionibus obligantur. ibidem.  
 Furioſus in iure per omnia abſentis loco eſt, & ignorantis. 3. qu. 73. a. b.  
 an Furioſus etiam recte procurator datur, quia abſens. ibid.  
 Furioſi curator. Vide Curator.  
 viuo Furioſo, an in curatorem, qui condemnatus eſt nomine furioſi, detur actio iudicati. 5. reſp. 205. d. e. Nulla actio eſt cum furioſo. ibidem.  
 Furioſo curator petere poteſt bonorum poſſeſſionem. 15. q. 408. d.  
 Furtum quid eſt. 12. q. 348. e.  
 Furtum non eſt caſus fortuitus nec damnum fatale. 8. qu. 180. b. c. in quo differat ab abigatu, latrocinio & prædatura. ibid.  
 Furtum ſine contrectatione vtrum fiat. 1. r. 14. d. e.  
 Furtum rei ſolius non ſit, poſſeſſionis vero ſit furtum. 12. qu. 349. d. e.  
 Furtum eſt poſſeſſionis interuerſio, & ſit ſoli poſſeſſori. 11. q. 303. b.  
 Furtum ſit ſolius poſſeſſionis. 26. q. 666. e. & 667. b. non etiam rei hereditariæ. ibid. 667. c.  
 Furtum non ſit, niſi res loco moueatur. 26. q. 666. d. non ſit etiam furtum ſine contrectatione. ibid.  
 Furtum faciens raptor, dicitur fur manifeſtus & improbus. 12. q. 343. d.  
 Furtum hereditati non ſit, & cur. 11. quaſt. 305. b.  
 Furtum eſt crimen iure gentium. 11. quaſt. 287. b.  
 Furtum ſit rerum mobilium, immobilium non. 26. q. 669. b.  
 Furtum veteres etiam rei immobilis fieri volebant, quæ ſententia hodie abolita eſt. 26. q. 669. c.  
 Furtum ſine contrectatione non ſit. 1. r. 14. d.  
 Furtum cadit in impuberem, adulterium vero in puberem. 3. q. 99. d.  
 Furtum eſt crimen iure gentium, ſic & adulterium. 11. q. 287. b.  
 Furtum rerum immobilium hodie non ſit. 36. q. 666. d.  
 Furtum ſit ignorantis. 26. q. 669. d.  
 Furti quocumque genere damnatus, famoſus efficitur. 16. r. 598. e. 599. a.  
 Furti damnatus innocens an fiat infamis. 16. r. 698. b. c.  
 Furti actio, eſt actio famoſa. 1. r. 16. b.  
 Furti actio. Vide Actio furti.  
 Furti non tenetur iſ cuius dolo rapuit alter, ſed vi bonorum raptorum tenetur. 12. q. 345. d.  
 Furti actio eſt famoſa. 16. r. 598. b.  
 Furti definitio quæ. 26. q. 667. e. 669. c.  
 de Furto actio. 10. q. 253. d.  
 de Furt. Lex 81. de furt. & Lex 4. §. vii. D. ad Leg. Ius peculatus plane diuerſa proponunt & non contraria, & cur. 1. reſp. 15. d. e. 16. a.  
 Furtiua conditio. Vide Conditio furtiua.  
 Furtiua res. Vide Furtiua res.  
 Furtiue conditioni compenſatio opponi poteſt. 13. r. 545. b.  
 Futura rei cognitio non eſt certa in hominum natura. 1. definit. 624. e.  
 in Furtiuam conditionem quid venit 12. q. 341. c. 342. a.  
 Fuſia Caninia lex. Vide Lex Fuſia Caninia.  
 Futura incerta ſunt, præterita ſunt certa. 9. r. 391. b. c.  
 Futura non ſunt certa in rerum natura. 1. definit. 624. e.  
 G.  
 Gabinia lex lata fuit de verſura, non de uſura. 2. q. 47. b. c.  
 Gabinia lex non paritur, vt uſuræ uſuras commutent. 2. q. 47. c.  
 in Gallia hodie adoptio vel adrogatio filii eſt in uſu. 23. q. 648. b.  
 Gallie Rex. Vide Rex.  
 in Generali hypotheca prioris ineſt ſpecialis. 3. r. 126. b.  
 Generali hypotheca, quæ ſpeciali ſubiicitur, ſemper ineſt tacita conditio, ſi ſpecialis idonea non ſit. 3. r. ibidem. e.  
 Generalis obligatio quæ eſt. 11. r. 475. a. e.  
 Rei alienæ pignus non eſt, cuius vero emptio venditio eſt. 11. r. 476. a.  
 Generalis ſermo nullus adeo eſt, à quo tacite quædam non excipiuntur ex mente loquentis. 4. r. 154. b. c.  
 Generalis fideicommiſſarius num Falcidia derrat. 9. q. 226. a. b. excipiuntur quidam caſus. ibid. 22. b.  
 inter Generalem obligationem pignoris & ſpecielem differentia quæ. 11. r. 475. a.  
 Generalia iudicia. Vide Iudicia.  
 Generaliter pleraque ſunt vera, quæ ſumpra ſpecialiter falſa ſunt, & contra. 17. q. 461. e. 462. a.  
 Genſ & Genus in quo differunt. 3. quaſt. 83. e.  
 Genus ex pluribus ſtirpibus manat, agnatio ex vna ſtirpe. ibid.  
 Genus generale quod eſt, & quid differt à ſpeciali. 12. q. 338. a. b. omne Genus eſt incertum. 12. q. 338. b.  
 Genus publicanorum omnibus eſt inuiſum. 17. q. 477. c. 478. a.  
 Genus generale vel Genus ſpeciale. 17. qu. 460. e. 461. a.  
 Genus non derogat generi. 33. q. 826. c.  
 Genus non derogat ſpeciei. ibidem.  
 Genus ex vna ſtirpe manat, Genſ ex pluribus. 3. q. 83. a.  
 qui Genus vel gentem ſe habere dicit onus probandi ei incumbit. 3. q. 82. c.  
 Genus & totum in quo differunt. 3. quaſt. 83. e.  
 Genus & genſ in quo differunt. 3. quaſt. 83. e.  
 Generis ſtipulatio. Vide Stipulatio.  
 Generis verbum legatum contrahit. 16. q. 419. e.  
 Generis alterius eſt id cuius cauſa quid comparatur quam ſit id, quod eius cauſa comparatur. 9. r. 426. e.  
 Generi derogatur per ſpeciem. 33. q. 826. c.  
 potior eſt in iure, qui ex ſpeciali legato, quam qui ex Generali rem petit. 33. q. 826. b.  
 Generi nullum ſubest corpus. 28. quaſtio. 736. d.  
 an Generi per ſpeciem derogetur, ſupplectili legata, vel inſtructo prædio generaliter, ſi ſpecies quædam cuiusdem recenſeantur. 7. r. 308. c.  
 Generi per ſpeciem derogatur in toto iure. 2. definit. 666. b.  
 Generi per ſpeciem derogatur in toto iure. 36. q. 835. b.  
 Generis & gentis differentia quæ. 3. quaſt. 83. e.  
 in Genere liberalitatis eſt legatum. 19. qu. 534. d.  
 Genera domini in iure noſtro ſunt quatuor, & quæ illa ſunt. 8. q. 168. b.  
 inter Genera legatorum olim erat differentia, & quæ 17. quaſtion. 452. c. d.  
 hodie ea eſt ſublata ex Conſtitutione Iuſtiniani Imperatoris. ibidem.  
 Genera alia eſſe prima & antiquiſſima & generalia. 2. q. 338. a. b.  
 Gentis & generis differentia quæ. 3. quaſt. 83. e. 84. a.  
 Gentem mutat adrogatio. Vide Adrogatio.  
 Gentem plures ſtirpes conſciunt. 3. quaſt. 83. e.  
 Gentilis quis dicitur. 3. q. 83. c. d. e.  
 Gentiles ad hereditatem vocantur deficientibus agnatis. 6. r. 274. d. e.  
 Gentiles qui dicuntur. 6. r. ibid.  
 Gentilitia iura hodie in uſu non ſunt. 6. r. 274. c.  
 Geometrica proportio ſeruatur in distributionibus. 11. q. 296. a. b.  
 Geometrica proportio quæ eſt. 10. quaſt. ibidem.  
 Gerere ſe pro herede eſt acquirere hereditatem. 10. r. 457. b.  
 in Gerendis negotiis Sempronij, aliquis negotium quoque Titij geſſit ignorans, quaritur, an Sempronio teneatur iſte actio negotiorum geſtorum, non tantum Sempronij, ſed etiam Titij negotij nomine. 2. r. 47. b.  
 Germania ſuperior quæ eſt. 1. reſponſ. 15. a.  
 Germania inferior quæ. 1. r. 13. a.



# in Quæstion. & Respons. Papin.

Germanie inferioris & superioris situs quis  
1. re. 17. a.

Gesti appellatio latissime manat. 1. respon.  
31. c.

Gestio pro herede est spec. et acquitendæ  
hereditatis. 2. r. 82. c.

Gestio pro herede magis est animi, quam  
facti. 2. q. 29. a.

Gestio pro herede in extraneo, in suo here-  
de est transmissio. 10. r. 457. b. c.

Gestio seu Geritio pro herede non est tan-  
tum actus viuentis, sed & morientis. 6. r.  
262. b.

Gestor negotiorum rem alienare non po-  
test. 2. r. 53. a.

Gestor negotiorum. Vide Negotiorum ge-  
stor.

ad Gladium damnare. 1. q. 16. b.

Gladium gestare Romæ Senatoribus quan-  
do licebat. 6. r. 259. c.

Gladii atque stolar militaris ius Præsides  
habuerunt. 1. r. 4. d. c.

Gladii ius vel Chlamydis proconsules non  
habuerunt. ibidem.

Gladii ius habet Consul, ius vero relegan-  
di non habet. 1. q. 14. d.

Gladii ius cui est, eidem & animaduersio  
in milites. 1. r. 4. c.

Gladii ius. Vide Ius gladii.

Gladio cingi proprium est militis. 6. resp.  
259. c.

Gladio puniri iubet, qui in aliquem ani-  
maduerit iubet. 1. q. 15. c. 16. a.

Glicia lex. 14. q. 374. f.

Glicia lex. Vide Quærela.

Glossa Accursii delenda quæ. 10. quæstion.  
255. d. c.

Glossa non minus studiosum esse decet,  
quam ipsius textus, refert Cuiacius. 9. q.  
208. b.

Glossam emendare absurdum non esse di-  
cit Cuiacius. ibidem.

Graccharia lex. 14. q. 374. c.

ad Gradum sextum cognatio finitur, Lege  
Iulia & Papia. 6. r. 275. b.

quo Gradu defuncto sum cognatus, eodem  
sum affinis eius uxori. 4. r. 153. c.

Gradus affinitatis nulli proprie sunt nume-  
randi. 4. r. 153. d.

Græca lex, qua proponitur frater fratri le-  
gasse digitum aquæ. 2. r. 70. d.

Græca quæque antiqua numismata legatos  
vocant propretiores. 1. r. 3. b. c. Et Dio  
eos vocat *προπρετορες* *ἀντιπροπρετορες*.

ibid.

Graci verbum Delegare quomodo acci-  
piunt. 3. r. 108. a.

Grammaticam artem scripsit Quintus Rem-  
mius Palamon. 1. de adul. 673. a.

Grammatici dicunt Aduerbia esse pande-  
ctas omnium partium orationis 23 qu.  
651. c.

Grauiore pœna videtur cum reo transac-  
tum de fama. 1. r. 22. a.

Gregarii milites qui dicuntur. 1. r. a. b.

H

Habere possumus quædam quamuis ea  
nobis vtilia non sunt. 2. r. 69. c.

Habere quod quis ex sua persona non po-  
test, hoc sapere per extraneum & per al-  
terius personam Habere potest. 6. q. 131.  
c. 132. a. & 20. q. 601. c.

Habitatio potest alii locari, vsus vero non.  
18. q. 515. b. c.

Habitatio non amittitur capitis minutio-  
ne. 18. quæst. ibid. quibus modis amitti-  
tur. ibidem.

Habitatio facti potius est quam iuris. 18. q.  
515. b. c.

Habitatio facti est potius, quam iuris. 18. q.  
515. b. c. Capitis minutione non perimi-  
tur. ibid.

Habitatio est indiuidua, nec pro parte præ-

stari potest.

cum Habitatio competit, an possit eam alii  
locare, non etiam donare. 18. q. 515. b.

Habitatio facti nomen est, vsus autem est  
nomen. 18. q. 515. c.

Habitatio cui legata est, an possit seorsum  
sine se alius concedere, seu donare. 18. qu.  
515. a.

Habitatio quid est. 18. q. 514. d. c.

Habitatio & vsus in quo differunt. 18. qu.  
515. b.

Habitatio. Vide Vsus.

Habitationis onere finito, morte liberto-  
rum, an heres quicquam ab emptore do-  
mus exigere possit. 3. r. 123. c.

Habitationis legatum libertis relictum  
quando finitur. 3. r. ibidem.

Habitationis legatum. Vide Legatum.

Habitationi plus inesse videtur, quam vsui  
nudo. 18. q. 515. b. c.

Habitationem donare plus est quam loca-  
re. ibidem. a. b.

Habitatione finitur, qui locat, percipien-  
do messem. 18. q. 515. b.

Habitatione legata, an videatur domus le-  
gata, id est, proprietas. 18. q. 515. d.

Hadrianum Senatusconsultum. Vide Se-  
natusconsultum.

*Haras, troupes de poullins*. 7. r. 283. c. 284. a.

sub Hasta præconis bonorum distractio.  
Vide Distractio.

Hereditas filii patri ita non debetur, vt pa-  
tris filio. 14. q. 372. c.

Hereditas iacens non habet possessorem.  
26. q. 667. c.

Hereditas non acquisita non transmittitur.  
14. q. 376. c. constitutiones Theodosii  
exciuntur. ibid. 377. a.

Hereditas quid est quæ non sensibus perci-  
pitur, sed quæ intellectu abstrahitur, &  
apprehenditur. 6. q. 121. c. d.

Hereditas sine sacris non est. 2. quæstion.  
43. a. b.

Hereditas verbis directis testamento da-  
tur, codicillis non. 17. q. 451. b.

Hereditas vnius personæ scindi non potest,  
vt pro parte habeatur, pro parte non. 3.  
q. 87. d.

Hereditas est iuris vocabulum, non corpo-  
ris. 11. q. 303. b. possessio vero est facti &  
animi. ibid. c.

Hereditas est ius vniuersum successionis  
defuncti, vel successio iuris vniuersi. 61. q.  
122. b.

Hereditas est successio iuris vniuersi de-  
functi. 61. q. 122. a. b.

Hereditas rhetoribus est pecunia, I. C. ve-  
ro ius. 6. q. 122. d.

Hereditas. Vide Successio.

omnis Hereditas est locuples quæ habet  
heredem locupletem. 19. q. 555. c.

Hereditas legitima proprie redire dicitur,  
quia ad eandem familiam recurrit. 19. q.  
554. b.

Hereditas aliud est, aliud fructus rerum  
hereditarium. 9. r. 431. a. b.

Hereditas nulla est sine sacris. 2. q. 43. a. b.

Hereditas absenti restituitur per nuntium,  
vel per epistolam. 3. q. 77. b. c.

Hereditas codicillis dari nequit, verbis di-  
rectis, precariis potest. 15. q. 391. c.

Hereditas si sub conditione relicta sit ab  
eodem herede, libertas, vero, per fidei-  
commissum pure, & vice versa ratio dif-  
ferentiæ hic quæ est. 11. q. 314. d.

Hereditas ea deferri dicitur quæ acquiri  
vel repudiari potest. 2. r. 59. a. excipiun-  
tur duo casus. ibid.

quo Hereditas redit, eo & tutela peruenit.  
19. q. 554. d.

Hereditas nulla potest esse capite diminu-  
ti, quæ personæ vice fungatur. 3. respon.  
141. b.

Hereditas quibus casibus cum onere sit ca-  
duca. 16. q. 428. c.

8. r. 365. d. c.

18. q. 515. b.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

18. q. 515. c.

18. q. 514. d. c.

18. qu.

Hereditas si heredi auferatur, vt indigno;  
qui necem defuncti vltus non sit, an præ-  
legatum præstabitur. 16. quæstion. 429.  
c. & 430. a.

Hereditas tota an auferatur per querelam  
inofficiosi testamenti. 2. r. 58. b.

Hereditas est inanimata & incorporalis. 11.  
q. 303. c.

Hereditas est ius successionis. 2. r. 63. a.

Hereditas est nomen iuris, quod intellectu  
tantum percipitur. 2. r. 63. a.

Hereditas homini tantum sanæ mentis;  
non etiam furioso deferitur. 2. r. 59. a.

Hereditas iacens in iure nostro personæ  
vice fungitur. 3. r. 141. b.

Hereditas non adita, in heredem non trans-  
mittitur. 6. r. 264. d.

Hereditas per procuratorem adiri non po-  
test. 6. r. 260. b.

Hereditas quando recte vendi solet. 10. r.  
461. a.

Hereditas redire dicitur, non tantum ad a-  
gnatos iure legitimo, sed etiam ad cohe-  
redes iure adcrendi. 8. r. 337. a.

Hereditas semel acquisita, repudiari non  
potest. 10. r. 459. c.

Hereditas testamento data nuda volunta-  
te non adimitur, sed alio testamento so-  
lemni. 6. r. 268. d. Secus de legato. ibid.  
268. d.

Hereditatis acquisitio non est tantum actus  
viuentis, sed morientis. 6. re. 262. b.

Hereditatis datio in quo differat à datione  
libertatis ex die. 1. defin. 639. d.

Hereditatis petitio. Vide Petitio heredi-  
tatis.

Hereditatis petitio est actio bonæ fidei.  
2. r. 63. b.

Hereditatis vocabulum iuris est, non cor-  
poris. 11. q. 303. c.

Hereditatis expilatæ crimen est famosum  
& turpe. 1. r. 17. a.

Hereditatis nomen est nomen iuris, quod  
continentur omnia iura & actiones com-  
moda & incommoda, atque onera here-  
ditaria. 3. r. 135. a.

Hereditatis vires finiuntur esse in testa-  
mento militis, in pagani vero durante  
assis. 29. q. 787. c.

Hereditatis acquirendæ modi sunt, aditio  
cretio, petitio bonorum possessionis. 14.  
quæst. 376. c. 377. a.

Hereditatis loco est pretium. 2. r. 5. d.

Hereditatis fideicommissum. Vide Fidei-  
commissum hereditatis.

Hereditatis nomine non continetur lega-  
tum. 2. r. 88. b.

Hereditatis aditio retrahitur ad tem-  
pus mortis testatoris. 1. defin. 643. a. b.

in Hereditatis restitutione, an sit necessaria  
præsentia fideicommissarii. 20. quæstio.  
611. d. e.

cui Hereditatis superfluum restituitur ex  
causa fideicommissi, an is sit Trebellia-  
nus fideicommissarius. 19. q. 573. d. e.

Hereditatis dies aditionis & dies petitio-  
nis idem est quo ad initium, non quo ad  
finem attinet. 5. qu. 115. b. Dies aditio-  
nis Hereditatis finitur centum diebus,  
petitionis dies est perpetuus, hoc est fini-  
ur 30 annis. ibid. 115. c. 116. a.

Hereditati semper inest pecunia. 9. r. 399. d.

Hereditati furtum non fit, & cur. 11. quæst.  
305. b.

Hereditas est quæ iacet substantia defun-  
cti, necdū adita est, id est ius vniuersum  
quod in ea substantia habuit defunctus.  
11. q. 303. c.

ad Hereditatem vocantur gentiles deficien-  
tibus agnatis. 6. r. 274. d.

Hereditatem restituere rogatus quis sim-  
pliciter, an potest aliquid ex hereditate  
alienare. 19. q. 574. a. b.

Hereditatem adire non potest mutus. 15. q.  
406. d.



# Index rerum & verborum

- Hereditatem an is obtinere possit ex secundis Tabulis, qui primis renuntiavit. 3. q. 86. d.
- Hereditatem adire nequit surdus. 15. quaest. 406. d.
- Hereditatem cernere quid.. Vide Cernere hereditatem.
- Hereditatem paternam qui omittit, an omittit etiam debeat legatum. 18. quaest. 481. c. 482. a.
- an Hereditatem adire possit absens per procuratorem. 20. q. 611. d.
- Hereditatem cum deminueri non licet, licet retinere fructus superfluos, quos ipse percepit. 9. r. 431. b. cui vero deminueri licet, fructus superfluos retinere non licet. ibid. 431. c.
- Hereditate se abstinens filius, an etiam esset petitor operarum praeiutarum. 20. q. 619. b.
- Hereditas pendet ex voluntate fideicommissarii. 20. q. 620. b.
- si in Hereditate legitima non est successioni locus, quomodo successioni potest esse locus in querela. 5. q. 13. a.
- in Hereditate auferenda nulla est distinctio inter scientem & ignorantem, secus in fructibus auferendis ubi valet. 15. r. 546. b.
- in Hereditate non est idem iuris, quod in legato, & cur. 9. q. 230. a. b.
- Hereditate alicui per fideicommissum crepta, quod eadem defuncti inultam reliquerit, an ei saltem ea actio sit restituenda, quae additione quidem confusa est. 6. ref. 266. b. c. Quae distinctio hic notanda. ibid.
- Hereditate acquisita utitur mistione. 10. r. 457. b.
- Hereditas acquiritur additione vel pro herede gestione. ibid.
- Hereditates directae cedunt à morte testatoris, cur non etiam fideicommissariae & precariae. 15. q. 68. b.
- Hereditates fideicommissariae. Vide fideicommissariae hereditates.
- duae Hereditates vnius hominis non sunt. 3. q. 79. d.
- si quis rogatus est Hereditatem restituere, an possit aliquid ex Hereditate alienare, vel diminueri. 19. q. 754. a.
- Heres an ex parte ante conditionem adire cogatur. 20. q. 614. d. e. & 615. a. b.
- Heres, à quo legatum est relictum sub conditione, si moriatur, ea pendente, heredem suum qui adierit, obligatum relinquit. 28. q. 732. d. c. fecus in legatario. ibid. 732. c.
- Heres extraneus quoque defunctum luge-re debet, à quo hereditas ad eum peruenit. 2. q. 28. c. 29. a. familia heredis funesta fuisse dicitur à tempore mortis. 2. q. 29. a.
- Heres institutus sub conditione, pendente ea, iure civili hereditatem adire non potest, expectare debet conditionem. 5. q. 114. a.
- Heres legatario omnem culpam & dolum praestare tenetur excepto casu fortuito. 18. q. 501. b. c.
- Heres legatis onerari non potest supra do-drantem bonorum. 2. q. 608. c.
- Heres quis dicitur. 9. q. 626. c. res non facit heredem sed nomen & titulus Here-dem facit. ibid. 227. a.
- Heres solus exercet Falcidiam non fidei-commissarius vllus aut legatarius. 20. q. 620. b. c. d. e.
- Heres institutio sua, defuncti vitia non excludit. 2. definit. 669. b. c.
- an Heres vsuras praestare debeat, quoad in-tegram sortem exsoluat. 29. q. 769. d. c.
- Heres non recte instituitur codicillis, no-men vero Heredis recte scribitur. 17. q. 451. b. c.
- Heres qui semel est, est in perpetuum. Heres. 2. resp. 89. c. d.
- Heres est successor iuris, legatarius vero est successor rei. 2. r. 88. c. d.
- Heres qui semel exiit, heres esse desine-re nequit. 3. r. 132. c.
- quae Heres capit conditionis explenda cau-sa non imputantur in quartam. 2. r. 85. c. excipiuntur quidam casus. ibid. 85. c. & d.
- Heres institutus & filius exheredatus in quo differunt. 18. q. 493. a.
- Heres suus. Vide Suus.
- Heres qui semel factus est, heres esse non definit. 3. q. 85. a. b. & 18. q. 484. d. e.
- si Heres Falcidia vratur, an stipulatio pœ-nalis committatur. 15. r. 549. b.
- Heres qui hereditatem non adiit. Vide Hereditas.
- Heres, & an intersit scire à quonam tem-pore heres moram fideicommissarii fa-cere incipit. 9. r. 393. c. d.
- Heres necessarius seruus habet tantum nu-dum nomen heredis quia heres est sine re. 2. resp. 89. c.
- Heres. Vide Extraneus.
- Heres semper est, qui semel heres est. 2. r. 89. c. d.
- Heres defuncti ibi conueniri potest, ubi defunctus contraxit. 3. r. 100. c. d.
- Heres ex testamento ubi extat, ibi legiti-mus remouetur. 2. r. 90. a.
- Heres indignus. Vide indignus heres.
- Heres nomine absentis an cogi possit adire & restituere. 20. q. 611. d. e.
- Heres iustus & legitimus in quo differunt secundum Apuleium. 28. q. 750. c.
- Heres & pater in quo differunt. 27. q. 706. a. b.
- Heres alumni an fideicommissum non pe-tat ab eo, apud quem pecunia fœnori oc-cupata est. 9. r. 434. c.
- Heres de fideicommissio detrahit Falcidia, ex Senatusconsulto Pegasiano. Secus de mortis causa capione. 2. r. 83. d. e.
- Heres est successor iuris, legatarius vero successor rei. 2. r. 88. c.
- Heres ipso iure etiam ignorans existit, & sine curatoris auctoritate. 2. r. 54. b.
- Heredis ius plerumque temporarium est. 9. r. 422. c.
- Heredis institutio est honor. 12. quaestio. 337. b.
- Heredis alia est causa certam pecuniam praecipere iussi ad alimenta libertorum, & alia extranei iussi diuidere legata te-stamento relicta, & quænam istæ. 7. r. 309. c. 310. a.
- Heredis interest defuncti voluntatem im-pleri. 27. q. 678. a.
- Heredis loco est bonorum possessor. 2. resp. 88. a.
- Heredis nomen inducere plus est quam dicere. 16. q. 428. b.
- Heredis & Fisci differentia quæ. 3. respons. 141. a.
- Heredis electio infirmatur nuda volunta-te. 19. q. 533. b.
- Heredi extraneo datur iudicij translatio. 20. q. 619. c.
- Heredis electio sola morte confirmatur. 19. q. 531. a.
- Heredis instituti aut legatarii domino vel patri fideicommitteri potest. 9. q. 224. d.
- Legari vero non. ibid.
- Heredis nomine successor iuris significa-tur. 2. r. 67. c. 68. a.
- Heredis nudum nomen an testamentum corroboret. 3. q. 85. c.
- Heredi si auferatur hereditas vt indigno, qui necem defuncti vltus non sit, an præ-legatum praestabitur. 16. q. 432. a. b.
- Heredi quod datur implenda conditionis causa, non est fideicommissum, sed dici-tur mortis causa capio, & quæ eius dif-ferentia. 2. r. 83. c.
- Heredi est perpetua voluntas eligendi, quamdiu viuit. 19. q. 331. b. c.
- Heredi quod dat statuliber de peculio, im-puratur in Falcidiam. 2. r. 83. d.
- Heredi vt indigno an auferatur pars fundi prælegati, quam iure hereditario posside-re videtur. 15. r. 584. c.
- Heredi fraus fit non legi Falcidia, si ius suum diminauat. 9. r. 409. d.
- Heredi scripto qui partem auferit, an pro ea parte legatarius teneatur. 8. resp. 359. b. c.
- secundo Heredi consulitur duobus modis quoad successionem. 2. r. 72. d.
- Heredi indigno an filius tenetur praestare prælegata ei relicta. 16. q. 431. d.
- inter Heredem & legatarium, quæ diffe-rentia. (1. definit. 642. d.)
- quid, si ipsum Heredem venenum infudif-se apparet. 2. r. 82. c.
- inter Heredem & legatarium differentia quæ est quoad legatum. 20. quaestio. 602. c.
- in Heredem nulla est actio nudo executo-ri. 8. r. 371. a.
- si quis Hereditatem adire potuerit, nec adi-uit, nihil transmitti videtur. 14. q. 387. a. b. hæc regula quibusdam casibus vitia-tur. ibid.
- Heredem iubere stipulari dotem, quæ nu-ptæ filiae relinquuntur aliud est. 8. r. 340. c.
- Aliud vero est iubere heredem dare ali-quid certis personis die obitus sui. 8. ref. 340. d.
- Heredem non facit prætor, sed bonorum possessor. 2. r. 89. d.
- in suo Herede quod est immistio, in ex-traneo est pro herede gestio. 10. respon. 457. b. c.
- pro Herede gestio in extraneo, in suo he-rede est immistio, ibidem.
- ab Herede luctus qui desideratur, in qui-bus consistit. 2. q. 30. c. d. e.
- Heredes restituuntur beneficio ætatis ad-uersus transactiones & diuisiones. 2. r. 74. a.
- singuli Heredes pro qua parte sunt, pro ea-dem parte ex 12. tab. æri alieno obligan-tur. 1. ref. 10. d.
- duo Heredes vnius hominis non sunt. 3. q. 79. d. e.
- Heredes sine re, & cum re, qui sunt. 6. r. 273. b.
- Heredes extranei. Vide Extranei.
- Heredes soli habent retentionem Falcidia, non legatarii. 6. r. 249. b.
- Heredes an restituere cogentur, quod de-functo prorogatum est. 4. r. 151. b.
- sui Heredes. Vide sui heredes. 30. quaest. 802.
- Heredes scripti liberi an dimidiam dotis partem retinere possint. 10. r. 12. a.
- Heredes necessarii qui sunt. 8. quaestio. 192. c. d. e.
- Heredum ius interdum etiam ad legata-rium transferri potest. 2. resp. 88. a.
- Heredibus extraneis institutis, an, si filius præteritus bonis se abstineat, ex æquo & bono tuenda sit voluntas testatoris. 5. r. 215. d.
- Hereditaria negotia vrgentia quæ. 8. resp. 30. a.
- Hereditarius seruus. Vide Seruus heredi-tarius.
- Hoc amplius hæc verba, vel simpliciter am-plius, sæpe in iure magnam vim habent, & magnum momentum. 8. r. 333. a. e. 335. a.
- Heres hodie quælibet Respub. institui po-est, quod olim non obtinuit. 9. respons. 394. d.
- Homo liber alteri inutiliter emittit. 3. resp. 92. d.
- Homo liber dicitur is qui non est obæra-tus. 389. c.
- Homo homini est cognatus iure natura. 19. q. 266. b.



# in Quæstion. & Respons. Papin.

**Homo** in fructu esse non potest, & cur. 6. q. 134. c.  
**Homo** prudens nihil facit frustra, aut natura. 10. q. 268. a.  
**Homo** liber hominis liberi instrumentum esse non potest, & cur. 7. r. 319. b.  
**Homo** est species. 17. q. 461. a.  
**Homo** liber. Vide Liber homo.  
**Hominis** desperati salutem expedire honestum est. 15. resp. 588. c.  
**Hominis** liberi nulla est æstimatio. 23. q. 649. c.  
**de Homine** sano, qui iudex datur ex magistratu, an furore superueniente iudicium solvatur. 3. q. 71. d. e. item an fuerit recte ab initio iudex datus. ibidem.  
**Honestum** est salutem desperati hominis expedire. 15. r. 588. c.  
**Honorarius** tutor quis. 4. r. 181. d.  
**Honorarium** vinum est, quod honoris causa offertur. ibid.  
**Honorarium** Aduocatorum. 3. r. 116. a. b.  
**Honorarium** dicitur salarium. 3. respons. 116. a. b.  
**Honorarium** ius, dicitur ius prætorium. 2. d. 647. d. e.  
**Honorarij** petitio Aduocato est. 3. respons. 116. a. b.  
**Honorarij** sacerdotij in prouincia quis. 1. resp. 37. a.  
**Honores** decurionatus, in quibus differt à cæteris honoribus. 1. r. 36. d. e.  
**Honores** debetur memoria. 16. respons. 601. d.  
**ab honore** quæ vacatio temporis ad eundem vel alium honorem requiritur. 1. r. 37. d. e.  
**in honore** nouo adipiscendo quale tempus præstatur. 1. r. 25. d.  
**qui** honore semel est functus aliquo munere non cogitur eundem repetere intra eundem tempus, & quoniam illud tempus est. 1. r. 25. d.  
**ab honoribus** excusatio si sit. 1. respons. 36. d. e.  
**ad honores** interdum aliquem promouent, dignitas & reuerentia oris, vultus, indomitus. 1. r. 33. d. e.  
**Honores** præfatos vocatus in crimen retinetur, nouos ante finitam litem adipisci nequit. 1. r. 31. b.  
**Honores** & munera non ordinationibus, sed potioribus sunt iniungenda. 1. resp. 40. a.  
**Hora** captiuitatis iungitur horæ mortis & retro. 29. q. 805. b.  
**Horologium**, an sit adfixum domui, & an sit pars eiusdem. 7. r. 319. e. 320. a.  
**Hortus** vicinus an contineatur legato domus. 7. r. 300. b.  
**rot Hostes** quot sunt serui. 1. q. 10. e.  
**Hyems** sumitur pro vi ventorum, aut imbrium Græcis *χεῖμων*. 2. r. 68. d.  
**Hypotheca** tacita an etiam detur ei, cuius pecunia, domus quæ vitium faciebat, resecta est. 10. r. 454. c.  
**Hypotheca** generali, quæ speciali subiicitur, semper inest tacita conditio, si specialis idonea non sit. 3. r. 127. b.  
**Hypothecam** tacitam in ea domo an is habeat, cuius pecunia domus empta est. 10. resp. 454. e. 455. a. Quid de pupilli pecunia. 10. resp. 455. b.  
**in Hypotheca** generali prioris inest specialis. 3. r. 126. b.  
**Hypotheca** & pignora liberantur voluntaria nouatione facta, non etiam necessaria. 3. r. 142. b.  
**in Hypothecis** privilegia æstimantur ex tempore, in personali actione ex causa debiti. 9. q. 215. d.  
**in Hypothecis** fiscus habet ius commune, non proprium. 11. r. 523. c.  
**Hypotheca** liberatur voluntaria nouatione facta, si ius necessaria. 3. r. 142. b.

**Hypothecaria** actio nascitur ex pacto ipso iure. 11. r. 488. c.  
**Hypothecaria** actio. Vide Actio.  
**Hypothecis** est quæstio factis, personis, & aliis circumstantiis implicita. 2. de adult. 704. b. c.

## I

**Iacobus** Cuiacius horum commentariorum Auctor, quam differentiam inter Quæstiones Papiniani & Responsa instituit, & cur. 1. resp. 1. a. b.  
**Iacens** hereditas. Vide Hereditas iacens.  
**ex lactura** aliena nemo lucrum facere debet. 2. r. 65. e.  
**in Id** quod Reipub. abest, an quis Reipublicæ teneatur. 1. r. 43. a.  
**Idoneus** defensor. Vide Defensor.  
**Idoneum** nomen. Vide Nomen.  
**Ignobilis**, si adoptetur à nobili, an nobilis fiat. 36. q. 832. d. e. 833. a. b. & seq.  
**Ignorans** rei mobilis possessionem amittit. 26. q. 669. c.  
**Ignorans** & inuitus in quo differunt 26. q. 670. b.  
**Ignorans** non amittit possessionem. 23. q. 641. d.  
**Ignorans** non acquirit possessionem, præterquam vno casu. ibid.  
**Ignoranti** ius, non procedit vsucapio. 19. q. 517. c.  
**Ignoranti** domino acquiritur dominium per seruum, possessio scienti & volenti acquiritur. 23. q. 643. c.  
**Ignoranti** furtum fit. 26. q. 669. d.  
**Ignorantia** facti est error. Vide Error.  
**Ignorantia** non qualibet est iusta & probabilis. 6. q. 133. b.  
**Ignorantem** inuasio non spoliatur possessione, quæ solo animo retinebatur. 23. q. 645. c.  
**Ignorantes** ex testamento emolumentum legatorum acquirunt. 8. r. 332. e.  
**Ignorantes** an rerum legatarum dominium acquirant, vel agnitione, vel traditione. 8. r. 332. e. & 334. a.  
**Ignorantes** fideicommissio astringi possunt. 8. r. 332. e.  
**Ignorantibus** mulieribus ius subueniri solet, sed non in lucris. 19. q. 517. c.  
**pro Ignorantibus** habentur surdus & mutus. 8. r. 332. e.  
**Ignorantibus** ius in lacris nec masculis, nec foeminis succurritur. 19. q. 521. d.  
**Ignorantia** quando excusat eum qui succedit. 3. r. 125. a. b.  
**Ignorantia** dissoluta prope scientiam est. 12. r. 5. 8. c.  
**Ignorantia** iuris quid est. 19. q. 516. b. c.  
**Ignorantia** iuris potius stultitia est, quam error. ibid.  
**Ignorantia** iuris præmio non afficitur, nec damno mulctatur. ibidem.  
**Ignorantia** iuris gentium non remittitur. 36. q. 836. e. 837. a.  
**Ignorantia** iuris naturalis neminem excusat. 2. de adult. 696. b. c.  
**Ignorantia** quando excusat, & quando non. 3. r. 125. b. c.  
**Ignorantia** iuris nihil obest mulieri in petenda dote. 19. q. 519. a.  
**Ignorantia** iuris non prodest in vsucapione. 19. q. 517. c.  
**sola Ignorantia** iuris vsucapionem impedit. 23. q. 648. e.  
**Ignorantia** facti non impedit vsucapionem. 23. q. ibidem.  
**Ignorantia** iuris non est dolus, sed lata culpa. 19. q. 521. d. e.  
**Ignorantiæ** iuris prætextus non potest delere infamiam, in quam quis incidit. 19. q. 521. b.  
**Ignorantia** iuris. Vide Iuris ignorantia, infra.

**Ignorantiam** imitatur dubitatio. 2. q. 43. c.  
**Ignorare** ius rusticis plerumque permissum est. 1. de fin. 630. c.  
**Ignorare** nemo videtur, quod est publicum. 19. q. 516. d. e.  
**Ignoratio** iuris nemini nocet in gerendis negotiis citra delicta. 19. q. 517. b.  
**Ignoratio** suum perentibus nihil obest. 39. q. 19. a.  
**Ignota** res in stipulationem non deducitur cum stipulationi inferitur arbitrium boni viri. 4. r. 162. e. 163. a.  
**Illatio** mortui locum religiosum facit, reliquis mortui in alium locum translatis locus fit prophanus. 3. r. 121. b. quæ translatio à principe imperari debet. 3. resp. 121. b.  
**Illicitæ** nuptiæ quæ sunt. 11. q. 284. a. b. c. ne Legata inutilia vel inania faciamus, cauere debemus. 17. q. 454. c.  
**Imago** non debet aut potest naturæ & veritati caliginem offundere. 12. quæstion. 533. d.  
**Immiscere** est, quasi res iam suas attrectare, pro herede se gerere, est acquirere hereditatem. 8. q. 164. c. d.  
**Immiscere** se bonis hereditariis, est rebus hereditariis tanquam dominum vti vel abuti. 8. q. 194. c. d.  
**Immiscere** se non dicuntur extranei, sicut necessarii non dicuntur se pro herede gerere, aut adire, vel cernere hereditatem. 8. q. ibidem.  
**Immiscere** & abstinere sunt verba iuris prætorij. 18. q. 482. a. b. Repudiare & adire sunt verba iuris ciuilis. ibid.  
**Immiscet** se qui ex hereditate caput aliquid, non immiscet se, qui per hereditatem aliquid capiat. 8. q. 195. b. c.  
**Immissio** est in suo herede id, quod in extraneo est pro herede gestio. 10. respons. 457. b. c.  
**Immissio** substituto nocet, abstentio soli pupillo prodest. 3. q. 87. c.  
**Immobiles** res. Vide Res immobiles.  
**Impensa** funeris est æs alienum dotis. 3. r. 102. b.  
**Impensa** in res quasi dotales à viro factæ, in prædia quasi dotalia, domino prædia vindicanti, an reputari possint. 4. r. 178. c. d. & quid, si plus sit in fructibus, minus in impensis. 4. r. ibidem.  
**Impensa** necessariæ dotem ipso iure imminuit. 4. r. 178. d.  
**Impensa** vtilis. Vide vtilis impensa.  
**Impensarum** deductionem mulieri adimere non potest temporis vetustas. 11. q. 295. b.  
**Imperare** natura maris est, foeminæ obedire. 31. q. 815. e.  
**Imperatiua** & directa verba quæ sunt. 19. q. 528. e. & seq.  
**in Imperatore** num idem sit quod in Cæsaris Legato. 1. r. 2. c.  
**Imperfectum** testamentum dicitur, quod non subscriptum, neque à testibus signatum est. 6. r. 256. c. d.  
**ex imperfecta** scriptura an debeatur legatum. 8. r. 351. d. e.  
**Imperium** Ciciliæ. 1. r. 5. b.  
**Imperium** in sua patria quis obtinere non debet. 1. r. 6. d. e.  
**Imperitus** est non prædo. 3. r. 97. b.  
**Imperium** quando deponunt præfides prouinciarum, & quando insignia sumunt. 1. resp. 5. c.  
**Imperium** merum hodie nullum est, & cur. 1. q. 17. c. 18. a. quod olim fuit Imperium merum, hodie est Imperium mixtum ibid.  
**Imperium** omne hodie est mixtum iurisdictione. 11. q. 290. d. e.  
**Imperium** merum quid est. 1. q. 12. b. c. d. 14. e. & 35. b.



# Index rerum ac verborum

- Imperium mixtum** quid est. 1. q. 12. c. 13. a. 16. c.
- Imperium merum.** Vide **Merum Imperium.**
- Imperium merum** est ius gladij, ius ferri, teste Lucano. 1. q. 16. b.
- Imperium,** quod iurisdictioni coheret, madata iurisdictione transiit. 1. q. 8. c.
- Imperij mixti** quidquid est, id etiam est iurisdictionis, & contra. 1. q. 13. a.
- Imperij insignia.** Vide **Insignia.**
- pro Imperio exercetur iurisdictionio. 1. q. 4. c.
- ab Imperio num separatur insignia. 1. r. 5. c.
- Implere** emptionem aliud est, aliud perficere. 10. q. 251. a. b.
- Implere creditores** est soluere creditoribus. 14. q. 382. c. d.
- Impossibilis conditio** in legatis & fideicommissis pro non scripta habetur. 9. r. 387. a. b.
- Impossibilis conditio** ipso iure impletur. 9. r. 387. a. b.
- Impossibile** nulla est obligatio. 20. q. 612. c.
- Improbata** petitioni opponitur exceptio docti. 27. q. 713. c. d.
- Improbitas** est voluntatem testatoris non sequi, quæ ut indeuotio dicitur & contumacia. 27. q. ibid.
- Impubes** non habent aditum in ius sine tutoribus. 19. q. 568. c.
- Impubes** testimonij perhibendi ius nulla in causa habent. 1. de adult. 676. a.
- Impubes** num ex causa ad decurionatum admittantur, ad alios vero honores non, & cur. 1. r. 35. d. c.
- in **Impuberem** cadit furtum. 1. q. 99. b.
- inter **Imputare** & **compensare**, differentia quæ est. 9. r. 425. b.
- Incapax** male confunditur cum indigno ab **Accusatio.** 6. q. 425. c. Indignus capere potest, sed non retinere. ibid. Secus in **capaci.** 6. q. 425. d.
- Incendium** ære alieno non liberat debitorem. 3. r. 129. b. c.
- Incertus dies** conditionem in testamento facit. 34. q. 828. b. c.
- Incertus dies** dicitur conditio. ibid.
- Incerto** accusationis non procedunt tempora bonorum possessorum, certo accusationis tantum tempora cedunt. 13. q. 355. a. b.
- Incestæ nuptiæ** liberos confirmare non solent. 11. q. 283. d. c.
- Incestæ nuptiæ** confirmari non solent. 2. de adult. 702. c. 703. a.
- Incestum** quid est. 36. q. 836. d. c. 837. a. & seq.
- Incestum** quando committitur iure gentium seu iure naturali. 26. q. 836. d. c. 837. a. & seq. quando iure civili. ibid. 837.
- Incestum** natura grauius est adulterio. 36. q. 840. b. in hoc crimine Incesti serui aduersus dominos non torquentur, ibid. 840. b.
- Incestum & adulterium** in quo differunt. 4. r. 186. b.
- Incestum** ab adulterio in quo differat. 5. r. 186. b.
- Incestum** est contumelia quæ inferitur sanguini vel necessitudini per nefarium scelus. 36. q. 839. a.
- Incestum & adulterium** in quo differunt in iure. 36. q. 835. c. 836. a.
- Incestu** aliud est iuris naturalis, siue iurifgent. aliud iuris civilis. 2. de adult. 696. b. c.
- Incestum & adulterium** in quo differunt. 15. r. 590. 591.
- Incestum.** Vide **Adulterium**, infra.
- Incesti crimen** aduersus duo simul intentari potest. 3. r. 186. b.
- Incesti & adulterij** differentia multæ. 5. r. ibidem.
- Incesti** poena. 36. q. 838. c.
- Incesti crimen** non tollitur nisi præscriptione vicennij. 4. r. 186. b.
- Incesti & spurij** si re & vita honesti sunt, an Senatores tunc fieri prohibeantur. 1. r. 32. c. 33. a.
- Incesti crimen**, commune aduersus duos tentari potest, crimen adulterii non potest. 15. r. 592. c. d. e. & quid si adulterium incesto sit iunctum, an serui torquentur in caput domini. ibidem.
- ab **Incesto** Iurifgentium nullus excusatur. 2. adult. 697. d. c.
- Incidente** aliquo casu æquitas postulat significationem verborum augeri. 19. q. 546. c.
- Incolam** nequecuimem facit sola possessio. 1. r. 27. a. b.
- Incommoda** ei iniungi necesse est, cui adiciuntur comoda. 4. r. 166. c. d. 9. r. 420. c.
- ex **Incommodo** alterius nullus debet augere suum incommodum. 2. r. 65. c.
- In compendiis iuris error nocet, non in damnis rei suæ. 11. r. 46. b. c. Fratrum nomine & communitas apparer & æqualitas. 11. r. 497. c.
- Incorporalis res** non vsucapitur. 6. q. 103. a. 23. q. 657. b.
- Incorporalis rei** possessio est incerta. 27. q. 687. c. 688. a.
- Incorporalia** sunt incerta. 27. q. 688. a.
- Incorporalia** interueniri non possunt. 28. q. 736. d. nec quantitas interueniri potest. ibid. 736. d.
- Incredibile**, nõ est *ἀπίστευτον* sed *ἡ ἀνοσιούτων* quod credi non potest quod esse non potest. 17. q. 454. b. c. d. nemo frustra & inutiliter legare intelligitur. ib. c.
- Incrementum** sortis ex vsura. 8. r. 370. d.
- Incrementum** fructuum præceptorum, pendente conditione contractus recipit, fideicommissum vero non. 8. r. 382. c.
- an **Indebitum** solutum per ignorantiam iuris possit repeti conditione indebiti. 19. q. 520. b. c.
- qui **Indebitum** soluit per ignorantiam iuris an ei competat conditio indebiti. 19. q. 520. c.
- Indebitum** dicitur, quod nullo iure debetur. 19. q. 521. c. d.
- Indebiti solutio** quasi promutuum est, & veluti ex mutuo datur conditio. 8. q. 169. d.
- Indebiti conditio** est naturalis & venit tantum ex sententia legum. ibidem. d.
- Indebiti solutio** est quasi mutui datio. 3. r. 102. c. 103. a.
- Indebiti conditio** & crediti pecuniæ eadem est ratio. 3. r. 102. c.
- Indebiti solutio** est promutuum, hoc est quasi mutui datio. ibid.
- Indebiti conditio** pupillo competit, cuius nomine tutor indebitum soluit. 3. r. 102. c.
- Indebiti conditio.** Vide **Conditio indebiti.**
- Indignus heres** quis est. 16. q. 425. a. b. 426. d.
- caduca quæ dicuntur. ibid. 425. generaliter comprehendunt quoque ereptitia, id est, ea quæ ut indignis eripiuntur. ibid. 425. a.
- Indignus heres.** Vide **Heres.**
- Vide **Incapax.**
- Indignorum & ingratorum** heredum successor est fiscus. 6. resp. 269. c. d.
- Individua** est causa seruitutis. 2. r. 54. a.
- Individua** est libertas. 19. q. 527. c. d. pro parte præstari non potest. ibidem.
- Individua** est causa pignoris. 8. quæstion. 185. d. c.
- Individua** est Tutela. 1. r. 41. d. c.
- Individuæ** sunt libertates. 11. r. 500. a.
- Individuæ** sunt seruitutes. 3. quæstion. 102. b. & 7. quæstion. 142. a. Seruitus vsusfructus sola est diuidua. 3. quæstion. 102. b. & 7. qu. 142. a.
- Individuum** est ius. 2. r. 55. 6.
- Individuum** officium. 1. r. 17. c.
- Individuum** est officium Magistratus municipalis. 2. q. 37. a. b.
- Individuorum** nullam esse iuris communionem, quid hoc sit. 2. r. 55. a. b.
- Inepta actio** frustra instituitur, & læpe efficit, ut bona causa amittatur. 10. respon. 452. b.
- Individuorum** nulla est iuris communio. 2. r. 55. a. b.
- Inexplicabilis conditio** est, quæ existere non potest. 2. q. 63. c. 64. a.
- Inexplicabilia** regulam non subeunt in iure. 2. q. 64. a.
- In factum appellatio est actionis, non nomen actionis. 2. r. 47. c. d.
- Infamia** testium testamentum corrumpit. 1. de adult. 672. b.
- Infamia** est perpetua. 2. q. 27. c.
- Infamis** omni honore & dignitate in perpetuum priuatur. ibid. 27. c. d.
- Infamia** an eadem sit mandatoris & calumniatoris. sicut mandatoris & homicidæ. 1. resp. 13. b. c.
- Infamia** est exhereditatio, quæ iniuria cum sit propria filij, non est persequenda, filio inuito. 5. q. 418. a.
- Infamia** beneficio principis aboletur, non beneficio temporis. 1. r. 20. b.
- Infamia** damnatum sequitur. 1. r. 20. c.
- Infamia** est perpetua, & Infamia non adit, nec reditus ad dignitates patet. 35. resp. 593. c.
- Infamia** testium corrumpit testamentum. 1. de adult. 672. b.
- Infamiae** poenam quis exequitur. 1. r. 2. b.
- Infamiae** poena an executor sit sola lex. 1. r. 22. b. c.
- Infamiae** effectus qui. 1. r. 20. a. b. & seq.
- Infamia** solius legis, infamia iuris est. 22. c.
- Infamiam** quando irrogat sententia de honor, & quando non. 16. r. 598. c. d.
- Infamiam** non potest delere præteritus ignorantia iuris, in quam quis incidit. 19. q. 521. b.
- Infamiam** defuncto olim irrogabat bonorum venditio. 2. resp. 9. c. a.
- cum **Infamia** silentium quod irrogatur quale. 1. resp. 12. d. e. Silentium quod irrogatur sine infamia, quibus conuenit. 1. r. 12. d. e.
- Infamia** an is notetur cui lex grauioræ poenam infligit, si ei iudex extra ordinem mitiorem poenam indixerit, & quomodo. 1. r. 20. d. e.
- Infamia** notatur calumnia damnatus. 1. r. 13. b.
- Infamia** non semper notatur decurio ad tempus motus. 1. r. 20. d.
- Infamia** vtrum notetur qui incidit in poenam Senatusconsulti Turpilliani, si damnatur is qui accusationem extraordinariam deserit. 1. r. 34. c. 35. a.
- Infamis** fit qui depositi fidem fallit, secus commodati. 9. q. 217.
- Infamis** accusare non potest. 2. q. 27. c. nec iudex esse. ibid.
- Infamis** aliquæ, nec publico iudicio accusare, nec populari actione agere potest. 1. r. 20. d. Infamis seuerius punitur, quam homo non inscriptæ frontis. 1. r. 20. d.
- Infamis** non fit qui remouetur ab officio & administratione tutelæ, ob demeritum & simplicitatem, secus ob dolum. 12. q. 332. b.
- Infamem** non facit nascendi conditio, sed ratio tantum vitæ & instituti, est turpis & nocens. 1. r. 33. a.
- Infamem** adulterum tantum marito occidere licet, non autem quemuis adulterum. 1. de adult. 685. c.
- Infames** sunt damnati iudicio publico. 1. de adult. 672. b.
- Infames** sunt mares qui matrimonium illicitum contraxerunt. 1. defin. 63. c.
- Infames** & mulieres admittuntur in quæstionibus lætæ maiestatis, alias ius accusandi non habentes. 13. r. 571. c. d.

Infames



# in Quæstion. & Respons. Papin.

Infames fœminæ non tenentur pœna legis  
Iuliz, 2. de adult. 609. c  
Infames fieri naqueunt decuriones, 1. resp.  
34. c  
Infames pro quibuldā personis postula-  
re possunt, 1. r. 12. c  
Infantis nomine quis significatur. 15. qu.  
408. b  
Infantis iudicium suppletur auctoritate  
tutoris, 2. r. 57. a. b  
Infantis nomine significatur minor septē-  
nio, non pupillus, 15. q. 408. b  
Infantes vulgari sermone accipiuntur pro  
natis. 8. r. 368. d. c  
Infectum reddi non potest factum, 9. qu.  
198. c  
Inficiator depositi proximus est furi. 11. q.  
301. c  
Inficiatio depositi Vide Depositum.  
Infinitus est rerum numerus. Vide Nume-  
rus.  
Ingenuitatis causa retractari potest inter  
quingennium, non post, & quomodo,  
15. r. 586. b. c  
Ingenuus nascitur, libertinus fit manus mis-  
sione. 9. r. 387. c  
qui Ingenuus pronuntiatus est, pro ingenuo  
habetur. ibid.  
Injectio manus, 10. r. 463. b  
Iniqua conditio alteri per alterum inferri  
non potest. 1. q. 18. d  
Iniquitati occurrunt actiones viles, 18. q.  
493. d. c  
Iniquum sœpe ius civile est, 16. q. 413. c  
Initium finis, & finis initio congruere de-  
bet, 15. q. 395. c  
Initium alicuius rei vitiosum, & finis vi-  
tiosus est, ibidem. b  
ab Initio ea quæ constiterunt, irrita sunt,  
in quibus casibus locum habet hæc opi-  
nio, & in quibus non. 12. r. 529. c. 530. a  
quæ ab Initio inutilia sunt, verantur con-  
ualefcere regula Catoniana, 7. r. 307. d. c  
ab Initio quæ non valent, ex post facto nō  
conualefcunt. 3. q. 98. a  
quod ab Initio non consistit, nec ex post-  
facto cōualefcit. 10. q. 269. a. b. 18. q. 484. b. c  
ab Initio legatum inutile quod est, ex post  
facto non conualefcit, 15. q. 395. a  
ab Initio quod non valet, ex post facto nō  
conualefcit, 11. r. 476. d  
Iniuria omnia debent esse breuia, 28. q. 719.  
a. b  
Iniuria minor optāda duabus iniuriis pro-  
positis, 12. q. 336. d  
Iniuria filiofamil. facta, potestne filius a-  
gere iniuriarum inuito patrē, 5. q. 103. d. c  
Iniuria heredi scripto facta, an legatariis  
noceat, 20. q. 584. a sœpe bonæ causæ,  
est mala instantia. ibid. 584. b. c  
in Iniuriam cuiusquam beneficia aliis tri-  
buere moris non est. 19. r. 612. c. d  
Iniuriarum agere an pater filio exhereda-  
to potest suo nomine, 5. q. 103. a. b  
Iniuriarum actio. Vide actio iniuriarum.  
de Iniuriis non licet experiri civiliter &  
criminaliter, sed alterutro tantum modo.  
2. de adult. 698. c  
Innocens furti damnatus an fiat infamis.  
19. r. 598. c  
Innocentia & absentia in capitalibus per a-  
lium excusari potest, 15. r. 588. c  
Inofficiosum prohibetur dicere, qui sciens  
legatum acceperit, & cur, 5. q. 121. a  
Inofficiosi querela. Vide Querela inoffi-  
ciosi.  
Inofficiosi testamenti querela. Vide Que-  
rela inofficiosi testamenti,  
Inopia vnius copiam alterius onerat. 12. q.  
328. c. d  
Inops fideiusor recte recufatur. 3. quæst.  
100. c. d  
Inopes dicuntur qui prædia non habent, 1.  
r. 23. d.  
Inopinata causa, & inopinata fortuna in le-

gis,  
de In rem verso qui agit, agit de peculio,  
sed non contra, 9. q. 242. d. c  
Inscriptiones sepulchrorum antiquæ Ro-  
mæ quæ, 3. r. 121. c. 122. a  
Insignia quando sumunt præfides, & impe-  
rium deponunt, 1. r. 5. b  
Insignia deponere iubens ab excessu, iubet  
imperio quoque abire, 1. r. 5. b  
Insignia num separantur ab imperio. 1. re.  
5. c  
Insignia negans ante aduentum, negat &  
imperium, 1. r. 5. b. c  
Insignibus imperii & fascibus quando vte-  
bantur proconsules, 1. r. 5. a  
Inspector periculum hoc est causam maio-  
rem non præstare teneretur, 8. q. 180. d. c  
Inspicere aliud est, aliud respicere, 8. qu.  
170. b. Exemplum quod, ibid. 179. d  
Instantia mala est, sœpe bonæ causæ. 20. q.  
584. a. b  
Instar significat vim & potestatem non fi-  
guram, 37. q. 882. b  
inter Instigare & mandare differentia quæ.  
1. r. 13. b. c  
Instigare est exhortari non calumniari. 1.  
r. 13. c  
Institor aliquis num separetur ab aliis In-  
stitoribus. 3. r. 110. a. verba Horatii hoc  
loco quæ, ibid.  
Institoris officium manumissione non fi-  
nitur, 3. r. 110. b  
Institoria actio, vel quasi institoria quæ  
dicitur adiectio siue appellatio, quæ. 2. r.  
45. c. d  
Institoria actione an dominus in solidum  
teneatur iure prætorio, ex contractu ser-  
ui institoris, 3. r. 109. c  
Institoria actio. Vide Actio institoria, supr.  
Institoria actionis inducendæ ratio quæ.  
3. r. 111. c. d  
Instituto, relinquo, & substituo, hæc verba  
neque sunt directa neque præcaria. 19. q.  
351. c  
Institutio heredis non fit codicillis. 17. qu.  
451. b. c  
Institutio heredis est honor. 12. q. 337. b  
Instituitur est hereditas testamento data,  
5. q. 397. c  
Instituto prohibita videtur prohibita a-  
lienatione, 19. q. 560. a  
Instituto filiifamilias sub conditione. Vi-  
de filiifamilias,  
Instituto captatoria est repensatio benefi-  
cii ante beneficium, 6. r. 229. e  
Institutiones captatoriæ in quod tempus  
conferantur, ibidem. b  
Institutiones captatoriæ, 6. r. 226. c. 229.  
alias, 227. a. b. c. d. e.  
Institutiones conditionales. 6. r. b  
Institutiones captatoriæ quæ sunt, 6. re.  
229. d  
si quis Institutus sit & postea adoptatus, an  
adoptione rumpitur testamentum, quasi  
agnatione sui heredis. 12. q. 333. d  
Instructa domo alicui legata, excipiuntur  
tantum tabulæ rationum & argentum. 4.  
r. 171. b  
Instructa domo legata, an veniat etiam bi-  
bliotheca, & an contineatur apotheca li-  
brorum, quos ibi posuit testator. 7. r.  
321. a. b  
Instructa domus legata. Vide domus. Vide  
Legatum.  
Instructi legatum plenius est, quàm instru-  
menti, 7. r. 318. b. c  
Instructi legatum augere augere, detri-  
menta fatalia minuire quid nō est, 8. r.  
368. c. 369. a  
Instructo prædio legato, domo scilicet vel  
fundo legato, an contineantur scilicet. 7. r.  
320. c. 321. a  
Instructis prædiis legatis, legato continen-  
tur dotes prædiorum, non tamen conti-  
nentur reliqua colonorum, 7. r. 305. c

Instrumentum domini est suppellex, non  
autem domus instrumentum. 7. r. 319. d. c  
Instrumentum instrumenti esse potest. 7. r.  
319. a. b  
Instrumentum navis an sint scaphæ. ibid.  
Instrumenti fundi legato, debentur quoque  
pecora stercorandi fundi causa parata.  
2. r. 69. b  
Instrumento fundi legato, an vestis cedat  
& medicamenta, 7. r. 312. a. b  
in Instrumento manumissionis, si error est  
in nomine manumissi, an status eius læ-  
datur, 3. q. 66. c  
Instrumento fundi legato an debeatur pec-  
cus, quod in eo fundo est, 2. r. 68. c. quan-  
do legato cedit, & quando non. ib. 69. a. b  
Instrumento domus an statua domui affi-  
xæ contineantur. 7. r. 318. c. 319. a  
Instrumenta & ornamenta & partes alicuius  
rei, in quo differunt. 7. r. 319. d. c  
Instrumenta fundi legata quando debentur  
quando non. Vide instructum. V. Legatum.  
Insula domui iuncta an debeatur, domus  
appellatione, 7. r. 319. d. c  
Insula quæ dicitur. 7. r. 300. c. domo legata  
an etiam vicina Insula legata videatur,  
ibid. 300. d  
Insuper habere, pro negligere, 1. r. 38. c  
Integrum non est mutare actionem post si-  
tem contestatam, nisi magna ex causa, 2.  
r. 8. c  
in Integrum restituere. Vide Restituere.  
Vide Restitutio in integrum,  
Intercapedo an aliqua sit à decurionatus  
sucepto ad alium honorem. 1. r. 36. c  
Intercedere alii quid est, 9. q. 231. a.  
Intercedere aliud est, aliud fideiubere. 3. re.  
111. c. & 112. a. & 11. r. 506. d. intercedere  
est genus, fideiubere species, ibid.  
Intercessio est munus virorum non mulie-  
rum, 10. q. 275. b. c  
per Intercessionem quomodo fit expro-  
missio, 3. r. 111. a. quomodo fit per dele-  
gationem, ibid. 111. a. b  
Intercessionum duo sunt genera, & quæ. 9.  
q. 210. b. c  
Intercipere est perperam accipere, 12. qu.  
347. a  
Inter dici aduocato ex causa aduocationib.  
& postulationibus, est prohiberi postula-  
re pro aliis, adesse litigatorib. 1. r. 12. d. c  
Interdictum fraudatorium in quo differat  
ab actione Pauliana, 11. r. 513. c. 514. a  
ad Interdictum de precario hodie non est  
necesse ire cum actio civilis ex præscrip-  
tis verbis suppetat, 18. q. 514. d  
Interdictum de mortuo inferendo datur  
domino proprietatis, 8. q. 167. d  
Interdictum quod vi aut clam est annale,  
13. q. 360. c. 361. a hoc Interdictum absen-  
ti Reip. competere coepit, nec tamen co-  
egit, vel per se, vel per procuratorem,  
quem constituere potuit, an annus utilis  
ei computabitur, ibid.  
Interdictum Vti possidetis vel Vtrubi, ad  
possessionem suam vindicandam, 26. qu.  
673. a. b  
Interdictum vnde vi, 11. r. 514. b. c  
Interdictio de mortuo inferendo, qui agit  
si dominus vel quasi dominus eius loci,  
in quem mortuum inferre vult, quæritur,  
8. q. 168. b. c  
Interdicta popularia pupillis suæ iniuriæ  
causa vel suorum dantur. 1. de adult.  
681. b  
Interdicta quædam sunt de possessione,  
quædam de proprietate vel quasi proprie-  
tate. 8. q. 168. a  
in Interdictis, etiam si non proprietatis  
quæstio est, sed tantum possessionis,  
tamen non solum possedisse nos, sed  
etiam nostros possedisse dicimus. q. 26.  
673. c. 674. a  
vltus quod Interest definitio quæ 12. quæst.  
341. c. d. & seq.



# Index rerum ac verborum.

- nisi Interfit actiones non dantur. 2. r. 48. a.  
Intergerinus paries est, qui duo ædificia  
discernit. 7. q. 156. c  
Interpellatio creat moram. 9. q. 218. a. b  
Interpretatio benigna stricta scripturæ ad-  
denda est ex aliis legibus, 2. r. 65. c  
Interpretatio benignior sequenda in rebus  
dubis, 4. r. 167. c  
Interpretatio facienda non est contra sti-  
pulatorem, 6. q. 109. a. b.  
Interpretatio Ioannis vereris glossat. de  
crimine stellionatus qualis, quæ & mel-  
ior aliorum, 1. r. 17. a  
Interpretatio an fiet contra venditorem, vt  
pro rara tantum illius anni ferat ex pen-  
sionibus pignorum, 5. q. 108. e. 109. a  
Interpretatio contra venditorem. Vide  
Venditor,  
Interpretum vsus opiniones admittit. 1. r. 1.  
9. c. d  
si interrogatus in iure taceat, vel non res-  
pondeat, quid. 8. q. 165. b. c.  
Interuertere fideicommissum quid est, 20.  
q. 608. a  
Interuerti non potest quantitas, 28. q. 736.  
d. nec incorporalia, ibidem.  
Intestatus quis dicitur, 12. q. 334. a. b.  
Intestatus miles. Vide Miles.  
Intestati causa trahitur à causa testati, 6. r.  
235. b  
Intestati causa trahit causam testati, & cõ-  
tra, 14. q. 369. a  
Inuaser non tantum est malæ fidei posses-  
sor, sed etiam prædo, 2. r. 63. c  
Inuasio ignorantem non spoliatur possessione,  
quæ solo animo retinebatur, 23. qu. 646. a  
Inuitus iudicium non patitur, quando est  
in magistratu, 1. q. 6. c  
Inuitus dicitur, qui palam contradicit, vel  
qui tacet, qui non palam consensit. 11. q.  
291. d. e.  
Inuitus nemo iure suo vti cogitur. 2. q. 23.  
a. b.  
an Inuitus sit is, qui præsens est, & tacet,  
dum socius in re communi facit aliquid.  
7. q. 157. b. c  
Inuitus nemo alteri donat, 13. r. 565. c  
Inuitus nemo de domo sua extrahi debet,  
vel in ius vocetur, 15. r. 590. e  
Inuitus quibus casibus quis amittit, non  
semper & amittit ignorans. 26. q. 670. a. b  
quis Inuitus quibus casibus acquirit, & ig-  
norans acquirit, ibid.  
Inuitus debitor creditorem mutare non co-  
gitur, si malit sibi superfluum solui à cre-  
ditore. 3. r. 108. a  
Inuitus testimonium non dicit. 1. de adult.  
679. b. c. nec pupillis inuitis testimo-  
nium denuntiari potest. ibid. item nec  
patronis inuitis. ibid.  
Inuitus si videtur fecisse, qui mox factum  
corrigit. 2. de adult. 696. d. e  
Inuitus non recedit ab actione pignoris,  
quam habet in venditore pignoris. 3. r.  
108. a  
inter Inuitum & ignorantem differentia  
quæ. 26. q. 670. a. b  
Inuiti conditionem deteriorem facere pos-  
sunt, & quando meliorem. 11. r. 516. c. d  
Inuitis iniungitur tutela & munus ciuile. 1.  
r. 32. & 4. c  
Inutile legatum. Vide Legatum.  
Inutile testamentum. Vide Testamentum.  
Inutile aliquando vitiat vtile. 11. r. 492. e.  
& 493. a.  
Inutilia ab initio, postea non conualescunt.  
7. r. 307. c  
Inuites seruientes quæ. 2. r. 69. e. Vide Ser-  
uitus.  
quod Inutiliter cedit, postea non conua-  
lescit. 2. q. 55. d  
Inutiliter repetitur quod non amittitur. 17.  
q. 444. c  
Inuitum testamentum per omnia constitui-  
tur hereditate non adita ab herede, qui  
in eo scriptus est. 1. defin. 637. e. 638. a  
Isidorus scribit friuolum esse cum eo ani-  
mo separantur, vt rursus ad se inuicem re-  
uerantur. ibid. 619.  
Ita vt, verba hæc sæpe vsui fuerunt in mul-  
tis casibus, modum non conditionem fa-  
ciunt. 9. r. 437. c  
Iter non tantum est seruitus prædiorum ru-  
sticorum sed & vrbano. 7. r. 303. d.  
est quoque iter seruitus personarum siue  
hominum. ibid. e  
Iubere plus est quam imperare. 19. q. 550. e.  
551. a  
Iubens ab excessu insignia deponere iubet  
imperio quoque abire. 1. r. 5. c  
Iubere est adulationis, non imperii verbum,  
& verbum precarium, non directum. 3.  
r. 100. c  
Iudex non omne quod facere potest etiam  
debet. 4. q. 103. c  
Iudex an suo officio fungi & sententiam  
dicere possit aliquibus absentibus, cate-  
ris presentibus. 2. r. 56. b.  
Iudex edititius quis dicitur, 19. r. 612. a. b.  
quid distat à Iudice delegato. ibid.  
Iudex datus à proconsule alius est, alius est  
legatus ab eodem datus. 1. q. 7. a. b  
Iudex delegatus. Vide Delegatus iudex.  
Iudex homo sanus qui datur à magistratu,  
an furore superueniente iudicium soluatur.  
3. qu. 62. d. Item an fuerit recte ab  
initio iudex datus. 3. q. 72. e. 73. a.  
Iudex delegatus delegare non potest. 1. q.  
6. d. e.  
Iudex grauem sententiam dare, aduersus  
absentem festinare non debet. 2. r. 50. b. c  
Iudex penam legitimam nec augere nec  
minuere potest. 1. r. 22. a  
Iudex datus alium iudicem dare nequit. 1.  
q. 6. d. e.  
Iudex litis æstimator est. 12. q. 523. d. e.  
Iudex quæstionis, non est magistratus sicut  
nec iudex datus. 1. q. 11. a  
Iudex, qui datus est alicui societati, aut ad-  
dictus pro socio & qui cõdemnat socium  
in vsuras præteritis temporis in diē senten-  
tiæ, an possit etiam socium cogere ad cau-  
tionem interponendam de præstandis vsuris  
futuris post tempora iudicati. 2. q. 49. d  
Iudex qui à magistratu datur, non tantum  
dari dicitur à I. C. sed etiam reddi. 3. qu.  
72. c. item addici. ibid. d  
Iudex quid est. 10. q. 252. a  
Iudex si quid in iudicando aduersus legis  
præceptum dolo malo prætermiserit, le-  
gem offendit. 4. q. 103. c. d  
Iudex quidquid facit iure publico facit. 2.  
r. 57. a  
si iudex sit datus, à quo appellatum est, o-  
portet redire ad eum, qui dedit. 1. r. 9. d. e.  
an in Iudicis potestate sit auctoritas iuris  
1. r. resp. 21. e. 22. a  
Iudicis non quidquid potestati permitti-  
tur, id subiicitur iuris necessitati. 4. q. 103. b  
Iudicis officium tantum proficit, quantum  
stipulatio, 9. q. 218. b. c  
Iudicis nullum est officium post condem-  
nationem. 20. q. 588. e  
Iudicis presentia necessaria non est in ad-  
dicendo iudice. 3. q. 72. c. d  
Iudicis arbitrium. Vide Arbitrium iudicis.  
Iudicis danda licentia est pars iurisdictionis,  
1. q. 6. d. e.  
inter Iudicem & legem quod est discrimen.  
2. q. 50. a  
Iudicem non facit, qui ipse iudicare non  
potest. 2. r. 45. a  
ad Iudicem à arbitrio res transactione  
finita sibi pertinet. 2. r. 74. a  
à iudice pena mitior indicia ei cui lex  
grauem penam infligit. 1. r. 20. e.  
Iudicis rerum fiscalium erant præfecti ara-  
rii. 16. q. 428. d.  
Iudicium publicum. Vide Publicum iudicium  
Iudicium & reorum commune est lege a-  
gere, 28. q. 798. c  
Iudicium & reorum commune verbum est  
disceptare, 28. q. 765. a  
qui Iudicare non potest, iudicem non facit  
2. r. 51. c  
qui Iudicare nequit, actorem non facit. 2. r.  
53. c  
Iudicata res inter alios, aliis non proficit.  
2. r. 58. b  
Iudicata res inter alios quando aliis nocet,  
& quando non. 20. q. 583. a. b. & seq.  
Iudicata res ab Episcopis, ad effectum eor-  
um perducitur à præsidibus. 1. r. 9. c. 10. a  
Iudicata res. Vide Res iudicata,  
Iudicatum quomodo exequatur officio in-  
dicis appellationis, 1. r. 10. a.  
Iudicatum rite exigit presentiam omnium,  
ad quos res pertinet. 2. r. 56. b. c  
Iudicatum est pars iuris, vt rhetores aiunt,  
15. q. 404. d  
Iudicatum solui satisfactorio. Vide Satisfactorio  
Iudicatum solui cautio quæ est. 2. q. 19. c. &  
est realis, ibid. 19. c  
Iudicati actio est executio iudicati, 3. resp.  
100. d  
Iudicati actio. Vide Actio iudicati.  
Iudicati causa olim inficiatione crescebat  
in duplum, 9. r. 388. b  
Iudicium nullum consistit cum seruo, &  
nulla lis. 2. r. 56. d. Item nulla libertas,  
nullum testamentum, ibid. e  
Iudicium viri facilius confirmatur, quam  
iudicium mulieris, 17. q. 556. e  
Iudicium inuitus non patitur quamdiu  
est in magistratu. 1. q. 6. d.  
Iudicium stellionatus an publicis iudiciis  
adscribi possit, dubitationis est, 1. r. 16. b. c.  
Iudicium strictum facit bonæ fidei excep-  
tio, 11. q. 278. e. 279. a  
Iudicium rerum amotarum soluitur recon-  
ciliatio matrimonio, 11. q. 301. c. d  
qui contra Iudicium defuncti agit, in iure  
semper repellitur exceptione doli mali.  
17. q. 478. e  
si quis Iudicium accipit pro debitore, an  
eum liberet, 9. q. 206. a. b  
Iudicium criminale morte rei soluitur, 5. r.  
207. a  
Iudicium strictum bonæ fidei facit doli ex-  
ceptio, 11. q. 278. e. 279. a  
Iudicium accipere aliud est, aliud iudicem  
accipere, 7. q. 154. b  
Iudicium quandoque perducit ad medio-  
crem penam, miseria sexus, vel rusti-  
catis, vel ætatis, 19. q. 517. a.  
Iudicium de dote bonæ fidei est. 13. respon.  
567. d  
Iudicium criminale qui eligit consumit  
ciuile, 11. q. 290. d  
Iudicium patris in datione tutoris confir-  
matur sine inquisitione, iudicium matris  
non nisi ex inquisitione. 19. quæstion.  
556. e  
Iudicium de calumnia commissum in iudi-  
cio publico, non est publicum, sed infamiam  
irrogat 1. de adult. 672. b. c. an in  
Iudicio aliquo publico damnati accusa-  
tores testimonium perhibere possint. ib.  
672. e  
Iudicium infantis suppletur auctoritate tu-  
toris. 2. r. 57. a  
in Iudicium euictionis venit omne id, quod  
interest, atque omnes sumptus, quibus  
res euicta melior facta est. 2. r. 64. c. d.  
Iudicium rei vxoris est bonæ fidei, & iu-  
dicis bonæ fidei tacite inest exceptio  
doli mali, 4. r. 179. e. 180. a  
Iudicium tutelæ in tutorem differendum  
non est, & cur. 3. respon. 99. d. e. idem  
statuendum hic de argentariis. 3. respon.  
99. e. 100. a  
Iudicium tutelæ inter matrem & filium ef-  
fenequit, negotiorum vero gestorum iu-  
dicium potest, 2. r. 52. d  
Iudicium strictum. Vide Strictum iudicium.



# in Quæstion. & Respons. Papin.

Iudicii translatio datur extraneo heredi.  
2. q. 619. c.  
Iudicii publici exercitio aliud est, aliud  
merum imperium, 1. q. 11. b.  
Iudicio fisti cautio est personalis, 2. q. 19. c.  
Iudicia extraordinaria eligentes, ordina-  
rio iudicio decidimus, 11. q. 290. d.  
omnia Iudicia sunt hodie extraordinaria.  
1. defin. 646. c. non tamen ordinaria. so-  
lemnia, formularia, sunt sublata, ibid.  
inter Iudicia bonæ fidei, & stricta diffe-  
rentia quæ 9. q. 236. c. d. Ratio diuer-  
sitatis quæ est, ibidem.  
Iudicia & contractus in quo differunt, 1. q.  
109. c. d.  
Iudicia aut sunt generalia, aut specialia,  
specialia, quibus agitur de re singulari,  
de homine, summa certa. 11. q. 278. d. c.  
Generalia sunt, in quibus venit vniuer-  
sitas bonorum, vt actio pro socio, actio  
negotorum gestorum, actio tutelæ. ib. 278. d.  
Iudicia publica ex legibus veniunt, & quæ-  
nam istæ sint leges, 1. r. 16. c.  
Iudicia omnia hodie sunt extraordinaria,  
26. q. 674. d. e.  
Iudicia bonæ fidei & Iudicia arbitraria in  
quo differunt, 12. q. 325. c.  
Iudicia bonæ fidei, 20. q. 590. a. b.  
Iudicia arbitraria, ibidem.  
Iudicia omnia sunt hodie extraordinaria,  
11. q. 290. d.  
Iudicia bonæ fidei. Vide bonæ fidei iudicia;  
Iudiciorum publicorum leges quæ, 1. resp.  
16. c.  
Iudiciorum priuatorum aut publicorum  
pœna, ex maleficiis ortorum, qualis est,  
1. r. 16. c.  
non omne quod in Iudiciis accedere pô-  
test, arbitrio Iudicis quoque debet, &  
est in obligatione. 4. q. 103. b.  
in Iudiciis bonæ fidei officium iudicis est  
latissimū, secus in arbitrariis, 12. q. 125. e.  
in Iudiciis bonæ fidei tacite inest oneris ex-  
ceptio, 11. q. 278. c. 279. a. b. & seq.  
in Iudiciis extraordinariis formula non ob-  
seruatur, 1. defin. 646. c.  
Iuncta ædibus detrahi cautum fuit, & cur,  
11. r. 526. a. b.  
Iurare perperam est peierare, 12. quæstion.  
347. b.  
Iurgium est mitius verbum quam verbum  
litis, 2. r. 74. a.  
inter Iurgium & diuortium quæ est diffe-  
rentia, 4. r. 159. b.  
Iurgium rei friuisculum à fribulo apud  
Vlpianum vnde friuolum per diminu-  
tionem fit friuisculum, 4. r. 174. b. hinc  
friularia rixa, friularia noxia, ibid. c.  
verba Aufonii, Petronii, & Donati quæ.  
ibid.  
Iurgii & diuortii differentia quæ, 4. resp.  
159. a. b.  
Ius aquæ est personale. 2. r. 70. c.  
Ius omne accrescendi est mutuum & reci-  
procum, 17. q. 447. a.  
Ius accrescendi quid est, 17. q. 445. e.  
Ius accrescendi inter quos est, 17. q. 438. d.  
deficiente Iure accrescendi, an Ius con-  
solidationis locum habeat, ibid. 440. b.  
Ius accrescendi est productio legati, 32. q.  
823. c. d.  
Ius civile sæpe est iniquum, & asperum, &  
rigor iuris dicitur, 10. q. 413. c.  
Ius fiscale pactis priuatorum conuelli non  
potest, 2. q. 22. c.  
Ius gladii quid est, 1. q. 15. d.  
Ius gladii comprehendit etiam Ius belli ge-  
rendi, & administrandi, 1. quæstion.  
16. b. c.  
Iusurandum defertur vltro, refertur vero  
coacte, 8. q. 176. d. c.  
Ius monumenti omnem heredem sequitur,  
nisi secus defunctus voluerit, 6. quæstion.  
124. a.  
Ius naturale neminem excusat crimine aut

pœna, si crimen sit atrocius, 19. q. 517. a.  
nec fœminam excusat, nec minoreni, 25.  
annis, ibid.  
Ius pignoris non potest quari vsucapione,  
nec Ius vsusfructus, nec Ius seruutis,  
nec Ius hereditatis, & cur, 23. quæstion.  
657. a. b.  
Ius posituum dicitur ad differentiam iuris  
naturalis quod est authenticum, 11. qu.  
284. e.  
Ius prætorium mitius est Iure civili, 13. qu.  
357. d.  
Ius priuatum facile priuatorum conuen-  
tione mutatur, 2. q. 21. d.  
Ius publicum in Iure est triplex, 2. q. 20. d.  
hoc Ius priuata conuentione mutari non  
potest, ibid. 21. a.  
Ius publicum priuatorum pactis mutari  
non potest, 2. q. 22. c.  
Ius à constitutionibus est separandum, 1. r.  
16. a.  
Ius aureorum annulorum, quibus olim dā-  
batur, 1. r. 14. e. 15. a. verba Arnobii &  
Suetonii de aureis annulis quæ. 1. resp.  
5. a.  
Ius cognationis ad fœminas refertur, Ius  
agnationis ad masculos, 19. r. 617. a.  
Ius commune conuentione restringitur &  
coarctatur, 3. r. 118. a.  
Ius commune diuiduum esse nequit, nec  
cogitatione quidem in partes scindi po-  
test, 2. r. 55. a. b.  
Ius civile & prætorium specie plurimum  
differunt inter se, 1. defin. 647. c. d. c.  
Ius civile quid est, 2. definit. 647. c. 648.  
a. hæc definitio confecta est per parti-  
tionem, ibid. quod & positum dicitur.  
ibid. 648. a. b.  
Ius civile vigilantibus scriptum est, non  
iis, qui alium dormiunt, 9. r. 386. c.  
Ius dotis filia à patre data, non aufert ex-  
hereditatio, 2. r. 67. b. c.  
Ius electionis sublatum est Nouella Iusti-  
niani. 3. r. 118. b.  
Ius filii, siue Ius sui heredis exheredatione  
tollitur, Ius vero potestatis non item, 4.  
resp. 175. d.  
Ius nouellæ constitutionis est generale in  
querela inofficiosi testamenti. 5. respons.  
216. c.  
Ius patris, quod est Ius fructuarii, maius  
est, quàm Ius onerati fideicommissio. 9.  
resp. 422. b.  
Ius patris est perpetuum, Ius vero  
heredis plerumque temporarium.  
ibid.  
Ius personæ potest esse quælibet seruitus.  
2. r. 70. c.  
Ius pignoris in fundo firmitus est, quam in  
fructibus. 11. respons. 48. b. Accursius  
duas quæstiones hoc loco proponit, &  
quæ nam sint ibidem & c.  
Ius potestatis causam improbandæ dona-  
tionis præstat. 4. r. 175. d.  
Ius potestatis causam inhihendæ donatio-  
tionis præstat. 4. r. 174. c. d.  
Ius potestatis exheredatione non tollitur,  
sed Ius filii tantum. 4. r. 175. d.  
Ius potestatis seu vinculum potestatis vnâ  
personam facit patris & filii vel filia, 4.  
r. 174. c.  
Ius prælegati, eiusque conditio quæ est. 13.  
r. 560. d. Prælegata Falcidia subiiciun-  
tur, ibidem. e.  
Ius prætorium quid est. 2. defin. 647. c. d.  
quod & honorarium dicitur. ibidem.  
647. d. c.  
Ius singulare temere producendum non est  
ad alias species sine lege singulari, 9. r.  
405. b.  
Ius strictum humanitati opponitur. 6. resp.  
261. b.  
Ius prætorium. Vide Prætorium Ius an pa-  
ter Ius suum in filium transmittat. 13. a.  
decretum D. Marci de transmissioe,

ibid. e.  
Ius prætorium mitius est Iure civili, 13. quæ.  
357. d.  
an qui Ius suum transmiserit ad filium, quæ  
superstitem reliquit, Ius eius quale est. 13.  
q. 370. b.  
Ius ignorant, non procedit vsucapio, 19.  
qu. 517. e.  
Ius stolæ militaris atque gladii prædices  
habuerunt, 1. r. 4. d.  
Ius indiuiduum est. 2. r. 55. a. b.  
Ius sepulchrorum exhereditatio non aufert.  
2. r. 67. b.  
Ius ignorantibus subueniri solet, sed non  
in lucris. 19. q. 517. c.  
Ius singulare, & Ius commune in quo diffe-  
rent, 9. r. 443. c.  
Ius emphyteuticum an alij donari possit,  
aut vendi, saluo Iure vestigali, 2. respon.  
88. d.  
Ius emphyteuticum an transferri possit in  
legatarium, 2. r. 88. a. b. g.  
Ius patronatus. an seruetur liberis damna-  
torum quod habuit, qui damnatus est ca-  
pitali iudicio, 2. q. 28. a.  
Ius adcrecendi valet inter solos cohere-  
des. 13. q. 367. d.  
Ius civile per partitionem diuiditur à Ci-  
cerone, 2. defin. 648. a.  
Ius pignoris, vel aliud Ius, rei coherens,  
quomodo est seiunctum à Iure domini.  
11. r. 480. c. d.  
Ius dicentis num ad officium pertineant  
ea quæ sunt imperii & iurisdictionis. 1. r.  
5. b.  
Ius summum est Ius strictum. 8. quæstion.  
167. c.  
Ius consolidationis. Vide Ius accrescendi,  
Ius summum. Vide Summum Ius,  
Ius mutari solet, ita vt nomina, 8. quæstio.  
173. d. e.  
Ius nouum restrictius est accipiendum,  
non ampliandum, 13. r. 551. b.  
Ius crediti retinet creditor qui bona fide  
credit pecuniam adolescenti ignorans.  
28. q. 747. c. d. Qui vero sciens forte  
luxurioso adolescenti, hic Ius crediti  
non habet. ibid.  
Ius commune ibi seruatur, vbi nullum est  
priuilegium, 6. r. 238. c. d.  
quod Ius gentium est, inquit M. Tull. &  
Ius civile esse debet. 2. defin. 649. a. b.  
Ius est indiuiduum, 2. r. 55. a. b.  
Ius legitimæ successionis. Vide Successio.  
Ius gladii cui est. eadem & animaduersio  
in milites, cuiuscumque ordinis iste sit, 1.  
r. 4. c. d. e.  
Ius publicum pactis priuatorum mutari  
nequit, 2. q. 21. a.  
Ius prætorium. Vide Prætorium Ius,  
infra.  
Ius plerumque iusticiis ignorare permis-  
sum est, 1. defin. 630. c.  
Ius alicui esse non potest, nisi fundum vi-  
cinum habeat. 2. resp.  
Iuris auctores suas rationes sæpe adstrin-  
gere solent, 18. q. 515. d.  
Iuris auctoritas an sit in Iudicis potestate.  
1. r. 21. c. 22. a.  
Iuris civilis asperitatem corrigit prætor, &  
quod deest implet. 2. defin. 649. c. d.  
Iuris ignorantia, Vide Ignorantia iuris,  
supra.  
Iuris error, Vide Error iuris,  
Iuri reddendo quotannis vacabat Marcus  
Philippus, exemplo Augusti & Tiberii  
aliorumque imperat. 18. q. 302. c. 503. a.  
Iuris civilis mater est vtilitas publica 2. de  
finit. 649. b.  
Iuris enigmata. Vide Enigmata.  
Iuris civilis & prætorii definitio, 2. def. b. c.  
plus Iuris in alium transferre nemo potest,  
quam ipse habeat. 1. q. 7. c.  
Iuris gentium scientiam omnes homines  
præstare debere, 36. q. 237. b.



# Index rerum ac verborum.

**Iuris ignorantia non prodest acquirere volentibus, suum vero petentibus nocet.** 19 q. 516. b.  
**Iuris civilis, & iuris prætorii, differentia quæ.** 5. resp. 214. c. 215. a.  
**Iuris possessor est omnis debitor.** 6. q. 125. a.  
**Iuris ordo non obseruatur in iudiciis extraordinariis.** 1. defn. 646. c.  
**Iuris pars est iudicatum.** 15. q. 404. c.  
**Iuris naturalis ignorantia neminem excusat.** 2. de adult. 696. b. c.  
**Iuris ordinarij res, quæ ad magistratû pertinent, separantur à rebus, quæ sunt principis.** 1. r. 2. b.  
**Iuris successor.** Vide Successor, infra.  
**Iuris communitio quæ separatim intelligi potest.** 2. r. 55. a. b.  
**Iuris necessitas est obligatio.** 4. q. 103. b. c. & 26. q. 748. d.  
**Iuris necessitas.** Vide Necessitas iuris.  
**Iuris error nec fœminis in compendiis nocet.** 1. defn. 628. b. c. in lucris error iuris non prodest. ibid. 529. b.  
**Iuris ignorantia suum petentibus non nocet.** 1. r. 495. e. Actio Fabiana quando locum habet, & quando non. 1. resp. 496. b.  
**Iuris prætorij tres sunt virtutes, adiuuare ius civile, supplere, & corrigere.** 2. defn. 649. c.  
**Iuris studiosi & Iurisconf. idem est, sicut σοφοὶ & φιλοσοφοὶ idem est.** 4. r. 149. c. 150. a.  
**qui iure communi vititur, is non videtur decipi.** 3. r. 139. c.  
**Iure mariti an libertus possit patronum accusare.** 36. q. 842. d.  
**Iure prætorio an dominus in solidum teneatur in iustoria actione ex contractu serui institoris.** 3. r. 109. e.  
**Iure suo uti nemo inuitus cogitur.** 2. quæst. 25. a.  
**Iure magistratus quæ competunt.** Vide Magistratus.  
**Iura patronatus quæ.** 12. q. 326. d. c.  
**Ius libertorum quod.** ibid. 307.  
**Iura statuliberorum per heredem duriora fieri non possunt.** 2. q. 54. a. b. hoc idè dicitur de seruo, cui relicta est fideicommissaria libertas sub conditione. ibid.  
**Iura sanguinis nullo iure civili dirimi possunt.** 19. r. 616. c. 617. a.  
**Iura omnia postliminio recuperari solent.** 1. r. 27. d. c.  
**Iusuradum cuiuscumque tollit naturalem obligationem.** 28. q. 751. a.  
**an iusurandum calumniæ remitti potest ex consensu partium.** 2. q. 21. a.  
**Iusurandum sequi debet sententia iudicis, quod parti iudex detulit.** 2. r. 74. a.  
**Iusurandi in factum actio.** Vide Actio iusurandi.  
**Iurisconfulti est, secundum iudicium, verborum significationem accipere, augere & producere.** 8. r. 358. c.  
**Iurisconfulti & iuris studiosi idem est.** 4. r. 149. c.  
**Iurisconfulti est augere significationem verborum pro loco & tempore.** 19. q. 546. c.  
**Iurisconfulti non spectat ea, quæ raro eueniunt.** 19. q. 416. a.  
**Iurisconsultorum opiniones.** Vide Opiniones Iurisconsultorum. 19. q. 548. c. & seq.  
**sine iurisconsultorum sententia & auctoritate nullam Constitutionem dabant in medium optimi principes.** 19. q. 542. d.  
**Iurisdicctio contentiosa quæ est.** 1. q. 7. d.  
**Iurisdicctio contentiosa vbique exercetur.** 1. q. 7. d. c.  
**Iurisdicctio cuiusque proprie mandata dicitur.** 1. q. 7. b. a.  
**Iurisdicctio est aut voluntaria, aut contentiosa.** 1. q. 7. b. c.  
**Iurisdicctio omnis nexa est imperio, & sine**

**imperio nulla est Iurisdicctio, aut si quæ est, elusoria sane est.** 1. q. 4. d. c.  
**Iurisdicctio cui mandata est iurisdicctionem habet, non suo quidem iure, sed alieno.** 1. q. 6. d.  
**Iurisdicctio exercetur pro imperio.** 1. q. 4. d.  
**Iurisdicctio est duplex.** 1. q. 12. a.  
**Iurisdicctio voluntaria quando exercetur, & inter quos.** 1. q. 7. c. d. item vbi. ib. 7. d.  
**cui Iurisdicctio mandata est, quid distet ab eo qui iudex datur.** 1. q. 6. d.  
**Iurisdicctio cui à magistratu mandatur, is in hoc constituitur ab eo, ut ea exerceat, quæ sibi iure magistratus competunt.** 1. q. 5. b. c.  
**cui Iurisdicctio madata est, eam Iurisdicctionem rursus alij mandare nequit, & cur.** 1. q. ibid.  
**Iurisdicctio quando legitimè mandetur.** 1. q. 6. d. c.  
**Iurisdicctio cui mandata est fungitur vice eius, cui mandauit, non sua.** 1. q. 4. c.  
**Iurisdicctionis mandatum, morte mandantis finitur.** 1. q. 6. d.  
**Iurisdicctionis pars mandari potest.** 1. q. 5. d.  
**Iurisdicctionis pars est, Iudicem delegare posse.** 19. r. 612. d.  
**Iurisdicctionis quæ sunt & iuris ordinarij, quæ ad magistratum pertinent, separantur à reb. cognitionis, quæ sunt principis.** 1. r. 2. b.  
**Iurisdicctionis est, quidquid est imperij mixti.** 1. q. 12. c. & contra.  
**Iurisdicctionem non habet princeps, sed cognitionem extraordinariam.** 1. r. 2. b.  
**Iurisdicctionem voluntariam non habet legatus proconsulis.** 1. q. 8. a.  
**Iurisdicctionem mandare, Iurisdicctio mandata.** Vide Mandata iurisdicctio.  
**Iurisdicctionem quando habet procurator Cæsaris, & quando non.** 19. r. 612. d.  
**Iurisdicctionem habens est magistratus, & quis.** 1. r. 6. b.  
**Iurisdicctione mandata ea non contineri, quæ lege dantur.** 1. q. 12. d.  
**Iusta ætas seu legitima non est ante 25. annum nec in mare nec in fœmina.** 10. r. 491. c.  
**Iusta conuentio an sit seruanda, quæ scilicet iure non improbat.** 1. r. 9. b. c.  
**Iusta defuncto facere.** 2. q. 29. a.  
**Iusta sepultura quid.** 9. q. 217. b.  
**inter Iustum & legitimum hereditè, Apuleij differentia quæ.** 28. q. 750. c.

## L

**Læx maiestatis in quæstionibus infames & mulieres admittuntur, alias ius accusandi non habentes.** 15. resp. 571. c. d.  
**Lampridij locus in Alexandro corruptus Duarenus I. C. de cepit, & cur.** 1. resp. 14. b. c.  
**Largiri quemque oportet de suo, non de alieno.** 8. r. 334. c.  
**Largitio quæ sit de alieno, non est liberalitas.** 9. q. 535. c. Legatum est honos & liberalitas. ibid. d.  
**Larcinium est casus fortuitus.** 8. q. 160. d. c.  
**Legata domus instructa.** Vide domus instructa legata.  
**cui Legata est habitatio, an possit seorsim siue aliis concedere, seu donare.** 18. q. 180. b.  
**Legata habitatione an videatur domus legata, id est proprietas.** 18. q. 515. d. c.  
**Legata pars simpliciter, & homo legatus simpliciter in quo differunt.** 17. q. 457. c. & 458. a.  
**Legata res duobus, an bis debebitur.** 17. q. 454. a. b.

**Legata aut vendita taberna negotiatoria, an merces legato, aut venditione contineretur.** 8. r. 345. c. 346. a.  
**Legatam rem vtrum testator vendiderit, an donauerit, si ignoretur, quæ distinctio notanda.** 19. q. 334. c. d.  
**Legata certa pecunia non corpora numerum spectantur, sed quæritas.** 7. r. 311. c. 312. a.  
**Legata domo an balnea quæ sunt in ea domo, quoque debeantur.** 7. r. 299. c.  
**Legata domo cum suppellectile, an ea etiam suppellex debeatur, quæ domo translata est est in hortos ad tempus.** 7. r. 321. c. d.  
**Legata domo instructa, an vina legata videantur.** 7. r. 321. a.  
**Legata suppellectile non spectatur materia, sed saltem species.** 7. r. 309. a.  
**Legatum quid sit.** 19. q. 535. a. b.  
**Legatio publica est munus personale & non patrimoniale.** 1. r. 37. d.  
**ante Legationem, & non in ipsa legatione, causa constitutæ pecuniæ incipere debet.** 3. q. 73. d. c.  
**Legatum est delibatio hereditatis testatoris, non ex bonis alienis.** 9. r. 409. b.  
**Legatum habitationis libertis relictum finitur morte eorum, & cur.** 3. r. 151. b.  
**Legatum instructi plenius est, quam instrumenti.** 7. r. 318. b. c.  
**Legatum liberationis acceptilatione perimitur.** 7. r. 291. a.  
**Legatum conditionale non transmittitur.** 28. q. 732. c.  
**Legatum dotis Falcidia non minuitur.** 13. q. 358. a.  
**Legatum est delibatio hereditatis.** 14. q. 382. a.  
**Legatum est in genere liberalitatis.** 19. q. 534. d. necessaria electio non est liberalitas. ibid.  
**Legatum est inutile, si debitor leget quod debet, nisi plus in legato, quam in debito sit.** 17. q. 453. c.  
**Legatum est lucrum, quod sine alterius danno obiceret, vsucapio vero cum damno alterius.** 13. q. 350. d.  
**Legatum habitationis in facto magis, quam in iure consistit.** 1. q. 515. c.  
**Legatum in diem certam non habetur pro puro, & cur.** 15. q. 395. d. c.  
**Legata conditionalia saltem cedunt conditione existente.** 15. q. 396. a. cur institutum est legata morte cedere, non aditione. 15. q. ibidem.  
**Legatum non est, quod necessitate relinquitur.** 19. q. 534. d.  
**Legatum patrono relictum fideicommissio onerari potest.** 12. q. 335. d. c. hic est distinguendum. ibid.  
**Legatum quod ab initio inutile est, ex post facto non conualescit.** 15. q. 395. a.  
**Legatum sub modo relictum, purum est.** 17. q. 479. a.  
**Legatum qui sciens acceperit, prohibetur inofficiosum dicere, & cur.** 5. q. 120. c. 121. a.  
**Legato inest representationis commodum.** 15. q. 423. b.  
**Legatum purum proprium diem non habet & continetur vulgari clausula, legatum præfens proprium diem habet, & non continetur vulgari clausula.** 27. q. 691. b. c.  
**Legatum qui accipit ignorans, non prohibetur falsum dicere.** 5. q. 120. c. 121. a.  
**Legatum non extinguit falsa demonstratione, nec facit.** 18. q. 508. d.  
**Legatum an sit antiquius manumissione serui, an vero manumissio legato antiquior.** 8. r. 369. d. quæ hic est Accursij distinctio. ibid.  
**Legatum an ex imperfecta scriptura debeatur.** 8. r. 351. d.  
**Legatum legatario relinqui non potest.** 20. q. 690. b.



# in Quæstion. & Respons. Papin.

**Legatum non vitatur falsa demonstratio-  
ne.** 7. r. 290. c. 291. a.  
**Legatum an debeat omittitur, qui omittit  
hereditatem paternam.** 18. q. 481. c. 482. a.  
**Legatum seruitutis quibus casibus interci-  
dit, si filius nolit seruitutem cedere.** 7. r.  
287. c. d.  
**Legatum conditionale non efficit tacita  
conditio.** 18. q. 514. a.  
**Legatum omne est inutile, cuius dies lega-  
tario viuo non cedit.** 34. q. 828. d.  
**Legatum non vitatur falsa causa.** 18. quæst.  
405. c.  
**Legatum facit inutile error.** 19. q. 548. d.  
**Legatum & stipulatio in quo differunt.** 16.  
q. 423. d.  
**Legatum contrahit generis verbum.** 16. q.  
419. d. c.  
**Legatum nisi certæ rei sit, nullius est mo-  
menti.** 8. r. 366. a.  
**Legatum non continetur nomine heredita-  
tis.** 2. r. 88. b.  
**Legatum prædij facilius adimitur, quā  
legatum pecuniæ.** 9. r. 399. d. pecunia semper  
inest hereditati. ibid. d. non quidem eadē  
species pecuniæ, sed quantitas pecuniæ,  
summa, potestas, facultas. ibid.  
**an Legatum obtinere quis potest, si de falso  
testamento non obtinet.** 5. q. 120. c.  
**Legatum prædium instructum. Vide In-  
structum prædium legatum.**  
**Legatum. Vide instructa legata.**  
**inter Legatum equorum, & legatum equitij  
differētia quæ est.** 7. r. 282. c. 283. a. & seq.  
**ratio huius differētiæ quæ.** ibid. sic inter  
legatum ouium, & legatum gregis ouium  
quid discriminis. ibid.  
**inter Legatum & libertatem differētia  
quæ est.** 21. q. 626. c.  
**Legati cedere diem quid est.** 18. q. 485. a.  
**Legati dies cedit à morte testatoris.** 18. q.  
510. c. d. vsusfructus vero cedit ab aditio-  
ne hereditatis. ibid.  
**Legati conditio semel defecta vel impleta  
nunquam resumitur.** 8. r. 380. c.  
**Legati ius per damnationem optimum est.**  
9. r. 385. b. Hac ratione quoque ius fidei-  
commissi optimum dici potest. ibid.  
**Legati petitio nō est, quod nominatim non  
debetur, retentio tamen eius est.** 2. r. 67. c.  
**Legati productio est ius accrescendi.** 32. q.  
823. b. c.  
**in Legato plus esse potest vel summa, vel  
tēpore aut conditio.** 8. r. 380. d. c. 381. a.  
**Legato fundi instrumento, debentur quo-  
que pecora stercorandi fundi causa pa-  
rata.** 2. r. 69. b. an vestis cedat & medi-  
camenta. 7. r. 322. a. b.  
**in Legato non est quantitas, sed obligatio.**  
8. q. 597. b. c.  
**in Legato an quis non intelligatur repe-  
tisse conditionem emancipationis.** 7. re.  
313. c. 314. a.  
**Legato chartarum an libri contineantur.**  
7. r. 299. c.  
**Legato quando iurisdictionem mādāt pro-  
consul.** 1. q. 7. c.  
**in Legato idem ius non est, quod in here-  
ditate.** 9. q. 230. a. b.  
**Legato cur officit testatoris error.** 19. qu.  
549. c. 550. a.  
**ex Legato speciali qui rem petit, potior est  
in iure, quam qui ex generali legato pe-  
tit.** 33. q. 826. c.  
**Legato equitio fœtus ante moram editi  
debentur.** 6. q. 136. d.  
**à Legato an repellitur si exheredatus egit  
aduersus vnum ex heredibus.** 5. q. 120. d.  
**Legato fundi instrumento an debeatur pec-  
cus, quod in eo fundo est.** 2. r. 68. c. 69. a.  
**Quando legato cedit & quādo non.** ibid. c.  
**Legato domus an hortus vicinus conti-  
neatur.** 7. r. 300. b.  
**Legato domus instructæ an contineantur  
mensæ eboreæ, item libri quos ibi habuit**

**studiorum suorum causa.** 7. r. 322. c.  
**Legato fundo instructo cum omni instru-  
mento, an debeantur venationis instru-  
menta, si quæstus fundi maxime consi-  
stat in venatione.** 2. r. 68. c. d.  
**Legato fundo instructo non tantū debe-  
tur instrumentum fundi, sed & instrumē-  
tum patrisfam. vel matrisfam.** 7. r. 318. b.  
**Legato peculij an seruus peculiaris conti-  
neatur.** 7. r. 307. c. d.  
**Legata quæ omnino extitura sunt, pro  
præsentibus habentur.** 1. defin. 644. d. e.  
**Legata quæ relinquuntur sub conditio-  
dandi vel faciendi, nullo remedio capi  
possunt, antequam conditio sit impleta,  
quæ vero relinquuntur sub conditio-  
ne non faciendi, ea capi possunt remedio sti-  
pulationis Mutianæ.** 1. defin. 644. d.  
**Legata captatoria.** 6. r. 226. c.  
**Legata & res alienum in quo differunt.** 29.  
q. 786. a. b.  
**Legata quæ sunt in causa caduci.** 17. q. 434. c.  
**Legatum vsusfructus videtur esse in causa  
caduci.** ibid.  
**Legata non debentur, nisi deducto ære alie-  
no.** 19. q. 537. c. d. & 538. b. c. creditores  
legatariis sunt priores & potiores. ibid. d.  
**Legata non debentur nisi ex testamento.**  
28. q. 728. a.  
**inter Legata & donationes causa mortis  
differētia quæ.** 8. r. 332. a.  
**inter Legata & stipulationes differētia  
eiusque ratio quæ.** 18. q. 495. c. d. An obla-  
ta cautione Muciana Legatarius conse-  
quetur Legatum. 18. q. 496. c. d.  
**Legata conditionalia non faciunt, quæ ta-  
cite insunt.** 18. q. 514. b.  
**Legata supellectile, an vasa argentea quo-  
que debeantur.** 11. q. 290. b.  
**inter Legata & stipulationes differētia  
quæ.** 18. q. 495. c. d.  
**Legata. Vide Regula Catoniana.**  
**Legata conditionalia ex post facto confir-  
mantur, pura vero Legata non.** 15. q. 399.  
a. b.  
**Legata pura sunt ea quibus adscripta est  
dies certa non incerta, quo ad cessionem  
attinet, nam & hæc cedunt statim à mor-  
te testatoris.** 15. q. 395. e.  
**Legata conditionalia, vel in diem incertum  
relieta non cedunt à morte testatoris, sed  
cum conditio extiterit post mortem te-  
statoris.** ibid.  
**Legata plura facit commemoratio tempo-  
rum.** 17. q. 442. c.  
**Legata tot sunt, quot res.** 13. r. 550. d.  
**Legata à filio relieta an præstabit pater  
substitutus filio heredi institute, nec fi-  
lium adire iubeat, sed ipsemet ex sub-  
stitutione adeat.** 16. q. 418. d. c. & seq.  
**Legata non debentur nisi deducto ære alie-  
no.** 12. r. 543. d.  
**Legata à morte testatoris cedunt.** 15. q. 395.  
d. c.  
**Legata pura dicuntur esse etiam, quibus ad-  
scripta est dies certa, non incerta, quo ad  
cessionem attinet, nam statim cedunt à  
morte testatoris.** 15. q. 395. d.  
**Legata ornatus non sequitur, nisi nomina-  
tum dictus.** 2. r. 73. c.  
**Legata aut fideicommissa contribuere est  
in ratione legis Falcidiæ incunda, ea cō-  
muni calculo subiicere.** 9. r. 408. d.  
**Legata an debeantur, fisco eripiente here-  
ditatem heredi scripto.** 16. q. 428. d.  
**Legata sæpius re eadem, semel tantum de-  
betur.** 17. q. 454. a. b.  
**Legata & fideicommissa non debentur, nisi  
deducto ære alieno.** 19. q. 537. d.  
**Legata fideicommissis per omnia sunt ex-  
quata.** 13. r. 560. c. 561. a.  
**Legata, nuda voluntate relieta in testamē-  
to rupto non valent nec debentur.** 6. re.  
258. c. hæc peti possunt beneficio exceptio-  
nis doli mali. ibid. quando hæc exceptio

**locum non habet.** ibid.  
**Legata per omnia sunt fideicommissis ex-  
quata.** 2. r. 84. b.  
**Legata prius non debentur, quam satisfac-  
tum sit creditoribus defuncti.** 12. r. 543.  
c. quid minuit legata. ibid.  
**Legata pro parte valent.** 6. r. 271. c.  
**Legata sunt repetenda siue reuocanda ob  
improvisum casum, nouam & inopinā-  
tam causam, & inopinatam fortunam.** 6.  
r. 257. & 258.  
**Legata quæ ab initio non valent, ex post  
facto nec conualescunt.** 1. defin. 644. a. b.  
**Legatorum actiones personales etiam igno-  
ratib⁹ legatariis acquiruntur.** 1. defin. 643. b. c.  
**Legatorum & stipulationum comparatio  
est frequentissima.** 2. q. 62. c.  
**Legatorum, fideicommissorum, & legis Fal-  
cidiæ, antequam ratio incatur, prius om-  
neas alienum defuncti deduci debet.** 8.  
resp. 362. b.  
**Legatorum ratio quando separatur & quā-  
do confunditur.** 29. q. 790. c. d. & 793. b. c.  
**Legatorum cautio quibus sit præstanda.**  
28. q. 729. a. b. c.  
**Legatorum diuisio testamento relictorum.**  
7. r. 310. b.  
**Legatorum emolumentum acquirunt igno-  
rantes ex testamento.** 8. r. 332. d. c.  
**Legatarum rerum dominium acquirunt  
ignorantes vel agnitione vel traditio.**  
8. r. ibid. & 333. a.  
**inter Legatorum genera olim erat differen-  
tia & quæ.** 17. q. 452. c. d. c. Hodie ea est  
sublata ex Constitutione Iustiniani Im-  
per. ibid.  
**Legatorum vsuræ. Vide Vsuræ.**  
**an Legatorum vel fideicommissorum fructus  
præstentur ex die mortis ante moram.** 6.  
q. 136. b.  
**Legatorum onus ab herede relictorū tran-  
sit in fideicommissarium.** 9. q. 226. b. c.  
**Legatorū, quæ pure relieta sunt, dies cedit  
ex mortis testatoris tēpore, eorum vero,  
quæ sub conditioe relieta, dies cedit,  
quum conditio extiterit.** 1. defin. 644. a. b.  
**Legatorum & æris alieni differētia quæ.**  
29. q. 786. a.  
**Legatis onerari non potest heres supra do-  
drantem bonorum.** 20. q. 608. c.  
**in Legatis serui persona inspicitur.** 16. q.  
422. d.  
**in Legatis an locum habeat substitutio.** 17.  
q. 446. c. d.  
**Legatis seruis non continentur serui pi-  
gnori decepti.** 7. r. 309. a.  
**in Legatis tēpus spectatur, quo dies co-  
rum cedit.** 12. r. 543. c. d.  
**in quibus Legatis regula Catoniana locum  
habet.** 1. defin. 644. a. b. c. d.  
**Legatis cōparantur donationes causa mor-  
tis.** 8. r. 330. a. b.  
**in Legatis minuendis tantum Lex Falcidia  
locum habet, quæ hereditatem absume-  
rent absque dodrante.** 2. q. 61. c. 62. a.  
**ex Legatis quarta lege Falcidiæ an differat  
à quarta ex fideicommissis Senatuscōsul-  
to Pegasiano seu Trebelliano.** 2. r. 84. a. b.  
**Legatis prædiis, non continentur dotes  
prædiorum.** 7. r. 305. b.  
**cum Legatis res alienum confundi non de-  
bet.** 29. q. 785. c. 786. a.  
**Legatis prædiis non continentur prædia pi-  
gnori accepta.** 7. r. 309. a.  
**in Legatis tēpus quo dies cedit, spectatur.**  
16. q. 424. b. c.  
**Legatus rebus omnibus in domo existētib⁹  
an videantur legata cautiones debitorum,  
& emptiones seruorum.** 7. r. 523. a. b.  
**Legatis equis fœtus post moram editi tan-  
tum debentur.** 6. q. 136. c.  
**Legatus Cæsaris quis.** 1. r. 2. d. c.  
**Legatum vsus. Vide Vfus.**  
**Legatus fundus instructus larius patet quā  
instrumenti legatum.** 8. r. 368. d. quæ



# Index rerum ac verborum

- cuntinentur instructo, ibid.
- Legatus Proconsulis Vide Proconsul. 1. q. 10. b
- Legatus Proconsulis tutorem dare potest, non ex mandato, sed specialiter ex oratione D. Marci. 1. q. 9. d
- Legatus Proconsulis voluntariam iurisdictionem non habet, & cur. 3. q. 8. a. casus singularis hic qualis. ibid.
- Legatus alius est à Proconsule, alius Iudex datus ab eo, qui dedit. 1. q. 7. a. b
- Legati v. resp. 3. b. Quomodo Dio vocat Legatos. 1. r. 3. b
- Legati proprie qui sunt. 24. q. 643. b. c
- hi vbi conveniendi. ibid. 630. b. c
- Legati Praefidi dantur à Senatu & à Principe. 1. r. 4. b
- Legati Caesaris, Legati Imperatoris & Legati Augusti vocantur Praefides. 1. r. 3. a. b
- Legati Caesaris qui sunt. 1. r. 3. a. b
- Legatos mittit Caesar in Prouincias. 1. resp. 3. b
- Legatarium inter & statuliberum differentia. 21. q. 626. c
- an Legatarius, cuius legatum interit, cogitur restituere poenam ei, qui poena semel functus est. 9. q. 238. c. d
- an Legatarius oneratus fideicommissio detrahat Falcidiam. 9. q. 226. a
- an Legatarius quoque sacris obligetur. 2. q. 43. a. b
- Legatarius Falcidiam non exercet. 20. q. 620. d. e
- Legatarius oblata cautione Muciana an legatum consequetur. 18. q. 621. a. b
- Legatarius est successor rei, heres vero est successor iuris. 2. r. 88. c
- Legatarius, à quo fideicommissum relictum est quatenus fideicommissario teneatur. 20. q. 600. a. b. c.
- Legatarius & heres in quo differunt quoad legatum. 20. q. 601. c
- Legatarius si moram facit in praestando fideicommissio, an fideicommissum apud Legatarium remaneat. 9. q. 230. a. b
- Legatarius non habet petitionem rerum legatarum quas furatus est. 9. r. 440. c
- Legatarius est successor rei, heres vero successor iuris. 2. r. 88. c
- Legatarii & fideicommissarii sunt possessores rei lucrativae. 8. r. 338. b
- Legatarii connumerantur creditoribus hereditariis, in causa separationis bonorum. 12. r. 541. c
- Legatarii non habent retentionem Falcidia. 7. r. 243. & 249
- Legatarii aut heredis instituti domino vel patri fideicommissi potest. 9. q. 224. d. e
- Legari vero non. ibid.
- Legatarii in quo differant à creditoribus. 1. r. 542. e. 543. a
- Legatarii agnitio retrahitur ad tempus aditae hereditatis, non ultra. 1. defin. 643. a. b. c
- Legatario quando petitio legati esse incipit. 8. r. 338. c. 339. a
- Legatario heres omnem culpam & dolum praestare tenetur excepto casu fortuito. 18. q. 501. b. c
- à Legatario Legatum relinqui non potest fideicommissum relinqui potest. 20. q. 603. b
- ad Legatarium non pertinet litis periculum, nisi dolo eius aut culpa lis perierit. 20. q. 601. c. 602. a
- inter Legatarium & statuliberum, quae est differentia. 21. q. 626. c
- Legatarii potiores sunt creditores. 19. q. 537. c. d
- an Legatariis noceat iniuria heredi scripto facta. 20. q. 584. a
- Legat nemo recte rem vel ius heredis sui. 9. r. 387. b
- Legat frustra debitor creditori id quod ei debet. 8. r. 380. d. e
- in Legandis rebus suis faciliores sunt homines, quam alianis comparandis, onerandisq; heredibus ad emptionem rei. 17. q. 549. d. e
- Legabatur olim inutiliter proprio seruo sine libertate. 15. q. 392. b
- cur non Legatur recte seruo alieno via ad fundum domini. 16. q. 423. c
- si mihi Legatur res mea, Legatum est inutile, aliquando utile est. 17. quaestio. 467. d
- Legatur frustra quod cui pure debetur, quod vero sub conditione debetur, tenet Legatur. 16. q. 423. b
- non Legatur vsusfructus vestimentorum sicut pecuniae, 20. q. 579. b
- quid si Legatur saepe eadem quantitas. 17. q. 452. d. e
- si Legatur fundus, aut eius vsusfructus, quid, an possum eligere vsusfructum? 18. q. 512. c
- si illud aut illud Legatur, an vnum sit Legatum, vel duo, & vtrumque sit in obligatione. 18. q. 511. a. b, quid proprie debetur, ibid.
- Legare nemo frustra & inutiliter intelligitur, 17. q. 454. b. c
- quae Legari possunt per damnationem. 9. r. 385
- Legari non potest à patre vel domino heredis, 6. q. 224. d. e
- Legari potest per damnationem res aliena, non per vendicationem, 19. q. 544. c. 545. a
- Legari non potest domino vel patri heredis instituti aut legatarii. 9. q. 224. c. d. Fideicommissi vero potest. ibid. d
- Legari certum numerum numerorum aliud est, aliud certos nummos, qui sunt in illa arca, 4. q. 105. b
- Legitima portio natura liberis debetur. 3. r. 106. a. item & Falcidia quaelibet. 3. r. 106. a
- Legitima portio quid est, quae est, quantave est. 2. r. 175. a. b. secundus quid haberet ab intestato concurrente fratre, ibidem 175. a. b
- Legitima hereditas proprie redire dicitur, quia ad eandem familiam recurrit, 19. q. 354. b
- Legitima quae dicitur, 12. q. 348. d. e
- Legitimi tutores qui sunt, & qui testamentarii, 11. q. 315. d
- Legitima seu quarta quae excludit querelam descendit ex lege Glicia, & non ex Constitutione D. Marci. 14. q. 374. c. d
- Legitima. Vide Quarta.
- Legitimae actiones. Vide Actiones legitimae.
- Legitimae vsurae. Vide Vsurae.
- Legitimus tutor. Vide Tutor.
- Legitimus & iustus heres in quo differunt, secundum Apuleium, 28. q. 750. c
- Legitimus tutor tutela legitima cedere potest in iure, abdicare se nequit, 1. resp. 2. c
- Legitimi actus an in totum vitiantur, qui recipiunt diem vel conditionem expresse, non etiam qui tacite, 28. q. 766. c
- Legitimi actus peraguntur solemnibus verbis & testibus praesentibus, 28. q. 766. d
- Legitimi magistratus abdicatio teste Vipiano, non valet, 1. r. 2. c
- Lenitas verbi tristitiam rei mitigat, 2. r. 73. e. 74. a
- Leno non est nisi qui pretium accipit pro comperto stupro, siue adulterio, 2. de adult. 695. a. b
- Leno si retentionem doris non habet, potestne agere de moribus. 11. q. 288. c. d
- Lenocinii allegatio onerat maritum, sed non exonerat uxorem, quandoque vterque punitur, 11. q. 298. d
- Legio succedit militi qui intestatus decedit, 14. q. 385. c. 384. a
- Legio est peditum, vexillatio equitum. 14. q. 384. a
- Lex Aelia Sentia in fraudem creditorum datam libertatem ipso iure irritam facit, 13. r. 567. d. de dote iudicium bonae fidei est. ibid. 567. d. e. res mobilis data in dotem alienari potest. ibid. 561. e. alienatio est dominij mutatio, 13. r. 567. d
- Lex & Iudex in quo differunt, 2. quaest. 50. a.
- Lex 1. §. incidit ad Senatusconsultum. Turpill. obstat obhaec: de his qui not. infam. 1. r. 13. b
- Lex Iulia ferrum dedit patri adulterij tantum vlciscendi causa non stupri. 1. de adult. 686. c. 687. a
- Lex non est nisi coniuncta sit necessitati, 2. q. 31. a
- Lex si potestatem testandi non dederit, nec priuatus dabit, 14. q. 381. d. e
- Lex Regula derogat, 11. r. 476. d. e
- Lex 2. ff. de crimine stellionatus, in quibus causis procedit, 1. r. 17. b. c
- Lex Rhodia in nauticis quaestionibus est sequenda, & quatenus, 19. r. 611. a. b
- vbi Lex non distinguit, nec nos distinguere debemus, 21. q. 635. c. sed adscripto stare, nisi aliud mens legis suadeat. ibid. 635. d.
- Lex Iulia ferrum dedit patri adulterij tantum vlciscendi causa, non stupri, de adul. 686. c. 687. a
- Lex quae vetat rem alienare litigiosam, alias est perfecta, alias imperfecta, 7. quaest. 155. c
- Lex 12. tab. est, ut res alienum defuncti diuidatur inter heredes pro hereditariis portionibus, 14. q. 382. a. b
- Lex Cornelia perpetuum Praetoris edictum fecit, 8. r. 360. d. e
- Lex Iul. peculatus olim tantum erat de pecunia populi Rom. postea eam Imp. ad cuiuscunque ciuitatis pecuniam porrexerunt, 1. r. 35. c. 16. a
- Lex legatus 20. ff. de off. praesid. loquitur de magistratu, non de principe, 1. r. 2. b. c
- Lex obligat, nuda conuentio vero non obligat, 1. r. 11. b
- Lex Remmia coërcet calumniatores, qui in iudicio publico calumniati sunt. 1. de adult. 672. e. 673. a. eos non facit intestabiles, ibid. 673. a
- Lex vnica. de via publica, est de curatoribus viarum, publicarum, siue, ut Varro ait, de viocuris, l. sing. de ad. 705. e. 706. a. Graeci eos *desuouovs* nominant. 706. a
- Lex commissoria est pactum, quod venditoris causa adicitur emptioni venditioni, 3. r. 146. d. e
- Lex Cornelia, quae ab initio erat de falsis testamentis, postea porrecta fuit ad omnia instrumenta, 1. de adult. 680. c. d
- Lex Falcidia heredis causa lata est, 9. r. 410. a. & 13. r. 541. b. c
- Lex Falcidia in testamento militis cessat, 2. a. definit. 669. a
- Lex Falcidia locum habet in donationibus mortis causa, in donationibus inter vivos non. 13. r. 566. b
- Lex Fufia Caninia quando locum habet, & quando non. 14. r. 576. a
- Lex Graeca, qua proponitur frater fratri legasse digitum aquae, & cur, 2. r. 70. d. & ius illud aquae, est personale, ibid. 70. d
- ratio huius quae. ibid. 70. c
- Lex in iure quid est, 1. definit. 619. b. c
- Leges omnes quae sunt ex libris definitionum, non sunt regulae, sed notae potius ad regulas, vel amplificationes, vel exceptiones, 1. definit. 621. a. explicatio definitionis Legis, ibid. 621. a. b. c. d
- Lex est consuetudo scripta, & consuetudo est lex non scripta, 1. definit. 622. a. b
- Lex 12. tab. tutoris dationem permittit patri tantum filij habenti in potestate, 4. r. 185. e



# in Quæstion. & Respons. Papin.

Lex 11. de appellat. pertinet ad eam partem tituli, quæ est de relationibus, & non ad illam, quæ de appellationibus, & cur, 2. r. 87. b. c. d.

Lex (inquit Euripides) est vincere semper reum paribus sententis, 10. r. 450. c. 451. a

Lex 81. ff. de furt. & lex 4. §. ult. ff. ad l. Iul. peculatus plane diuersa proponunt, & non contraria, & cur, 1. r. 15. d. e. 16. a. sententia Alciati dudum hic est explosa, ibid. 16. a

Lex 15. §. de rit unupt. agit de nuptiis prohibitis ratione affinitatis, 4. resp. 152. d. e. sententia huius legis quæ, 4. resp. 152. c. 153. a

Lex Iul. de adul. nisi certo modo diuortium factum sit, pro infecto habet, 1. de adul. 671. b

Lex Iul. de adulter. patri potestatem facit cum adultero occidendi filium, quem in potestate habet, 4. r. 171. d. e

Lex Iul. est multiplex, cetera vero leges singulares, 1. r. 16. c

quoties lex nihil excipit, nec nos excipere debemus, 22. q. 634. b

Lex Cincia certum modum imposuit donationibus, nec permisit donare in infinitum, exceptis certis quibusdam personis, 29. q. 810. d

hæc Lex Cincia pertinet tantum ad meras donationes, non ad remunerationes inestimabiles beneficij, 29. q. 811. c

Lex Cincia donationes certis casibus prohibuit, aut eis modum imposuit, 26. q. 671. b. c

quæ & Lex muneris dicebatur, ibidem 671. b. c

Lex dedit magistratibus municipalibus ius dandi tutores, 2. q. 34. d

Lex est coercitio delictorum, 1. quæstion. 246. c

Lex Falcidia cessat in militari testamento 29. q. 769. c

Lex Falcidia locum habet in testamento pagani, 26. q. 787. e. 788. a

Lex Falcidia locum tantum habet in legatis minuendis, quæ hereditatem absumerent absque dodrante, 2. q. 61. c. 62. a

Lex Gabinia lata fuit de versura, non de versura, 2. q. 48. c. d

Lex potior est consuetudine, 2. q. 46. c

Lex omnis est publica, 9. q. 516. b. c

Lex qua dat ius patri dandi tutores, non dedit etiam ius dandi curatoris in testamento, 19. q. 557. c. & cur ventri datur curator, non tutor, ibid. 557. c

Legis est augere & producere vim & significationem verborum, 2. r. 88. e

Legis Fabiæ de plagio in prouinciis præsidum cognitio est, 19. r. 613. a. procurator Cæsaris quando videatur fungi partibus præsidis, ibid. a. b

Legis 49. ff. de petit. hered. quæstio quæ est, 3. q. 75. a. b

Legis Iulæ de diuortiis quis fuit auctor, 1. de adul. 675. d. e

Legis Iulæ beneficium est bonorum cessio quod debitores liberat molestia carceris 9. q. 238. e 239. a

Legis 36. D. de iure fisci, sententia quæ est, 3. r. 142. c. d

Legis 40. D. de pact. §. 1. post diuisionem, sententia quæ, 1. r. 1. c. d. & sententia §. 1. pater qui dotem, eiusdem legis, quæ, ibid. 1. r. d

Legis 8. D. de seru. exportand. explicatio, 27. q. 682. e. 683. a

Legis Cornelia fictio. Vide Fictio.

Legis si sit §. 1. D. de legat. j. explicatio, 18. q. 507. c. d

Legis si debitor 45. §. in fideicommissaria, D. de fideicommissar. libertat. 12. quæst. 336. b

Legis actiones specialiter mandari non possunt, 1. q. 9. b

Legis 22. D. de legat. præst. species quæ est, 217. b. c

Legis 81. de furt. & legis 4. §. ult. D. ad leg. Iul. peculatus. repugnantia quæ, 1. r. 15. c. 16. a

Leg. 4. §. ult. ad leg. Iul. peculatus. & Legis 81. de furt. repugnantia quæ, 1. resp. 15. d. e. 16. a

Legis 1. D. de iur. aureor. annulor. species facti qualis, 1. r. 15. a. b

Legis centurio 27. D. de militar. testamen. species quæ est, 6. r. 255. c. d

Legis Falcidiæ. antequam ratio ineatur, prius omne as alienum defuncti deduci debet, 8. r. 362. a. b

quod in Legis albo est, est potentius, quam quod in testamento, 9. r. 438. a

Legis filiis. C. de inoffic. testam. intellectus quis est, 6. r. 274. b

Legis consultissima. C. de testam. §. ex imperfecto, intellectus quis, 6. r. 257. b

Legis Nescennius D. ad leg. Falcid. explicatio, 6. r. 231. a. b & seq.

Legis filio D. ad leg. Falcid. explicatio, 6. r. 231. e. 232. a

Legis filium C. famil. eriscund. explicatio, 6. r. 232. e. 233. a

Legis si vnquam Cod. de reuocand. donat. explicatio, 1. r. 11. c. 12. a

Legis 40. §. ultimo. D. de pact. explicatio, 1. r. 11. e. 12. a

Legis qui habebat D. de vulg. & pupill. substitut. explicatio, 6. r. 245. a. b

Legis mulier D. qui potior in pign. habeatur speciei explicatio, 11. r. 482. b. c

Legis cum pater. 77. de legat. 2. explicatio, 8. resp. 328. c. & sequ. vsque ad colum. 364. a. b

Legis 51. D. de furt. facti species quæ, 1. r. 15. d. e

Legis annariæ tot anni diminuuntur, quot quis habet liberos. 1. r. 33. b

Legi Falcid. locus est in donationibus mortis causa exemplo legatorum auctoritate D. Seueri, 8. r. 330. c. & seq.

Legem dat contractibus conuentio, 27. q. 701. c

Legem abrogat consuetudo, 2. q. 46. e

siue Lege non licet nobis quid ampliare, vel protendere, 9. r. 404. d. e

Lege agere est commune reorum & iudicum, 27. q. 768. c

Lege abdicare, & cedere differunt, 1. r. 2. c. d

Lege Iulia & Papia singuli anni per singulos liberos remittuntur, 1. r. 33. b

Lege Iulia crimen adulterij capitale non fuit, 2. de adul. 697. a. postea constitutionibus nouissimis Theodosiani Codicis demum factum fuit capitale hoc crimen, de adul. 697. a

Lege Iul. de adult. cauetur, ne dotalis prædium maritus inuita vxore alienet, 1. de adult. 671. b

Lege Cornelia de falsis, quomodo qui tenetur, 2. q. 26. a. b

Lege quæ dantur, ea mandata iurisdictione non contineri constat, 1. q. 12. c. d

Lege quæ nominatim dantur, mandari non possunt, 1. q. 7. e

Lege Voconia masculorum hereditas iure agnationis non pertinet ad foeminas ultra consanguinitatem, 31. q. 815. e. item hac lege Voconia non licet foeminam heredem scribere, ne filiam quidem vnica, ibid. 816. a

contra Leges pacta conuenta non valent, 2. q. 33. a

Leges mutare non potest priuati hominis voluntas, 14. q. 382. b

Leges naturæ ignorare non licet, 1. definit. 63. a

Leges caducariæ an locum habeant in usufructu legato, 17. q. 434. c

Leges caducariæ non pertinent ad liberta-

tes, 20. q. 616. a

Leges non tantum contractus seruant, sed & Leges contractuum, 10. q. 253. d

Leges publicorum iudiciorum quæ, 1. r. 16. c

Leges Romanæ sanciunt paterna hereditate decidere eos, qui interfecti necem non vindicant, quod & in Gallia receptum est, 15. r. 584. b. c

Legum fictio veritate potentior est, 29. q. 807. d. e

Legum clauus sunt Tituli siue scripturæ, 7. r. 308. a

Legum animus & medulla est ratio, quæ æquum & bonum tueretur, 2. resp. 42. a

Legibus mitior sententia aut durior, videtur esse corrupta, 1. r. 22. a

Legibus datur exceptiones seu paragraphæ earum rerum, quarum nullæ prodita sunt actiones. 19. q. 562. a

Legibus pacta præstabiliora sunt, licet hiis non obseruantur, sed editis Prætorum tantum, 10. q. 253. b. Quædā pacta. Legibus obseruantur. ibid. 253. b

Libelli inscriptione reus postulat. 36. q. 843. d

Libera res, liberum prædium, dicitur non tantum quæ seruitutem non debet, sed etiam quæ non est pignorat, 8. q. 162. c. is, qui est tempore prior, potior erit iure pignoris, ibid. 181. e. 182. a

Liber homo dicitur is qui non est obaratus, 14. q. 389. c

Liber homo præfens in crimine capitali per aliū defendi non potest, seruus vero præfens potest, 1. de adul. 682. c. ex edito Domitiani feriæ & hilaritates, & abolitiones non pertinent ad seruos, 682. d. e. sed tantum ad liberos homines, ibid. 682. e. 683. a. Lex Iul. indifferenter vititur adulterij & stupri nominibus, & quando, 1. de adul. 682. d. e

Liber singularis Papin, de adulteriis fuit tantum de exercitatione publici iudicij, 1. de adul. 671. a. b. classici assidue testes qui dicuntur, 1. de adul. 672. a

Liber homo alteri inutiliter emit, 3. resp. 92. d

Liber quis ex testamento fieri dicatur in iure, 9. r. 388. c

Liber homo alteri inutiliter stipulatur, 3. r. 93. b

Liberum caput qui dicitur. 11. quæstion. 313. a. b

Liberi homini cuique Romano libera est testamenti factio, 8. resp. 353. b

Liberi homini an possit legari via ad fundum alienum. 16. q. 423. a. testamenti factio separanda est a rebus singulis. ibid. 423. a

Liberi homine seruo effecto legitimis modis, non tantum hominis. sed & eius bonorum fit mutatio. 1. q. 66. c. d

Liberi à parentibus lugeri debent. 2. quæst. 30. e

Liberi hominis nulla est æstimatio. 23. qu. 649. c. d. & 29. q. 777. d. e

Liberi in bello amissi quando pro superstitionibus habentur, 1. resp. 36. b

Liberi naturales fideicommissorum quando excludunt. 9. r. 404. b

Liberi lugendi sunt secundum pietatis rationem, 2. q. 30. e. 31. a

Liberi defuncti excludunt parentes, & cur. 29. q. 804. d. e

Liberi & parentes petunt possessionem bonorum intra annum, agnati intra centum dies. 13. q. 354. d. e

Liberi ille gitimi temere non sunt faciendi legitimi. 2. de adul. 704. a

Liberi, qui parentibus heredes non extirunt, cur illos lugent? 2. q. 30. d. e

Tempus Luctus quod. ibid. 30. e

Liberi heredes scripti an dimidiam dotis



# Index rerum ac verborum

- partem retinere possint, quæritur. 1. resp. 12. a
- Libertus** libertorum an ad fideicommissum vocentur. 8. r. 357. c
- Liberti** non debent esse deteriori conditione, quam liberorum liberi. 9. resp. 404. d
- Liberti** commentitij sunt adoptiui. 6. resp. 270. d
- Liberti** in conditione positi, non sunt in dispositione. 6. r. 254. a. b
- Liberti** sunt nexus inter virum & uxorem, 1. definit. 635. a
- Liberti**. Vide **Filius**.
- Libertorum** appellatione an naturales contineantur. 8. r. 343. c. & est quæstio voluntatis seu facti, non iuris, quæ in æstimatione iudicis est, non Iurisconsulti in disquisitione Rhetoris non Iurisconsulti. 8. r. 343. c
- Libertorum** numerus an excuset à muneribus civilibus. 1. r. 36. b
- Libertorum** numerus vtrum excuset à Sacerdotio prouinciæ. 1. r. 37. b. c
- Liberti** non pertingit nota patri aspersa. 4. r. 149. b. c
- inter **Liberos**, filium & filiam, quæ differentia fuerit olim ante Iustinianum. 6. r. 246. c. 247. a
- per **Liberos** singulos remittuntur singuli anni Lege Iulia & Papia. 1. respons. 33. b
- inter **liberos** homines, & seruos, quoad crimen adulterij ex l. Iul. differentia quæ. de adult. 681. c. 682. a
- per **Liberos** remittuntur anni ex lege Papia. 1. r. 36. b
- Liberos** quot quis habet, tot etiam legi annuarie diminuuntur anni. 1. r. 33. b
- Libertis** dignitas integra manet, etiam si pater, à quo eam dignitatem habent, ea dignitate exciderit. 4. r. 149. b. c
- Libertis** damnatorum an seruerit ius patronatus quod habuit, qui damnatus est capitali iudicio. 2. q. 28. a
- in **Libertis** hominib. pœnæ interpretatione mollienda sunt, in seruis exasperanda, 16. r. 606. c. d
- an **Libri** contineantur legato chartarum. 7. r. 299. c
- Libri** quos testator habuit studiorum suorum causâ, an contineantur legato domus instructæ. 7. r. 321. d. c
- Librorum** apotheca an debeatur instructa domo legata. 7. r. 321. a. b
- Liberalis** nemo existit in necessitatibus. 19. q. 534. c. d
- Liberalitas** genus est, & continet sub se legatum. 19. q. 534. c. d
- Liberalitas** non est largitio quæ fit de alieno. 9. q. 535. b. c
- Liberalitas** non est necessaria electio. 19. q. 534. c. d
- Liberalitas** non est nec beneficium quod necessitate fit. ibidem
- in **Liberalitatis** genere est legatum. 19. q. 535. b. c
- Liberatio** cui competit ex solutione, is non habet conditionem indebiti. 6. quæst. 131. c. d
- Quicumque** **Liberatur** rectè soluit. 6. q. 131. d
- Liberationem** parit res tradita, res data parit obligationem. 4. r. 76. c
- Liberationum** duo sunt genera. 9. quæst. 233. a
- Libertinus** fit manumissione. 9. resp. 387. c
- Libertinum** facit manumissio. 9. resp. 388. c
- Libertas** nulla cum seruo. 2. r. 56. c
- Libertas** efficacior est legato. 16. quæst. 421. a. b
- Libertas** est indiuidua, nec pro parte præstari potest. 19. q. 527. b
- Libertas** data in fraudem creditorum ipso iure irrita est. 13. r. 567. c. d
- Libertas** directa quando dari videtur. 9. r. 387. c. d
- Libertas** an sit seruo representanda ex cursu fideicommissi, suspensa cognitione maleficij. 9. r. 440. b
- Libertas** scindi non potest & est indiuidua. 1. r. 499. c
- Libertas** nulla est cum seruo. 2. resp. 56. c
- Libertas** statuliberis quomodo derelinquitur. 2. q. 53. a. b
- Libertas** fideicommissaria. 2. q. 53. a. b. & 11. q. 314. d. c
- Libertas** & legatum in quo differunt. 21. q. 627. d
- Libertatis** dies cedit ab adita hereditate. 11. q. 397. c
- Libertatis** fauore, iure veteri tempus conditionis tantum spectatur, hodie vero tempus conceptionis. 14. r. 478. b
- Libertatis** auxilium potentius est, quam manus iniectionis. 10. r. 463. c
- Libertatis** fideicommissum. Vide **Fideicommissum**.
- Libertatis** ex die datio in quo differat à datione hereditatis. 1. definit. 640. d. c
- Libertatem** fideicommissariam qui abnuuit, non continuo abnuere directam. 4. resp. 185. c. d
- Libertates** quando sunt irritæ, quando non. 5. r. 222. b. c
- Libertates**, quæ seruis testamento matris datæ sunt, an irritæ constituantur. 7. r. 286. c. d
- Libertates** fideicommissariæ. Vide **Fideicommissaria** hereditates.
- Libertates** cedunt ab adita hereditate, regula vero Catoniana pertinet tantum ad ea, quæ à morte testatoris cedunt. 7. resp. 308. a
- Libertates** directæ à testatore dantur: legata vero præstantur ab herede. 5. r. 214. c. d. ratio quæ est. ibid.
- Libertates** testamento datæ, an etiam post aditam hereditatem suspendantur. 7. r. 292. d
- Libertates**. Vide **Regula Catoniana**.
- Libertatum** testamento relictarum dies quando cedit. 7. resp. 292. a. b
- in **libertatibus** non potest interuenire Falcidia. 5. r. 214. c. d
- in **Libertatibus** an locum habeat regula Catoniana, quæ vetat conualescere ea, quæ ab initio inutilia sunt. 7. respons. 307. a
- Libertates** an possit patronum iure mariti accusare. 36. q. 842. d
- Libertus** liberam testameti factionem non habet. 14. q. 381. c
- Libertus** Orcinus dicitur libertus familiaris: non est libertus heredis, non est libertus defuncti. 10. q. 274. b
- Libertus** patrono obligatur ad præstandas operas. 8. q. 143. a. b. inuitus non debet operas. ibid.
- Libertus** patronum præterire non potest. 14. q. 281. c. an iuri publico derogabitur, si patronus **Liberto** liberam testandi facultatem concedat. ibid. 381. c
- Libertus** Orcinus est libertus familiaris, nullius viuentis, seu Plutonis libertus, 2. q. 54. b
- Libertus** an vrgere possit patronum aduersus libertum accusationem instituentem, vt crimen exequatur. 1. r. 7. d
- si **Libertus** minus expendat in extructione monumenti, quid iuris. 2. r. 51. b
- an **Libertus** viuente herede possit petere proprietatem fundi ex causa fideicommissi. 19. q. 553. b. c
- Libertus** Orcinus nullius est. 9. r. 392. c
- Libertus** qui sine venia edicti Prætorij patronum in ius vocauerit, quæ actione patrono tenetur, 1. r. 7. b
- Libertus** clarissimi viri, num à ceteris muneribus civilibus tanquam à tutela immunitatem habeat. 1. r. 24. c. d
- Libertus** non excusatur à personalibus muneribus reip. patriæ suæ propter operas, quas patrono debet. 1. r. 24. d
- Libertus** patriæ & patrono seruire debet, 1. resp. 24. c
- Libertus**, qui ius aureorum annulorum impetrauit, postea ad ingenuitatem proclamauit, num iste ad libertinitatem redigi possit. 1. r. 15. b. c
- Libertus**, qui tutelam filiorum Senatoris gerit, an sit immunis à tutelis & à ceteris muneribus civilibus, 1. r. 24. c. d. item nec iste qui ius annuli aurei impetrauit, immunitatem habet, & cur. ibid. d
- Libertus** retorquens crimen in patronum, accusator non est, & patronus desideras calumniæ punitur, & cur. 1. r. 7. d
- Libertus** Senatoris qui negotia eius omnia procurat an à tutelis excusetur. 1. r. 24. c
- Hoc** Senatusconsultum strictius accipitur. ibid.
- Liberto** patroni famam lacessere, non temere conceditur, 26. q. 842. a
- Liberto** patria quæ, 1. r. 24. d
- Liberto** quem dominus sponte manumiserit, priuilegium excusationis aufertur. 11. q. 320. c. d
- Liberti** successionem qui sperat, & eiusdem impuberis tutelam gerit. 12. q. 316. c
- Libertum** assignare simpliciter aliud est, aliud assignare alimentorum causa, 14. r. 573. c. 574. a
- Libertum** qui acquirit, locupletior factus non censetur, 9. r. 386. b. c
- Liberti** nec volentes audiuntur aduersus patronos, vel patronorum liberos. 1. de adult. 658. c
- Libertorum** ius quod. 12. q. 679. c. d
- Libertorum** liberi an ad fideicommissum vocentur, 8. r. 357. c
- Libidinosæ** mulieres hodie magis maritum, imo fratrem, quam patrem veretur. 1. de adult. 667. a. domus accipitur pro qualibet habitatione. 2. de adult. 690. a. b
- Libido** scæminarum sub Tiberio grauib. decretis correpta fuit. 2. de adult. 691. c. verba Sueton. in Tiberio quæ. ibid. d. non omnis mulier vulgaris est infamis, 691. d. c
- ne **Liceat** si facit exceptio, ibi necesse est licere, ubi non est exceptum. 4. respons. 171. b
- Licet** palam plæraque, quæ clam non licerent, 2. de adult. 695. d. e
- Licet** multa in iure tacite, quæ expresse non licent, 14. q. 381. d. e
- Licet** plæraque ex continenti, quæ non licerent post temporis tractum. 5. quæst. 120. a
- Licentia** iudicis dandi est pars iurisdictionis, 1. q. 6. d. e
- Licet** est pretium adiacere, 7. q. 154. d. e
- Lignorum** appellatione continentur quæcunque sunt parata comburendi causa, si modo proprio nomina non appellentur, 20. q. 609. d. c. virgæ, nuclei, carbones, etiam si comburendi causa habeantur, non continentur **Lignorum** appellatione, ibid. 609. d. e
- Lis** collusoria non est lis, 20. quæstion. 583. d. e
- Lis** an ad exitum perducipossit, nisi vtraque parte præseate, 2. r. 48. c. d
- Lis** à contestatione incipit, 14. q. 376. a
- Lis** est res in iudicium deducta, 15. quæst. 376. a. b
- an **Lis** est contestanda cum tutore, qui in ius vocatus est, 3. q. 75. c. 76. a
- Lis** collusoria non est lis, 20. q. 583. d. e
- Litis**



# in Quæstion. & Respons. Papin.

Litis alienæ nemo est idoneus defensor sine satisfatione iudicatum solui. 9. quæst. 209. c.  
 Litis initium cuius quisque facit, eius etiã euentum excipiat. 2. r. 409. b. c.  
 Litis æstimator est Iudex. 12. quæst. 323. d.  
 Litis contumacia damno coercetur. 2. ref. 49. b.  
 Litis contestatione optio consumitur, & cur. 9. q. 197. c.  
 Litis contestatio & petitio idem est in iure. 9. q. 197. c.  
 Litis periculum ad legatarium nõ pertinet, nisi dolor eius aut culpa Lis perierit 20. q. 600. c. si vero absit dolus & culpa periculum litis ad fideicommissarium spectat. ibid. 600. c. 601. a.  
 Litis æstimationem abstulisse, quid est. 17. q. 465. b. c.  
 Litis Procuratorem Tutor facere non potest, ante litem contestatam. 2. respons. 52. c. 53. a.  
 Litis æstimatio est similis venditioni emptioni. 12. r. 537. d. e.  
 post Litem cum reo contestatam defensor veniens vitro, an sit condemnandus. 2. r. 49. c. 50. a.  
 in Litem sumptus facti. Vide Sumptus in litem.  
 Litem addicito præsentibus ambobus. 2. r. 56. b.  
 post Litem contestatam nulla differentia est inter bonæ fidei & malæ fidei possessorem, secus vero ante Litis contestationem. 6. q. 128. d. e.  
 post Litem contestatam omnes possessores sunt prædones. 6. q. 134. c. d.  
 post Litem contestatam integrum non est mutare actionem, nisi magna ex causa, 2. r. 80. c.  
 post Litem contestatam incipiunt omnes male fidei possessores, etiam qui ab initio bona fide possederunt, 2. r. 62. b.  
 Litem qui contestatur, damnari solet. 2. r. 49. c.  
 Litem contestari pro alio est iudicium suscipere pro alio, & quasi expromittere, expromittere vero est debitum suscipere pro alio, 9. q. 243. c.  
 ante Litem contestatam quæ deberi non ceperunt, nec per litem contestatam deberi incipiunt.  
 Lites multo plures sunt inter consortes, quam inter dissortes, & cur. 8. respons. 359. d.  
 Lites non contrahitur stipulatio. 1. resp. 1. c.  
 Litigiosam rē lex quæ vetat alienare, alias est perfecta, alias imperfecta. 7. quæst. 155. c. d.  
 Locatio est, si interueniat merces & præcium opera, 3. r. 133. d. e.  
 Locatio dominium mutare non solet. 19. q. 523. d.  
 Locatio non est si interueniat *ἀντίδο-  
 γον*, modicum salarium honoris gratia, 3. r. 117. a.  
 omnis Locatio sit ad tempus, seruitus vero non, 20. q. 588. d. e.  
 Locatio & conductio sine pecunia numerata non consistit, 1. q. 39. a. b.  
 Locatio non est sine pretio certo, depositi vero substantia sine æstimatione consistit, 10. q. 275. c.  
 Locator est is, qui dedit aliquid fruendum vel faciendum, estque definitio Cuiacij. 8. q. 78. b. c.  
 Locator est is, qui mercedem accipit, vt dominus ædium, si ædes locauerit, 8. qu. 178. a. b.  
 Locatoris est dare, conductoris accipere, 8. q. 178. b. c. exemplum habes in magistro nauis & domino nauis, ibid. 178. a. b.  
 Locus sacer est definit victoria, non ruina ædificij, sitque prophanus victoria. 3. re.

12. r. b. quod Marc. Tullius libro de signis & Virgil. 12. Æneid. testatur. ib. 1. 2. 2. b.  
 Falcidia Locus non est inuito testatore, 10. q. 273. b.  
 Locus non occupatur religione, 8. q. 168. b. ratio summa in iure quæ est. ibid. 164. c. summum ius est ius strictum, & summa æquitas est summa ratio, 8. q. 168. b. quæ ratione duab. summis rationibus videtur potior; ibid. 168. b.  
 Locus purus quis est, item religiosus locus quis, 8. q. 167. c.  
 Locus sacer aut religiosus non transcurrit per venditionem in emptorem, 10. q. 260. c. 261. a. c. licet cedere possit in modum agri, ibid. 261. a.  
 Locus religiosus. Vide Sepulchrum.  
 Locum sacrum qui facit, an is alienare locum dicatur, 17. q. 461. b. c.  
 Locum religiosum quæ personæ facere non possunt. 8. q. 167. a.  
 Loci sacri vel religiosi emptio nulla est, & cur, 3. r. 121. a.  
 Loci sacri nulla est venditio. 3. respons. 122. b.  
 Loca sacra religio commercio hominum eximit, 10. q. 261. b.  
 qui Locat, fruitur habitatione percipiendo mercedem, 18. q. 515. b. c.  
 Locare nauem aliud est, aliud exercere. 6. q. 132. b.  
 Locupletior factus non est; qui libertum acquirit. 9. r. 393. a. b.  
 Longa præstatio tacitam pactionem inducit, 29. q. 770. d.  
 qui loqui apertius potuerunt, nec loquuti sunt, hi decipere voluerunt, 5. q. 91. d.  
 Loquitur obscure; qui quod dixerit non apparet ambiguit loquitur, qui si verum loquitur, non apparet. 5. q. 108. a.  
 qui Loquitur obscure in eo dolus est, vt in eo, qui ambigue loquitur. 5. quæstio. 107. d. e. 108. a.  
 Loquitur persuforie, qui rem totam non aperit, sed reticet aliquid. 5. q. 108. a.  
 Lucratia & onerosa causa. Vide causa lucratia.  
 Lucratia duæ causæ in eandem rē & personam eandem concurrere non possunt. 17. q. 453. b. c.  
 Lucratia duæ causæ in eundem hominem & eandem rem concurrere non possunt. 8. r. 338. c. 339. a.  
 Lucratia duæ res in eandem personam, vt in eandem rem concurrere nequeunt. 23. q. 635. c. 636. a.  
 rei Lucratia possessores sunt Legatarii & fideicommissarii, 8. r. 338. b.  
 Lucrum quid est, 19. q. 517. c.  
 Lucrum nemo facere debet ex aliena iactura, 2. r. 65. c.  
 Lucrum est dare beneficium amico, inire gratiam alienam, gerere negotia aliena. 10. q. 266. c. d.  
 Lucrum est, quod ex alieno mihi obuenit sine vlllo onere meo, 19. q. 517. c.  
 Lucri species est vfucapio. Vide Vfuscapio.  
 Lucri faciendi causa cum damno alterius auxilium restitutionis non datur. 13. qu. 350. d.  
 de Lucro qui certat, an potior sit, eo qui de damno certat, 10. r. 471. c.  
 Lucra & damna post mortem testatoris illata sustinet heres. 9. qu. 205. a. Secus in nominibus factis deterioribus seu melioribus. ibid. 285. c.  
 Lucra quæ aduehiunt post mortem, ad solum heredem pertinent. 9. q. 206. a.  
 Lucrorum esse duo genera. 3. q. 69. c.  
 in Lucris error iuris non prodest. 1. defin. 629. d.  
 in Lucris nec masculis, nec fœminis ius ignorantibus succurritur, in damnis vero succurritur, 9. q. 123. c. d.  
 in Lucris, ius non solet subueniri. 19. qu.

517. c.  
 quod genus Lucus requiritur à cognatis & agnatis, 2. q. 31. b. c.  
 Lucus est dolor vel amissa vxoris, vel amissi viri, 14. q. 383. c.  
 Lucus defuncti variis nominibus efficitur, & quibusnam, 2. q. 30. b. c.  
 Lucus nouem dierum spatio celebratur. 2. q. 31. a. Hic mos à Christianis non obseruatur, ibid. 31. a.  
 Lucus, qui ab herede desideratur, in quibus consistit. 2. q. 31. a. b.  
 Lucum pretas exigit ab omni cognatione & agnatione, 2. q. 31. a. b.  
 Lucu vel furore qui mortem sibi contineat, an eius testamentum valeat. 14. q. 383. c. 384. a.  
 in Lucu quis modus præscribitur, 2. q. 30. c. 31. a. b.  
 Lugeo *λύω*, quod est singulcio. unde Ouidius & Aristoteles. 2. q. 31. c.  
 cur Lugent liberi parentes, quibus heredes non extiterunt. 2. q. 31. c. 32. a.  
 Lugendi sunt parentes, liberi, agnati, cognati, secundum pietatis rationem. 2. q. 32. a. Secus facientes non carent nota infamiae, 2. q. 30. e.  
 Lugendi sunt parentes annum integrum, non quidem necessario, & à liberis exheredatis vel præteritis, 2. q. 31. a. b.  
 inter Lugere & elugere, differentia quæ. 2. qu. 31. a. e. Item plus est euincere, quam vindicare, & plus est exigere, quam agere, ibid. 31. d. e.  
 Lugere debet defunctum heres extraneus, 2. q. 28. e.  
 an Lugebitur is qui in bello cecidit, et si corpus eius non compareat. 2. quæstion. 32. b. c.  
 Luger debent liberi à parentibus. 2. quæst. 31. a.  
 Luger debent parentes & liberi, imo generaliter cognati, & agnati. 2. quæst. 31. a. b.  
 Lumen est, vt cœlum videatur, prospectus vt terra vel mare, 3. q. 100. a.

## M

Macedonia proconsul. 1. r. 4. a.  
 Maccies est paries ex puro cœmento sine arenato & calce, 7. q. 151. c.  
 Macrinus Imperator iuris peritissimus decreuit abolere omnes Principum constitutiones, vt ex iure ageretur, non ex Rescriptis, 2. q. 128. a.  
 Magis spectatur id, quod in veritate est, quam quod est in existimatione mentis. 19. q. 518. b. c.  
 Magistratus est qui iurisdictionem habet. 1. r. 6. b.  
 Magistratus princeps non est, nec iurisdictionem habet sed cognitionem extraordinariam. 1. r. 2. b.  
 Magistratus tutorem dare non potest, nisi lege nominatim concedente. 1. quæstio. 9. d.  
 Magistratus, cui nihil nominatim denegatur, omnia habet. 1. q. 13. c. d.  
 Magistratus & actor lege agere dicuntur, 18. q. 768. c.  
 Vide Lege agere.  
 Magistratus hodie à principe creatur. 1. q. 8. e. 9. a.  
 Magistratus quinquennalis fuit in vrbe Centor, 1. r. 42. d. e.  
 Magistratus non est Iudex quæstionis, sicut nec Iudex datus, 1. q. 11. a.  
 Magistratus municipalis quis est. 2. quæst. 36. c.  
 Magistratus quis municipalis pro qua parte conueniatur, & quo ordine. 2. quæstion. 33. a. b. c.  
 Magistratus municipalis annuus est, 2. qu. 36. c.



# Index rerum & verborum

Magistratus municipalis. Vide municipa-  
lis.  
Magistratus legitimi abdicatio non valet.  
1. r. 2. c.  
Magistratus municipalis officium est indi-  
uiduum, commune & mutuum. 2. quæst.  
37. a  
in Magistratus nominatorem quomodo ac-  
tio datur. Vide nominator. Vide Col-  
lega. Fideiusor.  
Magistratus fideiusor nominator. Vide  
Fideiusor, nominator Magistratus.  
quæ Magistratui competunt, aut quæ iure  
magistratus competunt, quæ sit diuisio  
inter ea. 1. q. 9. a  
Magistratui, qui solidum soluit, cum duo  
essent Magistratus, datur actio utilis ad-  
uersus collegam, pro quo soluit. 2. qu.  
39. b. c  
inter Magistratum municipale & Magi-  
stratum urbanum vel provinciale,  
quid discriminis, 11. q. 312. b. c  
ad Magistratum quæ pertinent separantur  
à rebus quæ sunt Principis 1. r. 2. b  
in Magistratu quando quis est, inuitus iu-  
diciū non patitur. 1. q. 6. c  
pro Magistratu qui fideiussit, certa que pi-  
gnora dedit, qua actione is conveniri  
possit. 1. r. 44. d  
de Magistratu non de principe, loquitur,  
Lex legatus, 20. D. de offic. præsid. 1.  
resp.  
Magistratus, Iudex datus. Vide Iudex.  
in Magistratu municipalis officium vtriuf-  
que & nominatoris & collegæ est indiui-  
duum & commune. 1. r. 18. a. b  
Magistratu abdicare se conantem prohibere  
posse Senatū testatur Lilius. 1. r. 2.  
a. b  
Magistratus annui sunt Proconsoles. 1. r.  
4. b. c  
Magistratus quidā dicuntur ἀγορεύον-  
τες & diles, quidā ἀστυνόμοι minores  
magistratus. 1. sing. de ad. 706. a. b  
Magistratus municipales sunt separandi  
ab iis, qui munus publicum gerunt. 2. q.  
b. c. Secus in tutore. ibid. 38. c. d.  
Maior obligatio tollit minorem. 27. qu.  
692. d  
Maior pœna. Vide pœna.  
Maiores fructus dicuntur dupli fructus,  
qui in vindicatione veniunt. 6. q. 135. b. c  
à Maiori ad minus valet argumentum tan-  
tum ad negandum. 16. r. 602. d. e  
Mala fides non est, scientia sola rei alienæ  
aut fideicommissi. 9. r. 396. b  
non omnis Mala fidei possessor est fur, li-  
cet prædo vocetur. 6. q. 131. e. 134. a  
à Mala fidei possessore fructus cōdici pos-  
sunt, an tum quoque vsuræ veniant. 6. q.  
137. b  
Mala fidei possessor non tantum inuacor  
est, sed & prædo. 2. r. 63. b. c  
Mala fidei possessor non vfucapit. 23. qu.  
650. c  
Mala fidei possessor culpā & casum for-  
tunatum præstare debet. 3. r. 97. b.  
Mala fidei possessor fructus cum ipsa re  
præstat. 13. r. 546. c  
Mala fidei possessor omnes fructus quocū-  
que tempore restituit. 13. r. 570. e. perce-  
ptos vero post litem motam omnes pos-  
sellores pares sunt quantum attinet ad  
fructuum restituendorum causam. ibid.  
570. e  
Mala fide qui possidere desit, pro possessore  
habetur. 8. q. 188. a. alia est ratio fun-  
di, alia pecuniæ, alia venditionis, alia  
mutui vel solutionis. ibid. 188. c. ratio  
differentiæ quæ. ibid. 188. d  
Mala fidei possessor. Vide Possessor.  
Male perere in libris nostris, est plus pete-  
re vel summa, causa, tempore vel loco 3.  
qu. 78. e. 79. a. Sic male agere. ibid. 79. a  
Maleficiam non purgatur oblatione, nec

restitutione rei furtiua. 10. q. 246. b.  
Maleficiam non purgat oblatio. 10. quæst.  
246. d  
Manceps quis est. 11. r. 473. c  
in Mancipationibus & acceptilationibus  
sunt symbolum, æs & libra; in manu-  
missionibus alapa. 28. q. 769. a  
Mandatum nisi gratuitum nullum. 3. resp.  
116. d. e  
Mandatum omne extinguitur morte man-  
datarij re integra. 1. q. 5. d  
Mandatum quarendi mariti à parte fidei-  
datum, & ita iunxit sibi aliquem matri-  
monio, an nuptiis consensisse videtur. 4.  
r. 154. b  
Mandatum finitur morte mandantis. 8. re-  
336. a sic iussu morte iubentis. ibid. a. &  
cessaria tutela morte cedentis. ibid. 336. a  
Mandatum nisi gratuitum, est nullum 3. r.  
116. d  
Mandatum etiam tacito consensu contra-  
hitur. 15. q. 406. c  
Mandatum iurisdictionis finitur morte  
mandantis. Secus in donatione iudicis, sed  
ea durat. 1. q. 6. e  
Mandatum oritur ex his verbis, rogo &  
præcipio. 3. q. 83. a  
Mandatum suscipere est voluntatis, con-  
summare seu exple re necessitatis. 1. quæst.  
11. c. 12. a  
Mandatum quibus verbis perficitur. 3. resp.  
133. c  
Mandatum. Vide Verbum oro vel Rogo.  
Mandato finito obligatio non finitur. 2. q.  
20. c  
Mandati vis non minor est quam ratihabi-  
tationis. 9. q. 197. d  
Mandati causa nihil commune habet cum  
causa salarij. 3. r. 116. b  
ex Mandati causa vsuræ petuntur. 3. resp.  
143. b  
Mandati actio. Vide Actio mandati.  
Mandato comparatur ratihabitio. 12. quæ.  
347. b  
Mandato constituitur Procurator. 3. resp.  
126. d  
Mandati taciti minor vis non est, quam ex-  
pressi. 9. q. 212. d  
Mandato illicito quis obtemperare non te-  
neatur, 26. q. 672. c. d  
Mandato finito morte mandatarij, ius ven-  
dendi rem heres non habet. 10. r. 457. a  
Mandata iurisdicctio. Vide Iurisdicctio mā-  
data.  
Mandata iurisdictione ea transferuntur in  
eum, cui Mandata est, quæ iure magi-  
stratus competunt. 1. q. 8. d. e  
Mando est verbum fideicommissi, non di-  
rectum. 3. q. 83. a  
Mando, rogo, volo, cupio & peto, hæc  
verba sunt precaria non directa. 19. qu.  
528. e. & 529. a  
Mando aliud est aliud commendo. 19. qu.  
550. e. 551. a  
Mando est verbum fideicommissi & preca-  
rium. 8. r. 352. e. 353. a. est quoque cō-  
mune & consulenti & fideicommitten-  
tis, & procuratorem constituentis. ibid.  
Mandare & instigare in quo differant. 11. r.  
13. b. c  
Mandare est delegare non minus, quam vi-  
ce sua, alium rem creditori dare. 3. re.  
108. b. c  
Mandare, cedere, exhibere in iure idem est.  
2. q. 23. d. e.  
Mandare iurisdictionem quid est, 1. quæst.  
4. d. e  
qui Mandat solui, ipse soluere videtur, &  
qui mandat accipij, & ipse accipere vide-  
tur. 28. q. 754. a  
Mandari non possunt quæ lege no-  
minatim dantur. 1. q. 7. d. e.  
quod Mandator aut fideiusor si iur, deb-  
itor principalis refundere debet. 3. quæst.  
102. a.

cum Mandatoris opera non fungi, qui ex-  
hortatur. 1. r. 13. b. c. d  
Mandatoris & calumniatoris an eadem sit  
pœna, eademque infamia, sicut manda-  
toris & homicidæ. 1. r. 13. b. c  
Mandatorem si non eligat creditor, sed pi-  
gnore, & minoris distrahat, an possit re-  
liquum, quod credito deest, à Mandato-  
re petere. 3. r. 117. e  
Mandatores singuli in solidum tenentur nō  
pro virilibus portionibus. 3. r. 134. c  
Mandatores liberantur novatione volun-  
taria, non etiam necessaria. 3. respons.  
142. b. c  
Manumissio serui an sit antiquior legato.  
8. r. 369. d  
Manumissio seruo legatum peculij non ex-  
tinguitur. 7. r. 306. c. d  
Manumissio quasi natalis dies, quem mu-  
nicipem seu ciuem facit. 1. r. 24. d  
Manumissio libertinum facit. 9. respons.  
388. c  
in Manumissionis instrumento, si error est  
in nomine Manumissi, an status eius la-  
datur. 3. q. 59. c. d.  
Manumissione finitur officium serui dis-  
pensatoris. 3. r. 110. b. Officium vero in-  
stitoris non. ibid. 110. b  
Manumissione sola quis institor esse non  
desinit, 3. r. 100. a  
in Manumissionibus symbolum est alapa.  
28. qu. 769. a  
Manumissus ex causa fideicommissi, cuius  
originem sequitur, an testatoris talem li-  
bertatem relinquens, an heredis vel le-  
gatarij, qui manumissit. 1. resp. 27. a. b.  
quæ solutio. ibid. b  
Manumissus an post præstitam libertatem  
heredi operas permittere cogatur, vt te-  
stator cauit. 9. r. 437. c  
inter Manumissum inter viuos, & manu-  
missum testamento quæ est differentia. 7.  
r. 305. c. 306. a. ratio huius differentiæ  
quæ. 306. a  
Manumittere apud aliquem, & consilium  
Manumittere volenti præbere, diuersa  
sunt. 1. q. 10. d  
Manumittere non potest quis apud colle-  
gam. 1. q. 13. e. 14. a  
Manumittere apud aliquem, & consilium  
manumittere volenti præbere, quomo-  
do differant & quæ diuersitas est. 9. q.  
13. e. 14. a  
Manus iniectio. 10. r. 463. a. b. c  
in Manum suam non potest quisque alium  
quemuis recipere, qui ipse in alia Manu  
est. ibid.  
Marcus Philosophus Imperator, vacabat  
quotannis iuri reddendo mensibus sex,  
exemplo & Tiberij, aliorumque Imp.  
18. q. 502. e. 503. a. Hinc Semestria dicti  
sunt libri, & veluti codex Marcianus.  
ibid. 503. a  
Marco Tull. pecuniæ depositio significat  
sistere vsuram. 2. r. 76. c. d.  
Marcus Tullius. Vide Cicero.  
D. Marci Constitutioni quando locus est.  
9. r. 428. b. c. d. e. Quando hæc Consti-  
tutio cessat. ibid. 428. d. e  
Maris natura est imperare, fœminæ  
obsequi. 31. q. 81. 5. c.  
si Maritus fundum dotalem vendiderit po-  
testne hæc venditio mulieri esse fraudi? 8.  
re. 333. e. 334. a  
Maritus an fundum in dotem datum pi-  
gnori obligare possit. 11. r. 529. c. d  
Maritus & pater ius æquale habent in ac-  
cusatione adulterij, quo ad extraneos, in-  
ter se vero non. 1. de adult. 686. b  
quid, si Maritus vxorem aluerit suis sum-  
ptibus, sed eos superat quantitas vsura-  
rum promissarum, an promissor dotis  
residuum retinere debeat, si soluta dotis  
vsuræ fuerint. 4. r. 162. c. d. distinctio  
hic notanda. 4. r. 163. c. d.



# in Quæstion. & Respons. Papin.

Maritus ab accusatione adulterij impune non desistit. 15. r. 595. c.  
 Maritus in provincia Centurio scripsit mulieri, ut ad se veniret in provinciam: queritur, an mulier de sumptibus recipiendis, cum viro agere possit. 4. r. 172 a. b. Quæ actio hic datur. ibid. 172. a. b.  
 Maritus qui uxorem, quam damnauit adulterij iudicio publico, domum deduxit, an teneatur pœna legis Iulie de pudicitia. 4. r. 154. d. e.  
 Maritus pœnitentia ductus, num eam reducere prohibeatur, ibid. 154. c.  
 Maritus uxori mente captæ curator non datur. 5. r. 212. c.  
 Maritus filiusfam. incôulto patre, adulterum domi suæ cõprehensum iure occidere potest. 5. q. 119. c. Alias quemlibet occidere non licet. ibid. 119. c. Sunt quidam homines, quos in adulterio comprehensos occidere licet. ibid. 119. c. d.  
 Maritus, qui uxorem in adulterio comprehensam occidit, leuius puniuntur. 36. q. 841. a. b. & ei remittitur pœna legis Corneliæ. ibid. 841. b. c.  
 Patri cur liceat filiam deprehensam in adulterio occidere non Marito. ibid. 841. d. Permissum est Marito deprehensum occidere simul cum adultera vno ictu. 842. b.  
 Mariti diuturna taciturnitas est pactio tacita. 4. r. 160. a. b.  
 Mariti ius. Vide ius.  
 Marito postponitur pater in accusatione adulterij. 1. de adulter. 686. a.  
 Marito non omnem adulterum occidere licet quem in ipso actu deprehendit, sed infamem tantum 1. de adult. 685. b. c.  
 Marito licet occidere deditum vel addictum noxæ hominem in adulterio vxoris deprehensum. 2. definit. 667. c. Liber homo, teste Paulo, pignori vel fiducia dari non potest. ibid. 667. c. d.  
 Mater nunquam potest esse incerta. 14. r. 578. a.  
 Mater an negotia filii sine patris consensu gerere possit. 2. r. 52. d.  
 Mater quomodo distat à tutoribus in administratione rerum filii. 2. r. 53. a.  
 Mater iure tutorem non dat, & cur. 11. q. 310. b.  
 Mater non potest filio impuberi testamento tutorem dare, & cur. 19. q. 556. c. d.  
 Mater fratrem cognatum excludit, frater agnatus seu cõsanguineus excludit Matrem. 13. q. 367. c.  
 Mater iuris ciuilis est vtilitas publica. 2. definit. 649. a. b.  
 Mater, cui in testamento patris administratio rerum filij est commissæ, an debitorem filij liberare possit accipiendo pecuniam debitam. 2. r. c. d.  
 Mater filio impuberi suo periculo actorẽ constituere non potest litium causa, quod soli tutori vel curatori permittitur. 2. r. 52. d. c.  
 Mater hodie legitimis tutoribus agnatis præfertur. 4. r. 181. a.  
 Mater negotia filie suæ gessit vltro, & res filie pupillæ vendendas dedit argentariis, huius vero eas res iussu matris venderunt, & persoluerunt, queritur an marri rectè soluerint, an iure sint liberati. 2. r. 51. c. 53. a. Qualis distinctio adhibenda. 2. r. 52. d. c. 53. a. b.  
 Mater pupillo actorem consistere nequit, & cur. 2. r. 53. b.  
 Mater tutelam filiorum affectans prius beneficio S. C. Velleiani renunciare debet. 4. r. 181. a. b.  
 Mater vidua quoque permanere debet: alioquin tutela remouetur. 4. r. 181. b.  
 Matris iudicium in datione Tutoris. Vide iudicium patris.  
 Matris officium aliud est, aliud vero tu-

toris. 2. r. 53. a. b.  
 Matris testamento libertatis quæ seruus data sunt an irritæ constituantur. 7. resp. 286. c. d.  
 Matris origo an in partem patriæ computetur. 1. r. 30. a.  
 Matris cõditio in seruitute spectari debet. non autẽ cõditio patris. 14. r. 577. c.  
 in Matris testamento an quoque legatæ sint seruitutes prædiorum, & an id legatum in totum consistat. 7. r. 287. a.  
 Mater tutorem num possit testamento dare. 2. r. 52. c.  
 Matrem sequitur partus. 7. quæst. 160. d. c.  
 Matrimonium facit animi destinatio, siue consensus nudus. 12. r. 531. b.  
 in Matrimonium ducere nemo debet, quã prius adulterio polluit, 2. de adult. 701. c. 702. a. Nouissimi canones hoc ius strictius accipientes, non aliter Matrimonium distrahi volunt. ibid. 702. b. c.  
 Matrimonium si soluat diuortio, an Maritus cogatur actione ex stipulatu filio dorem reddere. 8. r. 339. c. 340. a.  
 Matrimonium perficitur consensu collato in præsens tempus, non in futurum, vt emptio impletur traditione & numeratione, perficitur nudo soloque consensu & vt venditio. 12. r. 531. d. e.  
 Matrimonium non faciunt solæ tabulæ nuptiales. 12. r. 531. a. b.  
 post Matrimonium renouatum stipulatio dotis & vsurarum extinguitur. 9. r. 161. c. d.  
 Matrimonium vbi non est, ibi nec diuortium. 11. q. 308. c. vbi Matrimonium cessat, ibi & actio rerum amotarum, & cur. ibid. 308. e. iudicium rerum amotarum, soluitur, reconciliatio Matrimonio. ibid. 309. a.  
 Matrimonium illicitum mares qui contraxerunt, & infames fiunt, & extra ordinem coercentur. 1. definit. 633. b. c.  
 Matrimonium contrahi non potest cum relicta patris vxoris suæ. 4. r. 153. c. d.  
 Matrimonium inter adulterum & adulteram contractum non confirmatur, 2. de adult. 702. c. d. Diuturnitas temporis crimen non minuit, sed auget, & multiplicitas prolis ita susceptæ magis horum crimen exaggerat. 702. c. d.  
 Matrimonium statim solui captiuitate mariti ante constituitur. princip. receptum erat. 2. de adult. 703. c. 704. a. Nisi cū erat maritus patronus, non soluebatur matrimonium. ibid. 704. a.  
 Matrimonium. Vide connubium, Nuptiæ.  
 Matrimonio soluto morte mariti an pecunia legata pro dote mulieri debeatur. 7. r. 304. c. d.  
 Matrimonio renouato, tacita nos non renouatur. 4. r. 159. c.  
 Matrimonia non concordantia non sunt turbanda iure patriæ potestatis. 1. de adult. 686. c. d.  
 Mea res pignori mihi esse non potest. 11. r. 513. c. 514. a.  
 vt Mulum id fiat, quod alterius fuit, aliquid interuenire necesse est. 2. definitio. 657. b.  
 Medicamenta an cedant, instrumento fundi legato. 7. r. 312. a. b.  
 Medicum olim ipse conficiebat medicamentum, non vt fit hodie, ab alio confici imperabatur. 8. r. 366. c. Hac de re mentionẽ facit Paulus. 3. sent. tit. de legat. ibid. 366. c.  
 ex Melle constat peditus fundi. 2. respons. 68. c.  
 Memoria mortui vel viui quomodo potest damnari. 7. r. 297. a. b.  
 Memoria Dantis Poetæ damnata fuit post mortem & quare. 7. r. 297. a.  
 Mensæ argentarii fides publica est. 3. resp. 98. d.  
 Mendacium est species doli mali. 8. qu.

164. c. 165. a.  
 Mendum & vitia quando voluntatem testatoris non vitiant. 9. r. 267. d. e.  
 Mens dantis beneficium, spectari debet. 4. r. 197. c.  
 Mens contrahentium potior verbis. 2. resp. 87. b. c.  
 Mensæ eboreæ an continuantur legato domus instructæ. 7. r. 322. d. e.  
 Mentientibus non impertiuntur beneficia iuris. 9. q. 240. b.  
 Meretrix. Vide Focaria.  
 Merx peculiaris, aliud est, aliud peculium. 9. quæstion. 194. b. Peculium aliud est, aliud seruus peculiaris. 9. quæst. 213. c. d.  
 Mercedem non esse salarium. 3. respons. 116. d. e.  
 Merces interdum sunt nummi. 2. quæst. 38 c. Aliquando Mercis vice fungitur pecunia. ibid. 44. d.  
 Merces non dicitur salarium. 3. respons. 116. d. e.  
 Merum imperium quid est. 1. qu. 12. b. c. 14. c. & 16. b. c.  
 Merum imperium aliud est, aliud exercitio publici iudicij. 1. q. 11. b.  
 Merum imperium. Vide imperium merum.  
 Meri imperij definitio quæ. 1. quæstion. 14. c.  
 Merum imperium quidnam sit. 1. quæstio. 14. e.  
 bene Meritus qui hodie est, potest cras non esse mereri. 8. r. 354. a.  
 bene Meriti quibus modis dicuntur. 8. r. 354. b.  
 Meritoria domus sunt loca domus, qui particulatim locati solent, & quænam sint ista loca, 7. r. 299. d. e.  
 in Metallum damnatio, est maxima capitis diminutio, 8. r. 333. d.  
 in Metallum damnatus, ius eligendi non habet, 8. r. 333. e.  
 Merus Vide Verecundia.  
 Migrare. Vide Emigrare.  
 Miles & filiusfamilias pro patribus familiis habentur in castrensi peculio, decreto & Constitutionibus Diui Adriani, 11. quæst. 322. c. d.  
 Miles plura testamenta facere potest, 9. r. 287. d. e.  
 Militum duæ hereditates, castrensis & pagana, quas fecerunt constitutiones principum, 3. qu. 79. d. e.  
 Militis qui doloris impatientia vel radio vitæ, mori maluit, an valeat testamentum, 14. q. 382. d. e.  
 Miles qui sine causa se vulnerauit, nec necauit, capite puniuntur, 14. quæstio. 384. a. b. qui sibi non pepercit, multominus alij patceret, ibid. 384. b. c.  
 Miles testamentum facere voluit iure cõmuni, nec fecit, fecit quidem, sed non seruato iure communi, an valeat Testamentum iure militari, 13. q. 370. c.  
 Militis silentium pro exheredatione habetur, 6. r. 257. c.  
 Militis & Pagani differentia. 6. respons. 242. c.  
 in Militis Testamento vires hereditatis finiuntur asse, in Pagani vires dodrante assis, 29. q. 788. a. b.  
 Militis quælibet voluntas testamentum perfectum est, 14. q. 385. a.  
 Militis testamentum sola voluntate perficitur, in pagano solemnitas exigitur. 14. q. 384. d. e.  
 Militis testamentum. Vide Testamentum.  
 Militi qui intestatus decedit sine vilo successore, succedit legio, legio est peditum, vexillatio equitum. 14. quæstion. 384. c.  
 Milite capite dånato seu intestato defuncto



# Index rerum ac verborum

- ad bona castrenſia fiſcum non vocari, ſed fiſco anteponi agnatos viſque ad quintum duntaxat gradum. 16. reſp. 596.c.597.a
- in Milites animaduerſio ei eſt, cui ius gladij. 1.r.4.d
- Milites ordinarij, & gregarij qui dicuntur. 1.r.3.b.c
- Milites magis arma quam iura ſcire præſumuntur. 19.q.524.c
- Milites præſumptione ſunt ignari iuris. 19.q.524.c
- Milites dicuntur, qui ſunt in numeros reſtati, & in expeditione degunt, qui ſont enrollez. 19.q.525.d
- Militibus præuilegium quod eis datur, Conſtitutionibus Principum datur. 9. reſp. 226.c.d
- Militare teſtamentum. Vide teſtamentum.
- Militaris ſtolæ ius atque gladij Præſides habuerunt. 1.r.4.d
- Militia emitur. 13.q.370.c.d
- Militia eſt in patrimonio noſtro, & emi poteſt, ſicut feudum, dignitas vero non. 13.q.371.b
- Militia onus adiunctum eſt nobilitati. 19.q.525.d.c
- in Miniſterio quis eſſe dicitur. 16. quæſt. 420.a.b
- Minor ineſt in maiori, & non è contra. 1.r.22.b
- Minor & mulier in quo differunt. 10.q.276.d
- ſi Minor prædia vendere non poteſt, ſine decreto Prætoris, multo minus donare. 16. reſp. 604.a
- ſi Minor 25. annis prius adierit hereditatem, mox abſtentus ſit beneficio reſtitutionis in integrum, quid iuris. 2. reſp. 86.c.89.d.c
- Minor 25. annis paulo minore pretio fundum ſuum rite vendidit, curatore auctore, an iſ aduerſus eam venditionem in integrum reſtitui poſſit quaſi deceptus. 3. r.140.a.b
- Minor 25. annis in negotio circūſcriptus, & relegatus ex cauſa delicti, an reuerſus ab exilio in integrum reſtitui poſſit. 2.r.90.d.c Eadem ratio hic eſt, quæ in relegato. 1. ibid.90.a
- Minor 25. annis, decurio forte factus accipit inter alios ſportulas decurionatus, in curia vero interim ſuffragium inter cæteros ferre nequit, niſi ad iuſtam ætatem peruenierit. 1.q.25.c.26.a
- Minor pœna. Vide Pœna.
- Minor. Vide Adoleſcens, Pupillus.
- Minori veniam ætatis ſolus princeps dat. 5. r.200.b.c
- Minori actio vtilis. 2.r.78.c
- Minori decepto tantum reſtitutio datur. 3. r.139.c
- à Minori ad maius argumentum tantum valet ad affirmandum. 16.r.602.d.c
- Minori aduerſus tutorem non competit reſtitutio in integrum, ſi ei alia actio ſit. 2.r.78.c
- Minorem 25. annis ius naturale non excuſat nec ſceminam. 9.q.517.a
- Minores 25. annis decuriones creati ſolent, & cur. 1. r.36.b.c
- Minorum iure Reſpublica vti ſolet. æ.r.394.a.b
- Minoribus non nocet exceptio temporalis, ſed ea quæ tempore, ipſo iure pereunt. 3. q.68.c.69.a
- Imperare, minus eſt quam iubere. 19. q.534. b. Verbum commendo, an ſit precarium. 19.q.350.c.351.a
- non Minus erogari debet, quam mandatum ſit. 2.r.51.c.d
- Miſcere ſe, eſt hereditate iam adquiſita vti. 10.r.457.b
- qui Miſcuit ſe bonis, & qui non Miſcuit, in quo differunt. 3.q.90.c.91.a
- Miſeratio ſexus, vel ruſticitatis, vel ætatis, quandoque iudicium perducit ad medium pœnam. 19. q.517.a
- Miſſio in poſſeſſionem ſeu in bona, eſt cautio communis pro prætorio pignore. 12. q.542.
- Miſſio ſine cautio pignoris omnibus creditoribus prodeſt. 12.r.541.a.b
- Miſſio in poſſeſſionem eſt generalis poſſeſſio creditorum. 1. ibidem e.
- Mithridates duas & viginti linguas calluit non minus, quam ſi gentilis fuiſſet teſte Gellio. 3.q.85.a
- Mixta actio. Vide Actio mixta.
- Mixtum imperium quid eſt. 1. quæſt. 13. & 14
- Mixtum imperium. Vide Imperium meum.
- Mixti imperij eſt coërcitio modica. 1. q.16.d
- Mobilis res. Vide res mobilis.
- Mobilium rerum appellatione res ſe mouentes continentur. 26. quæſtio. 666.d
- Mobilium appellatione continentur etiam mouentes, quæ per ſe mouentur. 23. q.640.a
- Modus & conditio in quo differunt. 17. q.469.c.470.a
- Modus impletur poſt præſtationem legati, conditio vero ante. 9.r.437.d
- ſub Modo relictum legatum purum eſt. 17. q.478.c.479.a
- quibus Modis extranei heredes adquirent hereditatem. 3.q.84.c.d
- quibus Modis obligatio ciuilis tollitur ipſo iure. 28.q.749. a.b. hiſce quoque Modis & naturalis obligatio tollitur. 1. ibid.
- Monſtrum à monco deductum. 1. de adult. 685.c
- Montium proſpectus quibus caſibus vicino poteſt auferri. 3. r.99.d
- Monumentum Papiniani. 14. quæſtio. 372.d
- Monumentum quid proprie. 10. quæſt. 264.c.d Separatur à Cenotaphio. 1. ibidem 264.c.d
- Monumentum iubet heredem facere teſtator, an heres hoc mandato obligabitur. 6.q.123.b.c
- ad Monumentum extruendum, teſtator heredem rogat per fidei commiſſum, vt libertis ducenta daret, an ſi quod vltius expenderunt, ab herede recuperare poſſint, actione negotiorum geſtorum. 2.r.51.a.b
- Monumentum appellatio varia eſt. 10.q.262. d.c. accipitur abuſive & pro ſepulchro. 1. ibid. 262.b
- Monumenti nomen iure veteri eſt multiplex. 10.q.264.c.d. ſeparatio Monumenti & cenotaphij. 1. ibid. 264.d
- Monumenti ius omnem heredem ſequitur, niſi ſecus deſunctus voluerit. 6. quæſt. 124.a
- Monumenta publica in agris ſculpta, ſunt probationes finium. 2. r.71.a.b. Hæc Monumenta omnia, in cauſa finium potiora ſunt teſtibus. 1. ibid. 71.c
- Mora proprie quæ eſt. 2.q.48.b
- Mora & conditio, quam adfert prolatio diei, quo fidei commiſſum ſoluatur, in quo differunt. 9. r.422.c.423.a
- Mora & conditio in quo differunt. 1. defin. 644.c.d
- Mora conditione non ſuſpenderit. 34. q.829.a. Differentia eſt inter Moram & conditionem. 1. ibid. 829.a
- Mora emendatur, ſeu purgatur oblatione eius, in quo Moram fecit. 2. quæſtio. 61.c
- Mora ſit in perſonam, non in rem. 2. q.48.c
- Mora contrahitur ex interpellatione. 2. q.48.b.c
- Mora neceſſaria facile emendatur, voluntaria vero non, nec temere. 3. quæſtio. 95.c
- Mora non eſt maleficium, ſed culpa. 10. q.246.c.d
- Mora quomodo diffinitur. 1. ibidem 246.c.d
- Mora purgatur oblatione. 1. ibid. 246.c.d
- purgatio Moræ tollit conditionemfurtiuam. 10.q.246.c
- Mora perſonæ cohæret & ſit in perſona tantum. 27.q.703.c
- Mora quibus modis finitur, purgatur, & conditio furtiua tollitur. 10. quæſtio. 245.c.246.a.b
- Mora vnius ex reis promittendi non nocet alteri. 27. quæſt. 703.c & quando alteri nocet. 1. ibid.
- Mora ſua vnicuique nocet ac nocere debet. 9.r.402. & 403
- Mora non ſuſpenderit obligationem nec petitionem. 1. definit. 644.d.c
- Mora eſt tarditas, quam creat interpellatio. 9.q.218.b.c
- Mora. Vide Vfuræ.
- Mora ſua pœnam quilibet ſufferat. 1. reſp. 401.c
- Moram purgat oblatio. 10. quæſtio. 246.d
- Mores mulieris quomodo coercentur, & quomodo Mores mariti. 11. quæſt. 287. a.b.c
- Mores mulieris aliter puniuntur, aliter Mores viri. 11. q.287.a
- Mores mulieris grauiores qui. 11. quæſtio. 286.c
- Mores mulieris leuiores qui dicuntur. 11. q.287.
- de Moribus poteſtne agere leno ſi retentionem dotis non habet. 11. quæſt. 288.c
- Moriendi tempus ſemper in iure vitæ deputatur. 13.q.353.d
- Morientium eſt relinquere, dare viucentium potius eſt. 19.q.541.b.c
- Mortalitatis nomine ſignificatur mors, quam fors & conditio humana adfert, & mortalitatis hominum natura. 12. reſponſ. 537.a
- Mors alimentarij, eſt liberatio eius, à quo alimenta relinquuntur. 9. reſponſ. 436.c
- Mors omnem ſocietatem ſoluit, nedum coniugalem. 9.q.203.c.d
- Mors Senecæ fuit arbitraria per Neronem 1.q.15.a. Seneca dictus, quaſi ſeipſum necans. 1. ibid.
- Mors. Vide Nex.
- Mortis cauſa capio non imputatur in Falcidiam. 2. reſp. 84.a.b. Hæc verba quomodo accipiuntur. 1. ibid. b. Duobus modis aliquid immutari in Falcidiam dicitur. 1. ibidem 83.c.84.a
- Mortis cauſa capio quæ eſt. 3. quæſt. 55.a. b. in mortis cauſa capionibus, lex Falcidia non habet locum. 1. ibidem 56. b
- Mortem qui ſibi conſciuerit ſuſctu vel furore, an eius teſtamentum valeat. 14. quæſt. 393.c.d
- ſi ſibi Mortem turpiter conſciuit miles vel paganus, cum habeat heredem, an bona eius caduca ſiant. 14.q.381.c.383.a
- Morte crimina extinguuntur. 12. reſponſ. 536.c.537.a
- Morte ſibi adſcita nullam crimen extinguitur. 1. ibid.
- an Morte viri ſoluto matrimonio pecunia legata pro dote mulieri debeatur. 7.r.304.b.c
- Morte rei crimen extinguitur. 15. reſp. 587.c.588.a
- Morte hominis periti non finitur lis, propter periculum euictionis, vt ſciatur, an ſtipulatio ſit commiſſa euictionis nomine. 9. r.196.a.b



# in Quæstion. & Respons. Papin.

- Mortui illatio locum religiosum facit: reliquæ mortui in alium locum translatae non faciunt locum religiosum, 3. re. 121. b.
- Mortui corpus commendare terræ, est deponere, 9. q. 217. b.
- de Mortuo inferendo interdictum. Vide Interdictum.
- de Mortuo inferendo interdictum datur domino proprietatis, 8. q. 167. a.
- Mortuos intra vrbes spelite vetuit D. Adrianus, 4. r. 422. c. 423. a.
- Mos & consuetudo pro lege habetur, 2. q. 46. c.
- Mortuus ad tempus & relegatus in quo differunt, 1. r. 19. d. c.
- Mortuus ordine, recuperare potest, nisi quis in eius locum interim subiectus sit. 1. r. 21. b. c.
- Mouentes, Vide Mobilia.
- Mutiana cautio à Quinto Mutio Scauola cõposita, quænam est. 7. r. 295. d. e. Cautio nem Mutianam legatarij quomodo cauent. ibid. 294. c. 295. a.
- Mutiana cautio in quibus locum habet, & in quibus non, 7. r. 314. c. 315. a.
- Mutiana cautio. Vide Cautio Mutiana.
- Mulcta irrogatur extra ordinem. 11. quæst. 290. d.
- Mulcta & pœna in quò differunt. 1. qu. 14. c.
- Mulctæ distionem habet, qui publicum iudiciũ exercet. 1. q. 14. a.
- Mulier & minor in quo differunt. 10. qu. 276. d. c.
- Mulierem an excuset iuris ciuilibus ignorantia. lib. sing. de Ad. 696.
- Mulier quomodo per matrimonium originem patris naturalis sequi desinit, & quomodo per adoptionem. 1. respons. 28. c. 29. a.
- Mulier reduci dicitur, non quæ deprehensa vel damnata est, sed quæ suspecta dimissa est. 15. r. 552. d.
- Mulier an ex adulterio, in priore matrimonio admissio, postquam secundo viro nupsit, accusari nequeat, ibidem. 590. d.
- Mulier vi compressa adulterij accusari nequit, nec stupri. 15. r. 588. c. Venia fit tribus modis, vi, casu, ignorantia, ibid. 689. a.
- Mulier non damnata adulterij, in iudicio testis esse potest, in testamento non potest, 1. de adult. 672. a. b.
- Mulier ex mandato, vt procurator litem alienam agere nequit, nisi in rem suam. 2. r. 53. b. c.
- Mulier damnata adulterij, in matrimonio, citra lenocinij crimen retineri non potest, 15. r. 591. a. Damnata vero, quasi latronum socia impune retineri potest. ibid. 591. a.
- Mulier in leg. Falcid. de plagiariis, suam & suorum iniuriã persequi potest. 1. de adult. 680. d. Excipitur tantum causa adulterij, ibid. 680. d.
- Mulier 25. annis minor, consensu curatoris dotem marito dedit, an possit hæc restituere aduersus dotem, si vsa est iure communi, 3. r. 139. d. c.
- Mulier, an aduersus maritum, si conueniatur ex stipulatu, possit se tueri exceptione Senatus. Velleiani. 3. r. 113. d. c. quid interest, vtrum Mulier dotem dederit, an extraneus pro muliere quid inter est, 4. r. 179. d. c.
- Mulier non potest esse testis in testamento, an potest in iudicio, 1. q. 11. c. d.
- Mulier, quot partus edere plerumque potest 16. quæst. 416. a. Picus Mirandula, quid de eo in hymnis scribit. ibid. 416. a.
- Iurisconsulti septenos partus tantum genuisse mulieres prodiderunt. ib. 416. a.
- Mulier intercedendi animo pro aliâ Muliere dotem promiserit, & forte res etiam suas viro eo nomine obligauerit, ex hac causa non adiunatur Senatus. Velleiano. 4. r. 165. a.
- si Mulier quod solumset post mortem mariti, cum ipsa fructus cepisset, an id ad onus filiorum pertineat, 7. r. 289. a.
- Mulieris mores quomodo coercerantur, & quomodo mariti, 11. q. 287. a. b. c.
- Mulieris mores aliter puniuntur, aliter mores viri. Vide Mores.
- Mulieris obligatio. Vide Obligatio.
- Mulier quando actio dotis recuperanda nascitur & quâdo non. 18. q. 489. c. 490. a. b. quid statuit hic Accursius. ibi. 472. c. item Ioannes glossator, ibid. 490. a.
- Mulier vetustas temporis deductionem impensarum adimere non potest. 11. q. 295. b.
- Vim vi repellere licet. 26. q. 672. b. c.
- Mulier in petenda dote nil obest ignorantia iuris, 19. q. 319. a.
- aduersus Mulierem, procurator agendo mandati & Muliere opponente exceptionem Senatusconsulti Velleiani an possit se tueri replicatione doli. 9. q. 210. c. 211. a.
- Qui Mulierem funerauit suis sumptibus non pietatis causa, ei datur actio funeraria de recuperandis sumptibus in funus Mulieris factis. 3. r. 101. b. c. hæc actio est prætoris & priuilegiata, & quâdo datur, ibid. 101. b. c.
- de ea muliere, quæ cum audisset absentem virum vita esse functum, alii tunc nupsit, quid sit statuendum si prior vir fuerit reuersus, an tenetur, 2. de adult. 704. a. b. & seq.
- à Muliere data dos, & dos ab extraneo data in quo differant, 4. r. 180. a.
- Mulieres admittuntur in quæstionibus læsæ maiestatis, alias ius accusandi non habentes, 13. r. 571. c. d.
- Mulieres libidinosæ hodie magis maritum imo fratrem, quam patrem verentur. 1. de adult. 687. b.
- Mulieres olim de suis dotibus funerabantur. 3. r. 101. c. etiam si alia bona habeant. ibid. 101. c.
- Mulieres quando vtuntur beneficio, Senatus. Velleiani, & quando non. 3. r. 111. c. 112. a.
- Mulieres quid non hodie post mortem viri artibus omnibus detipiunt. 19. quæst. 519. b.
- Mulieres, Vide Fœminæ, supra.
- Mulierum patrimonium olim consistebat in dotib. 3. r. 101. c.
- Mulieribus intercedentibus in rem suam non succurritur, 3. r. 13. c.
- Mulieribus ius ignorantibus subueniri solet, sed non in lucris 19. q. 517. c. Aliquâdo etiam subueniri solet rusticis non habentibus copiam Iurisconsulti, quem consulant, ibid. 517. c.
- Multa in iure tacite licent, quæ expresse non licent. 14. q. 381. d. Si lex testamenti testandi non dederit, nec priuatus dabit, 14. q. 381. d.
- Munus publicum si de obus sit iniunctum, quis prius conueniendus, 2. q. 39. a.
- Munus patrimonij & munus possessionis idem est, 1. r. 27. c.
- Munus res à vestigialis præstatione, 13. re. 563. a. b.
- Munus aliquod quemadmodum suscipimus, ita perfungi solemus, 1. r. 2. a.
- Munus exigendi tributij patrimoniale est, & cur, 1. r. 26. c. 27. a.
- Munus exigendi tributij, num habeatur inter fordida munera. 1. r. 28. a. b.
- Munus hospitij alias metatum dicitur. 1. r. 26. c.
- Munera alia ordinaria, alia extraordinaria, 2. q. 56. c. d.
- Munera ciuilia etiam iniuris iniungi possunt, 2. q. 19. b.
- inter munera publica & priuata differentia quæ 5. r. 206. d. c.
- Munera fordida non tribuuntur decurionibus, 1. r. 28. a.
- Munera & honores non ornationibus, sed potioribus sunt iniungenda. 1. resp. 40. a.
- Munera patrimonialia duplicia sunt, & quænam illa, 1. r. 25. d. c. & 26. d. c.
- Munerum ciuiliũ quædã sunt patrimonialia, quædam corporalialia, & quibus singula inducuntur, 1. r. 23. c.
- an Munerum ciuiliũ vacatio specialis concessa alicui, vtrum is quoque excusetur à solemnibus aliis muneribus, 1. r. 39. c.
- Munerũ vacatio & excusatio quibus publicanis datur, 1. r. 37. d. & 40. c.
- Munerum vacatio. Vide, Rescripta.
- Muneribus ciuilibus iniungendis num sola ratio possessionis idonea sit, citra speciale priuilegium à Principe datum, 1. resp. 26. b.
- à Muneribus ciuilibus num libertus clarissimi viri tanquam à tutela immunitatem habeat, 1. r. 24. d. c.
- à Muneribus personalibus Reipub. patriæ suæ libertus non excusatur, propter operas quas patrono debet, 1. r. 24. c.
- à quibus Muneribus veterani excusantur, & à quib. non, 1. r. 38. b.
- à Muneribus ciuilibus ætas quæ excusatur. 1. r. 36. b. c.
- in Muneribus ciuilibus duo collegæ correi sunt debendi: scetus in magistratibus. 1. re. 41. c. 42. a.
- à quibus Muneribus excusentur Philosophi, & à quibus non, 1. r. 39. a. b.
- à Muneribus tutelisque conductores vectigalium an excusentur. 1. r. 37. d. c. 38. a.
- à Muneribus ciuilibus, an liberorum numerus excuset, 1. r. 36. b.
- Municeps qui dicitur, 1. r. 24. d. c.
- Municipibus quid concessum est, & quid non. 15. q. 407. a. b.
- Municipalis Magistratus an habeat ius dandi tutoris, 11. q. 311. d. c.
- Municipales Magistratus. Vide Magistratus Municipales,
- Municipales Magistratus, sunt annui. 1. r. 17. c. d.
- Mutari solet ius, ita vt nomina. Vide Ius;
- Mutatio status causam periculi non mutat. 3. r. 113. a. b.
- Mutua pecunia. Vide Pecunia mutua infra.
- Mutua pecuniæ vsuræ non debentur ex pacto nudo sine vinculo stipulationis. 3. r. 30. a. b.
- an Mutus & surdus bonorum possessionem petere possint, & an eis dies petendæ possessionis cedant. 15. q. 406. b. c. quid de cæco ibid. 407. a. b. quid cæcis concessum est, & quid non, ibid. 407. a. b.
- de Municipibus quid sentiendum. 15. q. 407. b. c.
- Mutus & surdus pro absentibus & ignorantibus habentur, 8. r. 332. d. c.
- Mutus hereditatem adire non potest & quare, 15. q. 406. c.
- Mutum quid est, 8. q. 187. b.
- Mutum proprie est commodatum ad abusu. 7. r. 322. c.
- Mutui & Promutui eadem est ratio. 3. r. 102. c. 103. a.
- in Mutui obligatione contrahenda nota inspicitur, an cuius rem vel nomen pecunia accipiat & veretur, sed quis accipiat, & cuius contemplatione ea datur, 5. r. 194. c. d.
- ex Mutui causa nemo obligatur ea actione, quæ ex mutuo nascitur, 2. re 46. d. c.
- in Mutuo post mortem eius pecuniæ non debentur vsuræ & cur. 3. r. 115. a.



# Index rerum & verborum

## N

**N** Ascendi conditio infamem non facit, sed ratio tantum vitæ & instituti, est turpis & nocens. 1. resp. 32. c. 33. a non omnis nascitur qui vtero exit. 19. q. 564. c. 565. a  
**N**atalium dignitas semel liberis quaesita eis non auferitur ob patris casum. 4. resp. 149. a. b  
**N**ati sequuntur deteriore conditionem parentis. 14. r. 578. a  
**p**ro Nati infantes vulgari sermone accipiuntur. 8 r. 368. d. e  
**N**atura maris est imperare, fœminæ obsequi. 31. quæst. 815. c. in quibus causis melior conditio fœminarum videtur esse. ibid. 815. c  
**N**atura nō patitur, vt idem sit actor & reus ex eadem causa. 27. q. 697. d. e  
**N**atura nihil facit frustra, nec homo prudens. 10. q. 267. c. 268. a  
**N**aturę leges ignorare, non licet. 1. definit. 631. a  
**N**atura vinculum pacto soluitur. 28. q. 750. d  
 quod naturale est iure ciuili nō perimitur. 18. q. 515. c. d  
**N**aturale debitum peti nequit. 18. quæst. 513. d  
 quod Naturale est nō amittitur iure ciuili. 18. q. 515. c. d  
**N**aturalis obligatio quid est. 28. quæst. 748. d. e  
**N**aturalis obligatio tollitur multo pluribus modis, quam ciuilib. 28. quæstio. 749. a  
**N**aturalis filius & adoptiuus in quo differunt. 36. q. 831. d. e  
**N**aturalis iuris ignorantia neminem excusat. 2. de adult. 696. b. c  
**N**aturales liberi fideicommissarium quando excludunt. 9. r. 410. b  
**N**aufragium non liberat debitorem creditæ pecuniæ. 3. r. 129. b  
**N**aufragio an liberatur debitor certi corporis. 3. r. 129. b  
**N**auis pars non sunt tabulæ, sic remi. 23. q. 637. c  
**N**auem locare aliud est, aliud exercere. 6. q. 132. b  
 in Nauticis quæstionibus lex Rhodia quoque est sequenda, & quatenus. 19. resp. 611. b  
**N**eaopolitanum regnum Rex Gallia sibi alia ratione vindicare nequit, quam iure adoptionis. 23. q. 648. b. c  
 qui Necatus sit veneno an vi, clam vel palam, quid interest. 2. responsor. 79. c. d  
**N**ecessaria electio non est liberalitas. 19. q. 82. a. b  
**N**ecessaria mora. Vide Mora.  
**N**ecessaria nouatio. Vide Nouatio.  
**N**ecessarius heres si nondum se bonis immiscuerit, violato sepulchro hereditario fracto & deiecto, an possit agere sepulchri violari. 8. q. 194. d  
**N**ecessarius Heres. Vide Extraneus. Vide Heres.  
**N**ecessarius heres seruus. Vide Seruus. Vide Heres.  
**N**ecessarii in iure non dicuntur se pro herede gerere, aut adire, vel hereditatem cernere, sicut & extranei non dicuntur se immiscere. 8. q. 194. c. d  
**N**ecessarii heredes qui sunt. 8. quæst. 193. c.  
 Horum sunt duo genera. ibid. 194. a. b  
 Necessesse non est id fingere, vbi suppletionem non est opus. 10. q. 262. d. e  
**N**ecessitas iuris est obligatio. 4. q. 103. b. c. & 28. q. 748. d  
**N**ecessitatis verbo significatur obligatio.

17. q. 534. d  
**N**ecessitati potestas non est coniuncta. 4. q. 103. c. d  
 propter necessitatem rei familiaris nemo donat, vt ea se absoluat, dum premitur, 19. q. 534. d  
**N**ecessitate iuris dicitur fieri venditio fideiussori, cum creditor suum aliter ab eo consequi non possit. 3. r. 109. a. b  
 quod Necessitate sit non est beneficium, nec liberalitas. 19. q. 534. c  
 ex Necessitate omnia æstimamus, vel ex utilitate vel ex voluptate, vel ex amœnitatem. 2. r. 69. c  
 ex Necessitate, utilitate & voluptate omnia æstimantur. 2. r. 69. c  
 in Necessitatibus nemo liberalis existit. 19. q. 534. d  
**N**ecessitudo personarum testimonium rei veræ plerumque corrumpit. 1. de adulter. 679. d. e  
 Necis per vim illatæ causa quid differat à causa veneni. 2. r. 83. b  
 Necem patris interfecti filij qui non vindicant paternam hereditatem decidunt. 15. r. 584. c  
**N**egatio aut affirmatio in præsens aut præteritum tempus concepta, secundum dialecticos statim vera aut falsa est. 1. definit. 624. b. c  
**N**egationem imitatur taciturnitas non confessionem, 8. q. 165. b. c  
**N**egationes duæ in hisce libris frequenter ponuntur pro vna Negatione. 28. quæst. 732. c  
**N**egligere & omittere custodiam, aliud est, aliud negligere & omittere possessionem. 26. q. 670. d. e  
**N**egotiari cautius disce, ait Tiberius. 14. q. 394. c  
**N**egotia filij matri testamento patris commissæ, quæ mater agere potest, & quæ non. 2. r. 92. d. e  
**N**egotia sunt plura quam vocabula. 8. q. 158. b  
**N**egotia plura esse quam vocabula. 8. q. 177. d  
 ad Negotia aliena qui accedit ex necessitate officij, & amicus voluntarius, qui vltro suscipit aliena negotia gerenda, quomodo differunt. 5. r. 190. b  
**N**egotia hereditaria virgentia quæ. 2. r. 82. c  
**N**egotia cuius gessi ignorans, quæ actio mihi competit. 2. r. 47. c  
**N**egotia aliena gerens, vsuras præstare cogitur, & cuius nempe pecuniæ. 2. resp. 50. d  
**N**egotiorum gestor alienare non potest. 2. r. 53. b. c  
**N**egotiorum gestor non tantum dolum, sed & culpam præstare tenetur. 3. r. 97. a. b  
**N**egotiorum gestor pecuniæ debitæ vsuras debet ob perceptam administrationem. 2. resp. 50. b  
**N**egotiorum gestor sine mandato procuratori est ad similes. 3. r. 49. d  
**N**egotiorum gestor & tutor in quo differunt. 2. r. 53. b. c  
**N**egotiorum gestor rem alienare non potest. 2. r. 53. b. c  
 à Negotiorum gestore rationes purgandæ sunt apud iudicem decimo quoque die. 2. r. 50. d  
**N**egotiorum gestorum actio. Vide actio. in Negotiis Sempronij gerendis, aliquis negotium quoque Titij gessit ignorans, quaritur, an Sempronio teneatur iste actio negotiorum gestorum, non tantum Sempronij, sed etiam Titij negotij nomine. 2. r. 47. b  
 an Nemo in patria sua Præfidi adfidere possit, & cur. 1. r. 6. c. d. e. Verba Cassiodori quæ hic. 1. r. 6. e

**N**emo iniurus alteri donat. 13. resp. 565. c. d. e  
**N**emo iniurus de domo sua extrahi debet, vt in ius vocetur, satis est denuntiatio-nem fieri ad domum. 16. r. 590. c  
**N**emo potest obligare rem alienam, in qua nihil iuris habet. 11. r. 475. c. 476. a  
**N**emo rem vel ius heredis sui recte legat. 9. r. 408. b  
**N**emo sub specie muneris, quod minus exsequitur, alterius muneris oneribus releuari debet. 1. r. 40. a  
**N**emo alteri utiliter paciscitur, nisi ei, in cuius potestate est. 1. r. 11. e. 12. a  
**N**emo alteri utiliter stipulari potest, quomodo hoc sit intelligendum. 12. resp. 532. c  
**N**emo ex aliena iactura lucrum facere debet. 2. r. 65. c  
**N**emo ex causa mutui obligatur ex actione, quæ ex mutuo nascitur. 2. resp. 46. d. e  
**N**emo fœminæ pecunias credere debet incertus animi muliebris, 3. responsor. 112. d. e  
**N**emo idoneus videtur esse defensor litis alienæ sine satisfactione. 11. responsor. 490. c  
**N**epos si filius præcedat non est suus, sed agnatus. 29. q. 803. c. 804. a  
**N**epos ex filio adoptiuo natus in familia adoptiuæ susceptus, virum aui naturalis originem sequatur, quaritur. 1. resp. 28. d. e  
 si Nepos intra trigessimum annum ætatis vitæ decessit relictis liberis & patruo superstitibus an patruo fideicommissum debeatur. 9. r. 403. b. c  
**N**escire id, quod omnes sciunt, est lata culpa, magna negligentia. 19. q. 516. c. d  
 Nihil scire, est plane nescire factum. 6. r. 223. c. 224. a  
 si Nobilis det se in adoptionem plebeio, an definit esse Nobilis, an mutat genus. 36. q. 834. c. 835. a  
 an Nobilis fiat ignobilis qui adoptatur à Nobili. 36. quæst. 832. d. c. 833. & 834  
**N**obiles qui sunt. 19. qu. 525. d. quid opus est ad comparandam Nobilitatem. ibid. 525. d  
**N**obilitas an per adoptionem adquiratur. 36. q. 832. d. e  
**N**obilitati adiunctum est onus militiæ. 19. q. 525. d  
 Nobis non licet sine lege quid ampliare, vel protendere. 9. r. 404. d. e  
 Nocet vnicuique mora sua. 9. r. 402. a  
 Nocere debet vnicuique mora sua. 9. resp. 403. a. b  
 Nocere non debet alteri vnus consensus. 1. q. 17. c  
**N**omen non idoneum hereditatem augere ex euentu. 6. q. 204. c  
**N**omen mutat adrogatio. Vide Adrogatio.  
**N**ominis vsura non debetur, nisi ex cautione. 17. q. 449. c. 450. a  
**N**omine alieno lege agere nemo potest. 1. q. 7. e. & 28. q. 750. a.  
 Nominis absentis an cogi possit heres adire & instituere. 20. q. 768. c  
**N**omina mutari solent, ita vt ius. 8. quæst. 173. c. d  
**N**omina probare est periculum eorum agnoscere. 2. q. 52. d  
**N**omina an accipiuntur tam pro vsuris, quam pro sortibus. 9. r. 418. c  
**N**ominum periculum in iure pertinet ad eum, qui fecit. 2. q. 52. d. Nouus tutor ea Nomina suscipere cogitur, sed non cogitur probare. ibid. 52. d  
**N**ominum periculum ad quem proprie pertinet. 9. resp. 415. c. d  
**N**ominum numerus est finitus, rerum infinitus. 8. q. 177. c



# in Quæstion. & Respons. Papin.

de Nominibus paternis quid obliuiscendum. 1. r. 189. c. d.  
 Nominatio creatio, datus, ordinatio, in  
 ore fieri debet, 1. r. 195. c.  
 Nominatio in iure passi n dicitur creatio,  
 & nominatio creator, 2. q. 40. d.  
 Nominatio fideiussori comparatur duplici  
 ratione, 2. q. 40. d.  
 Nominatio magistratus, qui solidum rei  
 publice perfoluit, utilem actionem non  
 habet aduersus eum collegam pro par  
 te, quata soluit, ibid.  
 Nominator est quasi fideiussor, 2. q. 40. c.  
 Sunt quidam, qui tubuades dicuntur,  
 ibid. 33. c.  
 Nominator conuenitur post fideiussorem,  
 1. r. 17. c. 13. a.  
 Nominator ratione suæ fidei, quomodo ten  
 etur, & quomodo collega, 1. resp.  
 18. a.  
 Nominator an fideiussori comparetur, 1. r.  
 17. c. 13.  
 Nominator, Vide Collega.  
 Nominatori quare soluitur soluenti non  
 datur actio utilis aduersus suam colle  
 gam, 1. r. 18. c. d. 19. a.  
 Nominatori utilis actio contra collegam  
 non datur, ibid.  
 cum Nominator maior est ratio agendi  
 quam cum collega quodam, 2. q. 40. c.  
 & 41. a.  
 In Nominatorum magistratus, quomodo  
 actio datur, si is non fuerit idoneus, &  
 quando talis conueniendus, 1. r. 17. 18. &  
 19.  
 an in Nominatorum eius, qui rem gessit,  
 prius detur actio, quam in collegam, qui  
 non eandem, sed aliam rem gessit, 2. q.  
 40. c. d.  
 an in Nominatorum magistratus, qui gessit  
 rem eius magistratus, reddenda prius  
 actio sit, quam in collegam, qui eam rem  
 non gessit, 2. q. 40. d.  
 In Nominatorum, qui agit, rem persequi  
 tur, qui in Collegam penam negliget  
 iæ suæ vel culpæ, 2. q. 39. a.  
 Nominatorum vel fideiussores nō sunt prius  
 conueniendi & excutiendi, quam rei  
 principales, 1. r. 33. a. b.  
 Nominatorum magistratus, successores suo  
 periculo nominantes, respondit, spo  
 pondit, intelleguntur, 1. r. 32. b. Vnde  
 de Gall. *siere pōne, se, ay bon pour toy, si*  
 dem 32. b.  
 Nominatorum magistratus prius conuenien  
 dus est, quam Nominator, 1. r. 25. a. b.  
 qui Nomina titi, an fidei ratione teneatur,  
 1. r. 18. c. d.  
 Non omnis fideiussio aut expromissio est  
 intercessio, & cetera, 3. r. 13. c.  
 Non omne quod statum debetur, & peti  
 statim potest, 1. r. definit 64. b.  
 quod Noster est, amplius Noster fieri  
 non potest, 23. q. 649. c.  
 Nota patris per se, non pertingit liberos,  
 4. r. 252. a.  
 Nouatio quid est, 9. q. 286. d. c.  
 Nouatio non extinguit factum persecu  
 tionis, vsuuarum vero persecutionem  
 extinguit & cur, 27. q. 690. c. d.  
 Nouatio de duobus modis, 2. quæst. 65.  
 c. d.  
 Nouatio est alia necessaria, alia volunta  
 ria, 9. q. 206. a. b.  
 Nouatio est in aliud nomen & alium sta  
 tum prius obligationis translatio, 10.  
 q. 247. d.  
 Nouatio fit ex promissione non fideiussio  
 ne, 10. q. 275. b.  
 Nouatio vera est expromissio, 9. quæst.  
 222. c.  
 Nouatio & obligatio nuda in quo differunt,  
 10. q. 248. a.  
 Nouatio non tempore vsuæ currere desi  
 nit, 27. q. 990. d.

post Nouationem obligationis vsuæ qua  
 de currunt, 3. r. 14. c. 142. a.  
 inter Nouationem voluntariam, & Noua  
 tionem necessariam differentia quæ, 3. r.  
 ibid. m.  
 inter Nouationem & obligationem diffe  
 rentia quæ, 10. q. 247. c. 248. a.  
 inter Nouationem voluntariam & necessa  
 riam, differentia quæ est, 9. quæst. 206.  
 a. b.  
 Nouatione voluntaria perimitur stipula  
 tio penalit, non etiam necessaria, 3. resp.  
 142. b. c.  
 Nouatione voluntaria liberantur hypo  
 thecæ, secus necessaria, 3. r. 142. a.  
 Nouatione voluntaria fideiussores libera  
 tur, non autem necessaria, 3. r. 142. b.  
 Nouatione voluntaria mandatores libe  
 rantur, non autem necessaria, 3. r. ibid.  
 Nouatione facta non omnino perimitur  
 obligatio, 7. r. 291. a.  
 Nouatione facta non perimitur legatum  
 liberationis, 7. resp. 291. a.  
 Nouatione facta an creditor obligatio  
 mutare cogatur, 2. r. 50. b. c.  
 Nouatione tollitur obligatio, 27. quæst.  
 687. b.  
 Non nouat obligationem fideiussio, 1. r.  
 43. b. c.  
 Nouum ius restrictius est accipiendum,  
 non ampliandum, 13. r. 551. c. b.  
 Nouum non est, ut quod alius soluit, alius  
 repetat, 6. r. 257. c. d.  
 Noui operis nuntiatio siue denuntiatio.  
 Vide nuntiatio. Vide denuntiatio.  
 Noxæ deditio liberum hominem non ne  
 cit iure pignoris aut fiduciæ, 2. defin.  
 667. d.  
 Noxia friuolaria, 4. r. 174. b.  
 Nuclei etiam si comburendi causa habeantur,  
 non continentur lignorum appella  
 tione, 14. q. 375. c. 376. a.  
 Nuda pactio obligationem tollere seu mu  
 tare non potest, 27. q. 702. d. c.  
 Nuda ratio non facit donationem, 27. q.  
 809. d.  
 Nuda proprietates vel plena redit ad fiscum,  
 ex suis causis, usufructus nudus nun  
 quam, 1. defin. 633. b. c.  
 Nuda voluntas testamentum non facit, nec  
 illud reddit irritum, 6. r. 258. b. c.  
 Nuda voluntas & tacita fideicommissum  
 facit, 29. q. 551. b. c.  
 Nudum nomen heredis, an testamentum  
 corroboret, 3. q. 85. c.  
 Nudum præceptum nullius est momenti,  
 19. q. 554. b.  
 Nulla res est, cuius possessionem quis ad  
 ipiscatur, nisi concurrant corpus & ani  
 ma, 23. q. 644. d.  
 Numeratio non tantum creditum, sed &  
 solutum significat, 28. q. 749. b.  
 Numerus rerum est infinitus, nominum ve  
 ro finitus, 8. q. 177. c. plura sunt negotia,  
 quam vocabula, ibid. 177. d.  
 Numerus annorum ab optima indole non  
 exigitur, 1. r. 34. b.  
 Numerus quinque liberorum an excuset à  
 muneribus ciuilibus, & quomodo, 1. r.  
 36. b.  
 Numerus quinque liberorum vtrum excu  
 set à sacerdotio prouincie, 1. r. 37. b.  
 Numerus quinque liberorum num excu  
 set à muneribus ciuilibus, 1. r. 36. b.  
 sub Numero pluratiuo, si sine liberis, testa  
 tor etiam singularem comprehendit,  
 8. r. 378. c.  
 Nummi interdum merces sunt, 2. quæst.  
 44. d.  
 Nummi integri sunt, qui nondum sunt cō  
 sumpti, 8. q. 188. c.  
 Nummi quando consumpti dicuntur, 8. q.  
 187. c. 183. a. b.  
 Nuntiatio noui operis alia est in rem, alia

in personam, 3. q. 77. a.  
 Nuntiatio operis in personam, si non  
 possit fieri in personam, ut si reperiri nō  
 possit, si & faciem eius libello ad po  
 stem fixe, 3. q. 97. b.  
 de Nuntiatione noui operis edictum, Vide  
 edictum de noui operis nuntiatione, 9. q.  
 96. a. b.  
 Nuntiatio an sine iussu Prætoris pacto re  
 mitti possit, 2. q. 22. c.  
 Nuntiatio noui operis permittitur ipso  
 iure, hoc est, ex edicto Prætoris, 3. q.  
 97. b.  
 Nuntiatio operis fit in rem presentem ex  
 iure veteri, 3. quæst. 97. a. Imo etiam in  
 ignorantem fit nuntiatio operis, 3. quæst.  
 ibid. 97. a. b.  
 Nuntiatio, Vide ades  
 per nuntiationem noui operis, si quid socius  
 edificet, an est ius prohibendi, 7. q. 156. c.  
 Nupta, Vide Mulier.  
 Nuptiæ transuerso limite quousque prohi  
 bentur, 4. r. 153. c. iure pontificio utque  
 ad quantum gradum prohibitio extendi  
 tur, ibid.  
 Nuptiæ incestu confirmari non solent, 2.  
 de a iul. 702. c. 703. a.  
 Nuptiæ hodie decreto Innocenti in primo  
 tantum genere affinitatis prohibentur,  
 non in secundo vel tertio, 4. resp. 153. a.  
 tria affinitatis genera sunt, ibidem 53.  
 a. b.  
 Nuptiæ an iniustæ sint, quæ sunt inuito  
 patre, 1. q. 291. c.  
 Nuptiæ, quæ ignorante patre, cuius in po  
 testate est vir au mulier, sunt, non sunt  
 iustæ, 10. quæst. 268. b. c. ubi non sunt  
 Nuptiæ, ibi neque dos, ibidem 268.  
 b. c.  
 Nuptiæ consobrinorum iure ciuili licitæ  
 sunt, 6. r. 254. c.  
 Nuptiæ inter tutorem & pupillam prohi  
 bitæ, 1. defin. 631. c. d.  
 Nuptiæ incestu liberos confirmare non so  
 lent, 11. q. 284. b. c.  
 Nuptiæ, Vide Matrimonium.  
 Nuptiarum prohibitio latius patet iure ci  
 uili quam Pontificio, 4. r. 153. d. c.  
 Nuptiarum prohibitio est extendenda po  
 tius quam coangustanda, 36. q. 819. b.  
 Nuptias facit solus consensus, & deductio  
 in domum viri, 4. r. 162. a.  
 Nuptias solus animus facit, implentur cō  
 eubitu, 12. r. 131. c. d. c.  
 Nuptias iustas an priuigni inter se contra  
 here possint, 4. r. 155. b.  
 Nuptias non facit sola deductio in domū  
 mariti, nec sola doris promissio spon  
 salia, 10. q. 270. d. c.  
 Nuptiis iunguntur duæ cognationes, sicut  
 duo ligna glutine, 4. r. 155. c.  
 de Nuptiis prohibitis ratione affinitatis a  
 git Lex 15. D. ritu nupt. 4. r. 152. d. c.  
 an Nuptiis videtur consensisse pater, qui  
 dedit filia mandatum querendi mariti,  
 4. r. 354. b.  
 in Nuptiis scientia & patientia patris exi  
 gitur, 10. q. 268. b. c.  
 in Nuptiis cōtrahendis ius naturale inspi  
 citur, quod est ius gentium, 2. defin.  
 649. a.  
 in Nuptiis contrahendis non tam specta  
 tur, quid licet, quam quid debeat, 4. r.  
 154. a.  
 in Nuptiis naturale ius & pudor inspic  
 debet & vel sola honestatis ratio est  
 idonea, maxime in tanta copia femina  
 rum secundum nostrum Cuiacium, 4. r.  
 154. a.  
 Nuptiales tabulæ, Vide Tabulæ nuptia  
 les.  
 Nutus an fideicommissum faciat an uen  
 do tempore mortis, 19. quæstion.  
 551. c.



# Index rerum ac verborum

O

**O**blatio purgat culpam veluti moram, sed non maleficium. 10. quæstio. 246. d  
 Oblationis genera duo sunt, & quæ, ibid. 246. d. e  
 Oblatio nuda non liberat furem conditione furtiva, vel alium debitorem antequam res interierit. 10. quæstio. 247. 2  
 Oblatio & novatio in quo differunt. 10. q. 247. c. 248. a  
 inter obligationem nudam & novationem quæ est differentia. 12. q. 347. c  
 Obligare nemo potest rem alienam, in qua nihil iuris hæcet. 11. r. 475. c. 476. a  
 Obligare pignori solius domini est. 1. r. 475. d  
 Obligator quilibet eorum pro collega suo, licet duo sint, tamen unus magistratus, 1. r. 17. d. e  
 Obligantur puberes sine cætoribus suis. 15. q. 410. c  
 Obligator rogando non potest, cui nihil datur, 10. q. 557. a  
 Obligatio vel conventio utrum executionem habeat forensi citra iudicis sententiam paratam. 1. r. 10. b  
 Obligatio stipulatione acquiritur, liberatio vero acceptilatione. 4. responf. 176. c  
 Obligatio generalis quæ est. 11. r. 440. c  
 Obligatio quid distat à possessione. 2. definit. 658. d  
 Obligatio non finitur mandato finito. 2. q. 20. c  
 Obligatio impossibile nulla est. 20. q. 612. c  
 Obligatio & cautio est incerta. 19. quæst. 591. a  
 omnia Obligatio solutione eius quod debetur, soluitur. 9. q. 232. c. duo sunt genera liberationum. ibid. 232. c. 233. a  
 Obligatio naturalis tollitur ipso iure aliis modis quibus civilis Obligatio non tollitur. 28. q. 749. c. 750. a  
 an Obligatio tollatur pactione nuda, tempore, & conditione. 7. q. 146. a  
 Obligatio maior tollit minorem. 27. q. 692. d  
 Obligatio civilis & naturalis ex contrahibus nascitur, ex pactis Obligatio naturalis tantum. 10. q. 253. a  
 Obligatio generalis pignoris & Obligatio specialis, in quo differunt. 11. responf. 475. b  
 Obligatio per quam personam alicui acquiritur. 8. q. 173. c  
 Obligatio principalis ab accessoria separari debet. 9. q. 234. c. d  
 Obligatio proprie non est, cui non est adiuncta necessitas. 28. q. 748. d  
 Obligatio tollitur novatione. 27. quæst. 687. b  
 Obligatio tutoris, qui tutelam gessit, quomodo diuiditur per tempora. 11. q. 318. b. c  
 Obligatio civilis quibus modis tollitur ipso iure. 28. q. 749. a. hisce quoque modis & naturalis obligatio tollitur. ib. 749. a  
 Obligatio tollitur solutione eius quod debetur. 28. q. 749. b  
 Obligatio confunditur si creditor adeat hereditatem debitoris. 37. quæst. 853. b. c. & seq.  
 Obligatio significatur necessitatis verbo. 19. q. 534. c  
 Obligatio non nascitur ex pacto, nec ullam necessitatem habet pactum. 19. q. 534. c. d  
 Obligatio mulieris, quæ intercessit pro alio, perimitur exceptione Senatus. Velleiani. 28. q. 746. b  
 Obligatio operarum amittitur capitis minutione. 17. q. 467. e

Obligatio usus & usufructus amittitur morte legatarii. 17. q. 467. d  
 Obligatio civilis, quid est. 28. quæstio. 748. d  
 Obligatio eodem modo soluitur, quo acquiritur. 23. q. 646. b  
 Obligatio est iuris necessitas. 4. quæstio. 103. b. c. & 28. q. 748. d  
 Obligatio est nulla, quæ non adstringit. 28. q. 748. d. e  
 Obligatio fideiussoris exstringitur confusione. 27. q. 692. d  
 Obligatio minuit bona nostra, æris alieni, liberatio vero auget. 20. quæstio. 906. d  
 Obligatio naturalis quæ est. 28. quæst. 748. d  
 Obligatio civilis quæ est. 28. quæst. 748. d  
 Obligatio nulla est quæ necessitate contrahentem non adstringit. 2. definitio. 652. d  
 Obligatio quibus remediis prætorii tollitur factum versatur, in civilibus vero ius. 7. q. 146. b  
 Obligatio naturalis. Vide naturalis obligatio.  
 Obligationis contractæ onere ex causa venditionis, an procurator deposito officio releuetur. 1. r. 41. e  
 post Obligationis novationem quando versus currunt. 3. r. 141. c. 142. a  
 Obligationi cum certum tempus cursive dies additur, nisi eo tempore vel die præterito agi non potest. 2. defin. 660. d. e  
 Obligationem pignoris, confusio non tollit. 37. q. 853. 854  
 Obligationem suspendit conditio. 1. definitio. 644. b. mora non suspendit. ibid.  
 Obligationem parit res data, tradita vero liberationem. 4. r. 176. c  
 Obligationem civilem ipso iure tollit omne quod præsolutione cedit, non iusurandum. 28. q. 751. a  
 inter Obligationem personalem, & Obligationem hypothecariam differentia magna est. 8. q. 186. c  
 inter Obligationem personalem, & Obligationem hypothecariam differentia quæ est. 8. q. 186. b  
 Obligationem tollere seu mutare non potest pactione nuda. 27. q. 702. c. d  
 Obligatione immunis est donator. 2. resp. 64. d  
 in Obligatione & petitione est quod est in conditione. 2. q. 57. c  
 ex Obligatione naturali, qua pupillus tenetur, actio non nascitur. 18. quæst. 515. b  
 in Obligatione mutui contrahenda non inspicitur in cuius rem vel nomen pecunia accipitur & versatur, sed quis accipiat, & cuius contemplatione ea detur. 5. resp. 144. c. d.  
 Obligatione principali contracta, observatur tempus dati vel conuenti pignoris. 8. q. 183. d  
 sine Obligatione solutio esse nequit. 28. q. 392. c. d  
 in Obligatione non omne quod in iudiciis accidere potest, est. 4. q. 103. c. d  
 Obligationes viriles quæ vocentur. 10. q. 275. b  
 Obligationem conditio suspendit. 37. q. 852. a. b. Conditio confertur in futurum tempus, non in præsens aut præteritum tempus, quod Martianus Capella vocat, Extans & Raptum. Præsens scilicet extans, præteritum raptum, futurum vero instans nominat. ibid.  
 Oblivisci affectuum & officiorum dementia est. 14. q. 472. a. b  
 Obscura aut ambigua venditori aut locatori potius nocere quam emptori aut conductori. 5. q. 107. d. e

omnis Obscura aut ambigua ratio, tendicula est, quæ ei, qui tendit potius fraudi esse debet. 5. q. 107. c  
 Obscure loquitur, qui quod dixerit, non apparet: ambigue loquitur qui, si verum dixerit, non apparet. 5. q. 108. a  
 Obscure qui loquitur in eo dolus est, ut in eo, qui ambigue. 5. q. 107. c. 108. a  
 Obsequi natura fœminæ est, maris imperrare. 31. q. 815. d  
 Obsequia personalia & patrimonialia, 1. r. 23. c  
 Obignatio est pro solutione. 10. quæst. 246. c  
 Obignatio necessaria est, & pro solutione habetur. Oblatio non est sufficiens, 2. q. 51. c  
 Obstat 1. r. incidit, ad Senatus. Turpill. legi ob hæc de his, qui not. infam. 1. r. 13. b  
 Obtinere plus est, quam tenere, 10. resp. 466. d  
 Occasio aliud est, aliud causa. 27. quæst. 677. b  
 Occasionem rapimus, quæ præbet benignius responsum, 4. r. 169. c  
 Odiosæ actiones non restituuntur, 3. q. 69. e  
 Offerendi ius priori creditori, an posterior creditor habet, & ei qui à priore creditore emerit, 2. r. 74. d  
 Officium individuum, 1. r. 17. e  
 Officium iudicis tantum proficit, quantum stipulatio. 9. q. 220. b. c  
 Officium magistratus municipalis est individuum, commune & mutuum, 2. q. 37. a. b  
 Officium Procuratoris quam distat ab Officio Aduocatorum. 3. resp. 116. e 117. a  
 Officium virile est Tutela 4. r. 100. e. Decreto & concessu Principis est quoque officium muliebres, ibid. & 181. a  
 Officio Argentarii siue Trapezitæ quid incumbit, 3. r. 98. d. e  
 ab Officio qui remouetur ob inertiam & simplicitatem, non fit infamis, secus qui ob dolum, 12. q. 332. b  
 Officiorum & effectuum obliuisci dementia est, 14. q. 372. c  
 Omissa commemoratio prioris debiti, an alicui nocere possit? 20. q. 596. d. e  
 Omittere proprie est tempore excludi, scriptum tempus submoueri, 3. q. 68. b. & 13. q. 355. c. d  
 an qui Omittit hereditatem paternam, Omittere etiam debeat legatum. 18. q. 481. c. 482. a  
 Omne & totum in quo differunt. 9. quæst. 232. c  
 non Omne quod in iudiciis accidere potest, arbitrio iudicis quoque debetur, & est in obligatione. 4. q. 103. b  
 Omne qui dicit, nihil excipit. 33. q. 826. c. genus non derogat generi. ibid. 826. c. d. nec species speciei, derogat. ibid. 826. c. d. species generi derogat, non genus speciei. ibid. 826. c. d  
 Omne quod pro solutione cedit, tollit civilem obligationem ipso iure, non iusurandum, 28. q. 751. a. b  
 Omnium appellatione comprehenduntur, etiam pater & filius, 6. r. 250. d  
 Onerata portio. Vide Portio.  
 Onerosa causa. Vide causa lucratiua & onerosa.  
 Onus legatorum ab herede relictorum transit in fideicommissarium. 9. q. 224. c  
 Onus probandi ei incumbit, qui dicit, se genus vel gentem habere, 3. q. 82. d  
 tria Onera tutelarum an à quarta præbeant excusationem, 5. r. 211. b  
 Onera alia sunt creditorum, quæ diuiduntur inter heredem & fideicommissarium pro dodrante vel quadrate, alia vero

Onera



# in Quæstion. & Respons. Papin.

**O**nera legatariorum & fideicommissario-  
rum, quæ non diuiduntur, sed solida  
transcunt in fideicommissarium Trebel-  
licanicum. 6.q.141.a  
**Operæ non utendo amittuntur.** 16.q.498.  
c.d.  
**Operæ sunt diurnum officium.** 3. respons.  
131. b  
**Operarum obligatio. Vide Obligatio.**  
**Operæ seu artis pretium est leuamentum.** 3.  
145. c. d  
**inter Operas & vsumfructum vsumque**  
**differentia quæ.** 17.q.468.c.d.  
469. a. b  
**pro Operis & ex Operis differentia quæ.**  
17.q.468.c  
**noui Operis nuntiatio alia in rem est,**  
**alia in personam.** 3. q.97.2  
**Operis nuntiatio. Vide Nuntiatio.**  
**in Opinatione non tam est quam in** resp. 19.  
q.528.b  
**Opinationes Iuriscultorum. Vide Con-**  
**stitutiones principum.** 19. quæst.548.c.  
549.2  
**Opinationes interpretum admittit vsus.** 1.  
resp.9.c.d  
**Opinationum Pegasi & Subini differentia**  
**magna est, à Papiniano composita.** 2.q.  
55.c.56.a  
**Optio est fideicommissi verbum.** 19. quæst.  
590. c  
**Opam nomine proprie continentur præ-**  
**dia tantum quæ solo continentur.** 1. r.  
23. d  
**Oratio ambigua. Vide, Ambigua Ora-**  
**tio.**  
**Oratio D. Marci & Commodi prohibet**  
**nuptias inter tutorem & pupillam, &**  
**quare.** 1. defin. 631. c. d. e. Quæ tamen om-  
nino necessaria non est, sed probabilis  
tantum. ibid. 633. c. d. e  
**Orcinus libertus.** 15. q. 392. c. 393.2  
**Orcinus Libertus. Vide Libertus.**  
**quem Orcus ademit nullus est.** 9. respons.  
386. b  
**Ordinaria iudicia.** 1. defin. 646. c  
**Ordinaria iudicia. Vide Iudicia.**  
**Ordinatio, datio, creatio, nominatio, in iu-**  
**re idem.** 5. resp. 195. c  
**Ordo iuris, in iudiciis extraordinariis non**  
**obseruatur.** 1. defin. 646. d  
**Ordine motus, recuperare potest, nisi quid**  
**in eius locum interium subiectum sit.** 2. r.  
21. b. c  
**Ordine licet hodie agere, vel extra ordi-**  
**nem, quia omnia iudicia hodie sunt ex-**  
**traordinaria.** 26. q. 674. d. e  
**Origo ingenuum facit, manumissio vero**  
**libertinam.** 9. r. 395. d  
**Origo non solum ciuem facit, sed & adop-**  
**tio.** 1. r. 24. b. c  
**Origo patris naturalis patriam facit.** 1. resp.  
30. c  
**Originis appellatione, locus paternæ Ori-**  
**ginis notandus est, non natale solum, in**  
**quo quis nascitur.** 1. r. 30. c  
**Oro verbum. Vide, Verbum Oro.**  
**Oris reuerentia & dignitas.** 1. resp. 33. d. e.  
quæ ibid. Indolis. ibid.  
**Ornamenta & instrumenta & partes ali-**  
**cuius rei, in quo differunt.** 7. respons.  
319. c  
**Ordinatus legata non sequitur, nisi nomi-**  
**natim dictus.** 2. respons. 71. a. Exem-  
plum Accursij in pullo & equa. ibidem  
73. c  
**Ostarius,** 16. q. 420. b

## P

**P**acificatur quis partem quid refert, an  
quantitatem parti parem. 3. resp.  
117. c. in hoc nulla est differentia. ibid  
117. c  
**Pacifici contra ædilitium edictum est iuri**

publico derogare. 2. q. 21. b  
**Pacifici alteri nemo potest vtiliter nisi ei in**  
**cuius potestate est.** 1. r. 11. c. 12. a  
**Pactio quæ actionem de furto perimit.** 10.  
q. 253. d  
**an Pactio vnus, vt si vnus pactus sit de non**  
**petenda pecunia noceat alteri.** 27. q.  
703. b  
**Pactio nudā obligationem tollere seu mu-**  
**tare non potest.** 27. q. 701. d  
**Pactio alterius siue consensus alteri nocere**  
**non potest.** 27. q. 623. b  
**Pactio venditioni ascripta, si sit obscura**  
**aut ambigua, venditori, qui eam pactio-**  
**nem condixit, potius nocet, quam em-**  
**ptori.** 5. q. 107. d  
**Pactionis tacite argumentum est diuturna**  
**acceptilatio vsurarum totius pecuniæ.**  
1. resp. 11. a  
**ex Pactione nuda non sēper nascitur actio.**  
3. r. 92. c  
**an Pactione nuda tollatur obligatio.** 7. q.  
145. c. 146. a  
**Pactum est species conuentionis.** 10. q. 253.  
alias 252. c  
**Pactum quid est.** 10. q. 253. a  
**Pacta cur dicuntur nuda** 10. quæstion.  
253. a  
**Possidere animo quid est.** 23. quæstion.  
645. a  
**an Pactum vnus ex reis debendi profit**  
**alteri, vel noceat.** 27. quæst. 701.  
702. 703. an alter culpam vtrique præ-  
stabit, maxime si socij fuerint. ibid.  
703. b  
**Pactum omne est nudum, aut sane non est**  
**pactum, sed contractus.** 10. quæstion.  
258. b. c  
**Pactum nudum non parit obligationem,**  
**sed exceptionem, imo format actionem.**  
ibid. 258. c  
**Pactum est conuentio, ex qua difficile est**  
**dare actionem, datur namque nunquam.**  
28. q. 748. c. 749. a  
**an Pactum vnus ex reis debendi noceat al-**  
**teri.** 27. q. 703. b  
**Pactum incontinenti factum stipulationi**  
**ineff.** 11. q. 279. c. d  
**Pactum non consistit in fine placiti, sed da-**  
**tionem sumit effectum.** 10. q. 257. d. e  
**Pactum nullam habet necessitatem, nec ex**  
**eo obligatio nascitur.** 19. q. 534. d. e  
**Pactum proficit ad contractum.** 10. q.  
257. c  
**Pactum incontinenti factum actionem for-**  
**mat in bonæ fidei contractibus, non in**  
**stipulationibus & iuribus.** 4. respons.  
173. a  
**Pactum in personam, an debitoris here-**  
**di profit, & cur.** 1. r. 10. a  
**Pactum in rem an heredi debitoris profit,**  
**& cur.** 1. r. 8. a  
**Pactum in rem, num emptori prodest, ad**  
**quem ea res transit.** 1. r. 7. d. e  
**Pactum nuda oblatione non transit, sed da-**  
**tionem tantum.** 11. resp. 460. b  
**Pactum, quo pecunia debita remittitur,**  
**quomodo in rem concipiatur, & quo-**  
**modo in personam.** 1. r. 8. a  
**Pacti exceptio actioni bonæ fidei ineff.** 10.  
q. 255. b. c  
**Pacti contrarium est contractus.** 28. q.  
748. c  
**Pacti exceptio stipulationi ineff.** 11. q. 279.  
c. d  
**Pacti taciti exceptio vtrum creditoribus**  
**obfit.** 1. resp. 11. b  
**Pacti in rem exemplum quale.** 1. resp.  
8. c  
**Pacti in personam exemplum quale.** 1.  
resp. 8. c  
**Pacti taciti eadem vis est quæ expressi.** 4.  
resp. 160. b  
**ex Pacto nudo non nascitur actio.** 4. resp.  
172. b. & 2. definit. 654. a

**ex Pacto nudo non nascitur actio.** 2. q.  
64. c.  
**ex Pacto exceptio datur non actio.** 11. r.  
472. c  
**ex Pacto nudo debentur vsuræ pecuniæ de-**  
**positæ.** 3. r. 143. b. c  
**ex Pacto nudo actio non nascitur.** 27. q.  
703. b. An vnus Pactio, vt si vnus Pa-  
ctus sit de non petenda pecunia noceat  
alteri. ibid. 703. b. c  
**ex Pacto nudo obligatio non nascitur, vel**  
**tollitur.** 3. resp. 132. d  
**ex Pacto nascitur actio hypothecaria, ipso**  
**iure.** 11. resp. 488. c  
**Pactio soluitur vinculum naturæ.** 28. q.  
750. e. 751. a  
**Pacta & conuenta.** 10. q. 253. c. 254. a  
**Pacta in continenti facta stipulationi in-**  
**eff.** 4. r. 173. a  
**quæ Pacta dicuntur fieri incontinenti, an**  
**quæ statim in ipso negotio sunt?** 10. q.  
254. a. b  
**Pacta quæ valent ad exceptionem & non**  
**ad actionem.** 10. q. 255. d  
**Pacta teste Cicerone iusta iuri præstant.** 12.  
r. 528. d  
**Pacta contra leges conuenta nou valent.** 2.  
q. 23. a  
**Pactio incontinenti facta cur ad actionem**  
**proficiunt.** 10. q. 241. c. 242. a  
**Pacta præstabiliora sunt legibus, licet his**  
**ce non obseruentur, sed edictis prætorū**  
**tantum.** 10. q. 252. a. b. Quædam pacta le-  
gibus obseruantur, & quæ. ibid. 253. c  
**Pacta quæ sunt ex intervallo, an quid em-**  
**ptioni adiciunt, vel detrahunt.** 10. q.  
255. a  
**ex Pactis non datur actio, ex contractibus**  
**vero datur.** 28. q. 768. c. d. Contrarium  
pacti est contractus. ibid. 768. c. d  
**ex Pactis obligatio naturalis tantum nasci-**  
**tur.** 10. q. 252. a. b  
**Pactis priuatorum mutari nequit ius pu-**  
**blicum.** 2. q. 21. a. b  
**Paganus codicillis iure hereditare, non**  
**dat vel adimit verbis directis.** 6. r. 255. e.  
256. a. Secus in milite. ibid. 256. a. b. Bar-  
tolus comparat. ibid. c. d. negat Angelus  
Parisiinus. ibid. 256. b. c  
**Paganus curatorem iure non dat filio im-**  
**puberi vel puberi, sicut nec Centurio.**  
6. r. 225. c  
**inter Paganum & militem, quæ est diffe-**  
**rentia.** 6. r. 242. c  
**Paganum peculium. Vide Peculium.**  
**Pagani testamentum pertinet ad ius ciuile,**  
**milites vero testamentum est iuris gen-**  
**tium.** 14. q. 385. a. b  
**Pagorum appellatio latius patet quam vi-**  
**rorum.** 8. resp. 364. a  
**in 4. Pagos diuiditur Heluetia apud Cæ-**  
**sarem.** 8. r. 394. c  
**Palam magistratum ambire licet, non clam**  
**2. de adult. 695. d. e**  
**Palæmon. Vide Quintus Remmius Palæ-**  
**mon.**  
**Pandecta est omnium contractuum stipu-**  
**latio.** 15. q. 399. a. b  
**Pandectarum Florentinorum editio est di-**  
**uinum munus.** 2. defin. 659. c  
**Papinianus comparatus cum Diuo Paulo à**  
**Diuo Hieronymo, dum diuinum ius cū**  
**humano confert. In præm. quæ** 3. c  
**Papinianus occisus est iussu Antonini Ca-**  
**racallæ, & cur.** 3. q. 16. a  
**Papinianus est asylum iuris in princ.** q.  
3. c  
**Papinianus de verbo dari scripsit, non tan-**  
**tum significare effectum transferendi do-**  
**minij, sed & factum nudum sine effectū,**  
27. q. 679. b  
**Papinianus præterea libros duos speciales**  
**scripsit de adulteriis: & Græca lingua li-**  
**brū singularem ἀστυόμνων, quod sit**  
**officium ædilitium plebis.** in prin. q. 4. d



# Index rerum & verborum

- Papinianus scribit de verbo facere, eo significari non tantum factum, sed etiam ius. 27.q.679.b. credere etiam est facere. ibid. 679.b.
- Papinianus scripsit. 37. libros diuersarum quaestionum, & diuersorum responsorum libros 19. in prin. q. 3.d.e. Scripsit & 2. libros definitionum, ibid. 3.e.
- Papinianus in libris quaestionum saltem difficiles, & arduas quaestiones tractat, & cur. i. r. i. d. responsa vero pleraque facillima. i. r. i. d.
- Papinianus quali munere in quaestionibus fungitur, & e contra in responsis. i. ref. 1.c.
- quid Papin vocat cautionem communem. 12. r. 542. a.
- Papinianus in libris Quaestionum doctoris, in libris Responsionum Iuriconsulti munere suagitur. i. r. i. c.
- Papinianus praesentibus respondet, absentibus vero rescribit, de responsis nimium i. r. i. b.
- Papinianus scripsit duos libros de adulteriis, & librum quoque singularem de adulteriis i. de adult. 671. a. b. Quid inter hos inter sit. ibid. 671. b.
- Papinianus auxit & locupletauit ius civile, hac laus ei ab omnibus tribuitur. 3. r. 134. c. d.
- Papinianus constitutionem Marci & Commodi porrexit etiam ad seruos ea lege donatos quod postea Imper. Alexander comprobauit. 9. r. 447. d. e.
- Papinianus definitiones vocauit regulas iuris & sententias generales i. defin. 619. b.
- Papinianus familiae vinculum vocat patriam patestatem. 10. r. 457. c.
- Papinianus in l. ob hac 20. de his qui not. infam. saltem agit de nudo instigatore. i. r. 13. b. c.
- Papinianus inter fratres mitiore verbo iurgij quam litis uti mauult, tanquam inter vicinos, & inter maritos iurgium potius esse dicatur quam litis. 2. r. 73. c. 74. a.
- Papinianus libros suos Regularum, quomodo inchoauit. 2. definit. 647. d. e.
- Papinianus multa nobis subintelligenda & subaudienda reliquit, & plus habet in recessu, quam in fronte ut est comprehensione rerum breuis. 3. r. 105. d.
- Papinianus. Vide Aemilius Papinianus. Papiniani monumentum. 14. q. 372. d.
- Papiniani epitheta, eiusque laudes & ornamenta quae in proem. qu. 2. a. c. & 3. a. b.
- Papiniani scripta. Vide Scripta Papiniani.
- Papinianistae olim dicebantur auditores iuris, eique festum diem celebrabant, in proem. qu. 3. b. c.
- Paragraphi. Vide Exceptiones.
- qui sibi non parcat, multo minus alij parcat. 14. q. 384. b. c.
- Parentes defuncti excluduntur a liberis, & cur. 29. q. 804. d.
- Parentes lugendi sunt secundum pietatis rationem. 2. q. 30. e.
- Parentes amicissimos & fidelissimos tutores liberis suis eligere debent. 5. respons. 188. a.
- Parentes & liberi lugentur, imo generaliter cognati & agnati. 2. q. 30. e.
- Parentes & liberi petunt possessionem bonorum intra annum, agnati intra 100. dies. 13. q. 354. e.
- Parentes Papiniani, quid eo mortuo inscripserunt monumento. 14. q. 371. e.
- Parentes sunt lugendi annum integrum, non quidem necessario, & a liberis etiam exheredatis vel praeteritis. 2. quaestio. 30. e.
- Parentibus omnibus seruanda vna & aequalis reuerentia est. 12. r. 533. d.
- Parentibus omnibus debetur reuerentia. 5. r. 188. a.
- in re Pari melior est causa possessoris. 7. q. 157. a. b.
- in re Pari ut sit potior causa prohibentis stricta ratio est. 8. q. 169. b.
- Paria sunt haec in iure scire, aut scire debere. 27. q. 686. a.
- Paria sunt, sciens & scire debens. 3. resp. 125. c.
- Paria delicta mutua compensatione tolluntur. 11. q. 288. b. c.
- Paria sunt in iure, siue quis scierit, siue scire posuerit, & idem esse posse & debere scire. 9. q. 210. d.
- Paries directus quid est. 7. q. 158. c. d.
- Paries intergerinus est, qui duo aedificia discernit. 7. q. 156. c.
- Parricida fuit Antoninus Caracalla, cuius iussu Papinianus est occisus, dum parricidium excusare volebat. i. q. 16. a.
- Parricidium (inquit Papinianus ad Anton. Caracallam) non tam facile excusatur, quam fit. i. q. 36. a. Alterum parricidium est, accusare innocentem occisum. ibid. 16. a.
- Pars Aedium maxima est solum. 9. resp. 391. a.
- Pars domus an sint Ratuae affixae. 7. resp. 319. c.
- Pars est aedium porthyrus. 310. e.
- Pars non est genus vel generale vel speciale. 17. q. 461. a.
- Pars iuris est iudicatum. 15. q. 404. d.
- Pars iurisdictionis mandari potest. i. qu. 5. d. e.
- Partem qui improbat, non statim & totum improbat. 6. r. 269. d. e.
- qui Partem suam soluit, an recte conueniatur in partem residuam. 3. r. 137. a.
- inter Partem simpliciter legatum, & hominem simpliciter legatum differentia Papiniani quae. 17. qu. 458. a. & 460. a. aliud est contineri, aliud consistere. ibid. 460. b.
- inter totum & genus, & inter partem & speciem differentia quae. 17. quaestio. 461. a.
- qui Partem aufert heredi scripto an pro ea parte legatariis teneatur. 8. r. 359. b. c.
- Parte principali quod constet, & parte secundaria constet, 29. q. 784. b.
- a Parte ad totum valet argumentum, a toto ad partem non valet. 7. q. 160. b. c.
- Partes domus tantum sunt solum & superficies. 23. q. 637. e.
- inter Partes alicuius rei & ornamenta & instrumenta, differentia quae est. 7. resp. 319. c.
- Partium permutatio, rerum comunione discernit. 8. r. 338. c.
- Partiarum coloni vnde dicti. 3. r. 93. c.
- Particula duntaxat, denotat exclusionem. 2. resp. 66. d.
- quot Partus gignere potest mulier. 16. qu. 416. a.
- Partus ancillarum & fructus praediorum in quo differunt. 19. q. 564. d. e.
- Partus ancillarum intelligitur emptus ancilla empti. 8. r. 347. a.
- Partus ancillarum dotium dicuntur esse portio dotis. 8. r. 347. c.
- Partus ancillae hodie non est in fructu. 4. r. 167. a.
- Partus ancillarum in fructibus vel redditibus non computantur. 9. r. 426. d.
- Partus hominis non intelliguntur in fructu esse. 7. r. 226. e.
- Partus sequitur ius fructuum, licet non sit in fructibus. 9. r. 427. a.
- Partus nondum editus non recte dicitur esse pars ancillae. 19. q. 564. c.
- Partus antequam edatur est portio mulieris. 19. q. 565. c.
- Partus hodie non est in fructu. ibidem. d.
- Non omnis qui exit vtero, nascitur. ib. 566. a.
- Partus separantur a fructibus. 6. qu. 134. e.
16. quaest. 565. d.
- Partus sequitur matrem, 7. q. 159. d. e.
- Pater in occidenda filia, cur ius praecipuum habeat non maritus. i. de adult. 687. a. b.
- an Pater querelam inofficiosi quam filius praeparauit exequi possit. 5. q. 118. c. d.
- Pater & heres in quo differunt. 27. quaest. 687. d.
- an Pater filio exheredato potest agere iniuriarum suo nomine. 5. q. 118. d.
- an Pater ob res amotas de peculio teneatur. 11. q. 706. a. b.
- an Pater praeteritis a filio emancipato admittatur ad querelam inofficiosi post liberos. 14. q. 371. e.
- Pater dotem a nuru acceptam, an filio exheredato recte legat. 18. q. 487. e. quem onus matrimonij sequitur, eum & dos sequi debet. 18. q. 488. b.
- Pater dotem quam semel filiafam constituit, ei auferre vel minuire non potest, nisi vno casu. 14. q. 388. e.
- Paterno amor nullus est, similis, nullus maior affectus. 11. q. 311. a.
- Pater nomine filij querelam inofficiosi instituire non potest, inuito filio, secus in aliis actionibus. 5. q. 117. c. 118. a.
- Pater ob tutelam gestam a filiofam, an teneatur de peculio, & de in rem verso. 9. q. 241. c.
- Pater si consentit, valet. ibid. 241. d. e. Si vero non consentit. ibid. 242. a. b.
- si Pater dedit filiae mandatum querendi, mariti, & ita iunxit sibi aliquem matrimonio, an nuptiis consensisse videtur. 4. r. 154. b.
- si Pater, vel quis alius qui viro dotem promisit pro milite, non promiserit quoque vsuras, an vsurae dotis viro debeantur. 4. r. 162. b.
- Pater & filius in quo differunt in querela inofficiosi. 14. q. 372. e. 373. a.
- Pater quando filium emancipare cogitur & quando non. 11. q. 321. a.
- Pater an in iustitia actione tenetur, si pro filio fideiussit apud creditorem, qui filio in iustitia mercium causa credidit. 3. r. 110. c. d.
- Pater debet dotem filiae tanquam res alienum. 4. r. 163. b.
- Pater & filius in iure pro vna persona habentur. i. re. 31. c.
- Pater & maritus ius aequale habent in accusatione adulterij, quo ad extraneos, inter se vero non. i. de adulter. 686. a.
- marito postponitur in accusatione adulterij. ibidem.
- Pater ex contractu filij, quem tabernae proposuit, tenetur. 3. re. 110. c.
- Pater inter filios si aliquid indiuisum reliquit, quomodo id inter eos diuidendum. 2. re. 72. a. b. Hac quaestio qualis. 2. r. 73. a.
- Pater magistratui vel decurionatui filiofam. non consentiens, vtrum obligetur pro filio, in id quod Reip. abest. i. r. 35. b. c.
- Pater, qui filio creato decurione appellat, num causam ad se pertinere ostendat. i. r. ibidem.
- Pater seruum suum recte manumittit non tantum per filiumfamil. sed & per filium emancipatum. 5. r. 188. c. d.
- Pater tutorem testamento dare matrem num possit. 2. r. 52. c.
- Patris ius, quod est ius fructuarij, maius est, quam ius heredis onerati fideicommissio. 9. r. 422. b.
- Patris ius est perpetuum, ius vero heredis plerumque temporarium. 9. re. 422. b. c.
- Patris adoptiui finita potestate, nullum ex pristino vestigium retinetur. 36. q. 831. d. e. Quae differentia est inter adoptiuum & naturalem filium. 36. q. 831. d. e.



# in Quæstion. & Respons. Papin.

Patris consensus in nuptiis. Vide Consensus patris,  
 Patris taciturnitas pro voluntate habetur. 9. q. 24. l. a. & quando non ibid.  
 Patris naturalis origo patriam facit. l. re. 30. c.  
 Patris iudicium in datione Tutoris, Vide Iudicium patris.  
 Patris electio quandoque pro satisfactione est, 9. r. 435. a. b.  
 Patris scientia. Vide Scientia.  
 Patris scientia & patientia in nuptiis exigitur, 10. q. 268. c.  
 Patris victoria filio exheredato prodest & quomodo. l. r. 58. b.  
 Patri vel domino heredis instituti aut legatarii fideicommissi potest. 8. quæstio. 224. d. legari non, ibid.  
 Patri ferrum dedit lex Julia adulterii tantum ulciscendi causa, non stupri. l. de adult. 687. a.  
 Patri nota aspersa, non pertingit liberos. 4. re. 149. c.  
 Patri potestatem facit. (Lex Julia, de adulter.) cum adultero occidendi filiam, quâ in potestate habet, 4. r. 171. d. c.  
 Patri vel domino heredis instituti aut legatarii fideicommissi potest. 9. q. 224. d. Legari vero non, ibidem. 2. 4. c.  
 Patri cur liceat filiam deprehensam in adulterio occidere, non marito, 36. quæst. 741. d.  
 Patrem ad filii bona tantum miserationis ratio, filium vero ad patris hereditatem commune votum vocat vel solatii ratio, 14. q. 372. c.  
 à Patre vel domino heredis legari, aut fideicommissi non potest, 9. q. 224. c.  
 an à Patre, qui hereditatem vel legatum acquisivit per filiumfamil. per seruum iure potestatis fideicommissum relinqui possit, 9. q. 227. c. d.  
 Patres ciuitatum olim habebant curâ operum publicorum omnium. lib. εὐνομήν 706. a.  
 Paterna hereditate decidere eos qui patris interfecti necem non vindicant. 15. ref. 584. b.  
 de Paternis nominibus quid obseruandum. 5. resp. 189. d.  
 Patientia in seruitutibus est pro traditione. 29. q. 809. c. 810. a.  
 Patria domicilii in iure magis spectatur, quam originis, 24. q. 662. d. c.  
 Patria potestas in pietate consistit. 11. qu. 322. b. c.  
 Patria à patre dicitur non à matre. l. resp. 29. c.  
 Patria à patre ducitur, & sicut pater alius est, & ciuili adoptato, ita patria ipsi duplex, l. r. 24. b.  
 Patria dicitur à patre & non à matre, excepto speciali priuilegio dato, l. r. 29. c.  
 Versus Poëtâ Virgilii hic qui. ibid. 29. c.  
 Patria non est omne natale solum, sed naturale solum patris, l. r. 27. d. c.  
 Patria potestas est inæstimabilis, & res sancta, 9. r. 449. a.  
 Patria communis est Roma. 24. quæstion. 662. b. c.  
 Patriæ potestatis vinculum. Vide Vinculum.  
 Patrimonium quotuplex est. 10. quæstio. 263. d.  
 Patrimonium filiarum statim fit, quod ei in dotem datur, 2. r. 67. b. c.  
 Patrimonium mulierum olim consistebat in dotibus, 3. r. 101. d.  
 Patrimonium quod in corpus versum est, id non diminui videtur, 8. r. 327. d.  
 quod in corpus Patrimonii retinetur, non videtur absumptum, 20. q. 606. d. c. & seq.  
 in Patrimonio nostro est militia, sicut & feudum, & emi potest, 13. q. 370. c. d.  
 duo Patrimonia vnius hominis non sunt,

3. q. 78. d. c.  
 Patronatus iura quæ, 12. q. 326. c.  
 Patronatus ius. Vide Ius patronatus.  
 Patronus si libertum criminis capitalis reu fecerit apud præsidem, & libertus præsidem aliquoties interpellat, veniam non precatus, an videatur in edictum prætoris committere, quod sine venia sepius eum interpellat, l. r. 7. c. d.  
 Patronus liberti impuberis est tutor legitimus, 11. q. 314. b.  
 Patronus præteritus & filius præteritus in quo differunt, 12. q. 335. a.  
 vt Patronus vtrum quis veniat, an vt patroni filius, quæ est differentia. 13. quæ. 365. c.  
 Patronus. Vide Libertus.  
 Patrono legatum relictum fideicommissio onerari potest, 12. q. 335. d.  
 Patruus est agnatus, & tamen non est suus. 29. q. 803. c. 804. a.  
 Patruus meus mihi agnatus & cognatus est, auunculus tantum cognatus est, non agnatus, 6. r. 675. e.  
 Pauliana actio. Vide Vtilis.  
 plus Peccat qui facit, quam qui non facit. 5. r. 199. d. c.  
 Peculatus crimen tantum intenditur in furem pecuniæ publicæ populi Romani. l. r. 15. d.  
 Peculatus ex lege Julia, olim tantum erat de pecunia populi Romani, postea eam legem Imperatores ad cuiuscumque ciuitatis pecuniam porrexerunt. l. r. 15. e. 16. a.  
 Peculatus, Lex 4. § vlt. D. ad leg. Iul. peculatus. & Lex 81. D. de furt. plane diuersa proponunt, & non contraria. l. re. 15. e. 16. a.  
 Peculium pagani & castrense in quo differunt, 14. q. 388. c. d. c.  
 Peculium pagani est quasi patrimonium 14. q. 388. c.  
 Peculium pagani & castrense in quo differunt 35. q. 830. a. b.  
 in Peculium vel in dotem si quid filiarumfamil. detur, quid interest, 2. r. 67. b.  
 Peculium morte filiarumfamil. extinguitur. 11. q. 308. b. c.  
 Peculium accessionem & decessionem recipit. 16. q. 420. a.  
 Peculium castrense vel quasi castrense filii familias habent. 9. r. 406. a. b.  
 Peculium aliud est, aliud merx peculiaris. 9. q. 213. c.  
 Peculium intelligitur deducto eo quod domino debetur, 9. q. 213. c. d.  
 inter Peculium pagani & peculium castrense quæ est notanda differentia. 14. q. 388. c. d. c.  
 Peculium castrense. Vide Castrense peculium.  
 Peculium est quasi patrimonium serui. 2. r. 86. a.  
 Peculium filii profectitium est, res patris, est in eius patrimonio, 3. r. 175. c.  
 Peculium mulieris est res extra dotem. 12. re. 533. c. vt parapherna, ibidem.  
 Peculium non sequitur legatum aut venditum seruum nisi nominatim legetur. 2. r. 73. c.  
 Peculium quod filiarum datur interdum ei à patre auferri potest, & quando. 2. re. 67. c.  
 Hoc ab heredibus peti non potest, sed retineri, & cur, 2. r. 67. c.  
 Peculio legato an seruus peculiaris continetur, 7. r. 307. c. d.  
 Peculii nomine quid seu quantum pater, idemque heres testatori suo debuerit, & quo tempore spectamus, quantum in peculio fuerit, 9. q. 203. b. c.  
 Peculii nomen in iure vbi est, semper ad est nodus vel scrupulus aliquis. 9. quæst. 200. b. c.  
 de Peculio actio. Vide Actio de peculio.

Pecunia certa legata non corpora nummorum spectantur sed quantitas. 7. respons. 312. b.  
 in Peculio quod tempus spectandum sit, an tempus mortis, vel aditionis. 9. quæ. 204. c. 205. a.  
 de Peculio an pater teneatur ob res amotas, 11. q. 307. d. c.  
 de Peculio quod dat heredi statuliber, imputatur in Falcidiam, 2. r. 83. e.  
 in Peculio si diminutum sit, tempus mortis spectatur, si vero augmentum, tempus aditionis, 9. q. 204. c.  
 de Peculio agit, qui agit de in rem verso, sed non contra, 9. q. 242. d.  
 de Peculio si agatur stricto iudicio, & nihil sit in eo rei iudicata tempore, an dominus de futuro peculii incremento cauere debet, 11. q. 279. b.  
 Pecunia non semper fungitur vice pretii, sed etiam mercis. 2. q. 44. c. d. Item nummi interdum merces sunt, ibid. 44. d.  
 Pecunia sola est in obligatione vel praestatione, 2. q. 61. e.  
 Pecunia valet quantitate, non corpore & substantia, 8. q. 189. a.  
 Pecuniæ depositio significat sistere usuram 2. r. 76. c. d.  
 Pecunia legata pro dote an mulieri debeatur morte mariti, soluto matrimonio. 7. r. 304. c. d.  
 Pecunia cum dicitur nautica, traiecitia, vel maritima, ea intelligitur, quæ periculo fœneratoris mutuo datur, 3. r. 129. c. d.  
 Pecunia naturaliter pecuniam non generat, 3. r. 93. d.  
 Pecunia petitur ab eo, cui credita est, quâuis illa ad alium aliquo modo peruenerit. 3. r. 120. b.  
 Hoc ius tantum in argentariis sociis consuetudine receptum est, ibid. 120. c.  
 eius Pecuniæ, quæ ex Italia est traiecta in prouinciam, an periculum pertineat ad tutorem, postea constitutum rebus Italicis, 5. r. 197. d. c.  
 Pecuniæ depositæ usus non est, sed custodia tantum, 9. q. 215. c.  
 Pecuniæ creditæ actio utilis datur militi sine cessione, 3. r. 94. c. 95. a.  
 Pecuniæ creditæ usuræ non debentur ex pacto nudo sine stipulatione. 3. respons. 143. b.  
 Pecuniæ constitutæ causa. Vide Causa constitutæ pecuniæ.  
 Pecuniæ creditæ & conditionis indebiti eadem est ratio, 3. r. 102. c.  
 Pecuniæ studiosi non sunt veri Philosophi, l. r. 39. b.  
 Pecuniæ depositæ usuræ etiam ex pacto nudo debentur, 3. r. 143. b. c.  
 Pecuniæ legatum difficilius adimitur, quâ legatum prædii, 9. r. 399. d.  
 Pecuniam mutuam vnus ex sociis qui accipit, an ex ea causa alter socius sit obligatus, 3. r. 120. a.  
 Pecuniam mutuam qui credidit suo periculo, non potest sibi pacisci infinitas usuræ, sed usuram centesimam tantum ex constit. Iusti. 3. r. 129. c. opinio Accursii de 12. mense exploditur. ibid. 130. hodie secus. 131. b.  
 is cuius Pecunia domus empta est, an habeat in ea domo tacitam hypothecam. 10. r. 454. c. 455. a.  
 quid de pupilli Pecunia ex constit. D. Seueri & Antonini, 10. r. 455. b.  
 Pecunia quasi debita pupillo, soluta per errorem tutori, nomine pupilli, quid sit 3. r. 102. c. 103. a.  
 in Pecunia apud argentarios deposita, quæ ratio habetur eorum post priuilegia, & quæ ante priuilegia, 9. q. 214. b. c.  
 Pecunias communes si socius locauit suo nomine, & usuras percepit, an de hisce tenebitur. 6. q. 130. d.



# Index rerum ac verborum.

- Pecora scerorandi fundi causa parata, debentur instrumento fundi legato.** 2. resp. 69. b
- Pecus quod in fundo est an debeat in instrumento fundi legato,** 2. r. 68. c
- Pedagogi.** 16. q. 420. c
- Pedilequi.** 16. q. 420. c
- Pegasi sententia quando locus est, quando Sabini.** 2. q. 62. d. c
- Pegasi & Sabini opinionum differentia, à Papiniano composita.** 2. q. 62. c
- Peierare, est perperam iurare.** 12. quaest. 347. a
- Pensio vtrum sit diuidenda inter proprietarium & fructuarium, pro rata anni, an heredi fructuarij debeat integra,** 11. q. 300. e
- Pensio praediorum rusticorum etiam pro fructibus accipitur.** 9. r. 416. d
- Pensionis remissio colono interdum datur propter sterilitatem anni.** 4. r. 186. d. c
- an Pensiones sint in fructu vibanorum praediorum, sicut rusticorum.** 11. quaest. 299. b. c
- Pensiones praediorum rusticorum & vrbano- rum, an pro fructibus accipiantur.** 9. r. 416. d.
- Penus est, quidquid esui aut potui conducit, quod & cellarium dicitur, & cellarium.** 2. q. 61. a. b
- Per & ex in quo differunt. Vide Ex.**
- Per se suo nomine, quod quis non potest multo minus per alium.** 2. r. 56. a. b
- Perceptio est iuris, retentio est facti.** 12. q. 554. a
- Perdifficilia sunt habenda perinde ac si effici non possint.** 16. q. 411. c
- ante Perduellionis crimen contractum donationes facta.** 12. r. 536. d
- Perduellionis reus. Vide Reus perduellionis.**
- Peremptoria actio opponi debet ante & post litem contestatam.** 2. r. 78. c. d
- Perficere emptionem aliud est, aliud implere.** 10. q. 250. c
- Perficere an id teneatur, quod quis facere coepit Reipublica causa.** 8. r. 389. d
- Periculum id est casum maiorem praestare non teneat inspector.** 8. q. 180. d. c
- Periculum litis ad legatarium non pertinet. Vide Litis periculum. Quando ad legatarium pertinet.** ibid.
- Perfusorie loquitur, qui rem totam non aperit, sed reticet aliquid.** 5. q. 108. a
- Periculum creditae pecuniae regulariter ad debitorem pertinet qui mutuam pecuniam accepit.** 3. r. 129. b
- Periculum nominati successoris vtrum fideiussorem nominantis obliget.** 1. resp. 31. e
- Periculum nominum ad quem proprie pertinet.** 9. r. 415. c. d
- Periculum rerum aestimatarum pertinet ad virum, etiam si atterantur vsu vxoris.** 4. r. 166. c. d
- Periculum rerum per fideicommissum relictarum ex tempore mortis, an pertineat ad heredem frustratorem.** 9. r. 393. d. c
- Periculosa est omnis definitio. in princip. quaest. 3. c. & 4. a**
- Periculosa iuris regula.** 27. q. 689. c. 690. a
- Periculosa sunt omnes sententiae iuris.** 27. q. 690. c
- si quid Perierit ex dolo communi vel lata culpa, quae proxima semper dolo est, quid statuendum. Item, si quid culpa leui, aut leuissima perierit.** 2. q. 35. c. d
- si res Perierit ante venditionem, an venditio consistat, & an contractus ex vtraque parte impleri debeat.** 10. q. 250. d. c
- Periurium à falso in iure separatur.** 8. q. 185. a. b
- Periurium est plusquam falsum.** 8. quaest. 185. b
- Periurij nulla est poena.** ibid.
- ex Periurio an crimen stellionatus contrahatur.** 8. q. 185. b
- Periti est habere in promptu regulas & definitiones rerum & nominum.** 2. quaest. 20. d. c
- Permissum est prouocato, se defendere, vitamque suam & salutem tueri.** 1. resp. 7. c
- Permutatio est similis emptioni.** 28. quaest. 724. e
- Permutationem corpora non recipiunt.** 4. q. 105. a. b
- Permutatio partium rerum communionem discernit.** 8. r. 338. c
- Permutatio temporaria an ius prouinciae immutare possit.** 1. r. 5. d
- Perperam accipere est intercipere: & perperam iurare est peierare.** 12. q. 347. a
- Perpetuum dicitur tantum comparatione temporarij, generale vero comparatione specialis vel singularis.** 8. r. 360. d. c
- Perpetuum praetoris edictum fecit lex Cornelia.** ibid.
- Persecutio quid est.** 1. defin. 646. c
- Persecutio dicitur tantum de extraordinariis actionibus.** 1. defin. 646. c.
- Persecutio rei est extra poenam.** 12. quaest. 340. d
- Persecutio est extraordinaria, actio est in personam, & petitio est in rem.** 28. q. 761. b. c
- in Persecutione & distractione fundi Tulliani duobus obligati, an posteriori prior potior sit.** 11. r. 485. a
- Persecutio passim in iure executio dicitur.** 1. defin. 646. d. e
- an Persecutio fideicommissi competit familiae, quod extero fundus sit alienatus.** 19. q. 555. b
- Personae ius potest esse qualibet seruitus.** 2. r. 70. c
- in personam sit mora, non in rem.** 2. q. 48. c. & 27. q. 703. c. Vide Mora.
- in Personam actio. Vide Actio in personam.**
- Personales seruitutes. Vide Seruitus.**
- Personalia obsequia qui soluunt, item qui patrimonialia.** 1. r. 23. d
- Pertica tristis dicitur à Propertio, distractio bonorum patris sub hasta praconis.** 9. q. 200. d
- Pertinere, Verbum. Vide Peruenire.**
- Peruenire & pertinere & eorum verborum varia significatio.** 19. q. 568. b
- Peto, volo, rogo, mando, haec verba sunt precaria non directa.** 19. q. 528. c. & 529. a
- male Petere in libris nostris, est plus petere summa, causa, tempore vel loco.** 3. q. 79. a
- Petere plus. Vide Plus petere.**
- quod Peti potest id tantum proprie debetur.** 18. q. 513. d
- an Peti statim potest, quod statim debetur.** 1. defin. 644. b
- quod Peti potest, an potest compensari.** 20. q. 595. c. d
- Petitio quid est.** 1. defin. 646. b
- Petitio hereditatis. Vide Hereditatis petitio.**
- Petitio inferitur in rem, quae & petitoria actio dicitur, & actio in rem, vel in personam.** 1. defin. 646. b
- Petitio cui datur, multo magis retentio.** 19. q. 561. e
- Petitio est in rem, actio in personam, persecutio est extraordinaria.** 28. q. 761. b
- Petitio hereditatis aduersus quem datur.** 6. q. 124. c. 125. a
- Petitio hereditatis ad heredem non transmittitur, nisi adita sit hereditas.** 14. q. 376. d. Modi acquirendae hereditatis sunt, vt aditio, cretio, Petitio bonorum possessionis. ibid. 376. c
- Petitio improba est, quam intendit heres contra iudicium defuncti,** 27. q. 713. c
- Petitio & litis contestatio idem est in iure.** 9. q. 197. c
- Petitio hereditatis est actio bonae fidei.** 2. r. 63. b
- Petitio non est legati, quod nominatim non debetur, retentio tamen eius est.** 2. r. 67. c
- Petitionis vel hereditatis dies. Vide hereditatis dies.**
- Petitioni improbae opponitur exceptio doli mali.** 27. q. 713. c
- Petitionem suspendit conditio.** 1. defin. 644. b. à Mora non suspenditur. ibid.
- inter Petitionem hereditatis, & conditionem differentia quae.** 2. r. 63. b
- Petitionem is non habet qui tantum retentionem habet.** 6. r. 170. b. c
- Petitione sortis cessante, cessat quoque vfurarium petitio.** 4. r. 170. c. d
- in Petitione & obligatione est, quod est in conditione.** 2. q. 64. c
- in Petitione est fideicommissum, non in vindicatione.** 8. q. 501. e
- quae sunt in Petitionibus, actionibus & persecutionibus, in ea bonis connumerantur.** 1. defin. 649. d
- Petitor & possessor an possint conueniri inter se à creditoribus hereditariis.** 3. q. 76. r
- Petitor hereditatis, an res singulas vindicare potuerit.** 3. q. 76. c. d
- Petitor in iure quis dicitur.** 3. q. 76. c. d
- Petitor hereditatis an poterit actionibus vtique, quamdiu litem non contestatur.** 3. q. 76. c. d
- Petitoris causa, quando melior est & durior quam causa possessoris.** 11. quaest. 285. a
- Petitoria actio.** 1. defin. 646. b
- Philosophi à quibus mulieribus excusentur, & à quibus non.** 1. r. 39. a. b
- veri Philosophi pecuniae studiosi non sunt & cur.** ibid. 39. b
- Philosophi differentiam faciunt inter totum & omne, dicentes totum quantitatatis nomen esse, & in singulis agnoscere, omne vero numeri, & in multis.** 9. q. 232. c
- Philosophorum differentia quae est inter totum & omne.** 9. q. 232. c
- Pietas exigit luctum ab omni cognatione & agnatione.** 2. q. 30. c. 31. a. lex non est, nisi coniuncta sit necessitati. ibid. 31. a
- Pietas paterni nominis exigit dotem filiae constitui.** 37. q. 810. d
- Pietatis vocabulum gratius est, quam potestatis.** 11. q. 321. b. c
- Pignus non mutatur nec perimitur vfucapione.** 23. q. 656. d. c
- Pignus rei alienae non est.** 11. r. 475. c. 476. a
- Pignus an liberetur principali reo deportato.** 9. q. 233. c. 234. a
- Pignus praetorium à conuentionali quid differt.** 10. r. 468. c. Quando inter se conueniunt. ibid. 468. c. 469. a
- Pignus vendere non cogitur creditor iniustus.** 3. r. 109. a
- Pignus & fideiussorem qui accepit, quando pignus, & quando fideiussorem conuenire potest.** 3. r. 138. d. e
- Pignus venditum à primo creditore etiam secundi creditoris pignus perimit, consentiendo autem vendenti debitori, pignus secundi non perimit.** 3. r. 128. e
- Pignus vel vfusfructus non perimitur nec mutatur vfucapione.** 23. q. 656. d. c
- Pignus vel vfusfructus non mutat rei dominium.** 20. q. 582. b. c. & 23. q. 656. e
- Pignus praetorium constituitur quando creditores mittuntur in possessionem bonorum debitoris.** 12. r. 542. a
- Pignus contrahitur non tantum traditione, sed etiam nuda conuentione.** 8. q. 181. c. d
- Pignus obligatione praecedere potest, sicut fideiussio.** 8. q. 183. b. c



# Index rerum & verborum

- creditor primus vendendo Pignus etiam secundi creditoris pignus perimit, consentiendo autem vendenti debitori, pignus secundi non perimit. 3. r. 129. a
- Pignus quod alij vendi nequit, inutile est. 20. q. 581. a
- Pignus rei alienae non valet, conualefcit tamen acquisitione dominij. 3. quaest. 88. a. 28. q. 582. d
- Pignus semper manet in dominio debitoris. 3. r. 106. a. b
- Pignus rerum mobilium triennij praescriptio perimit. 11. r. 480. c. 481. a
- an Pignus teneatur in vfuras vfuratum, quas priori creditori soluit debitor. 3. r. 147. c. d
- si Pignus venditum sit à creditore suo iure, & debitor ab eo minus emerit, quid. 3. r. 104. b. c
- Pignus surreptum creditori, actionem furti habet aduersus extraneum, & aduersus debitorem dominium rei furtiuae. 9. q. 236. b. c
- Pignus à creditore alij creditori suo pignori obligari potest. 3. r. 105. d. c. Ratio huius quæ. ibid. c
- Pignus inane est, cuius nulla est actio. 11. r. 480. c. 481. a
- Pignus rei alienae est nullum. 11. respons. 48. a. b
- Pignus subreptum à debitore. Vide debitor.
- Pignoris causa est indiuidua. 8. quaest. 185. d. c
- Pignoris causa inaequalis, inaequalem imputationem exigit. 11. r. 518. c. 519. a
- Pignoris iure potior erit, qui est tempore prior. 8. q. 181. c. 182. a
- Pignoris causa dominium non mutat. 11. r. 510. a
- Pignoris ius in fundo firmitus est, quam in fructibus. 11. r. 481. b
- Pignoris datio intercessionem facit. 11. r. 684. b
- Pignoris causa est indiuidua. 3. r. 104. a. b
- Pignoris summa quæ dicitur. 9. q. 237. c. d
- an pignoris iure, re cuius, possit vterque heredum conueniri ab emptore ex stipulatione interposita nomine cuiusvis. 8. q. 186. a. b
- Pignoris cautio est missio in possessionem seu in bona, & omnibus creditoribus prodest. 12. r. 542. a. b
- Pignoris in venditione, quæ sit ex pacto, creditor suum negotium gerit, non debitoris. 3. r. 108. b
- in Pignoris vindicatione, quis praferatur priuilegio temporis. 8. q. 182. a
- à Pignoris actione non recedit inuitus quam habet in venditionem pignoris. 3. r. 108. a
- Pignoris venditione, perimitur pignoris causa, iure creditoris facta. 2. r. 74. d. c
- Pignoris obligationem confusio non tollit. 37. q. 853. 854
- Pignoris remissio non est donatio. 26. q. 671. c
- Pignoris ius non potest quæri vfucapione, nec ius vfusfructus, nec ius seruutis, nec ius hereditatis. 23. q. 657. b
- Pignoris ius. Vide Ius pignoris.
- Pignori obligare solius domini est. 11. resp. 476. b
- Pignori obligari potest vfusfructus tam à proprietario quam ab vfusfructuario. 11. r. 524. c. d
- Pignori vel fiduciæ dari non potest liber homo. 2. defin. 667. b. c
- Pignori accepta praedia non continentur legato accipiorum. 7. r. 309. a. b
- Pignori mihi esse non potest res mea. 11. r. 482. d
- in Pignore plus cautionis est, quam in persona. 11. r. 488. d
- in Pignore, quod filius emit ex re patris, patris iure bonorum possessionis contra tabulas, an habeat patrem dominij, quaeritur. 3. r. 105. c. 106. a. Ratio quæ. 3. r. 106. a. b
- Pignora quæ creditor elegit, non autem mandantem, si minoris ea pignora distrahatur, an possit reliquum, quod credito deest, à mandatore petere. 3. r. 107. c
- Pignora liberantur & hypotheca nouatione voluntaria, secus necessaria. 3. resp. 242. a. b
- Pignora si non sufficiunt vtrique, an ius omnium pignorum primum pertineat ad venditorem, an vero ad eum tantum prout illius anni ferat ex pensionibus pignorum. ibid. 107. c
- Pignora curatoris an capi possint. 3. resp. 204. c. 205. a
- Pignora & hypotheca liberantur voluntaria nouatione facta, non etiam necessaria. 3. r. 140. a. b
- Pignoratitia actio quomodo debitori detur. 3. r. 140. a. b
- Placitum principis lex est. 1. r. 20. b
- Plautus dicit modo soluere, modo rem soluere, sic DD. aiunt rem prestare, & represtare, id est, soluere. 9. q. 240. b
- Pleraque palam licent quæ clam non licent, 2. de adult. 495. d. c. qui errat, non contemnitur. ibid. & seq.
- Pleraque ex continenti licent, quæ non licent post temporis tractum. 5. quaest. 120. a
- Pleraque sunt generaliter vera, quæ sumpra specialiter falsa sunt, & contra. 17. q. 462. a. Quid est abstulisse litis estimationem. 17. q. 465. c
- Plerumque quodcumque peti potest, etiam compensari potest. 20. q. 595. c. d. Aliquando & quæ peti non possunt saltem compensari possunt. ibid. d. Quandoque ea quæ peti possunt, compensari nequeunt. ibid. 595. d
- sub Pluratiuo numero, si sine liberis testator etiam singularem comprehendit, quod & vsus loquendi admittit. 8. resp. 378. c
- Plus iuris nemo in alium transferre potest, quam quod habeat. 1. q. 7. c
- Plus cautionis est in re, quam in persona. 12. q. 342. b
- Plus est donare habitationem quam locare. 1. q. 515. a. b
- Plus est esse dominum quam patrem. 15. q. 410. d
- Plus est exigere quam agere. 19. question. 563. c
- Plus est inducere nomen heredis quam delere. 16. q. 428. b
- Plus est facere quam dicere. 16. question. 428. b
- Plus est in re, quam in opinione. 19. quaest. 528. b
- Plus petitur multis modis, & qui sunt hi modi. 3. q. 79. a. & 27. q. 698. c
- Plus petitur pluribus modis & quibus. 3. q. 78. c. 79. a
- non Plus debet esse in stipulatione, quæ nouat causam emptionis, quam in iudicio empti, minus potest esse. 27. q. 687. c
- Plus habitationi inesse videtur, quam vsui nudo. 18. q. 515. b. c
- Plus petere videtur qui praenature petit. 27. q. 698. c
- Plus actum, minus dictum intelligitur. 4. r. 170. c
- Plus est cautionis & securitatis in re seu pignore, quam in persona. 11. r. 488. d
- Plus est in ære alieno, quam in quaestu. 7. r. 288. c
- Plus peccat qui facit, quam qui non facit. 5. r. 199. c
- Plures fideiussores vnius tutoris beneficium diuisionis non habent. 12. q. 330. d
- excepto vno casu. ibid. 330. a. ratio differentiae quæ. 330. c. 331. a
- Plures Tutores pupillo dati beneficium diuisionis habent exceptis quibusdam casibus. 12. q. 330. a. ratio differentiae quæ. ibid. 330. d. e
- Pœna operis publici. 19. r. 603. a
- Pœna actionis furti est mera pœna, non commixta rei persecutioni, persecutio rei est extra pœnam. 12. q. 341. d
- Pœna capitis quæ est. 1. q. 15. c
- Pœna maior & minor in quo differunt. 1. r. 21. c
- Pœna infamiae an sit executrix sola Lex. 1. r. 22. b. c
- Pœna solius legis est iure ordinario, damnatio vero iudicis est. 1. r. 20. c
- Pœna à iudice mitior indicta ei, cui lex grauiorem pœnam infligit, an is infamia notetur. 1. r. 20. d. c
- Pœna augetur refugæ pœnae. 1. respons. 21. b
- Pœna legitima est falsi, periurij, vero nulla. 8. q. 185. a
- Pœna L. Jul. infames scemina non tenentur. 2. de adult. 690. b. c
- Pœna priuatorum aut publicorum iudiciorum, ex maleficiis ortorum, qualis est. 1. r. 16. d
- Pœna stellionatus non est legitima nec crimen ordinarium. 1. r. 16. b. c
- Pœna criminibus non imponitur arbitrio iudicis, sed lege constituitur. 1. respons. 21. c. & 22. a
- Pœna fiscalis est post creditores. 10. resp. 471. d
- Pœna irrogatur lege, multa vero extra ordinem. 11. q. 290. d
- Pœna non est exasperanda, sed potius minuenda. 2. q. 24. c. 25. a
- Pœna quæ semel est pensata, nusquam restituitur. 11. q. 305. d
- Pœna semel commissæ emendari non potest. 10. q. 246. c
- Pœna semel soluta repeti non potest. 10. q. 246. c
- Pœna vnius non debet esse praemium alterius. 16. q. 431. b
- Pœna similis vtroque comitari debet, quos par facinus coinquinat & æquat. 1. r. 23. c. 24. a
- Pœnae irrogatio est legis, non iurisdictionis. 2. q. 26. c
- Pœna obnoxia non est fati celeritas, sed conscientia criminis. 14. q. 383. d
- à Pœnae causa separatur causa restitutionis. 2. r. 91. a
- Pœnae serui qui sunt, 1. q. 15. c. 16. a
- ad Pœnam mediocrem quandoque iudicij perducit, miseratio sexus vel rusticitatis, vel ætatis. 19. q. 517. a
- Pœnam rurem sequi crimen turpe equum est. 1. r. 20. a
- Pœnam moræ suæ quilibet sufferat. 9. r. 402. c. 403. a
- an Pœnam restituere ei cogitur, qui pœna semel functus est, legatarius cuius legatum interiit. 9. q. 238. c
- in Pœnam S. C. Turpilliani an incidat is qui accusationem extraordinariam deseruit. 1. r. 34. c. 35. a
- inter Pœnam & multam differentia quæ. 1. q. 14. c
- Pœnam legitimam iudex nec augere nec minuire potest. 1. r. 22. a. b
- Pœnam infamiae quis exequitur. 1. resp. 22. b
- Pœna grauiore videtur, cum reo transactum de fama. 1. r. 21. a
- in Pœna separari non debent, qui in culpa iunguntur. 1. r. 23. c
- an Pœna fisco debeatur ex cont. tu priuati. 2. r. 55. d. c
- Pœna aut crimine ius naturale neminem



# Index rerum ac verborum

- excusat, si crimen sit atrocius. 19. quæst. 517. a
- in Pœna evitanda quando privilegium vires suas exercet, 5. r. 209. a
- Pœna id tantum plectitur, quod effectum habuit, 7. q. 155. a
- Pœna an eadem sit mandatoris & calumniatoris, eademque infamia, sicut mandatoris & homicidæ, 1. r. 13. c
- Pœnæ omnes hodie sunt extraordinariæ. 2. q. 26. d
- Pœnæ interpretatione molliendæ sunt in liberis hominibus, in servis exasperandæ. 19. r. 606. d. c
- Pœnalis stipulatio Vide Stipulatio.
- Pœnitentia & variatio an admittitur, posito verbo extensiuo, volens, 9. q. 199. c
- Pœtæ dantis memoria damnata post mortem. 7. r. 297. a
- Pomœrium & suburbia in quo differunt. 10. q. 251. b
- Pomœrium quid, 1. r. 4. c
- Pontifices vorum incertæ pecuniæ non valere censent, 3. r. 119. d
- de Ponderibus librum scripsit Quintus Remmius Palæmon, 1. de adul. 673. a
- Porca præcidanea quid est. 2. q. 29. c
- Philippus Melanchthon aliquando vsus est hac lege & eam accommodavit moribus suæ patriæ, ibid. 29. c
- Portio virilis est portio fâta, non æqualis. 2. q. 33. d. c
- Portio onerata si accedat onerata, si exhausta exhausta, quid iuris. 29. q. 796. d
- Quid si onerata Portio accedat onerata, quo casu Falcidia intervenit. ibid.
- Portio debita fideicommissio onerari non potest, 12. q. 335. d
- Portio legitima. Vide Legitima,
- Positui iuris querenda ratio non est 36. q. 837. c. 838. a
- Positium ius. Vide Ius positium.
- Posse & debere verba, promiscuè in iure vsurpantur, 3. q. 74. c. d
- Posse & debere scire idem est. 9. quæst. 210. d
- Possessio sine possessione non consistit. 3. q. 70. d
- Possessio sine re quæ est, item possessio cū re quæ, 3. q. 78. a. b
- Possessio acquiritur nobis animo & corpore, 23. q. 644. c. d
- Possessio à quasi possessione quid differt. 3. q. 71. d
- Possessio bonorum Carboniana finitur pubertate. 13. q. 369. a. b. præsumptio Carboniani edicti quæ est. ibid. 369. c
- Possessio bonorum contra tab. habetur iure bonorum possessionis secundum tabulas & e contra, 14. q. 388. a. b
- Possessio parit actionem in rem aduersario, 26. q. 672. c
- Possessio est res incerta, cum sit incorporalis. 27. q. 688. a. incorporalia sunt incerta ibid. 688. a. qui stipulatur rem tradi, nudum factum stipulatur, vacuum possessionem tradi, stipulatur rei causam, ibid.
- Possessio est vsus rei, 3. q. 70. c
- Possessio nuda voluntate amittitur, dominium non item, 9. q. 209. b
- Possessio & possessor bonorum. Vide Bonorum possessor & Bonorum possessio, supra,
- Possessio quando amittitur solo corpore. 23. q. 645. c
- Possessio & vsusfructus differunt. 7. resp. 280. b
- Possessio bonorum contra tabulas. Vide Bonorum possessio,
- Possessio quarundam rerum solo animo nobis acquiritur, 23. q. 644. c. d
- Possessio æstiuorum & hybernorum saltem an nudo animo retineatur. 2. defin. 656. a
- Possessio bonorum aut cum re, aut sine re datur. 6. r. 273. b. Diuus Ambrosius hac de re episc. 9. r. 273. b. c
- Possessio bonorum Carboniana, quæ & qualis, 2. r. 61. c
- Possessio bonorum dominium tribuit. 3. r. 106. b
- Possessio bonorum contra tabul quam patronus accepit an sit cum re, & quomodo. 14. q. 387. d
- Possessio quid distat à dominio. 2. definit. 657. b
- Possessio scienti & volenti acquiritur. 23. q. 643. d. c
- Possessio tantum acquiritur scienti. 23. q. 641. d
- Possessio rerum quid distat à bonorū possessione, 3. q. 71. b
- Possessio vtrum facti an iuris sit. ibid. 7. r. b. cui mandata est iurisdicatio quid distet ab eo qui iudex datur, 1. q. b. c
- Possessio & dominium in quo differunt. 23. q. 644. c. & 7. q. 147. d
- Possessio aliud est, aliud custodia, 26. qu. 570. d. c
- Possessio bonorum per procuratorem peti potest etiam ignorante instituto, & sine eius mandato. 6. r. 260. b
- Possessio domus sola, quæ in aliena ciuitate comparatur, domicilium non facit. 1. r. 27. a. b
- Possessio per procuratorem acquiritur etiā nobis ignorantibus, si eam apprehendit nostro nomine, 2. defin. 658. b
- Possessio quid distat ab obligatione, ibid. 658. d. Obligationes & actiones, an per procuratorem acquiruntur. 2. defin. 658. c
- Possessio rerum donatarum iure constituta est apud donatarios, non apud heredes & cur, 8. r. 332. b. c
- Possessio sola neque ciuem, neque incolā facit, 1. r. 27. a
- Possessio, vt non acquiritur, nisi corpore & animo, ita non amittitur, nisi corpore & animo. 2. defin. 657. b. quid Ioannes glossator sentiat, quem & Græci interpretes sequantur in amittenda possessione, ibid. 657. b
- Possessio per proprietatem permisceri non debet, 26. q. 674. b. c
- Possessio rei non amittitur propter infirmitatem memoriæ, 23. q. 641. c
- Possessio semper amittitur solo animo. 23. q. 645. c. exceptis casibus paucissimis, ib. 645. c
- Possessio bonorum. Vide Bonorum possessio.
- Possessionis vitium. Vide vitium possessionis. 2. defin. 659. b
- Possessionistitulum nemo sibi ipse mutare potest, 6. q. 127. c
- sola ratio Possessionis muneribus ciuilibus iungendis nū idonea sit, citra speciale privilegium à principe datum. 1. r. 26. c. Accurcius de quibus muneribus hac sententiam intelligit, 1. r. 26. c
- Possessionis acquirendæ & domini alia est ratio, & alia ratio amittendæ possessionis & domini, 9. q. 209. b
- Possessionis bonorum petitio, est modus acquirendæ hereditatis, 14. q. 376. c. 377. a
- Possessionis causam nemo sibi ipsi mutare potest, 6. q. 127. c. d. & 26. q. 673. c
- Possessionem non amittit ignorans. 23. qu. 641. c. d
- Possessionem non acquirit ignorans præter quam vno casu, 23. q. 641. c. d
- Possessionem rei mobilis etiam ignorans amittit, 26. q. 669. c
- Possessionem suam ex iure Quiritium nemo vindicare audent in legitimis actionibus, sed ad interdictum venit, vt possideris vel vtrubi. 26. q. 673. b
- Possessionem significat, non proprietatem, qui stipulatur rem tradi. 27. q. 686. d
- Possessionem vacuā tradi & rem tradi in quo differunt, 27. q. 687. c. d
- nulla res est cuius Possessionem quis adipiscatur, nisi concurret corpus & anima. 23. qu. 644. c. d
- an in Possessionem rerum hereditariarum mitti possit filia vna cum fratribus, quæ onerata est, fideicommissio restituenda fratribus portionis suæ hereditariæ. 7. r. 317. b. c
- Possessionem bonorum petunt parentes & liberi intra annum, agnati intra centū dies, 13. q. 354. c
- pro Possessione est dolus, 2. r. 64. a
- in Possessione esse aliud est, aliud possidere, 10. r. 468. c
- sine Possessione non procedit vsucapio. 3. q. 70. a. b. & 13. q. 350. d
- de Possessione interdicta quædam. 8. qu. 168. a
- Possessor iuris est omnis debitor. 6. quæst. 125. a
- Possessor malæ fidei. Vide Malæ fidei possessor.
- Possessor bonæ fidei. Vide Bonæ fidei possessor,
- Possessor bonæ fidei num præstet fructus perceptos ante litis contestationem, & quatenus. 2. r. 62. b. & vtrum vsuras præstet ibid. 62. b
- an Possessor & petitor possint conueniri interim à creditoribus hereditariis. 3. qu. 77. a
- si Possessor bonæ fidei post litem contestatam sine dolo & culpa non possidere deserit, an absoluitur. 12. q. 325. c
- quid dicendum in possessore malæ fidei. ibid. 326. a
- Possessor bonorum loco heredis est. 2. r. 88. a
- Possessor malæ fidei non vsucapit. 23. qu. 650. c
- Possessor bonæ fidei in iure plerumque pro domino habetur, 9. q. 207. c
- Possessor malæ fidei, qui pecuniam non exercuit, cur vsuras non præstet, & tamen bonæ fidei possessor, qui nauem non exercuit, vecturas præstet, 6. q. 130. a
- Possessor malæ fidei tenetur de fructibus percipiendis, de vsuris percipiendis non tenetur, 27. q. 690. d. c
- Possessor bonæ fidei, quos fructus petitori hereditatis restituere tenetur. 2. resp. 60. c
- Possessor ex quonam tempore eorum bonorum fructus fisco restituere debeat, vtrum ex die, quo prior lis mota & contestata est, in qua delator sive accusator fisci nomine non obtinuit, 13. r. 570. b. an ex die acceptæ posterioris litis, in qua accusator obtinuit, ibid. b. c
- Possessoris conditio melior est, quam non possessoris, 6. r. 258. d
- Possessoris bona fides exigitur in vsucapione. 23. q. 650. c
- Possessoris melior causa est in re pari. 7. q. 157. a. b
- Possessore conuento liberatur is, qui possessionem amisit, 128. q. 759. d. c. & seq.
- pro Possessore possidere quis dicitur, & cur, 6. q. 124. d. c
- Possessores bonæ fidei & malæ fidei, in quibus differant, & in quibus non, 15. resp. 583. c. d
- Possessoris causa quando melior est & quando deterior, quam causa petitoris, 11. q. 285. a. b
- qui Possidebat pro herede, cum non esset heres, fundum hereditarium, deiectus est vi de possessione, an heres fundum ab eo recte petit, 6. q. 122. a
- Possessores omnes post litem contestatam sunt prædones, 6. q. 134. d
- Possidere aliud est, aliud in possessione esse, 10. r. 468. c



# in Quæstion. & Respons. Papin.

aliquid Possidere is intelligitur, qui dolo malo Possidere desit. 2. r. 63. c. 64. a  
 Possidere non potest is, qui ab hostibus, vel ab aliis Possidetur. 5. q. 69. c. 70. a  
 Post condemnationem nullum est officium iudicis. 20. q. 588. c  
 an Posterior creditor habeat ius offerendi priori creditori, & ei, qui à priore creditore emerit. 2. r. 74. d  
 Posterior creditor habet ius auferendi emptori pignoris causa, & quæ huius ratio. 2. r. 75. c  
 Posteriori creditori non est ius auferendi pignus emptori. 2. r. 75. a  
 Posthumus quando exheredari potest. 16. q. 415. a  
 Posthumi præteritio pro exheredatione habetur. 6. r. 257. c  
 Posthumi præteriti agnatione testamentum rumpitur. 16. q. 413. a  
 Posthumum opus, Commentaria Cuiacij in Libros Quæstionum inticulantur: in princip. quæst.  
 Postliminij fictio. Vide Fictio.  
 Postliminij iure an capto reuerso ab hostibus restituatur vsucapio, vt fingatur medio tempore possedisse. 23. q. 658. c. d  
 omnis nimia Potentia saluberrima breuitate constringitur. 28. q. 767. c. 768. a  
 Potentius (inquit Quintilianus) est quod in albo legis, quam quod in testamento. 9. resp. 438. a  
 Potestas patria in pietate consistit. 11. q. 321. b  
 Potestas necessitati non est coniuncta. 4. q. 103. c. d  
 Potestas patria est res inæstimabilis. 6. r. 273. a. 2. r. 376. b  
 Potestas iudicis. Vide Iudex. Vide Pietas.  
 Potestatis ius causam improbandæ donationis præstat. 4. resp. 175. d  
 Potestatis ius causam inhibendæ donationis præstat. 5. r. 175. d  
 Potestatis vocabulum indifferenter accipitur. 1. q. 16. c  
 Potestatis ius exheredatione non tollitur, sed ius filij tantum. 4. r. 175. d  
 Potestatis ius seu vinculum potestatis, vnâ personam facit patris & filij vel filie. 4. r. 174. c. 175. a  
 Potestatis patriæ vinculum. Vide Vinculum.  
 in Potestate aui qui fuit, nunquam fuit in potestate patris sui, an is debeat alteri qui fuit in potestate patris sui bona propria conferre. 5. r. 218. d. c  
 Potestate patris adoptiui finita, nullum ex pristino vestigium retinetur. 36. quæst. 831. d. c  
 Potestatiuæ conditiones quæ sunt. 9. resp. 402. b. c  
 Potior est causa habere ius domini, quam bonæ fidei possessoris. 10. q. 277. c  
 Præceptio est iuris retentio facti. 19. q. 539. c  
 Præceptio fit beneficio actionis. 19. q. 554. b. c  
 Præceptio retentionem imitatur. 4. resp. 168. b. c  
 Præceptum nudum nullius est momenti. 19. q. 554. c. d  
 Præcipere & retinere in quo differunt. 19. q. 554. b  
 Præda quid est. 2. r. 79. c  
 Prædatura est casus fortuitus. 3. quæstion. 180. a. b  
 Prædiales seruitutes, seu prædij. Vide Seruitus.  
 Prædo, imperitus non est. 3. r. 97. b  
 Prædio instructo legaro continentur etiam serui rustici vel vrbani, si instructum prædium vrbani legatum sit. 7. r. 319. c  
 Prædo est, quicumq; malæ fidei possessor, non inuasor tantum. 2. r. 63. c  
 Prædones. Vide Possessores. Vide Bonæ fidei possessores.

Prædium aliud dicitur dominans, aliud seruientis. 7. q. 144. d  
 Prædium instructum legatum. Vide Instructum prædium legatum.  
 Prædium liberum. Vide Libera res.  
 Prædium pupillare. Vide Pupillare prædium.  
 Prædij legatum, facilius adimitur, quam legatum pecuniæ. 9. r. 399. d  
 Prædia minorum quæ Prætoris vel Prædis decreto alienari non possunt. 1. q. 10. c. hoc est ex oratione Seueri. ibid. 10. c  
 Prædia publica vel fiscalia vtrum Senatores conducere possint. 1. r. 34. c  
 Prædiorum rusticorum & vrbaniarum Seruitutes. Vide Seruitutes.  
 Prædiorum rusticorum & vrbaniarum pensiones, an pro fructibus accipiantur. 9. r. 417. d. c  
 Prædiis legatis, non continentur dotes prædiorum. 7. r. 305. b. c  
 Prædiis legatis non continentur prædia pignori accepta. 7. r. 309. b  
 Præfecti æuarij erant iudices rerum fiscalium. 16. q. 425. c  
 Præfectus vigilum ius atrociter verberandi habet, ius vero gladij non. 1. q. 14. d  
 Prælegare est præter hereditatem dare. 18. q. 486. c  
 an Prælegatum præstabitur, si heredi auferatur hereditas, vt indigno, qui necem defuncti vitus non sit. 16. quæstion. 429. c. 430. a.  
 Prælegatum est solidum, integrum, intactum, illibatum, sine imminutione Falcidiz, quod & vniuersum dicitur. 6. resp. 232. c  
 Prælegati ius, eiusque conditio quæ est. 13. r. 560. c. d  
 Prælegata Falcidiz subiiciuntur. 13. resp. ibid.  
 Prælegati natura quæ est. 16. q. 429. b. c  
 Prælegata heredi indigno an fiscus tenetur præstare. 16. q. 429. c  
 ex Prælegatis Falcidia retinetur. 6. resp. 270. b. c  
 Prærogatiuam specialem suffragij habentes alij præferri debent. 1. r. 35. c  
 Præscriptio longi temporis non datur ad obtinenda loca publica iurifigent. 10. r. 466. d. c. vnde Seruius hoc loco. ibid. 466. c  
 Præscriptio quinquennij ignoranti non officit. 10. r. 464. c. secus in longi temporis præscriptione. ibid. 464. c. 465. a  
 Præscriptio triennij etiam pignus rerum mobilium perimit. 11. r. 480. c. 481. a  
 Præscriptis verbis actio. Vide Actio præscriptis verbis.  
 Præscriptis verbis actio semper concluditur id id, quod interest dari seu fieri quod conuenit. 3. r. 135. c  
 qui Præfens est & tacet, dum socius in re communi facit aliquid, an inuitus sit. 7. q. 157. c  
 Præfens res. Vide Res præfens.  
 inter Præsentem & tacentem, & inter præsentem vel absentem, quæ differentia est. 7. q. 157. c. d  
 Præsentibus ambobus litem addicito. 2. r. 56. c. d  
 Præsentem tantum sunt verba nec inter absentem fieri possunt. 10. r. 466. c  
 Præsentibus aliquibus, cæteris absentibus, an iudex officio suo fungi & sententiam dicere possit. 2. r. 56. c  
 Præsentia iudicis necessaria non est in addicendo iudice. 3. q. 74. a  
 Præsentia & præterita omnia, in rerum natura sunt certa, non etiam futura. 1. defin. 624. c  
 Præsentia & sigillum pro consensu non habentur. 8. r. 356. d  
 Præsentia rei magis, quam actoris necessaria est. 15. r. 523. a

Præsentiam omnium ad quos res pertinet, iudicatum rite exigit. 2. r. 36. c. d  
 Præses prouinciæ mulierem istius prouinciæ vxorem ducere prohibetur, & cur. 1. r. 30. d. c. distinctio hic quæ. ibid. 30. d. c  
 Præses prouinciæ num abdicando se, designat esse præses. 1. r. 1. c. & 2. a. b  
 Præses prouinciæ, si antequam cognouerit aduenisse successorem manumittit vel tutorem videtur quid statuendum, & quid postquam cognouerit aduentum. 2. resp. 5. c. d  
 Præses sibi adfessores optare potest, Legato autem dantur adfessores à Senatu. 1. resp. 4. c. d  
 Præses à Proconsule quid distet. 1. resp. 2. b. & 4. d  
 Præsidis nomen non est indignum Senatore quauquam nomen ipsum præsidis sit infini hominis gradus. 1. r. 3. b  
 Præsidis partibus quando videtur fungi procurator Cæsaris. 9. r. 613. a  
 Præsidis nomen indifferenter accipitur, & quomodo. 1. r. 2. c. 3. a  
 Præsidii dantur legati à Senatu & à Principe. 1. r. 4. c  
 Præside defuncto an hæredibus eius salarii residui temporis debeat. 4. resp. 150. c. hoc non porrigitur ad omnes salariarios 4. resp. 150. d. c  
 Præsides in quibus distant à proconsulibus 1. resp. 4. c  
 Præsides sunt perpetui. 1. r. 4. c  
 Præsides ex Equitibus Romanis sumebantur, & cur. 1. r. 4. d  
 Præsides ius stolæ militaris atque gladij habuerunt. 1. r. 4. c. d  
 Præsides vocantur legati Cæsaris. 1. r. 3. b. c  
 Præsides à principe mittebantur in prouincias. 1. r. 3. b. c  
 Præsides dicuntur iudices ordinarij, vt ordinarij milites, gregarij. 1. r. 3. b. c  
 Præsides quando insignia sumunt, & imperium deponunt. 1. r. 5. c  
 Præsides sex fasces habuerunt, verum de proconsulibus dubitatur, an plures haberent. 1. r. 3. c  
 Præsides statim atque cognouerunt venisse successores, vel prouincia exceßerunt nū priuati fiant ac deponant imperium. 1. r. 5. b. c  
 Præsides dicuntur iudices ordinarij. 1. r. 3. b  
 Præsidium & proconsulum differentia quæ. 1. r. 3. 4. & 5.  
 Præsidibus ius fuit animaduertendi in facinorosos & accingendi se gladio & ius animaduertendi in milites. 1. r. 4. d  
 Præstare est facere. 3. r. 142. c  
 Præstatio longa tacitam pactionem inducit. 29. q. 770. d  
 Præstatio Vestigialis. Vide Vestigal.  
 Præstationes annuæ. 2. r. 61. c. d. & 15. r. 583. b. c. & 3. r. 371. c  
 Præstitui nūquam dicitur salarium, sed tempus tãquam præstitui dicitur. 4. r. 150. a. b  
 à quo Præsumptio stat, ei non facile probare incumbit. 17. q. 453. a  
 Præsumptionem, significat verbum videri, iunctum cum particulis quasi, &, aut. 2. q. 597. a.  
 Præsumptiones & fictiones naturæ conuenire oportet. 10. resp. 465. d. c. & quæ nō congruunt, reiciuntur, sicut & de confessionibus. ibid. 466. a  
 Præsumptionibus iustis res ambigua explicantur. 4. r. 167. d. c  
 Præterita & præsentia omnia, in rerum natura sunt certa, non etiam futura. 1. defin. 624. c  
 Præterita sūt certa, futura incerta. 9. r. 391. c  
 Præteritio quando pro exheredatione habetur, & quando non. 5. r. 216. a. b. c  
 Præteritio postumi pro exheredatione habetur. 6. r. 257. c



# Index rerum ac verborum

- Præteritio etiam militis pro exheredatione habetur. 43. q. 364. a
- Præteritio filij testamentum vitiat ipso iure. 13. q. 347. c
- Præteritus filius & præteritus patronus in quo differunt. 12. q. 335. a
- Præteritus filius à milite. Vide Exheredatus.
- an Præteriti temporis ante præstitam seruo libertatem, quæ tardius præstita est, alimenta seruo manumisso debeantur. 9. r. 397. c. 398. a
- Prætextus ignorantia iuris non potest delere infamiam, in quam quis incidit. 19. q. 521. b. solutio species alienationis est. ibid. 521. b. c
- Prætor non facit heredem, sed bonorum possessorem. 2. r. 89. d
- Prætor utrum mandet iurisdictionem priuato, an magistratui. 1. q. 6. c. d
- Prætor suum beneficium vult nemini esse capiosum. 5. q. 106. d. c
- Prætor urbanus magistratus iudicem dat more maiorum, suo iure, & is quoque cui iurisdictionem suam mandauit, dat iudicem. 1. q. 10. a
- Prætor bonorum possessionem dat legum tuendarum causa. 2. defin. 649. b
- Prætor corrigit asperitatem iuris ciuilibis, & quod deest, implet. 2. defin. 649. d. Ouid. *Verbaque honoratus liberæ Prætor habet.* Ius adcrendi quid est. 2. definit. 650. b. c
- Prætoris beneficium. Vide Beneficium.
- an sine Prætoris iussu nuntiatio pacto remitti possit. 2. q. 22. c
- Prætoris est humaniorem sententiam sequi & eligere. 9. r. 450. d. c
- sine Prætoris decreto minor prædia vendere non potest. 16. r. 602. d
- sine Prætoris decreto tutor illicite vendit prædium pupillare. 5. r. 213. d
- Prætorium ius & ius ciuile plurimum differunt inter se. 2. defin. 688. a. b
- Prætorium ius quid. 2. defin. 688. a. b. c. d. c
- Prætorium ius honorarium dicitur. 2. defin. 688. b. c. d
- Prætorium ius in quo differat à iure ciuili. 5. r. 214. c. 215. a
- Prætorium ius. Vide Ius prætorium.
- Prætorium tabernaculum dictum, quo prætores olim bella administrabant. 1. r. 3. d
- Prætorium pignus à conuentionali quid differt. 10. r. 468. c. quando inter se conueniunt. ibid. 468. c. 469. a
- Prætoriarum cautionum alia sunt nudæ cautiones, alia satisfactiones. 5. q. 116. c. d
- in Prætoris remediis quibus obligatio tollitur factum versatur, in ciuilibus vero ius. 7. q. 146. b
- Precarium & donatio, in quo differunt. 7. q. 151. c. 152. a
- Precarium reuocari potest, donatio vero non potest reuocari. 7. q. ibidem.
- Precarium est verbum no directum. 3. r. 100. d
- Precarium quid est. 7. q. 151. c. 152. a. quando reuocari potest. ibid.
- inter Precarium & donationem, quæ est differentia. 7. q. 151. c. 152. a
- Precarij conuentio pro traditione habetur, 16. q. 422. c. 423. a
- de Precario interdictione. Vide Interdictum.
- Precaria hereditates. Vide Hereditates.
- Precarius vsus in distractione non constitit, sed in vsu nudo, 20. q. 581. c
- Pretium est substantia emptionis. 10. q. 254. d. c
- Pretium artis seu operæ, est leuamentum. 3. r. 145. c. d
- Pretium est loco hereditatis. 2. r. 85. d
- Primæ tabulæ dicuntur testamentum patris, secundæ tabulæ vero testamentum filij impuberis. 3. q. 85. d. c
- Primipilus quis dicitur. 7. r. 311. d
- Primordium vfucapionis est tempus aditæ hereditatis. 23. q. 653. c
- Princeps famæ restituit, & cur. 1. r. 20. b
- Princeps non est magistratus, nec iurisdictionem habet, sed cognitionem extraordinariam. 1. r. 2. b
- Princeps maior est, & celsior magistratu. 1. r. 2. e
- maior est Princeps, ait Plinius, & Celsior Magistratu. 1. r. 2. c. quod & Tacitus de Senatore intelligit. 1. r. 2. c
- Princeps cui minorem vacationem dedit, quid ei concessum aut remissum videtur. 2. q. 56. c. pubertas tunc pro plena pubertate accipitur. ibid. 56. c
- Princeps solus minori veniam ætatis dat. 5. r. 200. c. Effectus veniæ ætatis quis est, ibid. venia ætatis quid est. 5. r. 201. a
- quæ Princeps sunt separantur ab iis rebus quæ ad Magistratum pertinent. 1. r. 2. b
- Principis solius est restituere ciuitati & famæ. 26. r. 604. c
- Principis placitum lex est. 1. r. 20. b
- Principes optimi nullam constitutionem dabat in medium sine auctoritate & sententia Iurisperitorum. 19. q. 549. d
- Principum beneficia latissime sunt interpretanda. 2. q. 56. c
- Principum Constitutiones abolere decreuit Macrinus Imperator. 2. q. 28. a
- Prior posteriore est potior. 3. r. 126. c
- qui Prior tempore est potior iure. 28. q. 666. b. Publicum iudicium qui exercet, multæ dictionem quoque habet. 1. q. 14. c. d
- Prior creditor. Vide Creditor.
- Prior tempore. Vide Tempus.
- Priuata causa legi derogare non potest. 13. r. 550. a
- Priuata res. Vide Res.
- Priuata actiones tantum ciuiles sunt. 1. r. 16. c
- à Priuatione ad habitum non est regressus. 2. r. 89. c. 90. a
- à Priuatione ad habitum non est regressus 17. q. 456. d.
- Priuati hominis voluntas potentior esse nequit iure publico. 14. q. 381. a
- Priuati hominis voluntas non potest leges mutare. 14. q. 382. b
- Priuatorum cautio legum auctoritate non censetur. 12. r. 528. c
- Priuatorum pactis publicum ius mutari nequit. 2. q. 21. a
- Priuatorum cautio auctoritatem legum, non habet aduersus iura publica, 12. r. 528. c
- Priuatis interdum plus datur, quam fisco vel reipublicæ, & cur. 1. r. 23. b
- Priuatum ius conuentione priuatorum facile mutatur. 2. q. 21. d
- Priuigni an iustas nuptias inter se contrahere possint. 4. r. 155. a. b
- Priuilegium fori vel excusationis à quo tempore vires suas potest exercere. 5. r. 209. a
- Priuilegium quando in pœna euitanda vires suas exercet. ibid.
- Priuilegium vbi nullum est, ibi ius commune seruatur. 6. r. 238. c. d
- quando Priuilegium fori & excusationis vires suas exercet. 5. r. 209. a
- Priuilegium aliquod summæ dignitatis, qui habet, aliis preferendus est. 1. r. 15. c
- Priuilegium exigendi, quod creditor habuit facta nouatione voluntaria, perit, non ite necessaria nouatione. 3. r. 142. b
- Priuilegium fori vel excusationis, quando vires suas exercet. 5. r. 209. a
- Priuilegium quod datum est militibus, datur Constitutionibus principum. 6. resp. 225. c
- Priuilegia priuatorum iniuria, ab aliquo dari non debent. 29. r. 611. d. & 6. r. 225. d
- Priuilegia vacationum, quæ veterani habent, num ad eorum liberos quoque spectent. 1. r. 38. h. c
- quæ Priuilegia habent decuriones præcæteris. 5. r. 208. d. c
- Probabilitate aut verisimilitudine, deficiente, quæ semper benigniora, & in dubiis præferenda sunt, tota res deficit. 4. 169. c. Quod ex historia Nicetæ patet. 4. resp. 169. c
- Probandi onus ei incumbit, qui dicit, se genus vel gentem habere. 3. q. 82. c
- Probare ei facile non incumbit à quo præsumptio fiat. 17. q. 453. a
- Probare nomina est periculū eorum agnoscere. 2. q. 52. d
- Probationes finium, sunt publica monumenta agris sculpta. 2. r. 71. b. c. hæc quidem monumenta omnia in causa finium potiora sunt testibus. ibid.
- Probrum in iure semper accipitur pro adulterio. 11. q. 287. a
- Probrum à prohibeo deductum. 1. d. adult. 685. b
- in Procinctu apud quemlibet prope intermortua est memoria. 19. q. 526. a. b
- in Procinctu testamentum. Vide Testamentum.
- Proconsul à præfide quid differt. 1. r. 2. b
- Proconsul quando legato iurisdictionem mandat. 1. q. 7. b. c
- Proconsulis legatus. Vide Legatus proconsulis.
- Proconsuli quod licet lege, non licet eius legato sine lege. 1. q. 10. a. b
- de Proconsule Macedonia verba Ciceronis quæ, 1. r. 4. a
- Proconsules statim atque egressi sunt pomerium vrbis, fascibus & insignibus Imperij vtuntur & iurisdictione voluntaria. 1. r. 4. e. 5. a
- Proconsules in quibus distant à præsidibus. 1. r. 4. c. d
- Proconsules mittit Senatus in suas prouincias. 1. r. 3. c
- Proconsules, & qui sic appellantur. 1. resp. 3. b
- Proconsules erant *καὶ πρῶτοι*, præfides vero *αἰετῶν*, id est, electi. 1. r. 4. d
- Proconsules ex Senatoribus sumebantur, præfides vero ex equitibus Romanis, & cur. 1. r. 4. d
- Proconsules hodie non amplius quam sex fascibus, & sex licitoribus vtuntur. 1. r. 4. a. verba Iosephi hic quæ. 1. r. 4. a
- Proconsules ius gladij vel chlamidis non habuerunt, præfides vero ius stolæ militaris atque gladij habuerunt. 1. r. 4. c. d
- Proconsules quando fascibus & imperij insignibus vtuntur, & quando non. 1. r. 4. a. b
- Proconsules sunt annui magistratus, præfides vero perpetui. 1. r. 4. c. d
- Proconsulum & præsidum quænam differentia. 1. r. 3. 4. & 5.
- Proculianorum sententia quæ. 23. quæst. 650. d
- Procuracionis species conductio. 1. r. 34. d
- Procuracionem alienorum negotiorum suscipere nequeunt Senatores. ibid.
- Procurator Cæsaris quando videatur fungi partibus præsidis. 19. r. 613. a
- Procurator Cæsaris, quædo iurisdictionem habet, & quando non. 19. r. 612. d
- iurisdictionis pars est. 19. r. 612. c
- Procurator fisci, alias rationalis dicitur. 1. r. 6. b
- Procurator fisci vel Cæsaris & curator Reipub. quid differunt. 1. r. 6. a. b
- Procurator rei frumentariæ & adilis plebis in quo differunt. 1. r. 13. c. 14. a
- Procurator rei frumentariæ, vel curator frumenti coemendi in quo differt ab ædili plebis. 1. r. 13. c. 14. a
- Procurator rei frumentariæ. Vide Curator frumenti coemendi.

Procurator



# in Quæstion. & Respons. Papin.

- Procurator falsus** quis dicitur. 12. q. 346. b. c.  
**Procurator seu defensor** litis alienæ & tutor, in quo differunt. 2. q. 19. a.  
**Procurator depositi officio** an reuelatur onere obligationis contractæ ex causa venditionis. 1. r. 43. c. d.  
**Procurator absentis** conueniatur ob proprium debitum, an auctori compensare possit quæritur quod is non sibi sed domino absentis debeat. 3. r. 114. a.  
**Procurator** quicquid gerit, id omne in re domini consistit, in administratione rerum domini. 3. r. 92. d.  
**Procurator multum distat à procuratore.** 3. r. 116. a.  
**Procurator salariarius** quis. 3. r. 116. a. quæ petitio salarii ei denegatur. ibid. 116. a.  
**Procurator non datur ad accusandum**, multo magis non datur ad defendendum 602. c.  
**Procurator, qui pecuniam domini scœnori collocauit, & exegit vsuras, easque mox in vsus suos conuertit, an debeat vsurarum vsuras.** 2. q. 51. e. 52. a.  
**Procurator qui pro defensione filii fideiussit, mandato mulieris coactus est soluere, an habeat actionem mandati aduersus mulierem, vt consequatur quod soluit eius iussu.** 9. q. 210. c. 211. a.  
**Procurator agendo mandati aduersus mulierem, & muliere opponente exceptionem. S. C. Velleiani, an possit se tueri replicatione doli.** ibidem.  
**Procurator, cui lis agenda mandatur, non potest eam rursus alii mandare, aliumque procuratorem facere.** 1. q. 5. c.  
**Procurator in rem alienam reuocari non potest, in quibusdam casibus.** 3. r. 114. d.  
**Procuratori non est petitio salarii, si ei nō sit constitutum.** 3. r. 116. a.  
**Procurator munere voluntarie fungitur.** 3. r. 148. b.  
**Procurator, qua actione teneri cœpit tempore administrationis, eadem quoque is tenetur post depositū officiū.** 5. r. 206. d.  
**Procurator, qui stipulatur quid ex re domini, vt rursus sibi an domino sit stipulatus.** 3. r. 92. b.  
**Procurator quomodo salariū petit.** 3. r. 116. a.  
**Procurator mandato constituitur** ib. 116. a.  
**Procuratoris & tutoris eadem est ratio.** 3. r. 101. c. d.  
**officiū Procuratoris quid distat ab officio aduocati.** 3. r. 116. d. e. verba Senecæ, quæ in Hercule furente de Procuratoribus. ibid. 116. e.  
**Procuratoris officium est gratuitum. Aduocati vero non est gratuitum.** 3. r. 116. a.  
**Procuratoris litiū salariū. Vide Salarium.**  
**Procuratori in rem suam non datur actio mandati, vt fideiussori in rem suam.** 28. q. 723. e.  
**si quis Procuratori nomine domini, quasi debitam pecuniam domino soluerit per errorem, quid.** 2. r. 102. e. 103. a.  
**Procuratori vero soluens debitor liberatur.** 12. r. 544. d.  
**Procuratorem litis, tutor facere non potest ante litem contestatā, & cur.** 2. r. 52. e. 53. a.  
**per Procuratorem acquiritur possessio nobis ignorantibus.** 2. defin. 658. c.  
**per Procuratorem obligatio & actio non acquiritur.** ibidem. 658. d.  
**per Procuratorem ignorans incipit possidere.** 2. defin. 658. d.  
**per Procuratorem non semper acquiruntur actiones.** 3. r. 92. c.  
**Procuratore ad litem solus dominus litis facere potest.** 1. q. 5. c.  
**inter Procuratorem & aduocatum differentia quæ.** 2. r. 116. a.  
**non omnis qui Procuratorem habet, etiam ab eo defendi potest.** 13. q. 360. a.  
**per Procuratorem non fit acceptilatio nisi remedio nouationis.** 28. q. 767. d.  
**an per Procuratorem absens hereditatem adire possit.** 20. q. 611. d. e.  
**in Procuratore priuati hominis, & in procuratore reipubl. differentia quæ.** 1. r. 43. c. 44. a. ratio differentia est euident. ibid.  
**Procuratores sunt iuris nostri vicarii.** 1. q. 4. d. e.  
**Procuratores huius temporis sunt rapacissimum hominum genus.** 3. r. 116. e.  
**Producere & augere vim & significationē verborum legis est.** 2. r. 88. c.  
**Profectitia dos. Vide Dos.**  
**Profectio solutionis apocha.** 1. r. 8. c. d.  
**Profitari plus est, quam confiteri Cicerone auctore.** 1. r. 8. b. c.  
**Progressus ætatis ab eximia ætate expectari non debet.** 1. r. 34. b.  
**Pro herede gestio magis est animi, quam facti.** 2. q. 29. a.  
**Pro herede non dicuntur se gerere necessarii, aut adire hereditatem, aut cernere, si cur extranei non dicuntur se immiscere.** 8. q. 194. c. d.  
**Pro herede gestio est species acquirendæ hereditatis.** 2. r. 82. b. c.  
**Pro herede se gerere est acquirere hereditatem, immiscere est, quasi res iam suas attrectare.** 8. q. 194. c. d.  
**Pro herede possidere. Vide Heres. Vide Possidere.**  
**Pro operis & ex operis notanda differentia inter hæc duo,** 17. q. 458. c.  
**an Pro rata eius, quod cui restituitur, in eum transeant actiones & obligationes actiue & passiue.** 19. q. 573. c. 574. a.  
**Prohibitio sit initio traditionis, denuntiatio vero ante traditionem.** 6. q. 138. b.  
**Prohibitio nuptiarum latius patet iure ciuili, quam pontificio.** 4. r. 153. c. 154. a.  
**Prohibitio nuptiarum est extendenda potius, quam coangustanda.** 36. q. 837. b. c., incestū quid est. 36. q. 836. d. c. 837. a. b. c.  
**inter Prohibitionem & denuntiationem differentia quæ.** 6. q. 138. b. c.  
**Prohibita alienatione videtur prohibita heredis institutio.** 19. q. 560. a. cautio est res incerta & obligatio. 19. q. 560. e. 561. a.  
**Prohibentis causa melior est in re pari.** 7. q. 157. a. b.  
**Promissa in suo tempore sunt expectanda, ne dum festinantiū exigere volumus, à missione causæ mulctemur.** 28. q. 760. c.  
**Promissor ex responsio stipulatori obligatur, & non ex rescripto.** 1. r. 11. c.  
**Promissori electio permissa est aut tacite aut nominatim.** 9. q. 199. c. d.  
**Promittendi rei an inuicē fideiubere possint.** 11. r. 504. d. e. & seq.  
**Promittere fœditatem aliud est, aliud constituit.** 7. q. 145. b. c.  
**Proportio Geometrica seruatur in distributionibus, Arithmetica vero in computationibus.** 11. q. 296. a. Proportio Arithmetica quæ est, & quæ Geometrica. ibid. 296. a. b.  
**Propratoris nomē indignum non est consulari viro.** 1. r. 3. b.  
**Propratores olim bella administrabant vnde tabernaculum pratorum dictum.** 1. r. 3. d.  
**Propria causa vindicationis est dominiū Publicianæ bon. fid. possessio.** 28. q. 721. d.  
**Proprie id tantum debetur, quod peti potest.** 18. q. 513. c.  
**Proprietas sine fructu quid est.** 17. quæst. 434. d.  
**Proprietas nuda. Vide Nuda Proprietas, supra.**  
**de Proprietate vel quasi proprietate interdicta quædam.** 18. q. 168. a.  
**à Propriis communia separantur.** 8. r. 350. b.  
**Propria alia sunt iure diuisionis, alia propria iure emptionis.** ibidem.  
**Proprius proprio non feruit.** 7. q. 150. b. c.  
**Proprio seruo olim inutiliter legabatur si re libertate.** 15. q. 392. b.  
**Propter articulo, significatur occasio.** 27. q. 677. b. c.  
**quod Prorogatum est defuncto, an heredes eius restituere cogantur.** 4. r. 151. b.  
**Prospectus montium quibus casibus vicino potest auferri.** 3. q. 99. d. e.  
**Prospectus est vt terra vel mare videatur.** 3. q. 99. e. 100. a.  
**Protendere quid nobis non licet sine lege.** 9. r. 404. d. e.  
**Prothyrum domus, si velamen sit, an continetur instrumento domus.** 7. r. 320. b.  
**Prouinciæ quas habebat Senatus.** 1. resp. 3. c.  
**Prouinciæ Caesaris & prouinciæ Senatus differunt.** 1. r. 3. b.  
**Prouinciarum diuisio sub Augusto Tiberio facta, qualis.** 1. r. 5. d. e.  
**Prouinciarum alia sunt Caesaris, alia Senatus, teste Theophilo.** 1. r. 3. b.  
**in Prouincias mittit legatos Caesar.** 1. resp. 3. c.  
**Prouincias validiores & ferociiores in sua potestate retinuit Caesar, pacatiores vero reliquit Senatui.** 1. r. 3. c.  
**Prouinciales qui dicuntur.** 1. r. 30. d.  
**Prouocandi verbum commune est vtriusque partis rei vel actoris.** 2. respons. 79. b.  
**Prouocandi verbum commune est, & tam actor quam reus, dum de iure experiri uatur, prouocat & proclamant ad iudiciū.** 2. resp. 79. b. qui excipit prouocat, 2. r. 78. d. & 79. c.  
**Prouocato permixtum est, se defendere, vitamque suam & salutem tueri.** 1. r. 7. c.  
**Prouocat quicumque agit, & non tantum actor agit, sed & reus.** 2. r. 79. b.  
**Prudens homo nihil facit frustra, aut natura.** 10. q. 268. a.  
**Prudentia est eligere actionem aptam & negotio, quo de agitur, competentem.** 10. r. 452. b.  
**Pubertate finitur Constitutio Diui Pii.** 29. quæst. 775. d. e.  
**Pubertate finitur cautio.** 29. quæstion. 776. a.  
**Pubertate pupillus liberatur tutela.** 11. qu. 316. a. b.  
**Pubes olim adrogari potuit sine curatoris auctoritate.** 29. q. 772. e. hodie non potest ex constit. Claudij. ibidem.  
**Pubes Vide Curatores, pupillus, tutor, minor.**  
**in Puberem tantum cadit adulterium.** 3. q. 99. b.  
**Puberes obligantur sine curatoribus suis.** 15. q. 410. c.  
**Puberes an habeant curatores.** ibid.  
**Publica est lex omnis.** 19. q. 516. d.  
**Publica utilitas est mater iuris ciuilis.** 2. defin. 649. b.  
**Publica utilitas priuatæ utilitati est præferenda.** 1. r. 13. c. 14. a.  
**Publicæ annonæ ratio utilitati priuatæ præfertur.** ibidem.  
**Publicani omnib⁹ inuisi sunt.** 17. qu. 478. a.  
**Publicani à tutelis aliisque muneribus excusantur.** 1. r. 37. d.  
**Publicanorū genus omnibus est inuisum.** 17. q. 478. a. b.  
**quibus Publicanis datur vacatio & excusatio munerum.** 1. r. 37. d.  
**Publicatio omnium bonorum semper continetur deportationis verbo.** 13. q. 361. c. 362. a.  
**Publice interest non confundi stationes fiscales, & rationes procuratorum Caesaris.** 3. q. 79. c. d.  
**Publiciana actio quid est.** 10. r. 453. c. quis eius auctor. ibid.  
**Publiciana dari solet tantum aduersus extraneū possessore, non aduersus dominū.** 12. q. 324. a. b. quibusdā casib. excep. ib.  

F f f



# Index rerum & verborum

Publiciana actio. Vide Actio.  
Publicianæ actioni obstat exceptio veri domini. 9.q.277.c  
Publicum ius, pactis priuatorum mutari nequit. 2.q.20.c.21.a  
quod est Publicum ignorare nemo videtur. 19.q.516.d.c  
Publicum munus. Vide Munus.  
Publicum iudicium. Vide Iudicium.  
Publicum ius. Vide Ius publicum.  
Publicorum iudiciorum leges quæ. 1.16.c  
Publica iudicia ex legibus veniunt, & quænam istæ sint leges. 1.16.c  
Publica prædia. Vide Prædia.  
Publica quot modis dicuntur, & quæ. 10.q.263.b. patrimonium quod duplex est. 10.q.263.c  
Pudor & verecundia potissimum in nuptiis spectari debet. 36.q.837.c  
Punitur seuerius infamis, quam homo non inscriptæ frontis. 1.1.20.c  
Pupillam suam an tutor vxorem ducere possit. 4.1.156.a.b  
Pupillare prædium tutor illicite vendit sine decreto pratoris. 5.1.213.c  
Pupillare testamentum est pars & sequela paterni testamenti, 29.q.784.b  
pupillaris substitutionis exemplum ab Accursio positum quod. 2.1.59.d.e. Positio Alberici & Angeli Perusini contra Accursium, quæ. ibidem.  
Pupillaris substitutio tacita non excludit matræ à beneficio S.C. Tertul. 6.1.241.d.e  
Pupillaris substitutio. Vide Substitutio.  
Pupillus accipiendo mutuam pecuniam si ne tutore auctore, neque ciuilitè, neque naturaliter obligatur, nisi in quantum locupletior factus sit. 28.q.744.a  
Pupillus accipiens pecuniam sine tutore auctore, non obligatur ciuilitè, an naturaliter. 18.q.513.b.c  
an Pupillus paterno pupillo teneatur ex facto tutoris. 2.1.51.d  
an Pupillus quem volet ex tutoribus, eligere possit, eumque in solidum conuenire. 12.q.327.c.d  
Pupillus hereditatem sine tutore auctore adire nequit, & cur. 6. quæst.  
Pupillus non est legitimus administrator rerum alienarum, & cur. 2.1.51.c. 52. a. quando teneatur. ibidem. 52. a.  
Pupillus mutuam pecuniam accipiens sine tutore, naturaliter obligatur, si ex ea sit factus locupletior. 18.q.513.c. si non locupletior, nec naturaliter obligaretur. ibid. 513.c  
Pupillus ne tutore quidem auctore, adrogari potest, hodie potest eo auctore ex constitutione Antonini 29.q.772.c  
Pupillus non intelligit quid agat, & ignorat, quod agit & videt 12.q.337.b.c  
Pupillus pubertate liberatur tutela. 11. qu. 316.b  
Pupillus sine tutoris auctoritate contrahens hodie ciuilitè obligatur ex constituto. D. Pij, secus iure veteri. 18.q.498.a.b.  
Pupillus. Vide Curator pubes, tutor minor  
Pupilli rem alienare potest tutor, & quando. 2.1.53.b.c  
Pupilli nomine quid si quis tutori, quasi debitum pecuniam pupillo soluerit per errorem. 3.1.103.a.b  
Pupilli nomine recte tutor agit in iudicio mater vero secus rem pupilli in iudicium deducere non potest. 1.1.52.a  
Pupilli substitutio finitur pubertate, 29.q.775.d  
soli Pupillo prodest absentio. 3. quæstion. 90.c.91.a  
Pupillo dolus tutoris neque nocet neque prodest. 20.q.597.c. 598.a  
inter Pupillum & creditorem patris, qui bona vendiderunt triplex est differentia. 25.q.66.b.c.  
in Pupillum nulla actio dabatur ante Con-

stitutionem D. Pij. 28.q.744.b. Hodie constitutione. D. Pij in pupillum datur actio utilis. ibid. 744. b.c.  
Pupillorum fauor est magnus. 14. respon. 578.b  
Pupillis suæ iniuriæ causa vel suorum datur popularia interdicta, 1. de adul. 681.b.c  
Purgatio moræ. Vide Mota.  
Purum legatum. Vide Legatum.  
Purus locus. Vide Locus.

**Q**uadriennium numeratur in causa bonorum vacantis, in aliis causis vicennium à die denuntiationis. 13.1.569.d.  
Quadrige est nomen numeri & ad alias res quam ad equos transfertur. 16. quæst. 420.c.421.a.  
an Quadrige sine rheda & curru intelligatur. 16.q.420.d  
Quadrige currus legato non cedit, vterque vel accessio. 16.q.420.c  
Quæ ab initio non valent, ex post facto non conualescunt. 3.q.98.a  
inter Quæstionem falsi & inofficiosi quæ differentia est. 5.q.120.d  
Quæstiones & responsa Papiniani in quo differant. 1.1.1.a.b  
inter Quæstiones & Responsa Papiniani causa differentia quæ & cur. 1.1.1.a  
Quæstiones lege vel Senatusconsulto magistratui nominatim datæ, mandari ab eo non possunt. 1.q.11.d  
inter Quæstiones & Responsa Papiniani differentia cur obseruatu digna. 1. respon. 1. a.  
Quæstiones iuris ambiguae. Vide Ambiguae iuris quæstiones.  
Quæstiones Papiniani sunt vberes quidam tractatus iuris, responsa vero eiusdem tanquam oracula admodum breuia. 1.1.1.c  
Quæstiones quibus personis redduntur. 1.1.1.c  
Quæstionum libros orditur Cuiacius ab inuocatione Dei: in princip. 9.1.a.b.  
in Quæstionum libris Papinianus difficiles & arduas quæstiones tractat. 1.1.1.d  
in Quæstionibus quali munere fungitur Papinianus. 1.1.1.c  
Quæstoris adiutorium est dignitas. 13. qu. 371.b  
Quartam saluam habet adoptiuus exheredatus. 29.q.775.d  
Qualitas est, ex qua quales dicimur. 7. qu. 144.c  
Qualitas. Vide Quantitas.  
Quantitas nummorum spectatur non corpora cum legata est certa pecunia. 7. respon. 312.a.b.  
Quantitas & corpus in quo differunt. 17. q.455.a  
Quantitas eadem si sæpe legetur quid. 17. q.452.c  
Quantitas ansæper inest in bonis. 8.1.312.a.b  
Quantitas quæ egreditur veritatem, poena est. 10.1.520.b  
quid si eadem Quantitas sæpe legetur. 17. q.435.a.452.c.  
Quantitas interueniri non potest. 28.q.736.d.  
nec incorporalia interueniri possunt. ib.  
Quantitas non est in legato, sed obligatio. 18.q.508.a.b  
Quantitas sola nunquam sine qualitate spectatur. 9.1.390.b  
Quantitas & res in quo differunt. 17. q.453.b.c  
Quantitas sæpius dari potest, res eadem vero dari nequit. ibid.  
Quantitatem parti parem quid refert quis paciscatur, an partem. 3.1.157. c. in hoc nulla est differentia. ibidem.  
Quantitate quæ magis valent, quam corpore in suo genere functionem recipiunt. 2.q.105.a.  
in Quantitate bonorum exquirenda, ratio Falcidiæ redigitur ad tempus mortis. 9.

quæst. 203. c.d  
ex Quantitatibus tantum debentur vsuræ. Vide Vsuræ.  
Quarta siue sit ex legatis, siue ex fideicommissis, & c. est quarta hereditatis. 2.1.84.d  
Quarta seu legitima, quæ querelam excludit, est ex lege Glicia, & non ex Constituto. Diui Marci. 14. q.374.c.d  
Quarta seu legitima quæ querelam excludit descendit ex Lege Glicia, & non ex Constituto. Diui Marci. 14.q.354.c.d  
inter Quartam ex fideicommissis Senatusconsulto Pegasiano seu Trebel. & inter quartam ex legatis lege Falcidia an sit aliqua differentia. 2.1.84.a.b  
in Quartam non imputantur quæ heres capit conditionis explendæ causa. 2. respon. ibid. excipiuntur quidam casus. ib. 84.a.b  
Querela inofficiosi mitior facta est à Iustitiano Imp. 13.q.376.c.377.a  
Querela inofficiosi finitur quinquennio, 2.1.73.a  
Querela inofficiosi hodie ex Nouel. Iustin. legata non infirmat, sed heredis institutionem tantum. 7.1.280.d.c  
Querela inofficiosi testamenti, quibus datur, & quibus non. 2.1.91.b.c  
Querela recte dicitur ius antiquum cum est ex antiquissima lege Glicia. 14. qu. 374.a.b. ratio legis Glicia ferendæ, & querelæ quæ est. ibid. quarta seu legitima, quæ querelam excludit, est quoque ex lege Glicia, & non ex constituto. D. Marci. 14.q.374.c.d  
Querela inofficiosi imitatur actionem iniuriarum. 14.q.377.c  
Querela inofficiosi est species actionis iniuriarum, seu actio iniuriæ, id est, exheredationis. 5.q.117.c.118.a.  
Querela inofficiosi potest facere intestatum pro parte tantum. 11.1.499.c.d.  
libertates sunt indiuiduæ, legata diuidua. 11.1.499. libertas scindi non potest. ibidem. 499. c  
Querela inofficiosi testamenti qui agit & non obtinet, an perdat omne id, quod ex testamento ferre potuit iure legati. 2.1.91.d. si non obtinuit, perdetne Falcidiam. ibid.  
Querela an principaliter pecuniæ persecutionem habeat. 5.q.117.c.118.a  
Querela est specialis actio iniuriarum. 14. q.376.c  
Querela inofficiosi testamenti, quæ datur liberis exheredatis, extinguatur quinquennio. 13.q.355.c  
Querela inofficiosi testamenti quibus datur, & contra quos. 13. qu.356.c.357.a.  
querela inofficiosi est ex iure ciuili. 13. qu.357.d  
Querela inofficiosi aboletur dissimulatione. 14.q.377.c.d. Querela inofficiosi est iudicium centumuirale. ibid. 377.c. & sepulture dicitur iudicium. ibid. 378.a.b.  
Querelam inofficiosi pater filii nomine instituere non potest, inuito filio, secus in aliis actionibus. 5.q.117.d.c  
inter Querelam inofficiosi testamenti, & bonorum possessionem contra tabulas quæ est differentia. 356.d.c. & 357.a.b.c.  
ad Querelam inofficiosi an pater præteritus à filio emancipato admittatur post liberos. 14.q.371.c.372.a.  
per Querelam inofficiosi testamenti an tota hereditas auferatur. 2.1.58.b  
in Querela inofficiosi testamenti, ius Nouellæ constitutionis est generale. 5.1.216.c  
in Querela inofficiosi, & aliis iniuriarum actionibus quod est discrimen. 5. quæst. 117.d.c. & 118.a  
an Querela inofficiosi preparata à filiofam. exheredato testamento matris, filiofam. mox decedente, dum pater possit agere querela inofficiosi nomine filij. 5. qu.118.a.c



# in Quæstion. & Respons. Papin.

an Pater Querelam, quam filius præpara-  
uit, exequi possit. 5. q. 112. c.  
in Querela successioni locus est, 5. q. 112. c.  
inquisitio in iure vbiq. est pro satis-  
datione. 11. q. 315. c. 316. a  
Quilibet est legitimus æstimator rei suæ.  
20. q. 60. d.  
Quinquennalis magistratus fuit in vrbe  
Censor. 1. re. 42. d. c.  
Quinquennii præscriptio ignorantia non  
officit. 10. r. 464. c.  
Quod vi aut clam interdictum. Vide In-  
terdictum quod vi aut clam.

R

Raptor furtum faciens, dicitur fur ma-  
nifestus & improbus. 12. q. 343. b  
fur atrocior ibidem. Raptor quando fur  
manifestus dicitur, ibid. 343. c  
quæ Raro eueniunt Iurisconsulti non spe-  
ctant. 16. q. 416. a  
Ratihabitio mandato comparatur. 12. qu.  
347. b.  
Ratihabitio non consideratur in eo, qui  
mandauit. 12. r. 544. c.  
Ratihabitio vis minor non est, quam  
mandati. 9. q. 197. d. c.  
Ratio civilis ius naturale, origini & san-  
guinis corrumpere nequit. 1. r. 24. b  
omnis Ratio ambigua aut obscura, tendi-  
cula est, quæ ei, qui tetendit potius frau-  
di esse debet. 5. q. 107. d. c.  
Ratio nuda non facit donationem. 29. qu.  
809. d.  
Ratio est animus & medulla legum, quæ  
æquum & bonum tueretur. 2. r. 49. a  
Rationes procuratorum Cæsaris publice  
interest non confundi, & stationes fisco-  
les. 3. q. 79. d. c.  
Rationes purgandæ à negotiorum gestore  
sunt apud iudicem decimo quoque die,  
teste Suetonio. 2. r. 50. d. c. item vsuræ  
sumptuum purgantur. ibid.  
Rationes suas iuris auctores adstringere  
sæpe solent. 18. q. 515. d.  
Rationes actus sui edere est exhibere li-  
brum Rationum, tutelam restituere &  
pupillum indemnem præstare. 3. r. 98. c  
ob Rationum perferendum causam ex pro-  
uincia, non datur dilatio tutori vel argē-  
tario, nisi ex iusta causa. 3. r. 106. a  
Rationalis dicitur procurator fisci. 1. r. 6. a  
Raciocinatores optimi erant argentarii. 9.  
q. 212. c.  
Recipere quod olim erat, hodie est consti-  
tuere, & longe alia est ratio constitui,  
quam erat recepti. 8. q. 173. d. ius muta-  
ri solet, ita vt nomina. ibidem.  
Radicitus. Vide Eradicitus.  
Reales seruitutes. Vide Seruitus.  
Recipio verbum. Vide verbum oro vel rogo  
Redhibere est verbum commune recipiē-  
tis venditoris & reddentis emptoris. 12. r.  
528. a.  
Redire dicitur legitima hereditas. Vide  
Legitima hereditas.  
Redius fundi ex melle constat. 2. r. 68. c.  
Refectio ab eo, qui non est dominus, peti  
nequit, 3. q. 101. c. 102. a  
Refectio inutiliter postulat a non do-  
mino. ibid.  
Referre diem est anteferre, antequerre  
diem iubendo, vt partes ia illum diem  
adint. 1. q. 18. b  
Refugæ pœnæ augentur. 1. r. 20. c. 21. a  
Regressus non est a priuatione ad habitū.  
2. r. 89. c.  
Regula Catoniana ad quæ pertinet pro-  
prie & ad quæ non. 15. q. 394. c. & seq. vs-  
que ad column. 400.  
Regula Catoniana ad quæ legata pertinet.  
15. q. 395. c. 396. a  
Regula Catoniana pertinet tantum ad ea,  
quæ à morte testatoris cedunt. 7. r. 307.  
c. 308. a  
Regula Catoniana, quæ vetat, conuales-

cere ea, quæ ab initio inutilia sunt, an lo-  
cum habeat in libertatibus. 7. r. ibidem.  
Regula Caton. in quibus legatis locum  
habet. 1. defin. 644. a. b  
Regula Catoniana quæ est 2. q. 55. d. c. hæc  
ad libertates non pertinet. ibid. in hac  
regula mors testatoris notatur. ibidem.  
& 15. q. 397. c.  
Regula Catoniana ad quænam legata per-  
tinet. 15. q. 396. c. hæc ad legata condi-  
tionalia non pertinet ib. nec ad legem  
Iul. & Papiam. ibidem.  
Regula Catoniana ad ius antiquum perti-  
net, non ad leges nouas. 15. qu. 396. c.  
hæc ad conditionales institutiones non  
pertinet. 15. q. 397. b. in quibus hæc lo-  
cum habet. ibid. 397. b  
ex Regula Catoniana, quod ab initio non  
valet, nec tractu temporis conualefcit.  
15. q. 392. d.  
Regula Caton. pertinet tantum ad stipu-  
lationes puras non conditionales. 10. q.  
269. b. conditionalia ex post facto con-  
firmantur. ibid. 269. b  
Regula nulla est in iure civili, quæ non  
vitiari possit aliquando, parte aliqua. 1.  
defin. 619. c.  
Regula nulla est, quæ non perdat officiū  
suum aliquando. in prin. q. 4. b  
Regula iuris nulla est perpetua. in prin. q.  
4. b.  
Regulæ derogat specialis Constitutio vel  
Lex. 11. r. 476. d. e  
Regulæ seu definitiones veterum pruden-  
tum hisce libris definitionum proponū-  
tur. 1. definit. 619. c. d  
Regulæ etiam definitiones appellantur in  
prin. q. 4. a  
Regulæ iuris sunt præcepta iuris, & quæ  
summe regulæ iuris dicitur. 16. q. 422. a  
Regulæ non sunt omnes leges quæ sunt ex  
libris definitionum, sed notæ potius ad  
regulas, vel amplificationes, vel exce-  
ptiones. 1. defin. 621. a  
Regulæ iuris constituuntur ex iis, quæ  
sunt plerumque. 3. r. 92. c.  
Regulæ & definitiones rerum & nomi-  
nū in præptu habere periti est. 2. q. 20. c.  
Regulas iuris antiqui varias Papinianus  
accurate interpretatus est in libris defini-  
tionum. 1. defin. 619. b  
à Regulis iuris semper est cauendum, cum  
sint periculosa. 27. q. 69. c. 691. a.  
de Relationibus & non de appellationibus  
tractat lex 12. de appellat. 2. r. 761. d  
Relegandi ius non habet consul. 1. q. 14. d  
Relegatio cadit in seruū. 1. de adult. 682. b  
Religione non occupatur locus. 8. q. 168. b  
Religiosus homo, inquit Seneca, & san-  
ctus fideicommissa tueri solet. 11. r. 455.  
c. an perceptione secundi fideicommissi  
perimatur primum ex testamento reli-  
ctum. ibid.  
Religiosus locus. Vide Locus.  
Religiosa res. Vide Res religiosa.  
Relegatio est mortis effectus, & quomo-  
do. 231. c.  
Relegatio non est capitis diminutio. 29. q.  
781. a  
Religio loca sacra commercio hominum  
eximit. 10. qu. 261. b  
Relinquere est morientium, dare viuē-  
tium potius. 19. q. 531. c  
inter Relegationem perpetuam & tempo-  
rariam differentia quæ. 16. r. 606. b. de-  
portatio est perpetua. ibid. 606. b. c.  
Relegatus omnia bona retinet præter ea si  
quæ ei adempta sint sententia iudicis, 16.  
r. 606. a  
Relegatus quis propriè dicitur. 9. q. 230. c  
Relegati bona ad tempus, nulla ex parte  
publicari possunt. 16. r. 606. b  
inter Relegatum & deportatum differen-  
tia quæ. 9. q. 230. d  
inter Relegatum & motum ad tempus dif-  
ferentia quæ. 1. r. 29. d. e

Relinquo, instituo, & substituo, hæc ver-  
ba neque sunt directa neque precaria. 19.  
q. 531. c. 532. a.  
Relinquimus, quod asportare nobiscum  
non possumus. ibid. 531. c.  
Reliqua colonorum quæ sunt. 7. r. 297. d  
an Reliquorum legato, contineantur etiā  
pecuniæ, quas Coloni sunt Reliquari 7.  
r. 297. d. e  
à Reliquis Colonorum exacta & condita  
separantur, 7. r. 297. c. 298. a  
Reliquarum mortui in alium locum trans-  
latio à Principe impetrari debet. 3. r. 121. b  
in Remediis pratoris, quib. obligatio tol-  
litur, factum versatur, in civilibus vero  
ius. 7. q. 146. b  
Remmia lex. Vide Lex Remmia.  
Rémus Palæmon. Vide Quintus Rémus  
Remissio pignoris non est dotatio. 26. q.  
671. c. nec est etiam remissio pignoris  
intercessio. ibid. 671. d  
Remissio pensionis colono interdum da-  
tur propter sterilitatem anni. 4. r. 186. d. e  
Remissionis vicem obtinet satisfactio. 3. q.  
97. d. e  
Remittere quilibet potest quod sui causa  
sibi cauit. 3. r. 147. a. b  
qui remouetur ab officio & administratione  
tutelæ ob inertiam & simplicitatem,  
non fit infamis, secus qui ob dolum. 12.  
q. 332. b  
Remuneraciones. Vide Lex Cincia.  
Renouato matrimonio tacita dos non re-  
nouatur. 4. r. 159. b. c  
Repetitio soluti ex causa iudicati non est.  
11. re. 521. c. d.  
Repetitio nō est ius, quod superest. 2. r. 51. d  
Repetitur inutiliter quod non amittitur.  
17. q. 444. d  
Repetundarum reus Consulatum petere  
prohibebatur. 1. r. 31. b. c  
Replicatio est telum & adminiculatio  
actionis. 13. r. 138. c. d  
Replicatio & exceptio datur iure prato-  
rio. 19. q. 253. b  
Representationis commodum legato inest  
19. q. 423. b  
Repudiare & adire sunt verba iuris cini-  
lis. 18. q. 482. b  
Repudiantur delata non acquisita. 10. re.  
459. c. d  
inter Repudiationem & abstentionem dif-  
ferentia quæ. 2. q. 681. a  
Repugnantia l. 81. ff. de furt. & l. 4. §. ult.  
ff. ad leg. Iul. peculat. quæ. 1. r. 15. d. e  
16. a. quanam distinctione hic vtendum.  
ibid. 16. a  
inter Reputare, compensare & deducere,  
in quo differunt hæc verba. 18. q. 757. a.  
b. hodie ex constitut. Iustin. nihil dif-  
criminis est inter deducere & compen-  
sare. ibid. 758. b. c  
Res aliena & res heredis in quo differunt.  
549. c  
nulla Res est, cuius possessionem quis a-  
dipiscatur nisi concurrat corpus & ani-  
ma. 23. q. 644. c. d  
Res immunis à vectigalis præstatione. 13.  
r. 563. d. e  
Res quæ inuuita vxore alienari non pos-  
sunt. 13. r. 568. a  
omnis Res tanti est, quanti à domino æs-  
timatur. 20. q. 605. c. 606. a  
Res ab alio apud eundem iudicem peragi  
potest. 15. r. 587. c  
Res non facit heredem sed nomen & titu-  
lus heredem facit. 9. q. 226. c. 227. a  
Res quæ cuiusque propria est, cuius fieri  
amplius non potest. 19. q. 567. a. b  
Res libera. Vide Libera res.  
Res transactione finita nihil pertinet ad  
arbitrium seu iudicem. 2. r. 74. a  
Res furtiua vsucapi non potest, nisi re-  
uerit in potestatem domini. 19. q. 557. b. c  
Res aliena per damnationem potest lega-  
ri, non per vendicationem. 19. q. 545. a



# Index rerum ac verborum

Res aliena voluntate domini potest pignori obligari & dari. 20. q. 582. c.  
 Res eadem saepius dari non potest aestimatio vero potest. 17. q. 473. a.  
 Res furtiva vendi non potest, res aliena vendi potest. 10. q. 252. b.  
 Res incorporalis non usufructuatur. 6. q. 121. d.  
 Res praesens quae dicitur. 10. q. 248. a. & quae absens. ibid. 248. b. Res praesens pro oblata habetur. 10. q. 248. c. absens vero Res pro non oblata. ibid.  
 Res incorporales nec possessione recipiunt, nec usufructu. 23. q. 657. b.  
 Res inter alios iudicata quando aliis nocet, & quando non. 20. q. 583. a. b. c.  
 Res iudicata contra heredem scriptum & contra testamentum legatariis & fideicommissariis nocet. 20. q. 624. c.  
 Res iudicata nocet ei, qui a victo causam habet. 20. q. 584. d.  
 Res litigiosa pignori potest. 7. q. 155. d.  
 Res mobilis pro diuiso possideri non potest. 6. q. 121. d. e. nauem diuidere est perdere, ut refert Cassellius. 6. q. 21. c.  
 Res data parit obligationem, tradita vero liberationem. 4. r. 176. c.  
 Res inter alios iudicata, aliis non proficit. 2. r. 57. a.  
 Res iudicata inter debitore & extraneum, an de dominio fundi pro extraneo contra debitorem creditori noceat. 11. r. 500. e. hoc loco duo excipiuntur casus. ibid. 500. e. 501. a.  
 Res iudicata pro veritate habetur. 1. r. 15. b. 7. r. 387. d.  
 Res mea pignori mihi esse non potest. 11. r. 482. d.  
 Rei mobilis diuisio non potest fieri sine eius rei corruptione. 7. q. 147. c. 148. a.  
 Rei nomen proprietatem & dominium significat. 2. r. 105. a.  
 Rei lucrativae possessores sunt legatarij & fideicommissarij. 8. r. 338. b.  
 vnius Rei vna tantum ratio est. 11. q. 322. b.  
 Rei cuius initium vitiosum est, non potest etiam finis non esse vitiosus. 15. q. 395. b. c.  
 Rei suae quilibet est legitimus aestimator. 20. q. 604. d.  
 Rei futura cognitio non est certa in hominum natura. 1. de hñ. 624. c.  
 Rei tristitia, verbi lenitas mitigat. 2. r. 74. a.  
 Rei dominium usufructu non mutatur. 23. q. 656. d. e.  
 Rei fiscalis est commercium, Rei priuatae Principis non est commercium. 10. q. 263. d.  
 Rei religiosae nullum commercium est. 8. q. 196. b.  
 Rei solius furtum non fit, possessionis vero fit furtum. 12. q. 349. c. d. e.  
 Rei dotalis venditio. Vide Venditio.  
 Rei nomen commune est & rei est actoris. 2. r. 79. d.  
 Rei suae nulla est emptio. 3. r. 104. b. c.  
 Rem iudicatam non facit sententia arbitri. 2. r. 55. e. 56. a.  
 post Rem iudicatam an apud eundem iudicem de vlturis disceptari potest. 2. q. 45. c.  
 inter Rem & quantitatem quae differentia. 17. q. 453. a. b. eadem Res saepius dari nequit, quantitas vero potest. ibid.  
 Rem amittere aliud est, & Rem non esse ablata. 13. q. 347. a.  
 Rem litigiosam alienare. Vide Litigiosa res.  
 inter Rem alienam & Rem heredis quae est differentia. 19. q. 549. c.  
 eandem qui Rem duobus pignori obligarit diuersis contractibus, tenetur crimine stellionatus. 8. q. 181. c. d. ratio differentiae quae est. ibid. 181. d.  
 Rem praestare & Repraestare, id est soluere. 9. q. 240. b.  
 Rem suam condicere nemo potest. 11. q. 301. d.  
 in Rem actio. Vide Actio in rem.  
 Rem alienam quis distrahere potest. 11. resp.

486. b. c.  
 in Re plus est quam in opinione. 16. q. 528. b.  
 in Re aliena quomodo distinguendum est inter testatorem scientem & testatorem ignorantem. 19. q. 549. e.  
 in Re sua nemo cognitor esse potest, & sibi ipsi consilium praebere. 1. q. 10. d.  
 in Re pari melior est pars possessoris. 7. q. 157. a. b.  
 ex Re domini stipulari quid est. 3. r. 92. b.  
 Res lucrativae. Vide Lucrativae.  
 Rei iudicatae usurae sunt legitimae & certae, non arbitrariae. 9. r. 415. a.  
 Res duae sibi inuicem causa esse nequeunt eodem modo. 15. q. 322. d. e.  
 Res mobiles eatenus possidentur, quatenus sub custodia nostra sunt, easque apprehendere possumus. 23. q. 640. a.  
 Res venales in foro ad ἀγοράς pertinent, cura viarum & operum publicorum ad ἀστυνόμους. lib. sing. de ad. 706. a.  
 Res quaedam sunt munes, quaedam immunes a vectigalis praestatione. 13. r. 563. d. e.  
 Res quaedam qui alteri dedit in cistam, ut ad alium perferret, id non fecit, sed retinuit, quæritur utrum iste actio furti, vel mandari teneatur. 1. r. 14. d.  
 Res ab Episcopis iudicatas, ad effectum perducere debent eorum praesides, teste Sotomero. 1. r. 10. a. b.  
 Res ambiguae praesumptionibus iustis explicantur. 4. r. 167. d.  
 Res cognitionis, quae principis sunt, separantur ab iis rebus, quae sunt iurisdictionis, & iuris ordinarij, quae ad magistratum pertinent. 1. r. 2. b.  
 Rerum aestimatarum periculum pertinet ad virum etiam si atterantur usu uxoris. 4. r. 166. c. d.  
 Rerum per fideicommissum relictarum periculum ex tempore morae, an pertineat ad heredem frustratorem. 9. r. 393. d.  
 Rerum communionem discernit, permutatio partium. 8. r. 338. c.  
 Rerum dominia adquiruntur traditione & usufructu. 1. de fin. 626. b.  
 Rerum dominia transferuntur traditionibus, non nudis pactis. 10. r. 465. b. c.  
 Rerum amotarum actio civilis, criminali actioni nihil praedjudicat. 4. r. 180. c.  
 Rerum adiunctarum comparatio omnem dubitationem tollit. 7. r. 313. d.  
 Rerum amotarum actio. Vide Actio rerum amotarum.  
 inter Rem dari, & vacuum possessione tradendi differentia quae est. 27. q. 687. c. d.  
 Rerum amotarum actio. Vide Actio.  
 Rerum amotarum iudicium. Vide Iudicium rerum amotarum.  
 Rerum dotalium aestimatarum & inaeftimatarum differentia quae. 4. resp. 165. c. d. & 166. a. b. c. d.  
 Rerum immobilium sequestratio nunquam fit. 28. q. 736. c. d.  
 Rerum immobilium furtum hodie non fit. 16. q. 666. d.  
 Rerum religiosarum & sacrarum commercium non est. 10. q. 260. c. 261. a.  
 Rescissoria actio. Vide Actio.  
 Rescripta, quae vacationem munerum concedunt, late explicari non debent. 11. q. 56. e.  
 Resolvere & Rem soluere, id est soluere. 9. q. 240. b.  
 Respiciere aliud est, aliud inspicere. 8. q. 179. d.  
 Respondere qui dicitur, non est fideiussor. 8. q. 173. a.  
 qui non Respondet in iure, contumax est. 8. q. 165. c.  
 si non Respondeat in iure interrogatus vel taceat, quid. 8. q. 165. c.  
 Responsum benignius quae praebet occasio, eam rapinus. 4. r. 169. c.

Responsa quibus personis redduntur, & quibus Quaestiones. 1. r. 1. c.  
 inter Responsa & Quaestiones Papinianae causa differentiae, quae & cur. 1. r. 1. a.  
 Responsa Papiniani sunt tanquam oracula admodum breuia. 1. r. 1. c.  
 Responsa Papiniani in quo differunt a Quaestionibus. 1. r. 1. a. b.  
 Responsa praecedere solent definitiones Papiniani. 15. r. 585. c.  
 Responsorum & Quaestionum Papinianae differentia quae. 1. r. 1. a.  
 Responsorum totus liber nonus agit de fideicommissis rerum singularium, de fideicommissariis hereditatibus & libertatibus. 9. r. 384. c.  
 in Responsis Papinianus tantum de iure quod sentit, decedit. 1. r. 1. b.  
 in Responsis quali munere fungitur Papinianus. 1. r. 1. c.  
 Respublica quaelibet heres hodie institui potest quod olim non obtinuit. 9. r. 394. d.  
 Respublicae minorum iure uti solet. 9. r. 394. a. b.  
 quod Reip. abest, an quis in id Reip. teneatur. 1. r. 43. a.  
 Reipublicae vel fisco non tam datur quam priuatis. 1. r. 23. b.  
 Reipubl. curator dicitur & pater ciuitatis in iure, Graece ἀγορεύς. 1. r. 6. a.  
 Reipubl. causa, quod quis facere cepit an id perficere teneatur. 8. r. 380. d.  
 a Republica ad pupillum valet argumentum & e contrario. 6. r. 224. b. c.  
 Retentio est facti, praecipio est iuris. 19. q. 554. a.  
 Retentio fit beneficio exceptionis, praecipio beneficio actionis. 19. q. 554. a.  
 Retentio usufructus in donationibus habetur pro traditione. 29. q. 809. d. e.  
 Retentio facilius est quam adquisitio. 7. q. 149. a.  
 Retentio usufructus pro traditione habetur. 16. q. 422. c.  
 Retentio doris. Vide Dos.  
 Retentio Falcidia. Vide Falcidia.  
 Retentio imitatur praecipionem. 2. r. 170. b. c.  
 Retentionem qui tantum habet, is retentionem non habet. ibid.  
 inter Retinere & praecipere differentia quae est. 19. q. 554. a.  
 Retinere est non perire non vtendo. 7. q. 144. d.  
 Retinere facilius est, quam constituere seruitutem. 7. q. 149. a.  
 Retractare non licet sententiam semel dictam, 22. q. 633. a. b. non licet Retractare in detrimentum alterius. 3. q. 9. b.  
 inter Restituere domum & rescire differentia quae. 10. r. 456. a.  
 Restituere, est in Integrum Restituere. 6. q. 137. a. b.  
 Restituere ciuitati & famae solius est Principis. 16. r. 604. c.  
 Restituere an heredes cogantur, quod defuncto prorogatum est. 4. r. 151. b.  
 Restituuntur beneficio aetatis heredes, aduersus trasactiones & diuisiones. 2. r. 74. a. b.  
 Restitutio in integrum est reuelatio lapsi seu capti minoris aetate. 2. r. 75. c.  
 Restitutio in integrum minori aduersus tutorem non competit si ei alia actio sit. 2. resp. 78. c. haec maxime utilis est minori. ibid. 79. a.  
 Restitutio tantum datur minori decepto, 3. r. 139. b. c. Deceptus non videtur is, qui iure communi usus est, ibid.  
 Restitutio in integrum est reciproca. 9. r. 394. a. b.  
 Restitutionis auxilium non datur lucri faciendi causa cum damno alterius. 13. q. 350. d. e.  
 ante Restitutionis petendae in integrum tempus constitutum, neque virgini, neque mulieri coniungi potest. 4. r. 156. b. c.



# in Quæst. & Respons. Papin.

Restitutionis in integrum tempus constitutum quale. 4.r.156.b  
 Restitutionis causæ obstat sola ratio præteriti temporis. 2.r.91.a.b  
 Restitutionis causa separatur à causa pœnæ. ibid.  
 in Restitutione hereditatis, an sit necessaria præsentia fideicommissarij. 2.q.611.d  
 Restitutoria actio est vilis, & ex æquitate datur. 2.r.77.d.e  
 Restitutoria actio. Vide Actio.  
 Reuerentia debetur omnibus parentibus. 5.r.188.a  
 Reuerentia vna & æqualis omnibus parentibus seruanda. 12.r.533.d  
 Reuerentiæ seu dignitatis oris definitio. 1.r.33.d  
 ad reuocanda alienata in fraudem filiorum vel parentum, iure nulla actio competit. 14.q.389.b.c  
 ad Reuocanda à debitore alienata in fraudem creditorum, competit Pauliana. 14.q.389.b.c. Ratio quæ. ibid.  
 Reuocari potest donatio causa mortis. Vide Donatio.  
 Reus perduellionis, si in reatu moriatur, crimen non exstinguitur. 6.r.261.d  
 Reus variis & diuersis excusationibus vri potest, actor non. 6.r.261.d.e  
 Reus criminis non est, nisi postulatus sit, vel deprehensus. 14.q.383.c.d  
 vt Reus idem sit & actor ex eadem causa, natura non patitur. 27.q.697.e  
 Reus repetundarum Consulatum petere prohibebatur. 1.r.31.b.c  
 Rei præsentia magis quam actoris præsentia est. 15.r.588.a  
 Rei nomen commune est Rei & actoris. 2.r.79.b  
 Reus. Vide debitor.  
 Rei morte exstinguitur crimen. 15.r.587.e  
 Rei forum & domicilium actor sequi debet. 3.r.100.b  
 Rei morte soluitur omne iudicium criminale. 5.r.207.a  
 Reo principali deportato an liberetur fideiussor, pignus, correus. 9.q.233.a  
 cum Reo qui constitatur dicitur accusator. 3.q.75.b  
 Reo exceptio competens fideiussori prodest. 28.q.732.e  
 Reum principalem liberat expromissor, fideiussor non. 10.q.275.b  
 Reum postulari aliud est, aliud accusari. 36.q.843.d  
 inter Reum & fideiussorem differentia quæ est. 28.q.742.b.c. & seq.  
 Rei debendi sunt fideiussores. 2.q.35.b  
 Rei debendi sunt, qui parem obligationem in solidum susceperunt anguli. 27.q.700.b.c  
 Rei promittendi an inuicem fideiubere possint. 11.r.502.b. & 505.e. 506. & 507.  
 Rei principales prius sunt conueniendi & excutiendi, quam nominatores eorum, vel fideiussores. 1.r.23.a.b  
 Reorum & iudicum commune verbum est disceptare. 28.q.765.a  
 Reorum & iudicum commune est lege agere. 28.q.768.c  
 ex Rei promittendi mora vnus non nocet alteri. 27.q.703.b.c. Vide Mora.  
 ex Reis debendi vnus pactum, an profit alteri vel noceat. 27.q.701.703. alter culpam vtique præstabit, maxime si socij fuerint. ibid. 704.c.d  
 Rei principales soluendo non fuerint, excutiendi sunt damnari. 1.r.23.a  
 Rex Galliæ regnum Neapolitanum sibi alia ratione vindicare nequit, quam iure adoptionis. 23.q.648.b  
 Ricinia sunt vestes funeb. 2.q.31.c  
 Ridicula in iure sunt vitanda. 7.r.317.a  
 Rhenus flumen in Germania. 1.r.13.a  
 Rigo iuris. Vide Ius civile  
 Rixa friuolaria. 4.r.174.b

Rogo & præcipio, ex his verbis mandatum oritur. 3.q.83.a  
 Rogo volo, mando, cupio & peto, hæc verba sunt precaria non directa. 19.q.528.e 529.a  
 Rogo verbum, Vide Verbum, oro vel rogo.  
 an qui Rogatus est restituere, quod ex hereditate superfuerit, etiam fructui superfluos restituere debeat. 19.q.573.d  
 Rogatus quis simpliciter hereditatem restituere, an potest aliquid ex hereditate alienare. 19.q.574.a  
 Roma est patria communis. 24.q.662.b.c  
 Rustica seruitus sui natura intermissione habet. 17.q.441.e. Urbana seruitus contrarium vltum habet. ibid. 442.a  
 Rustica seruitutes. Vide Seruitutes.  
 Rusticis non habentibus copiam Iurisconsulti quem consulant, ius aliquando subuenire solet. 19.q.517.e  
 Rusticis ius plerumque ignorare permissum est. 1. defin. 630.c  
 Rusticitatis miseratio quandoque iudicium perducit ad mediocrem pœnam. 19.q.516.a  
 Rusticitati raro parcitur ob ignorantiam iuris. 19.q.516.d

## S

Sabinus sententiæ quando locus est, quando Pegasi. 2.q.62.d.e  
 Sabinianorum sententiæ quæ. 23.q.650.d  
 Sacer contractus quis sic appellatur. 9.q.217.d  
 Sacer locus esse definit victoria, non ruina ædificij. 3.r.121.b  
 Sacer locus. Vide Locus.  
 Sacri loci nulla est venditio. 3.r.122.b  
 Sacra mutat adrogatio. Vide Adrogatio.  
 an Sacris obligetur legatarius. 2.q.38.d  
 sine Sacris non est hereditas. 2.q.38.d  
 Sacerdotia prouinciæ. 1.r.37.b.c  
 à Sacerdotio prouinciæ vtrum excusat numerus quinque liberorum. ibid.  
 Salariarij. 4.r.150.c  
 Salarij quomodo petit procurator. 3.r.116.a  
 Salarium non esse mercedem, sed honorarium sine honorem. 3.r.136.c.d  
 Salarium Procuratorum. 3.r.116.a  
 Salarium procuratoris qui constituitur. 4.r.150.e. 151.a  
 Salarium Aduocatorum. ibid.  
 Salarium procuratori litium quomodo constituitur remunerandi laboris gratia. 3.r.116.a.b  
 Salarium residui temporis an debeat hereditibus defuncti Præsidis. 4.r.150.b  
 Salarium non est merces, sed honorarium. 3.r.116.d  
 Salarium nuda pollicitatione constituitur. 3.r.116.c.d  
 Salarium nunquam præstitui dicitur, sed tempus tantum præstitui dicitur. 4.r.150.e. verba M. Tullij hoc loco quæ. ibid. 150.e  
 Salarij incerti constitutio, nullius est momenti. 3.r.119.c  
 Salarij petitio non est Procuratori, si ei non sit constitutum. 3.r.116.b  
 Salarij petitio Adfessoribus erat extraordinaria aduersus fiscum. 4.r.149.e  
 Salarij causa nihil commune habet cum causa mandati. 3.r.116.c  
 Salario publico fruebantur Adfessores. 4.r.149.e  
 Salutem suam, vitamque tueri prouocato permissum est. 1.r.7.e  
 Salutem desperati hominis expedire honestum est. 15.r.588.c.d  
 Saltus est prædium cuius fructus maxime in pecore consistit. 2.r.68.c  
 Saltus sunt syluæ & pastiones, in quibus pecora hyeme in hybernis, æstate in æstiuis sunt. 23.q.646.  
 Saltuum æstiuorum & hybernorum possessio an nudo animo retineatur. 2. def. 656.a

Sancta res (Calphurnius Flaccus inquit) adoptio, quæ beneficium naturæ & iuris imitatur. 6.r.270.d  
 Sanctus & religiosus homo fideicommissa tueri solet. 11.r.495.e  
 Sanus homo. Vide Homo.  
 de Sardinia obiter hic quid notandum. 1.r.3.d.e  
 an Satisfidandum sit emptori in actione ex vendito euictionis generalis vel specialis nomine. 3.r.124.c  
 Satisfidare non est dare fideiussorem, sed cauere nuda cautione, sed repromittere satisfacere. 17.q.479.e. 480.a  
 Satisfidatio obtinet vicem remissionis. 3.q.96.d  
 Satisfidatio fideicommissorum. Vide Cautio Mutiana.  
 inter Satisfidationem voluntariam & necessariam differentia quæ. 28.q.739.c.d  
 pro Satisfidatione inquisitio in iure vbique est. 11.q.315.e  
 sine Satisfidatione non est adeunda administratio. 2.q.36.e  
 Scæuola vixit ætate Imperatorum D. Marci & Commodi. 9.r.447.a  
 Scaphæ an sint instrumentum nauis. 7.r.319.b  
 Scelera mortalitate exstinguuntur. 12.r.537.a  
 morte vero sibi adscita nullum crimen exstinguitur. ibid.  
 Sciens & scire debens, paria sunt. 3.r.125.e  
 Scienti tantum adquiritur possessio. 23.q.641.d  
 Scienti & volenti adquiritur possessio. 23.q.643.e  
 Scientia & taciturnitas consensum imitantur. 11.r.501.a  
 omnes Obligationes, actione incerti conduntur. 11.r.501.e  
 Scientia sola rei alienæ aut fideicommissi non est mala fides. 9.r.406.e  
 Scientia alterius nemini nocere debet. 15.q.409.e. quis ab hac regula excipitur. ibid. 409. & 410.a.b.c.d  
 Scientia patris filio non nocet, scientia tutoris pupillo nocet, & ei dies cedunt, quibus tutor sciuit. 15.q.408.d. Sic & in plebisque aliis causis scientia tutoris vel dolus pupillo nocet. ibid. 408.e  
 Scientia testatoris fideicommissum facit, opinio non. 19.q.615.b  
 siue quis scierit, siue scire potuerit paria sunt in iure. 9.q.210.c. d. & idem est posse & debere scire. 9.q.210.d  
 Scire, aut scire debere paria sunt in iure. 27.q.686.a  
 Scire posse & scire debere. 3.r.129.c  
 Scire an inter sit, à quonam tempore heres moram fideicommissariis facere incipit. 9.r.393.d  
 Scripta Papinia. quo sunt obscuriora, eomendosiora ad nos peruenerunt. 28.q.747.b  
 Scripta quæcunque sunt in testamento non valent nisi quatenus congruit legibus & Constitutionibus. 31.q.320.a  
 ex Scriptura imperfecta an debeat legatum. 8.r.351.c.d  
 Scripturæ siue Tituli, sunt clauæ legum. 7.r.308.a  
 Scripturæ strictæ interpretatio benigna addenda est ex aliis legibus. 2.r.65.c  
 Secundæ sententiæ sunt meliores. 27.q.682.c.d  
 Secundo heredi consulitur duobus modis quoad successionem. 2.r.72.d.e  
 Securitatis plus est in re seu pignore, quam in persona. 11.r.488.d  
 Sed articulus, non est semper discretius item nec, sed &, semper est coniunctiuus. 3.q.74.d  
 Sedium positio & certa larium collocatio domicilium facit. 1.r.27.b  
 Semel heres, est in perpetuum heres. 2.r.89.a  
 Fff iij



# Index rerum ac verborum.

- Semissis quid. 2.r.72.c  
Semestria, libri vnde dicti sunt. 18.q.502.c  
503.a  
Semestria, & qui libri Semestria inscribuntur. & cur. ibid.  
Senatore indignum non est nomen Præsidis. 1.r.3.b  
Senatores, alienorum negotiorum procuratorem suscipere nequeunt, & cur. 1.r.34.c  
Senatores an fieri prohibeantur, spurij & incesti, si te & vita honesti sunt. 1.r.32.c  
53.a  
Senatores vtrum publica vel fiscalia prædia conducere possint. 1.r.34.c  
Senatoribus Romæ gladium gestare quando licebat. 6.r.259.b.c  
Senatoribus vtrum liceat in vrbe vestigia conducere ab ærario. 1.r.34.b.c. & ibid. 34.c  
Senatus in gratiam Scipionis quadraginta millia in dotem constituit. 11.q.290.a  
Senatusconf. Hadriano bonæ fidei possessor, neque lucro, neque damno afficitur. 28.q.719.c.720.a  
Senatusc. Syllanianum cui prospicit. 1.r.10.c  
Senatusc. Velleianum est tantum de intercessionibus mulierum improbandis. 9.q.244.c.d  
Senatusconf. Velleian. totam obligationem improbare solet. 28.q.749.b.c  
Senatusconf. Velleian. opitulatur mulieri, quæ alieno nomine periclitatur, ne suam pecuniam perdat. 28.q.745.b.c  
Senatusconf. Velleianum quando cessat in muliere. 3.r.111.c.112.a.b.c  
Senatusconf. Syllan. loquitur tantum de domino per vim occiso, non de occiso clam, aut veneno. 2.r.80.c  
Senatusconf. Turpillianum est factum in tergiversatores. 15.r.594.c.595.a  
Senatusc. Velleianum quando infirmat intercessionem mulierum, & quando non 3.r.111.c.112.a. Aliud est intercedere, quod genus, aliud fideiubere, quod est species. 3.r.111.c.112.a. & 11.r.512.a  
Senatusconf. Velleianum. Vipe Mulier, Senatusc. Velleiano quando non iuuatur mulier. 4.r.165.a  
Seneca dictus, quasi seipsum necat. 1.q.15.a  
Seneca eandem inter Quæstiones & Responsa cum Iacobo Cuiacio differentiã obseruat. 1.r.1.b  
Senecæ mors fuit arbitraria per Neronem. 1.q.15.a  
Sensus cognitio non est autem sensum. 6.q.121.d  
Sententia alibi dicta ad effectum produci nequit, quam quo lata, siue iussu eius, qui eam tulit. 3.r.100.d  
Sententia arbitri rem iudicatam non facit. 2.r.56.d.c  
Sententia durior, quãdo infamiam irrogat, & quando non. 16.r.398.c.d  
Sententia Ioannis de erogatione pecuniæ quæ. 2.r.51.a.b  
Sententia Iudicis confessionem partis sequi debet. 21.r.73.c.74.a  
Sententia Iudicis sequi debet iussuandum, quod parti iudex detulit. 2.r. ibid. & b  
Sententia legis 36. de iure fisci, quæ est. 3.r.142.c.d  
Sententia §. pater. qui dotem, quæ est. leg. 40.D. de pactis. 1.r.12.c.d  
Sententia §. post diuisionem, leg. 46. D. de pactis, quæ. 1.r.11.b.c.d  
Sententia plurium vtrum melior. 1.r.8.a.b  
Sententia videtur esse corrupta si sit legibus mitior aut durior. 1.r.22.a  
Sententia an regulariter valeat, quæ dicta est non præsentibus omnibus, quos causa contingit. 2.r.56.b.c  
Sententia ea potior est, quæ pro reo facit, non quæ pro actore, exceptis iudiciis li-beralibus. 10.r.450.d.e  
Sententiæ seueritas cum cæteris damnis transigere solet. 1.r.21.a  
Sententiæ iudicis executio est pars iurisdictionis. 1.q.5.c  
Sententiæ suæ executionem non habet Episcopus, sed tantum cognitionem & audientiam sicut Iudex delegatus. 1.r.9.c.80.a.b  
Sententiæ Sabini quando locus est & quãdo Pegasi. 2.q.62.c.d.e  
Sententiæ dictionem habens, vtrum Sententiæ quoque executionem habeat nec ne. 1.r.9.c  
Sententiam nemo mutare potest in alterius detrimentum. 3.q.94.b  
Sententiam semel dictam retractare non licet. 22.q.633.a.b  
Sententiam grauē iudex dare aduersus absentem festinare non debet. 2.r.50.b  
à Sententia Episcopi si appellatur ad Præsidem, & is sententiam Episcopi conseruauit, num ipse Præses eam exequi possit. 1.r.9.c.10.a  
Sententiæ secundæ sunt meliores. Vide Secundæ Sententiæ.  
Sententiæ iuris omnes sunt periculosa. 27.q.690.c.d  
Separari non debent in pœna, qui in culpa iunguntur. 1.r.23.c.24.a  
Separatio & communio sunt contraria. 2.r.55.a  
Separatio bonorum datur ex decreto prætoris, postulantibus creditoribus defuncti. 25.q.665.a.b  
Separatio est certorum bonorum abstentio. 3.q.88.a  
Separatio à prætore impetratur. ibid. 88.b  
in Separationis bonorum causa legatarii connumerantur creditoribus hereditariis. 12.r.541.c  
inter Separationem & abstentionem estne distinctio. 3.q.88.b. Ratio distinctio- nis quæ. ibid. 88.b.c  
Sepelire aliud est, aliud commendare. 9.q.217.b  
Sepulchrum si diuersis in locis sit, an vterq; locus religiosus esse debeat. 3.r.121.b.c  
Sepulchri violati an agere possit heres necessarius si nondum se bonis immiscuerit, violato sepulchro hereditario fracto & deiecto. 8.q.194.d  
pro Sepulchro accipitur monumentum. 10.q.262.b.c  
Sepulchrorum antiquæ inscriptiones Romæ quæ, 3.r.121.b.c  
Sepultura iusta quæ dicitur. 9.q.217.b  
Sequestratio rerum immobilium nunquam fit. 28.q.736.d.c  
Sequestratio quibus rebus fit, & quibus nō. 28.q.739.d.c  
Sermo nullas adeo generalis est, à quo tacite quadam non excipiantur ex mente loquentis. 4.r.154.b.c  
Sermo (aiunt Philosophi) collatus ad præsens vel præteritum tempus, statim est verus aut falsus. 6.r.229.b  
an Seruire possit commune communi. 7.q.148.d  
Seruire verbum vsum significat non dominium. 7.r.303.b  
Seruire aliud est, aliud serui esse. 7.r.303.b  
Seruitus alia est, quam homo homini debet, alia quam prædium prædio debet. 7.q.141.d  
Seruitus est qualitas prædij. 7.q.144.c  
Seruitus non fit ad tempus, locatio vero fit ad tempus. 20.q.580.d  
Seruitus pro parte tantum retineri potest. 9.q.149.b.c  
Seruitus vsusfructus est diuidua, reliquæ omnes seruitutes siue hominum siue prædiorum sunt indiuiduæ, & cur. 3.q.102.b.7.q.142.a  
Seruitus vsusfructus sola est diuidua. 3.q.102.b. & 142.a  
Seruitus ad partem diuisam constitui potest, quæ certa est ad indiuisam partem non. 7.q.142.c.d  
Seruitus locati non potest. 20.q.579.b.c  
pignori dari potest. ibid. d.c  
Seruitus rustica, sui natura intermissionem habet. 17.q.441.c.442.a  
Seruitus urbana continuum vsum habet. 17. quæst. ibid.  
Seruitus quid est. 7.q.146.c.147.a  
Seruitus alia est per quam homo homini seruit, alia, per quam prædium prædio, alia vero per quam prædium homini seruit. 7.r.323.d.c  
Seruitus aquæ constitui potest, aqua nondum inuenta. 2.r.79.a  
Seruitus quando intermissionem habet, & quando non. 17.q.341.d.c  
Seruitus quælibet potest esse ius personæ. 2.r.71.a  
Seruitus non vtendo non admittitur, quando per eum cui seruitus debetur, non stat quominus vtatur. 7.q.150.d  
Seruitus inutilis est nullam habens vtilitatem. 2.r.69.c  
Seruitus imponi potest, ædificio nondum ædificato. 70.a  
Seruitus aquæ lege venditionis an imponi possit fundo vendito. 2.r.69.c  
Seruitus est ius, ius est indiuiduum. 2.r.55.a.b  
Seruitus personæ etiã ei præstatur, qui nullâ vicinam habet possessionem. 2.r.68.a.b  
Seruitus prædij, & seruitus personæ, quãdo valent. 2.r.70.a.b  
Seruitus prædij tantum præstatur possessori vicini prædij. 2.r.68.a  
Seruitus quæ neque prædio, neque homini vlli, vlti aut voluptati esse potest, est inutilis. 2.r.69.c  
Seruitus prædialis & vsusfructus in quo differunt. 7.r.289.c.d  
Seruitus. Vide vsusfructus.  
Seruitutis vsum cõditio retardat aut finit, modus vero non retardat. 7.q.146.d.c  
Seruitutes personarum quæ debentur personis, cum personis extinguuntur, nec ab eis transunt in emptorem vel heredem. 2.r.68.a  
in Seruitutis causam an vllus sumptus pro parte fieri possit. 2.r.13.c  
Seruitutis causa est indiuidua. 2.r.55.a  
Seruitutem qui diuidit, eam corrumpit. 2.r.55.a  
qui Seruitutem oneris ferendi debet, is non patitur tantum, sed & facere tenetur. 3.q.101.d.c  
Seruitutem retinere facilius est quam constituere. 2.q.148.c.149.a  
Seruitutem constituere aliud est, aliud promittere. 7.q.145.b.c  
Seruitutes prædiorum quæ in re sunt, prædiis debentur, & quem sequuntur. 2.r.67.c  
Seruitutes prædiorum legatæ in testamento matris, an omnes legatæ sint, & an id legatum in totum consistat. 7.r.287.a  
Seruitutes in vtendo cõsistunt, vsusfructus vero in fruendo. 7.q.125.c  
Seruitutes sunt indiuiduæ. 3.q.102.b. & 7.q.325.b  
Seruitutes rusticorum prædiorum pignori possunt. Secus vero urbanorum. 20.q.580.a.b  
Seruitutes prædiorum & vsusfructus in quo differant. 7.q.143.c.144.a  
Seruitutum alię personales, alię reales. 2.r.67.c.68.69.70. & 71.  
in Seruitutibus patientia est pro traditione. 29.q.809.c.810.a  
qui Seruus adhuc est, tutorem habere non potest. 19.q.568.d.c  
si Seruus extero, se emi mandarit, & manumitti, & exterius eum nummis suis emerit, an eos recipiat à venditore actione de peculio. 9.q.208.b.c  
Seruus cum testamenti factionem habet, de



# in Quaestion. & Respons. Papin.

- quo seruo intelligitur. 14.q.384.a.b  
 Seruus quidam ita apud Plautum loquitur, vobis inuitis & ingratis, vna litera liber fieri possum. 27.q.678.c  
 Seruus sine libertate tutor datus indiget confirmatione. 4.r.185.b  
 Seruus serui instrumentum esse potest, & cur. 7.r.319.a.b  
 Seruus heres necessarius habet tantum nomen heredis, quia heres est sine re. 2.r.89.c  
 Seruus iustus tutor non est. 1.r.19.b.c  
 Seruus peculiaris aliud est, aliud peculiū. 9.q.213.c.d  
 Seruus nemo sit nuda voluntate, confessio- ne, vel scriptura. 3.q.66.a  
 Seruus alienus, quando testamenti factio- nem habet. 16.q.422.b.c  
 Seruus post acceptam libertatem ex causa fideicommissi confirmandus est tutor de- creto Praetoris. 4.r.181.b  
 Seruus procuratorem litis habere nequit. 2.r.56.d  
 Seruus serui instrumentum esse potest, se- cus in homine libero. 7.r.319.a  
 Seruus vindicta manumitti per alium non potest. 2. defin.654.b. Nullus actus legitimus per alium expletur. ibid.654.b  
 Serui persona inspicitur in legatis. 16. qu. 422.a  
 Serui actoris amissio plerumque est causa euerfionis totius familiae. 5.r.204.a  
 Serui dispensatoris officium finitur manu- missione, officium vero institoris non, & quæ ratio. 3.r.110.b  
 Seruo proprio olim inutiliter legabatur si- ne libertate. 15.q.391.a.b  
 per Seruum dominium ignorantia domino acquiritur. 23.q.643.d  
 per Seruum domini conditio deterior fieri non debet. 3.r.113.a  
 Seruum vendidi, nec tradidi, is mihi furto surreptus est sine mea culpa, an emptori teneor. 12.q.339.c. 340.a. quando ven- ditor emptori rem præstare tenetur non poenam furti. ibi. 340.c. & quando non ibid. Quæ distinctio hic notanda. 12.q. 340.c.d.e  
 per Seruum hereditarium, an quis aliquid quod est hereditatis acquirere possit. 15. q.391.c  
 tum Seruo testamenti factio est, ex perso- na domini. 27.q.707.b  
 cum Seruo nullum iudicium consistit. 2.r. 56.d. Item cum seruo nulla libertas, nul- lum testamentum est. 2.r.56.c  
 cum Seruo iudicium nullum & nulla lis consistit. 2.r.56.d  
 Serui aut nascuntur, aut fiunt, sed certis modis. 3.q.66.a  
 Serui, qui à testatore non iure manumissi sunt, an instructo prædiorum cadant. 8. r.369.b.c  
 Serui in crimine adulterij torquentur in caput domini, non in crimine incesti. 4. r.186.b  
 Serui receptitij quinam sunt. 4.r.162.a  
 Serui à dominis vendi possunt cum durio- ribus quibuscunque conditionibus. 2. qu. 53.c. 54.a  
 quot sunt Serui, tot hostes, ut est in pro- merbio. 1.q.13.a  
 Serui in quo differant à liberis hominibus, quoad crimina adulterij, & lege Julia. 1. de adulter. 681.c.682.2  
 an Serui contineantur instructo prædio legato. 7.r.320.d.e  
 Seruorum usus est necessarius. 23.q.648.d  
 cum Seruis alienis est testamenti factio ex persona minorum. 16.q.422.a. in le- gatis serui persona inspicitur. ibid.422.d  
 de Seruis controuersia inter duos orta, quos vnus eorum possidebat, alter dice- bat sibi deberi ex causa depositi. 2.r.55.c.d  
 Seruis legatis non continentur serui pi- guori accepti. 7.r.309.a.b  
 Seruis testamentorum omnia iusta cōmo- da non denegantur. 9.r.397.d.e  
 Severitas sententiæ cum ceteris damnis transigere solet. 1.r.21.a  
 Sexus masculinus est melior, muliebris est deterior. 31.q.815.c  
 Sexus miseratio quandoque iudicium per- ducit ad mediocrem poenam. 19.q.517.a  
 Sibi ipsi nemo causam possessionis mutare potest. 6.q.127.c.d  
 Sibi ipsi consilium præbere nemo potest & in re sua cognitor esse nequit. 1.q.10.b.c  
 Sibi ipsi causam possessionis nemo potest mutare. 26.q.671.c  
 Sidonius Apollinaris ex Virgilio conatur probare, quod origo matris quoque in partem patriæ computetur. 1.r.30.a  
 Sigillum & præsentia pro consensu non habentur. 8.r.356.d  
 Significationem & vim verborum augere & producere legis est. 2.r.87.d.e  
 Significationem verborum accipere, auge- re, & producere secundum iudicium iu- risconsulti est. 8.r.358.c  
 Silentium militis pro exheredatione habe- tur. 6.q.257.c  
 Silentium quod irrogatur cum infamia, quale. 1.r.12.d.e  
 Silentium quod irrogatur sine infamia, quibus conuenit. 1.r.12.a. Hoc declara- tur exemplo Adfessoris. ibidem  
 Silentium quod irrogatur Aduocato. 1.ref. 12.d.e  
 Silentium in iure pro mandato habetur. 9. q.212.c. Sic patientia pro ratihabitione in iure habetur. ib.212.c  
 Silentium matris est exheredatio, non si- lentium patris. 13.q.357.c  
 Silentij poena. 1.r.12.d.e  
 Similium in iure plerumque idem effectus est. 10.q.247.b  
 Simplum quid est. 12.q.341.c  
 si ex Simulatione contrahitur crimen stel- lionatus, eum non ex periurio. 8.q.185.b  
 Singulare ius temere producendum non est ad alias species sine lege singulari. 9. r.404.c  
 Singuli anni ex lege Julia & Papia, per sin- gulos liberos remittuntur. 1.r.33.b  
 Singuli mandatores in solidum tenentur, non pro virilib. portionibus. 3.r.134.c  
 Societas non est capitiōsa, aut iniqua, vbi alter corpus, alter disciplinam in socie- tatem adfert. 3.r.145.b. cur iusta socie- tas sit. ibid.145.c  
 Societas omnis habet arcam & pecuniam communem, sicut omne collegium ac v- niuersitas. 3.r.120.d  
 quod ex Singulis non fit, nec fit ex con- iunctis. 27.q.688.c  
 inter Societatem voluntariam & necessa- riam differentia quæ. 3.r.146.a.b  
 Societatem omnem soluit mors, ne dum coniugalem. 9.q.223.b.c  
 Socius quidam communes pecunias no- minatum suo nomine locauit & vsuras percepit, an de hisce tenebitur. 6.q.130.d  
 si quid Socius ædificet, an etiam est ius pro- hibendi per operis noui nuntiationem. 7.q.156.c.157.a  
 dum Socius in re communi facit aliquid, an inuitus sit is qui præsens est & tacet. q.151.b  
 vnus ex Sociis in re communi nihil facere potest, inuito Socio. 7.q.156.b  
 ex Sociis vnus qui mutuam pecuniam ac- cipit, an ex ea alter Socius sit obligatus. 3.r.120.a. Verba Senecæ hoc loco quæ. ibid.120.b  
 Socrates voluit introducere communio- nem inter omnes ciues & Confortium omnium rerum. 8.r.350.e  
 Solidum est integrum prælegatū intactū, illibatum sine immunitione Falcidia, quod & vniuersum dicitur. 6.r.832.d  
 Solemnia iudicia. 1. defin.646.c  
 quod Solet vulgo agi, pro actio habetur. 5. r.127.b  
 quod Soluit alius, & alius repetat nouum non est. 6.r.257.c.d  
 si quis Soluerit pro contutore suo, an pu- pillus ei debeat cedere actionem suam aduersus contutorem. 12.q.328.c  
 Soluere potest creditori extraneus pro de- bitore inuito. 1.r.11.c.d. Sic quoque pro debitor, Soluet creditori inuito. 1. r.11.c.d  
 Soluere creditori est dare, soluere vero procuratori creditoris, est facere. 27.q. 699.d.e  
 Soluere videtur qui mandat solui. 28. quæ. 754.a  
 non Soluitur aliud pro alio inuito. 5.r.221.a.b. excipitur vnus casus. ibid.221.a.b  
 Solui aliud pro alio potest volenti credi- tori, item & constitui. 8.q.175.c  
 Solum est maxima pars adium. 9.r.391.a  
 Solum non potest esse sine superficie. 27.q. 676.b  
 Solutio tarda & mora quomodo differunt. 9.q.218.b  
 Solutio species alienationis est. 19.q.531.bc  
 Solutio tarda an sit mora. 9.q.218.a.b  
 Solutio corporum prorogari non solet. 27. q.690.c.691.a  
 Solutio est species alienationis. 19.q.521.c  
 Solutio in cuius persona consistit. 8.q.374.a  
 Solutio ipso iure liberat, transactio per exceptionem liberat. 2.q.31.d.e  
 Solutio quid est. 8.q.187.d  
 Solutio sine obligatione esse nequit. 28.q. 752.c  
 Solutio vnus quando non liberat alterū. 27.q.701.d.e. & quando liberat alterum. ibid.701.d.e  
 Solutionis professio apocha. 1.r.8.d  
 Solutionis instar est constitutum. Vide. Constitutum.  
 Solutionis confessio similis est. 19.q.520.d.e  
 Solutione eius quod debetur, omnis obli- gatio soluitur. 9.q.232.c.233.a  
 omne quod pro Solutione cedit, tollit ci- uilem obligationem ipso iure, non insiu- randum. 28.q.751.a  
 pro Solutione depositio est. 2.r.76.c  
 Solutione eius quod debetur, tollitur om- nis obligatio. 28.q.749.b  
 à Solutione ad constitutum argumentum. 8.q.176.a  
 Solutum à mandatore aut fideiussore, de- bitor principalis refundere debet. 3. qu. 102.d.e  
 Solutum indebitum per ignorantiam iuris an possit repeti conditione indebiti. 19. q.520.b  
 Solutum errore repetitur. 2. definit. 651. c.d  
 Solutum per errorem procuratori, nomi- ne domini, quasi debitum domino, quid. 3.r.104.a.b  
 Solutum per errorem à debitore, an id condicere possit. 11.r.519.b  
 Soluti ex causa iudicari repetitio non est. 11.r.521.c.d  
 Solutio matrimonio non statim reddenda est dos, quæ pondere, numero, mensura contineatur. 11.q.283.b.c  
 Sordida munera non tribuuntur decurio- nibus. 1.r.28.a  
 Sortis incrementum est vsura. 8.r.370.d.e  
 Specialis substitutio generali derogat, & quando. 6.r.250.d.e  
 Specialis constitutio vel lex, regulæ deroga- tur. 11.r.476.d.e  
 ex Speciali legato qui rem petit potior est in iure quam qui ex generali legato pe- tit. 33.q.826.b.c  
 Specialem suffragij prærogatiuam habentes, aliis præferri debent. 1.r.35.c  
 Sætis petitione cessante, cessat quoque



# Index rerum ac verborum.

- vsuratum peticio.* 4. r. 161. d  
*à fortibus vsura num separandæ.* 9. r. 418. c  
*Species & pars in quo differunt.* 17. quæst. 461. a  
*Species generi derogat.* 33. q. 826. c. d  
*Species à quo abest, non continuo abesse genus.* 30. q. 803. c. 804. a  
*Species facti in l. 1. D. de iure aureor. annul- lor. qualis.* 1. r. 14. e. 15. a  
*Species l. centurio. 27. de milit. testam. quæ est.* 6. r. 255. c. d  
*Species legis 22. ff. de legat. præstat. quæ est.* 5. r. 217. b. c.  
*per Speciem in toto iure derogatur generi.* 36. q. 835. b  
*per Speciem an generi derogeretur, supelle- ctili legata, vel instructo prædio genera- liter, si species quædam eiusdem recen- scantur.* 7. r. 308. c  
*per Species derogatur generi* 33. quæstion. 826. c. d  
*Species an rationis quam sunt.* 13. q. 364. d. e  
*Spectatur semper potius, quid sit in re, quàm quid sit in animo contrahentium.* 37. q. 852. c  
*Spes pro re est.* 2. r. 69. c  
*Sponsalia non facit sola dotis promissio.* 10. q. 27. c. d  
*Sponsus matri virginis sponsæ, ea ignoran- te, res quas ei donabat pro munere spon- salitio, tradidit matri puellæ, quaeritur, quam actione filia cum matre agit.* 3. r. 97. c  
*Sportulæ quando erogari solent.* 1. respon. 34. a  
*Spurij & incesti si re & vita honesti sunt, an lenatores tunc fieri prohibeantur.* 1. r. 32. e. 33. a  
*Statuæ affixæ an sint pars domus.* 7. r. 319. c  
*an Statuæ domui affixæ, domus instrumen- to contineantur.* ibid.  
*Statuliber est servus manumissus sub con- ditione in testamento.* 29. q. 777. c  
*Statuliber non est libertus manumissionis.* 2. q. 53. e. 54. a  
*Statuliber in quo differat à legatario.* 21. q. 626. c  
*Statuliber post mortem testatoris si moria- tur, pendente conditione libertatis, v- trum pereat heredi, an non.* 29. quæstio. 777. c  
*quod Statuliber de peculio dat heredi, im- putatur in Falcidiam.* 2. r. 83. d. e  
*Statuliberi à dominis vendi possunt, sine durioribus conditionibus.* 2. q. 53. e. 54. a  
*Servi vero cum durioribus quibuscunq; conditionibus.* ibid.  
*Statuliberi sunt, quibus libertas relinqui- tur verbis directis, non precariis.* 2. q. 53. a. b  
*Statuliberi quando non computantur in servis, & adepti libertatem videantur.* 2. q. 55. b  
*Statuliberorum iura. Vide Iura statu libe- rorum.*  
*Status varietas seu mutatio, causam pericu- li non mutat.* 13. r. 109. c  
*Status capitis qui & status dignitatis an di- versus, & cur.* 1. r. 20. a  
*Statum hominis adoptio mutat.* 36. quæst. 833. c. & hæc genus non mutat, gentem mutat. ibid. 833. c. d. Quod est discrimen inter genus & gentem. ibid. 833. d. e. 834. a. & seq.  
*Stellionatus esse proprium virum Egyptii animal. unde ἀγρῳτῖς est stellio- nem agere.* 8. q. 185. a. b  
*an Stellionatus criminis distinctio Ioannis Glossatoris verissima quæ.* 1. r. 17. b  
*Stellionatus crimen proprio nomine caret.* 3. q. 181. c. d  
*Stellionatus actio neque publicis iudiciis, neque privatis actionibus continetur.* 1. r. 16. b  
*de Stellionatus crimine interpretatio Ioan- nis veteris Glossatoris, qualis, quæ & me- liorum interpretum.* 1. r. 17. b  
*Stellionatus actio num ex legibus veniat, & an sit iudicium ordinarium.* 1. resp. 16. b. c  
*Stellionatus criminis descriptio qualis.* 1. r. 16. e. 17. a. hoc crimen interdum famo- sum. ibid. 16. e. 17. a  
*Stellionatus crimen est extraordinarium.* 1. r. 16. d  
*Stellionatus crimen quid.* 8. q. 181. c. d  
*Stellionatus crimen si ex simulatione con- trahitur, cur non ex periurio.* 8. q. 185. c  
*Stellionatus iudicium an publicis iudiciis adscribi possit.* 1. r. 16. c  
*Stellionatus crimine tenetur qui eandem rem duorum pignori obligat diversis contractibus.* 8. q. 181. c  
*Stellionatus pœna non est legitima nec cri- men ordinarium.* 1. r. 16. b. c  
*Stellionatus crimen quando est famosum & quando non.* 1. r. 17. b  
*Stellionatus actio est criminalis.* 1. responf. 16. c  
*Stellionatus actio neque publicis iudiciis, neque privatis actionibus continetur.* 1. r. 16. b. c  
*Stellionatus actio privatis actionibus non continetur, & quænam istæ actiones pri- uatæ.* 1. r. 16. c  
*Stercoratio pars culturæ est.* 2. r. 69. c. d  
*Sterilis fundus sæpe fit nostra industria fer- tilis.* 2. r. 70. a  
*ob Sterilitatem anni, remissio pensionis co- lono interdum datur.* 4. r. 186. d. e  
*Stigmus unde dicitur.* 14. r. 576. e. 577. a  
*Stipulari ex re domini quid est.* 3. r. 92. b  
*Stipulari alteri vtiliter nemo potest, quo- modo hoc intelligitur.* 12. r. 532. c  
*qui Stipulatur rem tradi, nudum factum stipulatur, qui vero stipulatur vacuum possessionem tradi, stipulatur rei causam.* 27. q. 688. a. b  
*Stipulatur inutiliter alteri liber homo.* 3. r. 93. b  
*Stipulatio contrahitur verbis non literis & inter præsentés* 1. r. 1. c  
*Stipulatio dotis & vsurarum extinguitur post renouatum matrimonium.* 4. respon. 161. c  
*Stipulatio fundi sine propria appellatione, an numeretur inter stipulationes viles.* 4. r. 164. a. b  
*Stipulatio in id tempus confertur, quo pe- riculum creditoris esse desit.* 3. r. 131. c  
*Stipulatio pœnalis perimitur novatione voluntaria, non etiam necessaria.* 5. resp. 142. b  
*Stipulatio à cæteris contractibus quid dif- fert.* 10. q. 265. a  
*Stipulatio de rato vbi ommissa est, conditio indebiti competit, vbi vero stipulatio est interposita, conditio cessat.* 12. r. 546. a  
*omnis Stipulatio in facto consistens, est in- certi.* 27. q. 699. e. 700. a  
*an Stipulatio pœnalis priorem Stipula- tionem nouet.* 2. q. 65. a  
*Stipulatio de rato commissa in tatum com- petit, in quantum stipulatoris interest.* 11. r. 522. a. b  
*Stipulatio conditionalis non transit ad fis- cum.* 3. r. 141. a. b  
*Stipulatio consensum habet, & ex consen- su interponitur.* 2. defin. 652. e. 653. a  
*Stipulatio contra bonos mores concepta non valet.* 28. q. 726. b. Secus in bonæ fid. iudiciis. ibid. 726. b  
*Stipulatio est conclusio contractus.* 8. q. 183. c  
*Stipulatio est Pandectæ omnium contra- ctuum.* 15. q. 398. c. 399. a  
*Stipulatio in vinculum, formula conven- tionum & omnium contractuum con- clusio.* 27. q. 856. c  
*Stipulatio generis non nisi numero diuidi- tur, non corpore seu specie, & intellectu subtrahitur.* 12. q. 338. a  
*Stipulatio inuenta est obligationum for- mandarum causa.* 17. q. 685. e  
*Stipulatio non fit, nisi verbis inter præ- sentes.* 2. q. 58. e. 59. a  
*citra Stipulationis vinculum vsuræ non petuntur.* 3. r. 143. b. c  
*Stipulationi inseritur arbitrium boni viri.* 4. r. 162. e. 163. a  
*Stipulationi insunt pacta incontinenti fa- cta.* 4. r. 173. a  
*Stipulationi inest pactum incontinenti fa- ctum.* 11. q. 279. c. d  
*si Stipulationi iudicio sisti, dies non oppo- natur, an valeat stipulatio.* 2. quæst. 57. d. e  
*inter Stipulationem & legatum, quæ dif- ferentia.* 16. q. 423. d  
*in Stipulationem nullus contractus cadit.* 23. q. 651. e. 552. a  
*in Stipulationem non deducitur res ignota cum Stipulationi inseritur arbitrium bo- ni viri.* 4. r. 162. e. 163. a  
*ex Stipulatione pœnali actio.* 27. quæst. 680. a  
*à Stipulatione ad legatum argumentum in iure frequens est.* 17. q. 472. c  
*an ex ea Stipulatione agi potest, in qua dies ommissa est, nonne hic error stipulatio- nem vitiat?* 2. q. 57. d. e  
*in Stipulatione quæ nouat causam emptio- nis, non plus debet esse, quam in iudicio empti minus potest esse.* 27. q. 687. c  
*in Stipulatione spectatur tempus contra- ctus, in legatis vero tempus quo dies ce- dit.* 19. q. 424. b. c.  
*quod ex Stipulatione debetur, desit deberi.* 8. r. 325. b. c  
*Stipulationes & legata in quo differunt.* 18. q. 495. c. d. & 27. q. 705. d. e  
*Stipulationum & legatorum comparatio est frequentissima.* 2. q. 63. e. 64. a  
*in Stipulationibus tempus contractus spe- ctatur.* 27. q. 706. a  
*in Stipulationibus multa abundant.* 27. q. 688. d. d  
*Stipulatori obligatur promissor ex respon- so, & non ex rescripto.* 1. r. 1. c  
*contra Stipulatorem interpretatio facien- da non est.* 5. q. 109. a. b  
*ex Stipulatio actio de dupla domino non datur reuicta.* 3. r. 105. e. 106. a  
*Stirps vna agnationem, gentem plures con- ficiunt.* 3. q. 83. e  
*Stolæ militaris ius atque gladij Præfides habuerunt.* 1. r. 4. d. e. 5. a  
*Strictum ius humanitati opponitur.* 6. r. 261. b  
*Stricta ratio est, vt in re pari sit potior cau- sa prohibentis.* 8. q. 171. b  
*Strictum iudicium non recipit præstatio- nem, quæ contra bonos mores desidere- tur.* 26. q. 726. b  
*Stricta iudicia & iudicia bonæ fidei in quo differunt.* 9. q. 216. c. d  
*Stulta auaritia, inquit Seneca, mortalium discernit proprietatem & possessionem.* 26. q. 675. a  
*Stuprum committitur proprie in virginem aut viduam, Adulterium in nuptam. r. de adult. 681. e. 682. a. b. Quidam Stuprum dici putant à stupeo, id est, miror. ibid. d. e. vt monstrum à moneo, & probrum à prohibeo.* ib.  
*Stuprum non committitur cum concubina.* 8. r. 374. b  
*Stuprum & incestum.* 36. q. 838. e  
*ex Sua persona quod quis non habet, hoc sæpe per extraneum habere potest.* 6. q. 132. a  
*per Suam personam quod quis non habet, non habet id per alterius personam.* 20. q. 601. d. e



# in Quæst. & Respons. Papin.

Suam rem nemo cōdicere potest. 11. q. 301. d.  
 Suas commoditates nemo augere debet alieno detrimento. 28. q. 744. a.  
 in sua re nemo cognitor esse potest, & si-  
 bi ipsi consilium præbere. 1. q. 11. d.  
 Subscriptio pro consensu habetur, & plus  
 est subscribere, quam signare. 8. r. 356. d.  
 Subscribere proprie quid est. ibid. 356. d.  
 hæc constat duobus aut tribus verbis.  
 ibid. 356. d.  
 Substitutio pupillaris quando finitur. 8. r.  
 383. c. d.  
 Substitutio secundo modo facta nihil aliud  
 est, quam testamentum. 2. r. 60. a. b.  
 Substitutio vulgaris quæ est. 2. r. 89. b.  
 Substitutio vulgaris tacita excludit matrē  
 à beneficio Senatusconsulti Tertulliani.  
 6. r. 241. d. e.  
 Substitutio vulgaris tacita, quæ expresse  
 pupillari inest, matrem excludit. 6. r.  
 ibidem. pupillaris tacita non. ibidem  
 241. d. e.  
 Substitutio pupillaris an etiam consistit, si  
 institutio non consistat. 5. r. 216. b. c.  
 Substitutio an etiam locum habeat in lega-  
 tis. 17. q. 446. c. d.  
 Substitutio pupilli finitur pubertate. 29. q.  
 779. d. e.  
 Substitutio quid est. 16. q. 417. d.  
 Substitutio pupillaris quomodo concepta  
 à Marco Tullio. 6. r. 267. d.  
 Substitutio specialis derogat generali. 36. q.  
 835. b.  
 Contumax à contemnendo dicitur. 36. q.  
 839. a.  
 Substitutio specialis generali derogat. 6. r.  
 250. c. & quando. ibid.  
 Substitutio pupillaris tacita non excludit  
 matrem à beneficio Senatusconsulti Ter-  
 tulliani. 6. r. 241. d. e.  
 Substitutionis ordo, qui nō servatur in sub-  
 stitutione vulgari, spectatur in Substi-  
 tutione pupillari. 6. r. 245. d.  
 Substitutioni ademptio non inest. 8. resp.  
 378. a.  
 Substitutione vulgari testator sibi heredem  
 facit, pupillari vero Substitutione non si-  
 bi sed pupillo. 6. r. 253. d. e.  
 si Substituatur pater filio heredi instituto,  
 nec filium adire iubeat, sed ipsemet ex  
 Substitutione adeat, an legata à filio reli-  
 cta præstabit. 16. q. 418. c. 419. a.  
 Substitutus coheredis, & Substitutus exhe-  
 redati in quo differunt. 3. q. 87. e. ratio  
 conciliationis quæ. ibid.  
 Substitutio, institutio, & relinquo, hæc verba  
 neque sunt directa neque precaria. 19. q.  
 551. e.  
 Subuades qui dicuntur. 2. q. 39. d.  
 mulieri Subuenitur, ne damnum pariat  
 rei suæ, non etiam ut lucrum faciat. 19. q.  
 519. e.  
 Suburbia & pomerium in quo differunt. 10.  
 q. 265. a. b.  
 qui Substituit, non mutat voluntatem col-  
 latam in priorem, qui vero transfert, eam  
 mutat. 8. r. 378. a.  
 qui Succedit, habet iustam causam, nec sta-  
 tim scire potest conditiones, & ius rerum  
 hereditarium. 3. r. 115. b. ignorantia  
 hic eum excusat. ibid.  
 Successionis legitimæ ius ab intestato, ces-  
 sat testamento subsistente. 16. q. 413. d.  
 si non est Successioni locus in legitima he-  
 reditate, quomodo Successioni potest esse  
 locus? 5. q. 112. c. 113. a.  
 Successioni locus est in querela. 5. quæst.  
 112. d. e.  
 Successionem liberti qui sperat & eiusdem  
 impuberis tutelam gerit. 12. q. 313. a. b.  
 Successionem agnoscere quid est. 13. q.  
 356. a.  
 Successor iuris, alius est, alius Successor rei.  
 2. defin. 660. b. c.

Successor rei legatarius est, heres vero suc-  
 cessor iuris. 2. r. 88. b. c.  
 Successor iuris est Successor vitiorum de-  
 functi, non Successor rei. 2. defin. 660. b.  
 Suetonius in Augusto Casare, qui auctor  
 fuit legis Iulie de diuortis, diuortis mo-  
 dum imposuit. 1. de adult. 675. d. e.  
 Suffragij specialem prærogatiuam habentes,  
 aliis præferri debent. 1. r. 35. c.  
 Suias est species agnationis. 13. q. 364. d. e.  
 & 29. q. 803. c. 804. a. Species agnationis  
 quæ sunt. ibid.  
 Summa pignoris quæ dicitur. 9. q. 237. b. c.  
 Summum ius non semper iustitia est. 3. q.  
 94. c. 95. a.  
 an vllus lumpsus pro parte in causam serui-  
 tutis fieri non possit. 2. r. 54. c. 55. a. opi-  
 nio Caskij quæ, & eius refutatio. ibid.  
 Sumptus in litem factos necessarios ac pro-  
 babiles num aliquis à me reperere possit  
 pro parte iudicio negot. gestorum. 2. r.  
 54. c. d.  
 Sumptus vsuræ quomodo purgantur. 2. r.  
 50. c.  
 an Summoto eo, cuius nomen quis induxit,  
 substitutus veniat. 16. q. 431. a. b.  
 Supellectile legata non spectatur materia  
 sed saltem species. 7. r. 308. c. 309. a.  
 Supellectile legata an vasa argentea quo-  
 que debeantur. 11. q. 290. a. b.  
 Supellectili legata, vel instructo prædio  
 generaliter, si species quedam eiusdem  
 recenseantur, an generi per speciem de-  
 rogetur. 7. r. 308. c. 309. a.  
 Supellectile legata cum domo, quæ sup-  
 pellex debetur. 7. r. 321. c. d.  
 Suppellex non domus, sed domini instru-  
 mentum est. 7. r. 319. c.  
 Superbus & contumax in quo differunt. 8.  
 q. 165. b. c.  
 quod Superest, eius repetitio non est. 2. r.  
 51. b.  
 Superficies domus pars minima, si cum solo  
 confertur. 10. q. 249. b. c.  
 Superficies non potest esse sine loco & solo,  
 solum vero sine Superficie esse potest. 27.  
 q. 676. a.  
 Superficie appellatio latior quam ædificij.  
 10. q. 249. b.  
 cui Superfluum hereditatis restituitur ex  
 causa fideicommissi, an is sit Trebellia-  
 nus fideicommissarius. 19. q. 574. d. e.  
 Superuacanea nunquam nocent. 18. q. 505.  
 c. 506. a. b.  
 Sursus hereditatem adire nequit, & cur. 15.  
 q. 406. c. d.  
 Surdus & mutus pro absentibus & ignorantibus  
 habentur. 8. r. 332. d. e.  
 Surdus & mutus an bonorum possessionem  
 petere possint, & an eis dies petendæ pos-  
 sessionis cedant. 15. q. 406. b. c.  
 Surdo testamenti factio non est. 6. respon.  
 276. b. c.  
 Suspensa cognitione maleficij an seruo sit  
 representanda libertas ex causa fidei-  
 commissi. 9. r. 440. b.  
 Suspicio fraudis in votorum festinatione,  
 an in nuptiis contrahendis interueniat. 1.  
 r. 28. c. 29. a.  
 Suspicio fraudis num cesset in nepote susce-  
 pto in adoptiua familia ex adoptiuo fi-  
 lio. 1. r. 28. d. e. Quæ huiusmodi solutio 1.  
 r. 28. c. 29. a. Secus constitutione D. Pij.  
 ibid. 29. a.  
 Suus non est nepos si filius præcedat, sed est  
 agnatus. 29. q. 803. c. 804. a.  
 Suus non est frater, & est tamen agnatus.  
 ibid.  
 Suus ignorans bonorum possessionem ad-  
 quirat. 16. q. 414. b. c.  
 Suus heres iure legitimo hereditatem euin-  
 cit. 6. r. 273. a. b.  
 Suus & Filius emancipatus in quo differunt.  
 18. q. 481. c. 482. a.  
 Suus heres an non sit necessarius ex testa-

mento, sed ab intestato tantum. 3. q.  
 84. c.  
 Suus heres inuitus sit heres. 26. q. 670. b.  
 Suus non est patruus & tamen est agnatus.  
 29. q. 803. c. 804. a.  
 Suus Heres. Vide Heres.  
 inter Suum heredem & emancipatum circa  
 causam transmissionis differentia quæ.  
 16. q. 412. c. & 413. a. b. & seq.  
 inter Suum & emancipatum filium diffe-  
 rentia quæ. 3. q. 67. c. 68. a.  
 Suum petentibus iuris ignorantia nocet. 19.  
 q. 516. b.  
 de Suo quemque largiri oportet, non de a-  
 lienis. 8. r. 334. b. c.  
 Sui heredes aut sunt naturales, aut non na-  
 turales. 30. q. 802. a. Non naturales iure  
 veteri qui sunt. ibid. Qui naturales sui  
 heredis dicuntur. ibid.  
 Sui heredes qui sunt. ibid. 802. c.  
 in Sylua data in dotem hæc distinctio no-  
 tat, an sit cædua, an non cædua. 11. q.  
 299. d.  
 Sylua cædua olim quomodo cædebantur,  
 & quomodo hodie. 11. q. 299. a.  
 Symbolum mancipationum, acceptionum  
 & manumissionum quod est. 28. q.  
 769. a.

## T

Taberna negotiatoria legata aut vendi-  
 ta, an merces legato aut venditione  
 contineatur. 8. r. 345. c. 346. a.  
 Tabernæ nomine non locus significatur, sed  
 merx, quæ in eo sita est. 8. r. 346. b.  
 Tabernaculum prætorium dictum, quod  
 prætores olim bella administrabant.  
 1. r. 3. c.  
 Tabulæ non sunt pars naui, sic remi. 23. q.  
 637. d. e.  
 Tabulæ solæ nuptiales matrimonium non  
 faciunt. 12. r. 531. a.  
 Tabulæ primæ dicuntur testamentum pa-  
 tris, secundæ tabulæ vero testamentum  
 filij impuberis. 3. q. 85. d. e.  
 Tabulis primis qui renuntiavit, an is ex se-  
 cundis hereditatem obtinere possit. 3. q.  
 86. c. d.  
 Tabulas primas qui oppugnauit, nihil ex  
 secundis consequi debet. 3. q. 90. b.  
 in Tabulis patris & filij vna Falcidia ser-  
 uatur. 29. q. 782. c. d. e. & seq. vis & pote-  
 stas huius regulæ quæ est. ibid.  
 si Taceat in iure interrogatus, vel non re-  
 spondeat, quid. 8. q. 165. b. c.  
 qui Tacet consentire videtur. 7. q. 157. e.  
 qui Tacet alias consentire, alias dissentire  
 dicitur. 7. q. 137. e.  
 Tacita conditio non efficit legatum condi-  
 tionale. 18. q. 514. a. b.  
 Tacita exhereditatio est conditionis edictio.  
 15. q. 391. e.  
 Tacita voluntas conditionem facit, sicut  
 expressa. 15. q. 400. a.  
 Tacita fides est tacita conuentio. 1. resp.  
 23. d.  
 Tacita hypotheca an etiam detur ei, cuius  
 pecunia, domus quæ vitium faciebat, re-  
 secta est. 10. r. 455. a.  
 quæ Tacite insunt, non faciunt legata con-  
 ditionalia. 10. q. 514. b. c.  
 Tacitum cessat expresse. 4. r. 185. e.  
 Tacitum fideicommissum probare natura  
 est difficile. 14. r. 572. c. 573. a.  
 Tacitum fideicommissum quid est. 15. quæ.  
 401. c. d. e.  
 Tacitus consensus populi legem obliterat.  
 2. q. 46. b. c.  
 Taciturnitas est medium inter consensum  
 & dissensum. 7. q. 157. c. d. e.  
 Taciturnitas negationem imitatur, non  
 confessionem. 8. q. 165. b. c.  
 Taciturnitas patris pro voluntate habetur.  
 9. quæst. 240. c. 241. a. & quando non.  
 242. a. b.



# Index rerum ac verborum

- Taciturnitas & scientia consensum imitantur. 11 r. 500. c. 501. a
- Taciturnitas diuturna mariti est pactio tacita. 4. r. 156. a. b
- Taciturnitas aliquando consensum imitatur, aliquando dissensum. 11. q. 291. d. e
- subiecta Talia sunt, qualia esse permittuntur à prædicatis. 8. r. 368. b
- Tanti est omnis res, quanti à domino æstimatur. 20. q. 605. c. 606. 1.
- non omnis Tarda solutio est mora, & mora est Tarditas, quam interpellatio creat. 9. q. 218. a. b
- Tarditas in solutione, an sit mora. 9. quæst. 218. b
- Temporalis exceptio. Vide Exceptio temporalis.
- Tempus continuum ignorantium tantum cedit. 12. r. 528. b. c
- Tempus contractus in stipulatione spectatur, in legatis vero Tempus quo dies cedit. 16. q. 424. b
- Tempus moriendi semper in iure vitæ deputatur. 13. q. 353. d
- Tempus famæ non restituit. 1. r. 20. b
- Tempus nunquam præstitui dicitur, salariū vero nunquam præstitui dicitur. 4. resp. 150. a. b
- Tempus certum certusve dies cum obligationi addatur, nisi eo tempore vel die præterito, agi non potest. 2. defin. 660. d. e. ubi quis in diem certum stipulatus est, statim quidem cedit dies, sed nondum venit. ibidem.
- Tempus in peculio spectandum quod est. Vide Peculium.
- Tempus mortis haberi debet pro testamenti tempore. 15. q. 395. c. d
- Tempus medium quodnam est. 2. r. 66. d. e
- Temporis præteriti sola ratio obstat causæ restitutionis. 2. r. 91. a
- Tempore qui prior est, potior erit iure pignoris. 8. q. 181. c. 182. a
- Tempore prior est potior iure. 8. q. ibid. & 26. q. 666. b
- an Tempore tollatur obligatio. 7. q. 146. a
- Tempore vtili habet experiundi potestatem cui competit actio. 12. r. 528. b. c
- Tempora quæ sunt præstituta in adquirenda hereditate. 19. q. 522. c
- Temporum commemoratio plura legata facit. 17. q. 442. c. 443. a
- termini Deposti qui sunt. 9. q. 217. c. 218. a
- Depositi quid est. ibidem.
- Testamentū ab initio iustum rumpitur postea agnatione sui heredis. 1. defin. 638. a. b
- Testamentum iure codicillorum tueri non potest. 6. r. 248. e. nisi exprimatur. ibid. 248. d. Accursius unum casum excipit. 248. d. e
- Testamentum, in quo solemnia iuris desunt, non iure factum, atque adeo inutile est. 1. defin. 637. a. b. Codicilli nullam ordinis solemnitate desiderant. ib. 637. d
- Testamentarius tutor tutela se abdicare potest, credere in iure non potest. 1. r. 2. d
- Testamentum non facit sola voluntas. 19. q. 528. alias 529. b. c
- Testamentum vitiat ipso iure præteritio filij. 13. q. 347. c
- Testamentum irritum per omnia constituitur, hereditate non adita ab herede, qui in eo scriptus est. 1. defin. 638. b
- Testamentum rumpitur agnatione posthumi præteriti. 16. q. 413. a
- Testamentum est causa ex qua codicilli valent, & codicilli non possunt esse causa ex qua Testamentum valeat. 15. q. 391. d
- Testamentum imperfectum quando posterius rumpit prius Testamentum perfectum. 14. q. 384. c
- Testamentum facere de bonis alienis non licet. 14. q. 380. c. 301. a
- Testamentum corrumpit infamia testium. 1. de a. iust. 672. a. b
- Testamentum prius iure perfectum posteriore imperfecto non rumpitur. 14. qu. 384. c. Duo sunt casus, quibus posterius Testamentum imperfectum rumpit prius quod erat iure perfectum. ibidem
- Testamentum imperfectum dicitur, quod non subscriptum, neque à testibus signatum est. 6. r. 256. c. d
- Testamentum bellicum seu Testamentum militis est quod non atramento scriptum, sed sanguine, non in charta, sed in mucrone. 19. q. 525. a
- Testamentum eius nullum est, cuius nulla bona sunt. 13. q. 362. a
- Testamentū an adoptione rumpitur, quasi agnatione sui heredis, si quis institutus sit postea adoptatus. 12. q. 333. d. e
- Testamentū manifesti fœneratoris an ipso iure nullum est, si ex actu fœnus non reddiderit, & an conualescat, si post factum Testamentum reddiderit. 5. resp. 216. c. 217. a
- Testamentum nullum cum seruo. 2. r. 56. c
- Testamentum destitutum pro non facto habetur, & destituitur, si heres non adeat. 11. q. 313. c. 314. a
- Testamentum bellicum vere est quod non atramento scriptum, sed sanguine, non in charta sed in pulvere. 19. q. 525. a
- Testamentum corrumpit testium infamia. 1. de adult. 672. a. b
- Testamentum cum seruo nullum est. 2. re. 56. a
- an Testamentum corroboret nudum nomen heredis. 3. q. 85. b
- Testamentum pupillare est pars & sequela paterni testamenti. 29. q. 784. b
- Testamentum militis perfectum est quælibet voluntas. 14. q. 384. c. 385. a
- Testamentum quid est. 19. q. 529. a
- Testamentū pagani pertinet ad ius civile, militis vero Testamentum est iuriscientium. 14. q. 385. a
- Testamentū confirmatur morte sola, item electio heredis. 19. q. 653. b
- Testamentum militis factum in militia, valet quoque eodem iure militari intra annum, si modo miles dimissus sit propter honestam causam. 14. q. 384. c. 385. a
- prius Testamentum posteriore rumpitur. ibi. 384. d. e. & quando non. 384. c. ibid.
- Testamentum militis imperfectum perfecti potestatem obtinet, quia sola voluntate perficitur. 19. q. 524. c
- Testamentum imperfectum dicitur duobus modis, & quomodo. 19. q. 524. d. e. & 515. a. b. causa Testati trahit ad se causam intestati. ibid. 525. c. d
- Testamentum militis irritum non fit capituli minutione. 19. q. 525. a
- Testamentum militis nuda voluntate perficitur. 19. q. 524. c
- Testamentum non infirmatur nuda voluntate, electio vero heredis infirmatur nuda voluntate. 29. q. 533. b
- Testamentum non signatum, vel à testibus non subscriptum, pro imperfecto habetur. 14. q. 385. c. d
- Testamentum rumpitur agnatione, vel quasi agnatione. 12. q. 332. c
- pro Testamenti tempore, tempus mortis haberi debet. 19. q. 395. b
- Testamenti factio quæ est. 14. q. 380. c. d. hæc est publici iuris, non privati. ibidem. 380. c. d
- pro Testamenti parte habentur codicilli. 6. r. 255. c. 256. a
- Testamenti sequela, sunt codicilli & ex eo viri accipiunt, nec è contra. 15. qu. 391. d
- Testamenti factio surdo non est. 6. resp. 276. b. c
- Testamenti factionem liberam non habet libertus. 14. q. 381. d
- Testamenti factio est ex persona domino-
- rum cum servis alienis. 16. q. 422. a. & 27. q. 707. a. b
- an Testamenti factionem habeat cæcus. 15. q. 406. d
- Testamenti factio libera est unicuique libero homini cuique Romano. 8. resp. 353. b
- Testamenti factionem an habeat servus. Vide Servus.
- Testamenti factionem quæ personæ habent, licet Testamentum facere non possint. 12. q. 380. a. b
- Testamenti factio dupliciter accipitur, & quomodo. ibid.
- Testamenti factio non privati, sed publici iuris est. 14. q. 380. a
- Testamento subsistente, ius legitimæ successionis ab intestato cessat. 16. q. 413. d
- in Testamento in provincia adhibebantur tres testes, ut refert Plutarchus. 15. quæst. 394. d
- in Testamento militis vires hereditatis finiuntur assis, in pagani vero dodrante assis. 19. q. 787. e
- in Testamento non quæcunque scripta sunt, valent, nisi quatenus congruit legibus & constitutionibus. 11. q. 320. a
- in Testamento pagani solemnitas exigitur. 14. qu. 384. b
- in Testamento matris an quæque legata sint servitutes prædiorum, & an id legatum in totum consistat. 7. r. 287. a. b
- quod in Testamento est, non est ita potens quam quod in arbitrio legis est. 9. resp. 438. a
- in Testamento militari cessat lex Falcidia. 29. q. 787. c
- Testamento curatorem iure non dat Centurio filio impuberi vel puberi, sicut nec paganus. 6. r. 225. c
- ex Testamento liber. Vide Liber.
- Testamento datur hereditas verbis directis. 17. qu. 451. b. codicillis vero non item. ibidem.
- de Testamento falso si quis non obtinet, an legatum obtinere potest. 5. qu. 120. c.
- in Testamento pagano exigitur solemnitas. 14. q. 186. c
- duo Testamenta unius hominis non sunt. 3. q. 79. c. d
- plura Testamēta quis facere non potest, plures vero codicillos facere potest. 7. r. 285. b
- Testamentorum vitia aut menda non vitiunt testatoris voluntatem. 27. q. 708. c
- Testamentorum executores dispensatores esse possunt clerici. 7. r. 310. b. c
- quid si Testamentis duorum eadem res mihi legetur. 17. q. 453. c. d
- in Testamentis rusticorum quinque testes requiruntur. 15. q. 394. c
- quæ Testamentis sine die vel conditione ascribuntur, ex die aditæ hereditatis præstantur. 1. defin. 642. c. d
- in testamentis vel conventionibus quæ abundant nihil nocere, imo prodesse magis. 7. q. 688. d
- Testandi potestatem si lex non dederit, nec privatus dabit. 14. q. 381. d. e
- an Testari possit de castrensi peculio ex privilegio militis confestim atque cingi quis iussus est, secus vero ante militiam. 6. r. 259. c
- Testari causa trahens ad se causam intestati. 6. r. 235. b
- Testari causa trahit ad se causam intestati. 19. q. 525. c. d
- Testari causa trahit causam intestati, & è contra. 14. q. 379. a
- Testator sciens quomodo differat Testator utrum rem legatam vendiderit, an donaverit, si ignoretur, quæ distinctio noranda. 19. q. 534. c. d. e
- Testator, sub plurimo numero, si sine liberis, etiam singularem comprehendit. 3. r. 356. d



# in Quæst. & Respons. Papin.

- Testator alicui rem legauit, eandem & heres eidem legauit, an bis debetur. 17. q. 454. a. b.
- Testator iubet heredem monumentum facere, an heres hoc mandato obligabitur. 6. q. 123. b. c.
- Testator heredem rogat fideicommissum, ut libertis ducenta daret, ad eximendum monumentum, An si quod vltimus expenderunt, ab herede recuperare possint, actione negotiorum gestorum, quæstionis est. 2. r. 50. e. 51. a. Ratio hic est communis. ibidem
- Testator sibi heredem facit vulgari substitutione, pupillari vero non sibi, sed pupillo. 6. r. 253. d. e. M. Tullius quomodo substitutionem pupillarem concepit. lib. 2. de inuent. ibid. 253. d. e.
- Testatoris error, cur legato officit. 19. qu. 549. e. 550. a.
- Testatoris voluntas. Vide Testamentum.
- Testatoris ius quâdo facit error. 9. r. 442. a.
- Testatoris voluntas num erogationis finem faciat. 2. r. 51. a.
- Testatoris voluntatem quando non vitiat mendum & vitia. 6. r. 243. e. 244. a.
- Testatoris scientia fideicommissum facit, opinio non. 19. q. 553. c. d.
- Testatoris voluntas potius spectatur quâ verba. 8. r. 397. b.
- Testatore ignorante in re aliena. 9. quæst. 549. d. e.
- Testatore inuito Falcidiæ locus non est. 10. q. 273. b. c.
- à Testatore nō iure manumissi serui, an instructo eorum prædiorum cedant. 8. ref. 369. b. c.
- Testimonium rei verâ plerunque corrumpit necessitudo personarum. 1. de adult. 679. c. d.
- Testimoniū nō dicit inuitus. 1. de ad. 678. e.
- ad Testimonium an admitti possunt accusatores damnati in iudicio aliquo publico. 1. de adult. 673. a.
- Testimoniū iudicarij vel testamentarij dictionem nō habent damnati iudicio publico. 1. de adult. 673. b. & 674. a. b.
- Testimonij perhibendi ius impuberes nulla in causa habent. 1. de ad. 676. a.
- à Testimonio non repellitur damnatus depositi, quamuis infamis fiat. 1. r. 20. c.
- Testis non potest esse mulier in testamento, an potest in iudicio. 1. q. 11. c.
- Testes quinque requiruntur in codicillis. 15. q. 394. d.
- Testes tres adhibebantur in testamento in procinctu. 15. q. 394. c.
- Testium infamia testamentum corrumpit. 1. de adult. 672. b.
- Testium infamia corrumpit testamentum. 1. de ad. 672. b.
- Testibus potiora esse monumenta publica in agris sculpta, in causa finiu. 2. r. 71. b. c.
- Theriaca medicamentum. 7. r. 321. c.
- Theriaca an cedat fundo instructo. 7. ref. 322. a.
- Thesaurus quis dicitur. 23. q. 639. a. b. Definitio Cassiodori quæ. ibid. 639. b. Græci quomodo definiunt Thesaurum. ibid. 639. b.
- Titulus omnis de regulis iuris est de iure ordinario & summo, non de extraordinario. 28. q. 746. c. d.
- Titulum possessionis nemo sibi ipsi mutare potest 6. q. 126. c. Argumentum ab extraneo ad filium. ibid. 126. d. Ratum nō habere est facere. ibid. 127. a.
- Titulo vlturarum legitima tantum recte petitur. 3. r. 130. b.
- Tituli diuersi significantiam diuersi iuris præbent. 1. r. 12. c.
- Tituli sunt clauis legum siue scripturæ, teste D. Hieronymo. 7. r. 308. a.
- To maxime respōdet t̃p̃ magis. 2. r. 68. d.
- qui Totum dicit, etiam vinculum naturale comprehendit. 28. q. 749. b.
- Totum statim non improbat, qui partem improbat. 6. r. 269. d. c.
- Totum & genus in quo differunt. 13. qu. 460. e. 461. a.
- Totum & omne in quo differunt. 9. qu. 232. c.
- à Toto ad partem argumentum non valet, à parte vero ad Totum valet. 7. qu. 161. & seq.
- Tractio, as, are accipitur pro disputare in iure. 1. r. 1. a. b. Vnde Tractatores vocantur Doctores disputationes instituētes. ibidem. 1. a. b.
- Traditio quando non interuenit, vltucatio non procedit. 23. q. 651. c.
- Transactio per exceptionem liberat. 2. qu. 23. c. 24. a.
- Transactio cum creditore de remittenda pecunia parte. 1. r. 9. a. b. c. d.
- Transactio post rem iudicatâ facta vtrū valeat, si appellatum sit. 1. r. 9. a.
- Transactio genere plerunque fit diuisionis patrimonij. 2. r. 73. c. 74. a.
- Transactio rei finita nihil pertinet ad arbitrum siue iudicem. 2. r. 74. a.
- aduersus Transactiones qui restituuntur. 2. r. 74. a.
- Transferre nemo plus iuris in alium potest, quam quis habeat. 1. q. 7. b.
- qui Transfert mutat voluntatem collatam in priorem. 8. r. 377. c.
- quod non Transfertur in causam nouationis, iure pristino peti potest. 27. q. 689. e. quod in stipulationem non Transfertur iudicio empti peti potest. 27. qu. 679. c.
- Translatio iudicij datur ex herede heredi. 20. q. 619. b. c.
- Translatio reliquiarum mortui in alium locū à principe impetrari debet. 3. r. 121. b.
- quæ Transmissio iure cessat, remedio decreti inducitur. 16. q. 414. b.
- Transmissione locus vbi est, ius ad crescendi cessat. 19. q. 346. d. e.
- Trapezitæ officio quid incumbit. 3. resp. 98. d. e.
- Trebellianus fideicommissarius, an is sit, cui superfluum hereditatis restituitur ex causa fideicommissi. 17. q. 553. d.
- Tribuni plebis manus iniecta ciues eximebat ab iniuria Consulium. 1. r. 449. c.
- Tribuni plebis creabantur auxilij ferendi causa. 10. r. 463. c.
- Tributū omne sequitur quæcunque possessorem agrorum. 3. r. 142. d. e.
- Tributi exigendi manus patrimoniale est. 1. r. 26. e.
- Tributi exigendi munus num habeatur inter fordida munera. 1. r. 28. a. b.
- Triennij præscriptio etiam pignus rerum mobilium perimit. 11. r. 480. e. 481. a.
- Triboniani error. 9. q. 217. c.
- Tristitiani rei mitigat verbi lenitas. 2. r. 73. c. 74. a.
- Tutela dicitur esse vis & potestas in pupillum. 19. q. 557. b. Curator quoque est loco domini. ibid. 557. c. d.
- Tutela eo peruenit, quo hereditas redit. 19. q. 554. b.
- Tutela finitur captiuitate Tutoris. 28. qu. 727. b. c.
- Tutela quæ est. 11. q. 313. b.
- Tutela & argentaria comparantur. 3. resp. 98. c.
- Tutela patronorum iure quatuor liberorum liberantur feminae libertæ ex lege Papia, quæ hoc ius non habebant, erant sub tutoribus. 11. q. 316. a. b.
- Tutela finitur pubertate. 11. q. 316. a. b.
- Tutela est munus ciuile generale, & iniungitur iuricis. 1. r. 32. d. 41. c.
- Tutela est indiuidua. 1. r. 47. d.
- Tutela est vinile officium. 4. r. 180. e.
- Decreto & concessu principis est quod officium muliebre. ibid. 180. e. 181. a.
- Tutela morte finitur, & an curatoris heredem sequitur. 2. r. 52. a.
- Tutelæ diuio non fit iure, sed à Magistratu, & cur. 3. q. 81. b. c.
- Tutelæ officio finito, tutor nullam actionem pupilli nomine inferre potest sine dato. 5. r. 200. a. b.
- Tutelæ actio quid. 11. q. 318. d. e.
- Tutelæ actio non datur ante finitam tutelam. 25. q. 664. d.
- Tutela cessitia finitur morte cedentis. 8. r. 336. a.
- Tutelæ actio ob quam datur. 2. respons. 52. a.
- Tutelæ actio non dicitur esse ex contractu sed quasi ex contractu. 2. respons. 81. b. c.
- à Tutelæ administratione qui remouetur ob inertiam & simplicitatem, non fit infamis, secus qui ob dolum. 12. q. 330. d. & seq.
- Tutelæ iudicium non est differendum in tutorem. 3. r. 99. d. e.
- Tutela agere quid est. 11. q. 317. d. e.
- Tutelæ diuio non est iuris, sed iurisdictionis. 3. q. 81. c.
- ad Tutelam vel curam non vocantur cognati. 13. q. 354. d.
- ob Tutelam gestam à filiofamil. an pater teneatur de peculio, & de in rem versio. 2. q. 241. c.
- is Tutelâ liberti impuberis gerit, qui eiusdem successionem sperat. 12. q. 326. e.
- inter Tutelam diuisam & Tutelam indiuisam differentia. 2. quæstion. 34. a. 35. & 36.
- constitutio D. Marci Tutelam separat à ceteris muneribus ciuilibus. 5. respons. 195. d. e.
- Tutela se abdicare, est se amplius tutorem esse nolle. 1. r. 1. c.
- in Tutela perpetua erant olim feminae. 11. q. 316. a. b.
- Tutela finita agi potest Tutelæ iudicio. 5. r. 207. d.
- Tutela se abdicare, est dicere se amplius tutorem esse nolle. 1. r. 2. c.
- Tutelarum tria onera an à quarta præbeat excusationem. 5. r. 211. b.
- à Tutelis non excusatur conductor vectigalium ciuitatis. 1. r. 37. e. 38. a.
- à Tutelis excusantur conductores vectigalium fisci. 1. r. 37. d.
- Tutor legitimus Tutela legitima cedere potest an abdicare se nequit. 1. r. 2. c.
- Tutor non datur ventri sed curatori & cur. 19. q. 557. c.
- Tutor an protinus à creatione appellare potest, antequam se excusauerit. 5. r. 195. c. d. Accursius vult à sola creatione non appellari contra manifestam scientiam. ibid. 195. c. d.
- an Tutor conueniri possit ex causa alterius prouinciæ. 3. q. 81. c.
- Tutor datius vnde dicitur. 11. quæst. 311. c. d.
- Tutor honorarius quis est. 4. r. 181. c.
- Tutor suspectus quis dicitur. 19. respons. 580. a. b. c.
- Tutor esse non definit datus in exilium temporale. 5. r. 210. b.
- Tutor liberare potest debitorem pupilli. 2. r. 53. c.
- Tutor testamentarius tutela se abdicare potest, cedere in iure non potest. 1. ref. 2. c.
- Tutor iustus non est seruus. 4. r. 185. b.
- Tutor legitimus liberti impuberis est patronus. 11. q. 314. b.
- Tutor, officio tutelæ finito nullam actionem pupilli nomine inferre potest sine mandato. 5. r. 200. a. b.
- Tutor nouus nomina suscipere cogitur, sed non cogitur probare. 2. q. 52. c. 53. a.



# Index rerum & verborum

Tutor quomodo tenetur pupillo, & quomodo creditoribus. 25. q. 66. c. d.  
 Tutor non iure datus indiget confirmatio-  
 ne. 4. r. 143. b. idem est in seruo sine li-  
 bertate tutore dato. ibid.  
 Tutor qui pro contutore soluit, an pupil-  
 lus ei debeat cedere actionem suam ad-  
 uersus contutorem. 12. q. 129. c. d.  
 Tutor datus, quando & quomodo confir-  
 matur. 11. q. 309. c. 310. a. b. & seq.  
 Tutor vel curator quando conueniri po-  
 test post depositum officium. 5. r. 204. c.  
 Tutor tēpore tutelæ condemnatus, an te-  
 neatur actione iudicati nomine pupilli  
 5. r. 206. a. quæ distinctio in tutore, hic  
 notanda. 5. r. 206. a. b. hæc distinctio  
 quoque in curatore seruatur. ib. 206. c. d.  
 Tutor iure datur testamento, ab eo, qui pu-  
 pillum habet in potestate, non item cu-  
 rator. 11. q. 309. c. d.  
 Tutor est loco domini, hoc est, loco pupil-  
 li habetur. 19. q. 557. b. & tutor plerumq;  
 est loco domini. ibid.  
 Tutor pupilli auctori siue syndico respub-  
 licæ paratur. sic respubl. pupillo. 15. q. 410. a.  
 Tutor testamento datus ad ordinandam  
 litem in officio testamenti à prætorē  
 confirmatur. 4. r. 182. d.  
 Tutor conueniri potest & debet, vbi tu-  
 telam administravit. 3. r. 9. c.  
 Tutor datius confirmatur, non testamen-  
 tarius, nec enim testamento iure datus  
 est. 7. r. 294. c.  
 Tutor est vel testamentarius, vel legiti-  
 mus, vel datius. 5. r. 187. c.  
 Tutorem habenti vix tutor datur & quo-  
 modo procedit. 5. r. 196. a.  
 Tutor illicitè vendit prædium pupillare  
 sine decreto prætoris. 5. r. 213. d. c.  
 Tutor neque virgini neque mulieri, ante  
 constitutum tēpus petendæ restitutio-  
 nis in integrum coniungi potest. 4. r. 156.  
 b. Quod nam est illis tempus constitu-  
 tum. ib. 156. a. Tutor non debet fieri au-  
 ctor in rem suam. 4. r. 164. d.  
 Tutor non conuenitur pro contutore, eo  
 inexcussio, qui rem pupilli gessit & perdi-  
 dit, & quando conueniendus. 1. r. 41. d.  
 Tutor procuratorem litis facere nō potest,  
 ante litē contestatū, & cur. 2. r. 52. c. 53. a.  
 Tutor pupilli nomine recte agit in iudi-  
 cio, mater vero secus rem pupilli in iudi-  
 cium deducere non potest. 2. r. 53. a.  
 Tutor quando directā tenetur, & quando  
 vtili actione. 5. r. 169. b. c.  
 Tutor rem pupilli alienare potest, & quā-  
 do. 2. r. 53. b. c. Secus in negotiorum ges-  
 tore. ibid.  
 Tutoris loco pro qua parte quisque fide-  
 iussorum condemnatur, & an vnus in so-  
 lidum damnari possit. 2. r. 80. d.  
 post Tutoris dationem dignitas neminem  
 excusat. 5. r. 210. d. c.  
 Tutoris obligatio qui tutelā gessit quomo-  
 do diuiditur per tempora. 11. q. 318. b. c.  
 Tutoris datio est legis, vel eius cui etiam  
 lex dedit. 7. r. 294. b.  
 Tutoris auctoritate iudicium infantis sup-  
 pletur. 2. r. 57. a. b.  
 Tutoris dationem lex 12. tabularum patri  
 tantum permittit filium habenti in pote-  
 state. 4. r. 185. c.  
 in Tutoris datione iudicium patris confir-  
 matur sine inquisitione, iudicium matris  
 non nisi ex inquisitione. 19. q. 556. c.  
 ex facto Tutoris, an pupillus paterno pu-  
 pillō teneatur. 2. r. 51. c.  
 Tutoris datio mandari non potest. 1. q. 9.  
 a. b.  
 Tutoris datio non est iurisdictionis, sed  
 iuris. 11. q. 311. c.  
 Tutoris dolus pupillo neque nocet neque  
 prodest. 20. q. 597. d. c.  
 Tutoris eius, qui tutelam gessit, facultates,  
 prius excutiendæ sunt, quam honorarij

tutoris. 4. r. 181. c. 182. a.  
 Tutoris dandi an ius habeat magistratus  
 municipalis. 11. q. 311. d.  
 Tutoris officium aliud est, aliud vero ma-  
 tris. 2. r. 53. a. b.  
 Tutoris & procuratoris eadem est ratio. 3.  
 r. 102. c. d.  
 officio Tutoris quid incumbit. 3. r. 98. c.  
 Tutoris datio legis est, non iurisdictionis.  
 1. q. 9. c. d.  
 Tutoris datio num sit nullius imperij. 1. q.  
 9. b. c.  
 Tutoris datio pars est patriæ potestatis, si-  
 cut pupillaris substitutio. 19. q. 556. d.  
 Tutoris dationem habet magistratus mu-  
 nicipales. 2. q. 34. c. d.  
 Tutoris fides & diligentia ab ipso testato-  
 re approbari debet. 5. r. 187. c. 188. a.  
 Tutori solidum soluenti ex culpa admini-  
 stratæ tutelæ, an actio aduersus contu-  
 torem, vtilis sit pro parte pecuniæ so-  
 lutæ. 1. r. 18. d. c.  
 Tutoris dilatio non datur ob causam per-  
 ferendam rationum, nisi ex iusta cau-  
 sa. 3. r. 100. a.  
 quid si quis Tutoris nomine pupilli quasi  
 debitam pecuniam pupillo soluerit per  
 errorem. 3. r. 102. c. & 103. a. b.  
 Tutori qui solidum soluit, datur actio vti-  
 lis aduersus contutorem, etiam sine ces-  
 sione. 2. q. 39. c. 40. a.  
 Tutorem dare potest legatus proconsulis,  
 non ex mandato, sed specialiter ex ora-  
 tione D. Marci. 1. q. 9. c. d.  
 Tutorem iure non dat mater, & cur. 11. q.  
 310. b.  
 Tutorem filio impuberi mater non potest  
 dare testamento, & cur. 19. q. 556. d.  
 inter tutorem & curatorem, discriminē quod  
 est. 11. q. 315. c. 316. a.  
 Tutorem magistratus dare non potest, nisi  
 lege nominatim concedente. 1. q. 4. c. d.  
 ad Tutorem pupilli ab actore ciuitatis va-  
 let argumentum. 15. q. 407. d.  
 inter Tutorem, qui datur à patre pupillo  
 emancipato, & inter Tutorem, qui à ma-  
 tre vel cæteris extraneis datur quid in-  
 tereat. 11. q. 110. b. & seq.  
 inter Tutorem & procuratorem, seu defen-  
 sorem litis alienæ differētia quæ. 2. q. 19. a.  
 inter Tutorem & negotiorum gestorem  
 differentia quæ. 2. r. 53. b.  
 an ad Tutorem periculum pertineat, eius  
 pecuniæ, quæ ex Italia est traiecta in  
 prouinciā, postea rebus Italicis con-  
 stituta. 5. r. 198. d. c.  
 cum Tutore an lis est contestanda, qui in  
 ius vocatus est. 3. q. 76. a.  
 à Tutore actor interdum necessario con-  
 stituitur, & quando. 2. r. 52. c.  
 Tutores à duumviris dantur. 9. q. 240. d. c.  
 Tutores legitimi quæ sunt, & qui testamē-  
 tarij. 11. q. 315. b. c.  
 Tutores amicissimos & fidelissimos liberis  
 suis parentes eligere debent. 5. r. 188. a.  
 Tutores pupillorum Clerici esse nequeūt.  
 7. r. 310. a. b.  
 Tutores heredū defuncti ibi cōueniri pos-  
 sunt, vbi defunctus cōtraxit. 3. r. 100. c. d.  
 à Tutoribus in administratione tutelæ,  
 quomodo mater distat. 2. r. 53. a.  
 sine Tutoribus, impuberes non habent a-  
 ditum in ius. 19. q. 568. d. c.  
 de Tutoribus suspectis remouendis cog-  
 nitio, quæ prætori & proconsuli tribuitur,  
 eius legato quoque non competit, nisi  
 specialiter mandato. 1. q. 10. a.  
 Tutoribus legitimis agnatis mater præ-  
 fertur. 4. r. 181. a.  
 ex Tutoribus an pupillus quæ volet eligere  
 possit, eūq; in solidū cōuenire. 12. q. 217.  
 d.  
 V  
 Vacatio & excusatio munerum quibus  
 publicanis datur, & cur. 1. r. 32. d.  
 Vacatio & excusatio tantū datur publica-

nis, qui suo nomine vectigalia exer-  
 cent. 1. r. 40. c.  
 cui Vacatio specialis munerū ciuiliū cō-  
 cella est, vtrū is quoque excusetur à so-  
 lenibus aliis muneribus, & cur. 1. r. 38. d.  
 Vacatio, extraordinaria continet; non or-  
 dinaria. 2. q. 56. c.  
 Vacatio biennij conceditur vicario inuito  
 ex decreto curiæ dato, & cur. 1. r. 41. a.  
 quæ Vacatio tēporis ab honore ad eūdem,  
 vel alium honorem requiritur. 1. r. 36. d. c.  
 Vacatio munerum. Vide Rescripta.  
 Vacationis annus qui datur absētibz reip.  
 causa, postquam reuersi sunt, pertinet ad  
 nouas tutelās. 5. r. 223. b. c.  
 Vacantia bona quæ sunt. 9. r. 349. c.  
 in Vacantium bonorum causa quadriē-  
 nium numeratur, in aliis causis viciēniū,  
 à die denuntiationis. 13. r. 569. d.  
 Vadimonium promittere est cauere iudi-  
 cio fisci, & deferere promissum factum  
 iudicio sistendi causa. 2. q. 58. c.  
 Valetudo aduersa potest esse sine sensu  
 coloris. 14. q. 383. d. c.  
 Variatio & pœnitentia admittitur, po-  
 sito verbo extensiuo voles. 9. q. 199. d.  
 qui Variauit semel, iterum variare non  
 potest. 5. r. 147. a.  
 Varietas seu mutatio status, causam peri-  
 culi non mutat. 1. r. 109. c.  
 inter Vassallum & dominum quomodo di-  
 uidendi sunt fructus, feudo commisso &  
 aperto. 11. q. 301. b.  
 Vbi contraxit quis, ibi cōuenitur, nec re-  
 uocare donum potest. 3. q. 73. d.  
 Vbi defunctus contraxit, ibi heres eius, aut  
 nomine ipsius tutores conueniri possunt.  
 3. r. 100. c. d.  
 Vbi heres ex testamento extat, ibi legiti-  
 mus remouetur. 2. r. 90. a.  
 Vbi nullum est priuilegium, ibi ius com-  
 mune seruatur. 6. r. 238. c. d.  
 Vbi quis contrahit, ibi & conueniri de-  
 bet. 3. r. 100. b.  
 Vbi stipulatio de rato omissa est, cōdictio  
 indebiti competit, vbi vero stipulatio est  
 interposita cōdictio cessat. 12. r. 546. a. b.  
 de Vectigalis fraudati crimine, quid statu-  
 it Papinianus. 13. r. 563. c. d.  
 à Vectigalis præstatione res quedam sunt  
 munes, quedam immunes. 13. r. 563. d. c.  
 Vectigalium ciuitatis conductor à tutelis  
 non excusatur. 1. r. 37. c. 38. a.  
 an Vectigalia suæ ciuitatis exercere pro-  
 hibebatur decurio. 1. r. 34. c.  
 Vectigalium fisci conductores à tutelis a-  
 liisque muneribus excusantur. 1. r. 37. b.  
 Venationis instrumenta, an debeantur le-  
 gato fundo instructo cum omni instru-  
 mento, si quæstus fundi maxime consi-  
 stat in venatione. 2. r. 68. b. c.  
 Vendere non solius domini est, sed etiam  
 possessoris. 11. r. 476. b.  
 Vendere non potest minor prædia sine de-  
 creto. 16. r. 602. d.  
 Vendere aliud est, aliud vendentis consen-  
 tire. 3. r. 128. c.  
 vtrum Vendiderit testator rem legatam, an  
 donauerit si ignoretur, quæ distinctio  
 notanda. 19. q. 534. c. d.  
 si quis Vendiderit duobus eandem rem in  
 solidum diuersis contractibus, tenetur  
 crimine falsi. 8. q. 181. c.  
 Vendita taberna negotiatoria an merces  
 venditione contineantur. 8. r. 345. c. 346. a.  
 Venditio perficitur solo consensu, etiā sine  
 pretij numeratione, rei traditione, stipu-  
 latione aut scriptura. 12. q. 339. c. d.  
 Venditio rei dotalis, quæ ab initio fuit inu-  
 tilis, dominiū eius rei confirmat, & hæc  
 conualefcit remedio prætoris. 3. q. 99. a.  
 Venditio & emptio sine pretio non est. 2.  
 q. 43. c. d.  
 Venditio bonorum olim defuncto infā-  
 miam irrogabat. 1. r. 90. a.



# in Quæstion. & Respons. Papin.

Venditio fideiussori fieri dicitur iuris necessitate, cum creditor suum aliter ab eo consequi non possit. 3. r. 109. a  
 Venditio loci sacri nulla est. 3. r. 122. a. b  
 ad Venditionis tempus æstimatio non reducitur, sed sumitur ex tempore euictionis. 7. q. 159. a  
 per Venditionem non transfertur in emptorem locus sacer. 10. q. 260. e. 261. a  
 Venditione pignoris perimitur pignoris causa, iure creditoris facta. 2. r. 74. d. e  
 in Venditione rei quis emptori ob euictionem teneatur, tutor adulescens. 3. r. 148. a  
 Venditor non dicit legem contractui, sed emptor. 5. q. 110. b  
 Venditor & emptor quando simul puniuntur. 1. r. 23. c  
 Venditor nō præstat periculum fundi, quod alluvione accessit, sed periculum rei venditæ. 7. q. 162. b  
 Venditor tenetur, quia vitia rei venditæ, nota habere potuit. 3. r. 125. c. Marcus Tullius: vnus, quia scire potuit: alter, quia scire debuit, vtrumque idem potest. 125. c  
 Venditor emptori quando de euictione non tenetur. 11. r. 491. a. b  
 an Venditori, vbi emptor fecit contra legem venditionis, sit pœnæ persecutio in stipulationem deductæ. 27. q. 681. a. b. & an ei sit actio ex stipulatione pœnali efficax. ibid. 681. a  
 Venditori competit actio ex vendito emptori. 3. r. 144. a  
 Venditori licet, quod minus est, pluris vendere, si potest, & emptori quod pluris est, minoris emere. 3. r. 140. b  
 contra Venditorē an fiat interpretatio, vt pro rata tantum illius anni ferat ex pensionibus pignorum. 5. q. 107. d. e  
 inter Venditorem & emptorem differentia quæ est. 27. q. 677. c. d. ratio huius differentia ab Accursio tradita quæ. ibid.  
 inter Venditorem ignorantem & scientem differentia quæ. 3. r. 125. a. b  
 inter Veneni causam & causam per vim illatæ necis distinctio quæ est. 2. r. 82. d. e  
 Veneno quis necat<sup>r</sup> sit, an vi, clam, vel palam, quid interest. 2. r. 82. a. b  
 Venia dignus est qui fallitur. 8. q. 165. a  
 Venia ætatis quid est. 5. r. 201. a. eius effectus quis. ibid. 201. c  
 Venia adulterij fit tribus modis. 15. r. 588. c. 589. a  
 Veni cur datur curator, non tutor ex edicto prætoris. 11. q. 310. b  
 Veni cur datur curator, non tutor. 19. q. 557. c  
 si Ventre pleno pater intestatus decesserit, quid iuris. 16. q. 414. c  
 Vera sūt generaliter pluraq; quæ sumpta specialiter falsa sunt, & contra. 17. q. 461. c. 462. a  
 Vere Philosophantes pecuniam contemnunt. 1. r. 39. a. b  
 Verecundia & pudor potissimum in nuptiis spectari debet. 36. q. 837. c  
 Verecundia est metus quidam infamiae. 19. q. 535. a. b. Metus pallorem inducit, verecundia vero ruborem. ibid.  
 Verecundia materna. 12. r. 533. d  
 Verecundia paterna. ibid.  
 Verbū, dādi, modo factū significat tradendæ possessionis, modo effectū proprietatis. 27. q. 686. c. qui stipulatur rem tradi possessionem significat, non proprietatem. ibid. 686. d  
 Verbum facere omnem omnino faciendi causam complectitur, dandi, soluendi, &c. 27. q. 679. b  
 Verbum, quasi aut videri, præsumptionem significat. 20. q. 597. a  
 Verbum cōsiliarium quidem non obligat, fideicommissarium vero obligat, & necessitatem imponit. 8. r. 353. a  
 Verbum, curare, nō facit fideicommissum,

non fidē implorat, sed quandoq; diligenter aliquam tām denotat. 9. r. 446. c. d  
 Verbum oro, vel rogo mandatum perficit, verbis rogo & recipio perficitur mandatum. 3. r. 133. c  
 Verbum seruire, vsum significat, non dominiū. 7. r. 303. b. Aliud est seruire, aliud seruum esse. ibid. 303. b  
 Verbum, tractare, in iure accipitur, pro disputare. 1. r. 1. a. b  
 Verbū generis legatū cōtrahit. 16. q. 419. e  
 Verbi lenitas tristitiam rei mitigat. 2. r. 73. c. 74. a  
 Verba fideicommissorum propria que sūt. 19. q. 550. d. e. deprecor, cupio, desidero, opto, sunt etiam verba fideicommissum facientia. ib. 550. c. verba optatiua sunt precaria. ibid.  
 Verba posse & debere promiscue in iure usurpantur. 3. q. 74. c. d  
 Verba directæ & imperatiua quæ sunt. 19. q. 528. & seq. differentia horum verborum hodie est sublata à Iustiano Imp. ibid. 528. c. 529. a  
 Verba non sunt curanda, teste Tullio, cum quis facta videat. 13. r. 556. b  
 Verba reliquo, instituo, substituo, neque sunt directæ, neque precaria. 19. q. 550. d. e. verba, volo, rogo, mado, cupio, peto, sunt precaria, non directæ. 19. q. 528. c. 529. a  
 Verba S. C. Orsiciani & Tertyl. sunt extensua, verba edicti successoriij non. 6. resp. 277. c. 278. a  
 Verba conditionalia (vt Dd. referunt) distinctionem non inducunt. ibid.  
 Verba M. Tullij de Imperio Ciliciæ scriptis, quæ. 1. r. 5. 6  
 Verba, tantum præsentium sunt nec inter absentes fieri possunt. 10. r. 466. b. c  
 Verba Ciceronis de Proconsule Macedoniæ quæ. 1. r. 4. a  
 Verba, ita vt, quæ Cuiacio (vt ipse fatetur) sæpe vsui fuerunt in multis casibus, modum non conditionē faciunt. 9. r. 427. d  
 Verba non tam spectantur, quam voluntas testatoris. 8. r. 377. a  
 Verborum significationem accipere, augere & producere secundum iudicium, Iurisconsulti est. 8. r. 358. c  
 Verborum significationem augere I. C. est pro loco & tempore. 19. q. 541. c  
 Verborum vim & significationem legis est augere & producere. 2. r. 88. d. e  
 Verbis contrahitur stipulatio, non literis, & inter præsentis. 1. r. 1. c  
 Verbis potior est mens contrahentium. 2. r. 88. c. d  
 an ex Verbis illis, non dubito te liberis cōmunibus bona reddituram, fideicommissum induci possit. 19. q. 552. c. 553. a  
 Verisimilitudine aut probabilitate deficiente quæ semper benigniora, & in dubiis præferenda, sunt, tota res deficit. 4. r. 169. c  
 Veritate potentior est fictio legum. 29. q. 808. d  
 quod Versum est in corpus pretij, absumptum non videtur. 20. q. 606. d  
 quod Versum est in corpus patrimonij, id non diminui videtur. 8. r. 327. d  
 Versura dicitur dos in Galliæ prouincia Delphinatus. 11. r. 294. a  
 Versura est mutatio pecuniæ sub vsuris, qua vsuræ aliæ debita dissoluebantur. 2. q. 46. a. b. lex Gabinia non patitur, vt vsuræ vsuras commutent. ibid.  
 de Versura non de vsura lex Gabinia lata fuit. 2. q. 46. c. d  
 Versus Virgilij de funeris impensis qui. 3. r. 148. c. d  
 Vetare pro transire. 1. r. 38. c  
 Veterani à quibus muneribus excusantur, & à quibus non. 1. r. 38. b  
 Vestes funebres & atræ in luctu. 2. q. 31. b. c  
 Vexillatio equitum est, legio peditum. 14. q. 384. a

Via ad fundum domini cur non recte legatur seruo alieno. 16. r. 423. c  
 Vicario inuito ex decreto curiæ dato vacatio biennij conteditur, & cur. 1. r. 41. a  
 Vici constāt ex villis diuersorū, quod plerumq; sunt castello domini insignes, dicuntur quoque castella. 8. r. 364. c. Appellatio pagorum latius patet ib. 364. a  
 Heluetia in quatuor pagos diuiditur apud Casarem. ibid.  
 Victoria patris filio exheredato predest, & quomodo. 2. r. 58. b  
 Victoria locus definit esse sacer, non ruina ædificij, sitque prophanus victoria. 3. r. 121. b  
 Videri verbum iunctum cum particulis quasi & aut præsumptionem significat. 20. q. 597. a  
 Videri ponitur pro deberi. 7. r. 300. d  
 Vigilantibus ius ciuile scriptū est, non iis, qui alium dormiunt. 9. r. 386. c  
 ex Vtilitate, necessitate & voluptate omnia æstimantur. 8. r. 69. e  
 Villa est pars fundi. 2. r. 73. c  
 Villa fundum sequitur tacite. 2. r. 73. b  
 qui singulos Vincit à duobus vincitur in proœmio. 1. q. 2. b  
 Vinculum patriæ potestatis vnā personam constituit inter patrem & filiumfamil. 8. r. 346. c  
 Vinculum naturæ pacto soluitur. 28. q.  
 Vinculum potestatis vnā personā facit inter parentes & liberos. 4. r. 174. c. 175. a  
 Vindicare non tam est quam euincere. 2. q. 31. c. d  
 Vindicatio directæ potior est, quam prætoris. 10. q. 277. c  
 Vindicatio extero non datur, sed cōdictio ob causam, causa non secuta. 10. q. 273. c  
 Vindicationis propria causa est dominiū, Publicianæ bonæ fidei possessio. 28. q. 271. d. e  
 Vindicatione pignoris quis præferatur priuilegio temporis. 21. q. 182. b  
 in Vindicationibus compensationi locus non est. 28. q. 756. c. d  
 Vindicatur saltem res præsens. 12. q. 342. c  
 Vindicta est contra bonos mores, ius est bonis moribus tuendi se, non vlciscendi. 28. q. 725. d  
 Vindictæ iudicium expectans crimen, per alios intendi non potest. 15. r. 588. a  
 Vinum honorarium est, quod honoris causa offertur. 4. r. 181. d  
 an Vina legata videantur, legata domo instructa. 7. r. 321. a  
 Vir adulterij accusari nō solet. 11. q. 289. a  
 Vir hodie iure Codicis accusari adulterij non potest, mulier potest. 31. q. 816. b  
 Virgæ etiam si comburendi causa habeantur non continentur lignorum appellatione. 20. q. 609. d. e. 610. a  
 Virgo non tantum est integritatis nomen, sed & teneræ ætatis. 1. defin. 633. a  
 Virile officium est tutela. 4. r. 180. e. decreto & concessu principis est quoque officij muliebres. ibid. 180. e. 181. a  
 Viriles oblationes quæ vocantur. 10. q. 275. d  
 Vis armata est, quæ sit ferro & viribus. 26. q. 672. c. d  
 Vis simplex quæ est. 26. q. 672. c  
 Vim vi repellere licet. 26. q. 672. aliās 674. c  
 Vibonorum raptorum tenetur is cuius do lo rapuit alter, non fur. 12. q. 345. a. b  
 Vitam suam & salutem tueri prouocato permittitur. 1. r. 7. e  
 Vitanda sunt in iure ridicula. 7. r. 317. b  
 Vitium fugæ, num antiquius sit venditione, responso serui tormentis elicitio explorandum est. 4. r. 150. c  
 Vitium possessionis à defuncto contractū heredem sequitur. 2. defin. 639. a  
 Viria defuncti non excludit heres ignora-



# Index rerum ac verborum.

- tione sua. 2-defin. 659.d  
 Vitia testamentorum non vitiant testatoris voluntatem. 27.q.708.c  
 Vitia stipulationum vitiant obligationē. ibidem.  
 Vitia possessionis tria sunt & quæ & quādo heredem comitantur. ibid.708.d  
 Vitia & mendum quando voluntatem testatoris non vitiant. 6.r.253.c.254.a  
 quoties vitiose cautum est, nō cautum videtur. 3.q.100.c  
 Vna & æqualis reuerentia omnibus parentibus seruanda est. 12.r.533.d  
 Vnius hominis non sunt duo patrimonialia, vel duæ hereditates, duo testamentaria. 3.q.79.d. c. & duo heredes. 3. quæst. 79.c.  
 Vnius rei vna tantum ratio est. 11.q.322.c  
 Vnus tutor conuenitur in solidum, & sustinet onus omnium tutorum, quando ceteri soluendo non sunt. 2.q.33.c.34.a  
 Vocabulum, citra, pro intra, & rursus, intra pro citra sæpissime apud Cornelium Tacitum legitur. 8.r.371.a  
 Vocabula non tam sunt quam negotia. 8.q.177.c.d  
 praefides Vocantur legati Caesaris, legati Imperatoris, legati Augusti. 1.r.3.a  
 Vocatus in crimine p̄ficos honores tenet, nouos autē finitam litem adipisci nequit. 1.r.31.b.c  
 Volenti & scienti possessio acquiritur. 23.q.643.c  
 Volo, rogo, mado, cupio, & peto, hæc verba sunt precaria non directa. 19.q.528.c. & 529.a  
 Voluntaria iuris dictio inter quos est. 1.r.4.c. pro consulis exercetur. ibid.  
 Voluntas testatoris non vitiat testamentorum vitia aut mendis. 27.q.708.c  
 Voluntas est ambulatoria vsque ad supremum vitæ exitum. 19.q.530.c.531.a  
 Voluntas priuati hominis potentior esse nequit iure publico. 14.q.380.c.381.a  
 Voluntas quando non mutatur in substitutione. 8.r.378.a. in translatione mutatur. ibid.  
 Voluntas defuncti in conditionibus scripto potior est. 8.r.377.c.d  
 Voluntas perpetua eligendi est heredi, quandiu uiuit. 9.q.531.c.d  
 Voluntas sola non facit testamentum, nisi militis voluntas. 19.q.528.b  
 Voluntas nuda & tacita fideicommissum facit. 19.q.551.c  
 Voluntas testatoris lege potior est, quæ alias Falcidiam minuere non potest. 13.r.557.d.c  
 Voluntas testatoris potius spectatur, quam verba. 8.r.377.b  
 Voluntas testatoris num erogationis finē faciat. 2.r.51.a  
 Voluntas patris quænam sit in bonorum diuisione. 2.r.72.b  
 omnis Voluntas defuncti rata constituitur, cum semel adita est hereditas. 20.q.620.c  
 Voluntatis quæstio plerumque declaratur ex scripto. 17.q.329.c  
 Voluntatis est mandatum suscipere, cōsumere seu explere necessitatis. 1.q.11.c  
 Voluntatem defuncti impleri heredis interest. 27.q.677.c. 678.a  
 Voluntate nuda non infirmatur testamentum. 19.q.533.b. Electio vero heredis infirmatur nuda voluntate. ibid.  
 Voluntates sunt faciliores in rebus legandis, quam alienis comparandis, onerandisque heredibus ad emptionem rei. 19.q.550.a  
 Voluntates testantium latius accipiuntur. 27.q.708.c  
 Voluntates contrahentium in conuentionibus debent potius spectari quam verba. 21.r.88.a  
 ex Voluptate omnia æstimamus, vel ex utilitate, vel ex necessitate, vel ex amicitia. 2.r.69.c  
 ex Voluptate, necessitate & utilitate omnia æstimantur. 2.r.69.c  
 Votum commune filium ad patris hereditatem vocat, patrem vero ad filij bonam tantum miserationis, vel solatiij ratio. 14.q.372.c  
 Votū incertę pecuniæ non valet. 3.r.119.d  
 Vrbis aspectus ne ruinis deformatur cautū est ex edicto Vespasiani ne iuncta adibus legari possint. 11.r.526.a.b  
 Vrgentia negotia hereditaria quæ sunt. 2.r.82.b.c  
 Vouere aut donare de alieno licet, voluntate domini. 14.q.380.c.381.a  
 Vsuaris vsus alij donare aut gratis concedere seorsum sine se non potest. 18.q.515.a  
 Vfuscapio quid est. 13.q.350.c  
 Vfuscapio non procedit ignorantij ius. 19.q.517.c.  
 Vfuscapio non procedit ex ignorantia iuris. 16.q.417.b  
 Vfuscapio si non procedit fictione postliminij, an restituatur beneficio edicti. 3.q.69.c.70.a  
 Vfuscapio est lucrum cum dāno alterius. 13.q.350.c.d  
 an Vfuscapio restituatur iure postliminij, capto reuerso ab hostibus, vt fingatur medio tempore possedisse. 3.q.70.d.c  
 Vfuscapio sine possessione procedere non potest. ibid.  
 Vfuscapio est lucrum, quod lege 12. tabul. propter commune bonum obuenerit ex damno alterius, vel lucrum coniunctū cum damno alterius. 13.q.350.d  
 Vfuscapio rei dominium mutat, pignus vel vsusfructus, non mutat rei dominium. 20.q.582.b  
 Vfuscapio est lucrosa ei, qui vfuscipit, & dānosa ei, cuius res vfuscipitur. 3.q.69.d.c  
 Vfuscapio est species lucri. 19.q.518.c  
 Vfuscapio non procedit, quando traditio non interuenit. 23.q.651.c  
 Vfuscapio quid est. 3.q.70.c.d. 19.q.517.c. & 23.q.653.b  
 Vfuscapio si iure postliminij non restituatur, an beneficio edicti in integrum restituatur. 3.q.70.c. & seq.  
 Vfuscapio sine possessione non procedit. 3.q. ibid.  
 Vfuscapio sine vsu rei non consistit. 3.q.70.c.d  
 Vfuscaptionis continuatio, non impeditur scientia heredis. 2-defin. 659.a.b.  
 Vfuscaptionis primordium est tempus aditę hereditatis. 23.q.653.c  
 Vfuscaptioni non officit falsa causa. 23.q.651.a.b  
 Vfuscaptioni non obstat error facti. 23.q.655.c  
 Vfuscaptionem impedit error iuris. ibid.  
 Vfuscaptionem non facit falsa causę error, si errorem traditio non creauerit. 23.q.651.c  
 Vfuscaptionem impedit sola iuris ignorantia. 23.q.648. & seq.  
 Vfuscaptione rei dominium mutatur. 23.q.656.d.c. Pignus vel vsusfructus non mutatur nec perimitur vfuscapiōne. 23.q.656.c  
 Vfuscaptione nō potest quæri ius pignoris nec ius vsusfructus, nec ius seruitutis, ius hereditatis, & cur. 24.q.657.b  
 in Vfuscaptione bona fides possessoris exigitur. 23.q.650.c  
 in Vfuscaptione ignorantia iuris non prodest. 19.q.517.b  
 non Vfuscapit malę fidei possessor. 23.q.650.c  
 Vfsura centesima fuit olim legitima vfsura in omnibus casibus. 3.r.150.b  
 Vfsura nominis non debetur, nisi ex cautione. 17.q.449.c. 450.a  
 Vfsura non est secundum naturam, referēte Aristotele. 6.q.129.c  
 Vfsura vicem fructuū obtinet. 6.q.136.a.b.  
 quid distat bonorum possessio cont. tab. quæ datur patrono præterito, à bonorū possess. quæ datur filio præterito. 13. q.366.d.c. ratio differentię quæ est. ibid.  
 Vfsura alia infligitur propter lucrum, alia propter moram debetur. 2.q.49.b  
 Vfsura an ex pecunia domini perueniat. 3.r.93.d  
 Vfsura est fructus pretij pecunię. 2.r.62.d  
 Vfsura est fructus pecunię. ibid.  
 Vfsura est incrementum sortis. 8.r.770.d.c  
 Vfsura est quasi fructus & reditus pecunię. 9.r.417.c.d. Vfsurę sunt incrementum pecunię. ibid.  
 Vfsura, teste Aristotele, est contra naturam: prouenit tamen ea iure obligationis, & quasi fructus pecunię est. 3.r.93.d  
 Vfsuram esse contra naturam, secundum Aristotelem. 3.r. ibid.  
 de Vfsura lex Gabinia non fuit lata, sed de vrsura. 2.q.46.c.47.a  
 Vfsurę ante moram non veniunt in bonę fidei iudiciis, fructus veniunt. 11.q.280.b.c  
 Vfsurę vel fructus regulariter non veniunt in fideicommissariam hereditatis restitutionem. 20.q.591.c.d  
 an Vfsurę possint venire ante moram ex tarda solutione. 9.q.218.a.b  
 Vfsurę sumptuum quomodo purgantur. 2.r.90.d  
 Vfsurę quando veniunt & quando non veniunt. 20.q.590.b.c  
 Vfsurę istę debentur, quæ intra modum legis frequentantur, non quæ supra legis modum sunt. 2.q.46.c.d  
 Vfsurę tribus casibus à fructibus separantur. 20.q.590.b.c  
 Vfsurę veniunt post moram in bonę fidei iudiciis, fructus vero etiam ante moram. 27.q.690.c.d  
 Vfsurę debentur ex mora in deposito. 3.r.115.d  
 Vfsurę à tempore nouationis currere definiunt. 27.q.690.c.d  
 Vfsurę debentur citra morā in actione tutelę, secus in actione pro socio. 2.q.50.c.d  
 Vfsurę debentur ex legibus proprię debetur, officio iudicis, non item. 2.q.45.c  
 Vfsurę in fideicommissis ex mora debentur, 20.q.578.c.579.a  
 Vfsurę percipiuntur tantum ex quantitatibus, non ex corporibus. 28.q.726.a  
 an Vfsurę apud alium iudicem peti possint post rem iudicatam vel apud eundem iudicem. 2.q.45.d. ab alio iudice. 2.q. ibid.  
 Vfsurę fructuum an à possessore venditorum debeantur, & in possessionem hereditatis veniant. 6.q.136.c. 137.a  
 Vfsurę non debentur in mutuo post morā. 3.r.115.d  
 Vfsurę quid distat à fructu. 6.q.135.b. 136.a  
 Vfsurę quæ debentur, & quas debet iudex constituere. 2.q.45.c.46.a  
 Vfsurę depositę pecunię non debentur. 2.r.76.d  
 Vfsurę pretij an in futurū alicui debeantur (sicut in tempus præteritum) an venditori debeantur. 3.r.141.d.c  
 Vfsurę cuiusdam pecunię in cautione S.C. an deducendę sint. 7.r.302.b.c  
 Vfsurę ex mora debentur officio iudicis in bonę fidei contractibus, vel quasi contractibus. 2.q.44.d.c  
 Vfsurę & fructus an licitam habeant donationem. 8.r.326.a  
 Vfsurę non petuntur citra stipulationis vinculum. 3.r.143.c  
 Vfsurę non veniunt in strictam actionem & quando. 2.r.63.a.b.  
 Vfsurę cum currant post obligationis nō



# in Quæstion. & Respons. Papin.

- nationem. 3. r. 141. c. 142. a  
*Vitula pecuniæ deposita, etiam ex pacto nudo debentur.* 3. r. 143. c  
*Vitula quando currere incipiunt & quando desinunt, & quæ.* 11. r. 494. a. b  
*Vitula rei iudicata sunt legitime & certe, non arbitraria.* 9. r. 415. a  
*Vitula vicem fructuum obtinent potestate iuris non natura, & ex obligatione descendunt.* 9. r. 417. c. d  
*Vitula à fructibus num sint separanda.* 9. r. 418. c  
*Vitula ex casu mandatipetuntur.* 1. r. 141. b  
*Vitula fructuum perceptorum post litem contestatam verum præstentur, & an hoc in utroque possessore, tam bonæ quam male fidei locū habeat.* 2. r. 62. d. e  
*Vitula non consistunt lite contestata, sed potro currunt semper.* 2. r. 62. a. b  
*Vitula in bon. fid. iudiciis ex mora veniūt, veniūt autem officio iudicis.* 11. q. 279. c. d  
*Vitula legatorum, vel fideicommissorum debentur ex mora, & quando.* 2. q. 45. b  
*Vitula natura debentur ex pacto, non condicuntur, nec in sortem impuntur.* 29. q. 770. a  
*Vitula non debentur nisi in quantitativis, id est, ex his, quæ numero, mensura, aut pondere constant.* 20. q. 593. a. hæ non debentur ex iis, quæ certa specie & corpore continentur. 594. c. abusus est consumptio. ibid.  
*Vitula obtinent vicem fructuum, nec ab his separari debent.* 27. q. 690. d  
*Vitula quæ veniunt ex mora, nō ex abusione pecuniæ alienæ debentur.* 2. q. 45. b. c.  
*Vitula sunt vice fructuum, seu usufructus.* 6. q. 129. d. Vitula & vectura sunt velut usufructus, illæ ex stipulatione, hæ ex locatione & cōditione. ibid. 129. d. e  
*Vitula usufructum non debentur, sortis tantum debentur, aut in stipulationem deducuntur.* 2. q. 47. c. d. fraudes huius regulæ duæ sunt. ibid. 48. a. b. mora propriè quæ est. 2. q. 48. b  
*Vitularum titulo, legitima tantum petiuntur.* 2. r. 130. b  
*Vitularum dotis stipulatio extinguitur post renouatum matrimonium.* 4. r. 161. c  
*Vitularum legitimarū quis sit modus.* 2. q. 46. d. e. modus vitularum duplex est. ibid.  
*Vitula traiectionis hic excipiuntur.* 46. e quæ lex vitulis utrinque hunc modum imposuit. ibid. 47. a  
*Vitularum petitio cessat, sortis petitione cessante.* 4. r. 161. b. c  
*quod ad Vitulas attinet, legata & fideicommissa bonæ fidei contractibus comparantur.* 2. q. 44. b. c  
*Vitulas præstare cogitur aliena negotia gerens & cuius pecuniæ.* 2. r. 57. a. b  
*in vitulas vitularum an teneatur pignus, quas priori creditori soluit.* 3. r. 147. c. d  
*Vitulas an heres præstare debeat quomodo integra sortè exsoluat.* 29. q. 769. d. e  
*inter Vitulas & fructus differentia, in quibus iudiciis locum habet.* 6. q. 136. c  
*in Vitulas quando convenitur, cōtutor qui pro tutore convenitur, & quando non.* 12. q. 328. b. c  
*Vitulis novis fructus dumtaxat compensantur.* 2. r. 66. d. e  
*Vitulus quid est.* 18. q. 515. a  
*quod Vitulus & vitulatio non aufert, domino id non amittitur.* 3. q. 72. a. b  
*Vitulus iuris est potius quam facti.* 18. q. 515. c  
*habitatione vero facti est potius, quam iuris, & quare.* ibid. 515. c  
*Vitulus nomen, est iuris, habitatio facti nomen est.* ibid.  
*Vitulus servorum est necessarius.* 23. q. 648. d  
*Vitulus, usufructus, & operæ in quo differunt.* 17. q. 468. d. e
- Vitulus non potest alij locari, habitatio potest.* 18. q. 515. c  
*Vitulus & habitatio in quo differunt.* 18. q. 515. c  
*Vitulus interpretum opiniones admittit.* 1. r. c. d  
*Vitulus admittitur non vitendo, habitatio nō amittitur, non vitendo, quamdiu domus manet.* 18. q. 515. d. e  
*Vitulus ædium legatus filiosam, acquiritur patri, pater ædibus vititur cum familia sua, an etiam filius, cui vitulus ædium legatus est, potest habitare cum suis.* 9. q. 22. c. d. vitularius quis est. ibid.  
*Vitulus capitis diminutione amittitur, habitatio non.* 18. q. 515. c. d  
*Vitulus precarius in distractione non constitit, sed in vitu nudo.* 20. q. 581. c  
*Vitulus pro vitulacione.* 9. r. 429. c  
*Vitulus pecuniæ deposita non est, sed custodia tantum.* 9. q. 215. c. 216. a  
*Vitulus quid est.* 17. q. 448. c  
*in Vitulo nihil est corporis quod capi possit.* 11. r. 525. a  
*Vitulus fructus servitus est dividua.* 3. q. 102. b. & 7. q. 142. a  
*Vitulus fructus & possessio differunt.* 7. resp. 280. a. b  
*Vitulus fructus legatus sit singulis annis, diminutione capitis amittitur, sed si alternis annis, non.* 17. q. 432. d  
*Vitulus fructus legatus alternis annis, an nō possit non vitendo amitti.* 17. q. 431. c. 432. a. b. c. d. e. quando servitus intermissionem habet, & quando non. ibid. 431. c. 432. a  
*Vitulus fructus non consistit sine persona.* 16. q. 424. b  
*Vitulus fructus per legem Falcid. minuitur.* 7. q. 142. c  
*Vitulus fructus potest esse duorum in solidū, non dominium, nec possessio.* 27. quæst. 710. d  
*Vitulus fructus sui natura intermissionem nō habet.* 17. q. 432. a. b. proprietario licet in prædio, vitulus usufructus est alienus habere custodem prædij invito fructuario. ibid. 432. b  
*Vitulus fructus qualicumq; capitis diminutione amissus an repeti possit.* 17. q. 434. c  
*hodie ex Constitutione Iustiniani vitulus fructus amittitur minima capitis diminutione.* 17. q. 434. c  
*Vitulus fructus non mutatur, nec perimitur vitulacione.* 23. q. 656. d  
*Vitulus fructus vel vitulus legatum cedit ex die aditæ hereditatis operæ servi ex die petitionis.* 17. q. 467. d. e  
*Vitulus fructus vestimentorum non legatur sicut pecuniæ.* 20. q. 579. b. pecunia abuti licet, vestimentis non. ibid.  
*Vitulus fructus retentio in donationibus habetur pro traditione.* 16. quæst. 422. b. c  
*Vitulus fructus amittendi rationes quot nam sunt, & quæ.* 17. q. 424. a  
*Vitulus fructus in fruendo consistit, cætera servitutes in vitendo.* 7. q. 142. b  
*Vitulus fructus num in agro sterili recte constitui possit.* 2. r. 70. a  
*Vitulus fructus perimitur mutatione rei, non dominij, similiter & pignus.* 11. r. 480. c  
*Vitulus fructus pignori obligari potest, tam a proprietario, quam ab usufructuario.* 11. r. 524. c  
*Vitulus fructus est ius alienis rebus vitendi.* 11. r. 524. d  
*Vitulus fructus est ius vitendi fruendi quod homini cōpetit in re aliena, quādiu is homo eaq; res salva permaneat.* 8. q. 142. d  
*Vitulus fructus est pars fundi.* 18. q. 511. c. d  
*Vitulus fructus est servitus dominij.* 7. q. 141. c  
*Vitulus fructus expirat cum anima & cum rei substantia.* 7. q. 142. e  
*Vitulus fructus extinguitur certis modis, & quibusnam.* 17. q. 434. d  
*Vitulus fructus non mutat rei dominium.* 20. q. 582. b. c.  
*Vitulus fructus vel pignus non mutatur nec perimitur vitulacione.* 23. q. 656. d  
*si Vitulus fructus ex fundo communi duorum debeat & vitulus tantum ex eis conveniatur, an in solidum condemnabitur.* 7. q. 145. d  
*Vitulus fructus est qualitas.* 7. q. 144. d  
*Vitulus fructus fundi si legatur, aut fundus, an possit eligere vitulus fructum.* 18. q. 512. c  
*Vitulus fructus qualis amittitur capitis diminutione.* 7. q. 435. b  
*Vitulus fructus, vitulus & operæ in quo differunt.* 17. q. 468. c. d  
*inter Vitulus fructum & servitutem prædialem differentia quæ.* 7. r. 289. d. e  
*Vitulus fructum perimitur acquisitio dominij, ibidem.*  
*inter Vitulus fructum & servitutes prædiorum differentia quæ est.* 7. quæst. 143. c. 144. a. Ratio huius differentia quæ est. 144. b. c  
*in Vitulus fructu est commodum fructuum, qui corporales sunt.* 11. r. 525. a. b.  
*in Vitulus fructu, quod est præcipuum verbum & ea quo consistit.* 7. q. 142. a  
*in Vitulus fructu acceptilatio an valeat.* 17. q. 437. c. d  
*non Vitendo servitus non amittitur, quando per eum, cui servitus debetur, non stat quominus vitatur.* 7. q. 151. a. b.  
*Vitule quando per inutile vitatur, & quando non.* 11. r. 442. c. 443. a  
*et si vitula quædam nobis non sunt, attamen habere possumus.* 2. resp.  
*Vitulis actio in factum prætoris, est omnium actionum extremum subsidium.* 8. respons. 172. c. datur vxori. ibidem 172. c  
*Vitiles impensæ repetuntur actione mandati, vel negotiorum gestorum ex Constitutione Iustinian. de rei vxoria actione, & hæ una cum fructibus compensantur.* 4. r. 178. d. e  
*Vitiles & continui dies quando cedunt, & quando non.* 6. r. 223. c. 224. a  
*Vitilitas publica est mater iuris civilis.* 2. definit. 647. d.  
*Vitilitas publica præferenda est vitilitati privatae.* 1. r. 14. a  
*Vitilitatis ratio ubi nulla subest, ibi nullo iuris remedio opus est.* 10. q. 295. d  
*Vitilitati publicæ, conditio quæ repugnat remittitur lege Julia.* 1. definit. 648. b.  
*Vitilitatem nullam habens servitus inutilis est.* 2. r. 69. c  
*ex Vitilitate æstimamus omnia vel ex necessitate, vel ex voluptate vel amoenitate.* ibid.  
*Vtrumque dictio quomodo intelligenda, eiusque explicatio.* 18. q. 511. a. b  
*Vulgaris substitutio tacita excludit matrem à beneficio Senatusconsulti Tertulliani.* 6. r. 241. d. e  
*Vulgaris substitutio tacita, quæ expressæ pupillari inest, matrem excludit.* 6. resp. 241. d. e. pupillaris tacita non. ibid.  
*Vxor domina est rerum dotalium naturaliter, maritus civiliter.* 12. r. 527. d  
*Vxor fratris dicitur fratria.* 4. r. 153. d.  
*Vxori mente captæ maritus curator non datur.* 5. r. 212. c  
*Vxorem quam maritus damnauit iudicio publico, domum de luxu an teneatur pœna legis Juliae de pudicitia.* 4. r. 154. d. dte  
*Vxore iniura quæ res alia dari nō possumus.* 13. r. 568. a



















